









Est-103

Nº-172









REV. PATRIS

LYDOVICI

AB

ALCASAR

HISPANICIS

E SOCIETATE HISTORICO-ETHNOLOGICA

INSTITUTIONIS

VESTIGATIO ARCANI SENSUS

AN

APOCALYPSI.









REV. PATRIS  
L V D O V I C I  
A B  
A L C A S A R  
H I S P A L E N S I S,  
E S O C I E T A T E I E S V T H E O L O G I,  
& in Prouincia Bætica sacrae Scripturae Professoris,  
V E S T I G A T I O A R C A N I S E N S V S  
I N  
A P O C A L Y P S I.

*Cum opusculo de sacris Ponderibus ac Mensuris.*



ANTVERPIÆ,  
Apud Ioannem Keerbergium.  
cLo. lOc. xiv.

*Cum Gratia & Priuilegio Regis Hispaniarum, & Seren. Archiducum.*



*de la Libreria de S. Isidro del Campo*



REV. PATRIS

L. V. D. O. V. I. C. I.

A. B.

A. L. C. A. S. A. R.

H. I. S. P. A. L. E. N. S. I. S.

E. S. O. C. I. E. T. A. T. E. I. E. S. V. T. H. E. O. L. O. G. I.

Ecce Provinciae Praefatus Praefatus Praefatus

V. E. S. T. I. G. A. T. I. O. A. R. C. A. N. I. S. E. N. S. V. S.

I. N.

A. P. O. C. A. L. Y. P. S. I.

Cum opusculo de Jacobi T. Conduetus ac M. J. J. J.



A. N. T. I. Q. U. E.

Apud Johannem Kobergerum.

cl. 150. 151.

Cum opusculo de Jacobi T. Conduetus ac M. J. J. J.




FRONS DOMVS APOCALYPTICÆ.



Sapientia ædificauit sibi.

Proverb. 9.





Clausâ firmissime.


Iudic. 19.

Nô quis prophatus.

Ad Heb. 12.



POTESTAS DEI. Psal. 11.



EFFVDIT PRIMAM. Apoc. 16.



Don Juan de Lauregui inventor.





# CARMEN AVCTORIS

AD IOANNEM APOSTOLUM.

**S**ola Aquilæ species, aut sola Draconis imago,  
 (Christi o delicia) fuerant insignia honoris  
 Usque tui: nunc illa super, draco subter, eodem  
 Cernuntur clypeo. Neque fas, sine numine iuncta  
 Credere in insigni Pauli, quem numinis instar  
 Vera colit pietas. Iam verò, quæ nova causa  
 Subsist, ut illa duo Cathedram sociata beatam  
 Nunc primum Petri decorent; ab origine pande  
 Spiritus alme; tui ne magni Vatis aberret  
 Interpres. Forsanne Aquilæ nova causa triumphæ  
 De serpente subest depresso, ac tempore Pauli  
 Ascensurus erat fausto celum omine Titan,  
 Romanoq; throno spes expectata fruenda;  
 Hæreticusq; furor frangendus ab alite sacra?  
 Spero equidem: causamq; iuvat perpendere belli  
 Quod gerit aduersus, volucrum Regina, draconem.  
 Natura arcanos quibus explorare recessus  
 Cura fuit, tantæ referunt primordia pugna  
 In serpentis atrox rictu insectantis hianti  
 Oua aquilina scelus. Causa, nec rapiatur ab illa  
 Ut visus serpens ubicumque. Quid aptius ergo  
 (Dilectam sobolem, duroq; putamine clausam,  
 Si videt excludi, gaudereq; luce, minaci  
 Serpente eluso) quam sacra triumphet ut ales  
 Desuper, & plausum geminet redimita coronâ;  
 Dum subter fremit ille dolens saevo irritus ore?  
 Quippe Aquilæ pullus sacra implacabile bellum  
 Haud dubiè pro matre geret, cum dira tonanti  
 Suggestet aduersus serpentem fulmina, in auras  
 Ætheris ascendens. Ergo o tu verè Aquilarum  
 Regina, ac tanti ovi felicissima partu,  
 Hoc decus est insigne tuæ, noua gloria, parma:  
 Hactenus in densis Aquilæ tibi nubibus omnes  
 Tura adolebamus. Iam ruptis cum micat ignis  
 Nubibus, armigeram superi te cernimus esse  
 Regis, & horrissoni tonitrus modo filia prodis  
 Splendidior tenebris è magnis, fulminis instar,  
 Terrificusq; sonus genitam te voce tonantis  
 Eximia, ac voci tua facta equalia pendent

Plin. l. 10.  
 Draco  
 Aquilæ  
 u. a.  
 di-  
 al-  
 al-  
 ut v. l. c.  
 ydum

Quæ putat  
 r. mis ap-  
 c. a. d. o.  
 be. it con-  
 uenit diffi-  
 cultati æ-  
 gmatum.

Nubes de-  
 se Apocal.  
 denotant,  
 & Aquila  
 in nubibus,  
 adagium  
 est ex Ari-  
 stophane.

Marc. 3. 17.







Hetærus de fronte domus Apocalyptricæ.

**I**OANNIS insignia sunt, quæ primùm eminent diuisa, Aquila, & Serpens: postea in Domini Nostri Pauli clypeo coniuncta. Quod verò Aquila Ioannis in nubibus depicta sit, desumptum ex Aristophanis adagio, Aquila in nubibus: quod apprimè quadrat Ioanni in Apocalypseos anigmatibus. Adstant pro foribus Petrus, & Paulus, qui huic domui magnam intus maiestatem, aliquam foris claritatem tribuunt. Nam & in Apocalypsi, Petrus est magnæ potestatis Angelus; Paulus, qui primam effudit phialam (ut in stylobatis cælatum cernis: ) caditq; Ioannes ad utriusque pedes, ut eos adoret: & in suis etiam epistolis, Apocalypseos argumento facem uterque præfert. Et propterea Petrus ait, se clauem daturum ad aperiendam Apocalypseos ianuam, nimirum quia id omnino præstat, dum Babylonis nomen tribuit Romæ: Cohæretq; dictum Pauli, Mysterium dico, si per mysterium intelligas, quod ille solet, nempe reprobationem Iudæorum, electionem Gentium.



S A N C T I S S I M O

A C

B E A T I S S I M O

P A T R I E T D. N.

P A V L O V.

P O N T I F I C I

S V M M O

L V I S I V S A B A L C A S A R , H I S P A L E N S I S ,

E S O C I E T A T E I E S V .



VBITARE non possum, Beatissime Pater; quin si ad te allatum esset, Luisium quendam Hispalensem, vnum ex Societatis scriptoribus, huic sanctæ Sedi suos dedicasse commentarios; id obsequij, quantulumcunque esset, pro tua singulari humanitate, affabili & iucundo vultu excipere dignareris. Sed, ô miram huius Sedis felicitatem! Expende, quæso, quàm alius ad te afferatur nuncius; Ipsam Ioannis Apocalypsin, sacrae Scripturae fastigium, repertum est felici hoc tui Pontificatus tempore, ab initio cum scripta est, huius Sedis Maiestati fuisse dicatam: atque hanc dedicationem ab ipso Ioanne, prophetiae oculis Ecclesiae Romanae magnitudinem prævidente, pulcherrimo illi operi suo fuisse impressam. Potuitne optatior vllus huic Sedi afferri nuncius de alicuius libri dedicatione; aut qui te, Petri Apostolorum Principis successorem, (vbi primum constet, rem esse certam & minimè dubiam) maiori lætitia affecturus videatur? Ego igitur, (quem à tua Maiestate adeunda, paruitas, pudorque meus alioqui omnino deterrerent) cum fortunatissimo quodam studiorum meorum successu id essem consecu-

*Apocalypsin  
à Ioanne  
dicatam  
fuisse Rom.  
Ecclesiae.*



2. Reg.  
22.

ut tam boni, tamque exoptabilis *nuncij baiulus* esse possem, continere me iam nec potui, nec debui: quin lætitia gestiens & exultans, ad te ipsum per hanc epistolam adirem, rem totam nunciarem, tuisque pedibus me prouolutum considerans, omnem meæ persuasionis rationem; & omnia, quibus ipsa persuasio innititur hypothematis, seu fundamentis, in his commentarijs supplex tibi offerrem. Nec enim eiusmodi est hoc nunciorum genus, ut in eis aliquid sibi credi, postulare possit, qui nunciat. Nec ego is sum, qui fidem sine satisfactione, vlla ex parte exigere audeam. Sed quemadmodum, si quis afferret, inuentam à se fuisse quadraturam circuli, non aliter reciperetur, quam oblata simul, & allata solide demonstrationis à se inuentæ ratione, & formâ quæ euentiam apodixeos faciat Mathematicis: ita qui consecrationis supradictæ nuncium ad te afferre audet, Pater sanctissime; ut culpam leuitatis præstet, offerre simul & exhibere debet manifestâ totius rei ostensionem, in qua prudentes harum rerum æstimatores acquiescere debeant. Id verò à me factum iri non crederem mihi, nisi meam prius persuasionem non paucis, neque ineruditis ita probassem, ut iam nullam temeritatis suspensionem reueritus, tuum tandem iudicium, (in quo sunt omnia,) subire optem; ut tunc demum verà exultare lætitia, ac solido triumphare gaudio possim, cum tibi (ut spero) in hoc meo conatu fuerit satisfactum.

Quoniam verò dedicationis, quam ad te affero, intelligentia pendet ex meæ persuasionis atque conatus summa; da mihi hanc veniam, Beatissime Pater, ut eam prius summam proponam paucis, antequam de mira ipsius dedicationis convenientia; & de admiranda, quæ hanc ad Sedem redundat inde gloria, dicere pergam.

*Persuasio igitur mea est, Spiritus sancti mentem in libro Apocalypseos fuisse, egregium quoddam enigma proferre, quod excellentiam Ecclesiæ Christianæ primitivæ, duasque præclaras ipsius victorias adumbraret, alteram videlicet, quam de Ierosolyma rebelliam reportaue- rat, alteram, quam de antiqua Roma ethnica deinceps consecutum iri, celestis oraculo promittebatur. Maximum autem fore inter duas prædictas victorias discrimen, quia exitus primæ, fuerat Ierosolyma ac populi Iudaici reprobatio: alterius autem finis & fructus futurus erat, Urbis & Orbis, id est, Romæ ac Gentilitatis ad fidem Christi conuersio: per quem erat futurum, ut mundani Imperij domicilium ad se Christo transferente, latius præsideret Roma religione diuina, quam olim dominatione terrena, gentibus omnibus Christiana fidei ac simul Romæ primatui se subijcientibus, & in Sede Petri Vicarium Christi Domini suppliciter adorantibus. Secundum hæc, septem illæ plagæ, per clarigantes denunciata tubas, bellum de calo pro Ecclesiâ Christiana aduersus rebellem Ierosolymam gestum, repræ-*

Apocalyp-  
seos sum-  
ma.S. Leo  
serm. i.  
in natali  
Apostolo-  
rum.



A sentant. Quamvis enim Ierosolyma nomen sub Sodoma  
 Aegypti appellatione occultetur, more Prophetico; explicationis  
 tamen gratiâ adduntur illa verba, Vbi Dominus crucifixus  
 est. Triumphus autem, quem de illa obtinuit populus Christianus,  
 decima partis conuersione definitur (quemadmodum multò antè  
 pronunciauerat Isaias) reliquis nouem Iudaorum partibus excacatis,  
 & exclusis. Atque ita cum caput undecimum Apocalypseos in Iu-  
 daici populi obduratione terminetur: statim initio duodecimi proponi-  
 tur Ecclesia ad Gentilitatis desertum commigrans: in quo deserto Ro-  
 manum Imperium idolis seruiens, ac praesertim Roma, suas omnes vi-  
 res atque potentiam opponit Euangelio, in omnes Christianos sauiendo  
 crudeliter. Tunc vero aduersus Romam ethnicam mirificè Deus pro  
 suis belligerare describitur, septem mystica indignationis phialis in eam  
 de calo effusis. Huiusq; tandem belli exitus est totius Romae ad fidem  
 Christi conuersio, idolorum ruina sempiterna, ac propè aeterna Ecclesiae  
 pax. Cui longae pacis promissioni adnectitur admonitio de funesta  
 Antichristi persecutione, & prophetia perfectae victoriae de illo à Roma  
 obtinenda, ac demum amplissimi aeterniq; triumphi, qui eandem Ro-  
 mam Ecclesiarum Reginam manet in patria caelesti. Hoc nimirum  
 est meae interpretationis filum, quod in Apocalypsi uniuersa mihi du-  
 citur, & continuatur absque ulla ordinis perturbatione. In hoc verò  
 argumento Babylonis nomen Occidentalem Babylonem (ut loquitur  
 Augustinus) hoc est antiquam Romam denotat: quemadmodum &  
 in Petri Epistola. Sponsa autem, quae nubet Agno, non est alia quam  
 Romana noua, siue fidelis: uniuersaq; Apocalypsis reuocatur mihi ad ad-  
 mirabile illud mysterium, Deiq; consilium arcanum de Ierosolyma  
 ac Iudaicâ Gente reprobandâ; Româ autem ac Gentilitate eligendâ,  
 erigendâ diuinitimè. Ac praeterquam quodâ praeipuum huius sacri li-  
 bri argumentum ac veluti scopus est, conuersionem Romae ad fidem  
 Christi, principatumq; eidem Romae in omnes Ecclesias à Deo conces-  
 sum, ac magnitudinem triumphi caelestis & aeterni eidem promissi cele-  
 brare; ad hoc ipsum argumentum locupletandum, visum fuit Spiritui  
 sancto copiosè alludere ad plurima, eademq; illustrissima veteris Te-  
 stamenti capita; praesertimq; ad librum Iobi, ad Davidis Psalmos, ad  
 Salomonis Canticum, ac deniq; ad maiorum minorumq; Prophetarum  
 vaticinia. Factumq; est, ut in ipsis Apocal. tenebris magna mirabilisq;  
 lux inclusa & abscondita seruaretur ad germanum & genuinum eo-  
 rum omnium librorum intimum sensum contemplandum atque cer-  
 nendum. Videlicet, quia dum tot eorum capitibus utitur Spiritus  
 sanctus ad Apocalypseos telam texendam, per eam ipsam allusionem,  
 & applicationem scitissimè indicat nobis, ac detegit verum myste-  
 rium, quod in illis latebat tectum; ac ad vitam & mentem eorum ca-  
 pitum per illam indicationem attentum interpretem animaduertere  
 quodammodo cogit.

Apocal.  
11.8.

Isa. 6. 13.

August.  
1. 8. de Ci-  
uit. c. 27.



Artif. l.  
mundo,  
cap. 6.  
Valerius  
lib. 8. c. 14.  
vbi de C.  
Fabio.  
Dedicatio-  
nem à Io-  
anne inclu-  
sam fuisse  
in totius o-  
peris collig-  
atione, &  
coherentia:  
id quod  
Phidie  
comparatio-  
ne explica-  
tur.  
Plin. l. 36.  
cap. 5.

Iudith  
5. 8.

Isa. 26. 14.

Luc. 1. 52.

Cicero  
Tusc. 1.

Dedicatio-  
nis supra-  
d. & con-  
uenientia.

Diabes, Pater Sanctissimo, persuasionis meæ atque conatus sum-  
mam. Verum vbi tandem illa dedicatio, quam me in ipsa Ioannis  
Apocalypsi reperisse, volebam intelligi? Sanè vbi maximè optari  
posset ab eo, qui illam factam tectam in omnem æternitatem vel  
maximè conseruari cuperet. Quemadmodum enim Phidias nobilis  
statuarius clypeo Mineruæ sic suam inclusisse effigiem celebratur,  
vt eâ conuulsâ, totius operis colligatio solueretur: sic in ipso totius  
Apocalypseos nexu & colligatione, ac in totius libri coherentia in-  
clusa est proculdubiò egregia illa dedicatio; neque aliter conuelli  
potest, quàm totius nobilissimi operis colligatione solutâ. Libet  
enim contemplari Apocalypsin quemdam magnæ Mineruæ (hoc  
est diuinæ Sapientiæ) clypeum. Ac quemadmodum Phidias in suo  
clypeo fertur cælasse Amazonum prælium in tumescente ambitu  
parmæ, in concaua autem parte Gigantomachiam: sic (vt paruis  
magna componere liceat) extat in Apocalypsi tum stupenda prorsus  
quasi foëminarum, (id est, infirmæ Gentis) virtus & audacia, quæ  
de suis finibus egressa magnas prouincias inuasit, atque possedit  
(quod fuit Amazonum victorijs longè mirabilius & gloriosius; )  
tum Romanorum Principum (quasi quorundam gigantum) in Ec-  
clesiæ persecutione dimicatio aduersus Deum, ac huius belli exitus  
Dei maiestate dignissimus. Sanè ad hæc eadem mysteria significan-  
da eisdem comparisonibus vtitur Spiritus sanctus. Quod enim le-  
gimus, *Non abellæ elegit Dominus*, per respectum ad bellicam foë-  
minarum (quasi Amazonum) virtutem dictum est. De Romanis  
autem Principibus ab Ecclesia triumphatis ait Isaias, *Gigantes non  
resurgent*. Facit prætereà vtriusque nominis, cum Amazonum, tum  
Gigantum etymologia: hoc enim sonat, Terrigenas, seu terræ filios.  
illud, inopes, aut in communi viuentes. Facit etiam duplicis belli  
designatio, ac alterius collocatio in parte tumescente, alterius in  
concaua: humiles enim exaltati sunt, superbi autem depressi, vt pro-  
phetauerat Virgo Mater, Lucæ 1. Inter hæc autem, Ioannis cum  
Phidia comparatio prætereunda non est, propter egregium discrimen.  
Alter enim fuit inanis gloriæ cupidus, vt sui similem speciem  
incluserit Mineruæ clypeo, quia non licebat inscribere: alter verò,  
qui non sibi inanem gloriam, sed solidam potius Christo, ac ipsius  
Sponsæ vehementius optabat, cum eo tempore ederet Apocalypsin,  
quo rem tantam aperta dedicatione significare non decebat, certè  
in elegantissimo veræ Sapientiæ clypeo, Sponsæ Christi (id est Ro-  
manæ Ecclesiæ,) cui opus suum dedicabat, mirabilem inclusit spe-  
ciem, eamque tandem excludi (vt ita dicam) ac propalari, post  
diuturnam huic quasi diuinissimo ouo incubationem, valde erat  
optabile.

Iam verò ex dictis facili negotio colligitur, nullam vnquam ali-  
cuius libri dedicationem huic Sedi Apostolicæ aut factam fuisse, aut

fieri



A fieri potuisse; quæ ipsi operi oblato aptior & conuenientior existat, quàm est Apocalypsi conueniens supradicta dedicatio, quam nobis desuper datum est in operis colligatione animaduertere. Neq. enim illa fuit extrinsecus aliunde quæsitæ & operi afficta, sed potius ita cohærens cum omni corpore, vt penitus ex eius visceribus desumpta sit, atque ex intimo argumento deprompta. Ipsius enim Apocalypseos neruis & colligationi inhærebat impressa consecratio, quam ego expressam extare volui, neque enim illam ipse apposui, sed solum exposui, vt interpretis officium postulabat.

B Porro, quàm existat huic Sanctæ sedi gloriosum, quòd ipsa Ioannis Apocalypsis ex intimo argumento tota huius sanctæ Ecclesiæ magnitudini ac felicitati dicata sit, secumq. adeò nobilem sacræ Scripturæ partem afferat, eidemque dedicationi mancipare videatur; hæc malo, Sanctissime Pater, tibi expendenda relinquere, quàm in solis claritate explicanda laborare. Quærere enim alium librum, qui Ecclesiæ Romanæ ceterarum Reginæ parem possit afferre gloriam, perinde est, ac velle, vt mundus hic spectabilis non minùs ab alio astro illuminetur, ac luce compleatur, quàm à sole: præsertim cum, quemadmodum lucem suam cetera omnia astra à sole participant; sic reliquæ sacræ Scripturæ partes, quæ Ecclesiæ Romanæ gloriam describentes, adiuuare videntur illius lucem, eæ ferè omnes ab Apocalypsi illuminatæ, ab ea quodammodo accipiant, vt ipsæ etiam sint huic Sedi valdè honorificæ & gloriose. Quare coniunctâ Apocalypseos dedicatione cum ipsius allusionibus, quasi sole cum astris ab ipso illuminatis, valdè mirabile est, quantum inde Ecclesia Romana accipiat amplitudinis, splendoris, & gloriæ. Vt enim nonnulla valdè illustria encomia breui percurram, quæ ab eo luminum concursu fiunt manifesta. Inde primum habemus filium illū masculum, quem enixa est Mater Sion, & qui regendis Gentibus nascebatur, esse populum fidelem Romanum, hoc est, huius tuæ Urbis Ecclesiam, Pater Sanctissime; per reliquos autem filios eiusdem Matris (qui eodem capite commemorantur) ceteras Christi Ecclesias denotari. Quemadmodum etiam Psal. 44. Regina illa, quæ nupserat mystico Salomoni, eidemq. adstabat à dextris, eadem est Ecclesia Romana: proximæ autem eius, Ecclesiæ ceteræ, quæ post illam Regi adducendæ erant. Simile est in Canticorum libro cap. 6. de sexaginta Reginis, octoginta concubinis, ac innumeris adolescentulis: illæ enim omnes Ecclesiæ peculiare sunt, quarum princeps atque Regina est Ecclesia Romana, illa (nempe) *una perfecta & electa genitrici suæ, quam ceteri omnes beatissimam prædicauerunt.*

Ab eadem luce clarescit, in Romæ ad fidem Christi conuersionem impendi eos omnes Psalmos, quibus propter summæ exultationis materiam inscribitur *Alleluia*. Eodemque referri septem Dei voces atque tonitrua, quæ Psalm. 28. decantata fuerant.

Quàm sit  
gloriosa Ec-  
clesiæ Romæ  
ea dedica-  
tio.

1.  
Apoc. 12.

Psal. 44.

Cant. 6. 8.

2.  
Apoc. 19.

Apoc. 10.



Inde præterea clarè de conuerfione Romæ ad fidem Chrifti, ac de ipfius in ceteras Ecclefias principatu integra extare capita plura, eaquæ illuftriffima in Ifaia ac Ieremiæ vaticinijs. Atque hunc effe fenfum literalem, quem illi in eis capitibus præcipuè fignificare volebant, tangentes Iudaica, fed Chriftiana refpicientes.

Inde etiam eft, vt de Ecclefia Romanæ fundatoribus, Petro & Paulo videamus honorificentiffimam fieri mentionem ab Ifaia cap. 21. in illa biga equitum, qui famam rei præclarè geftæ in triumphali vehabant curru: quorum alter erat afcenfor afini, alter cameli. Atque hos ipfos Apoftolos effe duos illos Angelos, Babylonis ruinam Ioanni nunciantes, ante quorum pedes cecidit ipfe Ioannes, vt eos adoraret.

Ab eodem fole illuminatur genuinum argumentum Cantici Canticorum; & agnofcitur, illud effe magna ex parte idem, quod & Apocalypfeos; atque Apocalypfico filo femel deducto, & feliciter glomerato, facilè idem præftari in Canticorum libro: illiusquæ veriffimam acoluthiam Romanæ Ecclefia effe admodum honorificam. Ac eius libri contextum postulare & cogere, vt fponfæ laudes quæ canuntur cap. 4. & 6. omnes referri debeant ad eam fponfam fiue Ecclefiam, quæ ceterarum omnium eft princeps atque Regina.

Præterea eodem iubare conspicuum fit, Angelum illum habentem potestatem magnam, & claritatem eximiam, Apoc. 19. in proprio & germano fenfu effe Petrum Apoftolorum principem. Atque adeò ex Apocalypfi defumi poffe, cum elegantiffimam, tum grauiffimam infcriptionem, quæ in fronte auguftiffimi in vniuerfo orbe templi eidem Petro in monte Vaticano ædificati (cui tu, ô Beatiffime Pater, extremam iam manum admouere omni ope conaris) aureis literis effulgeat, hoc tenore: ANGELO DESCENDENTI DE CÆLO, HABENTI POTESTATEM MAGNAM, A CUIVS GLORIA ILLUMINATA EST TERRA, ET ANTE CUIVS PEDES CECIDIT IOANNES, VT EVM ADORARET.

Denique ab eodem luminis fonte deriuatur, vt omnem illam fupra modum admirandam cæleftis Ierofolymæ immenfitatem, & gloriam, cuius descriptio claudit Apocalypfin, non dubitemus effe figuram, & indicationem eius gloriæ, quâ in patria cælefti fruitura eft Ecclefia Romana, ceterarum Ecclefiarum Regina. Eadem enim eft, quæ desponsata fuerat Agno cap. 19. & cui cæleftis Ierofolymæ nomen tribuitur cap. 21.

Non addo plura, quia feptem ingentia Ecclefia Romanæ elogia, ac præclara ftemmata videor mihi tetigiffe, quæ mirificè ab Apocalypfi (vt ego quidem cenfeo) illuminantur. Et decet sacræ Reuelationis interpretem feptenario maximè delectari, qui propter ipfius facramentum adeò familiaris eft Ioanni, vt quadragies ferè ab illo in hoc opere vfurpetur. Hos ego feptem gloriosos Ecclefia Romanæ

4.

Ifa. 21.

Apoc. 19.  
& 21.

5.

6.

7.  
Apoc. 21.  
& 22.

Numeri in  
S. Lateris  
faceratiffimi  
sunt, &  
myfteria  
recondita  
indica. t.  
August.  
lib. quæft.  
in Genef.  
cap. 152.



A titulos & prærogatiuas contemplor, (Beatissime Pater) à Ioa.  
 ipso tibi offerri, tanquam totidem pretiosissimas gemmas mirificè  
 effulgentes in eo diademate, quo Romanum Pontificem coronat  
 Apocalypsis; atq. illas spero à peritis discernendi probatum iri tan-  
 quam adamantes veros, & longè maximum rerum omniū huma-  
 narum pretium habentes; & qui mirum in modum Summi Ponti-  
 ficatus apici, seu thiaræ sacræ conueniant. Ea verò spes mihi fecit  
 animos, vt conceptum de Ioannis dedicatione nuncium, ac de  
 B gemmis pretiosis tibi ab illo oblati, auderem supplex ad te affer-  
 re, ante tuos pedes per intimam deuotionem cadendo, vt ado-  
 rem eum, qui Petro successit in illa eadem magna potestate; ac spe-  
 rando fore, vt quemadmodum à Petri gloria illuminata est terra,  
 sic à tua gloria (quæ est eadem illa gloria Petri) illuminetur ea ob-  
 scuritas, quam meum opus, meaqué promissa ex eo habere possunt,  
 quòd à me proficiantur. Si enim tu ea probes, & complectaris;  
 inde illa plena lucis euadent. Tunc verò dubium non erit, quin  
 C *nona & vetera seruata tibi fuerint*; quem Deus Ecclesiæ suæ mul-  
 tos annos seruet incolumem, vt illos omnes perfruatur nobilis a-  
 quila glorioso de dracone triumpho, quem mihi repræsentat in-  
 signe tuum; cuius interpretationem ad symbolum aquilæ in com-  
 mentario cap. 4. reuerenter attingo, vbi de te non tecum: hic ad  
 te non plura. Hispali in domo Societatis, prima die Martij, an-  
 ni 1612.

Cant. 7.  
13.



**E**GO Gaspar de Vegas, Præpositus Prouincialis IESV, in Prouincia Castellæ, potestate ad id mihi factâ à Reuerendo admodum Patre Claudio Aquaiua, Præposito Generali eiusdem Societatis, concedo, vt typis mandetur opus inscriptum, *Vestigatio arcani sensus in Apocalypsi*, compositum, & exactè elaboratum à P. Ludouico ab Alcasar Theologo eiusdem Societatis, & sacrae Scripturae publico professore, iudicio nostræ Societatis approbatum. In cuius rei fidem has literas manu nostra subscriptas, sigilloque nostro munitas dedimus: Matriti, quinta die Aprilis, anno MDC XII.

Gaspar de Vegas Prouincialis.

### Hetærus Lectori.

**A**mbiges, mi Lector, nec sine causa, quare opus hoc, Hispalitanum cum sit, excusum fuerit non permissu Prouincialis Baticæ, verum Castellæ Prouinciæ. Sed animum intende: libens te certum faciam de re, quam noster Luissius tibi esse notam, vehementer optat. Nempe quantum debeat hoc opus Patri Antonio Padillæ. Atque ita liceat modo per te, etsi parumper immorer, de tanto viro pauca præfari. Nec abs re erit, mihi crede. Prætereo claram auorum & proauorum seriem, altum sanguinem. In ipso ætatis flore, cum esset Familiae princeps Padillarum, clarissimi parentis occasu paternam creuit hereditatem, Adelantadus Castellæ renunciatus. Sed tantus Dei amor Antonium à primis annis incenderat, vt breui eo se principatu abdicauerit, eumq; sorori (quia fratrem non habebat) fruendum reliquerit: ac Beatum Ignatium secutus, mundana omnia spreuerit, calcauerit. Deinde verò, cum propter mirabilem vitæ sanctitatem, diuinum ingenij acumen, incredibilem animi magnitudinem, & singularem indicij sapientiam, omnium nostrum spes in eum essent coniectæ, vicit proculdubio in his omnibus cunctorum expectationem vir laude maior, etiam si obscurus nasceretur. Et in Theologicis præsertim studijs eos fecit progressus, vt valde admodum ille nostrorum hominum Theologiam promouisse, verissimè à doctissimis censeatur. Neque solum fuit ille eximium nostræ Societatis decus & ornamentum: sed plures etiam post se ad eandem vitæ rationem suo exemplo adduxit. Multi enim eius vestigia sunt secuti: inter quos filius sororis, noster Martinus Padilla, eius, qui hodie Adelantadus Castellæ, germanus frater, ac natu maior. Soror etiam, Martini mater, Comes Santagadæ, atque huius germana Domina Casilda, amplexæ Christianam paupertatem, in Virginum cœnobijs Christo se consecrarunt, vtraque Comitatum relinquens, & ius primogenituræ Padillarum. Erant igitur, viuentem magno Antonio, tres alii eiusdem Familiae principes, præter Martini fratrem, qui ei successit, eodem tempore viuentes, quos ad Christi paupertatem adduxit Antonii exemplum: eorumque singulos se principatu abdicasse necesse fuit, vt remaneret Princeps Familiae Eugenius, qui hodie est. Mirandus sane quaternio, & cui similem alium vix vlla secula hætenus viderint, aut visura cre-

dantur:



A dantur: ac totus valde gloriosus Antonio, quem ceteri sint secuti, quique ipsos principum  
eis relicto, adeo honestavit, quosque propterea adeo etiam in terris honoravit Deus, ut  
filii, atque nepotes predictæ Comitissæ Santagadæ (quæ Vidua demum clausit beatum  
agmen) capita sint hodie plurimum ex præcipuis Hispanorum magnatum Familiis.

B Hic itaque Antonius Padilla cum fortè ex itinere hospitem habuisset Luisium no-  
strum, totum hoc opus avidè legit, & exscripsit. (Cuius de eo iudicium ipse manuscrip-  
tum literis mandasset, ni calamum arceret Auctoris modestia.) Videnſq; editionem  
protelari, enixè petijt à R<sup>do</sup> admodum Patre Generali, & Prouincialibus, ut Auctor  
Salmanticæ (ubi tunc ipse nostri Collegii Rector) adiret, ut opus typis celerius  
mandaret. Petijt inquam, & obtinuit. Iuit namque Luisius Salmanticam,  
ibiq; commoratus operi supremam manum imposuit. Habes iam, amice Lector, ra-  
tionem ob quam commissa approbatio huius libri Prouinciali Castellano, non Andalusio.  
C Addam tamen, hoc ipsum non parùm splendoris operi attulisse Nam à contrerraneis lecti-  
mirum neutiquam, si id ipsi laudassent ac probassent. Egresso autem à Batia Luisio,  
eius Apocalypsis collata est cum Theologis non Salmanticensibus modo, sed etiam Com-  
plutensibus, ac Pincianis, ac tandem è Prouincia Castelle sex iudices grauiſſimi electi  
(inter quos Antonius Padilla, & Pater ipse Prouincialis) ut omnia æqua trutina pen-  
derent: & ne forsan perfunctoriè & oscitanter id fieret, creatus etiam quidam, qui  
Aristarchi munere fungeretur, emunctæ naris vir, qui, ne suo deesset officio, omnia  
vndequeque collegit, quæ à Zoilo quouis potuissent obici. Ac deinde iudices cuncti  
omnia exactissimè perpendere; & vnanimi consensu vniuersum Luisii opus approba-  
runt, & plausibus etiam exceperunt, breuem scribentes, ac nomina subscribentes, &  
nihil esse in opere testati litura dignum, nec in doctrina, nec in modo interpretandi Scri-  
pturas: imò potius omnia lectu & scitu digna. Incunctanter literæ ad P. Generalem  
missæ à singulis, quibus certus de hisce omnibus fiebat. Nec rescripserat ipse, & Anto-  
nius supremum diem obierat; seu potius abierat ad celestem patriam: & quæ pulcher-  
rimæ editioni ab eo parabantur, interiire omnia: redeundumq; Hispalim Luisio fuit.  
Ipse tamen agnoscit atque fatetur, huius editionis maturationem magno Antonio pror-  
sus deberi, qui & corpore indutus & exutus, cum Deo & cum hominibus, gratia, aucto-  
ritate, & virtute omnia tesqua & ardua (quæ solent in rebus humanis occurrere,) cal-  
carit, superarit. Scilicet ut omnibus palam fiat, quantum, & quale opus hoc ipse  
D censeret, & quo amore Luisium prosequeretur. Nam quemadmodum cum viueret,  
etsi inter umbras humilitatis (quam colebat ex animo) fulgores quidam perpetes splen-  
debant nobilitatis auitæ, & animi ad principatum nati, in ijs rebus effuso favore pro-  
sequendis, quas fouendas propterea suscepserat, quod ita expedire iudicasset: ita nunc  
persuasum est Luisio, ab Antonio in cœtu Diuorum eandem erga se fidem conseruari,  
ac celestia in suum opus deriuari auxilia. In extremo enim communis huius aëris  
haustu, Societatis superioribus scriptum reliquit, nihil adeo ex hac vita se præter Luisii  
E Apocalypsim in meditullio cordis secum deferre: nullius rei curam adeo animo suo infi-  
tam & infixam; Videlicet, quia sibi persuaserat, valde admodum hoc opus referre,  
tum ad Dei Opt. Max. gloriam, tum ad Romanæ Ecclesiæ dignitatem. Quare licet  
liber summo Pontifici propterea dicetur, quod eam dedicationem petat totius operis ar-  
gumentum; & quod ita voluerit, iusserit magnus Antonius: considerato tamen gra-  
titudinis debito, ipsi soli Antonio dicandus erat. Imo verò non solum gratitudinis ergo,  
sed etiam iustitiæ iure, eò quod ille subhastatum, Verè αὐτῶν μὲν, siue suprâ omnes  
licitatus, suo sibi iure vendicauerit. Hocq; ipsum testatus est Luisius ipse hisce versi-  
culis,

ὁ πᾶτερ αὐτῶν ἢ σὺ τῶν ἰχθυῶν.  
αὐτῶν ὅτι ἡ ἰχθυία αὐτῇ σοὶ ἀποκαθίσταται.



*Iudicium Magistri Fr. Augustini Antolinez, primi Theologiae Cathedrae in Salmanticensi Academia, in qua & sacra Scriptura Cathedram tenuerat.*

**C**OMMENTARIOS in Ioannis Apocalypsim Patris Luisii ab Alcasar è Societate IESV, perdoctos sanè & eruditos, rerum serie, & cohærentiâ (desideratâ hætenus) ingenii acumine & eruditione excogitatâ planè mirabiles, vetere Patrum orthodoxaque doctrina refertos, & ad reliquos Sacrae Paginae libros intelligendos, lucis ac vocis plenos, quos de mandato supremi Senatus vidi, typis mandari dignos esse censui. In conuentu Salmanticensi Ordinis Eremitarum S.P.N. Augustini, pridie Calendas Augusti, anno 1611.

*Fr. Aug. Antolinez.*

*Facultas Prouincialis Flandriae.*

**C**AROLVS SCRIBANI Præpositus Prouincialis Societatis IESV, in Prouincia Flandriae, potestate ad id mihi facta, ab Adm. R.P.N. Generali Claudio Aquauina, tibi Ioanni Keerbergio facultatem concedo, vt P. Ludonici Alcasar Soc. IESV, in Batia S. Theologiae Professoris, *Vestigatio arcani sensus in Apocalypsi S. Ioannis*, Societatis eiusdem Doctorum Theologorum iudicio examinata & approbata, typis per te excudatur. In quorum fidem has literas mea manu subscriptas & sigillo munitas dedi, Antuerpiae xi. Martii, M.DC.XIV.

*Carolus Scribani.*

*Approbatio Censoris ordinarij.*

**I**NFRASCRIPTVS S. Th. Licent. Canonicus & librorum Censor Antwerp. præfenti I testimonio adfirmo, *Vestigationem arcani sensus in Apocalypsi*, summo studio & industria factam per R. P. Ludonicum ab Alcasar, è Societ. IESV, Theologum ac Philosophum acutissimum, perutilem esse, non modò ad occulta rerum diuinarum illo libro contenta mysteria cognoscenda, verùm etiam ceteros S. Scripturae recessus magis abditos indagandos: vt quæ viam sternat, quod iusto sapienti adscribit Ecclesiasticus, *In versutias parabolarum quibus introeat, & occulta prouerborum exquirat*. Quare dignissimam censui, quæ ocyùs euulgata luce donetur. Actum Antuerpiae, in Semin. Episc. Kal. Martii, M.D.C.XIV.

*Laur. Beyerlinck.*



A

SVMMA PRIVILEGII REGIS  
CATHOLICI.

B

**P**HILIPPI Tertij Hispaniarum Regis edicto sancitum est, vt LVISIVS ALCASAR e Societate IESV, *Vestigationem arcani sensus in Apocalypsi*, à se scriptam, typis mandare possit, vbicumque velit. Ac, vt nemo alius, sine eiusdem LVISII facultate, toto decennio per vniuersas Prouincias suæ Maieſtati subiectas id opus imprimat, vel imprimi faciat, aut alibi impressum adducat, vel diuendat per se, vel per alios: sub pœna amissionis omnium librorum, vnâ cum typis, & omni typico apparatu, & quinquaginta millium Maraue dinorum mulcta, prout latius in originali habetur, dato apud S. Laurentium Regalem, 24. die Septembris, 1611.

*Subscriptum*

EGO REX.

C

Ad mandatum Catholicæ Maieſtatis.

*Georgius Tonarius.*

Præfatus verò LVISIVS ius omne dictæ facultatis, & priuilegij sibi concessi tranſtulit in Ioannem Keerbergium, Typographum Antuerpiensem.

D

PRIVILEGIUM ARCHIDVCVM.

E

**A**RCHIDVCVM Priuilegio cautum est, ne quis proximo decennio citra voluntatem Ioannis Keerbergij Typographi Antuerpiensis, vllò modo imprimat, vel alibi impressum in suas ditiones importet, venalemue habeat Reuerendi Patris Ludouici ab Alcasar Hispalensis e Societate IESV, Theologi, & in Prouincia Bætica sacre Scripturæ Professoris, *librum*, cui *titulus*, *Vestigatio arcani sensus in Apocalypsi*, cum Opusculo de sacris Ponderibus ac Mensuris. *Qui secus faxit, confiscatione librorum*, ac graui pœna mulctabitur, vt latius patet in literis datis Bruxella in Concilio Brabantia, xvij. Martij, anno MDC.XIV.

Sign.

De Witte.



*Hæc de sequenti imagine ex Isaia c. 21.*

**N** O l i putare, optime Lector, existimasse *Luisum* nostrum, licere sibi ad Apocalyp-  
 ti vestibuli ornamentum per accõmodationem huc transfèrre, quod non erat eo re-  
 spectu Isaia reuelatum. Sed potiùs sic habeto, propterea hic appositam fuisse eius  
 visionis imaginem, quia persuasum habet *Luisus*, Spiritus sancti mentem in reuela-  
 tione illa Isaia facta non fuisse aliam, quàm vt extaret in veteri Scriptura insigne  
 vaticinium de cælesti Apocalypsi, quæ à Ioanne erat spectanda, ac de ipsius Apocalypseos argu-  
 mento præcipuo. Res sanè magna, si certa: ac de certitudine à te ipso ferendum est iudicium, per-  
 lecto capitis decimi septimi commentario, vbi res in disputationem veniet. Tunc verò, si tibi fuerit  
 satisfactum; fortasse fateberis, nihil grandius optari potuisse ad Apocalypseos propylæum exor-  
 nandum; nihil aptius cogitari, quàm tanti fuisse apud Deum reuelationem hanc Ioanni facien-  
 dam, vt augustissimo prognostico, & antiquissimâ prærogatiuâ eam singulariter honorare, & præ-  
 nunciare decreuerit in ipso Isaia libro, designatis speculatore & argumento: idque in literalis no-  
 bilissimi vaticinii sensu: qua ratione de vlllo alio noui testamenti libro negat *Luisus* se peculiarem  
 reperisse prophetiam.



A Hostibus attonitis. Erat autem, pignore nato;  
 Floridior tibi vere nouo renouanda iuuentus.  
 Excludi sed enim fœtus non antè valebat,  
 Quàm longa annorum series completa fuisset  
 Fixa Dei placito. Sed, quò cunctatio maior,  
 Hoc maioris erat diuina animatiq molis,  
 Dignior & summa spe ingentis sacula lucis  
 Plurima dilata. Supereſt ea nunc tibi cura  
 (Ne voret ore draco, neu frigus ledat iniquum.)  
 B Dum pipit, implumem pietate fouere paternâ:  
 Solis ut aduersus radios si firma probetur  
 Stare acies, sobolis verâ decoretur honore,  
 Illatua, ouo nata tuo, à te fota, probata,  
 Altaq; : conspicuam, & præſenti numine plenam;  
 Mirabunda ſibi quam ſemper adeſſe deinde  
 Caſtra Dei videant (Romana gloria Gentis)  
 Ac ſimul ante acies fulgens procul emicet, illam  
 Horreſcat Stygiuſq; draco, ſoboleſq; draconis,  
 Excluſamq; gemant æterno tartara fletu.

Plin. l. 1. c. 3.  
 Implumes  
 etiâ pullos  
 cogit ad-  
 uerſos in-  
 tueri ſolis  
 radios, il-  
 lumq; cu-  
 ius acies  
 firma con-  
 trâ ſteterit,  
 educat.

Plin. l. 10. c.  
 4. ait, non  
 ferè legio-  
 nis Rom.  
 vnquam  
 hyperaſſe  
 caſtra, vbi  
 non aquil-  
 larum eſſet  
 iugum, ac  
 ſolius A-  
 quilæ ſignū  
 in aciem à  
 Romanis  
 portatum.



## TOTIVS OPERIS DIVISIO.

**P**LACVIT primò totum opus in duos tomos diuidere, ea ratione, vt alter contineat commentarium, ac notationes in ipsam Apocalypsin: alter verò commentarium in eas sacre Scripturæ partes, quæ singulariter ab Apocalypseos allusionibus illustrantur. Hic verò posterior tomus non est à priore distractus ac dissolutus, sed cum eo potius maximè cohærens: quippe ænigmata integrè ac perfectè nequeunt enodari, nisi loci etiam, ad quos fit in eis allusio, optimè explicentur. Illud verò in Apocalypsi mirabile valde est, ex obscurissimis nempe illius tenebris lucem exoriri clarissimam, eamque in multa alia sacrarum Literarum capita, atque adeò in integrum etiam librum, (qui & ceteris omnibus Veteris Scripturæ creditur difficilior, & mysteriorum magnitudine cunctis refertior) refundi: atque hanc ipsam, quæ veteribus Scripturis communicatur lux, in magnam commentariorum Apocalypseos confirmationem, & ipsius ænigmatum illustrationem redundare.

Singuli autem tomi quinos habebunt libros, vt sint veluti duæ manus decem digitis distinctæ, ac se mutuo iuuantes. Hæc autem erit prioris tomi distinctio. *Primus* liber complectetur procemiales Apocalypseos notationes, & duorum ac viginti capitum Paraphrasim. *Secundus*, commentarium priorum trium capitum, quæ non sunt aliud, quàm prologus, quem Spiritus sanctus sacre actioni præposuit. *Tertius*, commentarium à cap. 4. ad vndecimi vsque finem, id est, vsque ad *Iudeorum diminutionem*. *Quartus*, octo capita subsequencia ad vndevigesimi finem exponet. Quæ pars ad *Diuitias Gentium* spectat, & ad Imperii Romani conuersionem pertingit. *Quintus* denique trium postremorum capitum conficiet commentarios, in quibus finem sacre actioni imponunt descriptio longinquæ pacis Ecclesiæ, nec non victoria gloriosissima, quam obtinebit de Antichristo, ac demum vniuersalis Iudicii dies, & æternæ gloriæ magnitudo, quæ in cælo Romanam Ecclesiam manet. His, corollarii loco, accedet *Opusculum de sacris mensuris*, cui magnam lucem accendere videtur Apocalypsis.

Alterius tomi diuisio huiusmodi erit. *Primus* liber continebit commentarium præstantissimæ partis libri Iob, quatuor nempe capitum, in quibus Deus cum Iobo loquitur; quæ nimirum capita ab Apocalypseos etiam allusione mirificam mutuatur lucem. *Secundus* complures explicabit Psalmos perdifficiles, qui Apocalypseos etiam allusione faciles admodum redduntur explicatu. *Tertius* acoluthiam complectitur & commentarium in totum Cantici Salomonis librum, quem Apocalypsis etiam respicit, & illustrat. *Quartus* comprehendit commentarios præcipuorum capitum, quæ ex Maioribus (quos vocant) Prophetis Apocalypsis accersit. Et *Quintus* demum in Prophetis Minoribus idem munus, quod in Maioribus quartus, præstabit,



## LIBER PRIMVS,

Continens Notationes proœmiales in Apocalypsim,  
& singulorum capitum Paraphrasim.

## EXORDIVM.



**Q**UICVNQVE pingendi artis peritus est, priusquàm penicillum arripiat, & picturam ipsam viuis coloribus exprimat; duo præstet imprimis oportet. Alterum est, tabulam ipsam vel linteum, (quod est pictura illustrandum,) colorum pulchritudini aptissimè excipiendæ, & penicilli dexteritati sine vllò impedimento exprimendæ diligenter præparare. Alterum, aliquo siue lapillo, siue carbone, vel gypso totam historiam postea depingendam ductis lineamentis primò adumbrare, & quamlibet suo loco figuram aptè concinneque delineare: ita vt in lineis ipsis appareat, non quidem picturæ pulchritudo, sed ipsius dispositio, ac veluti vmbra veritatis eius, quæ postea multiplici colorū venustate & elegantia in lucem est proditura. Simile quid præstandum videtur ijs, qui alicuius libri commentarium edere statuunt, prius enim quàm manus ad penicillum, vel potius animum ad ipsa commentaria appellant, duo sibi necessaria sunt. Primùm proœmialibus notationibus, siue prolegomenis quasi tabulam præparare, & obuias quasq. difficultates, quæ in primo ipso limine solent incurrere, complanare. Deinde post tabulam ipsam egregiè aptatâ, quædam veluti lineamenta ducere, & in vmbra totum opus ita distribuere, suasq. personis singulis sedes designare, vt postea in ipsa eminentia elegans & concinnum appareat. Atq. huc debet dirigi Paraphrasis scopus, vt in ipsa, ante idoneam colorum proportionem, & congruentem totius libri explicationem, ipsamet historiarum partitio, & apta figuræ cuiusque lineamenta indicent; opus illud sibi omnino esse constans & cohærens; atq. adeò, si commentarii ipsius luce veluti colorum varietate expoliatur, & veluti animetur; rem fore singularis sapientiæ, nec indignam, quæ eodem illo ordine scripta sit in libro, quem interpres commentariis illustrandum aggreditur. Has igitur volui esse duas huius libri primi partes, nimirum Notationes proœmiales, atque Paraphrasim. Libuit enim hoc libro complecti quidquid ante ipsius Apocalypseos commentarium præmitti oportere duxi. Quapropter in Notationibus quidem quasi tabulam, seu linteum aptare est animus, atque ita facilem & lauem reddere, vt obices ac difficultates, quæ possent obiici aduersus meam interpretationem, aut omnino sublata, aut superatu faciliores multò sint. In Paraphrasi verò oculis subijcere intendo prima ipsa totius operis lineamenta, partitio-nem, & vniuscuiusque figuræ scopum, non vt ex primis hisce lineis Spiritus sancti mentem attigisse iudicer, sed vt meâ intentione, vniuersaque operis historiâ, quam in toto hoc libro exprimere conor, possit animum Lector informare; ac proinde vt appareat, argumentum operis totius esse Sp. sancto dignissimum, & dispositionem ipsam atque ordinem rerum inter se mirificè concinnatum, & solum superesse, vt rectè & ordinatè varii disponantur colores ea concinnitate, qua opus est, vt ænigmata iudicentur esse enodata.



Notationes, quæ à me proœmii loco præmittuntur, alicui fortassis nimis multæ, atque adeò plures solito videbuntur. Ceterum si nulla est in ipsis superuacua,

*Non sunt longa, quibus nihil est, quod demere possis.*

vt scitè Martialis lib. 2. Epigr. 77.

Et meâ quidem sententiâ in hisce Notationibus non digredior ad rem aliquam, quæ parum ad libri huius ornamentum, aut æstimationem conducatur: quæue adiuumento non sit ad nostri argumenti difficultatem superandam. Quidquid præterea neutri ex hisce duabus rebus conferens addatur in proœmio, otiosum planè & superuacaneum esse existimo: & tam in proœmio ipso, quàm deinceps in commentariis, illud semper præstare si minùs potui, at optasse me fateor, quod Plinius Iunior lib. 5. epist. 6. his verbis consulit: *Primum ego officium scriptoris existimo, ut titulum suum legat, atque identidem interroget se, quid coeperit scribere, sciatq; si materia immoratur, non esse longum; longissimum, si aliquid accersit atque attrahit. Brevis est, qui facit, quod instituit. Non enim excursus hic eius, sed opus ipsum est. Si nihil inductum, & quasi denium loquitur, non epistola, quæ describit; sed res, quæ describitur, magna est.* Hoc ergo Plinii consilium capiendi & exequendi auidus, (& aliud simile Philonis Poëtæ Græci,) in his prolegomenis exoptavi; nihil aut relinquere, quod ad tabulam ipsam poliendam, ac præparandam opus esset; aut accersere, quod minimè esset eam ad rem necessarium. Similiter etiam in toto horum commentariorum ac librorum sequentium decursu illud mihi in votis cumprimis est, vt inter duas lineas, siue regulas (quod aiunt) quidquid dixero, inscribam. Altera est, ne quid afferam, quod ad intelligentiam rei ipsius, quam commentario suscep- ram illustrandam, nihil referat. Altera, ne quid prætermittam, quod ad eiusdem rei cognitionem opus esse videatur. Sic solent qui scribere discunt, inter duas parallelas, characteres efformare: vt & ipsæ literæ pares inter se, & ipsarum lineæ rectæ existant.

Primam harum regularum multi transfiliunt, vt suos commentarios multiplici rerum pretiosarum supellectile locupletent. Liceat tamen mihi, obsecro, inopi, & rerum egeno nihil curare de veste filo, auro, & opere acupicto elaboranda; sed tantùm de concinnanda, & leuidentio (quod aiunt) filo consuenda, ne disrumpatur. Atque hic saltem sit noster tenuitatis prætextus; nempe, sic nobis videri expedire, vt tota mentis intentio ad contextus seriem, & intelligentiam colligatur. Atque huic saltem excusationi faueat Florus initio suæ historiæ, vbi ait, *Ipsa sibi obstat magnitudo, rerumque diuersitas aciem intentionis abrum- pit.* Quod eò solùm dictum velim, vt aliquam meæ paruitatis excusationem afferam, in aliorum enim scriptis magnam rerum copiam, & varietatem cum exacta interpretatione coniunctam dilaudo, admiror, atque suspicio.

Verùm esto, in commentariis longiùs interdum liceat per varia eruditionis prata diuagari: in Paraphrasi saltem nemo non viderit, minimè expedire, aut latè excurrere, aut eam rerum copiâ ditare. Quapropter quamuis in proœmii Notationibus longior alicui videri possim; in Paraphrasi tamen satis caui, ne simile quid mihi vitio verti posset. Imò verò suspicor, nimium me breuem, & parcum visum iri. Huiusce tamen rei excusatio ea est imprimis, ne in Paraphrasi succincta accidat illud Horatii, in arte Poët.

— *Brevis esse laboro,*

*Obscurus fio.* —

Nam cum scopus in Paraphrasi proponere sit, non probare, vt totum filum in vniuerso opere ducendum, & omnium libri partium cohærens ordo & conti-



A nuata series percipi possint; oportet omnia simul compendiariâ breuitate sub  
 mentis aciem subijci; & propterea Paraphrasim ipsam ab ijs omnibus secerni,  
 quæ ad deducti filii cognitionem necessaria non sunt. Nec enim ad perfectio-  
 nem Paraphrasis satis est, vt in summam redigat, quod fusè in commentario  
 disputatur; sed opus est, in ea duntaxat exprimi quasi neruos, quibus ipsius  
 textus connexio & coagmentatio constat: alioqui suas partes Paraphrasis non  
 præstabit, quæ non sunt aliæ, quàm vt appareat ex ipsa, totam rei ipsius seriem  
 ducto & continuato filo optimè cohærere. Quod si desit; quantumuis multa,  
 eaquæ preclara tum commentarius contineat, tum etiam Paraphrasis breuius  
 contrahat; libri ipsius elegantia atque sapientia minimè innotescunt: si Para-  
 phrasis malè cohærentia, atque adeò dissoluta complectatur. Quamobrem eo  
 B rectius, & ipsi operis acoluthiæ congruentius Paraphrasis suum assequitur fi-  
 nem, quo contractior in se, & ad præcipua puncta constrictior esse videbitur.  
 Et sanè non satis comprehendit (opinor) totius libri seriem, qui paucis sum-  
 mam eius complecti nescit.

Hinc est, quòd conatus ipse sim Apocalypseos acoluthiam, non solum bre-  
 uii verborum ambitu in Paraphrasi, sed breuius adhuc in notatione septima  
 procemiali coërcere. Ibi enim contendi singulis capitibus titulos per ordinem  
 præfigere: atqui breuissimum integro capiti titulum apponere, qui argumenti  
 medullam complectatur, non est admodum facile. Deinde in eadem notatione  
 C hanc rursus acoluthiam paulò latiùs explicui. Quare Paraphrasis quamuis vi-  
 deatur brevis, tertia est Apocalypseos summa, ceterisque fusior. singulatim  
 enim perstringit, quidquid continet textus, & symbolorum singulis suam dis-  
 tribuit significationem: ita vt sensus, quem ipse in cuiusque capitis filo, & in  
 omnibus singulorum capitum partibus persequor, possit facili negotio perci-  
 pi: & manifestè cernatur, libri seriem & totius argumenti discursum excellen-  
 tissimum esse: solumque desit, vt commentarius ac notationes librorum subse-  
 quentium ostendant, cuiusque symboli applicationem ad eum sensum, quem  
 mihi tanquam genuinum proposui explicandum, benè & cohærenter aptari,  
 quemadmodum opus est, vt censeatur solutum esse ænigma, & ipsius elegan-  
 tia propalata.



# LIBRI PRIMI PARS I.

## QVÆ EST NOSTRÆ INTERPRETATIONIS

P R O O E M I V M,

In sex & viginti Notationes partitum.

### N O T A T I O I.

*In qua primum expenditur, quanti momenti & ponderis sint Notationes istæ, quæ ante commentarium præmittuntur: & deinde earum series ob oculos ponitur.*



X eorum numero, qui in hos meos labores inciderint, ( si qui fortè erunt ) suspicor, aliquos ad singulorum ænigmatum interpretationem festinantes, hoc quidquid est proœmij, cum primum videant bonas illud paginas implere; facile prætermisuros, ut citius de ipsa Apocalypseos interpretatione iudicium ferre valeant, persuasum habentes, huiusmodi notationes proœmiales non esse tanti, siue ad degustandum aliquid ex hoc opere, siue ad iudicium de illo ferendum; ut non sit pluris facienda celeritas iudicij ex qualibet commentarij parte vnam aliquam Apocalypseos figuram meditante, quam molesta longioris proœmij consideratio. Verum enim verò si vlla est habenda ratio sensus opinionisque meæ; multo plus ad Apocalypseos intelligentiam conferunt hæ notationes proœmiales, quam vlla mei commentarij pars. Neque aliter se habet hoc proœmium respectu commentarij, quàm caput in animali ad reliquas corporis partes comparatum; cui omnes tanquam reginæ facile cedunt; quamque tueri prudentia naturæ cogit, cum aliarum etiam partium dispendio, si opus sit: nimirum quia caput est veluti arx & Capitolium, in quo sensus omnes, tam externi, quàm interni, patriorum penatum instar, suum habent domicilium; quo deuicto, illic cetera omnia corruunt: exemplò enim reliquum corpus omni sensu & intelligentia priuetur necesse est, & inanimatum remaneat. Quò spectet hæ capitis similitudo, seu comparatio, facile, opinor, Lector intelliget. Adijciam tamè aliud simile, ut mentem meam magis explicem; & eam Lectori, aptissimo ( ut mihi quidem videtur ) exemplo confirmem.

Animaduerto igitur in bellis, quædam esse prælia, quibus minimè dimicatur de summa imperij, sed de castello aliquo, aut vrbe, quæ magnæ cuiusdam monarchiæ sunt partes exiguæ. Alia verò esse prælia, quibus non de hoc

A vel illo castello aut munitione, sed de toto imperio agitur: eò quòd ex illo prælio pendeat, cui deferenda sit totius imperij monarchia: & quamuis plurimæ supersint difficultates postea superandæ; sed prius etiam, quàm illæ superentur, ex illius prioris prælij victoria agnoscit victor se iam esse totius imperij monarcham, qui hostem suum imperij possessione spoliauerit, atque eius potentiam in se transfulerit. Huiusmodi fuisse prælium Pharsalicum, quod Cæsar cum Pompeio commisit; & Actiacum quo Augustus decertauit cum Antonio, & antè, Cilicense quo Darius & Alexander de totius Asiæ imperio dimicarunt. In eiusmodi ergo prælijs, quæ non videat, quanto fuerit maioris momèti singularis illa victoria, quàm quoduis oppidum & quamuis urbem inuadere & sibi subiicere? In Apocalypsi ergo ( id est, in libro omnium difficillimo ) facile apparet scriptorem, qui eam interpretandam suscipit, cum iis omnibus bellum suscipere, qui eam quam ipse profert, expositionem non recipiant. In hoc autem bello, ( quod Angelicorum instar, intellectualibus viribus & armis geritur ) quæuis disputatio circa genuinum huius vel illius figuræ mysterium omnino sunt veluti prælia, quibus non de summa imperij, sed de hac vel illa vrbe siue castello decertatur. Decertatio verò de totius Apocalypseos argumento, siue mysterio, & de totius libri summa & scopo, quid est aliud, quàm prælium, quo de imperio dimicatur? Hoc verò admissio, admitti etiam necessario debet, disputationem hanc, quæ in notationibus proœmialibus continetur, si in ea de totius libri summa atque substantia decernitur, & de vero huius mysticæ navigationis cursu statuendo; longè maioris momenti esse, quàm omnem aliam de aliqua Apocalypseos figura, de quæ illius legitimo sensu, disputationem. His addo, hæc præcipuam victoriæ comparatam, longè maiorem fore victoriæ cum facilitatem, tum etiam securitatem in prælijs, seu disputationibus circa hanc vel illam figuram: ut facile apparet ex comparatione præliorum,



quæ Cæsari committenda fuere post superatum in acie Pharsalica Pompeium, vel quæ Augusto post victoriam Actiacam, aut Alexandro post deuictum Darium. Quod si imperatores illi valde fuissent imprudentes, si eo prælio contempto, in quo de summa imperij agebatur, suam omnem curâ & industriam ad inuasionem huius vel illius munitiois, aut vrbis, transulissent: hæc ipsa exempla à Lectoris prudentia exigere videntur; vt si de meo opere iudicium ferre velit, non existimet pluris referre quamuis commentarij partem perlegisse, quam ad huius proœmij disputationem attentum & æquum se iudicem præbere. Sic enim habeat Lector, in hoc opere disputationem præcipuam, & veluti prælium de summa imperij, positum esse in huius proœmij controuersia, & in harum notationum campo, atque in hoc certamine; quo, de germano totius Apocalypseos argumento inter varias opiniones dimicatur: atque ad hanc disputationem reuocari ea omnia, quæ in his notationibus continentur. Quamuis enim priores notatio-

A nes non videantur incipere ab ipsa controuersia de Apocalypseos scopo & argumento: facile tamen cernitur, libri auctoritatem & auctorem, causamque propter quam Calvinistæ eum recipiunt, ac quæstionem de tempore, quo scripta est Apocalypsis; & qua ratione potuerit Ioannes per futurum enunciare ea, quæ iam præterierant; & denique titulum & obscuritatem libri; facile (inquam) apparet; hæc omnia ante disputationem de argumento, præstituenda fuisset. Illa verò quatuor notationibus peraguntur.

B In reliquis autem huius proœmij notationibus, primum ex varijs opinionibus de Apocalypsis argumento, siue subiecta materia eligitur ea, quam nos Dei æmulatione æmulamur, & cui imperium deferendum esse efflictim contendimus: ac deinde expenditur, quàm sint valida ea, quæ pro argumento à nobis electo militant aduersus eos, qui aliter sentiunt; quamque bene & plenè diluantur ea, quæ eidem argumento videbantur obijci posse; id quod vt ex ipsa subsequentium notationum serie melius percipi valeat, ecce illam subijcio cū notis è regione.

*Series subsequentium notationum.*

- 2 De auctoritate, & auctore Apocalypseos, & cur Calvinistæ eam recipiant.
- 3 De tempore, quo scripta est Apocalypsis; & qua ratione potuerit Ioannes per futurum enunciare ea, quæ iam præterierant.
- 4 De titulo, quem Ecclesia huic libro apposuit.
- 5 De obscuritate Apocalypseos.
- 6 De varijs opinionibus circa argumentum Apocalypseos.
- 7 Argumenti nostri & acolithiæ eius indicatio.
- 8 Eiusdem argumenti confirmatio à dignitate.
- 9 Secunda confirmatio à coherencia & continuata totius libri serie.
- 10 De egregio fructu & filo aptè deducto à principio libri vsque ad finem. Vbi per occasionem de ænigmatis explicandi ratione.
- 11 De hæreticorum confutatione ex eodem filo aptè deducto.
- 12 Confirmatio tertia ab obseruatis tum indicij à Ioanne datis, tum etiam antiquorum Patrum vestigijs.
- 13 Supradicta indicia atque vestigia non videri obseruata ab ijs, qui diuersa Apocalypseos argumenta excogitarunt.
- 14 De præcipuo huius libri scopo; & cur obscurissimè scriptus sit.
- 15 De summa huius libri perfectione symbolica.
- 16 De energia perfecti symboli; & an claritati deferuiat.
- 17 Ex clariori antiquæ doctrinæ perceptione colligi interdum multa, quæ prima specie videantur noua.
- 18 Apocalypsin veteris Scripturæ locis ac libris lucem præferre.
- 19 Responsio ad ea, quæ nostro argumento obijci possunt: & primò ad nouitatem explanationis.
- 20 Responsio ad secundam obiectionem, nempe de grauissimarum expositionum iniuria; & per

*Nota ad hanc ipsam seriem.*

Facile intelligitur hæc fuisse ad disputationem de argumento supponenda; nempe vt constet oportere, vt illud sit tanto scriptore dignum, & aptum temporij, quo scriptum est: atque vt suæ inscriptioni, & ipsius tituli elegantia respondeat; curque res ipsa tantam obscuritatem postulauerit.

His duabus notationibus ob oculos ponitur, quæ sint aliorum opiniones de Apocalypseos argumento, & quàm nos amplectendam esse contendamus.

Sex istæ notationes pro nostro argumento pugnant, triplici armorum genere aduersarios oppugnantes: obiecta nempe illis nostri argumenti dignitate eximia, filo perpetuo, & auctoritate grauissima, (quæ omnia in alienis argumentis videntur prorsus desiderari,) & positis præterea ob oculos maximis nostri filij utilitatibus.

In his etiam continentur quatuor egregiæ nostri argumenti confirmationes; scilicet à conuenientia obscuritatis magnæ.

Ab exacta vniuscuiusque symboli conuenientia cum re significata.

A mira luce, quæ in doctrinam Euangelicam ab ipsis symbolis deriuatur.

Et à face, quæ ex Apocalypseos tenebris procedit ad sacræ Scripturæ intelligentiam.

Tandem quia non satis erat alienis oppugnatis nostram confirmasse sententiam, nisi plenè & planè satisfaceret ijs omnibus, quæ nobis obijci posse videbantur: ided sex postremæ notationes conantur nihil præterire ex ijs, quibus visum est nostrum argumentum oppugnari



per occasionem de multiplici sensu literali eiusdem loci.

- 21 Responsio altera ad eandem obiectionem, & nostri argumenti cum receptis explanationibus conciliatio.
- 22 Responsio ad peculiarem quamdam querelam de iniuria, quam videmur facere ijs sensibus, qui dicuntur esse à Deo reuelati.
- 23 Responsio ad aliam obiectionem, scilicet de magnarum rerum omissione.
- 24 Responsio ad obiectionem ultimam de nimia mystici sensus consecratione.
- 25 De nonnullis sacrae Scripturae locis in confirmationem eius phrasim, per quam nos ad ultimam obiectionem respondimus.
- 26 De interpretibus Apocalypseos.

posse. Ea verò ad quatuor capita reuocantur; nempe ad expositionis nouitatem, ad aliarum expositionum iniuriam, ad rerum magnarum omissionem; & denique ad nimiam mystici sensus consecrationem; atque hæc per ordinem refutare conati sumus.

## NOTATIO SECUNDA.

*De auctoritate & auctore libri Apocalypseos; & cur Caluinistæ eam recipiant.*

**A**POCALYPSEOS librum esse canonicum, (id est, legitimam sacrae Scripturae partem,) & à Ioanne Euangelista fuisse scriptum, non tam mihi probandum est, quam supponendum, indicatis tamen auctoribus, qui ea de re copiose agunt. Hi sunt Bellarminus tom. I. disputatione de Verbo Dei, cap. 19. Baronius to. I. anno 97. Salmeron in præludijs ad Apocalypsin sub finem to. 16. Ribera quaestione proemiali; cap. I. Pamelius in Tertullian. Pererius disput. 3.

Vt verò breui perstringam, quæ ab his auctoribus dicuntur, quod ad libri auctoritatem spectat, nonnulli ex Catholicis eum respuebant; ut Gaius antiquus auctor apud Eusebium lib. 3. cap. 28. qui eum Cherinto tribuebat; præterea non recipitur ab Anastasio, & Dorotheo, quin & tempore B. Hieronymi Græcorum Ecclesiæ Apocalypsin non recipiebant; ut ipsemet tradit epistola ad Dardanum, (quæ est 129.) licet variè Hieronymi dictum intelligatur: Bellarminus enim vult, id esse intelligendum de paucis quibusdam obscuri nominis Græcis; at Baronius existimat Hieronymum habuisse respectum ad Basilium, Nazianzenum, atq; Nyssenum; qui visi sunt interdum ab eo libro citando abstinuisse. Addit insuper, Nazianzenum, dum texuit catalogum librorum Canonicorum, nullam de Apocalypsi fecisse mentionem; sicut neque Concilium Laodicenum: ea fortasse de causa, quod qui Clementis nomine habetur Canon Apostolorum 84. Apocalypseos non meminerit. Hunc tamen Canonem apocryphum esse demonstrat Pererius. Addit Baronius Amphilochiû Basilio coæuum in catalogo Canonicorum librorum in fine dicentem: *Ast Apocalypsin Ioannis aliqui ijs inserunt: rursus, sed longè plurimi adulterinam respuunt.* Huc accedit, quod nec Basilius, nec Cyrillus vnquam in suis operibus vtuntur Apocalypsi.

Cæterum existimo, Hieronymum de Græcorum Ecclesijs loqui; non verò de Basilio, Cyrillo, Nysseno, vel Nazianzeno: hi enim Patres, ut postea probabimus, Apocalypsin Canonicam esse scripturam censuerunt. Quare non bona est consecutio; Ecclesiæ Græco-

**A**rum non recipiebant, non ergo recipiebat Basilus, aut Gregorius, aut Cyrillus. Et verò Hieronymi verba hæc sunt, *Græcorum Ecclesiæ Apocalypsin Ioannis non suscipiunt eadem libertate, quæ Latinorum consuetudo non recipit epistolam ad Hebræos, inter Canonicas scripturas: & tamen nos vtrique suscipimus, nequaquam huius temporis consuetudinem, sed veterum scriptorum auctoritatem sequentes.* Sicut ergo Latinorum consuetudo epistolam ad Hebræos minimè recipiebat, cum tamen sapientissimi latinorum, (ut Hieronymus, Ambrosius, & Augustinus) de eius auctoritate nō dubitarent; ita etiam neque Græcorum sapientissimi dubitabant de Apocalypsi: quoniam non ignorabant consensum antiquitatis, & Ecclesiæ Latinæ auctoritatem respici non posse. Aliud igitur est, nondum inter Græcos communi fuisse consuetudinem hunc librum receptum, ut simul cum ceteris Canonicis afferuaretur, & recitaretur in officio Ecclesiastico: aliud verò, sapientissimos Doctores Hieronymo æquales veritatem ignorasse: hoc enim est falsum, illud verum. Atque eam fortassis ob rem interdum ab eo libro citando abstiniebant etiam sapientes, præsertim cum ad populum verba facerent.

Ex his verò, qui de Canonica Apocalypseos auctoritate non dubitarunt, quidam in dubium vertere, an eius auctor esset Ioannes Euangelista, ut Dionysius Alexandrinus, qui dicebat Ioannem Theologum, siue presbyterum esse quemdam alium Christi discipulum huius libri scriptorem: cuius rationes, (seu coniectura potius) à plerisque afferuntur, & refelluntur.

Sed quidquid alij quondam censuerint, iam inter Catholicos dubitare non licet, nec de libri huius auctoritate, nec de auctore: vniuersæ namq; Ecclesiæ perspicuum planè est, librum & esse Canonicum, & à Ioanne Euangelista conscriptum; & oppositæ dubitandi rationum nubeculæ, oborta hac veritatis luce dissipatæ funditus euanuerunt. Id quod cum Patrum consensu, tum etiam Conciliorum decretis sancitum est. Patrum quidem testimonia (ut Dionysij Arcopagite, Iustini Martyris, Irenæi, Hippo-

Catholici,  
qui olim  
non recipie-  
bant Apo-  
calypsin.

3.  
Quidam  
de auctore  
dubitate.

Iam dubi-  
tatio non li-  
cet.



lyti, Theophili, Clementis Alexandrini, Origenis, Dionysij Alexandrini, Athanasij, Chrysostomi, Epiphani, Cypriani, Hilarij, Hieronymi, Augustini, Ambrosij, Gregorij Magni, &c.) congerit hîc Glossa, & Pererius disputat. 3. Insigne est illud Tertulliani, 4. contra Marcionem, cap. 5. *Esti Apocalypsin (inquit) Marcion respuit; ordo tamen Episcoporum ad originem recens in Ioannem stabit auctorem.* Conciliorum verò decreta, (vt Ancyrani, Toletani I V. & recentiorum, præsertim Tridentini,) nota sunt.

4.  
Magna huius libri excellentia inter sacros.

Et quidem auctoritatem Canonicam cum ceteris Scripturæ libris cōmunem habet Apocalypsis; illud singulare maiestatis & excellentiæ argumentum, quod cū per tot annorum seriem, & ordinem sæculorum omnes se eius nescire expositionem fateantur ingenuè: ita tamen suum intellectum in eius obsequium captinent, vt clausis ingenij oculis, non illam veneretur modò, sed inter ceteros etiam Scripturæ libros principem ei locum tribuant. Reliquos sanè si veneratur Ecclesia, aut omni, aut magna saltem ex parte intelligit; hunc & non intellectum veneratur, & non posteriori tempore conscriptū, postrema tamen in sede collocat, vt ceterorum agmē claudat. Quod summæ dignitatis est, vt infra perstringam.

Huc spectat, quod Millenarij (qui multi & grauissimi fuere) propterea illo errore implicati sunt, quod de libri auctoritate non dubitantes, aliter exponere nescirent. Tanta fuit apud illos libri huius auctoritas, vt quod in eo asseri putarent, quamuis fabulosum videretur, non dubitarent pertinacissimè propugnare.

De sententiâ Nazianzeni, Basilij, & Cyrilli.

Quod verò ad Gregorij Nazianzeni, Basilij, ac Cyrilli Alexandrini mentem attinet; dubitari non posse videtur, quin Apocalypsin inter Canonicas Scripturas numerarint: nam Andreas Cappadociæ Episcopus, & antiquissimus huius libri interpres, ait, constare hunc librum à Gregorio Theologo, & à Cyrillo Alexandrino diuinum appellari. Citat porrò frequenter Gregorij Nazianzeni in Apocalypsin commentarium, vt cap. 1. in ea verba, *Qui est, & qui erat, & cap. 2. in id, Similes aurichalco.* Et in id, *Sacramentum stellarum.* Et cap. 3. in illud, *Vinam frigidus, aut calidus effus.* Præterea Aretas prædicti Andree successor testatur, Apocalypsin à Gregorio Nazianzeno inter legitimos Ioannis Apostoli libros numerari. Certè Nazianzenus aliquando citat Apocalypsin (scilicet oratione 35.) in titulo etiam Aretæ habetur eum commentarium collectum esse ex Basilio, Nazianzeno, Cyrillo, Papia, Philone, & alijs. Nyssenum verò eiusdem fuisse sententiæ cum Basilio, Gre-

A gorio, Cyrillo, Athanasio, atque Chrysostono quis dubitet?

Haftenus de Catholicorum sententia. Vt verò de Hæreticis non nihil perstringam (licet nulla eorum ratio in re tanta videatur habenda) percommode accidit, vt, quamuis Lutherani Apocalypsin hac tempestate explodant, (sicut Marcionistæ olim, & Alogiani) Calvinistæ tamen, qui acriores Ecclesiæ Romanæ hostes videri volunt, cēserint sibi recipiendam esse Apocalypsin; nempe vt obscuris libri anigmatis abuterentur ad acerbicatis suæ viri in Romanum Pontificem enomendum. Atque hic potissimus est scopus tot librorū, quos illi in Apocalypsin euulgarunt. Verū ipso conatus non irritos solum, sed stultissimos etiam euasisse constabit; si vera ac germana Apocalypseos explicatio planum fecerit, nihil præstantius aut excellentius ad Romanæ Ecclesiæ, ac Pontificis Summi auctoritatem stabilendam & roborandam aut fingi aut excogitari potuisse, quàm vniuersum huiusce libri argumentum.

His addo, exactam Apocalypseos interpretationem non ijs solum Hæreticis inferre bellum, qui huius libri auctoritatem recipiunt; sed etiam ijs omnibus sectarijs, qui quamuis negent hunc esse librum Canonicum; de eius tamen antiquitate non dubitant: hoc est, vniuersis qui id fatentur, quod nemo vnquam inficiari potuit, aut in ius & litem vocare: nempe Apocalypsin non esse librum paucis abhinc annis à Catholicis confictum; sed qui scriptus sit ante triumphatam ab Ecclesia Christiana Romæ veterem idolorum cultricem. Hoc enim admissio, si ex perfecta applicatione omnia quadrante constiterit, anigmata Apocalypseos ad perpendicularum conuenire cum ijs, quæ hodie Ecclesia Romana amplectitur & profitetur; ex hoc ipso euidenter infertur, scriptori huius libri diuinitus reuelata fuisse ea, quæ Ecclesiæ Christianæ erant euentura; atque ex interpretationis euidentia, vnâ cum libri antiquitate coniuncta, summam eidem libro conciliari auctoritatē. Præterquam quod, percepto semel totius libri filo, & miris eius allusionibus animaduersis; aded in ea mirâ elucet statim sapientia, vt hæc ipsa sit ingens argumentum plenum lucis ac vocis, tum ad Fidei Christianæ confirmationem, tum etiam ad summam ipsius Apocalypsis maiestatem Canonicam.

Atque hæc de libri auctoritate dicta sint, priusquam ad argumentum veniamus; ex cuius explicatione spero non parum eidem auctoritati vis ac ponderis accessurum.

5.  
Cur Calvinistæ recipiant Apocalypsin.

## NOTATIO TERTIA.

*De tempore, quo scripta fuerit Apocalypsis, & quo pacto potuerit per futurum enunciare ea, quæ iam præterierant.*

1.  
Opinio Hentenij & Salmeronis.

APOCALYPSIN scriptam esse ante Ierosolymæ excidium contendunt Hentenius & Salmeron. Eadem fuit sententia Ioannis Annij; quem refert, & sequitur Hentenius: & idem videtur amplecti Caponsachius. Cen-

E sent enim in Apocalypseos prophetia singulati prædici illius vrbs vastitatem; quam existimant prophetice enunciari, nisi ante euentum ipsum, non posse. Sic expressè Methodius, (quem citat & sequitur Andreas in suo com-



mentario, cap. 33.) asserit enim, Ioannem in Apocalypsin nihil vidisse de ijs mysterijs, quæ iam erant impleta; sed solum ea, quæ tunc agebantur, cum ei reuelata sunt, & quæ postea futura erant. Subscribit Abulensis in Iohue, cap. 10. quæst. 86. vbi hæc habet, In Apocalypsi continentur nobiliora, quæ facta sunt in Ecclesia, a tempore reuelationis Ioanni facta, vsque ad diem iudicij: & licet quædam scribantur per modum præteriti, nihilominus quando scripta sunt, omnia futura erant.

2. Probant deinde Hentenius & Salmeron suam opinionem: Primò Tertulliani auctoritate, quem aiunt duobus in locis affirmare Ioannem fuisse à Nerone in Pathmos insulam relegatum. Id quod roborare possent ex Hieronymo, qui lib. 1. contra Iovinianum, cap. 14. idem videtur asserere ex Tertulliani testimonio; in editione enim Erasmi sic ait: Refert Tertullianus, quod à Nerone Ioannes missus in feruentis olei dolium, purior & vegetior exierit. Atque eodem modo legit hunc Hieronymi locum Pamelius in notis ad Tertulliani librum de præscriptionibus, num. 215. vbi eandem videtur sequi sententiam.

Tertiò probant ex Eusebio in libris de demonstratione Euangelica, Quibus (aiunt) vtpote posterius scriptis & accuratius, maior fides habenda est, quam ijs, quos scripsit de historia Ecclesiastica.

Quartò; possent pro se adducere Epiphanium hæresi 51. dicentem, Reuersionem Ioannis ab insula Pathmo, factam fuisse sub Claudio Casare.

Alij è contrario, (vt Ribera, & Viegas) propterea negant Apocalypsin agere de Ierosolymæ euersione, quod certum esse existiment, hunc librum Domitiani tempore fuisse conscriptum.

Ceterum inter vtramq; opinionem mediâ viâ incedendum mihi est. Censeo enim cum Hentenio, & Salmerone Ierosolymæ ruinam in Apocalypseos prophetia contineri: nihilominus tamen cum Ribera & communi assensu, Domitiani tempore fuisse scriptam; nec duo hæc inter se pugnare, sed mira potius conspiratione conuenire. Prophetia enim huius libri non solum futuros Ecclesiæ successus complectitur, sed eos etiam, qui præcesserant, quâdo Ioanni facta est reuelatio. Ita apertè docet Augustinus 20. de ciuitate, cap. 8. cuius hæc sunt verba, Apocalypsis complectitur totum tempus à primo aduentu Christi, vsque ad secundum. Ex sententia igitur Augustini comprehendit etiam Ecclesiæ euentus à primo Christi aduentu ad illud vsque tempus, quo Ioannes scripsit. Haymo etiam in præfatione, Magna (inquit) est distantia inter hanc prophetiam, & eas quæ ante Christi aduentum reuelata sunt, quia quod Propheta priores cernebant à longè venturum, hoc Ioannes maxima ex parte factum ostendit. Accedit Gilbertus in sua itidem præfatione (quam multi commentarijs illustrarunt, vt Glossa, Albertus, Thomas, & Hugo) vbi præstat, ait, hanc prophetiam prophetijs veteris testamenti; quia de Christo & Ecclesia sacramenta denunciat, quæ iam erant magna ex parte adimpleta. Eadem ferè habet Ricardus de sancto Victore in suo prologo. Rupertus quoque asserit, Apocalypsin continere, qualis fuisset, qualis tunc esset, & qualis futurus esset Ecclesiæ status. Beda denique, Ioannem à passione Christi recapitulare.

Sed ex prophetiæ nomine, quod huic libro tribuit Ioannes, oritur non leuis difficultas: proponitur enim nobis liber ænigmaticus, &

A totus liber appellatur prophetia; non ergo superest locus, vt dicamus, quædam ex ænigmatibus ad futura spectare, quædam verò ad ea, quæ iam præterierant. Huc accedit, Ioannem ab his verbis exordiri: Apocalypsis Iesu Christi, quam dedit illi Deus, vt palam faceret seruis suis, quæ oportet fieri. id est, quæ proculdubio euenient. Quæ verba toti libro, veluti titulus, præfixa sunt; atqui titulus completi debet omnia, quæ in libro continentur: quare nulla debet esse pars, quæ ad tempus futurum non spectet. Virgetur adhuc difficultas. Qua enim parte Apocalypsis nobis videtur agere de ijs, quæ iam erant impleta, vtitur Ioannes futuri temporis verbis, & forma prophetiæ, vt cap. 9. 6. In diebus illis querent homines mortem, & non inuenient eam; & desiderabunt mori, & fugiet mors ab eis. Et cap. 10. 7. In diebus vocis septimi Angeli consummabitur mysterium Dei. Et cap. 11. 2. Ciuitatem sanctam calcabunt mensibus 42. & dabo duobus testibus meis, & prophetabunt, & bestia vincet illos, & occidet eos; & corpora eorum iacebunt in plateis ciuitatis; & videbunt de tribubus, & gaudebunt, & munera mittent inuicem, &c. Omnia isthæc futura nos cogere videntur, vt asseramus illam vaticinij partem, nequaquam tunc fuisse expletam, quando fuit Ioanni reuelata. Quemadmodum enim vñtatißimum in prophetijs est, ad firmitatis significationem, in re adhuc futura præteritis vti verbis; sic etiam certum est, in verbis futuri temporis retinendam esse futuri significationem; atque id nos, Deo fauente, manifestum faciemus in expositione Psal. 67. & in orationis Habacuc commentario.

Nihilominus grauissima auctoritate statutum iam & stabilitum est, Apocalypsin multa in se comprehendere, quæ iam ea tempestate præterierant, qua Ioanni facta est reuelatio: ex quibus sunt, Ecclesiæ Christianæ excellentia atque maiestas, & varij etiam euentus, qui eidem Ecclesiæ ad eum vsque diem acciderant. hæc enim est sententia Augustini, Bedæ, Haymonis, Ricardi, Ruperti, Gilberti, Strabonis, Alberti, Thomæ, Hugonis, & communis expositorum cum Ambrosio in caput 4. de quo ibidem latius. Quam ob rem magni æstimandum est, si facilis huic quæstioni exitus inueniatur; ita vt perspicuè appareat, mirum fuisse artificium, librum vniuersum ad prophetiæ normam redegisse; licet bona argumenti pars iam re ipsa fuerit completa.

Vt igitur propositæ quæstioni faciam satis, animaduertendum est, totam Apocalypseos seriem fuisse Ioanni repræsentatam, & ab eo recensitam, non quidem vt nouum aliquid, & tunc primò reuelatū; sed vt rem animæ Christi multò antea (nempe sub ipsam incarnationem) ostensam. Itaque coram Ioanne veluti actio quædam est ab Angelis data Apocalypseos, seu reuelationis, quæ primò fuerat facta animæ Christi. Id quod non leui coniectura, sed expressis potius Ioannis ipsius verbis in ipso Apocalypseos limine, planum fit. Sic enim ille: Apocalypsis Iesu Christi, quam dedit illi Deus. Quid quæso clarius, aut expressius? quisve nesciat, in comœdia aliqua seu tragœdia quod attinet ad ipsam loquendi rationem, nequaquam spectandum esse tempus illud, quo actio datur; sed potius tempus rei ipsius, cuius datur actio? quare, si modò historia Iosephi repræsentetur: necesse est, vt fratres de

3. Aliorum opinio.

4. Media via incedendum esse.

Quo tempore fuerit Apocalypsis scripta.

Apocalypsin non futura solum, sed præterita contineri.

5. Difficultas ex nomine prophetiæ.

6.

7. Quæstionis enodatio.

Apocalypsis prius Christo, quam Ioanni ostensa.



cuius morte deliberantes tanquam de re futura colloquantur. Simili ergo ratione, cum Angeli Ioanni repræsentent, quod Christo fuerat antea prænuntiandum; quid mirum eos de Ierolymæ vastitate, tanquam de re futura loqui; si quando Christo ostensa est, futura erat? Constat igitur per futurum efferri apte potuisse, quæ iam sub ipsum actionis seu repetitionis tempus fuerant expleta. Quo vel illud in primis indicatur, omnia Deum diuino consilio disposuisse; nec minus certò euentura ea, quæ nondum erant impleta; quàm quæ iam euenisse cōstabat, eodem prorsus modo, quo fuerant ostensa Christo, & ab ipso prædicta: atque adeò Dei ciuitatis structuram ad fastigium demum prouehendam fore per eos gradus, quos diuina prouidentia statuerat, & animæ Christi præmonstrauerat.

8. Notum est, vel pueris, Anchisæ ad Æneam vaticinium à Virgilio confictum libr. 6. atque aliud simile in Æneæ clypeo fabulosa Vulcani dextera calato, libr. 8. vbi ingeniosus poëta illa tanquam futura enunciauit, quæ iam præterierant, quando ab eo scripta sunt: quòd eo tempore erant futura, quo & ab Anchisæ prædicta, & à Vulcano finguntur præmonstrata. Non tamen longius potuit progredi ethnici vatis mens, quàm ad ea, quæ accidisse iam pro certo compererat. Quod igitur fuit in Virgilio fictio poëtica, idem in Ioanne exitit veritas prophetica; quodque Virgilius per futurorum ignorationem in Romanæ reipublicæ prædictione non potuit absolvere; id Ioannes diuina luce illustratus in Christianæ rei vaticinio ad exitum vsque cumulatè perduxit. Et quidem ingeniosum Virgilio fuit, vt Romanorum historiæ decus & splendorem afferret, ambitioso mendacio Anchisem genitorem inducere, qui Æneæ Populi Romani parenti futura sui generis euenta indicaret: sed quantò minus est, quod fingendo comminiscitur poëta, quàm quod verissimè afferendo enunciat Propheta noster? nempe æternum genitorem Filio suo, id est, Christo populi Christiani parenti, suæ gentis historiam omnem reuelasse, atque eam reuelationem ab Angelis coram ipso Ioanne repetitam?

9. Ipse demum titulus, *Apocalypsis IESU CHRISTI, quæ dedit illi Deus*, nos vna ex parte cogit, vt priores Ecclesiæ euentus, qui iam præterierant, in Apocalypsi comprehendere fateamur. Etenim nemini dubium esse potest, quin hæc sit bona pars eius reuelationis, quæ Christo fuerat ostensa. Ex alia verò parte nos ipsemet titulus docet, quemadmodum propolitam quæstionem dissoluere valeamus.

Cum verò valde oporteret, (vt inferius explicabimus) vt Apocalypseos argumētum sub ænigmatum inuolucris & integumentis delitesceret, quòd difficilius posset intelligi: non nihil ad eum finem conduxit, vt prophetico stilo conscriberetur; ac futuri temporis verbis, ea, quæ iam fuerant peracta, dicerentur.

Quam verò dubitandi rationem superius opposuimus, ex illis verbis, *Vt palam faceret seruus suis, quæ oportet fieri cito*; facile suo loco soluetur.

10. Hæc si Hentenius animaduertisset, non ita se fortassis diuexaret, dum rationes & argumenta nimis anxie disquirat; quibus probet, ante Ie-

A Ierolymæ excidium scriptam fuisse Apocalypsin; nam vt in ea de Ierolymæ vastitate ageretur, non opus erat antea fuisse conscriptam; vt ex superius dictis manifestè constat. Præterquam quòd falsum omnino est, Ioannem scripsisse ante vrbis euerfionem, quare in re prorsus inutili ac ficta ludit operâ. Hentenius. certissimum namquæ est, quod docent Irenæus, Eusebius, Hieronymus, Nicephorus, & ex interpretibus Primasius, Andreas & Aretas, in ea primi capitis verba; *Ego Ioannes frater vester*, & alij multi; Ioannem scilicet sub Domitiano in Pathmos insulam fuisse relegatum; & sub eodem vidisse, & scripsisse Apocalypsin; de quo vide Riberam hîc, & Baronium tom. i. Quin ex ipso contextu manifestè colligitur, non fuisse conscriptam Apocalypsin ante imperium Domitiani: quoniam cap. 2. 13. facit mentionem Antipæ pro Christo occisi; quem constat passum fuisse sub Domitiano, vt videre est in Martyrologio, die vndecimo Aprilis.

B Sed iniiciet fortasse alicui scrupulū Antipæ mentio; agitur enim de illo in Apocalypsi, tanquā de homine iam occiso: ergo actio, quæ vidit Ioannes non fuit representatio eius reuelationis, quæ animæ Christi in ipso incarnationis instanti facta fuerat: quando enim facta est animæ Christi reuelatio, non fuerat occisus Antipas. Si igitur ad illud tempus cōformanda erat locutio ac repræsentatio; non erat agendum de Antipa, quasi de occiso, sed tanquam de occidendo. Huic argumento multa similia ex ipso Apocalypseos cōtextu aggerari possunt. Nam septem epistolæ, quæ habentur cap. 2. & 3. non possunt concipi quasi dictæ à Christo Ioanni ante passionem; & cap. 11. 8. manifestè est sermo de Ierolyma; quasi de ciuitate, in qua Dominus fuerat crucifixus: non ergo potest reuocari repræsentatio ad tempus, in quo harum rerum prophetia fuerat animæ Christi reuelata; tunc enim nondum Christus fuerat crucifixus.

C Respondetur tamen, in hac repræsentatione idem accidisse, quod in alijs præteritarum historiarum actionibus euenire solet. Quamuis enim in ipso actionis decursu locutionis modus cum historiæ ipsius tempore conformandus sit; & quæ tunc erant futura, per futurum; per præsens, quæ præsentia; quæ præterita, per præteritum sint efferenda; nihilominus tamen actionis cuiusque tum vsus, tum decorum fert, vt prologus vel interpretes ad spectatores ipsos conuersus aliquid dicat; quod ipsum actionis tempus respiciat, & spectatoribus admonendis conueniat. Vt si Hispali in publica scena datur historia Imperatoris Theodosij, qui Italicæ, (quam veterem hodie Hispalim appellant) ortus dicitur: ille, qui prologum agit, rectè potest auditores Theodosij exemplo cohortari ad poenitentiam de aliquo scelere agendam; siue obiurgare potius, quòd præstantissimi Imperatoris zelum, ac feruētē in Deum fidem non imitentur. Interpretes etiam aliquis, dum suas agit in scena partes, & Italicæ Imperatoris patriæ facit mentionem; potest obiter spectatores admonere, Italicam eam fuisse vrbem, cuius modò ruina tribus ab Hispali miliaribus ad diui Isidori, visuntur.

Haud secus accidit in Apocalypsi, in qua prima illa persona, quæ prologum agit, septem

Ioannē non scripsisse Apocalypsin ante Ierolymæ excidium.

II. Obiectio.



12. Solutio.

13.



epistolas ad septem Asiae Episcopos, & totidem ipsorum Ecclesias dicat: quemadmodum in prologo ad praesentes auditores sermo conuer- ti solet. Statuit enim Spiritus sanctus, ut sym- bolica haec repraesentatio ad septem Episcopos mitteretur. Quamobrem ad ipsos singillatim in prologo, sermonis conuersione fieri voluit. Simili ratione interpretes, (ut diximus) potest ad maiorem rei alicuius explicationem verba ali- qua quasi de suo addere, ad spectatores conuer- sus. Atque hoc pacto ille Angelus, qui cap. 11. Ioannem alloquitur, interpretis partes agens, verba illa adiecit, loquens de Ierosolyma, *Vocatur spiritualiter Sodoma & Aegyptus, in qua Dominus crucifixus est.* Itaque in his, non rerum, quae reprae- sentantur, sed ipsius repraesentationis tempus spectandum est: ut ex superius posito exem- plo satis constet. Et haec ad obiectionis dilutionem dictum sit.

Ut ergo ad tempus in quo Apocalypsis fuit scripta, regrediamur. Certum est non solum sub Domitiano scripsisse Ioannem, sed quo etiam ipsius imperij anno scripserit, nempe decimoquarto, ut recte colligit Baronius to. 1. annalium. Ex quo elicitur, Apocalypsin fuisse scriptam quinque & viginti annis post euer- sam Ierosolymam: fuit enim euerfa anno Chri- sti 72. annus vero nonagesimus septimus fuit Domitiani imperij decimus quartus.

Iam quod ad Hentenij fundamenta attinet, ea diruere nullius negotij est. In primis falso ait, Tertullianum duobus in locis asserere Ioan- nem a Nerone relegatum; nam eius historiae semel tantum meminit Tertullianus, nempe libro de praescriptionibus (num. 215. apud Pa- melium) eius autem verba sunt: *Felix Roma, ubi Petrus passioni Dominicae adequatur; ubi Paulus Ioannis Baptista exitu coronatur, ubi Apostolus Ioannes posteaquam in oleum igneum demersus nihil passus est, in insulam re- legatur.* Haec ille. Atque hinc (Deus bone) argu- tatur Hentenius, Ioannem a Nerone in Path- mos relegatum eodem omnino tempore, quo ille Petrum & Paulum Romae interemit. Vnde hoc Tertulliano imponitur? quasi non possit verissime dici, felicem esse Romam; ubi Apo- stoli, ubi Agnes, ubi Laurentius passi sunt.

Ad Hieronymum respondeo, non illum ibi respexisse ad alium Tertulliani locum, sed ad ipsummet, quem iam citauimus. Vidit hoc Pa- melius; & debuisset sane animaduertere, men- dosum esse Hieronymi locum, nec ibi esse le- gendum a Nerone, sed, Roma, ut emendauit Ma- rianus Victorius ex antiquis manuscriptis, co-

gente etiam ratione: nam si Hieronymus ad eum Tertulliani locum se retulit, dicere non potuit, asseri a Tertulliano id, quod nec Ter- tullianus dicit, nec verum putauit ipse Hiero- nymus; ut patet ex libro de scriptoribus Ec- clesiasticis.

Eusebius vero in libris de demonstratione Euangelica non alibi eius historiae mentionem facit, nisi libro 3. cap. 7. ubi Eusebius etiam ipse non meminit Neronis, sed Romae, ait enim: *Petrus capite in terram verso cruci affigitur; Paulo vero ca- put absinditur, & Ioannes in insulam relegatur.* haec il- le narrans, qui ex Apostolis Romae passi fue- rint; sed de tempore, nec verbu. Similis ergo fuit deceptio ex eo colligere simul facta, quod simul ab Eusebio referuntur.

Sed quid ad Epiphanium dicemus? Respon- deo, ipsius locum proculdubio esse depraua- tum; quomodo enim reditus ex insula potuit sub Claudio contingere, cum Claudius Nero- nem antecesserit? Adde huc, in terminis ipsis manifestam inuolui repugnantiam; nam Epi- phanius ibidem quasi aequalia omnino, & sibi mutuo respondentia apponit haec duo, nem- pe, *post nonaginta annos vita, & post reuersionem ex in- sula Pathmo.* Igitur ex eodem loco manifeste concluditur, non designari ab Epiphanio tem- pus aliquod ante Ierosolymae ruinam; praeser- tim sub Claudio, qui obiit anno post Christum natum; 6. quando Ioannes nondum erat sexa- genarius, cum Christo maior natu non esset. Quod si iuxta Epiphanium, Ioannes iam erat nonagenarius, cum scripsit Apocalypsin; ergo multis retro annis fuerat destructa Ierosoly- ma, quam constat fuisse euerfam anno Chri- sti 72.

Ex dictis infero, Apocalypsin non propterea de Iudaeorum supplicio agere, quod ante eo- rum urbis excidium scripta fuerit; sed idcirco, quia Apocalypseos prophetia vniuersam Ec- clesiae Christianae historiam ab ipso exordio complectitur; ac proinde eam etiam partem, quae praeterierat, quando Ioannes scripsit. At- que in capite 4. constabit, ipsius argumentum, iuxta omnium sententiam, esse Christiani po- puli excellentiam ac dignitatem. Omnia por- ro, quae in eodem capite continentur, comple- ta iam fuisse, & Ioanni comperta. Propria enim illius capitis inscriptio est ea, quam illi Am- brosius praeposuit, scilicet, *De statu & sublimitate Ecclesiae Christianae.* Atqui Ecclesiae maiestas, at- que praestantia, dubitari non potest, quin Ioan- ni esset iam satis perspecta.

## NOTATIO IV.

### De titulo libri.

**L**ATINVS titulus sic habet, *Apocalypsis B. Ioan- nis Apostoli.* In quo notandum primum est, in A- pocalypsin manifeste reperiri id, quod in multis libris Canonicis obseruari solet; scilicet, quas habent inscriptiones, non fuisse a sacris scri- ptoribus appositae, sed ab Ecclesia. Ex initio enim primi Apocalypseos capitis constat, Ioan- nem magna cum consideratione ab illo alio titulo mysterij pleno incepisse; *Apocalypsis IESU Christi, quam dedit illi Deus,* quo tacite videtur re- cussasse, ne libri appellatio praeferat ipsius scri- ptoris nomen; ad eundem ferè modum, quo no-

strae Societatis auctor, eam Iesu Societate, non Ignatij, voluit appellari. Ecclesia tamè merito Ioanni eum defert honorem, què ille reiecerat

Secundo obseruat Hieronymus ad Galat. 1. *Apocalypsis,* verbu esse proprium Scripturarum, & a nullo saeculi sapientum vsurpatu, sed a Se- ptuaginta inuentu. Reclamant aliqui, & osten- dunt verbum *ἀποκάλυπτα* apud Isocratē & Plutarchu, & alios Graecos scriptores. Alij ve- rò, ut Hieron. defendat, existimant, illum non loqui de verbo, *ἀποκάλυπτω*, quod reuelare si- gnificat, sed de nomine *Apocalypsis*, quod reue-

lacionem

14.  
Apocalypsis  
anno deci-  
mo quarto  
Domitiani  
scripta.

Nephe qui  
que & 50  
ginti annis  
post euer-  
sam Iero-  
solymam.

15.  
Soluntur  
argumenta  
Hentenij.

16.  
Hieronymi  
mens de te-  
pore, quo A-  
pocalypsis  
fuit scripta.

I.  
Multorum  
ex libris ca-  
nonicis in-  
scriptiones  
non ab ip-  
sacris scri-  
ptoribus po-  
sita, sed ab  
Ecclesia ad-  
dita.

17.

18.  
Quid Epi-  
phanius ea-  
dere senserit.

Ierosolyma  
anno Chri-  
sti 72. euer-  
sa.

19.

2.  
Apocalypsis,  
secundum  
Hierony-  
mum, vox  
sacris liti-  
ris peculia-  
ris.



lationem sonat. Ostendendum tamen erat, ubi 70. interpretes hoc nomine yrantur. Quoniam verbo ipso reuelandi saepe vtuntur; at nomine (quod ego viderim) nusquam. Vtitur quidem illo Ecclesiast. c. 22. 27. & c. 41. 29. nunquam tamen Septuaginta. Adde; quod ratio Hieron. est, noue rei nouū verbū inueniendū fuisse; atqui hec ratio nō minus procedit in verbo, quā in nomine.

Crediderim Hieronymum de vtroq; loqui indiscriminatim, & pro eodem vtrumque reputasse: praesertim cum apud Græcos non sit magis nouū ex vsitato verbo deriuare nomen, quā ex indicatiuo infinitiuium. Deinde sacrum Doctorem non ignorasse arbitror id, quod ex Plutarcho & alijs adducitur: existimasse tamen, nomen *Apocalypsis* esse in Scripturis peculiare: quoniam quamuis in alia phrasi fuerit vsurpatum à Græcis, non verò in ea, in qua *Apocalypsis* ad visa diuina refertur. Id quod dicendum est de verbo latino; reuelare enim, latinis auribus idem erat; quod *aufferre velamen*, at in Scriptura sacra vsurpatur hoc verbum ad occultarum rerum supra naturalem ostensionem in visione aliqua diuina significanda. Huic enim nouæ rei necessarium erat noua aliqua phrasis accommodanda.

Tertiò, rationem reddamus oportet, discriminis inter græcum titulum, & latinum; græcus enim sic habet, *Αποκαλύψις Ἰωάννου τοῦ Θεολόγου*, *Apocalypsis Ioannis Theologi*. Hoc verò epitheto Apostolus ipse designatur, non alius: id quod ex Dionysio Areopagita egregie confirmatur; qui epistola decima ad Ioannem sic scribit: *Ioanni Theologo, & Apostolo, & Euangelistæ in Paphlagonia insula relegato.* & infra, *Nulla adiutoritas nos priuabit Ioannis clarissimo radio, id quidem consequuturos memoria, de renouatione tua verissima Theologia.* Ioannes ergo per excellentiam Theologus appellatur, quoniam ex scriptoribus sacris nullus est, qui sublimius de Deo loquatur. Et ob hanc rationem scriptores antiqui nomen Theologi Ioanni Euangelistæ tribuerunt. Ipsi enim ante alios hoc nomē tributum esse constat, non solum à Dionysio, sed etiam ab Eudodio, (referente Nicephoro 2. histor. c. 23.) & ab Origene homil. 2. in diuers. Athanasio in Synopsi, Epiphanio heresi 51. Chrysost. proœ. Psalmi 37. Cyrillo Ierosol. catech. 2. & Alexandrino 3. de Trinitate, Damasceno 4. de fide, Anonymo libro de translatione S. Iacobi scripto ante annos 600. His adde Casarium dialogo 3. & Anastasium Sinaitam ps. 6. Sed cur illi à Græcis in hoc potissimum libro Theologi cognomen apponitur? Suspicio Dionysium Areopagitam, aut alium similem huius fuisse tituli auctorem; vt significaret, altissimam esse huius libri Theologiam. Sic enim censet ipse Dionysius, vt videre est in lib. de Ecclesiastica Hierarchia, cap. 3. parte 3. Concinnum igitur atq; elegans fuit, vt Græcus ipse libri adeo Theologi titulus exprimat, librum scriptum esse ab eo, qui antonomastice Theologus nuncupatur.

Quartò, superest in hac notatione explicandum; cur vox Græca, *Apocalypsis*, relicta sit ab interprete, cum Reuelationem dicere potuerit? quo simul Vallæ nobilis grammatici scrupulum euellamus. Primò, nonnulla tam Græcæ, quā Hebræicæ linguæ vocabula in vulgatam Latinam irrepsērunt ex eo, quod Latina Ecclesia plures habuit magistros & Hebræos,

A & Græcos. Eorum enim vocabula, quibus eadem nobis vitæ communio est, frequenter contingit, vt nobis adhærescant & insideant; atque in Latina Ecclesia id fieri decuit, tum vt gratum animum ac memorem erga eos ostenderet, à quibus doctrinam ac religionem accepit; tum etiam quoniam, vt vniuersalis omnium mater cunctas terrarum orbis nationes complectens, merito tres communiores linguas, Hebræicam, Græcam, & Latinam in rebus sacris coniūgit; vt omnium inter se vniōnem sub eadem fide & religione tueatur. Deinde saepe fit, vt Græcum aliquod vocabulum potius, quā Latinum, à Latinis ipsis vsurpetur; eo quod Græcum in ea significatione sit vsitatus: Verbi gratia, *Philosophus*, idem est, quod amator sapientiæ; Græcum tamen nomen destinatum iam est atque dictum ei, qui sapientiæ studium proficitur. Et verisimile est, quondam *Apocalypseos* nomē magis fuisse receptum, quā *Reuelationis*, ad ea ipsa indicanda, quæ Deus singulariter alicui ostendit. Hinc fortasse est, vt Vulgatus *Apocalypseos* nomen reliquerit, 2. Cor. 14. 26. atque idem obseruare licet in *Euangelio*, id est, bono nuntio, & in plerisq; alijs. Præterea in librorū inscriptionibus familiare est, Græcis vti vocabulis; vt in Genesi, Exodo, Deuteronomio, Paralipomenis, Parabolis, Ecclesiaste, Euangelio, &c. Id quod fieri solet, aut propter energiam, aut ob aliam congruentiam.

Deniq; in nomine ipso *Apocalypsis* singulare quiddam delitescit, quod in Latino verbo non reperimus. Reuelare enim nihil aliud est, quā detegere: *ἀποκαλύπτειν*, verò ita significat, detegere, vt oppositum etiam significet, quod est tegere. Notant hoc Henricus Stephanus in suo Thesauro; & pleraq; alia dictionaria Græca, vt Basileense ex officina Petriana, & Regionum Bibliorum lexicon; afferuntque id Psalmi 31. *Quorum tecta sunt peccata*: ubi in bonis codicibus legi afferunt, *ἀπεκαλύφθησαν*, licet alij, *ἐπεκαλύφθησαν* legant. Sed quidquid sit de hoc testimonio; in vocum significatione, dictionarijs standum videtur. Quod si compositionem respicias; notum est præpositionem *ἀπό*, aliquando simplicis significationem augere, (vt in his, *ἀποκατάγω*, tergo: *ἀποκείω*, vto; *ἀποκηρύττω*, clamo. Licet in alijs verbis significationem simplicis destruat: sicut apud Latinos præpositio, *re*, (quæ solet alioqui significationem simplicis in contrariam vertere;) aliquando etiam illam augeat; vt in *repugno*, *refecto*, *retardo*, *reuello*, &c. & quamuis vtramque vim, & destruendi & augendi, non soleant huiusmodi præpositiones in eodem verbo exercere:

E in aliquo tamen verbo vtrumque præstant, vt docent dictionaria in verbo, *resigno*, & in *ἀποκαλύπτω*. Quod si ita est; quis non videat miro consilio fuisse factum, vt Latina editio Græcū adhuc *Apocalypseos* nomen in titulo retineret? Etenim si libro ipsi opus est vt titulus respondeat; notum est, quæ in hoc libro reuelantur, eadem obscurissimorum anigmatum inuolucris velari; atque adeo valde tegi ea ipsa, quæ deteguntur. atqui vtrumque simul exprimere Latinum nomen non poterat. In titulo ergo *Apocalypseos* nomen sonat reuelationem cuiusdam Prophetiæ apertissimis anigmatibus obtectam.

3.  
Hieronymi  
mens expli-  
catur.

4.

6.  
In voce  
Apocalyp-  
sis singula-  
re quid de-  
litescit.

5.  
Cur Græca  
vox sit ab  
interprete  
relicta.



## NOTATIO V.

## De huius libri obscuritate.

Apocalypseos  
obscuritas  
ex interpre-  
tum con-  
sensu.

1. **T**Ituli energia deduxit nos ad consideran-  
dam operis ipsius obscuritatem; quæ tan-  
ta est, vt omnium ferè Doctorem communis  
consensus sit, hunc librum hætenus explicatū  
non fuisse: vnde aliquorum verba subdere pla-  
cuit, qui id manifestè confitentur. Dionysius  
Alexandrinus apud Eusebium, lib. 7. hist. ca. 23.  
planè asserit, *Se Apocalypsin non intelligere; & quæ  
in ea scripta sunt excedere, atque eminere humana audi-  
tionis modum.*

2. Richardus de Sancto Victore in priori pro-  
logo ait; *Se in hoc libro medullam mysteriorum attingere non valere, & aliqua solum circa superficiem carpere.*

Ioachim Abbas in præfatione, siue intro-  
ductione, cap. 8. sub finem affirmat; *Sine notitia  
septem bellorum spiritualium Ecclesiæ, ambulare per librū  
istum, deuiare est, & aliquid definire, temeritas.*

Caletanus ad calcem noui testamenti, Apoca-  
lypsin (inquit) fateor, me non intelligere: exponat cui  
Deus concesserit.

Hentenius in suo iudicio, *Fieri non posse, (as-  
serit) vt data quauis enarratione, singula aptè quadrent:  
& satis esse si in genere habeatur, quid singulis contineatur  
capitibus.*

Pannonius in præfatione ait, esse opus immensa  
difficultatis.

3. Arias Montanus in prologo asserit, post an-  
nos triginta in studio sacre Scripturæ positos,  
se solitum dicere; *à se melius quàm à commentatori-  
bus, quos legere contigerat, Apocalypseos lectionem intel-  
ligi; cum illi tanquam perceptam exponere pergerent, &  
varijs expositionibus obscuriorem redderent; ipse autem  
fateretur, se non intelligere.*

Gagneius in præfatione ait; *Abstrusa huius pro-  
phetia arcana vni tantum Diuo Ioanni nota esse, & diui-  
nare in ijs, non esse suum; sed eius, qui diuino sit afflatus  
spiritu.*

4. Salmeron præludio 4. Apocalypseos expositionem  
esse veluti quadraturam circuli; de qua dici solet, scibilis  
est, sed nondum scita. & fol. 451. addit, *Apocalypsin esse  
inaccessibilem. & præludio 1. asserit, Audax esse & te-  
merariū exactam & perfectam explicationem eius polli-  
ceri. Non tamen videtur hoc dicere, vt alios cō-  
demnet; sed solum vt se excuset: subdit enim,  
Se quadam in genere dicturum; reliqua verò, de quibus  
vehementer dubitat, valentioribus explicanda relinquere:  
supra humeros enim facultatis suæ esse singulis applicare  
singula.*

5. Pererius in prologo disputatione 1. multos opi-  
nari, absque singulari Dei reuelatione, Apocalypsin esse  
prorsus incomprehensibilem. & disput. 3. latè agit de  
magna huius libri obscuritate; & fatetur ger-  
manam Apocalypseos expositionem non vi-  
deri inuentam.

Ribera in procemio, Apocalypsin affirmat esse  
mare magnum, plenum procellis & tempestatibus; in quo  
omnis sapientia humana deuoratur.

Viegas in epistola ad Odoardum notat, in  
Apocalypsin quadrare illud Ecclesiastici, 6. 22.  
*Tanquam lapidis virtus probatio erit in illa, & non demo-  
rabuntur proijcere illam. & illud Zachariæ, 12. 3.  
Omnes qui leuabunt eam, concisione lacerabuntur: illius  
instar spheræ grauiissimi ponderis, de qua Hie-  
ronymus ibi. Et quoniam tanti Doctoris inci-  
dit mentio; claudat ipse reliquorum agmen, &*

A dicat, quid sentiat in hac re. Ad Paulinum sic  
ait, *Liber in Apocalypsi septem sigillis signatus ostenditur;  
quem si dederis homini scienti literas, vt legat; responde-  
bit tibi: Non possum, signatus est enim. Quanti hodie pu-  
tant se nosse literas? tenent signatum librum, nec aperire  
possunt; nisi ille reserauerit, qui habet clauem David;  
qui aperit, & nemo claudit; claudit, & nemo aperit.* Hæc  
Hieronymus. Ex quibus omnibus facile appa-  
ret, quàm spissū ac difficilè opus aggrediamur.

Atque hæc quidem difficultas ex duplici ca-  
pite mihi vehemèter augetur. Primò ex me-  
rum virium tenuitate. Secundò ex operosa rei  
ipsius mole; quæ mihi multò maior, ac gra-  
uior, quàm ceteris contigit. Interpretes enim  
ferè omnes, dum totius Apocalypseos onus  
grauissimum reputant; illud varias in partes,  
id est, in plures visiones diuidunt, ne totam ex-  
plicationis seriem connectere, & vno quasi fi-  
lo deducere cogantur. Ego verò id mihi in ani-  
mum induxi, & mea explicatione persequi  
statui; vniuersam Apocalypsin vnica visione,  
eaque continua comprehendere, nulla ordinis  
perturbatione, aut digressionem interiecta. Qua-  
re necesse est, vt integrum meis humeris onus  
incumbat; id est, cunctas libri huius figuras ac  
symbola coagmentem, atq; eandem structu-  
ram per ordinem componam.

C Hoc igitur ex capite valde crescit exponen-  
di difficultas. Cogor enim totam Apocalypsin,  
vt vnicum ænigma suscipere; atqui in ænig-  
mate, quò maior est rerum numerus, quæ sunt  
ad eius enodationem conciliandæ, & declaran-  
dæ, eò plus operis & negotij capessit interpres.  
In Apocalypsi verò Symbolorum numerus  
penè in infinitum excurrit: ipsorum porro  
nouitas & insolentia planè admirabilis, ac for-  
midanda.

D Præter hæc; nemo hætenus ab vilo inter-  
prete in obscurissimo libro requisit collima-  
ti scopi euidentiam: satis enim superque pro-  
cessisse iudicatur interpres, qui probabilem fe-  
cerit coniecturam, & se auctoris mentem asse-  
cutum fuisse, ostenderit verisimile. Ego verò,  
qui totam Apocalypsin vnicum esse ænigma  
reputè, eo ipso videor strictiori lege addictus.  
Nec enim ænigmatis interpres officio suo sa-  
tisfecisse putatur; quousque ex apta & cohæ-  
renti singularium partium applicatione, totius  
ænigmatis pateat enodatio. Iam hoc ipsum in  
Apocalypseos interpretatione, libri omnium  
obscurissimi, quantū erit reperiri? Ad hoc me  
fastigium aspirasse non inficio; quò si minus  
potuero conscendere, illud saltem præstite-  
ro, nempè, optasse. Nam, *In magnis, voluisse sat est.*

E Non me latet, temeritatis crimen mihi à  
multis obijciendum fore; ab ijs præsertim, qui  
in ea sunt mente, vt Apocalypsin semper fu-  
turam esse Apocalypsin, existiment; id est,  
obscurissimam, & nunquam eius difficul-  
tatis iuga ab vilo mortali superanda. At ego  
arbitror multò melius ac dignius de Dei boni-  
tate illos sentire; qui sperant aliquando futu-  
rum, vt Ecclesiæ tantum mysterium patefiat:  
ita vt sapientibus tunc fatendum sit, Apoca-  
lypsin fuisse intellectam.

6. *Augetur A-  
pocalypseos  
difficultas  
duplici ex  
capite.*

7.

8.

Propert.  
9.



10.

Sed nostræ huic spei nonnulli opponunt; neutiquam verisimile esse, qui hac tempestate operâ sacris litteris quantumvis strenuam nauarint, eos plus fore cognitionis & intelligentiæ adepturos, quàm qui Apostolos sunt proximè subsecuti; aut ab eorû discipulis caelestem doctrinam hauserunt; nec prudenter sibi quemquam polliceri, (cùm nec ea ingenij acrimonia, nec vitæ sanctimonia sit præditus,) eò se posse pertingere, quò tot doctissimi pariter ac sanctissimi viri per mille quingentos annos non accessere.

11.

*Apocalypsin à Ioannis discipulis intellectam, credere par est.*

Sed vt hac in re quid sentiam, paucis exponam. Primò, nulla mihi subdit dubitatio, quin ij præsertim Ioannis Apostoli discipuli; quos ipse singulariter diligebat, Doctoris mentem in Apocalypseos interpretatione planè perceperint. Cuius rei non probabili solùm ducimur coniectura, quòd ipsum Ioannem habuerint præceptorem; sed insignia etiam extant vestigia & indicia, (vt suis locis videbimus) quibus quasi in semine bona germanæ totius libri expositionis pars continetur. Quòd verò hac de re non planè & apertè verba fecerint, nec commentarios ediderint; id singularis prudentiæ fuit, imò & necessarium; vt explicato argumento palàm fiet.

12.

Deinde negari non potest, quin ille, qui ad explicandam Apocalypsin modò accedit, antiquis huius libri interpretib. hoc saltem præstet, quòd post eorum omnium labores nouissimus operi succedat. Nec mirandû si pigmeus gigantum brachijs sublati, eò manu contingat, quò illi per se attingere non valebant; & non nihilo altior ipsis effectus ingentem camporû planiciem prospectet, quam illi prorsus videre non poterant. Hac spe allicimur quotquot post antiquorum labores, novos meditamur commentarios; sperantes aliquando fortasse futurum, vt Apocalypsis ita exponatur, vt libri totius difficultas superata sit; nec de argumenti serie deinceps dubitetur.

13.

Si quis verò nouus interpretes (quod non pe-

A

culiariter de me, sed de quouis alio dictum velim) eò fortasse pertingat: nulla id ratione nouitij interpretis ingenio arrogandum esset, sed peculiari Dei prouidentie, qui hoc in Ecclesiam suam beneficium conferet, quando cògruentius fore iudicauerit: ac propterea cui libuerit suæ lucis radium immittet; quemadmodum in Tobiam iuniore adedò beneficis extitit Deus, vt Angelum ei præbuerit viæ ducem, & comitem, qui illum à deuoratione piscis eripuit primum; postea à dæmone liberauit; & tandem singulari Dei liberalitate Tobias ipse locupletatus, patrem suum *videre fecit lumen cali.* Sic ergo, si fautore Deo, & Angelo custode laboriosi huius itineris duce, Apocalypseos viam difficultatis ac salebrarum plenissimam interpretes aliquis ingressus ab illa bestia de mari ascendente non fuerit deuoratus, (de qua c. 13.) sed illam potius apprehenderit, atq; adedò comprehendit; si felicem eius decursum impedire non possit diabolus ille, qui cap. 20. ab Angelo ligatus scribitur; si nouus interpretes non solùm inueniat talenta illa decem, quæ sperabat, & nouerat senior aliquis; sed multò eis maiores diuitias reportet, & pulchram adedò expositionem, vt illam tanquam sponsam duxisse videatur; si denique contingat, vt senior aliquis Tobias gratulari possit, se iam cæli lumen videre, quod antea non videbat, propterea quòd iunioris expositione sit factum, vt totius libri seriem, & aptam intelligentiam, tetracaligine prius circumfusam intueri iam liceat: si hæc (inquam) omnia pro votis vlli aliquando acciderint; tunc verò fatendum ipsi erit, (nisi planè desipiat,) aliorû meritis Deum benignè concessisse, quod ipsius industriam, ingenium, & vires omnino superabat. Quare tunc etiam, cùm velut alter Daniel verissimam rei difficillimæ interpretationē explicare possit Ecclesiæ, Danielis exemplo dicendum ei esset ex corde, *Mihi, nō in sapientia, quæ esset in me plusquam in cunctis uiuentibus, sacramentū hoc reuelatum est; sed vt interpretatio Ecclesiæ Christianæ manifesta fieret.*

B

C

## NOTATIO SEXTA.

*De varijs opinionibus circa argumentum Apocalypseos.*

1.

**O**BSCURITATEM, de qua proximè egimus, subsequuta est expositionum varietas atque dissensio. De hac ergo varietate non nihil dicendum est in præsentī: ea tamen solùm attingam, quæ ad totius libri argumentū spectant: minutiones enim varietates penè infinitæ sunt. Certè vnius symboli, (nempe quatuor animalium) triginta ferè expositiones numerantur. Sed considerata totius libri serie, octo inuenio vias in Apocalypsi interpretanda excogitatas. Spirituales nempe, sine prophetia, duas; historiales verò, siue ad historiæ prophetiam spectantes, sex.

2.

Illas autem explicationes spirituales, & sine prophetia appello, quæ ad nullam Christianæ Ecclesiæ historiam sigillatim descendunt; sed solùm generatim de Ecclesiæ, aut professionis Euangelicæ excellentijs agunt; deque bello inter bonorum & improborum respublicas, siue inter virtutem ac vitium, & de postremo vtro-

D

rumque exitu. Huius generis duæ sunt explicationum viæ. Altera, quæ Christianam Ecclesiam, & improborum rempublicam considerat. Altera, quæ subtilius textit argumentum, & intra humani pectoris recessus contemplatur bellum inter carnem & spiritum, inter veterem Adamum & nouum, qui secundum Deum creatus est: atque totam Apocalypseos molem intra vnius hominis pectus hæc opinio includere conatur; vt mirari iam desinamus Homerī iliada nuce inclusam.

Prima harum expositionum est Ticonij, quæ sequuntur Primasius & Beda, vt ipsimet fatentur. Vnde Beda valde Ticonij commentarium commendat. Eadem quoque viâ incedere placuit Cassiodoro, qui Primasij explicationem laudat. Subscribit Zegerus, qui Bedam omnibus interpretibus Apocalypseos præfert. Atq; eadem fere vestigia sectantur Ansbertus, Anselmus, Haymo, Ricardus, Rupertus, Albertus,

1. opinio.

2. opinio.

3.  
*Ticonij expositio de vniuersa Apocalypsi.*



*Aria Montani expositio.*

4.

Hago, Thomas, Dionysius, & Titelmanus. Secunda harum opinionum est Ariæ Montani, quam maxime faciunt illius studiosi, quos habet non paucos.

Vtramq; viam nonnulli mysticam vocant: ego non sic eas appello; quia in cæteris etiam explicationibus, aut omni, aut certe maiori ex parte, non is existimatur esse literalis sensus, quem verba sonant; sed qui sub eo latet: atque adeo mystici sensus nomen merito tribuitur in ænigmati legitimo ac literalis sensui; qui per ipsum ænigma, siue per ipsam parabolam intenditur. Quamobrem ij etiam, qui in Apocalypsi quærunt historiæ Ecclesiæ Christianæ prophetiam; non aliter eam indagant, quam vt sensum mysticum & literalem, qui per Apocalypseos ænigmata fuerit significatus.

3. *Salmeronis & Pererij sententia de totius Apocalypseos intelligentia.*

Sed veniamus iam ad diuersas eorum vias, qui Ecclesiæ Christianæ prophetiam ex Apocalypsi conantur elicere. Horum quidam sibi persuadent, vniuersam Christianæ Ecclesiæ prophetiam hoc in libro contineri: vniuersam (inquam) id est, omnes ferè Ecclesiæ euentus, qui erant in singulis eius ætatibus futuri; non quidem minutiores, sed præcipuos & magis insignes. Hos auctores appellare possumus totius historiæ interpretes: quorum persuasio in conicitur, quod sibi incredibile videatur Ecclesiæ Catholicæ non factam fuisse earum rerum reuelationem, quæ illi erant euenturæ. Si enim (inquiunt) misit Deus Agabum prophetam qui famem futuram prædiceret, & persecutiones Paulo Ierosolymis euenturas prænunciaret; (Act. 11. 28. & cap. 21. 11.) quantum conuenientius fuit, aliquem prophetam præmitti, & præscribi prophetiam; qua calamitates, & felices successus Christianæ Ecclesiæ vsque ad mundi finem euentura, præsignificarentur? Hoc est argumentum Salmeronis, prælud. 1. in Apocalyp. §. 2. & Pererij disputat. 4. proleg. fin.

6.

Agendo autem de modo, quo Apocalypsis totam Ecclesiæ historiæ complectitur; interpretes illi totius historiæ, tres in sententias distrahuntur.

3. opinio, *Lirani & aliorum.*

Prima est Lirani, Antonini, Aureoli, Ederi, & Lizarazi, qui putant, à cap. 4. Apocalypseos, seruata temporum consequentia, singillatim ad peculiare Ecclesiasticæ historiæ euentus deueniri. Atque hi auctores vehementer laborant, dum Apocalypseos seriem ad Ecclesiæ historiæ aptare conantur; & eam ad rem in sex visiones partiuntur Apocalypsin. A cap. 4. primam quidem visionem septem sigillorum ad Iulianum vsq; tempora extendunt. Secundam septem tubarum ad Mauricium. Tertiam draconis, & duplicis bestię, ad Carolum Magnum. Quartam phialarum, vsque ad Henricum Imperatorem. Quintam Babylonis, vsque ad Antichristum. Sextam denique, quæ finem libri comprehendit, ad extremum iudicii diem, ac bonorum præmia, & improborum supplicia. Ceterum aduersus hanc opinionem recte opponit Pererius, disp. 8. prolegom. non solum violentiam applicationis, sed etiã inuicem vacuitatem. Quoniam tempus, quod post Aureoli ætatem futurum erat, adumbrari censuerunt per vltimam Ioannis visionem, quæ pertinet ad Antichristum; & ab ætate Aureoli vsq; ad hodiernum diem, 300. anni fluxerunt, in quo temporis decursu, neque Antichristus

A venit, & res in Ecclesiâ euenerunt haud paulò, quam superioribus temporibus, celebriores.

Secunda opinio est Abbatis Ioachimi, Vbertini de Cassalis, Seraphini, & aliorum; qui non tam de temporis, quam de dignitatis ordine curant; & septem in Ecclesiâ status diuersos hoc ordine considerant: Apostolos, Martyres, Doctores, Anachoretas, Pastores, Concionatores, Regulares, & denique Fideles sub Antichristo. Atque in hos septem status existimant Apocalypsin semel, iterum, ac sepiissime reuolui. Affirmant porro, septem in Ecclesiâ status esse mente concipiendos. Primum foundationis sub Apostolis. Secundum persecutionis sub ethnicis Imperatoribus. Tertium prosperitatis sub Constantino. Quartum diuisionis sub hæreticis. Quintum tranquillitatis & incrementi sub Carolo Magno & successoribus. Sextum extremæ persecutionis sub Antichristo. Et septimum extremi iudicii.

B

Alij magnos Ecclesiæ labores & ærumnas ad septem reducant, & totidem etiam insignes ipsius prosperitates enumerant; quæ est Pererij contemplatio disput. 5. prolegom. Nec deerit qui dicat, in hoc veluti cardine septem illarum calamitatum, & prosperitatum sapius verti Apocalypsin. Et certè, quod ad Turcarum bellum attinet, in bellua marina capitis 13. significatum, expositionem Ioachimi sequitur Ioannes Annius, Hentenius, Seraphinus, Hortolanus in Cantica, Luisius Legionensis, & Ferdinandus del Castillo.

C

Tertia tamen opinio est, in Apocalypsi quidem contineri omnes euentus insigniores, quos Ecclesiâ per ætates singulas erat habitura, sed in eorum significatione nullum seruari ordinem, nec temporis, neque dignitatis, neque doctrinæ: atque hæc est sententia Pererij in prolegom. disputat. 7. & 9. cuius opinionem sequi videntur nonnulli, qui ad quasdam Ecclesiæ historias existimant spectare quedam Apocalypseos ænigmata: neque tamen de villo libri ordine cogitant. Ex his sunt, qui per locustas capitis noni Lutheranos intelligunt, vt Bellarminus in oratione quadam in fine tomi tertij.

D

Hactenus quinq; enumerauimus interpretandi vias; duas, spiritualis explicationis sine historia; & tres alias interpretum totius historiæ. Aliud tamen explicationis genus est eorū, qui Apocalypsin de Ecclesiæ historiæ prophetiam esse fatentur; sed non de tota historia, verum de aliqua solum parte. Et hoc exponendi genus in varias item opinionum species subdividitur. Quidam enim, vt Ribera & Viegas, existimantes se Victorini & aliorum antiquorum vestigijs insistere, totam ferè Apocalypsin de extremis Ecclesiæ temporibus exponendam esse censent; sub ipsum Antichristi aduentum sumentes exordium. Sed in eius temporis euentibus significandis, opinantur ordinem historiæ nulla ratione seruari. Aliorum opinio est, partem historiæ Ecclesiasticæ, in qua potissimum versatur Apocalypsis, non esse extremum Ecclesiæ Christianæ tempus; sed prima potius ipsius Ecclesiæ tempora; & singillatim bellum Ecclesiæ cum synagoga, & cum gentilitate, ac de vtriusque hostibus triumphum. De quibus bellis existimant tractari saltem à cap. 5. vsque ad 20. De bello quidem cum

E

7. *4. opinio, Ioachimi & aliorum.*

5. opinio, *Pererij.*

8. *6. opinio.*

9.

7. opinio.



synagoga, vsque ad caput 11. & deinceps de bello cum gentilitate; & de Ecclesiæ victoria vsque ad caput 20.

10. Atenim, quinam sint huiusmodi sententiæ auctores? Ego sanè nonnullos facile proferam doctos & graues, qui hanc explicandi viam rectissimam iudicantes; eam insequi valde experierint; nullum tamen, qui re ipsa fuerit persecutus. Iudicium verò suum ac desiderium satis expressit Hentenius in prologo ad Aræz commentarium; vbi eandem asserit fuisse sententiam Ioannis Annij Viterbiensis. Subscribit noster Salmeron prælud. 7. in Apocalypsin, docens à cap. 6. vsque ad 12. agi de synagoga & Iudaismi abrogatione, & inde vsque ad caput 20. de excidio gentilitismi, & Ecclesiæ regno. Hanc eandem diuisionem, & argumentum proponit Ederus in œconomia, & Bullengerus etiam in suis prolegomenis, in secunda partitione. Præterea, quod attinet ad bellum Ecclesiæ cum Iudæis, eiusdem est sententiæ Caponsachius, & Forerius etiam: vt videre est in Isaïæ commentario cap. 34. num. 4. Et præter hos auctores habet hæc sententia plures alios multò grauiores, vt videbimus notatione 12.

11. Præter has septem vias, fuit alia, quam vt omnino fabulosam relinquebam; videlicet, Millenariorum opinio, qui de extremis etiam temporibus explicabant Apocalypsin, sed valde fabulosè. Existimabant enim post Antichristi persecutionem iustos solum resurrecturos, vt cum Christo mille annis in terra re-

2. Opinio  
Millenari-  
orum omni-  
no fabulosa

A gnarent; & post illorum mille annorum spatium, Gogi & Magogi bellum futurum; & tandem generalem omnium resurrectionem, atque extremum iudicium. Hanc Apocalypseos expositionem meritò Hieronymus sæpe irridet. Aduertendum tamen est, Millenarios, etiam in sua expositione valde aberrabant, non tamen exponendi ordinem perturbasse. Quare existimantes per marinam belluam capitis 13. Antichristum indicari; post illius mortem constituebant mille illos annos alligati Dæmonis, de quibus cap. 20. Licet autem nullus iam sit auctor, qui Millenariorum errori subscribat; ceterum quod attinet ad mille annorum designationem post mortem Antichristi, consentiunt cum Millenarijs, Ioachim Abbas, Vbertinus de Cassalis, Seraphinus de Fermo, Pannonius, Hortolanus in Cantica, Bullengerus, & alij. Et quod magis miror, etiā Pererius bellum illud Gogi, & Magogi interpretatur non de bello Antichristi, quod ipse sextam Ecclesiæ calamitatem appellat; sed de bello alio valde diuerso, quod ipse appellat septimam Ecclesiæ calamitatem, ab Antichristi reliquijs ipsi Ecclesiæ inferendo: sic enim ille disputat. 5. prologi, in septem illis Ecclesiæ calamitatibus.

B Ex his octo vijs, septimam ego, vt rectiorem mihi eligendam censeo, vt sequenti argumento explicabo. Quod mihi argumentum, & ingenti labore, & pluribus annis in eo studio consumptis, stetit confiteor.

12.

## NOTATIO SEPTIMA.

*Argumentum Apocalypseos, quo distinctione capitum obseruata, indicatur totius libri Acoluthia, sue coherencia, & apta series.*

### CAPVT I.

PRÆCEDUNT libri totius titulus, & elogium (seu commendatio,) nec non epistola dedicatoria. Et mox incipit narratio visionis cœlestis. Prima autem persona, quam videt Ioannes, prologum agit, summam totius Apocalypseos repræsentans. Summa verò est, Christum in Ecclesia Christiana esse valde mirabilem, & pro illa contra Iudæos & gentes pugnare; atq; aded illam gloriosissime triumphaturam.

### CAPVT II. & III.

Deinde ille idem, qui prologum agit, monet singulos Episcopos Asiæ, (atque in eis fideles omnes ad septem genera reuocatos,) vt ex Apocalypsi hac vberimum capiant fructum.

### CAPVT IV.

Post hæc inchoatur actio, quemadmodum fieri solet absoluto prologo; poniturque initio

D ob oculos imago noui regni cœlestis fundati in Iudæa post Christi resurrectionem: atque ex Iudaici templi comparatione expenditur, quantum præster figuris antiquis Christianæ Religionis veritas & maiestas.

### CAPVT V.

E Liber autem signatus sigillis septem designat opus fuisse, vt Christus discipulis suis aperiret sensum, ad intelligendas sacræ Scripturæ prophetiæ; quæ Iudæis in Christum credentibus summam felicitatem, & Iudæis non credentibus summam miseriam annuntiabant. Quia quo tempore Deus in Ecclesia primitiua, & in eius hostibus perfectissime complebat illa, quæ prædixerat per Prophetas; eo ipso tempore prophetiæ videbantur clausæ ac signatæ. Atque eas tunc aperuisse, id nimirum fuit libri sigilla resignare, quod Christi gloriam aded amplificauit.



## CAPVT VI.

Apertis enim factæ Scripturæ sigillis, compertum est verè Deum ascendisse suos equos, vt Iudæos saluaret, atq; bearet. Enimuerò nihil potuit felicius hominibus accidere, quam illa quatuor, quæ primitiuis Christianis concessa sunt.

Nempe, { In Christum crucifixum credere.  
Christum crucifixum prædicare.  
Pro Christo paupertatē amplecti.  
Pro Christo libenter mori.

Et simul etiam compertum est, erga Iudæos Christo repugnantes, non statim Deum effudisse iram suam; sed prius *Longanima expectatione*; & *seria comminatione*; vt resipiscerent, voluisse, & procurasse.

## CAPVT VII.

Et quia ad seuerissimam tandem punitionē deueniendum fuit; ne quis putet eam calamitatem ad vniuersum Iudæorum genus pertinuisse, recensetur prius magnus credentium numerus ex illo populo sub nouis Patriarchis, (id est, sub Apostolis) in nouas tribus distributus; atque is nouus Israel asseritur omnino indemnus atque securus ab omni plaga; vtpote qui cruce Christi & Spiritu Dei signatus sit, & protectione Angelorum munitus. *Nihil enim damnationis ijs, qui sunt in Christo Iesu.*

Rom. 8. 1.

## CAPVT VIII.

Deinde notatur, quo tempore immissæ sint in Iudæos septem plagæ; scilicet cum satis iam admiranda fidelium patientia & perfecta charitas in Iudæorum persecutione perspectæ erant. Tunc enim in Iudæos rebelles immissæ sunt septem plagæ; sed paulatim eos inuadere iussæ, vt plurimorum poenitentia locus esset. Porro ex septem plagis, quatuor primæ sunt, *Fames, Bellum, Pests, & Ignorantia*: grauissimæ illæ quidem; sed arēs, quæ sequuntur, multo grauiores.

## CAPVT IX.

Harum prima est concupiscentiæ plaga, per quam Iudæi traditi sunt in desideria cordis eorum. Altera est irarum plaga, quarum furij accensi Christianos sunt persecuti.

## CAPVT X.

In ea persecutione effulgere cœpit diuini consilij arcanum de diminutione Israël ad diuitias Gentium; atque aded ad magnam Ecclesiæ Christianæ felicitatem.

## CAPVT XI.

Et ipsis etiam prædestinatis ex populo Iudæorum, persecutio illa Iudaica mirifice profuit. Illuxit enim mirabilis doctrina & sanctitas seruorum Christi in media persecutione procurantium salutem Iudæorum. Et licet paulisper visæ sint posterini, & iacere; nihilominus tamen surrexerunt victores, & gloriosissime de suis hostibus triumpharunt. Atque ex ipso rebellium Iudæorum numero, & ex ipsis per-

A fida Ierololymę ciuib; decimam partem Euangelio subiecerunt; quemadmodum ab Isaia prædictum erat cap. 6. Reliqui verò Iudæi vltima tandem plaga, id est, *horrenda obstinationis grandine*, percussi sunt omnes, vt sic tandem ad Gentes iusta fieret commigratio.

## CAPVT XII.

B Vniuersalis autem Gentium omnium christianismi imperium, non Ecclesiæ Ierololymitanæ, sed cuidam ipsius egregiæ proli, nempe Romanæ Ecclesiæ, destinatum erat a Deo; atque ita præcipua Ecclesiæ Ierololymitanæ cura fuit Ecclesiæ Romanæ fundatio; quæ primum facta est in Iudæorum gente, quæ Romā incolebat. Hanc verò egregiam prolem, statim ac nata est, deuorare vnice expetiuit Diabolus; sed frustra: quia *porta inferi non preualebunt aduersus eam*. Fundata autem Ecclesiæ Romana Religionis Christianæ arce & metropoli, statim maiori conatu cœpit Gentibus prædicari Euangelium, fremente Diabolo, & Neronem excitante ad Ecclesiam Christi extinguendam. Sed Nerone occiso, cum Diabolus se non posse contra Euangelij præcones preualere, videret; omni conatu aduersus Ecclesias, quæ per vniuersas prouincias fundabuntur, cruentas persecutiones moliri instituit.

Matth. 16. 18.

## CAPVT XIII.

C Atque adeo duas aduersus Christianum nomen excitauit bestias; alteram è mari, hoc est, superbiam Imperij Romani idola colentis; alteram è terra, id est, sapientiam carnis, quæ prioris bestię auctoritatem suis artibus auget. Ita Satanas, Mundus, & Caro in Euangelium coniurarunt; omni ex parte Ecclesiam persequentes.

## CAPVT XIV.

D Huic tamen bello opposuerunt se primitiui Christiani ex populo Israel, cœlestis vitæ exemplo, & Euangelij prædicatione mirifice pro Christo pugnantes; atque ea ratione multos ex Gentibus ad Christum trahentes. In persecutione autem doctrina cœlestis fidelium patientiam confirmabat. Eamque patientiam subsecuta est copiosa messis, & latissima vindemia, id est, innumerabilium hominum conuersio & martyrium.

## CAPVT XV.

E In bello ergo mystico, quod Christiani primitiui aduersus gentilitatem gerebant, consilium Dei fuit aduersus gentilitatem nouis plagis pugnare valde diuersis ab ijs, quas in mysticam Ægyptum (id est) in Iudæos rebelles immiserat. In hos enim, sicut olim in Ægyptios, tanquam in hostes, verè ac vehementer sæuitum est: nouissimarum verò plagarum vindicta non alia fuit, quam destructio idololatriæ atque peccati per conuersionem Romani Imperij. Sic enim facta est vindicta in nationes, iuxta sacræ Scripturę phrasim. Et hanc nouissime Deus ostendit iram, & indignationem suam contra peccatum.



## CAPVT XVI.

Plagæ ergo nouissimæ, quibus Deus idololatriam debellauit, fuere

1. Pudor & dolor Gentilium, dum de peccatis arguuntur.
2. Persecutionis crudelitas in Euangelij prædicatores.
3. In Gentiles etiam ad fidem Christi conuersos mira sæuitia.
4. Ex Christianorum sapientiæ grauissima offensio.
5. Summa in persecutione excæcatio.
6. Post inuasionem Romæ maior persecutio.
7. Manifesta vrbis Romanæ diuisio; Euangelio præualente, & idolorum cultura ruente.

## CAPVT XVII.

Denique vniuersa Roma ad fidem Christi conueritur; atque is gloriosissimus Ecclesiæ Christiæ triumphus egregio spectaculo celebratur, in quo orbis regina, ciuitas martyrum cruore ebria, superbix suæ & impietatis poenas mirandum in modum luit, à suis met senatoribus occisa & combusta: nimirum quia per eorum conuersionem effectum est, vt Roma impietati & peccato moretur, ac veræ religionis ardore conflagraret.

## CAPVT XVIII.

Eam verò conflagrationem, (quæ fidelibus latissima fuit,) eorum lachrymæ prosequuntur, qui ex Romanorum sceleribus, & idolorum cultu rem suam & auctoritatem augebant; quorum proinde fletus & lamentationes de conuersione Romæ impiæ in Romam sanctam appositissime referuntur.

## CAPVT XIX.

Succedunt continuè festiue celebritates nuptiarum nouæ Romæ cum Christo; id est, publicum Christianæ religionis exercitium, in totius vrbis metropoli ac theatro; easque nuptias cōsequitur totius Imperij Romani ad fidem Christi conuersio, significata sub specie cruentæ cadis; sed eius cadis, quæ Angelos mirifico gaudio affecit.

## CAPVT XX.

Deinde pax Ecclesiæ per multa sæcula continuatur: quibus elapsis notum bellum insurgit Gogi & Magogi; quod est atrox ac luctuosa Antichristi persecutio. Sed de illa etiam triumphabit Ecclesiæ; fiet enim Diuini Spiritus igne, vt Iudaismi, Gentilismi, & sectarum omnium reliquiæ consumantur. Et tunc demum vniuersalis iudicij dies finē temporibus imponet.

## CAPVT XXI. &amp; XXII.

Ecclesiæ tamen Romæ triumpho nullus erit finis; quia in cœlesti patria, & in Dei beatitudine in æternum triumphabit, illiusque felicitatis supra omnem modum admirandæ contemplatio claudit Apocalypsin. Sacræ autem visioni annectit Ioannes, quantum debeat liber hic estimari à Christi seruis.

## Summa singulorum capitum breuiores ad iuuandam memoriam.

I. Apocalypseos elogium, & epistola dedicatoria & visionis cœlestis prologus.

II. Breues Christi epistolæ ad quatuor conscientiarum genera, monentes vt ex Apocalypsi fructum capiant.

III. In alijs tribus epistolis reliqua tria conscientiarum genera similiter à Christo admonentur.

IV. Gloriosissimum Deo fuit Ecclesiæ Christianæ templum, quod in Sionis arce dedicatum est post Christi resurrectionem.

V. Nihilominus liber manebat clausus atque signatus; & eum aperuisse fuit singularis Christi gloria.

VI. Apertis sigillis constat Deum ascendisse suos equos, vt Iudæos in Christum credentes saluaret atque bearet; & similiter constat, contra incredulos maximam Deum ostendisse patientiam, & in comminando, pietatem.

VII. Tau Christi innumeros Iudæos ipsi adherentes ex omni natione, securos reddit ab ira in gentem Iudæorum effundenda.

VIII. In Iudæos autem non signatos tandem immittuntur septem plagæ; quarum primæ sunt, Fames, Bellum, Pestis, Ignorantia.

IX. In desideria deinde cordis eorum traduntur Iudæi; & in plagam irarum aduersus Christianos.

X. Fortis Angelus representat consilium Dei de diminutione Iudæorum ad diuitias Gentium.

XI. Ardente verò persecutione Iudaica, doctrina & sanctitas seruorum Christi mirabiliter triumphant de perfida Ierosolyma; conuersa ad Christum decima parte, & reliquis Iudæis obduratis.

XII. Caput deinde Catholicæ Ecclesiæ Roma eligitur; atque adeo præcipua primitiæ Ecclesiæ cura fuit, Ecclesiæ Romanæ fundatio; quæ feliciter successit, & iram Diaboli supra modum inflammauit.

XIII. Excitat Diabolus aduersus Christianum nomen mundi, (id est Imperij Romani) superbiam, & carnis scientiam.

XIV. Sed resistentibus primitiis Christianis, & egregie pugnantibus, subsequitur innumerabilem ex Gentibus conuersio atque martyrium.

XV. Consilium Dei fuit, nouo plagarum genere aduersus Gentilitatem pugnare, multo aliter, quam aduersus mysticam Ægyptum, (id est aduersus Iudæos,) pugnauerat.

XVI. Idololatriæ ergo debellandæ immittuntur septem plagæ: nimirum, Pudor Gentilium, Persecutionis crudelitas, Intestinum bellum, Ex sapientiæ offensio, Summa excæcatio, Inuasio vrbis Romanæ, illiusque manifesta diuisio.

XVII. Noua denique vrbis conflagratio, (id est integra Romæ conuersio) prophatur.

XVIII. Terrigenæ flebunt, & lamentabuntur supradictam conflagrationem.

XIX. Illam autem summis gaudijs celebrabunt filij Dei, atque eam consequetur



totius Imperij Romani ad fidem conuersio.

XX. Latitiam autem populi Christiani continuabit multorum sæculorum pax: sed eam pacem postea disturbabunt Antichristi bella; & tandem post Ecclesiæ perfectam victoriam, vniuersalis iudicij dies finem

temporibus imponet.

XXI. Lucebit verò Ecclesiæ Christianæ in caelesti patria lux æterna, & beatissima felicitas.

XXII. Aquæ demum viæ fluius singulartiter beatam Vrbem lætificat, & claudit Apocalypsin.

## NOTATIO OCTAVA.

### Argumenti confirmatio ex illius dignitate.

Argumenti  
Apocalypseos  
præstantia.

**A**POCALYPSEOS argumentum quodcumque illud sit (neque enim de nostro nunc agimus) præstantissimum ac excellentissimum esse debere, & ipsius libri textus, & grauissimorum Doctorum consensus validissime persuadent. Textus quidem ipse cap. 1. diserte docet, hanc esse reuelationem illam animæ Christi ab æterno Parente communicatam; & ab ipso Christo ænigmatis quasi conuellitam, ac Ioanni charissimo discipulo per caelestem nuncium missam. Beatum præterea esse, qui audit, aut legit, quæ in hoc libro continentur. Et cap. 5. affirmat Ioannes se ingentem lachrymarum vim effudisse præ dolore; quod non inueniretur, qui septem libri sigilla referaret. Porro septem hæc sigilla sunt bene magna libri pars, quæ à cap. 5. ad vndecimum usque finem protenditur. Deinde integrum caput quintum mirifice expendit, quàm gloriosum Christo fuit, sigilla ipsa aperuisse. Et per capita subsequencia singulorum mysteriorum sigillorum insigni actione celebratur. Quod si oculos ad alia libri capita conuertamus, facile ex ijs elicitur ipsorum argumentum nihilo inferioris excellentiæ esse. Certè caput quartum, capiti Isaia sexto ceteris longe sublimiori illius prophetiæ parti; & Ezechielis curruæque sublimi, aperte responderet. Caput verò decimum nonum Agni nuptias latissima celebritate peragit: atque in eo quidem capite semel, & rursus cap. 22. tanta Ioannes lætitiæ voluptate gessit, vt se ad Angeli pedes prouoluat, eos exosculaturus, ob iucundissimum nuncium, quem ei de rebus summi ponderis ac momenti deferbat.

Tantæ ipsius textus maiestati & energiæ cõmunis Patrum & interpretum sensus egregiè concinit. Dionysius quidem Arcopagita ceterorum coryphæus de Ecclesiastica Hierarchia cap. 3. parte 3. extremam sacrarum Litterarum partem designans; Arcanam illam (inquit) ac mysticam omnino visionem dilecti discipuli, diuinamque Domini Iesu Theologiam, eis, qui Dissideri merentur, exponit; eosque per mysteria sacra sustollit, atque confirmat. Egregia sane verba, & omni animaduersione digna. Te tul. item de corona militis cap. 15. loquens de Apocalypsi, Si tales imagines in visione, quales veritates in representatione? Epiphanius lib. 2. cap. 51. docet totam Apocalypsin referri debere ad spirituale Dei negotium, & ad ea, quæ in lege & Prophe-

**B**rijs præcipuè Dominus respiciebat. Hieronymus lib. 9. in Isaiam ad finem, asserit Apocalypsin medullata Ecclesiæ Sacramenta continere. Et epitola 103. cap. 7. Pro merito, (inquit) voluminis laus omnis inferior est. Oportet igitur argumentum excellentissimum esse quiddam, ac plane diuinum. Ricardus de sancto Victore lib. 7. cap. 12. affirmat Librum istum non solum esse Euangelium; sed in Evangelica doctrina, quemadmodum vltimum, ita etiam summum locum obtinere, ac in ipso sacram Scripturam, ad modum arboris, cacumen extulisse. Haymo in præfatione. Tanta (inquit) est distantia inter hanc prophetiam, & eas, quæ ante Christi Domini aduentum reuelate sunt; quanta inter seruum & dominum, inter legem & Euangelium, inter Deum & hominem. Gilbertus demum in Apocalypseos proœmio, (quod commentarijs illustrarunt Glossa, Albertus, Thomas, & Hugo.) ait, Hanc prophetiam præstare veteris Testamenti prophetijs; sicut Euangelium, Legis obseruantijs.

Ex dictis constat, hunc librum meritò in Scriptura ceterorum agmen claudere; illisque veluti apicem & coronam addi. Atque aded confitendum est, ipsius argumentum mirum in modum esse præstans & excellens.

**D**icet quispiam, longè plus nimio procedere, qui hunc librum Euangelij ipsis superioribus esse asserant; cum in ijs ipsissima Christi verba referantur. Quid verò his dignius ac præstantius esse possit? Cui tamen illud respondeo, quod Christus suis discipulis edixit. Adhuc multa habeo vobis dicere; sed non potestis portare modò, cum autem venerit ille Spiritus veritatis, docebit vos omnem veritatem. Quod igitur Christus suis Apostolis per se non exposuit, (quoniam teneri adhuc & imbecilli erant) sed Diuino spiritui, qui eis postea reuelaret, reliquit; hoc continet Apocalypsis. Et verò perspicuum est, quod eis Christus, quippe nondum capacibus, tunc obtextit, id sublimius & excellentius esse; quamobrem potuit id in Apocalypsi contingere.

**E** Haecenus ostendimus Apocalypseos argumentum præstantissimū & excellentissimum debere esse. Iam eiusmodi excellentiam & dignitatē in nostro argumento minimè desiderari, videbit quicumque illud atrètè percurrerit; & multò magis qui integrum perlegerit commentariū. Etenim in Ecclesiæ Christianæ præstantia inueniet c. 4. explicatam mysterij Trinitatis predicationē, & c. 21. singulas per ordinem

2.  
Eadem Apocalypseos argumenti excellentia Patrum testimonio comprobatur.

5.  
Hanc Apocalypsicæ argumenti excellentiā in nostro commentario non desiderari.



Apostoloci symboli veritates, suo splendore, quasi gemmis quibusdam illustrantes Apocalypsin. Præter hæc, septem sigilla ad septem Diuinæ providentiæ perfectiones siue spiritus spectant; quibus nihil magis theologicum potuit optari. Atque in quatuor primis, id est, in Dei quadriga, expenditur mira & abscondita salutis ac redemptionis, quam Christus attulit, perfectio: atque adeo Ecclesiæ Christianæ sanctitas admiranda. Deinde in rebellium Iudæorum repulsa, & in Gentilium euocatione atque electione: in persecutionibus ab utroque populo contra Dei Ecclesiam concitatis: & in diuerso victoriæ genere: in seuerissimis aduersus Ierosolymam plagis, & in suauissima illa nouissimarum plagarum in Romam veterem ingruentium inuentione; in mystica decimæ partis Ierosolymæ ruinâ, & in spirituali vniuersæ Romæ conflagratione: in nouæ denique Romæ desponsatione cum Agno, & in conuersione Romani Imperij, ac mille annorum pace subsecuta: in his, inquam, omnibus adeo theologicè proponitur admirabilis diuinorum consiliorum executio, vt nihil sublimius excogitari posse videatur ad totius Scripturæ apicem & coronam. Nihil sunt his inferiora, quæ ad calcem libri de Antichristi bello, de die iudicij, & de æterna cælestis Patriæ beatitudine subiiciuntur.

Huius argumenti maiestatem ac recôditam sapientiam ponderat egregiè Paulus ad Ephes. 3. 10. vbragons de humani generis redemptione, & Ecclesiæ Christianæ celsitudine, asserit, Deum in spiritualis mundi, id est, Ecclesiæ Christianæ creatione seu fabrica, Angelis parefecisse suam ipsius sapientiam multiformem. *Omnia (inquit) creauit Deus, vt innotescat principatibus & potestatibus in cælestibus per Ecclesiam, multiformis sapientia Dei.* Quasi diceret, Ecclesiæ mysteria adeo alta & sublimia esse; vt illis Cherubinos ipsos ac Seraphinos ingenti admiratione defixos Ecclesiæ ipsius opifex tenere voluerit; dum noua illis sapientiæ arcana & abstrusa mysteria spectanda proposuit, quæ in ipsa Christi Ecclesia maxime elucent. Resistit hîc Nyssenus homil. 8. in Cantica, & Pauli sensum in multiformi illa sapientia, curiosa indagatione rimatur. Re vera (ait) per Ecclesiam portatur ad supramundanas potestates varia & multiplex Dei sapientia, quæ per contraria res efficit magnas & admirabiles. Quomodo enim facta fuit vita per mortem? & per peccatum iustitia? & per maledictionem benedictio? & per ignominiam gloria? & virtus per imbecillitatem? Nam in prioribus temporibus solam simplicem & vniiformem Dei sapientiam nouerant supramundana potestates congruenter naturæ facientem miracula; nec in ijs, quæ cernebant, erat quidquam varium. Hoc autem multiplex & varium sapientiæ genus, quod constat ex connexionem cum contrarijs, nunc autem aperte ostensum est per Ecclesiam; nempe quemadmodum suo liuore, suisque vibicibus nostra sanauit vulnera, quemadmodum imbecillitate crucis vires expugnat aduersarij, &c. Hæc omnia, & quæ sunt huiusmodi, cum sint varia & multiplicita, per Ecclesiam didicerunt, & admirati sunt. Hæc Nyssenus. Et sanè quod de Christi triumpho expresse asseuerat, id etiam ad Ecclesiæ similiter triumphos extendi vult: in quibus multiformis item Dei sapientia iuxta Nysseni mentem effulget. Etenim in Christianorum intellectu sub obsequium crucis captiuo, eorum sa-

pietia sublimitas splendet. In bello pax; copia in inopia; vita in morte; vt quatuor primis sigillis, & in alijs præterea Apocalypseos symbolis adumbratur. Præsertim in triumpho, quem Ecclesia de Iudæis & Gentibus, per ipsas persecutiones, per ignominiam & mortem, obtinuit.

Atque vt ad Angelos redeamus: certum est illos non cognouisse à principio creationis speciales omnes conditiones mysteriorum nostræ Fidei: sed postea per Ecclesiam, & præcipue per Christi Domini instructionem plenè fuisse edoctos. Docet hoc D. Thomas 1. p. q. 57. a. 5. & 3. p. q. 12. a. 4. in *Sed contra*, ex Dionysio Areopagita. Durandus 3. dist. 13. q. 2. Bonauentura 2. q. 3. Plena ergo notitia doctrinæ Evangelicæ non erat Angelis communicata ante Christum. Et hinc est, quod sæpe Paulus nostræ fidei mysteria appellat *Sacramenta abscondita à sæculis in Deo*. Vide 1. Corint. 10. 11. Galat. 4. 24. Ephes. 3. 6. Coloss. 1. 26. & c. 17. Ad Heb. 8. 5. & cap. 10. 1.

Denique Apocalypseos argumentum claudit in se, & Theologiæ medullam, & Christianæ philosophiæ ac doctrinæ Evangelicæ quasi nucleum siue animam.

Sed obijciat quispiam, Euangelij doctrinam, ac vaticinium de Ecclesiæ futuris euentibus videri diuersa inter sese ac dissimilia esse: huius libri porro prophetiam Ecclesiæ successus prænunciare, certum esse; ipse enim textus ait. *Beatus qui audit verba prophetiæ libri huius.* Et Hieronymus lib. 10. contra Iovinianum, cap. 4. *Ioannes (ait) sicut appellatur Euangelista, quia librum Euangelij condidit; ita etiam appellatur Propheta, quia scripsit Apocalypsin infinita futurorum mysteria continentem.* Tertullianus insuper lib. 3. cōtra Marcionem, cap. 24. hunc librum appellat, *Noua Prophetiæ sermonem, qui apud fidem nostram est.* Concinit Augustinus 20. de ciuit. cap. 8. & alij, quos notatione 3. retulimus. Atque hoc Prophetiæ nomen, sunt qui existiment, Ioachimi & Aureoli, & Lyrani expositioni fauere. Quorum opinioni Abulensis astipulatur.

Huic obiectioni respondeo primò, Miro artificio fuisse factum, vt tota Euangelij doctrina ad prophetiæ normā redigeretur: id quod verissime fieri potuit. Etenim in prophetia, quæ Christi animæ fuit ostensa (quæ huius libri prophetia est, vt notatione 3. explicuimus) cōprehenditur Ecclesiæ fundatio, atque præstantia, nec non ipsius virtutes & prærogatiuæ: in quibus includitur Apostolici symboli, & Christianæ fidei articulorum professio. Secundò aduerto, licet Christi prophetia omnes Ecclesiæ euentus siue maioris, seu minoris notæ distinctè contineat: in hoc tamen libro expediens non fuisse, vt singula minutatim notarentur; sed præcipua tantum illa puncta, quæ in nostro argumento designantur, vt pote in Ecclesiæ successibus extantia & eminentia; & quæ propriè ad historiam Theologicam spectare possunt. Atqui in hisce punctis totam Ecclesiæ historiam coerceri, rectè ac verè affirmatur: quemadmodum & à Christo fuit dictum Ioan. 15. 15. *Omnia quaecunque audiu à Patre meo, nota feci vobis.* Tertiò noto, Apocalypseos excellentiam in eo in primis consistere, quod non solum præcipua capita seligat, minutioribus omissis, sed in ijs etiam capitibus, quæ tractanda desu-

6.  
Confirmatur ex Pauli testimonio.

Egregia  
Nysseni  
verba.

7.

8.

Obiectio.

9.  
Solutio.



mit, non tam rei euentum ex corpore ipso atque cortice spectet, quàm ex anima historiarum & admiranda Diuinæ prouidentiarum perfectione; quæ ibi potissimum enitescit, & sapientum oculos ad se conuertit ac trahit. Atque hoc sanè est, historiam theologicè & iuxta absolutæ sapientiarum præcepta tractare; nec in simplici solum euentuum narratione pedem figere. Et quidem si Ioannes Ecclesiæ vaticinium fuerat litteris mandaturus; facile perspicitur, eam ratione scripturum, vt ipsius prophetia ceteris Prophetarum vaticinijs non solum non esset inferior, sed longo etiam intervallo antecederet.

10. Ad hanc nostri argumenti excellentiam illud addo, quod ipsam non parum adstruat atque confirmet; eius videlicet dignitatem in alijs explicandi rationibus, quas notat. 6. posuimus, nequaquam reperiri.

Prima enim opinio, eo ipso quod ad singulares Ecclesiæ successus non descendat, sed generatim omnia & confusè accipiat, necesse est, vt spirituales Sodomam, & Ægyptum, (id est Ierosolymam) à Babylone, (id est Roma) non distinguat; ac proinde supradictum vtriusque populi, Iudaici & Gentilis mysteriū prætereat. Nec non alia similia, in quibus theologi argumenti celsitas apparet.

Deinde Ariæ Montani expositio subtilior est, quàm solidior; & philosophico argumento, quàm prophetico congruentior. Non inficior, quin vt pia ac ingeniosa accommodatio accipi possit: vt tamen sit literalis prophetiarum sensus, minimè probo. Etenim si quis Christi passionis ac resurrectionis historiam referret ad mysticam mortem ac resurrectionem, qua homo moritur peccato, ac Deo resurgit; nemo negauerit, eam esse piam atque elegantem applicationem; explicationem tamen esse litteræ, nullus dicet; sed accommodationem tantum, quæ in litterali sensu fundata consurgit. Atque ita Arias ipse in commentarijs, quos postea in Isaiam edidit, fatetur ingenuè per Babylonem in Apocalypsi, Romam esse intelligendam; & multa alia similiter in eodem libro exponit.

11. Iam Lyrani & Aureoli expositio nequaquam argumentum Theologicum diligit; sed minuta quædam, & sacræ Scripturæ maiestate non ita digna. Quorum reuelatio omnino fuisset inutilis & superuacanea; nec enim alicuius fuisset usus antequam impleteretur, cum præsertim percipi non posset; nec posteaquam dicitur fuisse expleta, ad Fidei confirmationem potest quidquam deferuire, cum incertum adhuc valde sit, (ne quid grauius dicam) eam fuisse Spiritus sancti mentem. Nam & ipsi huius opinionis auctores inter explicandum se formidare fatentur: ex quibus Antoninus §. 15. memoriam esse accommodationem suspicatur. Idem fatetur Lyranus sæpe, & præsertim cap. 17. & 18. & 19. & 20. & in eadem formidine est Ederus, vt ipse sæpe significat.

A Nec verò expositio Abbatis Ioachimi est verisimilior, aut probabilior, aut sacræ Scripturæ grauitati conuenientior. Atque (vt nihil dicam de violentia explicationis) ab incremento, & tranquillitate Ecclesiæ sub Carolo Magno, & successoribus eius, (quem facit quintum Ecclesiæ statum) transit ad extremam persecutionem sub Antichristo, in quo valde defecit ab intentione complectendi vniuersam Ecclesiæ Christianæ historiam. De quinta explicatione dicemus infra; vbi de ordine & serie nostræ explicationis.

B Sexta autem opinio, quæ totum ferè Apocalypseos vaticinium ad Antichristi tempora refert, nullo historiarum ordine seruato, (vt alia omitteram) nescio quid respondere possit ijs, qui notant in ea opinione, exiguum solum Ecclesiæ Christianæ prophetiarum partem tractari; & præcipua ipsius euenta prætermitti; & ex multorum sæculorum historia, extremum solum eligi, quod nulla ratione comparandum est cum primis Ecclesiæ Christianæ temporibus; si ad dignitatem rerum, & profunditatem Theologiæ, & Diuinæ prouidentiarum consilia aduertamus animum. Quod verò nonnulli sibi persuadent ea, quæ de Ecclesiæ Christianæ perfectione fuerant à sacris Vatribus prædicta, prioribus Ecclesiæ temporibus non fuisse completa, sed ad postremam ætatem referenda, id mihi persuadere non possum: licet enim sapienter Augustinus censeat, eorum virtutem ac robur, qui ab Antichristo se inuictos præstiterint, excelsa planè futura; nihilominus prudentes æstimatores iudicabunt, primigeniæ Ecclesiæ fortitudinem minorem non fuisse, sed potius maiorem. Qui ergo interpretationem suam omnem ad posteriora illa tempora conferunt; hi nec maius & excellentius, nec pluribus scærens mysterijs argumentum sibi desumunt; inuoluunt enim silentio tam Iudaici populi repulsam, quàm Gentilicij electionem: quæ duo inter cetera Ecclesiæ euenta, tantæ sunt admiratione digna, vt iure Paulum in illam exclamationem impulerint. *O altitudo diuitiarum sapientia & scientia Dei! quàm incomprehensibilia sunt iudicia eius, & inuestigabiles viæ eius!* ad Rom. 11. 33. Quod idcirco Paulus ipse, *Dei mysterium* sapius appellat, vt videbimus Apocalypseos 10. vbi Ioannes eandem locutionem vsurpat.

13. Illud tamen addo, quicumque Apocalypseos argumentum continere in se doctrinæ Euangelicæ medullam animaduertit; illum protinus facile prospecturum, conuenientissimum fuisse, Christi reuelationem enigmatum inuolucris & sacris symbolis conuestire; etenim nullam aliam ad rem aptius ac dignius ænigmata aut hieroglyphica vsurpantur; quàm ad ea, quæ valde amamus atque æstimamus. Atqui nihil tam Christo, quàm Ioanni charius erat ac pretiosius, quàm doctrinæ Euangelicæ perfectio, & Christianæ Ecclesiæ triumphus.



## NOTATIO NONA.

Confirmatio secunda nostri argumenti à cohærentia, & continuata  
totius libri serie.

T.  
Apocalypsin  
aliqui plu-  
res in visio-  
nes par-  
titiuntur.

NON satis constat inter interpretes, an tota Apocalypsis Ioanni sit in vnica extasi, vel in pluribus ostensa. Antiquiores vnicam solum visionem agnouisse videntur; quia nullius meminere diuisionis, vt Victorinus, Ticonius, Andreas, & Aretas. Alij licet varias in partes diuidant Apocalypsin, vt in quatuor, vel in septem, vel etiam in septemdecim (ad tot enim se extendit Ederus ex Athanasio) multi tamen illorum fortasse maioris solum distinctionis gratia eam ita partiuntur, non verò quòd intelligant fuisse plus quam vnā extasim: quemadmodum plerique orationem Dominicam (quam vnicam esse orationem nemo dubitat) distinctionis ac doctrinæ ergo, in plures petitiones distinguunt. Aliqui tamen expressè notant, Apocalypsin plures fuisse Ioannis extases; ac propterea minimè in eis esse requirendam continuationis seriem. Ex his sunt Ribera, & Caponsachius. Neque aliter probant, nisi quia fieri non posse putant; vt filum à principio ad finem vsque integrè deducatur. Eadem est opinio Pererij disput. 7. causa 5. & disput. 9. regula 4.

Et verò, ex eo quòd Ioannes librum suum in singulari appellet Apocalypsin, non in plurali, reuelationes; non inde solidum argumentum desumitur, vt vnicam fuisse extasim, siue reuelationem affirmetur. Nam apud Isaiam etiam in singulari est, *Visio Isaiæ*. Cum tamen plures fuisse constet: scilicet in diebus Ozias, Ioathan, Achaz, & Ezechias.

Plus habet roboris, vt Apocalypsin vnicam fuisse visionem credamus; quòd Ioannes in ipso exordio locum ac diem designet, *In Insula Pathmos, in Dominica die*. Cum nullibi præterea in toto libro quid simile præscribatur. Hic namq; Prophetarum mos est, quoties noua visio inchoatur; signum aliquod, distinctionis gratiā, præstitueret. (Vt, *Onus Egypti, Onus Moab, Anno quo mortuus est Ozias*.) aut mensem etiam anni designare; quod frequens est apud Ezechielem.

Diceret quispiam, contingere potuisse, vt Ioannes plures visiones illo ipso die habuerit, Et licet detur, Apocalypsin vnā fuisse visionem; hoc non cogere, vt integer discursus ab exordio in finem vsque libri deducatur. Sicut enim in eadem epistola diuersa possunt capita contineri, quæ inter se minimè cohæreant; sic etiam in eadem extasi possunt diuersa, & minimè inter se connexa Prophetæ ostendi. Ceterum hæc euasio non satisfacit. Omnes enim fateri debemus, quidquid in Apocalypsi agitur, esse Ecclesiæ Christianæ prophetiam; atq; adeò necesse esse, vt partes omnes ad vnicum Ecclesiæ argumentum pertineant. Quare, si eadem est visio, non plures; oportet vt omnia Ioanni fuerint ostensa optima serie, & ordine

A legitimo. Et credibile non est, eum ordinem ab illo perturbatum fuisse; siue is fuerit naturæ ordo, siue artis. Quemadmodum concinnum aliquod poemā, seu comœdia optimā partium inter sese connexionem, & concatenationem habeat necesse est.

B Quinimò, etsi fingamus, hanc visionem Ioanni fuisse, non totam eodem die, sed in diuersis per partes indicatam; si tamen vnicum est argumentum, expediebat vt partes omnes aptæ inter se essent, atque coalitæ; id est, optima serie ordinatæ. Quemadmodum si longa satis actio ac tragœdia in binos aut ternos partitus dies; non ideo argumenti filum abruptitur, sed atexitur potius, & idem vltèrius producit; non aliter ac secundus actus cum primo cōnectitur, & cum tertio quartus. Præterquam quòd verisimilius multò est, totam Apocalypsin vnicam extasim fuisse.

C Atque illis etiam ipsis, qui existimant Apocalypsin non idem contextus filum ducere, optabile valde esset, optimam in ea continuationem reperire; necessitate enim coacti illam in varias visiones partiuntur: atq; hac ratione suam in exponendo ordinis perturbationem excusant, verbi gratia, Persuadet sibi noster Ribera, Romæ cōflagrationem, de qua cap. 18. futuram ante illam Ierosolymæ euersionem, de qua cap. 11. ac proinde plagas nouissimas, de quibus cap. 15. & 16. prius futuras, quam tubarum plagas, de quibus cap. 8. & 9. & 11. Verum quis dubitet, ipsius expositionem multò suauiore ac similiore vero futuram, si Apocalypsis apponeret primò phialarū plagas, & Babylonis incendium; deinde plagas tubarum, ac Ierosolymæ ruinam.

D Alias ordinis perturbationes non ab similes deuorant tam Ribera ipse, quam alij interpretes; nimirum mille annos pacis, de quibus cap. 20. re ipsa complendos antequam ascendat bestia de mari, de qua cap. 13. Et meo quidem iudicio maiori rerum cōsequentia procedebant Millenarij; qui cum existimarent bestiam illam marinam cap. 13. esse Antichristum, mille pacis annos post eius mortem collocabant. Et quoad hanc partem idem sequuntur Seraphinus de Ferro, Pannonius, & Bullengerus; qui tamè dum mille pacis annos ad breuiora multò tempora contrahunt, violenter nimis exponunt.

E Minus violenta videtur communis interpretatio; quæ mille annos alligati Dæmonis à Christi passione enumerare incipit. Sed hic magna est ordinis confusio, ac perturbatio, quòd cum in Apocalypsi alligatio Dæmonis, capite 20. describatur, id est, sub Ecclesiæ prophetiæ finem; illius alligationis interpretatio ad ipsa Ecclesiæ nascentis exordia referatur.

4.  
Quam sit  
optabile, v-  
nicū exposi-  
tionis filum  
in tota A-  
pocalypsi  
attexere.

5.  
Quas de-  
uorent dif-  
ficultates,  
qui ordinem  
in Apoca-  
lypsos in-  
terpretatio-  
ne pertur-  
bant.

Vnicam ta-  
men visio-  
nem fuisse  
probatum.

3.  
Obiectio.

Dilutio.



6.

*Nostrium  
argumentum  
quantop. re  
ab his ordi-  
nis pertur-  
bationibus  
abhorreat.*

Ab omni hac confusi ordinis perturbatio-  
ne valde abhorret nostrum argumentum, ete-  
nim fingi non potest tragœdia, cuius series &  
continuatio melius & congruentius sit inter  
se cohærens, quam filum, quod in nostro argu-  
mento deducitur. Quod si totius contextus  
applicatio ad sensum, quem ego propono,  
apta atque congruens esset; haud dubie ex ipsa  
acoluthia & consequentia à nobis inuenta, va-  
lidum desumeretur argumentum; quo Apo-  
calypsin ipsam eiusmodi acoluthia contextam  
fuisse probaretur. Nec enim fieri potest, ut in  
libro confuse & permixtim, id est, inordinatè  
scripto, singulæ partes ad argumenti vnitatem  
apertissime applicentur: atque hac ratione le-  
gitimus in eis ordo, & integrum consequentiæ  
filum reperiatur. *Quod non est, non scitur, ut scitè*  
*docet Aristoteles; neque vlla est vel hominis,*  
*vel etiam Angeli tanta ingenij vis, quæ in serie*  
*viginti duorum capitum libri ænigmatici pul-*  
*cherrimo argumenti ordine excogitato, sed*  
*ab intentione auctoris longè diuerso, in sin-*  
*gulis ænigmatis exponendis, valeat omnia per-*  
*fectè quadrare; & somniato filo connectere,*  
*nunquam abrupto.*

7.

Fateor propositum ordinem ac seriem non  
magni esse faciendam; vbi applicatio non ef-  
fet satis apta. An verò ipse omnia quadrarim?  
id nec mei iudicij est, nec quid ego sentiam,  
curabunt sapientes; ad quos iudicium spectat.  
Id vnum affirmarim: si qua expositio esset  
eiusmodi, ut apprime seruato ordine & cohæ-  
rentia omnia perfectè quadraret; eam verò sa-  
pientibus debere probari, ut Sacri scriptoris  
mentem; & illius filum ut verum & germa-  
num recipiendum. Atque ad eòs, qui eius-  
modi continuationem non fuissent assecuti;  
scriptoris mentem non probè tenuisse: quo-  
niam totius libri acoluthiam non perceperunt.  
Quod potissimum est in sacre Scripturæ inter-  
pretatione; cum scilicet antecedentia omnia,  
& consequentia aptè cohærent, & tanquam  
filum quoddam à principio vsque ad exitum  
ducitur; quod non finit à proposito aberrare;  
ut egregie noster Turrianus, in præmio ad  
tractatum de sanctissima Eucharistia, & mul-  
tò antea Athanasius duobus in locis, oratione  
3. contra Arrianos.

8.

*Partium  
inter se pro-  
portio quàm  
pulchra.*

Et quamuis generatim loquendo, acoluthiæ  
comprehensio magni momenti sit: sunt ta-  
men nonnulla, in quibus multò pluris facien-  
da est, tum ad veram rei intelligentiam, tum  
etiam ad voluptatem: ut in valde ingeniosa a-  
licuius tragœdiæ inuentione ac serie, ille qui  
totius fabulæ ordinem & argumentum inte-  
grum non percepit; non vidit id, quod erat in  
ea optimum ac pulcherrimum. Simile est de  
partibus corporis humani; quæ tametsi singu-  
læ in suo genere perfectissimæ sint, nunquam  
tamen vera illa, germana & expressa pulchri-  
tudinis species ac proportio exiit, nisi ex par-  
tium consensione mirabili, & apta composi-  
tione, & concinnitate membrorum; quæ, ut  
veram pulchritudinem efficit, ita etiam singu-  
las partes maiori afficit splendore; & nouo  
quodam lepore ac venustate cõmendat. Quid  
ad id partes? Quid orationis membra? cum  
illustra, cum amplissima sint; si seponantur  
singula, & seorsum aspiciantur; habebuntne  
aspectum præclarum, nisi vnum in corpus

A

coalescant, in quo partium illa admirabilis  
constructio cohærentiaque cernatur; quæ so-  
la pulchritudinem rebus addit, & conciliat di-  
gnitatem? Illi igitur, quos præterijt vnitas &  
integritas huius libri ex pluribus symbolis in  
vnam speciem, eamque pulcherrimam con-  
formata; etiam si particulas singulas valde at-  
tenderint; pulchritudinem tamen totius non  
videntur aspexisse.

B

Cum ergo in Apocalypsi tanti momenti sit  
totius libri filum; idcirco in eo ducendo tan-  
toperè laborauimus. In quo video priores illas  
opiniones, (de quibus notat 6.) aliter se gessisse.  
Prima enim incidit sæpe filum, quasi verò per-  
inde sit scindere, ac soluere. Secunda non vi-  
detur curare de filo, ut liberius philosophetur.  
Tertia in deducendo filo laborat illa quidem;  
sed fatetur tandem se ad finem vsque glome-  
rare totum non posse, id est, continuare appli-  
cationem vsque ad finem euentuum Ecclesiæ.  
Quarta filum ad eò tenue ducit, ut sapius illud  
abrumpi necesse sit. Utinam quinta pro ducere  
fila dederit Ariadnæ, ut est in prouerbio.

C

Hucusque scripseram, cum ad meas manus  
peruenit commentarius in Apocalypsin nu-  
per editus viri doctissimi & amicissimi, cuius  
hæc sunt verba disputatione 7. prolegomen.  
*Commune est huic prophetia cum alijs prophetijs veteris*  
*testamenti, nec in ordinanda visionum serie, nec in tracta-*  
*tu explicatu, cuiusque visionis rectum aliquem & distin-*  
*ctum, ac perpetuum seruare ordinem, vel temporum, vel*  
*locorum, vel rerum gestarum, vel dignitatis negotiorum,*  
*vel personarum: sed frequenter vsurpare anticipationes*  
*& recapitulationes: id est, priora postponere, & antepo-*  
*nere posteriora: crebris etiam & subitis vii transitionibus*  
*ex vno in aliud vel simile, vel dissimile; & ex figura trans-*  
*ire ad rem figuratam, vel e contrario. Et cum aliquid fue-*  
*rit ceptum dici & declarari, repente eo prætermisso*  
*transire ad aliud: atque illis non perfectè declaratis, rur-*  
*sus ad priora resiliere. Hac autem ordinis commutatio*  
*& perturbatio, & non continua rerum tractatio valde*  
*obscurat eorum, quæ dicuntur, sententiam; & legentium*  
*turbat atque confundit intelligentiam. Hoc tamen con-*  
*siliu à operâ sit in prophetijs; ut sine Dei Spiritu, quo illa*  
*sunt condita, sint mortalibus impenetrabiles: & ne Di-*  
*uina prophetia, tanquam quid humani ingenij, & ratio-*  
*nis & prudentiæ, inuentum atque institutum putetur.*  
*Nec contentus hoc semel animaduertisse, po-*  
*stea disputat. 9. ait. Repetere conuenit, prophetiam*  
*hanc, siue quæ in ea narrantur visiones, non perpetua ac*  
*directa serie, nec iuxta ordinem temporum, & rerum ge-*  
*rendarum, conscriptas esse in hoc libro; sed non raro, quæ*  
*posteriora sunt, prius; & quæ priora, posteriùs tractari.*  
*Nec semper, cum visionis narratio inchoatur, ea conti-*  
*nuatur vsque ad finem: sed interrumpitur nonnunquam*  
*interiectis alijs rebus satis diuersis: & postea ad visionem,*  
*quæ inchoata fuerat, tractandam rediit. Frequentes*  
*itaque sunt in hoc libro anticipationes, recapitulationes,*  
*transgressiones, item & regressiones, nec non repetitiones*  
*earundem rerum, atque retractationes; quæ etiam re-*  
*pentine translationes. Hactenus ille. Atque præter*  
*ipsius auctoritatem, quæ magna est; opponit*  
*nobis Prophetarum consuetudinem, & rei ipsius*  
*conuenientiam: ut sine Dei Spiritu prophetia sint*  
*impenetrabiles, &c. Scio idem nonnullis arrisisse*  
*super Canticorum libro; qui addunt dignius*  
*sacrosancta Scriptura esse, ordinem conte-*  
*mnere; & animi conceptiones nò quidem nex-*  
*as & cohærentes, sed dissipatas, & dissolutas*  
*proferre; ut videre est in Salomonis parabolis.*

E

9.

10.

*Nullum in  
Apocalypsi  
nec in alijs  
prophetijs  
rerum aut  
temporum  
ordinem  
seruari,  
nonnullis  
placuit.*



II.  
Exploditur  
hæc opinio.

Ab his, qui ita sentiunt, ut vna ex parte asserant nullum ordinem, aut continuatam seriem in Apocalypsi & Cantico Canticorum esse querendam: ex alia verò affirmant, in applicatione non oportere, ut omnia ad viuum refecentur; sed satis esse cuiusque figuræ, aut ænigmatis, præcipuas partes applicare; ab his inquam, obsecro inprimis, ut animaduertant eadem etiam ratione Ouidij Metamorphosin nostræ Fidei mysterijs posse applicari. Etenim, si nullo opus est ordine, neque omnium partium perfecta applicatione; quæ Ouidij fabula reperiatur, quæ non aptè ad aliquod ex nostræ Fidei mysterijs accommodetur? Sic Actæonis apdlogus, qui in ceruum conuersus suis canibus elsa fuit; poterit appositè ad Eucharistiæ mysteriū aptari. Et idem dico de ceteris ipsius commentis. Cui verò hæc explicandi ratio ita satisfaciet, ut in ea acquiescat intellectus, quasi in germana ænigmatis interpretatione?

Deinde, quod aiunt, Prophetarum esse morem, nullum ordinem in ijs, quæ dicunt, seruare: Si singulæ Prophetarum visiones, aut coniectiones singulæ separatim sumantur; per multæ eiusmodi in eis reperiuntur; in quibus de earum ordine & continuatione, à principio ad finem vsque congruentissima ratio reddi possit. Quod dubitabit nemo, qui strenuam Prophetarum intelligentiæ nauarit operam.

Tertiò. Quamuis sæpe admittenda sit transitio ab historia ad prophetiam: non tamen ita ex abrupto, ut nulla sit habenda præcedentis historię ratio; sed potius ut aptissima sit vtriusque conexio. Sic enim videmus viros spirituales in familiari sermone, sæpe occasione data à corporeis ad spiritualia transire: sic tamen ut non tam institutum abruptissimè sermonem, quam per eum ipsum ad altiora conscendisse iudicentur. Quare ad plenam intelligentiam spiritualis doctrinæ, ad quam transisse videntur, necesse est animaduertere, quid antea agebatur; ut appareat quàm consentaneè atq; decorè, quàm scitè & eleganter posterior sermo sit cum priore connexus. Vnde illud Ioan. 4. 33. *Nunquid aliquis attulit ei manducare? Dicit Iesus; Meus cibis est, ut faciam voluntatem eius, qui misit me.* Ecce transitū; sed in quo nulla ratione debeat negligi contextus. Huiusmodi ergo sunt transitus Prophetarum. Plerisque tamen videntur abrupti; quoniam ignorato cōtextu non possunt percipere, quàm aptè & cohærenter fiant. De transitu Prophetarum agit Acoſta de nouissimis temporibus lib. 1. cap. 11. ex Hieronymo, Chrysostomo, Augustino, & Ticonio. Agit etiam Ribera Osee 2. §. 34. & 35. vbi adducit Hieronymi locum, & probat nō fieri transitionem ex abrupto. Agit etiam Hieronymus Prado in Ezechielem. His solum addo, aliquando suspiciosum esse, vbi nullus est transitus, eo nomine prætexi continuationis ignorantiam. Certè vbi verè Prophetæ ab vno sermone in alium transeunt, mira elucet in transitione prudentia, atque conexio. Caterum quod supradictus Auctor asserit, Scripturam in Prophetarum visionibus referendis, ordinem perturbare atque confundere; postrema antepone, postponere priora, cœpta amputare, & ad alia absque vilo ordine transire; hoc (inquam) demiror à prudentibus hominibus sacræ Scripturæ tribui; quod, si quis ita loqueretur, illi vi-

A tio ab omnibus vertendum foret; atque adeo permixti admodum atque confusi ingenij à ceteris iure optimo haberetur. Ac licet acuta nimis ac subtilia disputaret; ipsius in loquendo perturbationem ordinis, & tumultuariam rerum concisionem, cuncti meritò damnarēt. Sunt tamen nonnulla, in quibus nihil refert hoc vel illo ordine dici; atq; in his mirum non est, ordinem ab Scriptura contemni. At, vbi permagni interest ad earum rerum, quæ dicuntur, intelligentiam, eas ordine proferri; verisimile non est, in libro adeo sapienter scripto hunc ordinem desiderari. Quod verò additur, eiusmodi ordinis obseruationem, humani ingenij & rationis & prudentiæ inuentum redolere. Respondeo; id potius in hominibus distinctè & ordinatè loquentibus diuinæ Sapientiæ imitationem ac vestigium apparere. Quia, *Quæ à Deo sunt, ordinata sunt.* Rom. 13. 1.

B Quarto. Negari non debet; quin, si Apocalypsis est quoddam spectaculum ac veluti tragœdia; & Salomonis Canticum est vnicum poemā; cum vtriusque libri argumentum celsissimum sit, multò congruentius foret, ut nullus eiusmodi saltus, seu transitio in illis esset; optima enim in Prophetia transgressio fieri debet ad magis spiritualem, magisq; sublimem sermonem. Quod si omnia altissima sunt; minime cōueniens est, ut filum præcidatur. Ad hæc, si quis est liber, qui nos inuitet & alliciat, ut attentè eorum de quibus agit ordinem consideremus; hic profectò est Apocalypsis. Per multas enim diuisiones facit; multos item septenarios constituit; & septem non amplius sigillis designatis, eorum singula per ordinem à primo ad vltimum enumerat. Apponit namque, *Primum, Secundum, Tertium, &c.* Quæ omnia euidenti sunt argumento, hunc librum magno ordine & rerum connexionē conscribi. Iam in plagis, quis nesciat ordinem similiter ac seriem seruari? ac poni prius, quæ minùs graves sunt; deinde grauiorès? & ante tres postremas, illa *Va, Va, Va*, repeti; quæ tribus ipsis plagis respondent. In quibus etiam idem ordo ac gradatio seruatur; ita ut quinta sit seuerā, seuerior sexta; septima seuerissima. Similis est ordo in phialis, & in duodecim fundamentis. Etenim nisi Ioannes in eorum ordinata serie ac distributione magnam adhiberet curam; nihil erat, cur diceret, *Fundamentum primum Iaspis; Secundum Saphirus; Tertium Calcedonius, &c.*

C Quintò, ad id, quod adiungitur, Oportuisse ut omnia permixtim & absq; vilo ordine scriberentur; quò difficiliora essent intellectu, & quò minùs possent intelligi absque eo spiritu, quo fuere conscripta; Ad hoc ipse facile dixerim, multò esse difficilius rerum omnium seriem, & cohærentem ordinem rectè intelligere. Etenim, si hæc nobis mens semel insideat, in Apocalypseos expositione ordinem non esse spectandum; sed satis esse, quamlibet seorsum partem singulari mysterio applicare: eo ipso tollitur magna ex parte difficultas. Quod adeo verum est; ut ille ipse, qui priusquam ab Apocalypsi ordinem tolleret, tantopere eius difficultatem expenderat; addat postea duabus illis regulis, nempe (de non seruando ordine, deque non omnibus ad viuum refecandis) applicationem non ita esse difficilem, ut nonnulli opinantur. Hæc ille docet; & quidem satis

Ordo in prophetarum vaticinijs non diuinæ Sapientiæ contrarius, sed illi potius consentaneus valde est.

13.

In Apocalypsi potissimum ordinem seruari cōstat.

14.  
Retorquetur aduersariorum argumentum.



vere, si regulæ illæ non Lesbæ essent. Ordinis enim seruandi, & omnia quadrandi obligatione sublata, non video quid difficultatis supersit.

Sextò. Prædictæ regulæ, vt verum fatear, documenta non sunt, quæ nos ad veram interpretationem ducant; sed euasiones potiùs, quibus solatium sibi quærant ij, qui Apocalypseos filum & perfectam applicationem assequi non possunt. Nam ipsimet, qui has nobis regulas præscribunt, multò pluris suam explicationem ducerent, nec immeritò; si in ea totius contextus filum ex ordine duceretur: & applicatio ita esset omni ex parte perfecta, vt nihil omitteret. Quis hoc neget? Si ergo interpretatio ali-

A qua prodiret, quæ ipsorum etiam iudicio nobilius argumentum contineret, neque vnquam filum abrumperet; & applicatio vndique esset aptior, quàm ea, quam ipsi excogitauerant; nec particulam vllam præteriret: fatendum esset omnibus, expositiones eas, quæ nullum seruabant ordinem, nec omnia perfectè quadrabāt, minime esse veras atque germanas. Nec enim fieri potest, vt fili continuatio, & perfecta partium omnium applicatio reperiatur, vbi minime ea fuerant ab auctore intentæ. Si verò intentæ, sed hæcenus reperta non fuerant; certè veræ interpretationis inquisitio non consistit in declinanda difficultate, sed in eam superandi conatu.

## NOTATIO DECIMA.

*De egregio fructu ex filo aptè deducto à principio vsque finem libri. Vbi per occasionem de ænigmatis explicandi ratione.*

I. **S**I vniuscuiusque symboli applicatio ad eam partem, quæ illi respondet, non esset apta, modicus sanè fructus ex continuato Apocalypseos filo posset percipi, vt superiori notatione dixi. Verum si singularum partium accommodatio ita aptè & concinne quadraret, vt sapientum iudicio, in quouis symbolo seorsum desumpto ad illam cui deseruit, significationem peræqua proportio reperiretur, & excellenti digna ingenio: tunc verò ingens proculdubio vtilitas proveniret ex totius libri ad Ecclesiæ successus per ordinem applicatione. Quod nō idè dictum velim, vt eiusmodi perfectione aliquid meæ applicationi arrogem; sed vt probem in magno pretio habendam expositionem illam, quæ omnia Apocalypseos symbola, eâ ratione per ordinem applicaret. Hinc enim duo in primis emolumenta maxima sequerentur.

Primum esset, maximum fidelium solatium, & summa animorum voluptas ex manifesta pulcherrimi ænigmatis intelligentia; in qua mens omnino conquiescat. In ænigmatis enim, quò maior erat obscuritas & difficultas ante inuentam solutionem; eò maior solet esse claritas atque iucunditas post diuinatum mysterium, quod latebat; & post agnitam velaminis proportionem pulcherrimam. Quod cum ita sit; quanta & quam ingens voluptas caperetur ex superata difficultate eius præsertim libri, omnium quotquot vnquam fuere, difficilissimi; atque ita superatâ, vt legi iam atque intelligi magna cum facilitate ac voluptate possit? Facilitas in eo sita est, quòd ex ænigmatis explicatione tollitur ipsius omnis difficultas. Si qua enim adhuc residet, nondum censetur ænigma explicatum; nondum integra applicationis serie ostensa. Postquàm verò superata est omnis difficultas; tunc ingēs voluptas percipiatur, necesse est; tum ex veritatis reconditæ euidentiâ, tum ex contemplatione mirificæ symbolorum ad res significatas proportionis.

Dicat aliquis; Fieri non posse, vt tanta inde nobis oboriatur claritas. Licet enim omnia symbola congruenter ad interpretis mentem applicentur, singulorum tamen applicatio cui-

B dens esse non potest; sed ad summum probabilis & verisimilis. Atqui probabilitas, vel coniectura non affert animo eam perspicuitatem & voluptatem. Respondeo tamen, in ænigmatum explicatione quiddâ singulare satis contingere; ex probabili enim & cohærenti singularum partium declaratione coalescit totius ænigmatis euidentiâ: quod multò aliter in argumentationibus solet euenire, in quibus conclusio debiliorem antecedentis propositionis partem consequitur; ita vt si qua ex præmissis probabilitatis limites non excedebat, ex utrâque probabilitas tantum in conclusionem deriuetur. At in ænigmatis exponendis diuersâ longè ratione fit. Ex ijs enim, quæ non vt clara ac certa, sed vt probabilia tantum statuimus, ad summam claritatem, & euidentiem totius ænigmatis solutionem progredimur; vbi omnia quadrat applicatio, & partium omnium cohærentia mirabilem efficit concentum. Nec obstat, interpretem interdum per singularum partium applicationem dubium incertumque; ferri; & quædam nondum satis certa assumere, donec perspicuam totius ænigmatis solutionem cernat. Qua in re idem omnino cōtingit, quod in arcanis notis, (*cifras* vocant,) quibus nonnulli vtuntur, explicandis solet euenire. Proponitur enim mihi ob oculos epistola nouis quibusdam & inusitatis characteribus scripta; quos pro suo libito finxit scriptor, & in singularum literarum locum, eas supposuit figuras, quas ipse excogitauit, inuersis ac permutatis pro voluntate litteris. Huiusmodi ego epistolæ vt characteres internoscere, ac sensum valeam percipere; nec possum, nec debeo ex compertis & exploratis ad planam epistolæ notionem procedere; sed ea tantum assumere, quibus ad faciendam coniecturam niti possim; obseruatisque ijs præceptis, quæ norunt interpretandi magistri, ex ipsius epistolæ characteribus varia ac multiplicia configo alphabeta. Et suppono, *verbi gratia*, litteram M, pro A. litteram Q. pro L. & sic in alijs: & incertus adhuc ad epistolæ lectionem aggredior; donec post multiplicem litterarum, seu characterum commutationem, illud tandem inuenio alphabetum,

*Responsio.*

*Ænigmatis solutio ex apta omnium partium applicatione euidenter constat.*

*Idem appositæ satis similitudine probatur.*

15. *Ordinis perturbatio, ad ignoratam explicationis solatium inueniunt.*

I. *Fructus ex continuata serie percipitur.*

2. *Ingens ex diuini ænigmatis solutione solatium.*

3. *Obiectio.*



quo verba possint efformari, sententiæ ex verbis componi, sensus integer ex sententijs coalescere, & tota demum epistola aptissima consequentia perlegi. Tunc qui prius anceps ac lubricus in coniectando processeram; ex sola partium singularum probabilitate in eam repente euidentiā erumpo, vt scriptoris mentem ab vilo dubitationis vestigio optimè percalleam. Ita vt, si iuxta meam legēdi rationem epistola hæreticas assertiones contineat; dubitare non possim, quin eas scriptor notis eiusmodi mandare voluerit.

Idem omnino in ænigmatum expositione inuenio, in qua dum explicandi præcepta seruantur ad amissum; nec aliquid violenter, sed debita cum proportionē applicatur; minimè ab interprete requirēdum est, vt quod ad enodationem prius assumit, planum sit & exploratum (id quod in Philosophorum argumentis iure requirimus;) sed illud solum, ne quid ineptum aut minùs probabile præstituat. Quodd si hac via ad omnium ænigmatis partium idoneam & coherentem expositionem perueniat, ac sensum integrū, & omnia perfecte quadrantem assequatur; in quo partes omnes cohæreant, & ad argumenti vnitatem coalescant; tunc verò manifestè videt, se scopū collimasse, neque vllus ea de re dubitationis scrupulus sibi remanet. Atque perspicuitas illa, quæ ex congruenti partium omnium inter se colligatarum cohærentia consurgit; eam omnem dubitationem tollit, quæ prius in singulis partibus inerat. Atque in ijs præsertim tollitur dubitatio, quæ si aliter exponatur, ænigmatis enodatio non cohæret. In eis enim sublata omni formidine, certò & euidenter agnoscit interpret, siccasse interpretandum; sicut antea explicari posse conieciabat. In alijs verò nonnullis, quorum variæ interpretationes totius ænigmatis sensum, siue totius libri filum non immutant; non mirum est, post enodatum ænigma manere adhuc dubitatiunculas aliquas, & facultatem aliter atque aliter interpretandi in minoris momenti particulis. Itaque in ænigmatis expositione non per modum argumentationis procedendum est; sed curandum vt omnia congruenter aptentur; quod vbi fit, videas extemplo dubitationem in euidentiā commutari. Atq; vt euincatur in singulis partibus auctoris mentem ac sensum fuisse diuinatum; optima probatio est, omnia hoc pacto perfecte quadrari, & inter se compacta in pulchram structuram coalescere. Quemadmodum & in notarum interpretatione (de qua supra) nulla prius certa cognitio fuerat cuiusque singulati litteræ. Verbi gratia, M. aut L. donec manifestus verborum & sententiarum decursus id planum facit. Et tunc euidentis est pro M. fuisse suppositum characterem illum, qui ipsius figuram nullatenus referebat.

Ex hisce omnibus elicitur, quo pacto intelligendum sit commune illud Theologorum axioma ex Dionysio desumptum, epistola 9. ad Titum) *theologiam nempe (symbolicam non esse argumentatiuam.* Quoniam in symbolorum. explicatione proceditur ab obscuris ad clara: in argumentis contrà, à clarioribus ad minùs clara. Quod non obstat quo minùs auctoris mentem clare & euidenter possimus in ænigmatis agnoscere. Tunc autem apta & cohærens partium

A omnium accommodatio ita efficaciter intellectum illustrat; vt ei prorsus satisficiat, & amatores veritatis summa afficiat voluptate.

Id vt amplius explicetur, considerandum est quotidianum in ænigmatis exponendis experimentum. Etenim, si quis mihi offerat ænigma, in quo videam solem inter alia depictum: ad eius explicationem nō mihi licet solem ad violentam significationem symbolicam detorquere; ceterum inter eas, quas aptas atque probabiles esse constat, eam licet seligere, quæ magis arrideat; possum nempe illum ad Christum applicare, ad rationem, ad sapientiam, ad regem, &c. Quodd si cum ea, quam assumo significatione cetera omnia æquè probabiliter cohæret, & partes omnes inter se venuste consentiunt; nulla mihi tunc superest dubitatio, quin ænigma manifestè explicauerim, & veram ac germanam ipsius expositionem attigerim. Nec solum hac claritate fruitor interpret; sed ceteri etiam qui interpretationem audierint, licet mediocri ingenio sint, modò ad rerum huiusmodi cognitionem idoneo. Si enim illi audientes interpretationem, non sibi persuadent interpretem collimasse; non in illos culpa, sed in ipsum interpretem conferenda est. Compertum namq; est, veram ænigmati explicationem omnibus communiter satisfacere; atque aded nondum explicauit, in cuius explicatione ceteri non acquiescunt. Cum igitur Apocalypsis ad vnicum ænigma ex pluribus contextum reducatur; certum debet esse, explicationē, in qua proposita audientium mentes non conquiescant, minimè esse veram ipsius enodationem.

In ænigmatibus prophetis manifestum est interpretationem illam, quæ omnia ordinatim quadrat (ita vt euentus ipsi per ordinem vaticinijs partibus aptè applicatis respōdeant) perspicuè ostendere; & cum esse germanum ænigmatis sensum, & ænigmata ipsa esse in magno pretio habenda, vt verè prophetica. Contrà autem, si euentuum series symbolorum ordini non congruat, aut prophetia ipsa ludibrio erit, si de eius possit auctoritate dubitari; aut saltem constabit, nondum esse ænigmatis mysterium diuinatum. Huic rei exemplum aptum afferri potest, liber siue prophetia de summis pontificibus, qui Abbati Ioachimo tribuitur; in quo si perspicuè constaret, ipsius symbola siue ænigmata Pontificibus eodem ordine, quo alij alijs succedunt, conuenire; ita vt triginta symbola totidem Pontificibus per ordinem quadrare cernerentur; planum inde fieret, illius libri scriptorē fuisse Prophetam, librumque ipsum summa religione suscipiendum. Enimverò, si inter applicandum magna ordinis apparet perturbatio; prudentissimus quisque facile indicabit, librum illum nugatorium planè esse; ex eo tamen, quodd symbolum aliquod singulari alicui Pontifici videatur posse applicari, & alterum alteri (vel si plura pluribus conueniant, non tamen ordinatim, sed ordine potius peruerso atq; confuso) nullum elicitur argumētum, vt ipsius scriptorem Prophetam fuisse credamus. Vbi enim peruertēdi ordinem assumitur licentia; per ipsam ænigmatum obscuritatem atque varietatem licet, vt hoc vel illud ænigma, (et si omnia ficta sint & commentitia) certo cuidam Pontifici

6.  
*Ænigmati  
soluendi ratio  
exemplo  
declarat.*

7.  
*Quæ ænigmati  
prophetico  
ratio sit.*

5.  
*Theologiam  
symbolicam  
non esse ar-  
gumentati-  
uam, quo  
pacto intel-  
ligendum.*



applicari posse videatur. Quemadmodū humaniorū litterarum studiosi, quamcunq; ad rem, (quam velint vel laudare, vel vituperare) multa & varia ex antiquis arcanis & Poëtarum fabulis præsertim solent eruere, quæ illi facile accommodent; cum tamen nullus in animum inducat, propriam eiusmodi fabularum significationem fuisse illam, cui denuo ab studiosis aptantur. Si ergo ex Poëtarum fabellis nonnulla per speciem afferri potuerunt ad singulare aliquod euentum ornandum; quid mirum si ad eiusdem significationem symbolicam aliquid ex Apocalypsi trahatur; licet à sacri Scriptoris mente valde abhorrens? Præsertim cum tanta sit in eo libro symbolorum & ænigmatum varietas? Præterquam quod eò facilius possunt eiusmodi ænigmata ad varios sensus detorqueri, siue vtrumque applicari, quod obscuriora sunt ac difficiliora. Hanc ob rem Astrologi iudicarij, ne ita facile mendaces deprehendantur, obscure ad modum de futuris enūciant. Atque idem prorsus in eo libro de Pontificum prophetijs, supradicto contingit; cui cum tantæ sint obscuritatis tenebræ offusæ, facile est aliquod ex ijs ænigmatibus, seu delirijs potius, ad Sixtum V. aut ad Gregorium XIII. aut alium quemuis accommodare.

Ceterum sapientes iure librum illū irrident; quod ea contineat vaticinia, quæ Pontificibus per ordinem minimè possint aptari. Si tamen aptare perfecte & ordinate possent, difficultas illa tandem vinceretur; liberque ipse summa apud omnes esset veneratione. Ex quo infero, tanti momenti esse, totam Apocalypsin ad theologice Ecclesiæ historiam per ordinē applicare; vt illi ipsi, qui olim de libri huius au-

Auctoritate dubitarunt, siquam forte aptam & congruentem Apocalypseos applicationem ad id, quod proposui argumentum, siue aculthiam reperirent; hoc idem eos peruinceret, & hanc esse Spiritus sancti prophetiam, & omni veneratione dignissimam fateri cogerentur. Cum hoc argumentum nobilissimam Ecclesiæ prophetiam contineat. Symbolorum autem series manifestè quadrata cum historiæ veritate (cum librum ante Ecclesiæ de Roma triumphum fuisse scriptum, constet,) dubios confirmaret omnino; nec amplius de eius auctoritate dubitare permetteret.

B Quid igitur aut fidelium consolationi maius, aut Apocalypseos auctoritati magnificentiùs excogitari posset; quam id quod ex ordinata & conuenienti eius libri ad prædictum argumentum applicatione proueniret? Siquidè hoc fuisset satis, vt liber hic summæ esset apud omnes existimationis, & diuini numinis afflatu crederetur scriptus; etiam si non antea ab Ecclesiâ id fuisset decretum, nec de eius scriptore constitisset. Quid insuper maiori æstimatione dignius esset, quam si illud ænigma, in quo tot graues auctores, siue eius auctoritatem derogando, siue fabulosè interpretando, offenderant; manifestè constaret, ideo fuisse, aut reiectum, aut ad eiusmodi commenta detortum, quod minimè fuissent ipsius sensum assecuti; & eam germanam interpretationem omnia quadrantem, quam Romanæ Ecclesiæ filij, & præsertim Theologi optare maximè potuissent. Et hætenus de primo ordinatæ explanationis emolumento. Alterum notatione sequenti subiiciam.

## NOTATIO VNDECIMA.

*De Hæreticorum confutatione ex eodem filo aptè deducto.*

I. **D**ixi de fidelium solatio. Addo nunc, ex eadem apta & ordinata interpretatione validam Hæreticorum, & præsertim Caluinistarum confutationem peti posse. Scio hoc nouum; multis atque adeò paradoxum visum iri. Primò enim cōmunibus est infixæ sensibus illa ex Dionysio sententia, *Theologia symbolica non est argumentatiua*. Deinde, vbi symbolis vti volumus, ad eam rem comprobādam, de qua disceptatur, nulla alia in re niti posse videmur, nisi in apta symboli ipsius applicatione; quæ quantumuis apta sit, responsio in promptu est, eiusmodi nempe applicationem concinnam sanè esse, & elegantem, malè tamē locatam; cum ad rem falsam aptatur symbolum, quod sæpe vsu venit. Et quemadmodum Catholici Caluinistas iure optimo irridemus, qui maris belluā, cap. 13. aut Gogi laruam ex cap. 20. Romano Pontifici impingunt; & Ecclesiæ Romanæ figuram Babylonis idolorum cultum suadentis cap. 17. imponant: sic etiam eam Catholicorum expositionem videntur illi posse illudere, quæ locustas, cap. 7. ad eos referat. Et communiter loquendo ænigmatibus declarationem præcedit rei ipsius cognitio, ad quam applicatur. atque ita ænigma non affert eius rei cognitionem; sed veritati præcognitæ velum obscuritatis obdu-

D cit. Quare cum de rei alicuius veritate controuersa est; nihil videtur conferre posse ænigmaticum velum.

Nihilominus absque dubio, maximo foret Hæreticis, & præsertim Caluinistis, dedecori & probro, (vtinam & pudori) ea totius Apocalypseos explicatio, quæ nostro argumento vniuersum contextum cum debita ænigmatum proportionem coherere, planum faceret atque peripicuum. Nec enim illud effugium quærere possunt, hunc librum à Papistis (sic illi nos appellant) in nostrorum dogmatum confirmationem, & Romanæ Ecclesiæ auctoritatem fuisse confictum; quandoquidem libri antiquitatem probè norunt; nec nouum esse figmentum, sed vetustissimam prophetiam, & permagno pretio ab ipsis Caluinistis æstimatam; quod in Romanam Ecclesiam (perperam explicando) conuitia & maledicta congerant. Et quamuis eorum nonnulli commentarios in Apocalypsin ediderint gloriosè exordientes à titulis magnificis, quibus promittunt *methodos facillimas ad explicationem Apocalypseos ex ipso libro desumptas; Methodicas analyses; clauēs nouas propheticas eiusdem libri, & sexcenta huiusmodi*; sed cum apud eos nihil ita vulgare sit; quam militem gloriosum imitari, ac montes (quod aiunt) aureos polli-

8. *Ioachimi liber vaticinium de Summis Pontificibus continens iure à sapientibus exploditur.*

I. *Ex ordinata & consequenti Apocalypseos interpretatione validum ad confutandos hæreticos argumentum sumitur.*

Arrogantes hæreticorum inscriptiones.



In Arte  
Poët.

ceri; ed tandē tota hæc tendit iactantia, quod exp-  
ressit Horatius: *Parturiunt montes, nascetur ridiculus*  
*mus*. Nec enim aliud suis commētarijs præstant,  
quā summi Pontificis auctoritatē, musculorum  
instar, arrodere, idq; ridiculē. Dubium autē non  
est, eos, qui aliquid ingenij nacti sunt apud illos,  
manifestē agnoscere, Apocalypsin se prorsus  
non intelligere, nec posse vllam probabilē du-  
cti fili rationē reddere. Atqui, (vt iam superius  
ostendimus) oportebat ænigmatis interpretem  
perspicuam ipsius declarationē reddere; ita vt  
audientibus siue legentibus satisfaciatur; quod si-  
ne totius cohærentiæ applicatione fieri minimē  
potest. Ad eam tamen euidētiā opus est, vt  
omnia ab initio ad finem vsq; per ordinem ap-  
plicantur; omnia quadrent, & singularum par-  
tium applicatio ostendat symbola eodem quo  
exponitur modo, eiusmodi habere proportio-  
nē, quæ in optimis ænigmatibus requiritur; vt in-  
geniosus quisq; ea se condidisse, nō solum non  
erubescat, sed etiam meritō gaudeat. At horum  
ostentatorum explicationes eæ sunt, quæ ipso-  
rum inscitiam & ingeniorum tarditatem non  
obscurē præ se ferāt. Quandoquidem ridiculas  
explicationes, & violenter detortas, pro veris  
ac serijs venditant. Sed hanc fortasse ignomi-  
niam ea solum ex parte subterfugiunt, quod  
nullus eis fidem habeat; atq; adeo nō ita rudes  
& hebetes reputantur, ac reputarentur, si quas  
edunt Apocalypseos interpretationes, ipsismet  
interpretibus probatū iri crederetur. Hisce ta-  
men glorijs titulorum pollicitationibus, eam  
saltē consequuntur gloriā, vt mendaces & ir-  
risores, ac gloriolæ inanis captatores ab omni-  
bus habeantur. Ceterum quæ vana sunt, futilia  
& commentitia, facili, ceu fumus, euanescent;  
nec fieri vnquam potest vt verum ac solidum  
honorem sibi quispiam possit cōparare ex vio-  
lenta ac ridicula planē interpretatione; in qua  
quicumq; aliquo sit ingenio, perspicuē cernat,  
nullā esse solidi, aut expressi vmbra, nedum  
veritatē; in quā possit intellectus conuiescere,  
& ænigmatibus difficultatem superatam cernere.

Præcipuum ergo discrimen inter Rom. Ec-  
clesiæ filios, & inter ipsius hostes, nempe hære-  
ticos, hoc est; quod illi Romanū Pontificem, vt  
Christi vicarium in terris, & Rom. Ecclesiam,  
vt ceterarum omnium caput agnoscunt ac ve-  
nerantur: isti verò tam Pontificem, quā Ecclē-  
siam Romanam reiiciunt ac detestantur. Licet  
autem Caluinistæ summa vi niantur Romæ ac  
Pontifici Summo bellū hoc libro indicare; qui-  
cumq; tamen ex eis aliqua fuerit ingenij perspi-  
citate, qua possit interpretationis cōsequentia  
attēdere, & expositionē omnia quadrantē apte  
re; facile aspiciet bellū huiusmodi nō vanū esse  
solum & inane, sed omni etiā irrisione dignū: ni-  
hil, n. cōnectunt, & nec caput, (quod aiunt) nec pedes.

Dum de alijs controuersijs disceptatur; e-  
tanta huiusce libri obscuritate aliqui adhuc cla-  
rissimi doctrinæ radij emergunt, ad Hæretico-  
rum nebulas dissiciendas; vt consultius for-  
tasse, vel fraudulentiùs potiùs se gessisse videan-  
tur Lutherani, qui libri huius auctoritatem ab-  
negarint; quod ab eo nihil sibi in nos præsidij,  
sed multum nobis roboris ac virium in eos,  
desumi posse viderent; vt in ijs præsertim, quæ  
bonorum operū necessitatem ad salutem spe-  
ctant. At in controuersia de Ecclesiæ Romanæ  
auctoritate, libri obscuritas ac difficultas secu-

A ros Caluinistas suo iudicio reddebat, ne bellum  
sibi à Catholicis ex hoc libro inferendum ex-  
timescerent. Quin imò illi potiùs in nos iacula  
hinc petita immittere audebāt, & nos Apoca-  
lypseos ænigmatibus deterrere. In hoc ergo con-  
gressu si planē constaret Apocalypseos filum  
esse idem omnino, quod ipse in mea acoluthia  
texui; tunc verò quid posset grauius & Roma-  
næ Ecclesiæ auctoritati præstabilius, quid ad-  
uersus Caluinistas acrius, ac validius reperiri?

Ab hac formidine longē absunt Sectarij, exi-  
stimantes accidere id nusquam posse; nec ti-  
mendum vnquam putant, vt cælum ruat: at-  
que adeo stultum planē esse, quemquā sibi tot  
actanta polliceri. His ego dixerim, me nō esse  
eiusmodi, qui hæc tam præclara mihi assumam,  
& ea me præstiturum ausim affirmare: non in-  
ficiari tamen, me id maximē cupere atque co-  
nari. Nunc verò hypotheticē, siue conditiona-  
liter loquor; nempe, si illud planē constaret,  
constitutum etiam similiter de Caluinistarum  
stultitia. Quod vtrumq; vt liqueat, nihil aliud  
opus est, quā vt omnia huius libri ænigmata  
ordinatim & apte ad argumenti seriem appli-  
centur. Adulterinum namq; filum perducere ad  
extremum nō potest; sed faciliē abruptitur, &  
in media deficit textura. Atq; in hac inter Ca-  
tholicos & Hæreticos disceptatione, dum alij  
C Rom. Ecclesiæ atq; Pontificis maiestatem propu-  
gnant, alij oppugnant; si omnib. planū fieret,  
Hæreticos non potuisse, neq; posse totius libri  
ænigmata consequenti ordine aptare, Catholi-  
cos verò id egregiē præstitisse; quid ad hæc pos-  
sent Hæretici opponere? Nōne ipsi hanc esse  
ænigmaticā Ecclesiæ prophetiam fatentur? Quā  
igitur potest in æternā Dei veritatē ac sapien-  
tiam cadere, vt symbolicū vaticinium diuini-  
tus exaratum commentitiæ doctrinæ apte & or-  
dinatē conueniat? Si verò interpretatio omnia  
concinne quadrasset; stultū esset adhuc cōten-  
dere, eā rei propositæ non esse aptam atq; qua-  
dratā. Huius enim, (vt ita dicā) circuli quadra-  
tura in manifesta proportione consistit. Quare  
postquā applicatio omnia prorsus quadravit;  
nō potest intellectus asserere, nondū apte con-  
uenire explicationē. Quemadmodum enim si  
hæreticus nunc ingeniosa conderet ænigmata,  
quæ Caluini dogmata significarent, vbi idonea  
eorum applicatio cerneretur; minimē negare  
possent Catholici, quin illa ad eiusmodi signifi-  
cationē idoneē cohererēt, & integrē atq; ordi-  
natim ad Caluini heresim accommodarentur; ita  
etiam si appositæ vniuersæ Apocalypseos inter-  
pretatio, & Catholicorū doctrinæ apprimē cō-  
gruens inueniretur; illud saltē Caluinistæ con-  
coquere minimē possent, qua nimirū ratione  
fieri potuisset, vt Apocalypsis, (quā illi aduer-  
sus Romani Pontificis auctoritatē fuisse conscri-  
ptā ineptē gloriabatur) adeo appositē esset ex-  
plicata & Pontifici auctoritatis, & Rom. Eccle-  
siæ re: vt ipsi etiā negare nō possent, nihil con-  
gruentius ad Pontificis ipsius gloriā & Ecclesiæ  
splendorem scribi aut effingi potuisse. Quod si  
hanc metam mea expositio nō attigerit; spero  
tamē, quæ summa est Dei prouidentia, Caluini-  
stas in hoc rete tandem aliquando induendos,  
Deo ipso opem atque præsidium Ecclesiæ præ-  
stante; vt explicata Apocalypseos obscuritate,  
hæretici manifesti erroris conuicti, & summo  
dedecore affecti obmutescere cogantur.

Superbi hæ-  
reticorum  
tituli ipso-  
rum insci-  
tiam ve-  
legunt.

3.  
Discrimen  
inter Ca-  
tholicos &  
hæreticos  
in Apoca-  
lypseos in-  
terpreta-  
tione.

4.  
Lutherani  
Apocalyp-  
sæ auctori-  
tatem dero-  
gant.



6.  
Responsio ad  
superius  
obiecta.

Iam ut ad obiectiones initio propositas respondamus. Ad primam ex Dionysij sententia respondeo, vnumquodq; seorsum symbolum, quantumvis eleganter applicetur, nihil quidem probare; si verò omnia alicuius libri symbola egregiè & ordinatè alicui significationi conueniant; tunc argumentum inde satis efficax ad eam stabiliendam significationem desumi: ut epistolæ exemplo notis incognitis ac nouis characteribus scriptæ, superiori notatione ostendimus.

Ad secundam similiter respondetur. Admissa enim semel epistolæ cuiuspiam nouis notis scriptæ auctoritate, postquam vniuersa fuerit perlecta; necesse est, quidquid in ea fuit lectum, eandem cum epistola auctoritatè habere communem. Idem igitur esset dicendum de huius libri interpretatione; si eiusmodi esset, quæ singulas eius partes idoneè & coherentè applicaret. Cum enim ipsius libri auctoritas (ab Hæreticis etiam) ut Diuina recepta sit; quantumvis tergiversando cauillentur, negare tamen non possunt; quin si illius explicatio apta sit & ordinatè cohærens, ab omnibus sit ut vera atque germana accipienda. Quod verò additur Hæreticorum explicationes à nobis irrideri;

A Respondeo, id nos iure agere; eorum namque interpretationes contra Romanam Ecclesiam non solum non cohærent cum totius libri serie; sed violentæ etiam sunt, & planè ridiculæ. Neque valde mirarer, si nostras explicationes, quæ non solidiori, quàm suæ niterentur fundamento, illi etiam ludibrio haberent. De his tamen mihi non est sermo; sed de illis duntaxat, quæ omnia percommode quadrarent, ut satis exposui.

Ad id demum, quod subditur, inutile prorsus videri ænigmatis inuolucrum, quando de rei ipsius veritate disceptatur; Respondeo, id solum tenere, dum totius libri series non est congruenter applicata. Ceterum ubi hoc manifeste fuerit præstitum, obscuritas ipsa ac difficultas in euidentiā commutantur. Id quod manifestè patet in notarum (de quibus supra diximus) interpretatione; quibus licet epistolæ sententias obducere atque obtegere voluerit scriptor; at ubi variè coniectando aliquod tandem alphabetum deprehenditur, quo series epistolarum legi possit; idem notarum integumentum reteggit lucem obiectam, qua totius epistolæ sensus palam fiat; ita ut de intentione scribentis non possit dubitari.

## NOTATIO DVODECIMA.

*Confirmatio tertia nostri argumenti ab obseruatis tum indicijs ad explicationem datis à Ioanne ipso, tum etiam antiquorum Patrum vestigijs.*

Confirmatio  
nostri  
argumenti  
ab indicijs  
à Ioanne  
Apostolo  
obseruatis.

I. IN perfrigidis & horrentibus natura locis, ubi multa nix per hiemem de cælo decidit, ingens esse solet viatoribus in montium traiectu, & accliuum locorum angustijs superandis difficultas: viæ enim altissima niue obducta, atque adeò obstructa, dubia & incerta gradientium vestigia, passim fallunt. Quare viatores frequenter, aut præcipientes in procliuem agi, & in niuem penè tori demergi, aut viæ ignoratione decepti in varia ac diuersa ferri solent. Tanto huic malo ut opportunè subueniatur, in vijs ipsis, quæ solent frequentius hirsuta niue tegi, columnæ aliquot extantes & eminentes, idoneis in locis ita aptè dispositæ collocantur; ut cæcos viarum exitus, & anfractus anticipites viatoribus tanquàm indices ac duces præmonstrent. Interdum tamen tanta niuium ingruit vis & copia, ut columnæ ipsæ immerse penitus vix appareant. Multa obscuritatis & difficultatis veluti nix, qua angustæ aut flexuosæ Apocalypseos viæ, & prærupta ænigmatum diuerticula sunt obfusa, scitissimum quemque & scripturæ viarum peritissimum falleret; nisi Diuino consilio fuisset factum, ut duo potissimum præsidia, & viarum adiumenta, aliqua saltem ex parte itineris difficultatem eleuarent; & spem inijcerent viatoribus progrediendi longius, & in vltiorem partem traijciendi. Alterum est, viæ ipsius signa prospicere, ac veluti extantia columnarum capita, quæ Principis iussu sunt difficilioribus in locis erecta. Alterum eorum vestigia, qui viæ non ignari tantum suscipere iter. Hæc certe duo me in tanta Apocalypseos difficultate solantur. Video enim me nusquam recedere à signis seu columnis, quas

C Ioannes certis locorum spatijs per totam Apocalypsin diuino instinctu defixit. In quibus symbolorum aliquot significationem expressis verbis asserendo, columnas totidem in difficilioribus viæ angustijs erexit. Video insuper me antiquissimorum Patrum vestigijs insistere, quos laboriosæ huius viæ intelligentiam minimè latuisse putandum est: quippe qui Ioannis discipulorum explicationem, quam à magistro ipsi acceptam suis posteris quasi iure hereditario tradiderunt, studiosè ac diligenter conseruarunt.

D Quod ergo ad Ioannis signa, siue columnas attinet; huc spectant illæ symbolorum expositiones, quas per contextum dispersas legimus. In his sunt stellæ septem, & totidem candelabra, cap. 20. *Septem stellæ, Angeli sunt septem Ecclesiarum; & candelabra septem, septem Ecclesie sunt.* Item cap. 7. *Lampades ardentes ante thronum, qui sunt septem spiritus Dei,* cap. 4. 5. Item thymiamata, siue odoramenta, quæ sunt orationes Sanctorum, cap. 5. 8. Item ciuitas magna, quæ vocatur spiritualiter Sodoma, & Egyptus; ubi & Dominus crucifixus est, cap. 11. 8. Item Draco vocatur Diabolus, & Satan, qui seducit vniuersum orbem, cap. 12. 9. Item, Hi sunt, qui cum mulieribus non sunt conuincti; virgines enim sunt, cap. 14. 4. Item, Septem capita septem montes sunt, super quos mulier sedet, cap. 17. 9. & ibidem num. 15. *Aqua, quas vidisti, populi sunt & gentes, & lingua, & num. 18. Babylon, seu mulier quam vidisti, est ciuitas magna, quæ habet regnum super Reges terræ.* Item, Byssinum, iustificatioes sunt Sanctorum, cap. 19. 8. Item, Stagnum ignis est mors secunda, cap. 20. 14.

E Inter tot tamque præclara signa, duo illa sunt vel maximè notanda, quæ de duplici ciuitate

2.  
Quæ Ioannes indicia ad Apocalypseos interpretationem conducentia reliquerit.

3.



*Duplex in Apocalypsi ciuitas Ecclesia bellum indicat: sunt Ierolyma & antiqua Roma.*

*Septem tubarum bellum unicum esse, non plura.*

*Mulieris volatus in desertum cap. 9 quid significet.*

tate tradit; quarum vtraque Christianæ Ecclesiæ indicit bellum. Cogit enim nos Ioannes, vt ciuitatem primam intelligamus esse perfidam Ierolymam, alterā verò antiquam Romam ethnicam. Etenim quid expressius de prima dici posset, quàm Dominum fuisse in illa crucifixum? & de secunda, quid clarius, quàm eam esse ciuitatem magnam super septem montes sedentem, ac regibus terræ dominantem? Itaque Sodoma & Ægyptus in Apocalypsi antiquam Ierolymam perfidam clarè indicant; Babylonis nomine Roma significatur, (quo etiam nomine illam compellat Petrus epistola 1. fine.) Deinde contextus ipse persuadet, septem tubarum plagas esse eas, quas Deus in rebellem Ierolymam immisit; plagas verò phialarum esse, quibus Christus Romæ ethnicæ bellum intulit. Euidens namque est septem tubarum bellum vnicum esse, & in septem partes diuisum aduersus eosdem hostes continuari, (quemadmodum septem illæ buccinæ Iosue 6. totidemque circuitus eidem vrbi Hierico minabantur.) In sexta autem tuba, vbi manifestè de illa ipsa vrbe sermo est, in qua Dominus fuerat crucifixus, dicitur; *Decima pars ciuitatis cecidit.* Itaque certum omnino est, omnes illas tubarum plagas in Iudæorum gentem fuisse immisas, quæ cum Christiana Ecclesia bellum gerebat. Atque huius belli exitus fuit decimam partem ciuitatis cadere, & à perfida Ierolyma Deum (in septima tuba) arcæ testamenti auferre, & Iudæos ipsos horribili grandinis procella percutere. Lege cap. 8. & 9. & 11. Hoc autem finito bello Christiana Ecclesia in desertum protinus aduolat, initio cap. 12. Quis verò dubitet, volatum eiusmodi in desertum nihil esse aliud; quàm Ecclesiam derelicto Iudaismo ad Gentilitatem se recipere? Gentilitas enim sæpius apud Prophetas deserti nomine indicatur. Vt igitur in Iudæorū bello princeps eorum ciuitas fuit designata, quæ Christi Ecclesiam acerrimo bello exagitabat, (ea scilicet vrbs, in qua Christus crucifixus est:) ita etiam in Gentium bello aduersus Ecclesiam suscepto præcipuum belli caput ac robur, Romam ethnicam, & ipsius potentiam esse denotatur. Nec minùs compertum est, quemadmodum tubarum bellum vnum fuit tantum, licet in septem puncta partitum; ita similiter phialarum bellum esse idem omnino, non plura; & totidem in puncta seu partes secari. Quare septem phialæ aduersus eandem urbem effunduntur, quæ proculdubio Roma ethnica erat, licet Babylonis nomine appelletur. Septima igitur plaga ingentem illam affert vrbi ruinam, qua superba Babylon in tres partes diuiditur. Quam diuisionem deinde mirabilis illa exustio consequitur, cuius fumus durat in sæcula sæculorum. Ex quo fumo manifestè elicitur, de mystico hîc incēdio agi. Qui enim posset aliter fumus ille in sæcula sæculorum permanere? Nec minùs certum est, decimæ partis prioris ciuitatis ruinam similiter fuisse mysticā; in qua decima Iudaicæ Gentis pars Christo faces submisit, ad illius fidem conuersa, iuxta Isaïæ vaticinium, cap. 6. 13.

His leuiter perstrictis (postea enim suis locis singula sunt singillatim enucleanda) facile intelligitur, totius Apocalypseos seriē; expressam Ioannis de vtraque ciuitate declarationem;

A Ecclesiæ de eisdem ciuitatibus victoriam reportantis, & postea mille annorum pace fruentis descriptionem; hæc, inquam, omnia manifestè conuincere, à cap. 5. ad finem vndecimi, agi de Ecclesiæ bello cum Synagoga, & à cap. 12. ad 19. de bello, cum Gentilitate. Atque ab his præfixis punctis discedere, ideim planè esse existimo, ac nullam ducere rationem de erectis in hac via columnis, quæ viatores aberrantes in eam reducant.

Hæc omnia, quæ nuper diximus, ostendunt Ioannem Annum, Hentenum, Salmeronem, ceterosque notatione 6. opinione 7. relatos ipsius Ioannis verbis, & Apocalypseos textu fuisse compulso, vt pro comperto haberent, à cap. 5. ad 19. sub ænigmatū velo describi persecutionem, quam Ecclesia à Iudæis & Gentibus passa est; & spirituale bellum, quod ipsa eisdem intulit; & quem de ipsis triumphum gloriosum reportarit. In quo illud inprimis notandum est, hisce auctoribus argumentum id ita necessarium fuisse visum, vt ipsum asserere non dubitarent; quantumuis ad singulorum ænigmatum applicationem parem animum se asserere non posse, cognoscerent. Et quod maius est, cum censerent cum eo argumento non cohærere, Apocalypsin ante Ierolymæ vastitatem fuisse conscriptam; ne ab eo, quod necessarium ducebant, denelli possent; in eam venisse mentem, vt Apocalypsin sub Nerone fuisse scriptam, contra totius antiquitatis sensum, affirmarent. Si igitur textus ipse homines ita doctos impulit; vt, quamuis eas difficultates superare non possent, nihilominus certissimum statuerent, illud esse huius libri argumentum; quid agerent, si difficultatem ænigmatū sublatam esse vidissent; & animaduertissent in Apocalypsi debuisse per Prophetiam, enunciari ea, quæ iam præterierant.

Vt igitur superius dicta paucis complectar. Hæ sunt duæ quasi columnæ in Apocalypseos via præfixæ; in quas interpret identidem oculos referre debet; altera nimirum indicans tubarum plagas esse bellum Dei pro Ecclesia aduersus Synagogam. Altera docens plagas phialarum esse bellum aduersus Gentiles: atque adeo à cap. 6. ad finem vndecimi agi de excidio Iudaismi; à duodecimo verò ad decimum nonum de excidio Gentilismi.

His positis, facilè animaduertitur, dubio hæc Apocalypseos signa seu columnas ita esse inter se dispositas, vt altera alteri egregiè respondeat, & alterutra in alterius cognitionem faciliè ducat: ita vt qui alteram inspexerit, non possit non (nisi supinè admodum conuiueat) ad alterius aspectum deuenire. Ex altera enim ad alteram aspectus pater. Dicam clariùs; quicumque aduerterit, tubarum plagas ad Iudæorum excidium spectare; eo ipso (si sibi constare velit) tenetur ad asserendū, per plagas phialarum, Gentilitatis excidium indicari: hoc enim priori illi Iudæorum bello connectitur. E contrario etiam, qui nouerit in phialarum plagis bellum cum Gentibus contineri; necessariò fateri debet, in plagis tubarum contineri similiter bellum cum Synagoga: hoc enim illi antecessit. Et vtrumque bellum, Ecclesiæ nempe cum Ierolyma & cum Roma, sunt inter se connexa.

Quæ cum ita sint, quicumque ex antiquis

*cap. 11. cum Synagoga, alterum deinceps cum Gentilitate.*

*Duo indicia à Ioanne ad Apocalypseos expositionem data.*



Indicia item  
à Patribus  
observata.

Patribus nos expresse moneat, secundum illud bellū Romę ethnicę ac Gentilitati fieri; hoc ipso tacite nobis innuit, primū bellum cum perfida Ierololym ageri. Ac proinde ex eo solum, quod in Apocalypsi afferat, Babylonis nomen veteri Romę ethnicę imponi; nos admonitos etiam volunt, spiritualem Sodomam & Ægyptum esse Ierololymā rebellem. Simili etiam ratione, qui affirmant Deum phialarum plagis bellum Gentilitati inferre, eadem consequentia significant, tubarum plagis bellum cum Iudaismo geri.

8. Ex his deducitur, ad Apocalypseos intelligentiā antiquos Patres nobis multo plus lucis asserere, quā aliqui fortasse opinantur. Quotquot enim eorū per Babylonem in Apocalypsi antiquam Romam ethnicam intelligunt, eo ipso sunt auctores nostrę expositionis à cap. 5. vsque ad 19. illud autem expresse docent Hieronymus multis in locis, Tertullianus, & Paulus Orosius (vt videbimus cap. 17.) Quos sequuntur ex recentioribus non solum octo illi auctores, quos notat. 6. pro septima opinione expressimus, sed etiam alij doctissimi, vt Hesilius in Primam Petri, Bellarminus in controuersijs to. 1. lib. 2. de Romano Pontifice, cap. 2. & lib. 3. c. 14. Gagneius in Apocalypsin, Pererius in proleg. disput. 7. causa 4. Mendoza in quodlibetis, quęst. 4. Scholaft. num. 6. (vbi affert Augustinum & Nicephorum lib. 2. historię, cap. 15.) Prado in Ezechiel. cap. 23. num. 31. vbi de poculo aureo, de quo Apocalyp. 17. 6. Suarez 3. p. to. 2. disp. 56. sect. 2. & Marquez de celesti Ierololy. fol. 83. & alij plerique. Fauent Papias, & Eusebius lib. 2. historię, cap. 14. & 19. nec non ij, qui sacre Scripturę prophetiam de regno Romanorū destruendo spiritualiter esse intelligendam censent. Ex quibus sunt Strabus, & Burgenfis apud Maluendā de Antichristo lib. 5. cap. 1. Facit Augustinus, dum docet Romam in sacra Scriptura filiam Babylonis appellari; & dum Romę tribuit nomen Babylonis Occidentalis. vide illum 18. de ciuitate, cap. 27. Pręterea expositionem Hieronymi, qui nomine Babylonis in Apocalypsi intelligit Romam, adeo probat magnus Cassiodorus lib. de diuinis lectionibus, cap. 9. vt ideo asserat

A Apocalypsin Hieronymi expositione conspiciam esse. Et Hieronymus quidem sape affirmat, Apocalypsin mysticę esse intelligendam, (vt in Isaiam lib. 9. fin. & in Ezechielę, cap. 38. necnon epistola 148. vbi ait, Ea etiam, quę videntur dici de Enoch, & Elia, cap. 11. spiritualiter esse intelligenda. Quoniam omnis ille liber, aut spiritualiter intelligendus est, aut fabulis acquiescendum.) Sed mystica Hieronymi expositio ea proculdubio est, vt Babylonis nomine intelligatur Roma ethnica antiqua; atque vt de excidio Iudaismi & Gentilismi agat pręcipue Apocalypsis.

Adhęc, si vt superius ostendimus, qui phialarum plagas de excidio Gentilismi exponunt; eo ipso nostrum argumentum saltem à cap. 5. vsque ad 19. amplectuntur; magnam profecto eidem argumēto conferunt auctoritatem Irenęi verba lib. 5. cap. 50. dicentis, Ioannem in Apocalypsi vidisse easdem plagas vniuersaliter accipere Gentes, quas olim particulatim accepit Ægyptus; & vidisse profecutionem populi ex Ægypto fuisse typum & imaginem profecutionis Ecclesię ex Gentibus. Et subdit, se hanc explicationem ab antiquo presbytero magna cum animi refecutione didicisse. Hęc Irenęus. Qui quamuis, dum ex propria sententia loquitur, non magnam admodum habeat in Apocalypseos expositione auctoritatem, vtpote qui mille annorū fabulam fuerit secutus; vbi tamē affirmat ab antiquo presbytero se hoc didicisse, non videtur aut grauior auctoritas, aut testis fidelior asserri potuisse. Irenęus namque fuit Polycarpi auditor, & Polycarpus Ioannis Euangelistę. Quare sub nomine antiqui presbyteri, suum magistrum Polycarpum, vel alium non minori antiquitate, & auctoritate designat. Itaque ex prędictis Irenęi verbis habemus expressum venerandę antiquitatis vestigium, quod nobis vniuersę Apocalypseos argumētum ostendit.

Huc etiam spectant, quę ex Patribus adduximus notat. 8. Nec alia pręterea antiquitatis expressa vestigia indicare hęc visum est, quibus ad singularium locorum explicationes vtendum nobis erit; vt ad quatuor animalium, & ad septem sigillorum expositionem: ibi enim suis in locis reponentur. Hęc verò ea solum attingere fuit animus, quę ad totius argumenti seriem conducunt.

Quid Hieronymus de Apocalypseos interpretatione senserit.

Quid Irenęus.

10.

## NOTATIO DECIMATERTIA.

*Supradicta indicia, atque vestigia non videri observata ab ijs interpretibus, qui alia Apocalypseos argumenta excogitarunt.*

1. **D**IVERSAS de huius libri argumento opiniones, (si nostram excipias) ad septem capita reuocauimus notat. 6. nempe ad opiniones Ticonij, Montani, Lyrani, Ioachimi, Pererij, Riberę, & ad Millenariorum fabulam. Obsecro ergo Lectorem, vt earū refricet opinionum memoriam, quo me facilius attendat.

Impugnatur aliorum interpretationes.

Primū autem de Ticonij, Lyrani, Ioachimi, & Pererij opinionibus satis constat, eas nulla ratione attendisse ad Ioannis signa, siue columnas: nec prędicta antiquorū Patrum vestigia in Apocalypseos serie tractāda, obseruasse. Quare de illis nil amplius hęc dicendum est.

Arias verò in sua illa spirituali accommodatione, dum Apocalypseos bella vult intra vnius hominis pectus includere; nō video, quā ratione possit in bello illo spiritali, quod intra

D vnius hominis pectus geritur, distinguere duo veluti bella, quorum primum respondeat bello Ierololymitano, & alterum bello Gentilicio: & alterius exitus sit, decimam partem Ierololymę corruiere; alterius verò, vniuersam Babylonem conflagrare: atque his succedere mille annorum pacem; ac demum Antichristi bellum. Etenim, licet mysticum duarum vrbium prælum in hominis pectore pie meditari, subtile sit inuentum, nec improbandum; ceterū ille trium bellorum ordo ad mysticum hoc bellum transferri non potest. Nec cōtendit Arias omnia per ordinem ad subtilissimam illam normam redigere. Posse verò multa non ordinatim, sed promiscuē, & absque filo accommodari, non inficior. Quinimò existimo, si Arias suam illam applicationem in litterali

sensu



senſu ſtabiliret, multa prætereà illum ingenioſè pro votis aptare potuiſſe. Nam in perhæ Ieroſolymæ bello aduerſus Dei Eccleſiam poterat contemplari, quàm acriter Deo conentur obſiſtere ij, qui ſemel fuerant illuminati, & guſtauerant donum caeſte, & verbum Dei, & prolapſi ſunt, ad Heb. 6.4. Quorum ex numero vix decima tandem pars, id eſt, perpauci ſeſe illi ſubmittent. In bello etiam Romæ ethnicae aduerſus Eccleſiam geſto, idoneus ſeſe dabat ſermò de eorum repugnantia; qui cùm Deum non antea cognouerint, ab eo clementer ad gratiam inuitantur; ex quibus quantumvis relucentur, multo tamen plures Chriſti luce ſolent illuſtrari, & eius amore incendi; dummodò diuini verbi concionatores ſuum ſtrenuè munus obeant.

Sed vt ad eam opinionem deueniamus, (quæ ſexta fuit inter octo illas notat: 6. propoſita) illa quidem bonas Ioannis columnas conſpexit; concedit namque ciuitatem, in qua Dominus crucifixus eſt, (de qua cap. 11.) eſſe Ieroſolymam, Babylonem verò, (de qua cap. 7.) eſſe Romam. Verùm vt hoc animaduertit; ita non ſatis attendit, in Apocalypſi potuiſſe tractari de bellis, quæ duæ illæ vrbes Eccleſiæ primò naſcenti, atque aded ante illos mille annos intulerunt. Hoc vt nonnulli probent, tribus fundamentis nituntur. Primum eſt. Apocalypſis, vt de re futura, agit de ruina Ieroſolymæ; cùm tamen Apocalypſis ipſa fuerit vigefimo quinto anno poſt priorem illam vaſtationē ſcripta. Neceſſarium ergo eſt, vt de alia ruina ſub finem mundi futura loquatur. Secundum; Prior illa Ieroſolymæ ruina propter perſecutionem, quam in Eccleſiam naſcētē concitauit, non decimam modò partem; ſed vniuerſam urbem ſolo adæquauit; nec (iuxta Chriſti prophetiam) relictus fuit lapis ſuper lapidem. At qui ruina, (de qua Apocalypſis) decimam tantum vrbis partem diruet. Ita enim cap. 11. *Decima pars ciuitatis decedit.* Tertium. Nondū vniuerſa Roma flammis fuit exuſta, cùm tamē textus totam deſlagraturam eſſe affirmet, ob idololatriæ ſcelus, & in Eccleſiam perſecutionem; idque per decem Reges exequendum. Non autem rationi eſt ac Diuinę pietati conſonum, vt Roma ſub mundi finem comburatur pro idololatriæ peccato, quo ſub Chriſti tempora, antequam Chriſtiana ſacra ſuſciperet, fuit infeſta; ac pro acerrima antiquorū Imperatorum oppugnatione, qua Eccleſiam tantopere afflixerunt. Cùm igitur hæc opinio in tanto tamque inextricabili labyrintho faciliorem exitum non inueniat; illud affirmare non dubitat, Romam ſcilicet ſub Antichriſti aduentum à vera Chriſti fide & religione non deſecturam ſolū, ſed inanis ſuperſtitionis cultricem, & idololatrię caput extitutam; & multò atrocius, quàm olim, in Chriſti Eccleſiam atque eius filios grauiffima perſecutione exarſuram: tunc verò pro tam horrendo ſcelere daturam pœnas; & igne penitus comburendam fore. Qua in ſententia aded tenaciter hi auctores inhzrent, vt ne ab ea cogantur diſcedere, nihil curent de ſeruando Apocalypſeos ordine; qui prius ruinam Ieroſolymæ ponit; deinde Babylonis incendium; poſtea mille annorum pacem ante bellum Gogi & Magogi. Afferunt namque inuerſum eſſe textus ordinem; prius enim mille annos pacis præterituros; mox Romæ ſcelus &

A impietatem, atque eius incendium euentura; demum Ieroſolymæ vaſtationem. Plagas autem phialarum, quas Ioannes appellat nouiſſimas, plagis tubarum antecelluras.

B Huius opinionis propugnatores mihi fortaliſſis opponunt, nimis me myſticè textum explicare; quaſi verò id in ænigmatis ſit abſurdum: de hoc tamē infrà latiùs dicam. Interim nonnulla habeo, quæ illis viciffim opponam. Ac primò, Dum ſe nimium literales profitentur in quauis ſeorſum ænigmatis parte (quod Hieronymus ſæpè Apocalypſeos interpretibus vitio vertit: ) ad totiùs tamen texturam accedentes, vehementer peruertunt ordinem; nec probabilem poſſunt rationem reddere, cur Spiritus ſanctus ſtatuert, vt Apocalypſis ita promiſcue atque confuſe ſcriberetur: & in ea appellaretur plagæ nouiſſimæ, quæ priùs erant immittendæ. Vide ſup. not. 10. Vbi oſtendimus quanti interſit, libros ſymbolicos & ænigmaticos debito ordine, ac rerum ſerie conſtare.

C Secundò, Hi auctores rem nouā, incertam; (& in ea quidem ſententia) improbabilem in medium adducunt; dum aſſerunt, Romam Catholicam religionem deſecturam, & futuram idololatriæ metropolim, ac ſæuiſſimam Chriſtiana Eccleſiæ oppugnatricem. Cui enim vnquam venit in mentem, rationi conſentaneum eſſe; vt qui ænigma difficillimum & quæ ac grauiffimū aliter extricare neſciam, nouum quiddam & inauditum excogitē, quod ſublato ipſo ænigmatē nullam in ſe probabilitatis ſpeciem habeat? Quod ſi ea fuit illorum mens, vt aliquam Apocalypſeos interpretationem inuenirent, quæ & omnia quadraret, & bonis ingenijs ſatisfaceret; planè ab eo ſcopo penitus aberrarunt, nec voti compotes euaserunt. Siquidem nec eorum declaratio Doctorem eſt conſenſu recepta, neque inuento fides habita: tum propter magnam ordinis perturbationem, tum etiam propter aliquod ſymbolorum interpretationem non ſatis apte applicatam.

D Tertio, Qui hanc ſententiam defendunt debuiſſent animaduertere, ſe illud Apocalypſi tribuere, quod ſummæ imprudētiæ eſſet. Cùm enim liber hic Eccleſiæ Chriſtianaę prophetiam complectatur; cùmque ante Romæ conuerſionem fuerit ſcriptus; valde imprudenter ſe geſſiſſet ſcriptor, ſi magnum illum ac celeberrimum triumphum, quem fuerat Eccleſia de ſuperba Roma atque eius imperio reportatura, prætermitteret; & glorioſum earum perſecutionum finem, quæ tunc Eccleſiam ipſam vehemēter conſolabant, & in arciffimas redigebant anguſtias: atque ijs omiſſis ad aliam perſecutionem tranſiret, quam ipſi ſuſpicātur à Roma aduerſus Chriſti Eccleſiam ſub mundi ſenefcentis finem; ante aduentum Antichriſti, fore excitandam: iam, cuius prudentiæ eſt, cùm Eccleſia tantopere à Romano Imperio diuexabatur, nullam facere mentionē de acerbiffimæ illius perſecutionis fine, triumphum de idololatria inclytum præterire (quo nihil orbis vidit admirabilius: ) atque ijs omiſſis aliud arripere, quod ad eandem ſimilitudinem fingitur, poſt aliquot annorū millia euenturum?

E Quod ſi nouę huius opinionis auctores velint aſſerere, perſecutionem illam, quam ipſi excogitant à Roma excitandam aduerſus Chriſti Eccleſiam, multò horribiliorem futurā, quàm

2.  
Sexta explicandi  
ratio reſoluitur.

Argumenta  
pro eadem  
interpretatione  
diſſoluntur.

3.

4.

5.  
Reſellitur  
eadem ſententia  
ab indecoro,  
quod inde  
in Apocalypſin  
redundaret.

6.  
Item ab  
ignobili  
argumento.



cas, quæ in Ecclesiæ exordijs præcesserunt; illud tamen pro certo habeant vindictam, quam ipsi in Babylonis exultione intelligunt, ignobiliorum multò esse illà, quam Deus olim de Romæ persecutionibus sumpsit. Quæ enim esse potest comparatio illius vindictæ, quæ vrbs corporeo igne confligaret; cum illa, quæ civitatem uniuersam Diuini Spiritus igne inflammavit, exultis sceleribus, & in fauillâ redactis? Apostoli quidem cum adhuc in Christi scholæ rudēs essēt & informes, Samaritanis Christum non recipientibus, non aliam nobiliorem cogitabant vindictam, quàm ut igne absumerentur eorum corpora. *Vu* (inquiunt) *dicimus, ut ignis descendat de celo, & consumat illos?* Quibus, *Nescitis* (ait) *cuius Spiritus estis; filius hominis non venit animas perdere, sed saluare.* Quasi diceret, excellentiorem vindictam & gloriosiorē meditor. Hunc verò spiritum imbuerat B. Ignarius nostræ Societatis parens; qui aduersarium uniuersis Societatis hominibus in Hispanijs degētibus ignem ac flammam minitantem, non alia vindicta optauit vlscisci, quàm ut inimicus ipse charitate flagraret; & amici eius ac necessarij non solum in Hispania, sed in uniuerso terrarum orbe degentes Spiritus sancti igne inflammarentur, & arderent. Huiusmodi ergo vindictam, à Parente optimo institutus, sacræ Scripturæ spiritu dignissimam esse didici. Ad hanc (ut videbimus) pertinent nouissimæ plagæ: hanc enim nouissimam vlsciscendi rationem, hæc noua bella elegit Dominus; ut multò nobiliora, & Apocalypseos spiritu digniora; in quibus non solum magis Dei bonitas & benignitas elucet; sed eius etiam virtus atq; potentia multo præstantius & excellentius eminet.

7. Quartò, cum res aded sit incerta, quàm hi auctores suspicantur; miror illos non fuisse veritos, ne quam ansam præberent Hæreticis Romam, eiusq; in Diuorum imagines religionem detestantibus, in nos cauillandi; atq; aded iactandi, doctos etiam homines inter nos ipsos reperiri, qui affirmant Romæ peruersionem, & ad idololatriam reditum fuisse in Apocalypsi prædicta.

Item ab ob-  
scuro.  
Quintò, cum saltem dubium valde sit Romam iterum ad idolorum cultum reuersuram (nec enim hæc opinio certum id facere potuit) hoc ipso conuincitur minimè potuisse, ut de ea re ita late in Apocalypsi ageretur. Quæ enim in hoc libro tractantur, eiusmodi esse debent, ut verè de illis affirmari possit, quod textus initio præmittit; nimirum, *Beatum esse qui legit, & audit verba Prophetiæ huius.* Atqui, ut verum fatear, me latet omnino, quam possint homines adipisci felicitatem ex eo, quod Romam à Christi fide defecturam suspicentur.

8. Atque hæc eadem ratio non minus habet roboris contra omnes illas declarationes, quæ de rebus incertis, aut minoris momenti Apocalypsi tribuuntur. Quæ enim incerta sunt, licet maxima videantur; & quæ parua atque exigua, licet certissima sint; næ vtrique indigna sunt eo libro, qui de ijs rebus se agere proficitur, quarum ex lectione, aut etiam auditione homines beati efficiantur?

Præter hæc; horum auctorum interpretatio ex antiquis Patribus illòs pro se afferre conatur, qui sibi persuaserūt Romanum Imperium eò vsque duraturum, donec Roma ob idola-

A tria scelus corporeo igne combureretur; idq; per decem Reges, (de quo infra, cap. 17.) Nunc illud dico solum, illam quorundam Patrū persuasionē cum tribus alijs rebus fuisse coniunctam; Prima erat, Millenariorum fabula, qui post Romæ incendium mille annos confictæ felicitatis expectabant, Christo visibili specie in terris regnante. Secunda erat, formido falsò existimantium Antichristi aduentum iam iam imminere. Tertia, ipsius temporis circumstantia, quo illi Patres scripserunt; tunc enim Roma idolorum cultui adhuc dedita, Dæmonum obsequio militabat. Quibus positis, aduertendum est, Millenarios, licet in eum errorem inciderint, in eo tamen cōsequenter fuisse locutos; & quamuis Apocalypsin nimis ad litteram intelligerent, (ut notauit Hieronymus) contextus tamē ordinem seruasse in bestia de mari ortæ persecutione; in Babylonis exultione per decem Reges, & in mille annorū pace. Atqui dum Romæ idololatria & Ecclesiæ persecutiones durabant, nil mirum eos fuisse opinatos, vtrumque etiam duraturum; donec Roma pro vtroq; scelere confligaret: ac postea Ecclesiam mille annorum pace fruituram. Verum enim verò postquam experimento ipso cōpertum fuit, cogitationem illam falsitatis fuisse conuictam; nec magis esse verum, Antichristum aded citò fuisse venturum, ut illi suspicabantur; certè qui nunc opinatur se illorum Patrum vestigia sectari, dum asserit, Romam pro nouæ idololatriæ delicto esse igne absumendam; manifestam antiquorū deceptionem admittit; sublato veritatis & consequentia fūco, quam in Apocalypseos interpretatione se obseruare putabant. Etenim non ita mirum erat, persuadere sibi quemquam ea tempestate, qua falsa idolorum religio vigeat, illam Roma superstitē finem nō habituram. At, postquam multis retro sæculis idololatria penitus interiisset, iterum Romæ ab inferis excitandam, ac toti vrbi dominaturam; id verò antiquorum aliquis non solum nō scripsit, sed neque somnauit: neque illorum cuiquam in mentem venit, Apocalypseos ordinem peruersum esse atq; confusum. Atque aded post mille annorum pacem Babylonis, idololatriam & incendium subsequi.

Quæ cum ita sint: existimo nouā hanc opinionem nullam in se probabilitatem habere. Nec tamen seueriori illam nota dignā cenfeo. Licet enim nulla mihi subeat dubitatio, quin Roma nusquam sit ad idololatriam regressura: ceterum quemadmodum sub Iuliano apostata idolorum cultura caput rursus attollere visa est; nec tamen idcirco Romanæ Ecclesiæ fides defecit: sic etiam posset eadē Ecclesia, & summus ipsius Pontifex in grauissima quauis persecutione stare: quantumuis Vrbis imperium penes impios Romanos, idolorū cultores, rursus esset: ut sub Domitiani & Maximiani tempora accidisse nouimus. Adde, calamitosa hæc tempora, quæ prædicti auctores cogitarunt, ad Antichristi tempestatē quodammodo referri posse, in qua receptum est, idolorum cultum suscitandum fore. Itaq; nihil est, quod grauioris censuræ nota prædictæ opinioni inuratur. Nec mirum, doctissimos alioqui viros difficultatis procella abreptos, in eam fuisse opinionem delatos.

9.  
Opinio de  
Roma sub  
mundi fi-  
nem ad ido-  
latriam  
reditura,  
probabili-  
tate caret.

Hæc opi-  
nionem nihil  
antiquos  
Patres,  
quos pro se  
asserit, sa-  
nare, & cur.



10.  
Cur impro-  
babilitatis  
præcedens  
opinio dam-  
netur.

Quod si aliquis illam etiam nouitatis & improbabilitatis notam mallet à me fuisse prætermittam; huic ego responderim, id me vehementer optasse; ne quos tantopere amo ac suspicio, non nihil perstringerem; sed priuata rationes communi diuini obsequij curæ cedere debuerunt, & publicæ Romanæ Ecclesiæ auctoritati: cuius honori deferuit, qui nullam esse probabilitatem nouæ huius opinionis ostendat. Addo, opinionem istam vnius aut alterius fuisse, non multorum ex nostra Societate. Ferè enim communi consensu opposita sententia nostris hominibus recepta est. Quam Cardinalis Bellarminus to. 1. lib. 2. de Romano Pontifice, cap. 2. Salmeron tom. 16. disput. 8. in primam epistolam Petri, Maldonatus Luc. 22. 32. ex Leone Papa, & alij plerique tuentur, eaque semper mihi certissima visa est. Et spero ex ipsius Apocalypseos verbis atque contextu me perspicue ostensurum, neutiquam Ioannem nouæ illi opinioni fauere; sed nostræ potius valde astipulari: & Romam absque dubio vsque ad ipsam saltem Antichristi persecutionem nunquam Catholicam religionem deserturam. Scio à Maluenda lib. 4. de Antichristo cap. 5. opinionem hanc tribui Suario, & Bellarmino; sed immerito, vt suo loco videbimus.

11.

Nunc illud animaduerto, prædictis signis, siue columnis minimè ducei, qui alterius vrbis ruinam, & incendium alterius, ad nouissima mundi tēpora referat. Primò enim hoc textus ipsius ordini repugnat; in quo prius decimæ partis Ierosolymæ ruina describitur. & aliud est, colūnas veluti duces, ac viæ indices sumere;

A aliud, post multas circuitiones & anfractus ad posteriorem prius deuenire; deinde regredi ad priorem, & in vtriusque veluti basi offendere.

Deinde, quæ Ierosolyma Antichristi tempore ædificanda esse perhibetur, non ea est, quæ in sacris Litteris vocatur; *spiritualiter Sodoma & Ægyptus, in qua Dominus crucifixus est*; Christus enim in antiqua Ierosolyma fuit crucifixus, non in nouissima: ac primam illam Prophetæ vocant Sodomam & Ægyptum, non secundam. Cum verò Apocalypsis ait: *Vocatur spiritualiter Sodoma, &c.* non dubium, quin de Prophetarum sermone loquatur.

B Iam facile est oppositæ sententiæ argumenta diluere. Ad primum, vidimus notatione 3. certissimum esse Apocalypsin modo prophetico elegantissimè agere de iis, quæ iam fuerant impleta; atque id verbis de futuro significare. Quod si animaduertissent istius opinionis auctores; non hos anfractus ac diuertacula quærent.

C Ad secundum & tertium respondeo, mirari me his auctoribus ita nouum & inusitatum videri, quod est in ænigmatibus non solum pulcherrimum, sed etiam antiquissimum, & omnibus notum; mysticam scilicet locutionem, quæ aliud in aure sonat, aliud offerat menti. Quæ verò illos loquendi formulæ deterrent, *Decima pars ciuitatis cecidit. Cecidit Babylon. Igne comburetur.* Hæ, inquam, & similes loquendi formulæ eadem omnino ratione à Ioanne hic usurpantur, quæ sapissimè fuerant à Prophetis usurpata, & ab omnibus Patribus explicata; vt suis locis constabit.

12.  
Diluuntur  
argumenta  
superius ad-  
ducta.

## NOTATIO DECIMA QVARTA.

*De præcipuo scopo huius libri, & cur obscurissimè fuerit scriptus.*

1.

O STENDIMVS superiori notatione, Apocalypsin nullam Romæ ruinam atque excidium, (vt aliqui existimant) minitari. Reliquum est, vt quantopere eam extollat atque amplifcet, indicemus. Contingit sæpe, vt liber integer in lucem proferatur, cuius is sit scopus & intentio, vt præcipua aliqua illius pars ceterarum ornaui compta & cōuestita, & præcedentium ac subsequentiū septa comitatu prodeat & emineat. Reliquæ verò partes illius gratia scribantur, quam potissimum respiciebat scriptor. Hoc dum attentè considero, certissimum mihi, est Apocalypsin vniuersam Ioanni fuisse ostensam, at per eum Ecclesiis communicatam; vt ipse primū, deinde Ecclesiæ, maximum inde caperēt solatium; factæ certiores grauissimam illam persecutionem, qua Roma, eiusque Imperium in Christi Ecclesiam acerrimè furebant, eum exitum habituram, quem vix homines cogitare potuissent, nedum suspicari. Ipsarum enim persecutionum ope & adminiculo futurum, vt Ecclesia tam de Romana ciuitate, quam de toto gloriosè triumpharet Imperio; & idolorum cultu penitus corrumpente, Christi crucifixi erectum vexillum summa omnium religione ac veneratione in vniuerso orbe coleretur. Neque id solum; sed Roma idololatriæ caput ac

Scopus, in  
quem Ioan.  
videtur in-  
rēdisse, dum  
Apocalypsin  
scripsit.

D princeps in Catholicæ religionis Metropolim admiranda vicissitudine mutaretur. Ecclesiæ porro imperium adeo firmum, stabile & cōstans Romæ futurū; vt expulsa semel ac penitus deleta idololatriæ impietate, Cathol. religionis pietas, & publicus eius vsus ac professio in ea vrbe sēper effloresceret, ac sūma Rom. Pontif. auctoritas supremo honore culta permaneret.

E Ad pleniorē huiusce rei intelligentiā animaduerto Primò, Apocalypsin iuxta meum argumentum 4. in partes diuidi. Prima trib. primis capitibus absoluitur; quæ veluti prologus toti scenæ deseruiunt. Secunda, capita octo sequentia cōplectitur de Ecclesiæ primitiæ excellentia, & de excidio Iudaismi. Tertia ad alia octo, & alterius etiam partem se extendit, in quibus de Gentilitatis bello, deque Ecclesiæ victoria agitur. Quarta denique ad totius hystoriæ complementum, paci Ecclesiæ subiungit breuem Antichristi belli, ac dei extremæ descriptionem: & in fine annectitur triumphus patriæ cælestis. Prologus igitur (vt in comœdiis fieri solet) toti libro præponitur: ideoque etsi præcipuo fini deseruiat eiusmodi prologus, aliud tamen est, quod sibi vt scopum proponit scriptor. Deinde, quamuis in secunda parte, Apocalypsis ab exordio Ecclesiæ incipiat, & agat de bello illi à Synagoga illato & de fœderissimo

2.  
Apocalypsis  
quatuor in  
partes diui-  
ditur.



Iudæorum supplicio; verum (vt notatione 3. probauimus) Apocalypsis scripta fuit quinque & viginti annis post Ierosolymæ vilitatem. Quare totam eam partem iam re ipsa Ioannes completam viderat. Atqui perspicuum est, quæ fuerant peracta, & Ioanni experimento ipso comperta, non ita necessarium fuisse, vt eidem iterum nota fierent. Sed ideo enunciata illi sunt, vt integra totius historiæ constaret series; & vt consequentia cum præcedentibus connexa, ex horum euentu similiter euentura crederentur. Atque vt Dei misericordiæ magnitudo in subsequens magis innotesceret, operæpretium fuit Diuinæ iustitiæ seueritatem in præcedentibus expressisse. *Opposita enim iuxta se posita clarius elucescunt.*

3. Si ergo præterita non propter se ipsa scripta sunt, sed eorum causa, quæ nondum præterierant, facile est animaduerrere, illum fuisse præcipuum huius libri scopum, de quo tertia pars Apocalypseos agit; scilicet, vt grauissimi illius belli, quo Roma ethnica Ecclesiam Christianam afflictabat, felicissimus exitus nunciaretur. De quo adeo magnificè & splendide, adeo illuminatè & distinctè agit Apocalypsis; vt tam in sacris litteris, quàm in prophanis nihil vnquam fuisse scriptum existimem tanto symbolorum ornatu & maiestate, tanto mysteriorum pondere & magnificentia; ac Romæ & ipsius Imperij cum Catholica Ecclesia bellum; felicissimus Ecclesiæ de vtroque triumphus; interitus Romæ veteris, & eam lugentium natiuitas, seu lamentationes; nouæ Romæ gloria & splendor; ipsius cum Christo nuptiæ, & clarissimi triumphus perpetuitas.

In quarta demum parte satis patet Antichristi bellum, & extremi iudicii diem iuxta meum argumentum non esse præcipuum huius libri tractationem: hæc enim breuiter, & per modum appendicis tractata superiorè historiam claudunt. Quod verò ad extremum additur de cælestis Patriæ triumpho; haud dubiè pertinet ad Romanæ Ecclesiæ triumphum æternitatem, vt suo loco videbimus. Atque eo etiam triumpho significatur, nouæ Romæ magnitudinem, licet in hac vita sit admirabilis; non tamen omnino intuentium oculis hic apparere: in æterni verò triumphus die tunc demum claram omnibus atque conspicuam fore; cum meritorum præmium assequetur, & ipsius gloriæ plenissimus cumulus accedet.

4. Ex dictis manifestè colligitur, præcipuum huius libri scopum, iuxta mei argumenti expositionem, non esse alium, quàm admirandam Romæ conuersionem ex idololatriæ principe & capite in Christianæ religionis Metropolim; atque eius conuersionis mirabiles fructus. Fuit autem maximè expediens, vt hic finis & scopus totius libri seligeretur; nō tantum quia aptissimus erat ad Ioanni atque Ecclesijs solatium afferendum, quando Roma ardens furore & insania in nouum Christi nomen sauebat; sed etiam quia in Ecclesiæ prophetia nihil erat ita magnum atque mirandum, quod præcipue spectaret Scriptoris intentio; & quod adeo optare posset, magnificè admodum tractare, vt parem rei scripturam afferret.

Ipsius autem facinoris magnitudo tanto clarior enitescit, quanto maior fuit Romæ antiquæ amplitudo; de qua multi extant libri: &

A quotquot in historijs vel mediocriter sunt verfat, non affirmant solum, nihil vnquam vidisse mundum ita magnum & excellens, aut tanta admiratione dignum, vt Romam veterem: cum potentia, imperio, atque triumphis totum terrarum orbem sibi subiectum tenebat; sed aiunt etiam ceteras mundi vrbes, si cum Roma antiqua comparentur, esse veluti exigua quædam opidula cum potentissimi Imperatoris regia comparata. Romam igitur ad tantum magnitudinis fastigium ascendisse eo Dei consilio factum est, vt eo maior esset Christi crucis triumphus, quo de potentioribus hostibus ageretur. Licet enim huc applicare illa sacra Scripturæ verba Exod. 9. 16. & ad Rom. 9. 17. *Quia in hoc ipsum excitauite, vt ostendam in te virtutem meam, & vt annuncietur nomen meum in vniuersa terra.* Romæ igitur magnitudinem semel mente comprehendisse, magnopere conducit; vt clarius intelligatur, nihil potuisse maius aut gloriosius exogitari ad Ecclesiæ decus & maiestatem, quàm difficillimum Romam expugnandi facinus aggredi, & felicissimè conficere. Illam inquam Romam, quæ idololatriæ olim caput, (quemadmodum & Imperij) omne suum robur, vires, ac potentiam ad Christi Euangelium ac nomen, si posset, extinguendum conferebat. Romam ergo idololatriæ arcem occupasse, illamque Christianæ religionis arcem constituisse, non aliud fuit, quàm incredibilem rerum commutationem, qualis nunquam visa erat, facere; victoriam, omnium quotquot reportatæ sunt, gloriosissimam comparare; miraculorum omnium, quæ sperari poterant, maximum edere; inclytum de vniuerso terrarum orbe triumphum agere; amplissimum Catholicæ Ecclesiæ imperium stabilire; idololatriam ex vniuersa Romæ ditione atque imperio ablegare; excellentissimum ex Christi redemptionis effectibus in sceleratorum conuersione præstare; eiusmodi denique facinus, ita ingens & gloriosum patrare, quod reliquorum omnium summum ac præstantissimum inter infinita alia caput iure optimo tollat. Hinc Ecclesiarum coloniarum penè innumeræ: hinc fortissimi Religionum exercitus, ac Religiosorum agmina selectissima; hinc eximius Diuini cultus splendor, ac maiestas; hinc diuina ad animorum salutem oracula atque responsa; hinc demum cælestis Fidelium omnium doctrina atque institutio, tanquam proprio ex fonte & origine deriuantur.

B *Quanta fuerit Roma veteris amplitudo.*

C *Roma veteris magnificientia in Christiana Ecclesia splendorem ac maiestatem cessit.*

D Cum hoc igitur tam egregium & excellens factum in Ecclesiæ gloria ac maiestate adeo emineat, cumque ita sit debitum ceterarum Ecclesiarum in Ecclesiam Romanam obsequium & veneratio; facile ex attenda omnium horum consideratione perspicitur, summopere oportuisse, librum hunc, qui totius Scripturæ finis est atque apex, eum potissimum habere scopum; vt de triumpho hoc celeberrimo ageret, qui inter Christi redemptionis effectus adeo excellit. Nec enim fas erat rem adeo ingentem atque sublimem in sacris Litteris aut omitti, aut minus ornatè ac decorè tractari. Quod si pro dignitate magnificè tractanda erat, nullibi aptius, quàm in vltimo eoque excellentissimo sacra Scripturæ libro.

E Ex quo etiam apparet, nullum librum conscribi

Quam ornate Apocalypsis describat finem belli à Roma ethnica in Ecclesiam suscepti.

Antichristi bellum non est præcipua huius libri pars.

Præcipuum libri huius scopus, Roma ad Christianam fidem conuersio.



Hic liber Ro-  
mana urbi  
gloriosissi-  
mus.

6.  
Cur liber  
hic adeo  
obscure  
conscriptus.

scribi aut edi potuisse, ex quo tanta gloria, ma-  
iestas & splendor alicui urbi proueniat; quan-  
ta ex hoc libro Romæ, id est, Romanæ Eccle-  
siæ, dimanat.

Ex dictis colligitur, cur ita obscuris ænigma-  
tibus liber hic fuerit scriptus. Tunc enim, cum  
Roma idolorum cultui esset dedita, & bellum  
grauissimum in Ecclesiam concitasset, minimè  
expediebat eodem tempore prophetiam de  
Ecclesiæ Romanæ victoria aduersus Romam  
ita conscribi, vt ab ipsis hostibus posset intel-  
ligi. Si enim ad eorum notitiam perueniret,  
Christianis hanc esse iniectam spem, vt ad Ro-  
mæ dominatum & imperium aspirarent; atq;  
ad id opem sibi & auxilium à Deo suo pollice-  
rentur; quis non videat, quàm acriter ac vehe-  
menter huius rei cognitio eos aduersus Chri-  
stianos accenderet & inflammaret? & quibus  
furiarum machinis eos demoliri atq; euertere  
conarentur? Itaque ex eo quodd præcipuus hu-  
ius libri finis & scopus planè agnoscat, facili  
etiam negotio intelligitur, non solum pruden-  
tis consilij fuisse, sed etiã necessarij, vt prophe-  
tia hæc stili obscuritate, atq; adeo ænigmatum  
inuolucris tegetur. Hinc etiam fit satis du-  
bitationi, quæ mentem posset pulsare, consi-  
deratâ huius libri difficultate. Si enim illius ar-  
gumentum tanti momenti erat ad Ecclesiæ  
Christianæ institutionem & gloriam; cur non  
claro & perspicuo stilo fuit conscriptus, ita vt  
posset communiter à Christianis, Doctoribus  
præsertim, intelligi? Ceterum hæc quæstio fa-  
cile soluitur, animaduersâ, quam diximus, oc-  
culte scribendi necessitate in ea re, cuius cog-  
nitio tantopere Christiani nominis hostes  
aduersus Ecclesiam irritaret. De quo optimè  
Pererius disp. 7. causa 4. Cum verò hoc caput  
ceterorum præcipuum adeo tectè & occultè  
scribi oporteret; cumque totius libri stilum  
vnum eundemque esse expediret; idcirco ce-  
teræ libri partes ad præcipuam huius normam  
prudenter satis ac sapienter redactæ sunt. Et  
quoniam grauissimam rem, arcanam & occultam  
seruari valde opus erat; hoc ipsum sacrum  
scriptorem coëgit, vt ijs ænigmatis vteretur,  
quibus nulla nunquam obscuriora ac diffici-  
liora litteris fuere mandata.

7.  
Apocalypse-  
os obscuri-  
tas nihil  
utilitatis  
Christiano  
populo de-  
trahit.

Nec verò tanta obscuritas Christiani populi  
institutioni quidquā detraxit. Ex rebus enim,  
quas hic continet liber, quæ singulis Fidelibus  
sunt ad salutem necessariæ; ex alijs Scriptu-  
ræ partibus expressæ satis & explicatæ sunt:  
quare Fidelibus nequaquā defuit earū rerum  
cognitio, quas manifestè scire singulis opus  
erat. Quod verò eadem alibi clara atque pa-  
tentia, alibi tectæ & occulta in sacris Litteris ha-  
beamus; vtrumque Diuinæ prouidentiae atque  
consilij fuit, vt alijs in libris Fideles rerum sibi  
necessariarū perspicuā haberent cognitionē;  
in alijs sacrarum Litterarum studiosi laudabi-  
liter æquè atque vtiliter Scripturæ difficultate  
exercerentur: fideique dogmata alibi tectæ, de-  
tectæ alibi, Fideles vna ex parte sui cognitione  
illustrarent; ex alia ad venerationem ac reue-  
rentiam inducerent. Is enim sacrorum vela-  
minum fructus, cum videamus à Deo tanti  
habita nostræ fidei mysteria; vt ea ænig-  
matum, & hieroglyphicorum velo occultarit.  
Certum namque est, nullam aliam ad rem ap-  
tius & congruentius ænigma adhiberi, quàm

Utilitas ex  
sacrorum  
obscuritate.

A ad ea, quæ valde diligimus & æstimamus or-  
nanda & conuestienda. Præterquam quod Di-  
uini Spiritus sapientia duo hæc mirum in mo-  
dum complexa est; scilicet, vt vna ex parte  
huius libri mysteria velata essent; ex alia verò  
in ipsa ænigmatum obscuritate, veluti per te-  
nue velum interiectum, quamuis singularum  
partium pulchritudo non clarè dignoscatur;  
corpus tamen ipsum satis appareat: ita vt mul-  
ta nobis percipiantur ex ijs, quorum cognitio-  
ne indigemus. Scilicet, quanta sit eorum, qui  
Christo strenuè deseruiunt, felicitas; quan-  
tumuis aduersa fortuna iacentur; quantā-  
que è contrario sit improborum infelicitas,  
licet opum copia & rerum prosperitate cir-  
cumfluant.

B Sed pergamus iam ad libri scopum, atque ad  
ea deueniamus, quæ non ita sunt ad cuiusque  
ex Fidelibus salutem necessaria; quæ tamen  
summopere expediebat, vt Catholicæ Ecclesiæ  
abditè & occultè traderetur, nempe vaticiniū  
triumphi, quem ipsa fuerat ex Roma reporta-  
tura; & ad quod deinde maiestatis fastigium  
Romana Ecclesia in terris erat extollenda.  
Cœlestis certè sponsi charitati, & ipsius singu-  
lari in sponfam prouidentiae non erat conio-  
num, ipsam de admirabili hac prophetia ceta-  
re; sed eam potius ipsi tradere, & nonnullis  
ex suis familiarissimis abstrusi huius libri my-  
steria referare. Quia tamen permagni intere-  
rat, vt liber difficillimus intellectu foret; Di-  
uini consilij fuit, librum ipsum ænigmatis in-  
uolutum suæ Ecclesiæ tradere; & eosdem, qui-  
bus interpretatio impertiebatur, seridè admo-  
nere; ne quid ex ea euulgarent, præter id, quod  
ex alijs in alios translaturum satis esset, vt pro-  
phetiæ ipsi lucem & auctoritatem eo tandem  
tempore afferret; quo Deus prophetiæ huius  
mysteria Fidelibus patefacere decreuisset.

C Licet autem, quanta sit in hac re obscurè lo-  
quendi necessitas, adeo sit manifestum, vt alijs  
exemplis minimè indigeat; ceterum 2. ad  
D Thess. 2. 7. in ijs verbis, *Tantum vt qui tenet nunc, te-  
neat*, habemus expressum Pauli prudentiæ exē-  
plum. Vbi Hieronymus notat, *Apostolum fuisse  
obscurissime locutum; ne causam persecutionis arriperent  
Romani; si diceret, delendum esse imperium*. Et Chry-  
sostomus ac Theophylactus ibidem notant,  
magnam esse prudentiam, aduersarium non  
irritare; quando id potuit obscurè loquendo  
vitari.

Præterea, tanta hæc libri obscuritas, & tot  
retro sæculis non satis percepta explicatio in  
maximam Romanæ Ecclesiæ maiestatem ce-  
dunt; cuius magnitudo & excellentia tam ab-  
ditis & abstrusis mysterijs fuerat multò antè  
prædicta. Cedit etiam in ingentem Diuinæ lon-  
ganimitatis & prouidentiae admirationem;  
quæ statuit ita obscurè & ænigmatice hunc li-  
brum conscribi; & in media hac caligine &  
obscuritate summa Fidelium veneratione ob-  
seruari; & tot sæculorum seriem expectauit,  
donec reconditi huius arcani cognitio con-  
gruentissimo tempore patchat.

Quoniam verò multis abhinc annis mihi  
persuasi, Apocalypsin ad Romanæ Ecclesiæ  
dignitatem & splendorem pertinere; id mi-  
hi liceat suspicari, quod prudentibus probatum  
iri spero: scilicet imminere iam tempus, quo  
Deus difficilis huius ænigmatis interpretatio-

8.

Cur tanta  
libri huius  
obscuritas.

Hæc obscu-  
ritas in Ro-  
mana Ec-  
clesiæ vili-  
tatem ma-  
ximè re-  
dundat.

9.  
Tempus, quo  
Deus Apo-  
calypsin suā  
Ecclesiæ re-  
feret, ap-  
propinquā-  
re, pie credi  
par est.



nem sit hominibus manifestaturus. Nam, vt Cardinalis Bellarminus sapienter notauit in præfatione ad tomū primum cōtrouersiarum; ab ipso Ecclesiæ nascentis exordio hæretici ipsius hostes, Apostoloci symboli capita, siue articulos diuersis sæculis per ordinem impugnant. Contrā verò, Diuina prouidentia eodem gradu atque tempore, eo plus singulis articulis lucis & roboris contulit, quo heretici ipsos magis magisque obscurare & labefactare conabantur. Itaque prioribus sæculis priora symboli capita; medijs media; his demum postremis postrema sunt & impugnata ab hæreticis, & à Deo vicissim confirmata. His igitur calamitosi temporibus, eò hæreticorum amentia processit; vt omnes oppugnationes ac machinas ad Romanæ Ecclesiæ, ac Pontificis summi auctoritatem diruendam admoueant. Quod non est aliud, quàm illum articulum oppugnare; *Credo sanctam Ecclesiam Catholicam*. Quid ergo opportunius, quàm vt antiquæ & obscuræ prophetiæ nouam & clarissimam lucem afferendo; Romanæ Ecclesiæ arcem, quam hæretici deicere ac solo adæquare tantopere expetunt, nouis Deus propugnaculis eodem tempore muniat & obuallet? Quid Deo ipso dignius, quàm eodem libro, quo hæretici Romanæ Ecclesiæ bellum indicebant, illos gloriosissime debellare? Quod si ita accideret, non minùs in Catholicorum solatium, quàm in hæreticorum ignominiam redundaret.

10.

Liceat mihi præterea cogitare & sperare; Deum singulare hoc beneficiū in nostram Societatem collaturum; aliquem nempe ex ea selecturum, quo, vt instrumento, ad huius libri optatam ab Ecclesia interpretationem, vtatur. Tum vt hac denuo accessione sua in nos cumulet promerita; quibus ad peculiare Romani Pontificis obsequium & obedientiam nostræ Societatis homines singulari voto addicere, fuit dignatus. Tum etiam vt ij, quos hæretici tanquam acerrimos Romanæ Ecclesiæ defensores grauissimis odijs insectantur, hoc spe-

Prof. fsi Societatis nostra peculiari se voto summo Pontifici adstringunt.

ciatim afficiantur honore, vt egregio hoc officio in Romanam Ecclesiam, summiq̃ue Pontificis auctoritatem præstito, suam in ipsum pietatem & obseruantiam profiteantur.

Licet autem me ceterorum omnium ex nostra Societate indignissimum reputem; & quanta sim ingenij exiguitate non ignorem; noui tamen Deum ad digniorem & acrioris ingenij virum seligendum nequaquam teneri cōstrictum. Quin imò eo magis constare solet aliquid à Deo esse factum, quo instrumentum, per quod factum est, minùs erat aptum & idoneum. Et quidem, quemadmodum ab omni arrogantia omnino velim esse immunis; ita etiam ad perfectam libri huius intelligentiam debeo aspirare: præsertim cum hoc opus non meo consilio, sed superiorum iussu fuerim aggressus; qui id mihi muneris nec optanti, nec opinanti quidem imposuere; vt Apocalypseos interpretationi operam nauarem. Quoniam autem ad arduam hanc prouinciam suscipiendam, meam spem in Beati Parentis nostri Ignatii subsidio posui ac defixi; idcirco vt testarer, siquam huic libro lucem attuli, eam totam veluti scintillam clarissimæ huic faci à me referri acceptam, quam Deus in Ecclesia sua accendit; non tantum ad hominum corda inflammanda, sed etiam ad illustrandas mentes, cum Ignatium Societatis IESV ducem ac parentem constituit. Vt meam, inquam, grati animi lignificationem testarer, placuit pietatis ergo expressis id verbi fateri. Quamobrem in breuiori Apocalypseos capitum summa, quam argumento, & acoluthiæ subieci, explicationi meæ hunc titulum per acrosticham præfixi, **AB IGNATII FACE SCINTILLA**. Non ab simili inuento Alfonso Hispaniæ Rex suas septem Partitas ab his septem litteris inchoauit **ALFONSO**. Quæ tamen in ipsis Partitis adeò dispersitæ sunt, vt à paucis fortasse id animaduertatur. Nostra verò confessio magis in promptu est; vt facilius ab omnibus legi possit.

Alfonso Hispania Rex septem Partitas ex totidem sui nominis litteris inchoauit.

## NOTATIO DECIMA QVINTA.

### De summa huius libri perfectione symbolica.

1. Symbolorum perfectio in quo sita sit.

**H**ACTENUS de auctoritate, de obscuritate, de argumento, & de veri argumenti signis. Nunc ad summam perfectionem symbolicam, quæ in singulis seorsum symbolis elucet, deueniamus. Quæ res peracris ingenij viros summa afficit voluptate. Perfectio namque symbolorum sita est in apta proportionem, quæ inter symbolum ac rem per illud significatam reperitur. Ac vix est aliud, quod ita ingenium pascat & delectet, atq; optima rerum inter se proportio & conuenientia. Hoc facile apparet in magno oblectamento, quod solent capere ingeniosorum animi ex aptis allusionibus & concinnis comparationibus, quas in ijs deprehendunt, quæ vel solutæ, vel strictæ, oratione legunt. Iam symbola & quæ ex ijs constant ænigmata non aliud sunt, quàm venusta comparationes & allusiones peracutæ; in quibus suppressa applicatione sola expri-

matur cōparatio, vt ingenij acies hanc vnam ad rem vehemēter intenta, veram applicationem aciori indagine perscrutetur; atq; eā inuentā, eo maiori afficiatur voluptate, quo maior est venandi leporem, quàm emendi voluptas.

Symbolorum igitur summa perfectio consistit in summa proportionem symboli cum ea re, ad quam significandam vsurpatur; & in pulcherrima vnius rei ad alteram allusione. Atqui iniuriam facit non Ioanni solum; sed Christo etiam, & sancto Spiritui, qui credit huius libri symbola non summè esse perfecta. Christus horum est auctor symbolorum, ac summam sapientiam latere non potuit ex rebus homini noris, (vnde sumenda erat significatio symbolica) quæ illarum esset proposito mysterio congruentior. Nec consonum rationi est, ipsum, cum aptiora multò symbola prouiderit, minùs tamen aptum elegisse.

2. Iniuriam nō Ioanni modo, sed & Christo & Spiritui sancto irrogat, qui hæc Apocalypseos symbola non summè esse perfecta arbitrat.



Interpres  
quidam sym-  
bolorum  
explicatio-  
ne prastare  
debent.

Ex quo planè intelligitur, interpretem non satis suo muneri fecisse, mediocri tantum applicatione ad sacra Scripturae symbolum excogitata. Indignum enim Spiritus sancti sapientia est; si existimemus, se eo symbolo fuisse usum, quod illi significationi non deferuerebat aptissime. Etenim, si Virgilius, comparationem, quae satis concinna non esset, minimè afferret; quinam credibile est Spiritum sanctum illud usurpasse symbolum, quod optimi ingenij vir, ut suum, venditare erubesceret? Animaduertendum porro est, symbola eiusdem ferè conditionis esse cum poësi; in qua mediocritas nullius pretij est, ut bene Horatius in arte poetica:

— Hoc tibi dictum

Tolle memor: certis medium & tolerabile rebus  
Rectè concedi, consilio iuris & actor  
Causarum mediocri, abest virtute disert  
Messalle; nec scit quantum Cassellius Aulus;  
Sed tamen in pretio est. Mediocribus esse poëtis  
Non homines, non Dii, non concessere columna.  
Ut gratas inter mensas symphonia discors,  
Et crassum vnguentum, & Sarda cum melle papauer  
Offendunt; poterat duci quia cena sine istis.  
Sic animis natum inuentumq; poema iuuandis,  
Si paulum summo discessit, vergit ad imum.

Quamobrem homo prudens & ingeniosus nullum debet symbolum aut ænigma edere, quod excellens non sit ad ea, quae velit, significanda. Vnde etiam certò videtur inferri, Christi symbolorum mentem non fuisse illum affecutum, qui non animaduertit, vnum quodque symbolum esse ad suam significationem aptissimum. Non igitur interpretis explet partes, qui figuram aliquam seu symbolum, quacumq; proportionis umbra inuenta, ad quamlibet pietatis speciem, quae primò occurrit, facile aptat. Hoc si ad veram symboli significationem satis esset, quod difficilior est Apocalypsis, eò facilior esset ipsius expositio; parit enim obscuritas varietatem. Sed præter difficultatem deducendi filum & seriem symbolorum connectendi; in singulis etiam symbolis magnum est inter vnam & alteram applicationes discrimen: nec aliquid ad rem videtur esse factum, donec vnum quodque symbolorum ita aptatur, ut appareat mirum fuisse singulorum artificium. E contrario verò, si in applicatione, quae omnia congruenter connectit, maximam cuiusque symboli perfectionem cerneremus; tunc ipsamet symbolicæ significationis pulchritudo valde confirmaret, illam verè fuisse Christi Assertoris nostri mentem.

Verum, ut symbolum aliquod in ratione sua perfectum sit & absolutum, & ad eam, quae affertur significationem, excellens; non satis est ut aliqua ex parte sit apta comparatio; sed oportet ut omnibus ritè perspectis, intellectui planum fiat, rem illam, quae ad symbolum eligitur, fuisse factam aut creatam ad veritatē illam, cui applicatur, representandam. Vulgare est in comparationibus, eas non in omnibus tenere. Quod etsi suo etiam modo ad symbola possit extendi; nihilominus tamen multo cumulatior & perfectior debet esse proportio illius rei, quae eo potissimum fine fuit condita, ut aliquid aliud representaret. Et quidem animaduersione dignum est, eam absolutam symboli rationem non in ijs solum rebus reperiri, quas ad

A aliarum significationem ars excogitavit; sed in ijs etiam, quas ab initio Deus condidit, præter proprium cuiusque finem. (cui iuxta inditas sibi à natura vires, quæque deferuit; ut ignis ad calefaciendum; sol ad illuminandum; & sic de alijs) præter eum, inquam finem, docet arcana philosophia in rerum creatione, eam fuisse opificis & conditoris mentem; ut in rebus creatis, quae sub oculorum aspectum cadunt, haberent homines mirifica symbola ac hieroglyphica; quae hominibus ipsis mystice indicarent doctrinam illam, quae illorum maxime interest; veram scilicet de fide & moribus disciplinam. Neq; verò id fit, qua ratione causam effectus indicat, (hec enim non obscura est, sed clara: non mytica, sed manifesta significatio) sed quemadmodum figura symbolica representat figuratum. Arcanum hoc illis reteggit Deus, quos reficere vult ac recreare admirabilis suae providentiae contemplatione, & magna corporearum rerum cum spiritualibus proportionem & congruentiam: quos hunc ad finem maxima spiritualium librorum copia locupletat; quibus campi, montes, mare, vana & inculta solitudines, tota deniq; mundi vniuersitas redundat. Hæc doctrina perdiscitur, naturalium rerum cognitionem cum attempta fidei mysteriorum consideratione coniungendo; miramque proportionem & similitudinem spectando, quam singulis creatis rebus indidit Deus alicui ex fidei mysterijs appositè respondentem. Atque huius facultatis studiosos nunquam aut libri, aut studendi aviditas deficiunt; quin & ex ipsa rerum, quam ediscunt, notitia, crescit magis atque viget in eis legendi denuo ac discendi ardor. Quo fit, ut tantam elegantiam ac venustatem quotidie inueniant in significatione mirabili, qua Deus elementa, plantas, animantia, metalla, ac lapides ipsos ornauit; ut sibi pro comperto habeant, in harum rerum singulis, proprias ac naturales facultates, quas in se continent, minimam esse partem eorum, quae in eis scitu digna reperiuntur. Quamobrem Origenes (utpote in hac arcana disciplina satis versatus) homil. 3. in Cantica; Cum plures, inquit, sint, verbi gratia, in grano sinapis virtutes, quae rerum caelestium imagines teneant; vltimus & extremus eius usus est iste, qui habetur apud homines in ministerio corporali. Et ita etiam in reliquis vel seminibus, vel virgulis, vel radicibus, vel animantibus intelligi potest; ut usum quidem & ministerium hominibus præbeant; habeant autem incorporalium rerum imagines, quibus doceri anima possit & instrui, ad contemplanda ea, quae sunt inuisibilia & caelestia. Hanc ait Origenes veram esse scientiam, quam Sapiens, ut donum excellentissimum Deo acceptum refert Sap. 7. num. 17. Ipse dedit mihi horum, quae sunt, scientiam veram; ut sciam naturas animalium, & iras bestiarum, vim ventorum, & cogitationes hominum; differentias virgultorum, & virtutes radicum; & quaecumque sunt absconsa & improuisa didici. Omnium enim artifex docuit me sapientia; est enim in illa Spiritus intelligentiae sanctus, vnicus, multiplex, subtilis, suavis, acutus, &c.

B  
C  
D  
E

In his verbis aduerte, iuxta sacra Scripturae phrasim, veram ac solidam rerum naturalium scientiam, illam esse, quae & fidei & moribus probis deferuit. Atque eapropter coniungit hic sapiens animantium facultates, ac belluarum ferociam cum arcanis humani cordis cogitationibus;

Quem ad  
finem Deus  
creaturas  
produxit.

Origenis  
mens de  
symbolica  
rerum crea-  
tarum signi-  
ficatione.

4.  
Quae sit  
vera de re-  
bus natura-  
libus scientia  
iuxta  
sacra Scri-  
pturae phra-  
sim.

Christi  
symbola  
perfectissi-  
ma esse de-  
bere.

Quid in  
Apocalypse  
os symbolis  
requiratur.

3.  
Optima  
symboli ex-  
plicandi ra-  
tio quid  
exigat.



tionibus; & cum ijs mysterijs, quæ absconsa & improvisa, appellat. Quam ad rem asserit, sibi opem præstitam à diuino Spiritu subtili, suauis & acuto; quem vnicum ac multiplicem nominat propter plurimarum rerum varietatem; quas ea proportionē atque concentu coniungit, vt omnia mirifice inter se consonent. Hæc postquam Origenes eleganti ratiocinatione prouexit, postremò his verbis finem imponit. *Cuncta igitur ex visibilibus referri possunt ad inuisibilia, & à corporibus ad incorporea, & à manifestis ad occulta; vt ita creatura mundi tali quadam dispensatione condita intelligatur per diuinam sapientiam, quæ rebus ipsis & exemplis inuisibilia nos de visibilibus doceat, & à terrenis nos transferat ad celestia.* Hactenus Origenes; qui non dubitat, eam fuisse præcipuam Diuini opificis in rerum corporearum creatione mentem, vt mysteriorum nostræ fidei symbola, ac veluti vestigia præ se ferrent. Itaque proprium singularem rerum munus, quo vsui corporum deseruiunt, & in quo Aristotelis philosophia conquiesceret, minimè fecit satis infinitæ Dei sapientiæ, & præcipuæ ipsius de animarum salute prouidentie, nec admirabili consilio, quo nos ex visibilibus ad inuisibilia, ex corporeis ad incorporea voluit attollere. Quapropter verisimile est, infinitam Dei omnipotentiam, cum infinitas animantium, plantarum ac lapidum species condere posset; ex ipsa rerum, quas in potentate habebat infinitate, eas re ipsa elegisse atque creasse, quæ ad significanda salutis nostræ mysteria, & conuenientem morum disciplinam, aptiores erant. Atque ea ratione factum est, vt vniuersa hæc rerum creaturarum machina cum admirando Dei in hominum salute consilio suauissimum concentum efficeret; & res corporeæ spiritualium representationi deseruirent.

Origeni consonat Tertullianus in libro de resurrectione. Expendit enim, quod cum idem sit auctor naturæ, qui gratiæ ac supernaturalium rerum; qualdam effecit res naturales, quæ ordinem rerum supranaturalium aliquo veluti paradigmate repræsentarent. Nec enim aliter sapientissimus mundi opifex, atque omnium rerum molitor Deus architectatus est vniuersa; quàm vt Diuinitatis suæ effigiem, atque pulcherrimam Christi sui imaginem vultumque ac digitos in totius mundi tela imprimeret. Consimilem ferè in modum ex Aristotele libro de mundo, cap. 6. proditum accepimus, tanto Phidie artificio, tamque fallenti oculos symmetria, imaginem sui simulachro deuinxisse Mineræ; vt eximere inde, si quis cuperet, alia via non posset, quàm vt ipsum simulachrum opusque eiusmodi compæctile confunderet.

Dum hanc igitur rerum significationem attentè mens considerat, tantoperè eâ capitur; vt id non immeritò iudicet, in plurimis ex ijs rebus, quæ humano visui sunt obiectæ, licet alioqui ad hominum vsus nullius utilitatis forent; satis tamen superque esse, eam significationem in eis reperiri, quam vt indicarent, conditæ sunt: vt ex eo solum illarum productio congruentissima & Deo valde digna videatur. Nec verò id propterea dixe-

rim, quod existimem, creaturam aliquam esse, cuius natura aut hominibus, aut alijs animantibus, quibus homo indiget, non vsui & vtilitati sit. Huius enim rei nulla tenet sapientes dubitatio. Illud tamen assero, eâ etiam sublata vtilitate, sufficere adhuc significationem symbolicam rebus ipsis innatam; vt eas condidisse summæ sapientiæ fuisse appareat. Etenim in Diuini consilij ratione, maioris multò momenti est, visibilem creaturam hominum animis spiritualis libri vices gerere, quàm eorundem hominum corporibus naturali commoditate seruire. Quod si in hac commoditate naturalis philosophia adeò admiratur Dei conditoris sapientiam, prætermisâ spiritualium rerum representatione; quanta illos occupabit admiratio, qui corpoream hanc rerum molem mentis oculis penetrantes, occultiozem illam Dei sapientiam in eisdem rebus abditam intuentur? Licet autem Deus infinita sua prouidentia atque sapientia vtrisque hominum commodis tam corporum, quàm animarum, in mundi huius creatione consuluerit; pluris tamen animi institutionem, quàm corporis alimenta duxisse, quis dubitet?

Hunc eundem potissimum finem in Israhelici populi euentibus, & externa rerum facie Deus intendit; vt docet Paulus 1. Cor. 10. 11. *Omnia in figura contingebant illis.* Et quod maius est & excellentius; ipsa Christi Saluatoris nostri miracula, reconditâ mysteriorum significatione plena sunt; vt constans est sanctorum Patrum sententia. *Habent enim Christi miracula, si intelligantur, linguam suam, vt acutè Augustinus tract. 24. in Ioannem. Vide etiam eundem tract. 44. & Gregorium homilia 2. in Euangelium.* Perspicuum autem est, cum in veteris Testamenti figuris, tum in Christi Domini miraculis; significationis elegantiam in eo sitam esse, vt Diuina prouidentia ipsis vtatur symbolis, quæ in prima mundi fabrica ediderat. Noua enim representatio coalescit ex rerum, quibus ad eam opus est, coniunctione, vt singulæ propriam exerceant significationem; eam nimirum, quam cuiusque rei natura, pro insita sibi similitudine, repræsentat. Atque hanc similitudinem eo fine tribuit illi architectus Deus, vt eam ad altiora deinceps mysteria indicanda vsurparet; vtque suis familiaribus solatio & oblectamento esset. Itaque primigenia symbola atque emblemata illa propriè sunt, quæ Deus in prima mundi structura & editione, mirabili varietate produxit: atque ab his quidquid est boni, concinni, & elegantis in ceteris hominum symbolis siue antiquis, siue recentibus, deriuatur. Neque enim satis aptum esse potest hieroglyphicum id, quod non in naturali aliqua fundetur proportionem; cui Deus mysterij significationem additam & annexam esse voluit.

Si superius dicta attentè considerentur; facile intelligitur ex ijs, proprium cuiusque rei symbolum illud esse, quod suam naturam ad eam rem significandam accepit. Deinde, quis dubitet, totam symbolicam significationis elegantiam consistere in optimo symboli cum veritate, cui applicatur, connubio? Hoc est, vt ad illud mysterium adumbrandum nullum aliud præterea symbolum ita aptum & con-

gruens

Deus ex infinitis rerum naturalium speciebus, quas condere potuisset, cur has potius, quàm illas elegerit.

Tertullianus Origeni consonat in rerum à Deo creatarum sine.

5. Symbolica naturalium rerum significatio quantopere sapientium mentes capiat.

Christi miracula reconditâ mysteriorum significatione plena sunt.

Quanam propria cuiusque res symbola.

7.



Varia Apo-  
calypseos  
symbola.

gruens excogitari posse videatur: & symbolum ipsum ad nullam aliam significationem ita congruenter aptari possit. Atque ad hoc symbolica perfectionis fastigium niti debet, qui Apocalypseos explicat symbola. Exempla sint. Applicantur nubes, Evangelicæ prædicationi; sceptrum ferreum, Christi regno; leo, virtuti, ac fortitudini; vitulus, beneficiæ; homo, rationi & iustitiæ; aquila, sapientiæ; equus, saluti seu saluationi; sol, diuinitati; luna humanitati Christi, atq; etiam Virgini Mariæ; horribilis grando, obstinationi cordis; duodecim gemmæ, totidem per ordinem Apostolici symboli articulis; ingens messis, multorum conuersioni; magna vindemia, martyrio plurimorum; mirabilis terræ motus, admirandæ rerum mutationi, &c. In hisce omnibus illud interpretis debet esse munus, vt ostendat, eiusmodi symbola nulla alia ratione ita rectè ac cohærenter distribui; nec ad alias significationes adeo aptè accommodari potuisse; nec in eorum loco alia potuisse symbola reponi æquè ad eam significationem conducentia. Idem etiam studendum interpreti est in ijs siue symbolis, siue allusionibus, quæ ex veteribus historijs petuntur. *Omnia enim in figura contingebant illis.* Nam si ratio nos cogit, vt in ijs symbolis, quæ ex rebus naturalibus Apocalypsis desumit, symbolicam perfectionem summo gradu esse credamus; quis nesciat idem omnino esse dicendum in ijs hieroglyphicis; quæ vel ad veteris instrumenti historias, vel Prophetarum vaticinia alludunt? Quamobrem si in Apocalypsi altaris ignem ad religionis & charitatis ignem; si viginti quatuor Salomonici templi principes, ad Ecclesiæ Christianæ sacerdotes; si Ægypti plagæ, ad eas, quibus Deus Gentilitatem debellauit, plagas; si denique Cyriac Darij per exhausti fluminis alueum in Babylonem irruptio, ad nouum & insperatum Christianorum occupandæ Romæ consilium & aggressionem applicatur; in ijs atque alijs id genus symbolis, id vnum interpreti spectare debet, vt planum faciat, non alia æquè apta & elegantia reperiri; neque illa in alia significatione adeo concinnè exponi posse.

Quam  
apè debeat  
symbola re-  
bus, quibus  
deseruiunt,  
quadrare.

8. Nihil in  
Apocalypse-  
os figuris  
esse debet,  
quod non ad  
enigmatis  
sensum nor-  
mam redi-  
gatur.

Quod hætenus dictum est de perfectione symbolica, cogit, vt in singulis Apocalypseos figuris nulla pars quantumvis exigua relinquantur, quæ non ad ænigmaticum sensum explicanda sit. Sed dicet forte aliquis, nimiam esse morositatem, omnia singillatim velle applicare: cuius opinioni non deerit patronus; cum recens quidam scriptor prudens ac doctus, dum regulas ad Apocalypseos intelligentiam præscribit, hæc verba inter alia protulerit: *In tractandis, ait, visionibus huius libri non sunt omnia ad viuum rescanda; nec minutissima quæque scrutanda; neque nimis morosè & anxie inhaerendum singulis verbis; neque de accommodatione omnium ad id, quod nos intendimus, ac docere volumus, nimio plus laborandum.* Hoc etiam seruandum esse in tractandis parabolis monuit Chrysostomus, Matth. 25. Satis igitur fuerit scopum, ad quem tota visio dirigitur, indicare; & ostendere principales eius visionis partes ad id, quod nos intendimus, apè & congruenter accommodari; & bellè quadrare. Hæc ille.

A Et præter homiliam illam Chrysostomi in Matthæum, quæ est 63. Theophylactus Lucæ 16. ait, *Non oportet omnes parabolarum partes curiosius inquirere; sed quatenus propositio viles.* Reliqua enim omittenda sunt, quasi parabolam contextentes, & nihil ad propositum conducentes. Præter hæc, Augustinus de ciuitate, libr. 16. cap. 2. fin. Propter ea, inquit, quæ aliquid significant, etiam ea, quæ nihil significant, attexuntur. Solo enim vomere terra proscinditur; sed vt hoc fieri possit, etiam cetera aratri membra sunt necessaria, & soli nerui in citharis aptantur ad cantum; sed vt aptari possint, insunt & cetera in compaginibus organorum, quæ non percutiuntur à canentibus; sed ea, quæ percussa resonant, his connectuntur. Ita in prophetica historia dicuntur etiam aliqua, quæ nihil significant; sed quibus adhereant, quæ significant.

B Hanc ad rem alia possent insuper afferri: sed meo iudicio, valde aberrant qui existimant, quod de parabolis dicitur, ad ænigmaticas visiones pari ratione posse extendi. De parabolis quidem est alia ratio, (vt infra dicam.) Ceterum de visionibus ænigmaticis, qui arbitratur sacram Scripturam addere aliqua, quæ nihil ad significationem mysterij deseruiant; ille profecto Spiritus sancti sapientiæ iniuriam irrogat. Quis enim dubitet ænigma multò perfectius fore, si nihil contineat omnino, quod mysterio careat? Aut quis ignoret, nonnulla minutiora nihil ad significationem conducentia in ænigma ingerere; nihil esse aliud, quàm versum inutilibus & superuacuis dictionibus infarcire? Quis enim ingeniosus homo auderet proferre in lucem aliquod ænigma, cuius nonnullæ partes nulli essent vsui & vtilitati ad significandum? Cur igitur illud Spiritui sancto tribuatur, quod ingeniosi hominis sapientiæ ac prudentiæ indignum prorsus existimemus? Quantò prudentius erit, quod explicare aut applicare nescimus, in eo grande aliquod mysterium abstrusum esse, planè fateri; quod nostra exilitas ac paruitas consequi nequeat: quàm temerè & audacter proferre, nihil ibi latere mysterij? Multò aliter iudicaret Augustinus; cuius ea sunt verba in proœmio Psal. 118. de illius expositione agens, *Quanto videtur apertior, tanto mihi profundior videri solet; ita vt etiam quàm sit profundus, demonstrare non possim, &c.* Quare mea quidem sententia consultius est ad Augustini imitationem, credere nos alicuius visionis scopum non collineasse; quando reliquæ sunt partes aliquæ, quæ explicari & applicari adhuc non possunt; quàm nobis persuadere, satis esse, vt præcipuè applicentur partes; nec oportere vt minutorum applicationem quæratur. Nostram certè ignorance non confiteri satis est, quàm eorum, quæ ignoramus, culpam in Scripturam conferre. Etenim si in acuti & perspicacis ingenij ænigmatum, illum non immerito irrideremus, qui se ipsius sensum probè affectum esse iactaret; cum tamen aliquæ partes à se non intellectæ nec applicatæ manerent: illum etiam non iniuria irridere possemus, qui sacræ Scripturæ ænigma aliquod se intelligere affirmaret; propterea quod illud solum applicet, quod sibi videtur præcipuum, ceteris intactis prætermittis.

9. Inter parabola & ænigmatis interpretationem quid intersit.

In sacri ænigmatis explicatione, satius esse nostram ignorantiam, quàm aliquam eius partem minus aptam fateri.



10.  
Obiectio.

Soluitur.

Dices, eandem videri esse rationem parabolarum & ænigmatum; & de parabolis id expressè docere Chrysostomum, Augustinum & Theophylactum, quod suprà vidimus. Ad hoc dico, Augustinum, (vt ex ipsius contextu euidentius est) non ibi de parabolis agere, sed de sacræ Scripturæ historijs; ibi enim manifestè loquitur de Noë & filiorum historia: Atque in eius enarratione asserit, eam fuisse Spiritus sancti mentem, vt mysterium agnosceremus, quod Deus in ea voluit significari. Quod vbi fuerit animaduersum, clarè perspicitur, Augustinum satis merito dixisse, non opus esse, vt vniuersa historia secundum omnes sui partes illi mysterio significando deferuiat. Ad cuius probationem mirifice conducunt duo illa aratri & citharæ exempla.

11.  
Que in sacris parabolis appellantur, omnes esse fictas; non est necesse.

Atque vt ad parabolas deueniamus; non est necesse, vt omnes, quæ parabolæ appellantur, fictæ sint. Qua enim ratione referri potest ficta aliqua narratio, vt per eam salutis doctrina explicetur; eadem recenseri potest vera historia ad ipsammet doctrinam elucidandam. Exempli gratia. Si historia de filio prodigo in aliqua orbis parte eodem modo, quo à Christo narratur, accidisset; ad Christi mentem seu finem, quem intendebat, non minùs esset apta, quàm si illam omnino finxisset. Imò verò non defunt, qui existiment parabolas omnes, quas narrauit Christus, veras fuisse historias, quæ alicubi acciderant. Nemo enim ficta vitur narratione, quando veram nouit historiam, quæ æqualiter possit eidem instituto conducere. Atque homines aliquos ita insigni memoria & ingenio præditos videmus, vt quancumq; ad rem, de qua incidat sermo, veræ alicuius historie meminerint, eamq; appositè recensere cum audientium admiratione norint. Si ergo id in homuncionibus ex luto effictis reperitur; Christus, qui historias omnes, quotquot in toto terrarum orbe euenerant, habebat in promptu, quid necesse habebat fictis narrationibus vti, cum ijs, quas nouerat innumeras, vti posset?

12.  
Damasceni mens de parabolarum veritate.

Hæc fortè ratio est, quæ Damascenum impulit, vt diceret, sermone de ijs qui in fide migrarunt; Ne quis dicat, quod parabola sit, propterea minus satis comprobatur, quod propositum fuerat. Sciat diuinas Saluatoris nostri parabolas, rerum esse existentium, sicut in eis contenta sunt & demonstrata. Hæc Da-

A masceus. Si verò Christi parabolæ, historiae veræ sunt; ad eas extendi potest, quod Augustinus asserit de historia Noë. Notum enim est, prudenter satis referri veram aliquam historiam, quæ alibi accidit; vt quod præcipuum in ea est ad rem illam, de qua agitur, applicetur. Quod si Chrysostomus, & Theophylactus arbitratur in Christi parabolis esse aliquid, quod mysterio vtile non sit; verisimile est, illos existimare, veras esse narrationes. Nam in fictis præstat fortasse, nihil absque mysterio fingere. Aut forsitan quod dicunt, non de omnibus Christi parabolis, sed de nonnullis singillatim intelligendum est. Atqui aliquas ex Christi parabolis, veras fuisse historias, quis dubitet? Si tamen in parabolis doceat prudentia non ea solum debere confingi, quibus inest mysteriũ; sed nonnulla etiam, quæ ipsam narrationem ad imitationem veræ historie comitentur; id saltem in ænigmaticis ac symbolicis visionibus abs re est; quarum lex est, vt nihil absque mysterio contineant: atque aded addere aliquid in ænigmate, quod mysterio vacet, perinde est, ac ineptum ænigma proferre.

Ceterum vt regrediar ad Chrysostomum, & Theophylactum; verisimile existimo, illorum mentem esse, non vt superuacanea esse in parabolis verba aliqua affirmant; sed vt qui omnium sensum assequi non potuerit, præcipuarum partium intelligentia contentus sit, & ex ijs fructum percipere conetur; nec tam de noua mysteriorum inquisitione sollicitus sit, quàm de fructu capiendo ex ijs, quæ probe intellexit. In quo tamen non negatur, quamlibet earum particulam, licet valde exiguam, reconditis sensus scateret; sed prudenter monentur concionatores, vt ad audientium potius fructum, quàm ad ingenij ostentationem, mentem intendant.

D Et quidquid sit de mente Chrysostomi & Theophylacti; illud certè indubitatum est, eum, qui ex visione ænigmatica nihil non aptè & concinnè applicat, multò magis cunctis satisfacere; quàm qui ea tantum applicat, quæ sibi potiora videbantur. Quamobrem inuenta expositione aliqua, quæ omnia etiam minutissima egregiè quadret; euidenter demonstrabitur, interpretationem illam, quæ omnium applicationem assequi non potuit, veram & germanam non fuisse.

13.  
Chrysostomus & Theophylactus explicantur.

## NOTATIO DECIMA SEXTA.

De energia perfecti symboli, &amp; an claritati deferuiat.

1.

DIXIMVS de perfecta propositione. Nunc de energia, id est, de vi, & efficacitate optimi cuiusque symboli; quod postquam ritè est applicatum, multò plus vno aut altero verbo complectitur, quàm aliter magno verborum anfractu dici posset. Solent magna & perspicacia ingenia breui interdum sententia multo plus, quàm alij ingenti volumine coercere: quod perinde est, ac maris immensitatem quodammodo in nuce includere. Eiusmodi ergo energia nulla alia in re ita elucet, atq; in excellentibus symbolis; quæ ob mentis o-

E culos posita, integri sæpe libri materiam vnicò verbo complectuntur. Cum enim totam suam naturam ad peculiarem rem significandam acceperint; omnes, quas habent vires ac facultates, eidem significationi augendæ & perficiendæ deferuiunt. Etenim cum, verbigratia, legimus: *Byssinum iustificaciones sunt Sanctorum*. In hac veluti summa, liber integer de byssi, seu lini dotibus & facultatibus continetur. Atque huc spectant, quæ Plinius de lino latè scripsit; & de iniurijs, sic enim ille, quibus semper melius, id est, candidius & splendidius euadit. Consi-

dera-

Exempla de elegantis symbolorum Apocalypso significaciones.



deratisque ijs omnibus, quæ lino sunt propria & animaduersâ pulcherrima eorum omnium proportionē ad iustificationes Sanctorum significandas; non est maius vero, in symbolica lini significatione integri libri materiam recondi. Idem dico de margaritarum symbolo ad virginitatem significandam; ac de singulis gemmarum ad eum, cui aptantur articulum. Et certè tot tantaque sunt, quæ in vnoquoque symbolorum eiusmodi includuntur; tam æqua & apta eorum proportio, vt attentè consideranti ingentem pariat admirationem.

Iam verò, cum in symbolis aliqua ex sacris litteris historia perstringuntur; liquet planè, latissimum ea ratione aperiri campum. Verbi gratia. Vbi per nubes affirmatur Euangelij cōcionatores indicari: si præter naturales nubium qualitates, (in quibus tanta est ratiocinandi seges) mentis aciem in ijs defigamus nubibus, quibus olim Deus suam voluit maiestatem ac præsentiam testari; vt per desertum in columna nubis; in monte Sina, quando ad legis promulgationem operuit nubes montem; in dedicatione tum tabernaculi, tum templi Salomonis; cum operuit nubes tabernaculum: Et, nebula impleuit domum Dei. Denique in Christi transfiguratione & Ascensione, Nubes lucida obumbravit eos. Et, Nubes suscepit eum ab oculis eorum. Si ad hæc igitur omnia in Apocalypseos nubibus respicitur; quis possit verbis complecti, quæ nubium symbolum in se habet inclusa? Infiniti penè operis sit, si alia id genus symbola velimus percurrere; & expendere, quàm sit fecunda, & quanta rerum vbertate affluens propria vniuscuiusque symboli significatio.

Sed præter eam fecunditatem, illud habent singulare symbola; quòd cum multa summa breuitate complectantur, nihilominus breuitatem comitetur maxima perspicuitas. Hoc aliquis fortasse primo aspectu, fieri non posse iudicabit, nam vt rectè Horatius,

— Brevis esse laboro;

Obscurus fio. —

Qui igitur claritas esse potest, vbi libri integri doctrina vnico verbo clauditur? Cui ego vicissim non nego, symbola, priusquam applicentur, non satis percipi, quin obscura valde, & difficilis ænigmatis instar esse. Quando verò optimè accommodatur, tota illa obscuritas in magnam definit claritatem. Cum enim iuxta Aristotele, nihil sit in intellectu, quin prius fuerit in sensu; hinc fit, vt ex rerum corporearum comparatione ad cognitionem spiritualium ascendamus. Quòd verò comparatio melior est, eò plus illis lucis & claritatis affert. Quod si ita est; nullis verbis rei spiritualis veritas clariùs explicari potest, quàm symbolis; quæ inter comparationes aptissima & excellentissima sunt. Siquidem ex ijs rebus desumuntur, quarum natura ad illud, cui aptatur, significandum producta fuit.

Notopræterea, rerum spiritualium cognitionem, (quod neminem latet) non habere à fide claritatem: fides enim per se obscura est. Cum ea tamen bene stat, fideles in rerum supernaturalium cognitione proficere, & illustrari per meliorem veritatis creditæ perceptionem, per apprehensionem perspicaciorem, per maiorem eorum quæ fides docet, æstimationem. Quam cognitionis excellentiam

A suo modo possumus claritatem appellare. Ad hanc ergo claritatem notum est, significantiores comparationes plurimum conferre, atque illis cognitæ veritatis conceptionem pleniorē fieri & illustriorem; & perfectiùs apprehendi ab intellectu, quæ absque comparationibus non adeò distinctè percipiebantur. Cum autem symbola inter ceteras comparationes valde emineant; non dubium est, quin permagni intersint ad grauius veritatis pondus & æstimationem. Quanta verò sit symbolorum seu comparationum necessitas, ad rerum spiritualium declarationem; spiritualis vitæ magistri valde ponderant, eamque Dionysij Areopagitæ, ipsiusque Pauli doctrinā confirmant. Et remotis comparationibus, aiunt, Christianæ Philosophiæ arcana explicari vix posse. Constat ergo spirituali doctrinæ & cognitioni magnam claritatis lucem ex optimis symbolis accedere; scilicet quando interpretatio symbolum veritati per illud significatæ perfecte aptat.

Hæc omnia si ita sunt, vt reuera sunt: cum Apocalypseos symbola tantopere excellentiā & elegantiam præstent, negari non potest, quin vera Apocalypseos expositio, magnam sit lucem spirituali doctrinæ allatura. Id vt exemplo comprobemus; de sacerdotalis dignitatis præstantia multa possunt acutè & ingeniosè dici, meo tamen iudicio quæcumque humana ratiocinatio in ea re consequi potest & expendere; dignitatis huius celsitatem minùs explicant, quàm vnum Apocalypseos symbolum; in quo viginti quatuor senioribus coram supremo Deo, throni, (id est fellæ regiæ cum hypopodio) conceduntur. Etenim si ibi sacerdotalis dignitas & excellentia representatur; quid aliud potuit confingi, quod ita significanter exprimat celsissimam illam officij maiestatem; quæ non sella tantum, sed regali etiam throno coram infinito Deo donatur? Apocal. 4. 4. In circuitu throni sedilia viginti quatuor, & super thronos viginti quatuor seniores sedentes. Satis nunc sit, locum quasi digito ostendisse. Et simile est in alijs permultis; quibus mirum est, quanta cognitionis lux fidei mysterijs effulgeat. In ijs quæ ad morum doctrinam spectant, non minor est claritas, quæ ex symbolicis his significationibus accipitur. Nam quod attinet ad humani cordis affectiones, de quibus spiritualis vitæ doctores sapienter ac copiosè agunt; vniuersæ eorum morali philosophiæ magna oboritur lux ex cap. 9. Apocalypseos, si sub fraudulentis illis locustis, cordis desideria; sub furentibus equis, iræ ac furores significantur; quæ sunt veluti Sirenes ac furia huius tantæ tamque admirandæ tragediæ. Et quæ de his symbolis exempli gratia subdidi; de ceteris omnibus dici similiter possunt. Demum concludo, non magnam solum esse symbolorum Apocalypseos elegantiam; non miram solum energiam; sed, quod mirabilius est, clarissimam quoque esse lucem, quam præpotens Deus in his symbolis abstruxit. Et mirum tanè est, ex libro ita obscuro tantum claritatis elici posse: certissimum tamen id esse debet. Nec verò inusitatum Deo est efficere, vt lux de tenebris splendescat, de quo vide 2. Cor. 4. 6.

Ex ijs, quæ superius diximus, illud etiam

5.  
Ex Apocalypseos applicatione magnam accipit lucem spiritualis doctrina.

Ad moralem doctrinam n. agna ex Apocalypsi lux refunditur.

In obscuris Apocal. symbolis magnam lucem delitescere.

2.  
Quantus in sacris symbolis campus ingenij pateat.

Exod. 13. 21.  
Exod. 24. 15.  
Exod. 40. 34.  
3. Reg. 8. 10.  
Matth. 17. 5.  
Act. 1. 9.

3.  
Symbolorum fecunditatem & breuitatem & perspicuitatem comitantur. In Arte Poet.

4.  
Ideles in sumptuorum cognitione per meliorem veritatis creditæ perceptionem, per apprehensionem perspicaciorem, per maiorem eorum quæ fides docet, æstimationem.



Ioannes ex  
huius libri  
symbolis  
multò ma-  
gis illustra-  
tus euasit.

An Ioannes  
Apocalyp-  
seos reue-  
lationibus  
fuerit no-  
uus verita-  
tes edoctus.

obiter constare velim; Ioannem in ipsismet  
veritatibus, quarum antea cognitionem imbi-  
berat, multò magis sapientem & illustratum  
ex tot symbolorum reuelatione euasisse. At-  
que hæc maior lux in fidei myterijs atque do-  
ctrina, pluris à Dei familiarissimis æstimatur,  
quàm aliarum denuo veritatum, quæ sibi prius  
erant ignotæ, reuelatio.

Quòd sime aliquis roget; an censeam, iux-  
ta meam huius libri interpretationem, Ioan-  
ni in hoc libro res aliquas, quas ipse antea  
nesciebat, fuisse prædictas? Respondeo. Non  
dubitandum esse, quin Ioannes probè nosset  
Christiano populo apud Daniele promissum  
fuisse mundi dominatum, & de Romano Im-  
perio triumphum: nihilominus tamen cer-  
tum videtur ex eadem victoria atque trium-  
pho, in Apocalypseos reuelatione multa fuisse  
illi clare ac distinctè ostensa, quæ antea non  
nouerat; & quorum cognitio ingenti eum  
affecit voluptate: sciicet, magnam illam vi-  
ctoriam, ex Romæ conuersione principium  
sumpturam & qua ratione, quibusque instru-  
mentis fuerat ad Christi fidem conuertenda;  
quanta porro erat futura nouæ Romæ sanctitas  
atque auctoritas; quanta Christiani populi  
accessio & incrementum; atque alia eiusdem  
rationis, quæ latius in argumento peritrxinxi-  
mus, & suis inferius locis explicabimus. Ita-  
que in hac reuelatione Ioanni ostensa, illud ei  
videtur accidisse, quod Angelis in humani  
generis redemptionis mysterio euenisse D.  
Thomas affirmat; licet enim constet, ipsis

A ante Christi incarnationem hoc mysterium  
innotuisse; postea tamen & Christi doctrina,  
& ipsius rei successu & euidencia, plures de-  
nuo circumstantias cognouerunt, quarum  
antea cognitionem non habebant. Et quam-  
uis reuelatio Angelis facta non per symbola  
& æigmata, sed propria & aperta fuerit; Io-  
anni autem in symbolis & æigmatis sit osten-  
sa: ceterum qui æigmata planè percipit, cla-  
rissimam rei sibi significatæ notitiam assequi-  
tur. Atqui compertum est Ioanni, fuisse  
omnino explicatum æigmaticæ huius actio-  
nis sensum. Præterquam quòd, cum esset cæ-  
lesti luce illustratus, & sacra Scripturæ myste-  
rijs affuetus, licet singillatim non illi huius  
visionis interpretatio indicaretur; de eius ta-  
men intelligentia neutiquam dubitaret. Cum  
enim sibi indubitatum esset, in Babylone Ro-  
mam designari, & in sacris litteris ignem  
esse Spiritus sancti symbolum: ex eo quòd illi  
prænunderetur Babylonem citò igne conflag-  
raturam; qui ita acutè percalebat, non ma-  
gis dubitaret de sensu, quàm si ei aperte dice-  
retur, Romam eo igne fore inflammandam,  
quem Christus venit mittere in terram, & sic  
de ceteris.

C Nec plura de his, illud tandem pro colo-  
phone addidero, non frustra nobilia & per-  
spicacia ingenia naturâ suâ ad symbola, em-  
blemata & æigmata ingenti cum voluptate  
ferri; quin & sacras ipsas literas eiusmodi  
symbolis & mysticis significationibus sca-  
tere.

## NOTATIO DECIMASEPTIMA.

*Ex clariori eiusdem doctrina perceptione colligi interdum  
multa, quæ noua primo aspectu videantur.*

I. **A**POCALYPSEOS symbola, vbi cognita  
perspicue fuerint, magnam spirituali  
doctrinæ lucem & claritatem allatura, supe-  
riori notatione ostensum est; atque illud ad-  
ditum, nouam mysteriorum fidei lucem, quæ  
clariorem eorundem inspectionem efficiat,  
pluris fieri debere, quàm veritatum nouarum  
reuelationem. His modò id annecto: quòd  
etsi spiritualibus viris compertum sit, omitte-  
re tamen in præsentis non debui: Nempe,  
eos, qui maiorem & clariorem lucem ea-  
rumdem veritatum, quæ omnibus notæ sunt,  
alipiscuntur; quædam animaduertere, quæ  
minùs acutè insipientibus, noua videri so-  
lent: cum tamen noua doctrina non sit, sed  
vnius veritatis cum alia comparatio. Id quod  
hominum verè spiritualium proprium est; vt  
sapienter Paulus 1. Cor. 2. 13. *Loquimur in doctrina  
Spiritus spiritualibus spiritualia comparantes.* Exem-  
plum esto, quod frequenter vsu venit. Qui  
enim Christianæ fidei rudimenta, quæ pueris  
etiam proponi solent, satis edoctus, nunquam  
tamen eorum inter se comparisonem audie-  
rat, hic sanè absque noua aliqua doctrina, ex  
attenta solum mysteriorum, quæ iam didicit  
meditatione, & aciore adhuc perceptione, id  
tandem cernit, quod sibi antea distinctè pro-

D positum non fuerat, videlicet, tria illa Christi  
incarnationis, passionis, & Eucharistiæ bene-  
ficia inter cetera omnia in genus hominum  
collata, clariora longè esse & præstantiora.  
Hæc beneficiorum quorundam cum alijs cõ-  
paratio sibi antea clare prædicta non erat: sed  
ille Dei gratia adiutus, assidua doctrinæ sibi tra-  
ditæ consideratione, & spiritualibus spiritua-  
lia comparando, discit per se, quod non fue-  
rat doctus ab alijs. Nec tamen nouam doctri-  
nam discit; quamuis noua sibi in ea claritas  
effulgeat. Porro ijs comparationibus mirum  
in modum crescit spiritualis doctrinæ æstima-  
tio atque distinctio. Quod viri pij, & diuinis  
contemplationibus dediti experimento affa-  
tim didicerunt.

E His igitur nouis diuinarum rerum compa-  
rationibus existimo permagnam in Apocaly-  
psi lucem afferri; cum ex argumenti filo ac-  
serie, tum ex accurata mysteriorum fidei tra-  
datione; non tam ad eorum corpus quàm ad  
animam & medullam spectante. Quod quoniã  
magni momenti esse duxi, in peculiari nota-  
tione seponere statui; & ad nonnulla singilla-  
tim descendere, valde digna, quæ à Christia-  
nis hominibus ponderentur.

Primò, vt de septem spiritibus loquamur,

quos

Ex noua sa-  
crorum my-  
steriorum  
compára-  
tione, noua  
ipsorum my-  
steriorum  
cognitioni  
lux oberi-  
tur.

Multa non  
noua, sed  
nouè ex hac  
interpreta-  
tione col-  
ligi.



Septem di-  
uina prou-  
identia per-  
fectiones in  
septem pri-  
mi capitis  
spiritibus  
adumbrata.

3.

In tota hac  
interpreta-  
tione nihil  
in doctrina  
aut nouum,  
aut minus  
certum ad-  
struitur.

Enigmati  
solutio ad  
opinionum  
probationem  
non apte  
usurpata.

Cui non-  
nulla ple-  
risque vi-  
deantur no-  
ua, aliqui  
antiqua-  
iam & re-  
cepta.

quos in ipsa capitis primi salutatione legimus; si vera explicatio sit, quam ipse sequor, de septem Diuinæ prouidentia perfectionibus; ei, qui in attenta diuinæ prouidentia consideratione non fuerit versatus, nouum fortasse videatur eius prouidentia perfectionem ad septem spiritus seu virtutes reduci. Verum qui in fidei mysterijs meditationis fixerit pedem; magnam proculdubio inueniet lucem, magnamque perfundetur voluptate, vbi aduertit Diuinæ prouidentia perfectiones seu virtutes in septem, nostro modo, partiri. Quem numerum in septem sigillis obseruauit Ioannes; perspexit enim in singulis sigillis, latere prius, deinde reteggi atque patere earum perfectionum singulas. Cumque animaduertit, sigilla esse non amplius septem; hinc manifeste elicit, in illo septenario infinitam Dei prouidentia perfectionem contineri: atque adeo sub his septem rationibus esse spiritualibus hominibus venerandam.

Non me lateat, (quæ est in humanis ingenijs diuersitas) aliquos fortasse non defuturos, apud quos mea hæc de septem spiritibus expositio non bene de nouitate audiat. Ceterum, aliud est disputare, vtrum doctrina hæc de septem Diuinæ prouidentia perfectionibus sit noua; aliud, vtrum hæc fuerit Ioannis mens, quando de septem Dei spiritibus meminit. Quod ad primum attinet, non in hoc tantum loco, sed generatim loquendo, id apud me firmiter statui; non solum, nequid nouum in doctrina, sed etiam nequid minus certum & in quo varijs Catholicorum opinionibus disceptetur, in tota Apocalypsi proferam. Existimo enim imprudentia notam mihi posse inuri; si Apocalypseos ænigmata ad eius rei explicationem traherem, quæ non sit certa & communis Catholicorum omnium doctrina; in qua cõsentendum nobis omnibus necessariò sit. In alijs liceat sanè vnicuique hanc aut illam probabile opinionem defendere. At ænigmata ad opinionum significationem nõ ita apte vsurpantur; aptissime verò ad communem totius Ecclesiæ doctrinam, in quam vt certam atque ab omnibus receptam Catholici omnes pedibus (quod aiunt) ire debent. Atque in hoc sensu prudentissimum est illud ex Dionysio, *Theologia symbolica non est argumentatiua*. De quo supra notat. 10. Nec enim consentaneum est, ænigmatum interpretatione vti velle ad singularem interpretis opinionem suadendam. Itaque quocunque in loco aliquam Apocalypseos interpretationem sequor, hoc ipso inprimis statuo, doctrinam ipsam, cui textum applico, non esse alicuius propriam, aut duorum vel trium opinionem, sed communem Catholicorum omnium sententiam. In quo, si fallor, meam expositionem irritam ac nullam esse volo. Huius enim ædificij fundamentum in vera ac solida doctrina iacere statuo. Iuxta id; *Principium verborum tuorum veritas*. Psal. 118. num. 160. Cum hoc tamen recte componitur, aliquid interdum in Apocalypsi iuxta meam explicationem reperiri, quod prima specie videatur nouum: propterea quod à multis illac fuerit obiter prætergressum. Non tamen semper id est re vera nouum, quod prima specie nouum videtur. Aduertit hoc M. Tullius libro de perfecto oratore; vbi ait, *Quidam reprehendent, quod inusitatas vias indagemus, tritas*

A relinquamus. Ego autem & me sæpe noua videri dicere intelligo; cum per vetera dicam, sed inaudita plerisque. Contingit sanè aliqua propterea noua & inaudita nonnullis videri, quod ea non antea seriò considerauerint: quæ tamen ita sint in communi ac certa omnium doctrina solidata; vt nil aliud sint, quàm noua veteris mysterij ponderatio; noua ipsius veteris doctrinae animaduersio; & vnius virtutis cum alia comparatio. Quemadmodum si, verbi gratia, asseramus Dominicæ incarnationis, passionis, & Eucharistiæ beneficia potissima esse omnium, quotquot in nos contulit Deus. Hoc enim qui neget (nisi fidem etiam negare velit) quid dicat, planè non intelligit. Similiter ergo diuinæ prouidentia perfectiones seu virtutes ad septem reuocari, non est distinctionem aliquam in diuina natura constituere; sed de Dei attributis ac virtutibus pro nostro captu loqui, atque ex Apocalypseos visione colligere, in septem sigillis totidem diuinæ prouidentia perfectiones considerari. Nempe, *magni animi Virtutem, Beneficentiam, Equitatem, ac Sapientiam*. Quorum documenta clarissima in Iudeis ad Christi fidem cõuersis mire edidit. *Patientiam* porro, *Comminationem*, ac *Seueritatem*; quibus in rebelles Iudeos, & Christi fidem respuentes, vsus fuit. Atque ex penitissima huius discursus intelligentia planum sit, totam Dei prouidentia perfectionem in septem illis attributis consistere. Atque hæc de primo superioris diuisionis membro.

Iam quod ad alterum spectat; vtrum scilicet, ea fuerit Ioannis mens, cum de septem spiritibus mentionem fecit? & vtrum septem spirituum nomen, septem illis virtutibus apte quadret? Quamuis meam ipse interpretationem, ita veram existimem, vt de ea nulla me teneat dubitatio; sed neq; hic probandi locus est, nec ceteros ad meam adducere sententiam contenderim. Vnusquisque in suo sensu abundet. Atque in hoc non valde laboro, ne quis meam declarationem nouam esse credat: fortassis enim hac in re, vt in alijs etiam non paucis, aliquam præ se fert nouitatem; non tamen ita magnam, quin in præcipua totius corporis fabrica & structura auctor es habeat & architectos, tum ex veteribus, tum ex recentioribus non ignobiles, vt vidimus notat. 12. Illud ergo inprimis statuamus oportet, doctrinam esse certam, & extra omnem controuersia aleam inter Catholicos positam; postea verò ad expositionis nouitatem pergemus, & ad nouæ explicationis cõsuram, de quo infra notat. 19. Sed vt hoc etiam obiter dixerim; vbi de doctrinae firmitate & excellentia constet, hoc ipsum ad nostram declarationem confirmandam conducet.

Ut verò ad eandem de septem spiritibus veritatem regrediar; tantum abest vt eiusmodi doctrinam, tanquam nouam reiiciendam esse verear, vt licet mea interpretatio nullius præterea vsus & vtilitatis foret, quàm vt spiritualis vitæ sectatoribus hoc munusculum deferrem, ac de septem spirituum excellentia agerem: meum tamen hunc laborem non cassum & inutilem, sed vtile fore ac fructuosum ducere. Verè enim tractus hic in Apocalypseos, primis, ac potissimis debet numerari. Sed de hoc latius suo loco. Et breuiter percurro nonnullas alias huiusmodi considerationes, quas nobis Apocalypsis abunde suppeditat.

Doctrina de  
septem diui-  
na prou-  
identia spi-  
ritibus viris  
spirituali-  
bus valde  
utilis.



Christiano-  
rum homi-  
num consi-  
deratione  
ad se-  
ptem disci-  
mina reuo-  
cari.

Ex his est, conscientiarum discrimina in Chri-  
stianis hominibus esse septem; quarum ad sin-  
gulas singula Christi epistola in secundo & ter-  
tio capitibus diriguntur. Atque ibi ostendimus,  
diuisionem hanc septem conscientiarum, nec  
in plura, nec in pauciora membra fieri debuisse;  
idque dignum valde esse; quod à pijs &  
spiritualibus hominibus attentè consideretur.  
Alia est consideratio, quatuor inordinatos a-  
morem esse veluti duces ac principes belli,  
quod aduersus virtutem ac pietatem magna a-  
nimorum strage & internectione geritur; hos  
esse, *Amorem vitæ & voluptatis, Amorem diuitiarum,  
Amorem pacis mundana, Amorem proprii iudicii,* de

quibus cap. 6. & 9. Alia est, septem esse pla-  
gas, quibus Dei seueritas in hac vita rebelles  
& obdurnatos peccatores percutit; quæ eo, quo  
enumerantur ordine in maiorem ac maiorem  
grauitatem excrefcunt. Ex sunt, *Fames, Bellum,  
Pestis, Ignorantia, Concupiscentia, Ira, Obduratio.*

Possent & alia similia considerationum mo-  
menta in Apocalypsi ponderare; sed pro e-  
xemplo hæc adnotasse satis fuerit. Atque hæc  
sit huius notationis clausula, Apocalypsin vi-  
delicet permagni ab omnibus spiritualis vitæ  
tum doctoribus, tum discipulis, æstimari de-  
bere ob nouam lucem, eamque copiosam, quam  
doctrinæ spirituali affert.

Septem pla-  
ga, quibus  
Deus obdi-  
urnatos per-  
cutit.

## NOTATIO DECIMA OCTAUA:

*Apocalypsin obscurioribus Veteris Scriptura locis ac  
libris facem præferre.*

I.  
Ex obscuris-  
simi huius  
libri inter-  
pretatione  
multa in  
difficillimos  
veteris te-  
stamenti locos  
refunditur  
lux.

**A**DDERE hic visum est, quod sacrarum  
Litterarum studiosis tanti pretij futurum  
existimo, vt vix aliquid pluris ab iis æstimetur.  
Idque adeo mirum est; vt nisi ipsis cernatur  
oculis, credi vix possit: Hunc nempe librum,  
qui hæcenus ceterorum Scripturæ obscurissi-  
mus iure optimo est habitus, eam in se lucem  
cōtinere, quæ si rectè agnoscat, multis ac dif-  
ficillimis veteris testamenti locis; maximam  
sit claritatem allatura; sed enim verissimum  
id est. Apocalypsis namque si rectè intelliga-  
tur; sua luce illustrabit permultas ex antiquis  
prophetiis; Canticum Canticorum contextum;  
præcipuam libri Iobi partem; ex Psalmis diffi-  
ciliores; ac penè quidquid est in veteri testa-  
mento, pulcherrimum & difficillimum. Hoc si  
ita esset, quid aliud obsecro, admirabilius? quid  
magis Theologis exoptandum posset affer-  
ri? quid præterea dignius summam Christi sa-  
pientiæ, quam Ioanni dilectissimo discipulo  
ænigmata hæc adeo obscura misisse, atque in  
illis ingentem lucem ad sacrarum Litterarum  
intelligentiam inclusisse?

Hoc vt planum fiat, prænotandum est, prius  
etiam quam hanc lucem videre contingat,  
Apocalypsin legenti constare, ipsius seriem  
atque contextum varijs figuris ac symbolis  
esse compositum; quibus manifestè alluditur  
ad insignia quæque & admiranda, quæ tam in  
Prophetis, tum in ceteris sacræ Scripturæ li-  
bris effulgent. Itaque Ioannes, vt omnes a-  
ctionis huius partes, & quasi personas elegan-  
tissimo ornatu conueneret; omnes sacræ Scri-  
pturæ apothecas perscrutatus, quidquid in  
eis pulchrum, quidquid speciosum, quid-  
quid auro rigens erat, in vnam Apocalypsin  
translulisse videtur; & suo quæque loco aptè  
disposuisse. Nec dubium, quin id non leuiter  
& perfunctorie; sed sapientissime & appositi-  
mè præstiterit: atque adeo ad veram & perfe-  
ctam veteris Scripturæ locorum intelligentiam  
respexerit. Quod cum ita sit, dubitari non po-  
test, quin perfecta Apocalypseos elegantia cō-  
prehendat veram & germanam Prophetarum  
& aliorum, quos respicit, locorum mentem. Si-

**B** quis humaniorum litterarum apprimè doctus  
emblema aliquod, seu ænigma miro artificio  
componeret, in quo ad varios Homeri, Virgi-  
lij, & aliorum locos per allusionem respiceret;  
næ præcipua huius operis perfectio postularer,  
vt eiusmodi allusio, verum ac proprium eorum,  
quæ tangit, sensum contineret. Si igitur hoc ad  
eruditi hominis perfectum opus exigitur, quid  
de eorum ænigmatum perfectione credendum  
est, quæ Christi sunt ingenio concinnata? Cum  
igitur constet Apocalypseos artificium, eorum  
locorum, quos respicit, intelligentiam in se  
complecti: eadem etiam ratione constare de-  
bet, veram Apocalypseos interpretationem ijs  
omnibus plurimum lucis allaturam. Sicut er-  
go vera Prophetarum expositio, ac ceterarum  
Scripturæ partium, quas Apocalypsis perstrin-  
git, ipsius Apocalypseos interpreti maximum  
adiumentum præstaret: ita etiam Apocalypseos  
intelligentia ad eorum locorum declarationem  
quam maximum conferret auxilium. Si semel  
igitur vera huius libri acolutia & coherentia  
inueniatur; hæc eadem vaticinia Prophetarum,  
& multos alios Scripturæ locos mira luce  
perfundet.

**C** Atque hac quidem luce cumulata perfruen-  
tur ij, qui me plenius & perfectius Apocaly-  
pseos sensum perceperint. Ceterum hæc ipsa  
intelligentia scintilla, quam mihi videor affe-  
cutus, quantulacumque est, eiusmodi me luce  
ad aliorum Scripturæ librorum intelligentiam  
collustrat; vt verè affirmare possim; pluris à  
me fieri, quod ex Apocalypsi ad veteris Scri-  
pturæ interpretationem edidici, quam quid-  
quid præterea per totos quatuor & triginta an-  
nos ex sacræ Scripturæ studio, hausi. Placet igitur  
insigniores aliquot locos præscribere, vt  
quemdam veluti indicem conficiam eorum,  
quæ præcipuè ad Apocalypseos interpretatio-  
nem sum per appêdicem additurus. Tum quia  
illis fuit lux ab Apocalypsi impertita; tum  
etiam quia ad pleniorum Apocalypseos ipsius  
intelligentiam spectant.

Ex his primo loco designo Canticum Can-  
ticorum, qui liber licet non sit primus in eorum

ordine,

Seu potius  
Christus, à  
quo hæc  
prophetia,  
eiusmodi  
symbolis  
conuenerit  
ad Ioan-  
nem missa  
est.

Ex Apoca-  
lypseos in-  
telligentia  
qui aliorum  
Scripturæ  
locorum ex-  
plicatio col-  
ligatur.



Qui Scri-  
ptura loci  
ab Apoc-  
lypsi lucem  
accipiant.  
Ac primò  
Canticum  
canticorum

ordine, quos seledurus sum; est tamen, cui maior fortasse lux ab Apocalypsi diffunditur. Mihi certè ex Apocalypsi nò solum vnus aut alterius Canticorum capitis, sed totius libri seriem ac sensum collegisse, eò fuit iucundius, quò liber hic ceteris veteris testamenti difficilior, non immeritò habeatur. Difficultas verò hæc in totius libri filo deducendo, & connectenda serie præcipue posita est. Ad hunc igitur librum non solum bis, aut ter alluditur in Apocalypsi; sed in totius etiam libri contextu & argumento. Quod vbi primùm animaduerti, & præsertim in Christi nuptijs cum Romana Ecclesia (de quibus Apocalyp. 19. num. 7. *Venerunt nuptia Agni*) manifestè respici finem capitis tertij Canticorum, in quo de mystica Salomonis desponsatione agitur; agnoui protinus, in eo Canticorum loco sermonem esse penitus de publici Christianæ religionis exercitij celebritate in vrbe Romana: ac mox Apocalypseos acoluthia me docuit, quo pacto Canticorum filum ducere, & contextum ordinarem. Quare omnium consequentiam capitum, ac totius libri sensum interpretari sum ausus. Quod totum vni Apocalypsi referri acceptum, mihi summo solatio est.

Proximo loco Iobi librum constituo: licet enim Apocalypseos fax quatuor tantum Iobi ipsius capita videatur illustrare; verum in quatuor histotius libri medulla & substantia continetur. Iob enim historia breui absoluitur; & quod reliquum est totius libri, ad eius historiam animam spectat, id est, ad varias de illa historia ratiocinationes. Et quamuis in ijs, quæ amici cum Iobo ratiocinantur, quæq; ipse ad eorum rationes respondet, multa sint, quæ discere possimus; hæc tamen omnia longè inferiora sunt, si cum egregia illa concione, quam Deus ad Iobum e nube habuit, conferantur. Atque in hac Dei oratione contineri debet, quæ fuerit in Iobi historia Diuinæ providentiæ mēns atque consilium; & quæ sit vera & opportuna consolatio ad eos subleuandos, qui similiter ac Iob, aduersa fortuna oppressi in mœrore & squalore iaceant. Illa ergo Dei concio per tota quatuor capita durat, quæ vniuersi libri medullam comprehendunt. Atque hæc mihi capita Apocalypsis exposuit, postquam animaduerti, conspirationem illam Draconis, Belluæ maris atque terrestres expressam Apoc. 12. & 13. perspicue referri ad tres illas belluas, quas Deus debellare & euertere tantopere apud Iobum gloriatur. Eæ verò sunt, Satan, Behemoth, Leviathan. De Dracone namque Ioannes, *Vocatur, inquit, Diabolus & Satanas accusator fratrum nostrorum.* Quibus verbis, quasi extento digito, Iobi accusatorem indicauit. Et mox maris bellua Leviathan, siue Ceruus: & bestia de terra Behemoth, siue Elephantem respicere agnoscuntur. Deinde, vbi percepi Apocalypseos sensum in illa trium belluarum coniuratione, & in bello, quod aduersus ipsas gerit Deus pro Ecclesia; inde eliciuisse me existimo Dei ad Iobum concionem ex proportionem mysterij Apocalypseos intellectam, excellentissimam esse; tum ad historiam ipsius rationem & animam, tum ad Iobi ipsius vexati atque afflicti solatium.

Gradum facio ad nonnullos ex Psalmis, difficiliores pariter & elegantiores, quibus lucem

A & claritatem ingentem Apocalypsis impertitur. In decimo namque capite Ioannes septem tonitruorum vocem se audisse testatur; quod non fuit aliud, quam Psalmum 28. designare, vbi septies vox Domini repetitur; nec alibi præterea in tota Scriptura septem tonitruorum mentio fit. Et ex Apocalypseos contextu patuit, quod esset septem Dei vocum in Psalmo mysterium: perinde enim fuit Psalmum citare, atq; dicere, ibi proprium esse locum ipsius argumento. Quantum igitur, quamque excellens est, Ioannem, vt primùm vnico verbo Psalmum difficillimum perstrinxit, ex eo solum ipsius argumentum exponere? Idem omnino contingit in Psalmo 44. & 47. 67. & 109. & in alijs non paucis.

B Atque vt ad Prophetas deueniamus; caput Apocalypseos quarum Isaia thronum, & currum Ezechielis illustrat; quæ duo in vtriusque prophetia sunt præstantissima. Præterea quidquid Isaia ac Ieremias nonnullis capitibus de Babylonis excidio vancinantur, ad Babylonice conflagrationis lumen, (de qua in Apocalypsi) perspicuum redditur.

C Bina etiam Ezechielis capita de Gog & Magog, à vigesimo Apocalypseos lucem accipiunt. Nec non magnifici templi & nouæ ciuitatis visio, de quibus in extremis eiusdem Prophetæ capitibus.

D Visio præterea quatuor belluarum (de qua Danielis 7.) in 13. & 17. Apocalypseos explicatur. Et mirabilem illum Angelum, (de quo Daniel c. 10.) prima Apocalypicos persona suo fulgore collustrat. Et stante super aquas (Danielis 12.) ille similiter, qui habet pedem dextrum super mare (Apoc. 10.) Duodecimo etiam Danielis capiti mira lux accedit ex duodecimo Apocalypseos.

E Equi insuper, de quibus Apocalyp. 6. nos ad insignis Habacuc cantici explicationem ducunt. Atque ad secundam Zachariæ visionem, quæ omnino occupat sex prophetiæ illius capita. Duodecimum etiam eiusdem Zachariæ caput ex primo Ioannis optime intelligitur. Alij denique permulti atque insignes veteris testamenti loci maximam ex eo accipiunt lucem, quod illi fulgentissimis Christi Domini oculis in sua Apocalypsi perlustrentur. Quæ splendidissima lux ad penitiora difficilioraque singulorum Prophetarum capita, vnica solum allusione extenditur. Sed mirabilius id iure apparet; quod simul atq; Apocalypsis obscurissimo alicuius Prophetæ loco lucem attulit, in eandem protinus Apocalypsin, vnde lux effluxit, maximo cum scœnore reflectatur. Id quod quotidianâ aliarum rerum experientiâ non obscure comperitur. Ex candela enim aliqua accensa pluribus alijs lux atque ignis communicatur; earumque vicissim luce candela prior, quæ ceteras omnes accēderat, multò redditur lucidior & illustrior, omnibus vndiq; luminibus sibi mutuo splendorem suggerentibus. Et quidem licet Apocalypsis hoc solum præstet, vt locus aliquis ab ea tactus statim illustretur & accendatur; ipsa tamen materia, quæ ignem concepit, aptissimum illi præstat alimentum, quo fulgor eius ac lux mirè excrefcit & augetur. Quo fit, vt nouus ignis denuo augescens maiori fulgore possit facem, quæ ipsam accenderat, illuminare.

6.

4. Isaia, Ieremias.

3. Ezechiel.

6. Daniel.

7. Habacuc.

8. Zacharias.

4.  
2. Iobi li-  
ber

5.  
3. Psalm orii  
liber.



Atque adeo ex eo quod Prophetæ alicuius locus quàm aptissimè consonare & quadrare cōspicitur sensui ab Apocalypsi intento; inde ipsius Apocalypseos sensus & significatio, crescente adhuc claritate, magis illustratur; vtroque loco sibi inuicem opitulante, & mutua consensione validissimè auxiliante.

Verum vt Apocalypseos liber ceteris possit asferre lucem; omnino est necessarium, vt luce ipse sua in primis enitescat ac vigeat; qua penitus orbus esset, si eius integra series simul explicata conspectaque non foret. Quoniam ipsa sibi obstat magnitudo, vt ait Florus, rerumq; diuersitas aciem intentionis abruptit. Quare operæ pretium est, totam Apocalypseos interpretationem seorsum contemplari; vt deinde ad eorum locorum explicationem, quibus ab Apocalypsi lux oritur, expeditior via pateat. Spiritum no-

A *lite extinguere*, inquit Apostolus 1. ad Theff. 5. 19. Nec absimili ratione eos, qui Apocalypseos face locorum aliorum lucem accendere, atque illuminare parant, commonere possis; vt expectent prius, quousque Apocalypseos cohærentiam perceperint; ne si plures simul candelæ, lucis accipiendæ gratiâ, ad vnam tumultuario accedant, accensam vix atque lucentem prorsus extinguant, & omnes luce frustrentur.

Hæc ergo fuit causa, quapropter Apocalypseos interpretatio separata sit à multis locis, qui ab ipsa illuminantur. Eosdem tamen omis-  
B sisse locos illa luce fraudatos, quam ab Apocalypsi mutantur, fas non erat. Præsertim cum ipsi vicissim lucem Apocalypseos reddant clariorem. Sed quoniam res est laboris atque operæ penè infinitæ; satis mihi erit inchoasse; prouehent alij, vtinam & perficiant.

## NOTATIO DECIMANONA.

*Responsio ad ea, quæ nostro argumento obijci possunt. & primò ad nouitatem explicationis.*

I. **H**ACTENVS nostrum Apocalypseos argumentum statuimus, & ipsius confirmationem per aliquot capita tractauimus. Reliquum est ad proœmij totius complementum, ijs obiectionibus satisfacere, quæ nobis possint opponi. Quæ autem mihi in præsentī occurrunt, (licet non omnes fortasse præuiderim) ad quatuor capita reuocabo. Primum erit de nouitate expositionis nostræ. Alterum de aliarum expositionum iniuria. Tertium de rerum magnarum omissione. Et quartum de nimia mystici sensus consecratione. Ad quorum singula singulis etiam notationibus respondere conabor.

2. Quod igitur ad primum spectat; nouarum expositionum licentiam coerceri oportere, persuadent ea quæ Ribera in proœmio Aggæi adducit; vbi agit de veterum Doctorum explanatione sequenda. Ac præsertim illud Rufini, qui libro 11. historię, cap. 9. asserit, Basilium atque Gregorium non ex propria presumptione; sed ex maiorum scriptis, sacre Scripturæ voluminibus operam dedisse, & maiorum intelligentiam fuisse secutos. Deinde Dionysius de cœlesti Hierarchia, cap. 1. nos docet, Ad sacrarum literarum intelligentiam, prout illas à patribus accepimus, accedendum esse. Præterea Clemens Alexandrinus epistola 5. Oportet; ait, sacra Scriptura intelligentiam discere ab eo, qui à maioribus eam sibi traditam seruat. Vincentius item Lirinensis cap. 27. adducit illud Pauli 1. ad Tim. 6. 10. & epistola 2. cap. 1. 14. Depositum custodi. Et addit: Quid est depositum? id quod tibi creditum est; non quod à te inuentum, quod accepisti, non quod excogitasti; rem non ingenij, sed doctrinæ; non usurpationis priuata, sed publicæ traditionis: rem ad te perductam, non à te prolatam; in qua non auctor debes esse, sed custos; non institutor, sed sectator; non ducens, sed sequens. Cassiodorus etiam in præfatione suæ institutionis hortatur, vt ad Scripturas per expositiones probabiles Patrum accedamus. Huc spectat id Ecclesiastici 8. nu. 11. Non te prætereat narratio seniorum; ipsi enim didicerant à patribus. Quoniam ab ipsis discas intellectum. & iterum num. 9. Ne despicias narrationem Presbyte-

rorum. Quoniam ab ipsis discas sapientiam & doctrinam intellectus.

C His atque alijs similibus deterreri videmur, ne nouas explicationes à nobis inuentas in medium proferamus. Ceterum notandum est, hæc omnia à Patribus contra hæreticos dici: qui ad nouæ doctrinæ confirmationem sacre Scripturæ testimonijs abutuntur. non contra Catholicos, qui doctrinam ab Ecclesia receptam nouā aliquā Scripturæ expositione conantur illustrare. Probatur hoc 1. ex decreto Tridentini sessione 4. vbi sic explicat, à quibus nouis expositionibus cauendum nobis sit: Ad coercenda petulantia ingenia decernit sancta Synodus, vt nemo sacram Scripturam ad suos sensus contorquens, contra eum sensum, quem tenuit & tenet sancta Mater Ecclesia; aut contra vniuersum sanctorum Patrum consensum interpretari audeat in rebus fidei & morum. Expendantur, obsecro, verba sanctæ Synodi.

D Secundo; Doctores Scholastici cum D. Thomæ, 1. p. q. 1. a. 10. & cum D. Augustino, definiunt; si sensus, quem quis affert, congruat aliqui cum sana doctrina, & cum alijs clarioribus sacre Scripturæ locis, & possit referri ad Dei gloriam, & Ecclesiæ vtilitatem: tunc omnem huiusmodi sensum admittendum esse; nec facultatem sic interpretandi sacram Scripturam appellandam esse nimiam licentiam; imò potius putandum esse Spiritum sanctum eam facultatem hominibus eruditis concessisse. Ita expresse Valentia ex verbis Augustini, & similiter ibi Caietanus.

E Tertiò; videmus singulos Patres multas eiusmodi nouas explicationes attulisse. Quod qui ignoret, in eorū lectione se minimè fuisse versatum satis prodit. Quod si Doctores sacri nullam sacre Scripturæ explicationem nouam antiquioribus addidissent; quot & quantis interpretationum opibus ac diuitijs Ecclesiam defraudassent? Si ergo in illis tantopere commendantur, & quidem satis merito, nouæ quas ediderunt declarationes; iam cuius prudentiæ est, recentioribus veterum Patrum imitatori-

7. Apocalypsin prius intelligi oportere, vt inde aliorum Scripturæ locorum intelligentia percipiantur.

Obiectiones, quæ contra nostram expositionem opponi possunt.

1. De nouarum expositionum licentia coercenda.

3.

Satisfit obiectioni.

Quæ explicandi nouitas sit laudabilis.

Multas etiā à sanctis Patribus Scripturæ expositiones inuenias.



bus id vitio vertere, quod illis laudi & honori ductum fuit. Quasi verò sola annorum vetustas expositionem aliquam de meliori nota posset commendare. Scite sane Horatius lib. 2. epist. 1. ad August.

*Si meliora dies, ut vina, poemata reddat;  
Scire velim, pretium chartis quotus arroget annas?  
Scriptor abhinc annis centum, qui decidit, inter  
Perfectos veteresq; referri debet, an inter  
Viles atque novos? &c.*

4.

Insignis  
Gregorij  
Magni locus  
pro noua  
interdum  
sacrarum  
Literarum  
explicatione  
astuenda.

Quartò; ipsi Patres diuersis verbis id se fecisse docent, ex quibus satis sit Gregorij Magni verba referre; qui in prooemio libri Regum, hæc habet: *Quia in diuersis sanctorum Patrum operibus diuersa huius libri testimonia inueniuntur exposita; notare debet lector, quod aliquando eorum sensus tractando subsequor; aliquando autem enodare historiam aliter intendo: ut opus, quod spe diuine inspirationis aggreddior, & antiquorum Patrum auctoritate sit validum, & lectori nequaquam fastidiosum; dum inter ea que nouit vetera, ea etiam, que non nouit, noua representat; ad quam profectò sententiarum pronuntiationem aliquando ex necessitate ducor. Quia Patres venerabiles, si seriatim cuncta exponerent, que ex parte tetigerunt, eam seriem locutionis, quam tenere visi sunt, obseruare nequaquam potuissent. Diu igitur sanctorum Patrum intellectus prætereo, necessitate aliquando, aliquando commoditate vtor. Quia & fastidium lectori amoueo; & dum totum seriatim discutio, multa ex medijs contra me veniunt, que illorum sententias non permittunt.* Hæcenus Gregorius.

Ad nouas  
indagandas  
interpreta-  
tiones nos  
Patres et-  
iam hor-  
tantur.

Egregium  
pro eadem  
re Vincen-  
tij  
Lirinen-  
sis testi-  
monium.

Quintò; non solum hæc Patres se præstitisse testantur; sed & hortantur nos etiam ad nouas eiusmodi explicationes. Nam Vincentius Lirinen-  
sis, qui fideles à nouitate exponendi tantopere detertere videbatur; in eodem illo 27. capite subdit se de conseruando fidei Catholice talento fuisse locutum. Et mox: O Timothee, (inquit) o sacerdos, o tractator, o doctor; si te diuinum munus idoneum fecerit ingenio, exercitatione, doctrina; esto spiritualis tabernaculi Beseleel: pretiosas diuini dogmatis gemmas exsculpe; fideliter coapta; adorna sapienter; adijce splendorem, gratiam, venustatem; intelligatur te exponente illustrius, quod antè obscurius credebatur. **PER TE POSTERITAS INTELLECTVM GRATVLETVR, QVOD ANTE AVETVSTAS NON INTELLECTVM VENERABATVR.** Eadem tamen, que didicisti, ita doce, ut **CVM DICAS NOVE, NON DICAS NOVA.** Hæc ille. Ac si apertius diceret: Doctrina non sit noua, sed antiqua, illam tamen nouæ expositionis illustratione exornare non te pigeat. Deinde verò subdit: **INVIDVM ESSE HOMINIBVS ET EXOSVM DEO, QVI HVNC RELIGIONIS PROPECTVM PROHIBERE CONATVR.** Sed ita tamen, ut verè profectus ille fidei sit, non permutatio. Hucusque Vincentius. Quod si sacra Scripturæ expositores per Beseleel (ut ille ait) significantur: expende, quid de eo dicatur Exod. 35. fin. *Impleuit eum Dominus spiritu Dei, sapientia & intelligentia & scientia & omni doctrina ad excogitandum & faciendum opus in auro & argento &c. ut faciat opera polymitarij ac plumarij de hyacintho ac purpura & bysso; ET TEXAT OMNIA, AC NOVA QVÆQUE REPERIAT.* Vide Origenem homilia 12. in Numeros.

Beseleelis  
exemplo ad  
idem indu-  
timur.

5.

Sextò; Chrysostomus optimè in hanc sententiam loquitur: quem adducit Turrianus in prologo de Eucharistia; ubi ipse etiam egregie. & similiter Rupertus in prologo Apocaly-

A pteos, & Ribera in prooemio duodecimi Prothetarum.

Septimò; Christus denique Assertor noster laudat Magistros, qui cum veteri doctrina nouam explicationem coniungunt. Ait enim Matth. 13. 52. *Omnis scriba doctus in regno calorum, similis est homini patrifamilias, qui profert de thesauro suo noua & vetera.* Atque huc fortassis spectat id Cantic. 7. *Noua & vetera dilecte mi seruauit tibi.*

Christus  
item Domi-  
nus nos ad  
nouas inda-  
gandas ex-  
positiones  
hortatur.

6.

Exemplo  
comproba-  
tur noua  
interpreta-  
tionis ratio.

His igitur præactis, ut propius ad questionem accedamus; producat exempli gratia locus aliquis, quem noua expositione quis de mysterio Eucharistiae intelligat, ut illud Ierem. 31. 22. *Fœmina circumdabit virum.* Et prodeat aliquis rigidus censor; quid dicat non sibi arridere explicationem; quia nemo Patrum sic explicauit. Tunc ab eo ipso inquiram; Num illis verbis existimet Eucharistiae mysterium aptè significari potuisse? si neget. Orabo hominem, ut intentionem saltem explicantis probe; ac meminerit, quod Augustinus ait, 2. de Doctrina Christiana cap. 36. nempe: *Quamcunque sententiam aliquis ex loco sacra Scriptura eliciendam putet, modò fidei consentanea sit, & charitatem Dei & proximi promouere possit; non fallatur perniciosè, etiam si non assequatur id, quod scriptor Canonicus intendit.* Deinde conabor ostendere: quàm aptè per verba illa possit significari Eucharistiae mysterium; & quàm bene cohæreat cū ea explicatione contextus. Addo etiam, Græci & Hebræi textus conuenientiam, & alias huiusmodi coniecturas. Quod si iam censor fateatur, textum ipsum nequaquam repugnare, sed videri potius ad eam significationem aptum; illam tamen se adhuc despicere, quia Patrum auctoritate non confirmatur; & ad prudentis grauitatis opinionem pertinere putet, nihil probare, quod sit de nouo inuentum, nec redoleat vetustatem. Tunc, obsecro, ut expendatur; an secundum rectam rationem atque prudentiam coram Deo approbari non debeat expositio, alioqui apta & Catholica Fidei deseruiens; si tamen noua sit? Nunquid non est absque dubio asserendum, omnia illa, quæ tum ad contextum ipsum apta, tum Deo digna per verba illa significari potuerunt: omnia (inquam) illa ab Spiritu sancto fuisse intenta? Qui ergo fateatur, his verbis Catholicam Eucharistiae veritatem aptissime intelligi potuisse, & contextum ea ratione cohærere; eo ipso fateri debet, illum sensum & esse legitimum, & ab Spiritu sancto intentum. Et qui adhuc tergiversatur, & expositioni detrahit; Spiritui sancto resistere videtur.

D

E

Suspicio cenforem hinc argumenti vi coactum, & penè constrictum; ut aliqua ratione elabatur, reuocaturum esse in dubium id, quod antea nobis concesserat; videlicet contextum eam explicationem ferre: si enim eam ferret, non reseruasset nouo interpreti Spiritus sanctus, sed eam multis antea Patribus inspirasset. Verum enim verò, aliud est dubitare, an explicatio textui cōgruat: (in quo ipse fateor meam explicationem, nisi optimè quadret, esse nullam,) aliud verò, eam non recipere, quantumuis quadret. Et quidem nouus interpres cōuenientiam debet attendere; & explicare, quàm aptè per ea verba possit Eucharistiae veritas significari. Iniquum autem est, eam explicatione minimè auditā, pronuntiare de illa, Non qua-

Nouus in-  
terpres noua  
explicatio-  
nis congru-  
entiam de-  
bet osten-  
dere.



drat. Quod enim additur; *Si quadraret, iam antea Patribus inspirasset Deus*, hoc multo iniquius dicitur. Consideretur quid Iudith in presbyteris suis reprehendat, cap. 8. 13. *Posuistis vos tempus miserationis Domini, & in arbitrium vestrum diem constituistis ei.* Nonne omnes fatemur, sacrā Scripturam pelagus esse inexhaustum? nonne hoc ad eius dignitatem & excellentiam pertinet, ut maris instar immensi nunquam exauriatur? Quis ergo est, qui Deo terminos audeat circūscribere; & veluti quibusdam eum cancellis coercere; ne ullam iam deinceps explicationem nouam inspiret, quantumvis fidei Catholica conducentem? Hoc certe nihil aliud est, quam Religionis profectum prohibere, quod tantopere Vincentius Lirinensis execratur.

Sed cōcedent fortasse Deo, ut nouam de antiqua veritate explicationem, cui voler inspiraret: mihi tamen inspiratam esse non credent. Ego sanē id libenter condono: sed adhuc prudentis est, D. Thomam in hac re imitari de quo legitur: a quouis homine semper doceri illum voluisse. Quia veritas a quocunque dicatur, a Spiritu sancto est. Decet autem Deum semper aliquid posteriori saculo referuare; ut semper nō solum sine fastidio, sed maxima etiam cum voluptate sacræ Scripturæ studio operam nauent fideles. Addo huc id ipsum sæpe pertinere ad maximam fidei confirmationem. Verbi gratia. Post mille quingentos annos reperiri symbolum ipsum Apostolorum pretiosissimis gemmis affabrē scalpum; atque ita inueniri, ut nemo quātumvis proteruus criminari possit, fictam esse ab aliquo paucis abhinc annis hanc gemmarum dispositionem, & Apocalypsi additam. Quomodo enim fingi posset ea gemmarum dispositio, cuius mysterium fere ignorabatur? Certē me non minūs delectat & consolatur aptissima symboli huius applicatio in Apocalypsi; quā si meis oculis haurirē in ipsa insula Pathmos altissimo monte cōplano pretiosissimam tabulam ex duodecim gemmis compositam, fuisse repertā; & in eis gemmis elegantissimē symbolum Apostolorum dispositum, & pulchrē cælatum, vñā cum antiquitatis euidētia ab ipso Apostolorum tempore comprobata. Simile est de vniuersa Ecclesiæ historia Theologica in serie Apocalypseos inuenta.

Denique aliud est dubitare, vtrum ipse in scopum collineauerim, (de quo non contēderim;) aliud verò generatim disputare; an noua explicatio, apta tamen & fidei Catholica deseruiens, propterea refelli debeat, quod noua sit? hæc enim est non parui momenti controuersia; & in qua prudentiam eorum desidero, qui prudentes videri volunt. Etenim, ut iam satis probatum est, dum nouus expositor aliquid explicat sine Patribus, quod cohæreat apte, & fidei Catholica conueniat, magis obedit ipsorum Patrum nutui & hortationi, quā si cum Patribus semper explicaret. Videat igitur censor & antiquitatis admirator, num audacem ac licentiosum debeat appellare eum; qui ad eiusmodi explicationes non solum accepit à Patribus facultatem, sed monita etiam & exempla.

Præter hæc; in illa censura, prudentia etiam desiderari videtur; dum ibi trepidatur timore, ubi non erat timor. Ecquid enim periculi est, ex eo,

A quod veritates Catholicae putentur in sacra Scriptura ad literam fuisse significatæ pluribus in locis, quā hactenus putabatur? Imò verò, quis non videat, si proferatur locus aliquis ad amissum cum recepta veritate conueniens, in ipsius veritatis honorem, & consolationem fidelium redundare? atque ea ratione Scripturam illustrari, & Dei gloriam augeri? Certe amanti Eucharistiam neutiquam erit difficile credere id, quod in ipsius Eucharistiæ cedit honorem. Ac similiter amanti Romanam Ecclesiam vix aliquid gratius potest accidere, quā ipsius gloriam & splendorem ita ad viuum depictam & expressam in præstantissimo sacræ Scripturæ libro contemplari.

B Denique ab ijs omnibus, qui nouitatem explicationis nobis obijciunt, petere velim; an fateantur, communem esse Doctorū omnium cōsensionem, ex receptis expositionibus nullam esse, quæ non reliquerit clausum librum septem sigillorum? Nam si hoc ita est, ut certē est; exigere, ut nulla noua expositio prodeat in lucem, non videtur esse aliud, quā contendere, ut semper hic liber maneat clausus; neque vnquam eius obscuritati lux aliqua afferatur.

C Egimus hactenus cum ijs censoribus, qui noua omnia despiciunt. Negari tamen non potest, quosdam esse nimium nouitatis studiosos; & quibus tantopere noua placeant, ut nouitas ipsa eos valde delectet, licet explicatio ipsa apta non sit. Fateor ergo, in nouis explicationibus diligentissimo examine opus esse; ne nos nouitate species sine solido fundamento decipiat. Addo etiam in antiqua atque recepta loci alicuius intelligentia exactam aded diligentiam non requiri. Hoc enim veterum aucto:ritati condonandum est; ut ipsa aliquam fundamenti vicem per se supplere possit. At, vbi deest robusta alicuius ac receptæ auctoritatis pondus; necesse est, ut explicatio ipsa sit ex se grauis, solida, atque robusta; & aded apta atque conueniens, ut sine alicuius auctoritatis adminiculo placeat, atque cohæreat. Et tunc fidelibus maximo erit solatio in ijs locis, qui denud de Christianæ fidei mysterijs exponantur; si post diligentissimum examen, Catholica veritati aded inueniantur congruentes, ut nulla dicentis requiratur auctoritas, vbi explicationis pulchritudo, & firmum rationis & conuenientia fundamentum satis per se & gratia & auctoritatis conciliant.

D Quæ superius de noua explicatione dicta sunt, ad eam referri debent, quæ noua sit omnino, neque prius ab vllō inchoata. Atque ita locum Ieremæ adduximus, *Femina circumdabit virum;* qui a nobis ad veritatem Eucharistiæ refertur, nouā prorsus, (quantum videre contigit) expositione; & quæ neque expressa apud antiquos inueniatur, neque adumbrata. Hoc nouæ expositionis genus est veluti noua domus, quæ a fundamentis denuo educitur, cum antea non fuerit inchoata. Est tamen aliud nouæ expositionis genus; sicut & domus nouæ, quæ ideo noua appellatur, quia recens est reconcinata, perfecta & absoluta; non tamen à nouis fundamentis educta, sed in veteribus, & multo antea positis erecta, atque ad fastigium perducta. Itaque non noua omnino; sed partim nouitatem præfert, partim vetustatem. Nouitatem quidem, propter id quod supra vetera

*Quæ exponendi nouitas damnanda.*

*Duplex nouæ expositionis generis.*

*Noua Scriptura interpretatio deservit interdum ad fidei confirmationem.*

*Controuersia de expositionis nouitate admittenda, aut reijcenda, po magis momenti est.*

*In nouitatis censura requiritur prudentia.*

fundamenta



fundamenta fuit denuo ædificatum: vetustatem verò ob ea, quæ prius posita fuerant, fundamenta.

Vt igitur de nostra expositione singillatim agamus: vidimus iam superius notat. 12. quæ habeat præiacta fundamenta, tum ex veterum auctoritate, tum etiam ex ipsa Ioannis interpretatione. Vidimus præterea ex recentioribus non paucos, eosque doctissimos vehementer optasse id quod iam erat inchoatum ædificium absolueret: nempe explicationem, quæ à cap. 5. ad 19. de excidio Iudaismi & Gentilismi contextum interpretetur. Quare si qua in re, quæ noua sunt, placere debent; nō in alia profectò magis, quam vbi nouitas antiquis fundamentis nititur; & præsertim vbi ipsa fundamenta absolutione ædificij postulabant. Hoc enim erat iuxta Saluatoris nostri dictum, *proferre non vana et vetera.*

His, quæ nuper diximus, illud adiungo, quod verè affirmare possum; me videlicet in hac Apocalypseos declaratione, non solum iacta iam ab antiquis fundamenta reperisse; sed illud penè fuisse expertum, quod ei contingeret, cui parentes domum si minus absolutam, at erectis iam in sublime parietibus confectam structuræ molem reliquerunt, ita vt non aliud perfectioni totius operis deesset, quam ianuas & fenestras effingere pariter atque compingere; medianis parietibus cellas & conclauia diuidere; opere tectorio & albario exornare; domum deniq; habitabilem reddere. Tunc enim filij in parentes pietas & obseruantia suo quasi iure deposcit; vt hæc, si sibi facultates suppetant, præstet cumulata. Quod vbi diligenter perfeceris; quamuis gypsati parietes, ianua, fenestra, conclauium diuisio, totiusque domus concinnitas & exornatio noua sint; re tamen vera, nihil est de integro ædificatū; nec parietes altius, quam erant, erecti. Idem ferè mihi accidisse video; nam (vt notatione 12. ostendi) præcipua totius argumenti moles & structura,

A quam in Apocalypseos expositione absolueret statuo, ab antiquis Patribus fuit multò antè prædicta. Nec deiuere ex iunioribus multi, qui traditum à Patribus argumentum perficere vehementer optarint, addita noua luce & concinnitate. Quod cum ita sit, quis non videat, non modò non reprehendi, sed laudari etiam debere filium; qui ædes à parentibus ædificatas iam, sed non absolutas, concinnare ipse & exornare studet? Ego quidem molem hanc atque ædificium, altius quam antea erat, attollere nec potui, nec debui. Vrenim in notatione illa demonstrauit; antiquorum iam auctoritate sancitum erat, per Babylonem in Apocalypsi Romam ethnicam antiquam indicari, plagasque cap. 16. descriptas, esse illas, quibus Deus Gentilitatem debellauit. Quare mea fabricatio vetus est, non noua; nec quidquam aliud faciendum mihi restit, quam septem plagarum diuisiones apponere; atque ijs, alijsq; eiusmodi veluti medianis parietibus ac fenestris, ianuisque additis, huic tanto ædificio distinctionem pariter ac lucem afferre.

B In hoc ergo explicandi genere considerari oportet, tantum & antiquitatis & auctoritatis esse, quantum optare possemus. Est enim nostri argumenti substantia valido antiquorum Patrum præsidio roborata, atque in eodem explicationis genere laissimus optimis ingenijs patet campus. Cum enim Patres concinnam singularū partium distinctionem non expresserint: ad eam concinnitatem inueniendam non exigua superfuit difficultas nouo interpreti superanda. Qui si omnia iam absoluta, & suis in locis aptè concinneque disposita reperisset; quod ageret, nisi transcribere, nihil esset. Magna igitur animaduersione dignum est, in vna eademque exponendi ratione, ingenij inuentionem cum auctoritate Patrum, & nouitatem cum antiquitate, mirum in modum conspirare.

Nostra interpretatio prioris fundamenta per antiqua sunt.

## NOTATIO XX.

*Responsio prima ad obiectionem de grauissimarum expositionum iniuria: & per occasionem de multiplici sensu literali eiusdem sacrae Scripturae loci.*

I. **O**BJECTIONI ex nouitatis nota petita ita mihi fecisse videor satis, vt quoad eam partem repulsam meæ expositionis non extimescerem; nisi aliunde suboriretur timor, ne aliqui nouam interpretationem admissam, veteres seu iam diu receptas, excludendas idcirco, & loco mouendas formarent. Et quidem id vnum est, quod in nouis expositionibus vel maximè displicet: quodd antiquioribus sese opponant; atque ijs auctoritatem derogent; quæ antiquitatis calculo fuerant commendata. Aliqui enim non adeò fortasse curarent de ingeniorum licentia coercenda; sed gauderent potius, ea in laudabili hac literarum palæstra exerceri; & nouis expositionibus Ecclesiæ gloriæ & fidei mysterijs deseruire.

Erit ergo forsan, qui meæ interpretationi opponat grauissimam illam iniuriam antiquis expositionibus irrogari; atque adeò me contra

D torrentem, (quod aiunt) nisi, & per nimiam audaciam, rebus communi Ecclesiæ consensu receptis, & pro vero Apocalypseos sensu existimatis, robur ac firmitatē auferre videri. Eiusmodi autem ferè sunt, quæ sequuntur. Primò, sexti sigilli comminationes de extremi iudicii signis ad literam esse intelligendas. Secundò, plagas tubarum, ac phialarum esse, quas Deus est in scelerosos homines, sub mundi finem, immisurus. Tertio, duos testes, (de quibus c. 11.) Dabo duobus testibus meis, &c. esse Enochum & Eliam; qui Antichristi tempore ad Iudæorum animos Euangelica prædicatione permouendos, venturi, ab Antichristo occidendi, & resurrectionis gloria insignes in totius orbis luce excitandi sunt. Quarto, Antichristum in Ierosolymis regnaturum, atq; eo tempore decimam vrbis partem horribili terræ motu castrum. Quintò, maris belluam, (de qua c. 13.)

fore

Nostra explicatio, et si aliqua, non tamen omni ex parte, noua.

Obiectio ex aliarum expositionum iniuria.



fore Antichristum : belluam verò terræ , magnū eius satellitem & administrum futurum. Sexto, Romam sub mundi finem per decem Reges esse vastandam ; & ex ijs tres ab Antichristo opprimendos fore ; reliquos sponte sua illi fascēs submissuros. In his atque alijs , quæ ad mundi finem spectant , existimant nonnulli suam expositionem ita esse communi cōsensu receptam ; vt ab ea discedere , audax & temerarium videatur. Quamobrē nolunt aliam præterea declarationem , vt literalem , admittere. Verentur enim , ne , si semel concedant in ijs locis alium præterea sensum literalem subesse ab Spiritu sancto intentum ; id solum satis sit , vt ipsorum expositio non ita certa & constans permaneat. Nec enim videtur ab Apocalypseos cōtextu firmum argumentum duci posse , ad Enochī & Eliæ aduentum comprobandum ; si concedatur semel , locum ipsum alio præterea sensu literali exponi posse. Atque id est , quod magis dolent , qui alij expositioni erāt additi : nollent enim eam declarationem recipere , quæ suam eneruet.

2.  
Occurritur  
superiori  
obiectioni,  
duplici via.

Auderent fortasse nonnulli huic obiectioni respondere , asserendo eiusmodi expositio nes , quas aliqui aded certas reputant , multis in rebus non ita ab Ecclesia esse receptas ; vt magnæ audaciæ tribuendum sit , defendere , in Apocalypsi non illud significari. Certè de illis decem regibus dubitat Augustinus , vt suo loco videbimus. Et bestiam de mari plurimū ex Catholicis contendunt , ad Antichristum referri non posse. Ego verò hac vti defensione nulla ratione volo. Nam ad meæ expositionis propugnationem , alias impugnare non est necesse ; vt mox explicabo. Quare quicumque aliam expositionem à mea diuersam , certam esse duxerit ; huic ipse ostendam , me non vnā solum , sed duplici posse via incedere : vt meam interpretationem absque aliarum iniuria defendam ; ac ceteras omnes eo firmitatis gradu relinquam , in quo à doctis , vel ab Ecclesia collocantur. Quod si aliquo loco ostendero , plures esse interpretes , qui recedant ab ea , quæ communis expositio putabatur ; aut ratione & auctoritate probauero , fundamentum quo aliqua interpretatio nitetur , non ita esse firmum , vt de eo non liceat dubitari : non idcirco ea mihi mens est aut animus , vt aliorum expositiones oppugnare & euertere cōtendam ; sed tantum vt de expositione , quam ipse sequor , cōgruentem reddam rationem. Relictā igitur omnino viā illā , qua receptas aliorum expositiones negem , vt meam asseram ; duas insuper alias vias , quas insequar , inuenio ; & in vtrāque conabor manifestè ostendere , nihil esse , cur aliquis extimescat , meam expositionem ijs declarationibus aduersari , quæ inter Doctos communi sunt consensione firmatæ.

3.  
Prima obiectionis solutio.

Prima via est ; nō opus esse , vt literalis vnus loci sensus sit vnicus solum ; sed aliquando esse duos , aut plures. Et quoniam permagni mea interest , ne quis sibi per suadeat , aliorum sensus à me præterea negari , quod proprium affirmare contendam : lectorem obsecro , vt mihi per eum liceat , nonnihil in hac digressionē immorari.

Primum ergo noto ; iam diu receptū esse , vt quod auctor significare voluit per verba siue proprie , siue figuratè sumpta , id appelletur li-

teralis sensus. Vnde sæpe sensus literalis figuratus est ; & sub allegoria , metaphora , aut ænigmatè absconditus. De quo latè expositores D. Thomæ 1. p. q. 1. a. 9. & 10.

Huiusmodi verò literalē sensum in eodem sacra Scripturæ loco non oportere vnicum esse semper ; sed aliquando esse duos aut plures , expressè docet D. Thomas a. 10. vbi Caietanus , Molina , Valentia , & ceteri communiter expositores. Idem sæpe docet Augustinus , vt 3. de Doctrina Christiana cap. 27. & libro 12. confess. capite 31. Gregorius homilia 10. in Ezechielem ait , *Hunc esse fructum difficultatis sacra Scripturæ ; vt eò plures interpretationes bonas habeamus , quò maior fuit explicandi difficultas*. Earum autem varietatem per se esse vtilem , explicat optimè Augustinus epistola 59. sub finem. Idem docet Abulensis in id Math. 2. *Ex Ægypto vocauit filium meum*. Lyranus Danielis 8. Driedo de Ecclesiast. dogmat. cap. 2. Canus de locis , lib. 2. c. 11. Turrianus in prologo libri de Eucharistia , Burgensis , Castro , & Catharinus , quos refert Vazquez 1. p. q. 1. a. 10. Ratio verò D. August. & D. Thomæ irrefragabilis videtur. Deum scilicet suo intellectu omnia comprehendere.

Pro cuius rationis explicatione aduertendum est , sæpe contingere , vt in familiari sermone aliqua proferatur sententia , quæ dupliciter accipi poterat ; & vtroque modo non solum verè & eleganter , sed etiam ad rem atque prudenter. Fingamus (exempli gratia) Petrum cum Ioanne & Francisco suis familiaribus colloqui : sitque Ioannes arcanorum naturæ curiosus inquisitor : Franciscus verò pauper , & amator parsimonie ; incidenteque sermone de auro , Petrum respicientem ad amicos dicere , *Gallina carnes sunt auri venenum*. Hanc sententiam Ioannes merito accipiet , vt sonat , de miraculo naturæ , quod scribit Plinius lib. 28. cap. 4. Franciscus verò iure putabit , Petrum metaphoricè loqui , & parsimonie tradere præceptum ; atque illis his verbis notari , qui splendide epulantes patrimoniis dissiparunt. Quis ergo non videat , Petrum sapienter se gerere , si vtrumque sensum intendat ? Nam si ad alterum solum respexisse dicatur ; dicendum etiam est , non ei vtrumque occurrisse : alioqui enim sermoni suo fecunditatem nō inuideret. Cum igitur ab initio Deus comprehenderit , quid quid postea singulis in tempore inspirat ; absque dubio asserendum est , omnia , quæ aptè per quemuis sacra Scripturæ locum significare potuerit , ab Spiritu sancto fuisse intenta. Cum apud dico , non intelligo solum verè , ad Dei gloriam & proximorum salutem ; sed etiam congruenter considerato contextu.

Quod licet in alijs aded verum sit , multo tamen euidentius probatur in ænigmatè , sensum eius esse quidquid optimè quadrat. Nam in ceteris dicet forte aliquis , se habere ius , vt sua verba in eo solum accipiatur sensu , quem ille voluit significare. In ænigmatè verò id nulla ratione locum habet. Quemadmodum enim præclare à Philosophis solet distingui finis artis à fine artificis ; ita similiter fieri aliquando potest , vt ænigmatis sensus alius sit ab auctoris cogitatione. Si enim ipse per ænigma , quod excogitauit , nihil aliud significare volebam , (verbi gratia) quàm solē ; & posteaquàm ænigma , vt potui , depictum & subiecit car mi-

Eidem Scriptura loco duplicem sensum literalem inesse posse.

4.

Probatum exemplum.

5.  
Sensum ænigmatis illum esse propriè , quicumque ei optimè quadrat.



nibus auctum produxi, ac præmium cuius interpretanti sum pollicitus; tunc si accedat aliquis, & me nihil tale suspicâre, ostendat meum ænigma cum anima rationali ad amissim congruere; atque ad hanc intelligentiam optime applicari, quidquid vel pictura repræsentat, vel carmina notant: si tunc nihil aliud proposita interpretationi, nisi diuersa auctoris mens, possit obijci; quis non videat, æquos iudices debere pro interprete ferre sententiam? & me ænigmatis auctorem fore ridiculum, si ab interprete collineatum esse negem, quod alia mihi fuerit mens? Certè in me tunc non iniuria dicatur, *Non recipit stultus verba sapientie, nisi dixeris, quæ sunt in corde eius*, Prouerb. 18. 2: Constat igitur per ænigma non minus significari id, quod auctor neutiquam cogitabat, quàm quod ille respexerat: si vtrique tamen sensui quadrat optimè, quidquid & depictum cernitur & descriptum. Videant ergo quid dicant, qui nouam aliquam Apocalypseos explicationem quadrare quidem contextui fateantur; sed ex Ioannis adhuc mentem non esse, suspicentur. Hoc enim non est de laude expositionis quidquam detrachere, sed de Spiritus sancti potius sapientia. Quamobrem, cum constet Apocalypseos auctorem optime animaduertisse id, quod illo significatur ænigmate; alterum è duobus necessariò est dicendum, aut nouum interpretem veram Apocalypseos intelligentiam & Ioannis mentem fuisse affecutum; aut explicationem illam huius libri ænigmatibus non quadrare. Ioanni enim vel etiam Spiritui sancto irrogatur iniuria; si qui dicat explicationem quadrare, sed non ad eorum esse mentem. Atque eò maior iniuria irrogabitur, quò magis constet, nullum fingi posse argumentum Spiritu sancto, & eius amanuensi Ioanne dignius.

Quòd si quispiam dicat, in ænigmatis esse nouum, quod diuersis significatis possit congruenter aptari? Respondeo. Fœcunditatem hanc & vbertatem, quam humana ænigmata nò capiunt, in diuinis fortasse esse summæ perfectionis argumentum, ob infinitam Spiritus sancti sapientiam; qui & vtrumq; sensum præuidit, & significare voluit vtrumque. Aut forte aptè connecti possunt, & in vnum coalescere; qui diuersi sensus esse videbantur. Si verò aliquis persistat adhuc, ad propriam ænigmatis definitionem spectare, vt vnicam habeat significationem, præterea nullam. Cum hoc non nimis digladiabor; nec enim tanti refert Apocalypseos figuras propriè & stricte ænigmata esse appellandas. cum multa sint præterea symbolorum, emblematum ac hieroglyphicorum genera; & quidem mea multò plus interest, ne quis existimet, quòd vnus asseratur sensus, ceteros idcirco negari; cuius rei nunquam mihi venit in mentem.

Non deerit fortè qui dicat, multiplicem sensum literalem in vno aut altero loco admitti posse; non verò in integro libro. Quia pleraque sunt, in quibus fœcunditatem literalis sensus inuestigare, nihil aliud sit, quàm nodum in scirpo querere. Nihilominus tamen assero, allatam suprà pro singulari loco rationem, æquè in integra serie, & rotius capitis intentione, vel etiam aliquando liori, habere locum. Nam si vnum aut alterum ver-

bum citra contextus violentiam dupliciter accipi potest; & digna de Diuina sapientia & comprehensione existimatio nos cogit neutram respuere intelligentiam, si vtraque erat apta, & Deo digna; cur si in integro Psalmo, aut alia sacra Scripturæ parte duplex occurrat series & intentio, atque vtraque aptè ipsius verbis respondeat; cur, inquam, non simili ratione dicemus, eam etiam fœcunditatem esse sacra Scripturæ dignissimam? Certè pluribus sententijs eodem fere modo acceptis, sæpe diuersa series & quasi fili deductio ad sacra Scripturæ maiestatem, ad Ecclesiæ ædificationem, & ad Dei gloriam multò aptius deseruit. Cuius rei exempla possem ex Psalmis adducere nò pauca; & aliqui nobiles Canticorum interpretes libri seriem ad literam dupliciter explicare, vt de Ecclesia, & de anima iusti, conati sunt.

Si verò mihi obijciat aliquis, in eiusmodi explicationibus, satis esse, si vna literalis, altera spiritualis dicatur. Respondeo huius appellationis libertatem in nostra potestate non esse. Nam vt præclare docet D. Thom. 1. p. q. 1. a. 10. *Literalis sensus est, qui significatur per verba ipsa siue propriè, siue figuratè accepta. Spiritualis verò, qui non per ipsa verba significatur, sed solum fundatur in literalibus, eo quod significetur per rem ipsam literaliter significatam.*

Quare secunda vel tertia explicatio, si ostendatur aptè per ipsa verba vel propriè, vel figuratè significari, non appellabitur spiritualis; ab ijs, qui cum D. Thoma semel statuerint, in quo consistat spiritualis, vel literalis intelligentiæ ratio. Vel ergo reiiciatur, si non quadrat bene; vel si quadrat, tanquam literalis admitatur.

Ex dictis efficitur, multas explicationes, quæ mysticæ solent appellari, vel literales esse, vel solum pias accommodationes. Quia stricte loquendo, spiritualis sensus non est, cui supradicta D. Thomæ de sensu spirituali definitio non quadrat.

Infertur præterea ex dictis, id esse discriminis inter Theologos scholasticos, & prudentes sacra Scripturæ expositores; quòd illi pugnant inter se, dū quæstioni propositæ variè respondent: hi verò propositum locum variè explicantes nulla ratione sibi aduersantur: modò vtraque expositio sit fidei consentanea. Et opinio, quæ secundum, vel etiam tertium sensum literalem profert, nulla ratione eum sensum excludit, qui alioqui literalis certò habendus est; neque certus hic excludit alios. Quare qui scit expositionem aliquam esse omnino certam, & propterea ægrè fert, aliam vt literalem induci; frustra perturbatur, ac mæras vmbas extimescit.

Quæ hætenus de sacra Scripturæ fœcunditate generatim ac verè dicta sunt, eadem de Apocalypsi speciatim atq; verissimè dici possunt. De qua Hieronymus ad Paulinum, epistola 103. cap. 7. ad finem: *Apocalypsis, ait, Ioannis tot habet Sacramenta, quot verba. Parum dixi, pro merito voluminis laus omnis inferior est; in verbis singulis multiplices latent intelligentiæ.* Hæc ille. Quod ex ipsa Apocalypsi valde roboratur, cap. 17. 9. vbi Angelus septem bellæ capita duplici sensu exposuit. *Septem capita, inquit, septem montes sunt, super quos mulier sedet; & Reges septem sunt.* Qui locus (meo quidem iudicio) receptam de duplici

Qui nouum expositionem & Apocalypsis quadrare, & tamen ex Ioannis mente non esse dicat; is sanè Spiritus sancto derogat.

6. In humanis ænigmatibus duplex sensus vitiosus: in diuinis non ictus.

7. Num literalis sensus multiplex in vno non solum Scripturæ loco, sed etiam libro integro esse possit.

8.

Expositiones aliquot, quæ mysticæ vocantur, esse literales.

Discrimen inter Doctores Scholasticos & Scripturæ interpretes de duplici sensu literalis.

In Apocalypsi quot verba, tot Sacramenta, ex Hieronymo.



sacra Scriptura sensu sententiam non parum confirmat. Quod si fecunditas sensuum, est difficultatis sacra Scriptura fructus, ut supra ex Gregorio vidimus; non mirum est, nullum esse omnino librū adeo fecundum; cum constet, hunc esse omnium difficillimum.

TO.  
Responsio  
ad obiectiones  
supra  
adductas.

Iam ad ea, quæ initio notationis obiecta sunt, ex communi quarundam expositionum, quas ibi retulimus, sensu petita; facilis est responsio. Omnes enim illæ expositiones per me eodem firmitatis robore, quo antea erant suffultæ, manebunt. Quare, cum ego perspicuis verbis asseram, mea declaratione nullam communi Doctorum consensione receptam excludi, nihil est quod vereantur, illis à me iniuriam irrogari.

Sed quid ad illud, quod ab alijs replicari posset initio diximus? minus saltem roboris alicui manere loco ad veritatis alicuius comprobationem, si ostenditur locū eundem aliter posse

A ad literam explicari. Eset enim solidius ac robustius argumentum, si vnicum tantum sensum locus habere posset. Respondeo; Hanc probandi rationem non semper esse necessariam; quam in supradictis locis requirere, nil aliud est, quam contendere, Apocalypsin non alio literali sensu posse constare præter eum, quo aliquicam exposuerunt. Quod nulla ratione dicendum est, nec verò id erat ad eorum dogmatum confirmationē necessarium; cum ex alijs sacra Scriptura locis manifeste probentur, quæ de nouissimis mundi temporibus Ecclesia pro certis habet; ut Antichristum esse venturum, & eodem tempore duos illos Prophetas ad Iudaici populi conuersionem à Deo mittendos fore. Alia præterea singularia, quæ ex Apocalypseos verbis nonnulli probare contendunt, nec ex alio Scriptura, aut certo fundamento constabant, ea, ab Ecclesia non habentur tanquam certa, sed de hoc alibi latius.

## NOTATIO XXI.

*Responsio altera ad eandem obiectionem; & nostri argumenti cum receptis explicationibus conciliatio.*

I.

ET si meam ipse expositionem cum aliorum interpretationibus conciliare non curarem: communis tamen Theologorum consensus, (ut iam vidimus) mihi concedebat impunitatem; ut absque aliarum iniuria, quæ certæ iudicantur, meam explicationem literalem esse existimarem. Cum enim tanta sit sacra Scriptura fecunditas, & vbertas; cuique licet probabilem declarationē eligere. Illud optandum est, ut singuli filum deducant optimè. Cum verò ipse fateor, in aliorum declarationibus me id præstare non posse; non idcirco illis notam aliquam inscientiæ iniustam volo; sed meam potius ignorance agnosco. Aliorum ergo interpretationibus omnino prætermittis, eam cuius seriè intelligere mihi videor, proferre licebat. Nec erat cur alicuius querelam extimescerem. Ceterum copia & facultate causæ fidens, nullo modo hic consistam: longius prouehar, & quam mihi sacra Scriptura fecunditatē manifestè fauere probaui, eam liberaliter condono. Esto; nullus sacra Scriptura locus duplicem posset sensum admittere. esto; nulli liceat nouam proferre expositionem, quæ receptas à Patribus non sibi conciliet atque connectat. Non propterea dissidebimus: aliam namque mihi restat via; quam eo libentius capebam, quo video illis gratiorem futuram, qui ad eam declarationem, quæ præcipua Apocalypseos capita ad nouissima tempora deuoluit, animum ac mentem penitus adiecerunt.

2.  
Restringitur  
sententia de  
duplice sensu  
literalis ad-  
mittendo.

Atque ut verum fatear, ex eo mihi subit cupiditas, noua ratione oppositam obiectionem diluendi, quod videam probabilitate non carere Gabrielis Vazquez sententiam 1. p. q. 1. a. 10. qui communem de multiplicitate sensuum opinionem his limitibus circumscribit, ut omnes sensus eiusdem loci in vnum possint coalescere, qui ceteros complectatur. Aliter enim minime esse congruens existimat, ut ijs-

B dem verbis varijs sensus diffusi atque diuersi, & nulla inter se ratione coherentes significentur. Atque hoc fortasse senserunt Medina lib. 6. de recta in Deum fide, c. 25. & Ribera Osee 11. num. 5. Et quidem Gabrielis Vazquez sententiam nonnullis viris doctis valde probari, mihi compertum est. Certè illud dubitari non potest; sæpè multiplicari sensus; quia nullus adhuc fuit inuentus, qui omnes comprehenderet. Et negari non debet, quin illa sit felicior explicatio, quæ ad vnitatem reuocat omnes eas, quæ omnino videntur recipiendæ. Nec tamē huius rationis sunt illa, quæ ipse impugno: ut eorum opinio, qui Romani rursus idololatriæ caput futuram excogitarunt. Verum Enocho & Eliæ, eorum prædicationi, & alijs id genus rebus, quæ ab Ecclesia receptæ sunt, in mea explicatione locū dabo. Et vniuersim loquendo, magni momenti esse duco, ut noua interpretatio ex ceteris complectatur ea, quæ sunt certa ac solida; atque his adijciat, quod ab Spiritu sancto præcipue significatum fuisse, arbitratur.

C Hoc plurimis in locis felicissimè per modum cōparationis præstat: animaduertendo, Scripturam ijsdem verbis duo significare solere; alterū ut præcipue à Spiritu sancto intentum; alterum ut præcipuo sensui, cōparationis loco, deseruiat. Sed exemplo res fiet illustrior. Prouerb. 11. 1. legimus: *Statera dolosa abominatio est apud Dominum.* Hæc sententia à Iansenio & alijs explicatur, ut sonat; à nobis verò ad literā exponitur de iniquo iudice per cōparationem ad stateram dolosam. Similiter caput vltimum Prouerbiorum à Iansenio & alijs explicatur de egregiæ matronæ laudibus: nobis autem sensus literalis omnino videtur esse de eius viri felicitate, qui sapientiam duxit uxorem; per cōparationem ad eum, cui optima vxor contigit.

Solet hoc explicationis genus nonnullis valde

3.  
Pluribus in  
locis Scri-  
ptura ijs-  
dem ver-  
bis duo as-  
serit; alte-  
rum per  
modū cō-  
parationis,  
alterum ut  
præcipue in-  
tentum.



*Neque hic explicandi modus pro allegorico habendus, sed pro li- terali.*

*Hac expli- candi ratio nihil gram- matico sen- sus admisit.*

4.

allegoricum videri. Quos ego obsecro, vt ani- maduertant eiusmodi allegorij comprehendere totum id, quod potuit optari ab ijs, qui literalif- fimi videri volunt : & præter eorum deside- rium addi aliquid, quod sit multo melius & ele- gantius. Id quod manifestè ratione probatur. Nostra enim explicatio parabolicum sensum cum sensu grammatico cõparat; & (verbi gra- tia) cum statera dolosa, omnem iniuriam, quæ simulatione iustitiæ fit. Quid ergo clarius, quã hac allegoria comparationem vnus cum alio cõtineri? aut quis nesciat, per comparationem vtrumque asseri, & sensum grammaticum, & eum ad quem transfertur. Nam qui ait, iudi- cium iniquum vel simulatam iniuriam perinde esse, ac staterã dolosam abominabilem Do- mino; in hoc ipso inuoluit manifestè, stateram dolosam Domino esse abominabilem. Ergo acceptis allegoricè verbis nihil prorsus de sensu grammatico, aut de eius vi & efficacia amittitur. Explicatio igitur allegorica sensum grammaticum nõ omittit; sed admittit potiùs, & vt certum præstituit; atque eo veluti funda- mento nititur, ad statuendam dignioris sen- tentiæ firmitatem. Negari enim non potest, quin illud, quod sensui grammatico additur, multo sit in se nobilius & excellentius : non solum propter proportionis elegantiam vnus sententiæ cum alia, in qua fundatur; sed etiam propter ipsius obiecti dignitatem. Nam gram- maticus sensus agit (verbi gratia) de statera do- losa, qua vilissimæ quæque merces ponderan- tur : seu de laudibus bonæ foeminae, alter verò de iudicis officio, vel de sapientiæ præstantia & dignitate.

Deniq; sæpè contingit, sensum purè gram- maticum frigidum per se esse; nec cohærere vel cum libri titulo & argumento, vel cum au- ctoris dignitate & sapientia : allegoricum ve- rò non solum esse præstantiorem, sed multò etiam aptius cum libri argumento, & cum ex- pectatione de illo habita cohærere. Licet hoc in prædictis exemplis manifestè cernere; quia iuxta sensum grammaticum nihil in ijs locis, aut nomine parabolæ, aut magnificã illã Salo- monis præfatione dignum reperimus : *Audiens sapiens sapientior erit : animaduertet parabolam & in- terpretationem, verba sapientum & enigmata eorum.* In sensu tamen allegorico vix aliquid excogi- tari potuit; quod melius vel parabolarum titulo, vel auctoris promissioni responderet. Ad- de, ad totius libri clausulam ineptas ac frigidas videri matris Bethsabee prolixas laudes, aut bonæ vxoris encomia, si in eis sistas. At para- bolica descriptio eius felicitatis, quam conse- quitur is, qui sapientiam duxit sponsam; hæc aptissimè & elegantissimè claudit eum librum, qui sapientiam ad se iuuenes inuitantem in- duxerat.

Hoc ergo nouæ explicationis genus, quod veterem amplectitur; & per quod interpret at- tollens animum, & ad altiora conscendens ef- ficat, vt ea, quæ antea dissoluta, aut minùs cohæ- rentia apparebant, videantur iam aptissima, & suo loco posita; hoc inquam explicandi genus & nouitatis & vetustatis studiosis debet esse pergratum; quia sic per illud vetera retinen- tur, vt venustati addatur venustas; & sic noua proferuntur, vt antiqua expositione nitatur noua. Quæ ratione, & antiquitas renouata, &

A nouitas antiquitate firmata prodeunt. Atque hoc est, *proferre simul noua & vetera.* Vt noua ve- teribus gratiam, & antiqua nouis auctoritatem concilient.

In multis igitur Apocalypseos locis, huius generis explicationem asserere contendo; vt in duobis illis Prophetis Enocho, & Elia. Quam ad rem aduerte, sæpè in ænigmatibus contin- gere, vt multæ eiusdem ænigmatis partes ha- beant alioqui verum sensum, si accipiantur vt sonant : nihilominùs tamen artificium ænig- matis postulat, vt allegoricè sumantur; quia sensus grammaticus non cohæret cum to- tius ænigmatis argumento. Imò verò for- tasse nihil est in figuris eiusmodi gratius, aut elegantius, quàm sub vna veritate aliam abs- condere; & ea ratione negotium interpreti faceffere; dum ea ipsa, quæ ponuntur ob oculos, tanquam verissima & notatu digna, eius ad se animum vocant; & suspicari faciunt nihil ibi præterea esse quærendum : re tamen vera per eam explicationem nequeat ænigmatis dif- ficultatem vincere, & omnes eius partes ad vnitatem reuocare. Ita fit, vt primus ille sen- sus non delectet solum, sed & doceat; atq; hac ratione lectoris animus, dum fallitur, non fal- latur. Licet enim fallatur quatenus in eo sen- su sistit, qui ænigmati non satisfacit; id ta- men in quo sistit, non solum est verum, sed vt verum etiam ad ænigmatis sensum præsti- tuitur.

Id vt exemplo planum fiat ex ipsa Apoca- lypsi desumpto; Ioannes cap. 15. & 16. alludit ad Ægypti plagas, easque assumit, vt significet Ecclesiæ Catholicæ in egressu ex Gentilitate simile quid euenturum fuisse, atque Israëliti- co populo contigit ex Pharaonis seruitute e- gredienti. Si hæc est Ioannis mens, (vt suo lo- co videbimus :) negari non potest, quin per- fecta & literalis vtriusque capitis intelligentia plagarum Ægypti historiam præstituat & com- plectatur. Ille ergo, qui in ea sisteret historia, nec longius progrediretur; falleretur quidem dum sistit, nec ænigma adhuc intelligeret: eius tamen intelligentia non solum esset vera, sed literalis etiam, & à Spiritu sancto (licet minùs præcipuè) intenta. Quod facile suadetur; quia ex hypothesi, sensus integer illorum capitum est, spiritualiter Ecclesiæ contingere in exitu ex Gentilitate, quod historicè contigit Israëliti- co populo egressu ex Ægypto; & plagas plagis respon- dere. Quis igitur non videat, in hoc integro sensu vtrasque plagas ad literam comprehen- di? & eum, qui vtrasque neget, Apocalypseos veritati contradicere? sed quamuis in literali sensu vtræque includantur; non tamen ex æ- quo, sed primæ quidem vt minùs præcipuè; se- cundæ verò, vt principales : quia hæc sunt æ- nigmatici sensus pars; illæ autem ad compara- tionem in contextu afferuntur.

Simile est de epistolis, quæ cap. 2. & 3. conti- nentur. Qui enim in septem Episcopis gradum figeret, nec ultra procederet; hic sanè non in- telligeret, quod potissimum Spiritus sanctus in ænigmati contextu respicit, quodque in sin- gulis epistolis iteratâ repetitione animaduertit : *Qui habet aures audiendi audiat, quid Spiritus dicat Ecclesijs.*

In ea igitur ænigmati parte, cuius species ipsa & imago est etiam in se vera, id omnino

5.  
*Peculiare ænigmatum artificium.*

*Exemplo planum fit.*

*Apocalyp- seos doctri- na genera- lis est.*

*Nostra ex- plicatio nouitatis cum antiquitate coniungit.*

6.



contingit, quod in similitudine seu compara- tione, quæ ab aliqua veritate desumitur. In qua res vtraque simul asseritur; & ea, quæ com- paratur; & illa etiam, cui comparatur: altera per modum comparationis; altera vt ipsius finis præcipue intentus. Aliquando ergo aliorum expositio sistit in eo sensu, quem ego literalem quidem esse & verum assero, minus tamẽ præcipuum. Nam præcipuus sensus ille est, qui to- tius contextus filum ducit; nempe de excidio Iudaismi & Gentilismi. Et quemadmodum miri artificij est, quando de persecutione agi- tur; qua Romanum Imperium Ecclesiam di- uexauit, Imperium ipsum vt horribilem quẽ- dam Antichristum considerare; & cum vltimo illo Antichristo sub finem mundi futuro con- ferre; ita etiam, cum de veteris Ierosolymæ, vel Romæ veteris excidio agitur; elegantissi- mum est, vindictam, quam Deus de hostili vr- be sumit, cum ea comparare, qua in extremi iudicij die vlturus est peccatores. Et sane deco- rum valde seruatur, dum Ioannes in Apocaly- psi considerat Deum, quemadmodum terra- rum orbem ante extremi iudicij diem præuijs signis atque portentis est admoniturus; ita et- iam Iudaicum populum, priusquam in eum iustissimam iram effunderet, eiusmodi prodi- gijs perterrituisse, quibus extremi iudicij diem tibi quodammodo imminere putaret. Atque hanc extremi iudicij prodigiorum cõiunctio- nem cum Ierosolymæ vastationis tractatu si- mili ratione in Euangelio legimus, Matth. 24. Vbi licet aliqui in rerum connexionem non pa- rum difficultatis inueniant; ex dictis tamen fa- cile colligitur aptissime illa duo coniungi.

Nostra itaque explicatio veritatem eorum, quæ de nouissimis temporibus Ecclesia recipit, ea ratione complectitur; vt non opus sit in ea- rum rerum prophetia Apocalypseos filum con- tinuari, neque confugere ad vnus reuelationis diuisionem in visiones plures; neque pro veris & certis admittere nonnulla quæ sunt, si non fabulosa (vt ait Hieronymus) at dubia, & incer- ta; & hoc saltem honore indigna, vt in excel- lentissimo sacrae Scripturæ libro, tanquam ma- ximi momenti veritates, & Christiana Ecclesie valde necessariae reponantur. Ab omnib. hisce angustijs ipse me facile expedio; qui præsertim respicio ad sensus ænigmatici cõtinationem. Atqui in ijs, ex quibus allegoria desumitur, & ænigmatis veluti cortex componitur; neq; hi- storie requiritur ordo, neque vt veris ficta non misceantur; aut ea, quæ alioqui magni momen- ti non sunt: sed solum opus est, vt omnia ænig- matico sensui optime accommodentur, & sen- sus ille sit continuatus, Deo dignus, & aptissime coherens. Inter illa verò, ex quibus ænigma- tis species & imago componitur; satis est, vt ea tanquam vera & certa recipiantur, quæ Eccle- sia consensus recipienda esse, vt talia, nobis e- dicit. Id quod ex Apostolica traditione, & ex alijs sacrae Scripturæ locis manifestum est. In reliquis facultas nobis est ac libertas, ne ea ex Apocalypsi vt certa colligamus, quæ Ecclesia nondum inter certa numerauit. Nam quando de duplici re agitur, quarum altera præcipuus est dictionis finis, altera comparationis partes agit; non exigitur necessarium, vt comparatio ad omnia sese extendat. Quod perspicuum est in pluribus sacrae Scripturæ locis: in quibus per

A comparisonem à Salomone (verbi gratia) pe- titam, de Christo Domino sermo instituitur; cum tamẽ multa dicantur, quæ in Salomone ipso non quadrant. Quod nullius difficulta- tis erit attentè cõsideranti Psalmorum aliquot eum esse scopum; vt ostendant Christum, & si nonnullis in rebus cum Salomone compare- tur, multis tamẽ partibus illi præstare. Quod si id est Psalmi argumentum, vt Christum Salo- moni præferat; quid mirum si multa de Christo prædicet, quæ Salomoni minimè conueniant?

B Ex his omnibus elicio, non solum nõ à me reijci receptam multis in locis Apocalypseos in- telligentiam; sed ostendi etiam, quomodo illa coherereat cū ea, quæ denuo ipse asserre videor; dum ænigmaticum sensum cū veritate quam Apocalypsis assumit, per modum cõparationis coniungo: ita vt integer sensus vtramq; verita- tem comprehendat. Atq; hac ratione, quamuis sacra Scriptura duplicem sensum literalem sub eadem litera non reciperet; non propterea vl- lam ego intelligentiam ab Ecclesia receptam reijciebam, quod noua assererem. Quia ænigma- ticus sensus vtrumq; comparationis mēbrum claudit; & eo ipso asserit grāmatici sensus veri- tatē, vbi eam Ecclesia recipit; & cū ea coniun- git id, quod Spiritus sanctus præcipue intendit.

C Apocalypseos ergo artificium in rebus fut-uris sæpe fundatur; sicut aliquando in præ- sentibus (vt in epistolis) & aliquando in præ- teritis (vt in Ægypti plagis.) Et quemadmo- dum in eis locis, vbi præteritas res videtur de- scribere (vt plagas Ægypti) affirmat obiter eiusmodi plagis percussam fuisse Ægyptum; sed aliud est, quod sub ea descriptione præci- pue contendit: sic etiam vbi res futuras descri- bere videtur, (quas Ecclesia in nouissimis tem- poribus verè futuras esse credit, vt aduentum Eliæ & Enoch) eadem ratione dicendum est, Ioannem ea quidem asserere, quæ aperte videtur describere; sed sub ea descriptione sensum alium ad literam ab Spiritu sancto magis in- tendi in sui pulcherrimi ænigmatis decursu. Quia sensus ille primus non aliter videtur co- herere cum tota libri serie, nisi per compara- tionem; vt iam explicatum est.

D Et verò veritates alias sub aliarum velo oc- cultare; & has tangere, illas respicere; id nõ est Apocalypseos proprium, sed cõmune Prophe- tarum: qui, ad Iacobi Patriarchæ imitationem, I V D A I C A T A N G V N T, C H R I S T I A N A R E- S P I C I T V N T. Vidit hoc acutè ac sapienter Au- gust. ser. 14. de Sanctis, vbi ait, In praclara illa pro- phetia, cum Iacob Patriarcha benediceret filiis suis, præsen- tes tangens, futura prospiciens, prædictum erat, quod Paulo conueniret, scilicet in illis verbis, Benjamin lupus rapax, mane rapiet pradam, & ad vespertinam diuideret escas. Hæc Angu- stini animaduersio ad insignes alias prophetias applicata, magnam earum intelligentie lucem affert. Atq; illud præsertim obseruandum; Pro- phetarum esse morem, historias antiquas cõme- morando, vt in verbis de futuro: tunc verò legiti- mum esse eorum sensum atq; pulcherrimum, antiquas historias mystice fuisse renouandas. Quod vbi animaduertitur, apparet protinus, eos, licet antiquæ historiæ ordinem minimè vide- antur seruare; seruare tamen rationis ordinem ac seriem. Cum enim eorum mens sit, histo- riarum veterum renouationem prædicere; ratio ipsa postulabat, vt renouationis futuræ ordinem,

8. Receptam in aliquibus Apocalypseos locis intelligentiam in nostra expli- catione mi- nimè reijci.

9. Quo pacto Apocalypseos arti- ficium in rebus futu- ris sæpe fundatur.

Commune est prophe- tarum, Iu- daica tan- gere, Chri- stiana re- spicere.

7. Quæ ra- tione, no- stra expli- catio alias receptas complecti- tur.



non præteritæ historiæ, seruarent. Hoc videre est præsertim in Habacuci Cantico, & in Psalmo 67. vbi historiæ antiquæ verbis de futuro tanguntur, *Pluuiam voluntariam segregabis Deus hæc reducat tui. Deus ab Austro veniet, &c.* (Sunt enim plusquam viginti futura vtrobique.) Quorum capitum perfectam intelligentiam hæc Augustini animaduersione veluti clauis aperuit.

10. Vt igitur ad propositam quæstionem redeamus; vnico verbo dico. Non omitti à me receptas expositiones; sed illis eam addi, quæ apte inter se connectantur. Etenim in ijs locis, de quibus est controuersia, vbi in prodigijs extremum iudicium antecessuris, in nouissimorum temporum supplicijs, in Enochî & Eliæ prædicatione, in futura Ierosolymæ ruina, & eiusmodi alijs, listatur: grauissima ex tempore occurrit difficultas Apocalypseos ordine connectendo. Nam hæc omnia, cum post mille annorum pacem, (de qua c. 20.) credantur euentura; multo tamē antea referuntur in Apocalypsi, nempe à cap. 6. vsque ad 11. phialarum autem plagæ, quas contextus appellat nouissimas, & posteriori loco ponit, prius quam tubarum plagæ commemorandæ videbantur. His rebus expolitores in tantas angustias rediguntur, vt ad Apocalypseos diuisionem in plures reuelationes minimè cohærentes confugiant. Quare, si qua inueniatur expositio, quæ nullam ex receptis ab Ecclesia rebus omittendo, omnes Apocalypseos partes constanti filo connectat; ea verò ex hisce difficultatibus salebris feliciter emergit.

Quanam Apocalypsin explicandi ratio censetur optima.

11. Quæ ratione, recepta singulari Apocalypseos partium doctrina in nostra explicatione locum habeat.

Restat, vt, iuxta huius notationis doctrinam, explicationibus illis initio superioris notationis positus in nostra interpretatione singulis per ordinem locum demus.

Quod attinet ad primam. Sexti sigilli explicatio erit, ante vastitatem Ierosolymæ à Tito

A illatam & ante synagogæ repulsam, horribiles cæli minas atque prodigia præcessisse; eorum instar, quæ sunt vltimi iudicii diem antecessura. Atque eodem modo vtramque rem Christus in Euangelio coniungit.

Ad secundam similiter dicendum est in septem tubarum plagis; Deum scilicet Apostolorum tempore, septem aduersus Iudæos plagas immisisse, ad earum similitudinem, quas contra sceleratos homines est sub mundi finem immissurus.

B Ad tertiam pari ratione fit satis, in duobus testibus. Quemadmodum enim Antichristi tempore Deus est Enochum & Eliam ad Iudæos conuertendos missurus; Apostolicæ prædicationis tempore Enochum & Eliam mysticè & spiritualiter misit: de quo suo loco.

Ad quartam; non absimili ratione philosophandum est in ruina ciuitatis (si tamen ita certum est, ac nonnulli putant.) Sicut decima Ierosolymæ vrbs pars creditur Antichristi temporibus ruitura; haud secus olim Apostolorum tubis partem Ierosolymæ decimam mysticè corruisse.

C Ad quintam simili modo respondeo; in bestia de mari, cap. 13. designari Imperium Romanum Ecclesiam persequens instar Antichristi, eandem extremis temporibus persecuturi.

Ad sextam denique, de illis decem Regibus dubitat Augustinus, vt videbimus cap. 17. Quod tamen si certum esset, rectè de mystica Romæ veteris ruina agi posset; per comparisonem ad propriam vastationem, quæ futura esse perhibetur: & tunc de decem mysticis Regibus, quorum opera Deus mysticè Romam veterem incendit, per comparisonem similiter ad Reges illos decem ageretur.

## NOTATIO XXII.

In qua respondetur peculiari cuidam obiectioni, eorum nempe qui suspicari possunt, nostrâ explicatione iniuriam fieri alijs expositionibus, quæ quibusdam Dei familiaribus reuelata fuisse produntur.

I. Reuelationes, quæ nostra interpretationi opposita circumferuntur.

DIXIMVS in genere de grauissimarum explicationum iniuria, & dupliciter ad eam obiectionem responsum est. suboritur tamen peculiaris difficultas ex ijs; quæ legimus de nonnullis Apocalypseos figuris, quibusdam Dei amicis, cælesti reuelatione expolitis. Dicat enim aliquis in Apocalypsi, libro omnium difficillimo, & quem multi censuerunt, absq; peculiari Dei reuelatione penitus intelligi non posse, saltem debuisse haberi rationem eius filii, quod per aliquas Dei reuelationes (quarum notitia ad nos peruenit,) indicatum est.

Inter eas verò nonnulli quasi cælestia oracula venerantur multa ex ijs, quæ à Ioachimo Abbate scripta sunt; quæ videlicet ipse videtur absque Dei reuelatione præuidere, & prædicere non potuisse: constarq; illa ab eo scribi tanquam germanum ac literalem Apocalypseos sensum.

2. Deinde in beatæ Brigittæ reuelationi-

Ac primò Abbatis Ioachim.

B. Brigittæ.

D bus, libr. 6. cap. 18. refertur, interrogatam fuisse illam, quid significarent septem tonitrua, quæ Ioannes se audisse asserit, capit. decimo. Ac respondisse, diuina reuelatione se fuisse edoctam, septem illa tonitrua esse comminationes persecutoribus Ecclesiæ de cælo intentas.

3. Præterea, Vincentius Iustinianus in vita B. Vincentij Ferrerij, i. p. cap. 19. asserit, mortuum quendam coram populo multo à beato Vincentio vitæ restitutum; vt eo prodigio confirmaret, se ipsum esse illum Angelum quem Apocalypsis refert, visum fuisse per medium cæli volentem, & magno clamore dicentem, *Timete Dominum, quia venit hora iudicii eius*, Apoc. 14. 16.

4. Ad hæc: F. Franciscus Ximenius Patriarcha Ierosolymitanus, qui scripsit anno salutis nostræ 1392, lib. 5. de natura Angelica, cap. 38. citat librum alium de S. Michaelis Archangeli

Sancti Vincentij Ferrerij.

Sancti Michaelis.



miraculis; in quo asseritur, ab ipso Michaële Archangelo reuelatā fuisse peritissim siue circumstantiam temporis; quo implenda est Prophetia, quæ latet sub figura sexti sigilli, quod Agnus aperuit, Apoc. 5. 6. Ex quo videtur constare, nondum aduenisse tempus illud, quod Archangelus Michaël designauit.

5. Postremò Taulerus, in eo opusculo, quod vaticinij titulo insigniuit, fol. 671. refert, à beata Hildegarde luce clariùs expositum fuisse caput nonum Apocalypseos. Atqui tam illam capituli noni expositionem, quam alias, quas in libro B. Hildegardis insertas inuenimus, non videtur ipsa aliter, quam per diuinam reuelationem consecuta fuisse. Quæ verò extant in operibus B. Hildegardis huiusmodi sunt. Primum in septenariis quidam plagarum in epistola ad Abbatissam sanctæ Glodesindis, fol. 105. & 106. Nempe, *Vana gloria. Delectationis amplexatio. Vivere quasi Deo mortuum. De prædictis peccatis se excusare. Superbia. Querere solatium à creatura, & non à Deo. Idololatria seruitus, quæ Diabolum adorat.* Subdit verò septem hæc vitia subijci per septem dona Spiritus sancti. Et videtur in eis plagis ad septem plagas Apocalypseos respicere. Præterea, in epistola ad Moguntinenses, fol. 125. inserit B. Hildegardis explicationem Saphiri, Topazij, & nubis; quæ sunt ex symbolis Apocalypsis, & fol. 131. docet, quomodo sit intelligenda visio illa ciuitatis sanctæ, quæ describitur Apoc. 21. Et tandem in epistola ad Abbatem sancti Martini in Colonia, fol. 102. interpretari videtur illam periphrasim Dei, *Qui est, & qui erat, & qui venturus est.* Ait, enim, *Incipe ab eo qui est, & in illo finiaris, qui erat & qui venturus est.*

Hi sunt, quos meminisse possum, loci Apocalypsis; quorum expositio proditur fuisse à Deo reuelata; non quidem vniuersæ Ecclesiæ, sed prædictis personis. Et omitto peculiarem aliam reuelationem mihi à graui admodum religioso narratam, & nuper cuidam sanctissimæ taminæ, (vt ille assererat) factam; & quam ex ipsius ore ille acceperat. Eam inquam, consulto prætereo, ne quis fortasse suspicetur, rem esse fictam ad auctoritatem aliquam meæ interpretationi conciliandam. In vniuersum autem fidenter pronuntio, vbi de vero Apocalypseos argumento agitur, & tantæ molis opus suscipitur; non solum non esse reprehensioni obnoxium eum, qui ad eiusmodi peculiare reuelationes non ab Ecclesia approbatas, non adhæret; sed eum etiam, qui adhæresceret, argui posse imprudentiæ. Quamuis enim nulli reuelationi Diuinæ subesse possit falsum; in eis tamen referendis, quæ dicuntur à Deo peculiariter alicui personæ reuelata, sæpe contingit, eos à quibus scriptores bona fide acceperunt, aut fallere, aut falli. Atque ita dum non alio firmiori testimonio roborantur, quam libri alicuius typis excusi narratione; absque iniuria eius personæ, cui facta dicitur reuelatio, sapius euenit, vt quæ reuelationis nomine obducitur, non sit reuelatio; sed vel fictio, vel vana persuasio eius, à quo emanauit in vulgus. Atque vt omittam nunc fraudes, dolos, atque præstigias: certè humanum est decipi, & quæ Dei aliquis amicus aliquando à se ipso dicit, tanquam oraculum à Deo illi communicatum, accipere ac diuulgare; vel eò flectere, & in eum vsum accipere, quem neutiquam Dei

A amicus cogitabat. Et possem quidem multa huiusmodi in præsentem recensere, quæ cum veræ putarentur reuelationes, erroris postea conuictæ sunt. Sed vnum exempli gratia non præteribo, quod in antiquiori cuiusdam grauissimi Ordinis, seu familiæ religiosæ historia typis excusa, referebatur. Auditum esse ex ore illius Ordinis Patriarchæ, (qui inter magnarum gentium cælites meritiuissimè commemoratur) sibi reuelatum fuisse à Deo, Lusitanæ regnum, Castellæ reghorum coronæ & Imperio nunquam coniungendum fore. Quæ prophetia, vbi rerum euentus eam falsam esse ostendit, coëgit illum Ordinem, vt eandem historiam emendatam denuo prodire curarent, absque vlla illius reuelationis mentione.

B Præterea habeo aliquid, quod singulis argumentis supra positis respondeam. Ad primum. Credat, qui vult Abbatem Ioachimū fuisse Dei Prophetam: non ego: qui nouerim illum in arcano Trinitatis mysterio crassissimis tenebris fuisse circumfusus; & quæ oscitans hallucinatus erat, turpi errore ab antiqua Ecclesiæ doctrina recedendo, ea voluisse inuhere in Christianas scholas; vt pro vnico Deo, tres deinceps Dei adorarentur. De hoc verò illius errore constat; & habetur de summa Trinitate, & fide Catholica, cap. Damnamus. Quare, siqua vnquam Ioachimo illuxit Prophetiæ lux, cum constet etiam ab ea aliquando desertum, & proprii iudicii præstigijs delusum; manifestum quoque erit, non irrogari ei iniuriam, si dicamus aliqua ab ipso exiitima fuisse prophetica enunciata; quæ somnia potius erant atque deliria. Cuiusmodi est, quod asserit de duodecim Spiritus sancti Apostolis in nouissimis temporibus à Deo mittendis; qui non sint Christi Apostolis futuri inferiores. Atque hoc ille somnium persuadet sibi in literali Apocalypseos sensu contineri in numero viginti quatuor seniorum. Quare tantum abest, vt ipsius vestigijs insistere debeant prudentes Apocalypseos expositores; vt potius mihi erroribus vanis & illusionibus, seu falsis persuasionibus obnoxij videantur, qui Ioachimū in Apocalypsi sequuntur ducem, & ipsius interpretationibus adhærent.

C Ad secundum, Cum illa reuelatio, quæ B. Brigittæ tribuitur, nō reperiatur ipsius manu scripta; nec extet in libro ab ipsa edito, neque edito ab eo, qui ex ipsius ore accepit; facile fieri potuit, vt ad eum, qui scripsit, non nihil immutata perueniret. Præterquam quod in nostra expositione, septem illa tonitrua capitis decimi, verè dici possunt minæ persecutoribus Ecclesiæ intentæ; primis scilicet persecutoribus, id est Iudæis, quibus illa tonitrua minabantur, derelictis citò Deum ad Gentes commigratarum.

D Ad tertium, Persuasionem beati Vincentij, seu potius formidinem de valde instante vniuersalis iudicii die, ego in præsentem non voco in ius & litem, Doctorum iudicio relinquens, quò gradu certitudinis ea habenda sit. Si verò huius Evangelici prædicatoris verbis is tribuatur sensus, qui multis etiam sacre Scripturæ sententijs (idem prope sonantibus) tribuitur à doctis: non video, quorsum ad confirmationem eius veritatis de qua nemo

fideliū

B. Hildegardis.

2. Responso ad prædictas reuelationes.

3. De Ioachimmi reuelationum veritate non constare.

Ioachimū in Trinitatis mysterio errasse.

4. De B. Brigittæ reuelationibus circa Apocalypsin, quid dicendum.

5. Quid de B. Vincentij persuasionibus circa iudicii extremi diem.



fidelium dubitat (in aliquo nempe sensu verisimile dici, propè esse diem Domini; in eo sensu videlicet, in quo Apostolorum etiam, imò verò Prophetarum temporibus verum erat) non video, inquam, quorsum ad eam veritatem confirmandam aliquis ab inferis foret euocandus, & vitæ mortali restituendus. Si verò demus, propter aliquam nobis ignotam causam congruentissimum fuisse, vt ad eò stupendo prodigio illi veritati adderetur fides & robur; saltem id quod additur, nempe eodem miraculo probatum fuisse, quod intenditur; videlicet B. Vincentium esse illum Angelum per medium cali volantem, & clamore magno dicentem, *Time te Dominum, quia venit hora iudicii eius.* hoc, inquam, videri mihi additum esse ab scriptore Iustiniano; vt scriptioni adderet ornatum & maiestatem. Neque mirum, si quem Apocalypseos locum cum plerisque exultimabat, non posse aliter quàm de extremi iudicii die exponi, permittendum sibi esse censeret, vt illum prædictæ historiæ adaptaret. Sed à B. Vincetio creditum, & prædicatum fuisse, genuinū sensum ab Spiritu sancto intentum in ea Apocalypseos parte, non esse alium, quàm vt ille Angelus Vincentium ipsum repræsentaret; id verò nulla ratione verisimile est. Si autem non agatur de sensu literali illius loci, sed solum asseratur B. Vincentium sibi accommodasse figuram illam; vt significaret, ubi à Deo præceptum esse, vt similem legationem obiret; id est, vt similiter clamaret, *Time te Dominum, quia venit hora iudicii eius.* Hac ratione miraculū, quod nobis obijciunt, non eo spectabit, vt certò coniter, de vero Apocalypseos loci sensu, sed solum de legatione, quam a Deo acceperat. De quo ego non contendo, cum id ad sensum atque contextum Apocalypseos minime pertineat.

Ad quartum, Respondeo; librum illum de S. Michaelis Archangeli reuelationibus esse apocryphum, vtpotè qui certum auctorem non habeat. Cuius verò prudentiæ est, fidem habere narrationi, cum prorsus nescias, cui fidem habeas? Neq; refert, quòd in eo libro nonnulla vera & certa reperiuntur, sæpe enim falsa miscetur veris. Sexti autem sigilli prophetiam nondum esse impletam credent fortasse alij; non ego, qui certum habeam ex illo Apocalypseos contextu cõstare prophetiam illam impletam esse priusquam eam Ioannes scriberet. Hoc verò nulla ratione repugnare, ostensum est suprà notatione tertia.

Ad quintum, Dico expositionem illam capituli noni Apocalypseos, quam Taulerus ait,

A esse luce clariorem: non extrare in ijs S. Hildegardis operibus, quæ sunt typis mandata: nisi alia fortasse sit editio auctior eà, quam mihi videre contigit. Atque ita scire non possum, an expositio illa à Taulero laudata, sit illa eadem, quam ego amplector, vel alia; neque an sit literalis sensus, vel pia aliqua accommodatio. Illas autem septem plagas, quas in B. Hildegarde lego, non ait illa ad explicationem Apocalypseos vilo modo spectare. Interpretationem autem Saphiri, Topazij, & nubis, nec non ciuitatis cælestis, & aliorum eiusmodi, quamuis ad Apocalypsin pertineat; reuelatam tamen fuisse à Deo non constat. Neq; enim asserit B. Hildegardis id se per reuelationem didicisse. nec est, cur existimemus, illam absque peculiari Dei reuelatione, ex proprii ingenij solertia & perspicacia, circa illa symbola philosophari non potuisse, suo (vt aiunt) Marte; siue per accommodationem, siue etiam per germanæ interpretationis opinionem. Hec tamen ipsius Sanctæ opinio non magis cogit nos, neq; constringit, vt credamus ipsam ad sensum literalem collineasse; quàm beatum Bernardum atque Rupertum in eis, quæ nobis exposita reliquere.

Addo vltius, Etiam si demus aliquam personam in vera reuelatione illi à Deo facta, audisse hanc aut illam Apocalypseos figuram, in hoc vel illo successu fuisse impletam, vel fore implendam; adhuc ea peculiaris reuelatio non afferret necessitatem id accipiendi de literalis sensu, quem Spiritus sanctus intendit in Apocalypseos tela atque contextu delineare. Cur enim non possit Spiritus sanctus in peculiari reuelatione aliqua Apocalypseos figura vti, eamque ad successum aliquem accommodare, quem libri huius contextus non designabat? Si verò hoc negandum non est, satis (opinor) explicatum manet, liberū me & expeditum manere ab omnium reuelationum peculiarium respectu, in proferenda libri huius interpretatione. Si quis tamen contendat, forsan esse legitimos sensus eos, qui mihi meræ accommodationes videntur esse, præter fili feriem: saltem nulli interpretationi facio iniuriam, dum aio, me prorsus non consequi qua ratione eam possim cum ijs, quæ præcedunt, quæq; subsequuntur, contexere. Neque enim aio, neminem id cõsecuturum; sed solum non consequi me; qui tamen plures sensus literales eidem loco subesse posse, non inficio, vt expositum suprà notat. 20.

Ad S. Hildegardis reuelationes; quid dicendum.

8.

## NOTATIO XXIII.

Responsio ad obiectionem de rerum magnarum omissione.

I. **Q**VERELIS, de nouitate nostræ expositionis, & de aliarum iniuria, existimo me fecisse satis: oportet modò obiectioni respondere, de rerum magnarum omissione, quæ imperfectione argumenti notat. Cum enim Apocalypsis Ecclesiæ prophetiam ab ipsius exordio ad finem vltique conineat; ipsa prophetia in-

E regritas & plenitudo postulare videbatur, ne duobus aut tribus tantum punctis pro dignitate descriptis, multa alia maximi momenti præmitteret.

In primis Ecclesiæ persecutiones, quarum meminit nostrum argumentum, tres omnino sunt, Iudæorum scilicet, Romanorum, & Anti-

Obiectio de rerum magnarum omissione.

6.  
Ad librum  
de S. Michaelis  
Archangeli  
reuelationibus.

7.



christi. Quomodo igitur Hæreticorum, Maurorum ac Turcarum, Prouinciarumque infidelium, vt Persidis, & aliarum persecutiones silentio inuoluuntur? si vna ex præcipuis huius libri partibus bellum erat à Dæmone, ipsiusque satellitibus aduersus Ecclesiam gerendum; quamobrem tam diuturna bella, tam graua & periculosa silentur, quibus tantopere Ecclesia fuerat vexanda?

Deinde; inter triumphos ac victorias ab Ecclesia reportatas, cur de nouo Orbe, cur de Orientis India, cur de Iaponia, cur de Sinis, cur denique de vniuerso terrarum ambitu triumphus gloriosissimus reticetur?

Quod si decimæ partis ex Iudæorum impietate ad Christi fidem conuersio, adeo fuit Ecclesiæ magnifica & gloriosa; quanto gloriosior & magnificentior extitit Arianorum, ad rectam Catholicæ religionis viam reductio: quorum sæuissima pestis ita longè lateque grassata fuerat, vt merito Hieronymus dicere potuerit; *ingemiscens orbis terrarum, se Arianum esse miratus est*. Sic Hieronymus in vita Damasi, quæ habetur in lectionibus Breuiarij die vndecima Decembr.

2. Vt verò ad Ecclesiæ decus ac pulchritudinem singillatim deueniamus: cur Apocalypsis rem adeo excelsam ac sublimem reliquit, & quæ tantum Ecclesiæ ipsi contulit splendoris ac dignitatis: nempe tot Religiosorum Ordinum exordia atque processus? Etenim si pulchra hæc Religionum varietas tanti fuit ab Spiritu sancto in Cantico Canticorum habita; vt digna fuerit, quæ tria extrema capita illius libri occuparet, (vt ibi explicabimus); quid de Apocalypsi dicemus rem tantâ prætereunte? Omitto alia quamplurima non ita magni momenti, ad quæ singillatim descendit Aureoli & Lyrani explicatio; de qua supra notat. 6. opinione 3. vbi adduximus Salmeronis nostri verba. Verum tamen in rebus adeo sublimibus atque præstantibus, vt ex sunt, quas modò perstringimus, nequaquã tantæ Prophetiæ plenitudini & integritati videtur fieri satis, si silentio penitus obruatur. Nec sufficit ad hæc dicere, nostra interpretatione non omnes bonas expositiones contineri: atque adeo fieri, vt in alijs peculiare illi Catholicæ Ecclesiæ euentus atque progressus locum habeant. Etenim cum nostra explicatio Prophetiam de Ecclesia Christiana complexi conetur; oportebat, vt illis euentibus, qui adeo sunt magni atque excellentes, in ea daretur locus.

3. Propter hæc videatur fortasse alicui nostra interpretatio in multis deficere; & dum altas ac speciosas ideas confectatur, insignes rerum euentus non attendere. Quamobrem nonnullis fortè aliud argumentum magis arridebit; si minus Theologicum, plus tamen de singularibus Ecclesiæ successibus agens. Atque id placuisse dicent, non solum Ioachimo, Lyrano, Aureolo, & Antonino; sed alijs etiam non paucis. Nam cap. 6. in equo nigro, qui tertius est) communis interpretatio Hæreticos intelligit; vt videre est apud Riberam. Et cap. 13. in maris bellua Mahometicam sectam, seu domum Othomanicam aliqui adumbrari volunt. Præterea, quartum equum nonnulli de Agarenis interpretantur, capite 6. ex plagis etiam tubarum locustas Bellarminus, & alij de Lutheranis & Calvinistis exponunt. Item in Gogi & Magogi

A Prophetia, (quæ cap. 20. scribitur) intelligere videtur Hieronymus Hæreticos; vt videre est in Ezechielis commentario, cap. 38. & 39. Item de Arianis explicat S. Prosper characterem & nomen & numerum nominis bestię, de quibus cap. 13. Denique Augustinus imaginem bestię, (de qua eodem capite) videtur referre ad Pseudochristianos, id est, Hæreticos.

Accedit, quod textus ipse expressè loquitur de Nicolaitis, cap. 2. num. 6. & 15. & de quadam Pseudoprophetissa cap. 2. num. 20. Non igitur est credibile, alias hæreses in Apocalypsi omitti, quæ multò grauius, ac vehementius erant Ecclesiam oppugnaturæ.

B Nihilominus tamen, frustra his atque alijs conetur quis suadere, Apocalypseos Prophetiam ad singula Ecclesiæ bella cum Arianis, Pelagianis, & Hæreticis alijs, cumque Agarenis, Turcis, ac Persis descendere, & ad cetera superius connumerata. Licet enim, cum Deo collibitum est, minutiora etiam suis fidelibus soleat reuelare; ceterum inutilis prorsus ac vana reuelatio digna Deo non est, neque vnquam à Deo fuit facta. Atqui ante ipsa bella, certum omnino est Apocalypsin ad illa singulariter præcognoscenda, nullius utilitatis Ecclesiæ fuisse. Quæ verò applicationes, post exortas iam hæreses à nonnullis fieri solent, singulis hæresum monstris cum figuris Apocalypseos comparatis, hæc licet ingeniosæ fortasse sint; re tamè vera non tam explanationes sunt, quam applicationes; eaque ita parum solidæ, vt nec fide confirmandæ, nec maioris momenti fructui sint utiles.

C Nec (mea quidem sententia) prudenter philosophatur, qui Diuinæ prouidentię dissonum reputat, res adeo graues non fuisse Ecclesiæ prius distinctè reuelatas. Etenim si voluisset Deus Ecclesiam de his bellis singillatim fuisse præmonitam; alio certè modo, id est, certius & clarius eam præmonuisset. Cum verò id non præstiterit; argumento est, huiusmodi prædictionem Ecclesiæ minimè expedire; quemadmodum nec peculiaria schismata prænoscere, aut bella inter Christianos Principes gerenda; nec vrbs Romæ direptiones; aut alias id genus calamitates. Et præterquam, quod magnæ prouidentię est, Diuinæ prouidentię se submittere; ac certissimè reputare, illud à nobis nequaquã sciri oportere, quod Deus signotum esse voluit: si res ipsa attentius adhuc consideretur; humana mēs sibi facile persuadet, Ecclesiæ communiter non expedire, vt euentus deinceps futuri præsciantur. quemadmodum nec peculiari homini congruens est, futura suæ vitæ euenta prænoscere. Nimia hominum curiositas suapte vi & cupiditate fertur ad rerum futurarum prænotionem. Verum, si res æquâ rationis trutinâ ponderetur; earum ignoratio multò plus nobis conducit quam præcox & præmatura cognitio. Ne in alijs rebus ignaui atque socordes, aliarum metu & nimio angore conficiamur. Multò satius est inter spem & metum absque certa futurorum euentuum cognitione in timore, & tremore nostram salutem operari. Ac rerum omnium curam Diuinæ prouidentię commitentes, iuxta Christi consilium, semper orare, & nunquam deficere. Ex eo igitur, quod de singularibus hominibus in suis cuiusque rebus ratio persuadet; eadem proportionè rectè colligitur, Ecclesiæ etiam valde ex-

4.  
Diluitur  
superior  
obscidio.

Ecclesia non  
expedire sin-  
gularium  
euentuum  
futurorum  
reuelatio-  
nem.



pedire, similem de futuris euentibus ignorantem.

5. De grauioribus Ecclesie euentibus sectis iudicandum.

De tribus quidem illis grauissimis successibus in bellis cum Iudaico populo, cum Gentilicio, & cum Antichristo oportuit valde Ecclesiam ab ipso sui exordio fuisse præmonitam; vt Diuine in eam prouidentie maximum haberet pignus; vtque ex harum rerum notitia in Dei cognitione, in diuinarum rerum scientia, ac salutari doctrina prouectior fieret ac robustior; nec non vt alacri & erecta spe Dei opem atque subsidium in aduersis omnibus sibi præsentissimum fore, non dubitaret. Et licet Apocalypseos prophetia obscurissima fuerit; antiquitatis tamen vestigia, quæ reliqua sunt, nos certiores omnino reddunt, horum trium bellorum exitus antiquis Doctoribus agnitos fuisse atque compertos; quatenus illis innotuisse oportuit. Nec enim dubitarunt, Babylonis nomine veterem Romam ethnicam significari; ac de ea Ecclesiam triumphatam, & longa deinde pace fruiatam; victoriâ etiam ex Iudaico populo reportatâ, decimam eorum partem Catholicæ fidei fuisse subactam: triumphumque de Imperio Romano integrum fore reportandum, vniuersam Gentilitatem ad fidem conuersâ. Ac demum sub mundi finem de Antichristo, deque omnibus sectis & hæresibus, deque Iudaismi & Gentilismi reliquijs, Ecclesiam acturam triumphum. Hæc est Apocalypseos prophetiæ summa; cuius cognitio Ecclesiæ noua non est; sed illi potius ab ipso initio valde nota.

6. Cur Iudeorum, Gentilismi & Antichristi bellum Ecclesia reuelari oportuit: alia hæreticorum & Maurorum non item.

Hæc certè tria, nempe, supplicium Iudaici populi, Ecclesiæ de idololatria triumphus, ac victoria de Antichristo futura, proculdubio sunt inter omnes Ecclesiæ Christianæ triumphos præstantissima. Nil ergo mirum, si expressius agatur de ijs, quæ in se sunt multo maiora & euidentiora. Præterea Iudæi, & idololatæ (ac simile erit de Antichristo) eò vires omnes ac neruos contenderunt, vt Christi nomen penitus deleterent; atque hunc ad finem grauissimo bello vniuersam Christi Ecclesiam infestarunt; vt Christi ipsius fidem ac religionem fideles abnegarent. Hæretici verò, (et si alioqui acerrimi Ecclesiæ hostes bello intestino ac domestico, quod periculosissimum est, ipsam affligerint) re ipsa tam eorum bellum, generatim loquendo, non ad eò internecinum fuit; cum totum robur ac lacertos non tam ad Catholicam religionem aperta vi extinguendam, quam ad suam impietatem dolis ac technis amplificandam, conferre videantur. Turcarum insuper, & Maurorum bella Christianis illata in Imperij potius propagationem, quam in Christiani nominis violentam extinctionem incumbunt. Quamuis enim alicubi tam Hæretici, quam Mauri minis, tormentis ac dirissima morte, Christianos ad eiurandam Christi fidem, impellere conati sint; nulla tamen harum persecutionum vniuersæ Ecclesiæ fuit communis & generalis; neque eiusmodi persecutionem illi communi instituto profitetur: illud potius præ se ferunt vt dum suas superstitiones defendant, ceteros facile in sua quemque religione viuere permittant. Vbi igitur magis fuit grauis & cruenta persecutio; illic quoque illustrior fuit & gloriosior victoria, Atque idem Antichristi tempore continget. Quare multo

fuit congruentius de tribus supradictis atrocissimis bellis expressè ac distinctè agere. Præsertim cum in Hæreticorum aut Maurorum bellis non ad eò manifestè & euidenter triumphet Ecclesia: quinimo illi interdum triumphant, ad finem mundi omnes demum cum Antichristo superandi. De quo Apoc. 20. 12.

Hæc ergo, quæ præcipua sunt, oportuit Ecclesiæ reuelari; in ceteris, quæ horum comparatione, multo erant inferiora, existimo Ecclesiæ magis expediens fuisse, ne illi distinctè prædicerentur. Satis fuit Christum generatim prophetasse Ioan. 15. 20. *Si me persecuti sunt, & vos persequentur.* & Matth. 18. 7. *Neceesse est, vt veniant scandala.* Et per Apostolum 1. Corin. 11. 19. *Oportet hæreses esse.* Et alia huiusmodi. Distinctior ergo prophetia Ecclesiæ erat inutilis; doctrina tamen ad omnem eiusmodi euentum sanè quam vtilis, atque hanc egregiam satis habemus in Apocalypsi. Ex ijs enim, quæ in trium bellorum descriptione dicuntur, quomodo sit de reliquorum successu philosophandum, docentur fideles. Videlicet, quæ sit diuinæ prouidentie in illis omnibus ratio, & in occurrentium omnium persecutionum permissione dispositio: quid sperandum sit Ecclesiæ, quid agendum; & quis exitus persecutores, & persecutos maneat. Distinctioris prophetiæ desiderium imprudentiæ & vanitatis arguitur: sublimior autem & excellentior ad omnem euentum doctrina optari non potuit.

Vt igitur argumenta superius posita diluamus, Ad primum assero, non exiguum singularis libri argumentum esse, sed maximum potius & grauissimum, de tribus illis rebus distinctè agere; id est, de Iudaismi & Gentilismi & Antichristi victoria. Qui verò existimet Apocalypsin non de his tantum bellis tractare debere; sed ceterorum etiam omnium exitum distinctè describere; id assumit, quod non solum non probatur, sed etiam expediens non fuisse probatum est. Atque vt de hæreticorum persecutione singulatim loquamur; obseruandum est, hæreticorum primos fuisse illos, qui ex Iudæis Christi fidem recipere noluerunt. Penes Iudæos enim ad Christi vsque aduentum fides erat & Ecclesia. Quare, qui ex ijs se Euangelio subiecerunt, illi perstiterunt in fide; qui verò Christum respuentes, Christianos sunt persecuti; hi nimirum à vera Christi fide descuerunt. Et qui animaduertit, Apocalypsin esse veluti mirabilem quamdam tragicomœdiam; facile perspiciet, in actione de Iudæorum bello, deque eius exitu, contineri pariter eorum omnium bellorum imaginem, quibus hæretici omnes Ecclesiam impugnant; & quis eorum bellorum exitus futurus sit. Quemadmodum enim Deus aduersus Iudæos septem plagas immisisse describitur; ita etiam in hæreticos eisdem plagis animaduertit, & priusquam eos septimâ plagâ percutiat, iisdem remedijs vitatur, quibus ad Iudaici populi conuersionem fuisse vsum legimus. Ceterum, cum hæreticorum obstinatio & pernicacia Iudaica perfidia sit similis; id eò plerumque euenit, vt decime eorum partis ad fidem conuersio, pro ingenti lucro atque victoria computetur. Atque id est, hostilis vrbis decimam partem corrui, & Christiano populo infidelis decimas dare. At ceteri in sua impietate obstinati & obdurati persistunt.

7.

8. Primum ex superioribus argumentis soluitur.



9.  
Apocalyp-  
seos doctri-  
na de tribus  
Ecclesie bel-  
lis ad alia  
etiam ex-  
tendi potest.

Hæc animaduersio est iuxta receptum in optimis actionibus seu comœdijs morem; vbi in singulari aliquo exemplo communis tradi solet ad cetera eiusmodi doctrina. Atqui exēpli vis ac robur magna sunt, præsertim in illustri re & omnibus communiter nota: Vt si detur in scena celebris historia. Cum ergo Ioannes Apocalypsin scripsit; Christianis omnibus manifestum erat bellum, quod Iudæi aduersus Christi Ecclesiam gesserant, Dei quæ vindicta, & totius rei exitus. Quare nihil potuit eligi, quod ita ad viuum exprimeret hæreticorum bellum, hæresum causas, ac singulare Dei beneficium in eos; quos teterrimo huic bello subducit, & in fide vera conseruat. Diuinæ item prouidentię patientiam, comminationem, ac seueritatē in hæreticos; charitatem etiam mirabilem, qua per fideles hæreticorum conuersionem miris modis procurat; & Christianæ Ecclesiæ doctrinam ac sanctitatem, qua Deo in re tanta, tamquæ gloriosa fidelissimum præstat obsequium, & huius obsequij fructum singularem. Denique ad hereticorum mores & immanem furorem, quo Ecclesiam persequuntur, effingendum, aptior & expressior imago depingi non potuit, quàm quæ cap. 9. Apocalypseos describitur. Atq; ad eorum obstinationem representandam vndecimi capitis finis aptissimus etiam est. Clariorem & magis distinctam de hæreticorum bellis prophetiam optasse, futile prorsus erat & inane. Superioris autem actionis ad persecutionem hereticorum applicatio, elegantissima est omnium, quæ de hac re institui poterant tractationes.

10. Quod de hæreticis hæcenus dictum est, ad Mauros etiam ac Turcas suo modo extendi potest; qui inter hæreticos quodammodo numerandi videntur. Bona enim prouinciarum pars, quæ Mahometicam sectam profitentur, superiori ætate Christi fidei militabant; atque ex pristina illa Euangelij luce, qua quondam illustrati fuere, aliquæ in eis reliquæ perseuerant; dum idololatriam detestantur, nec alium agnoscunt Deum præter cæli ac terræ conditorem. Cum igitur hæc prioris ignis fauilla apud eos resideat; cum Ecclesiæ bellum inferant; cum à Iudæis mutuam circumcisionem, atque alias nonnullas id genus cæremonias accipiant: hæc omnia idoneam satis materiam præbent, vt Iudaici belli actio in Apocalypsi data ad Turcarum etiam & Maurorum bella applicetur. Nec absimilis est eorum obstinatio. Quare quantumuis crebris cohortationibus, & Euangelij prædicatione alliciantur, vix vnquā decima eorum pars ad Christiana sacra traducitur.

11. Ex his omnibus infero, quod de perfida Ierosolyma in Apocalypsi describitur, posse etiā aptissimè accommodari ad hæreticorum, Maurorum atque Turcarum vrbes Ecclesiæ aduersarias; vt ad Londinum, Geneuam, Constantinopolim, Argierium. Scio à quibusdam Constantinopoli applicari, quod in Apocalypsi de Babylone dicitur: imò verò Aretæ, Caponfatio, & alijs nonnullis sensum literale videri. Ceterum contextus proculdubio de Roma agit, (de quo suprâ, & infrâ.) Bellum autem, quod Ecclesiæ infert Constantinopolis, Iudaicum potius bellum, quàm Romanum refert, vt iam explicauimus.

A Quibus addo: in Gogi & Magogi bello (quod idē cum Antichristi bello est; & Turcis ab alijs quibus accommodatur) Antichristi præcursores posse comprehendi; in quorum numerum non aptè adscribi videntur, qui multis retro sæculis, nempe ante mille annorum pacem, hæresiarchæ præcesserunt. Gogi enim & Magogi bellum post hosce mille annos succedit in Apocalypsi.

B Iam de alijs idololatriæ extra Romani Imperij terminos positæ, illud breui perstrinxerim, descriptionem felicissimi triumphi de bello Romano satis fuisse, vt inde facile Christiani colligerent; si se ipsi strenue gerant, atq; Dei bella viriliter pugnent, Deum illis de quauis hostili vrbe, quantumuis potentissima, gloriosam victoriam concessurum, vt Romæ ethnicæ exemplo fuerat quàm mox ostensurus. Atq; capropter non opus fuit; vt Persidis, Meaci, & aliarum prouinciarum persecutio singulariter describeretur. Atque in mysticis his bellis aduersus quosuis Gentiles; non secus, ac in Romæ veteris bello spes Christianorum esse debet, veræ Religionis igne hostiles vrbes, Deo auctore & consummatore prorsus esse inflammandas. Et in spiritali Meaci, Sinarum, aut cuiusuis alterius Gentilium prouinciæ expeditione, nos docet Apocalypsis ob oculos ponere bellū illud, quod Babylon aduersus Ecclesiam Christifigessit, atque illius exitum felicissimum.

C Ad id verò, quod de subiugato nouo orbe, & eiusmodi alijs Ecclesiæ victorijs additur, Respondeo: Præ Romani Imperij victoria, ceteras omnes exiguas esse valde atque minutas. Quæ autem armorum vi, ac militum copijs in Ecclesiæ Christianæ decus à Christianis conficiuntur; hæc omnia sunt instar copiosi fructus, qui ex deuictio Romano Imperio, & parta totius mundi diuturna pace, nunc à fidelibus decerpitur.

D De triumpho ex Arianis comparato, dum omnes ad Christi fidem reducti dicuntur, non facile crediderim; omnes, qui obstinata mente suos errores propugnabant, Christianæ Ecclesiæ se sponte subiecisse. Multos verisimile est Arianorum doctrinam per imprudentiam absq; vlla pertinacia fuisse sectatos; atque eos fuisse ingentem illam multitudinem, quæ facile ad Ecclesiæ gremium redijt. Nec requiringendum est, vt ad singularia hæc Apocalypsis descendat; cum præcipuus eius finis fuerit, ingentes victorias atque triumphos ab Ecclesia reportandos prædicere. Addo etiam hæreticorum reductionem, conuersionem quæ Maurorum, Principum sæpe Christianorum potentia & auctoritate fieri. Atque hic est fructus temporalis Ecclesiæ dominatus, & mille annorum pacis, de qua Apocal. 20.

E Sequitur argumentum de Religio forū ordinum pulchritudine ac varietate. Ad quod tria breuiter respondeo. Primum; quia ea res latè satis atque mirificè in Cantico Salomonis fuerat tractata, idcirco opus non fuisse Ioannem distincte de eadē in Apocalypsi agere. Quemadmodum & in historia Euangelica Ioannes ea ferè consulto prætermittit, quæ fuerant ab alijs Euangelistis conscripta. Præterquam quod in cap. 19. Apocalypseos clarè innuit Ioannes, suū & Cantici Cantorum argumentum idem penè esse. Quare non sine causa omisit, quæ fuisse

Quo pacto  
Apocalyp-  
seos doctri-  
na ad alia  
similiter  
extendi  
possit.

12.  
Præ Roma-  
næ Ecclesiæ  
victoria  
ab Imperio  
Romano  
parta, ceteras  
omnes  
minoris mo-  
menti.

13.  
Cur Religi-  
osorum ordi-  
num pul-  
chritudo in  
Apocalypsi  
prætermis-  
satur.



in Cantico illo erant tractata. Et quidem decorum fuit partem illam argumenti, nimirum spirituales mystici Salomonis cum sua Sula-  
mite delicias, in libro amatorio referri: librū  
verò de Ecclesiā triumphis, nempe Apocaly-  
psin, totum in præcipuis Ecclesiā bellis atque  
victorijs consumi.

Secundò respondeo: Ingentem monaste-  
riorum ac Religiosorum ordinum multitudi-  
nem inter diuturnæ pacis Ecclesiā fructus cō-  
putari; atque aded cap. 20. in illa pacis mentio-  
ne includi. Præconia tamen Religiosi status ad  
Canticorum librum remitti; vbi noster com-  
mentarius illa expendet.

Tertiò respondeo: Quemadmodum in Apo-  
calypsi, licet distincta non sit de hæreticorum  
bellis prophetia, est tamen admirabilis doctri-  
na, quæ ad ea bella applicanda sit; eaq; desumi-  
tur ex ijs, quæ in Iudæorum bello dicuntur:  
ita similiter licet Apocalypsis distincte de Re-  
ligionum Mendicantium varietate & pulchri-  
tudine non meminerit; iisdem tamen Reli-

A gionibus veluti quoddam perfectionis specu-  
lum ob oculos proposuit imitandum; dum de  
primitiæ Ecclesiā excellenti virtute ac vitæ  
sanctimonia scribit, ac de ardenti illo Diuinæ  
gloriæ zelo, & proximorum salutis desiderio.  
De qua primitiuorum Christianorum Euan-  
gelica perfectione distinctissimè agit Apocaly-  
psis cap. 6. in quatuor equis, & cap. 7. & 8. & 10.  
& 11. & 14.

Denique ad obiecta de Nicolaitarum hæresi  
in Apocalypsi expressa, Respondeo, illam Ni-  
colaitarum mentionem non esse prophetiam,  
sed laudationē potius Ephesini Episcopi, quod  
eos detestabatur: & Pergameni obiurgatio-  
nem, quod eos in sua Ecclesia degere per-  
mittebat. Septem verò epistolæ cap. 2. &  
tertij, sunt veluti admonitiones, quibus per-  
sona illa, quæ prologum agit, auditores, seu  
lectores potius cohortatur; vt fructum ex a-  
ctione, siue spectaculo capiant; quo loco  
aptè eorum seu vitia, seu virtutes notari pos-  
sunt.

14.

Cur Apoca-  
lypsis Nico-  
litarū hæ-  
reses me-  
minerit; nō  
verò alia-  
rum.

## NOTATIO XXIV.

## Responsio ad obiectionem de nimia mystici sensus consecratione.

1.  
Quid de  
mystici sen-  
sus conse-  
cratione di-  
cendum.

Obiectio.

ILVD postremò inuenio, (quod in mea de-  
claratione nonnullis primo aspectu non pa-  
rum displiceat) nimiam scilicet mystici sen-  
sus consecrationem; præsertim in aliquot lo-  
cis, in quibus, vtpote insignioribus, plus for-  
tassis offendent. Ex his sunt, quæ de decimæ  
partis Ierosolymæ ruinâ c. 11. & de Babylonis  
conflagratione c. 17. & 18. referuntur. Vtrobique  
enim plerisque persuasum est, de seuerissima  
agi vindicta; qua in Ierosolymam ac Romam  
iustissimè pariter ac grauissimè aut sæuitū est,  
aut sequitur. Ego verò eiusmodi supplicij seue-  
ritatem, de decimæ ludæorum partis ad fidem  
Christi conuersione, deque mytica Romæ to-  
tius per Spiritus sancti ignem conflagratione  
interpretandam esse contendo. Deinde cap.  
9. 20. opus mihi est expressam idololatriæ  
mentionem mysticè accipere; cum tamen  
ipse contextus videatur de propria & stricta  
idololatria loqui. Ait enim; *homines non peni-  
tentiam egerunt de operibus manuum suarum; vt non ad-  
orarent damonia, & simulachra aurea & argentea &  
area & lapidea & lignea; quæ neque videre possunt, ne-  
que audire, neque ambulare. Præterea in duobus  
testibus capitis vndecimi. multi asseuerabunt,  
contextum perspicuè agere de duobus Pro-  
phetis; qui tribus annis cum dimidio Christi  
Euangelium prædicaturi sunt, ac multis mira-  
culis comprobaturi, postea occidendi; & cor-  
pora iacebunt in plateis ciuitatis magnæ, & post  
tres dies & dimidiū resurgent, & ascendent in  
cælum in nube. At duos hos Prophetas, non  
duos esse homines, sed sanctitatem atque sa-  
pientiam Ecclesiæ Christianæ significare, vio-  
lentissimum esse dicent.*

2.

In his atque alijs eiusmodi, multi non dubi-  
tant legitimum contextus sensum esse illum,  
quem primò aspectu verba sonant; atq; aded  
mysticos in his sensus cōsecrari, nil esse aliud,  
quàm relicto solido pauimento velle per aëra

volitare, & quasi in aëribus calis ludere. Certè  
Hieronymus sæpe in Origene reprehendit co-  
actas allegorias. Sic enim de illo loquitur Ie-  
remiæ 27. *Allegoricus semper interpres, & historia fu-  
giens veritatem. Nos simplicem ac veram sequamur hi-  
storiam; ne quibusdam nubibus atque prestigijs inuoluamur.*  
Atque ibidem, & duobus etiam sequen-  
tibus capitibus repetit, *Delirat & in hoc allegori-  
cus interpres, & somniat.* Et alibi notat Origenem  
ex proprio ingenio sacræ Scripturæ sensum  
facere. Vereor ergo, ne simile quid de me ali-  
qui suspicentur. Quamuis autem ipse coner  
contextum omnem quadrare, & continuatā  
serie exponere, eodem quasi filo deducto; pu-  
tabunt tamē me in eo conatu non solidam ex-  
plicationem, sed vmbra & imaginem tene-  
re; atque vt omnia consonent, hominum co-  
gitationi ac naturæ ipsi vim inferre; dum iram  
in misericordiam noua metamorphosi con-  
uertere studeo. Id enim non esse valde absimi-  
le Nicolai Copernici audacia; qui vt omnium  
Astrologiæ phænomenon siue apparentium  
rationem redderet, peregrino & incredibili  
inuento solē in centro mundi fixum atque  
immobilē collocat; tellurem in quodam epi-  
cyclo assiduo motu circunducit. Et quamuis  
miro artificio eclipses omnes ac syderum con-  
uersiones inter se cohærere ostendat; nemini  
tamen sanę mentis figmentum illud suum pro  
vero persuasit, quod res valde violentas assu-  
mat. Non minùs violentum cuiquam vide-  
bitur, magnam Dei iram illam appellari; quæ  
inimicos sibi conciliat, & homines ex impijs &  
sceleratis, pios efficit ac sanctos. Quibus addi  
potest, id vnum vel maxime in Ticonij expo-  
sitione (quam Primasius, Beda, Anselmus, Ans-  
bertus, & alij sequuntur) doctissimis viris dis-  
plicere; quod multa in ea explicentur in sen-  
su mystico, & non literali. Sic enim censet Ri-  
bera, & alij. Si illa igitur interpretatio nimirum

Baruch 3.

17.  
Origenem  
de allegori-  
ca nimium  
interpreta-  
tione non  
bene apud  
Hieronymū  
audire.



mystica iudicatur; quanto magis eadem nota inureretur nostræ; quæ in summa seueritate summam indulgentiam atque clementiam intelligit?

Huic obiectioni vt satisfaciam, quædam mihi sunt breuiter præmittenda. Primum sit; sensum mysticum tripliciter accipi posse. Primum pro eo, qui sensui grammatico opponitur; & sic sæpe sancti Doctores merito sensus mysticos vel spirituales, vel allegoricos appellant eos, quos Spiritus sanctus per verba ipsa voluit significare. Scilicet cum figuratè loquitur. De quo benè Ribera Malachiæ 1. §. 12. & latissimè Villauicentius de sensibus sacræ Scripturæ. Secundò sensus mysticus vel spiritualis, vel allegoricus dicitur is, qui non est intentus per verba siue simpliciter, siue figuratè accepta; sed per ipsam rem significatur, & sic loquuntur Scholastici cum D. Thoma 1. p. q. 1. a. 9. & 10. Tertio improprie appellatur sensus mysticus, qui neque literalis est villo modo, nec solidè in literali fundatus; eò quòd ab Spiritu sancto nò sit per rem ipsam significatus: sed solùm in eius ingenio fundatur, qui de rebus sacris prout habet philosophatur; & eas vt cumq; accommodat ijs sacræ Scripturæ locis, cum quibus aliquam videntur habere proportionis vmbra. De his accommodatis sensibus vide Acoſtam de Christo reuelato lib. 2. cap. 11. & 12.

Inter tria hæc mystica sensus genera multum interest. Primus enim sensus, licet mysticus iure appelletur, est tamen ipsa Spiritus sancti mens, & in multis locis genuinus sacræ Scripturæ sensus; præsertim in Parabolis, ænigmatibus, & quibusvis allegorijs. Secundus verò sensus, si sit verus & genuinus, licet non fuerit à Spiritu sancto per ipsa verba intentus; sæpe tamen præstat sensui literali, & pluris faciendus esse iudicatur à viris sapientibus; eo quòd fuerit per rem ipsam à Spiritu sancto representatus. Tertius deniq; non videtur magni faciendus; quinimò expedit plerumq; nimiam aliquorum licentiam cohibere: qui Origenis, si minùs ingenium, audaciam tamè imitantes, accommodationes quasdam fingunt; quæ ingenij potiùs somnia, quàm Spiritus sancti sensa, iudicanda sunt. Qua de re Acoſta in prologo ad librum de nouissimis temporibus.

Secundò aduerto; Quemadmodum in Apocalypsi expositiones nimium mysticæ merito displicent; ita etiam doctos ac prudentes offendunt, quæ nimie sunt literales. Certè id sæpe Hieronymus in Millenarijs reprehendit, quòd voluerint Apocalypsin nimis literaliter accipere. Atque epistola 148. ait, *Omnis ille liber, (agit autem de Apocalypsi) aut spiritualiter accipiendus est, vt nos existimamus; aut fabulis acquiescendus est.* Quòd si Hieronymum roges, quo pacto sit Ierosolymæ ruina secundum decimam partem accipienda? Quid, si de vniuersæ Babylonis incēdio? Quid, si de duobus testibus capitis vnde cimi consulas? Facile vno & altero verbo vniuersali propositioni responderet. OMNIS ILLE LIBER, aut spiritualiter accipiendus est; aut fabulis acquiescendum. Hæc Hieronymus de præcipuo Apocalypseos argumento. Eadem est Epiphanijs sententia; quæ lib. 2. cap. 51. disertè docet totam Apocalypsin referri debere ad spirituale Dei negotium. Suffragatur Dionysius Areopagita c. 3. de Ecclesiastica hierarchia;

qui Apocalypsin appellat arcanam ac mysticam omnino visionē. Haymo idē in præfatione ad Apocalypsin; *In hoc libro, inquit, nihil est historicè accipiendum.* Atque eadē fuit Ticonij mens; vt patet ex eius commentario, quem sequuntur multi & graues, quorum supra meminimus.

Tertio aduerto; Quando extrema displicet, mediam viam esse tutissimam, iuxta alterius apud Poëtam (Quid 2. Metamorph.) consilium;

*Inter virumque tene: medio tutissimus ibis.*

Ex illis igitur octo explicationum generibus, quæ notat. 6. retulimus; quædam sunt valde mysticæ: aliæ nimium literales. Etenim duæ primæ distinctionem illarum duarum ciuitatū à Ioanne indicatam non admittunt; atque ita ad præcipuas literalis sensus partes non descendunt. Posteriores, præter septimam, dum eam sibi argumenti materiam proponunt, quæ sensibus percipitur, humi serpunt, & de sublimiori intelligentia, nempe de spirituali, non valdè laborant. Inter hæc ergo extrema, expositio nostra media est. Nam & duarum illarum vrbium distinctionem complectitur; & quæ de ipsarum ruina & incendio dicuntur, spiritualiter intelligenda esse affirmat; vt cumq; ex Hieronymi & antiquorum Patrum sententia, vt vidimus notat. 12.

Quartò noto, In sermone mystico, locutionis formam esse eandem, ac in sermone historico: in significatione tamen hoc esse discrimen, quòd in sermone mystico significatur per ipsa verba id, quod in historia significatum est per res ipsas. Verbi gratia: In libris Regum sermo est ad literam de Salomonis diuitijs & sapientia, ibi manifestum est textum ipsum nò agere de Christo, quem tamen Salomonis diuitiæ & sapientia figurabant: ac propterea verissimè dicitur ea historia allegoricè ad Christum spectare. Itaque in historia illa sensus de Christo mysticus fuit non literalis; quia significatus est, non per verba, sed per rem ipsam. Vbi verò scriptoris intentio est per ipsa verba de Christo loqui, non tamen palam & aperte, sed allegoricè; tunc elegantissimè inscribitur Psalmus, in Salomonem: & verba ipsa Salomonē personant, eiusque diuitias & sapientiam; sed nimis hebes ac tardus sit, qui non videat, per ea ipsa verba Christum significari: neque aliter de Salomone mentionem fieri, nisi vt locutio sit mystica & allegorica. Certum ergo est, in sermone mystico per literam ipsam significari id, quod in historia per ipsam significabatur.

Ex quo manifestè colligitur, omnes eos auctores, qui dixerint, in antiquis bellis, & in seueritatis atque vindictæ exemplis per res ipsas mysticè significatam fuisse peccati, in peccatorum conuersione, destructionem; eosdem pariter testari, in sermone mystico ad literam significari optimè eandem peccatorum conuersionem per verba, quæ summam seueritatem, (vt Verbi gratia ruinam inimicorum, & vrbium exustionem) sonant. Neque enim iure quispiam asseret, violētā esse allegoriam; si eiusmodi proportionem inter res ipsas esse fateatur, vt historia seueritatis, peccati destructionem, & conuersionem sceleratorum appositissimè figurarit.

Superest igitur ostendere, quā sit & in se certum & ab omnibus receptum, peccatorum

3.  
Tria ante  
solutionem  
præmittenda.

Mysticum  
sensum tri-  
ariam ac-  
cipi.

Quid inter  
triplicem  
mystici sen-  
sus acco-  
pationem  
inter sit.

4.  
Hieronymus  
interpretationem  
nimium li-  
teralem in  
Apocalypsi  
reprehendit.

Apocalypsin  
iuxta veterum  
Patrum  
mentem,  
spiritualiter  
explicatum  
iri.

In sermone  
mystico  
& historico  
locutionem  
quidē ean-  
dem esse, si-  
gnificatio-  
nis verò mo-  
dum diuer-  
sum.



Peccatorum  
conuersione  
in antiquis  
summa se-  
ueritatis  
exemplis  
ape signifi-  
ari.  
Suisur  
ductio su-  
peius sa-  
cta.

conuersionem in antiquis summae seueritatis exemplis fuisse figuratam, nec non eandem conuersionem, (in qua maxime elucet summa Dei misericordia, & indulgentia) iuxta Scripturae phrasim ad literam significari in mystica locutione; quae nil aliud sonet, nisi summam seueritatem atque vindictam. Duo haec connexa inter se sunt, ut vidimus; atque adeo quod re ipsa fuit in seueritatis exemplis figuratum; idem omnino significatur ad literam à Prophetis per phrasim seu locutionem, quae seueritatem sonat. Quare auctores, quos mox referam, alij de veteri figurarum significatione, alij de sacrae Scripturae phrasi agunt. Verum quodcumque ex his dicatur, in idem recidit. Præterquam quod ferè omnes exprimunt, visitatam esse sacrae Scripturae phrasim, per verba, quae vindictam ac seueritatem præ se ferre videntur, ad literam loqui de summa Dei clementia & misericordia; deque maximo beneficio, quod in eos confert peccatores, quos à peccati tyrannide liberat. Proferam ergo primò huius observationis auctores; deinde eorundem locos vna cum Scripturae locis indicabo.

Quod ad auctores spectat (ne cui fortasse hæc locutio redolet nouitatē) plurimos habeo atque grauissimos: ex quibus sunt Dionysius Arcopagita, Iræneus cum antiquiore presbytero, Origenes, Athanasius, Basilus, Cyrillus, Epiphanius, Chrysostomus, nec non Tertul. Arnobius, Hieron. Ambrosius, Augustinus, Rufinus Aquileiensis, Gregorius, Hesychius, Beda, Richardus de S. Victore, Brunus, S. Thomas, & D. Bonauentura. Ex Rabbiniis Abenezra, & Kimhi. Ex interpretibus sacrae Scripturae recentioribus, ijsq; doctissimis, Forerius, Ianfenius, Genebrardus, Arias Mótanus. Ex nostris Salmeron, Toletus, Ioan. Fernandez, Viegas.

Facile esset multos præterea auctores, si opus foret, conglobare; satius tamen esse existimo, si aduertam, hunc esse communem & quotidianum loquendi modum in religiosorum hominum familiari sermone. Cum enim inter eos incidit sermo de Euangelico aliquo concionatore, qui multorum hominum animos ex misera Dæmonis seruitutē ereptos ad singulare Dei obsequium traducit; atque vrbes integras & prouincias ad pietatem & Christi amorem conuertit; & doctrinae virtute & exemplorum vi ex infidelibus ac peccatoribus in veros fideles & amicos Dei commutat. Cum de eiusmodi (inquam) concionatore sermo est, nihil frequentius, quam dicere, eum esse acerrimum caelestis militiae ducem, qui homines quamplurimos ac agentes sub Christi signa cōpellat; qui in hostili acie ingentes edat strages, qui Dæmonis arces & castella munitissima solo adæquet; qui crebris concionum ictibus & oppugnationibus fortissima urbium mœnia expugnet ac diruat; qui deniq; ardentissimo charitatis igne populos accendat & inflammet. Nec tamen aliquis hanc loquendi rationem aut nouam aut inusitatam reputat. Si igitur hic sermo in quotidiano vsu minimè durus & insolens nobis videtur; cur in eisdem Apocalypseos locutionibus nostræ peregrinantur aures? neque in hoc peruagato sermone versantur? curve quod vulgari sermone conceditur, abstrusis Apocalypseos enigmatibus denegabitur.

Quod si in huius allegoriae vsu rationem at-

A tentè perscrutari velimus; inficiabitur nemo, belli ac victoriae metaphoram, ad spirituale militiam ac triumphum aptissime transferri. Quemadmodum enim Dæmon suis oppugnationibus significanter dicitur hominum animis inferre bellum; eosque deturbare, occidere, & maximas in eis edere strages, simili etiam ratione valida Euangelicorum concionatorum phalanx non minus appositè dicitur homines prosternere, perimere, & flammis accensis exure; cum hoc tamen discrimine; quod hæc ruina, hic interitus, hoc incendium in summum ruentiū, occisorum & inflammatorum beneficium redundat. Illi enim cadunt; qui se Christo sponte submittunt; illi interficiuntur, qui peccato & scelere moriuntur; illi inflammantur, qui ardentissimo charitatis igne se totos, ut holocausta, Deo dicant & consecrant.

B His adijcio, eum loquendi morem non apud spirituales modò homines visitatum esse, sed etiam ab humaniorum literarum studiosis receptum. Norunt enim vulgare esse tum apud veteres Poetas, tum etiam apud Ethnicos sapientes, huiusmodi affectus amori tribuere. Quapropter illi arma ad eam rem apta, nempe ignem & sagittas effingebant; his enim armis corda icere atque vrere dicitur. De quo Alcianus, & eius interpretes in emblematis 107. & 110. & 113. Quid igitur mirum, si asseramus Christiani, Christum suorum verborum telis, ac diuini Spiritus igne corda hominum transfigere, gentes prosternere, atque vrbes inflammare?

C Apud sapientes etiam vulgari sermo est, beneficijs bellum gerere, beneficijs vincere. Vide Senecam lib. 3. de beneficijs in fine. Ad hoc vnum, ait, contumax fui, ne beneficijs vincerer. Certe obseruo vos, & sese quoque restituite aciem: felices qui vicerint, felices qui vincuntur. In Christiana ergo philosophia, quæ nos docet beneficijs cum hostibus pugnare, eosque charitatis igne accendere; quid aptius dici potest, quam eo vsque cum hoste pugnare; donec victus cadat, aut etiam ardeat? Huc spectat id Prouerb. 25. 22.

D Prunas congregabis super caput eius. Siue ut Paulus vertit ad Rom. 12. 20. Carbores ignis congeres super caput eius. Vbi prunæ, vel carbores videntur incendiariae bolides, aut aliquid esse simile. (De quo armorum genere antiquo agit Lipsius de magnitudine Romana.) Nam per similitudinē belli loqui ibi sapientem, satis docet Pauli cōtextus: ait enim: Noli vincere à malo; sed vince in bono malum. Sermo ergo est de magna beneficiorum ad superandum inimicum efficacitate. In quo sensu, congerere carbonēs super inimici caput; idem est, ac conijcere carbonēs in caput eius, siue ignitis carbonibus in caput hostis immis-

E sis ipsum oppugnare. Quod est efficacissimum pugnae genus, & cui vix ullus possit resistere. Pro hac explicatione facit, quod non semel alias in S. Scriptura inter arma missilia carbonēs numerantur, ut Ps. 119. 4. Sagitta potētis acuta cum carbonibus desolatorijs; id est, sagitta pariter & igniti carbonēs. Et Ps. 17. n. 13. & 14. describitur Deus iaciens carbonēs ignis; id est fulmina, quæ velut accensas bolides iaculatur. Quid igitur aliud præstat Deus, cum peccatores ad se allicit, atque conuertit; nisi illos acutis sagittis, & ignitis beneficiorum carbonibus oppugnare; donec eos his telis deijcet, his carbonibus accendat? Peruincunt sanè (meo iudicio) hæ rationes,

Metaphora  
huius ra-  
tio & con-  
gruentia.

Eadem lo-  
cutio hu-  
maniorum  
literarum  
studijs visi-  
tata.

Nec sacris  
litteris in-  
solens.

7.  
Patres huius  
rei fidem  
affirmant.

Communis  
& quotidiana  
locutio,  
peccatorum  
conuersione  
per militia  
ac bellici  
congressus  
compara-  
tionem de-  
notari.



*Que Dei  
ira præ-  
stantior.*

Locutiones illas prosternendi, occidendi, atque inflammandi eam ad rem esse aptissimas. Dicit tamē aliquis, illud saltem, quod in nostra Apocalypseos expositione additur, non parum defuetudinis & insolentiae habere: nimirum ingentem Dei iram atque furorem in peccatorū conuersione vel maximē ostendi. Respondeo tamen, hoc ita verum ac pulchrum à me reputari, vt vix quidquā in tota Apocalypsi elegantius reperiā. Notandum verò est, iram illam quam Deo ex eius effectibus tribuimus; quæq; ad peccatorem, tum in hac vita, tum in alia seuerissimē puniendum fertur; non omnino destruere illud, quod Deus summo opere detestatur, nempe peccatum: peccatore enim in inferos deturbato, durat adhuc perstatque in eo peccatum. Cum autem Deus peccatores ad se per scelereum detestationē reducit; tunc funditus euertit, quod sibi præsertim erat infesum, quodque ipse cum primis oderat. Tollit enim penitus de medio peccatum, & peccatorem ipsum, quatenus peccator est, non quatenus homo. In hac igitur noua vindictæ ratione,

A quam Deus de suo aduersario (id est de peccato) voluit sumere; si rectè inspiciatur, non solum infinitæ in homines charitatis & indulgentiæ documenta edidit; sed infiniti etiam in peccatum odij & detestationis: quandoquidem nihilo inferiori supplicio cōtentus, ipsum euertit omnino, ac de medio sustulit. Atque mentis acie non admodum perspicaci est, qui hanc locutionem miram in se elegantiam continere non viderit.

B Haecenus nihil aliud egimus, quā auctores obiter recensere; & perstringere breuiter rationem, quamobrem nulli nouum videri debeat, si in spiritali victoriā allegoria petatur à bello, & à verbis seu locutionibus, quibus effectus ruinæ, interitus atque incendij; nec non affectus odij, furoris & iracundiæ significari solent. Reliquum est vt Scripturæ locos proferamus, non quidem omnes, (sunt enim hac de re pænē innumeri) sed aliquos; qui satis ostendant hanc esse vītātissimam sacrarum Litterarum locutionem. Vbi pariter auctorum, quos suprà retulimus, locos indicabimus.

## NOTATIO XXV.

*De nonnullis sacra Scriptura locis ad supradictæ phrasis probationem.*

I.

PRODEAT primò virga illa ferrea Psalmi secundi, ter in Apocalypsi repetita; quæ symbolum est egregium Christi potentiae atque virtutis ad inimicos cōterendos. Quæ Christi virtus & efficacia cum Christiana Ecclesia ac singulatim cum familiarissimis Dei seruis fuerat cōmunicanda. Sceptrum autē ferreum, (vt ex se constat) maximam seueritatem sonat, atque vim ad confringendum & conterendum. Vide Danielis 2. 40. *Quomodo ferrum comminuit & domat omnia*, &c. Nec minùs constat, illam conterendi virtutem Apostolis & viris Euangelicis imperitam, ad mundi conuersionem referendā esse. De quo tamen sceptro suo loco latius; nempe capite secundo, notat. 4.

2. Psal. 17. num. 9. *Ascendit fumus in ira eius; & ignis à facie eius exarsit; carbones succensi sunt ab eo.* In quem locum eleganter Ruffinus Aquileiensis, qui eum optimè de hac mystica vindicta explicat. Sumitur autem comparatio ex eo, quod solet euenire; quando aggestis in foco lignis ignis admouetur. Primò enim apparet fumus; flamma deinde; tandem succensæ atque ignitæ prunæ. Et fumus quidem, (qui veluti prima ira est) videtur minas intendere: atque id est, *Ascendit fumus in ira eius.* Flamma verò media inter fumum & prunas ardentem iram representat, quæ in eum sæuit, qui adhuc est inimicus: quæ admodum flamma ardescit, dum adhuc ei materia subiecta repugnat. Prunæ autem siue carbones succensi atque igniti iram extremam indicant, siue nouissimam; vt loquitur Apocalypsis. Nam vt in candentibus atque ignitis carbonibus ignis nihil inuenit repugnantis & obfistentis materiæ, de qua iam veluti triumphat; ita extrema seu nouissimæ iræ, quam Deus in peccatorum cōuersione exercet, ipsi non iam repugnantes, sed faciles & obsequentes subiiciuntur.

2.

3. Psal. 28. Perspicuum est Davidis bella, Gentilitatis conuersionis vmbra ac figuram

C fuisse. Atque hæc explicatio auctores habet Iacobum fratrem Domini, Ioannem Euangelistam, & communem Ecclesiæ consensum, vt in Psalmi ipsius interpretatione ostendam.

4. Psal. 47. 8. *In spiritu vehementi conteres naues Tharsis.* Vbi Augustinus per naues Tharsis intelligit nationes omnes; quæ superbiæ flatu tumidæ vela aduersus Ecclesiam Christianam expandunt. Quarum superbiam euertit Christus, cum eas ad Euangelij fidem traduxit. Vide Ruffinum in eundem locum, & Viegam capite 13. sectione 1. §. 1.

5. Psal. 67. Per allusionem ad Davidis bella, agitur de Christi victorijs in mundi conuersione: vbi numero 22. dicitur, *Deus confringet capita inimicorum suorum; vt imingatur pes tuus in sanguine*, &c. Vide Genebrardum, versu 14. eiusdē Psalmi; vbi docet in sacra Scriptura hostium clades non tam significare abolitionem, quā conuersionem: & notat id etiam doceri ab ipsis Rabbinis, præsertim à Kimhi, & Abenezra. Vide etiam Viegam cap. 16. sectione 3. §. 8. vbi ait, hanc sacra Scripturæ consuetudinem ex Psalmis, Isaia, & Zacharia constare. Hunc etiā locum Ruffinus pro nobis explicat.

D 6. Psal. 96. 3. *Ignis ante ipsum procedet; & inflammabit in circuitu inimicos eius.* Quod Ambrosius Luc. 12. 49. de charitatis igne exponit; atque ea est genuina expositio Psalmi, vt suo loco videbimus.

E 7. Psal. 103. 35. *Deficiant peccatores à terra; & iniqui, ita vt non sint.* Quod sic Basilii explicat, *Non vt pereant, orat; sed vt conuertantur.* Vide eundē Basilium Psal. 6. num. 11.

8. Psal. 106. 16. *Contriuuit portas arcas, & vestes ferreos confregit;* spiritaliter intelligendum esse, docent Ambrosius, & Augustinus.

9. Horribilis illa belli, armorum ac sanguinis facies in Psalmo 109. *Dominus à dextris tuis confregit in die ira sua reges; iudicabit in nationibus, implebit tumas, conquassabit capita*, &c. ad literam de



conuersione peccatorum agit; vt eo loci constabit.

10. Psal. 149. 6. *Gladij ancipites in manibus eorum, ad faciendam vindictam in nationibus, increpationes in populis; ad alligandos reges eorum in compedibus, & nobiles eorum in manibus ferreis; vt faciant in eis iudicium conscriptum, gloria hac est omnibus Sanctis eius.* Ex contextu ipso clarè ostenditur, sermonem esse de vindicta & internecione spirituali. Nec enim de alia victoria & excidio diceretur; Gloria hac est omnibus Sanctis eius. Nam Pauli gloria non erat Mauros sternere, sed Gentes ad Christi fidem conuertere. Hinc illud: *Increpationes in populis.* Quod non est aliud, quam eos peccatores conuincere, & penitentiae saluari subiungere. Lege Augustinum in hunc Psalmum; & videbis quomodo pugnent Sancti educentes gladios Spiritus; & quas edant in hostibus strages. Paganus ait, occiduntur, cum Christiani sunt: quia quero paganus, & non inuenio; ergo mortuus est paganus. Nam si non occiduntur, vnde dictum est Petro, *Macta & manduca?* Sic occisus est Paulus persecutor, & erectus est Paulus predicator. Quare ipse Paulus inquit, *Viuo ego, iam non ego.* Atque hunc esse Psalmi legitimum sensum probat Augustinus ex contextu ipso; in illis verbis, *Increpationes in populis.* & cum dicitur, *Ad alligandos Reges eorum in compedibus:* de compedibus sapientiae exponit, de quibus Eccli. 6. 25. *Iniice pedem tuum in compedes eius, & ne accideris in vinculis eius.* Et infra num. 30. *Erunt tibi compedes eius in protectionem.* Quod argumentum fuscè atque eleganter ibidem persequitur Augustinus. Chrysostomus etiam (vt ait Genebrardus) hunc Psalmum ad Euangelij victoriam de Satana, Gentibus, & Iudæis refert. Et ipse Genebrardus in argumento Psalmi rectè asserit, hunc Psalmum esse propheticum de Ecclesiae victoria. Et Iansenius in argumento etiam ait, Nihil dubium quin Spiritus sanctus potissimum hic vaticinatus sit de victoria, quam fideles per Christum consequuntur; qui spiritualibus armis demones superant, omnesq; reges, ac populos Euangelio subiiciunt, in captiuitatem redigentes, vt inquit Paulus, *omnem intellectum in obsequium fidei.* Abenezra hunc Psalmum similiter explicat de victoria & vindicta spirituali per conuersionem: vt refert Genebrardus Psal. 67. num. 14. vbi etiam adducit alia ad rem.

11. Vide etiam Psalmum 82. 14. *Pone eos vt rotam & sicut stipulam: sicut ignis qui comburit syluam, &c. & cognoscant, quia nomen tibi Dominus.* Et Psal. 143. 6. *Fulgura coruscationem, & dissipabis eos; emittis sagittas tuas, & conturbabis eos.* Quem locum rectè pro nostra sententia explicat D. Bruhus Carthusianus.

12. Isaia 1. num. 24. *Heu consolabor super hostibus meis, & vindicabor de inimicis meis.* Quanam ratione? statim explicat: *Et conuertam manum meam ad te; & excoquam ad purum scoriā tuam; & auferam omne stannum tuum; & restituiam iudices tuos, vt fuerunt prius; & consiliarios tuos, sicut antiquitus.* Posthac vocaberis ciuitas iusti, vrbs fidelis, Sion in iudicio redimetur, & reducent eam in iustitia: & conteret scelestos, & peccatores simul, & qui dereliquerunt Dominum consummentur, confundentur enim ab idolis, quibus sacrificauerunt.

13. Isaia 34. 2. *Indignatio Domini super omnes gentes, & furor super vniuersam militiam eorum; interfecit eos, & dedit eos in occasionem, &c.* Vbi ingentem stragem & internecionem depingit. Et num. 8. subdit, *Quia dies ultionis Domini, annus retributionum iudicij Sion.* Quibus describit Idumæa exustio-

A nem. Ac subdit num. 10. *Nocte & die non extinguetur; in sempiternum ascendet fumus eius.* Hoc loco nobiscum conuenit Arias Montanus; dum explicat, Idumæam pro Romano imperio accipi debere, & urbem Bosra, pro Româ, & incendium pro igne Euangelij.

14. Isaia 59. 15. *Facta est veritas in obliuionem; & qui recessit a malo, trada patuit; & vidit Dominus, & aporiatu est; & saluauit sibi brachium suum; & iustitia eius ipsa confirmauit eum; indutus est iustitia, vt lorica, & galea salutis in capite eius; indutus est vestimentis ultionis; & operatus est quasi pallio zeli; sicut ad vindictam, quasi ad retributionem indignationis hostibus suis, & vicissitudinem inimicis suis, & veniet Sion redemptor; hoc fœdus meum cum eis, &c.* Vide Forerium ibi.

15. Isaia 63. 3. *Torcular calcavi solus: calcavi eos in furore meo; & conculcaui eos in ira mea, & aspersus est sanguis eorum super vestimenta mea, & omnia indumenta mea inquinavi, dies enim ultionis in corde meo; annus redemptionis mea venit.* Vbi Forerius optime.

16. Michea 5. 9. *Omnes inimici tui interibunt.* Spiritualiter exponit Hieronymus.

17. Nahum 1. totum caput terribile sonat vindictam. *Ulciscens Dominus in hostes suos; indignatio eius effusa est vt ignis, &c.* Video tamen totam hanc ultionem in eam pacem definire ad finem capitis, *Ecce pedes euangelizantis pacem.* & num. 7. *Bonus Dominus, & confortans in die tribulationis.* Quod verò dicitur num. 9. *Non consurget duplex tribulatio.* Videtur homines securos reddere; ne post perfectâ spirituales vindictam, aliam præterea extimescant, Quasi dicat; Ille, de quo Deus spirituales hanc sumpsit vindictam, seuerum illud supplicium, quod meruerat, euasit.

18. Sophonia 3. 8. *In die resurrectionis meae in futurum congregabo gentes, & colligam regna; & effundā super eos indignationem meam, omnem iram furoris mei.* In igne enim zeli mei deuorabitur omnis terra; quia tunc reddam populis labium electum, vt inuocent omnes in nomine Domini, & seruiant ei humero vno. Præclare hæc Hieronymus exponit. Atque ex hoc loci (meo iudicio) illustratur illud Ecclesiastici 36. 7. *In noua signa, & immuta mirabilia; glorifica manum, & brachium dextrum; excita furorem, & effunde iram; extolle aduersarium, & afflige inimicum; festina tempus, & memento finis, vt enarrent mirabilia tua, in ira flamma deuoretur, qui saluatur.* Video aliter exponere Iansenium & Lyranum; sed Hieronymi expositionem præfero, dum in Sophonia loco explicat zelum, quo deuoranda erat omnis terra; & spirituali explicationi mirifice deferuiunt illa verba, *In noua signa, & immuta mirabilia.*

19. Zacharia 12. 6. *Ponam duces Iuda, sicut caminum ignis in lignis; & sicut faciem ignis in feno. Et deuorabunt ad dexteram & sinistram omnes populos in circuitu.* Locus est manifestus, si notes de Apostolis esse sermonem.

20. Præterea, aggrauari manum Domini super Azotios, designat virtutem Domini ad conuertendos Gentiles per internam inspirationem, ex Gregorio. Vide Lauretum in Sylua, verbo Grauis. Ultio etiam, quam exercet Deus in deos Aegypti, Numerorum 23. conuersionem peccatorum significat ex Origene & Augustino.

21. Cadere in super, est subijci Christo eos, qui ad fidem veniunt, ex Basilio Ps. 44. & Ter-



tulliano aduersus Iudæos, & Hieronymo, Isai. 13. 17. 26. & Amos 7. & ex Gregorio, 1. Reg. 14. & 2. Moral. 38. Quos affert Lauretus. Vbi etiam subdit, ruinam Damasci esse; cum Gentiles ad Christi fidem veniunt, & habitatores terræ dici non cadere, cum mali non resipiscunt, sed in peccatis persistunt, Isaiæ 26. Item, cadere in gladio, qui conuicti verbo Dei deserunt errores, Isaiæ 13. Hæc & alia Lauretus ex Patribus, verbo Cadere; vbi affert pro nostra explicatione Origenem, Hieronymum, Hesychium Leuit. 26. Gregorium, Richardum, Bedam, & Augustinum.

22. De igne verò in eadem significatione, insignis est locus Lucæ 12. 49. *Ignem veni mittere in terram.* Quod de igne Euangelij, siue de igne Spiritus sancti, quo illuminantur corda & purgantur, exponunt Ambrosius, D. Thomas in Catena, Bonauentura in commentario, & Cardinalis Toletus; qui pro hac explicatione adducit Origenem, Tertullianum, Athanasium, Cyrillum, Hesychium, Ambrosium, & Gregorium. Atque eadem est Salmeronis expositio.

23. Hæc omnia optimè calluerat Paulus; qui, ne nobis primus harum locutionum aspectus fucum faceret, nos præmonuisse videtur, quo pacto eas accipere debeamus. Sic enim ille 2. Corint. 3. 6. *Sufficiencia nostra ex Deo est, qui nos fecit idoneos ministros noui testamenti; non littera, sed Spiritus; littera enim occidit, Spiritus autem viuificat.* Quæ verba significatè expriment robur atque virtutè, quæ Deus suis ministris ac cælestis militiæ ducibus (id est viris Apostolicis) confert ad vindictam eam, quam Deus in Scriptura dicitur de Babylonis & alijs hostibus sumpturus. Cuius vindictæ rationem, ac modum mox explicat Paulus dum ait; *Non littera, sed Spiritu.* Littera enim interitum, & occisionem sonat: atque hoc est, *littera occidit.* Huius autem litteræ Spiritus non est alius, quam peccatori vitam & æternam salutem tribuere; *Spiritus autem viuificat.*

Præter hos, qui notant in Apocalypsi omnia mysticè esse intelligenda, (vt Dionysius, Epiphanius, Hieronymus, & Haymo supra allati; quibus addo S. Ephræm, lib. de pœnit. vbi ait; *Cuncta per parabolam & ænigma locutus est Ioannes in Apocalypsi.*) ij etiam, qui plagas capitis XVI. mysticè exponendas esse docent de bello à Deo aduersus Gentilitatem gerendo, (quæ est expositio Irenæi, & antiqui præbyteri) ij omnes ruinam & incendium duarum vrbiũ hostilium, quas Apocalypsis designat, mysticè intelligendas esse, manifeste sentiunt.

Consideratis locis, auctoribus, & rationibus supra adductis, nullus erit, opinor, qui non fateatur ad significandam mysticam Ecclesiæ victoriam, de quadam Ierosolymæ parte, & de Roma vniuersa; idoneum satis esse ænigma, quod sonet, decimam Ierosolymæ partem corruisse, & Romam vniuersam flammis absumptam. Verum non mihi satisfacio ex eo solum, quod probarim eiusmodi allegoriã cum phrasibus in sacra Scriptura receptis valde congruere, atque aded non itatis & insolentia argui non debere. Sed illud præterea addo, tam contextum, quam rei ipsius euentum cogere; vt hanc explicationem censeamus esse propriam atque legitimam. Si enim Babylonis nomine Roma vetus, quæ Christianum nomen persequebatur, intelligenda est; quo alio mo-

A do Roma combusta fuit? Siquis ad direptiones à Gothis factas confugiat; nã ille Apocalypsi nimias valde hyperboles tribuet, & minimè cohærentes. Vbi enim inueniet decem illos reges, qui potestatem eadem hora acceperunt; & facta manu vrbe pariter inuasit, atque vastarunt? Vbi incendium illud, cuius fumus durat in sæcula sæculorum? Præterquam quod illæ calamitates non Romæ immisæ sunt, propterea quod Martyrum cruorem effunderet, & Christi Ecclesiam infestaret. Atqui Apocalypsis, Romæ incendium supplicij loco statuit ob persecutiones, quibus Babylon Christianam Ecclesiam affligebat.

B Vbi verò aduertatur, Romæ incendium mysticè esse accipiendum; quid cohærentius, quam aduertere pariter, decimæ partis Ierosolymæ ruinam mysticè etiam sumi debere? Quod nobis necessariò persuadet non solum Isaiæ vaticinium (cap. 6. num. 13. *Adhuc in ea decimatio, & conuertetur.* quod conuersionem decimæ partis spectat) sed euentus etiam ipse: iam enim non solum decimæ partis, sed totius etiam vrbis ruinam omnium oculi miserando spectaculo conspexerant; & nihilominus Apocalypsis, vbi ad vindictæ, quæ Deus de Iudaico populo sumpsit, prophetiam accedit: non asserit totam Ierosolymam corruisse; sed id tantum, *Decima pars ciuitatis cecidit.* Perspicuum igitur est, non de propria ruina, sed de metaphorica & mystica esse sermonem.

C Postquam igitur conslet, hanc esse veram intelligentiam; protinus apparet mirum Apocalypseos artificium. Atque illud in primis licet conspicerè, quantum pluris Deus mysticam vindictam, quam veram ac propriam de hostibus vltionem, faciat. Siquidem ad Apocalypseos prophetiam, non totius vrbis excidium, sed decimæ tantum partis ciuitatis ruinam assumpsit. Et statim cernitur, congruentissimum id fuisse ad eum librum, qui de septem Dei Spiritibus, deq; Diuinæ prouidentie excellentia, sermonem instituit. Vrbis enim quantumuis egregiæ atque ingentis inuasio, direptio, & exustio, res est aded factu facilis, vt à paucis hominibus vnâ eademque nocte iniri ac perfici possit. Ceterum tam decimæ partis Ierosolymæ, quam Romæ totius conuersio, facinorosa fuere aded præstantia ac difficilia, vt nisi Dei brachio, robore, ac virtute patrari nequaquam possent. Atque aded dignissima sunt, quæ admirabilibus symbolis ac hieroglyphicis celebrentur; & in totius Scripturæ meta atque fine, vt præcipua capita, reponantur. Qui verò aliter Ierosolymæ ruinam, ac Romæ incendium exponunt; nã illi rem Deo ita dignam, & quam ipsius prouidentia ita magni æstimer, in suis explicationibus non inuenient.

E Semel autem admissâ nostrâ explicatione, miram Apocalypsis lucem, non Romæ solum splendori ac dignitati, sed complurimis etiam Scripturæ locis explicandis adducit, in quibus similis vindictæ & seueritatis fremitus ac stridor sonat: in Psalmis præsertim ac Prophetis; & singillatim in Babylonis vastatione; cuius vaticinium aded est apud Isaiam & Ieremiam iterata repetitione celebratum.

Et ad primam quidem obiectionis partem,

8.  
Ex mystica  
bellorum in-  
terpretatio-  
ne mirum  
Apocalyp-  
seos arti-  
ficiũ ap-  
paret.

Apocalyp-  
seos bella  
mysticè esse  
intelligenda,  
& conte-  
ntus & e-  
uentus co-  
grui.



positæ initio huius tractationis, satis superque dictum est.

Ad secundam partem de mystica idololatriæ acceptione solum dico, mirari me, eam quibusdam videri nimium mysticam expositionem in enigmate, quam citra ænigma, apud Paulum expressam legimus, ad Ephes. 5. 5. *Omnis fornicator, aut immundus, aut auarus, quod est idolorum seruitus.* Et ad Philip. 3. 19. *Quorum deus venter est.* Si igitur Paulus sic loquitur in literalis sensu & expresso in epistola; quid mirum Ioannem in enigmate eadem ratione loqui? Nec opus mihi est ad communem loquendi consuetudinem inter religiosos viros vtitam confugere; qui res illas, quibus plus nimio hominum corda effrænata cupiditate adhærent, solent idola nuncupare.

Ad tertiam denique partem de duobus testibus breui etiam respondeo (nec enim iam pluribus oportet vii) non esse nouum in ænigmatibus ac parabolis de virtutibus seu vitijs quasi de personis per prosopopœiam loqui. Quare si de iustitia ac de misericordia, quasi de duabus sororibus, aptissimus instituitur sermo; idne mirum in sanctitate ac sapientia videatur, vt de illis tanquam de duobus Christi testibus, aut de

duobus Prophetis ad Iudaicum populum à Deo missis, sermo sit? Libri extant integri eiusmodi prosopopœiarum pleni; in quibus nemo vnquam offendit. Quod si offendat fortasse quispiam in eo, quod de duorum testium interitu ac resurrectione asseritur. Id sanè Daniel expresserat cap. 8. 12. *Veritas prosterneatur in terra.* & quidem quando Christi martyres occiduntur; nihil significatius, quam dicere, veritatem interijisse ac sanctitatem. Simili ratione, quando virtus ac veritas, quæ oppressæ antea & abiectæ iacebant, extolluntur deinde, & in summo pretio habentur; significantissime dicuntur reuixisse, atque in cælum euectæ fuisse. Hæc est ergo resurrectio, & in cælum ascensio, de qua Apocal. 11. Si verò textus ibi in duorum testium mentione Moysen & Eliam respicit (vt suo loco videbimus) notum est, Moyse personam ad legem seu doctrinam significandam conuenienter aptari; vt nos docent Origenes, Arnobius, Tertullianus, Ambrosius, Augustinus, Cyrillus, Gregorius & Beda apud Lauretum, verbo Moses. Vnde per ipsius comitem Eliam significari zelum ac sanctitatem quisque facile eliciet. Sed de his latius capite vndecimo.

*Mystica idololatria ac-ceptio Pauli etiam vtitur.*

*Res inanimatas per prosopopœiam quasi animatas in ænigmatibus induci minime noui videri.*

## NOTATIO XXVI.

### De Interpretibus Apocalypseos.

SECTIO I. De ijs, quorum notitia ad me peruenit, ipsos tamen nancisci hætenus non potui.

I. Melito Episcopus Sardensis, floruit anno Christi 160. Meminit eius Hieronymus de viris illustribus; & quamuis Angelus Rocha sibi persuaferit, huius Melitonis esse eum commentarium, qui extat sub nomine Primasij; coniecturâ tamen proculdubio aberrauit, vt constabit infra, vbi de Primasio.

II. Methodius Lyciæ Episcopus & martyr sub Decio & Valeriano anno 225. Scio Hieronymum in catalogo, & similiter Trithemium, vbi de Methodio agunt, peculiarem mentionem non facere alicuius commentarii in Apocalypsin: verum Hieronymus ait, multa ab eo fuisse scripta, quæ vulgò lætuntur, & Andreas cap. 13. citat commentarium Methodij, eumque; alijs expositores præfert. Et Aretas cap. 33. citat commentarios Andreæ atque Methodij.

III. Hippolytus Episcopus Portuensis, qui floruit anno Christi 235. cuiusque meminit Hieronymus in catalogo. Et notandum est, Hippolyti commentarium in Apocalypsin fuisse opus aliud ab eo, quod idem auctor scripsit de Antichristo & consummatione sæculi: atque illud iniuria temporum interijisse; quamuis enim Erasmus asserat, se vidisse Basileæ commentarios quosdam in Apocalypsin Hippolyti titulo; subdit tamen eos non esse Hippolyti Portuensis, cum sint valde ieiuni; & in eis ipsis citari Hippolytum nescio quem. Addit in Græcis commentarijs citari Hippolytum Episcopum Romanum, & dubitari potest, an ipse Hippolytus Portuensis sit, qui inibi Romanus appellatur.

IV. S. Hieronymus, quem Cassiodorus asserit scripsisse commentarios in Apocalypsin.

Imò verò ait, Apocalypsin conspicuam esse Hieronymi expositione. Floruit verò Hieronymus anno Christi 422.

V. Gennadius, (anno Christi 490.) inter expositores Apocalypseos commemoratur à Trithemio.

VI. Et similiter Cassiodorus, qui floruit anno 577. & scripsisse fertur complexionem in Apocalypsin.

VII. Isidorus Hispalensis, anno 630. Quamuis enim neque Braulius, neque Ildephonsus, neque Sigibertus, (qui scripserunt indicem operum Isidori) huius libri meminerint: aiunt tamen eum multa alia scripsisse, præter ea, quæ ipsi designant. Et Monachus quidam Benedictinus, nomine Beatus, qui scripsit anno Christi 970. (vt infra videbimus) in præfatione asserit, se suam explicationem collegisse ex libris Victorini, Isidori & Apringij. Nisi id fortasse solum respicit ad præcæmium Isidori in Apocalypsin; in quo præcæmio aliorum locorum expositionem indicat.

VIII. Albinus, (qui & Alcuinus) anno 770. quem refert Trithemius.

IX. Rabanus Maurus, anno 855. qui ab eodem refertur.

X. Biecus (qui & Beatus) Monachus Benedictinus, cuius quidem commentarium manuscriptum, quamuis ad meas nondum peruenerit manus, scio à multis fuisse visum & lectum; nam in templo opidi Valcabado, prope Lieuanum atque Saldanam sepultum iacet ipsius Beati corpus; & ibi etiam seruatur commentarium eius in Apocalypsin in chartis pergamenis, gothicis characteribus exaratum: & ex eius prologo hæc referuntur verba: *Hæc ego sancte Eteri, te petente, ob adificationem fratrum, tibi dedicavi; vt quæ consortem perfruar Ordinis, coheredem etiam faciam mei laboris.* Et in fine ait, absolutum à se fuisse



opus, Era 1008. qui est annus Christi 970. Testaturque se suam expositionem collegisse ex Victorino, Isidoro & Apringio. Sic Yepes in historia Benedictina 3. p. fol. 282. Sic etiam Ambrosius Morales lib. 13. cap. 26. & 27. vbi asserit, alia eiusdem operis exemplaria per Hispaniā esse dispersa. Ex his verò exemplaribus fuit proculdubio illud, quod refert Ioannes Grial in notis ad Isidorum de viris illustribus; verbo Apringius. & quod optimè ille probat, falsò sibi fuisse pro opere Apringij venditatum. Sed quòd existimauit non extare aliud opus, quod Apringio tribuatur; nisi illud quod ipse deprehendit fuisse ad Eterum scriptum; in hoc ipse deceptus videtur. pro quo vide infra sect. 3. in principio.

XI. Gaufredus, quem refert Trithemius; anno Christi 1160.

XII. Ioannes Valeis Minorita, ex eodē Trithemio, anno 1270.

XIII. Augustinus de Ancona, quem Angelus de Rocha refert, scripsisse in Apocalypsin, triumphum atque Catenam, & refertur etiam à Trithemio, anno 1330.

XIV. Ioannes de Bachone, anno 1350. ex eodem Trithemio.

XV. Ioan. Tacesphale Carmelita, ex eodem.

XVI. Augustinus de Roma, Augustinianus anno 1410. ex eodem.

XVII. Augustinus de Hassia, Carthusianus, anno 1428. ex eodem.

XVIII. Bernardinus Senensis, Minorita, anno 1450. ex eodem.

XIX. Ascensius.

XX. Bruno Senensis.

XXI. Fredericus Venetus.

XXII. Henricus Hassius.

XXIII. Elias Minorita.

XXIV. Iacobus Stralensis.

XXV. Ioannes Galensis.

XXVI. Ambrosius Compfa.

XXVII. Ioannes Haiton.

XXVIII. Ioannes Sulnon.

XXIX. Ioannes Torphe.

XXX. Iordanus.

XXXI. Nicolaus Alsentinus.

XXXII. Simon Tolofanus.

XXXIII. Thomas Suduolcus.

XXXIV. Vitalis Cardinalis.

XXXV. Eduardus Læus.

XXXVI. Ioannes Cap-  
grauus.

XXXVII. Ioannes Lopez.

XXXVIII. Simō Iatumpus.

XXXIX. Alexander de

Ales.

XL. Augustinus Nebien-  
fis.

XLI. Ioannes Annus Viterbiensis scripsit quæstiones in Apocalypsin; quas refert Hen-  
tenius in prologo, quem adiecit commentarijs Aretæ. Atq; eas quæstiones dicitur reipublicæ Christianæ principibus dedicasse.

XLI. Cyprianus Monachus Cisterciensis, cuius manuscriptum commentarium sacerdos quidam ex nostra Societate mihi retulit se vidisse in quodam illius Ordinis Monasterio; vbi seruetur vnà cum regis priuilegio, quod iam bonus pater Cyprianus impetrarat, ne ab aliquo absque ipsius facultate ederetur.

*Hos omnes  
refert An-  
gelus Ro-  
cha, scri-  
psisse in  
Apocaly-  
psin.*

*qui ab eodem Ro-  
cha referuntur  
scripsisse in omnes  
noui testamenti  
libros.*

*quos idem refert  
scripsisse in omnes  
vtriusque testa-  
menti libros.*

XLIII. Luifius Legionensis Augustinianæ familiæ decus, & ornamentum scripsit in Apocalypsin, eiusque commentarium confirmauit mihi grauissimus quidam eiusdē Ordinis Præ-  
latus, idemque doctissimus, se habuisse, & ex-  
tare nunc in Salmanticensi cœnobio.

XLIV. Basilius Ponce prædicti Luifij nepos, & eiusdem gloriæ hæres, libri à se nuper editi quæstione sexta expositiua, ait se quoq; habere absolutos commentarios in Apocalypsin, quos propediem in lucem edet.

XLV. Gregor. Lopez, vir alioqui idiota, sed sanctitatis opinione clarus in provincia Mexicana, creditus est diuina reuelatione accepisse ea, quæ scripsit in Apocalypsin vulgari idioma-  
te; quia Latinā linguam nunquā didicerat. Floruit circa annum Dom. 1590. Et obiisse fertur in oppido quodam, cui S. Fides nomen dedit, & sex propè milliaria dicitur distare ab vrbe Mexico; vbi & eius commentarius asseruatur. Audiui à quodam nostræ Societatis sacerdote, viro integerrimo, prædictū Gregorium à se aliquoties visitatum; & post mortem etiam quæsitum, & inuentam eius pauperem supellectilem mi-  
ro quodam odore fragrantem; & propterea in magna veneratione habitam. Neque tamen vnquam odorari potui, quibusnam rebus figuræ Apocalypseos à prædicto Gregorio applicatæ fuerint.

XLVI. His addere possum tres alios ex nostra Societate scriptores; quos ad me allatum est, in Apocalypsin scripsisse. Primus est Andreas Eudæmon Ioannes Cydonius, qui desumpsit sibi refellendam explicationem Thomæ Brignati hæretici; vt refert Cardinalis Bel-  
larminus in apologia fol. 132. Atque idem Eudæmon, (quod huc etiam fortasse spectat) respondisse fertur ad librum Roberti Abbatis de Antichristo, vt idem Cardinalis ibidē scribit.

XLVII. Secundus est Petrus Layerus; quem noster Petrus de Ribadeneira, scripsisse ait, de Antichristo; & audio etiam scripsisse eum in Apocalypsin commentaria.

XLVIII. Scio etiam N. de Peralta ex Tole-  
tana Prouincia sacerdotē, qui se sacræ Scripturæ interpretationi multis abhinc annis conse-  
crauit, in Apocalypsin scripsisse, licet hætenus eius opus non sit typis excusum.

## SECTIO 2. De nonnullis qui ab aliquibus inter expositores Apocalypseos numerantur; cum tamen verius videatur, errore eam famam increbuisse.

I. Primus ex his est Papias, qui floruit anno Domini 100. & propterea videtur inter interpretes Apocalypseos numerari; quia fuit auctor fabulæ Millenariorū, quam secuti sunt Iustinus, anno Domini 150. Apollinaris, an. 165. Irenæus, anno 175. Tertullianus, anno 200. Ne-  
pos, anno 240. & Lactantius, anno 320.

II. Iustinus Martyr.

III. Irenæus, quem interpretatum fuisse Apocalypsin asserit Hieronymus; sicut de Iustino, lib. de Scriptoribus Ecclesiasticis, in Ioanne Euangelista. Sed cum ad Iustini & Irenæi opera accedit, non meminit Apocalypseos cō-  
mentarij. Quare suspicor, dici eam interpreta-  
tos, eo quòd sparsim in suis operibus nonnulla ex eo libro exponant.



IV. Nepos, quem Angelus Rocha asserit scripsisse in Apocalypsin; sed non alio (vt puto) quam superius indicato fundamento.

V. Dionysius autem Alexandrinus propter eâ dicitur explicasse Apocalypsin; quia scripsit duos libros aduersus Nepotem Episcopum, qui mille annorum fabulam asseruerat. In quibus de Apocalypsi Ioannis diligentissime disputat; vt refert Hieronymus de Scriptoribus Ecclesiasticis. Floruit autem Dionysius anno Domini 255.

VI. Ambrosius etiam Mediolanensis connumeratur ab Angelo Rocha inter Apocalypseos expositores; nempe, quia is commentarius, qui Ambrosij nomen præfert, existimatus est ab illo, quemadmodum & ab alijs, esse Mediolanensis Ambrosij fœtus genuinus; in quo tamen proculdubiò deceptus est, vt dicemus infra in Ambrosiastro.

VII. Sancto etiam Augustino tribuit idem Angelus Rocha eam Apocalypseos expositionem, quæ inter eius opera extat. Sed limatior censura id opus Ticonio tribuit. Et quamuis suspicari aliquis fortasse poterat, quemadmodum Augustinus desumpsit ex Ticonio regulas eas, quas tantopere probat; sic etiam fortasse desumpsisse ab illo, & emendasse expositionem illam, præsertim cum ea ab erroribus Ticonij purgata sit. Ea tamen suspicio non substitit, vt patet, tum ex prologo Primasij in Apocalypsin, tum ex xx. Apocalypseos capite ab Augustino explicato in libris de ciuitate Dei, (de quo infra.) Nec enim illa expositio cum Ticonij commentario valde concordat.

VIII. Sanctus item Thomas à nonnullis creditur in Apocalypsin scripsisse; refert enim Angelus Rocha B. Thomam inter eos, qui vniuersos noui testamenti libros suis commentarijs illustrarunt; sed quod ad Apocalypsin attinet, suspicor id non alio nitu fundamento, quam quodd eius nomen præferat quidam commentarius; qui tamen vt alienus, reiectus est ab editione Romana Pij V. Pontificis iussu edita, & idem Angelus Rocha existimat id opus esse Thomæ Anglici Augustiniani.

### SECTIO 3. De quatuor manuscriptis à me visis:

I. Primo loco commentarium comemoro S. Apringij Hispani, ac Episcopi Pacensis; qui floruit anno Domini 530. Quamuis enim euidenter ostenderit Ioannes Grial id opus, quod ipsi ostensum est, non esse Apringij, vt notavi supra sect. 1. in Bieco; aliud tamen extat opus in nonnullis Hispaniæ bibliothecis, quod à doctis & antiquitatis studiosis tribuitur Apringio. Huius operis quatuor exemplaria manuscripta mihi videre contigit; tria in Regia S. Laurentij Bibliotheca, & quartum in nostro Collegio Valisoletano in bibliotheca Patris Antonij de Padilla (quem totius nostræ Societatis gloriam merito appellare possum.) Atq; ex his exemplaribus vnum perlegi à principio vsque ad finem, reliqua satis habui cōferre cum eo, quod legeram, quantum opus fuit; vt dubitare non possem, quin omnia essent eiusdem operis exemplaria. Sed vt verum fatear, ex tribus exemplaribus, quæ apud S. Laurentium mihi ostensa sunt, vni eorum, (quod est propter Scripturæ

antiquitatem venerandum) deerat principium & finis, & Apringij titulus recens est adiectus. Duo reliqua nuper sunt ex alio descripta; & vtrumq; quidem præfert Apringij nomen; sed vnde illa fuerint translata non constat. Quod verò reperi in Patris Antonij Bibliotheca, est quidem illud multis abhinc sæculis scriptum in membrana literis Gothicis, neque vllum ei deest folium; titulum tamen Apringij non habet neq; in principio neque in fine, sed potius aliquid: ex quo suspicatus initio fui, an hoc esset illud opus, quod Bieco Monacho tribuunt Ambrosius Morales; & Yepes suprâ relati. Præfert enim scriptum fuisse ab Obeco presbytero ad instantiam Sempronij Abbatis. Re tamen attentè inspecta censeo, Obecum illum presbyterum nō esse auctorem, sed descriptorem seu antiquarium; qui opus illud descripsit atq; depinxit. Nam se & scripsisse, & depinxisse asserit, & habet liber picturas satis multas. Atque ex ipsa descriptione constat, Obecum illum fuisse alioqui idiotam: voluit enim Sempronio Abbati gratificari, & in folio integro nihil aliud extat, quam eum librū esse Sempronij Abbatis supellectilem, & triginta nouem lineis sic disposuit characteres: vt sursum, deorsum, dextrorsum, & sinistrorsum hæc verba legerentur.

SEMPRONIVS ABBA LIBRVM. Quod quid infantius? Atque de hoc exemplari satis. Auctorem tamen censeo, non esse alium, quam Apringium; tum quia sic bona fide scriptum reperio in exemplaribus, quæ vidi apud S. Laurentiū (quorum vnum eō ex bibliotheca domini Petri Ponce de Leon Episcopi Placentini, allatum fuerat: ) tum quia à viris doctissimis, & antiquitatis studiosis accepi, eiusdem operis alia exemplaria antiquissima cum titulo Apringij, fuisse ab ipsis perspecta apud Magistrum Aluarum Gomezium, & apud quemdam Regis Secretarium, cui nomen Vallejo fuit, imò verò aliquod etiā in Bibliotheca Vaticana. His accedit, quod sæpe in eo opere fit mentio persecutionis, quam patiebatur Ecclesia in Africa, eo tempore quo liber scribebatur; quod cum Apringij tempore cohæret, & cum minùs antiquo scriptore nō cohæret. Libuit autem hic subijcere, quid censuerit B. Isidorus de Apringij opere in libello de viris illustribus: *Apringius (ait) Ecclesia Pacensis Hispaniarum Episcopus, disertus lingua, & scientiâ eruditus, interpretatus est Apocalypsin Sancti Ioannis Apostoli, subtili sensu, atq; illustri sermone: meliusq; penè quam veteres Ecclesiastici viri. Claruit temporibus Theudis Principis Gothorum.*

II. Præterea, S. Martinus patronus Legionensis scripsit commentarium in Apocalypsin, & Autographon ipsius manuscriptum seruetur Legione in cœnobio S. Isidori, vñ cum ipsius S. Martini reliquijs; inter quas ostenditur digitus ipse, quo liber scriptus est, adhuc integer & incorruptus. Quamuis autem ego Legione non fuerim; partem tamen aliquā eius, ibi ab amico curauit mihi describi, quam & apud me habeo.

III. Vidi præterea, atq; perlegi ex bibliotheca S. Laurentij vnum manuscriptum, quod appello *Rubricas antiquas*, id est, commentarium Apocalypseos rubricâ exaratum in libro venerandæ antiquitatis; eoq; valde pulchro, & elegantibus picturis ornat; vbi tamen nulla fit mentio auctoris, seu collectoris earū rubricarū.



IV. Alterum eiusdem bibliothecæ commentarium perlegi, incerti etiam auctoris, distinctionis gratiâ appello, *Membranæ minores*. Quia in quarto, (vt appellant) scriptus liber est & compaginatus.

#### SECTIO 4. Syllabus interpretum typis excusorum, quos nactus sum.

I. Victorinus Episcopus Pictaviensis & martyr anno Christi 270. De quo Hieronymus in Catalogo. Cum liber in principio habeat prologum Hieronymi; suspicari licet, ab eodem Hieronymo expurgatum fuisse; quia Victorinum constat fuisse Millenarium. In hoc autem libro nihil est, quod eam fabulam redolet.

II. Ticonius, qui floruit anno 390. Extat inter opera Augustini, & hic quoque expurgatus est proculdubio. Constat enim Ticonium fuisse Donatistam; & quædam miscuisse quæ sano intellectui non congruebant.

III. Ambrosiaster, sic eum appello, qui inter opera Ambrosij legitur. Constat enim id opus non esse Ambrosij Mediolanensis, quia (vt demonstrat Pererius noster disputat. 2.) ex ipso opere euidenter patet, illud fuisse scriptum 200. annis post Ambrosij obitum.

IV. Sanctus Augustinus, quamuis non scripserit in totam Apocalypsin, saltem exposuit caput 20. lib. 20. de ciuitate Dei. Floruit autem sanctus Doctor anno 430.

V. Primasius, anno 440. & quamuis opus, quod Primasij nomen præfert, tribuatur Melitoni ab Angelo Rocha: constat tamen eum deceptum fuisse; quia auctor operis in prologo asserit, se adducere, quæ reperit ab Augustino exposita, etsi numero pauca; & ex Ticonio deflorare quæ sano congruunt intellectui, quod est quasi gemmas ex itercore colligere.

VI. Beda, anno 730. quem ceteris omnibus præfert Zegerus.

VII. Haymo, anno 830.

VIII. Strabus auctor Glossæ ordinariæ, anno 840.

IX. Ansbertus, anno 890. qui cap. 17. in ea verba, *Ego ostendam tibi*, ait fol. 330. sepe se instructum fuisse à Christo per internam inspirationem, vt obscura Apocalypseos intelligeret. Ec eodem spectant, quæ scribit fol. 362. in id capitis 19. *Hæc verba Dei vera sunt*.

X. Andreas, quem insigniter laudat Pelanus.

XI. Aretas, quem laudat Hentenius.

XII. Anselmus Cantuariensis, anno 1080.

XIII. Anselmus Laudunensis auctor Glossæ interlinealis, anno 1110.

XIV. Rupertus anno 1120.

XV. Richardus de S. Victore, anno 1140.

XVI. Ioachimus Abbas, anno 1200. de quo dixi iam supra, notat. 22. Nec muto sententiam, quamuis sciam quid dicat Angelus Rocha de illo: nempe, manifestum esse illum habuisse donum intellectus, vide infra L.

XVII. Hugo Cardinalis, anno 1240.

XVIII. Albertus Magnus, anno 1260.

XIX. Thomas Anglicus, nempe non Angelicus, vt dixi supra, & cum Angelus Rocha asserit fuisse Augustinianæ familiæ; extatq; excusus Florentiæ, anno 1549.

XX. Vbertinus de Cassalis libro de 7. statibus Ecclesiæ qui excusus est Venetijs, an. 1516. Floruit anno 1300.

XXI. Aureolus, anno 1317.

XXII. Nicolaus de Lyra, eisdem penè vestigijs, anno 1320.

XXIII. Paulus Burgenfis, anno 1434.

XXIV. S. Antoninus in historia, expositione Aureoli atque Lyrani secutus, anno 1460.

XXV. Dionysius Carthusianus, anno 1470.

XXVI. Ciruelus in expositione Missalis, quæ excusa est Compluti anno 1528. & ferè insitit Aureoli & Lyrani vestigijs.

XXVII. Erasmus in notationibus ad nouum Testamentum.

XXVIII. Seraphinus de Fermo.

XXIX. Vatablus.

XXX. Zegerus.

XXXI. Anonymus quidam, quæ tamen constat fuisse Franciscanæ familiæ, inscripsit verò opus suum, *Sermones in Apocalypsin*.

XXXII. Claudius Carmelita.

XXXIII. Gagneius.

XXXIV. Pannonius.

XXXV. Ederus in Oeconomia, ex Aureolo.

XXXVI. Serranus.

XXXVII. Salmeron in præludijs.

XXXVIII. Caponsachius.

XXXIX. Melo.

XL. Franciscus Ribera.

XLI. Viegas, ferè ex Ribera, quod attinet ad interpretationem; quamuis nonnulla miscet ex Aureolo, & Antonino.

XLII. Arias Montanus.

XLIII. Lizarazus ex Aureolo.

XLIV. Bulerigerus.

XLV. Pererius, qui deficit in cap. 8.

XLVI. Iacobus Suarez, in tria priora capita.

XLVII. Mazerius in cap. 12. & quædam alia loca.

XLVIII. Hentenius in iudicio, quod prologi loco Aretæ apposuit.

XLIX. Ioannes Benedictus in scholijs marginalibus sacre Scripturæ.

L. Philippus de Mantua, qui solet coniungi cum Abbate Ioachimo; & laudatur ab eo, qui Ioachimo prologum adiecit. His addo nonnullos; qui quamuis non videantur id agere, vt Apocalypsin exponant; eorum tamē opera sunt valde coniuncta cum Apocalypseos expositione.

LI. Ex his est Hortolanus in commentario Cantici Canticorum Salomonis; vbi multa ex Apocalypsi exposuit propter argumenti similitudinem.

LII. Cardinalis item Bellarminus in opere de Antichristo non pauca ex eodem libro interpretatur.

LIII. Leonardus Lessius in opere de Antichristo.

LIV. Et multò plura Malucenda in opere de Antichristo.



# LIBRI PRIMI PARS SECVNDA:

## QVAE CONTINET TOTIVS APOCALYPSEOS

P A R A P H R A S I M.

*Capitis primi pars prima, quæ est totius Apocalypseos titulus & elogium.*

T E X T V S.

I.  
**A**POCALYPSIS  
IESV Christi,  
quam dedit illi  
Deus palàm fa-  
cere seruis suis, quæ opta-  
ret fieri citò: & significa-  
uit, mittens per Ange-  
lum suum seruo suo Io-  
anni.

2.

Qui testimonium per-  
hibuit verbo Dei, & testi-  
monium Iesu Christi quæ-  
cunque vidit.

3.

Beatus qui legit, & au-  
dit verba Prophetiæ hu-  
ius; & seruat ea, quæ in ea  
scripta sunt: tempus enim  
propè est.

P A R A P H R A S I S.

**A** N I M A ænigmatum huius libri est Prophetia illa  
de Ecclesiæ Christianæ euentibus, quam Deus  
animæ Christi apertè reuelauerat; vt aliquam eius  
partem ipse etiam apertè doceret, eam scilicet  
partem, quam citò oportet fieri. Visum est autem  
Christo Domino, Prophetiam illam sibi reuelatam huius libri  
ænigmatibus conuestire; vt sic vestita per Angelum repræsen-  
taretur Ioanni dilecto discipulo in Pathmos insula degenti.

Et Ioannes postquam contemplatus est vniuersam hanc re-  
præsentationem & eius mysteria penetrauit; non solum scripsit  
ea, quæ vidit, sed etiam Apostolica auctoritate declarauit, nihil  
in his ænigmatibus contineri; quod non sit purum putum Dei  
verbum, & ipsius Christi doctrina cælestis.

Et quamuis nonnulla sint in hac Prophetia, quæ non videan-  
tur ad singulos homines spectare; neque opere complenda, nisi  
aliquot post sæcula: nihilominus fructus Prophetiæ huius & fe-  
licitas, quam promittit recipientibus, verè sunt magna & admi-  
randa; & valde propè est tempus & opportunitas eo fructu fru-  
endi. Atque adeò quicunque recipit huius Prophetiæ veritates,  
& eas fidei mente recolit; meritò se appellare poterit felicem  
atque beatum.

*Capitis primi pars secunda, quæ est Epistola dedicatoria.*

T E X T V S.

4.  
I O A N N E S septem Ec-  
clesijs, quæ sunt in Asia.  
Gratia vobis & pax ab eo,  
qui est, & qui erat, & qui  
uenturus est; & à septem  
Spiritus, qui in conspe-  
ctu throni eius sunt.

P A R A P H R A S I S.

I O A N N E S septem Ecclesijs, quæ sunt in Asia. Intentio mea  
est in hac epistola salutare vos, ad quos hunc Apocalypseos  
librum mitto; & operis argumentum vobis indicare. Hæc vt  
præstem, inprimis opto vobis gratiam & pacem; deinde precor  
illam à Deo Patre nostro, cui nomen יהוה, Iehouah. Huius au-  
tem nominis veram interpretationem vobis propono; vt per  
eam intelligatis totam Apocalypsin ad huius nominis verita-  
tem reuocari. Quia summa huius libri est id ipsum, quod diui-  
nissimum Dei nomen importat. Nempe Deum opere præstare,  
quod antè promiserat; Deum scilicet incepisse opus suum; & ab-  
solutissimam perfectionem eidem operi daturum. Precor præ-  
terea vobis gratiam & pacem à septemplici Diuinæ providentiæ



5.  
Et à Iesu Christo, qui est testis fidelis, primogenitus mortuorum, & princeps Regum terræ; qui dilexit nos, & lauit nos à peccatis nostris in sanguine suo.

6.  
Et fecit nos regnum, & sacerdotes Deo, & Patri suo: ipsi gloria & imperium in sæcula sæculorum: Amen.

7.  
Ecce venit cum nubi-  
bus, & videbit eum omnis  
oculus, & qui eum pupu-  
gerunt. Et plangent se su-  
per eum omnes tribus ter-  
ræ: etiam: Amen.

8.  
Ego sum α, & ω, princi-  
pium, & finis, dicit Domi-  
nus Deus, qui est, & qui  
erat, & qui venturus est,  
omnipotens.

Spiritu; id est, à septem virtutibus, in quibus Diuina providen-  
tia perfectio consistit: nempe, à Fortitudine, Beneficentia, Æ-  
quitate, Sapientia, à Potentia, Comminatione, & Seueritate. Quas  
virtutes in septem lampadibus figuratas in conspectu throni  
conspexi; atq; illis totidem libri sigilla respondent, quæ bonam  
Apocalypseos partem occupant.

Precor etiam vobis gratiam & pacem à Christo Domino;  
quem hæc reuelatio ostendit, fuisse testem fidelissimum; & esse  
primogenitum mortuorum, & principem Regum terræ. Osten-  
dit autem Christum fuisse testem fidelem; quia repræsentat,  
quàm fuerit vera Christi prædicatio de Iudæorum reprobatio-  
ne, & de Spiritu, quem accepturi erant credentes in eum: & de  
Ecclesiæ Christianæ bellis atque victorijs. Christum autem verè  
esse primogenitum mortuorum, ex eo demonstratur; quia ad  
Christi similitudinem ex persecutionum abyssu Christiana Ec-  
clesia gloriose emerget; ac denique res ipsa ostendet, Christum  
esse principem Regum terræ. Quia ipsius tandem cruci Reges  
terræ subijcientur; eamque supplices adorabunt. Atque ita ei,  
qui dilexit nos, & lauit nos à peccatis nostris in sanguine suo.

Et qui suam in nos benignitatem declarauit, multò melius,  
quàm Pharaò in genus sacerdotale; efficiens nos peculiare Dei  
regnum; & nos quasi Dei sacerdotes diuitijs regalibus & immu-  
nitate cumulans, (quemadmodum in Apocalypsi indicatur)  
Christo inquam Christianorum Parenti sempiterna erit gloria  
& imperium gloriosum in ipsius Ecclesiæ Christianæ gloria &  
imperio sempiterno.

Quamuis enim Ecclesiam Christianam persequantur nunc  
Iudæi atque Gentiles; ecce tamen Apocalypsis proponit nobis  
Christi aduentum in prædicationis Euangelicæ nubibus; per  
quam Deus cælestem imbrem effundit, id est, Spiritum gratiæ  
& precum; atque ita fiet, vt aperiantur cæcorum oculi, & aspi-  
ciant in Fidei auctorem, & cōsummatorem Iesum. Et qui prius  
Christum persequebantur, ad eum conuersi planctus ad fidera  
tollant; & se suis peccatis passioni Dominicæ causam dedisse,  
pœnitentiam agentes, lamententur. Atque adeò Iudæis & Gen-  
tibus ad Christum conuersis, maxima erit Christianæ gentis  
gloria. Fiet, Fiet.

Christus enim in hac Apocalypsi docet, se inchoasse ædifi-  
cium Ecclesiæ Christianæ; & quod inchoatum est, se gloriosissi-  
me perfecturum. Atque id est, Christum esse α, & ω. principium  
& finem; id est auctorem & consummatorem. Et eadem est si-  
gnificatio nominis ΙΗΟΥΑΝ, ad quam vniuersa Apocalypsis  
reuocatur.

*Capitis primi tertia pars, quæ narrationem primæ visionis  
continet.*

TEXTVS.

9.  
Ego Ioannes frater ve-  
ster, & particeps in tribu-  
latione, & regno, & pa-  
tientia in Christo Iesu: fui  
in insula, quæ appellatur  
Pathmos, propter verbum  
Dei, & testimonium Iesu.

10.  
Fui in spiritu in Dōmi-  
nica die, & audiui post me  
vocem magnam tanquam  
tubæ, dicentis.

Ego Ioannes frater vester; atque adeò vobiscum particeps  
tribulationum Christi, particeps regni, & particeps patientiæ  
nobis elargitæ; cū essem in Pathmos insula; in quam propter  
Euangelij prædicationem fueram relegatus.

Die quadam Dominica in extasim raptus diuiniissimæ reue-  
lationis spectator fui. Et initio quidem audiui à tergo magnum  
tubæ clangorem, sed is clangor erat vox articulata, quæ mihi  
distinctè dicebat,



11.

A Quod vides, scribe in libro, & mitte septem Ecclesijs, quæ sunt in Asia, Epheso, & Smyrnæ, & Pergamo, & Thyatiræ, & Sardis, & Philadelphię, & Laodiciæ.

Scribe in libro ea, quæ videris; & mitte septem Ecclesijs, quæ sunt in Asia, scilicet Epheso, &c.

12.

B Et conuersus sum, vt viderem vocem, quæ loquebatur mecum; & conuersus vidi septem candelabra aurea.

Et cum statim me conuertissem, (nempe in extasi) vt viderem, quis ad me per tubæ clangorem loqueretur. Ecce conspicio septem aurea candelabra, singula septenis lucernis collucentia; & omnino eius formæ, quæ præcepta est Moyfi, Exod. 25.

13.

C Et in medio septē candelabrorum aureorum similem filio hominis, vestitum podere, & præcinctum ad mamillas zona aurea.

In medio autem candelabrorum adstabat Sacerdos quidam tunica byssina sacerdotali indutus, & altissimè præcinctus aurea zona.

14.

C Caput autem eius & capilli erant candidi, tanquam lana alba, & tanquam nix; & oculi eius tanquam flamma ignis.

Quem niuea & veneranda canicies decorabat. Porro oculorum flammæ indicabant eum ira ardentem.

15.

D Et pedes eius similes aurichalco, sicut in camino ardenti; & vox illius tanquam vox aquarum multarum.

Sed illud mirabile, quodd pauimentum ex pedum contactu valde fumigabat. Erant enim pedes ei, non carnei, sed ex chalcolibano ardente; sicut altare holocausti, quod fecit Salomon; quod erat ex chalcolibano, & igne sacro semper ardebat: Qui verò me prius voce tubæ fuerat allocutus, paulò post voce aquarum multarum, id est voce maris fremitus perimili, mecum colloqui cœpit.

16.

E Et habebat in dextera sua stellas septem, & de ore eius gladius ex vtraq; parte acutus exibat; & facies eius sicut sol lucet in virtute sua.

In dextera autem gestabat septem annulos, quorum gemmæ videbantur esse stellæ cælestes, ac de ore eius gladius procedebat anceps. Post hæc transfigurata est illius facies. Cum enim prius oculorum flammæ distinctè perciperentur; postea tota facies splendebat, sicut & sol cum maximè lucet.

17.

E Et cum vidissem eum, cecidi ad pedes eius tanquam mortuus; & posuit dexteram suam super me, dicens: Noli timere, ego sum primus & nouissimus.

Hæc omnia vbi primùm conspexi, despondi extemplo animum; & ad eius pedes semianimis corui. Sed ille me restituit, imposuit super me dexteram, & his verbis me confirmans: Ne timeas; ego sum primus, & nouissimus.

18.

Et viuus, & fui mor-

Et viuus, & fui mortuus; & ecce sum viuens in sæcula; & ha-



tuus: & ecce sum viuens in sæcula sæculorum; & habeo clauēs mortis, & inferni.

19.

Scribe ergo quæ vidisti, & quæ sunt, & quæ oportet fieri post hæc.

20.

Sacramentum septem stellarum, quas vidisti in dextera mea, & septem candelabra aurea: septem stellæ, Angeli sunt septem Ecclesiarum: & candelabra septem, septem Ecclesiæ sunt.

hæc clauēs mortis & inferni.

Hæc ille, non solum ut me consolaretur; sed etiam ut totius visionis scopum indicaret; subiicit enim, Scribe ergo, & quæ vidisti, & eorum significationem, atque adeo prophetiam Ecclesiæ Christianæ, & quidem nota illa illuminationis, *Scribe ergo*, indicabat, ex verbis, quæ audieram, intelligi iam posse totius visionis scopum, & Prophetiæ substantiam saltem in summa.

Ut ergo distinctioris explicationis faceret initium; subiicit, gemmas annulorum esse Episcopos; candelabra autem, Ecclesias.

### Interpretatio superioris Paraphrasis.

Quia septem erant Ecclesiæ, ad quas primum voluit Christus Apocalypsin mitti; idem septem Ioanni ostensa sunt candelabra. Idem tamē symbolum ad reliquas Ecclesias extendi debet: quemadmodum stellarum symbolum, quod Asiæ Episcopis tribuitur, ad reliquos similiter Episcopos, & Euangelij ministros referendum est. Porro septem lucernæ in singulis candelabris, septem Diuinæ prouidentiae Spiritus denotant in Christi Ecclesijs effulgentes. Elegantissimum verò fuit in Ecclesiarum symbolo (id est in candelabris) spirituum Dei splendorem repræsentare; & in Christi figura, ipsarum Ecclesiarum perfectionem. Atque ita mirabilis ille sacerdos, qui inter candelabra apparuit, Christum significat; qui in Ecclesijs suis valde mirabilem se ostendit. Et primum eius præsentiae & prouidentiae oleum, lumen, & gloriam omnem accepta referunt candelabra, id est Ecclesiæ. Deinde, quidquid mirabile in sacerdotis persona notatur, id omne referendum est ad eos Ecclesiæ Christianæ euentus, qui in Apocalypsi continentur. Totius enim spectaculi prologum agit hæc persona, quæ primò Ioanni apparuit; atque adeo totius Apocalypseos argumentum ob oculos ponit.

Vox ergo tubæ symbolum est Iudaicæ persecutionis, in qua valde gloriose fuisse Christo religio, charitas, & sapientia populi Christiani; qui per ipsam persecutionem mirifice proficiebat in tribus illis excellentijs. Porro podèris byssina immaculatam religionem repræsentat; zona aurea insignem charitatem; caniciēs venerandam sapientiam.

Sed quod magis gratia & sapientia Christianæ Ecclesiæ vigeat; eò magis perfidi Iudæi iram Christi aduersus se irritabant; atque in plagis contra eos immisiss, & in bello mytico, quod aduersus eos gerebatur, oculorum flammæ iram Christi denotant.

Huius belli exitus fuit decimæ Iudæorum partis conuersio; & ceteris obduratis, Euangelij ad Gentes transmigratio; ut Christianæ Religionis ignis Gentilitatem inflammaret. Hunc verò Christianæ Religionis conatum significant pedes ex chalcolibano ardente.

Verum prædicationem Euangelij ad Gentes excepit persecutio ab Imperio Romano aduersus Christi Ecclesiam excitata; quam persecutionem vox aquarum multarum adumbrat.

In ea tamen persecutione, admiranda prædicatorum Euangelij constantia, & efficacitas verbi Dei pollicebantur fidelibus gloriosum de Imperio Romano triumphum, per conuersionem scilicet Urbis, & orbis. Et prædicatorum quidem constantiæ symbolum, stellæ sunt; verbi efficacitatis, gladius anceps ex ore procedens; & clarissimi triumphi, lux solis in facie fulgurantissimi.

His consideratis videlicet persecutionum magnitudine, & tantæ rei mole ac difficultate, deficiebat per se humana infirmitas, quæ triumphum de Imperio Romano incredibilem iudicaret. Ad hoc autem significandum cadit Ioannes tanquam mortuus; sed illum Christi dextera confirmat, & illa verba, *Ego sum primus, & nouissimus*, id est, consideratio potentiae Christi, qui est solus Deus potens; & quem valde decet, suum opus consummare.

Cum verò ait, *sui mortuus, & ecce sum viuens in sæcula*; prototypum proponit siue exemplar, in quo cernitur ex magnis persecutionibus Ecclesiam gloriose emersuram.

Concludit denique se habere clauēs mortis & inferni; ut ex eo constet persecutiones, quæ aduersus Ecclesiam insurgunt, ab ipso Christo esse ordinatas; nec maiores futuras, quam Christianæ felicitati conueniat.



## CAPVT II.

*Capitis secundi pars prima; quæ est epistola ad Ephesinum, & sub eius personâ ad fideles probos, sed in quibus pristinus charitatis ardor refrixit.*

## TEXTVS.

## INTERPRETATIONIS SVMMÆ.

**A**NGELO Ephesi Ecclesiæ scribe. Hæc dicit, qui tenet septem stellas in dextera sua; qui ambulat in medio septē candelabrorum aureorum.

2.  
Scio opera tua, & laborem, & patientiam tuam; & quia non potes sustinere malos: & tentasti eos, qui se dicunt Apostolos esse, & non sunt: & inuenisti eos mendaces.

3.  
Et patientiam habes; & sustinuisti propter nomen meum, & non defecisti.

4.  
Sed habeo aduersum te, quod charitatem tuam primam reliquisti.

5.  
Memor esto itaque unde excideris; & age pœnitentiam, & prima opera fac. Sin autem: venio tibi, & mouebo candelabrum tuum de loco suo, nisi pœnitentiam egeris.

6.  
Sed hoc habes; quia odisti facta Nicolaitarū, quæ & ego odi.

7.  
Qui habet aurem, audiat, quid Spiritus dicat Ecclesijs: Vincenti dabo edere de ligno vitæ, quod est in paradiso Dei mei.

**E**PISTOLARVM Christi, quæ in hoc secundo & tertio capite continentur, ea est intentio; vt singula conscientiarum genera animaduertant, quem debeant fructum ex hac reuelatione decerpere.

In hac ergo epistola genus conscientiæ ex descriptione Episcopi intelligitur. Laudantur enim eius virtutes; illud reprehenditur, quod de antiquo charitatis feruore remiserat. Quare hortatur hominem Christus, vt instauret vota, & prima opera faciat. Scopus itaque huius epistolæ est, hortari eum, qui de antiquo charitatis feruore remiserat, vt ad antiquum feruorem ferio redire deliberet: ad quem finem ex ipsa Apocalypsi quatuor ei puncta proponuntur; nempe,

Excellentia vocationis Diuinæ,  
Feruor deuotionis antiquæ,  
Periculum ex remissione,  
Et fructus renouationis egregius.

Porro excellentia vocationis ex Christi periphrasi colligitur. Magnum enim est, electum esse in annuli Christi gemmam siue stellam, & in lucernam candelabri Ecclesiæ. Indignum verò est, vt qui ad eiusmodi dignitatem fuit euectus, à primo splendore deficiat.

Deinde antiquus feruor ob oculos ponitur in ipsa Episcopi descriptione; & admonitione. Ipsa autem antiquorum operum recordatio, posterioris remissionis exprobratio est.

Ad hæc; remissionis periculum eleganter significatur illis verbis, *Mouebo candelabrum tuum de loco suo*, quod est, ex remissione orituram esse perturbationem pacis. Et sanè paci se existimabat Episcopus consulere, nonnihil remittendo de primo feruore.

Denique renouationis votorum fructus egregius est, *Edere de ligno vitæ*, id est, à Christi virtute confortari ad spiritualis iuuentutis vires in suo vegeto vigore conseruandas; vt deinceps non fescant.



*Capitis secundi pars secunda; quæ est epistola secunda ad Smyrnensem, & sub eius persona ad fideles probatæ & perfectæ virtutis.*

## TEXTVS.

8.

Et Angelo Smyrnæ Ecclesiæ scribe: hæc dicit primus & nouissimus, qui fuit mortuus, & viuuit.

9.

Scio tribulationem tuam, & paupertatem tuam, sed diues es; & blasphemaris ab his, qui se dicunt Iudæos esse, & non sunt; sed sunt Synagoga satanæ.

10.

Nihil horum timeas, quæ passurus es. ecce missurus est Diabolus aliquos ex vobis in carcerem, ut tentemini: & habebitis tribulationem diebus decem. Esto fidelis usque ad mortem, & dabo tibi coronam vitæ.

11.

Qui habet aurem, audiat, quid Spiritus dicat Ecclesijs: qui vicerit, non lædetur à morte secunda.

## SUMMA INTERPRETATIONIS.

Ex descriptione Episcopi intelligitur genus conscientiæ, cui hæc epistola scribitur. Nimirum vir erat perfectæ virtutis, in summa paupertate diues, & in magnis ærumnis fidelis. Atque ita exhortatio non est alia, quam ut perseveret usque ad mortem. Scopus ergo huius epistolæ est, viros probatæ & perfectæ virtutis hortari ad perseverandum. Quam ad rem ex ipsa Apocalypsi, quatuor eis puncta ponuntur ob oculos. nempe,

Christi Domini providentia & exemplum,  
Perfectæ virtutis excellentia,  
Breuitas laborum huius vitæ,  
Coronæ æternæ præstantia.

Primum in periphrasi Christi Domini, notatur providentiæ ipsius perfectio in illis verbis; *Primus & nouissimus*. Ut eius fauorem promittat sibi Sancti in suis aduersitatibus. Exemplum vero eiusdem Christi in passione & in gloria proponitur in altera parte periphrasis, dum dicitur, *Qui fuit mortuus, & viuuit*.

Deinde quanta sit perfectæ virtutis excellentia, illud satis indicat, quod huic Episcopo dicitur, *Sed diues es*.

Breuitatem laborum huius vitæ denotant illa verba, *Habebitis tribulationem diebus decem*.

Excellentia autem præmij indicatur coronæ nomine. Et denique virtutis perseverantiæ respondet æterna gloriæ permanentia: hoc enim est, *Non lædi à morte secunda*.

*Capitis secundi pars tertia; quæ est epistola ad Pergamenum, & sub eius persona ad fideles probos; sed in eo reprehensibiles, quod in aliqua re sint pusillanimes, & propterea in Dei obsequio non valde proficiant.*

## TEXTVS.

12.

Et Angelo Pergami Ecclesiæ scribe: Hæc dicit qui habet rhomphæam utraque manu acutam.

13.

Scio ubi habitas, ubi sedes est Satanæ: & tenes nomen meum; & non negasti fidem meam. Et in diebus illis Antipas testis

## SUMMA INTERPRETATIONIS.

Cuiusmodi conscientiæ genus sit, cui hæc epistola mittitur, ex descriptione Episcopi constat. Laudantur enim eius virtutes; illud reprehenditur, quod non audeat bellum gerere cum Nicolaitis. Atque ita exhortatio est, ut bellum gerere non reformidet. Scopus ergo huius epistolæ est, viros probos, sed in aliqua re ad Dei obsequium pusillanimes, hortari; ut corde magno & animo volenti sint ad ea omnia, quæ ad maiorem Dei gloriam spectant. Atque ad hanc rem quatuor eis puncta ex ipsa Apocalypsi proponuntur: nempe,

Potentia virtutis Christi,  
Gloria ipsius Christi in eo, quod aggrediendū proponitur,  
Pudor pusillanimitatis ex data alteri provincia atque corona.  
Eximius magnanimitatis fructus.

Primum in periphrasi Christi aptè describitur, maximam



A meus fidelis, qui occisus est apud vos, vbi Satanas habitat.

14.

Sed habeo aduersus te pauca: quia habes illic tenētes doctrinam Balaam, qui docebat Balac mittere scandalum coram filiis Israel, edere, & fornicari.

15.

B Ita habes & tu tenentes doctrinam Nicolaitarum.

16.

C Similiter poenitentiam age; si quo minùs: veniam tibi cito, & pugnabo cum illis gladio oris mei.

17.

Qui habet aurem, audiat quid spiritus dicat Ecclesijs: Vincēti dabo manna absconditum; & dabo illi calculū candidum, & in calculo nomen meum scriptum; quod nemo scit, nisi qui accipit.

esse illius virtutem; atque adedò confidendum esse in Christo; cuius ope nihil est adedò difficile, quod non possit facile superari. Quemadmodum ad gerendum bellum cum Hæreticis, Episcopus ille animari debebat; sciens Christum esse, qui in suis pugnat, & vincit:

Deinde id etiam animos addere debet seruis Christi, quodd gloriosum sit Christo fauere suis seruis in ijs, quæ propter ipsum aggrediuntur. Quemadmodum Pergameno considerandum erat, Nicolaitas esse Christi inimicos; atque adedò gloriosum esse Christo, Episcopo fideli aduersus infideles bellum gerenti, præsentissimam opem ferre.

Pudor autem, quo pusillanimes suffundendi sunt, egregie expenditur in illis verbis, *Veniam tibi, & pugnabo cum illis in gladio oris mei.* Quod est, ex terræ puluere alium suscitare, cui detur prouincia illa & corona egregia, quam illi propter pusillanimitatem non sunt consecuti.

Magnanimitati verò promittitur primū, manna absconditum, id est, maxima suauitas in ipsa difficultatis aggressione abscondita: deinde calculus candidus, id est, in Christi imitatione maxima felicitas; quia manus fortium diuitias parat; & in ipso calculo nomen Christi scriptum, id est, maxima lesu Christi gloria in perfecta hominis sanctificatione.

D *Capitis secundi pars quarta, quæ est epistola ad Thyatirenū; & sub eius persona ad fideles probos, & in Christi obsequio feruidos; sed in eo reprehensibiles, quod per imprudentiam in rebus inutilioribus occupati, ea prætermittant, ex quibus Dei gloriam maximè prouehere possent.*

TEXTVS.

18.

E Et Angelo Thyatiræ Ecclesiæ scribe. Hæc dicit Filius Dei, qui habet oculos tanquam flammam ignis, & pedes eius similes aurichalco.

19.

Noui opera tua, & fidem, & charitatem tuam, & ministerium, & patientiam tuam, & opera tua nouissima plura prioribus.

Thyatirensis Episcopi descriptio indicat, cuiusmodi cōscientiæ genus sit, cui hæc epistola scribitur. Erat ille in Dei obsequio feruidus, & multarum virtutum gloria clarus; in eo tamen reprehensibilis, quodd Iezabeli, id est, Iudæorum Synagoga conuiuēret; non animaduertens, ex eo maximum detrimentum in Ecclesiam Christianam redundare; & frustra tunc in eorum conuersione procuranda consumi tempus, quod poterat cum ingenti fructu in procuranda Gentium conuersione collocari. Huiusmodi erat Thyatirensis imprudentia, cum ipsius probitate & feruore coniuncta. Ad scopum tamen huius epistolæ intelligendum, reuocanda est hypothesi ad thesim (vt aiunt Rhetores,) id est, argumentum speciale ad generale: & ij sunt in genere considerandi: qui quamuis sint probi, & spiritu feruentes; in eo tamen sunt reprehensibiles, quod in ijs consumunt tempus, ex quibus parua aut nulla vtilitas sperari potest: cum possent se ad eas occupationes transferre, ex quibus magna Diuinæ gloriæ illustratio speranda esset. Quemadmodum de ijs dici



20. Sed habeo aduersus te pauca; quia permittis mulierem lezabel, quæ se dicit propheten, docere, & seducere seruos meos, fornicari, & manducare de idolothytis.

21.

Et dedi illi tēpus, ut pœnitentiam ageret: & non vult pœnitere à fornicatione sua. 22.

Ecce mittam eam in lectum: & qui mœchantur cū ea, in tribulatione maxima erunt; nisi pœnitentiā ab operib. suis egerint.

23.

Et filios eius interficiam in morte; & scient omnes Ecclesiæ, quia ego sum scrutans renes & corda: & dabo vnicuique vestrum secundum opera sua. Vobis autem dico.

24.

Et ceteris, qui Thyatiræ estis; quicumque non habent doctrinam hanc, & qui non cognouerunt altitudines Satanæ, quemadmodū dicunt; non mitā supervos aliud pondus.

25.

Tamen, id quod habetis, tenete; donec veniam.

26.

Et qui vicerit, & custodierit vsque in finem opera mea; dabo illi potestatem super Gentes.

27.

Et reget eas in virga ferrea; & tanquam vas figuli confringentur.

28.

Sicut & ego accepi à Patre meo; & dabo illi fiellam matutinam.

posset, qui vbi multi sunt concionatores, & animi auditorum obdurati, concionantur; cum possent (verbi gratia) apud Sinas & Iaponios cum ingenti fructu Dei gloriæ deseruire. Quod verò de Euangelij prædicatione dictum est, similiter in multis alijs occupationibus intelligi debet.

Itaque scopus huius epistolæ est; hortari feruidos in Dei obsequio; sed imprudenter suam operam locantes; ut se ad ea transferant, in quibus Dei gloriæ multò vtilius deseruire valeant. Quam ad rem ex ipsa Apocalypsi hæc puncta consideranda proponuntur:

Manifesta Dei vocationis indicia,

Exigua spes colligendi fructus ex præsentī occupatione.

Libertas spiritualis, ad quam vocati sumus,

Eximius alterius occupationis fructus.

Primum in periphrasi Christi proponuntur huic Episcopo indicia manifesta; ex quibus debuisset animaduertere, se à Deo ad alia vocari. Erat enim nimis additus Iudæorum familiaritati, (scilicet, ut eos ad Christum traduceret.) Iubetur autem considerare manifesta reprobæ Synagogæ & Gentilismi electi signa.

Deinde ex re ipsa considerare iubetur, non solum sine fructu se operam locare, sed etiam cum manifesto damni periculo. Magnum enim imminabat periculum Ecclesiæ ex familiaritate cum Iudæis, fideles in seruitutem legis inducere conantibus; de cetero autem in sua pertinacia obduratis.

Præterea ex libertate Evangelica ab onere legis Mosaicæ, tacite monetur Thyatirensis, ut animaduertat se in libertatem vocatum esse; atque aded non esse additum, ut suæ propensionī seruiat, & Iudæis conuiueat; sed liberum esse per Dei gratiam, posseque suæ propensionī dominari, & ad occupationem maioris gloriæ Dei se transferre.

Denique ad alliciendum Dei seruum, ut nouæ occupationis labores libenter capestat; iniicitur illi certissima ingentis fructus spes in illis verbis. *Dabo illi potestatem super Gentes, & reget eas in virga ferrea; & dabo illi fiellam matutinam.*



A 29.  
Qui habet aurem, au-  
diat quid Spiritus dicat  
Ecclesijs.

## CAPVT III.

*Capitis tertij pars prima, quæ est epistola ad Sardensem: & sub eius persona ad  
fideles improbos, qui peccatum lethale committere audent.*

## TEXTVS.

## SUMMA INTERPRETATIONIS.

I.  
ET Angelo Ecclesiæ  
Sardis scribe: Hæc di-  
cit, qui habet septem spiri-  
tus Dei, & septem stellas:  
Scio opera tua, quia no-  
men habes, quod viuas, &  
mortuus es.

2.  
Esto vigilans; & confir-  
ma cetera, quæ moritura  
erant. Non enim inuenio  
opera tua plena coram  
Deo meo.

3.  
In mente ergo habes,  
qualiter acceperis, & au-  
dieris, & serua, & pœni-  
tentiam age. Si ergo non  
vigilaueris, veniam ad te,  
tanquam fur; & nescies  
qua hora veniam ad te.

4.  
Sed habes pauca nomi-  
na in Sardis, qui non in-  
quinauerunt vestimenta  
sua; & ambulabunt me-  
cum in albis, quia digni  
sunt.

5.  
Qui vicerit, sic vestie-  
tur vestimentis albis; &  
non delebo nomen eius de  
libro vitæ; & confitebor  
nomen eius coram Patre  
meo, & coram Angelis eius.

6.  
Qui habet aurē, audiat  
quid spiritus dicat Ecclesijs.

EX Episcopi descriptione colligitur conscientie genus, cum  
quo sermo est in præsentī epistola. Descriptio enim est il-  
laudati Episcopi; qui Dei timore postposito, ea præstare negli-  
gebat, ad quæ ex Episcopali munere tenebatur; scilicet vigila-  
re, & confirmare. Atque ita exhortatio est ad pœnitentiam &  
vitæ emendationem. Quare scopus huius epistolæ est, fidelibus  
improbis, & proiectis ad scelus audaciæ persuadere pœniten-  
tiam. Quem ad finem hæc illis puncta ex ipsa Apocalypsi pro-  
ponuntur:

Deformitas sceleris in persona ad magnam sanctita-  
tem obligata,

Repentinæ mortis periculum,  
Aliorum innocentie exemplum,  
Magnitudo clementiæ Christi.

Primum, quanta esset obligatio Episcopi, ex periphrasi Chri-  
sti intelligitur; atque ex eo ipso expenditur, quàm sit turpe, eum  
iacere in peccato, qui vocatus est ad magnam sanctitatem.

Deinde ad repentinæ mortis periculum, nihil aptius, quàm  
illa metaphora; *Veniam ad te tanquam fur*. Repentinæ autem mor-  
tis nomen latius patet, quàm multi cogitant.

Exemplum vitæ immaculatæ aliorum ad pudorem inducit  
eum, qui iacet in peccato; & ostendit obseruari posse ab illo le-  
gem Christi, quam alij sanctissimè obseruant.

Denique quoniam veniæ spes proponenda erat peccatori;  
magnitudo clementiæ Christi significantissimè describitur in  
promissione vestimentorum alborum, (id est, bonæ conscien-  
tiæ gaudij; ac si non decidisset vnquam à Dei gratia.) Additur-  
que Christum non solam deinceps non recordaturum esse sce-  
lerum pœnitentis; sed etiam coram Deo & Angelis in eius ami-  
citiâ gloriaturum.



*Capitis tertij pars secunda; quæ est epistola ad Philadelphium: & sub eius persona ad fideles modicæ virtutis à Deo protectæ, & feliciter in omnibus procedentis.*

## TEXTVS.

## SUMMA INTERPRETATIONIS.

Et Angelo Philadelphix Ecclesiæ scribe: Hæc dicit sanctus & verus, qui habet clauem David; qui aperit, & nemo claudit; claudit, & nemo aperit.

8.

Scio opera tua. Ecce dedi coram te ostium apertum; quod nemo potest claudere; quia modicam habes virtutem, & seruasti verbum meum, & non negasti nomen meum.

9.

Ecce dabo de Synagoga satanæ, qui dicunt se Iudæos esse, & non sunt, sed mentiuntur. Ecce faciam illos vt veniant, & adorent ante pedes tuos; & scient, quia ego dilexi te.

10.

Quoniam seruasti verbum patientiæ meæ; & ego seruabo te ab hora temptationis, quæ ventura est in orbem vniuersum tentare habitantes in terra.

11.

Ecce venio citò: tene quod habes, vt nemo accipiat coronam tuam.

12.

Qui vicerit, faciã illum columnam in templo Dei mei; & foras non egredietur amplius: & scribã super eum nomen Dei mei, & nomẽ ciuitatis Dei mei nouæ Ierusalem; quæ descendit de cælo à Deo meo; & nomen meum nouum.

13.

Qui habet aurẽ, audiat quid spiritus dicat Ecclesijs.

Philadelphij descriptio docet nos, hanc epistolam ad eos scribi, qui sunt virtutis modicæ à Deo singulariter protectæ, & pro sua modicâ virtute diligenter Christo in omnibus deferuiunt. Scopus autem epistolæ est, eos hortari, vt in eorum genere perseverent, ad robustæ virtutis statum aspirantes. Atque eius rei gratia hæc illis puncta ex ipsa Apocalypsi ponuntur ante oculos:

Christi intentio in paterna prouidentia erga virtutem modicam,  
Agnitio imbecillitatis propriæ, ad quam Dei beneficia nos inuitant,  
Perseuerandi necessitas, vt quis robustam virtutem consequatur,  
Excellentia virtutis robustæ, quam Deus perseueranti promittit.

Primum periphrasis Christi docet nos, Christum, qui est verus sanctus, (id est perfectæ sanctitatis amator) dum ad eam virtutem modicæ fauet, vt omnipotentia suæ clauem, omnia illi commoda promat, & incommoda reprimat, non aliud intendere, quàm vt modicæ virtutis fideles ad robustam virtutem proueniant.

Deinde ex duplici illo beneficio in eiusmodi genus hominum collato, nempe prosperi successus in re valde difficili (id est, in conuersione Iudæorum) & miræ euasione à maximo periculo, (id est, ab hora temptationis, quæ ventura erat in orbem vniuersum;) docetur homo agnoscere propriam imbecillitatem. Eiusmodi enim beneficia sæpe à Christo virtuti modicæ conferuntur; vt eam tueatur, & animosiores ad Dei obsequium faciat.

Præterea adspiranti ad virtutem robustam præcipitur, ad eam felicitatem consequendam, opus esse perseverantiâ; sed additur, perseveranti non diu esse expectandum: nam pro rei magnitudine valde citò ad eam felicitatem perducuntur, qui perseverant in Dei obsequio. Atque hoc est illud, *Ecce venio citò: Tene, quod habes, &c.*

Quanta verò sit excellentia eius felicitatis, quam in hac vita consequuntur, qui ad virtutem robustam perueniunt; id ex allegoria columnæ in templo Dei, & tituli in illa scripti eleganter expenditur.



*Capitis tertij pars tertia, quæ est epistola ad Laodicenum: & sub eius persona ad fideles in Dei obsequio tepidos.*

## T E X T V S.

## S Y M M A I N T E R P R E T A T I O N I S.

<sup>14.</sup>  
Et Angelo Laodicæ  
Ecclesiæ scribe: Hæc dicit:  
Amen, testis fidelis, & ve-  
rus, qui est principium  
creaturæ Dei.

<sup>15.</sup>  
Scio opera tua: quia ne-  
que frigidus es, neque ca-  
lidus: utinam frigidus ef-  
fes, aut calidus.

<sup>16.</sup>  
Sed quia tepidus es, &  
nec frigidus, nec calidus;  
incipiam te euomere ex  
ore meo.

<sup>17.</sup>  
Quia dicis: quod diues  
sum, & locupletatus; &  
nullius egeo; & nescis quia  
tu es miser, & miserabilis,  
& pauper, & cæcus, & nu-  
dus.

<sup>18.</sup>  
Suadeo tibi emere à me  
aurum ignitū probatum,  
ut locuples fias; & vesti-  
mentis albis induaris, &  
non appareat cōfusio nu-  
ditatis tuæ; & collyrio in-  
unge oculos tuos; ut vi-  
deas.

<sup>19.</sup>  
Ego quos amo, ar-  
guo, & castigo. Æmula-  
re ergo, & pœnitentiam  
age.

<sup>20.</sup>  
Ecce sto ad ostium &  
pulso; si quis audierit vo-  
cem meam, & aperuerit  
mihi ianuam; intrabo ad  
illum, & cœnabo cum il-  
lo, & ipse mecum.

Manifeste est sermo cum tepidis, cuiusmodi erat Laodicen-  
sis Episcopus. Tepidi verò sunt, qui scienter quidem non au-  
dent peccatum mortale committere; & idè se reputant iustos.  
Sed quia de cetero suis volunt concupiscentijs indulgere; inde  
facile non videntes se venenum peccati mortalis obbibere, ni-  
hilominus re ipsa à Dei gratia excidunt. Scopus ergo huius  
epistolæ est, hortari tepidos, ut teporis miseriam agnoscant, &  
feruorem spiritus amplectantur. Atque ad hanc rem hæc illis  
puncta ex Apocalypsi proponuntur:

Magna tepidorum miseria,  
Proximum indurationis periculum,  
Amoris Christi cum hominis tepore collatio,  
Felicitas eius, qui Christo amanti manus dat.

Primum, periphrasis Christi notat, illum esse verissimum at-  
que scientissimum: atque adeò non dubitandum, quin certissi-  
mum sit, quod de magna tepidorum miseria asserit; dum ait,  
*Utinam frigidus, aut calidus effes.* Res ergo est planè miranda, sed ve-  
rissima & animaduersione dignissima.

Deinde proximum indurationis periculum significant illa  
verba, *Incipiam te euomere ex ore meo.*



21.

Qui vicerit, dabo ei sedere mecum in throno meo; sicut & ego vici, & sedi cum Patre meo in throno eius.

22.

Qui habet aurem, audiat quid spiritus dicat Ecclesijs.

Porro, quanta sit felicitas animæ, quæ Christo amanti manus dederit, aptissime explicatur ex mutua hospitalitate, & ex mystica animæ ad thronum Christi ascensione.

## CAPVT IV.

*In quo agitur de nouo templo Ecclesie Primitiue, à Christo fundato; & de comparatione eius templi cum templo Salomonis.*

TEXTVS.

PARAPHRASIS CAPITIS QVARTI.

I.

**P**ost hæc vidi: & ecce ostium apertum in cælo; & vox prima, quam audiui tanquam tubæ loquentis mecum, dicens: Ascende huc, & ostendam tibi, quæ oportet fieri post hæc.

**A.** **P**ost hæc vidi denuo Apocalypsin inchoari. Et ecce ostium in cælo reueratum, ut mihi aditus pateret: & prima illa tubæ articulatæ vox, per quam filius hominis ad me fuerat in præcedenti visione locutus, eadem efficaciter me iussit ed conscendere, & ingredi per illud cæli ostium; nec non futuros Ecclesiæ Christianæ successus, in ea visione, quæ mihi erat proponenda, contemplari.

2.

Et statim fui in spiritu: & ecce sedes posita erat in cælo, & supra sedem sedens.

**B.** Raptus igitur fui in extasi in cælum: & ecce Dei optimi maximi caelestem thronum intueor, illius instar throni, quem Deus ipse quondam in templo Salomonis habebat; qui ex Cherubinis alas super propitiatorium extendentibus constabat. Supra huiusmodi thronum aspexi speciem figurâ humanâ sedentis.

3.

Et qui sedebat similis erat aspectui lapidis iaspidis, & sardinis: & iris erat in circuitu sedis similis visioni smaragdinae.

**C.** Eademque sedentis species ex duplici constare gemma videbatur; nimirum à lumbis deorsum ex Iaspide; & à lumbis sursum ex Sarda. Thronum autem Dei mirabilis quædam iris circumdabat, in semicirculi figuram supra thronum ipsum extensa; tota smaragdina; atque adeo sine peregrini alterius coloris admittance.

4.

Et in circuitu sedis sedilia viginti quatuor; & super thronos vigintiquatuor seniores sedentes, circumamicti vestimentis albis; & in capitibus eorum coronæ aureæ.

**D.** Hic autem thronus erat in medio quadrati spatij, (sicut apud Salomonis templum in adicula, quæ sanctum Sanctorum appellatur) cuius spatij latera singula, sex thronis, (id est regijs sedibus) constabant. Atque adeo in Dei sedis circuitu quatuor & viginti sedes erant collocatæ. In eis sedebant vigintiquatuor principes Dei, & principes sanctuarij; id est, principes Sacerdotum, (quos quatuor & viginti fuisse legimus, 1. Paral. 24.) Erant autem omnes lineis vestibus strictis induti; quas *Roquetes* appellant: & eorum capitibus aureæ impositæ erant coronæ.

5.

Et de throno procedebant fulgura, & voces, & tonitrua: & septem lampades ardentes ante thronum; qui sunt septem spiritus Dei.

**E.** Porro, ex Dei throno non solum procedebant nubes (ut in templo quondam Salomonis, & in tabernaculo Moïsis, ipso dedicationis die accidit) sed etiam fulgura subinde micabant: quibus tonitrua succedebant humanas comitantia voces. Ardebant etiam ante Dei thronum septem lampades; ad aurei candelabri similitudinem, quod olim in templo collucebat.



6.

Et in conspectu sedis  
tanquam mare vitreum  
simile crystallo; & in me-  
dio sedis, & in circuitu se-  
dis quatuor animalia ple-  
na oculis antè, & retro.

7.

Et animal primum si-  
mile leoni; & secundum  
animal simile vitulo; &  
tertium animal habens fa-  
ciem quasi hominis; &  
quartum animal simile a-  
quilæ volanti.

8.

Et quatuor animalia,  
singula eorum habebant  
alas senas: & in circuitu  
& intus plena sunt oculis;  
& requiem non habebant  
die ac nocte dicentia: San-  
ctus, sanctus, sanctus Do-  
minus Deus omnipotens,  
qui erat, & qui est, & qui  
venturus est.

9.

Et cum darent illa ani-  
malia gloriâ & honorem,  
& benedictionem sedenti  
super thronum viuenti in  
sæcula sæculorum.

10.

Procidebant viginti-  
quatuor seniores ante se-  
dem in throno; & adora-  
bant viuentem in sæcula  
sæculorum, & mittebant  
coronas suas ante thro-  
num dicentes.

11.

Dignus es Domine Deus  
noster accipere gloriam,  
& honorem, & virtutem:

F. Ad hæc, loco maris ænei, quod Salomon fabrefieri iussit;  
vas aliud simile in conspectu throni positum cernebatur; non  
tamen ex ære, sed ex vitro crystallo valde pellucenti; vt aquæ  
copia, quam ad sacerdotalis gentis ablutionem continebat, co-  
rum etiam oculis semper esset conspicua.

Atque vt par illud ingentium Cherubinorum, quos condidit  
Salomon, erat in sacræ ædiculæ medio, nec non in sacris ipsis  
parietibus circum insculptum; vt & in medio situ, & in circuitu,  
Cherubini conspicerentur. Sic quatuor mirabiles Cherubini,  
nō iam efficti, sed veri ac viui in cælesti hoc templo & medium  
occupabant locum, & ipsius ambitum; nimirum vnus eorum  
quaternio in medio erat; & in quatuor Dei throni lateribus si-  
miles alij quaterniones, quasi per singulos parietes, principum  
thronos circumuallantes.

Licet autem illam oculorum multitudinem non in suis ani-  
malibus (seu, viuis Cherubinis) viderit Ezechiel, sed in rotis:  
ipse tamen Cherubinos mihi ostensos vidi, seu Argos, plenos  
oculis antè & retro.

G. Adde huc; quodd et si Ezechielis Cherubini erant sibi  
mutuo similes omnino, & singuli quatuor habebant facies: hi  
tamen, quos ipse conspexi, singuli singulas solum facies ha-  
bebant: leoninam primus, alter vitulinam, humanam tertius,  
& quartus aquilæ simillimam. Cetera humani omnes corporis  
figura constabant.

H. Singuli autem Cherubini senas habebant alas, sicut &  
Isaias suos describit Seraphinos: duas nempe extensas; totidē  
inferiora corporum obtegentes; & duas præterea alias (quas  
Ezechielis Cherubini non habebant) vt suas verecundè facies  
cooperirent. Ceterum tam hi Cherubini, qui erant in circuitu,  
quàm qui in medio, omnes erant oculis pleni, vt superius di-  
cebam; eorum verò officium erat frequentissimè trisagion il-  
lud, quod audiuit Isaias, iterare clamando in eius honorem, qui  
sedebat in throno; nec die id solum, sed & nocte præstabant.

I. Hunc Cherubinorum clamorem excipiebat sacrificio-  
rum loco incruentum laudis sacrificium; quo Deus mirificè co-  
latur, à viginti quatuor suprâ dictis Pontificibus cum ingenti re-  
uerentia ac veneratione oblatum.

L. In quo demum sacrificio defertur sedenti in throno ho-  
nor & gloria; tum propter antiquam, tum vel maxime propter  
nouam creationem, noui scilicet hominis, qui secundum  
Deum creatus est.



quia tu creasti omnia, &  
propter voluntatem tuam  
erant, & creata sunt.

*Interpretatio superioris Paraphrasis.*

A. Ostium in cælo apertum, & Ioannis illuc ascensus, symbolum est maximæ rerum diuinarum reuelationis; quæ Apostolis & viris Apostolicis erat promissa.

Vox autem tubæ Iudaicam adumbrat persecutionem; per quam Spiritus Christi ad cælestis doctrinæ cognitionem, quæ in hoc libro describitur, suos euexit amicos; præsertim ad eius doctrinæ partem; quæ vsque ad xxi. caput extenditur: ex quo orditur belli à Gentibus etiam excitati descriptio. Quod bellum spiritualis similiter doctrinæ cognitione Christianam imbuat gentem. Atque hoc ad reliquam libri partem spectat.

B. Thronus cælestis Ioanni visus, ille est; quem Deus Pater post Christi Filij passionem habet in Christianæ Ecclesiæ sapientia & sanctitate, nobilissimo excellentiarum pari; quod Christo Domino, tanquam vero Propitiatorio nititur.

C. Duæ geminæ ad Dei Patris omnipotentiam referuntur; quæ in creatione primò, deinde in Christi resurrectione mirum in modum effulget. Creationem Iaspis, Sarda Christi Resurrectionem indicat. Ius autem Smaragdina symbolum est noui atque æterni foederis quod fuit in Christi Passione sancitum.

D. Viginti quatuor principes sacerdotum, Christianæ Ecclesiæ presbyteros repræsentant; qui ex regali sacerdotio vniuerso, id est, ex populo Christiano, ad celsissimam hanc dignitatem sunt sublatis; vt verè sint Principes Dei; apud quem proinde thronos veluti Dij, habent.

E. Fulgura atque tonitrua nouum & admirabile docendi genus innuunt: in quo cælestis vitæ fulgorem vsurpant oculi, & Diuinæ potentie vocem aures excipiunt. Deinde septem lampades symbola sunt totidem Diuinæ providentiæ Spirituum excellentissimè cum primitiua Ecclesia eminentium. De quibus dictum est, cap. i.

F. Mare vitreum perspicuam atque patentem in Christiana Ecclesia remissionem peccatorum figurat, ad frequentem gentis sacerdotalis, id est, Christiani populi conscientie ablutionem; quæ ad peragenda huiusce populi sacrificia est cum primis necessaria.

Animalium quaternio Apostolos, & successores eorum Episcopos denotat; proptereaque in medio & in circuitu conspiciuntur; quia ad ipsos incumbit, tum in medio esse, vt fideles regant; tum in circuitu, vt eos ab hostibus tueantur. Oculorum plenitudo vigilantiam designat, vt Ecclesiam Dei sponsam custodiant.

G. Per quatuor illas facies figurantur quatuor item virtutes; quæ in Christianæ Ecclesiæ Principibus maximopere enituerunt; id est, Fortitudo, Beneficentia, Æquitas, ac Sapientia. De quibus dictum est cap. i. notat. 5.

H. Sex alæ, cælestis vitæ cursum denotant. Et illæ quidem, quibus teguntur corpora, ad honorem pariter & decorem pertinent virtutum earum, quæ sunt Angelis & sanctis viris communes; sicuti prompta etiam & expedita ad Dei obsequium celeritas. Quæ verò alæ vultum obducunt, Sanctorum sunt hominum propria; quorum pudor, & verecundia de antea vitæ peccatis ed est maior, quò sanctiores ipsi sunt, & in altiore dignitatis gradu collocati.

Trisagion, quod Cherubini clamabant, vniuersam Apostolici symboli doctrinam comprehendit: à cuius prædicatione nullo rerum aduersarum turbine viri Apostolici deterrentur.

I. Quorum prædicatione factum est, vt Christianæ Religionis cultus, (id est, Venerandum Eucharistia sacrificium) anilibus veterum sacrorum superstitionibus reiectis, tanquam Deo gratissimus, cum magna Diuini Numinis reuerentia exerceatur; per legitimos videlicet ministros, quos presbyteros appellamus.

L. Per huiusmodi sacrificium vero æternoque Deo, non solum tanquam rerum omnium opifici; sed etiam tanquam nouæ creaturæ conditori gratiæ aguntur immortales.

C A P V T V.

*De difficultate Prophetiarum sacre Scripturæ ex aliena Diuini operis specie;  
eo ipso tempore, quo perfectissimè implebantur; deque Christi gloria eas  
explicantis.*

TEXTVS.

PARAPHRASIS.

**E**T vidi in dextera sedentis supratheronum,  
librum scriptum intus &

A. **E**T vidi in dextera sedentis in throno librum innolutum; cuius vtraque pagina erat scripta: Nihil tamen ex eo legi poterat; quousque resignarentur septem sigilla, quibus erat clausus. Quamuis enim iam fuisset multis Dei

amicis



A foris, signatum sigillis septem.

amicis reſeratus: clauſus tamen adhuc & obſignatus manebat.

2. Et vidi Angelum fortem prædicantē voce magna: Quis eſt dignus aperire librum, & ſoluere ſignacula eius?

B. Porro, fortis quidam Angelus voce magna clamauit: Quis eſt dignus librum aperire, & ſeptem eius ſignacula reſignare?

3. Et nemo poterat neque in cælo, neque in terra, neque ſubtus terram aperire librum, neque reſpicere illum.

C. Nec tamen vllus eorum, qui aut in cælo ſunt, aut degunt in terris, aut ſubterranea inferorum clauſtra incolunt, inuentus fuit, qui vel librum poſſet aperire, vel illo alteri etiam aperto frui.

4. Et ego flebam multum; quoniam nemo dignus inuentus eſt aperire librum, nec videre eum.

D. Quamobrem ingentem ipſe lachrymarum vim profundi; quod reperiretur nemo, qui librum reſerare poſſet; aut eodem, poſtquam alteri fuiſſet reſignatus, frui valeret.

5. Et vnus de ſenioribus dixit mihi: Ne fleueris: ecce vicit leo de tribu Iuda, radix Dauid, aperire librū, & ſoluere ſeptem ſignacula eius.

E. Inter hæc vnus e ſenioribus me dolentem ac flentem hiſ dictis fuit conſolatus: Ecce vicit leo de tribu Iuda, ac de progenie Dauidis; atque iſ fuit ipſius victoriæ fructus vberriſſimus, vt ipſum ille librum aperiret, ſigilla nempe eius reſerando.

6. Et vidi; & ecce in medio throni, & quatuor animalium, & in medio ſeniorum, agnum ſtantem tanquam occiſum habentem cornua ſeptem, & oculos ſeptem; qui ſunt ſeptem ſpiritus Dei miſſi in omnem terram.

F. Vix ea; cū ecce tibi, quem leonem eſſe audieram, in Agni ſpecie atque figura apparuit, ſedenti in throno propior, quā prædicta quatuor animalia, & ſeniores; atque adedò mediſ inter Deum & homines. Iacebat autem tanquam occiſus; & ſeptem in capite cornua, totidemque oculos habebat.

7. Et venit, & accepit de dextera ſedentis in throno librum.

G. Qui ſurrexit mox; & ad eum, qui in throno ſedebat, accedens, librum de ipſius dextera accepit.

8. Et cū aperuiſſet librum, quatuor animalia, & vigintiquatuor ſeniores ceciderunt coram agno; habentes ſinguli citharas, & phialas aureas plenas odoramentorum, quæ ſunt orationes ſanctorum.

H. Quem vt primū aperuit, quatuor animalia, & vigintiquatuor ſeniores coram ipſo Agno procubuerunt; citharasque vt eas pulſarent, protulerunt; nec non phialas aureas, vt ſacrum in eis thymiama adolerent, & in Agni honorem ſuffrent.



9.

Et cātabant canticum nouum dicentes: Dignus es Domine accipere librū, & aperire signacula eius, quoniam occisus es, & redemisti nos Deo in sanguine tuo, ex omni tribu, & lingua, & populo, & natione.

10.

Et fecisti nos Deo nostro regnum, & sacerdotes; & regnabimus super terram.

11.

Et vidi, & audiui vocē Angelorum multorum in circuitu throni, & animalium, & seniorum; & erat numerus eorum millia millium.

12.

Dicentiū voce magna: Dignus est Agnus, qui occisus est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem.

13.

Et omnem creaturam, quæ in cælo est, & super terrā, & sub terra, & quæ sunt in mari, & quæ in eo: omnes audiui dicētes: Sedit in throno, & Agno benedictio, & honor, & gloria, & potestas in sæcula sæculorum.

14.

Et quatuor animalia dicebant: Amen, & vigintiquatuor seniores ceciderunt in facies suas, & adorauerunt viuētem in sæcula sæculorum.

I. Dum autem pulsarent citharas, nouum hoc canticum ipsi Agno concinebant, Dignus es Domine, qui librum accipias, & clausa eius sigilla resoluas; quoniam occisus es, & tuo sanguine Patri Deo hunc populum comparasti; nos inquam omnes, quos ex tot mundi nationibus selegisti.

L. Effecisti quē peculiare Dei regnum; quemadmodum Egyptiorum sacerdotes erant lectissima regni pars. Ex eo autem, quod in nobis Deus singulari prerogativa dominetur ac regnet; & libri obsignati sigilla nobis ipse resignaris; felices nos ac fortunatos, & regiam dignitatem affectos iure optimo reputamus. Huiusmodi erat animalium & seniorum cantilena.

M. Illis autem Agnum hac ratione adorantibus pariter & celebrantibus; circumstabat innumerabilis Angelorum multitudo, qui signati libri resignationem celebrantes,

N. Voce magna septem Agno tribuebant laudes, prædicantes dignissimum eum esse, cuius Virtus, Diuinitas, Sapientia, Fortitudo, Honor, Gloria & Benedictio summis in cælum præconijs ferantur.

O. Ceteras autem rationales creaturas; non eas modò, quæ in cælo sunt, verum etiam, quæ in terra, quæ sub terra, & quæ in mari, eas inquam omnes reſerato libro audiui, ſedenti in throno, & Agno quadruplicem laudem deferre: nempe Benedictiōnem, Honorem, Gloriam & Potestatem.

P. Has verò quatuor laudes animalia quatuor confirmabant dicentia: Amen. Protinus quatuor & viginti seniores quadruplici illa creaturarum benedictione summo opere gaudentes in facies suas proci erunt, & ſedentem in throno ſupplici cultu & adoratione ſunt proſecuti.



*Interpretatio superioris Paraphrasis.*

A. Inuolutus liber atque signatus nihil aliud continebat, quàm ea, quæ referatis postea sigillis resecta sunt, cap. 6. & 8. Nimirum : in altera pagina, quàm essent felices Iudæi, qui Christum et usq; doctrinam amplexi sunt : in altera, qua se ratione gereret Deus in Iudæos, qui Christum reiecerunt. Atque hic est prorsus antiquæ prophetiæ scopus.

Porro Dei dextera excellentissimam eius operationem designat. Libri autem sigilla denotant, quo tempore Prophetiæ perfectissimè complebantur. Propter summam tamen præstantissimæ operationis dissimulationem, Prophetiæ ipsas aded obscuras permanisse; vt absque singulari Dei Spiritu intelligi nequaquam posset, illas ea ratione compleri. Et quoniam septem sunt virtutes, in quibus perfectio prouidentia consistit; atque illæ omnes in Prophetiarum complemento, quod operabantur perfectius, eò magis latebant, idè liber iste septem sigillis obsignatus apparet.

B. Fortis Angelus, qui clamat, *Quis est dignus*, &c. potest non ineptè intelligi esse Oseas, vel Isaias, aut Paulus; qui disertè scripserunt, sine diuino Spiritu agnosci non posse ea, quæ sunt Spiritus Dei. Ex quo fit, librum illum referari ab eo non posse, qui Dei Spiritum non valeat communicare.

C. In cælo dicuntur esse ij, quorum conuersatio in cælis est, (quod erat primitiæ Ecclesiæ elogium.) Esse verò in terra, periphrasis est Iudæorum, & esse sub terra, dæmonum. Non autem, aut Christianæ conuersationis excellentia, aut Scribarum in sacra Scriptura studio assiduitas, aut dæmonum sapientia potis erat, prædictum librum alicui referare; aut etiam postquam alteri fuisset resignatus, eius doctrinam ac veluti nucleum sine Dei Spiritu percipere.

D. Fletus Ioannis indicat Apostolorum commiserationem de Iudæorum cecitate.

E. Senior ille, qui Ioannem consolatur, Lucas est; in ijs scilicet, quæ in Apostolorum Actibus scripsit.

F. Agnus iacens denotat, Christi morti debere acceptum referri, quod eius libri animâ ac nucleo possint Christiani potiri. Medius autem locus, quem Agnus occupabat, quasi ob oculos nobis ponit, eum esse mediatorem Dei & hominum. At cornua septem, & oculi totidem adumbrant principatus ipsius perfectionem, in septem illis virtutibus sitam, quæ Diuinæ prouidentia præstantiam & excellentiam complent. Et notandum est, hunc eundem Agnum esse vnicum nouæ legis Sacrificium; ad cuius oblationem Eucharisticam abluuntur Sacerdotes in mari vitreo, de quo supra, capite 4.

G. Aperit Agnus librum in conuersione Pauli & aliorum ex ijs, qui Euangelio pertinaciter obstabant.

H. Adoratio quatuor animalium & seniorum, de Missæ Sacrificio intelligenda est, in gratiarum actionem pro Pauli & aliorum conuersione. Citharæ ad gaudium & iucunditatem spectant. Auræ verò phialæ (siue calices) insignia sunt sacerdotij. Ac thymiamata, quæ in phialis acolentur, orationes sunt ac vota eorum, pro quibus offerebatur sacrum : qui nimirum ad fidem Christianam traducebantur.

I. L. Nouum canticum est noua laus, quæ Christo tribuitur ob rebellium conuersionem.

M. Magnus ille Angelorum numerus, qui animalium & seniorum confessum circumscribat; non solum adest, vt fideles tueatur ac protegat; sed etiam venerationis ergo in Missæ Sacrificio, quod quatuor animalia & seniores offerebant.

N. Septem item laudes, quas Angeli Agno decantant, cum apertionem libri in infidelium conuersione celebrant; referendæ sunt ad septem illas virtutes, in quibus prouidentia perfectio consistit.

O. Demum creaturarum omnium laus innuit; referato libro constare non fideles tantum sapientissimi Dei gloriæ in electorum salute ac felicitate obsequi: sed ipsos etiam rebelles Iudæos, imò verò Dæmones etiam, atque Gentiles, quantumuis Euangelium videantur illudere. nam omnia cooperantur in bonum.

P. Atque hanc veritatem confirmat quatuor animalium prædicatio, pro eademque seniores, siue sacerdotes in Missæ Sacrificio immortales Deo agunt laudes.

## CAPVT VI.

*De perfecta felicitate Iudæis in Christum credentibus allata: ac de patientia,  
& comminatione Dei erga eos, qui Euangelio aduersabantur.*

TEXTVS.

PARAPHRASIS CAPITIS SEXTI.

**E**T vidi, quòd aperuisset Agnus vnum de septem sigillis; & audiui vnū de quatuor animalibus, dicens, tanquam vocem tonitruui, Veni, & vide.

A. **A**perit Agnus primum sigillum, & tunc primum animal ex quatuor vocat Ioannem voce tonitruui.

*Primi sigilli  
resignatio.*



2.

Et vidi; & ecce equus albus, & qui sedebat super illum, habebat arcum, & data est ei corona, & exiit vincens, vt vinceret.

3.

Et cum aperuisset sigillum secundum, audiui secundum animal dicens: Veni, & vide.

4.

Et exiit alius equus rufus, & qui sedebat super illum, datum est ei, vt fumeret pacem de terra, & vt inuicem se interficiant, & datus est ei gladius magnus.

5.

Et cum aperuisset sigillum tertium, audiui tertium animal dicens: Veni, & vide. Et ecce equus niger, & qui sedebat super illum, habebat stateram in manu sua.

6.

Et audiui tanquam vocem in medio quatuor animalium dicentium: Bilibris tritici denario, & tres bilibres hordei denario, & vinum & oleum ne laferis.

7.

Et cum aperuisset sigillum quartum, audiui vocem quarti animalis dicentis: Veni, & vide.

8.

Et ecce equus pallidus, & qui sedebat super illum, nomen illi mors, & infernus sequebatur eum. Et data est illi potestas super quatuor partes terræ, interficere gladio, fame, & morte, & bestiis terræ.

9.

Et cum aperuisset sigil-

B. Et ostendit ei equum album; cuius sessor arcum manu tenebat; data est ei victoriæ corona, exiitque vincens, vt vinceret.

C. Aperit Agnus sigillum secundum, & tunc secundum animal vocat Ioannem.

D. Eique demonstrat equum rufum; cuius sessori traditur gladius magnus, vt pacem terræ perturbet.

E. Resignat tertium sigillum Agnus; moxque tertium animal Ioannem accersit. & illi equum nigrum indicat, cuius sessor stateram in manu sua tenebat.

F. Audiebatur autem vox animalium ad equitem, per quam summæ se inopiæ libenter subiciebant; ita tamen vt olei & vini copia non deesset. Dicebant enim; Chœnix tritici denario, & tres chœnices hordei denario; vinum tamen & oleum ne laferis.

G. Aperto per Agnum quarto sigillo, quartum animal Ioannem accit.

H. Illique monstrat equum pallidum; cui insidebat Mors, eamque infernus sequebatur. Morti aurem concessa fuit potestas, vt in quatuor mundi plagas, nempe Orientalem, Occidentalem, Septentrionalem, & Meridionalem mirum in modum sæuaret, idque quadruplici ratione; videlicet gladio, fame, peste, & bestiarum crudelium ministerio.

I. Quintum sigillum resoluit Agnus; & ecce subtus altare

Secundi sigilli resignatio.

Tertij sigilli resignatio.

Quarti sigilli resignatio.

Quinti sigilli resignatio.



A lum quintum; vidi subtus altare animas interfectorum propter verbum Dei, & propter testimonium, quod habebant.

10.

B Et clamabant voce magna, dicentes: Usquequo Domine (sanctus & verus) non iudicas, & non vindicas sanguinem nostrum de ijs, qui habitant in terra?

11.

C Et data sunt illis singula stola alba; & dictum est illis, vt requiescerent adhuc tempus modicum, donec compleantur serui eorum, & fratres eorum, qui interficiendi sunt sicut & illi.

12.

Et vidi, cum aperuisset sigillum sextum: & ecce terræ-motus magnus factus est, & sol factus est niger, tanquam saccus cilicinus; & luna tota facta est sicut sanguis.

13.

D Et stellæ de cælo ceciderunt super terram, sicut ficus emittit grossos suos, cum à vento magno mouetur.

14.

Et cælum recessit sicut liber inuolutus; & omnis mons & insulæ de locis suis motæ sunt.

15.

E Et Reges terræ, & principes, & tribuni, & diuites, & fortes, & omnis seruus, & liber absconderunt se in speluncis, & in petris montium.

16.

Et dicunt montibus & petris: Cadite super nos, & abscondite nos à facie sedentis super thronum, & ab ira Agni.

17.

Quoniam veniet dies magnus iræ ipsorum: & quis poterit stare?

holocausti, (quod erat in templo Salomonis) visæ sunt eorum animæ, qui pro Christi fide ac religione fuerant trucidati.

L. Quæ omnes animæ clamabant, vindictam à Deo de terræ habitatoribus postulantes, & de vindictæ prolatione conquirentes.

M. Verum Deus, qui animarum gloriam noluit differre: respondit, oportere differri vindictam, quam postulabant: donec eorum compleretur numerus, qui fuerant in eadem persecutione occidendi.

N. Resignat Agnus sextum sigillum; cum ecce tibi apparet subita imago quædam, & effigies prodigiorum Dei, iudicium portendentium; videlicet terræ-motus magnus; maxima solis obscuritas; lunæ color sanguineus; stellarum casus in terram; cælum ipsum reuolui atque recedere visum; montium & insularum, proprijs relictis sedibus, in alia loca transmutatio. Tanta denique formido animos mortalium omnium occupans, vt mortem ipsam vehementer optent, dicentes, se Dei & Agni iram perhorrescere.

Sexti sigilli resignatio.



*Interpretatio superioris Paraphrasis : primum de quatuor  
figillis resignatis.*

A. vsque ad H. Apertis quatuor primis figillis patescit, quàm perfectam salutem Christus ijs attulerit, qui cum receperunt. Apparent enim in quatuor equis Fides, Audacia, Egestas, Mors, salutem Christianis afferentes : propterea enim in equis apparent. Et Fides quidem eorum corda transfigit; Audacia ad Christi prædicationem eos stimulat & accendit; Egestas fortunis ac possessionibus priuat; Mors demum in eos non minùs, quàm in ceteros sauit, per gladium, famem & pestem. Atrocius verò, quàm in reliquos homines per crudeles bestias in Christianos immittas.

Enimverò in quatuor hisce effectibus mirè splendet, in perfectissima fidelium salute summa Diuinæ Providentiæ perfectio. Et in primo quidem immensa Christi Virtus extat atque eminet : in secundo largissima eius Beneficentia : in tertio summa Æquitas : in quarto admirandum Consilium, siue sapientia. Ad quarum Christi virtutum cognitionem cognoscendam, eodem ordine Apostolicæ virtutes, siue perfectiones inuitant, videlicet, eorum virtus, ad Christi suspiciendam Virtutem, in hominibus Christianæ Religionis subijciendis; Apostolica beneficentia, ad Christi Beneficentiam; & sic de ceteris.

Eguorum autem colores prædictis quatuor effectibus aptissimè congruunt. Nam color equi albus mansuetudinem denotat, atqui in mansuetudine Fides suscipitur. Color rufus, ardorem præ se fert, isque in confessione Christi relucebat. Niger color ad modestiam refertur, quæ in paupertate notatur. Postremò color pallidus ad mortificationem, mortemque ipsam pertinet; cui se fideles sponte pro Christo offerebant.

Præterea in primo sigillo, vox tonitru prædicationem Apostolicam refert, in qua cælestis eorum Virtus cum primis apparebat. Equitis arcus virtutem denotat Fidei, quæ veluti transfixis hominum cordibus, eos omnino subijcit Christo. Corona victoriam Fidei adumbrat, iuxta illud Ioannis: *Hæc est victoria, quæ vincit mundum, fides nostra.* Nimirum quia *Exiit vincens, ut vinceret*: primitiuos scilicet Christianos sibi subijciens, ut per eos alij quàm plurimi Christo similiter se submitterent.

In secundo sigillo, gladius ille magnus is est, de quo Christus ait, *Non veni pacem mittere, sed gladium.* Quia nimirum fidei confessio mundanam pacem videbatur perturbare. Cuius pacis perturbatio ad Euangelicæ pacis pulchritudinem & abundantiam in primis expediebat.

In tertio sigillo statera, est æquitatis trutina; quæ singulis diuidebat, prout cuique opus erat, ex earum possessionum pretio; quibus sponte se fideles abdicabant. Quòd verò quatuor animalia clamabant, *Chenix tritici denario*: doctrina est Apostolica, per quam edocebantur Christiani *panem arctum*, atque adeò parsimoniam amare; & habentes alimenta, & quibus tegerentur, his esse contenti. Vini autem & olei copia in tanta rerum ceterarum inopia, de vino lætitiæ & mysticæ vñctionis oleo, accipienda est.

In quarto sigillo procedit mors obequitans tanquam salutis instrumentum. Subsequitur sine equo infernus; quia Christianorum mortem consequitur quidem corruptio (quæ ad gloriosam pariter resurrectionem à Deo ordinatur; ) ipsa tamen corporum corruptio non affert salutem: nam extra omne periculum iam erant positi, qui in Domino mortui fuerant. Tandem in Christianorum cæde, gladius & mors bellum atque pestem significant. Bestiarum verò crudelitas, tyrannorum & persecutorum immanitatem; quæ ex primitiuis Christianis multos nece crudelissima sustulit.

*De quinti sigilli resignatione.*

I. L. M. Apertis tribus extremis figillis, refferatur, quàm sit longanima Dei expectatio, quàm seria comminatio, quàm seuera punitio erga Iudæos, qui Christum admittere noluerunt. Ad quintum ergo sigillum spectat Dei patientia; quæ tanta est, ut effuso Martyrum cruore vindictam clamitante, & quodammodo de dilatione exposulante; nihilominus vindictam satis meritam protrahat, scilicet donec numerus Martyrum in ea persecutione interficiendorum, expleatur.

Ipsi autem Christiani, quos Iudæi religionis specie immaniter contrucidauerant, meritò effinguntur in altari holocausti occisi; ac proinde sub eodem altari eorum animæ existere, poscentes vñctionem de terræ habitatoribus, id est, de Iudæis.

Patientissimus verò Deus, animas quidem Martyrum absque vlla dilatione gloriosis immortalitatis stolis donat; oportere autem respondet, vindictam, quam possulant, aliquantò ampliùs differri.

*De sexti sigilli resignatione.*

N. Ad hoc sigillum pertinet seria comminatio, qua Deus in rebelles & obstinatos Iudæos vtebatur, miris eos minis atque portentis deterrens. Huiusmodi autem minæ elegantissimè explicantur per comparisonem ad ea prodigia, quæ diem iudicij sunt antecessura.

Ex quibus, terræ-motus symbolum est magnæ illius rerum mutationis, quæ Iudaico populo in Romanos rebellante, ingentem Iudæis ipsis portendebat calamitatem. Solis obscuratio figurat signa Diuinæ iræ aduersus Iudæos. Sanguineus Lunæ color, eosdem pro Christi Passione penas grauissimas luituros esse, denotat. Stellæ ex cælo cadentes, discipulorum Christi cædes designant, quæ ipsis pariter Iudæis erant piandæ. Cælorum complicatio atque recessus symbolum est Christianorum absentiæ; quæ maximum etiam Iudæis ipsis malum prænunciabat. Montes & insulæ suis sedibus motæ, stupendam Romanorum celeritatem demonstrant, & difficultates omnes Diuina virtute in perniciem Iudæorum complanatas. Postremò miseranda Iudæorum omnium formido planè ostendit, Christum suæ necis ab ipsis vindictam reposcere.



## CAPVT VII.

*De Seruorum Christi libertate, & securitate à plagis contra rebelles  
Iudeos immittendis.*

## TEXTVS.

## PARAPHRASIS CAPITIS SEPTIMI.

<sup>1.</sup>  
**P**ost hæc vidi quatuor  
Angelos, stantes super  
quatuor angulos terræ, te-  
nētes quatuor ventos ter-  
ræ, ne flarent super terram,  
neq; super mare, neq; in  
vllam arborem.

<sup>2.</sup>  
Et vidi alterum Angelū  
ascendentem ab ortu solis,  
habentē signum Dei viui,  
& clamauit voce magna  
quatuor Angelis, quibus  
datum est nocere terræ &  
mari.

<sup>3.</sup>  
Dicens, Nolite nocere  
terræ & mari, neque arbo-  
ribus, quoadvsque signe-  
mus seruos Dei nostri in  
frontibus eorum.

<sup>4.</sup>  
Et audiui numerum signatorum centum qua-  
draginta quatuor millia signati ex omni tribu  
filiorum Israel.

<sup>5.</sup>  
Ex tribu Iuda duodecim millia signati. Ex tri-  
bu Ruben, duodecim millia signati. Ex tribu Gad  
duodecim millia signati.

<sup>6.</sup>  
Ex tribu Aser, duodecim millia signati. Ex  
tribu Nephthali, duodecim millia signati. Ex tri-  
bu Manasse, duodecim millia signati.

<sup>7.</sup>  
Ex tribu Simeon, duodecim millia signati. Ex  
tribu Leui, duodecim millia signati. Ex tribu Is-  
sachar, duodecim millia signati.

<sup>8.</sup>  
Ex tribu Zabulon, duodecim millia si-  
gnati. Ex tribu Ioseph, duodecim millia si-  
gnati. Ex tribu Benjamin, duodecim millia si-  
gnati.

A. Absolutā representatione, quæ ad sextum spectabat  
sigillum; ante septimi relictionem, vidi quatuor  
Angelos in quatuor extremis Iudææ angulis singulos ventis sin-  
gulis dominantes, eosque omnino cohibentes; donec signum  
à Deo daretur, vt ventos ruere permitterent, imperarentque  
vti Iudæam ingenti excitata tempestate subuerterent.

B. Deinde alium conspexi Angelum ab Oriente exurgen-  
tem, ac Dei viui sigillum in manu tenentem; qui quatuor illos  
Angelos, qui ventos in terræ & maris perniciem erant immis-  
suri, sic clamans fuit allocutus.

C. Cohibete adhuc ventorum impetum; nec permittatis  
eos vel minimum terræ, mari atque arboribus detrimentum  
importare: quoad sigillo hoc serui Dei nostri notentur; & si-  
gnum Tau in eorum frontibus imprimatur; quod oritura tem-  
pestas signatis nulla ratione noceat.

D. Postea dictum mihi est,  
omnes Dei seruos ab illo Angelo  
fuisse signatos; eosque omnes esse  
Israelitas, & pari numero ex tri-  
bus singulis selectos. Nimi-  
rum, ex tribu Iuda, Ruben, Gad,  
Aser, Nephthali, Manasse, Sime-  
on, Leui, Issachar, Zabulon, Io-  
seph, & Benjamin; duodecies  
mille ex singulis: atque adeo o-  
mnes esse centum quadraginta  
quatuor millia. Ex tribu verò  
Dan, neq; vnum fuisse signatum.



9.  
Posthæc vidi turbā magnam, quam dinumerare nemo poterat, ex omnibus gentibus & tribubus, & populis, & linguis: stantes ante thronum, & in conspectu Agni, amicti stolis albis, & palmæ in manibus eorum.

10.  
Et clamabant voce magna dicentes: Salus Deo nostro, qui sedet super thronum: & Agno.

11.  
Et omnes Angeli stabant in circuitu throni, & seniorum, & quatuor animalium, & ceciderunt in conspectu throni in facies suas, & adorauerunt Deum.

12.  
Dicentes, Amen. Benedictio, & Claritas & Sapientia, & Gratiarum actio, Honor, & Virtus, & Fortitudo Deo nostro in sæcula sæculorum, Amé.

13.  
Et respondit vnus de senioribus, & dixit mihi: Hi, qui amicti sunt stolis albis, qui sunt? & vnde venerunt?

14.  
Et dixi illi: Domine mi, tu scis. Et dixit mihi, Hi sunt, qui venerunt de tribulatione magna, & lauerunt stolas suas, & dealbauerunt eas in sanguine Agni.

15.  
Ideo sunt ante thronū Dei, & seruiunt ei die ac nocte in templo eius: & qui sedet in throno, habitabit super illos.

16.  
Non esurient, neq; sitiēt amplius, nec cadet super illos sol, neq; vllus æstus.

17.  
Quoniam Agnus, qui in medio throni est, reget illos, & deducet eos ad vitæ fontes aquarum, & absterget Deus omnem lachrymam ab oculis eorum.

E. Hæc cū audissem, ostensi mihi sunt, qui fuerant signati. Licet autem prius audiuissem, omnes illos & Israelitas esse, & præscripto illo numero, nempe centum quadraginta quatuor millium constare; vbi tamen eos conspexi, animaduerti, & turbam esse ingentem, quam nemo dinumerare posset; & non omnes Israelitas esse; sed potius ex vniuersis gentibus, tribubus, ac populis; eos tamen omnes vidi throni atque Agni conspectu fruētes, stolis sacerdotalibus indutos, & palmas in manibus gestantes.

F. Qui omnes magna vocum contentione clamabant, asserentes; se suam salutem, & incolumitatē Deo Patri super thronum sedenti, nec non cælesti Agno, acceptam referre.

G. Omnes verò illi Angeli, qui thronum, seniores & animalia circumstabant, (qui suprà dicti sunt septē laudes Agno tribuisse) nunc septem itidem laudes easdē sedenti in throno, suppliciter adorantes, detulerunt. Amen in principio & in fine hymni geminantes.

H. Exin è senioribus vnus me affatus edocuit, turbam illā maximam, quam prospectabam, ex magna miseria atque angustia ad eam deuenisse felicitatē; stolasq; suas in Agni sanguine dealbasse.

I. Propterea illos fuisse id affecutos; vt ante Dei thronum adstarent, eiq; iugiter in templo dies noctesq; ministrarent; nec non vt Deus in eis habitaret, ac paternam in illos beneuolentiam exerceret.

L. In eis proinde impleri, quod scriptū ab Isaia est, nempe: *Non esurient, neque sitient amplius, neque cadet super illos sol, neque vllus æstus.*

M. Quoniam Agnus, qui huius ouilis est pastor, in loco amœnissimo, vmbri opacantibus referto, & aurā salutarē afflato, vberimis eos pascuis reficit; & vitalibus aquis eorum sitim extinguit. In quibus demum impleatur, quod alibi scripsit Isaïas, nimirum, eorundem lachrymas Dei manu abstergi.



*Interpretatio superioris Paraphrasis.*

Iure optimo totum hoc caput, post sexti sigilli representationem, & ante resignationem septimi interijcitur. Quia post sigilli sexti comminationes, & ante plagarum septimi feueritatem, consentaneum erat primitiuos designari Christianos, qui magna ex parte cum Iudæis infidelibus erant permixti. Vt hoc sigillo notati atque cogniti reseruarentur immunes ab ijs plagis, quæ fuerant in Iudæos obstinatos immittendæ. Atque hic est huius capitis scopus.

A. Quatuor ergo venti symbolicè denotant tempestatem plagarum, quibus Deus percussurus erat Iudæos. Nam irruentes venti, & secum colluctantes ingentem solent cladem afferre. Cum autem præcipui venti sint quatuor; ideo quatuor veluti Æoli effinguntur eisdem imperantes. Per hos verò quatuor Angelos Angelica adumbratur potestas; cuius ministerio Deus fuerat in Iudæos animaduersurus.

B. C. Iam alius ille Angelus, qui ab ortu Solis ascendere visus est, ipsam Spiritus sancti gratiã representat; qua Dei serui ac familiares signantur, vt nihil eis noceat. Cæterum quia fieri non potest, vt Angeli vel creature aliæ quidquã damni inferant signatis; ideo aptissime fingitur imperasse quatuor Æolis, ne ventos in Iudæam irruere permitterent, quousque Dei serui forent signati.

D. Porro, signati hi, de quibus est sermo, non alij sunt, quàm primitiui Christiani; in quos Diuini Spiritus gratia largiter est effusa. Horum maxima pars erant Israelitæ secundum carnem; sed non solum illi, verum etiam, qui ex Gentilitate eis adiecti erant. Omnes verissimè, sed mysticè dicuntur esse Israelitæ; ex nouo scilicet Israele, & ex nouis Patriarchis, (id est Apostolis.) Et similiter numerus ille duodecim millium ex tribubus singulis collectorum, est etiam mysticè sumendus. Inter Patriarchas, primus refertur Iudas; quia Petrum representat. Beniaminum verò, qui Ioannem refert, ipsiusmet Ioannis Christiana vrbinitas in vltimum reiecit locum. Leui omnino videtur esse Matthias, in Iudæ locum suffectus; & propterea omittitur Dan, qui Iudam suo nomine præferbat. Atque adeo Tribus Dan falsos Christianos, & Iudæ sectatores referre videtur.

E. Turba magna, quam dinumerare nemo poterat ex omnibus gentibus coacta, ijdem illi sunt, qui prius dicti fuerant, centum quadraginta quatuor millia Israelitæ; primitiui videlicet Christiani, non ex Israelitico solum populo, sed ex omnibus etiam gentibus ac nationibus conglobati. Qui ideo sunt signati; quia ante thronum & in conspectu Agni existunt, ac proinde ab omni plaga securi, eò quòd Dei tabernaculo flagellum appropinquare non possit. Stola alba eorum gaudium mentis denotant, palmæ, victoriam.

F. Ingens ille clamor indicat affectum singularem, ac mentis deuotionem tribuentium Deo & Agno salutem propriam, & ab omni plaga immunitatem.

G. Angelorum hymnus Deo septem laudes deferentium, confessio est pariter & admiratio septem Diuinæ Providentiæ Spirituum mysticè eluculentium in Christianis eripiendis ab ijs plagis, quæ in Iudæos perfidos immittendæ erant.

H. I. L. M. Ea omnia quæ senior Ioanni asseruerat de magna illius turbæ conuersione, deq; eorum omnium felicitate, ostendunt, sic esse scriptum à D. Luca in Apostolorum Actibus.

## CAPVT VIII.

*De tempore, quo immisse sunt aduersus Iudæos rebelles septem plagæ:  
ac peculiariter de fame, peste, & ignorantia.*

TEXTVS.

PARAPHRASIS CAPITIS OCTAVI.

ET cum aperuisset sigillum septimum, factum est silentium in cælo, quasi media hora.

2.

Et vidi septem Angelos stantes in cōspectu Dei, & datæ sunt illis septē tubæ.

3.

Et alius Angelus venit, & stetit ante altare, habēsthuribulum aureū, & data sunt illi incensa multa, vt daret de orationibus Sanctorum omnium super altare aureum, quod est ante thronum Dei.

A. Resignat Angelus sigillum septimum, quo aperto fit silentium in cælo per mediam ferè horam.

Septimi sigilli resignationis.

B. Videtque Ioannes septem Angelos, quibus tubæ totidē datæ sunt in manus.

C. Accedit interim diuersus alius Angelus ad altare aureū: & in acerra, siue thuris nauicula accepit magnam thymiamatis copiam, quam in altaris igne adoleat.



4.

Et ascendit fumus incensorum de orationibus Sanctorum de manu Angeli coram Deo.

5.

Et accepit Angelus thuribulum, & impleuit illud de igne altaris; & misit in terram; & facta sunt tonitrua, & voces, & fulgura, & terræ-motus magnus.

6.

Et septem Angeli, qui habebant septem tubas, præparauerunt se ut tuba canerent.

7.

Et primus Angelus tuba cecinit, & facta est grando, & ignis, mista in sanguine; & missum est in terram, & tertia pars terræ combusta est, & tertia pars arborum concremata est, & omne fœnum viride combustum est.

8.

Et secundus Angelus tuba cecinit, & tanquam mons magnus igne ardēs missus est in mare, & facta est tertia pars maris, sanguis.

9.

Et mortua est tertia pars creaturæ eorum, quæ habebant animas in mari, & tertia pars nauium interijt.

10.

Et tertius Angelus tuba cecinit, & cecidit de cælo stella magna ardens tanquam facula, & cecidit in tertiam partem fluminum, & in fontes aquarum.

11.

Et nomen stellæ dicitur absynthium, & facta est

D. Cuius odoris fumus afflatus ascendit ad Deum.

E. Deinde implet Angelus acerram prunis altaris, easque mittit in terram. Quo facto tonitrua excitantur, voces, & fulgura; consequiturque ingens terræ-motus.

F. Tum demum septem Angeli tubas personaturi attolunt. Quorum clangores singulos, singulæ mox calamitates subsequuntur: sæuæ quidem omnes; pleræque tamen non omnem prorsus iram, sed tertiam solum illius partem, effundunt.

G. Clangit primus Angelus; & illico pluit in terram grandine, igne & sanguine; comburiturque tertia pars arborum. Ex fœno autem & segetibus ea etiam sunt exusta, quæ adhuc in herba erant.

H. Clangit secundus Angelus, & tertia maris pars in sanguinem conuertitur. Id quod provenit ex igneo monte in ipsum mare deiecto.

I. Quo facto interijt tertia eorum hominum pars, qui in mari degebant; tertia item pars nauium perit.

K. Clangit tertius Angelus; & tertia fluminum ac fontium pars pestifero veneno inficitur ab stella magna de cælo cadente.

L. Hinc fit, ut exitialium aquarum virus amarissimè hominum plurimos enecet.

M. Clangit

Primatuba.

Secunda tuba.

Tertia tuba.



A tertia pars aquarum in absynthium, & multi hominum mortui sunt de aquis, quia amaræ factæ sunt.

12.

B Et quartus Angelus tuba cecinit; & percussa est tertia pars solis, & tertia pars lunæ, & tertia pars stellarum; ita ut obscuraretur tertia pars eorum; & diei non luceret pars tertia, & noctis similiter.

M. Clangit quartus Angelus: & visa sunt astra; nempe, sol, luna, & stellæ tertiæ suæ claritatis partem amisisse. Vnde dies & noctes multò sunt solito obscuriores redditæ.

Quarta tuba.

13.

C Et vidi; & audiui vocem unius aquilæ volantis per medium cæli, dicentis voce magna: Væ, væ, væ habitantibus in terrâ de ceteris vocibus trium Angelorum, qui erant tuba canituri.

N. Posthæc, antequam reliqui tres Angeli clangant, apparet aquila per medium volitans cælum; & voce magna ingeminans, Væ, væ, væ habitantibus in terrâ.

### Interpretatio superioris Paraphrasis.

A. Ut primùm septimū aperitur sigillum; declaratur, quàm seuerè punierit Deus Iudæos, qui Christum excipere noluerunt. Ceterum quoniam suam in obstinatos Iudæos iram non effudit Deus, donec clarissimum perfectæ patientiæ exemplum primigenia Ecclesia præberet; idè ut temporis circumstantia notetur, sit in cælo silentium per dimidiam ferè horam. Quo symbolo, per allusionem ad Tobie sustinentiam, innuitur perfectissima Christianæ Ecclesiæ patientia; cuius maximam in primis gessit Deus curam, ante Iudaici populi punctionem.

B. Prædictæ autem patientiæ obseruationem subsequitur visio septem tubarum; quæ totidem sunt Angelis datæ. Vbi notandum est, singulos Angelos personam gerere eorum Prophetarum, quibus plagæ singulæ in Iudæos immittendæ, sunt præcipuè reuelatæ. In quibus septem Angelis Diuinæ seueritatis ministris alluditur ad septem Persarum Regis cubicularios, (de quib. Esth. 1. 10.) Quia verò septem plagis erant mulcandi Iudæi; idè tubæ septem prædictis Angelis traduntur, id est, totidem Prophetiæ aduersus Iudæos prænuntiata. eò quòd Prophetæ antiqui, quo tempore plagæ erant effundendæ, visi sunt sententiam aduersus reos Diuina auctoritate pronunciare. Septenarius autem plagarum huiusmodi est Fames, Bellum, Pests, Ignorantia, Desideria cordis, Iræ aduersus Christianos, Obduratio.

C. D. E. Dein plagarum, quæ inferendæ erant, demonstrationem consecuta est Christianæ Ecclesiæ oratio feruens pro Iudæis, & diligentissimæ conuersionis eorum cum ingenti fructu procuratio.

F. Quibus præmissis, Prophetæ describuntur tubas attollere, plagarum sententiam aduersus rebelles prolaturi. Ad hæc, quòd plagæ singulæ non totam effundant iram; sed pleræque tertiam solum partem: hoc nihil est aliud, quàm Deum in plerisq; calamitatibus suæ memorem clementiæ; ut reliquos ad peccatorum detestationem, ac veram resipiscenciam adducat; multò pluribus pepercisse, quàm erant ii, in quos sauebatur.

G. Primus Angelus personam eorum Prophetarum gerit, qui famis supplicium aduersus Iudæos prædixerunt. Plagæ ergo primæ descriptio famem designat; quæ Iudæam peruasit; non secus, ac si de cælo diragrandò, sanguine & igne permista pluisset.

H. Secunda est plaga belli, cuius incendio mare (id est Romanum Imperium) aduersus Iudæos sese cruentum exhibuit.

I. Nec solum plurimos eorum occidit; sed multas etiam Iudææ vrbes euertit omnino.

K. Tertia est pestilentie plaga, quæ grassata in Iudæos est; perinde quasi funesti alicuius sideris influxu, fluminum aquæ & fontium exitiali veneno fuissent infectæ.

L. Sic enim fiebat, ut plurimorum mors nihilo segnior & placidior esset, quàm si venenum mortiferum obbibissent.

M. Quarta est ignorantie plaga. Quamuis enim Iudæis denegata sit ea lux; quam ex creatoris operibus, ex Redemptoris, atq; etiam ex Apostolorum, ex vera item eorum doctrina consecuti fuerunt: defuit tamen illis tertia claritatis pars; hoc est Spiritus sancti illustratio; sine qua præstabilius aut tolerabilius saltem ijs fuisset; si neque Deum, neque Christum, neque Apostolos agnouissent.

N. Euangelica sapientia, (cuius symbolum est aquila sublimè volans & acutissime cernens) docet Christianos; tres eas, quæ supersunt plagas, antecedentibus multò esse grauiores.

1. Plaga.

2. Plaga.

3. Plaga.

4. Plaga.



## CAPVT IX.

*De plaga concupiscentiæ, ac de plaga iræ in Iudeos rebelles immisissis.*

TEXTVS.

PARAPHRASIS CAPITIS NONI.

**E**T quintus Angelus tuba cecinit; & vidi stellam de cælo cecidisse in terram; & data est ei clavis putei abyssi.

2.

Et aperuit puteum abyssi; & ascendit fumus putei, sicut fumus fornacis magnæ: & obscuratus est sol, & aër de fumo putei.

3.

Et de fumo putei exierunt locustæ in terram; & data est illis potestas, sicut habent potestatem scorpiones terræ.

4.

Et præceptum est illis, ne læderent fœnum terræ, neque omne viride, neq; omnem arborem; nisi tantum homines, qui non habent signum Dei in frontibus suis.

5.

Et datum est illis, ne occiderent eos; sed vt cruciarent mensibus quinque: & cruciatus eorum, vt cruciatus scorpionum, cum percutit hominem.

6.

Et in diebus illis quærent homines mortem, & non inuenient eam: & desiderabunt mori, & fugiet mors ab eis.

7.

Et similitudines locustarum similes equis paratis in prælium: & super capita earum tanquam coronæ similes auro; & facies earum tanquam facies hominum.

8.

Et habebant capillos, sicut capillos mulierum; & dentes earum, sicut dentes leonum erant.

9.

Et habebant loricas, sicut loricas ferreas; & vox alarum earum sicut vox currum equorum multorum currentium in bellum.

10.

Et habebant caudas similes scorpionum; & aculei erant in caudis earum, & potestas earum nocere

**A.** **C**LANGIT quintus Angelus, & stella de cælo cadit; cui stellæ (mirum dictu) tradita est clavis, qua aperuit ostium putei abyssi. statimque fumante puteo sol penitus oculis subtrahitur; & nox ac tenebræ aëri offunduntur.

Quinta  
tuba.

**B.** Caligo hæc immittit in terram nubes, seu potius diluuium locustarum aculeum in caudis habentium.

**C.** Quibus desuper imperatum est; ne messes, aut arbores corroderent; sed in ipsos tantum homines irruerēt, nempe in eos, quorum frontibus Dei signaculum non esset impressum.

**D.** Eos autem non quidem occiderent; sed aded vehementer cruciarent, vt mors ipsis in votis sit. Durat verò hæc plaga quinque menses; quemadmodum aqua in communi diluuiio terram centum quinquaginta diebus inundauit.

**E.** Porro istarum locustarum figura prodigiosa erat; sunt enim cataphractis equitibus, quodammodo similes; & nihilominus blandienti vultu & ornatu miseros decipiunt mortales, nempe coronis fulgorem auri imitantibus; & (sirenum instar) humana facie, comisq; fœmineis. re tamen ipsa sunt hostes infestissimi; dentes enim habent leoninos; ex quorum impressione ater prodit sanguis.

**F.** Iam earum lorice non minus duræ sunt, quàm si ex ferro, aut chalybe essent conflatæ; & stridor, quem pennis excitant, fragorem currum in bella ruentium imitatur.

**G.** Caudarum verò aculei sentiuntur esse similes scorpionum tenui fistula perforati, qua venenum effundunt.



hominibus mensibus  
quinque.

11.

Et habebant super se  
regē Angelum abyssi; cui  
nomen Hebraicē Abad-  
don, Græcē autem Apol-  
lyon; Latine habens no-  
men, Exterminans.

H. Et quamvis verè dixerit Salomon, *Regem locusta non ha-  
bet.* Hæc tamen portentosa monstra Regem habent, cui mili-  
tant; nempe, malum quemdam Angelum, qui ex abyssi puteo  
vna cum ipsis locustis erupit. Huic Angelo nomen est Apol-  
lyon, propter ingentem, quam edit, stragem.

12.

Væ vnum abiit; & ecce veniunt adhuc duo væ  
post hæc.

13.

Et sextus Angelus tuba cecinit: & audiui vo-  
cem vnā, ex quatuor cornibus altaris aurei,  
quod est ante oculos Dei.

14.

Dicentem sexto Angelo, qui habebat tubam:  
Solue quatuor Angelos, qui alligati sunt in flumi-  
ne magno Euphrate.

15.

Et soluti sunt quatuor Angeli, qui parati erant  
in horam, & diem, & mensem, & annum: vt oc-  
ciderent tertiam partem hominum.

16.

Et numerus equestris  
exercitus vices millies  
dena millia; & audiui nu-  
merum eorum.

M. Vt ergo quatuor illi Angeli vinculis expediti sunt, Iu-  
dæam inuasit equestris exercitus; cuius equitatus ducentorum  
millionum numerum implebat.

17.

Et ita vidi equos in vi-  
sione; & qui sedebant su-  
per eos, habebant loricas  
igneas, & hyacinthinas,  
& sulphureas; & capita e-  
quorum erant tanquam  
capita leonum; & de ore  
eorum procedit ignis, &  
fumus, & sulphur.

N. Erantque omnes loricati; lorica tamen ex veste hyacin-  
thina, igne & sulphure erant inflammata. Equorum capita ca-  
pitibus leonum erant similia; atque ora ignem, fumum & sul-  
phur spirabant, seu potius euomebant.

18.

Et ab his tribus plagis  
occisa est tertia pars ho-  
minum; de igne, & de fu-  
mo, & sulphure, quæ pro-  
cedebant de ore ipsorum.

O. Quo igne, fumo ac sulphure occisa est tertia Iudæorum  
pars.

19.

Potestas enim equo-  
rum in ore eorum est, &

P. Equis insuper erant pro caudis serpentes; quorum mor-  
sibus scelerati sæuissime cruciabantur.

Sexta tuba.



in caudis eorum; nam caudæ eorum similes serpentibus, habentes capita, & in his nocent.

20.

Et ceteri homines, qui non sunt occisi in his plagis; neque pœnitentiam egerunt de operibus manuum suarum, ut non adorarent dæmonia, & simulacra aurea, & argentea, & ærea, & lapidea, & lignea, quæ neq; videre possunt, neque audire, neque ambulare.

21.

Et non egerunt pœnitentiam ab homicidijs suis, neque à veneficijs suis, neque à fornicatione sua, neque à furtis suis.

Q. Nihilominus tamen sextæ huius plagæ seueritas satis non fuit, ut ceteri Iudæi, qui à prædicti exercitus vastatione superstitēs euaserant, ad Deum supplices conuerterentur, & à suis flagitijs resipiscerent. Sed perstiterunt adhuc in Dæmonum, siue idolorum cultura, adorantes simulacra aurea, argentea, & ærea, lapidea item ac lignea.

R. Similiter etiam remanserunt in homicidijs, veneficijs, fornicatione, & furtis.

### Interpretatio Superioris Paraphrasis.

5. Plaga.

A. Quinta est concupiscentiæ plaga, qua Deus obstinatos perculit Iudæos; permittendo scilicet, ut lex ipsa per Moysem tradita, illos, tanquam stella de celo ruens, opprimeret. Atque ita aduersus Iudæos manifesta fieret iusti iudicii abyssus. Ex ea enim abyssus, quasi ex patenti puteo, per occasionem legis, fornacis magnæ fumus sese extulit; id est, errorum & perturbationum nebula, quæ non solum miseris sapientiæ solem ex oculis eriperet, sed tenebras etiam densissimas offunderet.

B. Quibus ex tenebris desideria cordis cateruatim numero agmine prodire: atque isthæc cordis desideria in locutis, vëtroso animali, eleganter figurantur; eo quod insaturabilia sint, & vix vnquam cessent intima viscera erodere; & moribus animum carpere & vellicare. Sed habent præterea aculeum in cauda; quia doloris stimulum animo infixum relinquunt: id est, curas, metus, & acerbos conscientiæ morsus & cruciamenta.

C. A caudæ tamen ictu atque a morfu illi omnes sunt tuti; qui Diuino spiritu signati, imitationem Christi profitentur, in ceteros sine discrimine sæuiunt locustæ.

D. Neque tanten eos interimunt; sed lento cruciatus, peracri tamen, aded torquent, ut mortis votum sit eis frequentissimum. Ita fit ut cruciatus huiusmodi ed sit vehementior, quod prolixior; neque vllus supererit tam grauis supplicij finis; quousque Deus suum dignetur Spiritum emitte-re, qui horrendam hanc plagam à miseris auertat Iudæis; ut olim communem diluuij calamitatem, qua tellus obruta erat, zephyrus à Deo missus leniter spirando propulit.

E. Has autem locustas nemo putet bestiolas esse, quæ vinci facile possint; valde enim difficilis est de illis victoria. Non secus, ac si aduersus cataphractos equites bellum geratur. Difficultatem augent fallacia atque pellacia: hæc enim monstra sirenes sunt, quæ fucato vultu atque pigmentis obli-to, obiectaque oculis titillantibus voluptatis specie plerosque pelliciunt. Deinde primio sculi prætextu leonines imprimunt dentes; quibus lacerantur animi, & atro inficiuntur veneno.

F. Et tunc quidem si locustas sæuire incipientes confodere aggrediatur; experietur miser animus, earum loricas esse chalybeas; & validioribus adhuc viribus ad proster-nendas bestiolas opus esse. Atque illæ numero & audacia auctæ in hominem inuolant; & importuno stridore ita eius aures opplent, nulum ut consilij salubribus, aut præceptis locum relinquunt.

G. Ac demum scorpionum aculeis animum sæuissime cruciant; quia concupiscentia in nouissimo mordebit ut coluber, & extrema voluptatis dolor amarissimus occupat.

H. Denique desideriorum seu locustarum agmina Dæmoni, (siue inordinato sui ipsius ambri) militant: Deo id meritissime permittente in grauius rebellium & obstinatorum supplicium. Quanta verò sit strages, quam Dæmon, (siue inordinatus suimet amor) in hominum animi per cordis desideria faciant, id ex nomine Exterminatoris, & ex allusione ad sepulchra concupiscentiæ, facile intellesu est.

6. Plaga.

I. Sexta est irarum plaga, quam violata religio in ultionem de Iudæis sumendam implorat.

Quia



**A** Quia concupiscentia sua abstracti & illecti creature potius, quam ipsi creatori morem turpiter gesserunt. Et quia scelus hoc suis desiderijs obsequendi commune fere fuit vniuerso Iudæorum populo; ideo religionis altare omni ex parte conclamat, vniuersalem de ijs vindictam postulans.

**L.** Quam autem vindictam altare postulat; ea est, vt quatuor mali Angeli soluantur; nempe Amor vitæ, Amor pecuniæ, Amor honoris, & Amor proprii iudicii; scilicet vt iras in Iudæos immittant: erant enim veluti impediti hi amores, siue sopiti potius, & conuiuentes interim; dum res humanæ ad eorum voluntatem fluere videbantur. Sextus tamen Angelus non aliter eos dicitur solvere, nisi quatenus sententiam de illis soluendis pronunciat. Deinde, quod in flumine Euphrate quatuor illi Angeli fuisse alligati finguntur; nihil aliud denotat, nisi irarum exercitum, qui erat impetum in Iudæos facturus, esse quodam modo Babylonium, id est, valde infensum & hostilem.

Illos autem quatuor Angelos, quamuis sint compedibus irretiti, semper tamen esse paratos; significat, Christi inimicos ab eo exercitu nunquam esse securos. Tertiam verò hominum partem ab irarum exercitu perijisse, non exaggeratio est, sed veritas certissima.

**B** **M.** Ducentorum millionum numerus indicat, infinitas esse irarum affectiones. Iam quod ira tanquam equites inducantur, ad earum prætextum eleganter conducit.

**N.** Loricæ designant rationes eas, quibus se ab ira excusare, & à culpa eximere conatur, ridiculas omnino, ac meras esse nugas; nec aliud continentes, nisi iram ipsissimam, arrogantiam, & grauioris indignationis atque furoris fomitem. Mira equorum figura ad ipsius iræ magnitudinem referenda est. Fingiturque aptissime ab huiusmodi monstris leones ferocitate superari: ab iisdem equo mi ignem, (id est furorem.) Quin fumus, (id est perturbationum nebula) adiungitur, sulphurque adijcitur; quia dictis ac factis, incredibili celeritate, furoris flamma augetur; ita vt eam extinguere sit valde difficile.

**O.** Ab hoc irarum igne, fumo, ac sulphure plurimi Iudæorum miserè interierunt.

**P.** Ad hæc; equorum caudæ merito serpentibus comparantur, propter conscientia morsum, desperationem, & anxietatem; quæ omnia ira in eorum animis relinquit; quos ipsa in indignationem ac furorem vertit.

**C** **Q.** Iudæorum idololatria mysticè hîc accipienda est, sicut sæpè alibi. Aurea, argentea, & ærea simulacra, pecuniam denotant à Iudæis ipsis quodammodo adoratam. At simulacra lapidea atque lignea domos eorum ac possessiones innuunt.

**R.** Homicidia ad Christi & Christianorum neces referuntur, Veneficia ad doctrinæ pestiferæ suggestiones, Fornicatio ad inordinatum creaturarum amorem, Furta deniq; ad fœnora & vîsuras.

## CAPUT X.

*De arcano Dei consilio diminutionis Israël ad diuitias Gentium.*

TEXTVS.

PARAPHRASIS CAPITIS DECIMI.

**D** **E**T vidialiū Angelum fortem descendentem de cælo amictum nube; & iris in capite eius; & facies eius erat vt sol, & pedes eius tanquam columnæ ignis.

2.

**E** Et habebat in manu sua libellum apertum. Et posuit pedem suum dextrū super mare; sinistrum autem super terram.

3.

Et clamauit voce magna, quemadmodum cū leo rugit. Et cū clamas-  
set, locuta sunt septem tonitrua voces suas.

4.

Et cū locuta fuissent

**A.** **V**IDI præterea Angelum grandem & fortem, veluti gigantem, de cælo descendere; vestitum nube, & iride coronatum: cuius facies veluti sol ex se splendorem emittebat: & crura illius, (quæ magnitudine & fortitudine columnas quodammodo referebant) erant ex chalcobano ardente.

**B.** Afferebat hic Angelus in manu apertum libellum exiguum; & pedem dextrum in mari posuit, sinistrum in terra; specie quidem volentis à terra ad mare transire, & ignitis pedibus ipsas maris vndas inflammare. Pes autem, quem in mari fixit, non aquis mergebatur; sed in ijs, tanquam in solido pavimento, consistebat.

**C.** Et magnum edidit clamorem leonis instar rugientis: cuius vocem ingentem consecutæ sunt septem tonitruorum voces, quæ Psal. 28. referuntur.

**D.** Cū autem percepissem ipse distinctè septem illas to-



septē tonitrua voces suas, ego scripturus eram : & audiui vocem de cælo dicentem mihi: Signa quæ locuta sunt septem tonitrua, & noli ea scribere.

5.

Et Angelus, quem vidi stantem super mare & super terram, leuauit manum suam ad cælum.

nitruorum voces; volui, quod perceperam, scribere; è cælo tamen mihi imperatum est; vt rem totam sigillo obfirmatam, sicuti & antea erat, atque aded intactam relinquerem.

E. Porro prædictus Angelus manum alteram in cælum sustulit.

6.

Et iurauit per viuentem in sæcula sæculorum; qui creauit cælum, & ea quæ in eo sunt; & terram, & ea quæ in ea sunt; & mare, & ea quæ in eo sunt: quia tempus non erit amplius.

7.

Sed in diebus vocis septimi Angeli, cum cœperit tuba canere, consummabitur mysterium Dei; sicut euangelizauit per seruos suos Prophetas.

8.

Et audiui vocem de cælo iterum loquentem mecum, & dicentem: Vade, & accipe librum apertum de manu Angeli stantis super mare, & super terram.

9.

Et abij ad Angelum, dicens ei; vt daret mihi librum. Et dixit mihi: Accipe librum, & deuora illum; & faciet amaricari ventrem tuum; sed in ore tuo erit dulce, tanquam mel.

10.

Et accepi librum de manu Angeli, & deuoravi illum; & erat in ore meo tanquam mel dulce; & cum deuorassem eum, amaricatus est venter meus.

11.

Et dixit mihi: Oportet te iterum prophetare gentibus & populis & linguis & regibus multis.

F. Et iurauit per Deum, qui in æternum viuit; quique cælum, terram, mare, & quæ eorum ambitu coercentur, solus condidit; expectationis non amplius fore tempus; sed finiendum tandem esse: vbi primum septimus Angelus tuba caneret; quo etiam tempore Dei fore mysterium cōsummandum; sicut fuerat à Prophetis prædictum.

G. Dehinc mihi de cælo præceptum est, vt à prædicto Angelo apertum illum libellum, quem manu gestabat, acciperem.

H. Accessi ergo ad eum, ac petij; tunc ille dextram porrigēs, Accipe (inquit) libellum, illumque deuora; quod cum fecissem, sensi libellum in ore quidem mihi tanquam mel dulcuisse; eam tamen dulcedinem subsecutus est amarissimus viscerum dolor.

I. Admonitusque ab Angelo sum, denuo mihi Gentibus, populis, linguis & regibus multis prophetandum esse.

### *Interpretatio superioris Paraphrasis.*

A. Angelus fortis Christum figurat in Apostolica prædicatione admirabilem; & Iudæos derelinquere atq; ad Gentes se transferre parantem: nubes, prædicationem; Iris, pacem; Solis splendor, lucem. Euangelij, & mundi illustrationē adstruunt. At ardentes pedes constantiam prædicatorum denotant, & mirabile inflammandi homines studium.

B. Exiguus ille libellus Verbum illud abbreviatum indicat, de quo Isaias cap. 10. 23. Hoc est diminutionem Iudaici populi, quæ futura erat diuitiæ Gentium. Pes sinister super terram positus paucorum ex Iudæis conuersionem designat. Pes autem dexter qui in mari nititur, felicem Gentilitatis vniuersæ fidem & inflammationem.

C. Clamor Angeli, exultationem Christi & Apostolorum ostendit, ad capiendam ex Gentibus prædam; nec non ipsammet eorundem prædicationem. Septem verò tonitruorum voces effectum significant, qui Apostolicam ad Gentes prædicationem fuerat consecuturus; nempe, victoria de vniuersis Gentibus parata. Is enim est sensus Psal. 28. vbi de septem tonitruis agitur.



A

D. Ioannes autem illius Psalmi intelligentiâ tantopere delectatus fuit; vt eam protinus litteris mandare voluerit. Sed prohibitus de cælo fuit, propterea quod expediret, rem illam eo tempore non euulgari.

E. F. Iuramentum Angeli denotat id, quod ipse iurat, fuisse olim à Deo testificatum; tempus scilicet esse aliquando venturum, cum succidenda esset ficus, neque amplius ex ea fructus expectandus. Nec aliud hîc significatur mysterio Dei, nisi Iudaici populi reprobatio, & Gentilicij electio, quondam à Prophetis prænunciata; nondum tamen satis intellecta, quousque re ipsa Deus id mysterium Ecclesiæ reuelauit.

G. H. Dulcedo libri in ore indicat suauissimam fuisse Apostolis supradicti mysterij notionem. Viscerum autem amaritudo innuit dolorem illum continuum atque tristitiam magnam, de qua Paulus ad Rom. cap. 9. 1. & 2.

I. Quod Ioanni dicitur, *Oportet te iterum prophetare*, ad secundam Apocalypseo partem referendum est. Prima enim est veluti prophetia ad Iudæos; secunda verò prophetia ad Gentes.

B

## CAPVT XI.

*De doctrina & sanctitate seruorum Christi; quibus illi de perfida Ierosolyma triumpharunt, subiectâ fidei Christi decimâ eorum parte, & reliquis obduratis.*

## TEXTVS.

## PARAPHRASIS.

C

**E**T datus est mihi calamus similis virgæ; & dictum est mihi; Surge, & metire templum Dei, & altare, & adorantes in eo.

2.

Atrium autem, quod est foris templum, eijce foras, & ne metiaris illud: quoniam datum est Gentibus, & ciuitatē sanctam calcabunt mensibus quadraginta duobus.

D

3.

Et dabo duobus testibus meis; & prophetabunt diebus mille ducentis sexaginta, amicti saccis.

4.

Hi sunt duæ oliuæ, & duo candelabra in conspectu Domini terræ stantes.

E

5.

Et si quis voluerit eos nocere; ignis exiet de ore eorum, & deuorabit inimicos eorum, & si quis voluerit eos lædere, sic oportet eum occidi.

6.

Hi habent potestatem

A. **F**ortis ille Angelus, quem paulò antè descripsi, mensorium dedit mihi calamum illius mensuræ, quam describit Ezechiel (iustâ scilicet antiquæ staturæ humanæ mensuræ) qui tamen calamus virgæ percussoriæ speciem præferēbat, dictumque est mihi, vt eo calamo templum Dei, altare holocausti, atque homines Deum in ipso templo adorantes metirer.

B. Additumque est, vt metiri contemnerem atrium illud, quod situm erat extra murum, diuidentem sanctuarium, & vulgi locum: quod hoc atrium à Gentibus erat conculcandum, mensibus quadraginta duobus; & reliqua similiter ciuitas, excepto Dei templo.

C. Subijcit Angelus ille fortis, daturum se os & sapientiam duobus suis testibus (quo nomine Eliam & Mosē, Dominicæ transfigurationis testes, videbatur adumbrare,) atque eos saccis amictos, Ierosolymæ, diebus mille ducentis sexaginta, hoc est, quadraginta duobus illis mensibus, prædicaturos.

D. De quibus subinde testibus sic loquitur; Hi sunt duæ oliuæ à Zacharia descriptæ, & duo candelabra.

E. Si quis autem illis obesse tentarit, expediens erit, eundem illo flagrare igne atque consumi; qui de ipsorum ore procedit, & potis est inimicos deuorare.

F. His adiunxit: Eisdem testibus esse potestatem claudendi

L

cælum,



claudendi celum, ne pluat diebus Prophetæ ipso-  
rum : & potestatem ha-  
bent super aquas conuer-  
tendi eas in sanguinem;  
& percutere terram omni  
plaga, quotiescunque vo-  
luerint

7.

Et cum finierint testi-  
monium suum; bestia,  
quæ ascendit de abyssu, fa-  
ciet aduersum eos bellum,  
& vincet illos, & occidet  
eos.

8.

Et corpora eorum iacebunt in plateis ciuita-  
tis magnæ, quæ vocatur spiritualiter Sodoma,  
& Ægyptus; vbi & Dominus eorum crucifixus  
est.

9.

Et videbunt de tribubus, & populis, & linguis,  
& gentibus corpora eorum per tres dies, & dimi-  
dium : & corpora eorum non sinent poni in mo-  
numentis.

10.

Et inhabitantes terram gaudebunt super il-  
los; & iucundabuntur; & munera mittent inui-  
cem. Quoniam hi duo Prophetæ cruciauerunt  
eos, qui habitabant super terram.

11.

Et post dies tres & dimidium, spiritus vi-  
tæ à Deo intrauit in eos; & steterunt super pedes  
suos; & timor magnus cecidit super eos, qui vide-  
runt eos.

12.

Et audierunt vocem magnam de cælo, di-  
centem eis: Ascendite huc. Et ascenderunt in  
cælum in nube; & viderunt illos inimici eo-  
rum.

13.

Et in illa hora factus est terræmotus magnus;  
& decima pars ciuitatis cecidit; & occisa sunt in  
terræmotu nomina hominum septem millia; &  
reliqui in timorem sunt missi; & dederunt glo-  
riam Deo cæli.

14.

Væ secundum abiit, & ecce væ tertium veniet  
citò

cælum, ne tribus illis annis cum dimidio pluat, (quod ad Eliam  
videtur spectare.) Esse insuper potestatem conuertendi aquas  
in sanguinem, & terram Ægyptiacis plagis percutiendi: quod  
Mosem non obscure adumbrat.

G. Ad hæc: Postquam clarissimum de Christo reddiderint  
testimonium, occidendos eos fore à bestia, quæ de abyssi puteo  
ascendit, id est, à locustis illis, de quibus cap. 9.

H. Occisorum autem testi-  
um corpora Ierosolymæ per dies  
tres & dimidium humi prostrata  
conspicienda esse; non permit-  
tentibus aduersarijs ea in monu-  
mentis deponi.

I. Sed potius de duorū Chri-  
sti testium interitu triumphanti-  
bus, & iucundissimam celebra-  
tem agitantibus, eo quod hi duo  
Prophetæ eos, qui terram incol-  
lunt, cruciauerint.

K. Exactis tamen tribus die-  
bus atque dimidio, in aduersario-  
rum suorum oculis surreduros  
illos esse gloriosos; & nube eue-  
ctos in cælum ascensuros.

L. Quo tempore decimam  
Ierosolymæ partem ingenti ter-  
ræmotu esse casuram; & septem  
nobilium hominum millia occi-  
dendos fore. Reliquos verò Iero-  
solymæ habitatores timore con-  
cussos, suum scelus ac flagitium  
confessuros, Deumq; hac ratio-  
ne glorificaturos. Atque hæc-  
tenus de plaga sexta.



15.

Et septimus Angelus tuba cecinit : & factæ sunt voces magnæ in cælo dicentes : Factū est regnum huius mundi Domini Dei nostri, & Christi eius ; & regnabit in sæcula sæculorum, Amen.

M. Clangit tandem septimus Angelus; & audiuntur voces in cælo dicentes, aduenisse iam tempus à sacris quondam Vatribus prænunciatum; in quo Deus optimus maximus, & eius Christus regnum erant in mundo, firmamque sedem per sæcula habituri.

Septima  
tuba.

16.

Et vigintiquatuor seniores, qui in conspectu Dei sedent in sedibus suis; ceciderunt in facies suas, & adorauerunt Deum, dicentes.

N. Hanc ob rem vigintiquatuor seniores suppliciter atque demissè Deo gratias agunt.

17.

Gratias agimus tibi Domine Deus omnipotens; qui es, & qui eras, & qui venturus es; quia accepisti virtutem tuam magnam, & regnasti.

18.

Et iratæ sunt Gentes; & aduenit ira tua, & tempus mortuorum iudicari, & reddere mercedem seruis tuis Prophetis, & sanctis, & timentibus nomen tuum pusillis, & magnis; & exterminandi eos, qui corruerunt terram.

O. Subditur, Gentium iram aduersus Dei regnum nihil omnino profuturam; quin potius illam, ab ira Dei nouissima, esse absumendam: futurum enim, vt mortui reuocentur ad vitam; Deus suum iudicium conspicuum ac manifestum reddat; omnibus Christi seruis copiosam referat mercedem; ac terræ demum corruptores destruantur.

19.

Et apertum est templum Dei in cælo: & visa est arca testamenti eius in templo eius, & facta sunt fulgura, & voces, & terramotus, & grando magna.

P. Denique apertum est Dei templum in cælo; & visa testamenti arca, quæ in Iudaico quondam fuerat templo, in cælesti templum translata. Quo tempore eduntur fulgura, voces, terramotus, & grando magna.

### Interpretatio superioris Paraphrasis.

A. Calamus similis virgæ, est mensura laborum & aduersitatum ad Christi imitationem. Qui calamus tunc datus est Ioanni; quando experimento magni incrementi spiritualis, quod ipse ex rerum aduersarum tolerantia percipiebat, edoctus maximè est, ad excellentis sanctitatis perfectionem, quod Christiana accersebatur Ecclesia, non solum nihil officere persecutiones, sed plurimum etiam conferre. Atque hoc fuit metiri templum, altare, ipsosque adorantes.

B. Atrium autem, quod extra templum erat, denotat externa bona, quæ fidelibus, & infidelibus communia sunt; quæ bona tempore persecutionis sunt omnino à fidelibus contemnenda. Futurum porro erat, vt Iudaica persecutio aduersus spiritalem Ierosolymam, id est, aduersus Christi Ecclesiam non minùs inualesceret, quàm Antiochi quondam persecutio aduersus fideles Iudæos fuit roborata. Verùm vt persecutionem Antiochi, post tres annos & dimidiatum, pax fuit atque lætitia consecuta; sic breui Christianam Ecclesiam fore à Iudæorum rebellium oppressione liberandam.



C. Duo illi testes, qui in ea persecutione egregiam Christo operam strenuamque nauarunt, sunt mysticus Elias, ac mysticus Moyses. hoc est, discipulorum Christi DOCTRINA & SANCTITAS.

D. His enim duobus testibus mirifice conueniunt symbola duplicis oliuæ, id est, duorum Cherubimorum, & duplicis candelabri.

E. Ex quorum testium ore sub illius persecutionis tempus diuinus exibat ignis; qui potis erat eorum inimicos accendere & inflammare; eodemque igne incendi atque consumi, inimicis Euangelij maximè expedit.

F. Contra verò nihil iisdem inimicis calamitosius, quàm vt duo illi Prophetæ à Christianæ veritatis prædicatione discedant; hoc enim esset cælum claudere, ne pluatur. Licet autem Christi testes prædicatione sua hostes Euangelij plagis Ægyptiacis spiritualiter percellant; hæc tamen percussio ad animarum conuersionem ordinatur.

G. H. I. Ex Iudæorum concupiscentijs ortum est peracre bellum in ea persecutione aduersus doctrinam & sanctitatem Euangelicam gestum. Quo tandem factum est, vt, multis Christi seruis occisis, prosternerentur in terra doctrina & sanctitas; & aliquando in Ierosolymæ perfidæ plateis afflictæ iacerent; de earumque morte & contumelia Iudæi rebelles, tanquam victores gloriantur.

K. Breui tamen eorum gloria atque triumphus in luctum & stuporem conuersa sunt. Viderunt enim Euangelicam doctrinam & sanctitatem, quæ prostratæ iacebant, Dei virtute resurgere gloriosas; & per Euangelicæ prædicationis nubem ad cælum euehi.

L. Terræ motus, commutationem rerum designat. Ruina decimæ partis Ierosolymæ, conuersionem partis decimæ ab Isaia prædictam; in qua etiam conuersione sunt occisa illa septem millia, quorum meminit Paulus. Ceteri verò Iudæi, quantumuis obstinati, saltem timore perculsi confessi sunt, se esse peccatores; atque ea certè ratione Deo dederunt gloriam.

Plaga septima.

M. Septimus Angelus gerit eorum Prophetarum personam, quibus Iudæorum obduratio & reprobatio fuit reuelata. Pronunciata autem Diuinæ seueritatis sententiâ, agnoscit cælum, id est Christiana Ecclesia, aduentare iam tempus; cum, repulsis ac reprobatis Iudæis, Gentes omnes ad Christi Ecclesiam traducantur; atque aded regna mundi subijciantur Deo.

N. De hac Gentium vocatione Christiani sacerdotes mirifice exultant, & in gratiarum actionem sacrificium Eucharistiæ Deo deuotissimè offerunt.

O. Qui licet videant, Gentium populos initio aduersus Euangelium exardescere; non dubitant tamen, quin per nouissimam Dei iram & vindictam mysticæ sint Euangelio subijciendi. Quippe certò sciunt, appropinquare iam tempus, in quo mortui mysticè resurgant; id est, cum Gentibus Diuinus effundatur Spiritus liberalissimè; nec non appropinquare pariter iudicium mundi, de quo locutus fuit Christus Ioan. 12. Cernunt etiam ob Gentium conuersionem ijs, qui Christi gloriam optabant ac procurabant, lætissimam sui desiderij, & impensæ operæ mercedem esse reddendam. Denique non procul abesse, quin Dij Gentium, qui terram corruperant, omnino exterminentur.

P. Has verò Gentium diuitias cum Iudæorum diminutione esse coniunctas & copulatas, indicat translatio arcæ testamenti in cælum; id est, Iudaici populi reprobatio & miseranda admodum induratio: quam designat grando magna eo ipso tempore decidens, quo cælum fulgurabat atque tonabat, & tellus tremore concutiebatur.

## C A P V T X I I.

*De transitu Ecclesiæ ad Gentilitatem, ac de Ecclesiæ Romanæ fundatione, quæ iram Diaboli supra modum inflammauit.*

TEXTVS.

PARAPHRASIS.

**E**T signum magnum apparuit in cælo: Mulier amicta sole, & luna sub pedibus eius; & in capite eius corona stellarum duodecim.

2.

Et in vtero habens clamabat parturiens; & cruciabatur, vt pariat.

A. **G**randinis supradictæ visionem consecuta est res valde mirabilis: nempe signum stupendi cuiusdam mysterij, Mulier videlicet sole amicta, lunæ claritati innixa, & stellis duodecim redimta.

B. Erat autem non solum prægnans, sed etiam parturiens; atque aded clamans, & grauissimas patiens angustias.



3.

Et visum est aliud signum in cælo: & ecce draco magnus rufus, habens capita septem, & cornua decem; & in capitibus eius diademata septem.

4.

Et cauda eius trahebat tertiam partem stellarum cæli; & misit eas in terram; & draco stetit ante mulierem, quæ erat paritura; vt cum peperisset, filium eius deuoraret.

5.

Et peperit filium masculum, qui recturus erat omnes Gentes in virga ferrea & raptus est filius eius ad Deum, & ad thronum eius.

6.

Et mulier fugit in solitudinem; vbi habebat locum paratum à Deo, vt ibi pascant eam diebus mille ducentis sexaginta.

7.

Et factum est prælium magnum in cælo; Michael & Angeli eius præliabantur cum dracone; & draco pugnabat & Angeli eius.

8.

Et non valuerunt, neque locus inuentus est eorum amplius in cælo.

9.

Et proiectus est draco ille magnus, serpens antiquus, qui vocatur diabolus, & Satan; qui seducit vniuersum orbem; & proiectus est in terram, & Angeli eius cum illo missi sunt.

10.

Et audiui vocem magnam in cælo dicentem: Nunc facta est salus, & virtus, & regnum Dei nostri, & potestas Christi eius: quia proiectus est accusator fratrum nostrorum, qui accusabat illos ante conspectum Dei nostri die ac nocte.

11.

Et ipsi vicerunt eum propter sanguinem Agni, & propter verbum testimonij sui; & non dilexerunt animas suas vsque ad mortem.

C. E regione huius mulieris (res mira) visebatur etiam in cælo draco magnus & rufus, septemplex capite horrendus, & decem cornibus armatus; gestabatque in singulis capitibus coronas singulas.

D. Porro cauda istius ac verberibus tertiam stellarum partem ecælo deiecit in terram: & ore hians minabatur mulieris foetui; sperans eum à se deuorandum, simul ac prodiret in lucem.

E. Sed mulier masculum peperit filium; cui totius orbis imperium, nationum omnium subiugatio, atque adeo ferrea Christi virga destinata erant. Nec valuit eum draco deuorare; quia raptus est infans ad eum thronum, quem in sanctis Sanctorum habet Deus.

F. Mulier verò sibi fugam consulens in desertum se proripuit; vbi tres annos cum dimidio commorata est. Quo tempore nunquam illi defuit aut refugij locus, aut cibus à Deo sibi paratus.

G. Muliere ergo in desertum commigrante; ecce Michael & Angeli eius visi sunt in cælo cum dracone eiusque Angelis præliantes. Et quamuis draco, atque ipsius Angeli acriter pugnarent; non tamen resistere valuerunt, neque vllus eis in cælis relictus est locus; sed in terram sunt deturbati.

H. Deiecto dracone clamor cæli exauditus est concelebrantis salutem, virtutem, regnum, & potestatem Christi: qui dum draconi propter ipsius calumnias permittere visus est, vt Dei famulos, (non secus atque olim Iobum) vehementer affligeret ac tentaret; eam tamen ipsam Sanctorum afflictione fuit contectus; vt draco de cælo præceps detrueretur, & sancti viri gloriosissime de illo triumpharent.



12.

Propterea lætamini cæli, & qui habitatis in eis. Væ terræ & mari; quia descendit diabolus ad vos, habens iram magnam; sciens, quòd modicū tempus habet.

13.

Et postquàm vidit draco, quòd proiectus esset in terram; persecutus est mulierem, quæ peperit masculum.

14.

Et datæ sunt mulieri alæ duæ aquilæ magnæ, vt volaret in desertum in locum suum; vbi alitur per tempus, & tempora, & dimidium temporis à facie serpentis.

15.

Et misit serpens ex ore suo post mulierem aquam tanquam flumen; vt eam faceret trahi à flumine.

16.

Et adiuuit terra mulierem; & aperuit terra os suum, & absorbuit flumen, quod misit draco de ore suo.

17.

Et iratus est draco in mulierem; & abiit facere prælium cum reliquis de semine eius: qui custodiunt mandata Dei, & habent testimonium Iesu Christi.

18.

Et stetit supra arenam maris.

I. Quare proposita draconis sæuitia, cælis edicitur, vt latentur; terræ autem dicitur, & mari; Væ vobis; quia descendit diabolus ad vos, habens iram magnam, sciens quod modicum tempus habet.

K. Postquam igitur draco se in terram proiectum aspexit; persecutus est mulierem, quæ filium pepererat masculum.

L. Sed datæ fuerant mulieri alæ duæ prægrandis aquilæ; quibus securè & celeriter peruenire posset ad eum refugij locum, quem illi Deus in deserto præparauerat; quo in loco mulier alitur procul à serpentis conspectu, per tres annos atque dimidium.

M. Draco verò, vt mulierem ex tutissimo illo receptaculo extraheret, emisit aquæ flumen ex ore aduersus ipsam mulierem. Ceterum Dei providentia factum est, vt terra flumen illud absorberet, & mulier ex eâ inundatione incolumis euaderet.

N. Perstitit tamen draconis ira in mulierem concepta. Quapropter decreuit, non illam modò & primogenitum eius filium insectari; verum etiam bellum gerere contra ceteros ipsius mulieris filios; qui Dei præcepta custodiunt, & Christi testimonium habent.

O. Ad hoc autem bellum commodè gerendum, visus est draco arenam maris, tanquam locum sibi aptissimum seligere.

### Interpretatio superioris Paraphrasis.

A. Indurationem Iudaici populi subsecutus est Ecclesiæ primogenitæ transitus ad Gentes. Qui transitus fidelibus ex circumcisione ad Christum traductis tuit valde mirabilis. Et quoniam Ecclesia ad Gentes Diuino lumine illustrandas proficiscitur; ideo apparet claritate solis amicta, lunæ innitens, & stellis coronata. Est autem sol, diuinæ claritatis symbolum; luna, humanitatis Christi, & stellæ duodecim, Apostolorum totidem qui fidei symbolum condidere.

B. Parturientis symbolum ad officium prædicationis referendum est. Nam Ecclesiæ nationes illuminando, multos Christo filios enixa est. Sicuti ab Isaia fuerat prædictum cap. 66. 8. Quare dolores parturientis innuunt sollicitudinem & labores prædicantium. Clamores autem prædicati onem ipsam, vel etiam prædicantium orationes.

C. Quid



A C. Quod in cælo apparuerit draco; Dæmonum confidentiam denotat, de primigeniæ Ecclesiæ conatibus frustrandis. Figura draconis magnam eorundem Dæmonum potentiam atque astutiam indicat. Septem capita de multiplici tentandi ratione intelliguntur. Quarum tentationum genera ad septem capitalia vitia reuocantur. In decem cornibus significatur, bellum nobis esse *aduersus plurimos principes, & potestates tenebrarum harum.* Coronæ septem indicant, Dæmones non de alia victoria aut dominatu cogitare; quàm de subiiciendis sibi hominibus per septem capitalia vitia.

Ad Ephes.  
6. 12.

D. Stellæ, quas caudâ deiectisse dicitur draco, ij sunt prædicatores Euangelici; quibus Dæmonis persecutio corpoream attulerat necem. Spes autem deuorandi foetum, refertur ad confidentiam spiritualiter occidendi eos, quos Ecclesia Christo gigneret; & eosdem deuorandi, antequam in fide & charitate adoluerent.

B E. Masculus filius est Ecclesiæ Romana; quam primogenita Ecclesiæ initio fundauit in ijs Iudæis, qui Romam incolebant; quiq; Christi fidem amplexati sunt. Huic Romanæ Ecclesiæ destinatus à Deo erat principatus inter Ecclesias omnes, & mystica Gentium omnium subiugatio per ferreum Christi sceptrum adumbrata. Quod verò dicitur puer ad thronum Dei raptus; indicat Romanæ Ecclesiæ *propalatam fuisse Sancti Sanctorum viam*; & per admirabilem sanctitatem atq; sapientiam fuisse redditam à Dæmonum incurribus securam.

Ad Hebr.  
9. 8.

F. Deinde mulieris fuga in desertum, transitus est Ecclesiæ primogenitæ à Iudæorum obstinatione ad Gentilitatem: id est, ad Euangelium Gentibus promulgandum: subditurq; in deserti incommodis atque molestijs, (quæ paucos annos erat duratura) nunquam defuisse Euangelicis concionatoribus, aut refugium in Deo; aut eum cibum, de quo Christus dixit, *Meus cibus est, vt faciam voluntatem eius, qui misit me.*

Ioan. 4. 34.

C G. Michaelis bellum cum dracone desumptum est ex Danielis capite 12. vbi in sensu proximo de Mathathia agitur; cui Michaelis nomē tribuitur, propter Dei zelum, quo se Antiocho opposuit, zelum Archangeli imitatus. Mysticus tamē Mathathias & mysticus Michael (de quo Daniel, & Ioannes loquuntur) Christus est, à quo Angeli ipsius (id est Euangelici prædicatores) erecti & excitati, aduersus idololatriam constanter prædicarunt; & dæmonem, eiusq; satellites (id est Sacerdotes idolorum) e cælo deiecerunt. Quia quantumuis repugnare conati sint; nihilominus ab Euangelij ministris effectum est, vt manifestè constaret, omnem illam diuinitatis & religionis speciem, quam idololatria præ se ferebat, fictam esse & eumentitam, atque vero Deo inimicam; nec alio fundamento niti, quàm terrenis & sordidis hominum affectibus.

H. Clamor cæli, admirationem Ecclesiæ repræsentat de admirabili Dei consilio in Diuinæ virtutis efficacitate ostendenda, & in regno Dei, atque potestate Christi stabiliendis. Dum enim Dæmoni (propter ipsius importunas aduersus Christi famulos calumnias) permissum est, vt eos validissimè tentaret, & eorum prædicationi impediendæ machinas omnes admoueret; hac ipsa via consecutum fuit; vt & Dæmon ipse maiori cum probro, & dedecore caderet; & Euangelici prædicatores gloriosius de illo triumpharent: nec non sui erga Christum amoris darent documenta clarissima.

I. Exultare iubentur cæli, (id est Christi Ecclesia) præuidentes persecutionem à Dæmone suscitandam. Quippe eadem persecutione fuerat Ecclesiæ gloria multiplici incremento prouehenda. Mari autem & terræ (id est infidelibus, mundanis atque terrenis) edicitur *Va.* Quia illis Dæmon erat ad persecutionem abusus; sciens, quia modicum tempus habet; videlicet vsque ad idololatriæ ruinam.

D K. Illam draconis persecutionem de persecutione Neronis explico: & ante illam meritò dicitur draco in terram deiectus. Ea enim persecutio propterea est coorta; quia per Euangelij prædicationem idolorum cultus despiciatui habebatur. Dæmonis iram stimulabat partus mulieris, id est, Romanæ Ecclesiæ fundatio; à qua sibi maximè dæmon ipse timebat.

L. Aquila magna symbolum est cælestis Sapientiæ. In duplici eius ala adumbrantur duo testamenti; quibus valde adiuta fuit Ecclesia, vt magno cum solatio ad perfugij locum euolaret, quem sibi Deus in deserto præparauerat; nimirum ad pacem & securitatem in Deo retinendam inter Gentiles ipsos, & eorum persecutiones, mystico illo tempore duorum & quadraginta mensium, quo persecutiones erant duraturæ. Interim Dæmon impedire non poterat, quin Ecclesia primogenita cælesti aleretur cibo. De quo suprà, versu 6.

M. Flumen, quod draco euomit ex ore, Neronis persecutionem figurat. Terra autem, quæ flumen absorbit, eos designat, qui Neronem occiderunt. Eo enim sublato, & legibus ipsius derogatis; cessauit persecutio, quam ille contra Ecclesiam excitarat.

E N. Bellum, quod draco cum omnibus mulieris filijs gerere decreuit, generales denotat persecutiones, quæ aduersus omnes Christianos à Romanis Imperatoribus, Dæmone instigante, sunt excitatæ. Porro de Christianis Ecclesijs verissimè dicitur eo præsertim tempore, illas custodire mandata Dei, & Christi approbationis habere testimonium in manifestis ipsius donis, ijsq; præclarissimis.

O. Arena maris, in qua constitit draco, designat infinitum impiorum numerum, per quos Dæmon cum fidelibus erat dimicaturus. Excitando videlicet, & instigando bestiam maris, & bestiam terræ; de quibus sequenti capite agitur.



## CAPUT XIII.

*De Imperij Romani superbia Ecclesiam Christi persequente.*

TEXTVS.

PARAPHRASIS.

**E**T vidi de mari bestiã  
ascendentem, habentem  
capita septem, & cornua  
decem; & super cornua  
eius decem diademata,  
& super capita eius nomina  
blasphemiarum.

1.

Et bestia, quam vidi, similis erat pardo, & pedes eius sicut pedes ursi, & os eius sicut os leonis, & dedit illi draco virtutem suam, & potestatem magnam.

2.

Et vidi vnum de capitibus suis, quasi occisum in mortem: & plaga mortis eius curata est: & admirata est vniuersa terra post bestiam.

3.

Et adorauerunt draconem, qui dedit potestatem bestie, & adorauerunt bestiam dicentes: Quis similis bestie? & quis poterit pugnare cum ea?

4.

Et datum est ei os loquens magna, & blasphemias, & data est ei potestas facere menses quadraginta duos.

5.

Et aperuit os suum in blasphemias ad Deum, blasphemare nomen eius, & tabernaculum eius: & eos, qui in celo habitant.

6.

Et est datum illi bellum facere cum Sanctis, & vincere eos. Et data est illi potestas in omnem tribum, & populum, & linguam, & gentem.

**T**otius capitis summa paucis comprehensa hæc est. Cum dracone coniurant duæ horrendæ bestie; maris altera, altera terra.

*De Bestia maris.*

**A.** Maris bestia septem constabat capitibus & cornibus decem. In horum singulis singulæ erant coronæ impositæ. In illorum id est capitum, frontibus inscriptum erat hoc nomen, *Antichristus*, quod blasphemum est aduersus Christum.

**B.** Hæc bestia pardo, id est pantheræ, erat similis. Quare tota erat oculis vndique distincta, & egregia pulchritudine constans ad pantheræ imitationem. Pedes verò habebat ursinos; & sonus, quem ore edebat, rugitum referebat leonis. Huic bestie suam draco virtutem & potestatem magnam contulit; eamque uti instrumentum assumpsit ad eam exercendam facultatem, quam plurimi æstimat draco, nempe, Christi seruos persequendi.

**C.** Primum huius bestie caput fuerat occisum; quare deicium erat quasi extinctum. Reuixit tamen; & post huiusmodi resurrectionem homines generatim marinam bestiam secuti sunt, & magnâ reuerentiâ ac veneratione profecti.

**D.** Procubuerunt igitur in genua ante draconem & bestiam, pro summa stultitia reputantes, siquis bestie auderet obistere.

**E.** Bestia autem Christianam religionem probris ac maledictis superbe proscidit; & per duorum & quadraginta mensium spatium, (nempe per tres annos, & dimidium) dixit ac fecit.

**F.** Dixit quidem; dum petulanti ore in Deum, in eius nomen, in Dei tabernaculum, & in cælites ipsos contumelias atque blasphemias euomit.

**G.** Fecit autem; nempe bellum cum Sanctis, eos triumphans, & suammet ipsius potentiam in provincias omnes crudeliter exercens.



A

8.

Et adorauerunt eam omnes, qui inhabitant terram, quorum nō sunt scripta nomina in libro vitæ Agni, qui occisus est ab origine mundi.

9.

Si quis habet aurem, audiat.

B

10.

Qui in captiuitatē duxerit, in captiuitatem vadet: qui in gladio occiderit, oportet eum gladio occidi. Hic est patientia, & fides Sanctorum.

11.

Et vidi aliam bestiam ascendentem de terra; & habebat cornua duo similia agni, & loquebatur sicut draco.

C

12.

Et potestatem prioris bestię omnem faciebat in conspectu eius: & fecit terram, & habitantes in ea adorare bestiam primam, cuius curata est plaga mortis.

D

13.

Et fecit signa magna, vt etiam ignem faceret de celo descendere in terram in conspectu hominum.

14.

Et seduxit habitantes in terra, propter signa, quæ data sunt illi facere in conspectu bestię, dicens habitantibus in terra, vt faciant imaginem bestię, quæ habet plagam gladij, & vixit.

E

15.

Et datum est illi, vt daret spiritum imagini bestię, & vt loquatur imago bestię; & faciat, vt quicumq; nō adorauerint imaginem bestię, occidantur.

16.

Et faciet omnes, pusillos & magnos, & diuites, & pauperes, & liberos, &

H. Quamobrem sese illi subiiciunt omnes terræ incolæ; quorum nomina non erant ab origine mundi conscripta in libro eius vitæ, quam ab Agni nece prædestinati omnes participant.

I. Audiant hoc quicumque idoneas ad audiendum habent aures: Qui nunc violenter capiunt Christianos, eorumdem postea erunt captiui, & qui nunc Christianos immaniter trucidant, ab ipsis postea trucidabuntur. Sic enim fieri oportet; sicque euenturum Sancti ipsi sperant atque confidunt.

### De Bestia terræ.

K. Terrestris bellua duo habebat cornua, cornibus agni similia. In sono autem, quem ore edebat, similis erat draconi.

L. Porro, quam draco marinæ bestię potestatem fecerat, eandem exercebat bestia terræ in marinæ bestię conspectu, vt-pote ipsius administra. Atque ita effecit, vt terrigenæ omnes bestiam maris adorarent; postquam primum eius caput quod fuerat occisum, reuixisse visum est.

M. Vt autem homines in fraudem inducat, bestia terræ duo miracula per speciem ingentia edit. Alterum est, vt ignis e celo descendere videatur.

N. Alterum; terræ incolis persuadere, vt quilibet marinæ bestię effigiem & imaginem sibi exprimat, post primi capitis resurrectionem. Hisce imaginibus bestia terrę spiritum tribuit & vitam; easq; in marinę bestię conspectu loqui facit. Qui autem bestię imaginem nō adorant, eos omnes iubet occidi.

O. Vt autem adoratores à non adoratoribus facilius dignoscantur; in adorationis signum iubet omnes in frōte & in dextera notam atque insigne bestię marinæ gestare: & hac nota non insignitos commercio atque conuictu humano prohiberi.



seruos habere characterem in dextera manu sua, aut in frontibus suis.

17.

Et nequis possit emere, aut vendere; nisi qui habet characterem, aut nomē bestię, aut numerū nominis eius.

18.

Hīc sapientia est. Qui habet intellectum, computet numerum bestię. Numerus enim hominis est: & numerus eius sexcenti sexaginta sex.

Signum verò illis impressum, alterum est de duobus: aut bestię nomen, aut numerus nominis bestię. Est enim character quid commune ad nomen & ad numerum.

P. Numerus nominis marinę bestię ad computandi rationem hominibus familiarem subductus, conficit 666.

### Interpretatio superioris Paraphrasis.

Quoad totius capitis summam; Bestię duę, quę in bello aduersus Christianam Religionem gesto suppetias Dæmoni tulere, sunt: altera Romani Imperij ethnici *Superbia*; altera *Sapientia carnis*. Harum prima in mundi huius mari enutritur: secunda in terra humani cordis eorū, qui terreni sunt.

### De Bestia maris.

A. Septem capita indicant successionem Romanorum Imperatorum, qui post Neronem persecuti sunt Ecclesiam. Et fortassis septenarius capitum numerus, numero præcipuarum ac generalium persecutionum à Domitiano ad Diocletianum vsque respondet. Decem cornua auctoritatē adumbrant Romani Senatus, qui quasi Regum confessus erat.

B. Similitudo pardi (hoc est pantherę) ad mundanam refertur gloriam. Vrsini pedes, ad fordidās voluptates. Rugitus leonis, ad crudelia contra Religionem Christianam edicta. Iam quòd draco dicitur suam potestatem magnam dedisse bestię; eò spectat, vt facultatem sauiendi in Christianos Dæmoni permissam, decreuerit ipse per Imperium Romanum exequi.

C. Resurrectio occisi capitis, persecutionem Neronis in Domitiano instauratam, representat. Renouationem autem eiusmodi, subsecuta est terrigenarum omnium approbatio, per ingentem Romani Imperij idololatrę æstimationem.

D. In ea persecutionis approbatione genu flectebant miseri ante ipsummet Dæmonem, qui in idolis colitur; & ante Romani Imperij superbiam. Existimabant enim illum fore stultum reputandum, qui bestię sese opponere, & cum ea prælium committere auderet.

E. Quod bestię permissum est dicere & facere, ad verba & ad bellum attinet, quibus Romanum Imperium Christianam infestabat Ecclesiam. Spatium autem trium annorum & dimidij, mysticum est; & eandem habet significationem, quam suprā cap. 11.

F. Dei nomine honor ipsius & gloria figurantur; nec non promissiones in Diuino nomine inclusę. Tabernaculum Dei ex allusione ad antiquum tabernaculum, denotat Christianę Religionis humilitatem; eo scilicet tempore, quò nondum erat constructum mysticum Salomonis tēplum, quod postea ex deuictarum Gentium spolijs ædificatum est. Denique primitiui Christiani, & ij præferti, qui pro Christo obierant, sunt qui in cælis habitare dicuntur.

G. Vincendi verbum ad Martyrum carnificinam transferendum est.

H. Ii dicuntur in libro vitę scripti, qui ad Christianam religionem efficaciter erant, ex æterna Dei prædestinatione, vocandi. In Christo autem prædestinati erant ad fidem illi, qui re ipsa Christi fidem amplectuntur.

I. Romanum Imperium, dum idolis seruiens, in Christianos furit; verè dicitur Christianos in captiuitatem trahere: sed spes certissima Ecclesię erat iniecta, fore vt Romanum Imperium Christianę fidei subijceret: atque hac ratione, qui tunc alios captiuos ducebant, per ipsam Christianorum patientiam atque fidem, asseritur eos captum iri: & Dei verbi gladio occisum eos, qui potentię suę armis tunc in Christianos sauebant.

### De Bestia terrę.

K. Duo cornua cornibus Agni similia, intelligenda sunt de imitatione duorum ex septem illius agni cornibus, (de quibus cap. 5.) hoc est, de minarum terrore, & de suppliciorum seueritate: quibus sapiētia carnis cum Christi Ecclesia dimicabat. Iam, quòd bestia terrę dicitur in loquēdi ratione draconē imitata, allusio est ad illa serpentis verba, Gen. 3. 4. *Nequaquam moriemini: & Eritis sicut dij.*

L. Sapientia carnis, vt gratum hominibus faceret, & se Romano probaret Imperio; singulis persuadebat, vt renouatę persecutionis edictis se subderent, & persecutionem ipsam aduersus Christianos vrgerent. Atque hac ratione Romanum Imperium per carnis sapientiam, tanquam per fidissimam administram exercebat eam tyrannidem, ad quam illud sibi Dæmon substituerat.

M. Ignis de cælo descendere visus in hominum conspectu, explicandus est de falsa zeli Elię imitatione. Hac enim quodammodo videbatur ignis ille persecutionis, quo sapientia carnis Christianos exurere tentabat, esse Religionis ignis de cælo descendens.

N. Idolum, quod ethnici singuli effinxisse dicuntur, est magna illa existimatio, quam animo concipiebant de Romani Imperij Ecclesię persequentis magnitudine & diuinitate. Huic autem simulachro dicitur carnalis sapientia spiritum & sermonem dedisse; quia affectus deprauatus idolum illud animabat, atq; illi mirabilem persuadendi vim tribuebat, ita vt singuli idolo illi falsitatis à seipsis expresso, sese sponte subijcerent; nec dubitarent in eos exandescere, qui huiusmodi simulacro cultum deferre recusarent.

O. Commercij prohibitio denotat, ijs omnibus, qui in bello aduersus Ecclesiam, Romani Imperij



A perij partes non sequebantur, veluti execrandis reipub. hostibus, aquâ & igne interdicti. Iam, quod omnes, qui se subijciebant Imperio, dicuntur ipsius Imperij characterem accepisse; ex antiquæ militiæ consuetudine petittum est. Verum accipere in fronte characterem, est propalam in ea Christianorum persecutione gloriari; nec solum opere, sed aperta etiam professione morem idololatriæ gerere. Designatur autem duplex character; alter nominis per literas expressi; alter nominis eiusdem ad numeros reuocati. Etenim tam ethnicorum gloriatio; quàm operatio, qua Christianos oppugnabant, duplex erat; altera expressior, altera non ita manifesta; sed apud sapientes viros perinde valens.

P. Nomen illud Romani Imperij Religionem Christianam persequentis (cuius numerus dicitur esse 666.) non aliud est, quàm ἡ ἀλαζονεία βίη; hoc est, SUPERBIA VITÆ. In quo Ioannes alludit ad id, quod in sua Canonica, cap. 2. 16. scripserat.

## CAPV T XIV.

B *De exercitu seruatorum Christi aduersus Gentiles pugnantium: ac de eorum victoria in plurimorum conuersione, atque martyrio.*

TEXTVS.

I.

C **ET** vidi, & ecce Agnus stabat supra montem Sion, & cum eo centum quadraginta quatuor millia habentes nomen eius, & nomen Patris eius scriptum in frontibus suis.

2.

C Et audiui vocem de cælo tãquam vocem aquarum multarum, & tãquam vocem tonitruui magni; & vocem quam audiui, sicut citharædorum citharizantium in citharis suis.

3.

D Et cantabant quasi canticum nouum ante sedem, & ante quatuor animalia, & seniores, & nemo poterat dicere canticum, nisi illa centum quadraginta quatuor millia, qui empti sunt de terra.

4.

E Hi sunt, qui cum mulieribus non sunt coinquinati, virgines enim sunt. Hi sequuntur Agnum, quocunque ierit. Hi empti sunt ex hominibus primitiæ Deo, & Agno.

5.

Et in ore eorum non est inuentum mendacium: sine macula enim sunt ante thronum Dei.

PARAPHRASIS.

A. **ET** vidi Agnum in monte Sion, ducem videlicet & imperatorem illius Gentis; aduersus quam draco, & bestia maris, ac bestia terræ acerrimum bellum gerunt. Aderat cum Agno lectissimus exercitus, nempe centum quadraginta quatuor millia fortissimorum militum, qui nomen Agni & nomen Patris eius in frontibus inscripta gerunt.

B. De cælo autem supra Agni exercitum resonabat vox duplex; altera similis fremitus, quem mare procellâ conuasatum edit; altera similis tonitruo magno. Cælestibus hisce vocibus associabatur vox item prædicti exercitus; quæ suo concentu referebat musicam suauissimam citharædorum canentium pariter, & citharas pulsantium.

C. Et cantabant quasi canticum nouum, quo Deum in throno supra nubes sedentem, & quatuor Dei insigniferos, simulq; presbyteros coram adstantes mirifice recreabant. Neque illud canticum & harmoniam suauissimam ulli hominum imitari poterant, nisi prædicti Agni milites centum quadraginta quatuor millia; quos ipse sui sanguinis pretio sibi comparauerat.

D. Hi adolescentibus virginibus comparantur; quæ ab Agno attractæ in ipsius vnguentorum odorem currunt, vt habetur Cantic. 1. 3. Atque has veluti primitias offert humanum genus Deo, & Agno.

E. Sunt hi veri Israelitæ, in quibus dolus non est: quia inculpato se, & sceleris puros in omnibus exhibent coram Deo.



6.

Et vidi alterum Angelū volantē per medium cæli habentem Euangelium æternum, vt euangelizaret sedentibus super terram, & super omnem gentem, & tribum, & linguam, & populum.

F. Supra hunc autem exercitum vidi tres Angelos; quorum primus per medium cæli volitans, felicissimum rei cuiusdam nouæ, ac perpetuæ duraturæ nuncium afferebat, quem populis omnibus nunciaret.

7.

Dicens magna voce: Timete Dominum, & date illi honorem, quia venit hora iudicij eius; & adorate eum, qui fecit cælum & terram, mare & fontes aquarum.

G. Nuncius autem is erat, aduenisse scilicet iam Diuini iudicij horam; atque adeo deinceps Deum verum fore ab vniuersis gentibus adorandum.

8.

Et alius Angelus secutus est dicens; Cecidit, cecidit Babylon illa magna, quæ à vino iræ fornicationis suæ potauit omnes gentes.

H. Subiecit alter Angelus, non procul abesse Babylonis ruinam.

9.

Et tertius Angelus secutus est illos, dicens voce magna: Si quis adorauerit bestiam, & imaginem eius; & acceperit characterem in fronte sua, aut in manu sua.

I. Tertius demum adiecit; si quis ex Agni exercitu ad aduersarios transfugeret, & marinam bestiam, atq; eius imaginem adorans, ipsiusmet bestię characterē in fronte aut in manu acciperet;

10.

Et hic bibet de vino iræ Dei, quod mistum est mero in calice iræ ipsius, & cruciabitur igne & sulphure in conspectu Angelorum, Sanctorum, & ante conspectum Agni.

K. Hunc minime à Dei ira euasurū; sed igne ac sulphure in omnē sæculorū memoriam discrucandum; atq; ex eodem igne fumum in sæculorum sæcula ad cælum vsque ascensurum, in præsentī etiam vita, nulla in re quietem & tranquillitatem adepturum.

11.

Et fumus tormentorū eorum ascendet in sæcula sæculorum; nec habent requiem die ac nocte, qui adorauerunt bestiam, & imaginem eius; & si quis acceperit characterem nominis eius.

12.

Hic patientia Sanctorum est, qui custodiunt mandata Dei, & fidē Iesu.

L. His tribus vocibus patientia Sanctorum confirmatur.

13.

Et audiui vocē de cælo dicentē mihi: Scribe, Beati mortui, qui in Domino moriuntur. Amodò iam dicit Spiritus, vt requiescant à laboribus suis; opera enim illorum sequuntur illos.

M. Dein iniunctum mihi est à cælo, vt scriberem; felices eos esse, qui ante mortem se morti totos deuouent, vt ad Christi Domini normam sese effingant; sic enim verā requiem in medijs ipsis laboribus & arumnis fruituros; atque adeo in fide stabiles, in opere efficaces inuentum iri.



A

14.

Et vidi, & ecce nubem candidam, & super nubē sedentem similem Filio hominis, habentem in capite suo coronam auream, & in manu sua falcem acutam.

N. Sub hac, subsecuta est copiosa messis, & optima vindemia, messorem autem vidi supra nubem candidam; gestabatq; in capite coronam & falcem acutam in manu.

B

15.

Et alius Angelus exiuit de templo, clamans voce magna ad sedentem super nubem: Mitte falcē tuam, & mete; quia venit hora, vt metatur, quoniam aruit messis terræ.

O. Ad quem cum alter quidem Angelus è templo procedens, sic verba fecisset. *Mitte falcem tuam, & mete; quoniam aruit messis terræ.*

16.

Et misit qui sedebat super nubem falcem suam in terram, & demessa est terra.

Haud mora; falcem ille misit, & subito demessa est terra.

C

17.

Et alius Angelus exiuit de templo, quod est in caelo, habens & ipse falcem acutam.

P. Porro vindemiator, Angeli speciem gerebat; & de caelesti templo progrediebatur, falcem in manu gerens acutam.

18.

Et alius Angelus exiuit de altari, qui habebat potestatem supra ignem, & clamauit voce magna ad eum, qui habebat falcem acutam, dicens: Mitte falcem tuam acutam, & vindemia vitros vineæ terræ, quoniam maturæ sunt vineæ eius.

Q. Alius item Angelus, qui habebat potestatem super ignē, ab altari egressus, sic vindemiatorem est allocutus: *Mitte falcem tuam acutam, & vindemia vitros vineæ terræ, quoniam maturæ sunt vineæ eius.*

D

19.

Et misit Angelus falcē suam acutam in terram, & vindemiauit vineam terræ, & misit in lacum iræ Dei magnum.

R. Quod cum ille prastitisset, vix protinus in magnum Diuinæ iræ torcular immixtae sunt.

E

20.

Et calcatus est lacus extra ciuitatem, & exiuit sanguis de lacu vsque ad frænos equorum per stadia mille sexcenta.

S. Calcatus est autem torcular extra ciuitatem; & tanta fuit sanguinis vix, seu musti copia; vt eius torrens per stadia mille sexcenta effluerit, vsq; ad equorum frænos pertingens.



*Interpretatio superioris Paraphrasis.*

A. Agnus in Sione monte visus Christum denotat; qui caelesti spiritu, exemploque suo atque doctrina primitiuos Christianos tanquam agnos inter lupos mittit ad bellum cum Romano Imperio gerendum. Itaque exercitus, qui Agnum constipabat, primitiui sunt Christiani; quos Apostoli atque discipuli, primum ex Iudaismo, deinde etiam ex Gentibus ad Christum traduxerant. Et per hunc primitiuorum exercitum Christus Romanum subiungauit Imperium. Quare exercitus hic sunt illi ipsimet, de quibus cap. 7. ubi explicatum est mysterium numeri centum quadraginta quatuor millium. Nomen Agni, & Patris eius in frontibus inscriptum, indicat publicam Christianismi professionem; quæ illis præsertim temporibus Christo valde gloriosa extitit.

B. Per ipsam Romani Imperij persecutionem Deus suos milites ad pugnam, id est, ad Euangelij prædicationem accendebat. Atque hæc est significatio vocis aquarum multarum, quæ de caelo fuit exaudita. Deinde vox tonitruui magni est vis illa diuina atque caelestis, quam eidem prædicationi suggererat Deus inter mediam persecutionis procellam. Cum enim primitiui illi Christiani cernerent incredibilem virtutem & admirabilem efficientiam, qua Deus suum verbum roborabat; hoc ipsum illis animum viresque addebat ad Christi nomen constanter prædicandum, & pro illo strenue dimicandum. Atque ex Christianorum parte, tum omnium inter sese concordia, tum verborum & sanctissimorum operum consociatio prædicationem ipsam maximè prouehabat. Hac enim ratione ipsi veluti diuini quidam Orphei atque Amphiones immenses ad se feras, & regentia saxa caelestis musicæ concentu trahebant.

C. Canticum novum ad nouam concionandi rationem refertur. Quippe viri illi Apostolici tanto animorum studio & contentione, tanta etiam in laboribus & ærumnis gloriatione ad hominum salutem ac Dei gloriam aspirabant.

D. E. Virginitatis nomen in præsentī allegoricè accipitur; sicut à Paulo 2. Corint. 11. 2. atque ita eodem spectat verorum Israelitarum gloria & vita immaculata.

F. Tres Angelorum voces exhortationem continent, quæ sit ab Agni ducibus ad vniuersum exercitum prædictum; ut eum ad strenue belligerandum excitent, accendant, inflamment. Cum enim tres essent contrarij exercitus duces; nempe draco, bestia maris, & bestia terræ: distinctionis gratiā aduersus eorum singulos singulæ itidem voces diriguntur ex sacris Literis depromptæ. Prima ex Iohanni, Euangelio; secunda ex Paulo; tertia ex secunda Petri Epistola.

G. Prima ergo vox est illa eadem, quæ habetur Iohannis 12. 31. *Nunc iudicium est mundi; nunc princeps huius mundi ejcietur foras.* Qui vniuersis Gentibus felicissimus extitit nuncius, atque æternus.

H. Secunda vox prædicit, tollendum esse de medio illud Imperium Gentilium Romanorum Christo aduersantium; & ruituram Babylonem, id est, Romam ethnicam illius Imperij caput; prout Christo inimica erat. Sic enim destructa est, cum Roma Christianam Religionem suscepit. Quamuis autem hæc prophetia sit petita ex Isaiâ, & Ieremia; hic tamen proxime ad locum Pauli respicitur, 2. Thessal. 2.

I. K. Tertia vox ex secunda Petri 2. seuerissimam comminationem continet aduersus eum, qui carnis pellacia deceptus à Christi fide in persecutione defecerit. Et in punitione æterna fumus ascendens in sæcula sæculorum, typus est æternæ Dei gloriæ, ex æterno impiorum supplicio redundantis.

L. M. Vterque hic versiculus in paraphrasi est explicatus.

N. Messis est symbolum conuersionis multorum ex Gentilismo. Vindemia verò, sanguinis ab eisdem pro Christiana fide profusi. Messor ergo est Christus Dominus, qui per Gentilium conuersionem in mundo regnat. Nubes, supra quam sedet, prædicatores sunt Euangelici. Falx acuta, verbum Dei.

O. Angelus ille qui clamat, *Mitte falcem tuam, & mete;* Prophetam Ioëlem significat.

P. Q. Vindemiator Angelus, & ille alter, qui ab altari procedit, & potestatem habent super ignem; Mosem & Eliam adumbrant; qui tamen in præsentī mysticè sunt accipiendi, sicuti cap. 11. Quare cum Mosi attribuitur vindemia, sapientiæ Sanctorum adscribitur; quod vitam pro Christo contemnant, & se conculcandos, ac perimendos tyrannis obijciant. Postulat autem Elias à socio Mose, ut vindemiât; quia Diuinæ gloriæ zelus ab Euangelica sapientia exigit, ut Christianus in persecutione libenter se morti offerat.

R. Lacus iræ Dei magnus, pro mysticæ iræ torculari vsurpandus est; in quo & Christus Iesus, & ipsius Martyres pressi sunt.

S. *Extra ciuitatem,* quia extra portam Christus passus est. Et ea phrasis (ut constat ex Paulo ad Hebr. cap. 13. 12.) ad improperium, quod Christi Martyres patiuntur, deseruit optimè. Iam, quod sanguineus torrens per mille sexcenta stadia inundare perhibetur; de mysticæ Palæstina gloria accipiendum est. Et verò Palæstina per stadia totidem in longitudinem patebat. Demum sanguis dicitur ad franos equorum pertingere; quo significatur, equos illos (de quibus cap. 6. actum est) largissime ex hoc sanguine bibere; iuxta illud Psal. 109. *sine. De torrente in via bibit; propterea exaltabit caput.*



## CAPVT XV.

*De nouo plagarum genere, quibus aduersus Gentilitatem Deus multo aliter pugnavit, quàm aduersus Iudaismum.*

## TEXTVS.

## PARAPHRASIS.

**E**T vidi aliud signum in cælo magnum & mirabile; Angelos septē habentes plagas septem nouissimas; quoniam in illis consummata est ira Dei.

2.

Et vidi tanquam mare vitreum mistum igne; & eos qui vicerunt bestiam, & imaginem eius, & numerum nominis eius, stantes super mare vitreum, habentes citharas Dei.

3.

Et cantantes canticum Moysei serui Dei, & canticum Agni, dicentes: Magna & admirabilia sunt opera tua Domine Deus omnipotens: iustæ & veræ sunt viæ tuæ, Rex sæculorum.

4.

Quis nō timebit te Domine, & magnificabit nomen tuum? quia solus pius es: quoniam omnes gentes venient, & adorabunt in conspectu tuo; quoniam iudicia tua manifesta sunt.

5.

Et posthæc vidi, & ecce apertum est templū tabernaculi testimonij in cælo.

6.

Et exierunt septem Angeli, habentes septem plagas de templo, vestiti lino mundo & candido, & præcincti circa pectora zonis aureis.

7.

Et vnum de quatuor a-

**A.** ET vidi (ait Ioannes) signum aliud in cælo magnum atque mirabile, nempe genus quoddam plagarum valdè nouum, per quas expleta est ira Dei.

**B.** Hæ verò plagæ licet aliquam videantur habere cum plagis Ægyptiacis similitudinē; non tamen immisæ sunt in Ægyptum, nec Israelis liberationem antecesserunt; sed consecutæ sunt potius Israelitarū transitum per mare rubrum. Prius enim aspexi Israelitas mare traiciētes: sed & ipse transitus per mare fuit valdè nouus & inusitatus; nec enim diuisum fuit mare, vt transitum præberet Israelitis (ijs videlicet, qui bestiam, eiusque imaginem, & numerum nominis eius deuicerunt) quin imò in modum glaciei, aut vitri coactum, & quasi conflatum, victoribus citharas pulcherrimas gestantibus supra se ipsum liberam & expeditam viam strauit. illis autē per mare summum transcurrentibus, vidi mare ipsum sub gradientiū pedibus exardescēs.

**C.** Illi verò interim canticum illud Moseos concinebant, *Cantemus Domino; gloriose enim magnificatus est.* Quod est etiam canticum Agni. Continetur autem eo cantico admirabile illud facinus, quod præstitit Deus; dum Israeliticum populum per mare traiecit, & arcanum Dei iudicium atque consilium submergendi in eodem mari Ægyptios ponē sequentes; nec non formido ingens, qua insolitum hoc opus Idumæos, Moabitas, Philisthæos, & Chananæos perculit.

**D.** Hunc ergo Israelis traiectum subsecuta est plagarum visio, quæ fuit huiusmodi. Apparuit in cælo exemplar tabernaculi testimonij, quod Moses fabricauit; in eoquē visum est referari oraculum illud, quod sancta Sanctorum appellatur.

**E.** Ex oraculo egressi sunt septem Angeli, qui in phialis nouas eas gestabant plagas, quas erant effusuri. Angeli autem lineis strictis erant amicti; sicuti olim sacerdotes. Zonis verò aureis circa pectora cingebantur; quemadmodum prima illa Apocalypseos persona.

**F.** Hisce Angelis datæ fuerant plagarum phialæ à primo



nimalibus dedit septem Angelis septē phialas aureas plenas iracundiæ Dei uiuentis in sæcula sæculorum. 8.

Et impletum est templum fumo à maiestate Dei, & de virtute eius; & nemo poterat introire in templum, donec consummarentur septem plagæ septem Angelorum.

quatuor animalium, hoc est, à leone. At liquor ille, quo phialæ redundabant, erat huiusmodi vindictam de hominibus sumpturus, vt merito dicantur phialæ fuisse iræ æterni Dei plenæ.

G. Vix dum Angeli de oraculo processerant, cum templum impletum est fumo; qui ab ipsius Dei gloria exoriebatur. Eratque fumus aded densus, vt nemo templum succedere posset, id est in eo vllam claritatem cernere; donec plagæ illæ septem effusæ sunt omnes.

### *Interpretatio superioris Paraphrasis.*

A. Primus huius capitis versus complectitur summam eorum, quæ deinceps cap. 15. & 16. narrantur. Dicitur autem hæc visio magna atque mirabilis; quo sensu mulier illa amicta sole, dicta est signum magnum. Quia mirabile valde est, sic Deum cum Gentilitate se gessisse, & nouo plagarum genere cum eis depugnasse; ijs nimirum plagis, quæ mysticam effundunt iram: per quam & peccatum ipsum prorsus euertitur, & peccatores ab eius tyrannide liberantur.

B. Tubarum plagæ in mysticam Ægyptum sunt immisæ; id est, in perfidos ac rebelles Iudæos, qui impedire nitebantur Israelis exitum in Euangelicam libertatem. At phialarum plagæ successerunt Israelis egressioni ex Ægyptiaca seruitute, & ingressioni in Gentilitatis mare. Atque aded contra eos inferuntur, qui obstare conabantur, ne mysticus Israel nationes alias in fidei obsequium subiugaret. Præterea in noui Israelis transitu per Gentilitatis mare, non solum mare ipsum cedit, sed etiam congelat. Illud enim inprimis admiranda Dei gesta commendat, quod aquæ multæ nouum Israel non modò non obruerent; verum etiam in seipsis sustinerent; & Christi milites per summas maris vndas, non secus ac per solidam planiciem, graderentur. Porro dum mare mistum igne apparet; innuitur, impletam esse illam Isaïæ prophetiam; *Aqua ardebit igne.* Quippe Gentilitatis mare calefieri, accendi & inflammari cœpit ipsomet Euangelicæ prædicationis igne. Atque hic est Christi pedum ignis, vt vidimus capite 1. & 10. De significatione bestię, & imaginis eius, & numeri nominis eius diximus capite 13. De citharis seruorum Christi, capite 14.

C. De sensu mystico Cantici Moſis sermo est. Qua ratione cohæret optime, vt mysticus Moſes sit idem; qui & Agnus: dux nempe eorum, qui in Gentilitatem penetrarunt, velut Agni inter lupos. Et in illo quidem Cantico, sicuti Israelis transitus per mare denotat felicem primigeniæ Ecclesiæ ingressum in Gentilitatem: sic etiam Pharaonis exercitus submersio, ad rebellis Ierosolymæ vastationem referenda est. Tremor verò Idumæorum & Moabitarum in sensu mystico respicit salutarem timorem, quo erant concutiendi, qui adhuc Ecclesiæ & Euangelio aduerſabantur.

D. Tabernaculum testimonij Christianæ Religionem in primitiuo illo tempore, figurat. Sacellum huius Tabernaculi intimum Christianis primitiuis apertum erat; postquam templi velum scissum est.

E. Ex illo verò adyto, siue oraculo exierunt mysticarum plagarum ministri; id est, Apostolici viri, qui ad faciendam vindictam in nationes profecti sunt. Ex quibus in hac sacra actione septem eliguntur, pro numero plagarum; de quibus in subsequenti capite sermo est. Quid autem significet in viris Apostolicis poderis byssina; quid zona aurea circa pectus, cap. 1. explicatum est.

F. Primum ex quatuor animalibus, nempe leo, (quo denotatur virorum Apostolicorum magnanimitas) dicitur eis dedisse phialas. Quippe res fuit maximæ fortitudinis atque roboris, adoriri Gentilitatis expeditionem; quæ hîc sub vindictæ specie adumbratur. In phialis innuitur prædicationis officium, quod perinde est, quasi mysticum sacrificium; in quo libatur & effunditur Christi sanguis veluti admirabilis quidam liquor; ex quo mirifici sequuntur effectus in mystica illa vindicta, quam Deus de Gentibus sumpsit.

G. Progressis autem ad hoc facinus egregium viris Apostolicis, illa gloria, quæ à solo Deo est, & quam ipsimet Apostolici viri quærebant, in eiusmodi periculum visa est vniuersam Christi Ecclesiam reuocasse; vt parum abesse videretur ab incendio ac destructione. Hoc ergo periculum ardendi, & pereundi significatur in densissimo fumo à Dei gloria procedente, & templum ipsum vndique occupante; donec ad plagam septimam ventum est. Tunc enim disparuit fumus, & gloriæ Dei claritas prorsus apparuit.



## CAPVT XVI.

*De septem plagis aduersus Gentilitatem immisiss.*

## TEXTVS.

## PARAPHRASIS.

**E**T audiui vocem magnam de templo dicentem septem Angelis : Ite & effundite septem phialas iræ Dei in terram.

2.

Et abiit primus, & effudit phialam suam in terram, & factum est vulnus seuum, & pessimum in homines, qui habebant characterem bestię, & in eos, qui adorauerunt imaginem eius.

3.

Et secundus Angelus effudit phialam suam in mare, & factus est sanguis tanquam mortui, & omnis anima viuens mortua est in mari.

4.

Et tertius effudit phialam suam super flumina, & super fontes aquarum, & factus est sanguis.

5.

Et audiui Angelum aquarum dicentem : Iustus es Domine, qui es, & qui eras sanctus, qui hæc iudicasti.

6.

Quia sanguinem Sanctorum, & Prophetarum effuderunt; & sanguinem eis dedisti bibere : digni enim sunt.

7.

Et audiui alterum ab altari dicentem; Etiam Domine Deus omnipotens vera & iusta iudicia tua.

**A.** Vox magna de caelo exaudita clamat septē Angelis : Ite, & septem phialas aduersus terrigenas effundite.

**B.** Ut primū ergo fuit in terram effusa prima phiala; qui insigniterant marinæ bestiæ caractere, & eius imaginem adorabant, molestis ac verecundis vlceribus percussi sunt, sicuti Exod. 9. 10.

*Prima phiala.*

**C.** Deinde secunda phiala in mare fuit immissa; vnde effectum est, vt maris fluctus sanguineo inficeretur rubore. Quemadmodum immolata hostiæ sanguine tingebatur aqua lebetis, in quem sanguis ipse sacrificij influebat per altaris gyrum diffundendus. Maris autem vnda sanguine intincta, pisces mox in mare inuenti interierunt.

*Secunda phiala.*

**D.** Tertia phiala super flumina, & super aquarum fontes decedit; ex quo tota aqua potabilis in sanguinem pariter verita est.

*Tertia phiala.*

**E.** Tunc Moses (qui ab aquis accepit nomen, & propterea aquarum Angelus appellatur) Deum collaudauit, dicens : Domine, qui es, & qui eras, iustum te in hoc iudicio exhibuisti.

**F.** Quia terrigenæ Sanctorum & Prophetarum sanguinem effuderunt; eisque sanguinem bibendum propinasti; digni enim hac portione sunt.

**G.** Moses socius, (id est Elias, qui vocatur altaris Angelus propter curatum Dei altare) Deum pariter commendauit propter æquissimum eius iudicium, quod in tertiæ plagæ effusione enitebat.



8.

Et quartus Angelus effudit phialam suam in solem; & datum est illi æstu affligere homines, & igne.

9.

Et æstuauerunt homines æstu magno, & blasphemauerunt nomen Dei habentis potestatem super has plagas, neque egerunt poenitentiam; ut darent illi gloriam

10.

Et quintus Angelus effudit phialam suam super sedem bestię, & factum est regnum eius tenebrosus, & commanducauerunt linguas suas præ dolore.

11.

Et blasphemauerunt Deum cæli præ doloribus, & vulneribus suis, & non egerunt poenitentiam ex operibus suis.

12.

Et sextus Angelus effudit phialam suam in flumen illud magnum Euphraten: & siccauit aquam eius, ut præpararetur via regibus ab ortu solis.

13.

Et vidi de ore draconis, & de ore bestię, & de ore pseudoprophetę spiritus tres immundos in modum ranarum.

14.

Sunt enim spiritus demoniorum faciētes signa, & procedunt ad reges totius terrę congregare illos in prælium ad diem magnum omnipotentis Dei.

H. Quarta phiala in solem fluxit; qui vehementissimo æstu homines toruit & excruciauit.

A  
Quarta  
phiala.

I. Ardenti ergo solis æstu exurebantur homines; qui poenitentia & superiorum scelerum detestatione, nec non pro gloria, quam Deo deferre deberent, in eum contumelias ac blasphemias euomebant.

B

K. Quinta phiala in sedem bestię effusa est. Quare in eiusdem bestię regnum densa tenebrarum caligo incubuit; & dolor pariter adeo rabidus & efferatus, ut homines proprias linguas moribus laceratas deuorarent.

Quinta  
phiala.

C

L. Quamobrem Deo non tribuerunt gloriam suis linguis, nec de præteritis flagitijs resipuerunt; sed nimia potius doloris impatientia Deum blasphemijs exprobrarunt.

M. Sextę phialę effusio in flumen Euphraten facta est; hinc instauratum est antiquum illud & admirabile facinus, cum flumen repente exaruit, ut Orientis Reges, id est, Cyrus, & Darius, per siccati fluminis alueum Babylonem adorirentur, eamque occuparent.

D  
Sexta  
phiala.

N. Protinus in relictis fluminis lacunulis tres apparuerunt ranę; quas ore eiecerunt draco, bestia maris, & bestia terrę.

E

O. Tres huiusmodi ranę diabolico spiritu instinctę coegerunt Reges terrę, ut aduersus præpotentem Deum bellum conflarent acerrimum. Hanc tamen aduersus se conspirationem permisit Deus; quippe prælium fuerat committendum in die illo magno, quo ipse suę potentię contra illos clarissima daret documenta.



15.

A Ecce venio sicut fur. Beatus qui vigilat, & custodit vestimenta sua; ne nudus ambulet, & videant turpitudinem eius.

16.

B Et congregabit illos in locum, qui vocatur Hebraicè Armagedon.

17.

C Et septimus Angelus effudit phialam suam in aërem; & exiuit vox magna de templo à throno, dicens: Factum est.

18.

C Et facta sunt fulgura, & voces, & tonitrua, & terræmotus factus est magnus, qualis numquam fuit ex quo homines fuerunt super terram: talis terræmotus, sic magnus.

19.

D Et facta est ciuitas magna in tres partes, & ciuitates Gentium ceciderunt, & Babylon magna venit in memoriam ante Deum, dare illi calicem vini indignationis iræ eius.

20.

E Et omnis insula fugit, & montes non sunt inuenti.

21.

E Et grando magna sicut talentum descendit de cælo in homines: & blasphemauerunt Deum homines propter plagam grandinis: quoniam magna facta est vehementer.

P. Quoniam verò grauissimum hoc bellum, Dæmonis instinctu in Ecclesiam repente concitandum; nihil aliud est, quàm horribilis quædam persecutio; idè fideles à Deo verbis illis præmonentur: *Ecce venio sicut fur: beatus qui vigilat, & custodit vestimenta sua; ne nudus ambulet, & videant turpitudinem eius.*

Q. Atque ad eorum, qui vigilant erigendam ac roborandam ipem, subiungitur, ne de victoria dubitent; prælium enim in campo Armagedon committendum fore, quod idem significat atque insidias, siue insidiarum locum.

R. Septima phiala in aërem coniecta est; moxque vox de templo exaudita clamauit; *Factum est.*

Septima phiala.

S. Vix ea; cùm in aëre visa sunt fulgura, auditæ humanæ voces tonitruis associatæ; & terræmotus fuit repente subsecutus, omnium quotquot visi sunt, maximus.

T. Et magna vrbs Babylon fuit tres in partes diuisa; & Gentium ciuitates illi subiectæ corruerunt. Quibus ostentis significauit Deus, sibi in memoria fixam esse vindictam de Babylone sumendam, & suæ indignationis calicem illi porrigendum.

V. Insulæ ac montes ex oculorum conspectu extemplo subtrahi visi sunt; ita vt & mare ipsum absque difficultate fulcari, & terrarum viæ decurri possent.

X. Sub hac; è cælo decedit grando adèò magna, vt granum quodlibet appenderet talentum: decedit autem in homines, qui grandinis ictibus percussi, conuitia & maledicta in Deum ingesserunt.



*Interpretatio superioris paraphrasis.*

A. Voce ingenti de cælo exaudita significatur expressum ipsius cæli decretum, & Apostolorum consultum de mystico bello Gentilitati per Euangelij prædicationem, & Romæ præsertim, inferendo. Hoc bellum in phialis figuratur; nam prædicationis Euangelicæ interuentu oppugnabatur Gentilitas vi & efficacia Christi sanguinis in Gentiles ipsos per prædicationis officium effusi. Ipsa autem Euangelij promulgatio ad Gentes perinde erat, quasi admirabile quoddam sacrificium Deo oblatum; & quasi excellentissima vini libatio, ex qua miri sequerentur effectus. Et quia bellum hoc ad septem prædicationis veluti prælia redigitur, ex quibus totidem diuersi effectus redundarunt; idè per septem phialas denotantur. Ad quarum singulas singuli Dei ministri seliguntur in hac sacra actione; illi videlicet, qui ad eam dimicationem in eiusmodi phiala adumbratam videntur aptiores.

Primaphialarum plaga.

B. Primus ille fuit congressus, in quo Gentiles de suis sceleribus, & flagitijs in simulati sunt. Hinc effectum est, vt mystice renouaretur acerba illa vlcusum Ægypti plaga. Namque Gentiles ægerrimè id tulerunt; & dolore pariter, rubore atque furore præoccupati sunt; dum sua peccata fœda ac detestabilia propalàm sugillari viderunt. Atque hæc prima phiala ad beatum Paulum spectat; propter ea, quæ cap. i. epist. ad Romanos latè describit.

2. Plaga.

C. Secundæ phialæ effusio adumbrat, quemadmodum in ipso Euangelicæ prædicationis decursu, cum Romani Imperatores vehementius irritarentur, alius fuit effectus subsequutus; videlicet horribilis illa persecutionum procella, quam Romanum Imperium contra Euangelij prædicatorum excitauit; id quod in sanguineo maris colore figuratur.

3. Plaga.

D. E. F. G. Tertiæ phialæ scopus is est; procedente adhuc Euangelij prædicatione, & infidelium compluribus ad Christi fidem commigrantibus, ipsa Christiani nominis persecutio in domesticum bellum & intestinum euasit; atque adèd ipsosmet persecutores grauitè perculit. Hoc denotant fontes & flumina in sanguinem conuersa. In ea autem plaga, (ex qua ingens ad Deum gloria redundauit, ob magnum infidelium numerum, qui & traducebantur ad fidem, & pro ipsa mortem oppetebant) Moses mysticus & mysticus Elias, nempe Euangelij prædicatorum sapientia & sanctitas inducuntur; qui gaudio exultant, & propter illius plagæ efficientiam Deo laudes decantant.

4. Plaga.

H. I. Prosequitur adhuc in quarta phiala Euangelij prædicatione: quæ effecit, vt veri Dei lux Gentilium deceptionem & falsitatem in inanum deorum adoratione reuinceret. Vnde, qui obstinabant, grauitè offensi sunt perspicuitate illa, qua prorsus confundeabantur; & in eum, quem colere ac suspicere deberent, plurima iecere maledicta. Huc pertinet mysterium solaris splendoris & claritatis, quæ illos ita perculit, vt æstuarint pariter & blasphemarint.

5. Plaga.

K. L. Quinta phiala rearsentat maiorem prædicationis Euangelicæ progressionem; dum idolorum cultores ad suorum scelerum & anteactæ vitæ detestationem cohortatur. Quod in obstinatis ac rebellibus nihilo fuit vtilius, quàm vt cælesti illa doctrina detiores fierent ac duriores; & densissimis affectuum prauorum tenebris obnoluerentur; & præsertim in Christianos, eorumq; vitam integerrimam odium atque inuidiam conflarent. Hæ enim sunt tenebræ, de quibus in hac plaga mentio fit. Iam linguarum morsus & manducatio, denotant inordinatas cupiditates, & deprauatas affectiones fuisse causam, vt linguis omnino carere viderentur ad dilaudandum Deum, & ad sua ipsorum scelera confitenda.

6. Plaga.

M. N. O. P. Q. Dum Euangelij prædicatione latius serpit, ad intima Romæ penetralia, atque adèd ad ipsas nobilium & senatorum aedes penetrauit. Atq; hæc est mystica Babylonis inuasio, (quæ fuit sextæ phialæ effectio) in qua innouatur admirandum illud facinus, cum flumen Euphrates, (id est, amor atq; animi propensio ad delicias, & vitæ huius voluptates) in pluribus ex præcipuis Romanis prorsus exaruit: & Petri ac Pauli victoria ad Romæ interiora peruasit, quæ Euangelij aduersarij sibi minus præcauendum esse putauerant.

Tres rana designant Damonis, mundi atque carnis sermonem; qui sua contentione atque clamore euicerunt, vt persecutio acerrimè recrudesceret præ doloris ac furiarum magnitudine, quod Catholica fides in intimos Romæ recessus se insinuasset. Verùm hæc maior persecutio expediens erat, vt fides altiores ageret radices, & Christiana religio victrix de num euaderet. Verba illa, *Ece venio sicut fur*, admonent eos, qui Christi fidem receperant, vt vigilantes sint ac solertes; futurum enim, vti fœuissima in illos persecutio repente exoritur. Nomen Armagedon, (quod insidias significat) consolationem affert vigilantibus; dum eos reddit securos de felici illius persecutionis exitu, qui in maius Ecclesiæ trophæum, & in victoriam gloriosissimam fuerat redundaturus.

7. Plaga.

R. S. T. Euangelica prædicatione, repugnantibus licet persecutorum furijs, magis magisque augefcit; & Diuino aspirante Numine eò demum conuersionis efficiencia peruenit; vt (sicut in septimæ phialæ effusione, eiusque effectus figuratur) impunitas Christianis concedatur, vt publicè Christianam Religionem Romæ profiteantur. Tunc autem Romæ totius conuersio quasi facta iam reputatur. Fulgura, voces & tonitrua in eadem hîc usurpantur significatione atque in cap. 4. Magnus terræ motus indicat incredibilem illam rerum mutationem, cum persecutionis furor in publicam ac manifestam Religionis Christianæ professionem fuit Romæ mutatus. Babylonis diuisio in tres partes adumbrat Romæ totius diuisionem in tres hominum factiones. Alij enim Christianos se propalàm profitebantur; alij idolorum cultum adhuc publicè retinebant; alij denique neutram in partem concedebant. Ruina multarum ciuitatum mystica est, id est, conuersio ad Christi fidem. Quibus euentibus mysticè se Deus vlciscetur de Roma ethnica. Atque id est, quod textus ait, videlicet: *Babylon magna venit in memoriam ante Deum, dare illi calicem vini indignationis ira eius.*



V. Insularum ac montium fuga, & ex oculis subtractio symbolicè denotat, omnia fuisse impedimenta de medio sublata; quò liberè & expedite Euangelica prædicatio posset toto terrarum orbe felicissimo successu discurrere.

X. Tunc verò grando magna immissa innuit obstinatissimam eorum obdurationem, qui in suorum adhuc idolorum superstitione persistebant. Talenti verò mentio duo inuoluit: alterum est, magna cælestis supplicij grauitas; alterum, æquissima Dei iustitia in eo supplicio mirè elucens.

## CAPVT XVII.

*De mystica conflagratione Occidentalis Babylonis, hoc est, Romæ veteris.*

## TEXTVS.

## PARAPHRASIS.

I.

**E**T venit vnus de septem Angelis, qui habebant septem phialas, & locutus est mecum, dicens: Veni, ostendam tibi damnationem meretricis magnæ, quæ sedet super aquas multas.

A. Primus Angelorum, qui septē habebant phialas, ad me accedens, in hæc verba prorupit: Huc ades, vt tibi ostendam supplicij seueritatem, quo afficienda est meretrix illa magna, quæ sedet super aquas multas; id est Babylon, quæ ad Euphratis fluminis ripas sita est.

2.

Cum qua fornicati sunt Reges terræ; & inebriati sunt, qui inhabitant terram, de vino prostitutionis eius.

B. Hæc est meretrix famosa, cum qua Reges terræ se turpiter commiscuerunt; & cutus calice inebriati sunt terreni incolæ, impotentissime sæuientes aduersus eos, qui ipsos ab hac impura societate separare contendunt.

3.

Et abstulit me in spiritu in desertum; & vidi mulierem sedentem super bestiam coccineam, plenam nominibus blasphemiarum, habentem capita septem, & cornua decem.

C. His dictis, me Angelus spiritu in desertum sustulit; vbi mulierem aspexi sedentem super illam maris bestiam, de qua supra cap. 13. (super illam inquam, quæ blasphemiarum nominibus erat plena, & septem capitibus, ac decem cornibus constabat.) In hac tamen visione visebatur bestia illa coccineo colore omni ex parte tincta.

4.

Et mulier erat circumdata purpura, & coccino, & inaurata auro, & lapide pretioso, & margaritis; habens poculum aureum in manu sua plenum abominatione & immunditia fornicationis eius.

D. Ipsa in super meretrix gemmis ac margaritis pretiosis erat ad amulsum composita; manuque prætendebat inauratum calicem, plenum tamen detestabili illo suæ fornicationis liquore; quo gentes inebriabat, & in furorem ac rabiem agebat.

5.

Et in fronte eius nomen scriptum: Mysteriū: Babylon magna, mater fornicationū, & abominationum terræ.

E. Gestabat item insignis meretrix inscriptionem in fronte mysterij plenam; nempe, *Babylon magna, mater fornicationum, & abominationum terræ.*

6.

Et vidi mulierē ebriam de sanguine Sanctorum, &

F. Porro erat valdè ebria. Vinum autem, quo se ad ebrietatem ingurgitarat, erat Christi Martyrum sanguis; cuius crapulam & ebrietatem vehementer miratus sum.



de sanguine Martyrū Iesu,  
& miratus sum, cum vidis-  
sem illam, admiratione  
magna.

7.

Et dixit mihi Angelus:  
Quare miraris? Ego di-  
cam tibi sacramētum mu-  
lieris & bestię, quę por-  
tat eam, quę habet capita  
septem, & cornua decem.

8.

Bestia, quam vidisti  
fuit, & non est, & ascensu-  
ra est de abyſſo, & in inter-  
itum ibit: & mirabuntur  
inhabitantes terram (quo-  
rum non sunt scripta no-  
mina in libro vitę à con-  
stitutione mundi) viden-  
tes bestiam quę erat, &  
non est.

9.

Et hic est sensus, qui ha-  
bet sapientiam. septem ca-  
pita, septem montes sunt,  
super quos mulier sedet; &  
reges septem sunt.

10.

Quinque ceciderunt;  
vnus est, & alius nondum  
venit; & cum venerit, o-  
portet illum breue tem-  
pus manere.

11.

Et bestia, quę erat, &  
non est, & ipsa octaua est;  
& de septem est, & in in-  
teritum vadit.

12.

Et decem cornua, quę  
vidisti, decem Reges sunt,  
qui regnum nondum ac-  
ceperunt, sed potestatem  
tanquam reges vna hora  
accipient post bestiam.

13.

Hi vnum cōsiliū ha-  
bent; & virtutem & pote-  
statē suam bestię tradent.

G. Tum Angelus ad me. Cur, ait, miraris? Ipse tibi enoda-  
bo mysterium visionis huius, quę tibi ostensa est.

H. Hęc maris bestia, quam vidisti, non diu persistet; modò  
enim est, modò non est. Et quantumuis se ravidam & efferatam  
exhibeat; paulò post sese in mare demergit, nec apparet. Licet  
autem post paruum temporis interuallum rursus emergat, se-  
que aliorum oculis spectandam præbeat (quasi post magnam  
aliquam submersionem sua rursus capita, & horribilem illam  
speciem exerat; breui nihilominus corruet, & funditus interi-  
bit. Tunc autem terrigenę à Deo reprobati in maximam ra-  
pientur admirationem; quòd bestia illa, quę tantam præ se im-  
manitatem ferebat, ex oculis penitus euauerit.

I. Septem bestię capitibus adumbrantur tum montes se-  
ptem, tum etiam totidem Reges.

K. Nec verò Reges huiusmodi eodem simul tempore, sed  
per variam temporum successionem sunt victuri; ita vt post  
quinque Regum interitum, regnet sextus ante septimum; sed  
neque septimus ipse diu durabit.

L. Adhęc: Bestia, quę erat, & non est, rursus apparebit;  
cuius caput Rex alius, siue tyrannus erit ordine octauus. qui erit  
ex septem illis prioribus: sed exigui temporis spatio interibit  
omnino. neque amplius in orbe conspicietur. Et hætenus de  
capitibus bestię.

M. Per decem cornua, totidem designantur principes; qui  
Reges etiam vocantur. Quamuis enim reapse Reges non sint;  
ipsorum tamen potestas regię instar potestatis est. Horum au-  
tem decem principum & Regum aliorum, qui in septem capi-  
tibus indicantur, discrimen est eiusmodi: quia Reges per be-  
stię capita designati, non simul, sed vnus post alium imperita-  
runt. At principes in cornibus decem figurati eadem horā, id  
est, simul, potestatem exercent, quę illis post bestiam, siue cum  
bestia ipsa concessa est.

N. His vnum idemque est consiliū; & suam bestię vir-  
tutem ac potestatem tradent.



14.

Hi cum Agno pugnant; & Agnus vincet illos: quoniam Dominus dominorum est, & Rex regum; & qui cū illo sunt, vocati, electi, & fideles.

15.

Et dixit mihi: Aquæ, quas vidisti, vbi meretrix sedet, populi sunt, & gentes, & linguæ.

16.

Et decem cornua, quæ vidisti in bestia, hi odient fornicariam; & desolatam facient illam, & nudam; & carnes eius manducabunt, & ipsam igni concremabunt.

17.

Deus enim dedit in corda eorum, vt faciant, quod placitum est illi: vt dent regnum suum bestię, donec consummentur verba Dei.

18.

Et mulier, quam vidisti, est ciuitas magna, quæ habet regnum super reges terræ.

O. Atque hac ratione aduersus Agnum dimicabunt; qui tamen eos vincet. Quia ipse potentia est omnium suprema, eiusque milites electi atque fideles; quare pro Agno strenue militantes triumphabunt de decem Regum potentia.

P. His Angelus adiunxit: Quas vidisti aquas, eæ sunt populi, gentes, & linguæ.

Q. Quæ verò cornua decem in bestia conspexisti, hi odio persequentur meretricem bestię insidentem: ipsam nudabunt prorsus atque vastabunt; eius manducabunt carnes, eamque igni concremabunt. Itaque principes per cornua significati, qui antea aduersus Agnum bella ciebant; illi ipsi, postquam ab Agno fuerint superati, arma aduersus meretricem, cui prius famulabantur, conuerrent; & eam inter necione debent. Huius autem vastitatis ordo ita disponetur: vt eam vestibus spolient, moribus impetant ac deuorent, ac demum igni comburant.

R. Denique hoc erit egregium vnus Dei summi ac prepotentis facinus. Ille enim hos animos addet decem cornibus, id est, principibus; atque has vires suggeret, vt ea in re Dei voluntati obsecundent. Quam ad rem, qui prius suam bestię virtutem ac potestatem, non verò regnum, commiserant; postea regnum quidem eidem, non tamē virtutem ac potestatem tradent. Omne enim vim suam atque potentiam illi in bestię oppugnationem atque perniciem conferent: & propterea suum regnum in bestię manus tradent; donec impleatur tandem, quod Deus hac ratione fieri decreuit.

S. Vt autem dubitari non possit, quæ ciuitas per meretricem à te conspectam significetur; expressis tibi verbis edissero, eam esse ciuitatem illam magnam, quæ terræ Regibus dominatur.

### Interpretatio superioris Paraphrasis.

A. Hic Angelus, qui Ioanni ostendit supplicium de Babylone sumendum, significat B. Paulum: atque Babylon, de qua hic sermo instituitur, ethnicam denotat Romam veterē. Poena in eam exercenda mysticam adumbrat vindictam; quam Deus de illa sumpturus erat, cū illam Catholica Religionis igne succendit. Dicitur autem Roma sedere super aquas multas; ob imperium amplissimum, quo omnibus Imperij prouincijs dominabatur; quia *aquæ multæ, sunt populi multi*.

B. Fornicatio, cuius mentio fit, spiritualiter accipienda est; & inanem idolorum superstitionem adumbrat: quo in sensu verissimè asseritur, terræ Reges, nempe Imperatores & senatores ac reliquos principes cum Roma ethnica turpiter coire ad fornicationis spiritualis actionem. Porro fornicationis calix, quo inebriata dicitur terra, furorem indicat & immanitatem, qua idolorum cultores abrepti Christianos exagitabant; veluti ab ipsa Roma inebriati, & in furorem aduersus fideles acti.

C. Desertum, vbi Ioannes eam meretricem conspexit, Gentilitatem innuit; vt in scriptura sæpe aliàs. Aptissime autem fingitur mulier maris bestię insidens: quippe erat Romani Imperij domina, cuius imaginem præ se ferebat bestia. Quod autem hæc bestia coccineo nunc colore imbuta appareat; id denotat, Imperium ipsum Romanum innocente Martyrum sanguine ubique profuso redundare. De blasphemiarum nominibus, de septem capitibus, & cornibus decem supra iam cap. 13. actum est.

D. Meretricis ornatus symbolum est diuitiarum, opum ac facultatum, nec non mundanæ gloriæ ac potestatis; quibus Roma ethnica circumfluens intumescerebat, ad quam etiam significatio nem confert aureum poculum; nam idololatria & vesana persecutio in Christianum nomen suscitata spectabantur quidem, vt honorificum quid atque gloriosum; cū tamen inclusus hoc calice liquor immundus ac detestabilis prorsus fuerit.



E. Frontis titulus est, publica idololatriæ professio; qua non solum Roma ethnica gloriabatur; verum etiam se mystica Ierosolyma, id est, Ecclesiæ infensam atque infestam iactabat; eamque crudeli bello oppugnabat, ut idololatriæ superstitionem, ut altrix ac princeps foueret atque firmaret.

F. Ebrietas, de qua hic Ioannes, nihil aliud est, quam quod persecutionum tempore accidebat Romæ; quando eodem Christianorum cruore suffuso, persecutionis furor magis gliscebatur; iudicesque ipsi ita in rabiem efferantur; ut ebrij prorsus & mente alienati viderentur. Ioannes autem illud vel maxime admirabatur, quod tanta esset hominum cæcitas, dementia atque infania.

G. Beatus Paulus, (cui Deus suam admirabilem prouidentiam in hac Romæ ethnice ebrietate permittenda reuelarat) est hic Angelus, quem Deus ad Ioannem misit, eidem expositurus earum omnium persecutionum exitum.

H. Maris bestia nihil est aliud, quam Romanum Imperium ethnicum, quatenus infestabat Ecclesiam. Dicitur autem hæc bestia modò esse, modò non; & ascensura de abyssu, atque in interitum ritura; quia persecutiones non diu perdurant; sed Deo sic provide disponente, intermittuntur. Et quinquâ rursus exoriebantur repente; omnes tamen demum consumenda erant, Christiana Religione omnibus idolorum superstitionibus superante; & tunc quidem ingens fuerat subsecutura Gentilium omnium in sua obstinatione manentium admiratio: quod Romanum Imperium ethnicum in Christi Domini fidem ac veram Religionem concesserit.

I. Septem montes ij sunt, quibus Roma extructa est. Septem Reges non vniuersos Imperatores ethnicos repræsentant; sed eos duntaxat qui à Nerone Ecclesiam sunt persecuti. Ad septenarium verò numerum rediguntur; quia persecutiones ipsæ fuere septem, sicuti explicatum est, cap. 13.

K. Vbi autem semel statuatur, persecutiones ante Ecclesiæ victoriam Constantini tempore partam futuras, septem non amplius fore; mox facile est intellectu, quod textus ait, nimirum, post quinque Regum interitum, successurum sextum Regem; deinde septimum; nec eorum aliquem longo tempore duraturum.

L. Postquam videbatur bestia per Ecclesiæ victoriam prorsus interiisse; quod rursus tunc sese oculis obijciat, referendum est id ad Iuliani apostatæ persecutionem; quæ perinde fuit, quasi quædam bestia ipsius resurrectio. Vnde octauum caput est Iulianus; qui eleganter ex septem illis prioribus esse dicitur. Prophetia verò est eiusmodi, in eo nimirum bestiam fore penitus extinguendam; quia non iam amplius Romanum Imperium amplexurum fuerat idolorum impietatem, nec Christianam Ecclesiam persecuturum.

M. In decem cornibus Romani senatores idololatriæ indicantur. Etenim Imperij Romani persecutiones aduersus Ecclesiam, non excitabantur solum Imperatorum iussu, sed totius etiam Senatus consilio; cuius auctoritas maxima erat; & Senatus ipse veluti Regū confensus. Præter hæc; denarius cornuum ingentem Senatorum denotat multitudinem. Denarium enim multiplicationis esse numerum, nemo nescit. Iam quod cornuum potestas dicatur esse magna post bestiam, vel cum bestia, significat maximam esse Senatus auctoritatem, & maximam quidem post Imperatoriam aut simul etiam cum ipsa Imperatoria potestate.

N. Porro, ut indicetur in senatu omnes se ad Imperatorum nutum ac voluntatem effinxisse in decretis de Catholica Ecclesia persequenda; aptissime dicuntur ij vno eodemque consilio suæ virtutis ac potestatis copiam bestia fecisse. Præsertim cum non decreto solum, sed omni etiam opum vi pro idololatria aduersus Ecclesiam pugnauerint.

O. Ceterum quantumvis Senatorum vis atque potentia ingens sit; multò tamen maior est Christi virtus, & ipsius militum robur ac fortitudo; quæ potens haud dubiè erit, ad gloriosissimum de Senatu triumphum agendum, nempe per ipsorum senatorum conuersionem ad verum Christi cultum ac fidem.

P. Q. Neque aduersus Agni potentiam vllius erit momenti, quod meretrix sit mundi dominatrix; sibi que mundi populos, gentes ac linguas imperio ac potestate subegerit. Etenim vbi Agnus Romanos Senatores ad suam traduxerit religionem, & ipsorum corda celestis spiritus igne occupauerit; ipsimet Agnum ab infami meretrice vlciscuntur, mysticum nempe bellum aduersus Romam ethnicam gerentes. Illis enim ad Christi Religionem conuersis; ipsorum item familiæ suorum principum exemplum secutæ ad Ecclesiam similiter aggregabantur; nec non tanta pariter populi frequentia ac multitudo, ut Roma ethnica, (id est ethnicorum factio) nudata prorsus & spoliata maneat. Quippe homines, potentia atque fortuna ad Christi partes commigrabunt; & ipsorum ethnicorum conuersione fiet, ut Senatores iam Christiani meretricem ipsam commanducare ac deuorare videantur. Postremò per generalem conuersionem Roma ipsa illo exardescet igne, quem Christus Iesus venit mittere in terram; sicque Romæ conuersio erit effectio subsecuta ex admirabili illo studio ac mentis ardore, quo Romani Senatores Christiana sacra complexi, in Romæ actotius Imperij conuersionem incumbunt.

R. Hoc ergo facinus egregium planè & admirandum Dei omnipotentis proprium erit. Ipse enim tantum roboris ac fortitudinis Romanis Senatoribus Catholica iam Religione initiatis subministrabit; ut ipsos Romæ conuersionis zelo ac diuino quodam actu inflammet; hæcque ratione Diuinæ prouidentia se peridonea exhibeant instrumenta. Atque hanc ob rem, qui quondam ethnici suam operam & industriam bestia locauerant; eiusque nutui, nec non Imperatorum voluntati in Christianæ Ecclesiæ persecutione prorsus obsecundauerant; postea Christianis sacris imbuti, non iam suam opem, virtutem, ac potestatem bestia credent; quinimò suam omnem vim atque industriam aduersus bestiam ipsam, pro Romæ vrbis, totiusque orbis conuersione conferent. Suum tamen regnum, (id est senatoriam, quam habebant, dignitatem,) & quidquid fortunarum



A possidebant, facile dimittent; inq; bestiarum manibus ac potestate relinquent. Etenim harum omnium rerum pro Christo abdicatio magnopere conferet ad Romam triumphandam, & sub Christi iugum submittebatur. Itaque fortiter & alacriter se omnibus abdicabant; quoad re ipsa perficiatur Dei consilium in ipsius Romae conuersione procuranda. Tunc enim, ubi ipsius Romae saluti fuerit plenè & cumulatè consultum, non erit necesse Romanos Senatores in Dei obsequium se fortunis ac dignitate priuare; imò potius ipsorum auctoritas & amplitudo Diuinæ gloriæ, & mundi ipsius conuersioni allaborabit.

S. Tandem in extremis verbis, ne ad sensum alium hæc detorqueatur prophetia, expresse dicitur ea meretrix, quæ in hanc inducitur tractationem, esse Romam; illa nempe ethnica, quæ Christi infestabat Ecclesiam.

## CAPVT XVIII.

B *De lamentatione eorum, qui Romam ethnicam interfecisse, grauissimè accepturi erant.*

TEXTVS.

PARAPHRASIS.

C **E**T post hæc vidi alium Angelum descendentem de cælo, habentem potestatem magnam: & terra illuminata est à gloria eius.

1.

D Et exclamauit in fortitudine dicens; Cecidit, cecidit Babylon magna: & facta est habitatio Dæmoniorum, & custodia omnis spiritus immundi, & custodia omnis volucris immundæ & odibilis.

2.

E Quia de vino iræ fornicationis eius biberunt omnes gētes; & Reges terræ cum illa fornicati sunt; & mercatores terræ de virtute deliciarum eius diuites facti sunt.

3.

E Et audiui aliam vocem de cælo, dicentem: Exite de illa populus meus, vt ne participes sitis delictorum eius; & de plagis eius non accipiatis.

4.

E Quoniam peruenerunt peccata eius vsque ad cælum, & recordatus est Dominus iniquitatum eius.

A. **H**actenus de ijs, quæ à primo ex septem phialarum Angelis de ruina Babylonis accepi. Nunc illud addo, eandem prophetiam ab alio mihi Angelo fuisse confirmatam; ab eo nimirum, qui magnæ potestatis & auctoritatis Angelus verissimè nuncupatur. Is enim mihi visus est de cælo descendens, splendorem ita magnum ex se emittens, vt terra omnis illuminata sit à gloria & claritate ipsius.

B. Et exclamauit contenta voce dicens: Cecidit, cecidit Babylon magna, miserè corruit, & prostrata est, atq; adeò conuersa in Dæmoniorum domicilium, in immundorum spirituum & volucrum impurissimarum custodiam.

C. Euersa autem est tribus de causis. Primò, quòd suæ prostitutionis vino vniuersas inebriauerit gentes. Deinde, quia suis beneficijs ac lenocinijs Reges terræ pellexit, vt secum fornicarentur. Tertio, quia ipsius deliciarum, elegantiarum, atque blanditiarum tantum expensarum insumebant; vt terreni principes sese mercaturis & negotiationibus occuparent, quò hisce numinis se locupletarent.

D. Hactenus magnæ potestatis Angelus. Post hæc, alia de cælo vox fuit exaudita; quæ fideles hortabatur, vt Babylone egressi, aliò concederent; ne in ipsius scelerum atque flagitiorum communionem venirent, atque adeò ijsdem inuoluerentur plagis.

E. Pergit adhuc eadem vox celestis, atque ait, Quoniam peruenerunt peccata eius vsque ad cælum. In quo fit allusio ad turrim Babel. Quòd si Babylonis flagitia in cælum vsque peruenerunt; tempus etiam peruenerit, quo Deus Babylonem ipsam exscindat atque deuastet.



6.

Reddite illi, sicut & ipsa reddidit vobis: & duplicate duplicia secundum opera eius: in poculo, quo miscuit, miscete illi duplum.

7.

Quantum glorificauit se, & in delicijs fuit, tantum date illi tormentum & luctum; quia in corde suo dicit: Sedeo regina; & vidua non sum; & luctum non videbo.

8.

Ideo in vna die venient plagæ eius; mors, & luctus, & fames; & igne comburetur; quia fortis est Deus, qui iudicabit illam.

9.

Et flebunt, & plangent se super illam reges terræ, qui cum illa fornicati sunt, & in delicijs vixerunt; cum viderint fumum incendij eius.

10.

Longè stantes propter timorem tormentorum eius, dicentes: Væ, væ, ciuitas illa magna Babylon, ciuitas illa fortis: quoniam vna hora venit iudicium tuum.

11.

Et negotiatores terræ flebunt, & lugebunt super illam; quoniam merces eorum nemo emet amplius.

12.

Merces auri, & argenti, & lapidis pretiosi, & margaritæ, & byssi, & purpuræ, & serici, & cocci, (& omne lignum thyinum, & omnia vasa eboris, & omnia vasa de lapide pretioso, & aramento, & ferro, & marmore.)

13.

Et cinnamomum, & odoramentorum, & vnguenti, & thuris, & vini, & olei, & similæ, & tritici, & iumentorum, & ouium, & equorum, & rhedarum, & mancipiorum, & animarum hominum.

14.

Et poma desiderij animæ tuæ discesserunt à te; & omnia pingua & præclara perierunt à te; & amplius illa iam non inuenient.

F. Addit insuper: Paria ipsius sceleribus rependite, sicut ipsa retulit vobis; & iuxta ipsius opera illi duplicia duplicate: item, quod vobis propinauit poculum, idem etiam duplum illi impingite.

G. Quantum se gloriâ ac delicijs beauit, tantum illi tormentorum ac luctus date. Et quia in corde suo ait: *Sedeo regina; & vidua non sum, & luctum non videbo;*

H. Idcirco vnâ eademque die omnes ei plagæ huiusmodi contingent; hoc nimirum ordine. Mors, Luctus, Fames, atque Combustio. Et quamuis fieri videatur non posse, vti hæc series suppliciorum seruetur; id tamen vni Deo facile factum est, qui hoc pacto supplicium de Babylone sumet.

I. Hisce omnibus versibus pergit adhuc cælestis illa vox; applicans ad Babylonis incendium lugubres illas nēnias, quas Ezechiel de Tyri vastitate cecinit. In quibus inducuntur tria hominum genera, qui præficarum vice Babylonem erant lamentis profecturi: nimirum, Reges, negotiatores, & nautæ. Atque hi omnes dicuntur Babylonem eiusque ruinam deslere, à longè stantes propter timorem tormentorum eius.



A

15.

Mercatores horum, qui diuites facti sunt, ab ea longè stabunt propter timorem tormentorum eius flentes, ac lugentes.

16.

Et dicentes; *væ, væ* ciuitas illa magna, quæ amicta erat bysso, & purpura, & cocco, & deaurata erat auro, & lapide pretioso, & margaritis.

17.

B

Quoniam vnâ horâ destitutæ sunt tantæ diuitiæ; & omnis gubernator, & omnis qui in lacum nauigat, & nautæ, & qui in mari operantur, longè steterunt.

18.

Et clamauerunt videntes locum incendij eius, dicentes: Quæ similis ciuitati huic magnæ?

19.

C

Et miserunt puluerem super capita sua; & clamauerunt flentes, & lugentes dicentes: *Væ, væ* ciuitas illa magna, in qua diuites facti sunt omnes, qui habebant naues in mari de pretijs eius, quoniam vna hora desolata est.

20

Exulta super eam cælum, & sancti Apostoli, & Prophetæ; quoniam iudicauit Deus iudicium vestrum de illa.

L. Perstat adhuc vox illa de cælo missa; & exultare iubet cælum, Apostolos, ac Prophetas in Babylonis excisione, quodd de illa sint à Deo egregiè vindicati.

21.

D

Et sustulit vnus Angelus fortis lapidem quasi molarem magnum, & misit in mare, dicens: Hoc impetu mittetur Babylon, & vltra iam non inuenietur.

M. Cælestis eadem vox dictis adiungit, quemdam Angelum fortem sustulisse lapidem magnum molarem, misisse in mare, atque dixisse: *Hoc impetu mittetur Babylon, & vltra non inuenietur.*

22.

E

Et vox citharædorum, & musicorum, & tibia canentium, & tuba non audietur in te amplius; & omnis artifex omnis artis non inuenietur in te amplius; & vox molæ non audietur in te amplius.

23.

Et lux lucernæ non lucebit in te amplius; & vox sponsi, & sponsæ non audietur adhuc in te: quia mercatores tui erant principes terræ; quia in veneficijs tui errauerunt omnes gentes.

N. Idem verò ille Angelus, qui lapidem ingentem in mare coniecit, dicitur ad ardentem Babylonem conuersus afferere, nullam deinceps in ea musici concentus vocem, nullum artificis operantis murmur, nullum mole circumductæ strepitum exauditum iri; nullam in super accésu iri lucernam, nec vocem aliquam nuptiarum fore auribus vnquam excipiendam; & totam hanc vastitatem atque internecionem euenturam in supplicium meritissimum; propterea quod Babylonis mercatores fuerint antea terræ principes, & gentes omnes Babylonis veneficijs illectæ fuerint in errorem inducæ.



24.

Et in ea sanguis Prophetarum, & Sanctorum inuentus est: & omnium, qui interfecti sunt in terra.

O. Nec non quod Babylon ipsa deprehensa sit, atque conuicta homicidij in eade Euangelij prædicatorum & aliorum Christi Martyrum, quæ per omnes prouincias patrabatur.

*Interpretatio superioris paraphrasis.*

A. B. Angelus potestatis magnæ B. Petrum figurat; qui dum in prioris epistolæ fine Romam nomine Babylonis vsurpat, prædicaui; Isaia ac Ieremiæ vaticinia, quæ de Babylonis ruina agunt, in præcipuo sensu de Roma ethnica fore intelligenda. Iam Petrus ipse meritissime dicitur magnæ potestatis Angelus. Cumque ipsius dignitas, qua verum Christi vicarium agit, sit plane cælestis; idcirco visus est de cælo descendens. Splendor autem ille, quo illuminata est tellus ab ipsius gloria, videtur esse illustrissima illa Petri confessio de Christi diuinitate: *Tu es Christus filius Dei viui*. Cuius vicem ei Christus rependens, illum Ecclesiæ suæ principem atque caput constituit. Quippe & celebris illa confessio, & dignitas, quam propterea Petrus fuit à Christo adeptus, terram vniuersam clarissimo splendore collustrant.

Quod verò dicitur Babylonem esse Dæmonum habitationem, & omnis volucris immundæ domicilium factam; referendum est ad communem Christianorum existimationem, qua post Romæ conuersionem vetus idolorum superstitione contemnenda, & despectui habenda erat. Tunc enim animaduersæ erant Gentes; qui antea dij ab eisdem tantopere suspiciebantur, eos impurissimos esse Dæmones. Vnde quod antiquæ idolatriæ residuum esset Romæ, prioribus illis post ipsius vrbis conuersionem annis, perinde erat ab hominibus reputandum, quasi deserta aliqua ac derelicta domus; quam non iam homines incolunt; sed lemures, laræ, noctuæ, & aliæ aues immundæ.

C. Triplex ratio, quæ de mystica Romæ vastitate redditur, indicat rationes eas, quæ Deum ad Romæ ipsius, eiusque infelicitatis commiserationem adduxerunt; vt scilicet cum ea clementer se gereret, & mystico conuersionis supplicio eam puniret. Quam ad rem gloriosissime patranda Diuina Pietas perpendit, quod Romæ ipsius scelera fuerint grauissima. Vnde prima ratio siue causa est, quia Roma Gentes vniuersas spiritalis fornicationis calice inebriauerat: dum eas aduersus Christi nomen & Catholicam Religionem efferauit. Secunda causa est, quia principes ipsos Roma ita illexerat, vt ad mytlicam fornicationem, nempe idololatriam, omnes cum illa coirent. Tertia, quia Christiani nominis persecutio ethnicis ipsis principibus perinde erat, quasi mercatura quædam, siue negotiatio; qua ad suam conseruandam auctoritatem, qua ad opes ac delicias assequendas, Christianis renuentibus, atque aded labores & cruciatus perferentibus, utebantur.

D. Cælestis vox innuit, Ecclesiæ prædicationem in ea Petri voce innixam, qua Romam nuncupauit Babylonem. Atque hæc Ecclesiæ vox reliquam huius capitis partem occupat. Primum ergo phrasis illa, *Exite de illa populus meus*, &c. continet vocem eiusmodi siue clamorem, quo incitantur Christiani, (qui inter idololatrias testis ac dissimulati erant) ne se amplius celent; sed suam fidem retegant ac prodant; quippe si occulti adhuc remaneant, quando Dei intuitus eiusque gloria ad publicam fidei confessionem compellunt; in huiusmodi inquam dissimulatione latere periculum, ne simul cum infidelibus in eandem idolatriæ communionem inducantur: ac proinde imminere eisdem periculum easdem luendi pœnas, quibus ethnici in sua cæcitate obdurati acerrime fuerunt puniti.

E. Christiani verò homines erecti & excitati eo nuncio, qui Romæ crimina ac maleficia ad summum peruenisse cumulum renunciabat; suam profitentes fidem, non dubitant vitam etiam pro ipsa asserenda profundere; vt hoc pacto Diuini consilij ratio in mystica Romæ ruina destinatum finem assequatur.

F. Quod cælestis enunciat vox verbis illis; *Reddite illi, sicut & ipsa reddidit vobis*, exhortatio est ad Christi fideles; vt spiritaliter præstent, quod tyranni crudeliter & immaniter præstabant. Hi enim Christianos sub persecutionis tempus horribili strage contrucidabant. Postea autem Euangelio tandem præualente, fideles Christi serui mysticè de infidelibus sumpsere vindictam. Quod si vehemens fuit atque ardens ethnica Romæ zelus in pristina idolorum cultura retinenda, & in Euangelij prædicatoribus acerrimo odio exagitandis: consentaneum valde erat, fidelium studium & contentionem multò esse ardentiorum in idololatria ipsa abolenda, inque ethnicis hominibus spiritali nece occidendis. Miscere autem ei duplum in eodem poculo, fortasse exhortatio est, vt duplo sit vehementior fidelium virorum indignatio contra idolorum impietatem, & in ea prorsus delenda zelus atque ardor. Etenim si inauratus calix, quo ipsa indignationem gentibus propinabat, religionis præextum indicat; idem quodammodo videtur esse calix, quo Romæ indignatio aduersus idololatriam pro vero Religionis cultu concepta propinetur.

G. Verba illa, *Quantum glorificauit se, tantum date illi tormentum*, nos admonent, & prænunciant pariter ex Euangelij prædicatione eiusmodi fructum decerptum iri; vt non solum Roma ad Christianam religionem commigret, verum etiam post suam conuersionem conuertat veterem illum fastum ac superbiam in humilitatis ac pœnitentiæ exercitationem. Vt verè constet, quàm fuerit inanis ac futilis Romæ ethnica confidentia, dum gloriabatur se viduam gentili Imperatori nec esse, nec fore, nec verò sterilem vniquam futuram, id est, absque numerosa ciuium ethnicorum multitudine, qui idololatriæ cultum prouherent.



[A] H. Ideò, vt vana ipsius securitas ac fidentia clariùs pateat, eiusmodi sententia aduersus eam fertur; vt idololatriæ & peccato moriatur, ac deinde veterem suum deploret errorem; postea elusuriet ac sitiat iustitiam, postremò Spiritus sancti igne inflammetur.

I. Vt edoccamur urbem eandem esse mysticam Isaïæ & Ieremiæ Babylonem, & spiritalem Ezechieli Tyrum, (nimirum veterem Romam ethnicam) ideo cælestis vox Tyri lamentationes ad Babylonis applicat incendium. Atque hi omnes, qui inducuntur Babylonem descentes, iidem sunt, qui Romæ doluerunt conuersionem, quòd ipsi in sua obstinatione perstiterint. Vnde illi omnes lamentantur longè stantes propter timorem ignis & tormentorum vrbs; id est, fugientes procul, ne mystico Romæ igne pariter exardescerent; nève Christianæ vitæ rigorem subirent in condonandis iniurijs, in contemnendis opibus, in vitæ integritate, castimonia ac pœnitentia amplectendis. Distinctio Regum, mercatorum atque nautarum superbos, auaros & voluptuosos adumbrat. Nam superbia in principibus dominatur potissimum: in mediocri fortunæ hominibus auaritia; in infimis & abiectis libido. Quicumque autem ex his in sua impietate permanserunt, suo quisque affectu permoti, Romæ conuersionem deplorarunt.

L. Postquam expressa fuit lamentatio eorum, qui ex Romanæ vrbs idololatria rem suam augerant; aptissimè additur ratio, quapropter cælum, (id est, Christiana Ecclesia,) & singulatim Apostoli ac Prophetæ, (id est, Euangelici prædicatores) collatentur.

M. Fortis Angelus Ieremiam figurat; ob ea, quæ cap. 51. 63. conscripsit; quibus significatur, vindictam mysticam de spiritali Babylone, (id est, de Roma ethnica) sumptam, fore æternam; nec vmquam Romam ad superstitiosum idolorum cultum redituram.

N. His subiungitur; quod Ieremias de propria Ierosolymæ vastitate prædixit, id mysticè in spiritalis Babylonis, id est, Romæ ethnicæ, excisione fore complendum. Quod autem Deum permouit, vt ethnicam euerteret Romam, illud fuit: Primò, quia mercatores, qui quantum sibi ex idololatria faciebant, erant principes ipsi & magistratus. Secundò, quia Roma ipsa suis illecebris ac lenocinijs totum pellexerat orbem; vt & veneraretur idola, & Christianos persequeretur.

O. Ac demum, quia quidquid Christiani cruoris in toto terrarum orbe effundebatur, vindictam aduersus Romam ethnicam denunciabat.

## CAPVT XIX.

*De gaudio Christianæ Ecclesiæ ex Romæ conuersione, quam Imperij etiam Romani conuersio erat subsequutura.*

## TEXTVS.

## PARAPHRASIS.

D **P**ost hæc audiui quasi vocem turbarum multarum in cælo dicentium: Alleluia; salus, & virtus, & gloria Deo nostro est.

2.

Quia vera & iusta iudicia sunt eius, qui iudicauit de meretrice magna, quæ corripit terram in prostitutione sua; & vindicauit sanguinem seruorum suorum de manibus eius.

3.

E **E**t iterum dixerunt, Alleluia, & fumus eius ascendit in sæcula sæculorum.

4.

Et ceciderunt seniores vigintiquatuor, & quatuor animalia; & adorauerunt Deum sedentem super thronum, dicentes: Amen, Alleluia.

5.

Et vox de throno exiuit, dicens: Laudem dicite Deo nostro omnes serui eius, & qui timetis eum pusilli, & magni.

A. **P**ost hæc audiuit Ioannes quadruplex Alleluia: ex quibus duo prima sunt prolata à turba magna cælesti; tertium pronunciauerunt seniores, & animalia; quartum verò erat vox turbæ magnæ multarum aquarum, & tonitruorum magnorum. Singula ex his quatuor Alleluia aliquid denuò addebant. Primo enim ex illis adiunctum fuit, *Salus, & gloria, & virtus Deo nostro, quia iudicauit de meretrice magna.* Secundo additur; *Fumus eius ascendit in sæcula.* Tertio; *Amen.* Quarto; *Quoniam regnauit Dominus Deus noster.*



6.

Et audiui quasi vocem turbæ magnæ, & sicut vocem aquarum multarum, & sicut vocem tonitruorum magnorum, dicentium; Alleluia, quoniam regnavit Dominus Deus noster omnipotens.

7.

Gaudeamus, & exulemus, & demus gloriam ei; quia venerunt nuptiæ Agni: & vxor eius præparavit se.

B. Quartum Alleluia hisce verbis prouehitur, *Gaudeamus, & exulemus, & demus gloriam Deo, &c.*

8.

Et datum est illi, vt cooperiat se byssino splendenti, & candido. Byssinum enim iustificationes sunt Sanctorum.

9.

Et dixit mihi, Scribe: Beati qui ad cœnam nuptiarum Agni vocati sunt: & dixit mihi; Hæc verba Dei vera sunt.

C. His annectitur, Angelum (illum scilicet magnæ potestatis, de quo initio cap. 18.) Ioanni edixisse, *Scribe, Beati qui ad cœnam nuptiarum Agni vocati sunt.*

10.

Et cecidi ante pedes eius, vt adorarem eum; & dicit mihi: Vide ne feceris: conseruus tuus sum, & fratrum tuorum habentium testimonium Iesu. Deum adora. Testimonium enim Iesu est spiritus prophetiæ.

D. Ad cuius Angeli pedes cum Ioannes se velle; venerabundus prouoluere, vt eum adoraret; tum ille; *Caue (inquit) ne feceris, firm enim vnâ tecum seruus, & cum ceteris tuis fratribus, qui Christi Domini testimonium habent. Sed Deo cultum & adorationem defer: Testimonium enim Iesu est spiritus prophetiæ.*

11.

Et vidi cælum apertum; & ecce equus albus; & qui sedebat super eum, vocabatur Fidelis, & Verax; & cum iustitia iudicat, & pugnat.

E. Cernit deinde Ioannes ex cælo aperto prodijisse imperatorem equo albo insidentē; cui nomen *Fidelis, & Verax*. Ipsum verò pergere, vindictam de suis hostibus sumpturum; quibus vt bellum inferret, rationem pro se & æquitatem ferebat.

12.

Oculi autem eius sicut flamma ignis & in capite eius diademata multa, habens nomen scriptū, quod nemo nouit nisi ipse.

F. Ipsius oculi flammarum instar ardebant. Porro tegmen capitis multiplicis lintei gyro constabat; in quo multæ erant coronæ, (nam singula linteari tegminis volumina sunt veluti coronæ singulæ, si antiquitatis vestigia relegantur.) Gerebat item in diademate nomen aliud compendiaris notis scriptum; quæ eidem vni innotescabant: quare solus ipse norat nomen illud, quod in diademate gestabat.

13.

Et vestitus erat veste aspersa sanguine: & vocatur nomen eius, Verbum Dei.

G. Prius autem quam dux ipse in prælium concurreret, vestem inimicorum sanguine maculosam ferebat: & præter duo prædicta nomina, tertium aliud habebat eiusmodi, *Verbum Dei*.

14.

Et exercitus, qui sunt

H. Præstantissimum hunc ducem ponē sequebantur cæles



A in cælo, sequebantur eum  
in equis albis, vestiti bys-  
sino albo, & mundo.

15.

B Et de ore eius procedit  
gladius, ex vtraque parte  
acutus; vt in ipso percu-  
tiatur gentes; & ipse reget  
eas in virga ferrea, & ipse  
calcat torcular vini furo-  
ris iræ Dei omnipotentis.

16.

Et habet in vestimento  
& in femore suo scriptum:  
Rex regum, & Dominus  
dominantium.

17.

C Et vidi vnū Angelum  
stantem in sole: & clama-  
uit voce magna, dicens om-  
nibus auib, quæ vola-  
bant per medium cæli:  
Venite, & congregamini  
ad cœnam magnam Dei.

18.

D Vt manducetis carnes  
regum, & carnes tribuno-  
rum, & carnes fortium, &  
carnes equorum, & seden-  
tium in ipsis, & carnes o-  
mnium liberorum, & ser-  
uorum, & pusillorum, &  
magnorum.

19.

E Et vidi bestiam, & re-  
ges terræ, & exercitus eo-  
rum congregatos ad faci-  
endum prælium cum illo,  
qui sedebat in equo, &  
cum exercitu eius.

20.

Et apprehensa est bestia,  
& cum ea pseudoprophe-  
ta, qui fecit signa coram  
ipso, quibus seduxit eos,  
qui acceperunt characterē  
bestiæ, & qui adorauerūt  
imaginem eius. Viui missi  
sunt hi duo in stagnū ignis  
ardenti sulphure.

stes phalanges; omnes verò bysso candida & munda amicti, e-  
quis albis vehebantur.

I. At cædes in hostibus edenda erat prorsus gladio ancipi-  
ti, qui ex ducis ore prædibat. Et quidem mirum est, inimicos  
prius eo gladio fore occidendos; deinde ab eodem duce ferreā  
virgā regendos; atque vtrāque de causa verè satis dicitur hic  
dux ac Dominus iræ omnipotentis Dei torcular calcare.

K. Enimverò citra tria illa nomina superius dicta, est etiam  
dignissimus tanti ducis titulus, & stemma; *Rex regum, & Dominus  
dominantium*. Quod inscriptionis insignie inscriptum, (id est, a-  
cu pictum) in veste ferebat; nempe in ea vestimenti parte, quæ  
femora contegit.

L. Antequàm ad ipsius congressus & cædis spectaculum  
perueniatur; apparet quidam Angelus, qui solis claritati expo-  
situs cælestes inuitat aues, vt ad lautissimum cogantur epulum;  
quod sunt habituræ in eorum carnibus, qui prædicti ducis gla-  
dio occidendi sunt. Exprimitur autem in conuiuio apponen-  
dam plurimam carniū copiam tam equitum, quàm equo-  
rum.

M. Postea clades ipsa, & internecio figuratur. Primoque  
dicitur exercitus, in quem dux iste impetum erat factururus, esse  
marinæ bestię exercitus; nec non tam bestia ipsa, quàm terræ  
Reges, eorumque exercitus coacti iam atque parati esse; vt cum  
prædicto duce & eius copijs conficerent.

N. Verum vbi cælestis dux in eos irruit, dehiscens tellus  
bestiam marinam, & terræ bestiam absorpsit, easque in ignitum  
stagnum demersit.



21.

Et ceteri occisi sunt in gladio sedentis super e-  
quum, qui procedit de ore  
ipsius, & omnes aues sa-  
turatae sunt carnibus eo-  
rum.

O. Ceteri autem occisi sunt ipsius ducis gladio, qui ex eius ore prodit; & vniuersae aues ipsorum carnes depasta sunt.

*Interpretatio superioris Paraphrasis.*

A. Per quatuor Alleluia indicatur publica & generalis gesticantis Ecclesiae laetitia in Gentium subiugatione; id est, in earum ad Christi fidem conuersione, quae Romae conuersionem subsequuta est. Itaque quadruplex Alleluia perfectam continet laudem, quam Christiana Ecclesia Deo decantauit ob clarissimam victoriam de Roma partam. Haec autem perfecta laus quatuor amplectitur partes, quae quadruplici respondent Alleluia. Prima laus est per fidem cognitio praestantissimi illius facinoris. Secunda, Dei glorificatio per Christianae vitae opera, quae laus diuturna ac perpetua est. Tertia est, quam Deo ipsius ministri deferunt, nempe Sacerdotes & Euangelici concionatores, dum sua munia strenue obeunt. Quarta denique vniuersalis de animarum conuersione zelus, quo Ecclesiae Christianae filij in totius mundi conuersione constantissime laborarunt. In quadruplicis huius Alleluia numero fuit habitus respectus ad Psalmos omnino viginti, quibus Alleluia pro inscriptione est. In eo autem, quod singulis Alleluia subiungitur, obiter attingitur eorundem Psalmorum argumentum; quod non est aliud, quam quod in hac Apocalypses parte tractatur; atque in eorum omnium argumento directe agitur de Ecclesiae Christianae laetitia ob Gentilitatis conuersionem.

B. Euidenter habetur hic sermo de Agni nuptijs, quae Babylonis conflagrationem consequuntur. Cum verò haec Babylonis exustio nihil aliud significet, quam Romae ethnicae ad Christum conuersionem: perspicue hinc elicitur huiusmodi nuptias ad illud idem tempus referendas, quo Gentilitas ad fidem traducta est. Et contextius sane ipse satis vrget, vt sponsae nomine hoc in loco Romana designetur Ecclesia, ceterarum Ecclesiarum caput: nec non nuptialis celebritatis dies sit laetissima ailla Christianae Religionis in Romana Ecclesia publice promulgatae lux; quando fides Catholica ex idololatria triumphum reportauit. Ecclesia ergo Romana per comparisonem ad Reginam Esther dicitur in praesenti se ad haec nuptias preparasse; eidemq; datum, vt se byssino splendenti & candido amiciat.

C. Beatum Petrum adumbrat Angelus ille, qui Ioanni enunciat, *Beati, qui ad cenam nuptiarum Agni vocati sunt.* Quorum verborum sensus is est; publicae Christianae Religionis professione Romanam semel inuestā, magnificum fore caelestis sapientiae conuiuium, quo Deus Romanae Ecclesiae nuptias celebraturus erat; cum per Ecclesiam ipsam Romanam ipse caelestis doctrinae perfectione & copiam suis fidelibus impertiret.

D. Delinitus Ioannes, & mirum in modum recreatus certissima tanta prosperitatis spe, ad quam Christi Ecclesia in terris per Romae & Gentilitatis conuersionem extollenda erat; sese abijcit ad Petri pedes, (quem ille indicabat Angelus, à quo certior ipse Ioannes fiebat de praedicta Ecclesiae prosperitate) quasi eos deosculaturus, ob felicissimum illum venturae laetitiae nuntium. Licet autem Ioannes hac in re, non male, sed recte se gesserit; Petrus tamen pro summa ipsius vrbinitate, passus non est, Ioannem se illi tantopere demittere; sed vt cum eo simplicius & facilius ageret, eamq; reuerentiam vni referuaret Christo. Ait verò Petrus se esse conseruum eorum omnium, qui Ioannis appellantur fratres; nempe Prophetarum, siue eorum, qui spiritum prophetiae habent, id est, qui Euangelicos praedicatores agunt.

E. Quod Ioannes hic caelum reuerat suspicit; Ecclesia Christiana est, vt saepe alibi, quod autem nunc caelum patescit, denotat; ante publicam Religionis Christianae exercitationem, caelum ipsum quasi occlusum & obseratum videri, cum nondum Christianae Ecclesiae gloria & splendor terrarum orbi sese explicuerit; sicuti postea cognitus fuit & spectatus per Euangelij praedicatorum exercitum; qui eque stribus huius capitis copijs designatur. Praeterea caelum ipsum aperiri, mysteriorum reuelationem denotat. Huius militiae & expeditionis dux Christus est; qui obequitans apparet, quia aduentat suis salutem & incolumitatem allaturus, vt ex cap. 6. colligitur. Albus item equi color facit cum praesentis huius significatione. Quippe plus iam in eo triumphi, quam praesentis, videbatur fore. Ducis huius nomen, id est, Fidelis & Verax, reuocandum est ad fidelitatem & veracitatem, qua Christus suis stetit promissis in victoria suae Ecclesiae de Gentibus gloriosissime comparanda.

F. Oculorum flammæ eiusdem hinc significationis sunt, atque cap. 1. Multiplex corona multiplicem denotat dominationem ac regnum in omnes mundi nationes. Diadematis notae symbolicè innuunt incomprehensibilem Christi victoriae atq; regni magnitudinem: cum ipse nouerit solus, quot & quam gloriosae fuerint ipsius victoriae.

G. Dux hic sanguine infectas gerit vestes, antequam praelium committat; quia maxima mundi conuersio praestituit, atque vt ita dicam, praesupponit Christi Domini passionem: in qua verè ac significanter dicitur Christus ire Dei lacum, siue torcular calcasse, & hostium sanguine immaduisse. Iam quod ipsius nomen esse, *Verbum Dei*, perhibetur; ideo fit, vt denotetur huius belli atque expeditionis efficacia. Etenim si Dei verbum efficacissimum est; quid existimamus fore in eo, quod tam accurate suscepit, vt infectus sanguine praelium ipsum iniret.



**H.** Exercitus equis albis portatus symbolum est Euangelij prædicatorum; quorum ministerio Deus usus fuit ad gloriosam hanc expeditionem. Hoc autem concionandi munere plures tunc Christianorum, ac ferè omnes fungebantur. Porro in ijs ipsis symbolum equitum ad saluandi munus refertur; & albus equorum color triumphi speciem habet. Nec verò in hoc prælio milites ipsi sanguine adsparguntur; non enim iam tunc eis sanguine hæc expeditio stabat; sed Christi sanguinis merito ac valore suffulti vniuersum orbem triumpharunt, sanctitatis atque iustitiæ amictu inuti.

**I.** Christus ipse est, qui hanc mysticam eadem facit; & ipsius oris gladius est cælestis illius doctrina: vnde prædicatorum exercitus, per illam militum prælium cōmittentium speciem, fruitur: triumpho tota tamen victoriæ atq; triumphi gloria vni Christo debetur. Ad hæc, quos Christus ore sui gladio mysticè interficit; eosdem deinceps virga ferrea moderatur ac regit. Quare qui peccato sunt mortui, viuī postea & incolumes manent, vt Christi gubernatione fruantur. De virga autem ferrea satis multa sunt dicta cap. 2. notat. 4. & 5.

**K.** Præterea, vt significetur, quantam Christi victoria felicitatem importet ijs, qui mysticè ipsius occiduntur gladio, & ferreo sceptro reguntur; illud additur, quod ad titulum spectat: *Rex regum, & Dominus dominantium*. Quam inscriptionem dux ipse in femore gestabat. Hoc autem innuit, quos ipse sibi subiicit, eosdem ab eo fieri Reges; & quod sublimius est, filios. Nam in femore propagatio generis intelligitur.

**L.** Angelus aues ad conuiuium inuitans Ezechielem significat. Dicitur verò huiusmodi Angelus in solis claritate visus, vt inde ad epulum inuitaret aues; quia in doctrinæ Euangelicæ claritate (quando *habitantibus in regione vmbra mortis lux orta est eis*) apparet. Ezechielis vaticinio inuitari Angelos, qui per cæli aues figurantur ad opiparum conuiuium, quod eis Christus apponit in tot gentium atque nationum conuersione; tam sapientium, quàm rudium & insipientium; quia *homines, & iumenta saluat Dominus*: qui omnes post Romæ conuersionem Christiana sacra susceperant.

**M.** Exercitus ille, cum quo prælium cælestis Imperator committit, est vniuersum Romanum Imperium idololatriæ deditum. Propterea, quod ad figuram ipsam attinet, inducitur maris bestia, & Rege, etiam ac gentes, quas sibi subiectas & obsequentes habebat. Omnes enim vnà coniurauerant in Christi Euangelium ac fidem.

**N.** Illinc tamen fuit hic effectus consecutus, vt in inferos detruderentur maris bestia ac bestia terræ; id est, illi omnes in quibus pertinaciter resistit Imperij Romani ethnici, & carnalis sapientiæ contentio aduersus Ecclesiam: ipsa autem Ecclesia salua & incolumis si peresset; & nibi iam sibi deinceps præcaueret à Romano illo Imperio ethnico, & ab illa carnis sapientia, quæ pro idololatria contra Euangelium depugnabat.

**O.** Hinc etiam subiectum est, vt Gentes omnes Christianam amplecterentur Religionem. Quarum conuersio eleganter figuratur in ea cæde & internecione, quam Christi gladius in hostium exercitu edidit; nec non in eo epulo lautissimo, quod Angelis fuit apparatus per generalem illam innumerabilem hominum conuersionem.

## CAPVT XX.

*De diuturna pace Ecclesiæ post Imperij conuersionem: ac demum de Antichristi temporibus, & de vniuersalis Iudicij die.*

TEXTVS.

PARAPHRASIS.

**E**T vidi Angelum descendentem de cælo habentem clauem abyssi, & catenam magnā in manu sua. 2.

Et apprehendit draconē, serpentem antiquum, qui est diabolus, & Satanas, & ligauit eum per annos mille. 3.

Et misit eum in abyssum, & clausit, & signauit super illum, vt nō seducat amplius gētes, donec consummentur mille anni. Et post hæc oportet illum solui modico tempore.

**A.** EXtribus illis, dracone, bestia maris, & bestia terræ, (quorum coniuratio, cap. 12. & 13. depicta est) supra iam dictum, quod de duabus bestiis actum sit. Superest nunc draconis exitum explicare; id quod Ioanni hoc modo fuit ostensum. Videre sibi visus est Raphaellem Angelum, e cælo descendentem, qui clauem putei abyssi, & catenam ingentem manu gestabat.

**B.** Hic Angelus apprehensum draconem catena constrinxit, vt per mille annorum spaciū religatus maneret.

**C.** Hanc ad rem illum in abyssi puteum detrusit, & clauis obserauit, claustrumque ipsum obsignauit sigillo, vt draco ante mille annos euadere inde non possit ad Gentes suis lenocinijs seducendas. Ceterum Ioanni tunc reuelatum fuit, diuino consilio esse decretum, vt exactis mille annis draco solueretur catena, & exiguu temporis intervallo Gentes decipere permitteretur.



4.

Et vidi sedes, & sederunt super eas, & iudicium datum est illis, & animas decollatorum propter testimonium Iesu, & propter verbum Dei, & qui non adorauerunt bestiam, nec imaginem eius, nec acceperunt characterem eius in frontibus aut in manibus suis, & vixerunt, & regnauerunt cum Christo mille annis.

5.

Ceteri mortuorum non vixerunt, donec consummentur mille anni. Hæc est resurrectio prima.

6.

Beatus & sanctus, qui habet partem in resurrectione prima. In his secunda mors non habet potestatem; sed erunt sacerdotes Dei & Christi, & regnabunt cum illo mille annis.

7.

Et cum consummati fuerint mille anni, soluetur Satanas de carcere suo, & exhibet, & seducet gentes, quæ sunt super quatuor angulos terræ, Gog, & Magog, & congregabit eos in prælium, quorum numerus est sicut arena maris.

8.

Et ascenderunt super latitudinem terræ; & circuiuerunt castra Sanctorum, & ciuitatem dilectam.

9.

Et descendit ignis à Deo de cælo, & deuorauit eos.

10.

Et Diabolus, qui seducebat eos missus est in stagnum ignis, & sulphuris, vbi & bestia, & Pseudopropheta cruciabuntur die ac nocte in sæcula sæculorum.

11.

Et vidi thronum magnum candidum, & sedentem super eum, à cuius conspectu fugit terra & cælum, & locus non est inuentus eis.

D. Interim verò simul ac alligatus est draco, apparuerunt repente throni; in quibus confederunt ij, quibus iudicare concessum est. Tunc autem è mortuis sunt excitati, qui ingruente ac saeuiente persecutione mortem pro Christo fortiter tolerauerunt. Nec solum Martyres reuixere; sed ij etiam confessores, qui persecutionis tempore firmiter se gesserunt, nec bestia dedere manus, neque ipsius stemma atque insigne, siue fronte, siue manu acceperunt. Hi inquam omnes resurrexerunt, vbi primum ligatus est draco, cum Christo victuri ac regnaturi mille ipsos annos, quibus draco constrictus permansit.

E. Mortuorum reliqui, (nempe Christi Martyrum inimici) qui Martyres ipsos diuexarunt, non tunc excitabuntur ab inferis; sed quando solutus fuerit draco. Subdit Ioannes quod de aliorum resurrectione post draconem alligatum, & de resurrectione aliorum post eundem solutum dixit, non fore intelligendum de resurrectione generali, sed de alia prima.

F. Nihilominus sicut beati, ac verè felices sunt cum gloria reuicturi extremo generalis resurrectionis die; ceteri verò summæ infelicitatis & ignominia pleni: ita etiam qui fuerint ad vitam reuocati sub draconis illigati tempus, sanctos illos ac beatos verè esse, nec amplius morituros; sed Dei fore atque Christi sacerdotes; & cum eo regnatorios mille ipsis annis, quibus religabitur draco.

G. Enimuerò transactis mille annis soluetur draco, & Gentes seducet, quæ in quatuor terræ angulis commorantur, atque innumerabilem conflabit exercitum aduersus Sanctorum copias & ciuitatem Deo charissimam. Huius exercitus à dracone coacti dux nomine Gog; exercitus verò ipse nomine Magog compellantur.

H. Sed ignis è cælo descendet, & Gogi exercitum deuorabit. Quo peracto draco in stagnū ignis & sulphuris deijcietur; vbi cum maris, & terræ bestiis in æternum cruciabitur.

I. Post hæc cernit Ioannes magnum & candidum thronum; è cuius conspectu cælum ac terrā extemplā se subducere ac penitus euanescere aduertit.

K. Deinde



A

12.

Et vidi mortuos magnos, & pusillos stantes in conspectu throni: & libri aperti sunt: & alius liber apertus est, qui est vitæ; & iudicati sunt mortui ex his, quæ scripta erant in libris secundum opera ipsorum.

B

13.

Et dedit mare mortuos, qui in eo erant, & mors, & infernus dederunt mortuos suos, qui in ipsis erant, & iudicatum est de singulis secundum opera ipsorum.

14.

C

Et infernus & mors missi sunt in stagnū ignis, hæc est mors secunda.

15.

Et qui non inuentus est in libro vitæ scriptus, missus est in stagnum ignis.

K. Deinde mortuos vniuersos videt ad vitam reuocari, & ante thronum illum sisti: referari libros; & librum etiam vitæ aperiri: atque mortuos omnes iudicari iuxta ea, quæ in libris erant, pro vniuscuiusque operibus descripta.

L. Atque in hoc quidem generali iudicio, nullus ex mortuis poterit delitescere, quin iudicis sententiam excepturus ante ipsius tribunal sistatur. Quare ibi apparebunt quotquot deuorauerat mare, quotquot in terra sunt extincti, qui inquam vocantur captiui mortis & inferni. Hæ enim tragicæ personæ inducuntur quasi simul associatæ; ita vt, quos mors occidit, deuoret infernus.

M. Peracto iudicio infernus & mors mittuntur in ignitum stagnum, cui nomen mortis secundæ inditur.

N. Et qui in libro vitæ non est inuentus scriptus, in illud ipsum stagnum fuit detrusus.

### Interpretatio superioris Paraphrasis:

D

A. In Angelo, qui de cælo descendit Draconem alligatorus, ad Tobiaë librum alluditur; vbi Raphael (quod nomen sonat *medicina Dei*) Dæmonem constrinxit, vt Sara tranquille & pacatè suo posset matrimonio frui. Quamobrè dæmonis alligatio, cuius mentio in capite hoc fit, eò est referenda, vt Romana Ecclesia Agni sponsa quietè & pacificè fruatur matrimonio, quod superiori capite fuit indicatum; videlicet per publicum ac pacificum Catholicæ Religionis vsum ac professionem, toto illo Dæmonis alligati tempore. Mirificè ergo in huiusmodi figura exprimitur singulare beneficium, quod cælum ipsum nouam Romam tranquillam ac securam reddit de diuturna atque felici Christianæ Religionis possessione. Clavis ergo & catena sunt symbola impedimentorum; quibus arcetur Dæmon, quominus publicum Christianæ fidei vsum possit in Romana Ecclesia interpellare. Porro abyssus non hic infernum adumbrat, sed profundum Diuini iudicii consilium; sicuti suprâ cap. 9.

B. Millenarius numerus in præsentī mysticus est; & plenitudinem temporis à Deo præfiniti vsque ad Antichristi aduentum, indicat.

C. Sigillum securitatis est symbolum, in qua Dei ponitur auctoritas. Quod postea subiungitur de dracone post modicum tempus soluendo, ad Antichristi persecutionis tempus referendum est.

E

D. Quæ de thronis deq; inibi sedentibus dicuntur, sunt accipienda atq; explicanda, de publica auctoritate, qua in hoc felici Christianæ professionis tempore Episcopi suas regunt & moderantur Ecclesias. Cuius verò resurrectionis hic mentio fit, ea mystica est; per quam dicuntur resurgere atque regnare, qui mortem pro Christo subierant; quando ipsorum virtute ac fortitudine adiuta & roborata Ecclesia pacem, securitatem ac regnum adipiscitur.

E. Simili loquendi ratione dicuntur contrariæ factionis milites (id est antiqui Ecclesiæ persecutores) reuicturi, cum draco solutus fuerit, id est, Antichristi tempore.

F. Verum primi illi, qui religato dracone fuerint ad vitam reuocati, ij sanè beati erunt atque felices, & à morte secunda prorsus immunes. Qui meritò appellantur Reges & Sacerdotes, qua ratione sacerdotale regnum Sanctis tribuitur.

G. At temporis à Deo præscripti transacta plenitudine, (quæ per mille annorum symbolum designatur) Antichristus soluto Diabolo consurget cum innumerabili exercitu, & contra ciuitatem dilectam, id est, contra Romanam Ecclesiam) bellum præcipue suscipiet; & ab ea publicum Christianæ Religionis vsum tollet. In qua Antichristi persecutione pristinum Gogi & Magogi bellum reuiuifcet.



H. Cuius belli exitus is erit; vt Deus myſtico Spiritus ſancti igne exercitum Antichriſti inflammaret, & Romanæ Eccleſiæ glorioſum dedat ſe ſuis hoſtibus triumphum, omnibus ad veram Religionem conuerſis. Paulo poſt mundi exitus ſubſequetur; & tunc detrudetur in infernum Diabolus, quò beſtia maris, & beſtia terræ priùs; deinde Antichriſtus ſimiliter, & ipſius miniſtri coniecti fuerant.

I. His exactis ſequitur vniuerſale iudicium; vbi thronus ingens & candidus denotat ampliſſimam iudicis maiestatem, & celeberrimam illius diei lætitiæ. Calorum & terræ abſtractio ex inuentum oculis, repræſentat rectiſſimam illius iudicij æquitatem; in quo nec myſticorum calorum gratia ac fauor, nec terræ myſticæ pietas & commiſeratio aliquem protegere aut defendere valent; ſed ſola cuiuſque cauſæ merita patrocinio erunt.

K. Qui libri in eo iudicio dicuntur aperti, ſunt ſacræ Literæ, qua veluti normâ, atque regulâ cuiuſlibet hominis iudicium faciendum eſt. Liber autem vitæ designat electorum catalogum.

L. Quod de mortuis maris, mortis, & inferni dicitur, in paraphraſi obiter explicatum eſt. Notandum tamen mortuis mortuos, ac mortuos inferni non eſſe diſtinctos.

Psal. 48.  
15.

M. Peracto iudicio eleganter fingitur, duas illas tragicas perſonas, mortem & infernum, (de quibus ſæpe agit Apocalypſis) in ignitum ſtagnum, id eſt in inferorum ergaſtula, concludi; vt vterque in damnatos læuiant. Scriptum namque eſt, *Mors depaſcet eos.* & ſimiliter infernus depaſcet eos.

N. Damna tamen illi omnes erunt, quorum nomina in vitæ librum relata tunc non inueniuntur. Quippe ad æternam damnationem vitandam non ſatis eſt, aliquando in libro vitæ fuiſſe ſcriptum; niſi in Dei gratia quiſpiam perſeueret. Qui enim non in ea permanent, ex libro vitæ delentur.

## C A P V T X X I.

*De admirando Eccleſiæ Romanæ triumpho in patria celeſti.*

TEXTVS.

PARAPHRASIS.

**E**T vidi celum nouum,  
& terram nouam.  
Primum enim cælum, &  
prima terra abiit; & mare  
iam non eſt.

2.

Et ego Ioannes vidi  
ſanctam ciuitatem Ieru-  
ſalem nouam descenden-  
tem de cælo, à Deo para-  
tam, ſicut ſponſam orna-  
tam viro ſuo.

3.

Et audiui vocem ma-  
gnam de throno dicen-  
tem, Ecce tabernaculum  
Dei cum hominibus, &  
habitabit cum eis, & ipſi  
populus eius erunt, & ipſe  
Deus cum eis erit eorum  
Deus.

4.

Et abſterget Deus o-  
mnem lacrymam ab ocu-  
lis eorum; & mors vltra  
non erit, neq; luctus, neq;  
clamor, neq; dolor erit vltra,  
quia prima abierunt.

A. **C**ælis ac terræ, quæ à conſpectu ſedentis in throno diſparuerunt, alij ſucceſſere noui cæli ac terra noua, quæ Deus condidit. In hac tamen noua creatione nullum exiit mare.

B. Atque in hac eadem creatione myſticam Ieroſolymam, (quæ meritò dicitur de cælo à Deo descendere, vtpote cæleſtis ac diuina ciuitas) aſpexi cum ea gloria & ſplendore, quem in cælis eſt habitura; id eſt eâ gloriâ, amplitudine, ac maiestate ornata, quæ filij Dei ſponſam decent.

C. Ex eo autem throno, quem in glorioſa hac ciuitate Deus habet, ingens proceſſit vox dicens: *Ecce tabernaculum Dei cum hominibus, & habitabit cum eis, &c.*

D. In ea feliciffima ſede nullæ erunt lacrymæ; nulla mors, nullus luctus, aut dolor. Nam militiæ atque laboris tempus iam præterijt, & triumphus atque gloriæ tempus ſuccedit.



A 5.  
Et dixit, qui sedebat in throno: Ecce noua facio omnia; & dixit mihi: Scribe, quia hæc verba fidelissima sunt & vera.

B 6.  
Et dixit mihi: Factum est. Ego sum <sup>A</sup>, & <sup>Ω</sup>, initiū & finis. Ego sitienti dabo de fonte aquæ vitæ gratis.

7.  
Qui vicerit, possidebit hæc; & ero illi Deus, & ille erit mihi filius.

C 8.  
Timidis autem, & incredulis, & execratis, & homicidis, & fornicatoribus, & veneficis, & idololatriis, & omnibus mendacibus pars illorum erit in stagno ardenti igne & sulphure, quod est mors secunda.

D 9.  
Et venit vnus de septem Angelis habentibus phialas plenas septem plagis nouissimis, & locutus est mecum, dicens: Veni & ostendam tibi sponsam vxorem Agni.

E 10.  
Et sustulit me in spiritu in montem magnum & altum; & ostendit mihi ciuitatem sanctam Ierusalem descendantem de cælo à Deo.

11.  
Habentem claritatem Dei, & lumen eius simile lapidi pretioso, tanquam lapidi iaspidis, sicut crysallum.

E. Ibi perfectè implebitur, quod scriptum est: *Ecce noua facio omnia*, quippe nulla remanebunt vetustatis antiquæ vestigia. Porro, vt Deus huius certissimæ spei firmitate suos consolaretur seruos, me iussit id ipsum scribere; & iterum atque iterum eius nomina asserere.

F. Cumque Deus in suo ipsa opere pulcherrimo gloriaretur, & supernæ ciuitatis gloriam mihi demonstraret; addidit insuper, in huius operis perfectione satis ostendi, ipsummet Deum, qui hoc inchoauit opus, esse solum, qui illud absolvere, atque ad gloriosum illud fastigium cumulatè perducere poterit: quin etiam totam hanc felicitatem gratis promitti illi, qui serio ac vehementer illam optarit.

G. Nihilominus tamen eam gloriam ac felicitatem non adipiscuntur, nisi victores validi ac fortes; cum hæc sit filiorum Dei hæreditas. Nam Dei aduersarij (ij autem sunt timidi, infideles, homicidæ, fornicarij, idololatræ, & quicunque se vitijs ac flagitijs dederunt) omnes apud inferos æternis ignibus addicuntur.

H. Hactenus promiscuè & generatim dixi, quemadmodum cælestis Ierosolymæ gloria atque maiestas mihi fuerit per speciem visa: nunc verò ostensam mihi visionem distinctius & explicatiùs proponam. In primis ergo septem Angelorum, qui phialas tenebant, primus, (ille nimirum, qui meretricis magnæ damnationem mihi ostenderat) ad me accedens; *Veni* (inquit) *ostendam tibi sponsam vxorem Agni.*

I. Vt verò cælestem mihi urbem indicaret, me spiritu sustulit in montem magnum atque editum, in cuius vertice extructa erat ciuitas; vt eam ingressus singillatim cōtemplarer gloriam, quam Deus mysticæ Ierosolymæ præparauit.

K. Vbi ad montis culmen conscendi, primò diligenter notauī admirabilem prorsus lucem & claritatem, qua cælestis hæc ciuitas fruitur. Tota autem ea claritas atque fulgor deriuatur ex luminari quodam simili lapidis pretiosi, qui iaspis pariter & crysallus lucidissima foret. Nec aliud est hoc luminare, quam ipsemet ciuitatis huius princeps; qui in medio ipso vrbis situ ceteris partibus editiore solio insidet pulcherrimo & ornatissimo.



12.

Et habebat murum magnum & altum habentem portas duodecim; & in portis Angelos duodecim, & nomina inscripta, quæ sunt nomina duodecim tribuum filiorum Israel.

13.

Ab Oriente portæ tres, & ab Aquilone portæ tres, & ab Austro portæ tres, & ab Occasu portæ tres.

14.

Et murus ciuitatis habens fundamenta duodecim, & in ipsis duodecim nomina duodecim Apostolorum Agni.

15.

Et qui loquebatur mecum, habebat mensuram arundineam auream, ut metiretur ciuitatem, & portas eius, & murum.

16.

Et ciuitas in quadro posita est, & longitudo eius tanta est, quanta & latitudo: & mensus est ciuitatē de arundine aurea per stadia duodecim millia: & longitudo, & altitudo, & latitudo eius equalia sunt.

17.

Et mensus est murum eius centum quadraginta quatuor cubitorum, mensura hominis, quæ est Angeli.

18.

Et erat structura muri eius ex lapide iaspide. Ipsa autem ciuitas aurum mundum simile vitro mundo.

L. Obseruaui deinde duodecim in ipsa ciuitate portas; tres nimirum ad Orientem; tres ad Aquilonem; tres ad Austrum; & tres ad Occidentem. Hisce in portis duodecim scripta erant duodecim tribuum Israel nomina, (earum scilicet tribuum, de quibus supra cap. 7. actum est,) ita tamen ut nomina singula singulis portis essent insculpta. In singulis item portarum vnus Angelus erat ianitor constitutus.

M. Præterea, cum ipsa ciuitas in editi montis vertice foret constituta, fundamenta ipsa murorum foris poterant discerni; & ad cuiusque portæ latera erant duodecim Apostolorum nomina in ipsis fundamentis impressa: fundamentum enim omni ex parte habebat duodecim veluti lineas & coria, in quorum infimo nomen erat Petri Apostolorum principis; deinde cetera Apostolorum nomina per ordinem sequebantur, vsq; ad Matthiæ nomen, quod in superiore torio erat. Quo verò ordine essent nomina reliquorum scripta, id non constat.

N. Qui autem mecum loquebatur manu gerebat calamum, qui iustam humanæ staturæ mensuram continebat; illam inquam, quæ in sacris literis prima mensura appellatur. Vnde calamus iste eiusdem erat longitudinis cum Ezechielis calamo: cum eo tamen discrimine, quod hic calamus aureus fuerit, Ezechielis non item. Hunc ergo calamum Angelus manu gestabat, ad ciuitatem, portas & murum dimetienda.

O. Muri ipsi in quadrum erant perfectissimè dispositi; quorum latera singula excurrerant in duodecim stadiorum millium longitudinem, id est, in mille quingenta milliaria, si milliariibus singulis octo tribuantur stadia. Quæ singulorum laterum longitudo centuplo maior est quam ea longitudo, quæ vnicuique Babylonis vrbs lateri inerat. Et quamuis tanta esset tamque imensa cælestis ciuitatis magnitudo; pauimentum tamen ipsius & murorum fundamentum ita erat omni ex parte ad perpendiculum exæquatum, ut murorum corona æqualis vndiq; conurgeret.

P. Ciuitatis murus calamo, quem Angelus manu tenebat, mensuratus in altitudinem patebat centum quadraginta quatuor cubitis, id est humanis staturis viginti quatuor secundum antiquam dimensionem.

Q. Vrbs ædificia omnia ex auro pellucido erant fabricata.



A

19.

Et fundamenta muri ciuitatis omni lapide pretioso ornata. Fundamentum primum, iaspis: secundum, sapphirus: tertium, calcedonius: quartum, smaragdus:

20.

B

Quintum, sardonyx: sextum, sardius: septimum, chrysolitus: octauum, berillus: nonum, topazius: decimum, chrysoprasus: undecimum, hyacinthus: duodecimum, amethystus.

21.

C

Et duodecim portæ, duodecim margaritæ sunt per singulas: & singulæ portæ erant ex singulis margaritis; & platea ciuitatis aurum mundum, tanquam vitrum perlucidum.

22.

D

Et templum non vidi in ea; Dominus enim Deus omnipotens templum illius est, & Agnus.

23.

Et ciuitas non eget sole, neque luna, ut luceant in ea; nam claritas Dei illuminauit eam, & lucerna eius est Agnus.

24.

E

Et ambulabunt Gentes in lumine eius; & reges terræ afferent gloriā suam & honorem in illam.

25.

Et portæ eius non clauduntur per diem: nox enim non erit illic.

26.

Et affertent gloriam & honorem Gentium in illam.

R. Fundamenta pulcherrimè erant disposita, veluti duodecim ex lapillis pretiosissimis lineæ; quarum quælibet totum ciuitatis quadrum circuibat. Harum autem gemmarum profundior erat iaspis; deinde hoc ordine reliquæ subibant; sapphirus, carbunculus candidus, smaragdus, sardonyx, sardius, chrysolitus, berillus, topazius, chrysoprasus, hyacinthus, amethystus.

S. Ad hæc; portæ ipsæ duodecim, quantumuis summæ tum maiestatis fuerint, tum proportionis; singulæ tamen ex singulis erant margaritis fabricatæ. Iam ipsius vrbs viæ erant latissimæ, & omnes ex auro perspicuo ac pellucente, sicuti ipsa ædificia.

T. Nullum in hac ciuitate templum peculiare visebatur. Templum quippe illius erat, Deum & Christum in media ipsa vrbe sedentem in throno habere: atque hoc templo tota fruebatur ciuitas.

V. Nihilo magis sole, aut luna indigebat. Dei namque claritas eidem pro sole est, & claritas Christi pro luna.

X. Tametsi autem qui ciuitatem cælestem versus iter faciunt, necdum ad eam peruenire, non possunt hæc duo luminaria maxima atque clarissima cernere, donec intrò succedant; splendor tamen, qui sese supra muros attollit, est ita conspicuus ac fulgens, ut longissime prospici possit; & eis indicare viam, qui ad cælestem urbem pergunt, quod Reges terræ secum conuehant, quidquid gloriæ atque pretij possidebant.

Y. Isaias de Ierosolyma prodidit, ipsius portas nec nocte, nec die obseratum iri: ego verò solum assero huius vrbs portas die non claudi. Cum enim ibi nox minimè sit; si die non clauduntur portæ, nunquam omnino claudantur necesse est.

Z. Qui verò hanc ingrediuntur urbem, eò conferunt quidquid in mundo optimum, quidquid gloriosum, quidquid honorificum est.

Isaia 60.  
11.



27.

Non intrabit in eam aliquod coinquinatum, aut abominationem faciens, & mendacium; nisi qui scripti sunt in libro vitæ Agni.

AA. At scelere aliquo inquinatus nemo illuc intrabit; sed ij solum qui in libro Agni sunt scripti. Quare illuc minimè patebit additus efferatæ alicui bestię venenatæ aut immundæ.

*Interpretatio Superioris Paraphrasis.*

A. Noui cæli, ac noua tellus absque mari, repræsentant nouum beatorum felicitatis statum post extremum iudicium. Cælorum autem veterum mysticorum proprium erat, agere de animarum salute & incolumitate, deque Sacramentorum administratione: & terræ mysticæ erat, per patientiam ac voluntariam afflictionem proferre veros animi fructus. At verò noui cæli mystici, illud sibi vt proprium ac peculiare officium ducent, Dei conspectu & gloriæ lumine æternum frui, absque vlla deinceps motus conuersione. Nouæ autem terræ illud erit proprium munus, nempe gloriæ dotes; quibus gloriosa beatorum corpora circumfluent. Porro in hac noua creatione mysticum mare non apparebit; id est, nulla iam ingruent pericula, nullæ inconstantie vicissitudines, nullæ procellæ, aut tempestates.

B. Per nouam seu mysticam Ierosolymam Romana indicatur Ecclesia; & ea est, quæ eleganter dicitur de cælo à Deo descendere, vel descendisse. Hanc verò Romanam Ecclesiam, ait Ioannes se nunc vidisse in eâ gloria, quam post iudicii diem possidebit; id est, eâ gloriâ ac maiestate suspiciendam, quæ Christi sponfam in cælo decebat.

C. Atque idem ipse Dominus, qui in gloriosa hac ciuitate suum habet thronum, asserit atque confirmat; Sanctos omnes ipsius conspectu in ea vrbe familiarissimè & amicissimè fruituros; nec non mutuâ omnes inter se præsentia, sicut sese mutuo cernunt atque fruuntur, qui intra idem commemorantur tabernaculum.

H. Angelus, qui Ioanni hanc supernæ ciuitatis effigiem demonstrauit, beatum adumbrat Paulum; id quod egregiam habet conuenientiam.

I. Cur superna ciuitas sit supra montem efficta, facillè intelligitur.

K. Præcipua cælestis Ierosolymæ felicitas est gloria, quam essentialem vocant; quæ consistit in ipsa Diuinæ essentia atque naturæ fruitione. Felicitas isthæc summa symbolice figuratur in eâ claritudine, quam Ioannes ex iaspide viridi, sed crystalli similitudinem habente, dimanare conspexit. Nam iaspis est gloriæ ac Diuinitatis symbolum, vt dictum est cap. 4. & in primo etiam ciuitatis fundamento tractatur. quapropter iaspis crystalli instar pellucidus, & summam emittens claritatem atque splendorem, symbolum est aptissimum, quo significatur, in patria cælesti Deum suam intimam detegere claritatem; atque eadem beari, & gloriosissimam reddi totam illam cælitum beatissimorum urbem.

L. Duodecim ciuitatis portæ, ternæ ad singulas quatuor mundi partium obuersæ denotant, vniuersis genibus atque nationibus (si tamen in fide & charitate sint,) aditum in hanc urbem sine vlla exceptione patefcere. Et duodecim quidem portarum symbolum ad eos propriè spectat, qui Gentium conuersioni fuere instrumento & adiumento: quæ Gentes sunt mystici Hebræi Christum eiusque fidem ac religionem amplectentes. Hi cap. 7. in duodecim diuiduntur tribus, quarum Patriarchæ sunt Apostoli. Iam quòd ad eò sit exiguus portarum huius vrbs numerus, si ipsius immensitatem spectes, id sanè honorificentissimū est ijs, qui suam operam & industriam ad Gentium conuersionem còtulerunt. Quòd autem in Apocalypsi porta Dan non numeretur inter ceteras, innuit, nonnullis satis minimè fore, fuisse eos in hac vita aliorum salutis instrumentum, vt portarum gloriam in cælesti Ierosolyma adipiscantur. Angeli huius vrbs ianitores denotant, nihil in hanc ciuitatem ingressurum, quod non deceat ipsius dignitatem. Ecquis enim Angelos aut supplantare aut superare valeat?

M. Duodecim Apostolis fundamentorum symbolum, & gloria attribuitur: quòd primi ipsi Apostolicum symbolum composuerint & prædicauerint. Quamobrem parui refert, legitimum ipsorum Apostolorum ordinem ignorari; satis enim est, symboli capitum ordinatâ seriem cognosci.

N. Aureus calamus maximas Christi meritorum diuitias adumbrat: quorum dimensione cælestis Ierosolymæ ædificium mensuratur. Nam cui magna fuerit meritorum Christi cognitio (cuiusmodi habebat Paulus) ille poterit rectè dimetiri cælestis huius vrbs longitudinem ac latitudinem, murorum altitudinem, & fundamentorum profunditatem. Quin & Angelus ipsas etiam portas haud dubiè dimensus est: non tamen expressa fuit singularum portarum latitudo; vt angustus earum aditus tacitè innueretur; vt habetur Lucæ 13. 24.

O. Quadrata vrbs area symbolum est perfectionis, quæ huic mystico ædificio inest. In quo mirum in modum elucet præcipua quatuor Diuinæ Prouidentia perfectiones. Ad hæc, insignis tanti ædificij magnitudo respondet ingenti saluandorum hominum multitudini, quod Christo Domino, eiusque Apostolis gloriosissimum accidit: murorum atque ædificiorum æquabilitas nobis exprimit maximam beatorum ciuium pacem ac benevolentiam.

P. In muro Christiano indicantur sacerdotes; qui per viginti quatuor item seniores, siue principes figurantur; de quibus cap. 4.

Q. Ædificiorum materia ex perspicuo & pellucido auro, symbolice innuit, Sanctorum gloriam perfectissimam esse, ac derivatam à Christi gloria, quæ per chrysolitum denotatur.



R. Singulis Apostolici symboli articulis numero duodecim, singulæ etiam ex totidem gemmis sunt selectæ ac destinatæ; quæ illis ipsis articulis, ad quos aptantur, magis appositæ & congruentes vias sunt Spiritui Sancto.

S. Porta singulæ ex singulis margaritis efficitur ingentem pariter perfectionem & charitatem adumbrant, quæ in primævis illis Hebraici populi Christianis enituit: in ijs inquam, qui se totos in Gentium conuersionem strenuè impenderunt; quorum vestigia sacre Religiosorum hominum familiæ consecrari student. Viarum symbolum transfertur ad eam gloriam, quæ communis est illius vrbis non supremis solum (qui per ædificia figurantur) sed etiam infimis. Aurum translucidum eandem hinc cum ædificijs significationem sortitur.

T. Singulari aliquo orationis loco opus non est, vbi Dei & Christi conspectu clarissimo Sancti fruuntur. Quæ vitio eorum corda animosque rapit, & cum Deo perfectissime copulat.

V. Solis symbolo, Dei claritas: Lunæ verò, humanitas Christi significatur: vt cap. 12. 1. explicatur.

X. Conspicius splendor, quem viatores illuc pergentes longè prospiciunt, antequam duplex illud luminare cernant; indicat illud ipsum, quod Euangelica prædicat doctrina de incredibili felicitate, quæ Deus suis electis recondidit & asseruauit. Hic fulgor procul sese prodens Gentes inuitat, vt se viæ committant, & in gloriosam hanc urbem rectè contendant. Reges qui suam secum gloriam asportant, sunt Ecclesiæ principes, qui secum aduehant virtutum suarum ac meritorum thesauros.

Y. Porta ipsa non clauduntur die aut nocte; quia qui idoneâ meritorum suppellectile instructi, & debitis (si quibus premebantur) solutis, ad caelestem beatitudinem pergunt: ijs nunquam ingressus interdictur.

Z. Gentium gloria atque diuitiæ, quæ per ciuitatis portas intrò inuehuntur, ostendunt quidnam in terrarum orbe debeat maximè fieri, & æstimari; nimirum vera animi sanctitas ac vitæ puritas & integritas, & quidquid ad veram sapientiam & virtutem spectat.

## CAPVT XXII.

*De aeterna felicitate prædicti triumphi, & quanto in pretio Apocalypseos liber haberi debeat.*

TEXTVS.

PARAPHRASIS.

1.

**E**T ostendit mihi fluiuium aque vitæ splendidum tanquam crystallum, procedentem de sede Dei & Agni.

A. Ille item Angelus fluiuium mihi monstrauit aque vitæ, à Dei & Agni sede effluentem, crystalli instar pellucidum ac splendidum; qui fluiuius tot in diuortia atque torrentes diuidebatur, quot erant ciuitatis viæ. Per omnes enim aquarum fluentia ferebantur.

2.

In medio plateæ eius, & ex vtraque parte fluminis lignum vitæ, afferens fructus duodecim, per menses singulos reddens fructum suum, & folia ligni ad sanitatem Gentium.

Ex vtraque autem fluminis parte erant vbique arbuta mirifica eiusmodi arboribus constantia, quibus ligni vitæ nomen in meritò deberetur. Ferebant autem duodenos singulis annis fructus, nimirum singulos mensibus singulis; & earum quidem arborum folia erant maxime salutaria.

3.

Et omne maledictum non erit amplius: sed sedes Dei & Agni in illa erunt, & serui eius seruiant illi.

B. Hæc omnia vbi mihi indicauit Angelus, subiecit: qui hanc ingrediuntur urbem, eos esse omnes ab omni maledicto liberos, & Dei atque Agni conspectu in hac ciuitate regnantium semper frui.

4.

Et videbunt faciem eius: & nomē eius in frontibus eorum.

Adhæc, hac eadem in vrbe omnes Dei nomen frontibus impressum gerere; sicuti olim gerebat Aaron, cum sancta Sanctorum intrabat.



5. Et nox vltra non erit, & non egebunt lumine lucerne, neque lumine solis. Quoniam Dominus Deus illuminabit illos, & regnabunt in sæcula sæculorum.

6. Et dixit mihi: Hæc verba fidelissima sunt, & vera. Et Dominus Deus spirituum prophetarum misit Angelum suum ostendere seruis suis, quæ oportet fieri citò.

7. Et ecce venio velociter. Beatus, qui custodit verba prophetiæ libri huius.

8. Et ego Ioannes, qui audiui, & vidi hæc. Et postquam audissem, & vidissem, cecidi vt adorarem ante pedes Angeli, qui mihi hæc ostendebat.

9. Et dixit mihi: Vide ne feceris, conseruus enim tuus sum, & fratrum tuorum prophetarum, & eorum, qui seruant verba prophetiæ libri huius: Deum adora.

10. Et dicit mihi: Ne signaueris verba prophetiæ libri huius; tempus enim propè est.

11. Qui nocet, noceat adhuc; & qui in sordibus est, sordescat adhuc; & qui iustus est, iustificetur adhuc; & sanctus, sanctificetur adhuc.

12. Ecce venio citò, & merces mea mecum est, reddere vnicuique secundum opera sua.

13. Ego sum A, & Ω. primus & nouissimus, principium & finis.

14. Beati, qui lauant stolas suas in sanguine Agni: vt sit potestas eorum in ligno vitæ, & per portas intrent in ciuitatem.

15. Foris canes, & venefici, & impudici, & homicidæ, & idolis seruientes, & omnis, qui amat, & facit mendacium.

16. Ego Iesus misi Angelum meum testificari vobis hæc in Ecclesijs. Ego sum radix & genus Dauid; stella splendida & matutina.

C. Quibus omnibus tum visis, tum auditis; ingenti ipse tante spei solatio delinitus ad ipsius Angeli pedes, qui mihi, vrbè demonstrabat, præ lætitia & alacritate volui procidere: sicut suprâ ad Angeli magnæ potestatis pedes me abieci. Sed non minùs hic Angelus, quàm ille, me ab hac adoratione arcuit.

D. Post hæc idem mihi Angelus edixit, ne verba prophetiæ libri huius signarem; tempus enim propè est.

E. Quin etiam ipsius Christi agens personam, subiunxit: sicut is, qui nocet, nocere adhuc pergit; & qui iacet in sordibus, sordescit adhuc: sic etiam qui iustus, adhuc iustificetur oportet; & qui sanctus, adhuc sanctificetur. Ecce venio citò, & merces mea mecum est, reddere vnicuique secundum opera sua.



A

17.

Et spiritus, & sponsa dicunt: Veni. Et qui audiuit, dicat, Veni: & qui sitit, veniat; & qui vult, accipiat aquam vitæ, gratis.

B

18.

Contestor enim omni audienti verba prophetiæ libri huius: Si quis apposuerit ad hæc, apponet Deus super illum plagas scriptas in libro isto.

19.

C

Et si quis diminuerit de verbis libri prophetiæ huius, auferet Deus partem eius de libro vitæ, & de ciuitate sancta, & de his, quæ scripta sunt in libro isto.

20.

D

Dicit, qui testimonium perhibet istorum. Etiam venio cito: Amen. Veni Domine Iesu.

21.

Gratia Domini nostri Iesu Christi cum omnibus vobis. Amen.

F. Porro tam Christi spiritus, quam Ecclesia Christi sponsa fideles omnes docent, vt singuli preces effundant obnixè dicentes, *Adueniat Domine regnum tuum*. Itaque qui hanc sancti Spiritus & Ecclesiæ præceptionem intente excipiunt, dicant similiter, *Adueniat Domine regnum tuum*. Quam orationem oportet iterari maxima cum siti ac desiderio fruendi cælesti Beatitudinis æternæ fluuii; nec non summa diligentia, atque studio præstandi strenuè, quidquid ad eius fruitionem opus erit. Etenim quantumuis vehemens studium, atque contentio adhibeatur; tanta est tamen felicitas, quæ speratur, vt iure optimo aqua vitæ gratis dicatur concedi.

G. Denique aduersus eos, qui huius libri doctrinæ sese opponere cōtenderent; addentes, aut detrahentes ex verbis ipsis, aut doctrina, quod addi, aut detrahi minimè potest, quin eidem libri huius doctrinæ obstitatur: aduersus hos inquam, (quod idem est, atque aduersus Hæreticos) diræ & execrationes ipsius Dei iactantur: quibus eiusmodi intenditur comminatio; aduersus eos scilicet Deum septem tubarum plâgis belligeraturum. Quod si in vitæ librum prius erant relati; eorum nomina ex eodem libro delenda, eosque per finalem impoenitentiam damnandos, nisi maturè resipuerint.

H. Hæ comminationes ab ipso intenduntur Christo, qui omnia in hoc libro descripta testificatur. Quin & ipse se citò venturum ad illa ipsa implenda assèuerat. Ego verò aio: Etiam Domine, *Veni Domine Iesu*. Cuius gratia cum vobis omnibus permaneat. Amen.

### Interpretatio Superioris Paraphrasis.

E

A. Per flumen symbolicè significatur cælestis voluptatis magnitudo, qua Beatos Dei & Christi visio perfundit. In vitæ ligno denotatur immortalitas, quæ ex visione ipsa beata procedit; quæ immortalitas perfectissimè sanat quæcumque vulnera ac cicatrices Beati in hac mortali vita habuerint; & propterea arborum folia dicuntur esse ad sanitatem gentium.

B. Maledictum tam culpas, quam pœnas comprehendit. Ea enim omnia complectitur, quæ homines solent alijs maledicendo imprecari. Quod omnibus Dei nomen in fronte sit inscriptum indicat, omnes esse potentes ad Diuinam maiestatem pro nobis in hac vita degentibus exorandam.

C. Beatus Paulus est ille, ad cuius pedes se Ioannes prouoluit; vt ex superius dictis videre est.

D. Quod Ioanni præcipiatur, ne libri huius prophetiam designet; perinde est, quasi certior reddatur librum hunc, quantumuis obscurum, summo adhuc solatio & vtilitati fore in ijs omnibus, quibus homines singulos ad suum ipsorum emolumentum imbui oportet. Atque in hoc sensu libri huius prophetia respectu singulorum citò est explenda.



E. Christus suos admonet, & hortatur iustos; ut quando Ecclesiæ persecutores magis magisque sauiant, tunc ipsi eam captantes occasionem ex persecutione sibi fructum decerpere, & in vitæ integritate ac sanctimonia progressus facere studeant. Sic enim utrique pariter ad destinatam sibi mercedem atque exitum præparabuntur.

F. Christus Iesus semet vocat Davidis radicem; qua appellatione significatur, quando Davidis regnum absumptum iam atque extinctum videbatur, tunc quidem radicem abditam latuisse, ubi minus opinabantur homines; eamque fuisse potentem ad instaurandam Davidici regni felicitatem cum toto illo incremento, quod fuerat à Prophetis prædictum. Quia verò, ut homines maximam mystici Davidis regni felicitatem assequerentur, utque Catholica Ecclesia in hac vita ad ingentem claritatem perveniret, opus erat fortitudine ac tolerantia earum persecutionum, quas tunc perpetiebatur Ecclesia; idcirco in medijs ipsis adversitatum procellis ait Christus, se luciferum etiam esse, qui in obscura adhuc nocte solatium hominibus afferat, certissima solis quam mox orituri expectatione.

G. Cetera omnia, quæ ad capitis calcem subsequuntur, in ipsa paraphrasi explicantur.

## FINIS LIBRI PRIMI.





## LIBER SECVNDVS

CONTINENS

COMMENTARIVM

TRIVM PRIORVM

CAPITVM

## APOCALYPSEOS.

quæ sunt sacræ actionis prologus.

EXORDIVM.



VANTVM in egregiè extructis ædibus intèrius ædificium solet arte & elegantia externam porticum ac vestibulum superare : tantum cuperem ipse subsequentes libros priori antecellere. Etenim dum ad libri ipsius, qui explicatur, commentarium peruentum non est; vix potuit ex magnitudine & pulchritudine Apocalypseos illud discerni, quod vel externa facies præ se fert. Quamobrem

spero voluptatem multo maiorem perceptum iri ab ijs, qui ipsam Apocalypsin per commentaria ingressi, intima penetralia admirandæ huius domus, quam sibi Sapientia construxit, inspexerint.

Ipsam verò Apocalypseos opus considero ego, veluti regiam aliquam quatuor in partes pulcherrimè diuisam : atque capropter, meum ipse commentarium in quatuor diuido libros, quorum singuli singulis regij huius ædificij partibus respondeant.

Atque in primis, horum commentariorum in plures libros distinctio non minus habet commodi & emolumèri, quàm sublimis alicuius scalæ in multas partes, & quasi diuisiones partitio; aliquot statunculis vicissim interpositis. quippe, cum accliuus sit via ac proinde ascensu difficilis; graue satis est & onerosum, si nullæ sint in scalis diuisiones, vbi sistere quisque, & aliquanto possit requiescere. Quare hominum industria modum tandem excogitauit atque inuenit; quo scalis in varias veluti sectiones diuisis, & facilitas in ipso conscensu, & pulchritudo etiam in aspectantium oculis adderetur.

Deinde hæc commentarij distinctio in quatuor partes aut libros non est pro interpretis libito excogitata; sed congruens valdè cum ipsa Apocalypseos, quam in se continet, distinctio. Ex ijs enim, quæ diuiduntur, quædam sunt, in quibus nullum apparebat diuisionis aut distinctionis signum, siue inchoatio; vt in pomis, pyris, aut hyemalibus peponibus : quæ si diuidere, & varias in partes secare velis, tam partium numerus, in quas diuidenda sunt, quàm diuisionis ipsius locus omnino sunt secantis placito relinquendi. Alia verò sunt, in quibus natura ipsa diuisionem atque sectionem inchoauit : vt verni pepones, & punica mala. In quibus apta & conueniens diuisio ea est, quæ naturæ ipsi distinctioni, in huiusmodi fructibus à natura insitæ conformatur. Vsu

*Totius operis diuisio.*

*Superioris diuisionis ratio.*



venit autem, punici mali fragmina non esse inter sese æqualia; sed alterum altero maius; tunc autem non rectè secabit, qui illud in partes æquales diuidet.

Non aliter in Apocalypsi philosophari licet; cuius si diuisio arbitraria foret omnino, consentaneum minimè esset ex quatuor libris sequentibus, primo scilicet, & quarto, terna capita singulis tantum concedi; & tam secundo, quàm tertio octona singulis attribui. Atque ob huius discriminis rationem, qui intimos Apocalypseos recessus non inspexerit, meam fortè diuisionem aut vt nouam mirabitur, aut damnabit etiam vt dissentaneam. Qui verò libri ipsius intimam distinctionem seriò attenderit, facilè cernet, distinctionem in partes omnino æquales, inæqualem planè & dissonam, non secus atque in malo punico, esse; atque adeò inæqualitatem ipsam hac in parte veram æquitatis speciem induere. Etenim, vt primum quis ad Apocalypseos diuisionem mentem velit adijcere; facilè animaduertet, nec primum librum potuisse à capite tertio progredi: nec fas esse in libro secundo minùs quàm octo sequentia capita comprehendere; vt re ipsa penitus considerata manifestum erit. Sed percommode accidit, vt tertius etiam liber octo itidem capita complectatur; & quarto demum tria capita postrema supersint. Qua ratione inter quatuor hosce libros aliqua reperitur in ipsa inæqualitate proportio.

Hic ergo liber (qui & primus est commentariorum, & in nostri operis ordine secundus) primam Apocalypseos partem contemplatur; id est, prologum sacræ huius actionis: in qua post titulum à Ioanne inscriptum, & post epistolam dedicatorem; prima figura Ioanni visa vniuersæ Apocalypseos summam continet; dum sub Christi persona nobis ob oculos ponit, quàm se admirabilem Deus exhibuerit in Christianæ Ecclesiæ exordio, nec non in gloriosissima victoria; quam ei præbuit primò ex Iudaico populo; deinde ex Gentilicio. Postea verò persona eadem, quæ capite primo, Apocalypseos summam paucis complexa est, in capite mox secundo atque tertio, ad prologi consuetudinem, admonet septem Episcopos (atque in ipsis cunctos fideles ad septem conscientiarum genera redactos) de maximo emolumento, quod omnes ex Apocalypseos doctrina percipere & possunt, & debent. Quæ omnia ad sacræ huius actionis prologum attinent, vt suo loco planum fiet. Atque hæc leuiter attigisse sit satis de secundi huius libri argumento: vt ea lector conferat cum ijs, quæ notatione septima præcæmiali, & in priorum trium capitum paraphrasi dicta à nobis sunt.

Porro illum in meis commentarijs ordinem (ad illustrissimi Cardinalis Toleti imitationem) seruare statui; vt hoc opus commentariorum, & notationum serie ac distinctione contexam: Et ad commentarium quidem spectat, quod ad textus declarationem magis erat necessarium: quidquid autem his annectitur, rejicitur in notationes. Et primum hæc distinctio conducit ad operis claritatem; præsertim adiunctis notationum titulis; quò faciliùs lector possit animaduertere, quis sit commentarius, quæ notatio, quod singularum annotationum argumentum? Secundò; hac ratione onus commentarij magna ex parte minuitur, efficiturque, vt seorsim inueniatur ab illo, qui contenta in notationibus non quærit.

Tertiò, huiusmodi diuisio idonea satis est, vt absque commentarij ipsius perturbatione, ex professo allusiones Apocalypseos exponantur (quæ & quàm plurimæ sunt, & cum primis elegantes) & cum ijs conferantur locis, ad quos Apocalypsis alludit. Qua in re vehementer cupio, vt locos alios cum alijs componere atque conferre, perinde sit, ac si vitis ad palmam adiungatur (qua vititur comparatione Spiritus sanctus Cant. 7. 8.) hoc est, vt non solum pul-



A chrè & eleganter, sed etiam vtiliter & fructuosè fiat; necnon voluptatis etiam ac suauitatis ratio habeatur. Sic enim apparebit, Apocalypseos palmæ firmitudinem & celsitatem maximo esse adiumento; vt vitis ad eam adhærentis palmites hoc veluti fulcro & adminiculo erigantur; & nitidi ac pingues vuarum racemi gratum oculis spectaculum, & gustui suauitatem præbeant. Ex eisque efficiatur vinum illud in Canticorum libro laudatum.

B Quarto; quamuis forsan alicui videri possim notationum specie atq; prætextu, ad varias digressiones liberè excurrere: confido tamen, quemlibet facile perspecturum, per paucas ex illis omitti à me potuisse, si omnia mihi erant dicenda, quæ ad exactam Apocalypseos intelligentiam conducunt: id quod me valde expetisse, ac mihi met imposuisse non inficior.

Quintò; non omnes notationes de ijs agunt locis, ad quos Apocalypsis alludit. Ex illis enim non pauca impenduntur in symbolorum Apocalypseos perfectionem, & in alias etiam res non parui momenti ad nostræ explicationis complementum.

C Sextò; non omnes Apocalypseos allusiones in notationibus explicari ex professo potuerunt. Interdum enim alluditur ad integra veteris testamenti capita; nec semel ad integrum librum. Quamobrem operæ pretium fore visum est, si allusiones illæ, quæ breuiter exponi potuerunt, locum in his notationibus haberent, quæ commentario connectuntur: quæ verò adeò in locum crescerent, vt totam aliquorum capitum siue libri interpretationem poscerent, illæ ad quinque postremos huius operis libros reijcerentur: quibus in libris, ex Apocalypseos allusione, seorsum explanantur ea, quæ oportuit ab alijs compluribus separari; quæ in priorum librorum notationibus continentur. Et quidem in vtrisque id exoptavi, vt innotesceret, ex Apocalypsi clarissimam ad locos eos, quos respicit, lucem refundi: atque allusione ipsa rectè percepta plurimum etiam lucis ex eisdem locis Apocalypsi vicissim afferri: & denique ad perfectam sacri huius libri explicationem permagni interesse eorum, ad quos alludit, locorum attentam considerationem.



# COMMENTARI

IN

## APOCALYPSIN

### BEATI IOANNIS

#### APOSTOLI.

Libri titulus ab Ecclesia appositus sic habet;

APOCALYPSIS B. IOANNIS APOSTOLI,

de quo satis suprâ in prologo, notatione 2. & 4.

#### CAPVT PRIMVM.

**C**APITIS primi textu attentè perlecto, facile apparet, illud in tres diuidi partes; quarum prima totius est operis titulus & elogium: secunda, epistola deditoria: tertia, narrationis initium; quod nos totius actionis prologum esse asserimus. Seruatur in hac distinctione multorum librorum consuetudo, quorum in fronte præfigitur titulus, totius operis elogium continens, deinde subditur epistola, seu dedicatio libri: tertio annectitur prologus. Notandum verò est, tres has primi capituli partes triplicem esse faciem ad obscuritatem Apocalypseos aliquo modo illustrandam. Quia in horum trium singulis argumentum operis indicatur: in titulo breuiter, paulò latius in epistola, in prologo seu prima actionis persona distinctius.

#### PARS PRIMA.

QVÆ TITVLVS EST, ET

ELOGIVM LIBRI.

#### TEXTVS.

*Vers. 1.* **A**PPOCALYPSIS Iesu Christi, quam dedit illi Deus palàm facere seruis suis, quæ oportet fieri citò: & significauit, mittens per Angelum suum seruo suo Ioanni.

2. Qui testimonium perhibuit verbo Dei, & testimonium Iesu Christi, quæcumque vidit.

3. Beatus qui legit, & audit verba prophetiæ huius, & seruat ea, quæ in ea scripta sunt: tempus enim propè est;



## C O M M E N T A R I V S.



**APOCALYPSIS IESV CHRISTI.]** Id est, Prophetia Christo reuelata. Quia res ipsa reuelata fuerat animæ Christi; non quidem ænigmaticè, sed apertè. Palàm enim; & non per ænigmata, loquitur Christo Deus.

Præterea prophetia hæc merito appellatur Apocalypsis, seu reuelatio Iesu Christi; quia nemini ante Christum perfectè reuelata fuerat, neque ipsis etiam angelis. Vide Paulum ad Ephes. 3. 9. de sacramento abscondito à sæculis in Deo; *Qui omnia creauit, vt innotescat principatibus & potestatibus in caelestibus per Ecclesiam multiformis sapientia Dei, secundum præfinitionem seculorum, quam fecit in Christo Iesu Domino nostro, de quo loco diximus in prologo notatione VIII.*

**PALAM FACERE,]** id est, vt palàm faceret. Constructio Græca. Sed quid est hoc? Numquid Christus palàm fecit fidelibus omnia, quæ in hoc libro ænigmaticè significantur? vt Romam esse prorsus debellandam, & subiiciendam euangelio; & mille annorum pacem, & huiusmodi alia? imò verò propterea hæc obscurissimis ænigmatibus obtexit; quia summopere expediebat, ne cunctis fidelibus omnia iusta palàm fierent. Quare neque per hunc librum, neque per manifestam aliam reuelationem fidelibus communiter innotuerant ea, quæ velata esse oportebat. Quid ergo est, Christum accepisse hanc reuelationem à Patre, vt palàm faceret seruis suis. Respondetur, Ioannem non asserere Christo datam esse hanc reuelationem, vt eam palàm faceret seruis suis; sed vt palàm faceret ea, quæ oportet fieri citò. Quasi diceret; In hac reuelatione continentur quædam, quæ citò oportet fieri; & alia, quæ non aded citò implebuntur: atqui quamuis tota reuelatio videatur ænigmatibus obscurissimis occultata; ea tamen, quæ oportet fieri citò, fidelibus omnibus sunt aded manifestata, vt verissimè dicatur Christus ea palàm fecisse seruis suis, id est, reipublicæ Christianæ, tum quia obscuritas ænigmatum huius libri non obstat, quo minùs satis constet ex hoc libro manifestè colligi, singulos homines citò (nempe in die mortis) visuros; quanta sit felicitas seruorum Christi, & quanta inimicorum eius infelicitas ac miseria; tum etiam, quia illa, quæ oportet fieri citò, non solum hoc in libro continentur, sed etiam apertè fuerant Ecclesiæ reuelata, & palàm facta. Prudentissimè ergo Ioannes initio libri responder tacitæ obiectioni, quam videbat posse opponi contra summam huius libri obscuritatem; nempe, cur aded obscurè proponantur ea, quæ sunt ad salutem necessaria? Huic (inquam) obiectioni responder, ea quæ oportet fieri citò, & quæ singulos nosse oportet, manifestissimè doceri. Quasi diceret, Tota obscuritas ad ea reuocatur, quæ singulis non sunt aded necessaria, & quæ non aded citò oportet fieri; scilicet ad ea, in quibus obscuritas erat maximè conueniens.

**QUÆ OPORTET FIERI CITO.]** Diximus, hæc non de omnibus affirmari, quæ in Apocalypsi continentur: quia Romæ conuersio, diaboli solutio post ligationem, & Antichristi persecutio, non aded citò erant opere complenda; vt ex ipso textu manifestè colligitur. Sed obijciat aliquis vltimam Apocalypseos partem esse patriæ caelestis triumphum; & post illius descriptionem subdi, cap. 23. num. 10. *Ne signaueris verba prophetia libri huius; tempus enim propè est.* Tota ergo prophetia erat citò implenda. Respondeo, huius prophetiæ finem, id est, diem iudicii & patriæ caelestis triumphum aliqua ratione verissimè esse valdè propinquum. Nam ratione singulorum nulla est longior intercapedo, siue dilatio temporis, quàm vsque ad diem mortis; & huius propinquitatis, tanquam rei maximi momenti, oportuit admonitos fuisse fideles. Quòd autem re ipsa iudicii vniuersalis dies post meam mortem, aliquot annorum millia differatur, an citò adueniat; id parum aut nihil mea refert: atque ita non est verisimile de propinquitate, quæ ad rem non pertinet, toties agere Scripturam. Vtrumque ergo cohæret optimè; nempe & finem huius prophetiæ mihi considerandum, tanquam citò implendum; & nihilominùs multa in hac prophetia contineri, quæ non aded citò oportebat fieri. Ex hoc fortasse loco, vt ex alijs similibus, multi ex vetustioribus suspicabantur, extremi iudicii diem iam imminere. Sed Christus Matth. 24. 36. & Paul. 2. Thessalon. 2. 1. & Petrus epistola secunda, capite tertio, numero octauo, monuerunt nos eam suspicionem à legitima sacræ Scripturæ significatione alienam esse; vt obseruarunt Augustinus 18. de ciuitate cap. 53. & D. Thom. in locum illum Pauli ex 2. ad Thessalonicens. 2. Quare cum sæpe sacra Scriptura videatur asserere iudicii diem propè esse; cumque ex Christi IESV verbis & Petri atque Pauli constet non eum esse sensum, quem nonnulli formidabant; eorum omnium locorum proculdubio sensus est, verissimè diem iudicii appropinquare respectu singulorum. Atque hoc iterum atque iterum inculcare, maximæ erat prudentiæ, & nobis valdè necessarium eius rei memoriam refricare, quæ nostra tanti interest; & cuius plerosque tanta tenet obliuio.

**ET SIGNIFICAVIT.]** ἐσημαίνεν; quod nos in præsentī de ænigmatica significatione intelligimus. Sicut etiam Ioannes 12. 32. *Si exaltatus fuero à terra, &c.* Hoc autem dicebat significans, qua morte esset moriturus, & cap. 21. 18. *Extendes manus tuas, & aliuste cinget, &c.* Hoc autem dixit significans, qua morte clarificaturus esset Deum. Vtrobique est idem verbum σημαίνων. Prophetia ergo huius libri reuelata est Christo Domino nuda & aperta: sed eam visum illi est ænigmatibus conuestire, & ad Ioannem mittere: nimirum quia valdè oportebat non clarè & apertè, sed testè & occultè loqui; vt diximus in prologo notatione XI V. Quare optimè explicuit Glossa cum Beda, & Rupert; *significauit, scilicet sub sigillo;* ne locus sit furibus peruerrendi; & vt gravior sit fidelibus inuentio. Atque ex hoc verbo colligitur perfectionem symbolicam horum ænigmatum æstimandam esse ex ingenio & sapientia CHRISTI Domini. Vide in prologo notationem XV.

*Cur hæc prophetia, Apocalypsis Iesu Christi appelletur.*

*Obiectio.*

*Responsio.*

*Quid sit, Palàm facere seruis suis?*

*Difficultas circa textum, eiusque solutio.*

*Quo sensu dies iudicii propè esse verè dicatur.*



Ioannis  
dignitas ex  
Angelo, qui  
ad eum  
mittitur.

MITTENS PER ANGELVM SVVM SERVO SVO IOANNI.] Hoc in Ioannis decus & dignitatem cedit. Facile quidem posset Spiritus sanctus absque vllō internuncio per semetipsum hanc Ioanni prophetiam reuelare. Ceterum, vt ipsius dignitatis ac meritorum se rationem habere ostenderet, Angelum ad eum legauit. Qua ratione Hieronymus Matthæi 2. D. Iosephi dignitatem colligit, ex eo quod Magos Deus de reditu in patriam nullius interiectu Angeli admonuerit; Iosepho verò, quoties illi fuerat aliquid reuelandum, Angelum legauerit. Verba Hieronymi sunt: *Qui munera obtulerant Domino, consequenter responsum accipiunt; non per Angelum, sed per ipsum Dominum; vt meritorum Ioseph privilegium demonstraretur.* Maiori enim honore à Rege afficitur ille, cui aliquem ex aulicis sibi familiarissimis legat, quàm cui meras epistolas mittit.

Verf. 2.

QVI TESTIMONIUM PERHIBUIT VERBO DEI, ET TESTIMONIUM IESV CHRISTI QVÆCVMQVE VIDIT.] Græcè sic habetur, ὁς ἐμαρτύρησε τὸν λόγον τοῦ θεοῦ, καὶ τὴν μαρτυρίαν Ἰησοῦ χριστοῦ ὅσα ἑώρα, hoc est (vt verbum verbo reddatur.) Qui testatus est verbum Dei, & testimonium IESV Christi, quæcumque vidit. Vides verbum Dei, & testimonium Iesu Christi vtrumque esse in accusatiuo. Et Græcæ lectionis sensus facilis est, Ioannem testari, quæcumque vidit, (id est omnes huius libri figurās) esse verissimum Dei verbum à Christo testificatum, hoc est, nihil in his figuris contineri, quod non sit purum putum Dei verbum, & Christi doctrina. Hunc etiam sensum recipit Latina lectio, (licet nonnihil obscure) quia cum ait, *Testimonium perhibuit verbo Dei, & testimonium IESV Christi quæcumque vidit.* Perinde est, ac si diceret; Ioannes testimonium perhibuit ijs, quæ vidit, tanquam verbo Dei, id est, doctrinæ Diuinæ; & quæcumque vidit, asserit non esse aliud, quàm testimonium Iesu Christi: neque dubium quin hic sit planus Græcæ lectionis sensus. Atque ita verbum Dei in præsentī non pro Dei Filio, sed pro ipsius doctrina accipiendum est. Neque enim aliud patitur Græca phrasis. Qui verò loci à nonnullis adducuntur, vt probent sermonem hīc esse de Filio Dei; vt ille Lucæ 4. 22. *Omnes testimonium illi dabant,* & alij similes; nihil ad rem. In his enim locis Latinæ lectionis Græca eodem casu respondet. Vt in hoc Lucæ, πάντες ἐμαρτύρων αὐτῷ, id est, Testificabantur ei. Secus est in præsentī. Neque obstat Græcus articulus; quia tam doctrinæ Euangelicæ, quàm Dei Filio, & Græcè & Hispanicè aptissimè additur articulus; & maximè cum sermo est de vniuersa Christiana doctrina. Atque id est, quod Ioannes significat, nempe vniuersæ doctrinæ Christianæ substantiam, atque medullam in ijs, quæ vidit, contineri. Ex quo etiam intelligitur, Ioannem perfectè intellexisse significationem eorum omnium, quæ illi Angelus inspicenda proposuit. Vnde obiter constat non in scopum collineari ab eo, qui applicat figuras Apocalypseos ad res minoris momenti, aut incertas; de quo suprà in prologo notatione VIII.

Verbum Dei  
quo sensu  
accipien-  
dum in  
præsentī.

Totius hu-  
ius enigma-  
tis sensum à  
Ioanne fuisse  
perceptū.

Quid sit,  
Quæcumque  
vidit?

QVI TESTIMONIUM PERHIBUIT VERBO DEI, ET TESTIMONIUM IESV CHRISTI QVÆCVMQVE VIDIT.] Nostra explicatio confirmatur ex eo, quod legimus infrā num. 9. *Fui in insula Pathmos propter verbum Dei, & testimonium Iesu.* Vbi sensus planus est, se in exilium fuisse missum propter euangelicam doctrinam, quam prædicabat. Ipsa itaque doctrina euangelica appellatur verbum Dei, & testimonium Iesu. Vide etiam infrā num. 5. *Et à Iesu Christo qui est testis fidelis, vbi de veritate eorum agitur, quæ à Christo fuerant prædicta; nempe de reprobatione Iudæorum, & Gentium electione.* Eodem igitur spectat in præsentī testimonium Iesu Christi. Nihil enim coherentius, quàm vt testis & testimonium, vt coniugata de eadem re accipiantur. Atque cum hæc in libri titulo præfixa sint; quid aptius, quàm vt ad libri argumentum respiciant? Quo animaduerso, statim liquet illa verba (quæcumque vidit) non esse referenda ad opera & miracula Christi (siue conscripta in Euangelio, vt Ambrosius, Beda, & Rupertus exponunt, siue à Ioanne prædicata; vt Ribera, & Viegas volunt) sed ad ipsius Apocalypseos visiones. In quarum singulis semper ait Ioannes, & vidi, & vidi. Atque ita in præsentī de ipsa visione loquitur; aliter enim non esset sermo ad rem.

Verf. 3.

BEATVS QVI LEGIT, ET AUDIT VERBA PROPHETIÆ HVIVS; ET SERVAT EA, QVÆ IN EA SCRIPTA SVNT.] Nota, dupliciter posse seruari verba: primò, si exequutioni mandentur: quod ad sola præcepta, vel monita referri potest. Secundò, si deuota eorum memoria conseruetur. Qua ratione non solum præcepta seruantur; sed quæcumque aliæ res, quas videre, siue audire contingat. Vide Lucæ 2. 19. *Maria autem conseruabat omnia verba hæc.* & num. 51. *Mater eius conseruabat omnia verba hæc.* Quod ergo in præsentī dicitur; Beatum esse, qui seruat verba prophetiæ huius; secundo modo videtur accipiendum: vt non solum referatur ad monita vel præcepta, sed etiam ad totius libri discursum atque doctrinam. Hæc enim interpretatio videtur plenior & aptior. Itaque verba hīc accipiuntur pro rebus iuxta receptam sacræ Scripturæ phrasim. Sed ad eam felicitatem, de qua agit Ioannes, non est necessaria lectio vel auditio horum ænigmatum: satis enim est, vt res ipsæ, quæ in eis continentur (id est, doctrina Euangelica de providentia Dei erga Ecclesiam Christianam) quauis alia ratione innotescant homini, & debita reuerentia suscipiantur, & fideli memoria conseruentur. Hæc ergo sententia eadem est cum illa Lucæ 11. 28. *Beati, qui audiunt verbum Dei, & custodiunt illud,* Græcè φυλάσσουντες τὸν λόγον τοῦ θεοῦ. Vbi verbum Dei habet articulum, sicut in nostro textu.

Verba huius  
prophetiæ  
seruari bi-  
sariā posse.

Verba hīc  
pro rebus  
accipi, iuxta  
Scripturæ  
phrasim.

Qui dica-  
tur beatus,  
qui audit &  
seruat pro-  
phetiæ huius  
verba?

Sed obijciat aliquis; si ad felicitatem, quam Ioannes prædicat, non sunt necessaria huius libri ænigmata; quorsum Ioannes in commendationem huius libri ait, *Beatus qui legit, & audit verba prophetiæ huius.* Respondeo, ad commendationem ænigmatis valere, quod eius medulla sit res maximi momenti, & cuius notitia possit beare hominem. Atque hinc etiam confirmantur, quæ de argumenti dignitate suprà dicta sunt in prologo, notatione VIII.

TEMPVS ENIM PROPE EST.] Gr. ἤρπες, quæ vox propriè opportunitatē significat, expende ergo nexum orationis. Prædicantur felices, qui doctrinā huius prophetiæ intimo corde seruauerint: quia



**A** propè aderit opportunitas; scilicet vberrium capendi fructum ex hac prophetia; videlicet in singulorum morte & in vitæ etiam casibus, præsertim in persecutionibus & tentationibus, quia *iustus ex fide vivit*, id est, in doctrina fidei inuenit remedium ad securitatem & felicitatem præsentis vitæ, & ad æternæ consequutionem. Hic est, meo iudicio, sensus legitimus: in quo etiam inuoluitur, hanc prophetiam respectu singulorum verissimè impleri in morte vniuscuiusque.

Nota præterea, in his verbis alludi ad illud Ezechielis 12. 27. *Ecce domus Israel dicentium; Visio, quam hic videt, in dies multos; & in tempora longa iste prophetat.* Similis enim obiectio videbatur fieri posse prophetiæ Ioannis; quia multa continet Apocalypsis, quæ implenda erant post longa tempora; vt victoriam de Imperio Romano, mille annorum pacem, solutionem Draconis post mille annos, &c. Huic ergo obiectioni respondet Apostolus, licet verum sit, nonnulla cõtineri in Apocalypsi, post diuturnum tempus implenda; nihilominus summam & substantiam totius prophetiæ, & finè illius respectu singulorum citò complenda esse; & aded citò, vt beatus sit, qui prophetiæ huius memoriam deuota mente recolat; quia propè est tempus & opportunitas vberrium capendi fructum ex huius prophetiæ fide & veneratione.

**B** Non defunt, qui contendunt, in his verbis significari, nihil contineri in Apocalypsi, quod non citò implendum esset; atque aded non solum respectu singulorum; sed etiam respectu totius mundi citò venturum fuisse diem iudicii vniuersalis; quia sacra Scriptura loquitur de tempore respectu æternitatis: vt videtur docere B. Petrus epist. 2. cap. 3. num. 8. *Vnus dies apud Dominum, sicut mille anni; & mille anni sicut dies vnus.* Dico tamen eam interpretationem non videri ad mentem sacre Scripturæ. Quia quod ait Apocalypsis, *Beatus qui legit, & audit verba prophetiæ huius, & seruat, &c. tempus enim propè est*; omnino promittit ante multos annos colligendum esse maximum fructum ex huius prophetiæ fide & memoria. Ad locum autem diui Petri, Respondeo, sapientissimè fuisse loquutum: quia supponit singulis hominibus breui adesse mortem; & quia post mortem, Sancti nō iam tempore mensurantur, sed æuo aut æternitate; ided ait non tardare Deum promissiones suas. Scilicet, quia vnicuique appropinquat mors: post mortem autem ij, qui fruuntur Dei beatitudine, parum aut nihil curant, quod dies iudicii mille annos differatur: *Quia mille anni apud Dominum, sicut vnus dies.* Agit ergo Petrus de ijs, qui sunt apud Dominum. Si verò in hac vita, vt promissio Dei impleretur, singuli mille annos expectarent; non videretur consolatio humanæ imbecillitati accommodata, dicere citò implendam esse Dei promissionem. Quia si sufficeret comparatio temporis cum æternitate; illi etiam, qui post decem annorum millia visitandus à Deo esset, & interim cruciandus, pari ratione ad eum consolandum dici posset, Expecta paulisper, quia citò visitaberis; quæ tamen (prout est humana infirmitas) potius videretur irrisio, quàm consolatio.

Habac. 2. 4

Quaratio  
ne tempus  
propè esse  
dicatur?

Vnus dies  
apud Do-  
minum,  
sicut mille  
anni, &c.  
quid sit?

## NOTATIO I.

*De titulo, quem Ioannes huic libro præposuit.*

**T**ITVLVS, quem Ioannes huic libro præfixit, is est, *Apocalypsis Iesu Christi, quam dedit illi Deus palam facere seruis suis, quæ oportet fieri citò, & significauit mittens per Angelum suum seruo suo Ioanni, qui testimonium perhibuit verbo Dei, & testimonium Iesu Christi quæcunque vidit. Beatus qui legit, & audit verba prophetiæ huius, & seruat ea, quæ in ea scripta sunt; tempus enim propè est.* Existimo hic Ioannem consultò nonnulla coniunxisse; quæ primo aspectu paradoxa, hyperbolica, & inter se pugnantia viderentur: vt enigmatici libri titulus suo etiam modo ænigmaticus, & plenus elegantiae esset.

De nomine quidem Apocalypseos, & cur Græca vox relicta fuerit in latina lectione, diximus in prolegomenis notat. IV. Nunc ex ibidem dictis illud assumo, nomen Apocalypseos Latine reuelationem sonare: quæ vox magnam claritatem præ se ferre videtur. Reuelare enim nil aliud est, quàm sub lato velo rem oculis videndam subijcere, quæ velamine obducto latebat. Quare nouum & insolitum apparet, libro ita difficili & obscuro titulum Apocalypseos, qui claritatem promittit, inscribi. Accedit, quod promissionem claritatis augēt illa verba, quæ sequuntur; scilicet *palam facere seruis suis*, de quibus notatione proxima.

Secundò, illud etiam mirum est; Ioannem reuelationem sibi factam narraturum, eam appellare reuelationem à Deo datam animæ Christi; & quem librum Ecclesia appellat Apocalypsin Ioannis, appellari ab ipso Ioanne, *Apocalypsin Iesu Christi, quæ dedit illi Deus.* Difficultate insuper non caret, affirmare librum hunc reuelationem esse Christo factam. Cum enim continuato ænigmate totus texatur, verisimile non est Deum cum Christo per ænigmata loqui. Nam si ad Mosis excellentiam spectabat id Num. 12. 8. *Ore ad os loquor ei, & palam, & non per æ-*

*nigmata, & figuras, &c. quanto maiore iure de Christo Domino id dicendum est?*

**T**ertio; duo in hoc titulo coniungit Ioannes, quæ disiuncta valde inter se & opposita videntur; nempe hunc librum & prophetiam esse, & Euangelium. Quod enim ait (Quæcunque vidit, esse ipsum Dei verbum, & Christi testimonium) idem est, ac si diceret; esse Iesu Christi Euangelium. Atqui prophetia est promissio, euangelium verò est optimus nuntius, quo prophetiæ impletæ esse perhibentur: atque hæc est Christianæ doctrinæ summa. Quomodo ergo stare potest, vt Euangelium ipsum sit prophetia?

**Q**uartò; designare volens Ioannes, quo tempore sint huius libri prophetiæ implendæ, semel atq; iterum affirmat, citò esse complendas: cum tamè post eà mille annos pacis interponat; & ea disertè prophetet, quæ post mille quingentos annos nondum effectum fuere sortita.

**Q**uintò; felices prædicat eos, qui ea, quæ hic scripta sunt, audiunt, vel legunt; eò quod tempus propè sit: quasi magni momenti sit, hanc prophetiam, antequam impleatur, legisse: & quasi illi, qui Ioannis tempore eam legebant, eonsequi futuri essent superstites, donec expleri viderent: cum tamen post tot sæcula nondum sit omnino impleta; & scopus ipsius libri (triumphus scilicet de Rōma) plus ducentos annos fuerit dilatus.

**S**extò; in his verbis, *Beatus qui legit, & seruat*: si modum loquendi attendamus; videtur innui aliquorum superstitionis existimantium nulla sibi aduersa & contraria euentura, si aliquam formulam certis verbis conceptam in sinu gestent: alioqui enim non facile occurrit, quid profit legere, & non intelligere. Quod spectat impia illa Lutheri irrisio asserentis; ridiculum esse prædicare beatum illum, qui

III.

IV.

V.

VI.

Apocalypsis  
Latine  
reuelatio.

Circa libri  
titulum  
difficul-  
tates.

I.

II.



seruat verba prophetiæ huius; cum tamen nemo sciat, quid sibi velit hæc prophetia?

Vniuersa hæc loquutionum nouitas & insolentia præterquam quod ad libri ænigmatici titulum (quod iam dixi) conueniens erat, vt dignum esset patellâ operculum: sui admiratione animum sollicitat, ad plenam huiusce tituli intelligentiam inuestigandam: ex qua lucis non parum ad argumenti cognitionem sese effundet. Quemadmodum Psalmorum tituli animaduersi atque percepti, maxime conferunt ad ipsorum psalmorum intelligentiam; vt Hieronymus & Augustinus sapienter adnotarunt; quorum verba referemus in notatione de Psalmorum titulis.

Soluitur 1.  
difficultas.

Vt igitur superiorum difficultatum nodos soluamus: ad primum, vidimus iam in commentario, licet liber hic difficillimus ex se sit, eius tamen prophetiam clarissimè fuisse reuelatam Christo; qui etiam Ecclesiam suam magna perspicuitate docuit; non quidem totam prophetiam, sed eam partem, quæ singulis erat necessaria, atque id est, quod citò fieri oportebat. Illa ergo clarissima reuelatio Christo facta, his verbis indicatur, *Apocalypsis Iesu Christi, quam dedit illi Deus*. Quamuis enim per Angelum postea sit Ioanni representata; Christo tamen fuerat priusquam Ioanni, aut alij cuiquam reuelata. Hoc enim tantum arcanum diuino in pectore fuerat reconditum; neque vlli vnquam siue homini, siue angelo referatum; vt diximus in prolegomenis notat. VIII. Et fortasse reuelationis nomen denotat ea, quæ Christo sunt reuelata, relata prius sub veteris instrumenti figuris fuisse. Reuelare namque est detractò velamine aliquid ostendere. Ceterum, utcumque hoc sit, si ad Apocalypseos argumentum notat. VII. propositum, animus in tendatur, facile cuius Theologo apparebit, eam esse summam illius reuelationis, quæ de Christianæ Ecclesiæ euentibus Christo fuit facta: atque adeò titulum eius esse aptissimum, *Apocalypsis Iesu Christi, quam dedit illi Deus*.

Apocalypseos seu reuelationis nomen quid innuat.

Sed obiiciet quispiam; hæc tituli verba aliter posse construi, nempe ita vt verbum illud *dedit* ad ea, quæ sequuntur, referatur: quæ ratione non erit sensus, Apocalypsin hanc fuisse datam seu communicatam animæ Christi; sed datum esse illi, vt eam reuelationem palam faceret seruis suis. Respondetur, eiusmodi constructionem ab ipso textu respici; quia verbum illud *palam facere* alium præterea habet accusatum: atque adeò necessarium sit est locus construendus; reuelationem hanc fuisse datam Christo, vt ipse palam faceret eam partem, quam citò fieri oportebat.

Apocalypsis Iesu Christi, duplicem sensum habere posse.

Fateor hæc verba, *Apocalypsis Iesu Christi*, seorsum sumpta aliter intelligi potuisse. Nam Paulus, 1. Cor. 1. 7. & Petrus epist. 1. cap. 1. n. 7. & 13. Apocalypsin, seu reuelationem Iesu Christi vocant, eam, quæ ab ipso Christo in die iudicii facienda est. Sed in præsentis contextus non cogit, vt de ea reuelatione interpretemur, quæ Christo fuit facta.

Soluitur 2.  
difficultas.

Ad 2. Respondetur, huius libri ænigmata non fuisse Christo reuelata; sed prophetiam ipsam, quam ille hisce ænigmatibus à se compositis conuestiuit. Nemini enim reuelari dicuntur ea, quæ ipse ingenij viribus subtiliter excogitauit. Nihilominus tamen ipsorum ænigmatum titulus aptissimus est, *Reuelatio Iesu Christi, quam dedit illi Deus*. Nam pictura ænigmatica dupliciter inscribi potest: primò aspiciendo ad id, quod ob oculos ponitur. Secundo ad reconditum sensum attendendo. Exempli causa: in Alciati emblematis quædam sic inscribuntur, *Vespertilio, Statua Bacchi, Tumulus meretricis*. Quædam verò sic, *Desidia, Ignauia, Garrulitas, Fatuitas*. Si igitur primum ex his modum respiciamus; fateor non videri aptam huius libri inscriptionem, *Apocalypseos Iesu Christi*. At verò iuxta secundum modum, inscriptio est aptissima. Reconditus namque sensus eadem ipsa doctrina est, quæ fuit animæ Christi reuelata. Illi enim discursui, quem notat. VII. prolegomenon posuimus, miriñce quadrat reuelationis Christo factæ titulus. Deinde ænigmata discursum illum velantia eleganter & idoneè inscribuntur, *Apocalypsis Iesu Christi; quam dedit illi Deus*. Titulus enim emblematis elegantior, fermè ab ipsa em-

Duplex ænigmatis inscribendi ratio.

A blematis recondita significatione desumitur. Tale est Gerionis emblemata: depingitur enim homo triplici capite, manibus ter binis; titulus est, *concordia insuperabilis*. Qua ratione licet emblemata sit obscurissimum; si tamen lucem significet, aptè & verè inscribetur hoc modo, *Nihil clarius*: quod si sapientissimè sit confictum, ignorantiam tamen repræsentat, *Ignorantia*, erit eius titulus oppositus. Cum ergo hic liber sit continuatum quoddam ænigma à Christo Domino, charissimo discipulo missum; conueniens fuit, titulum à Ioanne excogitari, qui ænigmatis medullam indicaret: & cum hæc medulla sit, eadem illa reuelatio quam Deus animæ Christi communicauerat; ad ipsa ænigmatum mysteria propriè refertur huius libri titulus. Alioqui enim liber ipse, si ænigmata respicias, potius est epicalypsis, quam apocalypsis; quia ænigmatica propositio potius obuelatio, quam reuelatio celsenda est; ænigmata enim non detegunt, sed potius tegunt veritatem. Sapienter tamen Ioannes eiusmodi titulum libro præposuit; qui non ænigmata, sed eorum significata respiceret. Neque offendet in hoc, qui consideret simile quid plerisque aliorum librorum titulis contingere. Genesis enim, Exodus, &c. non significant, libros (quibus eiusmodi tituli præfiguntur) ipsam esse rerum generationem, aut exitum populi de Ægypto; sed ijs libris harum rerum tractatum contineri.

Ad 3. Respondetur, reuelationem Christo ostensam de Christianæ Ecclesiæ præstantia & eius euentibus, continere in se euangelicam omnem doctrinam: (vt explicatum est in prolegomenis notat. VIII.) atque eadem doctrina euangelica, non solum bonus est nuncius eorum, quæ iam impleta fuere; sed certissima etiam eorum prophetia, quæ restât implenda; & sperandarum substantia rerum, vt ait Paulus ad Hebr. II. 1.

Soluitur 3.

Ad quartum; verba illa, quæ oportet fieri citò, non ad vniuersa, quæ continet Apocalypsis, referenda sunt; sed ad ea solum, quæ Christus manifestè seruis suis reuelauit; quæ non totam prophetiam complectuntur, sed eam partem, quam omnibus palam fieri oportebat: vt in commentario explicatum. Vide etiam proximam notationem.

Soluitur 4.

Ad quintum; ingens illa felicitas, quæ legentibus, vel audientibus huius libri prophetiam, eamque seruantibus promittitur; non secundum eam partem accipienda est, quæ agit de Roma, de Antichristo, ac de ijs rebus, quæ post aliquot sæcula erant implenda; sed secundum doctrinam euangelicæ medullam, quæ in toto hoc libro continetur, quæque ad singulos spectat, & citò complenda est. Hæc enim docet probis ac gnauis Christi seruis æternam felicitatem promitti perfruendam; eosque quantumuis in hac vita aduersæ fortunæ procellis iactentur, faustos tamen esse ac fortunatos; contrà verò, crucis Christi inimicis æternam miseriam & infelicitatem esse paratam; & in præsentia etiam, quantumuis exultare & triumphare videantur, miseros tamen verè esse & arummosos. Cum verò hic præcipuus sit fructus, quem singuli ex huius libri prophetia poterant decerpere, idcirco magnæ sapientiæ & prudentiæ fuit predicare felicitatem eorum, qui huius libri prophetiam audierint atque conseruauerint.

Soluitur 5.

Quo sensu sit dicendum beatus, qui audit & seruat hæc Apocalypseos prophetia.

Ad sextum, diuus Ioannes verba facit de ijs, qui intra proprii pectoris recessus hanc seruant doctrinam, eam assidue meditantes, atque ad eius se normam totos effingentes. Quod quidem propriè spectat ad commendationem doctrinæ in huius libri ænigmatibus inclusæ; sed reconditæ etiam doctrinæ laus in ænigmatibus laudem elogiumque redundat. Lutheri verò calumniam refellit Bellarminus de verbo Dei, cap. 19. vbi ait, etiam si multa sint in hoc libro obscurissima vaticinia; multa tamen esse præcepta vitæ clarissima; & præsertim exhortationes ad perseuerantiam & patientiam tempore persecutionum. Hæc ille ex abundantia. Verum vt rectè & eleganter dicantur per lectionem, siue auditionem huius prophetiæ beati homines, qui eam in corde seruauerint; satis est horum ænigmatum medullam esse euangelicæ doctrinæ substantiam.

Soluitur 6.



## NOTATIO II.

*Ad illa verba, Palàm facere seruis suis, quæ oportet fieri citò.*

**C**ONSTRVCTIO Græca est palàm facere; id est, vt palàm faceret. Quare quod Ioannes asserit, illud est, reuelationem scilicet, quæ in hoc libro continetur, ab æterno Patre fuisse Christo datam; vt ipse palàm faceret seruis suis quæ oportet fieri citò. Plerique interpretes existimant, palàm facere idem esse, ac Ioanni hæc ænigmata misisse Christum, & Ioannis interuentu Asiæ Ecclesijs. Sic enim palàm facta sunt ea, quæ futura erant. Mihi tamen aliter videtur; quia ænigma non facit palàm ea, quæ significat; cum palàm loqui, & ænigmaticè loqui, sint inter se opposita: & præsertim cum huius libri ænigmata sint valde obscura. Expende illa verba Num. 12. 8. *Palàm, & non per ænigmata.* Ergo palàm, & obscurè contraria sunt: vt etiam apud Ciceronem 4. Academic. Atque ita semper in scriptura, palàm facere ad claram manifestationem refertur, vt Exodi 2. 14. *quomodo palàm factum est?* & Deut. 13. 3. Ecclesiastici 38. 38. & cap. 39. 11. Similiter ergo accipiendum est in præsentī; neque enim licet abusiue accipere, cum verbum Græcum *δῆλόν* ad ostensionem & manifestationem pertineat. Scio quosdam vertere, *Indicare*; fortasse ne de clara manifestatione intelligere cogantur; aut quia palàm facere, videtur eis æquiuocum; & ad id referri posse, quod in multorum conspectu efficitur. Hoc tamen nihil est; quia palàm facere alicui, non potest aliter, quam de manifestatione accipi. Et ea est vssatissima phrasis non in sacra Scriptura solum, sed etiam in Plauto & ceteris latinitatis auctoribus. Verbi autem Græci propria vis non potuit melius exprimi: atque ita Erasmus etiam in præsentī vertit, *Palàm facere.*

Assero igitur primò, ea omnia, quæ oportet fieri citò; non fuisse palàm facta Ecclesiæ per hæc ænigmata, sed per ea quæ Christus discipulos suos manifestè docuit: & præsertim per Spiritum sanctum; de quo Christus ipse dixerat, *ille vòs docebit omnia; & suggeret vobis omnia, quæcumque dixerò vobis*, Ioan. 14. 26. Et quidem qui semel Apocalypseos argumentum rectè intellexerit, non dubitabit, quin huius doctrinæ pars, quæ Christianorum singulos contingit (ea scilicet quæ citò erant implenda) palàm facta sit Ecclesiæ per Spiritum sanctum, quem illi Christus misit. Vnde Paulus 1. Cor. 2. 10. *Nobis reuelauit Deus per Spiritum suum.* Et eodem modo intelligendum est Christum aperire figilla illa, de quibus Apocal. 5. scilicet Spiritu suo Ecclesiæ impartito (vt eo loci videbimus.) Quia aperire figilla, perinde est, ac palàm facere ea, quæ in libro continentur.

Sed rogabis, quæ fuerit causa, cur Christus cum ab initio suæ conceptionis hanc reuelationem acceperit, vt palàm faceret ea, quæ oportet fieri citò; nihilominus communiter loquendo non ea palàm fecerit Ecclesiæ, quousque in cælos conscendit? Respondetur, in diuinæ prouidentie consilio decretum fuisse, vt magna hæc sapientia & claritas Ecclesiæ tribueretur; vt præmium Christi passioni debitum: atque ita ait Ioannes in Euangelio cap. 7. 39. *Nondum erat Spiritus datus; quia Iesus nondum erat glorificatus.* Et in Apoc. cap. 5. num. 5. *Ecce vicit leo aperiare librum, & soluere signacula eius.* Palàm igitur fecisse, fuit Christi victoriæ præmium. Vnde colligitur, quàm magnum & præstans fuerit, palàm fecisse ea, quæ oportebat fieri citò.

Secundò assero, quemadmodum magni artificij fuit, huius libri ænigmatibus eiusmodi titulum inscribi, *Reuelatio Iesu Christi*; non quòd ipsa ænigmata per se sint reuelatio; sed quòd eorum medulla sit

**A** Iesu Christo reuelata (vt suprà diximus;) sic etiam verba illa, *palàm facere*, quæ in titulo apponuntur, non congruere ænigmatibus ipsis per se: nec enim ænigmatum est palàm facere; sed in eis includitur reuelatio, quam accepit Christus, vt Ecclesiæ suæ palàm faceret eam partem, quam citò oportet fieri. Quare eodem modo continent ænigmata hæc reuelationem Iesu Christi, & eam partem quæ palàm facta est Ecclesiæ.

**SERVIS SVIS.]** Numquid omnibus Christianis? an amicis solum? Respondetur, fidelibus in communi hæc mytheria per doctrinam fidei reuelari: amicos tamen Dei per Spiritum sancti dona penitus illustrari. Et primò intelligenda videtur hæc vox de ijs, super quos Spiritus sanctus visibili specie descendit: deinde de ceteris, qui eiusdem Spiritus participes facti sunt. Per eorum autem prædicationem & explicationem constat, non solum iustis eam cælestis doctrinæ lucem esse concessam; sed etiam vniuersæ Ecclesiæ, & doctis præsertim hominibus. Atque ita seruorum Christi nomen ad Ecclesiam Christianā videtur pertinere. Perspicuum verò est eos, qui plus se in literarum studium, nec non in cælestium rerum meditationem impendunt, plus assequi lucis; ita vt cum Propheta verisimè canant, *Testimonia tua credibilia facta sunt nimis*, Psal. 92. 5.

**QVÆ OPORTET FIERI CITO.]** Plerique hæc ad vniuersam Apocalypseos prophetiam referre videntur. Atque alij quidem aduerbium *citò* ad initium prophetiæ applicant, nimirum, quia citò futurum erat, vt impleri inciperet prophetia. Alij per comparisonem temporis cum æternitate diem etiam iudicij citò futurum esse exponunt. In vtraque ipse declaratione non parum difficultatis reperio. In prima; nam si initium tantum prophetiæ attenditur, iam illud fuerat completum: scilicet quod attinet ad septem figilla, & Ecclesiæ commigrationem à Iudæis ad Gentes. Præterquam quòd de ipso etiam prophetiæ fine idem omnino asseueratur cap. 22. 6. *Oportet fieri citò.* Ecce venio velociter, & num. 10. *Tempus enim propè est.*

Secunda etiam expositio nō est ad rem (vt in commentario vidimus) eò quòd humana imbecillitati non sit accommodata. Vtramque autem expositionem pariter redarguit verbum illud, *palàm facere*. Quod enim Apocalypsis asserit citò esse completum, asserit etiam seruis Christi palàm factum esse. Quod ergo non est factum palàm Ecclesiæ, non affirmatur citò implendum fuisse. Iam verò vidimus, non fieri palàm, quod non clarissimè manifestatur. Quis igitur non videat, noluisse Christum, Ecclesiæ suæ ab initio adeò clare innotescere futuram Romæ totius conuersionem; & cetera, quæ deinceps euentura erant. Quare verba illa, *quæ oportet fieri citò*, non possunt ad vniuersam prophetiam extendi. Atque adeò sensus legitimus est, Christo totam hanc prophetiam fuisse ostensam, vt palàm ex illa faceret ea, quæ oportet fieri citò. Quod ideo dictum est à Ioanne; ne Christiani, quibus persuasum est huius libri doctrinam esse ad salutem necessariam, de eius obscuritate conquerantur. Certè hic sensus Ioannis prudentiam valde commendat. Atque ita meritò à nobis hæc verba, *palàm facere, quæ oportet fieri citò*, de manifestatione perspicua intelliguntur communicata Ecclesiæ, antequam hic liber scriberetur; non tamen extenduntur ad vniuersa, quæ liber complectitur.

*Palàm loqui, & ænigmaticè loqui, inter se opposita.*

*Quinam seruorum Christi nomine comprehendantur.*

*Dubitatio circa textum.*

*Responsio.*



# CAPITIS I. PARS II.

## QVÆ EST EPISTOLA

### DEDICATORIA.

## T E X T V S.

*Vers. 4.* **I**OANNES septem Ecclesijs, quæ sunt in Asia. Gratia vobis, & pax ab eo, qui est, & qui erat & qui venturus est; & à septem spiritibus, qui in conspectu throni eius sunt.

5. Et à Iesu Christo, qui est testis fidelis, primogenitus mortuorum, & princeps regum terræ, qui dilexit nos, & lauit nos à peccatis nostris in sanguine suo.

6. Et fecit nos regnum & sacerdotes Deo & Patri suo, ipsi gloria & imperium in sæcula sæculorum, Amen.

7. Ecce venit cum nubibus, & videbit eum omnis oculus, & qui eum pupugerunt, & plangent se super eum omnes tribus terræ: etiam, Amen.

8. Ego sum <sup>A</sup>, & <sup>Ω</sup>, principium & finis, dicit Dominus Deus, qui est, & qui erat, & qui venturus est omnipotens.

## C O M M E N T A R I V S.

**L**IBRI elogium & titulum elegantem sequitur epistola dedicatoria; cuius munus est salutare eos, quibus liber dicatur; eisque operis argumentum indicare. Primum ergo Ioannes salutatur septem Ecclesias Asiæ, quibus mittit Apocalypsin. Et cum salutatio Apostolica sit, gratia & pax; quasi explicare volens, à quo postulet eis gratiam & pacem, artificiosè totius libri summam interit. Atque ita, ut huius libri argumentum idem esse confirmetur, quod notat. VII. prolegomenon iuxta nostram acoluthiam posuimus; videbimus nunc Ioannem in dedicatoria epistola totum illum discursum ad compendiarium summam redigere.

**I**OANNES SEPTEM ECCLESIIS. ] Rectè docet Ribera, non posse negari, quin hoc sit propriè intelligendum de septem illis Ecclesijs, quæ statim enumerantur: sicut certum est Pauli epistolam ad Romanos ad eosdem fuisse scriptam. Sed constat etiam, ex Apostolorum intentione non scribi solum Corinthijs, quæ ad illos diriguntur epistola; sed ceteris etiam quibus eadem doctrinâ opus sit.

Dubitatur tamen, vtrum hic lateat mysterium in numero septenario; ita ut non scribatur solum vniuersæ Ecclesiæ id, quod ad septem illas Ecclesias dirigitur; sed etiam in septenario numero, Ecclesiæ vniuersitas designetur? Sanè id affirmant Chrysostomus homil. 22. ex varijs in Matthæum, Augustinus 17. de ciuit. cap. 4. Gregorius lib. 23. Moral. cap. 1. Isidorus lib. 8. etymolog. cap. 1. Aretas, & Beda. Chrysostomi verba sunt; *Septem Ecclesiæ sunt omnes Ecclesiæ propter septem Spiritus. Omnes ergo, in quibus abundantior est spiritus sapientiæ, est vna Ecclesiæ; & omnes in quibus abundantior est spiritus consilij, est altera Ecclesiæ: & sic de ceteris.* Eodè fortasse spectant Augustinus, Isidorus & Gregorius; aiunt enim, *Idè septem scribi Ecclesias, ut vna catholica septiformi gratia Spiritu plena designetur.* Acuta sanè expositio: eiusmodi tamen, quæ mysticum potius sensum, quàm literalem redeat.

Oportet ergo strictius examinare, qua ratione septenarius numerus possit vniuersitatem denotare. Quamuis enim id à plerisque asseratur ex Augustino 11. de ciuit. cap. 31. adhuc tamen non videtur verisimile iuxta Hebræam phrasim, si audias septem Hispanos occubuisse; de Hispanis omnibus posse intelligi. Et nihilominus in quibusdam locis, ut statim videbimus, aptissime deseruit septenarius vniuersitati. Quæ est ergo ratio discriminis? Respondeo, tunc aptè per septenariam vniuersitatem intelligi, cum vniuersa aptè ad septem reuocari possunt; ut vniuersi dies ad septem dies hebdomadæ; & simile est apud Hebræos de septem annis. Præterea omnes virtutes aptè reuocantur ad septem; dona item omnia Spiritus sancti; similiter omnia peccata, &c. Quare, si audias aliquem septem diebus hebdomadæ scribere; iure intelligis, eum semper scribere. Quemadmodum & qui ornatus est omnibus virtutibus, vel virtijs omnibus coopertus; satis significatur, si septem virtutibus, aut septem virtijs dicatur insignitus. Secus tamen est in alijs; cum enim venti, verbi gratia, ad septem non reducuntur; ideo qui septem ventos dixerit, non omnes significabit. In Apocalypsi ergo plurimos inuenimus septenarios; in quibus procul dubio vniuersitas continetur: ut in septem sigillis, septem tubis, septem phialis, septem capitibus tam draconis, quàm bestię,

septem

Gratia & pax, Apostolica salutatio.

Vers. 4.

Septenarius numerus an vniuersitatem significet & quomodo.

Multi Apocalypseos septenarij vniuersitatem significant.



A septem oculis, & cornibus Agni, &c. in quorum explicatione oportet ostendere, quomodo vniuersa congruenter ad septem illa reducantur? Ita vt illa septem, quæ recensentur, sint veluti septem dies hebdomadæ, qui omne tempus complectuntur, & veluti continua circulatione perseverant. Ac fortasse interdum poterat extendi numerus, verbi gratia, vsque ad 8. vel restringi ad 6. Sed elegantissime & accommodatissime reuocantur ad septem ea omnia, quæ aptè poterant ad eum numerum reduci; vt in his septem significetur ordinaria & perseverans operum diuinę prouidentię successio, veluti in septem hebdomadæ diebus.

B Hoc posito, assero per septem Ecclesias, quæ hîc enumerantur, aptissime Ecclesias omnes indicari. Etenim illarum Asiæ Ecclesiarum differentia in septem epistolis desumitur penes Episcoporum diuersitatem; vt cap. 2. & 3. constabit. Id quod iure optimo fuit factum; cum Episcopi sint Ecclesiarum capita, & ex capitum dissimilitudine diuersitas etiam Ecclesiarum apposite consideretur. Præterquam quod Ecclesiarum status ex ipso Episcoporum statu & qualitate ferè pendet. Quod si septem tantum Episcoporum genera possunt reperiri; nec poterunt similiter plusquam septem Ecclesiarum genera dari.

Dico ergo Episcoporum numerum aptissime ad septenarium reuocari. Etenim conscientiarum genera septem tantummodo sunt (vt infra videbimus) atque ita Episcoporum vniuersitas ad totidem genera reuocatur. Quæ tamen genera omnia in septem Asiæ Episcopis, ad quos scribit Ioannes, inueniuntur. Omnes enim sunt mirè inter se diuersi atque dissimiles; nec aliquis præterea reperiri potest, qui ad eorum aliquem non referatur. Atqui mirum planè est, ad varias Episcoporum differentias indicandas, quæ erant in Ecclesia futura, Dei prouidentiam in ipso Ecclesiæ exordio, ad septem illas Asiæ Ecclesias totidem Episcopos elegisse; quos præsciuerat conscientijs ita dissimilibus fore, vt in his aptè omnium conscientiarum genera exprimi possent. Quod verò tunc in Asia non essent plures, quam septem Ecclesiæ; contextus ipse non obscure innuit, *Ioannes septem Ecclesijs*. Præsertim cum in græco articulus præfigatur.

C GRATIA VOBIS, ET PAX.] De hac salutatione latè multi in epistolis Petri, & Pauli. Ex quibus breui colligo genuinam huius salutationis significationem esse, precari Christianis à Deo non solum gratiam, sed spiritualem etiam donorum abundantiam; hoc est, *Vt vitam habeant, & abundantius habeant*, Ioan. 10. 10.

Pro hac explicatione nota, familiarem esse sacræ Scripturæ phrasim, pacis nomen ponere pro abundantia: pax verò Christi est, *Illa pax Dei, quæ exuperat omnem sensum*, Philip. 4. 7. & coheret optimè nomen pacis; quia ex spiritus abundantia nascitur, vel in ea sita est pulchritudo illa pacis, de qua Isaia 32. 18. *Sedebit populus meus in pulchritudine pacis*.

Notandum verò est in hac epistola dedicatoria (in qua includitur totius Apocalypseos argumentum) ad illa verba, *Gratia vobis & pax*, septem epistolarum intentionem reduci videri. Scopus enim earum est, Episcopos & Ecclesias hortari, vt Christi gratia & ipsius beneficentiæ abundantia fruantur; atque eum fructum ex Apocalypseos doctrina percipiant.

D A BEO QUI EST, ET QUI ERAT, ET QUI VENTURUS EST.] Græcè ἀπὸ τοῦ ὄντος, ὁ ὢν, ὁ ἐρχόμενος, quod est ad verbum; gratia vobis, & pax ab ens, erat, & venturus. Sunt qui græcam locutionem excusare conentur à solœcismo, supplentes nescio quid. Nihilominus tamen Grammaticis non satisfaciunt: eatenus, vt Erasmus dicat, his verbis Græcis nullum inesse sensum, sed de hoc infra. Quod verò ad grammaticam attinet; si suppleretur genitiuus θεοῦ (id est Dei) alius remaneret scrupulus, quia genitiuo siue ablatiuo (genitiuus enim Græcus vertitur in ablatiuum) apponeretur nominatiuus: hac ferè ratione, *Gratia vobis à Deo ens, erat, & venturus est*. Quod si nulla esset maior difficultas, quàm in nominatiuo collocari id, quod genitiuo siue ablatiuo per appositionem additur; ea videtur esse phrasis Ioannis. Nam similiter infra vbi legimus, & à Iesu Christo, qui est testis fidelis, Græcè legitur ἀπὸ τοῦ Ἰησοῦ Χριστοῦ ὁ μαρτυρῶν, ὁ πιστὸς, id est, à Iesu Christo testis fidelis. Sed in Græco articulus in ea locutione videtur relatiui officium gerere; sicut expressum est à vulgato, à Iesu Christo, qui est testis fidelis. Caterum maiorem habet difficultatem hic locus Græcè; ab eo, qui est, & qui erat, & qui venturus est. Nam præpositio ἀπὸ, quæ genitiuum regit, non habet post se alium genitiuum, nisi solum articulum; & cum dicitur, ὁ ὢν (Latine, qui erat) articulus ibi cum solo verbo erat coniungitur.

E Fateor ergo, Græca hæc verba prima facie grammaticorum regulis non conformari. Id tamen Ioannes de industria ita præstitit; vt latens inibi mysterium melius agnosceretur. Quod si Erasmus probè intelligeret, non diceret nullum esse Græcæ lectionis sensum. Nec erat, cur se quicquam defatigaret inuestigando aliquid, quod in textu suppleret, vt solœcismus excusaretur. Ioannes enim id affectauit; scilicet vt ex noua hac loquendi ratione intelligeretur, verba illa, *Ens, erat, & venturus*, nomen esse proprium. Quod vt intelligi posset, congruens fuit, vt phrasis ipsa solœcismi speciem præ se ferret; neque aliter posset excusari, nisi vt nomen proprium accepta. Quibus ita acceptis nullus inest solœcismus, sed recta potiùs loquendi ratio. Hoc exemplo fiet manifestum: Si quis dicat Augustinum epistolam scripsisse ad Deum, dedit, atque aliam à Deo gratias accepisse; nisi aduertatur illa esse nomina propria, videntur solœcismi; verùm vbi quis aduertit nomina esse propria, nihil in ea locutione inuenit, in quo offendant. Hoc namque modo sumenda sunt nomina instar indeclinabilium. Ac præsertim hac ratione sumi solent ea nomina, quæ ex pluribus dictionibus componuntur; quando ipsa complexio non videtur commode flecti posse per casus. Vt nomen pueri apud Isaia 8. 3. *Accelera spoliis detrahere, Festina pradari*. Dico ergo hanc ipsam solœcismi umbram optimum esse argumentum ad id, quod fusè notatione III. probabimus; scilicet Ioannem non alluisse solum ad nomen Iehoua, sed Græcè etiam, exprimere, ac pronunciare voluisse; & quatuor illas literas יהוה non simplicem esse dictionem, sed quatuor dictiones; quarum prima tantum elementa scribebantur; atque integrum nomen Hebraice esse יהוה יהוה יהוה (iehie, hoia, ve, haia) quod Latine ad verbum sonat, ERIT, ENS, ET ERIT. Ioannes verò in eius nominis

Apostolica salutatione, Gratia & pax, quid significetur? Pacis nomē in sacris pro abundantia sumi.

Difficultas in textu Græco.

Erasmus textum Græcum non satis intellexit.

Græcum textum qua ratione intelligendum, ne solœcismi speciem præ se ferre videatur.



declaratione prudentissimè temporum ordinem commutauit; & propterea non dixit, ERIT, ENS, ET FUIT; sed ens, erat, & venturus. His de rebus rationem reddam seorsum in notatione illa tertia. Nunc solum noto, Ioannem, dum gratiam & pacem exposcit ab eo, qui appellatur Iehoua, quod sonat, ERIT, EST, ET FUIT; illud nobis indicasse mysterium, scilicet nomen Iehoua, valde esse aptum ad Apocalypseos argumenti summam atque compendium. Nam si proprium epistolæ dedicatoriæ est, argumentum paucis complecti; quid elegantius, quàm, postquam dixit, *gratia vobis & pax*, cum additurus esset, à quo gratiam & pacem deprecaretur; in diuino nomine, atque in ijs, quæ mox subiungit, Apocalypseos argumentum complecti? Vide illud Zachariæ 12. num. 1. *Dicit Dominus extendens celos, & fundans terram, & fingens spiritum hominis in eis*. Vbi ea omnia, quæ ibi tribuuntur Deo, addita sunt ad complectendum illius visionis argumentum: aliter enim non esset ad rem (vt notauit Arias.) Videtur autem eorum sensus huiusmodi esse: eum scilicet, qui celum ac terras (res adè inter se distantes atque diuersas) & qui carnem & spiritum, (quorū naturæ sunt ita dissimiles vel potiùs pugnantes) pulchrà quadam societate & conspiratione conciliauit; eum, inquam, re ipsa effecturum; vt terreni atq; carnales homines, qui Christū persequebantur, cælestem spiritum accipiant, quem admodum infrà dicitur Zachariæ 12. 10. *Effundam super eos spiritum gratia & precum; & aspicient in quem confixerunt, &c.*

Similiter ergo ad argumentum Apocalypseos spectare videntur illa omnia, *ab eo, qui est, & qui erat, & qui venturus est, & à septem spiritibus, &c.* Alioqui non vsurparet Ioannes nouas & inulitatas locutiones in salutatione Apostolica. Verùm si earum vsurpatio Apocalypseos argumento mirificè congruebat; quis non videat, nouam hanc loquendi rationem prudentissimam fuisse, ac Ioanne dignissimā? sanè id nemini dubium erit, qui aduerterit, proprium nominis Iehoua mysterium esse, vt significet Deum perfectè & cumulatè suis promissis itaturum, & prouedurum vlteriùs maximum illud Ecclesiæ opus, quod figurauerat, promiserat, & inchoauerat; & ad finem demum admirabili magnitudine ac perfectione perducturum. Quòd si hæc erat propria diuini huius nominis vis, quid aptius ad Apocalypseos argumentum complectendum?

Sed dubitabit aliquis, an hæc verba, *qui est, & qui erat, & qui venturus*, æterno Patri in præsentī tribuantur, vel Deo trino, & vni? Ribera notat, hīc nullam distingui personam, sed sermonem esse de Deo indistinctè. Ceterum consideratā sacræ Scripturæ consuetudine, dicendum videtur in præsentī referenda hæc esse verba singillatim ad Deum Patrem. Licet enim nihil contineant, quod non conueniat etiam Filio, & Spiritui sancto, & quamuis eadem verba infrà num. 8. mysterio Trinitatis applicentur, (vt ibi videbimus) sæpe tamen Dei nomine singulariter intelligi solet Pater, iuxta id ad Heb. 1. num. 1. *Multifariam, multisque modis olim Deus loquens Patribus in prophetis, nouissimè loquutus est nobis in Filio*, & in salutatione Apostolica solet exprimi, *Gratia vobis, & pax à Deo Patre, & à Iesu Christo*; atque ita cum in præsentī dicitur, *Gratia vobis & pax ab eo qui est, &c. & à Iesu Christo*, similiter primam illam periphrasim referre debemus ad Patrem; quandoquidem substituitur loco illorum verborum, *à Deo Patre*. Quomodo autem Deus Pater dicatur venturus, vide notat. III. vbi explicabimus, non solum ad diem Iudicij referri debere, quod dicitur de aduentu Dei, sed etiam ad quamuis insignem Ecclesiæ liberationem atque victoriam.

## NOTATIO III.

*Ad illa verba, Qui est, & qui erat, & qui venturus est. Vbi de nomine Iehoua: Et quia longiuscula erit disputatio, in aliquot Sectiones distribuetur.*

### SECTIO I. Ioannem non solum alluisse ad nomen Iehoua, sed etiam illud expressisse.

**D**IXI in commentario Ioannem per hæc verba, *qui est, & qui erat, &c.* nomen Iehouæ exprimere voluisse. Qua in re quia plus later mysterij, quàm aliquis fortassis opinabitur; idcirco de illa seorsum agere operæ pretium esse duxi. Afferro ergo in primis, Ioannem illis verbis, *qui est, & qui erat, & qui venturus est*, ad sacrosanctum nomen Iehoua respectasse. Quod probò primò; quia in eis verbis manifestè voluit verum Deum designare, (vt patet ex contextu) constat autem, nomen Iehoua esse Dei veri maximè proprium; vt notat Hieronymus in Psalmum 8. & omnes, qui de eo nomine scribunt; vt Galatinus lib. 2. cap. 10. & 11. Gueuara in Habac. cap. 2. num. 377. Delrius in Magia, Gabriel Vazquez 1. p. tom. 1. disp. 59. & Masius in Iosue cap. 2. n. 10.

Secundò probatur, quia Ioannes ad Deum verum denotandum verbi substantiui propria vi & significatione vsus fuit: dum ait, *qui est, &c.* Atqui certum est, nominis Iehouah significationem desumi à verbo substantiuo. Licet enim non desint, qui nominis Iehouah etymologiam ignotam esse dicant, vel etiam qui alias etymologias fingant: nihilomi-

nus certum est, veram eius nominis etymologiam desumi à verbo substantiuo; vt ex illo Exodi 3. 14. *Ego sum, qui sum*, efficaciter probant Lipomanus, Theodoretus, Varabius, & Caictanus, nec non Belarminus in Grammatica hebræa; Prado in Ezechielem, Masius in Iosue, & Marianus Victorius in scholijs ad epistolam Hieronymi 136. Vnde multi (vt Marianus Victorius) Iehouah nomen exponunt per illud Platonis in Timeo 8. 2. quò nomine Deum appellabat, cum illud ab Ægyptijs Theologis (Iustino Martyre, & Goropio in Hermathena lib. 1. testantibus) didicisset. Et Masius in epistola ad Ariam Montanum, ipsius Ariæ psalmis preposita, Plutarchum affert libro de figura apud Delphos; vbi de solo Deo verè dici posse, quòd sit, multa disputatione conatur adstruere.

Probatum tertio. Nam Ioannes in sua periphrasi tribuere voluit Deo, *esse, fuisse, & fore*, atq; id ipsum notat de nomine Iehouah Prado, Oleaster, Varabius in illud Exod. 3. 14. *Ego sum, qui sum*, & Galatinus lib. 2. cap. 10. Vide etiam Clementem Alexandrinum lib. 5. Stromatum cap. 2. vbi sic exponit nomen Ie-

houa,

Verba illa  
qui est, &  
qui erat,  
&c. ad  
æternum  
Patrem re-  
ferenda.

Verbis illis,  
qui est, &  
qui erat,  
&c. nomen  
Iehouah  
innuī pro-  
batur.

Nominis  
Iehouah  
etymologia  
desumi à  
verbo sub-  
stantiuo.

Plato quo  
nomine  
Deum ap-  
pellauit.

Nomen Ie-  
houah tria  
tempora  
complectitur.



houa, *Qui est, & qui futurus est.* Vnde nonnulli ad aternitatis significationem respexere; vt Mafius. Facit quod refert Plutarchus lib. de Ifide & Ofiride; nempe in Ægypto signum, quod Sai est Mineruæ, quam eandem putant Ifin esse, inscriptionem habere huiuscemodi: *Ego sum vnuerfum, quod fuit, quod est, & quod est futurum: flammeumque meum nullus mortaliū aperuit vnquam.* Vide Goropium in Hermathe-na lib. 5. folio 106. Vbi contendit ex Plutarcho, per Ifidem, Diuinam sapientiam intelligi; Ifidisque nomen idem sonare, quod, *est, est.* Denique cum confter Ioannem hic ad Iehoua nomen alludere; hæc ipsa allusio efficaciter probat, per nomen Iehoua tribui Deo esse, fuisse, & fore.

Assero secundò, Ioannem hic non solum ad nomen Iehoua habuisse respectum; sed propriam etiam quatuor literarum hebraicarum vim & significationem expressisse. Pro quo notandum est, quedam esse nomina incompleta, vt Adam, Noë, &c. alia verò complexa; vt nomen montis, *Dominus videbit*, Genes. 22. 14. nomen putei *viuentis, & videntis*, Gen. 24. 62. nomen pueri *Accelera spolia deirahere, festina prædari*. Isaia 8. 3. Dico ergo, nomen Iehoua esse nomē complexum ex pluribus dictionibus conflatum; quarum prima quæque tantum elementa scribuntur; & propterea cum nomen integrum sit יהוה, *ihie, hoia, ve, haia*, quatuor solum literas in cōpendium redactas scribi solitas (יהוה).

Si autem integras dictiones velis ad verbum latinis vocibus exprimere; earum propria vis eiusmodi est, ERIT, EST, ET FUIT. Quod ipsum expressit Ioannes, cum ait, *Gratia vobis, & pax ab eo qui est, & qui erat, & qui venturus est.* Hæc explicatio alicui forsan cabalistica & paradoxa videatur, sententiā tamē cohibeat tātisfer, quæso, quousque nostras rationes expēdat. Quarū prima est, quia hæc explicatio ab ipso Apostolo Ioanne videtur omnino tradi; quandoquidem ad Iehoua nomen respiciens, illud hisce verbis declarat, *Qui est, & Qui erat, & Qui venturus est.* Quasi tria illa tempora expresse dicat in nomine diuino contineri. Quomodo autem tria tempora illa exprimet, nisi nomen ipsum plures in se dictiones contineat?

Secunda; plures auctores suprà relati, nempe Clements Alexandrinus, Galatinus, Mafius, Oleaster, Vatablus, & Prado id ipsum notant; videlicet nomine illo diuino omnes temporis differentias comprehendendi; id autem nisi pluribus dictionibus fieri nequaquam poterat. Tertia; multi sedulo obseruarunt nomen Iehoua, nulla simplici voce græca vel latina exprimi posse; (vt Arias Montanus præfatione in Psalmos) non igitur est vnica dictio simplex. Alioqui per nomen Ens, vel per illud Græcorum, *ὁ εἷς* vel *τὸ εἷς* exprimebatur satis. Ac meo quidem iudicio, qui dictionem esse simplicem autumant, & eam per Græcum *ὁ εἷς* interpretantur ea expositione contenti; consequenter loquuntur, (vt Mafius, & Marianus Victorius) si enim vnum & simplex est nomen, quod à verbo substantiuo deducitur; quid aliquid, quæso, fuerit, nisi ens aut essentia? Antiquos verò Hebræos nobiscum facere argumento est, quod nomen hoc vsitato more nomen expositum appellabant (vt refert Galatinus) nimirum indicantes, compendiarium esse ac proinde explicatione indigere.

Quarta; auctoritate Clementis Alexandrini confirmatur, qui nomen Dei tetragrammaton, appellat nomen mysticum, ænigmaticum, atque symbolicū, lib. 5. Stromatum, cap. 2. Quod si vna tantum & simplex esset dictio à verbo substantiuo deflexa; non erat, quod mysticum, & symbolicum diceretur. Nemo enim τὸ εἷς, mysticum nomen esse dixerit. Si verò sint plures dictiones, quarum prima tantum elementa scribuntur; tunc merito mysticum appellatur: ac præsertim à Clemente Alexandrino, qui eodem libro obseruat, *Duplicem fuisse apud Ægyptios hieroglyphicam scribendi rationem in sacra, quæ insculpitur, scriptura; vnā quidem χριστολογικὴν, id est, propriè loquentem, per prima tantum dictionum elementa; alteram verò symbolicam.* Cui ergo rei prima illa hie-

roglyphica scribendi ratio magis conueniat, quàm sacra sculpturæ in lamina aurea, quæ Pontificis Hebræorum caput decorabat? Si in alijs vel rerum scribendarum reuerentia, vel abbreviandi necessitas homines notis vtentes ad compendiarium scribendi rationem impulit; vt cernere est in antiquorum notis; cuius nominis maior dignitas atque maiestas? quodve augustius ad sculpturam spatium grandiorum præsertim litterarum, quantas fuisse opus erat, vt à procū adstantibus cerni possent?

Quintò probatur ex communi appellatione, qua nomen Iehoua quatuor literarum nomen appellatur, vt à Clemente Alexandrino suprà, ab Origene homil. 4. in Ezechielem, Theodoro q. 15. in Exodum, Hieronymo Psal. 8. Eusebio de preparatione lib. 1. cap. 8. & à Philone in libro de vita Mosis; cuius ea sunt, *Lamina aurea, quæ Pontificem coronabat, insculpta erat quatuor literis nominis illius; quod solum ijs, qui aures ac linguam sapientiā purgatas habent, fas est audire, nominareque in sacris; præterea nemini.* Et verò, meo iudicio, non quatuor literarum nomen appellaretur, nisi de illo, tanquam de abbreviatione aliqua vel compendio, & scripturæ mysticæ sermo esset; in qua sua cuique literæ peculiaris responderet significatio. Alioqui nomen יהוה (adonai) est etiam quatuor literarum. Expende verba Hieronymi epistola 136. ad Marcellam, quæ huic nostræ rationi valde fauent: & non ab Origene non solum nomen, sed etiam signum quatuor literarum appellari homil. 14. in Numeros; quod nostram coniecturam plusculum iuuat.

Sextò probatur ex Nazianzeni verbis oratione 36. quæ est 4. de Theologia. *Hebræorum (inquit) doctissimi & antiquissimi, qui quæ proprijs notis summum illud nomen honorandum duxerunt; ac ne ijs quidem literis aliud quiddam eorum, quæ post Deum sunt, scribi sustinuerunt.* Hoc (vt mea fert opinio) ad compendiarium scribendi rationem referendum est, qua prima quæque singularum dictionum elementa conscribuntur. Perspicuum namque est, Nazianzenum non id agere, vt huius nominis literas ex communibus Alphabeti Hebraici fuisse neget. Constat enim ex communi Alphabeto semper desumptas fuisse quatuor illas literas. Quid ergo sibi vult Nazianzenus, cum ait illas quatuor literas, ita esse huius nominis proprias, vt illis nihil præterea aliud scriberetur? Ominino de complexione illa quatuor literarum loquitur. Nam singulas diuisim, certum est non fuisse proprias illi, sed alijs vocibus communes. Quod si de simplici vel incompleto nomine sermo esset; quid nouum nobis proferret Nazianzenus? Nonne omnibus vocibus ac nominibus propria est literarum complexio? Superest ergo necessariò (si quid tanti viri auctoritati ac testimonio tribuendū est) vt de compendiarium, siue abbreviata literarum complexione loquatur; in qua notum est eas literas, quæ ad peculiarem aliquam significationem restringuntur, quod ex se est, posse præterea ad alia significanda vsurpari. Exemplis id planum fiet. Quatuor hæc literæ, I. N. R. I. complexim sumptæ, apud Christianos ad eum solum vsum desumuntur, vt significant, *Iesus Nazarenus, Rex Iudeorum*, cum tamē alijs præterea significatis deferuere potuissent, vt si quis per easdem literas significare intenderet, *Iulius, nobilis, Romanorum Imperator.* Simile est de celeberrimis Romanorum literis, quas in vexillis impressas gestabant, S. P. Q. R. Quibus licet nihil aliud ipsi voluerint significare, nisi *Senatus, populusque Romanus*; quis tamen dubitet ad alias significationes vsurpari ab alijs potuisse? vt si quis diceret, *Sabinus, populus qui resistit*; quæ ratione dicuntur prius à Sabinis vsitata fuisse.

Septimò. Si semel admittas nomen Iehoua quatuor dictiones continere; facile cernes, cur quatuor eius literis nec subscribantur, nec subscribi possint puncta propria. Propria enim non esse, sed aliena quæ subscribi solent; demonstrat egregiè Bellarminus in Grammatica hebræa.

Octauò in nostra sententia facilis est ratio, cur hoc nomen sit appellatum ineffabile; quod scilicet ad compendia redactum, vt ferme scribitur, nequa-

Iehoua nomen quatuor literarum.

Idem nomē in aurea Pontificis lamina impressum.

Quatuor huius nominis literis aliud præterea scribi, apud Hebræos nefas.

Cur nominis Iehoua literis nulla puncta subscribi possint? Cur dicatur nomen ineffabile.

Isidis nomē quid etymo, quid significatione importet.

Nomina Hebraicorū alia incompleta, alia complexa.

Nomine Iehoua omnes temporis differentias comprehendendi. Nomen Iehoua nulla simplici voce græca vel latina exprimi posse.

Iehoua nomen ænigmaticum ac symbolicum.



quam pronunciari possit. Eadem enim ratione diceretur inscriptio hæc, S.P.Q.R. eo modo, quo scribitur, proferri non posse; cum omnes eius literæ sint aphonæ. Quod si vocales, ad consonantes pronunciandas, adiscantur, tunc cōpendium dissoluitur. Id ergo ipsum in Iehoua nomine contingit. Sunt enim omnes quatuor literæ consonantes: vocales verò, quas ad pronunciationem accersimus, si propriam nominis pronunciationem quæras, abs re sunt, ac si ad proferendum compendium illud, S.P.Q.R. enunciet aliquis *sepequare*. Adde, quod cum dictionum primæ literæ scribuntur compendiariorum more; licet sint omnes literæ vocales, recte dicemus, non eo modo, quo scribuntur, esse proferendas. Verbi gratia, A.A.C. quod est, *ante auditam causam*, non debet proferri, aac.

Nonò confirmatur; quia in publicis scriptionibus, & præsertim in rebus sacris, in symbolis, & insignibus ex usu antiquissimo, compendiosè scribi solitas primas tantum dictionum literas, notius est, quam ut probationem requirat. Exempli tamen gratia ex multis pauca proferamus;

D.O.M. pro Deo Optimo Maximo.

F.E.R.T. in Ducis Sabaudienfis insigni: pro Fortitudo eius Rhodum tenuit.

I.N.R.I. pro Iesus Nazarenus Rex Iudeorum.

V.D.M.I.Æ. in hereticorum vexillis: pro Verbum Dei manet in æternum.

Simile est illud, S.P.Q.R. & alia innumera.

Decimò, accedit quod aliqua nomina hebræa ex simili alicuius sententiæ scriptura per prima elementa quibusdam videtur consista. Huiusmodi est, quod tradit Genebrardus in Chronologia ex Rabbi Isaac Benshola, nempe ex eo quod Iudas Mathathia filius in vexillis tanquam certæ victoriæ omen fecit inscribi per prima elementa illud Exod. 15. 11. *Quis similis tui in fortibus Domine*. inde populum breuitatis causa legisse Machabæ; & paulatim tandè obtinuisse, ut huius tessera auctor Iudas, & fratres illius, & posteri Machabæi dicerentur; verba illa Hebræicè sic habent *מִי כִמּוֹךְ בְּאַלִים יְהוָה* & primæ literæ *י.הו.ו.א.* similiter latini spurios dixere ex eo quod ijs literis S.P. notarentur, id est, *sine patre*, ut docet Plutarchus in quæstionibus Romanis. Simile quid tradit Hieronymus de traditionibus Hebr. ad finem super illud 3. Reg. 2. 8. *Maledixit Semei David, maledictione pessima*. Pro Pessima (ait) hebræicè legitur, *Nimrezeth*, quod quinque literis enunciat *נִמְרֵצֶת*. quæ sunt prima elementa harum vocum, Noeph, Moabita, Rafah, Tfara, Thoaba, id est, adulter, Moabita, impie, leprose, abominande; atque adeò sensum esse, Semei his conuitijs lacefisse Davidem; quæ tamen maledicta primis solum literis Scriptura significauerit. Dictionaria verò Nimrezeth, ac si esset simplex dictio, maledictionem roboratam, seu vehementem interpretantur. Similiter contractè proferimus illud FERT. Sabaudienfè; & crucis titulum INRI. ut suprà explicauimus.

Est tamen diligenter obseruandum, multum interesse discriminis, verum nomen ex pluribus dictionibus per prima elementa scriptis effingatur; an in scirpo quærat nodus, id est in nomine simplici, & (vt aiunt) termino incompleto, singularum literarum, more cabalistico, vis & potestas, somniatâ subtilitate disquiratur. Vt si quis dicat hoc nomē D.E.V.S., idem valere quod Dominus, Excelsus, Vnicus, Summus. Simile est meo iudicio, quod Valuerdus in Alphabeto Salomonis refert, nempe *ארגמן* (Argaman) quod purpuram significat, ex quatuor primis literis esse compositum, à quibus quatuor Angelorum nomina initium sumunt; nempe Raphael, Gabriel, Michael, Nuriel; quæ asserit eorum animalium esse nomina, quæ vidit Ezechiel cap. 1. Eo enim splendore, veluti regali purpura amiciebatur Deus; iuxta illud, *amictus lumine sicut vestimento*. Itaque longè aliud est, ex simplici dictione conari exprimere, seu potius extorquere mysteria; quam eorum opinionem refellere, qui simplicem esse dictionem arbitrabantur; quæ reuera plures essent. Galatinus ergo videtur philosophari in nomine Iehoua (primo modo, id est, cabalistico) sicut

A Valuerdus in Hebraico purpuræ nomine. Quæ ratione non difficile fuerit, ex singulis cuiusvis nominis literis arguari, & mysterium Trinitatis, Incarnationis, & quæcunque alia in literarum nominis Iehoua serie & in quouis alio comminisci. Sic philosophatur Galatinus, literas nominis Iehoua esse has tres *Iod, he, vau*: & primam applicat Patri, quia significat principium; secundam Filio, quia he significat esse, vel viuere: tertiam Spiritui sancto, quia est coniunctio copulatiua. Aliter etiam cogere conatur, vt eadem literæ mysterio Trinitatis deseruiant; excogitatis tribus nominibus, quæ ab illis tribus literis incipiant, his nempe, *Iad, hu, ve hu*, quarum significatio est, Deus ipse, & ipse. Tertiò denique ad illa etiam tria tempora descendit, haia, houa, ihie; quæ sonant fuit, est, & erit; vbi omittit literam vau. Sed nunquam illi venit in mentem nomen ipsum Iehoua esse complexum, & ex quatuor dictionibus compositum. Imò verò non putauit, propriam huius nominis significationem petendam esse à verbo substantiuo. Ego eiusmodi philosophandi rationem, quam in termino incompleto nemo prudens probabit, ostendo non solum esse verisimilem; sed etiam certam in nomine complexo, & antiquorum notis scripto. Sed de ijs infra.

Deniq; in nostra explicatione inuenitur id, quod erat optandum, nempe hoc nomine verbum substantiuum comprehendit; neque vllam fieri literarum radicalium mutationem. Ipsa enim potius radix *יהוה* (haia) & rami ab ipsa pullulantes, stabiles & inuariati in hoc nomine reperiuntur.

## SECTIO II. De huius nominis vi ad significanda Dei attributa, & mysterium Trinitatis.

C ST A T V I his, quæ iam abundè probauimus; videlicet, hoc nomen esse complexum, & quatuor literas quatuor dictionum loco poni; atque adeò (*יהוה*) esse idem, quod *Ihie, hoia, ve haia*, siue (vt latine dicam) erit, est, & fuit; his, inquam ita constitutis, nota primò, rationi valde consentaneum fuisse, vt hoc nomen summa diuinitatis mysteria complectatur; tum quòd sit maxime Dei proprium, & summæ apud omnes religionis; tum etiam, quia epitheta & elogia, quæ ei antiqui Patres tribuunt, argumento sunt, ablitusa in eo mysteria contineri. A Clemente enim Alexandrino (vt vidimus) appellatur mysticum; ab Eusebio symbolicum, lib. 1. de præparatione cap. 8. à Nazianzeno, summum nomen, oratione 36.

D Primum ergo optabile est, vt hoc nomen Trinitatem personarum, & essentiarum vnitatem designet. Hoc enim est summum Diuinitatis arcanum. Atque videtur esse decens, vt id mysterium per celsissimū Dei nomen indicetur. Adde, nomen hoc Isaia 6. coniungi cum illo trifagio, *Sanctus, Sanctus, Sanctus*. Et trifagion illud ad mysterium Trinitatis spectare, communis est Patrum sententia. Galatinus etiā libro 2. cap. 10. & Guevara Habac. 2. num. 357. aiunt, hoc nomine insinuari Diuinam essentiam per semet existentem cum ipsius vnitatem, & cum æterna personarum distinctione, origine & productione. Hæc illi: & Guevara quidem non est aggressus ad explicandum, quam ratione id mysterium hoc nomine significetur. Galatinus, & alij aggressi sunt; sed cabalisticè potius, quam solide meo iudicio. Quare aliā nobis viā insistentium, & respiciendum ad veram nominis vim ERIT, EST, ET FUIT. Etenim si in illo trifagio, Isaia 6. & Apocalypsis 5, certum est ex Patribus personarum Trinitatem denotari; cur non idem in illa triplici repetitione subsistenti ERIT, EST, ET FUIT, subodoremur?

E Sed obijcies, personas Trinitatis esse tres; literas autem Iehoua esse quatuor. Respondetur: In pluribus dictionibus coniungendis aptissime interijci coniunctionem copulatiuam; cui seorsum responderet etiam sua litera in notis antiquorum, vt videre est in illa communissima inscriptione S.P.Q.R. Senatus, populusque Romanus. In nomine ergo illud *יהוה* vau, coniunctio copulatiua est; atque eius adiectio non solum non est otiosa in mysterio

Nomen Iehoua quomodo explicet Galatinus.

Nomine Iehoua comprehendit verbum substantiuum.

Trinitatis mysterium in nomine Iehoua indicari.

Solutur difficultas.

In publicis scriptionibus primas tantum nominum literas compendiosè scribi soles solitas.

Machabæorum nominis origo.

Spurijs unde dicti.

Quas Semei diras Davidi denouerit.

Hebraicum purpuræ nomen quid sonat Valuerdio.

Psal. 103. 12.



Trinitatis  
mysterium  
quomodo  
nomine le-  
houa signi-  
ficetur.

Trinitatis, sed etiam mirifice deseruit. Explicato enim nomine manifeste patet, tres solum subsistentias in illo contineri, Erit, est, & fuit: sed eas vnitas per coniunctionem copulatiuam & ita vt vnum nomen constituent; quod ad vnitatem essentiae spectare facile intelligitur. Tres itaque subsistentiae per triplicem verbi substantiui repetitionem denotantur: vnitas vero essentiae per coniunctionem copulatiuam.

Sed dicat aliquis, ad Trinitatem personarum indicandam aptius fuisse sine vlla variatione dicere, EST, EST, EST. Sicut Isaia 6. & Apocalypsis 5. dicitur, Sanctus, Sanctus, Sanctus: quia illa temporum distinctio non solum non deseruit, sed etiam obest personarum proprietatibus indicandis. Videtur enim illud ERIT ad Patrem pertinere; EST ad Filium; & FUIT, ad Spiritum sanctum; quae distinctio potius est dissidentia, quam consentanea veritati. Nam videntur ita concipi tres personae, quasi non simul existant; sed quasi Spiritus sanctus fuerit; Filius nunc sit; & Pater aliquando futurus. Respondetur tamen, vt intelligeretur non esse eiusdem veritatis repetitionem, sed subsistentium distinctionem, elegantiae fuisse aliquam verbi substantiui distinctionem proponi. Et verò manifestum est, distinctionem illam temporum, non ita distribui Diuinis personis, vt vni earum negetur, quod alteri tribuitur; sed ita vt solum innuat, aliquam esse aptam conuenientiam, vt Patri aptetur Fore; Filio Esse; & Spiritui sancto Fuisse. Et ratio quidem illa eadem videtur esse, propter quam Theologi potentiam Patri tribuunt, Sapientiam Filio, & Spiritui sancto Bonitatem. Illud enim futurum ERIT, ad Potentiam manifestandam promissionem referri debet: vt exprefsit Ioannes cap. 1. num. 8. dum ait, Qui est, & qui erat, & qui venturus est Omnipotens. De quo infra. Simili modo illud fuit ad aeternam Dei bonitatem referri potest; quae prima omnium fuit ratio, quae Deum induxit, vt se creaturis comunicaret. Denique ex tribus temporum differentiis, nulla est aeternae sapientiae accommodatio, quam temporis praesentis; quia & futuris, & praeteritis Dei sapientia praesens adest, & omnia in sua aeternitate intuetur praesentia.

Dicit rursus alius, Ad personarum distinctionem significandam, si verbi substantiui variatione significanda erat, aptiorem fuisse distinctionem, Ero, eris, & erit: siue Eram, eras, & erat; quam Erit, est, & fuit; quia distinctio personarum melius exprimitur tres distinguendo personas, ego, tu, & ille; quam tria tempora. Respondetur, distinctionem illam, ego, tu, & ille, non habere locum, nisi cum duo ex illis tribus loquuntur inter se; nomen autem, quo Deum appellamus, non deseruit vt Pater cum Filio colloquatur, sed vt nos de ipso loquamur. Vnde abs re erat, vt distinctio illa, Ego & tu, in nomine Diuino includeretur. Omnibus enim tribus personis appellandis conuenit pronomen ille. Verum quidem est, Deum, vt huius nominis vim indicaret, dixisse per primam personam, Ego sum, qui sum. Exod. 3. vel (vt ex hebraeo ad verbum redditur) Ero, qui ero; illa tamen sunt Dei ipsius verba: atque ita per primam personam protulit, Sum, vel Ero. Nec verò solum loquebatur prima Trinitatis persona, sed Deus trinus & vnus. Et tunc quidem ad propriam Diuini nominis vim exprimendam, decuit vt Deus qui de se loquebatur, per primam personam (vt grammatici aiunt) loqueretur. In alijs verò locis, quamuis dicat, Ego Dominus; non opus fuit formam nominis Iehoua immutare. Quia sensus est, Ego sum ille, qui merito à vobis appellor Iehoua, quod sonat Erit, est, & fuit.

Nota praeterea, in nomine Iehoua mirabile quid contingere, quod ad mysterium Trinitatis referri potest; nempe idem nomen legi posse, vt plures dictiones, & vt vnica dictionem, non variatam significationem essentiali. In alijs dictionibus quae ex primis plurium dictionum elementis componuntur, si id quod ex primis illis literis coalescit, spectemus; inuenimus aut nihil prorsus significare, vt INRI in titulo crucis, aut significare aliquid longè diuersum, vt FERT. in Sabaudienfi symbolo. At in nomine Iehoua, si consideremus hanc ipsam dictionem

A Iehoua, quae ex primis plurium elementis componitur, (nimirum ex illis Iehie, hoia, ve haia,) mirabile hoc reperitur, nempe non variari significationem essentialem: quia significatio essentialis nominis extensi, non est alia, quam verbi substantiui, Erit, Est, & Fuit: ipsa autem dictio Iehoua, considerata vt vnica dictio, est nomen verbale, quod eandem verbi substantiui significationem seruat. Et probatur; quia cum Vatablus, Caietanus, Marianus, Bellarminus, Prado & alij nulla ratione animaduertent, hanc esse plurium dictionum abbreviationem, sed omnino nomen hoc vt simplicem dictionem considerauerint; nihilominus illud deriuant à verbo substantiuo יהוה vel יהוה (haia, vel haia) atque ea est receptissima opinio. Quamuis deriuationis forma non eodem modo ab omnibus explicetur. Vatablus ergo deriuat à verbo יהוה haia; addito, iod, formatiuo, quod saepe nominibus addi solet: Caietanus, Bellarminus, & Prado deriuant à verbo יהוה haia, permutato Iod, in vau; quia haec literae sunt permutabiles. Goropius in Hermathena pro eadem radice reputat haia, & haia; vt apud Gracos eadem verba terminantur in ἦα & ἦω: sed vt cumque hoc sit, significatio tandem est eadem. Atque adeo mirabile est, tres illas subsistentias distinctas, & inter se vnitas, ERIT, EST, ET FUIT, & vnica nomen simplex Iehoua, eandem habere significationem essentialem; ita vt nomen etiam ipsum sit quodammodo trinum & vnum, ad Trinitatis diuinæ significationem.

Nominis  
Iehoua du-  
plex etymo-  
logia di-  
uersos.

### SECTIO III. De eiusdem nominis vt ad diuinam

Providentia perfectionem indicandam. Et cur Ioannes commutato ordine dixerit, Qui est, & qui erat, & qui venturus est.

DIXIMVS de summo diuinitatis mysterio ad intra (vt Theologi loquuntur) videamus iam an eodem nomine designetur Perfectio operum Dei ad extra. Prado in Ezechielem ait, nomen Iehoua potissimum referri ad incarnationis mysterium, siue ad opus nostrae redemptionis; & à futuro, ait, facinore deriuari. Credit enim, huius nominis significationem esse per modum futuri: eo quod Exod. 3. sic in Hebraeo explicetur; Ero, qui ero, id est, ego ero is, quem me esse decet; scilicet in humani generis redemptione. Et facit quod nonnulli suspicantur, non debuisse scribi יהוה Iehouah, sed יהיה Iehie, quae est tertia persona futuri, erit; atque id fuisse proprium Dei nomen. Ita Lipomanus Exodi 3. Genebrardus libro 1. de Trinitate, & in chronologia; nec displicet coniectura Bellarmino in grammatica hebraea fol. 185. sed etiam supra vidimus integrum fuisse Dei nomen, Erit, est, & fuit. Et communem scripturam disertè probat Hieronymus epistola 8. & epist. 136. & nihilominus dico hoc ipsum nomen elegantissime referri ad praecleara Dei opera; hac ratione, vt fuisse dicatur Deus, quod illis initium dederit; & esse, quod det progressum; & fore, quod daturus sit perfectionem.

Pro maiori explicatione nota verbum substantiuum referri saepe in sacra Scriptura ad opus; & quidem non sine elegantia: atque ita Ioannis 1. cum dicitur, In principio erat Verbum, non solum fuisse ipsum significatur, sed & fuisse opificem rerum omnium. Alluditur enim ad illud Genesios 1. In principio creauit Deus caelum & terram, nempe dicendo fiat, vt statim sapienter exprimitur. Ecce in principio, id est, in mundo inchoando inuenimus Verbum, nempe rerum omnium opificem; quia dixit Deus, fiat, & factum est. Quod si tunc erat Verbum; utique APVD DEVM proferentem; atque adeo DEVS ERAT VERBUM: quia nihil potest esse apud Deum, quod non sit Deus. Hac ergo ratione, cum Deus dicitur fuisse, esse, & fore; elegantissime significatur à Deo fuisse principium Ecclesiae, à Deo esse progressionem, & ab eodem perfectionis cumulum esse futurum. Et hanc esse genuinam nominis Iehoua significationem, constabit in expositione illorum verborum, Ego sum A & Ω, principium & finis, dicit Dominus omnipotens; qui est, & qui erat, & qui venturus est. Hunc eundem

Quo pacto  
nomen le-  
houa ad Di-  
uinae pro-  
uidentiae  
opera refe-  
ratur.

Cur nomen  
Iehoua per-  
sonas Diui-  
nas in ter-  
tia persona  
explicet.

Nomen Ie-  
houa vt plu-  
res dictiones  
& vt vnica  
legi posse,  
invariata  
essentia  
significa-  
tione.



sensum expresseit Augustinus sermone 3. de Ascensione; *Fidelis quisque*, ait, *cum iam tanta perceperit; per ea quæ cognoscit, præstita; discat sperare promissa; ac Dei sui præteritam, præsentemque bonitatem, quasi futurorum teneat cautionem.* Hæc Augustinus. Et licet ille eo loci, non agat de nomine Iehoua, eius tamen confideratio aptissime deseruit ad nominis Iehoua vim & energiam exprimendam. Atque eadem est ratio, propter quam in Psalmis adeo celebratur diuini nominis gloria, ut dicemus Psal. 28. num. 2. in ea verba, *Afferte Domino gloriam nomini eius.*

Cur Ioannes in nomine Iehoua temporum ordinem inuerterit.

Nunc reddenda nobis ratio est, cur Ioannes temporum ordinem inuerterit? Explico clarius: Ioannes Iehoua nomen voluit exprimere, quod idem sonat, atque Erit, est, & fuit: cur ego ordine immutato, sic exponit *Qui est, & qui erat, & qui venturus est*? Respondeo id fuisse sapientiae & elegantiae singularis. Etenim antiqui Patres animum adijcere præcipue debebant ad futura Domini opera, videlicet ad generis humani, quam sperabant, redemptionem. Atque ideo in Dei nomine, quod ad diuina opera refertur, à verbo *ERIT*, initium sumebant; in ea potissimum oculos conijcientes, quæ Messiae aduentum erant consequutura. Ioannes verò cum eo tempore scribat, quo iam Deus humanam naturam induerat, & Ecclesia effuso Christi sanguine fruebatur; eo ipso quod ab excellentiori & digniori parte significati incepturus erat, ab eadem scilicet, quam primo loco antiqui collocabant, idcirco non à verbo *ERIT*, sed ab *EST* sumit initium; & propterea ait *ab eo qui est, &c. q. d.* Iam Christiani hoc tempore ijs fruimur, quæ antiqui Patres futura sperabant; atque ita vnum & idem sunt antiquorum *ERIT*, & nostrum *EST*: & quod ipsis erat *EST*, (nempe figuræ, & antiquæ legis ceremoniæ) id ipsi nobis est *ERIT*: & quia nondum hætenus omnia, quæ ipsi sperabant, sunt opere completa (restat enim secundus Christi aduentus, & diuini operis perfectio & consummatio) ideo non solum dicimus *ab eo qui est & qui erat*; sed etiam *ab eo, qui venturus est omnipotens.* Itaque rerum ipsarum mutatio effecit, ut etiam ordo in designanda temporum distinctione mutaretur; sicut etiam post secundum Christi aduentum, non dicemus Christum venturum, sed iam venisse?

Cum ergo Ioannes ait, *Gratia vobis, & pax ab eo qui est, & qui erat, & qui venturus est*, præcipit ut animaduertamus, à quo postulet gratiam, & pacem: ab eo scilicet, cui nomen erat Iehoua, idem valens, quod Erit, est, & fuit; sed commutat ordinem Ioannes dicens, *ab eo qui est, & qui erat, & qui venturus est*, quasi dicat; Iam Deus re ipsa Est Saluator omnium, qui olim Erat promissor per figuras; & nihilominus post Messiae aduentum adhuc à nobis Venturus expectatur Dominus; atque ut regnum eius adueniat, subinde precamur. Itaque verbum *EST*, ad præsentem veritatem; verbum *ERAT*, ad antiquas promissiones, & figuras; ac *VENTURUS* nomen ad ea, quæ speramus, refertur. Et acutissime hæc coniunxit Ioannes in epistola dedicatoria; in qua erat ei totius operis argumentum indicandum; ut significaret ea, quæ complectitur Apocalypsis, nempe Evangelij veritatem, antiquas figuras ei deseruietes, & futuri regni prophetiam. Ex hac nominis Iehoua explicatione aptè intelligitur locus ille Exodi 6. 3. (qui multos torfit) *nomen meum Adonai* (hebraicè Iehoua) non indicaui eis. vbi non est sermo de vocis sono, sed de re per nomē ipsum significata. q. d. Nō me ostendi re ipsa Iehoua; non mei nominis expressam eis re ipsa veritatem patefeci; cuius præcipua vis est, in his magnis promissis, quæ præstiti, implendis. Licet autem integrum eorum complementum sit Messiae tempore futurum; nunc tamen populo meo ingentem mei nominis manifestationem exhibere volo; dum eos ex Pharaonis seruitute eduxero, & in terrā induxero promissam. Qua in re admirabile meæ fortitudinis, beneficentiæ, iustitiæ ac sapientiæ documentum edam. Eodem spectat illud Exodi 3. 14. *Sum qui sum*, (hebraicè) *ero, qui era*, id est, *Sum is, qui esse debeo, & quem me fore promisi.* Quibus primam partem sui nominis explicat; in qua potissimum gloriabatur.

Cur Ioannes nominis Iehoua meminerit in dedicatoria epistola?

A Sed rogabis, cur Ioannes non solum temporum ordinem inuerterit; sed etiam verbum erit, mutauerit in illam periphrasim, *qui venturus est*? Respondetur, id sapienter & eleganter esse factum; cum ad erigendam spem, tum ad maiorem catholicæ veritatis expressionem. Nam Deum futurum esse, poterat ad eius æternitatem referri; vel, si ad prouidentiam, significare posset, Deum semper futurum, eum qui est, atque adeo sicut illa, quæ modò sunt, ab illo dependent, ita ab illo esse oriturū & sustentandū, quidquid deinceps fuerit. Qua ratione non melior nobis status proponebatur, quàm is, in quo sumus. Cum verò dicitur Deus esse venturus; tunc eius seruis regnum illud felicissimum, quod sperant, manifestè promittitur; & Deum ipsum venturum, ut eos saluet. Quàm aptè verò per Dei aduentum, ostensio Diuinæ maiestatis & potentiae in suorum redemptione & felicitate indicetur; id facile ex multis sacra Scriptura locis intelligitur: ex quibus certum quoque est, Christianos etiam expectare redemptionem. Et constat in secundo Christi aduentu, non solum verè intelligi Christum esse venturum, quā homo, sed etiam quā Deus est, modo supra explicato. Atque hæc promissio non in iudicii solum die intelligitur implenda; sed etiam in quauis insigni Ecclesiæ & Sanctorum liberatione & gloria.

Cur in nomine Iehoua futurum tempus per periphrasim enunciat? Ioannes?

B Reliquum est expendere; an in ordine, quo Ioannes dixit, *Gratia vobis & pax, ab eo qui est, & qui erat, & qui venturus est*, locum habeat mysterij Trinitatis significatio? Ad hoc dico, nonnullos in illa salutatione Deo trino & vni applicare illa verba *qui est, & qui erat, & qui venturus est*: eam tamen explicationē à me non probari: Primò, quia statim sequitur, *& à Iesu Christo*, atque ita aptius est, ut in salutatione, cum dicitur *ab eo qui est, & qui erat, &c.* intelligamus sermonem esse de Patre. Et facit quod forma salutationis Apollolicæ est, *Gratia vobis & pax à Deo Patre, & à Iesu Christo.* Secundò, quia in allusione ad nomen Iehoua, voluit Ioannes argumentum Apocalypseos complecti (ut iam explicauimus) & ad eam argumenti complexionem nihil aptius, quàm significatio perfectionis Diuinæ prouidentiae. Hæc enim coercet in se vniuersam Apocalypseos seriem. Trinitatis verò mysterium non spectabat directè ad argumentum Apocalypseos. Tertiò, quia quamuis in hac salutatione per illa verba *qui est, & qui erat, & qui venturus est*, non designetur Christus; oportet tamen, ut quod ea verba tribuunt Patri in salutatione, cum dicitur, *Gratia vobis, & pax ab eo qui est, & qui erat, &c.* id ipsum verissime tribui possit Filio: quia paulo infra (nempe num. 8.) cum dicitur, *Ego sum A & Ω principium, & finis, dicit Dominus, qui est, & qui erat, & qui venturus est omnipotens*; omnino loquitur Christus, ut censet Nazianzenus oratione 35. (qui ait, *Hæc perspicue de Filio Dei dicuntur*) Athanasius, Cyprianus, Bernardus, Idacius Clarius, & Phœbadius, siue Sebadius, ut eo loci videbimus. Notandum ergo est, significationem mysterij Trinitatis, licet pia valde sit, & ingeniosa videatur in nomine Iehoua, non tamen esse adeo certam, sicut perfectionis prouidentiae significationem. Hanc enim omnino vsurpat Ioannes, & iuxta eam docet Patrem esse Iehoua, & Filium similiter esse Iehoua. In altera vero significatione, neque Pater est Iehoua, neque Filius, sed tres personæ coniunctim. Quartò, licet mysterij Trinitatis significatio habeat locum in illis verbis *ERIT, EST, ET FUIT*, sed commutato ordine, quemadmodum Ioannes commutauit, hæc verba, *qui est, & qui erat, & qui venturus est*, eidem mysterio significando non quadrant. Quia non manet idem ordo in significatione potentiae, sapientiae & bonitatis.

Num in eo ordine à Ioanne seruato locum habeat mysterij Trinitatis significatio?



SECTIO IV. Quibus literis tam hebraicè, quàm græcè scriberetur nomen tetragrammaton, & de vera nominis radice.

**I**POMANVS Exodi 3. putat sic scribendum esse **יהוה**, quæ literæ sunt tertie personæ futuri verbi substantiui; vt sit eius significatio, *Erit*. Similiter Genebrardus, & Bellarminus, quos retulimus initio Sectionis præced. Facit, quòd Hieronymus affirmat, fuisse nonnullos, qui hebræorum characterum similitudine decepti proferebant, *ויהי*, id est, *pipi*. Nimirum quia græcas esse literas existimabant. Nihilominus communis scriptio certissima est. Quia non est vlllo modo verisimile in diuino nomine, quod erat aureis literis inscriptum, & in quo tanta erat Iudeorum obseruantia atq; religio, eiusmodi cōmutationem irrepisse. Accedit, quòd communem scriptiōnem diserte confirmat auctoritas Hieronymi epist. 8. & epist. 136. cui etiam eorū omnium innititur opinio, qui à nomine Iehoua detortum esse arbitrantur nomen Iouis; è quibus est Marinus in dictionario, Mafius in epistolâ ad Ariam Montanum, ipsius Ariæ psalmis præfixa; & Marianus Victorius in scholijs ad Hieronymi epistolam 136. Quamuis ab ea coniectura abhorreant Augustinus 1. de consensu Euangelistarum cap. 22. & 1.6. de Ciuit. cap. 6. & lib. 7. c. 5. & Galatinus lib. 2. c. 10.

Quòd ad nominis radicem spectat; Hebræi ipsi nō erubuerunt fateri, ignorare se, à quo fonte deriuetur hoc nomē; & suspicari esse alicuius peregrinæ lingue. Vide Gueuaram in Habac. c. 2. n. 136. & Goropium in Hermathena, fol. 15. qui hoc referunt ex Rabbi Mose Egyptio; & aiunt, neminem Rabbiorum ab eo dissentire. Facit, quòd Hieronymus de locis hebraicis nullam huius nominis interpretationem ponit, nec in vlllo alio loco. Oleaster Exodi 6. deriuat à nomine *houa*, quod calamitatem seu vastitatem significat. Sed huic etymologiz obstat locus Exodi 3. 14. qui ad huius nominis explicationem referendus est, vt ceteri omnes interpretes cōueniunt; & notat Theodoretus. Vide, quæ suprà adduximus Sectione 2. Quare receptissima sententia est, hoc nomen deriuari à verbo hebraico substantiuo. Ait ergo Mafius hanc esse nominis Iehoua significationem. *Qui ab æterno existit, ipseque sibi essentia est, & à quo pendet verū omnium essentia*. Vide Goropium in Hermathena, fol. 12. qui probare contendit, hoc quod est, esse fontem omnis creaturæ, id esse summum in Deo; & assert Platonem. Alij dicunt, significationem huius nominis esse eādem cum significatione futuri *ERIT*. Et facit locus Exodi 3. 14. iuxta hebræum. Goropius tamen ait, ibi in hebræo poni futurum pro præsentis. Fortasse, quia sæpe in lingua hebraica futurū absoluitur à tēpore, & deseruit propositionibus perpetuæ veritatis, quas Latini per tempus præsens enūciāt. Atq; ita optimè Vulgatus transulit, *Ego sum, qui sum*. Nostra tamen sententia est, Iehoua nō deriuari ab vlllo verbo; sed esse ipsum verbū substantiuum in triplici tempore; quod satis superq; à me probatū est. Nunc solum addo, tacite mihi valde fauere Hieron. qui cum ceterorū Dei nominū etymologiā seriò examinet, & explicet; huius solum, quod erat inter cetera Dei nomina præstātiſsimū, etymologiā prorsus omittit: nō vtq; omisſurus, si esset vnicū nomē deriuatū ab aliqua radice. Sed si nostra sententia vera est, ridiculū esset à Hieronymo huius cōplexi *Erit, est, & fuit*, etymologiā requirere: præsertim, cum apud Hebræos prima origo siue radix, tertia persona præteriti. Atqui radicis ipsius radix requiri qui potest?

Iam de punctis proprijs nomini **יהוה** subscribendis in nostra sententia questio est inanis; si enim sunt prima quatuor dictionum elemēta, perinde est quærere de proprijs cuiusq; literæ punctis, ac de proprijs vocabulis harum notarum S. P. Q. R. qui verò nō animaduertunt nomen **יהוה** esse plurium dictionum complexionem; in quærendis proprijs punctis frustra laborant. Bellarminus in Grammatica hebræa probare contendit hanc prolotionem quatuor literarum Iehouah esse nouam, & antiquis inaudita. Similiter Genebrard 1. de Trinitate, & ps. 82. sine. & Collectanea Clementis Alexandrini fol. 814. Hi aiūt, eius prolotionis primum inuētoem esse Pagninum. Ego eandem reperio in Hieronymo, ps. 8. nisi locus sit

forte corruptus; nec tamen affirmat Hieronymus ea esse nominis huius propria puncta; sed solum eo modo legi posse, mutatis scilicet vocalibus aut punctis à nomine Adonai. Ea enim puncta in Biblijs hebraicis huic nomini subscribuntur, vt animaduertant lectores ibi legendum esse Adonai. De quo latè Bellarmin. in Grammatica: vbi etiam notat, cur alia puncta subscribantur, cum sequitur Adonai; nempe vt legatur Elohim. Genebrardus existimat propriam prolotionem esse Iehueh, ps. 17. n. 35. & ps. 82. fin. in Chronologia verò scribit Iahuhe.

Si esset vnicū & simplex nomen deriuatū à verbo *houa*, vel *houa*, præfixo, *iod*, formatiuo; sicut Iacob à verbo, *acab*; proferendum videbatur Iehauoh. Nemo tamen huiusmodi prolotionem sequitur.

Superest de græcanica huius nominis scriptiōne nōnihil dicere. Origenes religionis ergo nūquā illud scripsit, sed in eius locū sufficit *αδωναι*, (Adonai) in exaplis. Clemens Alexandrinus 1. 5. Stromatū, in græcis exemplaribus scribit, *ιαυ* vel *ιαου*. Manifestè verò falluntur, qui existimant Clementem Alexandr. scripsisse Iaho, quia id græcè scribi non potuit; cum in medio dictionis nullus sit apud eos aspiratæ vocalis locus. Iao, poterat scribi græcè; & sic scribitur apud Macrobiū 1. 1. Saturnal. c. 18. vbi refert oraculū Apollinis, *φράξο τῆς πάντων ὑπατον θεον ἑμμεν ἰαυ*. id est, Statue omnium supremū Deū esse Iao. Vide collectaneam in Clementem Alexand. fol. 814. vbi afferuntur verba græca Clementis, Theodreti, & Diodori Siculi 1. 1. Bibliothecæ. Græcos autem cōmuniter scripsisse, *ιαου*, patet ex Eusebio de præparat. Euangelica 1. 1. c. 8. vbi ait, nomen hoc quatuor vocalibus constare. Nec obstat, quòd hebræicè per quatuor consonantes scribatur. Tum quia omnes illæ consonantes prisco hebræorū more, vocalium etiam munus sæpe exercebant; tum etiam quia pro consonantibus acceptæ nullo modo ad id nomen græcè scribendū poterant coniūgi, cum secundum & quartū locum hebræicè occupet aspiratio; in quibus locis à Græcis minime admittitur. Bellarminus ait, Theodoretū q. 15. in Exod. scripsisse *Iauē*, vel *Iah*; suspicor esse typographi mendū; quia saltem *Iah* græcè scribi non potuit.

#### SECTIO V. Cur dicatur nomen ineffabile?

**P**RI-MO manifestum videtur prioribus sæculis vsq; ad Esdræ tempora communiter proferri solum; nec vnquam eius nominis pronunciationē fuisse religioni, vel scrupulo. Patet hoc ex multis S. Scripturæ locis, Genes. 14. 22. & c. 15. 2. & 8. & c. 22. 14. & c. 26. 22. & c. 28. 16. & c. 29. 33. & c. 30. 6. Exod. 5. 2. & c. 8. 8. & c. 17. 15. Iudic. 6. 24. & 1. Esdræ 8. 28. 29. & sæpe alibi.

Secundò, consuetudo huius nominis nō proferēdi, à tempore 70. interpretū 1. recipi cōcepta est. Ipsi certe primi omnium nomen hoc occultare studuerunt, eius loco reponentes hoc nomen *κύριος*, quod est Dominus; nimirum pio illo pronunciatō dūcti; Non vultanda sacra; nec, vt apparet, absque peculiari Dei intuitu. Deinceps eandem consuetudinem certum est ab Hebræis acceptam, & ad posteros per manus deriuatam; vt videlicet eo nomine nusquā prolato; Adonai, id est, Dominus nomen in eius locum vsurpatum substituerent. Atque ita in Vulgata scriptū reperitur Exodi 6. 3. *Nomen meū Adonai non indicaui ei*. hebraicè, **יהוה** & 70. ibi etiā legunt Adonai. Scriptores quoq; noui testamenti, vbi proferunt testimonia ex veteri, non aliter hoc nomen, quàm per Domini nomen exponūt; quæ est manifesta expolitio nominis Adonai.

Ex dictis inferitur, non superstitioni Iudaicæ tribuendū fuisse à Forerio in prologo ad Isaiam, quod nomē Iehoua efferre non auderent: cum potius tribuendum sit religioſæ & laudabili obseruantie, quā laudat Nazian. orat. 36. & Eusebius de præpar. 1. 1. c. 8. Genebrard. ps. 82. h. licet Mafius in præfat. in psal. Ariæ, dubitare videatur. ait enim, Græci, & Latini inde vsque à nostra Ecclesiæ initijs, siue Iudaicæ superstitione non repudiata, siue cum iudiciā, & cum aliquo mysterio semper pro nomine Iehoua substituerunt Adonai, vel Dominus.

Qui superstitionem fuisse credunt, dicent fortasse maioris esse reuerentiæ Dei nomen adhibere in iurandum, & in laudibus Diuinæ maiestatis. Respōdetur, consonum esse veritati, principio aliqua ex-

Græca huius nominis scribendi ratio.

Varia huius nominis apud Græcos scribendi ratio.

Primis sæculis vsque ad Esdræ tempora nomen Iehoua proferri solitum.

Quo ex tēpore nominis Iehoua proferendi religio increbuerit.

Nomē Adonai pro Iehoua substitutum.

Hoc non superstitionis factum, vt putauit Forerius.

Nomen tetragrammaton qua ratione scribitur.

Nominis tetragrammaton originem Hebræis ne scire fascentur.

Oleaster opinio de eiusdem nominis sym.

Qua sit nominis Iehoua significatio, iuxta Mafium. Aliorū placitum eādē de re.

Vulgata.

Nomen Iehoua à nullo alio deriuari, sed esse ipsum verbū substantiuum.

De punctis nomini Hebraico Iehoua subscribendis, quid sentiendum.

Quid senserit Bellarminus. Quid Genebrardus.



Probabilis  
coniectura  
de nominis  
Iehoua pro-  
latione.

Cut dictum  
sit nom-  
ine ineffabile.  
Aliorum  
opinionis.

Auctoris  
sententia.

cepta fuisse tempora, quibus proferri deberet; proferri enim solitum certis quibusdā festis à Pontifice Iudeorum, vt in die ieiunij sanctificationis, cum populo benediceret, &c. scribunt Rabini, & refert Galatinus lib. 2. cap. 10. Fateor tamen religiosam reuerentiam defcuisse postea ad eam superstitionem, vt quouis tempore proferre nefas esse arbitrarentur: & constat Iudeos de hoc nomine opiniones alias magis superstitionis habuisse. Vide Goropium in Hermathena fol. 11. & sequentibus.

Dictum est ergo nomen ineffabile, ed quodd prohibuitum erat ne efferretur. Ita expressè Nazianzenus oratione 36. & Theodoretus q. 15. in Exodum. Aliorum opinio est dictum esse ineffabile; non quod proferri nō liceret, sed quia satis explicari non possint mysteria, quæ continet. Ita ferè Gueuara in Habac. Nostra autem sent. est, potuisse quidem nomen soluto compendio proferri: hac nimirum ratione Iehie, hoia, vo haia, & nihilominus dictum esse inef-

A fabile, si quatuor solæ literæ considerentur; sicut cetera compendia, verbi gratia, S. P. Q. R. Huic explanationi deferuire potest, quod ait Goropius in Hermathena fol. 14. nempe hoc nomen dici ineffabile, quia sunt quatuor consonantes sine vocali. Et fortasse hoc est, quod ait Eusebius de preparatione lib. 11. cap. 8. proferre non possunt: & Hieronymus epist. 36. ineffabile putauerunt. Primum ergo dictum est ineffabile, quia efferri nisi soluto compendio non poterat. Deinde aut breuitatis causa, aut obseruantia aut mysterij, præceptum aut receptum fuit, vt ne dissolueretur compendium, sed eius loco legeretur Adonai. Ita nusquam prolato nomine, inualescens processu temporis defuetudo veræ tandem pronuntiationis obliuionem & ignorantiam induxit. Atque eò deducta res est, vt Hebraei ipsi fateri non erubuerint, ignorare se, à quo fonte deriuetur hoc nomen; & suspicari esse alicuius peregrinæ linguæ, vt supra notauimus.

## COMMENTARIVS.

ET A SEPTEM SPIRITIBVS, QUI IN CONSPECTV THRONI EIVS SVNT.] Locus difficilis; ex quo tamen, si bene intelligatur, maxima lux Apocalypseos expositioni accedet. Difficultas verò in eo sita est; quemadmodum scilicet spirituum nomen, & verbum illud *septem* in presenti accipienda sint. Circa primum tres videntur esse opiniones. Prima per septem spiritus intelligit septem Spiritus sancti dona. Tenent Victorinus, Eucherius, & Anselmus. Secunda de Angelis explicat. Ita Aretas, Lyra, Hugo, Dionysius, Ribera, Viegas, & Serarius. Tertia spirituum nomen accipit pro Spiritu Dei, qui est in Deo. Ita Ambrosius, Primasius, Haymo, Beda, Ansbertus, Rupertus, Thomas, & Idacius Clarus in Bibliotheca Sanctorum, lib. 3. contra Varimandum.

Ex his opinionibus prima fundatur in eo Isaia 11. 2. vbi septem Domini siue Iehoua spiritus cōmemorantur; spiritus sapientiæ, & intellectus, spiritus consilij, & fortitudinis, spiritus scientiæ, & pietatis, & spiritus timoris Domini. Hæc tamen opinio, nisi explicetur, & ad tertiam reuocetur; parum probabilis videtur. Quia abhorrens est ab omni loquendi consuetudine, precari gratiam & pacem à Deo, & ab ipsis Spiritus sancti donis, & à Christo. Quæ enim est ista coniunctio tam inepta, precari gratiam à largitore, & ab effectibus gratiæ; vel ab ipsa gratia, quam opto, & à Christo? Numquid dona ipsa sunt aliud, quàm gratia & effectus illius? quid ergo sibi vult hæc coniunctio & confusa ordinis perturbatio? existimo itaque huius opinionis auctores esse explicandos, non de ipsis donis; sed de Spiritu sancto, quatenus illorum spirituum auctor est. Atque hac ratione se videtur explicare Anselmus. Ad locum autem Isaia respondetur, familiare esse sacræ Scripturæ, ipsam Spiritus sancti participationem appellare Spiritum sanctum. Ab hac tamen participatione non potest postulari gratia & pax. Adde huc, ipsum etiam Isaia locum fortasse intelligi posse de ipso Spiritu Dei, qui in Deo est, prout est auctor illorum donorum. Atque hoc modo locus ille Isaia fauebit potius tertiæ expositioni.

Primâ igitur explicatione ad tertiam reuocatâ; superest controuersia inter secundam & tertiam opinionem. Secunda enim contendit, per nomen spirituum angelos hîc esse intelligendos. Tertia verò pro Dei Spiritu, qui Deo ipsi intimus est, sumendum putat.

Sed priusquam ad disputationem veniamus, notandum est; harum opinionum singulas in binas alias subdiuidi. Qui enim de angelis interpretantur, alij per septem spiritus, intelligunt septem angelorum principes, cælestis hierarchiæ magnates; alij septenarium explicant de omnium angelorum vniuersitate. Ex ijs autem, qui spirituum nomen de Spiritu, qui in Deo est, exponunt; alij quidem stricte accipiunt pro ipsa Spiritus sancti persona; alij non ita stricte de Spiritu sancto interpretantur; satis esse existimantes, vt Spiritus Dei nomen significet, quod Deo ipsi intimum est. Sed de ijs differentijs infra dicemus. Nunc de eo solum disceptamus; vtrum spirituum nomen ad angelos, an ad Spiritum, qui in Deo est, referendum sit.

Quod autem ad angelos referri oporteat, probatur primò; Quia in Deo septenarius non habet locum: de septenario verò angelorum sæpe meminit sacra Scriptura. Et frequentissimè Apocalypsis. Secundò, esse in conspectu throni, idem est quod ante Dominum adstare; quod de Spiritu Dei, qui est in Deo, videtur dici non posse. Cum tamen id Angelorum sit proprium; vt constat ex illo Tobia 12. 15. Ego sum Raphael angelus, vnus ex septem, qui adstamus ante Dominum. Tertiò, hi septem spiritus dicuntur mitti à Deo in omnem terram Apocalyp. 5. 6. Constat autem Angelos esse, qui à Deo mittuntur. Quartò, cap. 3. septem spiritus coniunguntur cum septem stellis; hac ratione; Hæc dicit, qui habet septem spiritus Dei, & septem stellas, vbi videtur loqui Christus, quæ homo est tanquam caput angelorum superiorum & inferiorum; id est, cælestium spirituum & Episcoporum: nam Episcopi etiam appellantur angeli in Apocalypsi, & eis stellarum symbolum tribuitur.

Nihilominus certum mihi est, alteram expositionem sequi; sed antequam ad eam explicandam & confirmandam venio; ab argumentis propositis me expediam. Ad primum respondendo, in Deo non esse propriè septenarium; sed nostro modo intelligendi aptè reuocari ad aliquem numerum virtutes & attributa Dei. Siquis enim dixerit, præcipua Dei attributa esse tria; nempe Potentiam, Sapientiam ac Bonitatem; à nemine reprehendi poterit de ternarij mentione. Quare, si Scriptura & ratio persuadeant septem esse attributa, in quibus Diuinæ providentiæ perfectio consistat; non erit cur spirituum, siue virtutum septenarius à vera & recepta doctrina existimetur abhorre. Accedit, quod multi grauissimi interpretes satis esse putant donorum Spiritus sancti di-

stinctio-

Varia opi-  
niones de  
septem spi-  
rituum si-  
gnificatione

Reijcitur  
septem spi-  
rituum ex-  
positio de  
septem Spi-  
ritus sancti  
donis.

Secunda  
sententia  
de angelis  
explicans.

Refellitur  
& eius ar-  
gumentis  
satis.



A stinctionem; vt ipse Spiritus sanctus septemplex dicatur; sicut ab effectis Spiritus Dei dicitur multiplex; Sapientia 7.22. *Sanctus, vnicus, multiplex*. Et Ecclesia de ipso canit; *Tu septiformis munere*. Ad angelorum vero septenarium respondetur, frequenter quidem in sacra Scriptura fieri de septem Angelis mentionem; eos tamen esse septem illos spiritus, à quibus hic gratia & pax postulatur; hoc non solum non probatur efficaciter, sed validissime potius redarguitur; vt mox videbimus.

B Ad secundum respondetur, verè dici Angelos, qui Deo ministrant, esse in conspectu Dei: non tamen verum est ea omnia, quæ in conspectu Dei esse dicuntur, Deo ipsi ministrare. Nam psal. 95. 7. dicitur, *Confessio & pulchritudo in conspectu eius*. Quod idem est, ac in Deo effulgere, quidquid laudabile & pulchrum est. At nemo dixerit, pulchritudinem & perfectionem, quæ in Deo enitescit, ipsi ministrare Deo. Præterea, Ioannes loquitur de spiritibus Dei appositè ad Apocalypseos visionem, in qua vidit septem spiritus figuratos in septem lampadibus, quæ erant in conspectu throni, c. 4. 5. Fingamus ergo iustitiam ac misericordiam, quasi sorores duas vtrumque Dei latus circumstantes à Ioanne fuisse visas (quemadmodum aptè pingi possunt: ) nonne recte posset dicere Ioannes, se gratiam sedentis in throno, & vtriusque sororis ad eius latera adstantis valde optare? Quid ergo mirum, cum septem Dei spiritus figuratos viderit in septem lampadibus, quæ erant in conspectu throni; si dicat ab ijs spiritibus, quos vidit in conspectu throni, se gratiam ac pacem exposcere? Præterea, cum Ioannes in illa capitis quarti visione ante Dei thronum septem lampades, viginti quatuor Seniores, mare vitreum, iridem, atque alia multa conspexerit; sapienter quidem ex his omnibus selegit sedentem in throno, septem lampadas, atque Agnum, à quibus postularet gratiam ac pacem. Quasi dicat, ex omnibus quæ vidit, tantum in Principe, in lampadibus, & in Agno diuinitatem se recognoscere. Porro, de septem virtutibus, in quibus Diuinæ providentiæ perfectio consistit, agitur in Apocalypsi, tanquam de supremo providentiæ Dei Senatu atque concilio. Licet autem Deus suum consilium in semetipso contineat; ceterum de summo ipsius concilio agit Scriptura per allusionem ad concilium Assueri supremum; de quo Esther 1. 13. *Sapientes ex more regio semper ei aderant; & illorum faciebat cuncta consilio*. Erant autem septem Duces Persarum atque Medorum, qui videbant faciem regis, & post eum (sive cum eo) residere soliti erant. Et fortasse Danielis 7. n. 9. (vbi dicitur, *Throni positi sunt*), & n. 10. (*iudicium sedet*) & n. 16. (*iudicium sedebit*) sermo est de septem spiritibus diuinis per allusionem ad septem regis Persarum consiliarios.

C Ad tertium respondetur. In sacra etiam Scriptura dicitur Deus mittere Spiritum sanctum, & suam etiam sapientiam, misericordiam, & veritatem. *Mitte illam de sede magnitudinis tue*, Sap. 9. 10. *Misit Deus misericordiam suam, & veritatem suam*, Psal. 46. 4. Eodem igitur modo verè dicitur Deus mittere suam virtutem, beneficentiam, iustitiam, &c. Præter hæc, suo loco videbimus, an septem illi spiritus, qui in omnem terram mitti dicuntur, iidem sint cum ijs, à quibus gratia & pax postulatur; & qua ratione mitti dicantur.

D Ad quartum respondetur, longè aliam esse legitimam illius loci expositionem; vt ibidè constabit. Dilutis igitur oppositæ sententiæ argumentis; statuendum est, spirituum nomine in præsentī nulla ratione angelos denotari, sed aliquid diuinum & æquale Deo. Et in primis hæc est plurimum, & grauissimorum interpretum sententia, quos suprà enumerauimus. Deinde argumentis egregiè confirmatur. Primò, quia bona Theologia non fert vt gratia & pax euangelica ab Angelis postuletur. Secundò, quia licet posset ab Angelis exposci gratia & pax, adhibendo eos, vt deprecatores; valde tamen inurbanum esset, & ab omni comitate abhorrens, hoc ordine postulare; à Deo, ab angelis, & à Christo. Nec est vlla sufficiens tam crassæ rusticitatis excusatio. Tertiò, quia si in gratiæ & pacis petitione nominandi fuerunt præcipui deprecatores & aduocati; non leuis inconsiderantiæ fuit, omisisse Virginem matrem, & fortasse etiam alios Sanctos, qui non minùs valent apud Deum gratia, quàm angelorum principes. Quartò, si propterea per septem spiritus intelliguntur angeli, quia frequens mentio est in Apocalypsi de septem angelis, illius sententiæ auctores minimè consequuntur, quod intendunt; vt scilicet Apocalypseos initium, veluti propylæum, seu vestibulum aedificij ipsi penetranti respondeat. Etenim in Apocalypsi plures sunt Angelorum septenarij; ac meo quidem iudicio euidenter est, septem angelos tubarum, ab angelis phialarum esse diuersos. Quamobrem si in his verbis, & à septem spiritibus, &c. haberetur ad eos angelos respectus, de quibus postea in ipso decursu agitur; neutiquam esset dicendum, à septem spiritibus; sed potius à quatuordecim. Quandoquidem duo postea occurrunt diuersi septenarij: nec maior est ratio, cur ab angelis tubarum, quàm à phialarum angelis gratia & pax petantur; siue ab alijs quibuscumque, quorum meminit Apocalypsis; quos millia millium, atque adeo innumerabiles esse dicit.

E Quintò; licet nonnunquam angelis nomen spirituum tribuatur; ceterum in Apocalypsi, spiritus ab angelis manifestè distinguit Ioannes. Septem enim spiritus figuratos se vidisse asserit in septem lampadibus; angelos vero sub humana specie conspexit. Quod si vellet gratiam ac pacem ab angelis exposcere; nequaquam hic eis nomen immutaret, quod postea pluiquam septuagies attribuit. Quin & in eadem capitis quarti & quinti visione, septem spiritus per septem lampades indicati, ante Dei thronum visi sunt; angelorum autem multitudo in ipsius throni circuitu.

Sextò; septem spiritus, de quibus hic agitur, nominat Ioannes Spiritus Dei cap. 5. 6. angelos autem licet Scriptura *administratorios spiritus* appelleret, ad Heb. 1. 14. nunquam tamen Spiritus Dei appellat; nisi fortasse Danielis 3. 65. vbi legimus, *Benedicite omnes spiritus Dei Domino*. Quod de angelis nonnulli accipient; sed fortasse literalis sensus est de vento vehementi; iuxta hebraicam phrasin, quæ per genitium Dei solet magnitudinè significare; vt cum ait, *Cedros Dei, montes Dei*, &c. præterquam quòd genitium ille Dei, in eo Danielis loco non legitur in septē M. S. vt notant Louanienses; neq; reperitur in græcis codicibus. Itaque sacra Scripturæ phrasin non est, angelos spiritus Dei nuncupare. Imò verò expresse Scriptura docet, quod Spiritus Dei nomine appellatur, esse inimum Deo. r. Cor. 2. 11. *Quis hominum scit, quæ sunt hominis, nisi spiritus hominis, qui in ipso est? ita & quæ sunt Dei, nemo cognoscit, nisi spiritus Dei*. Quem locum infra latius explicabimus.

Frequens  
septem an-  
gelorum men-  
tio in sacris  
quid signifi-  
cat.

Septenarius  
angelorum  
numerus  
in Scriptu-  
ra quod re-  
spicitur.

Septem Dei  
spiritus  
quinam  
sunt.

Ioannes in  
Apocalypsi  
spiritus ab  
Angelis di-  
stinguit.

Angelos li-  
cèt Scriptu-  
ra spiritus  
appellat, nō  
tamen solet  
appellare  
spiritus  
Dei.



In septem  
spirituum  
mentionem  
Ioannes  
Apocalyp-  
seos argu-  
mentum  
respexit.

Septimò; in his verbis, & à septem spiritibus, qui sum in conspectu throni, necessariò dicendum est, Ioan- nem ad libri huius argumentum respexisse, vt diximus suprà. Alioquin non commutaret Ioan- nes formulam salutationis Apostolicæ, quæ erat hæc, *Gratia vobis & pax à Deo Patre, & à Iesu Christo*; neque noua ratione vsus inter nomen Dei, & nomen Iesu Christi, mentionem septem spirituum interponeret. Necessè ergo est, vt hi septem spiritus, quorum hic meminit, sint maxima argu- menti Apocalypseos pars. Quis igitur in Apocalypsi non videat, ipsius scopum non esse de Ange- lis cælestis hierarchiæ disputare; sed de Christianæ Ecclesiæ celsitate atque victorijs? Non igitur cohæret, vt in his verbis, in quibus Apocalypseos argumentum Ioannes complecti volebat, de an- gelorum agat dignitate; sed de Diuinæ prouidentię perfectione, quam in Ecclesiæ bellis ac felici- bus euentis Deus ipse mirum in modum manifestat.

Octauò; si per septem spiritus essent intelligendi angeli, aut sequenda erat opinio Lyræ, Hugo- nis, & Dionysij, qui de vniuersitate angelorum exponunt; aut opinio Aretæ, Ribera, Viegæ, atque Serarij (in Tobiam cap. 12.) qui de septem principibus intelligunt; quos aiunt esse magnates curiæ cælestis. Sed neutra harum expositionum est amplectenda; nulla igitur ratione Ioannes in præ- senti angelos designat. Huius argumentationis maior propositio est nota. Nec enim alius vide- tur esse modus exponendi de angelis. Minor verò probatur; quia Lyrani expositio manifestè ab ipso Ioanne refellitur; narrat enim cap. 4. & 5. se vidisse ante thronum Dei septem spiritus per se- ptem illas lampadas figuratos: angelorum verò multitudinem in circuitu throni, animalia scili- cet ac seniores circumdantem. Quare, cum septem spiritus appellat, perspicuè eos distinguit ab angelorum vniuersitate ac multitudine. Et hæc de Lyrani opinione. Opinio autem Aretæ quam- uis adeo certa videatur alicui, vt scripserit, impium esse, qui neget in sacris literis asseri proprium quendam septenarium magnatum aulæ cælestis; longè tamen aliter de illo septenario iudicandum est: vt seorsum ostendam not. 4. vbi de loco Tobie 12. *Ego sum Raphael vnus ex septem, qui adstantus ante Do- minum*. Si ergo explicatio illa de septenario principum non solida est; neque illa altera de vniuer- sitate angelorum: vtrâque opinione exclusâ, nullus relinquitur locus, vt septem spiritus de angelis exponi valeant.

Denique, si apta explicatio inueniatur, quæ ostendat hæc verba (iuxta sacræ Scripturæ phrasim) de Dei Spiritu, qui in ipso est, posse conuenienter accipi; atque hunc sensum complecti bonam Apocalypseos argumenti partem; si eiusmodi (inquam) explicatio reperitur, illa haud dubie erit, quam obuijs vlnis accipere & amplecti debeamus.

Sed meo iudicio, huic intentioni non faciunt satis, qui existimant, sermonem hic esse de ipsa- met Spiritus sancti persona propter septiformem gratiam, id est, septem ipsius dona. Contra hanc enim expositionem occurrunt protinus aliqua argumenta, quibus non ita facilem & expeditam inuenio responsionem. Primò enim dura nimis loquutio est, ipsissimam Spiritus sancti perso- nam propterea septem spiritus absolute nominare, quia septem fidelibus dona tribuit. Cuinam, obsecro, hoc non valde violentum videatur? Nonne inaudita esset omnino loquutio, atque adeò meritò explodenda; si Patrem propter multa in nos collata beneficia, multos patres appellaremus? Nonne durissimum planè, & minimè admittendum, si Christum septem esse Christos diceremus, propter septem, quæ in Ecclesia instituit Sacramenta? Cur non igitur æquè dura erit loquutio, Spi- ritus sancti personam propter septem dona, septem spiritus compellare? Præsertim cum nullum similis loquutionis exemplum in tota sacra Scriptura reperiamus?

Secundò; si per septem spiritus intelligenda esset Spiritus sancti persona, in tribus personis Tri- nitatis, Patre, Filio ac Spiritu sancto designandis, ordo ab Scriptura & bona Theologia seruatus per- uerteretur. Quis enim ordo est dicere, Patrem, Spiritum sanctum, & Filium? atqui textus ait, *Gratia vobis & pax ab eo, qui est, & qui erat, &c. & à septem spiritibus, & à Iesu Christo*.

Tertiò; septem spirituum Dei mentio in hac dedicatoria epistola argumentum certè Apocalyp- seos respexit (vt iam diximus.) Atqui de Spiritus sancti persona, de quæ septem ipsius donis, con- textus postea non agit ex professo. Declaratio verò, quæ in hac salutatione ad libri argumentum non attendit, non omnino satisfacit.

His argumentis cogimur, vt seriò disquiramus, an aliquæ in Deo virtutes, siue attributa sint, quæ iuxta sacræ Scripturæ loquutionem, Spiritus Dei possint ac debeant nominari? Etenim, si inuenire- mus Diuinæ prouidentię perfectionem in septem virtutibus omnino consistere, quibus septem spirituum nomina ad amussim quadrarent, ac de ijs fusè in Apocalypsi agi; inficiabitur nemo, hos esse septem Dei spiritus, à quibus Ioannes gratiam ac pacem orat. Nam si in his virtutibus (seu attributis) Prouidentię perfectio sita est, qua Deus Ecclesiam moderatur; cum dictum iam fuerit, *Gratia vobis & pax à Iehoua*; nihil aptius, quàm nomini diuino mentionem septem illarum virtutum adiungere. Nomen enim Iehoua (vt latè explicauimus) nobis proponit ob oculos, Ecclesiæ Chri- stianæ opus à Deo institutum, ab illo prouehi, & ab eodem ad summam perfectionem esse perdu- cendum. Qua verò ratione hoc Deus efficiat, & perfecturus sit, id Ioannes sapienter indicat, factâ septem spirituum mentione. Per hæc enim attributa se Deus ostendit fortissimum, be- neficentissimum, æquissimum, ac sapientissimum in Euangelico spiritu, quem Christianæ genti largitur; nec non patientissimum, minacissimum, & seuerissimum erga Christianæ Ecclesiæ hostes.

In his verò virtutibus vniuersam Prouidentię perfectionem consistere, seorsum notatione 5. ostendam. Sed quædam hic præterire non debeo. Primùm de his septem virtutibus agi per ordi- nem in septem sigillis, à cap. 5. vsque ad 11. quæ nobilis valde est Apocalypseos pars. Atque adeò decorum mirifice seruatur, dum in epistola dedicatoria, pars adeò digna, atque notanda ex imis Apocalypseos vitceribus singillatim tangitur.

Secundò aduerto, me non esse primum, qui septem sigillorum mysterium cum mysterio septem spirituum idem esse affirmem. Sic enim disertè docent nonnulli auctores ex ijs, qui septem spi-

Septem spi-  
rituum ex-  
positio de  
peculiari  
aliquo an-  
gelorum se-  
ptenario  
nequaquam  
solida.

Opinio ex-  
ponentium  
septem spi-  
ritus de ipsa  
Spiritus  
sancti per-  
sona valde  
refutatur.

In Apoca-  
lypsi longè  
de septem  
spiritibus  
institui  
tractatio-  
nem.



ritus sumunt pro Spiritu, qui in ipso Deo est, & singillatim Rupertus.

Tertio noto, phrasim esse valde vsitatam, spiritum poni pro ea virtute, qua praesertim gubernator aliquis suos subditos regit, ac moderatur. Sic dicimus, hunc lenitatis spiritum; illum seueritatis gubernare. Consonat illud Pauli ad Galat. 6. num. 1. *In spiritu lenitatis.* Vide illud Esther 13. 2. *Voluit clementia & lenitate gubernare subiectos.* Si ergo spiritus apte gubernatoris virtutem significat: tot erunt perfectissimae gubernationis spiritus, quot virtutes necesse est in gubernatione perfectissima eluceant. Eiusmodi verò perfectionem in septem virtutibus sitam esse, nos docet Apocalypsis, & explicabimus notatione 5. & cap. 6.

Quarto, spiritus nomine praecipue appellari solet, quod occultum atque intimum est in ipsa gubernandi ratione: vt Paulus clare significat 1. Cor. 2. Quod caput illustrissimum est, & ad Apocalypseos mentem de septem spiritibus intelligendam, egregium. *Sapientiam, ait, loquimur inter perfectos; sapientiam verò non huius saeculi, neque principum huius saeculi, qui destruuntur: sed loquimur Dei sapientiam in mysterio, quae abscondita est; quam praedestinavit Deus ante saecula in gloriam vestram. Quam nemo Principum huius saeculi cognouit; si enim cognouissent, nunquam Dominum gloria crucifixissent. Sed sicut scriptum est, Quod oculus non vidit, nec auris audiuit, neque in cor hominis ascendit, quae preparauit Deus ijs, qui diligunt illum. Nobis autem reuelauit Deus per Spiritum suum. Spiritus enim omnia scrutatur, etiam profunda Dei. Quis enim hominum scit quae sunt hominis, nisi spiritus hominis, qui in ipso est? ita, & quae sunt Dei, nemo cognouit, nisi Spiritus Dei. Nos autem non spiritum huius mundi accepimus, sed Spiritum, qui ex Deo est, vt sciamus quae à Deo donata sunt nobis. Quae & loquimur non in doctis humana sapientiae verbis, sed in doctrina spiritus, spiritualibus spiritualia comparantes. Animalis autem homo non percipit ea, quae sunt Spiritus Dei. Stultitia enim est illi, & non potest intelligere; quia spiritualiter examinatur.* Haec tenus Paulus: qui proculdubio agit de nobilissima quadam doctrinae Evangelicae parte; quae docet, ne in externa illa facie Christi atque suorum, humilitatis, debilitatis, & inopiae offendamus; neque in oppugnatione, quam à mundo contemnente, & persequente patiuntur: sed potius agnoscamus in viua in Christum humilem atque inopem fide, in mundanae pacis, & optimae ac diuitiarum, vitaeque ipsius contemptione, in his (inquam) veram illam felicitatem, quam mundo fuerat verus Redemptor allaturus; in his sapientiam, in his libertatem ac dominatum, in his pacis abundantiam, in his diuitias, in his denique veram vitam, atque animi voluptatem esse sita. Atque hoc ait Paulus ignotum fuisse omnibus huius saeculi principibus; alioqui enim non Christum crucifixissent. Vbi principum nomine Dæmones intelligendi videntur. Verum quod Dæmones latuit, quid mirum carnales homines latuisse? Ea sanè felicitas, quae Deus in hac vita familiares suos beare statuerat, longè sublimior erat, quam vt externis sensibus, aut etiam humano captu percipi posset; quin imò dæmonum etiam cognitionem praeteruolabat. Neque satis erat, eam ex se esse magnam & admirandam, vt facile in hominum, aut saltem dæmonum cognitionem veniret. Imò verò, quo illa erat maior & mirabilior; eò erat magis abscondita; & neque eam capere homines sensibus ad terrena atque infima depressis, nec diuini consilij sublimitatem dæmones poterant attingere, *Quia neque oculus vidit, neque auris audiuit, neque in cor hominis ascendit, &c.* Verba sunt Isaiae, cap. 64. 4. quae Paulus in sensu literaliter affert, eadem enim de re agit Isaías; nempe de felicitate, quam Melchisedech in hac vita suis amicis erat largiturus. Atque hanc ingentem felicitatem affirmat Paulus à Spiritu Dei solum posse reuelari: erat enim arcanum in Diuino pectore penitus abstrusum; nec vlli praeterea, quam ipse Spiritui notum; atque ideo illi solum reueratur, qui Dei Spiritum participat. Haec expositio eo vel maxime confirmatur, quod mox additur; Spiritum nempe, quem Deus viris Apostolicis tribuit, non esse mundanum, sed diuinum; *vt sciamus quae à Deo donata sunt nobis.* Non ait, *quae donabuntur*, sed *quae donata iam sunt.* Atque ita non dubium est, quin de ingenti felicitate agat, quae in hac mortali vita spirituales viri perfruuntur; eo vel maxime tempore, quo eos mundus infectatur, & cum inopes, viles, & abiecti, atque ipsa totius mundi fax omnium oculis videntur. Congruit optimè, quod statim subdit Apostolus; *Animalis homo non percipit ea, quae sunt Spiritus Dei.* Quod verò ait, *Spiritualibus spiritualia comparantes*, significat se spiritualibus viris interpretari doctrinam spirituales, quae est res valde abscondita, & veluti quaedam apocalypsis. Itaque *comparare*, hoc loco est interpretari. Sic Theophylactus, qui graece nouerat melius, quam Erasmus: & pro verbo graeco *συγκρίνων*, saepe vertit vulgatus interpretari: vbi manifestè est sermo de ænigmatum, vel etiam difficultium somniorum interpretatione. Vide Genes. 40. & 41. & Daniel 5. Quibus locis haec phrasis saepius vsurpatur. Siquis verò malit, vt datius ille *Spiritualibus*, non ad homines, sed ad res referatur; sensus erit, Apostolum ad spirituales doctrinam explicandam, spirituali etiam ac mystico sacrae Scripturae sensu uti. Et haec tenus de loco Pauli; qui meo iudicio, est quasi vita & anima illius tractatus, qui de libri sigillis cap. 6. Apocalypseos instituitur, in quibus Deus suos septem spiritus reteggit, qui carnis oculis tantopere erant obtekti: atque ab his septem spiritibus petit Ioannes gratiam & pacem Evangelicam. Est autem magna animaduersione dignum, quemadmodum in Deo septem horum spirituum perfectio cum eorum cognitione coniuncta est; sic etiam suo modo illi veram Dei spirituum cognitionem conferri; qui diuini illius Spiritus fit particeps; id est, fortitudinis, beneficentiae, æquitatis, ac sapientiae Apostolicae. Sed de his latius, cap. 6.

Superest, vt obiectioni cuidam respondeamus, priusquam progrediamur vterius. Illa autem est huiusmodi: In nostra expositione septem Dei spiritus sunt Virtus, Beneficentia, Iustitia, Sapientia, Patientia, Comminatio, Seueritas; & ab his septem postulat Ioannes gratiam & pacem. Hoc verò difficultate non caret. Nam si strictè loquamur, non videtur ad septem hos omnes spiritus spectare, quod gratiam & pacem conferant. Nam spiritus seueræ ultionis non gratiam & pacem, sed ultionem & vindictam effundit: & spiritus seriae comminationis terrores iniecit ac minas: spiritus autem patientiae non tam largitur gratiam, quam cohibet vindictam. Imò verò largiri gratiam & pacem videtur propriè ad solam beneficentiam pertinere. Quo modo ergo postulatur gratia & pax à septem spiritibus, si nomine septem spirituum intelliguntur spiritus sapientiae, spiritus patientiae, spiritus terroris ac vindictae?

*Spiritum sumi interdum pro ea virtute, quae in aliquo gubernatione eminet.*

*Illustris Pauli locus ad septem spirituum doctrinam intelligendam.*

*Erasmus taxatur.*

*Qui dicit septem spiritus Dei.*



Respondetur gratiam & pacem tribuere, esse quidem proprium beneficentiæ munus, sed non solum: quia beneficentia ad suum benemerendi de hominibus officium aliorum spirituum exigit comitatum, & diligentibus Deum omnia cooperantur in bonum; atque ad eorum gratiam & pacem prodest, quod Deus patienter peccatores expectet, quod eos terreat, quod seueram de eis vindictam sumat. Et verò de patientia Dei expressit Paulus, ad Romanos 9. 22. dum ait, *Deum sustinuisse in multa patientia vasa ira apta in interitum, ut ostenderet diuitias gloriæ suæ in vasa misericordiæ, quæ præparauit in gloriam.* Ecce longanima expectatio Dei electorum suorum gratiam & pacem mirabiliter auget. Imò verò non sineret crescere paleam, nisi id tritici incremento proderet. Similiter dico, terrores de cælo prodesse electis ad gratiam & pacem; nec non etiam vindictam, quam Deus de peccatoribus sumit: non solum quod earum rerum animaduersio & consideratio spirituali iustorum incremento sit vtilissima; sed etiam quod Deo omnia suauiter disponente, cuncta ad electorum salutem referuntur: & vnius lapsus in alterius felicitatem cedit; atque huius obduratio, qui minis atque terroribus indurescit, initium est beneficiorum, quæ in alium conferuntur. Vnde ad Rom. 11. 15. *Amisio eorum, reconciliatio est mundi.* Et nota, hanc explicationem cum argumento Apocalypseos valde coherere. Etenim vna ex præcipuis rebus, quæ in ea aguntur, est, Patientiam, Comminationem, atque Seueritatem, quas Deus in Iudæos rebelles exercuit, in Gentilium felicitatem redundasse. Præterea, expectatione, comminatione atque supplicio, quibus Deus vsus fuit aduersus Gentes ac Romanum imperium, iisdem fuit ad Catholicæ Ecclesiæ prosperitatem vsus: atque in suorum electorum gratiam, & pro illorum pacis pulchritudine augenda, Deus cum suis hostibus bella gessit; ut in multis sacræ Scripturæ locis videre est. In quibus Deus pro suorum salute aduersus hostes describitur apprehendere arma & scutum. Præter hæc gratia atque pax Ecclesiarum ex eo etiam non parum pendet, quod Deus easdem Ecclesias expectet, comminationibus terreat, ac puniat etiam interdum. In multis enim offendimus omnes, & indigemus Dei patientia, comminatione ac seueritate.

## NOTATIO IV.

*An Tobia 12. num. 15. sermo sit de proprio septenario quorundam Angelorum, per quos Deus mundum gubernat.*

**R**EI C I M V S in commentario expositionem illam, quæ verba Ioannis, à *septem spiritibus*, ad septem Angelorum principes referebat. Id quod tum alijs rationibus, tum hac refutauimus, quod res esset incerta, nec solido aliquo fundamento posset stabiliri. Nunc quoniam locus ille Tobia 12. *Ego sum Raphael unus ex septem, qui adstamus ante Dominum*, nobis obijcitur ab ijs, qui contendunt septenarium illum non posse negari: idè visum est, eam quæstionem singillatim disputare; scilicet, An negari possit ille septenarius; & quomodo intelligendus sit Tobia locus?

Prima opinio negat septenarium illum proprium præcipuorum Dei ministrorum, ac proinde contendit, locum illum figuratè esse accipiendum. Hanc opinionem manifestè sequuntur ij interpretes, qui sacræ Scripturæ locos, in quibus de septem angelis, vel septem spiritibus sermo est, recusant exponere de proprio angelorum septenario. In his sunt Lyra, Carthusianus, & Hugo. Qui eos locos de angelis quidem exponunt; sed aiunt, per septenarium designari vniuersitatem & maximam eorum multitudinē. Deinde de præfinito angelorum septenario manifestè recusant exponere, qui per septē spiritus aiunt significari ipsum Spiritum sanctum propter septem gratiarum dona. Quamuis enim videatur violenta expositio; in eam tamen abeunt, fugientes ab angelorum septenario. Ii sunt Primasius, Ambrosius, Ansbertus, Anselmus, Beda, Rupertus, Haymo, Thomas, nec non Idacius Clarus; ut vidimus in commentario. Præterea similiter respuunt proprium angelorum septenarium, qui septem spiritus exponunt de ipsis Spiritus sancti donis: ut Victorinus Martyr, & plures alij Ecclesiastici & Hebraei apud Hieronymum Zachariæ 4. Idem etiam tacitè videtur negare Hieronymus Isaia 3. laudat enim Hebræos, qui sentiant alio atq; alio tempore modò hos, modò illos angelos Deo ministrare. Eidem opinioni valde fauent ferè omnes Doctores scholastici, dum de angelis ex professo tractantes, omnino prætereunt eum septenarium. Atque illi præsertim, qui ea expressè dicunt, quæ cum eo septenario nulla ratione possunt congruere; ut D. Thomas, qui ait, Michaëlem esse ex ordine principum; Gabrielem ex Arch-

**C** angelorum ordine, Raphaelē verò ex infimo ordine Angelorum. Atqui si Michael, Gabriel, & Raphael sunt tres ex illo septenario principum (ut omnes assertores septenarij præstiterunt) opus erat septem omnes esse ex eodem ordine, scilicet ex supremo. Si verò ex diuersis essent ordinibus; non quidem essent septem; sed nouem; cum constet totidem esse angelorum choros. Huic etiam sententiæ accedunt, qui Raphaelē aiunt fuisse Angelum custodem Tobia vel Saræ.

Rationes autem, quæ contra illum septenarium militant, huiusmodi sunt. Prima; quia proprius ille præcipuorum angelorum septenarius non est asserendus, nisi à sacra Scriptura doceatur: neque facile credi debet id in Scriptura asseri, quod plerique interpretes catholici aliter exponunt. Secunda; quia iste septenarius paucos habet ex Patribus patronos. Nam præter Clementem Alexandrinum & Aretam, à nullo alio antiquorum viderar asseri. Quamuis enim Aretas pro se citet Irenæum; eius tamen locus non inuenitur. Et fortasse exponi posset eodem modo, quo à plerisque exponitur locus Tobia. Tertia; loci sacræ Scripturæ qui pro angelorum septenario facere videntur, multò aptius aliter explicantur, ut videbimus infra. Quarta denique; multo magis Diuinam decet maiestatem, ut millia millium assistant ei ex præcipuis etiam ministris, præsertim si eorum ministerio conueniat ut mittantur eo modo, quo missus est Raphael: nam possent simul occurrere plurimæ finales occasiones, quibus simili ministro opus esset.

**E** Id quod ex eo inprimis confirmatur; quia Doctores illi, qui existimant in sacra Scriptura asseri proprium præcipuorum angelorum septenarium, consequenter dicunt, eos angelos mitti à Deo in terras, & nihilominus eos esse curiæ cælestis magnates, à quibus meritò postuletur gratia & pax, secundum Deum. Atqui doctrina hæc pugnat cum recepta Theologia. Doctores enim scholastici Dionysij Areopagitæ vestigijs insistentes, aiunt Cherubinos & Seraphinos non mitti ad homines. Quare illi septem, qui mittuntur, non possunt esse ceterorum omnium Angelorum antesignani. Atque adeò à Seraphinis potius, quam ab illis postulanda erat

gratia

Peculiarem  
Angelorum  
septenarij  
qui regunt.



Angelorum  
septenarii  
qui adstun-  
ant.

gratia & pax, utpote coniunctionibus Deo.

Secunda opinio est, in loco Tobia sermonem esse de proprio septenario Angelorum, & eos esse præcipuos diuinæ providentiæ ministros. Huius opinionis auctores sunt Clemens Alexandrinus lib. 3. Stromatum, Aretas Apoc. 1. ubi pro se adducit Irenæum; & ex iunioribus Ribera ac Viegas Apocal. 1. & Serarius Tobia 12.

Pro eadem opinione citari possunt ij, qui septem planetis septem Angelos præficiunt; (inter quos numerant Michaëlem, Gabrielem, & Raphaëlem) & singulis eorum certam periodum annorum tribuunt. Qua de re latè scripserunt Trithemius lib. de Secundis, Cornelius Agrippa lib. 3. de occulta philosophia, Ioannes Basilii Heroldus, Theodorus Gramineus Colonienfis; & Michael Aitsingerus Austriae in suo Pentaplo; & aiunt esse veterum Hebræorum traditionem. Et citant Abrahamum quendam Abenezra. Quod si abstrahamus ab annorum periodis, & à nominibus Michaëlis, Gabrielis, &c. huic eadem opinioni multi peripatetici subscribunt, qui singulis cælis singulas præficiunt intelligentias; atque adeo septem planetis septem angelos præcipuos. Præterea extat libellus Neapoli editus anno 1594. de septem principibus Angelorum Deo adstantibus cum orationibus singulorum; & constat in Sicilia in dicecesi Panormitana esse antiquum templum septem principibus Angelorum dicatum.

Rationes verò ad prædictum angelorum septenarium affirmandum hæc sunt. Prima; quia sæpius repetitus numerus septenarius, in re præsertim historica, omnino videtur propriè accipiendus. Atqui legimus Angelos septem Tobia 12. 15. & Apoc. 8. 2. ubi septem Angelis in conspectu Dei stantibus, dantur septem tubæ, & cap. 15. 7. Angelis septem dantur septem phialæ, & cap. 17. 1. & cap. 21. 9. Legimus etiam septem spiritus Dei in conspectu throni, Apoc. 1. 4. & cap. 3. 1. & cap. 4. 5. & cap. 5. 6. & Zacharie 4. 10. Quod verò in his locis per Spiritus intelligentes septem angeli; videtur efficaciter probari, ex eo quod idem spiritus appellantur septem Angeli in locis supra dictis, nempe cap. 8. & cap. 15. Apoc.

Secunda ratio est; quia virtutes principales, ad quas ceteræ omnes reuocantur, sunt septem; nempe tres Theologicae, Fides, Spes, Charitas; & quatuor Cardinales, Prudentia, Iustitia, Fortitudo, Temperantia. Ergo ex ijs Angelis, qui diuinæ providentiæ in hominum salute procuranda ministrant, septem debent esse principes; ut singuli singularum virtutum præcipuam curam gerant. Et confirmatur à simili: nam & Dæmon humani generis hostis præcipuos septem Dæmones capitalibus vitijs præfuisse creditur; ut ex Antonio apud Athanasium, & ex Sereno apud Cassianum probat Serarius Tobia 3. quaestione 6. Similis ratio afferri potest ex septem donis Spiritus sancti; vel ex septem virtutibus, quæ septem vitijs capitalibus opponuntur; vel ex præcipuis diuinæ providentiæ attributis, quibus Angeli præsertim seruiunt: nam & attributa sunt septem (ut videbimus notatione proxima.) Et vero simile est, quamlibet diuinam virtutem suam habere exercitum Angelorum; atque adeo vniuersam militiam cæli in septem exercitus distribui, & singulos singulis exercitibus duces.

Denique secunda hæc opinio adeo placet nonnullis, ut dicant eam non posse nisi impie negari. Nihilominus tamè prima opinio non solum est tuta, sed etiam multò communior atque receptior. Et quidem, si auctores & rationes respicias; utrinque satis munita. Addo etiam Serarium, cui opposita placebat, postea dubitare; ait enim forsitan septem angelos coram Deo adstantes non esse eosdem semper; sed alios atque alios. Ita ille quaestione 7.

Sed veniamus ad locum Tobia 12. & expendamus, quam vim habeat pro secunda opinione. Verba Raphaelis sunt; *Ego sum vnus ex septem, qui adstant ante Dominum*, non ait se esse ex principibus Angelorum; sed ex Angelis septem, qui adstant ante Dominum. Adstare autem ante Dominum commune est omnibus Angelis: iuxta id Danielis 7. 10. *Decies centena millia assidebant ei*. Et confirmatur ex omnibus, quæ adducit Serarius quaest. 9. ut explicet,

A quid sit adstare ante Dominum. Adde, quod ex ipsa legatione apparet Raphaëlem non esse ex summis principibus, ut sapienter expendit D. Thomas 2. 2. sent. distinct. 10. Locus ergo non spectabat ad præcipuos quosdam ministros; sed ad omnes Angelos Deo assistentes, & ministrantes. Angeli enim superiores nulla ratione sibi solis arrogabunt dignitatē & munus adstanti Deo. Quare non est ad rem examinare, an principes Angelorum sint septem; sed potius explicare, quomodo omnes Angeli aptè appellentur septem. Si enim huius appellationis conueniens ratio reddatur; haud dubiè is erit legitimus loci sensus.

B Prima ergo explicatio est Lyrani, Hugonis & Carthusiani; qui aiunt septenario numero solere denotari vniuersitatem. Verum huic explicationi obijciunt; ineptè id fieri, nisi peculiari aliqua ratione vniuersitas tota ad septenarium reuocetur; ut ostendimus in commentario huius capituli, versu 4.

C Sit igitur secunda explicatio, regis consiliarios, & similiter etiam regis ministros, in Scriptura appellari septem, per allusionem ad consiliarios, & ad intimos ministros regum Persarum. Vide 1. Esdræ 7. num. 14. & Esther 1. num. 13. ex quibus locis constat supremos regni Persici consiliarios fuisse septem; qui ex more regio, regi semper aderant, & illorum faciebat cuncta consilio. Et appellantur septem duces Persarum atque Medorum, qui videbant faciem regis, & primi post eum sedere soliti erant. Ex capite etiam 1. Esther num. 10. similiter constat, intimos regis ministros, qui in conspectu eius ministrabant, fuisse septem; eosque omnes eunuchos iuxta antiquam consuetudinem. Quibus positis nota ex Serario Tobia 12. quaest. 8. non fieri in sacra Scriptura mentionem septem angelorum, nisi postquam Israelitæ viderunt in aula regum Persicorum septem consiliarios & totidem cubicularios. Cum verò constet, regios cubicularios regni Persici fuisse septem; facile intelligitur illos fuisse appellatos septem viros: (Hispani eos appellarentur, *los seises*.) Cum enim ad dignitatem aliquam certus aliquis virorum numerus statutus est; sæpè vñ venit ut numerus ipse pro dignitate sumatur; huiusmodi apud Latinos triumviri, decemviri, quindecimviri. Et contingit etiam, ut augeatur postea numerus; & nihilominus primi numeri nomen apud ipsos remaneat: Senatores enim apud Hispanos appellantur 24. *los veintiquatros*, quamvis centenarium numerum conficiant; & pueri cantores in primariis templis sex appellantur, *los seises*. Quia sex primò designati sunt. Et manet senarii nomen, quamvis crescat postea numerus; adeo ut si quis apud Hispanos dicat, *los Cherubines son los seises de la capilla del Cielo*; quamvis verba sonent in musica cælesti Cherubinos esse sex vel senos; nemo tamen, qui phrasim intelligat, suspicatur sit Cherubinorum numerum ad senarium coarctari; sed eorum solum significari officium, & in diuinis laudibus suauitatem. Si ergo quauis Cherubini sint millia millium, per allusionem ad pueros cantores appellantur sex, vel seni; quid mirum, Angelos omnes, qui adstant ante Dominum, appellari septem; si ad cubicularios regni Persici alluditur?

D Porro allusionem apertè conficitur Serarius: quin & Aristot. lib. de mundo ad Alexandrum post medium, tradit maiestatem & providentiam regum Persarum fuisse imaginem quandam Diuinæ maiestatis & providentiæ; atque idem affirmat Apuleius; quod ab Aristotele fuit mutuatus, quamvis eum non referat. De quo videri potest libellus de regio Persarum principatu, ex aduersarijs Barnabæ Briffonij folio 64. & 65. ubi affert verba Aristotelis & Apuleij?

E Eadem omnino ratione Apocalypseos 4. & sæpè alibi, Christiani sacerdotes nuncupantur viginti quatuor seniores; & in visione viginti quatuor seniorum figurati sunt, per allusionem ad viginti quatuor principes Salomonici templi, de quibus 1. Paralip. 24. ubi appellantur Principes Dei, & Principes Sanctuarij. Et magis festum est ex ipsa figura, eos præfiniti numeri nomen accipere; quantumvis eorum

Per septenarium quamdo & quomodo vniuersitas significatur.

Cur angelorum septenarii toties in Scriptura usurpentur.

Quo ex ratione angelorum septenarii in Scriptura usurpantur.

Ratione probatur eadem opinio.

Expenditur Tobia locus de septem Angelis.

Cur Apoc. 4 Seniores viginti quatuor esse dicantur.



numerus in multa millia extendatur. Quemadmodum igitur quivis Christianus sacerdos potest iure optimo dicere se esse unum ex viginti quatuor senioribus, de quibus Apocalypsis, (nimirum, quia in ipsis sacerdotalis dignitas figuratur, ut eo loci videbimus;) sic Raphael verè ait, se esse unum ex septem cubicularijs regis supremi, accepto numero pro dignitate; scilicet quia septem illi regis Persarum cubicularij in conspectu regis ministrabant, videntes faciem eius; ut habetur Esther 1. 10. ex quo aptè desumpta fuit allusio ad Angelos significandos, qui semper vident (ait Christus Matth. 18. 10.) faciem patris mei, qui in celis est. Quod quia non est peculiare septem principum privilegium, sed communis omnium Angelorum dignitas; ideo de omnibus Angelis (sine dubio) loquitur Raphael.

Prædictam explicationem huius loci veram ac germanam reputo. Ceterum ad maiorem rei copiam & abundantiam, alteram subiiciam, quæ alicui fortassis non displicebit; Raphaelen scilicet loqui de septem Dei spiritibus, de quibus diximus agere Ioannem in illis verbis a septem spiritibus, qui in conspectu throni eius sunt, Apocal. 1. 4. Quamvis enim Angeli non sint ipsi spiritus Dei, sed spirituum Dei ministri; nihilominus sapientissime in sacra Scriptura loquuntur ex persona Dei; ut cum aiunt, Ego Dominus (ut Genes. 16. 9. 10. & Iudicum 13. n. 12. 14. 16. & sæpe alibi.) Dicere ergo se esse Gabrielem (loquendo ex persona Dei) perinde est, ac dicere se esse Deum fortem, seu Dei fortitudinem. Similiter dicere se esse Raphaelen, perinde est ac dicere se esse Deum benignum & salutarem. Quare, si Dei spiritus sunt septem; atque ex eis unus est Virtus seu Fortitudo, alter Beneficentia: qui beneficentiam ut ipsius minister repræsentat, rectè potest dicere se esse unum de septem Dei spiritibus. Hæc expositio satis erat consentanea, si diceret Raphael, Ego sum unus ex septem Dei spiritibus. verum non ita dicit; sed, ego sum Raphael Angelus, unus ex septem, qui adstant ante Dominum. Quod si Angelus Divinæ beneficentiæ personam ageret; videtur non potuisse dicere, se esse Angelum, qui adstat ante Deum: quia Dei beneficentia neque est Angelus, neque ante Dominum adstat?

Huic tamen obiectioni dici posset, voci Angelus non semper in Hebræo respondere מַלְאָכִים (malac) quod propriè significat nuntium, siue legatum: interdu enim, ubi nos legimus Angelus; in Hebræo legitur אֱלֹהִים (elohim) & in plurali (elohim,) ut Psal. 8. num. 8. Minuisti eum paulò minus ab Angelis. (Quod citat Paulus ad Hebr. 2. 7. & 9.) & Psal. 96. 8. Adorent eum omnes Angeli eius, & Psal. 137. 1. In conspectu Angelorum psallam tibi. Et Osæ 12. 3. Directus est cum Angelo. Si ergo accipiatur Angeli nomen, ut responderet huic voci elohim, siue elohim; apprimè decet ut spiritus Dei, qui sunt Virtus, Beneficentia, Iustitia Dei, &c. appellentur elohim. Hæc enim vox propriè significat iudices. Vnde Deo vero, & omnibus, qui præfunt, sapientissime tribuitur id nomen. Et præterquam quod hoc est frequens Dei nomen in Scriptura; inest insuper eidem nomini peculiaris elegantia ad Divinæ providentiæ attributa significanda; dum considerantur quasi septem regni consiliarij, ex quibus supremum Providentiæ consilium, atq; tribunal constat. In hac consideratione, nihil est aptius, quam eos Dei spiritus appellare Elohim: hoc enim nomen propriè sonat iudicem seu gubernatorem. Quamobrem hoc nomen videtur Angelis tribui; non tam ob suam celsitatem, quam ob Dei figuram siue personam, quam sæpe agere describuntur; dum dicunt, Ego Dominus. Et nomina Michaelis, Gabrielis ac Raphaelis ex se videntur exposcere; ut quando cum Angeli nomine coniunguntur, tunc nomen Angeli accipiat, non ut significat nuntium, sed ut est idem quod Eloha. Qui enim dicit, Ego sum Raphael, (quod idem sonat, ac Deum salutarem;) siue Ego sum Gabriel (id est Deus fortis;) perspicuum est illum non solum se Dei nuntium appellare; sed loqui etiam Dei nomine, personam illius agendo: atque ideo aptissime appellat se Elohim.

Huc accedit, quod licet hæc Malac in hebræo scri-

ptum esset (quod propriè significat nuntium siue legatum) poterat nihilominus qui se appellat Raphaelen, id est, Deum salutarem, dicere, Ego sum Angelus Raphael; id est, legatione Raphael, quod idem est, ac sua legatione Deum salutarem repræsentare. Sic apud Paulum Vocatus Apostolus, idem est ac vocatione Apostolus, & fortasse etiam ipsi spiritus Dei, (id est, Virtus, Beneficentia, &c.) quemadmodum a Deo mitti dicuntur, dici etiam possunt Angeli seu legati. Quia & Christus appellatur in sacra Scriptura Angelus; & secunda ac tertia persona Trinitatis dicuntur mitti. Quare, dū divini spiritus nomine loquitur, potuit eius legatus dicere, Ego sum Angelus Raphael. Neque obstat, quod ait, se esse ex ijs, qui adstant ante Dominum; quia spiritus etiam Dei, qui verè sunt in Deo, figurata loquutione rectè dicuntur adstare, siue esse in conspectu throni: ut vidimus in commentario versu 4.

Addo huc, in sacrarum literarum fecunditate utramque expositionem habere locum; atq; in prima quidem fieri allusionem ad septem Assueri regis cubicularios; in secundam vero ad septem consiliarios eiusdem, siue sapientes. Et hæc de loco Tobie.

Ad argumenta verò initio proposita facilis est responsio. Ad primum responderetur non minus frequenter repeti viginti quatuor seniores, quam septenarium Angelorum: atque adeo non esse inconueniens, ut figurata loquutio sæpius iteretur. Et ex locis quidem Apocalypseos, ubi de septem spiritibus, non aptè desumitur argumentum ad probandum Angelorū septenarium: quia Theologia symbolica non est argumentatiua. Et in commentario explicui, eos locos de septem providentiæ attributis, atque idem dico de loco Zachariæ. Quod verò obijciatur, eosdem spiritus in Apocalypsi Angelos appellari; ad id respondeo, non esse eosdem qui Angeli nominantur, & qui nominantur spiritus. addo etiam alios esse Angelos tubarū, & alios Angelos phialarum; & neutros esse ex ijs, qui propriè appellantur Angeli, ut suis locis videbimus.

Ad secundam rationem responderetur, virtutes esse in se connexas; ac propterea non videri conueniens, ut cura unius virtutis ad unum Angelum pertineat, & cura alterius ad alterum: sed de omnibus singuli curam gerant. Et confirmatur; quia singulis hominibus peculiaris Angelus custos assignatur. Si igitur qui proximè de omnibus unius hominis virtutibus curam suscipit, est unus; generatis etiam cura non est distribuenda per septem, sed omnibus pariter incumbit. Alioqui oporteret septem Angelos custodes singulis hominibus assignari, singulos singulis principibus subordinatos. Ad simile vero, quod ex Dæmonibus adducitur, Responderetur; diuisionem illam Dæmoniorum in septem spiritus vitij septem capitalibus præpositos, non esse distinctionem realem (ut Philosophi loquuntur) sed formalem. Nec enim necesse est, singulos ad singula vitia figillatim destinari; cum quilibet sit, homines omnium vitiorum suggestionibus oppugnandi peritissimus: sed in eodem Dæmone septem hi spiritus denotant septemplex tentandi rationem. Multò enim verisimilius est, eosdem esse Dæmones, qui ad omnia vitia nos pellicere conantur; ut dicam Apoc. 12. ubi de septem capitibus Draconis. Ad aliud verò, quod additur de septem Spiritus sancti donis, & de septem spiritibus, quæ septem capitalibus vitij opponuntur; Responderetur, ex his septenarijs non bene colligi unum Angelorum principum septenarium; sed aut plures septenarios diuersos, aut nullum. Quare argumentum nihil probat, quia plures esse septenarios, nemo contendit.

Ad distinctionem autem illam, quæ fingi potest septem exercituum Angelorum, ut singuli singulis Dei spiritibus ministrent, Responderetur, si Angeli in septem classes essent distributi, tunc quidem in quolibet seorsum classe esset unus Angelus ceterorum princeps & antesignanus; præsertim si omnes inter se specie distinguuntur. Ceterum diuisio hæc Angelorum in septem illas classes non est verisimilis; primò, quia licet in aliquot Dei operibus unus spiritus plus alijs eluceat; in alijs tamen multis plures spiritus æquè splendent: atque adeo qui Angelus in

illo

Altera septenarij Angelorum numeri explicatio.

Angeli in Scriptura sæpe ex persona Dei loqui.

Angeli nomini quæ voces in Hebræo respondent.

Elohim quid propriè Hebræis sonet.

Raphaelis & Gabrielis synonym.



illo opere ministrat, non plus huic spiritui, quam illi famulatur. Deinde quia quilibet Angelus suapte naturā æqualiter est idoneus ad omnibus spiritibus ministrandum; nec est, cur aliqui singillatim destinentur ad vni tantum spiritui famulandum, cum omnes sint ad cuiusque spiritus Dei iussa exequenda promptissimi. Quare, sicut in Dæmonibus nuper diximus, eundem sæpè esse, qui homines per luxuriæ blandimenta, & per superbiam fastum, aut alterius vitij incitamenta oppugnat; ita è contrario de Angelis in Dei famulatu philosophandum est. Nec contra hoc facit, quod Angelorum quidam appelletur Gabriel, alter Raphael, &c. hæc enim nomina non ijs indita sunt, quod proprium eorum munus sit huic potius spiritui, quam alij famulari (verbi gratia, Fortitudinis Dei, potius quam Beneficentiæ); sed quod in ea apparitione, quæ de illo in Scriptura singillatim recensetur, enituit maximè virtus illa diuina, quam ipsius Angeli nomen præfert.

Accedit demum non omnes fortasse spiritus, siue Dei prouidentia virtutes, si propriè & strictè loquamur, Angelorum famulatu vt: quia ad differentiam punitionem (quod proprium est patientiæ seu longanimæ expectationis) superuacuum omnino videtur esse Angelorum ministerium.

Ad auctoritatem Clementis Alexandrini, Aretæ, & aliorum, qui proprium Angelorum septenarium affirmabant; Respondetur plures esse, qui cum negent. Libri verò & imagines, quæ pro septenario Angelorum adstruendo afferuntur, non nituntur communi aliqua Ecclesiæ Catholicæ doctrina; sed peculiari alicuius, vel aliquorum opinione. Licet autem opinio illa in communi considerata probabilitate non careat, cum pro se habeat Clementem Alexandrinum, Aretam, & aliquos ex doctis recentioribus; multò tamen probabilior est opposita sententia. Et saltem in nominibus aliquot ex septem illorū Angelorum cautè procedendum est: nam in Concilio quodam Romano, cui præfuit Zacharias Papa, asseritur Romanam Ecclesiam repudiare peculiaria omnia nomina Angelorum; exceptis tribus illis, Michael, Gabriel, Raphael, quæ in sacra Scriptura habemus expressa.

Huius Concilij meminerunt Martinus del Rio de Magia lib. 1. cap. 4. quæst. 4. Serarius Tobia 12. f. 177. Surius in vita S. Bonifacij mense Iunio folio 598. &

A Baronius to. 9. Annalium, fol. 153. C. & anno Christi 745. fol. 179. vbi etiam refert, eandem doctrinam de tribus tantummodo Angelorum nominibus recipiendis, haberi in capitularibus Caroli Magni lib. 1. c. 16. Verum est tamen, hoc quod ex Concilio illo Romano adducitur, adhibita aliqua moderatione videri intelligendum esse; scilicet ne recipiantur Angelorum nomina, quæ certa aliqua sacre Scripturæ historia non nituntur. Neque enim dissonum est Vriem appellare eum, qui in igne Moyfi apparuit, Exod. 3. 2. Vriel enina sonat idem, quod ignis Dei; & Vrielis nomen recipiunt Ambrosius 3. de fide ad Gratianum, cap. 2. Isidorus lib. 7. Etymol. c. 5. Missa Æthiopica (quæ habetur tom. 4. Bibliothecæ sanctorum Patrum) necnon Albertus Magnus, & sanctus Bonaventura. Et confirmari potest ex precibus Græcolatinis, alijsq; nonnullis, quæ refert Serarius Tobia 12. quæst. 14. quibus addit Durantium de ritibus Ecclesiæ lib. 2. num. 22. Andreæ cap. 22. commentariorum, quos in Apocalypsin scripsit; Pradum in Ezechielem cap. 1. sectione 10. Valuerdum in Alaphabeto Salomonis fol. 64. Sixtum Senensem lib. 2. verbo Ioseph. Vide etiam historiam Suri, an. 1544. mense Februario, vbi de sepulchro Mariæ filia Stilonis.

B Propter hæc, videtur non esse respuendum Vrielis nomen; ita tamen vt ei Angelo tribuatur, quem in igne apparuisse certum sit ex libris Canonicis. Vriel enim ille, de quo 4. Esdra 4. 1. & cap. 5. 20. & cap. 10. 28. apocryphus est; sicut & Ieremiel, de quo 4. Esdra 4. 37.

C Quod si hæc nomina respuenda sunt, quanto magis ea, quæ non alio nituntur fundamento, nisi Hebraeorum fabulis; cuiusmodi sunt nomina, quæ intelligentijs ælorum morticibus tribuunt Trithemius, Cornelius Agrippa, Theodorus Gramineus, & Aitsingerus? Quis porro non videat ridiculum esse Gabrielis, Raphaelis & Michaelis nomina inter earum intelligentiarū nomina connumerare? Quasi verò Gabriel ille, ac Raphael, qui Danieli & Tobia apparuerunt; cælos mouendos alijs commiserint, dum legatione fungebantur. Si verò quis respondeat eadem nomina tribui posse alijs, atque alijs Angelis; saltem negari non potest, quin mutatio illa nominum vana sit.

Concilij Romani verba que sensu accipienda.

Vriel, Angeli nomen, quid sonet; quodve auctoritatis pondus habeat.

Angelorum nomina, quæ Hebraeorum fabulis nituntur, respuenda.

## NOTATIO V.

### De septem Virtutibus siue attributis, in quibus consistit integra Prouidentia perfectio.

SEPTEM spiritus Dei, de quibus agit Apocalypsis, exposuimus in commentario de septem perfectionibus; in quibus perfectissimam Dei prouidentia consistere diximus. Non quod in Diuina natura partitionem aliquam seu diuisionem ponamus; sed quod de rebus diuinis loquamur iuxta imperfectum nostrum intelligendi modum; qui quod simplicissimum in se est, quasi diuisum ac partitum significamus, vt ipsius effectuum diuersitatē explicemus. Hanc ob rem, vt ad præfinitum numerum diuinæ prouidentia perfectiones reducimus, oportet generatim agere de virtutibus ijs, in quibus perfectissimi moderatoris & gubernatoris ratio consistit; eadem enim suo modo diuinæ prouidentia tribuendæ sunt. Prouidentia namq; Dei nil aliud est, quam suprema illius gubernatio.

Virtutes igitur gubernatoris propriè & strictè loquendo eas appellamus, in quibus sita est gubernatoris ipsius perfectio; quatenus gubernator est. Aliæ quidem virtutes sunt, vt constat, quibus homo instructus & munitus esse debet; vt quia homo est, sit optimus & integerrimus. Eiusmodi sunt abstinentia in cibo & potu, effrenatarum cupiditatum moderatio, assidua precandi consuetudo, atque alia id genus. Quæ tamen licet ad gubernatorem spectent; non verò qua parte gubernator, sed qua homo est.

D Neque idem sunt, sed valdè diuersa inter se; esse aliquem probum hominem, sanctimoniamque studiosum, ac esse optimum gubernatorem. Quare homines erunt nec pauci, qui ieiunijs, precationibus, & corporis macerationi strenuam nauent operam, atque adeo in suis ipsi penitentialibus probi ac sancti sint; quos tamen non ideo idoneos esse gubernatores dicemus.

E Vt igitur ad Principis virtutes, quatenus Princeps & moderator est, veniamus; assero illas esse quatuor præcipuas, & per se primò requisitas, nempe præclaram sapientiam, ingentem fortitudinem, magnam æquitatem, & liberalem beneficentiam. Quibus tres alias per occasionem necessariò debere adiungi propter improborum duriciem ac peruicaciam. Eæ sunt, longanima expectatio, seria comminatio, seuera punitio. Itaque virtutes omnes, ad quas perfectissima gubernatio reducitur, sunt omnino septem; Sapientia, Fortitudo, Beneficentia, Iustitia, Patientia, Comminatio, Seueritas.

Diximus autem quatuor priores esse præcipuas, in quibus gubernandi perfectio per se primò posita est; quia Patientia, Comminatio, & Seueritas, non in eos necessariæ sunt, qui se Principi sponte subijciunt, eumque diligunt, & obsequant; sed in eos, qui se duos & obstinatos exhibent. Atqui huiusmodi ex

Quot, & quæ sint optimi gubernatoris virtutes.

Quæ primaria gubernandi partes in principe, quæ secundaria.

In Concilio Romano, prætor tria Angelorum nomina, cetera reuelanda.

Quæ gubernatoris virtutes appellantur.



subditis esse multos, qui Principis iussa renuant, licet certo futurum esse constet (quæ hominum est ad malum proclivis natura) id tamen nec per se erat necessarium, nec ex Principis intentione ac voluntate accidit. Quam ob rem, quod attinet ad eam gubernationis partem, quam in improbos & sceleratos exercere debet; illud non primò & directè est necessarium ad optimam gubernationem; sed secundarium & per occasionem adiunctum ad improbos inhibendos vel puniendos. Fiet hoc subiecto exemplo illustrius. Promisit Deus suo populo, se illi perfectum regem Christum, scilicet saluatorem missurum. Primum ac præcipuum in hac promissione, ut constat, est, Messiae dotes & admirandas facultates depingere; quibus eos omnes bearet, qui se illi subicerent, & obsequentes præstarent. De his igitur solum facultatibus sermo est, quando Messiam recipientibus promittitur maxima felicitas. Ceterum quando agitur de eorum perniciacia & obstinatione, qui se illi submittere noluerint; oportet, ut de alijs Messiae partibus agatur. Primas igitur gubernationis partes quatuor esse affirmo; secundarias verò tres; atque adeò integram perfectionem septenario contineri, ut sequenti ratiocinatione explicabitur.

Primas illas esse quatuor sic doceo. Gubernatoris virtutes omnes, suorum subditorum felicitatem spectant. Omnia autem, quæ subditi à Principe sibi optare possunt, in his continentur; nempe ut princeps se illis æquum, ut etiam Beneficum ostendat. Ad quæ duo omnia reuocantur, quæ ab illo sibi possunt exoptare. Hæc sunt, quæ toties sacra Scriptura repetit sub nomine Misericordiae, & Veritatis. Misericordia enim est Beneficentia; Veritas autem idem quod Iustitia. Atque idem sensus iustitiæ & pacis; quæ solent aliquando coniungi. Nam pacis nomen in sacris literis omnem felicitatem significat. Itaque qui Principi subiecti esse volunt, nihil aliud ab illo sibi ipsi exoptare possunt, nisi ut in eos & æquitatem seruet & beneficia conferat. Enim verò non sufficit, ut illis utrumque præstare velit; si tamen non possit, aut nesciat. Possè autem dico, non solum physicā (ut aiunt) potestā, sed etiam pari animi magnitudine; quod est virtutis: scire quoque dico, non solum theoreticè (quod aiunt) sed etiam practicè, id est, mirabili valere consilio & sapientia ad ea dirigenda, quæ reipublicæ conueniant; quod est summæ prudentiæ. Quod si Principi & potestas sit, & sapientia; nihil planè deest ad subditorum felicitatem. Possè igitur Fortitudinis est: sapere verò Sapientia. Atque adeò in quatuor hisce virtutibus Sapientia, Fortitudo, Beneficentia, & Æquitate includitur quicquid requiritur ad primam illam atque potissimā gubernationis partem, quæ fidelium subditorum felicitatem spectat.

Dicit aliquis, has quatuor virtutes ad tres reduci potuisse; scilicet ad Potentiam, Sapientiam, & Sanctitatem seu Bonitatem. Respondeo, licet Beneficentia & Iustitia possent sub Bonitatis nomine includi; illas tamen esse inter se diuersas, & præsertim in gubernatione distinguendas. Sunt enim in reipublicæ rectoribus valde diuersi spiritus (ut aiunt) dum alius adeò propendet ad beneficentiam, ut in ea sitam esse putet suæ gubernationis excellentiam; alius omnino ad iuris æquitatem inclinat, & in ea præsertim excellere gessit. Atque adeò cum de gubernatoris virtutibus agitur, oportuit has duas inter se distinguere. Quamobrem stemma insignium optimi principis egregium, erit clypeus quadam veluti cruce in quatuor partes distinctus, in quarum singulis singula eluceant symbola; in alia, Fortitudinis; in alia, Sapientia; in alia, Beneficentia; in alia, Æquitatis.

Porro evidens est, sacras Literas sæpe ad quatuor harum virtutum distinctionem habuisse respectum. Atque inprimis illustrissimus est Isaia locus cap. 9. num. 6. & 7. Parvulus natus est nobis, & filius datus est nobis. Et factus est principatus super humerum eius: & vocabitur nomen eius admirabilis consiliarius; Deus fortis; Pater futuri seculi; Princeps pacis. Super solum David sedebit, ut confirmet illud in iudicio & iustitia usque in sempiternum. Manifestè agit Propheta de absolutissima gubernandi ratione, quæ erga suos Messias ostendit.

A furus erat, ad veram eorum, qui ipsi sunt recipientes, felicitatem. Vbi rectè notat Forerius admirabilis esse adiectivum nominis Consiliarius; atque adeò coniungenda esse hæc duosicet & illa, Deus fortis. Quæ igitur aptiora verba ac significantiora apponi potuissent ad summam in gubernatione sapientiam, quam illa, admirabilis consiliarius. Quidve maioris momenti in reipublicæ moderatione, quam Principem excellenti prudentia ac sapientia esse prædictum; & congruentissimam rationem atque admirabile consilium inuenire, ad suæ intentionis finem in optima reipublicæ administratione; ethicaciter assequendum? nempe ut subditi re ipsa iucundissimos beneficentiæ & æquitatis fructus percipiant. Potestne quidquam felicius aut fortunatius reipublicæ contingere, quam eximia hæc & singularis Principis sapientia? nihil sanè.

B Atque in illa phrasi, admirabilis consiliarius, videtur fieri allusio ad mirabile Salomonis consilium, de quo 3. Reg. 3. 24. Afferte mihi gladium, effectus autem consequutus inde fuit is, quem textus mox subijcit numer. 28. Audiuit itaque omnis Israel, & timuerunt regem, videntes sapientiam Dei esse in illo. Vnde intelligitur nihil esse, quod tantam Regi auctoritatem conciliet, aut quo ille plus à subditis colatur & observetur; quam optimam de ipsius consilio ac sapientia existimationem.

C Deinde ad Fortitudinem indicandam, quid magis solidum & expressum, quam Deus fortis? adiectivum enim & substantivum mirifice coherent. Nam ipsum Dei nomen Hebraicè Virtutem & Fortitudinem denotat: *gaber* autem (quod est adiectivum) gigantem, qui ceteros antecellit, significat; ut bene ibi Forerius.

Iam Beneficentia quo alio modo posset elegantius explicari, quam illis verbis, futuri seculi (sive Christiani populi) pater? Quo alio nomine, quam patris, mirifica benefaciendi voluntas appellari congruentius potuisset? & quid est esse Christiani populi patrem, nisi erga suos omnes & erga singulos paternam esse beneficentiam? Addit verò deinde Propheta, princeps pacis; quod idem est, ac summopere beneficentis; atque idem statim reperitur, ac magis ponderatur. Multiplicabitur eius imperium; & pacis non erit finis. Est autem sacra Scripturæ familiare, pacis nomine prosperitatem omnem denotare: atque adeò auctor pacis idem est, ac omnis prosperitatis reipublicæ auctor.

D Denique ad magnam æquitatem sive iusticiam, qua Christus suos erat fideles resturus, manifestè spectant illa verba, Super solum David sedebit; ut confirmet illud & corroboret in iudicio & iustitia usque in sempiternum.

Has easdem quatuor Messiae virtutes regius celebrat Psaltes Psal. 71. & Psalm. 144. & utrobique nomen illud Mirabilia ad eandem est significationem referendum, quæ dixit Isaia, Admirabilis Consiliarius.

E Præterea in nominibus quatuor maiorum Prophetarum voluit Deus, ut harum quatuor virtutum mysterium includeretur. Nam Isaia idem sonat ac Domini salus: Ecce Dei Beneficentiam. Ieremias, Celsitudo Domini: Ecce Consilium mirabile; iuxta illud Isaia 55. 9. Sicut exaltantur celi à terra, sic exaltata sunt viæ meæ à vijs vestris, & cogitationes meæ, &c. Ezechiel, Fortitudo Dei: Ecce virtutem. Et Daniel, Iudicium Dei: Ecce Æquitatem. Sic enim explicantur quatuor hæc nomina à Hieronymo in prologo commentarii in Ioëlem prophetam. Notandum verò est, inter hos quatuor prophetas medium esse interiectum Baruch, quod nomen sonat, Benedictum: nimirum ut intelligatur benedictus Dei his quatuor Dei providentiæ spiritibus circummuni.

Huc spectat, quod cap. 4. videbimus; quatuor scilicet animalia Leonè, Vitulum, Hominem, & Aquilam esse veluti insigniferos Divinæ providentiæ. Leo namque propriam est Fortitudinis symbolum; Vitulus, summæ Beneficentiæ; homo, rationis & Æquitatis; Aquila, altissimæ Sapientiæ. Cum igitur in quatuor primis sigillis (id quod postea videbimus) quatuor hæc præcipua divinæ providentiæ attributa,

Nullo alio tantam regi auctoritatem, quam optimam sapientia existimationem, comparari.

Dei nomen Hebraicè quid sonet.

Pacis nomine in sacris prosperitatem denotari.

Præterea quatuor gubernatoris virtutes in quatuor maiorum Prophetarum nominibus adumbrata. Isaia nomen est celsitudinem, Ieremias, & Ezechiel, Daniel, & Baruch.

Leo, Vitulus, Homo & Aquila quatuor virtutum insignia.

Virtutes in Principe necessariae ratiocinatione indicantur.

Optimi principis insignie sue stemma.

Primaria gubernatoris virtutes ab Isaia expressa.



singula singulis contineantur, quæ in primitiue Ecclesiæ subsidium & adiumentum excellere; nihil potuit conuenientius excogitari; quàm id quod expressè narrat textus; scilicet Ioannem fuisse à leone vocatum, vt primi sigilli equum consideraret; à titulo deinde, vt sigilli secundi equum cerneret: à tertio verò animali hominis faciem habente, ad tertium equum; vt ab aquila, ad quartum.

Nec nouum est ac nuper excogitatum, quatuor illa animalia Dei prouidentiam referre. Hoc enim temporis antiqui auctor Polychronius animaduertat, quem refert Pradus Ezechielis 1. quin & Pradus ipse & Valuerdus in Alphabeto Salomonis aiunt nomina illorum animalium esse *Michael, Gabriel, Raphael, Uriel* siue *Nuriel*: de quibus nominibus diximus notatione præcedenti. Neque displicet eorum cogitatio; si hæc nomina prædictis quatuor virtutibus significandis accommodentur. Præterea Pierius lib. 32. vbi de capite; affert quandam antiquissimam Diuinæ prouidentiae picturam; quæ in quatuor angulis quatuor hæc nomina habet conscripta; *Virtus, Auctoritas, Scientia, Felicitas*. Vbi virtus idem est, quod Fortitudo; Auctoritas verò referenda videtur ad facultatem rectè iudicandi, quæ plurimum in se continet auctoritatis. Alioqui deesset in illa tabula, Iustitia, facultas tam illi propria, quàm quæ maximè. Scientia ea est, quam nos Sapientiam appellamus. Felicitatis autem nomen Beneficentiam indicat; iuxta illud Christi ab Apostolo relatum Actuum 20. 35. *Beatus est magis dare, quàm accipere*. Alioqui abs re esset felicitatis nomen in Dei prouidentia, nisi ad beneficentiam referretur.

Quatuor virtutibus prædictis contendet aliquis fortasse debuisse addi duas alias in gubernatore maximè necessarias; Religionem scilicet, & Maiestatem; quibus principi valde opus esse notant ij, qui de gubernandi ratione scribunt. Ceterum quod attinet ad Religionem, licet magni momenti sit, non tamen virtus est gubernatoris, quatenus est gubernator; & saltem dum de diuinæ prouidentiae virtutibus agitur, certum Religioni locum non esse, cum Religio virtus sit, non Dei propria, sed hominū erga Deum: subditos verò ad rectam Religionem informare, id est beneficentiae atque iustitiae munus. Quod autem ad Maiestatem spectat, fateor propriae auctoritati ac maiestati cōsulere, summi esse ponderis in reipublicæ administratione. Verum non id ab alia virtute provenit, quàm à sapientia, à iustitia, beneficentia, & seueritate. De sapientia insigne est illud 3. Regum 3. 28. quod paulò antè retulimus; *Timuerunt regem videntes sapientiam Dei esse in eo*. Iustitiā etiam & beneficentiā auctoritatem regiam corroborari & confirmari, & Scriptura saepe testatur & experientia manifestè docet. Iam quod seueritas soleat maiestatem Principis augere, disertè scribunt Cicero, Seneca, Tacitus atque Vegetius apud Lipsium in Politicis partim lib. 4. cap. 9. & partim lib. 5. cap. 15.

Quatuor virtutes prædictas Isaias cap. 9. vt vidimus, hoc ordine enumerat, *Sapientia, Fortitudo, Beneficentia, Iustitia*. In Apocalypsi, ordine immutato, sic recensentur; *Fortitudo, Beneficentia, Iustitia, & Sapientia*. Cuius diuersitatis dum causas inquiri, ea se mihi offert; quod Isaias de nostræ redemptionis mysterio sermonem instituat; in quo primum occurrit mirabile Dei consilium homines per Christi crucem à Dæmonis seruitute eripiendi; deinde mira fortitudo, quo tantum opus suscepit atque perfecit, quando nimirum exultauit *ut gigas*, &c. Tertiò beneficentia summa, qua sibi Christianos cooptauit in filios, & spiritualis felicitatis fecit participes. Ac deniq; perfectissima iustitiæ proportio, quæ suum hominibus ius tribuit, & meritis præmijs cumulatissimè remunerat. Apocalypsis autem in quatuor primis sigillis directè agit de spiritu, & sanctitatis excellentia in Ecclesiam primitiuam collata: in quo primum elucet Christi fortitudo in sceleratorum conuersione, atq; adeò in animis etiam inimicorum perfectè sibi subiiciendis: mox incredibilis beneficentia illis præstita per magnum charitatis Christianæ incrementum: post magna in eorum gubernatione æquitas ac iustitia: & tandem mirum Dei consilium in eorum exaltatio-

A ne per cædes & ignominias. Sed de hoc latius cap. 6.

Diximus de quatuor præcipuis virtutibus, in quibus potissimum prouidentia consistit; superest vt de eius perfectionis complemèto dicamus; id est, qua ratione erga repugnantes & contumaces se gerat. Nota ergo hanc diuinæ prouidentiae in huiusmodi homines rationem ad tria capita reduci; videlicet ad longanimitatem expectationem, seriam comminationem, ac seueram punitionem. Quicumque id paulò attentius considerare velit, animaduertet, tribus his facultatibus, seu attributis comprehendi quicquid in hac materia dici potest; atq; hunc eundem esse illarum virtutum ordinem. Primum enim est sceleratos ad poenitentiam expectare: deinde eosdem minis detertere; tertiò in perfidos & obstinatos supplicij seueritate animaduertere. De harum virtutum singulis, nempe de patientia Dei, de minarum terrore, & suppliciorum grauitate frequè est in sacris Literis mentio. Verum tamen in tribus postremis ex septem Apocalypseos sigillis tres huiusmodi virtutes per ordinem adeò aptis & elegantibus symbolis, ita clarè ac distinctè significantur; vt nihil aliud expressius & congruentius optari potuerit. Et enim ad summam Dei patientiam quasi ob oculos ponendam, quid conuenientius potuit depingi, quàm id, quod aperto quinto sigillo notatur; cum martyrum animæ inducuntur, à Deo vindictam posulantes; ac Deus vicissim respondens, *Expectate modicum tempus, donec impleatur numerus fratrum vestrorum*? Ad ingentes item comminationes, quibus Deus Iudaicum populum communuit ac terruit, & quibus solet sceleratis hominibus comminari; quid plenius & illustrius, quàm id quod resignato sexto sigillo apparuit; omnium scilicet, comminationum & prodigiorum imago, quæ sunt extremum iudicij diem antecessura? Quam etiam imaginem protulit Christus & Iudæorum oculis quasi spectandam dedit; cum eis Ierosolymæ excidium minitatus, vltimi iudicij signa coniungit, Matth. 24. Marci 13. Lucæ 21. Denique ad seueram punitionem quid apertius, quàm septem septimi sigilli tubæ, quæ septem illas plagas comitantur prædictas in Scriptura contra rebelles Iudæos, qui euangelio erant repugnaturi? Certè Leuit. 26. 28. expressè dicitur *corripiam vos septem plagis*.

Constat igitur ex dictis, virtutes, in quibus diuinæ prouidentiae perfectio fita est, esse septem; nimirum *Fortitudinem, Beneficentiam, Aequitatem, Sapientiam*; necnon *Patientiam, Comminationem, & Seueritatem*. Et quauis Fortitudo ac Sapientia nō solum ad Beneficentiam & Aequitatem requirantur; sed etiam ad Patientiam, Comminationem, & Seueritatem; & similiter Aequitas in ipsa etiam Seueritate mirifice eluceat; ceterum septem illæ omnes virtutes & ratione inter se distinguuntur, vt dictum est; & priores præcipuè ad fidelium subditorum felicitatem referuntur: at posteriores complectuntur, quemadmodum se Deus gerat erga impios, & transgressores sibi repugnantes.

Postquam animaduertatur gubernatoris virtutes esse septem; atque has ipsas in diuina prouidentia licet perfectissimæ sint, nobis tamen in hac vita esse valde occultas (vt cap. 5. explicabitur.) Virtutem item occultam nomine spiritus congruenter appellari; atque hoc ipsum spiritus nomen præcipuis gubernatoris virtutibus à sacra Scriptura tribui solere. His (inquam) omnibus animaduersis, facile cernitur conuenientissimam fuisse loquutionem, qua septem virtutes (ad quas perfectissima Dei prouidentia reducitur) septem spiritus nominantur; de quibus sermo est in septem Apocalypseos sigillis. Certè Forerius Isaiæ 11. 2. vbi septem spiritus videntur enumerari, ait non esse cur de distinctione illorum donorum subtilius agatur; præsertim cum eas tantum spiritus sancti operationes ibi recenseri existimādum sit, quæ supremum iudicem ac magistratum decent.

Præterea in confirmationem superioris doctrinae, aduertendum est, Angelos in Apocalypsi dum inducuntur Dei prouidentiam admirantes, & propterea illum debitis laudibus & gloriae præconijs celebrantes; ea laudandi formula vti, quæ septem

Secundaria  
Principis  
virtutes  
quot, &  
quæ sint.

Dei patientia  
symbolum.

Diuina comminationis  
symbolum.

Seueræ punitionis  
symbolum.

Cur Angeli  
in Apocalypsi septem  
Deo laudes  
tribuant.



Cur itidem  
Christolau-  
des totidem  
decantent.

Septem Spi-  
ritus sancti  
donorū con-  
gruens ratio  
unde sumi  
possit.

Triū poste-  
riorum di-  
uina provi-  
dentia spi-  
rituum con-  
sideratio.

Septem pla-  
netarū ap-  
plicatio ad  
septem diui-  
ne provi-  
dentia spi-  
rituum.

omnino laudes contineat cap. 7. 12. *Benedictio, & claritas, & sapientia, & gratiarum actio, honor, virtus, & fortitudo Deo nostro.* Et quia in Apocalypsi etiam asseritur septem Dei spiritus in Christo esse; ideò, vt indicetur Christum ipsum ab Angelis adorari, ingenuè fatentibus illum, vt supremum cælorum atque terrarum moderatorem suspici, & ab omnibus coli debere; ideò (inquam) Apoc. 5. num. 12. Angeli similiter, septem Agno tribuunt honores, *Dignus est agnus, qui occisus est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem.* Hæ septem laudes planè respondent septem attributis ac septem figillis; quemadmodum Isaie trisagium cap. 6. & Apoc. 4. *Sanctus, Sanctus, Sanctus*, personarum Trinitati respondet. Numerus enim laudum non ab eorum desumitur numero, qui eas decantant; sed à numero earum rerum, quæ commendantur. Quare frustra spirituum septenarius in Angelis requiritur; cum non sit ibi querendus, sed in Diuinæ providentiæ attributis: vt iam explicauimus.

Atque ex his ipsis septem Providentiæ attributis forsitan optima desumitur ratio, septem donorum Spiritus sancti. Nam septenarij ratio, quam reddunt aliqui Scholastici Doctores, subtilior est, quam vt à me hætenus percipi potuerit. Si tamen fumatur ratio septenarij ex septem prædictis attributis, ea tunc videtur plana & expedita; & respondent (meo quidem iudicio) per ordinem singula dona singulis attributis. Nam quod quatuor priora dona appellentur, sapientia, intellectus, consilium, & scientia, optimè habet. Hæc enim quatuor nomina quadruplicem illuminationem intellectus potentia significant; nempe ad considerandos illos occultissimos Dei spiritus, Sapientiam, Virtutem, Beneficentiam, & Æquitatem, in suorum amicorum gubernatione. Donum namque Spiritus sancti consistit in Dei spiritus cognitione, & humili eidem subiectione. Atque de illis quatuor spiritibus præcipua difficultas est in ijs ipsis agnoscendis; sunt enim quatuor illi spiritus tribus posterioribus multò occultiores; atque ideò conueniens fuit per nomina donorum ipsorum significari intellectus illustrationem ad Dei spiritum dignoscendum. Atque ita expressè loquitur Paulus agens de donis Spiritus sancti ad Ephes. 1. 17. 18. *Deus Domini nostri Iesu Christi pater, det vobis spiritum sapientiæ & reuelationis in agnitione eius, illuminatos oculos cordis vestri; vt sciatis quæ sit supereminens magnitudo virtutis eius in nos, qui credimus, &c.* Alia autem tria donorum nomina ostendunt effectus, quos in spiritualibus viris præstat trium posteriorum spirituum consideratio. Effectus enim consideratæ Dei patientiæ est, vt ipsam imitemur; quod proprium est fortitudinis, vt conueniunt Theologi cum philosophis. Ex comminationis consideratione oritur reuerentia erga Deum; quæ propriè appellatur pietas. Et ex seueræ punitionis cogitatione crescit & augetur eadem reuerentia siue timor Dei. Quare in illo Isaie loco idem hominè Hebræum respondet pietati ac timori.

Animaduerso spirituum Diuinæ providentiæ numero, occurrit statim conuenientissimum fuisse, errantes stellas siue Planetas (qui sunt maiora cæli luminaria, quæ nobis Dei providentiam repræsentant) esse septem. Et mox facile perspicitur, per Solem significari Dei Virtutem ac Fortitudinem; per Iouem, Æquitatem; Beneficentiam, per Venerem; per Mercurium, Sapientiam; Patientiam, per Saturnum; Comminationem, per Lunam; & per Martem, Seueritatem. Multa de singulis dici possent ad rem, vniuscuiusque propriam vi atque naturâ consideratâ; verum indicare satis sit. In primis Solis maxima virtus cōspicua est & manifesta. Iupiter dicitur suapte vi homines ad iustitiam inclinare, vnde est illud Poëtæ, Virg. *Æneid. 10. Rex Iuppiter omnibus idem.* Venerus ad amicitia & beneficentia inclinatur. Mercurius ad sapientia. Saturnus propter miradam, cursus tarditatem, aptissimum est patientiæ symbolum. In Luna multa sunt ad comminationem denotanda; vt coloris mutatio, lucis imminutio & crebri defectus. Denique nota est causa, propter quam Mars appellatur sanguineus atque horribilis. Hæc de se-

A ptem Planetis. Ad eosque proculdubio alluditur in septem lampadibus, quibus septem Dei spiritus figurantur, cap. 4. & quidem satis congruenter; cum conditi fuerint, vt septem Dei spirituum providentiâ indicarent. Vbi ergo attentè perpendatur septem Dei spiritus in septem planetis fuisse representatos; mox apparet, quam fuerit conueniens antiquissimum illud institutum, dies omnes per hebdomadas siue septenarios numerare; vt ipsamet temporis successio nobis frequenter in mentem Dei providentiam reducat. Atque eadem est ratio, propter quam sacra Scriptura toties septenarium, tum alibi, tum præsertim in Apocalypsi vsurpat.

B Forasan etiam in septem capitalium vitiorum enumeratione, & in septem Draconis capitibus consideratum est, id fuisse Dæmonis in oppugnandis hominibus consilium; vt scilicet, se Dei providentiæ opponeret; & contra septem ipsius spiritus, septem item oppugnationum machinas, id est, septem temptationum genera institueret. Ego quidem sic existimo, Dei sapientiæ superbiam opponi; Fortitudini, acediam; Beneficentiæ, inuidiam; Æquitati, auaritiā; Patientiæ, iram; Comminationi, gulam; ac Seueritati luxuriam. Superborum enim est velle sibi sapere; neque Dei sapientiæ subijci. Pigritiam siue acediam Fortitudini opponit sapiens, vt Prouerb. 10. 4. *Egestatem operata est manus remissa; manus autem fortis diuitias parat.* De auaritiæ iniquitate videbimus c. 6. in tertio sigillo. Porro Dei comminationes fœci faciunt, qui se ad helluationem & crapulam inuiant. Seueritati denique diuinæ singulariter aduersantur, qui quam placare corporis castigatione debebant, illecebris potius & voluptatibus irritant. Cetera consultò omitto, quia clara per se sunt & manifesta. Atq; his septem vitijs contrariæ sunt septem illæ virtutes, quæ homines Dei providentiæ submitunt, id est, demissio animi siue modestia, Sapientiæ diuinæ: diligentia, Fortitudini; charitas, Beneficentiæ: largitas, Æquitati; patientia, ipsius Dei Patientiæ; temperantia, Comminationis; & castitas ac voluntaria carnis maceratio, Dei Seueritati.

C Verum. his atque alijs considerationibus omissis, quæ aliunde videntur accersitæ; ad ipsam Dei spirituum perfectionem oculos parumper cōuertamus; quæ scitu dignissima est, & ad agnitionem pulcherrima, & ad Dei venerationem conuenientissima. Perfectio ergo Diuinæ providentiæ, in absolutissima singulorum spirituum perfectione consistit, id est, in Fortitudine infinita, Beneficentia immensa, Æquitatem summa, Consiliorum admirabilitate incredibili, Patientia interminata, Comminatione horribili, & seuerissima Punitione. Et mirandum planè est atque diuinum, in Dei providentiæ operibus, horum omnium attributorum summâ perfectionem enitescere; nec alia alijs impediri, aut imminui. Consideratâ ergo singulatim harum virtutum perfectione, nulla non est admirabilis; multò tamen mirabilius est, sic Deum vniuersis vt, vt quantumuis cum infinita perfectione vtatur singulis, nulla tamen ex eis aliarum vsum impediatur.

D Dicam clariùs: Infinita Dei beneficentia nullis limitibus circumscribitur; non beneficiorum magnitudine, non dulcedine munerum, non humanitate officij, non peccatorum remissione; nec enim esset infinita, si quo posset fine terminari. Igitur si finis beneficentiæ nullus est, qua ratione virtus hæc cum infinita Seueritatis, Æquitatis, ac Sapientiæ ostensione coharebit? Hæc enim omnia, vt superius adnotauimus, postulant, vt summus honor & veneratio infinitæ Dei Maiestati deferatur: & summi momenti est in gubernatione, vt Princeps suo consulat honori. Immensa verò maiestas postulat, vt in retinenda auctoritate & tuenda sui reuerentia, nullis præfiniatur terminis. Humana industria maiestatem comitate & humanitate attemperat; & vt alteri partem addat, alteri adimit: nec enim rationem vllam nouit, vt quantò sublimior sit maiestas, tantò se gerat facilius & humanius; sed quò prouius ad alteram inclinatur, eò longius ab altera declinat. Vna Dei providentiâ aquilam cum boue nouit coniungere; & efficere, vt quæ summa est ostensio maiestatis, eadem sit summa beneficentiæ: vt ab altera

Septem capitalia vitia  
totidem diuina  
providentiæ spi-  
ritibus e re-  
gione op-  
poni.

Diuina pro-  
videntiæ per-  
fectio in quo  
consistat.



amorem conciliet, ab altera reuerentiam tueatur.

Ita etiam pugnare inter se videntur Virtus & Æquitas. Virtus enim perardua quæque perrumpit, difficultates tenit, obstacula superat; vt quæ sequitur prosequatur, & semel suscepta consequatur. Suauitas autem Æquitas omnia circumspect; nil perturbatè aggreditur; nullo quantumvis specioso prætextu, vel minime subditorum iniquitati conuiuet. Hinc fit, vt in fortissimis principibus vel ducibus præclarum aliquod facinus aggredientibus æquitas ferè virtutem non æquet; nec valde eurent tenuiorum querimonias, qui interim iniuriam ac detrimentum accipiunt. Contrà fit, vt qui præ æquitatis studio cauent diligentissimè, ne alios vel minimùm perstringant; ij plerumque nil magnū aggrediantur, vel certè ad finem non perducant. Homines itaque eum summum & absolutissimum principem arbitrantur; qui si fortissimus, non valde sit iniquus; vel, si æquissimus, pusillo animo non sit. Diuina autem prouidentia eò plus summæ æquitatis laude præcellit, quòd sit summæ virtutis, sine vllo vel leuissimo aut æquitatis à virtute; aut virtutis ab æquitate detrimento. Apertum est enim infinitam virtutem præclarissima & maxima quæque assequi debere; & multò esse gloriosius atque præstantius cum suauitate, quàm cum violentia facilem in re difficili effectum obtinere. Hinc illud Sap. 8. 1. *Attingit à fine usque ad finem fortiter, & disponit omnia suauiter*; quod est fortitudini æquitatem adiungere; vt ne cupiam iniuria violenter inferatur, hominis & leonis coniugatione gloriosè ostentatà.

Cum generatim contemplati fuerimus perfectionem, quam in se continent septem hæc diuinæ prouidentiae attributa, & quatuor priorum à tribus posterioribus distinctionem; facile erit vnique animaduertere in insignioribus Dei prouidentiae operibus, quàm perfecta singulorum attributorum documenta in ijs eluceant. Etenim in Christi cru-

**A** cis mysterium, quod fuit omnium quæ Deus patrauit gloriosissimum, si mentis aciem diuino fidei lumine illustratam attentè quis intendat; inueniet profectò nihil dignius, præstantius aut excellentius à Deo fuisse præstitum; & in quo tantopere septem hæc attributa excelluerint: cum nihil vnquam effecerit Deus, quod adeò admirabile ipsius consilium, ingentem fortitudinem, incredibilem beneficentiam, summam æquitatem, inexhaustam patientiam, grauissimam in peccatores comminationem, & seuerissimam de peccato vindictam ostentaret.

**B** Eadem ferè ratione licet in Eucharistiæ sacramento philosophari. Quod si æqua animi trutina ponderemus, nullum aliud excogitari potest epulum, in quo adeò elucescat non solum Dei beneficentia, sed ipsius etiam mirabile consilium, necnon æquitas & virtus, & cetera etiam quæ diximus attributa. Elucet enim mira Dei patientia in eos qui indignè communicant; mira etiam comminatio; ac mira in eos, quos indurat, seueritas. Eadem ratiocinatione vti facile possumus in gubernatione, qua Deus prædestinatos à suæ conuersionis exordio ad extremum vsque æternæ felicitatis finem moderatur ac regit. Iucundissimum namque est, & omni pariter admiratione dignissimum, contemplari immentam ipsius Virtutem, Beneficentiam, Æquitatem, Sapientiam; quorum Deus mira edit documenta in suos; & similiter Patientiam, Comminationem & Seueritatem in eorum aduersarios.

**C** Horum autem eò magis cognoscitur admiranda perfectio, quòd Dei prouidentia magis est testata atque recondita. Quinimò idcirco tegitur ac celatur, vt eò illustrior & excellentior virtus existeret, quòd magis externa facies imbecillitatem præ se ferrebat; & eò sublimior emineat sapientia, quòd maior stultitiæ erat species: & sic de reliquis, vt cap. 5. & 6. explicabimus.

Applicatur  
ad Christi  
crucem.

Item ad Eu-  
charistiam.

Septem spi-  
rituum do-  
ctrinam ad  
varia Chri-  
sti Domini  
mysteria  
posse ex-  
tendi.

## COMMENTARIVS.

**E**TA IESU CHRISTO, QUI EST TESTIS FIDELIS.] Videtur solœcismus in Græco; de quo tamen iam suprà diximus versu 4. alluditur autem in his verbis ad id Psal. 88. 38. *Testis in celo fidelis*. Appellat verò Ioannes Christum testem fidelem, vt significet, in Apocalypsi repræsentari, quàm fuerit vera Christi prædicatio; nempe de regno cælorum, quod in terris erat instituendum; de spiritu quem accepturi erant credentes in eum; de Iudæorum excacatione & supplicio; & de transitu Ecclesiæ ad Gentes. Item ad illa; *Omnia traham ad me ipsum. Et; Confidite, ego vici mundum. Et, Si me persequuti sunt, & vos persequentur*. Quæ omnia cum argumento Apocalypseos concordant; & eò respiciebat Ioannes in hac epistola dedicatoria, vt diximus suprà versu 4.

**PRIMOGENITVS MORTVORVM.]** Nota hinc certissimam esse veritatem, Christum esse primum eorum, qui ad vitam in mortalem surrexerunt; vt obseruant omnes Doctores ex 1. Cor. 15. 21. & Colof. 1. 18. sed non id solum significat Ioannes in præsentem; quia id per se ad argumentum Apocalypseos non pertinebat. Potissimum ergo significat resurrectionem Christi Domini esse exemplar spiritualis resurrectionis Ecclesiæ ex abyssu persecutionum gloriosè emergentis. Vide infrà num. 18. vbi in eodem sensu dicitur; *Eui mortuus, & ecce sum viuens in sæcula sæculorum*. quia, vt ait Paulus ad Romanos 8. 29. *Deus prædestinauit seruos suos conformes fieri imaginis filij sui: vt sit ipse primogenitus in multis fratribus*.

**ET PRINCEPS REGVM TERRÆ.]** Hoc etiam ad felicitatem Christianæ Ecclesiæ referendum est. nimirum quòd serui Christi Domini per spiritum Dei efficiantur reges, spirituali quadam & mirabiliratione; de quo in nonnullis capitibus Apocalypseos sermo erit, vt cap. 6. & 14. Prætereà hoc epitheto indicatur præcipua ministrorum Ecclesiæ dignitas; qui constituti sunt principes super omnem terram; id est, sacerdotes & Episcopi, de quo cap. 4. Significatur insuper, mundi imperia Christianæ Ecclesiæ subijcienda fuisse, & præcipue imperium Romanum. Quod erat præcipuus Apocalypseos scopus; vt scripsimus in prolegomenis notat. XIV.

**QUI DILEXIT NOS ET LAVIT NOS A PECCATIS NOSTRIS IN SANGVINE SVO.]** Græcè in datiuo τὸν ἀγαπήσαντι, & λούσαντι, id est, ei qui dilexit nos, & lauit. Nec est, quòd suspicemur Græcos codices esse vitiatos: quia vulgata lectio Latina facile admittit constructionem Græcæ loquutionis: vt patet ex simili loco cap. 6. num. 4. *Qui sedebat super equum rufum, datum est ei, vt sumeret pacem de terra*. Similiter ergo in præsentem verba hæc, qui dilexit nos, non sunt construenda cum præcedentibus; sed cum his; quæ infrà habentur, ipsi gloria. Hæc de constructione. De sensu verò notandum est in ijs verbis, *lauit nos in sanguine suo*, alludi ad antiquæ legis purificationes; cum omnia penè in sanguine mundabantur, vt docet Paulus ad Hebr. 9. 22. Quauis autem

Vers. 5.

Christum eum  
à Ioanne tes-  
tis fidelis  
vocat. Ioan. 12. 32  
Ioan. 16. 33  
Ioan. 15. 20

Christi re-  
surrectio-  
nem spiri-  
talis Eccle-  
siæ resurre-  
ctionis esse  
exemplar.

Ecclesia mi-  
nistrorum  
dignitas.



carnei oculi Christum in crucem suffixum, & cruore vndique manantem perhorrescant; ille tamen cruor est verissimum animarum smegma siue sapo; qui sordes omnes & peccatorum maculas abstergit.

Vers. 6.

ET FECIT NOS REGNUM ET SACERDOTES DEO, ET PATRI SVO. ] Aptior erit constructio in Græco; si hæc verba legantur per parenthesis. Alioqui enim scrupulus occurrat, cur non legatur in Græco ποιῶντι, sed ἐποιήσεν. Res tamen est parui momenti; & vnicuique hoc sit, sensus grammaticus optimè percipitur.

REGNUM. ] Plerique Græci codices habent βασιλῆς, id est, reges. Et sic legit Tertullianus; & exponit diuus Thomas ad Hebr. 1. Atque hunc sensum in præsentī plerique interpretes sequuntur. Et pro confirmatione adduci potest, quod cap. 5. num. 10. repetitur hæc sententia, *Fecisti nos Deo nostrō regnum & sacerdotes*: & subditur: *& regnabimus super terram*. Ergo nomine regni intelliguntur reges.

Cur Ioannes dixerit, Fecit nos regnum; non verò reges.

Nihilominus omnino videtur à Ioanne scriptum esse βασιλείαν, id est, regnum, (vt habent etiam quædam Græca.) Quia præter auctoritatem vulgatæ lectionis, multò verisimilius est mutatum fuisse regnum in reges; eo quod sequeretur, *sacerdotes*; &, *regnabimus*; quàm scriptum fuisse initio *reges*, & mutatum in *regnum*, sine vlla mutandæ lectionis specie probabili. Quod autem re vera melius habeat *regnum*, quàm *reges*, satis confirmauero; si probem, non significari in præsentī directè, Christianos factos esse reges, sed factos esse regnum Dei. Aduerte igitur in hoc loco proculdubio respici ad illud Exodi 19. 6. *Vos eritis mihi in regnum sacerdotale*, vbi LXX. legunt, *sacerdotium regale*; vt expressit etiam D. Petrus epist. 1. cap. 2. 9.

Terra Sacerdotalis in Ægypto libera olim & immunita.

Omissis ergo ijs, quæ vtroque in loco multi notant, (& præcipuè Hesselius 1. Pet. 2.) non videtur dubitandum, quin Moyses respexerit ad eam historiam, quæ habetur Genesis 47. 22. vbi redditur ratio, cur soli sacerdotes in Ægypto non fuerint compulsi vendere possessiones suas; nimirum quia terra sacerdotalis tradita fuerat à Rege sacerdotibus; quibus & statuta cibaria ex horreis publicis præbebantur. Itaque ingens erat honos & gratia, quam rex Ægypti sacerdotibus deferebat: magna; priuilegia, immunitates & exemptiones, quibus sacerdotes Ægypti fruebantur. Porro fames, labores & ærumna, quæ ceteros diuexabant, sacerdotes ne minimum quidem perstringebant, singulari Regis in ipsos beneuolentia & beneficio. Atque cum hæc essent notissima populo Israël ex Ægypto egredienti; dubitari non potest, quin ad hæc respiciatur Exodi 19. 6. cum populo dicitur, *Eritis mihi in peculium de cunctis populis: mea est enim omnis terra; & vos eritis mihi in regnum sacerdotale, & gens sancta*.

In hac allusione quis non videat filios Israël non appellari debuisse reges, sed Dei regnum; & nihilominus debuisse appellari sacerdotes? Sumitur namque comparatio ab Ægyptijs sacerdotibus, qui erant peculium siue peculiare regnum Pharaonis, speciali prouidentia regnantis inter eos: non tamen erant reges, sed lectissima regni pars. Quemadmodum in Hispania militares ordines, vt diui Iacobi, atque alij, speciale sunt Regis peculium. Ex quo patet dici rectè potuisse, *regnum sacerdotale, & regale sacerdotium*: non tamen *reges & sacerdotes*; neque *sacerdotium, & reges*; sed *regnum & sacerdotes*.

Deinde eadem comparatio multò congruentius ad Christianam Ecclesiam translata est à diuo Petro epistola 1. cap. 2. 9. *Vos autem genus electum, regale sacerdotium, gens sancta, &c.* Vides sapientissimè Ioannem dixisse, non *reges, & sacerdotes*; sed *regnum & sacerdotes*. Præterquàm quod Christiani non aptè dicuntur reges respectu Dei; licet dicantur spiritualiter sacerdotes respectu Dei, cui offerunt vitulos laborum suorum. & textus subiungit, *Fecit nos regnum & sacerdotes Deo, & patri suo*.

Hæreticorum insania refellitur.

Colligere tamen ex hoc loco, non debere distingui laicos à proprijs sacerdotibus; stultissima est insania hæreticorum; vt ex loco Exodi manifestè constat. Quia negari non potest, quin in populo Israëlítico esset distinctio sacerdotum à non sacerdotibus; & nihilominus vniuerso Israël in loquutione illa figurata dictum est, *Vos eritis mihi in regnum sacerdotale*.

Superest respondere argumento adducto ex Apocalypsi 5. 10. *Fecisti nos Deo nostro regnum, & regnabimus super terram*, vbi videtur regnum poni pro regibus. Respondeo tamen non poni: sed ex eo, quod sint regnum peculiare Dei, optimè inferri, quod sint reges & principes: quia *seruire Deo regnare est*. Vel potius in hoc etiam alluditur ad Ægypti sacerdotes; de quibus verè dicebatur, eos regnare in terra Ægypti: non solum quia amici regis dicuntur regnare; sed etiam quia olim in Ægypto sacerdotes erant iudices populi, & summus sacerdos erat supremus iudex; vt tradit Ælianus lib. 14. de varia historia, cap. 34. vbi de iudicibus Ægyptiorum. Et cohæret optimè, quod Ioannes in ijs verbis significare etiam volebat, scilicet populo Christiano tribuendum esse Imperij Romani principatum, ex prophetia Danielis cap. 7. 27. *Regnum autem, & potestas, & magnitudo regni, quæ est subter omne calum, detur populo sanctorum Altissimi*. Porro ex dictis intelligitur quàm aptè fiat mentio regni sacerdotalis in epistola dedicatoria: nimirum quia ad argumentum Apocalypseos pertinent gratiæ & priuilegia populi Christiani; de quibus cap. 6. & 7. & principatus huic populo destinatus à Deo; de quo latè cap. 12. & 17. & 18. &c.

Sacerdotes olim in Ægypto fuisse populi iudices.

IPSI GLORIA ET IMPERIUM IN SÆCVLA SÆCVLORVM, AMEN. ] Dupliciter exponi possunt hæc verba. Primò per modum optantis gloriam & imperium ei, qui dilexit nos, & lauit nos, &c. Secundo per modum affirmantis, & indicantis argumentum Apocalypseos. Atque hic secundus sensus videtur aptior, & dedicatoriæ epistolæ convenientior. Sensus ergo est, ex Apocalypseos reuelatione constare gloriam & imperium tradita esse Christo; quia gloria & imperium sempiternum Ecclesiæ Christianæ ad Christi gloriam & imperium spectant; & ex Christi gloria & imperio deriuatur, quod Christiana Ecclesia de suis hostibus triumphauerit; & in caelesti patria sit in æternum triumphatura.



**A** ECCE VENIT CVM NUBIBVS; ET VIDEBIT EVM OMNIS OCVLVS, ET QVI EVM PVPVGERVNT. ] Prophetiam vltimi iudicii tangi manifestum est: neque aliud hîc cogitat communis interpretatio. Atque vt hac explicatione contenti nullam præterea inuestigamus, nos contextus ipse videtur cogere. Coniungit enim Christi in nubibus aduentum cum eorum planctu, qui eum in crucem egerunt: sicut Matth. 24. 30. *Tunc plangent omnes tribus terræ; & videbunt filium hominis venientem in nubibus celi.* Præterquàm quòd si hæc epistola continere debet Apocalypseos argumentum; ad argumentum ipsum spectat extremi iudicii dies, de quo cap. 20. cuius mentionis proprius locus videtur esse hîc, id est, in fine argumenti.

Nihilominus non est, cur nouum & insolitum alicui appareat; si ænigma iisdem verbis, quibus aliquid perstringit, aliud diuersum potissimum significare contendat. Atque vt id communi interpretationi demus, quod studet, scilicet in his verbis aduentum Christi ad extremum iudicium affirmari; satis est, vt veritas hîc attingatur. Nam eo ipso, quòd eius fiat mentio, & in eo veluti in basi mysticus alius sensus innixus exurgat: id (inquam) sufficit, vt verissimè asseueremus Christi secundum aduentum à Ioanne hisce verbis confirmari. Quare non est cur aliquis existimet in præsentime à communi expositione discedere, cum eam potius amplectar, & quasi supponam. Sic enim nouam cum veteri expositione aptissimè conciliari, explicauimus iam in prolegomenis notatione XXI. Itaque non est cur peregrinum videri debeat in ænigmate, quòd primo aspectu secundum Christi aduentum ad iudicium sonet; cum tamen reconditus sensus, quo tendit potissimum, diuersus sit. Vt igitur ad rem deueniam; quæ præcedunt, & quæ consequuntur, in eam me suspicionem trahunt, vt existimem sub figura aduentus Christi ad iudicium, alium hîc latere sensum. Nam in antecedentibus, verba illa, *primogenitus mortuorum*, alium habent abstrusum sensum, præter eum quem prima fronte gerunt; vt supra vidimus. Similiter quæ sequuntur infra; *Eui mortuus, & ecce sum viuens in secula seculorum*, (de quo postea) sub mortis & resurrectionis veritate aliam abscondunt. Si ergo in his ænigmatis filum postulat, vt sensui grammatico alius etiam magis reconditus adijciatur; quid mirum, præsentem locum similitudine esse interpretandum.

In ænigmatē aliud verbis perstringi, aliud sensu innui.

**B** Arbitror igitur in hoc loco contextum agere de Christi & Ecclesiæ victoria in ea Iudæorum & Gentium conuersione, de qua fusè in Apocalypsi sermo est. Itaque Christi aduentus, qui hoc loco innuitur, est ad triumphandum de peccatoribus Christi fidei lubiectis. Et nubibus Euangelicæ predicationis officium repræsentatur: hæ enim sunt mylticæ nubes, quibus veluti curru triumphans Christus gloriosissimè inuehitur. Quod verò subditur, *& videbit eum omnis oculus*; idem est, atque aperiendos cæcorum, (id est, peccatorum) oculos, vt *aspiciam in auctorem fidei & consummatorem Iesum*; & eum verum esse Deum agnoscant, quem antea cæci & amentes acerrimè persequiebantur. Illud autem; *qui eum pupugerunt*, exprimit eosdem, qui suis flagitijs ac sceleribus, veluti lanceis Christum pro ipsis passum vulnerauerunt; eosdem (inquam) id est, Ecclesiæ persecutores in Longino figuratos; atque adeò non solum Iudæos, sed omnes etiam gentes in Christum fuisse credituras. Et *plangent se super eum*. Hoc ad eorum pœnitentiam spectat & peccatorum detestationem, quæ verissima est passionis Christi veneratio.

Heb. 12. 2.

**C** Hanc ipse interpretationem germanam, & ipsi textui coherentem existimo. Quia manifestum est, & omnium consensu receptum, Ioannem hîc respexisse ad Zachariæ locum capitis 12. 10. *In illa die effundam super domum David, & super habitatores Ierusalem spiritum gratia & precum: & aspicient ad me, quem confixerunt: & plangent eum planctu quasi super vnigenitum*, &c. Huc, inquam, sine dubio Ioannes spectauit in hoc loco. Ac licet interdum contingat allusionem fieri ad aliquem Prophetæ locum, considerato illius sensu mystico, non literali: ceterum hoc in loco, interpretum nemo potest dubitare, eundem esse sensum à Ioanne & à Zacharia intentum. Hoc enim exigit Apocalypseos perfectio; vt proprium Prophetarum sensum attendat Ioannes, & in eodem ipsorum verba citet. quod vsque adeò verum est, vt multi ac graues Theologi contendant Zachariam in sensu proprio de extremi iudicii die agere: eo vel maximè nitentes, quòd Ioannes hîc Zachariæ verba afferat ad damnatorum in iudicii die planctum indicandum. Ex quo infero, si efficaciter probaretur Zachariam non de hoc planctu loqui; sed de eo, quo Christi amici ac fideles, ipsius Christi passionem prosequuntur, ac dolent se ipsos suis sceleribus ad id causam præbuisse; si hoc (inquam) efficaciter probaretur; fatendum quoque esse, Ioannem in præsentem de eodem amicorum luctu loqui. Atque adeò præcipuam contextus intentionem esse agere de Christi triumpho in peccatorum conuersione. Huc accedit, allusionem quidem ad mysticum Prophetæ sensum, licet literalis non esset, nihil absurdi continere: verum si Prophetæ nullo modo agit de inimicorum, sed de amicorum planctu; tunc sanè ipsius verba adducere ad luctum inimicorum significandum, hoc non esset ipsius verba ad sensum mysticum vsurpare; sed contorquere potius & violenter pertrahere. Quòd autem legitimus verborum Zachariæ sensus sit de amicorum planctu Christi passionem lugentium, explicabimus seorsum notatione VI.

**D** Confirmatur nostra explicatio: quia in dedicatoria hac epistola illud potissimum spectatur, vt ipsa in se Apocalypseos argumentum paucis coërceat; cuius argumenti præcipua pars est, persecutorum conuersio, quam elegantissimè comprehendunt (vt diximus) illa verba, *Ecce venit cum nubibus; & videbit eum omnis oculus, & qui eum pupugerunt*; & illud etiam Amen, quod Ioannes subdit, aptissimum est ad prædictam explicationem, nec non ad Ioannis solatium designandum ex certissima prophetia de mundi conuersione, & Ecclesiæ Christianæ triumpho.

Præcipuam argumenti Apocalypsi ci partem esse peccatorum conuersionem.

**E** Superest respondere ad argumenta, quibus omnis alia expositio excludebatur, præter illam de die iudicii: ad locum Matthæi 24. 30. respondetur, nihil obstare, quòd iisdem penè verbis Christus in Euangelio solum agat de die iudicii, & Ioannes in Apocalypsi ad mysticum sensum præcipuè respiciat. Quid enim mirum, quòd Apocalypsis ænigmaticè loquatur? utrùm verò locus ille Matthæi vigesimo quarto, præter sensum de die iudicii admittat etiam alium de trium-



pho Ecclesiæ in Euangelij prædicatione ad Gentes post Iudaici populi repulsam; id alterius negotij est.

Ad confirmationem ex argumento Apocalypseos respondetur, non opus esse, vt epistola dicatoria ad ea omnia minutatim descendat, de quorum singulis est agendum in libro: satis enim est, vt totius argumenti substantiam attingat. Quam ob rem necessarium minimè erat agere hîc separatim de Christi aduentu in nubibus ad extremum iudicium. Neque tamen omnino præmittitur dies iudicij in præsentî; satis enim perstringitur, dum de triumpho Ecclesiæ agitur per allusionem & comparisonem ad illius diei gloriam.

Antithesis  
inter nubes  
& verbum  
videndi.

ET VIDEBIT EVM OMNIS OCVLVS. ] Præter ea, quæ supra diximus, nota fortasse hîc antithesim esse inter nubes & verbum videndi. Nubes enim oculorum aciem solent impedire; & res ipsas, quæ præsentibus sunt, abscondere: sic Euangelici concionatores, dum Christum prædicant, & hunc crucifixum (vt ait Apostolus) quasi nubem, seu magnam nebulam audientium oculis offundunt, quæ eis visum quodammodo eripiat. Quæ enim maior nebula, quàm Christi infirmitatem & ignominiam adorandam proponere? In hac tamen nebula, in his nubibus ingens Dei gloria & infinita maiestas apparet. Iuxta illud, *Apparebit maiestas Domini, & nubes erit*, 2. Mach. 2.8. de quo infra, notatione VII. Quemadmodum nunquam filij Israël manifestius viderunt Dei gloriam, quàm vbi domus Dei impleta est gloria atque caligine, 2. Paral. 5. 3. & 3. Reg. 8. 10. & sicut illi tunc maximè videbant, cum minimè videbant; sic Christi gloria in ignominia & infirmitatis prædicatione maximè elucet. Quod ergò dicitur, *videbit eum omnis oculus*, idem est, ac aperientur oculi eorum, & maxima perfundentur luce. Eo ferè sensu, quo dicitur Iob 42. 5. *Audit auris audiui te; nunc autem oculus meus videt te*, similiter ergo in præsentî, *videbit eum omnis oculus*, id est, replebitur terra scientia Domini, Isaia 11. 9.

Verba autem illa *omnis oculus*, non opus est, vt in nostra expositione se extendant ad singulos homines; sed sufficit in eodem sensu sumi, quo dicitur Lucæ 3. 6. *Videbit omnis caro salutare Dei*, scilicet Iudæi, Gentiles, & totius orbis nationes. Latius tamen illa verba paterent, si ad vltimam Ecclesiæ victoriam referrentur, quando omnes Iudæi, & reliquæ Gentilissimi, & sectarum omnium conuerterentur.

ET PLANGENT SE SVPER EVM OMNES TRIBVS TERRÆ. ] Reciprocum illud se videtur à vulgato interprete additum. Nam Græcè solùm est, *κόπονται*, id est, plangent; vel planctus ad sidera tollent, ex Glossario. Fortè tamen in codicibus Græcis emendationibus non deest reciprocum illud. Valde enim suspicor hîc non redundare, sed habere optimam energiam: quia sermo est de luctu poenitentia tam apud Zachariam, quàm in præsentî loco. Atqui optima Christi passionem desendi ratio est per imitationem ad id Ieremiæ, Threnorum 4. num. 20. *Spiritus oris nostri Christus Dominus captus est in peccatis nostris*; & cap. 5. n. 16. *Cecidit corona capitis nostri, va nobis, quia peccauiimus*; etiam, Amen. hæc repetitio & affirmationi & gaudio Ioannis de Ecclesiæ victoria, significando appositissima est.

## NOTATIO VI.

Ad illa verba Apoc. 1. 7. Ecce venit cum nubibus, & plangent se super eum, Vbi locus Zachariæ 12. n. 10. explicatur.

Explicatur  
Zachariæ  
locus c. 12.  
à n. 10 vs-  
que ad 14.

ZACHARIÆ verba sic habent. n. 10. Effundam spiritum gratiæ & precum: & afficient ad me, quem confixerunt; & plangent eum planctu, quasi super unigenitum; & dolebunt super eum, vt doleri solet in morte primogeniti. 11. In die illa magnus erit planctus in Ierusalem, sicut planctus Adadremon in campo Mageddon. 12. Et plangent terra: familie, & familie seorsum: familie domus David seorsum, & mulieres eorum seorsum: 13. Familie domus Nathan seorsum, & mulieres eorum seorsum: familie domus Leui seorsum, & mulieres eorum seorsum: familie Semei seorsum, & mulieres eorum seorsum. 14. Omnes familie reliquæ, familie & familie seorsum, & mulieres eorum seorsum.

In primis circa voces ipsas, quædam nobis notanda sunt. Primò, vbi Vulgatus habet *Spiritum gratiæ & precum*: Septuaginta legunt, *gratiæ & misericordie*. Hebraica sonant, *gratiæ & miserationum*. Hben *vehahha nunim*, *חן ותה נונים*, & notat Arias Montanus, vtrumque ab eadem radice deriuari: & hben, esse misericordiam seu miserationem; *thahha nunim* verò esse vindictæ postulationem. Ita vt alterum sit de Christi passione postulationem. Ita vt alterum sit de Christi passione dolore; alterum vindictam à Deo postulare. Ribera asserit *thahha nunim* duo significare, scilicet misereri, & orare.

Secundò, vbi Vulgatus legit *confixerunt*. Septuaginta, *insultauerunt*; sed eorum lectionem emenda-

D uit Euangelista ex Hebræo. Cur autem Septuaginta verterint *Insultauerunt*, vel *saltauerunt*; optimè explicant Ribera hîc, & Toletus Ioannis 19. 37. vterque ex Hieronymo: & similiter Iansenius in concordia Euangelica cap. 144. Vñus est autem Ioannes hîc verbo Græco *ἐξέστανον*, quod Latinus interpret reddit *transfixerunt*, Ioannis 19. 37. & idem verbum reddidit, *pugnaverunt* hîc, id est, Apoc. 1. 7. atque in Euangelio id refert Ioannes singillatim ad vulnus Christi lateri inflatum; licet possit etiam ad clauos & ad spineam coronam extendi.

E Tertiò, sicut planctus Adadremon in campo Mageddon. Chaldaus (quem Arias asserit paulò post Zachariæ tempora scripsisse) hæc verba in duas historias diuidit: certum tamen est, hîc non amplius vñam iuxta vulgatam tangi posse. Coniungit enim planctum Adadremon in campo Mageddon. Quare idem erit Mageddon, quod Mageddo 2. Paral. 35. 22. atque in eodem campo sita est vrbs Adadremon, vt notat Hieronymus hîc. Itaque planctus de quo agit Zacharias, comparatur cum eo, quo Iosia regis mortem Iudaicus populus fuit prosequutus. Porro nomen Adadremon significat locum malogranatis confitum. Nam LXX. transfulerunt, planctus *ποῶν*, id est, malorum granatorum: vbi Hieronymus notat, Græcum nomen non sonare malum granatum, sed locum his arboribus confitum. Si verò expen-



datur vis nominis Hebraici; Remon idem est, quod malum puniunt; & fortasse nomen Adadremon coalescit ex his duabus dictionibus hadar remon; quod est decor seu pulchritudo malorum puniunt. Vt cum; hoc sit, nomen erat illius campi, in quo mortuus est Iosias.

Quartò, nomina Nathan, Leui, & Semei existimat Arias Montanus esse nomina præcipuarum familiarum eorum, qui à Dàuide genus ducentes Iosiam proximè cognatione attingebant; quos verisimile est in lamentatione seu luctu de morte Iosie acerbius doluisse. Certè Lucæ 3. Semei, Leui, & Nathan inter progenitores Christi post Davidem collocantur. Ribera tamen Hieronymum sequutus, per Nathan intelligit Prophetam; per Leui, Patriarcham Iacobi filium (ex quo Leuitæ;) & per Semei, eum, ex quo scribæ & Pharisei. Vt cumque hoc sit; Semei sonat obediens; Leui copulatum; & Nathan donatum.

His præiactis, ut ad præcipuam quæstionem veniamus; prima difficultas est, quem planctum speciatim significare voluerit Propheta, cum ait; *plangent eum, quasi super unigenitum; & dolebit super eum, ut doli solet in morte primogeniti.* Communior explicatio est, Zachariam loqui de planctu Iudeorum damnatorum in die Iudicii, cum viderint Christum sua vulnera in maiestate ostentantem. Hanc expositionem sequitur Ribera; & pro ea citat Augustinum, Theodoretum, Rupertum, Theophylactum, D. Thomam, Euthymium & Lyranum. Eandem autem significari à Hieronymo. atque eam sequuntur Suarez 3. p. 1. 2. disp. 57. sect. 9. Iansenius in concordia, cap. 144. & Toletus Ioannis 19. num. 37. Stapletonius, & plerique omnes. Probant primò, ex Apoc. 1. 7. *Ecce venit cum nubibus; & videbit eum omnis oculus, & qui eum pupugerunt; & plangent se super eum omnes tribus terre.* Ex quo loco videtur is sensus esse adeò certus, ut de eo dubitari non possit. Probant 2. ex verbo *aspicient*: quia impij Iudæi Christum, nisi in die iudicii, non videbunt. Quare Suarez affert Patres; ut probet ex hoc loco insignia crucifixionis ab impijs esse in die Iudicii aspicienda.

Tertiò. Quoniam Iudæi increduli, in nulla huius vitæ calamitate crediderunt eam illis evenire ob Christi cædem: atque ita necesse est, ut referatur ad diem Iudicii, quod dicitur, *dolebunt super eum.*

Nihilominus tamen existimo multò verisimilius esse Zachariam loqui de planctu fidelium & amicorum; scilicet eorum, super quos Deus spiritum gratiæ & precum effundit. Et probatur primò, ex antecedentibus (quod validissimum est argumentum.) Sic enim continuata serie textus; *Effundam super domum David, & super habitatores Ierusalem spiritum gratiæ & precum; & aspicient, & plangent.* Vbi evidens est meo iudicio, aspectum illum & planctum (*& aspicient, & plangent*) referri quali effectus, quos excitavit spiritus gratiæ & precum à Deo super homines effusus; id est, spiritus commiserationis & pietatis, quo Christi mortem deserent. Et confirmatur ex similibus locis; in quibus manifestum est agi de spiritu à Deo missio; & ea, quæ statim adijciuntur, esse illius spiritus effectus, Isaia 44. 3. *Effundam spiritum meum super semen tuum, & super stirpem tuam: & germinabunt inter herbas, quasi salices.* Ezechielis 36. 27. *Spiritus meus ponam in medio vestri; & faciam, ut in præceptis meis ambuletis.* Danielis 13. 45. *Suscitavit Dominus spiritum pueri Danielis, & exclamavit.* Ioëlis 2. 28. *Effundam spiritum meum super omnem carnem; & prophetabunt filij vestri.* Aggæi 1. 14. *Suscitavit Dominus spiritum Zorobabelis, & reliquorum; & ingressi sunt, & faciebant opus.* in his locis atq; alijs similibus idem est loquendi modus (ut constat) atque in Zacharia: unde quemadmodum in his post mentionem spiritus à Deo missi, mox subiicitur effectus illiusmet spiritus; sic etiam de loco Zachariæ sentientum est.

Probatur secundò, ex sequenti contextu; se enim ipse declarat Propheta, cum ait; *Plangent eum planctu, quasi super unigenitum; & ut doli solet in morte primogeniti: sicut planctus in campo Mageddon.* Atqui eiusmodi comparationes manifestum est ab amicorum plan-

ctu & lamentis esse petitas; qui intimo cordis sensu amici mortem lamentantur. Vide 2. Paralip. 35. ad finem; ubi, *Uniuersus Iuda & Ierusalem luxerunt Iosiam; & usque in presentem diem lamentationes Ieremie super Iosiam replicant; & quasi lex obtinuit in Israël.* Quis ergo non videat, hanc comparisonem ad damnatorum in die iudicii rabiem & dolorem esse ineptissimam; aptissimam verò ad Christianorum super Christi morte commiserationem & luctum, præcipue in hebdomada sancta.

Probatur tertiò; quia res est valde violenta à gratia fidelibus elargita & pijs eorum precibus, exemplo ad efferatam damnatorum rabiem in eadem periodo transire; cum nullum aliud suppositum (ut grammatici loquuntur) verbis illis, *aspicient, & plangent* addatur. Ex vulgari aliquo sermone ad pia & spiritualia colloquia gradum facere, res est apud pios & spirituales viros vītata; qui in hoc Christi & prophetarum morem sectantur. Ceterum ex sermone valde spirituali, ad alium longè diuersum, nec magis pium, ita derepente transilire, nullo in ipsis verbis transitionis signo dato, nullo alio noui verbi supposito adiecto; hoc sanè nec prudentem decet sermonationem, nec simili alio Scripturæ exemplo confirmari poterit.

Verum ne nobis expositionis nouitas obijciatur; proferamus auctores, quos in hac explicatione de planctu pietatis & amoris subsequimur. Hieronymus in hoc loco manifestè est pro nobis, ait enim: *Crucifixo Domino Salvatore, renouabitur planctus in Ierusalem, separatis viris à feminis; eo quòd tempore luctus, non debeamus seruire coniugijs & operi nuptiarum.* Deinde adducit illud Ioëlis 2. 16. *Egredietur sponsus de cubili suo, & sponsa de thalamo suo; & subdit; Hoc non solum in tempore angustie fieri, sed etiam in tempore orationis, quando volumus deprecari.* Igitur & nunc tribus domus David, & tribus domus Nathan, & tribus domus Semei à suis uxoribus separantur, ut plangent Dominum. Hæc Hieronymus.

Deinde Eusebius lib. 8. demonstr. Euangel. cap. 4. & Cyrillus, qui ad tempus excidij Ierosolymitani referunt hanc prophetiam; fortasse intelligedi sunt de planctu eorum Iudæorum, qui per occasionem illius calamitatis conuersi sunt ad Christum. Nam ceteri Iudæi, qui in sua perfidia persistenterunt, nullo modo aspexerunt in Christum, neque illum planxerunt eo tempore; ut optimè probat Ribera ex Iosepho.

Præterea Arias Montanus in Zachariam apertè explicat de luctu amicorum. Et similiter Salmeron de Passione Domini tom. 10. tractatu 48. in fine ait enim sibi videri Zachariam loqui de ijs, qui reuertebantur percutientes pectora sua. Et Ribera fateatur, quosdam de luctu fidelium in die Christi passionis explicare. Sed de hoc infra.

Denique optima confirmatio nostræ explicationis, erit solutio argumentorum oppositæ sententiæ. Nam si bene soluantur; dubitabit nemo, nostram explicationem esse amplectendam. Ad primum ergo dico, Apocalypsin esse librum valde obscurum, & ænigmaticum. Quæ ergo prudentia est ex allusione Apocalypseos ad locum Zachariæ, fortasse non satis intellecta, seriò statuere, cum locum, ad quem alludit, necessariò esse intelligendum de planctu damnatorum in die iudicii? Quid, si locus Apocalypseos præcipue agat de planctu eorum, qui conuertuntur ad Christum? dicent, hoc fieri non posse propter illa verba, *Ecce venit cum nubibus, & videbit eum omnis oculus.* Verum de ænigmatibus recondito sensu, ex sono verborum decerni non debet; & in explicatione illius loci, nisi fallor, ostendi, Ioannem quidem alludere ad diem iudicii; sed conuersionem multorum ad Christum præcipue significare; & ad hanc præcipuam significationem vsurpare Zachariæ verba. Et sanè, cum locus Zachariæ per se consideratus sit multò clarior, quàm Apocalypseos; rationi consentaneum est, ut Zachariæ contextum non relinquamus propter difficultatem loci Apocalypseos; sed potius studeamus ex claro Zachariæ contextu difficili Apocalypseos loco lucem asferre. Atque id nos in commentario curauimus.

Iosias Rex ubi fuerit occisus.

Quanam familia Nathan, Leui & Semei apud Zachariam.

De quo planctu agat Zacharias cap. 12.

1. Opinio communior.

2. tamen præfertur.

Transitio in familiari sermone qua probanda; qua verò non.

Hieronymus de Zachariæ loci explicatio.

Soluentur prima opinionis argumenta.



Verbum,  
aspicere  
apud Za-  
char. quo  
sensu acci-  
piendum.

Num de a-  
micorum  
planctu  
sit sermo  
apud Za-  
char. 12.

Quo sensu  
explicetur  
hic planctu  
à Hierony-  
mo de ami-  
corum pla-  
ctu.

Zacharia  
contextus  
per ordinem  
explicatur.

Ad secundum Respondetur, verbum *aspicient* congruenter referri ad fidei & pietatis aspectum. Vide Michæ 7. 7. *Ego autem ad Dominum aspiciam.* Et ad Hebr. 12. 2. *Aspicientes in auctoritatem fidei, & consummatorem Iesum.* Vbi alluditur ad locum Zachariæ.

Ad tertium respondetur, non bene applicari locum impijs Iudæis in sua impietate permanentibus; nec ante diem iudicii, nec in die iudicii: sed conuersis ad Christum optimè aptari; quando de suis peccatis agunt pœnitentiam, vt infra clariùs patebit.

Altera quæstio est, an Zacharias potissimum agat de eorum planctu, qui Christi mortem lamentati sunt, ipsa die, qua Christus fuit mortuus; vt ij, qui percutiebant pectora sua; & mulieres de quibus Euangelistæ loquuntur. Arias Montanus & Salmeron hanc interpretationem sequuntur. Et addit Arias, hunc locum antiquis fuisse difficillimè obscurum; sibi autem esse apertum ex Euangelij interpretatione. Nimirum; quia existimat, Ioannem in Euangelio cap. 19. 37. significare eam prophetiam fuisse impletam in ipsa Dominicæ passionis die. Verùm ibi Ioannes non meminit planctus, sed solum vulneris lanceæ. Et quanuis nemo plangeret, cum Christus passus est; nihilominus, vt probaret Euangelista vulnus lanceæ fuisse præuium à Zacharia, aptissimè potuit dicere, quod dixit; nempe, *Et alia Scriptura dicit, Aspicient in quem transfixerunt*, neque enim hoc est dicere; Iudæos illo die apertisse, & planxisse; sed tantum prophetam meminisse illius transfixionis. Atque ita ex Euangelistæ loco non probatur planctus, de quo loquitur Zacharias, esse planctum mulierum illarum, de quibus Marthæus cap. 27. 55. Marcus cap. 15. 40. Lucas cap. 23. 49. 55. Quare ab hoc argumento, quod in loco ex Euangelio Ioannis desumpto nititur, ad probandum agi ibi de amicorum planctu, facile se expediunt Toletus notatione 22. in Ioan. cap. 19. & Ribera, Zachariæ 12.

Vidimus explicationem Montani & Salmeronis: sed considerato Zachariæ contextu, verisimilior multò est Hieronymi expositio, qui (vt suprà vidimus) locum exponit de fidelium planctu, qui post Spiritus sancti effusionem conuersi sunt ad Dominum. Quod probatur; quia præcedens contextus loquitur de persecutione, qua Christi Ecclesia afflicta fuit à Iudæis & Gentibus. Et mox, vt significaret Propheta nihil obitare persecutionem, quo minus Christi crucifixi fides caput attollat; subdit, Deum effusurum suum spiritum in eos, qui illo antea carebant; & effecturum, vt ex persecutionibus Ecclesiæ multorum oculi aperirentur, & ad Christum conuersi planctus ad sidera tollerent.

Hanc Hieronymi expositionem confirmat res ipsa. Nam qui Christi mortem luxerunt eadem die, qua ipse passus est, proculdubio non tot fuere; nec tanto omnes affectu, vt textus significat. Primò, tanto id quod ait, *effundam spiritum meum.* Atqui nondum erat spiritus effusus; quia Iesus nondum fuerat glorificatus, Ioan. 7. 39. Deinde, quia textus asserit, magnam fore familiarum multitudinem, quæ se hisce lamentis darent, *virorum, & mulierum seorsum*; & planctum quidem eiusmodi futurum, qui fuerat in Iosæ lamentationibus figuratus. Quod licet quodammodò inter fideles ceptum videatur fuisse, quo die Christus in cruce mortuus fuit; non tamen est tunc omnino impletum; sed postea multis ad fidem Christi conuersis; vt infra explicabimus.

Superest nostram explicationem textui per ordinem applicare. *Effundam super domum David, & super habitantes Ierusalem spiritum*, scilicet, vt illi Christum agnoscant, & alios ad eius cognitionem adducant. *Spiritum gratiæ & precum.* Iuxta id, quod Arias notat, forte spiritus gratiæ non est hic eius gratiæ, quam iustificamentum appellant Theologi; sed spiritum commiserationis ac doloris; nempe vt propterea de peccatis doleant, & Christi passionem

pijs lachrymis prosequantur. Quod Christus eis præ rebus omnibus placeat. Vocis autem *precum* significationem Arias restringit, ad vindictæ postulationem de ijs, qui Christum crucifixerunt. Sed *precum* nomen latius patet; & aptius potest exponi. Licet non abs re sit, vt peccator, qui se suis sceleribus CHRISTVM crucifixisse agnoscit, à Deo de illis vindictam exposcat; id est, vt destruantur peccata ipsa; quæ est phrasîs sacræ Scripturæ. Atque hic videtur genuinus esse sensus.

Et *aspicient ad me.* Huc spectat Paulus ad Hebr. 12. 2. *Aspicientes in auctorem fidei, & consummatorem Iesum.* Suspicor etiam in præsentî aspicere idem esse, quod aperire oculos, & Christum agnoscere: Ioannes enim Apocalyp. 1. 7. huc loci respiciens dixit, *Et videbit eum oculus*; eo ferè sensu, quo dicitur Iob 42. num. 5. *Nunc autem oculus meus videt te*; qua phrasî, noua & singularis lux in Dei cognitione significatur.

Ad me. Hinc Theologi colligunt Christum esse Deum: nam in Zachariæ contextu loquitur Deus; & ait, *aspicient ad me, quem confixerunt.* Et verbum *confixerunt*, exponit Ioannès de vulnere lanceæ, Ioannis 19. 37. Sed occurrit in constructione scrupulus. Prius enim dicit, *Aspicient ad me.* Et mox subdit; *plangent eum*; vbi dicendum videbatur *plangent me.* Aliqui cogitabunt, eum ipsum, qui loquebatur de se in prima persona, loqui iam de se ipso in tertia persona. Verùm quia hoc fortasse, considerato contextu, valde durum est; ideo adiciam aliam eius dubij solutionem. Ea verò est accusatiuum me referri ad Patrem; & eum ad Filium, qui est Christus Dominus. Nam in Prophetis, cum Deus loquitur, frequenter loquutio tribui solet Patri. Vt colligitur ex primis verbis epistolæ ad Hebræos, *Multifariam olim Deus loquens Patribus in Prophetis, nouissimè loquutus est nobis in Filio.* Et quanuis prima facie videatur loquutio illa ad Patrem referri non posse; cum non ille, sed Filius vulnus acceperit; re tamen attentius inspecta, significanter satis hæc verba in Patris personâ referuntur, quasi dicat, *Mihi inflictum fuit vulnus, quod Christi corpus accepit, (iuxta illud eiusdem Zachariæ capit. 2. 8. Qui vos tangit, tangit pupillam oculi mei.* Ipse tamen in eos meum spiritum immittam; quo eorum oculi illustrentur, & agnoscant in me habitam fuisse adactam, quæ in Iesu Christi corpus adacta fuit; & tunc Saluatoris mortem lachrymis atque eiulatu prosequantur. Hac ratione videntur omnia aptè coherere. Et quamuis in constructione, ille accusatiuus me referatur ad Patrem; nihilominus fermo est de vulneratione Filij; atque adeo optimè fecit Euangelista, qui de lanceæ vulnere interpretatus est.

Quem confixerunt. Verbum Hebraicum significat perfodere ad interiora vsque: vnde vulnerationi lanceæ optimè quadrat.

Licet autem prophetia postea fuerit integrè completa, quando Ecclesiæ persecutores ad fidem conuersi sunt: verùm eorundem persecutorum fuit imago ac figura miles ille, de quo Ioan. 19. 34. *Vnus militum lancea latus eius aperuit.* Illud enim vulnus non ideo inflixit miles, vt Christum occideret, qui iam vltimum spiritum exhalaret; sed vt hastâ illum confoderet, qui pro hominum salute fuerat mortuus. Quid enim aliud agebant persecutores Ecclesiæ; quam veluti lanceis in Christum pro ipsis mortuum seuire? Gregorius Nazianzenus (in poemate, quod inscribitur *Christus patiens*) auctor est, militem illum, qui lanceam in Christi latus adegit, oculorum altero fuisse captum; & Christi sanguine & aqua ad oculos admotis visum recuperasse; & Christi virtute agnitâ peccatus suum percussisse, & ipsum vt verum Dei filium agnouisse.

Scio non defuisse aliquem, qui huic historiæ fidem abroget, & apocrypham esse affirmet. Fortasse tamen non negaret, si locum Nazianzeni obseruasset; cuius auctoritas grauissima est. Salmeron

Cur Zacharias cap. 12. eadem de re loquens primo de aterni Patris persona, mox de Christo loquatur.

In Prophetis, cum Deus loquens inducitur, familiaris est tribui locutionem Patri.

Longinus, qui Christi latus perforauit, visum sanguine & aqua ex Christi vulnere manantibus recuperasset.



tomo decimo, folio 496. non solum citat Nazianzenum, sed etiam Isidorum; huius tamen locum non reperio. Romanum quidem Martyrologium die decimoquinto Martij asserit Longinum martyrem fuisse eum militem, qui Christi latus lancea aperuisse perhibetur. Atque illud saltem nemini dubium esse debet; cum militem Christi fidei nomen dedisse, atque illum suppliciter adorasse, quem hasta perfoderat. Constituta igitur ut vera historia illa à Nazianzeno affirmata, valde verisimile est Ioannem cap. 19. 37. Zachariæ locum retulisse, non solum, ut ostenderet, Prophetam vulnerationis lanceæ fecisse mentionem; sed etiam ut Diuinæ providentiæ consilium indicaret; quæ illi oculis referavit, qui Christum iam mortuum hastâ percussit; neque hoc solum, sed ipsâ etiam vulnerantis culpâ atque scuitie usus est Deus ad illius conversionem. Nempe ut ea ratione Longinus figuraret, per ipsam Ecclesiæ persecutionem, & præsertim per eam quæ à Romano Imperio excitanda erat, persecutorum tandem oculos aperiendos fore; & Christi passionem pijs lachrymis, & poenitentia dolore veneraturos. Atque huc spectant verba illa Apocalyp. 1. 7. *Et videbit eum omnis oculus, & qui eum pupugunt.*

*Et plangent eum planctu, quasi super unigenitum.* Omnino est sermo de amicorum dolore: Verum non expono solum de dolore, quem propriè fideles concipiunt de ipsa Christi passione, eam lugentes; sed etiam vniuersè de ijs, qui ad Christum conuersi poenitentiam de suis peccatis agunt; & præsertim de rigida & aspera Religiosorum vita; de quæ eorum omnium, qui ob Christi amorem appetitiones suas comprimunt, & religiosæ mortificationi student. Etenim hi omnes compatiuntur Christo, ut Paulus loquitur; atque in eorum austera viuendi & cupiditates coercendi ratione, explicite aut saltem implicite includitur de Christi morte commiseratio. Itaque sua peccata detestari atque deslere, & pro Christo sponte dolores & ærunnas perpeti; hæc omnia implicite saltem ad Christi passionis recordationem & venerationem referuntur. Lugent

A enim sua scelera considerantes, ea causam Christi passioni dedisse. Quod dum præstant, Christi mortem spiritualibus natijs, seu lugubri cantu celebrantes, iusta illi egregiè persolunt: atque in Religiosorum hominum poenitentia re ipsa comprobatur, quod Propheta ait, *plangent eum planctu, quasi super unigenitum.* Fit autem in his verbis manifestè allusio ad planctum super Iosif mortem excitatum; quem his verbis describit Ieremias Threnorum cap. quart. 20. & cap. 5. 18. *Spiritus oris nostri Christus Dominus captus est in peccatis nostris, cecidit corona capitis nostri; & nobis quia peccauimus.* Vnde verba illa, *plangent eum, quasi super unigenitum;* verè implentur, quando nostra peccata deflemus.

B Sicut planctus Adadremon, id est, complebitur in Christiana Ecclesia, quod fuerat præsignificatum in lamentatione pro morte Iosif edita in Adadremon; siue in loco, cui malorum granatorum copia nomen fecit. Sunt verò peculiare Ecclesiæ, & præsertim Religiones ac monasteria veluti malorum granatorum loca. Quorum cura ad sponsam Christi attinet; ut videbimus Cant. 6. 10. & cap. 7. 12.

Familie domus David, & mulieres eorum seorsum, alluditur ad Iudæorum lamenta: in quibus viri seorsum, & seorsum mulieres lugebant: ac prædicatur simul poenitentia vitæ religiosæ, quæ à Monachis separatim in monasterijs, & separatim à foeminis monialibus agitur.

C Domus David, domus Nathan, domus Leui, familie Semei. Placet Ariæ Montani observatio, existimantis mentionem hîc fieri insigniorum familiarum à Dauide genus ducentium: quas dolor de morte Iosif propius tangebatur. Quod aptum est ad significandum, in ea poenitentia ac pio planctu pro Christi I. E. S. V. passione, (de quibus supra dictum est) eos, in primis excellere, qui pietate & charitate ad Christum ipsum propius accedunt. Nec abs re sunt horum nominum significata ad Religiosorum Ordines indicandos. David enim exponitur, Dilectus; Nathan, Donatus; Leui, Copulatus; & Semei, Obediens.

Peculiares Ecclesias & præsertim religiones per loca malograna-tis consita figurari. In Iudeo-rum lamen-tis viros seorsum, foeminas seorsum plangere consue-uisse.

Nominum David, Nathan, Leui & Semei etymologia.

## NOTATIO VII.

*De symbolo nubium: ad illa verba, Ecce venit cum nubibus, Apocal. 1. 7.*

NOTATIONE XV. prolegomenon generatim disputauimus de magna perfectione symbolorum, quæ in Apocalypsi vsurpantur: & licet de singulis ex professo agere, infiniti esset operis ac laboris: sunt tamen nonnulla, quæ præteriri non debent; ut sint veluti argumentum ceterorum perfectionis. Inter hæc primò occurrit symbolum nubium; quod sua pulchritudine nos allicit, ut in ea contemplanda paulisper immoremur.

Primùm symbolica perfectionis fundamentum est rei ipsius, quæ in symbolum eligitur; naturalis historia seu philosophia. Hæc verò docet nos, nubes esse admirabile vniuersalis Dei providentiæ argumentum. E nubibus emittit Deus rorem, pluuiam & ingentes imbres, niuem, grandinem, lapides, tonitrua, fulgura ac fulmina. In nubibus etiam pulchra Iridis facies apparet. Nubes itaque terrorem interdum, interdum hilaritatem afferunt. Nam & summæ beneficentiæ & summæ seueritatis sunt administræ. Præterea nubibus Sol obducitur, ac tegitur cælum; nubibus Solis ardor remittitur; nubibus hyemis frigus temperatur, & frangitur calor æstatis; licet interdum etiam in-

D dem augeatur æstus, calore sub nube torrente, ut dicitur Isaia 25. 5. Hæc omnia nobis quasi ob oculos varijs in locis sacra Scriptura proponit. De rore, Isaia 18. 4. *Sicut nubes roris in die messis.* De pluuiâ, Iudicum 5. 4. *Nubes distillauerunt aquis.* & 2. Reg. 22. 12. *Cribrans aquas de nubibus celi.* Iob 26. 8. *Qui ligas aquas in nubibus; ut non erumpant pariter deorsum.* Psal. 146. 8. *Operit cælum nubibus, & parat terre pluuiam.* Vide Eccles. 11. 3. *Præterea de tempestatibus.* Iob 36. 27. *Effundit imbres ad instar gurgitum, qui de nubibus fluunt.* 3. Reg. 18. 45. *Ecce celi contenebrati sunt, & nubes & ventus; & facta est pluuiâ grandis.* Ezechielis 30. 3. *Dies nubis.* Et numero decimo octauo. Ipsam nubes operet. Ioël 2. 2. *Dies nubis, & turbinis.* De tonitruis, Psal. 76. 18. *Vocem dederunt nubes.* & Psal. 67. 35. *Virtus eius in nubibus; ecce dabit voci suæ vocem virtutis.* De Iride, Genes 9. 13. *Arcum meum ponam in nubibus; cumque obduxero nubibus cælum, apparebit arcus meus in nubibus.*

Præter hæc, magna est in nubibus varietas. Aliæ enim pulcherrimæ sunt; aliæ è contrario nigerri-mæ. Inest etiam nubibus magna celeritas ac velocitas, Ieremias 4. 13. *Ecce quasi nubes ascendet; & quasi tempestas currus eius, & Baruch 6. 61. Nubes, cum im-*

Multiplex nubium vsurpatio in sacris literis.

Nubium velocitas.

Longinum ad Christi fidem conuersum, & martyrem fuisse.

De quo plâ-ctus & dolore Zachariæ loquatur.

Mystica nubis significatio.

Nubium natura ac proprietates.



peratum eis fuerit perambulare vniuersum orbem, perficiunt, quod imperatum est. Illud etiam obseruatione dignum est, nubes ab humo consurgere; & ad locum adeo excelsum attolli, vt nulla eò vis humana possit pertingere, quæ illas impediatur, Psal. 134. 7. *Educens nubes ab extremo terræ, & Ieremias 51. 16. Qui leuat nubes ab extremo terræ.*

Quin, & hoc nubibus peculiare est: quæ non sicut Sol, Luna & stellæ, certâ semper & stabili vice suos cursus & exitus conficiunt; fixâ illâ ac perpetuâ ratione, quasi naturæ necessitatem indicantes: sed iam apparent, iam euascent; nunc ab ortu feruntur in occasum; nunc à meridie in septentrionem, vel etiam è contrario: modò copiosos imbres effundunt; modò aridæ ac sitientes sterilescent. Ex quibus liquidò cernitur, Deum non ex necessitate naturæ, (quod aiunt) operari; sed vt potentissimum gubernatorem: penes quem libera rerum omnium potestas est; qui pro suo libito nubes huc illuc trahit; & quouis facillimè circunducit. Hoc certè mirum est arcanum, & infinitæ Dei scientiæ vestigium; iuxta id Iobi 37. 16. *Nunquid nosti semitas nubium, magnas & perfectas scientias?*

Ex dictis intelligitur, nihil esse in rebus naturalibus, in quo tanquam in naturæ instrumeto, adeo Dei prouidentia effulgeat, vt in nubibus: atque adeo acutum fuisse inuentum & ingeniosam excogitationem, ex nubibus Dei prouidentia currum, ex ventis equos effingere. Id quod innuit Psalmus 98. 7. *Ponis nubem ascensum tuum, qui ambulat super pennas ventorum.* Varios olim ac multiplices cursus Poëte suis commentitijs Dijs sinxerunt, & à varijs tractos animalibus: sed nihil est in ijs omnibus, tantæ aut elegantia, aut proportionis, vt cum hoc nubium & ventorum curru possit vlla ex parte conferri. Et fanè is est Deo in primis gloriosus: quod & sacra Scriptura non semel expendit, vt Deuteronomij 36. 26. *Magnificentiâ eius discurrunt nubes.* Eccli. 43. 16. *In magnitudine sua posuit nubes.* Psal. 67. 35. *Magnificentiâ eius in nubibus.*

Quòd hæcenus diximus, ad naturalium nubium historiam pertinet. Verùm ad symbolicam earum significationem, non solum nubium naturâ, sed faceræ etiam Scripturæ historiæ attendendæ sunt: in quibus illæ sunt illustrissimæ; primò nubes ea, quæ Deus Israëliticum populum ex Ægypto ad terram promissionis duxit. Secundò, quæ montem Sina operuerunt, quo tempore Deus legem populo ferebat. Tertiò, quæ Moyses tabernaculum impleuit, quo die absolutum est. Quartò, quæ Salomonis templum in die dedicationis similiter occupauit. Quintò, quæ in Christi transfiguratione visa est: & sextò, quæ in ipsius ascensione.

In prima ergo harum nubium ostendit Deus suam singularem in populum illum prouidentiam; cum eum nubeâ columnâ duxit atque protexit; quæ die solis æstum eis arcebat, & nocte suo lumine illos illustrabat; & modò consistens, modò progrediens, vbi esset sistendum, quâ progrediendum, indicabat. In ea nube Deus pro suo populo pugnat, inter ipsum & eius hostes interiectus: Exodi 14. 20. In ea nube propè ad illos accedebat, & faciebat illis suæ præsentia copiam; cum inclinata nube tabernaculum operiebat. Denique in nube illa præfente Dei præsentiam agnoscebant. Et de his sæpè sacra Scriptura loquitur.

Simili ratione cum legem Deus in monte Sina promulgare voluit; vt caulestem esse legislatorem aduerterent, ad eos ait Exodi 19. 9. *Veniam ad te in caligine nubis, atque ita factum est, num. 16. Cæpit nubes densissima operire montem; & habitauit gloria Domini super Sina operiens illum sex diebus.* Deuteronom. 4. 11. *Accessisti ad radicem montis; erantque in eo tenebræ & nubes, & caligo.* vide Deuteronom. 22. Ecclesiastici 45. 5.

Deinde, cum Moyses erectum tabernaculum, & Salomon templum consecrauit; vtroque Deus suæ præsentia & prouidentia atque fauoris insigne edidit argumentum in nube; quæ & tabernaculum primò, & postea templum impleuit, Exodi 40. 32. *Postquam omnia perfecta sunt, operuit nubes tabernaculum & gloria Domini impleuit illud; nec poterat Moyses*

**A** ingredi, nube operiente omnia, & maiestate Dei coruscante: quia cuncta nubes operuerat. & 2. Paralip. 5. 13. *Ita vt impleteretur domus Dei nube; nec possent Sacerdotes stare, & ministrare propter caliginem.* & 3. Reg. 8. 10. *Nebula impleuit domum.* & n. 12. ait Salomon; *Dominus dixit, vt habitaret in nebula.* & 2. Paralip. 6. 1. *Dominus pollicitus est, vt habitaret in caligine.*

De transfigurationis nube, vide Matth. 17. 5. *Marci 9. 7. Luca 9. 34. 35. Nubes lucida obumbravit eos, & olim, Nubes tenebrosa illuminauit noctem, quando inter Hebræos & Ægyptios se interposuit, Exodi 14. 19. 20. & Deus de nube fuit loquutus, & ecce vox de nube.*

De nube ascensionis, Actor. 1. 9. *Nubes suscepit eum ab oculis eorum.* Et locus Danielis 7. 13. videtur intelligendus de ascensione & non de die Iudicij.

**B** Præter has nubes, duo sunt in sacra Scriptura nubium vaticinia; alterum Ieremias, 2. Machab. 2. 8. vbi agens de die, quo manifestanda erat arca Dei, *Apparebit (inquit) maiestas Domini, & nubes erit; sicut & Moysi manifestabatur; & sicut cum Salomon petijt, &c.* Alterum verò de nubibus in die iudicij; de quibus sæpè sacra Scriptura loquitur, Actor. 1. 11. *Sic veniet, quemadmodum vidistis eum euntem in celum.* Matthæi 24. 30. *Venientem in nubibus celi.* & cap. 26. 24. *Marci 13. 26. Venientem in nubibus.* cap. 14. 61. *Venientem cum nubibus.* Luca 21. 27. *Venientem in nube.* 1. Thessal. 4. 17. *Rapiemur cum illis in nubibus.*

**C** Hæcenus de nubium naturâ, & sacris earum historijs atque prophetijs. Nunc ad significationem veniamus. Ac primò, quod ad eas nubes spectat, quibus Deus in veteri historia suam præsentiam testari voluit; illis indicauit, Deum, qui Israëliticum populum ducebat, qui legem eis promulgabat, qui in Moyfis tabernaculo, & postea in Salomonis templo celebratur, verum esse ac supremum totius rerum vniuersitatis gubernatorem; qui suam in nubibus prouidentiam ostendat. Ac facillè perspicitur, congruentissimè nubium ministerio fuisse vsum, vt se hominibus cognoscendum proponeret. Neque enim aliud signum aptius & conuenientius videtur eligi potuisse. Nam nubes sunt in rerum natura præcipuum Diuinæ prouidentia instrumentum, vt superius vidimus. Quòd si omnes Dei spiritus (de quibus notatione V.) velimus percurrere; cunctos ferè in nubibus mirè expressos inueniemus. Ibi namque infinita potentia apprimè figuratur, quæ in nubibus & earum effectibus splendet: ibi maxima illa beneficentia, quæ per nubes suos effundit thesauros; quibus terram fecundat, & orbem vniuersum alit. Ibi admirabile consilium ac sapientia; quæ viam & rationem inuenit, qua nubes ab humo eductas in sublime attolleret, & inde iacentem terram multiplici fonte irrigaret. Ibi ingens patientia eius; qui manibus tenet fulmina: & tamen non dissimulat solùm, sed pluit etiam super eos, qui eum ad iracundiam prouocant. Ibi horribiles minæ; quas nubes crebro tonitru atque fulgure nobis intendunt. Ibi denique grauissima suppliciorum seueritas; quæ cum sæpè alias, tum præsertim in generali illa mundi eluione sese ostendit. Solam aequitatem tegere videntur nubes. Ceterum id ipsum congruentissimum erat; oportebat enim Dei prouidentia aequitatem in hac vita occultari; vt cap. 5. explicabimus.

**D** Cum igitur valde expediret Dei prouidentiam fuisse abditam; eo ipso elegantissimum fuit nubium symbolum ad eam prouidentiam significandam eligere: quæ vna ex parte Dei præsentiam indicant; ex alia verò cælum obtegunt, & lucem oculis eripiunt. Et ad hoc arcanum indicandum magnæ sapientiæ fuit, vt nubes in qua Deus ad tabernaculi & templi dedicationem, suam præsentiam exhibuit, templum vsque adeo impleret, vt sacerdotes nihil omnino dignoscerent. Ex quo colligitur Dei consilium fuisse, vt suam prouidentiam præsentissimam pariter & occultissimam esse monstraret.

**E** Nubes itaque Dei prouidentiam partim tegendo, & partim detegendo appositè figurant. Pro quo aduertendum est, nubes ipsas dupliciter cogitari posse. Primò, vt currum aut sedem, quæ eius con-

*Nubes in Christi transfiguratione.*

*Nubes præcipuum Diuinæ prouidentia instrumentum. Septem Diuinæ prouidentia spiritus in nubibus mirè effulgere.*

*Nubes partim tegendo, partim detegendo diuinam designant prouidentiam.*

*Duplex nubium consideratio.*

*Nubium varietas ac vicissitudo.*

*Nubes Dei currus.*

*Præcipua sacrarum Literarum historia, in quibus nubium sit mentio.*

*De nubis columna, qua populum præcedebat.*

*Nubes in monte Sina ad legis promulgationem visa.*

*Nubes in Moysi tabernaculo & in Salomonis templo apparentes.*



spectum qui venit in nubibus, non prohibet. Secundo, ut operimentum, quo aliquid tegitur, ne cernatur. Cum priori cogitatione facit, quod habetur Apocal. 14. 4. *Sedentem super nubem candidam, & Psal. 103. 3. Poni nubem ascensum tuum.* Cum posteriori verò illud Psalms 17. 12. *Posuit tenebras latibulum suum.* 96. 2. *Nubes, & caligo in circuitu eius.* Ezechielis 32. num. 7. *Solem nube tegit.* Exodi 40. 34. *Operuit nubes tabernaculum eius, & alia huiusmodi.*

In Christi transfiguratione & ascensione, & in die supremi iudicii congruentior de nubibus philosophandi modus est; ut accipiantur tanquam perspicua signa, quæ ostendant Christum esse supremum mundi Dominum ac moderatorem. Propria enim nubium significatio est diuinitatis ostensio in eo, qui tanquam nubium Dominus, earum vitur obsequio ad suam prouidentiam indicandam; & eam vel regendam, vel detegendam; prout magis ad ipsius gloriam conducatur. Atque ideo toties Scriptura repetit nubes extremi iudicii. Quæ significatio tantam in se habet energiam; ut licet Christus non esset in iudicium in nube corporea venturus; verè tamen & eleganter dici posset, ipsum in nubibus venturum, iuxta sacræ Scripturæ loquutionem. Nec ideo negari veras & corporeas nubes in die iudicii futuras. Non enim mihi animus est, innouare aliquid, quod ad doctrinam attinet: sed illud asserere, symbolicam nubium significationem esse adeo pulchram & aptam; ut licet tunc propriæ nubes futuræ non essent, verissimè tamen & significantissimè diceretur Christus in cæli nubibus venturus. Quod idcirco dictum velim; ut animaduertatur, multò maius & excellentius in nubibus latere mysterium, quam existimabit quispiam, qui grammaticum solum sensum considerauerit. Cui nonnullos plus nimio addictos esse video. Etenim quod dicitur 2. Machab. 2. 8. quod scilicet in arcæ manifestatione, *Apparebit maiestas Domini; & nubes erit sicut & Moysi manifestabatur.* Hoc (inquam) ut opinor, non debet intelligi; ut externa verba sonant, & aliqui interpretantur; videlicet ad Iudaici populi conuersionem Deum sub mundi finem veterem illam testamēti arcam manifestaturum. Non enim aut verisimile esse, aut legis Euangelicæ temporis congruere arbitror, ut Deus arcam illam asseruerit nouissimis mundi temporibus propalam Iudæis ostendendam: sed Ieremiam prophetam ibi loqui de arca mystica (ut Ambrosius, & Rupertus intellexer, quos adducit Serarius.) Quare verba illa, *sicut & Moysi manifestabatur;* mysterij similitudinem respiciunt, non eandem nubium formam. Vide Matth. 26. 29. Marc. 14. 25. Lucæ 22. 18. *Non bibam de hoc genimine vitis, usque in diem illum, quo illud bibam novum.*

Locus ergo ille 2. Machab. 2. 8. in vero ac germano sensu agit de mystica arca, scilicet Christo; aut de Euangelica doctrina, & de mysticis nubibus, id est, de magna diuinitatis ostensione, qua ab hominibus cognoscendus erat. Atque idem videtur esse mysterium nubis Ezechielis 10. 3. *Nubes impleuit atrium,* & n. 4. *repleta est domus nube.*

His constitutis nubium symbolum iure optimo applicatur ad ea omnia, quæ sunt præstantissima supernaturalis prouidentie instrumenta, qua Deus Ecclesiam suam moderatur. Quare in primis hoc symbolum Christi humanitati meritò tribuitur, quæ expositio est Hieronymi, Cyrilli, Hesychij, Augustini, Gregorij & Ruperti apud Lauretum. Et hæc significatio in eo potissimum fulcitur; quod Christi humanitas est præcipuum Diuinitatis instrumentum in prouidentia, qua suæ consulit Ecclesiæ. Atque ipse Christus est, qui suo populo præt, illum ignea columna illuminans pariter ac protegens. Cui significationi apprimè deferuit, quod de naturali ac supernaturali nubium historia dixi.

Deinde, Angelis applicat diuus Dionysius nubium symbolum de cælesti Hierarch. cap. 15. sunt enim nobilia instrumenta, quibus Dei prouidentia in hominum salute vitur. Et paulò infra peculiarem rationem huius significationis perstringe-

mus. Quare hæc solum addo, in cap. 1. Ezechielis, (ut ibi videbimus) nubium symbolum ad vnum ex nouem Angelorum choris singillatim accommodari.

Ceterum frequentior significatio symbolica nubium est, ut per illas Ecclesiasticæ Hierarchiæ Angeli, id est, Euangelij concionatores significantur; nec non ipsa Euangelij prædicatio. Obseruandum enim hæc est, in symbolis ferè non esse distinctionem inter abstracta nomina, atque concreta. Nam leo, verbi gratia, fortitudinis pariter ac viri fortis symbolum gerit. Promiscuè ergo agemus de Euangelicis prædicatoribus, & de ipsa Euangelij prædicatione.

In primis ad hoc munus viri sanctissimi à Deo euocantur, qui ex terrenæ humilitatis humo, & ex huius sæculi mari, cælesti quadam vitolluntur à Deo ad cælestem vitam, vbi spiritus Dei aguntur; quemadmodum nubes è terra ac mari in aëra inblat à ventis impelluntur. Quæ cōsideratio est Arnobij, Hieronymi, Augustini, & Gregorij apud Lauretum. Nota id ad Rom. 8. 14. *Quicumque spiritus Dei aguntur, hi sunt filij Dei,* vbi alludit Paulus ad id Psalms 88. 7. *Qui in nubibus æquabitur Domino, similis erit Deo in filiis Dei.* vbi pro eodem videtur poni nubes ac filij Dei. Facit quod idem nomen Hebraicum נֶפֶשׁ *Nefes*, & in plurali נֶפֶשׁוֹת *Nefim*, significat nubes & principes, à radice נָשָׂא *Nasa*, id est, attollere: eo quod supra ceteros attollantur.

Secundò, illud ipsum, quod est agi à spiritu Dei, Euangelicos prædicatores efficit nubes mysticas; nam in prædicationis officio Spiritus sancti vis eos idoneos facit ministros Euangelij: atque hæc ratio esse videtur, quare Origenes, Arnobius, Hieronymus, Augustinus, & Gregorius apud Lauretum Euangelicis prædicatoribus symbolum nubium accommodent.

Tertiò, hæc est nubes atque ignis columna, quæ Dei populum præuia ducit, atque ei in noctis caligine lucem præfert: hæc etiam columna inter Israeliticum populum, & Aegyptios ipsius persecutores se mediam interponit; ut Dei populum defendat, & pro ipso cum aduersariis bellum gerat.

Quartò, hæc nubes in populum emittit doctrinæ cælestis rorem, ac pluuiam illam secundam ac pinguem, de qua Dionysius de cælesti Hierarch. cap. 15. Nec constrictæ sunt ad peculiarem aliquem locum, ut ibi solum pluant; sed quocumque eas Spiritus cælestis impulerit, ibi suam pluuiam largè effundunt. Nota insuper nubes in orbis obsequium se impendere, & superimpendere; quemadmodum Paulus loquitur 2. Cor. 12. 15.

Quintò, harum nubium gloria est Iris cælestis, id est, Christi passio, 1. Cor. 2. 2.

Sextò, hæc mysticæ nubes, sunt gloriosissimus Dei currus, (iuxta ea quæ supra diximus) qui Christi nomen quoquò gentium portat.

Septimò, hæc nubes sunt Dei prouidentie testimonium, & concionatores sunt testes. Vnde Paulus ad Hebræos 12. 1. *Ideo nos tantam habentes impositam* (Græcè circumiacentē) *nubem testimonij:* tam magnum scilicet testimonium, quod nos circumdat; illius instar nubis, quæ in transfiguratione Petrum, Iacobum, & Ioannem circumsteterit; & alterius etiam, quæ in Moysis tabernaculo atque in Salomonis templo sacerdotes circumstipabat.

Octauò, in his nubibus aduentat Christus, ut se hominibus cognoscendum exhibeat, Apoc. 1. 7. *Ecce venit cum nubibus,* vbi sermonem esse ad literam de mundi cōuersione, in commentario explicauimus. Et confirmatur, quia similiter de Euangelicæ prædicationis gloria sermo est in ceteris omnibus locis Apocalypseo; in quibus fit mentio nubium, ut cap. 10. n. 1. *Amictum nube,* cap. 11. 12. *Ascenderunt in nube,* & cap. 14. 14. *Sedentem super nubem candidam.*

Nonò, de his nubibus ait Isaias cap. 19. 1. *Ecce Dominus ascendet super nubem leuem, & ingreditur in Aegyptum,* id est, in gentilitatē, ad idololatriam destruendam. Et de eisdem nubibus loquitur Isaias ipse cap. 45. 8. *Rorate celi desuper, & nubes pluant iustum:* quod est, Christum prædicare.

Nubes Est angelicus concionatoris symbolum.

Nubes in Christi transfiguratione, ascensione & iudicio quomodo accipienda.

Nubes prouidentie præsertim supernaturalis symbolum.

Nubes Angelorum symbolum.



*Fulminis  
ignis ad in-  
teriora pe-  
netrans.*

Decimò, Earundem nubium vox est tonitrus: atque hæc est potens Dei vox ( de qua Psalm. 28. vide etiam Psalm. 67. 35. & Psalm. 76. 18. ) humanæ voci suggerente Deo diuinam virtutem, quam cælestis lucis fulgor comitatur. Ignis autem nubium fulmen est; quod ad diuini spiritus ignem, quem viri Apostolici ore fulminabant, mirificè aptatur, Apoc. 11. 5. *Ignis exiet de ore eorum, & nora fulminis ignem ad interiora mirificè penetrantem.* Vide Plinium lib. 2. cap. 51.

Vndecimò, Hæc videtur esse mystica significatio nubis in transfiguratione, & ascensione Christi. vtriusque historiæ mysterium est Christi gloriæ manifestatio & exaltatio; cui nubes euangelicæ deferuiunt.

Duodecimò, Euangelij doctrina nubes est, quæ Dei gloriam ac præsentiam manifestat in ipsa caligine, quam humanæ rationis oculis offundit; dum ea ipsa tegit, quæ verissima esse confirmat. Vt in tabernaculi ac templi dedicatione figuratum est. Et enim prædicatio mysteriorum Trinitatis, incarnationis, Eucharistiæ & Christi mortis, est quidem ipsi Deo nubes gloriosissima; eiusmodi tamen, quæ nobis summè occultet idem, quod testificatur; & captiuat intellectum in obsequium fidei. Atque ita re ipsa comprobatur Ieremiæ prophetia 2. Machab. 2. 8. & Ezechielis 10. 3. de quibus supra. Quod si obscurissima fuit nubes, in qua Deus præsentem se esse ostendit, quando ad montem Sina descendit, ut legem promulgaret; multò obscurior & gloriosior

A est nubes Euangelicæ prædicationis. Et in ea verissimè impletur illud Salomonis, *Dominus dixit, ut habitaret in nebula*: in ea (inquam) nebula; quæ vna ex parte nos conuincit, vt certissima esse ac planè diuina nostræ fidei mysteria esse credamus; ex alia verò, obscuritate sua ac maiestate, Dei magnam à nobis reuerentiam & venerationem requirit, oculis tantorum mysteriorum fide velatis.

Decimotertiò, Hæc ipsa obscuritas maximum est Dei prouidentiae ac maiestatis signum: iuxta id Psalm. 17. 12. *Posuit tenebras latibulum suum, & Psalm. 96. 2. Nubes & caligo in circuitu eius.*

Decimoquartò, Nubes in se solis claritatem accipiunt, & desuper valde illustrantur; sed eam claritatem nostro visui accommodant, & temperatam ad nos transmittunt. Hoc significat Dionysius de cælesti Hierarchia cap. 15. quanuis ipse de Angelis loquatur: sed in Angelis etiam Ecclesiasticæ Hierarchiæ verum esse comprobatur.

B • Decimoquintò, Harum denique nubium comitatu septus Christus ad extremum iudicium veniet, in sanctis millibus suis, Deut. 32. 2. *Et in nubibus, & cum nubibus.* vtrâque enim phrasi vtitur sacra Scriptura.

Hæc indicasse sit satis. Et quanuis multæ aliæ comparationes ex nubibus desumantur, non solum in bonam, sed etiam in malam partem; eas tamen omnes omitto, quia mei instituti solum fuit explicare, cui potissimum significationi symbolum nubium deferuiat.

## C O M M E N T A R I V S.

Verf. 8.

**E**GO SUM A, ET Ω, PRINCIPIVM ET FINIS; DICIT DOMINVS DEVS, QVI EST, ET QVI ERAT, ET QVI VENTVRVS EST OMNIPOTENS. ] Duo sunt in his verbis exponenda. Primum, quis loquatur; alterum, quid significet. Circa primum, dicet fortasse aliquis loqui hic Patrem æternum. Nam Ioannes ad finem dedicatoriæ epistolæ, manifestè videtur repetere voluisse, quod initio illius per explicationem nominis Iehoua significauerat; nempe Deum hoc Christianæ Ecclesiæ opus exorsum fuisse, & idem deinceps prouecturum, ac gloriosissimè perfecturum. Hoc autem principio Patri æterno attribuit, in ea salutatione; *Gratia vobis, & pax ab eo, qui est, & qui erat, & qui venturus est*: addit enim mox; *& a septem spiritibus, &c. & à Iesu Christo*, ergo similiter in præsentem, cum repetit, *qui est, & qui erat, & qui venturus est*, Patrem item æternum indicat. Nam & nomen *venturus* eidem supra tribuerat.

*Patris, an  
Filij verba  
sint, Ego su  
A, & Ω.*

*In Christi  
persona hæc  
dici.*

*In Catholi-  
corum olim  
sepulchris,  
incidit solita  
A, & Ω,  
& cur?*

Assero tamen, in hoc versu sermonem esse de Christo. Quod primò probatur; quia sic censer explicandum esse hunc locum Nazianzenus oratione 35. ubi ait, *Hæc perspicue de Filio Dei dicuntur.* Eadem est explicatio Athanasii tractat. in id Matth. 11. 27. *Omnia mihi tradita sunt à Patre meo.* Et Ruffini Aquileiensis in expositione symboli Apost. & Idacii Clari lib. 3. contra Varimand. & Phœbadij, siue Sebadij, Aggenni Galliarum Episcopi lib. 3. contra Arrianos. Accedit, quod dum vigeat hæresis Arriana, in Catholicorum sepulchris incidi solebant hæ duæ literæ A, & Ω, quibus notabatur; eum, qui ibi iacebat, in diuinitatis Christi confessione obijisse; vt aduertunt antiquarij, Ambrosius Morales in historia lib. 11. cap. 41.

Probatur secundo; quia verbum illud *dicat*, necessariò debet designare eum, qui Ioanni Apocalypsin misit; hunc verò fuisse Christum expresserat ille supra. Tertiò ex collatione huius loci cum illo Apoc. 22. 2. *Ecce venio cito, ego sum A, & Ω, principium & finis*, & statim subdit; *Ego Iesus, ego radix David.* Ergo in præsentem etiam loquitur Christus. Confirmatur, quia esse primum & nouissimum, idem omnino est, quod esse A, & Ω, (vt mox explicabimus) & cap. 2. num. 8. manifestum est loqui Christum & dicere; *Ego sum primus & nouissimus.*

Vnde ad priorem difficultatem respondeo, optimè coherere inter se, vt quod Patri initio epistolæ tribuitur, idem in fine tribuatur Christo; cum Pater & Filius sint idem Deus. Argumentum autem Apocalypseos, quod hisce verbis indicatur, non peculiariter exigit, vt de Patre potius, quam de Filio sermo sit. Quin imò ipsi argumento congruentius est, vt Iehoua nomen & Ecclesiæ Christianæ fundatio, atq; perfectio, quæ primò tributa sunt Patri, tanquam totius Diuinitatis, ac proinde bonorum omnium fonti & origini; eadem nunc æqualiter tribuantur Filio, *per quem omnia facta sunt*, & cui Pater Christianæ Ecclesiæ fundata, erecta, atque perfectæ honorem singulariter vult deferri. Arrianis non placeret nostra expositio; quia per eam nomen Iehoua expresse tribuitur Christo; sed Ioannes Arrianus non erat.

Diximus, cuius hæc sint verba. Superest vt dicamus, quid illis significetur. In quo adnotatio D. Isidori lib. 7. Etymol. cap. 2. verissima est, asserentis pro synonymis accipi tria illa A, & Ω, *principium & finis; primus & nouissimus.* Nam cap. 22. 13. coniunguntur omnia, *Ego sum A, & Ω, primus & nouissimus; principium & finis.* Deinde horum verborum finis est, animos addere illis, qui rei difficultatem humano iudicio metientes possent animum despondere. Videre est hoc cap. 1. 17. ubi dicitur; *Noli timere;*

*Quorsum  
se vocet  
Christus  
A, & Ω.*



ego sum primus & nouissimus, & cap. 2. num. 8. similiter dicitur; Hæc dicit primus & nouissimus; nihil horum timeas. Huc etiam spectat mentio omnipotentis, quæ nomini Diuino adiungitur in præsentī, & cap. 4. 8. scilicet ad erigendam spem. His præiactis dico, hæc verba A, & Ω, primus & nouissimus; principium & finis, coniungi cum nomine Iehoua; vt in re tanti momenti idem sensus varijs nominibus est, & qui erat, & qui venturus est, vt suprà iam vidimus, eodē propriè spectat, vt indicetur Deum esse auctorem & consummatorem felicitatis Ecclesiæ Christianæ. Eadem ergo est significatio, cum dicitur A, & Ω. principium & finis. Cum enim illæ duæ sint prima & vltima Græci alphabeti literæ, in Græco sermone pro principio, & fine ponuntur; atque ita maioris expressionis gratia additur Principium & finis; quod nihil aliud est, quàm dicere Deum esse auctorem & consummatorem; id est, qui inceptit, & qui perficiet.

Hoc vt planum fiat; notandum est, vtitam esse in sacra Scriptura loquutionem, vt abstracta ponantur pro concretis. Sic Christus à Paulo appellatur sapientia, iustitia, & sanctificatio, & redemptio 1. Cor. 1. 30. id est, sapientiam, iustitiam, sanctificationem, & redemptionem tribuens. Quid ergo planius, quàm vt principium, & finis denotent incipientem opus, & perficientem? Clare hoc expressit Paulus, dum Christum appellat auctorem, & consummatorem, ad Hebr. 12. 2. Vtutur enim ijs concretis, quorum abstractis hîc vsus fuit Ioannes. Nam quod nos legimus Principium & finis, Græcè legitur ἀρχὴ καὶ τέλος; & pro Auctore, & consummatore, Paulus Græcè ait, ἀρχηγὸν καὶ τελειώτην. Eodē spectat illa phrasis Zachariæ 4. 9. Manus Zorobabel fundauerunt domum istam; & manus eius perficient eam. Denique nota, in nomine finis, quod Apocalypsis tribuit Deo, omnino alludi ad illum multorum Psalmorum titulum in finem, de quo dicemus notat. VIIII.

Scio multas alias horum verborum circumferri explicationes. Hieronym. lib. 1. contra Iouinian. explicat hæc verba iuxta id ad Ephes. 1. 10. Instaurare omnia in Christo. Tertullianus de monogam. eodē spectat, vt omnis disputatio desinat in Christum, & per Christum omnia ad initium reuocentur; & homo reuertatur ad paradysum, vbi prius erat. Petrus Damianus Christi summam sapientiam arbitrat hîs verbis significari. Augustinus & Epiphanius, (licet non eodem modò) exponunt de duplici Christi natura diuina & humana. Quod fortasse spectabat vetus illa in Christianorum sepulchris consuetudo; cuius paulò antè meminimus. Sixtus Senensis lib. 2. initio, & Cardinalis Bellarminus lib. 1. de Christo. cap. 4. exponunt de primo principio & vltimo fine rerum omnium. Prado in Ezechielem, initium & finis sermonum, quos vel Prophetæ vel Apostoli fecerunt; finis legis, consummatio, summa, scopus, initium viarum Dei, summa omnium legalium, caput Ecclesiæ, conamentum. Alij ad æternitatis significationem respiciunt. Prætereo delirium eorum, quos refert Tertullianus; qui ad nomen Græcum columbæ referebant, A, & Ω, computatione arithmetica. Cetera suam habent probabilitatem. Germana tamen interpretatio est, quam initio posui. Et fortasse eodem sensu ab Ethnicis appellatur, Iupiter terminalis, Græcè τερμινεύς, παρὰ τὸ πάντων ἀρχὴ καὶ τέλεις εἶναι. Quod verò primus & nouissimus idem sit, quod principium & finis, dicam infra n. 17.

In sacris sæpe abstracta pro concretis poni. Quid sibi velis Christus, cum se principium & finem appellat.

Varia Doctorum expositiones de A, & Ω, principio & fine.

## NOTATIO VIII.

De illo titulo Psalmorum; In finem; ad illa verba Apocalypseos 1. 8. Principium, & finis.

VIDIMVS iam in commentario, quid sit Deum esse principium & finem. Sed vt maior lux eis verbis afferatur; oportet explicare, quæ sit propria significatio tituli illius in multis Psalmis vulgatissimi, in finem; ad quem mihi persuadeo Ioannem in his verbis alluisse.

Atque vt prius breuiter varias referamus expositiones, quò facilius deinceps potiorem eligamus; hæc loquutio in finem in Psalmorum titulis quadruplîter videtur exponi posse. Primò enim refertur ad durationem diuinæ laudis: ita vt in finem sit idem, quod in perpetuum. Secundò ad perfectionem & excellentiam Psalmi; vt perfectum & consummatum opus denotetur. Tertiò, ad vltimam mundi ætatem, id est, ad tempus legis gratiæ; vt eò respiciat Psalmus. Quartò ad Dei victoriam: vt in finem sit idem, quod Deo victori.

Primam expositionem sequitur Rabbi Abraham exponendo dictionem Hebraicam Lamnafeah, quasi synonymam dictionis Lanefah; vt videre est in thesauro. Facit, quòd vtrunque dictionem videntur eo modo exponere LXX. & Vulgatus. Pro vtrâque enim indifferenter reddunt in finem; & pro Lanefah sæpe etiam vertunt in seculum vel in perpetuum. In 56. Psalmis titulus est Lamnafeah; & in omnibus vertunt in finem. Et pro Lanefah, vertunt similiter In finem, Psal. 9. 1. & 19. Psal. 12. 1. Psal. 15. 1. Psal. 43. 23.

D. Psal. 48. 10. Psal. 51. 7. Psal. 67. 17. Psal. 73. 3. & 10. Psal. 88. 47. Isaia 13. 20. & Amos 1. 11. Et quòd in finem sit idem, quod in perpetuum vel sempiternum, probatur tum ex contextu; tum etiam, quia pro eadem dictione Lanefah, vertunt in æternum, Psal. 48. 20. & Isaia 57. 16. & in sempiternum, Isaia 25. 8. & in perpetuum, Psal. 102. 9. Isaia 28. 27. Vide etiam Isaia 34. 10. à generatione in generationem: Heb. Lanefah nashim, & Ieremia 15. 18. dolor perpetuus: Nesah. Quòd autem in principio multorum Psalmorum inscribitur in finem, vel in sempiternum, nō minùs cohærere videtur, quàm quod in Psalmorum singulorum fine canit Ecclesia, nempe Gloria Patri, &c. nunc & semper, & in secula. Hoc ipsum tenet Iansenius; qui tamen credit Septuaginta nō legisse Lamnafeah; sed, Lanefah.

E. Secundam expositionem amplectitur D. Chrysostomus (vt refertur in notationibus ad Biblia Vaticana LXX. interpretum, Iob 23. litera K. fol. 720.) ait enim in finem esse idem, quod rationem efficacem (seu conuincentem) atque perfectam. Huius tamen phrasis reddit rationem Chrysostomus; nimirum quia apud Hebræos finis, atque victoria, siue excellentia eadem dictione significantur. Certè absolutionis & consummationis nomina finem denotant, & sæpe ad rei perfectionem referuntur; atque absolutum aliquod opus magnopere perfectum est. Sic fortasse Threnoru 3. 18. Perijt finis meus, id est, omnis

2. Expositio.

Vox in finem: multorum Psalmorum titulus præfixa quid significet.

Quadruplex eius vocis expositio.

1. Expositio.

Lanefah, & Lanefah, quid Hebraice.



mea perfectio & excellentia Heb. *nisehi*, atque eadem sanè est dictio Isaia 63.6. pro qua virtutem legimus, id est, maiestatem & gloriam. Heb. *niseham*, & in alijs locis Vulgatus reddit *vitòriam*, vt dicemus infra. Sed quod in Psalmorum titulis, ad Psalmi sit excellentiam, *vitòria* nomen referendum, còfirmari potest ex lectione Septuaginta interpretum Habac. 3. fine. Nam vbi nos legimus, *Victor in psalmis canentem*; legunt ipsi, *Vt vincam in cantico eius*: ergo de psalmi *vitòria* est sermo; & eo loco respondet in Hebræo *lamnaseah*, & manifestè respicitur ad Psalmorum titulos; in quibus eadem dictio legitur.

Ad eandem *vitòrie* significationem seu analogiam reuocari potest quadam alia Merceri expositio; qui *Lamnaseah* interpretatur *ad preuolendum*, scilicet vocis còtentione, aut musicæ perfectione. Nam hæc etiam *vitòria* se tenet ex parte Psalmi seu cantici; atque adeò, si in *finem* ad *vitòriam* Psalmi referatur, eo nomine poterit denotari vocis contentio. Quò etiam referri potest lectio LXX. Habac. 3. fin. *Vt vincam in cantico eius*, & facit locus Ieremiæ 8. 5. *auerfione contentiosa*, Heb. *Nisabhat*.

Tertiam explicationem docet Theodoretus, quam sequitur Genebrardus, referens eandem significationem de Messia tēporibus tradi à Kimhi in dictione *Lamnaseah*. Facit locus Pauli ad Rom. 10.4. *Finis legis est Christus*. Facit etiam quòd hac explicatione propheticus Psalmorum sensus commendetur. Adde huc, nihil aptius esse, quàm vt nomen finis denotet nouissima tempora. Paulus quidem sic loquitur 1. Cor. 10. 11. *in quos, fines seculorum deuenerunt*. Et sic etiam loquitur Irenæus lib. 4. cap. 50. vbi vtitur psalmorum phrasi in *finem* ad eam respiciens, & eam exponens.

Quartam explicationem omnino sequitur Vulgatus interpres, & Ecclesiæ consensus Habac. 3. fine. Legimus enim, *deducet me victor in psalmis canentem*. Et quanuis nonnulli contendunt legendum esse *vitòri*; vt rous modo *vitòria* deferretur Deo. Et fortasse constructio legitima est, *deducet me (Deus) canentem in psalmis, Victor, victor*, quod est Deum victorem prædicare. Et sic quanuis in Hebræo *lamnaseah* sit in datiuo, aptissimè tamen reddidit noster interpres in nominatiuo, *Canentem victor*. Verùm vt cumque hoc sit, euident est *vitòriam* deferri Deo; & manifestè respicitur ad psalmorum titulos, in quibus legitur *Lamnaseah*: atque adeò certum est, in titulis psalmorum per vocem illam, quàm LXX. atq; Vulgatus transfulere in *finem*, deferri *vitòriam* Deo. Sed prima facie difficile apparet, quonam modo phrasim illa in *finem* eidem significationi possit deferuire. Ad hoc dico phrasim esse Hebraicam, vt notauit Chrysostomus, nomine finis significari *vitòriam*: & sicut Hispana phrasi; & fortasse etiam Hebraicà, *festinare* ponitur pro *pudesceri*; Hispanè, *Correrse*, sic in sacre Scripturæ lectione (vbi certum est multos esse Hebraismos) non debet videri coactum, quòd finis ponatur pro *vitòria*; præsertim docente id expresse Chrysostomo, & contestantibus omnibus dictionarijs. Multa huiusmodi deorantur in singularum linguarum phrasi. Et ne ab hac dictione *Mnaseah* abeamus; Latinis auribus non videretur minùs coactum, eadem dictione significare finem, atque præpositum siue præfectum. In Hebræa autem & Hispana phrasi non est coactum, sed aptum. Atque ita, esse *Mnaseah* est *ser cabo*, quòd nomen militare est Hispanis pro plurium cohortium siue trirēmium præfecto. *Præpositos* vertit Vulgata 1. Paral. 23.4. & lib. 2. cap. 2.2. & num. 18. & eadem analogia, qui vincit, appellatur *Mnaseah*; manet enim superior effectus.

Ex dictis colligo, Hebraicà phrasi, nomen *finis* non solum *vitòria* tribui, sed ipsi etiam *vincenti*, siue *victori*. Atq; ita debet accipi in titulis psalmorum, in *finem*, id est, in *victorem*, siue ad *victorem*. Et perinde est Psalmum dedicare *victori* (in datiuo) ac referre illum ad *victorem*. Aut si finis ponatur pro *vitòria*; in *finem*, erit idem quòd *ad vitòriam*, nempe ad canendam seu celebrandam Dei *vitòriam*. Similiter Psal. 71. inscriptio est in *Salomonem*. Hebraicè in datiuo *Leselomoh*.

Eandem explicationem confirmat locus 1. Paral. 15.21. *Pro octaua canebant epinicion*, id est, *Victoriale*,

scilicet carmen: vbi etiam manifestè respicitur ad Psalmorum titulos, quamuis in Hebræo ibi non legatur *Lamnaseah*, sed *Lenaseah*, minimo discrimine: quia ex Grammatica hebræa constat *Lamnaseah* sonare *vincenti*, & *Lenaseah*, ad *vincere* (in infinitiuo) siue *ad vitòriam*.

Confirmatur eadem explicatio ex versione Aquilæ, Symmachi & Theodotionis; & ex versione Hieronymi; quæ omnes ad *vitòriam* referuntur. Nihilque aptius potuit optari, quàm inuenire concordiam inter versionem LXX. quam sequitur Vulgatus, & inter antiquas aliorum versiones. Accedit, quòd euident est dictionem Hebraicam *Lamnaseah* habere formam participij præsentis in datiuo. Nam *Lamed*, est articulus datiuus, ac participia in coniugatione *Piel* incipiunt per *l*. Constat autem *Naseah* esse idem, quòd *vincere*; non solum quia id asserit dictionaria, sed etiam ex ipsa vulgata lectione in locis suprà adductis, & nonnullis alijs; vt Prou. 21. 28. *Vir obediens loquetur vitòriam*. & 1. Par. 29. 11. *Tua est vitòria*. & 1. Reg. 15. 29. *Triumphator in Israel non parceret*. Atque ita negari non potest, quin genuina versio pro *Lamnaseah*, sit, *vincenti* siue *vitòri*. Cùm igitur eum sensum non solum recipiat vulgata lectio, sed etiam suadeat; non erit fas ab eo recedere.

In nostre explicationis confirmationem obserua, Deum appellari principium & finem Apoc. 1.8. atq; eodem modo se appellare Christum, cap. 22. 13. Et proprius illius loquutionis sensus est, Deum siue Christum esse, qui Ecclesiam incepit, quique eam est perfecturus: quasi dicat, Deus hoc ædificium inchoauit, atque ipse ad finem vsque perducet, nec aliquis potens erit ad ipsius operis perfectionem impediendam. Itaq; abstractum ponitur pro concreto, τέλος, pro τελειότης, id est, finis seu consummatio pro consummatore, vt notauimus in commentario, Apoc. 1.8. Habemus igitur, Deum in sacra Scriptura appellari finem propter efficacitatem, qua suum opus perfecit. Quid ergo aliud est esse *victorem*, nisi potentem esse ad quamlibet superandam difficultatem, vt rem semel inchoatam absoluat? Quare si nomen *finis* eam significationem in vsu sacre Scripturæ admittit; idem prorsus erit, in *finem*, & in *victorem*, seu *vincentem*. Vidimus autem idem esse *vincenti*, ac, in *vincentem*: sicut idem est *Salomoni*, & in *Salomonem*, Psal. 71. 1. Et meà quidem sententiâ, in nomine *finis*, quem Ioannes Christo tribuit, habuit respectum ad titulum Psalmorum, qui Dei *vitòriam* celebrant illa phrasi, in *finem*. Et fortè maiorem habet energiam nomen *finis*, quàm nomen *victor*: quia qui semel vincit, meritò appellatur *vincens*; cùm verò dicitur Deus principium & finis; non solum significatur Deum vnâ aut alteram difficultatem superare, sed omnes etiam quantumuis graues superaturum, & tandem voti compotem euasurum; atque adeò adepturum *victoris* & operum suorum consummatoris gloriam. Nostra ergo sententia est, LXX. voluisse, vt in titulo non solum *vincentis* significatio inesset, sed etiam analogiæ lux, qua Hebraica vox *vincentem* significat, nempe analogia perficiendi & consummandi sua consilia, & superandi omnes difficultates. Quod egregiè significat Latina vox in *finem* iuxta sacre Scripturæ phrasim, vt iam vidimus.

Si verò LXX. in Psalmorum titulo phrasi illa in *finem* vellent significare idè, quòd in *perpetuum*, vel in *eternum*; dicerent Græcè absq; articulo, εἰς τέλος; quemadmodum sæpe loquuntur in locis ijs, quos superiùs adduximus; in quibus idem est in *finem*, quòd in *perpetuum*. Verùm in Psalmorum titulis non ita loquuntur; sed apposito articulo, εἰς τὸ τέλος; illum scilicet indicantes, qui per excellentiam Hebraica phrasi *finis* appellatur; id est, eum, qui semper voti compos euadit in suo opere perficiendo, & oppositis difficultatum molibus disijciendis.

Præterea, si significatio huius dictionis in *finem*, respiceret Psalmi ipsius perfectionem; nullum erat fundamentum, vt hæc inscriptio 56. Psalmis præponeretur, ceteris alijs omnis, præterquam quòd hic titulus in *finem*, deest Psalmo 28. (qui omnium est meà sententiâ præstantissimus) & Psalmo etiam 71.

Cur Deus  
appellatur  
principium  
& finis.

3. Explicatio.

4. Explicatio, qua & reliquis præfertur.

Nomen finis, Hebraicà phrasi, & vitòria, & vincenti tribui.



Ad hæc, si in finem tempus legis gratiæ designaret; valde coastum esset, Dauidem, cum Deum obsecrat, ut se à morbo eripiat, Psalmo hunc titulum in finem in ea significatione præfixisse. Accedit, quod ad mysteriorum, quibus Psalmi scatent, profunditatem, & ad eorum de Christo significationem, non est minus aptum Victoris nomen. Christus enim est magnus ille Victor: atque in eodem sensu se ipse appellat principium & finem, in Apoc. i. Verum enim verò non opus est, ut in Psalmis omnibus illius tituli in finem significatio, Christi mysterium respiciat; sufficit, ut ad Deum sicut victorem referatur: atque ad eandem Dei tanquam victoris considerationem fuit habitus respectus in Salomonici templi constructione; & eadem est significatio palmarum & Cherubino- rum in templi parietibus disposito- rum, ut dicemus suo loco. Quare nullus est Psalmus, cui hæc sit inscriptio in finem, qui non appositi- tissimè supremo victori dictus & consecratus sit. Etenim, cum David suppliciter à Deo exposcit, ut se siue à Saule, siue ab aegritudine, siue à peccatorum pondere liberet; aut ei propter aliquam eiusmodi liberationem, gratias agit; in his omnibus argu- mentis Deum respicit, ut victorem cuiuscunque difficultatis omnipotentem: atque hoc est τὸ τέλος, quod aiunt LXX. hebraica phrasi. Quia imò in Græca loquutione, τέλος propriè etiam significat magnorum magistratuum dignitatem; ut videre est in dictionarijs: quod aliquantulum ad phrasim hebraicam accedit.

Ex ijs, quæ dicta sunt, aptissima redditur ratio, quæ his omnibus Psalmis quadret, quibus inscri- ptio est, In finem; & pluribus etiam Psalmis satisfit, qui eiusmodi titulum non habent; quod eorum argumento idoneus non sit. Exempli gratia; pri- mus Psalmus agit de hominis iusti felicitate: quod argumentum propriè & directè, non Deum respi- cit, ut victorem; & simile est in multis alijs. Negari tamen non potest, nonnullos esse Psalmos, quibus titulus in finem, seu victori mirificè congruebat; cum tamen non habeant. Sed in eis etiam non est diffi- cile rationem aptam reddere, cur illis hic titulus desit. Ac primum in aliquot Psalmis, qui omni ti- tulo carent, ut Psal. 2. perspicuum est, cum nullum omnino habeant, non esse peculiarem difficultatem cur hic desit. Quod verò alijs præponatur titulus, alijs non item; aut occultius habet mysterium; aut nihil aliud est, quàm si quem olim habuit, interiisse. Et tam in ijs, quàm alijs Psalmis ideo fortè non in- scribitur, Victori, siue in finem; quod Psalmus adeò manifestò Dei victoriam canit, ut indice titulo o- pus non sit. In quibusdam Psalmis hæc ipsa Dei vi- ctoriæ significatio includitur in titulis alijs, qui ip- sis peculiari ratione præfiguntur, ut Psal. 28. in con- summatione tabernaculi, quia ea consummatio fuit initium ingentis illius fauoris, quo Deus Dauidem fuit dignatus, pro illo aduersus vicinas omnes gen- tes pugnando. Et Psal. 71. in Salomonem; quia illius comparatione vitur ad agendum de Christo. De- nique quando alicui Psalmo peculiaris titulus con- gruit; hæc ipsa satis conueniens est ratio, cur illi communis titulus, in finem, non apponatur?

Exciderat panè LXX. interpretes cum Vulgato conciliare Habac. 3. si. Nam LXX. non videntur a- gere de Dei victoria, sed de Psalmorum excellentia: legunt enim, ut vincam in cantico eius. Respondeo, ideo Vulgatum LXX. interpretibus correctionem

A adhibuisse in eo loco. Nam in originali manifestè Deo victoria defertur. Atque hoc ipsum significare voluerunt LXX. licet obscurius explicauerint. Ut igitur cum Vulgato conciliantur; videntur illa verba, ut vincam, siue triumphem, de Dei victoria at- que triumpho esse intelligenda. Etenim qui canit, aut celebrat triumphum, rectè dicitur exultare, ac triumphare.

B Denum auctoritas Vulgati atque Ecclesiæ nos cogit, ut credamus, Lamnafeah, siue, in finem idem esse, quod victori; agnoscendo scilicet Dei omni- potentiam in quibullibet vincendis difficultatibus. Quæ verò expositiones ab hac discedunt, congru- entes esse non possunt. Atque ex ijs, quæ aliquam probabilitatem habere videbantur, initio relatæ sunt. Aliam consultò omisi, quod verbo in finem aptari non possit. Hoc verò dixerim propter non- nullorum expositionem; qui Lamnafeah idem esse volunt, ac præfecto musica. Ridiculè sane meo iudi- cio. Nam in loco Habac. 3. ineptum esset opinari, cum contextu coherere posse, si legeretur Deducet me præfecto musica in Psalmis canentem. & iam vidimus Habacuci locum legitimo sensui vocis Lamnafeah, lucem præferre.

C Ad id autem argumentum, in alijs scilicet locis Mnasehham esse præfectos, seu præpositos, unde id in- ferebatur, Mnaseah in Psalmis esse cantorem præ- fectum; responderetur, non satis esse, si attendatur quid possit significare hoc nomen Mnaseah in re musica, & in Psalmis: sed in quo sensu accipiendū sit in titulo, qui mysterij plenus esse debet. Atqui sensum optimè Habac. exposuit in fine sue prophe- tiæ. Licet autem ipse non exponeret; qui rem at- tentè perpenderet, videret facile nomen, quod si- gnificat vincenti, in Psalmi titulo propriè admodum usurpari, ut Psalmus ipse Deo tanquam victori ca- natur: & humile valde esse, nec parum violentum, nomen illud ad musicæ præfectum referre. Miror eiusmodi auctores non hoc nomen Mnaseah ad ali- quem fabricarum, aut cohortium præfectum re- ferre voluisse; qui etiam hebraicè appellantur, Mnasehham. Quod si attendatur solum quid singulæ vo- ces seorsum sumptæ possent significare; merè nuge sæpenumero dicentur: nam eis τέλος, (quod est in finem) posset græcè significare idem, quod tandem. Vox etiam Nasah, siue Nefah, has omnes admittit significationes, roborare, fortificare, urgere, instare, vin- cere, victoria, virtus, excellentia, perfectio, finis, præposi- tus, intermecio, sanguis, &c. Nihilominus tamen ad Psalmi titulum dubitari non potest propriam esse significationem, Vincenti.

D Si cui fortè occurrat dubitatio, cur in eodem ti- tulo adeò variè ac multipliciter sumatur præposi- tio, siue articulus ה. ita ut ad Psalmi scriptorem, siue auctorem designandum dicatur Ledavid; & ad ipsum Psalmum victori dicandum, Lamnafeah. Re- spondeo rationem ac prudentiam tunc docere, quomodo accipienda sit præpositio; quando cum hoc nomine, vel cum illo coniungitur. In Psalmo 71. Lesalomoh non significat Salomonem esse aucto- rem; sed ibi de Salomone agi (scilicet mysticè) & Ledavid indicat Dauidem esse auctorem. Atque in eodem titulo, Euripidis tragedia Hecuba, Genitius Euripidis, auctorem; Hecuba verò denotat argumen- tum. Hispanico idiomate diceremus, Tragedia de Euripides de Hecuba, vbi particula de in altero no- mine ad auctorem, in altero ad historiam refertur.

Quicunq;  
Psalmo ti-  
tulu habet,  
In finem,  
apud impre-  
mo Victori  
Christo di-  
citur.

τέλος,  
quid signi-  
fici.

Cur pluri-  
bus Psalmis  
desit in-  
scriptio,  
In finem.

Vulgatus  
cum LXX.  
conciliatur.

Cur in eo-  
dem titulo  
variè su-  
matur he-  
braica eadē  
præpositio.



## CAPITIS I. PARS III.

*De prima visione, quæ est veluti prologus totius spectaculi.*

## T E X T V S.

*Vers. 9.* **E**G o Ioannes frater vester, & particeps in tribulatione, & regno & patientia in Christo Iesu; fui in insula, quæ appellatur Pathmos, propter verbum Dei, & testimonium Iesu.

B

10 Fui in spiritu in Dominica die, & audiui post me vocem magnam tanquam tubæ,

11 Dicentis, quod vides, scribe in libro, & mitte septem Ecclesijs, quæ sunt in Asia; Epheso, & Smyrnæ, & Pergamo, & Thyatyræ, & Sardis, & Philadelphix, & Laodicix.

12 Et conuersus sum, vt viderem vocem, quæ loquebatur mecum, & conuersus vidi septem candelabra aurea.

13 Et in medio septem candelabrorum aureorum similem filio hominis, vestitum podere, & præcinctum ad mamillas zonâ aureâ.

14 Caput autem eius & capillierant candidi tanquam lana alba, & tanquam nix, & oculi eius tanquam flamma ignis.

C

15 Et pedes eius similes aurichalco, sicut in camino ardenti: & vox illius tanquam vox aquarum multarum.

16 Et habebat in dextera sua stellas septem: & de ore eius gladius utrâque parte acutus exibat: & facies eius sicut sol lucet in virtute sua.

17 Et cum vidissem eum, cecidi ad pedes eius tanquam mortuus. Et posuit dexteram suam super me dicens; Noli timere, ego sum primus & nouissimus;

18 Et viuus, & fui mortuus; & ecce sum viuus in sæcula sæculorum, & habeo clauas mortis & inferni.

19 Scribe ergo quæ vidisti, & quæ sunt, & quæ oportet fieri post hæc.

D

20 Sacramentum septem stellarum, quas vidisti in dextera mea, & septem candelabra aurea. Septem stellæ, angeli sunt septem Ecclesiarum. & candelabra septem, septem Ecclesiæ sunt.







## COMMENTARIUS.

Verf. 10.  
Vox Ioanni  
audita num  
voci tuba  
fuerit per-  
similis, &  
quomodo?

**A**VDIVI POST ME VOCEM MAGNAM, TANQUAM TUBÆ. ] Dubitatur primò, utrùm vox, quam audiuit Ioannes, fuerit omnino similis sono tubæ? Negabit aliquis; sed ideo dicet appellari tanquam tubæ, quòd grandis vox fuerit. Primò, quia similiter Isaia 58. 1. dicitur, *Quasi tuba exalta vocem tuam*. vbi nemo suspicatur sermonem esse de proprio tubæ sono. Vide etiam Osee 8. 1. & 1. Machab. 5. 31. Secundò, nam contextus ipse non ait, *audiui vocem tuba*; sed, *magnam tanquam tuba*; id est, magnam sicut est magna vox tubæ. Tertio; quia erat vox articulata, cuiusmodi non est vox tubæ. Quarto, quia eadem vox videtur esse, quæ primò voci tubæ comparatur; & deinde voci aquarum multarum, infra n. 15.

Affero tamen nihilominus, vocem hanc quam audiuit Ioannes, non solum cum sono tubæ comparari, quòd magna fuerit; sed etiam, quòd tubæ sono fuerit persimilis; qua ratione vox articulata eum potest imitari. Hoc vt ita intelligam, in primis adducor Ioannis ipsius loquendi ratione: eodem enim modo hic dicit *tanquam tuba*, & n. 15. *tanquam vox aquarum multarum*. Quare quemadmodum intelligendum erit secundum; sic etiam primum debet intelligi. Nisi enim Ioannes aliquid aliud vellet significare præter vocis contentione & magnitudinem; non diceret *tanquam vox aquarum multarum*: cum ergo dixerit vocem qua Christus eum fuit allocutus, primò fuisse tanquam tubæ, & postea tanquam vocem aquarum multarum; necesse est eum non significare solum vocem illam fuisse magnam; sed etiam illis duobus sonis fuisse persimilem. Probatur secundò; quia cap. 4. num. 1. rursus agit Ioannes de hoc eodem tubæ sonitu; dum ait, *vox prima, quam audiui, tanquam tuba loquentis mecum*. Vbi videtur perspicue se referre ad hanc tubæ vocem capitis primi. Ideo enim dicit, *Vox prima quam audiui, tanquam tuba*: ac proinde certum etiam videtur in hoc capite primo non tantum innuere voluisse, Christi vocem fuisse ingentem; sed etiam in ea tubæ similitudinem exprimere: siquidem ait, vocem illam quam capite quarto exaudivit, esse vt primam vocem huius capitis primi. Ac distinctè explicat primam hanc vocem esse tanquam tubæ. q. d. vocem illam capitis quarti non assimilari voci aquarum multarum, sed priori voci sono tubæ persimili? Denique considerato vtriusque vocis mysterio, palam fiet primam vocem fuisse tubæ omnino similem.

Argumen-  
tis primò  
positis sit  
satis.

Ad argumenta igitur antea posita, respondetur; ad primum, in eo Isaia loco euidenter patere ex contextu, solum agi de vocis contentione. Dicitur enim *quasi tuba exalta vocem tuam*. In presenti verò contextus ipse cogit, vt pari ratione accipiantur *vox tuba*, & *vox aquarum multarum*. Ad secundum respondetur, particulam illam *tanquam*, interdum comparisonem importare; interdum verò rei proprietatem aut perfectam representationem; sic enim sæpe ponitur in Apocalypsi. Quod ergo nunc dicitur *tanquam tubæ*, non significat vocem, quæ magnitudine comparetur tubæ; sed vocem magnam, eamque omnino similem voci tubæ, id est, quæ illam valde repræsentaret. Ad tertium respondetur, idèd, vt rem nouam ac miram ponderari vocem illam, & esse tanquam sonum tubæ, & nihilominus esse articulatam. Quòd mysterio non caret (vt infra videbimus.) Ad quartum respondetur, non esse vnam eandemque vocem, quæ prius cum tubæ sono, deinde cum sonitu aquarum multarum comparatur: sed Christum primò cum Ioanne fuisse loquutum voce tubam referente; & mox voce maris sonitum imitante.

Cui tuba  
fuerit simi-  
lis vox Io-  
anni au-  
dita.  
Duplex in  
Sacris lite-  
ris tuba ge-  
nus vstra-  
tur.

Dubitatur secundò, cuius tubæ sono intelligenda sit fuisse similis prima vox, quam audiuit Ioannes? Duplex enim tubæ genus reperimus in sacra Scriptura, alterum, quod hebraicè appellatur *Hasoferā*; alterum, quod *Sophar*. & quidem pro *hasoferā*, semper Vulgatus transtulit *tubam*; & reperitur in triginta fere sacre Scripturæ locis. Pro *Sophar* verò sæpius ponit *buccinam*; nempe quadraginta fere locis: quamvis in alijs viginti quinq; locis reddiderit *tubam*; sed addita aliquando distinctio-  
ne; vt videre est Ps. 97. 6. vbi legimus *in tubis ductilibus*, & *voce tubæ corneæ*, quod est in originali, *in hasoferoth*, & *voce Sophar*. Ex quo loco, & ex multis alijs certum est, *Sopharoth* esse tubas bellicas; quas Latini appellant lituos & cornua; *Hasoferoth* autem esse alias tubas festiuas, vel ad euocandum populum. Quamvis Iubilæi promulgatio tubis bellicis fieri soleret, vt constat ex Leuitico, cap. 25. 6. quod tamen mysterio non vacabat. Quibus positis respondeo, certum mihi esse, Ioannem, cum de hac prima voce *tanquam tuba* loquitur, agere de tuba bellica; cuius strepitus raucus est & horribilis; vt constat, non solum ex Scriptura, sed etiam ex libris humaniorum literarum. Vide Tiraquellum in commentario ad Alexandrum ab Alexandro, lib. 4. cap. 2. vbi adducit multa ex Virgilio, Horatio, Cæsare, Liuiio, Vegetio. Hoc idem mihi persuadeo; quia Ioannes hanc vocem tubæ similem componit cum altera sonitum aquarum multarum referente; quæ etiam in sacra Scriptura bellicum indicat tumultum, (vt mox videbimus.) Id quod multò clariùs constabit ex vtriusque vocis mysterio paulò post explicando.

Quis soni-  
tus Ioanni  
sit auditus  
similis a-  
quarum  
multarum.

Dubitatur tertio, quis sonitus sit, qui appellatur aquarum multarum, infra n. 15. cum dicitur, *vox illius tanquam vox aquarum multarum*? Vt enim vocis, quæ tubæ sonitum refert, mysterium rectè intelligatur; necessarium est, duas hæc voces, quibus Christus cum Ioanne fuit colloquutus, inter se conferre. Atq; ideo oportet, priusquam longius progrediamur, explicare quis sonitus sit, qui postea appellatur vox aquarum multarum?

Allusio Io-  
annis ad  
Ezechie-  
lem.

Ad hoc obseruandum est primò, hic manifestam allusionem contineri ad visionem, quam refert Ezechiel cap. 43. initio, vbi ait: *Ecce gloria Dei Israel ingrediebatur per viam Orientalem: & vox erat ei, quasi vox aquarum multarum: & terra splendebat à maiestate eius*. Hic autem ait Ioannes, *Vox illius tanquam vox aquarum multarum*. Et versu sequenti, *Facies eius sicut Sol lucet in virtute sua*.



A Vt ergo mysticum huius comparationis sensum percipere possimus; oportet prius intelligere rem ipsam, vnde sumitur comparatio. Sonitum quidem aquarum multarum non omnes eodem modo accipiunt. Nam fluminum strepitus, præsertim vbi ingens aquarum vis ex edito loco præcipitat; sonitus etiam pluiæ magnæ, & similiter sonitus maris; hæ omnes sunt voces aquarum multarum. Quin & tonitrua, quæ ingruenti aliqua tempestate perstrepunt, videbantur alicui voces aquarum multarum dici posse; ex Psal. 28. 3. *Vox Domini super aquas, Deus maiestatis inonuit.* & facit illud Ezechielis 1. n. 24. *Audiebam sonum alarum, quasi sonum aquarum multarum, quasi sonum sublimis Dei, quasi sonus erat multitudinis.* & Psal. 76. 18. *Multitudo sonitus aquarum, vocem dederunt nubes.* & Apoc. 14. 2. & cap. 19. 6. coniungitur vox aquarum multarum cum voce tonitruui. De sonitu certè magnæ pluiæ, videtur loqui Isaias 28. 2. *Sicut impetus grandinis, turbo confringens, sicut impetus aquarum multarum inundantium super terram.* De fluminum autem murmure & strepitu, Psal. 92. 4. *Eleuauerunt flumina fluctus suos à vocibus aquarum multarum.* Et fortasse Ieremias cap. 51. 55. vbi de Babylonijs, *Sonabunt fluctus eorum, sicut aqua multa.*

Sonitum aquarum multarum multipliciter accipi posse.

B Certum tamen est, vocem aquarum multarum debere hinc intelligi de voce, seu stridore maris. Id enim expressius habemus ex sacra Scriptura, maris scilicet vocem appellari vocem aquarum multarum; vt patet Isaiæ 17. 12. *Va multitudini populorum, vt multitudo maris sonantis, & tumultus turbarum, sicut sonitus aquarum multarum. Sonabunt populi, quasi sonitus aquarum inundantium.* Et Ieremiæ 50. 42. *Ecce populus venit ab Aquilone, & gens magna & reges multi: vox eorum quasi mare sonabit.* Præterea in sacra Scriptura, aquæ multæ & mare videntur esse synonyma. Genes. 1. 10. *Congregationes aquarum appellauit, maria.* **מַיִם** enim sunt aquæ, **מַרְיָא** verò maria. Quod autem alicubi coniungantur voces aquarum multarum & voces tonitruorum, nō probat vocem aquarum multarum accipi debere de tonitruis: id enim violentū est; & quamuis coniungantur, ad res diuersas referuntur, vt Apoc. 14. 2. *Audiuī vocem de calo tanquā vocem tonitruui magni, & tanquā vocem citharædorum:* ex quo loco nō debet inferri, vocem tonitruui magni, & vocem citharædorum esse vnā & eandem in illa visione. Illud autem Psal. 28. 3. *Vox Domini super aquas multas,* aliam habet loquendi formulam, atque alium sensum, de quo suo loco dicemus.

Vox aquarum multarum quomodo hinc accipienda.

Aquas multas & mare sæpe in sacris synonyma.

C Denique mihi videtur certum in præsentī, per vocem aquarum multarum designari vocem maris; quia id ad sensum præcipuum est multò aptius, vt infra constabit. Et confirmatur; quia Ioannes erat in insula Pathmo, vbi semper audiebat maris sonitum; vnde verisimile est desumpsisse comparationem. Cum enim strepitum illum maris assidue auribus acciperet (quem sacra Scriptura vocem aquarum multarum appellat) dubitari non potest, inde comparationem fuisse petitam.

Quibus ita constitutis huius visionis declaratio maiori ex parte pendet ex idonea ratione reddenda de re adeò noua atque mira, quod scilicet prius Christus Ioannem alloqueretur voce simili sonitus tubæ; deinde voce aquarum multarum seu maris.

Ad hoc obseruandum primò est, ex sacra Scripturæ vsu vtrumque esse sonitum belli. Ac primò frequentissimus vsus tubæ *Sophar* erat in bello; & in hoc sensu ponitur in Scripturæ quinquaginta locis (de quo infra notatione 9.) Olim enim tubæ eiusdem erant vsus in bellis, ac nostra tempestate sunt tympana. Quare tubæ sonitus pro ipso bello sæpissimè ponitur; vt Ieremiæ 42. 14. *Non videbimus bellum, & clangorem tubæ non audiemus.* Deinde, sonitum maris siue sonitum aquarum multarum ad bellum referri euidentissimum est, Isaiæ 17. 12. & Ieremiæ 50. 42. Atque ipse huius capitis contextus efficaciter persuadet vtrumque esse sonitum belli: alioqui enim non posset reddi apta ratio, cur à sono tubæ transeat ad sonitum maris. Si tamen vterque tanquam sonitus belli accipiat; miram habet congruentiam & aptissimam explicationem.

Tubæ olim eiusdem fuisse vsus in bellis, atque hodie tympana.

D Secundò obseruandum est, licet vterque sonitus bellum repræsentet; hoc tamen inter illos interesse, quod sonitus tubæ indicat bellum, quod ab vno populo fit: sonitus verò aquarum multarum, bellum quod multi simul populi ac nationes inferunt. Non dubitabit hoc, qui rationem perpenderit, & verba Scripturæ. Primùm enim tubæ sonitus, etsi vehemens sit, & classico canendo aptus; cum tamen non sit ita magnus, ad vnicum tantum populum extendi posse videtur. Quare clangor tubæ non est aptus ad bellum significandum, quod multæ simul nationes inferunt. Atque ita clangor tubæ ad vnus populi bellum manifestè refertur, Osee 5. 8. *Clangite tuba in Rama.* & Amos 2. 2. *In sonitu Moab, in clangore tubæ, & cap. 3. 6. Si clanget tuba in ciuitate, & populus non expanselet.* Verum maris sonitus significantissimè exprimit multorum populorum siue nationum tumultum ad bellum vnà coniurantium. Nam *aqua multa sunt populi multi.* Sedet enim Babylon super aquas multas. Apoc. 17. 2. & ait Angelus num. 15. *Aquæ, quas vidisti, populi sunt, & gentes, & lingua.* Scilicet propter confusionem linguarum, dissonum murmur, & imitationem confusionis maris & fluctuum. Et Isaiæ 17. 12. & Ieremiæ 50. 42. (quæ suprà adduximus) manifestè sermo est de multorum populorum bello.

Inter tubæ & aquarum multarum sonitus ad belli significationem quid interfit.

Tubæ clangorem ad vnus populi bellum aptè refertur; aquarum verò multarum sonum ad multarum nationum bellum.

Apocalypseos argumentum duo bella complecti.

Synagoga bellum, sono tubæ: bellum Gentilitatis voce aquarum multarum apud exprimi.

E Obseruandum est tertio (id quod latè in prolegomenis disputauimus, præsertim notatione 12.) Apocalypseos argumentum ad duo potissimum capita reuocari, nempe ad bellum Synagogæ, & ad bellum Gentilitatis, vtrumque aduersus Ecclesiam gestum: & simul ad Ecclesiæ victoriam ex vtriusque reportatam. Quæ cum ita sint, facile quisque animaduertet, Synagogæ bellum, id est, vnus Iudæorum populi, congruentissimè tubæ sono significari; Gentium autem bellum (id est, vnuerfi Imperij Romani, atque adeò totius orbis) sonitu aquarum multarum.

Quartò, obseruo in hac prima visione, quæ (vt deinceps videbimus) veluti prologum Apocalypseos agit, totum ipsius argumentum includi debere. Atque ad indicandam horum bellorum distinctionem, omnino nescio quid aptius potuerit excogitari, quàm duo illi sonitus & tubæ, & aquarum multarum.

Sed dices, hanc non esse aptam duplicis illius sonitus significationem. Textus enim ipse ostendit eandem Christi vocem fuisse, quæ prius tubæ sonitus similitudinem, deinde multarum aquarum retulit; atqui violentum valde est, Christi vocis sonum ad Synagogæ & Gentilitatis bella figuranda detorquere. Nam huiusmodi bella non inferebat Christus, sed ipsi potius inferebantur. Huius



*Cur Christi  
vox primò  
voci tubæ,  
deinde sono  
aquarum  
multarum  
similis fi-  
guretur.*

*Cur vox  
Christi, li-  
cet similis  
tubæ & a-  
quarum mul-  
tarum voci,  
articulata  
tamē sit.*

*In Scriptu-  
ra sonum  
aquarum  
multarum  
interdum  
in flumine,  
interdum  
in mari  
significari.*

*Qua sint  
mirabiles  
elationes  
maris.*

*Iuda-vum  
plagis, tu-  
bas: plagis  
Gentium,  
phialas  
apud re-  
pondere.*

*Bellicis tu-  
bis annum  
olim Iubilæi  
promulgari  
solitū apud  
Hebræos,  
& huius rei  
mysterium.*

obiectionis dilutio elucidabit primæ huius visionis elegantiam; in qua totius libri argumentum compendiarîa summa continetur. Oportet igitur animaduertere, duo illa bella aduersus Christi præsertim Apostolicos viros) euangelicæ doctrinæ medullam atque substantiam, quæ in his Apocalypseos ænigmatibus clauditur. Quare elegantissimum fuit, Christi vocem sono tubæ prius, deinde sonitus maris similem figurari. Quod perinde est, ac dicere, per ea ipsa bella Ioannem & Ecclesiam à Christo didicisse doctrinam ferè omnem, quæ hoc libro comprehenditur. Per illa sci- licet bella, doctrina & spiritus Christi erudiebat fideles; & agnoscendam proponebat Diuinæ prouidentiae sublimitatem, & Christianæ vocationis excellentiam; & vera ac solida bona, quæ nobis attulit Christus multò præstantiora & excellentiora ijs, quæ sibi ex venturo Messia carnales Iudæi expectabant. Siquidem Ecclesiæ felicitas non solum diminutionem, sed magnum potius incre- mentum, Synagogæ & Gentilitatis bellis experta est. His item bellis Christus Ecclesiam docuit cu- ram, quam de illa gerit: quandoquidem eorum bellorum exitus fuit mystica decimæ partis Iero- solymæ ruina; & mysticum pariter Romæ, atque ipsius imperij incendium; ac demum vniuersa- lis Ecclesiæ pax.

Hinc colligitur primò, quàm continnè & eleganter excogitatum fuerit, ut voces tubæ ac sonitus maris, quæ ex se confusa sunt ac dissona in Christi ore, id est, per spiritum oris Christi, euaserint voces articulatæ atque distinctæ; quibus familiares suos cælestem doctrinam distincte docet. Inter tibicines siue cornicines summa artis peritia est, si quis tubam corneam ita apprime inflet, ut hu- manam penè vocem imitetur. Hæc igitur mira sapientia atque peritia in Christo Domino perfe- ctissimè reperitur, qui raucum militiæ atque persecutionis sonitum & horribile pelagi murmur, ori suo admouens, id est doctrinæ suæ applicans & diuino spiritu animans; ut præpotens vtriusque in- strumentum dominus, ea non cogit solum humanas imitari voces, sed etiam cælestem ac diuinam sapientiam distincte modulari.

Secundò, ex dictis inferitur, quàm sit mira proportio huius primi introitus & quasi vestibuli Apo- calypseos, cum totius sacri spectaculi, mox dandi, imagine atque pictura. Quemadmodum enim hæc tubæ sonitus à sonitu maris distinguitur; & primus Synagogæ bellum, alter bellum Gentilismi figu- rat: ita etiam post c. 4. vbi prima prioris belli tractatio inchoatur, rursus primæ tubæ sonus auditur; & in altera parte, quæ sumit exordium à cap. 12. & ad cap. 19. protenditur, non semel fit aquarum mul- tarum mentio; & exponitur, per aquas multas, multos populos, gentes ac linguas significari. Quinimò in capite ipso 12. vbi dicitur Draco ingens flumen ex ore euomuisse, in flumine illo for- sitan, prima Romani imperij persecutio, quam Nero excitauit, indicatur; quæ multarum etiam a- quarum fuit. Nec nouum est sacram Scripturam, aquarum multarum sonum interdum in flumine, interdum in mari representare; cum in ipsius Scripturæ loquutione, maris nomen ad magna etiã flumina applicetur; & fluminum appellatione mare significari soleat: ut Psal. 92. 4. *Eleuauerunt flumi- na Domine, eleuauerunt flumina vocem suam: eleuauerunt flumina fluctus suos à vocibus aquarum multarum; mirabi- les elationes maris, mirabilis in altis Dominus*, vbi ad literam agitur de persecutione à Gentilitate in Christi Euangelium concitanda. Et dicuntur aquæ multæ fluctus suos ad cælum vsque sublaturæ; id est, horribilem tempestatem commoturæ in Ecclesiam. Ceterum quantumuis crispantes fluctus cælum ferire videantur; non solum Ecclesiæ nauis non est illis absorbenda, sed ipsa potius persecu- tione & fluctuum sæuientium impetu gloriosè exaltanda, & ad felicitatis portum conuehenda. Li- cet enim mirus sit tempestatis & persecutionis furor; multò tamen in suis consilijs admirabilior est Deus, atque hoc est, *Mirabiles elationes maris, mirabilis in altis Dominus*. Ad hæc non vacat mysterio, quòd prima Neronis persecutio flumini ingenti assimiletur; & postea in Romani Imperij persecu- tionibus, fluminis nomen in nomen maris & aquarum multarum immutetur; ut suo loco ex- pndemus.

Præterea, quemadmodum initio per tubæ sonitum, Synagogæ bellum; & per sonitum aquarum multarum, bellum Gentilismi innuitur: sic etiam postea in plagis, quas Deus & in Synagogam & in Gentilitatem immisit, admirabilis proportio reperitur. Primæ enim Iudæorum plagæ per tu- bas significantur: secundæ ve:ò (id est Gentilium) per phialas. Ita fit, ut Iudæorum tubæ, id est, bello, septem item tubæ ipsos debellaturæ respondeant; & contra multas maris aquas, septem phia- larum effusione pugnetur. Atque ipse textus exprimit, phialarum aquam potentem esse ad flumi- nis Euphratis (quod Babylonem alluit) aquas absorbendas, & exsiccandas. Ac pulcher sanè est tubarum ad tubam, & phialarum ad aquas respectus; ut eodem armorum genere vtrique bellum geratur. Præterquàm quòd hac ratione ostenditur Diuina prouidentia bellum mundi, despectui atque ludibrio habere: iuxta id Psal. 2. num. 4. *Qui habitat in cælis iridebit eos, & subsannabit*. Nam contra Iudaici belli tubam non alia immittit arma, quàm septem tubas, ut olim cōtra Iericho: & contra a- quarum multarum impetum satis est cælum septem aquæ phialas effundat, quasi aquæ tantum gut- tis contra maris furorem pugnetur.

Sed illud etiam peculiari consideratione dignum est; quòd bellicis tubis, Iubilæi siue redemptio- nis annus promulgabatur. In quo veluti in figura primitiui Christiani admonebantur, ne animum demitterent, cum aduersus Ecclesiam Iudæos furere ac sauire cernerent; sed potius intelligerent bellicam illam tubam illorum respectu nihil esse aliud, quam Iubilæi siue redemptionis promul- gationem. Iuxta illud Christi, Lucæ 21. 28: *His autem fieri incipientibus, respicite & leuate capita vestra, quo- niam appropinquat redemptio vestra*. Et sanè Deus Iudæorum bello (aduersus primos illos Christianos excitato) vsus fuit; ut re ipsa fideles magnum illum Iubilæum consequerentur, id est, egregium redemptionis fructum; atque eam libertatem, quæ in pacis mundanæ, diuitiarum, ac vitæ despi- cientia consistit. Quam nobis felicitatem veram ac solidam Christus sui sanguinis effusione com- parauit.



## NOTATIO IX.

De tubæ symbolo ad illa verba Apoc. 1.10. Audiui post me vocem magnam, tanquam tubæ.

**I**N quibus locis Vulgatus vtitur nomine tubæ, non semper est idem nomen hebraicè: sæpe enim hebræa vox est, חצוצרה *hasofera*, nempe in triginta ferè locis; id est, Numerorum 10. num. 2. 8.9. & 10. & cap. 31.6. & 4. Reg. 11.14. & cap. 12.13. & 1. Paral. 13.8. & cap. 15.24. & 28. & cap. 16.6. & 24. & 2. Paral. 5.12. & 13. & c. 7.6. & c. 13.12. & 14. & cap. 20.28. cap. 23.13. cap. 29.26.27.28. & 1. Esdræ 3.10. & 2. Esdræ 12.34. & Psal. 97.6. Osee 5.8.

Sæpe etiam tubæ respondet in hebræo, *Sophar*, nempe in 25. locis. Vt Iosue 6.5. & num. 20. Iudicum 7.8. 16.18.20. & 2. Reg. 20.22.3. Reg. 1.41. & 4. Reg. 9.13. & 2. Esdræ 4.20. Iob 39.27. Psalm. 46.6. Psal. 80.40. Ps. 97.6. Ps. 150.3. Isaia 18.3. & cap. 27.13. cap. 58.1. Ieremiæ 6.17. cap. 42.14. Osee 5.8. cap. 8.1. Iosue 2.1.15. Amos 2.2. cap. 3.6. Sophon. 1.16. Zachariæ 9.14.

Bis quoque in hebræo pro tuba legitur *Carna*, scilicet Danielis 3. n. 5. & 15. vbi fortè idem, quod cornu. Præterea semel in hebræo legitur *Thacoagh*, scilicet Ezech. 7.14. Semel item inuenitur *Hasbigi*, quod sonat Iubilationem aut vociferationem, Leuit. 23.24. vbi de festo tubarum. Aliquando solùm legitur *Therughah*, quod vociferationem sonat, aut ouationem, vt Num. 29.1.

Vbi verò Vulgatus posuit *buccinam*, est ferè semper in hebræo *Sophar*, nempe penè quadragies; his scilicet locis, Exodi 19.16. & 18. & cap. 20.18. Leuit. 25.9. Iosue 6.4.6.8.9.13. cap. 6.16. Iudicum 3.27. & cap. 6.34. cap. 7.19. 22. & 1. Reg. 13.3. & 2. Reg. 2.28. & cap. 6.15. & cap. 15.10. cap. 18.16. c. 20.1. & 3. Reg. 1.34. & 39. & 1. Paral. 15.28. & 2. Paral. 15.14. & 2. Esdræ 4.18. Iob 39.28. Ieremiæ 4.19.21. cap. 6.1. cap. 51.27. Ezechielis 33.3.4.5.6. Osee 5.8. Psal. 80.4. sed Exodi 19.13. vbi Vulgatus posuit *buccinam* hebraicè legitur חיצור *quod Arias vertit, Arietis cornu*, & sermo est de tuba seu buccina, quæ in monte Sina exaudiebatur; quam constat esse eandem, quæ infra in eodem num. 16. & 18. appellatur *Sophar*. Atque hinc colligitur harum buccinarum seu tubarum sonitum horribilem potius fuisse, quàm festiuum. In alijs tamen locis vtrumque nomen coniungitur *Sopharot Iobelim*, vt Iosue 6.4. & cap. 6.6. vbi Vulgatus transtulit, *Iubilæorum buccinas*. Arias tamen vertit, *Tubas Arietum*, vel *Arietinas*.

Quòd autem *Hasofera*, & *Sophar* fuerint instrumenta diuersa; ex eo certò conijcitur, quòd nunquã pro *Hasofera* redditur latinè buccina, quòd nomen frequenter ponitur pro *Sophar*. Præterea aliquando sacra Scriptura vtrumque instrumentum coniungit, vt 1. Paral. 15.28. & 2. Paral. 15.14. & Osee 5.8. & Psal. 97.6. ex quo patet, ea esse diuersa, atque id ex frequentibus ampliùs confirmabitur.

*Hasofera* tubam describit Iosephus 3. Antiquit. c. 15. his verbis. *Carna erat tibia paulò crassior, longitudine paulò minùs cubitali, cuius os tantùm patebat, quantum ad inflandum sufficeret, desinebatque in extremitatem campanule similem, quemadmodum tuba*. Dux, quas describit Iosephus, erant argenteæ; non tamen dubium, quin multæ aliæ fuerint æreæ. Et tam argenteæ; quàm æreæ appellantur tubæ ductiles; sic enim appellat eas Vulgatus Psal. 97.6. Arias ibi vertit tubam classicam; forasse quia Iosephus vbi suprâ, videtur dicere eam classico sono vicinam esse; sic enim vertit Rufinus. Verùm id, neq; est in Græco, nec in versione Gelenij: atque vt infra videbimus, nomen tubæ bellicæ meliùs conuenit illi, quæ appellatur *Sophar*. Dux illæ argenteæ, quas Moyses fieri iussit, Num. 10.2. (vt eo loci constat) factæ sunt ad signum mouendi castra, ad conuocandum vel populum vel principes, ad celebranda festa publica,

**A** epulas, holocausta, atque pacifica, & ad inuocandum Dei fauorem, cùm populus exhibat in bellum: & in ipso etiam bello inuenimus *Hasoferoth* aliquando, vt Num. 31.6. Osee 5.8. & 2. Paral. 13.12.14. At ex ceteris locis constat, eiusmodi tubas ceteris vsibus suprâ dictis potissimùm deseruisse. Quòd autem earum sonus nõ esset horrificus, constat; quia in pluribus locis adhibentur in Dei laudibus, in pompis solemnibus, & in regum coronatione: vt 4. Reg. 11.14. & 1. Paral. 13.8. cap. 15.24. cap. 16.42. & 2. Paral. 20.28. cap. 23.13. cap. 29. num. 26.27.28. & 1. Esdræ 3.10. & 2. Esdræ 12.34. Psal. 97.6. Et quia ad celebranda festa publica factæ sunt, vt constat ex loco illo Num. 10. suprâ citato. Quòd tamen etiam in bello interdum deseruiant; ideo fit, quia in bello etiam opus est sono festiuo, & alacris; vel ad Dei fauorem inuocandum, vt suprâ.

**T**ubam, quæ appellatur *Sophar*, asserunt dictionaria fuisse corneam. Quod probatur primò, quia Vulgatus pro *Sophar* posuit *Tubam corneam*, Psal. 97.6. & similiter ibi LXX. & omnes Græci interpretes. Atque Arias Montanus ibi transfert *cornu*. Adde huc necesse esse, vt eadem sit tuba, quæ appellatur *Sophar*, & *Iobel*. Nam Exodi 19. vbi de eadem tuba sermo est, quæ in monte Sina personabat; priùs vocatur *Iobel*, num. 13. & postea *Sophar*, num. 16. & 18. & cap. 20.18. & Iosue 6. num. 4. & 6. Legimus *Sopharoth Iobelim*, & Arias Montanus semper explicat cornua arietis, vel tubas arietum, vel arietinas. Mafius autem Iosue 6. ait satis apparere ex sacris verbis eas buccinas fuisse cornua; negat tamen fuisse arietina. Quia cornua arietum sunt solida: & oportet buccinam esse cauam, vt inflari possit. Quare de formâ seu figura cornu arietis videtur loqui Arias: sed neque est id certum, vt mox videbimus.

**A**ssero igitur in primis in significatione *Iobel* non videri verisimilem Ariæ Montani & Rabbiorum opinionem, asserentium propriè significari idem, quod buccinam arietinam. Ratio illorum est, quia Arabicè Arias appellatur *Iobel*: Sed contra hanc opinionem facit primò, quod suprâ notauimus ex Masio. Deinde quia manifestè Arias discedit à Vulgato Iosue 6. 4. vbi legimus, *Sacerdotes tolent septem buccinas, quarum usus est in Iubilæo*. ergo *Sopharoth Iobelim* iuxta Vulgatum, non sunt idem, quod buccinæ arietinæ, vt putauit Arias; sed tubæ ex ijs, quæ anno Iubilæi inflandæ erant; iuxta præceptum quod habetur Leuit. 25.9. nimirum, vt promulgaretur annus Iubilæi buccinâ *Sophar*, id est, buccinâ *Sopharoth*, posito singulari pro plurali. Nec iubet lex, vt promulgetur Iubilus buccinis arietinis; sed solum præcipit, vt buccinis *Sophar* publicetur. Ac propterea annus remissionis appellatus est iubilus. Quia eiusmodi clangoribus longè lateque perstreptentibus indicî debebat: vt benè conijcit Mafius Iosue 6.4.

**S**ed obijcies in significatione vocis Hebraicæ, multò magis Iosepho, quàm Masio esse credendum; & Iosephum quidem libr. 3. Antiquit. cap. 14. asserere annum remissionis appellari Iubilum; & *Iobel* Hebrais significare libertatem. Responderetur, euidentem esse ex sacra Scriptura *Iobel* significare buccinam; vt patet Exodi 19.13. quòd est, ante Iubilæi præceptum. Quare, quod Iosephus ait, non debet esse primaria significatio, sed secundaria. Nam quia *Iobel* significat buccinam; inde etiam annus libertatis dictus est *Iobel*; eo quòd buccinarum sono indiciebatur; & consequenter nomen *Iobel* ad libertatem significandam traductum est. Etymologiam huius vocis fundat Mafius in primo mulices inuentore, qui appellabatur Iubal, Genes. 4.21. Pater canentium cithara, & organo.

*Tuba Sophar olim cuiusmodi fuerit.*

*Annus Iubilus unde dictus.*

*Iobel quid in Sacris significet.*

*Iobel, id est, buccina etymon, ex Masio.*

*Tuba quibus notuini in Scriptura vocatur, & quibus locis.*

שופר

*Descriptio tubæ hasofera ex Iosepho.*



Secundò assero, certum videri tubam seu buccinam *Sophar* appellandam esse corneam. Nam vt supra vidimus, ab omnibus sacre Scripturæ interpretibus cornea appellatur. Non tamen satis constat, an appelletur cornea propter materiam, vel solum propter formam. Forte in hoc nomine accidit, quod in vulgari *corneta*, quæ à forma sic appellatur; vel fortasse à prima materia eiusmodi instrumenti. Præterea instrumentum musicum, quod à Latinis appellatur cornu, à nemine putatur fuisse cornu naturale; nisi fortasse in rudioribus sæculis. Ergo similiter existimandum est de buccina *Sophar*. Alioqui enim non satis aptè appellaretur tuba & buccina. Constat namque hæc esse apud latinos instrumenta musica; nempe cornua, lituos, tubas, & buccinas: & fortasse *Hafsera* in eo differt à *Sophar*, quod hæc fit incurua, non verò illa. Atque ita *Sophar* completur lituos, & cornua, vel si ex materia sumendū est discrimen; omnes tubæ ex are vel argento dicuntur *Hafseroth*; eis enim conuenit nomen tubæ ductilis, quo Vulgatus & omnes Græci interpretes vocem Hebraicam *hafsera* exponunt. Et *Sophar* comprehendit omnes tubas ex cornea vel lignea vel ossea materia; quæ omnes appellari possunt cornua à prima materia?

Tertiò assero, frequentissimū vsum tubæ *Sophar*, in sacra Scriptura esse in bello: sic enim ponitur in Scriptura quinquaginta ferè locis. Et facit, quod similiter apud latinos, ea instrumenta, quæ litui & cornua appellantur, ferè non vsurpantur nisi in bellis; & litui quidem debebant stridorem & sonum acutum; cornua verò raucum, vt ex latinis auctoribus satis constat. Accedit, quod *Hafsera* vix est vlla mentio in bello; nisi fortè ad victoriæ sonum edendum: quia Numer. 31. 6. vbi fit mentio *Hafseroth* in bello, additur epithetum *therughah*, quod ouationem reddit Arias; & similiter 2. Paral. 13. 12.

Quartò, vbi aduertatur, frequentem vsum tubæ *Sophar* esse in bellis; facile est intelligere, eius sonū fuisse terrificum. Quare aptissimus fuit ad legem in monte Sina promulgandam, Exodi 19. & 20.

Quintò, licet asper esset sonus & raucus; potuit tamen in celebratibus & acclamationibus habere locum; vt grauioris soni instrumenta in musica; quæ acutos & excitatos aliorum instrumentorum sonos comitentur. Quamobrem in vndecim sacre Scripturæ locis reperimus *Sopharoth* in diebus festis, in pompis & diuinis laudibus: sed in horum locorum nonnullis coniunguntur *Sopharoth* cum *Hafseroth*; vt Pl. 97. 6. & 1. Paral. 15. 28. & 2. Paral. 15. 14. Aduerte tamen aliquando, peculiaris elegantie esse, lætum ac festiuum instrumentum cum terrifico copulare: vt in solenni iuramento, 2. Paral. 15. 14. Ad illud enim etiam spectabat caput diris & imprecationibus deuouere, nisi iureiurando starent.

Illud magis videtur mirum, quod Iubilæi annus promulgaretur tubis *Sopharoth*, Leuit. 25. 6. sed de huius rei mysterio nonnihil in commentario diximus.

His obseruatis; veniamus ad significationē symbolicam eius tubæ, quā Ioannes se audisse ait, Apoc. c. 1. Censebit aliquis nostrā expositionem nō esse satis aptam: quia plurimæ alie allusionem & significationes occurrunt, quæ aptiores fortasse multis videbuntur. Primò existimari potest in Apocalypseo tuba alludi ad tubā illam, quæ exaudita est in monte Sinai, Exodi 19. & 20. cuius fortasse significatio erat, legem esse spiritualem (vt ait Paulus ad Rom. 7. 14. Facit, quod tuba vehemēti spiritu inflatur. Quia ratione tuba Christi ad spiritum Christi referri posset. Vel si Christus in presenti, vt perfectus legislator depingitur (quod nonnulli suspicati sunt) behe habet, vt tuba Christi comitetur ipsius legem. Aut fortasse vox tubæ inuitat Ioannem ad scribendum (ait enim tuba, *Quod vides, scribe in libro*) vt ea ratione Spiritus sancti inspiratio significetur; Nam *Spiritu sancto inspirante loquuti sunt sancti Dei homines*, 2. Pet. 1. 28. & congruit, quod Ioannes à tergo eam vocem audierit. Quia Spiritus sanctus dum non videtur ab hominibus, & se monitorem ac magistrum exhibet; efficit, vt aures nostræ audiant verba post

**A** tergum monentis; vt habetur Isaie 30. 21. Sed conuersus est Ioannes, & vidit sacram repræsentationem; quia voluit Christus Ioannem non solum audire verba post tergum monentis; sed etiam totius prophetiæ spectatorem esse, & spectaculi ipsius contemplatorem.

Secundò, dici posset per tubam in Apocalypsi, Euangelij promulgationem indicari: (per allusionē ad tubas, quibus Iubilæi annus promulgabatur) atque adeo Euangelij ministros, esse quasi tubicines, seu cornicines, qui cælestes tubas inflent: ipsam porro tubam esse Christi Euangelium, quod humano generi redemptionem promulget; nuncium sanæ toti terrarum orbi felicissimum. Atque ita festiuo tubæ sonitu ritè significatur. Fieri autem debet Euangelij promulgatio ingenti vi atque spiritu, optimis etiam exemplis atque operibus, doctrinæ prædicationem adiuantibus. Quod etiam innuitur in modo ac ratione, qua tubæ applicatis ad foramina manibus ac digitis & vocis simul spiritu conmitente modulatos emittunt sonos.

Quod verò hoc tubicinium munus sit propriè sacerdotum, figuratur in eo, quod apud Hebræos in vsu erat; scilicet tubas sacras à sacerdotibus inflari, & tubicinium officium non esse aliorum, quam sacerdotum. Vide 1. Paral. 16. 6. & num. 42. & 4. Reg. 12. 13. & 1. Machab. 16. 8. *Exclamauerunt sacris tubis.* & Numer. 10. 8. & 2. Paral. 7. 6. & cap. 13. 12. 14. & capit. 29. 26.

Tertiò expendendum occurrit, an aliqua hîc lateat allusio ad festum tubarum; de quo Leuit. 23. 24. & Numer. 29. 1. incidebat autem festum illud in Kalendas Septembris, vnde etiam incipiebant annum Iudæi, vt noui anni mystici nos admoneat Christi tuba.

Quartò, qui Apocalypsin opinantur ad nouissima tempora præcipue pertinere; existimabant in Apocalypseo tuba fieri allusionem ad tubam illam Christi, de qua Matthæi 24. 31. & 1. ad Cor. 15. 52. & 1. ad Thessal. 4. 16. Huc spectat opinio Cypriani Monachi, qui existimat vocem, de qua hîc agimus, ad graues comminationes spectare.

Quintò, si vox tubæ referatur (vt sæpe alias in sacra Scriptura) ad conuocandam multitudinem; fortasse non erit abs re, si intelligamus, in presenti per vocem tubæ conuocari populum Christianum ad contemplationem mysteriorum Apocalypseo: vel etiam ad cultum diuinum, vt Isaie 27. 13.

**D** Sextò, putabit aliquis vocem tubæ in presenti spectare ad celebrandam Ecclesiæ Christianæ foundationem; & ad offerendum sacrificium laudis; vel ad Christi coronationem. Quia sæpe vox tubæ edicit lætitiā ac celebritatem, & Dei laudem. Vide 1. Esdra 3. n. 10. vbi tubæ sonitus auditur in templi fundatione, & 3. Reg. 1. 41. in coronatione Salomonis, & 4. Reg. 9. 13. in coronatione Iehu, & 4. Reg. 11. 14. & 2. Paral. 23. 13. in coronatione Ioas regis, & 2. Paral. 7. 6. in dedicatione templi, & 2. Paral. 29. n. 2. 6. in sacrificio solenni: & Eccli. 50. 18. in libatione, & Psal. 97. 6. & 150. 3. in diuinis laudibus. Huc spectant pompæ festiue; in quibus sonus tubæ resonabat; vt videre est 2. Regum 6. 15. & cap. 18. 16. & 1. Paral. 13. 8. & in ipsa etiam Apocalypsi festiuus est tubæ sonitus cap. 18. 22.

**E** Septimò, cum in Apoc. sermo sit de victorijs Ecclesiæ, & de Diuinæ providentiæ triumphis; ad hæc etiam referri potest tubæ sonitus, iuxta illud Psal. 46. 6. *Ascendit Deus in iubilo, & Dominus in voce tubæ.* vide etiam 2. Paral. 20. 28. Accedit, quod in solenni pompa ac celebritate, qua Dei arca ad modū triumphi referebatur, centum ac viginti sacerdotes tubis canentes incedebant, 2. Paral. 20. 28. & ad lætissimæ victoriæ nuncium promulgandum deferuit tuba, 1. Reg. 13. 3.

Oscundò; si adeo placet, vt clangor tubæ omnino sit bellicus in presenti; latius esse videtur, vt, quoniam Christus clangere describitur, explicetur de bello, quod Christus Dæmoni, mundo, & carni, terribilis animarum hostibus, indicit; de quo etiam bello apertè agit Apocalypsis.

Nihilominus certum mihi est, has omnes explicationes non esse ad mentem Apocalypseo. Etenim

Sacerdotes  
per tubicini-  
nes figurati.

Tuba Sophar  
vsus  
in bello  
frequens.

Sonum tu-  
ba Sophar  
fuisse ter-  
rificum.

Symbolica  
significatio  
tuba Ioanni  
audita.



Christo ipsi  
tubam tri-  
buere, non  
ita decorū:  
secus tamen  
ipsius con-  
cionatori-  
bus.

quantumvis plurima afferantur ad alicuius ex his probabilitatem adstruendam; manet adhuc violentum, quod humili ratione, ipsi Christo tubæ sonitus tribuatur. Pro quo aduertendum est, quando munus de quo agitur, non adeo dignum & decorū est, ut propriè ad principem pertineat; inconsiderantia esse illud principi arrogare, quod ipsius ministrorum proprium est. Quemadmodum in legis promulgatione in monte Sina, quamvis tubæ vox exaudita fuit, non ideo aptè dicitur, Deus ipse hunc tubæ sonum edidisse per se; sed angelus. Atque ita non rectè excogitatum erit; si, ut significetur Christum legistorem esse, ipsi Christo detur sonus tubæ. Similiter in Euangelij prædicatione quam per suos ministros exercet, neutiquam decorum seruabitur, si repræsentetur Christum esse, qui tuba canat; sed qui suos tubicines mittat. Porro extremi iudicij tubam Scriptura non Christo, sed suis ministris attribuit; ut patet Matthæi 24. 31. *Mittet angelos suos cum tuba, & 1. Thessal. 4. 16. Ipse Dominus in insu, & in voce archangeli, & in tuba Dei.* vbi euident ex contextu est, appellari tubam Dei, non quod Deus per se cum tubæ sonum moduletur, sed quod vel ipsius Dei minister hunc sonitum edat, vel quod sonus ipse ingens sit, (visitat Scripturæ phrasim, ut *Cedri Dei*; &c.) Aliud est de potestate mortuos excitandi. Nam cum illa sit propria Christi virtus; ideo dicitur Ioan 5. 25. *Mortui audient vocem filij Dei.* Denique quod principe munus dignum non est, eidem non rectè accommodatur. Licet autem Dei sit proprium operari omnia in omnibus, 1. Cor. 12. 6. sed cum sermo est de Christo, tanquam de causa particulari, nihil illi tribuendū est, quod principem dedecet. Inflare verò tubam non spectat ad principem, neq; in diei festi celebratione, neq; in congreganda multitudine, neque in triumpho, neque in bello indicendo, &c. In his omnibus non, solum est ineptum tubæ clangorem principi, ut causæ peculiari tribuere; sed etiam tubæ vocem: quia nihil illi tribuendum est, quod ipsius personam non deceat. Sunt tamen nonnulla officia adeo ex se digna, quæ ad alios directè spectare non possunt, nisi ad Principem ipsum: atque hæc quidem si ad principem referantur, illi gloriosum valde erit. Eiusmodi est vis & efficacia, quam Christi verba habent; quod ipsius Christi opus proprium est. Et eapropter Christo apponitur gladius ab ore procedens. Quod amplius explicatur cap. 19. 21. vbi dicitur, *Ceteri occisi sunt in gladio sedentis super equū, qui procedit de ore ipsius.* Licet enim in suo exercitu cælestem equitatum ducat; præclarum tamen facinus mysticæ occisionis (hoc est, conuersionis animorum) adeo proprium Christi est, ut ab alio præstari non possit.

Sed dices; in præsentī capite considerari Christū non in se ipso tantum, sed in mirabilibus etiam, quæ operatur in Ecclesia; atque adeo ea omnia, quæ per suos efficit, ipsi Christo posse in hac visione tribui. Respondeo, seruandū adhuc esse decorum: quod non fit, si tubæ vox Christo adscribatur; quod gloriosum illi munus in prædictis sensibus non est. Quamobrem quæ hic Christo tribuuntur egregia facinoræ, quæ per suos præstat, ea sunt, quæ propriè ipsius dignitatem decent.

Quærenda ergo est aliqua explicatio vocis tubæ, quæ Christum maxime deceat. Atque eiusmodi sine dubio est, quam nos in commentario sequuti sumus. Quod enim proprium Christi spiritus est, Christi ipsius voci ac doctrinæ merito tribuitur. Atqui Iudæorum bellum, quod ipsi Ecclesiæ Christianæ acerrimum inferebant, ad Ecclesiæ eiusdem disciplinam & institutionem admirabiliter conuertere; hoc verò proprium Spiritus sancti munus est, qui est Spiritus Christi. Quare si vox tubæ Iudæorum bellum aduersus Ecclesiam appositè significat; nihil potuit elegantius excogitari, quam tubæ illius vocem Christo dare; & repræsentare Christum per eam tubam cum familiarium suorum animabus loqui. Atque hic diuinæ institutionis modus non minus Christo est gloriosus, quam septem libri sigilla (de quibus cap. 5.) referare. Quia tam hoc, quam

Reiectis aliorum explanationibus de ex-  
ta, nostra  
statuitur.

A illud directè est spiritus Christi officium: iuxta id 1. ad Cor. 2. 10. *Nobis reuelauit Deus per Spiritum suum: Spiritus enim omnia scrutatur, etiam profunda Dei.*

Confirmatur hæc nostra explicatio. Quia nihil congruentius est, quam ut eadem omnino ratione vox tubæ tribuatur Christo, ac vox aquarum multarum. Hanc autem vocem postremam ad multarum gentium bellum esse referendam, & sacre Scripturæ phrasim, & contextus ipse Apocalypseos efficaciter meo iudicio persuadent. Vnde perspicitur proprium etiam esse Christi facinus, Ecclesiam docere arcanam & altissimam Theologiam, quæ in huius libri ænigmatis abdita est per bellum ipsum, quo Gentes illam premebant. Quia in re illud impletum fuit, quod Christus (Ioannis 14. 26.) suis Apostolis fuerat pollicitus; *ille vos docebit omnia, & suggeret vobis omnia.* Atqui quod Christi Spiritus docet suos, id iure ipsi Christo tribuitur. Et interna Spiritus sancti & Christi doctrina & institutio, Iudæorum & Gentium bello vsa fuit, tanquam voce, qua suos amicos erudiret, & sese in eorum mentem insinuaret, cælestem instillando doctrinam.

Confirmatur secundo, quia vox aquarum multarum denotat confusionem; iuxta illud Lucæ 21. 25. *Præ confusione sonitus maris & fluctuum:* docere autem eiusmodi doctrinam, quæ ingentem pacem & solatium secum afferat, atque id per belli confusionem; hoc Christi Spiritus proprium esse facile cernitur.

Præterea negari non potest, tubæ vocem in sacra Scripturæ phrasim esse belli symbolum. Nam tuba classicum canitur, 2. Esdræ 4. 20. & Amos 2. n. 2. & cap. 3. 6. & Sophoniæ 1. 16. Ioëlis 2. 1. Personuit etiā tuba, ut populus pro Absalone contra Dauidē coniuraret, 2. Reg. 15. 10. & simili modo 2. Reg. 20. 1. In ipso etiam belli conflictu sonat vox tubæ, 1. Machab. 3. 33. & cap. 4. 13. & cap. 16. 3. Iob 39. 27. Notæ insuper sunt Gedeonis tubæ. Iudic. 7. 8. 16. 18. 20. Itaque tubæ id olim præstabant quod nunc tympana in bellis. Vide Ieremiæ 6. 17. & cap. 4. 14. Iudith 15. 3. & 1. Machabæorum 7. 35. Denique Apocalypseos tubæ bellicæ sunt; & quid aptius, quam ut eodem modo tubæ nomen accipiat in prologo?

In commentario ad eam propendi sententiam, ut tubæ vox in præsentī acciperetur, non ut tubæ *Hafosera*, sed ut tubæ *Sophar*. Fundamentum est; quia tubam *Sophar* certum est ab Scriptura appellari tubam corneam; eiusmodi autem sunt propriæ tubæ bellicæ.

Quin in alijs etiam auctoribus, vbi sermo est de bello & tuba bellica; litui & cornua frequentissimè apponuntur, ut Virgil. 3. Georgicæ.

*Primus equi labor est animos atque arma videre Bellantum, lituosque pati.*

Et *Aeneidos* 6. agens de Misenæ *Aenæ* tubicine; *Et lituo pugnas insignis obibat & hasta.*

Idem lib. 8. initio,

*Vt belli signum Laurenti Turnus ab arce Extulit & rauco crepuerunt cornua cantu.*

Item Horatius lib. 2. carminum, ode 1.

*Iam nunc minaci murmure cornuum Perstringis aures; iam litui strepunt, &c.*

Et lib. 1. ode 1.

*Multos castra iuuant, & lituo tubæ*

*Permissus sonitus*

Ouidius 3. Fastorum:

*Iam lituus pugne signa daturus erat.*

E Si quis tamen adhuc contendat, *Hafosera* etiam esse tubam bellicam; non propterea nostra corruet explicatio, dummodo de tubæ bellicæ voce sermonem esse conueniamus. Hæc enim est præcipua meæ expositionis basis. Et negari non potest, quin vox tubæ in frequentissimo sacra Scripturæ vsu bellum repræsentet. Denique omnia hac ratione mirificè coherent; scilicet vocem aquarum multarum eo modo esse accipiendam; & in nostra explicatione vtramque vocem Christo esse dignissimam, & congruentissimam Apocalypseos argumento; ut duo illa bella in prologo indicentur, ad quæ tota fere libri series reuocatur.

Vox aquarum multarum confusionem denotari.

Tuba, litui, cornua in bellis vsuata.



## COMMENTARIUS.

Varia sententia de prima Apocalypseos figura scopi & sine.

**H**Æ c præmississe visum est ante disputationem de primæ huius visionis scopo; id est, de significatione primæ personæ, quæ Ioanni apparuit. Permagnum enim refert semel percipere, quò hæc figura potissimum spectet, ac de singulis ipsius partibus per ordinem postea dicemus. Nunc totius figuræ finem exponere est animus, & quid per eam significetur. Quæ in re primum mihi aliorum opiniones breuiter sunt referendæ. Nonnulli igitur hac expositione contenti, solum notant, hæc primâ figurâ Christum Saluatorem nostrum designari; atque ipsius admirandam virtutû perfectionem, quam Christiani debeant imitari. Nec defuit, qui cogitaret, cum Apocalypsis sit Christi prophetia, oportuisse vt initio imago aliqua siue effigies ipsius Christi collocaretur; cuius loco repositam fuisse ænigmaticam Christi figuram, vt libri principium toti prophetiæ responderet, id est, vt totus liber symbolicus esset & ænigmaticus.

Irenæus ait, hæc figuram ad sacerdotalem & gloriosum regni Christi aduentum pertinere. Hæc ille, forsan vt millenarius. Luissius Legionensis de nominibus Christi; asserit totum hoc ænigma ad Christi ardentem charitatem referri debere. Stunica in Zachariam sentit hæc esse Christi figuram, quatenus supremus iudex est. Ribera existimat hoc primum ænigma ad iustorum consolationem & terrorem impiorum spectare. Pererius affirmat in hac figura depingi prouidentiam, quam Christus erga suam Ecclesiam exercet, & in hoc ipso proponi exemplum gubernationis Ecclesiasticæ, quod Ecclesiæ rectores debeant imitari. Pannonius arbitratur, hæc imaginem cuiuslibet iusto conuenire: quia Christus & Ecclesia sunt vnum. Alijs videtur hîc depingi Christus, quæ ratione est perfectissimus legislator. Multi denique opinantur, hîc singulariter exprimi Christi prouidentiam erga Ecclesias illas Asiæ, quæ per septem candelabra designantur. Hæ sunt variæ sententiæ, quas inuenio; & vix est ullus dicendi modus, ex quo non possit aliquid ad veram explicationem desumi. Verissima tamen sententia est, hæc primam Apocalypseos personam prologum agere, & summam totius spectaculi perstringere. Nec verò ipse primus huic expositioni auctor sum: in alijs enim nonnullis eam adumbratam saltem, si minus expressam, reperi.

In comædijs qui prologum agit, totius argumenti summam paucis debere cõlecti, præcipit Aristoteles.

Ad cuius explicationem aduerto, rationi esse valde consentaneum, atque aded iusta ipsius artis præcepta; vt in quauis actione siue comica, siue tragica sit, persona quæ in scenam prodit prima, totius actionis argumentum paucis explicet. Certè id in comædijs, in tragædijs præstari debere præcipit Aristoteles 3. Rhetoricorum cap. 17. Quod licet hac nostra tempestate (vt aiunt) ferè non obseruetur; id tamen ab Aristotele fuisse traditum, argumento est multò rationi esse congruentius. Quin & apud Isaiam credit Forerius concionem capitis primi esse ceterarum omnium illius prophetiæ summam. Facit, quòd in orationum exordijs videmus ab optimis quibusque auctoribus feruari; vt breuem ipsius orationis propositionem præmittant; quæ præcepta eorum, quæ dicenda sunt, capita complectatur.

Prima Apocalypseos figura quo pacto totius argumenti summam cõlectatur.

Ad hæc, cum iam statuerimus huius libri argumentum ad duplex potissimum Iudeorum ac Gætiæ bellum reuocari; dubitare non possum, veram vocis tubæ & vocis aquarum multarum expositionem (quas voces textus in prima hac visione Christo attribuit) eam esse, quæ superius manet explicata de vtriusque belli distinctione. Quòd si hic est earum vocum sensus; quis non videat præcipuam huius figuræ intentionem esse totius Apocalypseos argumentum summam cõplecti? Et meâ quidem sententiâ, quemadmodum argumenti Apocalypseos persuasio plurimum confert ad scopum huius figuræ intelligendum; ita etiam harum duarum vocum (id est tubæ & maris) intelligentia non parum confirmat illud esse verum Apocalypseos argumentum, nempe de duplici illo bello. Dux enim hæ voces, si rectè inspiciantur respondent duabus illis columnis, de quibus notatione 12. prolegomenon diximus.

Collatio prima huius figuræ & eius partium cum præcipuis totius Apocalypseos partibus.

Præterea in singulis huius primæ visionis partibus cernitur manifestus respectus ad multa ex ijs, quæ postea in totius libri processu tractantur. Nam vestitus podêris respondet vestimentis albis, quibus Seniores sunt amicti, cap. 4. & byssino, quo se induit Agni sponsa cap. 19. Deinde podêris byssina & zona aurea respiciunt angelorum vestitum, qui phialas effundunt, cap. 16. Canities huiusce personæ videatur fortasse alicui referre Seniorum canos, de quibus cap. 4.

Oculorum flammæ, eadem sunt cum illis cap. 19. 12. *Oculi eius sicut flamma ignis.* Pedes ex chalcobibano ardenti sunt illi ipsi, qui angelo forti tribuuntur, cap. 10. num. 1. *Pedes eius tanquam columna ignis.* Atque ipse ignis est, qui postea Babylonem incendit & exurit. Septem stellæ, quas in manu gestat Christus, respondent stellis, quibus mulier illa coronatur, de qua cap. 12. Gladium oris vtrâque parte acutum inuenimus postea cap. 19. 15. splendor solis in facie, de quo hîc, legitur post cap. 10. num. 1. *Facies eius vt sol,* atque eodem solis splendore mulier vndique amictur cap. 12. De morte, inferno, & clauibus agitur deinceps non semel. Denique nihil est in toto hoc capite, cui non aliquid ex hoc spectaculo postea respondeat. Nec in verbis solum, sed multò magis in præcipuo sensu atque mysterio, vt suis locis videbimus. Itaque si primam hanc visionem cum tota Apocalypsi conferre velimus; nulla potest remanere dubitatio, quin hæc figura totius libri summam coercet, atque aded hic sit perfectus prologus; in quo iuxta rationis atque artis præcepta, tota reliqua actio paucis indicatur.

Difficulus aduersus dicta.

Obijciat tamen aliquis hanc figuram manifestè Christum referre, vt ex ipsius patet verbis; *Fui mortuus, & ecce sum viuens in secula.* ac proinde coactum esse, in ea Apocalypseos summam proponi. Apocalypsis enim propriè ac directè agit de Christiana Ecclesia. Quare distinctio, quæ inter sponsum & sponsam est, aut inter caput & reliqua corporis membra, hæc eadem futura videtur inter huius figuræ & reliquarum Apocalypseos mysterium. Respondeo tamen. Quicumque hanc figuram attente considerauerit, facile animaduertet, non id fuisse Spiritui sancto consilium; vt in eâ, Christi

Solutio.



persona, prout est in se, exprimeretur; sed miranda opera, quæ in suis effecit. Quamobrem magno cum decoro depicta hîc fuit hæc Christi effigies admirabili totius corporis cultu atque habitu; scilicet niueis canis atque cæsarie, candidâ veste, zonâ aureâ, pedibus æreis & ardentibus, oculis flammeis, gladio ex ore prodeunte, &c. Atque magna hæc nouitas & insolentia est appositissima; vt indicetur, Christum in suis Sanctis admirabilem esse; iuxta id, quod tanquam epiphonema claudit Psalmum 67. *Mirabilis Deus in Sanctis suis, ipse dabit virtutem & fortitudinem plebi suæ.* Et notandum est huius Psalmi argumentum esse haud dubie (vt suo loco explicabitur) idem cum argumento Apocalypseos; nimirum de victorijs, quas Ecclesia Christiana de suis hostibus fuerat consequutura. Atque vt in eo Psalmo epiphonema, quod totius Psalmi summam continet, Deum in suis Sanctis admirabilem representat; ita similiter totius Apocalypseos argumentum in alia eiusdem rationis sententia veniit & eleganter comprehenditur; scilicet in hac, *Mirabilis Christus in Sanctis suis: ipse dabit virtutem & fortitudinem Ecclesie suæ.* Atque hic est præcipuus primæ figuræ scopus.

Psalmi 67.  
argumentum  
idem cum  
argumento  
Apocalyp-  
seos.

Hoc amplius roboratur, si consideretur illam Christi imaginem, de qua capite 5. Canticorum à numero 10. ad finem vsque capitis agitur, non solum Christum, prout in se est, exprimere; sed etiam prout in suis præclara & excellentia operatur. Hæc enim est vera effigies Christi, qua vult Paulus ad Rom. 13. 14. nosmetipsos indui. Atque hoc modo interpretantur illam Christi imaginem septem grauissimi doctores, Nyssen, Paulinus, Ambrosius, Gregorius Magnus, Philo Carparhius, Guillelmus, & Honorius. Et ea est illius loci germana expositio; vt in eius libri interpretatione constabit. Itaque non est nouum, in sacra Scriptura agi sub Christi figura de ipsius Ecclesia.

Præterea, prima Ticonij regula, quam refert & laudat Augustinus lib. 3. de doctrina Christiana cap. 30. est, *Aliquando sacram Scripturam de Christo & Ecclesia loqui, quasi de vna persona; in eis tamen locis distinguendum esse, quid Christo, quid Ecclesia conueniat.* In hac igitur figura sermo quidem videtur esse de Christo; & ad eum spectat gloria, tanquam ad auctorem & consummatorem, ac nostræ salutis exemplar, contextus tamen propriè agit de corpore Christi mystico, atque ad eum de admirandis operibus, quæ ab ipso Christo in suis fidelibus & in eorum hostibus patrantur. Et horum omnium in Christi imagine expressio mirificam habet congruentiam, tum ad Christi cum Ecclesia vnionem significandam, tum ad denotandum, omnem Ecclesiæ gloriam in Christi tandem ipsius gloriam cedere. Ac propter vtramque rationem familiare sacre Scripturæ est, Deum sua ipsius Ecclesia vestire, atque ipsam vt Christi gloriam considerare.

Scripturam  
aliquando  
de Christo  
& Ecclesia,  
vt de vna  
persona  
loqui.

Licet autem textus videatur de Christo loqui, & certa ipsius signa præscribere; asserens ipsum fuisse mortuum, & ad immortalem vitam resurrexisse, & clauis mortis atq; inferni habere; nullus tamen mirari debet, in Christi persona ac similitudine de Ecclesia ipsius sponsa sermonem institui. Primò, quia Ecclesiæ excellentiæ in Christi (vt dixi) decus ac gloriam & in clarissimum suæ virtutis argumentum referuntur; atq; ita qua ratione Paulus ait, *Viuo ego iam non ego; viuit verò in me Christus.* eadem etiam dici iure posset, Christiana Ecclesia nihil esse aliud, quam Christus in illa res miras operans. Deinde, quia Ecclesiæ excellentiæ illam Christo Domino similem reddunt; ita vt verè ac rectè dicatur Ecclesia ipsa in Christum transfigurari; cum illo simul mori atque resurgere; atque eum in diuini verbi vi & spiritu, ac in fluxarum rerum contemptu imitari. Denique Ecclesia cum Christo tam indissolubili est vnionis vinculo colligata, vt ad Christianam ipsam Ecclesiā depingendam, mysticam Christi figuram depingere elegantissimum fuerit. Qua verò ratione singula, quæ Ioannes refert de mira illa persona sibi ostensa, Apocalypseos summæ deseruiant; & in paraphrasi indicaui, & deinceps explicabo.

Quam  
epie sermo  
instituitur  
de Christo  
& de Ec-  
clesia, vt de  
vna perso-  
na.

AVDIDI POST ME VOCEM MAGNAM TANQVAM TUBÆ.] Quid tuba significet nuper vidimus. Sed cur Ioannes eam post tergum audiuit? Putabit aliquis, hanc Ioannis post tergum auditionem eodem esse modo intelligendam, atque illud Ezechielis 3. 12. *Audiui post me vocem commotionis magna.* Sed valde diuersa est ratio. Ezechiel enim non à tergo sed à fronte currus cum toto illo strepitu prius apparuerat. Et postea capite 3. missus à Deo propheta ad populum, visionem reliquit à tergo; atque ita dum pergit, strepitum, quem ante se prius audierat, à tergo postea exaudit; vt præfenti adhuc currus ac rotarum stridore, quasi stimulis quibusdam agitatus, ad iussu diligentius properaret. At Ioannes è contrario, cum vocem prius à tergo accepisset auribus, conuersus fuit protinus, vt loquentem videret: cuius rei rationem modò inuestigamus.

Verf. 10.

Cur Ioan-  
nes vocem  
tuba à tergo  
audiuit.

Prima ergo expositio est, Christi prouidentiam, quæ in hac visione Ioanni ostensa fuit, ideo apparere à tergo, vt significetur singulare Dei presidium, quo Ioannes ipse inter ingruentia huius vite pericula tutus erat. Et Christi quidem prouidentia rectè post nos esse fingitur; quia cum ipsam non videamus, ab ipsa videmur atque protegemur. Huc spectat explicatio Origenis, atque Hieronymi Ezech. 3. 12.

Aliorum  
opinionet.

Secunda explicatio est, ideo vocem à tergo fuisse auditam, quia reuelata sunt Ioanni, quæ erant ignota Ecclesiæ. Quod enim post nos est, nescimus, cum illud non videamus. Ita Ambrosius, Thomas Anglicus, Pannonius, & Ribera.

Tertia est, Ioannem, qui contemplationi rerum cælestium vacabat, reuocari ad aliorum correctionem. Hanc sequuntur Anselmus, Richardus, Rupertus, Albertus, & vtraque Glossa.

Quarta è contrario existimat homines admoneri, vt à terrenis auertantur, & conuertantur ad cælestia. Serui enim sumus fugitiui; atque vt nos reuocet, clamat Christus. Ita Ambrosius & Lyra.

Quinta est Glossa & Alberti, qui à tergo apparuisse aiunt visionem, vt Ioannes intelligeret eadem mysteria contineri in Lege & Prophetis.

Sexta est, vt Ioannes reuelationem esse Spiritus sancti agnosceret; quia Spiritus sanctus dum non videtur ab hominibus, & se monitorem & magistrum exhibet, videtur facere, vt aures nostræ audiant verba post tergum monentis, vt habetur Isaia 30. 21.

Hæ omnes explanationes (vt eis nihil aliud obijciam) non cohærent cum germana vocis tubæ significatione, quæ est de bello à Iudaico populo aduersus Ecclesiam gesto, (vt supra vidimus.)

Quare,



Quare, quod Ioannes tubæ vocem à tergo audiuit, & mox conuersus fuit, vt se alloquētem videret; ratio fuit, vt intelligeret se vocari ad bellum, quod iam præterierat considerandum. Ac primum ita res se habet, vt vidimus notatione 3. prolegom. bellum scilicet Iudaicum iam tunc fuisse peractum. Nam quinque & viginti annis ante hanc visionem Ioanni ostensam Ierosolyma fuerat euerfa. Deinde ad hoc repræsentandum, concinnum valde & elegans fuit, tubæ vocem post tergum sonuisse. Quod enim iam præterijt, id verè & aptè dicimur retrò reliquisse, sicut & id quod nondum euenit, dicitur ante nos esse, iuxta id ad Philipp. 3. 13. *Quæ retrò sunt obliuiscens; ad ea verò, quæ sunt priora, extendens me ipsum.* Præterita sunt, τὰ ὀπίσω, siue quæ retrò; futura verò seu priora, τὰ ἔμπροσθεν. id est, quæ à fronte. Si ergo Ioanni solum reuelaretur, quod erat futurum; neutiquam vocem Christi à tergo, sed ante audiret. Ceterum cum reuelatio exordium caperet ab eo, quod iam præterierat; elegantissimè fuit excogitatum, vt principio tubæ vox à tergo resonaret, vt posteaquam ipse conuersus fuit, vocem aquarum multarum (quæ persequutionis Gentium symbolum erat) à fronte audiret. Atque hanc prorsus existimo propriam esse loquutionis huius significationem.

EPHESO ET SMYRNA, ET PERGAMO, ET THYATIRA, ET SARDIS, ET PHILADELPHIA, ET LAODICIA.] Eodem ordine textus has septem vrbes enumerat; quo posset eas percommode peragrarè, quæ à Ioanne Apocalypsin ad illas deferret. Pathmo enim insulæ ceteris omnibus viciniore est Ephesus; inde ad septemtrionem vergenti occurrunt primò Smyrna; deinde Pergamus. Hinc de uexa linea inter orientem solem, atque meridiem tres alias Thyatiram, Sardin, ac Philadelphiam hoc eodem ordine percurrit. Et progredienti versus meridiem vltima est Laodicia. Consideranda verò hîc maxima est singularis Dei prouidentia; quæ suauiter & efficaciter disposuit, vt Ioannes ab vrbe Roma (in qua longissimè ab ijs vrbibus dissitus erat) in Pathmon insulam relegaretur; quæ Asiæ contermina atque ipsis vrbibus vicina erat; quò facilius inde per literas cum suis Ecclesijs agere, easdemque salutaribus institutis instruere & informare posset.

Sunt qui circa harum vrbiû nomina, & eorum significationes argutè nimis velint philosophari. Sed hæc consideratio nullo solido fundamento nititur. Nam Laodicia sonat idem, quod populus iustus, atque epistola ad Laodicenum Episcopum scripta, ipsius potius tepiditatis reprehensionem continet; tepidumque frigidò deteriore esse textus affirmat.

ET CONVERSUS SUM VT VIDEREM VOCEM, QUÆ LOQUEBATVR MECVM.] Sunt qui nōtent, in præsentī videre esse idem, quod audire, (vt Exod. 20. 18. *Populus videbat voces*) solet enim hoc verbum ad omnes sensus extendi. Ceterum licet alijs in locis hæc expositio locum habeat; hîc tamen nihil ad rem. Nec enim conuersus est Ioannes, vt audiret sonum, quem antea auersus audiebat: sed vt videret eum, qui secum colloquebatur. Atque ita *Vt viderem vocem* idem est, atque vt viderem quis esset, qui ea me voce compellabat. Qua loquendi ratione, ipse qui clamat appellari solet vox, vt Ioannis 23. *Ego vox clamantis in deserto*: abstractum pro concreto.

ET CONVERSUS VIDI SEPTEM CANDELABRA AVREA.] Certum videtur, hæc candelabra consideranda esse eiusdem omnino formæ ac figuræ; atque illa quæ in templo Salomonis erant; singula scilicet septenis lucernis collucentia; quorum forma describitur Exodi 25. 31. vsque ad finem capitis. Quod licet alicui forsan nouum videatur; ego tamen verissimum esse mihi persuadeo. Primò propter id, quod sequitur; illum scilicet, qui in medio horum candelabrorum apparuit, quasi illorum curam gerens, vestitum fuisse podère, id est, lineâ strictâ: quæ illum sacerdotem esse facile indicat, cum hic esset proprius veterum sacerdotum vestitus. Cum igitur sacerdotem audimus medium inter candelabra, protinus mentem subit manifesta ad templi Salomonici candelabra atque ad sacerdotes allusio. Atque ita illam veterum candelabrorum formam referre debent hæc, de quibus in præsentī.

Confirmatur; quia tota Apocalypsis plena est allusionibus ad varios veteris instrumenti locos. Quare cum hîc apponantur candelabra aurea; alluditur proculdubio ad aurea illa candelabra, quæ erant in templo; cum nullibi præterea aurea candelabra reperiantur. Accedit quod peculiariter etiam respicere videtur hic locus Zachariæ visionem; cum cap. 3. 4. conspexit sacerdotem Iesu mutatorijs vestitus, id est podère, vt vertunt LXX. & mox cap. 4. 2. *vidis candelabrum aureum, & septem lucernas super illud.* Candelabra igitur aurea, inter quæ adstat sacerdos podère indutus, omnino censenda sunt esse heptalychni, id est septem lucernas habentia; atque ita appellantur septiformia à Bachiario. Facit candelabri Zachariæ significatio, quæ eadem est cum horum candelabrorum significationibus. Apud Zachariam enim candelabrum illud Ecclesiam significat; vt docent ibi Hieronymus & Cyrillus.

Cum igitur hæc candelabra illorum veterum similitudinem exprimant, & eorum omnium significatio sit eadem; dubitatio occurrit, cur cum in Moyfis Tabernaculo, & in visione Zachariæ vnum esset candelabrum; in templo verò Salomonis decem (3. Reg. 7. 49. & 2. Paral. 4. 7.) in præsentī sint septem? Respondetur, rationem discriminis esse; quia Ecclesia vna est & multiplex. Quamuis enim sit vnica Ecclesia Catholica, includit tamen sub se multas peculiares pro numero Episcoporum. Numerus ergo septenarius electus est in præsentī propter septem Ecclesias Asiæ (vt supra vidimus.) Denarius autem congruentissimus fuit in templo Salomonis; quia hic est proprius multiplicationis numerus: atque in symbolis idem valent decem, quod multi, in rebus præsertim permanentibus, vt videbimus cap. 12. & 13. & 17. vbi de decem cornibus.

Supereft considerare, quàm idonea fuerit excogitatio aurei candelabri cum septem lucernis & reliquo ornatu, ad Ecclesiæ perfectionem exprimendam; sed de hoc dicemus notatione sequenti.

Cur Ioannes tubæ vocem primò à tergo; deinde vocem aquarum multarum à fronte audierit?

Vers. 11. Quem ordinem seruauit Ioannes in septē vrbium enumeratione.

Vers. 12.

Quid hîc sit, videre vocem.

Candelabra septem Ioanni visa, cuiusmodi formæ sint excogitanda.

Cur, cum in Salomonis templo decem fuerint candelabra; Zacharia tamen vnū, Ioanni verò septem sunt visa.



## N O T A T I O X.

*Ad septem candelabra capitis primi Apocalypseos. Consideratio candelabri aurei, quod olim Deus fieri iussit.*

**Q**UONIAM candelabra aurea eadem specie visa sunt Ioanni, atque illud quod à Moysse factum est (vt vidimus in Commentarijs;) ideo opera pretium erit, contemplari & formam & significationem illius antiqui candelabri; de quo Exodi 25. 31. vsque ad finem capitis, & cap. 37. à num. 17. vsque ad 25. De eodem etiam Iosephus libr. 3. antiquit. cap. 10. Philo in libello qui inscribitur, *Quis rerum diuinarum heres*, longè post medium; & lib. de vita Moysis, paulò post initium. Vide etiam Choul de Religione folio 10. vbi describit candelabrum, quod expressum est Romæ in arcu Titi. Nota tamen Iosephum, cum de candelabro illo loquitur, quod Titus in triumpho portauit, hæc dicere; *Candelabrum auro factum, sed opere commutato à nostri usus consuetudine*. Et videtur quidem candelabrum, quod marmore in eo arcu Titæ expressum est, ad illius similitudinem factum, quod in triumpho gestauit Imperator. Quamobrem descriptio illa, quæ in arcu suprâ dicto conspicitur, non firmam omnino facit fidem ad veram antiqui candelabri formam exactè cognoscendam. Neque plus ad eam cognitionem afferunt adiumenti picturæ, quas Arias & alij euulgarunt: quæ variæ sunt atque diuersæ; & textus verba alius hoc, alius illo modo explicat.

De septem lucernis textus sic ait; *Lucernæ luceant ex aduerso*, LXX. verò transferunt, *ab una facie*. Vnde certum videtur esse, ellychnia non media fuisse in lucernis, sed ad latus vnum deflexa, & omnia ad Propositionis mensam conuersa; vt expressè præcipitur Num. 8. 2. *Lucernæ de regione respiciant ad mensam panum Propositionis*. Hoc non fuit animaduersum in vulgaribus picturis; quarum aliæ ellychnia in medijs lucernis collocant; aliæ verò non omnes ad eam partem, sed ad diuersas respicientes constituunt. Præterea in illo ipso loco Numerorum 8. 2. discretè præcipitur, vt lucernæ contra Boream respiciant. Atque ita opus erat, vt ad mensam Propositionis essent conuersæ. Quare, quod ait Iosephus candelabrum in templo fuisse oblique positum, vt lucernæ respicerent ad Orientem & meridiem; manifestus videtur error. Quia est contra sacræ Scripturæ præceptum, & contra rectam rationem. Candelabrum enim erat ad meridianam partem templi; atque adeo ad oppositam partem conuersæ erant lucernæ.

Quas textus sphaerulas appellat, cogitandæ sunt fuisse pomorum similitudines. Quia vox Hebræa poma significat. Atque ita in hoc candelabro est aliqua arboris similitudo; quod brachia & ramos vtrinque expandit, & floribus ac pomis est onustum. Quamuis flores, ob peculiare mysterium, non omnes ex eadem arbore fuerint desumpti, vt deinceps videbimus.

Quod ad lilia attinet, falluntur qui ea depingunt ad similitudinem eorum florum, qui propriè appellantur irides, & sunt coloris ianthini vel carulei. Constat enim lilia esse flores candidos, Hebraicè, *Susanim* appellatos; vnde Hispana vox defluxit, *Agu-genis*, atque eadem est significatio nominis Græci, quo LXX. atque Iosephus vsi sunt, *κρίνα*, atque ita Vulgatus sequutus LXX. *lilia* dixit. Quamuis Hebræa vox, quæ in candelabri descriptione ponitur, non lilia, sed flores generali vocabulo significet. Et similiter 3. Regum 7. 49. vbi legimus, *quasi lilijs flores & lucernæ desuper*. Verùm LXX. & Iosephus, vt oculati testes expresserunt, flores illos fuisse lilia.

Licet autem LXX. & Vulgatus solùm meminerint liliorum; quia illa fortasse inter alios flores eminebant: ceterum dubitari non debet, candelabri

**A** aurei flores non solùm fuisse lilia, sed etiam flores malorum granatorum, qui cytini appellantur. Nam præter sphaerulas & lilia, cytinorum etiam expressè meminit Iosephus libr. 3. antiquitatum, cap. 7. quod licet Rufinus ipsius interpretis prætermiserit; Græcè tamen perspicuum est, ita enim legimus, *πεποικίται ὁ σφαιρία καὶ κρίνα σὺν πόλεμοις καὶ κρατερήδοις*, id est, (ad verbum) *Fasta sunt autem sphaerulæ & lilia cum cytinis & craterculis*. Gelenius vertit, *Erantque distinctum globulis, lilijs, malis punicijs, craterculis*. Sed quæ Gelenius mala punica appellat, cytini sunt; id est, primi mali punici partus cum flore. Sic enim accipienda est Græca vox *πόλεμος*, sicut etiam in granatulis, quæ pendebant ex tunica hyacinthina Aaronis, quæ à LXX. interpretibus sic describuntur Exodi 28. 33. *ὥστε καὶ ἀνθῶν ποδὶς πόλεμος*, id est, quasi florentis mali punici mala punica; quæ est manifesta cytinorum descriptio. Roisci igitur, quorum meminit Iosephus in candelabro, cytini sunt, id est, flores malorum punicorum. Neque eos Iosephus de suo adderet, nisi in candelabro vidisset. Et præter Iosephi oculati testis auctoritatem; in candelabro, quod est in arcu Titi, licet aliqua ex parte sit ipsius figura immutata (vt Iosephus aduertit) distinctè tamen in eo reperiuntur suprâ dicti cytini. Et quidem hæc coniunctio liliorum & cytinorum mysterio non vacat. Hi enim sunt præcipui flores, qui in Canticorum libro celebrantur. Vt in eius libri commentario videbimus. Nota præterea, Lipomanum in descriptione candelabri, lilijs addere rofas & germina: hæc tamen, vnde ille desumpserit, ignoro.

Quos textus appellat scyphos in nucis modum, numero erant viginti duo; vt colligitur ex textu. Hos alij huius figuræ, alij alterius fuisse considerant. Omnes tamen vt vasa seu pateras vacuas illas depingunt. Septuaginta craterculos eos appellant; Arias Montanus *calices*. Ego quidem in eam partem inclino, vt hæc vasa non vacua, sed plena fuisse existimem sphaerulis & lilijs; quæ (vt iam adnotauimus) poma sunt & flores. Id mihi persuadet primò, quod textus ipse ait, *tres scyphi per singulos calamos, sphaerulæque simul & lilia*. Vbi aptior constructio est, vt hoc modo intelligatur: Sphaerulaque simul & liliam per singulos scyphos. Hoc enim est *simul*, id est, singulæ sphaerulæ ac lilia cum singulis scyphis. Sicut expressit textus ipse in quatuor alijs scyphis, qui sunt in hastili. Et iuxta hanc explicationem aberrant picturæ vulgares; quæ cum quolibet scypho nō sphaerulam & lilium coniungunt; sed prius tres scyphos ponunt, deinde sphaerulam, & postea lilium. Huius errati auctor fuit Rabbi Salomōn, vt Lyra animaduertit. Verùm Exodi interpretes omnes notant cum singulis scyphis sphaerulas singulas & lilia esse debere. Ita expressè Beda, Lyra, & Caietanus.

**E** Secundò id mihi probatur. Quia scyphi pleni pomis ac lilijs pulchriores erunt; & hoc modo aptiorem habebunt rationem in candelabri structura: alioqui congruens ratio non facile occurrat, cur scyphi vacui relictī sint. Et forsan cum dicitur sphaerula & lilium, accipiendus singularis numerus pro plurali; ita vt in quolibet scypho plures sint sphaerulæ ac lilia (necnon cytini). Quemadmodum cornu copia fingi solet. Aut forsan quæ sphaerula nominatur, in scyphum impacta debet esse; sicut glandes in natio illo calyce inclusa sunt, siue insidentes. Atque hoc fortassis significant illa verba in *nucis modum*. Multi enim ex his fructibus, qui nuces appellantur, præter proprium corticem, habent præterea vel folliculum, vel calycem, in quo recipiuntur. Denique alterutra ex his considerationibus fa-

*Qua fuerit scyphorum figura in candelabro.*

*Candelabri aurei, quod in templo erat, consideratio.*

*In templi candelabro, qua fuerint sphaerula.*

*Qua item liliorum forma.*



cile deferuit, vt calyx continere videatur, atque protegere sphæras & lilia atque etiam cythinos. Nam & flores suos calyces habent natiuos.

Præterea candelabrum appellat *Vulgatus ductile*, LXX. & Philo vertunt *tornatile*; Iosephus *fusile*. Relinquo alijs expendendum, an hæc tria conciliari possint. Ego quidem LXX. lectionem cum *Vulgata* facile conciliarim. Ex opere enim ductili nonnullæ partes (verbi gratia nodi aliqui) perfici solent opere tornatili. Aut fortasse tornatile ad pulchritudinem & venustatem refertur; vt nonnulli accipiunt id Canticorum 5. 14. *Manus eius tornatiles*.

Cum candelabro coniungenda sunt emunctoria, de quibus Exodi 25. 38. & septem infusoria, de quibus Zachariæ 4. 2. siue lecythi sint, vt putat Ribera; siue fistulæ, vt vult Agias.

Totum verò candelabrum ex auro purissimo factum esse expressè habet textus, atque aureum talentum appendisse; id est, sesquimille vncias, quæ faciunt libras Romanas 125. quæ ad nostras libras redactæ, sunt ferè 94. Animaduertit tamen Iosephus, candelabrum non fuisse solidum, sed cauum.

Notandum est etiam hic, Plinium libr. 34. cap. 3. meminisse candelabrorum æreorum magni præij, præsertim quæ erant ex ære Corinthio, in Ægina elaborata. Verum illa alterius erant figuræ & vsus; & sanè Latinum nomen à candelis deriuatur; & ea, de quibus Plinius agit, candelas sustinebant, non lucernas.

Hactenus de templi candelabro, & eius partibus. Quod ad mysticam eius significationem spectat, hæc præcipue desumenda est ex septem lucernis. Philo, Iosephus, Clemens Alexandrinus, & Hieronymus epistola 128. in septem his lucernis septem planetas contemplantur; & sanè ad planetas habitum fuisse respectum, non inficior. Hæc tamen non potest esse præcipue intenta significatio. Nam candelabrum est symbolum Ecclesiæ (vt exprimit Apocalypsis, & in illo etiam Zachariæ candelabro cap. 4. notant Hieronymus & Cyrillus.) Quare ea lucernarum significatio querenda est, quæ Ecclesiæ conueniat. Nec dubium est, quin optima fuerit septem lucernarum excogitatio in candelabro, quod fiebat ad significandam Ecclesiam; cuius planetæ multò sublimiores ac nobiliores sunt. Illud ergo primò aduertendum est, in ea templi parte, quæ dicebatur Sanctum, ad dextrum arcæ latus, fuisse candelabrum; & ad sinistram Propositionis mensam. Quorum ratio est; nam mensa Ecclesiæ doctrinam repræsentabat (id est, sacram Scripturam) candelabrum autem vitæ sanctitatem. Et quidem, quod mensa sit doctrinæ sacræ Scripturæ symbolum, perspicue docent Origenes, Hieronymus, Hesychius, Gregorius, & Beda apud Lauretum. Facit, quod Christi doctrina & sacræ Scriptura appellatur panis; vt docent Origenes, Arnobius, Hieronymus, Ambrosius, Augustinus, Gregorius, Hesychius, & Philo apud eundem Lauretum; & singillatim 12. Propositionis panes de Apostolorum doctrina explicant Cyrillus, Ambrosius, Hesychius, & Richardus. Porro in illa mensa non modò erant panes; sed calices & pateræ ad vinum libanda; vt constat Exodi 27. 29. & cap. 37. 16. & Num. 4. 7. id quod in arca etiam Titī distinctè cernitur. Hæc igitur est mensa, hoc epulum illud Diuinæ sapientiæ, de quo Prouerbiis 9. 2. & num. 4. *Comedite panem meum; & bibite vinum, quod miscui vobis*, quæ declaratio & per se est manifesta, & auctorem etiam habet magnum Dionysium epistola 9. quæ est ad Titum.

Cum igitur per mensam, Ecclesiæ doctrina significetur; congruenter etiam per candelabrum, eiusdem Ecclesiæ sanctitas indicatur. Quare ad Ioannis consolationem, illi ob oculos ponitur suarum septem Ecclesiarum sanctitas, quarum symbola in septem illis aureis candelabris aspiciebat. Atque hæc candelabri significatio ex eo comprobatur, quod iustus sæpè solet cum ardente lucerna conferri. Vide Ioan. 5. 35. *Ille erat lucerna ardens & lucens*. & Matth. 5. 16. *Sic luceat lux vestra coram hominibus, vt videant opera vestra bona*. Quapropter in multis eiusdem candelabri lucernis, rectè vnus Ecclesiæ sanctitas

figuratur. Concinunt Origenes, Ambrosius, & Augustinus apud Lauretum; qui docent in candelabro designari omnes bene operantes propter virtutum claritatem.

Observandum tamen est, in candelabri ac mensæ confociatione rectè quidem doctrinæ mensam, & candelabrum sanctitati applicari. (idè enim præcipiebatur, vt candelabrum respiceret Propositionis mensam: quia vera sanctitas illa est, quæ ad sacræ Scripturæ doctrinam conformatur.) Ceterum si candelabrum separatim sumatur, appositum est symbolum ad optimi exempli lucem, & lucem pariter sapientiæ significandam. Quamobrem, vt mirus splendor sanctitatis & sapientiæ Ecclesiarum Christi apprimè designaretur, non necesse fuit in hac visione, præter septem candelabra, totidem mensas apponi. Nam candelabra ipsa cælestis etiam sapientiæ excellentiam egregie significant. Atque ita cap. 11. vbi sub nomine duorum Christi testium, de Ecclesiæ sapientia & sanctitate agitur, de illis dicitur; *hi sunt duo candelabra*. Duplex namque est modus effulgenti, ac mundum lumine illustrandi; alter excellentiæ sapientiæ; virtutum exemplo alter. Et ad sanctitatis & sapientiæ distinctionem indicandam, idoneum fuit duorum candelabrorum symbolum. Hic verò, vt intelligatur, quàm recta alios illustrandi ratio sit, sanctæ simul vitæ atque sapientiæ radios effundere; eleganter etiam singulis Ecclesijs singula candelabra accommodantur; vel in mensa epulum sapientiæ significabatur, ad quod inuitantur fideles; in candelabro autem & sapientia & sanctitas, quæ in eis elucet. Sed vt ad septem lucernarum numerum veniamus, vidimus iam superius ex Origene, Ambrosio, & Augustino, ad virtutum claritatem & fulgorem referri. Quibus addo Hesychium, qui Leuitici 24. asserit lucernas candelabri esse virtutes. In hac significatione, lucernarum numerus septenarius quadrat cum numero virtutum: aptè enim illæ ad septem reduci solent, nempe ad tres Theologales, & quatuor Cardinales: vel ad septem illas, quæ septem vitis capitalibus opponuntur; vel ad septem Spiritus sancti dona. Atque hac ratione congruens videtur reddi ratio numeri septenarii lucernarum. Verum tamen Zachariæ locus cap. 4. 10. vbi agens de septem lucernis candelabri ait, *septem isti oculi sunt Domini, qui discurrunt in vniuersam terram*. Hic (inquam) locus pertinet, vt eum præcipue attendamus in harum septem lucernarum explicatione. Sapienter enim ait Idacius, lib. 3. contra Varimandum, septem lucernas in capite candelabrorum, esse septem spiritus Dei, qui in omnem terram mittuntur. Et quidem postquam Deus suum spiritum omnibus mundi nationibus elargitur, verissimè dicitur septem suos spiritus in omnem terram mittere. Nam in excellenti fidelium sanctitate effulgent in primis Dei Virtus, Beneficentia, Equitas & mirabile Consilium: neque solum hæc, sed etiam Dei Patientia. Nam vt iustus persecutione probetur ac perficiatur, necessarium est Deum persequentium improbitatem ac malitiam patienter sustinere. Comminatio etiam ostenditur. Nam ea, quæ iustus perpetitur, magni supplicii peccatori minantur; iuxta illud Lucæ 23. 31. *Si in viridi ligno hæc sunt, &c.* Denique Dei Seueritas maximè elucet in sceleratorum obduratione, quod maximum est in hac vita supplicium; atque id quoque erat ad magnam Sanctorum patientiam necessarium.

Ex illo Zachariæ loco, meo iudicio, manifestè colligitur, abs re esse per septem oculos Domini intelligere Angelos septem, siue Angelorum multitudinem. Quia sermo est de candelabro Ecclesiæ, de cuius splendore & ornatu sollicitam curam gerébant Iesus & Zorobabel. Atqui in Ecclesiæ candelabro (siue sermo sit de antiqua Ecclesia Israelitica, siue de Ecclesia Christiana) lucertiæ splendentes non sunt Angeli; neque ideo negatur nos à Deo per Angelos illustrari. Ast propria Ecclesiæ lux, quæ ipsa effulget, ipsius est proculdubio sanctitas ac sapientia. Quare, sicut non est ad rem interpretatio de Angelis in septem illis candelabri lucernis; ita neque in septem illis oculis vel spiritibus Dei. Quia

Candelabrum ipsum an ductile vel tornatile fuerit.

Cum candelabro emunctoria etiam coniungenda. Quot auri pondo habuerit candelabrum.

Cauum fuisse, non solidum, Iosephus tradit.

Mystica candelabri auri significatio.

Mensa templi, & candelabrum quid significauerint.

Candelabrum templi respiciebat Propositionis mensam: & cur?

Mystica septem lucernarum significatio.

Septem oculi Domini, apud Zachariam, quid significant?



Zacharias ait, septem lucernas candelabri esse septem illos oculos & spiritus Dei. In lucernis autem candelabri quis non videat, ineptum esse de Angelis interpretari? Quemadmodum cum de Ioanne Baptista dicitur, *ille erat lucerna ardens & lucens*; nulus dicit lucernam illius lucem esse Angelum Ioannis custodem.

D. Isidorus has septem lucernas accommodat ad septem Diaconos, quos asserit ex ordine Apostolorum in qualibet Ecclesia futuros (iuxta locum Actuum 6. 5.) qui sunt in gradu sublimiori, quam ceteri; & possunt etiam appellari Pontificis oculi. Sed non potest ea esse propria expositio. Nam septem Diaconi non sunt septem Dei spiritus qui mittuntur in omnem terram.

Ego quidem certam esse existimo Benedicti Ariæ Montani declarationem; qui septem oculos Domini de ipsius providentia interpretatur. Et oculorum etiam symbolum ad providentiam aptissimum est; ut constabit cap. 5. Apoc. num. 6. ubi de septem oculis agni dicitur, eos esse septem spiritus Dei missos in omnem terram. Illud in sua explanatione intactum prætermisit Arias; cur Divinæ providentiæ oculi septem esse dicantur? id est, cur Dei providentia ad septem reducatur perfectiones? de quibus nos latè diximus supra notat. V.

Sed objicies; quemadmodum Angeli non sunt ipsa Ecclesiæ Christianæ lux atque perfectio, ita etiam quod in Ecclesiæ candelabro effulget, non videri esse eandem perfectionem septem spirituum Dei. Hi enim spiritus sunt in Deo ipso; atque adeo effectivè (quod aiunt) non formaliter perficiunt & illustrant Ecclesiam. Respondetur, esse maximè apostitam loquutionem, & sæpè in sacra Scriptura usurpatam, agere de Sanctorum virtutibus, ut de effectibus spiritus Dei, qui in ipsis habitat, valde proprijs. Atque hac ratione dicitur Deus suum spiritum hominibus immittere, atque ipse spiritus in illis habitare dicitur. Quod si excellentia sanctitatis & sapientiæ, quæ in Ecclesia sunt, est evidens argumentum, præstantiæ & excellentiæ septem spirituum Dei; quid aliud considerari potuit in Ecclesiæ dignitate illustrius, & quod in symbolo præcipuè esset representandum, quàm hæc septem Dei spirituum gloria? Certè nihil aut ipsi Ecclesiæ gloriosius, aut Deo honorificentius.

His animadversis, facili negotio perspicitur, quàm congruenter facta fuerit ad septem planetas allusio, qui ad septem spirituum Dei symbola creati sunt; ut explicuimus notatione illa V. Et septem etiam Spiritus sancti dona (quæ in septem lucernis intelligit Beda & plerique alij) consistunt in horum Dei spirituum cognitione & communione. In capitis autem sexti Apocalypseos declaratione, ostendimus, vnum ex præcipuis rebus Apocalypseos esse tractationem, qua demonstraretur in excellenti primitivæ Ecclesiæ sanctitate inter Iudaici populi persecutiones, maximè septem Dei spiritus effulgere. Atque in hac prima visione (quæ totius libri prologus est, & argumentum indicare debebat) id fuit potissimum spectandum. Persecutio autem Iudeorum se etiam extendit ad Christianos in septem illis Asiæ Ecclesijs degentes, ut constat ex cap. 2. n. 9. & cap. 3. n. 9.

Diximus de septem lucernis. Percurramus reliqua. Flores malorum granatorum indicant gloriosum Christianarum Ecclesiarum exordium. In quo enituit purpureus ille Martyrum rubor, qui eas maximè decoravit. Atque hoc felix initium ingentem deinde fecunditatem pollicebatur.

Lilia propriè sunt symbola gloriæ earundem Ecclesiarum exaltationis. Scio multos in lilijs reperire virginitatis significationem; atque in eorum cum cytinis coniunctione, Martyrum ac Virginum decus contemplantur; quod tantopere Ecclesiam exornavit. Ceterum significatio felicitis reipublicæ exordij & admirabilis exaltationis, est propria atque germana; ut videbimus in notatione ad Canticorum caput 2. Atque dum Ecclesiæ Christianæ prophetia ob oculos ponitur; sæpè gloriatur Deus istam se incepisse, atque eandem ad absolutam perfectionem prouecturum: & hoc propriè est Deum

A esse A, & Ω, principium, & finem. Quare valde decuit in Ecclesiarum symbolo duos illos flores interponi, quos Divinus spiritus sapientissimè elegit ad Ecclesiæ principium ac sublimitatem representanda.

Sphærulæ, cum aurea poma sint, appritime denotant virtutum fructum, quem Ecclesiæ arbor producit pretiosissimum. Et hæc eadem est pomorum significatio in libro Canticorum. Poma etiam aurea, sunt multarum animarum ad Christi fidem, & ad vitæ sanctitatem conuersio per efficaces conciones, & per sacramenta egregiè administrata. Hæc enim animarum lucranda cura, Christianæ Ecclesiæ spiritus propria est; & vix antea audita erat. Florum autem & sphærularum, siue pomorum copulatio eandem hinc habet significationem, quam in Canticorum cap. 4. 13. *Emissiones tuæ paradisus malorum puniceorum cum pomorum fructibus*; & in eo etiam libro distinctè de prædictis fructibus agitur.

Iam scyphi (qui considerandi sunt, ut calyces, qui fructus & flores comitantur & protegunt, atque horrentes echinorum oculos imitantur) idoneè videntur ad sacras ceremonias externas, ad modestiam, & ad corporis castigationem, & alia eiusmodi applicari. Hæc enim præsidio sunt & defensionis solidis virtutum fructibus. Et eam ob causam Sancti inedijs, vigilijs, atq; alijs macerationibus suam carnem affligunt; iuxta illud Pauli, *Castigo corpus meum, & in servitutem redigo; ne forte, cum alijs prædicaverim, ipse reprobus efficiar.*

Hæc de singulis candelabri partibus. Quod si totum spectare velimus; auri purissimi, qua constat materies indicat, quanti sit pretij atque æstimationis apud Deum Ecclesiæ Christianæ sanctitas; & quanta in sanctissimis viris conscientia puritas atque integritas. Significat præterea, aurum Christianæ perfectionis persecutionum igne probari. Quod verò fuerit ductile denotat (ut rectè Gregorius homil. 6. in Ezechielem) Ecclesiam ferendo quotidie progredi, proficere ac perfici; quod primævis illis temporibus potissimum quadrat. Huc spectat auri firmitas atque tenacitas; quod malleorum ictibus ad summam usque tenuitatem productum; integrum tamen persistit & minimè fractum.

Deinde apta omnium candelabri partium coagmentatio, Ecclesiæ vnionem representat. Quod autem cauum sit, fortè innuit internum Dei spiritum, quo intimi Ecclesiæ sinus pleni sunt.

Præterea in fusoria fortassis sunt, Ecclesiæ Sacramenta. Denique quemadmodum templi candelabrum in veri Dei honorem ac venerationem ardebat; ita similiter hæc mystica candelabra in medijs tenebris effulgètia summum Deo honorem ac gloriam deferunt. Ceterum licet hæc omnia elegantem habeant applicationem; illustrissima tamen est in candelabro, septem lucernarum significatio; ex quibus, ut ait Philo, quæ medium tenebat locum, ceteris alijs eminebat. Atque ita etiam Dei sapientia, & mirabilem consiliorum spiritus, qui in Apocalypseos ordine inter reliquos medius est) sublimius & eminentius caput videtur attollere, & maiorem Deo venerationem conciliare. Quemadmodum Salomonis sapientia singulariter effecit, ut eum omnes timerent ac venerarentur, 3. Reg. 3. 28. Atque eadem forsitan est ratio, quapropter Ezechielis 1. 10. dicitur, *Facies aquilæ desuper ipsorum quatuor.*

E Oblitus interim fuero, quid significet in candelabro iustum talenti pondus. Cuius mysterium omnino magnitudinem cum æquitate coniungit. Et reuera ita accidit, ut gloriæ & excellentiæ pondus, quod in Christiana Ecclesiæ reperitur, licet maximum sit, sit pariter iustissimum. Etenim, etsi totum id in Dei gratia ac singulari beneficio nitatur; hæc tamen gratia, si Christi merita respiciamus, iustissima est. Cuius argumentum, & præmij quod illi responderet magnitudo, adeo iusta & æqua sunt, adeo Sanctorum meritis debita, ut Paulus maximus Dei gratiæ concionator dixerit, 2. Tim. 4. 8. *Reposita est mihi corona iustitiæ, quam reddet mihi Dominus iustus iudex, &c.*

Scyphorum significatio.

Mystica totius candelabri significatio.

Quid per candelabri infusoria designentur.

Quid per iustum talenti pondus, quo candelabrum comstabat.

D. Isidori de visum ex-  
plicatio.

Obiectio.

Solutio.

Mystica  
malorum  
granato-  
rum, qua  
in templi  
candelabro  
erant, signi-  
ficatio.

Liliorum  
significatio.



## C O M M E N T A R I V S.

Verf. 13.  
Similis filio  
hominis nā  
immo-  
tus,  
an deam-  
bulās Igāni  
apparuerit?

Quid sit,  
similem fi-  
lio homi-  
nis.

Quisnam  
in simili fi-  
lio hominis  
figuretur.

Cur Chri-  
stus in figu-  
ra humana  
apparuerit.

**E**T IN MEDIO SEPTEM CANDELABRORVM AVREORVM SIMILEM FILIO HOMINIS. ] Non ex-  
istimandum est, hanc figuram consistentem & immotam apparuisse, sed potius in medio cande-  
labrorum ambulantem; vt explicatur cap. 2. 1. *Qui ambulat in medio candelabrorum.* Ambulat autem in  
medio illorum; vt foueret oleo, accenderet, & emungeret. Hic enim est aperta allusio ad munus de  
candelabris curandis, quo hebdomadarius in templo Salomonis utebatur. Quare persona, quam vi-  
dit Ioannes vestita erat podere: id est, veste illā lineā, quam induebant sacerdotes.

**SIMILEM FILIO HOMINIS.** ] Similem ait. Primò, quia visio erat imaginaria; atque ideo quanuis  
apparuisset perfecta hominis figura, rectius erat dicere, se hominis similitudinem vidisse, quam se  
vidisse hominem. Hieronymus Danielis 10. n. 5. *Ecce vir. Symmachus; Quasi vir. Non enim erat vir, sed viri  
habebat similitudinem.* Hæc Hieronymus. Vide etiam Danielis 8. n. 5. *Quasi species viri.* Deinde quia nō erat  
quoad omnia hominis similitudo; vt patet ex pedum descriptione, de qua infra. Quapropter in can-  
delabris dixit se vidisse candelabra: & in hominis figura non dixit se vidisse hominem, sed hominis  
similitudinem.

**SIMILEM FILIO HOMINIS.** ] Communis expositio erat, *similem filio hominis*, id est, similem Christo;  
ac si dicatur figura ea, quam Ioannes conspicit, Christo Domino esse valde similis; & illis verbis  
*filio hominis*, designetur ipse Christus: atque adeò ex oris similitudine agnouerit Ioannes, eā figurā  
Christum referri. Ribera tamen optime probat non dici angelum similem homini, id est Christo;  
sed similem homini, eò quòd humana specie apparuerit; sicut Danielis 10. 16. dicitur, *Ecce quasi simili-  
tudo hominis tetigit labia mea.* Licet autem Christus in Euangelio sæpius se filium hominis appelleret; non  
ideo filius hominis significat Christum. Sic enim Ezechiel etiam appellatur. Et nomen hoc *filium ho-  
minis* designare solet eum hominem, de quo est sermo; alioqui nomen commune est. Vide Numer.  
23. 19. *Neque vt filius hominis, vt muretur.* Iob 25 *Quantò magis putredo, & filius hominis.* Psal. 8. *Quid est homo, quòd  
memor es eius: aut filius hominis.* Ex phrasi ergo hebraica idem est homo & filius hominis; quia omnes  
sumus Adæ filij.

Verum est hac figurā, quæ Ioanni apparuit, significari Christum, vt ex contextu manifestè con-  
stat. Ceterum, quia non illud potissimū intendebatur, vt Christus in se ipso significaretur; sed qua-  
tenus in suis fidelibus admirabilis est: idcirco oportuit figuram, quam aspexit Ioannes, non fuisse  
Christo similem; sed potius aliam, atque eam valde mirabilem.

Quòd autem in medio candelabrorum apparuerit, ratio est, quia candelabra, Christianæ Eccle-  
siæ excellentiam & splendorem repræsentant. Atque in medio eorum Christum incedere, hoc est  
ibi suam vim ac virtutem ostendere, iuxta illud Matth. 18. 20. *Ibi ego sum in medio eorū.* Atque ideo Isaias  
cap. 12. 6. Ecclesiam hortatur, vt exultet atque trīumphet, Deumque collaudet, *Quia magnus in medio  
illius sanctus Israel.*

**SIMILEM FILIO HOMINIS.** ] Meritò Christus in figura humana conspicitur. Nam Deus etiam o-  
lim ante incarnationem, cum suis prophetis & amicis apparebat (angelo scilicet missò, qui Deum  
ipsum repræsentaret,) humanā induebatur figurā. Primò, quia homo est imago Dei; & quanuis ratio  
imaginis non consistat in corporis figura; assumptā tamen corporeā figurā eius naturæ, quæ est ima-  
go Dei, assumitur similitudo hominis, ac proinde imaginis Dei repræsentatio. Atque adeò nulla fi-  
gura magis decebat Dei apparitionem.

Secundò ad agendum cum hominibus, humana figura erat maximè conueniens; & singillatim  
ad magnam erga eos ostendendam amicitiam. Amicitia enim amantem in amatum transmutat.

Tertid; si finis erat, Deum in hac figura repræsentare mirabilia in hominibus operantem, quid  
congruentius esse potuit, quam Deo humanam figuram, admirabilem tamen, tribuere? Quo signifi-  
cetur, Deum esse, qui in ipsismet hominibus latet, & per illos admiranda facinora edit. Etenim, si  
Christus est, qui in Paulo operatur (vt ipse Paulus ait; *Vino ego, iam non ego, vivit verò in me Christus*) rectè  
ergo consideratur, eum qui videtur, Paulum non esse. Quòd si Paulus non est, & Paulus apparet; er-  
go Pauli habet figuram; & qui operatur in Paulo, ipsius Pauli figuram induit. Sic ergo Deus, dum per  
homines res efficit admirabiles, eleganter in humana forma depingitur. Quare aptissimum fuit (et-  
iam si mentem ab incarnatione abstrahamus) Christo in præsentī humanam figuram dedisse: Et  
idcirco non in propria figura Christus apparuit, sed in alia distincta. Nam in suis fidelibus, qui verè  
ab ipso distinguuntur, Christus ipse delitescit, eorum indutus figurā. Atque figuræ ipsi, peculiare ac  
miras addere conditiones canorum, zonæ aureæ, pedum ardentium, & c. elegantissimum fuit; vt res  
admirandæ significarentur, quas in suis operatur: iuxta illud Psalm. 67. *Mirabili Deus in sanctis suis.* O-  
mitto alias considerationes, quæ in Christi incarnatione nituntur, & ab alijs sapienter explican-  
tur. Sed quòd Christus non in sua figura, sed in aliena visus sit Ioanni; meo iudicio aptissimum  
fuit, vt intelligamus hic apparuisse Christum, qua ratione gerit Ecclesiæ (id est, aliorum hominum)  
personam.

**VESTITVM PODERE.** ] Poderis, si etymologiam respicias, significat vestem talarem; ex vsu ta-  
men sacra Scripturæ, pro veste sacerdotali accipi solet. Et nonnunquam id nomen tribuitur tuni-  
cæ Pontificis hyacinthinæ; aliquando verò tunicæ lineæ, quæ erat omnibus Sacerdotibus communis.  
Dubitatur ergo an in præsentī sermo sit de veste podere hyacinthina, vel lineæ? Respondetur, pro-  
culdubio sermonem esse de veste lineæ. Et in primis ea est, quam podèrem absolute vocat Iosephus  
lib. 3. Antiquit. cap. 8. & Hieronymus epistola 128. & licet tunicæ lineæ non tribuatur podèris nomen  
apud LXX. in Exodo, cap. 28. 39. neque ibi exprimitur fuisse talarem; ceterum Ezechielis 9. 2. vbi  
legimus, *Vir vestitus lineis*, vertunt LXX. *vestitus podere.* Vbi Hieronymus notat, podèrem quod LXX.

Vestis podè-  
ris, quæ  
fuerit.



A transulere, vnam esse ex vestibus Pontificis, quæ latine talaris dicitur; ex eo quod ad pedes vsque descendat. Et manifestum est, ibi Hieronymum non loqui de veste hyacinthina, sed de linea: quia vox hebraica *Badim*, significat linum. Atque eadem per lini nomen vertitur vbi legimus, *Balew lini*, *ephod lini*, *vestimentum lini*, *femoralia lini*, &c. Atque iidem etiam LXX. eodem nomine inpenumerò vertunt, & Danielis 10. 5. vbi Vulgata legit, *vir vestitus lineis*, transferunt LXX. *vestitus byssina*: & alij vertunt *podère*. Zachariæ etiam 3. 4. vbi nos legimus *mutatoria*, LXX. legunt *podèrem*. vbi etiam videtur esse sermo de veste byssina. Ergo nomen *podèris* absolute positum apud Hieronymum, & apud LXX. designat tunicam lineam sacerdotalem.

Sed his opponi potest, Primò quia Exodi 27. Septuaginta appellant *podèrem* tunicam hyacinthinam, non verò byssinam; & similiter ibi Augustinus. Et sic etiam loquitur Philo. Et in præsentibus Hugo de tunica hyacinthina exponit. Secundò, quia Ecclesiastici 45. 10. vbi nos legimus *circum pedes*, est in græco, *podèru*, & manifestè est sermo de hyacinthina, Tertio, Sap. 18. 24. *podèris* designat hyacinthinam; vbi dicitur, *in veste podèris totus erat orbis terrarum*. Quarto, Hieronymus epist. 128. singillatim indicat, quousque linea illa tunica demissa esset: & ait, *vsque ad crura descendit*. Non igitur ad pedes erat demissa; atque adeò dici non potest talaris siue *podèris*.

B Ad primum Respondetur; per solum nomen *podèris* nunquam intelligunt Septuaginta hyacinthinam, nisi quando ab illis additur, *podèris hyacinthina*. Et tamen licet non addant byssina, solo nomine *podèris* intelligunt byssinam, Ezechielis 9. 2.

Ad secundum, non constat an eo nomine designetur vestis hyacinthina, Ecclesiastici 45. 12. Ad tertium in eo loco *podèris* nomine significatur hyacinthina, (quamvis aliter alij exponant) sed ex adiunctis intelligitur, de quo *podère* sit sermo: ac propterea non opus fuit ibi adijcere hyacinthinæ epitheton. Ad quartum Hieronymus etiam Ezechielis 9. vbi de byssina veste agit, explicat eam esse talarem, & ad pedes vsque descendere. Quare, quod alibi ait, *vsque ad crura descendit*; ne sibi contradicat sanctus Doctor, inclusiue (vt aiunt) exponendum est, id est, descendit vsque ad crurum oportio- nem, sicut feminalia Exodi 28. 42. dicuntur descendere *vsque ad femora*, & Hieronymus exponit, *vsque ad genua & poplites*.

C Denique in præsentibus per *podèrem* sermonem esse de veste linea manifestum est ex Danielis 10. 5. vbi legimus, *Ecce vir vnus vestitus lineis*; ad quem locum proculdubio respexit Ioannes, vt explicabimus notatione XI. Accedit, quod persona hæc apparuit inter candelabra & quasi de illis curam gerens; quod non erat summi sacerdotis munus; atque ita nulla ratione cohæret, vt sacerdos inter candelabra, tunicâ hyacinthinâ vestitus apparuerit.

Nota prætereà, tunicam hanc lineam, quæ appellatur *podèris*, esse illam eandem, quæ appellari solet, Ephod lineum. Vide 1. Reg. 22. 18. vbi Doeg dicitur trucidasse 85. sacerdotes vestitos Ephod lineo: & Iudicum 17. 5. explicatur ephod esse vestem sacerdotalem. Vbi ex contextu constat, non esse sermonem de superhumerali pretiosissimo & Pontificali; sed de Ephod lineo. Eandem vestem LXX. appellant *stolam sanctam*, Ezech. 10. 2. Hæ autem vestes sacerdotales non fiebant ex quouis lino, sed solum ex bysso; vt videre est Exodi 39. 25. byssum autem esse lini genus pretiosissimum, splendens & candidum, expresse habetur Apocalypseos 19. 8. & de hoc lini genere, & eius ingenti pretio latè Plinius lib. 19. cap. 1.

D Quod ad significationem attinet; *podèris* byssina, ministrorum templi erat vestitus & ornatus; qui religionis immaculatæ est egregium symbolum; vt videbimus notatione sequenti.

## NOTATIO XI.

*Ad illa verba capitis primi vestitum podère. De symbolo lini, & de tunica byssina sacerdotali.*

Quid per podèrem & zonam significetur.

**P**ODÈREM & zonam Christi figuratè accipi debere, nemo dubitat: sed quo sensu sint accipienda, in eo variant interpretes. Primò enim quidam intelligunt sermonem esse de qualitatibus, quæ verè & propriè sunt in Christo; vt de sacerdotio, quod Christus per se exercet; vel de sanctitate, & charitate, quæ in Christo sunt. Secundò; alij exponunt de ijs, quos secum Christus per amicitiam coniungit: qua ratione fideles ipsi conuenienter dicuntur esse vestis & zona Christi. Notum est illud Ieremix 13. 11. *Sicut lumbare*, &c. Nota est significatio tunice inconsutilis; & visio illa qua Christus Petro Alexandrino veste discissa se conspiciendura præbuit. Tertia explicatio est de perfectione ipsorum fidelium; nempe de sanctitate & charitate, quibus suos fideles Christus exornat. Nam quia ad conditoris gloriam spectat perfectio creaturæ; idè apòsitè perhibetur Deus *amictus solis lumine sicut vestimento*, Psal. 103. 2. Similiter ergo Christus rectè depingitur suorum fidelium vestitus sanctitate, charitate præcinctus. Atque hanc tertiam explicationem

E nos genuinam arbitramur. Quia Apocalypseos argumentum, quod in hac visione proponitur, non est aliud, quam Christum esse mirabilem in Sanctis suis.

Iuxta hæc diximus breuiter in commentario, *podèrem* byssinam esse egregium sanctitatis & immaculatæ religionis symbolum. Id quod ampliùs explicetur, obseruandum est Christianum populum esse populum sacerdotalem, qui Deum vera sanctitate colit & veneratur; id est, magno conscientie candore, & affectuum puritate. Hoc Christus significauit Ioan 4. 23. *Venit hora quando veri adoratores adorabunt Patrem in spiritu & veritate*. Et Iacobus in sua epistola cap. 1. 27. *Religio vera hæc est, immaculatum se custodire ab hoc seculo*. Itaq; vera Dei veneratio ac religio in hoc præcipue consistit, vt animus ab omni peccatorum labe deterfus & à terrenis affectibus abstractus, per veram iustitiam ac morum sanctimoniam in Dei vnus obsequium penitus incumbat. Iuxta argumentum igitur Apocalypseos, ad maximam purissimæ huius religionis perfectionem

*Diluantur difficultates, quæ contra opponi possunt.*

*Qua fuerit vestis hyacinthina.*

*Podèrem byssinam esse sanctitatis symbolum.*



ac Dei venerationem summo opere conduxit perfectione aduersus Ecclesiam concitata. Per eam enim suorum familiarium animos ab omni Deus scelorum fæce eluit, & ad rerum huius vitæ fluxarum contemtionem informauit; & animi candoris, & diuini obsequij curam edocuit. Ad hoc ergo significandum nullum aliud symbolum potuit eligi aptius atque elegantius, quam poderis byssina; vt constabit ex ijs, quæ subiiciam.

Byssus quid propriè sit.

Licet byssi nomen æquiuocum sit, vt constat ex ijs, quæ affert Rhodiginus lib. 23. cap. 8. receptissima tamen huius vocis vsurpatione est pro quodam lini specie valde pretiosa. Sic loquitur Plinius de bysso libro 19. cap. 1. & eodem modo loquitur sacra Scriptura. Nam vestes illæ, quæ Exodi 28. 40. 42. appellantur lineæ (nempe linea stricta & femoralia sacerdotum) proculdubio factæ sunt ex bysso, quam Dominus offerri à populo iusserat, Exodi 25. 4. Atque ita eadem appellantur byssina, Exod. 39. 35. Et ab Hieronymo epistola 128. & Iosepho 3. Antiquit. cap. 8. & similiter eadem vestis appellatur Ephod lineum, 2. Reg. 6. 14. & stola byssina, 1. Paral. 15. 27. Porro linum byssinum fuisse valde pretiosum, satis patet ex omnibus ijs locis, in quibus fit mentio illius in sacra Scriptura; vt Genes. 41. 42. Esther. 1. 6. Ezechielis 16. 13. & 1. Machab. 14. 43. Non tamen opus est, vt in sacris byssi nomen singulariter referatur ad illud genus lini ex Achaia, quod auri pondere vendebatur; & cui solum tribuit Plinius byssi appellationem. Sed per similitudinem tribuitur byssi nomen cuiusque optimo lino vndecumque aduecto. Optimum autem appello illud, in quo reperiuntur conditiones ex, quibus lini pretium augetur apud Plinium; nempe eximius candor & splendor, miræque tenuitas, una cum densitate & equalis filii nervositate atque constantia. Huiusmodi linum quacumque ex prouincia sit, byssus erit. Atque ita Aegyptiam byssum variam legitimus Ezechielis 27. 7. vbi varietas ad texturæ artificium videtur referenda. Quia quod ad colorem attinet, simplex est color byssi, atque ita candor & splendor commendantur in ea Apocal. 19. 8. & num. 14. Candoris autem nomine albus omnino color videtur in bysso & lino denotari. Quamuis enim Rondeletius de piscibus part. 2. libr. 1. cap. 5. referat ex Pausania, byssum Iudaicam referre colorem & splendorem auri (cuiusmodi fortasse est linum nuper ex indicis regionibus aduectum, quod Pittam vulgò appellant; de hoc tamen aurei coloris lino videtur non agere sacra Scriptura. Quia eius byssum Ioannes non solum candidam appellat, sed etiam albam, Apocal. 19. 14. vbi græcè habetur λευκον pro albo. Quod sæpè in sacra Scriptura requiritur, vt byssus retorta sit; ad maiorem firmitatem videtur pertinere; vt optimè neatur, & torqueatur; vt cernere est in eo linteo, quod domesticum Hispani appellamus.

Sacerdotii vestes olim ex lino.

Quod autem vestis byssina vel linea sit religionis symbolum, in eo nititur, quod scilicet ea erat vestis sacerdotum. Apuleius in apologia de lineo textu, Sacerdotalis (inquit) est vestitus & amictus. Et Herodotus lib. 2. num. 46. Sacerdotes Aegyptij vestem tantummodo lineam gerunt; nec aliam eis induere fas est. Verum est tamen, Plinij tempore (vt ipse tradit lib. 19. cap. 1. & libr. 4. cap. 29.) Aegypti sacerdotes gossipia veste induti solitos. Sed antiquus mos erat, vt lineis vterentur. Et Iliacos sacerdotes lino velatos, notat Hadrianus Iunius. Vt cumque hoc sit, illud est certum, in populo Israel vestes sacras sacerdotum fuisse lineas; atque eas adeo fuisse templi proprias, vt nec ipsi sacerdotes aut Leuitæ alibi ferè, nisi in templo illis vterentur. Quamuis enim 1. Reg. 22. 18. in Saulis domum conuenerint 85. sacerdotes vestiti Ephod lineo: illi tamen haud dubiè Ephod lineo se induerunt, ne ita facillè contemni aut violari possent. Hoc tamen eis nihil profuit, nec obstitit, quominus vestiti Ephod lineo trucidarentur vniuersi. Rarò itaque extra templum Ephod lineo induti apparebant. Vide Ezechielis 44. 17. Cum ingredientur portas atrij interioris, vestibus lineis induentur; neque ascendet super eos quidquam laneum, quando ministrant. Vitis lineæ erunt in capitis eorum, & femoralia linea erunt in iumbis eorum. Et numer. 19. Cum egredientur exterius

A ad populum; exuent se vestimentis suis, in quibus ministrauerant; & reponent ea in gazophylacio. Ex hac animaduersione constat, eam vitem vt religiosam fuisse habitam: quamuis ea non ad sacerdotes solum pertineret, sed etiam ad cantores & ceteros Leuitas, quando in templo ministrabant. Quia 2. Paral. 5. 12. legimus Leuitas & cantores vestitos byssinis, & filios eorum & fratres. Atque ita Samuel puer gerebat Ephod lineum, 1. Reg. 2. 18. quia Leuita erat, & in templo ministrabat; siue ob peculiarem deuotionem; quemadmodum nunc puerum monachali habitu vestimus. Et hac ratione David eandem vestem induit, vt in pompa coram arca Dei saltaret accinctus Ephod lineo, 2. Reg. 6. 24. id est, stola byssina; vt explicatur, 1. Paral. 15. 27.

B Ratio verò, cur vestis byssina ad sacerdotalis officij insigne fuerit electa, desumi potest ex ijs, quas subiiciemus considerationes. Ceterum, cum consistet lineam vestem fuisse propriam sacerdotum, & Dei ministrorum & ad ipsorum indumenta destinata, (loquor autem de veste extrema:) ex hoc, inquam, solum aptissimum est religionis & diuini cultus symbolum. Et in hac significatione apparet, Ecclesiam bysso vestitam à Ioanne fuisse conspecta, id est, diuino cultui penitus consecratam. Et quali aliquis rogaret, quana esset sacerdotalis vestis eius populi, qui regale sacerdotium appellatur; Respondet Ioannes, byssinum iustificationes sunt sanctorum. Quasi dicat, propriam horum Dei sacerdotum vestem, qua à profanis distinguantur, esse veram sanctimoniam: iuxta id psalm. 92. 5. Domum tuam decet sanctitudo Domine in longitudinem dierum. Et Psal. 131. 9. Sacerdotes tui induantur iustitiam. Byssina ergo vestis, quæ Dei domus siue ministrorum Dei propria erat, aptissimum est sanctitatis symbolum. Vide Apocal. 15. 6. Angelos vestitos lino mundo & candido. Et cap. 4. 4. Seniores in vestimentis albis.

Cur byssina vestis fuerit sacerdotum propria.

C Rationes, propter quas merito sacerdotibus & templi ministris linea vestis fuit destinata, ex ipsius lini conditionibus petendæ sunt. Prima est mundities; tum quia multò melius detergat sordes, quam lana; tum quia lauari frequentissime potest. Quare rectè Apuleius in Apologia de lineo textu, mundissima lini seges. Vide Herodotum lib. 2. num. 45. vbi ait, Aegyptios afferre vestimenta. linea semper recens abluta, huic rei præcipue vacantes. Optimè ergo accommodatur linum mundiciæ cordis significandæ; vt fideles (qui mystici sacerdotes sunt) animaduertant curam ac diligentiam, quam in suis peccatorum maculis eluendis debent frequentissime adhibere. Eandè significationem respiciebat mare illud æneum, in quo sacerdotes lauabantur sæpissimè. Et linum postulat frequenter lauari; eo quod quauis macula in eo propter ipsius candorem maxime offendat.

Linee proprietates & mystica earum significatione. Prima lini proprietates.

D Secunda conditio simplicitas. Nam vt ait Plinius, tentatum est tingi, & infaniam vestium accipere: ceterum mansit candori perimæ gratia. Lanea ac serica fucū & adulterinum colorem facillè admittunt. At linum simplicitatis amans, illum omnino respuit. Est ergo elegans Hieroglyphicum animi candidi, & ab omni fuco abhorrentis. Atque ita veræ religionis simplicitas fictionem omnem & hypocrisim auersatur.

Secunda.

E Tertia conditio virtutem spectat. Linum enim præstat robore & nervositate fili; vt eleganter expendit Plinius. Gossipium ac lana segnia sunt & remissalia; linum verò illis multò durius atque fortius est; & ad retia atque alia eiusmodi, in quibus vi & robore opus est, maxime idoneum. In quo illud obseruatione dignum est, quod Plinius animaduertit; esse linum, quod cum tenue admodum sit, ita tamen sit nervosum ac robustum, vt apros in eius retia se induentes, concidat.

Linum albi coloris nimium robustum.

Tertia.

Lini robur ac fortitudo.

Quarta, linum (ait Plinius) semper iniuria melius. Quod optimè exprimit, quantopere vera sanctitas rebus aduersis, arumnis ac persecutionibus augeatur. Iniuria, quas tolerat linum, donec ad optatum candorem & splendorem perueniat, plurimæ sunt; scilicet Euelli, siccari, macerari fluuio, iterum siccari, tundi malleo stupario, decorticari, scindi spatula lignea, petri ferreis hamis, neri, in filo poliri, illi crebro in silice ex

Quarta.

Lini tolerantia.



aqua, texti, & tundi clavis. Hinc est vt Becanus libr. 3. Hermathenæ contendat, esse optimum patientiæ symbolum: aptius tamen est, vt sanctitatis symbolum gerat, quæ afflictione & rerum aduersarum tolerantia semper euadit melior.

Quinta; linum in eo differt à lana, quod hæc est propria brutarum animantium vestis; linum verò est nobilis plantæ medulla, quæ hominum industriæ abdita asseruatur. Vnde Apuleius in illa Apologia, *lana*, inquit, *seguissimi corporis excrementum, pecori detracta iam inde Orphei & Pythagore scitis profanus vestitus est.* ita lanea vestis videtur desidiā atque segnitiei indicare: & in lino saltem maior multo diligentia significatur.

Sexta; Mira est lini tenuitas atq; subtilitas, quod valde perpendit Plinius in thorace illo, qui in Rhodiorum insula in templo Mineræ ostendebatur, cuius singula fila 365. filis constabant. Hieronymus etiam in id Ezechielis 16. *Cinxi te bysso*; ait, *Tenuissima ex bysso fila textur in veste Pontificis.* Hoc aptum in primis est, vt denotetur hanc mysticam verā sanctitatis vestem non crasso (quod aiunt) filo, sed tenui atque subtili esse texendam.

Septima; linum ingentem vtilitatem hominibus affert, *Orbem terrarum* (ait Plinius) *ultra citroque portat.* Quibus verbis ponderat magna commoda, quæ ex lino ad navigationem sequuntur. Vela enim, quibus naues vti solent, ex lino generatim conficiuntur. Vnde linum ipsum est præcipuum instrumentum, cuius ope ac subsidio maxima nauigia, tot ac tantis oneribus stipata se mari committant, & in remotissima litora nauigent. Et semine paruo nascitur gracilis & humilis auena, vt ingentes opes ac merces vtilissimæ ex alijs prouincijs in alias aduehantur. Quod mirifice representat, quā utilis sit toti terrarum orbi Christi fidelium sanctitas; quæ secundo diuini spiritus flamine aspirantē, caelestes opes ac merces planē diuinas ad barbaras etiam Gentes & longissime distitas nationes comportat. Summa etiam vtilitas lini est; quod ex eo tentoria fiant, & vela etiam in atrijs, aut locis alijs patentibus intendi solita; quæ solis ardorem arceant. Non secus iustorum sanctitas Reipublicæ vmbraculum est ab æstu; & vitæ humanæ forum spiritualiter inumbrat, vt salutaribus homines viuunt.

Magnus erat sine dubio optimæ byffi splendor; siquidem Achaica byffus auri pondere vendebatur; ita vt vncia byffi centum argenteis nummis appenderetur, aut, secundum nouum monete valorem, centum decem; & libra duodecim vncijs constans, mille ac ducentos argenteos valeret; seu (noua ratione) 1320. quo pretio sericum in triginta libras vendi solet. Quin addit Pausanias, Iudææ byffum Achaica fuisse præstantiorem. Si igitur magnum ipsius splendorem cum ingenti pretio & magnis eius delicijs consideremus; facile intelligimus; byffum aptè deferuere ad opes, gloriam atque delicias denotandas: quippe quæ res erat Principum valde propria. Vide Genesis 41. 42. vbi de byffina Iosephi stola in ipsius triumpho. Et Lucæ 16. 19. in diuite auaro. In eadem verò veste, prout est sanctitatis & religionis symbolum, hæc omnia optimam habent significationem. Nihil enim honorificentius, nihil præstantius atq; gloriosius spiritu principali, quo Deus suos amicos confirmat. Nullæ sunt deliciae, quæ veræ sanctitatis delicias vlla ex parte æquare possint; nullæ opes, quæ cū ipsius opibus valeant comparari.

Huc vsque de byffo, ex qua fiebat poderis sacerdotalis. Sed in ipsâ etiam vestis illius texturâ atque figurâ nonnulla sunt ad eandem sanctitatis significationem notanda. Primum vestis illa appellatur linea stricta, Exodi 28. 4. & iuxta ea, quæ Hieronymus tradit epist. 128. ex Iosepho lib. 3. cap. 11. con-

deranda est, vt tunica clausa, quæ ad talos vsque defluat, & cum venustate strictè corpori aptetur; hoc est, absque plicaturis & sinubus, quantum commodè fieri posset: non tamen existimanda est nimis arcta, cū supra ceteras vestes indueretur; & ea induti sacerdotes, nudorum celeritate discurrerent, vt ait Hieronymus. Habebat autem circa collum (inquit Iosephus) amplam aperturam; cuius oræ vncinis à pectore & à tergo mittebantur. Verum prout vncinis Græcè est *ἡρμηνεύας*, quasi dicat ligatis, seu ligaturis, à verbo *ἄρᾶς*, quod est ligare. Atq; ita videntur *ἡρμηνεύας* esse veluti ligulæ, quas Hispani appellant *cinchas* siue *alamares*. Atque hoc est, quod dicitur Exodi 28. 39. *Stringes tunicam bysso*; quod sic exponunt LXX. *Cosymbi tunicarum ex bysso.* Et Latina versio pro *Cosymbi*, transfert, *nodi*: alij vertunt constrictiones. Forſan erant ocelli & orbiculi, *Oſalesy botones*. Hæ aperturæ & colligaturæ ad pectus & ad terga nonnihil erant demissæ; atque ita opus fuit, quod facilius vestis byffina indui posset.

Ex his infertur, quare hæc tunica dicatur stricta; videlicet non tam quod esset arcta, quā propter constrictiones illas vel nodos. Atq; ita dictio, *ἡρμηνεύας*, quam Vulgatus vertit *stricta*, LXX. transtulerunt *Cosymbota*; & ex Hebræo redditur *ocellata*. Arias Montanus existimauit esse textorum ocellorum figuram; cuiusmodi in mappis belgicis siue gallicis reperiuntur. Et facit, quod byffus Ægyptia appellatur varia, Ezechielis 27. 7. & Ammonius pro *Badim* (quod est byffina vel linea) *trāsferit tunicam variam*, Ezechielis 9. 2. & Danielis 10. 15. vt habetur in editione Sixtina LXX. interpretum. Nihilominus certum est, alium esse sensum dictionis *thesbegh*. Quia LXX. testes oculati vterere (vt diximus) *Cosymbota*. Atque si vulgatam lectionem cum græca, hebraica cum LXX. coniungamus; omnes rectè conciliantur. Nam *Cosymbi*, *nodi*, *constrictiones* & *ocelli* in idem recidunt in ligulis siue ocellis supradictis.

Pro dictione Græca *cosymbota* ait Augustin. q. 114. visum esse interpretibus Latinis honestius exponi *cum cornibus*, quā *cum cirris*. Existimo eam versionem, quam refert Augustinus, non esse optimam; sed neque omnino aberrare. Quia cirri sunt crispati capilli, vel nodi ex illis facti; & forſan nodi, quibus adstringebatur hæc vestis, erant aliquo modo cirris similes; præsertim si in constrictiōibus illis erant aliquæ ligulæ cum floccis, capillorū instar; quales hodie fiūt. Forſan etiam cornua sunt flexus in ipsis ligulis adstrictis, (sicut curuitates & flexus fluminum appellantur cornua) aut aliqua erat cornuum similitudo in figura ligularum & constrictiōum. Vt cūque id sit, materia cosymborum erat byffina, vt requirit textus.

Hæc omnia referenda sunt ad significandā promptam & agilem in diuino obsequio celeritatem. Atque ita D. Hieronymus notat, sacerdotes hac tunica byffinā indutos nudorum celeritate posse discurrere. Indutum enim esse veste minimè sinuosa, eaque nodis seu laqueis constricta, habitus est prompti atque parati.

Deinde obseruant Iosephus & D. Hieronymus, tunicas has byffinas fuisse ex duplici sindone, vel è duplicata tela; quod fortasse ad multiplicis fili structuram spectat: quemadmodum sericum duplex dicimus, quod duplici filo confectitur. Quo significari videtur solidā ac robusta virtus, quæ nullis aduersis frangatur.

Tandem, quod fuerit vestis talaris, à multis aptè applicatur ad virtutis perseverantis significationem. Quia à capite vsque ad pedes extendi, symbolum est perseverantiæ, à principio vsque ad finem vitæ; vt notauit Nyssen de vita Moſis, & Gregorius Magnus 1. Reg. 2.

*oſalesy botones*

*Cur linea sacerdotum vestis vocatur stricta.*

*Talaris vestis perseverantia symbolum.*

## COMMENTARIUS.

ET PRÆCINCTVM AD MAMILLAS ZONA AVREA.] Primum circa visionem dubitatur, vtrum hic modus nimis altè se accingendi; fuerit apud antiquæ legis sacerdotes in vsu positus? D. Hieronymus agēs de veterum sacerdotum veste, epist. 128. ait, *Balteo stringebatur linea tunica in-*



ter umbilicum & pectus. Iosephus verò lib. 3. Antiquit. cap. 8. asserit, lineam vestem accingi solitam circa pectus paulò axillis inferius. Ad hanc altitudinem cinguli dubio procul alluditur in presenti. Ceterum videtur intendisse Spiritus sanctus hoc cingulum altiùs adhuc, quàm prisci sacerdotes solebant, attollere; ait enim textus *ὑπὸς τοῖς μαστοῖς*, id est, ad mamillas; quod est quàm maximè attolli potest zona. Notandum verò est, Angelum Danielis 10. 5. non fuisse adèd altè accinctum, cum Prophetia dicat, *Renes eius accincti auro obryzo*. At circa renes accingi, communis & est & erat se accingendi ratio, ut patet ex Iob 12. 18. & Isaia 11. 15. Porro zona aurea alludit ad Angelum auro obryzo cinctum, Danielis 10. & obseruandum est, communium sacerdotum balteum fuisse ex bysso, purpura, cocco, & hyacintho intertextis, absque vlllo auro. Balteus autem summi Pontificis, quo adstringebatur superhumeralè & tunica hyacinthina, ex eadem erat materia, quo balteus sacerdotum; sed erat auro intertextus. Itaque communium sacerdotum zona ex bysso & varijs coloribus constabat: zona autem Pontificis summi, ex bysso, coloribus, & auro; quam verò Daniel zonam in Angelo, & quam Ioannes in hac prima figura conspexere, erat vtraque ex auro. Sed non opus est, eas considerare ex auri lamina; non enim inconueniens est, ut ex auro textili cogitentur. Quòd si opus est, ut non misceatur alia materia; merum aurum sine alia materia, nerè ac texi potest; ut notat Plinius lib. 33. 3.

Deinde circa significationem zonæ vide notat. XI. in principio de triplici explicandi ratione. Primò ergo nonnulli in Christo ipso considerant, vel clementiam, qua cohibet iram; ut Andreas & Aretas: vel dignitatem regiam, ut Rupertus, Zegerus, Serranus, Pererius: vel charitatem, ut Legio-nensis, Ribera, & Thomas Anglicus: vel sapientiam, ut Albertus. Et erit fortasse, qui de Christi iustitia exponat, iuxta id Isaia 11. 5. *Iustitia cingulum lumborum eius*. Secundò, aliqui Ecclesiam faciunt Christi ipsius zonam; ut Victorinus, Ticonius, Primasius, Beda. Vel aliquam Ecclesiæ partem; nam de choro Patriarcharum exponit Ambrosius. Tertia explicatio statuit id, quod est certissimum, nempe sermonem esse de Christo in Sanctis; atque adèd non esse quærendam hîc aliam zonam, nisi eam, qua Sancti sunt præcincti. Zonam ergo in præsentide castitate Euangelica exponunt Chrysostomus, Gregorius, Haymo, Anselmus, Richardus, Glossa, Albertus, Lyra, Pannonius, & plerique alij. Eodem spectat communis ferè expositio eorum verborum Luca 12. 35. *Sint lumbi vestri præcincti*. Præterea zonam hîc de pietate Christiana, vel de timore & reuerentia interpretantur Abbas Ioachimus atque Dionysius. Hæ sunt explicationes aliorum, quas referre visum est: ut omittam alias de Incarnatione, & de zodiaco. Ut autem meam sententiam aperiā, eam quatuor ad puncta reducam.

Primò igitur, assero hoc symbolum zonæ propriè spectare ad præparationem animi & promptitudinem in Dei obsequium. Probatur primò, quia zona vestem podèrem comitatur: & vtraque spectat ad sacerdotis habitum. Sacerdotes verò ad id accingebantur, ut expediti essent atque parati ad templi ministeria. Secundò probatur, qui illa etiam phrasis Luca 12. 35. propriè spectat ad præparationem; ut egregiè ibi probat noster Maldonatus ex Cypriano, & ex varijs sacræ Scripturæ locis. Tertio, quia hæc erat Orientalium regionum consuetudo, longis scilicet uti vestibus: ideoque qui ministraturi erant, aut iter acturi, collectam vestem cingulo stringebant ad lumbos; ne sibi impedimento esset. Iuxta hanc igitur consuetudinem, præcingere se aut lumbos accingere, idem erit, quod se ad iter vel ad ministerium comparare. Nam in modo apud Orientales vsitato induendise, extimam vestem accingere alioqui non solebant: atque id colligitur tum ex sacra Scriptura, tum ex antiquis picturis, siue numismatis.

Secundò assero, altè se præcingere, maiorem præparationem & promptiorem diligentiam significare. Hoc constat ex Horatio Satyras lib. 1. *Hoc iter ignavi diuisimus; altius ac nos præcinctis vnum*. Et ex Plauto in Amphitr. *Cingitur; cerè expedit se*. Et ea est sine dubio causa, quòd sacerdotes soliti essent altè se præcingere, quod Iosephus affirmat. Turnebus etiam lib. 15. Aduersariorum cap. vltimo, vbi agit de altè cincto, & Sigonius lib. 3. de iudicijs, cap. 19. aduertunt, morem altè se cingendi proprium fuisse sacerdotum. Quòd apertè significabat eos promptos atque paratos esse ad Dei obsequium. Ex his constat, rationem, cur in hac visione adèd altè cingulum fuerit sublatum, eam fuisse; ut indicaretur Christi seruorum ac familiarium ad ipsius Christi ministerium præparationem ac deuotionem esse multò maiorem, quàm illam, quæ in antiquis cernebatur.

Tertio, quòd zona sit aurea, meo iudicio, significat charitatis aurum esse, quod magnam in primis affert diligentiam ad res Dei ministerio conuenientes. Idèd enim vetus illud cingulum in zonam auream commutatum fuit; cum alioqui ad significandam præparationem satis fuisset altissimè præcingi (id est ad mamillas) ut animaduertetur, charitatem Dei & proximorum esse, quæ hanc magnam diligentiam & celeritatem secum afferat; dum pectus corroborat atque constringit. Ad robur spectare potest id Isaia 22. 21. *Cingulo tuo confortabo eum*. Et ad constrictionem, insignis est ille Pauli locus 2. Corinth. 5. 14. *Charitas Christi vrget nos*. & Colossen. 3. 14. *Vinculum perfectionis*, id est perfectum, quod aureæ zonæ egregiè conuenit. His adiungitur leges optimè dici constringere & obligare; & ad auream charitatis legem siue zonam Christum suas omnes leges reuocasse. Hoc verò est cingulum, quod pectus stringit, & constringendo locupletat & exornat. Ex ea constrictione, mira diligentia in Diuini obsequij operibus intelligitur. Atque huic zonæ egregiè conuenit esse zonam gloriæ, ut loquitur Ecclesiasticus capite quadragesimo quinto, num. 8. & balteum regum Iob 12. 18.

Quartò assero, non idèd expositionem de Euangelica castitate esse reiiciendam, cum eam multi auctores, illique grauissimi amplectantur. Atque eam recepisse videtur Ecclesiæ consuetudo in oratione, quam sacerdos recitat, cum se sacro cingulo adstringit, *Præcinge me, Domine, cingulo puritatis: & extingue in lumbis meis humorem libidinis*, &c. Hæc tamen explicatio debet ad nostram de charitate reduci. Proprium enim cinguli est efficere, ne vestis hac illac disfluat: & vbi primum in superuacuas cogitationes ac præsertim impuras distrahimur; quasi disfluit veltis, quod nobis magno est impedimento, ne celeres & expediti res ad diuinum obsequium spectantes executioni mandemus. Zona au-

Mythica zona signifi-  
catio.

Varia alio-  
rum expli-  
cationes.

Auctoris  
sententia.

Altè se præ-  
cingere,  
quid my-  
sticè.

Zona aurea  
quid.



tem, quam Iohannes vidit, non lumbos, sed Ipectus stringebat. Cui optima significatio inest, scilicet Christiana charitate, non solum turpes actiones & affectus cohiberi, sed etiam cordis cogitationes. Quamobrem recte notavit Chrysostomus, per zonam in lumbis legem antiquam significari, Evangelium vero per zonam ad mamillas. Et Gregorius ait aurea zona ad mamillas refranari non solum operis, sed etiam cordis luxuriam.

Illud insuper addo, consentaneum valde fuisse, ut in hoc Apocalypseos prologo, (qui totum argumentum debet complecti) aliquid de Christiana charitatis perfectione diceretur, quæ Evangelicæ perfectionis (de qua adeo fuse in Apocalypsi agitur) est summa: & singillatim agitur etiam in Apocalypsi de charitate & de magno incremento, quod illa in persequutionibus accepit, nempe in sigillo 2. cap. 6. & in thuribulo, cap. 8. & in libello cap. 10.

## NOTATIO XII.

*Ad illa verba capitis I. Præcinctum zona aurea; de symbolo auri ad charitatis significationem.*

**I**NTER symbolicas auri significationes, nullam inuenio, quæ illi aptius conueniat, quam sanctitatis perfectio, quæ in charitate perfecta consistit. Atque hoc modo auri symbolum accipiunt Augustinus, Hilarius, Gregorius, & Richardus de S. Victore apud Lauretum. Et eodem fortasse spectant, qui ad opera perfecta id applicat, ut Arnobius, Ambrosius, Hieronymus. Et qui de perfectione obedientiæ exponunt, ut Origenes, Gregorius, & Beda apud eundem. Nos directe de charitatis perfectione interpretamur. Ad quod nouem sunt per ordinem in auro consideranda; scilicet Generatio, splendor, pondus, facilitas materiæ, constantia, munditia, medicina, miracula, pretium.

Primò in auri generatione, seu productione notandum est, quod ait Plinius lib. 33. cap. 3. Cetera metalla igni perficiuntur. Hoc statim aurum est, cum capitur. Inuenitur autem tribus modis; scilicet fluminum ramentis, puteorum scrobibus, & ruina montium. Deinde obseruandum est ex eodem Plinio, aurum nasci semper cum aliqua argenti mistione. Omni auro, inquit, inest argentum vario pondere, quod si quinta pars fuerit argenti, appellatur electrum. Hæc Plinius. Sunt tamen qui pro certo asserant, alicubi nasci cum aliquo æris pondere admixto.

Auri in hac parte significatio facilis est. Nam licet vera charitas in ipso conuersionis exordio producat; ferè tamen affectus alios bonos quidem, non tamè ita perfectos tunc habet admixtos. Quod verò semper aurum cum argento mixtum reperitur; significare potest mutuam conspirationem, quam charitatis aurum cum sapientiæ argento habet. Argento enim sapientiam designari, ex alijs sacre Scripturæ locis notum est. Et propterea videtur Deus coniunctione auri cum argento delectatus, tum in naturali productione; tum in sacre Scripturæ symbolis. Vide Cantic. 1. 11. Murenlus aureus faciemus tibi vermiculatus argento. Et Zachariæ 6. 11. Sumes aurum, & argentum & facies coronas. Huc spectat illud 1. Cor. 13. 6. Charitas congaudet veritati.

Item aurum reperiri in fluminum ramentis, denotat in sapientiæ fluminibus nasci veræ charitatis aurum; in contemplationis etiam puteis altè defossis similiter inuenitur: necnon in ruinis montium; id est, in maximis laboribus atque ærumnis, in quibus perfecta Dei charitas apparere solet.

Secundò, quod ad auri splendorem attinet, illud obscurare affectat Plinius; fortasse ut auri contemptor videatur; In argento, ait, clarior est color, magisque dei similis: & ideo militariibus signis familiarior: quoniam in longius fulget: manifesto errore eorum, qui colorem siderum placuisse in auro arbitrantur. Hæc ille. Communis tamen ælimatio est, solis radios aureos videri & appellari; atque aurum ipsum ceteris metallis splendidius esse. Gregorius explicans id Apoc. 2. 1. Ipsa verò ciuitas aurum mundum, ait; Auri metallum nouimus potiori metallis omnibus claritate fulgere. Nonnihil facit illud 1. Machab. 6. 39. Refulsit sol in clypeos aureos, & re-

**B** splenduerunt montes ab eis; & resplenduerunt sicut lampades ignis. Præterea illud aurum melius reputatur, quod colorem ignis magis refert, ut simili colore (ait Plinius) rubeat, quo ignis: ipsumque obryzum vocant.

Splendor eximius auri ad miram charitatis gratiam & splendorem referri potest, vel potius ad regium charitatis ornamentum. Charitate enim vestiri, est quasi auro textili apprimè elaborato ornari. Vide Psal. 44. 10. Astitit regina à dextris tuis in vestitu deaurato.

Tertiò, in auri pondere manifestè hallucinatur Plinius, ait enim, aurum non prælatum esse pondere omnibus metallis, cum cedat plumbo. Contrarium tamen post alios exactissimè noster Villalpandus experimento ipso demonstrauit, ut ipse ait tom. 3. in Ezechielem f. 302. & iuxta ipsius examen, proportio auri ad plumbum in pondere maior est, quam 3. ad 2. ad argentum maior, quam 9. ad 5. ad æs cyprium siue cupreum maior, quam 2. ad 1. ad ferrum maior, quam 7. ad 3. ad argentum vitium eadem est proportio, quæ 5. ad 4. ad stannum denique ut 5. ad 2. Verum est tamen non adeo mihi esse compertum, ut Villalpandus statuere videtur, æquale scilicet esse pondus in eadem cuiusque metalli specie; id est, in magnitudine æquali nullum esse aurum purum alio puro auro ponderosius. Ego non valde mirarer, aliquod aurum reperiri, quod plus ponderis alio haberet; & aliquod plumbum leuius alio. Nam inter margaritas notum est, Orientales Occidentalibus esse multò leuioribus. Et inter præcipuas margaritarum dotes pondus iure numeratur; sic enim Plinius, Omnis dos in candore, magnitudine, orbe, leuore, pondere. Nilominus tamen certissimum est, aurum rem esse ceteris omnibus grauiorem. Quare, si Plinius fieri iussit duos globos eiusdem magnitudinis; alterum aureum, alterum plumbeum; ut vtriusque pondus examineret; fortasse ei aurifex imposuit, & pro auro supposuit argentum inauratum. Neque enim probabile est Plinii tempore, aut plumbum tantò fuisse grauius, quam nostrum; aut aurum tantò leuius. Hæc de pondere. Ipsius autem significatio, cum præter significationem videtur coniungenda. Illud tamen ex Augustino addi potest, Pondus meum amor meus; amor enim amantem propter amicum ad quamlibet rem quantumuis abiectam suo pondere demittit. Quin & Deum ipsum ad infinita terrarum sola deduxit.

**D** Quartò, in materiæ facilitate Plinius plumbum auro antepōnit. Et quidem mollius esse plumbum, non inficior. Sed si omnia perpendamus, multò maior est materiæ facilitas in auro. Primò enim plumbum minimè potest in tantam tenuitatem reduci, atque aurum. Ex auro verò videntur quodammodo mathematicæ superficies, lineæ atque puncta fieri posse. Quod licet hyperbolem contineat; mirum tamen valde est, quantopere possit attenuari aurum. Notat Plinius, auri vnciam in septingenas & quinquagenas bracteas, quaternum vtrinque digitorum

Quid per auri splendorem.

Tertiò, Pondus. Aurum ceteris metallis ponderosius.

Auri proportio in pondere ad cetera metalla.

Preciosa margaritis unde estimantur.

Quid per auri pondus.

Quartò, materia facilitas.

Quanta sit auri facilitas præ plumbum & ceteris metallis.

Auri charitatis symbolum. Nouem in auri symbolo consideranda. Ac primò, Generatio.

Aurum argenti mistum inueniri.

Quid in auri generatione symbolis significatur.

Argento sapientiam significari.

Secundò, splendor.



gitorum dilatari: & iuxta hanc diuisionem, ex vno nummo aureo nostrorum (ex quibus octo cum dimidio conficiunt vnciam) efficiendi erant 88. panes aurei, (quos vocant,) quaternorum vtrinque digitorum. Hoc tamen tempore fieri videntur plusquam ducenti. Singuli enim estimantur tribus maruedinis atque adeo ducenti panes, sexcentis. Quod si tertia huius valoris pars, manuum structurae ac labori assignetur; auro ipsi ducentorum panum solum manent 400. maruedini; qui aequus est nostri nummi aurei valor. Itaque hodie ad tenuitatem duplo maiorem redigitur aurum, quam Plinius existimauit; cum tamen ipse dicat, *Nihil laxius dilatatur*. Præterea filum, quod ex auro integrum ducitur, adeo est subtile; ut lineam Mathematicam quodammodo referat; id quod Plinius etiam tempestate ita fiebat. Ipse enim ait, *super omnia netur ac textitur lana modo, & sine lana*. Tunicâ aureâ triumphauit Tarquinius Priscus: & Agrippina Claudij uxor induta est paludamento auro textili, sine ulla alterâ materiâ. Præter hæc, facillimè aurum redigitur in puluerem tenuissimum; idque vel eo liquore, quem aquam fortem appellamus; vel etiam fumo ex plumbo; ut tradit Guilhelmus Gilbertus in suo libro de magnete. Nec solum fit aurum puluis tenuissimus, sed etiam potio; ita ut non edi tantum possit, sed etiam salutariter bibi. Porro ex hac materiæ facilitate prouenit, ut in auro possit scribi, & res aliæ quælibet paruo impendio inaurari. Marmoris & ipsius, quæ candescere non possunt, oui candido illinitur: ligno, glutini quadam ratione: æs inauratur argento uiuo, & hydrargyrio. Ad eandem facilitatem spectat, quod palea citissime aurum ardescat; cum aliqui prunæ ligni violentissimi indomitum sit; ut notat Plinius. Hæc in auro facilitas materiæ, significat charitatem omnibus sese facile accommodare; unde Paulus *Omnibus omnia factus sum*, 1. Cor. 9. 22. Quod verò aurum subtiliter ad inaurandum dilatetur; mirè charitatem exprimit. Quia *uniuersa delicta operit charitas*. Prouerb. 10. 12. & Iacobi 5. 20. & 1. Pet. 4. 8. & quid est adeo vile & squalidum, quod inauratum non splendide & ornatè tegatur?

Quintò, auri constantia admiranda planè est. Cò-mune est omnibus metallis fusilia esse atque ductilia: auro verò peculiaris inest firmitas & constantia. In primis, *Auro, rerum uni, nihil igne deperit*: turd etiam in incendijs rogi sue durante materia. Quinimò quod sepius arsit, proficit ad bonitatem, Plinius; & in igne probatur aurum, Ecclesiast. 2. 5. Quam igitur mirabile est aurum vel toto anno in ignem iniectum nulla ex parte consumi, & perfectius semper euadere? Deinde non minus eadem apparet constantia auri contra salis & aceti succos domitores rerum: & contra eum etiam succum, quem aquam fortem appellant. Tertio, quod adeo possit attenuari, ut iam vidimus, nec frangatur; id etiam ad constantiam eximiam spectat. Quarto, quam minimum usu deteritur; cum argento, ere, plumbo, lineæ producantur; manusque sordescant decidua materiâ. Quintò, huc spectat prunæ ligni violentissimæ indomitum esse aurum: cum aliqui palea citissime ardescat, ut iam diximus.

Hæc constantia valde est charitatis propria, *Charitas enim nunquam excidit*, 1. Cor. 13. 8. Et tanquam aurum in fornace probantur iusti, Sapient. 3. 6. vera namque sanctitas aduersitatum ac tribulationum igne non decreuit, sed perficitur; non minuitur, sed augetur. Nec horribilis ignis violentiam extimescit; nec ipsius vi liquefit, aut molitur. *Charitas patiens est; omnia suffert, omnia sustinet*, 1. Cor. 13. n. 4.

Sextò, nullum est metallum adeo mundum. Ceterorum contrectatione manus commaculantur. Manus sordescunt deciduali materia. Auro vero nequaquam. Deinde; Non rubigo ulla, non ærugo, non aliud ex ipso, quod consumat bonitatem, minuatue pondus. Charitas item limpidissima est; ab auaritiæ & ambitionis sordibus valde aliena, non est ambitiosa, non querit quæ sua sint. 1. Cor. 13. 5. abhorret à peccatorum maculis, non gaudet super iniquitate.

Septimò, aurum plurimis modis pollet in remedijs; vulneratque, & infantibus salutariter applicatur. Quod non maleficorum veneficio, sed naturæ potiùs beneficio præstari verisimile est. Deinde ignis cauterium auro impressum nihil carnem lædit; & neque sentitur

A ferè, neque iniuste notæ vestigium vllum relinquit. Præterea de auro potabili multa, eaque miranda chymici prædicant: & Martinus del Rio lib. 1. de Magia cap. 5. asserit, eam rem non esse minis vtilem ad sanandum, quàm ad alendum; & quoad fieri possit, vitam propagandam. Ceterum difficillimum est aurum potabile conficere, in quo permulti in casum laborarunt. Hæc de medicinis aptè possunt deferuire ad illud, quod Paulus de charitate affirmat, cum agit, *Charitas benigna est*, id est, benèfica. Et hoc est verum aurum potabile, quod tribuit immortalitatem; iuxta id Ecclesiast. 6. 16. *Amicus fidelis medicamentum vite & immortalitatis*.

B Octauo, inter auri miracula recenseri possunt multa ex ijs, quæ diximus de facilitate materiæ, eiusque constantia; necnon illud quod tradit Plinius; scilicet prunæ violentissimi ligni indomitum esse; palea verò citissime ardescere. Huc etiam spectat, quæ de electro tradit Plinius lib. 33. cap. 4. ad lucem maris lumina, clarius argento splendescere. Et illud præsertim; *Electrum, quod natuum est, venena deprehendit*: nam discurrunt in calycibus arcus celestibus similes cum igneo stridore; & geminâ ratione prædicunt. Hanc fortassis ob causam natuum electrum plaris fuit, quam purum aurum: nec immerito. De facticio enim id non est verisimile; cum per facile factum sit, quatuor auri partibus vnicam argenti admiscere. Aliud præterea non minus mirum recenset his verbis Plinius: *Non præteribo miraculum. Si auro liquecenti gallinarum membra misceantur; consumunt illud in se. Ita hoc auri venenum est*. Huc etiam fortasse spectat, quod addit ipse Plinius, *auro superlato esse vim maleficam, gallinarum, & pecorum feturum*. Itaque aurum & gallina nescio quid inter sese oppositionis & antipathie habent.

Prædicta auri, præsertim cum argento coniuncti (id est, electri) miracula elegantissime exprimit magna illa & admiranda, quæ charitas (siue sanctitas) cum sapientia coniuncta edit. Quæ de re latè Apocalypseos 11. agitur sub nomine duorum illorum testium. Quod verò clarissime splendescat, & à veneno liberet, iridis celestis specio ostensâ cum igneo stridore; hæc (inquam) omnia mirificam habent applicationem, de qua cap. 4. Oppositio autem & repugnantia quam aurum habet cum gallinæ carnis, fortassis innuit, timiditatem (quæ per gallinam) animal imbellem ac timidum denotatur, charitati esse contrariam; aut corporis potiùs delicias & blandimenta.

D Nonò, Dignum valde obseruatione est, aurum argento tantopere æstimatione præferri, ut auri vncia eodem pretio ac duodecim vnciæ argenti æstimetur. Atque id etiam receptum est in auro & argento, cum legitima aris admixtione conflatis: sic enim auri vncia centum valet argenteos; nec plus valoris habent vndecim argenti vnciæ, sed aliquanto minus. Et maius est pretij discriminè inter aurum purum & purum argentum. Nec verò hoc est nouum inuentum, sed antiquissima potiùs æstimatio; ut constat ex Platone. Quod si attendatur non auri pondus, sed æqualis auri atque argenti magnitudo; globus ex auro puro, plusquam viginti argentei globi eiusdem molis, (si cetera sint paria) æstimatur. Denique licet gemmæ sint ac margaritæ, quibus homines plus valoris ac pretij, quàm auro detulere; ceterum ad numismata, quæ ad hominum commercia sint recepta, nihil est quod non sit auri pretio multò inferius.

E Iam ingens auri pretium ad maximam charitatis æstimationem aptè refertur; quæ est veluti vñtatum numismata, pro cuius valore ac pretio hominum merita æstimantur ac rependuntur. Nec ali-quod est promeritum, quod possit cum charitatis valore conferri. Quin imò sine illa nihil est, quod in Dei æstimatione alicuius pretij sit. Vide 1. Cor. 13. 1. *Si linguis hominum loquar & Angelorum, charitatem autem non habeam, &c.* Vbi multa in hæc sententiam præclare tractat Apostolus. Et tandem concludit, *Maior autem horum est charitas*. Vide etiam Apocalypsis 3. 18. *Suadeo tibi emere aurum ignitum probatum; ut locuples sis*. Hæc enim diues est & locuples homo, & absque illa inops ac pauper.

Veste omnino aurea Tarquinus olim Priscus & Agrippina vs.

Quid per auri facilitatem significetur.

Quintò, auri constantia.

Auri quam minimum usu deteri.

Quid per auri constantiam.

Sextò, auri munditia.

Quid per auri munditiam.

Septimò, auri remedia.

Quid per auri remedia & medicinas.

Octauo, auri miracula.

Miraculi electri proprietates.

Liquecent aurum in electis gallinæ membris consumi.

Auri & gallinæ antipathia. Quid per auri miracula significetur.

Nonò, auri æstimatio.

Quid per auri æstimationem.



## C O M M E N T A R I V S.

**C**APUT AUTEM EIVS, ET CAPILLI ERANT CANDIDI, TANQVAM LANA ALBA, ET TANQVAM NIX. ] Quod ad visionem attinet, sunt qui notent, Ioannem nihil dicere de barbæ canicie, sed tantum de canicie capitis. Aptius tamen videtur, ut capillorum nomen ad barbam etiam extendatur: quia vox Græca *τρίχες*, pro qua noster vertit *capillos*, ad barbam quoque refertur. Atque ita non est inanis repetitio, *caput autem eius & capilli*.

Verf. 14.  
Capillorum  
nomen quò  
se hic ex-  
tendat.

**TANQVAM LANA ALBA, ET TANQVAM NIX.]** Nivis comparatio applicari potest vel proximè ad lanam; ita ut dicatur canos fuisse instar lanæ candidissimæ. Vel proximè etiam potest ad canos referri: ita ut duplex sit comparatio, altera lanæ candidæ, altera nivis. Et utriusque modo eodem recidit sensus. In nivis autem comparatione videtur non solum haberi respectus ad candorem; sed etiam ad pulchritudinem & splendorem. Nonnulli de proprijs lanæ ac nivis qualitatibus, nempe de calore & frigore hic philosophantur: sed omnino extra rem. Quorsum enim hæc ad canos, de quibus agitur?

Sed gradum iam ad caniciei mysterium faciamus. Multi de Christi æternitate, vel de ipsius sapientia interpretantur. Suprà tamen vidimus, in hac visione non agi de Christo in se ipso, sed in suis fidelibus. Quare omnino existimo, sermonem esse de mira Ecclesiæ Christianæ sapientia. Hic enim sensus valde cohæret cum præcedentibus. Etenim podêris & zona significant (ut diximus) fidelium sanctitatem, & charitatem. Atqui congruentissimè fit, ut sanctitati & charitati sapientia adiungatur. Ordo præterea inter tria hæc mirificè servatur; quia prius est mundari à peccato & sanctificari; mox virtutum perfectionem in fervore charitatis amplecti; & postea alios docere & instruere per sapientiam.

Quid ca-  
nicies signi-  
ficet.

Deinde canicies est optimum sapientiæ symbolum. Vide Prouerb. 20. 29. *Dignitas senum canicies*, scilicet propter sapientiam, quam cani præ se ferunt, & Ecclesiastici 28. 8. *Corona senum multa peritia*. Iob 12. 12. *In antiquis est sapientia, & in multo tempore prudentia*. Sapientiæ 4. 9. *Cani sunt sensus hominis*. Et meo quidem iudicio ad Dei sapientiam spectat id Danielis cap. 7. 9. 13. 22. *Antiquus dierum sedet*, &c. Agitur enim de Deo ibi, tanquam de summo rerum omnium moderatore per infinitam sapientiam.

Canities  
sapientiæ  
symbolum.

Præterea in hac prima visione, quæ summam Apocalypseos claudit, non decebat inuolui silentio magnam Christiani populi sapientiam; quæ mirum in modum excrevit ijs persequutionibus, de quibus in hoc libro agitur. Per illas enim Christus suam docuit Ecclesiam Christianæ Philosophiæ fastigium. Et ad hanc Christianæ Ecclesiæ sapientiam spectat apertio sigillorum; quæ Iudaico populo denegata, Ecclesiæ Christianæ cōcessa fuit. Et sanè Iudaici populi sapientia, si cum Christiana comparetur, nondum erat caniciem & maturitatem assequuta.

Lanæ autem ac nivis comparationes idèd hic coniunctæ sunt; ut vna ex parte magna senectus in laneis capillis repræsentetur; ex alia verò ingens gloria in nativo candore nivis atque nitore. Quo significatur, sapientiæ celsitatem, qua Ecclesia Christiana splendet, illi esse gloriosissimam.

Quorsum  
lanæ ac ni-  
vis compa-  
rationes hic  
coniunctæ?  
Christianæ  
religionis  
antiquitas.

Ad hæc existimabit aliquis, huius figuræ canicie indicari Christianæ religionis antiquitatem; de qua latè & eleganter Eusebius lib. 1. historiæ cap. 4. August. to. 1. lib. 10. Confess. c. 43. & to. 2. epist. 49. ad Deo gratias, in solutione q. 2. & epist. 105. ad Innocentium Pap. & epist. 157. ad Optatum; & tom. 4. lib. de Catechizandis rudibus, cap. 19. & lib. de Patient. cap. 21. & tom. 7. lib. 3. contra duas epist. Pelagianorum cap. 4. Ambrosius lib. 10. in Luc. cap. 22. Tertull. in Apologet. aduersus Gentes, Clemens Alexandrinus in oratione adhortat. ad Gent. in fine, & ibidem Heruetus, ac D. Thom. 1. 2. q. 107. a. 1. Et dici posset, huius figuræ caniciem eleganter respondere illi obiectioni, quam Ecclesiæ hostes initio illi opponebant de religionis nouitate. Hi enim cani significare videtur Christianam Religionem fuisse Iudaicis ritibus ac cæremonijs multò antiquiorem; non solum quodd in ipsius fundamentis ac figuris admirabilis huius templi structura à mundi nascentis exordijs fieri cœpta fuerit; sed etiam quia reuera antiqui Patriarchæ & Prophetæ Christiani fuisse censendi sunt; ut docet D. Thomas suprà citatus.

Atque hæc explicatio de antiquitate Christianæ religionis fortasse non erat abs re: ceterum altera illa interpretatio de Ecclesiæ Christianæ sapientia est multò aptior & conuenientior.

Canticorum 5. 11. legimus, comas sponsi esse nigras: sed sicut in presenti cani habent sensum elegantem; ita etiam ibi comæ nigræ (ut suo loco dicemus;) neque alia concordia opus est, quàm vtriusque loci intelligentia.

**ET OCULI EIVS TANQVAM FLAMMA IGNIS.]** Dubitandum non est, quin hoc sit proprium iræ symbolum. Vide cap. 11. 19. ubi describuntur bestię quædam terribiles, *ira plene, vaporem ignium spirantes, horrendas ab oculis scintillas emittentes*. Iob etiam 19. 6. de flamma oculorum sermo est, sub illis verbis; *terribilibus oculis*; ut explicat Mercerus verbo, *שׁוּף* *latus*. In presenti verò sermonem esse de ira Christi, patet euidenter Apoc. 19. 12. & c. 2. 18. Cur autem iratis oculi maximè rubescant, disputat Aristoteles in problem. sect. 31. problem. 3. & respondet, præsidium caloris in eam partem tanquam violatam transmitti; quæ & sensu & motu facilius est. Vtunque hoc sit, hic modus exprimendi hominem iratum vñtissimus est apud prophanos etiam auctores. Homerus enim Iliados 19. v. 16. ubi agit de Achille, ait; *oculi eius tanquam flamma*, *ὄρε σέλας*. Et iterum ad finem eiusdem libri *antes quidem eius stridebant; oculi verò splendebant ut flamma ignis*, & *cor illius subibat inolerabilis ira*. Virgilius etiam 3. Georg. *Flammantia lumina torquens*. (Sermo est de angue.) Et Georg. 4. Proteo tribuit arduos oculos præ ira. & lib. 6. Æneid. agens de Charonte, *stant lumina flamma*. Et lib. 7. de Aleto, *Flammea torquens lumina*. Seneca lib. 1. de Ira cap. 1. iratum hominem describit *micantibus oculis*. Et lib. 2. cap. 35. sic ait; *flammâ lumina ardentia*. Vbi Lipsius similia ex Homero & Lucretio affert. Cicero etiam in Verrem sic loquitur, *Ardebant oculi, toto ex ore crudelitas eminebat*.

Oculi ut  
flamma  
ignis quid  
innuant.



Duplex Dei  
ira in Apo-  
cal.

Ad hæc obseruandum est duplicem Dei iram in Apocalypsi depingi; alteram antiquam, alteram nouissimam; illam in plagis tubarum, in quibus se aduersus Iudaicum populum ostendit iratum; hanc verò in phialarum plagis, quibus suæ aduersus idololatriam indignationis ingens præbet argumentum, per ipsius euerfionem & conuersionem peccatorum. De hac ira nouissima diximus in prolegomenis notat. 24. & 25. Perspicuum autem est, in oculorum ardentium simbolo vtramque iram, tam primam quam nouissimam indicari: vt patet Apoc. 19. 12. vbi sermo est de Romani Imperij conuersione, & Christus flammeis oculis depingitur. Atque hac ira nouissima non solum fuit vsus Christus aduersus idololatrias, sed etiam erga decimam Ierosolymæ partem, quam Euangelio subiecit.

Hæc cum ita sint; aliquis fortè opinabitur, cum duo sint huius figuræ oculi, in læui oculi flammis iram priorem denotari; in flammis verò dextri, posteriorem seu nouissimam, quæ gratiosa hominibus est. Sed vereor hanc significationis distinctionem oculi sinistri à dextro, subtiliorem esse, quam solidiorem. Nam in nouissima ira rectè consideratur Christus flammis oculis euomens, absque vlla dextri aut læui oculi distinctione. Quare planius ac verius iudico sine aliquo discrimine, Christi oculorum flammis de ipsius ira intelligere; quæ interdum aduersus sola peccata feratur, interdum etiam aduersus ipsos peccatores. Atque vtrumque in suæ Ecclesiæ beneficium redundat. Nam dum sceleratos debito supplicio afficit, iustos de suis hostibus vlciscitur.

Sed obijcies, hanc Christi iram, siue primam siue nouissimam, esse virtutem ac perfectionem Christi in se ipso, quod minimè videtur esse ad rem in huius visionis declaratione: siquidem in ea, vt supra ostendimus, non agitur de Christo in se ipso, sed quatenus per suos res mirandas operatur. Respondetur, in Christo quidem propriè non esse iram. Quare non agitur de propria ira, sed de ipsius effectu in peccati destructione, siue in peccatoris supplicio. Ad argumentum verò Apocalypseos non spectant solum admirabilia, quæ Christus in suis fidelibus operatur; sed supplicium etiam, quo in Ecclesiæ hostes animaduertit: hoc enim etiam facit ad Christianæ Ecclesiæ gloriam. Præterquam quod præcipuus Christi iræ effectus est, peccatorum conuersio. Et licet hæc ira in ijs exerceatur, qui hostes prius fuerant; non tamen eos in eodem hostium statu relinquit, sed ad suam amicitiam traducit, & Ecclesiæ filios efficit. Atque hæc est maxima Ecclesiæ victoria, vt ex hostibus amicos atque filios reddat.

Cur Christi  
ira in ipsius  
oculis ex-  
primatur.

Præterea, iram Christi in ipsius oculis depingere, elegantia fuit; iuxta id quod Aristoteles ait loco supra citato, oculos scilicet inflammari; quia ad partem violatam ascendit calor. Quod si hoc ita est; aptè depinguntur oculi Dei ira inflammati; eo quod peccator Diuinæ maiestatis oculos offenderit, rem sceleratam coram ipsis patrando, & oculos maiestatis eius prouocando, vt loquitur Isaïas cap. 3. 8. Et fortasse etiam oculorum Christi flammæ significant iræ Dei nullum peccatum abscondi posse. Quæ enim tenebræ impediunt perspicientiam, cui oculi iaculantur claram lucem? facit illud Ieremiæ 32. 19. *Oculi eius aperti sunt, vt reddat filiis Adam secundum fructum adinventionum eorum.*

Verf. 15.  
Quæ hic  
per pedes.

ET PEDES EIVS SIMILES AVRICHALCO, SICVT IN CAMINO ARDENTI.] Per pedes non defuit qui non pedes ipsos intelligeret; sed hypopodion, siue scabellum pedum, in quo insistere somniatur persona illa, quæ primò Ioanni apparuit. Sed hoc ridiculum est, & ex eo loco Danielis 10. 6. ad quem hic alluditur, conuincitur falsitatis. Præterquam quod figura hæc non insistebat scabello; quia ambulabat in medio candelaborum, vt supra vidimus.

De auri-  
chalco va-  
rie aliorum  
opinionēs.

Pro aurichalco contendit Nebriffensis legendum fuisse *Chalcolibano*; & sermonem esse de thure masculino. Sed hoc est improbabile, vt videbimus notat. XIV. De succino accenso quidam. Sed hoc etiam est improbabile. Alij explicant de ære, cui admistum sit pseudargyrum; sic enim æs cogitur imitari auri colorem, de quo Strabo lib. 13. Huiusmodi est factitium aurichalcum, quod Hispani appellant, *agofar*, siue *laton*. Sed constat in sacra Scriptura, & præsertim in hoc loco, non esse sermonem de eiusmodi aurichalco. Vide Rhodiginum lib. 19. cap. 9. Alij existimabunt chalci aut æris nomen hic posse accipi pro ea ferri specie, ex qua gladij acies conflatur. Sic enim nonnulli exponunt, nomen hebraicum *nehhofeth*; vt videre est in Thesaurò hebraico. Et facit primò vicinitas hebraicarum vocum. Quia *nahhus* est acies ferri: & *nehhofeth* æs candens. Et Prado Ezechielis 1. in expositione non videtur hæc distinguere, num. 7. ait enim. *Quasi æs vel chalybs candescens.* Facit secundò, quod etiam apud Græcos & Latinos chalcos & æs aliquando pro chalybe vsurpatur. Nihilominus constat, illud æs montis Libani, ex quo factæ sunt columnæ æneæ, & mare æneum, & cetera vasa, non fuisse ferrum; sed proprium æs, idque valde pretiosum, vt in notat. XIV. constabit.

Prado in Ezechielem fol. 34. significat, non solum pedes huius figuræ concipiendos esse similes aurichalco, sed totum etiam corpus; cum hoc tamen discrimine, quod superiora complet splendor maior, inferiora verò calor vehementior: Ioannem autem de pedibus peculiariter loquentem, quia in simulacro stante melius deprehenditur pedum materia. Pro hac opinione prima facie stare videtur, quod Ioannes in hac figura certissimè alludit ad similem visionem, quæ Danieli est ostensa cap. 10. num. 6. vbi dicitur, *corpus eius quasi chrysolitus.* Et infra: *Brachia eius, & quæ deorsum sunt, vsque ad pedes, quasi species æris candentis.* Existimo tamen hoc à Ioanne conspectum simulacrum non ita fore accipiendum, vt totum esset simile aurichalco; sed solum secundum pedes ac tibias. Ioannes enim manus etiam conspexit, quemadmodum Daniel. Cum ergo similitudinem ad æs candens siue aurichalcum Ioannes in pedibus constituat; & Daniel in brachijs, & in ijs, quæ deorsum sunt vsque ad pedes; nihil est cur confundamus quæ sacri Scriptores distinguunt: sed constituatur oportet differentia à Ioanne & Daniele designata; deinde idonea differentia ratio quærat; & in ratione discriminis animus acquiescet. Quod si tota figura ex aurichalco ardenti fuisset, non video cur existimandum foret, superiorem eius partem maiore splendore compleri, & inferiorem calore vehementiore æstare. Imò verò proprium caloris est, sursum ascendere; splendoris autem, æqualiter sese sursum ac deorsum extendere.



A His ita positis, dubitatur cur non dicat Ioannes, Pedes erant ex aurichalco; sed, *similes aurichalco*? Et similiter Daniel cap. 10. 6. *quasi species aris candentis*. Respondebit quispiam, pedes quos Ioannes aspexit, & brachia quæ vidit Daniel, cogitanda esse carnea; siquidem vtraque erat hominis viuentis figura: similitudinem autem aurichalci in eo fortasse consistere, quod inflammabant & vrebant, ac si reuera essent ex ære ardenti, ceterum hoc non cohæret. Nam si in ea solum sita esset similitudo, quod exurerent; non erat cur comparatio ab aurichalco seu chalcolibano singillatim, sed à metallo in genere peteretur. Deinde verba illa Danielis, *quasi species aris*, omnino postulant, vt veram aris similitudinem viderit, non modò in calore, sed etiam in colore, duritie & ceteris. Ad dubitationem igitur Respondeo, veram ac propriam loquendi rationem in visione imaginaria esse; cum quis videt hominem, dicere, Vidi similem homini vel filio hominis, vt Ioannes dixit initio huius visionis: quia non erat verus homo, sed veri hominis imago, siue spectrum; atque ita quamuis veram aurichalci speciem viderit, aptè tamen dicit, se vidisse pedes similes aurichalco.

Pedes cur  
similes au-  
richalco.

B SICVT IN CAMINO ARDENTI.] Ex græco videbatur vertendum, *ardentes*, in nominatiuo plurali. Videtur tamen noster interpres legisse *περὶ πυρρῶν*, quæ lectio (ait Pererius) multò congruentiorem atque commodiorem habet sententiam. Sed quod ad nostram explicationem attinet; vtrouis modo idem est sensus. Dubitatur tamen, vtrum comparatio ex ære iam liquefacto, an ex ære succenso quidem, sed nondum liquefcente, desumatur? Ratio dubitandi est; quia æs in fornace liquefit: & æs illud montanum siue ex monte Libano, effossum, liquefactum est à Salomone ad efficiendum mare æneum, &c. Sed cum æs priusquam liquefiat, accendatur; ab ære candente quidem siue succenso, non tamen liquefacto, videtur omnino sumpta comparatio; vt hac ratione pedes in Ioannis figura, brachia verò atque crura in visione Danielis aptam membrorum figuram & firmitatem haberent. Effingere enim eiusmodi partes ex ære liquefacto, id ad rem minimè est. Accedit, quod in ære candente (vt infra videbimus) allusio fit ad altare æneum, quod lignis ad sacrificia aggestis certè aliquantulum accendebatur, atque candeat; nec tamen liquefiebat. Atqui pedum es non alio modo est concipiendum, quàm altare æneum holocaustorum igne apparebat.

Num pedes  
ex ære lique-  
facto, an  
solido ap-  
paruerint?

C Sed dices non cohærere, quod Ioannes viderit pedes veluti ex ære candenti; & simul potuerit notare illud esse chalcolibanum, siue pretiosum æs; quale ex monte Libano effodiebatur. Si enim coram apponantur æs Libani candens, & aliud quoduis æs vel metallum similiter candens; non poterit oculus inter illa discrimen inuenire. Respondeo; forsan illud æs dignosci poterat propter maiorem splendorem. Quemadmodum Plinius ait, Electrum ad lucernarum lumina clariùs argento splendescere. Sed quidquid de hoc sit; Ioanni haud dubiè fuit reuelatum, id etiam, quod oculis distinguere non posset, si coram apponeretur; nempe illud quod ardere videbat, esse æs Libani aut aris Libani simile. Ac demum, cum Ioannes ipse asserat pedes, quos vidit, æri ex Libano in camino ardenti similes sibi fuisse visos; textus ipse cogit, Ioannem agnouisse metalli speciem, quamuis non frigidum, sed candens atque coruscans aspexerit. Hæc de vocum acceptione hinc annotasse sit satis. Cetera, quæ hac de re disputare visum est, ad notationem XIV. reieciimus.

### De pedum significatione.

D PER Christi pedes, ipsius humanam naturam intelligunt Nazianzenus apud Andream, & Damascenus apud Riberam, nec non Rupertus, Pannonius, & Zegerus. Alij, pedes referunt ad posteriorem vitæ Christi partem, peculiariter passionibus obnoxiam, vt Dionysius Carthus. Sed neutra harum expositionum cohæret cum huius visionis scopo, qui est agere non de Christo in se ipso, sed in suis fidelibus mirabilia patrante, vt supra vidimus.

Pedum in  
camino  
ardenti  
significatio.

E Alij igitur ad mysticum Christi corpus respicientes, per Christi pedes intelligunt, vel fideles in communi, vt Lyra, vel aliquam fidelium partem. Et quidam de præcipua Ecclesiæ parte exponunt; id est, de Apostolis; sic Victorinus, Ticonius, Ambrosius, Andreas, Aretas, & Pererius in Daniele. Alij de prædicatoribus in communi, vt Haimo cap. 2. n. 18. vel de Ecclesiæ defensoribus, vt Iacobus Suarez ex Nysseno & Theodoro, vt ipse putat. Alij de nouissimi temporis fidelibus, id est, de illis, qui ab Antichristo affligentur, exponunt. In his sunt Ticonius, Primasius, Ambrosius, Haymo, Beda, Anselmus, Glossa, Albertus, Thomas. Alij, imperfectionem aurichalci considerantes respectu auri, exponunt de infirmis atque imperfectis fidelibus; vt Richardus de S. Victore, & Ioachim. Nec defuit qui ad falsos prophetas expositionem accommodaret, vt Caponsachius.

Varia sen-  
tentia de  
pedum si-  
gnificatione

Aliud expositionis genus est, pedes huius figuræ referendos esse ad ipsius Christi affectus. Sic Pannonius, & Iacobus Suarez, vel ad aliquam Christi actionem. Et verò de actione conculcandi inimicos, id est, seuerissimè iudicandi ac vindicandi, exponunt Seraphinus de Fermo, & Ribera. Et præter ea quæ ipsi adducunt, illud etiam considerari posset, ad supplicij seuerissimi symbolum inter cetera metalla congruentissimè æs ardens fuisse vsurpatum. Ferrum enim non ita facile liquatur: aurum verò & argentum, etsi liquefiant, non ita noxia & exitialia sunt: plumbum autem & stannum non tantum pollent robore ac viribus, neque sunt carni valde inimica. Quare solum remanet æs; quod violentissimum & valde exitiosum est, præsertim si liquefiat. Atqui hi pedes videntur apte significare posse, *Leno quidem gradu, ad vindictam sui, diuinam iram procedere, sed tantatam supplicij grauitate compensare*. Valer. Max. lib. 1. c. 1.

Hæ sunt aliorum expositiones, quas referre visum est. Nostra tamen expositio ad septem puncta reducitur. Primum est; huius figuræ pedes respondere pedibus angeli foris, de quo cap. 10. 1. *Et pedes eius tanquam columna ignis*. Atque, vt ibi videbimus, certissimum est per illum Angelum significari firmum & stabile Dei decretum transferendi Ecclesiam & Euangelium ad Gentes. Ex quo facile intelligitur ad professionem prædicatorum Euangelij denotandam conuenientissimum fuisse, eam per huius figuræ pedes indicari. In eodem enim sensu, vt explicetur eadem fidelium profectio ad

Vera senten-  
tia de pedum  
significa-  
tione.



prædicandum Euangelium, dicitur Isaia 52. 7. *Quam pulchri super montes pedes annuntiantis, & prædicantis pacem!* Et Nahum 1. 15. *Ecce super montes pedes annuntiantis & euangelizantis pacem.* Et ad Rom. 10. 15. *Quam speciosi pedes, &c.* atque iuxta eundem sensum dicitur, Cant. 7. 1. *Quam pulchri sunt egresus tui in calceamentis, filia principis.* Eodem spectant crura sponfi, quæ comparantur columnis marmoreis, Cant. 5. 15.

Cur figura  
huius pedes  
ex ære sint  
efficti.

Secundò, cum igitur per huiusmodi pedes fuerit prædicatorum profectio ad Euangelium Gentibus promulgandum significanda; summopere conueniens fuit, huic figuræ pedes æreos effingere, ad indicandum robur & firmitatem, qua ad tantam expeditionem opus erat; & ad pericula superanda, quæ sese in ea offerrent: vt hac ratione tam ad itineris longitudinem, quam ad tribulos, spinas, ac serpentes conculcandos minimè deficerent. Simili ratione dicitur Ieremiæ 1. 18. *Ego dedi te hodie in columnam ferream, & in murum æneum: & beliabunt aduersum te, & non praualebunt.* Et cap. 15. 20. *Dabo te populobus in murum æneum fortem.* Eadem ratione de Behemoth dicitur Iob 40. 13. *Ossa eius veluti fistula arvis.* vbi de tibijs est sermo. Vide etiam Ezechielis 40. 3.

Cur item ex  
ære montis  
Libani.

Tertiò, huius profectiois & Euangelicæ prædicationis finis erat terrarum orbem illo igne accendere, de quo Christus dixit, Lucæ 12. 49. *Ignem veni mittere in terram, & quid volo, nisi vt ardeat?* Ad quod congruentissimum fuit, vt huius simulacri pedes, qui ærei fingebantur, essent ex ære montis Libani, & ardentes aspicerentur. Vbi obseruandum est, quidquid Salomon ex ære ad templum & eius ministeria fecit, ex pretioso illo ære fuisse fabrefactum, quod eius parens Dauid, ex Adarezeris victoria atque vrbibus aduexerat. Quare certum est, totum illud æs fuisse ex monte Libano. Atque inter alia, quæ Salomon ex illo ære conflauit, nihil aliud erat quod semper arderet, nisi altare holocausti, iuxta illud Leuit. 6. 12. *Ignis in altari meo semper ardebit.* Et quidem lignorum strues, quæ in ipsum continenter absumenda iniiciebantur, ingens valde erat. Vnde illi nomen *Ariel*, id est, *leo Dei*. Atque ita certum est, vbi agitur de ardenti ære montis Libani, alludi ad holocausti altare. Ad significationem igitur ignis celestis, & Deo sacri, nihil aliud potuit magis idoneum afferri, quam ille ignis altaris. Si ergo Apocalypsis tota ex veteris testamenti allusionibus constet; nec alibi præterea æs montis Libani ardens, nisi in altari holocausti reperitur; iam facile est videre, figuræ huius pedes ex ære Libani ardenti, ad ignem illum holocausti respicere; atque aded egregium esse symbolum, quo repræsentetur, pedes illos, qui Deo tantopere placent, intendere vt veræ religionis ignem in orbe vniuerso accendant; quod & fecerunt. Hic est enim ignis ille, quo Babylon exusta est.

Quartò, nostra hæc expositio non noua est. Hanc enim eandem videntur admittere ij auctores, qui in his pedibus Apostolos & Euangelicos concionatores denotari existimant; quod qui asserant, multi sunt, vt vidimus, nec ignobiles. Nec ab hac expositione discedunt, qui chalcolibano, (de quo hic est sermo) fortitudinem significari autumant. Inter quos est Irenæus; qui refert chalcolibanum ad fortitudinem fidei & perseverantiam; & Rupertus cap. 2. num. 18. explicat de fortitudine in itineribus. Item Serranus de fortitudine ad toleranda omnia.

Inimicorū  
conculcatio  
quo pacto  
hec acci-  
pienda.

Quintò, actio illa conculcandi inimicos, de qua nonnulli interpretantur; si ad mysticam conculcationem referatur, mirificè nostræ expositioni deseruit. Nam Euangelici concionatores quidquid conculcabant, id totum celesti illo igne succensum Deo in suauissimum holocaustum offerebant: atque hac ratione, Ecclesiæ Christianæ subijciebant orbem, scilicet conculcando. Iuxta illud Iosue 1. 3. *Omniem locum quem calcauerit vestigium pedis vestri, vobis tradam.* Et Deut. 11. 24. *Omni locus, quem calcauerit pes vester, vester erit.* Huc spectat illud Psal. 59. 10. *In Idumæam extendam calceamentum meum.* & similiter Psal. 107. 10. Nec alius est sensus eorum verborum Psal. 109. 1. *Donec ponam inimicos tuos scabellum pedum tuorum.* Scilicet per sanctificationem; sic enim explicauit Paulus; vt in expositione eius Psalmi videbimus. Isaia 63. 3. *Calcaui eos in furore meo:* similiter agitur de mystica & sanctificante conculcatione. Quod verò Christi hostes igne adurantur, quo ad veram religionem inflammantur; phrasis est vsitatissima sacre Scripturæ; vt vidimus in prolegomenis notat. 24. & 25.

Sextò; nostra expositio validè confirmatur ex antecedenti & subsequenti contextu. Præcedunt enim oculi inflammati. Et ex Christi indignatione aduersus Iudaicum populum duxit originem ingens illud beneficium, quo mundum vniuersum cumulauit: vt Paulus docet ad Rom. 11. 12. id quod mirè etiam repræsentatur in cap. 10. Apoc. quò hic respicitur. Hoc de præcedenti contextu. Quòd verò ad subsequentem attinet, mox sequitur vox *aquarum multarum*; quæ indicat Gentium persecutionem aduersus populum Christianum concitatam. Atqui perspicuum est, post Euangelij promulgationem, protinus persecutionem Imperij Romani subsequutam fuisse.

Caminus  
ignis quid  
per allusio-  
nem respi-  
ciat.

Septimò; caminus ignis propriè respicit ignem altaris; quem manifestum est in sacra Scriptura caminum appellari. Isaia 31. 9. Præter hæc tamen potest etiam hic caminus aptè significare ærumnas & calamitates, quas Euangelici concionatores in Euangelij promulgatione tolerarunt. Et orania satis quadrant; per hos enim dolores atque martyria ipsi Christi amore succensi terram vniuersam eodem igne inflammant.

Restabat hunc locum conciliare cum illo Danielis 10. 6. *Brachia eius, & quæ deorsum vsque ad pedes quasi species aris candentis.* Sed hoc dicemus seorsum notat. 18.

Considerata pedum ex chalcolibano significatione, facile cernitur congruentissimum fuisse, vt huius figuræ pedes essent ex chalcolibano, non verò ex auro; nam altare holocausti non fuit ex auro, sed ex chalcolibano. Præterquam quòd ad summam fortitudinis significationem, conuenientius fuit æreos pedes, quam aureos effingi.



## NOTATIO XIII.

*Ad ea verba, Pedes eius similes aurichalco: ubi examinatur; quid fit hoc in loco aurichalcum.*

**I**N presenti examinandum est; quid nomine Aurichalci intelligendum sit? Græcè quidem legitur Chalcolibanon; quâ voce Antonius Nebrissenfis in sua quinquagena cap. 4. contendit significari thus masculum; & addit, sic exponi à græcis omnibus commentariis in presenti loco; & apud Orpheum in hymnis frequentem esse titulum, Chalcolibanos in Apollinem, in Latonam, aliisque Deos; id est, masculum thus, seu masculi thuris sacrificiū. Quemadmodum apud Virgilium in 8. Eclog. legimus,

*Verbenisque adole pingues, et mascula thura.*

De nostra verò lectione tandem censet Nebrissenfis, eam esse corruptam, & nostrum interpretem sic scripsisse, *Pedes eius similes chalcolibano*, græca voce relicta; deinceps tamen librorum ignorantia, pro chalto, irrepsisse aurichalcum; & vocem Libani fuisse detractam. Nebrissenfis coniectura in eo nititur; quod in veteri manuscripto Palentino scriptum repererit, *pedes eius similes aurichalco Libani*. Præterea, quia Libani vox, duas habet significationes, alteram montis Libani, & alteram thuris, & in presenti (ait) significatio thuris certissima est, adeo ut si interpretes aliter exposuisset, ignorantia arguendus esset. Quin si ita verteret (ait Antonius) *verisimile non esset, interpretem posuisse aurichalcum, sed orichalcum*. Nam orichalci vox à Latinis est recepta, aurichalcum verò dici non posse testatur Festus, & persuadet ratio, quia non fit compositio ex voce Græca & Latina. Hæc Antonius.

Nihilominus tamen assero in primis, si generatim loquamur, & ab hoc loco mentem abstrahamus; non ita esse certum, ut statuit Antonius, Chalcolibanon apud antiquos Græcos significare thus masculum. Primò, quia licet Libanos habeat thuris significationem; chalcos tamen propriè significat æs; atqui æreum thus pro masculino thure durissimum est. Quamvis enim dici soleat turris ahenea & murus aheneus pro forti; verum nō dicitur masculum thus à summa fortitudine, sed à puritate & candore. Ut notat Plinius lib. 12. cap. 16. Nec verò aptum est epithetum *thus forte*; neque hæc est analogia, qua nonnulli fructus & gemmæ appellantur mares, sed propter præstantiam; ut videre est apud Plinium l. 37. cap. 7. ubi sæpe vititur in gemmis distinctione marium à feminis. Quod si Chalcolibanos accipi posset pro thure; fortassis dici posset æris adiectionem ad pretium spectare. Quemadmodum Plinius l. 21. cap. 7. agens de Saliunca ait, eam herbam esse tantæ suavitatis, ut metallum esse coeperit; id est, eam tantum æstimari, ac si esset nummus. Adhuc tamen violentum est, thus ea ratione æreum appellari. Deinde Dictionaria græca Henrici Stephani, Scapulæ atque aliorum nullam eiusmodi significationem Chalcolibano apponunt; sed asserunt potius esse speciem metalli.

Ad id verò, quod Nebrissenfis asserit ex Orphei inscriptionibus, respondeo, me Orpheum non vidisse; suspicari tamen ex illis titulis colligi non posse, Chalcolibanon significare thus masculum; non enim ineptus erat titulus, *Statua Apollini ex orichalco*, vel, *Oblatio orichalci*, *Latona*, &c. præsertim si orichalcum res sit pretiosissima, de quo infra.

Secundò affirmo in hoc saltem loco Apocalypseos, evidens meo iudicio esse, Chalcolibanon non accipi pro specie thuris, sed pro specie æris. Pro quo in primis est auctoritas Vulgatæ & Latinorum omnium cum bona Nebrissenfis venia. Deinde, ut videbimus notat XVIII. in tota hac figura manifestissima est allusio ad figuram illam Danielis 10. unde ad id quod ibi dicitur num. 6. *Brachia eius, et quæ deorsum sunt, usque ad pedes, quasi species æris candentis*; hæc in Apoc. respondent, *Pedes eius similes aurichalco*; sicut in camino ardenti. Et neque in Hebræo neque in

**A** Græco vllus est odor thuris in loco Danielis: quia hebraicè legitur, כַּעֲשֵׂי נְהֹשֶׁת, *Keheish nehosheth calat*: ubi Pagninus vertit, *Sicut color æris candentis*. Arias & Thesaurus; *sicut oculus æris politi*. Græci omnes, *sicut species æris candentis*. Quibus adde in Hebræo, eodem prorsus modo legi Ezechielis 1. n. 7. ubi noster interpretes, *Scintilla sicut aspectus æris candentis*. LXX. *Quasi fulgurans es*. & Prado ibi, *Scintilla*; ait, *quasi scilicet vibrabat fornax accensa, in animalibus ipsis repercussæ coruscabant, quasi æs vel chalybs candescens*, pag. 22.

Quis ergo non videat Ioannem in hoc loco respexisse & expressisse Danielis, & Ezechielis verba; præsertim cum maioris explicationis gratia addiderit, *sicut in camino ardenti*? Unde etiam confirmari potest nullam hîc esse thuris mentionem. Thus enim super prunas adoleri solet; sed in fornacem siue in carminum immitti neutriquam. His expensis existimo nullam Nebrissenfis opinioni probabilitatem manere. Quare miror nonnullos ipsam quasi probabilem referre; nullâ interim impugnatione seu refutatione adhibita.

**B** Præter hæc, pro vulgatæ lectionis sensu optima sumitur confirmatio ex pulchritudine mystici sensus; de quo in huius loci commentario. Ad id verò, quod nobis opponit Antonius ex Græcis commentariis, fateor Andreæ & Aretæ utramque expositionem referre, nempe de thure & de ære; cum tamen non decernant, utram ut veriorē amplectantur. Quin potius Aretas in eam magis propendit opinionem, quam primo loco apponit, & latius persequitur, de ære, quod auri speciem habet.

**C** Aliorum Græcorum commentarii non extant. Quod ideo dixerim, ne quis prima specie in Nebrissenfis verbis offendat, cum videat omnes Græcorum commentarios. Quid autem mirum, in loci valde difficilis expositione Andreæ non collineasse, nec ad Danielis locum attendisse?

Superest expendere, quæ æris species per chalcolibani nomen denotetur? Dicit fortasse aliquis, Chalcolibanon idem esse, quod *æs candens*. Quia si Ioannes voluit exprimere Danielis & Ezechielis locos superius allatos; *nehosheth calat*, idem sonat quod *æs candens*. Etenim licet Arias transferat, *æs politum*, & hebraicus Thesaurus (verbo חָפָה *calat*) non illi tribuat significationem candentis, sed terfi, mundi, politi ac lævis: ex contextu tamen evidens est, sermonem esse de ære candente, siue ardente, ut exposuit Vulgatus; & eodem fere modo LXX. Quia Ezechielis 1. 7. legunt *ἡ ἀσπαρὶον χαλκός*, id est, *fulgurans æs*; & Danielis 10. 6. *ὡς ὄρασις χαλκὸς ἑλθεύων*, id est, *ut species æri coruscantis*. Verum qui idem esse potest Libanus, atque candens? dicit fortasse aliquis, Libanon hebraicè idem esse, quod album, aut candidum; atque adeo propter vicinitatem, metallum ardescens posse dici candidum. Quia candere est fieri quodammodo candidum: sed de hoc infra.

Dicat alius, chalcolibanon appellari quandam speciem æris candidi, id est, illius æris, quod per se erat candidum, antequam in fornacem mitteretur. Ad cuius probationem adduci potest Virgilianum illud 12. *Aeneidos*,

*Ipse dein auro squallentem alboque orichalco, Circundat lorica m humeris.*

**E** Facit, quod apud Q. Curtium lib. 9. inuenimus, ferri candidi talenta centum. Deinde probari poterit: quia non mirum est cum voce græca χαλκός iungi à Ioanne hebraicum epitheton; atque adeo ipsum ut Hebræum Hebræorum uti consuetudine, qui res omnes candidas appellant Libanum. Etenim thus appellare Libanum, hoc Græci ex Hebræis accepisse

*Aurichalci nomine quid Ioannes intellexerit.*

*Antonij Nebrissenfis de aurichalco opinio.*

*Rejicitur Nebrissenfis opinio.*

*Thus masculum quod propriè vocatur.*

*Chalcolibanon hic non pro specie thuris, sed pro specie æris accipiendum.*

*Quæ æris species per chalcolibanon denotetur.*

*Aliorum sententia.*



videntur: Hebrei verò ita appellant, quia thus optimum est candidum. Vide Plinium lib. 12. cap. 14. Mons autem Libanus, quidquid Pagninus dicat, non potuit defumere appellationem à thure. Certum namque est, illud non nasci in monte Libano, ex Plinio & omnibus. Thus enim regionem calidam exposcit, & soli illud Sabæi colligebant. Notum est id Georg. 1. *Solis est thurea virga Sabæis.* Quare videtur mons Libanus traxisse nomen à candore nitui. Est enim mons niuib. coopertus. Et forsan vinum Libani Osee 14. 8. idem est, quod vinum album: & domus saltus Libani. 3. Reg. 7. 2. fortè dicta fuit propter alborem parietum.

Græca dictionaria affirmant, thus nominari libanum à verbo Græco *λίσσω*, quod est *lillo*. Forfan ergo Chalcolibanos est veluti stillatio æris, & quinta (ut aiunt) essentia illius; id est, purissima & perfectissima æris substantia.

His addi potest id, quod multi opinantur, Orichalcum scilicet vocari etiam electrum. Quamvis enim alioqui electrum sit ex auro & quinta argenti parte conflatum, iuxta Plinium lib. 33. cap. 4. in alia tamen significatione ponitur electrum pro quadam æris specie valde pretiosa; quæ ferè appellatur *orichalcum*: atque id fuisse album argumento est quod ait Martialis,

*Pallida sic niueo radiant electra metallo.*

Et orichalcum appellari album, suprà iam vidimus ex Virgilio. Consonat aurichalci nomen, quod ei nonnulli tribuunt; quod ostendit id proxime ad coloris auri accessisse: aurum verò, si cum ære comparatur potest aliqua ratione album appellari. Ego tamen verisimilius esse puto, Chalcolibani nomine pretiosum illud æs designari quod Libanus mons gignebat. vide 2. Reg. 8. 8. *De Bethæ & Beroth civitatibus Adazer rex tulit Rex David æs multum nimis.* & 1. Paral. 18. 8. *De Thebath, & Chun urbibus Adazer æris plurimum, de quo fecit Salomon mare æneum, & columnas, & vasa ænea.* Scilicet altare holocausti, & multa alia vasa: quia ad altare, eiusque vasa extenditur nomen vasis, ut videre est Num. 7. 1. Quare in voce aurichalci pro chalcolibano notandus est respectus ad illud æs mundissimum, de quo 2. Paral. 4. 16. quod ipsum vocatur aurichalcum. 3. Reg. 7. 45. ubi dicitur ea omnia quæ fecit Hiram ex ære, fuisse facta ex aurichalco. Constat autem altare holocausti factum fuisse ab Hiram. Id enim expresse asseritur 3. Reg. 13. 14. Vide etiam Iosephum lib. 7. cap. 5. ubi notat illud æs pretiosius auro reputatum. Et facit, quod ait Plinius lib. 34. cap. 1. *Celebritas æris in Asia.* Cum antea dixisset, *æris in usu proximum est pretium argenti, imò etiam ante argentum, ac pene etiam ante aurum Corinthio.* Agit autem de materia, non de opere. Aliquod igitur extitit æs pretiosissimum. Quis ergo dubitet æs illud, ex quo mare æneum, & altare æneum & columnæ Booz & Iachin in templo Salomonis exstructa fuere, optimum fuisse & perfectissimum? Quod autem æs illud fuerit ex monte Libano, constat, quia vrbes illæ Adazeris ad Libani montis radices sitæ erant inter Hemath, & Damascus; ut notat Prado in Ezechielem fol. 33. & regnum Adazeris (quod appellatur *Soba*) esse terminum Aquilonarem terræ promissionis, & occupare montem Libanum, dubitari non potest ab ijs, qui sacre Scripturæ Geographiam edocti fuerint.

Præterea certum est, illud ipsum æs, quod appellatur chalcolibanon, appellari etiam orichalcum, id est, æs montanum; videlicet à monte Libano. Orichalci autem pretiū & bonitas adeò à nonnullis exaggerantur, ut ab alijs recenseantur inter fabulosa. Et quidem Scaliger in Festum negat eiusmodi orichalcum in rerum natum inueniri. Et probat ex Aristotele, & Hesychio apud interpretem Apollonij id ipsum negantibus. Seruius in 12. Virgilij ait; *Apud maiores orichalcum pretiosius omnibus metallis*

**A** fuit. Plinius lib. 34. cap. 2. *Orichalcum, inquit præcipuam bonitatem, admirationemque diu obtinuit; nec reperitur, longo iam tempore effeta tellure.* Suidas asserit chalcolibanon pretiosius esse auro: atque idem ait Hieronymus de electro; ubi electri nomine suspicantur quidam Hieronymum non intelligere id, quod ex auro & argento conflatur. Vide etiam de orichalco Rhodiginum lib. 19. cap. 9. ubi ex interprete Aspidis Hesiodicæ notat, orichalcum esse æneum metallum quod in montibus enascatur: & ex Philopono advertit, *Orichalcum esse materiam metallicam quidem, sed ære pretiosiorē, quæ (inquit) modo non reperitur.* Vide etiam Brodæum lib. 8. cap. 23. & Scaligeri notas ad Festum verbo *aurichalci*. Plautus etiam in Pseudolo *Di immortales, orichalco contra moncharum fuit mendacium.* Idem in Milite; ego istos mores orichalco comparem. Hinc Seruius coniecit, orichalcum fuisse omnibus metallis pretiosius. Præterea dictionarium Scapula refert Aristotelem *ὁ τελεταίς*, abnuere speciem metalli huius compèriri vsquam: plerisque enim suspicatos nominari orichalcum quidem; ceterum haud quantam esse; & hoc de ijs vnum censeri, quæ prodita temerè sint. Refert etiam ex Scholijs Hesiodi Orichalcum esse æs candidum, quod in montibus inueniatur; aut materiā quandam metallicam ære pretiosiorē. Nititur Hesiodus in Aspide, & Platon in Crit. Hæc Scapula verbo *Orichalcum*. Et verbo *Chalcolibanon*, ait esse speciem electri auro pretiosiorē, quæ orichalcum appellatur.

**C** Nota ergo, hoc orichalcum tantopere commendatum, quod nonnulli commentitium duxere, metallum absque dubio fuisse pretiosissimum. Et vero est simile; auri admisionem habuisse: & Scaliger quidem fatetur ex auro & ære fieri præstantissimū æs. Eiusmodi igitur æs videtur productum olim naturaliter ex monte Libano: ut bene coniecit Prado fol. 33. Huc spectat, quod refert Festus; *Aurichalcum* (ait) quidam; ceterum putauerunt compositum ab ære, & auro. Hodie sane in America argentum cum aliqua mistione auri: sæpe reperitur. Quid ergo mirum, aliquando æs cum aliqua auri admisione fuisse inuentum.

Quibus constitutis non est cur assereret Antonius Nebriffensis corruptam esse nostram lectionem, eo quod pro chalcolibano legamus aurichalcum. Nam Festus refert quosdam ex antiquis sic enunciaffe: Licet autem non sit elegans compositio ex græca & latina voce, satis est esse significantem ad auri, quā habet mistionem indicandam, vel etiam ad pretium atque colorem. Præterquam quod non defunt qui eam compositionem ex græca & latina voce probent, de quo Rhodiginus lib. 19. cap. 9. Rondeletius etiam lib. 5. de piscibus cap. 2. eundem piscem appellari docet *auratam* vel *oratum*: nam pro aurum orum rustici dicebant; ut orichalcum & oriculam, pro aurichalcum, & auriculam. Itaque non deest qui existimat, Orichalcum esse corruptionem ex aurichalco. Et saltem ad pretiosum æs significandum prudentissimè noster interpret aurichalcum dixit, sciens eam etiam vocem à nonnullis fuisse vsurpatam, ut notat Festus Pompeius. Neque solum Vulgatus in hoc loco Apocalypseos vititur ea voce; sed etiam 3. Reg. 7. 45. ubi sermo est de illo ipso ære montis Libani, ex quo factum est mare æneum, & altare holocausti.

**E** Ad ea verò, quæ superius allata sunt ad probandum chalcolibanon esse idem quod æs candens, Respondeo, in illa ipsa phrasi, *æs candens*, duo posse considerari, & metalli speciem albam, & candorem ex igne: & ad candorem ex igne contractum deferuit quod mox Ioannes subiicit, scilicet *velut in camino ardenti*: speciem autem metalli significavit illa vnica dictione *chalcolibani*; quam noster interpret prudentissimè transtulit *aurichalcum*.

De aurichalci nomine quid dicendum.

Thus ubi nascatur. Mons Libanus unde dictus.

Auctoris sensus.

Nomen vasis in Scriptura aliquando ad altare, eiusque vasa extendit.

Orichalcum quid sit.

Orichalci pretium.



## NOTATIO XIV.

*Ad illa verba, sicut in camino ardenti. De significatione symbolica ignis, & de allusione ad ignem altaris holocausti.*

NOTATIONE XXIV. & XXV. prolegomenon ostendimus phrasim esse in Sacris literis valde vlitatam igne accendere & inflammare, ad significandam peccatorum conuersionem & eorum veræ religionis igne inflammationem. Licet autem hic loquendi modus ita sit notus; vt alia præterea declaratione non indigeret; verum quia in hoc loco ex reliqua Apocalypsi primò vsurpatur ea phrasim ad indicandum veræ religionis ignem, operæ pretium fore duxi multas ac varias proportionales perstringere, quæ in hoc symbolo reperiuntur ad eam significationem, quæ illi in sacris Literis tribuitur.

In primis antequam ad eum ignem, qui in altari holocausti ardebat, deueniamus; in ipsa ignis generatim sumpti natura, mira est conuenientia ad igne Spiritus sancti significandum; propter multas ignis facultates, ei significationi deseruientes. Hæ autem huiusmodi sunt. Primò ignis videtur esse quodammodo omnipotens, si quidem metalla omnia liquefacit, ac ferri duritiem emollit. Secundò, quia si hostis; terribilis est ac formidandus: sin verò amicus; summè beneficus est. Quantum edat stragem, cum irascitur, omnibus planum sit in fulminibus, in incendijs & exustionibus terrarum. Et ideo appellatur consumptor & depopulator. Beneficia verò, quæ illi largitur, cui se amicum ostendit, immensa penè sunt. Absque eius enim adiumento nullum ex metallis ad nostram vtilitatem aptare possemus. Sublato autem ferri vsu, quid nobis solidi commodi, aut emolumenti constaret? Cibus certè absque igne agrestis planè esset ac belluinus.

Tertiò, quemadmodum Deus verum est ac tutum miserorum perfugium, & in laboribus solatium; atque ad eum omnes confugimus, & nos ipse à periculis eripit; sic etiam quodammodo se habet ignis, quo nocte indigenus, ne tenebris inuoluti iaceamus. Absque eius luce metus & horror increbrescunt: ac sine Deo, ibi trepidauerunt timore, ubi non erat timor, Psal. 13. 5. Ita in tenebris homo solus & quasi omni præsidio destitutus est, ignis verò lumine licet solus sit, comitatus tamen esse videtur.

Quartò quantà reuerentiâ ac veneratione sit nobis cum Deo agendum, appositè in igne indicatur; quem tangere aut manibus contrectare nemo impune audebit. Quod si quis ipsum cum modo ac mediocritate accedat; hunc ignis fouet & calefacit: temerarium autem & inconsultè properantem adurit. Vide Nyssenum de carbonibus ardentibus in vita Moysis.

Quintò, adhæc ignis nunquam est otiosus ac languens, sed viuendus semper & aliquid agens. Suū nimirum calorem ac lumen, quod ex se est, semper alijs liberaliter impertitur. Id quod propriè est Dei symbolum, qui semper suæ liberalitatis ac beneficentiæ rebus creatis copiam facit. Vehemens etiam ignis calor ingentem Dei denotat charitatem, qui se ipsum communicare vult, cum ait, Ignem veni mittere in terrâ, & quid voluisti ut ardeat? Luc. 12. 49.

Sextò, quod ignis virtus in abstrusis filicis venis delitescat; innuit, quàm sit Deus in rebus creatis internus & abditus. Quare Augustinus exclamat, O secretissime, & præsentissime!

Septimò, micat ignis in tenebris, quod indicat Deum nullis nostris peccatis vinci, de quo optimè Ioannes in Euangelio cap. 1. 5. Lux in tenebris lucet, & tenebræ eam non comprehenderunt. Et Sapientia 7. 30.

Octauò, Dei insuper ingens claritas, inuisibilis splendor & immensa gloria per eummodè in igne representantur.

Nonò, quod metalla, verbi gratia, aurum & argentum, ignis expurget ac purificet; indicat quantopere Deus animorum puritate delectetur. Et è contrario quàm auersecur fordes & immundiciem, scoriâ, spurcitiâ, &c. Ignis etiam ipse purus in se est, & ab omni externa rei concretione se iunctus; nec in eo quidquam est, quod ignis non sit. Longè aliter quàm cetera elementa.

10. Ignis & cum alijs se communicat, & integer in se perisistit; quod diuinitatis vestigium non obsecum est.

11. Summæ Dei sapientiæ, bonitatis & potentia coniunctio in ignis luce, calore, & efficacia mirificè exprimitur.

12. Alia ignis constringit & obdurat; alia laxat & molliat. Sic Deus cui vult, miseretur; & quem vult, indurat, Rom. 9. 18.

13. Ignis dum plura inter se diuisa liquefaciendo vnit & coagmentat; aptè denotat proprium solius Dei esse opus, homines diuersos atque adeo diuisos, diuini Spiritus vinculo & vnione copulare.

14. Aquam etiam sibi aduersariam calefacit ignis: quèadmodum Deus inimicos ipsos & aduersarios non cessat beneficijs prosequi.

15. Igne maior inest efficacia sursum, quàm deorsum. Itaque ad ipsum accedenti, demissione opus est, vt frigidus si sit, calefiat: elatum enim & arrogantem vehementi calore arcet. Ita diuina maiestas ad sui venerationem cogit. Et alioqui hominum necessitati morem gerit, dum viam inuenit atque hominibus tradidit, qua absque detrimento, quin magno potius cum emolumento ad eum possint accedere, & eius beneficijs frui. Hoc insuper indicatur, quàm sit excelsus Deus; siquidem ignis, ipsius symbolum, semper sursum ascendit. Quali dicat, Cælestis sum, & omni humano capto sublimior: quod verò in terris verser, id est, vt hominum imbecillitati ac paruitati me accommodem.

16. Ignis alia in cineres, alia in fauillam redigit, ex alijs partem absumit, & in fumum exhalat, & partem mundat ac purificat: alia liquefacit, non tamen consumit, vt aurum; alia, non calefacit, vt adamantem & carbunculum: alia in calcem conuertit: ex alijs fordes & scoriâ relinquit. In quibus rebus omnibus considerari possunt varij ac diuersi effectus, quos Dei prouidentia in hominum animis præstat.

17. Denique in igne vestigium nescio quod mysterij sanctissimæ Trinitatis reperitur, (vt notat Damascenus lib. 1. fid. orthod. cap. 9.) in qua semper gignitur sapientia, & spiratur amor. Quemadmodum ignis semper ex se & lucem & calorem producit. Atqui lux symbolum est sapientiæ; calor verò amoris. Quinimò id internè, siue (vt aiunt) ad intrâ, in igne contingit, quia ab ipso emanat ipsius lux interna & calor internus.

Præter has omnes rationes, in igne altaris holocausti peculiaris inuenitur ratio; cur sit aptum symbolum illius ignis, quo Deus animas sanctificat. Ille enim ignis fuit peculiari miraculo à Deo concessus in summæ gratia atque fauoris significationem; vt illo & Deus ipse coleretur, & sacrificia illi offerrentur. Vide Leuit. 9. 24. Apparuitque gloria Domini omni multitudini, & ecce egressus ignis à Domino deuorauit holocaustum & adipem, qui erant super altari. Atque ille ignis semper in altari asseruatus fuit; & idcirco Deus in Nadab & Abiud seuerissimè animaduertit; quia ignem alienum imposuerunt thuribulis; vt habetur Leuit. 10. in principio, de quo agit Ribera lib. 4. de sacrificijs, cap. 2. num. 6. & 7.

Hic verò ignis fuit in profundo & sicco absconditus, cum populus ductus fuit captiuus, vt habetur 2. Machab. c. 1. 19. & iterum ingenti miraculo est accensus post reditum è captiuitate. Quod anniterfaria gratulatione celebratum est; atque hæc celebras dies ignis appellabatur. Ex quibus apparet altaris ignem esse idoneum valde symbolum ad religionis siue Spiritus sancti ignem significandum. Atque ita dubitandum non est, quin prunas ignis altaris in terram spargere; sit terram accendere illo igne, quem Christus venit mittere in terram. Atque hic est proprius sensus prunarum ignis, quæ in terram immisæ sunt, Apoc. 8. 5. Nec dubitatis, opinor, est sensus illius visionis, quam refert Ezechiel cap. 10. 2. vt videbimus Apoc. 8.

10. Et cum alijs communicatio, & integritas.

11. Luce, caloris & vis in eo coniunctio.

12. Contrarij eius effectus.

13. Plura liquefaciendo vnit.

14. Aquam sibi aduersariam calefacit.

15. Precipua eius efficacia sursum.

16. Multiplex in effectibus.

17. Vestigium in eo mysterij Trinitatis.

Ignis altaris holocausti mystica significatio.

1. Ignis proprius, & symbolica significatio.

1. Ignis efficacitas.

2. Ignis & hostis terribilis, & amicus beneficentia.

3. Ignis lux, & eius utilitas.

4. Ignis & in diuinitas, & in elatus vultus.

5. Ignis altitudo.

6. Ignis virtus in venis filicis delitescens.

7. Ignis in tenebris præcipue fulgens.

8. Claritas ignis.

9. Ignis cetera metalla purificans.



## C O M M E N T A R I V S.

Varia ex-  
positiones  
de voce  
aquarum  
multarum.

**E**T VOX ILLIVS TANQVAM VOX AQUARVM MULTARVM.] Variæ sunt huius loci expositiones. Prima interpretatur de prædicatione Euangelij in toto orbe terrarum. Ita Ticonius, Gregorius Ezechielis 1. Haymo, Ioachim, Seraphinus, Zegerus, Iacobus Suarez atque Pererius. Atq; in hac declaratione animaduertunt optimè coherere, vt qui prius loquebatur voce tubæ cum Iudaico populo, postea voce aquarum multarum cum toto orbe loqueretur: quia *aqua multe sunt populi multi*. Ad hanc etiam primam expositionem reduci potest Andrea & Areta explicatio; qui hac voce Christi effectum esse aiunt, vt torrentes aquæ viæ per terrarum orbem personarent.

Secunda expositio est, hac voce indicari omnes orbis nationes Christi fidem esse professuras. Ita exponit Hieronymus Ezechielis 43.2. atque asserit, sic explicasse Ioannem in Apocalypsi, dum docet aquas multas esse populos multos; atq; aded sensus videtur esse voce Christi loquuturas fuisse omnes gentes. Idem sequuntur Primasius, Ambrosius, Beda, Glossa, Anselmus, Richardus, Rupertus, Dionysius, Pannonius, Albertus.

Tertia expositio est de Baptismo. Ita exponunt Victorinus & Primasius.

Quarta de concordia Scripturarum, quæ sunt veluti flumina multa. Tenent Rupertus, Ioachim, Pererius. Qui etiam philosophantur in mysticis effectibus aquæ; qui sunt, à vitijs eluere animas, fecundare, &c. quod etiam persequitur Thomas Anglicus.

Quinta explicat de magna auctoritate & virtute Christi loquentis. Ita Lyra, cui consonat Serranus explicans de efficacia doctrinæ.

Sexta de voce terribili Christi in die iudicij. Hanc tenet Ribera.

Septima de cælestis virtutis cursu varijs modis in naturam humanam influente. Sic Arias Montanus.

Varia inter-  
pretatio.

Nostri tamen expositio est de persecutione Romani Imperij, vt suprâ vidimus, comparantes vocem tubæ cum voce aquarum multarum. Et negari non potest, quin vocem aquarum multarum pro conspiratione multarum gentium ad bellum Dei populo inferendum, vsurpauerint Isaias & Ieremias. Valde autem coheret, vt Ioannes in Apocalypsi eodem modo vsurper vocem aquarum multarum, sicut à Prophetis vsurpatur. Atque hic sensus aptissimus est huic loco. Hæc enim figura, quæ primò Ioanni apparuit, prologum Apocalypseos agit, cuius argumentum reducitur ad ad illa duo bella populo Christiano illata, alterum à Iudæis, alterum à Gentibus. Quod verò hæ voces Christo tribuantur, significanter satis factum fuit; vt indicetur per duo illa verba Christianam Ecclesiam à Christo & ab ipsius Spiritu, veram Apocalypseos philosophiam edoctam fuisse; sed de hoc diximus latius suprâ, vbi de voce tubæ.

Observandum præterea est id, quod Ioannes postea cap. 17. 15. ait, *Aqua multe sunt & gentes & lingua*; non tam in eo niti, quod multe aquæ aptè ex se significant populorum ac nationum multitudinem; quam quod maris procellosi fremitus, idoneum sit symbolum maximi strepitus, & confusi murmuris editi ab eo exercitu, in quo multe ac variæ gentes ad idem bellum confluunt. Atque hoc modo congruenter dicitur, *Aqua multe sunt populi multi*; id est, aquæ multe frementes & fluctus suos eleuantes, representant fremitum & concursionem exercitus ex multis gentibus & linguis conflati, quæ simul in eundem populum defæuiant. Sed de hoc dicemus latius cap. 17.

Hic solum addo, hanc eandem significationem exercitus ex confusa populorum multitudine coaliti, & aduersus Dei populum frementis (quæ expressa est in Isaiâ cap. 17. 12. & in Ieremia cap. 50. 42.) hanc inquam, esse eandem significationem vocis aquarum multarum, Ezech. 1. 24. *Audiebam sonum alarum, quasi sonum aquarum multarum*, & cap. 43. 2. *Vox erat ei, quasi vox aquarum multarum*. (LXX. quasi vox castrorum.) Propria enim significatio illius currus, quem vidit Ezechiel, erat Deum ad vastandam Ierosolymam pergere, & Babyloniorum exercitum ad vrbis excidium ducere. Quare currus ille bellicus erat; fit enim in eo allusio ad veterum principum morem in populi alicuius vastationem proficiscentium; moris enim erat, principes falcatis curribus ad bellum prodire. Quod autem ea sit genuina significatio currus Ezechielis, aperte constat ex eiusdem Ezechielis cap. 43. 3. *Et vidi visionem secundum speciem, quam videram iuxta fluvium Chobar, quando venit, vt disperderet civitatem*. Hoc supposito, apprime conuenit, vt audierit Ezechiel sonum alarum, quasi sonum aquarum multarum. Vastitas enim Ierosolymæ inferenda erat per Babyloniorum exercitum, qui ex multis gentibus & linguis erat conflatus; atque hic est sonus ille aquarum multarum. Quod verò additur, strepitum illum animalium alis esse editum; indicat totum illum belli apparatus, quem Nabuchodonosor conuectabat, esse quasi instrumentum, quo Diuinæ providentiæ currus utebatur ad Ierosolymæ vastationem. Deus enim erat præcipuus illius belli dux.

**E**T HABEBAT IN DEXTERA SVA STELLAS SEPTEM]. Mira est in hominibus ingeniorum diuersitas. Hic enim textus ipse expressè distinguit candelabra ab stellis; atque ait, candelabra septem, esse septem Asiæ Ecclesias; stellæ verò septem, esse angelos illarum septem Ecclesiarum. Ac ne in angelorum nomine error nobis obreperet, singulos illos septem seorsum describit: atq; eorum & virtutes commendat, & vitia reprehendit, & peccantes ad pœnitentiam hortatur. Ex quo euentissimum est, sermonem esse cum Episcopis illarum Ecclesiarum. Neque nouum est in sacra Scriptura ministros Dei appellari angelos. Nihilominus tamen ex auctoribus multi serio affirmarunt candelabra atque stellæ idem esse in præsentia; & per hos septem angelos Ecclesias ipsas significari. Ita Victorinus, Ticonius, Ambrosius, Haymo, Beda; & quod magis miror, Augustinus in regulis Ticonij lib. 3. de doctr. Christ. cap. 30. videtur dicere, obscurissimum esse ap. septem angeli sint Ecclesiæ ipsæ. Alij concessâ inter angelos & Ecclesias distinctione, hos septem angelos de spiritibus cælestibus exponunt. Quæ interpretatio grauissimos habet auctores, Origenem homil. 20. in

Verf. 16.

Varia de  
septem stel-  
lis sententia



A Num. Ambrosium lib. 2. in Luc. cap. 2. & epist. 21. Hieron. Matth. 18. & Michea 6. Hilarius Ps. 124. Pro eadem citat Aretas Nazianzenus & merito. Quia id expresse asserit Nazianzenus orat. 32. coram CL. Episcopis, & ait, se id à Ioanne doceri: & Andreas videtur citare Epiphanium & Irenæum. Neque solum hæc opinio antiquos habet patronos; sed eam etiam nostris temporibus sequuti sunt Maldonatus Matth. 18. n. 10. & Arias Montanus Zacharia 4. 2. vbi de septē lucernis; *Stella* (inquit) *in dextera Christi constituta significant celestes spiritus certis ordinibus distinctos, in ministerium Ecclesie deputatos.*

Alij in his septem stellis & angelis putant denotari septiformem Dei spiritum; & videntur intelligere de septem Spiritus sancti donis: quam explicationem amplectitur Victorinus, Seraphinus, Caponfachijs, & Arias Montanus in præsentī, & cap. 2. in principio; vbi ait has septem stellas esse septem spiritus in Diuina essentia constantes. Appellat autem ipse Diuinam essentiam, illam, quam Paulus vocat *nouam creaturam*.

B His annumerari possunt duæ aliæ singulares expositiones: quarum altera est Andreæ, qui septem stellas in dextera Christi exponit de totius vniuersi gubernatione, quæ in Christi manu est: altera Ioachimi, qui somniat in his septem stellis respici ad septem viros singulos ex singulis mundi ætatibus selectos; nempe ad Adamum, Noachum, Abrahamum, Moysen, Dauidem, Ioannem Baptistam, & in tempore Antichristi Eliam.

C Verum enim verò textus ipse meo iudicio ita clarè atque distincte exprimit per has septem stellas significari septem Ecclesiarum Asiæ Episcopos; vt minimè assequar, quæ possit probabilitas alicui ex ceteris expositionibus remanere. Si interpretum solum auctoritatis ratio haberetur; licet pro nobis Ambrosium, Richardum, Glossam, Albertum, Lyrannum, Thomam, Riberam, & communem sententiam habeamus; fateor tamen grauiores auctores Origenis expositioni adstipulari. Ceterum textus ipse nos cogit, vt tam eam, quàm reliquas à textu discedentes relinquamus. Neque video quid non solum in doctrina, sed etiam in phrasi & modo loquendi, occurrerit difficile in plana & communi expositione; vt propterea oportuerit aliam interpretationē excogitare. Etenim Dei ministros angelorum nomine appellari, notum est esse receptam sacræ Scripturæ phrasim. Nam Ioanni Baptiste angeli nomen tribuitur Malachiæ 3. 1. nec dubitare licet, an ibi sit sermo de Ioanne Baptista; cum expresse Christus dixerit, *Ipse est enim de quo scriptum est.* Matth. 11. 10. & Luc. 7. 27. Quin etiam ipsi Christo angeli nomen tribuitur in eodem Malachiæ loco, paulò infra. Neque solum hominibus, sed rebus etiam rationis expertibus, quæ Deo ministrant, tribuit sacra Scriptura angelorum nomen; vt videbimus, cap. 8. Apoc. Stellarum verò symbolum aptissimè ijs congruere, ad quos ex proprio munere spectat multos ad iustitiam erudire, expressum erat Danielis 12. 3. Quare mirari satis non possum, quæ fuerit ratio, cur ab expressa in ipso textu expositione tot auctores recefferint.

D Sed ijs omiſſis, in ipsa communi & certa interpretatione, quædam nobis obseruanda sunt. Atque in primis, septem stellas, quas nonnulli in vola manus considerant, aut in modum coronæ super extremos digitos, multò conuenientius existimo veluti gemmas in annulis infixas considerare; atque aded in ipsius manus digitis. Et quidem, esto earum figuræ stellas fulgentissimas referant; quid tamen prohibet septem stellas in annulis aptatas, vt gemmas, considerare? Imò verò non solum sic concipi possunt, sed id etiam contextus exigit. Ratio enim ipsa cogit, vt cogitatio accommodetur rei, de qua est sermo. Verbi gratia, in cap. 4. vbi ad templum Salomonis alluditur; cum mare vitreum legimus, omnino cogitandum est mare illud vitreum simili mari æneo, sed ex vitro. Cap. verò 15. vbi ad egressum filiorum Israel ex Ægypto per mare rubrum respicitur, quamuis similiter legamus mare vitreum, videtur necessariò cogitandum ipsum mare rubrum congelatum, vt vitri speciem referat. Cum ergo in præsentī legamus stellas in dextera; quid aptius, quàm eas gemmarum instar in annulis fixas considerare? Confirmatur hoc, si obseruetur gemmas ipsas, quæ in annulis collocari solent, vt denotetur eas esse optimas atque fulgentes, congruenter stellas appellari. Sic loquitur Virgilius Æneidos 4.

— *Stellatus iaspide fuluo*

*Ensis erat.* — Quod Iuuenalis Satyra 5. explicat de gemmis.

*Nam vitro, vt multi, gemmas ad pocula transfert*

*A digitis, quas in vagina fronte solebat*

*Ponere zelotypo iuuenis prælatus Hiarba, id est, Æneas.*

Neque abs re est, quod refert Rhodiginus, lib. 6. c. 12. Scribit Damis, sapientum Indorum principem Iarcham tam scitè tamque doctè annulos septem compegiſſe, qui & stellarum septem nominibus essent præsignes; vt Apollonium Tyanæum dono acceptos singulis diebus singulos iuxta dierum nomina eis distinguentem, gestaſſe proditum sit. Quæ etiam narrat Philastrius lib. 3. cap. 13.

E Ad picturam porrò; si pingitur Christus dexteram super Ioannem porrigens, optimè conspiciuntur septem annuli cum totidem gemmis siue stellis. Vbi verò semel statuamus, sermonem esse de gemmis in Christi annulis infixis; considerari etiam potest in singulis gemmis stemma aliquod siue insigne inſculptum; verbi gratia crux (quæ signum est Dei viui, vt videbimus cap. 7.) aut etiam quatuor animalia; quæ sunt Diuinæ prouidentia quasi sigillum. Nec verò hoc esset perperam, & si ne fundamento fingere; sed potiùs antiquitatis vsum sectari: veteres enim, vt constat, annulorum gemmis pro sigillis utebantur: neque vlla erat gemma, quæ figurâ aliquâ, seu charactere non esset insignita; aliter enim in annulis non collocabantur. Vide Esther 3. 10.

Quod si sermo est de maximo honore, quo Christus Episcopos dignatur; optimum est summæ dignitatis symbolum, Christi esse annulum, aut ipsius annuli gemmam; vt multis ex locis facile intelligitur, Ieremiæ 22. 24. *Si fuerit Iechonias annulus in dextera mea.* Ecclesiastici 43. 13. *Zorobabel quasi signum in dextera manu; sic & Iesus filius Iosedec.* Aggæi 2. 24. *Ponam te quasi signaculum.* Quibus si addatur, gemmam esse aded conspicuam & collucentem, vt stellarum splendorem referat; manifestum est comparationi eidem adijci splendorem & energiam.

*Aliorum opinionibus reſectis, vera ſententia ſtatuitur.*

*Per stellas septem, totidem Asiæ Episcopos figurari.*

*Septem stellas rectius vt annulorum gemmas considerare.*

*Septem annuli mirè ab Hiarba principe compacti.*

*Veteres annulorum gemmis pro sigillis fuiſſe uſos.*



Quid sit,  
septem stel-  
las in manu  
Christi esse  
positas.

Stellarum  
symbolum  
ad quos iis  
possit ex-  
tendi.

Cur septem  
stellæ in  
Christi dex-  
tera.

Applicatio  
septem stel-  
larum ad  
septem pla-  
netas.

Stellarum  
symbolum  
ad omnes  
etiam Evan-  
gelicos con-  
cionatores  
posse ac-  
comodari.

Quando  
stellarum  
symbolum  
Apostolis  
tribuit  
Apocaly-  
psis.

His præmissis, cum vox aquarum multarum repræsentet (vt iam vidimus) persecutionem, quam Romanum Imperium aduersus Ecclesiam excitauit; obseruandum est id, quod post vocem aquarum multarum sequitur, significare debere quod subsequutum fuit post Imperij Romani persecutionem. Quare in hac Episcoporum cum stellis comparatione denotatur, grauissimâ Romani Imperij persecutione, fidelium Episcoporum, qui Euangelium promulgabant, dignitatem ac celsitudinem mundo probatam & spectatam fuisse. Facile enim agnoscebatur, inter ingentis persecutionis procellas Episcopos strenuè suo munere fungi & cælestis doctrinæ lucem terris impertiri; neq; Gentilitatis tenebras posse doctrinæ Euangelicæ impedimento esse. Quemadmodum stellis noctis obscuritas non obstat, quo minus suum lumen diffundant: sed potius in ipsa caligine stellæ magis effulgent. Stellarum etiam comparatio idonea est ad significandum quantum effulsit in Euangelij prædicatoribus vitæ atque doctrinæ celsitas. Quam ne minimum quidem lædere aut perstringere videbantur aduersariorum machinæ; siquidem non idè vel minimum latebat. Nam vt rectè Augustinus lib. 1. de sermone Domini in monte cap. 6. tom. 4. *Calcari non potest nisi inferior: sed inferior non est, qui quamuis corpore multa in terra sustineat, corde tamen fixus in calo est.*

Quod autem de septem illis Episcopis dicitur, ad quos Apocalypsis primò erat mittenda; perspicuum est, eadem ratione posse etiam de ceteris Euangelicis concionatoribus intelligi; ex quorum prædicatione ad Gentes, rectè consideratur Christianam Ecclesiam fuisse veluti cælum stellis ornatum, quod vniuersum terrarum orbem illuminabat. Id quod Paulus significat, Philip. 2. 15. *In medio nationis praua & peruersa lucetis, sicut luminaria in mundo.* Dum autem Euangelium Iudaico solum populo promulgabatur; prædicatorum non ita aptè videbantur stellarum vicem gerere; quandoquidem non vniuersum orbem illuminabant. Verùm postquam Euangelij lux in Gentes, atque adè in totum terrarum orbem penetrauit, verissime illis hoc stellarum symbolum quadravit; & in ijs fuit omnino impletum, quod Danielis verbis exprimitur cap. 12. 3. *Qui ad iustitiam erudiunt multos, (id est, omnes Gentes) tanquam stellæ in perpetuas æternitates.*

Atque (vt hic nonnulli ex Ruperto adnotarunt) non obstat, aliquem ob sua scelera, stellæ symbolo & appellatione esse indignum; eidem tamen propter excellens munus, quo fungitur, alios suis concionibus illustrando, stellæ symbolum deberi. Quare nonnullos ex illis septem Episcopis acriter obiurgat Christus ob eorum peccata; ob sui tamen muneris dignitatem, rectè illos stellarum nomine repræsentat. Quod nos omnes debet impellere, vt ipsos veneremur ac suspiciamus; & Deum per homines nos illuminantem admiremur.

Collocantur autem hæ stellæ in Christi dextera, vt indicetur in Episcoporum & Euangelij prædicatorum munere, Christi dexteram, id est, eius virtutem ac sapientiam excellere & eminere; eosq; à Christo in pretio & honore haberi, vt dexterae annulos seu gemmas. Si verò concedatur gemmas has & stellas, Christi charactere esse insignitas, hoc etiam designabit, Christianorum Episcoporum potestatem in toto orbe excellere; atque ipsis vt Ecclesiæ principibus in hominum animas virtutem & imperium à Deo concedi; suæ item dignitatis characterem ad dimittenda peccata & Christi corpus rite consecrandum; & demum ad opera excellentia ac planè diuina, quemadmodum regis sigillum ad rem quantumvis difficillimam præstandam potens est veluti regis instrumentum.

Iuxta hæc, quæ diximus, non opus est, vt in his septem stellis peculiariter septem planetæ considerentur. Sed fortè in hac ipsa ad planetas allusione peculiaris est significationis elegantia: non quidem vt denotetur septem planetas in Christi manu esse (hoc enim exiguum est, & ab huius loci sensu alienum) sed vt significetur discrimen, quod inter Episcopos Asiæ erat. Smyrnenlis enim se habebat veluti Sol, qui omnia sua virtute superat: Philadelphiensis, vt Iupiter ob prosperam valde & felicem fortunam; Sardensis, vt Mars propter audaciam; Laodicensis, vt Saturnus, ratione ignauitæ atque pigritiæ; Ephesinus, vt Mercurius; quia licet prudens erat, tamen remissi ardoris: Pergamenus, vt Luna, propter morum inæqualitatem: Thyatirensis denique vt Venus, ob imprudentem feruorem. Hæc accommodatio atque distinctio plenius intelligitur, postquam de septem conscientiarum differentiis singillatim loquemur; quæ omnes in ijs septem Episcopis exprimuntur. Atque idem etiam discrimen inter alios Ecclesiarum Episcopos fere reperitur; licet Christi sit intentio, vt omnes solis instar effulgeant.

Quamuis autem stellarum symbolum speciatim Episcopis destinetur; quia ad ipsos potissimum spectat Euangelij promulgandi munus: non tamen dubium est, quin hic splendor & gloria mysticarum stellarum ceteros etiam Euangelij prædicatorum contingat, licet Episcopali dignitate non fungantur, vt B. Dominicum, B. Franciscum Xauerium; atque alios id genus. Quare Ecclesiæ stellarum numerus, insignium Episcoporum numero minimè circumscribitur. Nam vt rectè notauit Haymo, huiusmodi stellæ non Episcopos modò significant, sed etiam generatim quoscunque insignes Euangelij prædicatorum.

Hanc insuper gloriam & dignitatem Episcopi & ceteri concionatores Euangelij ab Apostolis hæreditario iure acceperunt; ad quos scilicet Apostolos potiori iure attinet, mystici cæli stellas fuisse. Quamobrem Ecclesiæ corona ex duodecim stellis constat (Apoc. 12.) illi enim sunt præcipuum Ecclesiæ decus & ornamentum. Enim verò ipsis Apostolis non prius stellarum nomen tribuit Apocalypsis, quàm Euangelij lucem in Gentes inuherent. Atque ita cap. 12. depingitur mulier, quæ Euangelium ad Gentilitatem asportat post Iudaici populi reprobationem, quæ præcedenti cap. 11. fuerat repræsentata. Atque id ipsum, quod in ea duodecim stellarum corona significatur (id est, Euangelij prædicatio ad omnes Gentes;) indicatur postea cap. 14. sub specie musicæ suauissimæ. Et prædicatorum numerus, qui antea ad XII. Apostolos fuerat contractus, laxatur deinceps & extenditur ad 144. millia, singuli nempe ex Apostolis, validissimi exercitus ex duodecim militum milibus coacti, duces constituuntur; vt sic omnes acerrimum idololatriæ bellum indicerent. Qui 144000. stellæ sunt: Apostoli tamen (quibus maiori iure hæc ratio conuenit) meritò stellæ primæ magnitudinis possunt appellari. In cælo hoc corporeo, quod sub oculorum cadit aspectum, a-



A  
astrologi præter mille & viginti tres stellas, inueniunt omnino nullas, quæ dignosci ac distingui possint: at in mysticis cælis, in ijs (inquam) qui enarrant gloriam Dei, Ps. 18. 1. multò maior, absq; vlla comparatione, stellarum numerus inest. Neque solum est magnæ excellentiæ promissio, quæ Abrahamo fuit facta, ipsius nempe genus vt cæli stellas fore; sed etiam promissio fuit ingentis multitudinis filiorum præstantissimorum, quæ Christi fidem & Euangelium prædicantes, excellentes fuerant, per fidem, Abrahami filij futuri.

B  
Obseruandum porro est, pollicitationem illam, qua Abrahamo asseueratum fuit ipsius prolem vt cæli stellas futuram, esse diuersam ab ea, qua certior fuerat factus de innumerabili suorum posteritate. Nam Genesios 13. 16. dictum illi fuerat à Deo, *Faciam semen tuum sicut puluerem terræ.* Et postea cap. 15. num. 5. rursus ad illum Deus, *Suspice (inquit) cælum, & numera stellas, si potes, sic erit semen tuum.* Si de numero solum filiorum vtrobique sermo esset; multo maior erat prima promissio. Etenim quantunvis stellæ cæli sint plurimæ, perspicuum est puluerem terræ esse multò numerosiore. Quare manifestè apparet, priorem promissionem agere de Abrahami posterorum numero; secundam de numero eorum, qui insignes & excellentes fuerant extituri. Quod si vtrumque in sensu spirituali intelligatur; in Abrahami gloriam multò maiorem, & Deo digniorem promissionem redundat.

Abrahamo  
duplicem à  
Deo promissionem de  
posteritate  
esse factam.

C  
[ET DE ORE EIUS GLADIUS VTRAQUE PARTE ACUTUS EXIBAT.] Hunc gladium ex Christi ore prodeuntem de seueritate in proferenda sententia, vel etiam de ipso improborum supplicio interpretantur Andreas, Aretas, Rupertus, Beda, Albertus Magnus, Ioachimus, Abbas, Antonius, Lyranus, Seraphinus, Caponsachius, Serranus, & Ribera; qui putat se probare hanc expositionem ex capite 2. & 19. & forsan facit pro hac interpretatione quod refert Ioannes Bohemus de Gentili ritu, vbi de Asia; principem scilicet cum primum regni diadema accipiebat, dicere solitum, *Oris mei sermo de cetero gladius meus erit.*

De gladio  
ex ore prodeunte  
aliorum  
placita.

Alij gladium ex ore prodeuntem de doctrina exponunt; vt Tertullianus, Victorinus, Ticonius, Primasius, Haymo, Anselmus, Albertus, Thomas. Et plerique eorum, quod anceps sit gladius, exponunt propter duo testamenta.

Nonnulli satius esse putant vtrumque sensum amplecti; vt Pannonius, Zegerus, Iacobus Suarez. Imò vero Andreas etiam vtrumque sensum ponit. Nec non Aretas partim in præsentia, & partim epistola 3. vbi de rhomphæa, & similiter Arias Montanus.

Singularis est Ambrosij explicatio, qui exponit de electis in fine mundi contra Antichristum pugnaturis.

D  
Mihi tamen certissimum est, sermonem esse de gladio spiritus, quod est verbum Dei, de quo Paulus ad Ephes. 6. 17. & ad Heb. 4. 12. *Vnus est sermo Dei & efficax, & penetrabilior omni gladio ancipiti, & pertingens vsque ad diuisionem animæ ac spiritus, compagum quoque ac medullarum, &c.* Hoc mihi persuadeo, primò quia contextus nullum alium sensum admittit. Antecedit enim stellarum splendor, qui significat doctrinæ Evangelicæ lucem, quam Episcopi & Euangelij promulgatores Gentibus impertiebantur. Huic verò prædicationi omnino adiungenda erat sermonis vis & efficacia in animarum conuersione. Ad quam eandem efficacitatem docet nos Paulus aptissimum esse symbolum gladium Spiritus. Atque hic ipse est gladius, de quo Ps. 149. 6. *Gladij ancipites in manibus eorum. Ad faciendam vindictam in nationibus, increpationes in populis, &c. Gloria hac est omnibus Sanctis eius.* Manifestum autem est, Sanctorum gloriam non in eo sitam esse, vt ferreis gladijs in suos hostes strages edant, vel vt seueritate supplicij in eos animaduertant: esse tamen illis gloriosissimam mundi conuersionem, quæ gladio & efficacia Diuini verbi facta fuit.

Gladium  
esse gladiū  
spiritus  
quod est  
verbum  
Dei; verior  
sententia.

E  
Deinde in prima hac visione (totius Apocalypseos prologo) illud potissimum attenditur, quod postea in reliquo libro representandum est. Quare dubium non est, quin gladius anceps eundem sit sensum hic habiturus, atque cap. 19. 15. *De ore eius procedit gladius acutus.* Vbi Christus apparuit in equo albo sedens, ingenti equitum exercitu stipatus, vt prælium committeret cum hostibus. Exitus verò fuit, aduersarios omnes Christi gladio fuisse occisos, *Apprehensa est bestia & pseudopropheta: vivi hi duo missi sunt in stagnum ignis: & ceteri occisi sunt in gladio sedentis super equum, qui procedit de ore ipsius.* Quo in loco (vt ibidem videbimus) certum est sermonem esse de totius Romani Imperij ad Christi fidem conuersione: in qua homines peccato & idololatriæ mortui sunt; atque huius mortis siue occisionis proprium fuit instrumentum diuini verbi gladius, qui procedit ex ore Christi. Hunc nobis sensum veriore reddidit filum & consequentia Apocalypseos: & (vt notat. XXIV. & XXV. prolegomenon vidimus) licet huiusmodi sensus valde mysticus videatur; elegantissimus tamen est, & sacræ Scripturæ dignissimus. Quamobrem (vt mea fert opinio) dubitari non potest, propriam significationem huius gladij ex Christi ore procedentis esse diuini verbi virtutem & efficacitatem in mundi conuersione.

Quibus animaduersis facile intellectu est, cur gladius anceps esse fingatur; videlicet vt ea ratione significetur gladium ita facilius & efficacius ad intima penetrare. Pro cuius intelligentia aduertendum est discrimen, quod Lilius lib. 22. inter Gallos & Hispanos assignat, qui locus est ex Polybio exscriptus, Vterque igitur asserit Hispanorum esse in prælijs consuetudinem, punctim petere hostem; Gallorum verò cæsim ferire. Et eandem differentiam Polybius ipse constituit inter Romanos & Gallos. Hinc est vt Hispanis opus sit gladio ancipiti; Gallis autem ad eam pugnandi, quam olim habebant, consuetudinem, non item. Vt ergo denotetur diuini verbi gladium corda transfigere, nihil potuit significantius excogitari, quam gladius anceps; quia qui punctim non feriunt, non illis opus est gladio ancipiti: sed eiusmodi quo Turcæ vtuntur (*Cimmarra*, vocant) At ad punctim petendum hostem, & cor perietrandum, gladius anceps necessarius est. Quod & Diuus Paulus ponderauit, agens de Dei verbo, *Penetrabilior (ait) omni gladio ancipiti.*

Cur gladius  
anceps esse  
fingatur.



Qualis de-  
beat esse  
gladij ex  
Christi ore  
prodeuntis  
pictura.

De vultus  
claritate,  
quid alij  
senserint.

Vera vultus  
claritatis  
significatio  
ex ipso con-  
textu pro-  
batur.

Cur Christi  
vultus ful-  
gere dica-  
tur.

Num totum  
Christi cor-  
pus, an sola  
facies efful-  
serit.

Qua ra-  
tione sit cõ-  
siderandus  
hic vultus  
splendor.

Hic est haud dubie legitimus sensus. Pictura autem erit exigui pugionis aut sicæ ex ore prodē-  
untis, quæ satis sit ad symbolum. Manifestum est autem, cuspidem aduersam esse debere, non auer-  
sam, vt denotetur, Christum oris sui gladio aduersus hostes bellum gerere. Quod autem in ore  
Christi gladius apponatur, magnam habet energiam; Spiritus enim Christi est, qui huic gladio vim  
& robur addit. Atque ita cap. 19. ponderatur, licet multi sint in Christi exercitu milites, mysticam  
tamen animorum occisionem, quæ ipsis veram afferat vitam, rem esse quæ proprie ipsius Christi  
gladio conficienda sit. Quo illud vel maximè nobis significatur, hominum industriam, & prædi-  
catorum quantumvis strenuorum solertiam, efficaces ex se non esse ad hoc egregium facinus, quod  
in peccatorum conuersione elucet; atque aded tanti operis decus & gloriam in ipsum Christum  
cedere, à quo mystica illa cædes fit. Veruntamen licet hæc ita sint; vt tamen Christus suis militibus  
honorem tribuat, & suæ gloriæ efficiat participes; asseritur alijs in locis, se illis oris sui gladium in  
manus tradere, atque illos esse qui animas ad Christum conuertunt. Christus enim illis vt instru-  
mentis vtitur, atq; eos vult honore ornare, & mundi conuersionis gloriam cum ipsis cõmunicare.

ET FACIES EIVS SICVT SOL LVCEAT IN VIRTUTE SVA.] In huius claritatis explicatione  
varij sunt interpretes. Ac primò Ticonius, Primasius, & Albertus Christum, qua homo est, hîc  
comparant soli; quia natus est, & passus, & resurrexit; sicut sol oritur, occidit, & rursus oritur.  
Secundò, Andreas, Aretas, Lyranus, & Zegerus aiunt Christum cum sole conferri; quia ipse est  
spiritualis hominum lux. Tertiò, Beda, Richardus, & Ribera exponunt de ipsa corporea claritate,  
qua fulget nunc Christus in celo, & qua amictus in iudicio apparebit. Verùm hæc explicationes  
abs re videntur esse. Quia hæc prima visio (vt supra ostendimus) non describit qualis sit Christus  
in se ipso, sed quàm mirabilis in sanctis suis. Quartò ergo, Anselmus, Interlinealis, Thomas &  
Arias, de claritate gratiæ interpretantur, qua iusti omnes in hac vita fruuntur. Quintò, Ioachimus  
singulariter exponit de magna claritate, quæ in sexta ætate fruitura est Ecclesia. Et contendit  
etiam faciem Moïsi, quæ cornuta apparuit, similem fuisse Lunæ; ac faciem Christi similem soli.  
Quo in discrimine philosophatur vt solet. Sextò, Antonius exponit de mysteriorum nostræ fidei  
fulgore. Septimò, Seraphinus de miro ipsius Apocalypseos splendore explicat, in quo mentes hu-  
manæ caligant. Octauò denique, Ticonius, Ambrosius, Haymo, Rupertus, Albertus, Pannonius,  
Suarez, Pererius, & communis exponunt de claritate beatorum post resurrectionem.

Ceterum pro nostra explicatione aduertendum est primò, in voce aquarum multarum, in stel-  
larum splendore, & in oris gladio per ordinem fuisse significatas Imperij Romani persecutionem,  
Euangelij prædicatorum constantiam, & diuini verbi in mundi conuersione efficacitatem, & con-  
gruens ordo exposcere videbatur, vt tribus his rebus consequenter annecteretur admirabilis Ro-  
manæ Ecclesiæ splendor & gloria post Imperij conuersionem. Hæc igitur gloria Rom. Ecclesiæ est,  
mea sententiâ, proprius & legitimus sensus huius claritatis atq; fulgoris, qui ex Christi vultu prodit.

Secundò aduertendum est, ad hanc significationem valde conueniens symbolum esse clarita-  
tem vultus Christi. Idem enim est fulgere ipsius vultum, ac caput fulgere. In hoc autem mystico  
Christi corpore, Romana Ecclesia, respectu aliarum Ecclesiarum, caput est. Et quidem facile  
cernitur, ingentem gloriam & maiestatem aptissimè magnæ claritatis symbolo denotari.

Tertiò aduertendum, multa in Romanæ Ecclesiæ gloria comprehendi; atque ea omnia huius  
claritatis symbolo conuenienter exprimi. Scilicet religionis decus, imperij maiestatem, Docto-  
rum sapientiæ claritatem, Religionum regularium institutionem; & quidquid denique ad  
Ecclesiæ Romanæ magnitudinem atque præstantiam attinet: quæ de re multi extant libri sapienter  
scripti.

Quartò aduertendum, in hoc symbolo manifestè alludi ad Christi transfigurationem, de qua  
Matthæi 17. 2. *Replenduit facies eius sicut Sol.* Et Lucæ 9. 29. *Species vultus eius altera.* Et tam in hoc sym-  
bolo, quàm in transfigurationis historia occurrit quæstio, vtrum totum Christi corpus effulserit  
sicut sol, aut solum vultus? In qua difficultate alij dicent vniversum Christi corpus æqualiter  
resplenduisse: sed vultum idè ab Euangelistis præsertim fuisse expressum, quia patens erat &  
apertus, ac ceteris corporis partibus superior; vt quod de illo dicebatur, de reliquis corporis par-  
tibus dicendum esse putaretur. Alij dicent narrationi Euangelicæ conformius esse affirmare, faciẽ  
esse, quæ potissimum splenduit; atque inde ad totum corpus splendorem non quidem ita magnum  
dimanasse. Sed quidquid de hac quæstione sit, transfigurationis splendor ingenti non caruit myste-  
rio: atq; in eo Christus indicare voluit, crucis dedecus & confusionem in maximum fuisse decus ac  
gloriam cõmutanda. Quocirca congruenter fuit factum, vt fulgor ille præsertim in capite & vultu  
emineret; qui locus pudoris ac verecundiæ esse solet. Iuxta illud Ps. 68. 8. *Operuit confusio faciem meam.*  
Et quemadmodum ignominia Ecclesiæ illata, tot ex ipsius filijs supplicijs, tormentis, ac morte a-  
cerbissimè propter Christi fidem mulctatis, Romæ magis, quàm in alia orbis parte visa est: ita etiam  
statuit Deus, vt Christianæ Ecclesiæ decus, maiestas ac gloria, Romæ præsertim, vt in mystici huius  
corporis capite, eminent: atque inde ad reliquum Ecclesiæ corpus deriuarentur.

Quintò notandum, perspicuum videri, Ioannem non vbi primùm caput ac vultum conuertit  
ad videndum eum, qui per vocem tubæ eum compellabat, protinus Christi vultum solis instar ful-  
gentem aspexisse. Prius enim ipsius oculos vidit, vt flammæ ignis. Quod si tunc facies Christi  
vt sol effulgeret; oculorum flammæ conspici ac distingui præ ingenti totius vultus claritate non  
possent. Etenim si solem oculis constare fingeremus, in eo certè neutiquam possemus dignoscere,  
an vt flammæ ignis splenderent: quia nimio solis ipsius splendore nostri perstringerentur ocu-  
li, quo minùs id distinguere & dignoscere possemus. Quamobrem multò conuenientius est intel-  
ligere, Ioannem vidisse primum oculos Christi flammantes, deinde vultum in solis splendorem  
commutari. Quod ad magnam mutationem & vicissitudinem, quæ in mundo subsequutura erat per  
Romæ & ipsius Imperij conuersionem, mirè deferuij; dum Ioannes in Christo aliam commuta-  
tionem aspexit illi similem, quam olim in monte Thabor viderat.



**A** Sextò, huic Christi vultus transfigurationi respondet postea in Apocal. cap. 18. i. terræ illuminatio, & quidquid cap. 19. & 20. dicitur de Christianæ Ecclesiæ gloria post idololatriam superatam. Vide etiam Ezechielis 43. 2. *Et terra splendebat à maiestate eius.*

Septimò, Ecclesiæ gloriam in Christi vultu & splendore exprimi, cohæret cum modo loquendi sacra Scripturæ; in qua Deum sui vultus claritatem & fulgorem ostendere, idem est, quod valde favere hominibus. Expende id Psal. 79. 4. 8. 20. *Ostende faciem tuam, & salvi erimus.* & Psalm. 62. 2. *Illuminet vultum suum super nos, & misereatur nostri.* Et Psal. 118. num. 135. *Faciem tuam illumina super servum tuum.* & Psal. 4. 7. *Signatum est super nos lumen vultus tui Domine.*

Octavò, in hac Ecclesiæ claritate comprehenditur etiam gloria, quæ ex idololatriæ expulsiōe in ipsam Ecclesiam refusa est. Hoc enim fuit ex orbe tenebras depellere: quemadmodum Sol exorientis noctis caliginem dissipat, & omnia sua luce complet; *Habitantibus in regione umbræ mortis lux orta est eis.* Isaia 9. 2.

**B** Nondò, hæc expositio de Ecclesiæ Romanæ splendore & gloria non excludit communem illum sensum de beatitudinis gloria & claritate. De utrâque enim gloria sermo est in Apoc. atque hæc, quam Deus Romanæ Ecclesiæ in terra largitus est, gloriam illam repræsentat, & quodammodo inchoat, quam in cælesti patria consequetur.

Denique si in Apocalypsi adeò ex professo agitur, vt postea videbimus, de Romanæ Ecclesiæ gloria; negari non potest, quin hæc eadem gloria attingenda fuerit in hac prima visione; quæ cum futura esset libri prologus, totius argumentum debebat comprehendere. Et ad aliquam huius Ecclesiæ gloriæ mentionem faciendam in hac prima visione, aptior locus seligi non potuit, quàm facies Christi, solis instar fulgentissimè splendens.

**C** **E**T CUM VIDISSEM EVM, CECIDI AD PEDES EIVS TANQVAM MORTVVS. ] Hunc Ioannis casum ad pedes filij hominis ad reuerentiam ac venerationem erga Christum referunt Andreas & Aretas; illum comparantes Iosue casui cap. 5. 14. vbi dicitur, *Cecidit Iosue pronus in terram adorans.* Similiter explicant Ambrosius; Glossa, Ioachim; & Pannonius. Ceterum aliud est sponte ad alicuius pedes venerationis ergò procidere; vt cecidit Iosue, & Ioannes corā Angelo cap. 19. 10. & cap. 22. 8. aliud verò est præ timore ac trepidatione corruere exanimatum. Atque hoc modo cecidit sine dubio Ioannes in hac visione; sicut Daniel cap. 10. 9. & discipuli in transfiguratione, Matth. 17. 6. Metus autem ac pavor fuere, qui Ioannem exanimarunt; sicut expressit Mattheus in transfiguratione, *Ceciderunt in faciem suam, & timuerunt valde.* Atq; hac ratione esse intelligendum in præsentia, notant Rupertus & Albertus: imò verò etiam Andreas & Aretas. Afferunt enim exemplū Danielis. Hæc est ergo literalis huius loci explicatio, vt constat ex ipso cōtextu, & præsertim ex illis verbis, *Noli timere.*

Nonnulli tamen minimè adhuc contenti literali hoc sensu ad mysticos alios desleunt. Atque alij dicunt in Ioanne Ecclesiam repræsentari, quæ coram Christi maiestate mysticè moritur per veteris Adami mortificationem. Ita Primasius, Haymo, Pannonius & Suarez. Alij contemplantur hunc Ioannis ad pedes Christi casum significare promptam & expeditam voluntatem vestigijs Christi insitendi, quanuis pro illo vitam profundere opus sit; quemadmodum & Christi pedes erant in camino. Ita Albertus & Thomas.

**D** Censeo tamen proprium sensum mysticum cum literali cohærere, & in eo fundari debere. Quare cum in literali sensu ingens metus & pavor Ioannem ad casum impulerint exanimatum; illud ad mysticum sensum congruentius aptatur, vt persecutionum & ærumnarū magnitudine & atrocitate perpensis, quæ per vocem aquarum multarum indicantur; humana fragilitas metuat, atq; animum despondeat, quasi tantum de Romano Imperio triumphum, & tam excellentē Ecclesiæ futuram gloriam vix credere sufficiat. Et cū hoc sensu illud etiam cohæret optimè, quod sequitur. Christus enim Ioannem erigit, fulcit ac roborat; atque illi ob oculos ponit suæ dexteræ vim ac potentiam, suæ resurrectionis exemplar, imperiumque ac dominatum, quem in mortem & infernum habet.

Præterea metus Ioannis & ipsius in terram lapsus possunt etiam congruenter denotare humanam imbecillitatem; quæ in medio persecutionum impetu ac furore periclitabatur. Et quidem multi vehementi illius procellæ vi compulsi lapsuri erant; alij vacillantes iam & titubantes non procul erant à ruina futuri: Christus tamen Ecclesiā suam sua ope ac virtute roboraturus erat, & in nutanti humanæ naturæ infirmitate suum robur ac vires ostensurus; vt hac ratione, ipsius virtus & efficacia magis emineret. Etenim nisi homines infirmi essent & imbecilli, & ruinis ac lapsibus obnoxij; non adeò mirum esset, in tanta persecutione Ecclesiam stabilem & inconcussam manere. At tantum opus tamque arduum prouehere, atque ad id præstandum debilibus instrumentis vti, hominibus scilicet, qui ad casus & ruinas procliuēs sunt; hoc verò summæ virtutis est, & Dei gloria valde dignum.

**E** **ET POSUIT DEXTERAM SVAM SVPER ME.** ] Christus, manu super Ioannem impositā, ipsum exanimatum protinus miraculosè restituit, & mirificè confirmavit; vt patet ex contextu. Quia ille ipse, qui tanquam mortuus ceciderat, statim iubetur septem epistolas scribere ad septem Ecclesias. Aliæ easq; Christo distante mox excipit. Atque ita non solum verbis, sed etiam re ipsa, & amissi vigoris atq; animi restitutione ostensum est Ioanni; non esse cur considerata persecutionum atrocitate & sustinentium imbecillitate deficeret aut vacillaret. Dexterâ enim Christi Ecclesiam roboratura erat. Ac Ioannes quidem ipse satis nouerat Christi dexteram esse potentissimam ad debiles confirmandos, & ingens ijs robur ac vires addendas. Etenim si ipsius serui ac famuli ea fuerant virtute ab eo insigniti, vt ægrotos imposita solum manu sanarent (iuxta illud, *super agros manus imponent, & bene habebunt.* Marci 16. 18.) quantò magis Christi ipsius dextera efficax erit ad debiles fulciendos & vigorem eis impertiendum, vt persecutionum impetum possint sustinere? Præterea Christum suam dexteram extendere, idem est atque aduersitatibus ipsis & erumnis sese opponere, & suos securos reddere. Docet hoc Ecclesia in quadam oratione, his verbis Deum alloquens, *Contra cuncta nobis aduersantia dexteram tuam maiestatis extende.*

Deum sui  
vultus cla-  
ritatem os-  
tendere,  
quid sit in  
Scriptura  
pbraji.

Verf. 17.  
Ioannem ad  
Christi pe-  
des prosterni,  
non tam  
ad reueren-  
tiam, quam  
ad trepidationem re-  
ferendum.

Quid si-  
gnificet, Io-  
annem ad  
Christi pe-  
des proci-  
dere.

Christi dex-  
tera vis ac  
potentia.



Esse primū  
& nouissi-  
mum, quid  
sit.

Ex Isaia  
lux Apo-  
calypsi data

Christi di-  
uinitatem  
ex hoc loco  
colligi.

Primum &  
nouissimū i-  
dē esse, quod  
A &, Ω,  
principium  
& finem.

Verf. 18.

Claves mor-  
tis & in-  
ferni, qua  
dicantur,  
dissentiant  
auctores.

Quinta  
sententia,  
ut verior,  
praefertur.

**D**ICENS, NOLI TIMERE; EGO SUM PRIMVS ET NOVISSIMVS.] Aliqui existimant idem esse Primum & nouissimum, atq; Deum & hominem; ac proinde Christum se hic appellare nouissimum; quia factus est nouissimus virorum. Ira Aretas, Rupertus, Pannonius, & alicubi D. Ambrosius. Alij appellationem nouissimi referunt ad iudicandi & retribuendi potestatem. Sic Richardus, Thomas, Serranus, & Ribera. Hæ tamen expositiones non videntur esse ad rem. Manifestè enim hæc verba desumpta sunt ex Isaia, qui eis vtitur in tribus locis, id est cap. 41. 4. & cap. 44. 6. & cap. 48. 12. & in tribus his locis loquitur ipse Deus. Sensus autem in Isaia est, Deum Israelis esse primum & nouissimum; id est, præter illum, nullum alium Deum esse. In capite quidem 41. agit de admirando facinore, quo suam Ecclesiam amplificauit, & Gentes ad eam adduxit; atque ait, *Ego primus & ego nouissimus. Viderunt insulae, & timuerunt; & vnusquisque dicet fratri suo, Confortare, &c.* in capite verò 44. hæc eadem loquutio magis adhuc sic explicatur, *Ego primus, & ego nouissimus; & absque me non est Deus.* Vbi contextus etiam est de ingenti Christianæ Ecclesiæ prosperitate, vt apparet ex ijs quæ sequuntur, *Noli timere Iacob serue meus; effundam enim aquas super siccitatem, & fluentia super aridam: effundam Spiritum meum; & germinabunt inter herbas, quasi salices, &c.* Demum in cap. 48. est etiam sermo de præstantissimo opere, quod Deus erat acturus, non permittendo, vt Ecclesiæ persecutio vehementior esset, quam ipsa ferre posset. ait enim: *Ecce ego excoci te, sed non quasi argentum: elegi te in camino paupertatis. propter me faciam, vt non blasphemet, & gloriam meam alteri non dabo. Audiuit me Iacob. ego ipse primus, & ego nouissimus, manus quoque mea fundauit terram, & dextera mea mensa est celos: ego vocabo eos, & stabunt simul.*

Ex his locis constat, cum in præsentī dicitur, *Ego primus & nouissimus*, sensum esse huiusmodi, Christum scilicet vnicum esse Deum, nec alium præterea esse. Atq; ita exponit Athanasius. Quare ex hoc loco coniuncto cum tribus illis Isaia clare colligitur Christi diuinitas, vt bene Valentia i. p. disp. 2. q. 1. punct. 1. §. 12. in 7. testim.

Notandum tamen est, non solum his verbis significari Christum vnicum esse Deum; sed etiam ipsum Ecclesiæ opus incepisse, illudque prouecturum; nec suorum ærumnas ac calamitates obstituras, quo minus suum ipse opus perficiat. Probatur hoc primò, quia hæc verba *primus & nouissimus* synonyma debent esse eorum, A, & Ω, *principium & finis*; vt docet Isidorus lib. 7. Etymolog. cap. 2. & apertè colligitur ex Apocalypsi cap. 22. 13. vbi tanquam synonyma coniunguntur A, & Ω, *primus & nouissimus, principium & finis*. De quibus verbis diximus supra n. 8. atque hæc explicatio apposta valde est ad eum solandum, qui fracto ac debilitato animo erat. Et propterea cap. 2. n. 8. adiungitur Dei omnipotentia & promissio.

Secundò probatur ex ipso Isaia contextu tribus illis locis prædictis. Vt enim fideles confidant Gentium Deos minimè fore potentes ad Dei populum delendum; ideo eis dicit, se esse primum & nouissimum, qui & Ecclesiæ suæ structuram exorsus fuit, & est cumulatè perfecturus. Atque hoc ipsum fundatur in eo, quod Deus sit vnicus: ad quem proinde spectat templum, quod incepit, abfoluere; nec pati ab hostibus illud deijci. Nec enim ab alio Deo expectanda est salus populi, quam ab ipsius populi conditore.

Probatur Tertio, quia hic sensus optimè cohæret cum eo, quod sequitur, *sum mortuus, & ecce sum viuens. q. d. Nonne vides, me subiisse mortem, vt resurgerem gloriosus? atque vt ex sepulchro victor & in æternum victurus prodirem? sic ergo Ecclesia mea, quantumuis prematur, opprimetur nunquam; & ex maximarum persecutionum barathro, cum iam immersa videbitur, quasi ex tartari faucibus gloriose emerget; & in sæculorum æternitatem regnabit.*

Quartò huic explicationi adstipulatur D. Ambrosius; qui hæc verba ait esse mysticè intelligenda de Christi diuinitate; *Qui propterea dicitur primus, quia est auctor omnium; & propterea nouissimus, quod omnia concludat, id est perficiat. Et alibi ait; Primus, quia per ipsum omnia; nouissimus, quia per ipsum resurrectio. Consonat interpretatio Primasij, Bedæ, & Ruperti; qui sic exponunt, Primus & nouissimus, id est per quem omnia facta, & instaurata. Consentit Lyra, qui explicat, Primus & nouissimus, id est potens te saluare.*

**ET VIVVS, ET FVIM MORTVVS, ET ECCE SUM VIVENS IN SÆCVLA SÆCVLORVM.]** Græcè, καὶ ὁ ζῶν, καὶ ἐγὼ νόμην νεκρὸς, καὶ ἰδοὺ ζῶν ἐμὶ. constructio ergo est; Is qui viuens sum: atque ita & si mortuus fui, sed ecce me viuum & gloriosum & in æternum victurum. Itaque mortuus fui; vt per mortem, meæ vitæ efficacitatem & mortis victoriam euidentius ostenderem: sic ergo eueniet Christianæ Ecclesiæ ad similitudinem meæ mortis & resurrectionis. Hæc verba ed respiciunt, quod postea latè in Apocalypsi tractatur de magna gloria ac maiestate, quam Ecclesia per ipsas ærumnas & calamitates adeptura erat. De qua admirabili Ecclesiæ præstantia vide Pererium Exodi 3. §. 16. de significatione rubi ardentis, qui non comburebatur. Quia scilicet ibi erat verus Deus, ex Philone & Theodoretò, & §. 17. ex Hieronymo epist. 127. Deinde mira Ecclesiæ multiplicatio, quod magis afflictabatur, innuitur sub populi Israelitici figura in Ægypto; de quo ibi Pererius cap. 1. §. 5. Christianismum etiam persecutionibus fuisse auctum, tractat Nazianz. orat. 3. aduersus Iulianum, & orat. 23. in laudem Heronis, & in carmine de præceptis ad virgines.

**ET HABEO CLAVES MORTIS ET INFERNI.]** Horum verborum quinque inuenio expositiones. Prima est de potestate, quam Christus habet liberandi homines à peccatis, & consequenter à Dæmone & inferno per peccatorum remissionem; quam etiam potestatem cum Ecclesia communicauit. Sic exponunt Ticonius, Primasius, Beda, Rupertus, Ioachimus, & Sixtus Senensis in sua Bibliotheca, lib. 6. annot. 45.

Secunda explicatio est de potestate Christi ad Catholicæ Ecclesiæ hostes morte & damnatione puniendos. Ira Andreas, Richardus, Serranus, & Arias Montanus.

Tertia interpretatur de potestate, quam habet Christus ad mortuos ab inferis excitandos. Tenent Lyra, Pannonius & Ribera.

Quarta vniuersalior est, de potestate vitæ & mortis, id est, viuificandi & occidendi. Habent Aretas, & Maldonatus, Matth. 16. 19. & Pererius hic.

Quinta est de Christi potestate ad cohibendum diabolum & eius ministros, vt tentatio non sit maior,

A

B

C

D

E



A maior, quàm vt fideles possint sustinere. Hanc tenent Haymo, Anselmus, Glossa, Albertus, & Thomas. Mihi quidem quinta hæc expositio videtur propiùs ad sensum germanum accedere; quam sequentibus obseruationibus sic ampliùs explico. Primò ergo obseruo, hæc esse postrema ex ijs, quæ Ioannes tradit de illa persona, quæ ipsi primùm apparuit. Licet enim postea persona illa Ioanni præcipiat scribere, & deinde aliquid ei de ipsa visione explicet: hoc tamen non est aliquid addere de ea persona, quæ Ioanni visa est. Quare hæc clauis postremum est omnium, quæ de illa hic narrantur. Et quamuis omnia, quæ de ipsa dicantur, debeant ad rem esse, & scopo huius visionis congruentia; decorum tamen exigit, vt vltima hæc verba valde cohæreant cum omnibus, quæ antecesserant, & cum totius visionis scopo. Sit ergo primæ huius visionis scopus summam totius Apocalypseos complecti, & eam ad duo illa valla reducere, quæ contra Christianam Ecclesiam sunt à Iudæis & Gentibus excitata; ad hoc ipsum spectare debet, quod de his mortis & inferni clauibus additur.

B Secundò noto, nomina mortis & inferni hic accipi debere eodem modo, quo postea in Apocalypseos decursu accipiuntur. Atque cap. 6. in 4. sigillo constabit, mortem & infernum duas quasi personas esse, quæ Christianæ Ecclesiæ excidium & internecionem minitari videbantur. Atqui ex eo loco clarè inferitur mortis & inferni distinctio. Mors enim inducitur quasi prauia incedens, infernus verò subsequens. Quo innuitur, mortem occidere, & infernum deuorare: & in strage, quæ aduersus Christianos in Ecclesiæ persecutionibus edebatur; videbatur quidem mors multos ex Christianis varijs tormentorum generibus perimere, infernus autem ipsorum animas & corpora deglutire. Est enim infernus persona tragica, cuius officium est deuorare eos, quos mors occidit, & eorum corpora in sepulchris retinere, atque corrumpere; ast animas, quasi vinculis constrictas in terrâ visceribus tenere. Dicemus de hoc latius cap. 6. Nunc tantùm dico, morti congruenter tribui sagittas & alia ad occidendum instrumenta; & inferno fauces solum ad deuorandum. Atque has omnino esse existimo inferni portas, de quibus Christus Matth. 16. 19. vt videbimus notatione XV.

C Tertio noto, vt Christiani pro certo haberent Ecclesiam persecutionibus non esse consumendam & conficiendam, sed augendam potius & illustrandam; ad hoc (inquam) magno esse solatio; perpendere, eiusmodi aduersitates & ærumnas non casu, sed peculiari Dei prouidentia accidere, qui Ecclesiam ipsam magno prosequitur amore. Et cum persecutiones grauiiores aut minores esse non possint, quàm Deus statuit (siquidem solum in arbore absque eius nutu minimè nutat) quâdo ipse permittit mortem & infernum in Christianos sauire; non est cur timeatur, hoc in Christiani populi à Deo dilecti detrimentum, nedum excidium casurum; cum in ipsius potius gloriam & exaltationem tandem redundet.

Quartò his additur ad maiorem fidelium consolationem, Christum non modò quatenus Deus est, Dominum esse mortis & inferni; sed etiam quatenus est homo, vtriusque clauis tenere; id est, supremam in illos potestatem. Quo innuitur, morti & inferno non plus licere, quàm quod per Christum licet. Christum verò, qui noster frater est, & vitam pro nobis libentissimè profudit, qui Ecclesiam suam vt charissimam sponsam vnice diligit; quis dubitet, non plus potestatis morti & inferno contra Ecclesiam concessurum, quàm ad ipsius Ecclesiæ vtilitatem & emolumentum opus sit? Hic certè sensus est eorum verborum *habeo clauem mortis & inferni*. In quibus (vt constabit notat. XVI.) non est sermo de Christo, quatenus Deus, sed quatenus homo est: id quod valde commodum fuit ad maius Ecclesiæ Christianæ solatium.

D Ex dictis facile intelligitur, non solum Ecclesiæ persecutiones non fore maiores, quàm ipsa possit tolerare, vt Paulus ait, 1. Cor. 10. 13. *Non patietur vos tentari supra id, quod potestis*. Sed etiam esse medium ad maiorem Ecclesiæ gloriam & sublimitatem. Atque hoc est, quod mox subdit Apostolus, *sed faciet etiam cum tentatione prouentum*. Nec enim aliter pateretur, qui Ecclesiam suam sponsam tanto prosequitur amore.

Quintò noto, clauis mortis & inferni non esse directè clauis ad vincitòs è carcere seu custodia eruendos, vbi à morte & inferno in vinculis detinentur. Plenius enim est, si dicamus, Christum habere dominatum & summam potestatem in ipsam mortem & infernum; nec illos quidquam exequi præter id, quod sibi à Christo imperatur. Quemadmodum enim, qui aliquid conditum & clauis obseratum habet, proprius ipsius dominus est, ita Christus morti & inferno dominatur, qui illi vt suprenò Domino omnino obsequuntur. De symbolo autem clauis nonnihil dicemus notatione XVI.

E Sextò noto, in hoc dominatu, quem Christus in mortem & infernum exercet, non solum includi, ipsos Christo perfecte obedire, quod attinet ad eorum numerum, qui occidendi & deuorandi ab illis sunt, & ad corporis dumtaxat deuorationem, animâ intactâ (vel aliquo tempore in igne Purgatorij detentâ, si indigeat;) sed etiam includi potestatem ad mortuos excitandos. Nam mortis & inferni Dominus eis potest præcipere, vt captos reddant: atqui captos reddere idem est, ac ad vitam restituere, quod ita repræsentatur Apocalypseos 20. 13. *Mors & infernus dederunt mortuos suos*.

Septimò, licet in hoc loco directè de morte & inferno non agatur, nisi quatenus illis datur facultas, vt Christianos occidant & absumant; verum obiter etiam, & quasi indirectè innuitur maxima strages, quam mors & infernus edent in Ecclesiæ aduersarijs & sceleratis. Nam cum mors & infernus ministri Christi sint, qui ad eius nutum præsto sunt; manifestum est, illos multo maiorem & grauiorem cædem in Christi hostibus, quàm in ipsius famulis ac seruis facturos. Huc spectat quod ait Hieronymus epist. 29. ad Theodorum paulo post initium; *Christianorum mors potius est similitudo mortis, quàm mors*. Quasi dicat, Damnum quod mors & infernus Christi amicis inferunt, esse quasi per speciem solum, & quod satis est ad nobiliorem ipsorum gloriam: at in improbos verè sauiunt mors & infernus, & damnum eis verum, horribile & æternum inferunt.

Ingens laborum & calamitatum solatium.

Ecclesiam medijs persecutionibus ad maiorem gloriam euehi.



## NOTATIO XV.

Ad illa verba cap. i. num. 18. Habeo claves mortis & inferni: ubi per occasionem explicatur locus Matthæi 16. num. 18. de portis inferni.

Porta inferi  
que dicantur.

Infernus in  
Scriptura  
quo pacto  
accipitur.

**I**NTELLIGENTIÆ eorum verborum (habeo claves mortis & inferni) quam bene conueniat explicatio huius loci Matth. 16. vidimus in commentario. Superest nunc, vt Matthæi verba attentè inspiciamus. Ea verò sunt; *Porte inferi non preualebunt aduersus eam*: id est, aduersus Ecclesiā (de qua ibi sermo est.) Græca sic habent, Καὶ πύλαι ἁδὲ οὐ κεντισθήσονται αὐτῆς, vbi aduertendum est, nomen ἁδὲ, id est, infernus, accipi solere, vt nomen tragicum, pro persona ficta, quæ homines mortuos deuorat, cadauera corrumpit, atq; animas quasi vinculis quibusdam, siue carcere habet constrictos; itaque vim atque potentiam, quam aduersus homines habet, deuorando maximè exercet. Et hac ratione illum significauit Sapiens Prouerb. 1. 12. *De-glutiamus eum, sicut infernus*. Ad deglutendum igitur manifestum est, necessariò requiri, vt oris hiatus pandat: id est, sepulchra, & quasi fauces, siue voragines. Vide Prouerb. 30. 16. *Infernus est os vuluæ*. Quorum alter ad vorandum referat ora, alter ad producendum. Facit illud Isaia 5. 14. *Dilatant inferni animam suam*, quia dilatantur fauces, quæ spiritus emittitur (qui appellatur anima) quādo multa deuorantur. Si igitur damnum, quod inferre potest, est homines deglutire; perspicuum est, vt quamplurimos voraret, opus esse, multas aperire fauces, id est, sepulchra. Hæc ergo ora, quæ ad gentes deuorandas infernus aperit, propriè & elegantèr appellari solent portæ inferi.

Vnde sensus illorum verborum (Matthæi 16. 18.) est, quantumuis multa guttura infernus pandat ad Ecclesiam Christianam absumendam, nullatenus futurum, vt aduersus eam possit preualere. Licet enim permulti Martyres trucidentur; multò tamen plures erunt, qui Christo & eius fidei nascetur, Martyrum ipsorum exemplo permoti. Et qui fuerint ex Martyribus occisi, gloriosi ac triumphantes resurgent. Atque ita nec militans Ecclesia minuetur, sed potius augebitur; & quos infernus deglutisse visus est, non eos deuorasse gloriabitur; quia potissima pars (id est animæ) euadent liberæ; nec quæ deuorauerat corpora, semper apud se retinebit, sed ex ipsis potius faucibus gloriosè emergent.

Confirmatur hic sensus ex Isaia 38. 10. vbi Ezechias de se loquens, *vadam* (inquit) *ad portas inferi*. Et quidem qui adeò in extremis est, vt illi sepulchrum referetur, hic aptè dicitur ad portas inferi peruenisse. Ecce alius locus, in quo fit mentio portarum inferi, & tamen non est sermo de alijs portis, nisi de sepulchro. Et hanc Isaia phrasim exponit Ecclesia

**A** sticus cap. 5. 1. 9. his verbis; *Vita mea appropinquans eras in inferno deorsum*.

Alia expositio, quæ ita explicat, vt asserat in portis ciuitatis solere esse consilium ac potentiam; vteor ne plus satis subtilis sit. Primo, quia infernus, qui (vt vidimus,) appellatur ἁδὲ, non inducitur quasi magno contilio vim inferens, sed quasi ingenti deuoratione. Deinde, quia licet consideretur ipse habere urbem munitissimam; erit quidem munita, ne ex ea vineti extrahantur; sed non video, quā aptum inuentum sit, in regni Plutonis portis consilium aduersus Ecclesiam considerare; nec ex illis portis tormenta in Ecclesiæ Christianæ arcem dis-plodi.

**B** Præterea aduerto, in sacra Scriptura dæmonem & infernum, quasi diuersas personas solere induci. Dæmon enim est viuorum tentator, siue accusator; infernus verò mortuorum deuorator. Atque ita Scripturæ phrasim est, mortuos descendere ad inferos; vt patet Genes. 37. 35. Num. 16. 30. 33. Iob 17. 16. Psal. 54. 16. Psal. 113. 17. Psal. 138. 8. Isaia 14. 15. Baruch 3. 11. Ezech. 31. 16. & 17. & cap. 32. 27. Matthæi 11. 23. Luca 10. 15.

Ex prædictis colligo, illorum verborum Matth. 16. 18. *Porte inferi non preualebunt aduersus eam*, sensum esse; Ecclesiam, licet grauissimæ aduersus eam excitentur persecutiones ad Christianum nomen delendum; licet mors in Christianorum corpora acerbissimis cruciatibus grassetur; licet infernus maximos oris rictus expandat, ex hisce tamen omnibus victricem atque adeò triumphatricem prodituram: tum quia mortui gloriosi & incorrupti resurgent; tum etiam quia gens Christiana per martyria & persecutiones crescit, & multiplicatur.

Pro nostra explicatione stat Theophylactus, qui de omnib. Ecclesiæ persecutionibus interpretatur.

Maldonatus hic considerat, Ecclesiam esse veluti exercitum, qui inferorum urbem expugnare contendat: & verba illa *non preualebunt*, idem esse ac, Inferorum portæ ac potentia illi obsistere non valebunt. Adducit autem Maldonatus pro se Hilarium. Verum, ni fallor, multò aptius est, vt portæ inferi appellerentur ora, quæ infernus referat, vt Isaia 38. 10.

**D** Quamuis autem aliquando hæc duæ personæ mors & infernus distinguantur, vt in Apocalypsi; aliàs tamen concipi solent, quasi eadem persona sit quæ occidat & deuoret. Quando autem agitur de mortis & inferni portis, videntur inter se non distingui. Eadem enim portæ sunt, quæ alibi portæ mortis, alibi portæ inferi nominantur.

Mors & infernus in sacris al. quando vs. diuersæ personæ; al. quando; vs. eadem; inducuntur.

## NOTATIO XVI.

Ad claves mortis & inferni. De clauē Davidis, de qua Apocal. 3. 7. & de clauē domus David, de qua Isaia 22. 22.

Quid sit,  
habere cla-  
ues mortis  
& inferni.

**A**POCAL. 1. 18. dicitur Habeo claves mortis & inferni. Ad has verò claves manifestè respicitur cap. 3. n. 7. vbi dicitur, *Hæc dicit qui habet clauem Davidis, qui aperit, & nemo claudit; claudit, & nemo aperit*. Manifestum enim est nomina siue apposita, quæ sibi attribuit Christus in VII. epistolis cap. 2. & 3. concilianda esse, quoad eius fieri possit, cum I. hac figu-

**E** ra Apocalypseos. Et primo aspectu nonnum apparet, claves mortis & inferni, quasi idem essent cum clauē Davidis, in eam commutari.

Deinde, in clauē domus David manifestè respicitur ad id, quod Deus affirmat de Eliacim Isaia 22. 22. *Dabo clauem domus David super humerum eius: & aperiet, & non erit qui claudat; & claudet, & non erit;*



aperiat. Quare necessarium videtur, vt horum Isaia verborum sensus quadret cum ijs, quæ in his locis de Christo dicuntur. Nec obstat, apud Isaia non legi *clauem David*, sed *clauem domus David*. Idem enim est vtriusque loquutionis sensus; & fortasse non caret mysterio, quæ apud Isaia dicitur clauis domus David, in Apocalypsi dici clauem David.

Vt ergo ad explicationem accedam, notandum est in Isaia idem esse Deum promittere Eliacimo clauem domus Davidis, ac summam illi potestatem polliceri in administratione eius regni, quod à Dauide ipsius posterius iure hæreditario acceperunt. Hæc tamen potestatem Deus Eliacimo promittit, non vt regi, sed vt supremo inter regis ministros. Atque hæc explicatio est iuxta peritiorum huius loci interpretum mentem; vt Forerij, Adami & Ariæ Montani. Non ignoro Riberam contendere, clauem Davidis esse supremam summi Pontificis dignitatem: Verū siue Eliacimus summus fuerit Pontifex, siue non; iste tamen sensus non illis verbis recte quadrat, vt verba ipsa expendenti constabit; sed quem supra diximus. Ex quo intelligitur reges à Dauide genus ducentes, & ipsius regnum hæreditate possidentes, appellari domum David; vt apud ipsum Isaia ca. 7. 13. *Audite ergo domus David*. Et quidem vsitatus est apud nos similis loquendi modus, *domus Austria*, *domus Sabaudie*.

Hæc explicatio confirmatur consideratâ ipsâ clauis analogiâ, & supremi ministri officio. Etenim magnati illi, apud quem rex potissimum regni gubernationem collocat, & cui præcipua regni negotia gerenda ac discernenda committit; videtur rex ipse quasi clauem suam ac potestatem tradidisse. Quod verò dicitur *super humerum eius*; idem est, quia tunc gubernationis totius pondus supremus ille regis minister suis humeris sustinet; id est, sua industria, cura ac sollicitudine quasi super humeros gestat.

Facit etiam clauis analogia in prædicto sensu ad significandam ministri industriam, dexteritatem, & sapientiam; qua illi opus est vnâ cum regis potestatis auctoritate. Nam ad obserandum & referandum necessarium est, clauem ad ferrea portæ claustra aptare; in quo non viribus solum, sed etiam dexteritate opus est.

His præiactis assero primò, in hoc loco Christum non comparari Dauidi, sed Eliacimo. Hoc probatur tum ex Hieronymo Isaia 22. tum etiam ex manifesta loci ad locum allusione. Nam hæc verba, *qui aperit, & nemo claudit*, manifestè respondent verbis Isaia: *aperiet, & non erit qui claudat*; sed ibi est sermo de Eliacimo: igitur Christus in Apocalypsi Eliacimo se comparat.

Secundò assero, Eliacimum fuisse supremum regis ministrum; atque adeò Christum in præsentem supremum Dei ministrum se appellare; & in hoc loco Dauidem gerere personam Dei Patris; sicut & alibi. Constat enim Dauidem fuisse figuram Dei Patris; vt videre est in sylua allegiarum ex Ruperto. Et ipsa dignitas regis populi Dei aptum satis præbet huic analogiæ fundamentum.

Quòd si opponat aliquis, non videri veritati consonum, quòd Christus se Dei ministrum appellet, cum sit verè filius ac rex; & multò minus, quòd se Christus ministrum dicat Davidis, cum ipse sit verus David, & antiqui Davidis dominus: Respondetur, verum non esse vero contrarium; oportere tamen, vt metaphoræ non ita misceantur, vt confundatur sensus. Fateor ergo Christum esse verissimum Dei Patris Filium, regni Dei legitimum hæredem, regni ipsius possessorem & verum Dauidem. Hæc tamen non impediunt quo minis alioqui etiam respectu Dei Patris, Christus quæ homo est, in Scriptura supremus Dei minister nuncupetur. Vide Isaia 49. 5. 6. Tunc verò necesse est, vt Deus Pater consideretur tanquam rex vtens Christi ministerio; sicut Ezechias ministerio Eliacimi utebatur: atque adeò vt Christus distinguatur à rege Dauide, vel Davidis successore, & Ezechias vel David personam Dei Patris gerat. Atque ad hunc sensum spectat quòd in alijs Scripturæ locis Deus Pater dicitur sedere in solio regio Ecclesiæ. Vt videbimus Apoc. 4. & Isaia 6. &

A Christus dicitur tradere regnum Deo Patri.

Tertiò assero, facile reddi ætiam rationem, cur clauis domus David, quæ est apud Isaia, commutata sit in clauem Davidis, Apoc. 3. Nimirum quia aptior erat David, quàm Ezechias, ad gerendam Dei Patris personam. Non solum quia primus in illa familia regia; sed etiam quia totius Israelis fuit rex potissimus. De Deo autem Patre sermo erat; vt de rege Israelitici populi, & regni Ecclesiæ monarcha: atqui Ezechias solum erat rex Iuda. Cohæret autem comparatio hac ratione. Quemadmodum Eliacimus præcipuus fuit minister Ezechia hæredis Davidis; ita Christus Redemptor noster, quatenus homo, potissimus est supremi regis minister. Et quemadmodum Ezechias gubernationis pondus Eliacimo imposuit; ita similiter supremus cæli rex, Christo vt homini, gubernandi potestatem concessit, & omne iudicium (id est, gubernandi munus) dedit Filio, quia filius hominis est; id est, quatenus filius hominis est.

Quartò ex dictis constat, quomodo clauis mortis & inferni eadem sint cum clauis cælestis Davidis. Quia si clauis est suprema potestas ad regni Ecclesiæ gubernationem; eadem potestas suprema verè dicitur clauis regis tanquam Domini, & clauis Christi hominis tanquam præcipui ministri; & clauis mortis & inferni tanquam earum rerum, quæ supremæ potestati subiectæ sunt. Perspicuum enim est, summum regni Ecclesiæ regem, supremum fore Dominum mortis & inferni. Constat autem ex contextu epistolæ ad Episcopum Philadelphiam, idem Christum in ea affirmare se clauem Davidis habere, vt Episcopus nosset; quòd ipse ab hora tentationis seruaretur, quæ ventura erat in vniuersum orbem (cum mors & infernus in Christianos fauituri erant) id ex Christi prouidentia proficisci; qui nō paritur suos tentari supra id quod possunt. Cumque Episcopus Philadelphiam, modicæ adhuc virtutis esset; nondum idoneus erat, vt in tam apertum discrimen vocaretur. Quare, vt speraret se per Christum ab ea persequutione seruandum, ei dicitur, Christum ipsum rerum omnium clauis & potestatem tenere.

Quintò, in hoc obiter significatur, Christum nō solum suprema potestate sibi à Patre tradita fungi ad mortis & inferni dominandum: sed admirabili, qua pollet sapientiâ, quæ omnia suauiter disponit, clauem clauis ferreis aptare eâ dexteritate, vt facile circumducatur; siue aperiendum sit, siue claudendum. Atque ita sine vlla difficultate tadem fiat, quòd ad Dei Patris gloriam Christus itauit atque decernit. Hoc est illud Sapientiæ 8. 1. *Attingit à fine usque ad finem fortiter, & disponit omnia suauiter*.

Sextò in illis verbis *Aperit, & nemo claudit*; claudit, & nemo aperit; indicatur proprium clauis vltimè potulare, vt vna solum sit. Vbi enim plures sunt, iam clauis esse definunt: siquidē non certus est qui claudit, neminem mox referaturum. Vnde etiam constat Matthæi 16. 19. quòd Christus Petro promisit; *Tibi dabo clauis regni cælorum* (scilicet ad spirituales Ecclesiæ administrationem) idem esse, ac si diceret; tibi & successoribus tuis dabo clauis; non verò ceteris. Vbi agitur de clauibus supremæ gubernationis ad imperandum, prohibendum, concedendum, aut negandum. Vnde Petro obligante, nemo poterat à præcepti obligatione absolvere; Petro indulgente, nemo prohibere.

E Ceterum, licet contra supremam potestatem nulla reperiri possit clauis: cum hoc tamen stat, vt qui summi imperii clauem habet, ministro aliquo utatur ad aliquid opere præstandum. Tunc autem videtur clauem ministro tradere, vt ianuam aliquam aperiat. Atque ita Apoc. 9. data est (scilicet de Christo) *clauis putei abyssi cuiusdam stellæ*. Vbi nota Christum ex eo quòd clauem Davidis habeat, habere etiam clauis non solum mortis & inferni, sed ceterarum etiā rerum, quæ in suprema monarcha Ecclesiæ potestate includuntur: id est, clauem vitæ æternæ, & cælestium præmiorum, clauem suppliciorum, clauem abyssi, & clauem cæli; & demum rerum omnium creaturarum, siue naturalium, siue supernaturalium.

Cur apud Isaia dicitur clauis domus David: in Apocalypsi verò, clauis David.

Ioan. 5. 27.

Clauis mortis & inferni eadem esse cū clauis cælestis Davidis.

Clauis regni cælorum Petro à Christo tradita, quæ fuerint.

Clauis domus David, quæ dicitur apud Isaia.

Quemam in sacris appellatur domus David.

Cur dicatur Deus Eliacimo dare clauem domus David super humerum eius.

Eliacimum Christi fuisse.



## N O T A T I O XVII.

*Comparatio eius figurae, quae ostensa est Ioanni cap.1. cum ea, quae ostensa est Danieli cap.10.*

**S**I Ioannis & Danielis visiones simul inter se collatae reponantur, nullus erit, opinor, qui manifeste non videat capitis 1. Apocalypseos picturam, fuisse allusionem & comparisonem ad eam, quam Daniel narrat se vidisse ca. 10. Quod ut ipsis oculis perspicue cernatur, vtramque simul apponere visum est.

<i>Ex Daniele.</i>	<i>Ex Apocalypsi.</i>
Leuat oculos Daniel, & ecce vir vnus,	Conuertitur Ioannes & videt similem filio hominis,
Vestitus lineis, seu byssina;	Vestitum podere,
Renes eius accincti auro obryzo;	Præcinctum ad mamillas zona aurea:
Oculi ei vt lampas ardens,	Oculi eius tanquam flamma ignis,
Brachia eius & quæ deorsum, vsque ad pedes quasi species aris candentis,	Pedes eius similes aurichalco, sicut in camino ardenti,
Vox sermonum eius, vt vox multitudinis,	Vox illi tanquam vox aquarum multarum,
Facies eius velut species fulguris.	Facies eius sicut sol lucet in virtute sua.
Consternatur Daniel, & vultus eius hæret in terra:	Cadit Ioannes tanquam mortuus.
Tangitur manu, & erigitur super genua, & super articulos manuum.	Imponitur super eum dextera, & mirifice confirmatur.

*Comparatio figurae Ioannis visæ cum Danielis angelo.*

Consideratâ allusione hac adeo manifestâ, non possum non mirari interpretum diligentiam, quam clarissima hæc comparatio penitus præteruolauit. Certè, vbi Virgilius in illustri aliqua comparatione Homerum imitatur; interpres qui eiusmodi collationem non deprehenderet ac notaret, negligentiae merito & officinae argueretur. Atque hæc Ioannis ad Danielelem allusio non solum imitatio est, sed etiam comparatio. Sicut autem quæ per comparisonem ad aliud efferuntur, non satis percipi possunt; nisi duo illa extrema inter quæ est comparatio, mutuo conferantur: ita etiam quod per allusionem ad rem aliam dicitur, non probe intelligitur; nisi allusio ipsa tractetur & explicetur. Quamobrem non solum est operæ pretium, sed etiam ad explicationem necessarium, figuram Ioanni ostensam cum figura Danielis conferre. Cumque ambæ in multis conueniant; & in his tamen conuenientiae partibus non nihil discriminis appareat; tam conuenientiae, quam differentiae reddenda ratio est; nimirum conuenientiae, ex similitudine significationis; differentiae, ex aliquo rei significatæ discrimine.

Hanc notationem huc vsque distuli; quia cum Danielis locus (vt opinor) non fuerit hactenus satis ab interpretibus explicatus; congruens esse duxi, vt tota capitis primi Apocalypseos figura prius explicaretur; ex qua deinceps facilius lux in illam Danielis refunderetur; atque adeo ipsius explicationi quasi faciem præferret. Quare multa ex his, quæ in Ioannis explicanda figura dicta sunt, ex æquo fere ad Danielis explicationem deferuiant. Atque ita exponemus iam breuiter Danielis figuram; & simul eam cum figura Apocalypseos conferemus.

Ad eius ergo explicationem notandum primò est; apud Danielelem vnâ eandemque visionem continuari in cap. X. & XI. & in principio duodecimi. Summa autem trium horum capitum huiusmodi est. In X. videt Daniel angelum illum admirabilem,

**A** cum quo manifestam habet comparisonem visio capitis primi Apocalypseos. In XI. ille ipse Angelus Danieli prædicit afflictionem sui populi orituram ex bellis regum Aquilonis & Austri; eam nempe historia n. quæ in Machabæorum libris continetur. Initio autem capitis duodecimi (n. 1. 2. 3. & 4.) depingitur strenua virtus ac robur animi, quod Deus Mathathæ & filijs eius erat additurus; vt pro Dei honore ac reipublicæ incolumitate acerrimè dimicerent, & gloriosas ex hostibus reportarent victorias. ac demum populi Israelitici describitur splendor sub Principibus & Pontificibus Machabæis.

**B** Scio hanc interpretationem nonnullis fortasse humilem & abiectam visum iri: spero tamen à doctioribus non fore reiiciendam; si ea, quæ iam subiiciam, aduertantur. Hæc sunt, me non inficiari, sub illâ eadem Machabæorum historiae comparatione, in Danielis prophetia aliud sublimius & excellentius delitescere. Noui enim morem esse Prophetarum, vt docet Augustinus, Iudaica tangere, Christiana respicere. Ceterum vt præcipui sensus maiestas intelligatur; oportet prius historiam, sub cuius cortice occultatur, perfectè cognoscere. Constat id manifestè in Psal. 28. cuius licet præcipuus sensus sit de Christianæ Ecclesiæ victorijs; at ipsarum figura sine dubio est de victorijs ac triumphis Davidis. Si autem prius psalmus ad Davidis victorias non idoneè applicetur; intelligi non poterit sensus potissimi elegantia ac maiestas. Mea igitur sententiâ, certum est in tribus illis Danielis capitibus prophetiæ tangi historiam, quæ in Machabæorum libris latius describitur. Perlegatur, obsecro, textus ipse; atque ex eo planum fiet, in capite XI. sermonem primò institui de vltimis regibus, qui Persarum Monarchiam erant possessuri: deinde gradum fieri ad Monarchiâ Alexandri, & ipsius in quatuor regna diuisionem: hinc ad bella exorta inter Antiochum & Ptolomæum (qui respectu Ierosolymæ sunt reges Aquilonis & Austri) & afflictionem atque angustias grauissimas, in quas Ierosolyma inter vtrumque regnum interiecta, his bellis redacta fuit. Denique textus ipse attentè legi non potest, quin protinus inspicatur, caput XI. continere in se, Machabæorum historiae prophetiam. Deinde caput XII. perspicue connectitur cum his, quæ in XI. fuerant prædicta. Sic enim exorditur: *In tempore illo consurget Michael.* Vbi agitur haud dubiè de Mathathæ ac filiorum incredibili robore, ac fortitudine animi. Neque hunc sensum dirimit, quod postea additur de resurrectione multorum. Quin imò hæc phrasis aptissima est, & valde sacræ Scripturæ familiaris ad denotandam in posterorum virtute siue improbitate, antiquorum imitationem: vt videmus Apoc. c. 13.

**C** Secundò obseruandum est inter omnia veteris Testamenti bella, nulla esse, quæ adeo clare representent Christianæ Ecclesiæ persecutiones atque victorias; vt illa, quæ in Machabæorum libris recensentur. Etenim ea solum persecutio videtur ex antiquis propriè aduersus veram religionem pugnare. In alijs bellis de imperio & libertate decernebatur; in illis Machabæorum de vera suorum maiorum religione. Atque eò deducta res est, vt merito sacræ Scriptura asserat Danielis 12. 1. *Veniet tempus, quale non fuit, ex quo Gentes esse ceperunt vsque ad illud.* Quin & illustrissimi fuere Martyres, qui eo tempore fortiter occumbendo, veri Dei religionem effuso cruore testati sunt. Hisce grauissimis angustijs & calamitatibus, Machabæorum virtus & clarissima ipsorum victoriæ successerunt: quæ quod pro tuenda religione reportatæ sint, merito possunt cum Christianæ Ecclesiæ victorijs conferri.

*Prophetia familiaris, Iudaica tangere, Christiana respicere.*

*Contextus series & explicatio atque Danielis, c. 10. 11. & 12.*

*Machabæorum bella præ ceteris veteris Testamenti, fuisse Christianæ Ecclesiæ persecutionum figuram & causam.*

*Eandem continuationem visionem in Danielis c. 10. & 11. & initio 12.*



Angelus  
Danieli vi-  
sus cur mi-  
rabili adeo  
specie appa-  
ruerit?

Tertio aduerto, ex dictis non obscure colligi, quā obrem hac figura Danieli visa ceteris omnibus angelorum visionibus, qui olim apparuerunt, nouā illā & insolitā specie, præstaret. Etenim si solum ad naturā angelicā perfectionem innuendam deferuaret; hac eadem ratio de ceteris angelorum visionibus erat. Quod autem Angelus Danieli adeo miro corporis cultu atque habitu fuerit visus; argumento est peculiarem rationem extitisse; quare angelus Dei gerens personam, nouam illam figuram in ea visione indueret. Vbi verò huius figuræ ratio ex illius visionis fine & scopo desumatur; nimirum ex Machabæorum victorijs, quæ in ea prophetia prædicbantur, & ex gloria ac maiestate, quam per ea bella fuerat Dei populus adepturus; illico apparet, congruentissimè ad illam representandam victoriam angelum in cultu ac vestitu adeo glorioso apparuisse. Sicut enim victoriæ illæ erant omnium simillimæ ijs, quas Deus Christianæ Ecclesiæ fuerat concessurus; ita cōueniens fuit vt Deus in illis plusquam in alijs gloriaretur: quod essent victoriæ ex persecutione illa, quæ fuerat aduersus religionem concitata.

Quarè obferuo, quemadmodū visio capitis primi Apocalypseos, totam ipsius libri historiam respicit; & Christo eiusmodi cultum ac figuram tribuit, quæ ad significandas Christianæ Ecclesiæ victorias ex Iudæis & Gentibus reportandas, idonea esset; non aliter commodum fuisse, vt Angelus ille, qui Danieli sui populi tam afflictionē & angustias, quā gloriosam victoriā prædicebat; illo etiam vestitu, cultuq; vteretur, qui aptus esset ad maximum Dei beneficiū indicandum, quod suo populo per Machabæos erat præstiturus. Atque vt in Apocalypseos visione depingitur, quā fuerat Deus mirabilis in Ecclesia Christiana futurus; ita in Danielis figura exprimi oportebat, quomodo se mirabilem fuerat Deus. Machabæorum tempore, in Iudaicum populum ostensus. Et fanè nobilissima illa historia meruit, vt eam sacra Scriptura admirandā illā angeli visione exornaret. Licet autē prophetia capitis X I. & intj XII. abū præterea sensum sublimiorem habeat; hoc non impedit, quo minus angeli figura ad Machabæorum victorias representandas debeat accommodari. Quandoquidem hac saltem comparatio erat vsurpanda ad reconditum illum sensum nobiliorem, qui illi suberat. Quod si huius historię prophetia, figuræ vices gestura erat, vt in ea quiuis alius sensus sublimior includeretur; quis non videat appositè angelum ornatum ad ipsam figuram accommodato apparuisse?

His omnibus constitutis, in vtraque figura tam Danielis, quā Ioannis, exprimitur epiphonema illud psalmi 67. mirabilem scilicet Deum esse in sanctis suis, & ipsum daturum fortitudinem plebi suæ; cum hoc tamen discrimine, quod Danielis visio victorias antiqui populi sub Machabæis respicit; visio autem Ioannis ad Christiani populi victorias de Iudæis & Gentibus partas respicit. Vtriusque tamen visionis scopus fuit, representare Deum in suis futurum mirabilem. Quauis autem verum sit cum, qui Danieli apparuit angelum fuisse; in plerisque tamen antiqui temporis apparitionibus, Dei personā Angelus gerebat; & ideo legimus sic eos sapius fuisse loquutos, *Ego Dominus*.

Quod ergo angeli illius habitus constat ex symbolis beneficiorum Dei erga suos; eleganter significat ea ipsa beneficia fuisse Deo valde gloriosa, angelolo Dei vices gerente. Sicut in Ioannis visione habitus Christi ijs constat symbolis, quæ beneficia ab ipso Christo Christianæ Ecclesiæ data in victorijs de Iudæis & Gentibus indicant: quia eiusmodi beneficia sunt Christo valde gloriosa.

Supereft nunc vtramque Danielis & Ioannis visionē iuxta singula, quæ in textu de illis exprimuntur, breuiter inter se comparare.

**Cur Ioannes conuertat oculos, Daniel vero leuet?**

Ioannes initio suæ visionis audit tubæ vocem quæ Iudaici populi bellum representabat; vt suo loco diximus. Idcirco percommodum fuit, vt Ioannes ca-

put conuerteret, ad ea scilicet contemplanda, quæ retro erant; id est, quæ iam fuerant peracta. At quæ Daniel vidit, omnia erant futura: atque ita attollit oculos, vt videat ea, quæ nondum euenerant. Iā supra vidimus ex Pauli verbis, ea quæ antecesserunt retro relinqui; & quæ futura sunt, anteriora esse. Quod ergo multis pōit annis erat futurum, videbatur longe distare. Quare oportuit Danielem oculos leuare; præsertim cum visio è calo adueniret.

### De vtriusque visionis podere.

In vtraque visione expediens fuit linea vestis, quæ veram & ilibatam religionem representat, ac laborum tolerantiam probatam. Et certè Mathathias atque eius filij (& eorum cohortatione & exemplo, Iudaicus illius temporis populus) acerrimos se Dei cultus ac religionis amulatores præstiterunt, grauissimos pro ea labores; & arumnas fortiter tolerando. Præterquam quod in ijs sacerdotij enituit gloria; ideoq; valde decuit Angelum, vt eorum religionem calamitatibus & arumnis spectatam, & sacerdotij decore ornatum signaret, lineis vestibus indutum apparere. Vide supra notationem XI. de symbolo lini atque poderis.

**Cur Ioannes viderit zonam auream ad mamillas; Daniel vero renes accinctos auro?**

Machabæos & Israëliticum populum sub eorum signis militantem Dei charitas cinxit, & strenuos atque expeditos reddidit ad Dei iussa accuratissime exequenda. Cuius diligentia ac celeritatis decus & splendor rectè in aureo cingulo notatur; vt vidimus in aureæ zonæ explicatione. At nobilior & sublimior diligentia ex perfectiori charitate profecta, quæ pectus constringit, ornat ac locupletat; hæc appositè, vt supra vidimus, per zonam auream altius præcinctam indicatur. Iam verò cui dubium est, primitiua Ecclesiæ Christianos altius fuisse accinctos, atque adeo maiore charitate ac deuotione & diligentia ornatos?

In coniunctione præterea poderis linei & baltei aurei, vero simile existimo sacerdotalis dignitatis ac regie coniunctionem in Machabæis significari. Nam & poderis est habitus sacerdotum, & balteus aureus regum videtur fuisse insigne. Vide Iob 12. 18. de balteo regum. Concinit, quod sibi aurea Ionathæ (de qua 1. Machab. 10. 89. & cap. 11. 58. & cap. 14. 44.) erat etiam veluti regium insigne. Et similiter in Apocalypsi poderis & zona aurea ad regale sacerdotium spectare possunt.

Aut fortasse zona aurea significat gloriosi belli balteum. Nam balteus ad militiam quoque spectat; vt colligitur ex aliquibus sacra Scripturæ locis & ex prophanis auctoribus palam fit. Atqui societas religionis ac belli propter religionem suscepti, in Machabæis extitit gloriosissima: sed multò adhuc gloriosior atque sublimior in bellis, quæ Christiana Ecclesia gessit cum Iudæis & Gentibus; de quibus etiam triumphauit. Nec abs re est, quod Apocalypseos 15. 6. legimus in bello contra Babylonem; Angelos scilicet, qui effundunt phialas, indutos esse podere & zonā aureā. Hæ autem expositiones de balteo regio, & de balteo militari conciliari debent cum explicatione de charitate, quam in commentario, & in notatione de auri symbolo sequuti sumus. Charitas enim est spiritus ille principalis, quo se confirmari optabat Dauid Psalmo 50. 14. & quæ homines efficit Dei filios, atque adeo reges. Et eadem est, quæ ad militiam celestem Dei milites accingit, vt fortiter, alacriter & gloriose pro Deo pugnent.

Ad perfectionem quoque charitatis fortasse spectat, quod in Danielis loco ex hebræo ad verbū redditur, *lumbi eius accincti massa auri obrysi*.

**Cur Daniel viderit corpus Angeli quasi chrysolitum?**

Chrysolitus symbolicè significat summæ gloriæ

De podere  
scu byssina  
vtriusque  
visionis.

Diuersa in  
vtraque an-  
gelo se cin-  
gendi ratio:  
& discrimi-  
nis causa.

Quid per  
poderis &  
baltei con-  
iunctionem  
denotetur.

Quis su-  
m potissi-  
mus scopus  
tam figuræ,  
quæ Ioanni  
apparuit,  
quam quæ  
Danieli.

Cur Daniel  
oculos le-  
uet, Ioannes  
conuertat.



Angeli Danielis visus corpus cur quasi chrysolitus. Quid per chrysolitum figuretur.

Cur prima figura Ioannis visa non item chrysolito similis apparuerit?

manifestationem; vt videbimus Apoc. 21. 20. in 7. fundamento ciuitatis, quod spectat articulum de Christi Ascensione; in qua ipsius gloriæ magnitudo præsertim effulset. Et quidem ad denotandam ingentem gloriam, ad quam Hebræorum respublica Machabæorum tempore fuit erecta; nihil potuit seligi magis ad rem, quam effigies corporis ex chrysolito. Vide illud 1. Machab. 2. 64. Vos ergo filij confortamini & viriliter agite in lege: quia in ipsa GLORIOSI ERITIS. Et illud 1. Machab. 5. 63. Viri Iuda MAGNIFICATI sunt valde in conspectu omnis Israel & Gentium omnium, ubi audiebatur nomen eorum. Huic chrysolito nihil in capitis primi Apocalypseos visione respondet. quod non per obliuionem accidit; sed per summam prudentiam prætermisum fuit. Nam initio Christiana Ecclesia suum decus & splendorem abditum omnino & occultum habebat; iuxta illud psalm. 44. 14. Omnis gloria eius ab intus. Ac tantò maior erat suæ felicitatis magnitudo, quantò occultior; vt elegantissimè describitur Apocal. 6. in quatuor primis sigillis. Sed propter eandem rationem nō erat ad rem symbolum, quod summam gloriæ manifestationem indicaret; vbi externa facies ignominiam potius ac dedecus præ se ferebat. Atque ad hanc significationem multò fuit congruentius, vt figura, quæ representabat Ecclesiam, eam Christi persona indutam representaret. Nam hæc fuit maxima Christi gloria in terris, abscondere scilicet, summam beatitudinem sub humilitatis & abiectionis specie. Quò spectat illud Pauli, Vita vestra abscondita est cum Christo in Deo, Colossen. 3. 3. hoc autem intelligitur, si prima Ecclesiæ Christianæ tempora respiciamus. Postea tamen multò maior & illustrior illam manebat gloria externa, quam quæ Iudaico populo Machabæorum tempore fuit. Cuius rei significationi deferuit solis splendor; vt mox dicemus.

### Cur Daniel viderit in angeli facie fulguris speciem, Ioannes verò lucem solis?

Cur Danielis angelus facie fulgur, at angelus Ioannis solem referat?

Daniel de angelo à se conspecto ait: facies eius, velut species fulguris: Ioannes tamen de figura, quam vidit, facies eius sicut sol lucet in virtute sua. Vbi præter magnum discrimen, quod inter lucem solis & fulguris speciem intercedit; in ordine etiam aliam inuenio differentiam, non minori animaduersione dignam. Hæc autem est, Daniele cum zonâ aureâ chrysoliti gloriam & fulguris splendorem continenter coniunxisse: at Ioannem solis splendorem, vt totius visionis clausulam, extremo loco collocasse. Imò, vt suo loco diximus, hanc solis lucem non Ioannes initio aspexit; sed post visionem pedum ex aurichalco ardenti, vocis aquarum multarum, stellarum septem & gladij ex ore prodeuntis; post hæc (inquam) omnia vidit nouam Christi transfigurationem. Et verò cum solis splendor aptissimū sit symbolum ad præstantissimam Ecclesiæ Christianæ gloriam, quæ idolatriæ tenebris depulsis totum orbem compleuit; facile est animaduertere, congruenter fuisse factum, vt Danielis angelo vultus solum instar fulguris radiaret. Nam magna illa Israelitici populi gloria & notitia veri Dei, quæ ex illa populi Iudaici gloria Machabæorum tempore ad Gentes dimanabit, non expulit ex mundo idolatriam, neque orbem compleuit; sed in medijs idolatriæ tenebris, fulguris instar emicuit; & breui aliquo tempore suspicari fecit Gentiles, verum esse Deum, qui à Iudaico populo colebatur.

### De oculorum flammis in vtrâque figura?

Quid per oculorum flammam in vtrâque visione notant maximam indignationem, quam Deus in

Hæ oculorum flammæ in vtrâque visione denotant maximam indignationem, quam Deus in

A Ecclesiæ hostes ostendit; necnon zelum, qui prius Machabæos, deinde Christianos accendit & inflammavit ad inferendum Dei hostibus bellum. Nam & primitiui Christiani mystico bello, siue spiritali contra Gentes pugnauerunt.

### Cur Ioannes viderit pedes ex chalcobibano; Daniel autem brachia & quæ deorsum vsque ad pedes, quasi speciem aris candentis?

Pedum dissimilitudo in vtrâque visione; & eius ratio.

B Pro voce Hebraica Marghelota, pro qua noster vertit, quæ deorsum vsque ad pedes, Hebraicæ linguæ periti contendunt significari non solum tibias, sed etiam pedes: cui sententiæ cum olim peculiari ductus ratione reclamarem; nunc re attentius consideratâ, facillè subscribo. Quare quod LXX. exponunt σκέλη id est, crura; sicut in Ioannis visione nomen pedum, tibias etiam siue crura comprehendit. Vulgatus tamen vsus est illa periphrasi, quæ deorsum vsque ad pedes, vt excluderet superiorem corporis partem, quæ erat ex chrysolito: & non solum pedes & tibias, sed etiam femora complecteretur. His ita constitutis, differentia inter Ioannis ac Danielis visiones in eo sita est, quod Daniel viderit non pedes modò, sed etiam brachia ex ære candente; Ioannes brachia videatur aspexisse carnea, & pedes ex ære candenti. Ratio autem huius discriminis petita ex significatione est aptissima: nam Dei virtus & gratia mirum robur ac vires Machabæis subministravit, vt Dei bella acriter suscipere, & feliciter peragere valerent. Quamobrem conuenienter satis figuræ illi brachia ac pedes ex ære candente afficti sunt; quæ vna ex parte strenuam & indefessam fortitudinem ad pugnandum significarent; ex altera ostenderent quantopere ipsi hostibus præstarent, & quantam in eis eadem essent facturi. Et quasi brachia ac pedes ex candenti ære haberent, aris vi atque ignis efficacitate in hostes impetum faciebant Machabæi, & acerrimo bello eos fundebant ac dissipabant. Arias Montanus in hoc Danielis loco non legit, quasi species aris candentis; sed, quasi species aris aris politi, vel tersi; quod potest ad armorum splendorem referri. Sed prudentis esse duco, potius credere LXX. interpretibus atque Vulgato; quorum lectio idoneam satis habet significationem; vt iam vidimus.

Num Danielis angelus pedes etiam ex ære candenti habuerit?

Quid per brachia ac pedes ex ære in Danielis figura adduntur.

D Verisimile etiam est, in aris igne significari religionis ardorem ac zeli, quo Machabæi succensi in bella pro Dei religione ruebant. Verum cum in Apocalypseos figura non ea fuerit mens, vt proprium bellum in ea representaretur; sed mysticum, quod Euangelii prædicatione cum Gentibus gerebatur; idcirco ad proprii belli significationem vitandam, brachiorum ex ære symbolum prætermisum fuit quò robur ad vulnera infligenda, & eadem edendam innuitur; & illud symbolum fuit selectum, quod denotaret Apostolorum & Euangelij concionatorum virtutem, qua per totum orbem discurrerunt, Euangelium prædicantes. Hoc autem significant pedes myltiq; Christi (siue quod idem est, Ecclesiæ) atque id fuit aptissimum symbolum ad virorum Euangelicorum perfectionem, idque in Canticorum libro, in Isaia, & Nahum, in eadem significatione vsurpatum. Pedibus autem ex ære ardenti, & singillatim ex chalcobibano siue ære montis Libani, significata fuit virtus, atque constantia perfectionis; in quo facta est manifestè allusio ad altare holocausti: atque hac ratione eleganter indicatum fuit, bellum, quod ab Euangelij prædicatoribus in gentes suscipiendum erat, nequaquam iuxta Machabæorum morem, fore brachiorum vi & corporis atque armorum fortitudine; sed solum constantia ac perseuerantia in prædicatione Euangelica. Quare ex vna parte brachia carnea & inermia tribuuntur eis,

Cur Ioannis angelus non brachia ac rea habuerit.

quæ



qua pacificos illos ostendant, & paratos ad hostes etiam complectendos; ex alia tamē rei pedes, id est, constantia in Euangelij promulgatione. Ac denique ignis chalcobani designat, eos proficisci vt terrarum orbem accendant illo igne, quem Christus venit mittere in terram; & mundum tandem eorum prædicatione inflammandum, & in holocaustum gratissimum Deo consecrandum.

Quod utriusque vocum discrimen; quod discriminitatio?

**Cur Daniel audierit vocem multitudinis: ac Ioannes prius vocem tubæ, deinde vocem aquarum multarum?**

Si per vocem aquarum multarum denotaretur, vt nonnulli volunt, Gentilium populos, Christi doctrinam suscepturos; facile erat rationem reddere, cur Daniel vocem multitudinis exaudit, & non aquarum multarum; nimirum quia Iudaicus populus Machabæorum tempore multus fuit, non tamen multitudo populorum. Sed hæc ratio non satisfacit; nam, vt vidimus, vox tubæ & vox aquarum multarum, Iudaicorum & Gentium persecutiones indicant; quibus Christus suos amicos docuit altissimam Apocalypseos doctrinam. Quæ tamen docendi ratio in legis gratiæ tempora seruabatur: quare exigendum non est, vt in Danielis figura, (quæ Iudaici populi futurum statum Machabæorum tempore repræsentat) significatio vocis multitudinis similis sit significationi vocis aquarum multarum. Præter hæc, in Danielis figura non est vox tubæ; nec idem seruatur narrationis ordo, qui in figura Apocalypseos. Nam apud Daniele, postremum omnium est vox multitudinis; in Apocalypsi autem prius est tubæ vox; deinde in vocem aquarum multarum commutatur. Cui subiunguntur stellæ in dextera, gladius in ore, & in facie splendor solis fulgentissimi. Itaque symbolum maximi fulgoris solis consequens est ad vocem aquarum multarum. Existimo ergo in Daniele, vbi illius visionis finis est vox multitudinis, significationem esse, victoriæ ac pace per Machabæos partâ fidelium numerum augendum fore. Atque ita in Daniele, multitudinis vox non innuit persecutionem, sed prosperitatem. Quare non recte Arias Montanus transtulit, *vox tumultus*; nam Hebræum vocabulum *Hamon* (à radice *haman*) non significat, nisi multitudinem; & solet vsurpari in significatione multiplicationis & augmenti; vt videre est in Thesaurò linguæ sanctæ. Magnum igitur est discrimen inter vocem multitudinis & vocem aquarum multarum. Et quamuis Ioannes ad Danielis locum alludat; multiplicationis tamen populi symbolum, in symbolum multiplicationis hostium commutauit: vt eo maior esset gloria claritatis solis, quo maior fuerat procella atque tempestas contra Christianam Ecclesiam concitata.

Danielis Angelus cur nec canos, nec stellas, nec gladium habuerit?

**Cur Angelus, qui apparuit Danieli, neque canos habuerit in capite, neque stellas in manu, neque gladium in ore?**

Ex horum symbolorum significatione (de qua suo loco disputauimus) planè perspicitur, ea non esse apta ad figuram Danieli visam. Nam canities summæ prudentiæ terrena despicientis, & cælestis splendor orbem vniuersum illuminans, nec non prædicationis efficacia; hæc (inquam) omnia Christiani populi fuerunt excellentiæ ac prærogatiuæ; & quæ nullo modo illi communes erant eum Iudaico populo; siue Machabæorum tempore, siue alio quouis. Licet enim in eo populo, Pro-

phetæ diuina luce valde illustrati extiterint, & Deo maximè familiares; ast generatim loquendo, rerum temporalium contemptio, vis atque animus vniuerso orbe prædicandi, & prædicationis ipsius efficacia, non erant illius temporis virtutes. *Nondum enim erat Spiritus datus, quia I E S V S nondum fuerat glorificatus*: nec Iudaico ipsi populo rerum humanarum despicientia prædicabatur.

Sed obijcies, Danielis duodecimo, num. tertio, vbi sermo est de Iudaicorum populo, dici; *Qui docti fuerint, fulgebunt quasi splendor firmamenti*: & qui ad iustitiam erudiunt multos, tanquam stellæ in perpetuas æternitates. Respondeo, verum esse aliquo modo elogium illud doctoribus Iudaici populi olim congruisse propter egregiam ac salutarem doctrinam, qua populum imbuebant. Hoc tamen laudis præconium aded illis parçè conueniebat; si cum populi Christiani doctoribus conferantur; vt antiquis potius aptari videatur, tanquam figuris Christianæ Ecclesiæ Doctorum; quam quod sibimet ipsis perfectè quadret. In quo ferè accidit, quod in ijs Psalmis qui in cortice ipso literæ Salomonem ac Dauidem sonant: in quibus Psalmis interdum ita assurgit stilus, vt fateri nos cogat, respectu ad Christum in ijs asseri ea, quæ ratione Davidis aut Salomonis nimis exaggerata videbantur.

**Cur Daniel steterit super genua, & super articulos manuum?**

Daniel cur super genua & manus articulos steterit?

Danielis pauor non aded ingens fuit, atque Ioannis. Nam etsi Daniel corruerit, & vultus eius hæserit terræ; ex contextu tamen apparet, ipsum non fuisse ita exanimatum, vt vsu sensuum priuatus sit. Sic enim ait; *audiens iacebam, & vultus meus hærebat terræ*. Ioannes verò cecidit tanquam mortuus. Itaque perspicuum sit Danielis metum non aded fuisse magnum, vt pauorem Ioannis: & quidem satis meritò. Quæ enim figura apparuit Ioanni, multò erat horribilior. Sed mirabile est etiam Daniele Angeli tactu non ita fuisse roboratum, vt Ioannem. Nam Daniel, postquam eum Angelus tetigit, vix tandem potuit toto corporis nixu quasi reptare super genua, & super articulos (siue palmas) manuum. At Ioannes mirabili Christi dextera virtute contractus tantum animi ac roboris recepit; vt calamum protinus iubeatur arripere, & septem epistolas Christo distante conscribere. Ratio huius discriminis est; nam licet Christianæ Ecclesiæ procellæ ac tempestates multò vehementiores fuerint, quàm ex, quibus fuit Iudaicorum populus iactatus; & ex se efficacissimæ forent ad maximum horrorem incutiendum; vis tamen ac robor Christi dextera, tempore legis gratiæ, multò maiora & præstantiora miracula patrauit, & in maiori timendi & pauendi occasione suam virtutem magis ostendit; dum plus animi ac fortitudinis suis addit. Quia lex ad perfectum non adducebat, ad Hebr. septimo, num. nono. Postea autem virtus in infirmitate perficitur, secunda ad Corinth. 12. 9.

**Quis fuerit Angelus, qui apparuit Danieli?**

Quis fuerit Angelus Danieli visus?

Theodoretus, Carthusianus & Pererius existimant Angelum, qui in hac visione Danieli apparuit, fuisse Gabrielem; Gregorius autem 17. Moral. cap. 8. & Cassianus collat. 8. suspicantur eum Angelum habuisse peculiarem curam illius populi Hebraici, qui Babylone captiuus tenebatur. Sed quidquid sit de huius Angeli persona & officio; opabilius est, meo iudicio, intelligere, quorsum spectet mirabilis illa figura, in qua Angelus apparuit. Quod



si significatio, quam ei tribuimus, satisfaciatur; per illam optima redditur ratio; quapropter Angelus qui apparuit Danieli, appellatur Gabriel, id est, *virtus Dei*, vel *Deus fortis*. Nam eius visio eò spectabat, ut Daniel agnosceret Dei virtutem ac robur, cuius eximia documēta Deus ipse fuerat editurus in sui populi liberatione per Machabæos; iuxta illud Psalm.

A 67. line. *Mirabilis Deus in sanctis suis: ipse dabit virtutem & fortitudinem plebi suæ.* Nisi autem fallor, ex comparatione harum duarum visionum Danielis & Ioannis, egregiè confirmatur, collineatum esse in ea expositione; quæ utramque visionem comparando, cuiusvis conuenientiæ aut discriminis aptam & coherentem inuenit rationem.

## C O M M E N T A R I V S.

**S**CRIBE ERGO QUÆ VIDISTI, ET QUÆ SVNT, ET QUÆ OPORTET FIERI POST HAEC. ] Particula illa ergo in præsentī est nota illationis. Nam Christus ex eo, quod Ioanni dixerat, *Ego sum primus & nouissimus, & fui mortuus, & ecce sum viuens, & habeo clauēs mortis & inferni*; inde infert æquum esse, ut Ioannes visionem scribat sibi ostensam. Hæc itaque illatio nos docet verbis illis, quæ mysticus Christus Ioanni dixit, scilicet, *Primus & nouissimus, &c.* visionem ipsam declarari. Alioqui enim, quomodo ex illis verbis possit inferri, Ioannem debere scribere, quæ viderat?

QUÆ VIDISTI. ] Visionem ipsam capitis primi per hæc verba denotari, meo iudicio, perspicuum est ex ipso contextu. Suprà enim dictum Ioanni fuerat, *quod vides scribe in libro*; & post visionem ei dicitur, *Scribe ergo quæ vidisti*, & particula illa ergo, non permittit, ut sermo sit de alia re, quam de ipsa capitis primi visione.

ET QUÆ SVNT, ET QUÆ OPORTET FIERI POST HAEC. ] Ambrosius, Rupertus, Anselmus, Albertus, Ribera, & Pererius in prolegomenis disput. 9. & 11. intelligunt, his verbis Ioanni præcipi, ut præter visionem capitis primi, scribat etiam præsentem, qui tunc erat, Ecclesiarum statum; nec non ea, quæ postea futura erant. Hanc tamen explicationem, ut existimo, respicit contextus. Illa enim particula ergo postulat, ut quæ Ioannes iubetur scribere, includantur in præcedentis capitis i. visione. Quia non iubetur modò scribere, sed per illationem dicitur illi, *Scribe ergo quæ vidisti, & quæ sunt, & quæ oportet fieri post hæc.* Atqui ex præcedenti visione non bene colligitur, æquum esse, ut scribat ea, quæ in illa visione non includuntur. Huic argumento aliud addo, quod apud nrē vim habet non exigua; nempe verbum substantiuum, ubi sermo est de ænigmatibus, non aliter intelligi solere, quam de ipsorum ænigmatum significatione. Nam si designato ænigmate dixeris, Quid est hoc? perinde est, ac si roges, Quid significat hoc ænigma? Sermo autem erat de visione ænigmatica: quia illa verba, *quæ vidisti*, non aliud designabant, quam visionem illam primi capitis. Cum ergo subditur, *& quæ sunt*; illud propriè præcipitur, ut scilicet non solum scribat visionem, sed etiam illius significationem. Confirmatur, quia in sequenti versu bis ponitur idem verbum substantiuum in eodem sensu: dicitur enim, *Candelabra sunt, Ecclesiae; stelle sunt, Angeli Ecclesiarum.* Neque in hoc tantum loco, sed in alijs etiam, ubi sermo est de ænigmatibus, eodem modo solet loqui Scriptura; ut videbimus notat. XVIII. Quæ observatio lucem præfert aliquibus locis; qui aliàs non satis intellecti; hac obseruatione optimè intelliguntur.

ET QUÆ OPORTET FIERI POST HAEC. ] Vidimus opus esse, ut hæc quoque verba ad primi capitis visionem referantur. Alioqui ex visione præcedenti non colligeretur, *Scribe ergo, quæ vidisti, & quæ sunt, & quæ oportet fieri post hæc.* Distinctio autem illa de præsentibus ac futuris, non est ad rem. Hic enim, ut vidimus, idem est esse ac significare. Sicut autem in eadem visione ad symbola ipsa referuntur illa verba, *quæ vidisti*, & ad symbolorum significationem referuntur illa, *& quæ sunt*; sic etiam ad rei totius summam atque substantiam spectant illa, *& quæ oportet fieri post hæc.* Nam scopus huius visionis non erat alius, quam describere, quem exitum habituræ essent Ecclesiae persecutiones; & oportet fieri in sacra Scripturæ phrasi non aliud significat, quam certissime futurum esse. Itaque tria illa *quæ vidisti, & quæ sunt, & quæ oportet fieri post hæc*, ad eandem visionem spectant: eadem prorsus ratione, ac si Ioanni dictum esset; *scribe visionem, & eius significationem*; atque ad eò quem exitum certissime habitura sit persecutio, quam Ecclesia Christiana patitur.

Sed dicat aliquis, hunc sensum, quanvis alioqui videatur aptus, propterea tamen displicere, quia Ioannes non scripsit significationem visionis sibi ostensa: imò verò ex ijs, quæ viderat, non aptè inferrebat ipsum iam posse significationem scribere; atque ad eò alium esse quæredum sensum, cum ei per illationem dicitur, *Scribe ergo quæ vidisti, & quæ sunt.* Ad hoc respondeo, Ioanni non fuisse præceptum, ut nimis distinctè scriberet significationem visionis sibi ostensa; sed ut eam scriberet, id est, ut aliquo modo in ipso textu indicaret: quod & fecit non modò in hoc capite, sed in alijs etiam nonnullis. Nam quod explicauit, urbem illam, cuius decima pars cadere visa est, esse Hierosolimam; & Babylonem, quæ ardere conspecta est, esse Romam; hæc (inquam) benè intelligenti deseruiunt ad explicationem visionis cap. primi. Certe mihi illæ Ioannis explicationes faciem prætulerunt ad intelligendam cap. primi visionem. Et quanvis plurimis non satis fuerit hæc Ioannis expositio, ut visionis significationem intelligerent: non tamen propterea negandum est Ioannem scripsisse significationem. Quod verò nimis breuiter & obscure eam scripsit, sapienter fecit; quia id summopere expediebat, ut vidimus in prolegomenis notat. XIV.

Ad id, quod opponebatur, ex ijs nempe, quæ Ioannes viderat, nō rectè colligi ipsum posse scribere significationem, Respondeo Ioannem, præterquam quod figuram capitis primi viderat, ab ea audisse illa verba, *Ego primus & nouissimus, & fui mortuus, & ecce sum viuens, & habeo clauēs mortis & inferni.* Et cum Ioannes tanta sapientia polleret, nec non sacra Scripturæ atque eius phrasum intelligentiā; illud satis fuit, ut perfecte intelligeret omnium, quæ viderat significationem. Quia sapienti, ut dicitur, *dignum sat.* Quod autem ei dictum fuit, *Scribe ergo quæ vidisti, &c.* non tantum inferitur ex eo, quod Ioannes viderat; sed ex eo etiam, quod audierat.

Quenam  
Ioannes  
scribere  
iubeatur.



SACRAMENTVM SEPTEM STELLARVM. ] Pro Sacramento Græcè legitur *mysterium*; & vtrumque nomen tam Græcum, quàm Latinum analogum est. Nam aliquando accipitur pro recondita significatione, vt in præsentis; & aliquando pro symbolo ipso, siue signo occultam significationem includente. Et sic Eucharistia species appellata est à Christo *mysterium fidei*; Atque eadem ratione Baptismus & ceteræ sacræ ceremoniæ ad animarum sanctificationem à Christo institutæ appellantur sacramenta; quia eam ipsam sanctificationem significant, quam Christus per illa ipsa operatur. De quo vide notationem sequentem.

## NOTATIO XVIII.

*Ad illa verba, Scribe quæ vidisti, & quæ sunt; de phrasi sacræ Scripturæ, in qua verbum substantiuum ad significationem refertur, cum de enigmati agitur. Et per occasionem explicatur locus Eccles. 12. 13.*

Cum de enigmati est sermo, ipso rum significationem per verbum substantiuum denotari.

**D**I X I M V S in commentario verbum substantiuum, cum de enigmati agitur, ipso rum significationem frequenter denotare. Hoc si generatim solum præcipitur, notissimum est; nec ab vilo in dubium vertitur. Sunt enim multa sacræ Scripturæ exempla; in quibus nemo est, qui non videat, eam esse phrasim verbi substantiuum, vt Ezechielis 5. 1. *Ista est Ierusalem*, Danielis 4. 19. & cap. 7. 17. & 23. & cap. 8. 20. 21. & Lucæ 8. 12. *Est autem hæc parabola*; vbi optimè Iansenius.

Nihilominus tamen aliqui sunt loci; in quibus, quia non aduertitur proprium eorum esse sensum, vt verbum substantiuum iuxta illam phrasim sumatur; propterea varia sensuum diuerticula quæruntur; nec verus interim attingitur. Quamobrem id hic animaduerrere visum est; atque eius rei singulare proferre exemplum, quodam in loco, qui hætenus multos torfit; neque eius intelligentiam satis assequuti videntur. Vbi autem semel aduertatur, ibi de enigmati illius significatione sermonem esse; verus aperitur sensus; nec germanus solum, sed etiam perutilis & sacræ Scripturæ dignissimus. Locus autem est clausula illa libri Ecclesiastæ, *Deum time, & mandata eius observa; hoc est enim omnis homo*. Vbi valde laborant interpretes; dum exponere cõtendunt, qua ratione timor Dei, & ipsius mandatorum observatio sit omnis homo. In quo dum variè philosophantur, concionantur potius, quàm explicant. Nam vera loci interpretatio ex eo pender, vt animaduertatur, quod in illo capite ea verba antecedit, esse quoddam enigma siue parabolam, quæ hominis mortalitatem eleganter depingit; & innuit fore tandem vt tempus adueniat, in quo sensus proprio munere fungi non possint; atque adeo neque aures audire, neque videre oculi, nec pedes incedere, nec molere dentes; & multa alia eiusmodi, quæ sapienter ab interpretibus exponuntur. Hæc tamen omnia sub ænigmatica & parabolica loquutione dicuntur; atque ad finem longioris allegoriæ subditur; *Finem loquendi pariter omnes audiamus* id est, hanc de hominis mortalitate tractationem absoluamus & imponamus pariter finem libro Ecclesiastæ, *Deum time & mandata eius observa; hoc est enim omnis homo*. In quibus verbis notandum est, illa *Deum time & mandata eius observa*, respondere ijs, quæ initio enigmati præposita sunt, scilicet *Memento creatoris tui, antequam veniat tempus afflictionis*; atque hac eadem phrasi totum enigma seu parabola continuatur; *antequam tenebre scat Sol & Luna*. Et infra; *Antequam rumpatur funiculus argenteus*, &c. idem verò est, *Memento creatoris tui, ac Deum time & mandata eius observa*. Cum autem postremò, additur, *hoc est enim omnis homo*, demonstratiuum hoc, totum enigma siue allegoriam, quam antea proposuerat, proculdubio designat. Atque ita dicere, *hoc est enim omnis homo*, idem est ac dicere; hoc, quod suprà depinxi, omnes sumus; id est, cõ sumus omnes deuēturi; cuncti enim mortales sumus. Quare, cum morituri tandem simus, & Deo rationem strictissimè reddaturi; æquū est, vt tandem aliquando animaduerramus, mortalem hanc vitam meram esse vanitatem; ac proinde timeamus Deum, & ipsius præcepta seruemus.

Hoc est enim omnis homo, quid sit apud Ecclesiastam.

**B** Ad huius sensus confirmationem nota 1. cum ænigma adeo longum & mirabile fuerit antea ob oculos positum, vbi extremò subiungitur *finem loquendi audiamus*, siue inceptum sermonem absoluamus; adiectiuo illo, *hoc*, aptissime propositum enigma designari. Id sanè mihi nihilo est obscurius, quàm si extento digito ipsum mihi ænigma Ecclesiastes indicaret.

Quod si aliquis in eo fortasse hæreat, quod iuxta nostram explicationem, illud pronomē *hoc* non designat id, quod proximè præcedit, sed superius ænigma. Ad hoc facilis est responsio; nempe sæpe ita contingere, vt pronomē *hoc* omnino sit referendum ad id, quod paulò superius remanebat. Pro quo vide insignem locum 1. Cor. 7. 6. *Hoc autem dico secundum indulgentiam*.

**C** Nota secundò; eiusmodi sensum & prudentissimum esse, & sacræ Scripturæ dignissimū. Cum enim nostro aspectui subiecerit humanæ mortalitatis ac fragilitatis imaginem ad viuum expressam; quid potuit congruentius subdi, quàm vt admoneremur effigiem illam esse propriam nostræ naturæ; atque ad finis picturam, quæ nobis vitæ exitum in mentem reducat? Quod si hic Ecclesiastæ liber, est concionatoris sermo, quid, quæso, potuit aptius eligere & in medium proferre?

Fingamus concionatorem aliquem ante principis viri cadauer tumulo honorificentissimè impositum, ad numerosam audientium multitudinem concionem habiturum. Quid prudentius præstare potuisset, quàm pro suæ concionis themate, digitum in cadauer intendere; & simul addere, *Deum time, & mandata eius observa; hoc est enim omnis homo*? Idem dixerim de eo concionatore; qui sub finem concionis hominis cranium produceret, & eo designato, subiungeret, *hoc est enim omnis homo*. Atque ita homines ad poenitentiam & præteritorum resipiscetiam hortaretur. Hoc ergo ipsum præstat sapientissimus Salomon; qui tamen pro cadauere, aut cranio, demonstratiuo illo *hoc*, designat viam nostræ mortalitatis imaginem, quam Spiritus sanctus expressit.

**D** Nota tertio, ex subsequenti contextu nostram hanc declarationem satis cõfirmari. Sequitur enim; *& cuncta, quæ sunt adducet Deus in iudicium*. Quis autem nesciat post mortem statim iudicium subsequi; atque adeo strenuos concionatores recordationi mortis iudicij memoriam congruentissimè annectere, vt hac ratione homines ad Dei timorem impellant? Id ergo ipsum Ecclesiastes, vt concionator egregius, præstitit.

**E** Nota quarto, sententiam illam, *hoc est enim omnis homo*, iuxta nostram explicationem, esse satis idoneam conclusionem, epilogum & epiphonema totius libri Ecclesiastæ. Quidquid enim in eo latè agitur de rerum humanarum vanitate, ad id tandem reducit, nos scilicet esse mortales; ac proinde nihil esse in hac vita, quod firmū & stabile diu sit. Quid verò magis ad rem, quàm vt breui & eleganti sententia Ecclesiastes, quasi quodam epologo totam concionem coërceat; id quod se facturum ipse admonuit; atq; ad id audientium attentionem captauit, cum dixit; *finem loquendi pariter omnes audiamus*.

Totius libri Ecclesiastæ epilogus.



Quintò confirmatur; quia alij sensus, qui à multis afferuntur, violenti sanè sunt. In quibus tamen impugnandis immorari non est animus: quia nonnullis fortasse placebunt, & ex ijs vtilitatem percipient.

Ex meo ipse sensu satis velim, ne quis sibi detrimentum pariat, nostra explicatione abutendo. Et venit in mentem quempiam fortè hæreticum, sanctissimæ Eucharistiæ aduersarium, in hoc loco diligenter quæsiturum exemplum aliquod sensus illius metonymici, quem teterrimus dæmon ab inferis excitauit ad eneruandam vim illorū verborum, *Hoc est enim corpus meum*. Primā enim facie videtur illius metonymicæ intelligētīæ splendidum exemplum desumi posse ex nostra horum verborum explicatione, *Hoc est enim omnis homo*. Et addet præterea hæreticus Eucharistiā à Christo appellari mysterium seu Sacramentum; & sacramenti nomen esse referendum ad significationem; vt refertur in vltimo versu capitis primi Apocalypseos. *Sacramentum stellarum, quas vidisti in dextera mea*. Vbi stellæ Ioanni ostensæ dicuntur esse Angeli. Non quòd essent verè Angeli Ecclesiarum; sed quòd eos solū significaret, tanquam illorum symbola. Hoc est nouatorum argumentum. In quo, vt solent, araneorum instar, ex odoratis floribus sibi virus exfugunt. Catholici verò, quibus in religione siue doctrina aliquid nouare semper piaculum fuit, veritatem Eucharistiæ non à nostro cerebro fingimus; sed à Christo Domino traditam, & ab Ecclesia perpetua veneratione conseruatam, fideliter retinemus. Argumentum autem hæreticorum facile euanesceat; animaduertendo, non negari à nobis Eucharistiæ species esse signa à Christo instituta, quibus corpus ipsius & sanguis significantur, significatione ab ipso Christo ordinata; sed ab Ecclesia edocti nouimus, quædam esse symbola non ad aliud, quàm ad doctrinam & significationem instituta; vt sunt ænigmata atque parabole. Alia verò ad animarum sanctificationem esse facta; in quibus ex ipsa significatione efficacissimum sumitur argumentum ad probandum, verè in ipsis includi id, quod significant. Verbi gratia; Baptismus siue sacra ablutio signū est ablutionis animæ à peccatorum sordibus. Hoc ergo ipsum, quod externa

A illā abluendi actio significat, in eo sacramento verè ac propriè continetur. Per id enim verè abluitur anima & sanctificatur. Et quidem Christi excellentiam summopere decuit, vt in sacris ritibus ac ceremonijs, quas Christianæ Ecclesiæ institutas reliquit, earum significatio non esset, vt significatio ænigmatum; quæ ad id ipsum, quod significatur, operadum minime extenditur; sed vt in ipsius Christi miraculis accidit: in quibus externum illud opus, erat latētis miraculi vestigium. Verbi gratia; dum Christus cæcum illuminabat, animæ pariter oculos, id est, mentem vera fide illustrabat; dum sanabat egrotum, vñ animæ morbum depellebat. Atqui hanc operandi rationem Christi excellentiā esse dignissimam, velle negare; id verò est cæci & ægroti proprium in sua cæcitate & ægitudine perstare cupientis. At Ecclesiæ filijs nihil id difficultatis; sed summam potius credibilitatem habet; iuxta illud, *Testimonia tua credibilia facta sunt nimis*, Psalm. 92. 5. Quia signa merè signa instituit quibus facile poterat: signa tamen eiusmodi efficacitatis plena Ecclesiæ relinquere, hoc solius erat Christi potestatis. Inter hæc igitur signa & sacramenta supremum ac præstantissimum est sine dubio Eucharistia. Atq; ita ex ipsa metonymia (liceat mihi sic loqui) in qua hæretici tantopere debacchantur; id est ex eo quòd species Eucharistiæ Christi corpus & sanguinem significet; Catholici in veritate fidei confirmamur, quòd scilicet in eis Christi corpus & sanguis verè ac reapse continentur. Etenim si Baptismus operatur, quod exterior ablutio significat; non minor debet esse, sed multò maior, Eucharistiæ excellentia. Quare minime dubitamus, verè etiam & propriè ipsius Christi corpus & sanguinem in admirabili hoc sacramento includi. Quod qui negant à Deo planè sunt derelicti; atque adeò indigni, qui fruantur immenso hoc beneficio, quod Christus in suam Ecclesiam contulit, cum nobiscum in sacrosancta Eucharistia manere voluit, & pectora fidelium succedere, atque sua præsentia succedere; & admirando hoc opere infinitam suam beneficentiam ostentare, quæ Angelos ipsos admiratione & stupore teneret delixos; vt suis tandem beneficijs, hominum & Angelorum captum omnino superaret.

Pro Eucharistia veritate aduersus huius temporis hæreticos afferenda.

Hæreticorum argumentum refellitur.

Duplex sacerdotum symbolorum modus.

P R O O E M I V M

I N

# CAPVT II. ET III.

## APOCALYPSEOS

### IN TRES NOTATIONES

#### D I V I S V M.

N O T A T I O I.

*In qua explicatur, qui sint Angeli, ad quos Ioannes scribere iubetur.*

**D**V O hæc capita nihil aliud continent, quàm septē epistolas, quas Christus Ioanni dictauit ad septem Ecclesiarū Asiæ Angelos mittendas. Et in commentario quidem c. i. v. 16. proposuimus varias opiniones de septem stellis siue Angelis, ad quos septem hæc epistolæ diriguntur. Vbi ostendimus in plano illius loci sensu, per illos Angelos, septem homines illarum Ecclesiarum Episcopos designari. Quod ipsum ex epistolarum contextu valide confirmatur. Nam si cæle-

D stes Angeli essent; non erat ad rem epistolas illis per Ioannem scribi, & mitti. Et alioqui constat homines Dei ministros, præsertim sacerdotes appellari Angelos. De quo vide Dionysium de cælesti Hierarch. c. 12. Accedit, quòd Angeli nomen nil aliud sonat; quàm nuntium: atq; ita eadem analogia, qua nuntiorum nomē præcipuis summi Pontificis ministris in regū curijs degentibus solet attribui; præcipuis etiam Dei ministris, quos ipse in terris habet, tribui cõsuevit. Imò verò Seraphinorū etiam appellatio tribuitur.

Qui fuerint septem Angeli, ad quos Ioannes scribere iubetur.

Sacerdotes in scriptura Angelos vocari. Angeli nominis etymologia.

Episcopis



Episcopis in sacra Scriptura; ut videbimus in explicatione cap. 6. Itaque.

Alia expositio erat, Angelorum & stellarum nomine designari Ecclesias ipsas. Quod spectare existimo illorum sententiam, qui ea, quæ Christus in Angelis Ecclesiarum Asia reprehendit, notant non esse ipsorum peccata; sed Ecclesiarum. Quam expositionem ab Andrea, Areta, Ansberto, & Anselmo, accipit Pererius cap. 2. disput. 2. Et confirmat; quia Ephesinus Episcopus erat tunc Timotheus, magnus Dei amicus. Quod si de ipso Timotheo sermo esset, nequaquam ei diceretur, habeo aduersus te, quod charitatem tuam primam reliquisti.

Quod verò Episcopus de subditorum peccatis, nullâ ipsius culpa admittis reprehendatur; non iudicat dissonum Pererius; sed id fieri ait, quod excusatur ipse sit apud subditos, si eos reprehendat; tanquam ipsi peccata eorum imputanda sint, nisi eos reprehenderit, et quantum in ipso est, correxerit. Verum hæc expositio violenta est. Textus enim expressè candelabra ab stellis distinguendo, & affirmando per candelabra Ecclesias; & Episcopos siue Angelos per stellas indicari; manifestè innuit, culpas seu defectus illos, quos Christus in Episcopis reprehendit, ad ipsos Episcopos propriè spectare. Quando populi culpa Episcopo potest adscribi propter ipsius negligentiam, quam in suorum emendatione procuranda adhibuit; tunc sane Episcopus potest meritis obiurgari propter suæ Ecclesiæ peccata. Quando autem Episcopi culpa nulla fuit, quid potest violentius eis, quam ipsum de illis defectibus accusari, quorum culpa minimè in ipsum refunditur? Deinde inter has septem epistolas sunt aliquæ, in quibus nulla Episcopi obiurgatio continetur: aliz, in quibus nulla Episcopi laus.

Atqui mirum non est, primitiæ Ecclesiæ temporibus peculiare fuisse personas tanta morum probitate ac sanctimonia; ut nihil in ijs reprehensione dignum appareret: alias aded perditis ac profligatis moribus, ut nihil in ijs laudem mereretur. Existimare autem primitiæ Ecclesiæ tempore integras Ecclesias reperiri in Asia, in quibus nihil esset, quod posset iure laudari; & alias; in quibus nihil, quod posset vituperari; hoc nulla ratione veritatis speciem habet. Igitur tam laudatio, quam vituperatio septem illorum Episcoporum, Ecclesiarum statum minimè describit directè, sed singularium Episcoporum viuendi rationem. Quod autè vnusquisque ex illis Episcopis dissimilis esset conscientie reliquorum, mirandum non est. Nam inter homines diuersitas & inæqualitas frequens esse solet. At septem illas Ecclesias tantopere inter se moribus ac vita dissidere, ut septem Episcopi depinguntur; hoc mihi probabile nequaquam sit. Etenim generatim loquendo, in qualibet fidelium republica omnes illæ diuersitates conscientiarum reperiuntur: nec verisimile est, septem illas Ecclesias Asia, quod attinet ad conscientiarum status, fuisse inter se aded diuersas. Præterea textus ipse aliquando distinguit Episcopi statum ab statu Ecclesiæ. Nam in epistola ad Thyatirensē, peccatum Episcopi est, permittere mulierem Iezabel. Subditorum verò alij moechabantur cum Iezabele; alij eius doctrinam non recipiebant. Et in Ecclesia Sardeni Episcopus ipse de morte animæ reprehenditur; & subditur nihilominus, aliquos esse in ea Ecclesia, qui non inquinauerunt vestimenta sua.

Denique explicatio illa Pererij probari potest Victorino, Ticonio, Ambrosio, Haymoni, & Bedæ, qui non distinguunt Angelos ab Ecclesijs: vel ijs fortasse, qui illarum Ecclesiarum Angelos de Angelis celestibus interpretantur, in quos culpa non cadit: in communi tamen & certa sententia, quæ non dubitat Angelos illos esse Episcopos, certum mihi quoque est, peccata de quibus Angeli arguuntur, esse ipsorum Episcoporum peccata. Neque obstat, Christum in epistolis singulis repetere, Qui habet aures audiendi, audiat, quid spiritus dicat Ecclesijs: simili enim ratione dicitur; Quod vobis dico, omnibus dico, Vigilate. Marci 13. 37. & tamen ipsis primū Apostolo fuisse verè & propriè dicebatur. Simili etiam modo epistola ad Corinthios scripta, ad omnes etiam Ecclesias spe-

ctat: quod enim ad doctrinam attinet, generalis est, & omnibus Ecclesijs vtilissima: cum tamen aliquid in ea Ecclesia reprehendatur (ut epistola 1. cap. 5. 1. quod vxorē patris aliquis habet concubinam) quod non in omnibus Ecclesijs reperietur. Adde, Christum non dicere in epistola ad Ephesinum, Qui habet aures audiendi, audiat, quid spiritus dicat Ecclesiæ Ephesinæ; sed, quid dicat Ecclesijs. Ex quo manifestè conitatur non recte inferri, Episcopum non distingui ab Ecclesia; id enim saltem nemo diceret, Angelum Ephesi ab omnibus Ecclesijs non distingui. Illud certè verissimum est; quod Ephesino Episcopo scribitur, doctrinam esse Ecclesijs omnibus vtilissimam. Nam in omnibus Ecclesijs Christiani aliqui deprehendi solent, Episcopo Ephesi in eo similes, quod charitatem primam reliquerint. Et quia in singulis Ecclesijs fideles reperiuntur, qui, quod attinet ad conscientie rationem, similes sunt, alij Ephesino Episcopo, alij Smyrneni, alij Laodicensi, & sic de reliquis; idcirco in epistolis singulis repetitur, doctrinam illam ad omnes Ecclesias tradi; & ad communem vtilitatem conscribi.

Ad id, quod obieciatur, verisimile non esse, ut de Timotheo insignis sanctitatis viro, & qui fuit martyr Christi gloriosus; verè dici possit ipsum primam charitatem reliquisse; Respondeo, verum quidem esse Timotheum illum esse Ecclesiæ Ephesinæ Episcopum, quicum Christus loquitur in epist. 1. cap. 2. ut probat optimè Pererius cap. 2. disput. 2. nihil tamen esse, cur tantopere Lyra, Ribera, & Pererius concedere reformident, Christi martyri glorioso eam iniuri notam. Illis enim verbis non continetur lethalis culpæ macula; ut in explicatione videbimus. Nec Lyra & Ribera ab hac se expediunt difficultate, asserentes Timotheum superstitem non fuisse. Nam præterquam quod hoc falsum est; illud saltem negari non potest, post Ioannem & Timotheum, in Episcopatu Ephesino Onesimum successisse; qui fuit vir etiam sanctissimus, & sub Traiano martyrio coronatus; ut probat Baronius. Quare necesse est reprehensionem illam ad gloriosum aliquem Christi martyrem pertinere. Verum enim verò cum semel statuatur, Ephesini Episcopi obiurgationem non esse de lethali culpa; non aded mirum est, virum aliqui sanctum aliquantulum remissius de pristino animi ardore & feruore charitatis; ac propterea à Christo admoneri, & obiurgari, ut non solum ad pristinum redeat feruorem; sed etiam ut nouus ardor priori antecellat.

Superest modò examinare, verum sint proprijs nominibus noti septem illi Episcopi, ad quos Ioannes septem epistolas scribit?

Qua in re primò existimo valde coactum esse; quod Aureolus excogitauit; videlicet non opus esse illos omnes, ad quos Ioannes has scripsit epistolas, ea tempestate fuisse illarum Ecclesiarum Episcopos: sed potuisse Ioannem per spiritum propheticum cum ijs loqui, qui nondum fuerant nati.

Hæc consideratio ideo fuit ab eo excogitata; ut affirmare posset Thyatiræ Episcopum, cui Ioannes scripsit, fuisse Irenæum. Frustra tamen hac in re laborat Aureolus. Improbabile enim est, epistolam ad Thyatirensē Episcopum scribi, nec tamen illam dirigi ad eum, qui nunc episcopali eius vrbis officio fungitur; sed ad illum, qui post 100. annos Episcopus creabitur. Si admitteretur quod Epiphanius asserit, Ioannis scilicet tempore nec Ecclesiam Thyatiræ, nec Episcopum fuisse; tunc satis esset Ioannem cum eo Episcopo loqui, qui primus erat futurus. Ceterum quod Epiphanius affirmat; tunc Thyatiræ Ecclesiam non fuisse, viris doctis non placet, ut bene Pererius cap. 2. disput. 15. Quare certius est, Ioannem tunc scripsisse ad eos, qui eodem tempore Episcopi illarum Ecclesiarum erant.

Ephesi Episcopus erat Timotheus. Licet enim Ribera ex Metaphraste voluerit elicere Timotheum iam fuisse mortuū, cum Ioannes Apocalypsin conscripsit; verum hoc nec Metaphrastes asserit, nec dubium est Timotheum Ioanni Apostolo fuisse superstitem, ut probat hic Pererius capite secundo, disputat. 2.

Virum Timotheum fuerit Ecclesia Ephesina Episcopus, ad quem Ioannes scripsit?

Timotheo Onesimum in Episcopatu Ephesino successisse.

Nam Ioannes fuerit Thyatiræ Episcopus, cui Ioannes scribere iubetur?

Virum Ioannem tempore Thyatiræ Ecclesiæ oracula fuisse, necne.

Timotheum tunc Ephesi Episcopum.

Num Angeli septem, quibus Ioannes iubetur scribere, sint septem Ecclesiæ?

Reijcitur præcedens expositio.

Peccata, de quibus septem Episcopi arguuntur, ipsorum esse propria, non subditorum.



*Smyrna sic Polycarpum fuisse Episcopum, probabile est.*

*De Pergami Episcopo, non constat.*

Smyrnensem Episcopum fuisse tunc Polycarpum non est omnino certum. Nam etsi pro comperto sit, illum à Ioanne Smyrnæ Episcopum fuisse creatum, & Ioanne ipso vita functo plures annos vixisse: non tamè constat Polycarpum Smyrnensi Ecclesie fuisse præfectum ante Apocalypsin Ioanni reuelatam. Verumtamen licet certum omnino non sit; verisimile nec immeritò reputatur. Atque huic probabilitati fauet ipsa epistola, quæ ad Smyrnensem Episcopum scribitur; vt bene colligit Pererius, cap. 2. disp. 8.

Pergami Episcopus quis fuerit, non constat. Aureolus enim & Lyranus designant Carpum martyrem sanctissimum; sed illi absque dubio falsi sunt, vt rectè Pererius cap. 2. disp. 11.

Thyatiræ Episcopum, ad quem scribitur, esse Irenæum, commentitium planè est, & Aureoli somnium: non solum, quia Ioanni coæuus non fuit; sed etiam, quia nullo vnquam tempore fuit Episcopus Thyatiræ; vt bene Pererius cap. 2. disp. 15. de Carpo martyre; cuius meminit Eusebius lib. 4. cap. 14. in fine (in quo agit de Polycarpi martyrio) de hoc, inquam, Carpo certò affirmari videtur, fuisse Thyati-

**A** ræ Episcopum. Id enim asserit Martyrologium Roman. 13. die Aprilis; quanuis ipsius martyrium Pergami fuerit, vt tradit Eusebius. Non tamen certum est, Carpum fuisse Episcopum, cum Ioanni ostensa fuit Apocalypsis. Atque ita non satis conuenit de Thyatiræ Episcopo, quicum Ioannes loquatur.

Sardensis etiam non constat quis fuerit; constat tamen Melitonem nec Sardis, nec alibi fuisse Episcopum, vt notat Pererius, c. 3. disp. 1. Quare deceptus est Aureolus.

Philadelphie Episcopus non potuit esse eo tempore Quadratus cum bona Aureoli ac Lyran venia. Nam Quadratus fuit Athenarum Episcopus, de quo Pererius cap. 3. disp. 10.

**B** Denique Laodicensem Episcopum verisimile non est tunc fuisse sanctum Episcopum Sagarem; vt idem Pererius cap. 3. disp. 17. Quare ex his omnibus septem Episcopis, Ephesinum certum est esse Timotheum, Smyrnæum est verisimile esse Polycarpum; & Carpum fuisse Thyatirensensem non caret probabilitate. De ceteris certum est, nulla verisimilitudine affirmari posse, qui fuerint n, ad quos Ioannes scribit.

*Carpus fuisse Thyatiræ Episcopum, quo tempore Ioannes scripsit, non satis constat. De Sardensi, quis iure fuerit, non conuenit. Quadratus num fuerit tunc Philadelphie episcopus. Nihil plus constat de Laodiceo.*

## NOTATIO II.

*In qua expenditur, quorsum in Apocalypsi inserantur epistole ad septem illos Asiæ Episcopos?*

*Cur hic septem epistole ad Asiæ Episcopos inserantur.*

**Q** V I sibi persuadent Apocalypsin non esse vnicam reuelationem eadem serie continuatam, sed in varias diuidi; facile dicunt primam visionem continere in se Ecclesiarum Asiæ instructionem. Atque ita nullam inueniunt difficultatem in eo, quòd hic septem epistolæ inserantur. Verum cum iam viderimus visionem primi capitis esse totius Apocalypseos argumentum, & quasi totius actionis prologum; & in vniuerso libro à primo capite agi de duobus illis bellis à Iudeis & Gentibus aduersus Ecclesiam susceptis; illos, qui hoc sibi in animum induxerint, non potest non hæc stimulare cura, qua scilicet, ratione septem hæc epistolæ hic interponantur. Statuendum enim in primis est, illum ipsum qui prologum agit, & vtriusque belli argumentum proponit, post ipsius argumenti propositionem has septem epistolas Ioanni dictare; quas ipse ad septem Asiæ Episcopos mittat. Atqui nouum & insolitum videtur, illum, qui prologi partes agit, postea septem addere epistolas, quæ diuersum argumentum à reliquo actionis corpore contineant.

Re tamen attentius inspecta apparet, hunc septem epistolarum interiectum, mirificam cum Apocalypseos argumento habere connexionem. Ad cuius explicationem liceat mihi perfectæ alicuius comœdiæ iuxta præcepta Platonis & Horatii, (qui comœdias moribus informandis deferuire volunt) à sapienti comico compositæ exemplo vti. Licet enim humilis sit comparatio; conferet tamen non parum ad horum duorum capitum cum 1. & cum ceteris coherentiâ intelligendam. Sapiens igitur comœdiæ scriptor, in ipso prologo, postquam fabulæ argumentum proposuit, sapienter se gereret; si auditores commoneret fructus & vtilitatis, quam possent ex ea fabula decerpere. Vt si diceret, Iuvenes ibi posse animaduvertere quàm sit illis cauendum à muliercularum fraudibus ac præstigijs; diuitiarum cupidos ibi posse discere, non considerare in incerto diuitiarum; afflictos ibi doceri, non esse desperandum in huius vitæ ærumnis; & alia huiusmodi.

Apud Athenarum lib. 6. cap. 1. quædam Timoclis carmina referuntur ex comœdia, quam ipse Dionysiazusi vocauit (id est sacra Dionysij celebrantes) quæ aliquam similitudinem habent cum eo, quod modò dicebamus. Ea verò carmina sic habent,

*Primum, tragædi quanta commoda adferant, Perpende sodes. Si quis est pauperculus,*

**C** ) *Maiores pressum si videbit Telephum Mendicare, leuius suam feret Mendicitatem. Insanus est ne quisquam? Furiosum is Alcmeona proponit sibi. Captus oculis? aspicit secum Oedipum. Gnatus obiit? Niobe dabit solatium. Claudus aliquis ne est? is Philoctetem aspicit. Miser aliquis senex? tuetur Oeneum. Alterius etenim quisquis ærumnas vixi? Esse grauioribus videbit, quàm sint suæ. Animo equiore miseris feret suas.*

Constat ergo in prologo, post argumentum positum, aptissime admoneri auditores de fructu ex illa actione percipiendo. In hoc ergo sacro Apocalypseos spectaculo prologum agit persona filij hominis. Et cum in 1. cap. totius operis argumentum posuerit ob oculos; nunc auribus & notis iubet accipere, quemadmodum singuli fideles fructum possint capere vberimum. Atque is est proprius scopus septem earum, quæ dicuntur deinceps, epistolarum. Quanuis enim ad septem illos Asiæ Episcopos mittantur epistolæ; easdem tamen sibi ipsis scriptas debere Christianos reliquos reputare, non solum rationis paritas suadet; sed persuadet etiam rationis perspicuitas. Quia in singulis exprimitur, qui habet aures audiendi audiat, quid spiritus dicat Ecclesijs.

**D** Præterea notandum est, tantam esse sacrarum Litterarum perfectionem, vt in hisce epistolis ad quemlibet ex fidelibus peculiaris epistola contineatur. Nam, vt mox videbimus, inter Christianos omnes, septem non amplius conscientiarum genera reperiuntur: atq; hæc septem genera inter septem Asiæ Episcopos partita sunt. Quod verò seorsum singulis edicitur, ceteris etiam sui similibus scribitur: atque adeò singulis fidelium Christus peculiarem destinat epistolam, ipsos admonens de emolumento, quod ex Apocalypseos Theologia capere debeant.

**E** Quibus animaduersis manifestè perspicitur verissimum esse, quod Victorinus martyr in suo commentario affirmat; in his scilicet septem epistolis considerari septem fidelium classes: & primam epistolam cum vna classe loqui: secundam cum altera: tertiam cum alia classe; & sic de reliquis. His tamen non negatur propriè hic sermonem institui cum illis Asiæ Episcopis; sed affirmatur in illis Episcopis esse sermonem cum ceteris sui similibus; septem insuper esse classes fidelium; & vniuersas in septem

*In septem hisce epistolis ad quemlibet fidelium peculiarem epistolam contineri.*

*In hisce epistolis, secundum hominum classis considerari.*

*Qui Apocalypsis agis prologum, ab eodem has septem epistolas Ioanni dictari.*

*Quæ sit horum epistolarum cum cetera Apocalypsi connectio. Rectè in actionis prologo auditores de fructu ex ipsa actione percipiendo admoneri.*



Asiae Episcopis distinctè representari.

Ex his elicio, auctores illos, qui affirmare videntur stellas, candelabra, angelos, & Ecclesias idem esse; non ea esse mente, ut affirmant nullam esse distinctionem inter angelos Ecclesiarum & Ecclesias: sed ut indicent, scribere ad Laodiceum Episcopum, & ad tepidorum classem scribere, si praeceps attendatur finis, idem esse. Quod enim Laodiceensi tepido dicitur, id omnibus tepidis dicitur.

Restat, ut plenam conscientiarum diuisionem in septem has differentias videamus. Nam si diuisio

A exacta sit & perfecta, & cum ijs, quæ textus ipse de septem Episcopis affirmat, appositè congruat; nulla cuiuspiam supererit dubitatio, quin sublimem hunc finem Spiritus sanctus in hoc libro intenderit. Quod enim præstantior & excellentior sapientia in sacris Literis inuenitur, eo propius ad Christum (qui Patris Sapientia est) intentionem acceditur. Nihil autem in præsentis optandum magis erat, quam idoneam inuenire rationem, quæ omnino satisfaceret; cur hic septem huiusmodi epistolæ, simul cum Apocalypicos argumento, sint conscriptæ.

## NOTATIO. III.

De septem conscientiarum generibus, quæ inter fideles reperiuntur: & quam aptè consentiat hæc diuisio cum ijs, quæ de septem Ecclesia Episcopis in Apocalypsi referuntur.

CUM res magni momenti sit, cognoscere conscientiarum genera, quæ in hominibus fidelibus reperiri possunt, ut id clariùs eluceat, operæ pretium erit diuisionem ipsam priùs considerare; & deinde ad septem Episcopos applicabitur. Fideles ergo omnes in gratiam Dei recepti sunt. Sed ab ea gratia dupliciter excidere contingit: Primum per manifestam alicuius præcepti transgressionem, ex qua qui peccat, nouit se Dei gratiam amisisse. Secundum per occultum peccatum, per quod similiter amittitur gratia, sed nescit miser homo, se illam amisisse. Atque hæc sunt duo pessima conscientiarum genera, Primum improborum, qui proiecerunt se ad scelus audacter; Secundum tepidorum. Tepidos autem appello eos, qui non audent scienter lethale seu capitale scelus admittere; de cetero autem perfectioris vitæ studium amplecti nolunt. His frequenter contingit, ut dum suis concupiscentijs non se putant adeo indulgere, vitam gratiæ amittant; nihilominus re ipsa lethaliter peccent, & sint æternæ damnationis rei, quamuis se ipsi iustos reputent.

Ex ijs, qui in gratia Dei permanent (licet nemo sit, qui ab omni peccato veniali sit immunis per longum tempus; exceptis tamen ijs defectibus, qui humanæ conditioni sunt quodammodo inuitabiles, & in quibus non hæret homo iustus, sed potius ab eis se frequenter abluat; nonnulli sunt, quorum uita merito appellatur irreprehensibilis; eo quod non solum à peccatis cauent diligenter; sed etiam in omnibus diuinæ vocationi pro virili respondeant. Horum autem duo quoque sunt genera: alterum probatæ virtutis, & alterum protectæ. Priores sunt, quorum virtus est magna, & magnis laboribus ac difficultatibus superandis idonea, & per ipsas tentationes indurata & roborata est. Posteriores verò ij, quorum vires adhuc modicæ & nondum aptæ magnis incursibus, singulari tamen Dei prouidentia præsidio munitæ ac septe à periculis liberantur. Atque ita feliciter in Dei obsequio procedunt: & nihil est in quo diuinæ vocationi pro sua modica virtute non obsecundent.

Superiunt ij, qui Dei quidem gratiam diligentia cura custodiunt; aliquid tamen est, in quo hærent, & in quo diuinæ vocationi non gerant morè; ex ijs scilicet, quæ non ad gratiæ conseruationem, sed ad vitæ spiritualis perfectionem spectant. Quare, licet mereantur laudem propter perseuerantiam in gratia, & propter actiones studiosas; eorum tamen laudi merito adiungitur reprehensio ob defectum illum, in quo hærent. Tria ergo sunt eiusmodi defectus genera. Quod enim homo Deo ad perfectionem vocanti non pareat, aut in eo situm est, quod nonnihil de pristino ardore remittat, quod est in perfectionis via aliquantulum retrocedere; scilicet propter lassitudinem: aut in eo consistit, quod occasionem oblatam maioris Dei obsequij & insignioris perfectionis prætermittat, quod est minus progredi, quam deberet. Hoc verò dupliciter contingit. Nam vel occasio insignis prætermittitur ab eo, qui eam animaduertit, sed eam accipere non aude

B (quod est pusillanimitatis siue timoris) aut ab eo, qui alijs occupationibus imprudenti zelo impeditus, non animaduertit, quantum magis possit proficere in vita spirituali, & Dei gloriæ deseruire, si occupationes illas in alias commutaret, atque hoc est imprudentiæ.

Ex dictis colligo, septem esse conscientiarum genera inter fideles, non plura neque pauciora. Duorum, qui exciderunt à gratia Dei, qui sunt improbi & tepidi. Duo illorum, qui pro sua virtute egregiè Dei vocationi in omnibus respondent; qui sunt probati & protecti. Tria verò in gratia quidem perseuerantium, sed in aliquo hærentium, quominus Deo se perfectè subijciant; qui sunt sublassi, pusillanimes, & imprudentes.

Hæc autem septem conscientiarum genera explicari possunt per comparationem ad trapezitas siue argentarios, quorum officium est pecuniæ augendæ intendere. Primum enim pessimi trapezita sunt, qui capitalem (ut aiunt) summam amiserunt, siue ludi & luxuriæ causa, siue etiam negligentia. Optimi autem trapezita censentur, qui in augenda pecunia nullam iusti lucri occasionem amiserunt; siue non sint magni negotiatores, siue mediocres; unusquisque secundum propriam virtutem, ut Christus loquitur. Alij demum sunt, qui capitalem quidem pecuniæ summam non solum non imminuerunt, sed etiam auxerunt. Nihilominus tamen optimi trapezita gloriam non sunt assecuti; eo quod non adeo pecuniam auxerint, ut par erat. Quod varijs de causis contingere potest. Primum si nonnihil fuerint lassati, & minorem, quam soliti erant, in negotiando diligentiam adhibeant. Deinde si optimas augendæ rei occasiones elabi prætermittant; aut scienter propter pusillanimitatem; aut imprudenter, dum minoribus lucris solliciti intendebant.

Vidimus in superiùs dictis septiformem diuisionem: & metaphysicè quidem fortassis in plura vel pauciora membra fieri posset. Si tamen res moraliter expendatur; omnes viri sapientes facile intellent, diuisionem aptiorem fieri non potuisse, quam in septem illa membra enumerata; & nec plura, nec pauciora potuisse excogitari. Quia illa procul dubio sunt, quæ constituunt diuersos animorum status, & quæ valde sunt animaduersione digna; ut unusquisque expendat in se & in ijs, qui ipsius cure commissi sunt, ad quem statum siue ipse, siue illi pertineant.

E Supradicta ergo diuisio fuit mirificè à Spiritu sancto expressa in septem Episcopis Asiae, & in septem ad illos epistolis cap. 2. & 3. Apoc. In eis tamen non is seruatior ordo, quem nos expressimus. Quia cum prima facie videri vellet Spiritus sanctus non ad alios scribere, quam ad septem illos Asiae Episcopos; omnino debuit incipere à Metropolitano, id est, ab Ephesino, & suum iter ad ceteras ciuitates per ordinem prosequi. Præterea Ioannes epistolas in insula Pathmo scripsit, & considerato insulae situ, septem vrbes eodem ordine sunt dispositæ, quo Ioannes illas recenset; ut patet ex Geographica earum descriptione.

sem pusillanimatorum. Septimum imprudentium.

Declaratur eadem doctrina similitudine trapezita.

Quem Ioannes ordinem his in epistolis seruauerit.

Omnia conscientiarum genera inter fideles ad septem capita referantur.

Primum conscientiarum genus improborum. Secundum, tepidorum.

Tertium genus eorum, qui sunt probatæ virtutis.

Quartum eorum, qui sunt prolassi.

Quintum eorum, qui ob lassitudinem aliquantulum retrocedunt.

Sextum, timidorum.



*Pars Asia veteris, in qua cernuntur septem illa vrbes quas Ioannes commemorat Apocalypseo cap. I. 2. & 3. ex veteri Græcia Abrahami Ortelij.*



*Vides, optime Lector, Pathmo insula proximam esse Ephesum: ac deinde ei qui peragraturus sit eas ciuitates quarum meminit Apocalypsis, commodum esse vt primam accedat Smyrnen, deinde Pergamum: ac inde descendat eodem ordine quo a Ioanne relique vrbes commemorantur.*

*Applicatio  
septem con-  
scientiarum  
generum ad  
septem Asia  
Epiſcopos.  
Quid in  
Ephesino  
notetur.*

Nec magni intererat, ante extremum iudicium bonos ab improbis & tepidis separare; sed potius aptius erat eosdem in narratione miscere, vt ferè semper esse solent.

Ac primum Ephesinus Episcopus (qui proximus insula Pathmo erat) ille quidem multis virtutum præsidijis erat munitus: de pristina tamen animi intentione ac vigore non nihil remiserat: atque ita ad eum scribitur, Scio opera tua, & laborem, & patientiam, & quia non potes sustinere malos: & tentasti eos, qui se dicunt Apostolos esse, & non sunt, & patientiam habes, & non defecisti. Sed habeo aduersus te, quod charitatem tuam primam reliquisti.

Smyrnenſis ad altissimum venerat perfectionis gradum; & ad eas virtutis opes, vt summis difficultatibus & periculis, illius robur & constantia maximè enitescerent, quo nihil est in hac vita præstantius. Idcirco audit, Scio tribulationem tuam & pauperatē tuam, sed diues es. (q. d. virtutis opes satis magnas ad omnia habes) nihil horum timeas, quæ perpeſſurus es, &c.

Pergamenus virtutis erat studiosus; sed pusillanimitas illi vitio vertitur. Vnde illi dicitur, magnum quidem esse quod in persecutione non celer fidem; esse tamen indignum, quod Nicolaitis se opponere non audeat. Tenes nomen meum, & non negasti fidem meam: sed habeo aduersus te pauca, quia hæc es illic tenentes doctrinam Nicolaitarum.

**A** In Thyatirensi ardor animi ad omnem virtutem vigeat; sed erat nihilominus reprehensibilis, quod nimium Iudæis conueneret: nec animaduerneret, se in Gentium salute procuranda posse Deo multo magis deferuire. Quare ei dicitur: Noui operatua, & ministerium, & patientiam, & opera tua nouissima plura prioribus. Sed habeo aduersus te, quod permittis mulierem Iezabel, quæ se dicit prophetem seducere, &c. Porro Iezabelis nomen in ea epistola synagoga tribuitur.

Sardensis erat omnino improbus & proiectus ad scelera audacia: atque ita merito audit, Nomen habes, quod vinas, & mortuus es. quod ad mortem animæ & ad vitam delitiosam referendum est.

**B** Philadelphius erat virtutum exercitationi valde deditus, neque iure poterat in aliquo reprehendi. Non dum tamen eos fecerat in virtute progressus, vt vir spectata virtutis dici posset; sed propter integritatis studium amabatur à Deo, & tenera adhuc virtus, Diuinæ protectionis ope munita, ab omni periculo defendebatur; ne supra id, quod poterat, tentaretur. Huic ergo dicitur, Scio, quia modicam habes virtutem, & seruaſti verbum meum: Ego dilexi te, & seruaſti te ab hora tentationis, quæ ventura est in vniuersum orbem.

Laodiceus denique erat prorsus reprehensibilis; non quia improbus, sed quia tepidus. Quamuis enim non in scelera præceps ferretur; non tamen ferid apud se statuerat virtutem colere; neq; bonum

*Quid in  
Thyatirensi.*

*Quid in  
Sardensi.*

*Quid in  
Philadel-  
phio.*

*Quid in  
Laodiceo.*

*Quid in  
Smyrnenſi.*

*Quid in  
Pergameno.*



fic volebat, vt nouerat, à propria concupiscentia abstractus & illectus; cui propterea dicitur, *Tepidus es, & neque frigidus, neque calidus.*

In septem ergo Episcopis, mores omnium Episcoporum ob oculos ponuntur. Si quis verò per septem stellas ad septem planetas respiciat; possunt etiam singuli Episcopi cum singulis planetis comparari. Ephesus enim erat, veluti Mercurius, bonus & prudens, sed remissi ardoris: Smyrnenis, veluti Sol, virtutis eximie omnia nubila superantis. Pergamenus, vt Luna, timidior (nam Luna timorem creditur indere ijs, quibus dominatur.) Thyatirensis, sicut Venus, imprudenter feruidus. Sardensis, vt Mars, audax & praeceptus ad malum. Philadelphius prosperioris fortunae, vt Iupiter. Et Laodiceus, vt Saturnus, piger ac segnus.

Quòd si hæ septem conscientiarum classes in septem Episcopis figuratæ sunt; verisimile est has epistolas esse veluti propriam normam ac regulam doctrinæ & institutionis, quæ singulis harum conscientiarum tradi debent: ac proinde in his septem epistolis Christum Saluatorem nostrum admirabili sapientia comprehendisse totam mirabilis doctrinæ substantiam, quam Euangelici concionatores, & spiritualis vitæ magistri suos auditores aut discipulos docere debent. Propterea enim Christus has epistolas dictauit Ioanni, qui eas scriberet, & ad Episcopos mitteret; vt intelligamus has epistolas concionatoribus ac viris spiritualibus à Christo tradi; vt ipsi eas singulis, pro cuiusque necessitate, distribuunt.

Et certè magnam affert lucem, solatium & vtilitatem hæc conscientiarum distinctio spiritualibus hominibus; & præsertim vitæ religiosæ magistris: & illis omnibus perutilis hæc distributio laudis, reprehensionis, cohortationis & comminationis. In quibus Christi sapientia maximè apparet, & rerum omnium cuiusque hominis conscientie necessarium admirabilis comprehensio. Quare in optimâ harum septem epistolarum interpretatione spiritualis vitæ sectatoribus tractatus integer proponitur, qui moralis doctrinæ continet summam, & veluti ideam septem generum conscientiarum, & eorum omnium, quibus earum qualibet imbui debeat. Hæ porro epistolæ sunt veluti septem Christi Pontificis summi Decretales; quibus totum hoc cælestis ius canonicum, doctrinæ scilicet ad mores spectantis, comprehenditur, & miro exemplo ostenditur, quomodo considerationis theoricæ (per quam altissima Apocalypseos Theologia cognoscitur) ad eam praxim applicari debeat, per quam hominum conscientie informantur, & in vera sanctitate proficiant.

Ex dictis sequitur, inter hos septem Episc. duos inculpatæ vitæ fuisse; alterū virtutis eximie, alterū virtutis modicæ. Atq; hi sunt Smyrnenis, & Philadelphius. Præterea duos fuisse illaudatos; in quos scilicet nulla cadit laudis particula; vnū perditum, tepidū alterum. Et hi sunt Sardensis, & Laodiceus. Tres deniq; esse, quorū laudi adiungitur reprehensio; primo propter lassitudinem; alteri propter pusillanimitatem, & tertio propter imprudentiam. Et hi per ordinem numerantur Ephesus, Pergamenus, & Thyatirensis. Cumque non sint plura conscientiarum genera; non erit vllus ex fidelibus, ad quem ex his epistolis aliqua scripta non sit.

Sequitur deinde in duabus ex his epistolis nullam Episcoporum laudem contineri debere, sed solam reprehensionem: in alijs item duabus è contrario, nullam reprehensionem, sed solam laudem: in tribus autem reliquis laudi reprehensionem debere adiungi. Præterea, vbi nulla est reprehensio, nulla etiam erit comminatio. Quare in binis literis nulla comminationis est mentio; quæ tamen est in quinque reliquis contra illos, ad quos scribuntur; nisi mores correxerint. Atque ita non est omnino verum, quod fortasse per obliuio-

A nem dixit Hieronymus epist. 50. nempe in his omnibus epistolis contineri comminationes aduersus eos, qui non egerint poenitentiam. Porro vniuersis epistolis inter se collatis, mirabiles existunt tum dissimilitudines Christi appellationum in singularum inscriptionibus; tum etiam varietates siue præmiorum ad inuitandum, siue minarum ad deterrendum. Et cum ratio ex se postulet, vt hæc omnis diuersitas ad conscientiarum genera referatur; diligenter inuestiganda est idonea ratio; in qua acquiescat animus, qui antea anceps dubitabat, cur in hac epistola aliter se Christus appellet, quàm in illa? cur aliud præmium proponat? alias intendat minas? Ad ipsam ergo Episcoporum dissimilitudinem omnis alia variandi ratio referenda est. Atque in singulis epistolis sapientie est considerare, qualis sit aptior doctrina ad quodlibet ex illis septem conscientie generibus. Applicatio tamen ipsa ostendet, epistolas à Christo Ioanni dictatas, esse perfectam imaginem eorum, quæ mens optare poterat. Aduerte autem ex vnius epistolæ cum altera comparatione, aliquid etiam deprehendi dignum, quod ad morum doctrinam perpendatur. Verbi gratia; si sexta epistola cum secunda coniungatur, apparet eisdem, qui perfecto & optimo Episcopo siue Prælato se subijcere nolunt, mediocri facilius acquiescere. Nam synagoga Satanæ blasphematur Smyrnensem, & prouoluitur ad pedes Philadelphij.

B Ad fructum ex his epistolis percipiendum postulare à Deo cæleste lumen debemus; vt dignoscamus singuli, quænam ex conscientiarum differentiis nostra sit; & videamus ex illis epistolis, quænam ad nos singulariter spectet. Obseruandum autem est, Christianos aliquos fortassis non ad vnâ solùm ex prædictis classibus spectare; sed ad duas, vel etiam tres: vt qui vna ex parte esset aliquantulum tepidus, ex altera timidior; & ex alia imprudens, cum hoc tres epistolæ loquerentur. Nec ideo est minus perfecta diuisio, quòd duæ vel tres differentie simul in eundem confluant. Quemadmodum diuisio boni in vtile, honestum & delectabile, optima est; licet aliquando in eadem re tria hæc membra simul coniungantur.

C Notanda præterea est Diuinæ providentiæ ratio atque consilium, quæ illarum Ecclesiarum eiusmodi Episcopos eadem tempestate selegit, in quibus septem conscientiarum discrimina supradicta insigniter eminerent. Hos ergo septem Episcopos Deus, quasi septem specula, fidelibus constituit, in quibus quisque conscientiam & vitæ rationem posset contemplari. Et cuiusque discriminis præclarum est exemplum, quod nobis proponitur non tantum, quia illi in excelso dignitatis gradu (id est dignitate Episcopali) erant collocati; sed etiam quia vnusquisque in sua vitæ ratione insignis est; tepidus (inquam) est valde tepidus; imprudens valde imprudens: & idem de ceteris iudicium esto. Quamuis autem id ita esse congruerit ad illam conscientiarum diuisionem melius exprimendam, facile tamen perspicitur, singulas differentias intra suæ rationis limites latius se posse extendere; atq; adeo augeri, vel minui. In aliquibus enim (exempli gratia) tepiditas peccati lethalis labem contrahet: in alijs venialis rationem non excedet. Et præmia similiter atque comminationes eadem proportionem accipienda sunt. Denique huius diuisionis consideratio minimè fit per violentam accommodationem, sed aptissima potius est ipsius contextus declaratio; vt illi manifestum erit, qui serio Spiritus sancti intentionem in his epistolis assequi studeat. Inueniet enim, longè aliter applicari septem epistolas, septem prædictis conscientiarum generibus, quàm singulas singulis ex septem virtutibus; nimirum tres primas charitati, fidei, & spei (quas Theologicas appellamus) & quatuor postremas quatuor virtutibus cardinalibus. Nonnulli enim hoc modo septem epistolas applicari conati sunt: sed quàm aptè, aliorum sit iudicium.

Diuina providentia ratio in septem hisce Episcopis potissimum seligendis.

Eorundem Episcoporum ad septem planetas accommodatio.

Hæ in epistolis salutaris omnibus conscientiarum generibus doctrinam contineri.

Quam sit harum epistolarum doctrina spiritualibus viris utilis.

Cur in harum epistolarum alijs sola laus, alijs sola reprehensio, alijs oburgatio laudi admixta contineatur.



## CAPVT SECVNDVM.

## PARS PRIM A.

*Quæ est de epistola ad Ephesinum Episcopum: & sub eius persona ad quoscunque fideles, in quibus pristinus charitatis ardor aliquantulum refrixit.*

## T E X T V S.

*Vers. I.* **A**Ngelo Ephesi Ecclesiæ scribe; Hæc dicit, qui tenet septem stellas in dextera sua, qui ambulat in medio septem candelabrorum aureorum.

2 Scio opera tua, & laborem, & patientiam tuam, & quia non potes sustinere: & tentasti eos, qui se dicunt Apostolos esse, & non sunt, & inuenisti eos mendaces.

3 Et patientiam habes, & sustinuisti propter nomen meum, & non defecisti.

4 Sed habeo aduersum te, quod charitatem tuam primam reliquisti.

5 Memor esto itaque, unde excideris: & age pœnitentiam, & prima opera fac. Sin autem, venio tibi, & mouebo candelabrum tuum de loco suo, nisi pœnitentiam egeris.

6 Sed hoc habes, quia odisti facta Nicolaitarum, quæ & ego odi.

7 Qui habet aurem, audiat, quid Spiritus dicat Ecclesijs: Vincenti dabo cadere de ligno vitæ, quod est in paradiso Dei mei.

## C O M M E N T A R I V S.

*Cur Episcoporum nomen a subtitulo ceantur?*

*Initium epistolæ cuius, unde, & cur sumatur?*

**A**NGELO EPHESI ECCLESIAE SCRIBE.] Similis est inscriptio in omnibus epistolis. Vbi notandum est silentio inuolui proprium Episcopi nomen. Quia postquam ad Episcopi dignitatem fuit euectus, debet in virum alterum mutari, & antiqui nominis obliuisci. Vide illud 1. Reg. 10. 6. *Mutaberis in virum alium.*

HÆC DICIT, QUI TENET SEPTEM STELLAS IN DEXTERA SUA, ET AMBULAT IN MEDIO SEPTEM CANDELABRORVM.] A nomine scribentis videbantur epistolæ incipiendæ. Et pro Christi nomine (qui epistolas illas dictabat) in singulis epistolis eligitur aliquid eorum, quibus Christus in primi capitis visione mirabiliter insignitus atque ornatus apparuit: vel aliquid ex ijs, quæ de se ipse in eadem visione dixerat. Ex quo perspicitur, harum epistolarum illum esse finem ac scopum, vt Apocalypseos representatione ad nostrarum animarum utilitatem vtamur. Inter periphrases verò, quas Christus in his epistolis pro suo nomine substituit, in singulis illa seligitur, quæ ad eam epistolam aptior est, considerato illius Episcopi statu, ad quem ea epistola dirigitur.

Cum igitur hæc prima ad Ephesinum scribatur, qui in charitatis feruore segniùs quàm olim se

gere-



A gerebat; percommode Christus in ea hunc sibi titulum assumit, *Qui tenet septem stellas in dextera sua, qui ambulat in medio septem candelabrorum*. Quod ut penitus intelligatur; meminisse oportet, in prima illa visione per candelabra splendentia significari, quantum Christianæ olim Ecclesiæ, Iudaicæ persecutionis tempore, omni virtutum splendore effulserint; seu potius quantum in eis enituerint septem diuinæ providentiæ spiritus. Per stellas autem Christi dextera indicari, Christianæ Ecclesiæ Episcopos à Deo fuisse electos; ut cælestium instar stellarum, Gentes sua doctrina & sanctitatis luce collustarent; & in suo illo fulgore Christi dextera potentiam manifestarent. Vtraque ergo consideratio aptissima est; ut Episcopus, qui in antiqua charitate deferbuerat, animaduertat; quàm indignum sit pristinum feruorem remisisse. Hac enim re, (quod ad ipsum attinet,) candelabri, id est, Christi Ecclesiæ splendor imminuitur; & obscuratur etiam fulgor, quem ex se debet effundere, qui vocatus est, ut esset stella siue gemma in Christi annulo. Atque hoc est illi ante oculos ponere suæ vocationis celsitatem, pristinum splendorem & obligationem qua teneatur, nequid eidem vocationi desit, quo minùs splendor ille, quem Deus operat à suis seruis & familiaribus in toto orbe emitti, vel minimum decrescat. Verbi gratia, eligit Religiosos homines, qui in mundo eluceant veluti Ecclesiæ candelabra aurea, aut Christi dextera stellæ, conspicuo doctrinæ & sanctitatis fulgore. Quod si illi in primæ charitatis feruore refrigescant, necessariò desiderandum est, quod Christus ex religiosis viris maximè expetit, videlicet ut sint mundi lux. Quamobrem, ad eos excitandos, qui tepescere ex primo ardore videbantur, nihil accommodatius est, quàm illis in mentem reuocare celsum dignitatis gradum, quò Deus ipsos extulit; & priorem illum splendorem, quem quondam effundebant.

B Deinde idèd dicitur Christus in medio candelabrorum deambulare; ut meminerint fideles, ex parte Christi copiosum eis auxilium offerri, atque adèd Christum ipsum valde cupere, ne illi obstitant, quoties ipsos veluti candelabra emungere, & oleo augere conatur: considerent item, cum tantum in Christo habeant præsidij, pudendum planè esse, ut per ipsos stet, quo minùs orbem suo illustrent fulgore; ut proximi glorificent patrem eorum, qui in calis est, & luce, quam per illos sibi Deus impertit, ad suam ipsi vtilitatem fruantur.

C Præterea asserere Christum in medio candelabrorum incedere, & septem stellas in annulis gestare; hoc (inquam) vna ex parte illis Christi opem & præsidium pollicetur, quo effulgeant ut par est, & in diuino obsequio strenui atque constantes fiant; ex alia verò illis Christi supplicium comminatur, qui suâ ignauia ac desidia se ferri sinunt. Quod enim in medio candelabrorum ambulare dicitur, planè ostendit, nihil ipsum latere, & grauitè splendoris remissione offendi. Annulos porro præsentis intuetur, qui multò antea per Ieremiam dixerat, *Si fuerit Iechonias annulus in dextera mea, inde euellam eum*, Ierem. 22. 24. atque idem comminatur illi, qui cum annulus illius sit, suæ tamen vocationi non respondet.

D Hanc explicationem tituli, quo Christus in hac epistola vtitur, legitimam reputo. Sed dicit aliquis, capitis primi contextum distinguere ab stellis candelabra; & candelabra quidem pro Ecclesijs sumere, pro Episcopis verò stellas; cum tamen nos in præsentì videamur vtrumque symbolum Episcopo tribuisse. Respondeo, quod asseritur septem Diuinæ providentiæ spiritus in primitiuis Ecclesijs olim splenduisse, sicut lucernas in aureis candelabris, licet non solum de Episcopis, sed etiam de tota Ecclesia affirmetur; illum tamen splendorem atque illud candelabri symbolum non minùs ad Episcopos, quàm ad ceteros spectare: quin imò ad eos peculiari ratione applicari, ut ad magistros ceterorum. Atque ita Christus dixit, *Nemo accendit lucernam, & ponit eam sub modio, sed super candelabrum*, Matth. 5. 15.

SCIO OPERA TVA, ET LABOREM, &c.] Commendantur Episcopi Ephesini opera & virtutes, defectus tamen in eo notatur. Egregia opera, quæ laudantur in eo, Ribera cum Ambrosio exponit de his operibus, quæ efficiebat ipse antequàm primam charitatem relinqueret. Verisimilius tamen est, de ijs etiam esse intelligendum, quæ præstabat Episcopus, cum hæc ad illum scribebantur. Nam in præsentì subditur, *Non potes sustinere malos*.

E Porro ea omnia, quæ ad Ephesini laudem in hac epistola pertinent, optimè Pererius explicat disputatione 3. & 4. Illud tamen noto, in verbis illis, *Non potes sustinere malos*, non opus esse, ut malorum nomen ad hæreticos solum coarctetur. Nam in feruenti zelo aduersus alia etiam vitia ac scelera; in peracri item dolore, quo Dei serui stimulantur, ob aliorum hominum flagitia; (eorum præsertim qui suæ fidei commissi sunt) verè locum habent ea verba, *Non potes sustinere malos*. Ut & illud Pauli, *Quis scandalizatur, & ego non vror?* 2. ad Corinth. 11. 29.

F Præter hæc, in ijs, *TENTASTI EOS, QUI SE DICUNT APOSTOLOS ESSE, ET NON SUNT*: ] indicatur Episcopi prudentia. Neq; mirum est eius, qui prudentia pollebat, remissionē reprehendi. Sape enim vii venit, ut remissio in eis notetur, quorum alioqui prudentia spectatur. Eorum autè remissio plerunque oritur ex eo, quòd plus æquo humanarum rationum momenta ponderant, atq; ita iudicant non expedire, ut omnia ad viuum ex feruore spiritus rescentur; sed propter pacis bonum, conuincendum esse interdum, & aliquatenus carni acquiescendum; ne si omnia ad amussim spiritalis perfectionis exigantur, fremant subditi; & in maiores difficultates deuoluatur gubernatio. Et quidem negari non potest, quin optima prudentia omnia attentè examinet, & nimium zelum debeat cauere. Sed *medium tenere beati*. Et fortasse plus peccant Prælati per remissionem, quæ sub specie prudentiæ obrepit, quàm per imprudentiam, quæ sub specie zeli. Vtrumque tamen peccatum reprehendunt epistolæ Christi; alterum in Ephesino, in Thyatirenfi alterum. Cum ergo Ephesinus humanis rationibus plus æquo tribueret, & remittendi occasionem ex vano timore turbulentæ ciuium seditionis desumeret; sapientissimè scripta est ad illum comminatio, de qua infra.

Cur hic titulus huius præfigatur epistolæ.

Cur hic Christus dicatur in medio candelabrorum ambulare?

Quid sit, Christum septem stellas in manibus gestare.

Verf. 2. 3.

Quid in Ephesino commendetur.

Ephesini Episcopi prudentia indicatur.

Adhuc tamen remissionis insinuat.



Verf. 4.  
Verum Ephesus de  
charitate  
amissa ob-  
iurgatur?

Votorum  
institutio  
bis quotan-  
nis in Soc.  
Iesu insti-  
tuta.

Remissio, de  
qua obiur-  
gatur Ephe-  
sius, cuius-  
modi sit in-  
telligenda.

Verf. 5.  
Quo sensu  
Deus veni-  
re dicatur.  
Mouere  
candelabrum  
de loco suo  
quid sit.  
Aliorum  
placita.

Antioris  
mens.

Quid sit,  
prima ope-  
ra facere.

Eadem co-  
motionis  
candelabri  
doctrina ad  
singularem  
cuiusque v-  
tilitatem  
applicatur.

SED HABEO ADVERSUM TE, QUOD CHARITATEM TVAM PRIMAM RELIQUISTI.] Ambrosius & Haymo existimant hunc Episcopum charitatem amisisse. Multo tamen verisimilior est explicatio Riberæ, & Pererij; qui asserunt illum non quidem amisisse charitatem, sed aliquantulum ex pristino ardore remisisse. Quodd si advertimus hunc Episcopum (vt supra diximus) fuisse sanctum Timotheum; pro certo videtur habendum, obiurgatum non fuisse propter lethale aliquod peccatum. Præterquam quodd ipsius patientia, zelus & egregia opera collaudantur; neque solum opera quæ olim fecerat, sed etiam, quæ tunc faciebat, cum hæc epistola ad eum scripta est, (vt supra vidimus). Cum quotamen stare potest, ipsum aliquantulum deferbuisse, cum adeo sit humanæ naturæ imbecillitati proclive; vt expendit optimè Pererius disp. 5. Quamobrem B. P. N. Ignatius, sapientissimè in nostra Societate bis quotannis Votorum institutionem instituit. Nouerat enim, quantum expediret, homines ex infirmitate naturæ labantes ac senescentes instaurari frequenter ac renouari. Ad cuiusmodi autem renouationem suadendam, nescio quid aptius hac epistola possit afferri?

Cum ergo agatur hic de persona, quæ pluribus erat virtutibus, ijsque laude dignis prædita; reprehensionem tamen merebatur propter antiqui feruoris remissionem; quinam, obsecro melius lassâ virtus describi potuisset, quam illis verbis, *Charitatem tuam primam reliquisti*? Quid enim aliud est à pristino charitatis feruore nonnihil desciscere, quam charitatem illam primam reliquisse? Porro hæc remissio intelligenda est de minori studio & contentione in ijs omnibus operibus, quæ ad feruentem charitatem spectant. Quare emendatio in eo consistit, vt opera iuxta antiquum illum ardorem fiant, atq; hoc est, *prima opera fac*. Quemadmodum enim dicitur, *Charitatem tuam primam reliquisti*, non quodd ei charitas defuerit; sed quodd non erat adeo feruens diuini obsequij æmulator, ac fuerat olim: sic etiam cum additur, *prima opera fac*, in eo sensu accipiendum est, vt antiquum feruorem ac zelum in bonis operibus & eorum perfectione renouare contendat.

SIN AVTEM, VENIO TIBI, ET MOVEBO CANDELABRUM TVVM DE LOCO SVO.] Venire dicitur Deus phrasi hebraica, cum suâ providentiam in aliquo peculiari opere manifestat. Quid autem sit mouere candelabrum de loco suo, quadrupliciter video à varijs auctoribus explicari. Primò Andreas intelligit de translatione sedis Pontificis, quæ quondam erat Ephesi, in regiam ciuitatem, scilicet Constantinopolim. Secundò Ambrosius & Beda interpretantur de priuatione mercedis, quæ pastori pro labore & cura debebatur. Tertiò Haymo, Rupertus, Richardus, Thomas, Carthusianus, & Riberæ affirmât in hoc loco candelabrum designare episcopale munus ac dignitatem; comminationem autem esse, Deum ab Episcopo munus ablaturum, nisi ad antiquam charitatem rediret. Hæ tamen explanationes meâ sententiâ parum consentaneæ sunt; & in tertia illud mihi minimè probatur, quod aiunt, hic scilicet aliter accipi candelabri nomen, quam in prima visione; vbi pro Ecclesia sumitur. Contra hoc enim illud validum est argumentum, quodd in his septem epistolis, semper ad visionem primi capitis habeatur respectus. Quare coactum est aliter accipere in præfenti nomen candelabri, quam in primo capite. Præsertim cum in hac ipsa epistola expressa mentio fiat septem candelabrorum primi cap. Ad hæc non ostenditur ea ratione, quam apta sit cuiusmodi comminatio respectu superioris querelæ; in qua Episcopus obiurgatur, quodd charitatem suam primam reliquerit. Præterea Deus Episcopos sua dignitate & episcopatu priuare non solet, nisi illam simul cum vita auferat. Quodd si sensus sit illum vitâ spoliandum; cur hæc comminatio in hac epistola potius, quam in ceteris adhibetur? Denique hæc explicatio meo iudicio violenter textui accommodatur; neque sensum continet magni faciendum.

Quarta igitur explicatio est, Christum huic Episcopo minitari, nisi ad charitatem primam redeat, fore vt ipsius Ecclesia commoueat ac perturbetur. Ac primò hæc est explicatio Victorini, qui quodd dicitur *mouebo candelabrum tuum*, sic exponit; *dispergam plebem tuam*. Hoc ipsum aptius fortasse explicauit Andreas; cuius ea sunt; *Mouebo candelabrum tuum, id est, Ecclesiam in fluctus atque tempestates conijciam*. Eodem spectat Lyra sic explicans, *Obedientia tua subtraham subditos tuos*. Quodd etiam ad pacis Ecclesiasticæ perturbationem pertinet. Hanc igitur Victorini, Andreæ atq; Lyrani expositionem verissimam iudico. Nam si rem ipsam inspicimus; propria remissionis pœna est, vt qua ratione existimabat aliquis se quiete & tranquillitate fruiturum, remittendo scilicet aliquid de feruore & zelo, eadem tandem res deuoluatur in maiorem ciuium seditionem, & Ecclesiasticæ pacis perturbationem. Tum quia æquum est, vt diuina providentia ea ratione puniat eos, qui ab ipsius consilio discedunt, & proprio consilio fidunt, nempe; deducendo eos ad eas ipsas difficultates, propter quas Dei consilium reliquerunt. Tum etiam quia ita est hominum naturæ consentaneum, vt ex remissione ducis oriatur perturbatio militum; & disciplina ac seueritate multò melius conseruetur & augeatur pax & obedientia. Optimè ergo habet textus, qui ad eum qui remisit de antiquo feruore ait, *Age penitentiam, & prima opera fac*; id est, inflammare iterum pristino zelo: *sin autem, mouebo candelabrum tuum*, id est, inducam te in eam ipsam tentationem, à qua per humanam prudentiam cauere tibi putabas; & puniam tuam negligentiam seditione & commotione ciuium tuorum; à qua certissimè fugeres, si meis consilijs perfecte acquiesceres per zelum & spiritus feruorem.

Hic sensus aptissimè ad textum applicatur. Nam si candelabrum est Ecclesia, quid aliud designare potest commotio candelabri, quam commotionem atque perturbationem reipublicæ? Ita fit, vt Prælatus, dum parat quietem, inquietem pariat; & dispergatur plebs, & subditi à Prælati obedientia sese subtrahant.

Præterea cum eadem proportionem loquendo, hoc ipsum solet homini contingere, in suarum cupiditatum moderatione. Qui enim in priori spiritus ardore refrigescunt, existimantes hoc modo se minus laboris ac difficultatis habituros; ij in grauiore perturbatione solent incidere. Quare, dum laborem subterfugiunt, quem illi in suis cupiditatibus cohibendis exhorrent; in maiores difficultates deueniunt. Atque ita iustissimum est diuinæ providentiæ supplicium, vt qui pristinum charitatis feruorem relinquit, in se ipso commotionem candelabri experiatur.







etiam de patientia, de odio Nicolaitarum, & alijs. Ad hoc respondeo, harum quidem rerum factam fuisse mentionem in Ephesini Episcopi commendatione: primum tamen directe ad hortationem respicere. Hortatio autem continebat, ut ignauiam in diuino obsequio deponeret, & ad antiquam charitatis feruorem rediret. Et cum in hac superanda esset non levis difficultas; idcirco illi additur, *Vincenti dabo edere de ligno vitæ.*

Eapropter mihi maxime arridet Ruperti explicatio; quam non probabilem solum, sed etiam certam existimo. Cuius præcipua confirmatio ex eo petitur; si in illa appareat huius præmij proportionem cum exhortatione, quæ mox additur, egregie congruere. Obseruandam igitur est, eiusmodi hortationem ad Ephesinum Episcopum eo potissimum spectare, ut antiquum instauret vigorem, nec in via Dei se languescere patiatur. Atqui ad hoc nihil potuit afferri congruentius, quam lignum vitæ. Quis enim nesciat, vitæ lignum appellari illud, de quo Genes. 2. 9. & cap. 3. 22. quod ab insita virtute, & vires renouare poterat, & senium prohibere? In quo apparet aptissima conuenientia cum spiritali renouatione, de qua hic sermo erat. Cur igitur omittenda prorsus est hæc congruentissima proportio; nec considerandum in hoc præmio haberi respectum ad virium recuperationem, ne vetustas ac lassitudo obrepatur; sed solum fieri sermonem de communi sanctorum Martyrum, Virginum, & Confessorum vitæ?

Sed obijciat quispiam; ad eius quidem virtutem, qui quotidie vires renouat, nec senescere patitur, aptum esse symbolum, edere de ligno vitæ: in hac tamen epistola non afferri ligni vitæ symbolum ad virtutem ac meritum; sed ad eius præmium indicandum; præmium autem, quod virtutibus promittitur, idem esse, scilicet immortalitatem, quam vitæ lignum apprimè representat: atque adeo non videri hic sermonem esse de vnius solum virtutis, sed de omnium præmio.

Vt huic respondeam obiectioni, assero primò lignum vitæ, licet hic propriè pro immortalitatis ac beatitudinis præmio sumeretur; concinnè tamen & eleganter considerari, ut spiritalis renouationis præmium; qua anima instauratur, nec suas vires patitur veterascere; esseque cælestem beatitudinem; quatenus eundem cumulatissimè præstat effectum. Valde enim aptum & congruens est, ut eum qui vota sua renouare studet, nec patitur vnquam virtuti senium obrepere; remuneret Deus compensando gloria immarcescibili virtutem senectutis expertem. Congruenter enim virtuti perseveranti & non deficienti respondet gloria nunquam deficiens, seu vita vetustatis expertis; quam eleganter significat esus ligni vitæ. Atque hanc immortalis gloriæ significationem fere huius loci interpretes sequuntur.

Enimverò huic explicationi addit Rupertus aliam, quæ mihi etiam perplacet; ea autem est, in hoc loco non modò de æternæ Beatitudinis præmio sermonem institui, sed etiam de fructu ex sacra Eucharistia percipiendi in hac vita ab eo, qui fortiter apud se statuerit sua vota ac desideria instaurare, & antiquum studium & contentionem repetere; nec in virtutum exercitatione languescere. Hæc expositio ut rectè percipiatur, notandum est primò, in re adeo difficili (cuiusmodi est non pati animi virtutem senescere, nec à pristino ardore desciscere) non satis esse hortationem; sed oportere eiusmodi homini, qui hæc in mente firmiter deliberauerit, non modò in cælesti vita præmium promitti, sed etiam præsentem opem atque subsidium; cum humana imbecillitas ex natura sua quotidie desciscat atque deficiat. Ad hoc ergo nihil potuit Christiano homini opportunius & congruentius proponi, quàm vires sibi ex sacra communione addenda. Etenim diuinus hic vitæ cibus illum propriè effectum fortitur, ut animi vires vegetet ac roboret: ita ut nec retrocedat, nec deficiat. Quare Christus assertor noster, Ioan. 6. 48. dixit, *Ego sum panis vitæ. Patres vestri manducauerunt manna, & mortui sunt. Si quis manducauerit ex hoc pane, viuere in æternam.* q. d. Manna non eam virtutem, quam lignum vitæ, habebat; atque ita qui manna ederunt, mortui sunt: hic verò cælestis cibus panis est vitæ; & instar ligni vitæ ea virtute est præditus, ut animi vires roboret atque confirmet, nec pristinum vigorem hebescere patiatur. Atque adeo, qui ritè, ut par est, hunc cibum edere, spiritaliter fit immortalis. Nam ab hoc cibo virium instaurationem accipit, & viuam virtutem, nec vetustati vnquam obnoxiam.

Quod autem in hoc pane vitæ, ad vitæ lignum fiat allusio, meâ sententiâ evidens est; & genitiuus ille, *vitæ*, qui adiectiuum vicem supplet, allusionem in se ad vitæ arborem ferè semper includit. Opponet tamen aliquis, non coherere ut in præsentis sermo sit de Eucharistia. Nam Eucharistiæ cibus communiter omnibus fidelibus proponitur. Quod si Christus in Eucharistia lignum vitæ appellatur, non solum edit de ligno vitæ, qui sermò statuit antiquum charitatis feruorem renouare, sed etiam quicumque ad sacram synaxim accedit. Respondeo, Eucharistiæ in spiritali sensu congruere, quod de antiquo manna dicitur, Sap. 16. 21. *Substantia enim tua dulcedinem tuam, quam in filios habes, ostendebat; & deseruiens vniuscuiusque voluntati, ad quod quisque volebat, conuertebatur.* Pingamus ergo cibum aliquem in cuiuspiam hominis ore, eius rei induere saporem, quem homo ipse pro libito elegerit. Quando homo ille eiusmodi cibo vescens, dicitur aut caponem, aut phasianum edere? Tunc, opinor, quando ipsi libuit, ut cibus ille caponem aut phasianum saperet: non verò quando noluit. Si ergo sacra Eucharistia est, quæ admirabilem illam ac planè diuinam virtutem continet, qua in hominum animis egregios ac miros effectus operetur, prout fuerit ipse animatus, qui eam suscipit; si strictè loquamur, non in quouis cælestem hunc cibum communicante præstat munus arboris vitæ, corroborando vires, & senium prohibendo: sed in his, qui miros hos effectus auide expectantes vera deliberatione vota sua renouandi, Christi corpus suscipiunt. Atque ita formaliter loquendo (quod aiunt) non omnes, qui ad hanc mensam accedunt, edunt de ligno vitæ, id est, non omnes illam perfectam renouatæ virtutis spiritualem immortalitatem participant; nisi qui ad illam adueniunt ita comparati atque dispositi; quemadmodum Christus ab Ephesi Episcopo expetit.

Cohærent cum hac explicatione vltima illa verba, *quod est in paradiso Dei mei.* Etenim licet cælestis patriæ beatitudo iure optimo Dei paradisu appellatur, ac licet in æterna patriæ gloria Ioannes vitæ arborem viderit, Apocalyp. 22. nihilominus Ecclesia etiam militans est terrenus Dei paradisu;

Quæ sit co-  
hortatio E-  
phesino Epi-  
scopo adie-  
cta, &  
quorsum.

Lignum vi-  
tæ quo pacto  
hic summa-  
tur.

Lignum vi-  
tæ de sacra  
etiam Eu-  
charistia  
exponitur.

Quorsum  
fructus ex  
Eucharistia  
percipiendus  
Ephesino  
promittatur

Quam sit  
opportunos  
hic de Eu-  
charistia  
sermo.

Militantem  
Ecclesiam  
esse terrenū  
Dei para-  
disum.



**A** fus; in cuius medio Christus sub Eucharistia speciebus habitat. Præterea in hac epistola peculiaris extitit ratio, ut vberes fructus ex Eucharistia communione percipiendi promitterentur. Hic enim cibis ex prima sui institutione ad id nobis singillatim subministratur, ut spirituales animæ vires instauret; ne pristina virtus ac vigor debilitentur. Atque item lignum vitæ de Eucharistia interpretantur Anastasius Sinai a. lib. 9. Hexæmeron post initium, tom. 1. Bibliotheca, & Paschasius Abbas Corbeienfis lib. 1. de corpore & sanguine Domini cap. 8. & habetur tom. 6. Biblioth. Et quidem satis merito; nam in Eucharistia verè Christus existit, qui est Patris Sapientia, & antonomasticè iustus, & ob utramque rationem illi symbolum vitalis ligni debetur. De sapientia enim scriptum est, Prouerb. 3. 18. *Lignum vitæ est ijs, qui apprehenderint eam.* Et de iusto c. 11. 30. *Fructus iusti lignum vitæ.*

Et quanquam c. 22. 14. Apocal. ligni vitæ symbolum usurpetur ad immortalitatis præmium, quod beati fruuntur in cælo, significandum; symbola tamen c. 21. & 22. Apocalyp. dum gloriam triumphantis Ecclesiæ repræsentant, indicant etiam Ecclesiæ militantis pignora ac merita: ut in duodecim gemmeis fundamentis constabit; quibus denotatur gloria, quæ XII. fidei articulis respondet. Sunt enim mirifica symbola earundem veritatum, quæ in XII. articulis à fidelium cœtu creditis continentur. Hoc suo loco speciatim explicabimus: hic verò obiter perstrinxisse sit satis, ut aduertatur, fortassis per vitæ arborem idè cælestis patriæ immortalitatem significari, quia symbolum erat immortalitatis spiritualis, quam in hac vita per Eucharistiam homines consequuntur. Quare significatio arboris vitæ in hoc cap. & c. 22. eadem erit, videlicet in hac vita esse in Ecclesia arborem vitæ, quæ reparet ac restituat pristinas vires atque vigorem: & eorum præmium, qui in hac vita arborem vitæ in Ecclesia plantatam degustant, esse fructum arboris vitæ, quæ in patria cælesti est. Quæ autem de communione sacramentali diximus, ad spirituale etiam communionem extendi suo modo possent.

*Symbola, quæ triumphantis Ecclesiæ præmia significant, iuxta etiam modo præmijs militantis applicari.*

## CAPITIS II. PARS II.

*Epistola ad Smyrnens. Episc. & sub eius persona ad fideles probata & perfecta virtutis.*

### T E X T V S.

**C** *Vers. 8.* **E**T Angelo Smyrnæ Ecclesiæ scribe: Hæc dicit primus & nouissimus, qui fuit mortuus, & viuuit.

9 Scio tribulationem tuam & paupertatem tuam, sed diues es: & blasphemaris ab his qui se dicunt Iudæos esse, & non sunt, sed sunt synagoga Satanæ.

10 Nihil horum timeas quæ passurus es, Ecce missurus est diabolus aliquos ex vobis in carcerem, ut tentemini: & habebitis tribulationem diebus decem. Esto fidelis usque ad mortem, & dabo tibi coronam vitæ.

11 Qui habet aurem, audiat quid Spiritus dicat Ecclesijs: Qui vicerit, non lædetur à morte secunda.

### C O M M E N T A R I V S.

**D** Quam sit verisimile, Smyrnensem ad quem Epistola scribitur, esse Polycarpum, diximus in proemio huius capituli notatione 3.

PRIMVS ET NOVISSIMVS, QVI FVIT MORTVVS, ET VIVIT.] Cohortatio ad Smyrnensem est, ut in medijs laboribus atque ærumnis non timeat; cum à se Christum habeat; & ut ipsius ope suffultus usque ad mortem firmus ac fidelis persistat.

NIHIL HORVM TIMEAS QUÆ PASSVRVS ES.] Et infra, ESTO FIDELIS VSQVE AD MORTEM.] Ad depellendum igitur timorem & corroborandam spem, nihil opportunius, quam animaduertere Christum esse primum & nouissimum, vidimus in commentario cap. primi, in illis verbis, *Noli timere, ego sum primus & nouissimus.* Ad ingentes verò dolores & calamitates, quibus Deus familiarem suum Polycarpum exercebat ac probabat, quid consultius esse potuit, quam illi statuere ante oculos, quemadmodum hæc eadem via Deus charissimū sibi filium Iesum Christū deduxerit; ut in eo veluti in exemplari quodam eniteat, tribulationum ac dolorum magnitudinē esse magne Dei amicitie pignus, & viam ad maximum decus & gloriam. Propterea ergo in Christi periphrasi dicitur, *qui fuit mortuus & viuuit*, eadem significatione & elegantia, qua dictum est cap. 1. 18. *Eui mortuus, & ecce sum viuens in secula seculorum.*

**E** SCIO TRIBVLATIONEM TVAM ET PAVPERTATEM TVAM, SED DIVES ES.] Hæc est descriptio magnæ sanctitatis, in media aduersitate, tribulatione, atque egestate, felicitatem summam, summamque diuitias potiri, & aduersis omnibus opes virtutis superesse. Itaque verba illa *diues es*, spirituales diuitias designant; eas potissimum, quas sanctissimi quique viri in Christo habent, qui immensas Christi diuitias pro suis possident. Vide Iacobi 2. 5. *Diuites in fide.* Eccli. 4. 6. *Homines diuites in virtute.* 1. Timoth. 6. 18. *Diuites in bonis operibus.* Vide etiam 2. Machab. 7. 24. Quod si iuxta receptam definitionem, diues est cui nihil desit; quid felicius, quam in medijs tribulationibus ac paupertate gloriari iure posse; sicut & Paulus gloriabatur, Rom. 5. 3. *Gloriamur in tribulationibus.* & 2. Cor. 7. 4. *Superabundo gaudio in omni tribulatione.*

BLASPHEMARI AB HIS, QVI SE DICVNT IVDÆOS ESSE, ET NON SVNT, SED SVNT SYNAGOGA SATANÆ.] Eadē est hæc loquutio cum ea, qua Diuus Ignatius asseruit Nicolaitas falsò ita appellari, ut supra diximus. Similiter ergo ait Christus, Iudæos Euangelij aduersarios indignos esse Iudæorum nomine, quod confessionē & Dei laudē significat, cum iam Dei populus non sint, sed synagoga Satanæ. Quapropter acerrimo odio prosequantur Polycarpū, ut constat ex epistola, quā Smyrnensis

*Vers. 8.*

*Christi exemplum ad pellendū ex animo formidinē efficacissimum.*

*Vers. 9. Diuitias hic pro spiritualibus esse accipiendas.*



Ecce haec ac Pontus Ecclesias scripsit & refert Eusebius l. 4. cap. 14. Christus igitur suum Episc. consolatur asserens eos, qui illi odio habent, quique eum maledictis proscindunt, à Satanæ partibus esse.

Verf. 10.

NIHIL HORVM TIMEAS, QUÆ PASSVRVS ES. ] q. d. Et si grandis sit tribulatio futura; nihil tamen est cur paueas, quia ego tecum sum. ECCE MISSVRVS EST DIABOLVS ALIQVOS EX VOBIS IN CARCEREM VT TENTEMINI. ] His verbis prædicitur ingens persecutio, quæ Smyrnæ fideles fuerant conficiendi. ET HABEBITIS TRIBVLATIONEM DIEBV DECEM. ] Pererius disp. 9. refert horum verborum explicationes octo. Quædam ex illis est Andrea & Aretæ exilimantium his verbis idem significari, ac si Christus propositâ tribulationum huius vitæ breuitate, Smyrnenfes consolaretur. Nec enim brevis vitæ tribulationes diuturnæ esse possunt; nec patitur Deus Ecclesiæ tribulationes diutius durare; iuxta illud Matth. 24. 22. *Prepter electos breuiabuntur dies illi.* Verum hæc explicatio non placet Ribera & Pererio. Quia decem dies (inquiunt) pro paucis phrasim est in sacris Literis minimè vsitata; & frequentissimum est denarium numerum sumi pro multis, & decies pro sæpè. Cuius loquutionis multa sunt & obuia in sacris literis exempla. Genes. 31. n. 41. Iacob queribundus dixit socero suo Laban, *Immutasti mercedem meam decem vicibus*, id est, sæpè numero. Num. 14. 22. *Tentauerunt me iam per decem vices*, id est, sæpius. 1. Reg. 1. 8. Anna Samuelis matri dixit vir eius, *Numquid non ego melior tibi sum, quam decem filij?* id est multi. Iob 19. 3. *En decies confunditis me*, id est, sæpè, varijsque in rebus vultis me confundere. Eccles. 7. 20. *Sapientia confortauit sapientem super decem principes ciuitatis.* Propter hæc Ribera, & Pererius, nec non Cantipratenfis lib. 6. hypotypof. cap. 4. tribulationem dierum 10. opinantur in præfenti poni pro longa persecutione, & multo tempore duratura. Nihilominus mihi maximè arridet explicatio Andrea & Aretæ. Ac primò ea ratione optimè cohæret contextus: sic enim solemus ad perseverantiam hortari; quomodo dixit Paulus, *Tempus breue est*, 1. Corinth. 7. 29. Et alibi, *momentaneum & leue tribulationis nostræ*, 2. Corinth. 4. 17. Deinde, quod attinet ad phrasim, Respondeo simile quid in nostro idiomate, & in quouis alio cerni, nempe eundem numerum aliquando poni simpliciter, vt sonat; aliquando verò amplificandi gratia, & aliquando etiam extenuandi: res tamen ipsa manifestat, quomodo numerus accipi debeat. Nam si nimius excessus sit, esse decies maiorem, vel decies mutatam esse mercedem, tunc ratio postulat vt hyperbolicè accipiatur; sed tribulationem durare decem dies non solum non est nimium, sed potius valde breue: ergo extenuandi causa dictum est *decem dies*. Quibus addo, sæpè nos eadem phrasi vitæ huius breuitatem extenuare, dicendo eam vix durare decem dies. Vide Num. 11. 19. *Non vna die vel duobus, vel quinque aut decem, sed donec exeat per nares vestras.* Similiter ergo in hoc loco, decem dierum mentio ad temporis extenuationem & breuitatem spectat. Et quod alibi numerus denarius symbolum sit multitudinis, (vt in decem cornibus draconis & bestię marinæ,) non probat decem dierum mentionem debere esse symbolicam; sicut neq; in supradicto loco Num. 11. 19. Itaque quamuis verum sit, maiores adhuc difficultates & angustias Smyrnenfi Episc. prædici; hæc tamen non est comminatio, sed Diuinæ potius prouidentię declaratio, in maiorem familiarium suorum gratiam ac beneficium. Et cum hoc sensu rectè consentit, quod subditur; eas scilicet persecutiones non duraturas plusquam decem dies, hoc est, breuissimas fore: vt breuitatis consideratio iustos in suis ærumnis confoletur.

Tribulationem habere diebus decem, quid sit.

Denarius numerus pro multitudine in Scriptura sumitur.

Decem dies pro exiguo temporis spatio sumi.

Corona vita promissa Smyrnenfi qua sit.

Plus energia in corona nomine, quam in præmij contineri.

Martyres esse gloriosos Christi athletas.

Quæ sit mors secundum.

DABO TIBI CORONAM VITÆ, ET QUI VICERIT, NON LADETUR A MORTE SECUNDA. ] Vtraque hæc propositio ad huius epistolæ præmium pertinet, & vtraque directè loquitur de illo præmio, quod Smyrnenfi Episcopo promittitur; vt in præmio superioris epistolæ ostendimus. Connexio verò harum partium eiusmodi est: *Et, qui in magnis persecutionibus ad mortem vsque fidelis extiterit, dabo coronam vitæ. Neque eam vitam vsquam amittet: quia qui vicerit, non laedet a morte secunda.*

Pro huius promissionis explicatione, oportet singulas voces expendere. *Dare coronam vitæ*, videtur esse beatitudinis præmium tribuere. Sunt autem, qui coronam vitæ pro corona, quæ semper viuat, accipiant; id est, pro corona immarcescibili; vt loquitur Petrus epist. 1. cap. 6. 4. vel *incorrupta*, vt loquitur Paulus, 1. Cor. 9. 25. & sic etiam aiunt dici superbiam vitæ; id est, nunquam deficientem. Planius est ac verius, vt corona vitæ pro beatitudinis corona ponatur. Aptissime autem respondet morti pro Christo toleratæ, veræ vitæ præmium. Nomen autem coronæ maiorem ex se energiam, quam præmij nomen habet. Nec enim quoduis præmium appellabitur corona, si de humanis loquamur. Nam cunctis quidem militibus stipendium ac præmium reddebatur; corona tamen ijs solum, qui insigne aliquod facinus patrabant. Quare corona aptissimum est præmij excellentissimi symbolum. Cum ergo agatur hic de patientia in maximis laboribus ad vitam vsque pro Christo profundendam; congruens satis fuit coronæ nomen vsurpare, vt significetur, beatitudinem, quæ illos omnes manet, qui Smyrnenfi Episcopo fuerint perfimiles, clarissimam esse ac præstantissimam; iuxta illud Matth. 5. 12. *Gaudete & exultate, quoniam merces vestra copiosa est in cælis.* Vt enim inter milites hi erant insignes, & ceteris multò honorificentius habui, qui coronam fuerant adepti; sic inter beatos, qui pro Christi nomine plura & grauiora fuerint perpassi, illi meritò ceteris aded eminent, vt coronam in cælis habere dicantur. Quare, etsi beatitudinis præmium, generatim loquendo, aded magnum est & excellens, vt corona possit meritò appellari, quæ cuilibet beato conceditur; nihilominus si aliorum præmia cum præmij aliorum conferantur; illi propriè corona decorati dicentur, qui plurima aduersa pro Christo fortiter tolerarint. Atque ita D. Iacobus etiam fuit loquutus cap. 1. 12. *Beatus vir qui suffert tentationem, quoniam cum probatus fuerit, accipiet coronam vitæ.* Fit hic præterea allusio ad luctatorum coronas, qui in palæstra victoriam reportabant: quæ tanti ab omnibus æstimantur, quanti Horatius ponderat lib. 1. Ode 1. Perspicuum autem est, Martyres esse gloriosos Christi athletas, qui huius vitæ rerum cupiditate nudi, & diuini Spiritus gratia veluti oleo delibati, acerrimè dimicarunt, & præmium fuere clarissimum adepti. Atq; in martyrij laureola celebri apud Theologos, manifestè alluditur ad illam, quæ appellabatur sacri certaminis corona.

Altera præmij pars est, *Qui vicerit, non laedet a morte secunda.* Mors autem secunda respondet morti primæ. Et sunt qui cum Haymone putent in Apocalypsi peccatum ipsum appellari mortem pri-



A mam. Vnde philosophantur alij, separationem animæ à corpore dici mortem secundam; & propterea adiungi, eos qui vicerint, non lædi à morte secunda; quia ijs, qui de peccato triumphant, nihil damni affert mors, siue separatio animæ à corpore. Qui sic exponit, concionantur, non explicant. Constat enim in Apocalypsi, mortem secundam esse gehennam. Vide Matth. 10. 28. & Apoc. 20. 14. & cap. 21. 8. Scio aliquos putasse gehennam appellari mortem secundam, eò quod illam antecedit peccatum, quod est mors prima; ita Haymo. Alij peccatum ipsum appellant mortem secundam; eò quod mortis nomen primò inditum sit separationi animæ à corpore; & secundò extensum sit ad peccatum. Ita Rupertus & Albertus. Certum tamen est, animæ à corpore separationem appellatam fuisse mortem in præsentī: nam de ea dictum est, *esto fidelis vsque ad mortem*. Quare quod subditur, eum, qui vicerit, non læsum iri à morte secunda; eodem sensu intelligendum est, atq; illud ad Rom. 6. 9. *Christus resurgens ex mortuis iam non moritur*. Quod enim mortuus est, peccato mortuus est semel. Atque ita secunda mors est quam dixit Christus Matth. 10. 28. *Nolite timere eos, qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam*.

B. His ita constitutis expende, quàm aptè hoc præmium in secunda epistola collocetur; ubi hortatio est ad dolores & tormenta æquanimiter ad mortem vsque pro Christo toleranda. Magnis ergo tribulationibus proponitur corona, id est maximum præmium; morti proponitur vita; & perseverantia in laboribus magni præmij perseverantia, quod sine omnino carebit. Qui enim pro Christo moriuntur, liberi iam sunt & à qualibet alia morte securi. Atque hoc est, qui vicerit, non lædetur à morte secunda.

Atque ut priori epistola, vitæ vigor ac vegetæ vires senium nescientes sunt appositæ, ut sanctissimi Eucharistiæ effectus; ita similiter in hac epistola securitas à morte secunda ponitur etiam ut ipsius Eucharistiæ effectus. Christus enim est, qui in medio candelabrorum positus (id est in sua Ecclesia) in his epistolis loquitur; & ex collatione huius præmij cum præmij aliarum epistolarum, videntur præmia, quæ in his omnibus epistolis proponuntur, considerari veluti effectus à Christo in sacra cōmunionē manantes, Sed de cōmunionē etiam spiritali id intelligo, ut dixi epistolâ primâ.

Premium huius epistolæ quàm aptè cum ipsius doctrinâ consentiat.

Liberatio- nem à morte secunda esse Eucharistiæ effectum.

## CAPITIS II. PARS III.

C *Quæ est epistola ad Episcopum Pergamenum, & sub eius persona ad fideles alioqui laudabiles, sed in eo reprehensibiles, quod spiritualem pugnam reformident.*

### T E X T V S.

Vers. 12 **E**T Angelo Pergami Ecclesiæ scribe; hæc dicit, qui habet rhomphæam vtraque parte acutam.

D 13 Scio ubi habitas, ubi sedes est Satanæ: & tenes nomen meum, & non negasti fidem meam. Et in diebus illis Antipas testis meus fidelis, qui occisus est apud vos, ubi Satanæ habitat.

14 Sed habeo aduersus te pauca: quia habes illic tenentes doctrinam Balaam, qui docebat Balac mittere scandalum coram filiis Israel, edere & fornicari.

15 Ita habes & tu tenentes doctrinam Nicolaitarum.

16 Similiter poenitentiam age: si quo minùs, veniam tibi citò; & pugna- bo cum illis in gladio oris mei.

E 17 Qui habet aurem audiat, quid Spiritus dicat Ecclesijs; Vincenti dabo manna absconditum, & dabo illi calculum candidum, & in calculo nomen nouum scriptum, quod nemo scit, nisi qui accipit.

### C O M M E N T A R I V S.

**H**ÆC DICIT QUI HABET RHOMPHÆAM VTRAQUE PARTE ACUTAM.] Hæc rhomphæa proculdubio est ille gladius anceps, de quo c. 1. 16. Atque ita genuinus sensus est de verbi Dei vi & efficacia; ut eo loco explicuimus. Sed quorsum illud elogium Christi ad Episc. Pergamenū? Respondetur, ex illa visione capitis primi nihil aliud potuisse aptius ad Christi periphrasim pro hac epistola assumi. Nam Christi ad Pergamenum exhortatio est, ne bellum hereticis Nicolaitis inferre reformidet. Hancq; ad rem quid concinnius, quàm illi proponere diuini verbi virtutem ac robur? Pudendum enim esse, cum Pergameno Episcopo hic gladius fuerit traditus, ipsum tergiuersari adhuc, & hereticos congressum subterfugere. Atq; ad animos illi faciendos nihil potuit congruentius afferri; sūm tanta sit diuini verbi vis atque potentia, quam ei spiritus Christi impertitur. Quare cum hanc verbi diuini virtutem Paulus agnoscat, ad Ephes. 6. 19. postulat ab Ephesijs, ut pro se

Vers. 12. De qua rhomphæa hic sermo sit.

Quorsum hic rhomphæa bis accutata mentio?



ipso preces ad Deum fundant; *Vt detur mihi (inquit) sermo in apertione oris mei cum fiducia, notam facere mysterium Euangelij; vt in ipso audeam, prout oportet me loqui.* Et ad Colossens. 4. 3. ab eis etiam exposcit, vt pro ipso orent; *Vt Deus (inquit) aperiat nobis ostium sermonis ad loquendum mysterium Christi; vt manifestem illud, ita vt oportet me loqui.* Quod ergo bis repetit Apostolus, vt oportet me loqui, propterea dicit, quia datus ei fuerat gladius, qui ex ore Christi procedit: atqui hoc gladio instructum dedecet bellum aduersus Euangelij hostes formidare. Aduerti etiam ex Pannonio in hac epistola alludi ad historiam Balaami, atque in gladio siue in rhomphæa Christi haberi respectum ad angelum, qui districto gladio contra Balaamum stetit.

Verf. 13.  
Antipa  
martyrion,  
quod.

SCIO VBI HABITAS, ] &c. Hæc est Episcopi descriptio; in qua manifesta est pusillanimitas veræ virtuti adiuncta. Eius enim fidei constantia laudatur in ea persecutione, in qua Antipas in æneo bove combustus est. Reprehenditur autem, quod se hæreticis opponere non audebat. Hanc inæqualitatem imitantur non pauci, qui aduersus semetipsos, aut vanas mundi leges arma capere non audet, alioqui virtutis studio & exercitationi valde dediti. Nota insuper grauissimam fuisse Pergami persecutionem; vt apparet ex Antipæ martyrio (de quo bene hic multi) & ex verbis Aretæ: *Pergamus (inquit) idololatria dedita erat supra ceteram Asiam.*

Verf. 14.  
In quo Ni-  
colaitæ Ba-  
laam do-  
ctrinam  
fuerint  
secuti:

HABES TENENTES DOCTRINAM BALAAM ] q.d. Nicolaitas esse imitatores consilij Balaam, in eo quod fornicationem consulentes magnam Ecclesiæ Dei perniciem importabant. Quemadmodum ille in populum Israeliticum eandem inuexit per consilium, quod Regi Balac dedit, vt Israelitas per fæminas pulchras seduceret. Id enim, quod Num. 25. narratur ad suggestionem Balaam factum est, vt bene colligit Ribera ex Iosephi 4. Antiqu. cap. 6. & ex illis verbis Num. 24. n. 14. *Veruntamen pergens ad populum meum dabo consilium, quod populus meus populo huic faciet extremo tempore.* Et ex Michæ 6. n. 5. *Memento quid cogitauerit Balac, & quid responderit ei Balaam.* Hæc Ribera. Ceterum non necesse est ad Hebræorum traditionem neque ad coniecturas confugere; cum eadem veritas aperte tradatur Num. 31. 16. *Cur fæminas reseruastis? nonne ista sum, qua deceperunt filios Israel ad suggestionem Balaam, & prauaricari vos fecerunt?*

EDERE ET FORNICARI. ] Edere, scilicet, de idolothytis, quod erat peccatum Nicolaitarum; vt tradit Victorinus. Licet Beda in epistola ad Thyatirenses hoc exponat de spiritali idololatria; forsitan quia Nicolaitæ non erant idololatræ, sed hæretici. Lyra etiam ait, verisimile non esse in Pergamena Ecclesia rem adeo nefandam fuisse, scilicet inducere in fornicationem. Forsitan ergo Nicolaitæ non id directe suadebant; sed teterimo suo exemplo ceteris offendiculo erant; nec non manifesta contentione, qua suadebant, aduersus fornicarios & aduersus edentes de idolothytis non adeo rigide, vt tunc fieri solebat, agendum esse.

## NOTATIO IV.

*Ad illa verba, Edere & fornicari, & ad facta Nicolaitarum.*

De Nicolai-  
tarum er-  
roribus  
quaestio.

IN consilio, quod Balaam Madianitis dedit, inter se valde connexa erant, manducare de idolothytis & fornicari. Mulieres enim Madianitæ cum Israelitis se commiscere volebant, nisi illi de idolothytis ederent. At in Nicolaitis duo hæc videntur dissoluta; atque adeo nouum apparere vtrumque in illis coniungi, cum idololatræ non essent. Quorsum ergo suafuri erant idolothytorum esum? Hoc Aretæ fortassis & Bedæ difficultatem inculcit; aiunt enim, quæ de suafione Iezabelis dicuntur ad manducandum de idolothytis, spiritaliter esse accipiendam. Et nec Beda, nec Aretas affirmant fornicationem, de qua ibi sermo est, spirituale esse (quod Ambrosius & alij existimarunt) sed idolothytorum manducationem. Et meo iudicio, si, quæ de fornicatione dicuntur, accipiantur, vt sonant; considerat adhuc Beda & Aretas suspicati sunt, quod dicitur de idolothytorum manducatione, esse spiritaliter sumendum. Nec enim Nicolaitæ & Iezabel idololatræ erant. Quare, cum in illis fornicatio nullam habeat coherentiam cum idolothytorum manducatione, si verba, vt sonant, accipiantur; cumque Apocalypsis manifestè ad Madianitarum historiam alludat, indicio est, hanc coniunctionem mysterio non vacare. Quod ad Iezabelem spectat, dicam infra, nunc de Nicolaitis.

Exitimo ergo per allusionem ad Madianitarum historiam, nimiam edendi & bibendi licentiam & quasvis epularum delicias, quæ Nicolaitarum luxurias comitabantur, idolothytorum esum nomine aptissime significari. Nec enim est huius libri sapientiæ consentaneum, vt res inter se disparatas absque vlla elegantia coniungat. Quod si gulæ

cum luxuria copulationem hic velit indicare, id optimam in se continet doctrinam. Nam sine Cerere & Baccho friget Venus. Et vix lasciuia aliqua aut libido est, quæ non gulæ fomité alatur. Quare, vbi primum luxuriæ laxantur habenæ, ad nimias etiâ epularum lautitias atque crapulam sese intemperantia effundit: deinde allusio ad Madianitarum historiam, quæ Israelis filios in fraudem suâ pellaciâ induxerunt, hunc loquendi modum elegantissimum reddit; vt scilicet effrenata gulæ licentia, quæ ad luxuriam tendit, appelletur manducatio idolothytorum. Est autem aptissima allegoria, tum ob ea Pauli verba, ad Philip 3. 19. *quorum Deus venter est,* tum etiam, quia conuiuia, quæ ad effrenatam libidinem diriguntur, eo ipso Veneri & Cupidini consecrantur, atque ita iure appellantur idolothyta. Huc accedit, vt idololatria appellatur fornicatio, ita etiam fornicatione nominari spirituale idololatriam, ac proinde gulæ intemperantiam, quæ ad lasciuiam & luxuriam vergit, eleganter dici manducationem de idolothytis. Quod qui attentè consideret, iudicabit, hanc loquendi rationem esse Apocalypseo elegantiam & sapientiam dignissimam.

Hæc ipsa explicatio amplius stabilitur. Nam qui de hæresibus scribunt, quique de Nicolaitis extra Apocalypsin agunt, omnes expressè meminerunt licentiæ & impunitatis, quam ipsi luxuriæ concedebant; manducationem verò idolothytorum non eis assignant, nisi qui de illis agunt in expositione Apocalypseo. Quin etiam ex interpretibus Apocalypseo, Aretas & Beda, vt iam diximus, hunc idolothytorum esum figuratè accipiunt. Ex quibus conicitur Apocalypseo verba occasio-

Terentius.

Crapula &  
ebrietas li-  
bidinem fo-  
re comitari  
solec.

Nicolaitarum libido  
ac luxuria.



nem præbuisse, vt Nicolaitis ascribatur, quod aliunde ignoratur omnino. Hoc autem si attentè inspicatur, solidum minimè est: nec enim est æquū, vt ex Apocalypsi argumentum sumatur ad illud asserendum, quod aliās ignorabatur. Nam ex ænigmaticis libris firmā argumenta capi non possunt ad doctrinam alioqui incertam; propterea quod verba ipsa primā specie videantur sonare: præsertim cum graues sint interpretes, qui ea ipsa verba mysticè exponant; & quod caput est, cum prædictus sensus sit Apocalypsi valde dignus. Quia & mira est doctrinæ grauitas, & elegans loquendi ratio.

Nec tamen hoc obstat, quo minus verum forte sit, Nicolaitas, qui adeo carnis libertati fauebant, contendisse etiam, ne adeo seuerè & strictè, vt primitiux Ecclesiæ tempore fiebat, ab idolothytorum esu abtineretur. Verumtamen in Apocalypsi ar-

bitror non ad hunc errorem præcipuè respici: hoc enim non magnam habet cum fornicatione coherentiam. Nec ipsum Apostolorum præceptum abstinenti ab idolothytorum esu generale fuit, sed ad præscriptum tēpus. Ecclesijs aliquot initio fuit impositum, vt aliorum offensio tolleretur, de quo Belarminus lib. 4. de Rom. Pontif. cap. 16. & interpretes Pauli 1. ad Corinth. 8. 9.

Hæc de idolothytorū manducatione, quæ Nicolaitis in Apocalypsi videtur tribui. De Iezabelis verò fornicatione & manducatione, alia est ratio longè diuersa; vt in explicatione epistolæ ad Thyatirensē videbimus. Nam ipsius fornicatio mystica est: sed eadem proportionē appellatur manducatio de idolothytis illud, quod mysticam eam fornicationem præcedit, vt præcedit gula luxuriam.

## COM M E N T A R I V S.

**S**IMILITER PŒNITENTIAM AGE. ] Non defuit, qui huic loco subesse mendum putaret: & græcè quidē facile erat errorem subrepere, vt bene Ribera; nam, *ὁμοιω* est quod odi, & *ὁμοιος*, similiter. Hanc tamen secundam lectionem noster interpret legitimum reputauit; quod licet non nihil difficultatis habeat, quia in superiore epistola nulla est ad pœnitentiam cohortatio; id tamen non abs re est. Primò, quia sensus eiusmodi reddi potest, similiter sicut Ephesino præcepti, vt exponunt Primasius & Ambrosius. Secundò, quia forte sensus est, quemadmodum Nicolaitis pœnitentia opus erat, sic etiam Pergameno eadem opus esse; quod non ita serio de eorum ad fidem reductione egerat. Alij etiam nonnulli exponunt. Vide Thomam Anglicum & Glossam.

**S**I QVO MINVS, ] id est, sin minus, vt Ioan. 14. 2. VENIAM TIBI CITO, ET PUGNABO CVM ILLIS IN GLADIO ORIS MEI. ] Hæc verba nonnulli exponunt de supplicij seueritate, qua Deus Nicolaitis & Pergameno Episcopo comminatur. Nobis tamen multo aliter explicandus est locus; quia gladium oris Christi omnino intelligimus de verbi Dei efficacia. Illud, *veniam tibi*, difficultatem nō habet, vt vidimus in epistola prima; & sensus est Christum suam prouidentiam ostensurum cum ipsius Pergameni Episcopi pudore atque rubore. Illud autem *pugnabo cum illis in gladio oris mei*; eiusmodi habet sensum. Accusauerat Christus Episcopum de ignauia, quod armatus Diuini verbi gladio, cum Nicolaitis tamen confligere non auderet. Ad quod nulla valuit opportunior addi comminatio, quam futurum esse, vt ex infima plebe aliquos Deus suscitaret, qui cum Nicolaitis conflicerent, & eos vincerent, ac veritati subiugarent; quasi expeditionem & coronam ad alios Deus transferat, & Episcopum pudore suffusum atque confusum relinquat. Quam sit hæc comminatio ad ignauia supplicium idonea, facile quiuis cernet; nempe prouinciam illam alteri committendam, qui eam optimè egerat, & rei feliciter gestæ gloriam consequatur. Atque hunc esse morem Diuinæ prouidentia, notissimum est, & cap. etiam 3. explicatur, *Tene quod habes, vt nemo accipiat coronam tuam*. Vbi nonnulla colligit Ribera §. 25. ex Gregorio, Hieron. & ex varijs S. Scripturæ locis.

Sed obijcies, non dici in præsentī, Ego mittam alium meo gladio instructum, qui pugnet contra Nicolaitas; sed *veniam ego & pugnabo*. Respondetur: licet Deus sit, qui in suis semper pugnat, & omnia in omnibus operatur; speciatim tamen Christi opus esse dicitur, cum quemuis infimæ foris hominem celestis afflat spiritu, ac pereum præclara & insignia edit facinora. De quo 2. Paral. 20. numero 16. & 17. &c. *Non eritis vos, qui pugnabitis*. atque eadem sententia reperitur Exodi 14. 14. & n. 25. Deut. 1. 30. & cap. 3. 22. Iosue 10. 14. & num. 42. & cap. 23. 3. & num. 10. Iudith 5. 16. vide etiam Apocalypsi. 19. 21. *Ceteri occisi sunt in gladio sedentis super equum*.

**V**INCENTI DABO MANNA ABSCONDITVM. ] Vincentis nomine non significatur in præsentī quilibet vincens generatim (vt vidimus epistola 1.) sed is solū, qui suam vincit pusillanimitatem, & serio apud se statuit defectum in Pergameno Episcopo reprehensum à Christo, per veram pœnitentiam & emendationem, corrigere. Etenim in his omnibus epistolis vincens appellatur Episcopus, qui Christi hortationem, quam illa epistola describit; opere præstat, atque difficultatem in ea re occurrentem superat.

In manna abscondito significatur magna aliqua suauitas occulta; & licet Victorinus, Andreas, Haymo, Glossa, Thomas & Pererius id exponant de æternæ beatitudinis felicitate; Ambrosius verò, Richardus, & Bernardus lib. 1. de conuersione ad clericos c. 21. explicant de suauitate contemplationis, hæc tamen interpretationes non deueniunt singillatim ad præmium aliquod, quod proprium videatur esse huius epistolæ. Ribera ait, meritò celestem dulcedinem promitti spernentibus impuras carnis voluptates; & meliorem cibum, idolothyta comedere nolentibus. Verū iam supra vidimus opus esse, vt singula præmia singulis Episcopis congruentia proponantur, iuxta ea, quæ ad illos propriè scripta sunt. Episcopo ergo Pergameno fuerat scriptum, non vt à carnis voluptatibus abtineret; sed vt ignauia depelleret, & gladio spiritus aduersus hæreticos vteretur. Huius facinoris difficultates imbecillus animus perhorrescit, neque potest suspicari sub ea periculorum & anxietatū specie voluptatē aliquam posse latere. Vt si, exempligratia, cogitemus statim eorū Catholicorum, qui nunc in Anglia aduersus hæreticos gerunt spirituale bellum. Verū Christus in hac epistola confirmat, maxima esse in eo vitæ genere gaudia abscondita; & quod magis per speciem apparet Christi milites esse omni solatio destitutos, eo magis illos in tribulationibus gaudio abundare & superabundare: vt 2. Cor. 1. 5. *Sicut abundant passionēs Christi in nobis*, &c. & c. 4. 8. *Aponamur, sed non desistimur*.

Vers. 16.

Similiter  
hic, in quo  
sen, & acci-  
piendum.

Quid sibi  
velit,  
Christum  
sui oris gla-  
dio pugnare.

Quo sensu  
dicatur pu-  
gnare Chri-  
stum, cum  
sui pugnat.

Vers. 17.

Quis vin-  
centis no-  
mine in-  
telligatur.

Manna  
absconditū,  
quid sit.



Deus suorū  
pericula  
caelestis su-  
auitatis co-  
piā elenat.

Manna abs-  
conditum  
ad Eucha-  
ristiam ap-  
plicatur.

Virum mā-  
na absconditū  
nomine de  
caelesti bea-  
titudine aga-  
tur?

Quis sit  
calculus  
candidus  
vincenti  
promissus  
à Christo.

Ac primò  
de sensu  
Grammatico.

ἡψος  
quid græcè.

Pretiosos  
lapillos in-  
terdum cal-  
culos in  
Scriptura  
appellari.

Secundò, de  
calculi  
significatio-  
ne.

Res quidem est valde mira, sed omni fide dignissima: & scimus, eos qui à periculis euasere, & iam nunc inter Catholicos tranquille viuunt, fateri sibi deesse illius consolationis abundantiam, & caelestium gaudiorum incredibilem voluptatem, qua in medijs difficultatibus Anglicanis Diuina prouidentia illos copiosissime recreabat. Decet hoc in primis ipsam Dei prouidentiam. Deinde periculorum contemptio, & singularis Dei curæ frequens experimentum in multis, quæ occurrunt, tanto gaudio replent fidelium corda, ut externæ omnes difficultates facile superentur. Hoc est ergo manna absconditum, quod vincenti promittitur. Atque hæc maxima dulcedo iure optimo peculiariter refertur ad eam, quam ex sacra Christi Eucharistia participant ij, qui fortiter deliberant belli difficultatem non perhorrescere, siue contra hæreticos, siue etiam contra proprias cupiditates. Quare de Eucharistia suauitate exponunt hic Primasius, Andreas, Rupertus, Serranus. Et notat insuper Aretas, hoc manna absconditum opponi ijs cibis prohibitis, quibus Nicolaitæ vescerantur. Connexio verò est eiusmodi: Nicolaitæ pro delectabili sensuum gustu mea præcepta contemnunt. Qui verò se Nicolaitis constanter opponet, & bellum cum eis spirituale suscipiet; hic veram suauitatem absconditam tamen gustabit.

Illud autem absconditi nomen meo iudicio cogit, ne hic directè agatur de præmio æternæ beatitudinis, sed de præmio, quod in hac vita confertur. Propriè enim absconditum appellatur, quod præsens est, ita tamen abditum, ut reuelatione opus sit: neque aliter agnoscat. Atque in hoc sensu loquitur sacra Scriptura. Vide Isaia 45.15. *Verè tu es Deus absconditus.* Habac. 3.4. *Ibi abscondita est fortitudo eius.* Matth. 11.23. *Abscondisti hæc à sapientibus & prudentibus, & reuelasti ea paruulīs.* Matth. 13.44. *Simile est regnum calorum thesauro abscondito in agro.* Rom. 2.29. *Sed qui in abscondito Iudeus est.* Coloss. 3.3. *Vita vestra abscondita est.* 1. Pet. 3.4. *Absconditus est cordis homo.* Imò verò illa etiam verba Isaia 64.4. *Oculus non vidit Deus absque te, quæ præparasti expectantibus te;* directè non agunt de æternæ vitæ beatitudine, sed de abscondita felicitate primitiæ Ecclesiæ; ut explicauit Paulus. Ex his ergo colligitur, manna absconditum non esse præmium cælestis beatitudinis; sed ingens quoddam beneficium, quod in hac vita Deus illis tribuit, qui se constanter parant ad prælium pro Deo committendum, ut suprà explicatum est. Quod si manna præmium est huius vitæ; idem etiam de calculo dicendum est. Contextus enim postulat, ut duo hæc eodem modo accipiantur. Et tam calculus, quàm quod in eo scriptum est, abdita etiam sunt & occulta, ut infra videbimus.

ET DABO ILLI CALCULVM CANDIDVM, ET IN CALCULO NOMEN NOVVM SCRIPTVM, QVOD NEMO SCIT, NISI QVI ACCIPIT. Calculus hic multos torfit, atque ut ab eo nos expediamus, prius examinandum est, quid calculi nomine intelligatur in sensu grammatico. Degemina pretiosa exponunt Victorinus, Primasius, Haymo, Ansbertus, Anselmus, Serranus: quibus manifestè fauet Hieron. epist. 143. quæ est ad Damasum; ubi hunc locum adducit, & confert cum calculo illo, de quo Isaia 6. quem ipse existimat fuisse carbunculum. Contra hanc calculi acceptionem opponunt Ribera, Pererius, & alij nomen græcum ἡψος, quod asserunt non posse significare gemmam, sed vulgarem lapillum. Verum multò maior est Hieronymi auctoritas etiam in græca vocatione significatione. Et notum insuper est, Dioscoridem per nomen ἡψος intelligere gemmam. Et quem admodum appellari solent lapides vel lapilli, ita etiam ijs quadrat nomen calculi vel ἡψος nec enim calculus aliud est, quàm lapillus. Accedit, quòd in Martiali legimus, *Calculos gemmeos.* Quare nouum videri non debet, lapides pretiosos in sacris Literis calculos appellari. Quin imò Isaia 6. ubi nos legimus *In manu eius calculus,* apud LXX. est *carbunculus,* & D. Hieron. ibi sic ait, *Calculus iste, qui à solis LXX. carbunculus est interpretatus, potest non carbonem significare, ut plerique existimant, sed carbunculum lapidem.* Putabit aliquis, non posse in Isaia calculum pro gemma accipi: Textus enim ait, *quem forcipe tulerat de altari.* Sed hoc Hieronymus non ignorabat; & tamen asseruit esse carbunculum gemmam: & in notatione sequenti videbimus D. Hieronymi sententiam, utpote elegantis sensus & grauissimæ auctoritatis, esse sequendam.

Cum igitur semel statuamus, per nomen calculi aptè significari posse gemmam, næ significatio vulgaris lapilli, huius loci est indigna. Primò, quia licet humaniorum literarum studiosi sæpius calculorum nomine vtantur ad vulgares illos significandos, quorum vsus est siue erat in ludendo, in supputando, in ferendis suffragijs, & in dierum distinctione notanda: eiusmodi tamen vsus non reperiuntur in veteris Testamenti libris. Cum igitur tota Apocalypsis sit allusio ad insignes sacre Scripturæ locos, minimè satisfacit illa calculi expositio, quæ ad aliquem ex his locis non respiciat. Deinde, quia declarationes, quæ in hoc loco ad vulgaris calculi significationem referuntur, nullam ostendunt elegantiam Apocalypsi dignam in coniunctione manna absconditi cum vulgari calculo. Tertiò, quia ad eum finem scribendi in calculo pretiosum nomen, multò congruentius est, ut sit gemma, quàm lapillus vulgaris; præsertim si nomen in eo scribendum, sit nomen Iesu, ut videbimus infra.

Cum hac gemmæ significatione consonat epithetum *candidi*, sed de hoc epitheto dicemus seorsum, notatione 6.

Transeamus iam ad secundam quæstionem de præcipuo sensu, qui per hunc calculum hic intenditur: ex quo etiam magis confirmabitur sermonem esse de gemma. Qui censent hunc calculum esse gemmam, asserunt hic per illum significari adoptionem filiorum Dei. Ceterum ut aliquid huic loco aptum & plenum affirmetur, oportet ostendere symbolicam significationem elegantem esse, & sensum congruere cum hortatione, quæ à Christo fit Episcopo Pergameno.

Obseruandum ergo est, hortationem esse, ut animum ac vires caperet, nec prælium cum Euangelij aduersarijs recusaret. In symbolo autem manna dictum ei fuit, si constanter se spirituali prælio committeret, in eo ipso quod sibi insipidum & amarum videbatur, magnam se dulcedinem ac suauitatem absconditam inuenturum. Ad hæc mox additur calculi symbolum, cui ego eiusmodi significationem tribuo, Pergamenum scilicet Episcopum, si pro Euangelio acriter cum hostibus dimicauerit, ad gradum quemdam perfectissimum ac summi apud Deum pretij hac ratione



**A** venturum; id est, ad altissimam Iesu Christi imitationem, & maximam apud eum gratiam, quæ facile possit quamlibet superare difficultatem. Et quidem, quod ad huius sensus substantiam spectat, negari non potest eum esse valde ad rem, & Apocalypseos Theologia dignissimum. Dum enim homo aliquis spirituale bellum refugit, minimè ad præclaram illius rei imitationem perueniet; quæ maximè in Christi vita effulget; nimirum ad virtutem & animi robur, quo se pro æterni Patris gloria & obsequio Scribis & Phariseis palam opposuit; eosque acriter obiurgauit; & vitam demum amisit, ut in ea re Patris iussis obtemperaret. Eadem etiam ratione, qui sibi ac suis effrenatis cupiditatibus & affectibus vim afferre recusat; hic quidem longissimè distat à Christi imitatione; quæ in eo consistit, ut se ad maiorem Dei gloriam totum dicet & consecret; nec difficile quidpiam, ut ei gratum faciat, subterfugiat. Ad hunc verò statum peruenire res est, ut constet, in spirituali vita maximi pretij: quò ubi aliquis accedit, ad eò se diuina ope munitum & obvallatum sentit, ut dicere possit cum Paulo, *Omnia possum in eo, qui me confortat*, Philipp. 4. 13. Negari ergo non potest, quin si calculi symbolum huic significationi aptè deseruier, nihil esset, quod amplius in huius loci explicatione desiderari posset.

**B** Illud igitur superest, ut videamus symbolicæ huius significationis elegantiam. Pro quo aduerte primò calculum, de quo fit mentio Isaia 6. proculdubio fuisse carbunculum; atque ipsius propriam significationem esse de perfecta Christi imitatione, ut videbimus in sequenti notatione. Quid ergo elegantius & Apocalypseos sublimitate dignius, quàm in calculi mentione alludi ad calculum Isaia; & illum similiter in eadem significatione usurpari? Præsertim quia ut in notatione videbimus, Ioannes hac calculi allusione Isaia loco lumen attulit, cum antea fortassis non satis intelligeretur. Allusio etiam ad calculum Isaia coëgit, ut hinc pro carbunculo calculus poneretur; ut intelligeretur obiter, quàm aptè vterque locus sibi mutuo responderet; & simul appareret, cur apud Isaia non fuerit usurpatum in hebræo nomen carbunculi visitatum; sed aliud, quod calculum significat, & carbonis ardentis habet etymologiam. Auctores porrò, qui asserunt in Apocalypsi nomen calculi significare gemmam, omnes eò videntur spectare, ut Apocalypseos locus Isaia respondeat: atque ita expressit Hieronymus epistola 143. Alioqui non video, cur nonnulli notent calculum hinc esse carbunculum; ut Haymo, Ansbertus, & alij.

**C** Secundò aduerto, quod Christus in hac epistola ait, *dabo illi calculum*, si locus attentè inspicatur, hoc modo construendum esse. Quemadmodum Isaia 6. altare pro pruna Seraphino tradidit carbunculum pretiosissimum; cumque Seraphinus ad ipsum cum formidine accederet, reputans esse prunam, & illà sibi manum exurendam; inuenit quam putabat esse prunam, pretiosum esse carbunculum: sic etiam qui cum hæreticis configere, aut proprijs cupiditatibus bellum inferre recusabat, veritus eò se detrudere, quod sibi magno dolori & anxietati fore existimabat; ipse (qui verum altare sum) omnem ipsius formidinem ac metum in rem summi pretij atque valoris conuertam; eumque dabo pretioso meæ imitationis carbunculo, quo maximopere diues ac lætus remanebit. Pro hoc facit, quòd ij etiam, qui non exponunt de gemma, ut certum statuunt, calculi significationem futuram esse, ut rei maximæ æstimationis; ut Pererius disput. 12. ad finem, qui ait, *Calculus candidus incomparabilem diuitiarum, id est, rerum pretiosarum copiam denotat*.

**D** Tertiò noto, carbunculum esse tertium numero inter eos pretiosos lapides, de quibus Apoc. 21. qui et si appelletur ibi Chalcedonius, eo tamè nomine de carbunculo sermo est, ut suo loco constabit. Ille autem carbunculus Incarnationis mysterium significat, ad cuius rei symbolum sapienter fuit inter ceteras gemmas electus. Proprius enim ac natius carbunculi color est, veluti accensæ prunæ; atque idcirco appellatur latine carbunculus, & græcè ἀνθράξ. Atqui prunæ comparatio eximia est ad Incarnationis mysterium denotandum; quæ utuntur Iustinus q. 44. ad Orthodoxos, Cyrillus lib. de Incarnatione Vnigeniti, cap. 8. & Damascenus lib. 4. de fide orthod. cap. 14. nec immeritò, quia pruna siue ferrum candens mirificè repræsentat vnionem duplicis naturæ in eodem supposito. Videmus enim in pruna lignum esse ignem, & ignem esse lignum siue ferrum. Atque eodem modo in carbunculo videtur lapis esse ignis, & ignis lapis. Cum igitur ignis diuinitatis sit appositum symbolum; optima est comparatio ad coniunctionem alterius naturæ cum diuina significandam; & carbunculus quidem aptiorem habet ad hoc congruentiam, quàm pruna; quia cum ardere videatur, non tamen comburitur aut consumitur. Quod mysterium, Moïsi rubum reddidit conuenientem Incarnationis figuram. Hoc constituto, ad Christi imaginem siue imitationem denotandam nihil afferri potest accommodatius, quàm pretiosam hanc gemmam alicui in manus tradi, quasi illi in ipsius operibus, quædam tribuatur imitatio virtutis Christi veri Dei atque hominis: atque ad hanc imitationem ignis figura siue symbolum admirabile est; illo enim homo accensus atque ignitus Seraphini instar efficitur; id quod in carbunculo eleganter repræsentatur. Atque hic est proprius Seraphinorum sensus apud Isaia; ut patebit in eius capitis commentario.

**E** Quartò, si calculus est gemma; nullius difficultatis est, quod mox additur de nomine nouo in calculo scripto. Nam proprius gemmarum vsus est in annulis; & idcirco nomen aliquod siue insignia in eis calari solebant. Vnde & in duodecim illis gemmis Rationalis, duodecim Patriarcharum nomina erant insculpta, Exodi 28. 11. Vide etiam Sap. 18. 24. ubi parentum magnalia dicuntur fuisse in lapidibus illis insculpta. Et quamuis interpretum multi opinentur, nomen in calculo inscriptum (de quo Ioannes) esse nouum nomen, quod Christi imitatori tribuitur, cum in filium cooptatur; mea tamen sententia Ambrosij & Glossæ expositio verior est, qui in hac gemma existimant inscriptum promitti Iesu Christi nomen. Et valde est ad rem, ut sermo sit de ipso nomine IESVS. Quin & Glossa singillatim descendit ad quinque literarum considerationem, siue ad quinque Christi vulnerum sculpturam. Quòd si hæc gemma Christi imitatori datur, ut Christi virtute reddatur fortis ac potens, & omnia possit in eo, qui ipsum confortat per sui imitationem; quis non videat, multò esse aptius illi in sigillo sculptum Iesu nomen tribuere; quàm nomen, quo appellan-

*Quanta sit in calculi symbolo elegantia.*

*In hoc Apocalypseos calculo ad calculum Isaia fieri allusio nem.*

*Quis sit sensus promissionis à Christo facta de calculo candido.*

*Carbunculus Incarnationis symbolum.*

*Quid sit, calculus candidus siue pretiosissima gemma in manus alicui tradere.*

*Nomen siue insignia in annuli gemma calari solita.*

*Quod sit nomen calculi insculptum.*



Calculus  
nomen in-  
scriptum  
quomodo  
nemo noris  
nisi qui ac-  
cipiam.

duis sitis, cui gemma tribuitur? Sic enim aptissime significatur; Christi Iesu virtute ac nomine posse eum egregiaqueque facinora aggredi atque perficere; ut ea præstet regis annulo ac sigillo qui regi sit valde charus, & multum apud eum gratia valeat, & quem rex velit regia auctoritate ad ea, quæ velit uti. Imitatio ergo Christi hominem quodammodo omnipotentem efficit. Nam & Paulus ait; *Omnia possum in eo qui me confortat.* De hac autem Iesu nominis virtute licet multi, qui ad veram Christi imitationem non accessere, speculatiue loquantur; multi tamen excellentius id sentiunt & experiuntur, qui gemmam hanc pretiosissimam acceperunt; quæ eos inflammat, locupletat, & omnipotentes reddit. Et verò hoc est, quod textus ait, *quod nemo novit, nisi qui accipit.* Quanquā id extendi potest non solum ad nomen, sed etiam ad lapidem; quorum pretium atque solatium nemo satis noverit nisi qui possidet.

Eorum expositio, qui in calculi nomine filiorum adoptionem intelligunt, potest ad prædictum sensum revocari. *Hi enim sunt filij Dei, qui spiritu Dei aguntur.* Et illi etiam sunt, qui Christum imitantur; quorum adoptio in eo sita est ut Iesu Christi similes efficiantur. Quare hanc eis adoptionem communicare, est ipsius Christi nominis dedere virtutem, qua diuites ac potentes permaneant.

Arete declaratio de calculo candido, quem in sacris, quæ appellabantur, certaminibus, victori tradi solitum affirmat; fortassis accipienda est non de vulgari calculo, sed de gemma. Nam ad victoris præmium multò magis idonea est; & hac ratione explicatio non erat abs re; si tamen verum est, calculum candidum olim victoribus tribui solere.

Quin etiam calculi gemmei Martialis, quos ipse inter apophoreta enumerat lib. 14. distich. 20. fortè hic possent deferuire. Præcedit enim manna, quod est splendori instar epuli. epulum autem mox sequitur calculus candidus, veluti quoddam illius conuiuij apophoretum; id est, ut effectus quem sacra Christi corporis susceptio in eius anima operatur, qui ad has sacras epulas ita accedit dispositus ac paratus, ut Christus à Pergameno Episcopo exigit. Ceterum quod magis hic facit ad rem, est allusio ad Isaïæ locum; in qua Christus siue in Eucharistia, siue in spirituali communione rite concipitur quali altare, quod suis Seraphinis pro ignitis prunis carbunculos pretiosissimos donat. De quo dicemus notat. sequenti.

Calculus  
candidus  
ad sacram  
Eucharistia  
accommoda-  
tur.

## NOTATIO V.

*Ad calculum candidum, Apoc. 2. 17. in qua explicatur calculus ille Isaïæ 6. n. 6. ad quem Ioannes in presenti alludit.*

Cuiusmodi  
sit calculus  
ille Isaïæ 6.

Prunam si-  
ne carbone  
fuisse igni-  
tum plerique  
putant.

**V**ERBA Isaïæ sunt, *Volauit ad me unus de Seraphim, & in manu eius calculus, quem forcipe tulerat de altari.* Antequam ad prophetici sensus mysterium accedo, stattuendum primò est, num in sensu grammatico calculus in presenti sit gemma vel pruna? De pruna siue carbone ignito plerique accipiunt, ut notat Hieronymus Isaïæ 6. & similiter exponunt recentiores. Atque hunc sensum videtur contextus ipse suadere. Figura enim est eiusmodi, ut calculum Angelus ab altari forcipibus capiat. Atque in altari semper erant prunæ; gemmæ verò nunquam in eo visæ. Adde, quod ad gemmam in manu sumendam, forcipibus opus non erat. Præterea constat hoc calculo fuisse mundata Isaïæ labia: & ignis cauterio id factum esse, videtur valde conueniens; gemmæ autem contactum non continere. Confirmatur denique hic sensus ex huius visionis similitudine cum alijs. Quia Ezechielis 10. 2. qui indutus erat lineis iubetur ingredi in medium rotarum, & implere manum suam prunis ignis, quæ erant inter Cherubim, & effundere super ciuitatem: Et extendit Cherub manum ad ignem, qui erat inter Cherubim, & sumpsit, & dedit in manus eius, qui indutus erat lineis. Similiter etiam Apocal. 8. 5. accepit Angelus thuribulum, & impleuit illud de igne altaris, & misit in terram.

Ceterum, ut credamus, calculum Isaïæ esse gemmam, non parum vrgent nomen ipsum calculi, D. Hieronymi auctoritas, hebræa vox, LXX. interpretum cum nostro Vulgato concordia, & calculus Apocalyp. cap. 2. 17. Expendamus igitur per ordinem singula. Primò si in visione Isaïæ sermo est de pruna & non de lapillo, quæ poterit excusatio afferri pro Vulgato vsurpante nomen calculi, qui idem est atque lapillus? Esse quidem calculos gemmeos, & Latinum nomen calculi gemmis tribui posse, nomē item græcum quod ei respondet, nempe *λίθος*, hæc omnia demonstraui in commentario. Veruntamen ut calculi appellatio tribuatur prunæ,

Gemmam  
tamen fuisse  
cum Hiero-  
nymo statu-  
itur.

omnino nescio quod aptum exemplum, aut ratio possit afferri. Nihil enim durius, quam prunas eo nomine nuncupare; cuius significatio non est alia, quam nominis, *Lapilli*. Ad hæc, D. Hieron. qui calculum transtulit; se ipse explicat, Isaïæ 6. & epistola 143. ad Damasum: asseritque se pro calculi nomine lapidem intelligere. In commentario Isaïæ sic ait, *Calculus iste, qui à solis LXX. carbunculus est interpretatus, potest non carbonem significare, vel prunam, ut plerique existimant, sed carbunculum lapidem.* Non ait Hieronymus non posse nomine hebraico significare prunam, ne communem interpretationem damnet; veruntamen existimasse illum non esse prunam, sed lapidem, manifesto est argumento, quod calculum transtulerit; & simul aduertit hebræam vocem posse lapidem carbunculum significare. Deinde epist. 143. quæ est ad Damasum, sic ait Hieronymus: *In hebreo pro carbone, quem posuerunt LXX. legitur calculus, ceteris quoque interpretibus super hoc consentantibus.* Videtur autem mihi sermo Diuini calculi appellatione signari. Sicut enim calculus genus est lapidis durissimi & leuissimi, ita sermo Dei. Et in Apocalypsi Dominus vincentibus pollicetur lapidem candidum, & in eo scriptum nomen. Videntur autem LXX. transferentes hoc loco *λίθος*, idem sensisse quod ceteri: *λίθος*, quippe, quem nos carbunculum interpretamur, genus est lapidis fulgentis atque nitentis: quem etiam in duodecim lapidibus inuenimus. Siue igitur calculus veritatis, siue carbunculus; in calculo, diuini sermonis veritas & rigor: in carbunculo, lucens doctrina manifeste ostenditur, iuxta id. Psalmi 18. Mandatum Domini lucidum illuminans oculos. Hæc Hieronymus: ex quibus constat eum manifestè recusare de pruna locum intelligere.

Præterea vox hebræa est *רִשְׁפָּא*, *rishpa*, quæ etfi deriuetur à *רָשַׁף*, *reshep*, quod significat prunam, (vnde dicitur panis subcinericius, hebræice panis prunarum,) *rishpa* tamen non significat prunam, sed lapillum, si quidem interpretes omnes, ut notat Hieronymus, transtulerunt calculum; præter LXX. qui

Hieronymus  
sensus de  
calculo  
Isaïæ

Calculus  
nominis in  
Græci, quæ  
Hebræice  
εὐμελγία.



verterunt ἀνδραγ, quæ vox etſi carbonem denotare videatur, hoc tamen proprium eſt nomen pretioſi lapidis, quem Latini carbunculum nominant. Atq; ita conciliat Hieronymus LXX. cum ceteris interpretibus; & clare aſſerit hebræam vocem non ſonare carbonē aut prunam, ſed calculum. Et certè ea ipſa, quæ aſſeruntur ad probandum ſermonem hic eſſe de pruna; nimirum loci contextum, altare, in quo erat calculus, & forcipes quibus traditur; hæc (inquam) mihi confirmant non agi de pruna; ſed de lapide, ſiquidem tot indicia non ſatis fuere, vt interpretes relicto lapilli nomine, prunæ nomen ſubſtituerent. Quod mihi evidens argumentum eſt hebrææ vocis ſignificatione illos fuiſſe coactos, vt de lapide ſermonem inſtitui crederent; etſi primo aſpectu videretur contextus prunam expoſcere.

Ex hac eadem radice deriuatur hebraicum participium, quod Cantic. 3. 10. ponitur, vbi nos legimus *charitate conſtravit*, hebr. *חִסְדָּךְ*, *raſiſuph*: atque eadem eſt vox, quæ 2. Reg. 16. 17. poſita eſt, vbi nos legimus *ſtratam lapidibus*; & Eſther 1. 6. vbi legimus *ſtratam lapide*. Atque ita LXX. Cantic. 3. 10. vterunt *lithoſtrotos*, & 5. editio, *medium eius calculis compoſuit*. Et de calculis, (id eſt de carbunculis) intelligunt Ambroſius, Theodoretus, & Nyſſenus; quos refert & ſequitur Delrius. Nec facit contra hoc Vulgati lectio. Vulgatus enim ibi (vt & alijs in locis) ſapienter reſpexit ad præcipuum ſenſum. Senſus autem charitatis exprimitur carbunculis, quibus Salomonis lectica ſtrata erat, vt dicemus in eius loci commentario. Hebræa itaque vox, qua vtitur Iſaias cap. 6. 6. non ſolet in ſacra Scriptura accipi pro prunis, ſed propria ipſius ſignificatio eſt lapilli; & præſertim eius, qui à Latinis appellatur carbunculus, à Græcis ἀνδραγ. Quare etſi deriuatio eius ſit à pruna, in hoc tamen nomine hebraico accidit quod in latino *Carbunculus*; quod non ſumitur pro quolibet pruna, ſed ſingillarim pro lapide illo pretioſo, qui ſuo colore prunæ ſpeciem refert.

Præter hæc, vbi ſemel aduertatur hebræa voce ſignificari carbunculum pretioſum, & LXX. carbunculum etiam tranſuliſſe, & reliquos interpretes calculum; quis non videat valde eſſe veriſimile, Ioannem Apoc. 2. 17. ad Iſaiæ calculum reſpexiſſe? De hoc diximus in commentario. Quod ſi ſenſus ille adeo eſt ſacræ Scripturæ dignus, vt mea ſit opinio; ille ipſe Apocalypſeos locus egregie confirmat in Iſaiæ loco ſermonem eſſe non de pruna, ſed de gemmeo calculo (vt loquitur Martialis lib. 14. diſt. 20.) neque ſolum id confirmat, ſed etiam miram aſſert lucem eidem Iſaiæ loco. Nec abſque Dei providentia fuit factum, vt lectio vulgata, quam Eccleſia ſequitur, cum ceteris interpretibus conſentiens, in Iſaiæ legeret calculum; quò facilius cerneretur alluſio atque proportio loci Apocalypſeos ad Iſaiam, vt vidit & notauit D. Hieron. epiſt. illa 143. ad Damaskum. Quamobrem ſi concedatur in Iſaiæ ſermonem eſſe de lapide, & non de pruna; nullum dubitare poſſe exiſtimo, quin Apocalypſeos locus ad illum Iſaiæ referatur. Et licet alioqui id certum non eſſet; vbi ſeſus grauitas & maietas in Apocalypſeos loco aduerteretur, ſimul cum veterum interpretum concordia, cum Canticorum loco, & cum Hieronymi notatione; hæc omnia euidenter oſtendunt Iſaiæ locum de lapide, non de pruna agere.

Dicet aliquis, rectè concipi poſſe ignitum lapidē ſicut ferrum candefcit; & de calculo ignito videtur intelligere Eccleſia, quæ ſic præcipit orare ſacerdotes, *Deus qui labia Iſaiæ calculo mundaviſti ignito*, &c. Reſpondeo Eccleſie phraſim intelligendam eſſe, vt phraſim S. Scripturæ ab Eccleſia uſurpatam. Dicere autem *calculum ignitum*, idem eſt ac dicere, *lapillum ignitum*: igniti verò lapides pro carbunculis, id eſt, pro gemmis quæ prunarum colorem & fulgorē mirificè referunt, leguntur apud Ezech. 28. 14. 16. Quare, ſi ſemel admittamus calculum ab Iſaiæ viſum, fuiſſe lapillum; videtur certum, ideo ignitum appellari, quia colorem & ſplendorem ignis habet. Nam qui prunam eſſe arbitrantur, non aſſerunt eſſe lapillum; ſed ex ijs prunis accenſis quæ ſemper in altari ardebant. Et Eccleſia in ſua oratione videtur

A cogere, vt in viſione Iſaiæ non prunam ſed lapillum fuiſſe exiſtimemus. Nam ad ſignificandam prunam, inſolita eſſet loquutio, dicere calculum ignitum, id eſt, ignitum lapillum.

B Supereſt, vt reſpondeamus ad id, quod obiectum eſt ex contextu & ex ſimilitudine loci Ezechielis, & c. 8. Apocal. Ad primum dico, in prophetiſis viſionibus multa eſſe admiranda, & valde diuerſa ab eo, quod prima ſpecie videbatur dicendum. Reuerentia autem ac veneratio ſacrarum Literarum exigit, ne ideo viſiones diuerſo modo conſiderare audeamus, ac in ipſo textu figurantur. Sed ſacram Scripturam ſuſpicientes, & mente apprehendentes quod Prophetæ ait, vt ab eo ipſo depingitur, ac lucem à Deo poſcentes; cernemus miram fuiſſe concinnitatem in eo, quod prius apparebat violentum. Fateor ergo prima facie non videri aptum, vt de gemma carbunculo dicatur, eam fuiſſe à Seraphino forcipibus apprehenſam ex altari. Ceterum S. Scripturæ veneratio nos obligat, vt eiſmodi fuiſſe rationem exiſtimemus. Et niſi me fallo, myſterium eius viſionis adeo eſt S. Scripturæ dignum; vt ipſa ſignificationis maietas & elegantia validè confirmet, calculum illum, quo Seraphinus prophetæ labia contigit, carbunculum ac gemmam pretioſiſſimam fuiſſe.

C In explicatione autem myſterij quædam mihi ſtatuenda ſunt ex ijs, quæ in commentario c. 6. Iſaiæ certiffima eſſe oſtendam; nempe thronum illum, quem vidit Iſaias, eſſe eum thronum, quem Deus in Eccleſia Chriſtiana habet; & adſtantes Seraphinos eſſe Apoſtolos & viros Apoſtolicos, qui Euangelium erant prædicaturi. His ita conſtitutis; aduertendum eſt, deliberationē imitandi perfectè Chriſtum, & prædicandi Euangelium Apoſtoliſ ſeſe in mentem obieciſſe, vt rem ſummæ difficultatis; opinantibus ſcilicet priuſquam in terra ignem, quem Chriſtus venit mittere, accenderent, ſibi ipſis manus conflagraturas; atque id conari non aliud eſſe, quàm medium complecti ignem. Veruntamē poſtquam diuina gratia ſuffulſi firmiter apud ſe decreuerunt, Chriſtum imitari, hac ipſa imitatione ſe ſummopere diuites ac potentes inuenerunt, & tandem perſequerunt, licet externa facies erat laborū ac perſequeutionum, nihil tamen ſibi eſſe timendū ab huiſmodi aduerſitatibus, ſed potiùs oportere illas à ſe amari atque æſtimari; cum non in ſui ipſorum detrimentum, ſed in magnum potiùs ſolacium, magnæque diuitias eſſent tandem redundaturæ. Ad huius ergo myſterij ſignificationem aptiſſimum fuit, vt Iſaiæ in ea viſione oſtenderetur Seraphinum prunam ex altari ſumere iuſſum, pauide ac pedetentim acceſſiſſe, & forcipibus accepiſſe: poſtea tamen, quàm ipſum extraxit, aduerſiſſe illam pretioſam prunam, id eſt, carbunculum eſſe; atque adeo non modò abſque timore, ſed etiam cum ingenti ſolatio eam in manus ſumpſiſſe. In hac viſione exiſtimo per altare ſignificari Chriſtum, qui Dei atque hominum amore ardeſcit; ac in ſe ipſo Deo offert gratiſſimum holocauſtum, vel odorem ſauitatis. Seraphinus verò accedens ad prunam accipiendam ex myſtico illo altari, denotat ſtudium ac voluntatem, quam habet Chriſtum imitandi, & ſumendi ex eo partem aliquam ardentiffimæ illius charitatis, qua ob Dei gloriam nullum ſubterfugere laborem decreuit. Hæc igitur Chriſti maximæ virtutis participatio, hæc imitatio tantæ charitatis eleganter conſideratur, vt pruna quædam illius altaris, quam ſibi Seraphinus ex ea vult deſumere. Ad metum autem exprimendum, quo prius detinebantur Apoſtoli, horrentes rei ipſius difficultatem, aptiſſimum fuit depingere Seraphinum forcipibus ad capiendam prunam accedere. Vt autem ſignificetur, quemadmodum depoſito metu, deprehenderunt illud quod ſibi formidandum videbatur, ſummam potiùs felicitatem atque diuitias allaturum; nihil cōgruentius, quàm repræſentare eas, quæ videbantur eſſe prunæ, propius accedenti pretioſiſſimas prunas, id eſt, carbunculos gemmas apparuiſſe, atq; adeo vnde ſibi damnum timebant, magnam ibi proſperitatem ac diuitias reperiſſe. Ad huius ſignificationis enẽrgiam expendendam, nota perfectum carbunculum vnus drachmæ pondere ſexagies mille num-

*Quanta ſit ſacris Literis reuerentia deſerenda.*

*Dei thronū Iſaiæ viſum eſſe illum, quem Deus in Eccleſia Chriſtiana habet.*

*Diuina graſſa vis ad apoſtolicos viros in Euangelij prædicatione roborandos.*

*Per altare Iſaiæ viſum figurari Chriſtum.*

*Carbunculi pretium.*

*Quid ſit, charitate conſternere, Cant. 3.*

*Quo ſenſu dicat Eccleſia, Deus labia Iſaiæ mundaviſſe calculo ignito.*



Quid sit,  
Isaia labia  
admoto  
carbunculo  
mundari.

mis aureis hodie estimari: id est, pluris quam adamantes quatuor eiusdem ponderis.

Iam, quod Isaia labia admoto carbunculo mundentur, indicat Isaia in spiritu vidisse maximos Apostolorum animos ac vires, qui Christi imitationem ac laborum tolerantiam atque contemptum apprehendentes pro accensis prunis carbunculos pretiosissimos essent capturi. Isaia verò exosculantem prunas illas (id est, Christi imitationem, quā in Apostolis sibi ostensis prauidebat) cepisse vires ad eosdem Apostolos (siue ad illum Apostolum, qui ad se in spiritu accedebat) imitandos, & ad libertatem liberè enunciandam, licet propriæ vitæ dispendio.

Si hac ratione visio Isaia intelligatur, dubitabit nemo, congruentissimum fuisse, ut propheta ostensum sit, prunas illas altaris esse carbunculos gemmeos, & patet etiam significationē fuisse mirificam; tum ut Isaia corroboraret animū, & erigeret ad liberè Dei verba enuncianda (qui fuit illius visionis effectus, ut patet ex contextu); tum etiā ad id, quod Christus Pergami Episcopo suadere intendit, Apoc. 2. ut scilicet erecto animo sit ad bellū spirituale cum Nicolaitis gerendum, licet vitam ipsam profundere opus sit: atq; ut intelligat eiusmodi Christi imitatione se ditissimum ac potentissimum fore.

Ac, ne quis id ex meo cerebro cōstitum arbitretur; quod firmitus fundamentum afferri potest, quā prunam illam calculum appellari? Et quamvis cōtextus de igne altaris agere videatur; omnes tamen veteres interpretes in eo firmiter perstiterunt, ut calculum pro carbone supponant; & LXX. carbunculū scripsisse; & expressè asseri, Seraphinum (qui prius forcipibus calculum tulerat de altari) postea illum manu apprehendisse, & Isaia osculandū exhibuisse? Quæ omnia manifestum præbent signum, illā fuisse gemmam; id quod Apocal. allusio multo etiā magis confirmat: ubi nemini venit in mentē, sermonē esse de pruna, & videtur certissimū alludi ad Isaia locū.

Confirmatur prædicta explicatio, quia carbunculus colorem & splendorem prunæ apprime repræsentat, & quicumq; optimum carbunculum manu tenuerit, si attentè illum inspiciat, penè existimabit se in manu prunam habere: quā obrem prunæ nomen Hebræi, Græci, ac Latini illi tribuerunt. Ut ergo significetur celebre illud spiritualium virorum dictum; nimirum, labores pro Christo susceptos, licet externam laborū faciem habeant, viris tamen sanctis non labores, sed lapides pretiosos apparere; quid aptius effingi potest, quā carbonem in carbunculos fuisse conuersos? atque adeo licet videantur exurere; re tamen vera, neq; vrere, neque aliud detrimenti asserre, sed plurimū potius felicitatis atq; diuitiarum? Accedit, quod non solum non vrit carbunculus, sed certum est & admiratione dignum, ignem ab ipso contemni, cum ipsum ignis calefacere non possit. Quod non solum à Plinio & alijs multis, sed etiam ab Aristotele affirmatur lib. 4. Meteor. c. 48. Nihil ergo adduci potest magis appositum, ut ostendatur Christi imitationem, & laborum pro ipso tolerantiam, eiusmodi esse virtutem, quæ miram continet impossibilitatem; quasi fieri non possit, ut tribulationis ignis lædat eum, qui ardet igne charitatis; vel, ut alius sit vrendi effectus, quā carbunculi victoriæ gloria; quæ in eo sita est, ut in suo igne semper ardeat; nec tamen consumatur, aut exuratur; externū verò ignē penitus despiciat.

Ad illud de labijs igne mundatis, Respondetur,

Carbunculi  
adignitatem  
prunam si-  
militudo,  
ex qua &  
nomen tra-  
xit.

Carbuncu-  
lum igne nō  
incalcere.

Num gem-  
ma, de qua  
Ioannes lo-  
quitur, sit  
carbuncu-  
lus, vel a-  
damas?

**V**B 1 semel admittatur sent. D. Hieron. scilicet calculum Isaie 6. & Apoc. 2. esse gemmam; subit protinus questio, an Apocal. 2. 17. calculus candidus sit carbunculus, vel adamas? Licet enim certum sit, in Apoc. loco alludi ad locum Isaia, & apud Isaia, c. 6. sermonem esse de carbunculo; nihilominus tamen allusio fieri potuit in Apocalypsi ad Isaia cōmutato carbunculo in adamantem ob peculiarem aliquam rationem. Et quidē siue Apocal. Isaia locū

**A** cauterij considerationem ortam fuisse ex imaginatione prunæ. Si enim calculus non est pruna, frustra fingitur cauterium. Et quidem, si daretur optio, nō video cur cauterium eligendum esset. Quia pruna ori apposita impedimentum asserre solet, non expeditionem, ut notauit Forerius, atq; ita coactum est, laborum cauterio factum esse ut propheta auderet loqui. Osculo verò sacri carbunculi animatū fuisse prophetam, id intellectū illius carbunculi significatione apprime decet. Aut si omnino opus erat, ut aliqua fieret repræsentatio purificationis laborum per ignem; ad repræsentandam purificationem per ignem, satis fuit carbunculus lapis, eo quod sit lapis ignitus, & veluti pruna pretiosa.

**B** Superest modo respondere ad ea, quæ ex Ezech. & ex c. 8. Apocal. obijciuntur. Nota ergo mira esse discrimina, mirasq; conuenientias, quæ in visionibus prophetis reperiuntur, ut vidimus c. 1. Apoc. not. XVII. Quare veram declarationem non attinget, qui differentias commiscere & conturbare voluerit, & inter diuersas visiones nihil discriminis esse cōtenderit. Nam in differentijs magna solet elegantia atq; doctrina contineri. Assero igitur in Isaie visione sermonem esse de effectu, quem in Euangelij prædicatoribus Christi imitatio operatur. Et ad eiusmodi considerationem concinnè satis prunæ in carbunculos conuersæ sunt. In illa autē Ezech. visione c. 10. & Apoc. 8. voluit Spiritus S. significare mirandum effectum, quem per ignem altaris Dei ministri in terra operari conantur, accedendo scilicet in ea veræ religionis ignem, iuxta id Lucæ 12. 49. Ignem veni mittere in terram, & quid volo nisi ut ardeat? Ad hoc verò minimè erat ad rem prunas in carbunculos commutare; sed potius considerare oportet succensas prunas maxime vis & efficacitatis ad terram inflammandam. Ex ipso ergo rei significata discrimine conuincitur mens, in Isaia prunas eleganter fuisse in carbunculos conuersas; in Ezechiel autē & Apoc. 8. veras prunas congruenter effingi efficacitatis ad inflammandum & comburendum.

**C** Postremò nota, expediens fuisse, ut Isaia nomine רִשְׁפָּה, rispa, vteretur, quod calculum ignitum significat: nō verò נֶפֶךְ, nepec, quod videtur esse vsitatus carbunculi nomē; id nempe, quod designat carbunculum inter gemmas Rationalis. Ratio ergo est, quia nomen רִשְׁפָּה, rispa, manifestā habet prunæ etymologiam, nec tamen significat prunam, sed lapillum. Patet hoc ex ipsa etymologia & ex locis supra adductis. Si igitur Isaie intentio consideretur, quod scilicet sermo fuerit de prunis altaris, in lapides pretiosos conuersis, ut hoc clariùs significetur, conuenientissimum fuit vti nomine רִשְׁפָּה, rispa, quo exprimitur, illud quod pruna videbatur, esse lapillum. Deinde Ioannes, ut pateret se ad Isaia locum habuisse respectum, vsus fuit nomine calculi. Nam licet LXX. transtulerint; & ὁ θάλας, id est, carbunculum, hoc tamen nomen græcè poterat ambigū sumi, cum aliquando pro carbone seu pruna accipiatur. Cum autem vox hebræa propriè sonet idem, quod calculus (ut notat Hieron.) Ioannes fuit vsus græca voce, ἰσχυρός, quæ directè respondet calculo, & hebræo similiter nomini. Et certè Spiritus S. vulgatum interpretem duxit, ut transferret calculum Isaia 6. 6. (sicut Aquila, Symmachus & Theodotio verterant;) ut Ioannis allusio ad Isaia locum clariùs innotesceret.

Num Isaia  
calculus  
fuerit ignis  
cauterium.

Que con-  
uenientia,  
qua discrimi-  
na in si-  
milibus  
prophetarū  
visionibus  
soleant re-  
peri.

Cur Isaia  
& Ioanni  
sit visio  
carbunculi  
Ezechiel  
verò ignis  
pruna.

Cur Isaia  
calculi no-  
mine, non  
carbunculi  
vutatur?

Cur Ioan-  
nes item  
calculi no-  
mine sit  
vsus?

## NOTATIO VI.

In qua disputatur, an possit calculus candidus accipi de adamante, & an adamas possit inter carbunculos computari?

**V**B 1 semel admittatur sent. D. Hieron. scilicet calculum Isaie 6. & Apoc. 2. esse gemmam; subit protinus questio, an Apocal. 2. 17. calculus candidus sit carbunculus, vel adamas? Licet enim certum sit, in Apoc. loco alludi ad locum Isaia, & apud Isaia, c. 6. sermonem esse de carbunculo; nihilominus tamen allusio fieri potuit in Apocalypsi ad Isaia cōmutato carbunculo in adamantem ob peculiarem aliquam rationem. Et quidē siue Apocal. Isaia locū

**E** respiciat, siue non; illud pro comperto est, in Apoc. de calculo candido sermonem institui. Quod si calculus est gemma, necessariò videtur dicendum, calculum candidum non esse gemmam rubram, sed adamantem, qui est gemma candida. Præsertim cum græcè legamus ἰσχυρὸν λευκόν, id est, calculū album. Nomen verò gēme albe appositè quadrat adamanti, quæ admodū appellari solet vinū album, quod rubrū non est. Rubinus autē gēma candida esse non potest.



Quin imò apparet ideo fuisse dictū calculum candidum, ut à carbunculo distingueretur, veluti dici solet vinum albū ad distinctionem nigri vel sanguinei.

Hec opinio duplici ratione videtur roborari. Prima est, quia ad mysticam significationem, quæ hic intenditur, adamas congruens satis est: ille enim aptius, quam carbunculus impossibilitatem repræsentat: quippe adamantis inuicta vis neque ferrū timet, neque ab igne incalescit. Eius porro potentia tantā est, ut nihil sit adeo durum quod ille non facile perumpat. Quamobrem ad significationem ingentem vim atque potentiam, quam Deus suis familiaribus tribuit contra hæreticorum duritiem & obstinatorum hominum perniciem, valde apta est adamantis firmitas ac robor: atqui de hisce rebus videtur esse sermo in epistola ad Pergamenum.

Secunda ratio est, quia si semel admittatur, hoc in loco adamantem per calculum candidum indicari; hoc ipsum aliā nos difficultate expediet, cui alioqui non congruenter fit satis. Ea verò est huiusmodi; cur scilicet, in S. Literis nunquam adamas inter gemmas aut lapides pretiosos numeratur, neque in gemmis Rationalis, neque in fundamentis iouæ Ierosolymæ, nec in regis Tyri corona, nec alio præterea in loco? Miratur quidem Hieronymus, cur hyacinthus pretiosissimus lapis non annumeretur inter gemmas Rationalis: & in eam deuenit suspicionem, per Lygurium fortè intelligendū esse hyacinthum. Nec absimili ratione, ut carbunculus in nouæ Ierosolymæ fundamentis ne desit, omnes ferè sibi persuadent, qui appellantur chalcodonius, eum esse carbunculum. Si igitur curiosè disquiratur, ut in S. Literis quoties plures numerantur gemmæ, carbunculus & hyacinthus silentio non inuoluantur; quantò maior est ratio, ne credamus adamantē lapidē adeo pretiosum semper fuisse prætermisum?

Quod si aliquis respondeat in S. Scriptura adamantem inter pretiosas gemmas vel ob id maximè de industria non describi, quod proprium sit symbolum iniquæ rei, ut tyrannidis aut terrenæ sapientiæ; hæc ratio minimè facit satis: etenim licet acuta ingenia, multa possint conglobare ut adamantī significationem tyrannidis aut mundanæ sapientiæ tribuant; in hoc tamen idem accidit, quod in alijs rerum naturalium compluribus: quæ, si earū symbolica significatio attendatur, possunt & in bonam & in malam partem accipi. Verbi gratia, leo optimè vsurpatur ad fortitudinem significandam, atq; etiā ad superbiam & elationem: nec altera significatio ex his alteram excludit; quin imò vtramque sacra Scriptura complectitur. Similiter ergo adamas, quamuis possit in malam accipi partem eleganter; proculdubio tamen potest etiam non minori elegantia ad bonam significationem applicari. Nec credibile est, Spiritum sanctum optimā significatione eius gemmæ non vti, quæ inter ceteras gemmas obtinet principatum. Si verò dixerit aliquis satis esse, ut sacra Scriptura adamantē ad duriciem indicandam vsurpet Ieremiæ 17. 1. Zachariæ 7. 12. & Amos 7. iuxta lectionem LXX. interpretum. Contra hoc tamen est, quia ex eorum locorum contextu constat, adamantem in illis accipi non quatenus gemma pretiosam, sed quatenus durissimum lapidē: quare non immerito ad peccatoris duriciem innuendā aptatur. Quod autem in primis esset optandum, illud est, ut inter ingentis pretij res; ut Smaragdus ac Topasius exprimentur à sacra Scriptura, ita etiam aliquando adamas apponatur; quippe qui lapidum pretiosorum præstantissimus est; ut omnes affirmant cum Plinio l. 37. c. 4. *Maximum in rebus humanis, non solum inter gemmas, pretium habet adamas.* Iam si solum omitteretur inter Rationalis gemmas, fortè illa reddi posset ratio; adamantem videlicet fuisse prætermisum; siue quod inter filios Israël non inueniretur (nam adamas, ut ait Plinius, *diu non nisi regibus, & his admodum paucis cognitus.*) siue quia XII. lapides Rationalis totidem Patriarcharum nominibus celandi erant; cum tamen adamas optimus calum omnino respuat. Ceterum in comparationibus saltem sacre Scripturæ, in prophetarum visionibus, & præsertim in Apoc. nulla videtur ratio reddi potuisse, cur adamas ut gemma pretio-

A. sissima nunquam vsurparetur.

Huiusmodi difficultatem nonnulli satis se commodè subterfugere putarunt, afferentes in nominibus gemmarum interdum commutationem reperiri; & lapidem, qui appellatur Iaspis, adamantem esse. Hoc tamen valde à me impugnabitur Apocal. 21. Quamobrem eò tandem videmur deuolui, ut in sacra Scriptura, nullus alius sit locus, in quo de adamante ut de lapide pretioso mentio fiat, nisi hic, vbi de calculo candido. Videmus autem in cōmentario, eos omnino falli, qui existimant per calculū nō posse gemmam intelligi. Oppositum enim cōstat ex Dioscoride, Martiale, D. Hieron. & ex antiquis interpretibus, ut Aquila, Symmacho, & Theodotione.

In hac controuersia optabile sanè est, ut in sacris Literis fiat mentio adamantis, ut rei pretiosissimæ. Nam etsi aliquando animi contentionem eò admo- ui, ut aptas omnes considerationes coniungerem, quas reperire possem, ut adamas tyrannidis significationi siue terrenæ sapientiæ deferuaret; fateor tamen me non satis in eò conuiescere. Quamuis autem adamas elegantissimum esset ad eam significationem symbolum; sine dubio potest etiam non minus appositè ad constantiam ac virtutem vsurpari. Nec est, cur S. Literæ respuant huiusmodi symbolum huic significationi adeo aptum; cum Deus naturalē perfectionem ita ingentē ei gemmæ tribuerit.

Enim verò si concedatur, oportuisse adamantem veluti pretiosissimum lapidem in sacra Scriptura habere locum; meo quidem iudicio non satisfit ex eo solum, quod in cap. 2. Apocal. ei locus datur. Adhuc enim ea ratio militat, nimirum cur adamas inter XII. gemmas fundamentorum & in Regis Tyri corona atq; in alijs Scripturæ locis, vbi variæ gemmæ copulantur, non habeat sedem. Præterquam quod Apocal. 2. manifesta est allusio ad cap. 6. Isaïæ. Quare, si apud Isaïam certum est agi de carbunculo, neuiquam allusioni sit satis, si in alterum lapidem carbunculus mutetur. Neq; enim aptè potest alludi ad altaris prunā; si lapis ille, in quo consistit allusio, diuersus sit à carbunculo prunæ colorem referente.

Dicam igitur quid mihi veniat in mentem in hac difficultate haud exigua: quod quamuis primo aspectu videatur paradoxum; spero tamen doctis probatum iri, consideratis his, quæ in mea opinio- nis confirmationem adducam. Affero igitur valde mihi esse verisimile, in S. Literis nomine carbunculi adamantem comprehendendi; imò verò inter carbunculos iuxta sacre Scripturæ phrasim, adamantem ut perfectum carbunculum reputari; quod ut significaret, dixisse Ioannem, *Dabo illi calculum candidum*; per allusionem scilicet in nomine carbunculi ad Isaïæ locum; addito mox adiectiuo, *candidum*, ut illum innueret, qui in sacre Scripturæ loquutione perfectus carbunculus est.

Hanc ad rem primò aduerto, pernegatum esse vulgi nimis creduli errorem, existimantis gemmā illam, quæ appellatur carbunculus, magnum ex se fulgorem facis instar collucens, emittere; eamq; in animalis cuiusdam fronte innasci. Quod sanè merū est figmentū: peritiores enim rectè norūt eos, quos vulgò rubinos appellat, aliosq; id genus rubeos lapillos, à latinis dici carbunculos; ob similitudinē, qua prunæ calorē referunt. Id quod cōpertum est apud Pliniū, & apud alios auctores tam græcos, quam latinos, qui de pretiosis lapidib. accuratè scripserūt.

E. Secundo aduerto, ex gemmis alias aliarum esse af- fines & cognatas; atque adeo mirum non esse eas, qui ab aliquibus auctoribus ad diuersa genera refe- runtur, ab alijs idem ad genus reduci; v.g. inter car- bunculos annumerat Plinius quosdam, quos ipse amethystizondas nominat: eo quod extremus igni- culus in amethysti violam exeat. Quid igitur mirū, huiusmodi carbunculos inter amethystos ab alijs ad- scribi? Idem etiam Plinius alios assignat carbuncu- los, nempe Arabicos, quos ipse similes cuidam chry- solitorum speciei esse affirmat. Et sanè inter chry- solitos valde accensos (qui vulgò hyacinthi ap- pellantur) & inter carchedonios (quos vulgus granates appellat) tanta est affinitas, ut non videam, quare ad idem genus reduci non pos- sint. Atque multa eiusmodi notari possunt ab his

Virum A-  
damantē  
gemma sit  
aliqua men-  
tio in sacris  
Literis.

Nomine  
carbunculi  
adamantem  
etiam in  
Scriptura  
comprehen-  
di, probabi-  
le videtur.

Carbuncu-  
lum & in  
animalis  
fronte nasci  
& facis in-  
star effulge-  
re, vulgū  
errore in-  
crebuit.

Varia car-  
bunculorū  
species.

Adamantis  
inuicta vis.

Adamantē  
in Scriptura  
nunquam  
inter gem-  
mas nume-  
rari.

Eadem res  
ad variū  
rerum sym-  
bola solet vs-  
surpari.

Adamas  
olim per-  
paucis cog-  
nitus.



qui gemmarum inter se cognationem paulò attentius obseruauerint.

Tertiò aduerto, me non esse primum, qui candidum esse carbunculum, eumque inter ceteros carbunculos optimum, adnotauerim. Plinius enim lib. 37. c. 7. ait, *Calistratus fulgorem carbunculi debere candidum esse posuit; ob idque à plerisque hunc carbunculum candidum appellari.* Existimabit aliquis colorem candidum quidquam prunæ coloris detrachere. Secus tamen est; aliter enim non ut præcipua carbunculi virtus designaretur illum esse candidum. Hoc ut apertius fiat, notandum est, prunas, quod magis accensæ sunt, eò minus rubri coloris habere; quod etiam in ferro succenso apparet; quod, cum summopere ignitum est, argentum appellare solent ferrariæ artis periti; ob coloris scilicet cum argento similitudinem: tunc autem nihil aut ferè nihil habet coloris rubri; sed proprius ipsius color est candidus; unde & ferrum candens dici solet. Quando verò rubescit, dici solet aurum: & tunc non ita est accensum; coloremque roseum vel rubeum refert. Quod si non nihil adhuc ignis & color remittant; colorem habet violaceum ac caruleum; cum tamen ignitum adhuc sit ferrum. De quo videndus est Ioan. Baptista Porta lib. 13. Magiæ naturalis c. 3. Itaque non idem sunt color prunæ, & color rubeus. Ac licet ij, quos vulgò rubinos nominant, propriè sint carbunculi; non tamen minus propriè esset lapis ille, cuius color ferrum maximopere cædens, & argenteum colorem ac nomen habens referret, licet tunc ferrum ipsum ignitum nihil, aut ferè nihil habeat coloris rubei.

Si igitur hæc attentè perpendantur, ecquis est lapis, qui ferri valde accensi (cum scilicet appellatur argentum) colorem magis imitetur, quam eximius quisque adamas? qui inter pretiosos lapides maximè effulget atque scintillat, & in hoc liquidissimus quidam ignis apparet; ignis (inquam) non in rubro colore, sed in candido ac liquido. Quin & propria optimi carbunculi analogia, est ignis liquidus: ut rectè notat Plinius l. 37. c. 6. ubi de Opalo; in quo ait lucere carbunculi ignem tenuiorem. Hanc suspensionem non parum confirmat, opinor, certa ad Isaiæ carbunculum allusio. Atque ex alia parte epitheton *candidum*, debet certò magnam in se perfectionem indicare. Quare si adamantem S. Literæ adscribunt inter carbunculos; in eo valdè conspirant imitatio ignis & prunæ vehementer succensæ, atque color candidus, qui ad magnæ perfectionis significationem maximè conducit.

Quotidiana iam consuetudo, qua in lapidibus rubri coloris imitationem ignis contemplamur, efficit, ne aduertamus ignis imitationem, quam huiusmodi lapilli referunt, non in rubro colore, sed in luce potissimum consistere. Si verò illud ita esset, quod vulgò iactari solet, gemmam videlicet carbunculum dictam reperiri, quæ tantam ex se lucem emittat, ut facis instar accensæ radiet; quis non videat, licet rubra eiusmodi gemma non esset, sed colorem adamantinum referret omnino, aptè tamen carbunculum nuncupari? Reiecto ergo hoc figmèto de eiusmodi lapide adeò conspicuo atque fulgente, ut in tenebris ad eius lucem legi possit & scribi; manifestè constat nullum esse lapidem pretiosum, qui conceptæ cupiditati adeò fulgentis lapidis magis sit affinis, quam lectissimus est adamas. Unde si lux est, quæ per ignis imitationem carbunculo nomen hoc tribuit; nihil est mirandum, eos, qui hodie adamantes reputantur, iuxta S. Scripturæ vsum carbunculos debere nuncupari.

Accedit, quod ea quæ Plinius & alij de suis tradunt adamantibus, non ijs conueniunt, quos hodie adamantes dicimus. Nostri enim adamantes in mortario ferreo, chalybeo pistillo confusi facillimè confringuntur & atteruntur. De suis tamen Plinius hæc habet: *Incidibus hi deprehenduntur ita respuentes itum, ut ferrum utrinque disjunctet, incusque etiam ipse disiliant.* Deinde nostrates adamantes magnetem sua virtute nequaquam priuant. Iam, quod aiunt, eum hircino sanguine moliri, in nostris adamantibus nugatorium planè est. Dicit tamen aliquis; et si hoc ita esset, nempe hac tempestate insignes illos anti-

quorum adamantas non reperiri, verum sacræ Literæ cum adamantis meminissent, eum debebant considerare, ut à carbunculis omnino diuersum. Respondeo. tamen non opus esse, nec oportere Scripturam de aliquorum fabulis, qui de adamantibus scripserunt, ducere rationem. Præsertim cum eiusmodi fabellæ ad Israëlitiçi populi notitiam nondum fortasse peruenissent.

Ex ijs quidem, quæ Plinius & alij de huiusmodi lapillis pretiosis, literarum monumentis consignarunt, alia verisimile est ab ipsis auctoribus fuisse cōspecta, quæ possunt inter certa computari; alia verò, quæ ipsi famâ tantum & auditione acceperunt; quæ si oculis ipsi vsurpassent, id nobis explicuissent. Illud certum est, illos vidisse adamantes, qui ictibus frangebantur, & alio perforabantur adamante: ita enim Plinius memorat. Quare quod de alijs asseritur, simile vero est communem fuisse & peruagatâ vulgi deceptionem, atque adeò extirpatu difficilem. Nam adamantes, qui inter optimos ac selectissimos habebantur, nullus, opinor, incudis ac mallei experimento subiceret, ne tantæ iacturæ periculum subirent. Quod si aliquis adamas huiusmodi ictibus expostus, fractus disiluit, in promptu erat responsio, illum ex ijs fuisse deprehendi quos Plinius nominat Siderites, qui teruntur, & perforantur. Atque in gemmis, margaritis, vnionibus, aliisque rebus eiusmodi pretiosissimis, veris falsa addere, ac nimias hyperboles & exaggerationes vsurpare perfacile est. Ut si quis dicat Galliarum Regi esse carbunculum, cuius luce ingens conclaue media nocte conspicuum appareat.

Iam, quod de hircino sanguine asseritur, vel fingitur potius; quis vnquam vidit, aut periculum fecit? Esto tamen, ab aliquo id fuerit cōspectum; qua ratione probabit reliquis, id nisi sanguine hirci fieri aliter nequaquam potuisse? Quis autem non videat, facile hoc figmentum à nugatore aliquo potuisse confingi, atque alios per imprudentiam fictâ contriti adamantis specie per hircinum sanguinem fuisse deceptos? Præterquam quod certum est, nisi inter duo ferrea instrumenta frangi adamantem nō posse: in quocunque enim alio metallo, ut in ligno, penitus adigitur. Atque ita haud difficile fuit aliquos decipi, falsò existimantes hunc lapidem crebris ictibus quantumvis validissimis non conterri; postea verò hirci sanguine delibutum, ictibus in incude contusum moliri ac frangi.

Sed quidquid sit de hoc; Respondeo 2. eximios adamantes valde esse fulgentes, & nativo illo candore & splendore ignitum lapidem repræsentare; quamobrem sacram Scripturam annumerare eos inter carbunculos, illisque primum inter eos locum concedere; nec obstare quod Plinius eos seorsum apponat. Hoc ideo dixerim; quia qui hodie appellantur adamantes, eos Plinius haud dubiè inter suos adamantas adscriberet; eò quod sint laterum sexangulo leuore turbinati in mucronem. Quam ille figuram adamantibus assignat. Notum tamen est, alijs præterea lapillis eandem naturâ suâ inesse figuram; nec solùm gemmis, sed etiam alijs vulgaribus calculis: ex quibus ipse fat multos in riuiulo quodam legi. Quamobrem mirum non est inter carbunculos reperiri, alios quidem latos & rubeos, qui vulgò rubini nuncupantur; alios verò turbinatos in mucronem sexangulo laterum leuore.

Adhuc tamen aliquis obijciat. Si in sacris Literis nomen carbunculi nostris adamantibus tribuitur, eadem perstat difficultas: etenim illa ipsa interrogatio, quæ antea de adamantibus fiebat; fiet etiam eodem modo de carbunculis, qui inter gemmas optimi sunt: atque ita si adamantibus carbunculorum nomen in sacra Scriptura conceditur, nihil loci rubinis in eadem Scriptura reliquum erit. Ad hæc tamen duo Respondeo: Primum est, ex eodem genere non opus esse, ut sacra Scriptura ad Rationale, siue ad ciuitatis Dei fundamenta plusquam vnâ speciem seligat. Nam in Plinij vñ illæ omnes species sub genere ac nomine carbunculi comprehenduntur, quæ vulgaribus nominibus appellari solent, rubi, balax, spinella, granate, rubaza, &c. Et satis est aliquam ex hisce speciebus seligi ad Rationale.

Carbunculi candidi speciem ab aliis tradidi.

Ferrum quod magis est accensum, hoc minus rubescere.

Carbunculi optimi analogia.

Adamantis durities.

Coniectura de veteri, deq. nostro rum adamantum qualitate.

Adamantis figura cuiusmodi apud Plinium.

Varia carbunculorum nomina vulgarium.



Quare, si carbunculus & adamas in sacrarum Litterarum usu, sub eodem genere sunt; sufficit ut ex ijs adamas effigatur, qui prunam magis ignitam (ut vidimus) suo colore imitatur. Secundo respondeo, quemadmodum nos sub eodem genere complectimur vulgares illas species, quas nuper dixi, ita etiam mirum non esse ab Scriptura numerari sub vno genere, quæ ignitam prunam candidam imitantur; sub alio autem genere gemmas omnes rubras, ut sardum (qui carnis conspicua refert colorem) rubinum, spinelam, &c. Atque ita in sacræ Scripturæ usu fortè non est distinctio inter sardum & carbunculum; quorum uterque rubens est in Rationali autem potest contingere, ut nomen sardæ, designet rubinum; nomen verò carbunculi, adamantem.

Denique opus non est, ut Scriptura nominibus gemmarum adeò strictè & pressè utatur, ut Plinius. In hoc enim rectè sentiunt, qui Scripturam ab strictissima hac nominum obligatione liberant. Verum non pro cuiusque libito hæc nomina immutanda sunt; nec discendum, insipientem in Scriptura esse adamantem. Hoc enim violentum valde est, nec id patitur græci nominis analogia. At igniti lapidis nomen indere adamanti, id (ut vidimus) carbunculi nominis analogia non respuit; quandoquidem Calistratus & Plinius aduerunt, carbunculos esse candidos, eosque perfectissimos reputari. Præsertim cum nos doceat experientia, prunas magis accensas & ignitas esse illas, quæ non rubrum, sed candidum potius colorem præ se ferunt.

Præterea cum hæc mea opinio optime quadrat, Ioannem in XII. gemmis fundamentorum novæ Ierosolymæ (de quibus cap. 21. in tertio fundamento) nomen Chalcedonij usurpare pro nomine carbunculi. Vbi (ut id obiter adnotem) non lego Chalcedonium sine aspiratione; ut aliqui librariorum errore decepti legunt, sed Chalcedonium, ut Biblia Regia & alij habent. Et qui id attente aduertit, facile videbit chalcedonij nomē nullam peculiarem vim aut congruentiam ætymologiam habere; chalcedonium verò habere magnam energiam.

Deinde probabile est, adamantem appellatum fuisse chalcedonium ab ijs, qui iuxta Cyprum insulam incolabant. Nam Chalcedon idem est, quod æreum; Plinius autem asseuerat adamantem Cyprum vergere in æreum colorem; atque addit eum esse in medicina efficacissimum. Nihiligitur mirum, inde ortum duxisse, ut carbunculus medicinz utilis chalcedonius diceretur. Rubinus quidem ærei coloris nec dari unquam potest; nec, si daretur, in magno pretio esset: at adamas coloris ærei reperitur quidem, ut notum est; & magni apud omnes haberi merebatur, quod ad medicinam sit aptissimus. Æreus præterea color non nihil ad ignite prunæ colorem conferet. Et licet Plinius fabulosos adamantes ijs anteponat, quos nominat Cyprios; hos tamen præfert etiam illis, quos dicit Siderites, id est, ferreos; ex quorum genere sunt, qui hodie agnoscuntur. Illis enim conueniunt proprietates, quas Plinius adamantis Sideriti ascribit; nimirum ictibus frangi, & aliò adamante scalpi posse.

Præterea Chalcedonis nomen in adamante fortassis indicat illum esse, qui omnia metalla vincit ac domat. Etenim nomine Chalcos vii, ita ut ferrum atque aciem chalybeam comprehendat; hoc quidem Græcorum proprium est, ut constat ex græco thesauro. Aut fortè Chalcedon idem est, quod durissimum & constantissimum, eadem phrasi, qua Horatius dixit, lib. i. epul. i.

hic murus ahenus esto.

Nil conscire sibi, ubi ahenus, idem est, quod firmissimus; atque idem

etiā esset chalybeus, siue fidereus, id est ferreus. Itaque in nomine Chalcedonis optimam reperimus energiam ad adamantis significationem. Sin de carbunculo rubeo, seu de rubino, aut de alia diuersa gemma sermo esset; non redditur ratio apta eidem nomini Chalcedonis.

Hætenus de colore carbunculi, & chalcedonij & calculi candidi in sacræ Scripturæ locis. Quod si symbolum ac mysterium attendere velimus; aptissimum meæ sententiæ reperitur in eo, quod adamas fuerit præsertim delectus ad idem, quod iuxta aliorum opinionem per rubinum aptè indicaretur. Etenim quod attinet ad prunæ pretiosæ significationem; illa quidem rubino non melius quadrat, quam adamantis. Quin imò adamas est pruna candida, siue calculus candidus; id est pruna nimis accensa atque ignita. Quod ideo non est ab aliquibus animaduertitum, quod vulgari consuetudine ab ipsa veritate abstracti non considerant in adamante candentis prunæ similitudinem ac significationem. Ceterum ubi ad hanc cogitationem animū ferid adiecerint, sicut sacros Scriptores fecisse existimo; non modò non difficultas inuenitur vlla, sed etiam deprehenditur in adamante prunam pretiosam referri multo magis ignitam, quam carbunculum.

Iam ad id quod de carbunculo asseritur, scilicet igne non calefieri, hoc maiorem adhuc habet locum in adamante, qui neque potest ferro vulnerari, neque calefit ab igne. Atque ideo accommodatus plane est, ut per eum significetur, quantumuis ei face ac ferro indicatur bellum; nihil illi esse quod timeat, propter mysticæ impassibilitatis donum.

Præter hæc, si carbunculus inueniebatur aptus ad illud significandum, quod initio per speciem prunæ merum incutit, deinde manu contrectatum, hominem solatur ac dirat, eadem omnino symbolica significatio perfectius adamantis inest: qui præterquam quod prunæ magis ignitæ & candentis similitudinem præfert, habet etiam tribuli speciem. Omnes enim adamantes turbinati atque adeò acuminati nascuntur; qui quodammodo videnti horrorem incutunt, & ut sibi caueat, commonefaciunt. Quin etiam hebraicum nomen adamantis deriuatur a verbo, quod significat cauere: eiusque nomen tribulis commune est, quorum nomen Hispanum *ahrojos* monet, ut sibi quisque caueat, & oculos aperiat. Hæc tamen cuspis, hæc pruna, si manum admoucas, solatium pariter ac diuitias affert.

Adamantis insuper potentia ad quodlibet quantumuis durum perurpendum, admirabilis est ad denotandam ingentem vim ac fortitudinem, quam Deus illi impertit, quem mystico adamante locupletat.

Quod verò solum ferri ictibus in aliud ferrum impacti cedat adamas, mirè exprimit ferreum Christi sceptrum esse, cui vni fasces submittit adamas; hocque ferrum esse, quod adamantem infringit ac molit. At enim hic ipse adamas contritus, hic puluis adamantinus maximè est vis atque potentia ad rem aliam quamlibet domandam & confringendam.

Licet autem ante humani generis redemptionem adamas fuerit aliquis inuentus, qui ferro minime cederet: iam ferreæ Christi virgæ nihil non cedit atque subijcitur.

Denique verum fortasse est, quod affirmat Ioan. Baptista Porta in sua magia lib. 7. cap. 55. ferrum scilicet adamantem tactum volui ad Septemtrionem. Quod ideo forsitan in adamante non animaduertitur, ut in magnete; quia ille multò minor est. Si verò hæc illi virtus inest, significatio eadem erit quam magnetis esse dicimus notat. VIII.

Carbunculus, & adamas igne non incallescens quid symbolico significant.

Adamantis figuram inesse tribuli, cui & hebraicum quadrare nomen.

Adamantis ferri ictibus in aliud ferrum impacti solius cedere, & quid per hoc significet.

Ferrum adamantem tactum volui ad Septemtrionem.

Gemma chalcedonij nomen cum aspiratione scribendum.

Chalcedonij gemma eijmon.

Ahenus idem, quod durissimus.



## CAPITIS II. PARS IV.

*Quæ est epistola ad Thyatirensē Episcopum: Et sub eius nomine ad fideles in Dei obsequio feruidos, sed per imprudentiam deceptos.*

## T E X T V S.

*Vers. 18.* **E**T Angelo Thyatiræ Ecclesiæ scribe: Hæc dicit filius Dei, qui habet oculos tanquam flammam ignis, & pedes eius similes aurichalco.

19 Noui opera tua, & fidem, & charitatem tuam, & ministerium, & patientiam tuam, & opera tua nouissima plura prioribus.

20 Sed habeo aduersus te pauca: quia permittis mulierem Iezabel, quæ se dicit propheten docere, & seducere seruos meos; fornicari, & manducare de idolothyris.

21 Et dedi illi tempus, vt pœnitentiam ageret, & non vult pœnitere à fornicatione sua.

22 Ecce mittam eam in lectum: & qui mœchantur cum ea, in tribulatione maxima erunt, nisi pœnitentiam ab operibus suis egerint.

23 Et filios eius interficiam in morte: & scient omnes Ecclesiæ, quia ego sum scrutans renes & corda; & dabo vnicuique vestrum secundum opera sua.

24 Vobis autem dico, & ceteris, qui Thyatiræ estis: quicumque non habent doctrinam hanc, & qui non cognouerunt altitudines Satanæ, quemadmodum dicunt, non mittam super vos aliud pondus.

25 Tamen id quod habetis, tenete donec veniam.

26 Et qui vicerit, & custodierit vsque in finem opera mea, dabo illi potestatem super Gentes.

27 Et reget eas in virga ferrea, & tanquam vas figuli confringentur,

28 Sicut & ego accepi à Patre meo: & dabo illi stellam matutinam.

29 Qui habet aurem, audiat, quid spiritus dicat Ecclesijs.

## C O M M E N T A R I V S.

**A**NTE QUAM ad interpretandam Christi periphrasim accedo; (qua ipse in hac epistola vtitur.) Opera pretium erit examinare, quæ sit hæc Iezabel, quam textus inducit. Christus enim vitio vertit Episcopo, quoddamnum permisisset Thyatirensi Ecclesiæ à Iezabele illatum. Quare ex huius intelligentia pendet optima applicatio tam periphrasis, quam ipsius epistolæ contextus. Multi affirmare videntur, Iezabelem hanc fuisse singularem aliquam faminam, quæ se prophetissam comminifcebat, & fideles alliciebat, vt cum ea fornicarentur, nec ab idolothytorum esu abstinere. Quam explicationem ex antiquis sequuntur Primasius, Ambrosius, Rupertus, Anselmus: & ex recentioribus Ribera & Pererius. Alij, licet non ita clarè loquantur, in eandem tamen opinionem propendere videntur; quos tamen nostra huius epistolæ interpretatio (quam mox trademus) fortè nobiscum conciliare poterit. Nam, cum textus peculiarem faminam nominet; illi de famina etiam loquuntur, non satis decernentes, vtrum vera sit persona an ficta. Hoc enim pro certo statuere aut noluerunt, aut non potuerunt. Qui post reliquos extremus scribit, hoc eis prestat; vt collatis ijs, quæ à prioribus dicta sunt, nouam possit lucem afferre; quod in præsentī epistola me facturum spero.

Obseruo ergo primò, mihi esse valde verisimile, hanc Iezabelem non esse singularem faminam, sed gentem aliquam, aut sectam. Quæ sententia non noua est, sed eam expresse sequuntur Ticonius, Epiphanius hæresi 51. Andreas, Aretas, Haymo, Beda, Aureolus, Richardus, Albertus, Thomas & Seraphinus. Hi auctores atque alij, licet discrepantes inter se sint in designanda gente siue secta, quæ hic Iezabelis nomine appelletur: in eo tamen conueniunt, eam non esse peculiarem

*Quenam  
hac sit, quæ  
Iezabel à  
Christo vo-  
catur.*

*Singularem  
fuisse fa-  
minam, ali-  
quorum  
opinio est.*

*Probabilius  
gentem ali-  
quam siue  
sectam hoc  
nomine  
nuncupari.*



fœminam, sed gentem aut sectam. Argumenta quibus id suadetur sunt; Primum, si peculiaris esset fœmina, quæ tantam perniciem in Ecclesiam Thyatirensensem inueheret, ut Iezabelis nomine ab Spiritu sancto nuncupari mereretur; non poterat non ipsius tam nomen, quàm historia omnibus esse cognita & manifesta. Quod tamen contrà accidit: nam qui eam veram esse fœminam arbitrantur, & inter se valde dissentiunt, & quid pro certo asserant, non habent: quod si quid affirmant, id coniectando potius est, aut fingendo. Nonnulli opinantur, quod veri nullam similitudinem habet, illam videlicet vxorem fortasse fuisse Episcopi ipsius. Ita Haymo, Albertus, Anselmus & Thomas Anglicus. Sed res est prorsus incredibilis. Si autem Episcopus permetteret propriam vxorem tantopere esse Ecclesiæ exitialem, multò grauius ac seuerius à Christo obiurgaretur & terreretur minis.

Secundum. Si hæc Iezabel cum Babylone capitis 17. Apocalypseos comparetur; videbimus vtramque appellari fœminam, vtramque fornicariam, & vtrique nomen afflictum imponi: & Apocalypseos consequentia postulat, ut quemadmodum Babylon non est mulier peculiaris, sic etiam Iezabel accipiat pro gente aliqua vel secta.

Tertium. Videtur res minimè digna Apocalypseos magnitudine & artificio, atque harum epistolarum sublimitate; ut in illis ad rem ad eò exiguam ac minutam deriuetur sermo, ut ad singularem quandam fornicariam, quæ se prophetissam fingeat. Quod si ad singulare deueniretur, ut res alia sic perpendi posset, nò ad eò mirarer; nam & ad Antipæ martyrium singillatim deuenitur, ut persecutionis magnitudo expendatur; præcipua tamen huius epistolæ intentio est, Episcopum reprehendere, quia Iezabelem permittebat: id quod Apocalypseos præstantiæ (ut dixi) minimè respondet.

Quartum. Christi periphrasis in hac epistola, & alia ex eadem verba postulant, ut Iezabelem non pro vnica persona, sed pro gente vel secta accipiamus. Dicit tamen aliquis, non esse ad harum epistolarum consuetudinē aptum, si de aliqua secta sermo sit, illi figuram fœminæ adscribere. Nam de Nicolaitis iterum atque iterum simpliciter agitur. Nec secus est de synagoga Iudæorum. Respondeo; ubi sermo tantum erat de bello cum Nicolaitis per publicas disputationes gerendo; de què odio, quo Iudæi Smyrnensem Episcopum prosequerantur; & de ijs, qui se Episcopo Philadelphię subiecturi erant; tunc (inquam) non opus fuit de vtriusque per ænigmata & personarum fictionem agere: cum verò in hac epistola instituendus esset sermo de magno Dei mysterio, id est, Iudaici populi reprobatione, & Gentilici electione; non mirum est, hæc ad maiorem dissimulationem induci meretricis figuram; ut in præcipua deinceps Apocalypseos actione, idem mysterium tegitur duarum ciuitatum specie; ex quibus altera quoad decimam ipsius partem concidit, cap. 11. altera penitus conflatur, cap. 18. & in cap. etiam decimo septimo fingitur meretrix quædam Romam representans.

Obseruo secundò, per hanc fœminam, quæ appellatur Iezabel, significari Iudæorum synagogam; eam præsertim, quam illi Thyatiræ habebant. Huiusmodi assertionem à nemine exprimi video: qui enim putant Iezabelem hic non esse fœminam aliquam, sed gentem vel sectam; alij dicunt esse Nicolaitarum hæresim; alij Priscillianistarum; alij hæresim generatim sumptam; id est, omnes hæreticos; & alij Mahometicam sectam. Ego tamen arbitror, Iezabelem hic non esse aliam, quàm Iudæorum synagogam, qui omni studio & arte contendebant, ut Thyatiræ fideles cum ipsis in Mosaicæ legis obseruatione consentirent. Hoc mihi multis argumentis persuadeo.

Primum, quia periphrasis Christi est, qui habet oculos tanquam flammam ignis, & pedes eius similes aurichalco. Quæ duo symbola (ut cap. 1. vidimus) propriè indicant indignationem Christi aduersus Iudæorum synagogam, & Ecclesiæ transitum ad Gentilitatem. In hac ergo epistola satis apparet, Christi indignationem esse contra Iezabelem, & epistolæ scopum esse fructum, qui ex Euangelij ad Gentes prædicatione per Thyatiræ fideles fuerat percipiendus. Quod si ita est, quiuis facile cernat, argumentum Apocalypseos postulare, ut per Iezabelem Iudæorum synagoga figuretur.

Secundum, hanc eandem persuasionem adiuuat illorum verborum declaratio, non mittam super vos aliud pondus. Quorum sensus est; nolle Christum ut sui fideles cærimoniarum veteris legis onere grauentur. Atque eadem verba sunt magnopere congruentia cum Apostolorum decreto Actorum 15. 28. Visum est Spiritui sancto & nobis, nihil vltra imponere vobis oneris, &c. Illa ergo, non mittam super vos aliud pondus, ita exponunt Victorinus, Ambrosius, Primasius, Beda, Haymo, Ioachimus, Rupertus & Lyranus. Quæ expositio adeo probabilis & communis si suscipiatur; optabile valde est, ut epistolæ contextus omnino cum ea sententia conueniat. Si autem per Iezabelem Iudæorum synagogam intelligamus, omnia aptè coherent; cum aliter epistolæ partes inter se non consentiant.

Tertium, ex Pauli epistolis manifestum est primitiæ Ecclesiæ tempore, Iudæos præsertim pseudoapostolos vehementer contendisse, ut fideles in Mosaicæ legis custodia cum ipsis conuenirent. Quæ tamen diabolicæ fraudes, ac technæ erant ad grauissimum Christianæ Ecclesiæ detrimentum. Atque id in hac epistola significatur verbis illis altitudines Satana; Græcum enim nomen profunditates sonat; & ad astutias, callidæque consilia diaboli, & occultas ipsius artes ea vox referenda; ut doctè probat Pererius disput. 18. Quantum verò damni Christianis Iudæi non solum bello & aperta vi, sed persuasionem etiam ac fallaci doctrina conarentur inuehere, id multis locis docet Paulus, ut ad Titum, 1. 10. & infra, & 1. Cor. 11. 26. & ad Galat. 2. 4.

Quartum, Thyatiræ Episcopus imprudentiæ arguitur, ut constabit infra: quod eò debet spectare, ut Iudæos fugiat, & fideles ex eorum commercio secernat; & tam Episcopus, quàm ipsius discipuli ad Gentium conuersionem traducantur. Huc enim huius epistolæ argumentum tendit. Quam ad rem congruentissimum est, ut Iezabel Iudaicum populum representet.

Quintum, ad singularem fœminam, quantumuis improbissimam ac detestandam nimis hyperbolice videtur Iezabelis nomen aptari: ad sectam item Nicolaitarum & ad reliquas ab alijs designatas, non video quàm aptè Iezabelis nomen conueniat. Quem enim Apostolum occidere conati

Apocalypsis esse indicium de singulari fœmina merito ad peculiarem fiat.

Cur de Nicolaitis simpliciter fiat sermo, de synagoga vero symbolice.

Iezabelis nomine Iudæorum synagogam indicari.

Quo sensu Christus dicat, se aliud pondus non missurum.

Quæ dicantur altitudines Satana.

Thyatira Episcopus cur imprudentiæ arguatur.



sunt Nicolaitæ; vt Iezabel prophetas Domini non conatu solum, sed etiam re ipsa occidebat? Vide 3. Reg. 18. 4. 13. Ad Iudæorum autem synagogam nullum significantius nomē potuit applicari. Nam vt Iezabel Dei prophetas in expiabili odio prosequeretur; ita synagoga (Achabi, id est, dæmonis vxor) Apostolos & Christianos Episcopos bello internecino infectabatur; eosque vel de medio tollere, vel in fraudes ac fallacias inducere summo opere contendebat; vt saltem Christiani legem Moysi obseruarent, quod Ecclesiæ maximam perniciem importaret.

Sextum, hoc si statuamus, Iezabelem esse synagogam; optimè habet, vt Christus Episcopum obiurget, quod à Iezabele damnum Ecclesiæ illatum permittat. Et quamuis culpa Episcopi non alia fuerit, nisi aliqua imprudentia, dum veretur ne Iudæos irriteret, & sperat sine magno Ecclesiæ damno fieri posse, vt per fidelium amicitiam ad Christum traducantur; nihilominus Christus, qui hac in re ludi operam videbat, & frustra Iudæis morem geri, quod nullus ex ijs fructus esset percipiendus, & in Christianos maximum damnum redundaret; iure optimo Episcopum arguit: & asserit in illum conferri culpam, quod Iezabelem permittit docere & seducere fideles, &c. Ad veritatem autem verbi illius permittit, non opus est, existimetur Episcopi culpam fuisse grauissimam. Nam D. Petri defectus aut nullus omnino fuit, aut leuissimus, & tamen Paulus prudenter dixit, *cum vidissem quod non recte ambularent ad veritatem Euangelij, dixi Cephæ coram omnibus; Si tu cum Iudæis sis, gentiliter viuere & non iudaicè; quomodo cogis gentes iudaizare?* ad Galat. 2. 14.

Septimum, si totius epistolæ contextus idoneè ad nostram sententiam applicetur; argumento erit, nos collineasse in Iezabelis explicatione. In aliorum enim explicationibus non video, quomodo huius epistolæ partes aptè congruant inter se. Ad id autem, quod optari poterat ab ijs, qui Iezabelis personam ad hæreses applicant, nempe vt huius epistolæ auctoritate contra hæreses vterentur, nostra etiam expositio locum præbet. Nam, vt diximus in prolegomenis, notat. 23. quod in Apocalypsi dicitur contra Iudæorum synagogam, vtile etiam valde est, vt cognoscatur, qua ratione Dei prouidentia aduersus hæreticos se gerat.

Si quis tamen optabat in hac epistola representari prælati imprudentiam, qui se decipi faciliè sinat à præstigiatrice famina, vel ab impostore aliquo, qui reuelationes fingant, & commentitiæ sanctitatis specie multa scelera atque flagitia celent; ad hoc etiam nostra expositio commode vsurpari potest. Figura enim sumitur à muliercula præstigiatrice, quæ sanctitatem ementita multis clam libidinibus esset dedita: & hac comparatione faciliè quis ad similes euentus vti potest ex ipsius epistolæ tenore. His præiactis ad epistolæ contextum accedamus.

**HÆC DICIT FILIUS DEI, QVI HABET OCULOS TANQVAM FLAMMAM IGNIS, ET PEDES EIVS SIMILES AVRICHALCO.]** Non potuit quidquam congruentius pro hac epistola ad Christi periphrasim assumi. Vbi enim per imprudentiam errabat Episcopus, nihil oportunius, quàm filium Dei esse eum, à quo suæ imprudentiæ arguitur. Et quis nesciat, nomen filij Dei summam sapientiam importare? Etenim si sapientia magna angeli nomine denotatur (vt videre est 2. Reg. 14. 20.) quantò magis nomine filij Dei; qui est ipsa Dei Patris Sapientia? Iam, ad Christi indignationem contra Iudaicum populum significandum, quid aptius, quàm oculi flammanes? Certè is ipse fuit sensus flammeorum oculorum cap. 1. Deinde, si Christi intentio est præcipere Episcopo, vt relictis Iudæis ad Gentium conuersionem procurandam conuertatur; proprium huius rei symbolum sunt pedes ex chalcobano ardenti, vt cap. 1. explicatum est. Et quoniam pedes ex chalcobano singulatim denotant professionem ad Euangelium Gentibus prædicandum, & ad ipsas Christianæ fidei religionem inflammandas; idèd existimo non solum Episcopo imperari, vt Thyatiræ Euangelium Gentibus diuulget; sed etiam vt Iudæorum persecutionem fugiens tam ipse, quàm fideles Thyatiræ egrediantur; ac per vicina oppida dispersi quocumque accesserint, vbi Iesu Christi fidem Gentibus prædicent; & ignem illum accendant, quem Christus venit mittere in terram. Cum verò grauissimū esset damnum, quod Iudæi fidelibus Thyatiræ importabant, & multo adhuc grauius periculum immineret; Episcopum arguere, quod illud permittebat, idem videtur esse, ac ipsum reprehendere, quod non Thyatirā discederet cum omnibus fidelibus, vt eminens discrimen vitarent. Hanc autem fugam Christus ad Gentilitatis bonum ac salutem dirigebat; nam eadem ratione accidit in ea persecutione, quam Iudæi Ierosolymis aduersus Christianos concitarunt; vt ex Apostolorum Actibus constat. Atque ita optimè fit satis obiectioni, quam aliqui Apocalypsi opposuerunt, Epiphanius enim videtur concedere Thyatirensi Ecclesiam annis quàm pluribus post Apocalypsin conscriptam, fuisse erectam atque fundatam. Sed quid mirum, si Christi iussu fideles Thyatiræ initio degentes vnà cum Episcopo ciuitatem illam dereliquerunt; vt periculum declinarent, quod sibi ipsis, si ibidem persisterent impendebat; & ad disseminandum Euangelium varias in partes diuisi sint? Videatur quid hic Pererius & Ribera dicant ad illam obiectionem ex Epiphaniij auctoritate.

**NOVI OPERA TVA, &c.]** In huius Episcopi descriptione manifestè patet illum fuisse in Dei obsequio valde feruidum; quandoquidem tot eius virtutes commendantur à Christo, & in earum studio quotidianum incrementum. *Opera tua plura prioribus.* His annectitur, hunc Episcopum à Christo increpari, quod Iezabelem permetteret; non tamen addi, vt poenitentiam agat; nec minas illi intendi, si secus faxit. Cernimus autem in ceteris epistolis quando Christus Episcopum arguit, mox comminationem adiungere, nisi resipuerit. Vnde infero, huius Episcopi culpam imprudentiæ tantum fuisse; quod deciperetur, existimans se, si Iudæis conuinceret, eos hac viâ ad Christum traduciturum. Quod si ipsius defectus per imprudentiam fuit, cum alioqui esset diuini obsequij æmulator, & in eo diligentissimus; perspicuum est non opus fuisse hortatione ad poenitentiam nec comminatione; sed suæ tantum imprudentiæ admonitione, ac detrimenti, cuius periculum sua Ecclesia subibat, & exiguæ vel nullius potius utilitatis, quæ à Iudæis esset percipienda.

**PERMITTIS MULIEREM IEZABEL, QUÆ SE DICIT PROPHETEN, DOCERE, ET SEDUCERE SERVOS MEOS, FORNICARI, ET MANDUCARE DE IDOLOTHYTIS.]** Iezabel est ficta persona, quæ

Quod hic  
contra syn-  
agogam  
dicitur, pos-  
set etiam ad-  
uersus ba-  
rejes apta-  
ri.

Verf. 18.

Quorsum  
hic Christus  
dicatur fi-  
lius Dei?

Quorsum  
habere flā-  
meos oculos?

Quorsum  
pedum ex  
chalcobano  
ardenti  
fiat mentis?

Num Thy-  
atirensis  
Ecclesia post  
scriptam  
Apocalypsin  
potuerit fa-  
isse fundam-  
ta?

Verf. 19.  
Cur Thy-  
atirensis Epi-  
scopo nō in-  
tendantur  
minæ, si se-  
cus faxit.

Verf. 20.



A Iudæorum synagogam repræsentat, vt supra explicauimus. Illa igitur verba, *quæ se dicit prophetem*, aptissimè intelliguntur de pseudoapostolorum fraudibus, qui se confingebant Apostolos, vt fideles deciperent. Atqui manifestum est pseudoapostolos non fuisse ex Gentibus, sed ex Iudæis. Constat verò prophetiæ nomen ad prædicatorum officium referri (sicut & nomen Apostolorum) & ad sacræ Scripturæ intelligentiam. His cohæret quod sequitur, *docere & seducere seruos meos*; quod ad doctrinā de coniungendis legalibus cum Christi fide referendum est; de quo latè Paulus in epistola ad Galat. & ad Tit. 1. 11. *Docentes quæ non oportet turpis lucri gratiā*. Eorum vero doctrinā multi ex simplicioribus seducebantur; vt ex Pauli epistolis colligitur.

*Quo sensu mystica Iezabel Dei seruos seducere dicatur.*

B FORNICARI ET MANDUCARE DE IDOLOTHYTIS. ] Ex his verbis colligere volunt Andreas & Aretas, Iezabelis nomine sectam Nicolaitarum denotari. Nam quod hîc traditur de Iezabele, idem est, quod de Nicolaitis fuerat prædictum in epistola ad Pergamenum, *edere & fornicari*. Ceterum, vt vidimus, multa sunt argumenta, quæ nos cogunt vt credamus, per Iezabelis nomen Iudæorum synagogam hîc significari. Nec mirum est, quod in vno sensu de Nicolaitis dicitur, in alio magis recondito de Iudæis affirmari; cum Iudæi designantur sub ficta Iezabelis persona. Synagoga ergo Iudæorum dicitur inuitasse ad fornicationem Christianos, quòd còs sibi coniungere curauerit in illicita legalium obseruatione, quæ erat spiritualis quædam fornicatio. quippe consociatio erat illicita cum meretrice. Synagoga enim in legalium obseruatione post eorum prohibitionem meritò dicitur fornicari à Deo; iuxta sacræ Scripturæ phrasim; atque ita Christianos inuitare, vt se cum illa coniungant in illa legalium rerum iam prohibitarum obseruatione, erat quasi ipsos ad fornicationem quandam inuitare.

*Idolothytarum eius, & fornicatio quomodo accipienda.*

C Quòd si illa obseruatio legalium meritò dicitur fornicatio cum infideli meretrice: manducatio de idolothytis illud appellabitur, quod ipsam fornicationē antecedeat, sicut præcedit gula luxuriam. Nam in hoc alluditur ad id, quod filiis Israel accidit cum Madianitis faminis; quæ Balaami consilio Israelitas ante fornicationem illiciebant ad manducandum de idolothytis; vt habetur Num. 25. 2. Si autem idolothytorum esus ante fornicationem promittebatur; Iudæorum amicitia & cum ijs societas atque commercium iure optimo dicitur manducatio de idolothytis. Hoc enim spirituale fornicationem prædictā antecedeat. Licet autem potuerit contingere, vt ex fidelibus aliquos ignorantia excusauerit, ita vt eorum peccatum non ad eò esset graue; res tamen ipsa erat suo ex genere grauissima; & quæ, per summam diaboli astutiam, in maximum Ecclesiæ damnum vergebat. Quamobrem eam Spiritus sanctus verbis ad eò grauibus increpat, alludens ad fornicationem filiorum Israel cum Madianitis. Hæc autem allusio multum habuit decori; quia in ea de synagoga sub meretricis infidelis figura sermo est. Cuiusmodi erant Madianitæ mulieres, quæ Israelitas deceperunt.

ET DEDI ILLI TEMPVS, VT POENITENTIAM AGAT, ET NON VULT POENITERE A FORNICATIONE SV A. ] Id est, satis diu synagogā expectaui, & ad ipsius conversionem nullū non moui lapidē, priusquam illam penitus derelinquerem; quare nimia ipsorum pertinacia factum est, vt eos tandem reprobarim, qui mea patientia abusi sunt, nec ad me conuerti voluerunt.

Verf. 21.

D ECCE MITTAM EAM IN LECTVM. ] Cum semel statuerimus Iezabelem esse populum Iudaicum; morbus illius intelligendus est eo fere modo quo dicitur in Psalmo 67. 10. & infirmata est. Cum enim gēs aliqua vehementer laboribus & ærumnis opprimatur; si de illa sub fœminæ alicuius figura sermo sit, omnes illi labores & calamitates grauissimi morbi nomine aptè significantur. Hæc igitur comminatio denotat grauissimas tempestates ac procellas, quæ erant contra Iudæorum gentem per Romanos excitandæ: quæ omnia fuere meritisimum à Deo supplicium propter Iudæorum ipsorum obstinationem, quòd euangelium recipere noluerint.

*Qua ratione Iezabel in lectum dicitur mittenda.*

ET QUI MOECHANTVR CVM EA, IN TRIBVLATIONE MAXIMA ERVNT, NISI POENITENTIAM AB OPERIBVS SVIS EGERINT. ] Sēsus est, quo tēpore ingens calamitas Iudæos concusserit, & ipsi ad interfectionē fuerint diligētissimè conquisiti; qui adhuc ex Christianis cū ipsis cōmunionem in cerimoniarum obseruatione habuerint, magnopere afflictabuntur, quòd Iudæorū nomine, non Christianorum, calamitatem illam perpetiantur. Nam si ob Christianum nomen vexarentur, id non ijs dedecori ac probro, sed laudi potius ac gloriæ dandum esset. Sed illos quasi Iudæos (cū tamen Iudæi non sint) fore cruciandos, ob id solum quòd externa facie cum Iudæis consentire voluerint, neque id sine conscientie morsu; id verò grandem ipsis tribulationem importaret.

Verf. 22.

E ET FILIOS EIVS INTERFICIAM IN MORTE. ] Dignissimum est Apocalypseos Theologiā, vt phrasis hæc denotet supplicium summæ seueritatis contra Iudæos in hac vita à Deo sumptum; nēpe in obduratione eorum. Christianos autem, qui per imprudentiam cum ipsis consenserant, non dicitur idcirco morituros, sed in maximam tribulationem deuenturos, nisi resipiscant. Verum synagogæ filijs, nominis Christiani hostibus grauiore multò intenduntur minæ; illos scilicet ex vitæ libro delendos fore, & obdurationis morti dandos.

Verf. 23.

ET SCIENT OMNES ECCLESIAE, QVIA EGO SVM SCRVTANS RENES ET CORDA. ] Si simplex esset de meretricis supplicio tractatio, hæc sententia minimè erat ad rem. Nam meretricis scelera nō affectuum solum & cogitationum sunt (quæ significantur in renibus & cordibus) sed re ipsa etiā, cum prauo exemplo & multorum offensione, perpetrata. Quare ex huius sententiæ contextu clarè elicitur, non esse sermonem de singulari aliqua meretrice. Sed dicet aliquis eandem obiectionem contra nostram etiam declarationem habere locum. Peccata enim synagogæ non fuerant tantum affectu & cogitatione commissa, sed etiam opere in Christiani nominis persecutione. Respondetur; Quando externa in Christianam Ecclesiam persecutio punitur; si solum externi operis poena attendatur, in hoc non apparet Christum esse renem & cordium scrutatorem. Sed priusquam ad id deteniatur, illud in Iudæis præcedit, multos scilicet ex his, qui in speciem viri erant probi, & zelum Dei habere videbantur; re ipsa tamen Euangelium non suscepisse, sed perstitisse adhuc duos & obstinatos. Quòd si rogetur, cur Deus, qui alijs immerentibus suam lucem & gratiam impertijt, auxilio scilicet efficaci eis præstito, Iudæos illos, qui probi ac religiosi homines videbantur, cæcos &

*Qua sit hæc comminatio Iezabelis filijs intenta.*

*Quomodo Deus renū & cordium scrutator dicatur.*



illo efficaci auxilio destitutos reliquerit: vera huic interrogationi responsio illa est, Deum videlicet in aliis suæ gratiæ vires ostendisse; in aliis suæ iustitiæ edidisse documenta. In his igitur, in quibus suam seueritatem ostendit, cum ipsorum scelera externa non fuerint, fateamur necesse, Deum suæ Ecclesiæ declarasse, se esse qui renes & corda scrutatur. Atque in hoc eodem sensu dicitur Lucæ 2. 35. *Vt reuelentur ex multis cordibus cogitationes.* Atque ita per Iudaici populi reprobationem Christus suas Ecclesias admonuit, ne sibi satis esse putent Christianos ritus exterius tantum & per speciem obferuare; sed mentis potissimum puritatem & integritatem colant, & occultam animi superbiam à se ablegent, omnia enim perscrutari Deum, & omnia diiudicare. Id quod verbis subsequenter declaratur, *Et dabo unicuique vestrum secundum opera sua.* quia verò scrutari renes & corda, est proprium Dei, ut habetur Psal. 7. 10. ideo valet etiam hic locus ad probandam Christi diuinitatem.

VOBIS AUTEM DICO, ET CETERIS, QUI THYATIRÆ ESTIS. ] Vera huius loci lectio non est absque illa coniunctione, & ut nonnulli suspicantur. Nam in bibliis correctis, & præsertim in Vaticanis, ita legitur vobis & ceteris. Illud tamen manifestus præli error videtur, quod in nonnullis vidi, scilicet, & ceteris quia. Ex græco enim constat non esse veram lectionem quia, sed qui. Nam græca sic habent, τοῖς ἐν Θυατείραις, Sed quid est vobis & ceteris qui Thyatira estis? Nonne illud vobis Thyatirenses designat? Ita sane. Qui ergo sunt ceteri? Valdè suspicor ad ceteros omnes Christianos Christum suam admonitionem extendere. Thyatira enim idem est atque illuminata; ut docet Hieronymus de nominibus hebraicis in Actibus Apostolorum. Omnes autem, qui in Catholice Ecclesiæ gremio sunt, sunt etiam in mystica Thyatira; id est in ciuitate à Deo illuminata. Porro non est à sacra Scripturæ grauitate abhorrens, nominis significationem respicere, & mysticam intelligentiam in sensu literali requirere. Hic verò peculiaris fuit ratio; ut indicaret Iudæos, de quibus sermo erat, esse cæcos; at fideles cælesti lumine illustratos. Cum autem Thyatirensibus epistola scribatur; pulchrè extensa fuit ad omnes fideles loquutio, ea verba adiungendo, vobis & ceteris qui Thyatira estis. Si alicui magis placeat alia Thyatiræ etymologia, in ea etiam poterit suo modo philosophari.

QUICUNQUE NON HABENT DOCTRINAM HANC, ET QUI NON COGNOVERUNT ALTITUDINES SATANÆ. ] Ex fidelibus alij imprudenter pseudoapostolorum doctrinam susceperant, coniungentes Mosaicæ legis cæremonias cum fide Christiana; alij verò prudentius se gerentes doctrinam illam omnino respuerant. Hic igitur locus videtur utrosque signare atque distinguere; prudentes quidem ijs verbis, qui non habent doctrinam hanc (quod de doctrina Iezabelis, seu pseudoapostolorum omnino intelligendum est; atque ita ferè omnes accipiunt) imprudentes autem verbis illis, qui non cognouerunt, & quemadmodum dicunt, ad eosdem referantur. Sensus autem est, illos aut molliter accusari, aut etiam nonnihil excusari; relatis his verbis, quæ ipsi postea suæ imprudentiæ conscij proferebant. Scilicet se antea non animaduertisse, quàm fallax & fraudulentus esset dæmon; neque fuisse suspicatos tantum detrimenti afferri posse ex eo, quod ipsi cum Iudæis in legis cæremoniis conformarètur. In hoc sensu sumitur vox illa altitudines, ut necessariò accipienda est vox græca, pro profunditate & calliditate; qua etiam ratione explicant Andreas & Aretas. Et constructio eiusmodi est, ut hæc pars aptissimè cohæreat cum subsequente. Quod si aliqua in re Dæmon transfigurauit se in angelum lucis & in pacis suaforem, ut maximo detrimento Christianam rem afficeret; non in alia magis, quàm in ficta illa pacis persona quæ tanti damni atque exitij erat; ut Paulus sensit, & in hac Christi Epistola confirmatur. Vbi aduertendum est, in hoc eodem sensu dici à Paulo, dæmonem se transfigurare in angelum lucis, 2. Cor. 11. 13. Eiusmodi pseudoapostoli sunt operarij subdoli, transfigurantes se in apostolos Christi: & non mirum; ipse enim Satanæ transfiguratur se in angelum lucis.

NON MITTAM SVPER VOS ALIVD PONDVS. ] His verbis exponit suam mentem Christus, & fideles de sua voluntate certiores facit; ne scilicet suis humeris grauißimum cærimoniarum veteris legis pondus imponant. Confirmat insuper se id minimè permissurum. Hæc est, ut diximus, communis horum verborum expositio, quam sequuntur Victorinus, Ambrosius, Primasius, Beda, Haymo, Ioachimus, Rupertus, Albertus, Lyranus, Interlinealis, Dionysius, & Iacobus Suarez. Atque hanc expositionem esse verissimam, persuadet locus ille Actuum 15. & eadem sententiâ validè comprobatur germanam Iezabelis & totius epistolæ explicationem eam esse, quam superius tradidimus.

TAMEN ID, QVOD HABETIS, TENETE; DONEC VENIAM. ] Hoc est, quod Paulus ait, ad Galat. 5. 13. Vos enim in libertatem vocati estis, fratres; tantum ne libertatē in occasionem detis carnis. Onus enim siue obligatio, quam Christus Christianis imposuit, non alia est, quàm ut naturalem legem obseruent, & in ipsum credant, in ipso sperent, & ipsum ament, & ipsius sacramentis fruantur. Naturales autē leges Christus ad vnam redigit proximi charitatem; idque est præcipuè onus, quod fidelibus Deus præcipit, ut sustineant. Atque ita Paulus in eodem loco postquam dixerat, Tantum ne libertatem in occasionem detis carnis, subdit; Sed per charitatem spiritus seruite inuicem: Et alibi, Qui diligit proximum, legem impleuit.

ET QUI VICERIT, ET CVSTODIERIT VSQVE IN FINEM OPERA MEA; DABO ILLI POTESTATEM SVPER GENTES. ] Verba illa, qui vicerit, ut in superioribus epistolis, sic etiam in præsentī non debent generaliter accipi de iis omnibus, qui in Dei gratia decesserint; sed veluti promissio Thyatirensi Episcopo singillatim facta; si accurate perfecerit, quod Christus illi in hac epistola significat, & difficultatem quamlibet occurrentem superauerit. Atque hæc eadem promissio ijs proponitur, qui Episcopum in nobilissima hac expeditione imitati fuerint. Ea verò est expeditio, ad quam Episcopus inuitatur, nempe ut cognitā suā imprudentiā, qui Iudæis plus quo morem gesserit, ipsos fugiat, & ad Euangelij prædicationem ad Gentes proficiscatur. Viri etiam spirituales simili ratione excitantur, ut suis commodis omissis totum illud tempus se amisisse reputent, quod expenderint, humanis rationibus nimis indulgendo, & hominibus politicè morem gerendo; & ut agnoscant magnā esse imprudentiam, quæ carnis oculis prudentiæ speciem exhibet; pacem irem mundi contemnāt, ac se cælestium armorum præsidio communiāt ad bellum dæmoni inferendum, & animarum cōuersionem procurandam. Hic ipse est non minima ex parte libri Canticorum scopus, ut in eius

Verf. 24.  
Quænam  
vera loci  
huius lectio.

Thyatira  
quid sonet.

Christiano-  
rum Thya-  
tirensum  
tam prudē-  
tes, quàm  
imprudētes  
Christus  
designat &  
admonet.

Altitudines  
Satanæ pro  
profundi-  
tate & cal-  
liditate.

Non mitte-  
re aliud pō-  
dus, quid  
sit.

Verf. 25.

Verf. 26.  
Quis hic  
proprie  
vincere di-  
catur.



A commentario videbimus. Quod si semel recte percipiatur, quid Christus in hac epistola ab Episcopo Thyatirensi postulet; & quare ab ijs verbis exordietur; *Hec dicit filius Dei, qui habet oculos tanquam flammam ignis, & pedes similes aurichalco*; minime dubium erit, hoc præmium nobili illi expeditioni designari. Atque ipsa etiam verba, quibus præmium indicatur, magnopere confirmant illud ijs promitti, qui cetera omnia relinquunt, & se totos ad Euangelij prædicationem & proximorum salutem consecrant.

Sed dubitatur, an in huius epistolæ præmio sermo sit de copiosa mercede, quæ in cælesti patria Euangelicis viris proponitur; vel de præmio, quod in hac vita consequuntur? Verba illa *qui vicerit, & qui custodierit usque in finem opera mea*, videntur non permittere, ut de præmio quod in hac vita conceditur, sermo sit. Præmium enim meritis succedit: merita verò, quæ postulantur, sunt custodire usque in finem opera Christi. Horum autem verborum significatio expleri nequit ad extremum usque vitæ spiritum. Prius enim non sunt custodita usque in finem opera Christi. Confirmatur, quia præmium ad duo potissimum reducitur; primum est virga ferrea, sicut Christo tradita fuerat: alterum stella matutina. Atqui virgam ferream videtur accepisse Christus in die resurrectionis: stellam autem matutinam referunt ad resurrectionem Victorinus & Primasius: & singulariter ad corporis gloriam in ipso generalis resurrectionis die, Haymo atque Lyranus. Quamvis Richardus exponat de animæ gloria ante corporis resurrectionem.

B Nihilominus valde optabile est, ut referatur hoc præmium ad beneficium, quo Deus in hac vita afficit eos, qui se in Euangelij prædicationem totos impendunt; atque ad hoc præstandum, cetera omnia relinquunt, ut se Christi fidei promulgandæ consecrent. Quemadmodum fecerunt Apostoli, & post illos omnibus sæculis viri Apostolici. Nam licet Christo præmium virgæ ferreæ in resurrectionis suæ diem asseruatum sit; (*prius enim non fuerat spiritus datus, quia Iesus nondum fuerat glorificatus.*) Ceterum quando mundus iam fruitur effectibus virgæ ferreæ Christi, id est, ingenti ipsius efficacitate & potentiâ ad Gentes sibi subiiciendas, & suæ ditioni subiugandas, per earum sanctificationem: ij, qui ut illius ministri, atque ad eum ut ipsius instrumenta portionem aliquam eius gloriæ participant; in hac vita exercent illam Christi patientiam, tanquam eius ministri, Gentes in ipsius obsequium subiiciendo Christi virgæ potentiâ; quæ idcirco illis in hac vita tribuitur. Confirmatur insuper, nam ut cap. 12. videbimus, puer ille masculus, quem peperit femina, Romanam Ecclesiam repræsentat, quæ fuit matris Sionis filius primogenitus. De illo autem puero textus ait, *qui relictus erat omnes gentes in virga ferrea*. hac autem potentiâ manifestum est, Romanam Ecclesiam in hac vita potiri. Vide Apoc. 12. 5. & cap. 19. 15.

C Res ergo ipsa postulat, ut virgam hanc ferream viris Euangelicis in hac vita dari credamus. Quod, intellecto virgæ ferreæ symbolo, dubium non erit: de eo autem symbolo agemus notat. VII. Si verò virga ferrea in hac vita ministris Euangelicis datur; idem quoque dicendum erit de stella matutina, de qua infra. Itaque ratio cogit, ut illa verba; *qui custodierit usque in finem opera mea*, ita explacentur, ut non solum sit sermo de cælestis beatitudinis præmio; sed de illo etiam, quod in hac vita consequuntur strenui Euangelicæ prædicationis ministri. Pro quo aduertendum est, *custodire mandata Dei*, esse phrasim in sacra Scriptura usitatam: custodire verò opera Christi non alibi in sacra Scriptura reperiri, quantum meminisse possum. Et quamvis communis expositio pro eodem reputet custodire opera Christi, & opera à Christo præcepta exercere; mihi tamen magis arridet, ut *τηρεῖν*, sit observare, ut sæpe alibi; & observare opera Christi usque in finem, sit oculos ac mentem intendere in opera à Christo patrata, & in ipsius perseverantiam; ut eum utraque in re imitemur. Per hanc autem eius loci constructionem licet, ut præmium non solum de cælesti beatitudine exponatur, sed etiam de beneficijs à Christo in hac vita collatis in eum, qui Christi perseverantiam in Euangelij prædicatione diligenter observat; ut eam imitetur, & obstantia quæque facile superet. Quamvis autem hoc modo construamus, *qui custodierit usque in finem opera mea*, id est, qui opera à me præcepta usque in finem exercuerit; illud, *usque in finem*, potest accipi, non solum de vitæ fine, sed de fine etiam & perfectione singulorum operum; ut esset difficilem quamque rem semel susceptam ad finem perducere. Huic enim perseverantiæ recte promittitur ferrea virga in hac vita, & stella matutina; ut statim explicabimus.

D DABO ILLI POTESTATEM SUPER GENTES. Id est, magnam vim & efficacitatem in Gentium conversione & sanctificatione.

E ET REGET EAS IN VIRGA FERREA, ET TANQUAM VAS FIGULI CONFRINGENTUR. ] Eodem spectant virga ferrea & potestas super Gentes. Est enim virga ferrea elegantissimum symbolum imperij & sceptri Christi Domini, id est summæ potestatis ad subiiciendas sibi Gentes per earum conversionem & sanctificationem, ex Psal. 2. Etsi autem hæc virga, Christi est propria; ministro tamen, quo Christus ut instrumento vitur ad Gentium conversionem, verè dicitur potentiæ virga ab eodem Christo tradi, ut illius vi in hominum conversione mirabilem se ostendat. Quod mox subditur de confractioe siue de contritione Gentium mysticè est accipiendum, sicut vindicta mystica; de qua sæpe agitur in Apocalypsi, ut latè diximus in prolegomenis notat. 24. & 25. & singillatim de Christi virga ferrea, & de Gentium per eam virgam confractioe dicemus notat. VII. Hic solum addo, præmium eiusmodi, sicut ea, quæ in tribus prioribus epistolis posita sunt, considerari tanquam effectus, quos Christus in Eucharistia (siue sacramentaliter, siue etiam spiritualiter susceptus) illi communicat, qui ad eandem accedit Eucharistiam, eo animo affectus, quem Christus ab Episcopo Thyatirensi exigit.

Num huius epistolæ præmium sit de præsentis vitæ præmio, an de futura intelligentum?

De præsentis præmio sermonem esse probatur.

Custodire opera Christi, quid sit.

Vers. 27.

Quæ sit hæc potestas super Gentes à Christo promissa.



## NOTATIO VII.

De virga ferrea, quæ ter in Apocalypsi reperitur ex Psal. 2.

Virga ferrea  
symbolum,  
& eius si-  
gnificatio.

**S**YMBOLVM virgæ ferreæ ter in Apocalypsi reperitur. Ex quo facile intelligitur id esse pulcherrimum; quia bis aut ter quod pulchrum; ut est in prouerbio. Loci verò sunt cap. 2. 27. Dabo illi potestatem super Gentes; & reget eas in virga ferrea, & tanquam vas figuli confringet eas. & cap. 12. 5. Mulier peperit filium masculum, qui rectorus erat omnes Gentes in virga ferrea; & cap. 19. 15. De ore eius procedit gladius; ut in ipso percutiat Gentes, & ipse reget eas in virga ferrea; & ipse calcet torcular vini furoris Dei. In his omnibus locis manifestum est alludi ad Psal. 2. num. 9. Dabo tibi Gentes hereditatem tuam, & possessionem tuam terminos terræ: reges eos in virga ferrea, & tanquam vas figuli confringet eos. Et sensus quidem virgæ ferreæ idem proculdubio est in Psalmo & in Apocalypsi.

Quo sensu  
su accipien-  
da virga  
ferrea, va-  
riant au-  
tiores.

Sed quæ sit germana huius virgæ significatio, in eo dissentiant interpretes. Primò enim non paucam referunt ad seueritatem in die iudicii contra inimicos Christi exercendam. Vnde cum ea virga promittitur sanctis, explicant promitti sanctis potestatem in die iudicii, quam ipsi simul cum Christo aduersus ipsius hostes exercebunt: scilicet, quia sancti vnà cum Christo erunt iudices in illa die. Ita Victorinus, Andreas, Aretas, Lyranus, Ribera, & in explicatione Psalmi Eugubinus, Iansenius, & plerique. Hoc primò probatur ex similibus sacre Scripturæ locis, ut est illud Sap. 3. 8. Iudicabunt nationes. & Psalm. 109. 6. Iudicabit in nationibus, implebit ruinas. Malachia 4. n. 3. Calcabitur impios. Psal. 149. 6. Gladij accipites in manibus eorum ad faciendam vindictam in nationibus. Matth. 19. 28. & Lucæ 22. 30. In regeneratione, cum sederit filius hominis in sede maiestatis sue, sedebitis super sedes duodecim indicantes duodecim tribus Israel. Secundò probant, quia hoc adiectiuum, ferreus, in sacra Scriptura sæpius ad pœnæ seueritatem refertur. Tertiò addunt cõtextum, qui expressè meminit valide contritionis; exemplo vasis figuli contracti. Quæ similitudo manifestè spectat ad supplicij grauitatem; ut patet Isaia 30. 14. & Ieremia 19. 11. Quibus locis comparatio videtur desumpta ex Psalmo 2. Quartò denique notant, ubi nos legimus, reges eos, verbum ipsum Hebraicum contritionem sonare; atque ita ex Hebræo ad verbum fuisse reddendum, Conteres eos in virga ferrea.

2. Sententia  
de potentia  
ad peccati  
euerfionem,  
& hominũ  
sanctificati-  
onem.

Secunda explicatio vniuersam illam rigoris & seueritatis faciem, quam præ se fert virga ferrea atque vasis figuli contractio, accipit de mira potentia ad euerfionem peccati & prauarum cupiditatum, & denique ad hominum sanctificationem. Atque hæc in primis est expositio Hilarij, & Augustini Psalmi. 2. & ex recentioribus Varlenij & aliorum. Deinde in Apocalypsi eodem prorsus modo capiunt virgam ferream Ambrosius, Rupertus, Dionysius Carthus. Zegerus, atque Pannonius. Quorum plerique exemplum illud contracti vasis figuli aiunt esse intelligendum de vase molli ac tenero (scilicet antequam igne decoquatur & induretur) quod frangitur à figulo ut in meliorem formam commutetur.

3. De gub. r.  
nationis se-  
ueritate.

Tertia explicatio est de rigore ac seueritate gubernationis; non solam in ultimo supplicio, quod de damnatis sumendum est; sed etiam in seueritate legum & in earum obseruatione ab omnibus in hac vita exigenda; & in puniendis etiam ijs, qui delinquant. Ex quo fit, ut alij castigati coercantur & conuertantur; alij ultimo supplicio damnentur. Sic Richardus, Anselmus, Albertus, Interlinealis & Thomas. Atque hanc declarationem afferunt ex Hieronymo (Ieremia cap. 18. & 19.) Vas figuli, cum massa tenera est & mollis, iterum posse reformari & instaurari; imò ideo frangi solere, ut refingatur in meliorem formam: scilicet, si induratum conteratur, & comminatur; tunc enim nequaquam refici & reparari posse. Vnde philosophatur Hieronymus, Iudæos ante Christi aduentum sæpe

grauissimis calamitatibus fuisse fractos; iterum tamen à Deo recreatos & instauratos: at cum indurati & obfirmati in malitia Filium Dei occiderunt; ita esse à Deo fractos & contritos, ut eorum potentia & regnum amplius instaurari non possit.

Quarta explicatio virgam ferream exponit esse optimum perfectæ prouidentie symbolum; atque adeo non solum ad seueritatem spectare, sed etiam ad omnem gubernationem: id est ad iustitiam, ad beneficentiam, ad sapientiam, ad potentiam, & ad omnes denique optimæ gubernationis virtutes. Ita videntur intellexisse virgam ferream Andreas, Albertus, Thomas, Serranus, & alij, qui promissionem virgæ ferreæ, quæ facta erat Ecclesie, exponunt de potentia, quæ ipsi Ecclesie data est in hoc sæculo, ut præstet Gentibus & eas regat; idque optimam gubernationem ad imitationem gubernationis Christi; cuius virga ferrea est virga æquitatis aut directionis (Psal. 44. 7. ad Heb. 1. 8.) & virga totius consolationis, iuxta id Psal. 22. 4. Virga tua & baculus tuus ipsa me consolata sunt.

Ex quatuor harum opinionum singulis vellem aliquid ad meam explicationem assumere; id est, ex prima & tertia seueritatis speciem, siue figuram: ex secunda mysticæ vindictæ interpretationem; & ex quarta, non ad vindictam solum spectare, sed etiam ad omnes perfectæ prouidentie virtutes.

In primis igitur in virga ferrea & in vasis figuli contractione, loquutionis figuram nihil aliud sonare, quam seuerissimam vindictam atque supplicium, sit planum ex sacra Scriptura. 30. 14. Communiuntur sicut lagenæ figuli, contritione perualida: & non inuenietur de fragmentis eius testa, in qua portetur igniculus, aut hauriatur parum aque de fovea. & Ieremia 19. 11. Conteres lagunculam, & dices: sic conteram populum istum, sicut conteritur vas figuli, quod non potest ultra instaurari. Ex ipsa etiam Apocalypsi c. 19. 15. manifestum est, per hanc phrasim summam vindictam significari; coniungitur enim virga ferrea cum gladio percutiente & cum furore Dei: De ore eius gladius procedit, & in ipso percutiat Gentes; & ipse reget eas in virga ferrea; & ipse calcet torcular vini furoris Dei. Ex his patet, considerationem illam de vase figuli molli ac reces efficta, quod frangitur ut in meliorem formam reliciatur, acutam quidem esse illam & elegantem; non tamen ad summam vindictæ significationem. Phrasis autem sacre Scripturæ vindictam seuerissimam sonat omnino. Nec est cur hanc loquendi rationem refugiamus; quia sermo est de ira nouissima, de qua diximus in prolegomenis notat. 24. & 25. Atqui in vindicta nouissima, figura qua repræsentatur, est summæ seueritatis; quanuis reconditus sensus sit de summa beneficentia atque clementia.

At enim, dicit aliquis, in Psal. 2. non videtur textui congruere vindictæ & iracundie figura; non enim inter se coherent, dabo tibi Gentes possessionem tuam; & reges eas tanto rigore, ut in gubernatione appareat iracundia, quam aduersus illos habes; & acerrima vindicta, quam de illis sumes. Et similiter in presenti non videntur consonare, dabo illi potestatem super Gentes: & reget eas durissimo imperio. Quia antequam ad reconditum sensum accedamus; nō parum nouitatis habet, ut loquutionis forma repræsentet in Gentibus viro Apostolico subiiciendis, tanquam Christi possessione & hereditate, se iracundiam, furorem atque vindictam ostensurum. Respondetur in eo modo loquendi indicari Gentes, quas Deus Christo & viris Apostolicis subigit; bellum illi antea intulisse, & grauissimis iniurijs illius iram prouocasse. Atque ita allegoria est huiusmodi; Ego illos tuo imperio subiiciam; & tunc poteris te ab illis vlcisci, & eos rigidissimo imperio flectere; ut meritis pœnas luant iniuriarum, quas tibi irrogauerunt. Certe hæc loquutionis forma optimè coherens est: ita enim solet ac-

4. De perfe-  
cta prou-  
identia sa-  
ctione.Auctoris  
mens.Virga fer-  
rea locu-  
tione sum-  
mam seue-  
ritatem  
importari.Quis la-  
rent sensus  
sub virga  
ferrea al-  
legoria.



cidere, vt si quam prociaciam hostilem sibi & contumacē Rex aliquis, suæ ditioni subdat; in veterum iniuriarum supplicium grauissima illi imperet verigalia, & cum eis rigidissimè se gerat. Atq; ita videtur David inimicas sibi nationes, quas domuit; vestigialibus & seueritate oppressisse atque grauasse; ad quam historiam in his locis fit allusio. Sed in hac loquendi ratione latet infinita diuinæ suauitatis & beneficentiæ magnitudo, vt dicemus infra. Itaque non est, cur in loquutionis figura, durissimæ vindictæ representationem vitemus; quando enim seueritas fuerit maior, tantò sacræ Scripturæ intentioni congruentior erit. Quis autem non videat, virgæ ferreæ phrasi aptè significari durissimū imperium? Certè in ea significatione accipitur in sacra Scriptura adiectiuū ferreus; vt *inquit ferreum*. Deut. 28. n. 48. *Fornax ferrea*. Deut. 4. n. 20. *Mimice ferrea*. Psal. 142. 8.

Secundò, in hac acceptione nō debet vindicta restringi ad eos, qui in sua perniciacia perseuerauerint. Nam sacra Scriptura vniuersaliter ait, Christo omnium gentium possessionem esse dandam, & omnes gentes ab ipso in virga ferrea regendas. Atque in figura loquutionis non est sermo de damnatis, neque de extremi iudicii seueritate; sed de durissimo imperio in hac vita, & de summa vindicta, quā Christus sumit de gentibus in earum gubernatione.

Tertio, licet phrasis sonet vindictam; significatio tamen, quam Spiritus sanctus intendit, est quā Hilarius & Augustinus nos docent; scilicet de mystica vindicta. Atq; ad eum sensum fuit elegantissimum vti phrasi summam vindictam atque durissimum imperium sonare; vt vidimus in prolegomenis notat. 24. & 25. Ad cuius phrasis probationem, licet nullum aliud esset argumentum præter hosce locos, qui de ferrea Christi virga loquuntur; h. profecto satis erant, vt reuincerent, hanc esse propriam nouissimæ iræ significationem in Apocalypsi. Aliter enim Christus, nō tantopere virgam suam ferream iactaret in eos, qui sibi tanquā possessio & hæreditas dati sunt; nec eam vt magnum præmium viris Apostolicis polliceretur; nec tantæ esset gloriæ puero, quem peperit mulier, Apoc. 12. illum recturum fuisse omnes gentes in virga ferrea.

Quartò, ipsa Euangelicæ vitæ perfectio magna cum energia representatur, vt durissimum imperium, quo Christus gentes sibi subiectas moderatur. Quid enim in speciem durius, quam subditis diuitias ac libertatem auferre, eos acriter verberare, & omnibus nudare vestibus, aut cilicina veste induere; & cogere ad cetera omnia, quibus spirituales viri se sponte subijciunt; & præsertim h. qui martyrio pro Christo subeundo, aut religiosa vitæ instituto, (quod est alterum martyrii genus) se penitus deuocunt? Quisue in eos durissimum hoc exercet imperium, nisi gratia Christi, & diuina ipsius virtutis efficacia? Non dubitamus Christiani, quin id, quod seruitutem, asperitatem, egestatem, laborem & carnis cinam etiam præfert; summa sit potius libertas, ingentes diuitiæ, ac maxima felicitas. In eo tamen, quod sub externum oculorum cadit aspectum, quis non videat aptissimam esse proportionem; vt durissimū imperij instar significetur? Etenim si Turca aut crudelissimus alius tyrannus homines sibi subditos ita seuerè tractaret, vt h. qui se Christi imitationi consecrant, semetipsos voluntaria abnegatione affligunt; & cruciant; nemo non diceret ipsius virgam esse ferream, & imperium longè durissimum. Quid ergo elegantius, quam Christum iactare se virgā ferreā, gentibus quæ sibi erant infensa, dominari? Nam si Christo aded gloriolum est, quod Christiani pro illo se abdicent libertate, fortunas abijciant, honores cōtemnant, aspernentur voluptates; & grauissima denique tormenta ac mortem ipsam subeant constantissimè; eo præsertim animi ardore & contentione, qua feruidi Christi cultores, primitiue Ecclesiæ tēpore, id præstare solebant; congruentissimò quidem representatur tanquā res ad Christi gloriam maxime spectans, ipsius imperium esse virgam ferream; quæ omnia omnia conterat, atque comminuat.

Nihil præterea Apostolicis viris illustrius aut magnificentius est, quam vt virgæ ferreæ Christi par-

A ticipes fiant; & videant per suam predicationem, nationes, quæ antea vanæ idolorum superstitioni deditæ erant, sub Euangelij ditione positæ, se spontè submittere; vt opibus ac honore priuentur, & patienter tolerant non rigidam solū vitæ ac morum disciplinā, sed etiam crudelissimā tormenta, quibus si tyranni alicuius iussu cruciarentur, ipsius imperium valde appellaretur durum.

Aduerte insuper, in cap. 2. Apocal. gloriam virgæ ferreæ promitti viris Apostolicis; & tunc quidem non dici flagulis, *Vincti dabo potestatem super omnes gentes*; sed *super gentes*; cum tamen cap. 12. vbi de Romana Ecclesia sermo est, clarè asseratur ipsam in omnibus gentibus virgā ferreā dominaturam. (qui recturus erat omnes gentes in virga ferrea) in quo, vt ego existimo, attenditur primò ad Ecclesiæ Romanæ potestatem; ad quam spectauit ab ipso suæ foundationis exordio prædicatores Euangelicos in totum orbem dimittere; qui gentes omnes non modò Christi fidei subicerent; sed etiam ipsius Christi imitationi, & propriæ voluntatis abnegationi, atque aded morti pro fide tolerandæ; sicut innumerabiles Martyres per totum orbem effecerunt. Secundò, locum habet hæc virga ferrea in obedientia & submissione, qua vniuersæ gentes sese erant subiecture peccatorum confessioni, amoris inimicorum, carnis castigationi, ieiunijs ac poenitentijs, quæ summus Pontifex imperaret; ac demum ijs omnibus, quæ durissimi imperij speciem habent; licet vera hæc sit via, qua libertate Euangelica, & pacis pulchritudine ac vera voluptate fruuntur animæ. Ad hæc; ferrea Ecclesiæ Romanæ virga, qua gentes omnes moderatur singillatim splendet in religiosorum ordinum institutione; quod est singulare Ecclesiæ Romanæ decus, (de quo etiam latè agitur in Canticorū libro, vt in eius commentario videbimus.) Et certè in religiosa vita obedientiam, paupertatem, & castitatem perfecte amplectente, est quædam imago imperij prima specie durissimi, atque aded gloriosissimi tam Christo, quā Romanæ Ecclesiæ ipsius sponsæ; quæ sacras Religiosorum familias instituit, easq; per suos ministros moderatur atque conseruat.

Quintò, in hac rigidi imperij figura includitur, quidquid tertia expositio contendebat. Quidquid enim Euangelica lex habet seueritatis in præceptis, & castigationis in defectis ad homines coercendos, idoneè cogitatur vt durissimum imperium, quo Christus gentes sibi antea aduersas vlciscitur; ea ratione, quam iam explicauimus. Quod verò ad rem magis facit, illud est, quod tam Christo, quā viris Apostolicis est multò gloriosius; scilicet voluntaria submissio eorum, qui illorum predicatione permoti spontè se subdunt poenitentiae, Paupertati, Castitati, Obedientiæ & laborum pro Christo tolerantia.

Sextò, licet virga ferrea electa fuit, vt symbolum sceptri Christi ob eam, quam habet proportionem, ad rigidum imperium indicandum; præter hæc tamen, si ferri proprietates consideretur, perspicitur Christi sceptrum non ex auro, nec argento; sed ex ferro eleganter fingi. Ad cuius rei declarationem nota, sceptrum esse gubernationis symbolum; perfecta verò gubernatio consistit in septem illis spiritibus, de quibus cap. 1. notatione V.

Igitur si ferrum quacumque alia re congruentius esset ad septem spirituum significationem; mirificè accideret, vt symbolum Christi imperij, esset virga ferrea. Nam septem illos perfectissimæ prouidentie spiritus distinctè docet Apocalypsis in Christo, etiam quatenus homine, reperiri; atque eis Christum mirum in modum vti in eo, quod prima facie durissimum imperium videtur, quo Christianam Ecclesiam moderatur. Atque hæc est, vt videbimus, intentio & arcum septem sigillorum.

Septem igitur spiritus (vt supra ostendimus) sunt Potentia, Beneficentia, Equitas, Sapientia, Patientia, Comminatio & Seueritas. Ac primò aptissimè significatur Potentia in ferro; quia nullum metallū aded forte. Atque ferrum est fortitudinis symbolum, vt tradunt Hieron. & Greg. in Sylua; qui addunt ferro optimè significari summam vim & efficaciam predicationis Euangelicæ. Et Hieron. Michæ 4. ait, nil aliud esse ferreū cornu Ecclesiæ, nisi ipsius Potentiam.

Cur virga ferrea imperium viris quid. m. Apostolicis concedatur super gentes: at verò Romanæ Ecclesiæ super omnes gentes?

Virgam ferream in Christiana obedientia subiecti esse habere locum.

Et in religiosa potissimum vita perfectione.

Cur Christi virga flagetur esse ferrea?

Septē diuina prouidentie spiritus in ferri proprietatibus figurati ac primò fortitudo seu potentia figurati.

Durissimi Imperij speciem in virga ferrea denotari. Mysticum vindictam ad obstinatos non extendi.

Sub mystica vindicta nomin: maximam misericordiam delictis.

Euangelicam perfectionem, sub durissimo imperij specie adumbrari.



Quamobrem Daniel in ferro repræsentat Romanorum potentiam; quia quomodo ferrum comminuit & domat omnia, &c. Dan. 2. 40. & magna etiam potentia, quæ Romanæ Ecclesiæ erat concedenda, explicatur virga ferrea Apoc. 12. Secundo ad gubernationis Beneficentiam rectè aptatur ferrum: quia ferrum est inter omnia metalla vtilissimum; adeo ut sine ceteris parum aut fere nihil videatur humanæ vitæ commodis deesse: at ferro sublato omnia ferè artium instrumenta tolluntur; & maxima incommoda generi humano subeunda inuehantur. Quare necessarium est, ut quod ferri vtilitas non perualit, ibi gentes belluarum instar degant. Adde huc, sceptrum Christi Regis nostri ferreum indicare, noluisse Christum sceptrum aureum sibi effingi ex suorum subditorum diuitiis; sed elegisse sibi paupertatem; & ut suos ditaret, semetipsum exinanisse. Sibi nanque duritiem ferri elegit, ut nos suæ charitatis auro locupletaret. Tertio, ad Æquitatem indicandam deseruit optimè ferrum; iuxta illud Psal. 44. 7. ad Hebræos 1. 8. *Virga æquitatis, virga regni tui*. Quarto ad Sapientiā accommodatur aptè virga ferrea: ferrum enim est inter omnia metalla, quod imaginem quandam celestis sapientiæ participat; quæ in magnete figuratur, ut dicemus notatione sequenti. Ad hæc, si regis sceptrum, ferreum cōsideremus; tali arte elaboratum concipiendum est, ut propter mirandum operis artificium, regis manu dignum censeatur: atque ita in ferro scepro sapientia splendet. Quinto, ad Patientiæ significationem nullum est metallum, quod cum ferro possit comparari. Apparet hoc in incudibus, quæ ita patienter atque constanter impactos malleorum ictus sustinent, ac respuunt. Sexto, splendor auri vel alterius metalli non est aptus ad Conminationem; ferrum verò micans minatur & terret: vide Deut. 32. 41. *Si acervo, ut fulgur, gladium meum*. Et Psal. 7. 13. *Nisi conuersi fueritis, gladium suum vibrabit*. Septimo denique, ad seuerissimam inimicorum Punctionem nō aliud potuit excogitari sceptrum, nisi ferreum; ut per se patet.

Alia præterea mira proprietas inest virgæ ferreae, si consideretur ferri cum magnete cognatio: sed de hoc dicam notatione sequenti; res enim digna est, quæ seorsum perpendatur. Quare in hac notatione nil aliud reliquum est, nisi ut argumentis primæ expositionis faciamus satis.

Ad primum Respondeo: loci ibidem allati, ferè omnes, licet primo intuitu vindictam sonent, procul dubio tamen agunt de mystica vindicta, de qua latè egimus in prolegomenis notatione 24. & 25. Illa vero Christi promissio, in regeneratione, cum sederit filius hominis in sede maiestatis suæ, *sederitis & vos super sedes duodecim, iudicantes duodecim tribus Israel*, quamuis à plerisque ad diem iudicii referatur; mihi tamē valde probatur ea explicatio, quam Hilarius & auditor operis imperfecti in Matthæum tradunt; qui nō de condemnatione impiorum in die iudicii; sed de potestate, quam Apostoli in Ecclesiæ gubernatione erant habituri, exponunt. Quod enim plerique Apostolos in die iudicii iudicatos explicant; si per comparisonem intelligas, Niniuitæ etiam sic iudicabunt. Sin de accusatione exponas, non multū tribues Apostolis; qui ut iudicaturi dicantur, & in thronis tanquam iudices confessuri, non satis videtur eos esse accusatores, vel Christi assessores, aut etiam sententiæ promulgatores.

Quare difficile est intelligere, qua ratione tanquam magnus honor tribuatur Apostolis, quod sint in die iudicii iudicaturi duodecim tribus Israel. Si tamē de Ecclesiæ gubernatione exponantur Christi verba; magnum continent honorem, nempe supremam in Ecclesiæ administratione dignitatem. Et omnia sic maxime coherent. nam regeneratio pro hominum renovatione, quæ per Euangelii prædicationem facta est, certissima est sacre Scripturæ phrasis; iuxta id Ioannis 3. 5. *Nisi quis renatus fuerit denuo*, &c. & ad Titum 3. 5. *Per lauacrum regenerationis*. Quæ regeneratio perfecta est, postquam Christus sedet ad dexteram Patris in sede maiestatis suæ. Prius enim, nondum erat spiritus datus, quia Iesus nondum fuerat glorificatus. Iam, iudicare in sacra Scriptura sapientissimè ponitur pro gubernare; & tribunalis israelis nomen ad

A Christianā Ecclesiam in Apocalypsi manifestè transferitur c. 7. Ad hæc, Apocal. 20. 4. de Episcopis Ecclesiæ post ligatum Satanam dicitur. *Vidi sedes, & sederunt super eas: & iudicium datum est illis*. quem locum non spectare ad diem iudicii, sed ad gubernationem Ecclesiæ, ibidem constabit. Licet autem in Ecclesiæ pace maior sit externa harum sedium auctoritas; Apostolorum tamen dignitas multò sanè fuit excellentior: quare ipsi dicuntur sedisse in duodecim thronis iudicantes nouas veri Israëliti populi tribus. Harum vero sedium maiestas Apostolorum morte non fuit terminata; sed creuit potius post eorum mortem. Nam magna, qua apud Christum pollent in cælo auctoritate & gratia, suis ad Deum assiduis precibus militantem Ecclesiam inde gubernant; atque ita Ecclesia ipsos veneratur, ut supremos principes, à quibus prosperum ac felicem euentum in rebus omnibus sperat.

B Ad secundum, fateor virgā ferreā durissimum imperium denotari; sed sub eo loquutionis cortice nucleus latet suauissimus, ut iam explicuimus. Vnde etiam constat ad tertium, in quo nobis contextus obijciebatur. Neque enim nego contextum postulare, ut vasis contractio perualidam contritionem sonet; sed eiusdem contritionis, seu contractionis allegoria, assero summum beneficium sepius in sacra Scriptura indicari. Alioqui non adeo placeret Deo cor contritum & humiliatum.

C Ad quartum Respondeo, hebraicæ linguæ peritis esse manifestum, eosdem characteres hebraicos, quibusdam affixis punctis, significare *conteres eos*; alijs vero punctis apposisse esse idem, quod *pascet*, vel *reges eos*. Et quidē Doctores aliqui, ut Eugubinus & Iansenius contendunt hebraicam vocem *h̄s* punctis esse scribendam, quibus significat *conteres*, vt legunt Massoretæ. Quis tamen non videat, quāto æquius sit, ut credamus non solum Septuaginta interpretibus; sed etiam Ioanni, qui in Apocal. ter repetit, *reges eos in virga ferrea*, & græcè videtur verbo *ποιμαίνειν*, quod significat *pascere* aut *regere*? Quod nō ideo dixerim, quod ad respondendum argumento, necesse sit significationem verbi *contero*, subterfugere; restat enim eadem difficultas in eo, quod mox subditur, *tanquam vas figuli confringes*. Videmus autem suprā eleganter vsurpari allegoriam validæ contritionis & durissimi imperii ad significationem summi beneficii, quod Christus celat sub seueritatis prætextu, qua suos familiares tractat. Nihilominus tamen Ioannes nos docet, huius loci lectionem non esse, *Conteres eos in virga ferrea*, sed, *reges eos in virga ferrea*; quod miram in se continet elegantiam. sic enim significatur gubernationem fore pastoris & summo pere hominibus benignam atque beneficam; quamuis virga aut sceptrum ferreum corporeis auribus sonet durissimum imperium & contritionem perualidam. & ut significetur etiam proprium sensum ab Spiritu sancto sub eo cortice intentum esse summi beneficii, quo Christus suos amicos afficit, dum eos eiusmodi gubernationi subijcit, cuius externa facies magnam præ se fert seueritatem & durissimum imperium. Ad hoc igitur prudentissimè fuit appositum verbum *pascet*, quod pastoris officium ac gubernationem in summum otium beneficium significat; nec minùs eleganter cum verbo *pascet* coniungitur *virga ferrea*, quæ rigorem sonet. Idcirco Ioanni verbum *reges* siue *pascet* tantoperè placuit, ut illud cum virga ferrea cōiunctum ter repetierit. Atque ubi animaduertatur, virgā idem esse, quod sceptrum; simul etiam perspicitur appositè assumi verbū, quod gubernationem significat, & cum nomine sceptri copulari. Cuius consideratio est, licet alijs regibus sceptrum aureū in manu depingatur (vt Assuero, Esther. 5. 2.) regi tamen celesti & ipsius ministris congruentissimè virgā ferream attribui; vt significetur ingens Christi gloria, qui imperio in specie durissimo suos gubernat; cum tamen sit in summum beneficium eorum, qui tanquam vas figuli confringuntur. Atque ideo ter Ioannes repetit (opinor) verbū *pascet*; ut nobis planū faceret, non esse ad rē significationē seueritatis sententiā, quā Christus in extremo iudicio cōtra suos aduersarios est laturus: illa. nō iā erit sententiā pascētis eos, sed potius igni pascēdos tradentis.

Conterere  
in Ps. 2. quo  
sensu acci-  
piendum.

2. Benefi-  
centia.

3. Æquitas.

4. Sapiencia.

5. Patientia.

6. Commi-  
natio.

7. Punictio.

Satisfit ar-  
gumentis  
supra addu-  
ctis.

Matth. 19.  
28.  
Promissio  
Apostolis à  
Christo fa-  
cta de con-  
fessione &  
iudicandi  
potestate,  
quo sensu in-  
telligenda.

Regenerati-  
onem pro  
spirituali ho-  
minum re-  
novatione in  
sacris vsur-  
pari.



## NOTATIO VIII.

*In qua iterum agitur de virga ferrea; consideratis ijs, quæ ferro à magnete communicantur.*

## SECTIO I. Subsequentis doctrina redditur ratio.

**V** I D I M V S superiori notatione, Spiritum sanctum peculiares ferri proprietates attendisse, ut virgam ferream eligeret ad Christi imperij symbolum. Eos vero effectus, quos magnes in ferro mirum in modum operatur, consulto omisimus; visi enim sunt dignissimi, qui separatim in alia notatione considerentur. Illi igitur hic breuiter proponuntur à me; utinam adeo dilucidè, ut res bene intelligatur. Nam si ita fiat, spero visurum lectorem, naturalem vim, & facultatem, quam naturæ conditor tribuit magneti, ut ferrum ad se traheret, & nautici fideris cognitione illi daret: eò præsertim spectasse, ut virgæ Christi ferreæ symbolo nihil deesset ex his, quæ ad symbolicam perfectionem optari poterant; iuxta ea, quæ diximus in prolegomenis notatione 15.

Duo in Christi imperio ferreo in primis consideranda.

Ut igitur meum sensum exponam; aduerto, in durissimo Christi imperio per virgam ferream ipsi Christo adeo gloriosam representato, duo in primis consideratione digna esse: alterum est efficacitas suauissima, qua homines ad se trahit; ita ut quod ipsos à Christo alienaturum fore videbatur, (nempe durum valde ipsius imperium) id ipsum occultâ quadam virtute ad Christum allicit, ac trahat tanta vi ac suauitate, ut ipsemet Christus de se asserat Ioannis 12. 32. *Si exaltatus fuero à terra, omnia traham ad me ipsum.* Alterum est magna sapientia, quam manifestat Deus in hac durissimi imperij ratione; quæ scilicet, est abdita illa sapientia, de qua Paul. 1. ad Corinth. 2. atque illud ingens mysterium, quod Deus suo in pectore clausum tenebat, nec angelis reuelauerat; scilicet mysteriū multiformis sapientia (de quo ad Ephes. 3. 10.) quæ diuitias in paupertate absconderet, vitam in morte, in iniquitate aequitatem, & fortitudinem in imbecillitate, ut supra latius explicauimus ex Nysseno. Hæc igitur duo, quæ tantopere in durissimo Christi imperio fulgēt, nimirum efficacitas suauissima, qua Deus homines ad se attrahit, & diuina sapientia quam regegit, dum eos per speciem durissimi imperij beat; hæc (inquā) duo voluit diuina prouidentia ad viuum exprimere in duplici facultate miranda, quarum vtramque magnes virgæ ferreæ communicat. Significatio autē adeo est elegans, ut hoc symbolum censeam nobilissimum inter omnia, quæ ex naturalibus rerū creaturarum facultatibus sumi possint. Atque ut hæc significatio iucundius percipiatur, opus est prius animaduertere vtramque magnetis proprietatem; & quemadmodum eas ferro impertiatur. Deinde quantum magis emineant ambæ in ferro post magnetis contactum, quam in magnete ipso. In hoc enim fundamento solidanda est symbolica significatio.

## SECTIO II. De duabus magnetis facultatibus seu viribus.

Duplex in primis magnetis facultas. Prima magnetis vir nauticum sidus indicat. Nauticum indicem suū aciem esse sapientia symbolum.

**D** V A P V M magnetis proprietatum altera est nauticum sidus indicare, altera ferrum attrahere. Ut ergo exordiamur à primâ; arbitror in ea celestis ac diuinæ sapientiæ figuram ac symbolum contineri. Pro cuius intelligentia notandum est, in nautico indice siue acu, miram apparere sapientiæ imaginem. Nam quocumque siue loco, seu tempore (& si cælum vndique nubibus obducatur; & sol, luna atque sidera omnia abscondantur in nebula) nobis hic index designat non solum mundi polos, sed etiā Orientis & Occidentis solis plagas; & omnium ventorum vias. Hanc verò admirandam sapientiā, ferrea acus mutuā accipit à magnete ex ipsius attractu. Ipsi tamen magneti innata est atque innita à natura

**A** mira illa sapientia, quam cum ferro communicat. Quare, si magnes aliquis in subereo cortice (qui instar sit lintris exiguæ) super vndas imponatur, protinus conuertit corticem, prout opus est; ut cali polos & omnium ventorum plagas designet.

**B** Ingenti hac & arcana vtilitate, plurima antea sæcula, caruit orbis noster; donec accessit tandem tempus, quod Deus aternâ mente destinarat, ut suauis Evangelij iugo subiceret insulas, prouincias, ac regna noui orbis cum alijs regionibus à nobis diffusis. Tunc enim Diuina prouidentia, ut ad remotas insulas & prius ignotas aditus patèret; utque classes concionatorum & Evangelij ministrorum ad eas possent suum iter dirigere; occultam hanc magnetis proprietatem hominibus detexit; quod summi momenti fuit, ad longinquas Oceani navigationes; id est, ut naues pelago se committere, & in altum inuehi auderent; & à terræ conspectu valde disunctæ rectâ cursum tenere ad eam insulam seu portum, qui multis leucarum millibus distet; idque per dies multos ac noctes, sine solis, sine lunæ, sine siderum conspectu.

**C** Et ut clariùs constaret, reconditam hanc magnetis vim ideo fuisse à Deo retestam, ut maria omnia nauigari possent; congruentissimè fuit ab ipso Deo prouisum, ut arcanum hoc in magnete ipso non experimèto percipiatur, nisi cum magnes in exigua veluti nauicula super aquam collocatur, ut supra diximus. Atque hac ratione hominū industria mox addidit, quod sibi ad nauigationē opus erat, nempe aciem ferream nauticam in aliqua veluti parua lintre collocare; ne frequēs nauis iactatio, ipsius acus liberam conuersionem impediatur.

**D** Deinde notandum est, quemadmodum in eiusmodi acu ratio designandi varias ventorum regiones in eo sita est, ut ex duabus acus partibus extremis altera septentrionem respiciat, altera meridiem; ita etiam in quolibet magnete, esse quoddam punctum, siue ipsius magnetis particulam, quæ ad septentrionalem plagam se directè conuertat; alteram, quæ meridionalem è regione respiciat. Et quacumque ratione magnes diuidatur, in quolibet frusto duo hæc puncta septentrionale & meridianum semper est reperire. Et quocumque modo ac situ constituitur magnes; ubi potest, protinus conuertitur ad suum naturalem situm; ita ut altero puncto septentrionem, altero meridiem prospiciat. Qui autē huius artis apprimè peritus fuerit, facili in quocumque magnete vtrumque punctum designabit; & ostēdet, vtrum ad septentrionem, vtrum ad meridiem respicere natum sit.

**E** Notatu etiam dignum est, septentrionali parte magnetis illud ferri extremum contingi, quod meridiem spectare debet. Ratio verò est, quia ferrum iā contactum eodem manet nutu atque pondere, quod illi magnes communicauit. Atqui certum est (si magnetis septētrio septentrionem mundi aspiciat, atque ea ex parte illum cuspis acus cōtingat) cuspidem illam lapidis septentrioni obuersam, ad mundi meridiem aspicere. Sit enim magnes lapis quadratus, cuius punctum, A sit ipsius lapidis septentrioni mundi septentrionem respiciens, & punctum, B. meridiem spectet; tunc cuspis acus, quæ punctum, A contingit, eo ipso meridiem mundi necessariò spectat. Et hæc de primâ virtute magnetis, quæ consistit in polorum mundi certissima designatione.

Alterâ magnetis virtus est ferrum ad se trahere; in qua mirè elucet infinita Dei charitas. Proprius enim diuinæ charitatis effectus est, homines ad se attrahere & sibi vnire; nec propriè charitas reperitur, nisi erga personas rationis participes. Si igitur magnes est inter omnes lapides sapiens (ut iam vi-

Magnes natura sua cali polos & ventorum plagas designat. Hanc magnetis proprietatem prius solim fuisse ignotam.

Quando hæc magnetis natura in ipso deprehendi solet.

Magnetis pariem alteram directi ad septentrionem, alteram ad meridiem respicere.

Quomodo magnes hæc polos respiciendi qualitatē nauticæ acui imprimat.

Alterâ magnetis virtus ferrum ad se trahere.



dimus) atque eam sapientiam impertit ferro, quod ad magnetis naturam proprius accedit; quid potuit ad Dei bonitatem & charitatem indicandam, magis appositum effingi, quam singularis ea virtus, quæ à Deo magneti inlita fuit; ut ferrum ad se traheret, secum vniiret, & quolibet ferret? Nullum aliud metallum præter ferrum trahit maghes: ferrum enim est illi quasi cognatum, & solum capax illius sapientia, quæ in magnete reperitur; quod est esse veluti aptum ad disciplinam & ad celestem doctrinam perdiscendam.

Deinde quanto ferrum tersius ac læuius est, tanto est magis dispositum, ut cum magnete vniatur. Quo innuitur, animum, quando magis fuerit ab omni scelere purus & immunis, & virtutum splendore conspicuus; tanto esse aptiorem, ut illum Deus secum ætissimo charitatis vinculo copulet.

Veteres existimabant, magnetem præsentem adamante dimittere ferrum, nec illud ad se attrahere. Verum adamantes, quos hodie nouimus, hac potentia carent. Commentitium est etiam, quod nonnulli asserunt de alijs. Vnus ignis virtutem hanc magneti detrahare potest. Licet enim ferrum per mediam flammam, magnetis vniorem appetens, ad eam aduollet: si tamen ferrum sit candens; non trahitur à magnete, donec refrigeretur. Si magnes etiam accendatur & ignescat, omnis illi virtus penitus deperit; ita ut deinceps ferrum attrahere non valeat. Nam magnetis virtus consistit in subtiliori quadam substantia parte, quæ igne omnino exhalatur & in fumum abit. Horum autem significatio huiusmodi est. In primis si quondam tyrannis (quæ per adamantem denotari potest) aut etiam rusticitas per alia denotata gloriabatur, se abstrahere homines à vera fide & religione, quæ cum Deo coniunguntur; postea per Christi passionem ac mortem homines verè iam dicunt, Rom. 8. 35. *Quis nos separabit à charitate Christi?*

Secundò innuitur diuinam charitatem esse amorem spiritualem; illum verò, qui spiritualis non fit, non charitatem esse, sed fordes potius ac feditatem. Atque ita consumptà subtiliori illa magnetis substantia, quæ est quodammodo spiritualis; nulla illi remanet virtus, nec ferrum amplius trahit, neque deinceps magnes dici meretur: atque adeò Dei charitatem nò representat. Ignis autem figurat id, quod spirituali substantia contrarium est; utpote quam in magnete consumpsit. Et quemadmodum ferrum, dum est ignitum, à magnete non trahitur; ita homo, dum in animo affectus spiritui contrarios admittit, à Diuina charitate non trahitur. Vbi tamen aduersus ille affectus refrixit; mox redditur aptus, ut à Deo alliciatur atque trahatur.

Tertiò, quod ferrum per medias flammæ ad magnetis vniorem properet (priusquam ignescat) ostendit; quod ex se contrarium spiritui videtur, dum animam non occupat, minimè illi inhibere spiritualem cum Deo coniunctionem; at cum contrarius ille affectus in animæ consensum irrepsit; protinus vniorem cum Deo dissoluit.

Denique placuit hic adicere Platonis locum in Ione siue Iliade, ubi Socrates ad Ionem sic ait: *Diuina vis te mœuet, quemadmodum in lapide magnete. Nam ex hic lapis non solum ipsos annulos ferreos trahit; sed etiam vim annulis indit, ut idem hoc facere possint, quod lapis; alios scilicet annulos trahere. Vnde aliquando longa admodum ferri annulorum catena efficitur, dum alij ex alijs pendunt. Omnibus autem his ex illo lapide vis applicatur. Sic verò etiam Musa (hanc ille spiritum quemdam diuinum esse supponit) numine quidem afflatus ipsa facit; dum autem per hos numine afflatus alij afflantur, catena dependens connectitur. Hac Plato; quorum applicationem spiritualibus viris expendendam relinquo.*

**SECTIO III. Virtutes magnetis in ferro magneti coniuncto multò magis apparere, quam in magnete ipso.**

**I**N duabus magnetis facultatibus supra dictis manifestè cernitur, magnetem esse symbolum sapientia cum bonitate in Dei natura coniuncta. Illa enim celestis sapientia & ingentis bonitatis atque

A charitatis representatio magneti naturalis est; atque adeò optimè indicat sapientiam & bonitatem proprio in fonte existentes, id est in diuinitate, cui summa sapientia ac bonitas naturales sunt. Mirum tamen est, has easdem virtutes tam fidei nautici indicandi, quam ferrum attrahendi, in ipso magnete, si ab instrumento omni separatus sumatur, non valde apparere: in ferro tamen quod ipsi magneti fuerit applicatum & ipsius instrumentum effectum, maximopere easdem virtutes eminere. Quod amplius adhuc declaratur oportet. Vis conuertendi se ad septentrionem, quantum magneti inlita sit à natura, multò clariùs & euidentius in ferro magnete contactu aspicitur. Ut enim solus magnes absque ferro nobis septentrionem designet, multo labore opus est; & difficilè valde erit solo magnete absque ferro rectum nauigationis tenere cursum; & dignoscere quam in partem iter dirigendum sit. In ferrea tamen virgula, quæ magnetis virtutem participauerit (siue sit acus nautica, siue acus vulgare horologiorum) adeò est patens & clara hæc virtus, adeò facilis ipsius vsus; ut conspecta acu, nullo negotio quilibet, quæ sit nauigaturus, deprehendat. Et in obscurissima nocte, quantumvis densissimis nubibus cælum sit obductum, distinctè perspicitur, quæ sit meridionalis mundi pars, quæ septentrionalis, quæ orientalis, & quæ occidentalis; quæ demum sit propria cuiusque venti plaga. Quanta igitur est, quàm magna & admirabilis hæc sapientia celestis imago, quæ mihi designet in summa obscuritate omnem cæli situm; & quæ sol oriatur, ubi occidat, veluti digito certissime demonstret?

C Quod ad alteram spectat proprietatem trahendi ferrum, licet ea etiam magneti naturalis sit, nec ferrum illam ex se habeat, sed à magnete mutuata; ubi tamen ferrum cum magnete coniungitur, mirum valde est; quantum maior inde sequatur effectus, & quantum ponderosior ferri vis trahatur ac tollatur. Quidam existimant magnum satis esse, si magnes ferro armatus atque adiutus, ferri pondus triplo maius ad se trahat, quam magnes inermis, id est, si ne ferri adiumento poterat. Id quod ut rem miram & animaduersione valde dignam literis consignat reliquit. Ego tamen experientia edoctus didici, à magnete ferrea virga bene applicatâ munito, non tantum triplo maius pondus, sed etiam centuplo eleuari. Est apud me magnes, qui absque vilo ferri adiumento, vix quinque vncias ferri attollit: si tamen virga ferrea applicatâ adiunatur, plusquam ducentas ferri vncias eleuat. Et exiguu alicui magneti, qui inermis vix duas ferri drachmas potest attollere, exigua etiam virgula ferrea adiuncta, plusquam ducentas drachmas ad se trahit. Hoc discrimen inter exiguam ferri vim, quæ ab inermi magnete attollitur, & aliam multò maiorem quam ferrum magneti admotum eleuat, multò maius & mirabilius est; si ferrea virgula, quæ illius tractionis est instrumentum futura, in magnete includatur, perforato scilicet lapide à septentrionali parte ad meridionale (quæ duo sunt puncta in quibus magnetis vis efficacior existit) & ferrea virgula, veluti clauo, per foramen penitus adacta. Sic enim tantoperè vis magnetis augeatur, ut maximam videntibus pariat admirationem. Id quod eodem ferè modo accidit, si magnes in duas partes discindatur, & inter vtriusque ferrea veluti tabella vtrique parti aqualiter adnota collocetur.

E Magnetem hac ratione dispositum memini me apud excellentissimum Castellæ Comitè (vulgò Stabilem) vidisse; qui magnes, cum absque ferri adiumento, vix tres aut quatuor vncias attolleret; applicatâ tamen & interiectâ ferrea tabellâ, tantum attollebat ponderis, ut ad talentum Hispanicum (vulgò arroba,) parum illi deesse videretur. Atque eo studio, quod in magnetis natura curiosè indaganda collocaui, in huius symbolicæ significationis obsequiū certim auferem præscribere rationem; ut magnes, qui sine ferri adiumento vix libræ pondus attollebat, adiuncto ferro facile centum pondum siue centum libras tollat. Et ut alijs naturæ arcanis, diligenter à in magnete obseruatis superfedam; quiddam interim aduertisse contentus ero; ut clarè perspicatur ferrum magneti applicatum, ferreum ad se pondus

*Virga que magnetis virtutem in ferro illi adiuncto multò maiore efficit.*

*Quod ferrum læuius, cò magis aptum, ut à magnete trahatur.*

*Magnetem præsentem adamante, ferrum dimittere, nec ad se trahere, putarunt veteres; alijs item vim suam amittere. Virunque falso. Vnum igne hac virtute magnetem priuare posse & quomodo. Symbolica prædictorum significatio.*

*Platonis locus de magnete.*

*Quanto maius pondus ferrum magneti coniunctum quam magnes ipse attollat.*



Ferrum ma-  
gneti ad-  
hæret, si a-  
liud fer-  
rum ad-  
hæret, ma-  
gneti de-  
ferit, ac fer-  
ro applicito  
adhæret.

trahere multo maiore vi, quam trahit magnes. Ferro enim, quod sibi magnes attraxit & coniunctum tenet, si ferrum alterum propè admouetur; primum illud magnetem, cui adhærebat, deserit; & applicito ferro adhærescens, illud sequitur: quasi dicere quodammodo videatur, sibi magnetem præcipere; ut quauis eum derelinquat, admotum denuo ferrum comitetur. Quod si attentè id consideremus; & si ferrum à magnete per speciem separatur, non tamen omnino remouetur ab illo. Nam remanet intra spheram virtutis magnetis, atque idco ferrum aliud querit. Lapidis enim virtus, cui subiacet ferrum, illud impellit & cogit, ut ferrum alterum sequatur.

SECTIO IV. Applicatio predictæ philosophiæ ad significationem mysterij cui deseruit.

Mythica  
mysteria,  
inque pro-  
phetarum  
significatio.

SI magneti naturale est sapientiam ac bonitatem representare; nemo nesciat quàm congruens symbolum diuinitatis sit, cui infinita sapientia naturalis est; & similiter bonitas, qua creaturas suas ad se allicere, ac trahere contendit. Manifestum est autem ferrum naturâ suâ esse magneti quodammodo cognatum. Quare lapidis huius virtus, qua ferrum ad se trahit, secum copulat; & nautici fideris scientiam ac vim attrahendi aliud ferrum illi impertit; appositissimè deseruit ad significandum, quemadmodum Deus eos, qui sunt rationis participes, atque adeo diuinæ naturæ cognati, trahat ad sese, coniungere secum conetur, & suæ sapientiæ ac bonitatis eos participes efficiat. Et verò rationales animas ex Dei esse genere affirmat Paulus Act. 17. 28. *Ipsi enim & genus sumus*. Atque ex hac hominum cognitione cum diuina natura, sequitur eos esse habiles & aptos ad disciplinam, & cælestis sapientiæ capaces. Et ut ostenderet Deus, nihil se de rebus alijs creatis, præ rationali natura curare; voluit ut magnes nihil aliud ad se traheret præter ferrum, quod est illi cognatum; & ipsius disciplinæ capax.

Si hoc igitur statuatur, per magnetem scilicet diuinam naturam figurari, & humanam per ferrum; quis non videat incarnationis mysterium mirificè indicari in ferro, quod sit magneti intimè coniunctum, & illi ut instrumentum deseruiat ad suam virtutem manifestis argumentis declarandam. Licet enim diuina natura sit bonitatis & sapientiæ fons; verum infinita hæc eius virtus ante altissimum incarnationis mysterium sua opera quasi quibusdam limitibus circumscribebat. Postquam autem humanam naturam sibi vnionis vinculo copulauit; per illam quasi instrumentum coniunctum immensam suam virtutem summopere ostendit; dum hominibus statim communicauit cælestem illam sapientiam, charitatem ac sanctimoniam, qua ipsi cum Deo & inter sese consociantur. Hæc certè sapientiæ & bonitatis communio, qua Deus per Christum homines diuinis hisce opibus locupletauit, haud dubiè est centuplo & millecuplo maior; atque adeo infinitum habet excessum, si cum eo, quod ante incarnationem generi humano communicauerat, comparetur. Nec fieri vsquam potuit, ut tantum hoc, tamque infinitum discrimen inter magnetem ac ferrum figurarent. Enimverò ut hoc per symbolum indicaretur, nihil potuit esse congruentius, quàm excessus, quo ferrum magneti vnitum superat ipsum magnetem in alio ferro trahendo, & in cælestis virtutis sapientia ostendenda.

Diuinæ sapientiæ thesauros asserit Paulus in Christo esse absconditos ac depositos, ut ipse hominibus atque angelis eos impertiat; & simul patefaciat ea, quæ Deus antea referare noluerat. Quam ad rem elegantissimè videmus in ferro cælestis sapientiæ representationem multo magis, quàm in ipso magnete manifestam. Quod si acus nautica eo esset artificio elaborata, ut ferro magnes esset inclusus quasi anima: nam multo euiden-

tior & efficacior esset vis, qua fideris notitiam & cælestem illam sapientiam nautis indicaret. Christi ergo humanitas est veluti ferrum, quod intimè est cum diuinitatis magnete vnitum, atque ipsius sapientiam integrè participat; eamque admirabili virtute reteggit, & ostendit.

Homines alitem ad se trahere & sanctificare, licet proprium diuinæ naturæ sit; constat tamen ex sacra Scriptura, ante incarnationis mysterium, id parèe admodum ac modicè fuisse à Deo in hominibus præstitum. Postea verò tantus fuit, tam copiosus & abundans effectus eiusmodi subsequutus, ut Christus Dominus meritissimè dixerit, *Omnia traham ad me ipsum*.

Integram tamen Christi sententiam repetamus. oportet, *Ego, si exaltatus fuero à terra, omnia traham ad me ipsum*, Ioan. 12. 32. Hoc enim fuit seruasse Christum clarissimam suæ virtutis demonstrationem, ut esset suæ passionis effectus. Et quidem, quod videmus in magnete tollente ad se ferrum ac trahente, id nobis quasi quibusdam vocibus videtur dicere, hunc lapidem fuisse productum, ut miram illam Christi sententiam symbolicè exprimeret. Magnam porro Christi virtutis demonstrationem, ut suæ mortis effectum fuisse seruata; id etiam figuratur in ferro cum magnete vnito, ut ipsius virtutis instrumento. Ut enim præstantior sit effectus, opus est ut ferrum virgæ figuram habeat, alioquin multo minor effectus erit. Sin ferrum in virgæ figuram sit extentum, & optimè magneti adiunctum: admirabilis est virtutis magneticæ ostensio & demonstratio; idque non solum in magna ferri vi ad se trahenda, sed etiam in nautici fideris scientia illi communicanda. Quod enim ferrum ad se magnes trahit, eadem miram hanc scientiam impertit. Quid ergo est ad magnum ferri pondus trahendum, oportere, ut instrumentum coniunctum, virgæ ferreæ formam habeat, quæ sit magneti optimè applicata & valde subiecta? Respondeo, huius significationem esse illam ipsam, quam Christus illis verbis explicuit, *Ego, si exaltatus fuero à terra, omnia traham ad me ipsum*. Nam, ut superiori notatione vidimus, virga ferrea durissimum indicat imperium. In Christi autem passione ac morte cum fuit exaltatus à terra, ostendit Deus ut in exemplari, quali ratione cum suis amicis se gesturus esset, scilicet per speciem durissimi imperij. Quem enim vnquam Deus tanta seueritate tractauit, atque Christum. In ipso igitur Christo mirandum in modum demonstrauit suum imperium (in quo singulariter gloriatur) esse virgam ferream. Et statim hac eadem virgæ suæ virtutis efficaciam mirificè ostendit in sapientiæ ac sanctitatis cum hominibus communione; dum eos diuino suo spiritu docuit, ac sanctos effecit. Et quoniam Christi humanitatis ferrum adeo se diuinitatis magneti subiecit, & in virgæ ferreæ formam extendit, ac se formam & exemplar maximæ seueritatis constituit, quam Dei amicos subire oportet; propterea gentes omnes traditæ sunt illi in possessionem, atque concessum ut eas virga ferrea gubernaret, id est imperio durissimo & Christo ipsi gloriosissimo.

Et verò admiratione dignum est, Deum per Christi tormenta ac mortem ad se attraxisse homines. In quo edocemur, si Deo placere velimus, necesse esse, uti Christum imitemur, & nos in cruce extendamus, ut ferrum ad virgæ similitudinem extenditur. Ecquis animalis homo non diceret, propositâ Christi cruce homines à Deo esse deterrendos; ne ab eo tractarentur, ut Christus fuit tractatus? Id tamen maximè est mirandum, non solum homines à virga ferrea trahi, sed etiam id efficacissimè & suauissimè effici: vtrumque enim explicatur eo verbo, *Omnia traham ad me*, ut rectè Augustinus expendit.

Magna huius suauitatis pars ostenditur in ea efficacia, quam adhibet Christus, ut homines se mutuo ament. In hac enim magna proximi charitate apparet ingens suauitas, qua Deus ad se homines trahit. Quod ut significetur, aptissimum est quod in ferro accidit; cui veluti præcipit magnes, ut illum relinquat, & coniungi cum alio ferro contendat. Nec tamen id est à magnetis virtute separari, sed cum ea magis vniri (ut supra explicauimus).



Matt. 5. 24.

Quod idem est, atque illud quod Christus ait; *Si offers munus tuum ad altare; & ibi recordatus fueris, quod frater tuus habet aliquid aduersum te; relinque ibi munus tuum ad altare, & vade prius reconciliari fratri tuo, &c.* Stauitas insuper Christi legis, apparet in eo, quod suam legem vniuersam ad proximi charitatem reduxerit. Nam hoc est præceptum Christi, vt diligamus inuicem; & qui diligit proximum; legem impleuit. Qua charitatis demonstratione Christus magna vi homines ad se corripit, ac trahit; quæ admodum ferrum magneti adiunctum, quodlibet aliud ferrum trahit.

Rom. 13. 8.

Quod autem de Christo hætenus diximus, de viris etiam apostolicis suo modo intelligendum est; quibus dat Deus virgam, quod est animarum imperium illis tradere. Licet autem non adeo sint cum diuinitatis magnete coniuncti, vt Christus ad Christum tamen accedentes, duas illas virtutes admirabiles ab eo accipiunt, quas alijs permultis ipsi communicent, vt in magnete lapide representari videmus: qui non solum virtutem, quam habet sibi intimam trahendi ferrum, communicat illi, quod ipsi vt præcipuum instrumentum, coniunctissimum est; sed cuius etiam alij ferro quod ad illud, quod erat coniunctius, proximè accedat: & eo magis, quod magis ad coniunctum instrumentum adhærerit.

Ex dictis cernitur, ad virgæ ferreæ symbolicam perfectionem, representantis regiam Christi potestatem, valde esse considerandas duas illas vires seu proprietates, quas ferrum à magnete participat: nec minores Deo deberi gratias ob ingens beneficium, quo Philosophiam symbolicam affecit; & ob spirituale solatium quod animis affert. magnetis consideratio, quàm ob maximam vtilitatem navigationi

A & hominum commercio magnetis proprietatibus allatam.

B

His addo, eundem vsum virgæ ferreæ magnete contactæ; qui tanti est ad navigationem momenti, esse etiam ingentis emolumenti ijs, qui miram huius lapidis naturam attentè perpenderit; vt spirituales inde institutionem, & virgæ Christi ferreæ exaltationem eliciant. Primò enim, vt in tumentis maris vndis, præsertim in media obscuritate & sæuentibus procellis permagni refert ad id iter rectè prosequendum, ferreæ virgæ (id est, nauticæ acus) gubernationi se subijcere: ita qui se virgæ ferreæ Christi subiecerit, agnoscens id ipsum, quod durissimi imperij speciem habet, esse veluti acum, nauticam, quæ rectè ad felicissimum gloriæ portum dirigat; ille sapit: secus verò desipit. Atque hoc durum Christi imperium, hæc virga ferrea, hæc nautica acus est, quæ Petri nauem, id est Catholicam Ecclesiam, ad eam felicitatem adduxit, quam per ipsas tribulationes consequuta est.

C

Denique quemadmodum post cognitam ingentem illam virtutem acus nauticæ, quam ex magnetis contactu accepit; nulla iam est insula, quantumvis distans atque longinqua, quod navigationis cursus feliciter dirigi non possit: sic etiam Petri nauis, id est Romana Ecclesia, & concionatores Euangelici, qui ipsius sunt ministri, cum spiritali acu nauticæ, id est, cum virga ferrea, quam eis Christus concedit, ad quasunque nationes remotissimas, ad Antipodas ac nouum orbem felicissimè nauigant, Christi Euangelium promulgaturi, & quibuslibet procellis superatis gentes vniuersas subijciunt ipsius Christi ditioni; cui cum Patre & Spiritu sancto sit sempiterna gloria.

## COMMENTARIUS.

Vers. 28.

Quæ sit  
stella matu-  
tina.

**ET DABO ILLI STELLAM MATUTINAM.** ] In virga ferrea nemo est, qui non videat, manifestè alludi ad psalmum secundum. Stellam autem matutinam, ad quam hic alluditur, abscondisse videtur nebula: scribitur enim Ecclesiastici 50. 6. *Quasi stella matutina in medio nebulae.* Et cum, meo iudicio, ad eum locum fiat allusio in præsentem; nemo tamen est interpretum (quos ego quidem viderim) qui eò respectum esse notauerit, neque eius loci in huius explicatione meminerit. Quod verò hic non fiat stellæ matutinæ mentio, sine respectu ad aliquem veteris testamenti locum, negauerit nemo; qui animaduertat vix esse aliquod symbolum in Apocalypsi, aut ne vix quidem, in quo non alludatur ad aliquem veteris instrumenti locum. Verum non semper conitat de loco eiusmodi, ad quem alludatur; vt in septem tonitruis capitis decimi; in quibus nemo hætenus aduerterat, alludi ad psalmum vigesimum octauum, vbi septies vox Domini repetitur. In præsentem ergo alij putabant respici ad illud Isaia 14. 12. *Quemodo cecidisti de celo Lucifer?* atque ita explicabant, *dabo illi stellam matutinam*, id est, *Dabo sub eius potestate dæmonem.* Ita Andreas & Aretas. Alij credebant perstringi hic locum Iobi 38. 32. *Numquid producis Luciferum in tempore suo?* Sic Gregorius ibi. Alij ad Balaami prophetiam referebant Numerorum vigesimo quarto 17. *Orietur stella ex Iacob.* ita Ambrosius hic.

De huius  
loci allusio-  
ne, aliorum  
placita.

Auctoris  
sententia.

Huiusmodi tamen allusiones non satisfaciunt. Andree quidem & Aretæ allusio violenta est. Hic enim locus respondere debet ijs, quæ Christus de semetipso ait, Apocalyp. 22. 15. *Ego stella splendens & matutina.* Est enim phrasis violenta, *dabo illi stellam*, id est, *subijciam illi stellam.* Allusio ad Iobi locum non subsistit. Quia Iobi trigésimo octauo, hebræa non designat Luciferum, sed in communi signa celestia: stellæ verò prophetiæ Balaami deficit appositum *matutina.* Itaque allusiones hætenus notatæ non sunt verisimiles. Quare videtur certa esse allusio huius loci ad id Ecclesiastici 50. 6. vbi expresse legimus, *Quasi stella matutina.*

Stella ma-  
tutina no-  
mine de quo  
est sermo a-  
pud Eccla-  
siasticum.

Duo tamen contra hoc obijci possunt. Primum, in Ecclesiastico sermo est de Simone Oniæ filio; non de Christo nec de beneficijs ab eo in viros Apostolicos collatis. Secundum, pro stella matutina in Ecclesiastico, legitur *ἡ ἀπὸ τοῦ ὀρίαντος*, ab ὀρίαντος, quod proprie significat auroræ: in præsentem verò legitur *ἡ ἀπὸ τοῦ ὀρίαντος*, ἡ ἀπὸ τοῦ ὀρίαντος, id est, *mane.* Ad primum tamen respondeo, quod locus ille Ecclesiasticus loquatur de Simone

Oniæ



A Onia filio, minimè obstat allusioni. Nam similiter de Eliacim regis Ezechia ministro sermo erat Isaia 22. 22. cum dicitur, *Dabo clauem domus David super humerum eius*; & tamen haud dubiè alluditur ad eum locum, Apoc. 3. 7. vbi de Christo dicitur, *Qui habet clauem David*. Quin elegantia plenum est, quòd Apocalypsis Christo tribuat clogia, quæ in veteri Testamento alijs fuerant prius attributa. Quo nobis planum fit, sacros vates, & veteris Testamenti scriptores, dum præterita tangunt, ad futura respicere, id est ad Christum & Christianam Ecclesiam, vt docet Augustinus. Ad secundum respondeo; si fumatur comparatio (vt conuenit inter omnes) a Veneris stella; idem est, siue appelletur *ἑωδὴρ*, siue *ἁρπυρίς*; nam nomen *mane* ad auroram se extendit eo modo, quò Ioannes in Euangelio loquitur. cap. 21. 1. *Mane cum adhuc tenebra essent*. Et fortè vt vox *ἁρπυρίς*, vsurparetur, quæ ponitur in Apocalypsi, respectum fuit ad propriam significationem Hebraicæ vocis, quæ in Ecclesiastico erat. Constat enim eum librum prius Hebraicè fuisse scriptum. Verum quidquid de hoc sit; vt clarior appareret allusio, non sine diuino consilio vtrobique Vulgatus posuit stellam matutinam. Et certè illud Simonis Onia filij elogium omnino Spiritui sancto placuit ad Christum transferre. Ibi enim coniunguntur tres comparationes, *stella matutina, luna, ac solis*: quæ omnes Christo in Apocalypsi tribuuntur; vt ex alijs locis constabit. Hæc de allusione. Et vbi ad locum aliquem alluditur, vix potest verus sensus cognosci, nisi sciatur ad quem locum fiat allusio.

B Eapropter, varij sunt in hoc loco explicando interpretes. Quidam enim exponunt de Dæmone; vt Andreas & Aretas. Alij de Christo; vt Primasius, Ambrosius, Beda, Pannonius, & Anselmus, & Ribera. Alij de Angelo custode; vt Dion. Carthusianus. Alij de gloria animæ ante corporis resurrectionem; vt Richardus & Rupertus. Alij de ipsa resurrectione corporum; vt Haymo & Lyranus. Alij de luce in corde fidelium; vt Aretas & Glossa. Alij de participatione gloriæ Ioannis Baptista & Eliæ; vt Aretas. Alij de dono præscientiæ; vt Ioachim. Alij de clara rerum diuinarum intelligentia, & sacræ Scripturæ intellectu; vt Gagneus, & Serranus. Alij denique de inuisibili (siue aliquando visibili) Christi apparitione, qua Sanctos viros animam agentes consolatur; ita Ribera.

C Veram tamen expositionem esse existimo, vt viro Apostolico in hac vita spondeatur in medijs calamitatibus ac persecutionibus maximum à Deo solatium spe certissima Ecclesiæ prosperitatis & ingentis fructus, quem Deus ex illius prædicatione percepturus est. Et in primis iuxta hunc sensum verissimè dicitur Christus esse stella matutina; scilicet quia in ipsis persecutionibus suos consolatur certissima spe solis quàm mox oritur; id est, prosperitatis breui subsequitur. Atque in hoc sensu conueniens valde fuit, vt Christus in fine Apocalypseos veluti breui totius libri epilogo de se ipso assereret, *Ego stella splendida & matutina*. Nam totus hic liber eò tendit, vt Christianæ Ecclesiæ tunc vehementer afflicte promittatur, illam non multò post, Romani Imperij victoriâ gloriosissimè fruituram: atque ad hoc Christus suam interponit fidem; affirmans, se per libri huius reuelationem esse suæ Ecclesiæ veluti stellam Veneris, quæ solis claritatem non procul distare nuntiat.

D Deinde, quod Christus generatim de se ait, propter huius libri prophetiam; hoc ipso affirmatur hic viros Apostolicos maximè frui. Cum enim Dei opem in animarum conuersione experiantur; & videant per ipsas oppugnationes, fideles longè lateque propagari; ipsamet Diuinæ opis experientia eos maximopere solatur, & securos de futuro successu facit. Et quidem hac in re aliud multò est per speculationem tantum loqui, aliud re ipsa experiri, & quasi manibus contrectare. Ad Dei autem prouidentiam spectat, vt solatium hoc ac voluptatem illi abundantius capiant, qui in vinea Domini intensius laborant. Christus itaque, vt stella matutina; qui in laboribus, felicitatis spe suos solatur, hoc munere præcipuè fungitur cum viris Apostolicis prædicationis muneri destinatis; qui cum ardentius Ecclesiam ament, ideo plus ceteris de ipsius felicitatis spe letantur. Apparet hoc maximè in Ioanne, qui se ad Angeli pedes iterum atque iterum vt eos oscularetur, abiecit, præ gaudio quo fuit cumulatus certissima illa spe, quæ de Christianæ Ecclesiæ felicissimo progressu fuit sibi ab ipso Angelo iniecta.

E Tertiò, hunc sensum comprobant contextus illius loci Ecclesiastici cap. 50. 6. vbi dicitur, *Tanquam stella matutina in medio nebulae* (vel *in medio rubis*) & verba illa, *in medio nebulae*, ostendunt, opinor, in diebus nubis atque caliginis, id est, cum populus magna aliqua calamitate erat afflictus, ingenti tamen fuisse solatio, quòd Simonem filium Onia Pontificem haberent; cuius virtute atque præsidio securi reddebantur de felici rerum euentu, quo erant citò fruituri. Quemadmodum Veneris stella, etsi nox sit obscurissima, cum apparet, certam iniicit spem, solis ortum non procul abesse.

Atque vt hunc effectum, quemadmodum & reliquos in præmiis harum epistolarum propositos, ad sacram communionem in Eucharistia; vel ad communionem, quam vocant, spirituales, referamus; cum Christus ait, *Victori dabo stellam matutinam*, idem est ac dicere; si ad me accesserit, efficiam vt in ipsius corde Lucifer oriatur, id est, vt mente ipse persentiat incredibile solatium certior redditus de magnæ vineæ, in qua laborat, felicitate futura. Non ago nunc de spe, quæ iusto inest potiendi in cælo diuina claritate: in his namque symbolis respicitur ad capitis primi visionem; in qua solis claritas fuit symbolum eius felicitatis, qua fruitura erat Ecclesia Christiana in hac vita. Vnde Veneris stella, quæ solis aduentum prænunciat, debet esse certissima spes illius magnæ prosperitatis. Atque hæc erat promissio ad Thyatirenses Episcopum maximè idonea, vt potè cui præcipiebat Christus, vt se totum Gentium prædicationi consecraret.

Quid in stella matutina præmio promittat Christus.

Stella matutina ad Eucharistiam applicatur.



## CAPVT. III. PARS I.

*Quæ est Epistola ad Episcopum Sardanensem, & sub eius persona ad fideles improbos, id est, proiecta ad scelera audacie.*

T E X T V S.

*Vers. i.* **E**T Angelo Ecclesiæ Sardis scribe; Hæc dicit, qui habet septem spiritus Dei & septem stellas: scio opera tua, quia nomen habes quod viuas, & mortuus es.

2. Esto vigilans & confirma cetera, quæ moritura erant. Non enim inuenio opera tua plena coram Deo meo.

3. In mente ergo habe, qualiter acceperis, & audieris: & serua, & poenitentiam age. Si ergo non vigilaueris, veniam ad te tanquam fur; & nescies, qua hora veniam ad te.

4. Sed habes pauca nomina in Sardis, qui non inquinaverunt vestimenta sua: & ambulant mecum in albis, quia digni sunt.

5. Qui vicerit, sic vestietur vestimentis albis; & non delebo nomen eius de libro vitæ; & confitebor nomen eius corā Patre meo, & coram angelis eius.

6. Qui habet aurem audiat, quid Spiritus dicat Ecclesijs.

C O M M E N T A R I V S.

Verf. r.  
Quorsum  
huius epi-  
stola in itū  
à septē Dei  
spiritibus  
et à septem  
stellis ducatur?

**H**AEC DICIT, QUI HABET SEPTEM SPIRITVS DEI ET SEPTEM STELLAS. ] Quid significant septem spiritus Dei & septem stellæ, vidimus cap. i. Hic enim explicandum est quorsum vtritur Christus hac periphrasi in epistola ad Sardanensem? Ad quod respondeo, Sardanensem Episcopum, vt postea dicemus, esse in lethali peccato; quia debitum officium minimè præstabat. Nec enim vigilabat in sui gregis custodia, sed eius curam abieciisse prorsus videbatur. Quod ergo Christus illi persuadere conatur (vt ex ipsa constabit epistola) est, vt oculos aperiat, & attentè consideret sui muneris obligationes, & ad eas implendas enitatur. Atque ad hanc intentionem illi explicandâ optimè asserit Christus se habere septem spiritus & septem stellæ. Primum enim septem spiritus Christi proponunt ob oculos Sardanensi Episcopo, quoniam modo deberet suam Ecclesiam regere ad imitationem Christi, cuius septem spiritus sunt, Virtus, Beneficentia, Aequitas, Sapientia, Patientia, Comminatio, & Seueritas. Et quemadmodum in his septè spiritibus optimæ gubernationis perfectio sita est; ita in illis, vt in limpidissimo speculo omnes suos defectus Episcopus conspiceret poterat: qui non solum non se constantem & sapientem exhibebat; sed etiam ouium curam omnino deposuisse videbatur: & nec se illis beneficium neque æquum præstabat; non earum inscitiam patienter (prout opus erat) tolerabat; non ijs minas à Deo intentas ponebat ob oculos; non cum ijs vnquâ debita seueritate utebatur. Iam si in his omnibus aut ex toto, aut magna ex parte Episcopus negliger se gerebat; neque officiû, vt par erat, præstabat; atque aded si ab eo expetebatur, vt se totum ad Christi veri pastoris exemplum conformaret; quid aliud congruentius illi potuit proponi, quàm septem spiritus Christi? Quod verò septem stellæ septem spiritibus addantur, idem est ac si illi Christus diceret; idcirco te Episcopum constitui, vt in septè gubernationis spiritibus me imitarer: ided te tantæ dignitati præfeci; ided te honore, auctoritate, ac potestate auxi. Hæc enim omnia nomine stellæ seu gemmæ annulorum Christi significantur, vt suo loco vidimus. Itaque & stellæ & spiritus Dei Episcopo proponuntur: stellæ quidem, vt agnoscat quid sit quo ipse obligetur; spiritus autem, vt nouerit ad quid obligetur. Vide: ergo aptissimè coherere, vt septem spiritibus adiungantur in hac Christi periphrasi septem stellæ. Episcopus autè propterea de suæ vocationis sublimitate admonetur; vt erubescat, se officio omnino deesse. Et similiter facta est mentio septem stellarum in epistola ad Ephesinum, vt animaduerteret indignum esse, Christi gemmam minùs splendere, quàm debebat.

Huiusmodi expositio germana est (opinor) in periphrasi, qua Christus in hac epistola vtitur. Cui tamen posset fortasse annecti, Christum ideo Sardensi dicere, illum esse vnum ex septem stellis; vt consideret se inter septem illos Episcopos, eo nomine esse indignissimum; ac proinde vehementer erubescat, se non solum procul esse ab imitatione Smyrnenfis Episcopi, Philadelphij, Pergameni, Ephesini, & Thyatirensis; sed etiam improbitate Laodicensis Episcopo anteire.

Præter hæc, diceret alius Christum hac periphrasi respondere cuidam obiectioni, quæ posset occurrere hanc epistolam legenti, & pariter consideranti Episcoporum aliquot in suo munere negligentiam. Obiectio autem siue admiratio ea est; cur scilicet Christus permittat hominem adeò de-



A prauata conscientia, & sui officij negligentem Episcopalem sedem occupare? Huic ergo admirationi dicat aliquis Christum in huius epistolæ periphrasi respondere, dum ait septem esse iuxta prouidentia spiritus, & huius prouidentia perfectionem compleri patientia, comminatione atque vindicta, ac propterea se permittere, ut homo nequam inter Christi stellas numeretur & Episcopalem sedem occupet. Tanto autem magis timere debet Episcopus improbus Dei vindictam, quanto maior est patientia Dei cernentis & sustinentis eius improbitatem.

B SCIO OPERA TUA &c.] In huius Episcopi descriptione non omnes interpretes consentiunt. Aliqui enim cum Ruperto opinantur eum fuisse impuris libidinibus inquinatum. Alij cum Lyrano hypocritam fuisse credunt, & sanctitatis specie occulta peccata tegentem. Ipse tamen mihi persuadeo, huius Episcopi peccata, quæ Christus in eo reprehendit, non fuisse occulta; nec optimam de illo fuisse sanctitatis existimationem; nec luxuriæ eum fuisse deditum; nec commissionis peccata in eo reprehendi; sed magnam solum negligentiam in pastoralis munere obeundo, in commissio sibi grege curando, in debilibus confirmandis, in docendo & exhortando, in ijs denique omnibus accuratè præstandis, ad quæ Episcopus ex officio Episcopi tenetur: multo enim maius obligationum pondus ei incumbit, quam aliqui existimant. Ac primò in hoc explicandi modo grades interpretes sequor, ut Primasium, & Bedam. Deinde valde fauet nobis Christi periphrasis qui habet septem spiritus. Hæc enim verba sunt apprise apta ad eum obiurgandum, qui ab iniuncto sibi officio declinat. Tertio si huius Episcopi peccatum esset, quod turpi voluptatum ceno aut alijs sceleribus commissionis, pessimi exempli, & aliorum offensionis esset immersus; Christi obiurgatio maiore adhuc acrimonia constaret. Licet enim grauissima sit; non tamen aliam præ se fert querelam nisi pastoralis officij deserti. Quarto, ut hic Episcopus graue aliquod scelus singillatim admisisset credatur; ut fictæ sanctimonie & optimæ existimationis apud omnes per simulationem affectatæ; aut concubinatus, siue alterius singularis sceleris; ad hoc (inquam) opuserat, ut clarè ex ipso contextu, aut magna saltem verisimilitudine eliceretur: atqui (ut infra expendemus) nulla potest fieri ex contextu, firma eiusmodi scelerum coniectura. Quod enim peculiariter perstringitur, nihil aliud est, quam Episcopum ab officio discedere. Et quidem generalia verba, qualia sunt ipsum esse mortuum, id est lethali scelere constrictum; & nisi se ad meliorem frugem recipiat, repentina opprimendum calamitate; verba isthæc non indicant quibus singillatim peccatis esset deditus ille Episcopus. Quamobrè nulla ratio solida est, ut existimemus pluribus illum sceleribus fuisse constrictum, quam ijs, quæ textus exprimit. Certè qui apud se rectè perpenderit, quam graue sit crimen in Episcopo, ipsum sui muneris obligationes prætermittere, non alia desiderabit peccata, ut verè Episcopo dicatur eum esse mortuum, & Christum ad eum tanquam furem aduenturum. Præter hæc argumenta, illud apud me plurimum valet; hanc scilicet epistolam ad primitiua Ecclesiæ Episcopum D. Ioannis discipulum conscribi. Nec ita facile credendum est eo ipso tempore Episcopum reperiri tantæ aliorum offensionis obnoxium, siue ob luxuriam, siue ob auaritiam. Atque ut exempli gratia Episcopus aliquis designetur in peccato mortali existens, nullum aliud exemplum afferri potuit congruentius, quam illius Episcopi; qui creditum sibi munus per summam negligentiam desereret, & grauiter propterea obiurgaretur. Ut cognoscatur grauissimam esse culpam illam; & propter eam Episcopum, nisi resipiscat, fore damnandum; sicut alij ob latrocinia & adulteria.

C Ex dictis infero, verba illa scio operata tua, non esse referenda ad mala opera Episcopi: nec enim illi imputatur aliud præter grauissimam omissionis culpam; in quam inciderat, non ob facta opera, sed ob eorum defectum. Quare illud scio operata tua, intelligendum est de bonis operibus, quæ nonnulla præstabat Episcopus; ita enim textus innuit. Verum quia in peccato lethali fuerant facta, (eo quod Episcopus officio suo deerat) ideo hæc verba non sunt loco laudis accipienda; sed quasi diceret Christus, Noui à te bona aliqua opera fieri; ea tamen nihili facio, quia à te sunt in lethali sceleris statu patrata. Quod verò non sit sermo de flagitiosis operibus; ex eo probatur, quia non bene contextus cohæreret ea ratione, scilicet scio te praua opera facere, quia sciote esse mortuum. Hoc (inquam) non cohæret; quia mortui non est operari. In bonis autem operibus contextus optime quadrat; nihil de tuis bonis operibus curo, quia sunt in peccato lethali facta. Itaque huius Episcopi culpa non erat ex hypocrisi, non ex libidine, aut ex alio id genus scelere: sed ex eo quod non illa præstaret, ad quæ ex pastoralis officio tenebatur.

D Sed obijciat aliquis, ex hac expositione sequi, in his epistolis exempla non esse ad omnes conscientiarum differentias spectantia; cum alia præterea in Christianis esse possint. Nec enim hic est exemplum hypocrisis, nec lethalium scelerum, quæ sint per commissionem patrata. Respondeo, diuisionem in septem conscientiarum genera esse plenam ac perfectam, ut vidimus in procemio capitis secundi; non tamen esse materialem, ut ita dicam, sed formalem. Nec enim singillatim descendit ad singulas vitiorum aut virtutum species, quod infiniti operis esset; sed ad septem communes illas differentias. Sub illius ergo differentia, qui est in mortali peccato, atque adeò nihil in se habet vera laude dignum, comprehenduntur diuturno concubinato dediti, ficti, auari, & reliqui omnes scelerati. Quod verò peccata commissionis sint aut omissionis, non ideo diuersum conscientiarum genus constituunt. Atque ita satis fuit exemplum proponere in singulari aliquo, cuius peccata omissionis erant. Id quod summopere ita fieri oportuit; ut Episcopi ac Prælati sibi persuadeant, illos, licet nullis alijs sceleribus cooperiti sint; si tamen ea, quæ sui officij sunt, omittant, grauissimè peccare; atque id esse satis, ut in æternam damnationem ruant. Ut enim scitè Magister Ioannes Dauila, Euangelicus nostri sæculi concionator (quem honoris causa nomino) aiebat; tot tantæque sunt pastoralis muneris obligationes, ut qui tertiam tantum earum partem opere impleret, sanctus ab hominibus reputaretur. Cum tamen æternam condemnationem, eo solo contentus, nequiquam esset euasurus.

E SCIO OPERA TUA; QVIA NOMEN HABES QVOD VIVAS, ET MORTVVS ES.] Horum ver-

Quæ fuerint Sardinensis Episcopi peccata.

Neglecti officij scelere fuisse constrictum verior sententia est.

Quanam Sardinensis Episcopi opera Christus se scire dicat?

Num diuissio conscientiarum supra tradita in septem genera sit adequata.



borum connexio non nihil difficultatis habet. Quod enim Christus initio ait, *scio opera tua*, videtur, ut certum statuere opera aliqua bona fieri ab Episcopo Sardenſi, ut benè coniungunt Ambrosius & Andreas. Atqui ille qui mortuus est, nihil operatur. Quæ est ergo illa coniunctio, *Scio opera tua, quia nomen habes quoddam viuas, & mortuus es*? Si illa particula *quia*, reddit rationem; non videtur apta ratio. Si autem solum explicat, quæ sint illa opera huius Episcopi, quæ Christus nonerat; habere nomen viui, & esse mortuum, nullum est opus. Ad hæc dico, horum verborum sensum esse; licet Episcopus nonnulla opera bona faceret, Christum tamen ea pro nihilo ducere; quia videbat ea esse facta in peccato lethali.

Agnoscebat igitur Christus opera Sardenſis Episcopi; & agnoscebat ea esse inania, quia sciebat illum esse mortuum, quamuis nomen haberet viuensis.

Sed quid est *nomen habere viuensis*? An vera est eorum coniectura, qui suspicantur huius Episcopi nomen fuisse eiusmodi ut eius etymologia sonaret vitam? ut si vocaretur Zoſimus? Facit pro hac suspitione, quod simili phraſi dicit Noëmi (Ruth cap. 1.20.) se nomine esse formosam; re tamen ipsa deformem propter tristitiam. Ceterum non opus est in re prorsus incerta niti; cum ex nomine stellæ, cuius proximè facta est mentio, solidior sensus desumi possit, si enim ad stellæ appellationem respiciatur; aptè dicitur Sardenſi, *nomen habes quoddam viuas*. Nam stellæ munus est esse veluti lucem viuam & semper fulgentem; & eiusmodi esse oportebat eum, quem Christus in stellam delegerat. Extinctus tamen erat, & remanserat ut stella mortua, quæ nullam optimi exempli ac doctrinæ lucem emittebat.

Eodem recidet sensus, si in eo quod huic Episcopo dicitur, *nomen habes quoddam viuas*, respiciatur ad ipsum Episcopi nomen; quod græcè significat *inspectorem* siue *speculatorem*: ad quod attentione & vigilantia opus est. Atque id est, quod mox ab eo exigitur, *Esio vigilans*. Etenim qui adeo se negligenter gerebat, ut sopore videretur oppressus; iure mortuus appellatur, cum somnus imago mortis meritò appelletur.

Rupertus coniicit, hunc Episcopum dici mortuum propter occultum peccatum; & sibi persuadet fuisse peccatum luxuriæ. Et aliquis fortè existimabit, eam explicationem roborari posse illis Pauli verbis 1. Tim. 5.6. *Quæ in delicijs est, viuens mortua est*; potuisse etiam Paulum dicere, eam quæ in delicijs est, nomen habere, quoddam viuas. Nam deliciosam vitam, mundani homines absolute vitam nominare solent. Vnde Horatius; *Dum licet, in rebus incundis viuere beatus*. Et fortassis sapientia carnis huc illud Ecclesiastici 30.23. detorqueat, *Incunditas cordis, hæc est vita hominis*. Quæ phraſis si admittatur; non video, cur similiter ad diuitias referri non possint illa verba, *nomen habes quoddam viuas*. Nam mundani eos mortuos iudicant, qui angustè & exiliter viuunt: iuxta illud ex antiqua comœdia:

*Argentum, sanguis atque anima est mortalibus:*

*Hoc qui caret, nec sibi parauit sedulo,*

*Hic viuos inter mortuos circumambulat.*

Meo tamen iudicio hæc non sunt in præſenti ad rem. Nec enim est apta ratio, cur credamus Sardenſem Episcopum luxuriæ aut auaritiæ studisse. Quod verò Paulus ait, *quæ in delicijs est, viuens mortua est*; idem etiam posset dicere de quolibet, qui se ignauix ac ſocordix permittat. Itaque esse mortuum est commune epitheton improborum; & ex communi nomine non potest inferri, in quo peculiariter delinqueret Sardenſis.

Optima coniectura est animaduertere, qua de re ipsum Christus singillatim arguat; & credere eam esse rationem, quare mortuum illum appeller. Illud autem, quod in eo Christus reprehendit, ad hæc capita, ut videbimus, reducitur; scilicet quia non vigilabat, neque confirmabat eos, qui ipsius curæ commiſſi erant; & quod ipsius opera plena non erant. Quæ omnia non luxuriam aut auaritiā in Episcopo arguunt. Sed grauem solum omiſſionis culpam; quod Episcopalis officij curam abijciat.

Multò aliter exponit Lyranus; *Nomen habes, qui viuas*, id est, sanctitatis famam. Sed non cohæret explicatio cum contextu epistolæ. Nam qui ita se negligentix ac ſocordix tradebat, non est veriſimile sanctitatis fama floruisse; & præſertim Ecclesiæ primitiæ tempore.

ESTO VIGILANS ET CONFIRMA.] Optimè coniungunt Primasius, Beda & Pererius, idem esse hunc Episc. non vigilare, atque nullam habere rationem sui gregis: quia vigilare, & confirmare, vtrumque ad Episcopi officium spectat. 2. Timoth. 4.5. *Tu verò vigila*, & Lucæ 22.32. *Confirma fratres tuos*. Porro in vtroque verbo videtur hic continuari metaphora stellæ. Quia stelle lucentes vigilare videntur in nocte. Vide illud Iob 38.37. *Concentum cali dormire quis faciat?* Et siderum etiam virtus cælestis vitam atque vigorem rerum inferiorum confirmat & vegetat. Monet ergo Episcopus, ut à somno suæ negligentix & incuriæ expergiscatur: & meminerit, valde indignum esse, ut is, cui vigilare pro grege incumbit ex munere, & moribus atque doctrina confirmare cæteros fideles; negligentix somno se opprimi permittat.

CETERA, QUÆ MORITVRA ERANT.] Simplicius erat; confirma ceteros fideles, qui propter tuam negligentiam spiritualis mortis periculo sunt propinqui. Sed quia ad Episcopum in metaphora stellæ (ut diximus) sermo erat; ideo aptius fuit in genere neutro dicere *confirma cetera, quæ moritura erant*. Est enim proprium siderum cælestium; cetera omnia visibilia, id est inferiora cælesti virtute confirmare, & absque hoc siderum influxu & confirmatione non subsisteret inferiorum vita; neque virtus. Quibus adde, phraſim esse sacre Scripturæ, cum agitur vniuersè de personis, loqui de illis in genere neutro; ut *Omnia traham ad me ipsum*. Vide Riberam in expositione epistolæ ad Hebræos in phraſi vigesima; ubi ait, *Genere neutro, tanquam ad id aptissimo, viitur Sacra scriptura ad vniuersitatem significandam*. Præterea in præſenti est sermo ad pastorem respectu ouium; & oues græcè appellantur, *πρόβατα* genere neutro. Quod verò hic sermo sit de pascendis regendisque ouibus, non mea solum explicatio est; sed etiam Primasij & Bedæ. Qui exponunt, Christum dicere Sardenſi, nisi vigilatè in grege pascendo persistat: ut multi iam perierant, ita reliquos esse perituros.

Multò

Quid sit  
nomen ha-  
bere viu-  
entis.

In viu-  
entis nomine  
respi-  
ci quod-  
dammodò  
ad Episcopi  
etymologia.

An Sarden-  
ſis Episcopus  
oculio ali-  
quo peccato  
mortali fu-  
erit infe-  
ctus.

Vnde conijci  
possit, quæ  
fuerint Sar-  
denſis pecca-  
ta.

Verſ. 2.  
Quid sit  
esse vigilan-  
tem hoc in  
loco.

Quid sit  
cetera  
genere neu-  
tro.

Cum de  
personis ge-  
neratim  
agitur, neu-  
trum pro  
masculino  
poni, vnde  
Scriptura  
phraſi.



A Multò aliter Andreas & Ambrosius, qui *Cetera quæ moritura erant*, ad opera Episcopi referunt. Sed quia vigilare & confirmare spectant ad Episcopi officium; ideo aptius est, ut ceterorum nomine eos fideles designari intelligamus, qui Episcopi ipsius curæ erant commissi. Consonat optimè contextus; quia vigilante Episcopo confirmantur ceteri. Quemadmodum pastores & canes, oves excitant atque erigunt; & eas à luporum incursionibus tuentur ac protegunt, scilicet vigilando, clamando, circumeundo, & lupos persequendo. Nam accurrentes eis succurrunt, & lupos clamoribus perterrefaciunt. Addo etiam, confirmationis nomen ad exhortationem, quæ fit verbo & opere, esse referendum. Hoc enim modo intelligendum est, quod Christus dixit Petro. *Confirma fratres tuos*. Huc etiam spectat id Ezechielis 34. 16. ubi bonus pastor ait, *Quod infirmum fuerat, consolidabo*. Et conquestus fuerat de improbis pastoribus, n. 4. *Quod infirmum fuit, non consolidastis*.

Vigilare & confirmare, propria Episcopi munia.

Nota præterea Paulum Timotheo scribere, ut vigilet. Non quòd ipse non vigilaret: sed eum hortatur ut suam curam ac vigilantiam augeat ac prouehat. Sardensem tamen Episcopum, dum ei dicitur, *esto vigilans*, manifestum est obiurgari quòd non vigilabat: ut patet ex contextu.

B QVÆ MORITVRA ERANT. ] Græce à μέμνη ἀποδανείν, id est *quæ moritura sunt*, vel, *quæ futurum est, ut moriantur*. Sed sapienter noster interpretes explicauit ea phrasi, *quæ moritura erant*. Propterea enim Episcopus à Christo vocibus & clamoribus excitatur; quia pastoris somnus gregi periculosissimus est. Verum ut indicet sperare se, hac correctione Episcopum expectatum esse, & suas oves confirmaturum, ac defensurum; non ait, *quæ moritura sunt*, sed *quæ moritura erant*. q. d. Si non te ego excitarem, illæ morerentur. Hac tamen admonitione spero te excitatum iri; atque adeò ipsas mortis periculum euasuras. Vide infra n. 16. ubi legimus, *Incipiam te euomere*. Vbi idem est verbum μέμνη in græco.

C NON ENIM INVENIO OPERA TVA PLENA CORAM DEO MEO. ] Decem horum verborum interpretationes refert Pererius disp. 5. Quam ipse sequor hæc est. Redditur hîc ratio, cur Christus dixerit *Cetera moritura erant*, id est, ceteri fideles spiritualis mortis periculo sunt proximi: quia Episcopi opera non erant plena coram Deo, id est quia Episcopus sui officij partes non implebat; non præstabat id, quod in Dei conspectu debebat; non vigilabat, non sua exhortatione roborabat fideles. Atque inde periculum mortis imminabat gregi. Etenim pastoris non curantia & canis somnus gregem manifesto mortis periculo exponunt. Hæc est Bedæ explicatio; iuxta illud Pauli 2. Tim. cap. 4. & 5. *ministerium tuum imple*. Atque ad hanc eandem explicationem reuocari potest, quod hîc aiunt Victorius, Primasius, & alij.

Quæ dicantur opera plena coram Deo.

IN MENTE ERGO HABE, QVALITER ACCEPERIS ET AUDIERIS, ET SERVA. ] Cùm Sardensis hic Episcopus fuit in episcopali sede constitutus; videntur ei eadē fuisse dicta, quæ Paulus ad Timotheum scribit, *Tu verò vigila, in omnibus labora, opus sue Euangelistæ, ministerium tuum imple*: siue enim Sardensis fuerit electus à Paulo primo Ecclesiarum Asiæ institutore; siue à Ioanne, qui Paulo in hac cura successit; Apostolorum doctrina eadem erat. Quare, dum Sardensi dicitur, ut habeat in mente, quæ acceperat & audierat; illi probro datur, quòd ea obliuioni tradidisse videatur.

Verf. 3.

SI NON VIGILAVERIS, VENIAM AD TE TANQVAM FVR, ET NESCIES QVA HORA VENIAM AD TE. ] Aptissima comminatio ad eum, qui notabilis negligentia somnum dormiebat. Et generatim loquendo, fideles, qui lethalis sceleris tenentur, hoc se solatio decipere solent, quòd sibi persuadent, poenitentia spatium sibi ante mortem à Deo concedendum. Contra hanc verò inanem confidentiam opportuna comminatio est, edicere sceleratis, incautos & inopinatos à Diuina vindicta opprimendos esse. Eadem comparatio ab aduentu furis est Matth. 24. 43. & 1. Thessal. 5. 2. & Apoc. 16. 15.

D SED HABES PAUCA NOMINA IN SARDIS. ] Multi notant phrasim esse hebraicam, ut nomen pro re ipsa, cuius nomen est, ponatur, Quemadmodum nomen Dei pro Deo, nomina hominum pro hominibus, sicut sæpe aliàs abstracta pro concretis. Huic tamen phrasi opus est grano salis: alioqui insulsa est. Nec enim licet pro libito ea phrasi uti quouis in loco: verbi gratia loquutus sum cum nomine Petri; Respondit mihi illius nomen, &c. nemo prorsus sic loquitur. In quibus autem loquutionibus locum habeat illa phrasis, in quibus non; non solum pender ab usu, sed etiam à ratione. quæ si attendatur, S. Scripturæ energia intelligitur. Tunc ergo nomen aptè ponitur pro re cuius est nomen; cùm ad nomen ipsum respicere, sapientia fuit. Id quod variis de causis contingit. Primò enim quando nomen ipsum exprimit id, de quo est sermo, vel ad laudem vel vituperationem; tunc nomen ipsum usurpare elegantia & energiae plenum est. Hoc enim est agere de illius nominis virtute. Ideo in sacra Scriptura sæpe numero in Dei laudibus ipsum Domini nomen laudatur: ut significetur, quàm verè nominetur Deus Iehoua; & quàm illi sit gloriosum quòd hoc nomen significat, id est, *esse, fuisse & fore*; ut explicauimus cap. 1. notat. III. simile est de nomine Iesu, quod saluatorem siue salutem sonat. Deinde, etiam si ad nominis veritatem non respiciatur, ubicunq; tamen aptè ad nominis ipsius vel prolationem, vel scriptionem, vel notitiam attenditur, aptè ponitur nomen pro re, cuius nomen est. Quia in re idem contingit, quod in nonnullis latinæ linguæ phrasibus. Nam pro eo quod est accusare aliquem, latinè dicitur deferre nomē alicuius. Quia in accusatione nominatur & scribitur nomen eius, qui accusatur. similiter ergo loquutione hebraica, ut significetur in aliquo hominum confesso omnes, qui eò conueniunt fuisse suis nominibus accersitos, rectè dicitur *Turba nominum* 120. Act. 1. 15. sic enim græca; licet apud Vulgatam correctum sit, *turba hominum*. Quod non per errorem, sed per prudentiam factum est. Sæpe enim Vulgatus hebraismum in latinam loquutionem commutat. Nec absimili loquutione in præsentī loco, *pauca nomina*, id est pauci, quorum nomina Deo sunt nota; id est quorum singulos nouit & amat. sic Beda, Ambrosius, Haymo, & plerique. Quod qui contemnat, & ad hebraicam phrasim confugiat, asserens hebræorum loquutione poni nomen pro re, cuius est nomen; nã ille hebraicæ phrasos tollet energiam, atque adeò granum salis. Vbi nomina scribuntur (ut in militia) facile cernitur, violentum non esse, si dicantur centum esse nomina in quadam militum cohorte; id est centum

Verf. 4. Quosens dicantur hic pauca nomina.

Nomen pro re, cuius est nomen, quando positis eleganter ponit.



homines. atque ita fortasse Christiani possent appellari nomina; vel quodd in libro Episcopi conscribi solerent primis illis Ecclesiæ temporibus, vel quodd eleganter concipiantur veluti in libro vitæ conscripti, de quo infra. Aliquis adderet, propterea etiam rectè Christianos appellari nomina, quia in Baptismo dederunt suum nomen, & testati sunt se debitores esse imitationis Christi. Nomina enim pro debitoribus sumi, vñitata loquutio est apud Latinitatis auctores, & apud grecos etiam.

**QVI NON INQUINAVERUNT VESTIMENTA SUA.** De luxurie sordibus exponit Aretas, quibus inquinantur corpora, quæ sunt animarum vestimenta. Sed non est, cur in hac epistola coarctemus sermonem ad luxuriam, neque conuenit cum phrasi Apocalypseos, vt corpus ipsum appelletur vestimentum. Aliter enim accipitur stola, quæ sanguine agni lauari dicitur, cap. 7. 14. & cap. 22. 14. Ambrosius, Haymo, Beda, & Anselmus hunc locum explicant de conseruata innocentia baptismali. Ribera de conseruata etiam gratia post pœnitentiam. Verum in vtrâque opinione, si propriè loquendum sit, non debet concipi innocentia vel gratia, tanquam vestimentum, quod inquinari potest. Quia gratia amittitur, non polluitur, per peccatum lethale: & textus in præsentī agit de vestimento, quod pollutum manet, non verò exuitur. Sumi quidem aliqui vestem pro charitate & reliquis virtutibus, non inficior; vt in epistola ad Laodicenum Episcopum; in qua ei dicitur, vt induatur vestibus albis, ne appareat confusio nuditatis eius. Hic verò diuersa est metaphora: nam peccata veluti maculæ vestimentorum concipiuntur. Et in hac differentia multum elegantia est. Nam in epistola ad Laodicenum agitur de virtutis defectu, qui est veluti nuditas: at in hac non solum sermo est de virtutis defectu, sed etiam de peccatorum maculis. Nam agitur hic contra improbos & sceleratos; ibi contra tepidos, qui neque sceleribus contaminare se volunt, neque veræ virtutis gloriā induere.

In præsentī ergo, conscientia videtur esse vestimentum. Sicut enim eadem vestis potest prius munda, postea sordida apparere; sic vnus hominis conscientia aliquo modo eadem est ante peccatum & post peccatum. Nec enim mutatur dictamen rationis; sed in eo est discrimen, quodd admissio scelere polluitur conscientia, quæ prius erat munda. Eodem sensus recidet, si dicas vestem esse perfectionis Christianæ gloriā, quæ per Sacramentorum Christi participationem dealbatur, & à peccatis cauendo conseruatur immaculata. Inquinatur autem peccatorum sordibus, & velut infertur crimen gloriæ; quemadmodum dicitur improbus religiosus suum habitum & professionem inquinare. Aliud tamen est, monachalem vestem omnino deponere.

Mihi certè hic valde placet, vt de conseruata innocentia baptismali sit sermo; quæ expositio est plurium & gratiorum Doctorum. Ad id autem, quodd opponitur, admodum esse paucorum gratiam illam & innocentiam in sacro baptismate acceptam non amittere; Respondeo, textum de paucis loqui. Ait enim, *Habes pauca nomina in Sardis*, &c. & sermo est in tempore primitiæ Ecclesiæ; cuius sanctitas non minor erat, quàm nunc viget in aliquo religiosorum ordine, quantumvis perfectioni spiritali dedito. In quo tamen aliquibus religiosis, nec paucis, tam singulare beneficium tribuit Deus, vt post religionis ingressum nullo lethali scelere se contaminent. Congruit hic sensus cum verbis illis, *Qui vicerit, sic vestiatur vestimentis albis*; de quodd dicemus inferius.

Sed quorsum in præsentī mentio est de ijs Sardenisibus, qui non inquinauerunt vestimenta sua? Ribera existimat, hanc esse veluti consolationem adiectam Sardeni Episcopo, vt meliori animo sit, nec prorsus opera sua Deo displicere existimet. Hoc tamen meo iudicio est omnino alienum ab huius epistolæ contextu. Sardenis enim depingitur, vt quidam Episcopus in peccato mortali existens, & non minùs displicet Deo prælatus improbus, quamuis habeat aliquos subditos Dei amicos. Aptius ergo est, & præcedenti comminationi coherentius, vt propter eos paucos Sardenes, qui erant Deo valde chari, à comminatione conuertat Christus sermonem ad exhortationem Episcopi: quasi dicat, se propter paucorum illorum orationes Episcopi conuersionem valde curare; eumque proinde exhortari vt pœnitentiam agat. Proponit præterea Christus Episcopo, bonorum subditorum exemplum, vt erubescat se ab illis sanctitate superari, & prauos mores emendare studeat.

**ET AMBULABUNT MECUM IN ALBIS, QVIA DIGNI SVNT.** Multi notant beatorum gloriā albis vestibus in præsentī significari. Ex quibus est Maldonatus noster Matthæi 17. 2. Ego tamen has vestes albas in hoc loco non solum intelligo de gaudio ac lætitia sempiterna, qua fruuntur beatorum animæ, sed etiam de maxima bonæ conscientia iucunditate, quæ iustis est in hac vita. Cui explicationi fauet non modò rei veritas & congruentia sermonis, sed etiam quia hac omnino phrasi sermo est de vestimentis albis cap. 7. 9. *Amicti stolis albis, & palma in manibus eorum.* & n. 14. *Qui amicti sunt stolis albis venerunt de tribulatione magna, & lauerunt stolas suas in sanguine Agni.* Ibi enim non est sermo de cælestis patriæ felicitate, sed de gaudio & felicitate bonæ conscientia in hac vita; vt in eius capitis commentario manifestū erit. Simile est de illis verbis, *Beati qui lauant stolas suas in sanguine agni*, c. 22. 14.

**QVI VICERIT, SIC VESTIETUR VESTIMENTIS ALBIS.** Ex præmijs, quæ in alijs epistolis proponuntur, constat in his epistolis præmiū directè promitti Episcopo, si id præstiterit, ad quodd eum Christus hortatur, & pro ea re adipiscenda quancunque difficultatem superarit. Quod tamen Episcopo singillatim dicitur, ad eos etiam extenditur, quie eadem doctrinā indiguerint. Cum autem Episcopus hic lethale scelus commisisset, & Christus eum ad pœnitentiam & ad sui muneris debita præstanda hortaretur; necesse est vt vincentis nomine in præsentī intelligatur, qui respicit à peccato per pœnitentiam & vitæ emendationem. Et ita explicant Ambrosius, Haymo, Beda, & Anselmus. Neque eam interpretationem relinquant nisi ij, qui nihil curant, vt harum epistolarum præmia impertiantur Episcopis cum proportionē ad genus conscientia vnus cuiusque.

**SIC VESTIETUR VESTIMENTIS ALBIS.** Suprà diximus, vestem albam esse lætitiā ac iucunditatem bonæ conscientia in hac vita. Cum ergo dicitur *Sic vestiatur*; peccatori promittitur, si pœnitentiam egerit, se bonæ conscientia lætitiā fruiturum; quemadmodum & illi, qui primam Baptismi innocentiam conseruauerunt: *Sic vestiatur vestimentis albis*, sicut illi. Quare nihil opportunius potuit proponi peccatori, quem mortalis peccati conscientia mordet, quàm si ad Deum per pœnitentiam

Vestimentū  
mysticè pro  
conscientia  
capi.

Quid sit  
inquinare  
vestimenta.

Quorsum  
hic mentio  
fiat Sarden-  
isium non in-  
quinantū  
vestimenta  
sua.

Ambulare  
in albis,  
quid sit.

Verf. 5.

Vincentis  
nominis quis  
intelligatur  
in hac epi-  
stola ad Sar-  
densem.

Vestimenta  
alba pro Eu-  
charistia  
etiam Sa-  
cramento.



A con uertatur, posse ipsum bonæ conscientiae iucunditatem capere; quemadmodum si prima baptismatis gratiam conseruasset. Hoc autem præmium, ut & cetera, proponitur etiam ut effectus sacrae communionis, siue sacramentalis, siue spiritualis. A Christo enim magna hæc bonæ conscientiae lætitia deriuatur ad peccatorem, qui ad ipsum, cum vera scelerum detestatione accedit; & Christi corporis communione magnopere hoc gaudium confirmatur; æternæ beatitudinis pignore acceptum.

B ET NON DELEBO NOMEN EIVS DE LIBRO VITÆ.] Diuus Thomas 1. p. q. 24. & Anselmus ac Lyranus hic existimant in ijs locis, ubi sacra Scriptura significare videtur, aliquos posse deleri de libro vitæ, non agi de catalogo eorum, qui absolute & simpliciter electi sunt ad vitam æternam; sed de eorum catalogo, qui iuxta præsentem iustitiam habent ius ad æternam vitam. Ribera tamen probabilius esse reputat in sacra Scriptura nomen libri vitæ non aliter usurpari, quam pro catalogo eorum, qui sunt prædestinati; dici tamen aliquos deleri, vel non deleri; non re ipsa, sed spe, vel opinione, aut agnitione humana: quod se ipsi putent scriptos in eo libro, vel quod homines sic de illis iudicent. Sæpe enim Scriptura loquitur de rebus, prout ab hominibus iudicantur. Atque hanc censet Ribera esse explicationem Augustini, Ambrosij & Ruperti; licet tacito auctorum nomine à Diuo Thoma hæc explicatio impugnetur. Disputauit eandem questionem Pererius disput. 7. 8. & 9. & Diui Thomæ expositionem amplexus est. Et, nisi ego valde fallor, meritò Pererius Diuum Thomam fuit sectatus. Atq; ijs relictis quæ ipse affert, illud addam quod me tantum vrget; scilicet minimè esse aptum, si hortari velis aliquem, ut pœnitentiam de suis peccatis agat, illi in memoriam adducere tractatum de prædestinatione & de libro vitæ, in quo illi tantum sint scripti, qui re ipsa ad æternam beatitudinem destinati sint; in quo nemo aut addi denuo, aut deleri possit. Multò congruentius est illum admonere, quemadmodum priusquam deliquisset, ius ad beatorum præmium habebat; quod per peccatum amissum possit, si resipuerit, verè recuperare. Quamuis autem certum sit, verum vero consonare; veritatum tamen aliquot consideratio nihil est accommodata ad pœnitentiæ hortationem; cui rei veritates aliæ magnopere conducunt. Cum ergo sacra Scriptura peccatorem ad pœnitentiam hortatur, eas procul dubio proponit veritates, quæ ad eam cohortationem congruentiores sunt.

C Obseruandum est, nomine libri vitæ semper Dei gratiam nobis ob oculos poni. Ex eorum enim esse numero, qui ius ad beatitudinem habent, nemo potest, propter ea opera, quæ dum esset in peccato mortali ante conuersionem fecerat: ijs autem omnibus, qui sunt iustificati, eam iustificationis gratiam Deus omnino gratis concessit. Ut verò Christianus homo ad pœnitentiam excitetur; valde est ad rem, illi in mentem reuocare ius, quod per baptismum ad beatitudinem acquisierat; ac simul commonere, ut peccata quæ postea fecit, per pœnitentiam deleat. Sic enim reapse ius illud se consecuturum, quod ei Dei gratia concesserat. Quamobrem loci, quos ex sacra Scriptura affert Ribera, qui antiquo Dei bene placito tribuunt, quod aliquis in libro vitæ scriptus sit; non video cur non possint etiam intelligi de illo iure, quod iuxta præsentem iustitiam ijs omnibus generatim cōceditur, qui sacro baptismo abluntur. Hoc enim ius etiam tribuitur per Dei decretum ab æterno; & per eam gratiam, quam ijs conferre decreuit, quos ipse ad Ecclesiam re ipsa vocare voluit, & beatitudinis iure impertire, quantumuis præscierit, eorum aliquos hoc ius ob sua scelera amissuros.

D Demum non solum mihi placet D. Thomæ sententia multò magis, quam sententia Ribera; sed etiam D. Thomæ explicationi addo id, quod (ut existimo) ab hoc loco & alijs exigitur: illud autem est libri vitæ catalogo, de quo his locis sermo est, non solum comprehendere eos, qui secundum præsentem iustitiam ius habent ad gloriam, sed eos etiam, qui ius per baptismum acquisierunt; dum ipsorum peccata non eò peruenerint, ut re ipsa excludantur. Quæ tamen exclusio proprie pertinet ad damnationis sententiam, aut ad excecationem & obdurationem; per quam homo in hac vita à Deo derelictus & in peccato obduratus permaneat. Et antequam ad eiusmodi statum perueniat, quantumuis licet plurima peccata mortalia homo aliquis Christianus patrauerit, ob quæ sæpius è libro vitæ deleri meruerit, meritò tamen cōcipitur, ut homo, qui semel fuit in eorum descriptus catalogo, quibus ad æternam vitam ius concessum est, & nondum est ex ipso albo deletus: quia et si graua peccata commiserit, sed nondum est omnino exclusus.

E Huic considerationi congruenter aptatur contextus: affirmare enim peccatori, licet mortuus sit, si tamen egerit pœnitentiam, ipsius nomen non esse delendum de libro vitæ; id sane est, quasi eisdem dicere, sibi, etsi deleri meruerat, resipiscendi tamen spatium à Dei misericordia concedi; atq; adeò re ipsa non deletum iri, si opportunè per pœnitentiam suæ saluti consulat. Præter hæc, eiusmodi consideratio veteri illi consuetudini respondet, ad quam in metaphora libri vitæ alluditur. Licet autem communem eam apud omnes ciuitates consuetudinem vixisse, generatim probare non possum: quod tamen de aliqua singulari probaui, exemplo esse potest & argumento, id in alijs etiam fortasse videri fuisse: atque id consentaneum est ad ea, quæ hodie in multis cœnibus ac sodalitijs vsu recepta sunt. Nota ergo Sigonium de rep. Atheniens. l. 2. c. 2. asserere apud Athenienses ciuium omnium album siue catalogum fuisse, in quem qui relati non essent, ciues non habebantur; quique erant relati, poterant ob sua demerita deleri. In hac igitur consuetudine perspicuum fit, ciuem aliquem graua scelera committere potuisse, ob quæ ex eo catalogo deleri mereretur, ceterum dum sententia in eum lata non erat, nec ipsius nomen re fuerat deletum; ciuis adhuc habebatur. Atq; hac ratione generatim loquitur Paulus de Christianis ad Ephes. 2. 19. *Estis ciues Sanctorum, & domestici Dei*; ob ius scilicet, quod eis ad æternam vitam fuit per baptismum concessum. Ex hoc igitur catalogo rectè concepiatur Christianus nondum esse deletus, quandiu illi calorum porta est aperta, neque eius lis à Christo descissa est, ut statim exequutioni mandetur. Hanc existimo esse verè huius loci loquutionem, *Non delebo nomen eius de libro vitæ*. Et ut peccator aliquis ad pœnitentiam excitetur & erigatur, atque illi proponatur ob oculos periculum, quod sibi imminet; ne si emendationem comperdinet & in longum protrahat, de libro vitæ deleatur; ad hoc (inquam) nihil potuit congruentius dici.

*Deleri de libro vitæ, quid sit.*

*D. Thomæ sententia præfertur.*

*Atheniensium consuetudo de ciuib; recensenda.*



ET CONFITEBOR NOMEN EIUS CORAM PATRE MEO, ET CORAM ANGELIS EIUS.] Facile est videre, quàm idonea etiam sint hæc verba, vt peccator ad pœnitentiam alliciat. Præua enim conscientia peccatori objicit, fore vt Christus erubescat vt probum Christi ipsius cultorem illum agnoscere & profiteri, qui sua mandata contempsit: vide id Lucæ 9. 26. *Hunc filius hominis erubescet, cum venerit in maiestate sua & Patris & sanctorum angelorum, & c. 12. n. 9. Qui negauerit me coram hominibus, negabitur coram angelis Dei.* Satis ergo appositè peccator ad scelera suorum resipiscentiam inducitur; dum illi pro præmio suæ pœnitentiæ proponitur, Christum illius scelera quantumuis gratia fuerint, non ampliùs recordaturum; nec futurum vt erubescat eum coram Patre & angelis eius seruum suum confiteri. Hoc rectè de die extremi iudicij intelligitur: sed potest etiam non incongruè eo modo explicari, vt ex hoc tempore Christus eum suum esse seruum gloriatur, qui veram egerit pœnitentiam.

## CAPITIS III. PARS II.

*Quæ est epistola ad Philadelphium, & sub eius persona ad fideles modicæ adhuc virtutis, sed à Deo protectæ, & felicibus euentibus auctæ.*

### T E X T V S.

**Vers. 7.** **E**T angelo Philadelphix Ecclesiæ scribe, Hæc dicit Sanctus & Verus, qui habet clauem David, qui aperit, & nemo claudit; claudit, & nemo aperit.

8. Scio opera tua. Ecce dedi coram te ostium apertum, quod nemo potest claudere: quia modicam habes virtutem, & seruasti verbum meum, & non negasti nomen meum.

9. Ecce dabo de synagoga Satanæ, qui dicunt se Iudæos esse & non sunt, sed mentiuntur: ecce faciam illos, vt veniant, & adorent ante pedes tuos, & scient quia ego dilexi te.

10. Quoniam seruasti verbum patientiæ meæ, & ego seruabo te ab hora tentationis, quæ ventura est in orbem vniuersum, tentare habitantes in terra.

11. Ecce venio citò: tene quod habes, vt nemo accipiat coronam tuam.

12. Qui vicerit, faciam illum columnam in templo Dei mei, & foras non egredietur amplius: & scribam super eum nomen Dei mei, & nomen ciuitatis Dei mei, nouæ Ierusalem, quæ descendit de cælo à Deo meo, & nomen meum nouum.

13. Qui habet aurem, audiat, qui Spiritus dicat Ecclesijs.

### C O M M E N T A R I V S.

Vers. 7.

**A**NGELO PHILADELPHIÆ ECCLESIAE SCRIBE.] Vt intelligatur, quàm sapienter in hac epistola Christus in titulo se appellet *Sanctum verum, qui habet clauem David, &c.* & vincenti promittat, *Faciam illum columnam in templo,* nosse prius oportet, quod conscientia genus Philadelphix Episcopum contingat. Animaduertendum ergo est, inter illa septem Christianorum discrimina (de quibus egimus in præmio c. 2. notat. 3.) Philadelphium esse eum, in quo Diuini fauoris & custodiæ protectio singulariter elucet. Is enim erat pietatis quidem & diuini obsequij studiosus, & vitæ irreprehensibilis; nondum tamen eos fecerat in virtute progressus, vt vir spectatæ virtutis dici posset: sed propter sanctitatis studium amabatur à Deo; & tenera adhuc virtus Diuinæ custodiæ protectione defendebatur ab omni periculo, ne suprâ vires tentaretur. Itaque magna ipsius felicitas non oriebatur ex ingenti virtutis suæ perfectione; sed ex peculiari Dei cura ac patrocinio, quo ipsum à tentationibus eripiebat, & felicibus euentibus prouehabat. Cõstat enim ex duplici causa oriri posse, vt vas aliquod non frangatur; altera, quòd vas ipsum sit per se valde durum, atq; aded quibuscunq; ictibus facile resistens; altera, quòd magna diligentia seruetur & protegatur propter ipsius fragilitatem. Sic ergo aliquando contingit vita inculpabilis & integra diuinorum præceptorum custodia, vbi spirituales vires non sunt aded robustæ, cò quòd infirmæ virtuti fauere velit Christus, & sancta desideria prosperis euentibus fouere; & hominem ab ijs protegere incurfibus, ex quibus periculū aliquod videbatur imminere; & virtutis viam spirituali solatio non solum facilem, sed etiam suauissimam illi reddere. Sic in religiosorum familijs sæpe contingit tirones aliquos valde elucere in suarum regularum obseruantia; & nihil in eis reperiri, quod merito reprehendi possit: & nihilominus prudentes magistri norunt, opus esse omni custodia; quousque virtus adhuc tenera altiores agat radices, & aduersus pericula induretur. Interim monent, nihil esse, quòd gloriatur virtus noua, quòd non experiatur tentationes, sed potiùs magnam in Christo sectando suauitatem. Quamuis

enim

Quod conscientia genus Philadelphix Episcopo fuerit.

Modica virtutis, sed à Deo protectæ descriptio.



A enim hæc maximum Dei beneficium præ se ferant; non tamen id conceditur propter virtutis iam adultæ incrementum, sed propter virium potius imbecillitatem. Scio ab alijs huius Episcopi sanctitati multū tribui: ipse tamen opus mihi esse duxi, initio huius epistolæ quid sentiam explicare; cuius tamen probationem suam in locum relinquo; cum scilicet Christus ei dicit, *Scio opera tua, quia modicam habes virtutem.*

HÆC DICET SANCTVS ET VERVS. ] Ribera ait, his epithetis vti Christum, quia huius Episcopi sanctitas in sequentibus laudatur, & eius causā illi magna promittuntur. Atque ita exponit, *Sanctus*, id est, auctor & amator sanctitatis; & *Verus*, id est, verax in promissis. Et adducit illud Psalmi 144. *Fidelis Dominus in omnibus verbis suis, & sanctus in omnibus operibus suis.* Existimo tamen congruentius esse, vt in præsentī se Christum appellet sanctum & verum (id est perfectum) vt Episcopus Philadelphius, qui nondum erat perfectæ virtutis, animaduertat se nondum esse sanctum & verum, vt statim explicabimus; quia nondum erat probatæ & spectatæ virtutis, quantumvis diuini fauoris experiretur erga se plurima signa. Hæc explicatio in primis stabilitur textu græco; in quo deest coniunctio illa copulatiua, quam noster adiecit: vnde græca non sonant *Sanctus & verus*, sed *Sanctus verus*. Quare coniungi debent in sensu duo hæc nomina, ac si alterum esset alterius epitheton; id est,

B veritas sanctitatis: *Sanctus verus*, id est, qui habet veram sanctitatem. Notanda est deinde græcorum articulorum energia. Nam sicut in illa Petri confessione, *Tu es Christus filius Dei viui*, singula nomina habent in græco singulos articulos, (*el Christo, el hijo de el Dios, el viuo;*) sic in præsentī duplicatur articulus, qua loquendi ratione ceteris videtur negari id, quod tribuitur illi. Quare cum Christus scribens ad Philadelphium ait, *hæc dicit Sanctus verus* tacite innuit Episcopum nondum esse Sanctum verum; quia modicam adhuc habebat virtutem, vt postea dicitur. Tertio notandum est, sæpè in sacra Scriptura verum non opponi falso, sed imperfecto; vt Eccli. 25. 12. *Brutus qui inuenit amicum verum.* Ieremiæ 2. 21. *Omne semen verum*, id est optimarum vitium propagines. Ioannis 1. 9. *Erat lux vera.* & cap. 4. 23. *Veri adoratores.* cap. 6. 32. *Panem de calo verum.* cap. 15. 1. *Ego sum vitis vera.* 1. Timoth. 6. 19. *Vt apprehendat veram vitam.* 1. Pet. 5. 12. *Hanc esse veram gratiam Dei.* 1. Ioannis 2. 8. *Verum lumen iam lucet.* Sic verum religiosum dicimus eum, qui perfectus est, quemadmodum Christus dixit, *Ecce verè Israelita.* Atque eodem modo sæpe loquuntur Patres, vt Clemens Alexand. 3. Stromatum, cum ait, *Vera cognitio est lumen in anima ortum ex obedientia mandatorum Dei.* Similiter ergo in præsentī, *verus sanctus* perfectam dicit sanctitatem; vt eam sibi proponat imitandam Episcopus Philadelphius; & putet se longè abesse à perfectione, dum eius virtus non est tentata & explorata. Confirmatur hic sensus: nam si *verus* in præsentī idem esset, quod verax in promissis, nō erat cur Christus appellaretur in hac epistola verus potius, quam in præteritis.

C QVI HABET CLAVEM DAVID. ] Miror tot esse interpretes, qui de clauē scientiæ interpretentur. in his sunt Primasius, Ambrosius, Andreas, Aretas, Rupertus, Anselmus, Ricardus, Lyranus, Thomas, Pannonius. Atque huc spectat etiam Ioachimus; qui interpretatur Christum esse, qui aperit Psalmos Davidis & concedit, cui vult, arcanam & liberam Psalmorum inuilationem. Alij (quod magis miror) clauem hanc aiunt esse humanam Christi naturam; atque aded in his verbis mysterium incarnationis tangi. Ex his sunt Ambrosius, Haymo, Albertus, Thomas. Nec desunt qui clauis Davidicæ nomine crucem Christi intelligant. Sic sanè Albertus, & eandem explicationem videtur amplecti Pererius disputat. 3. Affert enim illud Isaia, *Cuius imperium super humerum eius*, c. 9. 6. quod ait à Patribus, & Ecclesiæ DD. de cruce exponi; & singillarim à Tertulliano & Augustino. Certissima explicatio est de summa Christi potestate ad Ecclesiæ Christianæ gubernationem. Atque ea est explicatio Ticonij, Primasij, Ambrosij, Andreæ, Aretæ, Bedæ, Anselmi, Riberae, Pererij & Iacobi Suarez. Et in hac summa Christi potestate includuntur ea omnia, ad quæ speciatim nonnulli applicant clauem hanc potentiæ Christi; vt potestas absoluendi à peccatis, de qua Pannonius; & potestas claudendi limbum, & aperiendi Paradisum, de qua Diuus Thomas à Pererio relatus. Imò verò in hac vniuersali Christi potestate includitur potestas illa referendi sacre Scripturæ mysteria; quam scientiæ clauem appellant, iuxta Christi phrasim, Lucæ 9. Et quoniam Christus passionē suā promeritus est, vt hæc vniuersalis imperij Ecclesiæ potestas ipsi daretur; ideo aptè etiam concipitur crux ipsa Christi veluti clauis, qua ille cælum aperuit; & veluti instrumentum omnipotentis Christi, quod est clauis regia, qua res omnes claudi & aperiri possunt. In quo alludi solet ad clauē optimas ferreas, quæ in crucis figuram ferratę conſpiciuntur.

Verum allusione istā concionatoribus omiſſa; vt ad perfectam periphrasim Christi intelligentiā attendamus, statuendum est in hoc loco manifestè alludi ad id Isaia 22. 22. *Dabo clauem domus David super humerum eius*, quem locum latè explicauimus cap. 1. notat. 16. Quoniam verò periphrasim Christi in his Epistolis sparsa, omnino desumpta sunt ex illa visione, quæ describitur Apoc. 1. ideo etiam certum est ad clauem hanc Davidis, de qua in præsentī sermo est, spectare, clauē mortis & inferni; de quibus diximus in commentario cap. primi.

E Ex his ergo tria licet inferre. Primum est, clauem illam domus David (de qua Isaia 22.) nulla ratione esse templi Salomonis clauem, neque dignitatis Pontificiæ insigne: quia respiciens Christus Dominus ad illam ipsam, quam Isaia clauem domus David appellat, ait in præsentī, se esse qui habet clauem David. Atqui nemo erit, qui non videat nimis coactum esse, vt clauis Davidis significet clauem templi, aut summi Pontificis dignitatem. Scio non deesse, qui asserant Eliacimū illum (de quo Isaia 22.) fuisse summum sacerdotem. Et video etiam, quæ hic notat Albertus, scilicet clauem domus David à Iudæis exponi de clauē quadam aurea, quam dicūt fuisse in templo, & in festis gestari solitam à Pontifice super humerum. Fabella est hæc ab aliquo Rabbino somniata; & siue Eliacimus fuerit, siue non fuerit summus Iudæorum sacerdos, saltem locus ille Isaia de dignitate Pontificia non agit; sed de summa potestate, quam Eliacimus tanquam minister regis Ezechia habiturus erat in regni administratione. Ex quo factum est, vt Eliacimus vniuersum regis gubernationis onus suis humeris sustinere visus sit: atque ea ratione fuit figura Christi Domini,

*Cur se Christus sanctum & verum hic vocet?*

*Verum sæpe in sacris nomina opponi falso, quare imperfecto.*

*Clauis David, quæ sit.*

*Crux veluti Christi clauis.*

*Iudæorum fabella de aurea templi clauē à Pontifice gestari solita.*

*Eliacimus quæ ratione Christi fuerit typus.*



qui crucis onere suis humeris assumpto, assumpsit etiam summam in regno Ecclesie potestatem, quam ei Pater imposuit.

Secundò ex dictis colligitur, Christum in presenti non agere de se, qua ratione Deus est, sed qua homo; atque adeò in huius periphrasis allegoria Christum Dominum non tam considerari ut regem Ecclesie, quam ut supremum regis æterni ministrum. Atque ita quanvis Ticonius, Beda, & pleriq; ex supra designatis auctoribus, notent per clauē Davidis significari regiam Christi potestatem: nihilominus si strictè loquamur, potius est in presenti sermo de summa potestate, quā Christus habet, ut supremus Dei minister. Nihil tamen prohibet, quin hæc eadē ministri Dei potestas appellari possit regia: quāvis enim Eliacimus (qui figuram Christi gessit) non fuerit rex, sed minister tantum regis; Christus tamē, quatenus supremus Dei minister, non solum rex appellari potest, sed etiā Rex regū, & supremus mudi princeps atq; monarcha: aptissimè enim vniuersi reges cōsiderantur tanquā Dei ministri; vnde oportet ut summus minister Rex regum sit, & Dominus dominantium.

Tertiò infero, licet clauis (id est potestas) gubernationis regni Davidici (id est regni Dei) latissimè pateat, neque vllis terminis cohibeatur; atque adeò & peccatorum venia, & mysteriorum sacre Scripturæ apertio in manu Christi sit; & licet clauis hæc vniuersam Christi omnipotentiam contineat; nihilominus opus esse, ut in presenti singillatim agatur de huius omnipotentie dominatu in mortem & infernum, & in eas persequutiones, quæ aduersus Ecclesiam erant conuertendæ. Manifestè enim alluditur ad clauēs mortis & inferni; in quibus singulariter agitur de Ecclesie persequutionibus, ut vidimus in commentario capitis primi.

His suppositis facile cernitur, aptissimum & elegantissimum fuisse, ut in epistola ad Philadelphium, in Christi periphrasi fiat mentio clauis, seu clauium & summæ potestatis, quam ille habet supra mortem & infernum. In ea enim epistola agitur de beneficio in modicæ virtutis Episcopum conferendo; Christo scilicet eius animi sinceritatem intuite, & propterea virium eius debilitatē tuente, & eum seruāte ab hora tentationis, quæ ventura erat in orbē vniuersum. Ad quā rem omnino opus erat uti suprema illa potestate, quam Christus habet supra mortē & infernum. Præcipere enim illis, ut dum grauissimè orbem vniuersum infestant, Philadelphium tamen Episc. non attingant, eo quod Christus eum à cōmuni velit calamitate seruare: id verò non alius certè potuit, nisi ille qui habet in manu clauē imperij, & speciatim clauēs mortis & inferni, & supremā in eos dominationē.

Nihilominus nota sapientissimè factum esse, ut Christus in huius epistolæ periphrasi non diceret se esse eum, qui habet clauēs mortis & inferni; sed, *qui habet clauem David*. Latius enim patet clauis David, quā clauēs mortis & inferni (ut ex dictis patet.) Et quanvis ex allusione ad clauēs capitis primi constare deberet in clauē Davidis considerari dominatum quem habet Christus in mortem & infernum; prudentiæ tamen fuit uti nomine clauis David, quæ vniuersam Christi potentiam comprehendit: nimirum quia in hac epistola non solum elucet potentia Christi in seruando Philadelphio à tentatione, quæ ventura erat in orbem vniuersum; sed etiam in aperienda illi ostio ad conuersionem animarum & ad subiiciendos Iudæos in obsequium Christi. Constabit hoc apertè ex ipsius epistolæ contextu: atque ita patet, sapientissimo consilio & eleganti energia v'surpatam fuisse in hac epistola clauem Davidis, hoc est supremam & absolutam potestatem regni Dei. Id enim significat clauis David, ut vidimus c. 1. not. 16. & admonito lectore, ut illā, si placuerit, notationem legat; nō opus erit hic repetere, quæ ibi dixi. Illud addo, licet suprema Christi potestas egregiè eadeat in seruandis ijs, quos ille vult à morte & inferno, dum grassatur persecutio; fortasse tamen magis elucere eandem Christi potestatem in aperiendo, cui vult, ostio ad conuersionē animarum, & claudendo cui vult, præsertim cum sanctiori clauditur, & minùs sancto aperitur. Huius enim discriminis verisimilis ratio defumitur ex supremo Christi dominatu, *ut sublimitas sit virtutis eius & non ex nobis*.

QUI APERIT, ET NEMO CLAUDIT; CLAUDIT, ET NEMO APERIT.] Ex his verbis euidentissimum est alludi ad locū Isaia 22. 22. vbi de Eliacimo dicitur, *Aperiet, & non erit qui claudat; & claudet, & non erit qui aperiat*. Atq; hoc est explicare, qua ratione Christus habet clauem, nempe tanquam supremus Dominus: quia ut c. 1. diximus, ea est vera clauis, quæ vnica est; & per quā ea, quæ sub clauī continentur, omnino sub eius potestate sunt, qui habet clauē. Huiusmodi verò verba aptissima erant huic epistolæ ob ea, quæ in illa continentur; videlicet huic Episc. aperiendū esse ostium ad Iudæorū conuersionē; & quod ad eum attinet, claudendū esse ostium mortis & inferni, ut eum attingere non valeant; & quod ostium Christus aperuit, nō posse ab vllō alio claudi; neq; aperiri, quod ille clausit.

SCIO OPERA TUA.] Ribera explicat de itrenuis laboribus huius Episcopi. Verum ex eo, quod Christus ait, *Scio opera tua*, nihil ei'usmodi colligitur: quia eadem verba dicuntur ad Episcopum Sardanensem; qui tamen erat peccato lethali obnoxius propter negligentiam in officio Episcopi exercendo. Quantam verò sanctitatem tribuat Christus Episcopo Philadelphio, statim videbimus.

ECCE DEDI CORAM TE OSTIUM APERTUM, QVOD NEMO POTEST CLAUDERE.] Ex varia modicæ virtutis acceptione oritur, ut hæc etiam verba varijs modis accipiantur; nimirum ab alijs cum Ambrosio de aperta sacre Scripturæ intelligentia: ab alijs cum Andrea de ostio aperto ad prædicandum & docendum cum magno animarum fructu. Nobis hæc secunda explicatio videtur in presenti germania: & consonat id Pauli 1. Cor. 16. 9. *Ostium mihi apertum est magnum & euident.* & 2. Cor. 2. 21. *Cum ostium mihi apertum esset in Domino*. Et quanvis aperto ostio, ut Episcopus efficaciter prædicare posset, consequatur eorum qui conuertuntur ad Dominum, ingressus in Ecclesiam; neque eum ingressum à Demone posse impediri: nihilominus directè, neq; Paulus in locis adductis, neq; Ioannes in presenti agant de ostio Ecclesie; quia Paulus ait, sibi denuò apertū esse magnum ostium ad prædicationem Euangelij, id est, facilem aditum. Quare de se loquitur Apostolus, tanquā de volente ingredi per ostium, & se inuenire ait facilem aditum, & animos ad recipiendam Euangelij prædicationem optime comparatos. Similiter ergo intelligendū est, quod Episcopo Philadelphio dicitur: & speciatim agitur hic de ostio, quod Deus aperiebat huic Episcopo, ut Iudæis cum fructu posset prædicare, & non paruum eorum numerum Christi fidei subiicere. Neq; hoc diuinare est; sed

textum

Quorsum  
in Phila-  
delphij epi-  
stola clauis  
Davidica  
mentio fiat.

Cur hic Da-  
uidica po-  
tius clauis,  
quā cla-  
uium mor-  
tis & infer-  
ni Christus  
meminerit?

Quid sibi  
velit, Clau-  
dit & nemo  
aperit, &c.

Verf. 8.

Ostium  
apertum  
quid sit.



A textum ex ijs, quæ mox subiiciuntur, interpretari: subiungit enim contextus, *Ecce dabo de synagoga Satana, qui se dicunt Iudæos & non sunt; ecce faciam illos, ut veniant & adorent ante pedes tuos, & scient, quia ego dilexi te.* Huic ergo promissioni aptissimè conuenit ostij aperti phrasis; & eius ostij, quod clausum videbatur, Atque ita non est, quodd aliam illius ostij explicationem quæramus.

B QVIA MODICAM HABES VIRTUTEM.] Ex proprio & genuino huius virtutis modicæ sensu pendet ferè totius huius epistolæ apta intelligentia. Sed referamus prius varias expositiones. Nonnulli exponunt ideo virtutem Philadelphij modicam dici; quia donum patrandi miracula non acceperat. Ita Ioachimus, Lyranus, Dionysius, & Seraphinus. Alij ad defectum scientiæ & Scripturarum intelligentiæ referunt, quodd eius virtus dicatur modica. Sic Ambrosius & Victorinus. Alij cum Richardo de exiguis corporis viribus & de imbecillitate interpretantur. Alij ad potentiæ secularis exiguitatem spectant, eo quodd esset humilis in sæculo, nec auxilium haberet potentium amicorum; qui eum tuerentur, & iniurias aduersariorum ab eo arcerent. Sic Victorinus & Ribera. Et facit quod notat Andreas, scilicet ex veterum monumentis constare Philadelphiam urbem ambitu, ciuiumque numero parum fuisse. Ticonius exponit de modica fide, iuxta illud Euangelij, *Si habueritis fidem sicut granum sinapis.* Primasius, Haymo, Beda & Albertus accipiunt de modestia eius, qui agnoscit suas vires esse modicas; & non confidit in eis, sed in Deo. Atque eodem spectant Thomas & Interlinealis; qui aiunt virtutem modicam esse idem, quod non superbam. Pannonius etiam ait, huic Episcopo propter humilitatem promitti ostium apertum in sacra Scripturæ intelligentia. Alia explicatio est, virtutem modicam non esse aliud, quam vires humanas per se ipsas non posse aperire id ostium, quod Deus Philadelphio referare volebat. Atque hæc videtur esse expositio Glossæ, Alberti, atque Zegeri. Denique non desunt qui dicant Philadelphij virtutem appellari modicam vel parum respectu eius, quam habiurus erat in patria. Sic Thom. Anglicus & Interlinealis.

C Difficultas huius loci varietatem interpretationum multiplicauit. Sed vt in ea varietate id eligamus, quod magis contextui conueniat; notandum est modicam virtutem omnino esse idem, quod vires exiguas: contextum verò postulare, vt vires exiguæ, de quibus est sermo, intelligentur esse exiguæ ad subiiciendos Euangelio Iudæos. De hoc enim effectu sermo est, cum dicitur, *Ecce dedi coram te ostium apertum; ecce dabo de synagoga Satana: ecce faciam, ut veniant & adorent ante pedes tuos.* Nihil sanè cohærentius, quam vt modica virtus, de qua agitur, ad præclarum illum effectum modica esse dicatur; & propterea Christum supplere, quod deest Episcopo, quia volebat, vt conuersio illa Iudæorum, huius Episcopi interuentu sortiretur effectum. Hoc est procul dubio fundamentum, cui niti debemus in explicatione virtutis modicæ, quam in hac epistola legimus. Atque ita cardo disputationis vertitur in eo diuinando, quod huic Episcopo præcipue deerat ad eam rem patrandam, quam per eum Dominus patrare volebat. Quibusdam id præcipue huic Episcopo defuisse videtur, quodd miracula non ederet. Hæc enim peculiariter requirebant Iudæi, iuxta id 1. Cor. 1. 22. *Iudæi signa petunt.* Alij defectum scientiæ cogitant; quia ad Iudæos redarguendos existimant, opus fuisse multâ sacra Scripturæ peritiâ & intelligentia, iuxta id 2. Timoth. 3. 16. *Omnis Scriptura diuinitus inspirata, utilis est ad docendum & arguendum.* Et cap. 4. 2. *Argue in omni patientia & doctrina.* Et ad Titum 1. 9. *Oportet Episcopum esse amplectentem eum, qui secundum doctrinam est, sermonem; vt potens sit exhortari in doctrina; & eos, qui contradicunt, arguere.* Et quidem ex varijs explicationibus supra relatis, istæ sunt quæ videntur magis ad rem. Et fortasse in Philadelphio vtrumque desiderabatur, scilicet & plenitudo doctrinæ & donum miraculorum.

D Re tamen attentè consideratâ, neque certum est Philadelphio defuisse vel doctrinam vel eloquentiam, vel miracula; neque istæ sunt potissimæ partes, quibus ad Iudæorum conuersionem opus erat. Nam quod ad miracula siue signa attinet; quamuis ea à Iudæis peterentur, eorum tamen calumnijs & malitiosis interpretationibus erant exposita; neq; vllum est ad hominum conuersionem efficacius miraculum, quam concionatoris sanctitas admiranda. Quodd autem ad sacra Scripturæ intelligentiam spectat; credibile non est, à Paulo vel Ioanne fuisse ad Episcopatum Philadelphie assumptum eum, qui non esset satis in sacra Scripturæ intelligentia instructus; vt potens esset eos, qui contradicerent, arguere. Et quamuis scientia atque doctrina ad officium prædicationis sint necessariae, quia *sibi solum prodest* (vt ait Hieronymus) *sancta rusticitas*, sed præter necessariam doctrinæ sufficientiam, vberima illa scientiæ abundantia, quæ paucis contingit, non solet esse multò efficacior ad animarum conuersionem: eloquentia verò admirationem potius parit, quam morum aut fidei mutationem. Quare quod potissimum est & semper fuit ad subiiciendos Euangelij inimicos, non sunt miracula, non admiratio scientiæ vel eloquentiæ, sed maximæ vires spiritus & robustæ sanctitatis efficacia vnâ cum doctrinæ sufficientia. Quæ cum ita sint, neque à prudentibus rerum æstimatoribus negari possint; hæc ipsa consideratio ostendit, valde esse verisimile, ad Iudæorum conuersionem potissimum deesse Philadelphio robustæ sanctitatis virtutem; & propterea virtutem illius appellari modicam.

E Huic opinioni manifestè fauet contextus. Primum enim si consideretur hic Episcopus esse quidem Deo gratus & sanctitatis amator, sed nondum adeò robustus, vt magnæ aduersitatis impetum sustinere & superare facile posset; huic sanctitatis mensuræ apprimè cōuenit modicæ virtutis nomen. Neque enim negari potest, quin modica & maxima virtus habeant inter se oppositionem relatiuam: sed maxima virtus non dicitur, nisi ea quæ est valde robusta: ergo modica seu parua non est alia, nisi quæ adhuc imbecilla est: ac proinde sicut coactum esset, vt in S. Scriptura diceretur Episcopus maximæ virtutis ille, qui est potens in sæculo, vel qui superbus est, ita etiam non cohæret, vt per modicam virtutem intelligamus vel modestiam, vel defectu potentiæ. Quodd si aliquis obijciat græcum nomen, quod hic respondet virtuti, non esse, ἀπερὶν, quæ opponitur vitio, sed δύναμις, quod propriè significat potentiam; Respondeo in sacra Scriptura sanctitati raro tribui nomen ἀπερὶν, & frequentissimè nomen δύναμις.

Quo sensu  
Philadel-  
phius modi-  
ca virtutis  
esse dicatur.

Autorum  
hæc de re  
dissentio.

Sententia  
Auctoris.

Cuius rei  
defectus in  
Philadel-  
phio nota-  
tur.

Sanctara-  
sticitas sibi  
solum præ-  
dest, ex  
Hieronymo.



Secundo valde nobis fauet contextus epistolæ: in eo enim dicitur, *Seruabo te ab hora tentationis, qua ventura est in orbem vniuersum.* Quis ergo non videat, hanc promissionem non debuiffe fieri, nisi ei, qui nondum erat validæ virtutis? Nam protegere & seruare aliquem, vt tentationis impetum non sentiat, non esset alioqui magnum beneficium, cum aliter potius se gerat Deus cum ijs, qui magnâ sanctitatem sunt consecuti, maximis illos obijciens periculis & tentationib. vt eorû virtus magis eniteat. Sic enim paruum lucernæ lumen opposita manu ab aura defendimus; cum maior ignis oppôni soleat auræ vehementi, vt suas vires magis exerat, & ipse confirmetur & magis effulgeat. Tertio cum eadem modicâ virtute (quod ad formam loquutionis spectat) cohæret bene, quod in textu dicitur, *Ecce dedi coram te ostium apertum, quod nemo possit claudere.* Quia puero imbecillo ingressuro & egressuro per aliquam ianuam, opus est, vt non solum ostium aperiatur vtcunque; sed etiam provideatur, ne aura fortè valuas impellat, & puero difficultatem afferat, & cogat eum lachrymari, sed de huius loci sensu dicemus infra.

Quarto ex illis verbis, *Qui vicerit, faciam illum columnam in templo Dei mei.* Manifestè perspicitur, hunc Episcopum nondum esse firmam columnam; & propterea à Christo inuitari, vt ad procurandam virtutem solidam ac robustam animetur; vt ea ratione gloriam columnæ consequatur. Hoc verò argumentum maiori explicatione columnæ illius, maiores accipiet vires: & res est infra explicanda.

Quinto deniq; nostra expositio valde confirmatur ex illa superiori partitione septem conscientiarum, ad quam omnia genera Christianorum reuocantur, (de qua in proœmio cap. 2. not. 3.) Negari enim non potest, quin dignissima illa sit, quæ in his septem epistolis contineatur; atque adeo cum ceteræ epistolæ manifestè deseruiant ceteris generibus, & hæc sine vlla textus violenta detorsione applicari possit Episcopo imbecillæ & protectæ à Deo virtutis; non video, cur hæc explicatio non sit admittenda tanquam propria & genuina. Et ne quis putet hanc interpretationem ex meo cerebro consistam; primum, illi auctores, qui modicam virtutem applicant eius modestiæ, qui agnoscit suas vires esse exiguas, & non esse in eis confidendum, sed in Deo; hi (inquam) auctores propè accedunt ad nostram explicationem. Nam modicam virtutem pro exiguis viribus accipiunt. Deinde manifestè sunt auctores nostræ expositionis Andreas, Aretas, Richardus atque Rupertus. Andreas enim modicam virtutem de exigua virtute exponit: & subdit, Deum à Philadelphio non exigere, quod vires illius exiguas excedat: Aretas quoque ait, Deum habere rationem difficultatis laborum, & mensurare labores ijs, qui parua virtute sunt. Rupertus exponit de virtute, quæ adhuc erat modica & augeri debebat. Richardus interpretatur de imbecillitate siue in corpore, siue in corde.

Sed contra hanc modicam seu paruam & imbecillem virtutem, quam Episcopo Philadelphio tribuimus, obijciat fortasse aliquis, ea quæ in ipso laudat Christus, multò maiorem ostendere sanctitatem. Ait enim; *Seruasti verbum meum, & non negasti nomen meum.* Et infra, *Seruasti verbum patientiæ meæ.* Cum ergo, *Patientia opus perfectum habeat* (Iacobi 1. 4.) Ipse textus videtur tribuere huic Episcopo sanctitatis perfectionem. Et confirmatur, quia status ipse Episcopalis requirit maximam sanctitatem; atque adeo Episcopus imbecillæ virtutis, eo ipso est reprehensibilis. Cum ergo statuatur, eum irreprehensibilem describi, consequenter videtur dicendum, virtutem eius non fuisse paruam & imbecillam, sed potius valde perfectam.

Ad primum Respondetur, non posse negari, quin seruare Christi verbum & patientem esse & irreprehensibilem, dupliciter contingat, vt supra explicauimus. Quia verè laudatur de his omnibus nouitius in religione monastica, si talem se gerat sub disciplina magistri; quamuis dubitetur, an eum virtutis gradum sit consequutus, vt relictus in ijs occasionibus & periculis, quibus expositi sunt procuratores, eandem integritatem & vitæ irreprehensibilis laudem sit conseruaturus. Cum ergo ea, de quibus iste Episcopus laudatur, eiusmodi sint, vt modicæ seu parvæ adhuc virtutis proprietas retineri possit; quis non videat aptius esse sic interpretari, vt vtrumque simul accipiat, vt sonat? Ad locum verò ex epistola Iacobi dico, ex contextu manifestum esse Apostolum ibi loqui de eiusmodi patientia, quæ multis magnisq; tentationibus probata est: quare potius distinguit patientiam protectam à patientia probata. Episcopi ergo Philadelphie patientiam propterea dicimus non fuisse perfectam, quia nondum erat satis probata.

Ad confirmationem respondetur, exempla septem eorum generum, in quæ conscientia Christianorum diuiduntur, posita fuisse in Episcopis, vt clariùs elucerent: doctrina tamen singulis Christianis applicari debet, iuxta vniuscuiusque statum: atque ita non nego, quin multò maior sanctitas requiratur in Episcopo, quàm in homine priuato, vt irreprehensibilis censendus sit. Sed adhuc inter Episcopos irreprehensibiles manifestum est, alium esse alio perfectiorem; & alium, cuius virtus propterea non deficit, quia non adeo probatur varijs tentationibus. Huiusmodi ergo existimandus est fuisse Philadelphius, non ille quidem viribus gigantis, sed mediocribus & à Deo protectis.

Rursus tamen obijciat alius, non bene cohære contextum: agnosco tuam virtutem esse modicam; & propterea ego tibi aperiam ostium ad prædicandum Iudæis, & illos conuertendos. Respondetur, in Diuino cõsilio hanc visam fuisse egregiam rationem; nempe ad præclarum admodum facinus patrandum, nolle vti ministerio alicuius Episcopi admirandæ sanctitatis laude excellentis; sed ministerio alterius, cuius virtus erat modica; *Vt sublimitas sit virtutis Dei, & non ex nobis*, hoc est, manifestum constet, mirandas animorum conuersiones, non concionatoris ipsius viribus, sed Dei ope & virtute fieri. Atq; ita visum est Christo Domino, valde expedire, vt res adeo præclara (scilicet conuersio non paucorum Iudæorû ex ijs, qui obstinatissimi, & religionis Christianæ acerrimi hostes videbantur) non fieret interuentu Episcopi Smyrnenfis, qui erat diues in virtute, & robustarum virium athleta; sed interuentu Philadelphij, cuius vires erant modicæ vel exiguæ. Non me laet, ex hac Christi promissione, *Ecce dabo de synagoga Satanae, &c.* nonnullos illaturos, eximiâ fuisse huius Episcopi sanctitatem; quandoquidē propter eam videtur Christus ei promittere, se facturû,

Obiectiones  
aduersus  
prædictam  
expositionem:  
&  
earum  
solutio.

Alia obiectio,  
eiusque  
responsio.

2. Cor. 4. 7.



vt Iudæi ad ipsius pedes procidant, parati ad exequendum quicquid ille iusserit. Ab ijs tamen obsecro, vt animaduertant non semper inter concionatores eum esse magis Deo gratum, cuius prædicationi statim respondet maior fructus in conuersione animarum. Patet hoc in prædicatione beati Iacobi Apostoli patroni Hispaniæ, qui tam paucos discipulos vidit ante suum obitum ex tota Hispania (quam peragrauit) suæ prædicationis efficaciam ad fidem Christi conuersos. Prosper igitur successus non semper commensuratur Episcopi meritis; sed potius sæpe Deus mediocri sanctitati concedit id, quod maiori negat, ad maiorem ipsius probationem. Non mirum ergo est, Episcopo Philadelphio datum esse, quamuis etiam modicæ virtutis, vt alienorum laborum fructus ipse colligeret. Possunt ad hanc rem expendi illa Christi verba, Ioan. 4. 38. *Alij laborauerunt, & vos in labores eorum introistis.* Et notari debet haud dubiè inter hos septem Episcopos, ad quos hæc septem epistolæ diriguntur, maximè omnium commendari Smyrneniensem; qui tamen non modò non obtinuit, vt ante eius pedes prociderent Iudæi supplices; sed potius nullus ab illis maiorem persecutionem sustinuit, vt ea ratione propius ad Christi imitationem accederet. Smyrneni ergo dicitur, *Scio tribulationem tuam. Blasphemaris ab ijs, qui se dicunt Iudæos esse, & nō sunt, sed sunt synagoga Satanae. Esto fidelis vsque ad mortem, &c.* Philadelphio verò, *Ecce dabo de synagoga Satana qui se dicunt Iudæos esse; ecce faciam vt veniant, & adorent ante pedes tuos, &c.* Alij fortasse dicent hæc verba, *Ecce dabo de synagoga Satana, &c.* accipi posse veluti præmium, quod promittitur Philadelphio, si ad virtutem robustam peruenerit. Verum non ea ratione proponitur hoc in textu; neque opus est ad has angustias redigi: Smyrneni enim Episcopo (qui ad perfectam sanctitatem peruenerat) non est apertum ostium ad Iudæorum conuersionem. Et suprema Christi potestas in eo maximè cernitur, quod ad rem adeò magnam possit vti ministerio eius, qui per se non videbatur maxime idoneus: & propterea Christus in hac epistola vsurpat illam periphrasim, *qui habet clauim David.*

ET SERVASTI VERBUM MEVM.] Nempe pro tua modica virtute, & non negasti nomen meum, id est, quamuis nō sis adhuc robustè sanctitatis, nihilominus per gratiam & protectionem meam hactenus te irreprehensibilem seruasti; & nunquā te Christianum esse erubui. Sunt qui ex his verbis, *Non negasti nomen meum*, colligant constantiam huius Episcopi, dum magnis persecutionibus vrgeretur. Verum, vt quis meritò laudetur, quod Christi nomen nunquam erubuerit; iatis est, vt palam confiteatur nomen Christi, interim dum alij confiteri erubescunt; quamuis per Dei prouidentiam liberetur ab ijs tentationibus, in quibus modica virtus fortasse vacillaret.

ECCE DABO DE SYNAGOGA SATANA, &c.] Iam hoc suprà explicatum est.

QUONIAM SERVASTI VERBUM PATIENTIÆ MEÆ.] Illud quoniam, videntur aliqui in constructione referre ad superiora. Et facit, quod in aliquibus emendatis codicibus nulla interponitur distinctio. In plerisque tamen tam græcis, quam latinis cogit distinctio, vt illud quoniam referatur ad subsequencia. Et sic optimè cohaeret contextus; quia tu seruasti verbum patientiæ meæ, ideo & ego seruabo te. Deinde circa phrasim nota, apud Ioannem idem seruare verbum, quod apud latinos observare legem, siue præceptum. Exempla sunt obuia; vt in Euangelio Ioannis cap. 8. 51. & 52. Et cap. 14. 23. 24. & cap. 15. 20. cap. 17. 6. & 1. Ioannis 2. 4. & in Apocalypsi non solum hoc loco, sed etiam cap. 22. 9. Itaque sæpè Ioannes vtitur hac phrasi; neq; ea reperitur apud alium sacrū Scriptorem. Quod enim dicitur Eccli. 22. 13. *Serua verbum temporis*, aliud spectat. Ex quo obiter noto ex ipsa phrasim similitudine confirmari posse scriptorem Apocalypseos & Euangelij esse eundem. Certè si de huius libri scriptore non constaret, ex hac phrasi desumi posset non levis coniectura. Quod verò ad significationem spectat, omnino accipienda est hæc phrasis in præsentis in eo sensu, in quo eam vsurpare solet Ioannes. Quare quod Christus ait, *seruasti verbum patientiæ meæ*, omnino significat, ab hoc Episcopo observatum fuisse præceptum, siue consilium patientiæ Christi; nequis cum Beda & Haymone verbum patientiæ, pro exemplo patientiæ accipiat.

Sed quod est præceptum siue consilium patientiæ Christi? Quidam hinc patientiam Christi accipiunt pro expectatione siue spe in Christum, per quam quis patienter expectat auxilium & præmium ab ipso Christo, & afferunt id Psal. 70. 4. 5. *Eripe me Domine, &c. quoniam tu es patientia mea.* Simplicius est, vt verbum patientiæ Christi sit præceptum de patientia ab ipso Christo singulariter commendata; vt non de quacunque patientia sermo sit, sed de ea, quam Christus singulariter docuit; quæ nimirum reddit bonum pro malo. Vide 2. ad Thessal. 3. 5. *In charitate Dei & patientia Christi*, aut fortasse patientia in præsentis pro perseverantia accipitur: sic enim verbum patientiæ Christi, erit verbum illud de fructu afferendo in patientia, Luca 8. 15.

ET EGO SERVABO TE AB HORA TENTATIONIS.] Thomas Anglicus, & alij sic exponunt. *Servabo te*, id est, efficiam non vt non tenteris, sed vt non vincaris. Mihi tamen ea expositio coacta videtur. Quia seruare est idem, quod custodire, defendere, protegere. Quis ergo non videat, aliud esse custodire hominem à lapsu; & aliud, custodire ab hora tentationis? Sicut ergo ille dicitur seruatus à lapsu, qui per Dei gratiam non cecidit; sic seruatus à tentatione est, qui non tentatur. Sed obijcies, non videri hanc promissionem dignam Deo, neque sic Deum solitum esse amicos suos à tentatione liberare. Quinimò Tobia dixit Angelus cap. 12. 13. *Quia acceptus eras coram Deo, necesse fuit, vt tentatio probaret te.* Vide Eccli. 2. 5. *Quoniam in igne probatur aurum & argentum, homines verò receptibiles in camino humiliationis.* Respondetur, tentationem tunc esse maximum beneficium, cum homo eam speratur superaturus, & perfectior ex illa euasurus. Cum verò eiusmodi est, vt verisimile sit, hominem ab ea opprimendum, tunc potius est singulare Dei beneficium ab ea liberari. Quid enim aliud obsecramus in oratione Dominica, cum dicimus, *Ne nos inducas in tentationem?* Et quid aliud promittit Paulus, cum ait 1. Cor. 10. 13. *Fidelis Deus, qui non patietur vos tentari supra id quod potestis.* Decet ergo Dei bonitatem ex electis suis valida tentatione probare illos, qui eam ferre possunt; & ab illa seruare eos, qui ferre non possunt. Quare cum Philadelphius descriptus sit Deo quidem gratus, sed nondum robustè virtutis; conuenientissime promittitur ei, *Ego seruabo te ab hora tentationis, quæ ventura est in orbem vniuersum.* Hoc est enim quod dicitur 2. Pet. 2. *Nouit Dominus pios de tentatione eripere.*

Concionatorum mentis non semper per fructum respondere.

Discrimen inter Smyrnenum & Philadelphium Episcopos.

Vers. 9.

Causalis particula quibuscum cohaereat.

Quid sit apud Ioannem seruare verbum.

Quodnam sit consilium siue præceptum patientiæ Christi?

Vers. 10. Christus quo sensu dicitur Philadelphium ab hora tentationis liberaturus.

Quando tentatio sit maximum à Deo beneficium.



Pro nostra explicatione manifeste sunt Aretas & Lyranus. Vterque enim exponit, *Seruabo te ab hora tentationis*, id est, præripiam te per mortem; ne plus affligaris, quam ferre poteras. Et afferunt id Sap. 4. *Rapius est, ne malitia mutaret intellectum eius; aut ne fictio deciperet animam illius.* Sed non necesse est coarctare explicationem ad beneficium mortis præuenientis. Quia multis modis seruare potest Deus eum, quem ipse eximere vult à tentatione irruente super ceteros. Qua verò ratione seruatus sit Episcopus Philadelphius, id nulla ratione constat.

Nota præterea, quam aptè coniunctæ sint duæ phrasæ, in quibus vtitur Ioannes Seruandi verbo. Nam *seruare verbum*, idem est quod *seruare* siue *exequi mandata*: *Seruare autem hominem à malo*, idem est, quod *protegere*, siue *defendere*. Cum ergo modicæ virtutis Episcopo exequenti mandata Dei pro viribus suis; conuenientissima esset promissio, Deum non permissurum, vt supra vires suas tentetur seruus Dei, atque aded effecturum, vt à magnâ quadam aduentura tentatione eximatur, aptissimè vtrumque expressum est, eiusdem verbi repetitione, *Quoniam seruasti verbum Dei; ego seruabo te.* Ego, inquam, qui sum Verbum Dei: atque aded verbum Dei seruabit te fideli protectione, quia tu seruasti verbum Dei fideli executione.

AB HORA TENTATIONIS QUÆ VENTURA EST IN ORBEM VNIVERSVM. ] Conueniunt interpretes, his verbis designari proximam persecutionem generalem, quæ excitanda erat aduersus Christianos. Sed occurrit dubium, cur scilicet tempus persecutionis appelleretur hora? Sunt qui nptent, nomen horæ accipiendum esse pro breui tempore. Notandum tamen est, græcâ phrasi horæ nomen multò latius patere, quam apud Latinos. Quod enim Latini dicunt, tempus vernum, tempus autumnale, tempus hyemis; id græcâ phrasi passim dicitur, hora verna, hora autumnæ, &c. & quatuor horæ anni dicuntur à Græcis, quas Latini tempestates appellant, id est, Ver, æstas, autumnus, & hyems. Imò verò hora etiam à Græcis vsurpatur frequenter pro ætate (verbi gratia) iuuenili, vel quauis alia. Non est ergo, quod in præsentī suspicemur, horæ nomine designari breuitatem persecutionis, quasi hyperbolice ad vnius horæ spatium redigatur. Horæ enim nomen in græca loquutione non habet aliam vim, quam si *tempus tentationis* poneretur. Sed adhuc inquireret aliquis; cur non satis fuerit dicere, *seruabo te à tentatione*; & additum sit, *seruabo te ab hora*, vel *à tempore tentationis*? Respondetur, Forsan horæ nomine designari tempus id, quo persecutio erat maximè ardua & afflictura fideles; quasi dicat, Eo ipso tempore tu eris immunis & exemptus. Omnino autem videtur esse sermo de persecutione, quam passa est Ecclesia sub Traiano (vt optimè coniicit Ribera noster.) Atque ea dicitur ventura in orbem vniuersum, scilicet in orbem Romanum, siue aduersus fideles in omnibus orbis Romani prouincijs.

TENTARE HABITANTES IN TERRA. ] Id est, ex iustis eos, qui sunt adhuc viatores; quod est dicere, eos qui sunt in patria, securos esse ab omni tentatione.

ECCË VENIO CITÔ. ] Quamuis Philadelphius securus reddatur ab illius grauissimæ tentationis hora; absque dubio tamen non est exemptus à multis alijs tentationibus, quæ frequenter in vitam humanam incurrunt. *Tentatio enim est vita hominis super terram*, vt hebræa sonant, Iob 7.1. & præsertim primis Ecclesiæ Christianæ temporibus multis incommodis atque molestijs afficiebantur fideles. Atque ita aptissimè hortatur Christus Philadelphium, ne ab incepta sanctitatis via desistat; duabus ei propositis rebus valde ad consolationem idoneis; nempe vitæ breuitate, & protectionis diuinæ securitate.

TENE QVOD HABES; VT NEMO ACCIPIAT CORONAM TVAM. ] Nota hîc primò, his verbis non nihil confirmari nostram expositionem de modica huius Episcopi virtute. Illa enim exhortatio, *Tene quod habes, vt nemo, &c.* innuit meritò timeri posse lapsum eius, qui nondum erat robustæ virtutis. Et saltem in verisimili labendi periculo aptior est huiusmodi commonefactio. Et illa verba, *Tene quod habes*, omnino hortantur, vt ab incepto non desistat. Porro in ea metaphora respici videtur ad eum, qui pondus aliquod sustinet, vt vires suas probet; atque ita admonetur opus esse perseuerantiâ, vt propositum præmium non amittat. Vide illud Eccli. 6.22. *Quam aspera est nimium sapientia in doctis hominibus, & non permanebit in ea excors. Quasi lapidis virtus probatio erit in illis, & non demorabuntur projicere illam:* quo loco virtus lapidis videtur poni pro grauitate lapidis, qua vires iuuenum probantur. Ex græco enim sic redditur ad verbum, *quasi lapis probationis validus.* Et desumpta est comparatio à consuetudine illius regionis, de qua videndus est Hieronymus in id Zachariæ 12.3. *Ponam Ierusalem lapidem oneris cunctis populis: omnes qui leuabunt eam concisione lacerabuntur.*

Deinde in illis verbis, *Vt nemo accipiat coronam tuam*, significatur nunquam permitti à Deo, vt iustus aliquis cadat & condemnetur, quin alium ipsius loco substituat. Quæ doctrina expressè docetur à D. Gregorio 25. Moral. cap. 9. & 10. & à D. Thom. 1. p. q. 23. a. 6. ad 1. vbi hunc Apocalypseos locum adducit. Idem obseruant in præsentī Primasius, Rupertus, Haymo, Beda, Lyranus; & ex nostris Ribera atque Pererius disput. 14. & pro maiore eiusdem doctrinæ explicatione notandum est, in Dei prouidentia certum & definitum prædestinatorum numerum esse prius ratione; quodd verò hic vel ille ad eum numerum pertineant, id esse posterius ratione. Supponit hæc Theologia aptissimè considerari in diuinis actibus per ordinem ad obiecta, quosdam esse priores ratione, & alios posteriores: & illud in obiectis appellari prius, quod est ab alio independens; posterius verò, quod dependet ab illo. Si tamen res attentè perspiciatur, valde est rationi consentaneum, vt numerus certus & definitus beatorum in Dei intentione sit prior, quam huius aut illius hominis salus: quia bonum quod communius, ed diuinius; & in ipso numero ciuium per se sumpto; id est, in decreto numeri à Deo definiti & statuti, vt non sint plures neque pauciores, in eo cernitur exactissima sapientissimi architecti dispositio, & apta rei destinatæ proportio. Et quemadmodum in ædificio materiali prior est numerus lapidum in mente architecti, quam huius vel illius lapidis electio; reprobatio autem huius aut illius lapidis coniuncta est cum alterius substitutione in locum eius, qui dum incideretur aut expoliretur, inuentus est inutilis: ita etiam in spiritali cælestis ciuitatis ædificio numerus electorum est prior in intentione, quam huius aut illius hominis salus; & reprobatio

eius

Duplex  
apud Ioan-  
nem vsus  
verbi  
seruare.

Quæ ap-  
pelle-  
tur ho-  
ra tentati-  
onis.

Nomen ho-  
ra apud  
Græcos la-  
tius patere  
quam apud  
Latinos.

De qua ten-  
tatione,  
siue perse-  
cutione hic  
sermo sit.

Var. 11.

Deum non  
permittere  
vt iustus a-  
liquis ca-  
dat, & dā-  
netur; quin  
alium eius  
loco substi-  
tuit.

Ordo ac pri-  
oritas in di-  
uinis acti-  
bus.



eius, qui iam erat vocatus & iustificatus, semper est cum alterius substitutione coniuncta. Ex quo intelligitur eos, qui cadunt ab amicitia Dei, & condemnantur; eo ipso impedire, quod ex se est, ne mundus tam citò intereat. Constat enim impleto numero electorum non esse amplius diem iudicii prorogandum. Quare sub finem mundi ultimus hominis lapsus à gratia, non erit re ipsa posterior ultimæ peccatoris conuersione.

**QVI VICERIT, FACIAM ILLVM COLUMNAM IN TEMPLO DEI MEI]** Sunt, qui existiment, hæc non magis dici ad Episcopum Philadelphium, quàm ad quoscunque alios fideles. Verùm in superioribus epistolis iam annotauimus opus esse, vt singula præmia singulis Episcopis aptissimè proponantur; nec satisfacere interpretem, qui non reddat rationem conuenientem, cur in hac epistola potius, quàm in ceteris hoc vel illud præmium victori promittatur. Id quod esse necessarium, constat in hac epistola fortasse clariùs, quàm in ceteris. Non enim est credibile, omnibus, quos hora mortis Dei amicos inuenerit, promitti illos futuros esse columnas in templo Dei. Atque ita Ribera §. 32. fatetur non de omnibus electis esse sermonem. Si ergo non est sermo de omnibus in præsentia, quis non videat, quàm sit verisimile singillatim fieri promissionem Episcopo Philadelphio, & ijs qui similes eius fuerint? id est ijs, qui cum nondum sint spectatæ seu probatæ virtutis, sed adhuc parux & protectæ à Deo, ad robustam tamen virtutem aspirant; & pro ea consequenda pro virili laborant, legitimè certando pro sibi data gratia. Dico ergo, ijs sub metaphora columnæ promitti virtutem robustam, quam in votis habebant. Id enim, quod est inchoatum & imperfectum, in via est ad perfectionem: atque ita virtus adhuc modica optare videtur incrementum, & ad statum robustæ virtutis peruenire. Quid ergo aptius excogitari potuit, quod modicæ virtutis hominibus ob oculos poneretur, quàm vt eò sua vota dirigant, & omni conatu accedere concupiscant, in Dei promissione & gratia confidentes.

Oportet tamen attentè inspicere, an in præsentia sit sermo de officio columnæ in Ecclesia militante, vel de præmio æternæ retributionis? Ribera propendit in sententiam Ambrosij, qui de mercede æternæ vitæ hæc verba exponit. Argumenta huius opinionis sunt; Primum, quòd sequatur, *Et foras non egredietur amplius.* quod non est in vniuersum verum in ijs, qui in hac vita fuerunt aliquando columnæ Ecclesiæ. Alterum est, quòd statim adiiciatur, *Scribam super eum nomen ciuitatis nouæ Ierusalem, quæ descendit de cælo,* & constet ex capite vigesimo primo, numero secundo, hanc nouam ciuitatem, quæ dicitur de cælo descendere, esse illam ipsam, quæ triumphat in cælo.

Nihilominus Gregorius 17. Moralium capite decimoquarto (vbi hunc locum exponit) nomen columnæ accipit de ijs, qui in Ecclesia militanti officium columnarum egregiè præstant: atque eam expositionem sequuntur hoc loco Ticonius, Primasius, Haymo, Beda, Andreas, Aretas, Anselmus, Richardus, Ioachimus, Albertus, Lyra, Thomas, Zegerus, Suarez, & ceteri ferè omnes. Persuadetur hæc expositio primò, quia quamuis in patria vnicuique detur præmium pro meritis; in cælo tamen non fit homo columna Ecclesiæ. Fieri enim columnam, est accipere vires robustas, quibus onus Ecclesiæ vel Ecclesiarum sustinere possit; quod munus in hac vita præstât insignes sanctitatis viri. Quare sacra Scriptura magnis viris tribuit in hac vita columnarum nomen; quod eis aptiore proportionem conuenire videtur; quàm beatis. Secundò Episcopus Philadelphix, quando hæc epistola ad eum scripta est, erat adhuc virtutis modicæ; & opus habebat, vt cum Christus seruaret ab horatentationis, quæ ventura erat in orbem vniuersum: atque ita nondum merebatur nomen, & symbolum columnæ. Vt autem in cælo præmium columnæ consequeretur; opus erat, vt prius in hac vita esset Ecclesiæ columna. Ergo multo aptius est, vt ipsi facienti quod in se est, per Dei gratiam, promittatur virtus columnæ. Nam, quod ad præmium cæleste attinet, certum est præmium atque mercedem fore cum proportionem ad merita. Tertiò, si nomen columnæ accipiat de firmitate & virtute sanctitatis robustæ, quam tribuit Deus in hac vita ijs, qui se ipsos vincunt, & vocationi diuinæ respondent; statim facile apparet, quàm aptè proponatur hoc præmium in hac epistola. Aliter conuenientius erat, vt præmium columnæ proponeretur Smyrnenfi potius, quàm Philadelphio. Propter hæc omnino mihi videtur sequenda expositio D. Gregorij.

Quod verò in superioribus epistolis annotaui, vt præmia proponantur tanquam effectus ab Eucharistiæ communione manantes in eos, qui ad illam ea animi præparatione accedunt, quam Christus in illis Episcopis optabat; id similiter in huius epistolæ præmio aduerto; nimirum eum, qui ad Christum in Eucharistia, vel etiam in communione spiritali accedit, eo corde magno, & animò volenti, id est, hilari ac prompto, quo Christus Philadelphium esse volebat, ad virtutem scilicet robustam pro virili aspirando; eum ab ipso Christo (qui est sanctus verus & veræ sanctitatis fons) efficiendum esse columnam Ecclesiæ, id est, participaturum robustam virtutem, & vires ingentes; quibus Ecclesiæ sit maximo ornamento pariter & adiumento, & Ecclesiarum onus cum magno honore sustineat.

Ad argumenta Ribera. Ad primum Respondetur, illa verba, *Et foras non egredietur amplius,* apponi tanquam aliquid consequens ad rationem siue analogiam columnæ. Ipsum enim pondus seu grauitas columnæ & onus, quod iustinet supra se, immobilem eam reddunt. Quod non contingit in multis alijs, ex quibus potuit allegoria desumi. Quamuis enim iustis meritò tribuatur symbolum, (verbi gratia) candelabri, candelabro tamen non apponetur aptè illud elogium, & *foras non egredietur amplius.* Ex hoc ergo ipso, meo iudicio colligitur symbolum columnæ in præsentia epistola non referri ad gloriā beatorum. Quia in cælo commune est omnibus beatis, foras non esse egressuros; & tamen non omnes beati sunt columnæ, vt fatetur Ribera. Cum igitur, nō esse foras egressurū, adiiciatur tanquā id quod est proprium columnis; nulla ratione cohæret, vt id singulariter tribuatur

Vers. 12.

Quid sit  
esse colum-  
nam in tem-  
plo Dei.

Nam co-  
lumna offi-  
cium Deus  
Philadel-  
phio pro-  
mittat in  
militante  
Ecclesia, vel  
in trium-  
phante.

Verior &  
communior  
expositio.

Columna  
promissionis  
applicatio  
ad sacram  
Eucharis-  
tiam.



caelestibus columnis, quod ceteris etiam commune est in caelo. Qua verò ratione in Ecclesia militante sit singularis columnarum gloria, amplius non esse egressuras ex templo, dicemus infra.

Ad secundum respondetur, Ecclesiam militantem esse, quæ propter admirandam sanctitatis excellentiam magna cum energia dicitur de caelo descendere, siue de caelo delapsa. Triumphantis enim Ecclesiæ gloria non est de caelo descendere; sed potius in caelo permanere. Neque huic veritati aduersatur id, quod legimus Apoc. 21. 10. *Ostendit mihi ciuitatem sanctam descendentem de caelo.* Licet enim certum sit Ioanni in ea visione ostensam fuisse Ecclesiæ triumphantis gloriam; loquutionis tamen illius forma non alia fuit, quam si Ioanni diceretur, Visne videre quanta sit Ecclesiæ militantis excellentia? Veni ergo, & intueri eandem Ecclesiam in caelo triumphantem. Nec enim illa, quæ triumphat, est alia ab ea, quæ militauit; & vniuersa illa triumphi gloria abscondita erat in Ecclesiæ militantis virtute & sanctitate. Quare quauis in fine Apocalypscos describatur triumphus patriæ caelestis, & gloria eorum, qui de caelo non descendant; iure optimo asseritur illa caelestis ciuitas esse eadem illa, quæ de caelo descenderat, & quæ in terris militabat. Quod si alicui necessarium omnino videatur, vt nomen Ierosolymæ de caelo descendens directe tribuatur Ecclesiæ triumphantis; cur saltem dici non poterit, eum qui in hac vita sanctitatē robustam consequutus est, & officium columnæ egregiè præstat in Ecclesia; eum (inquam) in hac vita gestare inscriptum nomen caelestis Ierosolymæ, eo quod facile ab omnibus cernatur, huiusmodi hominem esse caelestis Ierosolymæ ciuem, cuius conuersatio in caelis est, & quem in caelo manet locus valde sublimis?

ET FORAS NON EGREDIETVR AMPLIUS. ] Hic tenor loquutionis omnino innuit, eum qui efficitur columna, solitum fuisse egredi ex templo, antequàm fieret columna. Vide Genes. 24. 23. *Nisi venerit frater vester minimus vobiscum, non videbitis amplius faciem meam.* & 4. Reg. 2. 12. *Non videt eum amplius.* Hinc ergo constat illa verba, *foras non egredietur amplius*, non esse referenda ad egressum ex templo Ecclesiæ per infidelitatem. Licet enim perseuerantia in fide catholica sit maximum Dei beneficium; plurimi tamen sunt, qui quauis non sint Ecclesiæ columnæ, nunquam tamen abiurarunt fidem, neque ea ratione egressi sunt à templo Dei: & non erat cur Episcopo Philadelphio vincenti speciatim promitteretur perseuerantia in fide catholica. Quid ergo est, non egredi amplius ex templo? Respondetur hanc esse significantissimam metaphoram ad eum statum indicandum, ad quem in hac vita perueniunt ij, qui virtutis robustā constantiam, & deuotionis firmitatem consequuntur. Sic enim illi se totos Deo dicant & consecrant; sic omnes suas actiones diuino obsequio manciant, vt non solum tempus vllum, & actionem aliquam in alia re collocare, sed neque cogitationem à Deo & à rebus diuinis diuertere vnquam velint. Vide id Lucæ 2. 37. vbi de Anna, *qua non discedebat de templo ieiunjs & obsecrationibus seruiens nocte ac die.* Antequam homo ad huius deuotionis statum pertingat, officio hominis Christiani, aut etiam religiosi se satisfecisse putat, si tertiam diei partem in rebus ad Dei obsequium spectantibus collocauerit: reliquas diei horas, licere sibi putat egredi ex templo, & sine crimine otiari, aut pro libito negotiari. Ille verò, quem Christi virtus & deuotionis ardor columnam fecit, non solum deinceps egredi ex templo non vult (id est, pro libito vlli rei vacare nisi Deo, vel propter Deum) sed neque posse videtur vlli vnquam rei intentus esse, aut etiam de alia cogitare, quàm de Dei & proximorum obsequio.

Atque vt ex ipsa columnæ astrologia hoc amplius explicetur; notandum est in edificio materiali firmitatem ipsam columnæ, & onus quod sustinet, esse id quod eam facit immobilem. Interim ergo, dum quis non est consequutus virtutis robur & firmam deuotionis constantiam, non videtur esse columna. Et licet candelabrum templi sit, aut quiduis aliud ad sacram supellectilem spectans, absque vlllo religionis metu potest aliquando ex templo efferri, & circumduci: ita tamen vt suo tempore in templo deseruiat. Postquàm autem factus est columna Ecclesiæ per virtutem robustam & deuotionis constantiam; firmitas ipsa columnæ, & cura sustinendi onus sibi impositum, reddunt eum quodammodo immobilem: ita vt deinceps neque libeat, neque posse videatur egredi ex templo, & foris vagari. Certè in hoc sensu illa verba, *Et foras non egredietur amplius*, promissionem aptissimam continet; eius nempe rei, quam maximè optare poterat is, qui ad sanctitatis perfectionem aspirat. Patet ergo quàm aptè in metaphora columnæ dictum sit, *Et foras non egredietur amplius*. Atque vt clariùs appareat, hæc verba ad eandem columnæ metaphoram spectare; nota græca (si ad verbū reddantur) non sonare, *foras non egredietur amplius*, sed, *non egredietur*: quod est dicere, ego faciam illum columnam immobilem, quæ deinceps foras non egredietur. Nemo autem inficias ibit, quin aptissimè per templi nomen designetur Dei cultus & obsequium: sicut per exteriorē plateam aptè significantur exterioris hominis occupationes, vt loquuntur spiritualis vitæ magistri.

Neque verò supradicta columnæ immobilitas eiusmodi est in hac vita; vt nulla ratione fieri possit, eum, qui erat columna, officio suo deesse, vel etiam aliquando confringi, & foras proijci in frustra discillam; id quippe fieri posse non negamus. Nihilominus tamen verissimè dicitur magna esse constantia eorum, qui per Dei gratiam adeo robustam virtutem consequuti sunt, vt mercantur columnæ Ecclesiæ appellari. Quod si ij confirmati esse in gratia dicuntur, qui Spiritu sancto repleti sunt, & singulari Dei prouidentia adeo constantes efficiuntur, vt nulla ratione ab statu gratiæ deturbentur; non video, cur non sit censendum ad eam felicitatem peruenisse eos, qui propter eximiam sanctitatem columnæ Ecclesiæ appellantur. Fortasse tamen contextus non postulat, vt tantum appellentur columnæ ij, qui nunquam re ipsa ab ea constantia cadent, quam symbolum columnæ repræsentat: illa enim verba, *Et foras non egredietur amplius*, quamuis copiosum Dei auxilium promittant ad conseruandam columnæ constantiam; fieri tamen potest, vt libertatis naturalis conditione abutatur homo, & desinat esse columna. Vnde quod textus asserit, dum ait, *foras non egredietur*, sub ea conditione intelligendum est.

Militantē  
Ecclesiam  
dici de caelo  
descendere,  
& cur.

Quid sit  
non amplius  
egredi foras

Columnam  
onere ipso  
quo premi-  
tur, firmio-  
rem reddi.

Quid is  
promittat-  
ur ver-  
bis, Foras  
non egre-  
dientur am-  
plius.



De allusione ad columnas Booz & Iachin, dicam seorsum in notatione sequenti.

ET SCRIBAM SUPER EUM. ] Adhuc perstat in metaphora columnæ, cui sit inscriptus gloriosus titulus : & verti poterat *super eam*, scilicet columnam ; sed quia columna nomen græcum est masculinum (nempe *σῦλος*,) & quia sermo est de homine, quem Christus facit columnam ; ideo Vulgatus scripsit *super eum*.

NOMEN DEI MEI, ET NOMEN NOVÆ IERUSALEM, ET NOMEN MEVM. ] In notatione sequenti ostendam valde esse verisimile in columnis illis Booz, & Iachin (id est in stylobatis, in quibus columnæ insitebant) scriptum fuisse, trophæa in Dei victoris gloriam, ad templi Ierosolymitani decorem à Salomone erecta fuisse. Per allusionem igitur ad antiquarum columnarum titulum, ait Christus se columnæ mysticæ (de qua sermo est) similem titulum additurum ; videlicet trophæum hoc in Dei victoris gloriam & in novæ Ierosolymæ decorem à Christo animarum sanctificatore erectum fuisse. Titulus autem columnæ siue trophæi aptissime significat id, quod robusta alicuius sanctissimi viri virtus præ se fert. Sicut enim, cum de servis Dei, quasi de hominibus, sermo est ; illi qui publicè profitentur, & re ipsa ostendunt se Christi servos esse, eleganter dicuntur in frontibus gestare scriptum Christi nomen ; & quemadmodum Babylonis etiam aut bestiarum nomen dicuntur in frōtibz gerere, qui in mundi famulatu gloriantur ; ita, cum de aliquo servo Christi sub metaphora columnæ sermo est, titulus & inscriptio non est aliud, quàm si diceretur, in eius admiranda virtute id elucere & facile agnosci ab eo, qui eam columnam contempletur ; si tamen non sit omnino rudis & legendi ignarus. Hic est totius inscriptionis sensus. Verum de singulis partibus non nihil etiam dicendum est.

NOMEN DEI MEI. ] Quater in hac promissione, Deum suum appellat Christus. *Intemplo Dei mei ; Nomen Dei mei ; Civitatis Dei mei ; & Quæ descendit à Deo meo.* Hæc pronominiis repetitio, in qua Christus, quæ homo est, patrem sæpius appeilat Deum suum, non solum spectat ad reverentiam Divinæ maiestatis, & ardentissimum amorem erga Deum ; sed etiam ad exultationem & gratiarum actionem de summa beneficentia Dei erga homines, & de spiritu collato fidelibus propter ipsius Christi amorem. Quod enim Deus cælestis gratiæ thesauros adeo liberaliter hominibus distribuat, id omnino in gratiam Christi facit, & in eo maxime ostendit Deus, quàm sit totus Christi Domini. Quare repetitio illa pronominiis *meus* ad summam Christianæ Ecclesiæ excellentiam, & ad columnæ (de qua sermo est in præsentia) admirandam virtutem referenda est ; quasi diceret, tantam esse Christianæ Ecclesiæ excellentiam, & adeo mirabilem columnarum ipsius gloriam, ut in ijs mirum in modum eluceat, Deum optimum maximum esse totum Christi Domini ; & nihil excogitari posse adeo magnum atque mirabile, quod Christi servis non concedat libentissime Deus, ut suo Christo gratificetur.

Quod verò Christus ipse dicatur scribere nomen Dei sui in columnis Ecclesiæ ; indicat Christum esse animarum sanctificatorem, & in columnarum virtute, & pulchritudine mirifice exultare ; eo quod in eis omnipotentis Dei virtus, atque victoria clarissime effulgeat ; quemadmodum ex trophæis & monumentis constare solet magnitudo victoriæ.

ET NOMEN CIVITATIS NOVÆ IERUSALEM, QUÆ DESCENDIT DE CÆLO. ] Iam suprà expressum erat, hanc esse columnam templi Dei (*Faciam illum columnam in templo Dei mei.*) Sed quoniā templi Dei nomen videbatur accipi posse de templo Salomonis : idè, ut intelligeretur in præsentia de multo excellentiore templo, additum est in titulo nomen novæ Ierosolymæ ; quod est dicere, in excellentia huius columnæ manifestè cerni, eam non esse ornamentum illius templi, quod in antiqua Ierosolyma edificatum erat ; sed illius potius templi, quod ædificavit Christus in nova Ierosolyma, id est, in Ecclesia Christiana.

Porro novæ Ierosolymæ nomen ad Ecclesiam in cælis triumphantem, vel ad gloriam beatorum plerique referunt. Ego de Ecclesia Christiana in terris militante, & de eius templo sermonem esse intelligo. Hæc enim est Ierosolyma, quæ dicitur de cælo descendere (ut suprà explicavi) & in hac exercent propriè officium columnarum ijs, quos Christus facit columnas ; atque de eo officio, quod in hac vita exercent viri sanctissimi, sermo est in hac epistola ad Philadelphium. Fauet nostræ explicationi, quod in præsentia manifestè agitur de columna templi, cum tamen de patria cælesti expressè dicatur cap. 21. 22. *Templum non vidi in ea.* Neque novum est, ut Ecclesia Christiana, quæ in terris versatur, appelletur nova Ierosolyma ad veteris distinctionem ; iuxta illud, *Eccce nova facio omnia*, Apoc. 21. 5. Et sic accipiunt Ierosolymæ nomen Origenes, Hieronymus, Augustinus, & Gregorius apud Lauretum. Quomodo autem rectè intelligatur spiritualis Ierosolyma (quæ in terris est) habere templum columnis ornatum, licet in visione Ezechielis templum distet à civitate quindecim millia calamorum ; dicemus notatione secunda.

ET NOMEN MEVM NOVVM. ] Vanum est, quod nonnulli cogitarunt, neminem ante Christum Dominum fuisse appellatum Iesum ijs litteris & ea prolatione, qua Christus Dominus Iesus appellabatur. Quasi vero virtus & excellentia nominis proprii, quod Christo datum est, ad ipsos characteres revocanda sint, & non potius ad rei veritatem. Nota ergo, si in præsentia sermo sit de nomine Iesu, non dici novum cōsideratā prolatione & literis, sed consideratā virtute & veritate. Si litteras ipsas respicias ; ex varia eiusdem nominis prolatione oritur, quod unius & eiusdem hominis nomen nunc scribatur *Iesuagh*, nunc *Iehosuagh*. Videmus enim Iesum filium Iosedec appellari *Iehosuagh*, in libris Aggei & Zachariæ, & eundem videmus appellari *Iesuagh*, 1. Esdræ 2. Sic nos Hispani sine discrimine nunc dicimus *Ioan*, nunc, *Iuan* ; *Fernando*, & *Hernando*. Et siue nomen Iesu ita scribatur, ut significet veram salutem ; siue salutem Domini aut saluatorem ; pro eodem reputo. Neque est in appellatione novitas, sed in virtute & veritate. Et quidem si de literis atramento scriptis sermo esset, distingui non posset nomen Christi novum ab alijs, qui eodem nomine prius erant appellati. Sed quia sermo est de ea scriptione, quæ digito Christi sit, ideo eleganter dicitur in titulo huius columnæ, de qua est sermo, nomen Christi novum scriptum esse : nimirum quia

Qui sit hic titulus mysticæ columnæ à Christo inscribendus.

Quater in hac promissione Christus repetit Deum meum, & quod sit repetitionis huius mysterium.

Quæ sit hic nova Ierosolyma descendens à cælo.

Christi nominis virtutem non in characteribus ipsis, sed in rei veritate consistere.

Variatio in nominis Iesu characteribus.



in admiranda columnæ excellentia effulget eam esse erectam ab eo, qui noua ratione & planè diuina saluator appellatur. His addo, non esse sermonem solum de noua ratione, qua Christus etiam ante passionem saluator appellabatur; sed de noua ratione, qua post resurrectionem saluatoris nomen habet. Prius enim *nondum erat Spiritus datus, quia Iesus nondum erat glorificatus.* Cum verò Christus resurrexit, prodijt ex sepulcro *Filius Dei in virtute secundum spiritum sanctificationis,* ad Rom. 1. 4. id est, cum plenissima & efficacissima sanctificandi homines virtute & excellentia. His ita constitutis, non valde refert, siue nomen Christi nouum interpreteris de nomine ipso Iesu, vel de nomine efficacissimi sanctificatoris.

Quoniam verò nouitatem nominis Christi à resurrectionis mysterio inchoamus; putabit fortasse aliquis huc spectare Pauli verba ad Ephes. 2. 9. *Propter quod Deus exalauit illum, & dedit illi nomen, quod est super omne nomen.* Qua ratione, cum dicitur, *scribam super eum nomen meum nouum;* sensus erit, in huius columnæ excellentia gloriam Christi nominis elucere. Certè hic sensus parum differt à superiori explicatione: verum Paulus ad Philip. 2. non videtur solum agere de virtute sanctificandi: sed etiam de vniuersi monarchia, & de supremi imperatoris dignitate.

## NOTATIO I.

*De allusione columnæ in templo Dei ad columnas æreas, de quibus 3. Reg.*

*7. 15. & 2. Paral. 3. fin.*

**N**ON erit inanis labor, attentè inspicere ad quas columnas templi Salomonici alludat Christus; cum ait, *faciam illum columnam in templo Dei mei.* Neque enim dubitandum est, quin in his verbis respiciat Dominus ad templum Salomonis. Porro in templo Salomonis erant plurimæ atriorum columnæ, de quibus fit mentio Ezechielis 42. 6. Constat autem templi nomine comprehendi atria duo; id est, atrium sacerdotum, & atrium Israelis; vt videbimus cap. 11. 1. Nihilominus tamen, cum columnæ symbolū in presenti vsurpetur ad magnæ sanctitatis significationem, non videtur adeo conueniens, vt ex atriorum columnis desumatur comparatio.

Porro intra portas sancti ædificij (id est in aula sancta, vel in adyto sanctissimo) nullæ erant columnæ; nisi quis fortasse hoc nomen extendere velit ad palmas illas, quibus templi ipsius parietes intrinsecus erant distincti. Verisimile enim est, quod nonnulli contemplantur, illas fuisse semicolumnas Corinthias ad palmarum similitudinem factas. Vide, 3. Reg. 6. 29. *Omnes parietes templi per circuitum sculpti varijs celaturis, & fecit in eis palmas prominentes de pariete.* Verum quoniam sacra Scriptura palmis illis non tribuit columnarum nomen; ideò verisimilius est quod Beda, & post eum alij cogitarunt, scilicet in hoc columnæ symbolo respici ad duas columnas illas æreas Booz & Iachin, quæ erant in porticu pro foribus templi; de quibus 3. Reg. 7. 15. & 2. Paral. 3. fin. & considerata illarum columnarum magnitudine & firmitate & insigni etiam loco, in quo erant erectæ, & quasi obiectæ oculis vniuersi Israelis; facile cernitur conuenientissimum fuisse vt ex eis desumeretur comparatio: sermo enim est de columna valde notabili, cuius titulus & inscriptio conspicua sit & vniuersæ Ecclesiæ ad legendum & obseruandum proposita. Et valde verisimile est nomina illa Booz & Iachin in columnis illis Salomonis fuisse sculpta; & fortasse cum ipso Salomonis nomine, & cum templi mentione; in hunc ferè modum: *Booz in Dei victoris gloriæ & templi Ierosolymitani decorem à Salomone erecta.* Et in altera similiter: *Iachin in Dei victoris gloriæ,* &c. Neque istud est somnare, sed ex ipsa huius loci allusione, ex nominib. Booz, & Iachin, ex Iosephi narratione, & ex alijs insignibus columnis coniectare; vt ex ijs, quæ Romæ, altera Traiani & altera Antonini nomen præferunt. Erit autem nostra coniectura probabilior; si columnæ illæ à Salomone pro foribus templi positæ non ad sustinendum ædificium, sed veluti trophæa Deo victori erectæ sunt ad magnificentiam & ornatum, de quo infra. In trophæis enim nemo negauerit, semper titulos fuisse sculptos.

His constitutis; vt allusionis elegantia plenius intelligatur, oportet nonnihil agere de columnis illis à Salomone factis, & de earum significatione siue mysterio. Et quidem, quod ad formam earum attinet; noua cuiusdam docti & amici explicatio est, eam fuisse Corinthiam; & partem ædificij ab eis sustentatam fuisse. Mihi multò verisimilior vide-

**B**tur communis sententiā; quæ scapo singularum columnarum tribuit altitudinis 18. cubitos, circumferentiæ verò 12. cubitos; ac proinde circumferentiæ diametro, siue crassitudini columnæ quatuor ferè cubitos. Itaque proportionem longitudinis ad crassitudinem vix esse sicut 5. ad 1. In his Insuper columnis nullam ædificij partem niti; sed duplex solum capitellum. Et sanè quod ad crassitudinem singularum attinet; Ieremias eam disertè explicat cap. 52. 21. *Decem & octo cubiti altitudinis erant in columna vna; & funiculus 12. cubitorum circuibat eam.* Similiter loquitur Iosephus, 1. 8. Antiquit. cap. 3. & valde coactum est, vt de altitudine singularum, & de crassitudine vtriusque simul sumptæ verba Ieremiæ accipiamus.

**C**Sed obijcient nobis illi, quibus noua placet opinio, valde deformem esse columnam, cuius longitudo non sit plusquam quincupla ad crassitudinē; & nihil eiusmodi cogitandum esse de Salomonis sapientia. Addent etiam, eam proportionem nulla ratione coherere cum pulcherrima illius ædificij structura. Respondeo nouam esse opinionem, & fortasse ante hos dies inauditam, duas illas columnas æreas Booz & Iachin, ad sustinendum ædificium factas esse: vbi verò non cogitentur tanquam ædificij partes, sed tanquam trophæa quædam ab ædificio omni separata; nulla erit obligatio, vt in eis seruetur proportio altitudinis ædificij. Et quidè ipsa S. Scrip. verba, (meo iudicio) cogunt, vt Booz & Iachin non existimentur esse columnæ ædificij & partes illius; sed supellex siue vasa templi (vt loquitur de illis Ieremias c. 27. fin.) tum quia non seruant columnarum ædificij proportionem; tum etiam quia singulæ habent duo capitella, quod fortasse non est satis aptum ad ædificiorum columnas; præsertim cum opus sit capitella, bases, & stylobatas esse tantæ altitudinis, vt omnibus computatis singulæ columnæ sint 35. cubitos altæ. Sic enim videtur interpretandum, quod habetur 2. Paral. 3. 15. *Triginta & quinq. cubitos habebant altitudinis.* Vtunque hoc sit; singularum scapo erant alti 18. cubitos; crassi autem ferè quatuor; quia *funiculus duodecim cubitorum circuibat eam.* Atque hæc non est proportio columnæ ad ædificium sustinendum factæ. Ad trophæa verò aptissimum fuit, vt non seruaretur in eis integræ columnæ proportio, sed multò maior crassitudo; ita vt partis potius columnæ, vel arboris crassissima trunci instar esset. Trophæum enim nihil aliud est, quam monumentum erectum in victoriæ signum; & cum trophæa per se erigerentur ab omni ædificio disiuncta; ratio postulabat, vt quàm maximè crassa fierent: & fortasse ipsa trophæi crassitudo ad robustas victoris exercitus vires significandas nonnihil conducebat.

**D**  
**E**Sed dices, quorsum trophæa in templo? Si enim trophæa monumenta sunt à victore erecta in loco, vbi hostes in fugam conuertit, nulli hostes fuerant eo loco fugati. Respondeo, ad rationem trophæi satis esse, vt conuenienti loco erigatur in

Num Booz & Iachin columnæ aliquam templi sui ædificij partem sustinerint.

Duarum templi columnarum longitudo & crassitudo.

Booz & Iachin ad trophæa erigenda videtur extructæ.

Ad quas templi Salomonici columnas respiciat Christus in hoc columna symbolo.

Ad colinas Booz & Iachin alluisse verisimilius est.

Inscriptiones, quæ probabiliter coniectura videntur in columnis Booz & Iachin posita.

Qua fuerit duarum templi columnarum figura.



Trophæa  
olim in loco  
etiam à  
pugna ipsa  
dijuncto  
erigi solita.

Quare in  
Salomonis  
templo trophæa  
fuerint erecta.

Quorsum  
templi Salomonici  
parietes &  
valva palmarum &  
Cherubini fuerint  
ornata.

Ethnicos  
victoriae simulacrum  
ac figuram ex Salomonici  
templi Cherubini  
fuisse mutatos.

Palma victoriae  
symbolum.

Iudæa palmis abundasse  
propter ceteris regionibus.

Quomodo  
trophæa in  
templi columnis  
fuerint expressa.

signum victoriae; etiam si hostes non fuerint eo ipso loco in fugam conuersi. Nam Sallustius de Pompeio ait, de victis Hispanis trophæa in iugis Pyrenæi montis posuisse, & Romæ quoque in arcubus ex marmore ædificatis fingeantur. Quam verò conueniens fuerit, vt in templo Salomonis Deo victori erigerentur trophæa; facile cernet, qui animaduertat, illud templum Deo victori fuisse ædificatum. Quemadmodum enim Philippus secundus Rex Hispaniæ D. Laurentio edificauit augustissimum templum propter victoriam, quam ipse die festo, & ipsius patrocinio consequutus erat: sic etiam templum Salomonis ædificatum est Deo propter victorias eximias, quas illius ope atque virtute reportauerat Dauid Salomonis pater. Constat hoc ex multis sacre Scripturæ locis. Vide 1. Paral. 26. 27. vbi legimus, Dauidem, & principes familiarum, tribunos, & centuriones, & duces exercitus sanctificasse thesauros de bellis & manibus præliorum ad instructionem, (id est erectionem) & supplementum templi Domini. Et 1. Paral. 29. 11. legimus tribunos & centuriones in Dei templum ædificandum obtulisse plurima auri & argenti talenta; & Dauidem benedixisse Domino coram omni multitudine, atque dixisse, *Tua est Domine magnificentia, & potentia, & gloria, atque victoria; & tibi laus.* Ergo manifestum est illud templum propriè fuisse ædificatum Deo victori propter victorias Dauidi concessas.

Hinc est, vt eius templi parietes, & valvæ omni ex parte Cherubinis & palmis ornata fuerint atque distincta. Cherubini enim (hoc est, iuvenes alati) victoriarum imagines sunt. Vt facile concedet, qui nouerit eiusmodi figuram semper à Græcis atque Romanis victoriae esse tributam; id quod ex innumeris, quæ extant hodie, antiquis sculpturis & numismatibus, euidentissimum est. Ethnicos autem eiusmodi simulacra ad imitationem Salomonici templi effinxisse, expressè affirmatur 1. Machab. 3. 48. *Expanderunt libros legis; de quibus scrutabantur Gentes similitudinem simulacrorum suorum.* Vide ibi Serarium, & quæ adducit ex Clemente Alexandrino, atque Hieronymo. Quod autem simulacrum victoriae effingeretur, alterâ manu palmam, alterâ oleæ ramum præferens: id etiam ex eodem templo videtur deriuatum; quia in eo erat frequens palmarum & oliuæ frondium imitatio. Et palmarum præsertim symbolum ad victoriam ex eodem templo omnino videtur desumptum. Nam Cherubini ipsi (sive victoriae) inter palmas in parietibus & portis cernebantur. Et in sacra Scriptura palmani ad victoriae significationem referri, expressè docent Origenes, Ambrosius, Hieronymus, Augustinus, Gregorius, Hesychius & Rupertus. Cum autem constet, palmam oriundam esse ex Iudæa atque Phœnicia ( & propterea in antiquis numismatis, vbi Iudæa effingitur, palmam veluti notam, & insigne addi) dubitari non debet, quin ex templo Salomonis desumptum sit; vt palma pro victoriae symbolo ponatur ab Ethnicis; atque vt in certaminibus palma esset victoriae signum. Et deinde frequentissimus vsus est palmæ pro victoria; vt constat ex Gellio, Plinio, Plutarcho, Cicerone, Virgilio, Terentio, Horatio, Ouidio, Tibullo, & denique ex omni antiquitate. Vide Pierium lib. 50. vbi de palma. Cuius rei, quia lippis etiam & tonsoribus (quod aiunt) nota est, exemplis superfedeo.

Cum ergo constet, Salomonicum templum Deo, quatenus victori, ædificatum esse, vt parietes ipsi clamant; quid aptius, quam vt in templo Dei victoris, eiusdem trophæa viferentur? & ad trophæa quid congruentius, quam miranda illa crassitudo columnarum ex ære; quæ non ad sustinendum ædificium, sed ad designandas victorias Dauidi concessas erectæ sunt? Sed dices; si columnæ illæ trophæa erant, vbi exuuiæ hostium, vbi tela trunca, vbi clypei perfoffi? eiusmodi enim spolia in trophæis figi solita discimus ex Virgilio lib. 11. Respondeo, multò elegantius & significantius fuisse sculptam speciosam illam malorum puniceorum multitudinem, quæ in capitelli formam supra columnas areas posita sunt. De numero malorum puniceorum viden-

tur prima facie discrepare sacre Scripturæ loci; quia Ieremiæ 52. 23. legimus *malogranata 96. dependentia, & omnia malogranata centum.* Et sic etiam 2. Paral. 3. 16. At 3. Reg. 7. 20. legimus, *ducentos ordines malogranatorum, & 3. Reg. 4. 42. & 2. Paral. 13. expressa sunt malogranata quadringenta.* De concordia horum locorum videndus noſter Villalpandus; qui omnia egregiè conciliauit. Sed pergamus vltius, & explicemus; quorsum tot mala punica super trophæa victoriarum Dauidis? Ad hoc ergo aduertendum est, earum omnium victoriarum fructum fuisse, maximam imperij Dauidis dilatationem, innumeris populis (qui prius erant Israelis inimici) ipsius ditioni subiectis, & potentiam veri Dei agnoscere coactis. Cum verò malum punicum sit egregium vnius vrbis, siue etiam regni symbolum (vt videbimus in notatione ad commentarium libri Cantorum) nihil potuit magnificentius & gloriosius in trophæis supradictis collocari, quam miranda illa malorum granatorum species, quæ elegantissimè significaret triumphum de quàm plurimis vrribus, atq; etiam regnis Dauidi à Deo subiectis: Dauidis item gratum animum; qui, vt Deo victoriam acceptam referret, Deo ipsi trophæa erigi iussit, & ingentis earum vrbiū multitudinis symbola capitellorum loco in trophæis collocari.

Suprà dicta malogranata constituit Villalpandus in capitello 3. (tria enim ille capitella singulis tribuit columnis;) ego tamen malogranata in circuitu capitelli 2. fuisse non dubito; quia hæc sunt sacre Scripturæ verba, 3. Reg. 7. 11. *Malogranatorum ducenti ordines in circuitu capitelli secundi.* Neque vnquam meminit sacra Scriptura capitelli tertij.

Præterea formam lilij Villalpandus considerat in capitello primo, mihi vtrumque capitellum ad imitationem lilij factum fuisse videtur. Quia 3. Reg. 7. 19. legitur; *capitella, quæ erant super capita columnarum, quasi opere lilij fabricata erant.* Vbi manifestè est sermo de capitello primo; quia sequitur, *Et rursum alia capitella in summitate columnarum, &c.* Quod autem capitellum etiam vltimum (in quo erant mala punica) in formam lilij defierit, probatur, quia post descriptionem capitelli secundi, in fine adijcitur; *Et super capita columnarum opus in modum lilij posuit: perfectumque est opus columnarum.*

In coniunctione malogranatorum & lilij, non desunt, qui existiment respici ad significationem Martyrum & Virginum. Verum etsi flores malorū granatorum rectè appellentur flores Martyrum (vt dicemus in notat. ad cap. 8. Cantorum) ipsa tamen malogranata vrbiū potius symbola sunt; neq; aliter vnquam accipiuntur, vt notat Hieronymus. Lilia verò licet à plerisque existimentur esse virginis symbolum; constat tamen in sacra Scriptura omnino referri ad gloriosæ exaltationis significationem, vt copiose disputabimus in notatione ad lib. Cantorum. His ita constitutis, apparet formā lilij & malorum puniceorum imagines elegantissimè fuisse coniuncta in trophæis erectis Deo victori ob victorias Dauidi concessas, & dilatatum eius imperium. Quia multis vrribus gloriose deuictis & suo imperio subiectis, mirificè exaltata est Israelis gloria. Et cum ad hanc significationem erecta fuerint Deo victori trophæa; facile cernitur aptissimè id exco-gitatum fuisse ad illarum columnarum decus & ornamentum.

De trophæis consulto omitto ea, quæ humaniorum literarum studiosi congerunt. Ex sacris noto, columnas illas, quæ in sepulcro Machabæorum erectæ sunt, & super eas arma, omnino fuisse trophæa. Vide 1. Machab. 13. 29. ex quo loco intelligitur non alienum à Dei populo, vt ad trophæa columnæ erigerentur. Intellecta verò significatione liliorum & malorum puniceorum; nemo negauerit, duas illas columnas areas appositè ad eam cogitationem erectas fuisse. Atq; vbi semel animaduertatur illas esse trophæa, statim apparet; quàm sit violentum eas velle ad Corinthiam proportionem reuocare, & aliud onus adificij eis imponere; præter capitella, quæ liliorum & malogranatorum speciem repræsentant.

Concedatur etiam Hispanensi, vt suspicari liceat,

Cur malogranata in columnarum capitellis efficta.

In qua capitelli parte fuerint malogranata expressa.

Lilia quomodo in capitellis figurata.

Malogranatum vrbis symbolum.

Lilia exaltationis symbolum.

Cur lilia cum malogranatis in templi columnis fuerint coniuncta.

Columnas in Machabæorum sepulchro erectas trophæa fuisse.



*Herculis columnas multo ante Salomonis aetatem fuisse erectas.*

*Plus ultra in Hispanorum Regum stemmatis ab Herculis columnis usurpatum.*

*Victorias Davidis fuisse figuram victoriarum Christi & Ecclesiae.*

*Quid per duas templi columnas figuretur.*

*Varia sanctitatis & sapientiae symbola.*

*Virum templi Cherubini masculi & femina fuerint.*

*Duae mulieres amphoram portantes apud Zachariam quid significant.*

Herculis columnas trophæa fuisse. Cum verò Herculis fama plusquam 200. annos Salomonis aetate antecesserit (iuxta Eusebii Chronicò) & illius columnarum (id est trophæorum) fama mundum compleuerit; verisimile est Herculis columnas non fuisse magis ignotas Salomonis tempore Hebraeis, quam modò sunt Hispanis. Si ergo nostra aetate in symbolo columnarum, quod Hispani Reges usurpant cum eo titulo (*Plus ultra*) respectum est, sine dubio ad Herculis columnas; quid mirum simili allusione erexisse Salomonem excellentiores columnas Deo propter victorias Davidi concessas? Certè hanc coniecturam nonnihil iuuat binarius ipse columnarum, qui binario respondere videtur.

Vtunque hoc sit; prædicta victoriarum Davidis significatio in templo Salomonis, considerari debet veluti cortex, sub quo nucleus suauissimus latet, id est, significatio victoriarum Christi & Ecclesiae Christianae. Quia omnia in figura contingebant illis. Et quemadmodum propheta; dum Iudaica tangunt, Christiana respiciunt; ita etiam templum illud, & omnia ipsius ornamenta, dum Dauidica representare videbantur, ad Christiana potissimum respiciebant. Quòd si in duabus illis columnis respectum fortasse est ad famam de Herculis columnis toto terrarum orbe celebratis; id quoque ipsum Christi mysterijs deseruiat optimè. Christus enim est verus Alexicacos, & Anoxicacos, id est, malorum toleratores atque depulsores, & Christus est, qui in templo Dei, id est, in Ecclesia Christiana, Deo victori columnas siue trophæa gloriosissima erexit. Et multitudo illa malorum punitorum aptissime designat innumeras vrbes; & quam plurima regna, Christi virtute fidei Christianae subiecta.

In hac verò arcana significatione, quam Spiritus sanctus præcipue spectabat, elegantissima est duarum columnarum distinctio. In Christi enim & Ecclesiae Christianae victorijs, excellentia sanctitatis vnà cum sapientia excellentia mirum in modum effulgent; atque ad has duas excellentias vniuersae Christianae Ecclesiae gloria reuocatur; quarum altera locupletat intellectum; altera beat voluntatem. Ad hanc eandem sapientiae cum sanctitate coniunctionem, sæpe aliàs in sacra Scriptura duplicatur symbola; vt in libro Canticorum *Vinum & amplexus, palma & vitis, hortus & fons*; in Zacharia, *coronae aureae & argenteae; Zorobabel & Iesus*; in transfiguratione Moyses & Elias; de quibus etiam dicemus in duobus testibus Apocal. 11. Sed ne tam citò ex templo Salomonis egrediamur; ad eandem omnino rationem referendum est, quòd mensa & candelabrum sibi mutuo respondeant; & quòd Cherubini semper bini effingantur. Ex quo non defuit, qui suspicaretur, in illo veluti coniugio, alterum Cherubinum masculinam specie, & alterum femininam fuisse informatos. Et quidem si commentum hoc probabiliter aliqua posset coniectura stabiliri, non male cohererebatur cum sanctitatis & sapientiae coniugio; & facile erat statuere, vtri aptius virilis forma esset tribuenda; & qua ratione intelligi debeat mas feminam fecundare; & qua sit huius mystici coniugij procreatio. Vanum tamen est allegoriam cogitare, vbi fundamentum non extat. Et verò ad perfectionem victoriæ Christi, id est ad perfectionem sanctitatis & sapientiae, quæ in Ecclesia Christiana effulgent, multo aptius fuit vtrique Cherubino virilem tribuere figuram, (sicut Romana Ecclesia in filio masculino matris Sion representatur Apoc. 12.) Et facit, quòd sicut in vero Dei cultu duo Cherubini masculi denotant excellentiam sapientiae & sanctitatis; ita in vano idolorum cultu duæ mulieres alatae (quæ cum duobus Cherubinis procul dubio comparantur) impietatis amphoram attollunt; & eam in Babylonem deferunt, vt ibi in templo colatur. Istæ verò mulieres vanam sanctitatis speciem, & falsam sapientie vmbra aptissime denotant. Sicut enim perfectio in specie virili; ita imperfectio in femina designatur. Sed de hoc dicemus plenius Zachariae cap. 5. Interim satis fit in masculinorum Cherubini iugo siue binario designari perfectionem veræ sapientiae & sanctitatis. In illis autem mulieribus imperfectionem adumbratæ sanctitatis & sapientiae.

A Quòd autem perfectioni sanctitatis & sapientiae egregie deseruiat duarum columnarum symbolum facile ostenditur ex verbis Pauli, 1. Timoth. 3. 15. vbi Ecclesiam appellat *columnam & firmamentum veritatis*, id est, veræ doctrinæ & veræ sanctitatis: vtraque enim appellatur veritas in sacre Scripturæ phrasi. Præterea ad Galat. 2. 9. de Petro, Iacobo, & Ioanne agens Paulus ait; *Qui videbantur columnæ esse*, scilicet propter excellentiam sanctitatis atque doctrinæ. Quid ergo aptius in duarum columnarum ærearum distinctione, quam vt altera ad sapientiã, altera ad sanctitatem referantur.

B Sed dicat aliquis; si hæc duæ excellentiæ figuratæ sunt in duobus Cherubinis & in coniunctione candelabri cum mensa, coactum videtur, vt ad eandem significationem aliud etiam symbolum adiciatur. Respondeo aptissimum fuisse, vt par illud nobile virtutum & in porticu, & in templo, & in adyto sanctissimo, varijs in symbolis effulgeret; nimirum quia sanctitatem & sapientiam Ecclesiae Christianae & catechumeni quasi in porticu admirantur; & fideles veluti in templo vtilissime obseruant; & viri spirituales, qui ad interiora velaminis penetrasse videntur, in gigantæis Cherubinis omni ex parte perfectis summa cum voluptate contemplantur. Sed de candelabro ac mensa, & de ingentibus Cherubinis aliàs. Nunc ad columnas reuertamur.

C Atque in eis primùm firmitatem & robur egregie representat miranda crassitudo 4. ferè, vt diximus, cubitorum hebraicorum. Licet enim mensura hæc non excedat mensuram quinque Romanorum pedum (vt probabimus in dimensione calami hebraici ad cap. 21. Apoc.) ea tamen mensura satis est ad stupendam columnæ præsertim æreæ crassitudinem. Accedit, quòd *grositudo æris quatuor digitorum erat*, Ieremiæ 52. 21. Et quòd intus essent cauæ, fortasse ad spiritum sanctitatis & sapientiae Christianae referendum est; sicut aurum, quo erant inauratæ.

D Deinde non est nouum, illas duas columnas de sanctitate & sapientia interpretari; quia communis explicatio, (Bedæ de templo c. 16. Angelomi. 3 Reg. 7.) Ieas de prædicatoribus Euangelij exponit; atque vt cohereat binarius, nihil aptius, quam alteram doctrinam, alteram sanctitatis ministrorum Euangelij tribuere. Quadrat verò optimè, vt hæc duæ comitentur templi valvas: sic enim denotant eos, qui Euangelij prædicatione auditâ in templum Dei id est, in Ecclesiam ingrediuntur, ante ingressum fuisse admiratos prædicatorum sanctitatem, atque doctrinam. Certè si quis in eis columnis assereret designari Petrum & Paulum Ecclesiae Romanæ columnas, nemini posset ea expositio displicere. Quantò ergo plenius est, vt significatio sit generalis, & ad omnes Apostolicos concionatores extendatur; imò verò ad doctrinam & sanctitatem Ecclesiae & prædicatorum eius? Sic sanè quadrabat optimè ijs columnis id Ps. 74. 4. *Ego confirmavi columnas eius*. Et qui sapientiam, id est, religionem Christianam ducit uxorem; ad hac columnas securè recumbit, iuxta id Ecclesiastici 36. 26. *Mulier bona columna, vt requies*.

E Nomina harum columnarum erant Booz, id est, in fortitudine, & Iachin, quod est, preparabis. Erat autem Iachin ad dexteram, & Booz ad sinistram respectu portæ templi. Ac præterquam quòd nemo dexteram negabit sanctitati; si altera erat sanctitatis, & altera sapientiae symbolum; ipsa etiam nomen distinctio ed nos ducit. Quia nomen illud Booz (id est, in fortitudine, quadrat optimè instrumento: quemadmodum etiam Iachin efficaciam affirmat in effectu. In prædicatione autem Euangelij, quis non videat sapientiam esse veluti instrumentum; sanctitatem verò esse eam, quæ verbo tribuit efficaciam?

Ex dictis colligo in Apocalypsi cum dicitur, *faciam illum columnam in templo Dei mei*, singillatim respici ad columnam Iachin. Quauis columnæ nomen & allegoria possit & ad sanctitatem & ad sapientiam referri, cum tamè per allusionem ad illas columnas in singulari dicitur, *faciam illum columnam*;

*Cur tot fuerint sanctitatis & sapientiae symbola in Salomonis templo.*

*Duarum columnarum templi firmitas ac robur.*

*Cur duas columnas ad templi valvas posita.*

*Elymon nomen Booz & Iachin.*

*Ad vtram harum columnarum fiat potissimum allusio in Apocalypsi.*



Cur colum-  
na in porti-  
cu templi  
fuerit.

commodè accipitur de vna illarum; cumque vir-  
tuti modicæ propriè aspirandum esset ad virtutem  
& sanctitatem robustam; (cuius symbolum singu-  
latim erat Iachin) nihil conuenientius, quàm vt ad  
eam singulariter respectum esse intelligamus. Habet  
autem procul dubio energiam allusio ad columnas  
illas, quæ erant in porticu; vt cogitemus virtutem,  
quæ vincenti promittitur in hac epistola, eiusmodi  
esse, vt admirationi futura sit non solum fidelibus,  
qui in Ecclesiam ingressi sunt; sed infidelibus  
etiam, qui propius accedunt, & ad sanctitatem  
gentis Christianæ considerandam aduertunt ani-  
mos.

A Continet etiam hæc allusio respectum ad mala  
punica & ad lilij formam in capitellis: ex quibus  
innuitur, in hac epistola vincenti promitti eiusmo-  
di sanctitatem, quæ cum magna Christiani nomi-  
nis exaltatione, non vnâ aut alteram urbem so-  
lùm ad Christum conuertit; sed plurimas vrbes  
& regna aliquot Euangelicæ prædicationis efficaciâ  
Christianæ religioni subiecerit. Et meritò mala  
punica (id est Gentes ad Christum conuersæ) colum-  
nam ipsam coronare videntur. Quia *corona senum*  
*filij filiorum*; & spirituales filij prædicatoris Euange-  
lici, qui eos conuertit, meritò dicuntur esse gau-  
dium atque corona, vt loquitur Paulus.

## NOTATIO II.

*Ad illa verba, Scribam super eum nomen ciuitatis nouæ: Vbi ex-  
plicatur, cur Ezechiel viderit templum multis passuum millia-  
ribus distare à ciuitate noua.*

I N contextu videtur opus esse, vt templum, de  
quo est sermo, sit intra ciuitatem. Dicitur enim;  
*Faciam illum columnam in templo Dei mei; & scribam  
super eum nomen ciuitatis.* Ex quibus constat colum-  
nam, de qua agitur, esse ornamentum templi & ci-  
uitatis. Si verò templum longè distet à ciuitate,  
videtur fieri non posse; vt columna, quæ in templo  
est, sit etiam ciuitatis ornamentum. Certè quam-  
uis in materiali Ierosolyma templum, quod ædifi-  
cavit Salomon, vrbs illius fuerit summum decus  
& ornamentum; sed in templo mystico & ciuitate  
mystica, de quibus est sermo, videtur longè aliter  
res habere. Quia in Ezechielis prophætia, post-  
quàm cap. 40. & sequentibus descriptum est tem-  
plum cum suis atrijs; tandem capite 45. & 48. ad de-  
scriptionem ciuitatis deuenitur. Et ex ea descri-  
ptione manifestè constat templum à ciuitate dista-  
re quindecim calamorum millia, (quod est plus-  
quàm 22. millia passuum Romanorum.) Quia illa  
portio terræ, quæ separatur & sanctificatur in pri-  
mitias domini, habet à Septentrione ad Austrum  
latitudinem viginti quinque millium calamorum;  
diuiditurque in tres partes: quarum prima ad Se-  
ptentrionem habet latitudinem decies mille cala-  
morum, & hæc est pars sacerdotum; secunda simi-  
liter decem millium calamorum assignatur Leuitis;  
& tertia ad Austrum (cui remanent quinque mil-  
lia calamorum latitudinis) est locus ciuitatis.  
Templum autem expressè asseritur esse in medio  
partis sacerdotalis, atque adeo inter ciuitatem &  
templum interijcitur tota latitudo partis Leuiticæ,  
(quæ est decem millium calamorum) & dimidium  
latitudinis partis sacerdotalis, id est, quinque cala-  
morum millia. Et quoniam ex his quinque cala-  
morum millibus detrahenda est dimidia pars lati-  
tudinis Sanctuarij, id est, calami ducenti quinquaginta;  
hæc eadem calamorum mensura adijcitur  
distantiæ ex quinque calamorum millibus, quæ ci-  
uitati dicata erant; quia latitudini ciuitatis tribu-  
untur non ampliùs quatuor millia & quingenti cala-  
mi, atque ita remanent ex vrâque parte 250. ca-  
lami. Ex quo facile est animaduertere, ciuitatem ab  
ædificio templi distare integra quindecim millia  
calamorum. Quæ distantia iuxta meam calami he-  
braici dimensionem, eadem ferè est cum ea, quæ  
reperitur inter cœnobium sancti Laurentij ad Scu-  
riale, & urbem regiam Madritum, quæ sunt plus-  
quàm viginti duo passuum miliaria.

Dicat tamen aliquis, Ezechielem in ea descri-  
ptione vrbs, quam vidit à templo adeò distantem,  
non agere de Ierosolyma. Et facit, quòd nomen  
illius vrbs est longè aliud, nempe *Dominus ibidem*,  
vt habetur Ezechielis 48. 35. Verùm hoc nõ satisfacit.  
Nec enim dubium, quin visio Ezechielis non  
conformetur materiæ Ierosolymæ, & materiati  
templi distantia, quam vnquam habuerant vel ha-

B bitura erant. Visio enim illa ad mysticam omnino  
ciuitatis & templi reedificationem, quæ tempore  
legis Euangelicæ futura erat, referenda est, atque id  
nonnihil facit, cur scilicet in visione mystica  
adeò distinguuntur ea, quæ in materiatis ædificijs  
neque fuerant, neque futura erant disiuncta. Et  
quamuis meritò dicatur ciuitatis nomen futurum  
deinceps, *Dominus ibidem*; sed ad aliam materiata  
ciuitatem à Ierosolyma diuersam, respectum fuisse  
à Propheta dici non potest. Quia nunquam tem-  
plum Iudaicum fuit, neque futurum erat ab omni  
vrbe separatum: quemadmodum ab Ezechiele de-  
scribitur; neque vnquam in ea distantia à templo  
ædificanda erat vlla vrbs materiata, qualem pro-  
pheta videtur describere, cum illis duodecim por-  
tis à duodecim tribubus Israel ædificatis. Quare, si  
ad aliquam urbem respexit, manifestum est, eam  
esse Ierosolymam; sicut in templi descriptione re-  
spexit ad Salomonicum. Additis tamen & in tem-  
plo & in vrbe ijs, quæ ad perfectam ex omni parte  
ædificationem & architecturæ complementum cõ-  
uenire visa sunt; & separatis inter se templo & vr-  
be, alicuius mysterij causâ.

C His animaduertis, meo iudicio facile persuade-  
tur animus, nulla ratione opus esse, vt ædificium  
illud, quod describit Ezechiel cap. 40. & sequenti-  
bus, omnino conformetur cum antiquo Salomo-  
nis ædificio. Etenim licet descriptio ipsa & re-  
spectus ad Salomonis ædificium manifestè postulât,  
vt intelligamus Ezechielem visionem in multis con-  
uenire cum antiquo Salomonis templo, & cum a-  
trijs vel antiquis, vel saltem ijs, quæ postea ædifica-  
ta, & tandem à Tito diruta sunt; nihilominus ta-  
men cum manifestè constet prophetam, licet Iudaica  
tangat, Christiana respicere; frustra laborat om-  
nino, qui contendit Ezechielem visionem cum  
materiati ædificio debere prorsus conformari.  
Quemadmodum enim in separatione templi à ci-  
uitate id describit Propheta, quòd nisi ad spirituale  
ædificium referatur, fabulosum esset omnino; ita  
nullum est inconueniens, vt in atriorum perfectio-  
ne & maiestate, in æquabili totius ædificij archite-  
ctura, plurima addantur in mystico ædificio, quæ  
in corporato prorsus deerant. Sicut etiam in vrbs  
æquabilitate, magnitudine, & portarum numero,  
& proportionem valde coactum est & minimè neces-  
sarium, velle visionem in omnibus, vrbi antiquæ  
Ierosolymæ conformari.

D Imò verò non solum id non est necessarium,  
sed potius fuisset inconueniens. Quemadmodum  
enim, vt constaret Iudaica tangi, & ad figuras  
antiquas alludi; necessarium fuit, vt in mul-  
tis prophetica visio manifestè describeret ea ipsa,  
quæ Iudæis nota erant; ita etiam maxime oportuit  
discrepantia adijcere, & cum historia minimè cohe-  
rentia, tum vt liquidò constaret prophetiam longè

Ezechielem  
in sua vrbs  
ac templi  
descriptione  
ad Ieroso-  
lymam ac  
templum  
respexisse.

Num Eze-  
chielis ædi-  
ficium cum  
antiquo Sa-  
lomonis om-  
nino con-  
formetur?

Ezechielis  
& Salomo-  
nis ædificia  
non omnino  
inter se con-  
gruere, id est  
mysterij  
causâ.

Templum  
apud Eze-  
chielem  
quàm longè  
à ciuitate  
distet.

Vrbum Eze-  
chiel in ea  
vrbs de-  
scriptione,  
quam tra-  
dit, agat de  
Ierosolyma.



aliò respicere, quàm primo aspectu videbatur; tum vt ipsa rerum differentia aptissimè deferuaret significandæ rerum Christianarum præstantiæ, si cum Iudaicis conferantur. Quare qui anxie disquirunt rationem aliquam, per quam possint ostendere descriptionem propheticam à veritate Iudaica nulla ratione discrepare; id est, nihil adijci à propheta, quod in antiquo ædificio defuerit: ne illi dum se sacræ Scripturæ illustrandæ operam nauare putant: id omittunt, in quo elegantia Christianorum ingenia exerceri multò magis esset optandum, & sacræ Scripturæ intelligentiæ multò etiam vtilius; nempe in ostendendis differentiis inter Iudaicam historiam & visionem propheticam, & in reddenda sapienti differentiæ ratione ex præstantia eorū, quæ prophete respiciebant, id est, rerum Christianarum.

Et certè miror, eos alioqui prudentes & valde doctos, non animaduertere in nonnullis adeò esse apertam differentiā, & adeò magnā; vt neq; obscurari, neq; ad concordia vlla ratione reuocari possit. Huiusmodi est distantia inter urbem & templum, & cōmutatio sortium Iudæ & Benjamin. Erat enim Benjamin ad Septentrionem respectu templi, Iudas verò ad Austrum. At in visione Ezechielis cap. 4. Benjamin locus est ad Austrum, Iudæ ad Septentrionem. Addo etiam, ibidem ad Austrum collocari Zabulon, & lōgè alium esse ordinem sortium, quàm secundum historiam vnquam fuerit. Omitto duodenarium portarum vrbis, & singularum nomina; & omitto etiam ea, quæ in templi ædificio demonstrare possum multò ampliora describi ab Ezechiele, quàm fuerint à Salomone ædificata. Equidem doceri velim ab ijs, qui adeò student concordia inter visionem & historiam, quo fundamento nitantur, vt sibi persuadeant eam concordiam esse magni momenti ad sacræ Scripturæ intelligentiam? Pleraque enim discrimina ex ijs, quæ commemorauimus, adeò sunt manifesta, vt de ijs dubitare non possint. Quippe vel vnicū discrimen satis erat vt Theologi animaduertent, voluisse Spiritum sanctum; vt ex discrimine prophetice visionis ad historiam, constaret prophetam dum Iudaica videtur tangere, Christiana respicere; atque in ea differentia consistere prudentissimam prophetice visionis elegantiam. Quid est ergo, quod hanc differentiā prætereant, & adeò consecutur concordiam? Dicent fortasse, vbi de discriminie non constat euidenter; ex euidenti conuenientia multorum, quæ narrat propheta cum historia, rectè colligi in ceteris quoque similiter esse intelligendum, prophetiam cum historia conformari; atque adeò, cum plurimæ ex mensuris templi, quas notat Ezechiel, sint eadem cum ijs, quas legimus lib. 3. Regum, de ceteris quoque similiter esse sentiendum. Verum hæc coniectura vana est. Constat enim elegantissimum fuisse, vt comparatā visionem prophetica cum historia, multæ essent conuenientia; multæ etiam differentia; ergo vbi de conuenientia non constat, non est cur magis suspicemur conuenientiam, quàm differentiam. quemadmodum ergo illi, nescio qua ducti ratione, ad conuenientiam inclinant; sic ego propendeo ad obseruandas differentias inter prophetiam & historiam. Quia in his maximè elucet rerum Christianarum præstantia, & elegantissima sacræ Scripturæ prudentia atque maiestas. Ac licet in hac obseruatione videar nonnihil à quibusdam doctis & amicis dissentire; censeo tamen, debuisse me in hac re meam explicare sententiam, vt sacræ Scripturæ studiosis proponerem considerandum & expendendum id, quod magni momenti esse iudico ad Prophetarum intelligentiam.

His in vniuersum dictis, ad distantiam illam templi à noua ciuitate redeo. Quæ sanè distantia & separatio eò est magis admiranda, quò maior est nouæ ciuitatis sanctitas; quam vel ex nomine, quod ei propheta tribuit, obseruare licet. Sic enim concludit. *Nomen ciuitatis ex illa die, Dominus ibidem.* Ad hæc, si noua illa ciuitas est Ecclesia Christiana; & templum Dei, ipsius cultum & venerationem repræsentat; valde mirum est, quòd templum ab vrbe separetur itinere diei vnus; cum non possit esse

A verus Dei cultus extra Christianam Ecclesiam. Id quod confirmatur ex Apocalypsi, vbi procul dubio templum Dei est in ipsa noua ciuitate. Quia columna, quæ est in templo, dicitur esse ornamentum ciuitatis; sic enim habet textus cap. 3. 12. *Faciā illum columnam in templo: & scribam super eum nomen ciuitatis nouæ.*

Respondeo tamē aliquando templū accipi pro ipsis fidelibus; & sic accipit manifestè Paulus 1. Cor. 3. 17. & cap. 6. 19. & 2. Cor. 6. 16. in eo autem sensu omnino videbatur templum intra ciuitatem collocandū. imò verò eadem est significatio templi & ciuitatis. Sed non accipitur in eo sensu apud Ezechielem. Quauis enim non sit differentaneum, vt in figura & representatione foris sit, quod re ipsa intus est (vt si duæ sorores depingantur adstantes diuinæ prouidentia, nempe iustitia & misericordia; quæ re vera insunt, non adstant, Deo: sicut è conuerso diuersa Ecclesiæ symbola erant candelabrum, templum & vrbs Ierosolyma; primum inclusum in secundo, & secundum in tertio; neq; tamen hæc distinctio, siue inclusio in re significata reperitur) non tamen est verisimile sine mysterio in visione Ezechielis fuisse templum separatū à ciuitate itinere diei vnus, cum materiātum templum esset intra urbem ipsam. Neque video qua ratione deferuere possit illa separatio alicui mysterio, si eadem sit templi & vrbis significatio in illa visione.

Dicam ergo, quod mihi in mentem veniat consideranti visionem illam Ezechielis. Vniuersa terra sancta in suas tribus distributa Ecclesiam Christianam adumbrat, & omnes illius filios cōprehendit. Noua illa vrbs Roma est totius Ecclesiæ caput, fideliumque metropolis, & quam matrem agnoscunt tribus omnes: ac propterea ad tribus omnes spectat portarum illius edificatio. Templum verò illud, quod visum est à ciuitate separatū, religiosa vitæ professionem eleganter adumbrat. Primum enim quauis meritò fidelibus omnibus templi symbolū conueniat, propter communem veri Dei cultum; meritò tamen speciali ratione religiosa vitæ & professioni à Spiritu sancto accommodatur templi figura; eadem ratione, qua religionis nomen prius generatim Christianæ religioni, atque adeò fidelibus omnibus commune est; & deinde singillatim Religiosis ordinibus accommodatur, qui se totos Dei cultui & venerationi specialiter deuouent. Adhæc; separatio illa templi à ciuitate aptissimè deferuit separationi, quam religiosa vita proficitur, à fidelibus ceteris, & ab ipsa etiam Romana vrbe, cuius verisimum nomen est *Dominus ibidem*, scilicet in suo vicario, quem vt Christi vices gerentem in terris fideles omnes veneramus. Licet enim nulli magis se promptos & obediētes Romano Pontifici præstent, quàm ordines religiosi, ad eam ipsam tamen obediētiæ excellentiam, & diuini cultus præstantiam mirificè conducit separatio illa, quam vita religiosa proficitur. Accedit, quòd separationis nomen pro deuotione & consecratione in Dei cultum & obsequium, phrasis est, sæpè in sacra Scriptura repetita. Neque verò in vniuersum opus est, vt re ipsa separatio fiat longinquitate loci (quauis nonnulli sint ordines religiosi, qui aliquam eiusmodi separationis formam sanctissime obseruant;) sed in religiosa vitæ professione, & votis monasticis, Paupertatis, Castitatis & Obedientiæ: & denique in affectibus à seculari vita separatis, & Deo consecratis consistit religiosa separatio; ad quam significandam aptissima fuit distantia illa, & longinquitas loci, quæ in visione prophetica representata est.

Hac ratione vniuersa illa templi architectura, quam adeò distinctè narrat Ezechiel (cap. 40. & sequentibus) ad vitæ religiosæ laudem spectat: nouæ autem vrbis descriptio ad Romanæ Ecclesiæ principatum. Nostram hanc explicationem valde confirmat, quòd hæc duo dignissima sint, quæ in sacræ Scripturæ prophetiis non solum non prætermittantur, sed etiam veluti præcipue Christianissimi partes (cuiusmodi in corpore humano sunt cor & caput) attentiori cura à vatibus sacris cōsiderentur. Certè qui admirandam Ecclesiæ Romanæ magnitudinem à Deo præuisam & præordinatam digna æstimatione

Impugnatur qui Ezechielis templū cum templo Salomonis prorsus equiparare contendunt.

Templi apud Ezechielem à ciuitate seiunctum; nec sine mysterio.

Terra sancta in tribus diuisa apud Ezechielem quid adumbrat. Quæ sit illa Ezechielis ciuitas.

Quid significet templum Ezechielis visum.

Separatio templi à ciuitate apud Ezech. quid significat.

Separationis nomen interdum pro deuotione & consecratione diuino cultui in sacris accipit.

Vrbis Ezechielis visæ sanctitas maior, quàm Ierosolyma.



ne perpendunt; & qui non dubitant religiosorum ordinum pulchritudinem, splendidissimam esse Christianæ gloriæ partem, & magnas Christi delicias; facile sibi persuadebunt non esse verisimile. quin duæ illæ tam nobiles Christianæ historiæ partes pluribus in locis à sacris vatibus descriptæ sint. Neque dubito, quin viris doctis & Christianâ pietate imbutis futurus sit gratissimus eorum labor, qui diligenti studio in antiquis prophetiis inquirunt graue & solidum de duabus illis rebus testimoniū. Nonnullos id vehementer optasse certò sciò: quorum votis spero. me aliqua ex parte satisfacturum in explicatione Apocalypseos, & eorum locorum, ad quos in sacro hoc libro alluditur, & præcipuè in cantici Canticorum commentario.

In hoc autem genere existimo, non esse contemnendum quod hic obiter perstrinxi ex libro Ezechielis. Illam enim templi & vrbis visionem ad Ecclesiam Christianam spectare, cæcus sit qui non videat. Hoc verò stabilito, quis poterit ire inficias, quin vrbs illa, quam describit Ezechiel, designata sit tanquam nouæ Israelis metropolis? Et quantunius fremant siue etiam rumpantur hæretici; si necessario fatendum est, certam quandam urbem ab Ezechiele designari, quæ futura erat totius noui populi Israelis metropolis, id est, Christianæ gentis caput; quam aliam nisi Romam vel ipsi hæretici notare poterunt, ad quam ea gloria possit verisimili aliqua specie pertinere? Si verò templum & ædificium separatum necesse est vt gentem aliquam adumbret, religionis ergò separatam, & Dei obsequio penitus consecratam; quis erit, qui aliqua aptiori applicatione religiosos ordines valeat ab eo templo excludere; cuius possessione illis tribuit ipsa separationis veritas, & visionis cum veritate proportio?

Quòd igitur plusquam viginti milliaria passuum visum sit templum illud ab vrbe separatum, valde congruit; vt religiosi cum alicuius negotij causa urbem adire, id est, à religiosis domibus egredi, & cum secularibus conuersari coganur; animaduertant opus esse, quàm breuissimè se expedire, & diligenter ad claustra reuerti; vt eos tenebræ non comprehendant. Sanè vbi domus vrbi propinqua est,

A facili de causa ire & redire contingit; neque vllum periculum imminere videtur, quòd quis non auxiè curet quàm primum se expedire, antequam inclinetur dies: vbi autem multa passuum milliaria abest ab vrbe domus, non est prudentis leui ex causa de vrbe adeunda cogitare, neque cum ire coactus est, plus immorari, quàm erat necesse.

B His indicatis, suspicor iam facile fore sacræ Scripturæ studio, aptam explicando rationem reddere aliorum discriminum, quæ in illa Ezechielis visione notari possunt; si cum Iudaica historia conferatur. Illud solùm attingam, quod supra notauim de Benjamin sorte commutata. Quis nesciat tribum Beniamini fuisse minimam? & quis non videat minimæ tribus nomen aptissimum esse ad humiles designandos? Iam verò Australem partem, respectu templi, dexteram fuisse compertum est; quia templum ad orientem solem respiciebat. Quid ergo aliud erit Beniamino, qui erat ad sinistram, concedi dexteram; nisi illud ipsum, quod diserte Christus asseruit, *Qui se humiliat exaltabitur*? Ille enim verè Beniaminus est (quod est dicere *filius dextre*) qui propterea dexteram meretur, quòd in in suis oculis minimus est, & meliorem fratri concedebat locum.

C Videbor fortasse alicui à proposito diuertisse. Redeo igitur aptè conciliandum Apocalypseos locum cum visione Ezechielis; & dico, Ioannem aptissimè cõsiderasse templum intra ipsam ciuitatē nouā; id est, verum Dei cultum in Ecclesia Christiana: & propterea in Apocalypsi columna templi aptissimè concipitur, tanquam decus & ornamentum vrbis. Hoc verò non impedit quin appositè etiam Ezechieli ostensum sit templum quoddam pulcherrimum plusquam viginti passuum milliariis ab vrbe distinctum; vt religiosæ vitæ separationem repræsentaret ab ipsa etiam Romana curia & vrbe: non quòd Pontifici Romano minùs subiecti sint atque deuoti; sed quòd separatio illa religiosæ vitæ sanctitatem aptissimè adumbret, per quam tamen Religiosi Romanæ ipsi Ecclesiæ maiori sunt decori & ornamento, & ipsius obsequio supra ceteros omnes fideles deuoti & consecrati.

Quare in Ezechielis descriptione fors Beniamini commutetur.

Matth 23. 12.

Ezechielis visio cum Apocalypseos loco conciliatur.

## C A P I T U L U M III. P A R S III.

*Quæ est epistola ad Laodicenum, & sub eius persona ad Christianos tepidos.*

### T E X T V S.

Verf. 14. **E**T Angelo Laodicæ Ecclesiæ scribe: Hæc dicit Amen, testis fidelis, & verus, qui est principium creaturæ Dei.

15. Scio opera tua, quia neque frigidus es, neque calidus. Vtinam frigidus esses aut calidus!

16. Sed quia tepidus es, & nec frigidus nec calidus; incipiam te euomere ex ore meo.

17. Quia dicis, quòd diues sum & locupletatus, & nullius egeo: & nescis, quia tu es miser, & miserabilis, & pauper, & cæcus, & nudus.

18. Suadeo tibi emere à me aurum ignitum probatum, vt locuples fias; & vestimentis albis induaris, & non appareat confusio nuditatis tuæ, & collyrio inunge oculos tuos, vt videas.



19. Ego, quos amo, arguo & castigo. Amulare ergo & poenitentiam age.

20. Ecce sto ad ostium, & pulso, si quis audierit vocem meam, & aperuerit mihi ianuam, intrabo ad illum, & coenabo cum illo, & ipse mecum.

21. Qui vicerit, dabo ei sedere mecum in throno meo: sicut & ego vici, & sedi cum Patre meo in throno eius.

22. Qui habet aurem, audiat, quid Spiritus dicat Ecclesijs.

## COMMENTARIUS.

Verf. 14.  
Amē quid  
significet.

**H**ÆC DICIT AMEN.] Græcè, ὁ ἀμήν, ex quo patet in præsentī Amen esse Epitheton, quod Christo tribuitur. Neque nouum est hanc dictionem substantiui loco poni; vt patet Isaia 65. 16, vbi sic legimus, in quo (scilicet Christo) qui benedictus est, benedicetur in Deo Amen. vbi ex hebræo manifestum est, Deum Amen, construendum esse eodem modo, quo construeretur, si legeremus Deum veritatis: quia nomen Dei est in regimine; vt necesse sit, Amen, nominaliter accipi. Et notat ibi Forerius, eum Isaia locum esse insignem ex veteri testamento pro vera Christi Domini diuinitate. Similiter hic accipiunt Primasius, Andreas, Beda, & multi. Notant enim ad diuinitatis essentiam referendum esse adiectiuum Amen, Mihi aptius videtur, vt referatur ad veritatem eorum, quæ affirmat. Explicationis enim gratia statim adiicitur testis fidelis & verus, vt notat Ambrosius; testis autem is dicitur, qui aliquid testificatur, atque confirmat: & veritas doctrinæ Christo, etiam quæ homo est, verissimè conuenit.

Cur Christi  
se Laodice-  
no po-  
rissimum  
testem fide-  
lem asseuo-  
ret?

Sed cur Christus in hac epistola potius, quàm in ceteris ad eum asseuerat se esse fidelissimum, id est, verissimum testem? Quidam suspicantur cœpisse Laodicenum de Christi promissionibus dubitare. Sed non video, cur liceat aliud crimen ei assignare, præter teporem, de quo Christus eum reprehendit. Et saepe tepor contingit sine vlla, non dico, dubitatione eorum, quæ fides docet; sed neq; minima Diaboli tentatione circa fidem. Aliter ergo Respondeo; aptissimum esse maiori asseuerationi locum in ijs, quæ minùs verisimilia per se videntur; cum tamen sint verissima & animaduersione dignissima. Negari autem non potest, quin ea, quæ in hac epistola continentur, primâ facie minùs verisimilia videantur, quàm doctrina aliarum epistolarum. Primum enim in hac dicitur optabilius esse, vt is qui in Dei obsequio tepidus est, esset prorsus frigidus. Deinde asseritur eum esse pauperem, cæcum, nudum, & miserabilem. Denique præmium, quod in hac epistola vincenti promittitur, admirabilius existit, quàm quæ in ceteris legimus: cælestem enim regem ad eum fauere pauperi & misero homuncioni, vt eius domum ingredi velit, & cum eo coenare, eumq; postea secum deferre in thronum regium, ac illum secum in eo pariter collocare, hæc verò maiorem afferunt admirationem, quàm ea beneficia, quæ in ceteris epistolis promittuntur.

Cur se Chris-  
tus princi-  
pium crea-  
tura Dei  
vocet?

**PRINCIPIUM CREATURÆ DEI.]** Multi in his verbis ad rerum creationem, vel etiam ad Sanctorum prædestinationem respiciunt. Duo tamen hic sunt obseruanda; alterum, vt hæc Christi periphrasis (sicut & ceteræ) ex visione capitis primi desumatur, & cohæreat cum sensu illorum verborum, Principium & finis: alterum, vt possit reddi apta ratio, cur in hac epistola potius, quàm in alia Christus se appellet principium; & cur ex illo superiori elogio principium & finis, primam solum partem hic vsurpauerit. Propter hæc Ruperti explicationem, qui creaturæ nomen ad nouam creaturam refert, aptissimam iudico. Quam etiam sequuntur Ribera, & Pererius. Et primum multi sunt noui testamenti loci, in quibus nomen creaturæ eo modo accipitur pro spiritali atque diuino sanctitatis opere in animabus hominum, virtute Christi facto; 2. Cor. 5. 17. Si qua ergo in Christo noua creatura, Galat. 6. 15. Ephes. 6. 10. Coloss. 3. 10. Iacobi 1. 18. Deinde genitiuus ille Dei, cum dicitur, principium creatura Dei, eleganter adiungitur in sacræ Scripturæ phrasi, vt denotet opus excellens, quod ad Dei gloriam singulariter spectat. Aut fortasse idem est creatura Dei, quod diuina creatura; propter nouum esse diuinum, quod homini tribuitur. Ad hæc; Christus dicitur, principium & finis, (vt explicauimus cap. 1.) quoniam Ecclesiæ Christianæ opus ipse inchoauit, & ipse gloriose perficiet. Similiter ergo principium & finis creaturæ Dei idem dicitur, quia ab ipso est nouæ creaturæ principium; & ab ipso est eiusdem creaturæ finis, siue perfectio. Cum ergo in hac epistola sermo sit cum tepido, qui adeo longè aberat à perfectionis desiderio; eleganter omisit Christus secundam partem illius elogij, principium & finis, quasi dicat, cum Laodiceo, & cum eiusdem generis hominibus, id est, cum tepidis de initio sanctitatis opus esse agere, non de perfectione. Quamuis enim illi longè aliter de seiphs sentiant, & se non solum incepisse, sed etiam profecisse existiment; à Christo tamen iudicantur nondum solidæ sanctitatis fundamenta iecisse, & ab ipso nouæ creaturæ initio longè abesse. Ex his patet sapientissime vsurpasse Christum in hac epistola periphrasim illam, principium creatura Dei. Cum enim epistolæ scopus sit ignorantiam Laodicensi refellere; & admonere tepidos. initium id nouæ creaturæ, quod videntur habere, vmbra potius esse initij, quàm veritatem; nulla potuit cogitari Christi periphrasis argumento huius epistolæ concinnior, quàm principium creatura Dei. Eam enim, à quo omne verum sanctitatis initium, latere non potest, an tepidus verè incepit, vel ab ipso etiam initio longè absit.

Creatura  
nomen sape  
in Scrip. pro  
spiritali  
sanctitatis  
opere in ho-  
minū ani-  
mis per Deū  
efficitur  
sumi.

Quare hic  
Christus  
solum se  
nominet  
principium,  
non vtrū  
finem.

Verf. 15.  
Quæ te-  
piditas in La-  
odiceo re-  
prehenda-  
tur.

**SCIO OPERA TVA; QUIA NEQVE FRIGIDVS ES; NEQVE CALIDVS, &c.]** Ex intelligentia teporis, de quo Dominus Laodicensem reprehendit, pendet totius epistolæ intelligentia. Sunt autem vndecim, quas inuenio, expositiones.



**A** Prima docet, teporem esse fidem sine operibus vel scientiam sine operibus. Sic exponunt diuus Ambrosius Psal. 118. sermone secundo. Saluianus libro. quarto de Prouidentia, Bernardus sermone tertio de ascensione, qui inscribitur *de intellectu & affectu*. Gregorius in pastorali lib. 3. cap. 35. fin. Diuus Thomas de malo q. 3. ar. 13. ad 1. Ex interpretibus huius libri Victorinus, Primasius, Ambrosius, Aretas, Beda, Richardus, Glossa, Albertus, Carthusianus, Suarez. Et præter hos tribuitur Ticonio, Haymoni & Ansberto.

Secunda expositio ait, diuitem avarum esse eum, qui appellatur tepidus. Sic Ticonius, Primasius, & Serranus; quibus fauet Tertullianus de Pœnitentia capite octauo, ubi ait, in hac epistola reprehendi Laodicensis fidentes in suis diuitijs. Andreas etiam & Aretas ad temporales diuitias referunt illa verba, *Dicis quod diues sum*, &c. Atque ita Andreas ait, hunc Episcopum fuisse spinarum diuitijs oblitum. Hanc expositionem sequitur Baronius tom. 1. annalium; ubi notat ex Plinio Laodicensis lanas fuisse olim in summo pretio, & ex illis magnum quæstum fieri solitum.

Tertia expositio est Ambrosij, & Ioachimide eo, qui tepet in fide. Si tamen hoc non est aliud, quàm aliquantulum remississe de feruore fidei; conuenit hæc expositio cum 5.

**B** Quarta Andreæ de eo, qui fidem, quam acceperat, repudiavit.

Quinta existimat hypocritam & simulatorem religionis vel sanctitatis appellari tepidum. Sic Hieronymus Isaia 51. fin. & similiter Victorinus, Seraphinus, Zegerus, Pannonius, Serranus & Arias.

Sexta (quæ parum distat à quinta) de ijs exponit, qui cum sint monachi vel religiosi, longè absunt à vitæ religiosæ amore & studio. Ita Cæsarius homil. 28. Cassianus collatione 4. cap. 19. Haymo, Ansbertus, & Ioachimus. Concinit Origenes Homil. 1. in Psalm. 38. qui tepidos esse ait eos, qui patiuntur se mundanis fordibus pollui, & multiplicata iniquitate refrigescere charitatem.

Septima tepidum appellat eum, qui non consummat, quæ inchoauit; sic Gregorius 3. Pastoralis cap. 35. & Thomas Anglicus. Fauet Origenes proximè citatus; & Haymonis expositio de eo, qui torpuit post bonum initium.

Octaua exponit de eo, qui inter virtutes & vitia fluctuat; ac vitam quidem à crimine custodire vellet, sed ad virtutis laborem non assurgit. Sic Hieronymus supra; nec non Cassianus collatione 4. cap. 12. & 19. & similiter Haymo, Anselmus, atque Lyranus.

**C** Nona tepidum intelligit eum; qui de quibusdam virtutibus, aut bonis operibus superbit: vt verbi gratia, de virginitate. Sic Rupertus; atque hæc etiam est expositio Gregorij 34. Moral. cap. 3.

Decima tepidum dicit esse eum, quem neque Dei amor; neque timor deterret à peccando. Sic Bernardus sermone tertio de assumptione beatæ Mariæ, quem sequuntur Ioachimus, Lyranus, & Zegerus. Existimant enim hi auctores frigidum esse eum, qui formidine pœnæ peccare non audet; vel eum, qui de suis peccatis tristatur ac dolet; calidum, qui amore Dei feruet, & in Deo latatur: tepidum verò, qui neque amat, neque timet Deum. Et fortasse hæc est expositio, quam Andreas tribuit Nazianzeno, sic exponenti; oportere hominem accuratè viuere: atque ad hoc opus esse vel insigniter feruere, vel insigniter frigere. Et facit, quod antiqui in conuiuijs non solum frigidam conuiuijs apponebant, sed etiam calidam; vt docet Lipsius lib. 1. Electorum, cap. 4. tepida verò ad vomitum prouocat.

Vndecima denique expositio eum appellari tepidum existimat; qui, cum sit in peccato, putat se esse iustum. Sic exponit Gregorius 30. Moral. cap. 2. Ait enim, *Nudus, quia stolam gratia perdidit: & illud peius, quod nec se perdidisse cognoscit*. Sic etiam Albertus, Ribera & Pererius; & pro se citat Ribera Ambrosium atque Hieronymum, §. 48.

In conuiuijs  
olim & fri-  
gidum &  
calidam  
apponi so-  
litas.

### *Iudicium de his vndecim interpretationibus.*

**P** R I M V M aduerto, licet teporis culpa non sit semper crimen lethale; atque adedò aliquando reperiri possit in homine iusto: in hac tamen epistola haud dubiè tepidum appellari eum, qui per teporem à gratia Dei exciderat. Alioqui enim non eisdiceretur, *Tu es miser & miserabilis, pauper, cæcus, & nudus*. Et quamuis alicui visum sint Gregorius, Cassianus, Ticonius, Primasius, & Ansbertus de veniali culpa interpretari Laodicensis Episcopi teporem; non tamen videtur rectè illorum verba exponendi. Licet enim aliqua eorum verba generalia sint, quæ teporem describant in communi, vt doctrina per analogiam vtrique tepori applicari valeat; id est non solum lethali, sed etiam veniali; non tamen propterea excusant Laodicensem à crimine. De Haymone non adedò assererem; expressè enim interpretatur de eo, qui vitam vult à crimine custodire. Verùm neque hoc satis est, vt Laodicensem excusare intelligendus sit. Contingit enim dedita operâ non velle crimen admittere, & nihilominus excidere à gratia Dei. Et sic intelligendæ sunt octaua, nona, & vndecima interpretationes. Intò verò sic loquitur Christus in huius epistolæ textu. Agit enim cum Laodicensi, qui putabat se esse non solum iustum, sed etiam diuitem in fide & virtute; & nihilominus pronunciat eum esse pauperem, cæcum, & nudum.

Secundò aduerto, in analogia teporis significari medium quoddam particeps caloris & frigoris. Aliter censer Pererius noster, ea ductus ratione, quod tepidum esset imperfectè malum, atque adedò non peius frigidus. Quare ille ait, in tepidi metaphora non considerari, quod sit particeps caloris &

frigoris;

Pro tepore  
hic statum  
peccati le-  
thalis intel-  
legendum.

Teporis va-  
rietas in quo  
consistat.



frigoris; sed solum quod sit contrarium stomacho, concitans ipsum ad nauseam & vomitum. Textus tamen meo iudicio cogit, ut tepidi metaphora ad calorem inchoatum & non consummatum referatur. Huc enim spectant illa verba, *tepidus es, & neque frigidus, neque calidus*. Quibus verbis non solum significatur teporem esse contrarium stomacho; sed etiam propterea esse contrarium, quod neque sit frigidus neque calidus, sed utriusque extremi particeps: & in hoc consistit illius metaphora energia. Adde, quod cogitatio hac plerisque interpretationibus aptissima est; neque tantum prioribus, sed etiam ultimæ, quam sequitur Pererius. Tepor enim in eo consistit, quod voluntas tepidi amplectatur id, quod per se erat veluti initium & inchoatio ad charitatis feruorem; neque tamen velit ipsum charitatis feruorem amplecti. Sic enim in prima expositione, velle esse fidelem, est velle initium vitæ Christianæ. Sic in sexta velle esse monachum, est velle professionem vitæ religiosæ, id est, initium vitæ perfectæ. Sic in septima velle inchoationem. Sic in noua, velle eas virtutes, in quibus gloriatur tepidus. Sic in octaua & vndecima, velle non excidere à gratia Dei. Atque in his omnibus expositionibus caloris initio adiungitur frigoris imperfectio: id est nolle perfectionem & consummationem. Quare non erat, cur Pererius recusaret in tepidi metaphora significari medium, quod sit particeps caloris & frigoris. Ad argumentum autem Pererij Respondeo, tepidum esse imperfectè calidum; sed eo ipso esse peius quam si non cœpisset calefieri, ut infra explicabimus. Si verò hac consideratio est in præsentī necessaria; per illam omnino excluditur expositio decima: quia timoris & amoris coniunctio, laudem potius meretur, quam reprehensionem: atque ita auctores & probatores expositionis decimæ opus habent, ut tepidus non sit particeps caloris & frigoris, sed utriusque omnino expers: in quo etiam violentum satis erat, ut frigidum poneretur in laude.

Quæ teporis metaphora huic epistola conueniat.

Reijcitur 1. expositio ex supra allatis.

Reijcitur sexta.

Reijcitur septima.

Reijcitur octaua.

Reijcitur secunda.

Reijcitur quarta.

Reijcitur nona.

Tertiò aduerto, non omnem teporis aptam alioqui metaphoram, huic epistolæ esse conuenientem. Oportet enim, ut hac epistola conferatur cum ceteris, & reddi possit conueniens ratio; cur in hac epistola aliter se appellet Christus, quam in alijs, cur aliud præmium proponat, & aliam cōminationem intendat? Quare ipsa periphrascon Christi diuersitas, ipsa præmiorum atque cōminationum distinctio postulat, ut conscientiarum genera sint diuersa. Hinc est, ut prima expositio non videatur recipienda: quia fides sine operibus, vel scientia sine operibus non minùs conuenit Sardenfi, quam Laodicensi: ergo tepidi nomen non accipitur in præsentī pro quouis fidei, qui opere non præstat ea, ad quæ tenetur, vel ea, quæ nouit se debere operari. Accedit, quod manifestum est ex huius epistolæ contextu, sermonem esse cum eo, qui se iustum reputabat. Ergo non cohæret, ut tepidi nomen repræsentet quemuis fidelem, qui in peccato sit. Sunt enim ex his multi, qui non dubitant se flagitijs esse coopertos. Hoc argumentum valet etiam contra expositionem quintam; si illa in vniuersum accipienda est de quouis hypocrita. Sunt enim ex his multi, qui nōrunt se esse fictos & sceleratos. Fortasse tamen Hieronymus non de quouis simulatore accipendus est; sed de illo solum, qui se ipsum decipit, & sibi in aliqua sanctitatis specie blanditur. Quæ ratione hac interpretatio concurrat cum vndecima, quam nos existimamus scopum atigisse.

Sexta expositio, quæ ad monachos seu religiosos refertur, qui perfectionis studium abiecerunt, non tam intelligenda est esse huius epistolæ interpretatio, quam optima accommodatio ex similitudine conscientiz. Non enim constat Laodicensem fuisse monachum. Ex monachis verò illi propriè dicuntur tepidi; qui, cum perfectionis studium abiecerint, nihilominus se iustos arbitrantur. Et sic etiam ista expositio ad vndecimam spectat, ut infra videbimus.

Septima expositio, si agat de ijs, quorum reprehensio non est alia, quam aliquantulum de feruore charitatis remisisse; satis refellitur ex discrimine huius epistolæ à prima, quæ ad Ephesinum scripta est. Ad hæc; reprehensio Christo ostendit Laodicensis culpam fuisse multò grauiorem.

Octaua expositio egregiè depingit tepidum; ita tamen ut sermo sit de eo, qui se iustum existimat ut infra constabit. Atque ita vndecima expositio non erit alia ab octaua.

Quartò aduerto, ubi teporis metaphora non aptè cohæret, hoc satis esse, ut expositio existimetur non esse germana. Hac de causa, secunda interpretatio meo iudicio coacta est. Cur enim magis diuiti avaro, quam cuius alij scelerato nomen tepidi tribuatur? Quin etiam nulla ratione verisimile est, primitiæ Ecclesiæ temporibus fuisse Episcopum nummis coaceruandis attentum. Neq; Tertullianus huiusmodi aliquid de Episcopo ipso somniauit. Præterea, ubi non solum verisimile, sed etiam certum esset, Laodicensem Episcopum fuisse diuitem avarum; ut tamen ei tepidi nomen aptè conueniret, dicendum esset, eum propterea appellari tepidum; quia sibi persuadebat diuitias à se sine crimine congregari, neque de perfectione Christianæ vitæ admodum curabat. Atque hac ratione hac expositio in vndecimam incideret.

Quarta etiam expositio violenta est. Quia fidem repudiassè longè aliud est, quam tepere. Præterquam quod qui recessit à fide, iam est infidelis: epistolæ autem istæ ad fideles diriguntur, id est, ad septem genera fidelium.

De nona expositione similiter dico, eam non videri ad rem. Cur enim nomen teporis occultæ superbiz tribuatur; nisi quis dicat se agere de huiusmodi superbo, qui se putet non grauiter Deum offendere in ea iactantia atque superbia; neque maiorem humilitatis siue modestiæ Christianæ perfectionem velit amplecti. Sic enim fieri potest, ut nomen tepidi iuxta vndecimam expositionem optimè conueniat eiusmodi superbo.



*Cuiusmodi conscientia genus sit, quæ de tepore reprehenditur à Christo in hac epistola?*

**P**RIVS mihi explicandum est, quid teporis nomine intelligam. Deinde ad disputationem accedam. Tepidus ergo, meâ sententiâ, in præsentî epistola is dicitur, qui Deum quidem non audent lethali crimine offendere sciens & volens; à perfectioris autem vitæ & purioris conscientia studio alienus est; quare facile se proprijs concupiscentijs permittit; & quævis peccata deuorat, quæ sibi tantum venialia videantur. Ac propterea se reputat iustum, quod sciens & volens peccatum mortale non admittat. De hoc genere hominum in vniuersum affirmari non potest, eos omnes excidisse à gratia Dei. Quauis enim sæpe contingat, in peccatum mortale incidere eum, qui existimabat se non adedò grauitè peccare; vt Laodicensi contigerat: fieri tamen potest, vt eiusmodi occasiones vni aut alteri per aliquot dies, aut menses non occurrant. Quoniam verò maximum est eiusmodi teporis periculum; & valde opus erat, vt de eo admonerentur tepidi: ideo epistola hæc ad Laodicensem scripta est, qui se reputabat iustum; eo quod peccati lethalis, quod sciens & volens admisisset, sibi conscius non esset. Nihilominus tamen Christus illum asserit esse miserum, pauperem, cæcum ac nudum: neque solum in peccato lethali iacentem; sed etiam miseriorem, quàm si datâ operâ à Dei gratia excidisset.

Huius expositionis auctores non eos tantum esse existimo, quos in vndecima expositione nominavi, id est, Gregorium, Albertum, Riberam, & Pererium; sed etiam eos omnes, quos retuli in expositione quinta, sexta, septima, octaua, & nona. Eos enim omnes video cum nostra expositione conciliari posse; & cogit (meo iudicio) textus epistolæ, vt existimem eos loqui de tepido, qui se iustum reputet, & tamen in peccato sit.

Atque hæc de auctoritate. Quod ad rationem attinet; si tepor animi (vt dicebamus) particeps debet esse imperfecti caloris & frigoris; & animus seu voluntas tunc feruet, cum valde amat; tunc friget, cum amare non vult: quid quæso aptius, quàm vt tepida dicatur voluntas, cum homo amicitiam Dei videtur aliquo modo expetere, scilicet quia non audent sciens & volens eius mandata violare: hæc tamen amandi voluntas adedò est tepida, vt de cetero gratificari Deo parum aut nihil curet? Certè qui scienter peccatum lethale committit, eo ipso expressè vult à Dei amicitia recedere: atque adedò non tepet, sed omnino friget, & manifestè improbus est; qualem describit Christus in epistola ad Sardensem. In qua Episcopus ille non de alio flagitio vel scelere arguitur, nisi de omissione eorû, ad quæ nouerat se ex officio teneri. Cum ergo cõtextus & ratio perspicuè doceant, non esse idem genus conscientia Sardensis, & Laodicensis; & vterque à Christo asseratur lethalis criminis culpa inquinatus: eò prorsus deuoluitur discrimen, vt ille per improbitatem sciens & volens peccauerit; iste verò à propria concupiscentia abstractus & illeſtus per teporem non animaduertit se Deum offendere, & tamen ab ipsius gratia exciderit. Hinc est, vt cum Sardenſi non id agatur, vt agnoscat se esse in peccato; sed potiùs tanquam ad eum, qui sibi suæ improbitatis conscius est, dicatur illi; *Veniam ad te tanquam fur, & nescies qua hora veniam ad te; si tamen poenitentiam egeris, non delebo nomen tuum de libro vitæ; nec erubescam te confiteri coram Patre meo.* Cum Laodicensi autem id in primis agatur, vt suam miseriam agnoscat; & se esse pauperem, cæcum, ac nudum.

Vbi aduertendum est, tepidum quidem non ignorare se esse tepidum: nouit enim se nolle datâ operâ peccare mortaliter; & nouit se non esse feruidum in charitate Dei, neque efficaci & prompta voluntate ea amplecti, quæ maioris perfectionis sunt & maioris obsequij Dei. Non igitur ignorat teporem suum; magnitudinem tamen sui periculi, aut suæ etiam conditionis miseriam non agnoscit. Et propterea in persona Laodicensis tanta asseueratione docetur à Christo, quàm magnum sit eiusmodi teporis non modò periculum, sed etiam miseria atque calamitas.

Contra hanc tamen explicationem duo obijci posse video. Alterum est, teporem eius, qui de perfectionis studio non admodum curat, sæpe vacare à culpa lethali: quare si in his septem epistolis, quicumque fidelis habere debet aliquam ad se scriptam; non solum esset agendum de tepido, qui est in peccato mortali, sed etiam de eo, qui nondum excidit à gratia Dei. Alterum est, non videri ad rē ignorantiam illam tepidi, qui non putabat se peccatum lethale admittere: quia hæc ignorantia non aggrauat peccatum, sed potiùs eleuat; in præsentî autem non agitur de peccato tepidi eleuando. Imò verò plurimi doctores, iſque grauissimi, hoc discrimen reperiunt inter tepidum & frigidum; quod tepidum valde accusat scientia, frigidum non nihil excusat ignorantia: & propterea dicunt, tolerabilius esse peccatum frigidorum, iuxta id 2. Pet. 2. 21. *Melius erat illis non cognoscere viam iustitiæ, quàm post agnitionem retrorsum reuerti.* Sic sanè Saluianus lib. 4. de prouidentia, sic D. Ambrosius, sic D. Thomas, sic ceteri in prima expositione relati. Accedit, quod sicut lux corporea solet esse principium caloris corporei; sic etiam lux spiritualis, caloris spiritualis principium est: per eam enim accenditur affectus. Atque ita ille propriè est omnino frigidus, qui caret cognitione, per quam inchoatur bonum desiderium: ille autem tepidus, qui caleſcere cœperat. Caleſtem enim lucem statim consequitur inchoatio boni desiderij. Ea verò est tepidi culpa, quod nolit vltèriùs progredi ad eius desiderij perfectionem & exequutionem.

Ad primum Respondetur, in his septem epistolis agendum fuisse de septem conscientiarum generibus, non tamen de singulis in vnoquoque genere differentijs, quod esset infinitum. Vt ergo omnes tepidi animaduertent, quantū sit in spiritali tepore periculum; prudentissimè propositum fuit exemplum eius tepidi, qui ad eam miseriam deuolutus erat, in quam frequentissime incurrunt tepidi. Cum enim tepor permittat hominem proprijs indulgere concupiscentijs, easque fouere & alere; atque illæ fumum & caliginem excitent, quibus animarum oculi excæcantur; facile fallitur miser animus, & per illusionem lethalia accipit vulnera, vbi se leuiter solum tangi existimabat.

Teporis nomine quid propriè intelligendum. Qualis sit tepidorum status quæque periculositas.

Statuitur & probatur vera sententia.

Tepidum ferè sui teporis non ignarū esse.

Duplex notus contra prædictam interpretationem.

Discrimen inter tepidū & frigidū.

Soluitur primum. Tepidi periculum.



Neque de eo periculo sermonem instituo, à quo non longè etiam aliquando abest tepidus, scilicet vt à concupiscentiæ pellacia eò adducatur, vt scienter à gratia Dei discedat. Omitto istud nunc: quia hoc est transire ab statu tepidi ad improbitatem manifestam. Sed durante etiam tepore (id est tepida illa voluntate non admittendi peccatum lethale, neque tamen maiorem perfectionem amplectendi) maximum subest periculum sapè deuorandi per imprudentiam peccati lethalis venenum. Atq; hæc est doctrina, quam ex huius epistolæ sapientia, & animarum tractandarum experientia certissimam esse norunt vitæ spiritalis magistri.

Ad secundum, fateor plurimos Doctores sapientissimè decernere peccata fidelium ceteris paribus esse grauiora, quàm peccata infidelium: quia ignorantium crimina leuiora sunt. Verùm sapientia hæc & fidei lux, quæ peccata fidelium atque sapientum conuincit esse grauiora, communis est fidelibus siue improbis, siue tepidis. Quare, vbi inter ipsos fideles agitur de discrimine tepidorum ab improbis; non cohæret vt discrimen tepidi ab improbo desumatur ex tepidi fide & scientia, & improbi infidelitate & ignorantia. Doctrina ergo illa D. Ambrosij, Saluiani, & D. Thomæ verissima est; & metaphora etiani tepidi non erat alioqui inepta ad Christianos cum infidelibus comparandos. Nos tamen ex aliorum doctorum sententia, & ex huius epistolæ contextu contendimus, in præsentī proprie non agi de fidelibus ijs; qui, quoniam proiecerunt se ad sceleris audaciam, improborum nomen merentur; sed de ijs tantum, quos tepor imprudentes; & nihil tale cogitantes in peccati lethalis miseriam adduxit. Atque ex ijs etiam non negamus, (si sint cetera paria) grauius esse peccatum eorum, qui doctrinā fidei & sapientis disciplinæ institutis plenius erant instructi. Sed quod attinet ad discrimen tepidi ab improbo (siue Laodicensis à Sardeni) sine dubio tepidus non peccabat de industria, sed per imprudentiam & illusionem deceptus. Alioqui non diceretur ei; *Nescis, quia tu es miser & miserabilis, pauper, cæcus, & nudus*. Et fateor quidem ex hoc capite, id est; ex hac imprudentia & incogitantia non nihil eleuari peccatum tepidi. Nihilominus tamen Christus prudentissimè ait, *Vtinam frigidus aut calidus esses!* de quo infra.

Ad illam lucis similitudinem, respondeo, aptè considerari in tepido fidei, cum prius fuisse illuminatum à Deo. Verùm hæc fidei & bonarum inspirationum illuminatio communis fuerat fidei tepido & fidei improbo: illud autem est proprium tepidi, quod mediocre (vt ita dixerim) amicitiam cum Deo velit; veram & perfectam non velit.

Præterea ex nostra expositione, nisi me fallo, facile intelligitur, eas, quæ videbantur variæ esse expositiones de statu tepidi; nempe quintam, sextam, septimam, octauam & nonam; eodem omnes spectare, & egregie conciliari. Primum enim quinta expositio (quæ videtur loqui de hypocritis & religionis simulatoribus) nobiscum facit; si notes, duplicem esse hypocrisim; alteram eorum, qui sanctitatis simulatione alios fallere volunt, se ipsos tamen non fallunt; norunt enim se esse sceleratos: alteram eorum, qui se ipsos primum fallunt, dum se iustos reputant; deinde tales ceteris videri volunt, quales sibi videntur. Primum ergo genus hypocrisis, quantumvis subtile videatur, crassum est: neq; eius contagio valde peruagatur. Secundum verò est multò subtilius & vitiatus. Quæ enim calidior Dæmonis fraus, quàm ipsum decipere deceptorem; & in animum illi inducere, eam non esse fraudem, sed veram iustitiam? Porro hoc malum adeò commune est, vt vix aliud sit peruagatius inter eos, qui non sunt palàm scelerati, & proiectæ ad scelus audaciæ. Veram enim perfectamque sanctitatem amplecti paucorum est; specie tamen aliqua iustitiæ decipi, & illico se iustum reputare & reputari velle; nā hoc familiare est, & in ipsis etiam monasterijs valde timendum, & sanè dubitabit nemo, quin genus hoc ad eum teporem spectet de quo nos hanc epistolam interpretamur. Illud cuiuspiam nouum fortasse videatur, quod hypocritæ sint, qui se ipsi fallunt. Ego autem contra sentio, scilicet hanc esse hypocrisim, de qua frequentius Christus loquitur in Euangelio. Quod enim latius peruagatur hoc malum, eò sapius admonendi erant fideles, vt ab eo sibi cauerent. Constat autem à Christo appellari hypocritas eos, qui se ipsi, falsā iustitiæ specie, iustos reputant. Expende illa verba Matthæi septimo, 5. *Hypocrita, eijce primum trabem de oculo tuo; & tunc videbis eijcere festucam de oculo fratris tui*. Ex quibus verbis Hieronymus, Matthæi sexto, in principio, colligit eum, qui sibi iustus videtur, cum non sit, hypocritam esse. Et 2. aduersus Pelagian. cap. quinto, ait, *Quantis alijs vitijs carere possimus; hypocrisios maculam non habere, aut paucorum est, aut nullorum*. Quare, cum Hieronymus tepidi nomen de hypocrita & simulatore Religionis exponit; de eiusmodi hypocrisi omnino intelligendus est, vt patet ex contextu. Quia Laodicensis de eo reprehenditur, quod cum esset pauper, cæcus, & nudus, &c. nesciret se esse cæcum. Certè non aliter ac ille, cui dicitur; *eijce primum trabem de oculo tuo*. Ex quo patet, eiusmodi hypocritam non videre; suam tamen cæcitatem ignorare.

Ex dictis facile cernitur, sextam etiam & septimam tepidi expositionem, & similiter octauam in nostra excludi, & cum ea optimè cohærere. Transeo ad nonam, quæ tepidum explicat esse illum, qui de virtute aliqua aut bonis operibus superbit, & vanè gloriatur; vt (verbi gratia) de virginitate. Nota ergo duplicem esse vanam gloriam; alteram nimirum, qua homo quispiam sibi tribuit perfectissimam sanctitatem. Alteram, qua specie aliqua iustitiæ deceptus, iustum se ipse reputat, & reputari à ceteris vult: quantumvis perfectioris vitæ studium manifestè respuat. Primum ergo genus superbiæ paucorum est; alterum verò frequentissimum, vt dicebamus. Et de eiusmodi vana gloria sine dubio intelligenda est nona explicatio tepidi; vnde hanc etiam explicationē comprehendit nostra.

VTINAM FRIGIDVS ESSES, AUT CALIDVS. ] Qui existimant frigidum esse eum, quem excusat ignorantia (vt infidelem) & tepidum, quem acculat fides atque conscientia; facile se expediunt à difficultate horum verborum. Aiunt enim peccata fidelium ceteris paribus esse grauiora. Vnde diuus Ambrosius ait, *Tolerabilius illi fuerat; fidem non accepisse; & eisdem verbis vtitur diuus Gregorius 3. Pastoralis cap. 35*. Præterea decima etiam expositio difficultatem declinat, accepto frigidi nomine pro eo, qui de peccatis suis dolet; vel pro eo saltem, qui formidine pœnæ à peccatis deterretur. Et facit, quod in potionibus & frigida & valde calida placent; tepida autem displicent. In nostra ta-

men

Soluitur secundus.

Quid sit tepidi proprium, prout ab improbo distinguitur.

Superiores alia expositiones aliquam ex parte cum nostra conciliantur. Duplex hypocrisis sit periculosior.

Quæ hypocrisis sit periculosior.

Duplex inanis gloria genus.

Frigidum esse aut calidum Laodiceum cur malis Christus, quàm tepidum? Referuntur aliorum explicationes.



A men explicatione, cum frigidus sit, qui dedita opera peccat, & videt se esse peccatorem; tepidus autem, qui peccati illecebra deceptus, excidit à gratia Dei, non tamē putauit se peccatum lethale committere; maior est difficultas, qua ratione Christus dicat, *Vinam frigidus aut calidus esses*. Constat enim grauius peccare eum, qui sciens & volens peccatum lethale commisit; quam eum, qui vere venum peccati lethale obbibit; sed non putauit se aded grauius delinquere. Quid ergo est, *vinam frigidus aut calidus esses*!

Thomas Anglicus notat, hæc verba ad exaggerationem pertinere: sed non coheret, vt quod Christus aded asseuerat (huc enim spectant illa verba, *hæc dicit Amen, testis fidelis & verus*) accipiatur, vt hyperbolicè dictum.

B Zegerus notat frigidi nomen in præsentia accipi debere pro eo, qui suam agnoscit frigiditatem. Et probatur; quia Laodicensis, qui de tepore reprehenditur, vere exciderat à gratia Dei, atque aded vere frigebat. Quare illa verba, *Vinam frigidus esses*, ad cognitionem suæ miseræ referenda esse videntur. Verum hæc quoque responsio non satisfacit: quia simul ait Christus, *Vinam frigidus esses aut calidus*! Sed calidi nomen non referendum est ad agnitionem, sed ad veritatem: ergo similiter etiam nomen frigidi. Neque satis est, quod Laodicensis verè exciderat à gratia Dei, vt aptè dicatur frigere. Tepere enim & frigere transferuntur ad animum considerato affectu, quem in seipso experitur; quare, qui sciens & volens non vult recedere à gratia Dei, non dicitur aptè frigere, sed tepere.

C Quidam alius iuxta sextam tepidi explicationem (quæ frigidi nomine intelligit sæcularem; religiosos autem, qui longè absunt à vitæ religiosæ studio & amore, appellat tepidos) notabat, non aliter hæc esse accipienda, quam si de eiusmodi Monachis diceretur; *Vinam aut essent sæculares, aut vitæ religiosæ, quam professi sunt, amatores*! Verum in ea loquendi ratione ed respici videtur, vt illa vitia, quæ in religioso grauiora sunt, in sæculari essent minùs graua: quemadmodum etiam eadem peccata in ethnico sunt tolerabiliora, quam in homine Christiano. At, frigidum esse, est peccare scientem atque volentem; quod omninò videtur esse grauius, quam tepere. Neque solum hoc verum est, si cum tepidi vita comparentur grauiissima frigidorum scelera atq; flagitia; sed etiam quantum in statu frigidi nihil aliud consideretur, quam id quod per se includitur in ratione frigidi, id est, peccare scienter, & Dei amicitiam contemnere. Nam ceteris paribus omnino grauius est frigere, quam tepere.

C Aliqui ad peccatum superbiæ respiciunt, quod existimant esse grauius in ijs; qui falsò existimantes se esse iustos, de sua iustitia gloriuntur, & ceteros præ se ipsis despiciunt. Et huc spectare videtur, quod in præsentia ait Rupertus de virgine tepida atque superba, *Vinam potius esses corrupta, & humilis*. Huc spectat quod ait Augustinus 14. de ciuitate cap. 2. *Deus permisit à barbaris virgines violari, vt superbiam dederent*. Et serm. 53. de verbis Domini, *Audeo, inquit, dicere, superbis continentibus expedit cadere*. Vide multa similia in Gregorio lib. 32. Moralium, cap. 12. & lib. 26. cap. 12 & 13. in Cassiano de spirita fornicationis, lib. 6. cap. 18. & 22. & collatione 12. & cap. 4. 6. & 16. in Basilio homil. 22. in Augustin lib. 1. de ciuit. 28. & tom. 9. in Ioan. epist. tract. 7. in D. Thoma 2. 2. quæst. 153. art. 4. ad 2. & q. 162. art. 6. ad 3.

D Hæc tamen dupliciter accipi possunt. Primò propter grauitatem peccati superbiæ: & certum est occultam superbiam ed vsque peruenire posse, vt sit peccatum multò grauius, quam luxuria manifesta. Non tamen video, quid cogat vt Laodicensem existimemus fuisse aded superbum. Illa enim verba, *Dicit, quia diues sum & locupletatus, & nullius egeo; & nescis, quia tu es miser & miserabilis, &c.* omnino videntur adiecta ad explicationem teporis. Tepidorum enim est se iustos reputare; & sine magno alio superbiæ peccato; ex eo solum, quod non animaduertant se excidisse à gratia Dei, falsà iustitiæ præsumptione credunt se diuites, & nesciunt se esse pauperes, cæcos, & nudos. Et quanuis eorum superbia non sit semper aded grauis, vt manifesta luxuriæ grauitatem excedat; nihilominus prudentissimè & verissimè dicitur id, quod ausus est Augustinus dicere; videlicet expedire eis ad salutem, vt permittantur cadere in peccatum manifestum: vt sic suam agnoscant miseriam, supplices à Deo veniam precentur, & per veram pœnitentiam salui fiant. Atque hæc est secunda illorum verborum explicatio, nimirum expedire eis, vt cadant. Non quod superbia eorum grauior sit, quam luxuria manifesta; sed quod tepor atque superbia, quæ illum comitatur, non sinant eos se peccatores reputare: atque ita sit; vt peccatum quod erat ex se leuius, sit multò periculosius. Hæc verò videtur esse legitima explicatio illorum verborum, *Vinam frigidus, aut calidus esses*. Sic sanè Ribera noster; cui aperte fauent Glossa & Thomas Anglicus. Glossa ait, *Non oportet eum frigidum simpliciter; sed talem, de quo maior spes habeatur*. Thomas verò ait, *Sermo est de frigido, non quantum ad frigiditatem & culpam; sed quantum ad dispositionis maiorem facilitatem*. Expende etiam verba Cassiani collatione 4. cap. 19. vbi explicat hunc locum, & ait; *Frequenter vidimus de frigidis atque carnalibus, id est, de secularibus ac paganis ad spirituales peruenire feruorem, de tepidis atque animalibus omnino non vidimus*. Atque ex his intelligitur valde conueniens fuisse, vt Christus Dominus in hac epistola aded asseueraret, optare se vt Laodicens potius esset frigidus, quam tepidus; vt teporis statum fideles perhorrescant; & vt Ecclesiastici præferunt & Religiosi animaduertant, se esse in valde periculoso statu interim, dum non seriò statuunt atque decernunt, non solum non committere id, quod peccatum esse lethale existimauerint; sed etiam perfectioris vitæ studium omnino amplecti.

E NEQUE FRIGIDVS, NEQUE CALIDVS. ] Zegerus notat hoc fuisse prouerbium; sicut aliud, *Neque intus neque foris*, apud Irenæum lib. 1. cap. 9. simile est nostrum, *neque carne neque piscis*. Id quod hispanè venustius adhuc sonat; *Ni es carne, ni pescado*.

INCIPIAM TE EVOMERE EX ORE MEO. ] In hac allegoria siue metaphora oportet interpretem sobrietatis memorè non anxie disquirere, qua ratione tepidus intelligendus sit fuisse in Christi ore seu ventriculo. Coactum est hoc, & minimè necessarium. Sicut enim apud Liuium res publica dicitur vix potuisse concoquere aliquem senatorem; id est, vix potuisse ferre illum; neque vllus in explicatione quærit ventriculum reipublicæ. Sic euomere dicitur Christus eum, quem iam quo-

Superbia præsertim occulta, periculosa.

Explicatur vtra sententia; cur frigidum aut calidum esse præstet, quam tepidum.

Religiosorum periculum, qui ad perfectionem nisi non student.

Euomere ex ore, quo sensu hic sumendum.



dammodò ferre non potuit, & deinceps detestatur. Quod vero non dicatur ex stomacho, sed ex ore; forsàn ad phrasim referendum est. Eòdem enim spectat non posse deuorare, & non posse concoquere. Et fortasse oris nomen ad Christi sententiam respicit; quæ videtur ore proferri, & per eam projicitur à Christo, quem Christus respuit. Qui plura volet, legat Ansbertum, & Viegam hîc.

Ratio philosophica, cur tepida aqua stomacho non relineatur.

Si verò à medicis seu Philosophis quæras, cur calida & frigida bene retineantur, tepida autem non? Dicent, ventriculi partes ad moderatum calorem blandum ac suauem laxari & extendi; atque id primo occursum cum quadam voluptate accidere; sed mox eam verti in tristitiam & anxietatem; ob quam accidit nausea & vomitus. Sic Vallesius de sacra Philosophia, c. 20. vbi adduxit exemplum animalium crustâ testorum; quæ videmus, quæcumque causa doloris accedat, siue mordens, siue pungens, sese contrahere: perfusa tamè tepidâ, seu ad solis moderatum calorem distendi. Quod verò laxatus ventriculus statim subuertatur è cibo, explicat ille exemplo manus laxatæ; quæ euertitur ab eodem pondere, quod firmiter constricta facile sustentaret. Atque hæc quidem, quod ad Philosophiam attinet, ita se habent. Singula tamen velle in præsentî metaphora applicare, meo iudicio, non est prudentis interpretis. Cogitare enim frigidum à Christo retineri, non cohæret. Neque aliò spectat hæc metaphora, quàm vt intelligamus, tepidi mores adeò displicere Christo, vt valde timendum sit, Christi patientiam erga illum commutandam esse in eiusdem detestationem.

Quando aliquis à Christo dicatur euomi.

Sed omisâ metaphorâ, & rem ipsam considerando; ait Ribera tunc dici aliquem à Christo euomi, cum à corpore mystico Christi, id est, ab Ecclesia expellitur: atque id quidem in hac vita contingere per infidelitatem; sed magis propriè id cõtingere post mortem per extremam damnationem. Quia tunc homo ita redditur detestabilis Christo, vt nunquam amplius reconciliari valeat. De hac igitur eiectione existimat Ribera Christum in præsentî loqui. *Quia sine dubio, ait, sermo est de tepido, qui excidit à gratia Dei, subdit tamen hæc Domini verba posse etiam transferri ad iustum nonnihil repentem: & eum etiam posse dici euomi, cum in peccatum lethale incidere permittitur.*

Ad hæc assero primò, opus esse vt ista comminatio ea ratione explicetur, vt non contineat communem solum seueritatem aduersus peccatores; sed specialem & propriam contra tepidos, & quæ aptissima sit, vt eis singulariter proponatur. Quare non videtur explicanda de condemnatione extrema: quia in æternum perire commune est omnibus peccatoribus, nisi egerint penitentiam.

2. Assero, vomitus metaphorâ repræsentari irreconciliabilem detestationem.

3. Assero, tepidum tunc aptissimè dici à Christo euomi, cum induratur in peccato, & quodammodò projicitur extra curam diuinæ prouidentie. Huius autem comminationis particula, (quæ propter venialem etiam teporem meritò timeri debet) est priuari ijs auxilijs, quæ non conceduntur omnibus iustis; sed ijs solum, quos Deus maiori fauore prosequitur. Quantum verò periculum inde immineat labendi in peccata lethalia, & tandem in veram obdurationem; id spiritualium virorum considerationi relinquo.

4. Assero, comminationem hanc sic explicatam aptissimam esse respectu teporis: & per illam doceri fideles, teporem esse ipsissimam viam ad obdurationem in peccato. Quâ sententiâ nihil aptius videtur proponi potuisse tepidis; vt pote qui existiment se valde alienos esse ab obduratione in peccato, & valde eam detestari.

Quid sit, incipiam te euomere.

INCIPIAM TE EUOMERE. ] Obijciat aliquis, verbum Græcum *μέλω*, non significare inceptionem; sed solum quod futurum sit. Huic obiectioni respondeo, negari non posse, quin eo verbo non semper significetur, quid proximè fieri debeat; ex contextu tamen id sæpe intelligi, & tunc optimè explicari sensum per verbum Incipio. Vt Ioannis 4. 47. dicitur de filio reguli, *incipiebat enim mori*, vel agebat animam. Actorum 3. num. 3. *Is cum vidisset Petrum & Ioannem incipientes introire in templum.* & cap. 27. 30. *Cum misissent scapham in mare sub obtentu, quasi inciperent à prora anchoras extendere.* Et paulò post, *Cum lux inciperet fieri.* Vbi etiam incipere vertit Erasimus. Similiter ergo in præsentî, licet verbum Græcum *μέλω*, per se non requireret, vt proximè futurum esse intelligeremus: ex contextu tamen optimè id collegit interpret; quia tepida si bibatur, proximè sequitur vomitus. Et similiter etiam vertit Erasimus.

Ad sensum autem præcipuum non parum conferebat, vt intelligeremus non solum futurum esse, vt tepidus euomatur; sed etiam Christum comminari futurum esse, vt citò euomatur, nisi desinat esse tepidus. Id quod ad incutiendum tepido timorem aptissimum est. Ea enim ratione significatur, sæpe Deum non permittere, vt tepidus diutius in eo statu permaneat: quare timeri debere, eum esse citò projiciendum, nisi citò incalescat & ferueat. Huc videtur spectare nostri interpretis versio. Ex qua etiam confirmatur, vomitus metaphoram in præsentî non esse referendam ad æternam damnationem; sed ad id, quod eam præcedit, id est, ad derelictionem Dei.

Nota denique, vomitus quidem metaphoram videri sordidam & foetidam: sed propterea fuisse selectam, vt denotetur, quàm detestabiles fiant, qui à Christo sunt derelicti atque proiecti. Simile est illud Threnorum 4. 5. *Qui nutriebantur in croceis, amplexati sunt stercorea.*

QVIA DICIS, QVOD DIVES SUM, &c. ] Si quis Grammaticam primo, aspectu consideret; iudicabit fortasse hunc esse sensum; Tu dicis me esse diuitem: ego autem dico te esse pauperem. Imò verò ad sententiam non malè cohærebat. Tepidi enim, vt suum teporem excusent, aiunt Christum esse valde diuitem, nec opus illi esse vt in eius obsequium fideles admodum se dinexent. Nemo tamen videtur huiusmodi constructionem sequutus: sic enim omnes interpretantur, *dicis quia diues sum*, id est, dicis te esse diuitem; à qua interpretatione non videtur recedendum.

Explicatio tamen Andræ, Aretæ & aliorum, qui de huius mundi diuitijs exponunt, iam suprà à nobis impugnata est.

His ergo omis: illud quia, reddit rationem, cur Laodicensis appellatus sit tepidus, & cur euomendus esse à Christo dictus sit. Constructio autem videtur esse huiusmodi, *Quia dicis, quod diues sum; id est, Quauis enim tu tibi videaris diues, re vera tamen longè abes à veris diuitijs, quin etiam valde es miser & miserabilis, &c.* Diuitiarum autem nomen, vel ad gloriationem in Christi diuitijs referen-

dum

Quorsum hic vomitionis metaphora. Vers. 17.

Quomodo Laodicensis se diuitem esse iactaret.



**A** dum est; scilicet quia Laodiceus ex eo se diuitem aut locupletem reputaret, quod Christianus esset, & posset diuitijs Christi frui; vel fortasse ad sapientiæ possessionem, quod se sapientem crederet, nec aliena indigentem doctrinam; vel etiam ad virtutis opes. Est enim proprium tepidorum valde gloriari, quod nullius sibi peccati lethalis conscij sint; & præsertim si annos aliquot, eam conscientia puritatem se obseruasse credant. Accedit, quod plerumque conferunt se cum ijs, quos suspicantur sceleribus esse coopertos; & illorum scelera cum suis bonis operibus comparantes, non dubitant se felices prædicare, & nullius ope indigentes. Verum in suis virtutis opibus valde falluntur miseri: & in Christi etiam diuitijs & in fidei atque sapientiæ Christianæ felicitate contingit eis, sicut illi, de quo loquitur Salomon Eccle. 6. 1. *Est & aliud malum, quod vidi sub sole, & quidem frequens apud homines; vir cui dedit Deus diuitias & substantiam & honorem; & nihil deest anima sua ex omnibus, quæ desiderat: nec tribuit Deus potestatem, vt comedat ex eo, sed homo extraneus vorabit illud. Hoc vanitas & miseria magna est.* Sicut ergo huiusmodi homo in eo, quod se beatum ac felicem prædicaret, omnino esset irridendus; quia si anima eius non vtatur bonis suis, initium illud felicitatis, quod habet in arca, potius ostendit quanta sit eius miseria: sic tepidus, dum propter lucem cælestem ac bona desideria se felicem iactat, valde errat. Illa enim **B** dona Dei, si ex eis non comedit miser homo, non solum non faciunt illum beatum; sed eò etiam magis eius miseriam probant, quod ipsa sunt in se ipsis maiora & præstantiora.

**MISER ET MISERABILIS, PAUPER, CÆCVS, ET NVDVS.]** Ex his quinque epithetis, duo prima generalia sunt, quibus indicatur tepidum esse ita ærumnosum, vt omnibus commiserationem commonere debeat. Reliqua verò tria continent explicationem, siue enumerationem miseriarum tepidi. Quasi diceret Christus, merito tepidum appellari miserum; eo quod sit pauper, cæcus, ac nudus. Atque ita his tribus statim respondent tres exhortationes: videlicet paupertati, *suadeo tibi emere à me aurum probatum, vt locuples fias.* Nuditati; *vestimentis albis induaris, vel induere, & non appareat confusio nuditatis tuæ.* Et cæcitati, *collyrio inunge oculos tuos, vt videas.* Vt autem elegantia istius distributionis intelligatur, nota valde videri inter homines felicem eum, qui triplici bono instructus sit, diuitijs, honore, & sapientia. Supposita enim corporis integritate & salute (quæ non tam ad felicitatem pertinet, quàm ad felicitatis vel miseriæ subiectum, vt patet in damnatis) illis tribus videtur contineri humana felicitas. Quare è conuerso omnibus numeris absoluta miseria erit eius; in quo paupertas, ignominia, & stultitia coniungantur. Hæc ergo tria significantur illis tribus vocibus *pauper, cæcus, & nudus.* Nuditas enim ad ignominiam pertinet, vt ipse textus exprimit; cæcitas ad stultitiam, vt statim videbimus. Quod si quis velit vt *miseri & miserabilis* nomen ad ægritudinem animi referatur; eius expositionis auctorem habebit Ambrosium.

**SVADEO TIBI EMERE A ME AVRVM IGNITVM PROBATVM, VT LOCVPLES FIAS.]** Quàm aptè per aurum significetur charitas, diximus cap. 1. atque ea expositio in præsentia aptissima est, licet nonnulli de auro sapientiæ exponant (vt Gregorius, Primasius, Ambrosius, Andreas.) Quod verò nos legimus ignitum probatum, Græcè legitur *τερωπαμεινον εκ πυρος*, quod ad verbum redditur *ignitum ex igne.* Qui autem Græcè norunt, aiunt ea phrasi nihil aliud significari, nisi aurum igne exploratum & purificatum. Quare in nostra versione participium illud *probatum* explicat, quomodo dicatur ignitum, non quia ardeat, sicut ferrum candens; sed quia igne fuerit purificatum. Hæc ratione idem est aurum ignitum probatum, quod aurum purum putum. Vellem tamen doceri locos alios, vbi eiusmodi reperiatur phrasis *ignitum ex igne*, fortasse enim hæc phrasis insolens est, & quæ alibi non facile reperiatur. Satis enim fuerat dixisse in Græco *aurum ignitum*, ad significandum aurum igne examinatum. Quare quod adijcitur *ex igne*, postulare videtur, vt interpretationi etiam adijciatur aliquid. Fortasse ergo illud *ex igne*, quod in Græco legitur, referendum est ad verbum, *eme*; vt constructio huiusmodi sit. Accede ad fornacem, in qua ardet aurum; & ex ea ipsa fornace eme aurum purum putum. Vide illud Plinij lib. 33. cap. 3. *Auri experimento ignis est, vt simili colore rubeat, quo ignis; atque ipsum obryzum vocant.* Emere igitur ex igne, erit accedere ad inflammata Dei charitatem per deuotam meditationem; & oblato pretio postulare, vt illius auri igniti aliqua particula mihi concedatur. Neque enim hoc aurum aliter possidetur, nisi homo accedat ad ipsum Dei ignem, & eius flammam sentiat. Emptionis verò metaphora postulat, vt ad huius auri comparisonem omnino velit homo ijs carere, quibus ad maiorem Dei gloriam priuari necesse est. Sed quia vilia valde sunt, quæ homo relinquit, si comparentur cum diuitijs, quas lucratur; idè dicitur Isaia 55. 1. *Emite absque argento & absque vlla commutatione.* Notandum autem est, quàm aptè dicatur tepido, qui se diuitem putabat, cum esset pauper; si velit esse diues, opus esse, vt Dei charitate inflammetur, & aurum charitatis cum rerum terrenarum dispendio possideat. Is enim verè diues est, qui propter charitatem Dei relinquit omnia, quæ cum perfectione charitatis pugnant.

Fortasse etiam doctrina ipsa Evangelica, & mysteria, quæ nobis in ea proponuntur, appellantur *aurum ignitum* in præsentia. Vide Psalm. 17. 31. *Eloquia Domini igne examinata.* Psalm. 18. 11. *Desiderabilia super aurum & lapidem pretiosum.* & Prouerb. 30. 5. *Omnis sermo Dei ignitus.* Cum ergo tepidus ex cognitione doctrinæ Evangelicæ se diuitem reputaret, congruè admonetur, vt si vere diues esse velit, accedat ad doctrinam Evangelicam se diuitem reputaret, congruè admonetur; (id est, ad Christi passionem & charitatem) & inde emat sibi ardentem illam cognitionem, quæ inflammat hominem, & inflammando diuitem facit. Per solam enim cognitionem frigidam vel tepidam nemo euadit diues.

**ET VESTIMENTIS ALBIS INDVARI.]** Ex Græco ad verbum redditur; & *vestimenta alba*, vt induaris. Quare verbum illud *emere*, non solum refertur ad aurum, sed ad vestimenta etiam alba. Notstra ergo litera, vt eam constructionem admittat, sic videtur ordinanda; *eme à me aurum vt locuples fias; & vestimentis albis emptis, induere illis.* Porro his vestimentis verum bonæ conscientia gaudium significari diximus supra in epistola ad Sardensem. Pendet autem hoc gaudium ex vera sanctitate, quam etiam considerauit Paulus veluti vestem, ad Coloss. 3. 12. *Induite vos, sicut electi Dei sancti & dilecti, viscera misericordia, benignitatem, humilitatem, modestiam, patientiam, &c.*

**ET NON APPAREAT CONFUSIO NVDITATIS TVÆ.]** Sordidis vestibus & ignominiosis indu-

*Tepidi quæ ratione ipsi decipiant, & obcecent.*

*Antitheta elegantia in Christi verbis.*

*Verf. 18. Quid per aurum ignitum denotetur. Græcè ignitum ex igne: & quo sensu.*

*Aurum obryzum, quod sit, ex Plin.*

*Per aurum ignitum doctrinam Evangelicam figurari.*

*Vestimenta alba quæ dicanur.*



tus videtur esse is, qui sceleribus est coopertus. Tepidus verò, qui neque sceleratus est, neque probus, videtur potius esse nudus, quam sordide vestitus. Iam, ea nuditas ignominiosa est. Iubet ergo Christus, ut tepidus, si velit non apparere coram Deo nudus, cooperiat se vestibus istis, quas ille in suis seruis requirit: alioqui enim sicut odio prosequitur Deus eos, qui vestibus sordidis se cooperire non erubescunt; sic etiam auersatur eos, qui nudi sunt.

ET COLLYRIO INVNGE OCVLOS TVOS, VT VIDEAS. ] Collyrium est medicamentum oculorum. Cuius virtus in eo sita est, quòd reprimat noxium humorem, qui ad oculos fluebat, & impediēbat visum. Hoc symbolo aiunt aptè significari attentam rerum diuinarum meditationem, quæ oculos animæ aperit; ut cernant ea, quæ opus sunt; arcetque impedimentum illud, quod ex perturbationibus & affectionibus inordinatis contingere solet, quibus animæ visus offuscatur, & impeditur. Ita ferè Primasius, qui affert id Psalm. 18. 9. *Preceptum Domini lucidum, illuminans oculos*, & similiter Beda, Haymo, Richardus, Glossa, Anselmus, Hugo, Serranus. Paulo aliter Ambrosius, & Albertus, qui collyrium ad cordis compunctionem referunt; quæ lachrymas elicit, atque ea ratione oculos deterget. Andreas applicat ad munerum despicientiam; quia dona excæcant. Aretas utroque modo exponit, Rupertus de humilitate, Lyranus de gratia Spiritus sancti. Hugo & Dionysius de memoria passionis Christi, Serranus de Sacramentis. Mihi valde arridet, ut collyrium hoc ad mortificationem affectuum referatur. Hæc enim est, quæ noxium humorem reprimat, quo animi oculi excæcabantur. Atque hæc est Haymonis expositio.

Ex dictis colligitur, remedium tepidi consistere in feruenti Dei amore, & affectuum mortificatione, vna cum perfectæ sanctitatis studio; ex quo verum bonæ conscientie gaudium existit.

EGO QVOS AMO, ARGVO ET CASTIGO. ] Nonnulli suspicantur hæc propterea dici, quòd Laodiceus persecutiones Ecclesiarum videns, dubitare cœpisset de Christi promissis. Non tamen video, unde id colligant. Multò aptior explicatio desumitur ex contextu. Cum enim adeò seuerè reprehensus esset à Christo huius Episcopi tepor, conuenientissimè subditur, obiurgationem illam & increpationem, quæ indignationis plena esse videbatur, ortâ esse ex magno amore & charitate. Sic exponit Rupertus. Vide 2. Cor. 2. n. 4. *Si enim ego contristo vos, &c. non ut contristemini; sed ut sciatis, quam charitatem habeam abundantius in vobis.* & ad Galat. 6. 11. post vehementem reprehensionem, subdit magna cum benevolentie ostensione, *videte qualibus literis scripsi vobis me a manu.* Adde, quòd in exhortatione ad tepidum sic omnino agendum erat. Quemadmodum enim valde conueniens fuit vehemens obiurgatio, ut suam miseriam agnosceret; sic etiam magna charitatis diuinæ ostensione opus est, ut eius amoris flammâ incendatur.

ÆMVLARE ERGO, ET POENITENTIAM AGE. ] Æmulare est imitandi studio duci. Et eandem significationem habet verbum Græcum *ζηλόω*; in hac autem significatione ex præcedenti contextu suppletur accusatiuus, hac ratione; *Ego te amo; æmulare tu meum amorem.* Sic Rupertus. Si autem zelus (ut sæpè alibi) in præsentī sit impetus mentis ad metum diuinum, & perfectionis amplectendæ vegeta cupiditas; hic erit sensus, *æmulare*, id est, *agnosce tuam miseriam, & agnosce meum amorem: & conceptâ mei amoris flammâ induere zelo vindictâ contra teporem tuum; & age poenitentiam.*

ECCE STO AD OSTIUM, ET PVLSO. ] His verbis omnino alluditur ad illud Canticorum 5. 2. *Vox dilecti mei pulsantis; aperi mihi soror mea, amica mea; quia caput meum plenum est rore, & cincinni mei guttis notium.* Atque ita in commentario illius loci videbimus collineasse eos interpretes, qui verba sponsi ex huius epistolæ verbis explicarunt; ac proinde ibi Christum id agere; ut sponsa teporem abiciat; & scissâ humanæ mentis duritiâ, ad eius dilectionis amplexus cordis penetralia aperiat, ut hîc ait Ioachimus. Pergit ergo Christus in sui amoris ostensione, ut inflammet tepidum.

INTRABO AD ILLVM, ET COENABO CVM ILLO. ] Hac phrasi eleganter significatur, quantum delectetur Christus solidarum virtutum fructu, quo animæ ipsum inuitant. Vide Canticorum 5. 1. *Veniat dilectus meus in hortum suum, & comedat fructum pomorum suorum.* Vbi absque dubio sponsa inuitat sponsum, & cap. 8. 2. *Dabo tibi poculum ex vino condito, & mustum malorum granatorum meorum.* Sed quia summum est beneficium amici valde potentioris, amicitiæ causâ velle esse hospitem in domo eius, cui fauet, & cum illo coenare: ideo ut tepidum in sui amorem inflammet, promittit ei Christus; si teporem expellat, & seriò velit solidarum virtutum studium amplecti, futurum ut Christum domi suæ & ad mensam suam hospitem habeat. Ex quo intelligitur, quauis Christus verè ingrediatur in domum eorum omnium, qui ad sacram communionem accedunt; singulariter tamen apud eos dici coenare, qui solidarum virtutum fructu (quæ sunt Christo epulæ suauissimæ) ipsum inuitant. Quare in hac promissione tepido; si seriò decernat, teporem à se expellere, & feruorem spiritus amplecti; promittitur gratia ex ipsa sacra synaxi ad virtutum solidarum fructum, quibus eundem Christum pascere ac recreare possit. Hanc verò aptissimam esse promissionem ad tepidum in amore Christi inflammandum, quis non videat?

ET IPSE MECVM. ] Quidam hæc verba de eadem illa cœna exponunt, de qua dictum erat, *coenabo cum illo.* Aptior tamen est Ruperti expositio, qui de alia cœna exponit. Quemadmodum enim verba illa, *coenabo cum illo*, nō solum significant Christum & ipsius amicum, simul esse coenaturos, sed etiam Christum futurum esse hospitem amici sui: sic etiam cum additur, *& ipse mecum*, omnino sermo est de repotiis, ut aiunt; id est de altera cœna in domo Christi, in qua Christus conuiuio excipiet eum, à quo fuerat inuitatus. Et confirmatur primò, ex libro Canticorum, in quo sponsa inuitat sponsum, ut suprâ vidimus; & ab illo etiam inuitatur ipsa. Vide c. 2. 4. *Introduxit me rex in cellam vinariam.* Confirmatur secundò, quia verisimilius est & sacrâ Scripturâ dignius; ut verba, quæ adduntur, addant etiam doctrinam, atque mysterium.

Sed quæ est hæc cœna, in qua inuitatur anima ad epulas Christi? Rupertus de epulo æternæ beatitudinis exponit. Probabilius tamen est, sermonem esse de cœna in hac vita. Primum enim sic erit aptior allegoria; quia coenare cum Christo in patria cælesti, commune est omnibus beatis, oportet autem ut harum epistolarum promissiones sint speciales in singulis, & cum exhortationibus singu-

lariter

Quod sit spiritale oculorum collyrium.

Verf. 19. Cur Christus suos arguere & castigare dicatur.

Æmulari quid hic sit.

Verf. 20.

Quid sit, Christum coenare cum aliquo.

Cœna hæc de Eucharistia epulo explicatur.

An duplex hic cœna à Christo promittatur, vel una solum.

Quæ sit secunda cœna, ad quam Christus animam inuitat.



A lariter cohærentes . Deinde hac etiam ratione significantior erit promissio; si non solum agat de præmio cælesti, quod ceteris promissionibus annexum est, sed etiam de singulari in hac vita beneficio, cui etiam in cælo respondebit præmium . Accedit, quod cæna illa, ad quam inuitata est sponsa. Cant.2. (& ad quam in præsentia alluditur) intelligi non potest de æternæ felicitatis epulo, ut suo loco videbimus: sed de epulo sapientiæ in hac vita. Quare similiter intelligendam censeo cænam, de qua agit Christus, cum ait, & ipse mecum. Epulum autem, quo sapientia diuina mirum in modum inebriat sanctorum animas in hac vita, est delectatio magna ex maiori rerum cælestium cognitione, non illâ quidê aridâ & ieiunâ, sed vberriâ; & vires animæ mirificè reficiente. Hæc verò singulariter contingit ijs, qui spiritu feruentes solidis virtutibus, & maiori Dei obsequio se totos deuouent . Sicut enim verissimum est illud Ioannis 7.17. *Si quis voluerit voluntatem eius facere, cognoscet de doctrina, virum ex Deo sit*; sic etiam qui perfectè Deo seruire ardentè desiderat, frequenter in cellam illam vinariam inducitur, de qua est sermo, Cant.2. Atque hic etiam est singularis fructus, quem ex sacra communione participant, qui teporem abijciunt, & feruorem spiritus seriò amplectuntur.

Cæna hæc  
secunda de  
Eucharistia  
explicatur.  
Vers.21.  
Quid sit  
sedere cum  
Christo in  
eius throno.

B QVI VICERIT, DABO EI SEDERE MECUM IN THRONO MEO. ¶ Optimè probat Ribera hæc non esse intelligenda de sessione ad iudicandum. Ego addo, quauis aptè explicantur de possessione regni cælestis, qua beati fruuntur in patria cælesti; aptius tamen intelligi de spirituali quodam throno cælesti, quo in hac vita fruuntur, qui perfectè Deo seruiunt. Sic enim aptior erit promissio pro hac epistola, in qua agitur de expellendo tepore, & perfectionis vitæ studio amplectendo. Et negari non potest, quin in hoc etiam sensu loquatur sacra Scriptura de throno, in quo sedent cum Christo viri sancti. Vide Gregorium 26. Moral. cap. 26. Bene inquit, *sancti viri diuine Scriptura testimonio reges appellantur; quia dominantes cunctis motibus carnis, modò luxuria appetitum frenant, modò austum auaritia temperant, modò gloriam elationis deprimunt, modò suggestionem liuoris obruunt, modò ignem furoris extinguunt. Reges ergo sunt, quia temptationum suarum motibus non consentiendo succumbere, sed dominando & regendo præesse nouerunt.* Hæc Gregorius in id Iob 36.7. *Non aufert à iusto oculos suos, & reges in solio collocat in perpetuum.* Et mea quidem sententia de hoc eodem spirituali throno loquitur Paulus per præteritum, ad Ephes.2.6. *Conuiuificauit nos cum Christo, & conresuscitauit, & consedere fecit in cælestibus.* Sicut enim ibi resurrectio, de qua agit Paulus, mystica est: ita etiam ascensio in cælum mystica esse debet. Et sicut aptè iusti dicuntur in hac vita resurrexisse cum Christo, & in eo sensu agitur de Christi resurrectione, Apocal.1. Sic etiam aptissimè dicuntur viri spirituales ascendisse cum Christo in cælum, & in throno cælesti sedere. Certè hic sensus Apocalypseos sublimitate dignissimus est, & humius epistolæ scopo conuenientissimus. Quod autem in præsentia sequitur, *Sicut & ego vici, & sedi cum patre meo in throno eius*, mirificè cohæret cum sensu prædicto. Alluditur enim ad Psalm. 109. in quo dicitur, *Sede à dextris meis; donec ponam inimicos tuos scabellum pedum tuorum.* Et ad eius throni participationem mysticè exaltantur viri perfecti; dum in altissimæ pacis sede collocantur, & ipsis sedentibus, & ea pace fruentibus Deus illis temptationum motus subijcit, quemadmodum Christo sedenti atque regnanti Deus subijcit inimicos. Intelligetur hæc allusio melius ex illius psalmi commentario, de quo suo loco. Nunc solum addo, ex ipso contextu fieri valdè verisimile, sermonem esse in præsentia de mystico throno. Neque enim dicitur, *Qui vicerit, sedebit in quodam throno in cælo, sicut & ego, &c.* Sed, *qui vicerit, sedebit mecum in throno meo*; quod mysticam & spirituales intelligentiam omnino inuitat, per quam intelligitur mysticè sedere homo in eodem illo Christi throno. Nihil autem potuit aptius promitti expellenti teporem, & suam infirmitatem agnoscanti, quàm pax illa spiritualis, quam à Christo participant, qui ei perfectè seruire decernunt; & thronus ille, quo fruuntur, & affectuum propriorum dominatio.

Iusti verò  
reges dicti.

Viri spirituales  
quo sensu  
dicantur  
cum Christo  
in cælum  
ascendisse.





## LIBER TERTIVS.

*In quo explicantur octo Capita Apocalypseos. Nempe ab initio quarti vsq; ad finem undecimi: id est vsque ad Iudæorum diminutionem.*

## EXORDIUM.

*Quam sit  
excellens li-  
ori huius  
tertij do-  
ctrina.*



VAMVIS tria prima Apocalypseos capita excellentem doctrinam & elegantiam admirabilem contineant: si tamen cum reliqua Apocalypsi comparantur, valdè sunt illi inferiora: quemadmodum prologus in aliqua grauiſſima ſcena, ſi cum reliquo totius operis artificio, & rerum elegantiffimarum ſerie conferatur. Etenim ad prologum ſpectat, paucis proponere, quod in tota deinceps ſerie atque decurſu agendum eſt; nec non auditores hortari, vt diligenter attendant; & vtilem inde ſibi hauriant doctrinam ac rectè viuèdi præcepta. Deinde verò in toto opere omne ſui ingenij acumen & artificio auctor confert ad ipſius diſcurſus concinnitatem & elegantiam; prout argumenti exigit magnitudo: quod verborum & ſententiarum luminibus ita exornat, vt auditores ſumma afficiat admiratione pariter ac voluptate.

Magnitudo igitur atque præſtantia argumenti Apocalypseos eſt eiſmodi, vt nulla maior aut ſublimior potuerit reperiri: præſertim ſi octo capita conſideremus, quæ hoc tertio libro coërcentur (nimirum à capite quarto ad calcem vsque undecimi) tanta enim eſt huius Apocalypseos partis excellentia atque maietas, vt is ſit proprius ſcopus Pauli, ad Rom. 11. 13. exclamantis; *O altitudo diuitiarum ſapientiæ & ſcientiæ Dei; quam incomprehenſibilia ſunt iudicia eius & inueſtigabiles viæ eius!* Hæc enim verba agunt certè de magno illo Dei myſterio, quod ſuum Iudæorum populum ad paucos admodum coarctauerit ceteris reiectis atque repulſis: & ſuæ beneficentiæ ac pietatis immenſitatem oſtenderit erga illos paucos; erga reliquos autem, vindicem ſclerum animaduerſionem, & iuſtiſſimæ indignationis ſeueritatem. Hoc ipſum voluit diuinus ſpiritus in his octo Apocalypseos capitibus nobis proponere. Neq; enim aliud eſt eorum argumentum, quàm Chriſtianæ Eccleſiæ primigeniæ excellentia & perfectæ fælicitas, quam in hac vita mortali, primitiuu Chriſtiani per Chriſtum ſunt cōſequuti. Adhæc extrema Iudæorum, Chriſtum reſpuentium miſeria atque infælicitas; & quonam modo ſe Deus cū illis geſſerit; ac deniq; quàm præclaram ſuæ Eccleſiæ victoriam ex ſynagoga conceſſerit, decimâ rebellium Iudæorum parte Euangelij prædicationi ſubactâ; & ceteris induratis ac reprobatis; ac proinde ſeueriſſimè punitis per 7. illas plagas, quas veteres Prophetæ prædixerant; nempe Famē, Bellum, Peſtē, Ignorantiam, Cōcupiſcentias, Iras, Obdurationē.

Hoc eſt octo horum capitum argumentum. Porrò tanta magnificentia in ijs de ſapientia hac arcana atque recondita ſermo inſtituitur; vt quanuis auctores ex grauib; plus viginti ſint, qui hanc eſſe veluti animam, ac medullam huius Apocalypseos partis confirmant; adhuc tamen in argumenti magnitudine, & myſteriorum atque ænigmatum profunditate ita ſublimia quæque ingenia ſubmergantur; vt fateantur ingenuè deſiderari adhuc ab Eccleſia explanationem, quæ ſeptem ſigillorum, & libri clauſi ænigmati plenè ſatisfaciat. Exiſtimo autem hanc eſſe communem doctiſſimorum hominum conſenſionem, hoc ſcilicet ſeptem ſigillorum libri clauſi arcanum eſſe pelagus omnium, quotquot Scriptura cōtinet, profundiffimum. Hinc exordium ſumpſerunt tot, tam variæ, tamque multiplices explanandi viæ atque rationes, quas multi rei difficultate coacti excogitarunt. Quorum non pauci, ne eandem rerum ſeriem & tractationem continuato filo ad finem vsque perducere compellerentur

*Septem ſigillorum reſeratio quæ ſit difficultis.*



A (quippe quod fieri neutiquam posse putarent) pro virili parte contenderunt, septem sigillorum mysteriū in capitis octavi initio finem facere. Ceterū dubium non est (vt suo loco constabit) ad finem vsq; vndecimi idē omnino septem sigillorum filum duci; & ante hāc metam velle consistere, perinde esse, quasi in media pelagi profunditate lōgissimē à terra portum inuenire atq; inuehi velle.

B Vt verò non nihil in hoc prologo distinctiūs adumbrem: aduerto ex sig illis septem admirandi illius libri, prima quatuor in se complecti perfectissimā salutis rationem, quam Christus erga Iudæos, qui illum receperunt, exhibuit. Quare quatuor equi sunt illi ipsi, de quibus loquitur Habacuc, cū ait ca. 3. 8. *Ascendes super equos tuos, & quadriga tue saluatio.* Deinde in tribus postremis sigillis includi patientiam, comminationem, & horribilem seueritatem, quam Deus exercuit aduersus Iudæos, qui ipsum excipere noluerunt.

Dicet tamen aliquis, iuxta hanc distinctionem minimē videri necessarium, vt liber hic tertius tantæ longitudinis esset. Nam ad integrū argumentū vnius libri, satis erant 4. sigilla, in quibus delitescit perfecta salus eorum, qui in Christū crediderunt: possetq; alius liber seorsum tractare de modo ac ratione, qua se gessit Deus aduersus eos, qui Christū non receperūt, quod non esset aliud, quā altero libro contineri perfectum earum promissionum cōplementum, quibus Deus suo populo fuerat pollicitus, se eis saluatore missurum: altero verò, cōminationum aduersus rebelles Iudæos intentarum magnitudinem & veritatem.

C Ad hoc respondeo primò; quemadmodum in insigni aliqua scena, cōtinuatur actio, neque actus censetur absolutus, dum actores aliqui in theatri contabulatione (quæ etiam scena appellatur) permanēt: ita similiter vbi tractatio de septem sigillis cœpta fuerit, non potest apta librorum distinctio designari, donec ad sigilli septimi mysterium ac finē deueniatur. Quapropter nemo est interpretum, qui nō eādē visione vel tractatu completatur, quidquid ipse reputat ad septem sigillorum resignationem atque mysteria pertinere.

D Secundò respondeo; quanuis verum sit prima quatuor sigilla directē ad eos spectare, qui Christum amplexi sunt, & tria postrema ad eos, qui eidē præfracta mente restiterunt: ceterū ita sunt inter sese colligata atq; connexa aliorum perfecta salus, & grauissimum aliorum supplicium, vt hæc duo misceri inter se atque coniungi sit necesse. Etenim non solum eodem tempore, & in eadem regione alij perfectā donati salute; alij maxima securitate puniti fuerunt: sed ipsamet supplicij vis & acrimonia, quæ in duos & obstinatos exercebatur, erat veluti instrumentum, quo Deus ad perfectam aliorum sanctificationem, & incolumitatem vsus fuit. Nam fidei perfectio in eo potissimū sita erat, vt Iudæi in Christum etiam opprobrijs & illusionibus affectum crederent: & perfecta primorum Christianorum charitas eò tendebat, vt accuratissimē consulerent eorum, qui illos persequebantur, salutem. Ac demum quòd alij acriter oppugnarentur, alij persecutores, & oppugnatores essent; hic verò erat præcipuus cardo, in quo perfecta aliorum salus, aliorum obfirmata pertinacia vertebatur.

E Ex quo elicitur, in ea Christi Domini parabola Math. 13. 30. *Sinite vtraque crescere vsque ad messem;* non significari solum, quòd Deus improbos in viuis degere permittat, sed etiam ad maximum sanctitatis incrementum, esse suis fidelibus necessarium, vt Deus malos terribili obduratione plectat: nec enim esset martyrij gloria, nisi in tyranno cæcitas & animi durities inessent. Atque hoc est in Apocalypsi cap. 22. 11. *Qui iustus est, iustificetur adhuc; & qui in sordibus est, sordescat adhuc.* Nam vt iustus magis magisq; perficiatur, oportet improbum in illo persequendo magis magisq; sæuire. Et quemadmodum in sigillis primis felicitatem electorum comitatur crudelitas & perfidia incredulorum; sic

*Tyrannorum  
crudelitas  
quàm sit  
martyribus  
utilis.*



etiam in postremis sigillis sanctitas electorum atque sapientia præclarissimum in modum elucet; ut apparet initio capitis octauī, & in capitibus 10. & 11. Atque hæc ipsa proborum exceptio ab ijs plagis, quas Deus in improbos immittit, magno cum decore miscetur in sigillorum trium postremorum tractatione; sicuti in cap. 7. perspicitur. Manifestum autem est in toto illo capite agi, quæ admodum Deus impunitos prætereat iustos, quando in iniustos animaduertit. Patet ergo ex dictis, quàm conueniens re ipsa extiterit, sinere simul vtraque crescere vsque ad messem: nō aliter expedire, ut tractatus de aliorum felicitate ab aliorum miseria seorsum ne ponatur; ac proinde consentaneum esse, ne hæc actio vtramque partem complectens in duos diuidatur libros, sed vno eodemque contineatur.

## C A P V T I V.

*Vers. 1.* Post hæc vidi, & ecce ostium apertum in cælo: & vox prima, quam audiui, tanquam tubæ loquentis mecum dicens; Ascende huc, & ostendam tibi, quæ oportet fieri post hæc.

### C O M M E N T A R I V S.

**H**ic denuo inchoatur Apocalypseos actio. Tria enim capita superiora (vt iam diximus) prologum totius actionis agunt. Illud tamen in ipso limine mirabile primò occurrit; cur scilicet ad prologū Christus in terra insolitā specie visendus appareat; nūc verò ad actionis ipsius exordiū, Ioannes ad cælū euocetur ac tollatur: ibique thronum, seniores, & animalia conspiciat? Nonnulli hīc cæli nomine intelligunt æternæ beatitudinis gloriam & seniores, atque animalia visa esse existimant à Ioanne in ipsa cælorum gloria, qua beati perfruuntur; nec aliter seniores in thronis confessuros. Mihi tamen certum est, non agi hīc de triumphantis Ecclesiæ gloria, sed de militantis. Et sanè præter Apocalypseos argumentum, quod ex se poscit, ut caput quartum à militantis Ecclesiæ splendore ac maiestate ducat exordium; aduersus quam Iudæorum & Gentium bella concitantur (hoc enim est, ut adnotauimus, totius Apocalypseos argumentum) præter hoc, inquam, ex ipso met huius capituli & sequentis contextu manifestò constat, in illis de æterna patriæ felicitate non agi. Etenim tonitruorum, fulgurum, maris vitrei, ac libri signati symbola & significationes cælorum beatitudini minime congruunt. Quare id certum in primis statuo, huius capituli pictura exprimi noui regni Dei excellentiam, id est, militantis Ecclesiæ & primitiue præsertim dignitatem: quam Ecclesiam Spiritus sanctus à Christo Domino die Pentecostes immisissus in terris fundauit.

Hoc ita constituto, habet locum dubitatio illa, quam nuper præmisimus; cur videlicet, cum Christus, qui iam in cælis regnabat, apparuerit in terra prologum agens; Ioannes nunc in cælum actionē spectaturus sit raptus, & militantis ibi Ecclesiæ intueatur? Quæ difficultas magis etiam augetur ex eo, quod postea c. 21. triumphantem Ecclesiam Ioannes in terra contempletur (esse namque de Ecclesia triumphante sermonem c. 21. & 22. ibi planum fiet.) Quæ igitur erit nouæ huius commutationis, & mirandæ vicissitudinis ratio; ut Christus, qui in cælo gloriosissimè triumphat, & beati cum ipso felicissimè degentes, aspiciantur in terris; Ecclesia autem viatorum, quæ in terris adhuc militat, videatur in cælo? Præsertim cum in hac commutatione id ferè in præsentī contingat, quod aliquando in splendidioris apparatus tragædiis fieri solet; vt versatilis scena subito machinis quibuidā vertatur, & aliam picturæ faciem ostendat. v.g. quæ vmbrosi nemoris speciem referebat prius, in regiam extemplò domum conuertatur. Quod si hæc mutatio sit, ut scena conueniens rebus ipsis existat; cælestis regis species eligenda potius videbatur, Ecclesiæ triumphantis repræsentationi; militanti verò, terrestris campi figura: quàm è conuerso.

Vt ergo huic dubitationi faciam satis, Respondeo vtrumque sapientissimè fuisse excogitatum; vt & militans Ecclesia in cælo, & triumphans in terra figurentur. Atque vt à prima illa figura, quā Ioannes primo capite aspexit, auspicemur; præcipuus illius scopus erat, significare egregia & admiranda facinora, quæ Christus in terra operatur è cælo. Quam ad rem congruens fuit, ut in terris apparere; ibi enim aptè effingitur esse, vbi operatur. Capituli verò quarti scopus est præclarā illam excellentiam & celsitatem repræsentare, ad quam homines per Christi spiritum euecti fuere. Atqui ad hoc concinnè satis & eleganter Ecclesia militans in cælo depingitur; qua ratione regnum cælorum eadem appellatur. Reuoca in mentem illud Isaia 58. 14. *Sustolam te super altitudinem terræ.* Et nota huiusmodi visionem ingens in se mysterium continere; & in sensu mystico magna cum energia posse dici, homines à Deo per spiritū Christi in cælū fuisse sublato; & vt per gratiæ vitā homines mysticè cum Christo, (iuxta Paulū) confurgū; ita etiā per cælestē spiritum simul cū Christo ad cælū conscendere.

Et quauis, si argumentū attendatur, diuersa materia non sit, quæ in prologo capituli primi agitur, ab ea, quæ in c. 4. Prologū tamen ibi egit Christus, at c. 4. Ecclesiæ primigeniæ apparet imago. Vnde, ut idē sit argumētum, rectè & Christus in terra, & primitiua Ecclesia videtur in cælo. Ac demū Christum in terra apparere mirabilem, Ecclesiam suo auxilio promouendo, idem est atque eam ad cælū vsque diuino spiritu euehere. Et quò se Christus in Ecclesia mirabiliorem præstat, eò magis illam

extol-

*Cælum hic  
in quo sensu  
sumatur.*

*Cur Ioannes  
in cælum euo-  
cetur ac  
tollatur.*

*Cur mili-  
tans Eccle-  
sia in cælo  
appareat.*



extollit & effert: eamque ad tantum dignitatis fastigium euehit, vt iure possit regnum cælorum nūcupari. Denique quia Christus in terram descendit, idcirco homines in cælum conscendunt, neque id ex illo solum capite intelligendum est, quod Christus hominum induens naturam, illis ad cælorum regiones ascensum parauit; sed etiam mysticè potest magna cum elegantia accipi; videlicet quia Christus per rerum admirabilium operationem descendat in terras, & in suis fidelibus præclara & excellentia præstet; propterea eos mysticè ad cælum ascendere: tum propter sublimitatē, ad quam Christiana Ecclesia tollitur; tum etiam propter excellentiam, qua tam excellit populo Israelitico, quam ab humili terra sublime distat cælum. Cur verò Beatorum Ecclesia sit in terris conspecta, suo loco explicabitur, nempe in cap. 21.

Nec solum primitiua Ecclesia apparet in cælo; sed etiam Ioannes illuc vocatur ac fertur; vt eam cominus intueatur, atq; consideret. Quod autem cælum Ioanni pateat, & eò ipse tollatur; indicat altissimam fuisse ac perfectissimam cognitionem illi de cælestibus hisce mysterijs concessam. Licet enim antiquis Vatribus cælum aliquando fuerit patefactum, vt è terris aliquas ex rebus cælestibus aspicerent; nunquam tamen illuc sublatis esse dicuntur. Sed id Ioanni conceditur, cui ceteris clariùs atque sublimiùs rerum cælestium cognitio impertitur: de quo infra notatione 1.

ET VOX PRIMA, QVAM AVDVI, TANQVAM TVBÆ LOQVENTIS MECVM. ] Non id tantum agit Ioannes, vt primam quam audiuit vocem post referatum cælum, tubæ esse asserat; sed illud etiam, hanc scilicet vocem à se modò auditam esse eandem cum prima illa capitis 1. 10. *Audiui post me vocem magnam tanquam tubæ.* Ibi autem vidimus, per tubæ vocem non aliud exprimi, quam bellum à Iudaico populo Christianæ Ecclesiæ illatum; nec significari aliud sonitu illo per Christios emisso, quam Christianam Ecclesiam à Christi ipsius spiritu per bellum illud edoceri suæ vocationis excellentiam, & cælestem eam Theologiam, de qua in Apocal. sermo est ab hoc c. 4. ad 11. Appositè ergo in ipso actionis initio auditur vox illa tubæ; atque eadem dicitur Ioannem inuitasse, vt cælum conscenderet, noui cælorum regni excellentiam conspecturus. Quo ostenditur Ioanni fuisse monstratum bellum illud, in quo Christi Ecclesiæ sublimitas vel maxime enituit; atque adeò ipsum Ioannem hac ratione certiorē fuisse factum de futura Ecclesiæ celsitate, deque septem diuinæ Prouidentię spiritibus, qui in eo bello pro Ecclesia tantopere excelluerunt.

DICENS, ASCENDE HVC. ] Christus tubæ voce præcipit Ioanni, vt eò conscendat, sed cū Christi locutio adeò efficax sit, satis ea superque fuit; vt nullo alio alarum aut scalarum adminiculo eum in sublime efferret. Quippe cōscendit Ioānes cælū in extasi: hic enim fuit Christi vocis effectus. Cū igitur hæc tubæ vox Ecclesiæ persecutionē repræsentet; admirabilis illa vocis efficacia, quæ Ioannē ad cælestē eam contemplationē euehit, nos docet hunc Christi esse morē, vt sc. laboribus ac persecutionibus suos fideles à terrenis rebus ad suorum cōsiliōrū admirabilē cognitionē efficaciter attollat.

ET OSTENDAM TIBI, QVÆ OPORTET FIERI POST HÆC. ] Verba hæc videntur primā specie fauere opinioni Hentenij & Salmeronis; qui sibi persuaferunt Apocalypsin scriptam fuisse ante Ierosolymæ excidium, & nihil in Apocalypsi contineri ex iis, quæ iam præterierant. Hæc tamen opinio suprà iam à nobis impugnata est notatione 2. prolegom. Et ex hoc ipso cap. efficacissimè impugatur. Etenim etsi Ioanni dicatur initio, fore illi ostendenda, quæ oportebat fieri post hæc; certū tamen est, quæ illi toto hoc capite monstrantur, non esse euenta deinceps in Ecclesiæ progressu successura, sed Ecclesiæ ipsius primordia. Hoc ergo stabilitō; explicare oportet, quid sit quod Ioanni in præsentī dicitur; *Ostendam tibi quæ oportet fieri post hæc.*

Erit fortasse, qui declinandæ difficultatis causā existimet, verba illa, *Quæ oportet fieri post hæc*, non ad veritates Ioanni reuelatas, sed ad ipsam actionem seu repræsentationem esse referenda; quasi ei dicatur, Prologum in terra spectasti; ascēde modò in cælum, & reliquam actionis partē intuebere. Verū hic sensus humilior est, quam deceat, nec cum Græca phrasi congruens: non enim agi cōcediam, γένεσθαι dicitur; omnino ergo sermo est de rebus ipsis, quæ Ioanni reuelandæ erant.

Dicet alius, ad ea præuidenda, quæ post hanc vitam futura sunt, aptissimum esse, vt in cælum, animorum consideratione, ad contemplandam Christianæ Ecclesiæ altitudinem ascendamus. Eodem ferè modo, quo de principe, vel de quouis alio loquens dicere posset aliquis ad amicum; Vis ne tibi ostendam, quem noster Antonius habiturus sit exitum? Audi ergo, & expende eius mores & ingenium: præsentia narro; tu hinc futura conijce. Atque hic sensus cohæreere videtur cum ijs, quæ suprà diximus ad ea verba cap. 1. num. 1. *quæ oportet fieri citò.* Hæc tamen explicatio non placet; quia huius reuelationis fuit intentio, reuelari Ioanni eos Ecclesiæ successus, quos ipsa fuerat habitura: atque adeò coactum est, ad alterius vitæ successus referre explicationem. Nec verò opus est, vt hæc verba eodē modo explicentur, quo illa capitis primi, *quæ oportet fieri citò.* atq; quia in præsentī deest aduerbium illud *citò* (licet typographorū errore in codicibus aliquot perperam legatur *citò*, & in alijs *statim*) tū etiā quia c. 1. sermo est de ijs, quæ Christus palàm facit omnibus ferè fidelibus: at in præsentī agitur de ijs, quæ Ioanni singulariter ostendenda erant; neque tamen oportebat ea palàm fieri vniuersæ Ecclesiæ.

Diceret forte alius, de ipsis rebus, quæ in hoc capite recensentur, affirmari verè & eleganter potuisse, *Ascende huc, & ostendam tibi, quæ oportet fieri.* Licet enim res illæ iam essent præteritæ, nondum tamē earū magnitudo, & præstantiā fuerant mundo referata: & tunc aliquid fieri dicitur, cū manifestatur. Et quoniam Ioanni reuelatum fuit, Christi tandem Ecclesiam de Iudæis & Gentibus triumphaturā, atq; tunc eius gloriam manifestandā esse; idē aptè dictū esse ei, *Ascende huc, & ostendam tibi, quæ oportet fieri.* Hæc explicatio alicui fortassis arrideat; nec in re ipsa ab eadē explicatione recedemus. Sed quod ad phrasim attinet, aptius ac simplici⁹ esse existimo, vt sermo sit non de vniuersis, quæ reuelanda erāt Ioanni, sed de totius reuelationis scopo, quasi ei diceret; *Ascende huc, & ostendetur tibi admiranda victoria quam ex Iudæis & Gentibus Christiana repōrtabit Ecclesia.* Ceterū, vt id tibi mōstretur, oportet paulò altius repetere totius visionis seriem; & ab ipso initio exordiri Ecclesiæ celsitatē, recēditis Iudaismi & Gentilismi aduersus illā bellis. Visionis tamen scopus est, vt dixi, tibi ob oculos ponere futurā Ecclesiæ felicitatem: atq; id significant verba illa, *post hæc*, Græcè *μετὰ ταῦτα*, id est, *postea*.

Christus in terram descendit, vt homines ascendat in cælum.

Cælum Ioanni patefecit, quid denotat.

Quæ sit hæc tubæ vox Ioanni audita.

Quomodo Ioannes in cælum euocetur, & ascendat.

Quoniam Ioanni præmittantur ostendenda.

Varia hæc de re expositiones.

Vera auctoris interpretatio.







## N O T A T I O I.

*De visione, quæ ostensa est Iacobo patriarchæ, ad quam in presenti  
alludit Ioannes.*

**G**ENES. 28. 12. dicitur de Iacobo, *Vidit in somnis, scalam stantem super terram, & cacumen illius tangens celum; Angelos quoque Dei ascendentes, & descendentes super eam. cumque euigilasset Iacob de somno, ait; Non est hic aliud nisi domus Dei, & porta celi. Eandem visionem describit Iosephus lib. 1. Antiquit. cap. 19. & de eadem agit Sapientia 10. 10. ubi dicitur; Sapientia profugum iræ fratris iustum (scilicet Iacobum) deduxit per vias rectas & ostendit illi regnum Dei. Ad eandem etiam visionem respexit Dominus Ioann. 1. 51. ubi ait; Videbitis celum apertum, & angelos Dei ascendentes, & descendentes: supra filium hominis. Nec dubito, quin Apocalypsis etiam in hoc eodem loco cap. 4. numer. 1. eodem respexerit. Etenim portæ celi, quam vidit Iacobus, respondet in Apocalypsi ostium apertum in celo. Quod si ibi angeli ascendeant; hinc Ioanni dicitur, ut ascendat ipse. Itaque locus hic Apocalypseos efflagitat, ut Iacobi scalam, eiusque mysterium attentè perpendamus; quod magnum procul dubio est. Nam inter miras sacrarum Literarum visiones & mysterijs arcanis refertas fortè hæc Iacobi visio est, quæ sese primò offert. Quare ut clariùs in ea progrediamur, duas in partes illam secabimus, in quarum altera de ipsa visionis id eam in altera de eiusdem explicatione, & significatione agemus.*

## SECTIO I. De idea visionis scale.

**V**IDIT ergo Iacobus Genes. 28. 12. *Dominum innixum scale.* Vbi interpretes vulgò existimare videntur, Deum in sublimi scale parte esse. Ita expressè Caietanus ibi; & Iosephus etiam lib. 1. Antiquit. c. 19. Mihi verisimile valde est, Deum non in summa, sed in ima scale parte esse innixum, quati scalam teneret atque firmaret, quò Angeli ascendere & descendere possent securius. Hoc elicio in primis ex textu. Nam Vulgatus legit, *innixum sc. lae.* LXX. vertunt, *incumbentem scale;* & Hebræa sonant, *iuxta scalam.* Atqui hæc omnia id obscure innuunt, Deum ad scalam applicitum adhærere: quod propriè sonat, ipsum esse in infima scale parte, atque ipsam veluti tenere, & firmam reddere. Deinde hoc pacto confirmari solet scala, si quis ad imam eius partem firmiter adhæreat. Et verò quanvis possit ex superiore parte ipsam sustinere & solidare, dum tamen textus aliud non explicet, sed Deum nobis proponat scale inhærentem, & loquentem cum Iacobo, simplicius est eum ad scale extremitatem infimam cōsiderare.

Obijcies tamen, Ariam Montanum ex Hebræo vertisse, *super scalam.* Respondeo Hebræam vocem æquè vtrumque significare, scilicet tam *iuxta*, quam *supra.* Quin & *supra*, siue *super* interdum sumitur pro *iuxta*, ut Psal. 136. *Super flumina Babylonis.*

2. Obijcies; si Deus in ima scale sede erat, nihil est cur angeli ascenderint; idè enim ascendisse videntur, ut Deum intuerentur, siue ad eum Iacobi preces deferrent. Respondetur; Textus ipse exprimit Iacobum, et si non ascendebat, Deum tamen secum colloquentem aspexisse; non igitur angeli idcirco scandebant, ut Deum viderent, siue Iacobi orationes deferrent.

3. Obijcies; ut scala firma & immota esse credatur, non est necesse Deum illi inhærentem, eamque sustinentem contemplari. Rectè enim excogitari potest ingens ex lapide ædificium pyramidis instar, quod gradibus vndique constet à summa parte ad imam vsque. Atque hæc est Ariæ Montani consideratio. Respondeo, huiusmodi considerationem in sacra Scriptura non ita, ac meam, fulciri. Cum tamen ad significationem mea explicatio valde sit apta, ut postea subiiciam.

**A** Porro angelos ipsos absque alis fuisse confidero; siquidem apposita fuit scala; cui Deus adhærebat, ut angeli ascenderent, atque descenderent. Nec alios esse existimo, qui descendunt, ab ijs qui ascendant; sed eosdem & ascendere primò, & deinde descendere. Hoc enim ordine id explicat Gen. 28. 12. & Ioan. 1. 51. *Ascendentes & descendentes.*

**B** Non considerandum modò est, angelos ad scale summitatem accedere, sed etiam in celum ingredi. Sic enim videtur Iacob ipse statuere, dum ait, *domus Dei & porta celi.* Id quod Christus clariùs adhuc exprimit Ioan. 1. ubi nulla mentio est scale; sed tantum asseritur celum fore apertum, & angelos ascensuros illuc, & inde descensuros. Atque eadem phrasis, *ascendere in celum atque descendere*, idem sonat, quod *ascendere ad cælestia mysteria cernenda, & contemplanda; atque descendere ad ea hominibus euulganda.* Vide Deuteron. 20. 12. *Mandatum hoc non est in celo situm; ut possis dicere, Quis nostrum valet ad celum ascendere, ut deferat illud ad nos, ut audiamus, &c.* & Prouerb. 30. 4. *Nō noui scientiam sanctorum; quis enim ascendit in celum, atque descendit? & Ioan. 3. 13. Nemo ascendit in celum (ἀνέβηκε, in præterito) nisi qui descendit de celo, id est, nemo illic ascendit, præter me.* Item ad Romanos 10. 6. Paulus alludit ad locum Deuteronomij; & ait, *Ne dixeris in corde tuo, Quis ascendit in celum? Et subdit; id est, Christum deducere.* Quasi dicat; id, quod optare poteras, quando dicebas, *Vtinam quis ascenderet in celum, atque descenderet; id ipsum cumulatiuè tibi Deus concessit, efficiendo ut Christus descenderet de celo?*

**C** Dices; non conuenit inter se considerare Deum in infima scale parte, atque ad eam in terris existentem; Angelos verò ascendentes in celum, & diuina in eo mysteria cernentes: tum quia Deus ipse poterat eadem mysteria, quæ Angeli Iacobo multò clariùs & perfectiùs enunciare; quare nihil erat cur ideo Angeli eò conscenderent, ut dein redeunt Iacobo visa narrarent: tum etiam, quia quidquid in celo cernitur, in Deo ipso cernitur. Si igitur Deus ad scale radices erat, non rectè Angeli ad cælestia intuenda cogitantur ascendere.

**D** Ad primum tamè respondetur, maioris fortè esse gratiæ Angelos scandere, ut mox videbimus; & certè nolle Deum per semet eam retgere, quæ per Angelos hosce enunciare decreuit.

**E** Ad secundum respondetur; Deus ipse, qui infrà, scalam, ne collabatur, fulcit; suprà, etiam mysteria reuelat; iuxta illud Danielis: *Est Deus in celo reuelans mysteria.* Quare illuc conscendere oportet, ad cælestia arcana spectanda. Necdum exploratum est, vtrum huiusmodi Angeli ascendant, ut in diuina essentia, videant mysteria illa, quæ Deus illis reteggit. Verum utcumque hoc sit, aptissima consideratio est, celum esse veluti regiam domum ingenti gaza refertam; & regem in inferiori parte scale gradus fulcire, ut Angeli in celum ascendant, & tota ibi regia cum suis opibus & thesauris illis propalam referetur; ut in terram reuersi visa hominibus referre possint.

## SECTIO II. De propria scale &amp; Angelorum significatione.

**P**RÆCIPVA huius visionis intentio fuit, Iacobo speciem quandam, siue imaginem proponere; quæ illi optimè indicaret, quanta fuerat diuinorum mysteriorum lux atque notitia Catholicæ Ecclesiæ sub felicissima legis gratiæ tempora per Apostolos & eorum imitatores conferenda. Hoc ut rite percipiatur, expendere oportet visionem Iacobo ostensam congruere debere cum ijs, quæ illi Deus ad finem

*Angelos Iacobo visos per scalam ascendere, sine alijs esse considerandos.*

*Angelos nō summitatē modò scale conscendere, sed celū etiam ingredi. Ascendere in celum atque descendere, quid sit.*

*Num Deum Iacobus in superiori scale parte, an in inferiori viderit?*

*Difficultas contra prædictam doctrinam; earum solutio.*

*Visionis Iacobo per scalam ostensa finis ac significatio.*



visionis promissis; scilicet, *Benedicentur in te & in semine tuo cunctis tribus terræ.* Voluit namque Deus Iacobum ab fratris ira fugientem consolari, prædicens illum ab ipso Deo fuisse electum, ut per ipsius genus totum terrarum orbem veris Euangelicæ prædicationis diuitijs, & regni cælorum gazâ locupletaret. hoc autem ut efficacius præstaretur, cælorum thesauri, & Christi regni arcana erant Apostolis referenda; ut ipsi hominibus ceteris toto orbe dispersis annuntiarent. Quod (ut postea explicabo) mirè in eo exprimitur, ut noui angeli cælum ipsum ascendunt, ibique mytheria altissima scrutentur, quæ postea mortalibus diuulgent. Hæc consideratio verbis illis Sapientia haud parum roboratur cap. 10. nu. 10. *Hæc (scilicet sapientia, seu diuina Prouidentia) profugum iræ fratris (nempe Iacobum) deduxit per vias rectas, & ostendit illi regnum Dei, & dedit illi scientiam sanctorum.* Vbi dubitandum non est, quin Iacobo Dei regnum monstrare, & sanctorum scientiam tribuere, siue sanctorum cognitionem tradere, sit ad scalæ visionem referendum, ut omnes fatentur interpretes. Scopus ergo visionis illius erit significare, Apostolos ab humo attollendos, & cælorum consensione, id est, rerum cælestium cognitione beandos, ut Euangelium ipsi, siue bonum de Christo nuncium hominibus afferrent: iuxta id, quod Christus ipse dixit Marci 4. 11. & Lucæ 8. 10. *Vobis datum est nosse mysterium regni Dei.* Atque hac ratione Iacobo sanctorum scientia id est, populi sancti & electi notitia fuit concessa, quem Deus & in ipso Iacobo figurauit, & fuerat ex eiusdem genere erecturus. Quo illud potissimum effecit Deus, ut Iacobus suæ prolis excellentiâ intueretur, vel in ea potius altissimam Christiani populi dignitatem. Porro is, quem nuper attuli, Sapientia locus (ni fallor) exigit, ut angelorum nomen non ad beatos illos cælestis hierarchie spiritus, sed ad hosce militantis Ecclesiæ viros apostolicos referamus. Regnum enim Dei, de qua sacra Scriptura, non est aliud, quam Christianæ Ecclesiæ regnum: iuxta illud Lucæ 17. 21. *Regnum Dei intra vos est.* Et Lucæ 11. 20. & Matth. 12. 28. *Peruenit in vos regnum Dei.* Atqui idem est regnum Dei, ac domus Dei. Iacobus verò expectatus est somno dixit: *Verè non est hic aliud, nisi domus Dei, &c.*

Præter hæc, custodes angelos ascendere, atque descendere resurrectionis aut ascensionis die; siue etiam in extremo iudicio, vel ad Deo offerendas sanctorum, qui in terris degunt, orationes, & referenda inde Dei ipsius responsa; hæc (inquam) minime sunt ere ac mente extremæ illius partis visionis, *Benedicentur in te, & in semine tuo cunctis tribus terræ.*

Considerandum est insuper, vsitatum esse sacra Scripturæ phrasim, qua sacerdotes, ac Dei ministri angelorum nomine appellentur; ut pluribus ex locis planum sit. Præterquam quod in hac visione non obscure innuitur, sermonem esse de nouo angelorum ordine: siquidem non alati volitant per aëra, sed per scalas gradatim ascendunt; & prius idem ascendere, postea descendere dicuntur. Homines quidem rationationis vsu à natura ipsa constricti, cum ad rerum cælestium cognitionem ascendunt, appositè considerantur non alis, sed rationis ac discursus scala, quasi quibusdam gradibus innitentes ascendere; dum mentis & ingenij rationatione sese paulatim attollunt. Angeli verò cælestes non item; sed vel minimo momento, quasi vnico, & rapidissimo volatu eò simul vi mentis perspicacitina feruntur, quod ingenij aciem destinant. Cumque cælum sit proprium eorum domicilium; ut homines conueniant, non prius ascendunt, ac descendunt deinde; sed descendunt primò, dein cælum propriam domum repetunt. Homines autem sunt; qui ut regni Dei mysteria prædicent, cælum debent prius conscendere, atque inde concionator quisque (si sui officij partes cumulatè præstare velit) est ad suggestum descendens. Scitè enim Diogenes Cynicus, disputanti cuidam de cælestibus dixit: *Quando de cælo venisti?* Sacra igitur Scriptura locutio: ascendendi cælum, & descendendi, cum de diuinorum arcanorum cognitione & manifestatione sermo est, nunquam ad cælestes angelos spectat, sed ad terrenos, nempe homines:

A vt in illis locis supra allatis Deuter. 30. 12. Prouerb. 30. 4. facile est videre.

Quod si obiecias, de Christo etiam in hoc eodem sensu dici, ipsum ad cælum ascendisse. Respondeo tunc agi de Christo quatenus homine: ille autè fuit primus homo, qui mysticè cælum conscendit; quem deinceps Apostoli, ut mox dicemus, fuere secuti. Phrasis ergo ascendendi tam in Christo, quam in Apostolis, supponit eos in terris esse.

Illud etiam 3. notari oportet, sacrarum Literarum scalam esse, qua Deus sui Euangelij ministros ad rerum diuinatum notitiam effert. Hæc est nimirum scala, quam Deus ipse suo testimoniò firmat ac fulcit, nec non inconcussa auctoritate. Atque id est, Deum ad scalam adherere; ut noui angeli scandant securi, & cælo ipso allesti & erecti, ut Deus tanto eos cumulet beneficio, mytheria illis ostendendo, quæ in sacris literis abstrusa delitebant. Quæ ascendendi ratio affatim secuta est; longeque alia ab ea, quæ humano tantum nititur ingenio; cui proinde suam Deus auctoritatem non applicat. Quæ & lubrica satis via est, & in ea homines frequenter delapsi corruerent, si nullo alio suffulti adminiculo vellent ad rerum altissimarum cognitionem peruenire. Quin & horum angelorum descensio ad concionandum debet hæc eadem scalam inniti.

Addo insuper Deum ad imam scalam esse; ut significetur Christianam Ecclesiam hic etiam apud se habere Deum, qui sacrarum Literarum scalæ robur ac firmitatem addat. Quia habemus Pontificis summi, & Conciliorum decreta; quibus nos quoque satis superque efficimur certiores de veri Dei Scriptura, deque secuta ipsius doctrina. Vide Ezechiel. 48. line. vbi nomen Romæ est; *Dominus ibidem.*

Notandum quartò est, certum videri, scalæ visionem esse prophetiam rei, quæ non fuerat, nisi in Euangelij prædicatione, complenda. Nam ut de re, quæ nondum erat impleta; breui tamen implenda, dixit Christus Ioan. 1. 51. *Amen dico vobis; videbitis cælum apertum; & angelos Dei ascendentes & descendentes.* Expende contextum, qui manifestè postulat, ut hæc verba ad magnam cælestium mytheriorum reuelationem referantur. Præcedit enim ibidem, Christum Natanaëli reuelasse, quod humanitus sciri non poterat, nempe Natanaëlem fuisse sub ficti, antequam à Philippo vocaretur, ibique à Christo visum esse. Quod Natanael valde miratus, Christum Dei esse filium credidit. Tum Christus: *Si me (inquit) ex eo æstimas, quod tibi terrenum quidpiam nuntiaram, quod naturali scientia cognosci non poterat; quid erit tibi admirationis & stuporis, cum seruos meos videas cælum conscendere, atque ibi rerum cælestium altissimam scientiam imbui, quas postea descendentes hominibus narræt?* Quis non videat, aptissimum esse contextum de reuelatione & communionem mytheriorum regni Dei; id est, de prædicatione Euangelicæ, ut satis indicatur Sapientia 10. 10. Huc spectat Cyrillus lib. 2. in Ioan. cap. 21. (cui subscribit Tolemus) qui ait, verba illa Christi, *Videbitis cælum apertum, & angelos Dei ascendentes & descendentes;* non ad aliquem diem singularem, sed ad totam Christi dispensationem pertinere; id est, ad legis Euangelicæ tempus. Et Augustinus, ac Beda expressè angelorum, nomine exponunt prædicatores euangelicos, tum Ioan. 1. 51. tum etiam in scala Iacobi.

Quintò aduerto, in mea declaratione, optimum inesse sensum verbis illis Christi, *supra filium hominis.* quod erat alioqui difficile, illud autem mihi idem est, ac in Christo fuisse completum, quod erat in Iacobo adumbratum. Etenim in scala Iacobi rectè perspicitur angelorum tam ascensionem, quam descensionem fuisse supra ipsum Iacobum; id est, per scalam, quæ super ipsum erigebatur, siue iuxta ipsum. Igitur *supra filium hominis*, significabit Christum esse verum Iacobum; qui mortis somnum cepit, & supra se vidit angelorum ascendentium & descendentium scalam. Christus enim mortuus, siue Christi mors est præcipuum fundamentum; quo nixi huiusmodi angeli ascendunt, & descendunt. Ex ea terra, in qua Christus requiescit, id est, Ecclesiâ, conjungunt angeli ascensuri, & eodem descendendo remeant. Sed cum ascensus, tum descensus supra Christum sunt.

Quid per  
ipsum Iacobum  
scalam  
figetur.

Cur Deus  
ad imam  
scalam partem  
sit.

Quid sit  
angelos ascendere &  
descendere  
supra filium  
hominis.

Nam

Quod sit  
regnum Dei  
Iacobo ostē-  
sum: quæ  
sanctorum  
scientia illi  
data.

Qui sint  
angeli Iacobum  
visi  
per scalam  
ascendere.

Sacerdotes  
ac Dei ministros  
sape  
in Scriptura  
angelos vocari.

Cur angeli  
Iacobum visi  
absque alis  
sint considerandi.

Conciora  
or optimus  
cuiusmodi  
sit a. beat.



Nam Euangelij & reuelatio, & promulgatio supra Christum solidatur. Non modò quia ipse est potissimum fundamentum, vt homines post ipsius descensionem ascendere possint & descendere; sed etiam quia totius euangelicæ reuelationis & prædicationis summa, est ipsemet Christus. Vnde Christus Dominus quasi textus est; ceteraque omnia commentariorum instar sunt, quæ super ipsum diuini verbi textum conscribuntur.

Sextò nostra expositio roboratur; vbi expendatur attentè, in sacris Literis ostium apertum in cælo ad cælestium mysteriorum reuelationem procul dubio spectare. Vide Ezechiel. 1. n. 1. *Aperti sunt celi, & vidi visiones Dei.* Et Apocal. 4. 1. *Eccè ostium apertum in cælo.* Idem ergo erit sensus in scala Iacobi. Nec enim dubitari potest, quin portam in cælo apertam viderit; siquidem ait, *Domus Dei, & porta celi.* Id quod Christus magis exposuit, Ioan. 1. 51. *Videbitis cælum apertum.*

Septimò ad nostræ sententiæ confirmationem, perpèdendum serid est discriminè, quod inter veteris testamenti Patres, nouique Sanctos reperitur; licet enim vtrique portam in cælo apertam aspexerint; ceterum quemadmodum ante Christi aduentum nemo in suprema cælorum penetrauit; ita etiam ante ipsum nemo dicitur in spiritu conscendisse cælum. Certè Ezechiel non ascendit, sed ad eum potiùs descendit cælestis currus; ait enim c. 1. n. 15. *Apparuit rota super terram iuxta animalia.* De Iacobo verò satis constat, eum neque per somnium ascendisse; quauis in visione prophetica angelos ascendentes & descendentes conspexerit. Post Christi in terras descensionem, sicut sanctis post mortem aditus in superas empyrei cæli regiones patescit, vt reipsa conscendant, & intrent in gaudium Domini sui (cùm plenè iam sit Isaïæ votis satis factum, *utinam dirumperes cælum & descenderes*); sic etiam viris Apostolicis ante mortem concessum est, non solum vt celi ostium viderent apertum; sed etiam vt per illud spiritaliter ad superiora cæli penetrarent. Nam & Ioanni Apocal. 4. dicitur, *Ascende huc*; & Paulus raptus est vsq; ad tertium cælum; & vniuersè dixit Christus Ioan. 1. 51. *Videbitis cælum apertum, & angelos Dei, &c.* Quasi diceret, Nunc re vera implebitur, quod olim fuit figuratum atque promissum; & quos Iacobus in cælum scandere aspexit, illi non ex eius ætatis hominibus, sed ex nostris erant.

Si verò obijcias, Eliam etiam dici ascendisse in cælum, 4. Reg. 2. 11. Respondeo ibi non esse sermonem de Elia inter mortales manente, neque de cælo superiore, nec de ascensu spiritali; sed de propria per aërem eleuatione, & separatione ab hominum consortio mortalium. Inuestiganda est ergo ratio discriminis, cur Propheta ante Christi descensum, licet viderint cælum apertum, nunquam tamen eò ascēdisse, & ingressi fuisse per illud ostium dicantur; Apostoli verò & viri Apostolici ascendisse, & in cæli superiora dicantur penetrasse? vnde & meritò dicunt, *Conuersatio nostra in cælis est*, Philip. 3. nu. 20. Respondeo, eo discrimine significari, multò maiorem rerum cælestium cognitionem fuisse hominibus

A post Christi aduentum, quàm ante illum elargitam.

Pro cuius maiori explicatione, concipiamus mēte in editissimo montis vertice regiam domum magnificè extructam, omni ingentium diuitiarum & pretiosæ supellestilis genere redundantem; ex vico insuper siue oppidulo ad montis ipsius radices sito nullum eò conscendisse; nec aliquid cognitionis de tanta illa gaza habere quempiam ex eis; præter eam, quæ confusè potest acquiri ex eo solum, quòd portas aliquando patentes procul aspexerint, aut currum viderint, siue equitem ephippijs aureis insidentem, inde fortè exeuntem. Hæc certe illarum diuitiarum cognitio quàm sit parua & exigua, nemo non viderit; quantò præterea maior ac plenior esset si princeps regiæ illis arcis liberam faceret nonnullis ex illo oppidulo potestatem, vt illuc ascenderet, & magnificentissimam domum structuram, aurum, gemmas, regios thesauros, ac demum pretiosissima quæque attentis, auidisque oculis aspiceret; ac post eà ad suos regressi omnia per ordinem narrarent. Cælestis igitur domus est nouum cælorum regnum, quod magna cum energia appellatur domus Dei. Sic enim eam Iacobus appellat. Iam, quod in amplissima hac regia antiquis licuit Prophetis, id vnū fuit, vt currum aliquem inde prodeuntem, siue regis nuncium fortè prætereuntem viderent, aut saltem quod longissimè distiti conspiceret aliquando potuerunt, cùm valua cælestis patuit. At viris Apostolicis non valua solum patuere, sed aditus fuit liberè permissus; vt omnes supernæ aulæ diuitias singillatim cernerent; & ad terras redeuntes vifa hominibus recenserent. Idcirco Salomon Prouerbiorū loco suprā citato, cælestia penitus referre non audeat; causatus, sibi non clarè & manifestè esse ostensa, quæ fuerant deinceps Christiano populo magnā perspicuitate monstranda: *Non noui, ait, scientiam sanctorum. Qui enim ascendit in cælum, atque descendit?* Prou. 30. 4. & capropter Ioannes dixit ca. 3. 13. *Nemo (hactenus) ascendit in cælum.* Agit verò de cælestium mysteriorum reuelatione. Ex quibus omnibus non parum nostra explicatio confirmatur.

Apostolos ergo quasi per scalam ascendisse constat; quia aperuit illis Deus sensum, vt intelligerent scripturas. Quod suo etiam modo in Ioannē, & Paulo verum est; licet peculiari sit ratio, cur vterque aliqua ratione asseratur non per scalas ascendisse. Ioannes enim & Paulus veluti angeli sine scala, sed rapido ac repentino volatu ad altissimam fidei mysteriorum cognitionem, singulari Dei beneficio conscenderunt. Perspicuum autem est, eos inde descendisse ad cælestem illam doctrinam hominibus promulgandam. Quia Ioannes Apoc. 10. 8. iubetur accipere librum de manu angeli stantis super mare & super terram. Paulus verò ipsemet ait, se in terra fuisse mox inuentum; nec planè scire, vtrum corpore, vel extra corpus in cælum scanderit.

Denique in cælum ascendere est eleuari ad mysteriorum Dei cognitionem, Luc. 8. 10. Et descendere est tanquam scribam doctum in regno cælorum proferre de thesauro suo noua & vetera, Matth. 13. 52.

Ioannem & Paulum abque scala cælum conscendisse, quid sit.

## T E X T V S.

Vers. 2. Et statim fui in spiritu; & ecce sedes posita erat in cælo, & supra sedem sedens.







## C O M M E N T A R I V S.

**I**PSA vocis tubæ efficacitas Ioannem in cælum sustulit, vt diximus versu i. atque id verbis illis in-  
 triuitur, & statim fui in spiritu. Ioānes ergo in cælos euectus asserit, se ibi aspexisse Principem in thro-  
 no sedentem. Hic Princeps haud dubie est cælorum Rex, id est, cæli terræque conditor; sed cum Re-  
 gis cælorum nomine designari possit Deus trinus & vnus; & possit etiam peculiariter designari Pa-  
 ter, aut Christus Dominus; in præsentī Dei Patris personam refert simulacrum illud, quod visum in  
 throno est, vt explicabimus infra. Prius enim considerandus est thronus ipse, siue sedes, quæ pos-  
 ta erat in cælo.

Duo sunt in hoc throno expendenda: primum, illius forma siue species: alterū significatio. Quod  
 ad primum attinet; in hac sede respicitur per allusionem ad sedem illam, quam Deus in Mosis prius  
 tabernaculo, deinde in Salomonico templo habere existimabatur. Illius autem throni species hæc  
 erat; aurea tabula (quæ Propitiatorium appellatur) pro pedum scabello; duo Cherubini parui  
 pro sella; qui e regione positi extensas alas, & inter se vicissim collatas habebant; vt si duo homi-  
 nes brachia in crucis modum vterque extenderent, quod alius consideret. Itaque Cherubinorum  
 capita erant veluti sellæ brachia; alæ verò extensæ, sedes. Hinc est, sæpe Deum in sacra Scriptura dici  
 sedere super Cherubim; nēpe Exod. 25. 22. Num. 7. 89. i. Reg. 4. 4. 2. Reg. 6. 2. & c. 22. 11. & 4. Reg. 19. 15.  
 & 1. Paral. 13. 6. Psal. 17. 10. Psal. 79. 2. Psal. 98. 1. Isai. 37. 16. Ezech. 9. 3. & c. 19. 4. & Daniel. 3. 35.

Quæ cum ita sint, mihi facile persuadeo, Dei thronum, quem hic Ioannes conspexit, esse quan-  
 dam veluti effigiem Propitiatorij, & duorum Cherubinorum, qui super ipsum erant. Quod inde  
 mihi fit verisimile, quia toto hoc cap. 4. fit allusio ad Salomonis templum. Nam viginti quatuor se-  
 niores sunt principes sacerdotum; qui etiam viginti quatuor erāt. Ex 1. Paral. c. 24. Porro septe lam-  
 pades respondent septem lucernis candelabri; mare vitreum, mari æneo; animalia, magnis Cheru-  
 binis à Salomone factis; & caput ipsum, Dei laudibus & adoratione terminatur; quod propriè ad tē-  
 plum spectat. De hac tamē vniuersi huius capitis ad Salomonicum templum allusione plenius in-  
 fra dicemus. Si igitur in huius capitis visione fiebat comparatio Christianæ Ecclesiæ cum templo Sa-  
 lomonis; in throno etiam Dei, quem vidit Ioannes, fuit etiam comparatio ad thronum, quem habe-  
 bat Deus in templo. Quare, cum ex tot Scripturæ locis constet, thronum Dei in templo constare ex  
 Propitiatorio & Cherubinis; congruentissimè huius capitis thronus ad eundem modum effingitur,  
 quo solet eum sacra Scriptura figurare. Huiusmodi enim pictura ingens continet mysterium, & hu-  
 ius capitis fini valde est apta; de quo infra.

Nec in hoc solum loco; sed vniuersè in visionibus prophetis, quæ Dei thronum nobis ob ocu-  
 los ponunt, videtur certum eadem ratione esse concipiendum; vt Exod. 24. 10. Isai. 6. 1. Ezech. 1. 22.  
 & c. Cum hoc tamen discrimine; quod pro aurea tabula, Exod. 24. 10. erat sapphirina, siue hyacinthi-  
 na. Et Ezech. 1. 22. erat crystallina. Et quidem quoad hanc partem, licet nobis per hos Scripturæ locos  
 tabulam illam, siue pedum scabellum in hoc loco sapphirinum, aut crystallinum considerare; si-  
 quidem thronum vidit Ioannes in cælo. forma tamen throni non videtur aptè posse mutari ab ea,  
 quam nobis tot Scripturæ loci testantur.

Dicit quispiam, simplicius esse vt thronus in cælo ex nubibus fingatur. Et facit, quod dicitur in-  
 fra vers. 5. *De throno procedebant fulgura, & voces & tonitrua.* Fulgura enim atque tonitrua ex nubibus pro-  
 cedunt. Adhæc, certum est, Christum in die Iudicij appariturum in sede maiestatis ex nubibus. Re-  
 spondeo tamen me non negare, thronum à Ioanne visum, nubibus etiam circundari; quemadmo-  
 dum Dei sedes in Mosis tabernaculo, interdum nubibus obiecta fuit visa, Exod. 40. 32. & thronus et-  
 iam templi Salomonici, 3. Reg. 8. 10. Sed super has nubes considerandum est Propitiatorium & Che-  
 rubinis; nam id postulat manifesta ad templum allusio, & crebra illa sacra Scripturæ de Cherubinis  
 in Dei throno repetitio. Accedit, quod pro sede Græcè legitur *thronus*, quæ vox sedem augustam si-  
 gnificat, siue solium cum hypopodio seu pedum scabello: quod optimè cohæret cum tabula illa au-  
 rea, quæ Propitiatorio respondet, vt supra diximus.

Hactenus de throni figura; nunc de significatione. Propitiatorium indicat animi dimissionem, ac  
 sanctitatem eorum, qui Deo se penitus subiiciunt, eique in semetipsis sedem constituunt. Vide id  
 Psal. 98. 5. *Adorate scabellum pedum eius, quoniam sanctum est.* Vnde ponere inimicos scabellum pedū Chri-  
 sti, est ipsos efficere sanctos, vt docet Paulus ad Hebr. 10. 12. 13. & nos explicabimus in commentario  
 Psal. 109. Cum quo rectè quadrat nomen Propitiatorij, quod Dei propitiationem sonat. Congruit itē  
 templi Propitiatorium fuisse ex auro metallorū pretiosissimo, quod charitatem & puritatem animi  
 notat. Nec abs re est, quod aliquando Propitiatorium ex sapphiro apparuerit. Hoc enim ad vitæ cæ-  
 lestis significationem spectat; iuxta id Pauli, *Conuersatio nostra in cælis est.* Philip. 3. 20.

Iam duo Cherubini significant sapientiam & sanctitatem, id est, mentem cælesti lumine illustra-  
 tam, & voluntatem in diuino obsequio accensam ac feruidam. Harum enim potentiarum perfectio  
 sanctas animas & supremos spiritus efficit præclarissimam diuinæ maiestatis sedem. De hac tamen  
 significatione latius infra capit. 11. vbi de duobus testibus. Nunc solum addo, alas esse symbolum  
 prompti & erecti animi, atque in Dei iussis exequendis paratissimi.

Quibus positis, nota non esse sermonem de antiquo throno, quem Deus in cælis habebat; sed de  
 throno noui regni cælorum; id est de nouo & excelso admodum Dei throno, quem ipse post Chri-  
 sti redemptionem in Ecclesia habet; iuxta id Psal. 92. 2. *Parata sedes tua ex tunc; à seculo tu es.* Quasi dicat;  
 Licet ab æterno tu sis Deus; de nouo tamen paratus est tibi thronus, ex quo Christus pro nobis mor-  
 tuus est. Hic namque est literalis huius loci sensus; vt in illius Psalmi commentario explicabimus.  
 Quin & de hoc ipso noui regni cælorum throno loquitur Isaias c. 6. i. cum ait, *Vidi Dominum sedentem  
 super solium, excelsum & eleuatum.* vt sequenti notatione planum fiet. In præsentī ergo, cum de throno  
 Dei agitur, ad locum vtrumque respicitur; id est, ad Psal. 92. & ad cap. Isaiæ 6. Et genuinus sensus est,  
 gloriosissimum esse Deo nouum regnum, quod habet in Ecclesia Christiana, id est, in cordibus fide-

Patrem esse  
 æternum.  
 qui Ioannē  
 fuit in  
 throno vi-  
 sus.

Cuiusmodi  
 fuerit for-  
 ma throni;  
 in quo Io-  
 annes Deum  
 vidit.

Thronum  
 fuisse velius  
 effigiem Pro-  
 pitiatōrij.

Dei thronus  
 sæpè à pro-  
 phetis vi-  
 sus qua  
 forma fue-  
 rit.

Propitiato-  
 rium quid  
 significet.

Quid per  
 Cherubinos  
 Propitiato-  
 rij figure-  
 tur.

De quo Dei  
 throno hic  
 fit sermo.



lium, vt exponit Ambrosius; ex eo vel maxime; quod per Spiritum sanctum, qui Ecclesiae datus est, multorum fidelium corda ei perfecte subiiciuntur per excellentem sanctitatem, & vitam perfectissimam, ac rerum terrenarum contemptum. In allusione vero ad thronum Dei olim in Salomonico templo constitutum indicatur, Deum ipsum, qui suum quondam solium in Salomonis templo erexerat, verius nunc & excellentius in Ecclesia Christiana sedē ac domicilium magnificentissimū figere.

Quis modi  
sit forma  
sedentis su-  
pra thronū.

ET SUPRA SEDEM SEDENS. Quod ad ideam attinet, in supradicto throno videt Ioannes simulacrum quoddam corporeum sedentis specie. Et de materia quidem huius figuræ dicemus versu sequente. Nunc de ipsius forma; quam humanam fuisse non dubito; tum quia aptissima est ad sedendum in throno, tum etiam quia c. 5. i. videt Ioannes librum in dextra sedentis supra thronum.

Quod ad significationem spectat; Ambrosius & Andreas existimant per simulacrū illud in throno sedens, Christum denotari. Quæ tamen expositio merito ab alijs reijcitur; quia Christi typū gerit agnus ille qui c. 5. accedit, & accipit librum de manu sedentis in throno. Dicendum est ergo illum, qui sedet supra sedem, Dei Patris figuram referre. Id quod ex conuenientissima iaspidis, & Iardij ad Deum Patrem applicatione egregie confirmabitur versu sequenti. Et licet de visione illa Isaï 6. aliter nonnulli existimarint; nostra tamen sententia est, Patrem etiam æternum esse illum, quem ibi vidit Isaïas sedentem in throno excelsō & eleuato; vt notatione 3. constabit.

## NOTATIO II.

De nouo Dei throno, quem vidit Isaïas cap. 6.

Quis sit  
Dei thronus  
ab Isaïa  
visus.

**T**HRONVM, quem Isaïas vidit, multi generatim explicant de throno diuinæ Prouidentiae; de eo videlicet, quem habebat Deus, ex quo mundum cōdidit, eumque gubernat. Ego vero explico de nouo throno, quem erat Deus habiturus in Christiana Ecclesia post Christi mortem. Cui explicationi fauet 1. locus Ioannis 12. 41. Vbi agens Ioannes de hac Isaïa visione, ait; *Hæc dicit Isaïas, quando vidit gloriam eius* (scilicet Christi Domini) *& locutus est de eo.* Quod meo iudicio satis vrget, vt de Christi Iesu gloria, quatenus Deus & homo est, sermonem ibi esse concedamus. Propria autem Christi gloria est thronus, quem in Ecclesia post Christi ipsius mortem habet Deus. Iuxta id Psal. 92. 2. *Parata sedes tua ex tunc.*

2. Pro nostra expositione est, quod visio throni capitis huius coniungitur cum prophetia de Iudaici populi reprobatione, atque de vtraque re agitur, vt de rebus connexionem inter se habentibus. Facile autem cuiilibet Theologo est videre Iudæorum repulsam habere connexionem in sacris Literis cū nouo Dei regno, nempe Christianæ Ecclesiæ foundatione; non verò cum antiquo Dei regno. Nec enim Iudæi ex regno Dei antiquo scandalum passi sunt, sed ex eo quod in Christi cruce Deus suam sedem, soliumque constitueret. Hoc ergo nouum regnum fuit, quod Isaïas c. 6. vidit.

3. Meam interpretationem roborat, quod similiter in Apocalypsi, noui regni Dei figurā, de qua c. 4. subsequitur Iudaici populi reprobatio, à c. V. vsq; ad XI. & quemadmodum apud Isaïam, vbi de hac reprobatione, decimæ partis conuersionem legimus (ait enim n. 13. *& adhuc in ea decimatio, & conuertetur*) sic etiam Apocal. 11. n. 13. *decima pars ciuitatis cecidit.* Quæ ruina seu casus, vt ibi videbimus, nil aliud est, quam Christi fidem amplecti.

Isaïa trifa-  
gion quid  
significet.

4. Illud Isaïæ trifagion, *Sanctus, Sanctus, Sanctus*, omnes ad vnum Patres exponunt de Sanctissimæ Trinitatis prædicatione toto terrarum orbe personaturā sub legis gratiæ tempora felicissima: thronus igitur, cui trifagion adiungitur, erit noui cælorum regni thronus.

5. Mirificè cohæret temporis circumstantia; videlicet, in anno quo mortuus est Ozias; id est, vbi primum mortuus est Ozias, vt exponit Chrysostr. t. 1. in hunc locum Isaïæ; & probat Arias Montanus in hunc locum. Atqui valde fuit ad rem, vt per occasione mortis Ozia, & noui regni ad filium translatis, Deus Prophetæ prænunderet nouum thronum, quem sibi erat in terra post Christi mortem erecturus; qui licet supremus omnium, verusq; Rex, reputatus tamē est quasi leprosus, Isaï. 53. 4. Vbi obiter nota, Oziam sonare idem, quod Dei fortitudinem; qui appellatur etiam Azarias, id est, auxilium Domini, siue adiutor Dominus, & vtrumque nomen mirificè congruit Christo: qua ratione appellatur brachium Domini Isaï. 53. num. 1.

Ozias quid  
onet.

6. Facit ipsa throni descriptio; primò, quod appel-

**B** letur thronus excelsus, & eleuatus: thronus enim altissimus ille est, quem Deus in Ecclesia Christiana possidet; quæ proinde regnum calorum appellatur; & pingitur Apoc. 4. 2. *Ecce sedes posita erat in cælo.* Quia nimirum per Christum gloria in excelsis Deo decantatur; id est, in altissimis ac planè diuinis operibus. Quod autem non solum dicatur solū excelsus, sed etiā eleuatus; fortasse indicat (vt notat Bern. ferm. 14. ex XVI. paruis) ex humili quidem cōditione fuisse homines ad summam euectos dignitatē in Christianæ Ecclesiæ institutione, & erectione. Deinde iuuat throni descriptio propter ea, quæ mox addūtur, *& ea quæ sub ipso erant replebant templū.* Vbi vox hæbraica sonat *fimbrias*, & de ipsius solij fimbrijs accipi posse fatentur Hebræorum aliquot Rabbinī apud thesaurum Pagnini: quem sensum videtur secutus Vulgatus. Nam alioqui ad significandas velut fimbrias, vel ad purpurei paludamenti splendorem, non erat apta phrasis, *ea quæ sub ipso erant.* Ceterum ad explicandum solij ipsius, siue pretiosissimi tape- tis fimbrias vtrumque templi parietem pertingere, recte ea phrasi dicitur; *ea quæ sub ipso erant, replebant templum.* Quod idem est, ac dicere, oras siue fimbrias peristromatis Dei pedibus suppositi, vel solium potiùs magnificum ac regale ab vno ad alterum templi parietem sese extendere. Et certè ad summam throni maiestatem & splendorem duo spectant; alterum, vt editus valde sit; alterum vt magni paucimēti intervallo occupet. Nec latius se potuit extēdere, quā vt totum spatium inter vtrumque templi parietem interiectum compleret. Quorum significatio elegantissima est. Etenim nouus Dei thronus nō altissimus solū, sed latissimus etiam est; & totum Christianæ Ecclesiæ spatium occupat pariter, & honore quā maximo decorat; vt infra à Seraphinis additur, cum aiunt, *plena est omnis terra gloria eius.* Quod tamen olim legis antiquæ tempore secus erat, cum notus in Iudæa Deus, quasi thronus medium solū templi locū occuparet; est enim Iudæa in medio terræ.

Quis modi  
thronum  
Deus in  
Christianæ  
Ecclesia ha-  
beat.

Dei throni  
ab Isaïa visi  
dignitas &  
amplitudo.

**C** Nota insuper, quod hic asserit Arias, verbo scilicet *templum* vocē hebræam respondere; quæ significat non sancta Sanctorum, sed sanctas, quæ erat exterior templi pars. Quod etiam nobis è re est; vetus enim quondam Dei thronus valde abditus latebat; at in nouo Dei throno videtur Deus ex suo penerali prodissse, & ad nos propius accessisse, quod sacerdotalis populus liberè possit ipsius præsentia frui. Aduerte tamen verbum hebræum, quod est *Hecal*, non semper accipi pro aula exteriori, vt notat Villalpandus t. 2. in Ezech. fol. 257. aliquando enim ponitur pro templo in communi.

Hæc throni  
Dei ampli-  
tudo quid  
significet.

Vox tem-  
plum hic  
quid pro-  
prie in he-  
bræo.

**E** Et quanuis Isaïas thronum non in cælo, sed in templo viderit; templo tamen cælum figurabatur, vt colligitur ex Psalm. 104. *Dominus in templo sancto suo; Dominus in cælo sedes eius.* Deinde erigi thronum in templo indicat, in cælo mystico erigi & attolli, Gloriam in altissimis Deo, siue in excelsis.

Apud Isaïa,  
cælum in  
templo figu-  
ratum.



## NOTATIO III.

## De sedente in throno, &amp; de Seraphinorum trisagio.

Quis sit ille, quem  
Isaia in  
throno se-  
dentem  
vidit.  
Opinio To-  
letii & Mal-  
donati.

QVÆRI solet an species illa Dei sedētis in throno, quam vidit Isaia, fuerit species Patris, vel Filij, vel Spiritus sancti, vel Dei prout est trinus & vnus. Varias Patrum opiniones referunt Toletus & Maldonatus in cap. 12. Ioan. nu. 41. & vtrique videtur multò probabilius ab Isaia fuisse visam speciem Dei, prout est trinus & vnus; quia Seraphini clamabāt, cum, qui sedebat in throno esse trinū & vnum. Hæc tamen ratio non valde vrget: fingamus enim Isaia propositam fuisse speciem Christi Domini regnantis in Ecclesia Christiana, & Seraphinos aditantes atque clamantes, sanctum esse Patrem, qui misit Filium suum; sanctum esse Filiū qui homines redemit; sanctum esse Spiritum sanctum, qui eosdem donis suis cumulauit. Quid hæc visio absoni, aut inepti habebit? Imò verò quid aptius? In Christi enim regno manifestè elucet sanctitas Patris, sanctitas Filij, & sanctitas Spiritus sancti. Præsertim cum regnante Filio Christo, in eo etiam intelligatur regnare Pater, & Spiritus sanctus. Quauis enim Pater dicatur omne iudicium tradidisse Filio, quia homo est; ex eo tamen non solum non colligitur Patrem abdicasse à se iudicium, sed potius infertur Patrem iudicare ac regnare perfectiore ratione, quam antea iudicabat, siue regnabat.

Addunt Toletus & Maldonatus aliam pro sua opinione rationem; quia aliter non possent conciliari duo loci in speciem pugnantes; alter Ioan. 12. 41. vbi ait, Isaia vidisse gloriam Christi; alter Pauli Actuum 28. 25. vbi ait, Spiritum sanctum ibi locutum esse ad Isaia. Sed hæc quoque ratio facile eleuatur, ex c. 2. & 3. Apocalypsis; vbi manifestum est loqui Christum, qui septem illas epistolas dictabat; & tamen in singulis dicitur, *Qui habet aures, audiat, quid Spiritus dicat Ecclesiis*, nimirum, quia omnes visiones prophetice tribuuntur Spiritui sancto; atque ita licet verè dicatur Christus apparuisse Prophetæ; nihilominus verè asseritur, illa, quæ à Christo audiuntur, à Spiritu sancto dici.

Quid ergo? dicemusne ab Isaia visam fuisse speciem non Patris, nec Spiritus sancti; sed Christi Dei & hominis in Ecclesia regnantis? Certè id sonare videntur Ioannis verba, cap. 12. 41. & ea est sententia Dionysij Areopag. de Ecclesiastica Hierarchia cap. 4. parte 3. vbi ait, Circa Iesum Seraphini firmiter stare describuntur. Idemque asserunt Hilarius, Tertullianus, Clemens Rom. Cyrillus, & Ambros. apud Tolet. annotat. 24. in cap. 12. Ioan. Quin & Marcellinus Papa in 1. epist. Decretali, quæ habetur to. 1. Concil. f. 435. videtur decernere eum, qui cū tribus pueris in Babylonis fornace apparuit, Daniel: 3. 92. *Species quarum similis filio Dei, esse Verbum æternū Dei Filiū*. Id quod multi Patres ad antiquas Dei visiones extenderunt.

Nihilominus tamen similis locus cogit me aliter accipere. Is est Apoc. 4. 2. Vbi dicitur, *Eccæ sedes posita erat in celo, & supra sedem sedens*. Nec dubium est, quin sermo sit de eodem throno, & de eodem sedente. & non potest esse Christus ille, qui sedebat in throno: Christum enim in illa visione repræsentabat agnus, de quo dicitur cap. 5. 7. *Et venit, & accepit de dextera sedentis in throno librum*. Cum ergo certum sit, eundem esse, qui visus est Isaia, & Ioanni sedens in throno; & constet eum, qui visus est à Ioanne in throno, non esse Christum; constabit etiam non fuisse Christum, qui visus est ab Isaia supra solum excelsum, & eleuatum.

Contendet fortasse aliquis, in Apocalypsi Christum, quia homo est, figurari in Agno, & ipsummet Christum, quia est Deus, repræsentari in sedente super thronum. Similiter Isaia 6. Dei Sapientiam seu Prouidentiam (quæ tribuitur Filio Dei) apparuisse sedentem super thronum excelsum; atque ita coherere, quod ait Ioannes c. 12. 41. Isaia videlicet vidisse gloriam Christi. Præsertim cum sedere & gubernare videantur propriè spectare ad prouidentiam.

A Verum quamuis hæc distinctio naturæ Diuinæ & humanæ in eadem Christi persona sufficiat, vt verè & subtiliter intelligant Theologi Christum, quia homo est, adorare etiam seipsum, quia Deus est; negari tamen non potest, quin aptius sit; vt cum Agnus proponitur accedens ad sedentem in throno, inter Agnum ipsum ac sedentem detur distinctio personalis. Quemadmodum in frequentissimo sacrarum Literarum vsu non solet dici Christus orare & adorare filiū Dei, sed Patrem. Atque idem in Ecclesiæ Patribus obseruare licet; præsertim in Magno Gregorio homil. 38. in Euangel. Propterea etiam non placeat, vt per sedentem in throno intelligamus Deum trinū & vnum. Quia sequeretur proponi in sacra Scriptura Christum hominem accedentem supplicem ad Filium Dei, dum Agnus, qui Christum figurat, supplex ad sedentem accedit. Quod si sedens est Pater, Filius, & Spiritus sanctus, ad Filium etiam accedit Agnus. Quod quauis veritati subtilioris Theologiæ non repugnet; consuetudo tamen sacre Scripturæ huiusmodi locutiones non vsurpat; ne videatur personaliter distinguere Christum hominem à Filio Dei. & aptius certè est, vt prophetice visiones per vsurpata à sacra Scriptura locutiones exponantur; in qua non legimus Christum ad alium siue accedere supplicem, siue orare, nisi ad Patrem. Itaque quauis sedere in throno & gubernare sit commune toti Trinitati; nihilominus tamen potest esse sermo de vna persona & non de alia formaliter. Id igitur, quod potuit dici, potuit etiam repræsentari nempe Patrem sedere in throno, sicut 1. Cor. 15. 24. dicitur tradendum esse regnum Deo Patri.

B Ex dictis colligo, eum qui sedere in throno visus est, non esse Deum trinū & vnū, sed solum Deum Patrem. Hæc est sententia Irenæi, Athanasij, & Basilij apud Toletum annot. 24. in cap. 12. Ioannis; tenet etiam Origenes Homil. 4. in Isaia.

C Sed dices; si Isaia non vidit Filium sedentem in folio, sed solum Patrem; quomodo verum erit quod ait Ioannes cap. 12. 41. Isaia scilicet in ea visione gloriam Christi vidisse? Respondeo, gloriam Christi consistere in nouo throno, quem Patri præparauit; vt colligitur ex illo Psal. 92. 2. *Parata sedes tua ex tunc*. Atque hæc gloria Christi habebit suum finem, id est absolutam perfectionem, cum omnia fuerint Patri perfectè subiecta, iuxta id 1. ad Corinth. 15. 24. *Deinde finis, cum tradiderit regnū Deo Patri*. Vbi vides, thronum regni tribui Deo Patri; atque id esse maximè gloriosum Christo. Adhæc; Isaia vidit in specie Seraphinorum, Ecclesiæ Apostolos, qui sunt etiam gloria Christi: vt expressit Paulus 2. Corinth. 8. 23.

D Iam verò, quod Seraphini ante Dei Patris thronum aditantes, clament, *Sanctus, Sanctus, Sanctus*; non solum non est dissentaneum, sed maximè etiam consentaneum. Nec enim id est prædicare trinū & vnum eum, qui sedet in throno; sed potius ex nouo throno colligere trium personarum distinctionem, & sanctitatem; id est, non solum esse sanctum eum, qui sedet in throno; sed æqualiter etiam Christum, qui præparauit ei thronum; nec non Spiritum sanctum, cuius effusio facit, vt in Ecclesia Christiana Deus adeo excellenter regnet, vt in ea dicatur habere soliū excelsum & eleuatum. Et protinus distinctioni personarum adiungitur vnitas essentia; quia trisagio adiungitur nomen Iehoua. Dicitur enim *Sanctus, Sanctus, Sanctus Dominus Deus exercituum*.

E Porro in prædicto sensu non solum prædicatur in trisagio sanctissimæ Triados mysterium; sed humani generis redemptio, & Ecclesiæ sanctificatio. Hæc enim includitur in sanctitate eorum operum, quæ ad Filium spectant; & in eorum etiam, quæ ad Spiritum sanctum. Quare Trisagion in se continet sanctitatem Christi passionis, & ipsius glorificationis, & demum totum Apostolorum symbolum; vt explicabitur infra in commentario.

Nec esse Deum, prout est trinus & vnus, qui ab Isaia fuit visus in throno; sed Deum Patrem.

Isaia Seraphini quid innuant in trisagio.

Quæ mysteria in trisagio includantur.

Dionysij Areopag. de Ecclesiastica Hierarchia cap. 4. parte 3. vbi ait, Circa Iesum Seraphini firmiter stare describuntur. Idemque asserunt Hilarius, Tertullianus, Clemens Rom. Cyrillus, & Ambros. apud Tolet. annotat. 24. in cap. 12. Ioan.

Non esse Christum, qui in Isaia throno sedebat.



## T E X T V S.

*Vers. 3.* Et qui sedebat, similis erat aspectui lapidis iaspidis, & sardinis, & iris erat in circuitu sedis similis visioni smaragdinae.

## C O M M E N T A R I V S.

Iaspidis & sardij colores ad sedentem in throno: colorem smaragdi ad iridem spectare.

Duos sedentis in throno colores non promiscuos, sed distinctos esse secundum diuersas partes. Ioannē hoc loco ad Ezechielis thronum alluisse.

Eandem hic iaspidis & sardij significationem esse cum ea, quā in duodecim fundamentis habent.

Quid per iaspidem, quid per sardium figuratur.

Inter opera Deo Patri attributa, creationem & Christi resurrectionem eminare.

**P**RÆMITTENDUM in primis est duos primos gemmarum colores (id est iaspidis & sardij,) referendos ad sedentis in throno figuram; & tertium (id est, smaragdi) ad iridem. Licet enim hoc aliqui in cōtrouersiam adducere conati sint, existimantes aptius esse, ut omnes tres colores tribuantur sedenti in throno; eos tamen planè refellit contextus, ut bene expendit Pererius, disp. 6. in cap. 4. optarem tamen, ut illam omitteret rationem, qua maximè nititur: scilicet fieri non posse, ut sedentis in throno species similis fuerit iaspidi & smaragdo, quia smaragdi viriditas est multò plenior, atque viridior. Optarem, inquam, ut hoc prætermitteret: quia sicut eiusdem figuræ species potuit esse similis iaspidi, & sardio secundum diuersas partes (alioqui enim repugnabat) sic etiam posset simulacrum illud ex tribus constare gemmis; sed ex duobus solum constituisse, & textus ipse perspicuè docet, & mysterij explicatione egregiè confirmabitur.

Quod ergo ad figuram attinet, valde coactum est, velle duos illos colores iaspidis & sardij commiscere inter se: rectè autem & appositè fit, si simulacrum illud ex duabus gemmis effingatur; id est à lumbis ad pedes vsque ex iaspide; superior verò corporis pars ex sardio. Neque hoc meo ex cerebro fingo; sed primum, vi rationis impulsus, ut diuersos colores ad diuersas partes referam, ex simili alia apparitione colligo primum colorem ad inferiorem partem referendum, & secundum ad superiorem. Deinde ex aptissima eius rei conuenientia ad mysterij significationem ita confirmor, ut me singulis gemmis suum locum tribuisse non dubitem.

Notandum ergo 1. est, Ioannem, dum agit de coloribus sedentis super thronum, omnino respexisse ad alteram in throno item sedentis figuram, de qua Ezechielis 1. 27. & capit. 8. 2. quibus in locis describitur species figuræ illius, partim ex igne, & partim ex electro, id est, ab aspectu lumborum eius & deorsum ignis; & à lumbis eius & sursum, ut visio electri. Quid igitur congruentius, quàm ut in præsentī, quemadmodum respiciendo ad illam Ezechielis figuram dicitur, *Qui sedebat in throno, similis erat aspectui lapidis iaspidis & sardinis*, vel sardij; ita similiter intelligamus concipiendam esse sedentis imaginem ab aspectu lumborum eius & deorsum ex iaspide, & à lumbis eius & sursum ex sardio.

2. Notandum est in significatione mysterij, cui deseruiunt in præsentī iaspis, & sardius, valde esse conueniens, ut hi duo lapides non habeant hīc significationē diuersam ab ea, quam inter duodecim ciuitatis fundamenta sortiuntur, cap. 21. nu. 19. & 20. Et miror sanè nemini interpretum hoc loco venisse in mentem, horum lapidum significationem cum ea esse conformandam, quæ illis cap. 21. tribuitur. Vbi per ordinem disponuntur duodecim lapides: quod sine magno mysterio fuisse factum non est verisimile. Vide Perer. disput. tertia, quarta, & quinta, ubi decem refert iaspidis & sardij coniunctorum expositiones. Sed in ijs omnibus id requiro, ut Apocalypsis in gemmarum mysterio vnus rationis, sui que similis esse deprehendatur: id est, ut significatio illarum gemmarum in præsentī conformetur cum earundem significatione in capit. vigesimoprimum. Quod ad elegantiam & symbolicam perfectionem conuenientissimum esse, nullus negabit, opinor.

Præterea, cum imago illa, quæ visa est sedere in throno, omnino sit Patris æterni imago (ut supra definitum est) ad exactam Apocalypseos elegantiam spectat, ut colores gemmarum illius simulacri symbola sint eorum operum, quæ singillatim attribuuntur Deo Patri: sicut enim res corporeæ per colores videri, & dignosci possunt; sic inuisibilis Deus per ea, quæ ab ipso sunt facta, cognoscitur, & per opera, quæ propriè tribuuntur Patri, agnoscitur à nobis Deus Pater, atque distinguitur.

Quibus præiacis, aduerto primò duodecim fundamenta ciuitatis ierosolymæ, quæ capit. 21. commemorantur, non esse aliud, quàm duodecim fidei articulos, ut in illius capituli commentario constabit. Sunt autem ex ijs fundamentis primum iaspis, & sardius quintum. Ex quo necesse est, ut iaspis ad creationis articulum referatur, & Sardius ad Christi resurrectionem. Hi namque sunt ex fidei articulis primus, & quintus. Ex commentario autem capituli 21. planum fiet singulas gemmas elegantissimè cum suis articulis conuenire; & nullam aliam ad rerum creationem ita congruenter aptari, ut iaspidem; neque ad Christi resurrectionem, ut sardium.

Deinde aduerto, certissimum esse ex sacra Scriptura inter opera quæ Deo Patri per attributionem singillatim assignantur, duo hæc in primis eminere; rerum scilicet creationem, & gloriosam Christi resurrectionem. In his enim duobus singulariter Dei elucet potentia, quæ est proprium Patris æterni attributum. Et quemadmodum creaturæ per creationem esse cœperunt; ita per Christi resurrectionem datum est initium nouæ creaturæ. Prius enim nondum erat spiritus datus, quia Iesus nondum erat glorificatus. Quare meritò Christi resurrectio cōsideratur in sacra Scriptura, quasi noui mundi creatio. Atque ut 1. creatio propter potentiam tribuitur Deo Patri; sic etiam Christi resurrectio Patri ipsi eodem modo attribuitur tanquam opus gloriosissimum, & ipsius potētiae proprium. Quod, quia res erat valde notāda, ideo sepiissime in Scriptura repetitur; id nepe fuisse opus Dei Patris.



Loci sunt non minus viginti quatuor, videlicet, Actorum 2.24. & 32. & cap. 3.15. & 26. cap. 4.10. cap. 5.30. cap. 7.37. cap. 10.40. cap. 13.30. & 33. & 34. & 37. cap. 17.31. ad Rom. 4.24. & cap. 8.11. cap. 10.9. & 1. ad Corint. 5.14. & cap. 15.15.2. ad Corint. c.14. ad Galat. 1.1. ad Ephes. 1.40. ad Coloss. 2.12. 1. ad Thessal. 1.10. & 1. Petr. 1.21. Accedit, quod articulus resurrectionis Christi merito asseritur esse fundamentum fidei Christianæ. De quo vide Actor. 17. n. 31. & 1. ad Cor. 15.14.

Supereft ergo reddere rationem, cur superior pars simulacri ex Sardio, inferior verò ex Iaspide conftet? Hoc autem aptiffimum fuisse facile intelligitur. Quia simulacrum illud repræsentat Deum Patrem, quæ ratione est obiectum notitiæ, quam de illo habet Ecclesia, per opera quæ illi fingillatim tribuuntur. Atqui consentaneum valde est, vt creationis symbolum tanquam inferius quid supponatur resurrectionis symbolo; vt ea ratione denotetur secundum hoc opus esse excellentius atque gloriosius. Præterquam quod sicut natura gratiæ supponitur; sic opus creationis; nouæ creaturæ initio, & quasi nouæ creationi supponendum fuit; atque (vt ita dicam) antiquæ potentia, id est, antiquis potentia operibus, nouæ creationis gloria addita est. Sed his rationibus magna accedit vis ex collatione huius simulacri cum eo, quod vidit Ezechiel c.1.27. & c.8.2. & ex ratione etiam, propter quam pars illius figuræ inferior ex igni fuerit, & superior ex electo. De quo dicemus seorsum notatione 4. Aliorum porro explicationes de Iaspide & Sardio vide apud Viegam & Pererium.

Cur pars superior simulacri sit ex sardio, inferior ex iaspide.

ET IRIS ERAT IN CIRCVITV SEDIS SIMILIS VISIONI SMARAGDINÆ. ] Nota communem iridem varijs esse coloribus distinctam; hoc ordine, vt infimum absidis seu curuaturæ locum violaceus color, medium viridis, summum luteus occupet. E contrario tamen in secundo arcu maiore, cum duo apparent. Deinde plerique interpretum omnes hos in iride colores in præsentia contemplantur. Quod autem Ioannes visioni Smaragdinæ, id est, viridi colori similem dicit; ideo dictum arbitratur, quod iris, quam vidit Ioannes viriditate magis, quam ceteris coloribus esset insignis. Hoc tamen mihi coactum videtur; & textus omnino declarat hanc iridem non alium habuisse colorem præter viridem, tantamque illi inesse viriditatem, vt Smaragdo similis appareret.

Qui solent in iride colores, & quo ordine appere. Iris Ioannis visa in circuitu sedis an pluribus coloribus, vel uno solum constaret.

At enim, iris, quæ colorum varietate non distinguitur, iris non est. Respondeo tamen, si quando contingeret vt iris in cælo, qualem Ioannes describit, viridis appareret; iridem etiam tunc, non mutato, sed retento nomine iridis, appellaremus. Fortasse etiam abs re non est intra viridem colorem varietatem aliquam designare; ita vt in medio purior sit viriditas, & magis Smaragdi æmula: in summa parte dilutior, & in luteum colorem nonnihil vergens, in ima verò obscurior, & propius ad cæruleum accedens.

Quid per iridem figuretur.

Iam de significatione, infra cap. 21. ostendemus Smaragdum Christi passioni respondere. At iridem quis non ex Gen. 9.12. aperte norit symbolum esse pignoris à Deo dati, quo suam hominibus placationem ac fauorem testaretur? Sic enim habetur Gen. 9.12. *Hoc est signum fæderis, quod do inter me & vos in generationes sempiternas: arcum meum ponam in nubibus; cumque obduxero nubibus calum, videbo illum, & recordabor fæderis sempiterni.* Quod si hæc propria est iridis significatio, quis non viderit Christi Domini passionem, verissimum cæli arcum esse? Quid porro elegantius, quam arcum ex Smaragdo fuisse formatum, si Christi passioni hæc singulariter gemma respondet? Deinde cum dicitur arcus hic in Ecclesiæ administratione perpetuò Patris æterni conspectui adesse; significatur non obscure Deum, pignore illo suis oculis obuersante, quasi constrictum esse, vt & sibi ipse temperet irato, & Ecclesiā omni benignitatis officio prosequatur; præintellectā videlicet ipsius fide, & obligatione per Christi mortem inductā; nec non incredibili voluptate, quam ex obiecti sibi gratissimi aspectu percipit. Atque ita beneficia, quæ in nos confert assidua, & dato pignori, & nostræ expectationi satisfaciunt.

Cur iris Ioannis visa ex solo viridi colore constaret.

Elicitur ex dictis, quo sensu verissimè dicatur pignus hoc & obiectum ex viridi Smaragdo totū esse, sine vlla rubræ vindictæ vel pallidi metus admittione (qui tamen colores viridem in communi iride vtrique ambiunt, supernè pallidus, infernè ruber) quia Dominicæ Passionis arcus suapte natura totus est viridis, id est, totus spei nostræ obiectum, totus benignitatis, & misericordiæ promissio. Vide id Isai. 54.8. *In momento indignationis abscondi faciem meam parumper à te (videbatur indignationis speciem dare velle) & in misericordia sempiterna misertus sum tui, dixit Redemptor tuus. Sicut in diebus Noë istud mihi est; cui iuravi, ne inducerem aquas Noë vltra super terram: sic iuravi, vt non irascar tibi. Montes commouebuntur, & colles contremiscent; misericordia autem mea non recedet à te; & fadus pacis mea non mouebitur, dixit miserator tuus Dominus.*

Cælestis arcus noui & æterni fæderis symbolum.

Præter hæc, in cælesti hoc arcu alluditur ad arcum illum Ezechielis 1.28. *Velut aspectum arcus, cum fuerit in nube in die pluuie: hic erat aspectus splendoris per gyrum.* Et vtroque in loco, ni fallit me animus, fit allusio in arcu cælesti ad arcam testamenti. Ridebit fortasse aliquis nostram cogitationem; & existimabit non aliunde dari eiusmodi allusionem, quam ex latini nominis vicinitate, siue simili vocis sono, arcus & arcæ; quæ tamen paronomasia seu annominatio non est in græco nec in hebræo. Verum longè alia mihi mens est; inde enim allusionem elicio, quod arca pignus erat fæderis à Deo cum hominibus initi; & Scriptura, quæ erat in arca, continet fæderis sanctiones, & pacta. Huic igitur vestito fæderi respondit pax noua, nouumque fædus, quod in Christi assertoris nostri passione idū est. atque vt significaretur noui fæderis excellentia, id est, quanto fuit & Deo gloriosius, & hominibus vtilius, honorificentiusque; ideo cælestis arcus vt noui, & æterni fæderis symbolum fuit electus; qui etiam est fæderis atque pacis arcus. Sic enim in Scriptura appellatur. Et quemadmodum arca dicitur, arca testamenti: ita etiam Christus passionem suam vocat nouum & æternum testamentum. Arcus item nominatur arcus testamenti; & de cælesti arcu exponunt nonnulli id Psal. 38. 38. *Et testis in celo fidelis.* licet autem arca, vt quæ ex lignis compacta, æterna esse non poterat; nouum tamen fædus, vt pote res planè cælestis, æternum est.

Testamenti arcam nec ab Ezechiele, nec à Ioanne sub Dei throno fuisse visam, & quare.

Ex his infero, licet in visione capitis quarti Apocalypseos, & capitis primi Ezechielis fiat allusio ad sedem, quam Deus in templo habebat; nihilominus nec Ezechielem, nec Ioannem vidisse sub Dei throno arcam (vt Pradus depinxit) commutata enim fuit arca in cælestem arcum; vt noui fæderis excellentia indicaretur. Quemadmodum mare æneum in vitreum mare conuersum fuit, vt

infra



infra videbimus. Atque ad noui Testamenti pacem significantam idoneus valde est celestis arcus. Quare hæc arcus paciferi visio respondet ijs, quæ Isaias ait c. 9. 7. vbi de mystico Davidis solio, de quæ pace per Christum allata, *Vocabitur nomen eius Princeps pacis; & pacis non erit finis.*

Denique et si Poetæ veteres (vt Virgilius) irim vt lunonis administram & illius nuntiam, ac discordiæ symbolum contemplantur: Scriptura tamen sacra maiori iure eandem irim vsurpat, vt pacis symbolum ac fœderis inter Deum hominesque sanciti. Quod mysterio fortasse non vacat: sic enim res habet, vt quod homines paci fore contrarium existimabant, id fuerit veræ pacis, diuturnæ, ac planè diuinæ medium efficacissimum. Et sanè in arcu celesti satis aptum ad vtramque rem extitit fundamentum. Nam, vt Philosophi asserunt, iris tempestatem interdum, interdum tranquillitatem prænuntiat. Aptius tamen esse ad pacis significationem, non sacrarum modò Literarum, sed humaniorum etiam studiosis notum est. Pro quo iuuat hic obiter referre, quod in Ducum Brabantiæ Chronico legitur, Alberto & Isabellæ Principibus Louanij ante portam Bruxellensem scriptum in hanc speciem:

OCTAVIANI AVGVSTI IN VRBEM ADVENTV, CORONA  
IRIDIS SPECIE, CIRCA SOLEM APPARVIT, <sup>NOVAE POTENTIAE</sup>  
AVSPICIVM. HANC VOBIS, O PRINCIPES NOSTRI, <sup>NOVAE PACIS</sup>  
SENATVS, POPVLVSQVE LOVANIENSIS IN IPSO  
INGRESSV DEDICAT, <sup>NOVAE POTENTIAE</sup> AVSPICIVM. <sup>NOVAE PACIS</sup>

## NOTATIO IV.

*De electo & igne sedentis super thronum, Ezechielis 1. 27.*

*Vera Ezechielis loci interpunctio cuiusmodi esse debeat.*

**V**ERA textus interpunctio est, quæ sequitur, vt constabit infra: *Vidi quasi speciem electri, velut aspectum ignis intrinsecus eius per circuitum à lumbis eius & de super: & à lumbis eius usque deorsum vidi quasi speciem ignis splendentis in circuitu.*

In primis hoc proculdubio discrimen textus assignat, vt dimidia corporis pars à lumbis ad pedes extrinsecus illa figura arderet; pars verò superior non arderet extrinsecus. Ita expressè omnes interpretes in hunc locum, vt Origenes, Hieronymus, Gregorius, Theodoretus, Rupertus, Hugo Cardinalis, Lyranus, Isidorus Clarius, Arias Montanus, & Pradus. Verum est in Vaticanis, & Plantinianis Biblijs, Typographorum incuria, hæc verba perperam esse interpuncta, ita vt prædicto discrimini ac distinctioni non seruiant. Ceterum dubium non est, quin eo modo sit verborum interductus apponendus, vt externa inflammatio ad inferiorem partem, non ad superiorem pertineat. Ita enim exigit contextus ipse, nec alium siue sensum, siue interpungendi rationem admittit. Quod ex lectione Septuaginta interpretum citra omnem est controuersiam; atque etiam ex eadem Vulgata, cap. 8. 2. vbi sic legimus; *Ab aspectu lumborum eius, & deorsum ignis: & à lumbis eius & sursum, quasi aspectus splendoris, vt visio electri.*

Deinde rectè potest existimari, totam figuram ex electo fuisse: sed illud tantum est certum, superiorem partem referre electri similitudinem. Et quidem totam fuisse figuram ex electo, opinantur Gregorius, Rupertus, Lyranus, Hugo, & Pradus. Ac textus ipse Vulgatæ, cap. 1. facile potest ita interpunctis distingui, vt idipsum significet. Posset etiam aliquis dicere, licet id textus ipse non exprimat, vbi verò de superiore parte corporis constet, esse idem de parte inferiore asserendum. Verumtamen manifestè patet non dispexisse Prophetam, vtrum inferior pars fuerit ex electo. Vidit enim eam ardentem: atque ideo, licet ex electo esset, affirmare non poterat se vidisse speciem electri in inferiori parte. Consequentio autem ex parte superiori ad inferiorem, in rebus præsertim per speciem solum menti obiectis, nullius omnino roboris est. Cum ibi nõ verum sit electrum, sed veri tantum electri externa fa-

**C** cies. Vnde vbi nulla est electri species, electrum est etiam nullum. Præsertim cū Hieronymus, & Theodoretus perspicuè asserunt, superiorem partem, non verò inferiorem fuisse ex electo. Et rectus sermonis interductus, siue interpungendi ratio in Vulgata debet esse eiusmodi, vt electri visio ad superiorem tantum partem referatur; vt tam ex LXX. lectione, quam ex Vulgata in cap. 8. 2. liquidò constat.

**D** Tertio, electri nomen non hic sumitur pro succino, sed pro aris specie. Hoc docent expressè in hoc loco Origenes, Hieronymus, Gregorius, Theodoretus, & reliqui omnes interpretes tam Græci, quam Latini, præter Lyranum, sequentes D. Dionysium Areopagitam lib. de celesti Hierarchia cap. 14. Contra hoc tamen duo possunt opponi. Primum est, ignorari ab Hebræis, quid significet Hebræa vox *Chas-mak*; & ideo ait Lyra, nescire se, cur Hieronymus verterit *electrum*. Respondeo, quia Septuaginta Hebrææ linguæ recetioribus Rabbini peritiores reddiderunt etiam *electrum*. Quos imitati sunt Aquila, Theodotion, & reliqui Græci interpretes. Alterum est, si Vulgatus secutus Septuaginta posuit *electrum*, nulla videtur esse ratio, cur electrum pro specie quadam metalli sumatur; cum prima ac potissima electri significatio sit, vt sumatur pro succino. Quod ex eo probatur; quia Græca Dictionaria hanc succini significationem, vt veram ac germanam recipiunt, nullā alterius factā mentione. Dictionaria item Latina affirmant metallum illud fuisse appellatum *electrum*, quia succinum colore ipso referebat. Si ergo analogum per se sumptum ad præcipuum significationem transferendum est, electrum hic non pro ære, sed pro succino sumatur oportet.

**E** Deinde tam Vulgatæ, quam Hebræicus textus manifestè hic tribuunt electo internā claritatem, & splendorem; id enim est, *Speciem electri velut aspectum ignis intrinsecus eius*: non igitur de ære, sed de succino sermo erit: interna enim metalli claritas, seu splendor dispici non valet, nisi metallum ipsum ignitum sit. Atqui electrum non erat succensum, siquidem extrinsecus (vt vidimus) non ardebat. Ad hæc, de succino ait Plinius, lib. 37. cap. 3. *Fuluo maior auctoritas & summa laus est Palerni à vini colore dicti,*

*Vtrum tota Ezechielis figura fuerit ex electo?*

*Electrum an hic pro metallo, an verò pro succino sumatur.*

*Duplex difficultatis nodus.*

*Succinum quod nobis, ex Plinio.*



Electro lucidior, Proverb.

mollis fulgore perspicuus: Quarto Luciani proverbium, *electro lucidior*, explicatur à Calepino de remagnope re dilucida; eò quod succinum mirum in modum pelluceat.

Præterea ad significationis mysterium aptius videtur succinum, quam æs. Totus namque ille, cursus dēnotat Deum ad Ierosolymam devastandam imperii ferri (vt cap. 43. initio explicatur) ut qui ad iræ significationem neque aurum, neque argentum ita sine accommodatione ac fictum: quod cum antea molle sit & facile, eius postea lentitudo de mollires, vnde pariter atque aëre gelante; lapidis durtiem induit. Potest etiam succino indicari parum abesse, quin Deus ira & indignatione astuaret, cum succinum prope ignem fuerit; imò ignem intra se habuerit; succinum autem materia est inflammata facilis: Bt Plinius singillatim de quadam succini specie colorem auri referente asserit eam celerimē ardescere.

Ezechielis electrum fuisse metallum probatur. Ac 1. difficultati p̄satis.

Nihilominus certò affirmo Prophetam speciem electri vidisse; non succini, sed metalli, vt ex argumentorum solutione manifestius constabit. Ad obiectionem ergo respondeo; euidens esse, electrum Græcè non significare modò succinum, sed etiam æs. Dionysius enim Areopagita, nec non Theodoretus Græci erant; & tamen electrum pro metallo sumpserunt. Nec prophani defunt auctores: Homerum namque citat Plinius libro 33. cap. 4. & Dalecampius ibi Pausaniam affert lib. 5. Dico ergo, non semper esse credendum Dictionarijs; quin etiam verisimile esse (si quæ asserunt attentè legantur) aliquot ex ijs auctoribus, qui Lexica conscripserunt, electrum metallum cum succino confundere; nec advertere ea esse inter se diuersa. Ceterum discrimine deprehensio, quæ obsecro, potest negari electrum Græcè significare speciem metalli; cum Dionysius, cum Homerus, cum Plinius id affirmant? Imò verò probabile valdè est electrum in primo & germano significato esse speciem æris, quidquid Calepinus dixerit, & coloris imitatione succinum nomine electri fuisse appellatum. Probitur hoc primò; nani electri significatio pro æris specie antiquissima est, si quidem in Homero reperitur. Et facit, quod Plinius ait; reperiuntur aliquot succinum aureo colore; secundò, quia verisimilius est, electri æris vsum antiquiorem esse succino; & rationi magis consentaneum est, succinum colore esse simile metallo, atque ita fuisse ab antiquis animaduersum; quàm e contrario: 3. Dionysius Areopagita, & qui eum Græci ac Latini sunt secuti, cum apud Ezechielē legerunt electrum, non dubitarunt Prophetam de metalli specie loqui. Hæc ergo sine dubio erat receptor electri significatio, & altera celebrior: Nisi dicere velimus, id eos ex contextu collegisse, qui nobis etiam apertè fauet. Succinum enim in igne durare non potest: quare, apta ratio non est, cur cogitemus ex succino esse figuram illam; cuius inferior pars erat ignita, & superior intra se ignem habebat. Iuvat hoc aliarum figurarum similitudo. Cherubini enim igneas ex se scintillas emittebant, & ex arte ardentem videbantur conflati. Et Daniel vidit etiam figuram aliam ex ignito metallo. Ioannes item primæ illius figure capitis primi pedes ex Chalcolibano ardenti conspexit.

Solutio secundæ difficultatis.

Solutio tertiæ.

Ad secundum respondeo; si figura esset ex ære, non quidem solido, sed cauo, & varia haberet foramina; tunc facile appareret intus esse ignem. Hæc igitur est vera loci huius exegitatio, vt infra dicetur.

Ad tertium respondeo; Non significatur hæc specie, Deum fore irasciturum, sed ipsum potius iam esse iratum; vt cap. 8. euidenter cernitur: vbi electri repetitur similitudo; & dicitur persona illa Prophetam detulisse Ierosolymam, vt stragem aspiceret, quæ in ea fiebat. Vt igitur maxima denotetur ira, minimè est ad rem succinum prope ignem; & adhuc minimè ardens. Præterea succinum, quando molle erat, non minùs erat aptum vt arderet; nec maximo frigore opus est, vt obdurescat; sed ipsum suapte vi protinus induratur, quare aptum nō erat iræ symbolum. Secus tamen metallum; vt suo loco dicetur.

A

Quartò assero, electrum metallum, esse cinnam suæ concretione ex quatuor auri partibus & vna argenti. Hoc dubitabit nemo, qui Plinium atque alios graues auctores perlegerit. Atque ita non debuit Pradus electrum cum antiquo chalcolibano sine auri chalcò promiscuè confundere. Rogabis tamen; cur Spiritus sanctus electrum hîc potius elegerit, quàm merum aurum, aut etiam argentum? Respondeo; Propheta cum intra electrum, ignem viderit ac lucem; eam fortasse vidit prodeuntem foras ex ore; oculis, naribus, aut alijs eius figuræ foraminibus. Nam cum ille asseueret, superiorem illius simulacri partē esse ex electro; & intus se ignem inspexisse: lucem certè per aliquot foramina cernebat, & fortasse figura illa erat laternarum instar, quæ parua habent foramina vndique disposita, vt lucem inclusam emittant. Certè quando interna lux apparebat, apparebat itidem splendor, qui ex ipsius foraminibus reflectebatur; & vna dignoscebatur metalli color: aut saltem ex nimio splendore prodebat esse electrum. Propter id quod Plinius ait lib. 33. cap. 4. *Electri natura est, ad lucernarum lumina clariùs argere splendescere*, & alibi Plinius idem affirmat, argentum plus auro splendescere. Si igitur inter metalla electrum est, quod ad ignis lucem magis effulget; facile cernitur, oportuisse vt simulacrum potius ex electro, quàm ex alio metallo effingeretur; si lucem intus, laternæ instar, habere debebat: atque id in hac figura intendebatur (quemadmodum infra videbimus) vt interna lux maximum splendorem in metallo, in quo includebatur, excitaret. Quid si huc etiam aptè applicetur alia satis mira electri proprietas, quam Plinius supra citatus affert? Eius quidem verba ita habent. *Quod est natium (electrum, scilicet) venena deprehendit. Namque distillant in calidibus arcus celestibus similes cum igneo fridore; & geminâ ratione prædicunt.* Certè in Ezechielis curru vtrumque reperitur, nempe & arcus caelestis, & igneus stridor, & Serenus etiam poëta cecinit.

*Produnt electri variantia pocula virus.*

Hæc fortè admiranda electri vis causam præbuit, vt natium auro astimatione anteponeretur. Nam de factio electro atque arte conflato verisimile id non est: siquidem auro vilius constaret quintà argenti pane ad aurum admixtâ. Quamobrem quod Hieronymus ait (Ezechielis 1.) & Origenes homil. 1. in Ezechielē, electrum scilicet esse pretiosius auro; non dubito, quin de nativo electro sit intelligendum. Nec mirum est, illud tantæ astimationis fuisse, cum existimaretur eam habere proprietatem, quam ex Plinio retuli. Quod si ad mysterium & veluti animam eius simulacri, expediens erat metallum auro pretiosius seligi, & ad lucem ignis splendidius, ac admirandæ contra venenum efficacitatis, & occulte cuiusdam sapientiæ bonum à malo distinguētis: si huiusmodi (utquam) metallum ad symbolicam significationem deligi oportebat; nullum omnino potuit electro aptius reperiri.

Addo insuper dictis, inferiorem huius simulacri partem, instar fuisse ignis succi. Nec verò laborandum valdè est, aut nimis anxie querendum, an hæc quoque pars ex metallo fuerit. Nam (vt supra explicuimus) in visione, quæ solum per speciem appareret, & non per veram rei existentis naturam, nullum aliud est metallum præter externam (vt ita dicam) metalli faciem. Atque ita cum species ipsa exterior ad ignitæ prunæ similitudinem appareret; discernere Ezechiel non poterat, num esset ex ære, an non. Etenim ignitum æs, & quauis alia materia, siue lateritia, siue lignea, modò ignita etiam sit, eiusdem omnino coloris ignei apparent. Itaque cum propheta id visu dignoscere non potuerit, nec constet aliunde sibi à Deo fuisse reuelatum, frustra hoc & incassum disquiritur. Esto tamen, si quis vult, sit etiam inferior pars ex ære. Nec enim sensui mystico id dissentaneum est.

E

Electri metalli natura qua sit.

Cur hæc Ezechielis figura, ex electro potius, quàm ex mero auro, aut ex alio metallo visa sit?

Electrum ad lucernarum lumina clariùs argere splendescere.

Electri vis ad deprehendenda venena.

Natum electrum quantū pretij fuerit.

Inferior pars simulacri ab Ezechiele visi cuiusmodi fuerit.



## De mysterio electri & ignis in sedente supra thronum.

Cum principis in throno sedentis figura, à lumbis fursum fuerit ex electro concauo, distincta varijs foraminibus, lucem intus inclusam prodentibus; & à lumbis deorsum ignea exstiterit: incessit animum cupido, huius adeo inuitati symboli significationem cognoscendi. Fateor ergo in primis, non mihi vsquequaque satisfacere nonnullas, quas legi, declarationes. Non enim in eis inuenio quadrantem omnino proportionem. Dionysius quidem Areopagita, in auro & argento electri, considerat admirabilium perfectionum in naturâ angelicâ coniunctionem, quam ipsâ auri & argenti coagmentatione indicari autumat. Sed contra est, quod persona illa ab Ezechiele visa, omnino Deum representabat. Hieronymus hæc ibi habet; *In medio ignis species electri: quia, post tormenta fulgor electri apparet.* Gregorius & Rupertus in auro & argento, quibus constat electrum, Christi diuinam humanamque naturam contemplantur. Theodoretus per ignem suppositum, diuinitatem accipit, quæ humanitatem in electro significatam sustinet.

Mihi significatio electri atque ignis huius figuræ, debet esse congruens ijs quæ Ezechiel ipse ait cap. 43. 4. scilicet Deum in curru illo capitis primi ad vastandam Ierosolymam tendere. Quod qui prorsus oblitus, incarnationis mysterium in Ierosolymæ excidio curiose disquirat; nã ille deuia satis viâ ad verum sensum progredi conatur.

Deinde, ignis inferioris partis huius debet esse appositum quid & conducens ad Ierosolymæ destructionem. De hoc enim ibi est sermo: atque ignem in eo, qui iratus describitur, satis constat denotare iram ac potentiam ad suum aduersarium destruendum. Nam ideo dicitur Deus ignis esse consumens. Restat tamen reddere rationem, cur ignis in parte inferiori fuit constitutus: in superiori verò electrum, intusque clarissima lux inclusa.

Ad hoc dico, lucem in electro clausam appositum esse symbolum maximè alicuius mysterij sub aliqua figurâ abditum; non tamen ita latentis, ut perspicuus inde splendor & pellucidi radij non prodeant. Et verò hoc esse valde ad rem, consideratis ijs quæ in Ierosolymæ vastitate acciderunt, non negabit, opinor, qui aduerterit, omnia illis in figura contigisse. Facile deinde constat Ierosolymitanum excidium fuisse figuram Iudæorum reprobationis. Instauratio autem templi ac ciuitatis Ierosolymæ (quæ postea euenit, quæque Prophetæ fuit etiam præmonstrata) fuit symbolum, (ut facile consideranti patebit,) nouæ ciuitatis spiritualis, nouique templi, quæ Deus fuerat pro veteri templo & Iudaico populo erecturus. Quare latentem lucem per foramina prodire & apparere, & electrum ipsum magnopere collucere; vtrumque aptissime deseruit, ut inde argumenta eliciamus, quæ nobis facili negotio persuadeant, Deum, præter visibilem illam destructionem, & templi atque vrbs instauracionem, aliud multo nobilius & excellentius inibi occultare voluisse, cuius lux sese nobis per foramina refunderet. Quod spectant illa, *Magna erit gloria domus istius;* & alia sexcenta, quæ Ezechiel cap. 40. & sequentibus describit. Ex quibus, ingentem ibi latere mysteriorum lucem, cordatus quisque non obscure conijciat. Quin in hoc ipso curru multa singillatim insunt, ex quibus

A bus longè altiore & excellentiore Dei esse mentem, quàm externa illa species præ se fert, perspicue deprehenditur. Ex his sunt, quatuor Cherubino- rum facies, arcus pacis, crystallinum Propitiatorium, Sapphirina sedes, atque alia id genus. Eapropter, cum magnus esset horum symbolorum splendor, diuinus spiritus electrum præsertim selegit, in quo eximiam illam lucem recondideret; nobisque tacite innueret, id ipsum, quod in priscis figuris latebat, earum splendorem efficere: ob quem pluris fieri debebant, quàm aurum & argentum. Atque hic fulgor non ex luce solum dimanabat, sed ex ipsius etiam electri proportionem; hoc est, ex mira dispositione earum figurarum ac symbolorum. Ex qua etiam proportionem nescio quid sanctitatis figuris ipsis oriebatur, quæ culpæ veneno infestæ atque infensæ, eum, qui illarum ope uti vellet, securum præstabant; ut veneni deprehensi perniciem vitare, & celestis arcus, id est, diuini pacti speciem cernere; atque adeo humanæ redemptionis veluti umbram aspicere valeret. Ut hac ratione (addito etiam ignis stridore, qui Dei indignationem indicat) inter spem ac metum, culpæ veneno deprehensio, exitium eius euaderet.

B Verum est tamen, antiquas figuras & antiquam legem, ex se non fuisse satis, ut sceleris veneno mederentur; sed tantum ut peccatum indicarent, & ipsius etiam designarent remedium: *Per legem enim cognitio peccati,* &c. id tamen per electrum quoque significabatur; dum ipsum peccatum nostris oculis cognoscendum obiecit, & ipsius remedium in arcu celesti mirifice figurauit.

C Sed cur in admirandâ illâ figurâ, ignis infra, electum supra erant? Quia cum simulacrum illud Deum & ipsius prouidentiam representaret; oportebat ut eodem modo illum referret, quo se ipse cognoscendum tunc præbebat: ut figura illa cum notitiâ, quam tunc de Deo habebant fideles, se penitus conformaret. Cognitio enim est etiam illius rei imago, quæ per illam cognoscitur. Huiusmodi ergo figuram proponere, cuius superior pars ex electro, inferior ignita sit; ideo fit, quia cognitio, quæ de Deo tunc habebant fideles, bifariam erat; alia inferior & communis, alia superior & sublimior: vna clara atque patens, altera occulta & quasi in symbolorum latera delitescens. Communi quidem notione, & omnibus manifestâ nouerant fideles, Deum esse ignem, id est, acerrimum peccatorum vindicem, & hostium exterminatorem. Ceteram recondita atque sublimis celestium mysteriorum Theologia non tunc vulgabatur hominibus, sed sub figurarum inuolucris delitescens proponebatur, quæ licet ex se splendorem emitteret, non tamè lucem abditam retegant omnino, quæ postea fuit penitus Christiano populo patefacta; postquàm egressus est, ut splendor iustus, & lux è mediâ laterna prodians, se hominum oculis libere intuemdam obiecit.

D Præterea aduerte, in superiori corporis parte cor sedem habere, quo animi affectiones denotantur; cerebrum etiam ac sensus, ubi cogitationes & consilia præsertim videntur esse sita. Quondam ergo ignis Dei pedum, id est, ipsius suppliciorum horror clare cernebatur: at mira Dei consilia, & inmensi illius amoris abdita & occulta penetralia, non ita facile clarissimæ suæ lucis copiam hominibus faciebant, sed eam potius sub figurarum occultebant inuolucris. Vnde licet mirum emitterent splendorem, non tamen adeo se hominibus communicabant, ac postea sub felicissima legis gratiæ tempora.

Mystica electri proportionem significationis.

Cur in Ezechiel figurâ ignis infra, electum supra apparerent?

Quid per electrum figuretur.

Quid per ignem inferiori huius figura partis subiectum.

Quid per lucem in electro clausam.

## NOTATIO V.

### De iride quam vidit Ezechiel cap. I. 28.

VERBA Prophetæ sunt; *Velut aspectum arcus, cum fuerit in nube in die pluriæ, hic erat aspectus splendoris per gyrum.* Similia habet textus Hebraicus. LXX. verò sic; *Et splendor eius in circuitu, velut visio arcus,*

cum fuerit in nube in diebus pluriæ, sic statio splendoris per gyrum. Pro statione, Aquila & Symmachus legunt, visio.



## Notæ ad Ideam.

Iris Ezechielis visa  
quo pacto  
sit concipi-  
enda.

**I**RIS hanc nonnulli ita ferè concipiunt, vt sit veluti splendor ignis, quo ardebat figura illa à lumbis deorsum. Ita Theodor. Gregor. Rupertus, & Hugo Card. Fauet Hieron. imò ipse etiam contextus. Continuata enim serie ait, *Vidi quasi speciem ignis splendentis in circuitu, velut aspectum arcus in die pluriæ: hic erat aspectus splendoris per gyrum.* Huc spectat, quod hæc consideratio sensui mystico apprimè quadrat, scilicet indignationem Dei, & horrorem diuinorum suppliciorum sapius in indulgentiam & commiserationem solere desinere: & quæ putatur poena, frequenter esse misericordiam. Quem sensum sequitur Hieronymus.

Affero ergo primò, arcum non ita esse concipiendum, vt superiorem solum figuræ partem circum-  
eat; sed vt totam figuram quasi hemicyclo seu semicirculo ambiat, superiori parte in gyrum ducto. ita perspicue Hieronymus. Nam illa verba, *hic erat aspectus splendoris per gyrum*, sic exponit, *per gyrum Dei vel throni, vel omnium, quæ perspecta sunt.* Vide simile quid Apocal. 4. 3. *Iris erat in circuitu sedis.* & similiter Pradus noster in presenti ait, *Iris in circuitu solii magnifici.*

Secundò assero, Ezechielem non exprimere, an iris ex igne prodiret, sed ipsâ figuram circumdari. Quare non est, cur eò rem deducamus, vt irim ex igne oriri, existimare constringamur. Tum quia splendor ignis non solet iridem efficere: tum ne offitium alijs optimis explicandi rationibus præcludamus: ijs præsertim, quæ in mirabili illâ electri vi & facultate fundari possunt, quam supra ex Plinio, lib. 33. cap. 4. retulimus; electrum (scilicet) cum venenum sentit, duobus id signis indicare, nempe stridore igneo, & arcus cælestis similitudine. Neque enim casu, sed miro consilio, hanc naturæ auctor electro proprietatem indidit: atque idem in eo & stridorem ignis & cælestis arcus similitudinè coniunxit, quæ in hac etiam figura coniuncta visuntur.

Iam, ad id quod dicitur, ex contextu posse probari, irim ex igne, qui erat à lumbis deorsum, oriri: Respondeo, inter splendorem ignis & inter iridem, affixum esse punctum: & facile posse subintelligi verbum, *Vidi ex antecedentibus*: vt sensus sit, vidi ignem splendentem: & vidi aspectum arcus, & in lectione LXX. vbi aiunt, *Splendor eius velut arcus; rō eius*, referri potest ad principis simulacrum, quod ex electro & igne constabat.

Ad aliud argumentum siue confirmationem ex sensu mystico, cui optimè deseruit iris ex igne orta; Respondeo satis esse, vt iris ignem comitetur, ad illam significationem adstruendam, & licet arcus non prodeat ab igne, illum tamen comitatur.

Iam quod aliquis iridem conatur ab igne producere, iuxta communem & naturalem philosophiam: quia ex reflexione radiorum in nube opacâ, consequens erat, vt iris in circuitu solii constaretur: concionantis est hoc potius, quam solide philosophantis. Nam ex ignis splendore non solet iris formari; nec in qualibet nube opaca, sed in rorida, adiunctis adhuc alijs conditionibus, quæ solent ad hoc designari. Quare aptum non video fundamentum, vt iris ex igne nasci credatur.

Nam Ezechielis iris  
ex igne prodiret,  
ab ipse propheta non  
explicari.

Argumenta  
pro opposita  
opinione di-  
luntur.

Ex ignis  
splendore  
iridem non  
oriri solere.

## De sensu mystico.

**C**VM iris sit pacis & securitatis symbolum, (vt supra vidimus) cumq; ignis & eius stridor sint iræ & indignationis hieroglyphica, & constet electrum, si veneno lædatur, & stridere vt ignem, & arcus cælestis imaginem spectandam offerre; elucet profectò in hac figura, aptissima significatio pacis & indignationis, cumque utroque electri signo, manifestetur venenum; huius copulationis artificium eò spectat, vt vnâ ex parte illi, quem præmonet, clementiam & pietatem exhibeat; ex aliâ vero in reum, iram & indignationem. Pari quoque ratione Deus, cum indignatione, quam in scelera ostendit, Ierosolymâ euersurus flammis atque igneo curru stridentibus, pacis quoque symbolum coniungit; illis clementiam & commiserationem sponte offerens, qui hæc admonitionem libenti animo susceperint, simulque declarans, se cogitare cogitationes pacis atque clementiæ: ac sibi, cum homines punit, maxime cordi esse, vt scelerati resipiscant, & misericordiam ac veniam hoc pacto assequantur. Sed illud potissimum innuit Deus, totum eum furorem atque iram, qua ad Ierosolymâ excidium, & postea ad Iudæorum reprobationem per illud significatam, ferebatur; cum incredibili benignitate & commiseratione esse coniunctam. Nam Ierosolymæ supplicium ac vastitas illa antiqua, in Iudaici populi conuersionem & veram vtilitatem cedebat: & postea Iudæorum repulsa in veram mundi pacem ac salutem redundauit, vt docet Paulus ad Rom. 11. 12.

Hanc ego expositionem legitimam reputo. Subijciam tamen breuiter aliorum explicationes. Rupertus sic philosophatur: *A lumbis desuper tantum ignis, à lumbis deorsum ignis & iris*: quia ante incarnationem tantum erat ignis consumens: post incarnationem verò ignem iustitiæ placida propitiationis aurâ compenlat.

Gregorius hom. 8. arcum asserit fuisse ipsum splendorem ignis à lumbis deorsum: *Quia ignis Spiritus sancti, quasi arcus cælestis apparuit, veniam hominibus propens per aquam & ignem.*

Theodoretus affirmat arcum fuisse ipsum splendorem ignis, qui erat à lumbis deorsum: & quia ipse ignem illum existimat esse diuinitatis Christi symbolum; ideo splendorem illū siue arcum ait esse beneficia inde emanantia in homines, cælestemq; pluuiam indicantia, & secum illam afferentia.

Hieronymus ad ea verba, *Hic erat aspectus splendoris per gyrum*; subdit, *per gyrum Dei vel throni, vel omnium, quæ perspecta sunt.* Hæc ille; quamuis paulò superius indicauerit, similitudinem arcus esse splendorem illum, qui ab igne à lumbis deorsum conspiciebatur, ad significandam clementiam post supplicia, vel ex ipsis supplicijs ortam.

Hugo Card. *Super thronum*, inquit, erat quidam homo de electro: & à lumbis & infra videbatur ignis: à lumbis autem & supra videbatur electrum, non circumferens splendorem vel flammam, sed ignis intrinsecus eius. & subdit, ex inferiori parte ingentem prodire flammam; & ex splendore rutilare aërem & nubem in circuitu cum iridis coloribus.

Lyra, *velut aspectum*, ait, id est, vt iris, qui est splendens. Nec quidquam aliud addit. Interlinealis adiungit, *Post terrorem, misericordie signum.* Pradus deniq; ad naturalem iridis philosophiam refert hunc arcum cælestē, & sensum esse ait, Dei gloriam quæ se ostendit in supplicio, ac citat (nescio vnde) Theodoretū.

Iris & pacis  
& indignationis sym-  
bolum.

Quomodo  
in Ierosoly-  
mâ excidio  
clementiam  
Deus cum  
indignatione  
coniunxit.

Aliorum in-  
terpretatio-  
nes de iride.

## TEXTVS.

*Vers. 4.* Et in circuitu sedis sedilia viginti quatuor: & super thronos, viginti quatuor seniores sedentes, circumamicti vestimentis albis, & in capitibus eorum, coronæ aureæ.







*De figura ipsa sine idea.*

Num senio-  
rum cor-  
fessus sit in  
circuli figu-  
ram neces-  
sario iconi-  
pitodua.

Sacerdotiū  
principes in  
veteri lege  
foris eorū  
nam gestare  
solitos, con-  
secratura chi-  
citur.

COMMENTARIVS II.

De significatione 24. seniorum.

De seniorū  
significatio-  
ne plures  
Doctores  
sententia.



totidem alios Apostolos adiungunt, quos ex Gentilitate ab Spiritu sancto fore eligendos confingunt. Atque hoc est Ioachimi figmentum. Alij hunc numerum restringunt ad 24. viros insignes sanctimoniam ex ijs, qui Christi aduentum antecesserunt. Cui opinioni subscribit Pererius. Alij, licet eatenus Andreæ & Aretæ sensum amplectantur, quatenus 24. seniorum numerum ad 12. Patriarchas, ac 12. Apostolos referunt; addunt tamen significationem esse de præstantissimis quibusq; Sanctis, ac præcipuè de Prælati & Doctoribus vtriusque testamenti. Hac explicandi via incedunt Richardus, Haymo, Glossa, Ribera & Viegas: Alij denique nihil videntur curare de numero 24. & significationem ad vniuersam Ecclesiam extendunt. Ex his sunt Ticonius, Beda, Primasius, & Arias Montanus in id Zachariæ 4. *Lampas eius super eum*, vbi ait, seniores hos esse Ecclesiam coronatam, diadematisque gloriam Christo acceptam referentem. Sed S. Gregorius significationem hanc ad prædicatores Euangelicos contrahere videtur, 1. Reg. 9.

Mihi certum est, eam planè esse huius loci significationem genuinam, vt sub horum 24. seniorum persona, Christianorum sacerdotum dignitas figuretur. Ac primò illis egregiè conuenit Presbyterorum siue seniorum nomen: quippe quos Ecclesia Christiana Presbyteros vulgatissimo semper nomine vocarit. Licet autem hoc nomen, vt & nomen sacerdotum, ad Episcopos alicubi referatur, frequentior tamen vsus est, vt Presbyteri nomen omnibus sit sacerdotibus commune. Et certum est Presbyteros succedere 72. discipulis; Episcopos verò Apostolis; de quo latè noster Lorinus Actorum 1. 26. & cap. 4. 5. & cap. 20. 17. vbi affert Anacleum epistola 2. Hieronymum ad Marcellā, Bedam Lucæ 15. Quos etiam afferunt Salmeron tomo 4. parte 3. tract. 13. & Maldonatus Lucæ 10. num. 1. fine.

Notandum autem est, vniuersam Ecclesiam Christianam esse regnum sacerdotale, vt explicuimus in ea verba capitis primi, *regnum & sacerdotes*. In hoc tamen sacerdotali regno ij sunt sacerdotes principes, quos propriè Presbyteros vocamus. Quemadmodum multi olim erant sacerdotes ex genere Aaronis; sed inter eos erant 24. qui dicebantur *principes Dei, & principes Sanctuarij*. Non secus in Ecclesia Christiana, quæ populus sacerdotalis est, sunt sacerdotes proprii, qui propriè & strictè sacerdotes nominantur: atque ij per illos 24. sacerdotum principes figurabantur, quò vide- licet fit allusio, cum Christianæ Ecclesiæ sacerdotes appellantur Presbyteri. Sic enim innuitur, eos- rum dignitatem esse tantam, tamque excellentem; vt per illos propriè, qui Principes Dei & prin- cipes Sanctuarij dicebantur, fuerint meritissimè adumbrati.

2. De Christianis sacerdotibus verè affirmatur, quod in Ioannis visione exprimitur: eos, scilicet, coram Altissimo in thronis considerare. Est enim ijs potestas, sanctissimum Christi corpus consecran- di, & homines à peccatis absoluendi: atque hoc est in cælo thronum habere, scilicet diuinam au- thoritatem multò sublimiorem, quam ipsi Seraphini habent, & Dei maximè propriam. Quare ad eos verissimè verba illa Psalmi applicantur, *Ego dixi, Dij estis, & filij Excelsi omnes*. Psal. 81. 6.

3. Quamuis tanta sit sacerdotum dignitas ac maiestas; est tamen certum, in Ecclesia celsiorem adhuc esse gradum ac Deo coniunctiorem; dignitatem videlicet Apostolorum & Episcoporum, qui verè & propriè ab officio tenentur constricti ad Euangelium promulgandum. Hæc igitur Apo- stolorum, Episcoporumque dignitas 4. animalibus figuratur, (vt suo loco videbimus,) & 4. isthæc animalia inter Deum & inter seniores sita sunt: ac proinde Deo magis coniuncta, quam ipsi seni- ores. Quin & in diuinis laudibus, quæ Deo decantantur, animalia præcedunt, quasi choros ducen- tia, & seniores subsequuntur: vt infra exprimitur num. 9. *Cum darent illa animalia gloriam & honorem & benedictionem sedenti super thronum, procidebant 24. seniores, &c.* Vnde infero, per 24. seniores minorem di- gnitatem adumbrari debere, quam est dignitas Apostolorum atque Episcoporum, nec non Evan- gelij concionatorum.

4. Ad maiorem expressionem datæ sunt 24. senioribus phialæ aureæ, id est, calices magni, in qui- bus Sanctorum orationes offerrent: quod proprium est sacerdotum legis gratiæ insigne.

5. Quod Apocal. 5. 5. dicitur, (*Vnus de senioribus dixit mihi, ne silearis.*) singillatim asseritur de S. Luca, qui Spiritus sancti aduentum conscripsit: vt suo loco videbimus. Atqui Lucas sacerdos erat, & vnus ex 72. discipulis; non tamen Apostolus.

Denique negari non potest, quin seniorum forma, throni sacerdotalis vestis, phialæ aureæ, aureæ item coronæ; hæc inquam omnia appositè Christianæ Ecclesiæ sacerdotibus conueniant. Quare illud reliquum est, vt aliquorum scrupulum euellamus, quibus numerus ille 24. negotium facessit. Aduerto ergo in figuris siue symbolis, numerum ex eadem figura desumi solere: nec opus esse, vt peculiaris sit proportionis ratio in rei figuratæ numero. Sic supra cap. 1. explicuimus illud Tobia 12. 15. vbi angelus dixit, *Ego sum Raphael, vnus ex septem, qui adstant ante Dominum*: per allusionem vide- licet ad septenarium eorum principum numerum, qui in regis Persidis curiā atq; conspectu erant. Nec huic allusioni obstat, eos qui ante Dominum adstant, esse millia millium. Quod qui nouitatis & insolentia damnet; nō ille parum animaduertit communem satis & vulgatam loquendi rationē eorum, qui disertè & eleganter loqui solent. Ecquis enim non concinnè & argutè illum fuisse lo- quutum putet, qui dixerit Cherubinos esse cælestis musicæ *ἑταῖροις*; & Hispanicè, *Que son los seises de la capilla del cielo?* item magistros Theologiæ ex familia S. Dominici, esse illius reip. viginti quatuor- viros, hoc est veluti senatores, hispanicè, *los veintiquatros de aquella republica?* & sexcenta alia huiusmo- di quotidie terimus; in quibus nullus hactenus vel minimum difficultatis deprehendit: nec quif- quam in eis inter rei figurantis & figuratæ numerum, vllam quæsiuit proportionem. Id igitur, quod in communi loquendi modo ab omnibus placidè accipitur, nec reijcitur ab aliquo; cur in picturæ ac significationis ratione non admittetur? Constat ergo, ad sacerdotalem nostrorum presbyterorū dignitatem exprimendam egregiè esse symbolum 24. seniorum, licet nostrorum sacerdotum nu- merus multis millibus maior existat. Accedit, quòd Episcopi ac prædicatores Euangelici sunt innu- gare numerum, qui ex figura desumitur; cum satis superque sit, principes familiarum ab Aaronē

Auctoris  
sententia.

Ecclesia sa-  
cerdotes in  
24. seniori-  
bus figurati.

Christianæ  
Ecclesiæ  
dici regnum  
sacerdotale.

Sacerdotum  
dignitas.

Episcopalis  
dignitas sa-  
cerdotalis  
maior.

Cuius seniores  
sunt 24. nec  
plures nec  
pauciores.



A ducentium originem fuisse quatuor & viginti; vt idem numerus ad Christianos Presbyteros deducendo aptissime vsurpetur.

Ex hisce omnibus deducitur, eos à vera huius loci interpretatione aberrare; qui in explicando hoc numero, pro 24. senioribus, toridem veteris testamenti Sanctos substituunt: nec plus illos collineare, quin necessarium esse putant, vt hi 24. quos intuitus est Ioannes in thronis coram præpositi Deo confidentes, cum Christo iam tunc regnasse credantur. Vtrumque enim est à Ioannis mente valde alienum. Nam huius capitis pictura, militantis Ecclesiæ gloriam & splendorem exprimit, vt supra vidimus, Quare minime est ad rem, aut de legis antiquæ Patriarchis, aut de æterna Sanctorum in calis felicitate agere: sed de noui cælorum regni celsitudine, de quæ ingenti Ecclesiæ ministrorum dignitate.

B Atque vt non nihil obiter de superiorum explicationum aliquibus perstringam; illa, quæ 24. veteris instrumenti scriptores designat, violenta sanè est. Nam illi re verà plures fuerunt: nec peculiaris est Christianæ Ecclesiæ excellentia, veteris testamenti scriptorum numerus. Iam, ex antiquis Sanctis 24. deligere, qui inter ceteros emineant; præterquam quod non valde facit ad rem, affert secum nescio quid iactantiæ, qua quis plus æquo sibi assumit, dum vult audacter designare, qui fuerint sanctitate excellentiores. Porro 12. alios Apostolos ex Gentilitate seligendos affirmare, qui Christi Apostolis ex Iudaismo assumptis respondeant; id, meo iudicio, nimiam audaciam ac temeritatem redolet. Quo enim fundamento in re grauissima nouum quid & inauditum confingitur? Quamobrem quidquid pro huius numeri expositione affertur, quod ad 24. personas tantummodò extendatur, constat extortum omnino esse ac violentum. Si verò numerus ad figuram referatur solum, vt exposui; res est plana & ab omni disceptatione immunis.

C Præter hæc, si ad seniorum thronos & ad vestes candidas atque coronas, oculos conuertamus; omnia mirifice congruunt nostris sacerdotibus. Etenim, quas Christus sedes Apostolis Matthæi 19. 28. promisit, (*sedeatis super sedes 12. &c.*) verissimum eæ sortiuntur effectum in amplissima potestate, quæ illis in hac vitâ fuit concessa. Pro qua explicatione obseruandum est ex Sigonio, sæculares principes, qui Israeliticum populum iudicabant, duodecim fuisse, singulos ex singulis tribubus; penes quos erat veluti supremi consilij potestas. Quem ad numerum habetur respectus in 12. Apostolorum sedibus. At verò in 24. seniorum thronis alluditur (vt iam dixi) ad quatuor & viginti principes familiarum Aaronis; & in vtrisque sedibus seu thronis, summæ potestatis est & spiritualis gubernationis significatio. Nam Apostoli atque eorum successores sunt Ecclesiæ Christianæ duces ac principes: & omnes etiam presbyteri sunt suo modo principes Dei & principes sanctuarij.

Per vestes albas manifestum est significari egregiam sanctitatem, vt cap. 1. n. 13. explicatum est. Atqui sacerdotalis dignitas quantam ex se postulet sanctitatem & castimoniam, nemo nescit. Sed de hoc latè cap. 1. vbi de podere.

D Coronæ aureæ capitibus impositæ honorem maximum indicant & splendorem, qui dignitati sacerdotum proprius est. Vide Psal. 8. 6. *Gloria & honore coronasti eum, & constituisti super opera manuum tuarum: omnia subiecisti sub pedibus eius.* Vbi notanda sunt verba illa, *gloria & honore*: quia infra num. 11. cum seniores coronas sedenti in throno submitunt, Dignus es, aiunt, Domine accipere gloriam & honorem. Quod verò addunt, & virtutem; id respondet illis Psalms verbis, *Constituisti eum super opera manuum tuarum.* Ecclesiastici etiam 45. 14. de Aaronis coronâ dicitur, *Corona aurea super mitram eius, expressa signo sanctitatis & gloria honoris, opus virtutis.* Quauis ergo nō omnes Ecclesiæ presbyteri sint sacerdotes summi; omnes tamen habent coronas: quia iudicandi potestate funguntur, siue absolendo siue constringendo. Et Iudices, antiquo more, coronatos ad iudicandum sedisse, supra ex De Mothene retulimus. Quod si veteri fuit receptum consuetudine, vt iudices ornarentur coronâ, facile quisquæ animaduertet, Christianos sacerdotes meritò coronis tempora redimitos in hac figurâ depingi.

E Forte etiam hæc fit allusio ad auream illam summi sacerdotis laminam, quam olim gestabat in capite. Quo vel maxime innuitur, dignitatem eam ac potestatem ingrediendi sancta Sanctorum, Christianis omnibus presbyteris per summam excellentiam esse communem: nec non veram significationem, in frontibus Dei nomen gestandi; atque aded ipsos diuino cultui potissimum esse additos. Coronas autem esse aureas, denotat sacerdotes esse veros principes, dignitate non futili & adumbratâ, sed solida & expressa insignitos. Quamobrem coronæ non ex leui sunt papyro constructæ, sed solido ex auro conflatæ.

Denique expende; nullam reperiri dignitatem, quæ cum sacerdotali Christianæ Ecclesiæ possit conferri. quin etiam, quod summum est ac præcipuum in Episcoporum & summi Pontificis dignitate, esse sacerdotalem potestatem. Atque ad hanc significationem congruentissimum accigit, vt in Dei conspectu eis tribuerentur sedes ac throni. Præcipuè cum in hac sacerdotum excellentia ac celsitate mirum in modum Dei ipsius gloria ac maiestas emineat. Pro quo expende verba illa Isaïæ 24. 23. *Erubescet Sol & Luna, cum regnauerit Dominus exercituum super montem Sion, & in Ierusalem in conspectu senum suorum fuerit glorificatus.* Vbi idem est senum ac seniorum. Hebræa enim lingua cominatus caret. Solem autem ac Lunam erubescere, est ipsorum gloriam & splendorem, egregio paratiuis caret. Solem autem ac Lunam erubescere, est ipsorum gloriam & splendorem, egregio paratiuis caret. Solem autem ac Lunam erubescere, est ipsorum gloriam & splendorem, egregio paratiuis caret. Solem autem ac Lunam erubescere, est ipsorum gloriam & splendorem, egregio paratiuis caret.

Exciderat penè Aureoli ac Lyrani expositio, quæ nonnullis valde speciosa visa est. Hiigitur pro Dei sede Romanam Ecclesiam intelligunt; pro 24. senioribus, sedium episcopalium, quæ in Ecclesia sunt, vniuersitatem: pro 4. animalibus 4. patriarchales sedes. Sed quod ad Romanam attinet Ecclesiam, solidiora nos ex Apocalypsi Deo auspice eruemus ad eius auctoritatem confirmet Ecclesiam, solidiora nos ex Apocalypsi Deo auspice eruemus ad eius auctoritatem confirmet Ecclesiam, solidiora nos ex Apocalypsi Deo auspice eruemus ad eius auctoritatem confirmet Ecclesiam. Hic autem locus non satis est aptus, opinor, vt Dei thronus pro Romana accipiatur mandam. Etenim in hoc quarto capite, Ecclesiæ dignitas ac maiestas repræsentatur, antequam

Aliorum  
sententia  
de 24. se-  
nioribus  
refutatur.

Cur 24. se-  
niores seden-  
tes appare-  
ant.

Quid per  
albas senio-  
rum vestes  
figuretur.  
Quid per  
coronas au-  
reas.

In aureis co-  
ronis allusio  
ad auream  
summi  
sacerdotis  
laminam.

Aureoli ac  
Lyrani opi-  
nio de senio-  
ribus & a-  
nimalibus  
refutatur.



Euangelium Gentibus enunciaretur: imò etiam ante sæuissimam persecutionem, quam aduersus ipsam Ecclesiam Iudaicus populus concitauit; vt ex continuata totius Apocalypseos serie, facile est videre. Quare non aptus in præsentī locus est Romanæ Ecclesiæ significationi. Præterea quatuor animalium explicationem velle ad quatuor tantum Patriarcharum sedes coarctare; nimia restrictio est, vt deinceps videbimus. Quod verò non sit opus, vt Dei thronus præstantiorem Ecclesiæ Christianæ partem significet, quam est ea, quæ in senioribus & animalibus indicatur; id sequenti notatione demonstrabitur.

## N O T A T I O V I.

*De allusione ad supremam hierarchiam cælestem, quæ constat ex Thronis, Cherubinis & Seraphinis.*

Nomina, quæ nouem angelorum choros designantur, non eadem distinctione & ordine in Scriptura usurpari.

**L**ICET angelorum in hierarchias tres diuisio, & Lharum in nouem angelorum choros subdiuisio certæ sint: certum tamen etiam est, in S. Literis non eadem distinctione usurpari ea nomina; quæ Theologi, S. Dionysium sequentes, singulis angelorum choris attribuunt. Atque in primis ipsemet Dionysius notat, ea nomina quæ ipse nouem choros assignat, accipi posse vt singulis choris propria, & vt nouem omnibus communia. Deinde, qui S. Scripturæ loci ad distinctionem illam in nouem choros constituendam afferri solent; non sunt; c. 6. Isaia, vbi de Seraphinis; & c. 1. Ezechielis, vbi de Cherubinis, & ad Ephe. 1. 2. 1. vbi nominantur Principatus, Potestates, Virtutes & Dominationes; & ad Coloss. 1. 16. vbi adijciuntur Throni, & 1. Thessal. 4. 15. & Iude 9. ponitur nomen archangeli. In his autem locis, pater ex contextu non tribui singulis choris suum proprium nomen. Nam Ezechielis Cherubinos, ac Isaia Seraphinos esse eosdem, existimarunt multi. Verior autem sententia est, agere Isaia de viris Apostolicis; Ezechielem autem de archangelis, vt suis locis dicemus. Præterea ad Ephe. 1. 2. 1. & ad Coloss. 1. 16. vtrobique opus est, vt quatuor nomina, quæ coniungit Apostolus, omnes angelorum choros comprehendant. Nam, vt doceat substantias omnes spirituales conditas esse à Christo, ait, *Sive Throni, siue Dominationes, siue Principatus, siue Potestates*. His ergo nominibus comprehendit etiam Apostolus Cherubinos & Seraphinos. Simili etiam ratione, vt ostendat Christum esse super omnes angelorum choros euectum, ait ad Ephe. 1. 2. 1. *Super omnem Principatum & Potestatem, & Virtutem & Dominationem*. Atqui si quis diceret Petrum fuisse prælatum omnibus diaconibus, nomenque illud diaconibus strictè acciperet; non significabat, fuisse prælatum omnibus Episcopis aut sacerdotibus. Denique ex sacra Scriptura probari non potest, angelorum nomen aliquando esse proprium cuiusdam infimi chori. Quamobrem ex hisce locis non solidè videtur colligi angelorum in nouem choros distinctio.

Patres item non eadem distinctione nouem choros assignant.

Atque vt ad Patres gradum faciamus, nonnulli etiam ex ijs solent afferri, quos constat non nouem choros asserere; vt Nazianzenus oratione 34. sine, qui sex solum nomina coniungit: Chrysostomus homilia 4. in Genes. circa medium; cuius sententia multò magis ambigua est. Nam tom. 5. homilia 3. de incomprehensibili Dei natura, Cherubinos & Thronos facit eosdem: atque hoc nititur fundamento, vt asserat Cherubinos superiores esse Seraphinis; quia Cherubini sunt Dei thronus. Denique tota auctoritas ad angelorum nouem choros asserendos videtur ad vnum Dionysium Areopagitam deuolui; nec non ad id, quod ipse cap. 6. de cælesti hierarchia asseruerat; eam scilicet clarissimi sui magistri esse doctrinam. Vbi Paulum nomine magistri tacite intelligere videtur, (licet Valentia 1. p. disp. 4. q. 1. puncto 3. hoc de Hierotheo interpretetur.) Quare, cum hæc sit Pauli doctrina; iure illam vt certam sequuntur Gregorius Magnus homilia 34. in Euangelia, Damascenus 2. de fide cap. 3. Sophronius Ierolymitanus oratione 6. (in 2. tomo Bibliothecæ) Bernardus sermone 19. in Cantica, & libro quinto de consideratione ad Eugenium; & Scholastici cum Sancto Thoma 1. p. q. 108. Idemque sequeretur Au-

**B** gustinus, si Dionysium vidisset. Constat tamè ab eo Dionysium non fuisse visum (ideoque dixit nihil esse certum de ordinibus, seu choris angelorum: ) sicut nec Gregorius Dionysium viderat; sed id aliorum relatione acceperat.

Porro in nouem angelicorum ordinum distinctione, ea quæ Dionysius non affirmat, non sunt adeo certa ac ea, quæ ipse affirmat. Hoc propterea dixerim, quod videam nonnulla ab alijs firmo consensu recepta, quasi veram Dionysij doctrinam; quæ tamen serio ac diligenter examinata, deprehenduntur non esse Dionysij. Huiusmodi fortasse est, Seraphinos Cherubinis, hos Thronis dignitate antecellere. Si enim hoc accuratè inspiciatur, minimè id à Dionysio asseri reperietur. Etenim licet ille capite sexto de cælesti hierarchia, hoc ordine eos enumeret, Thronos, Cherubinos, Seraphinos, (vbi ascensu videtur vti.) & postea capite septimo (quasi per descensum) illos contrario ordine recenscat; nunquam tamen ait, Thronos inferiores esse. Quinimò ex ipsius verbis posset aliquis suspicari, eos à Dionysio æuari: Primò, quia capite sexto ait, hierarchiam primam esse vnam & eiusdem generis, & de Ecclesiastica hierarchia capite primo paulò post initium, ait, Cherubinos & Seraphinos eiusdem esse potestatis cum Thronis. Deinde à paritate rationis. Nam cum secundam hierarchiam capite illo sexto (ascendendo, vt prima specie apparet,) hoc ordine numerasset, Potestates, Dominationes, Virtutes, postea capite octauo declarationis ordo, qui fuerat per descensum futurus, non est, Virtutes, Dominationes, Potestates, vt titulus præ se fert, sed hic, Dominationes, Virtutes, & Potestates. Vnde fuit diuersitas opinionum exorta, quas refert Molina 1. p. q. 108. (præter Gregorij & Bernardi opiniones, qui Virtutes ad tertiam hierarchiam remittunt.) Sed vt ad Dionysium regrediamur: si ipse in secunda hierarchia minimè dissentaneum reputauit, Virtutes modò in medio, modò in primo loco constituere: Dionysius ergo ipse nihil certò definit de ordine, quem inter se seruant tres primæ hierarchiæ chori, ac proinde non est videndus Dionysio refragari, qui dicat hunc esse dignitatis ordinem, Seraphinos, Thronos ac Cherubinos: atque adeo Cherubinis Thronos esse digniores.

**E** Præter hæc, quanquam vulgaris opinio est, nomen Thronus in nouem chororum distinctione passiuè sumi pro illis, qui Dei thronus ac sedes sunt. Verum, si rectè consideretur, Scriptura non videtur illis passiuè, sed actiuè hoc nomē tribuere, ita vt hoc nomine significentur illi, qui tanquam principes in thronis siue solijs confident. Non me later, receptam vulgò opinionem in sancto Dionysio fundamentum habere, qui cap. 7. de cælesti hierarchia exponens nomē Throni, ait, ipsius esse munus portare Deum: & Sophronius supra citatus, eos appellat sedes Dei, quam interpretationem sequitur Sanctus Thomas 1. p. q. 108. a. 5. & alij cum eo non pauci. Hæc tamen etymologia forte est peculiaris sancti Dionysij opinio, & non Pauli doctrina. Quin & ipse Dionysius fortasse non minùs summæ potestatis & principatus significationi fauet. Quia de Ecclesiastica hierarchia capite 1. ait Cherubinos

Seraphinos Cherubinis hos Thronis dignitate antecellere, ex Dionysij Areopagita doctrina non constare.

Tres primæ hierarchiæ choros non eodem (semper ordine à Dionysio Areop. numerari.

Nomen Thronus an actiuè vel passiuè angelis tribuatur?



ac Seraphinos eiusdem esse cum Thronis potestatis. Ad hæc, si Græcorū spectetur vsus, constat ex græcæ linguæ thesauro, Throni nomen dignitatis esse, cui honoratior thronus tribuitur & cōstat ex contextu sic accipere Paulū, cum ait, *Sine Throno, sine Dominatione, sine Potestate, sine Principatu*, ad Coloss. 1. 16. Omnia enim hæc sunt nomina, quæ imperium ac dominatum repræsentant. Vnde Cyrillus Ierosolymitanus (vt videbimus paulō infra) docet difficile esse explicare, qui Thronus differat à Dominatione.

Adde huc, si nomen Throni pro Dei sede sumatur, in qua Deus ipse sedet; sic in Scripturæ phrasi non distingui Thronos à Cherubinis; loquutio enim est tredecies in S. Literis repetita, Deum sedere super Cherubim. Et licet hæc phrasis apta sit, vt per eam significetur Deum habere pro solio ac sede duorum Cherubim paruulorū alas, qui supra Propitiatoriū erant: illa tamen cælatura fuit Dei ipsius iussu effecta, vt significaretur, Dei thronum in quo ille sedet, esse mysticas Cherubimorum alas. Quapropter certū apparet, congruentius S. Scripturæ loquutioni esse, Cherubinos appellari Dei sedē siue solium; ac Thronorum chorō fellas siue thronos ingentis maiestatis tribuere. Quæ cōsideratio valde cōfirmatur visione c. 4. Apocal. vbi Deus sedet in solio; quod (vt postea subiiciam) ex Cherubinis est; & in solij ipsius circuitu 24. seniores sunt sedētes in thronis. Quamuis autem in Apocalypsi de Ecclesiastica hierarchia sermo sit; sit tamen haud dubiè allusio ad cælestem hierarchiā, & 24. seniores, quibus Apocalypsis thronos ac coronas assignat, appellantur *Principes Dei & principes Sanctuarij*, 1. Paral. 24. 5.

Iam, quæ de nouem angelorum choris, de quæ cuiusq; chori proprietatibus, cognoscuntur; ea quidē non admodum clarè ac distinctè nobis nota sunt. Quare etsi Calvinus lib. 1. instit. cap. 14. sect. 4. impudenter satis ea irridet, quæ à Theologis de Angelorū natura differuntur: prudentiæ tamen ac sapientiæ est in hac materia parsimoniam tenere, Nam & S. Augustinus visum fuit, in S. Literis non multam de angelicorū ordinum distinctione & proprietatibus esse lucem: & Cyrillus Ierosolymitanus Catechesi 11. Dic mihi (inquit) *audacule, quid Thronus differat à Dominatione. Quid Potestas, quid Virtus, quid Angelus, &c?* Atque ego ianè nolim audaculus videri. Quin etiam longitūmē à me abest ea mehs, vt aliquid in hac materia vel in alia quauis nouare aut immutare velim. Perstet sane quidquid Theologi de hac re prudenter & grauiter statuere; eodem solidæ veritatis gradu, quem in se quælibet res habet: Mihi interim liceat exponere, quod in Apocalypsi, de Ecclesiastica hierarchia per allusionem ad cælestem affirmari existimo. Non inficior, me in eam partem propendere, vt de cælesti hierarchia ex analogia ad Ecclesiasticam, vt pote notioem, philosopharer. Sed mitto isthæc: rectè enim hæc duo inter se possunt componi: vt scilicet, & de hierarchia Ecclesiastica cum ordine ad cælestem institutur sermo; & chororū ordo sit in cælestibus illis spiritibus diuersus. Itaq; licet non nihil perstrinxerim, quod tractationi de angelis lucem fortassis aliquam posset afferre; ea tamen lege dictum esto, vt siquid communi Theologorum doctrinæ minùs videatur suffragari, inditum irritumq; sit. Is enim mihi est animus, vt Apocalypsin de Ecclesiastica hierarchia directè agentem exponam. Atque in hac saltem Ecclesiæ hierarchia (esto in cælesti secus accidat) Throni Cherubinis, Seraphini Thronis superiores sunt, opinor.

Atq; vt me prius à disputatione de angelis expediam; trium hierarchiarum distinctio parum difficultatis habet, statuta semel S. Dionysij & S. Thomæ doctrina de vnius hierarchia ad aliā subordinatione. Hac enim ratione illa est prima hierarchia, quæ non ab alia, sed proximè à Deo illuminatur: illa secunda, quæ illuminata à prima illuminat tertiam: illa 3. quæ aliam non illuminans à secunda illuminatur: licet intra eandē hierarchiam, vt bene S. Thomas, inferiores angeli à superioribus illuminentur.

Illud aliquanto difficilior, quod attinet ad trium chororū in qualibet hierarchia distinctionem. Qua in re Theologi plus variè ac minùs perspicuè vidē-

tur scripsisse. Nec ex ijs, quæ S. Dionysius tradit, satis clarè vniuscuiusque chori distinctio ac propria potestas colliguntur. Et sanè hæc attentius perpendenti, ea aliquando mihi subiit cogitatio, posse scilicet hanc ternorum ordinum in singulis hierarchijs distinctionem fortasse explicari per trium attributorum distinctionem quæ Theologi tribus diuinis personis accommodant, Potentiam, Sapientiam, Bonitatem. Nam, vt primæ hierarchiæ vtamur exemplo, vidimus iam Dionysium ac Cyrillum Thronis potestatem tribuere seu potentiam: & ex Cherubimorum ac Seraphinorum nominibus manifestum est, alijs sapientiam, bonitatem alijs attribui. Atque iuxta hunc modum, quo ordine Patri potentiam concedimus, Sapientiam Filio, Spiritui sancto bonitatem, eodem videbantur esse recensendi Throni, Cherubini, ac Seraphini; vt communi cōsensu receptum est. Sed in hac attributorū seu proprietatum partitione non idem in angelis fundamentum, quod in diuinis personis reperitur. Sublato autem attributionis fundamento non superest apta ratio, cur alijs potentia, bonitas alijs, alijs sapientia tribuatur. Nemo enim dubitat in angelis, qui sanctitate excelluerint, eosdem sapientia etiam præstare. Atque idem videtur de potentia dicendum.

Propter hæc facile adducere, vt in angelis, eorūq; choris distinguendis, eodem modo philosopharer, quo in Ecclesiastica hierarchia tres veluti chori tāta distinctione & perspicuitate partiuntur, vt in eō mentis auditas conquiescat. Huiusmodi diuersitatem ex c. 4. Apocal. elicio: in quo capite, licet multa alia sint symbola, qualia sunt vox tubæ, iaspis & sardius, iris, septem lampades, fulgura, tonitrua & mare vitreum: quæ verò propriè & directè fideles ipsos figurant, sunt Dei thronus, seniores, & animalia. Horum enim trium symbolorum significationem conuenit inter omnes, aut ad totam Ecclesiā, aut ad aliquam saltem eius partem spectare. Aliorū verò symbolorum significatio diuersa est. Nam aut Dei potentiam exprimunt, aut misericordiā, aut Christi passionem, aut septem Diuine prouidentie spiritus, aut predicationem, miracula & Ecclesiæ Sacramenta. Quæ omnia, licet ad Ecclesiæ etiam gloriam decusq; pertineant; ipsi tamē fideles non sunt Christi passio aut Sacramenta; sed Dei sedes, seniores & animalia. Atque hic ipse est ordo in textu expressus; prius Dei solium, deinde seniores in thronis sedentes, postea animalia. Et quamuis iuxta Chrysostomi mentem aliquis fortasse putaret, nobiliores fore, qui per Dei sedem significatur: ceterum ordo ille (Dei sedis, seniorum & animalium) postulat, vt seniores anteponantur ijs, qui per Dei sedem denotantur; quemadmodum animalia designat eos, qui sunt senioribus superiores. Id quod explicatione fiet manifestum.

Nunc ex S. Thomæ p. q. 108. a. 5. ad 6. aduerto, in angelorum choris, excellentiam inferioris in superioris excellentiā includi, non verò è contrario: ita vt inferior chorus à superiore non distinguatur propter peculiarem aliquam excellentiam, quæ ipsi inferiori infit, & desit superiori: sed vt in numeris binarius à ternario distinguitur, quia defectu vni-ratis ipsum ternarium non adæquat. Quod ergo S. Thomas de angelorum choris asserit, applicatur optimè atque intelligitur ex graduum siue ordinū distinctione in hierarchia Ecclesiastica. Nā cum tres sint gradus, (scilicet sedes Dei, seniores & animalia) quidquid Dei sedes eis attribuit, qui per eam significantur, senioribus est animalibusque commune. Et quidquid seniorum nomen presbyteris concedit, est etiam commune animalibus: & non contrā. Porro esse Dei sedem, est esse sanctimoniā præditū; & magna Ecclesiæ sanctitas optimè Dei sedis symbolo exprimitur. Aliqui tamen longius adhuc progrediuntur, & seliguntur à Deo ad sacerdotale munus; atque adeo ad maiorem sanctitatem: & huiusmodi sunt seniores seu presbyteri. Ex quibus nonnulli ad sublimiorem adhuc sanctitatis & dignitatis gradū, & ad Apostolicorum hominum atque Euangelij concionatorum munus euehuntur; quod est proprium Episcoporum, qui proinde mystica animalia sunt, & in quatuor illis Apocalypseos figurata. Itaque sanctitas, quæ neces-

in singulis hierarchijs dicendum.

Ex Ecclesiastica hierarchia choris non possit suo modo in choris celestibus philosophari.

Inter angelos excellentiam inferioris chori in superioris excellentia includi.

Eodem modo in Ecclesiastica hierarchia philosophandum.

Quid per Dei sedem figuretur.

Deum sedere super Cherubim, locutio Scripturæ familiaris.

Distinctio nem inter angelorum & hierarchias & choros non adeo clarè in Scriptura contineri.

In Ecclesiastica saltem hierarchia Thronos Cherubinis esse superiores. Ordo distinctionis in tribus angelorum hierarchijs.

Quid de chororum distinctione



Quid per  
seniores.

Quid per  
quatuor  
animalia.

In Dei sede  
perfectam  
cognitionem  
& sanctitatem  
tem figu-  
rari pro-  
batur.

Chrysostomi  
opinio de  
Thronis.

Sacerdotes  
ac Episcopi  
quanta cu-  
ra suum  
munus de-  
beant pre-  
stare.

Dei sella ex  
Cherubinis  
quomodo  
conspicitur.

faria est, ut quis egregius sit Christianæ legis cultor; & Deo perfecte placeat. Dei solij symbolo indicatur: symbolo verò seniorum, sacerdotale munus & sanctitas illi conueniens: Apostolica autem dignitas, eiusque sanctitas, Episcoporum propria, in animalibus quatuor figuratur. Atque in primo horum graduum ad Cherubinos alluditur; in secundo ad Thronos; in tertio ad Seraphinos. Ex quo posset aliquis cōiungere, similiter in cælesti hierarchia accidere; ut ij, quibus nō incumbit illuminare alios, sed Dei solum cognitione frui, ipsumque contemplari, sint Cherubini: & qui selecti sunt, ut sint præfecti & quasi mediam dignitatem teneant, sint Throni: qui verò ad superiorem gubernandi rationem & ad alios ardendi charitatis igne inflammandos euecti sunt, ij Seraphini appellantur: atque ita ad Cherubinos spectet contemplatio; potestas ad Thronos; & ingens inflammatio ad Seraphinos. Quod est distribuere illis tria illa attributa (potentiam, sapientiam & sanctitatem) quamvis non eodem ordine, quo singulis diuinis personis tribuuntur. Ceterum hierarchiam cælestem doctioribus relinquens, de tribus illis Ecclesiasticæ gradibus, deque textus ipsius applicatione deinceps agam.

Symbolum Dei sedis (ut diximus) perfectam cognitionem, perfectamque sanctitatem innuit, quæ primitiue Ecclesiæ tempore non solum in Apo- tolis & sacerdotibus, sed in priuatis etiam hominibus ferè splendebat. Ad quam significationem apostolum valde est throni Dei symbolum. Quod enim augustius diuinæ maiestati solum, quam perfecta cognitio atque charitas eorum, qui ipsum & attenta cognitione contemplantur, & ardenti prosequuntur amore? Hic certè thronus ita est Deo gloriosus, ut existimarit Chrysostomus Dei thronum esse symbolum, quod omnium maxime eximiam cognitionem & sanctitatem representat. Ideo enim sibi sanctus doctor persuasit, Thronorū chorū (hos namque ille pro Dei sede intelligebat) Seraphinis excellentiorem esse: cum Deo nil videatur esse propius, quam Dei ipsius sedes. Enimvero à veritate non recedentes, Chrysostomi veris faciemus satis; si aduertamus rationem throni Dei, Cherubinis, Thronis & Seraphinis Ecclesiasticæ hierarchiæ esse communem. Nam inferioris excellentia in superioris excellentia clauditur; ut iam dixi. Seraphinis autem non ideo diuersum aptatur symbolum, quod illis Dei esse thronum non optime quaderet: sed quia præter id, quod est Dei esse sedem, (id est, eum perfecte cognoscere atque amare) maxima etiam vi & contentione, animarum saluti & sanctitati student. Quam ad rem in eis agnoscamus oportet significationem, quam Dei sedes in se continet, id est, Dei ipsius cognitionem perfectissimam & inflammatum amorem. Cum autem Deum & contemplandi & amandi excellentia sit, quæ in eis maxime elucet, quæque ipsi propius ad infinitam illam maiestatem accedunt; ideo summo artificio fuit excogitatum, ut egregia hæc facultas cognoscendi & amandi Deum, sedis symbolo notaretur, quod ceteris symbolis plus est cum Deo copulatum: quod aliqua ratione desiderio Chrysostomi satisfacit.

Hac insuper consideratione obiter sacerdotes & Episcopi admonentur, ut pro aliorum salute ita excubias agant, ne interim in propriæ salutis cura per incuriam & oscitantiam conuiueant. Hoc enim pacto præcipuum Deo obsequium impendunt. Siquidem licet ex senioribus aut ex animalibus aliquis non sit, potest tamen supra Episcopos multos ac sacerdotes gratior diuinæ existere voluntati, si veræ sanctimonix ac virtutum omnium perfectioni per Dei solum significatæ, accuratius quam illi, strenuam nauarit operam.

Supereft breuiter Dei sellæ rationem expendere, quod facilius & clarius allusio ad Cherubino- rum percipiatur. Aduerto igitur in primis manifestam esse in toto hoc capite 4. ad templum Salomonis allusionem, ut seorsum ostendimus notat. XIV. Quare, ut consequenti ordine procedatur, Dei sedes concipienda est, illius instar, quam Deus in Salomonico templo habebat. Atqui ex tredecim Scri-

pturæ locis constat, illam, quæ in templo erat sedem, non esse aliam, quam Cherubinos ipsos, qui supra Propitiatorium siti semet mutuo aspicebāt; & alas in eam fere rationem habebant extensas, ac si duo homines è regione brachia contenderent atque coniungerent, ut alius desuper impositus cōsideret. Itaque Cherubino- rum capita erant veluti brachia sellæ: Cherubino- rum verò alæ & brachia pro sede erant.

Scio non deesse, qui in Apocalypsi & in Ezechiele, quatuor animalia respondere putet duplici Cherubino- rum pari, videlicet paruis duobus, quos Moyses extruxit, & duobus alijs ingentibus à Salomone fabrefactis: ita ut ex utroque pari quadriga componatur. Hæc tamen excogitatio valde est violenta: nec enim proportione aliqua copulantur inter se exigui Cherubini (qui vix cubiti longitudinem habent) & duo alij bene magni, qui decem cubitos longi sunt. Præterquam quod vtrorumque significatio non nihil diuersa est, ut suo loco palam fiet. Quare non est cur frustra laboremus in eiusmodi quadriga ex quatuor Cherubinis confingenda. Aliam enim ob causam duo Salomonis Cherubini in quatuor commutantur, Dei sella interim absque vlla mutatione manente, ex duobus scilicet Cherubinis paruulis compacta: eam verò velle alio modo effingere, fingere potius est.

His positis, propria duorum Cherubino- rum, quos Moyses effecit, significatio (atque eadem est aliorum ingētium Salomonis) est Dei seruorum sanctitas ac sapientia, de quo sane infra Apocal. 1.1. vbi de duobus testibus. Quod autem parui Cherubini ex auro sint, & ex eis Dei sella componatur, vtrumque fuit aptissimum, ut significaretur, quantæ Deo voluptati sit suorum fidelium obsequium, quo ipsum agnoscunt ac diligunt, & symbolum quidem paruulorum Cherubino- rum ad angelos trāslatum, commune est omnibus hierarchijs, propter ea quæ diximus de vltimi chori perfectione ceteris choris communi. Atque hæc excellentia est, quam angeli omnes maximi faciunt. quæ tamen, si in ordine ad primam hierarchiam consideretur, Cherubino- rum chori propria est, iuxta ea quæ superius diximus. In Ecclesiastica ergo hierarchia cōgruens valde fuit, ut per allusionem ad primam cælestem, Cherubino- rum siue Dei sedis symbolū tribueretur ijs, qui in Dei ipsius cognitionem & amorem se totos darent, eique sedem suā in pectore defigerent, alio præterea Ecclesiæ gradu immunes.

Transeamus iam ad quatuor & viginti seniorum thronos. Ac primò inficiari nemo poterit, quin ad exprimendam præcellentem dignitatem, quam Christus Dominus Ecclesiæ sacerdotibus fuit impertitus; nec non ad potestatem explicandam homines à peccatis absoluedi, & Christi corpus, sanguinemque sanctissimum conferendi; mirificum extitit symbolum, quo eis throni coram infinito Deo conceduntur. Vnde patet mox perspicua allusio ad illū primæ hierarchiæ chorū, qui Thronorū appellatur; propter excelsum, quam in celo obtinent, dignitatem. Manifesta est insuper allusio ad 24. seniores, id est, ad primogenitos familiarum ex Aarone descendentium, qui principes Dei & principes Sanctuarij dicuntur, 1. Paral. 24. 5. ut in commentario dictum est.

Reliquum est ut de symbolo quatuor animalium aliquid dicamus. Et primū ex allusione ad caput Isaia sextum constat, mystica illa animalia, quæ Isaia vidit, ad distinctionē paruorum Cherubino- rum appellari Seraphinos. In Ioanne etiam clara est allusio, tum in alis senis, tum in iterata illa acclamatione, Sanctus, sanctus, sanctus. Quare optime cohæret, ut apud Ioannem habeatur respectus ad primam angelorum hierarchiam, Cherubinis, Thronis & Seraphinis constantem. Nam Cherubinis, Dei sedes: Thronis, seniores: Seraphinis, mystica animalia respondent. Vbi animalium symbolica significatio (ut in commentario videbimus) ad Apostolos & viros Apostolicos haud dubiè spectat; qui Seraphinos, in cælesti curia præstantissimos, muneris sui dignitate respiciunt. Atque hos ipsos Apostolicos viros Isaia ipse Seraphinos vocat, ad quos incumbit terram ardenti Dei charitate inflammare.

An quatuor  
Apocalyp-  
pseos anima-  
lia responde-  
ant duplici  
Cherubino-  
rum pari,  
qui in tem-  
plo erant.

Quid per  
paruos Mo-  
yses Cheru-  
binos deno-  
tatur.

In Ecclesi-  
astica hie-  
rarchia,  
quibus Cheru-  
binorum  
symbolum  
tribuitur.  
Seniorum  
coram Deo  
sedentium  
dignitas &  
excellens.

Quibus  
Dei throni  
symbolum  
quaderet.

Seraphino-  
rum symbo-  
lum quibus  
conueniat.



Cur in Salomoni templo, præter duos paruos Cherubinos, duo alij fuerint ingentes.

Cur magni Cherubini visera oleaginis habuerint? Per oleam significari misericordiam.

In Isaiâ Seraphinis respectum haberi ad magnos templi Cherubinos.

Cur animalia Ioanni visa in conspectu sedis fuerint quatuor.

Quid per animalium symbolum significetur.

Ex his quæ hæcenus diximus, facile cernitur, quantopere expedierit, ut in Salomonis templo præter duos illos exiguos Cherubinos, qui Deo pro fella substabant, duo alij fuerint prægrandes, qui sua magnitudine & proceritate repræsentarent ingentem Dei cognitionem pariter & amorem in viris Apostolicis existentia atque vigentia. Quod si eadem esset omnino vtrorumque significatio, sufficeret ut alteri in templo essent: quemadmodum & Moysi candelabrum, propositionis mensa, labrum æneum & altare holocausti, commutata sunt in novum candelabrum & mensam, in mare æneum & novum altare. Enim verò cum Salomonis templum fuerit Christianæ Ecclesiæ figura; ad clariorum virorum sanctissimorum distinctionem, qui fuerant in ea exituri, percommode accidit, ut permanentibus adhuc exiguis illis Cherubinis, duo insuper aurei & oleagini colossi denuo adderentur. In quibus licet ad principes ac Seraphinos hierarchiæ cælestis respiciatur; propria tamen & germana eorum significatio viros Apostolicos denotat. Quam ad rem diuino planè consilio excogitatum fuit, ut intrinsecus ex oliuo constarent, ad viscera misericordiæ significanda. Notum enim est olea significari misericordiam. Vnde non semel Paulus ad angelos illos oleagina viscera habentes alludit: ubi de visceribus misericordiæ agit, ut ad Philippens. 2. 1. & ad Colossens. 3. 12. Atque de hac virorum Apostolicorum misericordiâ Christus agit Matt. 5. 7 cum ait, *Beati misericordes*. ac de eisdem est sermo Zachariæ 4. fin. vbi LXX. legunt, *His sunt viri misericordie*. Nam interna erga hominum scelera commiseratio atque ingens charitas sanctissimos homines impulit ad maximos in euangelica prædicatione labores fortiter & alacriter subeundos. Atque adeo in paruulis Cherubinis, ad quos ex ipsa significatione, prædicatione euangelica non incumberebat, viscera ex oliuo opus non erant: secus verò in magnis, cum ad eos hoc munus spectat. Ad hosce igitur duos magnos Cherubinos singillatim spectauit visio illa Isaiæ 6: vbi duos Seraphinos solum vidit Isaias, ut postea planum fiet. Atque binarius hic numerus, præter alia recondita sensa, eandem habet doctrinæ & sanctitatis rationem, quam duo parui Cherubini. In hac autem significatione perspicuum est, vtrumque Seraphinum cuiuscunque Apostoli esse symbolum, cum in quolibet eorum & sanctitas & doctrina mirum in modum enituerint.

Quatuor item admiranda animalia, quæ Ioannes conspexit, licet seorsum singula non ineptè applicentur, rectius tamen omnia coniunctim sumpta cuique Apostolorum aptantur. Quod verò duo, quos vidit Isaias, in quatuor illos à Ioanne conspectos fuerint commutati; non ideo fuit, quod duo illi Moysi sese adiunxerint ad grandiores alios à Salomone factos; sed ut Apocalypsis visio non solum responderet visioni Isaiæ, sed etiam Ezechielis. Etenim licet Ezechielis animalia viros Apostolicos non directè significabant, sed Archangelos potius & cælestis hierarchiæ principes (ut alio loco explicabitur,) ceterum hierarchia Ecclesiastica cælesti responderet. Et quemadmodum expediens fuit, ut in cælestis hierarchiæ symbolo; præter duos illos paruos Dei selle Cherubinos, Ezechiel ostenderentur pro duobus grandioribus, quatuor mirabilia animalia, quæ currum diuinæ Providentiæ antecedentia, cælestium Dei ministrorum (quorum ministerio in antiqua Ierosolymæ deuastatione usus est, quam ipsi ad morum populi reformationem dirigebant) Virtutem, Sapientiam, Æquitatem, & Beneficentiam indicarent; ita etiam congruentissima exitit ratio, ut in gloriosa Ecclesiæ Christianæ primitiæ pictura (quæ Ioanni fuit cap. 4. Apocalypsis. ob oculos posita) per allusionem ad eadem 4. Ezechielis animalia Ioanni monstrarentur Ecclesiæ ipsius principes ac velut antesignani sub quatuor admirandis animalibus figurati; in quibus nihilo segnius emerent Virtutis, Sapientiæ, Æquitatis ac Beneficentiæ symbola; quorum clarissima documenta in re

A multo difficiliore Christianæ Ecclesiæ principes ederent, nimirum in grauissimo bello, quod cum Synagoga & Gentilismo gerebant, quod exitum felicissimum habuit.

Præterea quemadmodum in duobus Cherubinis paruis, itemque in maioribus, binarius numerus, sanctitatis ac doctrinæ societati responderet; & vtraque in eadem persona reperitur: ita etiam mysticorum animalium quaternarius apud Ezechielem ad quadrigæ figuram aptatur; & in Apocalypsi visioni Ezechielis responderet: eâ tamen ratione, ut quatuor simul animalia cuilibet ex Ecclesiæ principibus, aut etiam ex cælestibus congruant. Quod qui nouum & insolitum reputer; is non se satis in ænigmata enodatione versatum ostendit; nec planè aduertit, de vno eodemque propheta dici interdum, *Currus Israel & auriga eius*; interdum de alio.

B Ac licet non defuerit, qui nouem angelorum ordinum siue chororum nomina, Ecclesiasticis ministris distribuerit, (ut sanctus Photus presbyter libro quarto de statum domus Dei cap. 16. & habetur tom. 6. Bibliothecæ,) illud tamen fortè violentum est. Nam trium hierarchiarum distinctio non rectè Ecclesiasticæ hierarchiæ videtur accommodari. Atque ad primitiæ Ecclesiæ perfectionem & sanctitatem exprimendam summopere oportuit, ad supremam solum cælorum hierarchiam per allusionem attendi. Atque hæc eadem Apocalypsis allusio nonnihil fortasse lucis tractationi de cælesti hierarchia attulit. Ostendit enim ex comparatione alterius, de altera (nempe de cælesti) philosophari non posse. Deinde facile est, distinctionem trium cælestium hierarchiarum notare: & affirmare probabiliter, thronos, qui ex prima hierarchia sunt, auctoritatem & potentiam à Deo proximè acceptam Potestatibus, qui ex secunda sunt hierarchia, communicare: hos Principatibus, qui ex tertia sunt. Et quæ ratione de potentia initur ratiocinatio, eadem potest de sapientia, ac de amore seu voluntatum inflammatione iniri. Certè hac inductione probabiliter satis nouem chororum cælestium numerus videtur percipi posse. Et fortè cap. 1. Ezechielis, aliqua est horum nouem ordinum effigies, nedum vmbra. Finis enim capitis illius est, Dominum exercituum proponere ob oculos, falcato in curru ad Ierosolymæ exitum properantem. Ad hoc autem congruè fuit, Deum suorum ordinum ac militum satellitio septum ac stipatum depingere. De quo fortasse nonnihil dicemus in eius capitis commentario.

D Illud mihi per obliuionem penè abierat; quod scilicet, ut senioribus & animalibus, maximæ prærebus ceteris æstimationis est, Dei esse sellam: ita similiter, licet mystica animalia senioribus superiora sint, si tamen comparentur inter se & seniorum dignitas, & id, quod supra ipsam addit, mysticorum animalium, (id est, Episcoporum & Euangelicorum concionatorum) ratio, maior est sacerdotalis dignitatis excellentia, quam totum id, quod præterea Episcopi etiam summi gradus addit. Idcirco, ut sacerdotalis dignitatis magnitudo constaret, iure coram excelso Deo seniores in thronis sedentes apparent. Ut autem innuatur Episcopi munus, etsi maximum & admirabile sit, ceterum quod supra sacerdotem addit, laboris potius quam honoris esse nomen; animalia, etsi Deo propiora, stantia tamen apponuntur, & plena vndique luminibus, in laboris assidui & prouidæ vigilantie significationem.

E Nihilominus tamen 4. animalium symbolum egregium est ad Apostoli muneris præstantiam & amplitudinem demonstrandam; cui muneri Episcopalis cura operis vicaria succedit: quemadmodum 72. discipulis, presbyteri similiter subeunt. Atque de vtraque tam Episcoporum, quam sacerdotum successione agunt, (præter Maldonatum & Salmeronem & Lorinum, quos supra citauimus in commentario) Bellarminus lib. 1. de cleric. cap. 14. & 15. Stapletonius in Acta c. 20. versu 28. & Enriquez 3. de penitentia, cap. 5. num. 5. litera Z.

Quatuor Ezechielis animalium mysterium.

Ex Apocalypsis doctrina non parum lucis in tractationem de angelis deriuatur.

Episcopale munus quod plus habet dignitatis, eo plus laboris ac sollicitudinis habere.

Cur 4. animalia coram Dei throno non sedent, ut seniores, sed stent.



## T E X T V S:

*Vers. 5. pars I.* Et de throno procedebant fulgura, & voces, & tonitrua.

## C O M M E N T A R I V S I.

*De specie ipsa visionis.*

**Q**UOD textus ait, de throno fulgura & tonitrua processisse; intelligendum est de throno Dei, non de thronis seniorum. In coniunctione autem tonitruorum & vocum congruentius fore existimo, si voces à tonitruis distinguantur; ac voces ad humanas referantur tonitruis cælestibus admixtas. Etenim licet in Apocalypsi tonitrua interdum ipsa, sint articulatae voces; ut videre est cap. 10. 3. vbi legimus, *Loquuta sunt tonitrua voces suas*, & cap. 19. 6. vbi auditur vox tonitruorum magnorum dicentium Alleluia: & licet interdum nomen vocum pro tonitruis accipi posse prima specie videatur, ut c. 11. 19. *facta sunt fulgura & voces*: ceterum in vocum & tonitruorum coniunctione distinctio utrorumque facile deprehenditur. Quare illud multò & probabilius, & textui explicando aptius iudico; ut scilicet humanas voces cum cælestibus tonitruis consociemus. Atque huic explanationi robur accedet ex loco illo cap. 11. 19. *facta sunt fulgura & voces*: ut ibi videbimus.

## C O M M E N T A R I V S II.

*De significatione symbolica fulgurum, vocum & tonitruorum.*

**I**AM, si interpretationem species, communis est, fulgura referenda esse ad miracula: tonitrua vero & voces ad prædicationem; cum diuinæ Providentiæ sit gloriosissimum, Euangelij prædicationem cum cælesti vi, & miris inauditisque prodigijs copulare. Atque hanc prædicandi rationem, vbi promulgatio ipsa efficax satis ac potens ingenti miraculorum multitudine roboratur, propriam esse legis gratiæ perhibent. Huiusmodi interpretationem illud non parum fouet, quòd certum omnino sit, tonitrua Psal. 28. significare vim prædicationis Euangelicæ, qua Deus Gentilitati bellum indixit. In ipsis etiam fulguribus lucem inter densa nubila radiare, indicat inter nebulam ipsam, atramque caliginem, qua diuina Providentia sæpe sua opera inuoluit, miraculis ac prodigijs, quasi mysticis quibusdam fulgetris, effici, ut veritatis interniteat lux; & repugnantium tenebræ clarissimis radijs dissipatæ funditus euanescent.

Huic expositioni addunt nonnulli, quemadmodum in monte Sina (Exod. 19. 16.) *Coperunt audiri ac micare fulgura*, & exitus fuit is, ut timor Dei esset in vobis. (Exodi 20. 20.) ita etiam in præsentī tonitrua hæc atque fulgura spectare ad Dei maiestatem ostendendam ac terrorem hominibus iniiciendum; præsertimque ad æterni supplicij comminationem. Ita Ambrosius hic & alij.

Verum in prædicta explicatione nonnulla mihi occurrunt, quæ difficultatis habent haud parum. In primis significatio terroris minimè videtur ad rem. Huius enim capitis scopus est Christianæ Ecclesiæ excellentiam nobis proponere; & demonstrare pariter, quantopere illa templo Salomonis præstantiā & amplitudine antecedit. Atqui Ecclesiæ Christianæ non ita videtur proprium, interrorum metu deterrere. Nec magni refert, tonitrua ac fulgura in libro Exodi significationem habere terroris. Tormenta enim ænea disploduntur nonnunquam ad hostes prosternendos, aut à muris procul arcendos; interdum verò in festiuitate celebritatis ac lætitiæ significationem, ut quotidiano docemur experimento. Est igitur querenda interpretatio huius cap. finis & scopo cōsentanea. Deinde difficultate non caret, quòd tonitrua isthac Euangelij promulgationem, eiusque efficacitatem denotent. Nam Euangelici concionatores, ut infra planum fiet, quatuor animalibus figurantur; tonitrua autem à throno ipso procedere, textus exprimit; cum tamen thronus eos significet, tanquam in proprio throno. Quare non hic videtur esse sermo de prædicationis Euangelicæ tonitruis. Isthac enim tonitrua ad animalia pertinent quatuor: at de illis hic agitur tonitruis, quæ procedunt de throno Dei. Adde huc, in symbolis concreta ab abstractis non solere distingui. Leo enim (exempli gratiā) & fortem & fortitudinem sine discrimine significat. Vnde in hoc capite idoneum non est, ut aliud symbolum (nempe quatuor animalia) Euangelij prædicatoribus; aliud (id est, tonitrua) ipsi prædicationi assignetur. Difficile insuper est, miracula prædicationem comitantia per fulgura denotari. Primo, quia miracula à Prophetis seu cōcionatoribus patrari, non est nouum quid, & legis solum gratiæ proprium. Nouimus enim multa & admiranda prodigia à Mose, ab Elia, ab Eliseo, atque ab alijs legis antiquæ prophetis fuisse edita. Quamobrem cum in hoc capite potissimum agatur de proprijs Christianæ Ecclesiæ excellentijs, quibus illa Iudæorum synagoga præstat; non erant ad hoc proferenda miracula. Secundo, quia tonitruorum, fulgurumque coniunctio, ita est à naturā necessaria, ut tonitrus absque fulgure esse non possit. Constat autē efficacissimam Euangelij prædicationem, absque miraculorum gratiā sæpe contingere. Ideoque optabile valde est, ut fulguri ea significatio præscribatur, quæ cum prædicationis vi & efficacia ita coniuncta sit, ut nunquam tonitrus à fulgure disjungatur.

His argumentis adducor, seu trahor potius, ut aliam excogitem explicationem, quam nunc lectori expendendam subiiciam. Obseruandum ergo est primò, fulgura & tonitrua nusquam sine nubibus accidere. Quare, cum ad Salomonis templum manifestè in hoc capite fiat allusio (ut diximus supra, & infra amplius explicabimus) dicente Ioanne, ex Dei throno fulgura & tonitrua processisse, tacita quædam delitescit hic comparatio throni huius cum eo, quem in Salomonis templo habebat Deus. Ea autem est, ibi in templi dedicatione verè ex Dei throno nubes

De Dei sedem throno, non de seniorum, fulgura & tonitrua processisse.

Tonitrua simul cum humanis vocibus fuisse audita.

De fulgure ac tonitruorum mysterio, aliorum opinione.

Difficultates aduersus prædictam expositionem.

In symbolis concreta ab abstractis non solere distingui.

Tacita hic contineri comparationem throni huius cum eo, quem in Salomonis templo habebat Deus.



A prodijſſe, & compleuiſſe templum; vt appareret cælorum Dominum, nubium tempeſtatumque potentem in eo templo ſolum poſuiſſe: in ijs tamen nubibus ſuam quidem Deum oſtendiſſe gloriam; efficacitatem, non item. At in nouo throno, (id eſt in eo, quem habet in Eccleſia) multò maiorem & glorioſiorem diuinæ virtutis manifeſtationem fuiſſe oſenſam. Nec enim ſolum Deus ſuum thronum in nubibus demonſtrat; ſed ſuam efficacitatem in tonitruis ac fulguribus, quæ ex noui throni nubibus continenter prodeunt. Quòd ſi nubes (vt cap. 1. vidimus) eximios ſanctitate viros indicant, qui filij Dei appellantur; ſancti quidem veteris legis viri glorioſiſſimæ Deo extitère nubes, non tamen in ijs ingens illa emicuit vis ad animarum conuerſionem. At noui throni nubes ſuis tonitruis atque fulgetris efficaciffimæ ſunt.

B Secundò obſeruandum eſt, in Eccleſia primitiua non modò Apoſtolos, Epiſcopos, Concionatores Euangelij ac ſacerdotes; ſed generatim totum Eccleſiæ corpus, & ſingulos etiam Chriſtianos: nec eos ſolum, qui cæleſtium rerum contemplationi ex inſtituto vacabant, ſed etiam qui coniugalem vitam tradebant, magna diuinæ virtutis documenta ſolitos edere; & optimo exemplo, ſanctiſſimæ vitæ communionem, ac priuatis de vera animorum ſalute colloquijs plurimos ad Chriſtianā religionem conuerſiſſe. Quæ ſanè ingens virtus, & in aliorum conuerſione efficax gratia (qui verè eſt ſanctificationis ſpiritus) cum ipſis Eccleſiæ naſcentis exordijs habuit communem ortum. Nec in concionatoribus ſolum Euangelicis; ſed in quibuſuis etiam Chriſtianis hominibus, atque adeò in vniuerſo Chriſtiano populo cœpit vigere. Quemadmodum nunc in florenti aliquo religioſæ familiæ inſtituto, vbi omnes generatim virtutis & ſanctitatis ſtudio certatim ferueant, non concionatores ſolum ad veram pietatem traducunt homines, ſed iſetiam qui domeſticis miniſterijs ex peculiari vitæ ratione addiſti ſunt, vt ianitor, ædituus atque alij generis eiufdem. Id quod ab eiufmodi interdum viris eò efficacius præſtatur, quò ſingularia exempla ſolent eſſe potentiora. Vnde rectiſſimè S. Petrus de ſceminis Chriſtianis ait epistoła 1. cap. 3. 1. *Si qui non credunt verbo* (ſcilicet prædicationis Apoſtolicæ) *per mulierum conuerſationem ſine verbo lucrifiant.* Conuerſationis autem nomine & probum exemplum & ſancta colloquia comprehenduntur. Ad hoc ergo repræſentandum aptiſſimè deſeruiunt tonitrua & fulgura de Dei throno procedentia. Etenim ſi ſermo ſolum eſſet de concionatoribus ipſis, non dicerentur fulgura & tonitrua de throno procedere. Nam quatuor animalia ſunt concionatorum ſymbolum: thronus autem eos omnes ſignificat, qui excellenti Dei cognitione & amore, ſuo in corde ſedem Deo fabricant, vt ſuperius oſenſum eſt. Quapropter vt ſignificetur hoſce omnes in animorum conuerſione acriter & ſtrenuè laborare; nihil congruentius, quàm fulgetra atque tonitrua, vt à Dei ſede exilientia, depingere. Atque hæc eadem eſt fulgurum ſignificatio Pl. 96. 4. *Illuxerunt fulgura eius orbi terræ, vidit & commota eſt terra.*

C Tertio, vt ad diuerſitatem vocum, tonitruorum & fulgurum progrediamur; humana vox cum cæleſti tonitruo ſociata, ſatis indicat præpotentem diuinæ vocis virtutem ſeſe humanis vocibus ducem & comitem præbuiſſe. Idèd enim in ſacris Literis tonitrus appellatur vox Domini. Atqui vox Domini efficax ex ſe eſt ad ſopitum excitandum, mortuum ad vitam reuocandum, atque animos facili negotio commutandos. Huiusmodi autem efficaciam habent eorum verba, qui thronus Dei ſunt; id eſt, qui in Dei cognitione & amore primas ferunt: quorum ſermones ſunt quidem humanæ voces, ſed cum cæleſtibus tonitruis coniunctæ, admirabilis ad hominum conuerſionem efficacitatis.

D Tonitruum verò, fulguris que coniunctio indicat in tonitru cæleſtem virtutem, in fulgure illuſtationem, & cum ſerè oculis priùs fulgur, quàm auribus tonitru accipiatur; ideo in textu ſeruatur ordo, *fulgura & voces & tonitrua*. Debet igitur optimi exempli lux verborum virtutem & robur antecedere. Et quidem in medijs Gentilium ſuperſtitionum tenebris, hæc vitæ ſanctiſſimæ fulgura, hæc tonitrua potentium & efficacium verborum, toti orbi oſtenderunt veri Dei thronum in Eccleſia Chriſtiana reperiri. Quin & ipſamet tonitrua atque fulgura, latiffima ex vna parte ac feſtiniſſima ſunt, ex altera verò Eccleſiæ hoſtibus horribilia ac formidanda. Illis enim, quaſi diſpoſitis quibuſdam bombardis, Chriſtus Saluator noſter bellum cum Gentibus geſſit, eaſque ſuæ ſubdidit ditioni.

E Quod autem de exemplo & colloquijs fidelium primitiue Eccleſiæ dicitur, idem multo excellentius de Euangelij miniſtris, id eſt, de Apoſtolis & concionatoribus poſſe dici, perſpicuum eſt. Ceterum duplicem præſertim ob cauſam aſſeueratum prudenter eſt, fulgura & tonitrua de Dei ſolio procedere. Primò, vt omnes norint, proximum ad pietatem quā verbis, quā exemplo promouere, non ad prædicatores ſolum ſpectare, ſed ad omnes generatim fideles, ſpecialim que fuiſſe eam primitiue Eccleſiæ excellentiam, vt vulgi ad pietatem accenſi conuictu atque commercio, multi ad fidem Chriſti traducerentur. Deinde, vt Epiſcopi ipſi & concionatores intelligant, ſuarum concionum vim & efficacitatem, in Dei potiſſimum notione atque amore niti debere. Tonitrua enim ac fulgura, quibus bellum Gentilibus inferebatur, ex Dei procedebant throno, qui (vt iam diximus) excellentiam diuini amoris & cognitionis ſignificat. Vnde ſutilis inanisque ſerè eſt concionatoris labor, qui in vera ſapientia & ſanctitate non fundatur.

In antiquis quidem tragœdijs tonitruorum ac fulgurum imitatio extitit interdum. Hinc Scaliger in Poëtica lib. 1. cap. 21. *In theatris, ait, erat quedam machina circumductilis valde excelsa, in qua vitres calculorum pleni cum aneis vaſis: vnde fulgura exibant, tonitrua exaudiebantur, fulmina mittebantur; vt in Aiace.* At in Apocalypſi ex ipſo Dei throno prodeunt. Poſſet hoc diſcrimen eò accomodari, vt ridicula ſit planè & nugatoria eorum in concionando vis, qui in actione & pronuntiatione mimos potiùs & hiſtriones, quàm veros diuini verbi concionatores agunt. Sincera namq; & germana fulgurum tonitruorumque vis ea eſt, quam quis ſibi comparauit ex eo, quòd ſe Dei thronum in eius cognitione atque ardenti charitate præſtiterit. Quo ex throno deinceps abſque vlla fictione aut machinatione, prædicta fulgetra atque tonitrua erumpunt.

Hoc eodem fulgurum tonitruorumque ſymbolo multò plus delectabitur, qui naturalem tonitruorum ac fulgurum philoſophiam apprime calluerit: de qua optimè Conimbricenſes noſtri.

Quantus in primitiua Eccleſia fidelibus feruor pietatis & aliorum ſalutis procuranda.

Quid per fulgura denotetur.

Cur hic humana voces cum fulguribus ſociata ſignantur.

Quid denotet tonitruum, fulguris que coniunctio.



*Tonitruorū  
ac fulgurū  
philosophia  
mysterium.*

*Tonitruū  
sonitus, ac  
fulguri lux  
unde incre-  
menta acci-  
pant.*

*Cur huma-  
na etiam  
voces de Dei  
throno pro-  
cedant?*

Summa autem hæc est. Intra nubis sinum accenditur in exhalatione ignis. Deinde accidit, quod in æneâ bombardâ seu ferreo sclopo solet contingere. Cum enim accensa materia summâ celebritate dilatur; necesse est nubem extemplo magnâ cum vehementiâ disrumpi, & latentis ignis lucem oculis, auribus discissâ nubis strepitum obijci. Quis ergo neget, Spiritum sanctum (qui & mentes illuminat & voluntates inflamat) cælestem esse ignem intra mysticę nubis præcordia succensum? Huius igitur ignis vis atq; impetus quascunq; difficultates sibi obliuctantes superat, foras prodire gestiens. Atq; eius virtutis effectus is est, vt scilicet oculi externam illam internæ sanctitatis manifestationē, aures doctrinæ sonitum & efficacitatem excipiant. In hac certē philosophia facillē apparet, quātopere sint inter se tonitrus & fulgur vnita, nec non clarē perspicitur, fulgur esse sanctitatis exemplum, quod hauriunt oculi; tonitrum autē efficacem atque potentē sermonem, aures penetrantem. Notandumque est, quanto maior est ignis repugnantia, dum ē nube erumpit, eō vehementius edi tonitruum, & intermicantius fulgetrum, si ingens fuerit ignis in nube accensus. Ita in primitiâ Ecclesiâ, cum aded magnus esset Spiritus sancti ignis, quem Deus in cordibus fidelium accenderat; cumque tanta esset in fidelium repugnantia, oppositis mōlibus & machinis obstitentium; hinc est, eō magis magisque diuini ignis virtutem sese extulisse, quo plures illi obices & grauiora impedimenta obdebantur. Atque hoc pacto, *in omnem terram exiuit sonus eorum, & in fines orbis terræ verba eorum.*

Satis ex dictis percipitur, quā fuerit fulgurum & tonitruum symbolum egregium ad ostendendam Christianæ Ecclesiæ doctrinam & sanctitatem, & miras cælestis virtutis in tanta rerum obstantium pugna effectiones. Et quanuis, si naturæ ordinem spectes, prius sit illuminari mentem, quā voluntatem accendi; re tamen ipsa prius cernitur fulgur, mox tonitrus auditur. Dicam clarius. Congruens ordo est, vt prius concionatoris integritas & sanctitudo sese oculis conspicuam præbeat; deinde quo sanctitatis fulgor magis fuerit illutris, eō doctrinæ tonitrus vehementior efficaciorque euadet. Iam quod de concionatoribus diximus, idem suo modo ad pia ceterorum fidelium colloquia debere extendi, superius animaduertimus.

Diximus affatim de fulguribus, deque tonitruis. Restat nonnihil obiter de vocibus perstringere, nimirum explicare paucis, in quo sensu dicantur voces de Dei throno procedere. Nam cum humanæ sint voces, (vt diximus suprâ,) non apte dicuntur de throno exire, licet id de tonitruis & fulguribus dici possit. Respondeo tamen, magnâ cum energiâ id affirmari. Sancta enim verba & pia loquendi ratio in optimo quoque fidei debet esse eiusmodi, vt perspicuē agnoscat, verba illa ab ingenti luce cognitionis Dei, & ab ardenti pariter ipsius amore originem ducere.

## T E X T V S.

*Vers. 5 pars 2.* Et septem lampades ardentes ante thronum, qui sunt septem spiritus Dei.

## C O M M E N T A R I V S.

*Septem  
lampades  
quomodo  
sint conspi-  
enda.*

**I**N septem hisce lampadibus alluditur proculdubio ad lucernas septem candelabri aurei, quod erat in Salomonis templo. In quibus septem lucernis totidem planetę figurantur, & hîc quidem candelabri lucernæ recte concipiuntur, ante Dei thronum existentes. Erant enim pro foribus abditus illius recessus, qui sancta Sanctorum appellatur, (in quo credebatur Deus sedere super Cherubim.) eo fere modo, quo ante Sanctissimę Eucharistię sacrarium accensę lampades pendere solent. Et in Ioannis visione, cum nulla esset diuisio inter sanctum & sancta Sanctorum, (in quo significabatur *propalata iam esse Sanctorum via*) magis propriē dicuntur septem lampades esse ante thronum Dei. Nam cum inter ipsas & thronum nihil diuisionis intersit; ardentes lampades, Dei thronum illustrant, eiusque gloriam alijs conspiciendam præbent. Cohæret cum hoc, quod in Isaia visione cap. 6. (vt suo loco explicabitur) non videtur thronus in sancto Sanctorum apparuisse prophetę, sed in sancto.

Quod ad visionem attinet, aliquis in eam fortē coniecturam deueniret, lampades quas Ioannes se vidisse testatur, cum essent lampades in cælo, considerandas esse vt cælestes lampades, id est vt stellas, & planetas. Ceterum propter allusionem ad septem candelabri lucernas, congruentius videtur, si Salomonici templi lucernis similes concipiantur. Porro earum significationem expresse ponit textus, dicens; *Qui sunt septem spiritus Dei*, id quod iam satis à nobis explicatum est cap. 1. ad ea verba, & *à septem spiritibus, qui in conspectu throni eius sunt.*

*Septem  
lampadum  
significatio.*

## T E X T V S.

*Vers. 6. pars 1.* Et in conspectu sedis tanquam mare vitreum simile crystallo.







## COMMENTARIUS I.

## De visionis specie.

Mare dupliciter in  
Sacris accipi.

Mare ante  
Dei sedem  
usum veri  
maris re-  
ferre simili-  
tudinem,  
plurisque  
placet.

Fuisse tamē  
maris ænei  
simile, de  
verius as-  
firmatur.

Nihil ob-  
stare, quod  
in eodem li-  
bro enigma-  
tico variè  
nomen ma-  
ris accipia-  
tur.

Mare hoc  
ob veri vi-  
tri simili-  
tudine vi-  
treum dici

Qua rati-  
one hoc ma-  
re conside-  
randum sit.

Vitrum sit  
perfectè he-  
misphæriū.

CIRCA visionis formam statuendum primò est, cuiusmodi mare Ioannes aspexerit. Nomen enim maris dupliciter in sacris Literis accipitur. Primùm pro vero mari, qualis est Oceanus, aut mare mediterraneum, sive etiam mare Tiberiadis, aut aliud eiusmodi. Deinde pro vase illo valde capaci, quod erat in templo, & appellatur mare æneum, de quo 3. Reg. 7. 23. & 2. Paral. 4. 8. Plerique ergo interpretes existimare videntur veri maris speciem à Ioanne hîc fuisse visam. Cui opinioni fauere videtur, quod iisdem verbis legimus infra c. 15. 2. *Et vidi tanquam mare vitreum*, vbi figura est maris rubri, quâ filij Israelis transierunt. Ait enim Ioannes de ijs, qui vicerant; *stabant super mare vitreum* habentes cytharas Dei: vbi manifestè alludit ad Israelitarum transitum per mare rubrum, quando de Pharaone triumpharunt, quem Scriptura maris cetum appellat. Quare mare vitreum, in quo novos Israeli as Ioannes se vidisse affirmat, non potest esse aliqua maris ænei similitudo; sed potius maris rubri. Quod dubitabit nemo, qui aduertat, ridiculum plane esse numerosam militum phalangem super mare æneum constituere. Ex hoc ergo loco elici videtur, in præsentia etiam vitrei maris nomen eadem ratione sumendum. Nec enim apparet probabile, in ipsa Apocalypsi vitrei maris nomen diuersè accipi, prius pro maris ænei, deinde pro maris rubri similitudine.

Certum tamen mihi est, mare vitreum, quod Ioannes hoc capite conspexit, fuisse maris ænei similitudinem. Ac primò id sentiunt Ambrosius & alij interpretes; qui aduertunt, mare hîc vitreum cum æneo comparari. Secundò non parum vrget contextus. Toto namque hoc capite continetur manifesta ad templum Salomonis allusio; scilicet noui throni ad antiquum thronum; 24. seniorum ad totidem principes familiarum sacerdotalium; septem lampadum ad septem candelabri lucernas; quatuor animalium seu Cherubimorum ad templi Cherubinos. Quid ergo coherentius, quàm vt maris nomen in hac eadem templi allusione, de similitudine maris ænei intelligatur? Vnde facile mox apparet, quemadmodum illud mare æneum dicebatur, quia ex ære fusili erat; ita hoc ex vitrea materia, vitreum dici.

Ad id verò, quod ex cap. 15. obieciatur de maris vitrei nomine sumpto pro veri maris similitudine; Respondeo, mirum non esse, vt in eodem libro nomen maris variè accipitur, nunc pro mari mediterraneo, nunc pro ingenti illo vase æneo, ita similiter mare vitreum, cum à templo sumitur comparatio, pro vasis ænei similitudine accipi; cum autem desumitur ab Israelitarum traiectione per mare rubrum, pro specie maris Erythraei vel rubri nomen idem vsurpari. Imò verò non solum non est dissimilaneum, sed valde etiam consentaneum, vt in enigmatico libro ad eruditorum exercenda ingenia, eiusmodi acceptionis diuersitas reperiatur. At vbi aduertatur, quid cap. 4. quid 15. agatur, nullius difficultatis erit obseruare, in hoc quarto mare vitreum pro vase; in 15. pro veri maris specie sumendum. Ex dictis infero, nihil esse cur noster Ribera adiectiuum (*vitreum*) de veri vitrei specie refugeret explicare; nec confugeret ad metaphoram seu translationem asserens vitreum pro tranquillo poni. Nam si mare hîc pro vase accipitur (vt probaui,) vitreum ad eius materiam spectare debere, facile cernitur. Itaque comparatio fit quidem cum mari æneo propter similitudinem figuræ & propter æqualitatem capacitatis, cum eo tamen discrimine, quod templi vas æneum erat, vas verò hoc visum à Ioanne, vitreum. Præterea, si semel statuamus sermonem esse de vase, liquidò statim constat nequicquā excogitari, eius aquā appellari vitreā, siue quòd frigore constricta sit, siue aliam ob causam: sed quia vas vitreum erat, & quam in se continet aquam, aquæ liquidæ speciem referebat. Nam vt mare templi æneum aqua erat plenum; ita etiam vitreum hoc mare; id est ingens vas, quod vidit Ioannes, aqua plenum esse considerandum est. Quod confirmatur ex ipso textu, qui ait, *mare vitreum tanquam crystallum*. Etenim si aqua foret coagulata, non diceretur *mare vitreum tanquam crystallum*. Nam in eo mira elegantia est, vt crystallum ne sit, sed vitrum crystallinū. Atqui vnda glacie concreta, plus in se crystalli, quàm vitri crystallini participat. Quare mare vitreum in præsentia est stagnulum siue ingens crater, aut fons magnus aqua plenus, isque ex nitidissimo vitro pellucido & fragili.

Iam, si de ingenti vase vitreo sermo est, simili quoad figuram & capacitatem mari æneo templi; occurrit protinus considerandum illud esse, duodecim bobus impositum, ad eum modum, quo mare æneum boues duodecim suppositi sustinebant. Sed non opus est boues ipsos etiam vitreos existimare. Nam vt mare illud diceretur æneum, si ex ære esset vas, licet boues essent argentei; sic etiam vas illud ex vitro, quamuis bobus æneis sustineatur, propriè & verè mare vitreum appellabitur. Vbi autem textus nihil assignat discriminis; congruentius est, hoc mare vitreum simile omnino putare mari æneo; atque ad eò boues vtriusque æneos.

Cum autem eiusdem atque illud figuræ sit; vt perfectum hemisphærium considerandum est. Ea enim erat maris ænei figura, vt probat optimè Villalpandus noster, tom. 3. in Ezech. tum ex sacris Literis, tum ex Iosepho, Theodoro, Beda, Hugone, Abulensi & Dionysio. Ac licet Pererius lib. 10. in Genes. disput. 4. contendat, non fuisse perfectè hemisphærium: illius tamen argumentis sit cumulatè satis, absque nimio cubiti sacri incremento. Neque enim mare æneum tantam capiebat aquæ vim, quantam Villalpandus opinatur, de quo dicemus seorsum in opusculo de sacris mensuris. Nam nostra etiam intererat in capacitatem maris vitrei non admodum aberrare à vero.

Denique aduerto, ad maris ænei similitudinem tribuendum etiam esse huic mari vitreo labium lilij repandi, & trium vnciarum crassitudinem: id est tres partes duodecimas vnius cubiti, nec enim sit alterius mensuræ mentio, vide 3. Reg. 7. 26. & nota tres duodecimas, efficere quartam cubiti partem, de quo & de mensura cubiti dicemus opusculo illo.







Sed dicet quilibet; Pœnitentiæ & Eucharistiæ frequentatione utitur Ecclesia, ut remedio præsentissimo, quo fideles animi puritatem atque candorem assequuntur: ac proinde congruere, ut hoc remedium sit in mari æneo adumbratum. Negari enim non potest, quin mare æneum fuerit institutum ad frequentem sacerdotum ablutionem. Quare cum omnes fideles sint sacerdotes mystici; & ad eorum frequentem atque perfectam animorum ablutionem ordinata sint Confessionis & Eucharistiæ Sacramenta; apposite satis videtur magnum hoc utriusque Sacramenti præsidium in mari æneo, & multò magis in vitreo adumbrari. Respondeo tamen ablutionem olim sacrificio antecessisse. Atqui Eucharistiæ susceptio, in ijs etiam, qui sacerdotes non sunt, veteri sacrificio responderet. Quare præcedens illa ablutio, Pœnitentiæ Sacramentum directe respicit; quod sacram communionem solet præcedere.

Notandum præterea est, mare æneum fuisse maximum aquæ craterem; non ut biberent sacerdotes, sed ut abluerentur. Quam etiam considerationem Divinus spiritus expressit, Ezechielis 36. 25. *Effundam (adverte affluentiam) aquam mundam, & mundabimini ab omnibus inquinamentis vestris.* Effundere verò eò loci non est in terram emittere; sed ingens illud vas, quod appellatur mare; quod est, eam in Pœnitentiæ Sacramento deponere, ut quilibet possit accedere crebrò & lauari, ut olim in æneo mari fiebat à sacerdotibus.

Porro in duodecim bobus figurantur illi, qui graue administrationis Sacramentorum pondus sustinent. Sunt enim veluti boues aut vituli communiorum beneficio additi; ut latius infra in vituli significatione. Numeri autem duodenarii eadem est ratio, quæ 12. portarum ciuitatis, c. 21. aut 12. tribuum Ecclesiasticæ & religiosæ multitudinis, cap. 7. & 14. habito videlicet ad 12. Apostolos respectu; qui primi Christianæ Ecclesiæ fuere ministri, & numerosam eorum multitudinem representant; quos tam ipsi, quàm ipsorum successores instituerunt.

Ad hæc, mutatio æneæ materiæ in vitream pellucidam, discrimen indicat inter nostra & antiquæ legis sacramenta. Nostra enim translucent, illa non item. Nostra eiusdem sunt coloris, cuius est gratia quam continent, & ad abstrusa ipsorum mysteria transpectum præbent. Meis enim auribus absolutiorum meorum peccatorum sententiam excipio; & Sacramentum ipsum extrinsecus exhibet, quæ intrinsecus includit; & penitissima quæque foras dat; ita ut facile mysterium ingens latere inspiciatur. Accedit quòd in ipsa Christianorum fide certissima, qua distincte credunt & disertè norunt Ecclesiæ Sacramenta fuisse à Christo Domino instituta, & ipsius infinitis meritis inniti, facile transluceat, quæ in Sacramentorum vasis copia aquæ viæ (id est gratiæ) contineatur. Quod ergo certissima ratio ostendit, id quasi per vitrum pellucidum apparet. Antiquior vè sacramenta non fuere pellucida, sed potius ænea; ita ut lynceo perspicaciorem eum esse oporteret, qui in contemplanda Sacramentorum significatione non hallucinaretur. Nobis tamen in crystallinum vitrum mutata est ænea materia. Euangelij enim luce nobis nota patuerunt, quæ illis ignota latuerant; & ad gratiæ aquam clarissimè invitamur. Atque ita qui alueus vel fons æneus fuit, nunc meritò ex crystallino vitro effingitur; eodem sensu, quo scriptum erat Zachariæ 13. 1. *Erit fons patens domui David in ablutionem peccatorum & menstruata.* Nulla enim existit iam figurarum obicuritas; sed verborum claritudo, & rei (ut ita loquamur) euidencia.

Præterea, maris vitrei significatio restringenda non est ad realem solum (quam vocant) & expressam confessionem sacramentalem. Extendi enim debet ad veram pœnitentiam & peccatorum detestationem quæ confessionis votum & viam in Christum fidem claudit in se. Quæ fides licet ex se sit obscura; si tamè cum veteris populi Iudaici fide conferatur, potest quodammodo clara dici.

Quorsum tamen (inquies) ex crystallino vitro, non ex vero crystallo conflatum erat mare illud Ioanni visum? Respondeo, primò, quia sic non obscurè confirmatur, per maris nomen hoc in loco non veram maris speciem, sed vas illud ingens designari. Si enim aqua glacie concreta obduruisset, non vtique mare vitreum simile crystallo diceretur. Aqua enim congelata, crystalli quàm vitri crystallini plus habet. Vas autem ex vitro potius crystallino, quàm ex mero esse crystallo, mysterio nequaquam carebit. Secundò, quia crystallum frigoris rigore constrictum gelascit; non tamè, ut vitrum, igne concoquitur atque concreuit. Vitrum verò est nobile sanè & pulchrum ex vili materia inuentum. Plinius certè lib. 36. cap. 2. ait, ex nitro (quæ est salis species,) & arenâ permixtâ, translucentes fluxisse riuos; & hanc fuisse vitri originem. Quamuis non sal quilibet, aut quævis arena sit apta, ut vitrum ex ipsis conflare queat. Atque hæc olim fuit vitri fingendi ratio. Sed mox, quæ est hominum prouida & ingeniosa solertia, nouam adinuenit rationem vitri. Nostra enim ætate falsæ cuiusdam herbæ cineres cum argilla aut arena permixti conglutinantur, & durescunt. Quæ quidem vitri cōficiendi ratio post S. Ioannis & Plinij tempora nouitio inuēto excogitata est. Tertiò, elegantissimum fuit effingere hoc mare ex vitro, per ignem videlicet conflato; ut significaretur, ardentissimâ Dei charitate Sacramenta Christianæ Ecclesiæ conflata fuisse, atq; confecta. Quartò, quemadmodum illud est in vitro mirabile, quòd ex adeò vili, vulgari & abiectâ materiâ (ex sale scilicet & arenâ) tam grata & lauta vasorum superlex confingi possit; sic in Sacramentis ex humili materiâ vel actione, & ex hominis mortalis ac fragilis verbis tam pretiosum coalescit vas; quod gratiæ aquâ cōtineat, eamq; manifestet. Et quæadmodum arena videbatur aquam absumptura, cum infusam imbibat naturaliter, atq; adeò perdat aquâ is, qui illam in arenam infundit: ita nec actionū nostrarū terrestris arena, (siue arenosa terra) vas aptū esse posset ad sacrâ gratiæ aquâ cōtinendâ & hominibus exhibendâ, nisi huic salis vel nitri vis admisceretur: salis sc. sapiētig, id est, verborū Christi sapientiâ inuentorū; & nisi ipsemet Christus omnia hæc in accensa ignitæ suæ charitatis fornace ferruminasset.

Quintò, quo tempore Apocal. scripta est, coeptus est etiâ magnes nouo vsu vitree massæ admisceri. Ait enim Plin. lib. 36. c. 26. *Captus addi & magnes lapis.* Quod, si propterea fiebat (ut suspicor) quo vitrum perfectius ac lucidius euaderet: dignū planè consideratione est, ingens vas illud à Ioanne conspectū ex vitro crystallino effectū dici. in quo fortè innuitur, ex eo pretioso vitro conflatum, quòd magnetē habet admixtū. Cum autē (ut c. 2. not. 8. diximus) magnes binis illis, quas habet miris proprietatibus,

Marò æneū  
quem ad si-  
nem fuerit  
institutum.

In duode-  
cim bobus  
mare æneū  
sustinenti-  
bus qui fi-  
gurentur.

Cur templi  
Salomonici  
mare æneū,  
Ioanni vè  
visum fue-  
rit vitreum

Quid per  
vitrum, ex  
quo mare  
constabat.

Pœnitentia  
per mare  
vitreum fi-  
gurata non  
ad sacra-  
mentalem  
tantum, sed  
ad pœniten-  
tiam in vo-  
to etiā ex-  
tendenda est.  
Cur mare  
non absolu-  
tè crystal-  
linum, sed  
vitreum si-  
mile crys-  
tallo.  
Vitri natu-  
ra ac pro-  
prietates,  
earūque  
mystica ex-  
plicatio.

Magnetem  
vitro con-  
ficiendo ad-  
mixtum,  
etiāque vi  
symbolum.



A Dei charitatem ac sapientiam denotet; nihil potuit congruentius ad nostrorum Sacramentorum excellentiam indicandam proferri, quàm Dei sapientiam æquè & amorem in eis maximè elucere. Id quod mirificè exprimitur in eo, quòd vitrum crystallinum sit & perfectissimum; atque aded cum magnetis admistione factum. Addit ibi Plinius vitrum absolutum & perfectum aliorum lapidum pellucens habere misturam; quæ symbola esse possunt diuinarum virtutum quæ in Sacramentis effulgent.

Est præterea animaduersione dignum, in cap. 15. vbi maris vitrei mentio fit, non addi tanquam crystallum. Ibi enim mare vitreum ad vas Sacramentorum non refertur; sed ad laborum & ærumnarum mare solidum & calcabile, vt supra ipsum fideles gradi possint. Atque vt aqua solida consideretur, non opus fuit epitheton pellucens seu crystallini addere.

B Sed vt ad vitreum vas regrediamur; aliquis fortè referret naturalem vitri fragilitatem ad solertem curam, vigilantiam atque cautionem, qua nos oporteat ad Sacramentorum susceptionem accedere, quia habemus thesaurum istum in vasis fictilibus, & facile mihi vas vitreum frangi potest, id est, facile in eâ ignauia atque socordia possum absque aqua gratiæ remanere vacuus; si temere & inconsideratè accedam. Hoc tamen non satis videtur aptum in præsentia. Nam ad vitri fragilitatem significandam non est apta trium vnciarum (hoc est vnus palmi) crassitudo. Quinimò admirationis plus, quàm fragilitatis habet vas vitreum aded capax crassitudine vnus palmi.

Ingens porrò capacitas refertur, vt patet, ad gratiæ copiam & affluentiam, quæ nobis est in Sacramento Pœnitentiæ ad nostrarum conscientiarum puritatem. In labio autem lilij repandi videtur innui voluntas aquam effundendi vt eâ lauemur: quia eiusmodi figura in vase denotat facilitatem, qua aptum aquam communicare eis qui ad ipsum accedant.

C Notandum demum est, æneum mare in locum labri ænei fuisse suffectum, quod fecerat Moyse ex speculis mulierum, quæ excubabant in ostio tabernaculi (vide Exodi 38.8.) Quòd, si illa specula fuissent vitrea, in Sacramenti Pœnitentiæ figura, quæ mare æneum antecessit, inueniremus vitream nostri maris materiam adumbratam saltem, si minùs expressam fuisse. Non tamen videntur vitrea specula eo tempore in vsu fuisse. Nec fortasse æneum labrum ex ipsis speculis, sed ex illorum pretio factum est, sed vt res se habeat; mirum sanè est, ex speculis siue ex eorum pretio fuisse conditum vas, in quo abluendi essent sacerdotes, Suspicor ergo, in speculis, propriorum defectuum & culpæ cognitionem repræsentari; quæ cognitio gentem religiosam (id est, excubantem in ostio tabernaculi) impulit ad salubre diuinæ gratiæ remedium procurandum. Legatur Gregorius Magnus homil. 17. in Euang. vbi de labro æneo loquens & in eo cognitionem propriam significari contendens, ait; *Videntes autem maculas in Pœnitentiâ dolore compungimur; compuncti verò quasi in labro de speculis mulierum lauamur, &c.* Vide ibi plura: nec non apud Philonem lib. 3. de vita Moysis paulò ante medium. Facit huc fortasse locus ille Iacobi cap. 1. 23. *consideranti vultum natiuitatis sue in speculo: vbi non nemo obseruat in sacræ Scripturæ vsu legem pro speculo deferuire.* Et certè lex eò peruenit, vt homines ad scelerum cognitionem & ad eorum remedium querendum impelleret. Non tamen eò processit, vt Sacramenta quasi pellucida essent, & Dei gratia in eis appareret, quæ velut aqua scelerum colluionem eluit. Hoc ergo, quod lex non est assequuta, Christi Euangelium effecit. Lex itaque, peccatorum nobis cognitionem dedit, vt remedium inuestigaremus; sed Euangelium veram diuinæ gratiæ notionem nobis attulit, quæ gratia ipsum affatim remedium largitur. Denique lex, illud tantùm assequi potuit, vt speculis vterentur homines, & remedij figuram sub obscuris cerimoniarum inuolucris occultaret. Euangelium autem, vitreum nobis craterem cælesti aqua exundantem præbuit; id est remedium ipsum patens ac manifestum. Atque id existimo Ambrosium significare voluisse, cum ait, per mare æneum testamentum vetus, nouum verò per vitreum figurari.

Cur cap. 15  
vbi maris  
etiam vitrei  
fit mentio,  
non addatur  
simile  
crystallo.  
2. Cor 4.7.

Quid per  
maris vi-  
trei capa-  
citatem ad-  
umbratur.

Mare æneum  
ex mulie-  
rum specu-  
lis factum  
quid signi-  
ficet.

## T E X T V S.

*Vers. 6. pars 2.* Et in medio sedis, & in circuitu sedis quatuor animalia plena oculis antè & retro.

7. Et animal primum simile leoni: & secundum animal simile vitulo; & tertium animal habens faciem quasi hominis: & quartum animal simile aquilæ volanti.

8. Et quatuor animalia singula eorum habebant alas senas, & in circuitu, & intus plena sunt oculis.





Don Juan de Lauregui invent.



## C O M M E N T A R I V S I.

## De ipsa visionis specie.

## SECTIO I. De concordia illorum verborum, in medio sedis &amp; in circuitu sedis.

**V**ERBA illa in medio sedis, non leguntur à Ticonio, Andrea & Areta, & certè difficultate non carent: tum propter illa quæ sequuntur, & in circuitu sedis; tum etiam quia princeps ipse in solio sedebat. Quapropter concipi non posse videtur, quo pacto aliquod ex animalibus, (necum omnia,) in medio solio esse possint. Huic tamen difficultati videtur fieri satis asserendo, in medio sedis, fortasse idem esse, quod in medio illius confessus: hoc est, inter principem & seniores. Vel, si sedis nomen singulariter sit ad principis sedem siue thronum referendum; quidquid est intra hypopodium siue scabellum, principis sellæ suppositum, in medio sedis esse dicetur. Sicut in medio maris iuxta Scripturæ phrasim dicuntur ea esse, quæ intra mare sunt. Itaque hypopodium siue tapes throno subiectus considerari debet ita extensus, vt intra ipsum esse valeant animalia; bina ad dexteram, & ad læuam bina. Aut fortè in medio sedis, idem est, quod in medio illo spatio, vbi sedes erat.

In hac ex cogitandi ratione videtur primo aspectu esse idem, in medio sedis & in circuitu sedis. Nam si animalia sint supra ipsum hypopodium, vel in medio spatio, & iuxta throni vtrumque latus; sunt in medio pariter & in circuitu. Quod si in medio sedis, foret, in medio illius coronæ seu confessus; videntur etiam faciliè inter principem & seniores concipi posse animalia; ita tamen vt principis thronum circudent: sicut seniores etiam eum circundant post animalia.

Hæc vtriusque partis conciliatio, licet facilis primâ specie appareat; non tamen est solida. Quippe interpretes ferè omnes supponunt inter duas illas particulas, in medio & in circuitu aliquid oppositionis debere intercedere. Atque idcirco prætermiserunt, opinor, Ticonius, Andreas & Aretas priorem partem legentes tantum, in circuitu sedis. Videtur enim repugnare, vt animalia sint simul in medio & in circuitu. & Ambrosius quidem perspicue ait; Hoc, secundum historiam stare non potest: quia quatuor animalia non poterant ambitum sedis & medietatem obtinere. Ex quo infert omittendum esse sensum historicum, & spiritualem solum intelligentiam requirendam. Quasi verò negari possit historicus sensus in eo, quod Ioannes se vidisse testatur. Pererius ita exponit, quod fuerint in medio & in circuitu non eodem tempore, sed per interualla; nunc ambiendo sedem, nunc in medium sedis ambitum procedendo. Ribera opinatur tria animalia fuisse in circuitu throni; quartum verò (id est, aquilam) in medio, intra ambitum sedis, quasi volando ante faciem sedentis in throno; atque ob id Ioannem dicere, quartum animal simile aquilæ volanti.

Minus esset violentum considerare, ex quatuor animalibus duo in medio esse throni, & duo alia ad vtrumque throni latus stare. Id quod templi Cherubinis respondet: ex quibus duo parui, quos Moyses effinxit, erant super Propitiatorium (quod est in medio throni) & alij duo à Salomone fabricati, erant ad vtrumque latus: atque hoc videtur satis, vt dicantur esse in circuitu throni. Etenim Seraphini, quos Isaias conspexit, stabant in circuitu, vt legunt LXX. & nihilominus videtur esse Patrum sententia, Seraphinos illos, duos fuisse, non plures.

Multò tamen congruentius est, vt de omnibus quatuor animalibus verè asseratur, illa in medio esse throni ac simul in circuitu. Ita enim innuit textus. Præterquam quod quatuor animalia, quæ Ioannes vidit, duobus illis respondent Cherubinis, quos Salomon fecit, mutato tamen binario in quaternarium propter eam, quam infra subiiciam rationem. Itaque in animalibus non alluditur ad Cherubinos à Mose factos: his enim responderet thronus à Ioanne conspectus. Vide aliam expositionem seu concordiam huius loci apud Pradum Ezechielis 1. sect. 7.

Ceterum ipsamet allusio quaternarij animalium ad binarium Cherubinatorum, quos Salomon fecit, persuadet mihi aliquam esse oppositionem inter duo illa, quæ de ipsis asserit textus; scilicet illa & in medio sedis & in circuitu apparuisse; & concordiam, ex ijs quæ de illo binario docet Scriptura, petendam esse. Notandum ergo est binarium illum Cherubinatorum, quos Salomon fecit, sæpius fuisse in templo repetitum: atque ita fieri potuit, vt alij viderentur in medio sancti Sanctorum (vbi Deus suum habebat thronum) & alij essent per circuitum, nimirum bini in singulis parietibus, quasi prominētes de pariete. Illi verò, qui in parietibus erant, verissimè dicuntur fuisse in circuitu, vt constat ex 3. Reg. 6. n. 5. & n. 29. Videat autem (quæso) lector descriptionem nostri Villalpandi tom. 2. post fol. 88. imag. 9. & aduertat, licet in vnoquoque pariete palma inter binos Cherubinos sit interiecta; singulorum tamen parietum binarium respondere Cherubinatorum binario, qui alas super arcam extendebant, atq; adeò semper in templo Cherubinos esse binos. Et in templi quidem Cherubinis euident est non esse eosdem, qui sunt in medio, & qui sunt in circuitu. Hęc enim inter se opponuntur, & certè qui erant in medio, solidam rotunditatem habebant; qui verò erant in circuitu, non erant omnino rotundi, sed ex parte prominētes de pariete. In hoc ergo capite, in quo euident est ad Salomonis templum allusio, id nobis significat Spiritus sanctus; quemadmodum Cherubinatorum templi binarius erat in medio & in circuitu, ita etiam quaternarium animalium, quæ Ioannes vidit, apparuisse & in medio & in circuitu: & quemadmodum binarius in templo erat repetitus; ita similiter in visione Ioannis quaternarium esse multiplicandum. Non me latet hanc quaternarij multiplicationem in Apocalypseo animalibus nouam & insolitam nonnullis visum iri. Sed similiter nouum nonnulli reputauerant binarium Cherubinatorum, qui in medio sancti Sanctorum erat, per templi quoque parietes fuisse multiplicatum. At, si semel aduertatur hoc esse certissimum; alterius etiam dubitatio vel omni, vel magna saltem ex parte tollitur. Sacræ namque Literæ eodē loquuntur modo de Cherubinis & de animalibus, à Ioanne visis; ac per allusionem ad templi Cherubinos dicuntur quatuor animalia apparuisse in medio & in circuitu, & sicut in vno Cherubinatorum binario id verum

In medio sedis & in circuitu sedis quo pacto concilianda.

Locus difficilis.

Varia aliorum explanationes.

Pererij expositio.

Ribera expositio.

Auctoris expositio, & vtriusque loci conciliatio.

Animalium quaternarium sæpius in Ioannis visione repetitum apparuisse, verius videri.



tenere non poterat; ita etiam de eodem animalium quaternario nec debet, nec potest aptè intelligi. Nec verò est, quòd formidemus, multiplicatis animalibus, significationem esse mutandam. Etenim Cherubinatorum binarij significatio, vna eademq; semper manet, quantumvis licet binarius multiplicetur. Quemadmodum quod sapius in regijs ædibus varijs in locis regis insignia simul reponantur, non ideo insignium ipsorum mutatur significatio, sed eadem omnino stemmata vel insignia esse dicimus, quæ in valuis & quæ in atrijs per circuitum affixa seu depicta sunt: non quòd idem numero sit scutum; sed quòd similia sint, & eiusdem omnino significationis. Neque video, cur horum quatuor animalium repetitio, quam ipse constituo, maiorem sit difficultatem habitura, quam ea, quam Villalpandus ponit in imagine eorundem animalium; dum Salomonis templum describit. In cuius descriptione conspiciuntur quatuor illa animalia sexcentis locis; scilicet in templi parietibus, in Zophoris (vt aiunt) in altari holocausti, in altari thymiamatis, in luteribus, in valuis, &c. Quemadmodum igitur quatuor animalium imagines cælata in templo sæpe reperiuntur; ita necessarium videtur, vt in Apocalypsi viuæ eorum figuræ multiplicentur; vt verba illa, *in medio throni, & in circuitu throni*, verè & proprie affirmantur; & vt respectus sit ad eam figuram, ad quam manifestè alluditur.

Confirmatur, quia in Scripturâ nihil difficultatis est in eo, quòd *quatuor animalia* sint idem quòd *quaterna*. Sicut Prou. 9. columnas septem asserunt idem esse quòd septenas. Nam hebræa lingua eodem nomine dicit quatuor & quaterna, & constat sacros scriptores in nouo testamento sapius hebraicis phrasibus vti.

Præterea, quod Ioannes ait n. 8. *In circuitu & intus plena sunt oculis*, fortasse significat, animalia quæ erant in circuitu; & quæ in interiore parte confessus, (hoc est in medio) omnia esse plena oculis.

Porro Cherubini templi Salomonis stantes in circuitu Sanctuarij, quatuor sanctuarij parietibus adhærebant. At in hac Ioannis visione, cum templum sit in cælum commutatum, nulli sunt parietes: verum vt allusio ad sanctum Sanctorum, quoad eius fieri possit, seruetur; contemplor ipse quadratum illud spatium sancti Sanctorum, sellis 24. seniorum, ad 4. partes dispositis figurari. Non quòd sacerdotum principes, eiusmodi sint dignitatem consequuti (scio enim illis nec ingredi in sancta Sanctorum licuisse) sed quòd nouis principibus (id est, presbyteris) maximè hoc beneficium tribuit Deus; dum eis sedes intra sancta Sanctorum constituit. Atque huiusmodi sedium ordo ac dispositio, (vt locus in quadratum aptè componatur) ita videtur fuisse, vt ex qualibet facie seu latere sint fenæ: medium autem locum occupet Dei thronus; qua ratione thronus etiam Dei in medio sancti Sanctorum erat. Nec obstat, ex senioribus aliquos ad tergum sedentis esse; alios verò è regione sedere; ita enim existimantur fuisse Cherubini, qui erant in circuitu in templo Salomonis. Idemq; accidit in hominum cōfessu, & corona, qui regem siue summum Pontificem ambiunt.

Cum igitur seniores in throni circuitu cōsiderentur, quaque ex parte seni: animalia in medio existentia contemplor ipse ad quatuor angulos sellæ disposita; & animalia, quæ erant in circuitu throni, concipio vndique ponè seniorum sellas; ita vt quaternarius vnus animalium sit trans senas sellas. Non quòd phrasis, *in circuitu throni*, exigat, vt ponè seniores animalia sint: sed quia proportio & respectus ad Salomonici templi Cherubinos in circuitu throni existentes, id postulat. Nam consideratio est eiusmodi: viginti quatuor nempe senioribus in sancto Sanctorum sedes fuisse proportionatas in circuitu throni: & statim perspicuum est Cherubinos parietibus adhærentes, trans seniorum sellas remansisse.

In huiusmodi figurâ siue picturâ, licet non omnes seniores è regione sedentis in throno considerandi sint; omnes tamen ita concipi debent; vt oculos atque ora ad principem habeant conuersa. Quòd verò animalia & in medio, & in circuitu sint ea ratione, qua diximus, magnam in se habet congruentiam ad eum sensum denotandum, qui potissimum intendebatur ex allusione ad Cherubinos templi in medio & in circuitu stantes.

## S E C T I O II.

*De quatuor animalium specie, quod ad totius corporis figuram attinet.*

**V**VLGARIS pingendi ratio tribuit horum animalium vni perfectam leonis figuram, alij vituli, alij hominis, & alij aquilæ. Fauetque prima specie textus asserens, *primum animal simile leoni, secundum simile vitulo, &c.* Contra hanc vulgarem picturam referam primò, quid nonnulli valde docti & valde mihi venerandi obijciant: deinde quid ipse dicendum censeam. Noster ergo Pradus, Ezechielis 1. sectione 7. (quem sequitur Villalpandus tom. 2. lib. 4. c. 41. nec non Viegas hinc sectione 12. & Pererius disput. 18.) duo potissimum contra vulgarem obijcit picturam. Primum illud est, Deum non solere per visum proponere id, quod iuxta rerum naturam esse non potest, & quod repugnat esse, vel ostendi citra mendacium, vel magicum commentum. Quare cum leo, vitulus, & aquila naturaliter loqui non possint; & animalia Ioanni ostensa in hac visione audita sint articulatis vocibus Dei laudes cecinisse; non est verisimile, habuisse veram leonis aut vituli aut aquilæ figuram: sed omnia humanâ figurâ (additis tamen leonis iubis, vngulis vituli, & pennis aquilæ) fuisse induta.

Secundò obijcit Pradus in 6. sect. neminem fuisse ausum negare, hæc Ioannis & Ezechielis animalia esse eadem, cum ergo constet animalia, quæ vidit Ezechiel, fuisse singula quadriformia, idem etiam de Ioannis animalibus dicendum est. Hoc secundum argumentum roborare conatur Villalpandus c. 41. eorum auctoritate, quos adducit Viegas, & præsertim Hieronymi, Patherij, Ruperti, Richardi & Abulensis; qui manifestè significant, eadè esse animalia, quæ vidit Ioannes & Ezechiel. Affert præterea Villalpandus Ambrosium l. 1. de Salomone c. 2. vbi, cum notasset rotas & animalia ab Ezech. fuisse visa, subdit eadem in Apocalypsi à Ioanne fuisse conspecta. Quòd verò hæc sit constans DD. sententia, potest inde confirmari: quia licet Ezechiel suis animalibus expressè multos

oculos

In Scriptura quatuor interdū esse idem, quod quaterna.

Qua ratio ne sit considerandum spatium illud, in quo Ioanni thronus & in eo sedens visus est.

Qua forma soleant vulgò depingi Ioannis animalia.

Obiectiones aliorum contra vulgarem hanc picturam.

Ezechielis & Ioannis animalia esse eadem, multorum opinionem videri.



**A** oculos non tribuat; verum quia multitudinem oculorum Ioannes triouit animalibus, non dubitant graues Doctores asserere, ab Ezechiele etiam fuisse visa animalia plena oculis. Id enim ait Dionysius de caelesti hierarchia cap. 6. vbi Cherubinos & Seraphinos dicit plurimis oculis esse insignitos. Et Hieronymus Ezechielis 1. de animalibus Ezechielis verba faciens, ait illa esse oculis plena. Et Sophronius oratione de excellentia angelorum (in tomo 2. Bibliothecæ) perspicue tribuit Cherubinis multos oculos, similiter missa sancti Basilij: & Cyrillus Ierosolym. catechesi 9. Anastasius Sinaita lib. 1. Hexameron & Iustinus q. 44.

**B** Duobus his Pradi argumentis respondendum mihi est in primis. Nec enim solum vulgarem impugnant picturam, quam ipse non sequor; sed etiam quæ mihi videtur vera. Ad primum ergo valde miror, id Prado dissentaneum videri, vt scilicet in visione, quam Deus ostendit propheta, eiusmodi representetur res, cui tanta in se insit repugnantia, vt leonem loqui, aut vitulum, aut etiam aquilam. Vtrum enim minus est repugnans naturæ, alas boni ac leoni innasci? emari prodire belluam cum septem leonis caputibus, tigrino corpore, pedibus vrinis, vias currus apparere rotas, oculis vndique præditas? Nonne expressum in Apocalypsi est, aquilam à Ioanne fuisse visam per medium celi volentem ac vociferantem, *Va, va, va habitantibus in terra?* Quid igitur nobis opponitur, quasi repugnans omnino, & quod fieri nequaquam possit, vt propheta ostendatur per vitulum leo loquens? Si contendat, id significationi congruens non esse; modus saltem loquendi, quo Pradus vitur, nimiam continet exaggerationem. Nec sufficit dicere id non esse conueniens; nisi probetur. Nam, vt infra constabit liquido, leo est mirificum fortitudinis symbolum; vitulus beneficentiæ, aquila sapientiæ. Quare vt significaretur, hæc animi dotes ac virtutes præclaras, Apostolis vires ac robur suggessisse ad Christi Euangelium promulgandum; nihil certe inepti aut dissoni fuit, sed consentanei multum atque aptissimi habuit eiusmodi actio seu figura, qua Ioanni fuere ostensi leo, vitulus & aquila clamantes, Sanctus, sanctus, sanctus.

**C** Ad 2. argumentum respondeo, multifariam dici posse vnum esse idem cum alio. Et quidem in aliquo sensu dici verè potest, Ezechielis & Ioannis animalia esse eadem; nimirum propter horum ad illa allusionem, proportionem atque alias coherendi rationes. Præsertim in eorum opinione, qui in Ezechiele & Apocalypsi quatuor animalium significationem eandem esse volunt; licet animalium figuræ nonnihil diuersæ sint, dici iure possunt eadem esse. Sed quod Pradus videtur contendere, absque vilo scilicet discrimine, esse idem id quod Ioannes & Ezechiel vidit, id verò mihi minus probatur, quàm discrimine admissio, illius rationem reddere. Exemplo sit collatio à me polita, cap. 1. notat. 17. inter capitis illius figuram, & eam quæ à Daniele describitur cap. 10. In qua qui vtriusque conuenientias plurimas sane & mirabiles intueatur, nec differentiarum memineret; asseret fortassis idem fuisse omnino à Ioanne quod à Daniele visum: non tamen plene & integrè figuræ vtriusque elegantiam & artificium perfructur, qui non earum discrimen attente notauerit & elegantiam; qua vtraque inter se partim eadem, partim diuersæ comparantur.

**D** Præterea asserere auctorem reperiri nullum, qui Ezechielis & Ioannis animalia eadem prorsus esse ausit negare; id sane nimis exaggerare est. Ita etiam Pradus ipse sectione 4. ait, speciem primæ visionis Ezechielis esse penitus eandem cum specie solij, quod erat in oraculo templi: & sectione 6. affirmat: Isaia Seraphinos esse eiusdem figuræ atque Ezechielis animalia: & sectione 8. eandem esse Danielis visionem capite septimo, & sect. 9. & 10. Mosem etiam aspexisse Dei quadrigam & eandem animalium figuram. Ceterum si res attentius inspicatur, ad eam vnitatis siue identitatis (vt ita dicam) rationem, quam Pradus persuadere conatur, proportionem aliqua seu conuenientia contentus est. Nam ex sphæculis quibusdam, quas arca pro pedibus habebat, rotas ipse curru effingit. Et quia Mos duorum Cherubinarum paruulorum exemplar fuit ostensum (quos ipse cum magnis Salomonis Cherubinis coniunctos quadrigam conficere autumat) ideo ait quadrigam à Mose fuisse visam. Item quia opinatur, firmamentum Ezechielis visum respondere Propitiatorio, ac mari vitæ, quod Ioannes aspexit; idcirco omnia hæc in vnum coalescere existimat. Constat autem manifeste plures ex ijs conuenientijs ab eo non reputari certas; vt est illud, Salomonem, Dei curru fabricasse rotas, eiusdem prorsus figuræ, quas vidit Ezechiel; nec non à Ioanne in hac visione & curru & rotas fuisse visas.

**E** Ad hæc; auctores, quos affert Villalpandus, vt eadem prorsus esse probet Ioannis & Ezechielis animalia, non tantum asserunt, quantum ipse contendit. Hieronymus namque id vnum asseruit in vtrâque visione per 4. animalia, virtutes 4. quas cardinales vocant, figurari. Quod autem ait loquens de Ioannis animalibus, ea esse in vno quatuor, & in quatuor singula, philosophia est fundata in Ezechielis visione quatuor euangelij applicatâ. Iam, quod de Ezechielis animalibus, verba faciens dicit, *Ista sunt iuxta Apocalypsin animalia plena oculis*; non ideo ait illa ab Ezechiele fuisse visa oculis plena, sed à Ioanne: vt patet ex contextu. Atque eadem ratione explico Dionysium, Sophronium, Basilium ac Cyrillum. Patherius solum ait Ioannem ab Ezechiele non dissentire, scilicet quia verum vero consonat. Rupertus non video quibus verbis significet, animalia Ioannis esse eadem omnino cum Ezechielis animalibus. Richardus & Ambrosius, meo iudicio, explicandi sunt de aliquâ vnitatis siue identitatis, cum qua recte possunt nonnullæ differentie reperiri. Atq; vt ego existimo, non modò certum non est interpretem dari nullum, qui differentiam aliquam cogitet; sed potius vix inueniri quisquam poterit, qui visionem Ioannis ab Ezechielis visione in aliqua re non discriminet. Quin ipsimet, qui Pradum sectantur, cum dubitatione loquuntur; dicentes, fortasse animalia fuisse visa Ezechielis plena. Ita enim Pererius.

Sed vt rationibus agamus, licet eadem esset vtriusque visionis significatio, & ambæ eiusdem essent propheta; non video quantæ difficultatis sit affirmare, ab Spiritu sancto rem aliquam siue figuram ob peculiarem aliquam rationem modò hoc vestitu, modò illo fuisse propheta ostensam. Primò quia idemmet homo nunc his vestibus, nunc illis induitur: & visiones quidem, vt picturæ, maiore adhuc diuersitatem facile capiunt. Quod videre est in pluribus varijsque picturis, quibus Villalpandus

*Argumentis  
contra com-  
muniem vi-  
sionem ob-  
iectis occur-  
ritur.*

*Multifariam  
dici posse  
vnum idem  
esse cum  
alio.*

*Auctores  
pro Pradi  
opinionem  
adducti ex-  
plicauerunt.*

*Opinio Pra-  
di de Eze-  
chielis &  
Ioannis a-  
nimantium  
identitate  
impugna-  
tur.*



4. animalia multimodis depinxit. Modò enim leonem integrum cum alis apponit, vt in altari holocausti; modò vultum solum leonis cum alis; modò hominis speciẽ cum leonis iuba: nunc soli vultu; nunc solos vituli pedes. Si igitur propter picturæ commoditatẽ aut venustatẽ artis licuit Villalpando ipsissimas animalium figuras hĩc differentijs variare, aut idẽ Spiritui sancto propter mysterij diuersitatem non liceat? Non ita Hieronymus & Theodoretus existimant, (qui vt infra constabit) sibi persuadent vilionem animalium Ezechielis cap. 10. esse aliquantulum diuersam à visione capitis primi.

2. Licet Ezech. animalium significatio aliquam habeat proportionem cum Apocal. animalium significatione: si tamen esset adhuc fortasse diuersa: quis non videat, ad hoc maxime oportuisse, vt visiones omnino similes non essent? Non ergo debuit principio statui, à diuino Spiritu non potuisse intendi diuersam significationẽ in visionibus illis, quæ prima facie videntur similes. Imò verò cum ad significationẽ ventu erit, constabit fortasse, proprium Isaia Seraphinorũ & Ioannis animalium mysteriũ ad Apostolos, eorumq; posteros significandos spectare; id est, ad Ecclesiasticæ hierarchiæ principes, per Ezech. autẽ animalia, non hierarchiæ Ecclesiasticæ, sed caelestis principes indicari. Quare nemo mihi deinceps vt certum præstituat, nullam fore in visionibus differentiam, si Spiritus sanctus diuersa intendebat significare mysteria.

3. Negare nemo potest, frequenter cõtingere, vt duæ S. Scripturæ visiones in nonnullis rebus similes, in alijs diuersæ sint. Quare nõ debet interpres cõuenientijs solum assumptis decernere, nullũ idcirco discrimen futurũ. Multo enim securius est, attendere diligenter, quid textus dicat; nec prophetæ eam visionis partem imponere, quam ipse se vidisse non ait. v.g. Ezechiel affirmat se numerosam oculorum multitudinem in rotis aspexisse; eamq; in animalibus se vidisse non ait. Ioan. verò nulla rotarũ facta mentione; throni solum meminit & sedium in throni circuitu positarum: oculos autẽ plurimos in animalib. se intuitũ fuisse asseuerat. Quomodo ergo collineabit interpres, qui supponat Ezechiel etiam multos oculos in animalib. fuisse visos? aut vnde se vidisse, illo tacente, scire possumus? Quæ enim potuit Deum lex vel ratio cogere, vt multos oculos Ezech. in animalib. ostenderet; sicuti erat postea Ioanni ostẽsurus? Quãdò, obsecro, maior prudẽtia est, discriminẽ aduertere, quod in textu inuenitur, & eius mysteriũ serio inuestigare? Certè ex huiusmodi attẽtione & modestiã lux potest haud mediocris ad S. Scri. intelligẽtiã sperari.

His prædictis, illud præcipuè cõstat, quæ Ezech. affirmat se vidisse, nõ deberi sumi pro regula eorũ quæ vidit Ioan. sed ea potius, quæ ipse Ioan. à se aspecta fuisse ait, habitò tamen respectu ad ea ad quæ alludit, & ad significationẽ quã iuxta Script. vsũ, ipsius verba habere possunt. Affero ergo 1. hominẽ 4. animalium minime cogere (vt nonnulli volũt) vt omnia ea irrationalium animalium insignib. induta esse credamus. Licet. n. daremus id, animalis nẽpe nomẽ in latina phrasi, nisi adiectione rationalis tẽperetur, aliquod irrationale repræsentare; at in græca (in qua Ioan. scripsit) & in hebraica, (in qua Ezech.) animal nõ deriuatur ab anima, sed à vita: & græca locutione Deus beatorum animal appellatur. Simili itẽ phrasi de angelis dicitur, Ps. 67. 11. *Animalia tua habitabũt in ea; parasti in dulcedine tua pauperi Deus.* Quod ad angelorũ custodiã pertinere existimo.

Vbi igitur aduertamus, animalis nomine vitã significari; mox apparet cur Ezechiel animalium nomine vtatur ad Cherubinos significandos. Quod præstitit ob manifestã ad Dei thronum allusionẽ; nec non ad Cherubinos, quos Salomõ in sancto Sanctorũ (vbi Deus erat thronus) in medio & in circuitu cõstituerat. In qua allusione vt ostenderet Ezechiel discriminẽ, quod intẽrerat inter Cherubinos eos, quos ipse viderat, & illos quos in templo posuerat Salomon, appositè satis animalium vsurpauit nomen, quod hebraicè viuentis significationem haberet. Quasi diceret, Salomonis Cherubinos fuisse aureos & oleaginos atq; adeo vitæ expertes; eos verò, qui à se fuerant iuxta Dei thronum visi, esse viuentes. Deinde Ioannes ad hunc ipsum Ezechielis locum respiciens, & eadẽ consideratione vtens, eandẽ similiter loquutionem vsurpauit: ideoque animalia vocauit ea, quæ erant in medio throni & in circuitu, vt iam explicatum est.

2. Affero manifestã ad templi Cherubinos allusionem petere, vt in Ezech. & Ioan. visionib. figurã ac similitudinẽ Cherubinorũ tẽpli ipsius animalib. tribuamus, ijs exceptis, quæ alitèr sunt ab Ezech. vel à Ioan. expressa. Etenim appellare animalia illa, quæ throno Dei assistunt, idẽ est ac dicere, ea esse Cherubinos viuos. Quare Ezech. Cherubinos eorum instar esse oportet, qui erant in tẽplo; demptis ijs, quæ ab Ezech. ipso notantur diuersa sibi apparuisse. Ioannis itẽ animalia eiusdẽ debet esse figuræ cum ijs Cherubinis, qui erant in templo; ijs exceptis, quæ à Ioanne dissimilia exprimuntur. Atq; hæc ratio nos vrget, ne bonis aut leonis similitudine (quã textus sonat) adducamur, vt singulis quaternos affingamus pedes; quemadmodũ veris bobus aut leonibus inesse videmus. Nam eos esse Cherubinos viuos, suo quasi iure deposcit, ne tãta sit inter animalia & tẽpli Cherubinos diuersitas. Præsertim cum constet, hominẽ dici posse leoni simile, aut propter vultus speciẽ, si quomodo leonis faciẽ imitatur, aut quòd pilosũ valde pectus habeat, aut quòd animo sit forti magnosq; præditus, sine aliã ob causã, quamuis totius corporis figura humana sit. Id quod dilucide expressit Ezechiel, qui et si 4. facies eius Cherubinis attribuat, nihilominus ait, *similitudo hominis in eis.* Quapropter S. Dion. Cherubinistẽpli adolescentiũ formã iuuenilem & pubescentẽ dat, c. 15. de cal. hier. Atq; ea videtur esse cõstãs DD. sent. Hebræorũq; traditio. Exprimatur certè à Theod. & Apollinari Ezech. 1. hier. c. 13. Seraphinis multos concedit pedes. Idẽ ergo erit de Cherubinis dicendũ. Nam si in vtrãque Ioan. & Ezech. visione ad tẽpli Cherubinos alluditur, eadẽ est apud Isaia. allusio eadẽq; ratio, cum sit eadẽ Cherubinorũ & Seraphinorũ figura, vt multis probat Villalpan. noster. 10. 2. l. 4. c. 36. & 37. Igitur Cherubinorũ figura iuxta Dion. quadrupes erat; ad eum ferẽ modũ, quo Aegyptij suas depingebant sphinges. Quas Clem. Alex. l. 5. Strom. significat à Salomõ in templo fuisse desumptas. Videndus est præterea Dion. c. 2. de cal. hier. vbi de multis pedibus sacratissimè fictis in caelestibus spiritibus. 2. Cherubinorũ nomen sonat idẽ, quod *curulis*, vel *currum agens*, vt contendit Pradus Ezech. 1. lect. 4. fi. & confirmatur ex 1. Paral. 28. 18. vbi legimus, vt feret *similitudo quadrigæ Cherubim*. Erant igitur quadrupedes. Eiusmodi enim sunt animalia, quæ ad currum iunguntur. Et confirmatur 2. quia nomen *Cherub* accipitur pro boue, Ezech. 10. 14.

III. argum. est, quod ipse Ioannis textus humanã figurã ob stare videatur. Ait enim, *Tertium animal habens faciẽ quasi hominis.* Quare similitudo hominis nõ illi in toto corpore, sed in solo vultu videtur tribuẽda. Quartum, si animalium, quæ Ioannes vidit, figura cum templi Cherubinis debet congruere; non solum certum non est, eos humana constituisse speciẽ, sed oppositum potius constare videtur. Nam

Dicitur Scri-  
ptura visu-  
m in non-  
nullis simi-  
lis, in alijs  
diuersas esse  
sepe contra-  
gunt.

Nomen ani-  
malium non  
cogere, vt  
ea veluti  
animalia  
irrationalia  
considera-  
mus.

Cur suos  
Cherubinos  
Ezechiel  
animalia vo-  
cet?

Ezechielis  
& Ioannis  
animalia  
Cherubinis  
templi simi-  
lia esse debe-  
re; præter  
illa, quæ ipsi  
aliter ex-  
primunt.

Ezechielis  
& Ioannis  
animalia  
constare hu-  
manã figu-  
rã.

Argumenta  
contra præ-  
dictam ani-  
malium fi-  
guram.



A Iosephus 3. Antiquit. c. 6. asserit Moſis Cherubinos eſſe animalia nouâ ſpecie, neque vnquam viſa. Ac de Cherubinis Salomoni ait lib. 8. cap. 2. neminem conijcere poſſe, qua ſpecie fuerint. Non erant igitur alati iuuenes. Hæc enim figura nouum aliquid aut inſolens, præter alas, habebat nihil. Atqui alatam etiam Victoriâ & pennatam Cupidinem veteres pingebant.

Nihilominus tamen certum exiſtimo, Cherubinos templi humanâ ſpecie & iuuenili fuiſſe; vt latè probant Pradus & Villalpandus. Ex quo ſequitur (vt iam vidimus) eandem humani corporis figuram Iſaiâ Seraphinis & animalibus Ezechielis ac Ioannis eſſe tribuendam. Quare ad primum argumentum reſpondeo, ſatis eſſe, angelis humanam figuram dari; vt verè dicantur eis dari multi pedes. Duos enim eſſe multos vel pueri norunt. Spectatâ ergo ſimplici angelorum natura, in qua pedum & brachiorum diſtinctio locum non habet, volens Dionyſius rationem reddere, cur angeli in humana ſpecie cum pedum diſtinctione apparuerint, quo rem magis ponderaret, phraſi illa multorum pedum fuit uſus. Aut forte ad alias angelorum reſpexit viſiones; in quibus angeli ſub currum equis tractorum ſpecie, aut etiam equitum equis inſidentium fuere conſpecti: tunc verò multis eos pedibus apparere neceſſe eſt. At Cherubinis templi pluſquàm binos pedes attribuire, id ſane nullius probabilis eſſe opinor.

B Ad ſecundum reſpondeo, illam nominis Cherub etymologiam veram non eſſe, (vt dicemus notatione 7.) Ad confirmationem ex 1. Paral. 28. 18. Reſpondetur, duos illos Cherubinos, quos Moſes fecit, appellari Dei quadrigam. Accipitur enim quadrigæ nomen abuſiue pro ſede & throno Dei: quia in ſimili throno tanquam in curru regio Deus in ſacris fictionibus aſcendere & volare deſcribitur. Hebræum autem nomen non plus ſignificat quadrigam, quàm bigam ſeu quoduis vehiculum. Et quidem aptè poterant duo illi Cherubini, quos fecit Moſes, appellari vehiculum Dei, ſeu biga Dei. Quod verò textus ait, Dauidem ſingillatim Salomoni certum auripondus tradidiſſe, vt fieret ſimilitudo quadrigæ Cherubinarum; idem eſt, atque vt faceret duos illos Cherubinos, multò quidem maiores; ſed ſimiles duobus illis, qui biga Cherubinarum ſive thronus Dei appellabantur. Non me latet, Pradum & Villalpandum aliter locum illum conſtruere, Dauidem ſcilicet eam auri vim reliquiſſe, vt duo fierent Cherubini, qui cum duobus alijs, quos fecerat Moſes, coniuncti, quadrigam quatuor Cherubinarum conficerent. Hanc tamen expoſitionem valde coactam exiſtimo. Violentum namque eſt concipere quadrigam compositam ex duplici Cherubinarum pari; quorum alterum vix erat vnus cubiti in altitudinem, alterum decem omnino cubitorum. Præterquàm quòd duo parui Cherubini ſupra arcam erant, & alij duo magni humi ſtabant. Id quod cum quadrigæ figura nulla ratione cohæret. Ad hæc Dauid duobus tantum conſtandis aurum dedit, atque adeò non ad quadrigam propriè ſumptam. Præterea in Ezechielis viſione verum eſt, à quatuor animalibus currum trahi; ſed in templo inantis eſt rotarum currus conſideratio: & duo parui Cherubini currum non trahunt; ſed trahuntur potiùs, cum ſint Dei thronus: vt ex multis Scripturæ locis conſtat. Cherubini autem, quos fecit Salomon, nec deſtinati erant ad trahendum currum (qui nullus ibi erat), nec ad Dei thronum, (cùm huic rei parui Cherubini deſeruire intelligantur) ſed ad præclaros & excellentes Dei miniſtros ſignificandos, qui ante illum aſſiſtunt. Et tamen ſapientiſſimo conſilio fuere ad paruorum ſimilitudinem conditi, vt in ſignificatione ſingillatim dicemus.

C Ad confirmationem alteram deſumptam ex acceptione nominis *Cherub* pro boue, cùm dicitur Ezechielis 10. 14. *facies vna facies Cherub*, Reſpondetur, ex eo loco ad ſummum colligi, facies Cherubinarum templi fuiſſe vitulinas (quæ eſt Hieronymi ſententia eo loci) ſed de figura corporis nihil colligitur. An verò nomine faciei intelligatur ibi, quæ propriè appellamus faciè; dicetur infrà.

D Ad tertium argumentum reſpondeo, Ioannem non ideo dicere, tertium animal habere faciem quaſi hominis, quia corporis figura non eſſet humana; ſed quia præter iſtam figuram (in qua tertium animal cum ceteris ſimile erat) habebat etiam humanam faciem: atque in hoc tertium differbat à reliquis, de quo infrà. Ioannes itaque non ſatis, habuit ſi de tertio diceret, illud eſſe homini ſimile. Nam vt aliquo modo ſimile foret, ſufficiebat corporis forma: hanc autem omnia quatuor animalia habebant humanam: ſed tertium habebat etiam faciem humanæ ſimilem; quod in alijs ſectus erat.

E Ad 4. Reſpondeo; vt verum ſit, quod Iosephus ait 3. Antiquit. c. 6. (Cherubinos ſcilicet, eſſe animalia, nouâ ſpecie neque vnquam viſa) ſatis eſſe, vt iuuenum alatorum forma illis ſit. Hæc enim ſpecies nunquam fuit in vero animali viſa. Quod verò ait lib. 8. cap. 2. neminem poſſe conijcere, qua ſpecie fuerint, valde ſuſpicor eum, vt pote rabbinum, conſultò & deditâ operâ tenebras ſuis rebus velle offundere; vt Græci ac Romani (quibus eos ſcribebat libros) ſibi perſuaderent, nullam iam Cherubinarum notitiam apud poſteros remanere: vt ex communi exiſtimatione credentium eos fuiſſe admirabiles, & ex eorum figuræ memoria in poſteris, decurſu temporis oblitteratâ, opinio de Iudaici templi myſterijs peruagata magis magiſque creſceret. Hoc vt credam facile ex eo adducor, quòd non hic locus ſit apud Iosephum eximius, in quo exaggerationes bene magnæ reperiuntur. Quin imò ipſoſmet, de quibus ſermo eſt, Cherubinos magnos à Salomone factos (quos Scriptura aſſerit ex oliuo fuiſſe fabricatos, & aureâ laminâ coopertos, ipſe ex ſolido auro factos eſſe affirmat. Deinde ſi fidem Iosepho habemus, quatenus ait, neminem poſſe diuinare, cuiusmodi eſſent figuræ Cherubini, hæc verba æquè militant aduerſus Villalpandi opinionem; nec non eorū, qui Cherubinos quadrupedes fuiſſe autumant. Demum contra quaſcunque opinandi rationes facit, & vni fauet ignorantia & vera coniectandi deſperationi. Quare vnus Iosephi dictum communi omnium ſenſui & traditioni anteponendum non eſt. Sed præter hæc, non videtur veriſimile, Iosephum & Rabbinos ignoraffe id, quod toti Iudæorum populo fuerat notiſſimum; præſertim in re adeò inſigni, & digna quæ apud omnes æternâ retineretur memoriâ, & à maioribus ad poſteros emanaret: cùm paucis retro ſæculis Cherubini aliquot in templi parietibus integri viſerentur, atque adeò in ipſo fortasſe Sanctuario ad priſcorum illorum imitationem elaborati.

*Soluuntur  
argumenta,  
quæ humanâ  
Ezechielis  
ac Ioannis  
animalibus  
fuiſſe ſpecie  
ſtatuiſſentur.*

*Duos Cherubinos à  
Moſe factos,  
abuſiue  
appellari  
Dei quadrigam.*

*Ex duplici  
Cherubinarum  
pari,  
Moſis ſcilicet  
& Salomonis,  
quadrigam non  
poſſe componi.*

*Cherubinarum  
templi  
forma qua-  
lis fuerit,  
ſecundum  
Iosephum,  
omnino  
ignorari.*



## S E C T I O I I I.

*De multitudine oculorum, qui in singulis animalibus conspiciebantur.*

**N**OTAVIMVS iam suprà, Ezechielem non in animalibus, sed in rotis oculorum multitudinem conspexisse: Ioannem verò, non rotas (quas nullas vidit,) sed animalia conspexisse plena oculis. Noster ergo Pradus, qui Ioannis & Ezechielis visa omnino similia esse contendit, sibi persuadet, multos illos oculos non fuisse eorum instar, quos Poëta suo Argo confingunt: sed ut ipsi, qui in pavonis cauda visuntur. Et huiusmodi oculos tribuit quatuor sacris animalibus, nō in alis solum, sed etiam toto corpore. Hæc fuerat Lyrani opinio, quam perspicue sequitur Pradus Ezech. 1. ver. 18. & c. 10. fol. 137. col. 2. huiusq; opinionis laudat auctorem Rabbi Moysen Ægyptium l. 3. directionum. Verum hæc oculorum ratio, aspectui fortasse iucunda, inepta est ut ipsis quis videre possit. Et forte in eo nititur hæc opinio, quod oculi animalium, quæ Ioannes vidit, respondent oculis rotarū Ezech. Rotarum autem oculi non videntur illis dati, ut per eos aspiciant: nec enim cohæret, ut oculi ad intuentum illis dati, per terram assiduo rotatu ferrentur. Atqui de suis rotis ait Ezechiel c. 1. 18. *Totum corpus oculis plenum in circuitu ipsarum.* & c. 10. 12. *Corpus earum & circuli plena erant oculis in circuitu ipsarū rotarum.*

Dico tamen, hunc oculorum modum, pavonis caudam imitantium nulla ratione, aut Ioannis animalibus aut Ezechielis rotis esse tribuendum. Atq; ut illa rejiceretur opinio, satis erat, inuentam fuisse à quodam Rabino; omnes autem, tam Græcos, quam Latinos veteres, has visiones, non de oculis caudæ pavonis, sed de veris oculis ad videndum & vigilandum datis interpretatos esse. Quam interpretationem verissimam esse non solum in animalibus, sed etiam in rotis, suo loco explicabitur. Interim nota Ioannem eandem phrasi dicere infra, Agnū septem habere oculos. Vbi nemo dubitat, quin de veris oculis ad intuentum idoneis sermo sit: ergo similiter est intelligendum, quod de plurimis animalium oculis legitur.

Ad id verò, quod obijcitur, nempe non congruere, ut oculi veri per terram rotantes ferantur; respondeo, facile posse considerari oculos in rotis ea ratione dispositos, ut ipsi terram non contingant: aut quod sint ad circuitum latera deflexi, aut quia quosdam veluti canales habeant circuli, in quibus oculi tuti esse videantur.

Quatuor itaque animalia, quæ Ioannes vidit, erant toto corpore plena oculis ante & retro, sicut enim ait textus. Ex quo obiter infero, animalia isthæc concipienda esse nuda, qualem Poëta suum Argum fabulantur. Sed quid illud est, quod subditur mox; & in circuitu & intus plena sunt oculis? Aduerto primum in multis codicibus hunc locum malè fuisse distinctum hoc modo; *habebant alas suas in circuitu: & intus plena sunt oculis.* Ex editione tamen Vaticana constat (quod erat etiam per se multo aptius) legendū esse, *habebant alas suas: & deinde distinctione interposita & coniunctione copulatiua adiecta; & in circuitu & intus plena sunt oculis.* Cuius lectionis expositionem, (quam valde probabilem reputo) posui suprà sect. 1. Nec conducit parum ad illam declarationem eadem oculorum repetitione. Ideo enim repeti videntur; ut aduertatur non tantum Cherubinos, qui erant in medio, sed eos etiam qui erant in circuitu, oculis esse plenos. Si cui tamen expositio illa non arrideat, poterit ita explicare; ut in circuitu sit in externâ alarum facie, quæ foras spectat: & intus, in internâ parte quæ respicit intro, quasi dicat, in utrâque facie externâ simul & internâ. Nisi forte dixerit quispiam, Ioanni fuisse reuelatum, animalia præter oculorum multipliciter, quibus totum vndique corpus ante & retro erat aspersum, intus etiam oculis esse plena: qui, si intima nudarentur viscera, facile patefcerent. His verò oculis interna omnia peruideri, quæ externis oculis subijci non possunt. sed hoc fortasse plus est, quam id quod verba ipsa significant.

## S E C T I O I V.

*An singula animalia Ioannis habuerint quatuor facies, sicut animalia Ezechielis?*

**C**ERTVM id reputant Pradus & Villalpandus: quia existimant Ioannis & Ezechielis animalia esse omnino similia, aut prorsus eadem. Atque idem sequitur Pererius. Sed iam suprà ostendi, minime esse necessarium ut utraque animalia omnino similia sint: quin potius valde oportere, ut sint aliqua ex parte diuersa. Qui autem idem reputat nullam huius differentie rationem congruentem reperiri, quod ipse eam non affequatur; is sanè plus æquo sibi arrogat. Expendamus ergo Ioannis verba, & examinemus utrum illa cogant credere, animalia, quæ ipse vidit, non habuisse similes vultus, sed potius valde dissimiles. *Animal, ait, primum simile leoni, & secundum animal simile vitulo, & tertium animal habens faciem quasi hominis, & quartum animal simile aquila volanti.* Pradus & Villalpandus contendunt, Ioannem in primo, secundo & quarto animali, non loqui de facie propriè dicta, dum ait, *simile leoni, simile vitulo:* & probant, quia Ioannes manifestè discernit faciem & similitudinem: siquidē ait, *simile leoni, simile vitulo:* & in tertio non ait, *simile homini*, sed *habens faciem quasi hominis.* In quarto verò non ait absolute *simile aquila;* sed *simile aquila volanti*, quasi diceret, in alis, non in facie.

Nihilominus certum videtur, Ioannem in primo, secundo & quarto animalibus loqui de facie propriè sumptâ, & tamen in tertio animali, iure optimo, modum loquendi variasse. Etenim, cum omnia quatuor animalia humanam corporis figuram haberent (ut vidimus sectione 2.) cum de tertio ait, *habens faciem quasi hominis*, idem est ac dicere, non esse utrumque homini simile. Nam ut aliquo modo esset simile, satis erat corporis forma, (propter quam dictum est ab Ezechiele, *similitudo hominis in eis*) hanc autem corporis formam omnia quatuor habebant humanam: sed tertium habebat insuper faciem, quasi faciem hominis: quod alijs tribus commune non erat. Quare cum in tertio exprimitur, illi faciem hominis inesse; id ipsum nos cogit, ut ceterorum similitudinem, quam eis Ioannes attribuit, ad faciem propriè dictam referamus. Nam si tertium in eo differt à ceteris, quia facie constat humanâ; ad faciem igitur referri debet similitudo leonis in 1. vituli in 2. & aquilæ in 4. Neque obest epitheton *volantis*: ut enim aquilæ id adderetur, idonea extitit ratio, de qua suo loco.

Animalium  
oculos fuisse  
veros, non  
pictos, pro-  
batur.

Rotarum  
Ezechielis  
oculi qua  
ratione pos-  
sint concipi,  
ita ut terrâ  
non contin-  
gant.

Animalia  
Ioanni nu-  
da fuisse  
visa.

Animalia  
Ioannis quo  
modo potue-  
runt esse ple-  
na oculis in  
circuitu &  
intus.

Verum Io-  
annis ani-  
malia qua-  
tuor facies  
strictè sum-  
ptas habue-  
runt.

De facie  
strictè sum-  
ptâ loqui  
Ioannem,  
vrior sen-  
sentia.



A At enim, inquires, ad prædictum sensum congruentius foret de omnibus eadem phrasi loqui, & dicere; primum habere faciem leonis, secundum vituli, tertium hominis & quartum aquilæ. Respondetur, vt intelligeretur institui sermonem de facie, satis fuit id in tertio exprimere: mox enim oppositio obligat, vt in omnibus sermonem esse de facie intelligatur, & fortè de industriâ Ioannes non dixit, primum animal habens faciem leonis, vel quasi leonis. Tribui enim primo leonis faciem, secundo vituli, & quarto aquilæ, bifariam accipi potest; primum de perfecta facie leonis, vituli & aquilæ, eadem omnino figura, quæ in ipsis animalibus cernitur. Deinde non de perfecta leonis, vituli & aquilæ facie; sed de eiusmodi similitudine, quam contemplari solent, qui physiognomiam dant operam; & asserunt, hunc vultu referre arietes, illum canes, &c. quia intra humanæ faciei circumscriptionem, arietis aut canis faciem valde imitantur. Atque hac ratione alius dicitur faciem habere leoninam, vitulinam alius, alius aquilinam. Quemadmodum ergo in hominum figurâ, hæc animantium brutorum similitudo minus est violenta; fortè in Ioannis visione existimandum est, primum animal non perfectâ leonis facie constare; sed facie quidam humanâ, quæ tamen referat leoninam: & sic de secundo & quarto. Hoc verò si admittatur, facili mox negotio cernitur, conuenientius dixisse Ioannem, primum simile leoni, quàm si diceret, habens faciem quasi leonis. Illa enim particula, *quasi*, in sacræ Scripturæ phrasi solet sæpe perfectam imitationem significare. Ideoque ad similitudinem aliquam, & non perfectam exprimendam, congruentius fuit dicere, *primum animal simile leoni*, idemque de secundo. In tertio verò cum asseritur, *habens faciem quasi faciem hominis*, non aliud erit, quàm dicere, faciem omnino humanam, & quæ nulla ratione ad alterius animalis speciem referatur.

*Facies hanc animalium dupliciter accipi possit.*

B In quarto autem animali, quoniam aquilina facies ad nasum aquilinum referri poterat, (in quo est valde parua faciei aquiline similitudo; vt intra humani vultus limites maior adhuc similitudo notaretur, quàm in solo aquilino naso, nempe in totius vultus conformatione,) oportuit illud epithetum addi à Ioanne, & dici, *Quartum animal simile aquila volanti*. Aut hoc appositum fortè additur; vt innuatur ex vultus & alarum similitudine quartum animal magis esse aquilæ assimilabile, quàm primum leoni, & secundum vitulo. Adde etiam, fortè Spiritui sancto illud placuisse epitheton; quia non nihil habet mysterij ad propriam significationem aquilini symboli in quarto animali figurati.

*Cur in quarto animalis Ioannes addat epitheton volantis.*

C Quomocumque hoc sit, aquilæ similitudinem ad alas solum referre, violentum planè est. Sic enim nullum esset inter quartum animal & reliqua discrimen; cum eorum singulis sex fuerint alæ. Et Ioannes quidem quatuor animalia manifestè inter se discriminat: cumque Ezechiel antè dixisset, quæ ipse vidit animalia, quaternis faciebus constare singula; Ioannes ait, quatuor se animalia vidisse, primum leoni simile, secundum vitulo, tertium faciem hominis habens, & quartum aquilæ simile.

*Aquila similitudinem ad alas solum referre, quàm sit violentum.*

D Huic argumento Pererius respondet, ad diuersitatem illam à Ioanne positam superesse, vt primo animali expressior sit leonis similitudo, & secundo expressior similitudo vituli: & in tertio hominis, & aquilæ in quarto: licet in vnoquoque animalium sit leonis, vituli & aquilæ similitudo. Sed primo, quo pacto id sit intelligendum non satis teneo. Nam si quatuor animalia perfectâ hominis facie constabant, loquendo de facie propriè sumptâ; & singula habebant alas feras; non video iuxta Pererij expositionem, qua ratione possit dignosci differentia tertij animalis & quarti à reliquis. Deinde Ioannes non ait, animalium, quæ ipse vidit, singula quaternis esse faciebus. neque rectè assumitur argumentum in Ioannis visione ex ijs, quæ Ezechiel de sua recenset. Nam, vt vidimus supra, immeritò statuitur, vtramque visionem fuisse prorsus similem. Tertio difficile valde est, Ezechielis animalia, iuxta Pradi & Villalpandi expositionem intelligere, vt suo loco planum fiet. Neque negari potest illam opinionem esse nouam. non quòd nouum sit, faciei nomine non semper designari eam, quæ strictè appellatur facies: sed quia contextus cogit, vt Ezechielem de facie strictè sumptâ intelligamus. Atque in eo sensu accepit Vulgatus, qui vertit Ezechielis 10. 21. *Quatuor vultus vni*, siue vniciue. Esset autem valde violentum nomen vultus probouis ungula sumere. In eodem etiam sensu proprio accepit Dionysius Areopagita capite decimoquinto, de cælesti Hierarchia; vbi agens de tribus faciebus leonis, vituli & aquilæ (nec enim de humana facie ibi loquitur) appellat eas bestiarum effigies, & in bouis imagine cornuum expressè meminit. Atqui perspicuum est, Dionysium non cogitare cornua bouis in ungula; & in aquilina effigie notat vim illam singularem speculandi & intendendi directè in solis lucem, nullam in partem inclinando aciem luminum: quod ad oculos aquilæ manifestè spectat, & cap. 2. vbi agit de effigie aquilæ, quam Ezechiel Angelis tribuit, perspicue asserit, *ad aquilarum recuruis rostris effigiem*. Quamobrem euidenter est, Dionysium intellexisse quatuor facies in sensu proprio & stricto. Eodemque modo intellexerunt Græci omnes & Latini. Quod autem Pradus ait, Græcos de humana forma explicare aliorum animalium insignibus vestitâ; id suam opinionem minimè fulcit, vt deinceps explicabitur.

E Ceterum accedamus ad vim verborum Ioannis: & expendamus eorum robur ad probandum, quatuor animalia non esse ita concipienda, vt similia inter se sint. Pradus, vt suam tueatur opinionem asserit, verba illa textus, *in circuitu sedis quatuor animalia*, propriè esse intelligenda de quatuor animalibus. Quod verò subditur, *et animal primum simile leoni, & secundum simile vitulo, &c.* non de ipsis animalibus, sed de eorum faciebus accipiendum esse; vt sensus sit, *Prima facies similis leoni, secunda similis vitulo, &c.* Sic ille. Verum hæc explicatio coacta est, vt manifestè apparet in tertio animali. Nam si tertium animal est tertia facies, qualis erit loquendi modus; Tertia facies habens quasi faciem hominis? Deinde, si facies leonis est in pectore; vituli, in pede; hominis, in vultu & facie propriè dictâ: quænam, obsecro, enumerandi ratio est, primò leonem apponere, secundò vitulum, tertio hominem? Hoc enim est à pectore incipere; inde ad pedes deiici, & inde ad caput conuolare. Quòd si nulla restricti obligatione tenemur, vt visionem Ezechielis credamus esse omnino similem Ioannis visioni; quid opus est ad eò constanter atque violenter asserere, Ioannis animalia est inter se penitus similia?

*Verum sua animalia Ioannes inter se omnino similia effingat?*



Num Eze-  
chiel & Io-  
annes eodem  
modo de  
quatuor  
animali-  
bus loquan-  
tur?

Ezechiel de  
animalium  
faciebus lo-  
quens quo  
pacto intel-  
legendus.

Substantiuo  
cuiusque ge-  
neris adiec-  
tium in-  
terdum neu-  
trum reddi,  
Græca locu-  
tio.

Rotarum  
Ezechielis  
facies qua  
ratione sint  
consideran-  
da.

Existimant tamen Pradus & Villalpandus se euidenter ostendere, Ioannis contextum non cogere, ne singulis suorum animalium quaternæ tribuantur facies. Qua enim ratione Ioannes ait, *Animal primum simile leoni; & secundum animal simile vitulo; & tertium habens faciem quasi hominis; & quartum simile aquilæ*; eadem dicit Ezechiel cap. 10. 14. *Quatuor facies habebat vnum; facies vna facies Cherub (id est vituli) & facies secunda facies hominis; & in tertio facies leonis; & in quarto facies aquilæ*. In his verbis aiunt perspicuum esse, Ezechielem loqui eodem modo, quo Ioannes de quatuor animalibus. Si ergo necesse est, vt iuxta Ezechielis contextum quatuor facies vnicuique animalium concedamus; sequitur manifestè Ioannis contextui non repugnare, vt suorum etiam animalium singulis, totidem tribuantur facies. Huic argumento respondeo, audivitatem copulandi Ioannis & Ezechielis visiones fuisse in causa, vt sibi hi auctores persuaferint, Ezechielem cap. 10. agere de quatuor animalibus eadem ratione, qua Ioannes agit cap. 4. Apoc. Qua in re, vt Ioannem cum Ezechiele concilient; opinantur Ezechielem, & vnicuique animalium dare quatuor facies, leonis, vituli, hominis & aquilæ; & asserere insuper, primo animali faciem esse bouis; secundo, vituli; tertio, leonis; quarto, aquilæ. Ego certè, si vtramque hanc loquutionem apud Ezechielem expressam reperirem; crederem, quemadmodum de Trinitatis arcano loquentes, Patri potentiam attribuimus, sapientiam Filio, Spiritui sancto bonitatem; ita similiter ob occultam aliquam rationem tribuisse Ezechielem primo animali faciem vituli, alteri leonis, tertio hominis, quarto aquilæ; atq; eo modo componerem, quæ inter se pugnare videntur. Non tamen inde elicerem Ioannem quaternas similiter facies in singulis contemplatum. Nec enim (vt sæpè dixi) quidquam cogit, vt vtramque visionem eidem omnino similitudinis regulâ metiamur: nec Ioannes tale quidquam de suis animalibus affirmat; nec id in templi Cherubinis (vt postea dicemus) reperitur.

Sed filium Ezechielis verborum attexamus: examinemusq; vtrum ille animalium primo faciem vituli, secundo hominis, tertio leonis, quarto aquilæ tribuat? Verba Prophetæ ita habent; *Quatuor facies habebat vnum: facies vna, facies Cherub (id est vituli) facies secunda, facies hominis; & in tertio facies leonis; & in quarto facies aquilæ*. Si textus hic loquatur de animalibus, *quatuor facies habebat vnum*, significat singulis esse quatuor facies. Quare quod mox sequitur de quatuor faciebus, non sic intelligendum est, vt singulis singulæ sint; sed vt omnibus sint omnes facies. Nam si *vnum* est, *vnum* quodque; *facies vna* erit idem ac dicere, prima facies vniuscuiusque erat facies vituli; & secunda facies vniuscuiusque erat facies hominis. Quare quod subdit, *& in tertio facies leonis*; idem est ac si diceret, tertio loco facies leonis. Ita enim exigit contextus; & ex Hebræo ad verbum sic redditur, *Facies prima (in plurali) facies vituli; facies secunda, facies hominis; facies tertia, facies leonis; facies quarta, facies aquilæ*. Ex quo euidenter est, Vulgatum, vbi transtulit, *in tertio facies leonis*, plus cum originali consensurum, si diceret, *facies tertia facies leonis*, & hac ratione nulli præberetur ansa, vt existimaret Ezechielem tertio animali tribuere faciem leonis, & faciem aquilæ quarto. LXX. nullam huic loci lucem afferre possunt: eum enim versiculum prætermiserunt, vt notat Hieronymus, quæ verò in Græcis aliquot codicibus leguntur, ex Hebræo sunt ad verbum expressa; nempe, *Quatuor facies habebat vnum quodque animalium; facies prima facies Cherub, facies secunda hominis, facies tertia leonis, & facies quarta aquilæ*. Quod autem Hieronymus notat, hoc scilicet primo aspectu videri discrepare ab eo, quod Ezechiel c. 1. dixerat, non ideo dicit, quod singulis animalibus in præsentia singulas præscribat facies, sed quod ordinem inuertat. Ordo enim facierum cap. 1. hic videtur esse, *homo, leo, bos, aquila*: capitis verò decimi series est, *bos, homo, leo, aquila*. Atque hanc solum ob rem Hieronymus & Theodoretus in eam propendent sententiam; vt capitis decimi visionem aliqua ex parte à visione capitis primis diuersam esse credant. Ex quo vel illud eliciatur velim; si Hieronymus & Theodoretus crederent in cap. 10. singulas tantum facies animalibus singulis concedi, non dubitaturos, quin visio vtraque esset diuersa. Cum igitur Ioannes vnicuique animalium vnam tribuat faciem; in cassum laborant, qui ipsius visionem eandem esse cum visione Ezechielis contendunt.

His omnibus illud addo; quandoquidem Græca loquutio est, & interdum Latinis vsitata; vt substantiuo, cuiusque generis sit, adiectiuum neutrum reddatur; non admodum violenter Vulgatum lectionem acciperet, qui quod dicitur Ezechielis 10. 14. *Quatuor facies habebat vnum*, ita explicaret; vt non de animalibus, sed de rotis (de quibus in antecedenti contextu sermo erat) intelligeret. De ipsis enim rotis fortasse omnes interpretarentur, si Vulgatus ad verbū ex Hebræo transtulisset, sicut Pagninus & Arias transtulerunt, *Quatuor facies vnicuique*. Nam licet versu 15. dicatur, *hoc est animal, quod videram iuxta fluuium Chobar*. Id tamen additur post verba illa, *& eleuata sunt Cherubim*, Vnde nihil in Hebræo superest difficultatis, vt de rotis intelligantur quatuor facies, quæ cap. 10. 14. enumerantur; & mox versu 15. agatur de Cherubinis. Quod si versu 14. sermo est de rotis, earumque singulis quatuor facies appinguntur; rectè possunt ita considerari, vt quatuor facies primæ rotæ, vitulinæ sint omnes; quatuor secundæ, humanæ; quatuor tertiæ, leoninæ; & aquilinæ, quatuor quartæ. Nec enim locus extat, in quo Ezechiel rotarum singulis tribuat quatuor animalium facies. Si tamen alicui inhareat scrupulus, qui possint singulæ Ezechielis rotæ quatuor habere facies strictè sumptas; satis sit modò dixisse, Pradum in sua descriptione facies propriè dictas tribuere rotis Ezechielis, sed singulis binas tantum. Rotæ tamen vnâ in aliam insertâ (sic enim Ezechielis rotæ concipiendæ sunt) congruentius est pro duplici facie, quas eis tribuit Pradus, quadruplicè tribuere; vt faciliè intelliget, qui concipiat rotam rotæ insertam ad angulos rectos in crucis modum; & animaduertat, quo loco singulæ facies apponi debeant. Cum autem Ioannis animalia, Ezechielis rotis respondeant in oculorum multitudine (quos Ezechiel in animalibus non vidit) fortasse etiam in eo respondent, quod vnum habet faciem leonis, non verò vituli, neque hominis, neque aquilæ: alterum habet faciem vituli, non leonis, &c. Sic enim manifestè loquitur de suis animalibus Ioannes: & eodem modo intelligi potest Ezechiel de suis rotis.



## S E C T I O V.

*De senis alis singulorum animalium, & de manibus eorum.*

**I**OANNES versu 8. de suis animalibus ait; *singula eorum habebant alas senas*. Iam autem suprà animaduerti, mendosos esse codices qui legunt, *alas senas in circuitu*. Hunc alarum senarium vidit quoque in suis Seraphinis Isaïas cap. 6. 2. ait enim; *sex ala vni, & sex ala alteri*. Ex eo igitur, quòd Ioannes suis animalibus sex alas affinxerit; facile consideratà allusione ad locum Isaïæ colligitur, situm atque dispositionem sex alarum fore eandem, quam Isaïas describit; scilicet vt duabus alis caput obtegant, duabus inferiorem corporis partem, & duas reliquas habeant extensas: ad eum modum, quo aues per aëra volantes pennas expandunt. Ita enim Isaïam esse intelligendum, seorsum demonstrabimus. Ac licet nec Isaïæ Seraphini, nec Ioannis animalia per cælum volitantia discurrere visa sint (præter eum, qui ad Isaïæ labia calculo purganda accessit:) vt vtriq; dicantur apparuisse volantes, satis est eos sese expansis alis in æthere sustinere; quemadmodum aues extensis pennis suspensæ frequenter se in medio aëre librant.

Ezechiel in suis animalibus non meminit sex, sed quatuor alarum. Ait enim cap. i. 6. *Quatuor penna vni, & numer. 11. Penna eorum extenta desuper: dua penna singulorum iungebantur, & tegebant corpora eorum, & cap. decimo, num. 21. Quatuor ala vni*. Vbi tamen Septuaginta legunt, *Octo ala vni*. Ex quo mihi subest suspicio, quatuor alas debere accipi pro quadruplici alarum pari. Sed relicta nunc eâ quæstione (de qua alias;) Pradus, Villalpandus & Pererius, existimantes has Isaïæ, Ezechielis & Ioannis visiones similes prorsus esse debere, affirmant, quas Isaïas & Ioannes vocant alas senas, esse quaternas cum binis brachijs. Nec enim verisimile reputant, Ioannem & Isaïam in singulis siue Seraphinis, siue animalibus sex alas præter brachia aspersisse. Et quidem negari non potest, quin Isaïas brachia in suis viderit Seraphinis; cum eis perspicue manus tribuat. Ait enim versu 6. *Volauit ad me vnus de Seraphim: & in manu eius calculus, quem forcipe tulerat de altari*. Ioannes etiam in suis animalibus brachia fuit contemplatus; quia singula habebant cytharas & phialas, vt habetur cap. 5. versu 8. Quamobrem sibi hi auctores persuadent, sex illas alas esse quatuor tantum, & duo brachia: atque hoc etiam modo templi Cherubinos depingunt.

Equidem, si certum esset, Isaïæ, Ezechielis & Ioannis visiones esse similes omnino; non admodum violenter ex brachijs alas fingerentur. Et aliquis fortasse dicat LXX. in hoc sensu transfutuisse (Ezechielis 10. numero vigesimoprimum,) *octo ala vni*; quatuor scilicet alæ & totidem brachia. Nam animalia Ezechielis singula habebant quatuor manus, vt infra notabimus. Sed cum nulla ratio credere cogat, tres hac visiones fuisse easdem; facilius est & congruentius, quod Isaïas & Ioannes aiunt, de singulorum alis senis in sensu proprio intelligere. Confirmatur hoc, quia coactum valde est, singulis animalium Ezechielis binas tantum manus tribuere, cum ipse manifeste dicat cap. 1. num. 8. *Manus hominis sub pennis eorum in quatuor partibus, & facies & pennas per quatuor partes habebant*. Vbi textus singulis clare designat quatuor manus; quemadmodum & quatuor facies; & totidem alas.

Sed relictis manibus, ad alas reuertamur. Tam in Isaïæ Seraphinis, quam in animalibus Ioannis, singulis ex superiore humerorum parte, nasci debent quatuor alæ, ex vnoquoque latere dua. Et ex quatuor hisce alis dua ad volandum extensæ esse debent; & dua alæ in crucis modum insertæ atque coniunctæ inter se ad vultus partem aliquam operiendam. Quemadmodum depingi solet Seraphinus, qui sancto Francisco apparuit. Præter has quatuor alas; ex femorum superiore parte, dua alæ nascantur oportet, quibus verenda tegantur. Modus autem se obuelandi, quem Pradus depingit, est alis in crucis figuram collatis. Quòd si Ezechielis animalibus, quatuor alarum paria tribuamus; duo habebunt paria in femorum superiorum parte, vnum ad dextrum latus, alterum ad sinistrum. Atque ita pari altero aduersam tegunt partem, auersam altero. At Isaïæ Seraphini & Ioannis animalia in edita femorum parte singulas tantum habent in quolibet latere alas; quibus vt se obnubant, conuenientius apparet, vt se aduersos altera, altera auersos operiant.

Non deerit fortasse, qui præter eas, quas enumerauimus alas; pedibus etiam quatuor animalium, atque etiam Seraphinorum Isaïæ, talaria velit affingi. Nam LXX. Ezechielis 1. 7. legunt *pedes eorum pennati*. Quam loquendi rationem veteres sequuntur Patres, ex quibus Dionysius de cælesti hierarchia cap. 15. generatim loquendo ait, *Sanctorum spirituum pennatos Theologia pedes effinxit*. Vnde ad eorum imitationem, quæ ex sacris Literis audierunt Gentes, videntur suum Mercurium atque alias figuras alatis pedibus finxisse. Nam ex sacris Literis scrutabantur Gentes similitudines simulacrorum suorum, primo Machab. 3. 48.

Certum tamen esse debet, Isaïæ Seraphinos senas tantum alas habuisse, quas propheta exprimit; & duabus quidem faciem velasse, duabus pedes, & duabus volasse. Nec minus certum est, siue quatuor alæ animalibus Ezechielis, siue octo tribuantur, omnes alas huiusmodi debere reduci ad eas, quas habent in humeris; & ad eas, quibus corpus obducunt; de quibus postremis dicitur, *dua tegebant corpora eorum*. Atque vt corpus aut pedes obtegant, abs re est, talis alas apponere. Quare necessarium videtur, vt verba illa Septuaginta interpretum, *pedes eorum pennati*, referuntur ad alas, quas illis in superiori femorum parte esse diximus. Non tamen ideo assero pedes pennatos dici, eo quòd pennis sint cooperti (hæc enim durior esset loquutio) sed quia alæ ipsæ nascantur ex pedibus; hoc est, ex summa parte femorum. Pedum enim nomen interdum in sacra Scripturâ, non tibiam solum comprehendit, sed etiam femur, vt secundo Paralip. tertio, num. decimotertio, *Erectus pedibus, & Ec-*

Num Ioannis animalium ala sint sex, abique brachijs, numeranda?

Opinio Pradi & Villalpandi.

Ezechielem & Ioannem de senis animalium alis in sensu proprio esse intelligendos.

Animalium ala quibus corporis partibus affixæ sint consideranda.

Pedes animalium fuisse pennatos quo sensu accipiendum sit.

Pedum nomen in Scripturâ interdum ad tibias & femora extendi.



cl'iaſtici 26.23. *Pedes firmi ſuper plantas.* & Ezechielis 1.7. *Pedes eorum recti.* & cap. 16.25. *Diuiſiſti pedes tuos.* & eadem analogiâ ſermo eſt de pedibus menſæ, Exod. 37.17. Si ergo nomen pedum comprehendit femora & tibiaſ; pedes & brachia ſunt, quæ corpori adiſciuntur. Et quemadmodum dici poterant pennata brachia ob alas, quæ humeris naſcuntur; ſic etiam pennati pedes appellantur propter eas, quæ ex ſuperiori parte femorum oriuntur. Certè Dionyſius ſuprà allatus, pennatis pedibus tribuit ſignificationem celeritatis alta conſcendentis. At ſacræ Literæ alas eas clarè deſtinant ad obtegendum corpus, id eſt, inferiores corporis partes. Dicit fortè poſſet, ad celeritatem non conferre ſolum extenſas pennas, ſed etiam illas quibus corpus contegitur; & propterea Dionyſium his quoque aliſ, celeritatis ſignificationem largiri.

## S E C T I O VI.

### *De forma pedum in quatuor animalibus à Ioanne viſis*

**Q**U I propriè dicitur pes, prout à tibia diſtinguitur, maioris diſtinctionis gratiâ appellatur in ſacris Literis *planta pedis*, Ezechiel igitur de ſuis animalibus ait cap. 1.7. *Planta pedis eorum, quaſi planta pedis vituli.* Quæ verba licet omiſerint LXX. & eorum loco ſubſtituerint, *Pedes eorum pennati*; Vulgata tamen lectio eſt ad verbum ex Hebræo expreſſa. Quare dubium eſſe non poteſt, quin Ezechielis animalia vitulinos pedes habuerint. Cùm verò Pradus contendat, eiſdem eſſe figuræ Ezechielis & Ioannis animalia, Iſaiæ Seraphinos, & Cherubinos templi, omnibus tribuit vituli pedes. Probabilius tamen videtur, ſolis Ezechielis animalibus fuiſſe plantas vitulinas. Templi verò Cherubinos, Seraphinos Iſaiæ, ac Ioannis animalia tam pedibus, quam toto corpore humanâ ſpeciem retuliſſe. Nam & Iſaiæ & Ezechielis & Ioannis viſiones reſpectum habent omnes ad templi Cherubinos. Sed nec ſunt omnino inter ſe ſimiles, nec templi Cherubinos quoad omnia referunt. Illud commune omnibus eſt, hominis ſcilicet figuram aliſ ornatam proponere. De ceteris, ſinguli exprimunt, quid ſingillatim viderint. Porro expendimus ſuprà, ex eo quòd Ezechielis animalia quaternas alas habent ſingula, perperam inferri, Cherubinis templi & Iſaiæ Seraphinis totidem etiam alas aſſingi debere. Idem ergo videtur dicendum de plantis vitulinis. Nam ex peculiari mentione, quam de illis facit Ezechiel in ſuorum animalium deſcriptione, poſtius colligitur, non eiſdem fuiſſe figuræ, templi Cherubinarum plantas. Licet enim repugnantiam non inuoluat, quòd Ezechiel deſcribat etiam ea, quæ templi Cherubinis & ſuis animalibus communia erant: dum tamen aliunde non conſtat, idem quod in ſuis animalibus vidit Ezechiel, ad Cherubinarum templi figuram conformari; veriſimilius eſt, illud ab Ezechiele exprimi, vt peculiare diſcrimen inter ipſius animalia & Cherubinos templi. Cùm verò neque Ioannes neque Iſaias meminerint pedum vitulinorum, non eſt vnde ſuſpicari poſſimus illos ab eis viſos fuiſſe vel in quatuor animalibus, vel in Seraphinis.

Videor iam ſpeciem ſiue ideam quatuor Ioannis animalium depinxiſſe. Reſtat vt ad myſticam eorum ſignificationem faciamus gradum.

## C O M M E N T A R I V S II.

### *De quatuor animalibus : in quo agitur de illorum ſignificatione.*

#### SECTIO I. *De genuina interpretatione quatuor animalium.*

**T**O T ſunt ab expoſitoribus traditæ horum Ioannis animalium applicationes; vt ex ijs, quas ipſe perlegerim, triginta ſerè poſſim enumerare. Quarum aliquæ ad quaternarium ſe numerum nimis religioſè contriungunt : & prout cuique collibitum eſt, varios eligunt quaterniones. Alij ad quatuor Euangelistas applicant; alij ad quatuor præcipuos Eccleſiæ Doctores; alij ad quatuor cæleſtis hierarchiæ Principes, quaſi inter ceteros Angelos cæleſtis curiæ magnates. Quatuor ſedes alij Patriarchales hîc reſpici volunt; quatuor Monarchias alij; alij quatuor Iſraëlitici exercitus angulos ſiue partes: alij 4. mundi plagas; quatuor anni tempora alij; alij 4. creaturarum genera. Sunt qui 4. elementa hîc ſignificari autument: ſunt qui 4. animæ vires, aut 4. eiſdem præcipuas affectiones, ſunt qui 4. Cardinales virtutes, aut 4. cognitionum genera reſpiciant. Alij 4. ſingularia beneficia in Eccleſiam Chriſtianam collata; aut 4. redemptionis noſtræ myſteria præcipua. Alij 4. Sanctorum genera, aut Eccleſiæ miniſtrorum 4. ordines; vt alia interim ſexcenta miſſa faciam. Porro alij, qui de quaternario numero non laborant, magis adhuc varij & diuerſi feruntur. Ex his quidam repræſentari putant victoriam, quam de Nabuchodonofor Deus reportauit: alij triumphum, quem Chriſtus de vniuerſis Gentibus. Alij Iſraëlitici populi dignitatem & beneficia à Deo illi collata, alij eiſdem populi ex Pharaonis imperio liberationem, & ſimul redemptionem humani generis per Chriſtum. Alij Angelorum perfectiones in his ſymbolis contemplantur; alij

Verum Ioannis animalia vitulinos pedes habuerint.

De quatuor animalium interpretatione multiplices autorum ſententiæ.



A Diuinæ prouidentię excellentiam ac dignitatem. Atque hisce opinionibus aliæ insuper quàm plurimæ accedunt, quæ ingeniorum varietate, & diuersâ explicandi ratione auctæ, mirum est in quam multiplicia dissidentia sententiarum diuortia diuidantur. Legat qui volent Pradum, Viegam, Pererium & alios, qui singularum opinionum auctores recensent. Mihi satis fuerit capita explicationum percurrissē & indicasse. Ex quibus plerasque applicationes existimo ab auctoribus non vt germanas ac solidas interpretationes sacri ænigmatis tradi; sed vt res ad varia sensa, concionandi gratiâ, accommodatas. Non inficior earum aliquas, ingenij vim & acrimoniam redolere; alias pietatem; & ijs præcipuè deberi venerationem quæ à grauissimis & sapientissimis doctoribus prolata sunt. Sed illud nihilominus valde optabile est; vt eiusmodi reperiatur expositio, quæ omnia quadret, & satis difficultati ac studiosorum votis faciat.

B Nostra igitur expositio est, quatuor mystica animalia à Ioanne perspecta esse symbolum Apostolorum, ac eorum qui ipsis succedere, hoc est Ecclesiæ Christianæ Episcoporum; ad quos Euangelij prædicatio ex proprio munere incumbit. Et quanuis huius capitis visio in cælo apparuerit; eius ramen significatio, non triumphantem in cælis Ecclesiam, sed militantem in terra figurat; quæ ob excellentiam & celsitatem ad quam fuit à Deo euecta, sublimis apparet in cælo; vt huius capitis initio notauimus. Vnde infero, ad probandum, in quatuor animalibus non repræsentari Euangelistas quatuor, nullum esse argumentum, quod Ioannes tunc adhuc degebat in terris, necdum in cælis triumphabat. Quin imò Apostolis, qui iam æternâ tunc beatitudine fruebantur, non pro illo beatorum statu, sed pro transacto munere, quod apud homines in terris degentes exercuerant, huiusmodi symbolū congruere; cum huius quarti capitis mysterium ad militantis Ecclesiæ decus & amplitudinem spectet. Nihilominus quatuor animalium significatio non est ad quatuor Euangelistas coarctanda, sed ad Episcoporum in Ecclesia statum extendenda. Agitur autem directè de primitiua Ecclesiæ statu. Depingitur enim in hac Apocalypseos parte ingens dignitas ad quam Deus Christianum populum primæuo illo Ecclesiæ tempore ante Euangelij ad Gentes promulgationem susculit.

C Propositâ nostræ explicationis summâ, superest illius rationem reddere. Primò ergo aduerto, inter Ezechielis & Ioannis animalia hoc interesse discrimen; quod animalia Ezechielis homines esse non possunt, sed cælestes Angeli in sensu directo: Ioannis verò animalia, Angeli non sunt, sed homines Christi sanguine redempti. Discrimen hoc nullus reuocabit in dubium, qui Ezechielis & Ioannis verba attenderit. Sicenim ait Ezechiel cap. 43. 3. (vbi rursus videt currum & animalia) *vidi (ait) visionem secundum speciem, quam videram quando venit vt disperderet ciuitatem: & species secundum aspectum quem videram iuxta flumini Chobar.* Euidens ergo est illum Dei currum fuisse bellicum; & in eo figurari Deum militari apparatu ad Ierosolymitanæ vrbs excidium proficiscentem. Quis igitur non videat tam animalia, quàm currum esse eos Dei ministros, quos ipse ducebat ad bellum? Necessè autem est, eos esse sanctissimos atque clarissimos Dei satellites & ministros; vt manifestè deducitur ex proportionem visionis huius ad Isaïæ & Apocalypseos visiones. Quæ cum ita sint; quibus obsecro præcipuis ac sanctis ministris vsus fuit Deus ad Ierosolymæ vastitatem, nisi cælestibus Angelis? Necessarium igitur est, cælestes Angelos in Ezechielis animalibus repræsentari. Nec minùs certum est, per Ioannis animalia sanctissimos item homines indicari. Nam (cap. 5. versu 9.) quatuor animalia simul cum senioribus dicunt Agno, *Redemisti nos Domine Deus in sanguine tuo ex omni tribu & populo & natione: & fecisti nos Deo nostro regnum & sacerdotes, & regnabimus super terram.*

D Secundò noto, in Ioannis visione citradubitationem, quatuor animalia esse gentem Deo propinquiorem & maioris dignitatis, quàm seniores: quia quatuor animalia sunt in medio throni, atque ad eò viciniora throno Dei, quàm seniores ipsi. In gloriâ etiam Deo reddendâ antecedunt quatuor animalia concinentia, *Sanctus, sanctus, sanctus, Dominus Deus omnipotens, qui erat, & qui est, & qui venurus est:* post quæ seniores subsequuntur. Vnde textus ait; *Et cum darent illa animalia gloriam & honorem & benedictionem sedenti super thronum, procidebant 24. seniores dicentes, Dignus es Domine, &c.* Quare, si per seniores figurantur sacerdotes; nihil conuenientius, quàm vt 4. animalia Apostolos, & Episcopos repræsentent. Quod inde roboratur; quia in hac visione post Dominum in throno sedentem & post Agnum haud dubiè indicatur, quatuor animalium dignitatem esse inter Ecclesiæ ministros supremam. Ac proinde, cum compertum sit, in Ecclesiastica hierarchia Apostolos principem tenere locum; non ab ijs auferri fas est quatuor animalium symbolum, vt ad Euangelistas accommodetur. Hos enim à Deo fuisse electos sacri Euangelij scriptores non tanti est, vt possit cum Apostolica dignitate conferri: nec Euangelistarum cognomen minùs merentur Apostoli, qui Euangelium toto terrarum orbe promulgarunt; quàm sanctus Lucas & S. Marcus, qui literis & monumentis mandarunt. Præterquàm quod Episcopali etiam munere Lucas & Marcus fuere perfuncti. Atque ita etsi Apostolorum collatione, inter seniores illi veniant numerandi, quod fuerint ex duorum & Septuaginta discipulorum numero, aut ex illo ordine; habent tamen etiam inter quatuor animalia locum; quatenus Episcopalem dignitatem gesserunt, & Apostolorum fuere successores, & Euangelij concionatores strenui.

E Terriò noto, veram quatuor animalium significationem non rectè ad quatuor solum personas contrahi. Nam vt in simbolo 24. seniorum vidimus, numerus sæpè ad figuram accommodatur. Deinde in hoc quatuor animalium simbolo plana est ad templi Cherubinos allusio: in quibus perspicuum est, significationem non ad duas vel quatuor personas debere restringi; sed ad eos omnes, qui Dei thronus sunt; & ad omnes cælestis aulae principes, qui ante Deum adsunt. Pari ergo ratione quatuor animalium figura non ad 4. tantum personas est comprimenda: sed, vt in simbolo Cherubinatorum, inuestiganda est idonea ratio, cur in duplici Cherubino oportuerit cælestium Angelorum multitudinem denotari; haud secus in quatuor animalium simbolo, appositam reddere rationem oportet, quæ ostendat Apostolos, eorumque successores in hoc quaternario congruentissimè designari.

*Auctoris sententia, per 4. animalia Apostolos, eorumque successores Episcopos adumbrari.*

*Quatuor animalium symbolum non esse ad 4. Euangelistas restringendum. Discrimen inter Ioannis & Ezechielis animalia, quod attinet ad significationem.*

*In Ezechielis animalibus Angelos: in Ioannis, homines sanctissimos figurari.*

*Per Ioannis animalia viros maioris perfectionis ac dignitatis, quàm per seniores, designari.*

*Animalium significatio non rectè ad 4. personas coarctari.*



Quartò noto, Angelorum multitudinem propterea aptissime significari in Cherubinorum binario; quia Angelorum excellentia ad duo capita reuocatur, videlicet ad eximiam sapientiam & mirabilem sanctitatem; quæ duo, Angelos, Dei thronum efficiunt. Quapropter si Apostolorum & Apostolicorum hominum dignitas congruenter ad quatuor reuocaretur perfectiones in quatuor animalibus eleganter adumbratas; conquiesceret sanè mens, securam iam de Apostolorum & Episcoporum significatione in animalium symbolo apprimè exco-  
gitatâ.

Quintò noto, Apostolos, eorumque successores esse principes Ecclesiæ. Atqui optimi principis dotes & facultates vidimus iam capite primo, septem omnino esse: illas scilicet, quæ in Diuina providentiâ & in Christo, septem Dei spiritus appellantur; nempe Virtus, Beneficentia, Æquitas, Sapientia, Patientia, Comminatio, Seueritas. Quare Apostolici muneris sublimitas exigentem horum spirituum participationem. Ex his tamen septem spiritibus, quatuor primi (vt vidimus capite primo,) directe ordinantur ad eorum felicitatem, qui se Euangelij prædicationi subiiciunt. Tres verò reliqui continent admirabilem gubernandi rationem aduersus eos, qui Deo & Euangelio resistunt. Ad executionem ergo suæ patientiæ, comminationis & seueritatis erga improbos, non vitur ferè Deus Apostolicorum virorum ministerio. Vnde sit quatuor primos spiritus, (in quibus potissimum Dei providentiâ gloriatur,) in hoc capite ad Apostolicos viros significandos, describi debere. Nam cum visionis huius scopus sit, ingentem Christianæ Ecclesiæ felicitatem designare, id est, eorum, qui Euangelij suæ iugum subire; cumque huc spectent omnia huiusce capitis symbola: idcirco ex septem spiritibus illi in primis selecti sunt, qui ad egregiorum Christi cultorum gubernationem attinent; videlicet ingens Virtus, magna Beneficentia, Æquitas summa, & admirabilis Sapientia; de quibus cap. 1. dictum est: ac ad harum quatuor perfectionum significationem, (vt sectione sequenti planum fiet) aptiora & elegantiora symbola seligi non potuere, quàm animalia quatuor, quæ Ioanni ostensa sunt.

Prius tamen breuiter explicemus oportet, quæ in textu ipsis animalium formis antecedunt. Ex quibus primùm occurrunt verba illa, *In medio throni & in circuitu throni*. Cumque in Ioannis visione, quatuor animalia non in medio solum fuerint, sed etiam in circuitu pone seniorum sellas (de quo supra in commentario primo, sectione prima,) congruentior interpretatio est illa (opinor) quæ duplicem locum Ecclesiæ principibus præscribat; in medio alterum, alterum in circuitu. In medio quidem, vt subditis & inferioribus præstò sint, & suam illis providentiam liberaliter impertiant; in circuitu verò, vt repub. veluti murus fortissimus obuallent; & Ecclesiam ab occurrentibus hostium phalangibus tueantur. Eamque ob rem in sancto Sanctorum, Cherubini medium locum, & obiacentem in circuitu occupabant: medium scilicet, vt fidelibus cunctis præstò esse viderentur, vt pote in medio existentes, (iuxta id Psalmi 67. 11. *Animalia tua habitabunt in ea*;) & circuitum, propter eandem causam, qua Ecclesia depicta fuit Angelorum exercitu stipata, qui eam ab hostium incur-  
sibus defenderent, de quo Apoc. 5. 11.

Sequitur in textu, *Quatuor animalia plena oculis ante & retro*. Vidimus iam in præcedenti commentario sectione 2. multò esse probabilius, oculorum multitudinem non fuisse Ezechieli visam in animalibus, sed in rotis. Cuius rei vt reddam rationem; præmitto primò, rotas, ab Ezechiele poni animalibus subiectas. Nam cap. 10. 2. rotas constituit *subtus Cherubim*. Et quamquam viæ erant rotæ, nec ab animalibus trahebantur: textus tamen clarè ait, *& rota sequebantur animalia*: & quasi ab illis traherentur; non aliter ipsis subsistentibus, subsistebant; & ipsis gradientibus, gradiebantur. Vide cap. 1. 19. 20. 21. & cap. 10. versu 16. 17.

Secundò præmitto, hunc Ezechielis currum fuisse bellicum; sicut & illos, qui Elisæum circumstipabant, quarto Regum sexto, num. 17. Notum autem est, Angelos esse Dei currus; in quibus ipse cum hostibus bellum gerit, Psalm. 67. 18. *Currus Dei decem millibus multiplex, millia latantium, Dominus in eis in Sinai*. Quare Dionysius de cælesti hierarchia cap. 15. grauitè & copiosè declarat de Angelis quatuor Ezechielis animalia; rotas item & currum Angelos esse ait: totius demum apparatus figurâ Angelorum militiam indicari. Idcirco autem symbolum currus vsurpatur; quia olim Reges ac principes è curribus dimicabant; vt ex sacris Literis manifestum est. Vide etiam Theodoretum, Ezechielis primo, qui explicat etiam animalia & rotas esse Angelos. Cum igitur animalia antecedant, & subsequantur rotæ; liquet, per animalia superiores Angelos designari, qui sunt præuij ceterorum duces: per rotas verò, Angelos inferiores; qui superiorum rectionem sequuntur.

Tertio præmitto, inferiorum ad superiores subiectionem atque (vt ita dicam) subordinationem, figurâ rotæ eleganter exprimi. Et notum etiam inter Theologos est, ex Angelorum choris infimum esse eorum, qui hominum custodiæ destinantur: quorum incumbit curæ, pro commissâ sibi animæ custodia singulos agere excubias. Ad hoc ergo officium indicandum congruentissima fuit oculorum, (quos Ezechiel in animalibus non vidit, sed in rotis,) multitudo; eadem significatione, qua Poëtæ quàm plurimos oculos suo Argo tribuerunt; quibus Io, delicias Iouis, custodiret. Cum igitur hominum animæ, Dei deliciæ sint; quia *delicia Dei esse cum filiis hominum*: nihil potuit elegantius effingi, quàm Angelorum custodum symbolo multos oculos apponere: quo significetur, eos animorum salutem vigilanter attendere. Vbi illud obiter velim aduerti; in sacra Scripturæ symbolis consentaneum valde esse, vt nos ad eam significationem confirmemus, in qua sapientes ethnici eadem vsurpauerunt symbola: siue ipsi eiusmodi significationem à Iudaico populo hauserint; (iuxta id primo Machab. 3. 48. *De quibus scrutabantur Gentes*, &c.) siue quia Spiritus sanctus voluit ijs vt symbolis, quæ apud sapientes ethnicos in vsu erant; quo tempore sacri libri scribebantur.

His ita constitutis, cum Ezechiel (vt iam diximus) de cælesti agat hierarchia, Ioannes de Ecclesiastica; concinnum fuit, vt in Ezechielis visione, oculorum symbolum ad rotas (quæ infimum de-

notant

Cur in Io-  
annis visio-  
ne anima-  
lia in medio  
throni &  
in circuitu  
throni sint?

In Ezechie-  
le rotas ani-  
malib. fuisse  
suppositas.

Ezechielis  
currus fuisse  
bellicum.

Reges olim  
ac princi-  
pes è curri-  
bus dimica-  
re solitos.

Inferiorum  
ad superio-  
res subiecti-  
onem figu-  
râ rotæ ex-  
primi ele-  
ganter.

Prou. 8. 31.



notant chorum) non ad animalia pertineret. Quia custodum officium non Archangelos aut superiores alias hierarchias contingit. At in Ecclesiastica hierarchia, ad ipsosmet Episcopos, qui angelorum superiorum vices gerunt, animarum sibi à Deo creditarum custodia maximè incumbit. Quamobrem congruens valdè fuit, ut in Ecclesiastica hierarchia symbolum superiorum angelorum, id est quatuor animalium plenum oculis appareret. Quod si præter externos oculos, interna etiam lumina animalibus tribuamus; id indicabit eos, qui aliorum salutem ex officio incumbunt, non ideo in propriæ salutis curâ conuiuere, sed sua vel minima defecta intento mentis obtutu perscrutari.

De perfectione symboli rotarum dicere, ad interpretationem Apocalypseo non spectat: dicemus de hac, diuino annuente numine, Ezechielis. Illud interim obseruo; ex eo quod Deus ad vrbis Ierosolymæ vastationem, non archangelos solum, aliosque superiores choros, sed angelorum etiam infimum chorum, (hoc est angelos custodes) ducat; ex eo (inquam) haud obscure innui, illud Ierosolymæ excidium in animarum bonum ac felicitatem ordinari; ut docet Ecclesiasticus cap. 49. 10. Ezechiel (ait) vidit conspectum gloria, quam ostendit illi Deus in curru Cherubim. nam commemoratus est inimicorum in imbre (id est recordatus est ultionem de eis sumere) benefacere illis, qui ostendunt vias rectas. Attendat, quæso, lector ad contextum: ex quo constat Deum in curru Ezechielis ostenso, suam ostentasse gloriam: quia recordatus est sauiantes turbines & ingentes aquarum imbres in hostes immittere; ut optime de illis mereretur, qui per relapscentiam & præteritorem detestationem commissa scelera eluerent, & puriorem viuendi rationem deinceps inirent. Hic omnino videtur esse illius loci contextus; qui cum præcipuo scopo primæ illius Ezechielis visionis mirificè consentit. Itaque benefacere, græca phrasi idem est quod, ad benefaciendum. Atque hæc fuit Ierosolymitanæ vastationis intentio; scilicet ut magno Deus beneficio cumlaret eos, qui sua agnoscentes flagitia, voluntariâ poenitentia delerent. Id enim est ostendere vias rectas; reapse ostendere se à via praua discessisse, & iter viâ rectâ suscipere. Vide eandem phrasim, Iob 25. 3. Prudentiam tuam ostendisti plurimam. Et Ecclesiastici 9. 1. Ostendere malitiam doctrina nequam.

Cur in Ezechiele, oculi rotis, non animalibus, assignantur?

Ierosolyma excidium in Ezechielis curru adhibuit ad veram animarum salutem ordinari.

## S E C T I O II.

### De mira perfectione symboli quatuor animalium ad Apostolorum excellentiam.

EX antecedenti sectione, & latius exprimi cap. notatione, supponimus, miram virorum Apostolicorum perfectionem, (quatenus Ecclesiæ principes sunt, & diuinæ Providentiæ in animarum salute administri) in quatuor illis virtutibus excellentissimis esse sitam, Magnanimitate, Beneficentiâ, Acquitate, Sapientiâ: atque hunc virtutum quaternarium non ad libitum & gratis confectum, sed seria ratiocinatione necessariò designatum. Superest igitur, ut probemus, ad harum quatuor virtutum symbola nihil potuisse magis aut proprium, aut elegans quam quatuor horum animalium figuras excogitari.

In quatuor Ioannis animalibus totidem optima gubernationis virtutes præcipuas figurari.

#### De leone.

AC primò, ad magnanimitatem atque animi fortitudinem exprimendam, ecquod potuit symbolum leone aptius reperiri? Expendantur, quæ de ipsius naturâ & proprietatibus, acerrimi naturalium rerum indagatores perscribunt; & Plinius præsertim libr. 8. cap. 18. noteturque imprimis, in omnibus veterum numismatis; & stemmatum insignibus, vbi cumque leonem videmus expressum, hunc ei semper sensum attribui. De quo vide Antonium Augustinum dialogo 2. numero 31. & Choul de religione fol. 45. Eapropter Herculem frequenter (interdum etiam Cupidinem) & Magni Alexantri imaginem leonis exuuiis vestiuit antiquitas. Huc confert id Prouerb. 30. 30. Leo fortissimus bestiarum ad nullius pauebit occursum. His adde ex Forerio Isaia 5. 29. leonem ab Hebræis vocari לֵבִי (lebi), quod nomen deriuatur a לָבַב (labab) quod significat cor, propter ingens cor, robur atque animum, quæ leoni insunt. iuxta id 2. Reg. 17. vbi de viro magnanimo dicitur, cuius cor est sicut cor leonis.

Leo magnanimitatis symbolum.

#### De boue.

DEINDE si leo, quod inter cetera animalia robore ac fortitudine præstet, magnanimitatis symbolum iure gerit; perspicuum fit, animal illud, quod humanæ vitæ fuerit præ ceteris vtilissimū, fore similiter optimum Beneficiæ symbolum; ac proinde illius, qui suas omnes vires in hominū commoda & vtilitates confert. Ad hoc ergo significandum nullum potuit animal magis idoneum inueniri, quam bos seu vitulus. ex eoque genere congruentissimè electus est potissimum vitulus; quippe qui in ea est ætate, quæ magno deinceps vsui & emolumento se fore pollicetur. Nemò autem nescit hanc animalium speciem, dum viuit, esse ad arandum & ad onera comportanda vtilissimam. Vide illud Prouerb. 14. 4. Vbi non sunt boues, præsepe vacuum est; vbi autem plurima segetes, ibi manifesta est fortitudo bouis. Ad hæc, lactis & butyri bubuli cui sunt ignota delicia? Iam post occisionem, quæ carnes bouinis aut vitulinis solidius & communius suppeditant humano corpori alimentum? Quin etiam vel corium est hominum vsibus vtilissimū. His accedit huiusmodi animal non solum viuum & occisum, sed tabidum etiam ac putridum summæ esse hominibus vtilitati. Vermes enim, quibus aliorum animalium putrefacta cadauera scatere solent, humano generi nullum afferunt emolumentum: qui

Bos seu vitulus, beneficentia symbolum.

Bos non viuus modò, sed & occisus & corruptus humano generi vtilissimus.



Ex bobus  
putrefactis  
apes & bom-  
byces pro-  
creari.

verò ex vitulo seu boue putrescente generantur, quibus nos beneficijs cumulent, norunt omnes. Hinc enim apes, hinc bombyces oriuntur: quorum comparatione reliqui omnes vermes inutiles valent appellari. Hi verò non viles vt cumque, sed vtilissimi sunt, & hominum commodis mirum in modum deferuientes. Apibus enim ceræ ac mellis beneficia; bombycibus omnia sericorum genera, quibus totus orbis redundat, secundum Deum, debemus accepta. Quanta igitur consideratione, atque adeò admiratione dignum est, vtrumque hoc animantium genus ex vitulo corrupto iam & putrefacto procreari? De apibus id expresse docet Virgilius 4. Georgic. fin. & Plinius libr. 11. cap. 20. Vnde Græci apes appellant *βοῦπαιδες* & *βουγέες*. De bombycibus autem idem cecinit Hieronymus Vida lib. 2. ad finem his versibus:

*Sicut apes teneri reparantur cade iuueni:  
Hic superaccedit tantum labor. Antè iuencus  
Bis denosque dies, bis denasque ordine noctes  
Graminis arcendus pastu, prohibendus ab vndis.  
Interea in stabulis tantum illi pinguis mori  
Sufficiunt folia & latenti cortice ramos,  
Viscera vbi cæsi fuerint liquefacta, videbis  
Bombycem fractis condensam erumpere costis,  
Atque globos toto tinearum effluere tergo.*

Vterque poëta ad poëtici carminis concinnitatem, non nihil fictionis addunt. Illud tamen nos docent, vermes ex iuueni tabidi carnibus productos, esse aut apes aut bombyces; prout fuerit passio, qua antea alebatur bos; & iuxta locorum etiam, temporum atque ventorum naturas. Quæ si vera sunt, (vt multi hodie experimento edocti confirmant) quid quæso magis mirum, magisue summæ beneficentiæ depingendæ aptum? Adde huc, non solum ex hoc animantium genere bombyces & apes progigni; sed etiam nullam aliam eis originem esse videri. Docent enim Augustinus de Genesi ad literam cap. 14. & S. Thomas 1. p. q. 72. absurdum esse dicere, creata fuisse ab initio à Deo animalia, quæ ex mortuis animalibus generantur. Confirmat hoc Pererius libr. 11. in Genesim à simili; quia huiusmodi animalia non sunt ingressa in arcam Noë. Pro quo assertit Abulensem: descenditque ad apes singillatim. Si igitur vitulo apes ac bombyces, & vtilissimum vtrorumque fructum debemus; potuitne quidquam vtilius ac beneficentius fingi?

Huius phi-  
losophia de  
boue ad be-  
neficentiam  
applicatio.

Iam, si ad mylticam philosophiam oculos conuertamus, quàm se hîc latus aperit campus ad perpendendum & assiduâ meditatione ponderandum, quantû homines cælesti illi vitulo debeamus, qui se pro nobis in cruce obtulit immolandum? In quanto insuper illorum ære sumus, qui Christi amore succensi se consecrarunt, vt in generis humani beneficium, mystici vituli fierent per Christi imitationem? Symbolica autem isthæc bouis seu vituli significatio in antiquis numismatibus vsitata fuisse reperitur. Hæc enim est significatio iuueni in multis Augusti nummis: & Antonius Augustinus dialogo 2. numero 31. numisma quoddam adducit, vbi leo atque bos coniuncti cernuntur, Magnanimitatis proculdubio & Beneficentiæ copulatio.

#### De homine.

Homo ra-  
tionis & æ-  
quitatis  
symbolum.

**SECVITVR** tertium animal, id est homo; in cuius significatione nihil est, quod laboremus. Quem enim latet, in facie humanâ rationē & æquitatem indicari? Nec aliud præterea esse animal rationis & æquitatis particeps? Quare, cum in animali aliquo ratio ac iustitia essent significandæ; necessariò debuit illi hominis facies concedi. Ac in veterum quidem numismatis semper Aequitati humanæ tribuitur figura. Quod si quisquam obijciat, Aequitati semper stateram in manu appingi, (vt notat Antonius Augustinus, dialogo 2. numero 18. nonnullis ad eam rem allatis numismatibus antiquis.) Respondeo primum, vbi simul leo, vitulus, aquila & homo apponuntur; neutiquam opus esse staterâ. Nam ex collatione euident est, humanam faciem rationis & æquitatis esse symbolum, sicut leonem fortitudinis. Secundo dico, non deesse nobis in Apocalypsi stateram, quæ tertium comitetur animal, nosque illud dignoscere doceat. Hoc namque animal tertium, respondet sigillo tertio, eique aperiendo adest; Ioannemque accersit, vt contempletur eam figuram, quæ tunc ob oculos prestat (capite 6.) vtpote rem ad ipsum animal spectantem; tertio autem sigillo resignato, prodit eques stateram manu tenens, vt in signe illud Beneficentiæ non possit in 3. animali desiderari.

#### De aquila.

Aquila sa-  
pientia ac  
prudentia  
symbolum.

Perpicax  
aquila vi-  
si.

**QVARTVM** denique animal, aquilæ faciem habet. ac licet aquila soleat alioqui esse imperij & excellentiæ symbolum; propterea quod super aues ceteras sese sublimi volatu attollat, nidumque suum in sublimi ponat: ceterum huius symboli perfectio exigit, vt quemadmodum in leone Fortitudo, in vitulo Beneficentia, Ratio & æquitas in homine considerata sunt, tanquam præcipua quæ in illis eminent; ita etiam in aquila illud in primis inspiciamus, quod in ea eminet potissimum. Id autem esse perspicacissimâ oculorum aciem, expendit Plinius libr. 10. c. 3. *Clarissima (ait) oculorum acies.* Et infra; *Implumes etiamnum pullos subinde cogunt aduersos intueri solem: & quos coniuventes animaduertunt, præcipitant è nido, velut adulteros atque degeneres: illos autem, quorum acies firma contrâ steterit, educant.* Ad magnam igitur sapientiam & prudentiam admirabilem significandam, quæ, quod aliorum obtutum præterit, facile cernit, nemo non videat, quàm aptum sit aquilæ symbolum. Hinc vulgatissima illa loquutio ortum habuit; qua, vt aliquem acri ingenio & perspicaci præditum significemus, eum aquilam appellamus. Hispanâ certè phrasi id frequentissimum est. Sed ad id vel maximè congruit aquilæ symbolum, vt cælestis sapientia denotetur. Nam aquilæ visus est acutissimus, & cuncta è sublimi loco despicit, solemque lucis fontem intuetur aduersum. Proprium autem est cælestis sapientiæ, sapientiam terrenam quasi ex alto despicere, & super eam nimis editè volare. Hinc illud 1. Corinth. 3. 19. *Comprehendam sapientes in astutia eorum.* In cuius rei figuram, cum virga Aaronis versa

effect



A *effet in colubrum, Vocant Pharaon sapientes & maleficos (Exodi 7.10.) & fecerunt etiam ipsi per incantationes Aegyptiacas & arcana quadam similiter: proieceruntque singuli virgas suas, & versa sunt in dracones. Sed deuorauit virga Aaron virgas eorum. Quod ergo voluit Deus in admirandâ illâ virgâ figurare; id etiam suo modo figuratur in eo, quod refert Plinius libr. 10. cap. 3. Aquilarum (inquit) pennas, mistas reliquarum alitum pennas deuorant. Ad id verò, quod sapientium est proprium; silere scilicet & operari; mirificè aptatur, quod de aquila nigra, (quæ præcipua est inter aquilas) refert ibidem Plinius, Sola sine clangore, sine murmuratione.*

*Aliarum animalium pennas ab aquila pennis admixtis deuorari.*

B Præterea Apocalypf. 8. 13. dubium non est, quin aquila symbolum sit cælestis sapientiæ. Ea enim est, quæ videt famem, bellum, ac pestem, esse minoris momenti supplicia, si cū spiritualibus supplicijs comparentur. In quo sensu accipienda sunt verba illa Christi (Matth. 24. 8.) *hac autem omnia initia sunt dolorum.* Ideoque, cū cap. 8. Apocalypf. temporalia supplicia sint expressa, quæ Deus fuerat Iudaico populo minitatus: vt expendatur deinde, quantò sint horribiliora spiritualia supplicia, quæ deinceps erant enumeranda; ait textus; *& vidi, & audiui vocem vnus aquila, volantis per medium calum, dicentis voce magna, ve ve ve habitantibus in terra.* Addit verò Ioannes tria illa vè tribus extremis plagis respondere, nimirum cordis desideriis, iræ furiis, & obstinationi in peccatis.

Aptissimum igitur est aquila sapientiæ cælestis symbolum. Altera autem imperij & excellentiæ significatio, cum sapientiæ significatione facillè componitur. Nam vt rectè Horatius libr. 1. epist. 1 ad Mæcenatem:

*Ad summum sapiens vno minor est Ioue, diues,  
Liber, honoratus, pulcher, rex denique regum.*

### *De applicatione quatuor animalium ad singulos Apostolos:*

C **V**idimus hætenus, quàm sint apposita quatuor animalium symbola, leonis videlicet, vituli, hominis & aquilæ, ad quatuor illas virtutes adumbradas, in quibus summa principis perfectio sita est. Vnde ad nouorum principum absolutam perfectionem innuendam, id est, Apostolorum & eorum successorum, quos Deus Ecclesiæ Christianæ præfecerat; congruentius symbolum reperiri nequaquam potuit. Et quamuis per accommodationem non ineptè quatuor hæc animalia Euangelistis dispertiantur; ita vt vnus leo, vitulus alteri, alij homo, aquila alij attribuantur: propria tamen eorum significatio est de omnium Apostolorum, necnon singulorum perfectione. Nece est, cur hoc alicui nouitatem & insolentiam redolet. De Elia enim, deque Elisæo, de vnoquoque seorsum ait scriptura, *Currus Israel & auriga eius.* Si ergo vni eidemque Prophetæ apprimè conuenit currus & aurigæ symbolum; quid mirum eidem Apostolo quatuor animalium symbola cōgruere propter quatuor illas (de quibus supra dictum est) optimæ gubernationis virtutes? Deinde; cur erit mirandum in hac representandi ratione accidere, quod in stemmatum insignibus siue scutis frequentissimè fieri videmus? in vno nempe scuto diuersa apponi animalia, non vt personas diuersas indicent; sed vt varias eiusdem personæ, cuius est illud insigne, perfectiones. Nec primus ego sum, qui quatuor animalium symbola omnia singulis Apostolorum applicem. Ambrosius enim cap. 6. in expositione primi sigillific habet, *Quatuor animalia sunt Ecclesiæ Doctores; & eandem significationem habet primum animal, quàm & secundum, tertium & quartum.* Ecclesiæ autem Doctorum nomen Apostolis & viris Apostolicis per excellentiam congruere, perspicuum est. Quod autem Ambrosius ait, eandem esse significationem leonis, vituli, aquilæ & hominis, distinctionem personarum negat, non peculiarium in eisdem personis rationum siue virtutum.

*Quatuor isthæc animalium symbola singulis Apostolis aptari.*

D Nostræ quoque expositioni manifestè fauet Dionysius de cælesti hierarchia cap. 15. vbi grauitè & sapienter docet, quatuor Ezechielis animalia, principum hierarchiæ cælestis esse symbola; & quatuor facies (leonis, vituli, aquilæ & hominis) non deservire ad personarum distinctionem innuendam, sed ad denotandas cælestium principum perfectiones & excellentias. Hac ergo Dionysij institutione ita præmissa (quæ certa planè est, & à beato Paulo ipsius institutore accepta) cū euident sit, Apocalypsin ad hierarchiæ cælestis imitationem de Ecclesiastica agere; necessarium est, vt animalium quaternarius cuius Apostolorum tribuatur, & singulorum perfectiones prædicto modo designet. Ac licet Dionysius fecundissimo illo, quo pollebat ingenio, quatuor facierum singulis, plurium virtutum significationem accommodet: anteponet tamen (quis dubitet?) in animali quolibet eam significationem, quæ magis aptè cum ipsius naturâ cohæret. Nec dubium esse potest, quin in leone, Fortitudinis symbolum emineat; Beneficiæ, in vitulo; in homine, Aequitatis ac rationis; in aquila, verò Sapientiæ. Quamobrem Dionysius ipse loco superius notato, inter alia perspicuè ait, in leone figurari *vim robustam & indomabilem*; in boue, *vim salutarem, quæ spirituales sulcos scindit caelestibus imbribus accipiendis*; in aquila, *vim illam singularem speculandi atque intendendi libere & directe, in nullam partem aciem luminum flectendo.* & paulo antè dixerat, *humanâ formâ significari rationis vim.* Hæc Dionysius; cuius verbis quid aptius ad nostram confirmandam explicationem optare possem, omnino non video. Præsertim, cū iuxta eiusdem Dionysij philosophiam seu potius Theologiam, Ecclesiastica hierarchia cælesti respondeat; & Episcopi ac sacerdotes sint etiam angeli. Sic enim ille philosophatur cap. 12. de cælesti hierarchia: cui consonant Augustinus tomo 6. libro 12. contra Faustum, & Manichæum, capit. 26. & tomo 8. Psalm. 44. in illo versu *Propterea vixit te Deus.* & Beda in explicatione Genesis ca. 28. qui in Iacobi scala, angelos illos ascendentes & descendentes, de Euangelij concionatoribus intelligunt, quod est proprium Apostolorum & eorum successorum munus.

*Dionysii Areopagite mens de quatuor animalium symbolis.*

E Facit etiam nobiscum Sophronius; qui ait per quatuor animalia denotari noui testamenti patres. Qui autem sunt noui testamenti patres, nisi Apostoli & viri Apostolici? Consentit etiam Galfridus (cuius expositionem referunt Viegas & Pererius) qui in animalium quaternario conten-

*Sophronij item & aliorum sententia de eorundem animalium simbolo.*



dit omnes Ecclesiæ Prælatos repræsentari. Atqui præcipuos Ecclesiæ Prælatos esse Apostolos & Episcopos, manifestum est: ceteris autem idem symbolum conuenit per analogiam, quatenus Apostolorum participant principatum. Præterea proximè ad nostram expositionem accedunt, qui virtutes eas, quæ in viris Apostolicis effulgent, hisce quatuor animalibus dispartiunt; licet distributio, quam afferunt, non sit fortasse ita ad amissim excogitata. In his est Philastrius libr. de hæresibus §. de quatuor animalibus; qui per hominem ait significari cælestem scientiam; per vitulum laborem fortem & pertinacem concertationem; per aquilam volatum sublimem, &c. Similia ferè Sophronius oratione de excellentiâ angelorum (tom. 2. Bibliothecæ fol. 1032.) qui quatuor facies exponit de vi ratiocinante & irascente, de fortitudine & cælesti celsitudine. Concordant Origenes & Nazianzenus qui ad quatuor animæ vires referunt quatuor animalia; & leoni tribuunt irascibilem, homini rationem. Ad stipulatur Andreas in primi sigilli apertione; vbi ait, per leonem significari imperterritam Apostolorum fortitudinem. quanuis in ceteris animalibus ipsius expositioni non videatur adeo coherere.

Quid Hieronymus & Ambrosius eadem de re senserint.

Fauent etiam nobis Hieronymus & Ambrosius; qui quatuor his animalibus existimant quatuor virtutes cardinales exprimi; leonique fortitudinem adscribunt. In eo enim, quod quendam virtutum quaternarium per quatuor animalia designari putant, nostræ interpretationi viam aperuerunt. Cumque de principum virtutibus sermo sit, facile est aduertere, explicationem non fuisse referendam ad virtutes eas, quas cardinales vocant, prout vniuersis hominibus probis communes sunt; sed ad eas, quæ sunt principum maximè propriæ. Illi item, qui per hæc quatuor animalia plagas mundi quatuor denotari aiunt, ne in diuersa nimis ac disparata videantur ferri; ita sunt, opinor, explicandi, vt in Ezechiele per quatuor animalia denotentur angeli quatuor, quibus quatuor mundi plagarum cura incumbat; ac proinde in Apocalypsi per quatuor animalia indicentur Apostoli; qui in quatuor orbis partibus, hoc est, in toto terrarum orbe, Christi Euangelium disseminarunt.

Communis quoque multorum Patrum expositio, quæ quatuor animalia Euangelistis quatuor distribuit, congruenti quadam accommodatione nititur; si illud esse certissimum præstituamus, Euangelistas nempe omnes, viros Apostolicos fuisse. Sic enim eorum cuius leonis iuxta, vituli, hominis & aquilæ symbola iure debentur; quæ omnibus Apostolis ac viris Apostolicis communia sunt. Ac deinde peculiaris ratio præterea non deest, vt singulis hoc symbolum potius, quam illud applicetur; siue propter Euangelij sui exordium; siue quia magis ex professo ad aliquod Christi mysterium descendit; siue ob specialem aliquam prærogatiuam ad virtutem aliquam ex illis quatuor spectantem. Hæc tamen accommodationes non à primaria Apocalypseos expetuntur intentione, quæ vnicuique Euangelistæ, seu viro Apostolico omnia illa quatuor animalium symbola tribuit. Et sanè omnibus Apostolis ac viris Apostolicis congruit esse Euangelistas, id est Euangelij promulgatores: nec minùs Euangelistæ nomen promeretur Paulus, quam aut Lucas aut Marcus. Speciales autem accommodationes non adeo firmo fundamento solidantur: vt facile commutari non valeant; vt satis apparet in opinionum, quæ circumferuntur, varietate de singulis animalibus non eodem modo inter 4. Euangelistas distribuendis. Nec enim leo ab omnibus eidem accommodatur. Et idem de ceteris dico. In quo, vt verum fatear, non multum momenti est.

Præcipuas quatuor Prouidentia partes in quatuor animalibus, symbolicè figurari probatur.

Atque vt alijs superseadam opinionibus, quæ cum nostra facile conciliari possent; illud tantum assumo: quod Prædus ex Polychronio refert, videlicet quatuor animalia esse Prouidentia symbolum. Verissimè ille quidem. Non quod animalia eas directè virtutes repræsentent, quas diuina in se continet Prouidentia: sed quod eorum virtutes designent, qui sunt Ecclesiæ principes, & diuinæ ipsius Prouidentia ministri. Hæc itaque Dei ministrorum virtutes, vt pote quæ à diuina supremi principis prouidentia deriuantur, iure optimo concipiuntur, veluti quædam ipsius Dei insignia siue stemmata: propterea quod admirabilis in eis effulgeat imitatio præcipuarum virtutum, in quibus diuinæ Prouidentia perfectio sita est. Atque hac ratione, viri Apostolici rectè considerantur vt Cherubini, Dei Prouidentia currum trahentes, nomenque Dei ipsius portantes, (vt de Paulo dictum est Actuum 9. 15.) & in semetipsis, veluti in expressa imagine, Altissimi Prouidentia perfectionem toti orbi proponentes: quod est esse regios Dei Prouidentia insigniferos. Et verò, si præstantem animi fortitudinem perpendamus, quam Spiritus sanctus viro Apostolico suggerit, vt in vastissimas Ethnicorum prouincias ac regna solus penetret, quod eas suauis iugo Christi subijciat; manifestè perspicitur pectus illud indomitum, robur illud animi, inuictamque constantiam, nihil terrestre aut humanum, sed merum Christi præsidium opemque redolere. Si autem effusam beneficentiam consideremus, qua quispiam ex viris hisce sanctissimis communi sese hominum vtilitati dicat, & consecrat; nullum vt laborem subterfugiat, nulla vt pericula non subeat, quod se totum in animorum salutem impendat: hunc certè mysticum vituli vigorem, hanc animi humana despicientis fortitudinem, Christo Iesu referri debere acceptam, quis non videat? Porro si summa ponderetur æquitas, qua Apostolicus vir officia, magistratus & quidquid suæ curæ incumbit, non impotenti animi affectuone & impulsu abreptus, sed vna ratione & consilio ductus merentibus, nec optantibus distribuit; huiusmodi æquitatem & incredibilem in summa potestate rerum omnium modum à perennitiam & inexhausto Christi redemptoris nostri fonte dimanare satis constat. Si denique ferid examinemus admirabilem ac planè diuinam gubernandi rationem & cæleste consilium, quæ Deus viris Apostolicis communicat, vt quod diuini obsequij est, aggrediantur strenuè, constanter prouehant, & feliciter assequantur; hæc cælestis aquilæ facies, hoc admirabilis sapientia decus & ornamentum nonne ab ipso Christo ducunt originem? Hæc igitur clausula esto, Iesu Christi spiritum (qui leo, vitulus, homo & aquila per excellentiam est) præcipuum atque adeo vnicum esse auctorem, qui viros Apostolicos leonino robore, vitulina beneficentia, æquitate humana, aquilina perspicacitate penitus implet.

Quamobrè magna nostræ interpretationis confirmatio petitur ex eo, quod c. 6. narratur in quatuor pri-



Ex aliorū  
Apocalypse  
os locorum  
collatione  
idē assum-  
ptum robo-  
ratur.

primis resignandis sigillis accidisse (in quibus quatuor præcipui diuini Prouidentie spiritus, qui latebant, reuerantur.) Ad primi enim sigilli resignationem, Ioannem appellat leo, ei que dicit, *Veni & vide*: ad secundum vocatur à vitulo: ad tertium ab animali tertio faciem humanā habente: ad quartum denique accersitur ab aquila. In quo liquidò apparet, quantā inter sese proportionem quatuor animalia, primorum 4. sigillorum mysterijs respondeant: & quā recte animi magnitudo, quæ in viris Apostolicis innitescit, nos inuitet ad Dei fortitudinem & magnanimitatem contemplandam: & similiter eorum beneficentia ad summam nos diuinæ Prouidentie beneficentiam cognoscendam alliciat. idemque de ceteris dictum esto. Quare & leonis significatio respondeat necesse est significationi arcus & sagittarum primi sigilli: quibus innuitur (vt ibi videbimus) ingens illius fortitudo, qui corda hominum transfigit, & fidei Christianæ subijcit. Similiter etiam necessarium est, tertij animalis significationem cum significatione stateræ, quæ in tertio apparet sigillo (id est rationis & æquitatis) consentire. Atqui idem est de reliquis afferendum.

Concludo igitur, & lectori expendendum relinquo, quā sit verisimile quatuor animalium significationem non esse aliam, quā virtutes prædictas in viris Apostolicis prælucentes. In symbolis porro (vt aliàs diximus) nullum est abstractorum à concretis discrimen. Itaque eo ipso, quod leo, vitulus, homo & aquila, Apostolorum Fortitudinem, Beneficentiam, Aequitatem & Sapientiam denotent; planum fit, animalia ipsa eorum Apostolorum esse symbola. Quemadmodum duo parui Cherubini, qui ad Dei thronum facti sunt, angelos & homines sanctos adumbrant; quorum in animis Deus sedem habet. Sunt enim sapientie & sanctitatis symbola: quæ duo & angelos & hominum sanctissimorum mentes Dei thronum constituunt. Atque hæc collatio à duorum Cherubini significatione petita maximopere animalium significationi percipiendæ conducit. In ijs enim allusio est proculdubio ad templi Cherubinos & ad Ezechielis animalia.

Ex ipsis autem Ezechielis animalibus validum etiam desumitur argumentum ad probandum quatuor animalia esse symbolum non discriminis, quod inter viros sanctos est, sed quatuor diuersarum virtutum, quæ viris Apostolicis sunt cōmunes. Ezechiel enim in animalium singulis quatuor illas facies leonis, vituli, hominis & aquilæ conspexit. Non igitur propria significatio esse potest de ministrorum Dei discrimine, sed de diuersis virtutibus, quæ in eorum splendent singulis. Cur verò Ioanni singula sint monstrata animalia singulas facies habentia, Ezechieli verò singula cum quaternis faciebus, infra Deo fauente explicabimus.

Sed prius quā hac me sectione expedio, velim scrupulum tollere, qui lectorem fortasse punget. Diximus in superioribus significationem duorum paruorum Cherubinorum, qui Dei thronum componunt, esse sapientiam & sanctitatem eorū, in quibus Deus sedem habet: adhæc, per quatuor animalia indicari Fortitudinem, Beneficentiam, Aequitatem & Sapientiam hominum Apostolicorum. Vtrum eadem est sapientia, quæ in altero Cherubinorum & in quarto animali figuratur, an non? Respondeo, non eandem sapientiam, sed diuersam significari. Etenim sapientia, quæ sanctitatis est comes, intellectus perfectionem in vera Dei cognitione respicit. Sunt enim veluti duæ sorores, perfectio mentis, quæ in vera Dei cognitione sita est; & perfectio voluntatis, quæ ad Dei ipsius amorem reducitur. Atqui binæ huiusmodi perfectiones, dubium nō est, quin homini cui libet sancto insint; licet electus à Deo non sit ad aliorum salutem procurandam, sed solum ad incumbendum propriæ. Sapientia autem, quæ inter perfectiones principis quæ princeps est, annumeratur, illa perfectio est, quam Isaias illis verbis expressit, *Admirabilis consiliarius*, de quo diximus c. i. notatione 5.

Virum sapientiam in parvis Cherubinis figurata, sit eadem, quæ per aquilam adumbratur.

### S E C T I O III.

*In qua nostra de quatuor animalibus explicatio confirmatur à duobus antiquis Romanorum signis, & ab insigni Arij Lacedæmonum regis; cui comparatur insigne Sanctissimi Domini Nostri Pauli Quinti.*







**A** **V**IDIMVS, quàm apta symbola sint, Fortitudinis, leo; Beneficentiæ, vitulus; Rationis & æquitatis, homo; Sapientiæ & consilij aquila. Hoc ergo ipsum placuit confirmare productis duobus Romanorum signis antiquissimis; in quibus eadem quatuor animalia ad similem significationem usurpata fuisse apparet bina & bina. Affert duo hæc antiqua signa siue insignia Stephanus Pighius in suis Reip. Romanorum annalibus: estque alterum illorum gryphus, quem tamen non desuerint antiqui Scriptores (quos refert Plinius) tantæ simplicitatis, ut sibi persuaserint, eâ figurâ, quæ solet depingi, veri esse animalis genus, aurum eruens & ab Arimasps seruans; certum tamen est, eam figuram & narrationem excogitatam fuisse (ut & alias plerasque fabulas) alicuius reconditæ significationis gratiâ. Quid verò aptius, quàm ut coniunctio illa leonis & aquilæ inuenta sit ad significandâ coniunctionem sapientiæ & fortitudinis? Huic cogitationi congruit, quod anterior corporis pars sit aquilina, posterior leonina. Neque enim præire debet fortitudo & subsequi sapientia: sed contrâ potius. Cohærent etiam cum sapientiæ significatione insignes illæ aures, quæ aquilino gryphi capiti affixæ sunt. Tum quia auditus est sensus disciplinæ: tum etiam quia decet sapientem Principem suis consiliarijs attentas præbere aures. Fabula autem de auro eruto & custodito facilem habet & conuenientem explicatum: nimirum verissimam felicitatis ac securitatis reip. causam esse coniunctionem sapientiæ & virtutis.

**B** Transeo ad alterum Romanorum signum, quod eo libro refert idem auctor: ac fuisse ait, humanas facies in corporibus vitulorum; datumque hoc insigne, Romanorum colonijs; eiusmodi boû seu vitulorum vel picto vel ficto iugo; in quo utrique animali esset facies humana; alteri virilis, alteri feminea. Aptissimum sanè symbolum ad eam significationem, cui accommodatum fuisse apparet: nempe colonias non aliter bene fundari atque constitui, non aliter crescere & augeri, quàm æquitatis & beneficentiæ coniunctione; hoc est, mutuis ciuium inter se tum iustitiæ, tum charitatis officijs; nulliusque laboris tergiuersatione, quem iuris præscriptio, atque communis reipub. vtilitas exigat. Affixæ quoque sunt caudæ eiusmodi vitulorum in spicas desinentes: ut intelligeretur cuiusmodi sint fines & fructus eius laboris, qui pro reip. bono suscipitur; atque eius industriæ, quæ rationi & æquitati deseruit. Ex his enim magnam reip. felicitatem & quasi vbertatem prouenire, spicarum symbolo denotatur. His addo, ex apta coloniarum symboli significatione colligi posse, Minotauri figuram; (quem Ouidius appellat,

*Semibouemque virum, semivirumque bouem;*

**C** & qui inter Romanorum insignia numeratur à Plinio libr. 10. capit. 14.) initio fuisse ad eandem significationem excogitatam; licet postea anili fabulâ veritas obscurata, aut etiam sedata fuerit. Et utcumque id sit, saltem in prioribus illis duobus Romanorum signis, habemus coniuncta quatuor Apocalypseos animalia, significatione non absimili. Et fortasse à vero non longè aberrauerit, qui suspicatus fuerit, Ethnicos aut à Salomonis templo, aut ab Ezechielis prophetiâ desumpsisse huiusmodi symbolorum vsum, quem postea variè commutarunt. Scimus enim à libris sacris scrutatas fuisse Gentes similitudines simulacrorum suorum; ut habetur 1. Machab. 3. 48.

Quoniam verò inter quatuor animalia, nobilissimam habet aquila non solum significationem, sed etiam locum (neque enim vacat mysterio quod facies aquilæ visa sit ab Ezechiele supra ceteras facies) liceat mihi, (interpreti eius, cui inter Evangelistas insigne aquilæ accommodari solet) duo etiâ alia prisca signa siue sigilla prædictis addere; in quibus excellentior aquilæ locus ad sapientiæ atque consilij præstantiam, referendus videtur. Horum alterum excepi ex Dactylothea Abrahami Gortelai, annulo 112. vbi videre est, in antiquissimo quodam sigillo, figuram aquilæ supra vituli faciem insistentis cum sequenti inscriptione,

IOVI OPTIMO MAXIMO, SACRA:

**D** Ac iam facile est diuinare, quid tribuere Ioui voluerit illius symboli inuentor; videlicet, beneficia illius esse maxima: sed sapientiam omnia moderantem longe maiorem. Propterea enim aquila, quasi longè præstantior, posita est superior vituli facie.

Expressior tamen erat aquilinæ præstantiæ significatio in altero sigillo, cuius meminit Iosephus 12. Antiquit. capit. 5. Vbi, cum mentionem fecisset illius epistolæ, quam Arius Lacedæmonum rex ad summum Iudaici populi Pontificem Oniam scripsit (eam nempe, quæ habetur 1. Machab. 12.) subdit, ex ipsius epistolæ autographo constare, eam fuisse obsignatam aquilæ sigillo draconem tenentis vnguib. De quo symbolo nihil verisimilius occurrit, quàm eo sigillo, voluisse Arium gloriari in vera filiorum lucis, seu filiorum Dei sapientia, quæ de diaboli ac filiorum huius sæculi astutia triumphat. Nā præterquàm quod hæc est aptissimâ illius symboli significatio; ex illa eadem epistola constat, quàm gloriosum sibi duceret Arius, agnatum esse populi Hebræorum, utpote ab Abrahami quoque stirpe generatum. Ex quo coniectare licet, illum insignia sua, ad Iudæorum consuetudinem accommodasse: hoc est ad sacræ Scripturæ vsum in symbolis aquilæ atque draconis. & forsan hac ipsa de causa, ad Pontificem Iudæorum scribens, non contentus epistolam eo obsignasse sigillo, id ipsum disertis verbis expressit, ut tradit Iosephus.

**E** Sed siue hac, siue alia de causa id fecerit Spartanus rex Arius; per occasionem sigilli illius libet nunc mihi obiter ac reuerenter cum illius sigillo conferre insigne Domini Nostri Pauli Quinti, qui in principis Apostolorum throno sedet, quo tempore hæc à me scribuntur; cui meum ipse opus supplex offerre, iam animo destinaui. Neque vero in hac interpretatione symbolorum, quæ in eius insigni visuntur, longè admodum à meo instituto digrediar; quia tam aquila, quam draco, quibus Pontificis nostri constat insigne, inter Apocalypseos symbola semel & iterum locum habent. Atque ut non aliter in Domini Nostri Pauli stemmate siue insigni à me illa accipiantur, quàm in Iohannis Apocalypsi, non leui fortasse ducor coniecturâ. Rationi enim consentaneum videtur, ut Christi Domini vicarius in symbolorum suorum significatione credatur sacræ Scripturæ consuetudini se conformare; & Apocalypseos præferim, quæ est Romanæ Ecclesiæ aded gloriosa.

1.  
Duo antiquorum insignia ad nostram sententiam confirmatione.

Alterum insigne gryphus.

2.  
Alterum, faciei humane in vituli corpore. Romanorum olim coloniarum insigne.

3.  
Duplex aliud veterum insigne pro sapientia per aquilæ figurandâ.

4.  
Arij Lacedæmonum regis insigne: eiusque ad S. D. N. Pauli V. stemmata accommodatio.

5.  
Insigne S. D. N. Pauli Quinti.



*Aquila &  
draconis  
pugna.*

Primum ergo in Domini Nostri Pauli insigni facile agnoscitur imitatio eius sigilli, quo se visum fuisse testatur apud Iosephum Arius Lacedæmonum rex. Quod enim aquila suprà depingitur, draco subter; manifesta est triumphus, quem aquila agit de dracone, representatio. Atque eodem sine dubio spectabat sigillum Arii. Porro inimicitia inter aquilam & draconem ex naturalis historiae scriptoribus notæ sunt satis. *Acrior est cum dracone aquilarum pugna,* (ait Plinius libr. 10. cap. 4.) *multoq; magis anceps, etiamsi in aere. Osa hic confectatur aquila auiditate malefica. At illa ob hoc, rapit vbiicumque visum. Ille multiplici nexu alas ligat: ita se implicat, vt simul decidat.* Hac igitur de causa ab Ario cælata est aquila draconem discerpens vnguibus. Verum in ea pugne imagine aliquid est, quod videri possit ipsi aquilæ incommodum. Illa enim quasi luctæ representatio & vnguium impressio, quauis aquilam superiorem atque triumphantem ponat ob oculos; nonnihil tamen illam implicat & quasi conserit cum dracone. Ex quo efficitur, vt videri ipsa possit, vel aliquid subiisse periculi; vel ab impuro draconis sanguine fuisse nonnihil sordidata; vel pestilenti halitu, quem ille efflare intelligitur, nonnihil affecta & offensa. Quare vbi aquila non regis alicuius bellatoris futura erat insigne, sed symbolum egregiæ sapientiæ cælestisq; consilij, quo Christi Vicarium maxime decet ornari; vt eiusmodi sapientiæ victoria de inimica draconis astutia non solum iusta esse adumbretur, sed ipsi etiam aquilæ adedò gloriosa, vt se illi draco ante congressum videatur omnino subiecisse; & neque illa aut contagione aliquâ contaminata, aut inquinata sordibus, aut periculi timore perculsa fuerit; ad perfectam huius puritatis & immunitatis cum absolutissima victoria coniunctionem significandam, singularis consilij fuit, id interesse inter Arii regis sigillum & Sanctissimi Domini Nostri Pauli insigne; vt in hoc non solum aquila superior esse cernatur; sed etiam adedò sublimis; vt draco ei neque se vlllo pacto implicare possit, neque impedire, vt victoriæ honor sit omnino intaminatus, absque vlla cælestis ferentitatis perturbatione: quasi aquilæ istius vmbra satis fuerit ad deterrendum draconem atque triumphandum.

*Hæreticorū  
amentia fi-  
guris Apo-  
calypsi cis  
abuentiū.*

Ad hæc; quauis draconis symbolum, dæmonis astutiam malitiamq; designet primum; hæc ipsa tamen significatio facile ad hæreticos extenditur ipsius filios atque ministros; de quibus egregie triumphat aquila magnarum alarum. Quod si iam hæreticorum astutia atque nequitia fraudibus instructa eò processerat, vt inflato collo, tumidisque ceruicibus, hoc magis sæculo, quam vnquam alio, aduersus Petri successores se imprudenter attollere auderet: atque acerbatis suæ virus apud stultos euomens, eo veneno Apocalypseos figuras inficere expeteret; illisq; per eam insaniam ad blasphemias accommodatis siue detortis, Romanæ Ecclesiæ consideret se valde nocere posse, sacri libri obscuritate abutendo, ac eius verba in Romanorum Pontificum dignitatem contorquendo; dum persuadere conatur septenorum capitum belluam, Gogique & Magogi figuram non aliud esse, quam gryphos & ænigmata Papatum designantia: si hoc (inquam) sæculo ad eam insaniam hæreticorum effrænatus & præceps furor progressus erat; liceat ei, qui demonstrare contendit nullum esse sacra Scripturæ librum, qui Ecclesiæ Romanæ ac sedi Apostolicæ tantum faueat, quantum Apocalypsis; nullum, qui aduersus insanas illas hæreticorum blasphemias acrius bellum gerat; liceat (inquam) ei, lætari & exultare; quod, cum diuina Prouidentia videatur hanc Apocalypseos interpretationem Pauli Quinti pontificatui referuasse; ipsius quoque Pontificis insigne triumphatæ hæreseos significationi apprimere quadret. Vidimus enim, quam apte adumbretur eo insigni nobilis aquilæ de hæreticorum astutia triumphus. Cui rei mirifice concinit felicissimum illud augurium de aquila serpentis vltice atque adedò victrice, quod M. Tullius lib. 1. de diuinatione in ciuis sui Marii commendationem, his versibus eleganter tradit;

*Hic Iouis altisoni subito pinuata satelles,  
Arboris è trunco serpentis saucia morsu,  
Ipsa seris subigit transfigens vnguibus anguem  
Semianimum, & variâ grauitè ceruice micantem.  
Quem se intorquentem lanians, rostroque cruentans,  
Iam satiata animos, iam sauos vltia dolores,  
Abijcit esslantem, & laceratum affligit in vnda;  
Seque obitu à solis, nitidos conuertit ad ortus,  
Hanc vbi præpetibus pennis, lapsuque volantem  
Conspexit Marius, diuini numinis augur,  
Fausa que signa sua laudis, reditusque norauit;  
Partibus intonuit cali Pater ipse sinistris.  
Sic aquila clarum firmavit Iuppiter omen.*

Adhæc; si Apocalypsis de nouo ita exponatur, vt hæreticorum furori frangendo nihil aptius excogitari, aut optari etiam potuisset; cum hæc sacra reuelatio eleganter comparetur ouo aquilino, cui exorbendo vehementer inhiabat draco: ac genuina interpretatio sit veluti quadam exclusio & animatio eius vitæ, quæ sub oui putamine latebat abscondita; mirifice conuenit, vt triumphus & exultatio aquilæ, draconisque depressio atque confusio, ambæ res ad eiusmodi interpretationem Apocalypseos, qualem ego afferre opto, pertineant. Quid enim aptius, quam exultare atque triumphare aquilam, eo quod excluso iam & roborato pullo, qui latebat in pulcherrimo ouo (de quo erat illi dimicatio cum dracone) non solum frustrata sit draconis spes; sed aquilæ etiam potentia nouo cum fœtu, parentis inimicitias acerrimè persequuturo, robustior effecta sit? Hæc & reuerentiæ causæ erga Christi Vicarium; & vt meæ quoque spei fauerem, tum cogitare, tum scribere visum est. Atque hoc ipsum cogitabam, cum figurâ sermonis ad beatum Ioannem conuersa carmine illam affari ausus sum initio huius operis, accommodato illi Sanctissimi Domini Nostri Pauli insigni.



## S E C T I O I V.

*De ratione conuenientiae & differentiae inter animalia Ezechielis & Ioannis,  
in ijs praesertim, quae ad facies spectant.*

**S**ECTIONE 2. prioris commentarij probatum est, Ioannis & Ezechielis animalia aliquot in rebus inter se conuenire, in alijs verò differre. Oportet ergo in praesenti tam conuenientiae, quam discriminis rationem reddere. Duo verò sunt potissimum, in quibus consentiunt. Primum, quòd vtrisque sit humanum corpus & alatum, ad Cherubinorum templi imitationem. Alterum, quòd Ezechielis animalia habeant facies leonis, facies vituli, facies hominis, & facies aquilae: atque eadem facies in Ioannis animalibus reperiantur. Differentiae autem sunt non minus sex. Prima; quatuor facies omnes vidit Ezechiel in animalibus singulis; Ioannes verò in singulis tantum singulas; praeterquam quòd Ezechielis ordo enumerandi nonnihil à Ioannis ordine diuersus est. Quin apud eundem Ezechielem alius est capite primo, & alius capite decimo. Secunda; Ezechielis animalia vitulinis plantis; at animalia Ioannis humanis constant pedibus. Tertia; Ioannis animalia, quemadmodum & Isaia Seraphini, habent alas, quibus tegant vultus; Ezechielis, non item. Quarta; Quatuor sunt manus singulis Ezechielis animalibus, cum Ioannes in suorum singulis binas tantum viderit. Quinta; Illa, id est, Ezechielis animalia scabellum pedum Dei super capita habent; haec verò Ioannis sunt in ipso Dei throno, & in circuitu throni. Sexta denique; Ioannis animalia oculis sunt vndique obvallata; non tamen visa ab Ezechiele, de quo tamen discrimine supra diximus.

*Sex discrimina inter Ioannis & Ezechielis animalia.*

**V**enio in primis ad conuenientias. Et quidem circa primam, si per quatuor animalia (vt dictum est) significantur quatuor illae perfectissimae gubernationis virtutes; videbatur fore congruentius, vt omnibus hisce animalibus humanum corpus inesset. Fortitudo namque in integro leone melius, quam in sola leonis facie videtur exprimi. Atque idem de ceteris dici potest. Et confirmatur, quia in symbolis alijs ac hieroglyphicis, ad fortitudinis significationem non sola leonis facies, sed integra eius effigies vsurpatur. Quin & in sacris Literis ad animi indicandam fortitudinem saepe tota leonis figura ponitur; vt in throno Salomonis, 3. Regum 10. 19. & ad beneficentiae symbolum solida bouis imago, vt in bobus duodecim, sub mari aeneo. Item ad vtriusque virtutis hieroglyphica in decem basium ornatu, 3. Regum 7. 29. *leones & boues*, qui distincti sunt à Cherubinis, vt manifestum est in textu. His adde, quòd leoni non in facie inest fortitudo, sed in corde, (quod medium corporis locum occupat) vt notatur, 2. Regum 17. num. 10. *Cuius cor est quasi cor leonis.*

*Conuenientia inter eadem Ioannis & Ezechielis animalia.*

**R**espondeo tamen ad obiecta; licet integra leonis aut bouis effigies satis ex se sit apta, vt fortitudinem & beneficentiam denotent: at ratione allusionis ad Cherubinos templi, congruentissimum fuit, vtrisque Ioannis & Ezechielis animalibus humanam adscribere figuram. Deinde, quatuor facies egregie conducunt ad significandum id, ad quod possent integra leonis, vituli, hominis & aquilae figura deferuire. Neque enim virium corporearum significatio quaeritur, aut etiam corporei laboris; sed animi virtutum & spiritualis fortitudinis. Atqui quod latet in pectore, ferè solet foras erumpere, & in vultu apparere; iuxta id Eccli. 13. 31. *Cor hominis immutat faciem illius*, & Proverb. 17. 24. *in facie prudentis lucet sapientia*. Quare, cum oris vultus soleat respondere cordi, quod dicitur 1. Paralip. 12. 8. *facies eius quasi facies leonis*; idem est quod 2. Regum 17. 10. *Cuius cor est, quasi cor leonis*. Quare, qui Physiognomiae nauant operam, ex vultu atque oculis solent animi propensiones & inclinationes voluntatis coniectare. Quapropter praecipunt, hominem, qui leonem vultu referat, leoninam quodammodo indolem & propensionem imitari: & qui faciem aquilinam habeat similem, solere esse visus perperitacissimi. Ex quo intelligitur, ad quatuor illarum animi virtutum significationem multò fuisse elegantius facies illas leonis, vituli, hominis & aquilae in corporibus humanis, quam integra leonis, vituli & aquilae corpora figurare. Praesertim, cum ipsa humani corporis species sublimitatem ac caelestes cogitationes denotare videatur, iuxta Ouidianum illud, 1. Metamorphoseos;

*Cur quatuor Providentiae partes praecipuae in animalium faciebus solum, non item in toto corpore figuntur.*

*Os homini sublime dedit, caelumque videre  
Iussit, & erectos ad sidera tollere vultus.*

**Q**uare, vt excelsa fortitudo, sublimis beneficentia, admirabilis aequitas, ac diuina sapientia figurentur, appositum valde est facies leonis, vituli, hominis & aquilae humanis in corporibus collocare; iuxta id Ezechielis 1. 5. *Similitudo hominis in eis.*

**Q**uòd autem in quadruplici hac facie species Ioanni & Ezechieli visae conueniant (hoc enim erat alterum conuenientiae caput) ideo fuit; quia licet alteri caelestis hierarchia, alteri Ecclesiastica monstratae sunt; in vtrâque tamen visione animalia indicant principes, & praecipuos diuinae Providentiae ministros in spiritali rationalis creaturae administratione. Quare vtrisque ostendenda fuere quatuor animalium facies, quibus virtutes illae huic muneri necessariae denotantur. Et haec tenus de conuenientijs.

*Cur Ezechielis & Ioannis animalia in quadruplici facie conueniant?*

**Q**uòd autem ad differentias attinet; circa primam notandum est, quomobrem Ezechielis animalia apparuerint numero quatuor. Pradus & Villalpandus sibi persuadent, eius rei rationem esse, quòd templi Cherubini quatuor erant; duo scilicet parui, quos fecerat Moyses; & totidem ingentes,



quos Salomon: qui omnes quadrigam iuncti formabant. Hoc tamen iam suprà refutatum est. Nam si Pradus & Villalpandus arcam curruì impositam considerant; si duo item Mosis Cherubini supra arcam erant; quàm apta (rogo) atque concinna quadrigæ forma componetur ex duplici ingenti animali curru trahente, & ex duplici alio, quæ curruì imposita simul cum ipso curru trahuntur? Ad hæc, duo illi Mosis Cherubinuli, Dei thronum constituunt. Atqui tam Ezechieli quàm Ioanni Dei thronus apparuit præter quatuor animalia. Ergo quatuor animalia minimè respondent duplici Mosis & Salomonis Cherubinatorum binario, sed binario solum Salomonis.

Magnorum Cherubinarum, quos fecit Salomon, significatio.

Salomonis Cherubini cur ad Mosaicorum similitudinem facti?

Hoc non parum fulcitur si germana significatio attendatur. Duo enim magni Cherubini tam magnitudine sua, quàm oleaginis præcordijs ac visceribus, denotant maximos ac præcipuos Dei ministros, qui in spiritali Ecclesiæ gubernatione illius vices & auctoritatem gerunt. Duorum autem Mosis Cherubinatorum diuersa erat significatio, vt aliàs dictum est. Quare, cum quatuor animalia ipsorummet Dei ministrorum excellentium sint symbolum (qui sunt cælestis vel Ecclesiasticæ hierarchiæ principes), consonum minimè est, vt quatuor animalia paruulis Mosis Cherubinis respondeant, sed grandioribus solum, quos fecit Salomon.

Verum est, Salomonis Cherubinatorum figuram Mosaicis Cherubinis fuisse similem; vt significaretur miram illam sapientiæ & sanctimonix conspirationem (quæ angelos, atque hominum mentes efficit Dei thronos) multiplici auctam incremento requiri necessarò in ijs, quos Deus Ecclesiæ principes constituit. Hæc tamen Dei ministrorum figura symbolica, quam Salomon extruxit, non quadruplici Cherubino, sed duplici constabat. Itaque perstat adhuc integra difficultas, cur præter duos diuini throni Cherubinos, Ezechieli sint ostensa quatuor animalia pro duobus magnis Salomonis Cherubinis? Si Pererij excogitatio de Ioannis animalibus vera esset (videlicet eorum singulis quaternas inesse facies, sed in alio expressiorem fuisse faciem leonis, in alio vituli, & sic de reliquis;) si Ezechielis item animalia Ioannis animalibus omnino similia essent; dici tunc posset, animalium quaternarium fuisse ad quatuor virtutes figurandas necessarium; ita vt vnicuique referendæ deseruiret facies animalis expressior, quæ ad eam significandam pertinere, licet in ceterarum esset comitatu. Sic enim vera Fortitudo cum Beneficentia, Aequitate & Sapientia coniuncta est. Verùm illud Pererij inuentum nullo solido fundamento nititur, vt suprà est expensum. Atque in singulis Ezechielis animalibus præcipua facies erat humana; de quo infrà. Cum ergo in quouis animalium Ezechielis vniuersæ quatuor facies extiterint, æquæ in omnibus æquæ expressæ; alia est quaternarij ratio inuestiganda.

Quatuor animalium expositio de quatuor præcipuis curia cælestis principibus refellitur.

Alicui fortasse non displicebit expositio de quatuor præcipuis curiæ cælestis magnatibus, Michael, Gabriele, Raphael, & Uriel: (de quibus non nihil diximus capite primo,) hæc enim expositio manifestam reddit rationem de animalium quaternario. Verùm cum in duobus Mosis Cherubinis non petatur ratio ab aliquo magnatum binario; sic etiam in animalium Ezechielis quaternario inaniter existimatur, ideo fuisse quatuor animalia, quia principes quatuor sunt. Ostendimus autem suprà in quolibet animalium, omnes vel cælestis vel Ecclesiasticæ hierarchiæ principes denotari; cum quadruplicis faciei symbola omnibus æqualiter congruant. Quare aliam oportet huius quaternionis rationem disquirere.

Quatuor Ezechielis animalium significatio.

Quæ ergo videtur idonea huiusmodi est, pro quaternario Ezechielis: cum Deus ad Ierosolymam delendam tunc pergeret (hic enim est directus illius visionis scopus, vt clarè docemur Ezechielis capite 43. 3.) decebat cæli militiam, id est hierarchiam cælestem, figurari in modum bellici currus. Nam reges olim, præsertim apud Orientales populos, in curribus sublimes dimicare solitos, suprà iam à nobis probatum est. Et quia principum currus quadrigâ vehi solebant; ideo in eâ Ezechielis visione animalia, quæ rotas antecedeabant, & curulibus equis respondent, cõgruenter factis quatuor figurata sunt, totidemquæ rotæ: non quòd quatuor in quatuor animalibus personæ significantur, sed quia falcati bellici quæ figura currus, quatuor rotas & animalia quatuor trahentia, iuxta vulgarem ea tempestate consuetudinem deposcebat. Itaque vt apposita esset figura currus, haud necesse erat præcipuos Dei satellites & administratos esse multos; vnus enim minister in quatuor animalium symbolo idoneè figuratur; sicut de Elia (& similiter postea de Eliseo solo) dictum est, *currus Israel & auriga eius*, qua ratione poterat idem angelus representari in rotis omnibus atque integro curru. Sed cum cælestis militiæ principes reapse complures sint; & inferiores angeli sint etiam innumeri; idcirco dicimus, per animalia quatuor, cælestis hierarchiæ principes; & per 4. rotas, inferiorum angelorum multitudinem denotari.

Hæc ratio quaternario Ezechielis satis congruit. Quòd verò in animalium singulis quaternas facies ostenderit Propheta Deus (quas tamen templi Cherubini nequaquam habebant) propterea factum est, vt Ezechieli ipsi patefaceret suæ Prouidentix perfectionem in antiquo illo Ierosolymæ excidio. In quo si externa solum facies consideretur, præter Iudæorum scelerum supplicium, nihil aliud videbatur esse. Atque ideo cælestis hierarchiæ principes, (quorum ministerio Deus in admirando illo facinore utebatur, quique Dei mentem ea in expeditione probè norant,) propheta visi sunt sub animalium figurâ quaternas facies habentium; quibus adumbrarent, se in eo bello, quod Dei iussu gerebant, fortitudinis, beneficentiæ, æquitatis atque sapientiæ exercere perfectionem, & præclara edere documenta. In qua significatione fortasse non habitus fuit solum respectus ad fructum & emolumentum ex antiquo illo Ierosolymæ vrbis excidio percipiendum; sed multò magis ad vtilitatem eximiam, quam ex Iudaici populi repulsa in eo excidio figurata Deus decerpiturus erat; nimirum ex diminutione eorum, diuitias Gentium. Valdè enim verisimile est, Ezechielem (vt & reliquos prophetas) dum Iudaica tangit, Christiana respicere: præsertim in ea visione, quæ inter ceteras caput effert.



**A** At enim, licet quaternarij animalium Ezechielis idonea reddita sit ratio, necnon quaternarum in singulis facierum, ex hoc tamen noua oritur difficultas; cur scilicet Ioanni quatuor item animalia apparuerint, nec quaternis faciebus singula constent? Primum enim, si apud Ezechielem quaternarij ratio ex curus consuetudine petitur; Ioanni nullus fuit curus visus, nec curulia erant animalia ipsi ostensa. Quare non quatuor, sed duo potius futura videbantur animalia, quæ Cherubimorum Salomonis binario responderent. Deinde, quæ ratio extitit, vt singulis Ezechielis animalibus quaternæ facies tribuerentur; eadem poscebat, vt Ioannis animalia similia essent. Nam si quatuor illæ optimæ gubernationis virtutes sunt in cælestis curiæ principibus sociali fædere copulatæ; eadem etiam in Ecclesiæ militantis principibus coniunctæ visuntur. Quare vt omnes in eadem persona coniunctim significarentur, aptius videbatur esse quaternas facies singulis animalium dari.

*Cur Ioannis animalia quatuor ita fuerint, non tamen singula quaternis faciebus præditæ*

**B** Ad vtramque tamen difficultatem respondeo, Ioannis animalia conuenienter fuisse quatuor; vt eorum proportio atque allusio ad animalia Ezechielis patefieret. Cum verò Apocalypseos visio non curum bellicum, sed templi potius thronum referret; deerat iam ratio, cur animalia inter se essent similia. Nam omnimoda similitudo inter animantia, quæ principis curum vehūt, maximè interest ad decorum & proportionem; sed in templo & diuinæ Prouidentiae insigniferis, aptū habebat locum varietas, si ad mysterij significationem conducebat. Quam ob rem, cum earum virtutum vnio satis iam fuisset indicata in Ezechielis animalibus quadruplici facie præditis: ad vniuscuiusque virtutis perfectionem significandam, oportuit eas separatim sumptas apponi. Atque hoc pacto Ioannis & Ezechielis visiones sibi mutuo respondent: & ex vtraque elicitur, quatuor illas virtutes in quolibet Dei ministrorum (siue cælestis sit hierarchia, siue Ecclesiastica) reperiri coniunctas, simulque inferitur, singularum virtutum ex his quatuor perfectionem absolutam esse atque integram. Magnopere autem decuit, vt perfectio hæc (quæ indicatur in eo, quod singula animalia singulis tantum faciebus appareant) in Apocalypseos potissimum animalibus reperiretur. Nam principum cælestis hierarchiæ virtutes, certum erat, nullius imperfectionis concreione maculari: quare licet in quatuor facierum copulatione, quæ singulis inest animalibus, cuiusque faciei perfectio non ita extet & emineat, (præsertim si vera facies animalis sit vna; tribus aliis desuper & ex vtroque latere dispositis personata, vt explicabitur infra) cum tamen de cælestis curiæ principibus sermo sit, non erat verendum, ne quis virtutes eorum singulas, imperfectas esse existimaret. At in Apocalypsi, cum de Ecclesiasticæ hierarchiæ principibus sub animalium symbolis agatur, cumque illorum perfectio non esset adeo comperta; conueniens fuit, vt cuiusque perfectio in ijs figuraretur animalibus, quorum singula vnicâ facie verè solideque expressa constarent.

**C** Præter hæc, in Apocalypsi peculiaris extitit ratio, vt quodlibet animal vnicâ tantum facie pingeretur. Quia capite 6. significandum fuerat, nos virorum Apostolicorum fortitudine invitari ad contemplandam diuinæ Prouidentiae fortitudinem in primo sigillo latentem; & eorundem beneficentiâ excitari similiter ad Dei beneficentiam intuendam sub secundo sigillo: æquitatem, ad æquitatem in tertio; & sapientiâ, ad sapientiam in quarto. Atqui ad eiusmodi distinctionem minimè idoneum erat, singulis animalibus quaternas appingi facies. Sic enim quodlibet animal, quatuor omnes repræsentaret virtutes: cum tamen expediret Ioannem à singulis separatim accersiri. Rationem hanc, si rectè aduertatur, tanti momenti esse censeo; vt ea sufficiat ad probandum, singulis Ioannis animalibus vultus singulos inesse debere; vt Ioannes ipse testatur.

*Peculiaris ratio ex Apocalypsi de prompta, cur vnicâ facie singulis Ioannis animalibus fuerit.*

**D** Iam, quod attinet ad diuersum ordinem ac seriem numerandi quatuor facies in Ezechiele & Apocalypsi; obseruandum est, Ierosolymæ vastationem apud Ezechielem proximè attendi; in qua Deus cælestium spirituum ministerio fuit usus. In Apocalypsi non item, sed Ecclesiæ respici adificationem; ad quam Deus Apostolos virosque Apostolicos adhibuit. Vtrobique ergo facierum ordo ex argumento desumitur. Et quidem facies aquilæ vltimo loco vtroque ponitur: tam enim in extructione, quam in destructione, postremum in quod oculos mentis tandem intendimus, est mirum Dei consilium atque sapientia, quæ in aquilæ vultu (vt dictum est) figuratur. Ex tribus alijs faciebus, in Ecclesiæ structura, eminet in primis ac fulget ingens illa animi fortitudo ac robur ad fidem Christi persuadendam, & intellectus hominum illi subiiciendos. Deinde admirabilis beneficentia eorum, qui vt beneficium tantum in homines conferant, quibusque se difficultatibus ac laboribus obijciunt. Et tandem maxima apparet æquitas in rectissima Ecclesiæ gubernatione. Vnde facierum ordo huic considerationi in Apocalypsi respondens huiusmodi est; facies leonis, facies vituli, facies hominis, & facies aquilæ. Id quod in quatuor primis sigillis capite 6. amplius elucidabitur. In Ierosolymæ autem destructione, vna ex parte sese obijcit primum, æquitas & iusta Dei ratio in vindicta de sceleratis hominibus sumenda; potentia item in executione, & ingens simul charitas in supplicio huiusmodi ad Israelitici populi salutem dirigendo. Atque hæc est capitis primi Ezechielis series. Ex alia verò parte decorum maximè seruatur in eo, quod prius maxima pondereur charitas in bello illo, quod totum ad peccatorum resipiscentiam, atque adeo ad summum illorum beneficium dirigebatur: & hæc est facies vituli. Mox ingens supplicij æquitas aduertatur: postremò fortitudo maxima in operis executione. Quem ordinem Ezechiel cap. 10. seruat. Nec verò opus est capitis decimi visionem à visione capitis primi esse diuersam, vt distinctus vtriusque sit ordo. Nam si quatuor mihi capita coram proponantur hunc in modum

*Cur ordo quatuor animalia numerandi in Ioanne & Ezechiele diuersus sit? Expenditur animalium ordo, quem Ioannes obseruat.*

*Ezechielis animalium ordo, eiusque ratio traditur.*

(leo.)      (aquila.)      (homo.)      (vitulus.)

rectè possum semel ita enumerare, vt asseram me vidisse hominis faciem; & ad alterum eius la-



tus faciem leonis; ad alterum faciem vituli; de super autem aquilæ faciem. Eandemque dispositionem capitum possum aliàs diuerso hoc modo recensere; asserens, aspexisse me tria capita in eodem (vt ita dicam) versu; vituli scilicet, hominis & leonis; & supra illa caput aquilæ. Vbi aduerte, hunc legendi modum, prius vitulum, deinde hominem, & postea leonem; à dextrâ scilicet ad læuam, esse proprium Hebræorum.

*Pedum discrimen in Ioannis & Ezechielis animalibus.*

Huic facierum discrimini, pedum discrimen annectamus. Ioannis enim animalia (bonâ cum nostri Pradi veniâ) vituli plantas non habebant, vt animalia Ezechielis. Et quidem, si ad plantæ vituli significationem respiciamus, consentaneum alicui videretur, vt Ioannis etiam animalia illis constarent. Pedis namque vitulini planta significat, omnes ipsius gressus ad reipublicæ commodum, hominumque salutem referri. Dico tamen hoc ipsum satis superque indicari facie vituli; eâ (inquam) quæ propriè facies & vultus appellatur. Porro in Apocalypsi non erat cur vituli significatio duplicaretur. At in animalibus Ezechielis, cum ageretur directè de excidio Ierosolymæ, cumque idcirco bellicus figuraretur currus; oportuit maximè vt significatio de emolumento & vtilitate in populum ipsum redundatura semel atque iterum poneretur ob oculos; vt sibi certò persuaderent homines, grauissimum illud bellum flammâ ferroque gerendum, in populi ipsius beneficium & incolumitatem cessurum.

## S E C T I O V.

*De senarum alarum significatione: & cur animalia Ezechielis non habeant alas, quibus facies suas tegant?*

*Ioannis animalia quot alis constarent: de quibus earum significatione.*

QUATUOR Ioannis animalia, singula habent alas senas; ita vt omnes alæ sint numero viginti quatuor. Has asserit Victorinus Afer esse 24. veteris instrumenti libros. Ambrosius verò eas applicat ad spiritalem eorundem librorum intelligentiam. Sed contrâ est, quod lex alæ ex Isaïæ Seraphinis desumptæ sunt: & duabus caput operiunt, duabus pedes, duabus reliquis volant. Non autem designari possunt, qui veteris testamenti libri caput, qui verò pedes obtegant, &c. Adde, Isaïæ Seraphinos non fuisse quatuor, sed duos: atque adeo ipsorum alas non fuisse viginti quatuor, sed duodecim tantum.

*Varia Doctorum sententia.*

Alij exponunt de perfecta virtutum doctrina, quæ in Euangelijis continetur; per quas virtutes sancti viri ad alta conscendunt. Ceterum hæc explicatio præstitit quatuor animalia esse quatuor Euangelistas. Ioachimus Abbas contendit alas, quibus velatur corpus, esse pœnitentiam ac misericordiam; quibus turpitudini peccatorum occurratur: alas autem quibus tegitur facies, esse humilitatem & patientiam; quibus vana vitatur gloria: alas denique, quibus volatur, esse fidem & spem. Sed hoc concionari fortasse est, non explicare. Nec subsistere potest applicatio, quia Ezechielis animalia sunt angeli, quibus non desunt alæ ad volandum; cum tamen nec fidem habeant, nec spem. Pererius sex alas interpretatur de perfecta angelorum agilitate ad motum localem, deque admirabili celsitate ad diuina contemplanda, nec non obedientiâ promptissima. Sed huiusmodi interpretatio supponit Ioannis animalia de angelis esse exponenda; nec videtur reddere posse rationem discriminis inter Ioannem & Ezechielem, quod attinet ad alas animalium.

Aretas sex alas explicat de velocitate ministerij. quia alarum symbolum in sacris Literis sæpe ad velocitatem refertur infatigabilem. Videturque hæc explicatio Apostolis, eorumque imitatoribus congruere; qui per totum terrarum orbem, aquilarum instar, discurrerunt. Facit, quod gemine alæ, quæ Apocalypsi. 12. tribuuntur Ecclesiæ; instrumenta haud dubiè sunt ad volandum. Nec desit fortasse, qui putet multitudinem alarum & oculorum, vnâ ex parte indicare celeritatem ingentem, ex alia multam attentionem & seriam considerationem; quod vtrumque breui ac veteri parœmia iactatur, *Festina lente*. Hæc tamen explicatio non videtur aptè deservire posse quaternarum alarum atque senarum discrimini; neque applicari ad eas differentiam, qua alijs vultus tegitur, alijs pedes.

*Quid significent alas ingentes senarum Ezechielis aquilarum, de quibus c. 17. agitur.*

In duabus quidem aquilis, quas depingit Ezechiel capite decimo septimo, alas ingentes, quarum ibi fit mentio, asserit Hieronymus significare mundanam potentiam, & regum Babylonici atque Aegyptij exercitus. Ex quo videtur similis potentiae & exercituum significatio, Ezechielis animalium alis tribui potuisse. Ait enim textus c. 1. 24. *Audiebam sonum alarum, quasi sonum aquarum multarum, quasi sonum sublimis Dei, quasi sonus erat multitudinis, vt sonus castrorum*. Vbi comparisonem desumi constat ab ingenti exercitu, qui in campum eductus ad modum alarum extenditur, magna virium ac potentiae ostensione, magnoque militum & ar-



**A** morum strepitu. Fauet Latinæ vocis vsus. Latini enim auctores in exercitu turmas equitum appellare solent alas; quia sese alarum instar extendunt. Ex his colligi videtur, in Ezechielis Cherubinis alas indicare eos esse potentissimos, & magnâ vis ac potestatis excellentiâ exercitibus totius orbis fortissimis antecellere: ideoque ipsorum alas validissimæ instar phalangis horribilem edere strepitum. Quod si per alas volatum simul ac velocitatem explicari opus est; dici posset eorum animalium alas esse symbolum celeritatis maximæ, quæ urbem quamlibet, licet munitissimam, Deo iubente, oppugnant, atque expugnant. Si verò huiusmodi interpretationi opponatur, non rectè cohærere, vt quibus alis tegunt corpus, hostes profligent: posset responderi, illa animalia, aut indignationis alas extendere, & alas protectionis contrahere; aut non omnes alas expandere; cum sibi opus non sit, totam potentiam atque impetum ad eiusmodi machinas adhibere.

**B** Enimuerò isthæc omnia per accommodationem potius, quàm per veram expositionem dicta sunt. Omnino enim, tegere corpus alis, ad virtutum ornatum referendum est. Quemadmodum cum amicti pinguntur Cherubini; amictus significatio ad virtutes & Angelorum excellentias applicatur. Ad hæc, alarum interpretatio de potentia & militum acie, non rectè congruit cum senis alis Seraphinorum Isaia, & animalium Ioannis. Etenim licet asseri posset, Apostolos etiam, Dei potentiâ armatos, & cælestium exercituum præsidio munitos, cum paratissimis mundi phalangibus ac viribus conflixisse: hæc tamen significatio non cohæret cum binis alis quibus tegunt vultus; & binis, quibus tegunt pedes. Omitto significationes alias, quæ minimè hîc essent ad rem, licet alijs fortasse locis minùs ineptè congruerent. Cuiusmodi est protectio ac patrocinium, quæ expansis alis significari solent, ad gallinæ imitationem; quæ suos pullos pennis explicatis protegit ac tuetur.

**C** Relictis ergo hisce expositionibus illa in primis amplectenda est, quæ alas ad cælestem vitam ac conuersationem refert. Quæ interpretatio est Dionysij Areopagita de cælesti hierarchia capite decimoquinto, vbi ait; *Alis significatur & cælestis vita cursus, & quod ad superiora ferantur, mortalibus atque infinis omnibus excepti, & terreni corporis sarcinâ liberi.* Licet autem Dionysius hîc de cælesti hierarchiâ agat: in locis tamen, vbi sacre Literæ de Ecclesiastica hierarchia loquuntur, perspicuum est, alas eâdem ratione explicari debere: eâ ratione, quæ spiritualium virorum vita cælestem Angelorum conuersationem imitatur. Iuxta id Pauli ad Philippenf. 3. num. 20. *Nostri autem conuersatio in cælis est*, quasi dicat, corporis pondus ijs impedimento non esse, quo minùs ipsorum mentes altissimâ diuinarum rerum contemplatione sublata per æthera volitent. Huiusmodi autem alæ, leoni, vitulo, homini & aquilæ propterea apponuntur; vt innuatur, virorum Apostolicorum fortitudinem, beneficentiam, æquitatem ac sapientiam esse virtutes admirabiles ac plane diuinas.

**D** Superest inuestigare, vtrum in hac declaratione idonea inueniatur ratio, quæ senis Ioannis animalium alis apprimè quadret; simulque possit reddere causam discriminis, cur animalia Ezechielis quatuor tantum alas habeant. Ad hoc primò est obseruandum, collatis inter se & Isaia Seraphinis, & Ezechielis ac Ioannis animalibus; certum plane esse, Ezechielis animalia alis destitui ad tegendum vultum, & quaternas tantum habere; binas, quibus corpus (id est inferiora corporis) aduelent; & binas, quibus volent. At Isaia Seraphinis & Ioannis animalibus, præter quatuor hæc alas, duas alias esse, quibus faciem obtegant: non quidem omnino (secus dignoscere non potuisset Ioannes in alio faciem vituli, leonis in alio, &c.) sed quâ ratione suprà declaratum est, & ampliùs constabit infra notatione decima, vbi de Seraphinis Isaia.

**E** Obseruandum est secundò, tam Isaia Seraphinis, quàm animalia Ioannis ad Ecclesiasticam hierarchiam pertinere, vt suprà probatum est. Tertiò obseruandum, operiri vultum sæpe ad pudoris & confusiois signum referri, iuxta id Psalmi 68. 8. *Operuit confusio faciem meam.* Vnde vulgari sermone iactatur, eum posse vultum omnino retere, qui nihil habeat, cur erubescat: Vita igitur cælestis licet Angelos ad cælum attollat, & gratiæ splendore ac decore circumuestiat; nullo tamen eos præteritarum culparum (quæ nullæ fuerunt) rubore suffundit. At viri Apostolici, etsi sanctitate sint clari, & Dei amore pariter, cognitioneque præstantes; eò tamen plus pudore ac verecundiâ præoccupantur, quò se ad altiorem sanctitatis & dignitatis gradum euectos vident. Ad hoc igitur vtrorumque discrimen exprimendum eleganter satis & Seraphini Isaia, & Ioannis animalia pennis vultus obnubunt: Ezechielis verò animalia eiusmodi alas non habent.

Aliquis fortasse putabit confusionem huiusmodi & erubescantiam aptius per inferiores alas, quibus corporis inferiora teguntur, significari. Ea enim videntur præ verecundiâ operiri. Ceterum ad hunc pudorem innuendum rectius faciem velare effinguntur. Animalia namque Ezechielis corporis etiam inferiores partes tegunt. Is enim sensus est, cum duabus alis suum corpus tegere dicantur. Atqui vultum obtegere supponit culpam: inferiora verò corporis velare, non item: sed potius, dum tegitur corpus abundantior ei honorem circumdamus, vt ait Paulus prima ad Corinth. capite duodecimo, num. vigesimo octauo. Ornatus ergo virtutum cælestis vitæ, quæ Angelos mysticè euehit ad cælum, adumbratur rectè alarum symbolo, quæ mystici animalis corpus operiunt, ornantque. Pennæ itaque, quibus ij volant, manifeste significant cælestes spiritus, purosque animos eleuari ad diuinæ cognitionis atque amoris celsitudinem: alæ autem, quibus occulunt corpus, virtutum repræsentant ornatum; quibus eos ipsa vita spiritualis condecorat. Vtrumque hoc Ezechielis & Ioannis animalibus cõmune est. Illud Ioannis animalibus & Isaia Seraphinis proprium, quòd

*Reijciuntur superiores alarum significationes.*

*Vera alarum interpretatio ex Dionysio Areopagita desumpta.*

*Cur Ezechielis animalia alis quatuor, Ioannis verò animalia senis constant?*

*Cur Isaia Seraphini & Ioannis animalia alis vultum obtegant: animalia Ezechielis non item?*

*Quid significetur per duas animalium alas quibus volant.*



alas habeant, quibus cooperiant vultus in signum verecundiæ atque pudoris de proprijs defectibus contracti. Atque hæc fenarum alarum coniunctio Deo est valde gloriosa. In ea enim suæ gratiæ vis & efficacia facili agnoscitur: quæ ex sceleratis hominibus probos sanctosque efficit; humiles tamen, & qui suorum flagitiorum magnitudinem ad sui ipsorum demissionem & propriæ vilitatis cognitionem conuertant: id quod Deo gratissimum est. Huc forte spectat Apollinaris & Seueri expositio Ezechielis primo, qui vultum alis contegere humilitati adscribunt.

Et mirum sanè est, præterita perfectorum virorum flagitia non obflare, quo minùs eos Deus miris beneficijs prosequatur. Imò potius si rem attentius inspiciamus, Deus ipse huiusmodi homines extollere & euehere tantopere expetit; vt huius diuini beneplaciti non obscura extent signa atque vestigia in Isaia, Ioannis & Ezechielis visionibus, si eas attentè conferre velimus. Et enim animalia Ezechielis (per quæ cælestes Angelos denotari sæpè dictum est) ante Deum minùs editum habent locum, quàm Apostoli. Siquidem illa sub firmamento sunt, id est, sub Diuini throni scabello: at Seraphini Isaia ad throni latus adstabant (*Seraphim stabant super illud*, capite sexto, num. secundo,) & Ioannis animalia in medio throni eadem ratione esse dicuntur. Nec verò animus est, agere in præsentis de gloriæ cælestis gradu ac dignitate, quam vtrique obtinent in patriâ (de hoc enim non est sermo in eo capite) sed de præstantiâ illâ & excellentiâ, quam in Ecclesiâ possident principatu. Est namque Angelorum Ecclesiasticæ hierarchiæ dignitas multò maior. Ipsa tamen dignitatis magnitudo eos hortatur, allicit ac trahit, vt propriæ humilitatis & antea vitæ conscij, vultus suos coram altissimo Deo præ verecundiâ contendant.

Videor mihi iam explicuisse germanam alarum significationem, quibus & Isaia Seraphini & Ioannis animalia facies obducunt suas. Aliquid tamen superest dicendum in alis animalium Ezechielis, quod ipsis est peculiare. Imprimis vehementi illo strepitu & stridore, quem alis edebant, significari videtur vastitas illa Ierosolymæ cælesti bello esse diuinitus illata. Quia si ala indicant (vt explicatum est) vitæ cælestis in Angelis celsitatem; maximus earundem alarum fragor appositum erit symbolum, quo denotetur e cælo contra perfidam Ierosolymam dimicari. Cui rei illud respondet (opinor in Apocalypsi:) quod scilicet, in bello aduersus Ierosolymam septem Angeli tubis canunt.

Quod si Ezechielis animalia singula, alarum paria quatuor habebant (id est par vnum supra humeros singulos, alterum supra superiorem singulorum femorum partem) humerorum alas videntur comitari manus: nam quaternæ manus singulis animalibus erant: textus autem ait, manus subter alas fuisse. Rectè verò quatuor tribuuntur manus ad obstinatorum excidium properantibus: quia appositum est, ad bellatorum fortissimorum significationem; & ad celeritatem incredibilem, quâ fulmina in sceleratos desuper contorquebunt. Eandem significationem terribilium bellatorum Gerioni & Briareo brachiorum multitudine armatis, tribuunt literarum humaniorum studiosi. Et quidem, si superiorum alarum bina erant paria; recta exigit proportio, vt totidem sint inferiorum. Earumque effectus, quod ad figuram pertinet, is est, vt altero inferiorum alarum binario semet aduersos, altero auersos operiant.

Enim verò quia hæc Ioannis de animalibus tractatio alludit manifestè ad templi Cherubinos, ad Seraphinos Isaia, & ad Ezechielis animalia, (vt ex antecedentibus perspicue pater,) præter ea, quæ hæcenus dicta sunt, visum est nonnullas addere notationes; in quibus speciatiim & directè de ipsis templi Cherubinis, ac de Isaia & Ezechielis visionibus agatur.

## NOTATIO VII.

*De Cherubinorum nomine, hoc est, de eius etymologia & significatione.*

De Cherubinorum nomine & etymo, questio.

**T**HEOLOGO, Dionysij Areopagitæ vestigia persequentes, Cherubinorum nomine designant quendam ex tribus supræ hierarchiæ choris Angelorum. In sacris quidem Literis non videtur expressus esse locus, qui nomen hoc singillatim illi choro præscribat. Credibile tamen est hanc nominis attributionem in sacra Scriptura fundari. Forsitan ea ratio, propter quam Moïsi & Salomonis Cherubini, nec non animalia Ezechielis hoc nomine compellantur, choro illi magis propriè conuenit, quàm alijs. Hoc ergo est, quod speciatiim in præsentis queritur; Cur scilicet huiusmodi nomen Cherubinis Moïsi, & Salomonis, & Ezechielis tribuat Scriptura? Atque illud pariter discutiamus oportet, vtrum sub eadem significatione id nomen ad eos etiam sese extendat, qui in tabernaculi cortinis & in templi velo erant opere plumario elaborati. Li-

**E**cet Vulgatus in ijs locis (nimirum Exodi 26. 1. & 31.) Cherubinorum nomen non exprefferit; exprimunt tamè Hebraicus textus & Septuaginta, & Augustinus etiam quæstione vltimâ in Exodum. Angelos etiam, quos ad paradisi custodiam collocauit Deus Genes. tertio, num. vigesimoquarto, Cherubinos nominat Scriptura. Ezechielis item capite decimo, num. decimoquarto, nouâ, vt apparet, & insolitâ loquutione legitur nomen Cherub. Nam pro eo quod est, *facies prima, facies vituli*, ait textus, *facies prima, facies Cherub*. Regem item Tyri appellat Ezechiel Cherub capite vigesimo octauo, num. 14. & 16.

Sit ergo prima difficultas, an in hisce omnibus Scripturæ locis eadem sit, saltem per analogiam, significatio nominis Cherub, an verò sint plures ac diuersæ? Hieronymus epistolâ ad Marcellam, in eam

videtur

In tabernaculi cortinis, & in

templi velo fuisse Cherubinos ac pillos.



Hieronymi  
& Iosephi  
opinio de  
cortinarum  
& veli Cheru-  
binis.

videtur propendere sententiam, veli & cortinarum Cherubinos figuram Cherubinorum non habuisse. Et tractatu de nominibus Hebraicis ait, nom<sup>3</sup> Cherubim aliquando non significare aliud, quam vermiculatam picturam; licet Angelorum aut animalium figuras non exprimat, sed cuiusque alterius rei, vt flosculorum, vel varix ac multiplicis celaturæ. In quo Hieronymus consentit cum Iosepho libro tertio Antiquit. capite septimo; vbi de decem cortinis agit. Addit etiam Hieronymus, cum nomen Cherubim pro qualibet pictura sumitur, tunc scribi sine *vau*. Sed tanti Doctoris venia, discrimen hoc non fatis apparet solidum. Nam, cum de templi Cherubinis agitur, nomen Cherub plusquam decies, aut etiam duodecies ponitur sine *vau*: vt videre est in locis, quos congerit thesaurus Hebraicus. Præterquam quod, nomen aliquod cum *vau* vel sine illo conscribi, nullius momenti discrimen esse videtur.

Quamobrem probabilius esse existimo, opus illud plumarium, quo & cortinx & velum distinguantur; species habuisse Cherubinorum, eorum instar, qui super testamenti arcam erant. Nec enim licet in nomine ambiguitate siue æquiuocationem absque vlla necessitate confingere. Et facilius multo est atque aptius, vt eadem Cherubinorum sit figura, qui in velo & cortinis erant expressi, & qui super arcam conflati: siquidem Hebraicus textus & Septuaginta, eodem eos nomine vocant. Neque obstat Vulgata lectio, quæ ibi legit, *opere plumario*: fieri enim potest, vt sit opus plumarium vel Phrygionicum, & tamen pictura, Cherubinorum imitetur effigies existentium in Propitiatorio. Facit, quod velo & cortinis tabernaculi, solidi postea parietes in Salomonico templo responderunt. In quo constat parietes fuisse Cherubinis conuestitos, ad eorum imitationem scalptos, qui ad arcam vtrumque; latus erant. Firma erga coniectura est, cortinarum & veli Cherubinos eorum instar fuisse, qui super arcam erant. De ceteris autem ad quæ nomen Cherub sese extendit, infra videbimus, illa omnia eadem interpretationis analogiâ nomine Cherubinorum appellari.

#### §. 2. De opinione Abenhezra.

Sed dicet aliquis, duo hæc recte posse inter se componi; vt & arca Cherubini Angelicâ sint effigie, & veli atque cortinarum opus figuras contineat, non Angelorum aut animalium, sed tantum florum, cum tamen vtrique in eodem sensu Cherubini dicantur. Quia Abenhezra (vt tradit Pagninus) affirmat Cherub esse nomen genericum & vniuersale ad omnem figuram. Quam sententiam sequitur etiam Ribera libro 2. de templo, cap. 6. eamque Hieronymi esse contendit. Atque adeo nomen Cherub, etiam cum ponitur pro Cherubinis, qui erant super arcam, nil aliud sonare putat, quam figuratum siue pictum: & cum transfertur ad cælestes spiritus, eos etiam metaphorice dici figuratos, ad eorum significandam sapientiam; eo quod multarum rerum formis sint per sapientiam insigniti. Ceterum eiusmodi explicatio durissima est, nec videtur posse coherere cum sacræ Scripturæ phrasi. Nam in templi parietibus distinguit Scriptura palmas & picturas varias à Cherubinis, ait enim 3. Regum 6. 29. *Et fecit in eis Cherubim & palmas & picturas varias*. Palmæ igitur, picturæque varix manifestò distinguuntur à Cherubinis. Et in distinctione ornatus decem basium distinguit Scriptura leones & boues à Cherubinis, 3. Reg. 7. 29. *Et inter coronulas & plethras, leones & boues & Cherubim*. Et infra, num. 36. *In angulis Cherubim, & leones & palmas*.

#### §. 3. De opinione Merceri.

Mercerus sentit nomen Cherub habere affinitatem cum verbo *racab*, quod est vehi: ac proinde hoc nomine significari rem corpoream siue spirituales, quæ extensis alis volare videatur & vehi. Verum per isthæc Merceri verba, aures omnes Che-

A rubinos appellemus licet; quod nulla ratione probabile est. Quare Pradus noster in alio sensu eandem explicat opinionem: ait enim Cherub deriuari à *racab* per transpositionem literarum; & ad ea animalia peculiariter accomodari, quæ currum vehunt; ita vt Cherub sit item, quod animal curule. Nititur eo vel maxime, quia Ezechiel 10. 14. *Facies Cherub*, est idem quod, *facies vituli*. Nam inter quatuor illas facies, sola vitulina curulis animalis propria erat. Vnde Cherubinorum nomen ideo ad eos fuisse delatum, qui in Sanctuario erant; quia considerantur esse veluti animalia, quæ Dei currum siue quadrigam vehunt. Dauid enim dicitur Salomoni certum auri pondus dedisse, *vt fieret similitudo quadrigæ Cherubim*, 1. Paralip. 28. 18. & Ezechieli dicitur Deus ostendisse conspectum gloriæ in curru Cherubim. Ecclesiastici 49. 10.

B Verumtamen interpretatio hæc non videtur magis probanda, quam antecedens. Primò, quia vbi de nominis alicuius etymo sermo est, generatim reijci debent nouæ argutiæ, quæ ex recentibus ortæ principijs toti se antiquitati opponunt. Quod si literarum transmutationi pateat aditus; & nouis etymologiarum figmentis; facile est mutare (vt ille ait) *quadrata rotundis*. Hanc etymologiarum rationem vni Goropio relinquantus; eique fidem habeat, qui vult. Mihi enim verisimile neutiquam est, veteres, qui ita accuratè de nominis Cherub etymologia scripsere, verum etymon omnino præteruolasse; & à Mercero denique per transpositionem literarum fuisse inuentum.

C Secundò, nihilo recentior est equorum vsus in curribus, quam bouum? Velle autem equos currum trahentes Cherubinorum nomine appellare, inauditum est paradoxon. Terriò, quos primos in Scripturâ reperimus Cherubinos, ij sunt, quos Deus in paradisi aditu, ad eum custodiendum collocauit. Hos autem curules siue aurigas appellare, ridiculum esset. Quartò, in sancto Sanctorum primi Cherubini sunt, quos fecit Moses: licet autem ij possint Dei currus & vehiculum appellari, & abusiue quadrigæ; (quia Dei sedem siue thronum representabant:) ibi tamen nullus præterea erat currus, nullam vehiculum; nisi ipsi Cherubinorum par. Nec certum est ab ipsis sustineri Propitiatorium; sed potius videntur super Propitiatorium illi stetisse: atque adeo ipsi pro Dei sella; Propitiatorium pro pedum scabello fuisse. Quapropter dici non possunt Cherubini, quia Dei trahunt currum: sed quia sunt Dei sedes & vehiculum.

D Quintò, Cherubini Moysi exigui, & grandes alij Salomonis quàm coactè & violenter fringantur eandem componere quadrigam, expendimus supra. Etenim licet arca in currum imposita concipiatur (quod paradoxon fatis est) at duo Cherubini supra arcam stantes, qui possunt currum, in quo arca est, trahere; & non ab eo potius trahi? Sextò, licet verum sit, Ezechielis 10. 14. scribi, *Facies prima, facies Cherub*, id est vituli: hoc tamen non ideo est, quia aut vitulis aut bobus curulibus nomen Cherubinorum quadret: sed quia templi Cherubini facies vitulorum similes habebant; vt inde rectè colligit Hieronymus. Quod autè boues aut vituli alioqui non soleant Cherubini vocari, res est manifesta, cum textus ipse 3. Reg. 7. 29. bouum figuram à figura Cherubinorum distinguat.

#### §. 4. De opinione Theodoret.

Theodoretus in quæst. in Genes. q. 46. asserit nomine Cherub semper significari horribilem potentiam. Cui assipulatur Philo, qui sæpius ait, duos Cherubinos non esse aliud, quam duas Dei potentias, tomo primo, folio 695. Pro qua opinione videri potest Sixtus Senensis libro 5. notatione 8. & Pererius tomo 1. in Genesim libro 6. quæst. 5. vbi eandem opinionem nonnullis auctoribus ascribit. Huius opinionis fundamentum si inuestigare & eruere ex etymologia velimus, illud sese offert; vt idem ferè sit Cherub, & Cherab: hoc autem postremum significare potest idem, quod duæ istæ dictio-

Cherub  
idem sonare,  
quod  
animal curule,  
opinio  
Pradi.

Refellitur  
superior  
explicatio.

Cherubini  
templi  
facies fuisse  
vitulinas.

Theodoret  
& Philonis  
sententia de  
nominis  
Cherub  
significatione.

Opinio Abenhezra: nomen Cherub esse genericum.

Nominis Cherub etymon, iuxta Merceri.



nes, *Quasi fortis*. Nam *che* idem est quod *quasi*, & *rab* Hebræis significat fortem. Quod aliorum etymologia forsitan spectat, quibus Cherub est idem quod *quasi pugnans*. Sic enim in Biblijs regijs inuenio, & apud Lauretum. Ad potentiz etiam significationem fortè reuocari valet alia huius nominis interpretatio, quam ponit Hieronymus de nominibus Hebraicis in Genesi & in Numeris. Ait enim Cherub idem esse, quod *quasi plures*, siue *quasi multitudinem*: quia *rob* Hebræis est multitudo. Atque ad vis ac roboris significationem inepta superlatio non est, si dicatur vnus instar esse multorum. Iuxta hanc igitur acceptionem *Cheruborum Deus*, idem fere erit quod *Deus exercituum*. Eodem etiam referre possumus aliorum explicationem asserentium Cherub idem esse, quod *quasi multiplicans*; quam adducunt etiam Lauretus & Biblia regia. Enim verò hisce omnibus potentiz & fortitudinis significationibus (licet verisimilitudine aliqua & auctoritate non careat) deest peculiare quiddam in huius nominis inminis interpretatione necessarium: videlicet vt explicatio eius, cognitionis & sapientiz in se significationem includat. Nam si id deficiat; interpretatio nominis Cherub recta esse & vera non potest, vt mox patebit. Quod argumentum opiniones etiam Abenhezra, & Merceri pari ratione refellit.

Præterea, si auctorum, qui interpretationem de potentia tradunt, verba attentè ponderemus; Hieronymus quidem non eam vt primariam ponit, sed vt secundariam. Philo autem & Theodoretus, licet per duos Cherubinos, Dei potentiam significari opinentur; sed non idcirco asserunt ipsum nomen Cherub sonare potentiam. Ipsi enim clariùs alijs in locis loquuntur, expressèque asserunt, Cherub significare plenum scientiã.

#### §. 5. De communi Patrum explicatione.

**V**ulgatissima & grauiissima pariter nominis Cherub declaratio affirmat illud in se includere plenitudinem siue multitudinem scientiz. Ita dilucidè Philo libr. 3. de vita Moysi; Dionysius Areopagita de cælesti hierarchia cap. 7. vbi idem non semel repetit; Origenes homilia quinta, & vndecima, in Numeros; Athanasius sermone de Deipara, & sermone in ea Christi verba, *Omnia mihi tradita sunt à Patre meo*; Hieronymus Ezechielis 28. & Psalm. 17. & Psalm. 67. ac de nominibus Hebraicis in Genesi, Exodo, Numeris, & in 1. Reg. Chrysostom. tom. 5. & duobus locis, quos citat Sixtus Senensis, Augustinus Psalm. 17. & Psalm. 98. Gregorius Magnus quinque locis; qui notantur in eius indice verbo *Cherub*. Anastasius Sinaita libr. 1. Hexameron in primo tomo Biblioth. Philastrius tom. 4. heresi 102. Sophronius, in encomio Angelorum, tom. 2. Bibliothecæ sanctorum Patrum, Theodoretus in Ezechielem, cap. 10. vers. 20. in illa verba, *Intellexi quòd Cherubim essent*. Isidorus Hispalensis tribus in locis, qui notantur in eius indice verbo *Cherub*. Atque hos auctores sequuntur Beda, Glossa, alijsque fere innumeri. Fauetque huic expositioni sacra Scriptura Ezechielis 28. 17. vbi alloquens regem Tyri, eumque appellans Cherub; ait, *perdidisti sapientiam tuam*. Corroborat hanc interpretationem communis Theologorum sententia, quæ Cherubimorum choro excellentiam in sapientia tribuit; innitens potissimum eorum Cherubinorum nomine, quod ingentem Dei cognitionem & scientiz plenitudinem sonare, pro comperto habeat.

His accedit, in etymologiarum ratione notum esse, quod uis nomen, licet à sua origine valde sit immutatum, longeque remotum, si tamen in eius etymo omnes conueniant, rem extra dubitationem manere. Vt in nomine *Didacus* siue *Diegus*, quod certum est deriuari à Iacobi nomine; etiamsi, multo aliter videatur: nomen etiam Hispalis vulgari sermone vsurpatum; nempe *Seuilla* dubium non est, quin à Latino nomine per corruptam flexionem fuerit deriuatum. Id quod de alijs sexcentis dici posset. Quemadmodum è contrario nihil inutilius,

quàm ex aliqua soni similitudine arguendo, veram inde nominis etymologiam elicere velle. Vt si quis dicat nomen *Dominus* deduci ex duplici dictione, *do minus*.

**C**um ergo Hebræi, Græci & Latini conueniant hac in re, quòd scilicet nomen Cherub significationem scientiz plenitudinis in se includat; hoc in primis vt firmum omnino & indubitatum tenendum est, tamen si nominis deriuatio difficilis appareat. Adhuc, si huiusmodi interpretationem vt certam admittimus, liquidò perspicitur, picturas seu varias celaturas artificij plenas (licet veras Cherubimorum effigies non expriment, ) appellari posse Cherubinos; vt Hieronymus sentit: quia scilicet scientia atque arte sint visende: hoc est quia multæ scientiz fuit opus ad huiusmodi politissima opera perficienda, fortè quòd picturæ illæ arcanis mysterijs plene erant; sicut mystica etiam Ezechielis animalia. Ceterum de hoc vidimus iam suprà, verisimilius videri, picturas quæ appellantur Cherubini, ad expressam fuisse similitudinem Cherubimorum sanctuarij depictas.

**C**um igitur vt certum constituamus, cortinarum & veli picturas eiusdem fuisse figuræ cum Cherubinis sancti Sanctorum; verumque omnino esse, quod pro communi interpretatione asseritur: pulsat adhuc animum cupido, vt recepta hæc expositio ita nomini aptetur, vt illius reddere rationem Hebraicæ linguæ peritis valeamus: nec non communem explicationem si fieri possit, cum aliqua etymologiarum, quæ Hebræorum doctioribus magis placeat, conciliare. Præsertim quia etsi tanta grauiumorum doctorum auctoritate compellimur ad asserendum in nomine *Cherub* includi cognitionis & sapientiz significationem; nullus tamen auctorum, quos retulimus, explicat vnde hoc nomen deriuetur. Itaque, vt is habeamus fidem, restat tamen examinare, quæ sit nominis Cherub origo; cur ve scientiz plenitudinem importet. Et fortasse ex accurato huius partis examine plus adhuc lucis communi interpretationi aperietur, simulque constabit, locis omnibus, vbi nomen Cherub legimus, etymologiam mirifice quadrare. Nec enim negari potest, quia licet Cherubini nomen scientiz plenitudinem depotare asseramus, perster adhuc nonnulla alicui loco difficultas, in explicando cur ibi vsurpatum fuerit nomen Cherub, verbi gratia in is Angelis, quibus Deus paradisi custodiam commisit: cum tamen ad paradisi custodiam viribus potius ac potentia, quàm scientia & cognitione opus fuisse videatur. Quapropter aliqui arbitrati sunt Cherubimorum nomen sonare idem, quòd Diuinæ potentiz ministros. Nobis tamen ad alias Hebræorum interpretationes recurrèdum est; vt excutiamus, quænam sit ad scientiz plenitudinem significandam congruentior.

#### §. 6. De duabus Hebræorum interpretationibus.

**S**uperant adhuc duæ aliæ nominis Cherub interpretationes. Prima est, *quasi magister*; & secunda, *quasi puer*, & quidem primo intuitu videtur secunda respondenda; veluti nihil ad scientiz significationem referens: prima autem è contrario maxime amplectenda; cum magistri scientiã imbuti; pueri autem eius expertes sint. Præterquam quòd prima interpretatio, nempe *quasi magister*, in Vaticanis & Plantinianis Biblijs est impressa; altera non item. Verum enimverò ipsa Cherubimorum figura me valde vrget: nec dubito, quin nomen fuerit figuræ ipsi congruens, & Mosaicis Cherubinis sancti Sanctorum, non video quàm aptè figuræ magistri conueniat; quos tamen aptissimum est nominari quasi pueros, vt mox videbitur. Sed expositionem hanc nonnulli desudunt; quia, licet templi Cherubinis sit tribuenda iuuenilis facies, non tamen puerilis: cum textus potius Hebraicus is virorum nomen imponat. Nam 3. Reg. 7. 36. vbi nos legimus, *quasi in similitudinem hominis stantis*; Hebræa sonant, secundum nuditatem viri, id est, secundum speciem nudi adulescentis.

Pictura templi artificio plene quomodo Cherubini potuerint inire appellari.

Quid adhuc in Cherubimorum etymo desideretur.

In Cherub etymo scientiz plenitudinem includi, communis Patrum sententia est.

Probatum communis hæc doctrina.

Duplex nominis Cherub etymologia Hebræos.

Cherub, quasi magister.

Cherub, quasi puer.



Nomē puer  
in sacris et-  
iam pro va-  
lidis iuvene  
sumi.

Puer pro  
eruo, fa-  
miliaris  
Hebraicis &  
Latinis  
locutio.

Cherub,  
quasi puer,  
quod modo  
etymologia  
deducatur.

Pagnini  
opinio de  
Cherubini  
etymologia.

Cherubini  
nomen in  
Scriptura  
non ita stri-  
ctē sumi pro  
vno ex pri-  
ma hierar-  
chia choro.

Pueri seu  
ministri no-  
men in Cher-  
ubini ety-  
mologia quo  
sensu su-  
mendum.

Huic tamen respondeo, primò in Hebraica phra-  
si, quanvis aliquis validus sit iuuenis, pueri adhuc  
nomine vocari solere, vt videtur est Genes. 18. 7. *Tulit  
vinum vitulum, deditque puerò, qui festinavit et coxit il-  
lum, & Ioan. 21. 5. Pueri habetis pulmentarium?* Secun-  
dò respondeo, tam Hebraica phrasi, quàm Latina lo-  
quutione, seruis puerorum nomen attribui, vt Act.  
4. 25. *Per os David pueri sui, & Ruth 2. 9. Mandauit enim  
pueris meis. 4. Reg. 4. 14. Ad Giezi puerum suum. Esther  
1. 3. Cunctis principibus & pueris suis.* Ex quibus locis,  
aliisque compluribus liquet pueri nomen ministris  
sæpe concedi, iuxta sacræ Scripturæ phrasim. Quis  
autem non videat, Cherubinos tanquam Dei mini-  
stros fuisse figuratos? Si ergo nomen Cherub huius-  
modi significationem nō respuit, (quasi puer) & pue-  
ri nomen pro ministro sumitur: quid accommoda-  
tius, quā vt eo sensu appellati sint Cherubini, iuue-  
nes illi alati, qui tanquam Dei ministri figurati sunt  
in Sanctuario? Quòd verò Hebraica phrasi nomen  
Cherub eam possit interpretationē admittere, ma-  
gno argumento est, à doctoribus Hebreis ita ferè ex-  
poni, Cherub, quasi puer: vt affirmat Rabbi David à  
Pagnino relatus. Eius fundamentum est; quia pri-  
ma syllaba *che* est idem quod *quasi*, & *rub* deriuari  
potest à nomine *rabia*, quod Chaldaicum est, & pueri  
nomini respondet. Citra controuersiam verò est,  
Hebraicæ linguae multa nomina Chaldaea ad-  
scribi.

Illud insuper me valde ad hanc opinionem pro-  
bandam mouet, quòd nullam aliam videam huic  
nomini designari originem, quæ & doctis probetur,  
& Cherubinorum figura quadret, nec non scientiæ  
significationi: quæ tamen omnia complectitur fi-  
gura ministrorum Dei, quæ ipsis adscribitur. Non  
me latet Pagninum in nominum Hebraicorum in-  
terpretatione contendere, nomen Cherub deriuari  
à *nachar*, quod est *cognoscere*. hoc tamen nemini per-  
suadet. Et, meā quidem sententiā, figura ministro-  
rum aut famulorum Dei, qui in eius conspectu ad-  
stant, non obscure significat, eos plurimā scientiā &  
rerum cognitione esse præditos. Pro cuius declara-  
tione aduerto, Cherubinorum nomen in sacra Scri-  
ptura non ita strictē sumi pro Choro illo, qui à Se-  
raphinis & Thronis proximè distinguitur: sed ge-  
nerali acceptione pro cælestibus spiritibus, qui ante  
Deum assistunt, & ad eius iussu præstò sunt. Id quod  
cunctis militiæ cælestis spiritibus commune est:  
omnes enim coram Deo adstant, omnes faciem eius  
vident, omnes eius sapientiā fruuntur. Quibus in  
omnibus clara Dei cognitio & excellens sapientia  
includuntur. Nam si regina Saba, 3. Reg. 10. 8. ait ad  
Salomonem; *Beati serui tui hi, qui stant coram te semper,  
& audiunt sapientiam tuam* (in quo innuit necessariū  
esse eos plurimum Salomonis sapientiæ participa-  
re) quantò præclarior & excellentior cognitio in ijs  
indicatur, qui Dei æternæ Sapientiæ fontis sunt  
pueri ac ministri, & coram ipso semper adstant?

Sed dicet aliquis, rectè per consequentem elici,  
ministros, qui Deo assistunt, debere esse sapientes: id  
tamen nomine ipso nequaquam exprimitur. Respon-  
deo, ministrorum nomen non vticumque esse su-  
mendum, sed vt ipsa Cherubinorum figura indi-  
cat; nimirum vt sint Dei ministri, qui semper in  
eius adstant conspectu: quod manifestè secum af-  
fert claram Dei cognitionem, in qua præstantissima  
sapientia sita est. Itaque cum dicitur Cherubino-  
rum nomen sonare, quasi pueri, intelligendum est,  
quasi pueri Dei, id est, quasi ministri, qui ante eius  
conspectum semper sunt; atque ad eam plenam eius  
notitiam assequuntur; seu (quod idem est) perfe-  
ctam scientiæ plenitudinem. Confirmatur, quia  
Angelorum etiam nomen videtur magnam impor-  
tare sapientiam, iuxta id 2. Regum 14. 20. *Sicut habet*

A sapientiam Angelus Dei: nempe, quia Angeli eorum sem-  
per vident faciem Patris, vt habetur Matth. 18. 10. Si  
ergo nomen Angeli Dei, secum affert sapientiam,  
quantò magis nomen Cherub? Angelus enim iuxta  
suum etymon sonat missum, nempe à Deo: at Che-  
rub sonat eum, qui in Dei conspectu assistit. Vera  
autem Dei cognitio, perfectaue sapientia multò  
clarius alicui significatur inesse, cum dicitur co-  
ram Deo semper altare; quàm cum ab eo dicitur  
missus.

Deinde aduerto, nomen Cherub, si in prædicta  
acceptione sumatur, non includere solam sapien-  
tiam, sed etiam potentiam (quæ est Philonis &  
Theodoreti opinio). Nomen enim famuli & mini-  
stri Dei, qui ante Deum ipsum assistit, innuit etiam,  
eius potentiam esse magnam. Hoc enim munus  
eum præpotentem efficit. Quare, quod Genes. 3.  
25. dicitur, posuisse Deum ad custodiendum para-  
disum Cherubinos, idem est ac dicere, constituisse  
ibi ministros ex ijs, qui eius conspectu ac præsentia  
fruuntur; quibus nec sapientia deesse potest, nec  
potentia. Vtræque enim facultate, vt Dei ministri,  
maximè pollent.

Demum aduerto, in Scripturæ phrasi, dictionem  
illam quasi, sæpe integram significare proportionem.  
Vt cum Ioan. 1. dicitur, *Vidimus gloriam eius, gloriam  
quasi vnigeniti à Patre.* Eadem ergo phrasi, accipien-  
dum est Cherubinorum nomen. Est enim Cherub  
quasi puer domini: ac proinde sapientia, potentia,  
& gloria eorum, est quali puerorum Domini astan-  
tium coram illo. Et hæcenus de nomine pueri pro  
seruo atque ministro.

C Ceterum potest etiam accipi pueri nomen pro fi-  
lio. Sic enim videtur sæpe accipi in sacra Scriptu-  
ra, vt Isaia 8. 18. *Ecce ego & pueri mei, quos dedit mihi  
Dominus.* Vbi euident est ex contextu, puerorum no-  
men poni pro filiis. Quare cum Cherubinos inter-  
pretemur, quasi pueros, puerorum nomen potest  
pro filiis vsurpari. Et verò cælestibus spiritibus, li-  
cèt naturā filij Dei non sint, sacræ tamen Literæ,  
filiis Dei tribuunt nomen. Quemadmodum igitur  
Filij Dei nomen in Verbo vnigeno, propriam Dei  
Sapientiam importat; ita etiam suo modo in cæle-  
stibus spiritibus magnam Diuinæ sapientiæ com-  
munionem denotat. Addo insuper verba illa Isaia  
prædicta, *Ecce ego & pueri mei, quos dedit mihi Dominus*  
ad Christum & Apostolos applicari à Paulo ad Heb.  
2. 13. ex quo dicitur puerorum nomen capi etiam  
posse pro discipulis. Sub qua ratione nihil esse po-  
test expressius ad denotandam in Cherubinis Diui-  
næ sapientiæ participationem.

D Aliquis, vt primæ illi interpretationi, (quasi Magi-  
ster) in hac etiam secunda locum daret; eamque ad  
templi Cherubinos applicare posset; notabat ex du-  
plici illo Cherubinorum pari in sancto Sanctorum  
existenti, alteri quod Moyses fecit, posse discipulo-  
rum nomen tribui; magistri verò nomen alteri,  
quod fecit Salomon. Notabat etiam in Mosis Cher-  
ubinis figurari eos, qui à Deo docentur, eumque  
agnoscunt & amant: (hi enim sunt thronus Dei)  
quanvis aliorum magistri non sint. In Cherubinis  
autem Salomonis, qui gigæte corpore sunt, adum-  
brari viros Apostolicos, qui sunt Ecclesiæ Christia-  
næ magistri; quorum sapientia est quasi magistrò-  
rum Ecclesiæ. Huiusmodi consideratio aliquibus  
fortè non displicebit. Planius tamen est, vtrisque  
in eodem sensu Cherubinorum nomen tribui. Ex-  
istimo autem sensum magis proprium esse, vt con-  
siderentur veluti Dei serui, in eius præsentia astan-  
tes. Cum hoc tamen rectè consentit diuersos inter  
ipsos ministros gradus; & per Cherubinorum in-  
gentium par, præstantes Dei seruos ac ministros, id  
est Apostolos, eorumque successores denotari.

In nomine  
Cherub po-  
tentiam et-  
iam includi.

Vox quasi  
in sacris æ-  
qualitatem et-  
interdum  
importare.

Puer pro fi-  
lio interdum  
in sacris.

Vtraq; pue-  
ri & magi-  
stri etymo-  
logia quo-  
modo tem-  
pli Cheru-  
binis possit  
congruen-  
ter aptari.



## N O T A T I O VIII.

## De Cherubinorum templi figura.

Mosis Cherubinos & Salomonicos eiusdem fuisse figuram.

Vtrosque Mosis & Salomonis Cherubinos figuram humanam fuisse pradios.

Cherubinos Mosis brachia habuisse.

Cherubinos templi & Ezechielis animalia non fuisse omnino similia.

CERTVM in primis est, tam Mosis Cherubinos, quam Salomonis; fuisse eiusdem figuræ. Hoc ipse colligo ex 1. Paral. 28. 13. quod iam supra exposui paulo aliter, quam ab aliquibus explicatur. Ac licet Scriptura non id perspicue affirmaret; facile est videre, quemadmodum Salomon in candelabri figura, Mosis candelabrum fuit imitatus; sic etiam in Cherubinis antiquos illos Mosis æmulatum fuisse. Nec subit aliquis hac de re dubitatio. Verum tamen diuersa videtur fuisse vtrorumque positio. Mo- saici enim Cherubini erant aduersi semet à regione aspicientes, vt habetur Exodi 25. 20. & cap. 37. 9. At Salomonici stabant erecti pedibus & facies eorum erant versæ ad exteriorem domum, 2. Paralip. 3. 13.

Secundò, vtrisque figura erat humana. Nam in sculptura, quæ in laterum basis erat, Cherubini similes erant eorum figuræ, qui erant in sancto Sanctorum; illos autem ait textus fuisse in similitudinem hominis stantis, 3. Reg. 7. 36. hæc enim verba ad Cherubinos referenda sunt. Nec dubitat quispiam templi Cherubinos figuram humanam fuisse. Ad id verò, quod contra ex Iosepho afferri posset, iam supra responsum est.

Tertiò licet Arias Mōtantis in suo apparatu, Cherubinos Mosis, sine brachijs depingat, contentus alis, quas eis tribuit: communis tamen pictura eis alas & brachia apponit, quemadmodum Angeli solent depingi, quod certè ex templi Cherubinorum similitudine ortum duxit. Idque congruentius est humanæ figuræ, quam eis concedit sacra Scriptura.

Quartò, etsi Pradus & Villalpandus conantur templi Cherubinos, Ezechielis animalibus perfimiles considerare; & eapropter Villalpandus libr. 4. cap. 36. (tom. 2.) citat Clementem Alexandrinum libr. 5. Stromatum, & sanctum Thomam 1. 2. q. 102. ar. 4. ad 6. nec non Cyrilli liturgiam, Missam Basilij, nonam Catechesim Cyrilli, & Tertullianum; sed iam supra sectione II. commentarij disputauimus de hac re; diximusque varios esse similitudinis & identitatis gradus. Etenim quanuis propter proportionem aliquas & conuenientias, idem esse templi Cherubini & Ezechielis animalia dicantur; nihilominus certum est, eos in multis rebus differre; nec bonum esse ad templi Cherubinos, argumentum ex animalibus Ezechielis petiti. & mihi quidem ipsa Ezechielis verba, in quib. hi auctores suam opinionem fulciunt (scilicet, intellexi, quod Cherubim essent, cap. 10. 20.) haud parum probant, animalia illa non fuisse Cherubinis templi omnino similia. Nec, si forent prorsus similia, opus esset adeò minutatim illa describere; ac vt rem notatu dignam ad finem addere, intellexisse se, animalia illa sibi ostensa, Cherubinos esse; hoc est, templi Cherubinis respondere; atque idem, quod eos, significare; videlicet cælestes Angelos siue spiritus ante Dei præsentiam assistentes. Certè manifestè vtrorumque differentiarum dubitationem afferre possent, num idem essent templi Cherubini cum animalibus Ezechielis? Atque ideo Ezechiel mirum in modum fuit lætatus; quia intellexit eadem esse, etsi externæ facies aliquas differentias præ se ferebant. Vnde conuenientiarum & proportionis cognitio initium attulit differentiarum mysterium cognoscendi. Longè enim progressus est in vera philosophandi ratione: circa discrimen ac differentias, qui templi Cherubinorum significationem nouit: & admonetur Ezechielis animalia esse etiam Cherubinos ante Dei thronum astantes, quamuis diuersa corporis specie appareant. Mox enim difficile non erit, de discriminis causâ, seu potius de mysterio indagando ratiocinari; & inquire, cur Cherubini in ea visione, nouâ & insolitâ formâ conspiciantur; videlicet, vultu leonino, vitulino, humano & aquilino: vitulinis item pedibus,

A & quaternis alis, totidemque brachijs. Quibus præmissis, in Cherubinorum templi figurâ examinanda, textu nobis prode vtendum est, tam Exodi cap. 25. & 37. quam 3. Reg. cap. 6. & 2. Paralip. 3. nec sumus Ezechielis animalium descriptionem sectaturi. Ille enim adeò dissimili cultu ornatos vidit; vt agrè potuerit intelligere, eos adhuc esse Cherubinos, qui sibi apparuerunt; & templi Cherubinis respondere, eandemque cum illis significationem habere, quod attinet ad substantiam.

Quintò, ex dictis infero, operam ludæ ab ijs, qui in templi Cherubinis quaternas etiam facies omnibus vestigijs indagant, cum has illis facer textus non assignet. Quinimò ex verbis Ezechielis colligitur potius non obscure, singulis templi Cherubinis singulas tantum facies, easque vitulinæ similes fuisse. Ait enim cap. 10. num. 14. loquens de quatuor animalium faciebus, facies vna, facies Cherub. Quasi diceret, vnam ex quaternis faciebus animalium visam fuisse sibi similem faciebus Cherubinorum templi. Ex quibus verbis coniecio, Cherubinos templi singulas facies, easque vitulinas habuisse. Atque ita, quoniam ex contextu euident est, Ezechielem in ijs verbis agere de vituli facie, quæ suis inerat animalibus; inde sapienter colligit Hieronymus templi Cherubinos vitulinam fuisse facie. Quanuis id dupliciter valeat intelligi: primò de facie prorsus vitulina: secundò de facie quidem humana, sed quæ vitulinam referat; vt iam explicauimus in commentario sectione 4. Si ergo statuamus, templi Cherubinorum facies fuisse vitulinas, verisimile statim fiet, vitulos aureos Ieroboami (de quibus 3. Reg. 12. 28.) fuisse eiusdem Cherubinis nonnihil similes, vt ad eorum cultum facilius Israëlitis populus pelliceretur: Quemadmodum postea in Samariæ monte Garizim aliud fuit templum ad Ierolymitani similitudinem fabricatum, vt scribit Iosephus lib. 11. Antiquit. cap. 7. & 8. licet autem Ieroboami vituli aurei figuram vitulinam imitati omnino non fuerint, sed humanam cum aliqua vitulinæ similitudine, instar Cherubinorum templi; nihilominus per irrisiōnem atque contemptum sapienter appellantur in sacra Scriptura vituli aurei; ne Cherubinorum nomen tribuatur ijs, qui populum à veri Dei cultu auocabant.

D Sextò, templi Cherubinorum singulis binæ tantum erant alæ. Has enim non amplius eis Scriptura tribuit; de quæ illis latè satis ac distinctè loquitur. Quod si plures essent habituri, oportebat id expressè præcipi, & explicari, quo tempore eorum fabricatio præcipiebatur. Iam quicumque ante Pradum, Cherubinorum templi imaginem delinearunt, geminis eos alis expresserunt. Atque inde victoriæ effigies (vt constabit infra) duxit originem: quâ Græci & Romani figurâ Cherubinorum simili depinxerunt. Denique quod singulis quaternæ affingantur alæ, nupera inuexit opinio; eiusmodi ratione nitens, quæ in prophetis visionibus omnem differentiarum venustatem & elegantiam tollat, quæ in sacre Scripturæ interpretatione magni momenti sunt. Et quanuis Pradus & Villalpandus veteres aliquot auctores pro sua opinione adducant; ad hæc tamen satis suo loco responsum est.

E Sed præter argumentum ab auctoritate petitum, contendunt etiam Pradus & Villalpandus pudicitia decorum ac verecundiæ accersere, vt Cherubinorum templi vnicuique quatuor alas tribuant; ne aliter pudenda manerent nudata: quod & templi sanctitate esset indignum, & impudicis cogitationibus obnoxium. Hoc argumentum supponit, Cherubinos nullo alio præter alas amictu ornatos fuisse; quod probant ex Dionysio de cælesti Hierarchia cap. 15. vbi ait, Quod autè nudi ac discalceati describuntur, &c. Et

Singulis templi Cherubinis non quaternas, sed singulas tantum fuisse facies.

Aureos Ieroboami vitulos nonnihil fuisse Cherubinis similes, probabile videri.

Singulis Cherubinorum templi binas tantum fuisse alas.

Vtrum templi Cherubini fuerint nudi?



ad stipulatur textus Hebraicus 3. Reg. 7. 36. Nam ubi nos legimus, *secundum similitudinem hominis stant;* ex Hebræo ad verbum redditur, *secundum nuditatem viri.* Ad hoc tamen argumentum assero primò, non semper inhonestum esse aut turpe, humanam figuram in tenera præteritæ ætate nudam depingi. Et enim denudatæ puerorū aut etiam Angelorum effigies non solum castos oculos non perstringunt, sed potiùs vt animorum puritatis symbola ab eis considerantur. Quæ est sancti Dionysij in eodem loco conceptio atque sensus. Ait enim propterea Angelos aliquando nudos ac discalceatos describi, quòd ab omni labe sint puri. Huiusmodi verò significatio prorsus tollitur, si corporis integumentum affectatur. Quare Dionysij locus innuit potiùs, nullis opus esse alis, vt Cherubini tegantur: aliter locum non haberet illa Dionysij ratio à puritatis significatione petita.

Secundò dico, in ipsis nudis imaginibus (cùm nudas eas oportuit remanere) prudentiam atque artem docere, vt ita pingantur, ne ad libidinem intuentes inducant; dum accuratè studetur, vt corporis ratio ac figura decorum ac simplicitatem præ se ferat; nec, quod necessarium non est, plus æquo retegatur. Demum artis peritià eò potest progredi, vt in nuda imagine candorem & puritatem repræsentet, & spectantium obrutus ad pudicas cogitationes intueret.

Tertiò dico, necessarium non esse, vt Cherubino- rum templi effigies grandiore ætate videantur referre, quàm iuuenum vigesimum annum agentium. Nam vt imberbes pingantur, conuenientius est, vt in tenera adhuc adolescentiâ figurentur. Viri autem nomen aliquando non ad ætatem virilem refertur, sed ad sextum, & quidem pristinis illis sæculis adolescentes ante vigesimum annum; intra puerilem adhuc puritatem ac sinceritatem degere videbantur.

Quartò assero, saltem in sancto Sanctorum (vbi Cherubini à nemine cernebantur) minimè absone aut absurdè eos nudos effingi. Nam quòd occulta corporis obtegantur; interdum pudori, & nostris oculis potiùs, quàm veritati deseruiat. Atque eam fortasse ob rem, Christi in cruce suffixi imagines linteo ad renes præcinctæ pinguntur; quanvis Dei Filius, vt nostram velaret turpitudinem, tanto & pudore affici & suffundi ruborē non fuerit dedignatus, vt scilicet è cruce nudus omnino pendèret. In Cherubinis ergo sancti Sanctorum nullum oculorum offensionis periculum imminet, cùm solus eò summus sacerdos intraret, idq; tantà suffimentorum thymiamatis nebulâ circumfusus, vt quidquam discernere vix posset.

Quintò assero, mirari me hoc verècundæ argumento Pradum & Villalpandum vrgeri; qui templi Cherubinos oculis vndiq; plenos fuisse existiment, oculosque ipsos pauonicæ caudæ ocellis similes arbitrentur. Sic enim necessariò pingendi erant plumis vndique cooperitis; atque adeò alis sibi opus non erat ad inferiores corporis partes tegendas. Ego autem qui in Cherubino- rum corpore oculos non pono; non teneor vt asseram, ex eo quòd Cherubini in sancto Sanctorum nudi erant, reliquos etiam per templi parietes cælatos debere etiam esse nudos. Neque enim in hoc necessaria est similitudo. Iam quòd ex Dionysio in contrarium asseritur, nihil probat. Illud quippe solum ait; Cherubinos interdum nudos ob puritatē, vestitos interdum ob alias significationes depingi. Quòd verò adducitur ex 3. Reg. 7. 36. vbi Hebræa sonant, *secundum nuditatem viri;* non probat (mea sententiâ) Cherubinos ceteros per templum dispersos generatim omnes fuisse nudos. Textus enim speciatim agit de ijs, qui in lutèrum basibus erant figurati. Quid, si illi ideo singulatim nudi esse dicuntur, quia ceteri erant amicti? Nam si nudi omnes forent, satis esset dicere, eas esse Cherubino- rum figuras. Præterea Cherubini lutèrum alijs insuper varijs cælaturis erant admisti, vt ipse exprimit textus. Quamobrem facile fuit, eos non nudos omnino, sed aliqua ex parte esse tectos. Neque enim architecto aut statuario difficile est, signum aliquod, quod nudum effigiat, alijsque scal-

A pturis adiungit, illius quam malit partem, fosculo aliquo, aut aliâ id genus opellâ conuetsire.

Porro, si decorum & honestas in picturis propalam extantibus requiruntur; honestius est (cùm aliud non exigit veritas) eas prorsus vestitas depingere. Dixi, si veritas non aliud exigit. Nam Christi cruci affixi, ac sancti Sebastiani ad palum alligati sagittifque confossi effigies, atq; alia huiusmodi, veritas & honestas cogunt, vt qua ratione consueuerunt, exprimantur. At cælestes spiritus, si, vt Dionysius docet, utroque modo pingi queunt; quidnam est, quod nos impellat ad credendum in templi parietibus, vbi omnium oculis erant expositi, nudos prorsus expressos fuisse? Mihi quidem, qui Victoriam effigiem ex Cherubino- rum figurâ desumptam certò sciam, Victoriamq; ipsam frequentissimè vestitam depingi videam; hoc ipsum valido argumento est, honestatem illam vestis non fuisse Græcorum aut Romanorum inuentum, sed Salomonici templi imitationem: de quo infra. & hætenus de alis, deque nuditate.

Adhæc; maris & fœminæ distinctionem inter Cherubinos illos templi (in qua Arias Montanus Rabinos fuit sequutus, doctè ac grauiter Pradus & Villalpandus impugnant, nos etiam non nihil diximus c. 3. At (dices) hæc cogitatio, quæ ex Cherubinis alterum masculini sexus, alterum fœminei effingit (præter idoneam significationem de intellectus illustrati, cum voluntate, diuino amore succensâ connubio) sacrarum Literarum præsidio potest roborari. Nam 3. Reg. 7. 36. vbi nos legimus, *secundum similitudinem hominis stant;* ex Hebræo ad verbum redditur, *secundum nuditatem viri & copulationum.* vbi copulationum nomine videtur intelligi posse matrimonium. Ceterum ad significationis congruentiam alibi iam respondimus. Nunc ad argumentum ex copulationum nomine, assero nihil aliud meo iudicio per verbum illud significari, quàm Cherubinos fuisse semper binos per ordinem dispositos. Quòd non modò verum est in ijs, qui in lutèrum basibus erant exsculpti (de quibus eo in loco sermo erat) sed vniuersè in cunctis templi Cherubinis. Quos enim fecit Moses, duo erant: totidem, quos Salomon. Item in cortinis & velo omnes erant bini opere plumario elaborati: bini denique in templi parietibus sculpti. Quare rectè se gerit noster Villalpandus, qui in singulis parietibus sancti Sanctorum binos tantum Cherubinos posuit. Quòd si in Sanctuarij cortinis similiter Arias præstitisset, rectius fecisset opinor.

De plantis pedum, solum dico, vitulinas plantas esse peculiare Ezechielis animalibus, & ad templi Cherubinos nullo modo extendi debere. Quòd vt suadeatur, alio argumento opus non est, præter ea, quæ diximus in commentario, sectione 2.

Veniunt iam ad aureos Cherubinos, quos fabricauit Moses. Hi Propitiatorum manibus non gestabant, siue tenebant; sed in eo potiùs pedibus nitabantur; alter ad latus dextrum, alter ad sinistrum. Quòd ex eo certum reputo; quia textus eos expressè super arcam constituit: & in eo sensu ab omnibus fuit hætenus acceptum. Iosephus etiam libro 3. Antiquit. c. 6. perspicuè affirmat eos impositos fuisse super arcæ operculum. Propitiatorium autem erat operculum arcæ, vt doctè probat noster Ribera libro 2. de templo cap. 4. LXX. enim Propitiatorium appellant epithema; & Iosephus bis eodem nomine epithema vitur (quod est tegmen vel operculum arcæ) atque fuisse mirabile & aureis cardinibus arcæ compaginatum. Atque addit, super ipsum fuisse Cherubinos. Præterea idem docet Philo lib. 3. de vita Mosi; vbi ait, *Operculum arcæ, quod vocatur Propitiatorium, basis est duarum imaginum, quæ nominantur Cherubim.* Opinio verò, quæ Propitiatorium altius, quàm arcæ tegmen constituit, nò bene cohæret cum Cherubino- rum situ super arcæ operculum. Id namque est saltem expressum Exodi 25. 10. & 17. Propitiatorium scilicet eiusdem esse mensuræ atque arcam. Quare oporteret Cherubinos omnino infra Propitiatorium esse; atque adeò ipsum nec fulcire manibus, nec tegere alis possent. Quin & ipsa sacræ Scripturæ verba manifestè indicant idem, quod Iose-

Nil cogere, vt templi Cherubini nudi fuisse credantur.

Refellitur Arias Montani opinio de duplici sexu in templi Cherubinis.

Vitulinas plantas animalibus solum Ezechielis fuisse proprias, non in templi Cherubinis communes. An Moses Cherubini Propitiatorium manibus teneat: velin eo potius pedibus niterentur.

Cur Cherubini depingantur ferè nudi?

Cherubinos templi quare fuisse effictos credibile sit.

In sancto saltem Sanctorum nudos potuisse Cherubinos non absone exprimi.



phus & Philo tradunt. Ait enim textus arcam Propitiatorij obtegi, (quo operienda est arca. Exodi 25. 10) & Cherubinos super arcam esse; alterum in summitate Propitiatorij ex vnâ parte, & alterum ex alterâ. Commimentum autem Cherubinatorum, manibus Propitiatorium sustinentium, nullum habet in sacris Literis fundamentum.

Præterea, quod textus ait, Cherubinos se mutuo respicere verbis vultibus in Propitiatorium; ita est intelligendum, non vt alter alterum respiciat; sed vt alter è regione alterius sint, amboque aspiciant Propitiatorium, id est, oculos habeant deiectos, reuerentiæ ac venerationis ergo, quæ oculos solet ad humum demittere.

Quod verò duo parui Cherubini expansis alis vtrumque; Propitiatorij latus operiant; concipiendum est ad eum modum, quo cælum contegit terram: restat enim spatium, interuallumque inter terram & cælum; ita vt terra conspici possit. Ita Arias pingit, & rectè. Extendebant ergo pennas Cherubini super arcam; eisque collatis aut consertis quasi vmbraculum efficiebant, in quo Deus confidere credebatur, & pro pedum scabello habere Propitiatorium.

Ingentes verò Cherubini, quos Salomon conflauit, quique alarum extremitatibus vtrumque; sancti Sanctorum parietem contingebant, in pauimento ipso pedibus nitebantur, opinor, ad arcæ latera collocati: non ita tamen, vt mediam eam subter alas continerent, sed nonnihil remotiores; quippe & ante arcam astantes, & ad Orientalem plagam obuerfi. Itaque si Cherubinis & arcæ, qua positione

A erant, pergendum siue gradiendum foret, magni Cherubini antecederent, parui super arcam irent. Atque hoc pacto rite considerantur duo magni faciem Domini anteire; & parui, Dei thronus esse, in quo sedens ipse vehatur. Qui autem per templi parietes erant bini eleganti calatura dispositi, figurabant semper (in eâ sententiâ) duos ingentes Cherubinos ante arcam stantes. Qui verò in cortinis ac velo, quæ effecit Moyses, erant Cherubini acupicti, (si tamen Cherubinatorum specie erant) paruos Dei throni Cherubinos absque dubio referebant.

Quotiescunque in sacris Literis legimus, Deum sedere super Cherubim, omnino habetur respectus ad duos paruos Moyses Cherubinos. Alij enim duo (quos fecit Salomon) non Deo pro throno seruire, sed ipsum præire considerantur. Et quanuis non defuerit, qui dixerit nubes ipsas appellari Cherubinos, cum dicitur Deus ascendisse super Cherubim & volasse: verius tamen multo est, semper ad Moyses Cherubinos fieri allusionem: ita vt cum nubes sese Deo pro curru substernere cogitantur, Angeli sint veluti thronus illius vehiculi; quemadmodum in Moyses Cherubinis figuratur. Grandibus autem Cherubinis Salomonis non aptè consideratur Deus sedens: quia parui Cherubini sunt, qui Dei thronum repræsentant: magni verò non alas in sellæ formam componunt, sed extendunt potius, quasi ante Dei faciem volantes. Et confirmatur, quia duobus magnis Cherubinis respondent Seraphini Isaia c. 6. & vt rectè animaduertit Hieronymus, dicendum non est Deum sedere super Cherubim & Seraphim, sed solum super Cherubim.

De quibus Cherubinis sit in Scriptura mentio cum dicitur Deus sedere super Cherubim.

Cherubinos se mutuo respicere, versis vultibus in Propitiatorij, quo pacto conciliandum sit.

Quomodo parui Cherubini Propitiatorij alis tegere poterint.

Magni Salomonis Cherubini qua positione in templo fuerint.

## NOTATIO IX.

### De significatione Cherubinatorum templi.

QVI de significatione Cherubinatorum templi agunt; satis sibi esse ferè putant, si totum eorum mysterium ad vnum Cherubinatorum binarium reuocent; existimantes fortasse, significationem, quæ binario Cherubinatorum Moyses assignetur, eandem Salomonicis Cherubinis assignandam. Etenim licet multiplicetur binarius; replicationem illam perinde esse arbitrantur, ac aliquod regionum stemmatum siue insignium scutum; cui, non ex eo quod pluribus in locis reponatur, aliud denuo mysterium exquiritur, quàm quod semel positum haberet. Hoc vt sit ita intelligendum, argumento esse potest, quod alij insuper Cherubinatorum binarij erant per templi parietes dispersi; in quorum tamen computando numero, & singulis assignanda significatione, nullus nimium laborauit: nec fuit hætenus quispiam, qui in omnium binariorum numero philosopharetur.

Illi solum videtur ad quaternarij mysterium inuestigandum teneri; qui Ioannis & Ezechielis visiones idem omnino & inter se & cū Salomonicis templi figurâ esse contendunt: & trium horum significationem ad quatuor cælestis aulæ principes, siue ad quatuor Euangelistas, aut alium quanuis quaternarium referunt. Quos ego lubenti animo rogarem, Meminerintne in Moyses tabernaculo vnum tantum Cherubinatorum binarium extitisse? Nam si quatuor horum Cherubinatorum significatio ad quatuor præcipuos Angelos applicatur; necesse est, duos ex quatuor principibus per duos illos Cherubinos indicari; alijs interim ignominia affectis, quos Moyses intactos in suis figuris symbolicis per obliuionem aut contemptum prætermiserit.

Hæc nos laxa & cautes incolumes præteruchimur; qui templi Cherubinatorum symbolum non ad quatuor solum personas contrahimus; nec opus esse arbitramur, vt Isaia, Ezechielis & Ioannis visiones sint eadem omnino inter se, aut eorū aliqua ad ta-

C bernaculi vel templi figuram penitus conformetur. Quapropter statutus ijs, quæ de templi Cherubinis, deque eorum figurâ dicta sunt, de ipsorum modò significatione agemus, exordium a Moyses Cherubinis ducentes. Philo ergo Iudæus, varijs in locis contendit per duos Cherubinos duplicem Dei potentiam, creatoris scilicet ac gubernatoris adumbrari; vel vt alicubi ait, 'potentiam benefactiuam & potentiam punitiuam. Alij agnoscunt hic duo testamenta. Nec deest, qui ad duas Christi naturas, humanam & diuinam; aut ad duos singulares insigni sanctitate viros; vel ad duas rationales naturas, angelicam scilicet & humanam, singulas in singulis depictas; seu denique ad duo mundi hemisphæria hoc symbolum referat. Verius tamen multo est ac receptius, duobus Moyses Cherubinis, totam Angelorum militiam nouem choris constantem comprehendere. Vniuersi enim Deo ministrant, & illi pro throno sunt. Ac primò hanc interpretationem ex sancto Dionysio hauserunt Beda, Angelomus & alij. Deinde in dubium vocari non potest, quin Moyses in duobus Cherubinis significare voluerit, quod in monte Sina conspexit. Constat autem multa se ibi Angelorum millia vidisse, ex Deuter. 33. 2. & Psalmo 67. 18. Duæ ergo illæ figuræ debent Angelorum omnium complecti significationem. Terriò, collatio horum Cherubinatorum cum visionibus Ezechielis & Apocalypseo clare indicant eorum significationem, nec ad duas singulares personas, nec ad duas peculiare naturas esse coarctandam, singulas in singulis denotatas; sed dilatandam esse ad cælestes milites generatim, quibus utebatur Deus in Israëliti populi administratione; & in beneficijs compluribus, quibus eum affecit. Atqui omnes sunt administratores spiritus, ad Hebræos, 1. num. 14. Quarto, denique illa diuini throni & Cherubinatorum pictura congruentissima erat; vt Israëliticus populus animum erigeret, considerans sibi Deum

Qua sit Moyses Cherubinatorum significatio. Philonis Iudæi opinio.

Per Moyses Cherubinos vniuersam Angelorum militiam figurari, vterior sententia.

Throni & Cherubinatorum pictura quorsum spectaret.

ipsum

Vtrum in Cherubinatorum significatione assignanda, binarij an quaternarij ratio habenda sit?



ipsum exercituum & caelestem hierarchiam præstare esse.

Sed age iam, quid sibi vult binarius ad totam caelestem hierarchiam indicandam? Responderi solet, binariū deferuere ad vñionis significationem. Nam & discipulos fuisse missos à Christo binos, tanquam iuga boum, (vt sanctus Macarius ait,) & vñum tantum binarium huic mysterio satis esse: propterea quod in Cherub natura angelica; in binario, vñio omnium & consociatio ad res diuini obsequij denotetur. Quæ expositio haud est contemnenda. Ceterum huius visionis collatio cum quatuor animalibus Apocalypseos exigit, vt aliquid præterea aliud inuestigaret, quod binario aptius adhuc congruat: vt in quaternario Apocalypseos ad quatuor excellentias Ecclesiasticæ hierarchiæ Angelorum rectè applicato, animaduertimus. Hæc cōiectura ducor, vt Cherubinorū binario credam significari binarium aliquem perfectionum, quæ in hierarchiæ caelestis Angelis reperiuntur. Neque aliæ digniores sunt, aut ad rem aptiores, quàm sapientia & sanctitas, siue illustratio intellectus & inflamatio voluntatis. Hisce enim duabus virtutibus coercetur quicquid Deo in suis ministris gratissimum est, quodque eos efficit Dei thronum, vbi Deus ipse libentissimè requiescit. Quæ declaratio lucem accipit maximam, validumque robur ex capitis vñdectimi commentario, in ea verba, & dabo duobus testibus meis. Quomodo verò ad ipsos Dei ministros representandos congruenter deferuiat symbolum illud duarum perfectionum, in ijs elucet, id in quatuor animalium symbolo satis expositum esse videtur.

Atque vt confirmetur, duobus Mosis Cherubinis adumbrari caelestium spirituum sapientiam & sanctitatem, obseruandum est, licet per ipsos directè caelestis hierarchia denotetur; verum propter mutuum respectum hierarchiæ caelestis ad Ecclesiasticam; valde oportuisse, vt quæ illis tribuitur significatio, sanctis etiam hominibus suo modo quadret. Quo in sensu verum est, per duos illos Cherubinos, duas rationales naturas, angelicam & humanam indicari, (quæ est beati Bernardi declaratio de verbis Isaïæ serm. 3.) non quidem ita vt vnus hanc, alter illam; sed vnusquisque vtramque designet; perfectiones representans, quæ vtramque naturam, dignum Deo thronum efficiunt. Manifestum autem est sapientiam & sanctitatem, duas esse res, quæ naturas has ad fastigium illud sublime extollunt.

Licet autem caelestis hierarchiæ significatio noem totos Angelorum choros comprehendat; expediat tamen præterea, vt quod de omnibus generaliter dicitur, ad Cherubinorum chorum possit peculiariter attribui. Nam & Theologi quò tutius possint de Cherubinorum choro loqui, ea sibi accersunt, quæ Scriptura sub Cherubinorum nomine de Angelis affirmat. Scitum est ergo, præcipuam excellentiam, quæ Cherubinis tribuitur, desumi à sapientia, cui sanctitas responderet. Quare consentaneum fuit, vt duo Cherubini sapientiam & sanctitatem significarent, quæ caelestibus spiritibus insit.

Iam, quod de angelica perfectione symbola Scripturæ figurant, opus est per analogiam ad eos homines extendi, quos eadem Scriptura Angelos appellat; id est, ad Euangelij ministros, in quibus hæc duo (sanctitatem dico & sapientiam) vel maximè esse oportet. Has ergo easdem perfectiones in caelestibus Angelis denotabant duo Mosis Cherubini.

Id amplius percipietur ex Salomonis Cherubinorum consideratione. Quam ad rem præmittendum est, quod facile mihi docti concedent; Salomonico videlicet templo Christianæ Ecclesiæ templum significari; & maiestatem præsertim ac splendorem, quò peruenit post mysticas Davidis victorias: id est postquam Christi virtus & efficacia Gentes suauiter Euangelij iugo subiecit. De quo, diuino aspirante numine, agam latius in commentario Psalm. 28. Nunc satis sit hanc templi Salomonici significationem proposuisse, vt vera esse credatur. Quo semel statuto, facile intelligitur, magnos Salomonis Cherubinos (qui proprii sunt magnifici illius templi) eorum esse symbola, qui verè sunt Christianæ Ecclesiæ Cherubini, id est, præstantissimi Euangelicæ

prædicationis ministri: qui Christi nomen in vltimas terrarum regiones inuexerunt; & quorum prædicationi admiranda Gentium conuersio, & gloriosa Ecclesiæ victoria secundum Deum referri debent accepta. Si ergo duo Salomonis Cherubini excellentias ac miras virtutes horum Ecclesiæ ministrorum adumbrant; quid cōgruentius esse potest, quàm vt alter eximiam eorum sapientiam, alter egregiam sanctitatem representent?

Quod autem in templo Salomonis, Mosaici Cherubini & Salomonici visantur simul; haud obscure indicat, ad Christianæ Ecclesiæ decus & gloriam, vtrorumque Angelorum ministerium tam caelestis quàm Ecclesiasticæ hierarchiæ confluisse. Nec propterea nego, ipsi Salomonis Cherubini significari opem ac præsidium, quod principes caelestis hierarchiæ in Davidis victorijs populo Israelitico præstiterunt. Hæc tamen significatio eam in partem accipienda est, vt (quemadmodum aliàs ex Augustini doctrina docuimus) Iudaica tangat, Christiana respiciat: atque ita beneficia perstringantur à Deo in Iudaicum populum collata; vt his quasi gradibus ad Christianæ Ecclesiæ mysteria contemplanda ascendatur.

Cum ergo statuerimus, per Mosis Cherubinos caelestem denotari hierarchiam; Ecclesiasticam autem, per ingentes à Salomone factos, differentia in staturae magnitudine, non indicat sapientiam & sanctitatem Apostolorum, tantundem Angelorum sapientia & sanctitati præstare; sed in eiusmodi Apostolorum virtutibus, vtpote egregijs & excellentibus, opem atque subsidium caelestium principum exceluisse. Etenim in præclaris Ecclesiæ victorijs eminent simul & Apostolorum gloria, & Angelorum caelestium protectio atque auxilium. Salomonis autem colossi siue magni Cherubini simul vtrumque significant. Quod si, vt ingentium Cherubinorum symbolum ad caelestis etiam hierarchiæ principes sese extendit, sic in Salomonis templo, Cherubinorum Mosis significatio hominibus quoque sanctis communicatur; facile est (iuxta ea quæ diximus) discrimen assignare inter Dei thronum, quem Ioannes vidit; & inter animalia, quæ tum in throno, tum in circuitu throni conspexit. Videlicet vt thronus Cherubinorum denotet sanctitatem, sapientiamque eorum, qui Deum agnoscunt a diligunt, licet alijs cognoscendum non proponant: animalia verò, (atque etiam magni Cherubini) sapientiam ac sanctimoniam illorum, qui non modò sapientes sunt ac sancti; sed etiam sapientiæ caelestis magistri, & de hominum salute ac sanctitate optimè meriti.

Rectè autem Cherubini ingentes Deum ipsum antecedere existimantur, (vt superiore notatione dictum est.) Id enim est præire ante Dominum in spiritu & virtute; & iter facere ei, qui ascendit super occasum, & parare viam Domino: atque adeò superare difficultates; & hominum corda disponere, vt Dei gratiam excipiant. Id quod viri sanctissimi præstant, proprii sanguinis vitæque dispendio. Nec minùs decorum est, vt duo parui Cherubini, (qui munus in animarum salutem incumbendi non habent,) sint inter se concordantes atque sociati. Id namque est alterum è regione alterius esse; oculos tamen solo habeant defixos, vt suam erga Deum obseruantiam ac reuerentiam profiteantur: Cherubini autem magni effingantur versis vultibus ad exteriorum domum; cum eorum munus sit, proximorum salutem providere, eosque ad veram Dei cognitionem adducere. Ponuntur autem Orientali plagæ aduersi, vt spectent eos omnes, qui templum ingrediuntur.

De oleagine materiæ significatione ad viscera misericordiæ aptissimè applicatā, iam alibi diximus; deque applicatione alarum ad caelestem conuersationem, siue caelestis vitæ cursum, vt loquitur sanctus Dionysius. Cur verò in Ezechielis visione additæ sint plures facies & alæ & plura brachia; id suo loco expendetur: & similiter de sex alis Seraphinorum Isaïæ.

Nuditas in ijs, qui nudi efficti sunt, candorem & puritatem denotat, vt docet Dionysius: amictus in vestitis gloriosam virtutum vestem. Consentaneumque fuit, vt singulatim notaretur nudos esse illos Cherubinos, qui lutèrum bases ornabant; quo

Cur in Salomonis templo & Mosaici Cherubini & Salomonici pariter visantur.

Magnitudinis discriminem inter Mosis & Salomonis Cherubinos non arguit sanctitatis differentiam in rebus ipsis significatis.

Magni Cherubini Salomonis quo sensu Deum præcedere existimantur.

Quid sit, alterum ex paruis Cherubinis à regione alterius esse.

In Cherubinorū alijs nuditas, alijs vestitus quid innuat.

Quomodo in Cherubinorum binario tota Angelorum militiæ possit figurari.

In Cherubinorum binario binarium denotari, perfectionem, quam Angelis sunt communes. Sapientiam & sanctitatem in duobus Cherubinis adumbrari.

In duobus templi Cherubinis duas rationales naturas, angelicam & humanam, denotari.

Quod de angelica perfectione in Scriptura dicitur, idem per analogiam ad insignes sanctitate viros debere extendi. Salomonis templum fuisse Christianæ Ecclesiæ figuram.

Per ingentes Salomonis Cherubinos qui figurantur.



designaretur, sacrificiorum, quæ Deo offeruntur, mundiciam ac puritatem debere esse maximam. Significatur autem in alijs puritas, in alijs virtutum ornatus; non quod alijs sint nudi ac puri, alijs glorioso virtutum amictu conspici; sed ut, quod semel exprimi non potuit, diuersis symbolis explicetur: ideoque multiplicantur symbola, ut aliorum defectus suppleatur aliorum copiâ. Atque illud in primis expedit, ut posteriores visiones aliquid prioribus addant; semperque Scripturæ sacræ elegantia ac dignitas augeatur; nec non ipsius symbolorum grauitas & energiâ. Atque idcirco Isaia Seraphinis plures apponuntur alæ; licet eandem habeant cum Salomonis Cherubinis significationem.

Iam verò, quod omnes templi Cherubini vitulinis constant faciebus (ut notatione præcedenti dictum est) indicat, tam cælestis hierarchiæ Angelos, quam Ecclesiasticæ, in summum omnes beneficium, summamque vtilitatem Ecclesiæ sese impendere. De cælestibus enim verissimè dictum est à Paulo ad Hebræos 1. i. 4. *Omnes sunt administratores spiritus, &c.* & videtur etiam Apostolici aptissimè vitulinas facies habere dicuntur, ut vidimus in symbolo vituli. Notandum est præterea, ex eo quod Angelis vituli facies tribuantur, facile inferri, non ideo in templo collocari, ut eorum innuatur gloria; sed ut auxilium ipsorum & beneficia in militantem Ecclesiam, collata denotentur.

Ceterum quorsum Cherubini super Propitiatorium collocantur? (neque enim probabile existimo illorum inuentum, qui Propitiatorium autumant

A à Cherubinis sustineri.) Hoc ut explicem, obseruo; certissimum esse, ut optimè expendit Ribera, in Propitiatorio Christum redemptorem nostrum significari; ex Paulo ad Romanos 3. 25. unde, quod Propitiatorium sit basis, qua Cherubini nituntur, (ut loquitur Philo) non dubiè indicat Christum esse basim ac firmamentum, quo Angelorum hominumque sapientia ac sanctitas solidantur; quoque nititur Dei thronus, quem habet in Ecclesiâ Christianâ. Scio aliter à Ribera explicari; quatenus scilicet Christum, quæ homo est, Angelis inferiorem esse significetur. Enimverò illi, quod inferiori loco est, semper subiectionis ac submissionis rationem adscribere, minime esse congruens aut consentaneum existimo. Nam in spiritali fabricâ & structurâ, fundamentum est summi honoris ac dignitatis sedes. & qua ratione Christus Ecclesiæ fundamentum vocatur (non quod natura sit inferior; sed quia totum in eo Ecclesiæ ædificium fulcitur ac nititur) ita etiam Cherubinorum basis ac stabilimentum supponitur; quia in eo illorum gloria innixa recumbit.

B Præterea in Apocalypsi euidenter est, quatuor animalia non esse Angelos cælestis hierarchiæ, sed homines; quos tamen ponit etiam sacer textus in medio throni; quod fortasse aliquo modo est idem, quod super Propitiatorium. Et Apocalypsis c. 12. Luna Ecclesiæ pedibus subiicitur; cum tamen id quod per Lunam significatur, Ecclesiæ ipsi inferius nequaquam sit, ut eo loci patebit. Neque obstat, quod alijs in locis, supponi aliquid pedibus, subiectionem aut etiam conculcationem significet.

Propitiatorium collocari?

Vitulina facies in templi Cherubinis quid significet.

Cherubini parui quorsum supra

## NOTATIO X.

De idea Seraphinorum, quos refert Isaia cap. 6.

Num Isaia plures, quàm duos Seraphinos viderit? Arias Montanus, Forerius & Pradus probare contendunt non binarium, sed ingentem Seraphinorum multitudinem fuisse ab Isaia visam. Primò quia Seraphini innumerabiles penè sunt. Secundò, quia Isaia plurali numero utitur, non duali. Sed de binario planè exponunt Dionysius de Ecclesiastica hierarchiâ cap. 4. parte tertiâ, bis faciens mentionem duodecim alarum: & Origenes lib. 1. Periarchon cap. 3. (vbi etiam citat Hebræum Magistrum,) Hieronymus Isaia sexto, in præfatione, & in commentario & alijs in locis; Philastrius hæresi 101. Bernard. to. 1. tractatu de verbis Isaie, serm. 3. Nituntur hi Patres manifestâ allusione ad duos templi Cherubinos. Præterquam quod textus ipse ait, *sex alæ uni, & sex alæ alteri*, quod & sequi videtur Ecclesia, dum canit, *Duo Seraphim clamabant alter ad alterum*, in festo Trinitatis in 8. responsorio.

Duos tantum ab eo visos cum ceteris Patrum probatur.

Si plures foris duobus vidit Isaia, eos saltem vidisse binos.

Quomodo Isaia Seraphini supra visum fuerint.

C PRIMA quæstio sit, utrùm Isaia plures, quàm duos Seraphinos viderit? Arias Montanus, Forerius & Pradus probare contendunt non binarium, sed ingentem Seraphinorum multitudinem fuisse ab Isaia visam. Primò quia Seraphini innumerabiles penè sunt. Secundò, quia Isaia plurali numero utitur, non duali. Sed de binario planè exponunt Dionysius de Ecclesiastica hierarchiâ cap. 4. parte tertiâ, bis faciens mentionem duodecim alarum: & Origenes lib. 1. Periarchon cap. 3. (vbi etiam citat Hebræum Magistrum,) Hieronymus Isaia sexto, in præfatione, & in commentario & alijs in locis; Philastrius hæresi 101. Bernard. to. 1. tractatu de verbis Isaie, serm. 3. Nituntur hi Patres manifestâ allusione ad duos templi Cherubinos. Præterquam quod textus ipse ait, *sex alæ uni, & sex alæ alteri*, quod & sequi videtur Ecclesia, dum canit, *Duo Seraphim clamabant alter ad alterum*, in festo Trinitatis in 8. responsorio.

D Illud ergo ex hisce argumentis colligo; in primis si cōplures vidit Seraphinos Isaia, eos certè binos intuitus fuit; ut de Cherubinis ad templi parietes exculptis dictum est supra; qui etsi erant permulti, bini tamen per ordinem erant dispositi. Quemadmodum Ioannis animalia quaterna visa sunt ab eo; ita tamen, ut præter quaternionem, qui erat in medio throni, essent etiam alijs quaterniones in circuitu throni, vel saltem alijs quaternio. Sic enim accipi debent verba illa, *in medio throni & in circuitu throni*. Secundò noto, in templo & in visione Apocal. textum apertè asserere, Cherubinorum alios in medio throni, alios in circuitu esse: apud Isaia verò & Ezechielem id nec de Seraphinis illis, nec de huius animalibus repeti. Ex quo mihi esse certum, ut Ezechiel quatuor solum animalia conspexit, ita Isaia vnicum tantum Seraphinorum vidisse binarium, respondentem duobus magnis Cherubinis, quos fecit Salomō. Ait enim textus, Seraphinos steterisse super solum; nimirum quia adeo erant ingentes, ut super solum ipsum, (quanuis valde elebatum) alas haberent passas, ut dictum est notatione octauâ.

E Prado & Villalpando placuit, Isaia visionem respondere prorsus folio, quod in templo habebat Deus. Quare asseret fortasse Seraphinos Isaia esse quatuor; ut Cherubinis totidem Moysi & Salomonis respondeant. Verum, esto; Isaia visio secundum omnes sui partes folio templi respondeat: duo certè Cherubini qui Moisaicis respondent, efficiunt thronum, quem vidisse se testatur Isaia. Hi autem in Scripturâ non vocantur Seraphini, sed Cherubini. Alioqui diceretur Deus super Seraphinos sedere; quod Hieronymus errorè appellat. Seraphinorum ergo nomine eos solum Isaia intelligit, qui Cherubinis ingentibus à Salomone facti respondent: eos autem sacer vates Seraphinos appellat; quia igne succensos, atque adeo ignitos aspexit.

D Ad prioris autem opinionis argumenta facilis est responsio. Pari enim gradu militant aduersus templi Cherubinos, qui Angelos representant. Et tamen nec Angeli Seraphinis pauciores sunt; nec de duobus loquens Cherubinis utitur duali numero sacer textus, sed plurali. Vide Exodi 25. 18. *Facies quoque duos Cherubim*; vbi in Hebræo est nomen plurale. Ad primum ergo respondeo, in symbolis non semper numerum veritati respondere. Præsertim cum peculiaris sit ratio, ut Isaia Seraphini, quemadmodum & Moysi Cherubini, & Salomonis quoque ad binarium reducti sint. Ad secundum, dualis in Hebræo ferè non usurpatur nisi ad res naturâ suâ geminas significandas, cuiusmodi sunt oculi & aures.

E Secunda quæstio sit; in visione Isaia, Seraphini supra templum, vel intra illud sint conspecti? Hieronymus ait Hebraicam veritatem sonare, Seraphinos steterisse supra templum: & loco præpositionis supra poni hic in Hebræo *nimaghal*, quod semper est, *desuper*. Ceterum vox *super* aut *desuper* non est ita intelligenda, ut sensui non bene congruat. Cumque thronus intra templum conspectus fuerit (ait enim textus, *Ea quæ sub ipso erant, replebant templum*) non rectè Seraphini supra templum considerantur: debent enim comitari thronum; sicut & Cherubini, qui erant

Argumentis pro opposita sententia adductis occurrunt.

In symbolis non semper numerum veritati significata respondere.

Seraphini num intra templum, vel supra, sint ab Isaia visi? Intra templum fuisse statuitur.



in templo Salomonis. Atque ita præfinire videntur LXX. qui paraphrastice exponentes dicunt, Seraphinos esse circa sedentē in throno, id est, ad utrumque latus comitantes. Eodem modo sentiunt Patres, ut Dionysius Areopagita de Ecclesiastica hierarch. cap. 4. parte 3. ubi ait, *Ordo Seraphicus iuxta Iesum firmiter stare describitur, & similiter Chrysost. tom. 1. in cap. Isaia 6.*

Sensus ergo originalis, qui sonat Seraphinos stare super templum, ita est accipiendus, ut Seraphini ante Deum adstiterint in superiori templi parte. Cum enim solum aded esset sublime, ut verbis ijs asseueratur, *solum excelsum & eleuatum*; oportebat Seraphinos etiam, qui ipsum comitabantur, editos à terra esse; siue quia gigantum statura erāt, siue quia ab humo sublatis suis sese alis librabant. Et quauis Hebræa dictio sonet *super* (ut dictum est) non est tamen ita intelligenda, ut sit sensus, *super testum*; sed in parte superiore templi: ut 3. Reg. 8. 23. *Non est sicut Deus in celo desuper*; id est, in supera cali parte. Aliter exponit Arias Hebræam vocem, nempe ut *desuper*, sit idem, quod virtute desuper accepta. Hic tamen non solet esse sensus Hebrææ vocis *mimaghal*; ut patet Genes. 22. 9. *Super struem lignorum*, & 3. Reg. 8. 23. *In celo desuper*. Et Ezechielis 1. 26. *Super firmamentum*.

Tertia quæstio; Vtrum sex alæ, quas inesse singulis textus ait, explicandæ sint de quatuor alis & de duobus brachijs; ut volunt Pradus & Villalpandus? Respondeo, singulos præter brachia senis alis constare, ut dixi de animalibus Ioannis. Quæ est aperta S. Dionysij sententia de Ecclesiastica hierarch. cap. 4. p. 3. ubi manifestè meminit pennarum circa facies & circa media & circa pedes; & explicat Seraphinos in totum pennatos. Dionysium porrò sequuntur veteres omnes: nec oppositum asseret quispiam, qui sibi semel persuadeat, opus non esse, ut eadem sit Isaia & Ezechielis visio: de quo supra latè disputatum est.

Quarta quæstio; Nūmne Seraphinis singulis plus quam facies vna & duo pedes assignadi sint? Ad hoc assero Seraphinos in hac parte Cherubinis templi similes esse cōcipiendos; ut probatum est supra. Quare singulis vnica tantum facies tribuenda est, eaque vitulina. Nec mouere lectorem debet, si quando antiquus aliquis scriptor & grauis videatur Isaia Seraphinis plures facies adscribere, ut Dionysius de celesti hierarchia cap. 13. fortè enim per obliuionem & non curantiam de Isaia Seraphinis dicuntur, quæ de Ezechielis animalibus dicenda erant. Aut fortè Dionysius non loquitur de pluribus singulorum faciebus; sed de multis, id est, de duabus vtriusque Seraphini faciebus. Nam cum duos videret Isaia Seraphinos, duas itē facies aspexit. Id quod peculiariter potuit obseruare Dionysius; quippe qui nouerat illam duarum facierum distinctionem, nullum personarum denotare discriminē; sed perfectionum, quæ singulis insunt personis. Illud namque Seraphinorum par, summæ perfectionis est symbolum; quæ in vnoquoque ex viris Apostolicis enitescit. Atque ita sunt fortassis accipiendæ, quæ de pluribus Seraphinorum pedibus videntur tradere Dionysius ibidem & Chrysostomus lib. de incomprehensibili Dei natura, tom. 5. nisi fortassis duos singulorum pedes appellant multos, significantes non propterea in ipsis celestis hierarchia Angelis existimandam esse aliquam pedum distinctionem.

Quinta quæstio est; an Seraphini, Dei faciem & pedes velauerint? an verò suam ipsorum faciem & pedes? Ratio dubitandi est: quia in Vulgata legimus, *Duabus velabant faciem eius, & duabus velabant pedes eius*, & Hieronymus aperte explicat de facie, pedibusque Dei; (ut patet ex eius commentario) & similiter Bernardus tom. 1. de verbis Isaia serm. 4. Deinde quauis in lectione LXX. interpretum nullum adiciatur relatiuum (sic enim legunt, *duabus operiebant faciem, & duabus operiebant pedes*) nihilominus de facie & pedibus Dei exponunt Origenes 1. Periarcho cap. 3. Philastrius hæresi de

A sex alis, & Cyrillus Isaia 6. Nihilominus certum videtur, Seraphinos suas ipsorum facies, suosque pedes texisse. Ita sentiunt Dionysius Areopagita de celesti hierarchia cap. 13. (ait enim alis arcere pedum & vultuum aspectum) & Athanasius sermone in id Matth. 11: *Omnia mihi tradita sunt*, &c. in fine, Chrysostomus tom. 1. homil. 8. in cap. 11. Genes. & de verbis Isaia homil. 2. & alicubi Bernardus: atque idem sequuntur recentiores, ut Vatablus, Forerius, Arias & noster Pradus. Ad lectionem ergo Vulgatam respondetur: Cum in Hebræo & in Græco relatiuum reciprocum à nō reciproco diuersum non sit; inde est, aliquando in Vulgata lectione relatiuum eius poni pro reciproco suis. ut Ecclesiastici 1. 8. *Sedans super thronum illius*, id est, super thronum suum, ut euidenter patet ex Græco. Atque in hoc loco maior licetia permittitur propter Patrum in explicando diuersitatem; quorum alij hoc modo, alij alio exponunt. Quod verò Hieronymus in commentario acceperit iuxta eam sensum, non probat illius fuisse mentem, aliter textum explicari non posse. Sin obijcias, opus fuisse ad nostram constructionem dicere, *velabant facies eorum & pedes eorum*: Respondeo, de Seraphinis proximè factam fuisse mentionem in singulari. nempe, *sex alæ vni & sex alæ alteri*. Quare illud eius, construitur cum *vni* & *alteri*. Si igitur auctoritatem aspicimus, vterque sensus videtur æquè probabilis: sed si rationes expendantur, multò verisimilius esse apparet, Prophetam loqui de faciebus & pedibus Seraphinorū. Primò; quia in textu multò antè præcesserat Deus. Secundò; nam ad mysticam significationem congruentius est, ut suas facies aduolent Seraphini, de quo infra. Tertiò; hac ratione alæ illæ, quibus suos tegebant pedes Seraphini, eundem habebunt sensum; ac peninæ, quibus Ezechielis animalia sua tegebant corpora, ut supra explicatum est. Quartò, quia consideratio ipsa, qua Seraphini ante Deum concipiuntur stare, & duabus alis Dei ipsius vultum; ac totidem, pedes obtegere, huiusmodi (inquam) consideratio violenta est. Nec affirmare ausim, pictorem reperiri aliquē posse, qui visionem hanc ad eum sensum pingere cum decore valeat. Pictura verò alia, quæ alis duabus vultum Seraphini aliqua ex parte regat, alijs pedes, & alias ad volandum explicet; facilis valde est: & vulgaris quisque pictor eam exprimit in Seraphino, qui beato Francisco per visum apparuit. Quintò, dum propriam faciem velant, facili negotio intelligitur, eos ob reuerentiam ac venerationem vel ob pudorem, oculos in Deum directè non intendere. Atque ita fortassis intelligendi sunt Origenes, Hieronymus & Cyrillus.

B Animaduerte tamen faciem non esse omnino tegendam; ita ut distinctè cerni non possit, an sit facies vituli, vel leonis, aut hominis vultus, aut aquilæ. Ioannes enim similiter vidit senas in animalibus alas; ac proinde duabus velabant facies suas (cum enim dicat suis animalibus senas alas inesse; innuit obiter, illas ad eum esse modū, quo expressit Isaia.) Porro planum est eorum facies non fuisse cooperatas omnino: siquidē Ioannes quatuor animalium vultus potuit dignoscere. Velare ergo faciem, non est eam penitus obducere. Et si autem Dionysius ait, alis aspectus vultuum arceri; hoc tamen cum modo est accipiendum, testā aliquā vultus parte, aliā resectā. Alioqui non Ioannes distinxisset, cuiusmodi essent animalium vultus singulorum. Ex picturā verò Seraphini à S. Francisco visi, nullo negotio intelligitur, ut alis in crucis modum super faciem confertis, pars in pudoris ac verecundiæ significationem tegatur; cum tamen aliquid vultus absque tegumento permaneat, nec oculi prorsus obnubantur.

C Et DVABVS VOLABANT. Forerius interpretatur illos immoto corpore reliquo, alas excutere. Fauet Chrysostomus Isaia 6. ubi compositionem alarum tribuit Seraphinis. Sed hoc fortasse est ex animalibus Ezechielis desumptum, & in Isaia Seraphinis non necessarium.

Suas ipsorum facies aduolasse statuitur.

Relatiuum reciprocum à non reciproco in Hebræo, & in Græco non distingui.

Rationibus idem roboretur.

Non tamen Seraphinorum faciem omnino resectam esse debere.

Quo sensu dicendi sint Isaia Seraphini stesisse supra templum.

Vtrum Isaia Seraphini, præter brachia, sex habuerint alas?

Nam singulis Seraphinis facies tantum vna, & duo pedes sint assignandi.

Seraphinis suas ipsorum facies, an Dei vultum alio obtegerint?



## NOTATIO XI.

## De vera significatione Seraphinorum Isaia.

De Isaia Seraphinorum significatione varia Doctorum opiniones.

**A**LIQVI necesse esse putabūt, vt in Isaia Seraphinis terminē esse de celestis hierarchiæ Seraphinis credamus. Hac namque expositione videtur niti, quidquid de nouem angelorum choris, præsertim de supremo Seraphinorum, communis Theologia docet: cum nullus sit præterea locus, vbi Seraphini nominentur. Non tamen desunt, qui Seraphinorum nomen latius sumentes, ad infimi chori angelos extendant. Nam Dionysius de celesti hierarchia c. 13. ait, Seraphinum missum ad Isaia ex infimo choro fuisse; omnesq; angelos quodammodo Seraphinos esse; sed hoc nomē potuisse speciatim dari ei, qui ad Isaia labia purganda aduenit. Bern. serm. 3. de verbis Isaie multo adhuc latius nomen Seraphini sumit. Afferit enim significari per Seraphinos duplicem naturam rationalem, quarum obsequio vtitur Deus, angelicam scilicet & humanam. Pradus & Villalpandus, qui ex Isaia & Ezechielis visione vnam consistere nituntur, afferunt in Seraphinis præcipuos quatuor principes Deo adstantes denotari. Alias insuper pijs explanationes omitto; simulque Origenis impiam asserentis in duobus Seraphinis, Patrem æternum & Spiritum sanctum indicari.

Nobis Rupertus sequendus est, qui apud Isaia Seraphinorum nomine Apostolos intelligit. Addo tamen, in hunc numerum non solum Apostolos esse referendos, sed viros etiam Apostolicos, primæ illius perfectionis ac sanctimonix æmulatores: vt & de Salomonis Cherubinis, & de Ioannis animalibus dictum est. Hanc verò ipse expositionem in Isaia litteralem omnino reputo; cui non nihil adstipulatur Dionysius de Ecclesiastica hierarchia c. 4. p. 3. vbi ait, Seraphinos esse sacerdotes qui Pontificem circumstant: licet id ille non per litteralem declarationem, sed per applicationem dixisse videatur. Personam namque sedentem in throno ad Pontificem applicat, atque illam duodecim alis Seraphinorum, (id est sacerdotum adstantium) esse circumtectam. Ceterum his omnis, illa me adducunt, vt per huiusmodi Seraphinos credam Apostolos & viros Apostolicos significari; Primum, quia Isaia Seraphinis respondent manifeste Ioannis animalia in alarum senario & in trisagio, Sanctus, sanctus, sanctus; eadem ergo est vtrorumq; significatio, illa nimirum, quam in Salomonis Cherubinis Spiritus S. potissimum respexit.

Secundò; Thronus, qui ostensus est Isaia, est ille, quem Deus nouum in Ecclesia Christiana possidet, vt supra vidimus; non igitur abs re est, vt Ecclesiastica hierarchia Seraphini nouum thronum circumstant. Ad hæc; quemadmodum Ecclesie ministri propterea appellati sunt angeli, quod in mystico militantis Ecclesie celo Deus nouos erat angelos habiturus (ideo enim Apoc. 2. & 3. Episcopis angelorum nomen datur) ita similiter nonnullis hominibus insigni sanctitate præditis, Seraphinorum nomen debuit eadem ratione deferri. Nec defuit, qui nouem angelicorum ordinum nomina Ecclesiasticis ministris per sua munia dispartierit, vt sanctus Photus presbyter l. 4. de statu domus Dei c. 16. (vt habetur tomo 9. Bibliothecæ.) Si ergo aliquibus hominibus Seraphinorum nomen impartiendum fuit; quibus potius quam Apostolis, virisque Apostolicis conferendum erat? Illos enim Deus sibi delegit ministros, per quos suæ charitatis ignem in terris accenderet. Et capropter Spiritum sanctum in Apostolos sub ignearum linguarum specie immisit; vt celesti hoc igne inflammati terram mox possent excutere. Id quod nomē Seraphim præ se fert. Sonat enim incendentes vel ignitos, vt Hieronymus docet. & quemadmodum in hierarchia celesti supremum Seraphini tenent locum; ita etiam in Ecclesiastica principes Apostoli sunt, eorumque strenui imitatores, propter eximiam diuini spiritus prærogatiuam illis datam; vt homines charitatis igne inflamment.

Tertiò, valde fauet nobis trisagium illud, Sanctus, sanctus, sanctus à Seraphinis repetitum; quod Patres omnes ad vnum de Trinitatis mysterij prædicatione exponunt; quæ in nouo celorum regno ab omni-

**A**bus erat audienda. Necesse ergo est, per Seraphinos, huiusce mysterij præcones seu concionatores indicari. Quare, cum constet in Christiana Ecclesia non à celestibus Seraphinis, sed ab Apostolicis viris & Evangelicis concinatoribus huiusmodi mysterij prædicari; certum etiam debet esse, in Seraphinorum figura ostensam Isaia fuisse excellentiam Apostolorum.

Quartò, nostra interpretatio cõfirmatur. Nam vt in Apocalypsi offensionem Iudaici populi & eiusdem repulsam antecedit Euangelij prædicatio per trisagium significata; ita in capite 6. Isaia, trisagium præcedit commotionem superliminarij templi, & magnam illam venturæ ruinæ speciē; & mox sequitur Iudaici populi reprobatio. Ergo in trisagio illò prædicatio Euangelij indicatur, atq; adeò in Seraphinis Apostoli.

**B**Quintò illud etiam nostræ haud parum fauet expositioni; quod Isaia Seraphini alas habent, quibus contegat faciem, his autem Ezechielis animalia careant. Quo non obscure adumbratur verecundia ac pudor de proprijs flagitijs siue peccatis conceptus: id quod ad Ecclesiasticæ hierarchiæ Angelos propriè spectat; nõ verò ad Angelos celestis, vt supra expendimus. Quod si velare faciem, accipiat de facie ita operta, vt principem intueri non possint: tunc hoc erit inter Seraphinos Isaia & Ezechielis animalia discrimen; quod illi homines sunt in viujs adhuc degentes, & quæ à corporeis sunt oculis abstracta per fidem contemplantur. Quod per adorationem velatâ facie indicatur egregiè. Vbi obserua veteri consuetudinem adorandi obiecto capite ac facie: vnde Amictus vsus in sacris indumentis dimanauit. At Ezechielis animalia resectâ facie appositissimè ostensa sunt: quia celestis hierarchiæ Angeli in ipsis figurati, non per speculum & in ænigmatē, sed reuelatâ facie Deum contemplantur.

**C**Sextò denique, huc conducit discriminē aliud, quod inter Isaia Seraphinos, & Cherubinos Ezechielis licet deprehendere. Seraphinus enim apud Isaia, ignitum calculum forcipe sustulit (in manu eius calculus, quem forcipe tulerat de altari, Isa. 6. 6.) Ast Ezechielis Cherubinus prunam non forcipe, sed manu apprehendit, c. 10. 7. Extendit Cherub manum ad ignem, & sumpsit & dedit, &c. Hoc autē nihil est aliud (opinor) quam de Seraphinis, vt hominibus loqui, quibus ad prunâ capiendam forcipes necessariæ sunt. De Cherubinis verò tanquam de celestibus Angelis, quibus ad tractandas ignitas prunas, nec forcipes sunt nec instrumenta alia necessaria. Idque intelligo, vel ante mysticam prunæ significationem, quam Seraphinus forcipibus sumpsit, de quo dixi supra c. 2. notat. 7.

**D**Nunc eorum querimonix respondeamus oportet, qui de nostra fortassis explicatione exoptulabunt, quod Theologorum doctrinæ fundamentum diruat, quod attinet ad nouē Angelorum choros; præsertim ad supremum Seraphinorum. Neque enim superest alius Scripturæ locus, in quo de illis mentio fiat. Affero ergo visionis Isaia sensum esse, in Ecclesia militate admirabilem celestis curiæ imitationē inueniri; & in terris etiam habere Deū Seraphinos ad celestium imitationē, aliquibus tamē in rebus dissimiles. Certè, si sensus est huiusmodi (vt ego existimo) facile videre quisq; potest, Theologorū fundamentum ad doctrinā de Seraphinis, integrū adhuc & intactum persistere. Præter hæc, distinctio inter nouem Angelorū choros subtilior fortasse Theologia erat, quā vt Israëlito populo explicari par esset. Quamobrem in veteri instrumēto nullus forsan est locus, qui IX. Chororum distinctionē directè faueat. Quin & Cherubinarum nomen nunquam sumitur in sacris Literis propriè pro illo Angelorū choro, cui strictè acceptū Cherubinorū nomen Theologi tribuunt.

**E**Addo deniq; ijs, quæ dicta sunt, maximā Seraphinorum Isaia celsitatem, quæ ab humo altè sublata, excelsum Dei thronum comitantur, mirificū esse symbolum ad indicandam celestem atq; adeò celsissimā vitam, ad quam nouos suos Seraphinos Deus extollere dignatus est. Atq; idem est sensus ascensionis Angelorū per Iacobi scalā, de quo supra notat. 1.

Cur apud Isaia trisagium præcedit commotionem superliminarij?

Cur Isaia Seraphini vultus alis obnubant: non verò Ezechielis animalia?

Veteri consuetudo capite obiecto adorandi.

Cur Isaia Seraphinus prunam forcipe: ut Cherubinus Ezechielis manu apprehendit?

Nostrā de Isaia Seraphinis expositione miramē Theologorū fundamentum laesatur.

Cur in Scriptura minus sit perspicua inter nouem Angelorū choros distinctio.

Cherubini nomen nunquam in Sacris scriptis capi pro secundæ hierarchiæ choro. Seraphinorū Isaia celsitas, quid innuat.

Auctoris sententia, per illos figurari viros Apostolicos.

Quid per thronum Isaia ostensum denotatur.

Isaia trisagium quid significet.





Don Juan de Luaregui inventor.



## NOTATIO XII.

## De figura sue ideâ animalium Ezechielis.

## S. I. De opinione Theodoretî &amp; Lyrani.

**V**IDIMVS iam non solum non esse inconueniens, sed etiam maximè congruere, vt pluribus in rebus animalia Ezechielis à Ioannis animalibus & ab Isaia Seraphinis & à Cherubinis templi differant. Nec nobis incumbit conciliare inter se, quæ in hac visione differentia ab alijs apparent, sed potiùs differentiarum idoneam rationem reddere. Ad hoc ergo statuendum in primis est, quæ sit animalium Ezechielis figura, obseruatis ijs, quæ in textu legimus; & eâ inter ceteras expositiones selectâ, quæ probabilior videatur.

Ac primò interpretationem eam prætermitto, quam Lyranus ex aliquibus refert; qui sibi persuadent Ezechielis non quatuor animalia, sed vnũ tantum fuisse visum quadruplici facie constans; & vnicam solum rotam, non quatuor. Hanc (inquam) opinionem, vt textui manifestè repugnantem, omitto: & gradum facio ad eos, qui quatuor animalia in visione Ezechielis agnoscunt.

Præcipua ergo in hoc difficultas est, qui sint intelligendæ hæc quatuor animalium facies. Theodoretus & Lyræ existimant, facies huiusmodi sic esse concipiendas, vt earum singulæ singulas ex quatuor mundi plagis respiciant: alia nimirum solis Ortum, alia Occasum, alia Meridiem, alia Septentrionem. Hanc sententiã ait Lyræ, apud Latinos esse cõmunem. Cuius fundamenta sunt: primum, quia textus ait, facies & pennas per quatuor partes habebant. Item, manus hominis sub pennis eorum in quatuor partibus. Atque ita vnicuique tribuenda videntur quatuor brachia, quæ ad quatuor sint plagas mundi extenta. Præsertim quia vbi nos legimus, in quatuor partibus, hebraea sonant, in quatuor quadrilateris eorum.

Secundum argumentum est; quia alioquin intelligi non posse videtur, quod textus ait, nu. 9. Non reuertebantur, cum incederent; sed vnumquodque eorum ante faciem suam gradiebat. Quod repetitur vers. 12. Idemque de rotis dicitur vers. 17. Per quatuor partes earum euntes ibant, & non reuertebantur cum ambularent, vbi Græca sonant, In quatuor partes earum ambulabant. Hebraica verò, Ad quatuor quadrilatera sua, in eundo ipsa ibant, non reuertebantur in eundo. Qui nodus facili extricatur opinione Theodoretî. Etenim cum animalia quaternis constent faciebus, ad quatuor orbis plagas spectantibus, capite nullam in partem deflexo; Orientem versus, Occidentem, Septentrionem aut Meridiem facili negotio possunt pergere: atque pari etiam ratione rotæ sine vllis circuitionibus, si concipiamus singulas ex duabus componi, vnâ in alteram insertâ & adactâ in colorum normam. His additur quod c. 10. 11. similiter de rotis dicitur; In quatuor partes gradiebantur, & non reuertebantur ambulantes.

Hæc tamen opinio reiicienda est; primò quia ita hunc explicandi modum, ita considerantur quatuor hæc facies, vt leonina semper ad easdem vrbes spectet, & vitulina semper ad alias, & sic de reliquis. Non autem rectè excogitatur, eas ita esse alicui parti regione aduersas, vt eadem ad aliam nusquã flectantur. Nam si eiusmodi facies, diuersas virtutes representant; omnino expedit, vt aduersus eandem vrbe, pro diuersis saltem temporibus modò facies vituli, modò leonis, modò plures simul obuertantur. Quod si animalia nunquam sunt vultum conuersura; non poterunt se leones obijcere ijs, quibus antea se vitulos ostenderant. Nec video, quo pacto Ezechiel varias animalium facies valuerit dispicere, nisi fortè currus firmus & immobilis hære, & Ezechiel ad videndos animalium vultus ipsum vndique ambire fingatur.

Secundò, faciem aquilæ ait textus fuisse desuper.

**A** Et quauis non desit, qui vocem illam desuper abolendam censeat, quod in nonnullis manuscriptis, & in Hebraicis fere, Græcisque codicibus desideretur. in Vaticanis tamen Biblijs correctis legitur desuper. Atque ea est proculdubio vera lectio. Si ergo humana facies versa est ad Orientem; aquilina in Theodoretî opinione desuper esse non potest, sed ad Occidentem conuersa. Quare Theodoretî & Lyræ explicatio cum vera Vulgati lectione stare videtur non posse.

Tertiò, nemo tribuit quatuor facies principi, quæ vidit Ezechiel in curru. Si autem animalia gyrare non debent (absque vllò namque gyro possunt progredi versus quancumque plagam) consideremus primò principem facie aduersâ Ierosolymam tendere; deinde regressum Ierosolymâ ad Orientalem plagâ procedere (vt ipsa Prophetæ visione notatur) tunc sanè oportebit principem ipsum aut in throno se ad alteram partem conuertere, aut Orienti auersum ferri. Nam nec animalia, nec currus gyrum sunt ductura. Quis ergo non videat in ea excogitatione decorum minimè seruari?

**B** Quarto, textus apertè ait, rotas post animalia incedere, sequentes ea, vers. 21. Si currus igitur prius à Septentrione ad Austrum ferebatur; mox è contrario ab Austro ad Septentrionem rediturus; necesse est animalia, rotis consistere iussis, ad aliam partem aduersam transgredi, ne ipsa subsequantur rotas. Non ergo conducet illa ita immobilia defigere; si currus demum constitutus est, & animalium immutanda positio, quando regredi opus erit.

**C** Quintò, si Ezechielis animalia binos tantum habent pedes, quantumuis rotundos; esto, ad Ortum & Occasum libere possint & directè facere iter: ad Austrum cerè & Septentrionem, nisi gyro circumuecta, obliqua incedant ac deflexa necesse est. Licet autem, vt hoc vitetur incommodum, quaternos illis pedes Carthusianus affingat; hæc tamen opinio, quæ animalia Ezechielis facit quadrupedia, nulla ratione cõsentit cū humana forma, quâ ijs tribuit Ezechiel.

Sextò, si tanti refert, ne vllò modo animalia Ezechielis gyrent; quid illis fiet, quando expediat illa iter suscipere; non iam ad Ortum & Occasum, non ad Australem plagam aut Arcticam; sed via inter Occasum & Austrum mediâ? Tunc verò non erit necessarium ab ijs hemicyclum fieri? Quid ergo incommodi est, integrum confici circulum, ne immotis semper capitibus fixa cogantur stare?

Septimò, nisi in hisce animalibus quidam vultus inter ceteros præcipuos cõcedatur, ratione cuius sit in ijs antè & retro, dextrorsum & sinistrorsum; verum non erit, quod textus ait, Facies leonis à dextris ipsorum quatuor, & facies bouis à sinistris ipsorum quatuor. Neque quod c. 10. 22. dicitur, Intuitus eorum & impetus eorum ante faciem suam ingredi. Quod si faciem peculiarem inter ceteras præcipuam habent; iter ante faciem illam faciendum erit, si recto ordine ac debito procedant. Vnde vt eadem viâ regrediantur; caput conuertere opus erit. Quod autem Clarius respondet, idem esse quod dicitur, facies leonis à dextris ipsorum quatuor, ac si diceretur, ad dexteram Ezechielis; & non ad dexteram animalium; minimè id cum contextu cohæret, dicente, Facies leonis à dextris ipsorum. De Pradi verò explicatione dicemus postea.

Nunc ad argumenta pro Theodoretî & Lyrani opinione initio adducta respondeo. Ad primũ, vbi nos legimus, Facies & pennas per quatuor partes habebat, ex Hebræo ad verbum redditur, facies eorum & alæ eorum in quatuor ipsis. Quare sensus non est, quatuor facies ad quatuor orbis plagas spectare; sed animalibus quatuor facies inesse; vnâquamque in sua sede; sc. facie humanâ in medio; leoninâ ad dextrâ latus; ad sinistram

Num in aquilina Ezechielis facie vox desuper abolenda in textu, an retinenda sit?

Ezechielis non vnum duntaxat animal quadriforme, sed quatuor fuisse visa.

Quæ ratio de sint consideranda quatuor Ezechielis animalium facies. Opinio Theodoretî & Lyræ.

Fundamentis superioris opinionis.

Impugnatur pluribus prædicta opinio.

Argumenta Theodoretî & Lyrani præfatis.



vitulinā; & aquilinam in superiori parte. Iam, quod de brachijs, seu de manibus dicitur, *Mansu hominis sub pennis eorum in quatuor partibus*, fateor id ex se posce-re videri, vt aliquo modo in quadra sint brachia dis-posita: sic namque ex Hebræo vertitur, *in quatuor la-teribus*. Ad hoc tamen aptius est, quaternā brachia ita assignari singulis, vt in dextro latere bina, & bina in sinistro sint; & alterum sit altero altius. Idque sa-tis erit, vt primæ brachiorum partes, siue humeri, quodammodo sint in quadrum redacti.

Ad secundum, argumenti difficultas in eo verti-tur, quo scilicet sensu verè dicatur de animalibus & curru, *Non reuertebantur, cum ambularent*? & quā ra-tione hæc consentiant cum verbis illis eiusdem ca-pitis n. 14. *Animalia ibant & reuertebantur in similitu-dinem fulguris coruscantis*? Vbi obserua, quod Hierony-mus ait; Septuaginta ne scandalum legenti facerent, omisisse verba illa, *Animalia ibant & reuertebantur*; ne propheta non sibi videretur constare. Subdit tamen Hieronymus, *Melius est in diuinis libris transferre, quod sonat litera, licet non intelligas; quam auferre, quod nescias*. Deinde subdit suam declarationem sanctus doctor: ea autem est, animalia Ezechielis nunquam retror-sum verti, sed semper ad priora festinare. nihilomi-nus propterea dici reuerti, quia regrediebantur ad communicandam lucem, quam parumper abicon-derant. Idque ait significari per fulguris similitudi-nem. Hæc tamen declaratio (pace tanti doctoris di-xerim) non facit omnino satis. Planum namque est, currum prius à Propheta fuisse visum Ierosolymam versus tendentem. Primò enim eum aspexit iuxta fluuium Chobar, & c. 8. 4. Spiritus duxit prophetam Ierosolymam; *Et ecce ibi gloria Domini, iuxta osium, quod respiciebat Aquilonem*. & c. 9. 3. *Gloria Domini as-sumpta est ad limen domus*. & c. 43. 2. *ingreditur gloria Do-mini per viam Orientalem*; prius ad atrium; deinde ad templum, quod appellatur domus Dei. Et c. 11. 22. *Elenauerunt Cherubini alas suas, & ascendit gloria Do-mini de medio ciuitatis; feritque super montem, qui est ad Ori-entem*. Vnde c. 43. 3. *regressa est in urbem*. His ex lo-cis euidentissimum est, currum ab ortu ad occasum perrexisse; deinde rediisse ad ortum; postea ad oc-casum secundo tendisse. Atque adeò dubitari non potest, locum esse accipiendum, vt sonat; hoc est, a-nimalia & currum isse ac rediisse. Quamobrem diffi-cultas in eo non est, quòd ire ac redire dicantur; sed in explicando, quo sensu asseratur, *non reuertebantur, cum ambularent*.

Prædus existimat propterea dici, non reuerti: quia nunquam retrocedebant: itaq; currum ire ac redire celeriter, sed non retrocedere. In hac tamen expoli-tione non acquiescit animus. Currus enim, nec ad-uersus venti perflantis impetum, nec accliu & sale-brosā viā gradiebatur. Quare non video quorsum expendatur, animalia non retrocedere. Adde huc ro-tas non trahi funibus ab animalibus; sed illas post ipsa animalia sponte incedere, quia spiritus vite erat in rotis. Quorsum igitur dicuntur non retrocedere? nisi forte asseri dicatur, vt de equis curulibus indo-mitis dici solet, eos etiam cum fuerit opus, retroce-dere nescire. Sed hoc non erat ad rem.

Mihi solutio nodi pendere videtur ex vocum Hebraicarum consideratione. Nam qui eas attentè perpenderit, animaduertet, cum animalia dicuntur reuerti, esse in Hebræo verbum *וָשׁוּב* (Seib cum ו) cuius verbi propria significatio est, redire: cum verò dicitur, *non reuertebantur*, in Hebræo esse verbum *שָׁבָב* (Sabab cum ב) quod propriè significat, cir-cuire. Sensus ergo legitimus est, animalia velocissimè progredi, aut regredi rectā viā; neque vllis circui-tionibus vti. Cum enim tam rotæ, quàm animalia essent alata, ac se possent ab humo faciliè tollere; nō opus erat ad progrediendum difficultatesque vitā-das, eos ambitus & anfractus conficere, quibus aliq; currus vtuntur necessarii, vbi occurrunt viæ impe-ditæ aut salebrosæ. Hunc ipse sensum iudico ger-manum; & satis accommodatum; vt significetur, Angelos Dei iussis obsequentes, rectā properare, quocumque diuina Prouidentia eos destinat, nullā vel modicā flexione ad dexteram vel ad sinistram. Quo aptissime ponderatur ipsorum agilitas & pro-pria alacritas ad res diuino obsequio congruentes.

A Porro hæc explicatio confirmatur ex illo Exodi 13. 18. *Circumduxit (populum Deus) per viam deserti*. Vbi Hebraicè est, verbum *שָׁבָב* (Sabab). Quod & ex a-lijs etiam sacræ Scripturæ locis constat prædictam habere significationem. Atque hæc omnino videtur fuisse mens sancti Dionysij de celesti hierarchia ca. 15. vbi agens de rotis ait, *In anteriora semper absque vlla conuersione*, id est absque vlla circuitione; per quam ad dexteram siue ad sinistram deflecterent aut declinarent.

Constat igitur ex dictis facilem esse eorū locorum concordia; qui sibi mutuò repugnantes esse videban-tur nimirū, *Non reuertebantur cum ambularent*. Et mox, *ibant & reuertebantur*. Et fortasse LXX. hac de causā omiserunt illa verba, *ibant & reuertebantur*, nō quòd illis difficultatem id afferret; sed ne quispiam diffi-cile esse existimaret id, quod in phrasi hebræa non maiorem habet difficultatem, quàm si in Hispana diceretur de aliquo, *que va y viene como vn rayo don-de le mandan, sin rodear ni torcer a vn cabo ni a otro*.

Sed restat adhuc difficultas in eo, quod de rotis asseueratur, *In quatuor partes gradiebantur*. Asse-ro igitur vtrumque verum esse, rotas scilicet (quippe quæ ex duabus erant singulæ compactæ) posse faciliè ad Austrum, verbi gratiā, & ad Orientem rotare; neque ad hoc opus esse, vt prius conuoluantur aliquantulum: & posse etiam, cum essent alatæ, rectā tendere absque vllis ambagibus; idque significari, cum dicitur, *Non reuertebantur, cum ambularent*.

## §. 2. De opinione Vatabli & Hebræorum, circa qua-tuor animalium facies.

C Onfutata iam Lyrani opinione de quatuor vul-tibus ad totidem mundi plagas spectantibus; examinemus oportet, num Hebræorum opinio sit probanda, qui animalibus singulis quatuor integra capita, eaq; in aduersā fronte posita tribuunt. Quæ admodum igitur Draconi septem tribuuntur capi-ta Apoc. 12. & totidem marinæ belluæ c. 13. & qua-tuor capita tertiæ bestię Danielis c. 7. 6. simili ratio-ne opinantur Hebræi, quatuor facies cuiusque ex a-nimalibus Ezechielis esse quatuor capita integra, at-que omnia isthæc capita ad directum Prophetæ aspectum hoc ordine in eadem linea apparuisse, *Aquila, Bos, Homo, Leo*.

Huic verò opinioni primo aspectu fauere videntur LXX. Ezechielis 1. Ponunt enim faciem hominis & faciem leonis à dextris, faciem autem vituli & faciem aquilæ à sinistris. Atque ita etiam expresse ponit Chaldaica paraphrasis.

Verum hæc etiam opinio videtur refellenda. Primò, quia textus non ait, quatuor capita vni, sed quatuor facies vni. Atque ad plura capita significan-da non solet Scriptura facierum nomine, sed capi-tum vti. Secundò, huic opinioni manifestè refraga-tur lectio Vulgaris correctæ, quæ sic habet; *Facies au-tem aquilæ desuper ipsorum quatuor*. Tertiò, si eadem est visio hæc cum ea, quæ capite 10. 14. narratur (vt est maximè oprandum) ex illo loco clarè elicitur, non eos rectè opinari, qui hominis & vituli facies inter facies leonis & aquilæ interponunt. Nec enim hu-iusmodi excogitatio coheret cum eo, quòd prima facies sit vitulina. Quartò, licet ad significatio-nem imperij aduersus Dei populum fauentis, bellua multiceps idonea sit: at, vt spiritus cale-stes maximā perfectione præditi denotentur, mi-nimè apposita est bellua multorum capitum; neque hæc figura consentit cum figura homi-nis, quæ animalibus quatuor perspicuè à Prophe-ta assignatur.

Quomodo Ezechielis animalia in quatuor partes gradus dicantur.

Vatabli & Hebræorum opinio de quatuor animalium faciebus.

Refellitur præcedens explicatio.

Duplicis apud Eze-chielem loci in speciem pugnantis conciliatio.

Quo sensu animalia Ezechielis dicantur nō reuerti, cū ambulant.

Vera diffi-cultatis nodatio.



## §. 3. De opinione Hieronymi Pradi circa quatuor facies animalium Ezechielis.

Pradi explicatio.

Nomen facies non sē per stricte pro vultu sumi.

Pradi opinio refutatur.

Quatuor facies, quatuor pennas &amp; vituli plantam, ut res diuersas ab Ezechiele enumerari.

**P**radus, ut utramque opinionem prædictam subterfugeret, persuasit sibi nō agere Ezechielem de quatuor facibus propriè dictis; sed de iuuenum figuris, quibus etsi nulla alia erat facies propriè dicta præter humanam; inerant tamen in pectore iubæ leonis, plantæ vituli & pennæ aquilæ: ac propterea dici singulis quatuor esse facies leonis, aquilæ, vituli & hominis. Et hanc quoque opinionem sequuti sūt Villalpandus atque Pererius. Eorum autem fundamenta sunt; primū, quia faciei nomen non opus est de facie propriè dicta intelligi. constat enim ab Scriptura vsurpari pro qualibet similitudine; ut & Salustius ait l. 2. Hist. Sardinia in Africo mari, facie vestigii humani in Occidentem, quam Orientem latior. In qua acceptione absonum non est animalibus singulis quaternas facies concedi. Secus tamen videtur si facies pressè & stricte sumantur. Sic enim aptæ non sunt ad angelorum coram Deo adstantium virtutes significandas.

Secundum fundamentum est, quia huiusmodi inuento expedita sese aperit via ad templi Cherubinos; nec non ad Isaia, Ezechielis & Ioannis visa cōcilianda. id quod Pradus & Villalpandus necessarium esse putant.

Tertium, hac ratione Ezechielis animalibus figura humana, decor & venustas accedit; & ferarum horribiliū aspectus tollitur. Quartum, ait Pradus se in hac explicatione, Græcorum Patrum vestigijs insistere. Nam Græci interpretes Ezechielis animalia constituunt corpore humano; aliorum animalium similitudinibus induto. Quin etiam censet Pradus, animalium figuras à se depictas, esse iuuenes alatos, leoninis thoracibus vestitos, & vitulorum vngulis calceatos. quod tamen ipse explicat cap. 10. versu 21. afferens, se non loqui de thorace propriè sumpto, nec de calceis stricte; sed de leonis iubis & vngulâ bipartitâ vituli. Atque hæc est eius mens, cum ait hæc animalia esse iuuenes alatos facie humanâ & corpore humano; exuijs tamen & insignibus aliorum animalium vestitos.

Denique adducit pro se Pradus beatum Hieronymum: quia in c. 6. quod propheta ait, à dextris & à sinistris, asserit sanctus doctor non esse intelligendum propriè de dextra & sinistra parte; sed esse Hebraicam loquutionem pro eo, quod est, hac & illac.

Verū hæc interpretatio nihilo est, quam superiores, probabilior. Etenim licet nomen facies non semper pro facie propriè dicta sumatur; at cum Ezechiel ait singula ex suis animalibus habere quaternas facies, necessariò debet intelligi de facie propriè dicta, ut à ceteris corporis partibus distinguatur. Quod sanè certum mihi est. Primò, nam textus ait, quatuor facies uni & quatuor pennæ uni; & planta pedis eorum, quasi planta pedis vituli. In hac ergo loquutione quis non videat, quatuor facies, quatuor pennas, & vituli plantam, ut res inter se distinctas enumerari? Qui ergo fieri potest, ut quatuor pennæ sint alia ex quatuor facibus, alia verò planta pedis vituli? Secundò, euidens est, Vulgatum in sensu proprio sumpsisse quatuor facies; ipse enim c. 10. 21. transtulit, Quatuor vultus uni. Nullus autem exemplis probare valebit, vultum aliquando pro alis, pro iubas, pro planta pedis sumi. Quod adhuc confirmatur: quia verba illa Ezechielis 1. 10. Similitudo autem vultus eorum facies hominis, cogunt ut præcipua facies sit humana. Nomen igitur facies non accipitur ab Ezechiele pro planta pedis. Tertio, quauis facies alioquin sumi possit pro quauis similitudine; cum verò additur facies leonis, facies vituli, &c. violentū valde est à leonis iubis, vituli que plantis verba hæc intelligi. Nec eiusmodi loquutionis apud probatos auctores exemplum aliquod reperietur. Quarto, gratis omnino fingitur, leonis similitudinem animalibus hisce in pectore inesse. Nam textus ait, à dextris, quod si esset in pectore, nequaquam id Ezechiel prætermitteret; ut non prætermisit, plantas esse vitulinas. Quintò, Ex ipso narrationis ordine

**A** planè constat faciem vituli ineptè accipi pro vituli planta. Quia c. 10. vers. 14. quatuor omnes facies hoc ordine propheta enumerat; facies prima facies vituli, facies secunda hominis, tertia leonis, quarta aquilæ. quanta ergo confusio, quanta perturbatio est, primo loco pedis plantam; secundo vultum; tertio iubas; quarto alas recensere?

Præterea Pradi opinio non explicat, quod textus ait, facies aquilæ desuper ipsorum quatuor, imò verò Pradus, utpote qui ante Vaticanam editionem correctâ scripsit, nititur ad abolendam vocem desuper; contendens non esse legendam. Nunc tamen, quando vocem illam post correctam Vulgatam, non licet prætermittere; non video, quid pro defensione Pradi possit afferri. Dicere enim alas, Cherubini capite editiores esse, deuium planè est, licet Cherubinus volans consideretur. Et quidem quod in Vulgata correctâ legatur desuper; valido est argumento veterem intelligentiam fuisse, ut facies aquilæ reliquis sublimior concipiatur.

**B** Quauis autem contendat Pradus, Hebraica phrasi dici, à dextris & à sinistris, pro hac & illac: coactum tamen est valdè, asserere faciem à sinistris, in pedibus esse; & faciem à dextris, in pectore: nec quicquam hoc pacto loqueretur. Scio afferri testimonia ex Scripturâ, in quibus dextrum & sinistrum non stricte accipiuntur, & adduci etiam Hieronymum explicantem semet in cap. 10. Ezechielis, & innuentem, à dextris & à sinistris apud Ezechielem non esse aliud, quam hac & illac. Ceterum in locis Scripturæ, quæ ad id confirmandum adducuntur, licet necessarium non sit, ut dextrum & sinistrum nimis stricte sumantur; potuerunt tamen pro exemplo adduci. Verbi gratiâ, Gen. 13. 9. Si ad sinistram ieris, ego dexteram tenebo; facile apparet, exemplum à dextera & sinistra potuisse desumi. At animalis pectus pedesque; nominibus dextri atque sinistri distinguere, violentum omnino est, & pro quo exemplum afferri nulum queat. Quod adhuc amplius vergeo: Nam si facies leonis & facies vituli, sunt vituli & leonis insignia; cum textus, leonis faciem à dextris; & vituli, à sinistris collocet, quis non videat planam & expeditam esse viam, ut ita accipiuntur ac sonat?

**C** Iam ad Hieronymi auctoritatem, quem pro se refert Pradus; postquam locum attentè perlegi, dubiū mihi non est, quin Hieronymus non neget verba illa, ut sonant, esse accipienda. Sed, qua pollet ingenij subtilitate, in acuto verborum Prophetæ examine pedem figit, dum accuratè expendit, in c. 1. fuisse positam à dextris faciem leonis, & faciem vituli à sinistris: postea verò c. 10. ordinem inuerti: nam à facie vituli initium sumi; deinde addi, facies secunda hominis, facies tertia leonis, & quarta aquilæ. Atque in hoc diuerso narrationis genere subsistit sanctus doctor (ut assolet) cum nullus in Scriptura apex mysterio vacet. Non tamen ideo negat Hieronymus, leoninam faciem à dextris, & vitulinam à sinistris fuisse Ezechielis visas; sed id potiùs affirmat. Et pro hoc asserendo fuerat cap. 1. philosophatus. Hancque arbitror genuinam Hieronymi esse explicationem. Quauis non desit qui existimet Hieronymi mentem esse, variatum fuisse à Propheta, eo quod visio capitis primi; quemadmodum apertè docet Theodoretus. Et in notis ad Biblia Vaticana LXX. interpretum attingitur, Hieronymi opinionem eandem esse cum opinione Theodoret: quæ tamen opinio nulla ratione fauet Pradi explicationi.

**D** Demum euersis fundamentis, quibus ea explicatio nititur, facile corrui quod alioqui nemini probaretur. Ad primum ergo respondeo, in textu non legi solum quatuor facies, sed etiam quatuor vultus; & Vulgatum interpretem ab ipso contextu fuisse coactum, ut ita hunc locum intelligeret, sicut antiqui intellexerant. Ex quibus Dionysius Areopagita, ut supra vidimus, distinctè meminit cornuum vituli, & oculorum aquilæ ac rostri adunci. Ad id verò, quod Pradus ait, facies aquilæ, leonis & vituli, congruentes non esse ad celestium spirituum virtutes denotandas: Respondeo, non ita visum Dionysio. Quod si Pradus leonis iubas, vituli que plantas ad illam virtutum celestium significatione aptas esse

Vulgata correctâ auctoritate confutatur eadem opinio.

Hieronymus explicatur.

Pradi fundamenta destruntur.

Dionysium Areopagitæ ex nostra esse sententiam.



cenfer, cur non eorumdem animalium facies iudicabit aptiores?

Ad secundum respondeo, consilium illud æquiparandi omnino atque prorsus affimilandi Cherubinos templi, & Ioannis atque Ezechielis animalia, non solum necessarium non esse; sed congruentissime etiam varia in ijs discrimina designari, vt supra latè disputatum est.

Ob picturæ  
venustatem  
non esse à  
veritate re-  
cedendum.

Ad tertium; non licet picturæ venustatem querentibus, ab ipsa veritate discedere. Et aliâ fortassis ratione possunt Ezechielis animalia explicari, quin deformiora & horribiliora appareant, quàm ad visionis scopum conducit.

Ad quartum; illa veterum Græcorum verba nobis lumen præferent ad interpretationem aliâ, quæ textui conuenientior sit, & cum ipsa Græcorum phrasi meliùs cohareat. Pradus enim, etsi vitur phrasi illâ iuuenum exuuijs leonis, vituli & aquilæ indutorum; verè tamen eos non vestit; sed animal ipsum ex leonino pectore, pedibus vitulinis, humanâ facie & aquilinis pennis componit. Conformior autem esset explicatio loquutioni Græcorum interpretum, si conciperetur iuuenis verè indutus aliorum animalium exuuijs, de quo infra.

Ad quintum denique iam supra satis responsum est.

#### §. 4. De interpretatione Græcorum antiquorum, quos laudat Pradus.

Peterum  
Græcorum  
interpreta-  
tio de Eze-  
chielis ani-  
malibus, eo-  
rumq; fa-  
ciesbus.

**P**radus, (qui Romæ in Bibliotheca Vaticana, Græcorum catenam in Ezechielem vidit) vbi de quatuor faciebus dicturus accedit; refert, vt Græcorum interpretum sententiam, quatuor Ezechielis animalia concipienda esse ceu quatuor iuuenes pulchros, leonis, vituli & aquilæ exuuijs vestitos. Ego autem postquam hanc Græcorum sententiam attente perpensi, nec non Ezechielis textum, & opinio- num, quas supra refutauimus, difficultates; persuasi mihi, hac animalia à Græcis considerari armata: & quidem iure optimo. Ezechiel enim bellicum aspe- xit currum ad Ierosolymæ excidium properantem. Quæ consideratio postulat, ne quatuor Cherubinos nudos existimemus; sed indutos. Atque ex Prophetæ descriptione eliquerunt Græci interpretes amictum fore eiusmodi; vt Cherubinorum capita exuuijs cap- itum leonis, vituli & aquilæ appareant ornata.

Præcipuas  
ac proprias  
Cherubino-  
rum Eze-  
chielis fa-  
cies fuisse  
humanas.  
Animaliū  
Ezechielis  
facies qua  
formæ ac  
dispositione  
sunt concipi-  
enda.

Hoc vt amplius explicem, aduerto, præcipuas ac proprias horum Cherubinorum facies esse huma- nas: nec enim textus solum ait, *similitudo hominis in eis*; sed etiam paulò infra, *similitudo autem vultus eorum facies hominis*. Deinde hanc faciem humanâ no- uâ quadam galeâ textus induit: in cuius superiore parte exuuiæ aquilini vultus extens; & ad vtrumq; faciei humanæ latus, super aures, duplex sit anima- lium larua: ex dextro scilicet larua leonina, vitulina ex sinistro. Atque id planè textus ait, *Similitudo vultus eorum facies hominis: & facies leonis à dextris, facies autem bouis à sinistris, & facies aquilæ desuper*.

Ezechielis  
animalia  
in præciem  
militum  
armatorum  
fuisse visa.

Vbi verò semel aduertatur, huiusmodi figuram esse militum armatorum, magna ex parte eleuatur difficultas. Etenim si de insigni aliquo duce narra- retur, eū inisse prælium armis instructum, & supra caput vultum aquilinum gestasse, propriamque fa- ciem duplici alia comitam, leoninâ à dextris, à sinistris vitulinâ; nullus (opinor) hoc audiret, quin de leonis, vituli & aquilæ laruis intelligeret. Cum igitur simili ratione Propheta loquatur; & constet ab eo describi celestis militiæ duces, qui ad deua- standam Ierosolymam pergebant (vt ipse propheta expressit cap. 43. 3.) quo alio poterit modo aptius & congruentius explicari? Præsertim cum à Græcis in- terpretibus sit obseruatum, sermonē hūc esse de hu- mana facie exuuijs leonis, vituli & aquilæ ornatā. Certè in hac cogitatione adeò acquiescit animus, vt propter eam sapius recorder meritò Horatium ce- cinisse, *Grævis ingenium, &c.*

In Arte  
poët.

Accedit id, quod eorum sententiam valde con- firmat: nam si leoninæ, vitulinæ & aquilæ facièrum significatio fortitudinem, beneficentiam ac sapien- tiam denotat; ad huiusmodi significaciones, anti-

**A** quitatis consuetudo nos docet, appositum valde ef- fe; vt homo quispiam exuuijs eorum animalium amiciatur, quæ ad eas figurandas virtutes idonea sint symbola. Quem enim latet, multa veterum Im- peratorum numismata reperiri, in quibus Impera- toris vultus cum vultu leonino in fortitudinis in- signe sociatus sit? Et quis non vidit aut audiuit cas- fides & galeas, quarum conus aquilina facie sit in- signitus? Equidem de horum vultuum singulis dubi- taret nemo, quin de leonini vultus, aut aquilini vel vitulini exuuijs deberet intelligi. Cui ergo non li- queat, earum coniunctionem mirificum esse sym- bolum ad fortitudinis, beneficentiæ & sapientiæ si- gnificationem, quæ aquitatem humano in vultu adumbratam comitentur?

Similes id  
genus pi-  
cturas in ve-  
terum nu-  
mismatis  
latè reperi-  
ri.

**B** Si cuiuspiam difficultas inde oboriatur, quodd difficile admodum appareat galeam fabricari, aut etiam concipi, in cuius fastigio vultus aquilæ insit, & vno ex latere ad aures operiendas facies leonis, ex altero vituli sit; id certè homines huius artis periti aptissime fieri posse censent. Nec est, cur in horribili figuræ specie hæreamus. Ita enim expedit ad id, quod præ se ferre debet bellicæ castiditatis figura. Idemque intenditur in numismatibus, vbi Imperator aliquis huiusmodi insignibus amicitur. Quod pulchritudi- nem picturæ addit, non tollit: pulchritudo namque ex partium inter se debita proportionem coalescit. Atqui ad virium roborisque signa exhibenda, hor- roremque hostibus injiciendum, accommodata sa- tis sunt huiusmodi inuenta, quæ ita possunt aptè disponi, ne quid ex figuræ decore ac pulchritudi- ne detrahatur. Imò verò faciei humanæ pulchri- tudo plusculum eminet inter aquilæ, leonis & bo- uis exuuias. Quod si proportio ratione præci- pue significationis respiciatur; nihil potuit e- legantius quatuor facierum coniunctione excogi- tari.

Horribilis  
figura spe-  
cie nil no-  
stra pictura  
obscure.

**C** Hæc insuper explicatio difficultatibus non pau- cis, quæ in alijs occurrunt, neruos incidit. Ita enim apponuntur quatuor facies, vt humana sit inter ce- teras præcipua atque germana: & ratione illius di- cuntur animalia ante faciem suam ambulare, & ha- bere dextrum & sinistrum, ante ac retro. Hæc etiam Græcorum explicatione probè percipitur, quid si- bi velit, *facies eorum extensæ desuper*; quod alioqui vix posse intelligi videbatur. At, in expositione Græcorum non difficultate modò caret; sed aperte etiam perspicitur, ita debuisse animaduerti. Cum e- nim persona aut larua induitur; solet ferè vultum obtegere: cumque tres essent larvæ, existimaret for- tasse aliquis, vnam extare, & reliquas manere co- optas. Vt ergo intelligeremus, & præcipuam faci- em & reliquas ita esse inter se dispositas, nulla vt obduceretur alterius oppositu aut interiectu; ex- plicari oportuit, facies eorum extensas esse desu- per. ita enim ad spiritalem intelligentiam condu- cebat.

In nostra  
facierum  
explicatio-  
ne facilis  
alias diffi-  
cultates sol-  
ui.

**D** Eadem Græcorum interpretatione facilis & ex- pedita redditur alterius difficultatis ratio, quam nulla alia ex superioribus explicationibus idoneè reddere potest. Ea autem est huiusmodi. Ezechielis 41. 18. dum describit Propheta parietum sculptu- ram templi illius admirandi; quod sibi per visum apparuit; asserit, templi instar Salomonici, fuisse in circuitu per omnes parietes intrinsecus & extrinsecus Cherubinos non integrâ sed dimidia- tâ cælaturâ inter palmas scalptos: *duasque facies ha- bebant Cherub: faciem hominis iuxta palmam ex hac parte, & faciem leonis iuxta palmam ex alia parte*. Hæc enim est vera lectio, non solum apud Vulgatum & He- braum, sed etiam apud LXX. vt patet ex editione Sixti. textus enim Græcus in Regia hoc loco mēdo- sus est. In qualibet ergo alia opinione hæc verba non mediocrem habent difficultatem. Nam recta exigat ratio, vt Cherubini à Propheta visi in parietibus, vi- uos referant Cherubinos, qui ad Dei thronum ad- stabant. Atqui viui Cherubini quaternis con- stabant faciebus. qui ergo in parietibus exculpi- binas tantum habebant? Quod præsertim dif- ficultatem affert in Pradi opinione & Villalpandi, qui leonis faciem in pectore Cherubini statuunt. Quo igitur pacto erit ex vna parte facies hominis,

Peculiaris  
difficultas  
in sculptura  
Cherubino-  
rum templi,  
quorum  
meminit  
Ezechiel.



& facies leonis ex alia? Villalpandus tom. 2. fol. 324. & infra; responderet, leonis iubas esse etiam in tergo. Vnde singuli Cherubini habent leonis faciem vni palmarum aduersam, & faciem hominis alteri. Sed contra est, quod iubas non sunt magis in dorso, quam in pectore. Atque idemmet auctores in quatuor animalium descriptione iubas in pectore collocarant. Præterquam quod minimè responderet Villalpandus ad aquilinæ ac vitulinæ facierum occultationem. At in Græcorum explicatione facit planè satis responsio, & ad præcipuum sensum mirificè deseruit. Sed de hoc infra: nunc de ipsa solum idea sermo sit.

Dico ergo in dimidiatâ (vt ita dicam) sculpturâ (Hispanis appellatur *media talla*) necessarium esse, vt multæ partes occultentur, nec appareant: quia figuræ non solidæ omnino & eminentes sunt. Primò ergo cum aquilæ facies in editiori parte capitis extaret; difficile neutiquam fuit, illam in eiusmodi cælatura abditam remanere: eam enim solum vultus partè ars eminentem reliquit, quæ satis erat vt inspicere posset, superiore capitis parte imperfectâ seu absconditâ relictâ. Secundo, vt leonis facies cerneretur, necesse fuit Cherubinum ex latere siue obliquum figurari. Quare eo ipso, quod humanâ faciem & leonis larvam monstraret, necessariò erat vituli species obtegenda. Nec verò absque mysterio Cherubini omnes in circuitu, eadem omnino positione collocantur, resecto dextro latere; sinistro autem & sublimi capitis parte absconditis. id quod in mysterij explicatione constabit. Illud hic obiter dixerim, decòrum apprimè in belli figura seruari ex eo, quod leonis faciem dextro in latere expressam exercent omnes.

Dixi hæc id, quod satis esse existimo, vt qualis esse debeat quadruplicis faciei animalium figura, informari animo possit. Cum igitur statuerimus, singulis animalibus vnâ esse faciem inter reliquas præcipuam ac propriam, tribus alijs personatis committam; apparet mox ratio, quare etiam templi Cherubini vitulinas habent facies, Ezechielis tamen animalibus humanas esse facies oportuerit. Nam inter quatuor illos vultus, facile cernitur, humanum leoninâ, vitulinâ & aquilinâ larvis indutum; non vitulinum, aut leoninum humanâ esse debere. Quia

A etiam Cherubini templi quodammodo dici possunt super humanam faciem habere vituli vultum quasi larvam. Nam quod hominis constant figurâ & vituli facie; videtur indicare homines vitulorum larvis personatos. In Ezechielis visione statuit sapientissimè Deus, vt quatuor facies essent extentæ desuper; quò dispici omnes dignoscique possent. Ideoque humana facies resecta permansit, & faciei non vitulinæ solum, sed etiam aquilinæ & leoninæ comitatu septa.

B Ex his, quæ diximus, elicitur congruens & apta discriminis ratio, cur Ezechielis animalibus quadruplices sint facies; Ioannis autem animalibus simplices? Ea verò est (quod ad figuram attinet) quia cum animalia Ezechielis essent armata (quippe ad bellum pergentia) facile fuit, tres eis facies, præter naturalem ac propriam, in galeis idoneè dispositas addere. At animalia Ioannis, cum armatos Cherubinos non designarent, non potuerunt commodè pluribus ornari faciebus. Quapropter vt quatuor illas virtutes significarent (quæ in quaternis animalium Ezechielis vultibus figurantur) prudentissimè excogitatum fuit, vt quatuor ex facies in singula animalia singulæ distribuerentur.

C Contentus explicuisse quod ad quatuor facies pertinet, (erat enim reliquis difficilior) superfedeo libens alarum, brachiorum, vituli plantarum, & humani corporis explicatione: quæ & faciliora sunt & à nobis satis suprâ explicata, dum de Ioannis animalibus ageremus. Illud tamen hic postremò addam; quod textus ait, *Pedes eorum recti* (vt aliorum omittam expositiones) percomodè intelligi, si aduertatur, nomen *iasar* quod significat *rectum*, hebraica phrasi extendi ad pulchritudinis & optimæ proportionis significationem. Idcirco autem hoc textus expressit; ne quis existimaret, illis quia pedes vitulini erant, proportionem aut pulchritudinem deesse. Itaque addidit textus, *Pedes eorum recti*, vel, vt legunt LXX. *crura eorum recta*. Quam ad rem non mihi displicet modus, quo noster Prædus Cherubinarum pedes depinxit. Nec nouum est; sacram Scripturam pulchrorum pedum symbolo vt, vt Isaia 57. 7. vbi de alijs Dei ministris dicitur, *quàm pulchri pedes, &c.*

Ratio discriminis, cur Ioannis animalibus simplices, at Ezechielis animalibus quadruplices facies fuerint?

Quid sit apud Ezechiellem, Pedes eorum recti.

Expediatur facile in nostra interpretatione superior difficultas.

Cur Ezechielis Cherubini facies fuerint humane; templi vero Cherubini vitulina.

## NOTATIO XIII.

### De significatione animalium Ezechielis.

Breuis eorum, quæ superius dicta sunt, recapitulatio.

MVLTA ex his, quæ ad animalium Ezechielis significationem spectant, suprâ iam sunt explicata & probata in commentario de animalibus à Ioanne visis. Expedi tamen præcipua pûcta hic breuiter colligere. Primò ergo etiam Isaia. Seraphini & animalia Ioannis ex hierarchia Ecclesiastica sint; Ezechielis tamen animalia certum est ad hierarchiâ pertinere cælestem. Sanè in vtrisque ad templi Cherubinos alluditur; sed hoc non cogit, vt propterea animalia vtraque eandem habere significationem credamus. Præsertim cum certum sit, Cherubinos templi vtrique significationi deseruisse. Nam denotabât maximam Christianæ Ecclesiæ sapietiam ac sanctitatem, præsertim Apostolicorum virorum, idque per comparisonem ad cælestem hierarchiam. Vnde ea significatio vtramque partem complectens, locum dedit, vt Isaia & Ioannis visiones ad Christianæ Ecclesiæ excellentiam directè referrentur; Ezechielis verò visio ad cælestis hierarchiæ ministerium. Eam verò distinctionem certissimam esse patet; quia tam Seraphini Isaia, quam Ioannis animalia senas habent alas, & doctrinam euangelicam in trisagio denotatâ per orbem terrarum prædicant. & Ioannis insuper animalia clamât & dicunt Agno, *Redemisti nos Deo in sanguine tuo, &c.* At Ezechielis visionem constat ex c. 43. 3. fuisse bellicum currum, quo Deus ad diruendâ Ierosolymâ tēdebat. Ad cuius excidium satellites & ministri, qui eum comitabatur, minime fuerunt homines sancti in terris degētes, sed militie cælestis exercitus.

D Secundò in hac cælestis militiæ ad bellicum currum redactæ imagine, significatio inferiorum angelorum pertinet haud dubiè ad rotas, quas animalia ducunt. Superiorum autem angelorum, atque eius militiæ principum symbolum proculdubio gerunt ipsa animalia currum ducētia. Ceterum nomen principum non hic strictè sumo pro peculiari angelorum choro, quos Theologi principes seu principatus vocant; sed generatim pro præcipuis diuinæ Providentiæ ministris. Cumque oculi plurimi, angelorum custodum symbolum sint, qui pro animarum salute vigilias agunt; expediens fuit, ne oculorum multitudo animalibus, sed rotis tribueretur.

E Tertiò, si aduertatur Ezechielis animalia ad bellum pergere; apparet mox leoninas & aquilinas facies in galeis appositas esse ad bellicum robur, viresque ostendendas; nec non ad stragem mox in Dei hostibus eandem. Ita enim ad eiusmodi vis ac terroris significationem vti solebant in suis legionibus Romani figuris luporum, Minotaurorum, aporum & aquilarum, vt notat Plinius l. 10. c. 4. & Alexander ab Alexandro 1. Genialium, c. 22. vbi multa alia eiusmodi congerit. Quauis autem & Isaia Seraphini, & Cherubini templi, quâ viros Apostolicos adumbrabant, possent eadem specie ac figurâ insigniri ratione spiritalis stragis, quam in Gentibus erant facturi, cum eas suauis Euangelij iugo subijcerent: hæc tamen significatio subtilior erat, quam vt ab ea tantæ molis & actionis initium duceretur. Nec in Isaia visione



id erat necessarium. Quare sapienter hæc significati-  
onis pars in posteriorem locum reiecta est. Verū in  
Ezechielis visione viri Apostolici non figurabantur  
per animalia, sed solum principes celestis militiæ:  
atque ideo congruens fuit ipsos galeis horribis in-  
signire, vt in eisdem galeis appareret, ipsos exuijs  
aquilarum & leonum esse ornatos; qui duo inter a-  
ues & animalia quadrupedia aptiores sunt ad vir-  
tutis inuictæ, & fortitudinis significationem. Nec e-  
nim alia erat illius expeditionis inscriptio, quam  
profectio ad disperdendam Ierosolymam.

Quartò, cum sit Dei bonitate atq; sapientia valde  
dignum, quæ seueritatis & rigoris speciem præ se  
ferunt, ad maximum sui populi beneficium trāsfer-  
re; ita etiam expediens fuit, vt eundem ad finem v-  
tatur Deus ingenti angelorum sapientiā ac bonita-  
te. Et certè dubium nō est, quin illa Ierosolymæ va-  
litas ad Iudaici populi maximā vtilitatem imprimis  
condukerit. Etenim in posterum videtur popu-  
lus ille generatim loquendo ad idololatrię supersti-  
tione non rediisse; atque in legis obseruantia mul-  
to illis fuit diligentior cura; & martyres præterea nō  
pauci in Iudaico populo gloriosissime excelluerunt;  
vt alia interim diuini cultus clarissima signa præ-  
termittam. Præterquam quod excidium illud figu-  
ra extitit Iudæorum reprobationis, quæ in vniuersā  
totius mundi salutem redundauit. Hoc ita constituto  
facile perspicitur, quantopere decuerit, vt ad leo-  
nis larvam larua vituli adiungeretur. Deinde in qua-  
tuor facierum coniunctione considerari potuit; a-  
quilæ vultum, qui super tres alios vultus poneba-  
tur, aptum valde esse ad sapientiæ altissimæ signifi-  
cationem. Licet enim prima species sit rostri adūci,  
ac proinde belli atque tumultus; sed quod in aquila  
imprimis elucet, est visus perspicacitas, quæ sūm-  
mæ sapientiæ est symbolum. Et quemadmodum in aquila  
sapientiæ symbolum cum rapacibus vnguibus &  
adunco rostro copulatur; nō aliter in magnis ac re-  
conditis consilijs (vt in celebri illo Salomonis iudi-  
cio, de quo 3. Reg. 3. 16. & infra) sæpè mira consilij  
sapientia sub rigoris ac seueritatis prætextu solet de-  
litescere. Quamobrem iuxta sapientissimi Dei con-  
siliū, suæ militiæ principes sub furoris ac minarū  
integumentis admirabile atque sapientissimum ar-  
tificium abscondebant; quod re ipsa satis erat diuer-  
sum ab eo, quod homines poterant opinari.

Quintò, in Ezechielis Cherubinis adumbratur,  
in illa Ierosolymæ destructione; multò facilius cog-  
nosci potuisse, quanto iure, quantaq; virtutis ostē-  
sione Deus de Ierosolyma supplicium sumebat; quā  
beneficientiam admirandam & mirabile consiliū,  
quo opus illud ad sui populi salutem & incolumi-  
tatē dirigebat. Quatuor enim Cherubinarum vul-  
tus deseruiunt perfectissimæ Prouidentię signifi-  
cationi, & duo quidem primi sunt, quos prius enume-  
rat propheta c. 1. 10. (facies hominis & facies leonis). Ce-  
terum in illo admirando facinore id pluris faciebat  
Deus, quod magis erat absconditum, atque adeo mi-  
nus apparebat. Idcirco vt ostenderet, altissimum il-  
lius operis consiliū esse id, quod maximā erat præ-  
ceteris admiratione dignum; faciem aquilæ super a-  
lias animalium facies imposuit. Licet autem Pro-  
pheta c. 1. enumerauerat prius faciem leonis, quā  
vitulis; postea tamen c. 10. quando ipsemet propheta  
in diuinæ intentionis cognitione erat prouectior;  
primo loco vituli faciem constituit, quæ ad sinistram  
erat: vt prior se considerationi obijceret. Quippe or-  
do legendi Hebræorum ad legendis dextera ad sinistram  
progreditur. Perspicuum verò est Cherubini leuam,  
Prophetæ a regione astantis dextera respondere.

Quod autem spectat ad Dei sapientiam ac bene-  
ficientiam in diuinæ Prouidentię operibus occultas;  
conueniens id est cum eo, quod c. 6. Apocalyp. textus  
ipse repræsentat. Vbi in quatuor primis sigillis indi-  
catur perfectio quatuor virtutum, in quibus perfec-  
tissima Prouidentia consistit: id est, Fortitudinis,  
Beneficentiæ, Equitatis, ac Sapientiæ. Ex quibus qua-  
tuor, Beneficentia atque Sapientia magis sunt abdi-  
ta & recondita, vt patet. Nam Fortitudinem quidē  
arcus & sagittæ manifestant, insignia potentie atq;  
virtutis non obscura. Equitatem statera prodit. At  
Beneficientiam atque Sapientiam nihil est quod re-

A tegat in illa visione. Dei namque Prouidentia hæc  
duas virtutes multò magis celat, vt suo loco videbi-  
mus. Quin ob eam rem, licet Ezechiel tanquam Dei  
Propheta fuerit ingressus sanctuarium, & quatuor  
animalium facies extensas viderit; vidit tamen si-  
mul in Cherubinis, qui in templi illius prophetici  
parietibus intrinsecus & extrinsecus erant calati (ad  
est in ea parte quæ omnibus fere sacerdotibus patēs  
ac manifesta erat) duas facies, nempe hominis & leonis  
patefcere; & duas alias, vituli atque aquilæ, omnino  
delitescere. Quia summa Dei sapientia, summaq; be-  
neficentia in admirandis ipsius Prouidentię facino-  
ribus sunt penitus occultæ: donec Deus tandem di-  
gnetur aliquem in suum sanctuarium introducere,  
eique reterege quatuor suas Cherubinarum facies;  
iuxta id Pl. 72. 16. Labor est ante me, donec intrem in san-  
ctuarium Dei, &c.

B Sextò, obseruo faciem aquilæ, quæ vltimo in loco  
collocatur, esse, quæ ob suam celsitudinē magis ho-  
minum mentibus occultitur, & serius agnoscitur. Et  
quidem notandum est, in Salomonis templo Che-  
rubinos figurā humanā & facie vitulina costare, (vt  
vidimus supra). leones item ac boues esse scalptos;  
vt manifeste cernitur in luteris basibus, nec non in  
alijs templi partibus. Verū facies aquilæ nusquam  
in templo erat calata. Deus enim suorum consilio-  
rum arcanam sapientiam reservabat suis deinceps  
Prophetis explicandam. Inter quos sanè Prophetas  
Ezechiel valde admodum celesti reuelatione hono-  
ratus est. Et ille quidem faciem aquilæ appellauit a-  
quilinum vultum, in quo oculi insunt perspicacis  
sapientiæ symbolum. Etenim per alas non indicatur  
sapientia, sed celestis vitæ cirsus; vt in commenta-  
rio animalium Ioannis explicatum est.

C Septimò, in Ezechielis visione quatuor illis ad-  
mirandis animalibus propterea vitulinæ plantæ tri-  
buuntur; vt pro comperto haberet Propheta, omnes  
eorum animalium gressus atque Dei ministrorum  
gradus, ad electorum vtilitatem & fidelium emolu-  
mentum tendere. Eiusmodi autem plantæ non fue-  
runt necessariæ in animalibus Apocalypseos; quippe  
quæ non erant armis munita, neque adeo horridum  
ac terribilem habebant aspectum. Cum verò Eze-  
chielis animalia adeo bellicosa & ferocia sese exhi-  
berent; congruentissimum fuit, vt præter peculiare  
vituli faciem, ad maius Prophetæ solatium, anima-  
lium quoque plantæ vitulinæ essent.

D Octauò, alæ præter celestis conuersationis subli-  
mitatem, apte erant imprimis ad id, quod textus ex-  
primit, (vt præcedenti notatione obseruauimus) ni-  
mirum vt recta semper incederent & summa velo-  
citate; ita vt nulla difficultas, nullusque obex im-  
pedimento esset, quo minus recta via progredieretur,  
non deflectendo ad dexteram neque ad sinistram.  
Atque id est, in similitudinem fulguris. Facile autem in-  
telligitur, hoc symbolo denotari, celestes spiritus, vt  
qui ab omni terrenorum affectu cōcreione sunt  
remoti, nulla re quantumvis difficili à recta diuini  
obsequij atque gloriæ via deflecti posse. Idemque ip-  
sum imitentur oportet, Ecclesiasticæ hierarchiæ an-  
geli, quos etiam Scriptura ideo alarum effingit, vt  
nulla inordinatā affectione ab obsequij diuini semi-  
tā reuocentur; sed absque vlla deflectione rectum di-  
uinæ gloriæ iter capessant.

E Nondò, vidimus iam celestes spiritus rectis om-  
nino vultibus apparuisse, ad angelorum hierarchiæ  
Ecclesiasticæ discrimen; qui duplici alā faciem con-  
tegent. Propterea quod illi diuinum numen nus-  
quam vilo peccato offenderint; hi verò sceleribus  
fuerint aliquando cooperti. Quamobrem suorum  
scelerum pudore prepediti, quantumvis à Deo mul-  
tis beneficijs ornentur, propriæ tamen miseriæ ac  
vililitatis conscientiam semper ob oculos habent.

Denique quod textus ait, Pedes eorum recti, (id est,  
pulchri, vt supra explicauimus) indicat, quā pul-  
chri sint eorum gressus, & quantopere placeant Deo:  
eodem sensu quo laudantur pedes euangelizantium  
pacem, & gressus sponsæ.

Cur in tem-  
pli Cheru-  
binis Eze-  
chiel homi-  
nis & leo-  
nis facies  
viderit: vi-  
tuli & a-  
quila non  
viderit?

Ex quatuor  
Cherubino-  
rum facie-  
bus cur fac-  
ies aquilæ  
nusquam in  
templo fue-  
rit calata?

Ezechielis  
animalibus  
cur vitulo-  
rum plantæ  
affictæ?

Quem ad  
finem alæ  
animalibus  
Ezechielis  
additæ.

Cur Eze-  
chielis Che-  
rubini retia  
has habue-  
runt facies?

Pedes eorū  
recti, quo  
sensu de Eze-  
chielis ani-  
malibus di-  
ctum.

Ierosolymæ  
excidium  
figura Iu-  
dæorum re-  
probationis.

Cur facies  
aquilæ fue-  
rit supra  
ceteras posi-  
ta in Eze-  
chielis ani-  
malibus?

Quatuor  
animalium  
facies (quod  
ad signifi-  
cationem at-  
tinet) pri-  
mò qua-  
tuor sigillis  
Apocalypse-  
os respondere.



## T E X T V S.

*Verf. 8. pars 2.* Et requiem non habebant die ac nocte dicentia, Sanctus, sanctus, sanctus Dominus Deus omnipotens, qui erat, & qui est, & qui venturus est.

## C O M M E N T A R I V S.

*Animalium  
Ioannis cō-  
tinuatio in  
trisagio re-  
petēdo quo-  
modo intel-  
ligenda.*

**I**DEM est in presenti requiē non habere, quod non cessare, vt bene multi. Sed non accipiendum est de cōtinuatione (vt vocant) mathematicā, ita vt nulla sit vel minima intermissio; sed de morali cōtinuatione, quod idem est ac frequenter & perseueranter notatæ actioni vacare. Atq; ita explicat Ambrosius, qui pro exemplo affert, illam Christi sententiam, *Oportet semper orare & non deficere*, Lucæ 18. 1. Eademque phrasi de aliquo literis valde addicto & studijs immerso, solemus dicere ipsum semper dies noctesque studere. Quod si visionem Ioanni ostensam inspiciamus; manifestum apparet, quatuor illa animalia non continenter & sine intermissione semper dicere, *Sanctus, sanctus, sanctus*. Nam seniores erant in thronis sedentes; & cum darent illa animalia gloriam & honorem sedenti super thronum; 24. seniores procidebant, & adorabant eundem, qui in throno sedebat. Non igitur omnimoda continuatione trisagiū ab animalibus repetebatur. Nam si ita esset, nequaquam dicerentur seniores procidere; sed semper in genua procumbentes essent, principem in throno sedentem adorantes.

Accedit, quod cap. 6. explicatur, in quatuor priorum sigillorum resignatione Ioannem ab animalibus per ordinem fuisse accersitum, atque his verbis compellatum, *Veni & vide*. Non ergo repetitio illa trisagij erat mathematicè continua. Iam si ad præcipuum respiciatur sensum, id est, ad Evangelicæ prædicationis continuationem, eam esse mathematicam non oportebat. Neque enim dari potest in Euangelij ministris eiusmodi non intermissa perpetuitas. Nec satis est dicere, considerato totius orbis terræ circuitu, nullam esse horam, neque horæ partem, qua non aut diuini verbi prædicatio disseminetur, aut sacrificium Missæ alicubi non offeratur. Etenim quanuis id verum sit hac nostra tempestate; non ita saltem erat primitiue Ecclesiæ tempore, cuius exordia in hoc Apocalypseos capite adumbrantur. Præsertim, quia quod de animalibus dicitur, expedit vt verum sit non in omnibus solum coniunctim sumptis, sed etiam in Apostolorum singulis. Quare rectius ac solidius est perpendere hīc infatigabile studium & indefessam contentionem; qua Apostoli eorumq; æmulatores, Euangelium promulgandi & Deigloriam prouehendi tenebantur, de quibus ideo dicitur, *requiem non habebant*, id est non cessabant.

**DIE AC NOCTE.** Pererius existimat non esse hæc diuim accipienda, neque vllam quæredam in presenti significatione noctis; sed phrasi hebraicā poni *die ac nocte* pro omni tempore. Pererij fundamentum est, quod ipse sibi persuadet, sermonem hīc institui de gloria ac laudum præconijs, quibus angeli in cælesti beatitudine Deum prosequuntur. Cuius declarationis videtur auctor sanctus Dionysius de cælesti hierarchia, vbi agit de trisagio Seraphinorum Isaïæ. Enimvero, etsi verum est, alludere ibi Isaïam ad gloriam, quam Deo concinunt cælestis hierarchiæ angeli (& propterea potuit Dionysius illis applicare trisagij repetitionem) directè tamen tam Isaïas, quam Ioannes agunt de Ecclesiasticā hierarchiā, deque Euangelij prædicatione, vt suo loco disputauimus. Quapropter non dubito, quin Abbas Ioachimus collinearit scopum in noctis atque diei significatione; dum prosperitatem per diem, per noctem aduersitatem intellexit. Aliter enim nihil erat, quod in trisagio fieret mētio noctis: præcipuè in sacro ænigmate, vbi superuacua esse verba non decet. Si ergo præcipui sensus ratio habeatur; nihil cōgruentius est vel ad quatuor animalium encomium, vel ad Dei optimi maximi gloriam, quam tenebrosam persequutionis & aduersitatis noctem minimè obfcare; quo minùs clamorem illum, *Sanctus, sanctus, sanctus* continenter personent; & Euangelium liberè v-bique terrarum prædicent.

**SANCTVS, SANCTVS, SANCTVS DOMINVS DEVS OMNIPOTENS.** Aptissimè hæc verba ad prædicationem mysterij Trinitatis referuntur. Atque ita fuerat prænuntiandum Isaïæ sexto, in aduentu Christi, mysterium sacrosanctæ Trinitatis diuulgandum esse in mundo, & prædicandum. Vide ibi Leonem de Castro; vbi adducit Basilium, Epiphanium & alios; & concludit, veteres Patres ad vnum, Seraphinorum Isaïæ trisagium de Trinitatis prædicatione declarasse. Vbi obiter nota, quod Isaïæ rextus ait; *Clamabant, Sanctus, sanctus, sanctus*: clamorem autem quis non videat ad prædicationem esse referendum? Vide etiam Pererium disputatione 28. vbi affert Damascenum, Felicem Papam, & duo Cōcilia Generalia (nempe Chalcedonense & Cōstantinopolitanum) à quibus trisagion hoc de mysterio Trinitatis intelligitur. Et sanè cum Ioannis animalia repræsentent Apostolos, virosque Apostolicos, quibus Christus id muneris commisit, vt altissimum Trinitatis mysterium terrarum orbi prædicarent; dubium esse nequit, trisagium hoc admirabile includere in se distinctionis diuinarum personarum, & vnitatis essentiae prædicationem.

Sed obijciat fortasse aliquis, in textu mox subdi, & cum darent illa animalia gloriam & honorem sedenti super thronum; igitur illis verbis, *Sanctus, sanctus, sanctus* continetur elogium sedentis in throno: ac proinde referenda non sunt ad mysterium Trinitatis; sed solum ad magnam æterni Patris sanctitatem: cum ille, qui in throno sedet, non Trinitatem sanctissimam repræsentet, sed solum Patrem; vt probatum est suprā notatione 3. huius capituli. Huic argumento respondeo, nihil aliud esse, iterare San-

*Infatigabile virorum  
Apostolicorum studiū  
in Christiana fidei præ-  
dicatione.  
Ioannis animalia die  
ac nocte clamasse,  
quo sensu sit accipien-  
dum.*

*In Ioannis animalium  
trisagio mysterium  
Trinitatis  
adumbrari.*



*ctus, sanctus, sanctus*, quàm prædicare mysterium Trinitatis: sed id ipsum esse æterno Patri gloriam tribuere quàm maximam. Sic enim prædicatur, Filium à Patre generari: & ab utroque procedere Spiritum sanctum; quo nihil excogitari potest æterno Patri gloriosius.

Præter hæc; huius mysterij celsitas adeo est sublimis & excellens, ut creaturarum mentium perspicacitatem omnino superet; nec comprehendi se, aut penetrari patiatur; sed coli tantum & credi. Cū verò semper mysterium ipsum adeo nobis obscurum adeoque difficile permaneat; mirum non est si nostræ rusticitati illud interdum occurrat, nimirum si Deo collibuisse, ut tantum hoc arcanum nos omnino latèret, futurum ut Ecclesia multis tumultibus, bellis & oppugnationibus se subduxisset; homines autem ipsos de ea re celauisset Deus, cuius cognitionem in hac vita haberi nō admodum referre videretur. Siquidem tot antea sæcula, priusquàm Dei Filius nostram indueret carnem, præterierunt; in quibus expressa huius mysterij notio non erat fidelibus communiter tradita neque percepta. Quod si respondeatur, absque mysterij Trinitatis cognitione notitiam de verbi Dei incarnatione haberi non potuisse. Huic posset opponi, absq; mysterij Trinitatis reuelatione nobis reuelari potuisse Deum humanā naturā indutum: id quod iussu videbatur ad dominicæ incarnationis beneficium, eiusque magnitudinem expendendam. Nihilominus tamen respondetur; minimè latuisse Deum, quantum difficultatis Christianæ fidei ex huius mysterij reuelatione oboriretur; & quot essent damnandi, eo quod tantum mysterium credituri non essent: quot insuper & quantæ persecutionum procellæ aduersus Ecclesiam essent, præsertim à Iudæis & Arrianis, huius articuli ratione concitandæ. Hac (inquam) omnia satis prævidit Deus, & Isaïæ Prophetæ præmonstrauit c.6. sub ea figura, cū à Seraphinorum clamore dicentium, *Sanctus, sanctus, sanctus*, templum ipsum contremiscere & desuper ruere visum fuit, & commota sunt superliminaria à voce clamantium. Veruntamen hisce nihil obstantibus, in Dei consilio tanti momenti est ad ipsius gloriam, & ad Christianæ Ecclesiæ felicitatem; & tantam illi attulit salutem mysterij Trinitatis prædicatio, ut sapientissimè fuerit à Deo decretum, ut non diuulgaretur solum hoc mysterium, sed etiam ut prædicaretur omni creaturæ, & omnes ad distinctam vnus Dei ac trini cognitionem tenerentur.

Ut verò melius huius prædicationis pondus ac momentum percipiatur; aduertendum est, cetera omnia, quæ de Deo nouimus, ut puta infinitam eius bonitatem, sapientiā ac potestatem, à nobis percipi posse & quodammodo mente comprehendendi. Concipimus enim huiusmodi attributa; & ad eorum deinde infinitatem cognoscendam per termini aut limitis negationem accedimus: neque id nobis difficile valde est. Ceterum illud nostrarum mentium acumen & perspicacitatem omnino præteruolat, tres scilicet personæ inter se distinctæ, atque vnus idemque naturā Deus: & quidem ad eod vnus, ut nihil tam vnum & simplex possit vsquam reperiri; & nihilominus tres personæ ita distinctæ; ut vna ex ijs carnem assumere, ceteris non assumentibus, potuerit. Hoc ergo ipsum, quod creatis mentibus adeo est incōprehensibile, nobis ostendit immensam diuinitatis celsitudinem: ac proinde quanti interfuerit huiusmodi reuelatio; ut & Dei gloria quàm maximè celebretur, & à cunctis hominibus summopere ipse colatur. Eadem etiam huius mysterij difficultas, fidei meritum valde augeat, & maximæ æstimationis efficit humilem reuerentiam ac venerationem, qua adoratur & creditur id, quod est omnino incōprehensibile.

Ad hæc, valde est admiratione dignum, ut id ipsum, quod Dei nobis maiestatem ac celsitatem patrefacit, nobis etiam declaret eximiam ac singularem charitatem, qua Deus Ecclesiam Christianam prosequitur. Siquidem hæc illi charitas coëgit, ut penitissimum & abstrusissimum arcanum, quod Deus proprio in pectore recondiderat, omnibus id Christianis reuelaret hominibus. Si enim magnā suam erga Abrahamum charitatem rexit, cū dixit, Genes. 18. 17. *Num celare potero Abraham, quæ gesturus sum?* quantò illustriora edidit huius charitatis documenta; quando non potuit (ut ita dicam) nō ingens hoc arcanum Ecclesiæ Christianæ euoluere; nec passus fuit illud Christianorū cuiuslibet ignotum esse? Vide Ioannis 15. 15. *Tam non dicam vos seruos: quia seruus nescit, quid faciat dominus eius. Vos autem dixi amicos, quia omnia, quæcunque audiui à Patre meo, nota feci vobis.* Exposuerat iam illis Christus mysteriū Trinitatis: & eodem illo capite illis dixerat, *Sicut dilexit me Pater, & ego dilexi vos.* Atque ideo ait, se illis enūciasse quicquid à Patre audiuerat: nimirum quia illis explicauerat maximum Dei arcanum, quodque tantopere alijs arcanis seu mysterijs præstat; ut cū ad eius communicationem siue reuelationem perueniatur, dicatur meritò, nihil esse quantumuis magnum, quod præ magnitudine lateat cum cui quod summè est ingens enunciatur.

Porro verba illa, *Sanctus, sanctus, sanctus*, non solum continent sanctissimum Trinitatis mysterium; sed etiam totum Apostolorum symbolum, quod Christianæ fidei articulorum summa comprehenditur. Quamobrem cū dicitur, animalia clamare *Sanctus, sanctus, sanctus*, idem ferè est ac si diceretur, totam Euangelicam doctrinam ab ijs prædicari. Nam quod in Apostolorum symbolo continetur, non est aliud, quàm Deum esse trinum & vnum; & ex tribus personis Patri creationem attribui (ideo enim dicimus, *Credo in Deum Patrem omnipotentem, creatorem cali & terræ;*) Filio redemptionem humani generis (& in Iesum Christum Filium eius vnicum, qui conceptus est, &c.) sancto verò Spiritui, animarum sanctificationem, & sanctorum beatitudinem (*credo in Spiritum sanctum; sanctam Ecclesiam Catholicam, sanctorum communionem; remissionem peccatorum, &c.*) Cū ergo sacra animalia ter clament Deum esse sanctum, non solum aiunt, tres esse personas diuinas, & vnicum verum Deum; sed etiam non obscure innuunt, sanctitatem suam ostendi à Patre in mundi creatione; à Filio in humani generis redemptione; ab Spiritu sancto in hominum sanctificatione & beatificatione. Quoniam autem in hisce trifagii creationis, redemptionis & sanctificationis operibus apparet Deus omnipotens & vniuersalis omnium Dominus; ideo ad trifagium additur ab animalibus, *Dominus Deus omnipotens*. Hanc existimo veram atque germanam Trifagii declarationem. Et certè cū quatuor Ioannis animalia, necnon Isaïæ Seraphini Apostolos & Euangelij concionatores significant; facile est videre, quàm sit appositum, ut eorum clamor summam prædicationis Euangelicæ complectatur.

QUI ERAT, ET QUI EST, ET QUI VENTURUS EST. Iam c.1. vers. 4. tum in commentario, tum et

*Affiduitas in Trinitatis mysterij prædicatione.*

*Quanti sit momenti prædicatio mysterij Trinitatis.*

*Mysterij Trinitatis prædicatione & Dei maiestatem, & in nos pariter ipsius charitatem explicari.*

*In Ioannis animalium trifagio non mysterium modò Trinitatis, sed totum etiam Apostolorum symbolum includi.*

*Cur trifagio addatur, Dominus Deus omnipotens.*



iam in tertiâ notatione, latè explicuimus, in huiusmodi verbis exprimi nomen Iehouah. Atque vt Isaiâ Seraphini cum trisagio coniunxerunt nomen Iehouah, ad essentia vnitatem explicandam; sic Ioannis animalia ad maiorem similiter explicationem copulant cum eodem trisagio expressam non vni Iehouah declarationem. Qua de re lectorem refero ad ea, quæ ca. 1. dicta sunt. Illud autem in hoc loco nouum est; ordo scilicet ac series. Nam c. 1. dixerat Ioannes, *ab eo qui est, & qui erat, & qui venturus est*: nunc verò dicit, *Qui erat, & qui est, & qui venturus est*. Nec verisimile est hanc mutationem in re tanti momenti casu & gratis factam esse. Dicam ergo, quid mihi in præsentī occurrat. Nomen Iehouah (vt c. 1. notatione 3. notauimus) duo in se mirum in modum includit, videlicet Trinitatis mysterium, & diuinæ Prouidentia perfectionem. Quod verò c. 1. de re Ioannis erat, fuit perfectionem diuinæ Prouidentia attendere, & firmissimam spem, fore vt Christianæ Ecclesiæ ædificium Deus ipse esset prouecturus. Ibi enim sermo erat de Apocalypseo argumenti summâ; quæ reducitur ad excellentem perfectionem Prouidentia, quam Deus in Christianam Ecclesiam ostendit. At in præsentī loco (vbi coniungitur expressio nominis Iehouah cum trisagio) fortasse fuit expediens, vt in nomine Iehouah respiceretur ad mysterium Trinitatis, quod in se includit. Dico ergo capite primo, ordinem illum, *qui est, & qui erat, & qui venturus est*, congruentissimum fuisse; vt indicaretur, quemadmodum se Deus cum Christiana Ecclesia gereret, hoc ferè sensu; iam re vera est redemptor, qui olim erat promissor & figurator; & tandem *venturus est* vt opus suum cumulatissimè perficiat. In præsentī autem, cum de mysterio Trinitatis sermo sit, oportuit exordiri ab illo erat; quia ordo illorum trium operum, quæ tribus diuinis personis attribuuntur, hic est; Creatio, Redemptio, & perfecta Sanctificatio. Porro *qui erat* refertur ad creationem; *qui est*, ad redemptionem; & *qui venturus est*, ad Ecclesiæ sanctificationem & perfectionem.

Cur in ijs  
verbis, Qui  
erat & qui  
est, &c. in-  
muse. ut or-  
do, in 1. cap.  
positus.

## T E X T V S.

*Vers. 9.* Et cum darent illa animalia gloriam & honorem & benedictionem sedenti super thronum viuenti in sæcula sæculorum.

## C O M M E N T A R I V S.

**D**ARE gloriam & honorem & benedictionem, in præsentī refertur ad mysterij Trinitatis prædicationem: & ideo cum repetitum fuerit ter nomen *sanctus*; ita nunc tria nomina ponuntur, quæ laudem significant, videlicet gloria, honor & benedictio. Deinde vidimus iam supra, licet trisagium sit sanctissimæ Trinitatis prædictio, nihilominus tamen rectè dici, gloriam, honorem & benedictionem huiusmodi prædicatione sedenti in throno, id est, Patri æterno deferri. Etenim illa est maxima gloria atque honor ex ijs, quæ æterno Patri tribui possunt, cum de illo prædicatur & Filium gignere, & Spiritum sanctum spirare. Præterquam quod in trisagio, vt iam perstrinximus, symboli Apostolorum summa continetur; quæ tota est æterno Patri, diuinitatis fonti, gloriosissima.

**V**IVENTI IN SÆCULA SÆCULORVM. Licet hæc verba videantur non amplius continere, quam Dei immortalitatem. Ceterum de Dei vita solet Scriptura loqui, tanquam de fonte & origine vitæ creaturarum; vt in illis verbis Ioannis 1. *In principio erat Verbum*, quæ supra explicauimus ca. 1. notatione 3. Et in illis etiam, *in ipso vita erat*; quæ idem significant, atque illa Pl. 35. 10. *Apud te est fons vitæ*. Quod ergo dicitur, *Viuenti in sæcula sæculorum*, non solum significat, Deum viuere & perpetuo esse victurum; sed etiam vitam & felicitatem Christianæ Ecclesiæ prouecturum, ac proinde bonorum Christianorum felicitatem fore æternam.

Quorsum  
hic Deo glo-  
ria, honor  
& benedi-  
ctio ab ani-  
malibus de-  
feratur

Scripturam  
de Dei vita  
loqui solet,  
vt de crea-  
turarum  
vita fonte.

## T E X T V S.

*Vers. 10.* Procidebant viginti quatuor seniores ante sedentem in throno, & adorabant viuentem in sæcula sæculorum, & mittebant coronas suas ante thronum.

## C O M M E N T A R I V S.

**I**NTER Ecclesiæ Christianæ excellentias, (de quibus in hoc capite sermo est) haud æquum erat silentio prætermitti admirabile nouæ legis sacrificium, quod sacerdotes quotidie in Missis Deo offerunt. Considerandum autem est, sacrificia semper præcipuam diuini cultus extitisse portionem. atqui planum est, diuinum cultum esse Dei adorationem. Cum ergo seniores 24. sint Ecclesiæ sacerdotes (de quo satis supra dictum est); nihil congruentius, quam vt hæc ad id insignis seniorum adoratio, nempe (*procidebant, & adorabant viuentem in sæcula sæculorum; & mittebant coronas suas ante thronum*) diuinum cultum repræsentet, quem Christiani sacerdotes in Missarum celebratione Deo deferunt. Celebrationem autem Missarum in Ecclesiæ nascentis exordijs comitabatur ferè Sacra Christi corpo-

In seniorū  
adoratione  
sacrificium  
Missæ adu-  
brari.



A ris ab adstantibus susceptio. Quare, ubi mentio fit Missarum Ecclesiæ primitiæ; eo ipso innuitur circumstantium deuotio atque communio. Quemadmodum, cum sermo nunc est de Missarum frequentia, quæ in aliquo oppido aut loco est; tacite etiam agitur de totius populi ad audienda sacra concursu, deque cura ut frequenter fiant. Obserua insuper, cum mentio fuerit facta maris vitrei (quod respondet mari æneo, in quo sacerdotes sacrificium oblaturi, lauabantur) rectam ordinis consequentiam exigere; ut mentio similiter fieret sacrificiorum nouæ legis. Cum verò in hoc capite alterius sacrificij mentio non fiat; nisi illius, quod in hisce verbis figuratur (*procidebant 24. seniores ante sedentem in throno & adorabant, &c.*) non dubito, quin hic significetur, in Christianâ Ecclesiâ, omnibus antiquæ legis sacrificijs successisse incruentum sacrificium; quod nostræ Ecclesiæ presbyteri (id est, seniores) offerunt. Quod sacrificium præstantissimam Dei adorationem continet, & ipsi Deo gratiorem reliquis omnibus, quæ ipsi fieri possent. Facit, quod in canone ipsa Missa appellatur sacrificium laudis. Et collata hac adoratione cum mari vitreo, quod in hoc eodem capite positum est ob oculos, tacite indicatur mare illud vitreum fuisse institutum ut hoc sacrificium Deo puris manibus offerretur; & ut lauarentur, non seniores solum, sed totus etiam populus Christianus (qui est regale sacerdotium) ut debita animi puritate & reuerentia diuino huic sacrificio intersint, & illius fiant per sacram communionem participes.

B Aduerte præterea, ex huius versiculi contextu & connexionem cum præcedenti, planè intelligi, quatuor animalium clamorem præire, & mox subsequi seniorum adorationem. Suppositâ autem vtriusque rei significatione, quam supra explicuimus; hac connexionem indicatur, ex Euangelij prædicatione quasi ex proprio fonte deriuari, ut antiqua sacrificia cum noua hac & admirabili adoratione sint commutata: ita ut Deus Christiano ritu ac cærimonijs colatur, hoc est Missis; in quibus offertur Deo magnum hoc & venerandum sacrificium in illis antiquis figuratum.

C In hoc insuper nouo sacrificij & adorationis modo denotatur, Christianos sacerdotes in eodè sacrificio mysterium Trinitatis sanctissimæ recognoscere, & directè cum Patre æterno loqui. Procidunt enim ante thronum dicentes, *Dignus es, Domine Deus noster, &c.* Atqui, (ut suo loco vidimus,) qui sedet in throno, est Pater æternus. Veruntamen perspicuum est, illos Trinitatis mysterium venerari. Procidunt enim & adorant viuentem in sæcula; iuxta trisagij prædicationem expressis tribus laudis nominibus, gloria, honore & virtute; dum dicunt, *Dignus es, Domine Deus noster, accipere gloriam & honorem & virtutem.* Hæc ergo omnia mirificè consentiunt cum Missæ celebratione in Catholica Ecclesiâ. In Missarum namque orationibus, adorationibus, & canone sacerdos ferè cum Patre æterno loquitur. Atque ideo Ecclesiæ orationes his frequenter verbis terminantur, *Per Dominum nostrum Iesum Christum Filium tuum, qui tecum uiuit & regnat in unitate Spiritus sancti.*

Cur quatuor animalium clamor præcedat seniorum adorationem.

Quid ex hac seniorum adoratione ad Missæ sacrificium spectans colligatur.

## T E X T V S.

Vers. II. Dicentes; Dignus es, Domine Deus noster, accipere gloriam & honorem & virtutem: quia tu creasti omnia, & propter voluntatem tuam erant & creata sunt.

## C O M M E N T A R I V S.

N ONNIHIL ad huius versus declarationem in expositione superioris dictum est. Nonnulla tamè hic sunt adijcienda. Primò manifestum est, verba illa, *accipere virtutem* non esse hic aliud, quàm accipere laudem, propter eam virtutem, quam ipse continet in se; & propter ipsius virtutis ostensionem, quam in suis operibus exhibet. Simili phrasi dicitur Agno, c. 5. 12. *Dignus est Agnus accipere virtutem & diuinitatem, &c.* ea scilicet ratione, qua dicimur tribuere & deferre sanctitatem ei, cui nihil aliud tribuimus, quàm venerationem ob sanctitatem.

Accipere Deum virtutem, quid hic sit.

E Secundò, cum dicitur, *quia tu creasti omnia*, particula illa (*quia*) reddit rationem, cur æterno Patri Missæ sacrificium offeratur (nam seniorum adoratio indicat sacrificium Missæ; & adoratio exhibetur ei, qui sedet in throno, id est, æterno Patri, ut supra declaratum est). Ratio autem est, *quia tu creasti omnia*, hoc est, quia Pater æternus est prima Trinitatis persona, (cui tribuitur creatio) atque aded totius diuinitatis fons.

Tertiò, verba illa, *propter voluntatem tuam erant & creata sunt*, denotant, æterno Patri, ut diuinitatis fonti, non deberi solum illud esse, quod creaturæ per productionem antiquam acceperunt; sed etiam nouum esse gratiæ, quod illis impertitum fuit, cum factæ sunt nouæ creaturæ, iuxta Pauli loquutionem. Ac primum omnis creaturæ nomine de hominibus solum esse sermonem; non est in sacra Scriptura nouum. Vide Marci vltimo, *Prædicate Euangelium omni creaturæ.* Deinde, in vltimis verbis sermonem esse de noua creatione & de nouo esse supranaturali; id contextus ipse palam ostendit. Ait enim, *Propter voluntatem tuam erant & creata sunt.* Quasi dicat, Post antiquum illud esse, iam erant creata, aliud esse nouum eis dediti; quapropter iure dicuntur denuo per omnipotentiam Dei esse creata. Atque ita loquitur Paulus de nouo homine, *qui secundum Deum creatus est*, ad Ephes. 4. 24. Eodemque modo huius loci contextus intelligatur necesse est. quia de antiqua ac priore creatione iam fuerat facta expressa mentio, in ijs verbis, *Tu creasti omnia, & propter voluntatem tuam erant.* Neque id amplius

Tæ de creatione, quam de iustificatione hic in verbis mentionem contineri.



xplicatur per subsequētia verba. Adde huc, cū de sacerdotū adoratione & noui sacrificij oblatione sermo sit, omnino expedire, vt non solum in ea adoratione fiat creationis antiquæ mentio, sed etiam redemptionis & sanctificationis nouæ. In Missis enim, licet ad æternum Patrem tanquam ad creatorem dirigatur sermo; præcipue tamen respicitur ad venerationem, quæ ei debetur propter nouum esse, quo humanum genus per Christi redemptionem & Spiritus sancti sanctificationem euexit.

## NOTATIO XIV.

## De allusione huius capitis ad templum Salomonis.

Quibus in  
ribus hoc  
caput ad Sa-  
lomonis tem-  
plum allu-  
das.

Cælum in  
hoc capite  
respondere  
Salomonis  
templo.

**A**LLVSIONEM capitis huius ad templum Salomonis vt agnoscamus, nos cogunt thronus Dei, viginti quatuor sacerdotes principes, septem lampades, mentio maris, Cherubinorum species, & diuinæ maiestatis adoratio à sacerdotibus facta. In quibus facile animaduertitur, habitum fuisse respectum ad antiquum Dei thronum Propitiatorio impositum; ad viginti quatuor familiarum principes ducentium genus ab Aarone; ad septem aurei candelabri lucernas; ad mare æneum; ad templi Cherubinos; & ad antiquum Dei cultum in Salomonis templo frequentatum. Eadem etiam facilitate intelligitur; cælum, in quo Dei thronus erat, respondere ipsi templo. Cælum enim appellatur quoque Dei templum. Ex quibus constat, non esse valde intellectu difficile, huius capitis scopum ed spectare, vt primitiuam Christi Ecclesiam cum templo Salomonis conferat; & pariter obseruet, quantopere nouum hoc Ecclesiæ Christianæ templum antiquo illi antecellat. Et quidem suppositis ijs, quæ de harum rerum singulis in commentario notauimus; nullus erit (opinor) qui in dubium reuocet, admirabilem in hoc capite allusionem ad templum Salomonis contineri.

Enimvero protinus animum pulsant difficultas, quæ hic sese offert. Etenim si in hoc capite sit comparatio Christianæ Ecclesiæ cum insignioribus rebus, quæ in templo Salomonico erant; non satis est, congruentem reddi rationem eorum, quæ textus tangit; nisi eorum etiam ratio reddatur, quæ videntur prætermitti; & explicetur vtrum ea silentio inuoluuntur, & quare? Verbi gratiâ; Diximus in septem lampadibus alludi ad templi candelabrum. Si ergo è regione ipsius candelabri, mensa propositionis erat in templo Salomonis (vt re vera erat) cur nulla illius fuit facta commemoratio? Deinde exprimitur Dei thronus: & tamen arca testamenti supprimitur, quæ in templo illo ceteris omnibus pluris æstimabatur. Præterea, vbi duo illa altaria; nempe alterum holocausti & alterum thymiamatis? Etenim quando mare vitreum expressè fuit loco maris ænei positum; altaria etiam videbantur non fuisse prætereunda, quæ magis erant propria templi. De his ergo disputandum est in præsentis notatione.

Prima ergo dubitatio sit, An fœderis arcam viderit Ioannes in hac visione; aut aliquid ei respondens? Prædus, Ezechielis primo, cū sibi persuadeat, Isaia, Ezechielis & Ioannis visiones esse omnino similes; & in ijs omnibus Deum ostendisse suum solium, illius instar, quod in templo habebat; non dubitat, quin thronus, quem Ioannes in hoc capite vidit, super arcam fuerit; atque adeo Ioannes arcam in præsentis capite aspexerit. Quod probat Prædus; quia Ezechiel ait se Dei gloriam vidisse. Atqui visitata est sacræ Scripturæ phrasis, arcam appellare Dei gloriam. Verum, cū iam supra ostenderim, vi-

**B** fisiones illas non fuisse penitus similes; quin imò magnam ipsarum artificij & elegantix partem esse sitam in eo, quod aliqua in eis diuersa reperiuntur: nihil nobis probat Prædus fundamentum; nec sufficiens argumentum est, vt ideo asseramus arcam à Ioanne in huius capitis visione fuisse visam. Et nihilo firmitus probatur eam ab Ezechiele in suo primo capite fuisse conspectam ex eo, quod dicat se gloriam Dei vidisse. Etenim licet certum sit aliquando gloriæ Dei nomen tribui arce fœderis; sed ratio, cur ei tribuatur, est thronus, quem Deus super ipsam habebat. Quemadmodum Mantuanum Carpetanorum siue Matritum appellare soleamus regis Hispaniæ curiam; quod rex atque ipsius consiliarij ibi sedem fixerint. Nec tamen inde sequitur, eos omnes, qui curiam aliquando aspexerunt, in ea vrbe fuisse. Potuit enim contingere ab aliquibus eandem curiam visam fuisse Pinciæ. Si ergo nomen gloriæ Domini, propriè Dei præsentix inter Cherubinos existenti tribuitur; id certum est ab Ezechiele fuisse visum. Vtrum autem arcam fœderis iuxta flumini Chobar aspexerit; id ex eius narratione minime constat. Nihil autem de ipsius visione præter id, quod ipse exprimit, nobis innotescit.

**C** Quod, ad Ioannis visionem attinet; constat (meo iudicio) ipsum in hac prima Apocalypseos parte non vidisse arcam testamenti. Nam capit. 11. n. 19. asserit, vt rem nouam, *Apertum est templum Dei in celo; & visa est arca testamenti eius in templo eius.* Vnde non obscure infertur, in hac de qua modò loquimur visione non illi arcam fuisse ostensam; donec ad eam visionis partem capitis 11. peruenit. Nec mysterio vacabit, tunc illi apparuisse arcam, vt eo loci patebit.

**D** Altera dubitatio est; Num Ioannes, quando arcam hic non vidit, aliquid saltem viderit ipsi arce respondens? Ad hoc dico, iridem quam Ioannes in circuitu sedis conspexit, videri arce respondere. Nam arce mysterium erat Dei fœdus cum populo suo (nempe vt seruaret populus legem, & Deus illi esset propitijs & fautor) & ideo appellabatur arca fœderis. Si ergo hoc erat arce mysterium; arcus etiam cælestis erat fœderis arcus: legimus enim Genes. 9. numero duodecimo. *Hoc signum fœderis inter me & vos in generationes sempiternas.* Imò verò fœdus illud cum Iudaico populo, quod arca representabat, erat aliquando rescindendum, abolenda enim erat antiqua lex. Fœdus verò, quod arcus cælestis representat, est æternum, & in generationes sempiternas. Fuit itaque maxime congruens, vt in hac Christianæ Ecclesiæ cum Salomonico templo comparatione, arca fœderis in fœderis arcum conuerteretur. Tum quia cælum erat templum nouum, & iris est signum fœderis in celo: tum quia Dei pactio cum Christiano populo æterna est, & in generationes sempiternas. Quare per expressam allusionem ad cælestem arcum, ait Isaia capit. 54. numero decimo, *Sicut in diebus*

Gloria Dei  
nomine ali-  
quando ar-  
ca fœderis  
in Scriptura  
significari.

Iridem loco  
arca Ioannis  
fuisse visam.

Num Ioan-  
nes in hac  
visione vi-  
dit arcam,  
vel quidpiā  
aliud ei re-  
spondens?  
Arcam Io-  
annis visam  
fuisse Præ-  
dus.  
Contrariū  
tamen vide-  
ri probabi-  
lius.

Cum in hac  
Ioannis vi-  
sione arca  
fœderis sit  
in arcum  
cælestem  
conuersa?



Noe istud mihi est. Montes commouebuntur, & colles contremiscent: misericordia autem mea non recedet à te, & fœdus pacis meæ non mouebitur. Quod si arca appellabatur gloria Dei, fortè etiam Ecclesiasticus idem nomen tribuit arci caelesti cap. 43. 18. Gyrauit calum in circuitu gloriæ suæ. Illud certè manifestum est, mysticum arcum (id est Christi redemptoris nostri passionem, vt in commentario explicuimus) multò sublimius & excellentius, nomen Dei gloriæ mereri, quàm antiquam fœderis arcam: & ad figurandam propitiationem, quam in Christo habemus, aptiorem in hac visione fuisse arcum, quàm arcam. Si autem in Ioannis visione, arcus supplet vices arcæ; argumento est Ezechieli capite primo non fuisse visam arcam fœderis; quia ipse testatur se vidisse arcum siue iridem.

Ex eo tamen, quod Ioanni in hoc capite arcam fœderis fuisse conspectam negem, non nego Propitiatorium illi fuisse monstratum; quod præcipua erat ac superior arcæ pars. Scio non deesse, qui contendunt Propitiatorium non fuisse cum arca coniunctum, sed arcæ aliud fuisse præterea proprium operculum: Propitiatorium autem fuisse nonnihil altius arca & separatum ab illa; ac Cherubinarum, quos fecit Moses, manibus sustentatum. Cui cogitationi fauere videtur primâ specie illud Numerorum septimo, num. octuagesimonono, Moses audiebat vocem loquentis ad se de Propitiatorio, quod erat super arcam, inter duos Cherubim. Huius tamen loci constructio germana non est, Propitiarium esse inter duos Cherubinos; sed Dei vocem exauditam fuisse inter duos Cherubinos, vt explicatur Exodi vigesimo quinto, numer. 22. Loquar ad te supra Propitiarium, ac de medio duorum Cherubim. Propitiarium enim constat fuisse Cherubinarum basim; ipsosque super illud vtroque ex lateribus pedibus niti (vt perspicue docent Iosephus & Philo, quorum verba supra retulimus.) Et constat etiam Propitiarium cardinibus aureis fuisse arcam compactum. Itaque certum est, arcam non aliud fuisse operculum præter ipsum Propitiarium. Vnde Vulgatus & Septuaginta, nec non Iosephus & Philo disertè appellant illud operculum arcæ. Quod si aduertatur, Cherubinos necessariò super Propitiarium esse debere; planum fit, non aliud arcæ operculum fuisse. Nam Scriptura expressè affirmat Cherubinos super arcam fuisse. Illi autem aliud operimentum addidere, qui Cherubinos existimarunt non fuisse super Propitiarium.

Quod si semel admittatur, nullum aliud arcæ operimentum fuisse præter Propitiarium; non videtur negari posse, quin Ioannes in hac visione præcipuam arcæ partem aspexerit. Nam et si non exprimat se auream tabulam vidisse; asserit tamen se vidisse Dei thronum, qui (vt supra probatum est) pro basi seu fundamento constabat Propitiatorio; in quo Cherubini aditabant, qui collatis atque confertis alis quandam sellæ siue sedis normam componebant; vbi Deus considere dicebatur; & sub eius pedibus pro scabello siue suppedaneo esse Propitiarium. Sublatâ autem arca, non est cur vncinos aureos in aurea tabula consideremus. Nec Ioannes fortasse in aurea tabulâ figurâ, sed in sapphirinâ Propitiarium aspexit. Nam suppedaneum Dei pedibus suppositum (quod describitur Exodi vigesimo quarto, num. decimo) sapphirinum erat. Legimus enim, Sub pedibus eius quasi opus lapidis sapphiri; & quasi calum; cum serenum est. Et similiter Ezechieli primo, num. vigesimo sexto, Quasi aspectus lapidis sapphiri similitudo throni. Et capit. decimo, num. primo, Quasi lapis sapphirus species similitudinis solij. Cùm autem Ioannes Dei solium videret in celo; in hoc videtur ipsius visio ad Mosè & Ezechielis visiones conformanda. Quod si admittamus basim throni à Ioanne visi fuisse sapphirinam, & Christum figurare; cum hoc mirificè coheret, secundum caelestis ciuitatis fundamentum esse sapphirum, Apocalyp. vigesimo primo, num. decimonono, quo significatur (vt eo loci planum fiet) secundus articulus symboli Aposto-

lorum; cuius verba sunt, & in Iesum Christum Filium eius unicum Dominum nostrum. Verum enim verò, vt cunque hoc fit, sacra Scriptura nos docet, Propitiatorium fuisse Dei pedibus pro hypopodio suppositum: & Ioannes affirmat se vidisse Deum in throno. Thronus autem est regia sella cum scabello hypopodio siue suppedaneo. Atque ita negandum non est Ioanni in hac visione Propitiatorium visum fuisse.

Confirmatur hoc ex certissima Propitiatorii significatione, quod Christum Dominum haud dubiè indicabat; vt docet Paulus ad Roman. tertio, num. vigesimo quinto, vbi legimus, Quem proposuit Deus propitiationem, vbi Græcè est, ἰλασθριον, quo nomine vocant Propitiatorium Septuaginta, & ipsemet Paulus ad Hebræos nono, num. quinto. Observatione autem dignum est, eodem verbo Hebraico (nempe כפרן kapar) duo significari, nempe Operire atque Placare: & inde deriuari nomen כפרת kapareth) quod duplicem quoque habet significationem, scilicet operculi & Propitiatorii; & cùm Septuaginta, in vtraque significatione mysterium reperirent, plusquam semel appellauisse illam tabulam ἰλασθριον ἐνδεμα, (vt Exodi vigesimo quinto, num. decimo septimo, & capit. trigesimo septimo, num. sexto,) quod sonat Propitiatorium operculum. Huic verò translationi vt lux aliqua accedat, considerandum est, quamam ratione arcæ operculum aptè deferuierat ad Christi Domini, veri Propitiatorii significationem? Dico ergo, illâ arcâ denotari fœdus, quod Deus cùm Israëlito populo fanciuerat: cuius fœderis præcipua pars eo spectabat, fore vt Deus illis Messiam promissum mitteret, simulque veram cum illo propitiationem. Quemadmodum autem arca sine operculo inutilis esset; ita etiam totum pactum beneficiorum, quæ erant in legis obseruatores conferenda, sine Christo inane esset ac vanum. Ecquis enim est, qui non sapius peccet; ac proinde indigeat, vt Deus ei scelera remittat ac teger? Cùm igitur in Christo efficacissimum esset remedium ad omnia hominum scelera condonanda, & ad Dei promissâ cunctis legis obseruatoribus proposita confirmanda; nihil potuit ad hæc significanda congruentius excogitari, quàm arcam fœderis aureo operculo contegere; illudque appellare Propitiatorium: vbi obseruandum est, eandem operculi figuram, (quod est veluti complementum arcæ,) significare, Christum, qui est verum Dei Propitiatorium, afferre Dei promissionibus robur ac firmitatem. Vide secundâ ad Corinthios 1. num. vigesimo, Quotquot enim promissiones Dei sunt, in illo Est, & per ipsum Amen Deo.

Hac ex parte nequaquam dissentaneum esse videbatur, vt Ioanni in hac visione Propitiatorium super arcam monstraretur. Verum quia arca (licet eius significatio extendi possit ad pactionem, quam cum legis Euangelicæ obseruatoribus facit Deus) propriè tamen & strictè significabat fœdus illud, quod Deus cùm obseruatoribus Mosaicæ legis fecerat (quæ lex eo tempore iam erat antiquata) ideo conuenientius fuit, vt in hac visione pro arca substitueretur aliud aptius symbolum. Adde, quod arca videbatur etiam significare legis obseruationem & custodiam præceptorum (quia intra illam legis tabulæ inclusæ custodiebantur) & quia neminem ad perfectum adduxit lex; & legis obseruatio (quæ ex se alioqui erat imperfecta) perficiebatur Dei propitiatione, quæ per Christum confertur; ideo appositè Christus per arcæ operculum figuratus est. Quod autem Propitiatorium, & arca esset operimentum, & Cherubinarum basim; indicat Christum, (qui est inter vtrumque testamentum) esse, qui veteris Testamenti sanctitati colophonem addidit; & qui basis est & fundamentum nouæ & caelestis sapientiæ & sanctimonie noui Testamenti, quæ caelestis hierarchiæ sapientiam & sanctitatem imitantur; & in duobus adumbrantur Cherubinis, vt supra satis explicatum est. Ceterum cùm Ioanni in huiusmodi visione non esset demonstranda veteris Testamenti sanctitas,

Propitiatorium quid significet.

Eodem verbo Hebraico significari operire & placare.

Propitiatorium LXX. fuisse apellatum pariter Propitiarium & operculum.

Propitiatorii symboli quàm aptè Christo congruat.

Cur arca hic non apparetur, sed arcuat

Cur Propitiatorium fueris Ioanni hic ostensum.



sed noui; ideo conueniens fuit, ne illi arca, sed solum nouus Dei thronus in Ecclesia supra Christum fundata constitutus monstraretur. Quemadmodum Moyses Cherubini (qui figura erant spiritualis Dei throni, Propitiatorio tanquam basi innitebantur.

Ex supra dictis intelligitur, desumptum fuisse ex arca foederis Domini ad hanc visionem quicquid è re ipsius erat; nempe Propitiatoriū, aptissima Christi figura. Quod autem ex arca deerat ad noui foederis significationem; caelestis arcus symbolo fuisse suppletum. Quo significaretur, nouum foedus esse æternum; quemadmodum ab Ecclesia appellatur in calicis consecratione.

Secunda dubitatio sit de mensa propositionis; scilicet, cum candelabri facta sit commemoratio, & septem ipsius lampadum; mensa fuerit intacta prætermissa? Aliquis fortasse responderet, mensam fuisse relictam; quia septem lampades candelabri significant spiritualis prouidentiae Diuinæ perfectionem & dona spiritualia, quæ Deus suis fidelibus largitur; mensa autē indicabat prouidentiam, quam de alendis suorum fidelium corporibus Deus habet. Quod si ita est, ut affirmat Philo, libro *Quis diuinarum rerum heres*, & libr. 3. de vita Moysi, & S. Thomas 1. 2. q. 102. art. 4. ad sextum, ac Nicolaus de Lyra 3. Reg. cap. 7. si hoc (inquam) ita est; omisio mensæ propositionis in hoc capite, quo de Christiani populi excellentiis agitur, significare poterit; Ecclesiæ Christianæ (primitiua præsertim) excellentiam in beneficijs temporarijs non consistere, sed in spiritualibus. Atque ut confirmetur per mensam propositionis significata fuisse temporalia beneficia; aduertitur mensam positam fuisse ad partem aquilonarem, hoc est ad laeuam. Nam temporales res ad sinistram spectant; & panes, qui in ea mensa proponebantur, ad temporalis vitæ nutrimentum pertinebant.

Ceterum hæc responsio non videtur satisfacere; quia expositio illa de corporali nutrimento per mensam propositionis denotato, humilior est, quam ut ad illam præcipue respectum esse, credi debeat. Et licet ea inepta nō sit ad Iudaici populi considerationem; at non satis esse nobis debet, antiquis figuris eam tribuere significationem, quam eis Iudæi accommodabant; sed eas declarem oportet, ita ut in eis recte præstetur quod S. Augustinus de prophetiis ait, eas scilicet Iudaica tangere, sed Christiana respicere. Quare iuxta rationis ac prudentiæ regulā dubium non est, quin mensa illa in Christiano sensu & sublimiori intelligentia, aliam continebat excellentiorem significationem. Quemadmodum candelabrum in sensu proximo representabat in illo templo adorari septem planetarum conditorem atque rectorem; ut exponit Philo Iudæus, & Clemens Alexandrinus. Sed in sublimiori sensu refertur ad septem Dei spiritus in Christiana Ecclesia effulgentes, ut vidimus supra. Censeo igitur in mensa propositionis significari alimentum, quod Deus populo suo suismet verbis spiritualiter conferebat; iuxta illa Christi verba, *Non in solo pane uiuit homo; sed in omni uerbo, quod procedit ex ore Dei*, Matth. 4. 4. De qua mensæ significatione memini me alibi latius dixisse.

Hoc ergo supposito, admirabili artificio mensa propositionis omissa fuit. Commutata enim est in eum librum, quem in manu habebat is, qui sedebat in throno. Sicut & arca foederis in arcum caelestem conuersa fuit. Quod uero liber ille ad caelestem prophetarum doctrinam sit referendus, videbimus cap. 5.

Tertia dubitatio sit de altari holocausti, cur uidelicet desit in hac visione. Si in hoc capite alludetur non ad Salomonis templum, sed ad Sionis tabernaculum, quod in Ecclesia Christiana instaura-

tum fuit; (ut dicemus in commentario Psalmi 28.) dici fortasse posset, in Sionis tabernaculo non fuisse altare holocausti. Remansit enim in Gabaone, ut censet Lyra 1. Par. 16. 39. & ibidem etiam fortè remansit propositionis mensa. Enim uero commemoratio maris ænei, viginti quatuor seniorum, qui erant sacerdotum principes, nec non Cherubinarum præter eos, qui Propitiatorio erant impositi: horū (inquam) omnium commemoratio manifestè indicat allusionem omnino fieri ad templum Salomonis. Quamobrem aptior responsio est, in visione, quæ hoc c. 4. refertur, conuenienter fuisse relictum altare holocausti; quia uetera sacrificia omnia commutata sunt in sacrificium incruentum, quod sacerdotes in Missarum celebratione offerunt Deo; illudque in seniorum adoratione, ut iam diximus, denotatur. His accedit, quod licet in visione huius capitis altare holocausti non repèriatur, postea erit ei locus cap. 6. vers. 9. ubi subtus altare clamant animæ interfectorum, nempe subtus altare holocausti, ut ibi videbimus.

Quarta dubitatio sit, cur in hac visione desideretur altare thymiamatis? Respondeo, cum senioribus in sancto Sanctorum fuerit locus concessus; pro altari thymiamatis, datas fuisse singulis phialas aureas thymiamate plenas. Seniores enim describuntur cap. 5. 8. *habentes singuli phialas aureas plenas odoramentorum*. Græcè *ὑμνιαφόροι*. Quin & cap. etiam 8. vers. 3. uidit Ioannes altare thymiamatis.

Ex harum dubitationum solutione siue explicatione; atque ex his omnibus, quæ in huius capitis commentario hætenus dicta sunt, planè perspicitur, summam visionis capitis quarti ad spectare, ut indicet, pro veteri Salomonis templo Deum in primitiua Ecclesia Christiana aliud sibi templum multò præstantius & excellentius erexisse: in quo multò perfectius atque sublimius reperiebantur ea, quæ quondam Salomonis templum præcipue illustrabant. Etenim quæ in veteri illo templo erant illustriora ac celebriora, ad hæc ferme reduci possunt.

1. Thronus veri Dei.
2. Arca testamenti.
3. Dignitas principum sacerdotum ab Aaron genus ducentium.
4. Doctrina diuinæ legis, quæ ibi prædicabatur.
5. Candelabrum aureum cum septem lucernis.
6. Mensa propositionis.
7. Mare æneum.
8. Cherubini ingentes, quos fecit Salomon.
9. Sacrificia, quæ Deo offerebantur.

Hæc autem omnia in nouo primitiua Ecclesiæ Christianæ templo mirum in modum aucta & locupletata inueniuntur. Nam primò nouus Dei thronus magnopere pristino illi antecellit.

2. Pro foederis arca apparuit caelestis arcus ex smaragdo.
3. Pro sacerdotum principibus maiores alij principes visuntur, qui thronum habent ante Deum.
4. Pro legis doctrina, tonitrua & fulgura exaudiuntur.
5. Pro septem candelabri aurei lucernis, septem lampades caelestes conspiciuntur.
6. Pro mensa propositionis substituitur mirabilis liber in manu Altissimi.
7. Pro mari æneo, vitreum mare oculis subijcitur.
8. Pro Salomonis Cherubinis, quatuor admiranda & valde mystica animalia adstant Deo.
9. Pro antiquis sacrificijs cruentis proponitur nouum sacrificium incruentum, summam cum Diuinæ maiestatis ueneratione.

Cur nulla mensa propositionis mentio in hac visione?

Mensa propositionis quid significaret iuxta Philonem.

Quid per templi candelabrum mysticè significetur.

Quid per propositionis mensam.

Cur mensa propositionis fuerit ommissa?

Cur item altare holocausti in hac visione desit?

Cur altare etiam thymiamatis hic desideretur.

Collatio singulorum huius visionis partium cum templi Salomonis partibus, ad quæ alludit.



## CAPVT QVINTVM.

## TEXTVS.

*Vers. 1.* Et vidi in dextera sedentis supra thronum librum scriptum intus & foris, signatum sigillis septem.

## COMMENTARIVS.

**L**IBER hic concipiendus est, vt membrana quædam vtrâque ex parte scripta & conuoluta; vt optime considerat Prædus in id Ezechielis 2. 10. *Ecce manus, in qua erat scriptus liber inuolutus; & expandit illum coram me, qui erat scriptus intus & foris.* Vbi intus idem est, quod interna membranæ facies; foris verò externa. Quare scriptus intus & foris, nil aliud est, quam scriptus vtrâque paginâ. Appellatur autem in membrana interior pagina, quæ candidior est; exterior verò, quæ minus candida: nam in pelle externa facies, vt quæ non ita est asseruata atque oblecta, solet esse non nihil sordida.

Præterea licet Ioannes dicat vidisse se librum vtrâque parte exaratum & obsignatum sigillis; non est existimandum, ante resignata sigilla Ioannem aspexisse librum scriptum vtrâque ex parte esse; sed id postea fuisse visum à Ioanne. Etenim, licet antequam resignetur epistola, appareat interdum illam esse in vtrâque facie scriptam; at in membranâ, quæ debebat esse in vtrâque parte scripta, & mox inuoluta, atque septem sigillis obsignata; verisimilius est existimare, ad finem membranæ partem aliquam extremam nullis characteribus exaratam perstitisse; vt illâ reliqua tota membrana conscripta regeretur: id quod in testamento clauso, & obsignato solet contingere; in quo nulli possunt dispici characteres, donec aperiatur. Et quidem ad sensum non admodum obstabat, vt priusquam resignarentur sigilla, literæ aliquot possent dignosci, quæ in externa ipsa facie scriptæ essent: ceterum non est, cur in huiusmodi cogitatione violentia; aut parum verisimili philosophemur.

Quod ad ipsa attinet sigilla; posset aliquis suspicari, sermonem hîc esse de sigillis ad eorum modum, quæ in literis patentibus apparent: vbi opus minimè est sigilla abrumpere, aut resignare: sed potius prius explicantur literæ, mox cernuntur sigilla. Huic suspicioni textus ipse primo aspectu fauet; qui semel & iterum seruat hunc ordinem, *aperire librum, & soluere signacula eius*; quasi prius sit librum aperire, & postea soluere eius signacula. Adhæc prius dicitur Agnus aperuisse librum; & cum aperisset librum, grates illi summa cum celebritate ob egregium illud facinus actæ sunt: postea verò narratur, quemadmodum sigilla paulatim singula soluta sint; & ad quodlibet ex sigillis resignatum mirabilis quædam actio illi mysterio deferuiens proponebatur; vt videre est cap. 6. & 8. Non autem videtur textus admittere, vt asseramus per anticipationem dicta esse illa, quæ de laudibus Agno pro sigillorum resignatione tributis enarrantur. His argumentis suo loco faciemus satis; nunc illud dixisse sufficiat, sigilla eo modo, haud dubie, esse concipienda, vt illis liber esset clausus & obsignatus; ita vt legi non posset, priusquam signacula soluerentur. Id clare conspicitur Isaia 29. 11. *Erit vobis visio sicut verba libri signati, quem cum dederim scienti literas, respondebit, Non possum legere: signatus est enim.*

Transeamus ad libri, quem Ioannes vidit, significationem. Et obseruetur in primis hanc esse summi momenti rem in Apocalypseo interpretatione. Nam, vt videbimus, huius libri mysteria ad finem vsque capitis 11. protenduntur. Et certè textus ipse significat huius libri resignationem esse maximi ponderis rem, & ab vno Christo præstare potuisse; qui, vt librum aperiret, mortuus fuit; ex illo autem aperto ingentem sibi gloriam comparauit. Vetus interpretatio erat, per hunc librum sacram Scripturam significari; eumque à Christo fuisse apertum, cum ipse suæ Ecclesiæ suum impertiuit spiritum ad sacrarum Literarum intelligentiam. Hæc explicatio præterquam quod Victorinum, Ticonium, Primasium, Ambrosium, Andreæ, Bedam, Haymonem, Ansbertum, Anselmum, Rupertum, Richardum, Ioachimum, Hugonem, & vno verbo, omnes antiquos interpretes pro se habet auctores; eam etiam sequuntur veteres Scriptores & Ecclesiæ Patres, vt Origenes homil. 12. in Exodum, Eusebius de demonstrat. libro 8. cap. 2. Hieronymus Isaia 22. necnon Ezechielis 2. & 44. & Danielis 12. Hilarius in Prologo Psalmorum, Gregorius libro 4. Dialogorum cap. 42. Vincentius Lirinensis, in suo aureo libello, atque hæc demum expositio ita est communi consensione recepta, vt noster Maldonatus iure dicat Ioannis 5. 27. *Nemo doctus ignorat librum illum septem sigillis signatum prophetias veteris Testamenti significare.* Alia interpretatio erat non admodum diuersa, quæ per hunc librum intelligebat Christum, & diuina planè mysteria, quæ in eo sunt recondita (hunc enim respiciunt prophetiæ antiquæ; & tota sacra Scriptura Christum nobis prædicat,) atque hic loquendi modus asserens librum signatum esse Christum, est D. Bernardi, Vincentij Ferrerij, Seraphini de Fermo, & aliorum.

Hastamen expositiones, licet pias esse concedant, aiunt tamen non esse literales nonnulli, qui ad contextum attendunt. Sibi enim persuadent, librum hunc, quem Ioannes signatum vidit, necessarium esse ipsam Apocalypsin, id est, prophetiam præcipuorum euentuum, quos Christi Ecclesia erat

*Huiusmodi fuerit hic liber Ioannis visus.*

*Quando poterit Ioannes aduersere, hunc librum esse intus & foris scriptum.*

*Quomodo hæc libri sigilla sint consideranda.*

*Huiusce libri mysterium quantum sit momenti.*

*Quid hic liber significet.*

*Verum prædicta libri expositio de sacra Scriptura sit literalis?*



habitura. Atque hæc est sententia Pannonij, Riberæ, Pradi, Viegæ, Pererij, Bullengeri; qui pro se adducunt Andreæ, Aretæ, Aureolum, Nicolaum, & Dionysium Carthusianum.

Affero tamen primò; si textus attentè inspiciatur, certum esse, quod liber signatus continebat, esse illud, quod referatis sigillis fuit reuelatum. Hinc tamen infero, librū signatum in se completū, non totam Apocalypseos prophetiam; sed solum quod à cap. 6. vsque ad 11. inclusiue continetur (id est per sex capita) omnia enim, quæ apertis sigillis reuelata sunt, caput vndecimum non transgrediuntur. Et ego sanè vsque ad finem vndecimi hoc extendo: certus enim sum, septem tubas ad septimum spectare sigillum; atquæ caput vndecimum septimâ tubâ terminatur.

Enimuerò aliqui (ex quibus est Pererius) arbitrantur, quod aperto septimo sigillo reuelatum est, ab initio capitis 8. non vltra procedere. Vnde non satis intelligo, quo pacto Pererius sibi animum inducat, vt existimet librum signatum esse totam Apocalypsin; si totum illud, quod apertis libri sigillis patefactum fuit, in eius opinione vix duo capita complectitur. Non ignoro huic argumento aliquos ita esse satisfacturos, vt asserant septem libri sigillis totidem visiones Apocalypseos respondere; atque hoc pacto eandem esse prophetiam mysteriorum in totidem sigillis latentium cum septem visionibus Apocalypseos. Verum, meo iudicio, hæc explicandi ratio inanis est, & sine fundamento. Atque illi ipsi, qui eam stabilire nituntur; in capitum sequentium expositione conuincuntur, vt credant nosias esse Prophetias, quæ in septem sigillis minimè continebantur. Et in mea expositione, quam sequor, à capite quarto, vsque ad vndecimum agitur de primitiua Ecclesia à Iudaico populo oppugnata: & ab vndecimo vsque ad decimum nonum agitur de persecutione, quam Gentilicus populus aduersus Ecclesiam concitauit, & de ipsorum Gentilium conuersione. Quare mihi certum est omnino, mysterium in septem sigillis delitescens in capite vndecimo finitum fuisse; & nouum deinceps argumentum institui.

Secundò affirmo, ad plenam huius libri signati intelligentiam optis esse cognoscere mysteria, quæ apertis septem sigillis resecta sunt. Nam si liber nihil continet aliud, quam mysteria illa; nemo potest planè percipere, qui liber hic sit; nisi mysteria ipsa nouerit, quæ liber complectitur. Existimo igitur septem sigillorum mysterium illud esse, vt in ipsis indicetur, qua ratione Deus se gesserit cum Iudaico populo, post Christi Iesureurrectionem; cum alijs nimirum Saluatorem clementissimum, cum alijs seuerum iudicem, rectissimum tamen agendo. Porro in quatuor primis sigillis regei mirum in modum summam Dei fortitudinem, beneficentiam, æquitatem, atque sapientiam in Iudæorum prædestinatorum salute; in tribus verò postremis apparere in reprobis Iudæorum repulsa maximam Dei patientiam, horribilem comminationem, ac demum supplicium seuerissimum. Atque hi sunt septem Dei spiritus, de quibus egimus cap. 1. notat. 5. Spero autem doctis visum iri hanc esse Apocalypseos seriem, & pro mea interpretatione plures ac nobiliores esse auctores, quam pro alia qualibet. Hoc ita constituto, necessario instituendus mihi est sermo de libro ob-signato iuxta meam declarationem de septem sigillorum mysterio.

Tertiò ergo assero, librum hunc signatum esse doctrinam reconditam, qua docemur Dei prouidentiam celsissimam, & Christi supremum imperium in salute Iudæorum, qui Christum receperunt, & in illorum reprobatione, qui ipsum respuerunt, mirum in modum apparere, extare, & eminerere. Huiusmodi autem tractationem sex quidem capitibus, videlicet à sexto vsque ad vndecimum, comprehendere: non tamen esse nouam doctrinam; sed eandem, quæ sacris instrumenti veteris vaticinijs fuerat prædicta. Itaq; antiqui Patres, & scriptores verissime asserunt, signatum librum esse Testamenti veteris prophetias; & hæc est haud dubie illius significatio. Etenim Deum habere in dextera librum prophetiarum; idem est, quod eas reapse perfectissime complere. Quid enim aliud dextera Dei repræsentat, quam excellentissimâ ipsius operationem? Quando ergo prophetias ipsas admirabili perfectione opere implebat, tunc elegantissime effingitur dextera manu librum prophetiarum habuisse. Sed quoniam Dei operum perfectio, & complementum prophetiarum, licet valde erant sublimia & excellentia, nimis tamen abdita erant & occulta; ideo liber in Dei dextera constitutus figuratur esse signatus: hoc est, Prophetiarum complemento, quod illis lucem allaturum esse videbatur; prophetias ipsas obscurari potius, & obsignari, ac intellectu difficillimas remanere; nisi Christus sigilla ipsa aperiat; id est, nisi suum hominibus spiritum largiatur, quo eas valeant intelligere. Nam modus implendi prophetias, vt excellentissimus esset, debuit esse summo opere tectus & occultus. Quare fortitudo sub debilitatis specie latuit; sapientia sub stultitiæ prætextu; & sic de ceteris. Vnde ipsum prophetiarum complementum summa dissimulatio fuit; ac proinde, dum prophetiæ sunt impletæ, sigillis quibusdam obsignatæ fuerunt, & humanæ intellectiōi difficillimæ redditi.

Quartò assero, illos etiam antiquos Apocalypseos interpretes rectè coniectare, qui dicunt per librum signatum, non solum vetus Testamentum; sed etiam nouum indicari. Idem enim, quod in veteri Testamento erat prædictum, in nouo fuit expletum. Cum autem Christus suum tribuit spiritum, vt diuini operis perfectio in prophetiarum complemento agnoscat; simul etiam lucem tribuit, vt nouum ac vetus Testamentum intelligatur.

Aduerte autem in Regis pictura sedentis in throno, & in libro, quem manu tenet, alludi videri ad id Ecclesiastici 1. 7. Disciplina sapientiæ cui reuelata est, & manifesta? & multiplicationem ingressus illius quis intellexit? Vnus est altissimus Rex potens, sedens super thronum illius, & dominans Deus. Ipse creauit illam in Spiritu sancto, & vidit, & dinumerauit & mensus est.

Sed obijciat aliquis, multa esse in veteri Testamento atque nouo, quæ minimè agunt de ratione, qua se Deus erat gesturus, aut qua se gessit cum Iudæis post Messie aduentum; ac proinde librum signatum non aptè posse vniuersæ Scripturæ, sed alicui tantum eius parti applicari. Respondeo, me non applicare signatum librum ad sacram Scripturam secundum omnem sui partem; sed secundum eam, quæ Iudæis Christum recipientibus summam promittebat felicitatem; & secundum eam, quæ Iudæis Euangelio repugnantibus prophetabat summam miseriam, & postea de effectu ipso nos

reddit

Quæ Scriptura pars in libri huius simbolo figuretur.

Quorum mysteriorum cognitio opus sit ad plenam libri signati intelligentiam.

Quid demum sit liber hic signatus.

Quid sit Deum habere in dextera librum signatum.

Cur signatus donec ab Agno rescatur?

Libri huius significationem non ad vetus modum testamenti, sed ad nouum etiam se extendere.

Vtrū signatus hic liber omnem totius Scripturæ partes complectatur?



A reddit certiores. Hoc tamen argumentum nemo putet ad pauca solum Scripturæ capita sese extendere; est enim ipsi Scripturæ commune & quodammodo generale, ac præsertim Prophetis & nouo Testamento. Quin imò multa capita, quæ ad res alias longè diuersas spectare videntur, ad hunc eundem finem conducere, quicquid attentè perpenderit, iudicabit. Sunt etiam multa, quæ magnā inter se similitudinem habent, & quæ de hac materia dicuntur, de alia simili cum proportionem dici possunt. Exempli gratia, quod dicitur de Christi Domini vita admirabili, summā egestate, passione, ac morte, debet esse conformatum ad eam salutem, quam ipse attulit mundo: quæ sanè excellentissima fuit, spiritualis tamen; quemadmodum pax, quam nobis aduexit, euangelica est, non mundana. Hoc autem totum summā est obscuritate clausum atque signatum; donec Christi spiritus nos doceat maximam diuini operis & Christi principatus perfectionem; & quantopere expedierit, ut humilitatis, inopiæ, atque ignominie prætextu admirandum hoc opus fieret; ut Christiani populi felicitas, non puerilis esset, sed virilis atque perfecta.

B Quintò affirmo, ex communi interpretatione, quam libro signato Patres, scriptores, & antiqui interpretes tribuunt, validum me argumentum elicere; quod meo iudicio persuadeat, mysteria in septem sigillis apertis patefacta, non esse nouos euentus, aut nouas prophetias de rebus Ecclesiæ euenturis; sed ipsummet quod sacri vates de Christo prædixerant; deq; felicitate eorum, qui ipsum recipere, & eorum miseriam, qui illum abijcerent. Ad id enim, quod affirmant, librum scilicet esse sacram Scripturam, perspicuā consequutione annectitur, mysteria septem sigillorum esse veterum prophetiarum mysteria, non autem nouorum successuum. Quæ verò textus ait de Ioannis lachrymis, de maximo momento & consideratione in sigillis aperiendis, & de Christi morte, ut ea resignaret; hæc (inquam) omnia non rectè possunt congruere alijs peculiaribus euentis, quæ in Ecclesia erant futura; cuiusmodi sunt Arianorum persecutio, Maurorum oppugnatio, & alia id genus. Harum enim rerum præscientia non magni Ecclesiæ intererat: si quidem re ipsa noluit Deus manifestam ipsi Ecclesiæ notitiam huiusmodi rerum impertiri. At verò cognoscere, quanta sit Christiani populi felicitas in ipsis abiectionibus, persecutionibus, atque extrema egestate; & quantopere gloriatur Deus se suos famulos per medias hæc ærumnas saluos incolumesque præstare; quanta porro sit Christi Domini in imbecillitate fortitudo, in insipientia sapientia, atque alia eiusmodi; hæc (inquam) mysteria sunt valde digna, ut Ioannes Apostolus lachrymas effundat, dum vehementissimè expetit, suum ut spiritum mundo concedat Deus ad mysteria isthæc cognoscenda: digna etiam sunt assiduus ac feruidus Pauli precibus; digna denique, ut verè dici possit Christus morti semet sponte obtulisse; quò huiusmodi sigilla referaret, & cælestem hanc doctrinam atque sapientiam mundo redderet manifestam.

C Sextò, interpretatio D. Bernardi, D. Vincentij Ferrerij, & aliorum asserentium librum signatum esse Christum ipsum, nō pia solum est; sed profunda etiam ac Theologica, si rectè intelligatur. Nam libro nomen argumenti tribuitur: sacra autem Scripturæ argumentum Christus est. Præcipue verò sermo est de Christi, eiusque imperij perfectione; vbi agitur de perfectissima salute, quam per Christum adepti sunt ij, qui sese illi subdiderunt; deq; maxima miseria eorum, qui illi repugnarunt. Et quemadmodum Xenophon suum librum, quem de Cyro Rege conscripsit, Cyropædiam nominauit: ita etiam librum hunc signatum possumus inscribere de Christi archia, siue de Christi principatu: atque hoc est agere de Christo. Et hætenus de libri significatione.

D Sequitur altera quæstio; quid nempe significet librum illum esse scriptum intus & foris, siue in vtrâque pagina? Pro huius explicatione repeto quod paulò antè perstrinxī; videlicet, quanuis externa membrana facies appelletur foris, propter id, quod supra diximus; in libro tamen signato non fuisse minus abditum & occultum, quod foris erat scriptum, quàm quod intus. Huiusmodi namque locutio nil aliud significat, quàm esse in vtrâque pagina scriptum: & in testamento clauso atque signato, quod in vtrâque parte seu paginâ exaratum est, æqualiter latens ac reconditum permansit, quod in secunda pagina erat conscriptum, & quod in prima. Quare non video quàm aptum habeant locum communes illæ distributiones; quibus aut interior pagina nouo Testamento, & exterior veteri assignatur (ut Beda, atque Ansbertus existimant.) aut è contrario interna pagina veteri applicatur Testamento; quòd eius mysteria sint valde abstrusa (ut Richardus vult.) aut literalis sensus externâ paginâ, spiritualis internâ figurantur (quæ est Ioachimi, Rupertij, & Pannonij consideratio.) aut deniq; per internam paginam res significantur occultiores. Hæ omnes expositiones exigunt, ut quod in interiori pagina scriptum erat, magis sit abditum, quàm quod in exteriori: atqui iam vidimus paginam vtramque æquè esse absconditam.

E Ego sanè verosimilius iudico, quod Origenes ait Ezechielis 2. Existimo (inquit) per ea, quæ erant antè scripta, significari promissa, quæ ad sanctos pertinent, & ad eorum vitam: per posteriora verò, quæ spectant ad illos, qui pereunt, & ad rationem punitionis. Non me latet hanc declarationem à Prado impugnari; quia in Ezechielis libro non plus fuisse scriptum videtur, quàm comminationes & supplicia. Quod enim nos legimus Ezechielis 2. sine, lamentationes & carmen & va, ex Hebræo ad verbum redditur, lamentationes & gemitus & va: & carmen pro carmine lugubri non semel aliàs ab Ezechiele usurpatur. Huic tamen argumento seorsum notatione respondēbimus; vbi probabimus in Ezechielis libro vnâ cum minis ingentia promissa donorum ac beneficiorum scripta contineri: quare Ezechielis textus declarationi Origenis non contradicit. His suppositis, vtriusque pagina mentio considerari potest, ita ut duarum rerum alteri deseruiat: prima est, ut significetur multa fuisse in eo libro conscripta; si quidem vna, eademque pagina omnia non potuit capere. Ad eum ferè modum, quo breuis epistola vnica pagellâ continetur: longior verò, ut integrè exaretur, alteram poscit paginam, & vtramque implet. Hac ratione dixit Iuuenalis,

Scriptus & in tergo, nondum finitus Orestes.

Secundò, vtriusque pagina scriptio potest indicare distinctionem aliquam; ut fieri solet in libellis siue aduersarijs accepti, & expensi. In quibus siue multa sint scripta, siue pauca; accepta solent in

Qua sint præcipue mysteria in libro signato clausa.

D. Bernardi & aliorum de Christo interpretationem ad supersorem facile reduci.

Quid sit librum esse scriptum intus & foris.

De interna & externa libri scriptione, Origenis sententia probatur. Quorsum in signato libro, pagina interioris & exterioris mentio?

Alterna interna & externa pagina explicatio.



vna pagina scribi, expensa verò in altera. Inspiciamus ergo, vtrum istorum in presenti sit magis ad rem. Et quidem, vt significetur multa esse in eo libro scripta, non videtur esse sacra Scriptura consuetudinis hanc loquutio, implere vtramque paginam; sed potius quærere ingens volumen, vt Zacharia 2. *Volumen volans, longitudo eius viginti cubitorum, & latitudo decem cubitorum.* Præsertim cum Hebræorum consuetudo fuerit membranam vnâ alteri assuere: atque ita posset liber in longitudinem excrecere, & magnam completi scriptionem; licet vna tantum pagina haberet scripturam. Deinde, si volumen, quod Ioannes vidit, nil aliud continebat, quàm quod apertis septem sigillis reformatum fuit; quod ad figuram, siue ideam attinet, non magno admodum volumine opus fuisse videtur; vt quod liber scriptus continebat, in altera tantum pagina includeretur. Præterea Græca vox, quæ huic loco responderet, est *βιβλίον* diminutiuum; licet sumi etiam soleat pro eo quod, *βιβλος*. Itaque sufficiens fundamentum minimè reperimus; vt credamus, hac vtriusque pagellæ scriptione significari multa esse in eo libro scripta. Etenim erant volumina parua atque ingentia, vt notum est antiquarijs. Vnde quod vtrâque ex parte sit liber conscriptus, non arguit scripturæ longitudinem; nec vni tantum paginæ scriptio argumentum est breuitatis.

Aliquid  
mysterij in  
interna &  
externa pa-  
gina distin-  
ctione late-  
re, coniectu-  
ris proba-  
tur.

Verum, vt credamus huiusmodi scribendi rationem fuisse appositam ad distinctionem aliquam innuendam, non desunt satis probabiles coniecturæ. Prima est; huius libri mysteria sunt septem; ex quibus quatuor (vt postea videbimus) propria valde sunt; reliqua verò tria summe horribilia. Quid ergo aptius, quàm considerare in altera pagina quatuor illa prospera ac salutaria esse conscripta; in altera tria illa horrida & formidanda? Secunda coniectura est à libellis accepti & expensi petita: in quorum altera pagina debiti summa, in altera redditu apponitur. Quod si dicas; debita, quæ in eadem pagella scribuntur, iuxta receptam hodie consuetudinē, esse non solum eiusdem rationis, sed etiam diuersarum valde rerum. Ad hanc duo respondeo: primum in libro compaginato, qui plurimis constat folijs (quales hodie sunt in vsu) rite debita atque cre dita separatim diuersis in folijs scribi, quò facilius dignosci inter se, atque conferri possint: at in veteri librorum vsu, cum libri singuli singulis constarent folijs, non videtur aptior reperiri potuisse distinctio, quàm in diuersas eiusdem folij paginas accepta & expensa seorsum referre. Alterum est; quemadmodum dicitur iuxta receptam apud nostros consuetudinē, debita & cre dita diuersarum etiam rationum in eodem folio conscribi: ita etiam cum diuersæ personæ sint prædestinati ac reprobi, rectè coheret, vt illorum electio, in aduersâ eiusdem folij paginâ; horum reprobatio, in aduersâ notetur.

Tertia coniectura est; similem loquutionem in Latina lingua, atque alijs vulgaribus reperimus. Quare non est, cur hanc in Hebraica phrasi reiciamus. De Latina quidem lingua locuples testis est Plinius, qui libr. 2. cap. 7. ait, *in tota ratione mortalium sola fortuna vtramque paginam facit*; quasi dicat prosperas res, atque aduersas esse, effectus fortunæ; & Hispanicè, vt significemus rem aliquam & vilitatis & incommodi aliquid habere, dicere solemus, *tiene haz, y enues*: eodem spectat Italicum illud, *il rinuerso della medaglia*.

Denique duarum paginarum distinctio ad sensum ipsum magnam habet energiam; si consideremus vnum, eundemque Christum Dominum, qui erga bonos & iustos adeò se pium & misericordem exhibet, non minùs esse seuerum ac terribilem aduersus improbos, iuxta id Psal. 17. n. 26. *Cum sancto sanctus eris, & cum peruerso peruerteris.*

Septem si-  
gilla quid  
significent.

SIGNATVM SIGILLIS SEPTEM. ] Et si aliàs Hebraica phrasi sumi solet septenarius indefinitè, numerus certus pro incerto ad multitudinem significandam: hic tamen necessariò (vt multi bene notant) significatio debet esse septenarij proprie sumpti. Postea enim distinctè agitur de singulis septem sigillorum; & eorum numerus mysterijs libri responderet, quæ ad septem etiam reducuntur. Itaque puncta siue capita huius libri admirabilis septem erant: atque vt indicaretur, eorum nullum absque peculiari Christi spiritus gratia percipi posse; apparuit liber hic septem ob signatus sigillis, quæ nullus alius, præter Agnum, resignare valeret. Aduertatur autem distinctio, quæ inter mysterium ac sigillum esse debet: mysterium namque est, quod inibi est absconditum; sigillum, quod absconsionem ipsam, seu difficultatem arcani mysterij figurat. Quare mysteriorum primum est magna Messia virtus ac fortitudo: atque difficultas, quæ in eius cognitione allequenda sita est, provenit ab externa imbecillitatis specie & simulatione. Primum ergo sigillum representabit infirmitatis speciem; sub qua latet primum mysterium, hoc est, infinita Christi virtus in Iudæis, qui ipsum amplexi sunt, saluandis. Similiter mysterium secundum est immensa ergo eisdem beneficentia: sigillum verò, simulatio rigoris ac tyrannidis. Tertium mysterium est summa æquitas, qua ipsos gubernat, sub iniquitatis prætextu, quasi sub sigillo abdita. Quartum, admirabilis sapientia in procuranda suorum felicitate: sigillum, species imperitiæ & stultitiæ. Quintum, incredibilis patientia in rebelles Iudæos: sigillum, iniuriarum dissimulatio, & quasi non curantia. Sextum, seria comminatio: sigillum verò, nullam præ se fert externam minarum faciem, sed potius permissionem atque licentiam. Septimum denique mysterium est seuera punitio atque supplicium, quod de Iudæico populo sumit: sigillum autem impunitatis speciem affert; aut in communibus malis, non Messie repulsam, sed alias supplicij causas prætextit. Hæc est mea declaratio paucis perstricta; quæ quàm apte ad contextum accommodetur, videbimus postea. Seorsum autem agemus notatione secunda, quàm congruenter fuerit ita constitutum, vt diuinorum operum facies externa adeò esset mira atque insolita, vt absque Dei ipsius spiritu minimè cerni agnosci que posset.

Signa in si-  
gillorum a-  
perture  
sensu quid  
significent.

Quæ verò in septem sigillorum apertione, noua & inusitata signa apparuerunt, eorum prima quatuor ad quatuor equos, nimirum album, rufum, nigrum, & pallidum reducuntur. Quintum ad responsionem, quæ animabus vindictam poscentibus reddita fuit. Sextum ad extremi & vniuersalis iudicij signa. Septimum tandem ad septem plagas tubarum. Quorum significatio est; in ijs, quæ primitiue Ecclesiæ tempore accidebant, compleri Scripturæ sacra Prophetias: quæ maximam felicitatem recipientibus Messiam pollicebantur; & mala plurima ipsum reiicientibus, eaque grauissima interminabantur. Messias enim mira edidit suæ potentia ac virtutis documenta in

homi-



A hominibus cruci & Euangelio subiiciendis : nec non beneficentiam suam ostendit, dum eidem hominibus eximiam tribuit charitatem, vt Euangelium ipsum vbique terrarum disseminarent. Suam porro æquitatem declarauit, cum opum ac diuitiarum contemptum eis largitus fuit. Sapientiam denique suam patefecit, cum mortis despicientiam eis impertiuisset ; atque hac ratione ad summam illos euexit felicitatem. Huic ergo significationi deferuiunt quatuor equi. Tria alia signa, quæ reliqua sunt, facile apparet ad patientiæ, comminationis, & seueritatis significationem aduersus rebelles spectare. Ceterum septem isthæc mysteria, etiam postquam impleta sunt, aded erant clausa & abscondita ob eximiam suam excellentiam, vt sine Christi spiritu dignosci non possent: nec in ijs veteres prophetias impletas esse quisquam cernere potuisset. Hic est potissimus scopus, quod tendit quicquid in septem sigillorum multiplici repræsentatione explicanda dicturus sum. Velim autem, lector diligenter attendat, summo artificio ad septem huiusmodi capita Spiritum sanctum redegisse rationem ac modum, quo Deus cum Iudaico populo se gessit. Ita enim rectè & ordinatè huiusmodi capitum diuisio fuit facta; vt plura, aut pauciora puncta esse non possent. In his enim septem magnopere elucescunt septem diuinæ prouidentiae spiritus, de quibusegimus capite primo, notat.5. Nec minùs opto, vt nouerint omnes, huius discursus doctrinam de septem sigillis agentem, maximi esse momenti, maximæque utilitatis ad Christianam Ecclesiam. Nec deseruire solum, vt intelligatur qua ratione Deus cum Iudaico populo egerit; sed etiam vt præcipua ratio & scopus diuinæ prouidentiae gubernationis agnoscatur; & quemadmodum tum suos amicos, tum inimicos & aduersarios, præsertim hæreticos ac rebelles tractet. Hinc etiam eliciatur, quibus in rebus Christiani homines, præcipuè religiosi, & ij omnes, qui ad perfectionem aspirant, suam debent felicitatem collocare. Denique ex eadem doctrina deducatur, quanam sit sanctorum noui testamenti perfectissima viuendi ratio ; & contrà, quod miseriarum & calamitatum deueniant ij, qui cum Deum cognouerint, illi postea ignominiosè terga vertunt.

B In alijs quidem declarationibus, præter applicationis violentiam, non exiguæ mihi occurrunt in ipsa serie atque discursu difficultates. Neque enim in ijs continuatum ordinem & partium coagulationem reperio; nec video rationem aptam, cur ad septem capita doctrina hæc reuocetur. Pererius, qui communem magis expositionem videtur colligere capite sexto, disputatione 6. & 22. contendit, in quatuor equis regna totidem indicari; in primo nimirum Christi principatum sub primitiua Ecclesiæ tempora: in secundo Imperatorum potestatem, qui Ecclesiam ipsam validissimè oppugnarunt: in tertio Barbararum gentium, vt Gothorum, Hunnorum, & Vuandalorum, vel diaboli imperium in hæreticis: in quarto denique Maurorum regnum, vel diaboli in hypocritis. Quod verò ad trium subsequentiū significationem attinet; in quinto sigillo ait Martyrum gloriam significari; in sexto persecutionem Antichristi; & in septimo, sanctorum requiem post interitum Antichristi. Sed in hac expositione non inuenio congruentem rei ipsius dispositionem, nec aptam septenarij numeri rationem.

C Prædus Ezechielis secundo, versu decimo, folio 63. l.d. omnia ferè septem sigilla ad maximas Ecclesiæ calamitates reducit. Et in primo ait effulgere Dei potentiam; in secundo eiusdem indignationem, & districtum gladium; in tertio iustitiam scelerum vindicem; in quarto mortem, quæ pallidos reddit vultus; in quinto vindictam sanguinis innoxij; in sexto vniuersi consummationem; & in septimo malorum omnium cataclysmum. Sed in hoc etiam septenario ordinem & rationem requiro, (& quod valde erat optandum) coherentem cum vniuersa Apocalypsi acoluthiam.

D Alij quærent in septem sigillis septenarium aliquem rerum, quibus veletur Dei sapientia, vel maiestas. Ex his est Bernardus sermone primo de die Paschæ, vbi hæc septem ab illo numerantur *Matris desponsatio, Infirmitas corporis, Circumcisio, Fuga in Aegyptum, Tentatio Diaboli, Passio, & Sepultura.* Sed ex septemplici repræsentatione, quæ apertis sigillis facta est, constat præcipuam curam fore collocandam in mysteriorum ibi latentium declaratione. Etenim referato sigillo, illud repræsentatur, quod abditum erat. Non autem assignat Diuus Bernardus mysteria septem, quæ in sigillis resignatis patefacta sunt. Idem obijcio ijs, qui septem sigilla ad septem sacræ Scripturæ difficultates referunt: ex quibus est Hugo; à quo hæc septem recensentur, *Sententiarum profunditas, Sensuum multiplicitas, Figurarum varietas, Rerum incomprehensibilitas, Mysteriorum obscuritas, Tropologiarum suauitas, Infallibilis veritas.* In qua enumeratione videtur agere voluisse de septem velaminibus: atqui opus erat designare, quæ sint mysteria septem, quæ sub illis integumentis delitebant; & qua ratione cuique velo suum respondeat mysterium.

E Alij demum de septem Christi mysterijs cogitarunt, vt Rupertus; cuius hæc est enumeratio, *Incarnatio, Passio, Resurrectio, Ascensio, Missio Spiritus sancti, Vocatio Gentium, Aduentus ad Iudicium.* Atque ferè eadem fuerat distributio Hilarij, præfatione in psalmos; vbi tamen natiuitatem enumerauit, & vocationem Gentium omisit. Verùm in huiusmodi recensitionibus euident est nullum habitum fuisse respectum ad septem illa signa siue figuras, quæ apertis sigillis apparent: cum tamen necessarium esset, vt septem libri huius mysteria in alijs signis figurata sint. Alias explicandi rationes satis varias diuersorum auctorum ad capitis sexti & octauæ explicationem reiicio.

*Sigillorum  
mysteria  
quàm fuerint  
recondita & abs-  
trusa.*

*Ex mysteri-  
orum in  
septem si-  
gillis deli-  
tescentium  
considera-  
tione quot  
& qua pos-  
sint utili-  
tates per-  
cipi.*

*Aliorum  
expositiones  
de septem  
sigillis im-  
probantur.*



## NOTATIO I.

*De allusione huius libri à Ioanne visi ad librum Ezechielis scriptum intus & foris, & ad librum Isaia signatum.*

Ezechielis  
liber, quem  
respicit hic  
Apocalyp-  
seos liber.

Isaia liber  
signatus,  
quod iam  
hic fit allu-  
sio.

Ezechielis  
libri myste-  
riū vñum  
idē cum  
huius libri  
signati my-  
sterio sit.

In libro E-  
zechielis  
ostenso non  
solum sup-  
plicia, sed  
beneficia  
etiam con-  
tineri.

In libro E-  
zechielis vi-  
so sufficiens  
esse funda-  
mentum ad  
suppliciorū  
& benefi-  
ciorum di-  
stinctionē.

Quo pacto  
Ezechielis  
locus, de la-  
mentatio-  
nibus &  
vñ, sit in-  
telligendus.

**E**ZECHELIS 2.9. fit mentio voluminis, quod erat scriptum intus & foris, quod cum comederet propheta, factum est in ore eius tanquam mel dulce, c. 3. 3. sed postea abiit amarus in indignatione spiritus sui, c. 3. 14. Ex hac visione desumptum est ad librum signatum Apoc. 5. quod attinet ad descriptionem intus & foris. Quod verò propheta librum comederit, & in ore sapidum mellis instar senserit, amarum tamen in ventre; hoc relictum fuit ad paruum alium libellum apertum tamen; qui Ioanni datus fuit Apocal. 10. 10. Cum autem liber Ezechiel traditus, signatus non fuerit; & quem Ioannes vidit scriptum intus & foris, fuerit signatus; iuxta hanc partem allusum fuit, si minus ad Ezechielis librum, ad librum certe illum, de quo Isaia 29. 11. Erit vobis visio sicut verba libri signati.

In Ezechielis ergo verbis difficile apparet, verba illa scriptum intus & foris, intelligi posse; quia ratione nos in Ioannis libro exposuimus, scilicet de promissis, quæ ad Sanctos pertinent, de quæ eorum vita in vna pagina; & in altera, de rebellium punitione. Quamuis enim sic exponat Origenes; refragari tamen videtur textus, qui ait, *Scriptæ erant in eo lamentationes & carmen & vñ*: vbi ex Hebræo ad verbum redditur, *Lamentationes & gemitus & vñ*. Vnde apparet in eo libro nihil lætum ac prosperum, sed tragica omnia & luctuosa fuisse conscripta.

Certum tamen est in libro Ezechielis ostenso; non solum improborum ac rebellium supplicia fuisse exarata; sed maxima etiam beneficia, quæ Deus fuerat in suam Ecclesiam collaturus. Ille enim liber scriptus intus & foris, quem vidit Ezechiel, symbolum erat totius prophetiæ Ezechielis, vt interpretes omnes fatentur. De prophetia autem Ezechielis dubitari non potest, quin vtramque paginā (vt dicebamus,) contineat. Nam licet prophetiæ initium sumitur à visione curus, qui ad vastandam Ierosolymam tendebat: & licet pars illa prior de perfidorum excidio atque supplicio per multa capita durat: sæpe tamen populo post flagellationem promittit prosperitatem, & reliquias seruatum iri, ac Iudæorum gentem per Dei benignitatem mirifice esse restituendam. Patet hoc cap. 11. & 14. & 16. & 17. & 20. & 28. & 29. & 33. & 34. & 36. & 37. & 38. & 39. Ac denique extrema prophetiæ capita, vbi de edificio templi, de ciuitate & de noua terræ promissæ diuisione, omnia continent lætissimum vaticinium de spiritali instauratione templi vrbis Ierosolymæ, & noui Israël. Atque ita Ecclesiastici 49. 11. hæc apponitur, vt summa prophetiæ Ezechielis. *Vidit conspectum gloriæ, quam ostendit illi Deus in curru Cherubin, nam commemoratus est inimicorum in imbre, benefecere illis, qui ostendunt vias rectas.* In quo (vt supra explicauimus) affirmatur prophetiæ principium esse desumptum à supplicio, quod Deus fuerat improbis illaturus: finem verò esse maxima beneficia, quibus Deus probos fuerat affecturus; simulque supplicia illa tanquam ad scopum dirigi ad munera ac beneficia, quibus prophetia terminatur. Quare dubiū non est, quin in Ezechielis libro sufficiens sit fundamentum, vt scriptio intus & foris referatur ad vtriusque paginæ distinctionem; quarum altera suppliciorum, altera beneficiorum sit.

Ad illa verò verba, *Scriptæ erant in eo lamentationes & carmen & vñ*, Origenes contendit carmen referri in eo loco debere ad festiua carmina & lætarum promissionum prophetias. Verum tamen non video, quàm firmum hoc sit ac solidum: nam ex Hebræo transfert Arias loco carminis, gemitus. Præterquam quod non duæ sunt dictiones sed tres: non autem videtur consonum, vt media dictio sit dua-

**A** bus extremis opposita. Vt ergo concedamus tria illa verba, *lamentationes & carmen & vñ*, referri ad prophetiam de supplicijs, vt Theodoretus & Pradus existimant; Propheta non affirmat, omnia quæ in eo libro continentur esse lugubria, & ad supplicium spectantia; hoc enim non est verum, atque aded à Propheta asseuerandum non est. Solum ergo ait, in sua prophetia complures esse lamentationes, lugubresque minas; quod tamen de altera tantum pagina intelligendum est; altera enim non continet nisi prosperas ac secundas pollicitationes. Et hanc ob rem asserit scriptum esse librum intus & foris. Cæterum cum in primis capitibus loqueretur de Dei seueritate; non opus fuit ibi plusquam alteram paginam exprimere.

**B** Aduerte præterea discrimen esse inter Ezechielis, Ioannisque volumina. Nam apud Ezechielem prima pagina continet pœnas; exorditur enim à militari curru ad Ierosolymæ excidium festinante: quod suppliciorum argumentum per capita multa continuatur: finis autem est spiritalis renouatio Ierosolymæ, & beneficia à Deo in nouum Israellem conferenda. At, voluminis à Ioanne visi prior pagina complectitur prima quatuor mysteria in quatuor equis figurata; quæ indicant Christum fuisse admirabilem eorum Saluatorem, qui ipsi se sponte subiecerunt: altera autem pagina rationem modumque præscribit, quo se gerit cum illis, qui ipsum recipere noluerunt; dum in eos vt iudex seuerissimus, æquissimus tamen, grauiter animaduertit. Hinc ergo est Ezechielem in secundo capite non expressè meminisse, nisi lamentationum atque gemituum.

**C** Superest explicare; quæ fuerit causa, cur Ezechielis liber non fuerit signatus, sed apertus? & quare illius in ore dulcedo, in ventre amaritudo apud Apocalypsin reservata sint ad librum alterum capituli decimi, qui scriptus non erat vtrâque in facie? Ad hæc igitur explicanda, obseruo, non expedire librum, cuius copia ipsi Propheta fit, esse signatum: librum autem Prophetæ deuorandum offerre, nihil aliud est, vt conitat, quam eidem librum communicare; ideoque nec liber, quem Ezechiel cap. 2. nec quem Ioannes cap. 10. viderunt, erat ob-signatus. Nam Spiritus sancti mens vtrouque erat, tum Ezechiel, tum Ioanni notitiam vtriusque libelli tradere. At verò in libro, quem Ioannes cap. 5. vtrâque parte conscriptum aspexit, non fuit intentio, vt ille rerum in eo libro contentarum notione imbueretur. Nam septem libri huius mysteria non ei noua aut inaudita erant, sed nota satis & cognita: optabat autem, quæ ipse de huiusmodi mysterijs cognorat, à Deo fieri vniuerso mundo manifesta: id quod Diuus Paulus summis ab ipso Deo precibus orat, & obtestatur; vt scilicet hominibus tribus earum rerum cognitionem, quas sibi ipsi reuelauerat de maximis bonis, quæ in Christo Redemptore habemus, *illuminatos oculos cordis vestri, vt sciatis*, &c. Propterea igitur cum hic sermo non sit de horum mysteriorum cognitione Ioanni impartienda (quod ipse iam illam fuisset assequutus) sed de reddenda ratione, cur Ioannes tantopere optaret, vt Deus velamen illud & integumentum Iudæis detraheret; ideo congruentissimum fuit, vt liber hic capitis 5. signatus fuerit, quamuis ille Ezechielis c. 2. apertus extiterit. Iam, quis sit libellus ille, qui Ioanni est in manus traditus c. 10. & cur illi dulcis in ore, in mente amarus fuerit; ibidem dicemus.

**D** Ex his elicitur, consentaneum fuisse, vt aliquid discriminis intercederet inter Ezechielis librum intus & foris scriptum, & librum Ioannis ob-signatum. Alter enim indicat prophetiam Ezechielis;

Inter libros  
Ezechielis  
& Ioannis  
visos discrimen.

Cur liber  
Ezechielis  
ostensus non  
sit signatus,  
sed apertus.

Ad Ephel.  
1. 18.

Quam sit  
congruent  
Ioannis &  
Ezechielis  
libros pecu-  
liari discrimi-  
ne esse  
distinctionem.

alter



alter eam Apocalypseos partem, quæ de septem sigillis agit. Veriusque tamen libri argumentum vnum idemque esse possumus affirmare: in utroque enim sermo est de maximis beneficijs, quibus benemeretur Deus de ijs omnibus, qui diuinæ ipsius providentiæ se subdunt; & de grauissimis calamitatibus, quas in perfidos & oblitatos immittit. Atque hæc est Scripturæ prophetiarum summa. Quamobrem egregie diuus Hieronymus notauit Ezechielis 2. eundem esse Ioannis & Ezechielis librum.

Faciamus iam gradum ad signatum librum de quo Isaia cap. 29. 11. *Erit vobis visio, sicut verba libri signati.* Neque enim dubito in libro Apocalypseos signato, ad signatum Isaia librum alludi. Atque ut appareat, non esse solum allusionem ad Isaia verba, sed perfectam etiam vnius loci cum altero collationem ac respectum; aduertendum est, quemadmodum in Apocalypsi agitur, prophetiarum complementum in admirando Dei opere, id est, in Christianæ Ecclesiæ fundatione & exaltatione; Iudæis fuisse librum septem sigillis obsignatum; ita etiam Isaia in eo c. 20. idem argumentum tractare: licet autem ad huius rei probationem possem me facile referre ad ea, quæ Forerius, & alij expositores in istud caput disputant; verum quia Apocalypseos allusio maximam lucem affert, opinor, illi capiti Isaia (vbi Propheta, ut aduertit Forerius, ingentem affectum obfcuritatem) dicam breuiter, quod sit illius Isaia capitis argumentum. Textus ipse sonat, Deum vr-

Libro Isaia signato quæ ratione hic Ioannis liber signatus per allusionem respondet.

Argumentum capitis Isaia 29.

A bem illam perfidam, quæ figuratè Ariel appellatur, seuero supplicio affecturam (vbi haud dubie de Ierosolyma sermo est) eamque exercitu hostili obsesurum, ac vastaturum: quando verò existimaerint hostes illam esse euerfam; eos tunc illudum iri, illorumque conatus irritos fore; gloriam Sionæ montis haudquaquam perituram. Atque hic est vbi affirmat Propheta Iudeos impletas iam prophetias visuros: tunc autem prophetiarum librum illis quasi signatum librum futurum. Hic est totius capitis contextus: vbi Spiritus sanctus, meo iudicio, voluit significare, adfore aliquando tempus, quo Deus Ierosolymæ ob eius flagitia debitas infligeret poenas, & excidium inferret per Romanorum exercitum: cum autem illi crederent eam esse deletam, tunc eorum spem fore eludendam. Ierosolymæ namque vrbs vastitatem futurum esse viam ad veram spiritualis Ierosolymæ, id est, Ecclesiæ primitiue exaltationem, nec non ad veram montis Sionis instaurationem: in qua tamen tum instauratione, tum etiam exaltatione oculos ac mentes Scribarum & Phariseorum maximeque Iudeorum partis obfcura caligine circumfusa fore; atque adeo tunc Scripturæ prophetias, postquam cumulatiuimè à Deo fuissent impletæ, obstinatorum Iudeorum oculis veluti librum fore signatum. Hic est totius capitis scopus, hæc Isaia mens. Ex quo palam fit, de vno eodemque libro, nec in diuerso sensu Ioannem & Isaia loqui, cum faciunt signati libri mentionem.

B

## NOTATIO II.

### Ad cap. 5. de abscondita Diuina providentiæ ratione.

D I X I M V S, mysteria in septem huius libri sigillis recondita, non esse alia, quam septem diuinæ providentiæ spiritus: qui summo opere delitescunt in ipsius providentiæ admirandis operibus; eoque plus, quo opera ipsa sunt magis admirabilia. Qua in re non exigua mentem pulsant difficultas; cuius solutionem maximo menti solatio futuram puto. Difficultas autem sita est in discrimine, quod reperimus inter illa opera, quæ Deus, ut auctor naturæ; & inter illa, quæ ut reipublicæ hominum moderator efficit. In illis enim prioribus tanta, tamque conspicua luce, Dei ipsius effulget providentiæ; ut qui eam non cernat, cæcus omnino sit. In secundi autem generis operibus tantopere hæc eadem providentiæ est abdita, & delitescens; ut ad eam intuendam lynceis oculis opus sit. Quare Regius Psaltes Psal. 103. 2. qui de primis agit operibus; ait, in illis maximè elucescere, *amittus lumine sicut vestimento*, & Pl. 17. n. 12. vbi de secundis operibus sermo est, inquit; *Posuit tenebras latibulum suum.* Et Psal. 96. n. 2. vbi de eisdem agitur, *Nubes & caligo in circuitu eius.*

Oportet ergo singula seorsum explicare. Primo in his operibus, quæ efficit Deus ut mundi opifex ac molitor, & naturalis creaturarum rerum procreator; ecquis adeo hebes ac rudis sit, qui cum oculos in cælum intendat, aut per terrarum orbem & rerum naturas circumferat, non euidentem inde summi conditoris eliciat cognitionem? Si satis est hominologium apprimè, fabrefactum atque compactum aspicere; aut elegantem aliquam picturam; ut pro certo comperiamus acutâ ingenij acie ac solerti indutria opus esse; ut tanta partium inter sese conuenientiâ & proportionem posset res adeo ingeniosa compingi: quis non videat quantò sublimius & excellentius emineat infinita Dei sapientia in rerum creaturarum coherentiâ; in beneficijs bonitas; potentia in operum magnitudine? Quis non infirmitatem Dei potestatem agnoscat in immanis calorû, planetarum ac syderum mole & granditate? In splendore & efficacia solis incredibili? In varietate, velocitate ac perpetuitate, qua cælorum globi ætduo motu circumferuntur? Iam si oculos ad

C hæc infima demittamus; quis non naturæ parentem & effectorem summa cum admiratione extollat, ac prædicet; qui ingens hoc ac solidum terræ pondus medio in aëre libravit, tantamque illi fecunditatē cum pulchritudinē, cum diuitijs inexplabilem indidit varietatem? Quid de maris immensitate? quid de fluminum perpetuo & infatigabili cursu? quid de lætissima plantarum diuersitate? quid denique de multiplici brutarum animantium naturæ dixerim? cum nulla res adeo sit exigua, nulla adeo abiecta bestiola, in qua diuinitatis vestigium haud obscurum non appareat.

Mihi quidem hæc est illa lux, quam Deus in ipso mundi exordio produxit; eaque luce res omnes creatas condidit, quæ adeo clara atque conspicua est, ut assiduo literarum studio opus non sit, sed vel oculis saltem corporis non omnino destitui ad splendorem hanc lucem perfruendam. Nam & si philosophi mentis aciem magis habent illius splendore illustratam, propter potiorē creaturarum rerum notitiam, quam longo literarum usu & exercitatione sunt assequuti: in hoc tamen idem ferè solet accidere, quod in suauissima vocum harmonia atque concentu; qui eos omnes, quotquot eum auribus excipiunt, licet musicæ artis periti non sint, maximè permulcet voluptate. Quin & ipsosmet philosophos, in occultis naturalium rerum arcanis, quorum assequi cognitionem non possunt, eo ipso quod difficultate superentur huius ignorationis tenebræ in conditoris lucem & cognitionem (ceu fumus in ignem) repente conuersæ, nouâ quadam intelligentiâ illustrant. Cernunt enim perspicuè quanta sit illius potestas ac sapientia, qui in re adeo parua tantum artificij & elegantia collocavit, quantum ipsi post multorum annorum studium cognoscere minimè possunt. Itaque tam in facilibus rebus, quam in difficilibus nullo negotio conditor omnium & archiectus cognosci potest. Ex quo apparet, quanta sit perspicuitas, qua Deus in rerum naturalium fabrica & structura notus hominibus manifestusque est.

At verò de diuinæ atque æternæ providentiæ ratione quid dicam? Si providentiæ consistit in rerum humanarum cura & reip. hominum gubernatione;

Lux, quam initio creauit Deus, quid mysticè.

Altera diuina providentiæ ratio hominibus occulta & abscondita.

Duplex diuina providentiæ ratio, cuius duplex crimen.

Dei, ut esset auctor nature, providentiæ quam sit omnibus perspicua ac manifesta.



curam hanc gubernationemque tantopere Deus in suis operibus abscondit ac tegit; vt aliqui ex veterum philosophorum albo, ex ijs (inquam) qui magno in pretio fuerunt, prouidentiam aut funditus de medio sustulerint, aut in dubium saltem reuocauerint: & ex fidelibus iustisque hominibus veri Dei imbutis cognitione nonnullis hæc cogitatio plurimum negotij faciliuerit, vt ipsimet fatentur non obscure in integris, ijsque insignibus sacræ Scripturæ capitibus. Et sanè in hac fidei veritate stabiles nos esse, firmosque oportet, ne lapsi miserè corruamus. Etenim si rerum humanarum prouidentia est; cur tantam scelerum ac flagitiorum in orbe sentinam patitur, cum possit ea facile impedire? Deinde quare tam magnam laborum, calamitatum, & ærumnarum infinitatem permittit, quibus miseri Adami filij assidue conflantur? Ecquis enim prudentissimus moderator ac princeps existeret, qui populos sibi subiectos ab ingruenti bello, à fame dominante, à grassante peste, cum posset, non eriperet? Tertiò; si quis respondeat, supplicia isthæc, verbera ac plagas propter peccata hominibus infligi; cur ita inæqualis est poena, vt alij in medio suorum flagitiorum & scelerum teterrimorum cursu exultent, atque triumphent; & prospero rerum euentu ac secundæ fortunæ statu prouehantur: alij, qui maxima præditi sanctimonia, & virtutum præsidio & comitatu sunt septi, inopes, miseri atque afflicti & aduersa semper fortuna iactati calamitosam vitam traducunt? Ad hæc; quis non admiretur ita diuersos & inæquales honoru gradus? Nam si optima administratio postulat, vt honores ac dignitates singulis, pro cuiusque meritis, impartiantur: cur tantopere rerum & æquitatis ordo inuertitur, vt sæpe indignissimos quosque & infra mortuos amandandos, ad sublime dignitatis fastigium & imperij culmine euectos aspiciamus; alios vero singulari prudentia, virtute & æquitate præditos, qui florentissima quæque regna feliciter administrare, ac regere valerent, summo cum dedecore ac probro repulso, priuatam degere vitam fortunæ telis & potentiorum calumnijs obnoxiam? Quod si magistratus sunt diuinæ prouidentie ministri; cur ita constitutum est, vt norit optimè princeps, suos ministros atque vicarios piratis & grassatoribus insolentiores impunè volitare, & eos annis quam plurimis nimium patienter ferat? Quorum omnino si remedium efficax in aliam distrahitur vitam, in hac saltem Dei prouidentia valde abdita est & occulta; neque eius perfectio humanis oculis cernitur, siquidem obliuionis potius, perturbationis & iniquitatis simulatio apparet; quam cura & rerum humanarum prouidentia.

Præterea si oculos conuertamus ad præcipua diuinæ prouidentie opera, cuiusmodi sunt humani generis redemptio, Christianæ Ecclesiæ fundatio; in his (inquam) ubi Deus excellere & eminere debuisset videbatur; adeo sese abdidit & occultauit, vt dixerit Iſaias cap. 45. 15. *Verè tu es Deus absconditus.* Nam pro maxima potentia, visa est in Christo debilis & imbecilla caro, & externa impotentia facies; quasi ab inimicis fuerit superatus: pro ingentibus beneficijs in suos conferendis, visus est eos quasi oues inter lupos mittere: pro ingenti æquitate, fortunis spoliavit eos, qui iuste possidebant, adigitque vt fame enecti interirent: pro summo & admirabili consilio ad suorum felicitatem procurandam, adeo fuit diuersa atque contraria species, quam præ se tulit; vt ad eorum dedecus atque perniciem, nec non maximam apud omnes sui ipsorum, sui que contemptum tendere videretur; vtque eos omnes pro stultis haberet mundus. Ex quo factum est, vt Dei tolerantia in Christi atque Ecclesiæ hostibus perferedis, nil aliud appareret, quam belli aduersus Iesum Christum gesti approbatio, aut saltem iniuriarum Christo, suisque illatarum dissimulatio, aut obliuio. Ex ferijs autem comminationibus senerissimisque supplicijs, quæ diuina prouidentia in Christi hostes immittebat, grauius & horribilius supplicium (vt potè spiritualis planè res) intellectu difficillimum erat. Porro minx ac poenæ, quæ sub oculorum cadebant aspectum, non plus in Christi hostes, quam in eius

familiares videbantur fulminari: vt in fame, bello, ac peste cernitur. Ac demum in generis humani redemptione, & in Ecclesiæ Christianæ erectione, septè diuinæ prouidentie spiritus eatenus latuerunt; vt quanto Dei opus erat præstantius & excellentius, tanto maiori cura & solertia tegeretur. Iuxta illud Ecclesiastici 11. 4. *Mirabilia opera Altissimi, & absconsa & inuisa opera illius.* Atque hæc videtur esse lux illa, de qua Eliu apud Iobum, cap. 36. 32 *In manibus* (id est, in operibus) *abscondit lucem: & annunciat de ea amico suo.* Denique qui mundum initio cum luce procreauit: cum mundum ipsum redempturus aduenit, mediæ noctis tenebras elegit: iuxta id Sapientie 18. 14. *Cum quietum silentium contineret omnia, & nox in suo cursu medium iter haberet, omnipotens sermo de celo à regalibus sedibus in terram profiliuit.*

Cum ergo aliorum Dei operum lucem, splendorem, aliorum tenebras & caliginè viderimus, subit protinus mentem cupiditas cognoscendi discriminis huius admirandæ rationem. Nam cum vnus sit idemque Deus & mundi architectus, & humani generis moderator; non videtur agendi ratio, qua in gubernatione vtitur, ita diuersa debere esse ab ea, quam in creationis operibus seruat. Quandoquidè nō minus mudo est necessaria prouidentie cognitio, quam creationis. Certè in admirandis hominū redemptionis, & Ecclesiæ fundationis operibus, primo aspectu videbatur in maiore Redemptoris gloriam, maiusque redemptorum solatium cessurum; si Deus maximam septem spirituum perfectionem tanta perspicuitate patefaceret, vt nullus eam non cognosceret. Etenim si nemo potest æternam animæ salutem adipisci absque Christi cognitione; si eius in terrarum orbè aduentus ad omnium procurandam salutem spectauit; minimè videtur appositum, vt hanc ad rem facitus, occultus & quasi personatus adueniat. Præsertim cum Messia aduentus non in eo communem prouidentiam imiteretur; quæ quantumuis licet abdita sit, naturalium tamen operum fulgor nobis affert suæ gubernationis euidentiam. At in redemptione humani generis, si Deus ipsam occultat; creata res nequaquam eam reterege posse videntur, nec nos aut Redemptoris imbuiere notitiā, aut certos de eius aduentu reddere.

Magna Christianæ philosophiæ pars sita est in apta huius difficultatis respōsione; ita vt intellectus tibi facile persuadeat, hanc prouidentie rationem esse præstantissimam; & quæ ad Dei gloriam, hominumque salutem vel maximè conferat. Quod ergo ad Dei gloriam spectat; in eo consistit responsio, vt probeatur, in optimo gubernandi modo fieri nō posse, vt opus aliquod sit summopere perfectum; si perfectionem ipsam primo aspectu ostendat, atque indicet. Planum namque est, ad Dei gloriam & honorem permagni interesse, vt ipsius gubernatio perfectissima sit. Quod si cum maxima perfectione stare non potest, vt illa aperta ac manifesta sit; qui optet Dei prouidentiam non esse occultam, optet etiam necessè est, vt perfecta non sit: quod Dei gloriæ valde aduersatur.

Quod igitur ad prouidentie perfectionem requiratur, vt ea sit valde abscondita; suadent in primis, illa Christi verba ad Paulum 2. ad Corinth. 12. 9. *Virtus in infirmitate perficitur.* Inde enim colligere similiter possumus, beneficentiam in specie rigoris, in prætexitu iniquitatis æquitatem, sapientiam in simulatione stultitiæ perfici: & pari ratione perfectissimam esse patientiam, quæ patientia non apparet: summam etiam comminationem, summamque seueritatem, quæ valde sunt corporeis oculis abscondita. Ac licet longiore tempore atque otio opus erat, & perspicaciori etiam ingenio ad difficilè hanc transactionem seriò euoluendam, eamque accuratè explicandam; nihilominus tamen vt præstantioribus ingenijs viam præmuniam, & quasi digito iter ostendam, obiter in singulis septem spirituum perstringam, quemadmodum eum magis fuit absconditi, suam tunc perfectionem magis prodant.

Animi virtus ac fortitudo imbecillitati, aut pusillanimitati contrariè opponitur. Atque vt intelligatur, quàm sit necessarium, vt maxima & perfectissima fortitudo infirmitatis speciem habeat; ad-

Exceditur, quàm sit recondita Dei prouidentia in rerum humanarum administratione.

Idem in hominum redemptionis operibus ponderatur.

Quanti Christianorum hominum inter se diuina prouidentia in mundi gubernatione cognitio.

Ad prouidentie perfectionem requiri, ut abscondita sit.



uerto, grauium iniuriarum dissimulationem, & in maximis reipublicæ detrimentis conniuentiam, haud dubiè speciem imbecillitatis, infirmitatisque in principe habere. Prasertim si iniuriæ eò usque procederent, vt in maximum principis ipsius contemptum & suorum ministrorum contumeliam, damnumque grauiissimum redundarent. Verùm si dissimulatio principis non ex animi ac virium defectione proueniret, sed potius in summæ fortitudinis ostensionem cederet, & in ingentem reipublicæ ipsius vtilitatem atque emolumentum: tunc sanè manifestum esset in ipsissima infirmitatis specie ac simulatione fortitudinis summæ ac perfectionem consistere; quia imò quo maior esset principis dignitas ac maiestas, quoque maior sui honoris æmulatio, & aduersus illas sibi in iurias indignatio; eò maiorem esse & sublimiorem fortitudinem, qua stomachum & iracundiam comprimeret. Notum est illud, *Fortior est quise, quam qui fortissima vincit Menia.* Quo in sensu dixit Moses, Num. 14. 17. *Magnificetur fortitudo Domini.* Nulla enim in re diuinæ virtutis ac fortitudinis vis ita effulget, vt in Dei ipsius iustissima indignatione & iracundia cohibenda; præcipuè vbi tantopere hominum flagitijs ac sceleribus irritatur. Id quod Ecclesia prædicat Dominica 10. post Pentecosten; *Deus, qui omnipotentiam tuam parcendo maxime & miserando manifestas.*

Vt autem clariùs enitescat, hoc esse summæ fortitudinis opus; nota virtuti ac fortitudini esse pro obiecto magnitudinem rei ipsius quam molitur; si nigræ verò diuinæ huius dissimulationis, ac veluti nō curantiæ, in tot tantisque hominum iniquitatibus semper est, maior & excellentior suæ virtutis in rebus difficillimis ostentatio: quod aliqui non ita facile exitum fortiretur. Etenim si permittit, magnum aliquem suum famulum ac ministrum v. g. Diuum Athanasium à toto penè terrarum orbe multorum annorum spacio validissimè oppugnari; ex tanta hac indignitate oritur, vt orbis vniersus vnus hominis Athanasij constantiæ ac fortitudinem obstupescat: cum videat illum cum tot ducibus & imperatoribus potentissimis, cum tot prouincijs ac regnis, cum tot gentibus ac nationibus acerrimè gerere bellum, & victorem inde gloriosissimè euadere. Vt iam facile hinc omnes eliciant, quantus sit, quam copiosus, quam iugis ac perennis ille virtutis & fortitudinis fons; ex quo tam admirabile, ac penè incredibile robur & magnitudo animi dimanant. Atque id quasi per transennam attigisse sit satis; vt lector tyrannidum & martyriorum permissionem & grauiissima alia mala, quæ in orbe perpetrantur percurrat in quibus Martyrum fortitudo ad Christi ipsorum capitis imitationem magnopere enitescit. Quin etiam Christus ipse in suis tormentis ac passione tantam infirmitatem voluit præ se ferre; vt cum æterno parente expositaret, vt tremere, vt in maximas redigeretur angustias: iuxta illa ipsius verba quæ nuper ad Paulum prolata dicebamus, *Virtus in infirmitate perficitur.* Et idcirco maior fuit in Christo imbecillitas sponte assumpta, quam in Martyribus; quia multo etiam erat maior fortitudo; & nostræ redemptionis opus, quod fuit aggressus, omnium quæ excogitari porere maximum & gloriosissimum; videlicet vt Dæmonem terribilissimum humani generis hostem ex mundi possessione exterminaret, vt suum Patrem æternum hominibus liberalissimum & celestibus diuitijs affluentem redderet; vt hominibus ipsis admirabile patientiæ & tolerantiae in laboribus, ærumnis, & martyrijs exemplum ob oculos proponeret; vt denique fluxarum rerum & caducarum contemptum, ac spiritualium & æternarum veram æstimationem doceret.

Beneficentiæ (vt de ipsa non nihil dicamus) obiectum est bonum illud, quod hominibus præstatur ei quæ opponitur maleficientia, quæ plurima & grauiissima mala in hominum genus inuehat. Perpicuum autem est tot peccatorum permissionem & calamitatum humano generi immisarum primò aspectu hominibus non salutarem, sed noxiam; nō commodam, sed exitialem videri. Ceterum si om-

nia accuratè expendamus, & hoc ipsum videamus in maius multo & præstabilius generis humani beneficium redundare; manifestò deducitur, summam beneficentiam maleficientiæ specie ac veluti laruâ obtegendam fore. Superest vt inspiciamus, an illa omnia mala in hominum bonum multo maius ac nobilissimum redundent. Quod licet difficultate non careat: cui tamen Deus suæ providentiæ perfectionis clarissimam lucem immittit, maximo est solatio intueri ac cernere; nullum esse damnum ac detrimentum adeò ingens, adeò commune, adeoque longum; ex quo Deus multo maiora & excellentiora bona non educat. Quo tandem facile sibi persuadent piorum hominum mentes, iure optimo dixisse Augustinum, tom. 3. in Enchiridio c. 27. *Melius iudicauit Deus de malis benefacere, quam mala nulla esse permittere.* Cuius sententiæ veritas multis in rebus est Christianis hominibus manifesta: vt in laboribus, & calamitatibus, quæ iustis diuino consilio accidunt; in quibus, vt ait idem Augustinus lib. 83. quest. q. 82. *Nulla causa probabilior occurrit, cur isti homines laborent plerumque in hac vita; nisi quia hoc eis expedit.* Et licet grauiissimi sint labores: si illis quasi gradibus quibuscumque ad maximum & celsissimum æternæ gloriæ præmium conscenditur; oportuit summam beneficentiam amicis ac familiaribus labores immittere grauiiores. In permissione etiam peccatorum, quæ prædestinati committunt, & illi qui ipsos exercent & excoquunt (quales sunt tyranni, atque hostes) facile etiam est animaduertere ex his omnibus ingentem Deum vtilitatem & bona incredibilia elicere. Quod autem pauci veram animæ salutem consequantur, comparatione eorum, qui in æternum ruunt interitum; nihil hoc diuinæ beneficentiæ gloriam imminuit. Nam vt periti gemularij preciosissimum aliquem adamantem aut nobilissimum carbunculum tanti æstimant, vt ad eum elaborandum & expoliendum, non dubitent quàm plurimos alios lapidos minoris æstimationis infumere: ita etiam rationi consentaneum est, vt Deus sanctissimum aliquem virum pluris, quàm multos alios nullius probitatis faciat, & pro gemme illius preciosissimæ perfectione sexcentorum vilium & improborum iacturam permittat. Ad diuinam beneficentiam maxime spectabat dirigere homines ac deducere ad magnam & perfectam sanctimoniam: quam vt prædestinati consequantur, quæcunque alia mala permittuntur, debent summæ beneficentiæ tribui; quantumuis videatur totius mundi pax atque tranquillitas perturbari, & nationes bellicæ exardeant, ac prouinciæ vastentur. Et licet non adhuc difficultate careat plurimorum malorum consideratio, quæ nulli electorū vtilitati & emolumento videntur inferuire: cuiusmodi sunt Sinarum, ac lapponiorum aniles Idolorū superstitiones; pestes etiā in eas immisæ gentes, quæ in inferorum barathrū miserè deturbantur; certissimè tamen credendum est, istorum malorum nullū à Deo permitti, ex quo non ingentes vtilitates & multo maiora bona decerpant. Quod autè id nostri ingenij imbecillitate nō assequi possimus; hoc sanè non per infinitā Dei beneficentiā, sed per nostri ingenij tenuitatem stat.

Æquitatis munus est, omnes ratione ac iustitia administrare, & nulli iniuriam facere. Quare Dei æquitati videtur esse contraria magna inæqualitas; qua huiusce vitæ bona, fortunæ atque honores dissipantur, cum multa sepe tribuantur immerentibus, meritis pauca & exigua. Enimvero hæc iniquitatis species perfectæ æquitati erat congruentissima. Nihil enim æquius, quàm vt de suis bonis vnusquisque prout ipse velit, largiatur. Quod vt melius præstetur, operæ pretium est, si quis v. g. mille nummos aureos quatuor hominibus diuidat, ne singulis ducentos & quinquaginta tribuat; ne fortè videatur ad equalem illam distributionem teneri restrictus; sed potius diuidat oportet singulis prout vult, vt ait Paulus 1. Cor. 12. 11. Quod si ad huiusmodi æqualitatem exercendam plures aliæ causæ & aptissima congruentiæ ad commune bonum, aut varios ac diuersos fines spectantes illum, qui sua largitur, permouerent; tunc verò perspicuum est multo plus rationem & æquitatem eminere in eo ipso,

Beneficenti-  
am sub ma-  
leficentia  
simulatione  
maximè  
eminere.

Melius Deo  
visum de  
malis bene  
facere,  
quàm mala  
nulla per-  
mittere.

Æquitatem  
sub specie  
iniquitatis  
plurimum  
enitescere.

Summas  
providentiæ  
virtutes  
sub contra-  
riorum spe-  
cie dissimu-  
lare quàm  
si glorio-  
sum.

Ouidius.

Fortitudinis  
obiectum  
quod sit.

Fortitudo  
sub imbecil-  
litate  
specie quan-  
topere elin-  
ceat.

Cur Chri-  
stus in sua  
passione  
tantam va-  
lens infir-  
mitatem  
pro se ferre.

Obiectum  
beneficentiæ  
quod sit.



quod iniquitatis facie pretendit. Quid, si ipsismet, inter quos fit hæc partitio, illa diuidenti ratio, aut modus expediret inprimis. Tunc facile quisque videre potest, quemadmodum in diuersorum stomachis æqualitas non consistit, vt cibus æquè in omnes ingeratur, sed potius pro cuiusque nativo calore & ingenua vi singulis distribuatur: sic etiam in huius vitæ bonorum partitione perfectam æqualitatem esse sitam in eo, quod sæpè iniquitatis habet speciem. Quare, si cibi portio, victusque communis homini alicui iusto parcè ac tenuiter concessus fuit, ne satietate nimia ac tædio affectus recalcitraret; & ne forte satius illicetur ad negandum, Prouerb. 30. 8. quid tunc ipsa inæqualitas æquius? simili ratione posset idem argumentum ad multa alia se extendere. Quod autem de se familiari ac fortunis dixi; idem etiam intelligatur velim de honoribus & probis, de firma & infirma valetudine, de voluptate atque dolore. Preterea nulla maior inæqualitas excogitari videbatur posse, quàm ea, quam in Christo Domino Pater æternus exercuit; cum hominum optimo atque sanctissimo acerbissimas infligit plagas, atque dolores grauissimos inuolit. Sub quo tamen iniquitatis integumento maxima deliquit æquitas; qua Diuinæ iustitiæ ex toto (quod aiunt) rigore satisfecit.

Sequitur sapientia & admirabile consilium maximorum gubernatorum proprium; cuius extat exemplum in Salomone, 3. Regum 3. cuius virtutis excellentiam ac perfectionem facili negotio apparet in eo consistere, vt eiusmodi elegantur consilia, quæ prima facie videantur stultitiam præ se ferre (ne forte illi, quibus celari oportet consilium, illud præcaueant: ) postea tamen probet exitus, id quod stultum videbatur, summæ prudentiæ fuisse. Notum autem est, quàm merito dixerit Paulus, 1. Cor. 1. 25. Quod stultum est Dei, &c. Itaque quod Deus ad Christi & Ecclesiæ exaltationem ipsi rebus fuerit usus, quæ in Christiani nominis abiectio & interitum videbantur redundare; id procul dubio altissima Dei prouidentia dignum exitit.

Patientia non dubium est, quin eò sit maior, quod plus tolerat ac dissimulat. Cum autem maximus esset momenti humano generi, vt se Deus cum illo valde patienter gereret (de quo multi latè & optimè) excellentissima huius patientiæ perfectio est; vt patientiæ speciem non habeat, sed obliuionis potius, aut conuiuentiæ. Quare quod Deus tantopere hominum peccata se videre dissimulet; vt improbi ac scelerati suspicentur interdum Deum ipsum nihil omnino de ipsorum offensis curare; hoc (inquã) immensam Dei patientiam extollit inprimis, atque comendat. Nec ideo iustitiæ partes obliuioni tradit: quinimò quod plus peccatores tolerat & expectat, eò plus iustitiam iræ & indignationis congerit aduersus ipsos, & in præfinitum vindictæ tempus asferuat. Id quod eleganter Valerius Max. expremit lib. 1. cap. 1. Lento gradu ad vindictam sui diuina procedit ira, tarditatēque supplicii grauitate compensat.

Restat seriæ minæ, & ieuerrima huius vitæ supplicia, quorum vtrique non admodum essent magna, nisi ita abdita forent, vt ad eorum cognitionē cælesti luce opus esset. Nulla enim maior, nulla grauior in peccatores comminatio, quàm Christi Redemptoris nostri tormenta & passio; iuxta ipsius verba: Si in viridi ligno hæc faciunt, in arido quid fiet? Lucæ 23. 31. Verum nihil Iudæorum oculis magis occultum & absconditum. Deinde nullas Deus acerbiores plagas in hac vita hominibus immittit, quàm cum eos effrenatis sui cordis desiderij, totos tradit, vt suis cupiditatibus obsequantur, & morem gerat; vt illatas sibi iniurias persequantur; vt in cordis duritiæ & obstinatione permaneant. Quis tamè plagarum huiusmodi seueritatem absque Christi Spiritu possit cognoscere? Constat igitur ex dictis summam septem diuinæ prouidentię spirituum perfectionem requirere, vt in suis operibus valde sint reconditi & abstrusi; atque adeo verissimam rationem absconditæ prouidentię esse summam ipsius perfectionem. Quamobrem nisi Dei gubernatio dissimulatione & obliuionis facie regeretur; sed eiusmodi esset, vt facili oculis cerni possent & iusto-

rum hominum beneficia ac premia, & iniustorum in pœnæ ac supplicia; nec tyrannorum indignitates, nec prauorum ministrorum iniurias pateretur: si denique gubernandi ratio Christi Domini esset eiusmodi, qualem sibi Iudæi confingunt in Messia, quem adhuc nequicquam expectant; si, inquam, hanc gubernandi rationem intiret Christus; eam imperfectionis arguere multis argumentis possemus: nec illius exitus ac finis in maxima Ecclesiæ sanctitate terminaretur, sed summum in magna puerilium hominum multitudine prosperè & voluptuosè degentium.

Inferiores certè iudices ac moderatores (quorum iurisdictio & prouidentia ad externas tantum res se extendit, idque parcè atque districtè, nec diutius, quàm pro exigua vitalis lucis vsura) hi quidem, qui nec alia premia possunt nec supplicia inferre, nisi corporea & temporanea; necessariò debent suæ gubernationis aequitatem propalam ostendere. At æternus Deus inuisibilis & immortalis, qui præcipuè magnam animorum sanctitatem debet attendere, eamque premio afficere sempiterno; à se ipso descisceret, si suam deregens prouidentiam, ipsius perfectionem impediret. Perspicuum verò est, illam impeditum iri, si eo modo gubernaret, vt homines in rerum terrestrium ac temporalium æstimatione fixi residerent; nec ad insignes virtutes & sanctimoniz totius culmen aspirarent.

His, quæ diximus, satis obiectionibus fecimus, quas initio proposuimus. Quarum extremæ præpòdeo, ex eo quod vnus sit rerum omnium præcreator, idemque rector; non probari, eundem illi ordinem esse in vtrisque operationibus seruandum. Nam & ad ipsius gloriam, & ad suæ reip. commodum ac felicitatem maximè interest, in alijs operibus ipsius tegi prouidentiam, in alijs reteggi. Quod verò opponitur, durum scilicet arduumque; videri, vt nobis ita celeriter, quod tantopere nostræ salutis refert: ad hoc respondeo, Dei consilium & æternam rationem satis opportunè prouidisse necessitati, quæ ipsius prouidentiam cognoscendi nobis erat. Primo, quia lux ipsa, qua in naturalium rerum efficiencia sese nobis creator ostendit, euidenter demonstrat, summum gubernatorem, qui hanc calorū terræque machinam ex nihilo hominum vsui & vtilitati cōdidit, minimè partis nobilitatæ, id est, hominum gubernationis curam abiecturum. Deinde vt sopitos excitet Deus, & propriæ salutis negligentes stimulet, & inflammet; decernit plerumque sapientissimè, vt obscura suæ prouidentię nubes tonitruis horribilibus, & intermicantibus fulguris nos ipsos terreat; atque adeo admoneat, Deum nequaquam desidem & inertem somno conuiuere. Dicā clariùs, plurima Dei opera admiranda, & totius naturæ cursum excedentia efficiunt, vt lucis radij ex medijs tenebris & atra caligine erumpant, & omnibus perspicuum sit, Deum maximam de humano genere curam gerere. Tertio, quemadmodum naturalia Dei opera, magna satis luce nobis communem indicant & ordinariam prouidentiam, ita etiam supranaturalia opera, diuina quadam luce redemptionē mundi, & verā Christi Ecclesiæ hominibus ostendunt. Itaque licet cōgruens valde fuerit, vt egregium humanæ redemptionis facinus summopere dissimularetur; iuxta id Isaia 28. 21. Vt faciat opus suum, alienū opus eius ab eo, & peregrinum. Euidencia tamen, quæ ex prophetiarum complemento, & ex miraculis stupendis fuit exorta, perspicuè credibilem hanc supranaturalem prouidentiam, & hominum redemptionem reddidit. Atque id pro huius notationis scopo delibasse sit satis, iuxta quæ ratiocinandi modum, in sanctissimæ Christi crucis consideratione, necnon Christianæ Ecclesiæ foundationis, possumus, discursu per septē Dei Spiritus facto, maxima cum voluptate philosophari, & attentè contemplari, quàm fuerit admirabilis diuini consilij ratio, vt horum cælestium Silenorum species esset valde deformis; vt maximus splendor & pulchritudo inibi delitescencia maiorem excitarent in contemplantium fidelium animis admirationem.

Cur inferiores mo-  
d. ratores  
expediat sua  
gubernatio-  
nis aequitatem  
patefacere;  
Deo videri id  
non sit ne-  
cesse.

Propositi  
inissio diffi-  
cultatum  
solutio.

Quamuis  
Dei prou-  
dentia in  
mundis ad-  
ministratio-  
ne sit sepe  
occulta:  
semper ta-  
men sui vo-  
luntatis ho-  
minibus in re-  
bus ipsis re-  
laqueare.

Euidencia  
credibilis  
ex mul-  
tis argum-  
tis persua-  
dere su-  
pranatura-  
lis Dei prou-  
identię  
æquitatem.

Sapientiam  
sub stultitia  
simulatione  
magnopere  
persici.

Patientiam  
obliuionis  
aut conui-  
uentiæ spe-  
cie sapienter  
obtegi.

Minas ac  
supplicia  
sapienter  
sem sepe  
occultari.



## T E X T V S.

*Vers. 2.* Et vidi angelum fortem prædicantem voce magna; Quis est dignus aperire librum, & soluere signacula eius?

## C O M M E N T A R I V S.

**I**N hac visione expediuit, vt qui clamorem fuerat editurus; forti esset ac robusta statura, quòd vox ipsa maiori contentione emitteretur. Ingentis verò vocis mysterium est, vt significetur rem esse maximi ponderis, & dignam, quæ ad omnium aures noticiamque perueniat; videlicet nullam esse puram creaturam, quæ prædictum librum aperire, & ipsius valeat soluere signacula. Si quis autem roget, Vtrum in hoc clamore ad aliquem Scripturæ locum respiciatur? Respondeo fortè in eo alludi ad vltima Osee verba cap. 14. 10. *Quis sapiens, & intelligit ista? intelligens, & sciet hæc? quia rectæ viæ Domini, & iusti ambulabunt in eis: prauaricatores verò corruent in eis.* Hæc enim verba referri videntur ad futuram difficultatem in cognoscendo rectam viam esse illam, qua Christi discipuli gradiebantur; ipsosque esse verè felices (quod est primorum quatuor sigillorum mysterium) reprobos autè esse Christi aduersarios (quod est mysterium reliquorum trium sigillorum.) Quod autem Osee fortis angelus appelletur; coharet optimè cum ijs, quæ Diuus Epiphanius in eius vita describit; ipsum scilicet suorum verborum vi ingentem quercum in partes duodecim diuississe: congruit etiam optimè cum Osee prophetiæ argumento, in quo maxima cum sublimitate agit de Israelitici populi reprobatione, & felicitate eorum, qui Christum recepturi erant. Vide c. 8. i. vbi ei præcipitur, vt clangore terrifico diuinam vindictam Israelis populo comminetur. De illorum autem prospera ac felici fortuna, qui Christum fuerunt suscepturi, expressè agit Osee cap. 2. 11. & 13. & 14.

Ceterum non magni admodum refert, fortem Angelum hic Ioanni ostensum Osee figuram esse. Alij enim Scripturæ sunt loci, qui eandem continent sententiam. Quare si cui credere lubeat allusionem hoc in loco fieri ad ea verba Pauli, 1. Corinth. 2. 11. *Quæ sunt Dei, nemo cognouit, nisi spiritus Dei;* facile ei optionem dabo.

• **QUIS EST DIGNUS.]** De facultate aperiendi librum sermo est. Sed quia hæc facultas prærequirit dignitatem; ideo dicitur, *quis est dignus aperire librum?* Aperiendi enim facultas ei solum conceditur, qui est dignus.

**APERIRE LIBRUM, ET SOLVERE SIGNACULA.]** Id est, aperire soluendo signacula. Nec verò est, cur nouum alicui videtur, non esse res distinctas *aperire & soluere*; quia sæpe particula & est exegetica, vt aiunt. Et fortassis habet emphasim hic modus loquendi: auget enim difficultatem rei, quod additur de septem signaculis. Vt si quis dicat, temerarium esse, audere quempiam sine Principis facultate aperire ipsius literas; præsertim si pluribus regijs sigillis obsignatæ sint.

His præiactis, explicandum est, quid sit aperire librum illum; & in quo sensu dicatur fuisse clausus & signatus? Multi videntur statuere, cum Ioanni facta est hæc reuelatio, neminem illius libri mysteria cognouisse, neque in celo, neque in terra; hoc est, neminem etiam ex Angelis siue beatis. Atque in hoc nituntur, vt credant huiusmodi librum non esse librum prophetiarum veteris testamenti, nec doctrinæ Euangelicæ arcanorum; sed ipsummet Apocalypseo librum. Quin etiam Ribera noster in eam partem propendet, vt visio iithæc fuerit vaticinium præsignificans librum hunc Apocalypseo complicatum, clausum, & obsignatum fore; ita vt nemo intelligeret: donec Christus in extremis mundi senescentis temporibus librum aperiret, eiusque sigilla relinqueret. Præterea quòd Christus librum hunc aperiat, multi referunt ad prophetiarum complementum; existimantes illius prophetias, ipso rerum prædictarum euentu, claras & manifestas fore: itaque idem esse impleri prophetias, ac librum aperiri. Verum huiusmodi opiniones neutiquam consonant cum ijs, quæ supra asseruimus; nempe librum signatum, quem Ioannes vidit, non esse alium, quàm veteris testamenti prophetias de felicitate Iudæorum Christum recipientium, & de eorum infelicitate, qui ipsum respicerent. Atque hæc est, vt vidimus, Patrum & veterum exppositorum sententia; quæ sine dubio omnia, quæ textus ait in septem sigillorum apertione accidisse, apprime quadrat. Infra autem ostendam, nullam præterea declarationem consentire posse cum illis verbis, *Ecce venit leo de tribu Iudæ, aperire librum & soluere signacula eius.*

Illud ergo reliquum sit; vt explicemus, cur repræsentetur librum ad huc esse clausum atque signatum; & Ioannem lachrymas effundere, quòd reperiretur nemo, qui librum reseraret; cum exploratum sit, septem sigillorum mysteria in eo sensu, quo nos accipimus, multos iam annos Apostolis, & Christianæ Ecclesiæ fuisse reuelata. Hoc, vt explicem, aduerto primò; mysteria ipsa, quæ Deus Apostolis & fidelium multis palam fecit, infidelibus adhuc occulta & abdita remansisse; & aliquà etiam ex parte nonnullis fidelibus. Quamobrem ipsemet liber, postquam alijs explicatus fuit, complicatus tamen alijs atque signatus restitit. Ideoque æquissime & significantissime indicatur, librum clausum adhuc & signatum septem sigillis manere: solumque Christum posse ipsum aperire. Exemplum esto id, quod Paulus ait 2. Corinth. 3. 14. *Vsque in hodiernum diem id ipsum velamen in lectione veteris testamenti manet non reuelatum. Quoniam in Christo euatuatur: sed vsque in hodiernum diem, cum legitur Moyses, velamen positum est super cor eorum. Cum autem conuersus fuerit ad Dominum, auferetur velamen.*

*Voci magnæ mysterium quod sit.*

*Ad quod Scriptura loci allusio fiat in hoc foris angelus clamore.*

*Osee in hoc foris angelus signari, videtur probabile.*

*Aperire & soluere signacula pro eodem sumi.*

*Quid sit librum aperire, dissolui inter expostores est.*

*Vera librum aperiendi ratio & explicatio.*

*Cur liber tunc Ioanni clausus adhuc & obsignatus repræsentetur.*



*Aperire librum quo sensu hic grammaticè accipiendū.*

*Cur Ioannes fletus, nemo fletum suum effundit, qui librum referat.*

*Christiane Ecclesie gloriam in ipsius persecutionibus & martyrii tormentis delitescit, vel demones ipsos latuisse.*

*Qui à signato hoc libro veteris testamenti prophetias excludunt, minime scopum attingunt.*

Secundo, ex contextu ipso videtur constare; aperire librum, idem esse, ac reliquis aperire illam, qui satis nouerant, quid ipse liber contineret. Agnus enim, qui librum aperuisse perhibetur, nemo dubitat, quin ante omnes libri mysteria intellexerit: librum ergo aperire, idem erit, ac exponere reliquis libris ipsius mysteria. Et latine quidem hæc phrasys *librum aperire* facile in eo sensu sumitur, ut alijs eundem librum explicet. Quapropter nulla ratione admittendum est, Ioanni, animalibus & senioribus libri huius mysteria fuisse incognita: illa enim Christi Spiritu adiuti satis nouerant; iuxta illud Pauli 1. Cor. 2. 10. *Nobis autem reuelauit Deus per Spiritum suum*, sed nondum aliqui poterant hunc librum reliquis aperire, & explicare; nisi hanc ad rem Christus eis suum Spiritum suggereret: id namque est aperire librum, & soluere signacula eius. Porro Ioannes non ideo illacrymabatur, quod libri mysteria intelligere optaret; cum sibi iam explicata fuissent; sed quod videret librum clausum hætenus infidelibus, ob eorum obstinationem, manere. Quia etiam ni Ioannes mysteria libri calluisset; non ita vehementer flet eorum, qui illa non norant, extremam miseriam: neque enim tanti librum non cognitum æstimaret, nec Iudæorum ignorantium vicem tantopere doleret. At verò quia mysteria eiusmodi animo penitus imbiberat; ideo & illa tanti ducebat, & Iudæorum suum atque ariditatem deplorabat.

Tertiò, valde à vera intelligentia aberrant ij, qui putant prophetiarum complementò librum hunc aperiri. Etenim licet verum sit, cum prophetias esse impletas constat, librum reapse apertum manere illis, qui ipsas impletas iam esse vident. Hic tamen de hac aperiendi ratione minime agitur, sed quod euoluatur, cum inuolutum est. Nunquam autem magis est clausus, magisque signatus, quam cum verè implentur prophetiæ; hoc est, cum liber est in dextera sedentis in throno (ut supra explicauimus.) & ipsum aperire, nihil est aliud quam Dei mysteria reuelare; quod fit per Spiritum Christi; ut docet Paulus, 1. Cor. 2. 10. Fiet hoc exemplis illustrius. In Christi Domini nostri passione magna prophetiarum pars impleta est: ita tamen recte ac dissimulanter, ut vel ipsi Demones etsi nimis anxij atque solliciti; re tamen ipsa id non intellexerint; si enim cognouissent, nunquam Dominum gloria crucifixissent. Nam cum ipsi Iudæos ardentibus furij in Christum concitauerint, ut eum in crucem suffigerent; non dubium est, quin ipsos lateret omnino maximum bonum. Ad ea Christi cruce in vniuersos homines fuerat deriuandum. Simili etiam ratione in martyrum tormentis, in Ecclesiæ persecutionibus, maxima Ecclesiæ ipsius gloria & exaltatio erat abscondita. Cum autem hoc opere præstabatur, demones, qui sæuienti persecutioni faces subdebant, altissimum Dei consilium non assequebantur. Si ergo demones ipsos præteruolabat, quantum magis mundanos homines in rerum terrestrium voluptate & cogitatione defixos? Constat ergo, prophetias, ipso etiam tempore, quo implebantur, maxime esse signatas; & eas tum referari nihil esse aliud, quam Christum sui Spiritus copiam hominibus facere, ut eas possint agnoscere; idque in gloriam Christi singularem redundare.

Quartò optatum finem non assequuntur interpretes, qui affirmant, signatum librum non esse veteris testamenti prophetias, sed nouas Apocalypseos; quæ nullierant notæ, quo tempore Ioanni hæc visio ostensa est. Quod quidem si ad septem sigillorum mysteria referendum est; primum sigillum ij omnes de Christi imperio exponunt, atqui nemini dubium est, huiusmodi mysterium Apostolis innotuisse, priusquam Ioanni reuelaretur Apocalypsis. Idemque constat manifestè de nonnullis alijs sigillorum mysterijs iuxta ipsorum expositionem. Et quamuis inter illa res aliquas annumerent, quarum notitiâ Apostolos tunc fuisse imbutos non constet; quod tamen ipsis nondum erat reuelatum, Ecclesiam scire non magni intererat; nec verisimile id est in septem sigillorum libro contineri; neque erat cur Ioannes flet eâ cupiditate permotus, ut isthæc Ecclesiæ palam fierent.

## T E X T V S.

*Vers. 3.* Et nemo poterat neque in cælo, neque in terra, neque subtus terram aperire librum, neque respicere illum.

## C O M M E N T A R I V S.

In primis, versu præcedente exploratum manet, quod nunc additur, *nemo poterat aperire*, non significare, nullum ex ijs qui in cælo sunt, intelligere mysteria, quæ in libro illo claudabantur; sed nullum posse mysteria illa mundo explicare. Non enim cognosci valere absque Christi Spiritu, quem Christus ipse solus largiri potest.

Deinde, in ea distributione *neque in cælo, neque in terra, neque subtus terram*, aliquis in difficultatem fortè incurreret, existimans illam superuacaneam esse. Quod enim Angeli atque beati, qui Dei conspectu fruuntur, assequi non possunt; multò minùs superstitibus adhuc in terra assequuntur. Ad hoc tamen dico, verbum illud *in cælo*, non designare solum cælites ipsos, sed etiam omnes primitiue Ecclesiæ Christianos. Etenim iuxta vsitatâ in Apocalypsi locutionem, ij, quorû conuersatio in cælis est (cuiusmodi erant primi illi Christiani) in cælo esse dicuntur. & idcirco videt Ioannes in cælo thronum,

anti-



A animalia, & seniores. At Iudæi, qui non recipiebant Christum, dicuntur esse in terra (sicut etiam Gentiles in mari esse dicuntur, de quo aliàs :) Dæmones autem dicuntur esse sub terra. Quos loquendi modos inficiabitur nemo anigmaticæ Apocalypsicæ locutioni esse consentaneos. Vbi autem semel statuatur, hunc esse sensum distributionis illius, *nemo poterat neque in calo, neque in terra, neque subtus terram*: facile mox cernitur illam non esse superuacaneam, sed valde congruentem. Idem namque valet, ac si diceretur, ut mundo palam fieret in eo, quod primitiua Ecclesiæ tempore accidebat, veteres impleri prophetias: nec satis esse, quod Christiani ex Christi reuelatione nouerant; nec Scripturarum notionem, quam Scribæ & Pharisei se habere gloriabantur; nec Dæmonum scientiam & subtilitatem. Nam libri illius arcana propria sunt diuinæ sapientiæ; *Et quæ sunt Dei nemo cognouit, nisi Spiritus Dei.* Quare nemo poterat eorum mysteriorum cognitione informari, nisi Christus ipse suum illi Spiritum impartiret. His explicata satis manet prima illa versiculi pars, *nemo poterat, neque in calo, neque in terra, neque subtus terram aperire librum.*

B Sed quid est, quod sequitur, *neque respicere illum*? Certum enim est omnes in eo confessi existentes librum respicere. Nam ut de libro, quem omnes in principis dextera videbant, prædicatur, *quis est dignus aperire librum, & soluere signacula eius*? Ad hoc dico primò, idem in præsentem esse librum respicere, & videre illum: quia idem est verbum græcè in versu sequenti, cum dicitur, *neque videre eum*. Secundò, dico, bifariam dici posse aliquem vidisse librum: primò cum libri molem aspexit; licet ipsum non aperuerit, nec legerit: Secundò quando librum euoluit, atque perlegit: quo in sensu plerumque dicere solemus, non vidi Augustinum, id est, eius libros non aperui, neque legi. In hoc ergo secundo sensu sermonem esse in præsentem patet ex contextu: sed aperire, ac legere librum refertur hinc ad libri ipsius mysteria. Vnde qui ea non percipit, magnâ cum enervia, dicitur non vidisse librum.

C Hinc tamen inferet fortasse aliquis, meam expositionem non sibi constare. Hactenus enim dixeram non esse ita intelligendum, ut nemo libri mysteria nouerit; sed, ut nemo possit illa hominibus explicare. Nunc verò, cum textus addat, *neque respicere illum*, cogor hæc verba de libri mysteriorum intellectu explicare. Non igitur asseritur solum in contextu, neminem posse librum reliquis aperire; sed etiam, neminem comprehendisse libri mysteria, quando Ioanni facta est reuelatio. Respondeo magnam esse horum verborum viam & elegantiam: quæ ut melius percipiatur, obseruandum est huiusmodi in eis ordinem inesse, *nemo poterat aperire, nec videre librum*, quantumvis *videre* sit intelligere; & *aperire* sit alijs exponere, & declarare. Et certe primo aspectu videtur verborum ordo inuersus: quia primum est intelligere librum; & intellectionem sequitur explicatio alijs & declaratio. Ceterum Angeli clamor & præconium non agebat de intellectione libri; sed de apertione siue explicatione; illa enim fuit Angeli vox, *Quis est dignus aperire librum, & soluere signacula eius*? Itaque directe sermo erat de apertione. Vnde quod additur, *neque respicere illum*; intelligendum est de ea visione, quæ libri apertionem subsequi videtur: cumque nemo fuerit dignus aperire librum, nisi solus Agnus, id saltem fore videbatur, ut postquam Agnus librum aperuisset, eiusque sigilla resignasset; possent alij quicumque ad librum accedere, illum legere, & eius arcana perscrutari. Quod ut nemo suspicetur, propterea additur, *nec videre eum*. Quod est dicere, non solum neminem esse dignum soluere librum; sed etiam postquam librum ipsum Christus alijs aperuit, posse neminem ipsum legere; nisi à Christo ad eius resignationem, lectionem, & intellectionem singulari beneficio introducatur. Reconditus autem sensus est, tanta esse, tamque abstrusa & arcana huius libri mysteria; ut ad eum sapienter legendum & intelligendum, non mihi sufficiat Christum alijs aperire ac resignare; ut mihi quisquam absque singulari Christi ipsius auxilio possit illum exponere. Semper enim liber obsignatus mihi manet, donec Christus suum mihi spiritum suppeditet, & sigilla resignet.

Librum respicere, quo sensu dicitur.

Videre librum bifariam accipi posse.

Fulcitur eadem de respiciendo libro explicatio oblationis solutione.

In verbis histeron proteron videri, quod non sine mysterio.

## T E X T V S.

Vers. 4. Et ego flebam multum, quoniam nemo dignus inuentus est aperire librum, nec videre eum.

E Græca quidem habent, *Nemo dignus inuentus est aperire, nec legere, nec videre.* Illa tamen verba nec legere, procul dubio non sunt ex textu. Nam legere in cluditur in videre, ut ex suprâ dictis constat. De Ioannis autem fletu & eius causa satis iam diximus.



## T E X T V S.

*Vers. 5.* Et vnus de senioribus dixit mihi, Ne fleueris : Ecce vicit leo de tribu Iuda, radix David, aperire librum, & soluere septem signacula eius.

## C O M M E N T A R I V S.

**O**CCURRIT hic difficultas, cur scilicet Ioannem plorantem vnus de senioribus consoletur? Nam iuxta nostram declarationem, Ioanni congruit symbolum quatuor animalium; quæ coniunctiora sunt Deo, quam ipsi seniores. Inter Apostolos verò nullus plus gratiâ pollebat apud Christum, quam Ioannes, nullusque cælestium arcanorum plus participauit. Quid ergo sibi vult, vt ploret Ioannes, & de senioribus vnus ipsum his verbis soletur; *Ne fleueris, Ecce vicit leo de tribu Iuda, aperire librum, & soluere septem signacula eius*? Numquid seniorum aliquis erat harum rerum peritior Ioanne? Si igitur seniores erant inferiores illo; quânam inferior superiorem solatur, & docet? Existimabit nonnemo ab hac se difficultate expediri, si asserat viginti quatuor seniores, quos Ioannis aspexit, in æterna beatitudine Dei conspectu tunc frui; atque adeo quemlibet beatorum plus assequi cognitione, quam quemlibet alium eorum, qui in terris adhuc vitam degunt. Sed suprâ iam viuimus, in hac visione seniores non Ioanni fuisse ostensos in celorum beatitudine, sed in cælestis conuersationis cellitate. Præterquamquod minime ignorabat Ioannes, quod sibi senior edixit: optime enim ille nouerat Christum esse leonem de tribu Iuda, & radicem David; ipsumque vicisse, vt Scripturarum librum aperiret, suumque spiritum hominibus communicaret.

Respondebit alter; Ioannem, licet erat Apostolus, in hac tamen visione non Apostolicæ dignitatis altitudinem, sed ignorationis humanæ fragilitatem referre; ideoque lachrymari, & ipsius luctum ab vno seniorum leuari ac minui. Sed contrâ est, quia Ioannis fletus fuit viri Apostolici proprius. Nullum enim ita propriè attingebat hominum cæcitatis, & Iudæorum præsertim, deploratio, vt Apostolos; ad quos spectabat aliuduis precibus Deum obsecrare, vt cælestis sapientiæ arcana recondita hominibus retereret.

His ergo omissis, nota dignum valde esse Apostolicorum hominum statu, ex sacra Scripturæ verbis sibi consolationem petere. Quamobrem, si in hisce verbis (*vnus de senioribus dixit mihi, &c.*) significaretur in ardenti illo desiderio (quod Ioannis lacrymæ adumbrant) Apostolum mœrorem suum lenire aliquibus Scripturæ verbis per aliquem seniorum scriptis; facile difficultas omnis in maximam videretur elegantiam conuerti. Marcus igitur & Lucas Euangelistæ (qui non ex Apostolorum numero, sed ex discipulorum fuerunt) apposite figurantur in seniorum numero, vt cap. 4. explicauimus. Valde ergo suspicor, in his verbis alludi ad id, quod diuus Lucas in Apostolorum Actis conscripsit: Christum scilicet suum impertiri spiritum eorum multis, qui Apostolorum prædicationem audiebant, vt cap. 8. 17. *Tunc imponebant manus super illos, & accipiebant spiritum sanctum.* & cap. 10. 44. *Adhuc loquente Petro, cecidit spiritus sanctus super omnes, qui audiebant verbum.* Quæ omnia scribuntur, vt effectus Christi passionis & resurrectionis. Si ergo libri apertio & sigillorum resignatio in eo consistebant, vt Christus suum spiritum hominibus elargiretur; verè dici potest vnus de senioribus asseruisse, leonem de tribu Iuda, & radicem Davidis victoriam reportasse; vt librum solueret, & eius signacula detraheret. Quod autem Lucas ad vniuersam Ecclesiam scripsit, eleganter Ioanni fuisse dictum ad ipsius solatium figuratur. Nam ad eius mœrorem abstergendum nihil congruentius, quam vt ipse verborum meminisset, quæ Lucas diuini spiritus instinctu literis mandauerat, & cogitaret, Christum, quæ inceperat, ad finem vsque prouecturum. Itaque si ipse Apostolicum munus accuratè sustineret, & hominibus Euangelium enunciat, manusque im-  
poneret; posse confidere, Christi spiritum illis esse tribuendum, & aperiendum librum, quem Apostolus per se ipse non poterat referare.

Addo huc, mihi valde esse verisimile, in his verbis, *vnus de senioribus, &c.* respici ad id, quod Lucas scripsit de conuersione Pauli; in qua exponitur argumentum quoddam admirabile Christi triumpho post eius passionem & resurrectionem: quod erat librum aperire, & suum spiritum illis dare, qui obstinati videbantur esse, & cor cæcitatis velo obductum habere. Ad quam Pauli conuersionem regrediemur vers. 8. vbi de citharis.

**ECCE VICIT LEO APERIRE LIBRVM.]** Id est, ad aperiendum. Vbi aduertatur primò Christi victoriam in eius passione & resurrectione constituisse. Quare, cum dicitur Christus ad librum aperiendum victoriam sibi peperisse; idem est, ac dicere, Christum mortuum fuisse, vt hominibus diuinæ sapientiæ arcana patefaceret. Nam Euangelij lucem spiritus sancti interuentu hominibus impertiri, nihil est aliud, quam fidem eis viuam, & admirabilem cælestis sapientiæ arcanorum cognitionem tribuere. Quo veluti ad initium atque originem, omnis Ecclesiæ felicitas referenda est. Ideoque Christus vitam pro nobis profudit, vt maximum hoc bonum ab æterno Parente suæ Ecclesiæ consequeretur; & hic est præcipuus suæ passionis fructus. Ex quo intelligitur, *aperire librum & soluere septem signacula eius*, non in eo potissimum impleri, quod prophetiæ aliquæ minoris momenti enuncientur; sed in ijs, quas spiritus sanctus enunciat, dum homines efficit spirituales. Textus enim ait, hunc esse fructum Christi victoriæ, *Vicit leo de tribu Iuda, aperire librum, &c.*

Difficultas,  
cur ploran-  
tem Ioannē  
vnus de seni-  
oribus con-  
soletur.

Difficulta-  
tis solutio.

In vno de se-  
nioribus Io-  
annem so-  
lante adu-  
brari fortè  
Lucam Eu-  
angelistam.

Quid sit,  
vincere leo-  
nem aperire  
librum.



A

Secundo aduertatur, magnam inesse elegantiam in eo, quod appelletur leo, & sub Agni figura appareat. Ac si clarius diceretur, ipsum in passione agnum tenerum & imbellem apparuisse, atque ideo macatum immolatumque fuisse; sub ea tamen imbecillitate summam abdidisse virtutem, & incredibilem fortitudinem; quia facinus maximum & præstantissimum omnium, quæ cogitare poterat, perfecit: cumque fuisse victus & occisus videbatur, in eodem ipso sacrificio victorem gloriosissimum extitisse, ut leonem fortissimum, in eoque fuisse impletum, quod scriptum est Genes. 49. 9. *Catulus leonis Iuda: ad prædam, fili mi, ascendisti.* Quod idem est, ac dicere, Christum esse verum Messiam, ac proinde validissimum leonem de tribu Iuda: qui passione sua ac morte spolijs opimis & prædæ locupletissimæ vincum impegit; dum homines à misera Dæmonis seruitute afferuit, illisque cælestium donorum copiam & affluentiam acquisiuit. Quæ omnia bona in diuina sapientia includuntur; iuxta illud Sapientie 7. 11. *Venerunt mihi omnia bona pariter cum illa.*

*Elegans  
antithesis  
in eo, quod  
vocetur leo,  
mox Agnus  
appareat.*

B

RADIX DAVID. ] Multi hæc auctores, ipsæque graues existimabant in hac phrasi innui Christum esse radicem, quæ Dauidem produxit. noster tamen Ribera doctissime explicauit, secundum Scripturæ phrasim dici Christum Dauidis radicem; eo quod sit Dauidis filius: nempe filius ille Abrahamo & Dauidi promissus, qui erat expectatio Gentium. Quod autem Christus dicatur radix, existimo eximie cuidam radici assimilari, quæ humi defixa in eius visceribus delitescat; postea tamen maturo tempore germinet, & pro insita virtute ac cælesti vi fructum producat copiosum. Quo significatur Dauidis regnum cum finitum iam, conuulsum & exterminatum videbatur; eius tamen radicem abditam latuisse, vbi homines nequam possent suspicari: & quanuis despectam ab ijs & conculcatam, fructum demum iuxta cælestem suam virtutem vberimum & copiosissimum tulisse: cum summæ felicitatis, quæ ex diuina sapientia in homines dimanauit, arborem editissimam procreauit. In hoc eodem sensu iteratur cap. 22. 16. *Ego sum radix & genus Dauid.* Vtrobique autem inest allusio ad Iessæ radicis virgam, de qua Isaïa 11. 1. *Et ad illud Isaïa 53. 1. Sicut virgultum, & sicut radix de terra sitiens.* Et quoniam verba senioris citantur in præcedenti versu; fortasse etiam respicitur ad cap. 13. Actuum Apostolorum, n. 22. vbi fit mentio vtriusque Isaïa loci.

*Quo sensu  
Christus  
appelletur  
radix Da-  
uid.*

C

## T E X T V S.

*Vers. 6.* Et vidi, & ecce in medio throni & quatuor animalium, & in medio seniorum Agnum stantem tanquam occisum, habentem cornua septem & oculos septem, qui sunt septem spiritus Dei missi in omnem terram.







## C O M M E N T A R I V S.

**Q**UOD ad visionem seu textum pertinet; in medio phrasis est, significans inter vnum & alterum, quod etiam Hispanice est *vsitatum*. Sensus ergo est, Agnum esse inter principis thronum, & inter locum animalium, & viginti quatuor seniorum: id est, propiorem throno, quam ceteros omnes, qui pradiſti erant ante Dei thronum aditare. Itaque in medio throni non est in ipſomet principis throno; sed inter ipsum & animalia. Quod ex eo fit planum, quia n. 7. dicitur, *Et venit, & accepit de dextera sedentis in throno librum*. Prius ergo non erat Agnus in ipsa sella; siquidem postea ad illam accessit.

Quomodo  
Agnus in  
medio thro-  
ni, seniorū  
& anima-  
liū ſederis.

**AGNUM STANTEM TANQUAM OCCISVM.]** In dubium vocari non debet, Ioanni fuisse visum Agni figuram. At *stantem*, non hic significat illum pedibus nitentem consistere. Quamvis enim *stare* latinā phraſi non dicatur de eo, qui iacet; & multi in oppositione illa philoſophentur, quod vna ex parte dicat textus *Agnum stantem*, ex alterā verò *tanquam occisum*: nihilominus extrema ipsa quæ adijciuntur verba, id est, *tanquam occisum*, clarè ostendunt, opinor, *stantem* hic idem esse, ac iacentem. Et Hispanicā quidem phraſi nullius difficultatis erat hoc ita intellegi, si diceretur *Estáu como muerto*. Nam vox illa *estáu* est generalis significationis; & per mortui comparisonem ad habitum iacentis sine motu determinatur. Sed nequis nobis opponat propriam latini verbi significationem; aduertit græcè (vnde hic fuit translatum) *ἐσυχός*, esse participium præteriti perfecti; notantque dictionaria græcā in verbo *ἐσυχῆ* præteritum perfectum significare idem, quod stare vel iacere, idque per omnes modos. Phrasis etiam græca est *ἐσυχός*, pro quietus; in Agni autem mortui figura denotatur ipsum non moueri.

Stare hic  
Agnus quo  
sensu dica-  
tur.

**HABENTEM CORNUA SEPTEM, ET OCULOS SEPTEM.]** Licet in sacris Literis lucis radij dici soleant cornua: quando verò de Agni cornibus agitur, dubium non est, quin de eiusmodi cornibus sermo sit, qualia in communibus agnis videmus. Illud hic nouum & peculiare; cornua isthæc non esse duo, sed septem. Et forte consideranda sunt in modum coronæ, quæ caput vndique ambiat, eodemque modo septem oculi totidem cornibus suppositi equali intervallo sint distributi. Ita enim fortassis non solum non erit deformis figura, sed pulchra potius & speciosa.

Qua ratio-  
ne septem  
oculi Agni,  
totidemque  
cornua sint  
consideran-  
da.

Sed gradum iam faciamus ad significationis mysterium. Primum Christus sub Agni figura inducitur iuxta id Isaia 16.1. *Emitte Agnum Domine dominatorem terra*. De quo loco dicemus capite 14. Medium autem inter Deum atque homines constituitur: non solum ut Christi Redemptoris nostri excellentia denotetur; sed etiam ad sui muneris significationem: est enim mediator Dei & hominum, ut optimè Paulus 1. ad Timot. 2. 5. & alibi sapè.

Cur Agnus  
in medio  
throni &  
seniorum  
cōstituitur.

Deinde septem cornua, septemque oculi textus explicat esse septem spiritus Dei. In capite verò primo, notat. 5. interpretari iam sumus septem Dei spiritus esse virtutes illas septem, quibus prouidentie perfectio comprehenditur. Quod autem dicitur, hosce septem spiritus inesse Agno idem est, ac dicere Christum Dominum, etiam quatenus hominem, totius esse mundi machinæ monarcham, & vniuersalem rectorem: nam *Pater omne iudicium dedit Filio, quia filius hominis est*. Ioan. 5. 27. Christus igitur cum perfectissime est princeps (cuius gubernatio exactissimam diuine imitationem continet) tum etiam septem illos habet spiritus seu virtutes, ad quas perfectio tota administrationis rectè redigitur: atque id est *agnus dominator* in Isaia loco nuper adducto.

Quid per  
septem Agni  
cornua, to-  
tidemque  
oculos figu-  
retur.

Congruentissimum præterea fuit, has septem virtutes in Agni corona ex cornibus septem compactâ figurari. Corona enim principatum denotat: & cornu in Scripturæ phraſi symbolum est regni. De quo vide Maldonatum in id Luca 1. n. 69. *Exerit cornu salutis nobis*. Itaque Agnus cum septem cornibus, indicat ipsum regnare eum septem virtutibus; per quas septemplex dominari videtur. Idemque significant septem oculi: quia similiter oculi sunt prouidentie symbolum. Duplex autem significationis eiusdem symbolum coniungitur: in quo videtur semel atque iterum affirmari vniuersali Christi dominatio, maximaque illius perfectio, iuxta illud Genes. 41. 32. *Quod autem vidisti secundo, firmitatis indicium est*. Præterquam quod in his omnibus gubernatoris virtutibus præcipua perfectio in eo in primis elucet, ut cognitionis perfectio in oculos figurata societur semper cum maxima ad exequendum vi & efficacitate, quæ in sacris Literis per cornu symbolum denotatur. Ac forte eandem redolet elegantiam coniunctio illa virgæ atque oculi apud Ieremiam c. 1. 11. ubi ait, *Virgam vigilantem ego video*. Porro, quod dicatur de septē Dei spiritibus, *mittuntur in omnem terram*, nostræ non repugnat expositioni. Quemadmodum enim dicitur suum spiritum Deus immittere cum ipsius spiritus admiranda in terris operatur; ita similiter iuxta Scripturæ loquutionem dicitur Deus emittere suas septem virtutes, propter eximios & admirabiles harum virtutum effectus; quæ in toto orbe terrarum enitescunt, cum in Christianæ Ecclesiæ sanctitate, tum in Euangelij propagatione. Vide illud Psal. 56. 4. *Misit Deus misericordiam & veritatem suam*.

Cur septem  
prouidentie  
virtutes per  
Agni cornua &  
oculos figura-  
ntur.

Inferitur ex dictis, verissimum esse quod notauit Rupertus in ea verba capitis primi, & à septem spiritibus; nimirum spiritus septem, septem lampades, septem cornua, atque oculos Agni, septemque sigillorum mysterium; hæc, inquam, omnia vnum idemque significare.

Ad hæc; cum afferendum mox esset, Agnum esse, qui septem libri sigilla aperiat; idoneum valde fuit, ut præmitteretur, Christum Dominum septem Dei spiritibus esse insignitum. Nam si ut horum spirituum cognitione alios imbuat, eos in primis cognoscere opus est: qui in se illos perfectissime contineat, & eorum nutu suam Ecclesiam gubernet, hic certè erit, qui eos suis seruis exponere valebit, & suæ prouidentie rationem abstrusam docere.

Præter illa, quæ hæcenus dixi de Agno occiso, post attentam huius figuræ considerationem, ad-

Per septem  
narios spi-  
rituum,  
lampadum,  
cornuum,  
oculorum  
& sigillorum  
idē omnino  
significari.



In hoc  
Agni tan-  
quam occiso  
allusionem  
fieri ad an-  
tiqua legis  
sacrificia.

In Agno oc-  
ciso adum-  
brari Missæ  
sacrifici-  
um.

Agnum  
quasi oc-  
cisum idem  
esse, ac qua-  
si immola-  
tum.

ijciendum censui, quid mihi omnino persuadeam. Illud verò est, in hac Agni specie, quæ Ioanni ostensa est, continuari illam ad templum Salomonis allusionem, quæ totum caput 4. occupat. Nam ut suprà dicebamus, toto eo capite proponitur comparatio quædam eius templi, quod à Christo in primitiua Ecclesia ædificatum est, cum eo, quod Salomon ædificauit. Et eò spectat mentio diuini throni, viginti quatuor sacerdotum principum, septem lucernarum candelabri, maris vitrei, & Cherubinatorum. Sentio igitur in capite 5. in specie Agni ulterius procedere allusionem illam. Cum enim comparatio illa noui templi cum antiquo postularer, ut ad ea potissimum descenderetur, quæ in templo Salomonis erant præcipua, & maximè notanda; congruentissimum fuit, ut ex sacrificijs assumeretur id, quod inter ea præcipuum, & quod argumento huius capitis maximè deferuebat. In Agno ergo Ioanni ostenso procul dubio respectum est ad antiquum iuge sacrificium, agni videlicet; qui quotidie offerebatur tam matutino tempore quam vespertino, ut præceptum erat Exodi 19.22. & Numer. 28.3. Animaduersa autem allusione, mox facile intelligitur eius significatio, nimirum non deesse in Christi templo, (id est Ecclesiâ) mirandum sacrificium, idque iuge, & omnia veteris legis sacrificia obnubilans. In sacrificio enim Missæ, mysticus Agnus offertur. Atque huius Agni, siue huius mystici sacrificij frequentia tanta est efficacia; ut huic iugi sacrificio debeat Ecclesia Christiana septem sigillorum apertionem, & adytorum sapientiæ celestis perfectam penetrationem.

Cohæret autem hic sensus mirificè & cum contextu, & cum mysterio capitis quarti, & cum rei ipsius veritate. Ac verba quidem ad Agni descriptionem spectantia, Missæ sacrificio repræsentando aptissima sunt. Quoniam textui latino (*Agnum stantem tanquam occisum*) respondet græcus. Ἀγνὸν ἐστῆκός ἐς ἐσφαγισµένον, illa verò dictio ἐσφαγισµένον, participium est passivum à verbo σφαγεῖν, vel σφαγίζω, quod est immolare. Hoc enim idem verbum posuerunt 70. Genesis 22.10. ubi nos legimus, *ut immolaret filium suum*. vbi sermo est de sacrificio Abraham. Idem verbum posuere Leuit. 14.13. vbi Vulgatus, *immolabit Agnum*. Et similiter infra in eodem capite, numero 50. vbi legimus, *uno passere immolato*, & num. 51. *in sanguine passeris immolati*. Atque hic habent 70. illud idem participium ἐσφαγισµένον, & in hebræo est verbum שחט (*sabhat*) quod est, *maclare sanguine effuso*. Hoc verò verbum à Septuaginta interpretibus frequentissimè redditur per verbum σφαγεῖν, certè plusquam sexagies, ut ex græcis Concordantijs constat. Apponunt etiam idem verbum græcum septuag. vbi in hebræo legitur טבח (*tababb*) quod est, *maclare*, necnon vbi in hebræo ponitur זבח (*zababb*) quod est sacrificare.

Ex his verò palam fit id, quod legimus in Apocalypsi, (nempe à Ioanne in medio throni visum fuisse Agnum quasi occisum) pro eodè esse, ac quasi immolatum, quasi maclatum, quasi sacrificatum, sanguine videlicet effuso. Porro altaris mysterio nihil aptius. Ibi enim passionis Christi offertur victima: diciturque & rectè & rite sanguis ipse in eo sacrificio in icelerum remissionem effundi. Enimverò diuini huius sacrificij effectus, mira potentie Agni reuelatio est. Nam oblatus ipse & sanguinis largitor liberalis, exurgit per mirabilem efficaciam, & ascendit ad thronum Dei, & aperit librum per gloriosam virtutem suam, quam Ecclesiæ suæ per hoc sacrificium communicat. Atque ita Ecclesia ipsa semel & iterum in hoc ipso sacrificio quotidie repetit, celebrari ac innouari in eo, non solum passionis Christi memoriam, sed etiam resurrectionis & ascensionis illius. Quæ quidem verba sunt maximè expendenda, utpote ineffabilis arcana mysterij, quod hoc in loco significatur; dum dicitur Agnum apparuisse tanquam occisum, & deinde surrexisse, & ad Patris æterni solium ascendisse, acceptoque de ipsius dextera libro, aperuisse eum; quod perinde est, ac si diceretur, id quod Christus mortem subiens, resurgens & gloriosè ascendens effecit (scilicet reconciliare nos Deo, suamque virtutem & potentiam edere resurgendo, editissimumque cæli locum, & Dei thronum ascendendo, indeque suum spiritum emittendo) id ipsum quotidie refici in hoc sacrificio Missæ; ac proinde ab hoc sacrificio in Ecclesiam orthodoxam dimanare communicationem Spiritus sancti, quæ mysteria libri septem sigillis clausi referat, & explicat.

Vide Matth. 26. 28. *Qui pro vobis effundetur*, vbi Maldonatus noster cum alijs censet non esse sermonem de cruenta effusione, sed de oblatione sacramentali. Et quamuis Franciscus Suarez 3. p. 10. 3. de Eucharistia disputatione 58. sect. 4. existimet à communiori placito ea verba referri ad effusionem cruentam; fatetur tamen, pro explicatione Maldonati apertè esse beatum Ambrosium. Et pro eadem etiam sunt Durandus, & Canus. Et meo quidem iudicio, argumentum, quo nitiatur Maldonatus, valde vrget.

## T E X T V S.

Vers. 7. Et venit, & accepit de dextera sedentis in throno librum,



## C O M M E N T A R I V S.

**I**N Agni figura occurrit in primis oculis spectantium quædam impotentia, atque (vt ita dicam) ineptitudo ad fumendum librum & aperiendum, præsertim cum mortui speciem præ se ferret. Ceterum sarrexit extemplò, & librum ipsum cum ingenti totius mundi stupore referauit. Hoc est, Neutiquam fieri posse videbatur, vt recondita diuinæ prouidentię & philosophię cælestis arcana mundo enuntiaret atque proponeret homo is, quem Iudæi vt Agnum imbellem immaniter trucidauerant; qui se ab eorum vi tueri, atque defendere non potuisse videbatur. Hic tamen Agnus ab inferis illico excitatus, ceu leo fortissimus, exsurrexit; & hominibus Dei mysteria; & abdita suæ sapientiæ penetralia patefecit.

*Agnus, et si occisi speciem præ se forebat, librum tamē accipere & aperire valuisse quid demōstrat.*

## T E X T V S.

*Vers. 8.* Et cum aperuisset librum, quatuor animalia, & viginti quatuor seniores ceciderunt coram Agno, habentes singuli citharas & phialas aureas plenas odoramentorum, quæ sunt orationes Sanctorum.

## C O M M E N T A R I V S.

**S**I figuram ipsam Ioanni ob oculos positam respiciamus; offert se primò non leuis dubitatio: scilicet dicat textus, *cum aperuisset librum*; si quidem nondum Agnus libri sigilla soluerat? de apertione enim sigillorum agitur infra cap. 6. & 8. Huic dubitationi respondet Beda cap. 6. initio, non vacare mysterio, quòd prius apertus sit, deinde resignata sigilla: Christus enim, vbi resurrexit, aperuit librum; atque vbi sanctum misit Spiritum, mysteria illius referauit. Quòd si semel concedatur, librum euolutum prius, deinde soluta sigilla; dicet aliquis forsan, libri apertionem esse tribuere eam lucem quæ ad credenda mysteria sit satis: sigillorum autem resignationem esse, maiorem adhuc & clariorem menti cognitionem ingerere. Præcedit enim fides intelligentiam; secundum illud Isaïæ 7. 9. *Nisi credideritis, non intelligetis*, (iuxta Septuaginta.) Hæc tamen omnia minimè faciunt ad rem: si enim liber sigillis erat consignatus, frustra consideratur prius fuisse apertum, quam sigilla.

*Difficultas in Ioannis verbis: cur scilicet antequam sigilla discantur resignari, liber perhibetur apertus? Beda responsio.*

Alij suspicantur, hanc animalium & seniorum adorationem, & quæ sequuntur ad finem vsque capitis quinti, dicta esse per anticipationem; propriumque eorum esse locum, postquam Agnus septimum soluit sigillum; quod narratur cap. 8. Verum in hac solutione animus non acquiescit. Primò quia simplicius multo est ac facilius, atque adeò verisimilius, Ioannem Apocalypicos visionem, quo ordine vidit, enarrare. Secundò, quia aperto septimo sigillo consequitur mox cæli silentium per dimidiam horam: esset autem magnum temporis interuallum inter actionem gratiarum & adorationem interiectum.

*Aliorum explicatio:*

Tertiò respondent alij; Agnum, vbi primùm sumpsit librum in manus, antequam sigilla resignaret, ac proinde antequam liber esset apertus, ab animalibus, senioribus & Angelis fuisse adoratum. Pro hac responsione facit primò, quòd vbi Vulgatus legit *cum aperuisset*; Græci omnes codices legunt, *cum accepisset librum*: & similiter legit Primasius; nec non ex Græco Erasmus & Arias. Deinde dici posset, Vulgatum pro illis verbis *cum accepisset librum*, rectè transferre potuisse, *cum aperuisset*. Cepit enim librum ad aperiendum; & qui fœdera coniugij iniit, coniugatus dicitur. Eo ferè modo, quo proximè accingendus habetur pro accincto. Accedit, quòd actio solet accipi pro facultate ad agendum; vt multis probat exemplis Christophorus de Castro in historia Beatæ Virginis cap. 5. fol. 159. item fieri dicitur, quod tentatur, siue intenditur, vt probat Ribera Amos 9. §. 5. His addi potest, Agnum, cum librum accepit, aperire cœpisse: quod verò textus ait, *cum aperuisset*, esse intelligendum, vbi vidit Apostolus primum resignari sigillum; antequam figura illa siue actio daretur, quæ primi sigilli apertionem consequuta fuit.

*3. Explicatio.*

Aliqui iudicabunt tertiam hanc responsionem pro certa & indubitata esse amplectendam. Fa-teor tamen mihi adhuc scrupulum residere. Inprimis, quia licet Græci libri ferè legant, *ὅτε ἔλαβε*, id est, *cum accepisset*; ipse tamen græcum aliquem librum vidi, qui hoc in loco non legit *ὅτε ἔλαβε*, sed *ὅτε ἠνοιξε*, id est, *cum aperuisset*; & mihi quidem non admodum facili apparet, nostrum Vulgatum, cum legeret in Græco *ὅτε ἔλαβε*, voluisse transferre, *cum aperuisset*. Quòd si coniecturis

*Difficultas in tercia expositione occurrens ex varia textus lectione.*



standum est, verisimilius mihi est, cum græca lectio vetus esset, ὅτε ἀνοίξε, mutatum fuisse ἀνοίξε, in ἐλαβε, non contra. Nam si initio scriptum esset *cum accepisset*, nemo illud videtur commutaturus in *aperuisset*. Ut autem hoc verbum in illud conuerteretur, aliquis potuit fortè in eo niti; quod hoc pacto contextus difficultas tolleretur. In alijs autem Scripturæ locis compluribus experimento didici, cum vulgatæ lectionis auctoritatem maxime suspiciam; & mihi persuadeam, cum Græcus & Hebræus à Latino discrepant, æquius multo esse credere Hebræum & Græcum Latini lectione correctum iri, quàm è contrario; tunc (inquàm) me docuit experientia de vulgata lectione dubitationem ex veri ac germani sensus ignorantia fuisse exortam. Cuius rei duplex exemplum, utrumque insigne in Psalmi vigesimi octavi explicatione videbimus.

Auctoris interpretatio; simulq; Vulgatæ æsensus.

Propter hæc existimo veram lectionem græcam non esse ὅτε ἐλαβε, *cum accepisset*, sed ὅτε ἀνοίξε, id est, *cum aperuisset*; ut expressit Vulgatus. Et quamvis verbo ἀνοίξε, posset tribui ea interpretatio, quæ latinæ lectioni tribuitur; credereturque veram lectionem græcam esse ὅτε ἐλαβε, *cum accepisset*: maiorem tamen habet elegantiam, opinor, credere Agnum aperuisse prius librum, & septem illius sigilla resignasse (alioqui enim librum non aperuisset) & tunc quatuor animalia, & viginti quatuor seniores illi reuerentiam ac venerationem detulisse; & Angelos septem tribuisse laudes, &c. & postea librum rursus obsignatum & clausum apparuisse; Agnumque septem eius sigilla singulatim aperuisse, ut narratur capite sexto & octauo. Satis video hoc, primo aspectu, difficile creditu videri; librum scilicet à Christo fuisse prius apertum; & tamen postquam grates illi actæ sunt, repertum fuisse rursus signatum. Verum tamen, si ita expediebat ad significationis mysterium, nulla inest figuræ ipsi difficultas: multa enim similia solent in ænigmatibus consingi.

Quod sub-  
sit mysteriū  
in eo, quod  
postquam  
Agnus li-  
brum ape-  
ruit, rur-  
sum clausus  
apparuerit.

Quod si me aliquis roget, quod subesse possit in eo mysterium, ut postquam Christus librum reserauit, illique gratiæ sunt actæ; iterum liber clausus apparuerit? Respondeo, hunc librum (ut diximus in Commentario versus secundi) non solum à Christo fuisse semel apertum, sed sæpè: quia posteaquam alijs fuit apertus, reliquis clausus & obsignatus remansit. Ad cuius rei significationem nihil potuit magis appositum asserri, quàm ut Christus librum aperiret prius; & sui familiares ob hanc rem gratias illi agerent; & tamen liber postea clausus fuerit visus, quem rursus aperuerit Christus: tuncque singulorum sigillorum resignatio fuerit egregijs & mirabilibus figuris celebrata. Itaque maior adhuc celebritas & iucundior lætitia extiterit, quando Agnus secundò librum aperuit; propterea quod, quo sapius aperiatur liber, eò plus ipsius gloria, atque honor augeatur.

Tam ani-  
malia,  
quàm senio-  
res habuisse  
citharas.

HABENTES SINGVLI CITHARAS.] Vox *singuli*, æquè ad animalia, & ad seniores refertur: de omnibus enim sermo est. Concedant hoc mihi grammatici; etiam si in græco participium illud *habentes*, sit etiam masculinum. Nec est cur notum & insolitum videatur alicui, ut citharam pulsent, qui aquilæ, aut etiam bouis facies habeant: omnia enim quatuor animalia humana specie constabant, ut suprà iam vidimus. Iam, si actio ipsa attendatur, magis nouum & inusitatum apparet; ut Agnus librum aperiat, & quatuor animalia loquantur & cantent; quæ tamen omnia conuenienter effecta sunt.

Phiala quid  
proprie.

Phiala idem est, quod ingens patera. Erat autem vas, quo vinum potabatur; habetque non nihil insolentiæ, ut ex magnis pateris efficiant prunaria, siue thuribula, quibus odorum suffimenta offerant. Sed quod ad figuram pertinet, ex antiquis numismatibus colligitur, thuribulorum formam antiquorum non esse valde diuersam ab ijs, quas pateras appellamus. Quin & multa hodie prunaria in paterarum modum videmus, quæ vulgato Hispanorum vocabulo appellantur *copas*: quod nomen est eorum vasorum proprium, quibus vinum propinatur.

Cuiusmodi  
odoramenta  
isthæc sint.

ODORAMENTA.] Constat ex græco, huiusmodi odores, de quibus hic sermo est, esse illos, qui nominantur thymiamata, id est suffimenta siue odores, qui adolentur & exhalantur. In sacris autem Literis thymiamata Deo consecratum est id, quod quatuor illis speciebus aromaticis, stacte, onyche, galbanò, & thure constat, de quo Exodi 30. 34.

Præterea ne phialæ ad pulsandas citharas impedimento sint, existimo (quod attinet ad figuram) quo tempore animalia & seniores citharam pulsabant, satis fuisse ut phialas ante se repositas haberent.

Animalia  
& seniores  
cur gloriam  
& honorem  
Agnos tri-  
buant.

Oportet nunc explicare adorationis, cithararum & phialarum mysterium. Ad cuius declarationem præmittendum est ex dictis; hanc gloriam atque honorem, quem animalia & seniores in hoc capite quinto deferunt Agno, non ideo tribui, quod ipse illis librum aperuerit; sed quod aperuerit alijs, quibus ipsi ut aperiretur, vehementer optabant: hoc est propterea quod suum spiritum Christus eis impertierit, qui perfidi prius & obstinati erant; illosque ad se adduxerit, & diuinorum mysteriorum imbuerit cognitione; ac denique ob peccatorum conuersionem, & Ecclesiæ Christianæ incrementum. Hoc supposito, adoratio Agni referenda est ad Missæ sacrificium: illæ enim gratiæ Christo Redemptori nostro præ ceteris placent in primis, quæ illi in altaris sacrificio referuntur; quid ideo nominatur *Eucharistia*, quia est gratiarum actio; & in ea Christo gratiæ aguntur, quod nos suo sanguine redemerit; & plurimis alijs beneficijs, quæ ex redemptione dimanant, cumulauerit. Atque hoc est, quod Christus suis discipulis, simulque Ecclesiæ edixit; *Hæc quotiescumque feceritis, in mei memoriam facietis*. In capite autem quarto, num. decimo, vidimus Missæ sacrificium congruenter in seniorum adoratione figurari: in verbis verò, quæ modò proferunt, perspicuè mentio Agni passionis continetur; *Quoniam occisus es, & redemisti nos Deo in sanguine tuo*. Et quamvis capite quarto, cum de Euangelij prædicatione, eiusque effectu agitur, diuersæ prædicatio quatuor animalium, & sacerdotum officium senioribus sunt applicata: nunc tamen, (vbi non de prædicatione agitur, sed de gratiarum actione) oportuit in adorationis & gratiarum

Seniorū &  
animalium  
adoratio  
quid in-  
nuat.



A mentione primo loco animalia recenſeri; vt animaduertatur, illa eſſe in ſacerdotali munere præcipua.

Postquàm autem ſtatuitur in animalium & ſeniorum adoratione repræſentari Miſſæ ſacrificium, aptiſſima ſic ratio redditur, cur in actione gratiarum, quæ referuntur Agno, priùs exprimantur illæ, quæ animalia & ſeniores agunt; deinde, quæ Angeli. Norunt enim Theologi gratias cæleſti Agno in Miſſæ ſacrificio actas magis illi gratas acceptasque eſſe, quàm quæ ab Angelis referuntur in cælo. Præcipue cum peccatorum conuerſio, & Chriſtianæ Eccleſiæ incrementum veros potiùs ac propiùs Apoſtolicos, ac Chriſtianos ſacerdotes, quàm Angelos ipſos contingant. Quare etſi vtrique maxima hoc celebritate peragunt, & gratias propterea agunt Agno quamplurimas; in eo tamen decorum ſeruetur, quòd priùs illæ apponantur perſonæ, quas eiſmodi res proximè attingit.

B Vt verò exiſtimem, per ſeniorum & præbyterorum cultum ac reuerentiam ſacrificium Miſſæ denotari, eo inprimis adducor argumento, quòd illi omnes ſacerdotes ſint; & appareat illorum eſſe ſtudio & conatum, vt Chriſto gratias agant quàm maximas, quia librum aperuit: atqui nullæ poſſunt aut maiores eſſe, aut præſtantioreſ, quàm quæ in Miſſæ ſacrificio peraguntur. Quòd accedit, adorationem eſſe diuinum cultum; illa autem actio eſt maximè diuini cultus propria inter eas, quas ſacerdotes præſtant, quæ in Miſſæ myſterio continetur: cumque diuini cultus ac religionis ſit actio, proprium ipſius nomen eſt *Euchariftia* ſiue actio gratiarum.

C Tranſeamus iam ad citharas quas ei vſui deſeruiſſe præmitto, vt ſcilicet comitarentur canticum illud, quod verſu proxime ſequenti continetur. *Et cantabant canticum nouum.* Porro in vocum ac cithararum conſociatione contemplantur aliqui perfectam Euangelij prædicationem; quæ potiſſimum exigit exempli cum doctrina coniunctionem. Ore enim canitur, cithara manibus pulſatur. Apoſtoli verò, virique apoſtolorum linguam ſimul ac manus mouentes prodigium illud ac diuinum portentum, quod Poëtæ Orpheo & Amphioni arrogant, multò ſublimiùs & excellentiùs ediderunt; cum ſcilicet feras & immanes animantes, ipſasque ſyluas, montes ac ſaxa ad ſeſe vocis ſuauitate pariter & efficacitate traxerunt; id eſt, rudes homines, barbaros, cæcos & obſtinatos ac ſclerum omnium colluſione immerſos ad Chriſtianam fidem amplectendam perpulerunt. Quos homines videtur alloqui Eccleſiaſticus capite trigeſimo nono, verſu decimo ſeptimo, *Obaudite me diuini fructus*, id eſt, Dei filij: *dote odorem & frondete in gratiam*, hoc eſt Deum ſanctitatis odore, & Chriſtianæ ſimul eloquentiæ gratiâ prædicate. *Dote nomini Dei magnificentiam in canticis labiorum & citharis*, quaſi dicat, Labia ac manus conſociantur vna; & ſuauis labiorum ac cithararum harmoniâ, Chriſti nomen per effectus miros & inauditos in ſcleratorum conuerſione præſtitos extolletis. Atque hanc ad rem, ad probandum ſcilicet Chriſtum, eiſque Apoſtolos diuinos eſſe Orpheos & Amphionas, inſignis eſt locus Clementis Alexandrini in exhortatione ad Gentes, quem Vicgas hic affert ſect. 6. in fine.

Aliorum expoſitio eſt, in multarum vocum muſicorum instrumentorum concentu innui eleganter admirabilem Chriſtianorum charitatem & concordiam, & maximam Dei gloriam, quæ ſplendescit in conſentienti Sanctorum vita atque doctrina. Muſicam verò eſſe concordie ſymbolum ex Platone & Cicerone probat Genebrardus, *Psal. 149. 3.*

D Huiusmodi tamen explicationes, acutæ alioqui & elegantes, in præſenti tamen cum re, de qua agitur, non cohærent. Primò nam citharas ducunt & canunt non quatuor ſolum animalia, ſed etiam ſeniores, ad quos non ſpectat proprie ex munere concionari. Iam enim ſuprà vidimus animalibus directe prædicationis Euangelicæ officium eſſe iniunctum; ſenioribus verò celebratio Miſſarum, & Sacramentorum adminiſtratio. Et quamuis ſeniorum dignitas animalibus ſit communis, non tamen e conuerſo. Deinde in Euangelij prædicatione, de Deo quidem, ſed non cum Deo, aut cum Chriſto ſermo eſt. Ideoque in triſagio, quod prædicationem Euangelij denotat, quatuor animalia dicunt, *Sanctus, sanctus, sanctus, Dominus Deus omnipotens, qui erat, & qui eſt, & qui venturus eſt.* In tertia (quod aiunt) perſona: at in hoc loco ſermo eſt cum ipſo Agno; *Dignus es Domine accipere librum, & aperire ſignacula eius, quoniam occiſus es, &c.* in ſecunda perſona; in genuaque procumbunt loquentes cum Chriſto; qui loquendi modus non redolet prædicationem. Tertio cum citharis copulat textus phialas; quod (vt conſtabit) cogit, vt de ſacrificio ſermo hic inſtitui credatur. Quarto reliqua huius capitis pars laudes Agno tributas ob libri ac ſigillorum reſignationem continuat: atqui maniſeſtum eſt huiusmodi laudes non eſſe voces, quas populus exaudiat. Nam laudes, quas Angeli & res creatæ omnes deferunt Agno, non apte explicantur de concionibus, quas excipit populus. Quare nulla mihi ſubeſt dubitatio, quin in hoc loco de prædicatione Euangelij non agatur.

E Ego ſanè exiſtimo indicari hîc in citharis gaudium ac lætitiâ, qua perſuſa animalia & ſeniores gratias agunt Agno; quia ſuum ſpiritum multis ex ijs, qui duri antea & rebelles fuerant communiſcavit. Quod ſi attentè inſpiciamus, idem eſt ac exultare & gratias Deo referre ob ſcleratorum hominum conuerſionem. Et ita cohæret optime vt laudibus quas animalia & ſeniores tribuunt, adiungantur laudes Agno ab Angelis tributæ. Nam ſi verum eſt, quod Lucas ait, *c. 15. 10. Gaudium erit coram Angelis Dei ſuper vno peccatore penitentiam agente;* quantò maius erit gaudium de multorum peccatorum conuerſione.

Ad Dei autem laudes figurandas, nemo non viderit, idoneum valde fuiſſe citharas in animalium & ſeniorum manibus apponi. Cum verò ſermo ſit de gratiarum actione, quæ Agno in altaris ſacrificio offeruntur, ad magnam lætitiâ indicandam, qua Apoſtoli & primitiæ Eccleſiæ præbyteri Deo ſacra offerebant in gratiarum actionem pro Diui Pauli &

Cur gratia  
ab anima-  
libus & ſe-  
nioribus  
acta priùs  
referantur,  
quàm qua  
ab angelis.

Cithara  
quem ad  
uſum ani-  
malibus  
& ſeniori-  
bus attri-  
buita.

Per voces  
ac citharas  
quid deno-  
tetur, ſecun-  
dum alios.

Difficulta-  
tes in ſupè-  
riori expli-  
catione oc-  
currentes.

Auctoris  
mens de ci-  
thararum  
ſignificatio-  
ne.

Per citharas  
& laudes  
ſacrificium  
Miſſæ ad-  
umbrari.



aliorum multorum conuersione, (qui cum prius essent rebelles; & Christiani nominis hostes, & velamen illud super cor habentes, de quo loquitur Paulus; subito eis Christus librum aperuit, velamenque abstulit, suo illis communicato spiritu, atque eis in Euangelij prædicationem assumptis: ) non video, quid possit magis ad rem adduci, quam in adoratione & laudis cantico (quæ perelegans est descriptio sacrificij Missæ,) illis omnibus citharas in manus tradi. Hoc igitur præcipuum fundamentum esto, quod citharæ denotent hic gaudium ac lætitiæ voluptatem. Deinde non repugno, quod per eas simul societas atque concordia significetur, qua primi fideles inter sese coniuncti & copulati ijs, qui recens ex idololatria ad Christiana sacra suscipienda conuertebantur, optimo erant exemplo, & ad omnem pietatem incitamento.

Phialæ aureæ sunt præclarum noui sacerdotij legis gratiæ insigne. Hic namque est ingens & fœcundus calix. Quare idem est induci quatuor animalia & seniores cum phialis in hanc adorationem, quæ sit Agno; atque ipsos depingi calices in manibus habentes, & altaris sacrificium offerentes. Cum verò peculiariter agatur de sacris, quæ sunt in gratiarum actionem pro peccatorum conuersione; mirum fuit inuentum ex aureis phialis (quæ propriè sunt calices) thuribula conficere; in illisque Agno offerre thymiamata, quod Sanctorum orationes repræsentat. In quo illud, ni fallor, innuitur, nempe calicem Missæ sacrificij spiritualiter officium præstare, quod prunarum aliquod; vbi odorati incenderentur patilli, eorumque fumosus vapor tolleretur in cælum. Etenim in calice exardent prunæ charitatis atque efficaciæ, quæ in Christi passione maxime enituerunt: atque hic est ignis sacrificij. At sacerdos sacrum faciens cum Christi passionis virtute fidelium vota atque preces copulat; vt efficaciter in cælum conscendant, & à Deo optata impetrent. Porro in sacris, quæ in gratiarum actionem pro conuersione peccatorum sunt, aptissimum est Deo offerri eam contritionem & orationes eorum, qui ad Dei cognitionem & obsequium nuperrime sunt traducti. Cuius rei significationi idoneum satis est thymiamata, vt sequenti notatione explicabitur. Vt autem huius actionis, siue figuræ finis præcipuus rectè percipiatur; notanda sunt verba, quæ profert sacerdos, cum calicem offert. *Offerimus tibi Domine calicem salutaris, tuam deprecantes clementiam, vt in conspectu diuinæ maiestatis tuæ pro nostra & totius mundi salute cum odore suauitatis ascendat.*

Quid per  
aureas phialas.

Thymiamata  
ex quibus  
aromatibus  
constaret.

Thymiamata  
eius rei sibi  
symbolum.

Stacte quid  
sit, de qua  
omnis natura.

## NOTATIO III.

### De sacri thymiamatis compositione.

**O**DORES, quibus seniorum phialæ erant refertæ, constat ex græco fuisse thymiamata. Et certè ad suum thymiamata respectus habetur, de quo Exo. 30. 34. vbi præcipitur, vt componatur thymiamata ex quatuor speciebus aromaticis, quæ sunt *stacte, onyx, galbanus, & thus*. Et licet Philo ac D. Isidorus in hac compositione, nescio quam elementorum quatuor misturam contemplantur; quiuis tamen faciliè cerneret, cum ex Apocalypsi pateat thymiamata symbolum esse orationis sanctorum (sic enim expressè habetur capite quinto, versu octauo, & capite octauo, versu tertio.) genuinam significationem illorum odoramentorum esse orationem ac virtutes, siue animi affectiones, quibus Deus ipsam associatam esse vult. Virtutes verò, quæ debent orationem comitari, notum est esse fidem, pœnitentiam, atque eleemosynam. De fide, quæ comes sit orationis; multi extant in sacra Scriptura loci. De pœnitentia & eleemosyna insignis est locus ille Tobie capite duodecimo, *Bona est oratio cum ieiunio & eleemosyna*. Vbi multa præclara Serarius.

Hæc applicatio vt iucundiùs excipiat, oportet primò considerare quatuor aromatum species; & quid de singulis, rerum naturalium scriptores affirmant. Stacte & myrrha, quam arbor non incisa sudat; estque amara lachryma. Vide Plinium libro duodecimo, cap. decimoquinto, & Dioscoridem.

Et nomen quidem myrrhæ in hebræa lingua deriuatur ab amaritudine; vt plerique notant: & Plinius atque Dioscorides manifestè asserunt, illam esse amaram; nec alij præterea ex tribus reliquis aromatum speciebus aliquam tribuunt amaritudinem. Eruditi quidam recentiores volunt veram

**C** esse myrrham, siue illius speciem, quam vulgus Hispanorum *Benjai* vocat.

Onyx est concha parua odorifera; cōcha scilicet pisciculi parui: appellatur verò vnguis siue onyx (quod idem est) ob quantitatemne, an ob colorem, non satis noui. Vide Dioscoridem lib. 2. cap. 8. 10. & Plinium lib. 32. cap. 10. & Gorræum ex Paulo & alijs; qui auctores illum onycha ex reliquis optimum esse dicunt, qui mari rubro portabatur. Latini onycha etiam nominant pyxidem odorati vnguenti: hæc tamen significatio nihil ad rem præsentem.

Galbanus est gūmi vel lacryma ferulæ odoriferæ in Syria notæ; de qua latè Plinius & Dioscorides: qui illud peculiare addunt, Galbani nidore serpentes fugari.

**D** De thure multa idem: ex quibus apparet thus fuisse inter reliquos odores olim adoleri solitos maximi habitum. Atque idcirco omnes nationes in thure Dñs suis supplicabant. Forè huiusmodi ritum ac carimoniam mutuo ex Iudaico populo sumperunt: Plinius enim aduertit, Homeri tempore hanc consuetudinem nodum in Gentes fuisse inductam. Alicui nouum fortasse videatur, olim thus fuisse tanti habitum, cum hodie apud nos non ita magni putetur. Ad hæc dico, nostrum hoc thus, aut legitimum non esse; aut quod ad nos aduehitur, fugiens vetustate, magnam vis atque pretij partem deperdere; aut in saporibus & odoribus magnam vim esse consuetudinis & assiduitatis: aut cum alia præstantiora, ac suauiora aromata fuerint inuenta (nempe ea quæ appellantur *Ambar, Algata, Almissele*) thuri olim tanti apud omnes ducto multum æstimationis deperisse.

Demum thymiamata ex tribus gummi speciebus

Onyx quid  
sit.

Galbanus  
quid.

De thure,  
eiusque  
natura.  
Nationes  
omnes dñs  
suis supplicasse.



odoriferis & ex concha odorata componebatur; quæ omnia in tenuissimum contundebantur pulverem. Cum autem Deo offerebatur thymiamata, in altari adolebatur igni.

Hæc de ipsa thymiamatis, & aromatum natura. Nunc de significatione, mea explicatio est, in thure orationem denotari; quam ut fides, pœnitentia, & eleemosyna comitentur, componi etiam cum thure tres illas species: ex quibus myrrha pœnitentiam, galbanus eleemosynam, onyx fidem designant.

In primis hic orationis modus trium illarum virtutum præsidio & comitatu septæ ad Deum placandum efficacissimus est: ad cuius rei significationem accommodatum valde est symbolum optimi odoris, qui in cælum fertur. Nam indignationis atque iræ indicium in naribus est, ut docet Arias Montanus in arcano sermone; & probat ex 2. Reg. 22. 9. *Ascendit fumus de naribus eius.* & Iob 41. 11. *de naribus eius procedit fumus.* Hoc ita constituto, si indignatio & ira in naribus ponitur; quid magis appositum, quam odores suaves in cælum ascendentes ad significandas eas preces, quæ ad placandum numen adhibentur? In hac repræsentandi ratione illud attenditur, Deum in altis habitare; ideoque incensum odores eliguntur, qui ceteris altius ascendunt; neque enim alia ratione contingit odores adeo in sublime ascendere. Unde altaris ignis symbolum est religionis; quæ odores incendit, quibus placatur Deus, eosque in cælum attollit. Vide in Thesauro hebræo, verbo *thamar* (quod est palma) cur virga fumi ex aromatibus appelletur etiam palma, & quam accuratè Hebræi laborarent, ut odorum fumus recta conscenderet.

Deinde thus præcipue significat orationem: quia omnes gētes in thure Dñs suis supplicabant, ut docet Plinius. Atque supplicare est, magna cum reverentia precari & orare. Licet autem Gentiles de oratione cum alijs virtutibus copulanda nihil curarent; verus tamen Deus thus solum parvi ducit; & propterea iubet cum stacte, galbano, & onyche coniungi.

Per stactem seu myrrham percommode pœnitentiam denotari (quæ ieiunij est origo) notum satis est, & à Patribus sæpe explicatum; ut videre est in sylva allegiarum. Ponitur autem primo in loco myrrha, quo innuitur orationis initium à sui ipsius accusatione & peccatorum detestatione esse sumendum; iuxta illud Ieremiæ cap. 31. 21. *Pone tibi amaritudines.* Iustus enim in principio accusator est sui, Prouerbiorum 18. 17. *Quin & verba illa orationis Dominicæ Sanctificetur nomen tuum* Matt. 6. 9. eandem habent energiam, qua Missæ exordium à confessione ductum. Nam dicere Deo *Sanctificetur nomen tuum*; idem est ac dicere, ne nostra scelera, sed sui nominis gloriam attendat. Alluditur in his verbis ad illud Ezechielis 26. 22. *Non propter vos ego faciam, sed propter nomen sanctum meum, quod polluitis, & sanctificabo nomen meum magnā; quod pollutum est inter Gētes, ut sciant Gētes, quia ego Dominus.* Ut verò ostendatur hanc scelerum detestationem ex intimis visceribus proficisci debere; eligitur stacte, amara scilicet lachryma, quam arbor sponte suā sudat: quæ

denotantur lachrymæ, quas peccator ex imo corde non coactè, sed sponte educit.

Per onychem odoratum, (quæ est concha odorifera,) ritè adumbratur fides, ut Origenes contemplatur. Concha enim est veluti scutum, quo nomine in sacris Literis fides vocatur, *sumentes scutum fidei*, ad Ephes. 6. 16. Bonum autem Christi odorem fides emittit, & vbiq; diffundit. Et fortè conchæ significatio, & viux fidei nomen ad firmum & stabile piè viuendi propositum extenditur; quod virtutes omnes complectitur; illarumque præsidio animum protegit, ac tuetur: ut concha appellata onyx pisciculum contegit. Aut (quod magis placet) fides ipsa viua suā peculiari ratione, nos veluti concha aut scutum defendit, ac tegit. Ad hæc notant Dioscorides & Paulus, onychem ex eo sibi suauem illum odorem acquirere, quia pisciculus alitur nardo. Quare ex eo, quod Christiani verum animæ alimentum ex Christo sibi desumant, eis optimus fidei odor prouenit.

Vidimus stactem, & onychem aptè ad pœnitentiam & fidem referri. Videamus nunc, an galbanus misericordiam, & eleemosynam ritè designet. Aduerte ergo, galbanum esse ferulæ odoratæ succum: porro ferula ad baculum videtur esse nata; quo baculi nomine omnis beneficentia erga miseros solet indicari. Baculus enim eum sustinet, qui per se non potest consistere; & nisi fulciretur baculo, collaberetur. Quid ergo aliud est, proximis indigentibus misereri; & eos ope atque auxilio iuuare? Quidue significare voluit Tobia mater, quando illum appellauit *Baculum senectutis nostræ*, nisi solatium, ac administriculum? Aut quid est, esse baculum, nisi esse pedem claudere? Quod de summa beneficentia ac misericordia dixit Iobus cap. 29. 14. *Iam, ad significandum maximum beneficentis affectum quid elegantius, quam succus ferulæ odoratus?* Hæc enim affectio est veluti succus, qui ex charitate, ex ipsoque animo exoritur. Commiseratio autem de alieno malo optimè indicatur per illam lachrymam, quæ dimanat ex eo, qui per charitatem baculus est indigentis. Huc spectant, quæ Dioscorides & Plinius scribunt de galbano, nempe eius nidore fugari serpentes.

Observatione insuper dignus est ordo, qui in horum aromatum recensione seruatur; hoc enim ordine numerantur: stacte, onyx, galbanus & thus. Perfectus enim ordo ac ratio postulat, ut submissè nos in primis geramus; nostrosque defectus agnoscamus; ac deprecemur: deinde per fidem ad Deum firmā confidentiā accedamus: mox cum nostris proximis per commiserationem atque clementiam copulemur (quod si desit, minimè nos Deus exaudiet) ac demum à Deo beneficia deposcamus. Hoc enim pacto & Deum nobis facilem ac propitium reddemus, & ab eo petita impetrabimus. Atque inter hæc quatuor virtutes, lachrymæ symbolum mirificè pœnitentiæ, misericordiæ & orationi quadrat: at fides non est lachryma; sed, scutum, fiducia & veluti cōcha, quæ hominem reddit securum.

Forfan etiam tenuissimus pulvis referri potest ad cordis summissi ac pœnitentis contritionem. optima enim contritio, quatuor prædictis affectibus debet constare.

Onyx, fidei symbolum.

Onyx unde sibi odorem acquirit.

Galbanus, misericordia & eleemosyna symbolum.

In baculo, misericordiam figurati.

Quo or dicitur quatuor thymiamatis partes numerentur: eiusque ordinis mysterium.

Thymiamatis, eiusque partium singularium significatio.

Indignationis & iræ indicium in naribus.

Per odores Deo accensos, & se in sublime effrentes, quid adumbratur.

Thus, orationis symbolum.

Myrrha, symbolum pœnitentiæ.



## T E X T V S.

*Vers. 9.* Et cantabant canticum nouum dicentes : Dignus es, Domine, accipere librum, & aperire signacula eius : quoniam occisus es, & redemisti nos Deo in sanguine tuo ex omni tribu & lingua & populo & natione.

10. Et fecisti nos Deo nostro regnum & sacerdotes, & regnauimus super terram.

## C O M M E N T A R I V S.

**I**A M satis explicatum est hoc canticum denotari gratias, quas in suis sacrificijs Agno agebant Apostoli atque presbyteri primitiæ Ecclesiæ tempore propter Iudæorum ad Christi fidem conuersionem agnoscens omnipotentis Christi opus esse, auferre velamen à cordibus eorum, & aperire eis librum signatum. Quod cum ita sit; iure satis magno hoc canticum fuit appellatum nouum; quod idem est atque canticum alterum, quod denuo personabant Agno. Prima enim cantio fuit, gratiarum actio propter humani generis redemptionem; atque hic videtur fuisse hymnus capitis quarti, 11. *Dignus es Domine Deus nosster, &c.* Nunc verò noua cantilena est, qua grates Deo referuntur ob maximum Christianæ Ecclesiæ incrementum, & gloriosissimum Christi triumphum in eorum conuersione, qui ipsius antea nomen oppugnabant; vt Paulus & alij.

In hoc igitur canticum explicandum nobis est, quemadmodum illæ gratiæ agantur Christo pro rebellium peccatorum conuersione? In primis quidem verbis nulla iam superest difficultas; dicere enim, *Dignus es Domine accipere librum, & aperire signacula eius; quoniam occisus es*; idem planè est, atque agnoscere, quàm æquum debitumque sit, vt illi concederetur facultas ad subiiciendos rebelles, qui semetipsum pro ipsis in sacrificium obtulit. In contextu tamen sequenti nonnihil difficultatis occurrit. Dicitur enim, *Et redemisti nos Deo in sanguine tuo ex omni tribu & lingua & populo & natione*: oportetque explicare, qua ratione dicatur dignum esse, vt Christo tribuatur facultas aperiendi librum; eo quod populum suum redemerit ex omni natione, quæ sub cælo est; sed explicemus prius singula verba.

**REDEMISTI.]** Græcè ὑπόρασας, ab ἀγοράω, quod est emo; atque ita transfert Vulgatus capite decimo quarto, versu quarto. *Hi empti sunt ex hominibus primitia Deo, & Agno.* Quare redimere in præsentī non propriè significat aliquem in libertatem asserere, sed soluto pretio sibi emere & comparare.

**EX OMNI TRIBU ET LINGVA ET POPULO ET NATIONE.]** Dupliciter hoc exponi poterat, primò, inter omnes gentes ac populos singularem populum, nempe nouum Israellem fuisse à Deo selectum: sicut olim Deus tulit sibi gentem Israeliticam de medio nationum, Deut. 4. 34. Atque ad hanc significationem opus nō erat Christianos ex diuersis nationibus esse euocatos & accersitos. Secundò potest explicari Christum emisit sibi Christianum populum ex vniuersis gentibus ad Catholicæ Ecclesiæ vnitatem congregatis. Et alicui fortasse secundus hic sensus magis placeat. Mihi tamen plus aridet primus. Nam qui in hac visione loquuntur, non sunt plures, quàm viginti octo; quia per pauci sunt, vt in ipsis dicantur esse homines ex omni natione quæ sub cælo est. Licet autem posset responderi, paucos hos sub totius Ecclesiæ Catholicæ persona loqui; in hac tamen Apocalypses parte nondum ad Gentium conuersionem progressum est, sed ad primitiæ tantum Ecclesiæ initium, cum fere omnes erant natione Iudæi. Et quanuis verum sit, die Pentecostes fuisse in Ierusalem habitantes Iudeos viros religiosos ex omni natione quæ sub cælo est, Actuum 2. 5. verum signati libri difficultas non proueniebat ex lingua, in qua scriptus erat; sed ex eo, quod septem esset sigillis obfignatus. Quamobrem, vt apta redderetur ratio, cur dignum valde esset ac iure debitum, vt Agno facultas aperiendi librum tribueretur; non erat ad rem ponderatio inde petita, quod Catholica Ecclesia ex diuersis nationibus, varijsque linguis fideles comprehendat. Imò verò, quod attinet ad linguam, non id vni Agno, sed Apostolis omnibus fuit reseruatum; nonnullisque alijs, quibus linguarum cognitio atque pericia fuit diuinitus indita. Quare vt explicetur, cur concessum sit soli Agno, vt aperiatur librum; non erat ad rem id expendere, quod fideles sint ex varijs gentibus & linguis. At verò, vt probetur, quàm æquū & operæ pretium sit, vt aperiendi librum daretur Agno facultas; illumque cui vellet, euoluendi, & explicandi; apposita est ratio, ipsum pro omnibus suum effudisse sanguinem; sibi que hominum iustorum populum selegisse. itaque iustum non esse, ne Christo remaneret facultas suum populum sibi assumendi, quem singillatim suo emeret sanguine (id est non solum quoad sufficientiam; sed etiam quoad electionem & efficaciam) quod verò eos in suam vindictam potestatem; in eo consistit, vt eis velum tollat, librum aperiatur, & suimet notitiam ingerat. Hanc esse exitimoveram contextus expositionem, in quo non solum animalia & seniores loquuntur eorum nomine, qui Christiani iam erant; sed eorum etiam, qui fuerant deinceps Christi fidem susceperunt. Quod enim aiunt, *redemisti nos Deo*, eò spectat, vt indicetur æquum valde esse, illis vt Christus librum possit aperire; qui multis eum aperuit, illosque ad se conuertit. Quapropter non est exitimandum, quotquot librū vident apertum, omnes Christianos iam esse, antequā apertū vidissent.

Cur hoc dicatur canticum nouum.

Cur huiusmodi gratias Christo agantur ob peccatorum conuersionem.

Redimere hic quid proprie.

Duplex horum verborum expositio.

Prima tamen anteferatur & probetur.

Quorū hic fidelium redemptionis mentio fiat.



A Eos tamen omnes, qui ad Christum erant conuertendi, pro suis iam reputant animalia & seniores; atque ita se cum illis coniungunt, vt omnium nomine dicant, *Redemisti nos Deo in sanguine tuo.* Facile autem mox cernitur energia illius accusatiui *nos*, & datiu *Deo*; nec illa amplius exponere opus est.

ET FECISTI NOS DEO NOSTRO REGNUM ET SACERDOTES.] Vide quæ diximus circa hæc eadem verba capite primo, versu sexto. Deinde nota, in præsentī opus esse, vt his verbis non contineatur solum beneficium ingens Christiano populo tributum; sed etiam idonea ratio, cur fuerit dignum, vt facultas aperiendi librum signatum concedatur Agno. Hæc enim verba pendunt ex illis, *Dignus es Domine aperire librum; quoniam occisus est, &c. & fecisti nos Deo nostro regnum, &c.* Dico ergo huius rationis nexum consistere in hoc, quod Agnus non solum suo sanguine coëmit, quos ad Christianorum cœtum selegit; sed suo etiam sanguine eisdem commeruit, vt regnum essent sacerdotale; id est, populus à Deo plurimis ac singularibus beneficijs affectus. Cum hac verò dignitate non rectè consonabat, ne illis signati libri mysteria patefierent: ac propterea decuit maxime Christo facultatem inesse ad librum aperiendum.

Vers. 10.

B ET REGNABIMVS SVPER TERRAM.] Hinc etiam sumi debet ratio, qua probetur expediens valde fuisse, vt Agno referandi librum concederetur potestas. Alioquin contextus non constaret. Ratio autem est huiusmodi: Christiano populo fuerat promissum non solum cœlorum regnum, sed etiam facultas regnandi in terra, vt supremi regis, (id est, Christi) ministros decebat. Ad hoc autem oportebat, Christi gubernationis spiritum probè nosse; cuius cognitio in eo consistit, vt signatus liber illis sit apertus, atque adeò opus erat, vt Christus haberet facultatem huiusmodi librum referandi. Quod si regnandi verbum non hic ad gubernationem, sed ad summam in hac vita felicitatem referatur; ad felicitatem magnam Christiano populo promissam perfrueandam, necessarium quoque erat signati libri mysteria percipere: aliter enim Martyres in medio suorum tormentorum æstu non se felices reputarent.

## T E X T V S.

Vers. 11. Et vidi, & audiui vocem Angelorum multorum in circuitu throni, & animalium, & seniorum: & erat numerus eorum millia millium.

12 Dicentium voce magna, Dignus est Agnus, qui occisus est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem,

## C O M M E N T A R I V S.

VIDI, ET AVDIVI VOCEM ANGELORVM.] Id est; vidi Angelos, & audiui eos dicentes voce magna, *dignus est Agnus, &c.* Porro hanc magnam Angelorum multitudinem suspicabitur aliquis non esse ex cœlesti hierarchia, sed ex Ecclesiastica. Agere enim de Ecclesiasticæ hierarchiæ Angelis magis proprium est Apocalypsi; & quia quatuor animalia quæ in Apocalypsi respondent templi Cherubinis, sunt ex Ecclesiastica hierarchia. Nec deerit, qui existimet, hisce angelis Religiosorum multitudinem, quæ in Christiana Ecclesia futura erat, significari. Sic enim monachos appellat Angelos terrestres Nazianzenus. Nihilominus dubitari non debet, quin magna hæc Angelorum multitudo, de qua sermo hic instituitur, sint ex cœlesti hierarchia. Tres enim gradus, qui in Christiana Ecclesia sunt, per thronum, animalia, & seniores figurantur; vt diximus capite quarto, notatione sexta. Atque in tribus hisce gradibus includuntur Religiosi: quare maxima Angelorum multitudo thronum, animalia, & seniores circumstantium, ex cœlesti hierarchia procul dubio sunt; qui Christianam Ecclesiam circumstant. Vide ad Hebræos 12.22. *Accessistis ad Sion montem & civitatem Dei viventis & multorum millium Angelorum frequentiam.* Alluditur ad Angelorum multitudinem, qui in Sina monte cum Deo apparuerunt; sicut etiam Psal. 67. 18. *Currus Dei decem millibus multiplex, millia latantium; Dominus in eis in Sina in sancto.* Vbi ad probandum, Sionis montem (quo in loco erat arca) innumerabili Angelorum multitudine esse circumseptum, ait Propheta eodem modo fuisse Deum in monte Sina visum. Ceterum non omnes eâ oculorum mentis acie sunt, qua possint hanc Angelorum multitudinem in Ecclesiæ circuitu excubantem cernere. At ij quibus Deus mētis referat lumina, vt Ioanni; ne illi clarè perspiciunt, quod Elisei famulus 4. Reg. 6. 17. cum Prophetam incredibili Angelorum multitudine circumdatum aspexit. Munus autem, quod Angeli cœlestis hierarchiæ in Christianæ Ecclesiæ protectione suscipiunt & præstant, eleganter in eo exprimitur, quod apparuerint in circuitu throni, animalium ac seniorum; vt etiam capite septimo, versu vndecimo. *Et omnes Angeli stabant in circuitu throni, & seniorum & animalium.* Quin & ingens numerus confirmat, sermonem hic esse de cœlestis hierarchiæ Angelis. Præsertim quia in græco est, *Myriades myriadam*, quæ vt minimum sunt centies decies centena millia. Quod si de

Quæ sit hæc angelorum multitudo Ioanni visa.

Hosce angelos ex cœlesti fuisse hierarchia, verius esse.



giosis hominibus, aut vitæ Euangelicæ studiosis sectatoribus sermo esset; primitivæ Ecclesiæ tempore non numerus aded ingens vsurparetur.

Aduertendum tamen est, esse in circuitu bifariam posse intelligi: primò vt sint instar muri & propugnaculi; ad quam significationem profectò respicitur in capite septimo versu vndecimo, vt ibi videbimus. Illius enim capitis scopus est ostendere, strenuos Christi cultores à qualibet aduersitate protectos, securosque esse. Atq; eadem significatio manifesta est 4. Reg. 6. 17. Altera est expositio, non de muro ac defensione, sed præsentia & prompta facilitate adseruiendum & comitandum, quemadmodum famuli in domini conspectu adstant. Quæ significatio in præsentī loco, ni fallor, valde est ad rem, vt cum prima coniungatur. Nam in animalium ac seniorum adoratione, vt iam vidimus, innuitur Missæ sacrificium: & licet ab omni defensionis ratione sensum abstrahamus, Angelorum proprium est in Missæ sacrificio assistere, & sanctissimū Christi corpus, venerabundos comitari. Pro hoc facit, quòd in hoc capite nullius adhuc hostium incursionis aut calamitatum Christianæ Ecclesiæ impendentium facta est mentio: atque ita non erat tam defensionis representatio necessaria, quàm præsentia ac venerationis in Missæ sacrificio, de quo in antecedente contextu sermo erat.

DICENTIVM VOCE MAGNA.] Vox ingens indicat maximam auiditatem ac studium tribuendi laudem & gloriam Agno. Cùm verò illi persoluantur laudēs, quòd septem libri sigilla resoluerit; illisque oculos aperuerit, qui Euangelium antea oppugnabant, vt Christi gubernationis perfectionem intelligerent: non dubium est, quin huiusmodi gloria, quam Angeli concinunt Agno, includat in se lætissimum illud gaudium, quod Christus Angelis inesse ait ob peccatorum conuersionem. Quare vocis contentio latitiæ & gaudij magnitudinē repræsentat in Christi glorificatione ob conuersionē peccatorum, sed de conuersione eorum peculiariter agitur, qui erant infideles, & crucem Christi blasphemabant: Christi tamen beneficio consequuti sunt, vt fidei Christianæ celatatem agnoscerent.

DIGNVS EST AGNVS QVI OCCISVS EST, ACCIPERE VIRTVTEM ET DIUINITATEM.] Non hoc significat (vt pater) dignum esse Agnum, cui Deus virtutem ac diuinitatem tribuat; sed cuius virtutem, diuinitatem, sapientiam ac fortitudinem cognoscant homines: illique gloriam, honorem, ac laudem propterea deferant. Sic latinè dicitur, dignus est, vt illi tribuatur seu deferatur sapientiæ gloria; id est, vt sapientissimus esse agnoscatur. Observatione insuper est dignum, cùm hæc laus, qua Angeli prædicant Agnum (vt ex contextu patet) sit, quia librum signatum aperuerit; magnam esse proportionem & conuenientiam inter sigillorum numerum, & laudis nomina, quæ illi deferunt Angeli. Nam septem etiam sunt laudes huiusmodi pro sigillorum numero; nimirum, Virtus, Diuinitas, Sapientia, Fortitudo, Honor, Gloria, & Benedictio. Tribuunt igitur Angeli Agno septem omnino laudum genera, pro sigillis totidem ab eo resignatis. Quemadmodum in trisagio ter repetitur Sanctus; quia tres sunt diuinæ personæ: nec huius laudum septenarij congruentior reddi potest ratio, quàm quæ ex septem sigillorum resignatione petitur. Hæc enim reteggit septem illos Dei spiritus in septem Agni cornibus, totidemque oculis denotatos. Etenim omnis Agni gloria & splendor ei prouenit ex septem illis spiritibus, vt supra explicatum est. Cùm ergo Agnus suos septem spiritus conspicuos reddat, libri sigilla aperiendo; non potuere Angeli melius ac dignius clarissimum hoc facinus exprimere ac ponderare, quàm asserendo septem inde laudes præstantissimas in Agnum redundare. Hæc igitur est potissima ratio laudis septemplexis, quam Angeli contentâ voce concinunt Agno, significantes septemplexis huius laudis cognitionem ex septem sigillorum apertione deriuari. Hæc interpretatio non parum accipiet roboris ex declaratione signorum admirabilium, quæ inter soluenda sigilla visa sunt. Tunc enim planum fiet ex vnoquoque sigillo, quod aperit Agnus, peculiarem illi laudem exoriri; hoc est cognosci aliquem ex septem spiritibus, quibus maxima imperij Christi perfectio comprehenditur.

Alia nostræ interpretationis confirmatio petitur ex cap. 7. num. 12. vbi ipsimet Angeli, qui stabant in circuitu throni & seniorum & quatuor animalium, Deum collaudantes pro admirabili prouidentia, quam in noui Israelis salute ostendit, & in eorum à septem plagarum calamitatibus liberatione; simili modo septemplexem Deo tribuunt laudem, dicentes, Benedictio, & claritas, & sapientia, & gratiarum actio, honor, virtus & fortitudo Deo nostro. Vbi propterea Angeli septem isthæc laudum elogia Deo decantant, vt septem prouidentia ipsius spiritus seu virtutes prædicent. Hos igitur spiritus septem habet Christus; quippe qui verum est Dei brachium, & per eos Ecclesiam suam admirabili prouidentia gubernat. Quamobrem Apocalypsis septem hos spiritus Deo tribuit primùm; dein eosdem tribuit Christo. Atque hæc est ratio, quare laudum series, quas Angeli in Apocalypsi & Deo Patri & Christo deferunt, vtraque septemplex sit. Quapropter ipsismet Angelis grates sunt nobis agendæ; qui septem suis laudibus nobis attulere lucem, qua in septem sigillis, totidem Dei gubernationis perfectiones esse clausas dispiciamus.

At enim contra hanc explicationem occurrit huiusmodi argumentum. Nomina hæc septem laudum, quo ordine ab Angelis tribuuntur, cum septem Dei spiritibus non bene consentiunt. Nam in primis laus prima, quæ deberet esse Virtus; capite septimo, non est, nisi Benedictio. Deinde secunda laus (quæ capite quinto, est Diuinitas, & capite septimo, Claritas) non aptè responderet Beneficentiæ, quæ est secundus spiritus. Tertio, laus tertia, quæ est Sapientia, rectius congruebat quarto spiritui, quàm Æquitati. Quarto, quarta (quæ capite quinto, est Fortitudo, & capite septimo, gratiarum actio) cum magno Consilio non cohæret. Quinto, quinta, id est, Honor, non videtur ad Patientiam potius, quàm ad quamlibet aliam ex septem perfectionibus, attinere. Sexto, sexta (nempe Gloria in capite quinto, & in septimo, Virtus) Dominationibus non propriè responderet. Septimo, septima denique (quæ in capite quinto est Benedictio, & in septimo, Fortitudo) non rite componitur cum suppliciorum Seueritate.

Angelos in circuitu throni & seniorum dupliciter posse considerari.

Vers. 12. Ingens hæc angelorum vox quid innuat.

Inter sigillorum reseruatorum numerum & isthæc laudum nomina quanta sit proportio

Collatio septemplexis huius laudis cum laude item septemplexis capitis 7.

Difficultates contra prædictam septem laudum expositionem.



**A** Pro horum argumentorum responsione, aduerto, in his duobus locis, vbi Angeli septem laudum nomina coniungunt, etsi sapientia utrobique tertium occupat locum, & honor quintum, in ceteris tamen ordinem commutari. Ex qua commutatione colligitur cuilibet ex septem hisce attributis posse ferè omnes septem laudes accommodari: vt patet manifeste in his, Honor, Gloria, Benedictio. Quoduis enim eorum debetur sedenti in throno (necnon Christo Domino:) & propter eorum quodlibet honorem, gloriam, & benedictionem promeretur.

Ad primum igitur respondeo, primo spiritui primam ex septem laudibus, nempe virtutem mirificè aptari: quod verò cap. 7. cum Benedictio commutetur, hoc non est abs re; nam, vt nuper dicebamus, Deus ob suam veritatem meretur Benedictioem.

**B** Ad secundum, pro diuinitate, græcè est, *θεοτης*, id est, *diuinitas*. Et diuitias legunt Ticonius ac Primasius. Nec desunt, qui suspicentur, typographorum fortassis errore irreplisse nomen diuinitatis; quod non satis literarum compendium intellexerint, id est, diuitias. Verum tamen non opus est hanc accersere suspicionem: nam pro græco nomine, quod significat diuitias, aptissime supponitur nomen diuinitas: sermo enim est de ostensione diuitiarum in earum communicatione: id quod diuinitatis est proprium, scilicet se maximè ostendere, & in sui communicatione mirum in modum elucere. Et hoc diuinitati summè conuenire dicitur, diuitem scilicet esse in misericordia & beneficentia. Huc etiam referendum est claritatis nomen; præclara namque res est summa beneficentia. Græca vox, quæ claritati respondet, est *δοξα*, id est, gloria; & quid aliud, quàm Deo gloriam tribuere propter summam beneficentiam?

Ad tertium respondetur; licet sapientiæ nomen admirabilibus consilijs optimè quadret, in ratione tamen & æquitate splendet etiam sapientia.

Ad quartum; Fortitudinis nomen non solum deseruit in sacris Literis ad significationem magnanimitatis, sed cuiuscumque etiam magnæ eminentiæ. Et sic quemuis eximium artificem solemus appellare valentem, hoc est, fortem; vulgari verò phrasi, *Valiente officiali*; atque hac ratione admirandis consilijs egregiè conuenit fortitudo.

Actio verò gratiarum accipienda est in his elogijs pro synonymo benedictionis: & patet ita accepisse Vulgatum: quia capite quarto, versu octauo, vbi nòs legimus Benedictioem, græcè est *Eucharistia*.

**C** Ad quintum; optimæ considerationis est, opinor, vt honor cum patientia copuletur, eique respondeat: ornatissima enim res est, & strenui pectoris argumentum, magna præditum esse patientia.

Ad sextum; Deus in serijs etiam comminationibus se gloriosum fortemque exhibet.

Ad vltimum denique respondetur; Angeli nos docent Deo benedicere ob suorum suppliciorum seueritatem, & in ipsis eius fortitudinem recognoscere, hoc est, Dei magnitudinem atque potentiam. Deus enim rebus in omnibus se magnū ostendit. Ac demum, quod per incuriam & obliuionem videbatur esse factum, vt horum elogiorum significatio extenderetur, nec ita propriè accipi viderentur; hoc ipsum curâ & elegantia plenum est: vt melius agnoscamus diuinæ providentiæ spirituum eminentiam; & quàm aptum sit fundamentum, vt in eorum singulis Dei gloriam & magnitudinem nouerimus; & pro quolibet eorum Deum ipsum excelsum, gloriosum & omni laude dignum prædicemus.

## T E X T V S.

**E** *Vers. 13.* Et omnem creaturam, quæ in calo est, & super terram, & sub terra, & quæ in mari, & quæ in eo, omnes audiui dicentes; Sedenti in throno, & Agno benedictio, & honor, & gloria, & potestas in sæcula sæculorum.

## C O M M E N T A R I V S.

**C** I R C A textum notandum est, ex difficultate illorum verborum, & quæ in eo, originem traxisse varias lectiones tam græcas, quàm latinas (de quibus vide hîc Riberam)

Cur in duplici hoc laudum septenario ordo immutetur.

Soluantur propositæ difficultates, simulq; discriminis causa redduntur.

Pro diuinitate hic diuitias poni in Græco.



Ob difficultatem eorum verborum, Et quæ in eo, v. rias irrepsisse loci huius lectiones.

Probatur ac defenditur vulgata lectio.

Omnis creatura nomine, quas alij intelligant.

Omnis creatura nomine rationales solum intelligi creaturas, v. rior sententia.

Quæ dicitur creatura esse in celo, quæ super terram, quæ sub terra, quæ in mari.

Quorsum hic Iudæorum, Gentium, ac Dæmoniorum mentio fiat.

Verum hæc creaturarum omnium laus apud extremum iudicium referatur.

Superiorem de die iudicii expositionem non admodum probari.

Quatuor laudes, quas Agno vniuersæ creature irribuunt creatura, ad primorum quatuor sigillorum mysterium referri.

non tamen facile credendum est nostræ lectioni inesse mendum: potius est valde verisimile hanc esse rectam; ceteras ab ea discrepantes aberrare. Quod verò ad lectionis huius syntaxin spectat; planius esse existimo, vt ablatiuus ille *in eo*, referatur ad mare, sitq; repetitio, quasi dicat, *qui in mari*, illas etiam: quod repetitionis genus indicat longius distare, vt ipsæ etiam creatæ res in mari existentes Deo, & Agno gloriam tribuerent. Nam quod affirmationis gratiâ repetitur, minus videbatur esse verisimile. Atque hæc constructio congruenter cohæret cum ijs, quæ infra subiunguntur.

Iam de sensu huius laudis, quam creaturæ omnes dicuntur tribuere Deo & Agno, obserua huiusmodi laudem, sicut & superiores, in eo niti, quòd Agnus signatum librum aperuerit. Ideo enim illum prius collaudarunt animalia, & seniores; & omnes deinde Angeli, qui stabant in circuitu throni; ac demum reliquæ res creatæ.

Ribera & Pererius omnis creaturæ nomine volunt comprehendere etiam irracionales ex Ambrosio & Ruperto. Itaque aiunt cæli creaturas esse solem, lunam & sidera; quia de Angelorum voce iam agerat Ioannes. Pro huius explicationis probatione, afferunt, quam frequens sit in sacris Literis prothopoeia, quæ rebus inanimatis vocem tribuit. Verum hæc explicatio ideo mihi non arridet, quia nõ reddit aptam rationem, cur hanc peculiariter vocem omnium creaturarum confirmare visa sint quatuor animalia; de quo infra.

Mea igitur sententia est, omnis creaturæ nomen in presenti de rationalibus esse intelligendum; vt Marci ultimo, *Predicate Euangelium omni creatura*. Sed hinc nonnihil amplius possumus creaturarum nomen extendere; vt sermo sit de vniuersis rationalibus creaturis (etiam dæmonibus) quæ in animalium seniorum, & Angelorum laudatione non fuerant expressæ.

Illam igitur distributionem, *quæ sunt in celo, & super terram, & sub terra & quæ in mari*; sic explicabo, vt *esse in celo* referatur ad Christianos homines: *esse super terram*, ad Iudæos; *esse sub terra*, ad dæmones, vel etiam ad homines damnatos; & *esse in mari*, ad Gentes. Huic interpretationi sensus nimium mystici maculam aliqui inurent. Ceterum si hunc loquendi modum in sacris Literis vñtatum esse, & in Apocalypsi iteratum probaretur: nihil esset, cur eum nouitatis quisquam in hoc loco damnaret. Iam ergo vidimus capite quarto, versu primo, militantem Ecclesiam Ioanni in cælis fuisse monstratam, eo quòd eius conuersatio in cælis sit. Per terram verò denotari Iudaismum, per mare Gentilitatem, ex multis Apocalypseos locis manifestum est; vt ex illis verbis capitis decimi, *Posuit pedem suum dextrum super mare, sinistrum autem super terram*. At infernum plane designat phrasis illa *sub terra*.

Restat examinare, quorsum hic Iudæorum, Gentium, ac Dæmoniorum mentio fiat? Hi enim proprie non laudant, nec prædicant Christum; nec videtur esse posse vaticinium de Iudæorum ac Gentium conuersione. Nam infernus saltem non est ad Christum conuertendus. Et quod nonnulli existimant, per creaturas quæ sub terra sunt, eas intelligi animas, quæ sunt in purgatorio; angustum est, meo iudicio. Textus enim generatim loquitur de creaturis omnibus, quæ in celo, in terra, sub terra, & in mari sunt. Nec erat, cur ij, qui hanc Christi laudem per prothopoeiam exponunt, partem illam *sub terra* ad vñius Purgatorij animas restringerent.

Aptio huius laudis interpretatio erat, si ad vniuersalis iudicij diem referretur. Nam Isaias c. 45. 23. ait, *Mibi curuabitur omne genu, & iurabit omnis lingua*: quem locum adducit & exponit Paulus ad Rom. 14. 11. his verbis, *Omnes stabimus ante tribunal Christi: scriptum est enim; Vniuo ego, diu Dominus, quoniam mihi sctetur omne genu, & omnis lingua confitebitur Deo*. Ex quo patet, quòd Christus sit iudex futurus Christianorum, Iudæorum, Gentilium, & eorum qui apud inferos sunt; sufficiens hoc esse fundamentum, vt significetur, Christum ipsum ab ijs omnibus, quos est iudicaturus, ab alijs quidem sponte, ab alijs coacte, laude ac benedictione prædicatum iri. Nec dissentiebat hæc explicatio à libri signati apertione: ex eo enim, quòd Christus librum aperuerit, patuit Iudæos, Gentiles, & cælorum atque inferorum incolæ sub Dei ac Iesu Christi imperio omnes esse; & extremi iudicij die Christi imperium cognituros pariter, ac veneraturos. Consonabat etiam quatuor animalium confirmatio, de qua infra. Nam vñum ex præcipuis Evangelicæ prædicationis capitibus, quæ à quatuor animalibus confirmantur, est illud, quo Christum vniuersalem esse viuorum ac mortuorum iudicem confitemur.

Hæc tamen expositio non mihi plane satisfacit. Nec enim video, quo pacto in ea reddatur ratio cuiusdam rei, quæ mysterio certe non vacat; nimirum hanc laudem, quæ post librum apertum Agno dicitur ab omnibus creaturis tribui, esse quadruplicem. Aiunt enim Benedictio, & Honor, & Gloria, & Potestas. Atque vt in septem laudibus, quas Angeli Agno detulerunt, septenarij reddimus rationem; ita similiter exacta sacra Scripturæ explicatio postulat, vt in hac laude ab omnibus creaturis Agno tributâ, quaternarij congruens afferatur ratio. Deinde quatuor animalium confirmatio respondet haud dubie quatuor laudibus; sicuti videbimus cap. 6. quatuor prima sigilla animalibus quatuor respondere. Ex quibus infero quatuor laudes, quas deferunt Agno vniuersæ creaturæ, referri ad quatuor primos Christi spiritus; quorum mysterium in primis sigillis erat reconditum. Quòd si huiusmodi laus, quam Christo concinunt res creatæ omnes, eadem esset, quæ illi est in extremo iudicio deferenda ab omnibus per eum iudicandis; ad laudem illam non minor haberetur ratio de tribus extremis spiritibus, præsertim de seuera punitione, quàm de primis quatuor. Adde huc, transgressionem illam seu transitionem à libro aperto ad extremi iudicij diem, nullum in se ordinem, nullam habere seriem. Et certè optabile valde est, vt interpretatio aliqua reperiatur, quæ isthæc melius inter se connectat; nec adeò diiuncta ac separata continet.



A Propter hæc valde suspicor legitimam quadruplicis huius laudis significationem esse, vt aperto libro, & septem sigillorum mysterio, nec non Dei & Christi spirituum septem patefacto, appareat mox ingens gloria, quam retribuant creaturæ omnes Agno; hoc est, non solum Christiani, sed etiam Iudæi atque Gentiles, & ipse infernus. Cernitur enim manifestè, Iudæorum & Gentium persecutionem, & inferni ipsius machinationes ac technas in prædestinatorum salutem & utilitatem cedere; quæ est maxima Dei gloria. Deinde facile perspicitur, cum de prædestinatorum salute solum agatur, congruens fuisse, vt quatuor essent huiusmodi laudes. Nam ex septem spiritibus quatuor sunt, qui directè in salutem electorum sese impendunt: illi autem in cap. 6. figurantur per quatuor equos, qui perfectæ salutis symbolum gerunt. *Benedictio* ergo refertur ad virtutem, quæ in infirmitate perficitur: *Honor* ad beneficentiam, quæ in externâ maleficientiæ specie suum accipit complementum: *Gloria* ad æquitatem, quæ sub specie iniquitatis delitescit: & *Potestas* ad admirabile Diuinæ sapientiæ consilium, quod stultitiæ simulatione præfinitum ac destinatum finem adipiscitur in suorum exaltatione, & in clarissimo argumento sui imperij ac dominationis; quam in mortem & infernum exercet.

*Quæ sit  
quatuor  
harum lau-  
dum inter-  
pretatio.*

B Hæc declaratio confirmatur ijs, quæ proximo versu sequuntur. In ea etiam afferri potest conueniens ratio, cur cum dictum iam fuerit, *quæ in mari*, addatur illa repetitio, & *quæ in eo*, id est, ipsas quoque. Nam in ea distributione *Christiani* sunt creaturæ in cælo, *Iudæi* in terra, *Dæmones* sub terra, & *Gentiles* in mari. Ex quibus omnibus Gentiles (vt supra diximus) remotiores videbantur esse à laude Christo tribuenda. Christiani enim ipsum venerantur; Iudæi, etsi illum non agnoscebant, Messiam tamen expectabant, Prophetias habebant, & Christi miracula viderant: Dæmones, quantumvis illum detestarentur, agnouerunt tamen, & *Dæmones credunt & contremiscunt*. Itaq; quod longius videbatur distare, nempe Gentiles ante conuersionem, in media ipsa persecutione Christi laudi ac gloriæ seruire.

*Cur post  
creaturas,  
quæ in ma-  
ri esse di-  
cuntur, ad-  
datur, &  
quæ in eo?*

## T E X T V S.

C *Vers. 14.* Et quatuor animalia dicebant, Amen. Et viginti quatuor seniores ceciderunt in facies suas, & adorauerunt viuientem in sæcula sæculorum.

## C O M M E N T A R I V S.

D **A** M E N. ] Confirmatio est eorum, quæ dicta sunt; vt patet ex illis Pauli verbis, 1. Cor. 14. 16. *Si benedixeris spiritu, qui supplet locum idiotæ; quomodo dicet Amen super tuam benedictionem?* Est igitur sensus; quatuor illas laudes, quas creaturæ omnes Christo tribuunt, Apostolorum & Apostolicorum viro- rum vitæ atque doctrinæ confirmari. Illi enim sunt, qui & re ipsâ, & sapienti Euangelij prædicatione singulariter confirmant illorum quatuor Christi spirituum eminentiam, & creata omnia in electorum salutem cooperari; nimirum infirmitatem, sæuitiam, & iniquitatis atque stultitiæ speciem in gloriam prædestinatorum & Christi Domini laudem cedere.

*Amen  
quid sit.*

Cælestem hanc prædicationem immensæ gratiæ comitantur, quas Deo Christiana Ecclesia in Missæ sacrificio agit pro maximo beneficio, quod in suos fideles confert; dum eorum salutem ac veram felicitatem mediâ infirmitatis, iniquitatis, & stultitiæ specie perficit & absoluit. Porro supra iam in hoc capite & præcedenti expendimus, per seniorum adorationem significari Missæ sacrificium; remque esse Apocalypsi dignissimam (vt indicetur, quàm gratas acceptasque laudes Christiana Ecclesia Deo pro tot ac tantis beneficijs deferat) Missæ sacrificium in medium proferre, quo facit illud Psal. 115. 3. *Quid retribuam Domino pro omnibus, quæ retribuit mihi? calicem salutaris accipiam.* Qui autem appellatur viuens in sæcula sæculorum, proculdubio est, qui sedet in throno; vt explicatur expresse cap. 4. 9.



# N O T A T I O N E S P R O O E M I A L E S I N C A P V T V I .

## N O T A T I O I .

*De necessitate nouæ expositionis in septem sigillorum distinctione.*

*Quam sit  
operabilis  
idonea se-  
ptem sigil-  
lorum ex-  
plicatio.*

*Quanta sit  
septem sigil-  
lorum dis-  
tinctio.*

*Ad sigillorum  
explicationem  
cuiusmodi  
sit eligenda  
materia.*

*Apta septem  
sigillorum  
explicatio  
quas debeat  
habere con-  
ditiones.*

**I**O A N N I S lachrymæ à dolore pro-  
fectæ, quod reperiretur nemo, qui  
septem aperiret sigilla; nec non ma-  
xima gloria, quæ ex illorum reli-  
gatione ad Agnum redundauit; &  
septem laudes, quas illi contenta  
voce concinuerunt Angeli, quia dignus fuit aperi-  
re sigilla; hæc omnia ostendunt gloriosissimum  
Deo fore, & Christianæ Ecclesiæ iucundissimum, si  
qua inueniretur septem sigillorum interpretatio,  
quæ & doctorum hominum ingenio satisfaceret, &  
cohereret optimè cum admirandis figuris ac signis,  
quæ in eorum designatione apparuerunt. Et certe  
abstrusum hoc arcanum hætenus esse obsignatum  
videbatur. Licet enim multa sint hæc de re doctæ,  
copiosæ & eruditè conscriptæ; verè tamen & absque  
alicuius iniuria potest affirmari, nullam adhuc in-  
terpretationem ex varijs ac multiplicibus, quæ man-  
datæ literis circumferuntur, plenè & cumulatè sa-  
tisfacere. Quandoquidem tot tamque graues extant  
auctores, qui Apocalypseos expositionem nobis ad-  
huc ignotam, incognitamque esse non dubitent af-  
firmare. Cuius tamen libri difficilior sanè pars ac  
magis Theologica est ea, quæ septem sigillorum tra-  
ctationem complectitur.

Ad superandam hanc difficultatem oportet in  
primis eam nancisci materiam atque seligere, quæ  
grauissimæ huius prophetiæ digna esse medulla &  
quasi anima censeatur, & quæ septem omnino ca-  
pitibus coërceatur; non pluribus neque paucioribus;  
absconditis illis quidem ac reconditis. Ita ut nisi  
Christus ipse retegeret, prorsus tecta manerent; quo-  
rum etiam intelligentia Ecclesiæ maximè interlit.

Secundò necessarium est, omnia quæ textus ait,  
apprime quadrare; & reddere rationem aptam de  
rebus adeò miris & inauditis, ac sunt illæ, quæ inter  
aperienda singula sigilla, visæ sunt: eiusmodi sunt  
equi, qui in quatuor primis sigillis apparuerunt;  
cum in tribus postremis nec equus, nec aliud simile  
cernatur. Item, quod in quatuor priorum resigna-  
tione animalia Ioannem accersant suo ordine sin-  
gula; non tamen in tribus postremis, id contingat.  
Ad hæc, in primo & tertio sigillis datur manifesta  
proportio atque consensus inter animal, quod Ioan-  
nem aduocat, & inter visæ figuræ significationem;  
at in secundo & quarto nihil eiusmodi reperitur.  
Dicam clariùs. Vbi primum sigillum resignatur, leo  
Ioannem ad se accersit; est autem leo fortitudinis  
symbolum: cuius etiam virtutis significatio elucet  
in ijs, quæ Ioannes in illo aspicit sigillo: videt enim  
arcum, sagittas, atque victorem. Similiter in tertio  
sigillo tertium animal accit Ioannem; quod animal  
cum hominis præferat faciem, symbolum est ratio-  
nis & æquitatis. In eo autem, quod Ioanni aperto  
eodem sigillo cernitur, elucet etiam æquitatis ac ra-  
tionis symbolum: videt enim itateram seu libram.  
At verò in secundo & quarto sigillo nihil simile aspi-  
citur. Nam in secundo Ioannem inuitat ad se vitulus,  
qui est beneficentiæ symbolum: cum tamen Ioanni  
non nisi belli symbolum ostendatur in eo sigillo, &

**A** datus est ei gladius magnus, ut tolleret pacem de terra. In  
quarto aquila, sapientiæ seu felicitatis symbolum,  
Ioannem accersit; qui in eo sigillo nil aspicit aliud,  
quàm mortem & infernum, & maximam stragem.  
Tot rerum inter se differentium atque pugnantium  
idoneam ac coherentem inuenire rationem; quæ &  
eruditas mentes iucundè pascat, & certas de colli-  
neato veri sensus scopo reddat; id verò spissum sanè  
opus est, & difficultate plenissimum. Quæ autem  
interpretationes hætenus prodierant in lucem, nul-  
lam contextui videbantur attulisse.

**B** De multiplici expositionum varietate non nihil  
diximus. cap. 5. ad ea verba signatum sigilla septem. Plu-  
ra refert Pererius cap. 6. per aliquot disputationes,  
vbi septem enumerat sigilla interpretandi rationes.  
Harum prima est Victorini; secunda Andreæ, & Are-  
æ; tertia Bedæ; quarta Ioachimi; quinta Ambrosij;  
sexta Rupertij; & septima Aureoli. His tamen septem  
alias explicationes addere potuisset; primam Hay-  
monis; alteram Seraphini de Fermo; tertiam Ariæ  
Montani; quartam Ribæ; quintam Mezerij; sex-  
tam Hortulani in Cantica, & septimam Forerij Isaia  
34. 4. vbi hæc habet; *Caput sextum Apocalypseos vastationem Iudææ, quæ cepit fieri à morte Domini, per incre-  
menta narrat; quousque in sexto sigillo, id est, sexta anno-  
rum hebdomada, post occisum Dominum extremam deuas-  
tationem commemorat.* Quibus ex verbis colligo, Fo-  
rerium eius esse opinionis, ut omnia septem sigilla  
de Iudææ agant excidio; quam etiam opinionem se-  
quuntur alij. Fauet Victorini, Ticonij, & Primasij  
consensus existimantium in secundo, tertio, & quarto  
sigillis agi de bello, fame, & peste, quæ fuerant à  
Christo prædictæ. Itaque quatuordecim non minùs  
opinionum diuersæ sunt: & nonnullas alias facile  
possem congerere. Nonnulli enim in sigillorum ali-  
quot resignatione duas sub disunctione expositi-  
ones admittunt; ut Pererius, qui in tertio sigillo signi-  
ficari ait regnum Gothorum, Hunnorum, & Vvan-  
dalorum; vel etiam regnum Diaboli in Hæreticis; &  
in quarto sigillo indicari Sarracenorum regnum;  
vel regnum Diaboli in hypocritis. Ex hac tamen  
varietate ipse infero, Pererium non sibi omnino sa-  
tisfacere in capitum serie & continuatione, quibus  
septem sigilla constare debent. Nam si declaratio-  
nes, quas admittit, continent omnes materiem se-  
ptem sigillis dignam; non igitur futura erant sigilla  
septem, sed nouem, ut eorum capitum nullum de-  
bità sede ac loco excluderetur.

**C** Illud tamen plus in Pererio, alijsque auctoribus  
miror, eis nempe res esse visas, & Ioannis lachrymis  
& libri signati mysterijs dignas, Gothorum, vel  
Hunnorum, siue etiam Sarracenorum, aut Domi-  
tiani Imperia, vel alia id genus. Non enim inficiari  
potest quisquā, rem esse in diuina æstimatione parui  
admodum momenti ad Ecclesiæ utilitatem, imperij  
Gothorum aut Sarracenorum ante-captam noticiam  
ac prænotionem. Quod perspicue patet; quando-  
quidem nec in Apocalypsi, nec aliā præterea viā præ-  
cognouit Ecclesia huiusmodi imperia, antequam  
intrueretur; quam autem postea eorum acquisiuit

*Impugnatur  
generatim plures  
ex præceden-  
tibus expo-  
sitionibus.*



Ab argumē-  
ti ignobili-  
tate pradi-  
ca explicā-  
tiones ar-  
guntur.

cognitionem, ex solis euentibus comparauit; quod non reuelationis est, sed historię. Cum ergo hoc ita sit, nemo non viderit Ioannis lachrymas cassas fore & superuacuas; si huiusmodi reuelationis, aut euentuum prædicationis desiderium eas eliceret; aut exprimeret dolor, quod nullus isthac imperiorum sigilla posset soluere. Nec verò is fuit Christi victoriæ fructus, vt euenta hæc aut alia huiusmodi suæ Ecclesiæ Deus prænunciaret futura. Non ergo de hisce rebus agitis, qui Ioanni dixit, *Ecce vicit leo de tribu Iuda aperire librum, & soluere signacula eius.* Hoc argumentum, meo iudicio, adeo vrget, vt non possim non admirari, homines doctos atq; prudentes inter mysteria septem sigillorum enumerare varios euentus, quos Christus suæ Ecclesiæ nunquam reuelauit, nec Ecclesia eorum notitiam habuit, donec res ipsa eos manifestauit: neq; postea aliud de illis nouit, quam quod historiæ narrat.

Superiorum  
explicatio-  
num nul-  
lam perfe-  
ctam qua-  
drare.

Iam, si inter declarationes quatuordecim supra dictas, aut inter alias eiusdem rationis seriem, aut consequentem alicuius materiæ perscrutemur, quæ digna sit, vt in septem sigillorum libro possit abdita delitescere, & quæ conuincat in septem nō amplius puncta diuidi; inanis certe labor esset. Quin etiam in punctis ipsis, siue capitibus, quæ illarū expositionum auctores designant, si interpretationem omnia perfecte quadrantem inuestigemus; nihilo fructuosior opera impendetur; nec eorum auctorum aliquis id negotij aggredi videtur audere. Multi enim potius aduertunt, non esse querendam expositionem omnia connectentē, nec continuationis seriem seruantem. Ita sanè Pererius, vt alibi latius ipsiusmet verbis retulimus: & Salmeron etiam in suis prolegomenis, *Fieri (inquit) non potest, ut data quauis enarratione singula apte quadrent.* Constat itaque interpretes quouis interpretationis modo facile esse contentos; vt si septem signa in septem sigillorum resignatione apparentia ad septem Christi vitæ mysteria, aut ad pia alia, siue propria potius inuenta accommodent. Neque laborant vehemēter, ne in applicatione immutetur punctorum ordo. Alij enim in tertio equo intelligunt hereticos, & in quarto hypocritas; alij contra in tertio hypocritas, & in quarto hereticos. Sic Beda, & qui eum sequuntur. Nec deficit aliquis, qui equum nigrum ad hereticos, & quartum referat ad Traianum, egregio sanè saltu. Alij postremos tres equos eodem in sensu commiscunt; quæ est opinio Ticonij & Haymonis. Atq; in his, alijque id genus declarationibus frustra desudet quis in idonea ratione querenda, cur in tribus vltimis sigillis equi non extent? cū in quarto sigillo quatuor animalia Ioannē accersendo defessa sint, nec illum ad tria postrema accierint? cur deniq; leo & homo Ioannē aduocant, ad ea intuenda, quæ cū leonis fortitudine, & æquitate hominis congruebant; nec tamen eadē proportio in secundo & quarto sigillis seruata sit?

His ipse rationibus permotus atque compulsus sum, vt nouam horum septem sigillorum declarationem indagarem. Præterquam quod (vt vidimus notat. 11. prolegomen. ad Apocalypsin, & cap. 1. in expositione vocis tubæ & vocis aquarū multarum,

A necnon in initio capit. 4. in voce tubæ) grauissima nos docet auctoritas à cap. 4. vsque ad 11. agere Apocalypsim, quemadmodum se gesserit Deus cum Iudaico populo, quoad ipsum reprobaui: & à cap. 12. ad 19. sermonem institui de ratione ac modo, quo Deus cum Gëtiliū populo egerit, donec eum sub Euangelij ditionem redegit. Quæ diuisio tot, tamque grauium auctoriū patrociniū defenditur; vt nulla præterea extet declaratio; quæ tot ac tales habeat, & ita solidis fundamentis roboretur. Quapropter cum pateat nullam earum interpretationum, quæ de sigillorum distinctione agit, attingere huiusmodi rationem ac normam, quam Deus aduersus Iudaicū populum seruauit; euidenter apparet cōtra explanationes istas militare totum illud auctoritatis pondus, totamq; fundamentorum firmitatem; quibus diuisio illa, quam nuper tetigi, solidatur, & quibus itatutum, est in septem sigillis contineri, qualiter se Deus gesserit cum populo Iudaico post generis humani redemptionem.

B

Infero ex dictis, licet septem sigillorum distinctio non fuerit omnino explicata ab ijs auctoribus, qui meam hanc diuisionem amplectuntur; in argumentum tamen summā non esse nouam meam declarationem; sed ceteris etiam antiquiorem pariter, & grauiorem. Dein vt à grauissima hac veterum auctoritate, & tanta fundamentorum vi ne discederem, necessariò fueram distinctionem nouam quaesiturus; si nullam in ijs auctoribus reperiebam, quos pro mei argumenti summā adduxi. Itaque nostræ interpretationis summa de septem sigillis & grauissima est, & antiquissima; illius verò distinctionem fateor esse nouam; vt erat necesse ei, qui antiquorum vestigia si minus expressa (quæ neutiquam in distinctione apparebant) impressa tamen in explanationis summā persequi itauerat. Nam si antiquorum mēs tenenda mihi erat; necessariò deferenda erant illa septem sigillorum distinctiones, quæ cū explanationis summa ab antiquis tradita non consentiebant; ea verò inquirenda, quæ & cum antiqua illa summa, & cum textu ipso, & cum multorum recentiorum desiderio posset apte componi.

C

D

Quibus positis, mea explicatio est; primorū quatuor sigillorum mysterio contineri admirabilem providentiam, quam ostendit Deus in salute Iudeorum, qui in Christum crediderunt. Tribus autem postremis sigillis occultari mysterium æquissimæ Iudæorum reprobationis; & quemadmodum Diuina providentia illos expectauerit primū, & commonuerit; ac demum seuerissimo supplicio punierit. Iam quod ad huius discursus perfectionem & ad materiæ grauitatem ac dignitatem attinet; & quod ea septem punctis siue capitibus coëreatur, nō pluribus neq; paucioribus; quod in eis summa diuinæ gubernationis perfectio contineatur; hæc omnia, aliaque ad id conducentia affatim explicata & probata esse existimo, supra notat. 5. capit. 1. & notat. 2. cap. 5. Quare id vnum superest, vt videamus; vtrum figuræ ac signa, quæ in septem sigillorum resignatione Ioannis oculis obiecta sunt, cum nobili hoc discursu recte cohereant.

Summam  
nostræ de si-  
gillis exposi-  
tionis gra-  
uissimorum  
doctorum  
auctoritate  
fulciri.

Auctoris  
explicatio  
de septem  
sigillis.

## NOTATIO II.

*Mysterium quatuor equorum capit. 6. non esse aliud, quam aduenisse  
Deum ad saluandum suum populum.*

Virum qua-  
tuor equi  
primorum  
quatuor si-  
gillorū en-  
dem adrem,  
vel ad con-  
trariū spe-  
ctant.

Varia hæc de  
re auctorum  
explicatio-  
nis.

MULTI interpretum, sibi persuadent, postremos tres equos primo esse oppositos. Nam eques, qui equo vehitur albo, pro certo videtur Christum Dominum significare; vt omnes explicantes D. Irenæum. Deinde videntur etiam Christi factionem sequi non posse, aut qui terræ pacem conturbat, id est, secundus; aut qui trutinam fraudulentam habet; aut mors & infernus, qui stragem illam edunt, quam recenset textus agens de equo 4.

Hoc fortassis est, opinor, fundamentum Ticonij, Primasij, Haymonis, Bedæ, Ioachimi, Glossæ, Alberti,

E Thomæ, Pannonij, Riberg, Bulégeri, Gagneij, Serrani, atq; Pererij; qui omnes præstituant tres equos extremos opponi primo: atq; eiusdē sententiæ sunt Lyra, Antoninus, Aureolus, Ederus, Lizarazus, & Viegas.

Ambrosius tamen contrarium supponit. Nam loquens distinctè de vnoquoque; equite in singulis equis agens de illo, qui equo portatur rufus, inquit, *seffor Christus*; constatq; ex eius declaratione nullam eum oppositionem inter quatuor equos reperire. Idem statuit Arias Montanus; qui de primis tribus equis



hic ait; *seffor horum trium iustitie fructus*. Victorinus quoque & Andreas, etsi non ita explicatè loquuntur, fauent etiam nō obscurè horum quatuor equorum societati & conspirationi. Seraphinus de Fermo album ac rufum equos conciliat inter se, & in veròq; dicit, *seffor Christus*. At nigrum & pallidum alterius factionis esse tradit. Idemque sequi videtur Hortulanus in Cantica. Omitto Bernardi, Ruperti & aliorum expositionem; qui cū septem omnia sigilla ad Christi referant mysteria, necesse habent quatuor equos inter se conformes considerare. His tamen prætermittis, Forerius & qui existimant equites, qui secūdo, tertio & quarto equis infident, esse bellum, famem, ac pestem, quibus Deus Iudæos puniuit: si-bique persuadent, quatuor omnes equos ad Iudææ vilitatem tendere; hi, (inquam) auctores, vt perspicuum est, tres primos equos nequaquam opponunt quarto; sed omnes inter se coniunctos, & eiusdem factionis esse credunt. Hæc tamen interpretatio in-tactam prætermittit admirabilem eoru Iudæorum salutem, qui Christi fidem susceperunt; & repente transgreditur ad supplicium eorum, qui ipsum re-spuerunt: nec valet reddere cōgruentem rationem, cur in quatuor primis sigillis, non verò in tribus postremis equi appareant?

Pererij & Viega opinio de quatuor sigillorum equis.

Pererius & Viega volunt in sacra Scriptura equum esse imperij symbolum. Itaq; sibi persuadent per hos quatuor equos significari totidē regna; videlicet Christi regnum in Ecclesia primitiua, regnum Romanorum Imperatorum Christi fidem in-lectantium, regnum Gotthorum & Alanorum, & regnum Sarracenorum. Hæc est Pererij opinio, cui assentitur Viega; quatenus in quatuor equis totidem regna constituit, & Christi regnum in primo. Sed in reliquos tres equos inducit diuersos Romanorum Imperatores Christi Ecclesiam persequētes. Fundamentum autē, quo asserunt equum esse sym-bolum imperij, petunt ex cap. 6. Zachariæ. Vbi pro-certo habent in quatuor quadrigis imperia totidem potentissima denotari; scilicet Chaldaeorum, Persarum, Græcorū, ac Romanorum; idq; iuxta Hebræo-rū, & Hieronymi expositionem. Ceterum quod qua-tuor quadrigæ repræsentent quatuor imperia, non caret magnā difficultate, propter id, quod manifestè textus ait, *isti sunt quatuor venti celi*. Et propter alias rationes. Et quauis hæc opinio videatur esse diui Hieronymi; ipse certè illam affert vt Iudæorum tra-ditionem. *Traditum est* (inquit) *mihi ab Hebræis*; & in-frà: *Hæc, ut accepimus à nostræ lingue studiosis hominibus, tradidimus*. Itaque Hieronymus nihil aliud videtur agere, quàm illam vt à Iudæis acceptam referre. Et licet ipsius etiam Hieronymi esset opinio; veniā ta-men tanti tamq; grauis Doctoris, & omnium, quot-quot eum sequuntur, spero me in illius loci com-mentario ostensurum, ex ipsius contextus vi atque serie in quatuor illis quadrigis non innui quatuor imperia populo Dei infesta: sed bellum, quod Chri-stiana Ecclesia diuino præsidio munita felicissimè erat aduersus idololatriam gestura. Quod autē tex-tus ait, *isti sunt quatuor venti celi*, indicat, quemad-modum quatuor venti iussu Dei excitant tempe-states, quibus obuia quæq; dissipant, & prosternunt; non aliter Deum Euangelij prædicatione vanā idolorum superstitionem in quatuor mundi partibus euerfurum; & de inimicorum machinis atque op-pugnationibus triumphaturum. Præterea venti etiam sunt apti ad velocitatis ac celestis impetus si-gnificationem; ideoque dicuntur esse equi quadrigæ Dei. Vide Psal. 103. ver. 3. & 4. & Psal. 17. 11. ad quem locum alluditur Habac. 3. in equis Dei.

Impugna-tur præce-dens expo-sitio.

Quadrigæ est trium-phi symbo-lum.

Itaq; Viega & Pererij fundamentum de quatuor imperijs per Zachariæ quadrigas denotatis, certum minimè est. Præsertim quia licet daremus imperij symbolum esse quadrigam: non inde inferitur sin-gularem etiam equum esse symbolum imperij. Nam & in Romanorum numismatis notum est, per qua-drigam significari triumphum; cū tamen vnus e-quus triumphum nullā ratione repræsentet, vt hu-maniorum literarum peritis manifestum est. Ex his illud elicio, Zachariæ locum non deseruisse aut pro-desse quidquam ad probandum quatuor hos equos Ioanni visos totidē imperia significare. Præterquam

A quod nullus reperitur sacre Scripturæ locus, in quo singularis equus aliquod imperium designet: cū tamen in Scriptura frequens sit equorum mentio.

Concedamus tamen in aliquo Scripturæ loco per equum probabiliter imperium indicari: hoc saltem perspicuum est, in recepta Scripturæ loquutione, & in equorum visionibus, equum generatim loquen-do symbolum esse salutis, seu saluationis. Hac de re dubitabit nemo, qui eas, quæ sequuntur, attentius perpendet. Primum, sæpe sacra Scriptura iubet in equis hominem non confidere: vnde intelligitur in bellis, salutis spem in equis collocari solere. Pro quo vide Psal. 31. 17. *Fallax equus ad salutem*. Et similiter Psal. 19. 8. *Isaia 31. 1. Osee 1. 7. Anios 2. 15.* Deinde illustrissimus est Salomonis locus, Prouerb. 21. 31. *Equus paratur ad diem belli, Dominus autem salutem tri-buit*. Vbi contemplor salutem certam futurā, si Deus in sui populi auxilium cōscenderit equum, aut An-gelum aliquem seu ministrum suum in equo mise-rit. Tertio Angelus ille, qui in equo visus est, 2. Machab. 3. 25. venit, vt salutis ac præsidio esset populo Dei; & similiter quinque illi viri, qui in equis appa-ruerunt, 2. Machab. 10. 29. Quarto in alijs veris visio-nibus, & in nonnullis etiam confictis, nemo dubitat eum, qui in equo cernitur, ad protegendum atque saluandum venire. Exemplo sint verissima Hispa-niarum historię, in quibus toties D. Iacobus Apo-stolus in Hispanorum subsidium atq; salutem for-tissimus eques radiantibus armis instructus atque munitus apparuit. Historię verò confictæ exemplum peti potest ex Romanorum veterum annalibus, qui commentis sunt Castorem & Pollucem Romanis in maximas angustias redactis visos in equis fuisse, il-lisque opem atque auxilium tulisse.

Equum esse symbolum salutis sine saluationis.

Equitem e- quoruq; esse salutis symbolum, historijs tam veris, tam fictis probatur.

Equum aut quadrigam pariter esse ad saluatio-nis symbo-lum expri-mendum.

C Quinto ad hanc eandem significationem parum refert in equo, aut in quadriga apparere. Reges enim ac Principes olim è falcatis curribus depugnabant. Atque ita dicitur Deus in Palestinam ad auxiliandum suis cum exercitu curuli ingressus: vnde Psal. 67. 18. *Curru Dei decem millibus multiplex*. Et Angeli, qui in quadrigis militaribus apparuerunt, 4. Reg. 6. 17. ad Prophetam Eliseum tutandum veniebant, vt constet. Sexto apud Prophetas evidens est, quando dicunt Deum super equum ascendere, sensum esse, illum in sui populi auxilium ac salutem properare. Expende verba illa Habac. 3. 8. *Ascendes super equos tuos, & quadrigæ tuæ saluatio*. Vbi Gueuaræ interpreta-tio est, Deum non equum conscendere, nisi ad saluandum. Maiorem tamen energiam continet textus ipse: ait enim Dei equos & quadrigas esse ipsam-met hominum saluationem siue salutem: ac si dice-ret, Deo nullos alios equos, quos ipse ascendat, nul-las quadrigas esse, nisi huiusmodi opera ad homi-num salutem spectantia; in quibus ipse valde glo-riatur, & se hominibus agnoscendum exhibet. Et Zachar. 10. 3. vt significetur Deum spiritali Israël salutem allaturum per strenuum quemdam ducem è tribu Iuda, *Visitauit* (inquit) *Dominus exercituum gre-gem suum, & posuit domum Iuda quasi equum gloriæ suæ in bello*. Ad hæc equorum multitudo, quam aspexit Zacharias cap. 1. & quadrigæ cap. 6. eiusdem sunt si-gnificationis; vt in illius visionis commentario ex-plicabimus. Septimò in Apocalypsi exercitus candi-dorum equorum capitis 19. symbolum est non du-bium eorum ministrorum, quibus vsus fuit Deus ad saluandum mundum, & ab idolorum cultu eri-piendum.

Apud Zacha-riam, equos capitis 1. & quadrigas sciri esse eiusdē signi-ficationis.

E Octauo denique hæc significatio nititur in natua equi vi atque impetu; quo in pericula quæque ani-mosè fertur. Quapropter appositè indicat eum, qui apparet in equo, irruptionē facere velle ad eos, qui periclitantur, à discrimine liberandos: id quod præ-stare solent ij, qui strenuos se equites volunt ostē-tare. Expende descriptionem equi, quæ habetur Iob 39. 23. *Gloria manuum eius terror: terram ungula fodit, exultat audacter, in occursum pergit armatus; contemnit pau-orem, nec cedit gladio. Super ipsum sonabit pharetra, vi-brabit hasta, & clypeus. Feruens, & fremens sorbet ter-ram; nec reputat tubæ sonare clangorem. Vbi audierit buc-cinam dicit, Vah: procul odoratur bellum, exhortationem ducum & ululatum exercitus*.

Perilegans equi descri-ptio ex Iob.

Ex quibus tandem omnibus faciliè deducitur pro-priam



priam & germanam significationem symbolicam equitis in equo apparentis esse, vt veniat ad saluandum; id quod sapienter notauit Origenes Homil. i. in Ioannem, vbi ait vocabulum equi solere poni, cum ea ponuntur, quæ nobis adiumento sunt. Iam, si certum est hoc esse proprium equi symbolum, & quod vniuersæ Scriptura complectitur; nemo non viderit optatum maximè esse, vt his omnibus quatuor equis hæc eadem significatio apprimè quadret.

Existimabant tamen aliqui fieri non posse, vt hi omnes equi eodem spectent; quin in id eo ipso, quod primus ad saluandum veniat, necessarium esse reliquis contrariam esse mentem. Etenim præterquam quod diuersi illi colores non sunt ad rem, vt omnes ad afferendam salutem adueniant; secundus eques tendere dicitur ad pacem de terra tollendam, & tertius cõtanti voce perfonat famem, vilibris tritici denario: quarti autem intentio est interficere gladio, fame, & morte, & bestiis terræ; & nomen illi mors, & infernus sequebatur eum.

Huic obiectioni respondeo, multiplicem equorum colorem non obitare, quominus omnes sint eiusdè factionis; vt manifestò perspicitur in ijs, quos Zacharias vidit ca. i. 8. *Ecce vir ascendens super equum rufum; & post eum equi rufi, varij, & albi.* Quod verò textus ait de secundo equite, idem Christus Dominus in Euangelio affirmat, *nō veni pacem mittere, sed gladium.* Atqui euident est Apocalypsin ad hæc Christi verba respicere. Nemo autem dubitat, Christum, dum ait, *nō veni pacem mittere, sed gladium*, indicare huiusmodi bellum, quod ipse in mundum immisurus aduenit, esse medium ad ipsius mundi salutem. Quare verba illa pro nobis planè sunt. Quod si admittamus semel discordiam esse medium ad salutem; sit planum, idem de fame atq; morte afferendum fore. Qui autem nouum & inulitatum ducer, quod Deus ad suorum salutem ac vitam morte ipsa vtatur; ne ille haud satis ponderauit Habacuci verba cap. 3. 5. *Ante faciem eius ibit mors*; vbi mors ipsa proculdubio consideratur, quasi satelles quidam & administer; quem præfert Deus, cum ad suos protegendos bellum init: de hoc enim agit Propheta vt ipse mox exprimit; *& quadrige tuæ saluatio.* Quod si respondeatur, mortem, quæ anteit Deum, non esse vt saluandos occidat, sed vt in sui populi hostibus stragem edat; hoc ipsum pro nobis est; sed cum Apocalypseo doctrina sit magnopere spiritualis, & veteri homini bellum indicat; in eumq; discordiam, famem atq; mortem immitrat, quò nouum hominem saluum incolumemque præter: hinc est illud ipsum in sensu magis adhuc spiritali nostræ expositioni suffragari. Itaque quod obijcitur contra quatuor equorum vnionem & conspirationem, nullius roboris est.

Vt autem quatuor huiusmodi equi sint ad eundem finem referendi; multa possunt, eaque fortissima afferri argumenta. Primum quia generatim loquendo, symbolica equi significatio in sacris Literis est, vt veniat ad saluandum: ex illis autem, quæ longius à salute videbantur distare, nempe ex discordia atque morte, quidquid nobis dubitationis poterat exoriri, sacra Scriptura tollit, vt constat ex dictis.

Secundum, textus ipse inter quatuor animalia & quatuor equos manifestam ponit proportionē. Leo enim Ioannem accit, vt primum equum confideret: vitulus, vt secundum: homo, vt tertium: aquila denique, vt quartum. Explicatā verò iam quatuor animalium significatione (de qua latè diximus cap. 4.) accerfiri Ioannem à leone, vt primum inspiciat equum; idem est, ac si nos admoneremur, in primo illo equo Diuinæ virtutis ac fortitudinis iubeſſe significationem. Similiter cum vitulus Ioannem aduocat, nobis indicare vult, in secundo equo (quem Ioannes iubetur intueri) diuinam significari beneficentiam. In tertio equo pari ratione debet Diuinæ prouidentiae æquitas elucere: nec minùs in quarto admirabile Dei consilium. Atque vt quatuor animalia sunt Dei vicaria in procurandâ animorum salute; ita contextus ipse exigit, vt in quatuor equis agatur de præstantissima salute, quam Christus se ipsum recipientibus attulit: in qua salute quatuor primi Diuinæ prouidentiae spiritus in pri-

mis eminent; ad quorum cognitionem pariter ac venerationem nos inuitat eorundem spirituum participatio; quæ in Apostolis, virisque Apostolicis enitescit; & in quadruplici animalium facie (vt suo loco diximus) indicatur.

Tertium pro nostra quatuor equorum explicatione argumentum est, quod sumitur ex attenta eorum consideratione, quæ in Apocalypseo decursu à cap. 4. antecedunt. Capitis enim 4. argumentum haud dubiè est de insigni ac magnifico templo, quod Deus in Ecclesia primitiua erexit; argumentum verò capitis quinti continet, quemadmodum post nouum Dei templum fundatum liber Scripturæ sacræ & prophetiarum Dei adeò clausus & obscurus perfidis Iudæis permanſit, vt illum legere, aut etiam aperire nequaquam possent. Complementum enim promissionū à Deo factarum de suo populo saluando; necnon patientiam, comminationes ac supplicia, quibus aduersus synagogam vtgebatur; nemo potuit intelligere nisi is, cui Christus librum hunc aperiret. Fit ergo planum ex huius argumenti serie, congruentissimum esse, vt ex septem sigillis prima quatuor spectent ad verā animi salutem, qua Christi fideles potiebantur; tria verò postrema ad miseriam ac reprobationem rebellium.

Quartum ex eorum consequuntur, quæ in tribus postremis sigillis consequuntur, nostra declaratio non parum accipit roboris. Illa enim (vt infra videbimus) continet ordinem, quem Diuina prouidentia, eiusque brachium Christus Redemptor noster in Iudæos Euangelij salutem respuentes seruauit. Quod enim Deus aduersus illos præstitit ad tria puncta reuocatur: primum patienter illos expectauit, vt apertò quinto sigillo monstrabitur: deinde horribilibus signis eos admonuit, & interminatus ipsis est, vt sextum sigillum ostender: denique seuerissima in eos immisit supplicia, quæ per septem plagas tubarum sigilli septimi denunciantur.

Triahæc puncta, nimirum Patientia, Comminatio, & Seueritas complectuntur excellentissimam agendi cum improbis rationem. At Apocalypsis non hæc vniuersè tractat, sed speciatim, quatenus ad synagogam pertinent; vt clarè perspicitur in bello, quod ostendit textus à Ierosolyma inferri Euangelio: & in eo quod calum in Ierosolymam suscepit. Cui considerationi mirificè deseruit, quod textus recenset à quinto sigillo ad finem vsq; cap. 11. Quæ si ita sunt; vt re verà sunt, facile est videre, quam fuerit operæ pretium, vt tractationem de modo ac ratione, quam Diuina prouidentia in Iudæos Christum abnegantes seruauit, antecederet enarratio admirabilis prouidentiae, qua vsus fuit Deus ad eos perfectè saluandos, qui Christi fidem atque doctrinam amplexi sunt: in quo prophetiarum & promissionum Dei fidelitas maximè eminere probata est. Id autem in equorum Dei figura aptissime exprimitur, vt constat ex Habacuci loco suprā allato. *Ascendes super equos tuos; & quadrige tuæ saluatio.* Vt autem dubitaret nemo, Prophetam agere de salute illa, quam Deus erat Iudæis in Christum credentibus allaturus; verba hæc protinus subiicit Habacucus, *Suscitans suscitabis arcum tuum; iuramenta tribubus, quæ loquutus es.* Manifestum verò est iuramentum hoc esse promissa facta de illis saluandis. Deinde apparet arcum eundem esse, quem Ioannes vidit in manibus eius, qui in equo albo obequitabat.

Præter hæc, series ipsa & continuatio huius declarationis argumento est ad eius veritatem stabiliendam satis firmo. Quemadmodum est etiam aliarum explicationum non firma confutatio, varietas ac perturbatio ordinis, quæ in ipsis reperitur. Applicant enim secundum, tertium & quartum sigilla ad persecutiones, quæ in Ecclesiam Romanam, Hæretici, & Mauri, aut Pseudochristiani, siue etiam Antichristus excitarunt. Ex quibus nihil esse potest ad rem: nam in quinto, sexto, & septimo sigillis sermo est de persecutione, qua Iudaicus populus Ecclesiam est infectatus; deq; gloriosissimo triumpho, quem de ipso reportauit Ecclesia; quod ordine ac ratione antecedit, vt par est, tractationem de Gentilium bello ipsi Ecclesiae illato.

Confirmatur insuper nostra expositio ex idonea

Septē sigilla  
lorum par-  
tibus, eorūq;  
argumentis  
de prouiden-  
tia tam er-  
ga fideles Iu-  
dæos, quam  
erga rebel-  
les.  
Ex argumē-  
tis totius cō-  
secrationis,  
nostra de si-  
gillis exposi-  
tio confir-  
matur.

Rationem,  
qua se Di-  
uina prou-  
identia cum  
improbis ge-  
rit, in Apo-  
calypsi ad  
Iudæos spe-  
ciatim co-  
artari.

Allorū ex-  
positiones ab  
inconséquē-  
tia & ordi-  
nis perturbā-  
tione facili  
redargui.

Difficilis  
cōtra equo-  
rū quatuor  
Apocalyp-  
sæ explica-  
tionem tra-  
diam.

Variū equo-  
rū colorem  
non obſtare,  
quominus  
ad eandem  
significatio-  
nem persi-  
neant.

Mors quo  
sensu ante  
Despectus  
ire dicatur.

Quatuor  
sigillorum  
equos eundē  
ad finem  
referendos  
probat.

Explicatur  
idē ex qua-  
tuor anima-  
liū ad qua-  
tuor equos  
proportione.



Cur in primis quatuor sigillis equi appareant, in reliquis non ita; congruentem in nostra expositione reddi rationem; non vero in alijs.

Redditur ratio discriminis, cur in quatuor primis sigillis, non vero in reliquis, equi conspiciantur?

fatis ratione, quæ reddi potest in ea, quapropter in quatuor primis sigillis equi apparuerint Ioanni; & nihil simile in tribus reliquis sit visum. Cui dubitationi non video, quid possit appositè in aliorum explicationibus responderi: præsertim cum plerique existimēt in posterioribus sigillis de imperio & persecutione Antichristi sermonem institui. Si ergo ad significandum Romanorum Imperium, siue ad persecutionem ab hæreticis aut Mauris concitatam, accommodatum esse putant symbolum equi, cur in imperij & persecutionis Antichristi significatione equus similiter non apparuit? At verò in nostra explicatione adeò clara ac manifesta redditur ratio, ut obloquentium ora facile obturet. Dicimus enim in quatuor primis sigillis sermonem esse de eximia atque præstanti salute ac felicitate, qua veri Christi sectatores potiti sunt: in tribus verò postremis de Patientia, Comminatione & Seueritate, quibus egit Deus cum ijs, qui Christi doctrinam atque vestigia sectari noluerunt. Quibus positis, idè in primis quatuor sigillis conspiciuntur equi; quia equus (ut toties inculcauimus) est mirificum salutis & saluationis symbolum; eandemque ob rem nihil opus erat equo in tribus reliquis sigillis; quippe quæ non saluationem fidelium, sed patientiam, minas atque supplicia continebant.

Nemo autem iure contendet, equum esse aptum tolerantie, comminationis aut seueritatis symbolum. Adde huc, quemadmodum Deus de salute potius ab se parta, quam de illata reprobatione gloriatur; ita etiam consentaneum valde fuisse, ut salutis ac saluationis significatio in equo, alacri in primis & erecto animali, celebrior atque gloriosior fieret: reprobatio verò figuram præferret non ita magnificam atque conspicuam; sed quæ effectum ipsum expectandi, minandi & puniendi solum ostenderet, ad quod equi alacritas & erectio superuacua erant. Ac demum ad eam obiectionem, cur nimirum in quatuor primis sigillis, non verò in tribus sequentibus equi cernantur? directè respondet Habacucus, asse-

rens equitare Deum idem esse, ac venire ad saluandum: *Ascendes super equos tuos, & quadrigæ tuæ saluatio.*

Porro nullius etiam difficultatis est, subijcere rationem in nostra sententia, quare quatuor animalia singulatim Ioannem ad singulos equos inspiciendos accersant: non verò ut in tribus ceteris sigillis Dei Patientiam, Comminationem, aut Iudæorum plagas intrueatur. Ratio namq; est huiusmodi. In quatuor animalibus (ut iam vidimus) representantur Fortitudo, Beneficentia, Æquitas, ac Sapientia; quæ sunt quatuor Diuine prouidentie virtutes in salute Iustorum Christum excipientium maximè splendentes. Et Apostolorum fortitudo per leonis faciem indicata Ioannem inuitat, ut Dei fortitudinem attentè perpendat; similiterq; de tribus ceteris faciebus dictū esto: Postremò quatuor facies sunt veluti insignia & itēmata priorū quatuor spirituum, siue eorum insigniferi: & idcirco præcedunt, cum ipsimet quatuor spiritus sese nobis cognoscendos præbent. Eadē tamen facies non præferunt trium posteriorum spirituum insignia, ut iam diximus c. 4. atq; ita minimè cōducebant ad eius rei significationem, quā ipsæ non habent. Exempli gratia; non oportebat eum, qui vitulina facie est, & beneficentiā significat, inuitare Ioannem ut videat comminationem, aut seueritatem, & sic de reliquis. Denique in eo, quod Ioannem quatuor animalia vocet ad quatuor prima sigilla; decorum apprimè seruatur. Sic enim ostendunt gestientem animo lætitiā, quod omnibus innotescat maximum beneficium à Deo collatum in perfectissima eorum salutis ratione. In tolerantia verò, minis ac seueritate aptius fuit, ut sese contraherent, & intra silentij cancellos continerent, quā lætitiæ ac volupatis signa ederent. Atque id pro hac dubitatione sit satis modò dixisse; quia de eadē quæstione rursus agendum latius nobis est infra.

Alia erat quæstio de discrimine, quod inter primum tertiumque sigillum vna ex parte; & ex alia inter secundum & quartum versatur. Hac tamen de re infra opportunè dicemus.

Cur quatuor animalia singulatim Ioannem ad singula quatuor inspicenda accersant, non vero ad reliqua?

## NOTATIO III.

### De necessitate quatuor equorum ad distinctam saluationis perfectæ significationem.

**S**UPERIORE notatione diximus, equum esse symbolum valde aptum ad saluationem significandam. Videamus nunc oportet, quæ fuerit necessitas, ut quatuor equi, nec plures nec pauciores, essent. Existimabit fortassis nonnemo; equorum quaternarium eo consilio fuisse selectū, ut hæc visio Habacuci vaticinio responderet, in quo expressa sit quadrigæ mentio. Sed contrā est, quia Ioannes nec quadrigam vidit, nec bigam; sed equos singulares, ut Latini loquuntur; nec verò omnes simul, sed vnū prius, deinde alium; & sic de reliquis. Præterea in primo equo cernit equitē arcu & sagittis instructum; in secundo cernit alium cum gladio; in tertio cum statera, & in quarto aspicit mortē. Cuius discriminis ratio ex eo prouenit, quod Habacuci tempore erant in vsu falcati currus in bellis, à quibus Reges ac principes viri depugnabant: quapropter consentaneū fuit, ut Propheta ad sui temporis consuetudinem sese effingeret. At, cum Apocalypsis cōscripta fuit, huiusmodi consuetudo iam extabuerat; ideoq; non erat, cur saluatio in quadriga figuraretur: quantūuis apud Habacucum & Apocalypsin de eadem salute siue saluandi ratione sit sermo. Quamobrem perstat adhuc dubitatio, cur quatuor fuerint singulares equi, quos vidit Ioannes? Etenim si præcipua erat intentio, ut salus siue saluatio adumbraretur; ad id quidem non opus videbatur esse quaternario.

Respondet aliquis quatuor equorū coniunctionem fuisse idoneam ad Christi victoriam & triumphum denotandam: hoc est, ut indicetur, ipsum non solum ad saluandum venisse; sed reapse homines admirabili ratione saluasse, & victoriā ac triumphum gloriosissime obtinuisse. Scitū namq; est in veterum numismatis, ubi quatuor equi copulātur, esse significationem triumphi. Contra hoc tamen est, quia

triumphus in quatuor equorū curru proprius erat Romanorum: atque ita huiusmodi allusio non apta videtur esse ei, qui in Græcia & Græco sermone scribit. Præsertim quia in sacris nulla est mentio triumphi in quadrigis. Ioannes insuper quadrigā non vidit, sed quatuor singulares equos: in quibus ad triumphum quadrigæ proprius esse respectus non potest: cum tamen in admirandis equorum visionibus, licet equus vnus tantum appareat, satis sit ad victoriam atq; triumphum denuncianda: ut patet, 2. Machab. 3. 25. & ex D. Iacobi Apostoli visionibus, cum sæpe in Hispanorum auxilium repente comparuit. Quapropter restat adhuc eadem difficultas, cur scilicet Apocalypseos equi quatuor fuerint?

Sit ergo prima ratio: ex septem spiritibus, quibus Diuinæ prouidentie perfectio comprehenditur, quatuor primi (nimirum, Virtus, Beneficentia, Æquitas ac Sapientia) in eorū salutem & veram felicitatem, qui Iesu Christi doctrinæ audientes fuerint, se totos impendunt, ut latè explicauimus cap. 1. notat. 5. & c. 5. notat. 2. Vnde ad significandos quatuor Dei spiritus in hominum salutem aduentantes, congruens fuit quatuor equorum figura. Hæc ratio ampliùs adhuc roboratur; quia quatuor animalia, quæ in Apostolis eandem horum quatuor spirituum significationem habent (ut vidimus ca. 4.) Ioannem hic per ordinem ad quatuor equorum contemplationem vocant. In quo indicatur planè, Dei Virtutem in primi equi figura imminere; in secundi, Beneficentiam; in tertij, Æquitatem; in quarti, Sapientiam atq; Consilium.

Hæc ratio idonea satis est ad quatuor equorū numerum, & Apocalypseos artificio valde digna. Sed (ut infra dicitur) in quatuor equorū figura ac symbolo non tantum spectatur saluationis causa in ijs, qui Christo se subdiderunt (id est perfectio priorum

Improbatur tamen.

Prima vera solutionis ratio.

In quatuor equorum figura causa saluationis adumbratur.

Cur in hisce sigillis equi quatuor, non plures nec pauciores, appareant?

Prima superioris difficultatis emendatio.



quatuor spirituum diuinæ prouidentia; sed ipse etiam attenditur saluationis effectus ac media, quibus vsus fuit Christus ad suorum fidelium salutem. Quamobrem si deprehenderemus ipsum saluationis opus in quatuor diuina puncta; hæc consideratio permagni esset momenti ad absolutam quatuor equorum intelligentiam. Præcipue cum quatuor huiusmodi spiritus nullam in Deo habeant distinctionem, sed solum penes diuersos effectus distinguantur; & plerumque contingat in vno eodemque opere æqualiter effulgere virtutem & sapientiam, aut beneficentiam & æquitatem: atque ideo quando vnum idemque esset opus, non adeo videretur necessarius quaternarius equorum, illud ergo in hac materia maxime erat optadū, videlicet vt ipsi saluationis opus in quatuor præcipua capita partiretur, quæ inter se valde essent diuersa: in quorum primo Virtus præcipue splenderet, in secundo Beneficentia, in tertio Æquitas, & in quarto Consilium atq; Sapientia.

Secunda igitur ratio huius quaternarii fit: ipsemet perfectæ saluationis effectus, quam in hac vita Ecclesiæ primitiæ Christiani assequuti sunt, quatuor omnino capita complexus fuit: primum, in Christum viua fide credere; secundum Christum ipsum prædicare; tertium, fortunas remque totam familiarem pro eodem Christo renunciare; quartum denique, pro eodem vitam contemnere. Pro horum declaratione aduerto, saluare nihil esse aliud, quam eripere ex potentioris hostis potestate eum; qui per se ipse illius potentia ac tyrannidi se subducere non poterat. Quare si planum fieret, totū humani generis bonum ac felicitatem in eo consistere, vt de quatuor potentissimis hostibus ipsum opprimentibus triumpharet; & probaretur in super primitiæ Ecclesiæ Christianos quatuor illis rebus præclarissime gestis (quas modò retulimus) triumphum egisse nobilissimum de eisdem quatuor hostibus; tunc verò facile constaret, in quatuor illis operibus admirandis perfectam constituisse salutem, quam Messias in mundum erat alluturus.

Vt ergo hoc ampliùs explicetur, obseruandum est quatuor inordinatos amores esse, qui mundum vexatum, afflictum & oppressum tenent. Hi autem sunt; primus, immoderatus vitæ ac deliciarum amor; secundus, impotens amor diuitiarum, ne quid vitæ commodis, atque delitijs desit; tertius amor intemperans proprii honoris & æstimationis, præsertim inter notos, familiares & cognatos: quartus, præceps quoddam studium atque propensio ad proprii consilij atque iudicij rationem siue rectam, siue errantem sequendam, nec cuiusuis alterius consilio acquiescendum. Huiusmodi cōsideratio de quatuor hisce tyrannis (id est de proprio amore, de diuitiarum cupiditate, de nominis existimatione, ac proprii iudicij tenacitate) absoluta planè est & perfecta: & quilibet spiritualis vitæ magister facile cernet, hos quatuor amores inter se esse diuersos; & quicumque illorum nondum sit deuictus ac profligatus, illum satis esse, vt propterea miser & ærumnosus reputetur is, qui illius adhuc seruituti subiaceat. Quem verò clementissimus Deus tanto tamque ingenti affecit beneficio, vt ex horum quatuor tyrannorum vi atque potestate penitus extraxerit; hic sanè perfectam libertatem & spirituales salutem adeptus est: iugulauit enim hostes omnes, qui sibi poterant in via virtutis obistere; & quæcumque sibi accidant infortunia, quantunvis aduersa & calamitosa, in maius ei commodum & felicitatem cedunt. Quapropter licet is demonis oppugnationibus variè tentetur; aut improborum inuidiâ atque odio penè obrui videatur; nihil illi aliorum commiseratione opus est. Nam si quatuor hosce tyrannos perfectè subegit, cetera omnia facillimo negotio subiugabit. Ex his intelligitur, excellentissimam saluandi rationem, quam Messias nobis erat alluturus, in eo potissimum sitam esse; vt homines à quatuor illis tyrannis liberaret, & perfectè de illis partâ victoriâ, felices eos beatosque redderet.

Ex quatuor his tyrannis Christus primitiæ Ecclesiæ Christianos perfectissime eripuit: id quod hoc ordine præstitit. Primò à proprii iudicij dominatione subduxit, dum eos fidei subiecit, quæ spiritualis

A vitæ fundamentum est. Deinde honoris & existimationis inane studium ab eis expulit; cum eos excitauit & erexit, vt Christi ipsius fidem liberè profiterentur, ac prædicarent. Tertiò per euangelicam ac voluntariam pauperatatem in eis diuitiarum cupiditatem extinxit. Quartò denique à superbo proprii amoris imperio extraxit incolumes, per effrenatarum cupiditatum cohibitionem & vitæ ipsius contemptum. Huius autem ordinis ratio inde adsciscitur; quia prius est in Christum credere. deinde mundum vincere; qui minis, quam res familiaris amatur. postea rei ipsius familiaris amorem superare. ac postremo vitam pro Christo contemnere.

Oportet tamen horum singula enucleatius explicare; & ostendere, quantopere in primo Christi Virtus excellat; in altero Beneficentia; Æquitas in tertio; & Sapientia in quarto. Nec mihi mens est contendere, quatuor has Christi virtutes non in eorum singulis reperiri; sed Virtutem in prima victoria magis eminere; Beneficentiam in secunda, & sic de reliquis: atque adeo aptam satis extitisse rationem, cur singulæ ex ijs victorijs ad singulas Christi virtutes per attributionem meritò applicentur?

In primis, postquam Euangelij lumen toto terrarum orbe sese longè lateque diffudit; & Christianæ Ecclesiæ decus atque maiestas tam multiplici incremento sunt aucta; mirum non est, omnes non ita planè deprehendere, quam gloriosa ex proprio iudicio reportetur victoria, cum Christo mundi asfectori ac vindici subiicitur. Si verò primitiæ Ecclesiæ tempora repetamus; non obscure perspiciemus, quam difficilis tunc & operosa res esset, humanam mentem proprii iudicij tenacem in eam trahere sententiam, vt mundi totius salutem in Christi cruce positam esse crederent; verumque Deum, & humani generis saluatorem esse eum, quem Iudæi in crucem egerant. Ne illa tépestate homines Christi venerationi atque adorationi submittere; & inducere, vt eum proprium esse Deum ac Dominum agnoscerent; nihil aliud erat, quam eosdem cogere, vt proprium omnino iudicium deponerent; sibi que persuaderent, in eo, quod stultitiæ speciem præ se ferebat, mundi remedium vniuersi situm esse. Et certè cum præuideret Deus, in quod errorum & insaniarum barathrum homines proprio iudicio ducti essent dilapsuri; decreuit veram animi salutem & saluationem in maxima iudicij proprii abnegatione constituere. Nam quia non cognouit mundus per sapientiam Deum; placuit Deo per stultitiam prædicationis saluos facere credentes, 1. ad Cor. 1. 21. Itaque in viua Crucifixi fide sanctificationem animarum esse voluit. Quod ergo opus adeo præstans & admirandum posset excogitari, in quo Dei atque Christi virtus ita colluceret; vt in ea vi & efficacia, qua homines impulsam fidem suam & spem fortissimam in eo, quem cruci suffixum viderant, collocabant? Nonne in peccatorum conuersione, Christi in crucem sublatis virtus, & admiranda ipsius sagittarum vis & efficacia enitescit? Cōsideretur, obsecro, quod in vnius Pauli conuersione accidit, Act. 9. simulque perpèdatur, quot homines Christus ad sui cognitionem fidemque traduxerit; siquidè vnâ Petri cōcione tria millia dedere manus; Act. 2. 41. Cum hoc facit arcum esse potentia symbolum; iuxta illud Ps. 75. 4. Ibi confregit potentias arcum, &c. Et eapropter Antiquitas Herculi atq; Cupidini arcu tribuebat. Atqui Christus est verus Alexicacos, & qui amoris sagittis hominum corda transfigit: Sagitte tue acute (populi sub te cadent) in corda inimicorū regis. Ps. 44. 6. videlicet vt eos ex inimicis in amicos, ex hostibus in amatores conuerteret. Antequam nitri ac sulphurei pulueris inuētum æneorū tormētorū ictus inuictos & ineluctabiles reddidisset, nullū aliud instrumentū bellicum arcu potèdit & efficacius agnoscebatur; qui vt cōtendatur & remittatur, magna vi opus est; vt in Turcicis arcubus apparet. Vnde cōstat maximæ potentia symbolū fuisse arcū.

C

D

E

Secundò, quo tempore homines in crucis opprobrio offendeabant; & qui se Christianū profitebatur, amicorum ac familiarium, necnon parentū & fratrum contempnitioni atq; inuidiæ sese exponebat; quid aliud potuit concipi gloriosius, & quod clariorem victoriam ex falsa proprii honoris existimatione

Quomodo Christus his quatuor tyrannis fidelibus primas eripuerit.

His quatuor inordinatis amoribus primas quatuor prouidentie diuina virtutes directè opponi.

Quantā fuerit Dei virtute opus ad homines primitiæ Ecclesiæ tempore ad Christi fidem traducēdos.

Christi virtus veteres præsertim fideles per iudicij proprii abnegationem decreuit conuertere.

Arcus potentia symbolum.

Veterum fidelium constantia in Christi fide suscipienda ac profectura.

Secunda pro difficultatis solutiōne ratio.

In eodem equorum quaternario effectum etiam saluationis innuit.

Quatuor inordinatos amores esse hominum mundi tyrannos: & qui nam is sint.

Cuiusmodi salutem ac saluandam rationem nobis attulerit Christus.



consequetur, quàm quod primitiue Ecclesiæ tempore accidebat? Cùm Christiani minimè contenti in Christum intimo corde credere, suam illico fidē profitebantur, & Christum viriliter & animosè prædicabant; cùm & Christi crux despiciatui habebatur, & Euangelij prædicatio tot excitabat turbas ac tumultus. Atque tota hæc constantia & fortitudo, qua homines tunc suam fidem propalam enunciabant, & pro virili parte contendebant, vt reliqui eam amplecterentur; hæc, inquam, constantia ac firmitudo, cum ipsa simul Christiana Ecclesia exordiū habuisse videtur. Antea enim neminem accepimus ita sollicitè atque anxie laborare, vt suam aliā fidem complecterentur: Etenim *nondum erat Spiritus datus, quia Iesus nondum fuerat glorificatus*. Ceterum primigenij Christiani ex Iudaico populo, tam strenuè ac fortiter in Euangelij promulgationem incubuere, vt aggressi ad mundum vniuersum conuertendum, voti compotes euaserint. Quibus, secundum Deum, beneficium hoc quàm maximum humano generi tributum referri debet acceptum. Illi enim aptissimum fuisse instrumentum, quod vsurpauit Deus, vt mundo veram animorum salutem communicaret, id quod Paulus innuisse videtur, *Corde creditur adiustitia: ore autem confessio fit ad salutem*, ad Rom. 10. 10. ad aliorum scilicet salutem procurandam: id namque significat græca vox *ἑρπύια*. In hoc ergo tanto tamque egregio facinore, quid aliud veteres illos Christianos ad fidem suam profitendam, & Christum prædicandum stimulabat, nisi magnum mundi totius beneficium? Imò potius quod aliud clarius & illustrius beneficentiæ argumentum homines edere potuerunt, quàm cùm se totos humani generis salutē & incolumitati consecrarunt? Cùm verò hæc ingens beneficentia fuerit ab infinita Dei beneficentiā deriuata: facili negotio cernitur Christi beneficentiam clarissimè elucere in hoc robore atque animo, quem primitiuis Christianis addidit ad inanem mundi existimationem proterendam, & Christi ipsius fidem toto terrarum orbe promulgandam.

Tertiū manifestum est voluntariam egestatem, & rerum omnium abdicationem esse perfectam de diuitiarum cupiditate victoriam. Primigenijs verò Christianis Iudaici populi tantum paupertatis amorem Spiritus sanctus impertijt; vt generatim dicat Lucas Actuum 2. num. 44. *Omnes, qui credebant, habebant omnia communia; possessiones autem & substantias vendebant, &c. & capit. 4. numero 34. Quotquot possessores agrorum, aut domorum erant, vendentes offerebant pretia eorum, & ponebant ante pedes Apostolorum*. Itaque vniuersi omnia in commune conferebant; indeque singulis necessaria distribuiebantur. Actuum 2. 44. *Diuidebant illa omnibus, prout cuique opus erat*. Atque hoc amandæ paupertatis studium constat cum ipsa Christiana Ecclesia cœpisse: nam ante Christi aduentum, sancti etiam viri rei familiaris augendæ curam gerebant. In hac igitur voluntariā inopiā, quam Christus Dominus primos Christianos docuit (quibus vehemens illi in omnibus placendi desiderium indidit: ) maximopere enituit, quanto Christus odio prosequatur iniurias & iniquitates, & quanto amore equitatem atque rationē. Licet enim fortunarum inæqualitas iustitiæ & æquitati non repugnet: diuitiæ tamen secum afferunt speciem nescio quam iniuriarum: propterea quod difficillimum sit eas absque alterius iniuriā congerere ac retinere; & quod in tot ac tantis proximorum angustiis ac necessitatibus tyrannidem ac rapinam redoleat egētibus non subuenire. Ac demum primis Christianis auferri rem familiarem, & in commune conferri, fuit profectò non aliud, quàm omnia iustitiæ & æquitatis iura exactè præstare. Primum, quia illi, qui suas vendebant possessiones, & earum precium Apostolorum pedibus subiciebant: eas alienum in primis, si quod fortè confluant, dissoluebant. Deinde, nam abiectā semel fortunarum curā ac sollicitudine, cupiditas malorum omnium contra iustitiam commutatuam illatorum origo radicitus euellitur. Qui enim diuitias sponte à se penitus abigit, pro illis comparandis iniuriam alteri facere qui vult? Tertiū, quia cùm res fami-

Perfectam de diuitiarum cupiditate victoriam in rerum omnium abdicatione sitam esse. Primitiuorum fidelium voluntaria paupertas & rerum abdicatione.

lariis indigentibus pro necessitate cuiusque eroganda liberaliter condonatur; triumphat sanè paupertas, de quadam inæqualitatis siue iniquitatis specie, quam in mundo frequenter videmus; dum multis ille affluit, cui pauca satis erant; & cui pluribus opus erat, res parua atque angusta sit.

At enim, dices, licet voluntaria paupertas iniuriarum & iniquitatum fomitem tollat; tollit tamen simul iustitiæ atque æquitatis materiam. Respondeo non ita esse: pauperes enim, cùm in reliquo hominū cœtu degant, necessariò debent emere ac vendere, diuidere ac permutare. Quod si paupertas ametur, in omnibus ius & æquitatem proximis seruabunt: absque cupiditate enim nec iniuria nec inæqualitas datur.

4. Clarissimum certè fuit & omnium admiratione dignum carnis macerationis ac propriæ vitæ contemtionis exemplum, quod primitiue Ecclesiæ Christiani posteris omnibus reliquerunt: id quod pertinet ad gloriosum triumphum de vitæ & delictiarum amore, qui mundum durā seruitute premebat. Quæ autem carnis & eius cupiditatum cohibitio fuerit apud primigenios Christianos vsitata, ex Apostolorum Epistolis conijciamus licet. Nam Actorum 2. 42. etiam dicitur: *Erant autem perseverantes in doctrina Apostolorum*. Vbi additur, illos perseverare etiam solitos in oratione, & communione. Atqui neque in oratione perseverantia esse potest sine diligenti carnis castigatione; nec Apolloli ad Christi corpus sanctissimum quotidie suscipiendum facultatem ihs concederent, qui intemperantes carnis affectus ac motus non ratione atque consilio fransissent. Tandem alacritas & studium, quo se ipsi sponte martyrio offerebant, & latitæ atque gaudium, quo mortem pro Christo fortiter optebant, satis vtrumque indicat, quantus ille esset vitæ contemptus. In hac tanta, tamque admirabili propriæ vitæ atque eius voluptatum despicientia planè perspicitur, quanti veteres illi Christiani æternam vitam ac martyrii coronam æstimarint. In qua quidem rerum spiritualium atque æternarum æstimatione Christiana sapientia in primis consistit. Etenim qui pretiosum aliquem adamantem, aut carbunculum ditissimum, vt par est, agnoscit, atque æstimat: nã ille cetera omnia faciliè diuēdit, vt ipsum emat. Cui verò debita illius cognitio & æstimatio nota non est, nihil mirum si alia, quæ minoris sunt, ad illius emptionem nolit impendere. Quam ob rem Christus Redemptor noster, cùm ait Matth. 13. n. 45. *Simile est regnum celorum homini negotiatori querenti bonas margaritas: inuentā autem vnā preciosā margaritā abiijt & vendidit omnia quæ habuit & emit eam; tunc, inquam, sine dubio loquutus fuit de maxima sapientia Christiana, per comparisonem ab eo petitam, qui pretiosam margaritam & cognoscere, & magnifacere nouit. Cùm verò Christiana sapientia sit diuinæ participatio; certè admirabilis prouidentia diuinæ, & Iesu Christi sapientia in eo inaximè elucet, quod sapientiam hanc reconditam adeò liberaliter fuerit primoribus Christianis elargitus. Præterquam quod Deus Christianorum martyrio ac eade vtebatur tamquam medio ad Christiani populi incrementum ac felicitatem: in quo mirando consilio non minus eminet summa Altissimi sapientia.*

Mortificationis studium in primitiue Ecclesiæ Christianis.

Christianam sapientiam in rerum æternarum æstimatione in primis elucere.

Vidimus hætenus, quàm fuerit consentaneum, vt præstantissima salus, quam Christus Dominus suis sectatoribus attulit, in quatuor omnino puncta partiretur, & in totidem figuraretur equis. Verum enim verò, vt huius discursus integritas, & apta series comprehendatur, oportet rectè intelligere, quæ latè tractauimus capit. 1. norat. 5. & in capit. 4. vbi constituimus principis ac moderatoris prudentissimi virtutes, quæ ad subditorum felicitatem pertinent, esse non amplius quatuor, nimirum Virtutem, Beneficentiam, Æquitatem atque Sapientiam; ac proinde in quatuor hisce facultatibus consistere infinitam diuinæ prouidentia perfectionem (nec non ipsius brachij, nempe Christi Domini) erga suos seruos ac familiares. Hinc fit, ad probandum, Messiam à Deo suæ plebi missum fuisse bonis perfectum saluatorem

Ad probandum Messiam aduentum esse conuenientem quatuor sigillorum representationi.



& omnibus numeris absolutum; ad hoc, inquam, nihil aliud expeti posse congruentius, quam quod repræsentatur in quatuor egregijs facinoribus quatuor equitum, qui hoc capite inducuntur. Nam in primo facinore apparet eum esse fortissimum saluatorem; in secundo beneficentissimum; in tertio æquissimum; & in quarto sapientissimum.

Sed redeamus iam ad ea, quæ suprà incepta & amputata reliquimus; nimirum ad quatuor Apostolorum & Euangelij concionatorum virtutes, quæ totidem Christi virtutum præconia sunt. Compellauit ergo Ioannem leo, vt equum album consideraret. Nam vis ipsa ac cælestis virtus, qua Deus roborabat Apostolos ad hominum animos Christi fide ac religione imbuendos, eademet erat Christi virtutis promulgatrix. Etenim si Apostolorum vox erat tonitruum instar cælestis, quod sceleratos homines pauidos ac trementes in genua procumbere coge-  
bat, & Deo gloriam tribuere, iuxta id Psal. 28. 8. *In templo eius omnes dicent gloriam;* hoc ipsum tonitruum maximo clamore prædicabat, à Christi virtute totâ illam vim in Apostolos deriuari. Itaque leo voce tonitruum simili Ioannem aduocat ad Christi virtutem contemplandam. Ex his, quæ de leone attigimus, constabit pariter quemadmodum Euangelij concionatorum beneficentia in studio & contentione pro animorum salute procuranda nobis obijciat contemplandam eximiam illam Christi beneficentiam; ex qua veluti ex fonte ardor ille animi sese in Apostolos propagabat. Iustitiæ item perfectio cernitur in Euangelica paupertate, & in æquissima distributione, non fortunarum modò, sed omnium etiam, quæ in eorum potestate erant; idque maximâ cum æquitate, neque vllâ propriæ aut singularis alterius utilitatis habitâ ratione. Quod profecto Christi horum omnium auctoris æquitatem & iustitiam indicat non obscure. Apostolorum denique cælestis sapientia in carnis maceratione, & in consilijs mirandis in commune Ecclesiæ bonum vergentibus, longè lateque patefcit; nosque inuitat ad ipsius originem, id est, Christi sapientiam ponderandam.

Sed, cur, cum omnia animalia dicant, *Veni & vide;* solius primi animalis vox dicitur esse tonitruum simili? Respondeo habita fuit ratio atque respectus ad

cælestem virtutem vocis Apostolorum, quæ in voce tonitruum repræsentatur. Et quanuis Apostolorum zelus, æquitas atque consilium singula suo modo prædicent Christi virtutes; sed si directè ac formaliter (vt ita dicam) sit loquendum, vox tonitruum cælestem indicat vim, quam suis verbis tribuit Deus: quæ fuit potissima virtus & cælestis fortitudo Apostolorum, qui erant potentes sermone. Nam ex eo, quod ipsi diuino spiritui se totos tradiderunt, accidit vt ipsorum prædicationi tantum virtutis ac roboris conferret Deus, vt leonis rugitus in cæleste tonitruum abiret.

Postremò quatuor animalia accersunt Ioannem, vt videat quod in quatuor primis sigillis apertis figuratur; quia effectus priorum quatuor spirituum in Apostolis præcipuè splendet, vt potè in diuinæ providentiæ vicarijs electorum saluti destinatis. Dein perspicuum est, nos ab effectu ad causæ cognitionem naturâ duci. Nihilominus Apostoli non sunt propriè Dei vicarij ad reprobos damnationem: quapropter etsi omnium septem spirituum præcones & concionatores erant, non tamen ad tres vltimos spiritus eorum munus directè spectabat. Nam quod Deus oblinatos patienter expectet, eisque horribiles minas re ipsa intendat, & acerbissimas plagas infligat; hoc Apostolorum interuentu non efficitur: atque ideo quatuor animalia, (quibus quatuor Apostolorum virtutes denotantur, quatenus vicario Dei munere funguntur) Ioannem vocant, vt quatuor primos diuinæ providentiæ spiritus contempletur; non tamen illum accersunt, vt patientiam, minas, ac supplicia intueatur. Vide quæ diximus de hoc notatione antecedenti. Quibus illud hic obiter annexo, primorum quatuor sigillorum figuram fore obscurissimam, nisi quatuor animalium proportio & congruentia nos quasi manu duceret, vt in ipsis Dei virtutem, beneficentiam, iustitiam, atque sapientiam recognoscere possemus. In posteriorum verò trium sigillorum visionibus multò clariùs meo iudicio ostenditur, in quinto Dei patientia, in sexto comminatio, & in septimo supplicia. Quare opus non fuit Ioanni præuio duce ad ea inspicienda, quæ in eadem actione erant sibi ob oculos clarissimè obijcienda.

Cur Ioannes ad quatuor sigillorum contemplationem ab animalibus euocetur?

## NOTATIO IV.

### De quatuor personis sedentibus super equos.

SESSOREM equi albi omnes ferè conueniunt esse Christum. In reliquis tribus magna est inter interpretes sententiarum discrepantia. Nonnulli (vt vidimus) in omnibus repetunt *seffor Christus*: alij, *seffor Diabolus*: alij, Romanos Imperatores designant: alij, alios duces vt Arrium, Mahometum, Antichristum. Et quidem quod primum cuique in mentem venit hoc profert. Hispalensis noster Arias in tribus primis equis ait *seffor iustitiæ fructus*.

In tanta viarum flexione, & tam multiplici anfractu, alicui videatur fortassis, illorum mihi viâ necessariò insistendum, qui aiunt in omnibus *seffor Christus*; ne ab eo cogar discedere, quod in præcedentibus notationibus probare contendì; videlicet omnes quatuor equos esse saluationis symbolum; & quaternarium rebus quatuor responderes; in quibus continetur vera salus, quam Christus semetipsum recipientibus attulit. Hinc etenim videtur inferri, Christum esse, qui in equis omnibus sedet. Nam si equus est symbolum saluationis; qui illis insidet, equus esse potest alius, nisi ipse saluator? è contrario tamen est, quod textus ipse perspicuis verbis asserit, mortem in quarto equo vehi. Præterquàm quod in equorum multitudine ad salutem aduentantium violentum est fingere, vnam eandemque personam in omnibus equis considerare. Vide Zachar. 1.

8. vbi describitur dux ascendens super equum rufum, & post eum equi rufi, varii & albi. Quo in loco nemini venit in mentem, seffores equorum, qui ducem sequebantur, eundem esse ducem. Vide etiam Apocalyp. 19. 11. vbi apparet imperator sedens super equum album, *Et exercitus, qui sunt in celo sequebantur eum in equis albis*. In quibus verbis exercitus manifestè distinguuntur à duce. Præterea Habac. 3. 5. (quod hanc dubiè alluditur in seffore equi pallidi) *ante faciem eius ibit mors*. Hic quidem licet Deus in suo exercitu aduehat mortem, euident tamen est mortis personam ab ipso Deo distingui: cæteroquin non diceretur Dei faciem anteire. Huc etiam spectat locus ille Sapientiæ cap. 5. 21. vbi Deus se armis videtur instruere ad suum populum propugnandum atque saluandum; *Et acuit duram iram in lanceam*. & mox subditur, *Pugnabit cum illo orbis terrarum contra insensatos*. Qui totus exercitus ad Dei populum saluandum pergit; saluator autem est Deus: at tamen manifestè distinguitur exercitus à duce.

His ex locis sibi persuadebit aliquis, necessarium saltem esse, vt qui in primo equo vehitur quasi dux ceterorum, sit Christus; & tres reliqui sint veluti ipsius ministri, quos ipse in hominū salutis opus secū adducat. Sic enim Habac. 3. Deus est illius expeditio-

Eadem de quatuor sigillis doctrina ad quatuor virtutum Apostolicarum applicatur.

Cur primus solius animalis vox dicatur tonitruum simili?

De quatuor equorum sefforibus variæ auctorum opinionæ.

Viri equorum omnium seffor sit Christus?

An possit idem seffor in omnibus equis aptè concipi?



nis auctor & dux; quē Propheta alloquens ait, *Ascendes super equos tuos, & quadriga tue saluatio*. Addit tamē nihilominus Deū in suo exercitu dūcere mortē ac Diabolum (quod diaboli nomē est ibi tragicū.) *Ante faciem eius ibit mors, egrēdiētur diabolus ante pedes eius*.

Ipsē tamen, vt meum sensum exponam, censeo in horum equorū interpretatione de omnibus quatuor equis pari ratione philosophandum esse; & quo argumento sessorē equi pallidi distinguimus à Christo, idem vrgere, vt equi albi sessorē, necnon aliorum duorum ab ipso Christo distinguamus. Atque in primis hac in re me permouet proportio, cuius maxima est in enodandis ænigmatibus habēda ratio: cogit, inquam, proportio, vt qua ratione, qui sedet super equum pallidum à Christo distinguitur, eadē etiam equi albi sessor ab eodē Christo distinguitur. Nam in quarto equo nō tribuitur mortis saluatio, vt præcipuè salutis causā; sed vt personā, quam Christus in equum sustulit; id est, vt instrumentum, quod vsurpauit Christus ad suorum salutem ac felicitatem. Id clariùs percipietur infrā, cum explicemus de qua morte hīc instituitur sermo: de illorum enim mortē sermo est opinor, quos voluit Christus saluos præstare. Eadē igitur ratio, quæ extitit, vt in equo pallido constitueretur instrumentum illud, quo Christus fuit vsus ad quartum suorum salutis caput reipsa conficiendum; hæc ipsa viger, vt in equo albo collocetur instrumentū, quod ipsemet Christus accepit ad primam perfectæ salutis partē, qua fideles suos verē & efficaciter beauit: id quod in secundo & tertio equis pari modo asserendum est.

Hoc ampliùs confirmatur; nam perfectæ salus (vt iam diximus) quatuor omnino partibus constat; in quarum singulis Christus verus est dux & auctor; nec potior est ratio, vt in equo fingamus quartę partis instrumentū, quā primæ. Quā ob causā instrumentis quatuor totidē dari equos opus fuit. Quod si ipsis instrumentis dux eorū ac princeps in equo antea deberet, oportebat equos esse quinque. Cū ergo non sint amplius quatuor; certē non alius Christo peculiaris equus assignatur; nec verō assignari opus erat. Non enim inducitur hīc equitum turma cum præuio duce; namque ridiculus foret exercitus, qui quatuor solum aut quinque equis constaret. Si autē hoc signo atque figurā perfectæ denotabatur salus, quam Christus suis fidelibus adduxit; hanc ad rem aptius multō fuit in quatuor equos (vt diximus) saluationem distinguere; & in singulis equis singulas huiusce saluationis partes constituere, hoc est instrumenta partium singularum. In aliquo tamē sensu verum est, quod Ambrosius ait, *in omnibus sessor Christus*, non formaliter; sed in virtute, siue efficiēter: quemadmodum dicimus principalem causam in instrumentis esse.

His accedit, quod quauis super equos singulos sedere fingantur instrumenta, quibus Christus salutē nō importauit, qui illum receperunt; in singulis tamen sigillis tam equus, quā eques appositē significant effectum vnius ē quatuor primis Christi spiritibus, nimirū Virtutis in sigillo primo, in secundo Beneficiæ, Æquitatis in tertio, & in quarto Sapientiæ. Quæ representandi ratio gloriosior est Christo, quā si illi seorsum equum attingeremus: præsertim vbi facies ipsa siue figura exercitum non refert. Quapropter non est ad rem exemplum capitis 1. Zachar. & c. 19. Apocal. vt inde cōiciamus, hīc etiam duci equum esse dandum. Nam in his locis figuratur exercitus, non verō hīc, nisi per exigua quatuor tantū equorum manus. Idemque dixerim de loco Habacuci; si consideretur in eo Deus quadrigā inuēctus, & superiorum agminibus constipatus, morte ac dæmone ante ipsum cædem & stragem edentibus. Sed de illo Habacuci cantico, seorsum suo loco dicemus.

Sequitur nunc, vt attentē inspiciamus, quæ sint hæc quatuor personæ totidem equis infidentes. Quā ad rem non exiguum nobis attulit lucem Ioannes, cum illius nomen qui equo pallido vehebatur, expressit dicens, *nomen illi Mors*. Quod autem mox additur, *& infernus sequebatur eum*; suadet omnino, vt mortis nomen pro illa ipsa morte vsurpemus, de qua agitur c. 1. 18. illis verbis, *Habeo clauēs mortis &*

*Inferni, & c. 20. 14. Infernus & Mors missi sunt in stagnū ignis*. Quare ad id, quod c. 1. dictum est, nempe non esse cur Dei serui mortem & infernum horreant; cū Christus vtriusque teneat clauēs, nec patiatur suos, vltra id, quod possunt tentari; ad hoc, inquam, additur modō, mortem, (quam infernus subsequitur) in equo apparuisse, haud obscurum salutis signum. Ac si diceretur clariùs, Christi famulis non solum non fore mortem damno ac detrimento; sed instrumentum potius futuram, quod diuina vsurpet prouidentia ad exactissimam suorum amicorum salutem.

Sin aliquis dixerit, posse quidem non ineptē considerari, eū qui quarto equo portatur, esse Christum mortis larvā personatum; præcipui tunc sensus discrimen non valde esset magnum; verū inspectis alijs locis, planius multō est mortem vtpote Dei administrari in equo vehi; quāuis eam sit postea in igneum stagnum immisurus. Et verō apud quencunque auctorem reperiamus, mortem gladio ac fame ingentem fecisse interuersionem; dubitabit nemo, quin ibi de morte per prosopopœiam inducatur sermo. Is ergo planus est huius loci sensus.

Ex hæcenus dictis elicio, non agi hīc de ludæorum morte, qui Christum repulerunt; sed de eorū, qui ipsius fidem atque doctrinam exceperunt. Atque vt rectē ratiocinari valeamus de primorum trium equorum personis; notandum est, mortis prosopopœiam siue inductionem in eo constitui, quod personæ figura detur ei, ac si reuera efficiens esset; cum tamen propriē forma siue priuatio quædam sit. Quo etiam pacto Poëtæ personam amoris tribuunt; atqui manifestum est non dari alium amorem, quā qui formaliter in amantibus inest: quantumvis fingatur, velut si esset causa efficiens, quæ corda vulneraret. Quod si animaduertamus, cum proportio postulet eandem philosophandi rationem in his omnibus quatuor personis; conuincitur mens, quemadmodum in quarto sigillo mors est illa ipsa, per quam formaliter homines redduntur mortui; iis qui albi sessorē esse ipsam transfixionem cordium: ad hoc enim arcus & sagittæ finguntur ad corda traicienda: iuxta illud Psalm. 44. 6. *Sagittæ tuæ acutæ (populi sub te cadent) in corda inimicorum*, id est, eorum, qui prius erant inimici. Deinde sessor equi rufi, est ipsa pacis perturbatio, siue audacia, quæ pacem perturbat: idē enim magnus ei gladius fuisse traditus dicitur, *ut tolleretur pacem de terra*. Sessor autem equi nigri, est ipsa egestas, quam patiuntur pauperes: & eapropter, libra ei in manu apponitur. Fingitur enim tantam esse miseriam, atque indigentiam, vt necessitas in drachmas ponderetur; necnon ea cibi portio, quæ cuique tribuenda est: ne cui præter id, quod necessitas exigit, vel teruncij valor dedatur. Quorum omnium singula latiùs in commentario explicabuntur; nunc enim ea solum leuiter tangere est animus, quæ ad horum equitum comparisonem necessaria sunt.

Vt autem ea, quæ dixi, paucissimis complectar; sessor quatuor equorum meo iudicio sunt, *Fides, Audacia, Egestas, Mors*. Aduerto tamē, licet hæc nomina possint proximarum virtutum nominibus sumi (cuiusmodi essent in Christum credere; ipsum audacter & intrepidē profiteri; diuitias, remque omnem familiarem pro illo aspernari, ac demum sponte & libenter mortem oppetere) in præsentī tamen hæc nomina non accipi debere, nisi secundum communem rationem, quæ à virtutis perfectione abstrahitur, & calamitatem solum ac miseriam videtur inuoluere: id quod tantū in Christi cultoribus ipsius hostes agnoscunt. Qui, dum Christianos deceptos & prorsus miserandos reputabant, hæc ipsa maledicti & contumeliæ loco eis ponebant. In primis enim illis exprobrabant Christi fidem, quam illi stultitiam ac meras nugas esse putabant. Deinde eis crimini dabant, quod propalam suam fidem testati, eamque fidenter alijs suadere conantes, pacem Reipublicæ cōturbabant, & totius orbis aduersus seipios constabant inuidiam. Tertiō, quod fortunis pro Christo abiectis, inopes miserique manebant. Quartō denique quod extremum malorum omnium mortem miserandum in modum subibant.

In quarto sigillo non agi de ludæorum re-bellū mortē, sed de eorum, qui Christum sunt secuti.

Quis equi albi sit sessor.

Quis equi rufi.

Quis equi nigri.

Omnium equorum sessorum communis enumeratio.

Christum quodāmodo posse omnium equorum sessorē dici.

In singulis sigillis tam equum, quā equitē eiusdem esse significatio-nē.

Qui sint quatuor equorum sessorēs.



Quod attinet ad triū posteriorum equorum sessorum, plures etiam auctores nobiscum esse.

Cur quatuor huiusmodi persona ficta equis vestre figurentur?

Cur virtutes, prout tales sunt, non figantur in hisce equis vchis?

An quilibet ex his qui in equis sedet, Saluator dici queat?

Viri diuersa significatione debeant sessori & equo assignari?

Et ne id intactum atque indictum præteream; notandum hic arbitror, in trium posteriorum equorum interpretatione nonnihil ad meum sensum accedere, qui sibi persuadent, in tribus illis bellum, famem ac pestem portendi: quam opinionem sequuntur Victorinus, Ticonius, Primalius, Andreas. Et hic postremus Eusebium pro hac ipsa declaratione affert; quem etiam pro eadem citat Aretas. Ceterum in quarto equo clarum est, opinor, non agi solum de peste, sed vniuersæ de morte; vt patet ex contextu. In mea aut expositione (vt iam dixi) he quatuor personæ sunt, *Fides, Audacia, Egestas, Mors*.

Hæc quatuor personas sacra fictio tollit in equos, quasi instrumenta Christi ad absolutam suorum fidelium salutem. Quo significatur, in maximam Christi gloriam redundare, quod suis seruis triumphos adeo gloriosos in manus dedit; idque rerum illarum interiectu, quæ primâ specie à vera salute ac prosperitate longissime videbantur distare. Et sanè perelegans est inuentum ac valde pulchrum, vt in equis constituantur illa ipsa, quæ Christiani nominis hostes aspernabantur, & irridebant; videlicet, Fidem cæcam, terribilem Audaciam, tristem Egestatem, ac Mortem formidandam: quæ aduentant in auxilium & incolumitatem eorum, quos mundi iudicio miseros & ærumnâs efficiunt. Vnde maior exoritur huic figuræ siue actioni energia, quam si in omnibus equis sedere Christum fingeremus: eandemque ob rem, in hanc ipsam actionem non sunt virtutes inductæ, quatenus virtutes. Neque enim tantam nouitatis & insolentis speciem præ se ferret saluatio, virtutum illarum interpositu, quæ saluta-

res valde sunt atque amabiles; secus tamen, assumptis cæcâ Fide, Audaciâ, siue discordiâ, Egestate, atque Morte; quæ ex reliquis mundi ærumnis maximæ sunt. Enimverò reapse ita accidit, vt ad spiritalem salutem, quam Christus in mundum intulit, oportuerit has miseriarum facies atque (vt ita dicam) facies ac furias in homines immitti; atque ab ipsis, vt suæ saluationis instrumenta, obujs vlnis excipi, atque arctissime constringi.

Aliquis fortè arbitrabitur congruentius per equi alibi sessorum denotari veritatē. Veritas enim Christianos præstitit saluos & incolumes; iuxta id Ioan. 8. 32. *Cognoscetis veritatem, & veritas liberabit vos*. Facit, quod Spiritus sanctus, qui datus est fidelibus, appellatur Spiritus veritatis, Ioannis 14. 17. & c. 15. 26. & ca. 16. 13. Quod si in hoc congressu fortitudinem eminere oporteat; notum est in disceptatione illa, quæ habetur Ephræ 3. 3. & 4. vicisse illum, qui dixit, *Super omnia vincit veritas*. Vide cap. 4. 40. vbi veritati tribuitur fortitudo, regnum & potestas. Atque ita videtur coherere coronæ, quæ sessori equi albi data fuit; sed contra hoc est, quia veritas nullam habet calamitatis speciem: atque necessarium est, vt tam equi albi sessor, quam duo reliqui sequentes cum morte apte conueniant. Deinde Christiani nominis hostes nequaquam sibi persuadebant, Christianos veritati se subicere. Postremo, quod Christus ait, *veritas liberabit vos*, non solum ad primi sigilli mysterium, sed etiam ad quatuor saluationis partes referendum est. Namque in omnibus, qui saluat est veritas, id est, Christus ipse; illiusque doctrina suscepta atque opere præstita.

Viram veritatis possit aspe duci in equo albo equitatem?

## NOTATIO V.

De non querendâ diuersâ aliâ instrumenti significatione in his quatuor equis; & de illorum coloribus.

CVM, iuxta ea, quæ diximus, equus sit saluationis symbolum; negari nequit, quin apte effingi possit Saluator ipse tanquam sessor equi, & ipsius instrumentum tanquam equus, cui insidet. qua phrasi videtur vti Zachar. c. 10. 3. vbi ait, *Posuit Dominus domum Iuda quasi equum gloriæ suæ in bello*. Hic enim equus est ipse Deus; & equus tribus Iuda. Et iuxta hanc considerationem, plerique interpretes opinantur in quatuor primis sigillis similem fore distinctionem inter equum atque equitem; & equitē esse ducē, equum verò exercitum: huc eos, quorum vtitur ministerio. Et idcirco aiunt nonnulli, equum album esse fidelium ceterū, aut Apostolorū; quorū operā vsus est Dominus ad mundi totius conuersionem.

Verū tamen, vt debita proportio in omnibus quatuor equis seruetur, congruentius est nullam aliam equo significationem inuestigare diuersam ab equitis, qui illi insidet, significatione. Atque in primis nemini debet id insolitum aut extraneum videri. Nam in visionibus illis, quæ de equitum turmis narrantur 2. Machab. 3. 25. & cap. 10. 29. & in ijs etiam, quas de diuo Iacobo Apostolo Hispaniarū annales recensent, eā significatione sumus omnes contenti; vt equitem apparere, denotet ipsum ad saluandum venire: nec aliam prætereā in equo aut exercitus, aut alterius instrumenti significationem indagamus. Deinde hoc sonant Habacuci verba, aduentum scilicet Dei ad saluandum idem esse, atque ipsum in equum conscendere. Quare nihil est, quod diuersa alia equorum significatio queratur. Quemadmodum in Angelis, quos Elisei famulus equis & curribus sublimes & erectos conspexit, 4. Reg. 6. 17. nemo diuersam tribuit equis aut curribus significationem. Tertiō, licet in prædicto Zachariæ loco equus sit instrumentū, quod vëdicet Deus ad sui populi salutem; in his tamen quatuor Apocalypseos equis non habet locū equi & equitis distinctio, quod attinet ad eam significationem. Nam, vt notatione superiori vidimus, equites ipsi instrumenta sunt, per quæ Deus salutem attulit ijs, qui Christum receperunt: atque ita non quadrat illa distributio, vt per equitem saluator, per equum ipsius instrumentum denotetur. Quibus adicio, in eo Zachariæ loco,

Posuit Dominus domum Iuda; quasi equum gloriæ suæ in bello, equi nomine fortasse tam equum, quam equitē esse intelligendum; sicut sæpè alias. Certè plerumque sic loquimur (præsertim Hispani, apud quos ea loquutio familiaris est) mille equi impetum fecerunt, id est, mille equites.

Quod si dixerit quispiam, equum posse hic esse symbolum eorum, qui à Christo salutem recipiunt. Respondeo hoc esse durissimum. Nam si in equo apparere est idem symbolicè, ac venire ad saluandum; fit planum non eam inesse symboli finem, vt equus ipse saluetur; & in hac visione certum est eos, quibus datur salus, esse in quos quatuor sessorum equorum inuehantur; vt omnes in primo sigillo fatentur. Illos enim saluat primus eques, quorum corda transfigit. Quod ergo ceteri interpretes in primo sigillo concedunt, id nos ostendimus in reliquis tribus similiter asserendum esse.

Sed veniamus iam ad equorum colores. Et in primis obserua, quatuor horum equorum colores videri eosdem esse, quos Solis equis assignunt Poëtæ. Hoc si ita est, asserere possumus, verum iustitiæ solē esse saluatorem mundi; hosque esse quatuor ipsius equos. Attamen quæ tribuitur significatio quatuor Solis equorum coloribus, minimè hic est ad rem: & in his Apocalypseos equis illud in primis expeditur, vt ipsorum colorum significatio rectè cognoscatur; simulque Apocalypseos allusio ad colores equorum, Zachariæ c. 1. & c. 6. quæ cogit nos, vt ad hos Zachariæ locos habeamus respectum; atque adeo congruentem conuenientis & discrepantis rationem reddamus. Nam apud Zachariam non est equus pallidus; nec apud Apocalypsin varius (qui fortassis est, quem appellant Hispani *remendado*, o rucio.) Item in turma capitis primi Zachar. nullus ponitur equus niger: postea tamen capit. 6. nigricantium equorum multitudo.

Ad horum explicationem præmitto, quauis saluationis significatio tam Zachariæ equis, quam Apocalypseos communis sit; at in equitibus hoc interesse discriminis, quod apud Apocalypsin non sunt veræ personæ; sed fictæ, & per prosopopœiam inductæ: in Zacharia verò tam cap. 1. quam 6. veræ sunt

Num equus hic possit eorum esse symbolum, qui à Christo saluantur?

Cuiusmodi sint horum quatuor equorum colores.

Discrimen inter Ioannis & Zachariæ equorum colores: & discriminis ratio.

Quæ sit differentia inter sessorum equorum, quos vidit Ioannes, & quos Zacharias.



personarum; nempe serui Dei, quos Deus ipse ad aliorum salutem & conuersionem procurandam assumit. Id quod sub militiæ specie figuratur, sicut & in alijs Scripturæ locis: nam erat spiritale bellum aduersus idololatriam susceptum. Est tamen apud Zachariam eiusmodi differentia. Nam cap. 1. quasi ex insidijs & ex improviso instituitur certamen; at ca. 6. per modum aperti Martis eductis in campum copijs, & magnâ potentia ac virium significatione. Ac propterea capit. 1. equi occultantur inter myrteta (sive in insidijs:). postea verò capite 6. falcati apparent cursus, armorum præsidio muniti. Per hoc discrimen innuitur, initio quidem testē ac dissimulatē Ecclesiā idolorum cultui bellum inferre; & tacite inducere in animum, vniuersum Christi fidei orbē subigere: deinceps tamen cū Christiana fides caput sustulit, aperto Marte fuisse initum bellum, & Christianæ gentis intentionem atque potentiam cunctis innotuisse nationibus. Scio aliorum declarationem de Zachariæ equis esse diuersam: quam tamen attingi certissimam reputo; & eam nunc adumbrasse fit satis, suo enim locō vniū coloribus exprime-mus.

His ita præstitutis, consequenter dicendum est, significationem colorum in Zachariæ & Apocalypseos equis hoc habere differentia; quod recta animi affectio, seu virtus, quam indicat, v. g. color albus, explicari potuit de virtute, quæ in equitibus ab ipso Zacharia visis splendebat; cū equites illi sint veræ personarum virtutum & effectuum capaces; attamen in Apocalypseos personis, cū fictæ sint, non possunt eorum colores denotare affectus seu virtutes, quæ illis insunt, sed quas per occasionem in alijs efficiunt. Exempli gratiā. Si per colorem album indicaretur lætitia; in Zacharia quidem posset verā illorum equitum lætitia denotari; in Apocalypsi nō item; sed posset in eo colore representari lætitia, quæ in hominibus Christi fidem recipientibus cernitur. Atque hoc euidentius est in colore pallido. Neque enim mors pallida dicitur, quia ipsa pallida est; sed quia reddit homines pallidos. Quod ergo in pallido colore perspicitur, ad reliquos debet extendi, vt pari gressu procedamus.

Ex quo deducitur per equorum colores apud Zachariam exprimi posse affectiones siue virtutes eorum, qui in hominum salute Christi vicarij sunt. Verū in Apocalypsi non figurant virtutes aut ordinatos animi motus eorum, qui saluant; sed, qui saluantur. Et iuxta hanc rationem patebit latius Apocalypseos significatio; cū multo plures sint, qui salui fiunt; quam qui ad alios saluandos, vt Dei ministri, incumbunt.

Porrò aliqua requiritur virtus in ministris ad aliorum salutem deputatis; quæ generatim loquendo, non exigitur ab ijs, qui saluandi sunt; cuiusmodi est insignis sapientia. Quamobrem si varius in equis color, esset maximæ sapientiæ symbolum; ille profectò foret color Zachariæ equis appositissimus; non tamen equis Apocalypseos. E contrario etiam effectus, quem mors in bonis præstat, aptus est ad eos omnes, qui saluantur; non tamen ad docendi & cōcionandi munus denotandum. Hoc enim officium cessat potius morte ipsā, atque ideo color pallidus potuit ēre Apocalypseos esse; licet vilionis Zachariæ non fuerit.

Sed propius accedamus oportet ad genuinam vniūcuiusque coloris significationem; & ab equis Zachariæ ducamus exordium. In c. 1. tres sunt colores, rufi, varij, & albi. Diuus Ambrosius colorem album ad virgines applicat: varium ad Doctores: & rufum ad Martyres. Pro quo facit, tria hæc genera esse ex præcipuis Christianæ militiæ equitibus. Multi quidem Ambrosium sequentes referunt colorem rufum ad martyrium; sed non video, quā apte. Nā color rufus à sanguineo satis distinctus est. Præter hæc, in Apocalypsi datur color rufus ac pallidus: quorum potremus martyrio attribuitur: quare rufus diuerſam habeat significationem oportet. Ambrosij insuper explicatio non videtur reddere posse rationem, cur niger color in sexto capite, non verò in primo reperitur.

Mea explicatio est, in colore albo symbolicè im-

maculatam sanctitatem indicari; in rufo zelum ardentem; sapientiam in vario; & in nigro modestiā. De albore vide Alciatum emblemata. 117.

*Sinceri est animi & mentis stola candida pura.*

Atque hæc eadem significatio vestibus albis & lino candido tribuitur. Ioannes item perspicue ait byssinum iustificationes esse sanctorum.

Rufum autem equi colorem ardenti zelo optimè cōgruere non negabit, qui animaduertit rufos equos alacriores, erectioresque esse. Quin & color ipse accensus est, & ignis splendorem refert melius adhuc, quā color rubeus; & tamen ad zeli & acrimonie significationē ait Alciatus in illo emblem. 117.

*At ruber armatos equites exornat amictus.*

Et Alexander ab Alexandro l. 1. capit. 20. vbi & Tiraquellus refert ex Xenophonte, Aliano, Plutarcho, & Valerio, Persas & Lacedæmonios in prælium profecturos rubris vestibus indui solitos.

Sequitur color varius, quem in equis Hispanum vulgus nuncupare solet *rucio*, siue *honoero*, nec primus ipse huiusmodi colorem ad sapientiæ significationem accommo: siquidem Diuus Ambrosius illum explicat de Doctoribus. Et re verā in varia colorum ritè distributorum varietate, non ineptè indicatur æterna Altissimi sapientia, quæ varietatem illam tantā pulchritudine distinxit. Videtur enim quod simplex ex se atque vniū rationis est, vniū colore conuenienter denotari; quod verò artis est atque consilij plenum, per multiplicem colorum varietatem exprimi. Neque illud silentio prætermittendum est, græcam vocem, qua varius equi significatur color, id est, *ποικίλος*, significare etiam magnam sapientiam. Glossarium enim antiquum sic explicat, *ποικίλον*, *Dædalum*, *varium*. Quod in eo nititur, quod magna sapientia ingenti varietate pariter ac distinctione debeat constare. Est enim spiritus intelligentiæ multiplex: Sapientiæ 7. 22. deinde cap. 6. Zachar. exigit contextus, vt color varius respiciat sapientes; namque ait, *Varij egressi sunt ad terram Austri*, quod idem est, atque in *Ægyptum*. Notum est autem in Scriptura agi de *Ægyptijs*, tanquam de sapientibus. & aduersus huius sæculi sapientiam mittit Deus sapientiam Doctorum Ecclesiæ.

Tandem vt modestia in nigro colore denotetur, suadet in primis complurium nationum consuetudo; apud quas nigri coloris vestis modestiam redoleat; argumento non obscuro significationem huiusmodi in naturali aliqua proportionē solidari. Vt autem huiusmodi vsum ex antiquissima institutione originem fuisse constet; aduerto, veterum Monachorum vestem (vt Benedictinorum & Basilienſium) nigri esse coloris. Quin etiam clericis alium à nigro colorem induere vix, ac ne vix quidem, licuit. Præterea Canticum 5. 11. *Comæ eius nigre quasi cornus*, mirificè hæc significatio quadrat. Cuius fundamentum est, modestiæ iure optimo ascribi, nigro colore esse contentum. Quia nigror symbolum est rei contemptæ & externâ specie despiciabilis; vt probat noster Delrius in Cantica ex Hesychio, Bernardo, Beda, Alcuino, Wileramo, Haymone, & Anselmo. Et verba ipsa sponsæ Cantic. 1. id satis probant. Quid enim aliud significat, cū ait; *nigra sum, sed formosa*? cū enim niger color sit ceteris obscurior; hinc est lucem ad res gloriosas indicandas applicari; obscuritatem verò ad viles atque abiectas: vnde dici solet Obscurum genus, &c.

Hac significatione ita constitutâ, facile est videre, quā fuerit congruens, in illis insidijs capitis 1. Zachar. esse zeli, sanctitatis ac sapientiæ symbolum: nec tamen opus esse modestiæ ac submissionis significationem. Nam quo tempore bellum testē & occultatē fiebat, liquet non id magnificè ac superbe fieri. At verò c. 6. quando in multiplici militariū curruum apparatu ingens Ecclesiæ potentia, & apertum iam bellum in Euangelij hostes indictum monstrabatur; tunc decorum maximè fuit, vt suprâ dictis coloribus niger in modestiæ documentum adderetur. Id quod ita accidit omnino. Nam Christiana Ecclesia, etiam postquā ad potentia & magnificentia culmen peruenit, Euangelij hostes magna cū modestia deuicit ac subegit.

Quid per album equi colorē apud Zachariam.

Quid per rufum.

Quid per varium colorem.

Græcā coloris varij vocē significari etiam sapientiam.

Quid per nigrum colorem.

Nigror cuius rei symbolum.

Cur in Zacharia equis inter myrteta abditis coloribus tantum rufi, varij & albi sint?

Cur in 6. eiusdem Zachariæ prædictis coloribus niger addatur?

Quid significent apud Zachariam cap. 1. qui occulti inter myrteta; mox c. 6. currus falcati.

Traditur colorum differentia, eiusque ratio inter Zachariam & Ioannis equos.

Quæ sit significatio colorum in Zachariæ equis apparet.



Et quauis spiritualis illius belli milites non essent alij quidem sapientes, alij modesti, alij æmulatores; sed in eorum singulis hæc omnes virtutes mirum in modum effulgerent: ceterum quod in vnoquoque equo representari non potuit, in omnes distributum fuit. Queniammodum in publicis actionibus fieri plerumque solet. Ita enim Christi passionis insignia per Angelos dispersimus; licet eorum singuli omnia simul venierentur.

Per colores itaque visionis Zachariæ significantur virtutes militum Ecclesiæ Christianæ, qui contra idolorum superstitionem bellum erant suscepturi. Et nemo inficiari potest, quin vt vestium colores apti sunt ad denotandas virtutes personarum; sic etiam in equitibus possint colores equorum eadem significationi deferui: præcipue in his visionibus, vbi equus atque eques, non diuersas personas adumbrant, vt supra iam vidimus.

Huic de Zachariæ equorum coloribus declarationi non parum accedet roboris, si iuxta illam idonea adhiberi possit declaratio quatuor equorum coloribus Apocalypseos; necnon idonea ratio discriminis, quod inter vtramque visionem hac in parte versatur. Dico ergo, in Apocalypseos equis colorem album spectare debere ad salutarem intellectus captiuitatem; rufum ad strenuum mentis ardorem atque audaciam; nigrum ad paupertatis humilitatem; & pallidum ad mortis contemtionem. Suppositis autem ijs, quæ diximus notatione 3. cum equi sint salutis symbolum, quam Christus in orbem aduexit; facili negotio cernitur quantopere expediret, vt quatuor equorum colores ad hanc significationem idonei essent.

In tribus quidem postremis comperta res est: etenim, vt iam probauimus, manifestum est equum esse allatæ salutis symbolum; & rufum colorem ad zelum ac mentis ardorem aptè referri. Rufus ergo equi color erit symbolum salutis audaciæ atque ardoris. Constat iterum colorem nigrum, esse modestiæ & humilitatis signum. Quare niger equus salutarem humilitatem & submitionem indicabit. Nihilo obscurius est, in colore pallido denotari mortem, quæ pallidos efficit homines. Vnde pallor in equo innuet omnino mortem salutarem, solum ergo superest explicare, quomodo color equi albus symbolum sit salutis captiuitatis intellectus: quia albus color ad sanctitatem quidem & innocentiam congruenter videtur referri; ad intellectus captiuitatem non item.

Ad hæc dico; alborem in equo signum esse mansuetudinis. Nam equi albi præ ceteris sunt phlegmatici; atqui in mansuetudine appositè indicatur, eos sponte se fræno & aliorum imperio submittere. Quod mirificum est, vt intellectus subiectio ad Euangelij dogmata significetur, iuxta illud Iacobi 1. 21. *In mansuetudine suscipite insitum verbum, quod potest saluare animas vestras.* Vide etiam cap. 3. 13. vbi de sapientiæ mansuetudine. Huc spectat, equis albis lenem ac mollem pilum ferici instar fili inesse, ex Andrada lib. 1. de equis cap. 34. Altera etiam significatio puritatis ac sanctimonix, quam color albus habet, rite cum salutari subiectione per equi albi colorem significatâ copulatur. Nam subiectione illâ & captiuitate viuæ fidei acquiritur iustificatio; quæ sanctas efficit animas, & ab omni scelere labe defæcatas. Ex quo fit planum, colorem album in equo expressius denotare, quam sit salutis illa viuæ fidei mansuetudo, quia facit hominem iustum & sanctum. Atque hæc maior expressio in vno ex quatuor coloribus congruens fuit, vt reliquis lucem daret. Queniammodum in quatuor equitibus expressum fuit, vnum ex eis esse mortem; vt reliqui conciperentur tanquam mortis ipsius socij & comites, qua ratione supra explicatum est.

Atque vt quatuor colorum significationem paucis coërceam; assero colorem album esse proprium equi cicuris ac mansueti; ideoque esse aptum ad subiectionem indicandam. deinde rufum colorem esse equi acris & ardentis; per illumque audaciam & animi erectionem denotari. nigrum porro esse colorem reliquis obscuriorem; atque adeo vililitatis ac demissionis significationi congruere. pallidum

denique colorem ad mortem, quæ pallidos reddit homines, figurandam esse idoneum.

Deducitur ex ijs, quæ diximus, varium colorem in equis Zachariæ fuisse valde conuenientem; non verò in Apocalypseos equis. Nam in Apocalypsi colores equorum aptantur ad salutem, quam Ecclesiæ nascentis tempore generatim suis fidelibus Christus impertiuit. Illa autem insignis sapientia, quæ in vario colore innuitur; non fuit omnibus communiter concessa; sed illis, qui mundi Doctores ac Magistri erant futuri, de quibus agit Zacharias.

Alia erat dubitatio, quare apud Zachariam defuerit color pallidus? ad quam respondetur, cum pallidus color equi, sit symbolum mortis Christianorum; ideo mortem non directè ad alios docendos spectare, sed illâ potius finiri munus incumbendi in proximorum salutem. Quod si ad hoc rursus opponatur, non minùs mortis exemplo, quam multis concionibus homines permoueri solitos; Respondeo hoc non ex morte, sed ex sanctitate, quæ illam comitatur, dimanare. Si verò hoc totum in pallidi coloris significatione includitur; mirum non est in Apocalypsi explicari, quàm in Zacharia gloriam martyrij, & in Domino morientium felicitatem denotari.

Hic oportet adiungi discrimen aliud: cur nimirum apud Zachariam dux equo rufo inuehatur, Ecce vir ascendens super equum rufum, cap. 1. 18. Cum tamen in Apocalypsi dux (qui est Christus) albo portetur equo? Hæc dubitatio non propriè pertinet ad quatuor equos capitis 6. Nam in nostra declaratione non est Christus, qui equo albo insidet, sed fides. Et quemadmodum Christus in virtute (sicut causa principalis in suo instrumento) in equo albo sedet; eadem ratione sedet etiam in rufo, in nigro & in pallido. Illud saltem pro comperto est; eum, qui cap. 19. 11. super equum album sedebat, referre Christum. Cur ergo in Zacharia dux equo rufo, & in Apocalypsi albo equo aduehitur? Respondeo; verum quidem est vtroque sermonem institui de Euangelicæ prædicationis militia: in Zacharia tamen colores representant (vt iam expressimus) concionatorum virtutes; atqui in prædicandi munere princeps & coryphæus est zelus & charitatis ardor. Itaque operæ pretium valde fuit, ducem tollere in equum rufum; cum hic color sit accensæ audaciæ zeli que ardentis signum. Et eadem de causa Isaias Deum induit quasi pallio zeli, cap. 59. num. 17. At in Apocalypsi cum cap. 6. equorum colores non significant concionatorum, siue (vt ita dicam) saluatorum virtutes; sed effectum, quem in illis qui saluantur, præstant; vt eadem retineretur series; in cap. 19. (vbi agitur de Romani imperij conuersione post Christiana sacra Romæ publice suscepta) cum proprius fuerit effectus, homines ad fidem conuertere, non oportuit alium in equis colorem apparere præter album; qui mansuetudinem, & sanctificationem adumbrat, vt supra explicatum est: & ideo tam dux, quam exercitus equis aduehantur albis. Nam in Apocalypsi colores equorum referuntur ad eum indicandum effectum; qui in personis saluandis intenditur; effectus autem erat, vt fide & sanctificationem in mansuetudine fraserent; vt loquitur diuus Iacobus. Quod verò quatuor fuerint capitis sexti colores, ostendit maiorem fuisse & præstantiorem saluationis effectum in primigenijs Iudaici populi Christianis. Neque enim solum fidem & sanctificationem mente combibebant, sed etiam magnum illum mundi conuersionis zelum, & diuitiarum, honorum vitæque ipsius despicientiam.

Huc vsque sequutus sum eam colorum significationem, quæ mihi aptissima visa est. Nunc placeat alias declarationes paucis attingere; & rationem, cur eas non sequar, subicere. Aliquis fortè colores equorum explicabit ad externam diuini operis faciem, quæ ab ipso opere valde fuit diuersa: iuxta illud Isaiæ 28. numero vigesimo nono, vt faciat opus suum, alienum opus eius ab eo. Quare si in equo primo significatur magna Christi virtus & fortitudo; species quidem fuit infirmitatis; quia virtus in infirmitate perficitur; atque ita color albus potest debili-

Cur varius color in Zacharia equis apparuerit; non item?

Cur in Zacharia equis pallidus color defuerit?

Cur apud Zachariam dux equo rufo, apud Ioannem albo uehatur?

Colores equorum in Apocalypsi quò potissimum spectent.

Alia huiusmodi colorum expositiones proponuntur, & improbantur. Alia coloris interpretatio.

Zacharia equorum & quadrigarum visio quò potissimum spectet.

Quid per colores quatuor Apocalypseos equorum significetur.

Quid per rufum.

Quid per nigrum.

Quid per pallidum.

Quid per album.

Equos albos mitiores ac mansuetiores esse ceteris.

Equi albi lenem ac mollem esse pilum.

Vnamque albi coloris significationem & apud Zachariam & apud Ioannem rite inter se copulari.

Ioannis equorum colores, eorumque significationes paucis coërcentur.



tatis speciem denotare. Constat enim, equos albos ceteris imbecilliores esse. Pari etiam ratione rufus color potest esse externa audacia & contentionis facies in summa beneficentia. Nam equos rufos certum est esse reliquis ferociores. Niger etiam color potest pro iniquitatis prae-textu symbolicè substitui, quia longius distat à luce, rationis & aequitatis symbolo. In aequitatis autem dissimulatione, maxima tertij sigilli aequitas occultatur.

Reiicitur  
superior in-  
terpretatio.

Huiusmodi tamen applicatio aliqui in duobus primis coloribus verisimilis, non satisfacit in tertio; & deficit omnino in quarto. Nam ad quartum sigillum spectat magna Dei sapientia atque consilium, cuius integumentum fuit stultitia. Nemo autem dixerit pallidum equi colorem esse stultitiae symbolum; nisi fortè diceret pro externâ stultitiae specie fuisse eadem maximam in Christianis factam. Tunc enim non negauerim, in coloribus depingi operis dissimulationem per effectus ipsos, qui in Christianis cernebantur; videlicet quod frænari se, & comprimere finerent; quod audacter & fidenter suam fidem in vulgus disseminarent; quod denique humilitatem, abiectionem, egestatem, & propriae vitae despicentiam complecterentur: quorum omnium facies stultitiam prae se ferebat Christianorum; iniquitatis verò notam & strictissimi iuris non ipsis, sed ipsorum Deo inurebat.

3. Explicatio  
quatuor  
colorum.

Alius in eam fortè sententiam pedibus ibit; ut iudicet colores esse ad ipsas hominum affectiones

A referendos: qua ratione albedo est laetitiae symbolum, & nigredo tristitia. Quae significatio primi equi colori rectè videtur congruere: quia maxima erat eorum laetitia, qui recens ad Christianam fidem traducebantur. Posset etiam rufus color usurpari ad illius verecundiae atque pudoris significationem, quo primi suffundebantur Christiani in fidei professione. Verùm tamen in hac explicatione non possunt omnia coherere: neque in tertio sigillo consentaneum est aliquod tristitiae symbolum. Nam licet egestatis species sit tristis, hocque epitheto eam Virgilius compelleret; primorum tamen Christianorum affectio in ipsa egestate magnâ potiùs laetitiam prae se ferebat: iuxta illud Senecae, *Honestas res est paupertas laeta*. Ad hæc, non erubuerunt Christiani acceptam Christi fidem foras dare: nec video, qui possit affectus ad rem aptus in pallido colore indicari.

Refutatur  
expositio  
praedicta.

Senec. l. i.  
epist. 2.

B Præterea satis novi colorem album equorum ad felicitatem ac triumphum, necnon ad bonum omen referri solere. Sed quorsum hoc in praesenti, nisi cetera cum eadem significatione consentiant? Idem dixerim de symbolis alijs ad militiam spectantibus, quale est per colorem album in vexillis pacem denotari; per rubrum ac nigrum minas hostibus intentas: ut de magni illius Tamorlani signis atque tentorijs historicorum annalibus proditum est. Sed non est, cur ratio habeatur cuiusque explicationis, quæ omnia aptè quadrare non possit.

4. Explicatio,  
quæ item re-  
fellitur.

Tamorlani  
quid per va-  
rios colores  
in tentorijs  
subinde mu-  
tatos innue-  
ret.

## NOTATIO VI.

*Cur in primi & tertij sigilli figura magis emineant Fortitudo & Aequitas, quam Beneficentia in secundo, & Sapientia in quarto.*

Quid in-  
ter sit discri-  
minis inter  
primum ac  
tertium si-  
gillum ex  
una parte,  
ex altera se-  
cundum &  
quartum.

SVpra iam explicatum est, quatuor prima sigilla spectare ad primos quatuor diuinæ providentiæ spiritus, id est ad Fortitudinem, Beneficentiam, Aequitatem, & Sapientiam. At enim, si textum attentè inspiciamus, magnū reperiemus inter illa discrimen. Nam in primo sigillo, præterquam quod leo Ioannem aduocat, in eadem etiam figura apparet manifestum fortitudinis symbolum; cuiusmodi sunt arcus, sagittæ, & victoris nomen. Deinde in tertio sigillo & Ioannem accersit homo, qui rationis est atque consilij particeps: & illi figuratur rationis & aequitatis symbolum, nempe libra. Attamen in secundo sigillo, etsi Ioannem compellat vitulus; in eo tamen, quod cernitur, signo nullum extat symbolum Beneficentiæ expressum; sed violentiæ potiùs ac belli. In quarto similiter, esto, Ioannem acciat aquila, animal visus perspicacitate à natura præditum; in ipsa certè figura nihil est, quod sapientiam atque consilium redeat ad eorum incolumitatem, qui Christi insequuntur vestigia; sed quod stultitiam potiùs adumbret; & eorum, qui se ad Christum applicuere, interitum. Huius discriminis oportet hic reddere rationem.

In perfectâ  
hominum  
salute plus  
apparuisse  
hominum  
ipsorum o-  
culis Christi  
fortitudinē  
ac iustitiā,  
quàm bene-  
ficentiam ac  
sapientiam.

Alitero igitur, in hac differentiâ mirificè exprimi, inter eas quatuor perfectæ salutis partes, quam Christus Dominus suis sectatoribus apportauit, Fortitudinem & Iustitiam ipsius Christi non adeo abscondi, ac Beneficentiam atque Sapientiam. Ad cuius rei explicationem notandum est, ad primum sigillum spectare Fidei vim ac robur in eorum conuersione, qui Euangelio manus dabant. Et quanuis absque speciali Christi auxilio & spiritu, in illo opere cognosce non potuerit diuinæ fortitudinis effectio; hominum saltem oculi significationem incredibilis fortitudinis ita perspicuam cernebant, ut eam iniciari nequaquam possent. Etenim cum vi-

C derent ad vnius piscatoris concionem (in qua Iesus Christus à Iudeis ipsis cruci suffixus verus esse mundi saluator prædicabatur) extemplo tria hominum millia nouam illam religionem amplecti; nec segnore gradu in aliarum rerum progressionem pergi; ab Apollolis item vno Christi nomine implorato tot tamque ingentia miracula edi; hæc certè Crucifixi virtutem satis apertè monstrabant. Quin imò illi ipsi, qui eam abnegabant, & maledictis vexabant; eorum, quæ in media hominum luce fiebant, perspicuitate & euidentia conuicti, quid agerent, quidve ultra opponerent, ignorabant.

Quomodo  
Christi vir-  
tus ac forti-  
tudo facili-  
ter vel ipsis ho-  
minibus inno-  
tuerit.

D Nec minùs euidentis erat, rationem & aequitatem à primigenijs illis Christianis maximè coli & obseruari, nec ab eis in aliquem vllam iniuriam immitti. Omnibus enim de illorum innocentia & virginitate constabat. Videbant namque ab ijs proprias possessiones & rem omnem familiarem diuendi, ut ad singulorum indigentiam in commune conferrentur. Quapropter dubitari non poterat, quin rationem ac iustitiā cum primis amaret, & quodlibet iniuriæ inferendæ gentis detestarentur. Cum autem compertum esset omnibus, hæc rei familiaris contempionem Christianis hominibus tantopere cordi esse; ut suum imitarentur Christum, & ad ipsius doctrinam atque consilia se totos effingerent; ipsimet Christianæ religionis hostes, quantum calumniam adhiberent, fateri cogeantur, Christum fuisse aequitatis ac rationis tenacissimum.

Christi iustiti-  
am  
in primis  
Christianis  
facile om-  
nibus fuisse  
conspiciant.

At verò duo hæc, prædicationis videlicet beneficentia, & admirabile consilium perducendi illos per probra, iniurias, ac mortem ad summam atque æternam felicitatē (quæ in secundo & quarto sigillo continentur) hæc inquit, duo infidelium oculos ac mētes omnino præteruolabant. Nam cum Christi fidē ioculare & mugatoriā reputarent; non illis venire in

Christi be-  
neficentia  
quomodo  
carnis oculis  
esse aduen-



mentem poterat Euangelij prædicationem esse maximum mundi beneficium, sed ipſus potiùs exitiù & vaſtitatem. Quamobrem ſummopere expedire putabant, vt nouæ religioni per multorum iam animos tacite ſerpenti aperto bello, ferro atque igni obſilteretur: ac proinde exiſtimabant, accenſam illam, qua Chriſtiani æſtuabant, cupiditatem, ceteros ad ſuam fidem traducendi, torrem eſſe ac malleolum ab ipſis inferis comparatum ad vrbes ac regna exitiabili diſcordiarum igne incendenda. Quòd ſi hæc de primis Chriſtianiſ ludæi ſibi perſuadebant; dubium non eſt, quin idem etiam de Chriſto aſſertore noſtro, vt de humani generis peſte, ſentirent.

Iam, quod attinet ad ſublime conſilium ſaluandi homines per tot ærumnas, calamitates & occiſiones; hoc mundanorum hominum oculis ſtultum atque inſanum viſum iri, quis dubitet? Si verò ad perfectam horum cognitionem, quæ externam inſaniæ ſpeciem præ ſe ferebant Chriſti luce & ſpiritu opus erat; Chriſtum ipſum, qui ſuos in hos laborum laqueos induebat, ſapientiſſimum & admirabili conſilio præditum iudicare qui poterant; niſi inſipientem potiùs & ab omni prudentia deſtitutum? Præſertim cùm vitam Chriſtiani per tot ſupplicia, per ſummas contumelias profunderent; ea de cauſa, quòd hominem crucifixum, tanquam vnicum & verum Deum colerent.

A Hæc ratiocinandi ſeries multò longiùs poſſet extendi; ſed hæc dixiſſe ſit ſatis, vt planè perſpiciatur, in abſoluta primorum Chriſtianorum ſaluatione, ſi minùs beneficentiam atque conſilium (vtpote quæ clauſa penitus erant ac recondita) ipſis certè virtutem & æquitatem aliqua ex parte innotuiſſe. Hoc igitur discrimine ita conſtituto, quid potuit concinnius & elegantius exprimi, in quatuor illarum partium pictura, quas perfecta primorum Chriſtianorum ſaluatio coërcuit, quàm in primi & tertij ſigilli figura aliquam virtutis & æquitatis præberi ſpeciem, id eſt, arcum & libram: in alijs verò nullam beneficentiæ & conſilij faciem relinquere? Verum quidem eſt, ad Apocalypſeos interpretum admonitionem atque doctrinam oportuiſſe valde, vt aliquod remaneret veſtigium, quo ducerentur ad beneficentiæ & conſilij, in ſecundo & quarto ſigillis, inquisitionem. hoc tamen magnâ arte atque indiſtriâ fuit diſpoſitum, dum quatuor ſigillorum figuræ cum quatuor animalibus conſociatæ ſunt; atque ita cùm videamus Ioannem à vitulo ad ſecundum ſigillum inſpiciendum, & ab aquila ad quartum vocari; hoc ipſo, & totius diſcurſus ſerie, quaſi Ariadnæ filo ducimur nò obſcurè ad ſigillorum figuras cum animalium ſignificatione copulandas: atque adeò admonemur, in ſecundo ſigillo beneficentiam abſcondi, quam denotat vitulus; & in quarto ſapientiam per aquilæ ſymbolum indicatam.

## C A P V T V I.

### T E X T V S.

#### *Ubi de apertione primi ſigilli.*

*Verſ. 1.* Et vidi, quòd aperuiſſet Agnus vnum de ſeptem ſigillis; & audiui vnum de quatuor animalibus dicens, tanquam vocem tonitruui, Veni & vide:  
*2.* Et vidi: & ecce equus albus, & qui ſedebat ſuper illum, habebat arcum; & data eſt ei corona, & exiuit vincens, vt vinceret.

Conſilium  
etiam Chri-  
ſti ſuos ho-  
ſes lauiſſe.







## C O M M E N T A R I V S.

**C**VM superioribus notationibus explicuerimus, quæ septem sigillis communia sunt, & præsertim quatuor primis : nunc in commentario compendiaria breuitate vti licebit; & lectorem in rebus non paucis ad ea remittere, quæ in notationibus præmonstrata sunt.

In primis liquidò constat ex contextu, *Vnum de quatuor animalibus*, idem hîc esse quod primum, id est, leonem : sequitur enim postea secundum, tertium & quartum. Cur autem leo Ioannem acciuerit ad primi sigilli apertionem, curiæ tonitruum vox leoni tribuatur; suprà iam declaratum est, nec non quid equus albus significet. Cuius sessorem licet communis interpretatio Christum esse existimet : nobis tamen persuasum est, quatuor hosce equites fictas agere personas per prosopopœiam inductas; vt patet in quarto equite : arque aded sessorem equi albi esse *Fidem* : quæ tamen cum instrumentum sit Christi in hac factiōe, rectè ipsi Christo tribuitur, quod ipsius instrumentum operatur. Et hæc est nostræ explanationis concordia cum communi interpretatione.

**B** ET QUI SEDEBAT SUPER ILLVM, HABEBAT ARCVM. ] Cum igitur sermo hîc sit de Fide; arcus, quem manibus gestare dicitur, intelligendus est in eo ferè sensu, quo Poëtæ Amori arcum & sagittas assignunt. Quod vna ex parte indicat efficacissimam amoris vim, qua corda percellit; ex altera verò inuit eos, quos amor ferit, læsos manere quodammodo; & ipsius amoris potentie ita subiectos, vt propriâ dein ratione & consilio non ducantur; sed eius trahantur vi, qui eos perculit & sibi subiecit. Non aliter arcus hîc, quem sacra fictio tribuit fidei Crucifixi, repræsentat vim ingentem, qua homines ad rem alioqui nouam & insolitam ducebât, & quodammodo trahebat; cuiusmodi est, suam omnem felicitatem reponere in eo homine, quem Iudæi in crucem sustulerant. Ex altera verò parte indicatur, hanc fidem ab infidelibus illudi, vt cæcā aliquam opinionem, quæ Christianorum corda occupabat, & ratione atque consilio exclusis penitus sibi subijciebat.

**C** ET DATA EST EI CORONA: ET EXIUIT VINCENS, VT VINCERET. ] Non dubium est, quin agatur hîc de victoriæ corona, vt patet ex contextu. Atq; hæc est vsitatissima phrasis, qua victoria appellari solet corona: & ita sæpè loquuntur Apostoli, ac D. præsertim Ioannes. Quod verò Christianæ fidei concedatur corona; perspicuè asseritur, i. Ioan. 5. 4. *Hæc est victoriæ, quæ vincit mundum, fides nostra.* Sed quid est, *Exiuit vincens, vt vinceret?* Respondeo, in his verbis miram includi energiam, qua exprimitur maxima vis Christianæ fidei in primitiuis Iudaici populi Christianis; quorum submissio ac subiugatio non erat ad modum, quo in amore solet contingere; sed qua ratione in peste vsu venire cernimus. Amor enim contagione non crescit: quare quod aliquem singularem subijciat, non ideo subijcit alios. At in fide, cum subigebatur vnus, inde quasi ex semine principium ad multos alios subigendos capiebatur. Nec diu res ibi consistebat; donec Gentilitas ad fidem traduceretur (sic Thomas, Lyranus, & Interlinealis.) Fides enim quemcunque prosternebat, eodem utebatur, vt instrumento ad alios similiter deiiciendos: & hac ratione ex ipsis percussis sibi sagittas conflagabat. Huc forte spectat illud Isaia 49. 2. *Posuit me quasi sagittam electam.*

**D** Verum, quia aperire libri sigilla, nil aliud fuit, quàm hominibus aperire sensum, vt Scripturas sacras intelligerent; aperuisse Christum hoc primum sigillum, idem est, atque suum impertisse spiritum multis, vt cognoscerent quæ conscripta erant de Messie virtute suum populum à seruitute crepuri, in eo vel maxime verissima reperiri, quod eos in Euangelicæ fidei ditionem ac potestatem redigeret, & hoc pacto veris sanctitatis ornamentis locupletaret. Quod non erat aliud, quàm eos ex dura peccati ac Dæmonis seruitute liberare. Atque hic ipse spiritus resignabat sigillum eorum locorum, in quibus de Iesu Christi passione agitur: quæ est nostræ fidei basis ac fundamentum: nec non illorum, in quibus de gloriosis Messie victorijs sermo est. Sic demum agnoscitur maxima fortitudo, quæ in imbecillitatis specie erat abscondita.

## T E X T V S.

*Ubi de apertione secundi sigilli.*

**E** *Vers. 3.* Et cum aperuisset sigillum secundum, audiui secundum animal dicens, Veni & vide.

4. Et exiuit alius equus rufus: & qui sedebat super illum, datum est ei, vt lumeret pacem de terra; & vt inuicem se interficiant; & datus est ei gladius magnus.

*Vnum idem, quod primum.*

*Equi albi sessorem esse fidem.*

*Vers. 2.*

*Quo sensu equi albi sessor arcum habere dicatur.*

*Cur Fidei corona datur?*

*Quid sit, Vincens vt vinceret.*

*Christum aperuisse hoc primum sigillum, quid sit.*







## COM M E N T A R I V S.

**E**X P R E S S I M V S iam in notationibus, cur ad secundum sigillum vitulus vocauerit Ioannem; quid insuper significet equus rufus. Diximus etiam per huius equi sellorem significari audaciam primorum Christianorum in sua fide promulganda: fingitur enim hæc audacia siue ardor, quasi persona quædam; quod fictionis genus de forma ipsa siue instrumento loquitur, quasi de causa efficienti. Quapropter quod dixit Christus Dominus de se ipso, *Non veni pacem mittere, sed gladium*; hoc ipsum tribuitur hic audaciæ, & contentioni, quam Christus primitiuis Christianis intulit ad suam prædicandam fidem, proximorum salutem procurandam. Id namque medium usurpauit Christus, vt pacem mundanam de terra tolleret, & veram Dei pacem (qualis est Euangelica) hominibus largiretur.

**G**L A D I V S M A G N V S ] est, meo iudicio, ipsa Euangelij prædicatio, vt sæpe alias. Et hic sane speciali non caret elegantia: nam prædicatio ipsa consideratur vt bellicum instrumentum adfectionem & diuisionem aptum; per allusionem ad ea Christi verba nuper allata, *Non veni pacem mittere, sed gladium: veni enim separare hominem*, &c. Matth. 10. 34. Atqui compertum est, grandem hanc diuisionem ab Euangelij prædicatione in mundo fuisse factam. Ideo autem appellatur gladius magnus: quia si discordiæ ac dissidij causas spectemus, non hinc leues exortæ sunt, vt alias interim rationes omittamus, quamobrem gladius Christi sit magnus appellandus: quia nimirum gladius gigantis est, Psal. 44. 4.

Verba illa, vt INVICEM SE INTERFICIANT, ad sui veritatem non exigunt, vt Christiani infidelium occisioni inhiarent: vt constat in simili loquutione Matth. 24. 10. Possumus tamen dicere non ineptè, huiusmodi effectum consequutum fuisse, vt infideles Christianos interficere conarentur; hi verò Euangelicæ prædicationis gladio illos mysticè occidere percuperent iuxta modum loquendi, qui habetur infra c. 19. 21. & Psalm. 149. 6.

Aperuisse Christum sigillum hoc secundum, in eo consistit, quòd suum spiritum fidelibus daret; vt eos Scripturæ locos probè intelligerent, in quibus de pace Euangelica agitur, & de abundantia pacis, quam Messias suo populo aduecturus erat: simulque nossent hanc pacem non oppugnari Euangelicæ prædicatione, quæ totum orbem videbatur conturbare; sed hanc potius veram esse ad veram pacem, qua Christiani fruebantur, viam.

Sellorem e-  
qui secundi  
esse auda-  
ciam.

Verf. 4.  
Gladius  
magnus  
quid hic  
significet.

Quo sensu  
dicatur, vt  
in vicem se  
interficiant.

In quo con-  
sistat, Chri-  
stum a-  
peruisse se-  
cundum si-  
gillum.

## T E X T V S.

*Ubi de apertione tertij sigilli.*

**Vers. 5.** Et cùm aperuisset sigillum tertium, audiui tertium animal dicens, *Veni & vide.* Et ecce equus niger; & qui sedebat super illum, habebat statueram in manu sua.

**6.** Et audiui tanquam vocem in medio quatuor animalium dicentium; *Bilibris tritici denario, & tres bilibres hordei denario; & vinum & oleum ne læseris.*







## C O M M E N T A R I V S.

**D**E significatione equi nigri; & quàm conueniens fuerit, vt ad eum videndum sit Ioannes à tertio animali vocatus; dictum est satis in superioribus notationibus. De sessorè verò equi nigri, reiectis alijs explicationibus, statuimus eum esse fictam personam inductam per prosopopœiam; eodem modo, quo mors in sigillo sequenti fingitur sedens super equum pallidum. Sed postquam personam esse fictam concedamus; statera, quam manu tenet, nos videtur cogere, vt afferamus personam hanc esse æquitatem siue iustitiam. Præsertim si repetamus ea, quæ paulò antè dicta à nobis sunt; videlicet certum esse in hac tertij sigilli figura agi de diuina æquitate sub iniquitatis prætextu latente. Quod si ita est, quid verisimilius, cum aperto sigillo mysterium referatur, quàm vt hæc persona diuinam æquitatem repræsentet?

Verùm tamen horum quatuor equitum consociatio à nobis exigit, ne equi nigri sessorè credamus esse Dei æquitatem propriè & itricte sumptam; sed ipsius instrumentum, quod ipsa assumpsit ad sui operis perfectionem in salute primoribus Christianis afferenda. Quemadmodum quarti sigilli sessor non est Dei sapientia, sed mors. Porro aduertimus suprà, quatuor hos equites ex apparèti ipso corporis trunco spectatos videri debere non hominibus salutares, sed noxios & ad ipsorum miseriam natos; id quod æquitati ac rationi minimè congruit.

His accedit, in contextu dilucidè agi de nimia parsimoniâ, inopiâ, & egestate; vt infra videbimus. Quamobrè mihi facile persuadeo, huiusmodi personam, quæ manu gestat stateram, esse paupertatè & indigentiam Christianorum Ecclesiæ primitiuæ. Licet enim hæc illorum indigentia fuerit voluntaria; in aliorum tamen oculis stultitia atque insania videbatur. Nec dissentaneum aliquis, aut minus consonum iudicet, paupertati in manus stateram dari. Nam quemadmodum in primo sigillo arcus Amoris inigne appositus fuit Fidei: ita etiam congruens ratio satis extitit, vt Paupertati itaquam iustitiæ & æquitatis ad ministræ tribueretur statera. Nam primitiuorum Christianorum paupertas illos eò redegit, vt nulli præter illa, quæ ad victum & vestitum erant necessaria, quidquam ampliùs concederetur. Nec ditioribus proderat possessiones fuisse ab ipsis hereditario iure acceptas. Ad hanc ergo pressam & strictam agendi rationem insinuandam mirificum fuit inuentum, vt paupertas manu teneret stateram; innuens nulli præter vitæ necessaria vel assem largiendum esse.

Vbi obseruandum est, stateram, quam nigri equi sessor habet, non esse ad triticum & hordeum ponderanda. Quauis enim statim dicatur *Bilibris tritici denario*, & *tres bilibres hordei denario*: ceterum pro voce *bilibris* est græcè *chanix*: atqui *chanix* non pondus est, sed mensura: etsi latinæ vocis defectu noiter interpretes nomen bilibris usurpauerint; nec immeritò, vt infra explicabimus. Sciendum ergo est, stateram esse ad ponderandam cuiusque necessitatem & nummos, qui in singulos erogandi erant: ita vt nummi pro iusto necessitatis pondere distribuerentur.

Pro huius confirmatione aduerto, in Biblijs correcti (id est in Vaticano codice) non legi, *audiui vocem dicentem*, sed *dicentium*. Vbi clare tribuitur hæc vox quatuor animalibus. Cum autem per quatuor animalia Apostoli figurentur; sensus est, primitiuæ Ecclesiæ tempore fideles Apostolicâ doctrinâ fuisse instructos ad dicendum *bilibris tritici denario*, &c. In quo haud dubiè sermonem conuertunt ad equitem, qui manu libram tenebat, Mox enim subiiciunt, *ne laseris*. Quamobrem cum pro voce *bilibris*, sit in græco *Chanix* (quæ erat frumenti mensura, quam in dies singulos seruis domini admetiebantur) cumque denarius sit pretium, quod operario pro diurno labore quotidie soluebatur; sensus eorum verborum, *bilibris tritici denario*, &c. idem est, ac si diceretur eos esse contentos, si quotidianus labor cum victu quotidiano mensuretur; nec alia temporalia præterea bona expetere. Quin imò nihil aliud ad quotidianum victum videntur optare, quàm exiguam panis mensuram. Etenim si panis totam pecuniam exhaurit, nihil nummorum erit reliquum ad alia coëmenda.

Addit insuper textus, *Et tres bilibres hordei denario*, in quo supponitur, vt apparet, frumentum triplo carius, quàm hordeum diuendi tunc solitum. Cum ergo dicitur *tres bilibres hordei denario*; significatur, quidomus familiam (vt coniugem ac liberos) alendam habebant; aut quibus pietas erat & studium proprio labore parta in pauperes erogandi, eos hordeaceo pane esse contentos (id quod in ea tunc regione erat vsitatum) vt labor diurnus cum diurno victu æquaretur. Denique hæc verba reipsâ continent eam Pauli sententiam atque doctrinam, *habentes alimenta, & quibus tegamur, his contenti simus*.

Deinde dicere, *bilibris tritici denario*, idem est, ac se maximæ annonæ caritati subijcere; & ostendere se esse contentos carissimo frumenti pretio; & quidem cariori, quàm si tunc medimnus denarios septuaginta valeret. Quod mensuræ genus illi respondet, quam Hispanorum vulgus appellat *hanega*. Hoc seorsum probabitur in notatione sequenti. Quibus addendum est, medimnum, qui septuaginta nummis argenteis constaret, carioris esse pretij in ea prouincia quo tempore scripta fuit Apocalypsis, quàm si hodie in Hispania medimnus siue *hanega* duplo maioris æstimationis esset.

Sequitur in textu, *ET VINUM ET OLEVM NE LASERIS*.] Græcè *μὴ ἀδίκησῃς*, & verbum, *ἀδίκηω*, significat lædere, siue coarctare. Est igitur sensus, eosdem ipsos, qui alioqui contenti erant, vt in frumenti atque hordei pretio læderentur, & coarctarentur; eosdem orare & obsecrare, nequa sit in oleo ac vino diminutio aut coarctatio, sed plena potius & conferta mensura. Enim verò notandum est, in Græco nec *bilibris* nec *tritici* nec *hordei* habere articulum; cum tamen *vinum & oleum*, singulos articulos habeant. Ex quo infero, sermonem esse de vulgari tritico, atque hordeo; de vino autem & oleo non quidem vulgari, sed singulari aliquo & peculiari. Quare existimo vinum & oleum in sensu spiritali esse capienda: ita vt deprecentur; ne in obscura noctis caligine (hoc est) in huiusce vitæ laboribus,

Sessorè equi tertij esse paupertatem.

Cum paupertati statera in manus detur?

Quid statera denotet; & quæ ad finem tertio sessori data.

Vox inter animalia audiuitur.

Chanix quid sit. Bilibris tritici denario, quid significet.

Tres bilibres hordei denario, quid sit.

1. Tim. 6. 8.

Verf. 6. Quod triticum & hordeum habeant in Græco articulum; vinum verò & oleum non habent; quid innuat.



Vinum & oleum in quo sensu accipienda sint?

In tertij sigilli designatione quid Christus suos doceat.

Singulares Scripturae mensuras quando speciatim examinare oporteat.

Quae mensura chœnicis. Aliorum opinio.

Vera chœnicis mensura ratio.

bus, aduersitatibus & ærumnis, ne illis oleum defuit, quo accensam alere lucernam possint; hoc est, ne destituantur luce & verâ cognitione felicitatis, quæ in sancta paupertate includitur: necne absit Spiritus sancti vnctio; quæ mentes permulcet, recreat, ac solatur. Orant deinde, ne illos spiritalis latitiæ vinum deficiat: hoc enim solatio & quasi adminiculo fulti rerum temporalium defectum pro nihilo ducent. Nam vt supra attulimus ex Seneca lib. 1. epist. 2. *Honestares est paupertas lata. Si verò lata est, paupertas non est.* Videtur etiam primâ specie fieri allusio ad id, quod insignis compotor dicere posset; tibi vel exiguum panis frustulum esse satis, dum modo se vino ingurgitet. Ceterum petitio etiam olei copiosi & abundantis, necnon duorum articulorum expressio nobis lumen præferunt; vt animaduertamus, hîc sermonem non esse de vulgari ac materiali vino.

Aperio igitur tertio sigillo, Christi spiritus suam impertijt lucem, vt intelligeretur, veram abundantiam ac saturitatem, quam Messiae tempore futuram Prophetæ prædixerant, non esse accipiendam pro ciborum & corporis deliciarum affluentia; sed de opima illa vbertate & copia: quæ non potest solum cum voluntaria paupertate componi, sed illâ etiam mirum in modum augetur. Nam quod Psalm. 71. 16. erat prædictum, *Erit firmamentum in terra in summis montium.* Certè de super-substantiali pane intelligendum est: atque ita in eodem Psalmo iustitia cum abundantia coniungitur: vt num. 7. *Orietur in diebus eius iustitia & abundantia*, & num. 3. *Suscipiant montes pacem populo* (id est, prosperitatem) & *colles iustitiam*, & num. 13. *Animas pauperum saluas faciet.* Et num. 4. *Saluos faciet filios pauperum.* Certè nullos magis, quam eos, qui propter Christum ipsum paupertatem & humilitatem in delicijs habuerint,

## NOTATIO VII.

### De vera mensura chœnicis, cuius Ioannes meminit.

**A**LIVOT sunt loci, in quibus licet singularis mensuræ generis mentio fiat, parui refert singillatim examinare, quam sit. Exempli gratiâ; Septuaginta Ezechielis 45. vtuntur nomine Chœnicis atque etiam nomine cotylæ (quæ multo minor est mensura) pro bati nomine; sed meo iudicio ex hoc loco Septuaginta interpretum non infertur exiguas has mensuras nuncupari etiam batos in Hebræo. Etenim quibusdam in rebus translationis fides exigit, ne mensura aliqua pro alia supponatur: in alijs verò parui admodum momenti est, & ideo possunt tunc interpretes vnum mensuræ genus pro alio substituere. Nam si, verbi gratiâ, velimus dicere aliquem vnicâ computatione batum exhaustisse: cum ille sit magnæ mensuræ genus; qui pro bato cotylam ponit, nã ille magnam ebrietatem & crapulam in magnam temperantiam atque abstinentiam commutabit. Verum tamen in præcepto de fidelitate in mensuris, non variatur sensus ex eo, quod ponatur exemplum in bato, chœnice, aut cotylâ. Atque ita non rectè deducitur ex hoc Septuaginta virorum loco, chœnicem & cotylam in Hebræo appellari batos. Vbi tamen textus habet *Chœnix trunci denario*, omnino oportet nosse cuiusmodi mensura sit chœnix: alioquin intelligi non poterit, magnane, an parua annonæ caritas sit.

Nonnulli contendunt, sacræ Scripturæ chœnicem (quemadmodum & Fannij) æqualem fuisse quatuor sextarijs Romanis. Quod idem est ac dicere, illum octoginta vnciarum aquæ esse capacem; & ferè totidem frumenti. Nam frumentum optimum eiusdem penè esse ponderis atque aqua. Imò & Villalpandus ait Palæstinæ frumentum nonnihil plus habere ponderis, quam aquam. Nihilominus certum mihi est, Ioannem non agere hîc de hac chœnicis ratione. Primò, quia constat ex contextu loqui illum de chœnice, qui erat vtitata frumenti portio ferio in diem suppeditari solita. Plinij autem ratio, siue computatio est; in operarum pane, sicut & in pane militari, legem certam esse naturæ, vt in quocunque genere pani militari tertia portio ad grani pondus accedat. Quare ex octoginta vncijs frumenti plus centum & sex vnciæ panis conficiuntur. Quæ quidem cibi quantitas tribus etiam hominibus satis superque in diem est. Quod verò chœnix sit nomen eius mensuræ, quæ in diurnum tribuebatur cibum; probat latè Marcellus lib. de sanitæ cap. 18. ex Homero, Herodoto, Hippocrate, Athenæo, &

Diogenè Laërtio; Plutarchus etiam & Suidas probant ex illo Pythagoræ, *Chœnici ne infideas.*

Deinde; esto, appellaretur etiam chœnix recepta illa mensura, quæ quatuor Romanos sextarios capiebat; ex hac certè consuetudine non fit planum, loqui Ioannem de eodem chœnicis genere. Constat enim extitisse etiam olim chœnicis mensuram trium omnino sextariorum capientem: cuius meminit libellus, qui Galeno tribuitur; & cum nuncupat chœnicem Italicum. Verum neque huiusmodi chœnicem existimo fuisse vtitatam diurni cibi mensuram. Capit enim sexaginta tritici vncias, id est, octoginta vncias panis: quæ cibi portio vel duobus edacibus assatim suppetit.

Proculdubio, etiam fuit olim chœnix duobus Romanis sextarijs æqualis; cuius pariter meminit iterum atque iterum libellus ille Galeni: atque hic etiam portionem æquo maiorem profecto conficit, nisi fossoribus designaretur. Etenim ex quadraginta frumenti vncijs plusquam vnciæ tres & quinquaginta operarum panis confici solent. Ex huiusmodi autem chœnicibus quadraginta octo capit medimnus, qui, vt superius dixi, idem est cum ea, quam Hispani vocant *Haneça*.

Ad hæc fuit etiam in vsu chœnix sesquiseptarium capiens; cuius meminit Cato de re rustica. Iis enim, qui minùs fatigantur, vt villico, epistatæ (id est, rei rusticæ, aut operi faciundo præfecto) opilio, assignat modios ternos in singulos menses. Quod si rectè supputetur; singuli sextarij & sesqui diebus singulis obtingunt.

Præterea non dubito, quin fuerit etiam chœnix continens tantum tres cotylas Græcas; quæ capiunt non plus viginti quinque aquæ vncias. Namque has esse Atticas Galeni cotylas pro virili parte contendit Petrus libro de ponderibus & mensuris: & nos etiam in opusculo de mensuris sacris confirmabimus. Ex illo verò Galeni libello perspicuè colligitur; hunc fuisse communem ac receptum in Græcia chœnicem. Hæc enim sunt illius verba; *Chœnix continet cotylas tres: atque hîc mensura maior pars Græciæ vtitur.* Videlicet non ita vt foret destinata hæc portio fossoribus, sed domesticis famulis.

His ita præstitutis, assero in Apocalypsi de extrema hac chœnicis ratione atque mensurâ sermonem esse. Primum quia agitur de diurno victu, non quidem fossorum aut voracium; sed parcorum sobriorumque hominum. Et quidem ex viginti quinque

Alia chœnicis accipiones.

De qua chœnicis ratione agat Apocalypsis.



vincijs frumenti conflantur plusquam triginta tres panis vnciæ, iuxta Plinij computationem. Diurna autem panis portio, quæ in Hispania famulis singulis dedi soler, duas & triginta vncias non excedit. Deinde id ipsum corroboratur Vulgati interpretis versione, quæ permagna apud prudentes debet esse auctoritatis. Nam in primis antiqua est, & ex eo tempore, cum in Græcia nomen choenicis vsitatum erat: & pro *choenice* vertit noster interpret, *bilibris*, quod fuit, propius & aptius vocabulum, quod potuit ad significandas viginti quinque vncias tritici vsurpare. Nam bilibris proprie sunt quatuor & viginti vnciæ. Quin & tres Græcæ cotylæ capiunt iustè viginti quinque vncias aquæ: frumenti verò vulgaris viginti quatuor non amplius vncias capiēt; ex quibus duæ & triginta vnciæ subacti, coctique panis fient. Nam optimum est & minimè vulgare frumentum, quod eiusdem cum aqua ponderis sit.

A

Infero ex dictis, Apocalypseos loquutione ingentem annonæ caritatem indicari; dum ait *bilibris tritici denario*. Etenim si choenicibus singulis viginti quinque vnciæ ex aqua tribuantur; capit medimnus siue Hispana *Hanega* sex & septuaginta choenices, & quatuor quintas alterius. Continet enim medimnus duas amphoras, id est, mille nongentas & viginti vncias: quæ si in quinque & viginti partes æquales distribuantur, eandem omnino conticiunt summam, quam nuper iniuimus. Quæ igitur maior caritas sperari, seu timeri potius valeret, quam tritici medimnum in Græcia siue Pathmo plus septuaginta sex denarijs æstimari, quo tempore scripta fuit Apocalypsis? Ceterum ita factò opus erat ad Isaia loci allusionem, cap. 30. 20. *Dabit vobis Dominus panem arctum, & aquam breuem*, ubi ex contextu patet non de rigore & angustia; sed de fauore & gratia sermonem esse.

Apocalypsin  
de ingenti  
annonæ ca-  
ritate age-  
re.

## T E X T V S.

*Ubi de apertione quarti sigilli.*

*Vers. 7.* Et cum aperuisset sigillum quartum, audiui vocem quarti animalis dicentis, Veni & vide.

8. Et ecce equus pallidus, & qui sedebat super eum, nomen illi Mors; & infernus sequebatur eum: & data est illi potestas super quatuor partes terræ, interficere gladio, fame, & morte, & bestiis terræ.







## C O M M E N T A R I V S.

**O**STENDIMVS suprà in notationibus, decuisse maximè Ioannem ab animali quarto ad quarti sigilli resignationem esse vocatum; nec minùs congruisse, vt & equus fuerit pallidus, & eques illi insidens Mors. Et ne quis in eo coniectando lassaretur, expressit Ioannes, *Nomen illi Mors, & infernus sequebatur eum.* Quasi dicat, ne in huius ænigmatis diuinatione quisquam nimium laboraret; nouerint omnes hunc pallidi equi sessorem esse Mortem; quæ vt indicio notior fiat, infernam post se adducit. Hæc enim sunt mortis indicia: quos enim ipsa occidit, mox deuorat infernus, & suis intrudit cauernis. Et quemadmodum Scriptura agit de morte, vt de aliqua persona, sic etiam loquitur de inferno; vt vidimus cap. 1. n. 18. & vterque considerantur tanquam Diuinæ prouidentiae satellites & administri. Fingitur ergo Mors in extrema terræ superficie degere, & infernus in imis visceribus, hoc est, in sepulchris & subterraneis specubus commorari, ac in spatio illo antro in centro terræ latente: vnde & nomen illi est Infernus, quia infernas occupat regiones. Fingitur deinde, quos mors de medio tollit, illico ab inferno corripit; & corpora quidem in sepulchris corrumpi; animas verò aut torqueri ab eo, aut saltem suis cauernis occlusas retineri: ijs exceptis, quas præpotens Deus ex inferni faucibus eripiat; siquidem potens est non animos solum, sed etiam corpora liberare.

Quibus suppositis, cum Christus aduenerit suum populum vt perfectissimus saluator redempturus; videbatur expedire ad perfectam suorum salutem, vt eos à morte atque inferno præstaret incolumes. Verum enim verò quotidiana primitiuorum Christianorum experientia docebat, eos nec à morte nec ab inferno liberari. Quin imò mors in eorum magis, quam in aliorum strage ac cædibus impune volitabat; atque infernus subinde in eorum, si minùs animas, at corpora sauebat. Huiusmodi tamen obiectioni facit satis Apocalypsis: asserens, aperto quarto sigillo, nouum quiddam, inusitatum, & inauditum apparuisse; nimirum Mortem, vt Christi ministrum, in equo insidentem ad perfectam Iudæorum salutem aduentare, qui Christum ipsum recipiebant. Quo innuitur, mortis sæuitiam & stragem in Christi seruis editam, fuisse viam ad absolutam eorum felicitatem. Et eapropter Christiani primitiui mortem non formidabant, sed diligebant potius, & audacissime amplectebantur. Nouerant enim, quàm vera essent, quæ prædixerat Christus, *Qui credit in me, etiam si mortuus fuerit, viuet,* & quod maiorem in eis ac sæuiorem occisionem faceret Mors, eò vitam illorum beatiorem fore & gloriosorem. Huius rei vestigium expressum fuit in eo Salomonis iudicio, de quo 3. Regum 3. 24. *Afferre mihi gladium, & diuidite infantem viuum in duas partes.* quod fuit admirabile consilium, vt suo filio frueretur mater. Et sanè quod Salomon simulauit se tentare, verus Salomon re ipsa præstitit. Vide Prouerb. 9. 2. vbi sermo est de vera sapientia; & dicitur, *Immolauit victimas suas: quem locum Tertullianus libro aduersus Gnosticos sic legit, Sophia iugulauit filios suos.*

**ET INFERNVS SEQUEBATVR EVM.]** Hæc verba superius iam explicata sunt. Sed dices, Christianos aliquot inhumatos atque insepultos mansisse; quia eos immanes & efferatæ bellæ deuorauerunt: nonnullos etiam ab inferis excitatos fuisse, priusquam ipsorum cadauera corrumpere. Respondet: ex corporum quidem corruptione per pauci liberi euaserunt: qui verò deglutiebantur à bestiis, in ipsarum visceribus sepulti manebant: quæcunque verò corporis corruptio ad eam pertinet personam, quæ infernus dicitur. Ita tamen appellatur, quia communis cadauera putrefaciendi modus est detrudendo illa in inferas terræ cauernas; atque etiam propter infernos sinus & specus, quæ animabus parata habet.

Ideo autem inferni hic mentio fit cum respectu ad corporum fidelium corruptionem; quia Christi sapientia non solum vitur Morde ad suorum veram vitam, sed etiam ipsa corruptione ad vitam eorum gloriosam. Quamobrem non dicitur modò *Dominus mortificat, & viuificat*; sed etiam, *deducit ad infernos, & reducit*, 1. Reg. 2. 6. & Pauli certe consideratio est, sepeliri corpus, perinde esse atque seminari, vt gloriosum in resurrectione nascatur.

**ET DATA EST ILLI (nempe morti) POTESTAS SVPER QVATVOR PARTES TERRÆ, INTERFICERE GLADIO, FAME, ET MORTE ET BESTIIS TERRÆ.]** Habet vera lectio, *super quatuor partes terræ*, hoc est, non in Iudæa tantum, sed etiam in vniuerso terrarum orbe; videlicet in Oriente, Occidente, Septentrione, atque Meridie. Vbiq; enim terrarum ac gentium morti fuit concessa potestas, vt in primitiuos Christianos crudelitatem ac sæuitiam exerceret. Hanc autem stragem quadrifariam fore textus ait. Et tertius modus est, *Morte*, quod idem esse videtur, ac vitam reapte auferre. Ex quo posset aliquis coniectare primos duos modos, id est, *Gladio & fame*, non esse de absoluta morte, sed de inchoata intelligendos; iuxta sacrarum Literarum locutionem, quæ mortem appellat quidquid carnis afflictionem ac macerationem continet: est enim mortis inchoatio, & ipsius potentiae effectio.

Primitiui autem Christiani quatuor modis moriebantur: primò carnis castigatione, & ipsius affectuum cohibitione, qui est doctrinæ Euangelicæ partus legitimus. Ea verò doctrina solet in Scriptura appellari gladius. Secundò, diuinæ gloriæ zelo, & proximorum salutis æmulatione; quæ carni etiam dolori maximo & vexationi est; iuxta illud Psal. 63. n. 10. *Zelus domus tuæ comedit me.* Vrit enim hæc æmulatio intimas medullas, & quasi ardenti quodam igne absumit. Atque ita dixit Paulus 2. Corinth. c. 11. 29. *Quis scandalizatur, & ego non vror?* & 1. ad Corinth. 15. 31. postquam dixerat, *periclitamur omni hora, subdit, quotidie morior per vestram gloriam,* id est, propter vestram gloriam. Hoc autem afflictionis & mortificationis genus nuncupatur in Scriptura fames: atque is est germanus eorum verborum sensus Matth. 5. 6. *Beati qui esuriunt, & sitiunt iustitiam.*

*Quis sit  
quartus equi  
sessor.*

*Mortem hic  
& infernū  
vt personas  
tragicas per  
propheta-  
iam indu-  
ci.*

*Mortem ip-  
sam. seruis  
Christi esse  
viam ad ve-  
ram vitam.*

*vers. 8.  
Infernus  
quo sensu  
hic luma-  
tur; &  
quomodo in  
primos  
Christianos  
sauiſſe dica-  
tur.*

*Mortem &  
infernū esse  
Christi in-  
strumenta  
ad veram  
suorum vi-  
tam.  
Quid sit  
Morti pote-  
statem dari  
super 4. par-  
tes terræ.*

*Quatuor  
mortis mo-  
di, quibus  
olim primi-  
tius Chri-  
stiani mori-  
ebantur.*



Tertiò, primitiui Christiani re ipsa è morte non euadebant; quin imò hoc ipso, quòd Christiani essent, multis inferebatur mors: siue quia assiduà corporis castigatione ac vexatione se nimium macerabant; siue quia diuina prouidentia strictissimo cum illis iure primà specie agere videbatur, dū eos damnat morte ob eiusmodi res, quæ non ita infidelibus capitales apparebant. Insignis autem est hanc ad rem Ananiæ & Sapphiræ coniugum interitus, Actuum 5. Et quod Paulus de se ipso ait, 1. ad Cor. 5. 5. tradidisse, scilicet, quemdam Satanæ in interitum carnis, & 1. ad Corinth. 11. 30. multos emori, quòd indignè ad Eucharistiam accederent.

Quartò Christianorum quàm plurimi martyrium patiebantur. Vide ad Rom. 8. 36. ex Psal. 43. 23. *Propter te mortificamur tota die; estimati sumus velut oves occisionis.* Hos verò ait textus à morte de medio tolli per efferatas belluas; vt leones, tygrides, vrsos, tauros, rhinocerotes, atque alia id genus animantia; quæ omnia nomina ex sacræ Scripturæ phrasi Ecclesiæ persecutoribus ritè congruunt.

Simplicius tamen & aptius esse censeo, vt illis verbis *gladio, fame, & morte*, designentur bella, famæ, & pestis, quæ immixta sunt à Deo, non solum in Iudæos rebelles, (vt videbimus cap. 8.) sed etiam in eos, qui Christum receperant. Constat autem in Scriptura mortis nomine solere designari pestem. Pro quo vide indicem librorum 70. interpretum Vaticanæ editionis, vel notas ipsas fol. 434. a. & 1063. c.

Illud tamen superest considerandum, cur Mors equo deuchatur, & infernus pone sequatur pedester? Respondeo; infernus quidem subsequatur, vt receptus seruaretur ordo, qui inter mortem & corporis corruptionem (quæ inferno tribuitur) esse solet. Mors autem equitabat; quia, vt vidimus Notatione secunda, aduenire in equo, signum est eiusmodi equitem ad saluandum venire: atque saluare est ex alicuius hostis tyrannide eripere. Qua ex tyrannide Christiani diuinâ ope sepi euadunt, & de animæ aduersarijs triumphant. Itaque carnis mortificatione, & propriæ vitæ pro Christo amissione veram vitam merentur Christiani & de inordinato sui amore inimicorum omnium teterrimo triumphum agunt, atque hac ratione mors saluos illos præstat. At corporis corruptio licet à Diuina prouidentia ad corpoream sanctorum resurrectionem, & ipsorum corporum gloriam dirigatur; cum tamen is, qui putrefit, vitâ iam sit, & pugnandi ac periclitandi statu destitutus; fieri non potest, vt putredo ipsa illum ab animæ aduersarijs & spiritualibus periculis eripiat. Quare mirifica fuit excogitatio, infernum ponere mortem, non quidem equestrem, sed pedestrem constitui.

Postremò aperto quarto sigillo, spiritus Christi suæ lucis facem fidelibus prætulit, vt cernere possent, quàm fiteri summum ac prædicandū Christi consilium, morte seruorum suorum & funestis martyrijs vti, vt hac via illos in æternæ salutis portum conueheret; & hac pariter ratione multi Scripturarum loci ab illis fuere percepti; in quibus agitur de carnis maceratione, atque afflictione quam docturus erat Messias; de quæ in Domino morientium felicitate. Nec minus hoc pacto innouit, quanta sit, quàmque extollenda illa sapientia, quæ homines mortificando viuificat, & perdendo saluat: vt egregiè depingitur apud Iobum cap. 39. & 40.

## T E X T V S.

### *Vbi de apertione quinti sigilli.*

*Vers. 9.* Et cum aperuisset sigillum quintum, vidi subtus altare animas interfectorum propter verbum Dei, & propter testimonium, quod habebant.

10. Et clamabant voce magna dicentes, Usquequo Domine (Sanctus & verus) non iudicas, & non vindicas sanguinem nostrum de ijs, qui habitant in terra?

11. Et datæ sunt illis singulæ stolæ albæ: & dictum est illis, vt requiescerent adhuc tempus modicum; donec compleantur conserui eorum, & fratres eorum, qui interficiendi sunt, sicut & illi,

## C O M M E N T A R I V S.

**V**ARIÆ de hac visione explicationes videri possunt apud Pererium. Me inita contextus series ac ratio cogit ad aliam viam sectandam. Illud interim replicare non tædet, modò lectitare ne pigeat; meam videlicet declarationem et si distinctione nouam; rei ipsius substantiâ, à plurimis & grauissimis auctoribus esse receptam. Ij sunt, qui in Apocalypsi ab ipso exordio usque ad caput 12. de Iudaici populi persecutione agi decernunt.

Quæ datæ sunt actiones inter prima quatuor sigilla resignanda, mirificum continent ænigma de absoluta atque perfecta saluatione, quam Christus Redemptor noster Iudæis se ipsum recipientibus è cælis aduexit. Oportet nunc in tribus actionibus sequentibus trium, quæ restant, sigil-

lorum

Simplicior  
modus ex-  
plicandi 4.  
morum  
genera, quas  
primi  
Christiani  
patiebantur.  
Cur Mors  
equo veha-  
tur, cum  
infernus  
subsequatur  
pedester?

In quarti  
sigilli aper-  
tione quid  
suos doceat  
Christus

In 3. sigillis  
seqq. quid  
argumenti  
continua-  
tur.



lorum nobis ob oculos poni præstantissimam agendi rationem; quam diuina providentia seruauit aduersus Iudæos, qui verum Messiam ipsis è cælo demissum respuerunt. Diuinus hic agendi modus tribus omnino sigillis circumscribitur. Quippe in triplici capite consistit; ea sunt magna patientia, qua Deus illos expectauit; *seria comminatio*, qua eosdem admonuit; *seuerum supplicium*, quo ipsos affecit.

Itaque visio, quæ ostensa fuit, cum referatur est quintum sigillum, debet esse admirabilis quædam effigies atque pictura patientiæ, qua Deus perfidos & obstinatos Iudæos Messia oppugnatores tolerauit. Quid ergo hanc ad rem expressius ac significantius, quàm depingere omnes Christi Martyres à Iudæis immaniter contrucidatos, vindictam ab eo poscentes; quibus tamen placide respondeat Deus; *Expectate modicum, tempus, donec impleatur numerus fratrum vestrorum?* Huiusmodi vindicationem dicuntur poscere Martyres sub altari positi. Quibus verbis agitur solum de animabus Martyrum illorum, qui in Iudæorum aduersus Ecclesiam persecutione fuerant necati. Namque altare hoc, de quo hic sermo est, altare est holocausti in Salomonis templo structum, in eoque animalium victimæ potentissimo Israël. Deo immolabantur. Eleganti igitur inuento consideratur in eo ipso altari Christianos sub religionis specie mactatos Deo à Iudæis offerri atque sacrari. Et enim, quam à Christianis ultionem expetebant, sacrificium Deo ipsi immolatum reputabant. Cum verò sacrificium eiusmodi cruentum esset; nihil congruentius, quàm vt Christiani in ipso altaris holocausto occisi perhibeantur. Sed tamen id sacrificium ex parte Iudæorum execrabile Deo ac detestabile erat: propterea quod ipsius Prophetæ crudelissimè trucidabantur; vt Zacharias qui occisus fuit *inter templum & altare*. Et quia Christianorum sanguis in illa ipsa persecutione morientium vindictam aduersus Iudaicum populum clamitabat (vt de Abelis cruore dicitur) ideo aptissimè fingitur, animas Martyrum, qui in ea persecutione fuerant interfecti, sub altari clamare: hoc est, ex ipsismet sacrificijs, quibus Iudæi pergratum Deo fieri putabant, tacitum quidem, sed efficacissimū prodire clamorem: ibique Martyrum animas videri postulare vindictam. Hoc autem non est agere elicto orationis actu, neque extremi iudicii diem precibus velle anteuertere, sed solum indicare ultionem, quam Martyrum sanguis contra Iudaicum populum petebat. Atque idem est dici animas petere vindictam, ac dici earum sanguinem illam deposcere, Eldræ 4. cap. 5. 18. *Sanguis innoxius & iustus clamat ad me, & anima iustorum clamant perseverantet.*

PROPTER TESTIMONIUM, QVOD HABEBANT. ] Hoc est propter doctrinam, quam defendebant. sæpè enim testimonium pro doctrina ponitur.

DE HIS, QVI HABITANT IN TERRA. ] Quod nihil aliud est, quàm vindictam exigere contra Iudaicum populum. Nam vt planum fiet c. 10. 2. circa illa verba, *Habebat pedem suum dextrum super mare, sinistrum autè super terram*; in ea distinctione *terra* pro Iudaismo sumitur, & *mare* pro Gentilismo.

ET DATÆ SVNT ILLIS SINGVLÆ STOLÆ ALBÆ. ] Tantum abest, vt locus hic faueat opinionioni illi iam damnatæ de differenda sanctis animabus visione Dei vsque ad extremi iudicii diem, vt apertè potius contineat catholicam veritatem. Nam animarum clamor vindictam repræsentat, quam Martyrum sanguis à Iudæis effusus de Iudæis ipsis poscebat. Quod verò subditur, *Datæ sunt illis singula stola albæ; & dictum est illis, vt requiescerent adhuc tempus modicum, donec compleantur conserui eorum*; hoc, inquam, idem est, opinor, ac dicere diuinæ providentiæ ordinem fuisse eiusmodi, vt Martyrum animæ gloriâ statim conuertirentur; & quam poscebant vindictam, eatenus differretur, quoad numerus expleretur electorum, qui erant interficiendi sicut & illi. Hoc autem est re ipsâ decernere, ne Martyrum procrastinetur gloria, pœnæ tamen ab eorum carnificibus expetendæ in tempus idoneum extrahantur.

DONEC COMPLEANTVR CONSERVI EORVM, ET FRATRES EORVM, QVI INTERFICIENDI SVNT SICVT ET ILLI. ] Huiusmodi dilationem reor non esse intelligendam vsque ad vltimum iudicii diem. Hic enim non differendus est solum, donec Martyrum compleatur numerus; sed etiam quoad numerus electorum omnium sit expletus. Atqui hoc in libro loquitur textus deijs, qui interficiendi sunt sicut & illi; quorum animæ poscunt ultionem. Adde huc, non esse sermonem de protrahendâ vindictâ ex omnibus peccatoribus sumendâ, sed de procrastinatione solum, quæ expediebat ad pœnas expetendas ab ijs, qui Martyres, quorum sanguis vindictam clamabat, occiderunt. Sermo autem est in prima Ecclesiæ persecutione atque adeo de primis Martyribus per Iudæos religionis causâ occisis. Sensus ergo est, Deum immensâ suâ patientiâ supplicium differre acerbissimum de Iudaico populo sumendum. Quia ita fieri oportebat, quoad expleretur numerus Martyrum præclarissimorum, quos decreuerat Deus in ea Iudæorum persecutione ad æternam Beatorum palmam extollere. Atque hi sunt, de quibus textus ait; *conserui eorum, & fratres eorum, qui interficiendi sunt sicut & illi*; nempe in ea sauientium Iudæorum procellâ, de qua est sermo. Et verò in huiusmodi comperendinatu, quem diuinum oraculum designat, edocemur; propterea improborum supplicium plerumque prorogari, ne iactura fiat maximi fructus & emolumenti ab ijs ad electorum salutem & gloriam percipiendi. Quod autem singulatim de Iudaici populi pœna dicitur, idem suo modo est ad supplicium totius orbis vniuersale (quod attinet ad doctrinam) extendendum.

Tandem hic aduerto, in quinto sigillo cælestem Christi spiritus lucem fuisse impartitam; vt agnoscerent, quàm esset sacris Literis consentaneum, differri à Deo Iudaici populi supplicium; & infinitam Dei patientiam eò sublimiorem ac perfectiorem ostendi, quod plus dissimulationis præferre videbatur.

Quinti sigilli scopum esse Dei patientiam in perfidos. De quibus martyribus hic sermo sit. Cur sub altari clamare dicantur?

Qualis sit hic Martyrum sub altari clamor.

Testimoniū pro doctrina

vers. 10. Quinam hic dicantur habitare in terra? vers. 11.

Dilatio ista? hac quomodo sit intelligenda.

De quorum vindicta procrastinatione hic sermo sit.

Cur plerumque Deus improborum supplicium differat.

In quinto sigilli resignatione quid nos doceat Christus.



## T E X T V S.

*Vbi de apertione sexti sigilli.*

*Vers. 12.* Et vidi, cū aperuisset sigillum sextum; & ecce terræmotus magnus factus est; & sol factus est niger tanquam saccus cilicinus; & luna tota facta est, sicut sanguis,

13. Et stellæ de cælo ceciderunt super terram; sicut ficus emittit grossos suos cū à vento magno mouetur.

14. Et cælum recessit sicut liber inuolutus; & omnis mons & insulæ de locis suis motæ sunt:

15. Et Reges terræ & principes & tribuni & diuites & fortes & omnis seruus & liber absconderunt se in speluncis & in petris montium.

16. Et dicunt montibus & petris; Cadite super nos, & abscondite nos à facie sedentis super thronum, & ab ira Agni.

17. Quoniam venit dies magnus iræ ipsorum, & quis poterit stare?

## C O M M E N T A R I V S.

Quatuor  
sexti sigilli  
Explicatio-  
nes.

Prima Aretæ  
expositio  
refellitur.

Tertia item  
Lyrani &  
Aureoli re-  
ijcitur.

Quarta  
multorum  
similiter ex-  
cluditur.

In 6. hoc  
sigillo ser-  
monem de  
Antichristo  
esse non  
posse.

Secunda in-  
terpretatio  
Ambrosij  
& Ruperti  
aliqua ex-  
parte pro-  
batur.

**Q**UADRUPLEX est visionis huius explicatio. Prima Aretæ de prodigijs in morte Christi visis. Secunda Ambrosij & Ruperti, de portentis in excidio Ierosolymæ, & supplicio Iudæorum. Tertia Aureoli & Lyrani de persecutione Diocletiani. Quarta Victorini, Ticonij, Primasij, Andreæ, Bedæ, Haymonis, Ioachimi, Pererij, & plurimorum de Antichristi persecutione; & de prodigijs sub diem iudicii euenturis. Primas duas explicationes iudicant aliqui improbables. Neque enim fieri posse putant, vt Apocalypsis agat de ijs, quæ iam præterierant. Hoc tamen argumentum quid habeat roboris ostendimus iam in prolegomenis notatione tertia, vbi ei plenè satisfecimus. Nihilominus assero, huius libri reuelationem incipere ab Ecclesiæ Christianæ fundatione post aduentum spiritus Sancti; atque hoc ipso excluditur Aretæ expositio opinantis agi hîc directè de prodigijs in Christi morte visis.

Ambrosij & Ruperti opinioni opponunt nonnulli, in eâ non congruenter posse applicari omnia, quæ textus enumerat; atque illud præsertim, quod ab ipso textu innuitur, omnes scilicet agnouisse propè esse diem vindictæ, quam Agnus de illis sumpturus erat; quam tamen cognitionem non habuisse Iudæos in Ierosolymæ excidio. Sed de hoc argumento dicemus infra.

Lyrani & Aureoli declaratio violenta procul dubio est: atque vt vidimus in huius capitis notationibus, in numero septem mysteriorum libri clausi nullum habet locum aliqua ex Romani Imperii persecutionibus.

Illam porro interpretatio, quæ sextum sigillum ad Antichristi tempora refert (esto multorum sit & grauium auctorum) non est amplectenda, opinor. Primò, quia & maior auctoritas & solidiora fundamenta sunt, vt credamus in septem sigillis directè de re alia non agi, quàm de ratione ac modo, quo se Deus cum iudaico populo gessit; dum alios vt verus assertor saluauit, alios vt seuerus iudex. (iustus tamen,) damnauit. Qui verò existimant, fieri omnino non posse, vt in his sigillis de Antichristi persecutione non agatur, existimo eos totius libri acolithiam & coherentiam nondum probè tenuisse. Etenim post septem sigillorum mysteria, instituitur sermo de Catholica Ecclesiæ ad Gentilitatem migratione, necnon de ipsius ex ipsis Gentibus triumpho, & de mille annorum pace, quam ante persecutionem Antichristi posita est. Foret itaque indigna & intolerabilis ordinis perturbatio, si in septem libri mysteriis locus Antichristi persecutioni daretur. Deinde ex ipsismet auctoribus, qui sigilli sexti mysterium ad Antichristi tempora transferunt, nonnulli, vt Pererius, cū ad textus applicationem deueniunt; non illum applicant, nisi ad prodigia, quæ sunt iudicii diem antecessura: quæ tamen non propriè videntur ad Antichristi persecutionis tempus pertinere; sed post illud consequi. Nec huiusmodi auctores vllam aut reddunt, aut reddere possunt rationem, quorsum extremi iudicii signa in mysteriis septem sigillorum annumeranda sint? Præterquam quod Ecclesiæ quies & pax post Antichristi mortem (quod ipsi in sigillo septimo constituunt) non est postponenda Iudicii signis, sed potius anteponenda.

Cū nec Victorini, nec Aretæ, nec Aureoli opiniones mihi placere significauerim; existimabit aliquis me ad Ambrosij & Ruperti opinionem adhæsurum, qui hanc visionē de Ierosolymitano excidio interpretantur. Ceterum quanuis hi auctores propiùs ad veram declarationē accedant, in eotamen deficiunt, quod cōminationes Ierosolymæ vastitatē antecedentes ad ipsammet vastitatem

exten-



A extendunt, simulque ad Iudaici populi reprobationem. Certum tamen est, & Ierosolymitanum excidium, & Iudæorum repulsum ad septimum spectare sigillum. Cuius mysterium continet seueritatem, qua Deus in Iudæos obthinatos animaduertit: atq; adeò sextum sigillum solum attingunt horribiles minæ, quibus Deus Iudæos voluit præmonitos ante septem plagarum supplicia. Hoc persuadet distinctio septem spirituum diuinæ prouidentia, ad quorum tres postremos suo ordine spectant *Longanima Expectatio, serua Comminatio, seuera Punio*. Atque vt in prodigijs extremi iudicii (ad quæ textus alludit manifestò) non splendet directe suppliciorum seueritas, sed minarum horribilitas; sic in his Apocalypseos comminationibus non tam ipsissimum supplicium, quam Dei comminatio spectanda est; qua Iudaici populi conuersioni consuluit, prius quam iustitiarum suarum in flumen in eos effunderet. Confirmatur hoc à simili; quia eiusdem rationis est descriptio, quæ habetur Ioelis 2. vbi expressè aduertitur totam illam horrificam descriptionem esse veluti rugiū leonis, antequam ad stragem edendam adoriatur; *Dominus dedit vocem suam ante faciem exercitus sui.*

Vera sexti sigilli expositio.

B Neceffe est tamen singulatim examinare, an nostra expositio omnia, quæ textus recenset, apprimè quadrat. Nam si minus esset apta explicatio; fateor nostram interpretationem esse dignam, quæ penitus explodatur. Attamen spero ex ipsa applicatione perspicuè visum iri, hanc esse verum huius loci sensum. Primum ergo allusio ad extremi iudicii signa, quæ in textu comperta est, nostram interpretationem validè confirmat. Etenim si huius visionis figura continere debet minas formidabiles, quibus Deus Iudaicum præmonuit populum ante suæ indignationis effusionem; ad huiusmodi comminationum picturam quid potuit congruentius adduci, quam expressa quædam imago eorum prodigiorum, quæ sunt sub extremi iudicii tempore euentura? Accedit, quòd Christus Dominus Matth. 24. 29 & Marc. 13. 14. & Luc. 21. 25. manifestè loquitur de minis, quas Deus Iudaico populo ante ipsius euerfionem intendit; idq; per cōparationem ad comminationes eas & extrema signa, quæ diē iudicii sunt præcessura. Quæ animaduersio magna ex parte difficultatē eleuat in eorum Euangelij locorum explanatione. Nam si semel statuamus sermonem ibi esse de duabus rebus, per cōparationem vnius ad aliam, minimè difficile est in eodem tractatu coniungi res quæ diuersam alioquin translationem exigebant. Aliter difficultatem afferre non exiguam considerare, quomodo Christus res adeò diuersas atque distantes promiscuè coniungat.

Confirmatur vera sexti sigilli interpretatio d. serua rebellium Iudæorum comminatione.

Christum Matth. 24. Marci 13. Luc. 21. agere de minis Iudaico populo intentis per cōparationem ad extremi iudicii signa. Eandem etiam loquendi rationem prophetis esse familiarem.

C Illud insuper nostram stabilit explicationem, vñtatam esse apud Prophetas loquutionem, cū signa describunt grauissimum aliquod supplicium antecedentia, vt cōparatione desumpta ab extremi iudicii signis. Licet hoc videre Isaia 13. in Prophetia de Babylonis euerfione; item in c. 34. necnon Ezech. 32. vbi sermo est cōtra Ægyptum; Osee etiam 10. 8. & Ioelis 2. & 3. Itaq; ex eo quòd extremi iudicii prodigia referantur, non propriè colligitur directe agi de mundi fine; cū plerūq; (vt diximus) de re alia instituatur sermo per cōparationem cum signis diem iudicii antecessuris. Et in Apocalypsi quidem nihil conuenientius, quam vt ea cōparatio intelligatur spectare ad eandem rem, quam Iesus Christus sub illa ipsa cōparatione descripsit.

D Præter hæc, licet certum sit sub mundi finem complenda esse illa, ex quibus desumitur ad aliorum suppliciorum signa cōparatio: non tamen certum est, qua ratione sint eiusmodi signa re ipsa complenda. Nam quidam auctores arbitrantur propriè & strictè loquendo solem defecturum siue obscurandum, lunam sanguineo colore inficiendam, & stellas siue cometas lapsuros: alij tamen auctores non pauci hæc omnia mysticè esse efficienda putant in ipsa Antichristi persequutione; ex his sunt Victorinus, Ticonius, Primasius, Andreas, & Beda, vt duas alias diuersas explanationes prætermittam, alteram Hieronymi, & Chrysostomi; alteram Dionysij Carthusiani, quas refert Pererius in hoc capite 6. disput. 29. 30. 31. & 32. Eto tamen certum sit, vt nonnulli contendunt, ante extremum iudicium propriè solem obscurandum, lunam sanguine commaculandam, & cometas desuper casuros. Numquid propterea opus erit Apocalypsin in præsentī directe agere de signis atque prodigijs, quæ extremum appropinquare iudicium enuntiabunt? minimè sanè. Nam si alijs in libris nulla nos tener dubitatio, quin sub ea ipsa figura & cōparatione agatur directe de maximo aliarum calamitatum impendentium terrore; quantò verisimilius id erit in Apocalypsi asserendum, qui liber ænigmaticus est totus? Atqui frequentissimum est in ænigmati, cū res alia videatur depingi. de alia longè diuersa agi. Quòd si in Prouerbijs præcipit Salomon ne ita simpliciter procedamus, vt externo verborum sono contenti simus; sed potiùs inclusum sensum rimemur (Prouerb. 1. *Animaduertat parabolam, & interpretationem; verba sapientum, & ænigmata eorum*.) quis non videat quantæ credulitatis, atque adeò simplicitatis sit in Apocalypsi externæ verborum facie esse contentum; nec aliud prætereà inibi latens ac reconditum peruestigare? Præsertim cū hicce liber historiam non texat; nec rerum euenta distinctè describere, aut præterita aut futura contendat; sed Ecclesiæ euentuum medullam, & quasi animam respicere, eamque ænigmaticè attingere.

Signa diem iudicii antecessura qua ratione si reapse complenda.

E His præmissis, complectar primum paucis meam interpretationem, de visione hac, quæ Ioanni aperto sexto sigillo ostensa est. Deinde partes singulas aliquanto fusiùs explicabo. Huius sigilli figura seu visio ad septem omnino puncta redigitur: primum est terræ motus magnus; secundum, solis obscuritas; tertium, lunæ sanguis; quartum, stellarum casus; quintum, complicatio cæli; sextum, montium & insularum commigratio; septimum, generalis horror in terra conimorantium, qui dicunt montibus & saxis, *Cadite super nos & abscondite nos ab ira Agni*. Ego igitur sic explico has omnes esse minas horrificas, quæ seuerissimum Iudæorum supplicium præcesserunt. Atque in primæ terræ motum significare magnam rerum commutationem ac perturbationem, quæ Ierosolymis accidit; præsertim cū à Romanis defecerunt, & in ipsos conspirarunt. Quæ noua rerum facies Iudaico populo terribile bellum, & miserrimas calamitates minabatur. Deinde solis obscuratio symbolum est signorum ac prodigiorum, quæ visa sunt, Dei indignationem contra Iudæos testantia. Tertio, lunæ sanguis denotat maximum supplicium, quod eis pro innocentissimo

Nostra de sexto sigillo explicatio paucis comprehensa.



Christi sanguine effuso impendebat. Quartò, stellarum casus indicat symbolice necem, quam Iacobo Apostolo, Stephano, alijsque viris sanctissimis attulerunt: quod etiam Iudæis minitabatur ruinam. Quintò complicatio cæli symbolum est Christianorum discessionis ab vrbe Ierosolyma, quæ non levis fuit etiam ciuitati comminatio. Sextò, migratio ac secessio montium & insularum portendit Deum Romanis obices atque impedimenta de medio tollere, & difficultates quaslibet complanare, quò Iudæorum supplicium tandem sortiretur effectum. Postremò, metus atque horror communis dicentium montibus *Cadite super nos*, &c. figurat, timorem ingentem, qui Iudaicum populum penitus peruaserat, argumento esse euidenti, seuerissimam Dei & Christi Domini indignationem sese in eos iam iam immittere velle. Nunc ad singula referamus pedem.

*Terramotus in xpi sigilli refectione factus cuiusmodi sit.*

**TERRAMOTVS FACTVS EST MAGNVS.]** Maldonatus noster ait, Matthæi 27. vers. 51. per terræmotum solere in sacris Litteris significari Dei præsentiam & maiestatem, Psalmo sexagesimo septimo, versu octauo & nono. & Psalmo nonagesimo septimo versu octauo & nono. Psalmo nonagesimo octauo, versu primo. Psal. 113. versu sexto & septimo, & Ioelis secundo. Interdum etiam diuinam iram, vt Ioelis tertio, versu decimosexto, Aggæi primo, versu vigesimo secundo, & vigesimo tertio. & Psalmo quadagesimo quinto, versu septimo. hæc ille. Certum tamen est terræmotu magnam rerum mutationem portendi; vt notat, & probat Pererius hæc disputatione vigesima septima. Vide Apocalypseos vndecimo, versum decimum nonum, *Terramotus & grandomagna*. Videlicet in Iudaici populi reprobatione, & Ecclesiæ ad Gentes transitu. & capite decimosexto, vers. 18. *Terramotus factus est magnus; qualis nunquam fuit, ex quo homines fuerunt super terram*; nimirum in conuersione Romæ ad Christi fidem. Itaque qualibet extraordinaria rerum vicissitudo & permutatio, siue in bonum fiat, siue in malum, appositè terræmotus symbolo figuratur, Maximas autem rerum ac temporum conuersiones, quæ in Iudæa ante Titi & Vespasiani bellum acciderunt, fuisse describit Iosephus libro secundo de bello Iudaico; quorum principium suam duxit originem à Iudæorum rebellionem aduersus Romanos; quæ fuit triste satis præsagium grauissimarum calamitatum illis deinceps euenturarum,

*Quid sit solem fieri nigrum tanquam saccum cilicinum.*

**SOL FACTVS EST NIGER TANQVAM SACCVS CILICINVS.]** Nihil congruentius, quam vt solis nomine in Apocalypsi intelligatur claritas Dei; & nomine lunæ, humanitas Christi. Etenim præterquam quòd duo hæc sunt ingentia luminaria symbolica, quæ veram lucem rebus omnibus ratione vtentibus diffundunt; textus ipse nos docet, in Apocalypsi, diuinitatem esse solem, & Christi humanitatem esse lunam; *Ciuitas non eget sole neque luna, vt luceant in ea; nam claritas Dei illuminabit eam, & lucerna eius est Agnus*, capite vigesimo primo, versu 23. Vbi manifestè claritas Dei respondet soli; & lunæ siue magnæ lucernæ Agnus. Atque eodem modo accipiuntur sol & luna capite duodecimo, versu primo, vbi describitur *mulier amicta sole, & luna sub pedibus eius*; de quò ibidem agemus. Statutâ ergo huiusmodi distinctione faciliè cernitur; quemadmodum Dei gratiæ & amicitia signa ritè significantur solaris claritatis symbolo; (iuxta illud Psalmi sexagesimi sexti versu 2. *Illuminet vultum suum super nos, & misereatur nostri*;) ita similiter ad Dei iram indicandam congruentissimè claritatem solis in obscuritatem & saccum cilicinum conuerti: quod meroris ac luctus est argumentum. Habet autem non parum decori, quòd Deus quo tempore durissima supplicia vult in improbos immittere, quasi lugubri induatur veste: ad eum modum quo Lusitanæ quondam reges capitis sententiam laturi saccum induebant. Nec desit, qui huiusmodi affectionem contempletur in ijs Isaïæ verbis, *Heu consolabor super hostibus meis*, capite primo, versu vigesimo quarto. Porro de prodigijs siue præfensionibus Ierosolymitanum excidium antecedentibus, vide Iosephum lib. 7. de bello, cap. 12.

*Quo sensu luna facta dicatur ut sanguis.*

**ET LVNA TOTA FACTA EST SICVT SANGVIS.]** Notum est, rubrum lunæ colorem, ventos & tempestatem portendere: iuxta peruulgatum illud:

*Pallida luna pluit, rubicunda flat, alba serenat.*

Vide Plinium libro decimo octauo, capite trigesimo quinto, & Virgilium Georgicorum libro primo.

*At si virgineum suffuderit ore ruborem,*

*Ventus erit.*

Ex quo intelligitur, quantò grauior & horridior comminatio in sanguineo lunæ colore denotetur. Quare cum luna Christum saluatorem nostrum significet, vt iam vidimus; cumque hæc de comminationibus sermo sit; certè puniceus iste siue sanguineus color indicat Christi Domini passionem. Licet autem ex ipso Christi mortis tempore ille lunæ sanguis horribilem tempestatem Iudaico populo minaretur; iuxta ea, quæ ipse Dominus dixit Luc. 23. 31. *Si in viridi ligno hoc faciunt, in arido quid fiet?* Nihilominus hoc in loco speciatim agitur de miris & insolitis signis, deq; maxima verisimilitudine, qua notare debuissent Iudæi, quādo Ierosolymæ obsidio propè erat, fore vt grauissimas pœnas Christi mortis essent daturi. Ad cuius rei significationem nihil potuit conuenientius fingi, quàm in medijs illis prodigijs lunam sanguinolentam videri, suo sanguine Iudæis debitas pœnas comminantem. Quod etsi minimè credebant ij, qui in sua adhuc obstinatione obcæcati perstabant; credibile tamen est, permultis non semel obuersatum fuisse ante oculos, cælum sibi fortè iratum & indignanti simile apparere, ob Christi mortem, & crudelissimum bellum, quod Christo in ipsius discipulis faciebant.

*Vers. 13. Siellas & cælo cadere super terram quid sit.*

**ET STELLÆ CECIDERVNT DE CÆLO SVPER TERRAM,]** Cum per solem claritatem Dei, per lunam Christi humanitatem significari dixerimus; rerum exigit consequutio, vt stellarum nomen ad Christi discipulos referatur. Sicut & capite duodecimo, versu primo, vbi coniunguntur similiter sol, luna & stellæ. In sensu autem grammatico, si textus nihil ampliùs diceret, quàm *stellæ ceciderunt*; existimari posset, *cadere sydera*, idem esse, quod obscurari. Præsertim quia Ioëlis secundo, versu decimo: & capite tertio, versu decimo quinto: & Isaïæ 13. vers. 10. & Ezechielis 32.

versu



versu septimo, cum similes inibi comminationes describantur; non tamen cadere dicuntur stellæ, sed obscurari. Attamen in præfenti textus ait, *Stellæ ceciderunt in terram.* quod non potest accipi pro stellarum occasu; quæ ratione dicunt Poetæ astra in Oceanum, siue in mare præcipitare: & Virgilius,

— Et iam nox humida celo  
Præcipitat, suadent quæ cadentia sidera somnos.

Aenëid. 2.

At stellarum occasus nullum ex se indicat prodigium, sed perpetuum potius & quotidianum naturæ ordinem consequitur. In hoc ergo stellarum casu verè representatur stellarum ruina, ac si verè caderent astra: vt comparatio ipsa manifestò ostendit; *Sicut ficus emittit grossos suos, cum à vento magno mouetur.* Ad quod non opus est, vt proprie & stricte loquendo stellæ cadere possint è calo. Satis enim est, id ita concipi posse; atque eius significationem esse maxime aptam, vt hoc decore in sermone mystico fingi possit.

Agitur autem hîc absque dubio de multis Christi discipulis, qui à Iudæis vexabantur, opprimebantur, & dirissimis supplicijs mactabantur. Et quidem in huiusmodi symbolo (quod solem & lunam Iudæorum populo comminantes, & quasi subito casu obruentes representabat) satis consonè inducuntur stellæ, vt è calo cadere visæ. Id quod eleganter exprimit, eosdem ipsos, qui ipsi populo à Deo fuerant dati sicut stellæ, (iuxta id Danielis duodecimo, versu 3. *Qui ad iustitiam erudiunt multos, tanquam stellæ,* &c.) Dei permissu in terram ipsam decidere. Quò Iudaicus ipse populus intelligeret, horum astrorum casum ac ruinam incertissimum illis fore impendentium malorum ostentum.

Sub stellarum nomine de quibus sit sermo.

ET CÆLVM RECESSIT SICVT LIBER INVOLVTVS. ] Varias horum verborum explicationes propterea omitto, quia eas refert Pererius disputatione trigesima quinta, sed allusionem ad Isaia verba neutiquam patiar prætermitti. Hic enim locus desumptus est ex Isaia trigesimo quarto, versu quarto, vbi sic habet; *Complicabuntur sicut liber, calis.* Quo in loco, atque aded capite, agit Isaia de supplicio, quod Deus ex Iudaico populo sumpsit per Vespasianum ac Titum. Hæc enim est recepta illius capituli interpretatio; etiam apud iuniores, vt Forerium, Ariam, & alios. Nec obstat Prophetam tribuere Iudæis nomen Idumæorum, vt significet verum Israellem esse Christianum populum, quem maior ipsius frater germanus (id est Iudaicus populus) persequeretur: sicut olim Edom persequebatur Israellem. Cum hac verò explicatione egregie consonat, vt inter prodigia inibi ab Isaia relata, quæ mystici Edonis vastationem fuerant prægressura, asserat Propheta, *Complicabuntur sicut liber, calis;* & Ioannes, vt id amplius declaret, dicat, *Cælum recessit sicut liber inuolutus.* Quibus confirmatur vtrobique haberi sermonem de signis, quæ antecesserunt supplicium Iudæorum.

Vers. 14. In calo, libri instar inuoluti allusionem ad Isaia locum contineri.

Iudæos sub Idumæorum nomine ab Isaia intelligi: & quare.

Præterea in sensu grammatico significatur cælum recessisse ab aspectu mortalium; quemadmodum volumen, quod erat prius expansum, postea conuoluitur, & complicatur, atque ab oculis abstrahitur. Atque ipsum verbum Hebraicum *Galal*, quod Latinus vertit *complicabuntur*, significat aliquid conuolendo, siue complicando amouere, & tollere è loco, in quo erat. Et hoc sine dubio significauit Ioannes dicens, *Cælum recessit sicut liber inuolutus.* Vnde Psal. 101. numero vigesimo septimo, vbi sermo est de cælis, pro eodem verbo Hebraico legit Vulgatus, *mutabuntur.* Sed si proprium sensum ænigmaticum inspiciamus; elegantissimè vsus fuit Ioannes verbo *recessit.* Sensus enim huius loci germanus est is, representare scilicet Christianorum egressum Ierosolyma Diuinæ providentiæ ductu fuisse formidabilem Iudaico populo minationem. Namque maxima erat Ierosolymæ propugnatio ac defensio, contra cælestes minas in semet intentas, ingens sanctissimorum Christianorum numerus, qui in ea commorabantur. Quare eduxisse Deum Ierosolymis suos familiares, perinde fuit ac Lotum è Sodoma extrahere. Ad hoc autem significandum percommoda fuit figura, *Cælum recessit, sicut liber inuolutus.* Primò, quia loquutio est Apocalypsi dignissima appellare Ecclesiam primitiuam cælum. Deinde, quia cum Deus per solem, per lunam Christus, Apostoli, viriq; Apostolici per stellæ fuerint significati; ducta eiusdem allegoriæ serie & continuatione, conuenienter satis cælorum nomine vniuersi illi primi Christiani designantur. Et postquam significatum fuit, quàm fuerit ingens comminatio Iudaico populo occisio in Christi discipulis aliquot facta; illud consequens erat, minimeque omittendum, vt prædictæ comminationi alia subijceretur, quæ illam consequuta fuit, videlicet Christiani populi decessio ac fuga. Atqui compertum est, post persecutionem accidisse fugam. Sic enim contigit in persecutione illa, quæ narratur Actuum octauo, versu primo, *Facta est autem persecutio magna in Ecclesia, quæ erat Ierosolymis: & omnes dispersi sunt præter Apostolos.* Constat autem, postea ipsosmet Apostolos fuisse in varias orbis partes dispersos, miseramque urbem ab eorum patrocínio desertam ac destitutam remansisse.

Grammaticus calis conuoluti sensus quæ sit.

Quanam ænigmatica sit conuoluti calis significatio.

Virtutes cæli item, quod exercitus calis in Scriptura loquutione.

In comparatione libri inuoluti quid denotetur.

His addo, in eodem me sensu accipere illa Christi Domini verba, *Virtutes calorum mouebuntur.* Quia in Scripturæ phrasi virtutes cæli idem sunt, atque exercitus cæli: quo nomine militantis Ecclesiæ exercitus optimè designatur, qui dum erat Ierosolymis, poterat ipsam urbem à Romani exercitus obsidione, & quorumlibet aliorum hostium incursione defendere. Sed virtutibus cæli inde cedentibus, infelix ciuitas restitit Romani exercitus viribus atque armis obnoxia.

Huc accedit, in eâ comparatione, *Sicut liber inuolutus*, denotari maximam Iudæorum ignorantiam. Nam vt in volumine complicato, quid intus habeat, nescitur; non aliter miseri, & calamitosi Iudæi non agnouerunt, quantum, quamque periculosum suæ vrbi immineret discrimen ex Christiani populi inde digressu. Nam Christianæ gentis sapientia & spirituales diuitiæ perinde erant Iudæis ac liber inuolutus & complicatus. *Sapientia autem abscondita, & thesaurus inuisus, quæ utilitas in vitroque?* Ecclesiastici 20. 32.



In montiū  
& insularū  
motione  
alludi ad  
extremi  
iudicij  
signa.

Quid per  
montes &  
insulas loco  
motus de-  
notetur.

ET OMNIS MONS ET INSVLÆ DE LOCIS SVIS MOTÆ SVNT.] Aliud est concuti montes, atq; insulas tremefieri: aliud ē proprijs sedibus conuulsa in alias mutari: atque hoc secundum affirmat textus, cum ait, *De locis suis mota sunt*, quod est, proprium deferere situm & aliō commigrare. Alluditur ad id, quod sub extremi iudicij diem eueniet: siue quod aliquando etiam in terrā motibus portentosis accidit. De quo vide Plinium libro secundo, capite 83. & 85. & 86. Significatio autem facilis est, opinor; & de rebus, quæ interdum in maximis diuinæ prouidentia effectibus solent contingere. Nam vt Dei consilium suauius & efficacius effectum fortiaur; aliquoties miro quodam modo expediuntur & complanantur illa difficultates, quæ videbantur insuperabiles; & obices repente tolluntur ē medio, qui nequaquam tolli posse credebantur. Montes quidem impedimento sunt & obitaculo, quominus plana & expedita via iter fieri possit terra, mari autem obiecta sæpe insulæ navigationis cursum retardant, impediunt, & periculotum reddunt. Vt ergo significetur, quemadmodum Deus Vespasiano ac Tito itineris difficultates abstulit; & facilem ac planam viam ad Iudææ expeditionem strauit (Diuino numine omnia ita disponente, vt debitæ à Iudaico populo exigerentur pœnæ) quid potuit aut dici, aut excogitari congruentius per allusionem ad horribilia portenta, quam montes ipsos cedere ē proprijs sedibus, & locum Romanis ingruentibus vacuum relinquere? insulasque ipsas suo situ auultas liberam & expeditam viam eisdem offerre?

Hæc interpretatio confirmatur simili loco cap. 16. 20. *Omnis insula fugit, & montes non sunt inuenti*; vbi agitur de mystica Romæ inuasionē. Atque vt in sexto sigillo Spiritus sanctus hanc vsurpauit figuram ad Ieriolymitani excidij referenda prodigia, de quibus inibi habebatur sermo: non secus in plaga 6. capitis 16. eadem fuit vsus figura ad explicanda suæ misericordiæ prodigia in mystica Romæ inuasionē; cum videbantur Christiani perfractis insularum ac montium repagulis celeri cursu, quasi per medium aëra volitantes Urbem aduenisse. Quod vt in Romæ inuasionē magnopere futuri Ecclesiæ successus spem alebat & corroborabat; ita etiam in hoc bello Iudææ prouinciæ impendenti indicium erat grauissimum supplicij à Deo illis inferendi.

Dicet quispiam, in ea figura de montis migratione atque insularum, non innuitur modò difficultates & impedimenta Romanis auferri; sed etiam difficultatum montes exoriri, atque consurgere Iudæis ad ea præmolienda, quæ ad sui defensionem, facillima factu videbantur. Sed hoc fortassis est nimium virgere allegoriam: præsertim cum cap. 16. 20. mentio solum fiat de montium & insularum fuga; *Omnis insula fugit, & montes non sunt inuenti*.

Vers 15.

16.

17.

Quantus  
Iudæorum  
animos ti-  
mor occupa-  
uerit in Ro-  
mæ inu-  
asione.

Quo sensu  
prænu-  
ciat Christus  
Iudæos di-  
cturos mon-  
tibus, Cadite  
super nos.

Hoc Iudæo-  
rum deside-  
riū mortis  
non ex præ-  
sentis mali  
tristitia,  
sed ex im-  
pendentis  
formidine  
profusci.

Liber hic  
quo sensu  
fit accipien-  
dus.

Duplex ad-  
uersus no-  
stram ex-  
plicationē  
obiectio: &  
utriusque  
solutio.

ET REGES TERRÆ, ET PRINCIPES, ET TRIBVNI, ET DIVITES, ET FORTES, ET OMNIS SERVVS ET LIBER ABSCONDERVNT SE IN SPELVNCIS, ET IN PETRIS; ET DICVNT MONTIBVS, CADITE SVPER NOS, ET ABSCONDATE NOS A FACIE SEDENTIS SVPER THRONVM, ET AB IRA AGNĒ; QVONIAM VENIT DIES MAGNVS IRÆ IPSORVM: ET QVIS PTERIT STARE? Primū noto, ingentem regnalicuius metum atque formidinem, cum graue illi bellum ac periculum impendat, argumentum esse cælestis supplicij, quo Deus illis animum ac vires ad sui defensionem aufert. Quare ad significandum timorem vehementem, qui Iudæorum animos oppressit, non potuit expressius dici quidquam, quam id, quod textus hic ait. Nam imprimis, quam generalem & communem fuisse metum existimamus, quando summi atque infimi, parui & magni, gubernatores ac subditi, serui & liberi, imbelles ac fortes trepidabant? qui metus adeo erat magnus & acerbus; vt emori omnes optarent, ne deuenirent in eas calamitates, quas sibi impendēre videbant. Quare præ nimio mortis desiderio montibus ipsis & faxis dicunt, *Cadite super nos, &c.* Similes formidinis descriptiones extant apud Isaiam cap. 2. 19. *Introibunt in voragines terræ à facie formidinis Domini.* Et apud Oseam 10. 8. *Dicent montibus, Operite nos.*

Deinde pro hac explicatione facit manifesta huius loci allusio ad illud Lucæ 23. 30. *Tunc incipient dicere montibus, Cadite super nos; & collibus, Operite nos.* Vbi ex contextu euident est agere Christum de Iudæis, de quæ artissimis angustijs, in quas redigendi erant, propterea quod Christum ipsum vitæ auctorem in crucem suffixissent. Videndus est hac de re noster Maldonatus Matth. 27. n. 32. ad finem, & Forerius Isaia 34. 4.

Tertiò, etsi mortis desiderium non prouenit interdum ex mali impendentis metu, sed ex præsentis mali effugiendi desiderio, vt depingitur cap. 9. 6. *In diebus illis quærent homines mortem, & non inuenient eam: & desiderabunt mori, & fugiet mors ab eis*: sed in præsentī manifestē est sermo de imminenti mali formidine; vt patet ex contextu, *Abconderunt se in speluncis, & in petris.* Atque ita expressit Isaias à facie formidinis. Ex quo elicitur, in hoc sexto sigillo nondum esse peruentum ad seuerissimum Dei supplicium, quod de populo Iudaico sumpsit; sed ad mira prodigia, quibus Deus fuit Iudæis ipsis comminatus: ex quibus prodigijs vnum fuit vehemens, & communis Iudæorum omnium timor.

Præterea metus hic, de quo in his verbis agitur, desperationi admixtus est. Quapropter nihil est, cur philosophemur, existimantes, cum dicitur *Seruus & liber*, fortè verbo illo *liber* assignari posse eos, qui filiali metu timent. Hoc quippe non est ad rem. Quod enim montibus dicunt, *Cadite super nos*; desperationem non obscure adumbrat; & boni etiam tunc (id est Christiani) Ierosolymis excefferant, vt in præcedenti contextu notauimus. Imò verò liberi atque diuites sunt, qui in huiusmodi angustijs atque ærumnis, siue in earum impendentium formidine plus trepidant; quia plura habent, quæ amittant. Verum multò adhuc magis exaggeratur timor, cum dicuntur milites ac serui omnes magnopere extimescere.

Demum nostra declaratio complectitur vniuersalem Iudaici populi metum in Romanorum belli impendentis expectatione. Contra hanc tamen explicationem duo mihi obijci posse videntur: primum, quod textus ait, *Reges terræ & principes*: cum Iudæi, postquam in Romanos rebellauerunt, Reges non habuerint. Secundum, quia textus ipse ait, eos qui dicant montibus, *Cadite super nos*, agnoscere cælestes iras eisdem impendentes, & Agni etiam iram. Constat autem Iudæos obstinatos nunquam cognouisse Christi iram sibi esse formidandam. Ad primum tamen respondeo, in ser-



**A** mone ænigmatico aptissime Reges nuncupari summos reipublicæ gubernatores, tamen si proprie reges non sint. Et similis est locus Isaïæ 24. 22. *Visitauit Dominus super Reges terræ, qui sunt super terram. vbi videndus est Forerius.* Ad secundum, respondeo; quemadmodum Abelis sanguis clamasse dicitur; non quia formaliter, (vt ita dicam) clamaret; sed quia res ipsa clamare videbatur: sic etiam significanter consideratur magnum illum Iudæorum metum confiteri, quantopere Christi ipsam timerent; non quod illi expressè crederent, aut faterentur Christi iram sibi esse extimescendam; sed quia res ipsa manifestò indicabat, timorem illum vehementem inde fuisse ortum, quod ipsi Christum Dominum in crucem substulissent.

## NOTATIO VIII.

*De locis, in quibus videntur depingi prodigia diem iudicij portendentia;  
ad quos alluditur in apertione sigilli sexti.*

**I**SAIÆ capite decimo prophetia est de excidio Babylonis; & in ea dicitur numero nono & decimo, *Ecce dies Domini crudelis, & indignationis plenus: quoniam stellæ, & splendor earum non expandent lumen suum. Obtenebratus est Sol in ortu suo, & luna non splendebit in lumine suo.*

Jeremias capite decimoquinto, numero nono, dum comminatur Ierosolymorum & Iudæorum genti propter Regis Manassæ peccata, hæc habet; *Misi super ciuitates repente terrorem. Infirmata est, que peperit septem: defecit anima eius; occidit ei sol, cum adhuc esset dies: confusa est, & erubuit.*

Ezechielis 32. sermo est contra Pharaonem Ægypti regem, & dicitur numero septimo, *Operiam, cum extinctus fueris, celum; & nigrescere faciam stellæ eius. Solem nube tegam; & luna non dabit lumen suum. Omnia luminaria celi merere faciam super te: & dabo tenebras super terram tuam, dicit Dominus, cum ceciderint vulnerati tui in medio terre.*

Ioëlis secundo, numero decimo, comminatio est contra Ierosolymam à Babylonijs euerendam; & numero secundo hæc sunt; *Venit dies Domini, propè est dies tenebrarum atque caliginis. & numero decimo, A facie eius contremuit terra, moti sunt celi: sol & luna obtenebrati sunt; & stellæ retraxerunt splendorem suum. Et Dominus dedit vocem suam ante faciem exercitus sui. Deinde prædicit maximam filijs Sionis prosperitatem; & singulatim spiritus abundantiam; subditque numero trigesimo, Et dabo prodigia in celo & in terra, sanguinem & ignem & vaporem sumi. Sol conuertetur in tenebras, & luna in sanguinem, antequam veniat dies Domini magnus & horribilis: & in monte Sion erit saluatio, & in Ierusalem, quod Dominus vocauerit.*

Item Ioëlis capite tertio, versu secundo, *Congregabo omnes gentes in vallem Josaphat, & disceptabo cum eis ibi super populo meo. Et infra numero decimo quarto, Iuxta est dies Domini in valle consensionis. Sol & luna obtenebrati sunt, & stellæ retraxerunt splendorem suum. Et sciatis, quia ego Dominus habitans in Sion monte sancto meo, & in Ierusalem sancta. Et fons de domo Domini egredietur, & irrigabit torrentem spinarum.*

Amos 9. dum Ierosolymis intenduntur minæ, Et erit, inquit, in die illa: occidet sol in meridie; & tenebrescere faciam terram in die luminis.

Matth. 24. postquam Christus Ierosolymæ euerfionem prænuntiārat, subditur numero tertio, *Accesserunt ad eum discipuli eius dicentes; Dic nobis quando hæc erunt, & quod signum aduentus tui? Christus autem prius agit de fame, bello, ac peste; quibus Iudæi acerbè puniendi erant à Deo. Et subiicit numero decimo quarto, Prædicabitur Euangelium regni in vniuerso orbe, & tunc veniet consummatio. Deinde instituit sermonem de grauissima persecutione, qua Iudaicus populus Ecclesiam fuerat persequuturus: & numero vigesimo septimo hæc ad-*

**B** dit; *Sicut fulgur exit ab Oriente, & pariet usque in Occidentem; ita erit aduentus filij hominis. Vbiunque fuerit corpus, illic congregabuntur & aquilæ. Statim autem post tribulationem dierum illorum sol obscurabitur, & luna non dabit lumen suum, & stellæ cadent de celo, & virtutes celorum commouebuntur. Et tunc parebit signum filij hominis in celo: & tunc plangent omnes tribus terræ. Et videbunt filium hominis venientem in nubibus, & mittet Angelos suos cum tuba & voce magna, & congregabunt electos à quatuor ventis. Huius capitis contextus plurimum negotij Doctoribus & interpretibus facessit. Luissius Legionensis notabat Christum duas distincte res ab Apostolis fuisse rogatum; nimirum quando esset excidenda Ierosolyma; & quæ futura essent signa aduentus Christi ad iudicium; alterum nempe in illis verbis; *Dic nobis quando hæc erunt; alterum in illis, & quod signum aduentus tui?* Christum porro prius respondisse ad primum: deinde ad alterum. Hæc tamen distinctio non video quàm possit congruenter ad textum accommodari; in quo magna potius videtur esse confusio.*

**C** Aliter Maldonatus noster in hoc capite, numero quinto ex Augustino, epistola octogesima, & ex Hieronymo & Beda, vt ipse putat. Ait ergo, Christum diuino consilio (cùm Apostoli post Ierosolymæ excidium finem mundi acturum fore putarent) confusè de vtroque respondisse, sicut Apostoli confusè interrogauerant: prudentis tamen esse lectoris, subtili coniectura distinguere, quæ de mundi fine, & quæ de Ierosolymitana euerfione dicantur. Ratio Maldonati est, ne Christiani post Ierosolymæ vastitatem in longum tempus expectationem porrigentes, nimis securi essent. Sed contrà est; quia Petrus & Paulus expressis verbis opinionem illam ex fidelium mentibus euellere curant; eisque confirmant vniuersalis iudicij diem non tam citò futurum. Et in Apocalypsi mille pacis anni ponuntur post Ecclesiæ victoriam ante persecutionem Antichristi.

**D** Huic capiti vigesimo quarto Matthæi responderet caput decimum tertium Marci, eandemque continet difficultatem. Respondet etiam eidem caput vigesimum primum Lucæ à versu septimo vsque ad finem. Et sic diuus Lucas clariùs videtur describere primò euerfionem Ierosolymæ, deinde aduentum Christi ad vniuersale iudicium. Videndus est etiam idem Lucas capite vigesimo tertio, versu trigesimo, vbi Christus agit de Ierosolymæ excidio, & alludit ad illud Isaïæ secundo, versu decimo nono, *Introibunt in speluncas petrarum, & in voragine terre à facie formidinis Domini, & à gloria maiestatis eius, cum surrexerit percutere terram.* Quibus verbis similia sunt, quæ scribit Oseas capite decimo, versu octauo, ad quæ etiam respicitur Apocalypsi 6. 16. & cap. 9. 6.

Matthæi caput 24. quod aucto sit explicandū, dissensio apud auctores. Luissius Legionensis explicatio.

Maldonati interpretatio.

Similes inueniri locos, similemque difficultatem apud Marcum & Lucam.

Scriptura loci, in quibus videtur esse sermo de extremi iudicij signis.



In quo sit  
præcipua  
difficultatis  
ratio.

Auctoris  
explicatio  
ad Matthæi  
& aliorum  
locos.

Isolis loci,  
qui diem  
iudicii so-  
nant, quo-  
modo intel-  
ligendi.

Apostolorum  
interrogatio  
ad Christum,  
Quod si-  
gnum ad-  
uentus tui?  
quorum  
facta.

Prædicatio  
Euangelij  
in toto orbe,  
& mox fu-  
tura con-  
summatio  
à Christo  
prædicta  
quo sensu  
accipienda.

Præcipua horum locorum difficultas in eo vide-  
tur consistere: cur scilicet extremi Iudicii signa at-  
que prodigia cum Ierosolymæ aut aliarum etiam  
vrbium euersione copulantur? Et mea quidem  
sententia, huius quæstionis vera solutio ea est, quod  
appositè agitur de diuinæ iræ signis & argumentis  
contra aliquam urbem, per comparisonem ad eam  
vindictam, quam sub mundi finem Deus est de im-  
probis sumpturus. Quod non est, ex vno sermo-  
ne ad alium transgredi priore relicto, sed idonea vti  
comparatione ad ea, quæ Ierosolymis aut Babylo-  
ne euentura sunt, mirificè exprimenda. Addo et-  
iam in nonnullis superiorum locorum non opus  
esse singillatim ad extremi Iudicii diem, nec ad eius  
signa descensum facere. Nam in qualibet calami-  
tate grauissima elegans metaphora est, quæ à solis  
& stellarum obscuracione, & ab alijs id genus rebus  
petitur. Vbi verò manifestè sit mentio diei Iudi-  
cij, & signorum terribilium, quæ illum præcessura  
sunt; acolithia & rerum consequentia exigit, vt  
ibi agatur de ira Dei in singulari aliquo supplicio  
per comparisonem illius, quam aduersus scelerat-  
os homines in mundi fine est ostensurus. Quod  
autem per comparisonem dicitur, consequutio-  
nem non aliam postulat, quam vt consentaneum  
sit ad eam rem, de qua præcipuus est sermo, ponde-  
randam.

Isolis loci directè agunt, opinor, de eodem argu-  
mento, quod tractat Apocalypsis in sexto sigillo.  
Commiscet enim graues comminationes contra  
rebelles Iudæos cum spiritus copia & affluentia,  
quam Deus suis fidelibus est effusus; nec non  
cum perfecta saluatione, quam ipsimet fideles in  
Sionæi montis incolis significati consequuturi e-  
rant per Iudaici populi persecutionem. Itaque  
vallis illa Iosaphat directè indicat Dei iudicium in  
Iudaici populi reprobatione, & Gentilis electione.  
Atque id sonat Iosaphat, Dominus iudex. Nec ideo  
nego expressam ibi fieri allusionem ad Diem iudi-  
cij; at, qui allusionem siue comparisonem affir-  
mat, vtrumque confirmat sensum: cum compa-  
rationis proprium sit, duo extrema asseuerare, &  
vtrumque inter se conferre. Sermonem autem  
ibi esse directè de Gentium vocatione, planè indicat  
contextus: expende illa verba; *Fons de domo  
Domini egredietur, & irrigabit torrentem spina-  
rum.*

In capite illo 24. Matthæi, ea Apostolorum in-  
terrogatio, quod signum aduentus tui? propriè agit,  
vt existimo, de signo aliquo certo, quod possent  
Apostoli habere, vt cognoscerent appropinquare  
iam tempus, in quo Christus suam gloriam osten-  
surus erat in mundo; ita vt mundus ipse eum ag-  
nosceret, & adoraret. Nam prudenter arbitra-  
bantur Ierosolymæ excisionem fore vnam ex his  
rebus, quibus Christus se ipsum erat mundo osten-  
surus. Quare directè respondet Christus, ante  
euersionem Ierosolymæ, famem, bellum, & pe-  
stilentiam futura. Illa autem verba, *Prædicabi-  
tur Euangelium in vniuerso orbe, & tunc veniet consum-  
matio*, ipse in eo sensu accipio, vt vniuersalis præ-  
dicatio Euangelij ad omnes Gentes (id est gentium  
vocatio) coniuncta fore dicatur cum magna Dei  
seueritate in Iudaici populi reprobatione, & cum  
prophetiarum, quæ de illa agunt, complemento.  
Atque hoc ibi significat Consummatio in eo sensu,  
in quo Christus directè agit. Admonentur porro

A fideles, ne se decipi sinant ab ijs, qui dixerint,  
*Ecce hic est Christus, aut illic.* Quod perinde est, ac si  
eis dicatur, ne cuilibet cogitationi de Ecclesiæ tem-  
porali felicitate faciliè credant, quam aliqui leuibus  
indicijs sibi erant persuasuri; temporalem enim  
& vniuersalem Ecclesiæ prosperitatem suo tempo-  
re affluram repente, id est, tempore Constanti-  
ni; *Sicut fulgur exiit ab Oriente, & paret usque in Occi-  
dentem.* Prius tamen horribiles fore persecutiones;  
præsertim illam à Iudæis excitandam, de qua  
propriè erat sermo; cum persecutores furenter  
inuasuri erant Christianos. Id enim est, *Vbiunque  
fuerit corpus, illic congregabuntur & aquile*, id est rapa-  
ces aues præda ac rapto viuentes. Post hanc autem  
tribulationem ait Christus subsequuturas esse cæli  
minas aduersus Iudaicum populum; id est, solis,  
lunæ, & stellarum obscuracionem, stellarum ca-  
sum, & cæli virtutum commotionem (vt expli-  
cuius in sexto sigillo) ad hac, Christi crucem in  
cælo maxima cum gloria suscipiendam; scilicet,  
cum ab ijs fuerit adorata, qui ab infidelibus acerrime  
vexati, constanter tamen in ipsius cultu ac ve-  
neratione permansuri erant, & eam Gentibus glo-  
riose prædicaturi.

B *Et tunc plangent omnes tribus terre*: id est, permulti  
vbique locorum & gentium ad Christi fidem tra-  
ducentur: quemadmodum prædixerat Zacharias,  
& nos explicuimus Apocal. capite primo. *Et vi-  
debunt filium hominis venientem in nubibus*; hoc est, in  
nubibus prædicationis adueniet Christus suam  
gloriam vniuerso orbi ostensurus. *Et mittet Angelos  
suos cum tuba*, id est suos concionatores cum tuba  
prædicationis Euangelicæ. *Et congregabunt electos à  
quatuor ventis*, scilicet eos prædicatione ad Christi  
fidem conuertent.

C Hunc esse arbitror directum contextus ordinem  
ac seriem, vt faciliè agnoscent, qui expenderint Za-  
chariæ locum, de quo Apocal. 1. Hac etiam ratio-  
ne explico cap. decimum tertium Marci, & cap. vi-  
gesimum primum Lucæ. Cui verò à communi ho-  
rum locorum intelligentia recessisse videbor, ad-  
uertat obsecro, me non alias negare expositiones;  
sed indicare solum qua ratione existimem con-  
textus difficultatem eleuari, in sensu sapientia Chri-  
sti dignissimo, & iuxta Zachariæ mentem, quò  
respicitur. Præsertim cum in mea hac explica-  
tione includatur allusio, & comparatio ad diem  
iudicii, & eius signa: atque adeò aliorum explanatio  
in mea comprehendatur, ablata tamen contextus  
difficultate, & explicato mysterio allusionis ad  
diem iudicii. In quo faciliè insuper cernitur, de re  
adeò sublimi, & in promissione de conuersione  
Gentium oportuisse vt ænigmaticus haberetur ser-  
mo propter eandem rationem, ob quam decuit de  
Romæ conuersione occultè agi.

D Et ne quis existimet me huius expositionis esse  
primum auctorem, videat, quæso, lector quæ notat  
Forerius Isaia capite quarto, versu quadragesimo  
primo, vbi ait, omnia illa, quæ in Euangelio mul-  
ti existimant nonnisi de fine mundi intelligi posse,  
à prudentibus manifestè percipi prius de alio iudi-  
cio Domini intelligenda esse (nempe in reproba-  
tione Iudæorum) ac deinde tanquam in typo de  
ultima orbis vastatione. Constat autem alia esse  
in Euangelio loca, in quibus directè & primariò  
agitur de iudicio vniuersali; non per allusionem,  
sed per se. Primò, vt Matth. 25. fine. & 1. Corinth. 15.

Qua ratio-  
ne omnes  
tribus terra  
dicantur  
ploratura.

Nostra hæc  
expositio  
aliorum ex-  
plicationes  
non ex-  
cludit.



# CAPITIS VII.

## PROLOGVS.

### SIVE

### NOTATIO I.

*De scopo visionis, quæ in hoc capite continetur.*

**I**N ipso huius cap. aditu atq; vestibulo dubium occurrit, vtrum in eo continetur figura seu representatio sexti sigilli, quod extremum fuit c. sexti? nam c. 8. incipit sigilli 7. representatio. Respondeo evidens esse meo iudicio figuram sexti sigilli in 6. cap. fuisse absolutam. Oportuit tamen confecto iam sexti sigilli signo, priusquam ad septimi signa deueniretur, hanc capitis septimi visionem inferi: quæ licet primo aspectu videatur esse digressio; non tamen est. Etenim iuxta diuinæ providentiæ ordinem ac rationem, quod in sigilli 7. visione continetur, executioni mandari non poterat, quoad significatum visionis c. 7. præcessisset.

Quod vt exponam, statuendum in primis est, licet Beda, Rupertus, Pererius, aliique Neoterici septem plagas tubarum non existiment ad sigillum septimum pertinere, sed solum dimidiæ horæ silentium; contrariam tamen sententiam (quam Ribera & communior consensus complectitur) mihi esse certissimam. Nam cum sigilli quinti mysterium sit Dei patientia, qua Iudæos expectauit antequam seuerissime in eos animaduerneret; cumque sextum sigillum contineat horribiles comminationes, quæ supplicium ipsum antegressæ sunt: rerum series & consequentia flagitat, vt sigillum septimum contineat seueritatem, qua Iudaicus demum populus fuit punitus. Quæ seueritas non quidem figuratur in calti taciturnitate, sed in septem plagis: quantumvis ab ipso calti silentio plagæ duxerint initium, vt suo loco explicabitur. Porro septem plagæ sunt, Fames, Bellum, Pestilentia, Ignorantia, Concupiscentia, Ira, & Obduratio: vt in earum explicatione planum fiet.

His ita præstitutis, cum Christianus populus sub ipsa Ecclesiæ nascentis exordia esset Iudæorum plebi ita admixtus; vt non eorum vicini modò, sed etiam eorundem tectorum cohabitatores essent; diuinæ iræ in Iudæos immixtæ torrens videbatur Christianos etiam secum vnâ tracturus. Nam fames saltem, bellum ac pestilentia eiusmodi plagæ sunt, quæ vbi urbem, aut regionem inuasissent, nemo posset (præsertim pauper & afflictus) ab earum vi atque impetu se saluum & incolumem præstare. Quapropter, cum vnâ ex parte iustitia exigeret, ne pœnæ improborum amplius proferrentur; ex alia vero amicorū salutem cum improbis ipsis permistorū consuli oporteret; altissimo consilio Deus id fieri statuit, quod in euentis similibus recta prudentia dictat præstandum. Hoc autem fuit, vt certū quoddam signum amicis imprimeretur; vt vindex exercitus ita in sceleratos & improbos sæuiat, ne quis amicorum, qui illa nota fuerit insignitus, simul etiā cum hostibus occidatur. Idem accidisse videmus Exo. 12. cum Deus Angelum missurus, vt Ægyptiorum primigenios filios internecone deleteret, iussit prius signum quoddam in Hebræorum domibus imprimi, ne simul cum hostibus trucidarentur. Atque ita dicitur n. 13. *Erit autem vobis sanguis in signum in aedibus, in quibus eritis: & videbo sanguinem, & transibo vos; neque erit in vobis plaga disperdens, quando percussero terram Ægypti.* Simile est, quod figuratum etiam fuit in Ezechielis visione cap. 9. Cum enim Deus sex angelos mittere decreuisset, vt maximam in Ierosolyma stragem ederent; præmisit

**A** quendam, qui populi peccata deplorantes signaret: deinde num. 5. dicit; *Transite per ciuitatem, & interficite usque ad interneconem. Omnem autem, super quem videritis Tau, ne occidatis.* Ad horū locorum vtrumque respicitur in hoc capite 7. & quemadmodum amicorum designatio vindictam de hostibus sumendam antecedit Exodi 12: & Ezechiel. 9. ita etiam opus fuit, vt septimi sigilli visionem (quæ continet seuerissimam vindictam de Iudæis Christum respicientibus sumptam) præiret eorum designatio, qui Christum eiusque fidem receperant: ne eos plagæ contingerent. Et hoc est, quod septimi capitis visio comprehendit.

**B** Allusio hæc manifesta huius capitis septimi ad duodecimum Exodi, & ad nonum Ezechielis clare satis ostendit, in septimo sigillo includi debere vindictam, qua Deus in Iudæos improbos animaduertit; atque adeo septem plagas ad septimum pertinere sigillum; cum sine illis nihil in eo sigillo remaneat, quæ acerrimam hanc vindictam à Deo de suis hostibus sumptam nobis ob oculos ponant. Vnde & superuacua fuisset amicorum designatio, antequam septimum sigillum resignaretur. Hoc idem non leuiter corroboratur, si aduertamus, in aliqua huiusmodi plagarū exprimi, quod in ceteris haud dubiè est subaudiendum; nimirum plaga illa non alios lædi homines, præter eos, qui Dei viuientis nota signati non sunt. Vide cap. 9. 4. *Præceptum est locustis, ne lederent solum terræ, neque omne viride; nisi tantum homines, qui non habent signum Dei in frontibus suis.*

**C** Eadem insuper allusio non obscure ostendit, minime collineare illos, qui amicorum designationem in hoc capite non ed tendere aduertunt, vt à septem tubarum plgis amici ipsi designati eximantur. Quare non videtur ad rem explanatio Ambrosij, qui cap. hoc 7. explicat de cōuersione Gentium, nec Aureoli & Lyrani interpretatio, qui cap. hoc de Ecclesiæ felicitate sub Constantini tempus intelligunt; neq; expositio Andree, Bedæ, Dionysij, Ribera, & Pererij, qui Ecclesiæ felicitatem post Antichristi persecutionem hic prædici volunt. In qua explicatione miror nonnullos referentes 7. sigilli mysterium ad quietem Ecclesiæ post Antichristi necem, non animaduertere, iuxta suam ipsorum declarationem; cap. 7. perperam ante septimum sigillum poni.

**D** Alia 7. huius c. expositio est de prædicatione Euangelij: quam sequuntur Primasius, Haymo, Ansbertus, Anselmus, & Richardus: quæ tamen interpretatio nihilo aptior est, quàm præcedentes. Nam Euangelij prædicatione omnibus sine discrimine proponitur, & amplectentibus Christum, & reiicientibus: atqui huius cap. visio nobis ostendit signum, quod Deus Iudæos Christi fidem recipientes à non recipientibus discreuit; ne plagæ in obstinatos inferendæ pios ac fideles contingerent. Quod verò septem tubarum plagæ sint illæ, quas immisit Deus in Iudæos Christum recipere nolentes; id & consecutio, & apta applicatio planum facient, & grauissima persuadet auctoritas; vt in horum commentariorum prolegomenis ostendimus. Vbi autem statuitur semel, septem plagas esse eas, quas Deus in Iudæos Christi respuentes effudit; non video qui possit dubitari, cap. 7. scopum ed tendere, vt primitiui Christiani peculiari nota insigniantur, quod plagarū exercitus indennes eos & intactos prætereat.

*Quid propterea in 7. continetur sigillo.*

*In aliqua ex septem plagis exprimi, quod in ceteris sit subaudiendum.*

*Reiciuntur aliorum explicationes de capitis 7. argumento.*

*Visanti cap. septimi scopum.*



Quomodo  
sit verum,  
Christianos  
fuisse signa-  
tos, ne illos  
plaga con-  
tingerent.

Suboritur tamen hęc quæstio alia. Quo scilicet pacto sit verum, Christianos primigenios fuisse signatos, ne illos plagæ constringerent. Etenim illud saltem videtur certum; famem, bellum, ac pestem Christianis minimè pepercisse. Ad hoc respondet Paulus ad Rom. 8. r. *Nihil damnationis est iis, qui sunt in Christo Iesu, qui non secundum carnem ambulant, quasi*

A dicat; Nihil spiritualibus viris nocet. Quare licet famem, bellum ac pestis eos videantur ledere; re tamen vera nihil eis afferunt detrimenti; vt ipsimet spirituales viri probè norunt. & nonnihil explicabitur in declaratione signi, quo primitiui Christiani sunt inscripti.

## NOTATIO II.

### De renouato miraculo, quo Deus Israëlitas ab Ægyptijs diuifit.

Terram  
Gessen, vbi  
Isrælis filij  
habitabāt,  
ab Ægypti-  
acis plagis  
fuisse im-  
munem.

COMMENDATUR in sacris Literis tanquam res mira, quod plagæ à Deo in Ægyptios immiffæ, terram Gessen, quam filij Isrælis habitabant, minimè attigerint. Legatur Exodi 18. 28. *Faciā mirabilem in die illa terram Gessen, vt non sint ibi mufcæ: fimiliter cap. 9. 4. Faciet Dominus mirabile inter possessiones Isræel, & possessiones Ægyptiorum; vt nihil omnino pereat ex ijs, quæ pertinent ad filios Isræel.* Hoc autem fuit in plaga quinta. Item cap. 9. 26. *Tantum in terra Gessen, vbi erant filij Isræel non cecidit grando.* & cap. 10. 23. in tenebrarum plaga ait textus; *Vbiq; autem erant filij Isræel, lux erat.* Id quod Sapiens magis adhuc ponderat, Sapientia 18. 1. *Sanctus autem tuus maxima erat lux.* In plaga tamen decima Exodi 11. 7. *Vt fciatū, quanto miraculo diuidat Dominus Ægyptios & Isræel.* Idemq; in ceteris omnibus plagis accidit. Semper enim, quæ à plagarum ictu fuit eximia, erat terra Gessen, vt habetur Exodi cap. 8. 22.

Quemadmodum igitur plagæ, quibus Deus Ægyptios perculit, in ijs sunt plagæ instauratæ, quas coniecit Deus in perfidam Ierosolymam (quæ appellatur spiritualiter Sodoma, & Ægyptus, Apocal. 1. 1. n. 8.) Non aliter fuit etiā innouatū grande illud miraculum, videlicet quod plagæ in impiam Ierosolymam (quæ appellatur spiritualiter Ægyptus) à Deo missæ Christianos in eadem vrbe commorantes, id est, veros & spirituales Israëlitas omnino non laderent. Atque vt huius rei & discriminis manifestum daretur documentum; statuit diuina prouidentia, vt fideles quotquot per totam Iudæam dispersi & obstinatis Iudeis admitti erāt, ante Ierosolymæ obsidionem caelesti nutu Ierosolyma, atque adeo ex vniuersa Iudæa egrederentur. Ita asseuerat Eusebius lib. 3. Historiæ Ecclesiasticæ, cap. 5. vbi asserit, illos omnes ad urbem Pellam trans Iordanem commigrasse. Vbi notandum obiter est, famem ac pestem, quibus Deus in rebellem illum Iudæorum populum animaduertit, contracta fuisse & excitata ex bello, quo Titus & Vespasianus urbem oppresserunt: vt ex Iosepho liquet lib. 7. Antiquit. cap. 17. & ex Eusebio superius citato lib. 3. capite 5. Vt igitur Christiani diuino instinctu præmoniti vrbe & tota prouincia ante obsidionem decesserint, sicque belli ingruentis discrimina effugerunt; ita etiam ex fame atque peste euaserunt. A ceteris autem plagis, Ignorantia, Cōcupiscentia, Iris, & Obsuratione, dubium non est eos fuisse immunes. Itaque Christiani omnes, qui antea Ierosolymæ erant, ex septem illis plagis à Deo in Iudæos obstinatos immiffis exempti fuerunt: ex fame verò, bello, atque peste non formaliter solum (vt ita loquar) verum etiam corporaliter euaserunt. Neque enim pestem illam, bellum aut famem fuere perpelli: nam voluit Dominus manifestè perspicui; plagas illas non contra veros Israëlitas, sed contra Iudæos perfidos iactari.

Siue autem Orientalis illa ciuitas, quod perfugerunt Christiani, antea appellata fuerit Pella (plures enim vrbes huius nominis ponit Ptolemæus, & nonnullas in Syria:) siue Christiani ipsi hoc nomē indiderint ciuitati: vtcumque hoc sit, illud saltem mihi venit in mentem, diuinæ prouidentia in eiusmodi euentu placuisse; nimirum vt memoriam instauraret admirandæ illius operis, quo terra Gessen à plagis quondam Ægyptiacis fuit libera.

B Etenim Pella deriuatur à verbo Pala, quod significat separare, & mirabilem facere. Obseruandumque est, Exodi 8. 22. vbi nos legimus *Faciā mirabilem terram Gessen, pro faciā mirabilem*, Hebraicè legi *Hipeliti*; quasi diceret, ego illam faciā Pellam; ego diuidam & mirabilem reddam. Similiter cap. 9. 4. *Faciet Dominus mirabile*, Hebraicè legitur *Hipela*, hoc est, *faciet pela*, faciet mirabile, & separabit. Adumbratur ergo non obscurè, hanc Christianorum fugam, & concursum ad urbem Pellam (quod est, *Mirabilis separatio*) nec non diuinum decretum, ne eos plagæ contingerent, singulari fuisse mysterio ac plane mirabili ab ipso Deo disposita: quod respectus habetur ad illud, quod de terra Gessen tempore plagarū Ægypti fuerat prædictum. Quod si ex Macedonica Pella prodijt Alexander ille Magnus, cuius animus ac mens ad totius orbis imperium aspirauit: ex Pella hac Syriaca non vnus aut alter, sed mille prodire Alexandri; eo animi robore, ac fortitudine, vt mundum vniuersum præstantissima longè ratione subiugarent.

C Præterea Hispanica lingua (quæ ex Hebræorum communione Hebraica aliquot vocabula accersit ac traxit) nomen Pella significationem habet rei mirabilis; & coadunatæ separationis. Primum enim hodie etiam Lusitani appellant *pellas*, iuuenulas portantium humeris mirabiliter saltantes: quod solemne erat in celeberrima feriarum Christi corporis pompa. Deinde nomen Pella Castellana tum lingua, tum consuetudine, tribuitur illi rei, quæ ex alijs separatæ vniuitur in sese & coagmentatur; quod Latini massam vocant: sic dicunt Hispani, *Pella de yesso, pella de manjar blanco, de nueu*, &c. vtraque ergo significatio ex Hebræo est deriuata. Et fideles quidem inter se coniunctos, & ab impiorum Iudæorum commercio separatos Deus in vrbe Pella reddidit planè admirabiles. Quod autem ciuitas illa fuerit Orientalis, peculiari mysterio non vacat; vt potest facillè intelligi ex ijs, quæ ad secundum versum dicemus circa illa verba, *Vidi alterum Angelum ascendentem ab ortu Solis, &c. dicens, Nolite nocere terræ & mari, neque arboribus; quoad usque signemus seruos Dei nostri in frontibus eorum.* vbi videtur Angelus ex Orientali parte apparuisse, in qua vrbs Pella sita erat, ad Christi seruos designandos, & ab omni plagarum incurfione eripiendos.

D Visibilis hæc & materialis diuifio, qua Deus primæuos illos fideles initio nascentis Ecclesiæ ab infidelibus seiunxit, congruentissima tunc fuit, cum ob alias rationes, tum præsertim vt spiritualis figuraretur diuifio, quæ pluris ab Spiritu sancto fit, quæque per signum Dei viui, (de quo in hoc capite est sermo) efficitur. Atque hoc Dei viui signum non semper Christi seruos ex corporea fame, bello ac peste subducit: semper tamen ab ijs eisdem liberat, quatenus plagæ sunt: quia nihil damnationis est iis, qui sunt in Christo Iesu. Quapropter ex Apostolorum Actibus constat, aliam famem, quam Deus in Iudæā misit, ad fideles etiam se extendisse. Verum Dei viui signum illos inter se vnit & copulat; efficitq; mirabiles, & ab infidelibus plagarum ictu percussis omnino separat.

Pella quid  
Lusitana  
lingua,  
quid Castell.  
lana sonit.

Cur Deus  
visibilem  
illam Hi-  
bræorum  
fidelium ab  
infidelibus  
separationē  
ante Iero-  
solymæ obsi-  
dionem da-  
creuerit.

Quomodo  
miraculum  
illud in ter-  
ra Gessen  
pro filiorū  
Isrælis in-  
columitate  
patratum  
fit in primi-  
tiuorum  
Christianorum  
libera-  
tione in-  
stauratum.

Primitiui  
Christianos  
ante Ieroso-  
lymæ obsi-  
dionē vrbe  
egressos, in  
oppidum  
Pellam con-  
cessisse.

Vrbs Pella  
etymon &  
mysterium.



## T E X T V S.

*Vers. 1.* Post hoc vidi quatuor Angelos stantes super quatuor angulos terræ, tenentes quatuor ventos, ne flarent super terram, neque super mare, neq; in vllam arborem.

## C O M M E N T A R I V S.

**Q**UOD de quatuor angulis terræ dicitur, forsân intelligendū est de quatuor Iudææ angulis: nam de eius euerfione agitur. Vide Forerium Isaia 24. initio; vbi notat in eo cap. non esse sermonem de clade Gentibus afferenda, sed de vltima Iudææ perniciē, quanuis absolute appelletur terra. Et in Apocalypsi quidem multò adhuc congruentior extat ratio. Nam terræ nomen (vt aliàs diximus) Iudæos denotat, & nomen maris Gentiles. Deinde, *Super quatuor angulos*, idem est, atque vnum Angelum in Oriente, alium in Occidente, in Septentrione alium, & alium in Meridie. Angulorum autem nomen ad huiusmodi loquutionem fortè fundatur in eo, quòd consideretur quadrum aliquod, siue rhombus, cuiusmodi solet effingi ad acus nauticas, qui quatuor augulis constat quatuor ventorum partes prospectantibus. Similis ergo rhombus mente concipi videtur in tota Iudæa. Quam ad rem non opus est, vt terra ipsa in quadri figura protendatur; sed vt in illa possit huiusmodi concipi figura. Aut fortassè in Palæstina venti ex quatuor terræ angulis vehementius perflant, ad eosque habetur respectus. Nam vel ad ipsa nomina Orientis, Occidentis, Austri, & Aquilonis non desunt, qui obseruent, in ea regione considerari obliqua.

**TENENTES QVATVOR VENTOS.]** Scriptura quatuor tantum ventorum mentionem facit. Venti enim quatuor tantum apud veteres (ait Plinius lib. 2. cap. 47.) Porro quòd Angeli dicuntur tenere ventos, ad perniciem spectare communiter intelligitur. Nam ex ventorum aspiratione pendere dicunt terræ, maris atque arborum incolumitatem. De his autem quatuor Angelis textus ait, illis esse datum nocere terræ & mari, quod non aliter solet accipi, nisi cohibendo ventos, vt ne tantillum quidem spirent. Ex quo infertur, nec nauigari posse mari, nec aërem purum ac tenuem reddi, nec terræ fructus tempestiuam consequi maturitatem. Itaque textus significare videtur malaciam adeò ingentem, vt nec arboris folium mutaretur.

Nihilominus multò conuenientius est, si intelligamus perniciē, quam terræ & mari erant illaturi, qui ventos inclusos tenebant, futuram esse ex vehemēti ventorum impetu, & insano murmure: ita vt dimissi venti, atque adeò immissi furenter terram ac mare inuaderent, & sæuissimam excitarent tempestatem. Probatur hoc primò; nam quæ illis fuit ratio præscripta, vt parumper expectarent, donec Dei serui designarentur; hæc, inquam, ratio; ac iussum non eis præfinita sunt, postquam probis & improbis damnum facere cœperant, sed antea; vt persuadet ratio & exempla, ad quæ alluditur, (nempe Exodi 12. & Ezech. 9.) Ventorum ergo compressio nondum erat initium damni inferendi.

Secundò, quanuis malacia possit damnum aliquod indicare: eiusmodi tamen indicium nimis remissum est ac languidum; & multo est efficacior grauissimi damni repræsentatio in eo, quòd venti laxis habenis immittantur; vt horrificas tempestates commoueant, & domos affligant, obruant naues, & arbores prosternant. Vide Danielis 7. 2. *Ecce quatuor venti pugnabant in mari.* Vbi perspicuum est, significationem esse maximæ tempestatis: ad eum modum, quo Virgilius Æneid. 1. eam elegantissimè describit, postquam Æolus furentes immisit ventos.

Tertiò, si in hoc loco speciatim sermo est de Iudæa; illius mare est mare Tiberiadis: in quo excogitari non potest malaciam grauis damni causam esse non posse. Nam remis impulsæ rates facile ad litus poterant appellari. Quartò verbum græcè *κραταιν*, in eo propriam significationis vim fortitur, qui molossum furentem ac rabidum retinet & comprimit; ne dimissus in alios impetum faciat. Quintò, si clades erat afferenda compressione ventorum; non apparet, cur post seruorum Dei designationem, damnum non sit ipsismet Dei seruis & familiaribus cum inimicis commune. Quòd si, vt Dei amicos permulceant, venti liberi spirare permittuntur; non igitur manent retenti atque constricti. Si verò intelligamus damnum ventorum crebrescentium vehemēti flatu esse faciendum; tunc certè decorum apprime seruabitur; cum illis furere ac sæuire non liceat quoad serui Dei sint distinctionis notâ signati. Cum nihil obstat, quominus procellas excitent; quia illis simul præcipietur, ne signatos attingant.

Quòd ergò dicitur, *Vidi quatuor Angelos tenentes quatuor ventos, ne flarent*; in primis indicat, quatuor hos Angelos esse velut quatuor Æolos ventorum dominos, sine quorum iussu venti immitti & concitari non poterant. Quare tenentes græcè est *κρατοῦντας*, id est, potentes, atque adeò tempestatum potentes, vt loquitur Virgilius.

Deinde hoc ipsum imperium in eo significatur, quòd ventos *Vinculis & carcere flarent.* Nam qui eos prohibito cohibere potest; poterit etiam cum lubeat, dimittere, & per eos tempestates concitare. Ad hæc; quod textus ait, his scilicet quatuor Angelis datum esse nocere terræ, & mari, indicat his quatuor Æolis ventorum dominis permissam fuisse à Deo potestatem Iudæos acerrimè

*Quatuor terra angulorum deum deum terra, an de sola Iudæa sint intelligendi. Anguli quomodo considerandi.*

*Veteribus quatuor tantum ventos fuisse notos.*

*Quomodo quatuor angeli tenentes ventos nocere terræ dicantur.*

*Quatuor angelos velut ventorum Æolos esse concipientes.*



plectendi, siue mare ac terram conturbandi, id est, excitandi bellum inter Iudæos, & Gentiles (hoc enim futurum erat supplicij de Iudæis sumendi principium) mox tamen admoniti sunt, ne ventos impune volitare permitterent, quoad Dei serui essent signati.

Aliquis opponet, ad Æoliofficium quatuor Angelos esse bene multos. Ceterum congruentius fuit, vt quatuor assignarentur, quàm vnus. Nam cum venti ex quatuor mundi partibus perflent; consentaneum magis est, quatuor speluncas oppositas in quatuor angulis terræ confingere, quàm ventos omnes in eandem cum Virgilio detrudere. Prius autem, quàm ad propriam horum Angelorum significationem perueniamus; aduertendum est, cum representatio hic sit quatuor Æolorum, recte appellatos fuisse Angelos: nam Angeli præfunt rebus corporeis, vt norunt Theologi. Cum ergo Deus per Angelos infimum hunc orbem moderetur; ad eos præsertim spectat frænare ventos, aut laxare; & eos ad procellas excitandas immittere, vt diuinæ voluntati obtemperent. Quare non fictum omnino est in Angelis Æolorum officium.

NE FLARENT SVPER TERRAM, NEQVE SVPER MARE, NEQVE IN VLLAM ARBOREM.] Æolorum iniussu, id est Angelorum, venti nullo modo flant. Hic tamen potissimum agitur de flatu vehementissimo & procellas excitante. Illa autem distributio supponit, furiosam tempestatem posse in vrbibus ædes prostrernere, & homines afflictu opprimere; vt videtur apud Iobum 1. 19. Et in mari quidem naves ac nautas submergit, & in agris arbores diducit, atque diuellit. Quæ omnia detrimenta ad homines ædium, nauium, atque arborum dominos redundant. Hoc tamen interest discrimen; nam ventus, qui aut domum euertit, aut demergit nauem, solet etiam sæpè homines simul correptos in eandem perniciem trahere: si verò conuellatur arbor, domini quidem aut possessioni, aut voluptati nocet, non tamen ideo ipsum ruinâ opprimit. Detinere ergo ventos, ne flarent super terram, neque super mare, neque in vllam arborem; est eos coercere, nequid detrimenti inferant hominibus securius in terra degentibus, nec per maris fluctus periculose nauigantibus, nedum eorum fortunis ac possessionibus. Atque hoc est detinere ventorum furem; ne vllum, vel minimum, facerent damnum.

Sed veniamus iam ad præcipuam significationem; & videamus, an illi aptè deseruiat huiusmodi consideratio quatuor Æolorum in Angelis. Negabit fortasse aliquis. Nam significatio harum quatuor personarum, quæ ventos compressos tenent, iuxta communem opinionem refertur ad Dæmones; qui in Oriente, Occidente, Septentrione, ac Meridie (hoc est in omnibus mundi plagis) omni ratione hominibus nocere contendunt. Pro hac expositione Martinus Delrius in suis Magicis disputationibus lib. 2. quæst. 11. affert Clementem Romanum lib. 4. recognitionum, Hieronymum lib. 7. in Isaiam, Augustinum lib. 5. contra Iulianum cap. 3. præter Glossam, & plerosque interpretes. Atque ita hos quatuor Angelos putat ipse Delrius esse genios Alastores, hoc est, valde truculentos dæmones. Respondeo tamen huiusmodi declarationem non esse aded certam & communem, vt nonnulli volunt. Nam præterquam quod multi interpretes in his quatuor Angelis intelligunt infideles principes ac Tyrannos, qui Euangelicæ prædicationi obstitabant, & Ecclesiam oppugnabant (ex quorum auctorum albo sunt Ambrosius, Primasius, Beda, Anselmus, Rupertus, Richardus, Ansbertus, Aureolus, Lyranus, Pannonius, Dionysius, & Viegas.) præter hos, inquam, sunt alij, qui probabile satis existimant non agi hic de malis Angelis, sed de bonis. Pro quo vide Riberam atque Pererium.

Huiusce rei iudicium pendet ex intelligentia tempestatis, quæ per quatuor ventorum pugnam in præsentia adumbratur. In nostra declaratione necessarium est hanc tempestatem esse septem plagarum calamitatem, qua Deus Iudæos percussit obstinatos. Idè enim Dei serui ante sigilli seprimi visionem designantur; ne illos vel leuiter perstringant septem illæ tubarum plagæ. Necesse est ergo easdem illas calamitates, quæ postea sub septem plagarum figura in Iudæos immisissarum significantur, denotari etiam hic symbolo vehementissimæ tempestatis Iudæis ipsis impendentis. Quapropter si aduertamus, quinam fuerint præcipui diuinæ iustitiæ ministri in illo Iudæorum supplicio, (nempe fames, bellum, pestis, concupiscentiæ, ira, obduratio,) illico perspicitur planè, qui sint in his quatuor Angelis, siue Æolis figurati.

Hoc vt explicem affirmo in Iudæorum supplicio non esse consentaneum præcipuam illius exequendi administrationem dæmonibus demandari, sed Angelis. Licet enim diuina providentia dæmonum etiam ministerio vtatur; vtitur tamen illis, quasi inferioribus ministris, qui bonis Angelis subordinati sunt. Quod verò Angeli dæmonibus facultatem dent, vt in homines efferentur; hac eadem permissio est veluti superioris ad inferiores: atque ita non sunt dæmones præcipui ministri, sed cælestes Angeli. Præsertim cum multa sæpè sint, quæ per se ipsi præstari velint boni Angeli sine dæmonis ministerio aut interiectu. Nec enim expediens est dæmones inuitos compelli ad eaprestanda, quæ ex mera permissione sibi facta alioqui minimè velint efficere. Atque horribile in hac vita supplicium Iudæorum Iesum Christum repudiantium, generatim loquendo, in infernarum potestatum bonum siue commodum nequaquam redundabat. Eapropter legimus Iudæorum gentis pœnas, quas Nabuchodonosoris interuentu repetijt Deus, cælestis hierarchiæ Angelis à sacra Scriptura tribui Ezechielis 43. 3. Nam currus visionis Ezechielis representat cælestium Angelorum ministerium, vt suprâ vidimus: textusque ipse ait, in eo curru Deum ad destruendam Ierosolymam aduenire.

Verum enim verò non deerit, qui hic in difficultatem incurrat. Qui enim Angeli possunt Dei esse ministri in plagis omnibus suprâ dictis? Nam etsi in fame, bello ac pestilentia facile intellectu sit, Angelos per se ipsos esse posse huiusmodi plagarum auctores; in ignorantia tamen, in concupiscentijs, in iri, in obduratione difficile id admodum apparet. Ceterum, si res attentius perpendatur; in quatuor etiam plagis postremis fungitur Deus præcipue cælestium Angelorum ministerio. Ad hoc autem opus non est, aliquid ab ipsis præstari suo muneri ac dignitati dissentaneum. Nam per subtractionem fauoris; quem exhibere solebant, per occasionum subministratio-

nem,

Cur quatuor angeli ad hominibus nec nūm designentur.

Quid per A. hosce angelos significetur.

Aliorum opinio de 4. demonibus explicanti-um.

Cuiusmodi fuerit tempestas per quatuor ventos in Iudæos excisanda.

Auctoris explicatio de quatuor angelorum significatio-ne.

Occurritur difficultati, quæ contra prædictam expositionem obijci potest.



A nem, & interdum per solam permissionem, factâ dæmonibus potestate, facile est Angelos diuinâ irâ atque iustitiâ indulgere, & supplicij de sceleratis sumendi curam suscipere. Neque facit contra hoc, quod sancti Doctores dicere solent, Deum scilicet dæmonum ministerio vti ad pœnas à peccatoribus exigendas. Hoc enim ita intelligitur, vt eos sicut inferiores ministros & Angelorum potestati subditos vsurpet.

B Quare cum de quatuor illis Angelis, qui tenebant ventos, omnino sit sermo, tanquam de præcipuis ministris, in quorum potestate sint venti; rectius in illis intelligimus Angelorum cælestium potestatem. Ex eo autem, quod in illis sit quatuor Æolorum representatio; non petitur necessarium, vt significatio proprium aliquem Angelorum quaternarium respiciat. Nam numeri in symbolis atque ænigmatis sæpè figuræ ipsi deseruiunt; nec numeri eiusdem proportionem in re ipsa significata exigunt; vt vidimus tam in viginti quatuor senioribus, quam in quatuor animalibus capitis quarti. Quaternarius igitur conueniens hîc fuit in ipsa figura ad quatuor ventos aptius exprimendos. Cum enim venti contrarij & oppositi quatuor sint; oportuit eos, in quorum erant potestate, quatuor Æolorum instar figurari, vt iam diximus. Significatio tamen est non ventorum sed mysticæ tempestatis Iudæis imminenti, quæ in septem postea plagas dispertitur. Quare in ipsius ænigmatis sensu querendi non sunt quatuor ministri in quatuor mundi partibus collocati: satis est Angelicam potestatem denotari, quæ aduersus Iudæos rebelles diuinæ prouidentie nutu erat septem indignationis plagas illatura.

C Huiusmodi considerationi appositâ est tempestatis diuisio in septem procellas seu nimbos. In quorum singulis rectè considerantur quatuor venti inter sese validissimo flatu congregantes, hæc enim est propria coortæ tempestatis facies. Ad hæc cum tempestas in ventorum conflictantium impetu significetur; hinc est quodlibet eorum suppliciorum posse vocari spiritum. Et certè hac ratione sermo est de ignorantia, quæ nominatur spiritus soporis Isaïæ 29. 10. & spiritus mendacij, 3. Reg 22. 23. quo etiam modo dici potest spiritus concupiscentiæ, spiritus iracundiæ, spiritus contumaciæ.

D Cum igitur statuamus, damnum per quatuor Angelos inferendum, esse idem, quod postea in septem plagis indicatur: apparet mox non rectè existimari eiusmodi damnum ventorum retentione esse faciendum. Nam etsi in huiusmodi compressione non nihil significari potest Fames, deficientibus ventorum flatibus, qui & tellurem tepefacerent, & fructus maturarent: bellum tamen aut concupiscentiarum atque irarum furor nequiquam potest maliciâ quantumvis maximâ deflorari. Bona iraque ænigmatis explicatio euidenter ostendit, damnum illud non ventorum retentione, sed emissionem esse faciendum. Et mox cernitur ad famis & aliorum suppliciorum significationem accommodatiùs desumi tempestatem, quam maliciam. Huc spectat quod Theodoretus in caput 7. Danielis ait, similitudine quatuor ventorum inter se pugnantium adumbratos esse maximos tumultus & perturbationes quæ in exortu cuiusque monarchiæ extiterunt. Hæc ille, sed in præsentia agitur potius de tempestate illa, quæ Iudæorum regno finem quodammodo imposuit, hoc est, agitur de ingenti supplicio, quo Deus ipsos seuerissime vltus est.

E Præterea venti atque tempestates, quatenus instrumenta sunt, quibus diuina prouidentia ad hominum supplicium vtitur; rectè considerantur quasi animo atque consilio prædita. Sunt enim instrumenta, quæ angeli vsurpant sapientissimè. Quare in huiusmodi representatione ventis tribui videtur intelligentia: quandoquidem supponitur illos à perfidis & obduratis pœnas sumpturos: nec tamen aliquid detrimenti signatis in fronte hominibus allaturos: neque id solum, sed ne læsuros quidem arbores, quæ ad signatos spectant. Quod est, illis intelligentiam præbere, non solum ad signatos à non signatis distinguendos; sed etiam ad cuiusque arborem dignoscendam. Si quidem cum mari, terræ & arboribus sint detrimentum importaturi, signatorum ne arbores quidem contingant.

Cur hic angelorum quaternarius inducatur?

Ignorantiâ appellari in sacris spiritum soporis & spiritum mendacij.

Ventorum non retentione sed immixtione damnum fore inferendum confirmatur.

## T E X T V S.

Vers. 2. Et vidi alterum Angelum ascendentem ab ortu solis, habentem signum Dei viui: & clamauit voce magna quatuor Angelis, quibus datum est nocere terræ & mari,

3. Dicens, Nolite nocere terræ & mari, neque arboribus, quoadusque signemus seruos Dei nostri in frontibus eorum.



## C O M M E N T A R I V S.

De angelo  
ab ortu solis  
ascendente  
varia Do-  
ctorum opi-  
niones.

Quodnam  
sit Dei vini  
signum, quo  
serui Dei  
signantur?

Quinam  
hoc Dei si-  
gno signen-  
tur.

Quomodo  
iustos nulla  
ex septem  
plagis con-  
tingat.

Angelum  
ab ortu so-  
lis ascende-  
rem nec de  
Elia, nec de  
Constanti-  
no commo-  
de posse ex-  
poni.  
Quis demum  
figetur in  
hoc angelo.

**A**NGELVM hunc, qui Ioanni visus est ascendere ab ortu solis, Aureolus & Lyranus applicant ad Constantinum: Victorinus & Gagneius ad Eliam, existimantes hic haberi sermonem de Antichristi tempore. Et hac ipsa Antichristi cogitatione ductus ait Andreas, hunc Angelum non esse intelligendum de Christo Assertore nostro, aut de aliquo alio homine; sed de quodam Angelo, qui tunc fideles notâ peculiari signabit, & ab infidelibus distinguet. Atque idem sequuntur Ribera & Pererius. Multò tamen aliter explicarat Ambrosius, qui ait per hunc Angelum designari Christum Dominum eo tempore, quo in terris ante passionem suam admiranda opera patrauit. Primasius verò, Haymo, Ansbertus, Anselmus, Richardus, & Beda exponunt de Christo post resurrectionem suam mundum illuminante.

Huius quæstionis decisio pendet ex cognitione huius signi, quo Dei serui notantur. Et quāvis peculiariter sit sermo de primitiuis Christianis, qui designati sunt, antequam plagæ in pertinaces Iudæos iruerant; verum tamen qua ratione Deus primitiuos Christianos hoc signo distinxit, alios deinceps complures designauit. Signum autem non est externum & quod oculis corporeis cerni possit, aut per cælestes ipsos Angelos fieri; sed proximè per Spiritum sanctum, qui per se ipse signo Dei viuientis eos notat, quibus semet liberaliter communicat tantâ diuinæ gratiæ affluentia; ut hac ipsa eos eximat ab ijs plagis, quæ in hac vita ceteros Adami filios vexant. Atque hæc est Pauli doctrina, 2. Cor. 1. 22. *Qui confirmat nos vobiscum in Christo; & qui vnxit nos Deus, qui & signauit nos & dedit pignus spiritus in cordibus nostris.* Et ad Ephesios 1. 13. *Signati estis spiritu promissionis sancto.* & cap. 4. 30. *In spiritu sancto Dei signati estis.* Eodem ferè sensu explicat noster Maldonatus illud Ioannis cap. 6. 27. *Quem Pater signauit Deus,* id est, cui Pater auctoritatem dedit, efficiendo ut homo ille esset Deus, & vngendo illum Spiritu sancto, & inhabitante diuinitate declarando filium esse suum. Sic Maldonatus. & ait hanc esse veterum interpretationem: Quod ergo in ea spectat ad Spiritus sancti abundantiam, hoc est suo modo signum, quo Deus primitiuos Christianos discriminauit. Quare Christianos ipsos alloquutus ait Paulus, *signati estis, & signauit nos Deus.* Cohæret itaque optimè, signatorum nomine eosdem Christianos primitiuos à Ioanne designari. Et ex collatione loci Apocalypseos cum locis Pauli sit planum, Paulum loqui de eiusmodi signo, quo serui Dei securi sunt à plagis in ceteros homines sæuientibus. Huiusmodi loquutionem non facile infideles intelligent; nec etiam illi fideles, qui in Christum credentes, carnis adhuc appetitionibus habenas laxant. Qui verò non solum Christum profitentur, sed etiam suis cupiditatibus seueras leges inducunt; his quidem compertum est ipso experimento, quod ait Paulus ad Romanos 8. 1. *Nihil damnationis, (id est nihil damni) ijs qui sunt in Christo Iesu, qui non secundum carnem ambulant.* Et sanè hoc est ingens Spiritus sancti miraculum, qui hominem ex carnali in spiritualem conuertit: qua commutatione illi cælestem quandam inscribit notam; ut nihil ei nocimento, vexationi, aut afflictioni sit. Latiorem huius rei explicationem spiritualibus viris relinquo, cõtentus interim verba Tauleri referre in eo opusculo quod vaticiniij titulo designauit, fol. 671. *Signum (inquit) Tau in frontibus habent omnes, qui per fidem Christi viuam in quodam meliori vita initio atque profectu inueniunt; atque ijerunt immunes ab his plagis, quas Ioannes describit cap. 9. sub obscuris quidem verbis, sed luce clarius à beata Hildegarde detectis.* Hæc ille. Ac licet ipse beate Hildegardis declarationem in eius operibus non reperiā; inter viros tamen spirituales à pueritia educatus certò scio, spirituales homines virtutum laude cumulatōs ab illis septem plagis esse liberos; nempe à Fame, Bello, Pestilentia, Ignorantia, Concupiscentijs, Furijs & Obduratione. Nam quod in tribus primis est plagæ, eos nequaquam attingit; nec fame conflantur, aut persequutione, vel peste. Quin etiam hæc omnes ærumnas, aliasque perfimiles patienter tolerant, fortiter superant, deuorant audissimè. Quamobrem non solum non anguntur, sed etiam gloriantur in tribulationibus cum Paulo. Ex plagis autem postremis ne vmbra quidem ad eos accedit. Certum verò est, non aliud esse signum quod eos ex his plagis eripiat, nisi spiritus Christi abundantiam.

Ex hæcenus dictis colligo, valde ab scopo aberrare eos, qui Angelum ascendentem ab ortu solis de Elia, aut Constantino explicant; aut etiam de singulari aliquo Angelorum. Quia nemo horum potest Dei seruos prædictâ notâ signare. Reliqua autem omnia signa, hoc si excipias, parui momenti sunt. Hoc vnum etiam si à reliquis segreges, potens est ad homines ab omnibus plagis liberandis. Ideoque non dubito sermonem hic esse de spirituali signo, de quo Paulus. Adhuc tamen nondum explicaui, quis sit ille Angelus, qui visus est ascendere ab ortu solis. Dico ergo, inter eas opinioniones, quas supra retuli, illi solum manere verisimilitudinem, quæ communior est; scilicet opinioni Bedæ, Anselmi, Ansberti, Richardi & aliorum; qui aiunt per illum Angelum designari Christum post suam resurrectionem mundo cælesti lumen impartientem, siue illum illuminantem; illuminationis tamen nomine debet intelligi abundantior Spiritus sancti communicatio. Hæc enim diuini Spiritus lux est, quæ homines à plagis omnibus reddit securos: eademque est gratia, quæ ante Iesum Christi resurrectionem non suppeditabatur hominibus; iuxta illud, *Nondum erat Spiritus datus; quia Iesus nondum erat glorificatus.*



Deinde assero, eodem sensu manente, & sine vlla Christi gloriæ immutatione, idonee intelligi Angelum illum ascendentem ab ortu solis esse ipsam Spiritus sancti personam, adeo se ipsam fidelibus communicantem; ut eos signare dicatur, & ab omni plaga liberos incolumésque præstare. Imò verò ipsa Spiritus sancti gratia, quæ formaliter eos signat, percommode intelligitur in Angelo representari; quemadmodum in quatuor primis sigillis vidimus personarum dari figuras Fidei, Audaciæ, Paupertati & Morti; scilicet per prosopopeiam, quæ formæ tribuere solet efficientis figuram. Quiloquendi modus, ut existimo, congruentior est Apocalypseos loquutioni. Nam nec Christo, nec Spiritui sancto apte quadrat illa loquendi ratio; Quoadusque signemus seruos Dei nostri in frontibus eorum. Ipsi autem Spiritus sancti gratiæ non perperam aptatur, cum aliquid creatum sit.

Posse præ-  
terea in eo  
Spiritus  
sanctum  
figurari.  
Quinimò  
ipsam Spi-  
ritus sancti  
gratiam.

Illam autem verba, ASCENDENTEM AB ORTU SOLIS, ] videntur significare, huiusmodi Angelum, qui fideles designat, illis veluti nouam esse lucem repente obortam, & simul cum illis crescentem. Hoc enim significatur in eo, quod Angelus prodeat ab Oriente, iuxta loquutionem illam Hester 8.16. *Nova lux oriri visa est.* Et Prouerb. 4.18. *Iustorum autem semita, quasi lux splendens, procedit & crescit usque ad perfectam diem.* Vide etiam Malach. 4.2. *Orietur vobis timentibus nomen meum Sol iustitiæ; & sanitas in pennis eius.* Denique nasci ab Oriente, siue prodire idem est, ac exoriri tanquam verum solem ad eos illustrandos, qui in tenebris & umbra mortis sedent.

Quid sit,  
angelum  
ascendere  
ab ortu so-  
lis.

Obijciat nonnemo, iuxta ea quæ prædiximus, signum de quo hic sermo inducitur, esse illud, quod homines efficit spirituales ac verè pios. Quod si ita est, verum non erit, primitiuos omnes Christianos fuisse nota illa distinctos: certum namque est inter eos degere aliquos minime in virtute roboratos, sed debiles potius & imbecillos. Respondeo tamen, aliud esse agere per distributionem, Logicorum more, de eo quod in omnibus & singulis verum tenet: aliud verò loqui de Reipublicæ alicuius statu, attentis ijs, quæ in eiusmodi Republica communiter & vniuersè fieri ac feruari solent. Exempli gratia; In religiosa aliqua familia, siue religiosi ordinis magno cœtu vix vnquam verum erit, quotquot in eis degunt, spirituales & perfectos esse viros. Nihilominus tamen licet nonnulli apud eos reperiantur minus perfectè, addo etiam, præuè ac nequiter in diuini obsequij via se gerentes: si tamen communis viuendi ratio perfectionem virtutis & sanctimoniam affectat; iure quidem optimo asserimus illum religiosorum hominum conuentum pium esse ac sanctum. Itaque cuiusvis cœtus siue Reipublicæ laudes ipsum commune respiciunt; id est, generalem atque communem vnuerſitatis illius statum, alioquin nulla mortalium congregatio posset meritis laudari. Quapropter, cum caput hoc egregium atque mirificum primitiuæ Ecclesiæ elogium contineat; nihil obstat, quod de nonnullis obijciatur. Etenim, si primitiuæ Ecclesiæ status attendatur, & communis illius professio & observatio, verissimè de primoribus illis Christianis dici poterat, eos esse copiosa Spiritus sancti gratia signatos; ut Paulus loquitur *Signati estis*, ad Christianorum communitatem dirigens sermonem. Et quælibet sanè religio, quantumvis in primo institutionis seruire strenua ac diligens, iure optimo se modò felicem reputaret, si in ea perfectionis studium effloresceret, quemadmodum apud primitiuos illos Christianos tunc vigeat: quando scilicet erat *credentium cor vnum, & anima vna*, qui proinde primitias Spiritus accepisse dicuntur. Quod si persecutionum tempore, qui veros se Christianos propalam ostendunt ac profitentur, ij fere summæ in Deum charitatis ac sanctimoniam esse solent: quid tunc feruidis illis & strenuis athletic accidissemus; cum vna ex parte persecutionis æstus efferuescens tot tamque horribiles excitabat procellas; ex alia verò copiosa & affluentia Spiritus sancti dona cælesti eos gratia delibatos roborabant?

Verum pri-  
mitiuos om-  
nes Chri-  
stiani fue-  
rint illa Dei  
vini nota  
inusi?

Quo sensu  
dici possent  
primitiuos  
omnes Chri-  
stiani fuisse  
signati.

His accedit, hanc ipsam totius communitatis laudem admonitioni & cohortationi esse posse illis, qui à primo spiritus studio & contentione desciscunt, nec ad communem suorum perfectionem aspirant. Hi enim inde sibi possunt elicere, si diuini Spiritus instinctui & occultis motibus acquiescant; se etiam fore signatos, quemadmodum reliquos; & à plagis sibi interim nocentibus euasuros.

HABENTEM SIGNVM DEI VIVI. ] Dictum est iam superius, epithetum Viui, aut Viuentis Deo tribui in Apocalypsi, tanquam vitæ fonti & auctori. Quare, cum de Spiritus sancti signo agatur; rectè & propriè nuncupatur signum Dei viui. Est enim epithetum Spiritus sancti proprium, esse viuificantem (ut habetur in Nicenæ Synodi symbolo) atque adeo illius proprium est eripere à morte & à plagis quæ ad mortem tendunt.

Cur signum  
Dei viui  
dicatur.

ET CLAMAVIT VOCE MAGNA QVATVOR ANGELIS. ] In hac ipsa figura opus fuit magna vocis contentione, ut à quatuor angelis in quatuor angulis Iudææ positus exaudiri posset. Hæc autem ingens vox denotat, idem esse imprimere Deum illam suis seruis notam; ac præcipere plagis omnibus, ne signatos perstringant: idque ita præcipere, ut omnibus plagarum ministris eiusmodi imperium innotescat.

Quid si-  
gnificat  
magna hæc  
Angeli cla-  
mantis  
vox.

NOLITE NOCERE TERRÆ ET MARI NEQVÈ ARBORIBVS; QVOADVSQVÈ SIGNEMVS SERVOS DEI NOSTRI. ] Quod attinet ad representationem, iubentur angeli expectare; donec serui Dei sint signo distincti. Perspicuum tamen est re ipsa nihil esse expectandum. Nam copiosa Dei gratia, quæ ipsos effecit sanctos, eosdem etiam signauit. Quamobrem, cum expectare iubentur, reuera admonentur atque iubentur attentè inspicere, & signatos à non signatis discernere; ne signatorum aliquem attingant. Atque ut significetur amicorum signum effusioni iræ antecedere; iræ ipsius ministri inducuntur opperientes, quoad Dei serui designentur: nec interim ventorum impetum solui permittunt, ne quid detrimenti Dei serui capiant. Hoc verò non est aliud, quam nullum esse periculum, ut plagæ signatis noceant.

Vers 3.  
Quo sensu  
quatuor an-  
geli expe-  
tare, & à  
maris ac  
terra nocu-  
mento pa-  
rumper  
abstinere  
iubeantur.

Quod dicitur plurali numero, Quoadusque signemus, non ita est intelligendum, ut diuinæ tres personæ loquantur. Neque enim dicerent, *Servos Dei nostri.* Nec quia multi erant angeli Dei seruos designaturi. Nam, ut iam vidimus, hoc signum non ab angelis imponitur. Superest ergo, ut sit

Quo sensu  
dixerit an-  
gelus, si-  
gnemus  
in plurali  
numero.



modus loquendi, in quo plurale pro singulari usurpetur. Aut forsan significatur, ipsam impendentis calamitatis speciem vñà cum gratia Spiritus sancti deferuire ad designandos Dei seruos, eosque confirmandos, nequid detrimenti capiant. Certè Christus Dominus, proposita suis seruis specie calamitatum adiecit; *Respicite & leuate capita vestra: quoniam appropinquat redemptio vestra.*

Quomodo  
Dei serui  
in frontibus  
signari dis-  
cantur.

IN FRONTIBVS EORVM.] Existimabit aliquis verbis huiusmodi nos cogi, vt signum, quo Angelus seruos Dei signaturus erat, diuersum esse credamus à Spiritus sancti signo. Nam eadem diuini Spiritus gratia non frontes signat, sed corda; iuxta id 2. Cor. 1. 22. *Signauit nos, & dedit pignus Spiritus in cordibus nostris.* Deinde, hoc in loco, alluditur ad signum Tau, de quo Ezechielis 9. 4. & ad signum, quod in Iudaicarum domorum postibus imprimi iussit Deus Exodi 12. 7. Vtrumque autem signum crucis habebat formam, vt videbimus notatione sequenti. Quare videtur necessariò dicendum, hoc Apocalypseos signum esse crucis; qua se Christiani aduersus ingruentia pericula & calamitates armant; vt late Gretserus poster in suis de cruce libris.

Respondeo, receptam Christianorum consuetudinem muniendi se signo crucis sanctissimam esse carimoniam, vt maximi præsidiij, adiuuentique ad fugandos Dæmones, & ad impetrandam à Deo opem ingrauiissimo quouis discrimine. Externa tamen crucis nota non nos à famis, belli, ac pestilentiae plagis omnino præstat incolumes; nisi cum interiore Spiritus sancti signo conso-ciatur. De quo signo loquitur Paulus. Ceterum fuit nihilomius valde conueniens, vt ad diuini Spiritus efficaciam explicandam diceretur, *Quoadusque signemus seruos Dei nostri in frontibus eorum.* In primis enim inaximè oportuit, vt apponeretur signum, vbi valde esset notabile. Quo insinua-retur; quemadmodum nota fronti inscripta occultari non potest; non aliter diuinæ seueritatis, & plagarum caelestium ministris abscondi minimè posse eum, qui diuini Spiritus nota sit insignitus, vt eum intra tum prætermittant. Secundò, decuit etiam signum in fronte exarari; vt huius loci proportio & conuenientia cum illo Ezechielis 9. ostenderet, huiusmodi signum sancti Spiritus esse illius signi mysterium, quod in frontibus imprimi fuit iussum apud Ezechielem.

Cur frontis  
potissimum  
signanda  
mentio fiat?

Tertiò, copiosa diuini Spiritus gratia est, quæ mysticè crucis signum in seruatorum Dei frontibus infigit. Non solum, quia hoc signum eos efficit tutos ac securos; sed etiam, quia hoc in eis præstat per publicam Christianæ religionis & Iesu Christi imitationis professionem. Quod autem homo aliquis publicè profiteatur, hoc quasi in fronte videtur inscriptum præferre. Quod si Spiritus sancti gratia est, quæ Dei seruo animos ac vires addit, vt se Christianum esse & crucis sectatorem & contemptorem carnalium appetitionum gloriatur, ad efficacitatis huius significationem eleganter repræsentatur, interius Spiritus sancti signum esse, quod externam crucis notam ad frontem proferat. Et quidem perfectior modus muniendi se signo crucis eiusmodi debet esse, vt viua fide ad Christi crucis imitationem & religionis Christianæ professionem aspiremus. Nam qui hac ratione se stigmate crucis muniunt, nã illi Iesu Christi sanguine se signant, & sibi crucis signum in fronte inurunt. Quo pariter signo spiritus Christi ipsos notat; & hac ratione illi remanent immunes ac liberi à plagis in improbos ac sceleratos immittendis.

Quare  
tunc sit hoc  
Dei signum  
conspici-  
endum.

Denique in illis verbis, *Quoadusque signemus seruos Dei nostri*, fortassis agitur de hoc signo tanquam de stigmate in fronte serui inuito. Et sanè pereleganter significatur, huiusmodi notas siue stigmata, quæ homines diuino obsequio mancipant, esse verè libertatis signum, & exemptionem ab omni plagarum impendentium damno. Ideoque tantoperè gloriabatur Paulus stigmata Domini Iesu se in corpore suo portare.

### NOTATIO III.

*De Crucis figura in signo illo, de quo Ezechiel cap. 9. & in sanguinis signo  
super vtrumque postem, Exodi 12.*

Ezechielis  
Tau de cru-  
cis signo in-  
telligendū,  
ex Catholi-  
corum om-  
nium sensu.

QVOD dicitur Ezechielis 9. 4. *Signa Tau super frontes virorum gementium abominationes terræ;* id omnes Catholici de signo crucis interpretantur ex auctoritate Hieronymi, qui ait, *Antiquis Hebræorum literis, quibus usque hodie Samaritæ viuunt, extrema Tau crucis similitudinem habet.* Et in Vaticana editione Septuaginta refertur Origenes affirmans se ex Hebræo quodam ad Christi fidem traducto didicisse, in antiquis elementis ipsum Tau habuisse Crucis similitudinem. Sed irrident nos hæretici; & ostendunt antiquum Hebræorum alphabetum, quod extat hodie & habetur in Bibliotheca Vaticana ex antiquis nummis & lapidibus descriptum; vbi patet non esse maiorem similitudinem inter extremam literam eius alphabeti & crucem, quam inter anatem & catum. Respondeo tamen, Hieronymum esse testem omni exceptione maiorem: nec mirū esse, quod in lapidibus & nummis non appareat vltatissima forma, qua antiqui Hebræi scribebant Tau. Fieri enim potuit, vt alia esset communis forma; alia in nummis & lapidibus vsur-

Hæretico-  
rum proter-  
ua crucis  
signum in  
Tau irri-  
dientium.

ata; sicut in nostris literis hodie contingit. Quod autem vltima Hebræorum litera Tau crucis formam antiquitus habuerit; vide Pradum Ezech. 9. ex Tertulliano, Clemente Alexandrino, Origene, Hieronymo, Ambrosio, Isidoro, & Seuerio. Et Pradus suam ibi assert coniecturam (cui fau-ent Hebraica & Græca linguæ periti) ea autem est; quicunque id attentè obseruarit, eum clarè perspecturum, antiquum Hebræorum alphabetum esse nonnihil simile Græco in characterum figura. Atqui Græcè notum est, Tau formam habere crucis, non quidem commissa; sed immissa: sic enim appellari solet, quæ vtramque lineam seu virgam, quibus constat, non omnino confertam & transfertam habet.

Probatur  
tamen Tau  
habuisse  
Crucis for-  
mam.

Præterea Ioannes Grial in notis ad D. Isidorum, libro primo Etymolog. cap. 3. refert Syriacos Ezechielis 9. vbi nos legimus *signa Tau*, legere, *signa crucis.* ex Caninio in institutionibus linguæ Syriacæ. Vnde verisimile admodum est, Græcorum & Latinorum T. à veteri Hebræorum & Syrorum scri-

Versio Syri-  
aca Cru-  
cem pro  
Tau legens.



ptura fluxisse; prouidente Deo, vt in huius literæ figura, potius quam in vlla alia Hebræi, Græci & Latini consentirent. Forsan etiam Hebræorum perfidia in odium Crucis ab antiquo alphabeto eius figuram aboleuit; ne in Ezechielis loco, quidquam honoris videretur Cruci deferri. Ceterum quod Hebræi obliuione deleuerunt; aliæ nationes conseruant; quæ in litera T. mutuum ab eis crucis signum acceperant. Additque Marianus Victorinus in indice Hieronymi, verbo *Tau*, Æthiops adhuc etiam crucis signum pro *Tau* litera scribere.

Ex hoc Ezechielis loco, & ex vitæ communione, quæ cum aliquibus ex Dei populo sapientissimis intercessit Ægyptijs, ipsimet Ægyptij fortassis acceperunt, vt iuxta antiquam traditionem inter sua hieroglyphica Crucis signo vitam venturam significarent. In cuius rei recordatione ipsi etiam Pagani per quoddam illustre miraculum deuenerunt: vt refert Ruffinus lib.2. cap.29. Socrates libro 5. cap.17. Sozomenus lib.7. cap.15. Suidas verbo *σαυος*, Vide Cælium Rhodigin. lib.10. cap.8. & Gretserum libro primo de Cruce cap.51. Huc etiam spectare posset, quod nonnulli affirmant; nempe apud Romanos in notis militum T. fuisse sospitatis & incolunitatis signum: & sicut, Θ, prænotatum denotabat militem illum obijisse; ita T. significasse superstitem. Vide Isidorum libro primo Etymolog. cap.24. & Stevvechium ad caput 19. libr.2. Vegetij. Hoc non videtur verisimile Lipsio de recta pronuntiatione cap.14. vbi suspicatur pro T. substituentum esse V. Quod si mortui græca litera notabatur, non video, cur viuos latina litera notaerint.

Sed, vt ad Ezechielis locum redeamus, obijciat fortasse aliquis, nostrum interpretem gratis transtulisse, signa *Tau*, vt ad crucem respiceret; quia vox hebraica *Tau*, quamuis possit designare vltimam alphabeti literam, frequentius tamen accipitur, vt nomen commune pro quo reddunt signum. Et manifestum est, ita in eo loco usurpasse Septuaginta interpretes. Respondetur non modo Hieronymum Ezechielis 9. & epistola 128. & in Isaiam cap.66. & Isidorum de vocatione Gentium cap.25. & posteriores Patres; sed antiquiores etiam eodem modo accepisse, vt Tertullianum lib.3. contra Marcionem, Cyprianum ad Demetrianum, Origenem homilia 8. in diuersos Euangelij locos: facit etiam Theodotio, qui pro signo ibi vertit *Tau*, & de Aquila idem affirmat Origenes. Præterea inter opera Augustini, auctor libri de altercatione Synagogæ & Ecclesiæ, & inter opera Hieronymi quidam alius, qui habetur tom.9. fol.263. omnes isti expressis verbis aiunt, Ezechielem loqui de crucis figura sub nomine *Tau*. Quod etiam valet ad probandam similitudinem antiquæ literæ Hebræicæ cum crucis figura. Vt vel hinc constet audaces nimium esse eos, qui eiusmodi similitudinem irridunt. Vide Gretserum libro 1. cap.1. & lib.4. cap.8.

Ad auctoritatem Septuaginta interpretum Respondeo, multa mysteria eos de industria celasse; & nomen signi, quo vtuntur, accipi posse pro litera, cuius nomen sonat signum quæ est *Tau*; vt omnes norant in hebraico alphabeto. Maneat ergo literam *Tau* apud Hebræos antiquos, & Græcos & Latinos significare crucem, cuius similitudinem ge-

rit. Qua de re videndus Grial in Isidorum lib.1. Etymolog. c.3. vbi in huius confirmationem adducit Petrum Diaconum. Et notat, propterea Missæ canonem ab ea litera incipere. Legendus etiam Mecherchius de prolatione Græcorum capite trigesimo primo.

De signo crucis super vtrumque postem,  
Exodi 12.7.

**T**EXTVS ait, Sument de sanguine Agni, ac ponent super vtrumq; postem, & in superliminariis domorum. Et num.23. Transibit Dominus percussiens Ægyptios, cūq; viderit sanguinem in superliminari, & in vtroque poste, transiet ostium domus, & non sinet percussorem ingredi domos vestras. Vbi notandum est, postes non esse portas, sed vtrumque latius dextrum ostij, & liniendo sanguine integrum superliminare, & vtrumque postem, huiusmodi formatur figura, Π.

quæ est furcæ figura; & ea etiam interdum appellatur, opinor, crux à Latinis. Sed quia superius limen solet esse longius, quam supradicta figura requirit, & vtraque ex parte nonnihil protendi: ideo obliniendo sanguine integrum superliminare, & vtrumque postem, duplex coniungitur *Tau* hac ratione, π. Sed ad formandum duplex *Tau* non erat necesse integrum superliminare oblinere: satis erat in extremis illius partibus, qua ratione in margine figuratur. Ex quo intelligitur quod ait Hiero. Isaiæ 66. cūm agens de signo crucis, ait, Hoc est postes domorum in Ægypto signabantur: quando pereunte Ægypto solus Israel mansit illæsus. Quare quod quidam hæreticus ait (apud Gretserum lib.1. de cruce cap.4.4.) Papistas fingere Israelitas sanguinem Agni in modum crucis foribus illiuisse: si de perfecta crucis figura loquatur, calumnia est; & ipse mendaciter fingit, quod nemo asserit: si verò de duplici *Tau* (in quo figura crucis immixta cernitur) Hieronymum habemus auctorem; & forma ipsa postium, & superliminaris id persuadet; solumque displicere potest inimicis crucis Christi: amicis enim notum est in coniunctione postium cum superliminari vestigium crucis elucere. Atque ita ingredientibus per ostium templi, & contemplantibus in ipso ostio Christum, (qui se appellauit ostium) & in postibus, vt dixi, crucem & salutem per crucem allatam, occurrit protinus Dauidem simili deuotione dixisse Psal.117.20. Hæc porta Domini, iusti intrabunt in eam. Confitebor tibi, quia factus es mihi in salutem.

**C** Ex his ergo elicio, quemadmodum in Exodo & Ezechiele (ad quos locos fit allusio in signo Apocal. cap.7.) signum crucis erat illud, quod impressum, & in postibus, & in frontibus fuit; sic etiam in Apocalypsi, quod ad figuram attinet, idem etiam fuisse crucis signum; significationem tamen eam, quam superius diximus. Demum signum illud apud Ezechielem dicitur Græcè σημεῖον; & in Apocalypsi, σφραγίς, quod est sigillum vi aut igne impressum. Quo innuitur, vim siue ignem Spiritus sancti esse, qui hoc Apocalypseos signum mentibus inurit. Vnde etiam signati idem est quod sigillati, ἐσφραγισμένοι.

**D** Quod si quis forte obijciat, quod in Apocalypsi, quod ad figuram attinet, idem etiam fuisse crucis signum; significationem tamen eam, quam superius diximus. Demum signum illud apud Ezechielem dicitur Græcè σημεῖον; & in Apocalypsi, σφραγίς, quod est sigillum vi aut igne impressum. Quo innuitur, vim siue ignem Spiritus sancti esse, qui hoc Apocalypseos signum mentibus inurit. Vnde etiam signati idem est quod sigillati, ἐσφραγισμένοι.

Quid posses propriè.

Sanguis illius in Hebræorum postibus & superliminari quæ in formam fuerit factus.



Hæreticorū calumnia.

Æthiops crucem pro Tau scribere.

Apud Ægyptios, crucis figura vitæ venturam significari solitam.

Apud Romanos litera T. utilis; Θ vero capitalis.

Obiectio contra nostram versionem de signo Tau.

Responsio ad obiectiōem simulq; superiorum confirmatio.

Argumentū ex auctoritate Septuaginta peritiū diluitur.



## T E X T V S.

*De numero signatorum ex singulis tribubus.*

*Vers. 4.* Et audiui numerum signatorum, centum quadraginta quatuor millia signati ex omni tribu filiorum Israel.

5. Ex tribu Iuda duodecim millia signati; ex tribu Ruben duodecim millia signati; ex tribu Gad duodecim millia signati;

6. Ex tribu Aser duodecim millia signati; ex tribu Nephthali duodecim millia signati; ex tribu Manasse duodecim millia signati;

7. Ex tribu Simeon duodecim millia signati; ex tribu Leui duodecim millia signati; ex tribu Isachar duodecim millia signati;

8. Ex tribu Zabulon duodecim millia signati; ex tribu Ioseph duodecim millia signati; ex tribu Benjamin duodecim millia signati.

## C O M M E N T A R I V S.

*De signa-  
torum gen-  
te ac nume-  
ro varia  
auctorum  
sententia.*

*Comunior  
sententia  
selegitur,  
& proba-  
tur.*

*Difficultas  
aduersus  
dicta.*

*Soluitur  
difficultas  
notus.*

**V** I D I M V S iam in huius capitis prologo, hanc visionem ab alijs ad Constantini tempora, ab alijs ad tempora Antichristi, aut sub eius mortem referri: veram tamen explicationem esse, ut in hoc capite ostendatur primitiuos Christianos fuisse exemptos, quos plagarum calamitas in Iudæos immisurarum non attingeret. Aureolus ergo hunc signatorum numerum de Iudæis exponit, qui Constantini tempore sunt ad fidem traducti, Lyranus de omnibus, qui generatim sunt eo tempore conuersi tam ex Iudæis, quàm ex Gentibus. Ribera & Pererius de Iudæis post Antichristi persecutionem ad Christi fidem adducendis. Citantque pro se Irenæum, & Andream. In eo tamen differunt, quod Ribera tribuum nomina & numerum signatorum omnino accipit, ut sonant: Pererius signatorum saltē numerum mysticē accipiendum esse sentit.

Communior ac receptior explicatio pro nobis est. Primasius enim, Ambrosius, Andreas, Beda, Anselmus, Haymo, Richardus, Ansbertus hunc signatorum numerum de electis omnibus tam ex Gentibus, quàm ex Iudæis explicant; atque adeo illum numerum centum quadraginta quatuor millium, & nomina Patriarcharum docent esse mysticē accipienda. Huic ergo communi sententiæ nos quoque subscribimus: ita tamen, ut non vniuersē de electis omnibus intelligatur, qui in posterioribus sæculis erant futuri; sed de primitiuis Christianis, qui eo tempore vivebant, quo septem plagæ in pertinaces Iudæos Christi abnegantes effusæ sunt. Communis hæc expositio, quæ ratione à me sumitur, ex Apocalypseo serie atque contextu certa redditur. Etenim si sextum sigillum comprehendit in se comminationes, quas Deus Iudaico populo intendit, priusquam suam in eum indignationem effunderet; septimumque sigillum includit illas plagas, quas demum in rebelles ac perfidos Iudæorum intulit (videlicet Famem, Bellum, Pestilentiam, Ignorantiam, Concupiscentiam, Iram, Obdurationem; ) si amicorum insuper designatio eo animo fit, ne ad eos aliqua plagarum accedat; si hæc (inquam) ita sunt, ut re vera sunt, nexus ipse & coherentia postulat, ut designati sint illi tantum Christiani, qui eo tempore erant supersistentes. Cui declarationi textus ipse sese mirificè accommodat, ut in applicatione constabit.

Dicet tamen quispiam; licet in sigillo septimo rebellium Iudæorum plagas contineri asseramus, & capitis septimi signum esse illud, quod Deus Christianis impressit, ne eos læderent plagæ; numerum tamen centum quadraginta quatuor millium non posse ad Christianos omnes applicari. Nam Ioannes in hoc capite mentionem prius facit huius præfiniti numeri, deinde innumerabilis multitudinis ex Gentibus vniuersis collectæ. Contextus autem poscit, ut utriusque designati fuisse credantur. Vnde asseuerandum videtur, primos illos centies quadragies quater mille esse Iudæos, qui Christum receperant; ceteram verò turbam innumeram ex ijs fuisse constatam, qui ex vniuersis Gentium populis ad Christianæ religionis portum appulerant.

Respondeo tamen; huiusmodi distributio, quæ primo aspectu ita apparet verisimilis, nullum videtur habere patronum, qui eam tueatur. Quod argumento est, hanc non fuisse Spiritus sancti mentem: siquidem cum id literæ cortex sonat, nemo tamen amplectitur. Etenim quanuis Aureolus distributionem hanc admittat in illis, qui Constantini tempore Christiana sacra susceperunt; & eandem recipiat Ribera ad posterioris sæculi electos, cum Antichristi futura est persecutio; verum ad Christianos primitiuos, qui vivebant, quo tempore Ierosolyma fuit diruta, & Iudæi puniti sunt; nullus, (inquam) ad illius æui Christianos huiusmodi diuisionem vsurpat. Sed alij dicunt in turba innumerabili beatos omnes denotari, ut Ambrosius. Alij Martyres vniuersos, ut Ioa-

chimus.



A chimus. Alij eos tantum Martyres, qui sub Diocletiano passi sunt, vt Lyranus. Nostra autem sententia est (vt infrà dicemus) eosdem omnino esse, qui prius dicuntur centum quadraginta quatuor millia Israelitæ, & postea turba innumerabilis ex omnibus gentibus coacta. Quod licet primò intuenti paradoxum sonare videatur: spero tamen attentius inspicienti verum ac solidum visum iri.

B Excutiamus tamen inprimis numerum centum quadraginta quatuor millium Israelitarum. Ac primum Israelis nomen & verorum Israelitarum constat à sacra Scriptura tribui probis Christianis; siue ex Iudæis sint, siue ex Gentibus. Vide ad Romanos 9.6. & ad Galat. 6.16. & Osee primo, versu decimo, & cap. 2.24. & 1. Petri 2. 10. Si ergo constat, hos esse spirituales Israelitas, & verum Dei Israellem esse, qui vere Dei populus est: nemò non viderit huiusmodi loquutionem Apocalypsi valde congruere, cum liber sit mysticus & ænigmaticus. Quod verò ex tribubus singulis duodecim millia numerentur, & integratribus prætermittatur, quis est aded in grammatico sensu hærens, qui in hoc non mysticam esse loquutionem suspicetur? Certè Ribera noster ijs etiam ipsis, quibus persuasit sermonem esse in hoc capite de Antichristi sæculo, persuadere nequaquam potuit numerum illum grammaticè esse capiendum; vt videre est apud Pererium disputatione octaua.

C Quod si hic numerus mysticè sumendus est; congruentius est mihi, vt Israelis & singularum tribuum nomina mysticè etiam accipiantur. In contextu quoque aptius nihil est, quàm vt dum plagæ contra carnales Israelitas sunt immittendæ, & sermo est de signo, quo signati sunt ij, quos plagæ lacerare non permittuntur; tunc, inquam, verus sensus intelligatur esse de Spiritu sancti signo, quo spirituales Israelitæ à carnalibus decernantur. Mihi quidem hoc aded reputatur certum, vt valde mirer homines doctos persuadere sibi potuisse, grammaticum sensum hic esse sequendum. Qui autem numerum centum quadraginta quatuor millium sic accipit, vt sonat; cur non etiam numerum centum quadraginta quatuor cubitorum, quem Apocalypsis cap. 21.10. vrbis Ierosolymæ muro in altitudinem tribuit, grammaticè similiter accipiendum putat? Si ergo ex capite vigesimo primo perspicuè colligimus, numerum centum quadraginta quatuor esse mysticè in Apocalypsi capiendum: idem caput nos docet, duodecim Patriarcharum numerum esse etiam in Apocalypsi mysticum; nec per illum antiquos Patriarchas, sed Apostolos significari. Alioquin non essent nomina duodecim filiorum Israel scripta in duodecim portis. Vide caput 21.12.

Deinde vt denotetur, plagas illas, quibus Israelis populus delendus videbatur, populo Dei non nocere (hic enim est capitis huius septimifcopus) nihil conuenientius est, quàm vt Israelis nomen Christiano populo detur. Atque hunc etiam ad finem ait Paulus ad Romanos 9.6. *Non quòd exciderit verbum Dei: non enim omnes, qui ex Israel, sunt Israelitæ, &c.*

D Tertio, Christus Redemptor noster est verus Israel, præualens Deo; qui in nostræ Redemptionis opere cum Deo luctatus fuit, & præualuit; quia *exauditus est pro sua reuerentia*. Quare & ipsius filij sunt veri Israelitæ, & Apostoli sunt Patriarchæ. Eandemque ob rem nomina duodecim tribuum sumenda sunt, vt nomina mystica, quæ duodecim Apostolis imponuntur. Consonat cum hoc mysticè ordo ipse, quo duodecim tribus in præsentem numerantur. Nam Iudæ nomen, quod confessionem significat, Diuo Petro optimè quadrat, ratione præstantissimæ illius confessionis; *Tu es Christus filius Dei viui*. Si autem sub Iudæ nomine innuitur Petrus; dubium non erat, primas ei esse deferendas. Vltimum Beniamini nomen existimabit aliquis pro D. Paulo supponi: ideoque extremo in loco collocari; quia ipse fuit vltimus ad Apostolatam vocatus. Mihi tamen certum est Beniamini nomine non designari Paulum. Ipse enim ex primis duodecim non fuit: quippe in locum Iudæ suffectus est Matthias. Quapropter Paulus se abortiuum nuncupat, quasi extra numerum. Nam abortiui dicebantur Senatores, qui extra numerum creabantur. Idcirco opinor, Beniamini nomen (qui minimus erat natu, & patri in delicijs habitus) in diuum Ioannem Euangelistam quadrare; qui ideo fortè, modestiæ ergo, extremum se in locum reseruauit.

E Ex his ergo duobus nominibus coniicio, tum in hoc loco, tum in alijs Apostolos non recenseri eodem antiquitatis ordine, quo sunt ad Christi societatem euocati. Et quamuis nouitas ac defuetudo huius ordinis (qui valde diuersus est ab eo, quem duodecim Patriarchæ habent in reliquis Scripturæ locis, vbi nominantur) persuaadat, non casu ac temere, sed magna ratione, atque consilio ita fuisse eundem ordinem dispositum: mirum tamen non est, ignotam mihi hætenus esse causam; cur Apocalypsis Apostolos sub duodecim Patriarcharum nominibus hoc ordine referat. Illud pro comperto mihi est, nomen *Dan*, (quod iudicium seu damnationem sonat) consultò prætermisum. Quia nomen hoc Iudæ proditori apprime congruebat, cuius reprobatio occultissimi Dei iudicij mirum exitit documentum. Cum verò in locum Dan, vt duodenarius numerus compleretur, Leui fuerit substitutus, (alioqui inter duodecim Patriarchas non numerari solitus) hinc mihi coniectura fit, nomine Leui diuum Matthiam designari, qui in Apostolatu Iudæ locum occupauit. Nec parum iuuat hanc suspensionem nomen ipsum Leui, quod significat *copulatus*: & Matthias copulatus, siue *annumeratus est cum vndecim Apostolis*. Vide Hieronymum libro primo contra Iovinianum, vbi ait pro tribu Dan, fuisse repositum tribum Leui. Quod & Marianus confirmat not. 54.

Manasse nomen, considerata ipsius etymologia, videtur Matthæo conuenire: vertitur enim *oblitio*, vel *oblitus*; atqui hoc in Matthæum rectè cadit; qui pristinum telonii officium nunquam repetiturus deseruit, atque adeo oblitus fuit. Ceterorum nominum etymologiæ faustam omnes significationem adstruunt: nam Ruben est *videns filium*, Gad felix, siue *accinctus*, Aser etiam *felicitem* sonat, Nephthali *aquipationem*, Simeon *exauditionem*, Isachar *mercedem* seu *præmium*, Zabulon *habitaculum*, & Ioseph *incrementum*. Nec dubito, quin isthæc nomina in reliquos etiam Apostolos

Eosdem omnino esse, qui hic dicuntur 144. millia signati, & quæ postea turba innumerabilis dicitur. Filij Israelis quinam hic vocentur. Numerum 144 millium mysticè esse capiendum.

Israelis & singularum tribuum nomina mysticè etiam sumi debere.

Cur Israelis nomen Christiano populo detur?

Christum esse verum Israellem, qui Deo præualuit. Sub duodecim tribuum nominibus Apostolos esse intelligendos.

Abortiui Senatores qui dicebantur.

Nominis Dan etymologia, & cur inter ceteras Israelis tribus hic non numeretur?

Matthias quid sonet. Iacobi filium nomen, eorumque etymologia.



apposite dispartiantur, & illis recte congruant, inspectis singulorum tam etymologia, quam historia. Sed

— Non omnia possumus omnes.

Quod si hac in re longius progredi lector ratiocinando non valeat; illud interim solatio erit, hoc non magni admodum esse momenti ad Apocalypseos intelligentiam.

Numerus  
144 millia  
pro vniuer-  
sitate sumi.

Diodenarij  
numeri con-  
sideratio &  
mysterium.

Quadra-  
tus nume-  
rus quid  
figurat.

Denarius  
multipli-  
cationis  
numerus.

Cur Ioannes  
omnes Isra-  
elis filios in  
filiorum nu-  
mero ada-  
quauerit.

Cur toties  
iterum Ioan-  
nes duode-  
cim mil-  
lia signati?

Cur cuili-  
bet tribui,  
sive Aposto-  
lo duodena-  
rius milliū  
designetur?

Christiani  
omnes pri-  
mitiui cur  
Israelitarū  
nomine  
notati.

Quarto, per numerum centum quadraginta quatuor millium, ait Augustinus libro tertio de Doctrina Christiana capite trigesimo primo (in regulis Ticonij) denotari vniuersitatem. Hoc egregie consentit cum eo, quod huius numeri significatio in praesenti innuit haud dubie vniuersitatem Christianorum primitivae Ecclesiae. Et certe, licet Christianorum multitudo, quo tempore Ierosolyma fuit eversa (fuit autem quadraginta annis post Christianae Ecclesiae initium) multo maior sine controuersia extitit: ad significandam tamen maximam multitudinem, non quidem confusam & coaceruatam, sed sapientissime à Diuina prouidentia electam & ordinatam (arque id magna cum proportionem ad Apostolorum gloriam) contentaneus valde fuit hic numerus centum quadraginta quatuor millium: quod idem est, ac duodecies duodecim millia. Et in primis in duodenario numero attenditur numerus duodecim Apostolorum, qui veri sunt Israelis Dei Patriarchae. Porro duodecim Patriarchis respondent totidem portae ciuitatis Dei. Et de absolutione duodenarij numeri agunt bene multi, vt Salmeron tomo primo, & Pontanus in Virgilium folio 9.

Deinde duodenarij per alium duodenarium multiplicatio denotat Apostolorum concordiam, & inter sese conspersionem. Nam quadratus numerus animorum consensum optimè repraesentat; quia ex numero quadrato perfectum fit quadrum, vt arithmeticae artis peritis vulgare est. Ac propterea ciuitatis murus centum quadraginta quatuor cubitos in altitudinem habere dicitur: vt repraesentetur decus & splendor, qui in Apostolorum consensione enitescit, vt suo loco dicemus. Praterea si numerum aliquem in seipsum multiplicare, est quadrum perfectè implere; plenitudo hæc non ineptè significat, Apostolorum vnitatem, vt potissimo instrumento, Deum fuisse usum, vt fidelium multiplicatio esset iuxta supremum Dei consilium integra atque perfecta.

Ad hæc, significatur etiam fidelium numerum esse quàm maximum ac plenissimum, ex eo quod numerus centesimus quadragesimus quartus ad centum quadraginta quatuor millia extrahatur; quod idem est, ac vnitatem per millenarium multiplicari; qui numerus est denarij cubicus. Nam denarius est multiplicationis numerus, quo nationes omnes vtuntur. Deinde decies replicatus centenarium efficit; qui rursus per denarium ductus millenarium complet. Atque hic est perfectus cubus; & integra ac perfectæ multiplicationis symbolum. In hoc insuper numero splendet sanctissimæ Trinitatis gloria. Primo, quia in duodenario is fuit scopus, vt ex duodecim portis, tres Orientem prospectarent, tres Occidentem, tres Septentrionem, ac tres Meridiem. Secundo, quia in millenario, vt pote perfecto cubo, reperitur tripla illa proportio; in qua pij doctores Trinitatis sanctissimæ vestigium contemplantur. Vidimus autem capite quarto totam Christianae Ecclesiae prædicationem reduci ad Trisagium, in quo diuinarum personarum Trinitas prædicatur.

Quod verò textus omnes Israelis Dei tribus adæquauerit, tribuens singulis Patriarchis duodecim filiorum millia; non ideo significatur, eos, qui singulis Apostolis suam conuersionem secundum Deum acceptam referant, nec plures esse, nec pauciores, quàm eorum numerum, quos quilibet alius Apostolus in Christo Iesu per Euangelium genuit. Hoc enim nec verisimile est, nec libri huius maiestate dignum, vt ad huiusmodi minutias, quantumuis veræ essent, descenderet. Quinimò credibile non est, ænigma hoc adeo excellens atque sublime numeris vt ad grammaticam solum significationem desumptis. Hunc igitur verum non esse sensum affirmo. Facilius credam, hoc pacto significari, Apostolorum conuenientiam atque consensum quodammodo efficere, vt omnes in numerosa filiorum prole æquales sint; videlicet quia vnius Apostoli filij cunctos etiam Apostolos parentes iactant. Hoc vt innueretur, idonea fuit excogitatio, quæ singulorum Patriarcharum filios in diuina hac computatione exæquaret; eoque modo filiorum inter sese differentias & contentiones tolleretur.

Nec contentus fuit Spiritus sanctus generatim addixisse singulis tribubus duodecim millia: sed speciatim dixit *Ex tribu Iuda duodecim millia signati; ex tribu Ruben duodecim millia signati, &c.* quo non obscure adumbratur, quanti eos faciat Deus; si quidem hac enumeratione oblectatur; vt ipsos decoret, & sibi esse in primis acceptos ostendat. Vide simile quid Numer. 7. vbi recensentur duodecim Principum oblationes: quæ tametsi valde sunt similes & nonnihil prolixæ, in singulis tamen iteratur, quod in prima fuerat prædictum.

Numerus porro centum quadraginta quatuor millium signatorum idem est, qui capite decimo quarto inducitur in speciem exercitus, quo Agnus bellum infert Romano Imperio inanis idolorum superstitionis cultori. Cum autem in hoc bello Apostoli sint duces ac principes, idonea fuit repraesentatio duodecim phalangium ac veluti legionum, quarum quilibet duodecim millibus militum constaret. Quod & gloriæ Apostolorum, & concordie egregiè deseruit.

Facile est cernere ex dictis, hunc signatorum numerum, qui dicuntur centum quadraginta quatuor millia Israelitarum, congruenter applicari ad numerum fidelium omnium, qui Christianam coercebantur Ecclesiam, quando Deus septem illas plagas Iudæis desertoribus infixit.



A. Iam quod Israelitæ nominentur (præterquam quod loquutio est in sacris Literis vsitata, & ad Christiani populi significationem valde accommodata,) illud habet etiam fundamentum, quod Christiana Ecclesia in populo Israelitico initia posuerit. Nam in eos, qui ex eo populo Christum susceperunt, primitiæ spiritus effusæ sunt; illique primi fuere Christiani, & ceteri sunt in eandem oliuam inserti. Vide Isaia cap. quadragesimum quartum, numero tertio: *Effundam benedictionem meam super stirpem tuam.* Vbi optimè Arias Montanus hoc idem tractat. Itaque præter mysticas rationes, in ipsamet historia fundamentum inerat, vt Israelis nomine Christiani omnes comprehenderentur. Nihil enim mirum est insitæ arbori remanere nomen illius, in qua inseritur. Adde huc, in capite hoc septimo sermonem esse de Christiano populo, prout erat in ipso Ecclesiæ nascentis exordio, cum Ierosolyma fuit deuastata. Tunc igitur fidelium ex Iudaico populo electorum numerus multis partibus superabat numerum eorum, qui ex Gentibus fuerant ad fidem euocati. Etenim licet ab ipso Ecclesiæ principio, Euangelicæ prædicationis ianua Gentibus patuerit: initio tamen id semper fiebat Iudæorum prius conuersione omni studio procurata. Si verò hic ordo fuit immutatus, & multo plures deinceps ex Gentilico populo fuerunt acciti; id certè accidit, postquam Apostoli diuinitus admoniti pertinaces dereliquerunt Iudæos, & fetotos ad Gentes transfulerunt. Id quod eodem tempore euenit, quo Deus seueritatis suæ in Iudæorum supplicio clarissima edidit documenta. Quam etiam ob causam (præter eas, quas superius attigi,) congruenter Israelitarum nomen Christiano populo inditum fuit.

B. Opponettamen aliquis, si verum est, vt nuper diximus, hos ipsos centum quadraginta quatuor millia, qui hic designantur, esse eosdem, qui sub eodem numero inducuntur capite decimo quarto, hinc videtur inferri, hos signatos non posse in se generatim includere primitiuos omnes Christianos. Nam de Christianis primitiuus nemo dicet omnes fuisse virgines. De illis verò centum quadraginta quatuor millibus textus ipse ait capite decimo quarto, numero quarto. *Hi sunt, qui cum mulieribus non sunt coinquinati, virgines enim sunt. Hi sequuntur Agnum, quocunque ierit. Quod videtur esse appositum religiosi status elogium.* Ad hoc tamen respondetur, virginum nomen, vt eo loci videbimus, metaphoricè ibi accipiendum esse; sicut secunda ad Corinthios capite 11. numero secundo, Paulus Christiano populo ait: *Despondi vos vni viro virginem castam exhibere Christo.* Sequi autem Christum, quocunque ierit, non est aliud, quam sumpta ipsius cruce illum perfecte sectari, & Euangelica consilia accuratissime seruare. quæ sanè erat viuendi ratio primitiuorum Christianorum iuxta cuiusque statum. Atque vtinam religiosi nunc viri primitiæ Ecclesiæ perfectionem studio & contentione æmulemur. Concludo igitur: licet elogia illa ac laudum præconia & designatio Dei viuientis signo facta, ceteraque omnia, quæ in laudem signatorum capite hoc septimo enarrantur; licet, inquam, omnia isthæc ad feruidos religiosos rite possint applicari (propterea quod primitiuorum Christianorum vitam imitentur,) textus tamen loquitur sine dubio iuxta literalem sensum de singulari beneficio, quo Deus Christianam Ecclesiam sub ipsa initia exornauit.

C. Atque vt ampliùs confirmetur, textum generatim loqui de Christiano populo, non verò de aliqua illius parte: animaduertendum est, angelum illum ascendentem ab ortu solis, communiter dicere, *Quoadusque signemus seruos Dei nostri in frontibus eorum.* Quo non obscure indicat, omnes, qui seruorum Dei nomine digni erant, esse signo illo distinguendos. Non igitur coarctari debet id signum ad peculiarem aliquam nationem siue statum, vt clericorum aut religiosorum. Signum in super hoc illi signo responderet; quod filij Israelis apud Aegyptios degentes in postibus & superliminariis domorum impresserunt: ergo hoc etiam signum existimandum est ad totum primitiuorum Christianorum cætum sese propagasse (exceptis ijs, qui ob sua flagitia eo tunc signo indigni essent; qui pauci erant, opinor.) Quemadmodum illud sanguinis symbolum totum Israeliticum populum designauit. Nam sicut illa nota in postibus & superliminari imposta, eo fine fuit inuenta, ne angeli gladius filios Israelis contingeret; sic etiam hoc Dei viuientis signum imponitur, vt eo signati reddantur securi à septem plagarum inferendarum supplicio. Quod si hoc signum se solum extenderet ad singularem aliquam nationem aut gentem; ratiocinatio hæc atque discursus mancus omnino truncatusque maneret, viderenturque aliæ primitiuorum Christianorum differentia per obliuionem fuisse prætermittæ. Constat autem in diuinam providentiam non posse obliuionem cadere.

D. Aduertendum etiam est, non deesse, qui dicant signatorum nomen pro prædestinatis accipi debere: quare cum septimum suppliciorum & extremum sit Obduratio, certum esse, qui ex ea plaga euaserit, eum fore ex prædestinatorum numero. Ceterum *signare*, non solum est aliquem eripere ab æterna damnatione; sed etiam à reliquis alijs plagis. Qua ratione spiritales homines diuina providentia ab omnibus calamitatibus liberat, vt supra iam explicatum est. Atque ita prædestinati non sunt signati interim, dum per abundantiam gratiæ Spiritus sancti non ab omni eripiuntur calamitate. Atqui, vt vidimus, modus loquendi est apud Paulum vsitatus, Spiritum sanctum esse signum, quod spiritales viros ab omnibus septem plagis eximit.

E. Alij volunt in signatorum numerum referri, perinde esse, atque in caelestem beatitudinem assumi. Ibi enim est, vbi Dei serui ab omni sunt plagarum metu liberi. Id quod potest confirmari ex eo, quod nuper dicebamus; hos scilicet centum quadraginta quatuor millia signatos huius capitis septimi esse eosdem, de quibus capite 14. vbi numero primo dicitur. *Ecce Agnus super montem Sion: & cum eo centum quadraginta quatuor millia habentes nomen eius, & nomen Patris*

Obiectio  
contra præ-  
dictam ex-  
positionem.  
Solutio.

Quinam  
cap. 14. à  
Ioanne ap-  
pellentur  
virgines.

Quid sit,  
virgines  
sequi Agnū  
quocunque  
ierit.

In prædicto  
144. millia  
numero,  
strictè lo-  
quendo, non  
religiosos so-  
lum, sed  
omnes Chri-  
stianos in-  
telligi de-  
bere.

Vtrum hic  
signatorum  
nomen sit  
pro præde-  
stinatis su-  
mendum.

Aliorum  
opinio de  
signatorum  
numero pro  
ijs, qui in  
caelum assum-  
untur.



eius scriptum in frontibus suis. Cui loco respondet ille 4. Esdræ 2. 42. *Vidi in monte Sion turbam magnam, omnes cum coronis, & palmis, & filius Dei inter eos, hi sunt, qui mortalem tunicam deposuerunt.* Confirmatur secundo; quia si verum est, illa hominum centum quadraginta quatuor millia & turbam innumerabilem, quæ mox sequitur, esse eosdem; multi auctores asserunt, per innumeram illam multitudinem significari beatos. Quam assertionem adiuvat ipse textus, qui eis stolas albas tribuit, symbolum videlicet gratiæ, quæ perfruuntur beati, ut vidimus c. 6. 11. *Et data sunt illis singula stola alba.* Præter hæc, de turba illa innumerabili ait Ioannes num. 17. *Absterget Deus omnem lachrymam ab oculis eorum.* quæ verba repetit cap. 21. 4. loquens de beatorum gloria.

Refellitur  
præcedens  
opinio.

Respondeo tamen, si de beatis esset sermo, non opus fuisset eos designare, ne à plagis læderentur, constat enim euidenter in huiusmodi allegoria eos solum designari, qui cum alijs puniendis commisti de salute periclitantur. Ad locum ex 4. Esdræ 2. 42. respondeo librum illum non esse canonicum; atque adeo suspicor illum post Apocalypsin fuisse scriptum; ipsiusque auctorem, cum ad caput 14. Apocalypseos vellet alludere, verba illa apposuisse. Verum in alijs rebus à doctis hominibus ignorantia insinuitur. Quapropter mirum non est, ipsum Apocalypseos seriem & contextum non probè tenuisse. Præterquam quod ad Beatorum gloriam possunt per accommodatorem applicari nonnulla ex ijs, quæ Apocalypsis de primitiuorum Christianorum sanctitate confirmat. Ad confirmationem alteram suo loco respondebimus, in eorum verborum expositione.

Quare ex  
filiis is-  
raelis albo  
desideretur  
Dan?

Hoc ergo stabilitū maneat, duodecim tribus noui Israelis, quæ capite hoc septimo numerantur, esse primigenios Christianos; quorum Patriarchæ fuere duodecim Apostoli. Quod verò Dan in ijs desideretur, non ideo ad Dei consilium quidquid deficit; quia in eius locum fuit suffectus Leui. Quod admonitioni esse potest ijs, qui sublimiorem occupant locum, ut sibi consulant & consent. Fieri enim posse, ut si quidquam de priori cura remiserint, è propria sede labascant, atque adeo corruant; & Deus ipsorum locum & coronam alijs tradat.

Tribum  
Dan plus  
ceteris ver-  
gere ad a-  
quilonem,  
& longius  
à Ierosoly-  
ma & tem-  
plo distare:  
idq; non  
sine my-  
sterio.

His addo, non ideo inter signatos nullum ex tribu Dan annumerari, quia existimetur inter illius temporis Christianos existere nullos, quin ex duodecim tribuum ibidem expressarum aliqua fuerint. Sed quia nonnulli, qui tunc reperiebantur indigni nomine filiorum duodecim Patriarcharum, non recensentur in signatis, sed in filiis mystici Dan, id est in Iudæ proditoris sectatoribus; quod attinet ad sceleratam conscientiam & in Christi disciplina simulationem: ac proinde digni sunt, qui nominis Dan significationem experiantur, hoc est, ut rectum Dei iudicium in eorum damnatione pateat. Illud etiam suffragatur, tribum scilicet Dan plus ceteris ad Aquilonem vergere, & à Ierosolyma ac templo esse remotiorem. Quorum vtrunque ei accidit, non quod locum sibi à Deo præfinitum occuparit; sed potius quod suo ducta consilio proprium deseruerit locum; ut patet iudicium cap. 18. & 19. Præterea Iosue 19. est etiam Dan ceterarum tribuum vltima; nec non in Ezechielis visione idem contingit: quantumvis cap. 48. nouo quodam modo tribus disponantur; septem scilicet ad partem templi Septentrionalem, & sex ad Australem. Nihilominus tamen Dan Aquiloni propinquior, & remotior à templo remansit. Nec dubito, quin in ea visione sermo sit de nouo Israele; & de nouis Patriarchis, in quorum numero non desideratur Dan, qui falsos ac simulatos Christianos repræsentat.

Neminem,  
licet sibi  
iustus vi-  
deatur, se-  
curum ac  
negligentē  
fieri debere.

Hæc quidem animaduersio idonea est, ut qui se ex Dei populo ac nouo Israele esse iactant, non ideo securi atque inertes fiant; satis sibi esse putantes, quod D. Petri, aliorumque Apostolorum sint filij: cum in nouo etiam Israele non desit tribus Dan & damnationis filij; hoc est, fucati ac fallaces Christiani. qui etsi cum bonis sint permixti, & eorum personam dissimulati, Deum tamen neutiquam fallit, eos esse intimo cordis affectu seiunctos à templo; & in eo degere statu, qui Aquilonaris plagæ frigore adumbratur. Atque hi quidem minimè sunt ex signatorum numero, & eorum, qui eripiuntur ex plagis, sed potius illis subsunt penitus obnoxij.

Quinam  
proprie &  
strictè no-  
mine signa-  
torum sint  
intelligendi.  
Triplex  
Christiano-  
rum homi-  
nū gradus.

Nota insuper, licet signatorum numerus possit aliquo modo extendi ad eos omnes, qui in Dei gratia sunt; magis tamen propriè accipi, ut significet statum spiritualium virorum, qui spiritu Dei aguntur, & rebus in omnibus, ad maius ac sublimius perfectionis culmen aspirant. Hi enim sunt, quos septem plagarum nulla vel leuiter offendit. Et iuxta hanc rationem, si præsentem Christianæ Ecclesiæ statum inspiciamus, videntur ex fidelibus non admodum esse multi signati; siquidem ex ipsismet in Dei gratia degentibus non pauci rei familiaris, honoris, aliarumque id genus rerum iactura grauius læduntur. Vnde triplex videtur esse hominum gradus; alius signatorum, qui perfectionis viam sectantur; alius imperfectorum, in Dei tamen gratia degentium; alius eorum, qui lethali scelere tenentur constricti. At verò in primitiæ Ecclesiæ statu commune erat, omnes fere accensio sanctitatis studio, teneri paucis exceptis, qui ita se gerebant, ceu Iudas inter Apostolos. Id autem persecutionis grauissimæ tempore usu venire solet; ut Catholici fere probatæ & spectatæ virtutis sint. Nihilominus accidere videmus in iis regionibus, quæ primum illud sanctæ institutionis studium aut constanter retinuerunt, aut fortiter redintegrarunt. In quibus, qui sanctimoniam ac perfectioni non student, ii (quippe ab aliorum conatu desciscientes) deprauatis sæpè moribus sunt. Atque inter illos, & inter feruidos & spirituales, nihil plerumque interest; quin, aut sanctitatis sint studiosi, atque adeo cælesti Spiritus sancti nota insigniti; aut è contrario (quasi ex tribu Dan) improbitate sint imbuti.

Varij signa-  
torū status.

Verum est tamen, in statu signatorum diuersos gradus reperiri: alii enim gloriantur in tribulationibus, alii non nihil vexantur; non ita tamen, ut illis id mali inferant plagæ, quod sceleratis hominibus inferre solent. Quemadmodum Paulus ait, de coniugatis loquens, (loquebatur autem primitiæ Ecclesiæ tempore) *Tribulationem carnis habebunt huiusmodi.* 1. Corinth. 7. 28. quantumvis frequentius tunc esset, coniugatos ad sanctitatem & perfectionem anhelare. Et hanc fortè ob causam plagæ, quas euasuri erant designati, pinguntur in hoc capite sub horrendæ tempestatis figura. Quia huiusmodi grauissima procella est, quam non subeunt signati; licet non omnino sint liberi ab alijs minoris momenti turbinibus.



## N O T A T I O I V.

*An Scriptura significet, fore Antichristum ex tribu Dan.*

**Q**UOD existimant in hoc cap. 7. sermonem institui de magna infidelium conuersione post Antichristi mortem futurâ, & illos centum quadraginta quatuor millia fore Iudæos tunc ad Christi fidem traducendos; affirmant pariter, ideo nullum hîc ex tribu Dan inter signatos adscribi; quia Iudæi ex hac tribu erunt, qui quasi cognati & familiares ita pertinaciter Antichristo adhærebunt; vt nec ipsius Antichristi mors, nec horribile cæli supplicium futura sint satis, vt eorum aliquis conuertatur ad fidem. Ita Ribera atque Pererius. Antichristum verò futurum ex tribu Dan aiunt Ecclesiæ traditionem videri, qui multi Patres in ea sunt sententia; vt Irenæus, Hippolytus, Cyrillus, Hieronymus, Augustinus, Ambrosius, Prosper, Gregorius, Rufinus, Theodoretus. Citant hos Patres Ribera hîc, & Pererius disput. 10. & lib. 14. in Daniele. Accedit, quod ex Apocalypseos interpretibus Andreas, Haymo, Beda, Richardus, Anselmus, Rupertus, & plures alij dicunt, prætermisam hîc esse tribum Dan in odium Antichristi. Atque hanc esse Spiritus sancti mentem in Apocalypsi, dum inter tribus non enumerat tribum Dan, inde probat Pererius; quia alioquin traditio illa Patrû de Antichristo ex tribu Dan futuro nullum haberet in sacris Literis fundamentum. Constat enim, duos alios locos, qui ad traditionem eandem confirmandam à nonnullis adducuntur, nihil ad eam rem facere: quia primus locus est Genes. 49. 17. *Fiat Dan coluber in via, cerastes in semita*, &c. quod omnino ad Sânsionem referendum est, vt docet Hieronymus. Alter locus est Ierem. 8. 16. *A Dan auditus est fremitus*. Vbi manifestè sermô est de Nabuchodonosore per Aquilonem in Iudæam inuadente.

In hac quæstione primùm noto, quam aliqui Ecclesiæ traditionem esse putant, videlicet Antichristum ex tribu Dan futurum, eam mihi nullo modo traditionem Ecclesiæ videri; sed solum aliquorum Doctorem opinionem. Nam tametsi aliqua sunt traditiones de rebus verissimis ad Christianam fidem spectantibus, quas non opus est in aliquo Scripturæ loco expressas haberi: hoc tamen caput de quo agimus, non tanti est, vt seorsum reuelatum fuisse credamus, & Ecclesiæ traditione conservari sine alio Scripturæ fundamento. Patet hoc: quia ipsimet, qui Antichristum ex tribu Dan fore asserunt, (vt ex eorum verbis colligitur,) in eo videntur niti, quod ita contineri credunt in aliquo ex prædictis Scripturæ locis. Vnde infertur eos nō hoc, vt Ecclesiæ traditionem, sed vt propriam ipsorum opinionem nobis proponere: ac proinde opinioni huic non plus inesse firmitatis, quàm quæ illi proueniat ex eo, quod in aliquo ex tribus prædictis locis id Scriptura innuat.

Secundò noto, Abulensem, & Oleastrum Genes. 49. valde dubitare, an Antichristus sit ex tribu Dan proditurus: quinimò Oleastrum apertè asserere hoc esse fabulosum. Longius tamen, quàm par erat, in hac censura progressus fuit. Nam vt opinio aliqua reputetur probabilis; satis est multos sapientes viros probabiliter existimasse, illam in aliqua Scripturæ parte fundari.

Tertio noto, quemadmodum Ribera ac Pererio affirmare licuit, neutrum ex prædictis locis (nempe Genes. 49. 17. & Ierem. 8. 16.) esse ad rem, vt probetur Antichristum ex tribu Dan nasciturum; sic etiam mihi dicere fas esse, quod certum existimo, in hoc scilicet Apocal. loco opinionem illam non posse solidè stabiliri. Nam, si agèda res est antiquorum Patrum auctoritatè asseuerantium Antichristum fore de tribu Dan; nullus ferè eorum hanc opinionem in Apocalypsi fulcit; sed alij in Geneseos, alij in Ierem. locis. Ex interpretibus verò Apocalypseos

**A** perpauci sunt, qui septimi capitis visionem ad Antichristi tempora censent reuocandam. Si autem ipsius contextus ratio ac vis attendatur; pro comperto mihi est, Ribera & Pererij expositionem minimè huius capitis contextui quadrare. Neq; enim agit de Antichristi sæculo, sed de prima illa Ecclesiæ ætate. Quod adeo certum est, vt ex ipsismet auctoribus, qui tribus Dan prætermisitionem ob Antichristi odium fuisse factam dicunt, multi arbitrentur, hanc visionem non ad Antichristi, sed ad primæ Ecclesiæ tempora pertinere. Si tamen hoc est minùs consequenter loqui, conferenda in me culpa non est: & illi ab ea eximi aliqua ex parte possunt, quod ad aliquorum Patrum opinionem adhæserint. Ceterum decernere sententiam illam in veteris Testamenti locis non posse conniti, ideoque in cap. 7. Apocalypseos esse fundandam; hoc inquam, nihil aliud est opinor, quàm nimium se credere singulari cuiuspiam declarationi, cuius coherentie apta ratio reddi non potest. Præsertim, cum in huiusmodi rebus verum omnino teneat illa D. Dionysij sententia; *Theologica symbolica, non est argumentatiua*. Nam ad illud comprobandum, quod ignoratur aliunde, nec contextus ad eius assertionem cogit; minimò conducit liber omnino symbolicus.

**Q**uartò, verisimile mihi sit huiusmodi opinionem, in vetustissima aliqua allegoria fuisse fundatam. Sæpè enim accidit, vt quod initio mysticè aut dictum fuit, aut depictum; postea accipiatur, ac si propriè ac simpliciter fuisset assertum. Idem iudicat Baronius euenisse in eo, quod vulgò credebatur de quadam virgine per diuum Georgium ab immani dracone liberatâ. Idem etiam videtur nonnullis, quod communi iam consensione receptum est de Gigantea diui Christophori statura. Quibus in rebus sapientes viri facillè se in modo loquendi ad communem conceptionem effingunt: in modo tamen sentiendi ad id, quod verius existimant, animum intendunt. Ita similiter suspicari mihi liceat, multos eorum, qui dicunt Antichristum & ipsius sectatores ex tribu Dan orituros, id tantùm affirmare velle, Antichristum & suos reprobandos; atque illis posse allegoricè applicari, quod dicitur Genes. 49. 17. *Fiat Dan coluber in via, cerastes in semita*, &c. & apud Ierem. 8. 16. *A Dan auditus est fremitus*. Si verò è contrario opponatur, non esse allegoricum Scripturæ sensum, qui in literali non innicitur; Respondeo, applicationes etiam & accommodationes dici solere allegorias. Et Ierem. saltem loci applicatio in sensu proprio stabiliri potest; si consideret, Nabuchodonosorem, ipsiusque exercitum fuisse figuram Antichristi & eius sectatorum. Atque ita noster Ribera ait, sanctum Irenæum allegoricè de Antichristo & socijs eius exposuisse, quod à Ieremia dicitur, *A Dan auditus est fremitus equorum*. Si ergo hoc est loqui allegoricè; quis non videat, allegoriam in merum ac proprium sensum transmutari: si inferatur inde, qui verba illa ad Antichristum applicant, eo ipso sentire, illum verè ac propriè fore ex tribu Dan? Idem dixerim de eo, quod nonnulli addunt, Antichristum videlicet Babylone nasciturum. Hoc enim inde habuit ortum, quod existimant Antichristum fuisse in Nabuchodonosore adumbratum. Ex quo si infertur illum Babylone exoriturum fuisse, non absimili ratione posse etiam elici, illum Nabuchodonosorem nuncupandum fuisse.

**Q**uintò, quod nonnulli autumant, in generali illa Iudæorum conuersione à diuo Paulo prædicta (ad Roman. 11. 26.) neminem ex tribu Dan Euangelicè prædicationi obsequuturum; id sanè nihil habere probabilitatis existimo. Nam Paulus generatim loquitur: *Donec plenitudo Gentium intraret, & sic omnis*

*Antichristum ex tribu Dan futurum, fore in antiqua aliqua allegoria fundari.*

*Applicationes etiam & accommodationes appellari interdum allegorias.*

*Num Antichristus sit Babylone nasciturus?*

*An verum sit, nullum ex tribu Dan sub mundi fine ad Christi conuersum iri?*

*Num Antichristus sit ex tribu Dan oriurus?*

*Aliorum opinio affirmantium, idq; in Ecclesiæ traditione fundatum.*

*Antichristum fore ex tribu Dan, non constare ex Ecclesiæ traditione.*

*Num Antichristus futurus sit ex tribu Dan, aliquos in dubium vocare.*

*In hoc Apocalypseos loco minimè fundari, Antichristum ex Dan oriturum.*



*Israel saluus fieret.* Cumque loquatur Apostolus de Iudaici populi cōuersione (sic enim Ecclesia semper intellexit) non inuenio, quo pacto solidè affirmari possit, ex integra nihilominus tribu nullū ad Christi fidem traductum iri. Agnouit hanc difficultatem Pererius: sed, ut illi Riberæ responsio non placet, ita nec mihi ipsius solutio arridet. Et verò opinionem hanc, quæ nullum ex tribu Dan esse conuertendum tradit, tum nouam, tum malè fundatam existimo. Quare qui in eo insistant, ut in cap. 7. Apocalypcos prætermissionem tribus Dan putent ad illud respicere, quod sub extrema Ecclesiæ tempora est euen-

**A** turum, ut consequenter procedant, deuorant ea, quæ neutiquam deberent concedere.

Sextò, si mihi indubitatum esset, Antichristum fore ex tribu Dan, & ex ea tribu susceptos illi contumaciter adhæsurus; satis esse putarem, si dicerem in Apocalypsi allusionem fieri ad ea, quæ extremis mundi temporibus euentura sunt, & hanc ad rem ea comparatione uti. In contextu tamè dicere nullo modo possem de Antichristo directè agi. Nam acoluthia & rerum consequentia à me exigit, ne dubitem in hoc capite 7. sermonem esse de Ecclesia primitiua, ut iam explicauimus.

## T E X T V S.

*Vers. 9.* Post hæc vidi turbam magnam, quam dinumerare nemo poterat ex omnibus gentibus & tribubus & populis & linguis; stantes ante thronum, & in conspectu Agni, amicti stolis albis, & palmæ in manibus eorum.

**10** Et clamabant voce magna dicentes; salus Deo nostro, qui sedet super thronum, & Agno.

## C O M M E N T A R I V S.

*Virum magnam hac turbam hac turbam eadem cum illis centum quadraginta signatorum millibus.*

**C** O M M V N I O R interpretatio statuere videtur, hanc magnam turbam, quam dinumerare nemo poterat, esse distinctam ac diuersam a centum quadraginta quatuor millibus signatis. Non tamen desunt, qui non distinguant; sed potius perspicue notent hanc magnam turbam esse eandem cum numero signatorum. Ita expressè Apringius atque Ticonius & Andreas etiam, ut infra constabit. Per turbam autem magnam Ambrosius intelligit beatos, qui Dei visione fruuntur. Atque eadem videtur esse expositio Ticonij & Bedæ; qui de electis omnibus hanc turbam interpretantur. Aureolus exponit de Gentibus tempore Constantini ad Christum conuersis. Lyrantus de Martyribus, qui sub Diocletiano Martyrij palmam reportarunt. Ioachimus de omnium ætatum Martyribus. Riberæ & Pererius de ijs, qui ex Gentibus sub extrematempora sunt ad Christi caulas congregandi; quos aiunt Ioanni visos in æterna iam beatitudine constitutos. Andreas exponit de veris Israelitis, secundum spiritum; in quo considerari videtur hæc turba magna non diuersa à centum quadraginta quatuor millibus. Nam huius præfiniti numeri germana expositio est de veris Israëlitis secundum spiritum, scilicet de primitiuis Christianis.

*Pars negans suadetur primò.*

Primò quidem aspectu necessarium apparet, ut hi centum quadraginta quatuor millia Israëlitarum à cetera turba innumerabili distinguantur; ut omnes fere interpretes distinguunt. Alij enim sunt ex filiis Israël; & alij ex omnibus Gentibus, & tribubus & populis & linguis. Et quanquam Actuum 2. num. 5. dicitur, *Erant autem in Ierusalem habitantes Iudæi viri religiosi ex omni natione, qua sub celo est;* huius tamen loci sensus, (ut ex ipso contextu planum fit,) est, Ierolymis tunc plurimos fuisse Iudæos, qui apud omnes mundi nationes nati erant; non verò ipsi erant ex omnibus tribubus & populis. Quippe evidens est, in orbe tunc permultos fuisse populos ac tribus, quæ ex meris Gentibus constabant. Si igitur centum quadraginta quatuor millia erant omnes ex tribubus Israël, & alia innumerabilis turba ex ceteris omnibus tribubus & populis & linguis; reliquum necessario est, alios & alijs esse distinctos. Secundò, alij sunt centum quadraginta quatuor millia, numerus videlicet certus ac præfinitus: alij turbam ita magnam comprehendunt, ut eam dinumerare nemo possit.

*Secundò.*

Tertio; Ioannes expressè videtur docere, fuisse diuersam visionem. Postquam enim vnus cuiusque tribus duodecim millia singulatim percurrit; mox subdit, *Post hæc vidi turbam magnam.* Quare si post designati numeri visionem reliquos innumerabiles aspexit; fieri non potest, ut vtrique sint prorsus iidem. Quarto, illi centum quadraginta quatuor millia erant periculo expositi, & ceteris quàm mox puniendis admitti: ideo enim signo illo notantur, ne plagæ sceleratis infligendæ eos perstringant. De turba autem magna id asseri neutiquam potest; utpote qui amicti erant stolis albis, id est, cælesti beatitudine perfruebantur, ut vidimus cap. 6. 11. *Data sunt illis singule stole alba:* palmas insuper victoriæ iam manibus tractabant, *Et palmæ in manibus eorum;* quod proprium est Beatorum. Adde huc, quod de ipsismet dicitur infra numero decimo septimo, *Absterget Deus omnem lachrymam ab oculis eorum.* Hoc autem ad beatitudinis statum proprie pertinere, patet infra, capit. vige simo primo, numer. quarto, vbi apertè sermo est de patriæ cælestis gloria, & in ea dicitur, *Absterget Deus omnem lachrymam,* &c.

*Tertio.*

*Quarto.*

*Affirmatiua tamen pars, ut verior, seligitur ex prolatum.*

Nihilominus mihi persuadeo, non solum in præcipuo sensu (de quo postea) sed etiam in ipsa figura, & representatione esse eandem omnino hominum multitudinem, quæ comprehensa fuit prius sub numero centum quadraginta quatuor millium Israelitarum; & mox appellatur turba magna, quam dinumerare nemo potest ex omnibus gentibus. Quod ut rectè percipiatur, notandum est, cum



A Ioannes illos nuncupat Israëlitas, non affirmare eos tunc à se ipso fuisse conſpectos; ſed tantum audiſſe ſe, numerum ſignatorum eſſe centum quadraginta quatuor millia; omneſque eſſe Iſraëlitas. Hoc itaque Ioanni fuit prius dictum; & mox illi monſtrata eſt innumerabilis ex cunctis gentibus multitudo. Quod meo iudicio ſignificat, cum ſibi fuiſſet prædictum ſignatos omnes eſſe Iſraëlitas, & duodecies mille è ſingulis tribubus; poſtea quando ſibi oſtenſi ſunt, quos prius audierat ſignari, vidiffe ſe innumeram turbam *ex omnibus Gentibus & tribubus, & populis & linguis*. Ex quo manifeſte colligitur, quod Ioannes eos omnes vocauerit Iſraëlitas, & ex ſingulis tribubus duodecim millia, non eſſe intelligendum vt verba ipſa ſonant; ſed vt aliquid myſterij plenum. Habemus ſimile quid, cap. 5. num. 5. vbi Ioanni dicitur, *Vicit leo de tribu Iuda*; & mox vbi conuertit oculos, videt Agnum ſtantem. Quo intellexit, Agnum illum eſſe leonem, de quo ſibi fuerat prædictum. Non aliter in præſenti, cum audiffet, antea ſignatorum numerum eſſe centum quadraginta quatuor millia Iſraëlitas, deinde videret maximam multitudinem ex omnibus gentibus & tribubus & populis; minimè dubitauit Ioannes, illam ipſam turbam innumeram ex omnibus gentibus & tribubus coactam eſſe eundemmet exercitum centum quadraginta quatuor millium Iſraëlitarum, quos prius ſignatos eſſe audierat.

B Hoc ſi ita intelligatur, plures facile diſſoluuntur difficultates; quæ ſeſe offerunt, ſi duplicem illam gentium multitudinem diſtinctam eſſe aſſeramus. Et ſanè fateor me ſatisfacere omnino non poſſe quæſtionibus, quæ in eâ mihi ſententiâ occurrunt. Nam primò, cur Ioanni non oſtenduntur centum quadraginta quatuor millia Iſraëlitæ; ſed tantum ei dicitur, eos eſſe ex tribuum ſingulis duodecies mille; cum tamen innumera illa gentium multitudo illius oculis cernenda proponatur? Quæſi verò ſatis eſſet, alios fama ſolum & auditione accipi; alios verò cerni & de facie agnoſci opus ſit. Deinde, cur non explicatur, an turba illa magna ſint etiam ſignati, ſicut Iſraëlitæ? Nam de Iſraëlitis id explicatè aſſeritur, & in tribubus ſingulis iteratur: de reliquis ne ſemel innuitur. Tertio, cur de Iſraëlitis nihil aliud dicitur, niſi eos eſſe ſignatos; idque vt paginam compleat tredecies repetitur: de ceteris verò dicuntur plurima; vt ipſorum palmæ, ſtolæ albæ, clamores & beneficia à Deo ſibi præſtita uſque ad finem capitis? Itane verò, tot ac tanta de alijs dicenda ſupererant; de alijs tantula, tamque pauca?

C Quarto, inter viſionem ſexti ſigilli, quæ terribiles continet minas, & inter ſeptimi repræſentationem, quæ grauiffima ſupplicia complectitur; nihil aliud potuit interſeri, niſi eorum designatio, qui ex plagis euafuri erant incolumes: caput ergo ſeptimum debet id vnum continere. Quorſum igitur, poſtquam de numero ſignatorum actum eſt, alia innumerabilis turba denuò additur; de quæ illa ita latè ac fuſè diſputatur? Certè quemadmodum aptiſſimus eſt & clariſſimus contextus, ſi innumera illa multitudo cum ſignatorum exercitu idem ſit, ita ſi diuerſa ſit ab illo, contextus ſeries difficillima manet explicatu. Agere enim de Martyribus, aut de Beatorum felicitate, minimè facit ad rem ante ſeptimi ſigilli repræſentationem. Namque ſexti & ſeptimi ſigillorum intercapedo, (præter hoc quod eſt designare illos, qui à plagis ſunt eripiendi, & eorum felicitatem in huiusmodi deliberatione depingere,) cetera omnia, vt minimè coherentia proſus excludit. Quintò denique, ſi certum eſt, vt oſtendimus, in numero centum quadraginta quatuor millium, tam Iſraëlitarum nomen, quam nomina Patriarcharum eſſe myſtica; quo pacto ab illis poteſt eſſe diuerſus cœtus ille innumerabilis? Præſertim cum euident ſit, innumeram etiam multitudinem ſpiritualium Iſraëlitarum dici verè poſſe ex omnibus gentibus, & tribubus, & populis.

D In noſtra verò explicatione, ſi ſemel ſtatuamus, eoſdem eſſe Iſraëlitas illos ſignatos cum infinita hac multitudine; facile mox cernitur non ſolum contextus conſequentia, ſed etiam admirabilis Spiritus ſancti ſapientia, & elegantia; quæ primam partem explicat per ſecundam. Quæſi dicat Ioannes, Ipſimet, qui mihi Iſraëlitæ eſſe dicti ſunt, non modò erant ex populo Iſraëlitico, ſed etiam ex cunctis nationibus: quare hinc animaduerti atque ad eò vidi, Iſraëlitarum nomen, ſicut in alijs Scripturæ locis, hic etiam myſticè & ſpiritualiter eſſe capiendum: quos verò audieram eſſe centum quadraginta quatuor millia (nempe duodecim millia de ſingulis tribubus) multò erant plures, & numeroſiores. Quauis enim primæ Eccleſiæ Chriſtiani, ſi cum infidelium multitudine comparantur, numerum non ita magnum conſtituant electorum; hic tamen præſinitus numerus, quantumſcunque ſit) excedit multis partibus numerum quadraginta quatuor millium. Quo ſuppoſito, conſtat protinus de elegantia atque energia huius diuiſionis; quæ auditum applicat ad præſcriptum illum ſignatorum numerum, viſum verò ad innumeram ex omnibus gentibus multitudinem. Ac ſi clariùs diceretur; Oculi quidem aſpiciunt, Chriſtianos ex cunctis nationibus, populis & tribubus quàm maximo numero eſſe coactos; fides autem docet, compleri in illis, quod Deus pollicitus fuit Abrahamo: docet inſuper in infinito hoc numero ſapientiſſimam eſſe diſpoſitionem, & proportionem congruentiſſimam ad Diuinæ prouidentię conſilium.

E Ex his iam nullius negotij eſt argumentis ſuperiùs pro oppoſita explicatione allatis ſatisfacere. Atque primi & ſecundi ſolutio facile conſtat ex dictis. Ad tertium reſpondetur; cum dicitur poſt hæc vidi turbam magnam, non ſignificatur id fuiſſe, poſtquam ſignatorum Iſraëlitarum numerum Ioannes vidit. Neque enim prædixerat à ſe illos fuiſſe viſos; ſed eorum tantum numerum auditum eſſe. Quare verba illa, poſt hæc, hoc tantum ſignificent neceſſe eſt; Poſtquam dictum mihi fuit Iſraëlitas eſſe numero centum quadraginta quatuor millia, oſtenſa eſt mox innumerabilis multitudo. Quod iuxta contextus ſeriem debet neceſſariò, ſignificare illam innumerabilem hominum frequentiam eſſe, cuius præſinitus numerus fuerat ſibi antea dictus. Vbi notandum eſt obiter, Ioannem non vidiffe ſignum illud in eorum frontibus imprimi: hoc enim ſi cerneret, diceret vtique. Id quod peculiare etiam ſignificationis habet myſterium; nimirum illud Dei viuens ſignum ab Spiritu ſancto ſpiritualiter fidelibus apponi.

Difficultates in oppoſita ſententiâ diſtinguente turbam magnam à 144. millibus.

Noſtra ſententia de vtriuſque multitudinis identitate probatur ex antecedentis & ſubſequentis capituli ſeris & coherentia.

Quo ſenſu dixerit Ioannes; Poſt hæc vidi turbam magnam, &c.

Occurritur argumentis pro oppoſita ſententiâ adductis. Ioannem non vidiffe corporeis oculis ſignum illud in ſignatorum frontibus impreſſum: idque cuius myſterij gratia.



A

Tranquillus  
spiritualium  
virovū sta-  
tus celesti  
beatitudini  
quodammo-  
do similis.

Stola alba  
quid in Bea-  
tis; quid por-  
to in spiri-  
tualibus viris  
significans.

Quid pal-  
ma eorum  
in manibus  
posita figu-  
rans.

Allusio in  
his palmis  
ad Hieroni-  
cas veie-  
rum certam-  
inum.

Difficultas  
ex ipso con-  
textu cōtra  
nostram ex-  
positionem.

Difficultas  
vim quo-  
modo alijs de-  
clinaverint.

Prima dif-  
ficultatis so-  
lutio.

Rom. 10.  
18. ex Psal.  
118. 5.

2. Solutio.

B

C

D

E

Ad quartum respondetur: vt significetur spiritualium virorum statum esse celestis beatitudinis similem in animi tranquillitate & conscientie nullius sibi sceleris conscie securitate & in exemptione à plagis, quibus peccatores puniuntur; ad hoc, inquam, expediens valde fuit de huiusmodi hominibus nonnulla affirmari, quæ ad Beatorum felicitatem propriè videntur conducere; cum eisdem tribuatur ab Scriptura & ab ipsa Apocalypsi. Huiusmodi est, illos stolis albis esse indutos, & Deum ab eorum oculis omnem abstergere lachrymam. Enimvero, cum eiusmodi elogia de spiritualibus hominibus in hac vita prædicentur per aliquam vitæ celestis imitationem; perspicuum est imitationem hanc nec perfectæ æqualitatis, nec vniocam esse debere; sed potius analogicæ participationis. Quapropter in Beatis stola alba significant veræ & absolutæ gloriæ vestem: in spiritualibus autem huius vitæ viris denotant veluti quandam illius gloriæ inchoationem; quod attinet ad animi tranquillitatem & securæ mentis lætitiā. Quod autem absterge sint lachrymæ eorum, qui in hac mortali vitā degunt, constat non id intelligendum esse de cunctis lachrymarum generibus; sed de eiusmodi lachrymis, quæ improborum propriæ sunt, & eorum, qui grauit & iniquo animo patiuntur huiusce vitæ labores; in quibus tamen spirituales viri gloriantur. Atque hæc etiam est Scripturæ phrasī. Nam verba illa *absterget Deus omnem lachrymam ab oculis eorum*, sumpta sunt ex illo Isaia loco capite vigesimo quinto, numer. octauo, *Asferet Deus lachrymam ab omni facie*, vbi literalis sensus est de ingenti spiritualium hominum in hac vita felicitate. Denique palmæ tribuuntur illis, qui adhuc in militaris Ecclesiæ campo & acie versantur; non ad perfectam & absolutam victoriam significandam, (cum hæc ad vitæ vsque exitum non consummetur,) sed quia propriè etiam appellari solent victoriæ, quas sancti viri in hac mortali vitā consequuntur: qui magnā pariter energiā dicuntur victoriam reportasse de quatuor illis hostibus, de quibus diximus capit. 6. notat. 3. id est de inordinato vitæ amore, de diuitiarum cupiditate, de inani hominum existimatione, & de proprio iudicio. Atque vt notauit Petrus Faber libro secundo Agniticon, capite duodecimo, in his palmis alluditur ad Hieronicas; cum victores illi veterum certaminum, quæ sacra vocabantur, victoriæ palmam ferebant: atqui planum est, illis in hac vitā deferri palmam.

Quod verò Petrus Faber existimat, in hoc Apocalypseo loco agi de palma, quam in cælo Deus tribuit Martyribus; id ex aliorum ille interpretatione desumpsit, quæ meo iudicio in præsentī non cohæret, propter ea, quæ suprà diximus.

EX OMNIBUS GENTIBUS ET TRIBVBS ET POPVLIS, &c. ] Fortè ex huiusmodi verbis existimabit aliquis posse sumi argumentum contra meam explicationem. Ipse enim assero in hoc capite directè agi de illis solum, qui Christiani erant, quando Deus septem plagis in Iudaici populi obstinatos animaduertit: cum autem Ierosolyma à Tito fuerit vastata quadragesimo anno ab Ecclesiæ Christianæ erectione; non videtur superfuisset tempus, vt aliqui iam fuissent conuersi ex omnibus gentibus & tribubus & populis & linguis. Hoc argumentum roboratur expeditione noui orbis, qui multis postea sæculis patefactus fuit. Præsertim quia vox illa *tribus* videtur exigere, nequa iam in toto orbe familia reperiretur, ex qua ad fidem nemo fuerit traductus.

Huius difficultatis vim fortasse vt declinarent, aliqui interpretes declarationem magnæ illius turbæ extenderunt ad eos omnes, qui æternam beatitudinem adepturi sunt; ita vt vniuersi in ea multitudine comprehendantur. Quare, si innumerabilis hic cœtus ex omnibus Ecclesiæ sæculis congregetur; videtur propriè etiam & strictè loquendo, nullus fore populus, nulla tribus, ex qua non aliquis æternam salutem consequatur. Ceterum contextus ipse non patitur de illis hic esse sermonem, qui nondum nati erant, quo tempore Deus septem plagis Iudaicum populum puniuit; quemadmodum nec de illis, qui iam è viuis excefferant. Nam manifestò sermo est de Dei seruis, qui signati fuerunt; quia cum improbis tunc plecendis commisti erant.

Ad argumentum verò respondeo primò, non opus esse, distributionem illam aded præse & strictè sumi, vt nullus in extremis orbis angulis populus supersit, ex quo non fuerit aliquis ad fidem conuersus. Neque enim necesse est ad has redigi angustias; vt verè intelligatur dixisse Paulus, *In omnem terram exiit sonus eorum, & in fines orbis terra verba eorum*. Certè si in vniuersalibus Scripturæ propositionibus, ad earum veritatem, huiusmodi requireretur distributio; verum non esset, quod dicitur Actuum 2. numer. quinto, *Erant autem in Ierosalem habitantes Iudei ex omni natione, quæ sub cælo est*. Mitius ergo huiusmodi loquutiones interpretandæ sunt iuxta communem loquendi phrasim; in quacum hyperbolicæ loquutionis species non sit, aliqua tamen hyperbole vsurpatur. Et quidem populorum multitudini, in quibus Euangelium fuerat disseminatum, tribuitur nomen totius orbis terræ, nationum omnium, populorum, ac tribuum.

Respondeo secundo, vt omitam Christianos iam tunc in aliquibus esse populis prouinciarum omnium, quæ Romano Imperio subiectæ erant; nec solum ex Iudæis, sed etiam ex Gentibus: vt omitam præterea Apostolorum aliquos suæ prædicationis fructum ad Indos & Æthiopas propagasse; vniuersitas illa tribuum, populorum ac linguarum denotat ex Christianæ Ecclesiæ & electorum congregatione nullam gentem, populum nullum, nullam tribum excludi: quicumque enim viuā fide in Christum crederet, cum protinus inter veros Israëlitas computari. Atque hanc existimo esse Ioannis mentem in hoc loco iuxta aliorum Scripturæ locorum sensum.

STANTES ANTE THRONVM ET IN CONSPECTV AGNT. ] *ὄντες πρὸς τὸ θρόνον, καὶ ὄντες πρὸς τὸ Ἀγνόν*, hoc est, coram throno & coram Agno. Et quanuis vis illius vocis *ὄντες πρὸς τὸ Ἀγνόν* non postulet, vt ipsi videant, sed solum vt videantur: qui tamen oculis constant, & in regis adstant conspectu; ipsius præsentia posse frui, quis dubitet? Vide Hester I. num. 10. vbi de septem Eunuchis, qui in conspectu Regis ministrabant. Agitur ergo de spiritualibus Israëlitis, vt de sacerdotali populo, qui fruitur præsentia omnipotentis

Dei,



A Dei, habentis suum thronum in Christianæ Ecclesiæ templo; qui quidem potuntur Christi conspectu itantis in throno: quippe qui hominum est aduocatus, & ipsorum ac Dei mediator. Sic enim supra explicauimus, quod dicitur cap. 5. 6. de Agno stante in medio throni. Felicitas hæc mystici Israël consistit in viua fide, quæ beatitudinis est initium; vt expressit Christus, *Hæc est autem vita æterna, vt cognoscant te Deum verum, & quem misisti Iesum Christum.* Consentit id, quod supra aduertimus, hic nimirum haberi sermonem de horum hominum felicitate per comparisonem ad felicitatem Beatorum, qui Dei conspectu fruuntur. Atqui manifestum est, qui perfruuntur Dei & Christi præsentia, ab ipsius providentia summopere eos protegi ac foueri.

*Felicitas mystici Israël, id est, Christiani populi, in quo sita sit.*

B AMICTI STOLIS ALBIS.] Tametsi Latini stolæ nomen peculiariter solent usurpare pro veste, quæ sceminarum propria erat: in sacris tamen non est hic familiaris vsus, sed vniuersæ stola nominatur talaris vestis & gloriosa. Vide Lucæ 20. 46. *Attendite à scribis, qui volunt ambulare in stolis, & amant salutationes in foro.* Vide etiam stolam Hesther 6. num. 10. & stolam gloria Ecclesiastici 6. 30. & cap. 5. & stolam sanctam, cap. 45. 12. item stolam nouam, Iudith 16. 10. & stolam primam, Lucæ 15. 22. Quod verò de stolis albis dicitur, ad sacerdotales stolas (de quibus mentio sæpè fit in sacra Scriptura) videtur referendum; quæ sunt potiores byssinæ. Agitur enim de mystico Israele, vt de sacerdotali populo, qui ante Deum in eius templo adit. Atque ad huiusmodi allusionem vestium sacerdotium lucem affert, quod dicitur infra numero decimoquarto, & decimoquinto, *Lauerunt stolas suas, & dealbauerunt eas in sanguine Agni: ideo sunt ante thronum Dei, & seruiunt ei die ac nocte in templo eius.* Huic vesti in cælo respondet stola gloriæ, quæ calitum propria est. Vide Marci decimosexto, numero quinto, *Angelum coopertum stola candida.* Quæ stolæ significatio (scilicet vt sumatur pro stola sacerdotali) recepta est etiam apud Latinos. Sic enim stolæ nomen accipit Apuleius libro vltimo Metamorph.

*Stola quid sit, & in qua acceptione in sacris usurpetur.*

*Stola pro sacerdotali veste.*

C Aptissima ergo est in præsentis significatio stolæ, quam docet Gregorius Magnus Marci vltimo: vbi ait, in vestibus albis significari gaudium & solennitatem mentis. Quod idem est ac dicere, spirituales viros lætos semper atque hilares degere; vt qui à mundanorum plagis liberi & securi sunt. In hac insuper lætitia includitur bonæ conscientie puritas & candor, in quo vera lætitia innititur: propterea quòd se lauerit sanguine Agni, & candorem illum diuino auxilio retinuerit. Sic enim explicatur paulò infra, *lauerunt stolas suas, & dealbauerunt eas in sanguine Agni.*

*Stola cuius rei symbolum.*

D Non tamen desunt, qui existiment, apponi album in hoc loco improprie pro splendenti purpureo; & dealbare, pro mundare aut splendidum facere. Ita Petrus Faber in Agonistico, libro secundo, capite duodecimo, & vigesimoquinto. Probat primò ex vetusto Glossario Græcolatino. Secundò, ex sanguinis colore, cum dicitur, *dealbauerunt eas in sanguine.* Quomodo enim in sanguine, si dealbare proprie accipitur? Tertio, quia existimat alludi ad Hieronicarum vestes (id est victorum sacri certaminis) quas constat non fuisse albas; aut alludi potius ad triumphantium vestes; quas purpureas fuisse certum est. Nam de purpura ait Plinius libro nono, capite trigesimosexto, *In triumphali miscetur auro.* Quartò, nam λεῦκον, apud Græcos sæpè idem est, quod limpidum; vt patet ex thesauro Græco. Vnde aqua, fluuius, ver, ætas, sermo, versus, omnia appellantur λεῦκα, id est alba; ad munditiam, claritatem, & splendorem indicanda. Quintò probat, quia vestis, qua remissus est Christus ab Herode ad Pilatum vocatur, à nostro interprete alba, Lucæ 23. num. 11. Græcè autem appellatur λαμπρά, id est splendida; Syriacè autem coccinea. Sextò denique, quia aliquando purpureus non colorem dicit, sed splendorem: ceteroquin nunquam diceretur purpureus cygnus: ergo similiter accipi potest albus.

*Virum hic album pro splendenti purpureo, an pro candido sumatur? Opinio Petri Fabri accipientis pro splendenti purpureo.*

E Hæc tamen minimè obstant, quominus coactum valde esse putem, dici album de veste purpurea. Quare, quod ad representationem attinet, omnino assero sermonem esse de proprio colore albo; imò verò de valde albo, atque adeò candido. Vt autem hoc stabiliatur, nihil aliud opus est, quam ad argumenta noui huius inuenti respondere. Per se enim notum est, album opponi purpureo. Præcipue cum in his albis stolis (vt vidimus) sit allusio manifesta ad sacerdotales stolas byssinas. Deinde ad explicandam animæ sanctificationem ac puritatem conscientie evidens est colorem album, vt opponitur purpureo, in sacra Scriptura vsurpari, Iliæ 1. 18. *Si fuerint peccata vestra vt coccinum, quasi nix dealbabitur: etsi fuerint rubra quasi vermiculus, velut lana alba erunt.* Hunc ergo vestium alborem tribuit Scriptura tanquam causæ sanguini Christi. Vnde 1. Ioannis 1. 7. *Sanguis Christi emundat nos ab omni peccato.* Huc spectat, quòd vestis Christi in transfiguratione facta est alba quasi nix ex Christi luce admirabili: & quam in Christi veste mutationem fecit lux, eadem consideratur fieri ab ipso Christo in mystica ipsius seruorum veste.

*Vera tamen statuitur sententia explicans de albo proprio sumpto.*

Vt ergo ad argumenta respondeam, ad primum dico, Glossarium illud non esse diui Ioannis; quare nihil me de illo laborare. Ad secundum; fateor naturalem non esse infectum siue tincturam, quòd sanguis dealbet; ideoque apponi vt rem admirabilem, illud quod maculam aspersurum videbatur, cam potius eluere, & candorem & splendorem afferre. Et fortassis consideratur hic sanguis Agni instar saponis efficacissimi, qui maculas omnes ac sordes penitus abstergeat. Ad tertium respondeo; si nusquam in toto terrarum orbe vestis alba fuit victoriæ atq; triumphi insigne; at in Scripturæ vsu ita accipi citra cōtrouersiam est; siquidem Apocalypsis 3. 5. dicitur, *Qui vicerit, sic vestietur vestibus.* Ad quartum respondeo, nullum adduci exemplum, ex quo appareat λεῦκον, appellari eam vestem, quæ non sit alba. Ad quintum, dicerem potius in Syriaco poni coccinum pro candido (sicut purpureum in cygno) quam album in Vulgata pro coccino contra omnem consuetudinem. Præsertim cum ibi Græcè non sit, λεῦκον. Ad sextum; forsan in eo exemplo purpureum ponitur pro regio. Aut forte reperitur color aliquis in quibusdam rebus nimis candidus, cui aliqua insit purpurei species atque reflexio: vt de pretiosissimis margaritis perhibent, videri illis rubram inesse animam. Aut si aliquando purpuream ponitur pro candido; nunquam tamen album pro purpureo sumitur; quando nullum hac de re exemplum ostenditur.

*Argumentis Petri Fabri sit satis.*



Quenam  
sit victoria  
per has pal-  
mas signi-  
ficata?

Obiectio cō-  
tra nostram  
de albis sto-  
lis significa-  
tione; eiusq;  
solutio.

Vers. 10.  
Qua gra-  
tiarum actio  
sit, salus  
Deo no-  
stro.

ET PALMAE IN MANIBVS EORVM. ] Dixi per palmas significari victoriam; siue al-  
ludatur ad sacri agonis victores, siue ad palmas, quæ in templo erant exsculptæ multis in locis cum  
eâdem victoriæ significatione. Victoria ergo, quam istæ palmæ adumbrant, est illa ipsa, quæ eisdem  
veris Israëlitis tribuitur cap. 15. 2. vbi de illis dicitur, *Vicerunt bestiam & imaginem eius & numerum nominis  
eius*. Atqui vt aliàs admonui, in nostra declaratione non de ijs agitur, qui Deo iam fruuntur in calo;  
sed de spiritalibus Israëlitis, qui per Dei gratiam in hac vita victoriam de suis appetitionibus re-  
portariunt.

Sed aliquis mihi obiiciet Augustinum sermone 11. de sanctis, & Gregorium homil. 17. in Eze-  
chielem; qui manifestè exponunt hanc palmam de palma martyrij. Quibus concinit Ecclesia in  
communi hymno ad matutinarum horarum calcem subiecto; vbi Martyrum cœtus nuncupatur  
candidatus Martyrum exercitus. Respondeo, non semper in hymnis atque concionibus attendi  
literalem ac proprium sensum eorum verborum, quæ ex Scriptura acceruntur. Sæpè enim suffi-  
cit in aliquo probabili sensu aut bona accomodatione accipi. Nec tamen ipse inficior Martyres  
ex eorum esse numero, quos Ioannes candidatos cum palmis aspexit: quin imò assero illos à Ioan-  
ne cum palmis fuisse viſos; etiam antequam pro Christo fortiter occumberent: & omnes etiam  
primitiuos Christianos possumus quodammodo Martyres appellare. Nam iuxta diuum Cypria-  
num Martyres dici possunt, quotquot legibus per ethnicos Principes latis pro Christi fide damna-  
bantur; & primitiua tota Ecclesia animo ac desiderio martyrij palmam conſequebatur. Tantusque  
erat eorum numerus, qui martyrium pro Christi fide re ipsa patiebantur; vt meritò dici possit,  
hanc fuisse in primis Ecclesiæ primitiua professionem, vt pro Catholica fide vitam cum san-  
guine profunderet. Quamobrem antequam emoriantur, non iniuriâ cum palmis depingun-  
tur.

ET CLAMABANT VOCE MAGNA DICENTES, SALVS DEO NOSTRO, QVI SEDET SVPER  
THRONVM ET AGNO. ] Qui spiritali libertate fruuntur, & se vident ab improborum plagis  
tutos atque securos, iure optimo clamant; id est, magno affectu, & iugenti grati animi significatio-  
ne Deo & Christo gratias agunt. *Salus*, Græcè σωτηρία, quæ vox aptissima est ad significandam libe-  
rationem ipsam & immunitatem à plagis, quibus rebelles Iudæi plecebantur. Dicere autem, *Salus  
Deo, & Agno*, est agnoscere singulare fuisse Dei & Christi beneficium in ipsos collatum; quodd eos  
sponte sua æternæ vitæ notâ signauerant, vt & plagas improborum deuitarent, & fælicitate illâ,  
quam habebant, perfruerentur.

## T E X T V S.

Vers. 11. Et omnes Angeli stabant in circuitu throni & seniorum & quatuor  
animalium; & ceciderunt in conspectu throni in facies suas, & adoraue-  
runt Deum.

12. Dicentes, Amen. Benedictio & claritas & sapientia & gratiarum actio,  
honor, virtus, fortitudo Deo nostro in sæcula sæculorum, Amen.

## C O M M E N T A R I V S.

OMNIA ferè, quæ hic essent dicenda, dicta iam sunt cap. 5. vers. 11. & 12. Ibi enim depicti etiam  
sunt Angeli in circuitu throni & seniorum & animalium. Et utrobique hymnus, quem Angeli  
concinnant, septem constat laudibus: cum hoc tamen discrimine, quia ibi canticum illud Christo in-  
tonuerunt; hic verò æterno Patri. Quo edocemur, in Dei prouidentia, necnon brachij ipsius, id est,  
Christi Domini, splendescere septem perfectissimæ prouidentia spiritus.

Non defuit, qui huius loci laudes non septem, sed octo esse arbitraretur: quodd vocem illam *Amen*,  
accipere voluerit quasi peculiarem laudem, quæ cum reliquis octonarium numerum conficeret.  
Contra hoc tamen est, quia textus ipse in ipsa distinctionis ratione nos perspicuè admonet, verbum  
illud *Amen*, quod est in hymni initio ac fine, sumendum esse non vt peculiarem laudem, quæ Deo  
deferatur; sed vt maximam eorum omnium, quæ continentur in hymno, asseuerationem. Atque  
huius loci proportio & conuenientia cum illo capit. 5. dilucidè ostendit laudes hic etiam septem fo-  
re, sicut in capite quinto. Porro de vocis, *Amen*, significatione & energiâ lectorem remitto ad ca.  
quæ doctè conscribit Caninius de locis Hebraicis, cap. 5. Illud addiderim, magnam rei alicuius as-  
seuerationem suam propriè habere locum in ijs, quæ cum vera maximè sint, veri tamen speciem  
non habent. Hac enim ratione accidit in eo, quod hymnus hic continet; videlicet septem Diuinæ  
prouidentia spirituum perfectionem infinitam elucere in eximijs beneficijs, quibus Deus primæ-  
uos illos Christianos afficiebat; cum eos sui spiritus signo notabat, & hoc modo à plagis rebellium  
Iudæorum cœtui imminentibus eripiebat. Ratio enim ac modus eos liberandi erat eiusmodi, vt eos  
ad Crucifixi fidem transmitteret, & falsæ hominum existimationis, fortunarum ac vitæ ipsius con-  
temptum illis inderet; sicque suæ patientia clarissimum præberet exemplum, dum permittebat  
suos à Iudæis contumacibus vexari atque mactari; & graues etiam proponeret comminationes sce-

leratis

Virum lan-  
des hic ab  
Angelis Deo  
decantata,  
sint septem,  
an octo?  
Septem non  
amplius esse  
statuitur.



leratis hominibus per ea ipsa, quæ iusti ab illis patiuntur. Vnde clare Angeli perspiciebant, quàm graui & acerba supplicia in peccatores erant fulminanda. Quare in hac signatorum liberatione ab ijs plagarum ictibus, quibus percutiendi erant scelerati, effulgebat quidquid in septem sigillorum repræsentatione continetur; vt latiùs explicatum est c. 5. & 6.

Rogabit aliquis, quid causæ sit, cur in hoc potiùs hymno, quàm in ipso, quem Angeli ipsi concinuerunt Christo, addatur modò *Amen*, tam in principio quàm in fine? Respondeo, vehementi hac asseueratione fortè significari maiorem penetrationem, maioremque admirationem: vt nouerimus ipsosmet Angelos eadem successione ac progressu rerum, quæ in Christiana Ecclesia accidebant, magis magisque comperisse admirabiles Christi passionis effectus; & quò plus agnoscebant, & assequebantur, eò plus in profundæ huius sapientiæ cognitione, & Dei consiliorum admiratione profecisse. Angelos enim ipsis Ecclesiæ euētibus in Dei sapientiæ notione maiores fecisse progressus apertè docet Paulus ad Ephes. 3. 10. cum ait, *Vt innotescat principatibus & potestatibus in caelestibus per Ecclesiam multiformis sapientia Dei*, quem locum suprà iam exposuimus.

*Cur hic sub  
laudum finis  
addatur,  
Amen?*

## TEXTVS.

*Vers. 13.* Et respondit vnus de senioribus, & dixit mihi; Hi, qui amicti sunt stolis albis, qui sunt, & vnde venerunt?

*14.* Et dixi illi, Domine mi tu scis. Et dixit mihi; Hi sunt, qui venerunt de tribulatione magna, & lauerunt stolas suas, & dealbauerunt eas in sanguine Agni.

## COMMENTARIVS.

**Q**Uæ cum alio colloqui incipit, Hebraicâ phrasi dicitur illi respondere. Itaque interrogatio appellatur responsio Atque interrogatio hæc vnius è senioribus eò solù tendere videtur, vt hæc repræsentatio sese accomoderet ad eorum, qui aliquid docent, consuetudinē: qui, vt attentius excipiantur sua doctrina, ab aliqua interrogatione principium ducere solent. Quòd verò vnus de senioribus Ioannē instruat, similem habet difficultatem, nec dissimilem solutionem, atque illud cap. 5. 5. *Vnus de senioribus dixit mihi, Ne fleueris, Ecce vicit leo de tribu Iuda.* Videantur, quæ ibidem diximus. Quibus addo insuper, in hoc etiam loco, mihi pro certo esse, ideo vnum de senioribus induci, qui Ioannem instruat; quia diuus Lucas (qui seniorum erat vnus, vt suprà notauimus) conscripsit librum de Apostolorum actibus; in quo continetur noui Israelis, id est Christianæ Ecclesiæ fundatio; in eaque historia narrat, ad hunc nouum Israelem cooptari quotquot ex Gentium superstitione ad veram Christi religionem transferebantur; ita vt Gentiles ad Christum versi inter veros etiam Israelitas numerarentur. Narrat insuper Iudæis & Gentibus ab Spiritu sancto gratiam copiosè suppeditari, eiusque auxilio signari, & eximi ab improborum supplicijs; ac valde roborari, vt si opus esset, pro Christo vitam libenter amitterent, & de mundo triumpharent. Itaque verissimè dicitur diuus Lucas in Apostolorum actibus docere, veros esse Israelitas designatos eos omnes, qui ad Christi religionem sese intimo cordis affectu applicabant, siue Iudæi essent siue Gentiles; quàm plurimosque esse, qui Apostolorum cohortationibus ad veram salutis semitam dirigebantur.

**HIS VNT, QUI VENERVNT DE TRIBVLATIONE MAGNA.** ] Græcè duplex est articulus tam in tribulatione, quàm in magna. Fortassis per allusionem ad Aegypti captiuitatem ac seruitutem. Aegypti enim nomen sonat angustias; & quæ sequuntur verba compellunt, vt huiusmodi tribulatio sit peccati captiuitas, & exulceratæ conscientiae infelicitas. Nam hæc est magna illa tribulatio, ex qua euadunt illi, qui ad Christum viua fide perfugiunt: atque in hac seruitute clauditur miserabilis subiectio inordinato vitæ & fortunarum amor, vanæ hominum existimationi, & proprii iudicii cæcitati. Quapropter mox sequitur, lauisse eos stolas suas in sanguine Agni, id est e misera illa seruitute, qua tenebantur oppressi, ad latissimam bonæ conscientiae felicitatem transgredi; & à dæmonis captiuitate ad virorum sacerdotalium numerum, qui iustitiæ indumentis ornati Deo in eius templo ministrant. Vide quæ suprà diximus de stolis albis in hoc capite n. 9. & c. 3. 5.

*Respondere  
quid sit in  
Hebraica  
phrasi.*

*Vnum hunc  
è senioribus  
eundem esse,  
de quo cap.  
5. 5.  
Cur hoc po-  
tissimè in  
loco vnus è  
senioribus  
Ioannem  
instruat.*

*Vers. 14.  
Qui dicantur  
ex magna  
venisse  
tribulatione.*



## T E X T V S.

*Vers. 15.* Ideo sunt ante thronum Dei, & seruiunt ei die ac nocte in templo eius: & qui sedet in throno, habitabit super illos.

16. Non esurient, neque sitient amplius; nec cadet super illos sol, nec ullus æstus.

17. Quoniam Agnus, qui in medio throni est, reget illos, & deducet eos ad vitæ fontes aquarum: & absterget Deus omnem lachrymam ab oculis eorum.

## C O M M E N T A R I V S.

B

**I**DEO SVNT ANTE THRONVM DEI. ] Legantur, quæ suprà diximus nu. 9. circa illa verba *stantes ante thronum*. Et aduerte quod ex contextu colligitur, magnam scilicet sanctitatem, quam Christi sanguis Christiano populo largè effuseque donat; esse causam, cur strenui Christi cultores efficiantur sacerdotalis populus Deo tantopere charus, vt ipsum in suo templo dies noctesque cultu ac veneratione prosequantur in spiritu & veritate; eiusque fruantur præsentia, quod cælestis beatitudinis imaginem adumbrat.

*Habitare  
Deus super  
suos, quo  
sensu dica-  
tur.  
Ad Eucha-  
ristiam aptè  
referri.*

ET QUI SEDET IN THRONO, HABITABIT SVPER ILLOS. ] Particula *super* potest significare idè quod inter: quod innuit Deum inter Christianos degere, quasi eis vicinum ac proximum, qui propriam apud eos sedem ac domicilium fixerit. Atque hæc loquutio alijs in locis familiaris est Scripturæ; & congruenter ad sacrosanctam Christi corporis Eucharistiam, necnon ad Dei in suos patrociniū ac protectionem applicatur. Deinde, *super illos*, hîc esse potest idem, quod apud illos; in eo sensu, quem expressit Christus Ioannis 14. 3. *Mansionem apud eum faciemus*. Si igitur aduertatur hunc esse germanum sensum, protinus cernitur energia illius vocis *super*, quæ denotat Deum inter eos, siue apud eos degere, eos tuendo ac protegendo. Vide Isaia 12. 6. *Quia magnus in medio tui sanctus Israel*. Hebraicè *in interiori tuo*. lege totum caput.

*Vers. 16.*

NON ESURIENT, NEQVE SITIENT AMPLIVS, NEQVE CADET SVPER ILLOS SOL, NEC VLLVS ÆSTVS. ] Petrus Faber in Agonistico l. 2. & l. 3. opinatur in his verbis ad Hieroniarum emeritorum præmiū respici. Id tamen non ille mihi persuadet. Illud in primis est certum, hæc verba desumpta esse ex Isaia c. 49. 10. vbi manifestè est sermo de Gentibus etiam ad Christum conuersis: & verba sunt prorsus eadem; *Non esurient, neque sitient, & non percutiet eos æstus & sol*. Sermo autem est de cupiditatis fame ac siti, & de æstu luxuriæ atque inuidiæ. Vide c. 16. 8. *Quartus Angelus effudit phialam suam; & datum est ei, æstu affligere homines & igne*. Scio æstum ab Andrea referri ad huius vitæ molestias. Aptius tamen de tentationibus explicatur: atque ea est Ambrosij expositio.

*Allusio ad  
Isaia c. 49.  
De qua fa-  
me ac siti  
hic sermo  
fit.*

*Vers. 17.  
Regere hîc  
idem, quod  
pascere.*

QVONIAM, QUI IN MEDIO THRONI EST, REGET ILLOS; ET DEDVCET EOS AD VITÆ FONTES AQV ARVM. ] Quid significet Agnum esse in medio throni, diximus suprà c. 5. 6. Quod verò additur, *reget eos*, idem est, quod eos pascet, vt patet ex verbo Græco, *ποιμαίνω*. Allusio autem perspicua est ad Psal. 22. quo confirmatur non agi hîc de cælestis patriæ felicitate; quia sequitur in eodem Psalmo n. 4. *Nam & si ambulauero in medio vmbra mortis, non timebo mala*. Ad quem etiam Psalmum respexit Isaia loco allato: subdit enim, *Quia miserator eorum reget eos, & ad fontes aquarum potabit eos*. Quod est agere de Dei seruis sub ouium metaphora, quas pastor Christus pabulis vberimis pascit, & limpidissimis fontibus potat, mollique aura, & vmbrosis arborum folijs opacat. Porro in hoc loco pro vitæ fontibus quædam Græca sonant *viuosi fontes*. Sed significantius est, *vita fontes*; id est fontes vitales aquæ & gratiæ. Sensus autem huius Metaphoræ in pastu & potione est de mirifico Ecclesiæ Sacramentorum fructu, de sacrarum Scripturarum solatio, & de mysteriorum fidei contemplatione; quæ famem explent, sitimque extinguunt cupiditatum huius vitæ bonis inhiantium; & lenis diuini spiritus aura, atque vmbra Dei protectionis & optimorum exemplorum arcet luxuriæ, inuidiæ, & ceterarum animi appetitionum æstus. Hæc etiam pratorum spiritualium pastio complectitur solidarū virtutum & viuæ in Christum fidei exercitationem. Vide Psal. 22. *Deduxit me super semitas Iustitiæ*.

C

D

*Quo sensu  
dicatur De-  
us absterge-  
re lachry-  
mas à suo-  
rum oculis.*

ET ABSTERGET DEVS OMNEM LACHRYMAM AB OCVLIS EORVM. ] Hoc, vt iam admonui, ex Isaia cap. 25. 8. desumptum est: & in eodem hîc sensu accipitur, atque apud Isaia: Deum scilicet spiritualibus Ecclesiæ Christianæ hominibus abstergere lachrymas, quas huius vitæ laborum atque ærumnarum sensus expresserat; illisque gratiam donare vt in ipsis calamitatibus glorientur; eos etiam fletus comprimere, & exsiccare, quos deprauatæ conscientiæ stimuli solent adducere; & impetratæ veniæ spe confirmare. Quorum vtrumque maximæ est felicitatis argumentum, & quædam cælestis beatitudinis imago. Ideoque hæc eadem verba applicat Ioannes perfectissimo felicitatis æternæ solatio c. 21. 4. Verum, quod verba isthæc exponantur ibi de cælestis gloriæ lætitia, nihil obest, quominus hîc etiam ad spiritualium virorum in hac vita consolationem eleganter applicentur: vt explicauimus suprà in commentario versus noni.

E

*Prædicta  
signatorum  
doctrina ad  
religiosos  
applicatur.  
Religi-  
osa  
vita enco-  
mum.*

Omnia, quæ hætenus diximus, appositè deferuiunt, vt illis admirabilis declaretur effectio signi uiuentis Dei, quo veri Israelitæ signati plagarū icus effugiunt, quibus seuerissimè plectit Deus spiritalē Aegyptum, id est, inimicos crucis Christi. Sed tamen contextus singulatim de primitiuis Christianis agit, de quibus plagis Iudaico populo illatis; hæc tamen doctrina generalis est, potestque congruenter ad statum præcipue religiosorum applicari. Illi enim appellari possunt vel maxime populus electus

(ad



(ad sæcularium distinctionem) & Spiritus sancti notâ signatus: illi insuper sunt, qui fruuntur potissimum sacrosancti Christi corporis præsentia in Eucharistia & singulari Dei ipsius patrocinio: illi; qui dies noctesque in templo ante Deum assistunt: illi denique, qui ingentem vitarum tribulationem, quam à secularibus complures patiuntur miserrimè, iuxta illud Pauli de coniugibus dictum, *Tribulationem carnis habebunt huiusmodi*. Quod si probi etiam homines coniugio addicti tribulationis non erunt expertes; quid mundo generatim futurum putamus?

Demum obserua verbo illi, *seruiunt*, græcè respondere, *λατρεύουσιν*, quod significat diuinum cultum: id autem in religiosis hominibus præsertim verum ostenditur; qui diu noctuque se totos diuino cultui dicant & consecrant. Quidquid enim superiorum, atque ad eum Dei ipsius obedientiam præstatur, religionis & diuini cultus proprium efficitur. Præterea *Non esurient, neque sitient*. neque enim aut cupiditas, aut ambitio in Religione regnat: nec concupiscentiæ ardor sentitur; singulari Dei & Agni beneficio. Postremo, etsi non habitus (quod aiunt) sed religiosi mores Monachum informant; non tamen dubium est, quin sacrarum Religionum institutio fuit caeleste inuentum; ut in hac vita homines, non adumbratam modò, sed expressam beatitudinis habeant imaginem, & facilius ac securius Christianæ religionis ac professionis præstantiâ, dignitateque fruantur.

Religiosos die ac nocte diuino cultui esse addictos. Religiosa vita quàm longè à cupiditatem sit esse debet.

## NOTATIO V.

*In qua proponitur suspicio quadam de numero centum quadraginta quatuor millium (quem ponit Apocalypsis c. 7. & 14.) & de illa iudicium fertur.*

**N**ON NEMO suspicatus est numero illo (centum quadraginta quatuor millia) designari paucas admodum personas; sed tantæ virtutis singulas, ut quilibet earum pro mille viris debeat computari. Huic verò suspicioni ut aliquam verisimilitudinem conciliaret, præmittebat nonnulla. Et in primis minimè opus esse, ut centum quadraginta quatuor millia signati (de quibus dictum est Ioanni) sint idem cum turba magna quam dinumerare nemo poterat. Quia potius nostra sententia (quæ virosque facit eosdem) videtur vix posse notam nouitatis effugere. Si autem supponatur, illos centum quadraginta quatuor millia signatos, esse ex populo Israel secundum carnem; turbam verò innumerabilem esse ex Gentilitate: cum vel ex nostra acoluthia constet, non agi in capite septimo de alijs Israelitis, quàm de illis, qui fidem Christi receperant, antequam plagarum tubæ aduersus rebelles Iudæos concreparet. Ex hoc ipso colligi videtur numerum illum (centum quadraginta quatuor millium signatorum) non debere accipi pro numero adeò, ac sonat, magno. Quia numerus eorum, qui Christo nomen dederant, priusquam plagæ illæ aduersus rebelles Iudæos immitterentur, non videtur fuisse adeò magnus.

Imò verò apparet signatorum numerum fortasse non debere extendi ad eos omnes, qui illo tempore fidem Christi receperant. Quia signum Spiritus sancti (ut constat ex alijs sacræ Scripturæ locis) continet adeò magnam sanctitatis & donorum Spiritus sancti excellentiam; ut ij solum videantur inter signatos recensendi, qui primitias Spiritus acceperunt, ad fidem Christi prædicandam & propagandam. Hos verò eximios prædicatores, nemo dicit fuisse exercitum adeò numerosum; sed potius pusillum gregem. Singuli enim Apostoli videntur pauculos quosdam discipulos prædicationis Evangelicæ socios sibi adiunxisse (quemadmodum de Iacobo Hispaniarum patrono compertum est: & atque illi numero quidem pauci, sed virtute & sanctitate admirandi, à Deo confortati, susceperunt atque partrant egregium illud facinus subiiciendi scilicet Evangelio, primum decimam Iudæorum partem, deinde ex Gentibus vniuersum orbem Romanum, & ceteras quoque nationes.

Ad hæc ad numerum centum quadraginta quatuor millium propius accedendo, notat prædicta suspicio, paucos illos discipulos, quos sibi socios adiunxerunt Apostoli, aptè appellari posse duodecim duodenarios. Quia quanuis non constet præcisè de singulorum manipulorum numero; neque verisimile sit fuisse in singulis duodenarium: nihilominus,

ut significantur Apostoli singuli paucos sibi discipulos adsciuisse, quemadmodum Christus paucos sibi assumpsit Apostolos; aptè singulorum cunei siue decuriæ in duodenario figurantur. Sic enim, quemadmodum Christus suos Apostolos appellauit pusillum gregem, cum essent personæ duodecim; non aliter ex æquali electorum discipulorum numero, qui singulis Apostolis tribuantur, constituuntur duodecim manipuli, siue pusilli greges, ad mundum subiugandum destinati. Atque ea ratione conuenienter satis omnium Apostolorum discipuli reuocantur ad numerum ceterum quadraginta quatuor; quia duodecies duodecim constituunt centum quadraginta quatuor. Neque hoc est præstitueri singulos manipulos verè fuisse duodenarios: sed solum eis duodenarii nomen, Apostolici collegij instar aptè tribui: eo quod sint pauci numero, & singuli in fortissimos & fortunatissimos duces electi.

**D** Mox verò ut innuatur, eos ipsos, qui adeò pauci erant, perfecturos id quod præstari non posse videbatur, nisi ab ingenti exercitu; significantissima videtur esse phrasis, si supra dicti centum quadraginta quatuor viri appellentur centum quadraginta quatuor millia. Quod non est aliud, quàm aliter singulos eorum esse instar virorum mille, quod possint singuli pro mille operari. Quæ loquendi ratione alludi videtur ad id Isaia 60. 22. *Minimus erit in mille, & paruulus in gentem fortissimam*. Quæ verba, quanuis fere ad Chiliarchorum munus referri soleant, ut sensus sit singulos fore tribunos, & militibus mille præfuturos; multò tamen significantior erit locus, si de singulorum virtute agat; eamque eiusmodi esse confirmet, ut singuli meritò pro mille reputentur. Cui significationi congruentissimè deseruit illa phrasis, *in mille, in gentem fortissimam*. Nam eâ ipsâ phrasi dicitur Ieremias 1. nu. 18. *Ego dedi te in ciuitatem munitam, & in columnam ferream, & in murum æneum*, & cap. 15. nu. 20. *Dabo te in murum æneum fortem*. Atque illa ipsa recepta expositio (quæ, cum dicitur *minimus erit in mille*, intelligit singulos fore Chiliarchos) eodem recidet; si animaduertatur, eum effici Chiliarchum, cui virtus de celo tribuitur, ut mille animas Christo lucretur; quod est eas in Christo gignere, ac earum esse patrè. sic enim ex vno sũt mille. In spirituali autem filiorum generatione, qui per Dei gratiam vnus integri regni fuit pater in Christo, id est, qui integrum regnum potuit Christo subicere, non solum bellum gessit, ut singularis miles, sed etiam quasi exercitus maximus atque fortissimus; quandoquidem integro regno potuit inferre bellum, & præclaram de illo victoriam reportare.



Porrò huic cogitationi fauere videntur multi sacrae Scripturae loci; in quibus expenditur gloriosum esse Deo, per milites paucos de vniuersis triumphare exercitibus. Vide Deut. 32. 30. *Quomodo persequatur vnus mille.* Et 1. Reg. 14. n. 6. *Non est difficile Deo, saluare in paucis.* 1. Machab. 3. 18. *Non est differentia in conspectu Dei liberare in multis & in paucis.* Huc etiam spectat id Isaia 10. 22. *Consummatio abbreviata inundabit iniquitatem.* Quemadmodum enim Deus multiplicauerat quondam gentem, & non magnificauerat latitiam (vt habetur Isaia 9. 3.) sic postea reuocato fidelium numero ad paucos, sed strenuos & electos; per eos subiugauit vniuersas nationes. Sicut adumbratum fuerat in historia illa Gedeonis, de qua Iudic. 7. Et sicut elegantissime significatur in libello paruo, de quo Apocalypseos 16. Facit, quòd similiter in religiosorum ordinum initijs, ex paucorum, sed electorum, labore multò maior solet percipi fructus, quàm post aliquot saecula ex numerosa multitudinis operâ & industriâ. Quare elegantissime & significantissime dici valeat, illos primos decem Societatis nostrae Patres, fuisse decies mille viros: atque cum à Beato Ignatio parente nostro missus est ad Indos Xauerus, non vnum hominem, sed numerosum atque robustum exercitum eò fuisse missum. Quòd enim Dauidi dictum est, 2. Reg. 18. 3. *Tu vnus pro decem millibus computaris*; id etiam beato Xauerio verissime dici potuit. Si verò eiusmodi phrasis plena est elegantiae & energiae; quid prohibet, vt ea ratione de Apostolorum discipulis siue compendiosis loquamur, per quos partum, & auctum est Ecclesiae Christianae imperium? vt scilicet eos, appellemus centum quadraginta quatuor millia; quanuis re vera vix fuerint centum quadraginta quatuor viri. Alioqui verò quid mirum, eum exercitum, in quo centum quadraginta quatuor millia numerabantur, magnam de mundo victoriam fuisse consequutum? Enim verò victoriam, paucorum militum manu, ac valde paucorum, fuisse obtentam; id valde admirandum est; atque adeò multò magis consentaneum, si intelligamus in eo gloriari Deum, quòd paucis admodum Apostolorum discipulis, virtute caelesti armatis, mundum subiugauerit; quodque eos meritò appellare possimus centum quadraginta quatuor millia: quàm quòd exercitu adeò numeroso primùm cum Iudaeis, deinde cum Gentibus conflixerit. His addi potest, non solum non videri Deo dignum tamen numero exercitu moliri mundi conuersionem; verum Imperatores etiam terrestres qui nomen sibi compararunt (quemadmodum Alexander Magnus, atque Romani & illorum imitatores) non id vnquam contendisse, vt ipsorum exercitus ex ducentis millibus, aut ex centies, & quinquagies millibus constaret; sed ad delectum potius attendisse militum: atque ea ratione exercitibus non valde numerosis de alijs numerosissimis seu potius infinitis triumphum egisse; vt notum est ijs, qui ipsorum historias perlustrarunt. Si igitur in hominibus quoque fatendum est, id prudentis & magnanimi consilij fuisse: quantò maiori iure censeri debet, diuinam

A / prouidentiam non id elegisse, vt valde numeroso exercitu cum Iudaeis & Gentibus dimicaret; sed potius paucorum manu, & eorum praesertim, qui singuli pro mille possent computari?

Hæc sunt, quæ pro illa opinione in speciem plausible militari videntur. Nihilominus tamen quanuis ea expositio siue suspicio speciosa prima facie videatur: collata tamen cum contextu Apocalypseos, & cum serie siue acoluthia argumenti, meo iudicio non subsistit. Capite enim septimo Apocalypseos non agitur de ijs solum, qui predicationis Euangelicæ officio functuri erant; sed de vniuerso eorum numero, quos plagæ contra Iudæos rebelles immixtae praeteriturae erant, tanquam ipsius Dei seruos, & ipsius nota insignitos. Genuinus enim capitis septimi scopus nihil est aliud, quàm magnum fuisse numerum eorum, quos plagæ iussæ sunt non attingere. Quanuis enim rebelles Iudæi fuerint multò plures, quàm illi, qui nomen Christo dedere: sed etiam quàm plurimi fuerunt, non solum ex Gentibus, sed etiam ex Iudaico populo; computatis non ijs tantum, qui Iudæam incolabant, sed etiam ijs qui in nationes dispersi.

Adhuc tamen aliqua ratione in numero centum quadraginta quatuor millium (qui refertur cap. 7. & cap. 14.) relinquitur locus aliquis eis, qui considerare velint, Deum de vniuersis nationibus, paucorum admodum militum manu gloriosum egisse triumphum. Non quòd numerus ille centum quadraginta quatuor millium solum designet electos Apostolorum discipulos; sed quòd vniuersus Ecclesiae primitiæ exercitus propterea reuocetur ad numerum centum quadraginta quatuor millium; quia Apostoli ipsi fuerunt duodecim; & quia illi tot animas Christo subiecerunt, vt verè affirmari possit primitiuos illos Christianos ab Apostolis ad Christum adductos, esse numerum illum centum quadraginta quatuor millium, quos, signum Dei viui fecit insignes. Quare, dum illi omnes in duodecim tribus diuiduntur, eo ipso tanti facinoris gloria, secundum Deum, duodecim Apostolis deferatur: atque adeò affirmatur, vnumquemque ex Apostolis factum esse non solum in mille, sed etiam in duodecim millia, & in gentem fortissimam & electam. Atque aptè etiam notari potest, in numero centum quadraginta quatuor millium, ad què primitiuus Christiani reducuntur, id fortasse innui, quod Isaia phrasim superat. Isaia enim non plus dixit, quàm *Minimus erit in mille*: vnio tamen atque concordia duodecim Apostolorum perfecit, vt vnusquisque eorum non solum pugnaret tanquam vnus ex duodecim, sed etiam tanquam omnes duodecim; ratione scilicet vnionis atque concordiae inter illos omnes. Quare, cū singuli eorum possent seorsim pro mille computari; coniuncti & colligati inter se per vnionem atque concordiam singuli pugnare iam possunt, vt duodecim millia; atque adeò vniuersi tanquam centum quadraginta quatuor millia. Quia duodecies duodecim constituunt centum quadraginta quatuor.

Respondetur ad praedictam explicationem.



## CAPITULUM VIII.

## PROLOGVS.

## SIVE

## NOTATIO I.

De connexione silentij cum septem tubis.

An sigilli 7.  
figura in  
cali silentio  
terminetur;  
necne?Pererij &  
aliorum o-  
pinio pro  
parte affir-  
mativa.2. Sententia  
Ribera ne-  
gantia: quæ  
ut verior  
amplecten-  
da.Ribera sen-  
tentiam, ar-  
que adeo  
nostram, ex  
capitulum A-  
pocalypseos  
distinctione  
videri Ec-  
clesia cor-  
sensum esse.

**N**ITIO octauæ huius capituli nodus eiusmodi expediendus occurrit; Vtrum sigilli septimi representatio in cali silentio terminetur; an verò longius progrediatur? Beda enim, Rupertus, Albertus Magnus, Ioachimus, Aureolus, Pannonius, Pererius & alij arbitrantur ea, quæ Ioannes n. 2. addit, *Et vidi septem Angelos stantes in conspectu Dei, & data sunt illis septem tube*; non iam ad septimi sigilli progressionem, sed ad visionis alterius nouæ inceptionem spectare. Quin imò Pererius contendit, hanc esse Victorini, Ticonij, Primasij, Anselmi, & Richardi sententiam; quod dicant, in tractatu de septem plagis regredi ac retroverti Apocalypsin, & Christianæ Ecclesiæ seriem rursus ab initio texere. Noster tamen Ribera contendit, septem tubas ad septimi sigilli mysterium directè spectare. Ex quo sequitur visionem septimi sigilli vsque ad capituli vndecimi exitum non finiri. Ibi enim dicitur, *et septimus Angelus tuba cecinit*, &c. Quæstio hæc non parui momenti est ad mysterium sigilli septimi & libri connexionem probè cognoscenda. Quapropter operæ pretium me fore facturum putavi, si eam vice prologi singulatim excuterem.

Pererius pro se adducit, opinionem suam omnium ferè interpretum esse communem, & Ribera expositionem esse singularem: mihi tamen contrà videtur; atque illud saltem existimo, Ribera opinionem communiori esse consensu receptam. Nam præterquam quod expressè eam tenent Andreas & Aretas; & sequuntur non solum Ribera & Viegas, sed etiam Arias Montanus, Caponsachius, & alij, qui septem tubas in septimo sigillo comprehendendi dilucidè affirmant. Præter hoc, inquam, capitulum distinctio, nobis ab Ecclesia in ipso textu appositæ, ostendit non obscure meo iudicio communem esse consensionem, visionem nouam nequaquam incipere ab ijs verbis, *Et vidi septem Angelos*. Etenim si noua inde exordiri visio crederetur (quæ quatuor omnino capita complectitur) cui planum non sit, & essentiarum valde esse, nouum exordiri caput ab vnica linea, quæ ex septem sigillorum visione supererat, cum tamen extrema illa linea cum septimo capite coniungi facillimè posset, ut noua visio octauæ capituli initium auspicaretur? Ratio hæc conuincit, opinor, ut credamus verisimilius Ecclesiæ visum fuisse, visionem nouam minimè incipere in his verbis, *Et vidi septem Angelos*; sed hoc potius totum ad mysterium sigilli septimi pertinere.

Confirmatur insuper; quia non defuit quispiam (ut Pannonius) qui octauæ capituli initium ab illis verbis sumere voluerit, *Et vidi septem Angelos*; cuius tamen diuino recepta nullo modo est. Quod verò attinet ad Gregorij distinctionem, quam habemus in Andrea, & Aretæ quoque fauet Ribera. Græci enim capituli vigesimi primi principium ducunt ab ea parte, vnde Latini caput octauum ordiuntur. Iam quod allegat Pererius, Ticonium scilicet, Victorinum, Primasium, Anselmum, & Richardum aduertere in septem plagis Apocalypseos seriem retexti, & ab initio Ecclesiæ repeti; Respondeo mirum non esse, ut in libro adeo difficili sit aliqua huiusmodi recapitulationis, siue regressionis suspicio. Præsertim, quia (ut videbimus postea) verum est, in septimo si-

gillo non nihil recapitulationis inesse; propterea quod ita doctrinæ ordo exigebat. Sed vtrunque id sit, statuendum est, septem tubas ad sigilli septimi mysterium pertinere.

Huic tamen argumento ex capituli distinctione petito respondebit aliquis, distinctionem huiusmodi non adeo esse antiquam; ut eam sectari cogamur. Verum enim verò illud saltem prudentissimus quisque haud dubiè iudicabit, distinctionem tot retro sæculis in vniuersa Ecclesia receptissimā pluris esse faciendam, quam Bedæ, Ruperti & paucorum aliorum opinionem. Et sanè in officio, quod de Michaelis Archangelo decantat Ecclesia, & antiquum valde est, antiphona ad Canticum, *Benedictus* præfixa satis indicat, communem hac de re totius Ecclesiæ consensionem fuisse, ne cali silentium à consequentibus diuelleretur; sic enim habet, *Factum est silentium in celo, cum draco committeret bellum; & Michael pugnavit cum eo, & fecit victoriam*. Licet autem primo aspectu fucum videatur facere coniunctio illa celestis filij cum Michaelis & draconis pugna; qui tamen debitam, ut par est, de communi Ecclesiæ consuetudine exultimationem conceperit, non dubito fore eidem pergratum cognoscere, quā aptè ad Michaelis etiam cum dracone confictum applicetur silentiū, si semel cum septem plagis coniungendum asseramus. Alioquin res esset correctione dignissima. Et hæc de auctoribus, qui Ribera aditulantur.

Veniamus iam ad rationes; & prius quid ipsa figura exigat; deinde, quid sensus, disquiramus. Ac primum in capituli septimi prologo validis rationibus probauimus, signum illud centum quadraginta quatuor millibus impressum eò spectasse, ne ipsos plagæ tubarum inferendæ contingerent; eamque ob rem digressiunculam illam ibi fuisse interiectā. Ex hoc igitur ita constituto euidenter elicitur, septem illas plagas cum sigillo septimo componi necessariò debere. Namque signum illud siue notam seruorum Dei frontibus inuitam (si consequentiæ seruetur vltimus ordo) subsequatur oportet seueritas in improbos exercita. Quare necesse est, cali silentium cum septem plagis quā peristat siue circumstantiā copulari.

Deinde proportio & congruentia, quæ in sigillorum sex antecedentium figuris reperitur, postulat, ne huius septimi sigilli vniò in solo silentio consistat. Nā in sigillorum ceterorum quolibet resignando multò plura & admirabiliora patefcunt; atqui friuolum planè est; septimi & postremi apertionem in mutum cali silentium desinere. Accedit, quod silentium fieri iussum grauioris alterius rei initium afferre solet, ad quam præmitti silentium oportebat; ut constet Actuum 13. 16. vbi Paulus manu silentium indicat, quod suam exordiarur concionem. Et c. 19. 33. *Alexander manu silentio postulato, volebat reddere rationem populo*. Et c. 21. 40. *Paulus iterum magno silentio facto alloquentis est plebem*. Valdè ergo verisimile est, indictum calo silentiū cum septem plagis sequētibz coherere.

Tertiò ipsamet enumerandi ratio, meo iudicio, compellit, ut silentium hoc intelligatur esse cum plagis congruens. At enim Ioannes, *Factum est silentium in celo; & vidi septem Angelos, & data sunt illis septem tube*. Certè in quocunque historico similem reperiremus loquutionem; dubitaret nemo; silentium hoc consentaneum esse ad ea, quæ consequuntur.

Obiectio eò-  
ra prædicti  
ex capituli  
distinctione  
argumenti:  
cuius solutio.Rationibus  
eadem na-  
stra senten-  
tia roboratur.Idem ex  
præcedentibus  
sigillorum  
consecutio-  
ne valde  
firmatur.



Tandem ex  
ceterarum  
opinionum  
minus co-  
hærenti so-  
rie, sententia  
Ribera sub-  
icitur.  
Aliorum  
expositiones  
varia de ca-  
li silentio.

Huiusmodi rationes verisimilem satis reddunt  
Ribera opinionem. Ceterum quæ in ænigmati fen-  
su inniuntur, validiores adhuc sunt. Quæ omnes  
eò reducuntur, vt si cæli silentium cum septem pla-  
gis non copuletur, nulla cælestis huius silentij inter-  
pretatio sit super, in qua mens possit omnino ac-  
quiscere. Etenim expositio Primasii, Ticonij, & Vi-  
ctorini est de quietis æternæ principio in beatorum  
felicitate. Ambrosius verò explicat de pace Augusti;  
quam Nero persequutione in Ecclesiam concitatâ  
abrupit. Gregorius, Haymo & Ansbertus interpret-  
antur de huius vitæ contemplatione non diu per-  
seuerante: Frater Bartholomæus de Martyribus in  
suo compendio spirituali exponit de quodam diuini  
amoris actu, qui languescere facit animum, & re-  
rum omnium obliuisci; & citat pro se Richardum,  
Aureolum & Lyranus referunt hoc silentium ad per-  
sequutionis tempus, sub Iuliano Apostata coortæ,  
cùm publica Christianæ religionis exercitatio in  
Ecclesia cessauit. Rupertus in ea est sententia, vt asse-  
rat, significari hic, nullum fore, qui extremi Iudicij  
die hiscere audeat. Beda, Anselmus, Richardus, Tho-  
mas, Dionysius & Pererius, volunt in hoc silentio  
prædicti futuram Ecclesiæ quietem post Antichri-  
sti interitum; quam autumant non amplius qua-  
draginta quinque dies esse duraturam: pro qua de-  
claratione afferunt diuum Gregorium Danielis 12.  
Pannonius de huius etiam quietis tempore post  
necem Antichristi futuræ intelligit. hoc tamen tẽ-  
pus affirmat esse celebrem illum pacis millenarium.  
Nec dicere dubitat, idem tẽp. diuersis ratio-  
nibus posse & breuissimum nuncupari, id est, dimi-  
diæ horæ; & longissimum, id est, mille annorum. Sed  
de mille annis suo loco dicemus. Nunc, quid in præ-  
dictis explanationibus requiram, aduerte.

In primis in eis desidero, vt septem sigillorum  
mysteria coherentiam inter sese & consequentiam  
habeant; ita vt appareat, illa non pro libito & spon-  
te, sed necessariò ad septem puncta renocari, nec  
plura aut pauciora esse potuisse; eorumque vltimũ  
in sigillo septimo contineri. Hoc porro mysterium  
in pluribus Scripturæ locis esse prædictum; necesse  
tamen esse à Christi spiritu explicari. Ad hæc, huius  
mysterij intelligentiam tanti referre, vt in ea lachry-  
marum Ioannis impendium merito fieret. Sanè ad  
hæc omnia obligat capitis quinti contextus, vt ibi  
expendimus. Quis ergo nesciat, nullam prædi-  
ctarum expositionum huic obligationi satisfacere?

Improbatur  
superiores  
de cali silen-  
tio interpre-  
tationes.

A Secundò, requiro in eis, vt septimi sigilli myste-  
rium comprehendat procellam ac tempestatem, quæ  
effugiunt illi, qui Spiritu sancto signati sunt. Hoc e-  
nim postulat scopus & argumentum capitis septi-  
mi, vt in eius expositione planum fecimus.

Tertiò, requiro, vt symbolica silētij expositio aptis-  
sima sit & ad receptam sacrarum Literarum consue-  
tudinem accommodata; de quo infra.

Quartò, vt in dimidio horæ spatio insit elegan-  
tissima aliqua & significantissima allusio ad aliquẽ  
Scripturæ locum insignem. Sicut enim in tribus  
annis & sex mensibus cap. 11. & cap. 13. meritò ar-  
guetur oscitantia interpres, qui non animaduertat  
allusionem ad locum Danielis 12. Sic in dimidia  
horæ spatio omnino inquirendum fuit, an ad aliquẽ  
Scripturæ locum respiciatur, & an respectus ille le-  
gitimæ explanationi lucem afferat.

B Quintò denique desidero, vt mysterium sigilli  
septimi, quemadmodum & sex priorum, sit vnum  
ex præcipuis punctis, in quibus splendet perfectissi-  
ma Iesu Christi prouidentia erga Iudaicum popu-  
lum. Nam, vt in prolegomenis vidimus, grauissi-  
ma est auctoritas & fundamenta firmissima, vt cre-  
datur in Apocalypsi à capite 4. vsque ad 11. agi de  
modo ac ratione, qua se cum Iudaico populo gessit  
Deus. Et à cap. 12. ad 19. quo pacto cum Gentilium  
populo egit.

C Hisce omnibus nulla ex illorum explanationi-  
bus facit satis, qui silentium à septem plagis disun-  
guunt. Quamobrem, cùm diuisio Ecclesiæ tam Lati-  
næ, quàm Græcæ; cùm Antiphona, qua vtitur Eccle-  
sia; cùm expressa Andræ, Aretæ, & aliorum declara-  
tio dilucidè faueat ijs, qui hoc cæli silentium non  
seorsum à plagis tubarum accipiunt, sed potius vt  
rem ipsi septem plagarum mysterio congruentem;  
prudentiæ est hanc tentare viam: speroque me in ea  
modum assequuturum, quo his quinque rebus, quæ  
in superioribus declarationibus desiderari viden-  
tur, cumulatè satisfaciam. Illud saltem inficiabitur  
nemo, me in hac via sectanda minimè difficultatem  
subterfugere: cùm tantò difficilius sit septem sigil-  
lorum expositio, quantò enucleatius explanationis  
series ac filum protenditur. Atque hanc fortassis ob  
causam nonnullis fuit in optatis, vt septem sigilla à  
cap. 6. ordirentur, nec ultra primam octauæ lineam  
sefe extenderent: quòd difficillimum ducerent de-  
clarationem argumenti de septem sigillis ad finem  
vsque c. 11. continuari. Hanc tamen difficultatem  
Deo auspice superatum iri confido.

D

## T E X T V S.

Vers. 1. Et cùm aperuisset sigillum septimum, factum est silentium in cælo,  
quasi media hora.

## C O M M E N T A R I V S.

S T A T I M V S iam in præcedenti notatione, hæc verba accipienda esse, non vt totum mysterium  
Sigilli septimi repræsentantia; sed vt peristasin siue circumstantiam septem plagarum, quibus  
Deus Iudaicum populum mulctauit. Nam septimi sigilli mysterium nihil est aliud, quàm maxima  
seueritas, qua animaduertit Deus in Iudæos Christum repudiantes. Et de ipsis quidem plagis dice-  
mus in proximi versus commentario. Nunc videndum est, quid habeat commune cælestis hæc ta-  
cituritas cum septem plagis? Et omisiss alijs declarationibus, quas notatione superiori indicaui-  
mus; nunc eas solum proferemus, quæ silentium cum plagis copulare conantur.

Andreas ergo & Aretas cæli silentium interpretantur de Angelorum siue Beatorum modestia  
& reuerentia erga diuinam maiestatem. Hanc explicationem illud fouet; quòd quando potens ali-  
quis princeps furoris atque indignationis indicia præ se fert; ad suæ familiæ reuerentiam ac vene-  
rationem videtur spectare, vt omnes se colligant, contrahant, & præ timore obmutescant. Quin &  
ipsimet filij charissimi, quos nulla illius indignationis particula contingit, præ parentis tamen ob-  
seruantia atque pudore, per aliquod temporis interuallum conuenire ipsam, & alloqui non au-  
dent.

Silentium  
hoc cum  
subsequen-  
tibus tubis,  
eorumque  
mysterio co-  
pulari.  
Quomodo  
silentium cū  
tubarum  
mysterio co-  
hæreat.  
Aliorũ hac  
de re opi-  
niones.  
1. Opinio.

Altera



A Altera eorundem explicatio est de ignorantia Angelorum atque Beatorum circa secundum Domini aduentum: prudentes enim de eo, quod ignorant, conticescunt.

Ribera silentium ad admirationem refert, magnus enim stupor solet frequenter mutos ac taciturnos præ vehementi admiratione reddere. Quod si ad admirationem applicetur plagarum, quas Deus volebat in Iudæos immittere, potest huiusmodi admittitio & stupor in ipsarum plagarum magnitudine fundari, vel in eo potius, quod omnes in Iudaici populi repulsam tandem vergerent.

Alius fortasse asseret, silentium esse signum laudis, & modestæ cuiusdam approbationis, qua diuinæ iustitiæ integritatem, & æquitatem Beati confiteantur. Quod forsitan spectet illud Psal. 64. *Te decet hymnus, Deus, in Sion. Vbi Hebræa sonant, Tibi silentium, Deus in Sion.* Si autem referatur silentium ad approbationem sententiæ à Deo ferendæ contra Iudæorum populum, comprobatio quidem illius, & quasi confirmatio pertaciturnitatem decoro non caret, nec non admiratio, ac stupor, quod seipso gratos & acceptos, alios ingratos ac repulsos videant: cum posset facile Deus inuerso ordine illos eligere, atque hos reprobare.

B Dicat alius, innui in hoc silentio pietatem sanctorum, & commiserationem in alienis miseriis, sicut Iob 2. 13. dicitur de ipsius amicis, *Nemo loquebatur ei verbum, &c.* Potest præterea silentium denotare Sanctorum pudorem ac verecundiam: nam perfectorum virorum est, viso improborum supplicio, priorum ipsos delictorum reminisci, atque pudere.

Veruntamen in his omnibus considerationibus illud difficultatis reperio. supponitur enim in illis, cæli silentium cōlectarium esse ad Sanctorum visionem, qua septē plagas, seu tubas aspexerāt, quod tamē textus non vt cōsequens, sed vt antecedens enarrat. Neq; enim ordo est, septē Angelis totidem tubas fuisse datas, & illico factum in cælo silentium, sed è contrario, *Factum est silentium in cælo quasi media hora, & vidi septem Angelos, & data sunt illis septē tubæ.* Ad hæc posset aliquis respondere, sigilli septimi apertione innotuisse Sanctis ieiunitatem, qua Deus Iudaicum populum punire decreuerat, atque adeo ante ipsum silentium præstitui considerationē de septem plagis. Sed contra est, quia consentaneum non est rationi existimare, in sigilli septimi representatione immutatum fuisse ordinem: atqui in hac visione repræsentatur silentium plagas antecedens, & plagæ silentium consequentes.

C Præter hæc, ni me fallit animus, aptior & receptior silentii significatio est, vt denotet patientiam seu tolerantiam. Vide Isaia 42. 14. *Silui, patiens fui.* Et cap. 30. 15. *Culius iustitia silentium.* Threnorum 3. 26. *Præsolari cum silentio.* Sophonia 1. numero septimo, *Silete à facie Domini.* Iob 3. numero vicesimo sexto. *Nonne silui.* Psalm. 106. num. 30. *Latati sunt quia siluerunt.* Hæc significatio in eo nititur, quod in acerbissimis doloribus sit insignis patientiæ argumentum, non conqueri, aut etiam hiscere: idemque dico de grauissimis ærumnis. Atque hac ratione illustrissimum nobis præbuit exemplum patientiæ Christus Dominus in sua passione, *Ita vt miraretur præses vehementer.*

D Quod si aliquis opponat, huic significationi in cælo nō esse locū, cum nihil ibi sit, quod sufferatur, Respondeo, cælū hic sumi pro illo hominum cœtu, quorum conuersatio in cælis est, id est, pro Christianis primitiuis. Etenim à capite quarto cælum in hoc sensu accipitur, vt eo loci vidimus. Ab hoc autem mystico cælo non est abhorrens patientia, sed illi valde propria. Nam etsi, vt homines Spiritus sancti signo inscripti, liberi sint ab iis, quæ propriè sunt plagæ, non tamen idcirco eximuntur à suæ tolerantia tentationibus, & ab euentis quamplurimis, in quibus clarissima illius edant exempla. Quare vnus ex signatis ait Psalm. 22. numero 4. *Si ambulauero in medio vmbra mortis, non timebō mala, quoniam tu mecum es.* Mortis itaque vmbra mysticum plerumque cælum obducunt, & huiusmodi hominum patientia in cæli silentio denotatur, ac fortè rei ipsius decorum poscebat, vt quemadmodum primitiua Ecclesia per homines in cælo degentes figurabatur, ita etiam eorundem patientia in eiusmodi re adumbraretur, quæ cum cælesti felicitate minime pugnaret: atque adeo silentium fuit selectum vt aptum patientiæ in mystico cælo symbolum.

E Obiicit secundo aliquis, vñtatiuū esse in sacris, vt pax atque quies per silentium significetur; eo enim sensu dicitur terra siluisse Isaia 14. numero septimo, & 1. Machab. 1. numero 3. & capit. 7. num. 50. & capit. 9. numero 57. & capit. 14. numero 4. & capit. 11. numero 38. & sæpe alibi. Respondeo in his ipsis locis, aut in eorum pluribus nomine silentii non indicari pacis bonum, sed necessariam potiùs tolerantiam. Cum enim dicitur siluisse omnis terra in conspectu Alexandri, 1. Machab. 1. numero tertio, propria significatio est, omnes se illius potentia subiecisse, nec aliquem fuisse ausum ei repugnare. Et sicubi additur lætitia & gaudium, vt Isaia capite decimo quarto, numero septimo, id quidem apponitur ad perfectæ patientiæ suæ tolerantia significationem: pax enim est lætitia in ipsis laboribus, quæ patientiæ quasi cumulum addit. Quod patientiæ genus est eorum proprium, qui Spiritu sancto sunt pleni; quales erant primæui Christiani. Id quod appositè significari potest per cæli silentium. Nam representatio ipsa non debet triste aliquid præ se ferre, cum in cælo tristitia sit nulla. Quod si silentium est patientiæ symbolum; erit quidem patientiæ læta, pacifica, quieta atque gloriosa.

Addo his, in dimidia hora alludi sine dubio ad illud Tobia capite vñdecimo numero decimo quarto, *Sustinuit quasi dimidium ferè horam.* Nec enim aut dimidiam aliam horam in toto veteri testamento reperio, aut verisimile est in re aded insigni Apocalypseos, non contineri allusionem ad insignem aliquem Scripturæ locum. Tota enim Apocalypsis constat allusionibus ad Scripturæ locos illustrissimos. Si ergo ad dimidiam illam horam, qua sustinuit Tobias, alludatur; ipsa loci conuenientia poscit, vt dimidia silentii cælestis hora respondeat dimidiæ horæ tolerantia in Tobia; atque aded silentium in præsentī, sicut in multis aliis Scripturæ locis, sit patientiæ & tolerantia symbolum. Hæc igitur est mea interpretatio.

Aduertat tamen lector, licet cæli silentium denotet primorum Christianorum patientiam, non tamen hoc esse accipiendum de illa patientia, qua septem ipsas plagas tolerauerint. Quod non solū dixerim, quia plagæ ipsæ signatos omnes prætermittebant intactos: sed etiam quia si de illa ageretur

Silentii nomine sepe in sacris patientiam & tolerantiam indicari.

In dimidia silentii hora alludi ad dimidiam horam Tobia.

De quibus Christianorum primitiuorum patientia sit explicandum dim. i. h. ora. silentii.



patientia, qua fideles perpessi sunt eam tantis, belli ac pestilentia parum, quæ illos attingit; si de hac, inquam, fiet sermo, silentium cæli non antecederet plagas, sed subsequeretur. Vidimus autem supra representationem hinc esse de plagis, quæ cælesti silentium consequutæ sunt; non verò de silentio, quod plagas excipiat.

Afferro igitur, in hoc cæli silentio denotari egregiam ac penè incredibilem tolerantiam, quam fideles habuerant in sauislima persecutione aduersus semetipsos à Iudæis excitatâ; atqui perspicuum est, huiusmodi tolerantiam fuisse prius, quam Dei supplicium rebellibus infligium. Quauis enim figura ipsa dimidiæ silentii horam exprimat; significatio tamen eius indicat fidelium patientiam ab ipso persecutionis exordio ad finem vsque. Si autem hoc recapitulare est, siue ipsam repetere initium; non perperam dicunt, qui affirmant in septimi sigilli mysterio recapitulationem aliquam, siue regressum fieri. Verum ita doctrinæ postulabat ordo: videlicet ut post sexti sigilli visionem, quæ depinxerat Dei comminationes in Iudæos Christi atque fidelium vexatores; ubi ad sigilli septimi mysterium, id est, ad Iudæorum plagas peruenitur, notetur in primis temporis ratio, quo Deus plagas immisit; nimirum quando Sanctorum patientia ad ipsum perfectionis cumulum peruenerat. Namque ut dimidiata illa hora, qua dicitur Tobias fellis oculis aspersi acerbitem pertulisse; fuit totum illud tempus, quod Tobiam ipsum sustinere oportebat; donec suâ illâ tolerantia oculorum visum reciperet; ita similiter media cælestis silentii hora repræsentat totum patientiæ tempus, quo primitiui Christiani crudelem Iudaici populi persecutionem constanter ac patienter tolerarunt: quoad persecutionem illâ consequuti sunt, quod Deus in eis potissimum intendebat, nempe ingentem felicitatem, ut postea videbimus. Quando autem accessit iam tempus, cum persecutionis fructus vberes atque copiosi in ipsam Ecclesiam redundauerant; tunc tempus etiam appropinquauit, quo Deus vindictam de persecutoribus sumeret, & eos seuerissimis plagis pleretur.

Nec obstat persecutionem quadraginta ferè annos durasse; cum Paulus asserat nihilominus, *Momentaneum & leue tribulationis nostræ æternum gloriæ pondus operatur in nobis*, 2. ad Corint. capite quarto numero decimo septimo. Quod ergo Paulus nuncupat momentaneum, non mirum est ab Apocalypsi dimidiæ horæ nomine nuncupari. Primum, ut dimidiæ horæ quæ Tobias sustinuit, figuram vsurparet: quemadmodum Ecclesiæ Christianæ sacerdotibus tribuit nomen viginti quatuor seniorum, per allusionem ad numerum principum familiarum sacerdotalium, qui ab Aarone ducebant originem; & nostros sacerdotes adumbrarunt. Secundò, quia hora integra rectè significat persecutionis tempus. iuxta id Ioannis capite decimo tertio numero primo, *Sciens Iesus quia venit hora eius*. Quare ut ostendatur, contrahere Deum iustis, atque aded subtrahere grauissimarum afflictionum tempus; & tantundem saltem quieris & voluptatis admiscere, quantum laboris perferunt: idè sanè quàm congruenter angoris tempus ad dimidiæ vix horam reducitur; idem est, *Quasi media hora*. Atque hoc ipsum mysterium in illo Tobie loco oblitescere capit. 11. numero 14. ut cælestis huius patientiæ figura tantundem temporis duraret, *Sustinuit quasi dimidiæ ferè horam*. Et verò perspicue satis apparet, quod Apocalypsis ait, *Quasi media hora*, idem esse atque illud Tobie *Quasi dimidiæ ferè horam*. Illa enim particula *quasi* virobique nobis quasi intento digito demonstrat proportionem & conuenientiam, quam inter sese locus vterque habent. Næ allusio est elegantissima; nec patitur nos, illâ intactâ, longius prouehi. Sed antequàm illam futiùs discuto; aduerte, ubi semel attentè consideretur, per cæli silentium denotari Sanctorum patientiam, quæ inimicorum euersionem antegreditur; mox facile cerni, non quidem ineptè, sed sapienter potiùs ab Ecclesia vsurpari hanc ipsam cælestis silentii figuram, quasi maxime congruentem felicissimo fini, quem Michaelis Archangeli patrociniò habuit præclarum illud Ecclesiæ facinus; cum dæmonem ex mundi possessione, quàm per idolorum cultum acquisierat, exterminauit. Quæ sanè est, opinor, perelegans vsurpatio illius Antiphonæ, quàm suprâ attulimus; ubi sic habetur, *Factum est silentium in cælo, dum draco committeret bellum: & Michael pugnavit cum eo, & fecit victoriam*. Quauis dici etiam possit, Ecclesiam in hac Antiphona sequutam fuisse probabilem aliam huius silentii applicationem ad attentionem cæli ac suspensionem; dum prælii illius exitum opperiretur.

Nest. a de-  
mum inter-  
pretatio de  
cæli silen-  
tio per dimid. a  
horæ fact.

Licet pri-  
mitiuorum  
Christiano-  
rum perse-  
cutio plures  
annos dura-  
uerit, posse  
adhuc apud  
dimidiæ ho-  
ræ silen-  
tio denotari.  
Quid per  
horam in-  
tegrâ, quid  
per dimidiæ  
figi e ur.  
Quomodo  
sibi muid  
Ioannis &  
Tobie loci  
respondeant,

Sensus illius  
antiphonæ  
ab Ecclesia  
vsurpat;  
Factum  
est silenti-  
um in cælo,  
&c.



## NOTATIO II.

De allusione ad mysterium libri Tobie in dimidia hora silentio  
Apocalyps. 8, 1.

Præcipuum  
Tobie libri  
intelligen-  
tiam ad illi-  
us historie  
mysterium  
esse referen-  
dam.

**T**OBIE liber primâ quidem specie ex faciliori-  
bus Scripturæ sacræ libris vnus apparet. Qui ta-  
men agens illum examinauerit, non ita facilem  
fortasse iudicabit. In eo enim deprehendet, licet ve-  
rissima æque atque certissima sit historia; illud in  
primis ab Spiritu sancto fuisse intentum, quod at-  
tinet ad arcanam ac mysticam significationem in  
ipsamet historia inclusam. Hæc enim si auferatur;  
quidquid de pisce Tobiam inuadente dicitur;  
quidquid de ingenti vtilitate ab ipsius piscis tam  
iecore quam felle partâ; quidquid de damone per  
fumum fugato; quidquid denique de Tobie semo-  
ris oculis fellis collyrio in pristinam sanitatem re-  
stitutis; informe prorsus totum, & quasi cadauer  
sensus expers videatur necesse est. Si in ipso historie  
cortice conquiesceret omnino mens, antequam ad  
mysterij reconditam significationem accederet;  
possemus existimare, mysticam significationem  
esse veluti ipsius historie additamentum; & ab in-  
genij potius solertis acumine, quam à recondito hi-  
storie sensu accersitam. Verumtamen, ni me fallo,  
mysterium, quod ibi intenditur, est præcipua ratio,  
quapropter tota illa Tobie historia texatur. Si autem  
mysterium huiusmodi tollamus, nec piscis fumus  
aptus erat ad fugandum demonem, nec potens fel  
ad oculorum vsum Tobie restituendum. Quam-  
obrem priusquam probè teneatur mysterium; ta-  
met si textus ipsius sensus historicus percipiatur, nõ  
tamen omnino mentis satiatur auiditas. Vt in inge-  
nioso aliquo enigmatæ non consistit, aut cõquiescit,  
qui præcipuum eius sensum nondum fuit assequu-  
tus; quanuis propositum sibi literæ corticem planè  
percipiat.

Sunt igitur historie aliquot ex enigmatum ge-  
nere. Nec enim ob aliam causam præcipue fiunt, ni-  
si ad abstrusam & in ea abditam significationem.  
Tunc autem historie ipsius medulla & quasi anima  
est significatio illa, quæ potissimum intenditur. Et  
qui amotâ huiusmodi significatione, historie ani-  
mam & scopum se attigisse putat; nã ille haud absi-  
milis est ei, qui enigmatæ alicuius sensum idè se  
tenere existimat, quod grammatici sensus constru-  
ctionem fuerit assequutus. Hæc me (fateor) cupido  
incefferat præcipuum in Tobie historia sentium  
percipiendi; cùm non sine Dei prouidentia oculos  
& mentem intendi in dimidiam silentij horam, de  
qua Apoc. in hoc capite 8. animaduerti; illam ma-  
nifestè respondere dimidia horæ, quam designant  
verba illa Tobie, *Sustinuit quasi dimidiam ferè horam*.  
Etenim nullibi præterea fit in sacris mentio dimi-  
dia horæ; & in duobus hisce locis non solum dimi-  
diata hora exprimitur, sed etiam ad maiorem loci  
vtriusque cognationem vtroque spatium fuisse  
describitur, *Quasi hora dimidia*. Ex quo non obscure  
cernitur vtrumque locum esse quasi duo horologia,  
ita sibi mutuo æquali proportionem respondentia; vt  
cùm alterû dimidiata horæ signum dederit, alterû  
protinus eidè simili tinnitu assonet. Hoc si aduertamus,  
dimidia Tobie hora nobis quasi viam præmu-  
nit ad dimidiam Apocalypseos horam intelligen-  
dam; & Apocalypseos vicinũ contextus plurimum  
confert ad libri Tobie mysterium cognoscendum.  
De quo nihil hætenus, quod sciam, prodijt, quod om-  
nino menti in sensu præcipuo satisfaciât. Nam  
licet Serarius noster cap. 6. quæst. 1. binas asserat de  
Tobie pisce applicationes; alteram ad Christum  
Saluatorem nostrum ex Tertulliano, Augustino &  
Prospero; alteram ad demonem ex Beda atque alijs.  
Enim verò aliud est pro concione applicare, aliud

**A** verò genuinum mysterium explicare. Ad hoc verò  
considerandum est, quodcumque narrat Scriptura  
de Tobie pisce, deque ipsius iecinore, & felle; ac si e-  
legantissimum foret enigma, cuius enodatio pen-  
deat in primis ex aptissima singularium partium  
applicatione ad dignam aliquam Spiritu sancto co-  
gitationem & ipsimet historie congruentem.

**B** Illud verò vel maximè postulat perfectam ap-  
plicationem mysticam, quod per se ipsum mysterio  
plenum est, & naturales vires excedit. Quod pro-  
pterea dixerim, quia Tobie ex illius piscis carnibus  
cibos condiri atque parari, etsi peculiari Dei proui-  
dentia id accidit, & argumento est singularis curæ,  
quam mitissimus Deus de spiritali præsertim ser-  
uorum suorum alimento adhibet; hoc tamen non  
enigmatæ naturam redolet, sed claram potius &  
manifestam continet doctrinam. Atque ita ad eam  
fortassis historie partem non admodum necessariũ  
erat, enigmatæ sensum aptare. At verò ad duos il-  
los supranaturales effectus & miracula insignia  
præter totius naturæ ordinem patrata, tam in da-  
mone per iecinoris exusti fumum fugato, quam  
in oculorum vsum per piscis fel Tobie reddito: ad  
hæc, inquam, duo nouitas ipsa rei & insolentia vr-  
get, vt arcanam mysterij significationem inuestige-  
mus: sicut in Christi miraculis sacri doctores nos  
edocent, mysteria admirabilia delituisse. Certè libri  
Tobie mysterio planè perfruetur is, qui animadu-  
terit; licet Deus senis oculos piscis iecinore referare,  
& demonem felle abigere posset; ad significationem  
tamen potissimam consentaneum valde fuisse, vt  
combustum iecur demonem exterminaret, & fel  
sanctissimi senis oculos aperiret.

**C** His prædictis, noto primò, piscem illum qui To-  
bie deuoraturus profiliuit, non esse qui appellatur  
Vranoscopus, siue Callionimus (quod idem est) sed  
piscem alium prægrandem. Quod idè pranotatum  
velim, quia Valles in sacra philosophia ca. 42. suspi-  
catur eum piscem fuisse Vranoscopum; atque eadem  
est opinio Serarij Tobie 6. quæst. 1. qui eo vel  
maximè nituntur; quòd Vranoscopi fel perutile sit  
ad oculos medicandos, vt tradunt Galen. libr. 10. de  
simplic. ca. 12. & Plinius libr. 32. cap. 7. qui de illo sin-  
gularim addit, albuginem oculorum tollere. Ceterũ  
deberent aduerrere Valles & Serarius, nullum esse  
auctorem, qui asserat Vranoscopum piscem esse grã-  
dem. Videndus est Rondeletius de piscibus libr. 10.  
cap. 13. vbi ait, magnitudinem Vranoscopi esse pe-  
dalem; deque illo scribit, vt de pisce cum primis no-  
to. Ex quo dilucidè constat, piscem illum, qui voluit  
deuorare Tobiam, fuisse ab Vranoscopo valde di-  
uersum: de illo enim textus ait, *Ecce piscis immanis  
exiit ad deuorandum eum, c. 6. 2.* Et infra. *Assauit carnes  
eius, & secum tulerunt in via.* Cetera autem salierunt, quæ  
susciperent eis, quousque peruenirent in Rages ciuitatem  
Medorum. Vnde concio Tobiam attulisse secum iu-  
mentum aliquod, quo demortui piscis carnes com-  
portaret? Erat enim adeò magnus, vt hominem de-  
uorare posse videretur. Et fortè marinus erat piscis,  
qui in Tigrim flumen adnatauerat. Præterea, si nul-  
lum est aliud fundamentum, vt credatur Tobie  
piscis fuisse Vranoscopus; nisi quòd illius fel oculis  
salutare sit: hanc eandem curandi oculos virtu-  
tem tribuit ibidem Plinius felli Coracini, & illius,  
quem Scorpionum vocant, atque aliorum. Imò etiam  
nonnulli auctores affirmant piscium fel generatim  
esse medicandis oculis valde vtile. Et quanuis Vra-  
noscopi fel sit piscium aliorum felle salubrius: ve-  
rùm neque hoc est certum, neque elegisse Deum ad

Quinmodi  
fuerit piscis,  
qui Tobiam  
deuoraturus  
prodiit.

Piscis Vra-  
noscopi fel  
ad quid vti-  
le.

Vranoscopus  
piscis peda-  
lis.

Tobie pisce  
fuisse præ-  
grandem ex  
ipso textu  
planum sit.

Plurimum  
piscium fel  
medicandis  
oculis vtile.

Sacras ali-  
quot histo-  
rias, enig-  
matum in-  
tegar, recon-  
ditum in se  
mysterium  
habere.



Tobiæ curationem illius piscis fel, cui præ ceteris virtus medica efficacior esset.

Secundò noto, effectiones, quæ iecoris fumo, & piscis felli attribuuntur; nequaquam naturales fuisset, sed supranaturales, & miraculi omnino plenas. Non me latet, Serarium Tobie 8. quæstionc. 3. in eam partem inclinare, ut existimet illam demonis expulsionem partim naturalem fuisse, partim supernaturalem. Et cap. 11. quæst. 2. illum cum Vallesio sentire curationem Tobie cæcitatis per piscis fel fuisse naturalem. Sed cum bona vtriusque venia, habendum pro certo est, vtramque actionem, id est, tam demonis expulsionem, quam visus restitutionem Tobie fuisse simpliciter miraculosas & supernaturales. Etenim homini oculis omnino capto visum oculorum restituisse, id quæ ita celeriter, ut constat ex cap. 14. 3. huiusmodi, inquam, actionem verisimile nullo modo est citra evidens miraculum fieri potuisse. Nam si naturali virtute id effectum esset; ex eodem illo experimento piscis illius species & admirabilis fells ipsius vis ad oculorum cæcitatem expellendam cognita apud posteros atque perspecta manerent. Nec dubium est, quin compendiarîa hac curationis viâ plurimi morbis similibus mederentur.

Deinde, licet verum sit, per naturales aliquas medicinas eiusmodi dispositionem posse in hominum membra induci, ut liberentur, siue omni, siue aliquâ saltem ex parte à furore, quo homines ipsos dæmon corripiebat (ad eum modum, quo Davidis in musicâ arte peritia Saule lenire, & mitigare solebat); & licet ex textu Græco cap. 6. videatur constare, exultationem iecoris piscis fuisse quasi suffimentum quoddam, quo Tobias & Sarra suffumigarentur (sic enim habet textus græcus, *Hæc oportet suffire corâ homine vel muliere*); quamvis hæc, inquam, ita sint, nihilominus tamen Sarra non erat morbo affecta, aut à dæmone obsessa; sed dæmon per se ipse proximè sæuebat in eos, qui ad eam indignè volebant accedere; quantumvis ipsi à dæmone antè correpti non essent. Et certè credibile non est, Sarre suffimentum ex semet fuisse potens, ut snapte vi dæmonem ab ipsius Sarre viro procul amandaret. Præsertim, cum ex sacra Scriptura constet, Angelum fuisse, qui dæmonem colligauit. Quam ad rem evidens est, Angelum non fuisse visum naturali virtute fumi, quæ ex se fel piscis visum emittebat. Quod si suffitus ille ex se salubris erat naturâ suâ, & potens homines non nihil recreare: at simplicitatis esset non exiguæ credere naturalem suffitus ipsius virtutem eo posse attingere, ut tantam, tamque efficacem actionem præstaret, cuiusmodi erat dæmonem expellere. Quam ob rem ad summum fortassis id verum erit, quod scilicet ex rebus naturalibus eam selegerit Deus, cui aliquod virtutis medicæ principium inerat, non tamen perfecta virtus. Sicut ad Tobie senioris oculos aperiendos elegit piscis fel, quod iuxta bonam philosophiam est oculis salutare; non tamen efficax ex se ad visum cæco restituendum. Iam si rationem indagare velimus, cur ad mira illâ opera Deus eas res pro instrumento vsurpauerit, quibus insita erat nativa aliqua virtus licet imperfecta; illud forte rationis probabilis inuento reddi potest, ut scilicet naturalis virtutis cognitio nos quasi manu ducat ad mysticam & spiritalem philosophiam, quam Spiritus sanctus nobis voluit in admirandis hisce effectibus adumbrare.

Tertiò noto, nos verbis Angeli edoceri, ut abstrusam & arcanam philosophiam, quam diuinus spiritus in hac Tobie & piscis historiâ occultuit, indagemus. Primò, quia Angelus edixit Tobie cap. 6. 5. *Exentera hunc piscem; & cor eius & fel & iecur reponetibi; sunt enim hæc necessaria ad medicamenta utiliter.* Quod ergo illi ait, ut piscem exenteret; in eius enim vitæ utilissima pharmaca ac medicinas à se inuentum iri: hoc sanè est Tobiam ipsum & in eo Ecclesiâ vniuersam admonere, ne contenta sit externâ piscis contemplatione & corporei cibi, quem Deus suis largè suppeditat; sed seriò ac diligenter inspicat latens inibi mysterium; quod sanctus Spiritus celauerat in his miraculis, quæ ex piscis extis fuerant eruta. Hoc enim est piscem exenterare, &

inde ad spirituales agitudines medicamenta percipere. Secundò id ipsum admonemur; quia cum Angelus vtrique Tobie, quis esset, aperuit, eis dixit, c. 12. 11. *Manifesto vobis veritatem, & non abscondam à vobis occultum sermonem*, id est, doctrinam, quæ erat abscondita tanquam in ænigmate in miraculosis illis effectibus; quos Deus vobiscum operatus est per interiora piscis suprascripti. Dixerat etiam paulò antè Angelus, *Sacramentum regis abscondere bonum est; opera Dei reuelare & confiteri honorificum est.* Quasi diceret, gloriosum esse Deo, referare mysterium, quod in his miraculis absconderat. Deinde aliudens ad fumum iecoris piscis, qui Tobiam iuniorem à morte eripuerat; eis ænigma hoc dissoluit, atque ait, *Bona est oratio cum ieiunio & eleemosyna, magis quam thesauros auri recondere, quoniam eleemosyna à morte liberat, & ipsa est, quæ purgat peccata, & facit inuenire misericordiam & vitam æternam.* Quis autem facit peccatum & iniquitatem, hostes sunt animæ suæ. In quibus allusio fit ad eorum necem, qui Sarra indignè potiri volebant: necnon ad remedium, quo Tobias adolescens mortis periculo subductus sponsâ perfrui valuit & diuitijs, quæ sibi cum illa obtigerunt: in quo est summæ felicitatis representatio. Postea verò gradum facit Angelus ad alterum de piscis felle miraculū; in cuius expositione ait, *Quia acceptus eras Deo, necesse fuit, ut tentatio probaret te.*

Quartò ergo ad mysterium propius accedentes, explicemus oportet, quid hic piscis immanis significet? Ego quidem veram & germanam ipsius significationem non esse aliam existimo, quam marinæ belluæ, de qua Apoc. 13. & Leviathan, de quo Iob 40. & 41. Hæc enim duæ maris bestie mirificè illi respondent, quæ piscis immanis appellatur, & Tobiam voluit deuorare; atque adeò harum trium belluarum significatio eadem omnino debet esse. Significant igitur animæ aduersarium, quem appellamus Mundum. Neque id pluribus confirmo; quia cap. 13. Apocalypsi. & cap. 40. & 41. Iobi latè & fuscè videbimus, huiusmodi significationem certam pariter. & elegantem esse.

Illud tamen hic addiderim; si verum esset, hunc Tobie piscem fuisse, qui appellatur Vranoscopus, id est, *Cælestis spectator*, (habet enim oculos in cælum semper intentos, ideoque nuncupatur etiam Callionymus, id est, pulchri nominis); si hoc, inquam, esset verum; non erat abs re ad significationem hanc, quam ei pisci assignamus. Nam græcum nomen *κοσμω*, & latinum, *Mundus*, pulchritudinem importat. Et sicut re ipsâ valde est turpis ille piscis, qui pulcher est nomine; ita etiam hostis animæ, qui dicitur *Mundus*. Hæc igitur bestia marina (id est) mundus, adoritur fidelem iuuenem, & se eum deuoraturam minatur. Cuius rei præsentissimum est remedium non pati, se ab illa abduci; sed illi strenuè obistere, eamque manu fortiter comprehensam trahere; iuxta id quod Angelus Tobie præcepit, *Apprehende branchiam eius, & trahere eum ad te.* Quare mox sequitur, *Quod cum fecisset, attraxit eum in succum; & palpitare cepit ante pedes eius.*

Quintò noto, interiores piscis partes redigi ab Scriptura ad duas, nempe ad iecur & fel. Qui neminerit, quod Angelus Tobie initio dixit, existimabit fortè piscis illius interiora tribus constare partibus, iecore, felle, & corde: sic enim ait Angelus, *Exentera hunc piscem; & cor eius & fel & iecur reponetibi.* Certum tamen est, quæ tria primo aspectu videntur, reapse duo tantum esse. Quia cor & iecur indistinctè accipiuntur pro interioribus partibus vitalibus; id quod manifestum erit consideranti contextum. Nam capit. 6. 8. ait Angelus Tobie; *Cordis particulam si super carbonem ponas, fumus eius extricat omnem genus demoniorum, siue à viro siue à femina, ut ultra non accedant ad eos.* Cum verò ad exequutionem deuenitur, dicitur cap. 8. 2. *Recordatus Tobias sermonem Angeli protulit de cassidili suo partem iecoris, posuitque eam super carbonem viuos.* Ex horum ergo locorum collatione manifestum est, in eis indistinctè accipi cor & iecur pro internis partibus vitalibus; & medicamentum, quod Angelus docuit Tobiam, fuisse eiusmodi, ut partem aliquam ex interioribus piscis

Effectus iecoris fumo & piscis felli attributos fuisse miraculosos.

Miraculosos fuisse effectus ratione probatur.

Cur Deus ad illa Tobie miracula eas vsurpauerit res, quibus aliquid naturalis virtutis inerat. Ex verbis angeli ad Tobiam coniecti arcanum eius historia mysterium.

Præcipuum historie Tobie mysterium. Tobie piscis quid significet.

Vranoscopi piscis nomen non esse abs re ad Tobie piscis significationem.

Mundus per Tobie piscem figura us quo modo superandus.

Interiores Tobie piscis partes ad duas reduci ab Scriptura, ad iecur & fel. Apud Tobiam cor & iecur indistinctè capi.



vitalibus prunis ignitis imponderet: quo exortus inde fumus dæmonem expelleret. Atque hæc de vitalibus partibus; ex quibus procedit sanguis, qui generatur in corde, & in iecore concoquitur. His vero partibus vitalibus opponitur fel, sicut mors vitæ. *Fellis autem medicamentum est* (ait Angelus) *ut cæcis oculis applicetur.* Ita ille cap. 6. numero 9. *Fel valet ad ungendos oculos, in quibus fuerit albugo, & sanabuntur.* Atque ita capit. 11. numero 13. *Sumens Tobias de felle piscis, liniuit oculos patris sui. Et sustinuit quasi dimidiam ferè horam: & cepit albugo ex oculis eius quasi membrana cui egredi, quam apprehendens Tobias traxit ab oculis eius; statimque visum recepit.*

Sexto noto, iecur & fel marinæ huius bellæ duo nobis significare, quibus nos mundus validè oppugnat. Ea autem sunt, vita & mors, hoc est, prosperitas, & aduersitas. Scitum autem est inter spiritualis vitæ magistros, non minùs periculosum nobis bellum à prima, quàm à secunda inferri. Iam quòd iecur vitæ significanda, necnon voluptati; fel verò significationi mortis & aduersitatis mirificè deseruiant, id facile est persuadere. Etenim vita, quæ in sanguine consistit, repræsentat (ut ex se constat) quod placet & voluptatem affert: at fel, quod afflictionem & acerbicatem importat. Et quidem si ad antiquitatem reflectamus oculos, reperiemus duas has vtriusque rei significationes fuisse receptas semper & vfitatas. De iecore enim sapientes loquuntur tanquam de concupiscentiæ sede. Vnde in sabbathi hymno ad matutinas horas per allusionem ad hunc Tobia locum, cantat Ecclesiæ; *lumbos iecurque morbidum adure igni congruo.* Et sic loquuntur etiam Philosophi & Poetæ, vt Plato & Horatius: quorum posterior l. 1. Ode 25. ait.

*Cum tibi flagrans amor & libido  
Scuiet circa iecur ulcerosum.*

Et l. 4. Ode 1. ad Venerem

*Si torrere iecur queris idoneum.*

Et lib. 1. Epistola 18.

*Non ancilla tuum iecur ulceret ulla, puerue  
Intra marmoreum venerandi limen amici.*

Præterea Lauretus ex Origene, Hefychio, Gregorio & Ruperto confirmat per iecur significari occulta desideria. Idemque sentit Martinus Delrius, Genes. 49. §. 16. ubi ait, iecore aptè denotari amorem & desideria, utpote eorum sede. Si ergo semel statuamus iecur esse concupiscentiæ sedem; exin facili negotio iecoris significatio extenditur ad concupiscentiæ obiectum, id est, ad id quod desideramus & concupiscimus. Quare id, quod amamus, amorem nominare solemus; fel autem illud, quod fel & amaritudinem secum affert, hoc est obiectum amaritudinis, cuiusmodi sunt labores. Præterea abs re non est, quod in ethnicorum augurijs deesse iecur in extis, habebatur infelicitatis magnæ augurium. Vide Plinium lib. 1. 1. capit. 37. *M. Marcello circa mortem, cum perit ab Annibale, defuit in extis iecur.* Defuit & Mario, cum immolaret Viçæ. Item Caio Principi successori eius, quo mense interemptus est veneno. E contrario autem Augusto Spoleti sacrificanti primo potestatis suæ die sex victimarum iecinora replicata intrinsecus ab ima fibra reperta sunt; responsumque duplicatum intra annum Imperium. Hæc de iecore. Nec dissentit, quod Hebraicè eodem modo significatur iecur & gloria. Felis autem nomine significari tribulationes & aduersitates docet Hieronymus Ieremiæ 9. numero 15. & Ieremias ipse capit. 8. & 9. Quibus positis seorsum singula miracula excutiamus oportet.

*De primo miraculo, id est, de fumo  
iecoris.*

**N**ORVNT spiritales viri, illis dominari dæmonem, qui voluptatum ac deliciarum cupiditatem non frenant, nec huius vitæ bonorum concupiscentiam coercent. Atque per huiusmodi con-

**A** cupiscentias miserè perire miseros, nemo nescit. Id eoque vt à dæmonis durissima seruitute eripiamur; & à morte, quam ihs importat, qui effrenatè sese cupiditatibus inordinatis tradunt: præsentissimum est remedium, vt concupiscentias ipsas comprimamus; & offeramus Deo, quidquid nobis per huiusmodi mortificationem interdicimus. Ad huius igitur rei significationem quid magis consentaneum esse potest, quàm prunis imponere accensis piscis siue iecoris, siue cordis partem? Nonne hæc est quædam holocausti figura? Si igitur cor ac iecur adumbrant voluptatem, concupiscentiam, prosperitatem, vitamque ipsam, quæ in voluptate consistit; quid congruentius, quàm aliquam ex eo partem Deo in holocaustum offerre? Hoc ergo est, quod Tobias adolescens præstitit, cum Deo sui matrimonij primitias consecrauit, concupiscentiam reprimens, atque hoc pacto dæmonis tyrannidem deuittans. Qui mox à morte ereptus potuit bonis sibi à Deo concessis perfrui securus. In quo apparet, qui suis cupiditatibus rationis & continentiæ frænum inijciunt, non eos omnino priuari huius vitæ bonorum iucunditate: quin imò illos imprimis esse, qui voluptate & gaudio fruuntur; quòd & Deo dicant primitias, & suas appetitiones edomuerint. Qui verò Deo non offerunt holocaustum eius partis, quàm ipse sibi postulat deuoueri; hi profectò omnium facere solent iacturam. Quamobrem vel puerum vuculis decantatur, veram lætitiā ac voluptatem non ab alijs possideri, quàm ab ijs, qui aut Deo strenuè deseruiunt, aut optimi religiosi sunt.

**C** Ad hæc, cum veram mortificationem debeat orationis studium comitari; illaque sit maximè laude digna oratio, quæ ex ipsa carnis maceratione, & mortificatione oriatur; cumque per orationis frequentiam Dei serui euadant ex periculo, quod sibi dæmon creabat: nihil potuit ad hoc significandum, accommodatius adduci, quàm quod textus ait; fumo scilicet ex piscis iecore afflato dæmonem penitus exigi: *fumus eius extrixit omne genus dæmoniorum.* Vide Apocalyp. 8. numero 5. *Ascendit fumus incensorum de orationibus sanctorum.* Adde huc, fumum ex piscis iecore (vt græcus textus indicat) thymiamati admistū ascendere. Sic enim ex græco redditur Tobia 8. *Et sumpsit cinerem thymiamatum, & superposuit cor piscis & iecur, & fecit fumigare.* Quasi in prunarium cum pastillorum odoribus vtrique coniungi illatum iniecerit Tobias partem iecoris piscis. Odoramenta autem esse orationes sanctorum, explicatum est à Ioanne capit. 5. 8. Atqui ex textu planum est, non immisisse Tobiam iecoris partem in sopitos cineres & extinctos; sed super carbones vivos.

**D** Vidimus orationis & mortificationis coniunctionem. Sed dubium non est, quin Spiritus sanctus in hac historia vim eleemosynæ voluerit exprimere. Aduerte ergo, per holocaustum (quod Deo dicatur omnino) congruenter etiam indicari oblationem, quæ sit Deo ex ijs, quæ in pauperes pro ipso Deo erogantur: Quod enim pauperi largiris, id tibi pro Dei amore subtrahis. Vnde & Tobias cap. 12. nu. 8. alludens ad Dei beneficium in Tobiam collatum, cum cum iecoris ignibus impositi mysterio liberauit à morte, & ænigmati interpretationem tradidit; *Bona est, inquit, oratio cum ieiunio & eleemosyna.* Et cetera, quæ supra retulimus. Vbi ex ipso contextu perspicuum est, exposuisse Angelum mysterium fumi ex iecore in flammis injecto emissi, & dæmonem fugantis. Facit, quòd in corde & iecore nutritur, cogiturque sanguis, vt supra perstrinximus. Sanguis autem rem familiarem, propriarumque fortunarum substantiam significat. Quam qui sibi aufert, & pro Dei amore pauperibus subministrat; quasi iecoris partem charitatis igne ardentem Deo in holocaustum offert. Quare, quòd Tobias iunior morti fuerit subductus; secundum Deum, senioris Tobia eleemosynis, patientiæ & orationibus referri debet acceptum. In quibus etiam virtutum actionibus iuuenis partem habebat non exiguam. Qui verò opprimuntur a dæmone, ipsi sibi mortis accersere causas; quia effrenatè nimis suis indulgere cupiditatibus, Dei timorem, & pauperum commiserationem prorsus obliui.

*Mysticæ significationis primi miraculi in Tobia patrat de iecoris fumo.*

*Fumo ex piscis iecore afflato dæmonem fugari, quid denotet.*

*Orationem cum mortificatione coniungi debere.*

*In primo Tobia miraculo quomodo eleemosyna commendetur.*



Per demonis  
alligationē  
in Aegypti  
deserto quid  
indicetur.

Postremo considerandum est, quod textus ait; Tunc angelus Raphael apprehendit demonium & religavit illud in deserto superioris Aegypti. Quo innuitur, euadere ex demonis servitute, tantam esse rem; vt nostras vires, nisi per impetrationis modum, eo pertingere non possint. Atque id est, quod capit. 12. numero duodecimo, ait Angelus, Ego obtuli orationem tuam Domino. Hæc tamen impetratio adeo est efficax, vt per eam Dei serui, qui corporis afflictionibus & orationi nauant operam, a demonis violentia maneat omnino liberi. Quod vt significetur, apte textus subiungit, demonem ab Angelo illaqueatum in superioris Aegypti deserto, id est longissime distante, ac si apertius dicatur; Homo tunc adeo remanet liber ac securus a dæmone; vt nisi ad spiritalem remeans Aegyptum, vltro dæmonem ipsum accersat, nihil ab eo possit accipere detrimenti; id est, nisi Christianæ disciplinæ aut etiam religiosæ curæ abiectâ, ferinos rursus mores & effrenatos induat.

*De secundo miraculo, id est de fellis virtute  
ad aperiendos oculos.*

Mystica signi-  
ficatio  
secundi To-  
biæ miracu-  
li de fellis  
virtute.

Deum, suos  
vt probet, eis  
calamitates  
immittere.

**V**IDIMVS, qua ratione fidelis quispiam suas debeat appetitiones comprimere, vt a demonis euadat potestate. Ceterum postquam, singulari Dei beneficio ad ipsius timorem & gratiam est traductus; sequitur, vt quo pacto in laboribus sibi a Deo immixtis tractare se debeat, explicetur. Est enim hoc diuinæ prouidentiae proprium, vt periculum suorum amicorum faciat; quod prouehat eosdem, atque perficiat. Id quod Tobia vsu venit, cum eum & excæcauit Deus, & oculis diuinitus restitutus curauit. Et verò in admirabili illa medicandi ratione, qua Deus per piscis fel Tobiam sanauit, non obscure adumbratur; quemadmodum Dei seruus se gerere debeat in aduersitatibus & ærumnis, quas illi Deus immiserit; & quem fructum ex eis debeat percipere. Quapropter Angelus capit. 12. postquam primum miraculum exposuit (cum Tobias ipse per iecoris ex pisce fumum fuit ex demonis tyrannide ereptus) mox subdit, Et quia acceptus eras coram Deo; necesse fuit, vt tentatio probaret te: & nunc misi me Dominus, vt curarem te.

Calamita-  
tes patienter  
sustineri de-  
bere.

Quid Deus  
laboribus in  
nos immixtis  
intendat.

Isai. 23. 19.

Sed vt ad historiam regrediamur; Sumens Tobias de felle piscis, liniuit oculos patris sui: & sustinuit, quasi dimidiam ferè horam. Per fel amarum constat calamitates & ærumnas indicari. Quod verò patienter & toleranter huiusmodi calamitates oporteat sustineri, & fiduciam interim ac spem in Deo figi; id eleganter satis in ipsa historia explicatur. Aduertendum tamen est, Dei prouidentiam sapienter disposuisse, vt piscis fel medicandis oculis esset salutare, vt supra iam vidimus. Quod ducimur, vt consideremus, Deum eo potissimum tendere, cum laboribus & ærumnis probat suos, vt ipsimet in eiusdem Dei cognitione atque amore miras hac ratione progressionem faciant. Huc forsitan spectant illa Isaie verba, Vexatio dabit intellectum. Multo tamen est ad rem congruentius illud Iobi capit. 42. numero quinto, Auditu auris audiui te; nunc autem oculus meus videt te. Quasi diceret, se in Dei cognitione tantopere profecisse illâ Dei concione (qua illi exposuit Deus suam mentem atque consilium in afflictionibus, quibus eum tentauerat) vt oculis sibi aperuisse videretur, & visum recepisse; atque adeo Deum de facie quodammodo tunc cognouisse; quasi antea famâ solum & auditione, tunc vero oculorum conspectu cognosceret.

Vt hoc ipsum significetur; quid potuit magis idoneum afferri, quam vt Tobia oculi piscis felle illiti referarentur. Iam tolerantia in laboribus (cuius interpositu & interiectu oculis fuit adhibita medicina) mirifice exprimitur verbis illis, & susti-

**A** nuit quasi dimidiam ferè horam. Verbum autem sustinuit denotat non illum expectasse solum; sed etiam patienter pertulisse. Fel enim aut fortè admodum oculis acerbiter affert; aut id saltem in figura ipsa representatur: ita vt sustinere sit hic pati & expectare: iuxta illud Ecclesiastici 2. numero quarto. Omne, quod tibi applicitum fuerit, accipe; & in dolore sustine. Dixerat autem paulò antè, Suscipe verba intellectus: & ne festines in tempore obductionis. Vbi obductio est medicinæ applicatio. Et paulò infra; Sperate in illum; & illuminabuntur corda vestra. Quod idem est ac dicere, labores a Deo nobis mitti, vt sui serui in eius cognitione atque amore prouehantur. Itaque sunt veluti spirituales prælectiones, Verba intellectus & illuminationes cordium: id quod in eo indicatur, quod fel ad oculorum curationem fuerit præcipue electum.

Verbum  
sustinere,  
quid hic  
proprid.

**B** Deinde obseruatione dignum est, doloribus & acerbitatibus initio quidem perterreret homines; postea verò cicurari, atque molliiri; & qui illis mansuescit, miram doctrinam edoceri, iuxta id Iacobi 1. numero vigesimo primo, In mansuetudine suscipite verbum. Quod vt significetur, non fel Tobia oculos aperuit, cum primum fuit illis applicitum; sed, sustinuit quasi dimidiam ferè horam. tempus autem ad dimidiam solum horam reducitur; vt innuatur perbreue esse ac valde exiguum doloris & acerbitatis interuallum: si comparatur cum cælesti luce atque notitia, quam Deus suis seruis per laborum fel impertitur.

Aduersita-  
tibus homi-  
nes a Deo  
molliiri &  
mansuescieri.

**C** Præterea, horæ nomen in sacra Scripturæ phrafi significat cuiusvis rei tempus & spatium. Quare cum dicitur, Quasi dimidiam ferè horam; denotatur laborum fructum (quod attinet ad animi referandos obtutus, ac spiritalem lucem & cognitionem tribuendam) multò antè percipi atque gustari, quam humanitus fieri posse crederetur. Vt si dimidiâ vix dum prælectione a præceptore decursâ, discipuli probè admodum tenerent ea, quæ integrum prælectionis atque horæ tempus ad sui declarationem videbantur exigere. Quod nihil est aliud, quam reapse dicere; ad maximam Dei lucem & cognitionem, laborum viam & aduersitatum esse valde compendiarium.

Quid per  
dimidiam  
ferè horam  
denotetur.

**D** Hinc fit, spiritualibus viris & cælestis doctrinæ magistris moris esse; illos pro amicis & valde charis habere, qui eis fellis amaritudinem admovent, vt animi abiectâ lipitudine verum recipiant visum. illi enim vexando & affligendo quasi telas oculis seruorum Dei obductas manu prestantes detrahunt. Atque ita textus ait de iuniore Tobia; Liniuit oculos patris sui, & caput albugo ex oculis eius egredi; quam apprehendens Tobias traxit ab oculis eius; statimque visum recepit.

**E** Diximus de ytroque miraculo, quæ sunt in toto Tobia libro magis insignia & excellentia; omissis interim rebus alijs, quæ faciliè possunt applicari. Huiusmodi est Tobia iunioris connubium, & opima dos, quæ illi dicta atque confecta est. Quod facili negotio applicari potest ad spiritale connubium cum diuina gratia & cælesti sapientia. Idque rectè etiam consentit cum prædicto eorum miraculorum sensu, quæ textus enarrat. Itaque interpretatio illa videtur proprium mysterium attingere, quod voluit Deus in Tobia libro includere.

Tobia conu-  
lii ac dotis  
allegoria.

Præter hæc, quod Tobias adolescens fuerit a Deo altis carnibus illius piscis, qui ad eum deuorandum aggressus fuerat; hoc inquam, valde congruit cum illa parabola, qua dicitur Messias suis segetoribus conuiuium Leuiathani carnibus apparatus. de quo dicemus circa caput Iobi 40. & 41. vbi explicabimus eam esse parabolam: cuius mysticus sensus facit etiam ad rem in historia Tobia mysterio.

Tobiano iu-  
niorem susci-  
le alium  
immanis  
piscis car-  
nibus, quid  
mysticod si-  
gnificet.

Tandem dimidia hora Apocalypseos cum convenientia & proportionem, quam dicit ad dimidiam horam libri Tobia, spirituali sacra huius historiae intellectioni lucem attulit. Et quemadmodum in Tobia libro, iecoris miraculum an-

recedit



tecedit miraculo fellis : ita etiam Christiani populi patientiam præcedit in Apocalypsi sanctificatio fidelium & vera mortificatio Christiana; quæ ipsi & dæmonis tyrannidem declinarunt, & ve-

ra spiritus libertate, verisque animæ diuitijs potiti sunt; de quo agitur in quatuor primis sigillis.

## N O T A T I O III.

### De septem plagarum mysterio.

**V**T rite examinare possimus, qui sint septem Angeli, de quibus initio huius octauæ capitis agitur; & quid significant septem illæ tubæ, quas in manibus tenent; oportet excutere prius, quæ sint huiusmodi plagæ, quarum singulas singulæ tubæ conitantur.

Aretas & Ribera opinantur, eas esse septem ingentes calamitates, quas Deus sub extremi Iudicii tempora sceleratis hominibus est illaturus: & pene omnia quæ in ipsis recensendis enumerantur, accipiuntur ab ijs auctoribus, ut in sensu ipso grammatico sonant: eademque ratione explicant septem phialarum plagas, quæ capite decimo sexto describuntur.

Plerique tamen interpretes, qui pro certo habent explicanda esse in sensu ænigmatico ea, quæ textus de his plagis affirmat; easque à Deo esse peccatoribus infligendas: nullo modo earum significationem applicant ad res propè diem Iudicii euenturas; sed ad diuersa supplicia, quibus Deus varijs temporibus poenas de mûdi flagitijs sumpturus erat. Nec videtur huiusmodi auctores velle constringi, ut omnia illæ supplicia sint infidelibus irroganda; sed etiâ fidelibus quorum peccata Deus quoque grauitimè vlciscitur permissione interdum hereticum, bellorum, aliarumque calamitatum maximarum. Prætermitto Aureoli & Lyrani declarationem; quippe adeò violentam, ut eam referre opus non sit. Ceterum tam in ea, quàm in Ribera, & in communi etiam opinione desideratur id, quod perfectæ Apocalypseos expositioni deesse æquum non est; videlicet, ut hæ septem plagæ consequentiam habeant idoneam cum septem libri signati mysterijs, quorum series & discussus fuerat inceptus; & in plagarum numero, ordine, & singularum symbolis tum egregia doctrina, tum sapiens dispositio splendescant.

Mihi certè dubium non est, legitimum sensum plagarum, quas conitantur tubæ, esse grauitima supplicia; quibus Deus suam seueritatem ostendit aduersus Iudaicum populum rebellem sub primitiua Ecclesiæ tempora: in ipso videlicet primo Christianæ Ecclesiæ sæculo; postquam Deus patientissimè illos expectauerat, & valde seriâ comminatione detertere conatus fuerat. Atque in primis argumentum hoc discursum in prioribus sex sigillis libri signati inceptum continuato filo prosequitur. Deinde si ab hoc argumento discedatur, discedi etiam necesse est à totius libri acolutiæ; & à duplici illa columna, quas Ioannes in hac via miro consilio fixit atque disposuit; ne huius libri interpretes viâ ignoratione decepti penitus aberrarent. De quibus columnis diximus in prolegomenis not. 12. vbi etiam indicauimus, si interpretum auctoritatis ratio ducenda sit, declarationem esse nullam, quæ tot ac tales habeat auctores, ut illa quæ affirmat, in Apocalypsi à c. 4. vsq; ad 11. tractari; qua ratione se gesserit Christus cum Iudaico populo, donec decimâ illius parte conuersa ceteros reprobaret; à capite vero 12. ad 20. contineri modum agendi cum Gentilium populo, quoad Imperium Romanum ad Catholicam religionem penitus transferretur.

Cum igitur hanc viam, utpote rectam, capeamus, necessarium est has septem plagas esse illas, quibus Deus obstinatam Iudæorum gentem punit; ut illis perspicuè fuerat interminatus, Leuit. 26. 28.

**B** Si ambulaueritis contra me; & ego incedam aduersum vos in furore contrario, & corripiam vos septem plagis propter peccata vestra. Septem verò plagæ, quas ipse designo, hæ sunt; Fames, Bellum, Pestilentia, Ignorantia, Concupiscentia, Ira, Obduratio. Ut autem de huiusmodi septem plagis sermonem in præsentem haberi credam; adducor in primis, quia certum omnino est septem hisce plagis Deum in Iudæorum populum animaduertisse. Et de tribus quidem primis Fame, Bello, & Peste (præterquam quod res est Iosephi & aliorum annalibus satis cognita) expressi reperiuntur in Scriptura loci; in quibus asseritur Deum his tribus sagittis sui populi gentem percussurum. Vide Leuit. 26. Deuter. 28. Ierem. 14. & caput 32. & 34. & 44. Baruch 2. numero 25. Ezechiel. 5. & 6. & 7. & 12. & 14.

**C** De quarta plaga (id est de Ignorantia & mentis cecitate) lege Deut. 28. 28. Percutiat te Dominus amentia & cecitate ac furore mentis; & palpes in meridie, sicut palpare solet cæcus in tenebris, & non dirigas vias tuas. Et ex ipso contextu euidentis est, hanc ut quartam plagam addi Fami, Bello & Pestilentia; quorum antea facta fuerat mentio.

De tribus alijs postremis, (nempe de Concupiscentijs, Iris, & Obduratione,) verum est non esse expressam mentionem in Leuitico, nec in Deuteronomio, locis adductis. Nam carnalis Iudæorum populus non ita acutâ mentis acie pollebat, ut reliquarum trium plagarum posset grauitatem cognoscere. Enim verò postquam Spiritus sanctus Deut. 28. quatuor primas plagas disertis verbis expresserat, addit eodem capite 28. numero 61. Insuper & uniuersos languores & plagas, quæ non sunt scriptæ in volumine legû huius, inducet Dominus super te. Si ergo prædixerat plagas septem omnino fore, & quatuor ex ijs explicauerat, addideratque se alias silentio prætermittere; manifestum est has, quæ supprimuntur, ad ternarij numerum esse reuocandas. Nec dubium est, quin quæ filètur, grauiores sint. Ita enim nos docuit Christus Dominus Matth. 24. 8. & Marc. 13. 8. Nam postquam asseuerauit Iudæorum populum Fame, Bello, ac Peste acerrimè à Deo correptum iri, mox subiungit, Hæc autem omnia initia sunt dolorum. Quasi dicat, plagas alias longè grauioribus in ipsos laxissimè grassaturas. Nec aliud significat Aquila clamans, vae, vae, vae. Apocal. 8. 13. vbi exprimit textus tria illa vae ad tres postremas plagas, id est, quintam, sextam, & septimam referri. Quod autem admonitio hæc attribuitur Aquilæ, perinde est ac tribui magnæ sapientiæ Euangelicæ; quæ nos docet, quantumuis Fames, Bellum, Pests, & Ignorantia sint grauiissima Dei supplicia; multò tamen esse maiora, cum homines suarum cupiditatu furens, & irarum furij traduntur; quodque ceteris adhuc grauius est, cum obdurantur peccatores, & obstinati in peccato residere permittuntur: quo eis diuinæ misericordiæ ostiū præcluditur, & æternæ Dei iræ atque furori subijciuntur obnoxij.

**E** Secundò, Interpretatio hæc pro se habet satis coherentem contextus applicationem ad has septem poenas, quas Deus à Iudæis obstinatis repetijt, priusquam Ecclesia à Iudaico populo ad Gentilium commigraret. Etenim ad Famem, Bellum, ac Pestem cum mirifice sint descriptiones ænigmatice, quæ in tribus primis plagis continentur; in quarta quidem textum attentè consideranti constabit ad-

Quæ sint septem plage.

De tribus primis plagis Fame, Bello, Peste, & in Scriptura & apud Iosephum constare. De quarta, id est, ignorantia.

De tribus postremis, Concupiscentia, Ira, Obduratione, nunde constet.

Tres postremae ceteris grauioribus.

A coherenti contextus applicatione nostra probatur sententia.

Septem tubarum plagæ quæ sint. Opinio Aretæ & Ribera.

Aliorum opinio.

Refelluntur superiores expositiones.

Auctoris sententia de tubarum plagis.

Probat, ut ostendit de septem plagis sententia.



nullam aliam rem posse recte applicari, nisi ad Iudaici populi ignorantiam. Cum verò quinta & sexta plagæ elegantem etiam habeant ænigmatum descriptionem; alia blandientium cupiditatum, altera irarum æstuantium: quod sextæ additur plagæ in capite decimo & vndecimo, manifestum est argumentum, sermonem ibi esse de bello, quod gerebat Deus cum Iudaico populo, & præsertim cum pertinace Ierosolyma; vt cum illius populi capite. Fit expressa mentio templi & atrij, capit. 11. 1. Et mox numero 8. mentio est ciuitatis, quæ vocatur spiritualiter Sodoma & Aegyptus, in qua Dominus crucifixus est. Postea verò numero decimo tertio, cadit decima eiusdem ciuitatis pars. Ex quo mea sententiâ planum fit, sermonem ibi institui de prælio, quod per has ipsas plagas cum perfida Ierosolyma commisit. Denique in septimâ & reliquarum extremâ plagâ, non alia potest explicatio ipsi textui congruere, nisi quod Deus à Iudæis scripturas & pactiones cum eis initas prorsus auferat: eosque de possessione ac nomine populi Deo chari & electi deturbet.

Tertiò, valida huius declarationis confirmatio petitur ex eo, quod in numero atque ordine harum septem plagarum mens conquiescat omnino. Primò enim ex vniuersis corporis ærumnis tres eliguntur grauioribus, ad quas reuocantur ceteræ. Ordo autem inter illas dispositus, eiusmodi est, quem exigit recta ratio, vt à minis grauibz ad grauiora procedatur. Nam licet fames sit magnum Reipublicæ malum; maius tamen est bellum; sicut etiam vtroque acerbior pestis. Constat hoc 2. Regum 24. num. 12. & 1. Paral. 21. num. 10. *Trium tibi optionem do; aut tribus annis famem; aut tribus mensibus gladium; aut tribus diebus pestilentiam.* Deinde ex spiritualibus malis certum est, ignorantiam mentis, vt corporis mala omnia grauitate præstat; ita etiam, quod ad malitiam attinet, à voluntatis deprauatione superari. Porro in malis, quibus potest subiacere voluntas, prius est homines cupiditatum firenis, quam irarum furis dedit: sicut prius concupiscere, quam irasci. Ac tandem Theologis notum est, malorum omnium grauissimum esse, cum homines in suis flagitijs obdurescunt, & à Deo propter ipsorum scelera derelinquuntur. Cum ergo numerus sit septem plagarum; & earum series ac filum recto ordine comprehendat grauioribus omnes labores ac mala, quæ in aliquam rempublicam possunt incurrere; cumque septem plagarum ænigmata concinna sint & elegantia, si eodem plagarum ordine singula ad singulas applicentur; insuper in aliquibus exprima-

A tur sermonem esse de Iudaici populi plagis; cum hæc, inquam, omnia ita sese habeant, ecquid respondere potest scrupuli, quin hæc sint plagæ septem, quas Deus minitatus fuerat, se in populum illum, si in sua obstinatione peristerent, immisurum?

Quartò, non parum eandem de septem plagis interpretationem fulcit alter ille plagarum septenarius, qui cap. 16. describitur: nam (vt ibi manifestum erit) perspicuum est, plagas illas capitis 16. esse, quibus Deus Romam Ethnicam debellauit. Cum verò constet euidenter, prius fuisse Ecclesiæ bellum cum Ierosolyma, quam cum Roma Ethnica; si posteriores plagæ in Romam immittuntur, primæ in perfidam Ierosolymam immittantur necesse est. Quod si attentè perpendatur; actutum cernitur, quam congruenter primæ plagæ in tubis ruinam vrbi minitantes significentur; per allusionem ad tubas illas, quæ in circuitu Iericho personuerunt: posteriores verò plagæ phialis denotentur mylticam iram effundentibus, id est, immensam illius misericordiam; qui Romæ, atque adeo vniuersis Gentilium populis bellum inferebat, vt eos ad suam fidem traduceret, & verâ sanctitate bearet. Proptereaque Angeli, qui manibus tenent phialas, induti sunt lino candido & ad pectus zonis aureis accincti: quæ duo sunt sanctificationis & ardentissimæ charitatis symbola (de quo supra capit. 1.) phialæ etiam sunt sacerdotalis officij symbolum, vt explicuimus cap. 5. Quibus quasi lineamentis adumbratur, virtutem & efficacitatem sacrificiorum Christianæ Ecclesiæ impetrauisse, vt Deus præstantissimâ illam belli rationem cum Roma Ethnica iniret, quod eam suæ fidei præceptis & singulari sanctitate imbueret.

C Cum igitur hæc fuerit linearum vestis, zonarum aurearum, & phialarum significatio; ideo huiusmodi symbola minimè fuere idonea ad plagas illas quas Deus Ierosolymæ inflixit, quarum exitus fuit, Iudaici populi reprobatio. Deinde cum vox tubæ fuerit symbolum belli à Ierosolyma Ecclesiæ illatis; maris autem fremitus symbolum extiterit illius belli, quod Roma Ethnica aduersus eandem Ecclesiam susceptura erat (id quod latè expendimus capit. 1.) miræ elegantiz fuit & proportionis, vt significaretur contra Iudaici belli tubam tubis item pugnare Deus; & contra frementes irati maris fluctus effusione alterius liquoris maiori vi ac potentia constantis.

Confirmatur adhuc ex huius plagarum septenarii collatione cum altero capitis 16.

Discrimen inter septem has plagas, & alias capitis 16.

## NOTATIO IV.

De personis septem Angelorum, quibus data sunt tubæ.

HI septem Angelis putant aliqui representari Hministros, quibus Deus ad supplicij seueritatem vtitur. Cum autem Deus punire possit per caelestes Angelos, per inferorum dæmones, per homines, & per ipsas proximè plagas: ideo quatuor esse possunt opiniones eorum, qui tubarum Angelos de diuinæ seueritatis ministris exponunt. Prima opinio est eos esse caelestes angelos, quam tenent Andreas, Aretas, atque Ribera. Secunda, esse dæmones; sicut etiam quidam existimant de quatuor angelis tenentibus quatuor ventos capit. 7. Tertia, esse homines perniciosos; vt hæresarchas, & principes, eorum fautores. Quæ expositio Aureoli, Lyrani, Antonini, Ederi, & Lizarazi. Quarta denique, esse ipsasmet plagas, quas Deus in Iudæos immittit, vt Famem, Bellum, Pestem, &c. Nam sacra Apocalypseos fictio vtitur sæpè prosopopœia, vt vidimus c. 4. & Plal. 103. 4. ipsa flamma ignis appellatur Angelus, quia ministrat Deo. & Pl. 77. 49. legimus, immisiones per Angelos malos. Huic quartæ opinioni subscribit suo modo Arias Montanus in myltica expositione.

D Ait enim septem Angelos esse vim diuinam in se ipsa, & circa ipsam per ministros suos torquentem hominum malitiam in terrestri essentia. Hæc Arias.

Hæc omnes expositiones in eo consentiunt, quod septem Angeli tubarum non solum sint plagarum præcones: sed ministri, per quos Deus homines seuerissimè puniat. Pro cuius probatione adduci posset primò, quod de quinto Angelo textus asseuerat; illum scilicet aperuisse puteum abyssi, eique nomen inditum Abaddon, id est, vastatorem vel exterminatorem. Deinde, quia de sexto Angelo ait textus, ab eo solutos fuisse quatuor Angelos, vt tertiam hominum partem trucidarent. Constat autem, si quintus & sextus angeli non sint plagarum præcones, sed ipsimet per quos Deus homines punit; idem quoque de reliquis esse dicendum. Tertiò; opinioni primæ, quæ de Angelis caelestibus interpretatur, fauet quod in textu legimus, nempe, stantes in conspectu Dei; nec non Antiphona officij sancti Michaelis ad Vesperas, quæ sic habet; *Dum sacrum mysterium cerneret Ioannes, Archangelus Michael tubâ cecinit; Igno-*

In quo conueniant hæc omnes expositiones.

Quinam finguntur per septem tubarum angelos.

Quatuor hæc de re opiniones.



*Explicitio  
Antiphonae  
ab Ecclesia  
usurpata in  
sancti Mi-  
chaelis offi-  
cio.*

*ſic Domine Deus noſter.* Vbi obiter notandum eſt, verba illa, *Ignosce Domine*, &c. non eſſe ipſius Angeli. Nec enim decens erat, vt Angelus Deum tuba alloqueretur. Sunt ergo verba Eccleſiae; quæ contemplata Archangelum quaſi clauſum tuba canentem ad viſcendos ſcleratos, procumbit in genua, & ad Deū conuerſa ait; *Ignosce Domine*, &c. Deinde hæc eadem antiphona fauere videtur eorum opinioni, qui volunt hos ſeptem angelos tubarum, eſſe celeſtis curiæ magnates. Nam ſi ſeptem præcipui ſunt in iſis principes; dubium non eſt, quin Michael ſit eorum vnus. Ad hæc, ſeptem Angeli hic cum articulo ponuntur in Græco. Et hætenus de ſententijs opinantium ſeptem Angelos tubarum eſſe ipſomet diuinæ ſeueritatis miniſtros, per quos poenæ hominibus infliguntur.

Aliæ ſunt opiniones, quæ diuerſa longè viâ procedunt. Extendunt enim ſeptem Angelorum interpretationem ad omnes doctores & diuini verbi cōcionatores. Sic Ticonius, Primiſius, Beda, Anſelmus, & Albertus: qui aiunt ſeptem Angelos eſſe omnes illos quibus prædicationis officium commiſſum eſt; & in ſeptenario denotari dicunt perfectam Eccleſiæ prædicationem. Alij ſeptenarium ad ſeptem prædicatorum ordines applicant; iuxta numerum plagarum, quas hominibus enunciant. Ambroſius completi voluit prædicatores quotquot ſine doctores ab initio fuere, & qui ad finem vſque mundi ſubſequentur. ita vt primus Angelus prædicatores eos delignet, qui legem præceſſerunt; ſecundus legis doctores; tertius Prophetas; quartus Chriſtum & Apoſtolos; quintus deſenſores fidei; ſextus martyres; ſeptimus denique prædicatores ſub finem mundi futuros. Andreas quoque innuit ſeptem tubas ad totidem ſacula referendas. Ioachimus ſolum voluit, completi Euangelij prædicatores à Chriſti paſſione vſque ad finem mundi; ita vt primus Angelus designet Paulum, & concionatores primitiui illius temporis; ſecundus prædicatores ſecundi temporis; & ſic de reliquis.

Vidimus duas extremas expoſitiones; quarum prima vult ipſum tubæ clangorem eſſe inferre plagam; altera verò clangorem hunc de offici j prædicatoris exercitatione explicat. Pro quo aſſeritur, in aliquot Scripturæ locis tubā eſſe prædicationis ſymbolum. Huic explicationi obijci poteſt, non ſemper poſt prædicationem ſequi plagas; cum videamus poſt ſeptem huiusmodi clangores, mox plagas ſubijci. Propter hoc fortaſſe argumentum aliqui prædictorum interpretum ſuam expoſitionem coarctant ad eos prædicatores, qui acerba atque aduerſa enunciant. Ceterum nec ad huiusmodi prædicatores omnes poteſt ſignificatio horum Angelorum extendi. Etenim hæc ſeptem tubarum plagas immiſit Deus contra Iudaicum populum tempore primitiue Eccleſiæ. Non igitur ſeptem tubæ poſſunt comprehendere omnes aliorum, ſive temporum, ſive hominum concionatores. Quod amplius confirmatur. Nam cap. 16. videbimus ſeptem alios Angelos, qui phialas effundunt. atqui duo hi ſeptenarij diuerſi inter ſe ſunt, & alter alteri reſpondet. Septem ergo Angeli tubarum completi non debent eos omnes, qui acerba & amara nunciant.

Præterea huius tubarum ſymboli difficultas in eo ſita eſt; quod vna ex parte tuba denunciat quidē bellum, non tamen plagam infligit: atque ita tuba clangere, officiū eſt ſpeculatoris. Ezechiel. 33. 7. vbi Dominus ait Prophetæ, *Fili hominis ſpeculatorem dedit te, vt eis annuncies, vt ſe cuſtodiant.* Ex alia verò parte in Apocalypſeos figurā neceſſarium eſt, vt tubæ clāgor ſit initium belli, & clangorem ſequatur plaga: eodem ſerè modo, quo cap. 16. effuſionem phialæ ſequitur plaga. Aſſero igitur, ſingulos tubarum clangores, eſſe præconia quædam, & quaſi promulgationes diuinæ vindictæ. Quemadmodum præconium ſententiam iam latam prædicat ac pronunciat, vt protinus executioni mandetur. Itaque non iam eſt comminatio, aut admonitio vt ſibi à plaga impēdēte caueant; ſed quaſi indiſſio & promulgatio ipſius ſententiæ. verbi gratiā; Primus clangor prædicat diuinitus eſſe decretum, vt Ieroſolyma fame puniatur; ſecundus ſententiam dictam pronunciat, vt pu-

**A** niatur bello; tertius, vt pelle; quartus vt ignorantia; & ſic de reliquis.

Cogit autem nos textus, vt diſtinctionem inter Angelos & tubas indagemus: ſiquidem Angelis traduntur tubæ: inter tubas item atque clangores debet etiam reperiri diſcrimen. Primo enim tubæ Angelis dantur; deinde clangunt; poſtea ſequitur plaga. Mea ergo ſententia eſt, per ſingulas tubas ſignificari illam Scripturæ prophetiam, quæ aſſerit perſidam Ieroſolymam à Deo fuiſſe illā plagā percutiendam: videlicet primā tubā denotari famem, qua aſſigenda erat ciuitas; ſecundā, bellum &c. Clangor autem repræſentat, cum tempus appropinquat, tunc antiquam prophetiam denuo reſonare quodammodo & vehementer in eorum auribus percrepare, quos Deus eā auditione dignatur, vt plagam illam atque ſupplicium in Ieroſolymam immiſſum exaudiant, ac recognoſcant.

**B** Et quanuis Scripturæ loci, in quibus hæc ſeptem plagæ fuerant prædictæ, multo ſint plures, quā ſeptem; diſtinctio tamen tubarum, quod attinet ad ipſam figuram, à plagarum diſtinctione deſumitur. Licet autem vna, eademque plaga à multis Prophetis ſit prænuntiata: hæc tamen prophetiarum multiplicitas minimè officiit, neque attenditur ad ſeptē plagarum repræſentationem pariter ac diſtinctionē. Itaque Angelus ſignificat Prophetam, cui Deus plagam eiſmodi prædicandam reuelauit: tuba autem prophetiam ipſam à Deo reuelatam: clangor verò eſt veluti noua antiquæ prophetiæ promulgatio. In quo plenum eſt energiæ, quod indicetur veterem prophetiam illius plagæ in Ieroſolymam immittendā denuo perſonare, cum ipſius ſupplicij tempus iam imminet.

**C** Vt hoc planius percipiatur, ſingamus ſeptem diuerſis Prophetis plagas ſeptem à Deo, ſingulas ſingulis, reuelari. Tunc quidem nullius diſcultatis erit, per ſeptem angelos ſignificari ſeptem illos prophetas. Quod ergo aut plagæ omnes ſingulis Prophetis, aut ſingulæ omnibus reuelatæ ſint; nihil impedit, quominus aptè conſideremus, Ioeli (verbi gratia) reuelatam fuiſſe Famem, qua Deus Ieroſolymam tuerat puniturus; Ezechiel, Bellū; Petſe, Ieremiam; Moyſi ignorantiam; Concupiſcentias Dauidi; Zachariæ Iras, quibus Iudæi Chriſtiani oppugnati erant, (iuxta Zachariæ ipſius verba c. 12. 2. & c. 14. 14. *Iudas erit in obſidione contra Ieruſalem.*) denique Iſaia Iudæici populi obdurationem. Et quanuis prophetæ ſeptē numero diſtincti non eſſent, in quos hæc ſeptem vaticinia ſeu prophetiæ partirentur: formalis tamen diſtinctio hic foret ſatis, per quam eadem perſona diuidi ſolet in plures. Vt ſi conſideremus, vnā eſſe perſonam, quatenus ei famæ reuelatur, alteram, quatenus reuelatur ei bellum; & ſic de alijs.

**D** Itaque ſeptem Angelos de ſeptem antiquis Prophetis intelligo, formaliter quidē diſtinctis propter ſeptem plagarum diſtinctionem. In eo autem, quod prophetæ ad ſeptenariū numerum reducuntur; alluſio ſit ad ſeptem Perſici regis magnates ſive Principes, de quibus Eliher. 1. 10. *Quin coſpectu eius miniſtrabant.* Quod perinde eſt, ac ſi dicantur ij eſſe quaſi regis cubicularij. Hæc igitur ratione rectè conſiderantur veteres Prophetæ, quatenus plagas illas enunciarunt, quibus Deus in Ieroſolymam acriter fuerat animaduſurus; ſub hac, inquam, ratione poſſit antiqui prophetæ conſiderantur eſſe tubarum Angeli. Apoſtoli autem & prædicatores Euangelici ſunt Angeli phialarum, quatenus nouiſſimæ iræ ſunt miniſtri; id eſt, quatenus prædicatione ſuā fuerunt miniſtri vitionis myſtica; quam Deus erat de Gentilitate ſumpſurus, cum eam Euangelio ſubegit. Quapropter hæc intereſt inter vtroſque diſtinctio; quod angeli quidem primi clangunt, & eorum clangorem ſubſequentur plagæ; ipſi tamen propriè non ſunt plagarum miniſtri, neque aliter deſeruiunt plagis, quā eas annunciendo. At phialarum Angeli verè ſunt nouiſſimæ iræ miniſtri; quia effundunt phialas in terram, in mare, in flumina, in aerem, in Euphratem, & in Babylonē. Et ſanè efficaciffima illa aqua, liquor ille admirabilis, quem effundunt, maximam eam habet efficacitatem in terra; in mari, in fontibus & ceteris: de quo latius ſuo loco.

*Diſtinctio  
inter Ange-  
los & tubas  
apponenda.*

*Quid per  
has tubas  
figuretur.*

*Quid per  
tubarum  
clangorem.*

*Quinam  
per tuba-  
rum angelos  
denotantur*

*Reſciuntur  
due expoſi-  
tiones ſuprà  
poſitæ.*

*Harum tu-  
barum ſym-  
boli diffi-  
cultas in  
quo ſita ſit.*

*Tubarum  
harū clā-  
gor quid  
ſignificet.*

*Cur hi an-  
geli ſine  
propheta per  
eos figurati  
ad ſeptena-  
rium remo-  
centur?*

*Differentia  
inter tuba-  
rum angelos  
& angelos  
phialarum.*



Respondetur  
argumentis  
supra in  
contrarium  
adductis.

Superest respondere argumentis, quæ retulimus initio pro eorum opinione, qui septem tubarum Angelos de ipsismet diuinæ seueritatis ministris intelligendos putant. Quare ad primum assero; non esse quintum Angelum, qui puteum aperuit, sed stellam quæ caelo decidit. Præterquàm quod vt puteum aperuisse diceretur; satis erat ab ipso arcanum illud detegi mysterium; quod scilicet æquissimo Dei iudicio perfidi Iudzæ locustis illis plestantur: neque hoc est esse proprium seueritatis ministrum, sed mysterium delitescens aperire. Ad illud autem de nomine Abbadon, Respondeo, illum abyssi Angelum, qui vocatur Abbadon non esse eundem, qui tubam quintam cecinit; sed alium longè diuersum.

Ad secundum respondeo; vt sextus Angelus dicatur quatuor illos Angelos ad Euphratem fluuium alligatos dissoluisse, satis est suo illo clangore denunciare illos esse soluendos.

Ad tertium: illa Michaelis Archangeli antiphona ad eorum opinionem accommodatur, qui tubarum angelos ex cælesti hierarchia esse putant. Sed vt fert sententia, non opus est, vt credamus in ea antiphona præstitui, atque implicite affirmari, idem esse concrepare tubis, quod inferre supplicium. Etenim ad ea, quæ sequuntur, verba, *Ignosce Domine, &c.* satis est, tubæ clangorem referri ad promulgationem, siue enunciationem plagarum quàm mox infligendarum. Nam vbi primum Ecclesia hanc sententiæ pronunciationem aduersus Ierosolymam exaudis; congruenter sequitur, eam statim clamare, *Ignosce Domine, &c.* Et si autem hæc sententiæ promulgatio

A fuit per veteres prophetas pronunciata; in eorum tamen prophetia verissimè intelligitur interuenisse ministerium Angelorum, per quos Prophetis facta est reuelatio. Præcipuè verò intelligitur non ineptè in huiusmodi sacris vaticinijs interuenisse ministerium Michaelis: quippe qui synagogæ olim princeps erat; nunc Ecclesiæ. Et certè plus honoris Michaeli deferitur, si in omnium Prophetarum clangore ipse intelligatur clangere, quàm si vna ex septem tubis ei tradatur. Hoc ergo, quod Michaeli est honorificentius; est etiam congruentius veritati. Tamen enim non inficior probabilem esse Andreæ, Aretæ atque Riberæ opinionem; ad eamque sese conformare potuisse, qui illam Antiphonam composuit: multò tamen verisimilius est, septem tubas esse prophetas septem plagarum à Deo immissarum. Qui sensus cohæret maxime cū septem sigillorum mysterio. Nam tubæ septem ad septimum spectant sigillum: in omnibus autem septem sigillis, aperire sigillum nihil est aliud, quàm veterum prophetiarum mysterium cognoscendum exhibere: vt supra iam explicatum est.

B Postremò ad id, quod additur de Græco articulo septem Angelis præposito, Respondeo; si verum est quod nuper dicebamus, videlicet septem Angelorum nomine antiquos designari Prophetas, qui Iudæorum supplicium diuinitus prædixere; huic ipsi significationi articulus congruenter deseruit; quia personas iam notas indicat, nempe Prophetas. Atqui manifestum est, Prophetis mirifice Angelorum nomen quadrare, sicut prædicatoribus etiam Evangelicis. Nam vtrique sunt Dei ministri atque legati.

## T E X T V S.

*Vers. 2.* Et vidi septem Angelos stantes in conspectu Dei, & datæ sunt illis septem tubæ.





Don Juan de Sarmiento inventor.



## COMMENTARIUS.

**M**EA expositio est per hosce Angelos septem hîc denotari veteres Prophetas: quos proinde ad numerum septenarium reduci, quia septem illas plagas in Ierosolymam annunciarunt, quâ ratione in notatione præcedenti explicatum est. Quemadmodum in quatuor Angelis, qui ventos habebant compressos, quaternarius numerus ad ventorum quatuor representationem congruenter aptatus fuit.

Cur de hisce  
septem an-  
gelis dica-  
tur, Qui  
sunt in  
conspetu  
Dei.

Quando  
sint septem  
hisce angelis  
tuba data.

Has septem  
tubas respo-  
dere illi tu-  
ba capitis  
primi.

In hoc tuba-  
rum septem-  
nario alludi  
ad septem  
Iosue buc-  
cinas.

Cum igitur aduertatur de prophetis hîc esse sermonem; facile inde apparet, illis appositum valde esse elogium illud, qui sunt in conspectu Dei, non solum quia Dei iam conspectu fruebantur, cum Ioanni reuelatio Apocalypseos facta fuit; sed etiam quia cum datæ illis sunt septem tubæ; id est, cum fuit septem plagarum reuelatio facta; eisdem verba illa rectè congruebant: iuxta id, quod eorum vnus dixit, *Viuit Dominus, in cuius conspectu sto*, 4. Reg. 3. 14. id quod non obscure adumbrat, ipsorum prophetias esse certissimas, utpote hominum, quibuscum Deus colloquebatur: ex quo ipsi eorum omnium veritatem tanquam ex proprio fonte hauriebant.

Quam verò aptè designent tubæ prophetias illas de septem Ierosolymæ calamitatibus, hoc ex superiori notatione satis intelligitur. Et quanuis tubæ fuerint iuxta hanc expositionem, multò antè prophetis traditæ: repræsentatio tamen, quæ illis traditas indicat, cum Ioanni Apocalypsis innotuit, magnum (ut apparet) decorum habet atque energiam, significatur enim tubas visas esse denuo prophetis dari, eosque contra Ierosolymam clangere; ut quondam sacerdotes contra Iericho claxerunt.

Deinde, quanuis tubæ propriè loquendo non inferant plagam, sed annuncient: verum plagæ ipsæ idoneè figurantur, quasi ex ipsa sententiæ pronuntiatione incipiant; & quasi præpotens Deus ipsarum tubarum clangore initium faciat grauissimi & periculossimi belli, quod Ierosolymæ inferre statuit. Et quemadmodum bellum, quo Ierosolyma primitiuam Ecclesiam acerrimè oppugnavit, significatum fuit c. i. per tubæ resonantis clangorem: sic etiam pari elegantie proportionem, Iudaicæ illi tubæ respondent tubæ septem, quibus infidæ Ierosolymæ bellum denunciat; quod ipsemet seridè suscipit ac gerit aduersus peruicaces & obstinatos Iudæos, qui Christum Dominum, eiusque fidem ac religionem sanctissimam præfractâ mente respuerunt. De quo latius diximus capite primo.

In his insuper septem tubis fit manifesta allusio ad septem buccinas capitis 7. Iosue; quas constat fuisse easdè, quibus iubileum promulgabatur. Atque hæc allusio significanter satis exprimit, supplicia à Deo illata iustorum persecutoribus denunciare iustis ipsis veram redemptionem; iuxta id Lucæ 21. 28. *His autem fieri incipientibus respicite, & ligate capita vestra; quoniam appropinquat redemptio vestra.* Deus enim ideo duos ac perfidos Iudæos acriter pledebatur, ut fideles iustos ac pios ab iniuriis sibi factis eriperet, & à durissima impiorum seruitute, siue obsidione, qua tenebantur constricti, liberos ac securos redderet. Quapropter huiusmodi tubæ dicunt quodammodo iusto illud Iobi capite quinto numero decimo nono, *In sex tribulationibus liberabit te Deus; & in septima non tanget te malum.*

Sed ut in allusione ad tubas Iosue persistamus; aduerte, ex his clangoribus postremos esse magis acutos & concitatos; quasi portendant, rectum Dei iudicium in bonorum gratiam atque opem, quam citissime ostensum iri. Quo indicatur, in ipsomet furore atque insania malorum bonos persequentium, & in perfidorum obstinatione ac peruicacia (quæ duæ sunt extremæ plagæ) mirum includi solatium piorum hominum, qui ab improbis oppugnantur propter vtilitatem incredibilem, quam inde ad suæ Ecclesiæ progressum deriuat Deus. Hac enim via iusti homines rerum temporalium contemptiōem & estimationem cælestium atque æternarum adipiscuntur; nec non veras solidarum virtutum diuitias, martyrii triumphum, & perfectè demum redemptionis à Christo partæ plenitudinem.



## NOTATIO V.

## De allusione ad plagas Ægypti.

Septem he  
tubarum  
plage qua  
ratione pla-  
gis Ægy-  
ptiacis re-  
spondeant.

**D**VBI VM non est, quin in septem hisce tubarum plagis sit aliqua allusio ad Ægypti plagas (de quibus Exodi 7. 8. 9. 10. & 12. & Philo de vita Mosis lib. 1. & Iosephus lib. 2. Antiq. cap. 13.) Nam in prima huius capituli plaga sunt grando & ignis: quod decerptum est ex septima Ægypti plaga. Tenebræ insuper plagæ quartæ respondent tenebris illis, quæ sunt inter Ægyptias plagas nona. In locutis quoque cap. 19. manifestè respicitur ad eas, quæ sunt plaga 8. ex Ægyptiacis. Et in plaga septima Apocalypseos reperitur etiam horribilis grando, quæ septimæ pariter plagæ Ægypti respondet. Præterquam quod in aquis venenatis plagæ tertiæ fortè inuenitur similiter allusio ad animalium peitem, quæ inter Ægypti plagas quintum obtinet locum; siue ad plagam decimam de morte primogenitorum; quam ait Philo lib. 1. de vita Mosis fuisse peitem. Itaque ex his tubarum plagis quatuor, aut etiam quinque ad Ægyptias plagas respiciunt. Nec dissimilis est allusio in plagis phialarum cap. 16. Etenim primæ phialæ plaga, sunt vlcera pessima; quæ conuenit cum sexta Ægypti plaga: & plaga tertiæ phialæ, est fluuiorum ac fontium in sanguinem conuersio; cui similis est plaga prima Ægypti: porro quinta phiala respicit Ægypti tenebras: sexta (in qua suus ranis locus est) secundam Ægypti: septima denique sæuienti grandine cum septima itidem Ægypti consonat.

Hanc igitur plagarum vtrarumque conuenientiam ubi aduertamus; apparet protinus, Spiritum sanctum in Ægypti plagis, quasi figuris quibusdam delineasse, quod postea erat effecturus per has ipsas plagas, de quibus Apocalypsis agit. Id quod nos docet Irenæus his verbis lib. 4. capite quinquagesimo. *Vniuersa, quæ ex Ægypto profectio fiebat populi, typus & imago fuit profetionis Ecclesiæ, quæ ex Ægypto & Gentibus, quam eduxit in suam hereditatem non Moyses famulus Dei, sed Iesus filius Dei. Si quis autem diligentiùs intendat ipsa, quæ à Prophetis dicuntur de fine, & quæcumque Ioannes discipulus Domini vidit in Apocalypsi, inueniet easdem plagas vniuersaliter accipere Gentes, quas tunc particulatim accepit Ægyptus.* Hæc Irenæus. Adde quoque hanc doctrinam permagni facere, vtpote quam magno cum suo solatio ex antiquo Presbytero didicerat. Hæc igitur Irenæi & Presbyteri antiqui (quem ille laudat) verba; si rectè considerentur, magnam afferunt Apocalypsi lucem: in eis enim peritringitur vtrarumque plagarum argumentum, tubarum nempe & phialarum; quæ quinque aut sex capita omnino occupant. Eisdem insuper verbis admonemur, has plagas esse illas, quibus Deus mysticum Israel (id est Christianum populum) ex mystica eduxit Ægypto; hoc est, ex ipso Iudaismo & Gentilismo. Ex hisce enim gentibus ac populis suam Deus Ecclesiam potenter extraxit. Deinde cum tubarum plagæ sint ex, quibus Deus aduersus perfidam Ierosolymam bellum fecit; plagæ verò phialarum, quibus Romam & Gentilitatē vniuersam debellauit: primarum quidem plagarum fructus & emolumentum fuit conuersio Iudeorum, qui fasces Euangelio submiserunt (hæc verò est decima pars, de qua vaticinatus fuit Isaias cap. 6.) fructus verò plagarum posteriorum, fuit Romæ Imperijque Romani ad fidem transductio. Itaque quod adumbratū fuit cōiunctim in Ægypti plagis & in populi Israelitici per medias ipsas plagas exitu & liberatione, id ipsum interposita aliqua diuisione fuit in Christiana Ecclesia expressum. Etenim Israel mysticus ex decima Iudaici populi parte & vniuerso Gentilium populo ad veram religionem conuersis coagmentatur, & idcirco in sublimi illo opere, quod fuit mysticus Israel ex Ægypti seruitute eductus, fuit necesse plagas in primis præ-

**A**cedere ad decimam Iudaismi partem educendam ex mystica Ægypto; eam nempe, quæ mystici corporis Ecclesiæ futura erat caput seu pars potissima: & alias subinde plagas immitti oportuit, quibus ex ipso Gentilismo Catholica Ecclesiæ reliquum corpus extraheretur.

Hanc existimo esse veluti medullam atque animam doctrinæ illius, quæ peruerus ille Presbyter Irenæus imbuuit. Quamuis ipse fortassis Irenæus, quippe millenarius, de hoc mystici Israelis egressu ex Ægypto verba faciat, tanquam de re ad mundi exitum spectante. In ea enim perliit opinione, vt ad primam illam resurrectionem; quam millenarij aditum fore comminiscerantur, parum superesse temporis reputaret. Porro Irenæo concinit Lactantius Firmianus libro septimo diuini. Infit. cap. 15. ubi facta plagarum Ægypti mentione & liberationis populi Dei, hæc subiicit, *Facinus illud tam clarū, tamque mirabile quamuis ad præsens virtutem Dei hominibus ostenderet, tamen præsignificatio & figura maioris rei fuit, quam Deus idem in extrema temporum consummatione facturū est. liberabit enim plebem suam de graui seruitute mundi, & vniuersas nationes celestibus plagis verberabit, vt iustus & cul. or Dei populus liberetur.* Et sicut tunc signa facta sunt, quibus futura clades Ægypti ostenderetur: ita in vltimo fient prodigia miranda per omnia elementa mundi, quibus imminens exitus vniuersis gentibus intelligatur. Hactenus Lactantius; quæ licet ipse referat ad ea, quæ sub finem mundi sunt euentura; multo tamen melius referuntur sine dubio ad id, quod primis Ecclesiæ sæculis accidit; cum Deus Ecclesiæ caput ex Iudaico populo eripuit; corpus autem ex Gentium populis; atque vtrumque præstitit earum plagarum interpositu, quas Apocalypsis describit. At millenarij prima illa orientis Ecclesiæ secula finem esse mundi falsò putabant; & bonorum resurrectionem quam mox somniabant futuram.

**C**um ergo constet ex dictis, Deum Ægypti plagas eo fine ordinasse, vt suum populum ex eadem Ægypto reuocaret; nemo non viderit, fuisse in illis figuratum, quod erat multis postea sæculis euenturum, quo tempore mysticum Israel, id est, charismam sibi Ecclesiam Deus ex Iudaismo & Gentilismo extraheret. Nec dubium cuiquam erit, quin Israelis egressus ex Ægypto, vtriusque populi conuersionem ad fidem prænunderet. Tubarum igitur plagæ haud dubiè sunt illæ, quibus Deus Iudæos mactauit; vt decimam inde partem, quasi totius Ecclesiæ caput futuram sibi auferret: & phialarum plagæ sunt mysticæ illæ, quibus Deus Gentilitati bellum indixit, atque inculit; vt populi inde Christiani corpus educeret. Si autem vtriusque plagis denotarentur supplicia paulò ante Iudicij diē sceleratis infligenda; nulla posset congruens reddi ratio, quamobrem plagæ in duos diuidantur septenarios, & cur phialarum angeli ad aliorū distinctionem lineis, induantur vestibus, & zonis aureis ad mamillas accingantur. In nostra tamen explicatione aptissima redditur horum omnium ratio.

**D**Verum enim verò non sufficit considerasse hactenus plagarum Ægypti & Apocalypseos conuenientiam; nisi differentia quoque vtrarumque ratio habeatur: multiplex enim est, valdeque notabilis earum inter sese differentia atque discrimen. In primis Ægypti plagæ sunt decem; at Apocalypseos duplicem septenarium consiciunt. Deinde ex decē Ægyptiacis nonnullæ in Apocalypsi prætermittuntur intactæ; cuiusmodi sunt cyniphe, muscæ & mors primogenitorum. Quare necesse fuit in Apocalypsi vtriusque septenarij numerum ex plagis alijs additis suppleri. Tertiò in ipsa Ægypti plagis, quas Apocalypsis vsurpat, magna ex parte tum or-

Irenæus ex  
mill. nario-  
rum nu-  
mero.

Lactantius  
idem mil-  
lenarius.

Differentia  
inter has tu-  
barum pla-  
gas, & pla-  
gas Ægy-  
ptiacas.  
Prima diffe-  
rentia.  
Secunda.

Tertia.

In Ægypti-  
acis plagis  
delineasse  
spiritum  
sanctum,  
quod postea  
per has po-  
calypseos  
plagas fue-  
rat effectum.  
Irenæi ver-  
ba, quæ lucē  
hinc doctri-  
næ afferunt.

Vtrarumque  
apocalyp-  
seos plagarum  
effectus.



do, tum cuiusque descriptio immutatur. Aegyptiarum ordo plagarum est huiusmodi; Aquæ fluminis conuersæ in sanguinem, Ranæ, Cyniphes, Muscæ, Pestis animalium, Vlcera vëficarum, Grando, Locustæ, Tenebræ, Mors primogenitorum. In Apocalypsi autem reperimus grandinem in prima & septima tubarum plaga; & tenebræ antecedunt locustas. Et in phialarum plagis vlcera & tenebræ anteuertunt ranas. Præterea in plurium descriptionibus mirum est, quanta sit varietas plagarum Apocalypseo atq; Exodi; etiam in ipsismet rebus, in quibus conueniunt. Nam primæ tubarum plagæ additur grandini sanguis. In quarta tenebræ sunt multo minores; solum enim aufertur tertia pars lucis. Locustæ diuersæ sunt valde, & miras habent figuras. In plagis verò phialarum ranæ non sunt amplius tres; eæque apparent, quod flumen Euphrates exsiccatissimus sit: & grando est instar talenti, succeditque diuisioni Babylonis in tres partes.

Quod ad primum attinet, id est, ad numerum plagarum; Aegyptiacæ fuere decem; non quia totidem erant futuræ illæ, quibus Deus mysticum Israel ex spiritali Aegypto fuerat educturus; sed propter aliam rationem, quam videbimus cap. 11. notat. 6. nec non etiam, quia re ipsa voluit Deus ostendere, se vt supremum omnium conditorem creaturas omnes aduersus suos hostes armare. Vt habetur Sapient. capite quinto, versu decimo octauo, *Armabit creaturam ad vltionem inimicorum, & pugnabit cum illo orbis terrarum contra insensatos.* Et cap. 16. 17. *Vindex est enim orbis terrarum.* Cuius rei vt perspicuum exhiberet argumentum Deus; denarius numerus cōueniens in primis extitit, qui multiplicationis est proprius. Atque ad hunc numerum explendum, præter Angelorum ministerium assumpsit Deus quatuor elementa; & quæ ex ipsis mixta erant aptiora ad Aegyptios diuexandos. Cumque illa vera fuerit historia, quæ in semetipsa idoneam congruentiam rationem habebat; non opus fuit penitioris mysterij figuram in ea inclusam, esse adeo perfectam, vt omnem prorsus conuenientiam in plagarum numero & ordine comprehenderet. Satis namque est in denarij numero significari plagarum multitudinem; magnam insuper reperiri similitudinem in præcipua Dei intentione & illarum effectu (vt scilicet medijs illis Israel ex Aegypto duceretur) nec non in earum multis apparere manifestam proportionem atque consensum inter eâ, quæ & in Exodo, & in Apocalypsi narrantur. His addo, illam Exodi representationem fuisse coniunctè positam, bellumque aduersus vnum eundemque populum comparari: cum tamen præcipuum opus, de quo Apocalypsis agit, duas in partes fuerit distribuendum, & duplex bellum, valdeque inter se diuersum, duobus diuersis populis fuerit seorsum inferendum. Ex quo dilucidè cernitur, Spiritus sancti mentem non fuisse, vt inter figuram & figuratum perfecta omnino daretur proportio; sed solum vt historia quodammodo adumbraret; quod Christiano populo deinceps euenturum erat. Ad hæc; illud fortasse spectatum fuit in Apocalypsi, vt aliqua ratione respectus ad Aegypti plagas seruaretur, quod attinet ad denarij numerum. Nam etsi duo sunt in Apocalypsi septenarij, in quolibet tamen eorum allusio reduci videtur ad quinque plagas ex septem, vt in superioribus annotauimus. Ceterum magis præcipua ratio fuit habita, vt tubarum plagæ essent septem & totidem plagæ phialarum; quia vtræque duplicem æque septenarium conficiunt. Fuitque satis congruens, vt earum representatio ad septenarium reuocaretur.

A Iam ad alterum de plagis, quæ aut adduntur, aut detrahuntur, Respondeo: ad Apocalypseo perfectiorem intererat, ne Spiritus sanctus ea solum representatione minus absoluta esset contentus, quæ in Exodi historia fuerat proposita. Nam cum illa vera sit historia; satis fuit in ea aliquo modo figurari, quod postea Christiano populo deberet accidere. At Apocalypseo representatio, cum alterius rei historia non sit, sed enigmatica quædam pictura belli ab Ecclesia aduersus Iudaicum populum & Gentilium gesti, ad eius perfectionem necessarium fuit; vt Diuinus spiritus eam representandi rationem iniret; quæ & perfectissima esset, & cum ipso mysterio penitus conformaretur: atque ideo æquum fuit, vt ex Aegypti plagis omitterentur illæ, quæ minus erant ad rem: & ceteræ diuerso disponerentur ordine, illisque annecterentur, quod ad enigmatum perfectionem conferebat. Itaque Aegypti plagas licet verum sit fuisse effigiem quandam atque figuram plagarum à Deo in Iudæos & Gentiles inueniendam; quatenus per ipsas extulit Deus suum populum ab Aegyptiorum seruitute, non tamen illæ harum imaginem præ se tulerunt, quod attinet ad numerum, ordinem, ac perfectam rerum in singulis plagis expressarum figuram: in eo, inquam, bello quod cum Iudæis & Gentilibus gerendum erat. Constat autem defuisse hæc omnia in historia plagarum Aegypti: quandoquidem opus fuit, vt in Apocalypsi alius esset ordo, aliaque plagæ omitterentur, & alijs adderentur nonnullæ: atque vt singularum descriptio alternatione, varietate, & peregrinitate mirum in modum ornaretur. Atque ex his patet etiam responsio ad tertium.

C Cetera, quæ ad plagarum singulas spectant, explicabimus, quando ad eorum tractationem accedamus, tuncque aptam reddemus rationem discriminis inter Exodi & Apocalypseo plagas. Interim noto, licet multa sint doctè & eruditè conscripta de mystica plagarum Aegypti significatione ab Origene, Augustino, Isidoro, & nouissimè à nostro Pererio, non tamen omnes applicationes mysticas esse idoneas ad Apocalypseo finem & scopum. Expositio quidem, quam omnes ferè auctores, quos viderim, plagis Aegypti tradunt, est de alicuius peccati malitia ac prauitate: quamuis nonnullam etiam plagam exponat de iusto alicuius flagitij supplicio.

D Ego sanè necessarium existimabam, & alij Apocalypseo loco coherentius (is autem est in cap. 11. 6. vbi de mystico Mose dicitur, *Potestatem habet percutere terram omni plaga, quotiescunque voluerit.*) vt plagæ vniuersæ referantur, non solum ad culpæ malitiam; sed ad effectum etiam doctrinæ ac prædicationis Euangelicæ in improborum confutatione atque obiurgatione. Etenim peccati malitia, non est mystici Mosis miraculum. Atqui Apocalypsis, virgæ & potestati Mosis adscribit effectum percutiendi terram omnibus plagis Aegyptiacis quotiescunque voluerit. Et omnino curandum est, vt vniuersæ decem plagæ ad hunc finem applicentur: hoc tamen missum facio, & ad caput 11. reijcio; vbi id nobis opus erit. Nam in allusione ad tubarum & phialarum plagas, non necesse est, opinor, plagis Aegyptiacis alium præterea sensum inquirere; sed solum fuisse illas, quibus medijs Deus charissimū sibi populum ex Aegypto deduxit. Reliqua autem facile percipiuntur ex eo, quod attendatur, in quo sensu Apocalyp. singulas plagarum vsurpet. Demum obseruandum est in cap. 11. 6. Aegypti plagas considerari, vt quædam Mosis miracula: at in plagis tubarum ac phialarum ad plagas Aegypti respicitur, quatenus per eas Deus Aegyptios seuerè punit; vt in Israelè efferret:

Quarta.

Redditur differentiarum ratio, ac primò de prima, de numeri diuersitate.

Cur Aegypti plagæ fuerint decem.

Secunda differentia ratio, nimirum de plagarum aliquot varietate.

Ceterarum differentiarum ratio suis locis reddenda.

Quem ad finem sint plagæ Aegypti & Apocalypseo referenda.



## T E X T V S.

*Vers.3.* Et alius Angelus venit, & stetit ante altare, habens thuribulum aureum: & data sunt illi incensa multa, vt daret de orationibus sanctorum omnium super altare aureum, quod est ante thronum Dei.

4 Et ascendit fumus incensorum de orationibus sanctorum de manu Angeli coram Deo.

5 Et accepit Angelus thuribulum, & impleuit illud de igne altaris & misit in terram: & facta sunt tonitrua & voces & fulgura & terræmotus magnus.

6. Et septem Angeli qui habebant septem tubas, præparauerunt se vt tuba canerent.

## C O M M E N T A R I V S.

**C**IRCA voces ipsas siue grammaticam notandum est primò altaris nomine manifestè hic esse sermonem de altari thymiamatis. Neque obstat appellari græcè *θυμιατήριον*, quia Græcis *θύω*, non solum significat maclare, sed etiam suffire. Atque ita prunæ, de quibus agitur num.5. proculdubio sunt ex altari thymiamatis; ex scilicet prunæ quibus incendebantur odores. Porro licet hic ignis ex altari holocausti soleret afferri; hic tamen nulla altaris holocausti fit mentio.

Secundò notandum est, thuribuli nomen in præsentī, non intelligitur prunarium, in quo adolentur thymiamata. Nam ipse textus ait, odores super altare aureum fuisse vstos. Et quamuis opinentur nonnulli thuribulum cum accensis prunis in altari reponi solitum: certum tamen est, ipsum et altare fuisse prunarium; ac proinde thuribulum hinc non est prunarium, sed acerra siue arcula thuris; quam nauculam hodie appellant, propter figuram nauculæ ad quam effingitur. Facit illud ad Hebræos 9.4. vbi nos legimus *thuribulum*, græcè enim habetur *θυμιατήριον*, quod est acerra siue depositorium & arcula thuris. Atque ita Syria cā translatio legit, *Domus aromatum*, id est, odorum theca. Et quanquam Angelus postea thuribulum igne altaris impleuit; id tamen non fuit ad incendendos odores, sed ad prunas in terram deiciendas; quod quidem non est expers mysterij, vt deinceps expendetur. Quibus adiungo, pro thuribulo græcè hic esse, *λιβανητόν*; quæ vox propriè significat thus ipsum: sed ex epitheto, quod additur, dum appellatur aureum, constat, contentum pro continente poni per metonymiam, id est, pro vase aureo ad thus accipiendum fabricato.

Tertiò noto, incensa, quæ ab Angelo fuisse data dicuntur, esse thymiamata; vt patet ex Græco. Cuiusmodi verò fuerit sacrum thymiamata, explicuimus iam capite 5. notat.3. Est igitur sensus, Angelo traditam fuisse nauculam thymiamate plenam, siue ipsi ad altare accedenti impletam fuisse nauculam.

Quartò noto, circa illa verba, *VT DARET DE ORATIONIBVS SANCTORVM*, ] planum est ibi dare, esse idem, quod thymiamata in ignem conijcere. Etenim licet ea phrasis, *de orationibus*, difficilis in Græco sit, quia est in datiuo absque præpositione; sensus tamen legitimus est, significationem thymiamatis esse orationes sanctorum. Græci autem textus difficultatem optime eleuat Ribera.

Quinto circa illa verba, *MISIT IN TERRAM*, ] noto constructionem non ita esse, vt miserit in terram thuribulum; sed ignem, siue prunas ex illo.

Sextò denique verba illa, *PRÆPARAVERUNT SE, VT TUBA CANERENT*, ] significare videntur Angelos sustulisse tubas, & ori admouisse; quæ actio propria est sonitum iam iam edituri.

His breuiter præmissis, vt præcipuum sensum persequamur, obseruo quemadmodum cæli silentium plagas antecessit, vt supra aduertimus; ita sacrificium thymiamatis, & prunarum in terram effusionem depingi hic tanquam præcedentia plagas ipsas siue Iudaici populi supplicium. Neque enim Angeli tubas personaturi attollunt, quoad thymiamatis sacrificium finiretur, & prunæ demitterentur in terram. Hæc autem omnia considerata esse arbitror, quasi facta in dimidiâ illius horæ interuallo, in quo silentium plagas anteuertens factum fuit. Quod enim ad repræsentationem attinet, rectè potest mente concipi sacrificium in dimidiâ horæ spatio tacitè peractum, & ignitæ prunæ in terram ex altari immisæ. Cum autem textus prius dicat, vidisse Ioannem septem Angelos tubarum; deinde vidisse thymiamatis sacrificium, vt & locus omnibus supersit, & omnia optime cohæreant, non existimandus est Ioannes non aspexisse plagas, donec dimidia silentij hora fuerit transacta; sed in ipso dimidiâ horæ interuallo aspexisse prius tubas Angelis tradi (quod nil aliud fuit, nisi cernere supplicium Iudaico populo impendens,) & mox intra idem temporis spatium aspexisse sacrificium thymiamatis. Confesto verò sacrificio & prunis in terram iniectis, cum iam dimidiatæ horæ tempus terminaretur, angeli præparauerunt se, vt tuba canerent.

Observationes circa literam.

Hoc altare cuiusmodi sit considerandum.

Thuribuli nomine quid hic intelligatur.

Metonymia in Græca lectione.

Incensa hæc esse thymiamata.

Quid sit dare de orationibus sanctorum.

Oblationem thymiamatis esse prius quam plagas.

Quando Ioannes vidisse tubarum plagas existimandus sit.



Hac incenso,  
oblatio &  
proiectio  
prunarum  
in terram  
quid signifi-  
cent.

Tria à pri-  
mitiuis  
Christianis  
edita san-  
ctitatis do-  
cumenta,  
ante Iuda-  
rum suppli-  
cium.

Angelus  
habens thur-  
ibulum  
quid signifi-  
cet.

An Angelus  
offerens thy-  
miam  
Christum  
representet.

Altare thy-  
miamatis  
quid signi-  
vet.

Quid per  
aureum  
thuribulum  
denotetur.  
Vet. 5.

Quid sit,  
Angelum  
mittere  
ignem in  
terram.

Tonitrua,  
fulgura ac  
terra-motus  
post ignem  
in terras  
missi quid  
significent.

Thymiamatis ergo sacrificium & proiectio prunarum in terram significat, meo iudicio, quem-  
admodum ante Iudæorum supplicium expectauit Deus, vt primitiua Ecclesiæ patientia, ad suum  
perfectionis cumulum perueniret; ita similiter expectasse, vt Ecclesia ardentissimæ suæ charitatis  
duabus in rebus clarissima ederet documenta: primum vt pro suis persecutoribus Deum ipsum  
deprecaretur; deinde vt pro virili parte salutis & incolumitati eorum consuleret. Vtrumque  
cælestis Magister suos discipulos perdocuit. Matth. 5. 44. *Diligite inimicos vestros; benefacite ijs, qui oderunt  
vos; & orate pro persequentibus & calumniantibus vos.* Quod si Deus commertum non differret supplicium;  
non tempus superaret, vt Christi discipuli se afflictos vexatosque cernerent, & suos hostes alacres  
& erectos; nec in tanta rerum iniquitate suam ipsi æquitatem, & æstuantem diuinæ charitatis ignem  
ostenderent pro ipsis obnixè Deum orando, & suam ipsorum salutem solerter procurando. Qua-  
re, cum Deus (quod maximi veram æstimet patientiam,) fuerit expectaturus, quoad primitiua Ec-  
clesiæ patientia ingenti accessione cumularetur, haud aliter congruentissimum extitit propter eam  
quam Christianæ charitatis æstimationem habet, vt expectaret etiam illustrissimū hoc ipsius cha-  
ritatis argumentum, quod ipsa perfectam acciperet plenitudinem. Dominus enim dirigit corda  
suorum in charitate Dei, & patientia Christi 2. ad Thessalonicenses 3. 5.

Tres huiusmodi res, nempe patienter sustinere, pro aduersarijs orare, & eorum spiritualibus bonis  
valde prospicere; certum est eundem inter se ordinem seruare, quo ipsas recensui. Et quidem  
de patientiæ symbolo satis in superioribus diximus: restat vt orationis ac beneficentiæ symbola vi-  
deamus.

Cum igitur Ecclesia primitiua à Iudaico populo oppugnaretur grauitè ac vexaretur; præui-  
dissetque plagas horribiles, quæ suis persecutoribus imminabant: maximæ ipsius perfectionis  
intererat, Christianos omnes preces ad Deum constanter effundere pro ipsis, qui eos profe-  
quebantur odio. Pro cuius rei significatione appositissimum est symbolum, quod apponit textus,  
*Alius Angelus venit & stetit ante altare habens thuribulum aureum in manu sua; & data sunt illi thymiamata multa, vt  
adoleret ea in altari.* Per hunc Angelum mihi persuadeo Christianam charitatem figurari. Neque  
enim (vt aliàs vidimus) hæc profopopæia ratio Apocalypsi inusitata est; vt quatuor equitibus ca-  
pitis 6. Figuram autem esse Angeli maximè congruit; cum Angelorum sit orationes Deo offerre;  
vt Tobia 12. 12. & relatiuum, *Alius*, significare potest idem, ac si diceretur, *Alius Angelus à septem*  
*primis valde dissimilis.* Nam Angelorum tubas tenentium munus est bellum peracre Dei hostibus  
indicare. Huius autem Angeli erat, pro ipsis hostibus orare, nec non conari magna in eos conferre  
beneficia.

Sed dices, Quorsum fidam personam inquirimus, siquidem familiare est Angelis iustorum ora-  
tiones Deo offerre? Respondeo, hunc ipsum Angelum, qui offert thymiamata, prunas pariter in  
terram proijcere: quod ad christianam charitatem propriè pertinet, vt statim dicemus. Qui verò  
affirmant hunc Angelum aut Gabrielem esse aut Raphaellem; non satis meminisse videntur, ip-  
sorum esse opinionem, inter Angelos tubarum, Gabrielem ac Raphaellem esse referendos.

Iam quod alij autumant, hunc thuribuli Angelum esse Christum, neutiquam mihi sit verisimile.  
Nam huiusmodi actio est Angeli adstantis ante thronum illum quem caput 4. descripsit: in eo au-  
tem æternus Parens confidebat, & iuxta stabat Agnus. Itaque thymiamata, siue sanctorum ora-  
tiones & æterno Patri offeruntur, & Christo. Quapropter Angelus, qui offert thymiamata, in hac  
visione distinguatur à Christo necesse est. Atque vt idem sit Angelus, qui totius Christiani populi  
orationes excipit, & prunas in terram proijcit; nihil occurrit congruentius, quàm asserere per il-  
lum Christianam charitatem denotari. Et iuxta hanc considerationem, altare thymiamatis sym-  
bolum videtur esse religionis, cultusque diuini; nec aliam habet significationem altare cum igne  
in veterum lapidibus ac numismatis. Aureum verò thuribulum significare potest charitatis lati-  
tudinem, quæ orationes aded efficaces pro hostibus profusas optime capit. De ipsius verò sacri  
thymiamatis compositione, diximus satis suprà capite 5. notatione 3.

ET ACCEPIT ANGELVS THVRIBVLVM, ET IMPLEVIT ILLVD DE IGNE ALTARIS, ET MI-  
SIT IN TERRAM.] Scio hoc à plerisque de supplicijs exponi. Verum ea interpretatio nulla mi-  
hi ratione probatur. Primò, quia hæc effusio prunarum in terram antegreditur clangorem tuba-  
rum. Conitatur autem supplicia omnia ad septem tubarum plagas reuocari: atque aded hæc ignis  
proiectio & à supplicijs differre, & ante primum supplicium esse debet.

Secundò, accipere de igne altaris & mittere in terram, meo iudicio, manifestam continet allusio-  
nem ad ea Christi verba Luca 12. 49. *Ignem veni mittere in terram.* Atqui, vt vidimus cap. 1. versu 15.  
ignis altaris est mirificum symbolum religionis ignis. Præsertim, quia hic ignis mysticum thymi-  
ama succendit; quo de igne accendente thymiamata contextus agit.

Tertiò, duo præstat Angelus; & offert thymiamata, & prunas iacit in terram: Quis ergo non vi-  
deat, duo isthæc cognationem inter sese & mutuam conspirationem habere oportere? Si autem ex  
ijs primum est pro inimicis orare; quid oportunius, quàm vt alterum sit, eosdem igne religionis &  
charitatis incendere conari? Fauet, quod vtrumque; Christus coniunxit Matth. 5. 44. vt suprà anim-  
aduertimus. Quæ autem præstantior atque illustrior beneficentia excogitari potest, quàm suis  
met hostibus ignem & flammam, non istam corporum populatricem, sed cælestem illam atque di-  
uinam charitatis meditari? Certè sic loquuntur spiritales viri. Nec mihi dubium superest, quin  
sic etiam loquatur Apocalypsis.

Quartò, cum hac explicatione mirum in modum consonant tonitrua, fulgura ac terræ motus,  
quæ immisionem illam consequuntur; significantque admirabilem primæ Ecclesiæ prædica-  
tionem cum sanctorum splendore & verbi efficacitate coniunctam, & magnam vitæ mutatio-  
nem in eorum animabus, qui cælesti illi prædicationi se subiugabant. Porro fulgura & tonitrua  
de sublimi illo prædicationis genere esse explicanda superius vidimus cap. 4. versu 5. genuinam  
autem terræ motus significationem esse maximam aliquam mutationem vidimus cap. 6. versu 12.



A Si tamen nobis aliquis opponat, in his prunis in terram immixtis manifestum esse respectum ad cap. 10. Ezechielis, ubi sermo est de supplicio; respondeo huiusmodi objectionem postulare, ut eam allusionem expendamus, & verum prophetæ illius sensum: de quo infra.

Enimvero circa id, quod vidimus supra, thymiamate per Angelum oblato denotari sanctorum orationes pro suis persecutoribus effusas; aduerte, thuribulum (respicendo ad antiquæ legis ritus, ex quibus componitur ænigma) fuisse dignitatis sacerdotalis inigne: quemadmodum apud nostros sacerdotes est calix. Quamobrem cum Christianæ charitati thuribulum in manu ponitur, eaque inducitur offerens thymiamatis sacrificium; innuitur hac ratione, vniuersum populum Christianum esse mysticos sacerdotes. Ad omnes enim generaliter spectat offerre Deo præstantissimum hoc sacrificium, quo pro persecutoribus obsecratur.

Thuribulum  
esse dignita-  
tis sacerdo-  
talis inigne.

B Obijciat tamen quispiam, videri aptius, ut iustorum orationes, quæ in altari aureo offeruntur, sint in hoc capite petitiones vindictæ. Nam ad plagas, quæ consequuntur, congruentius videtur, ut inducantur hic Sancti vindictam exposcentes potius, quam pro suis oppugnatoribus deprecantes. Quandoquidem actionem hanc non venia, sed supplicium subsequitur. Quod accedit iustorum animas c. 6. 9. sub altari voce magna claniare, *Vsquequo Domine non iudicas, & non vindicas sanguinem nostrum?* & cap. 9. 13. auditur vox vna ex quatuor cornibus altaris aurei, *Solue quatuor Angelos.* quibus solutis grauißima irruit vindicta in Ecclesiâ persecutores.

Difficultas  
contra supe-  
rius dicta.

Nihilominus certum existimo, thymiamata huius capitis esse orationes fidelium pro ijs, qui illos persequiebantur. Agitur enim in præsentī de proprijs sanctorum precibus, qui est elicitus orationis actus; non vero de sanguinis clamore, aut de vocibus, quas violatum altare metaphoricè edit. Atqui scitum est, proprium esse sanctorum spiritum atque affectum, (præsertim legis gratiæ tempore) orare pro suis oppugnatoribus: quantumvis effusus sanctorum ipsorum sanguis metaphorico clamore vltionem postulet. In prædictis autem locis ex cap. 6. & 9. perspicuè apparet sermonem esse de metaphorico clamore.

Dissolui-  
tur.

C Quod autem opponitur, non esse ad rem orationes pro persecutoribus oblatas, quando sequitur postea non erratorum venia, sed supplicium. Respondeo primò, præcipuum diuini Spiritus in hac re scopum fuisse, non ut innotesceret, quid Sancti suis precibus à Deo impetrarint; sed ut nosceretur, distulisse Deum persecutorum supplicium, quoad opus fuit, ut Christianæ charitati quasi cumulus accederet: quæ in eo maximè enitescit, quod pro suis persecutoribus obnixè precat-  
tur.

Quorsum  
spectent pri-  
morum  
Christianor-  
um oratio-  
nes ante  
plagarum  
immissione.

D Respondeo secundò, in eo, quod proferat Deus supplicij tempus, & locum præbeat iustorum precibus pro suorum aduersariorum salute profusus, splendescit in primis Dei ipsius pietas ac misericordia: quæ, ut supplicio modum adhibeat, neue ad vniuersos ita generatim extendatur; suos prius amicos ac familiares admonet de supplicijs ac plagis, quæ sceleratis hominibus iam iam imminēt; ut se medios interponant, & iustitiæ dextram furore armatam, & improbis ferrum ac flammam minitantem suis precibus detineant. Vidi egomet quendam aliquando, qui cum in seruum grauius animaduersurus erumperet, familiarem suum testē ac dissimulatē præmonuerat, ut sibi supplicium inferenti impedimento foret. Hoc igitur ipsum præstat Deus. Nec irritæ fuere suorum hoc tempore preces; contextus enim duo satis magna perstringit, quæ suis orationibus fideles à Deo impetrarunt. Primum fuit conuersio bonæ persecutorum partis priusquam ad plagas itum esset. Quam conuersionem textus innuit ingenti illo terræ motu, qui maximæ vicissitudinis index est. Et sanè valde fuit mira mutatio, quam mundus repente conspexit, cuiusmodi fuit repentina illa & inopinata Pauli conuersio Stephani orationi secundum Deum adscribenda. Quapropter quod ad hanc partem attinet, plagarum supplicium extensiuè (ut ita dicam) fuit minus: quandoquidem non eos attigere plagæ, qui iam tunc, cum ipsæ irruerunt, ad Christianæ religionis asylum confugerant. Alter orationis fidelium effectus fuit, ut pœnarum non pauca ad tertiam partem coarctarentur: ut indicat textus ipse in plurium ex his plagis descriptione, & nos suis quæque locis explicabimus. Id quod ed etiam tetendit, ut multorum conuersioni tempus & oportunitas ne deessent; siquidem ante plagam extremam plures reapse Christianam fidem amplexi sunt, ut constabit cap. 11. vers. 13. in his verbis, *Decima pars ciuitatis cecidit.*

Dei miseri-  
cordia in  
supplicio  
inferendo.

Eff. Aus  
precum à  
Christianis  
primitiis  
effusarum.

ET SEPTEM ANGELI PRÆPARAVERUNT SE, UT TVEA CANERENT.] Quasi apertius diceretur, quando Christianorum patientia ad perfectionis veluti culmen peruenerat, per illamque iusti viri ad veram spiritualis doctrinæ cognitionem oculos mentis intenderant: quando Christianorum charitas pro suis hostibus deprecando, eorumque saluti consulendo multiplici incremento fuerat aucta: tunc demum appropinquauit tempus, quo plagæ in perfidos ac sceleratos Iudæos grafari inciperent. Singulas autem plagas præcedunt clangores tubarum, ut supra explicatum est.



## NOTATIO VI.

## De allusione ad locum Ezechielis 10. 2.

Ezechielis  
& Ioannis  
loci inter se  
conferuntur:  
& Ioannis  
ad Ezechie-  
lem allusio  
demonstra-  
tur.

Differentia  
in utroque,  
Ioannis &  
Ezechielis  
loco.

Ignita pru-  
na apud E-  
zechielem  
ab angelo  
in ciuitate  
effusa quid  
significent.

Prunas a-  
pud Eze-  
chielem in  
urbem, a-  
pud Ioanne  
in terram  
immissas,  
eiusdem esse  
significatio-  
nem.

**V**ERBA Ezechielis sunt, *Imple manum tuam de prunis ignis, quæ sunt inter Cherubim, & effunde super ciuitatem.* Allusio quidem Apocalypseos ad hunc locum est manifesta. Et certè in hoc ipso Ezechielis loco sermo etiam est de prunis altaris thymiamatis. Accedit, quod sicut in Apocalypsi illam prunarum dispersionem præcedit designatio seruorum Dei (de qua in superiori capite egimus) sic etiam apud Ezechielem illa prunarum effusio subsequitur seruorum Dei designationem, quæ scripta erat capite nono. Illud tamen interest discriminis; quod in Ezechiele prunarum in terram immissio fuit facta, postquam cædes in iis, qui non erant signati, iam desauerat: at in Apocalypsi (vbi signum etiam fuit ideo impositum ne plagæ signatos contingerent) priusquam plagis sauiendi potestas fiat, prunæ consueiuntur in terram.

Ezechielis interpretes fere omnes videntur supponere, prunarum in urbem immisarum significationem esse de Ierosolymæ incendio, quo vrbs exulta fuit. Ceterum Hieronymus aliam etiam declarationem proponit; ait enim, *Prunarum ignis assumitur, ut puniat, siue mundet Ierusalem.* Et iubdit, referri posse hunc ignem ad sanctificationem, ut sæpe alibi: adducitque carbonem, quo purgata sunt Isaia labia. Et notat, in Isaia visione vnicum fuisse carbonem ad vnius hominis labia purganda; hic verò plures assumi, ut omnis purgetur Ierosolyma. Hæc Hieronymus. Et quamvis verum sit priorem expositionem de horribili supplicio magis à sancto doctore continuari: verum in ea quam proponit, declaratione optionem nobis dat. Gaudetque vel maximè mihi per Hieronymum licere; ut credam ignem, de quo hic Ezechiel loquitur, esse quidem ad purgandam & sanctificandam Ierosolymam, non ad exurendam, & deuastandam. Neque enim solum me non vrget Ezechielis locus, ut reat Apocalypseos prunas spectare ad Iudæorum supplicium: sed ex Apocalypsi potius colligo, apud Ezechielem etiam sermonem esse de religionis igne; & de illo, quem Christus in terra accensurum se venisse testatur; ut eam scilicet purgatam & ab omni labe puram redderet. Quidquid autem in commentario allegati ad locum Apocalypseos confirmandum, idem etiam eadem vi potest afferri ad hunc Ezechielis locum. Præsertim, quod sint prunæ ex altari thymiamatis, quod profecto symbolum ignem religionis innuit. Adducor etiam similitudine prunæ illius, quæ ex eodem altari fuit desumpta ad Isaia labia mundanda. Quæ etsi in pretiosum carbunculum fuit conuersa (ut vidimus capite secundo, notatione secunda) hoc tamen ipsum argumento est, ignem illum non ad cremanda corpora, sed ad significandas atque beandas animas assumi.

Deinde iuuat non parum contextus: quia in ea Ezechielis visione satis iam sauitum erat in eos omnes, quorum frontes Tau non fuerant signati. Si ergo figura ipsa indicat, nullum ex non signatis in vrbe esse superstitem: non igitur sunt ad rem prunæ in urbem coniectæ ad eam igne absumentam: hoc enim non iam in inimicorum, sed in amicorum pernecium redundaret.

Præterea, si mentis oculos intendamus in proximum Ierosolymæ supplicium, quod paulò antè Ezechiel fuerat diuinitus prænuntiatus: illud certè nihil est aliud, nisi Ierosolymæ clades, quam diuina prouidentia per Nabuchodonosorem vrbi intulit. Ideo enim dicitur Ezechielis 43. 3. in eo curru, quem vidit Ezechiel, aduentare Deus.

**A** Babylone ad Ierosolymam diruendam. Constat autem, calamitatem illam eo consilio fuisse à Deo dispositam, ut suum populum paterno castigaret affectu, & mores ipsius vitiosos atque corruptos emendaret: ut habetur Ecclesiastici 49. 11. *Nam commemoratus est inimicorum in imbre, benefacere illis, qui ostenderunt vias rectas.* Si ergo hæc fuit potissima Dei intentio, & re ipsa compos euasit; idque vtilitatis quàm maxime ex illa horribili seueritatis specie decerpit, quis non animaduertat, post huiusmodi supplicium aptissime consequi, ut in cap. 10. agatur quemadmodum post flagitiosorum supplicium immisit Deus in Iudaicum populum veræ religionis ignem: quo ipsos puros sanctosque redderet? Quisve ignoret ignis ex altari, symbolum ad huiusmodi significationem esse mirificum? Non me latet, expositionem hanc quibusdam mysticam nimis vitium iri. Huic tamen obiectioni, (quæcumque est) satis iam in prolegomenis feci not. 23. Vbi multa etiam congeffi, ut probarem frequentissimum esse sacrarum Literarum vsum, allegoriam ignis assumere ad animarum purgationem & sanctificationem denotandam. Quod cum ita sit; cuiam nouum videatur, cum de altaris igne sermo est, dubitari vix posse, quin de igne sanctificatæ habeatur sermo? præsertim cum ille, qui ignitas prunas iacit in ciuitate, lineis sit indumentis vestitus: quo symbolo sanctificationem & sanctorum iustificationes indicari vidimus cap. 1. not. 11.

**B** Superest considerare, quo fundamento nitantur ij, qui sibi persuadent, Ezechielem agere non de prunis purgantibus, sed de exurentibus. Inprimis videntur in hanc sententiam induci, quia cædem in Ierosolymæ ciuibus factam consequuta fuit ipsius vrbs exultio; ut habetur Ieremiæ 52. 13. Ex quo apparet in capite nono Ezechielis sermonem esse de strage in hominibus edita: & in capite decimo, de vrbs incendio propriè sumpto. Addunt in capite vndecimo, numero vicefimo tertio, expressè asseri, Deum vrbe egressum in Oliueti montem, qui ad Orientem è regione vrbs erat, secessisse. Non igitur vrbs incendium, de quo capite decimo, intelligendum est de mystica illa & sanctificante flamma, sed de vera & propria ciuitatem comburenti: alioquin post mysticum illum ardorem non defereret Deus ciuitatem.

**C** Nihilominus tamen affirmo, argumentis illis pro mystico apud Ezechielem incendio adductis, me omnino conuinci, nec probabilem illis inuenire solutionem: cum tamen oppositæ partis argumenta eiusmodi explicatione dissoluam, quæ nostram sententiam non parum roborat. Ad primum igitur dico, nullam mihi subesse dubitationem, quin ad materiata exustionem fiat allusio: ceterum sub ea allegoria agi de mystico incendio post insictum Ierosolymæ supplicium subsequuturo. Quæ responsio validè confirmatur, si consideretur hanc explicandi rationem esse multis Scripturæ locis familiarem; illis præsertim, in quibus sub Babylonicæ cladis atque incendiij figura directè agitur de conuersione Romæ & Idololatriæ euersione; ut cõstabit ex commentario capitis decimi septimi, & decimi octauo huius libri.

**D** Ad secundum respondeo, non mihi adeo esse certum, ut alij volunt, in capite Ezechielis vndecimo, eandem oratione continuatâ serie tractari prophetiam; quæ in capite nono ac decimo agebatur. Etenim in capitis noni visione exponitur, nullum ex Ierosolymæ ciuibus restitisse viuum, exceptis iis, qui Tau signati erant: at caput vndecimum exor-

Tentis con-  
sequentiis  
apud Eze-  
chielem.

Opposita  
sententia,  
in Ezechie-  
lis explica-  
tione, fun-  
damentis  
examinan-  
tur.

Occurritur  
oppositæ  
sententiæ  
argumentis.

ditur



ditur ab improbitate Iezoniae, & Pheltiae. Ex quibus non obscure conicitur, sermonis capite 9 & 10. habiti non idem filum in capite 11. produci; sed ab eo noua alterius prophetiae exordium capi. Quod si noua prophetia est; frustra nobis opponitur Dei ex ciuitate egressio ac derelictio; neque enim constat, quod in noua prophetia agitur, esse id, quod post capitis decimi combustionem erit euenturum.

Demus tamen, vnam eandemque vaticinium-seriem ac telam texi; demus Ezechielem vidisse Dei gloriam post urbis incendium in Oliueti montem se conferre. Vnde, obsecro, colligitur secessum illum in montem esse figuram Dei urbem derelinquentis, & ad Gentes commigrantis? Video id interpretum nonnullis perplacere. Ipse tamen, vt verum fatear, non satis teneo, quid habeat commune discessus ille in montem ciuitati proximū cum ciuitatis ipsius ac populi derelictione & transiitione ad Gentes. Nam si urbem Deus esset deserturus. in monte ita urbi finitimo sedem minimē figeret: nihiloque mihi probabilius sit, quod hi auctores asserunt, per Oliuarum montem ad Orientem situm Gentilitatem denotari. Deinde transitus ad Gentes multo post accidit: atque egressus ille in montem oliuarum videtur necessario explicandus, tanquam aliquid consecrarium ad ipsum urbis incendium à Nabuchodonosore excitatum. Præterea in illo ipso cap. 10. (id est antequam Dei gloria in Oliueti montem concederet) egreditur de templo ad limen domus, num. 4. Quod licet aliqui explicent, quasi maximae indignationis signum: ex contextu tamē contrarium planē elicitur. Subditur enim; *Et repleta est domus nube, & arium repletum est splendore.* Hæc autem manifesta est gratiae ac fauoris demonstratio: vt patet à simili Exodi 40. 32. & Num. 9. 15. & 3. Reg. 8. 10. Quapropter nulla me tenet dubitatio, quin egressio illa ex sancto Sanctorum ad limen domus eod potissimum tendat, vt se Deus populo reddat conspicuum; & quasi externo illo signo ostendat, se illis suae gratiae copiam largiter ac liberaliter facere.

Hoc igitur si ita, vt par esse existimo, constituamus: ille Dei exitus ab urbe, & itus ad Oliuarum montem è regione ciuitatis Orientem versus, vtrūque sanè meo iudicio maximi est fauoris maximeque gratiae indicium. Quid enim aliud est, Deum Prophetæ reuelari in conspectu populi paciferas inter oliuas medium constitutum; quam omnibus enunciare, se in clarissimum misericordiae signum suam gloriā detesturū, & suis fidelibus se videndum prebiturū? Ad hæc; Oliuarum mons ad Orientē vergens significat, populū illum post pœnas grauissimas per Nabuchodonosorem repetitas, singulari Dei beneficio ad multo feliciorum statum, & ad clariorem Messiae cognitionem (atque adeo ad magnum solatium ex illius aduentus spe ortum) esse deinceps peruenturum. Ad huius enim rei significationem mirificè conducit representatio illa gloriæ Dei in Oliueti monte sitæ: quasi innuat, urbem Ierosolymam ad Orientem obuersam & ad noui Iustitiæ solis felicitatem in ea posterioribus sæculis orituram, summa perfusum iri lætitiâ ac voluptate.

Huiusmodi cogitationi lucem affert non exigua Baruchus cap. 4. 36. *Circumspice Ierusalem ad Orient-*

*tem, vide iucunditatem à Deo tibi venientem. & capite quinto, numero quinto, Exurge Ierusalem, & stas in excelsis, & vide collectos filios tuos; ab oriente sole.* Si autem his locis sermo est de mœnore Ierosolymæ leniendo, per spem firmissimam, fore vt ipsius filij à Chaldæorum misera seruitute redirent incolomes; hanc certè ad rem plurimum etiam contulit, vt prænunderetur Prophetæ. Deum gloriosum admodum in Oliuarum monte visum fore: illac enim exules Ierosolymitani cum maxima Dei gloria ad urbem instaurandam erant redituri. Id quod Ezechiel ita innotuisse videtur. Nam ubi primum Deum in Oliueti monte conspexit; mox (ait textus capite vndecimo, numero vigesimo quinto) renunciauit ijs, qui captiui apud Chaldæos tenebantur, vt eos firma illa spe reuiceret, & recrearet; *Et loquutus sum ad transmigrationem omnia verba Domini, quæ ostenderat mihi.*

Ex his omnibus infero tam apud Ezechielem, quam apud Ioannem per prunas in terram proiectas mysticum Spiritus sancti ignem atque incendium denotari. Et fortè qui lincis vestitus apparuit (is enim fuit, qui prunas in ciuitatem Ierosolymam infudit) significabat Esdræ summum illum sacerdotem; cuius ministerio ysus fuit Deus ad Ierosolymæ instauracionem captiuitate peracta. Atq; in his veluti lineamentis atque umbris splendor & eminentia mysteriorum Ecclesiæ Christianæ extare & apparere debet: quia mos est Prophetarum (vt sæpius repeto) Iudaica tangere, Christiana respicere.

Reliquum est, vt reddamus rationem discriminis, quod inter Ezechielis & Ioannis visiones interesse cernitur: quia nimirum prunæ apud Ezechielem demittuntur in terram post urbis supplicium; apud Ioannem verò ipsa prunarum effusio plagas Iudaici populi præuertit. Huius tamen discrepantiæ ratio in nostra expositione redditur aptissima: quæ inprimis nititur in ipso vero historiarum euentu. Nam Deus Esdræ, Zorobabeli, & Iesu Pontifici suam opem auxiliumque præstitit, vt veræ religionis ac Dei venerationis ignem in urbe sopitum exuscitarent: idque postquam Ierosolyma suorum flagitiorum pœnas luit. Etenim pœnitentia ac religio ciuitatis illius fuit præcipuus fructus, quem ex ipsius supplicio cepit Deus. At vero primitiæ Ecclesiæ tempore ingens ille zelus primorū fidelium & efficacitas, quæ Christianæ religionis ignem in Iudæorum prædestinatorum animis accendebant, cum ipsa Christiana Ecclesia ortum habuit; & per Iudaici populi persequutionem mirum in modum excreuit; priusquam Deus in persequutores animaduerneret. Imò verò facultatem plagis dare in rebelles Iudæos sauiendi eatenus distulit Deus, quoad opus foret, vt Christianorum charitas in persequutorum salute procuranda, mirificè eluceret; & multiplici cumularetur incremento. Quare si tanta hæc charitatis demonstratio, & pro rebellium incolumitate sollicitudo ad plagarum exitum protraheretur, minimè fortiretur effectum: cum sub extremam saltem plagam omnes ferè Iudæi; qui Christum respuerunt, duri & obstinati generaliter permanserint.

Ratio discriminis inter Ioannis & Ezechielis locos de prunis in urbem suam in terram iniectionis.

Discessum gloriæ Dei in montem apud Ezechielem non esse de urbis Ierosolymitane derelictione explicandum.

Egressus gloriæ Dei ex sancto Sanctorum ad limen domus apud Ezechielem quid significet.

Quid insuper secessio gloriæ Dei in Oliuarum montem.

Oliuarum mons ad Orientem vergens quid adhibet.

Superiori explicationi lux ex Baruchoda.



## T E X T V S.

## De prima plaga.

*Vers. 7.* Et primus Angelus tuba cecinit, & facta est grando & ignis mista in sanguine, & missum est in terram: & tertia pars terræ combusta est, & tertia pars arborum concremata est, & omne foenum viride combustum est.

## C O M M E N T A R I V S.

Clangor & plaga idem  
ferè hic,  
quod atti-  
net ad signi-  
ficationem.

In grandine  
& igne al-  
lusio ad 7  
Ægypti  
plagam.

Prima hac  
plaga  
quid signi-  
ficat.

Terram pro  
Iudæa ac-  
cipi.

Quorsum  
hic sanguis  
in famis  
descriptio-  
ne.

Cui sanguis,  
grando &  
ignis con-  
iungantur.

**L**ICET in figura ipsa tubæ clangor & plaga distinguantur: nulla tamen ferè est in eorum signifi-  
catione distinctio. Namque tubæ sonitus denotat bellum, quod facit Deus aduersus Iudaici  
populi obstinatos: & plaga supplicium ipsum singulatim designat. Verum est tamen, in tubis  
(propter respectum, quem habent ad septem Iubilei buccinas seu tubas, quarum sonitu Ierichun-  
tini muri corruerunt) etsi bellum aduersus peccatores indicunt, indici etiam iustis redemptionem  
ac felicitatem; vt explicauimus suprà versu 2.

Vox illa, *mista*, quæ pluralis numeri est, iuxta Latinæ Grammaticæ leges postulabat, vt in textu  
sequeretur, *missa sunt*, in plurali itidem numero: verum in nostra lectione locutio græca permansit.

**GRANDO ET IGNIS.** Sunt fulmina & lapides: in quo ad septimam Ægypti plagam perspicua  
allusio est, Exodi 9. 22. *Grando & ignis mista pariter ferebantur.* Et Sapientia 16. 16. & capite 19. 19. pon-  
deratur, grandinem non ab igne liquefcere. At Apocalypsis igni & grandini addidit sanguinem  
propter eam, quam infra subiiciemus, rationem. Interim noto, sanguineam pluuiam (quam  
sæpius accidisse refert Plin. lib. 2. cap. 26.) semper fuisse signum cælestis iræ: quanto magis si san-  
guis, grando, & ignis commista pariter decident.

Aliorum de prima hac plaga expositiones facile est videre apud Riberam & Viegam. In nostra  
quidem acoluthia septem omnes plagæ portendunt grauissima illa supplicia, quibus Deus Iudæo-  
rum obstinationem primis Ecclesiæ temporibus multauit. Cuius quidem expositionis firma satis  
fundamenta ab auctoritate & rationum momentis desumpta suo loco prædicta iam sunt. Id vnum  
addiderim; priorem hanc plagam esse *famem*, qua Deus afflixit Iudæos: de qua Iosephus libro se-  
xto de bello, capite decimo sexto, ac libro septimo, capite septimo & octauo. Ad eam igitur fa-  
mem describendam respexit Apocalypsis septimam Ægypti plagam, adiunxitque sanguinem igni  
atque grandini: quasi diceret, famem aded fuisse ingentem, vt in Iudæa ignis, grando, atque san-  
guis depluisse viderentur.

Itaque verba illa, *Missum est in terram*, indicant Iudæam. Et præterquam quod loquutio est in Apo-  
calypsi vñtata, Christianismum nomine cæli; terræ, Iudaismum; & Gentilismum, maris appella-  
ri; (de quo dicemus capite decimo, versu secundo.) mos est omnibus ferè gentibus, cum de patria  
sua loquuntur, quod bene aut malè habeat, terram absolute nominare; vt animaduertit Porcius  
Isaia 24. 1. Quo in capite (vbi res ipsa clamat, & verba ipsa satis ostendunt de Iudæa esse sermonem)  
plusquam decies sub terræ nomine de Iudæa sermo est. Deinde consecrarium est, vt horribilem  
pluuiam ignis atque grandinis vehemens consequatur fames. Vide Psal. 104. 32. *Posuit pluuias eorum  
grandinem; ignem comburentem in terra ipsorum: & percussit vineas eorum, & ficulneas eorum; & contriuit lignum  
finium eorum.* & Isaia 28. 17. *Et subuertet grando spem mendacij.* Vbi aduerte, tenera quæq; ac delicata siue  
ex messibus siue ex arbutis grandine decuti, exuri igne, & sanguine putrefieri. Quare omnia simul  
coacta idem est, ac si plueret densissima quædam muria.

Dicet tamen aliquis; si fames hic erat significanda, nihil ad rem sanguis: qui terram potius fæ-  
cundat, iuxta Ouidianum illud epist. 1. Heroidum;

*Luxuriat Phrygio sanguine pinguis humus.*

Cui consonat Horatius lib. 2. Ode 1.

*Quis non Latino sanguine pinguior*

*Campus?*

Respondeo; ad denotandam insolitam illam famem, qua Deus Ierosolymam meritissimè vexa-  
uit, significanter satis dicitur pluuisse sanguis. Nam plurimus sanguis horrorem incutit, & crude-  
litate præ se fert. Atque in acerbissimo illo miseræ Ierosolymæ conflictu, si expendamus ea, quæ  
Iosephus prodit, videtur planè fames cum immanissima crudelitate fuisse sociata: siquidem reperta  
fuit mater, quæ proprium met filium in frustra concisum deuoraret. Ita fit, vt calamitosissima hi-  
storiarum vel simplex lectio legentis animum acerrimo dolore atque aded horrore percellat. Præter  
hæc, tametsi sanguis instar fimi terram fertilem reddat ac fæcundam: si tamen sit nimius, & mes-  
sibus teneris atque herbescentibus infusus; non agris fæcunditatem aut vbertatem, sed perniciem  
& vastitatem importabit. Aut fortè diuinus Spiritus voluit huiusmodi plaga significare; etsi pluuiæ  
illa cælestis iræ atque furoris index erat, si tamen conflictati Iudæi vellent ad plagæ illius crepitum  
respicere; magnæ illorum animis eam felicitati fore. Quemadmodum sanguis licet pauorem  
injiciat, terræ fertilitatem potest asferre.

Illud insuper adjicio, in sanguine, grandine, atque igne notari fortasse causas maximæ illius fa-  
mis, quam cæli bellum ac furor aduexerunt. Quia sanguis bellum denotat; grando autem & ignis,  
cæli indignationem. Quod autem omnia pariter mista desuper pluant, forte indicat, licet in  
terra fieret bellum, supplicium tamen omne è cælo demitti.



In hac applicatione primæ plagæ ad famem, quæ Iudæos oppressit; forsitan videar alicui, qui alibi nimium sibi mysticus, hic sensu penè grammatico esse contentus: existimetque grandinis expositionem de fame, nequaquam consentire cum alijs Apocalypseo locis, in quibus ad animorum præfractam obstinationem refertur: vt in septima plaga cap. 11. 19. & cap. 16. 21. Respondeo, in ænigmatis licere quidem dictionem aliquam in alio interdum sensu, interdum in alio accipi: nonnunquam pro eo, quod in vulgari acceptione significat; & nonnunquam allegoricè. Enimvero si singula probabiliter applicantur in ænigmatè, & omnia inter sese aptè cohærent; huiusmodi profectò quadratura omnium partium, euidenter ostendit in verâ enodatione collinearî. Et quidem in dissoluendis ænigmatibus qui nouitatis & insolentiæ dâmet sensum alicubi nimis allegoricum, alibi nimis grammaticum videri; nâ ille in ænigmatum solutione non admodum versatus est. Quin etiam non in ænigmatibus modò, sed in familiari etiam sermone sapius contingit, idem verbum in eodem contextu aliter atque aliter vsurpari. Dein, contextus ipse cogit, vt cantorum more à puncto, *Vt*, exordiamur, quò possimus deinceps ad, *La*, conscendere. Dicam clarius; Textus ait postremas tres plagas esse ceterarum grauissimas: igitur gradatim à minoribus ad maiora procedit: primâ ergo plaga debet esse minor; atque adeo grandinis pluuia non est in eodem sensu accipienda, ac sumitur in extrema plaga.

Textus insuper ipse apertè indicat, vltimæ plagæ grandinem à grandine primæ esse valde diuersam. In prima enim plaga nihil de eius magnitudine dicitur: & ne leuis plaga foret, additur grandini sanguis & ignis. At in plaga septima (quæ habetur cap. 11. fine) grandini apponitur epitheton *Magna*. & capite decimosexto, versu secundo adiungitur comparatio *sicut talentum*; quod est dicere grandinem siue lapidem, qui terram percutit, agrosque deuastat, quantumuis sit magnus, minoris tamen esse momenti: alium porro lapidem, aliam mysticam grandinem multò horribiliorem superesse. Dico igitur, in arcano sermone interesse multum inter grandinem & grandinem magnam: quandoquidem ex supplicijs septem minimum est *grando*, maximum *grando magna*. Imò etiam in eam suspicionem incidit Rupertus, vt cogitaret in grandine comminationem; in magna grandine supplicium ipsum denotari. Ceterum me tum argumenti series, tum certa de primis plagis Fame, Bello ac Peste persuasio facilè adducunt; vt per grandinem primæ plagæ famem demonstrari credam. Certum autem est, hunc fuisse effectum septimæ apud Egyptum plagæ.

TERTIA PARS TERRÆ COMBUSTA EST, ET TERTIA PARS ARBORVM CONCREMATA EST.] Non est hæc visio ita accipienda, quasi grando, ignis, & sanguis in tertiam duntaxat Iudææ partem deciderint: sed ita vt quamuis huiusmodi pluuia fuerit toti Iudææ communis; detrimentum tamen inde subsequutum non ad vniuersam regionem, sed ad tertiam saltem ipsius partem redundauerit; in eaque agros & arbores vastauerit. Atque id singulatim exprimitur de triticeis segetibus, quæ in viridi adhuc herba erant: omnes enim funditus interierunt. Namque ita sunt intelligenda verba illa, *Omne fœnum viride combustum est*: cum pro fœni nomine in Scripturæ consuetudine, non fœnum tantum modò intelligatur; sed omnia etiam fata, quæ viridia adhuc & herbescentia sunt. Vox græca est, *χόρος*; quæ reperitur apud Matthæum cap. 13. 26. vbi nos legimus; *Cum autem creuisset herba, & fructum fecisset*. & apud Marcum capite quarto, versu vigesimo octauo, dum de frumento agitur, *Terra fructificat, primum herbam* (Græcè *χόρον*) *deinde spicam, deinde plenum frumentum in spica*. Vt autem certò constet, fœnum hic siue herbam comprehendere fata omnia, quamdiu in herba sunt; legatur locus Exodi 9. 24. ad quem hic alluditur; *Cunctamque herbam agri percussit grando*. Et infra numero trigesimo primo, *Linum ergo & hordeum sunt lesa, eo quod hordeum esset virens, tritici autem, & far non sunt lesa, quia serotina erant*. Verùm maior adhuc strages in prima hac Apocalypseo plaga notatur: siquidem ex arboribus etiam pars tertia periisse dicitur. Nec tamen in herbæ nomine excipitur hic, vt illic, triticum aut far.

Huius figuræ significatio est, famem aded acrem ac vehementem fuisse, vt præ cibi inopia maxima hominum pars interierit. Quòd autem herba ac fœnum penitus exurit; denotat, illis, qui viui remanserunt, omnem saltem splendorem, vniuersasque delicias fuisse ablatas. Nam deficiente herba, occidit pecus. Si verò carnes desint, desit etiam necesse est suauitatis ac deliciarum causa. In agri autem viriditate innuitur copia & abundantia. Vide Isaïæ 40. 6. *Omnis caro fœnum, & omnis gloria eius quasi flos agri*. Quòd si fœni significationem ad eorum carnem, qui puniebantur, applicemus: totum absumi fœnum, fortè indicat, quotquot vitam ex tot ac tantis angustiis eripuerunt, debiles admodum & vix ossibus hærentes euasisse, id est, nimia fame penè enectos.

Iam, quòd non omnes fame fuerint confecti, sed tertia tantum eorum pars; indicat vna ex parte pietatem iustorum & charitatem, qui hoc (vt supra diximus) à Deo precibus impetrarunt: ex alia verò parte contumacibus adhuc & in sua impietate persistentibus seueritatem grauissimam & miserrimam infelicitatem portendit: propterea quòd ad sex reliquas plagas primâ acerbiores referuerunt. In eos tamen culpa iure conferetur, nisi prima hac plaga compulsi Deo eiusque fiderint manus. Quamobrem in hac supplicij moderatione & ad tertiam partem contractione splendet in primis pietas & misericordia Dei, qui paulatim ac pederentim in pœna exigenda procedit; vt resipiscentiæ locus & peccatorum detestationi supersit. Perspicuum verò est, tertiam hanc partem non esse mathematicorum more sumendam; sed quoad satis sit, vt significetur, permultos ex illo cruciatu superstitibus euasisse, quantumuis multi fuerint in eo oppressi; multoque plures esse, quos Deus patienter expectat, quam quos re ipsa illico punit. Hoc tamen de plagis prioribus est intelligendum. Sunt enim postea nonnullæ ita generales, vt eas sceleratorum nullus, nisi ad Deum se conuertat, omnino effugiat: vt in quinta & septima plaga accidit, de quibus infra:

Difficultas in nostra explicatione, eiusque solutio.

Nil ob stare, quominus in longè ænigmatè, sensus alicubi nimis ænigmatibus, alicubi nimis grammaticus sit.

In textu ipso innuitur diuersitatem inter grandinè primæ plagæ & grandinem septimæ.

Quomodo sit accipiendum, tertiam terræ partem fuisse combustam.

Fœni nomine, omnia fata esse intelligenda, quæ viridia adhuc sunt.

Quid sit, omne fœnum exuri.

Cur in prima plaga non omnes, sed tertia tantum pars fame interierit.



## T E X T V S.

## Ubi de secunda plaga.

*Vers. 8.* Et secundus Angelus tuba cecinit : & tanquam mons magnus igne ardens missus est in mare, & facta est tertia pars maris sanguis.

9. Et mortua est tertia pars creaturæ eorum, quæ habebant animas in mari, & tertia pars nauium interijt.

## C O M M E N T A R I V S.

In secunda plaga, bellum à Romanis in Iudæos gestum indicari.

Quid de notis mons magnus in mare missus.

Cur in mare deiectus fingatur mons?

Sanguis hic ad quosnam sit referendus.

*Vers. 9.*

Quanam sint creatura, habentes animas in mari.

Per nauigantes intelligi Iudæos.

Per naues quid figuretur.

**H**ÆC est ænigmatica repræsentatio belli, quo Deus Iudæos per Titum & Vespasianum magnopere afflixit, de quo latè Iosephus. Et quanuis bellum antecesserit famem; in histamen plagis describendis seruandus fuit ordo doctrinæ, iuxta quem septem plagæ enumerantur, à minùs grauib; ad grauiore; per ordinem ascendendo, vt superiùs attigimus.

MONS MAGNVS MISSVS EST IN MARE.] Huiusmodi loquutione appositè figurantur maximæ reipublicæ perturbationes, maximiq; tumultus. sic enim Psalm. 45. 3. *Dum turbabitur terra, & transferentur montes in cor maris.* Montis verò exustio, & maris in sanguinem conuersio facta per ignem, miram continent energiam ad belli incendia exprimenda, quæ misere conturbant : & quo magis æstuat ignis, eò reipublica vberiore sanguine intundat. Quod autem sanguis ad bellum referri soleat, patet Ezechielis 38. 22. *Iudicabo eam peste & sanguine.*

Fingitur etiam ignitus mons in mare deiectus, non solum quia mare solet significare mundum, vt rectè expendit Gregorius homil. 24. Sed etiam quia adumbratur hic bellum ab imperio Romano idolorum cultore aduersus Iudæos gestum. Gentilitas autem in Apocalypsi per mare significatur, vt diximus in plaga prima, & latius explicabimus cap. 10. 2. vbi dicitur, *Posuit pedem suum dextrum super mare, sinistrum autem super terram.* Si ergo mare in Apocalypsi Gentilitatem denotat; vt significetur Romanum Imperium bello contra Iudæos exestuans, eleganter inducitur mare igne succensum & infectum sanguine.

ET FACTA EST TERTIA PARS MARIS SANGVIS.] Sanguineus color non opus est ad eorum sanguinem referatur, qui bellum inferebant; aptius ad Iudæorum necem refertur. Sic enim cap. 17. 3. videt Ioannes bestiam coccineam, id est, in Christianos sauientem. Vide Isaia 63. 1. 2. & 3. *Aspersus est sanguis eorum super vestimenta mea.* quod de tertia maris parte dicitur, indicat magnam partem Imperij Romani in eo bello Iudæorum sanguine esse conspersam. Tum quia Vespasianus ac Titus ex magna Romani Imperij parte exercitum conduxere; tum vel maxime quia bellum hoc non fuit solum Iudæis Ierosolymæ degentibus indictum atque illatum; sed etiam illius belli sanguis Iudæos alios in varijs orbis partibus commorantes aspersit. Hic tamen tertia maris pars designatur; vt innuatur eadem non adeo fuisse communem, vt non euaserint multi, qui per diuersas Imperij prouincias erant dissipati. Lectorem præterea remitto ad ea, quæ in prima plaga dixi; rationem reddens, quare multarum ex his plagis supplicium ad tertiam solum partem coarctetur.

ET MORTVA EST TERTIA PARS CREATURÆ EORVM, QUÆ HABEBANT ANIMAS IN MARI.] Horum verborum grammatica nonnihil difficultatis habebat in Græco; noster tamen Interpres genuinum sensum dilucidè expressit. Porro quod dicitur de creaturis, quæ habebant animas in mari: prima specie videtur in grammatico sensu ad pisces referendum, per allusionem ad illud Exodi 7. 21. *Et pisces qui erant in flumine mortui sunt.* Verumtamen in hac plaga non agitur de fluuiorum aqua, sed de maris; cuius mentio fit nulla in Ægypti plagis. Et huius loci contextus meo iudicio non loquitur de piscibus, sed de nauigantibus. Primo, quia *habere animas in mari*, periphrasis est nauigantium; propter vitæ periculum, quod mare ineuntes subeunt: iuxta illud Sapientia 14. 5. *Exiguo ligno credunt homines animas suas.* Deinde propter id, quod de nauibus sequitur: id enim cogit, vt antecedentia de nauigantium animabus accipiantur. Nomen autem creaturæ cerum est plerumque in Scriptura ad homines speciatim referri. Præter hæc, sermo de nauigantibus in hoc loco multo magis cum præcipuo sensu consonat, quàm si de piscibus agatur. Pisces enim sunt veluti filij aquæ. Quod si per mare Gentiles denotantur, non cohæret Iudæos in piscibus denotari. Si tamen in nauigantibus intelligantur Iudæi; sensus optimè quadrat. Nauigantes enim sunt terræ filij, qui per mare diuagantur. Vidimus autem iam in prima plaga, per terram significari Iudæismum. Quare nauigantes sunt idoneum Iudæorum symbolum, qui per Imperij prouincias erant dispersi: atqui Iudæa ex imperij prouincijs erat vna. Cur autem tertia solum pars in hoc bello perijisse dicatur, diximus supra.

ET TERTIA PARS NAVIVM PERIIT.] Vbi per nauigantes denotari Iudæos admittamus; facile mox cernitur, naues hic esse ipsorum Iudæorum vrbes & oppida. Nec exaggerationis erit dicere, tertiam vrbiũ partem, quæ in Iudæa numerabantur, in bello illo interijisse. Nauium præterea esse aptum ciuitatis symbolum constat ex capite vigesimo septimo Ezechielis, & ex Poëtarum allegorijs,



## T E X T V S.

*Vbi de plaga tertia.*

*Vers. 10.* Et tertius Angelus tuba cecinit : & cecidit de cælo stella magna ardens tanquam facula : & cecidit in tertiam partem fluminum & in fontes aquarum.

11 Et nomen stellæ dicitur Absinthium : & facta est tertia pars aquarum in absinthium : & multi hominum mortui sunt de aquis, quia amaræ factæ sunt.

## C O M M E N T A R I V S.

**C** V M per duas antecedentes plagas fames ac bellum significantur; postulat consequentiæ ordo, ut tertia hæc plaga denotet pestem, qua Deus Iudæos puniuit; ut multò antè Christus eis prædixerat. Constat autem obsidionis tempore post famem, Ierosolymæ funestam pestem fuisse grassatam. De quo legendus est Eusebius lib. 2. historiar. cap. 6. & lib. 3. cap. 5. vbi citat Iosephum. Locus verò in Iosepho est lib. 7. de bello cap. 17. Huic pesti addere possemus illam exitiabilem Alexandriæ sub Valeriano & Gallieno; de qua Eusebius lib. 7. hist. cap. 17. Nicephorus lib. 6. c. 20. & Euagrius lib. 4. cap. 28. cum verisimile sit, pestem illam à Deo immitti in pertinaces Iudæos, quorum ingens erat in Ægypto numerus.

Videamus nunc, utrùm tertiæ plagæ descriptio huic significationi congruat? Quemadmodum igitur in prima plaga, grandinis, ignis ac sanguinis pluuia non indicat, tria isthæc verè depluisse; sed famem fuisse eiusmodi, ac si grando, ignis & sanguis in ipsa fata e cælo decidissent: ita similiter hæc tertia non significat, aquas à Deo propriè fuisse felle ac veneno infectas; sed tantam ingruisse pestem, veluti si aquæ veneno forent penitus imbutæ: ex quo repentinum plurimorum funus subsequi necesse erat. Aquæ enim potus vitari neutiquam potest. Quod si venenum aquis infusum obbibatur, in cor extemplò peruat. Itaque Galenus 1. Epidem. com. 1. in præmio, sic ait; *Potest interdum efficere morbum vniuersalem haustus aqua infecta. Quod quidem memoria proditum est, in castris accidisse.* Quibus præmissis ad textum iam accedamus.

CECIDIT DE CÆLO STELLA MAGNA.] Hoc non denotat, opinor, verè ac propriè stellam e cælo dilapsam; sed eius influxum siue influentiam. Alioqui, quomodo in tertiam partem fluminum ac fontium? Sic Hispani dicere interdum solemus, *Parece que se dexta caer el sol.* Quando scilicet nimis est torrens. Et de influxu Veneris dixit Horatius,

*In me tota ruit Venus, &c.*

**D** Potest tamen adhuc in ipsa figura exprimi, stellam quidem e cælo labi & terris appropinquare; quò grauius ac vehementius in terras ipsas influat. Ad pestem autem exitiosam exprimendam accommodatum satis est verbum græcum, quod hic apponitur *πλῆρω*, cum præpositione *ἐν*: eodem enim verbo dicunt Græci, pestem irruere & grassari. Cum hoc insuper sensu stellæ epitheta consentiunt. Nam in primis nuncupatur *stella magna*; Græcè *ἀστὴρ μέγας*, & sic appellatur sidus caniculæ ab Homero. Secundò additur, *ardens tanquam facula*. Atqui efficax influxus rectè per stellam valde accensam denotatur? quia astra videntur media luce influere atque ad eò vehementius influere quæ magis ardere videntur.

**E** Sed quorsum stellæ influxus ad pestis significationem? Respondeo, idoneum valde fuisse ad grauissimam pestem indicandam, quæ in peccatorum supplicium e cælo demittatur. Familiare est medicorum prologium, ex pestibus alias contagione, alias cæli & astrorum constitutione exoriri. Atque illud saltem certò constat, quæ ex siderum constitutione ducunt originem, horribiliores multò esse: euidensque est, contagium e cæli influentia fuisse ortum. Et quantumuis multæ sint contagionis causæ; cæli tamen influxu cessante, cessare etiam pestilentiam. Licet autem nonnulli ab huiusmodi influxu pestifero astra vindicare conentur; asserantque, ipsorum influentias benignas ex sese ac salutare esse: verum quocunque eas nomine compellare volent; siue id per se, siue per accidens fiat; certum est, venena non minùs ac flores & rosas e cælo generari. Neque ut cælum defendamus, neganda veritas est: neque ideo est verendum, ne quam cælo indignitatem tribuamus. Hoc namque altissima Dei prouidentia ad miros ac sublimes fines sapienter disposuit, decreuitque, ut cælum noxias huiusmodi impressiones pestilentia effectrices haberet, quemadmodum & hominibus prauam interdum indolem ingenerat. Neque ab hac explicatione abhorret, quòd inopinatos omnes ignotorum morborum in hominibus euentus appellare solent medici siderationes; ut humaniorum literarum studiosi probè norūt ex Catone, Palladio, & Rhodigino.

CECIDIT IN TERTIAM PARTEM FLVMINVM ET IN FONTES AQVAVM.] Cur in tertiam solum partem, diximus iam plagâ primâ. Quod verò de tertia parte dicitur, non ita est accipiendū, quasi nosceretur, quænam aquæ essent veneno infectæ, & quæ illius contagione immunes. Hac enim ratione non ad eò grauis esset perniciēs: sed quia ab effectu, id est, à morte tertiæ eorum partis, qui potabant aquas, cognoscebatur eas esse venenatas; nec omnes prorsus, quæ bibebantur, aquas, sed tertiam earum partem; ita ut nemo sibi tutò cauere posset.

*In tertia  
plaga pestē  
indicare.*

*Quomodo  
intelligan-  
tur aqua  
in absinthiū  
versa.*

*Stella ma-  
gnæ casus  
quid in-  
dicet.*

*Stella influ-  
xus quorsū  
apponatur  
ad pestis si-  
gnificatio-  
nem.  
Contagione  
pestiferam  
ex noxiis cæ-  
li influxu  
sepe tra-  
hi.*



Quid per  
stellam ab-  
sinthium  
figuretur.

Quo sensu  
dicantur  
aqua fuisse  
amaræ.

ET NOMEN STELLÆ DICITVR ABSINTHIUM. ] Græce ἀψινθός : quæ noua videtur esse vox ad magnam amaritudinem indicandam. Forte, quia nomen absinthium habet diminutiui formā: atque hinc ipsissimam potius amaritudinem significari mens erat. Vt cumque hoc sit, absinthosum mani significat amaritudinem; & planta, quæ appellatur absinthium, acerbioris quàm maximæ & amaritudinis est: vt notat Dioscor. l. 3. c. 25. 26. & 27. & Plin. lib. 27. c. 7. ideoque est symbolum mortis; quæ dicitur amara, & amaritudo ponitur interdum pro morte. Quare quod dicitur, aquas factas fuisse amaras, non est intelligendū formaliter; sed causaliter (vt ita dicam.) Neq; permagnū damnum in eo repræsentatur, quod aliqua aquarum pars sit amara: eam enim biberet nemo. Quod ergo dicitur tertiam aquarum partem lethali amaritudine esse infectam; idem est, quod lethali veneno. Quo innuitur eos, quos pestilentia lues corripiebat, exitiali furore percitos miserandum in modum interire; ac si re ipsa pestilens venenum obbibissent. Vt verò efferata infectorum rabies, & horrendus interitus exprimerentur; nihil effingi potuit significantius, quàm eos venenatas aquas hausisse. Atque id est, quod textus indicat, *Multi hominum mortui sunt de aquis, quia amara facta sunt*, id est, quia aquæ veneno imbutæ effectus sunt amarissimi.

## T E X T V S.

### Ubi de plaga quarta.

*Vers. 12.* Et quartus Angelus tuba cecinit, & percussa est tertia pars solis, & tertia pars lunæ, & tertia pars stellarum: ita vt obscuraretur tertia pars eorum; & diei non luceret pars tertia, & noctis similiter.

## C O M M E N T A R I V S.

In 4. plaga  
ignorantiæ  
figurari.

**P**LAGA hæc ignorantiam denotat: quia Deus Ecclesiæ primæ temporis Iudæos incredulos meritissimè percussit. Iptius autem applicationem ei modi esse reor, vt quasi fixum punctum agere possit ad meam demonstrandam declarationem, & totius acoluthiæ ordinem indicandum. Nam si concedatur, huius plagæ supplicium esse ignorantiam, quam Deus Iudæis pro scelerum suorum pœna immisit: in ceteris plagis necesse est eam admitti declarationem, quæ omnes esse plagas confirmet Iudæis pertinacibus inflictas, & subsequentes hac ipsa ignorantia grauioribus: quemadmodum plaga hæc est grauior præcedentibus.

In 4. plaga  
ad nouam  
Ægypti fieri  
allusionem.

Nota ergo primò, in hac plaga perspicuam contineri allusionem ad plagam Ægypti nonam, de qua Exodi 10. 22. *Facta sunt tenebræ horribiles in vniuersa terra Ægypti tribus diebus. Nemo vidit fratrem suum; nec mouit se de loco. in quo erat.* Sapientia 17. 2. *Vineulis tenebrarum, & longæ noctis compediti.* Et ignis quidem nulla vis poterat illis lumen præbere, nec siderum limpidissima flamma illuminare poterant illam noctem horrendam. Lege integrum caput, & cap. 18. 4. Cum ergo pateat respectum haberi in hoc loco ad Ægypti tenebras; allusio ipsa non vrget, vt manifesti inter has & illas tenebras discriminis idoneam indagemus rationem: cur scilicet Ægypti tenebræ adeo sint densæ ac spissæ; hæc verò Apocalypseos eatenus tantum incubuerint, vt tertia solum pars lucis defuerit? Atque in primis illud notandum censeo: quod textus ait, *Percussa est tertia pars solis & lunæ & stellarum*, non ita esse capiendum; vt tertiâ temporis parte, hæc lumina obscurata penitus remanserint: sed toto & diei & noctis spatio tertiam ijs partem lucis dumtaxat defuisse. Cæteroquin non recte diceretur percussam esse tertiam solis partem, &c.

Quo sensu  
dicatur per-  
cussa tertia  
pars solis,  
lunæ & stel-  
larum.

Quid in A-  
pocalypsi  
figuretur  
per solis, lu-  
næ ac siderum  
coniunctio-  
nem.

Nota 2. per solis, lunæ, siderumque coniunctionem in Apocalypsi haud dubiè significari triplicem splendorem; scilicet sacrosanctæ diuinitatis, Christi humanitatis, & Apostolorum, eorumq; sectatorum. Hoc supra iam manet explicatum cap. 6. in sexto sigillo, & confirmatum ex cap. 12. 1. & cap. 21. 23. Quis ergo non videat, valde esse optandum, vt in hoc pariter loco similiter tria hæc nomina solis, lunæ ac siderum accipiamus.

Differentia  
inter Ægy-  
ptiorum &  
Iudæorum  
caliginem,  
& discrimi-  
nis ratio.

Nota 3. Ethniconum caliginem per tenebras Ægypti figuratam absque vlla omnino lucis vsura esse. Nam generatim loquendo (si paucos admodum philosophos excipias) nec Dei, nec Christi, nec Apostolorum aut Prophetarum verà erant imbuti cognitione. Iudæi verò qui obstitere Euangelio, nec Christo dedere manus, non eiusmodi tenebris adoperiti fuerunt; sed illis omnino, quæ in quarta hac plaga mirificè depinguntur. Habebant enim nec exiguam Dei, Messie, ac Prophetarum siue Apostolorum virorum notitiam, imperfectam tamen; quando huius lucis face collustrati splendidis Euangelij radios & veri iusti, iæ solis non exceperunt. Quamobrem quod perfectione cognitioni, huius fuerint destituti; maius profectò fuit supplicium à Deo illis illatum, quàm si in tenebricosa penitus Dei ac Messie ignorance demersi iacuissent. Atque ideo tantum tamq; egregium beneficium, quod apud eos solos collocarat Deus, suam illis notionem, Christi & Prophetarum imprimendo, in grauiorem Iudæorum ipsorum perniciem per occasionem redundauit; eo quod lucis complementum eis deesset: illa scilicet maior claritas, quæ necessaria erat ad doctrinam Euangelij, fidemque Christi amplexandam.



**A** Nota 4. mirum sane videri, cum lux à Deo infusa Iudæis eò cognitionis peruenerit; non tamen ad Christianæ religionis professionem processisse. Nam in primis sacræ illis Scripturæ præ manibus erant; verâ Dei informabantur notitia; nec deerant illis doctores eruditissimi, & in Scripturarum lectione diu multumque versati. Deinde admirabilis planè fuit diuina lux, quæ eis ex Christi doctrina, miraculis & exemplis fuit oborta. Præterea non Apostolorum modò prædicatione instructi sunt; sed ipsorum etiam Iudæorum non pauci Christianæ religionis homines plurimi duxerunt. Nota sunt, quæ tradunt Iosephus & Philo: ille de Christi, hic de Christianorum in Ægypto degentium sanctitate. Quis nescit familiaritatem, quæ inter diuum Petrum & Philonem intercessit: quis honorificentissimam existimationem, quam Ierosolymitæ de Iacobo Domini fratre conceperant, quando illi vni in sancta Sanctorum ingredi fas erat? Nihilominus tamen crucis mysterium eos tantopere, propter ipsorum scelera excæcauit, vt maledictum illud, quod in eos Moses enomuerat, fuerit re ipsa expletum; *Percutiat te Dominus amentia & cecitate ac furore mentis: & palpes in meridie, sicut palpare solet cæcus in tenebris*, Deuteron. 28. 28. Vbi obseruandum est, non fuisse maledictum huiusmodi, vt eis tenebras Ægyptiacis similes imprecaretur: sed vt in media illa luce fulgentissima, qua Deus illos fuerat collustraturus, cum cæci ipsi non forent (si enim essent, aliquam possent excitationem obtendere, Ioannis 9. 41. *si cæci, non haberetis peccatum*,) ita tamen hallucinarentur, vt in meridianâ ipsa luce palparent, sicut palpare solet cæcus.

**B** Nota 5. ad huiusmodi ignorationem denotandam idoneum satis esse symbolum, quo repræsentetur solem, lunam, & sidera tertia, suæ lucis parte Iudæis destitui. Nam etsi magnâ Dei & venturi Messiæ cognitione primò informati, admiranda deinde Christi opera aspexerunt; & Apostolorum exaudire doctrinam; atque adeò multò plura scire videbantur, quàm ignorare: eorum tamen, quæ nesciebant, ignoratio, tanto illis detrimento fuit, vt plagam hanc non immeritò Spiritus sanctus fame, bello ac peste duxerit grauiorem.

Sextò nota, in dici ac noctis distinctione significari & de diuinitate notitiam, & de Christo, Apostolisque cognitionem; vt videbimus cap. 12. 1. Quare tertiam in his omnibus claritatis partem Iudæis deesse; idem est, atque illis vtriusque rei lucem plusquàm mediocrem esse, abesse autem solum lucis illius perfectionem, qua nili carerent, Christi fidem reapse exciperent.

**C** Septimò, tres illæ claritatis partes in cælestis veritatis cognitione videntur ita posse partiri; vt prima pars per opera admirabilia adquiratur, secunda per doctrinam, tertia per interiorem Spiritus sancti illustrationem. Atque horum trium lucis graduum communicationem possumus ad tres diuinas Trinitatis personas per attributionem applicare. Potentia enim ad opera Patri tribuitur, doctrina Filio, & interior illuminatio Spiritui sancto. Quare quod me præclara Dei opera docent, videtur esse quidam fulgor ab æterno Patre prodiens: quod excellentissima Dei doctrina, quati claritas quædam est à Filio; vt à Dei Sapientia dimanans: quod denique interior diuinæ gratiæ illustratio, lux est ab Spiritu sancto communicata. Vnde idem est, deesse Iudæis tertiam lucis partem, non verò primam aut secundam; atque illos & operum Dei notitiâ, & Christi Apostolorumque doctrinâ instructos, propter sua tamen flagitia interiori Spiritus sancti luce priuari; ac propterea palpare in meridie, sicut palpare solet cæcus.

**D** Octauò denique in tribus plagis antecedentibus supplicium ad tertiam tantum hominum partem extensiuè fuit coarctatum. In hac tamen plaga quarta non eisdem fuit limitibus pœna circumscripta, vt tertiam hominum obsignatorum partem solum attingeret; quando hæc ignorantia, & diuinæ lucis defectio perfidis omnibus Iudæis communis fuit. In hoc tamen adhibita est proportio, vt claritatis huius quasi intensio in tres diuideretur partes; & rebelles Iudæi tertiam solum partem, modo explicato, priuarentur. Quod etsi maxima Dei exitiit commiseratio, eos per opera ac doctrinam ad se allicere conantis; propter ipsorum tamen perfidiam in grauiorem eorum damnationem redundauit.

## T E X T V S.

*Qui spectat ad tres plagas posteriores.*

**E** *Vers. 13.* Et vidi, & audiui vocem vnius aquilæ volantis per medium cæli, dicentis voce magna; *væ, væ, væ*, habitantibus in terra: de ceteris vocibus trium Angelorum qui erant tuba canituri.

## C O M M E N T A R I V S.

**H**is aquilæ vocibus admonemur, quantumuis suprâ dictæ plagæ sint magnæ ac graues; multò tamen maiores grauioreque esse, quæ restant enumerandæ: quod tamen explicatum iam à nobis est in notatione tertia huiusmet capituli. Aquila autem nos hac de re erudit; quo innuitur,

*Cuiusmodi fuerit Iudæorum ignorantia.*

*Iudæorum ignorantia illis à Mose fuisse mulier ante prædictam.*

*Iudaica ignorationis symbolum.*

*Quid per diem ac noctem significetur.*

*Quomodo tres claritatis sine cognitionis partes abesse considerari possint.*

*Quartam hanc ignorantiam plagam ad rebelles omnes Iudæos se extendere.*

*Vox aquilæ ter repetitis Væ, quid sibi velit.*



Cur aquila  
hec per me-  
dium cali  
volare di-  
catu?

Videtur hac  
plaga 4. sit  
subsequente  
gravior,  
nec ne?

hanc esse sapientiæ Evangelicæ doctrinam. Aquila enim, vt capite quarto vidimus, sapientiæ est symbolum. Quod verò aquila volare dicitur *per medium calum*, dicitur *Va, va, va*; indicat in Christianæ Ecclesiæ cælo (sic enim frequenter cali nomen in Apocalypsi vsurpatur) præstantem esse atque excellentem eam doctrinam, quæ ita sublimè volet, vt detegat quantò sint formidabiliora supplicia, quæ concupiscentias, iras, & obdurationem includunt; quàm quæ famem, bellum, pestem, & ignorantiam: de quibus hætenus actum erat. Atque id innuitur tertia illa repetitione, *Va, va, va, habitantibus in terra*, id est Iudæis: quippe qui, vt sæpè monuimus, terræ nomine significantur in Apocalypsi.

Alicui videatur fortassis plaga quarta non minùs esse grauis, quàm quinta: siquidem per quartam Iudæi remanent absque veræ fidei luce. Atqui infidelitatis cæcitas detestabilior est, quàm alia peccata, in quæ homo proprijs cupiditatibus traditus dilabitur; quando hæc cum Catholica fide stare possunt, illud non item. Ceterùm non agimus hic de infidelitatis peccato; hoc enim in tribus postremis plagis inuoluitur: sed tantùm loquimur de subtractione cælestis illustrationis, quæ fidelibus conceditur: quod cùm formaliter peccatum non sit (esto, in peccatorum pœnam adeò iustè ordinatum) sed carentia duntaxat illius gratiæ, quam Spiritus sanctus suis confert fidelibus: hinc est vt quarta plaga non sit ita grauis, ac tres vltimæ; quæ multa peccata, eaque grauissima secum afferunt.

## C A P I T I S I X.

### P R O L O G V S.

#### S I V E

#### N O T A T I O I.

#### De argumento huius capituli.

De locustarum  
plagæ  
expositione  
varia au-  
ctorum sen-  
sentia.

**D**V A s hoc caput continet plagas, locustas & efferatos equos. Vtrumque symbolum interpretantur plerique de hominibus adeò feris ac detestandis, vt in eos meritò horribilium locustarum & rabidorum equorum nomina quadrent. Ita ante alios Primasius. Et per locustas quidem nonnulli putarunt adumbrari Wandalorum exercitum, qui Romanum vastauit Imperium. Alij, nostri temporis hæreticos, quorum princeps fuit Lutherus. Multi, hæreticos in communi: Ribera, quendam immanissimorum hominum exercitum, qui sub mundi finem magnopere in genus humanum sæuiet, vt ipse suspicatur. Interpretationem de nostri temporis hæreticis, siue applicationem ad illos elegantissimè profecutus est Cardinalis Bellarminus oratione illa, quam vltimo tomo præposuit: & carmine eandem expressit Clarius Bonarscius in Amphitheatro honoris f. 273. Vterque verò desumpsisse videtur ex Seraphino & alijs. Porro indomitos equos alij ad Antichristi exercitum referunt: alij ad hostiles alias phalanges, quas Dæmones in generis humani perniciem concitabunt. Omnes tamen ferè autumant de armatorum hominum copijs esse sermonem; Primasij videlicet vestigijs inhærentes, qui ita ait, *Equi homines sunt, seditores spiritus nequam*.

In hac se viarum diuortia dederunt interpretes. Ceterùm, vt sect. 11. Prolegom. vidimus, firmior extat auctoritas, solidiora iacta fundamenta existimantium has septem tubarum plagas ad pertinacium Iudæorum Christum repudiantium supplicium pertinere. Vidimus autem cap. 8. quatuor primas plagas non esse aliud, quàm famem, bellum, pestem & ignorantiam in Iudæos rebelles immissa. Quo ita præstituto, facile est videre, *Va* illud ter ab aquila in capitis octauæ calce repetitum quasi suo

iure flagitare, vt subsequentes plagæ superioribus supplicij grauitate antecellant. Quapropter si quarta plaga indicat lucis spiritualis defectum; posteriores tres significant necesse est luctuosas misérias, in quas Iudæorum animi post solis, lunæ ac siderum obscuracionem incurrerunt. Dubium verò non est, quin misera strages, quam in hominum animis faciunt peccata, veræ sint plagæ, horribiles & præ ceteris execranda. Quod si de plagis alijs loqueretur Ioannes, profectò tria illa aquilæ *Va*, non ita ponderaret; nec post quintæ plagæ finem adeo explicatè assereret, *Va* primum præterisse, ac duo alia superesse, nec post sextam similiter adderet, *Va secundum abiit, et ecce Va tertium veniet citò*.

Ad hæc, non minùs spiritualis debet esse Apocalypsis, quàm aut Dauidici Psalmi, aut etiam Pauli Epistolæ. Et tamen supplicium grauissimum, quod Psal. 80. 13. ponderatur, illud est, Israeliticum populum à Deo in cordis desideria fuisse traditum; *Dimisit eos* (loquitur autem manifestè de Iudaico populo) *secundum desideria cordis eorum*. Et Paulus ad Rom. 1. 24. omittis fame, bello, ac peste, vt minoris momenti plagis, illam ipsam, quam Dauid expendit, grauius etiam ipse perpendit, alludens ad eundem Dauidis locum, *Tradidit eos in desideria cordis eorum*. Vbi contextus indicat non obscure, Paulum agere potissimum de Iudæis & Græcis.

Miror præterea externam hanc hostium crudelissimorum faciem non eiusmodi fuisse visam interpretibus, vt de alijs etiam hostibus præter homines posset congruenter explicari. Certè humanioribus studijs eruditi, atque adeò ethnici ipsi in suorum ænigmatum enodatione altiùs videtur extollere volatum. Equis enim ex eis nō explicet Furias de acerrimis conscientiae stimulis, quibus agitantur scelerati? Marcus quidem Tullius, vt alijs

Quam  
graua sit  
supplicium,  
homines à  
Deo in cor-  
dis desideria  
tradi.

Improban-  
tur prædictæ  
interpre-  
tandi ra-  
tiones.

super-



Cicero quid  
per furias  
figurari  
existimet.

Expeditur,  
quam cru-  
deles sint  
hostes, con-  
cupiscentia.

Referuntur  
adhuc supe-  
riores alia  
exposiciones.

Quinta &  
 sexta pla-  
ga exposio.

Quo auto-  
ritatis fun-  
damento  
nostra sta-  
bilatur  
exposicio.

superfedeam, in oratione pro Roscio Amerino; Nolite, inquit, putare, eos, qui aliquid impie sceleratęque commiserint, agitari, & perterri furiarum t.edis ardentibus. Sua quęmque fraus & suus terror maxime vexat: suum quemque scelus agitat, amentięque afficit: suę male cogitationes, conscientięque animi terrent. Hę sunt impiis asidua domesticaque furia, quę dies noctesque parentum penas & confccleratissimis filijs repetant. Hęc Cicero, respiciens ad Euripidis locum in Oreste. Et similiter loquitur Plutarchus, libell. de sera Numinis vindicta. Si ergo Ethnici ipsi, qui aliquid ingenij sunt nati à natura, nullum alium de furijs sensum putarunt indagandum, nisi vt intimas sceleratorum furias animi ac pectoris edaces denotarent: cur nos in ingeniosissimo sacrarum Literarum anigmate minus spiritalem, minusque sublimem expositionem locustis & equis furiosis adhibeamus? Præferim vbi contextus vrget, vt de plagis à Deo in Iudęos peruicaces missis agatur, & vbi expressę Scripturę loci persuadent, vnā ex grauissimis his Iudęorum plagis fuisse, vt suis effrenatis appetitionibus traderentur.

Omitto, quā sit absonum in septem plagarum expositione, nullum quari plagarum septenarium, quę septem omnes ordinate & vtiliter coërceat. Prætereo violentiam applicationis in quinque mensibus, de quibus postea; & alia dissidentanea non pauca, quę interpretes plures deuorant. Illud saltem expendatur, velim; minimę operę pretium esse, vt Apocalypsis ex plagarum albo peccatoribus inflictarum eam expungat, quę iure inter grauissimas numeratur, videlicet, quod suis concupiscentijs misera deditione mancipentur. Quam certę plagam tanti videtur fecisse Paulus, vt ceteras præ illa parui pendat, atque adeo intactas prætermittat. Fateor me ratione hac ita compelli, vt si nullam huiusmodi plagę aptam applicationem reperissem, mei equidem ingenij paruitati potius adscriberem, quā ab Spiritu sancto omisam in Apocalypsi fuisse putarem. Dei tamen præsidio fultus confido, nostram expositionem ita idoneam & cum ipso contextu coherentem visum iri, vt nullus iure ambigendi relinquatur locus. Constabit enim, ni me fallit animus, non solum non conticuisse Spiritum sanctum de grauissima hac concupiscentiarum plaga; sed etiam vt altissimę huic doctrinę plus ponderis ac distinctionis accederet, summa sapientia distribuisse spiritalis sceleratorum hominum plagas in tres omnino calamitates, quibus tria illa aquilę V. responderent, id est, in allectrices concupiscentias, efferatas iras, & in ipso peccato obdurationem.

Ex hisce tribus primę duę ad caput nonum spectant, locustę horribiles & equi furiosi. Quod est dicere, caput hoc de nulla alia re agere, quā de duplici improborū plaga peracerba, Sirenibus ac Furijs. His enim nominibus eas audeo compellare; non solum quia magna est illis similitudo cum ea significatione, quā Sirenibus & Furijs tribuebant Poęte, sed quod sit etiam non parua inter vtrarumque descriptionem conuenientia. Nam Apocalypseos locustis pro vultu humana facies; pro capillis comę famineę, Sirenium instar, insunt; rabidi verō equi pro crinibus aut fetis habent angues, quā ratione Poęta suas Furias commenti sunt. Nec dissonant ignis, fumus, ac sulphur; quę ore equi eruant, quibusque perniciem hominibus afferunt; hæc enim non obscure referunt ardentes Furiarum tædas.

Aliquis à me fortę quærēt, num huius meę expositionis auctorem possim aliquem proferre, qui

A ante me hac eadem ratione locustas & equos explicuerit? Ad quod inprimis respondeo pro mea explanatione stare, quotquot septem huiusmodi plagas explicant de illis, quibus Deus Iudaicum populum meritissime multauit. Hos autem auctores nec paucos esse nec parum graues, constat ex notat. illa duodecima Prolegom. Nam ex sacris Literis fit planum, grauissimarum Iudaici populi plagarum vnā nec leuiorem fuisse illam, quā ipsos in desideria cordis eorum tradidit Deus. Præterea optarem ego sanę declarationem illam capitis huius, quā sancta Hildegardis scripsisse dicitur, videre; quā Thaulerus ait luce clariorem esse, vt retulimus notatione procemiali; fortasse enim nobis faueret. Sed saltem mecum facit ciuis meus Arias Montanus, qui tametsi loquitur subobscurę, ait tamen, Locustę humanę malitię virus & pus, cuius in suos cultores efficiētia nil nisi dolores & damnationem proferet. Et infra, Equestris exercitus, appetentiarum terrenarum multiplex numerus, variumque genus. Verum est tamen, illum, si declarationum ordinem commutaret, propius ad germanam expositionem accessurum. Nam locustę, quę priores sunt, cupiditates; equi verō, furias portendunt: atque adeo pus & virus humanę malitię. Ceterum hoc gratulor ciui meo, quod locustas atque equos de animorum plagis explicandos diuinari.

Eos verō, qui obsequium se Ecclesię in eo deferre putant, quod locustas de hæreticis exponant, oratos & obsecratos velim; vt accuratę perpendant, si septem hæc plagę ad Iudęorum supplicium applicantur; in septimi sigilli mysterio integram nobis superesse tractationem, quę mirifice exprimat, quātopere Deus pertinaces hæreticos execretur, quantis eos plagis percellat; & quanta ipsi animorum cecitate & furijs conflctentur. Quod enim de Iudęis Christianos insectantibus asseueratur; propter similem conatum constat ad ceteros eiusdem collusionis participes, atque adeo ad hæreticos vel maxime extendi debere. Et sanę in Iudęorum peruerfitate (qui primi hæretici & Ecclesię desertores fuerunt) ad viuum expressit Deus reliquorum hæreticorum perfidiam, qui in Ecclesię viscera fuerāt impietatis arma capturi. Atque in modo, quo primos illos puniuit, perspicuē nobis ostendit, quā ratione in ceteros contumaces animaduertat. Quare inter meam declarationem & expositionem Bellarmini, (qui locustas ad hæreticos refert) illud interest discriminis; quod ille in hac 5. plaga opinatur directę agi de bello ab hæreticis aduersus Ecclesiā concitando: ego verō mihi persuadeo tam in hac, quā in reliquis plagis proprię sermonem institui de bello ab ipso Deo in hæreticos facto; & in 4. singillatim de amentia illorum cecitate; de effrenatis appetitionibus in 5. in 6. de indomitis irarū furijs, ac demum in 7. de obstinata obduratione agi. Nec dubito, quin Ecclesię sit gloriosius, ne hoc locustarum bellum directę Ecclesię ipsi inferatur. Textus namq; ipse perspicuis asserit verbis, bellum id in eos homines geri, qui Dei signum in suis frontibus non habent. Quod non indicat solum, neminem præterea re ipsa lædi; sed etiam nulli aliq; bellum indici.

Denique (vt id etiam adiiciam) nimium honoris Lutheri deferri existimo, si Apocalypsin aliquam de illo duxisse rationem, & speciatim fecisse mentionē credamus. Cū satis superq; sit, Lutheranos & Calvinistas in Iudaici populi peruerfitate atque perfidia pariter inuolui, vt pote veros Iudęorum in Ecclesię oppugnatione æmulatores, atq; adeo eisdem illorum plagis penitus obnoxios.

In septima  
plaga pro-  
prium esse  
hæretica  
perfidia  
locum.

In Iudęorū  
supplicio os-  
tendisse De-  
um, quā sit  
ratione in  
hæreticos  
animaduert-  
surus.



## T E X T V S.

*Qui est plaga quinta initium.*

*Vers. 1.* Et quintus Angelus tuba cecinit: & vidi stellam de cælo cecidisse in terram: & data est ei clavis putei abyssi.

## C O M M E N T A R I V S.

**N**E C E S S E hîc est, repræsentationem ipsam fuisse eiusmodi, quasi stella hæc in terram ceciderit. Planè enim textus ait, illam Ioanni visam è cælo cadere. Quare licet capite octauo, numero decimo vbi dicitur, *Cecidit de cælo stella magna*, dubitari possit, num eò solum cecidisse dicatur, quòd in terram sua efficientia influxerit? hic tamen, vti dixi, opus est, vt figura ipsa verum stellæ lapsum præ se ferat. Porro stellæ huius casum multi ad Luciferi ruinant, siue Lutheri, aut insignis alterius personæ in supremo dignitatis gradu constitutæ referunt. Miror, ni ad Iudæ pariter lapsum referatur. Quod ad dæmonē attinet; pro se afferunt huius loci similitudinem cum illo Lucæ 10. 18. *Videbam Satanam tanquam fulgur de cælo cadentem.* Verum eo loci non agit Christus de Satanæ lapsu in culpam & damnationem, sed ostendit, illum quàm mox de mundi imperio & dominatu, quem antea vsurpauerat, lapsurum: vt ex ipso contextu non obscure deducitur. Atque vt Lutherum, & alia siue inuenta, siue etiam figmenta prætermittamus; solidius est, vt in quinta hac plaga per locustas effrænata cordis desideria signentur, quibus Iudæi traditi sunt. Quare hic stellæ lapsus innuat oportet aliquid huic Iudæorum supplicio de cordis desiderijs conducent.

Illud ergo occurrit primò; forte per stellæ huius lapsum significari, Deum interdum permittere, vt astrorum impressio & depravatæ indolis vis stultis atque improbis dominantur, eosque sui cordis cupiditatibus subijciant, ad eum fere modum, quo Horatium loqui videmus libro primo, Ode 19.

*In me tota ruens Venus, Deseruit Cyprum.*

Et in Anacreontem, (vt ipse fingit) sese innuit Cupido. Hoc etiam adiuvat coniectura à simili ducta ex plaga tertia, capite octauo, numero decimo, vbi stellam similiter è cælo cadentem de cælesti impressione siue influxu explicuimus. Ita sæpe fit, vt quemadmodum sæuiente pestifera lux, astrorum vis & efficacia agnoscitur manifestius, sic etiam cum homines corruptæ naturæ procliuitate se ferri sinunt, astrorum vis & influxus apparet. Non quòd hominum auferant libertatem: sed quia animi robore atque constantia opus est ad comprimendas cupiditates.

Hanc tamen expositionem minimè probo. Quippe Scripturæ loquutioni & ipsi veritati dissimilanea est. Etenim absque peculiari aliquo cæli influxu, mille errorum modis aliunde subnascentibus sumus obnoxij: siquidem satis plerumque est, aliquid mihi interdici; vt fruendi auditas continuè excitetur. Nam vt rectè ille,

*Nititur in vetitum semper, cupimusque negata.*

Iam, quod à simili stellæ lapsu capite octauo, numero 10. argumentum ducitur, nihil vrget. Quæ enim dissimilitudinis est ratio, vt grando in septima plaga multò aliter accipiatur, quàm in prima (vt suprà iam attigi) eadem reperitur, vt stellæ casus aliter in tertia, aliter in quinta vsurpetur. Videlicet, quia primæ tres plagæ sunt corporeæ, & tres postremæ spirituales: & tria illa aquilæ *Væ*, nos hortantur, vt tria plagarum subsequens symbola altiore sensu atque adeò mystico explicemus.

Reiectâ igitur explicatione de siderum & astrorum influxu; occurrit secundo denotari forsitan eâ stellæ ruinâ contemptionem Iudæorum, qua cælestem illam faciem à Dauide Psalm. octogesimo, numero decimo tertio prælatam despexerunt. Ille namque ibi eos admonuit, acerbissimum esse Dei supplicium, tradi homines in cæcas sui cordis cupiditates. Nam qua ratione Doctores atque Magistri stellarum nomen promerentur (qui enim ad iustitiam erudiunt multos, quasi stella in perpetuas aternitates, Dan. 12. 3.) eâdem potest cælestis stella appellari Dauidica illa admonitio Psalm. 80. 13. *Dimisi eos secundum desideria cordis eorum, ibunt in adinventionibus suis.* Deinde similem habet sensum casus stellarum cap. 6. 13. vbi dicuntur stellæ de cælo cecidisse.

Sed neque hæc interpretatio arridet. Nam *stellam cadere in terram*, phrasis est magnæ energię; nec significat solum non admodum stellam ipsam attendi, sed etiam effectum aliquem ab ipsa in terris præitari: vt colligitur ex huius loci collatione cum stella, quæ dicitur cecidisse de cælo capite octauo, numero decimo; & capite sexto, numero decimo tertio: cum inter serias comminationes apponitur stellarum casus, indicatur vehemens formido ac pavor, quo orbem debebat ipsarum lapsus percellere. Ibi autem non denotatur nullam Apostolorum rationem fuisse habitam, sed depressos eos, atque necatos fuisse, ac proinde in ipsorum cæde ac martyrio expletum esse illud Danielis 8. 12. *Prosternetur veritas in terra,*

Superest tertia ratio, quæ mihi genuina videtur. Existimo ergo in hac stella significari Moysi legē; quæ quasi desuper ruens ipsos oppressit, & per occasionē in eis concupiscentiā operata est. Hæc declaratio supponit locustas esse cordis desideria. Et textus quidē proponit stellam quasi rem desiderijs ipsis antecedentem, & quodammodo ipsorum effectricem. Cælestis igitur lux luce solis ac lunæ

minor,

Varia explicationes de stellæ è cælo cadente.

Expenditur alia de eadem stellæ expositio.

Reijcitur.

Quidius.

Secundâ proponitur interpretatio, quæ examinatur.

Refutatur etiam secunda expositio.

Vera auctoritas declaratio de stellæ è cælo cadente.



A minor, quæ aliquo modo sit cordis cupiditatum causa, nulla profectò est alia, nisi lex; vt Paulus docuit ad Rom. 7. 7. *Quid ergo dicemus? Lex peccatum est? absit. Sed peccatum non cognoui, nisi per legem. Nam concupiscentiam nesciebam nisi lex diceret, Non concupisces. Occasione autem accepta peccatum per mandatum operatum est in me omnem concupiscentiam. Sine lege enim peccatum mortuum erat: sed cum venisset mandatum, peccatum reuixit; & inuentum est mihi mandatum, quod erat ad vitam, hoc esse ad mortem. Nam peccatum occasione accepta per mandatum seduxit me, & per illud occidit. Itaque lex quidem sancta, & mandatum sanctum, & iustum, & bonum; sed peccatum, vt appareat peccatum, per bonum operatum est mihi mortem, &c.* Hoc igitur est stellam cecidisse super terram. Atque, vt sæpius adnotauimus, terræ nomen Iudæos designat; de quorum punitione sermo est in his septem plagis. Porro in eodem etiam sensu Paulus dixit 1. ad Timoth. capite primo versu nono, *Lex iusto non est posita; sed iniustis & non subditis, impijs & peccatoribus, &c.* Et si quid aliud sana doctrina aduersatur. Nec enim Pauli mens est, vt constet, non iustos etiam lege teneri; sed non in eos hanc legis stellam cadere: quare Græcè est *κείται*, & verbum *κείμαι* significat proijci & iacere. Itaque Ioannis stella lumen præfert loco Pauli.

Confirmatur nostra interpretatio ex Pauli verbis.

B ET DATA EST EI CLAVIS PUTEI ABYSSI.] Primo aspectu coactum valde apparet, ipsi stellæ clauem fuisse traditam, cum manus non habeat. Deinde infra numero vndecimo, qui appellatur Angelus abyssi, videtur esse idem, qui tubā quintā cecinit, atque fuisse ita vocatus, quod eidem data sit clavis, vt ipse abyssi puteum aperuerit; ita vt sensus sit, stellā cadente, datam ei fuisse abyssi clauem. Confirmatur, quia sextus Angelus iubetur soluere eos, qui erant parati ad nocendum, vt dicetur infra numero 14. ergo similiter quintus aperit ipse puteum, vt exeant fumus & locustæ. Accedit, quod contextus hanc constructionem non respuit. Nam ille articulus *ei*, facile referri potest ad Angelum.

Quid sit, stella clauis putei abyssi dari.

In hac dubitatiuncula dicendum arbitror, si præcipuus attendatur sensus, eundem ferè esse; siue Angelus, siue stella, puteum referare dicatur. In illud tamen magis propendeo, quod stellæ dicat textus traditam fuisse clauem: est enim hæc faciliior constructio. Quod autem opponitur, stellæ non esse manus, quibus clauem accipiat. Respondeo ideo in huiusmodi locutione plus esse energiæ. Nam ita indicatur, legem, etsi minimè ex se erat apta ad fumum ex abyssi puteo eliciendum, propter hominum tamen scelera clauem ad puteum referandum accipere. Atque vt hæc exprimeretur significatio, pereleganter fingi potuit, stellæ clauem concedi. Et capite quinto vidimus aliquid non valde dissimile; cum Agno (cui digiti non esse videntur, vt resignare librum & aperire valeat) traditus fuit liber referandus. Nec infirmatur hoc ex eo, quod postea numero vndecimo, Angelum abyssi legamus. Licet enim stella puteum referauerit; fortè tamen congruens erit ratio (de quo infra) vt locustarum princeps nuncupetur Angelus abyssi. Præterea mirum non est, cui tribuitur lapsus stellæ, quæ abyssi puteum aperuit; eidem imponi nomen ministri putei eiusdem; ob eam, quam infra subiiciemus, rationem.

Difficultas proposita enodatio.

C Vt verò illud etiam attingam; quando agitur hic de clauē ad puteum aperiendum, certò statuitur eum fuisse clauis signatum siue clausum; vt in aliquot puteis solet contingere. Et quanuis multi sibi persuaideant, putei nomine hic infernum denotari; & eam præsertim eius partem, vbi damnati torquentur: sed vt sequenti notatione probabitur, locutio hæc siue acceptio minimè est iuxta Scripturæ sacræ mentem. Quare cum legimus puteum abyssi, pro certo habeo concipiendum esse altissimum puteum in quo magna sit aquæ profunditas. Nec verò mysterio cassum erit, quod ex puteo profundæ aquæ capaci prodeant fumus & locustæ.

Quid putei nomine intelligatur.

D Affero igitur puteum abyssi esse symbolum aptissimum iusti iudicij Dei: iuxta id Psal. 35. 7. *Iudicia tua abyssus multa.* Iam quod hic puteus aperiatur, & inde erumpant locustæ; non est aliud, quam instrumentum siue occasionem exhiberi, vt Deus iustissimi sui iudicij perspicuum ostendat argumentum, improbos seuerè puniendo, & cordis desiderijs meritisime tradendo. Id quod digne Paulus expendit ad Rom. 1. vbi numero vigesimo quarto, ait, *Mercedem, quam oportuit, in se ipsis recipientes.* Dixerat autem prius, *tradidit eos in desideria cordis eorum.* Atque hoc supplicium ait, esse mercedem, quam oportuit, vt reciperent; quia videlicet recto ac iusto Dei iudicio acciderat. Huc spectat id Prou. 22. 14. & cap. 23. 27. *Fouea profunda est meretrix, cui iratus est Dominus, incidet in eam.* Ceterum mutata fuit ibi allegoria; quia meretrix ipsa fingitur esse puteus altus, in quem iusto Dei iudicio præceps ruit peccator. At verò Psalmi 35. & Apocalypseos allegoria excogitat ipsa Dei iudicia profundissima, quæ sceleratos homines grauissimo hoc puniat supplicio, quale est eos inordinatis suis appetitionibus tradere: vt exprimit Paulus capite illo primo ad Rom. Desideriorum autem cordis nomine, non intelligendæ modò sunt impudiciæ, sed etiam diuitiarum cupiditas, ambitio, crapula, ac ceterorum vitiorum colluuiò.

Puteum abyssi quid adumbrat.



## NOTATIO II.

*An Abyssus ponatur aliquando in sacra Scriptura pro inferno in significatione propria.*

Opinio asserentium abyssum in scriptura proprie sumi: & eorum fundamenta.

ITA certum videtur aliquibus, abyssum in Sacris pro inferno proprie sumi; vt asserant potius nunquam aliter in nouo testamento accipi; quia Lucæ 8.31. Christum rogabant dæmones, ne eos in abyssum ire iuberet. Quod de inferno explicat Tolemus cum communi. Et in Apocalypsi reperimus capite nono numero 1. & 2. puteum abyssi, & num. 11. angelum abyssi, & cap. 11. num. 7. & cap. 17. num. 8. reperimus bestiam ascendentem, vel ascensuram de abyssu. Per quam bestiam communis expositio intelligit dæmonem, & cap. 20. num. 1. & 3. carcer dæmonis appellatur abyssus. Nec plura sunt de abyssu in nouo Instrumento loca; nisi forte alter Pauli, qui magis adhuc vrget. Nam perspicue in eo Paulus abyssum esse infernum (prout limbum etiā complectitur) edisserit. Sic enim ille ad Rom. 10. 7. *Quis descendet in abyssum?* Et subdit, *Hoc est, Christum a mortuis reuocare*

Deinde ex veteri instrumento eodem videtur spectare id Psal. 70. 20. *De abyssu terræ iterum reduxisti me.* Distinguitur enim abyssus terræ à maris abyssu: atque ita opus est, vt abyssus terræ sit terræ profundum, qui est inferorum locus.

Præterea abyssus est græca vox: cuius si propria expendatur vis, nulli videtur rei aptius, quam inferno congruere. Quia βύσσο, significat proprie fundum siue imam partem, & Ionicè profertur, βύσσο, vnde idem est, αβύσσο, quod, ἀβύσσο, Tamen autem propositio α, græcè plerunque est priuatiua (ex quo abyssus proprie est fundo carens. Ea tamen ratione optimè res profundissimè nominatur. Atqui nihil inferorum loco profundius. Nec absolum est, licet præpositio α, in hac voce, (vt aliàs assolet) non vt priuatiua, sed vt simplicis vim intendens accipitur: hoc enim modo eodem etiam recidit. Et quamuis græcè soleat hoc nomen sumi vt adiectiuum; in sacra tamen Scripturæ vsu substantiuè vsurpatur. Ad hæc, Nonnulli non deriuant hanc vocem à nomine βύσσο, sed à βύω, quod tegere vel operire, & à particula, α, intendendi vim habente: vt abyssus sit locus valde opertus. Quod si hac ratione profundum maris rectè nuncupatur abyssus; maiori certè iure inferno eadem quadrabit appellatio.

Hæc tamen nihil obstant, quominus valde suspicer in sacris Literis nunquam abyssum in literali ac proprio sensu pro inferno vsurpari. Pro cuius explicatione primò aduerto, non tam esse respiciendam græcam etymologiam, quam vsum dictionis hebraicæ, quæ huic respondet nomini. Etenim licet aliqui Scripturæ libri sint græcè conscripti: sed quia scriptores erant Hebræi, & vel referebant ea, quæ Christus hebraicè siue syriacè dixerat, vel ad ea respiciebant, quæ in testamento veteri hebraicè erant descripta, ideo in plerisque noui testamenti vocibus certissima bene explicandi ratio est, expendere propriam hebraicæ vocis significationem, quæ aut latino, aut græco nomini responderet. Præsertim cum certò cognoscitur hebræa vox græcæ respondens; apparetque non aliam esse potuisse. Sicut in voce Abyssus contingit; cui semper in hebræo respondet Tehom, extant verò non minus triginta quatuor loci. Atque huic voci Tehom semper in nostra vulgata responderet abyssus: et si Pagninus, vt voce vtatur latina, supponere soleat Voraginem.

Secundò aduerto, semper Tehom accipi pro aquarum multitudine, vt manifestum ei erit, qui omnes Scripturæ locos attentè perlegerit, in quibus vox huiusmodi reperitur. Et quidem clariores ex ijs sunt, qui sequuntur; Genes. 1. 2. *Tenebræ erant super faciem abyssi:* vbi de mari est sermo, & capite 7. 11.

A Omnes fontes abyssi rupti sunt; in communi illa mundi eluione, estque de aquis superioribus sermo, Genes. 8. 2. *Clausi sunt omnes fontes abyssi:* cum scilicet cessauit pluuia. Exodi 15. 5. *Abyssi operuerunt eos:* id est, mare rubrum Ægyptios. Sic etiam Iudith 9. 8. Item Exodi 15. 8. *Congregati sunt abyssi in medio maris;* Hebraicè, *in corde maris.* Deuter. 8. 7. *fluuiorum abyssi:* id est, fontes, vt patet ex contextu: Iob 28. 14. *Abyssus dicitur, Non est in me.* & c. 38. 16. *In nouissimis abyssi deambulasti:* & eodem capite num. 30. *Superficies abyssi constringitur.* & cap. 41. 23. *Aestimabit abyssum.* Quibus in locis perspicuus est de mari sermo. Similiter Psal. 32. 7. *Ponens in thesauro abyssi.* & Psal. 41. 8. *Abyssus abyssum inuocat,* id est, eluio eluionem trahit: de pluuia vehemēti. Psalmo 76. 17. *Turbatae sunt abyssi.* Psal. 77. 15. *Velut in abyssu multa.* Psal. 103. 6. *Abyssus sicut vestimentum,* de aqua terram operiente. Psal. 105. 9. *Deducit eos in abyssi.* Psal. 106. 26. *Descendunt usque ad abyssos,* de grauissima tempestate iactatis. Psal. 134. 6. *In omnibus abyssi.* Psal. 148. 7. *Dracones & omnes abyssi,* id est, cete, & quidquid natatiliū in maris fundo viuūt. Ad hæc, Prouerb. 3. 20. *Eruperunt abyssi.* & cap. 8. 24. *Nondum erant abyssi.* & num. 27. *Gyro vallabat abyssos.* Item Ecclesiastici 1. 2. *Profundum abyssi.* & cap. 16. 18. & cap. 23. 28. & cap. 24. 8. & cap. 43. 25. Adde his Isaiam cap. 51. 10. *Aquam abyssi vehementis.* & cap. 63. 13. *Eduxit per abyssos.* Præterea Ezechielis 26. 19. *Adduxero super abyssum.* & cap. 31. 4. *Abyssus exaltauit illum.* Dan. 3. 55. *Qui intrauerunt abyssos.* Amos 7. 4. *Deorabit abyssum multam.* Ione 2. 6. *Abyssus vallauit me.* Habac. 3. 10. *Dedit abyssus vocem suam.*

B Alij insuper extant loci, in quibus metaphoricè vsurpatur abyssus, sed in ijs sine dubio sumitur metaphora ab ipsa maris profunditate. Huiusmodi sunt Psal. 35. 7. *Iudicia tua abyssus multa.* Ecclesiast. 42. 18. *Abyssum & cor hominum inuestigauit.* & Ecclesiastici 24. 39. *Consilium illius ab abyssu magna.*

C Tertiò aduerto, apud thesaurum Hebraicum, in voce Tehom, cui respondet abyssus, nullam esse significationis alterius, nisi aquarum multarum significationem. Tehom, ait, est locus aquarum multarum, & ipsa aquarum multitudo: afferque Rabinum Dauidem in lib. Radic. dicentem, Tehom est aqua multa, seu aquarum multitudo, profunditas & moles. Si ergo Hebræa dictionaria nullam aliam agnoscunt significationem, non potest abyssus proprie infernum in sacris Literis significare. Quibus adnecto, id etiam Patrum testimonio non obscure innui. Nam August. lib. 22. contra Faustum cap. 11. 2. ait, *Abyssus est inestimabilis aquarum profunditas.* & in Psal. 41. 8. affirmat abyssum maximè dici solere in aquis. Quin imo Lexica græca (vt Scapula) verbo, *Abyssus*, aiunt abyssum substantiuè positum esse aquarum voraginem. Cum ergo infernus non sit aquarum vorago; nec erit abyssus proprie loquendo.

D Sed opponet nobis aliquis illud Psal. 70. 20. *De abyssi terra iterum reduxisti me.* Item quia Iacobus Patriarcha in filij Iosephi benedictione. Genes. 49. 25. *Omnipotens (inquit) benedicit tibi benedictionibus celi desuper, & benedictionibus abyssi iacentis deorsum.* Similiter Moses Iosephi tribui dicit Deut. 33. 13. *De benedictionibus Domini terra eius, de pomis celi & rore atque abyssu subiacente.* Videntur autem in his benedictionibus cōiungi cælum desuper & abyssus deorsum, ad celestis fauoris & terrenæ vbertatis felicitatem denotandam. Respondeo tamen; cum in ceteris locis Tehom, vt vidimus, ad aquarum referatur multitudinem, hæc etiam apparet eodem modo esse capiendā. Quapropter assero, in eo loco Psal. 70. 20. *reducere de abyssi terræ,* idem esse, ac ex profundo aliquo puteo extrahere, quod fuerat demersus. In Iosephi autē benedictionibus abyssi sunt fontes; sicut Deut. 8. 7.

Idem ex Hebraico thesauro constat.

Patrum testimonio eadem nostra sententia roboratur.

Difficultas contra nostram sententiam ex Scriptura auctoritate.

Reducere de abyssi terræ Psal. 70. quid sit.

Contraria tamen præfertur sententia assertores nunquam abyssum proprie pro inferno vsurpari.

Probatur nostra de abyssu sententia ex vocis Hebraicæ vi & significatione.

Vocem abyssi Hebraicæ semper accipis in sacris pro aquarum multitudine.



Perspicuum namque est, ad irrigandā tellurem esse aptam caelestem pluuiam, nec non terrestres fontes: aut significant in ijs locis abyssi puteorum abundantiam; aut aquam proximē scatentem, quod terrā fertilis & optimæ argumentum est.

Sed age iam, quid dicendum nobis est ad noui testamenti loca superius allata? Certē si facilem & idoneum eis exitum reperiamus; nemo non viderit haud ita facile esse credendum, abyssum in veteri instrumento iuxta alium sensum, iuxta alium in nouo esse sumendam: cū noui instrumenti scriptores & Hebræos fuisse, & veteris Testamenti obseruatores liqueat; cumque in Apocalypsi ad illustriores veteris Testamenti locos alludatur.

Ad primum ergo ex Lucæ cap. 8 n. 31. Respondetur: ex contextu constat, Christum ad maris littus tunc fuisse. Et simile vero est, postulasse Dæmones, ne in profundum maris mitterentur. Irridebunt aliqui fortē expositionem, vt nihil ad propositum conducentem; atque adēd Toletō potius Cardinali subscribent afferenti, Dæmones à Christo flagitare, ne eos in infernum detruderet: quia id est Dæmonibus ipsis grauissimum, nempe in inferorum carceribus detineri; tum propter loci horrorem ac turpitudinem, tum etiam ne priuarentur opportunitate hominibus nocendi.

Ceterum quæm dolorē Dæmonibus infernus carcer propter loci horrorem ac turpitudinem infligit; eo minime carent, cū ad tempus, vt homines tentationibus oppugnent, egrediuntur inde: ceteroquin penā ignis etiam carerent. Quare nihil erat, cur propterea rogaret, ne eō demitterentur. Deinde eodem ferē modo priuantur Dæmones opportunitate lædendi homines; siue in infernum, siue in maris profundum deiciantur; aut etiam in altissimū aliquē puteum. Ideoq; neq; hac ex parte erat, cur Dæmones in inferorum loca proiectionem singillatim deprecarentur. Tertiō mihi valde verisimile est, dæmones non agere de carcere, in quem essent immittendi; sed de re, cui possent nocere. Neque enim supponebant ipsi, cū primū ab homine illo exirent, in carcerem quā mox detrusum iri: sed dandam ijs esse facultatem, vt aliō concederent; vbi damni aliquid inferrent, pro eo, quod homini illi inferebant. Hoc autē ex ipso contextu non obscurē colligitur; si quidem eis licentiam permittit Christus, vt in porcorum gregem irruerent; non quidem vt in perpetuum carcerem; sed vt in locum cui vt damnum facerent, venia datur. In quos illi protinus immissi, eos in mare præcipientes dederunt. Non ergo orabant Dæmones, ne deturbarentur ad inferos; verū ne in maris abyssum mitterentur, vt damnum ibi, quod possent, molirentur; sed ablegarentur aliō, vt re ipsā in porcos dimissi sunt. Nomine igitur abyssi non hic infernus intelligitur, sed mare, iuxta vñtatiſsimam Scripturæ phrasim. Nam in inferno, quid poterant detrimenti denuo importare? In mari quidem poterant horribilem excitare procellam: ceterum ob peculiarem aliquā rationem, quam textus non exprimit, precantur, ne eō mittantur, sed aliō.

Si tamen rationem huiusmodi attentius inuestigare velimus; ideo fortasse auersabantur mare, quia etsi illud vehementi tempestate perturbarent, si tamen nullus esset obruendus, neque alicui hominum inuehendum damnum (quod ipsi præoptabant) parum ad se vtilitatis ex tanto rerum motu ac turbine elicerent. Atqui Dæmones tacite innuunt dandam sibi esse facultatem, vt damnum alicuius momenti alicubi meditentur pro eo, quo miserum illum hominem diuexabant.

Iam, quam illis licentiam permittit Christus in porcos inuadendi, non fuit expers mysterij; quippe quæ arcanum quiddam ac symbolicum gerebat. Quare cū Dæmones non lateret, eam Christi facultatem seu permissionem fore mysterij plenam; cumque id in ipsius etiam miraculis non leuiter coniectarent; peculiaris fuit illis ratio, vt orarent, ne ad turbandam maris abyssum mitterentur. No-

uerant enim scriptum esse, *Iudicia tua abyssus multa.* Psal. 35. 7. Ex quo efficitur idem fore, si abyssum concitaturi ablegarentur; ac si damnarentur, vt eorum calliditas ac malitia instrumento esset, quo clari⁹ & gloriosius diuinorum consiliorum abyssi profunditas appareret; & illi interim remanerent inglorij atque despecti, Deo in eorum astutia per occasionem collaudato. Cū igitur Dæmon satis nosset Dei consilia esse celsissima, & humanæ mentis aut etiam angelicæ captem præteruolantia, quis dubitat eum timidū semper ac suspiciosum fuisse; suas omnes machinas ac technas, quibus Dei consilij conabatur obfiteri, irritas fore & inanes; & in clariorem demum Dei gloriam ac decus euasuras? Propterea igitur magnopere tergiversatur in immensum diuinorum consiliorum pelagus sese dare; quod ingentem in eo semper suarum machinationum faciat iacturam. Atque idcirco in eam ipsam, quam tantopere formidat, abyssum præceps detruditur Apocalypseos c. vigesimo, numero primo & tertio. Nec enim in maris fundum, sed in profundum puteum deicitur; vt dicitur suo loco. Quod verò ad sensum attinet, parui refert. Certē admirabilis fuit diuini consilij ratio, qua vsus fuit Deus, ne dæmon publicam Christianæ religionis consuetudinem ac potestatem impediret; cū sapientissimē disposuit, vt bellum, quod Ecclesiæ intulerat Dæmon, sibi ipsi impedimento foret, quominus Ecclesiæ ipsius pacem ac firmitudinem disturbaret. Quod enim aduersus Imperij vim atque potentiam Ecclesia se inuictam præstiterit; hoc ipsum vel maximē conduxit, vt deinceps mille annorum pace frueretur. Et in sublimi hac Dei ratione obligatus vndique & circumuentus persistit Dæmon, ne pacem huiusmodi posset vlla fraude conuellere.

Ad secundum, quod initio huius notationis obijciatur de abyssi puteo; Respondeo, cū dicitur puteus, dici etiam siue intelligi aquam; porro puteum abyssi esse ideū, ac puteum valde profundū; eūque esse, qui fingitur in ænigmate, non verò infernum. Si quis autem dixerit in eo puteo infernū denotari; Respondeo primò, symbolicā significatione non rectē probari, infernum in sensu proprio esse appellandum abyssum. Secundò respondeo: si per locustas Cōcupiscentiæ inordinatæ indicantur; hæc quidem non ex inferno prodeunt, sed ex iustissimo Dei supplicio: quod (vt potest arcanum ac profundum) appellatur abyssus; iuxta illud, *Iudicia Dei abyssus multa.* Atque huius putei Angelus adumbrat ministrum, quem accersit Deus ad supplicium hoc executioni mandandum.

Ad tertium de bestia, quæ ascendit ex abyſso, Respondeo, de his eisdem locustis ibi sermonem esse, quæ in hoc capite describuntur (vt ibi videbimus) atque ita quod in præſenti dicimus de abyſso, deseruiet similiter illi alteri loco.

Ad locum ex cap. 20. de carcere abyſsi iam diximus supra.

Ad locum Pauli ad Romanos 10. 7. Respondeo, Paulum cū ait, *quis descendit in abyssum?* in ipso literæ cortice per abyssum intelligere mare. Quod dilucidè ostenditur; quia Paulus hisce verbis voluit manifestè exprimere locum Deuter. 30. 13. vt videre est ex ipso contextu, illis autem Pauli verbis, (*Quis descendit in abyssum?*) respondent hæc in Deuter. *Quis nobis poterit transfretare mare?* Iam, quod Paulus id ad Christi resurrectionem accommodet; non probat abyſsi nomine infernum esse intelligendum, sed tantummodò transitum ad vltiora maris littora potuisse poni, vt Christi resurrectionis figuram. Deinde, tamen si abyſsi nomen potuit à Paulo in hac allegoria ad denotandum Infernum vsurpari; hinc tamen non rectē deducitur infernum propriè nominari abyssum, sed solū inferni figuram siue symbolum esse mare. Nam, vt nuper vidimus, nomini abyſsi respondet in Deuteronomio nomen maris. Vnde quemadmodum non bene probatur infernum esse mare, ita nec esse abyssum: sed ad summum, abyssum siue mare posse esse inferni figuram; de quo nihil laboramus.

Explicatur noui Instrumenti loci initio pro opposita sententia allati.

Quo sensu dæmones Luc. 8. Christo rogarent, ne in abyssum immitterentur.

Myſtica ratio; cur dæmones à Christo orarent, ne eos in abyſsum mitteret.

Explicatur reliquū noui testamenti loci initio huius notationis allati.



*Patres in allegoriarum sylva pro inferni significatione adstruenda citatos, non contra nos sed pro nobis potius stare.*

Denique nota, sylvam allegoriarum cum ijs, quos citat, pro nobis potius stare; quam contra nos: apponit enim inter allegorias, quod infernus abyssi nomine indicetur. Innuit ergo non obscure, significationem hanc non esse propriam, sed solum allegoricam. An verò huiusmodi allegoria sit apta, necne; id pendet ex vtriusque extremi proportionem, quam inter infernum & abyssum congruenter dari posse non inficior; saltem quatenus abyssus profundum significat. Ad hæc, infernus est quasi mare, quo damnati immerguntur: estque profundum Dei iudicium; id est, supplicium meritissime de damnatis sumptum.

Postremo si abyssi carcer mente concipiatur, putei instar profundissimi, fortè huiusce carceris cu-

A stodia præfectus est, qui Angelus abyssi nuncupatur. Quibus illud adiunge, vñtatos olim in Iudæa carceres siue custodias fuisse subterraneas quasdam scrobes, firorum instar, extra urbem positas, quas Hispanum vulgus appellat *Calabogos*, siue *mazmorras*. Has autem fuisse sub terra sitas, non parum probat locus Actuum 12. 10. Ex quo etiam (vt id obiter delibem) satis affertur lucis tenebris exterioribus, Matthæi capite 25. 30. Quod enim Christus ait, *Inutilem seruum eucite in tenebras exteriores*; idem est omnino, ac si diceret, *detrudite eum in subterraneum carcerem siue in firum tenebricosum*. Quare dicuntur quidem tenebræ, quia locus terra defossus tenebris erat adopertus; exteriores verò, quia extra urbem positus erat carcer.

*Tenebra exteriores, quarum sæpe in euangelio fit mentio quid sint.*

## T E X T V S.

*Vers. 2.* Et aperuit puteum abyssi: & ascendit fumus putei, sicut fumus fornacis magnæ, & obscuratus est sol & aer de fumo putei.  
3. Et de fumo putei exierunt locustæ in terram, & data est illis potestas, sicut habent potestatem scorpiones terræ.

## C O M M E N T A R I V S.

Q V I D sit, puteum aperire, diximus superiori versu: nunc de fumo. Et quidem insolitum imprimis apparet, abyssum qui in se non fumum, sed clarissimam continet vñdam, tam densam tamen fumi nubem ex se exhalare. Ceterum hoc ad significationem est appositum. Nam iustissimum Dei iudicium, (quod in semet obscuritatis nihil, plurimum claritudinis habet,) per legem ipsam, quæ sancta atque integra est, erroris tenebris punit sceleratos. Nam eo ipso, quod lex peccatori illecebras voluptatum & viuendi impunitam libertatem præcidit, obcæcatur miser, & denso quodam concupiscentiarum fumo circumfusus in legis ipsius præuaricatione suam esse sitam felicitatem suumque gaudium arbitratur. Vt ergo supinæ huius deceptionis grauitas indicetur, & offusa libidinum caligo significantius exprimitur; glomerata fumi nubes quasi ex accenso camino erumpens inducitur. Quo tacite innuitur, illum non absque æstuantium cupiditatum ardore exhalari. Mox verò additur, *Et obscuratus est sol, & aer de fumo putei*. Quod iuxta grammaticum sensum non sonat verum solis ipsius defectum, sed id tantum, quemadmodum nubila solem sæpe obducunt, & ex nostris oculis auferunt, ita etiam fumo ereptum ab oculis fuisse solem. Quem licet obtegant nubes, non eas tamen aëri interiecto offundunt tenebras, vt diem in noctem subito conuertant. At verò fumus ex abyssi puteo non solum oculis eripuit solem, sed etiam diem, densissimis tenebris toto aëri offusus. Atque ita Virgilius de ingenti constipatarum nubium nimbo dixit, *Æneid. 1.*

*Eripiunt subito nubes solemque diemque  
Teucrorum ex oculis: ponto nox incubat atra.*

Verum arcanus huius loci sensus est, concupiscentiarum tenebras esse obscurissimas, nec animo per eas licere cælesti luce frui, siue ipso etiam naturali rationis lumine. Quod si magna hæc obscuratio cum quarta plaga conferatur; hæc est inter vtramque ratio discriminis, quod in plaga quarta agitur solum de spiritalis lucis defectu; hic verò de concupiscentiarum tenebris.

ET DE FUMO PUTEI EXIERVNT LOCUSTÆ IN TERRAM. ] Cum locustæ (vt diximus) cordis desideria, id est, effrænatas cupiditates significant: perinde est affirmare eas de fumo prodixisse; ac dicere, huiusmodi desideria ex supradicto errore exoriri, necnon ex inordinatæ affectionis ac deceptionis tenebris. Quod ex eo non parum confirmatur; quia Paulus ad Ephesios 4. 22. cordis desideria appellat *Desideria erroris*, & 1. Pet. 1. 14. dicuntur *desideria ignorantie*. Vide etiam 2. Petr. cap. 2. numero decimo octauo & Sapient. 4. numero 12. *Inconstantia concupiscentie transuerit sensum.*

LOCUSTÆ. ] Miror sanè tum interpretes, tum etiam eos, qui de allegorijs, atque symbolis scripsere, nequiquam aduertisse, quàm rectè per locustas cordis desideria denotentur: præsertim vbi de locustis hisce inducit sermo, quas ita speciatim describit Apocalypsis, dum plagam desideriorum cordis viuis coloribus depingit. Etenim quamuis alludat manifestè ad Ægypti locustarum plagam: ceterum magna cum elegantia locustis Apocalypseo fuit additum quidquid ad cordis concupiscentias adumbrandas mirificè conducebat.

Nota

*Quo in sensu fumus ex abyso prodire dicatur.*

*Quomodo sol & aer fumo abyssi obscurati dicantur.*

*Vers. 3. Locustæ ex fumo putei quo sensu prodire dicantur.*

*Per locustas figurari cordis desideria.*

B

C

D



Nota ergo primò, locustam esse animal ventosum. Atque, vt obseruat Pierius, non defuit, qui illud famis esse idoneum hieroglyphicū assereret: sed aptius multò deseruit ad significandam appetentiarum esuriem. Hoc enim animal nunquam edendo exsaturatur: atqui vt locustarum plaga in maxima earum multitudine imprimis consistit, idem etiam in plaga desideriorum accidit. Vide 1. ad Timot. 6. 9. *Qui volunt diuites fieri, incidunt in desideria multa inuilia & nocua.* & 2. ad Timoth. 3. 6. *Varijs desiderijs ducuntur muliercula.* ad Titum 3. 13. *Seruietes varijs desiderijs.* Quam verò Scriptura desideriorum varietatem dicit, notum est nihil esse aliud, quàm cupiditatum, appetitionum ac solitudinum infinitatem. Quare ad eam indicandam percommoda est locustarum plaga, quæ innumeraibilem continet multitudinem; vt Exodi 10. 14. ponderatur.

Deinde sub ventris metaphora dicitur Prou. 13. 25. *Venter impiorum insaturabilis.* Et certè Ecclesiastæ 12. 5, optimam eorum verborum declarationem (*impinguabitur locusta*) illam esse existimo; si aduertamus imprimis, hinc *impinguabitur*, idem esse, ac satiabitur: & satietatem pro fastidio poni, vt sæpè aliàs apud Latinos: itaque locustam hinc sumi pro ventre. Non tamen de mystico ventre tunc est sermo, sed de proprio ventre, siue stomacho corporeo. Agitur enim de senectute, aut de graui morbo: in quo dicitur venter, qui locustæ instar insaturabilis videbatur fore, tanta satietate esse afficiendus; vt nihil iam cibi aut appetere, aut attrahere possit: nec ad cibi appetentiam excitandam mollia amygdala (quæ auidè solent appeti) aut capparitis sint satis. Igitur quod dicitur, *Florebat amygdalus, impinguabitur locusta*, connectendum est, vt postulat ratio. Videbatur enim locusta in amygdali florem, quippe tenerum ac sapidum, inuasura. Floris porrò nomen ad viridem & præcocem fructum extendo, Hebraicâ voce non abnuente. Ait ergo textus, affore tempus; in quo licet amygdalus floreat, & amygdalos virides ac præmolles gustuique sapidissimas proferat; locusta tamen debilis ac iacens ad earum esum nequaquam excitatur; sed præ fastidio ac nausea, quasi satiata iam sit, florem amygdali reipuat. Cum hoc verò sensu egregiè consonat, quod sequitur, *Et dissipabitur capparitis.* Dissipare enim est proijcere & dispergere: & qui cibi fastidio ac satietate tenetur eidem aut capparim, aut quippiam aliud appetentiæ incitamentum apponere; nil aliud profectò est, quàm proijciendo ac dissipando porrigere. Iam si de rebus auiditatem cibi allicientibus erat futurus sermo; vix aliæ poterant inueniri aptiores, quàm præmolle amygdalum & capparitis.

Ex hoc ergo loco infero, locustam esse appositum famis desideriorum symbolum; siquidem ventris etiam siue stomachi symbolum perelegans est: imò verò aptius quadrat mystico improborum ventri, qui infatiabilis planè est. Nam corporeus venter tandem aliquando exsaturatur: at scelerum cupiditas semper dicit *Affer, affer, & nunquam dicit, Sufficit*, Prouerb. 30. 16.

Sed præterquàm quòd locustæ, instar desideriorum cordis, sunt infatibiles; accedit etiam quod Plinius notat lib. 11. cap. 37. nempe eas esse cæcas, atque adeò parum aut nihil videre: licet enim oculos videantur habere: sunt tamen veluti cornei.

ET DATA EST ILLIS POTESTAS, SICVT HABENT POTESTATEM SCORPIONES TERRÆ. ] Hoc planè est, eis venenatos aculeos assignare; ita vt simul & sint locustæ, & scorpionum aculeos ac venena habeant. Vbi notandum est, locustarum speciem verè reperiri, quibus cauda scorpionis similis sit. Nam in ipsis etiam naturalibus locustis voluit sapientissimus Deus aliquam nobis proponi similitudinem repræsentationis huius, quæ in Apocalypsi continetur. Atque hæc scorpionis comparatio tantopere placuit Ioanni propter significationis energiam, vt ter eam repetierit: nimirum num. 3. & 5. & 10. Oportet igitur expendere ea, quæ Plinius de scorpionibus docet lib. 11. cap. 25. ait namque, eorum virus esse lentum, sed graue supplicium: venenum insuper hoc in meridie esse vehementius, *Cum incanduerit solis ardoribus, itemque cum sitiunt inexplēbiles potu.* Porro in faminis acriorem esse scorpionum veneni vim; & multò adhuc grauiorem in porcis; quippè quos huiusmodi virus interimat.

Horum omnium applicatio ad plagam cupiditatum cordis est perfacilis; quem verò plaga hæc perculit, magnopere vexant ac torquent curæ, angores, metus, sollicitudines; quæ omnia consequitur acerbissimus conscientię exulcerata stimulus, vt turpissimæ voluptatis exitus ac finis; qui quidem in scorpionis cauda mirè significatur. Notat etiam Plinius lib. 11. cap. 37. scorpionibus in cauda dentes esse: quod egregiè consonat cum illo Prouerb. 23. 31. *Ne intuearis vinum, quando flauescit, cum splenderit in vitro color eius: ingreditur blandè, sed in nouissimo mordebit vt coluber, & sicut regulus, venena diffundet.* Quòd si vera sunt quæ Gesnerus tradit lib. 4. de scorpione linea 60. hoc certè voluit Diuinus Spiritus in scorpione depingere, *Scorpio* (ait) *blandum ac quasi virgineum dicitur habere vultum: sed in cauda nodosa venenatum aculeum habet.*

Iam quanta sit, quàm grauis, quàmque molesta desideriorum cordis anxietas; & quàm parum ad eam eleuandam conducatur, quidquid humanæ felicitatis arrideat; siue loci quantumuis occultissimi, quocumque miser peccator sese abdat; de hoc, inquam, non solum Scriptura sacra, sed prophani etiam scriptores ac Poëtæ eleganter agunt. Vide Horatium libro secundo, Ode 16.

Non enim gaza, neque consularis  
Submouet lictor miseros tumultus  
Memis, & curas laqueata circum  
Tecta volantis.

Et infrà.

Et leues somnos timor & cupido  
Sordidus aufert.

Et paulò pòst.

Patria quis exal.  
Se quoque fugit?  
Scandit aratâ vitiosa nauis  
Cura, nec turmas equitum relinquit;  
Ocyor ceruis, & agente nimbo  
Ocyor Euro.

Locusta natura & consideratio.

Venter appetentiæ symbolum.

Impinguari locustam quid sit apud Ecclesiastam.

Locustæ effectus.

Quid sit, potestatem dari locustis, sicut habent scorpiones terræ.

Scorpionum natura & consideratio.

Scorpionum veneni vis in quos potissimum sit acrior.

Scorpionibus in cauda dentes esse.

Scorpioni blandum vultum & quasi virgineum inesse.

Cordis desideriorum bellum, quàm sit acerbum & atrox.



Multa etiam prudentissime Seneca, Plinius, & alij. In Poëtarum quoque fabulis complura sunt id ipsum testantia: quibus potissimum indicatur, hoc concupiscentiarum bellum minimè conquerere ex eo, quod optata quis assequatur. Etenim anhelans desiderij ardor concupitæ rei obiectu magis magisque æstuat & inflammatur; nec non vehemens fames ac sitis formido pariter & anxietudo, ac turbulentæ conscientie aculeus multiplici in dies augentur incremento.

## T E X T V S.

*Vers. 4.* Et præceptum est illis, ne læderent fœnum terræ, neque omne viride, neque omnem arborem; nisi tantum homines, qui non habent signum Dei in frontibus suis.

## C O M M E N T A R I V S.

Discrimen  
inter Ægypti  
& Apocalyp-  
seos  
locustas.

Virum Ægyptiacæ  
locustæ Ægyptios ip-  
sos, an ip-  
sorū tantum  
sata & arbores in-  
uasent?

**H**Æc imprimis dicuntur, ut inter has & Ægypti locustas manifesta discriminis ratio designetur. Ægypti enim locustæ herbam, arborum fructus, & omne viride læserunt: ut habetur Exodi cap. 10. 15. Et quamvis Sapientia 16. 9. dicatur illos (scilicet Ægyptios) locustarum & muscarum occiderunt morsus: fortè tamen verbum occidere significat, illos cruciatibus fuisse affectos; idque per huiusmodi distributionem; ut caninæ muscæ siue asili ipsos acriter inuadendo, locustæ verò sata atque arborum fructus euertendo affligerint. Nam locustas in Ægyptios ipsos inuasisse, licet Sapientia locus, Philo & Iosephus planè asserere videantur Lorino: verum Sapientia quidem aptè hac ratione exponitur. Philo autem & Iosephus nihil tale dixere, sed solum quod Exodus affirmat. Ceterum quoquo modo id sit, locustis saltem Apocalyp. eos præceptum est, ne læderent fœnum terræ, neque omne viride, neque omnem arborem, sed solum homines, qui non habent signum Dei in frontibus suis. Agitur autem singillatim de Iudæis obstinatis, in quos hæc omnes plagæ sunt immissæ. Atque in huius versus significatione frustra quaritur allegoria. Simplex enim & apertus sensus est, locustas has esse mysticas; & in eos omnes sine discrimine irruere, qui spirituales viri non sunt. Hos namque esse, qui Dei signum in frontibus habent impressum, explicauimus latè cap. 7. Quod verò hîc dicitur de locustis homines adorientibus; asseritur etiam I. Petri 2. 11, Carnalia desideria militant aduersus animam. & Iacobi 4. 1. Concupiscentia militat in membris vestris. Et eleganter satis innuitur; suis inquit appetitionibus licentiam & impunitatem permittere, perinde esse ac morderi & corrodi ab ipsis; cum acerbissima hæc sit plaga, quam peccator miser perpetitur.

Quomodo  
Designate  
multi effu-  
giant hanc  
locustarum  
plagam.

At verò, quod huiusmodi plagam effugiunt ij, qui Dei signo & stigmate sunt insigniti; Paulus item indicat non obscure ad Galat. 5. 24. Qui Christi sunt, carnem suam crucifixerunt cum vitijs & concupiscentijs. Quare si suas occidunt concupiscentias; ab earum plaga penitus euadunt. Huius autem liberationis ratio in appetentiarum cohibitione, atque adeo mortificatione potissimum sita est. Quod nonnihil adumbravit Seneca, cum dixit, Qui desiderium claudit, mehercule cum Ioue de felicitate contendit. Ad cuius rei probationem cum multa sunt dicta præclare, tum illud Chrysostomi lectu valde dignum, qui ait, cum desiderij vas ipsa aquæ infusione crescat, fieri neutiquam posse, ut tandem impleatur: quare ne in immensum abeat cupiditas, necessarium imprimis esse, aut contrahi ipsum vas, aut os deorsum in terram obuerti.

## T E X T V S.

*Vers. 5.* Et datum est illis, ne occiderent eos; sed ut cruciarent mensibus quinque: & cruciatus eorum, ut cruciatus scorpion; cum percutit hominem.

## C O M M E N T A R I V S.

De quinque  
mensium  
spatio eius  
mysterio  
varie An-  
thorum sen-  
tentia &  
explicatio-  
nes.

**Q**UINQUE hi menses (quorum mentione videtur Ioannes adeo delectatus, ut propterea eos iterum infra repetierit) non parum negotij interpretibus facessuerunt. Alij enim huiusmodi interuallum accipiunt, ut sonat; existimantes sermonem hîc esse de peculiari aliqua plaga à Deo in mundum inferenda sub ipsum Antichristi aduentum. Alij autem mant hoc mensium numero innui temporis sparium, quo Lutheri hæresis duratura est, & in hac computatione diem pro anno esse sumendum, ut in aliquo alio Scripturæ loco. Alij, quibus interpretationes istæ non arrident, satis sibi esse putant, si affirmant eum mensium numerum esse mysticum; cum nullam interim mysterij aut rationem, aut applicationem adducant.



A Alij (ex quibus Arias Montanus) ad quinque sensus confugiunt; asseruntque concupiscentias eatenus permanere, quoad quinque permaneant sensus. Hac tamen interpretatio durior est, opinor, quam ut probari possit. Nam simul & semel (quod aiunt) fruitur quis sensuum quinque vsum; & idcirco quinque mensium locutio ibi non habet locum; cum hi per continuum decursum sibi mutuo alter alteri ad finem usque succedant.

Existimauit nonnemo, ex eo quod quinque menses concupiscentijs designarentur, denotari septem reliquos Furijs destinari; id est, maius temporis spatium perdurare irarum furias quam allerices cupiditates. Sed neque hoc solidum in se est, nec apte contextui accommodatur. Ad hoc enim non erat hic quinque mensium spatium exprimendum; sed in sequenti plaga explicandum erat, illam diutius, quam plagam locustarum durare.

B Alius demum suspicabitur, significationem hic esse eiusmodi; ut locustarum plaga, si cum plaga furiarum comparatur, sit quasi foetura illius; porro tempus quinque mensium esse, quo foetus in materna aluo gestatus celari potest, ex Luca 1. 24. *Ocultabat se mensibus quinque.* Verum tamen neque hoc explet animum. Nam si ex concupiscentia sunt irae nasciturae, illaque est duratura, quoad haec prodeant in lucem: non solum durare debet concupiscentiarum plaga per quinque menses, quibus foetura possit occultari; sed per nouem totos, donec effera nascatur proles. Præterea licet verum sit, Iudæorum furias aduersus Christi Evangelium fauientes ex ipsorum cupiditatibus duxisse originem: appetentiarum tamen plaga minimè conqueuit, furiarum plagâ subeunte, ut infra explicabitur.

Adde huc, in nulla superiorum explicationum reperiri allusionem ad insignem aliquem Scripturæ locum. Quare cum in dimidia octauæ capitis hora & in tribus annis cum dimidio cap. 11. & 12. & 13. constet, perelegantem contineri allusionem ad illustres sacrarum Literarum locos & Apocalypseos mysterio maximè congruentes; nihilo credendum est secius de singulari hoc quinque mensium spatio.

C Ut ergo meam ipse proferam explicationem, pro certo habeo in mensibus hisce quinque respexisse Spiritum sanctum ad illud dierum interuallum, quibus vniuersalis eluisionis vnda super terram effusa durauit: i. autem fuere centum quinquaginta dies, Gen. 7. 24. & cap. 8. 1. Pro huius rei stabilimento, occurrit mihi considerandum primò, in Apocalypseos locutione, iuxta Hebræorum, Chaldaeorum, atque Græcorum usum, singulis mensibus dies omnino triginta nec amplius præscribi; ut probabimus cap. 11. in illis mille ducentis sexaginta diebus. Itaque idem est dicere quinque menses, ac centum quinquaginta dies. Et quemadmodum Ioannes, ut allusionem illam ad tres annos & dimidiatum dissimularet, prius in duos & quadraginta menses, postea in dies mille ducentos sexaginta mutauit: sic etiam hoc in loco centum quinquaginta dies, quibus durauit diluuium, occultat quod amodo quinque mensium locutione; quæ tamen eodem recidit.

Secundò expendendum hic est, ut significanter explicetur, quàm sit grauis locustarum plaga, præclare eam cum communi mundi eluione conferri. Nec dissentit Scripturæ consuetudo, quæ acerbissimas calamitates appellare solet diluuium aquarum multarum (ut Psal. 31. 6.) Quæ tamen comparatio alijs ærumnis communis, peculiari ratione est plagæ locustarum propria. Nam ut terræ facies totos illos centum quinquaginta dies fuit vndis stagnantibus adoperta; sic etiam de locustis dicitur Exodi 10. 15. *Operuerunt vniuersam superficiem terræ; ac si per allusionem quandam asseratur fuisse locustarum diluuium.*

D Tertio, dum dicitur locustarum plaga centum quinquaginta dies permanisse, subobscure quidem, sed non ineleganter innuitur, nullum aliud ipsius remedium esse super, nisi clementissimus Deus infelicium hominum commiseratione tactus, Noë mystici, id est, Christi saluatoris nostri meminerit; & suum spiritum terræ immittat, qui eam ab ingenti ac miserâ locustarum eluione liberet. Expende verba illa Genes. 8. 1. *Recordatus autem Deus Noë, adduxit spiritum suum super terram; & imminuta sunt aquæ, & ceperunt minui post centum quinquaginta dies.*

E Sensus igitur allusionis huius est, Iudaicum populum hac plagâ conflictatum iri; donec dignetur eos Deus suo & spiritu & Euangelio. In quo, ni fallor, includitur vaticinium de ipsorum Iudæorum sub mundi finem conuersione. Præter hæc tamen, ratione singularis cuiusque, qui per viam fidem & Euangelicum spiritum ad Deum traducitur, dici potest aptè quinque mensium spatium in eo compleri. Hoc namque temporis interuallum est mysticum (sicut & dimidiæ horæ in cap. 8.) nec præfinitum dierum numerum denotat; sed totum illud tempus, quo Deus suum spiritum in terram dimittere desierit. Quibus illud adiungo; locustarum plagam esse carnalis spiritus effectiorem, qui est ventus vrens. Vide Exodi 10. 13. *Ventus vrens leuauit locustas, & ascenderunt super vniuersam terram Aegypti.* Vrenti verò spiritui opponitur spiritus consolator per Zephyrum figuratus, qui arreptam locustam proiecit in mare rubrum, Exodi 10. 19.

Et quidem licet textus loquatur directe de Iudaici populi plaga: ceterum adhibitâ proportionem, possumus similiter loqui de ijs omnibus, qui plagam hanc concupiscentiarum patiuntur, quauis Christiani sint: & suo etiam modo imperfecti religiosi illâ cruciantur. Generalis namque doctrina est, huiusmodi plagæ eam vnam superesse medicinam, ut Deus cælestem suum spiritum miseratus immittat. Quæ significatio si seriò attendatur, constabit mox quàm meritò Ioannes, quæ sibi perplacebant, repetierit. Nam bis aut ter quod pulchrum est. Ut in hoc etiam versiculo comparationem scorpionis iterat; de qua satis iam supra.

Quod verò dicitur, *Datum est illis, ne occiderent eos, sed ut cruciarent;* facile intellectu est. Nam generaliter loquendo, desideriorum & solitudinum plaga, licet valde torqueat homines, non tamen naturalem aufert vitam: atque hoc ipsum in grauiorem adhuc cruciatum & tormentum acerbius cedere postea ponderatur.

Examinantur pariter ac refutantur alia interpretandi rationes.

Auctoris sententia de quinque mensium interuallo.

Plagam desideriorum cordis, ut eius grauitas ponderetur, rectè cum communi orbis eluione comparari. Quid innuitur in mensium spatio, quo locustarum plaga durasse dicitur.

Allusionis ad Noë diluuium hic facta quis sit sensus.

Locustarum plagam suo etiam modo posse ad Christianos suis concupiscentijs deductos, atque adeo ad imperfectos religiosos applicari.



## NOTATIO III.

*In qua redditur ratio, cur aquæ obtinuerint terram centum quinquaginta diebus, vt habetur Genes 7. 24. Ad hac; quid lateat mysterij in eo, quod Christus Samaritana dixit, Quinque viros habuisti, &c. Ioan. 4. 18.*

**N**ON satis est, iam exposuisse in tribus mensibus locustarum capitis noni Apocalypses alludi ad quinque menses, quibus communis illa totius orbis eluuiio terræ faciem obtexit: nisi reddatur etiā conueniens ratio, cur aquæ diluuij centum illis quinquaginta diebus terram vniuersam inundarent. Nec enim peculiari mysterio vacare putanda est illa huius numeri dierum electio. Hanc ad rem nonnihil nobis lucis ab Apocalypsi oboritur, dum centum illos quinquaginta dies, nomine quinque mensium compellat. Quod perinde est, quasi dicatur respectus fuisse habitus ad illud temporis spatium, quo tellus fuit vndis cooperta, vt mensium foret non ampliùs quinque. Deinde cum mensis vnus sit vna luna: ex eo solùm, quod dierum nomen in quinque lunas commutetur, nos Ioannes quasi manu ducit, vt illorum centum quinquaginta dierum mysterium in lunarum quinque consideratione inquiramus.

Hoc ita constituto, suspicor in vnaquaq; luna representari tēpus, quo imperiū aliquod durat: tum propter nouæ lunæ initium, & noui pariter imperij exordiū; tum propter ipsius incrementū, donec summā attingit plenitudinē; & deniq; propter diminutionis principium, quoad tandem omnino deficiat. Et Monarchæ quidem solis symbolum sibi arrogabant, quo suum imperium æternum fore innuerēt. Itaque in Augusti Cæsaris numismatis cernitur ipse radijs solis redimitus; & similia interdum videmus stemmata Romani Imperij æternitatem indicantia. Nec absimili fastu atque superbia Nabuchodonosor, cum ex Daniele accepisset de ingenti illa statua solū caput aureum ad suum imperium spectare (Daniel. 2.) vt significaret multo se itabiliorem & longiorem sui imperij perpetuitatem sibi polliceri, totam idcirco statuam ex auro fabricauit, Daniel. 3. Cuius tamen superbiz ac temeritatis pœnas illico dignas luit, Daniel. 4. Vt sic demum animaduerteret, quam futili atque inani niteretur spe, fore vt suum imperium in perpetuum duraret. Monarchæ itaque sibi vanā expectatione pollicebantur, suum imperium solis instar, fore perpetuum: Scriptura tamē eorum imperia cum luna menstrua comparat; quæ cū magis creuit, tunc diminutioni propior est.

Existimo ergo, in numero lunarum quinque, quibus aquæ diluuij terram occuparunt, denotari, vniuersum terrarum orbem inani idololatriæ superstitione, quasi quodam diluuiio operiendum fore per vniuersum tempus, quo duraret impotens tyrannis quinque præcipuarum Monarchiarum: quarum prima fuit Assyriorum cuius metropolis fuit Ninive (Genes. 10. 11.) secunda Chaldæorum, tertia Medorum atque Persarum; quarta Græcorum; & quinta Romanorum. Postrema quatuor celebres sunt apud Danielem, c. 2. & c. 7. Quod autem de prima nō agat; ideo fit, quia iam illa erat extincta quādo scripsit Daniel. Notum tamen est doctioribus, ante Chaldæorum Monarchiam extitisse Monarchiam Assyriorum; cuius primus fuit auctor Ninus rex (quem Scriptura appellat Assur) & tandem desijt in Sardanapalum; durauitque annos circiter mille ducentos. Iam quod nulla habeatur ratio aliorum imperiorum minoris & nominis & potestatis; non casu & temerè, sed consilio atque prudentiā fuit factum. Tum quia multo erant minora; tum etiam quia eorum tempore, saltem quod ad idolola-

**A** triam attinet, cum alijs in eandem superstitionem, non sine aliqua subordinatione, confluerunt. Assyriorum autem imperium duxit exordium anhis post diluuium circiter trecentis. Tunc verò non potuit magna aliqua Monarchia illos antecessisse; liquidem ex communi illo diluuiio octo solūm personæ in toto terrarum orbe reliquæ sunt. Præsertim, quia Scriptura in ea solūm imperia atque Monarchias mentem intendebat, quæ Israelitico populo negotium facessierunt. Et quodcunque imperium ante Assyrios extitit, Israelis populum vexare non potuit. Etenim Abrahami natalitia eodem fere tempore fuerunt, quo Assyriorum Monarchia initium cepit. Ad hæc; Monarchiarum huiusmodi fit mentio, tanquam idololatriam sestantium: atque falsis idolorum cultus penè cum Assyriorum Monarchia ortum habuit (de quo Lorrinus in Sapient. caput decimumquartum, num. decimoquinto.) & quæ idola eo tempore colebant Assyrij, in orbe etiam ab alijs colebantur. Quin & nouæ quæque Monarchiæ, nouam etiam idolorum venerationem introducebant.

**B** Ex ijs etiam, quæ Daniel asserit cap. 2. in statuæ per somnium visæ explicatione, constat mundum hisce Monarchijs semper in peius ruere. Quandoquidem ex postremis quatuor prima comparatur auro, secunda argento, tertia æri, & quarta ferro. Potuit fortè in ea statuâ comprehendi Monarchia Assyriorum in Chaldæorum imperio. Nam Assyrij atque Chaldæi ex eadem penè gente ac natione fuerunt. Quare sacræ etiam Literæ interdum Assyriorum nomen Chaldæis attribuunt. Atque vtriusque imperij distinctio idcirco fortasse fuit omiſsa, quia propria Assyriorum Monarchia iam erat, tunc autē nulla habebatur ratio de præterita Monarchia; & præsens Chaldæorum veluti filia Assyriorum Monarchiæ reputabatur. Verū enim uerò diluuij tempore (quod Assyriorum Monarchiam antecessit) cū præsignificandæ essent Monarchiæ, quæ Dei populum in arca figuratum, afflicturæ erant; congruens admodum fuit, atq; adeo opus, haberi rationem Monarchiarū omnino quinque; quæ subsequenter fuerant. Neq; enim maior fuit distinctio inter Medorum & Chaldæorum Monarchiam, quā inter Chaldæorum & Assyriorum. Atqui Assyriorum imperium non parum Israeliticum populum vexauit: cū Chaldæorum Monarchia sub finem regni Amasiz coepit. Quapropter relictis pro quatuor illis Monarchijs, auti & argenti, æris ac ferri metallis, atque ad quatuor Danielis Monarchias applicatis; possemus quidem Assyriorum Monarchiæ ex metallis electrum natiūm tribuere; quod vel ipso auro pretiosius esse Plin. ait. Et Constantinus Magnus in epistola ad Catholicos, quæ habetur tomo primo Conciliorum ait, *Electro nulla preualet materia elementorum* & propterea aſſerit se Apostolorum Petri & Pauli corpora in electro conclusisse. Simili ergo ratione, qua inter quatuor Danielis Monarchias antiquissima fuisse melior significatur; pari etiam proportionem existimandum est, Assyriorum Monarchiam fuisse Monarchiā Chaldæorum potiore. Quod si verum est, Monarchiam Assyriorum annos non minùs mille ducentos permanisse: hinc intelligi facile potest, æquitatē in ea, electam, & rectā rerum publicarū administrationē præ cæteris deinceps Monarchijs imprimis vigiſſe.

*Quo tempore Assyriorum Monarchia initium duxit.*

*Abrahamus quo tempore natus.*

*Inanius idolorum cultus quādo in orbem inuectus.*

*Assyriorum imperium quomodo in Danielis statuâ figuratum.*

*Chaldæorum Monarchia quo tempore coepit.*

*Assyriorum Monarchia electrum applicatur.*

*Coniecturis elicitur, in Assyriorum imperio iustitiam & æquitatem vigiſſe.*

Hæc

*Vnde conficit allusio huius quinque mensium spatij ad communis diluuij tempus.*

*Vnius lune tempus ad imperij vnius durationem symbolice refertur.*

*Monarchas siue Imperatores solis sibi symbolis arrogasse.*

*Superbia Nabuchodonosoris auream statuam fabricari præcipientis unde occasionem sumpserit.*

*Quid mysteriè designent quinque menses, quibus communis terra durauit eluuiio.*

*Præcipue quinque orbis Monarchiæ quæ fuerint.*



Prou 20.  
28.

Hæc namque sunt, quæ imperia frenant ac fulciunt: iuxta illud Prou. *Miseri cordia & veritas custodiunt regem & roboratur clementia thronus eius.* Alioqui enim Regnum à gente ingentem transfertur propter iniustitias & iniurias & contumelias & diuersos dolos. Ecclesiastici 10. 8. *Iustitia autem & clementia sunt natium illud electrum pretiosissimum, quod reges à veneno intactos seruat, eosque plus ab alijs suspici & colit elicit, quàm electrum natium præ auro & argento æstimatur; atque adeo plus quàm iris & splendor igneus, quæ Plinius electro nativo attribuit.* Quæ omnia ita accipio, Assyriorum imperio stante atque florente; postea enim compertum est, in eo inclinante iam & ad occasum vergente tantopere libidinem, luxum & iniquitatem fuisse dominatam; vt Deus Ionom prophetam dimiserit ad regem Sardanapalum; cui Niniues ruinam & interitum prænuntiaret: quæ tamen ruina ac vastitas propter regis & totius ciuitatis penitentiam per tempus aliquod dilata fuit. Ceterum hic idem nuncius à Deo ciuitati missus indicat, Niniues statum antè valde diuersum fuisse; siquidem tot annorum sæculis floruerat, nec Deus toto illo tempore similes ipsi minas intenderat.

Antiquitatem ab omnibus maximè suspici.

Præterea cum illa quatuor metallorum comparatione Danielis 2. consonat communis assensio, quæ in omnibus antiquitatem suspicit, & veneratur. De quo quàm plurima extant apud Poetas & scriptores tam Græcos, quàm Latinos. Neque his refragatur locus ille Eccles. 7. 11. *Ne dicas, Quid putas cause est, quod priora tempora meliora fuere, quàm nunc sunt?* Stultitia enim est huiusmodi interrogatio. Etenim in hoc loco contextus agit de eo, qui suæ impatiendiæ & iracundiæ excusationem affert, quod oblata sibi ad irascendū occasiones præ ceteris aliorum grauissimæ sint ac molestissimæ. Stultum namque est id cogitare. Verū recte cum hac veritate consentit, sæcula Monarchiæ Chaldaeorum fuisse aurea, si cum alijs futuris comparentur; & Medorum sæcula fuisse argentea; ærea Græcorum; & ferrea Romanorum. Eadem ergo proportionem dixerim, Assyriorum Monarchiam respectu ceterarum, fuisse veluti natium electrum.

Gradatio inter quinque illas veteres Monarchias: &amp; quid imprimis in earum singulis floruisse videatur.

Si ergo id constituamus generatim loquendo, primam scilicet ex his quinque Monarchiis fuisse præstantiorem secundam, hanc tertiam, tertiam quartam, & quartam quintam; illud mihi veniebat in mentem, quod huiusmodi gradationi ac proportioni non parum fortassis respondeat: nimirum in prima Monarchiarum huiusmodi effloruisse virtutis imaginem, nempe iustitiam & rectam administrationem; in secunda, sapientiæ pretium & æstimationem; in tertia, delicias & corporis blandimentum; in quarta opes ac diuitias; & in quinta honorem ac nominis existimationem. Hæc vt ita accipiam, apud me statuo in his quinque honorum generibus includi quidquid homines in hac vita appetere atque indagare possunt. Etenim animæ bona ad virtutem ac sapientiam reducuntur: bona autem corporis ad delicias, diuitias, honores.

In Romanorum Imperio honorem &amp; ambitionem maximè viguisse. Græcorum Imperium floruisse opibus ac diuitiis.

Atque vt ab vltima Monarchia, quæ Romanorum fuit, exordiamur: notum est, & ab Augustino animaduersum, honorem imprimis fuisse illis præ ceteris bonis charissimum. Quamobrem proprium nomen bestiarum maris c. 13. Apocal. (in qua, vt videbimus, Romanum denotatur imperium) non est aliud, quàm *superbia vitæ*: de quo ibi latè. Græcorum Monarchiæ adscripti maximam diuitiarum æstimationem. Nam in pardi pelle, de quo Scriptura agit (id est Panthera) significantur diuitiæ, vt patebit Apocalyp. 13. Et Græcorum quidem imperium depingit Daniel sub Pardi figura c. 7. Compertum verò est magnum Alexandrum Darij regis atque Indi opibus potitum fuisse. Eius insuper successores cupiditatis diuitiarum maximè insinulantur; vt ex sacrarum Literarum historijs planum sit.

In Medorum atque Persarum Imperio delicias ac blandimenta corporis fuisse dominantia.

In tertia Monarchia Medorum atque Persarum nemo nescit, delictiosam vitæ & corporis blandimentis dedita cum primis dominari. Vt facile expendi potest in magna illa vxorū multitudine, in cōiuijs lautissimis, in pretiosissimis vnguentis, & alijs id genus: quæ satis constant ex lib. Eith. Notum est etiā Persarum ac Medorum Monarchiam per vrsū significari Daniel 7. 5. Vrsus autem summi luxus ac

A blandimenti symbolum est, vt videbimus Apoc. 13.

Atque vt ad Chaldaeorum Monarchiam gradum faciamus; in nulla alia re illam illustriorem video, quàm in sapientiæ ac literarum æstimatione. Hoc satis cognoscitur, tum ex honore amplissimo Danieli delato, quia somnia fuerat interpretatus; tum ex sapientum, magorum, & ariolorum frequentia; tum etiam in astrorum peritiâ, & iudiciariâ astrologiâ, quàm ex Chaldaeis in mundum vniuersum deriuatam fuisse atque dispersam compertum est. Videatur apud Danielem c. 1. 4. quanta cura ac diligentia fuerit Nabuchodonosori seligendi pueros eruditos in omni sapientiâ, cantos scientiâ, & doctos disciplinas, qui possent stare in palatio regis, vt doceret eos literas, & linguam Chaldaeorum. Atque vt Daniel & tres ipsius socij fuissent regi imprimis accepti, ait textus nu. 17. *Pueris autem his dedit Deus scientiam, & disciplinam in omni libro & sapientiâ. Danieli autem intelligentiam omnium visionum & somniorum.* Et infra: *Omne verbum sapientiæ & intellectus, quod sciscitatus est ab eis rex, inuenit in eis decuplum super cunctos ariolos, & magos.* Hinc grauissima fuit in eos inuidia coorta tempestas: ex qua tamen, singulari Dei prouidentia, incolumes euaserunt. Et promouit eos rex in prouincia Babylonis: & Danielem fecit tertium in regno suo. Et alibi dicitur voluisse rex cum ceteris omnibus superiorem præficere. Ac demum in nulla ex reliquis Monarchiis inuenietur, principes tantopere sapientum virorum honori ac dignitati cōsuluisse. Atque ita Monarchiæ Assyriorum (quæ prima fuit) obtingit maior iustitia & optimæ gubernationis cura: vt ex supra notatis facile sibi quouis persua debeat. Et facit etiā, quod in magna, quàm egerunt, penitentia, auditâ lonæ prædicatione, cernere est in magno pretio apud illos fuisse sanctitatem; quandoquidem persuaderi eis potuit adeo magna de peccatis penitentia.

Chaldaeorum Monarchiam sapientiâ ac literarum æstimatione eminuisse.

Monarchia Assyriorum studium æquitatis ac iustitiæ cum primis proprium iustitiæ.

C

His præmissis facile intelligitur, imperiū illud, in quo iustitia & æquitas cū primis florebat, maximo opere antecellere ei imperio, in quo iustitia nō valde florebat, sed sapientia præ ceteris æstimabatur. Deinde imperium, in quo sapientia eminebat, reliquis tribus valde præstare planum est. Ex illis autem tribus, licet grauissima sint vitæ mollis ac deliciosa damna; multo tamen grauiora sunt, quæ ex nimia auaritia sequuntur: sed inter cetera sunt maxima detrimenta, quæ ambitio & nimia honorum affectatio secum affert. Constat igitur ex longa hac ratiocinatione, Gentilitatem semper in deterius rueret, & sublapsam retro ferri per totam illam quinque Monarchiarum successionem.

Gentilitatem semper in deterius ruisse.

D

Enimverò quauis prima fuerit melior, quàm secunda; & hæc aurea fuerit cum subsequenter comparata: ceterum absolute loquendo, omnes illæ exitiabilem terrarum orbi perniciem importarunt: quippe inanem Idolorum cultum profitebantur omnes. Quamobrem iustitia & recta administratio, quā in prima enitere diximus, neutiquā vera erat iustitia & æqua animatæ gubernationis ratio; sed vmbra quædam & fucata iustitiæ imago. propterea quod probi mores magni aliquando æstimarentur, & æquitatis ac iustitiæ duceretur ratio. Sapientia item, quæ generatim in Chaldaeorum Monarchia maximè colebatur, veri Dei cognitionem nequaquam attingebat. Quare in vtrâque Monarchia teterrima facinora & execranda scelera passim grassabantur. Nihilominus tamen propter eam, quā reddidimus, rationem, congruenter satis apparet, Monarchiæ primæ iustitiam humanam attribui; humanam sapientiam secundæ; tertiæ vitam mollē & effeminatam; quartæ cupiditatē diuitiarum; & honorum ambitionem quintæ. Sed si quinque omnes Monarchiæ decursu temporis mundum vniuersum erant oppressura, si cuiusque tempus & spatium in vnius lunæ interuallo recte denotatur: quid potuit significantius effingi ad miseram orbis calamitatem indicandam sub quinque Monarchiarum tempore & statu, donec Deus suum mitteret Spiritū; quàm Deum ipsum statuisse, vt aquæ diluuii centenos quinquagenos dies, id est, quinos menses terrā vniuersam obtegerent? In quo nimirum tempore ingruens calamitas & vastitatis comminatio eō maior erat, vt constat, quod remedium magis protraheretur.

E

In quinque communis diluuii mensibus figurari mystice mundi mersionem sub quinque prædictis monarchiis.



batur. Atque aded cuiuslibet mensis damnum præterito grauius erat. Quod innuebat, Gentilitatem quinq; Monarchiarum successione ad summam calamitatis miseriam deuenisse.

Cum his, quæ diximus hæcenus, mirifice coheret; vt per allusionem ad quinque menses, quibus communis eluuium terram inundauit, dicatur mysticarum locustarum plaga à Deo aduersus Iudæos perfidos immissa, per menses omnino quinque duratura. Etenim si in locustis concupiscentiæ denotantur, affirmare plagam hanc quinque mensibus permanfuram, perinde est quasi dicatur, desideriorum minimè expletorum eluuium, in eos fore immittenda; atque aded ipsi virtutis, sapientiæ, deliciarum, opum, & mundani honoris desiderijs esse torquendi; quæ sunt Monarchiarum quinque affectiones supra dictæ. Vbi notandum est, virtute siue iustitiæ desiderio magnopere torqueri peccatores, sicut ignaros etiam desiderio scientiæ. Nam quotiescunque experiantur sibi ad ea, quæ experunt, vires deficere; desiderium ipsum carnisicis instar est, qui eos diu noctuque excruciat: iuxta illud, desideria occidunt pigrum, Prou. 2. 1. 25. & Prou. 13. 12. Spes, quæ differtur, affligit animum. Et Isaia 37. 3. Venerunt filij vsque ad partum, & virtus non est parienti. Quapropter eodè ferè modo virtutis non possesse desiderium debilem & impotem torquet; atque desiderium seu cupiditas diuitiarum anhelatè ad opes discruciare solet. Et in eodem sensu ait Salomon, Qui addit scientiam, addit & laborem, Ecclesiastæ 1. 18. Nam in acquisitione scientiæ frequenter accidit, quod in diuitiarum compendio siue lucro. Qui enim aliquid scientiæ adipiscitur, illico magis magisque scientiæ inhiat: & eo ipso, quod discitur, discendi desiderium augetur. Nec fitis hæc vnquam expletur. quippe quod plus addiscitur, eodè plus propria ignoratio dignoscitur. Quemadmodum nec diuitiarum cupido mitigatur vehemens opum auiditas, quia quod plura adquiret, eodè plura sine fine appetit.

Cum hoc quinque mensium mysterio optimè consonat quod Christus Samaritanæ dixit, Ioan. 4. 18. Quinque viros habuisti; & nunc quem habes, non est tuus vir. In quo præmittendum est imprimis, non sine arcano ac recondito admodum mysterio diuinam providentiam decreuisse, vt ad denotandam Gentilitatem, quæ Christi fidem erat receptura; eà tempestate ad puteum famina illa accederet, quæ quinque viros habuerat. Eam enim mulierem fuisse Gentilitatis typum, docent Tertullianus, Ambrosius, & Augustinus apud Lauretum in sylua allegoriarum. Qua de re dubitare vix possit, qui Christi Redemptoris nostri verba illa ad eam prolata attentè perpendat; Vos adoratis, quod nescitis: nos adoramus, quod scimus, quia salus ex Iudæis est. Et facit, quod Samaritani appellantur alienigenæ Lucæ 17. 18. quod autem in singulari fecmina ingens aliqua respublica figuretur, tam in sacris Literis, quam in prophetis vtitissimum est.

Præmittendum est secundò, illa Christi verba, Quinque viros habuisti; non ita esse accipienda, quasi quinque habuerit illa viros, præter eum, cui tunc turpiter erat associata: sed de quinque omnino viris, illo etiam, quem tunc habebat, annumerato. hoc enim est aptius ad mysterium; & in simili phrasi sepe significatio similis intenditur; cum Christus non dixerit, Quinque viros habueras; sed habuisti. Sic familiari sermone dicimus, quinque domos pretio conductas incolui; videlicet illam etiam, quam nunc incolò, comprehendendo. Aliud verò est, Quinque domos incolueram.

Tertiò præmitto, quemadmodum Christus appellat illius mulieris virum, quem illa non legitimo matrimonio sibi copularat. (nam ad huiusmodi appellationem satis est illi fuisse per concubinatum addictam) sic de ceteris quatuor, qui præcesserant intelligendum esse. Atque ita explicat nosse Maldonatus cum Chrysostomo. eademque est aperta Irenæi sententia, quem citat Barradas, Nec aliquid est, quod aliter explicare cogat. Nec facile admitti debet, faminam illam postquam quater fuerat nupta, concubinam postea fuisse; cum id textus non exprimat, quanuis huic considerationi non valde nitatur.

A His ita constitutis, sanè quàm congruenter viri illi, quos Samaritana mulier habuerat; typum Gentilitatis gerens, designant imperia seu Monarchias, quibus ipsa Gentilitas miserè fuerat subiecta. Nam vt Episcopus rectè suæ Ecclesiæ sponsus esse dicitur; ita Imperator est veluti vir eius reipublicæ, quæ sibi subiecta est: & qui in vno eodemque imperio succedunt, aptè possunt vnus instar viri considerari. Quare ad quinque Monarchiarum distinctionem nihil accommodatius est, quàm quinque viri, quos ea mulier habuisse dicitur.

Iam quod subiungitur, vltimum scilicet virum, sicut & priores, non esse legitimum; hoc etiam valde conducit ad significandum, Imperium non quidem legitimum fuisse, sed quasi concubinatum. Nam quinque omnes Monarchiæ fuerunt tyrannicæ, & præter iuris atque æquitatis normam: eorum videlicet violentiæ atque tyrannide, qui imperium vi occuparunt; atque eorum debilitate, qui inuiti coactique illis succumbebant; & quos odisse deberent, eorum se amatores profitebantur.

B Porro quatuor hi viri, quos Samaritana habuerat, representant miseram Gentilium seruitutem ac subiectionem quatuor primis imperijs; nimirum Assyriorum Monarchiæ, Chaldæorum, Persarum ac Medorum, atque Græcorum. Quem autem virum habebat adhuc, ille denotat durissimum famulatū, quo tunc Gentilitas potentia Romanorum subiacebat. Atque hæc subiectio supradictis imperijs eleganter fornicationis nomine compellatur; tum propter dicta, tum etiam, quia hoc pacto significatur Gentilitatem ipsam vt ipsis imperijs, ita etiam imperatorum idolis & commentitijs dijs miserandum in modum subijci. Nam idololatria est spiritalis quædam fornicatio. Et iuxta hunc sensum in Apocalypsi dicitur Roma cum terræ regibus fornicari, quia ad spiritualem fornicationem cum ipsis commiscebatur.

C Præterea, quod Christus mulieri dicit, vt suum vocet & adducat virum; indicat atque prænunciat, quod postea euenturum erat; nimirum, multorum infidelium conuersionem fore occasionem, vt ipsi tandem Romani Imperatores traducerentur ad fidem. Tunc autem infidelitas in finem desijt; & spiritalis ille concubitus, hoc est, illegitimum imperium in verum matrimonium siue imperium legitimum fuerat conuertendum. Quia tunc Christi virtute factum est, vt Romani Imperatores summi Christi Vicarij auctoritate legitimum imperij ius possiderent, & fideles voluntarij obsequio sibi subiectos haberent. Quod verò attinet ad historiam; cū Christus mulieri præcipit, vt suum aduocet virum, manifestum est eo animo id præcipere, vt ambos ad suam fidem & ad legitimum matrimonium accerferet. In ipso item mysterio, Imperatoribus ad Christi fidem conuersis immutatum fuit tyrannicū imperium, & in legitimum deinceps conuersum. Atque ita Monarchia illa, quatenus tyrannica erat & Deo insensa, cessauit; & in partem veri Christi regni, quod in Scriptura celebratur commutatum fuit. Imò verò Christiāus Imperator non tam erat veluti sponsus Reipublicæ, quàm seruus illius. Etenim imperium Christianum non tam dominationem sonat, quàm seruiendi Reipublicæ curam, & illius vtilitati consulendi. Per huiusmodi ergo commutationem, concupiscentiæ (quæ in hostilibus Monarchijs acerrimè infideles fodiebant, quod illi explere suorum desideriorum famem nequibant,) non eos in posterum cruciant; si tamen se sponte Christo subijciant, & ex eo calestem illam vndam hauriant, quæ sitim huiusmodi prorsus extinguit. Namque reperiunt in Christo veram virtutem, sanctimoniam ac iustitiam; solidam sapientiam, celestes delicias; diuitias æternas, & nulquam perituros honores. Atque hæc quidem omnia ita planè & cumulatè; vt nihil deinceps remaneat famis eiusmodi, nihil fitis.

E Iam quod dixerat Christus, Fiet in eo fons aque salientis in vitam æternam; idem est, atque in æternum salientis. Quali dicat, Fons aquæ semper effluentis, & animi desiderium semper expletis. Desumitur autem comparatio ex discrimine inter sanum ac valentem

Illustratur amplius allusio locustarum Apocalypsis per quinque menses duran. i. i. i. i. i. ad communis diluuii tempus.

Desiderium quantum opere mentis ex-cruciat.

Mysticus sensus eorum Christi verborum ad Samaritanam, Quinque viros habuisti. Samaritanam fuisse Gentilitatis typum.

Christi verba de quinque Samaritanæ viris quomodo accipienda sint.

Quinque Samaritanæ viros non illi legitimo matrimonio sed illi o pellicanæ copulatos fuisse.

Per quinque Samaritanæ viros typici quinque orbis Imperii indicari.

Quid per quatuor præcedentes Samaritanæ viros mystice figuretur.

Quod Christus Samaritanæ dixit, suum vocet, quid mystice sit.

Sensus tum literalis, tum mysticus fons salientis in vitam æternam.



lentem hominem, qui sitim facile hausta aqua extinguit; & inter agrotum, qui quantunvis magnam aqua vim exhauriat, intus tamen febris ardor in imis hærens medullis humorem penitus absument. Præsertim cum exigua vix ei guttula ad sitim refrigerandam suggerantur. Hic ergo, quem tantopere febris æstus ac titis excruciant, si singulari Dei beneficio repente conualesceret, & sitim e pectore depulset; perspicuum est, illum deinceps non amplius eo vehementis titis æstu distorquendum. Hoc igitur præstat Christi gratia, ut optime explicant interpretes, Ioan. 4.

Atque hac ratione Gentilitas, quæ utpote debilis & infirma spiritali fornicationi sese misere subiiciebat, falsò putans sitim hoc pacto, si minus extinguere, at nonnihil releuare se posse; & eapropter se toties spiritali huic concubinatui addixerat; nec tamen sitim sedare vnquam poterat (ut innuitur in assidua illa fatigatione, qua tories ire, redire ad comportandam aquam non cessabat.) Gentilitas, inquam, ad Christi demum fidem conuersa; in ipso reperit verum sponsum, ac veram satietatem, verumque iugis ac perennis aqua fontem. Quo factum fuit, ut cœnosas ac lutulentas palustris aqua lacunulas contemneret (de quibus Ierem. 2. 18.) nec non aquam humano sanguine cruentatam, quam bibebant infideles. Verum autem, pellucidum ac inexhaustum vitæ fontem obiberet; qui imo in pectore salienti scatebrâ manat semper, semperque manabit; ita ut nulla deinceps suboriantur sitis.

Præter hæc, quod Christus ad prædictam significationem symbolum infamis mulierculæ vsurparit, quæ & turpem tunc haberet cum viro consuetudinem, & antea cum alijs quatuor habuisset; hoc, inquam, adumbrare videtur miseram & calamitosam vitæ infelicitatem, quam prius Gentilitas debebat. Etenim ad summi decore, ignominia, & squaloris significationem nihil aptius, quam concubinarum muliercula. Præsertim, quia cum in quin-

A que viris habeatur respectus ad quinque Monarchias: fortasse sic innuitur, Samaritanam fuisse veluti coactam cum illo se viro commiscere, qui primum eius amicum occiderat: deinde cum illo, qui secundum occidit; & sic de ceteris. In quo non obscure depingitur maxima ac miserrima Gentilitatis calamitas, dum per multiplices diuersarum Monarchiarum vicissitudines captiua trahebatur; & nouis idolorum superstitionibus nouisque ingenijs virorum miserabiliter se subdebat, tot viduitatibus obnoxia, tot matrimonijs, seu potius concubinatibus: idque cum prophanis, nothis, homicidis, morboque turpi & contagioso laborantibus & valde crudelibus viris: quorum miseris (communione ratione) se quoque subdebat. Cum tamen filere cogeretur & extremam sitim pati: aquamque sibi & viris suis anxie querere & humeris suis asportare, ad refocilandas animas. Quantæ ergo felicitatis fuit ex hoc tandem calamitatis barathro emergere aliquando; & qui ipsam prius agroti pugnæ & calcibus truculenter impetebant; quique nihilo secius se eidem exhibebant, ac si leones, vrsi, pardi ac horribiles ferae essent (ut habetur Daniel. 7.) eosdem robustos iam, mites ac locupletes eidem ipsi famulari; illamque validam ac diuitem veri animarum sponsi, id est, Spiritus sancti castissimis amplexibus frui?

C Quemadmodum de infidelium miseria, qui concupiscentiarum siti subiecti sunt, per Samaritanæ & quinque ipsius virorum allegoriam proloquuti sumus; ita etiam facile esset longâ ratiocinatione uti, expendendo miserum eorum fidelium statum, qui nec singulari Dei dono, nec iugi vitæ fonte, quo nos allicit, perfrui volunt. Necnon adhibitâ proportionem ratiocinari possemus in imperfectorum hominum ac tepidorum miseriâ; qui quauis in Dei gratia permancant, tamen ad temporalia bona, ad res fluxas, ac perituras nimis sitienter anhelant; sed hæc attigisse sit satis.

## NOTATIO IV.

De mysterio eorum verborum Luc. 1. 24. Concepit Elisabeth, & occultabat se mensibus quinque.

NOTANDVM primò est, verisimile valde esse in hac historia de diuino Ioannis Baptiste conceptione mysticam & arcanam significationem delitescere. Etenim si in Christi miraculis eiusmodi significatio reperitur: Ioannis conceptio vnum certè est ex illustratissimis Christi miraculis & admirandis Dei operibus. Et quidem in reliquis miraculis Christi magna occultari mysteria Augustinus & Gregorius disertis verbis affirmant. Ille enim tractatu 44. in Ioannem; *Miracula, inquit, quæ fecit Christus, & opera & verba sunt: opera, quia facta sunt; verba, quia signa sunt.* Gregorius autem, *Miracula Domini sic accipienda sunt; ut & in veritate credantur facta, & per significationem nobis aliquid innuant. Opera quippe eius & per potentiam aliquid ostendunt, & per mysterium aliquid loquuntur.*

Ut ergo credamus opus hoc Baptiste conceptionis esse planè mirandum, nec mysterij expertis; oportet imprimis considerare singularem diuinæ prouidentia curam in eo potissimum, quod Ioannis parentes Zacharias & Elisabetha, vocarentur; ipse verò puer Ioannes. Quia Ioannes idem sonat, quod *miserus* est Dominus; & Zacharias, *Recordatus est*; & Elisabetha, *Iurauit Dominus*. Porro compertum est, & per iuramentum representari Dei promissionem; & per memoriam, Dei fidelitatem. Deinde dubium non est, Dei misericordiam mundo exhibitam promissioni ipsius Dei atque fidelitati referri acceptam debere. Itaque misericordia est veluti partus iuramenti seu promissionis; procreatus nimirum ex eo, quod Deus existat fidelissimus, nec præstitam fidem vnquam

D obliuiscatur. Quamobrem peracutè interpretes aliquot adnotarunt, sanctissimam virginem in suo cantico per allusionem ad Zachariam, Elisabethæ ac Ioannis (qui eam excepturi processere obuiam) nomina admiranda & eorum etymologiam, illa verba inter cetera protulisse; *Recordatus misericordie sue: sicut locutus est ad patres nostros. Quæ profectò allusio elegantissima est, opinor, ex ijs, quæ hæcenus vsurpata sunt; & multum habet decori in Virginis Cantico, præsertim ad primam ipsam cognatarum congregationem. Quin imò allusio hæc tantopere Zachariæ placuisse videtur, ut in Beatissimæ Virginis venerationem, ipse postea ad antiquam amissæ vocis vsuram restitutus, eam in suum Canticum transulerit. Dixit enim Dei fidelitatem siue memoriam cum ipsius iureiurando coaluisse, ut misericordia inde exoriretur: Ad faciendam misericordiam cum patribus nostris, & memorari testamenti sui sancti: iusiurandum, quod iurauit ad Abraham patrem nostrum.*

E Si ergo diuinæ prouidentia fuit singulari curæ nominum Ioannis, Zachariæ, & Elisabethæ etymologia notatio; ut sublime illud mysterium à Ioanne postea annuncians hoc pacto adumbraretur: cui non verisimile satis fiat, nihilo ignobilius mysteriū in illa Elisabethæ per quinque menses occultatione fuisse reconditum? Qui literæ corticem solum attendunt, satis sibi esse putabunt; si dixerint, diutius occultari non potuisse Elisabetham, quàm quinque mensibus. Ceterum neque hoc valde est certum; neque si sit, à vero abhorret, aliam quidem fuisse Eli-

Sanctissimam Virginem in suo Cantico ad Ioannis, Zachariæ & Elisabethæ nomina, eorumque etymologias allusisse.

Eodem etiam Zachariam in suo Cantico repperisse.

Cur Elisabetha Ioannis filii conceptum mensibus quinque occultauerit?

In infami Samaritanæ concubinatui quid adumbratur.

In Christi miraculis, præter exterius opus, mysteria etiam inclusa conueniunt.

Ioannis, Zachariæ & Elisabethæ etymologia.



fabethæ, aliam spiritus sancti in eius operis significatione mentem.

Illud mihi mysterium rem attentè consideranti veniebat in mentem; magnam scilicet Dei misericordiam plenè consistere in præstantissima felicitate, quam spirituales Abrahami filij adepturi erant. Quamobrem tam sanctissima Virgo in suo cantico, quam Zacharias in suo manifestè agunt de excelsa Dei promissione, quam Abrahamo præstiterat, fore ut ipsius genus ac semen stellarum instar fieret. Genes. 15. 5. *Suspice cælum, & numera stellas, si potes: sic erit semen tuum.* Ingens hæc felicitas non oculis est cumulatè usurpanda, quoad iusti ad æternam beatitudinem perveniant; & suam felicitatem maximam aspiciant; & quàm meritò sibi cælestium stellarum nomen tributum fuerit. Hinc 1. Ioan. 3. 2. *Nondum apparuit, quid erimus. Scimus quoniam cum apparuerit: similes ei erimus: quoniam videbimus eum sicuti est.* Quasi dicat; tunc erimus fulgentium instar stellarum. Nā verum iustitiæ solem aduersi intuebimur, & clarissimæ ipsius lucis fulgorem ac similitudinem accipiemus: veluti stellæ, quæ lucem à sole mutuatz ad ipsius similitudinem collucunt.

Ingenti hac Dei misericordiâ erga spirituales Abrahami filios, promissio ipsius Dei constat, & quasi gravidata est. Nam Deus suam dedit fidem; & diuina fidelitas vnâ cum promissione copulata non potest non impleri: atque adeò fieri omnino nequit, ut quod Deus familiari suo Abrahamo pollicitus est, non re ipsa præstetur. Accedit, quòd lex erat gravidata Christo, ut ait Augustinus. Quod autem Paulus ait, nempe *omnia in figura contingebant illis*; nos redit certos Iudaici populi cærimonias ac successus fuisse veluti graviditatem mysteriorum; quæ sub ipso literalis historiæ cortice latebant. Cùm verò nondum quinque menses præterissent; conceptio ipsa siue graviditas delitescere adhuc: nec dum agnoscebatur, quoad manifestis indicijs deprehensa fuit.

Dicam clarius. In superiori notatione vidimus per quinque menses congruentissimè figurari tempus illud, quo quinque Monarchiæ idolorum cultrices durauerunt; nimirum Assyriorum Monarchia, Chaldaeorum, Medorum & Persarum, Græcorum, atque Romanorum. Illa ergo promissio fuit Abrahamo facta sub initium Monarchiæ Assyriorum; quia ipse natus est in principio illius Monarchiæ quæ circiter mille ducentos annos duravit. Si igitur magna illa felicitas, ad quam Abrahami filij per Dei pollicitationem extollebantur, nondum intelligebatur in mundo antequam Christus suum spiritum hominibus largiretur; si Christi item spiritus sub quintæ Monarchiæ exitum hominibus datus fuit; aptissimè ergo id representatum est in eo, quod textus ait, *Elisabeth occultabat se mensibus quinque.* Vbi nota per præteritum imperfectum indicari, ante quinti mensis finem manifestam fuisse Elisabethæ graviditatem; id, quod ita prorsus accidit. Nā ante quintæ Monarchiæ terminum patefacta fuit mundo magna illa expectatio ex futura filiorum Abrahami felicitate exoriens. Finitum tandem est quintæ Monarchiæ tempus, cùm Romanorum imperium traditum Ecclesiæ est. Nam deinceps non iam Bestia, sed Ecclesia Christi regnat. Verùm Christiani populi spes iam intelligebatur, ex quo Christus suum in eos spiritum effudit; id est, prius quàm quintus fœturæ huius mensis, siue quintæ Monarchiæ tempus præteriret. Non tamen dubium est, quin post quinti mensis finem notius adhuc & manifestius fuerit, Elisabetham esse gravidatam: cùm vteri tumor id euidenter proderet. Eadem igitur ratione, quando

A ad quintæ Monarchiæ finem peruentum est; nimirum, quando Romanum imperium Christianæ Ecclesiæ sese dedit; tunc vteri magnitudo, id est, Romanæ Ecclesiæ amplitudo & magnificentia nobis certissimè vulgavit gloriæ magnitudinem ac sublimitatem, ad quam in cælum spirituales Abrahami filij euocantur. Atque hæc gloriæ magnitudo est felicissimus ille partus in lucem demum prodendus, quando impleatur quod Ioannes ait; *cum apparuerit, similes ei erimus.* Atque ita in Apocalypsi ex amplitudine & magnificentia, quam in hac vita possidet Romana Ecclesia, consideratur admirabilis gloriæ magnitudo, quam in cælum euecta possidebit. Et hanc ob rem diuus Ioannes Euangelista bis ad pedes Angeli procumbit. prius in c. 19. 10. postquam ei ostendit Ecclesiæ victoriam de Romana vrbe; deinde in c. 22. 8. cùm ei ostensa est cælestis Ierosolyma.

B Ex dictis intelligitur cærimoniarum veterum ac rituum graviditatem siue fœturam coepisse ab Assyriorum Monarchiæ tempore: spatium autem, quod interfluxit, priusquàm hæc prægnatio agnosceretur, rectè cum illis quinque mensibus comparatur, quibus se Elisabetha occultabat. Restabat ad huius symboli perfectionem & complementum, ut quemadmodum fœturæ tempus in Elisabetha alios insuper quatuor menses duravit; ita etiam quod supererat temporis, postquam Romanum Imperium se Ecclesiæ subdidit, ad illum vsque terminum, quem Ioannes significat, dicens *cum apparuerit*, &c. (id est ad triumphantis Ecclesiæ sæculum) posset similiter ad quatuor menses reduci. Quòd si mensis vntis denotat vnum imperium; non ineptè affirmare possemus, ex quo Romanum imperium fuit Ecclesiæ potestati subactum, duos iam mysticos menses fuisse transactos; hoc est, duorum imperiorum tempora; nempe Orientalis siue Constantinopolitani, & Occidentalis siue Germanici. Ceterum nec mihi rerum futurarum prænotio est, nec prudentis esse hominis iudico absque solido fundamento futura diuinare, atque asserere duo alia præterea superesse imperia sibi inuicem successura, & ad secundum exitum fore mundum finiendum. Nec verò opus est allegoriam ita ad viuum refecari; sed quoad Scriptura præuiam duxerit facem.

C Alium tamen diuersum modum redigendi Christianæ Ecclesiæ tempus ad quatuor mysticos menses reperire, non admodum esset difficile. Enimverò nulla cogit necessitas allegoriam hæc ita pertinaci filo persequi, præsertim cùm mihi ea solùm attingere sit animus, quæ ad illustrandam Apocalypsin spectant; & ideo solùm explicauerim mysterium quinque mensium, quibus se occultabat Elisabetha; quòd eorum explicatio coniungenda videretur cū mysterio quinque mensium; quibus locustæ dicuntur cruciare homines Dei signum in frontibus non habentes. Etenim licet quinque locustarum menses, non sint spatium illud quinque Monarchiarum; sed illud conficiant interuallum, quo concupiscentiæ durarunt per allusionem ad quinque menses, quibus aquæ diluuij obtinuerunt terram: sed quinque sunt concupiscentiarum genera, & singulis Monarchiis singula genera iure tribuuntur. Et in quinque illis mensibus, quibus diluuium inundaui terram, ad quinque Monarchiarum tempus respectum est; ut ex præcedenti notatione potest intelligi. Si autem in quinque mensibus, quibus se Elisabetha celabat, Spiritus sanctus respectum habuit ad quinque Monarchiarum tempus; vnus loci explicatio cum loci alterius sensu non ineptam habebat connexionem.

Magna Dei  
misericor-  
diæ, enim  
sanctissima  
Virgo, &  
Zacharias  
in suis Can-  
ticis memi-  
nere, in quo  
confisteret.

i. Cor. 10.  
11.

Quinque  
menses, qui-  
bus suam  
Elisabetha  
graviditatē  
occultauit,  
quid mysticè  
figurent.

Elisabetha  
graviditatē  
ante quinti  
mensis finē  
fuisse cogni-  
tam, in ipso  
textu innuit.

Graviditas  
Elisabethæ  
sub quinti  
mensis finē  
manifesta-  
ta quid ty-  
pice adum-  
bret.



## T E X T V S.

*Vers. 6.* Et in diebus illis quærent homines mortem, & non inuenient eam: & desiderabunt mori, & fugiet mors ab eis.

## C O M M E N T A R I V S.

**I**N DIEBUS ILLIS. ] Loquitio est in Prophetiæ modum usurpata. Vidimus autem in Prolegom. notat. 3. congruenter satis per modum Prophetiæ conscribi; quæ iam tum præterierant. Deinde, verba hæc, *In diebus illis*, referri speciatim possunt ad id, quod proxime antecesserat: scilicet cum a locustarum aculeis se punctos atque percussos viderint homines, dolore ac furore perciti vitam suam morte ipsâ acerbiorē reputabunt; & mortem tam lento gradu procedere, nec in semetipsos celeriter inuolare conquērentur. Et quanuis generaliter hic sermo sit de toto tempore, quo locustarum plaga perdurat; retamen verâ horribilis est cruciatus, quem inordinata desideria, angores, ac metus cordi afferunt: ideoque huiusmodi hominibus plerumque in votis est mors. Vide Plinium lib. 7. cap. 50. *Tot metus, tot cura, toties inuocata mors, ut nullum frequentius sit votum.* Fit autem perspicuum hæc omnia à concupiscentiæ fomite, exoriri. Sine qua nullus est metus, nulla cura, nulla sollicitudo. Vnde sapienter Bernard. *Tolle propriam voluntatem, & infernus non erit.* Quod nō inepte ad huius vitæ Infernum, siue animorum intimos cruciatus potest extendi. Et propterea cap. 7. n. 14. ubi de viris spiritalibus, & suum cupiditatum victoribus sermo est, dicitur; *Hi sunt, qui venerunt de tribulatione magna: videlicet, quia immunes euaserunt à plaga locustarum & furioforum equorum, qui ipsas subsequuntur.*

*Hæc verba, In diebus illis, ad quod tempus sunt referenda.*

*Quot mala ex concupiscentiis hominum dimanant.*

## T E X T V S.

*Vers. 7.* Et similitudines locustarum similes equis paratis in prælium: & super capita earum tanquam coronæ similes auro; & facies earum tanquam facies hominum.

8. Et habebant capillos sicut capillos mulierum; & dentes earum sicut dentes leonum erant.

## C O M M E N T A R I V S.

**S**IMILES EQVIS PARATIS IN PRÆLIUM. ] Non hic sensus est, locustas habere equorum figuram. Hanc enim si haberent, nihil iis locustarum remaneret: præsertim cum humano vultu, & minarum capillis, & caudâ scorpionum consent. Forſan ergo sensus est, audaciam earum & acrimoniam ad inuadendum esse illius instar, quæ equis in prælium paratis inesse solet. Aut forte (quod magis placet) nomen equorū pro equitibus accipiendū est: sic enim crebrò, cū de bello incidit sermo, usurpare solemus mille equos pro mille equitibus; id quod Hispano præsertim idiomate vītatiſſimū elegantissimūq; est. Quod verò locustæ Ioanni vitæ cū equitibus ad bellum paratis cōparantur; idem est, ac si considerentur quasi armis quibusdam ad corporis defensionem idoneis instructæ. Quemadmodum Indicum quoddam animal propter corium ad loriciæ æreæ similitudinem à natura ipsa compactum vulgari sermone vocatur *Armadillus*: & Rhinoceroti etiam sua est natia lorica, eaque durissima. Atque hæc coniectura vel ex eo fulcitur, quia vulgares locustæ aliquam habent huiusmodi armaturæ similitudinem.

*Locustæ quoque similes equis ad bellum paratis dicuntur.*

Huc etiam spectat, quod equus in prælium paratus videtur idem esse, ac eques cataphractus, id est, armis vndique munitus & circumseptus. Et Titus quidem Liuius ait idem esse cataphractum ac lorica tum. Ioannem verò in eo sensu loqui, argumento est quod mox addit; locustarum scilicet loricas non minùs esse duras & validas, ac si forent ferreæ. Atqui eques proprie est, non equus, qui lorica induitur; licet sua etiam sit equis armatura. Cataphractus enim eques non ipse solum, sed suis etiam equus armis munitus est. Hæc de sensu grammatico. Et verò diuini spiritus mens in hoc loco eò videtur tendere, ut nos commonefaciat difficultatis maximæ, quam experitur quispiam in triūpho de suis cupiditatibus reportando; necnon maximi impetus & ardoris, quo ipsæ prosterunt plurimos, qui se alioqui fortes & inuictos ostentabant. Proprium autem est equorum cohortis siue turmæ in confertos hostes irruere, ipsosque proterere.

*Equum in prælium paratum perinde videri, atque cataphractum equiem.*

*Quid hic sub equorum in prælium paratorum figura adhibetur.*

**SUPER CAPITA EARUM TANQUAM CORONÆ SIMILES AVRO.** ] Hoc est; miseri & infelices homines suis appetitionibus dediti falsò putant, eas quasi reginas esse, quibus se ipsi debeant subijcere. Nec enim erubescunt illis manus ignominiosè dare, & sui cordis regnum atque imperium

*Quorum locustis coronas per capita assignantur.*



deferre. Cohæret cum hac significatione Pauli phrasis ad Roman. 5. 21. & cap. 6. 12. *Non regnet peccatum in vestro mortali corpore, vt obediat concupiscentiis eius.* Similiter Prouerb. cap. 31. 4. dicitur ebrietas apud aliquos regnare.

*Facies hominū quorū faciem locustis daret?*

Verf. 8.

*Cur illis dentes leonum affici?*

FACIES EARVM TANQVAM FACIES HOMINVM: ET HABEBANT CAPILLOS SICVT CAPILLOS MULIERVM. ] Quasi dicat; se blandas ac molles primā specie exhibent; & ita incautos homines pelliciunt. Vide 2. Petr. 2. 18. *Pellicium in desiderio carnis.* & Iacobi 1. 14. *Vnusquisque tentatur à concupiscentia sua abstractus & illectus.*

DENTES EARVM, SICVT DENTES LEONVM. ] Plinius libr. 8. capit. 16. de leone agens ait, *Ex omni vulnere, siue dente, siue vngue impresso ater profluit sanguis.* Et ipsius præsertim morsus forte venenatus est. Nam & hominum dentibus quoddam inest virus, vt ipse Plinius asserit. Suspicio etiam leones, sicut & canes, habere dentes ferratos pectinatim coeuntes; ne contrario cursu atterantur. Hoc demum indicat, concupiscentias, licet fictæ pacis ac blanditiarum specie decipiant, funestum tamen malum hominibus importare. Vide Ecclesiastici 21. numero tertio, *Dentes leonis dentes eius interficientes animas.*

## TEXTVS.

*Vers. 9. Et habebant loricas, sicut loricas ferreas: & vox alarum earum, sicut vox curruum equorum multorum currentium in bellum.*

## COMMENTARIVS.

**Q**UOD de loricis ferreis dicitur, ideo fit, vt ponderetur rursus, quod fuerat antea dictum; has scilicet locustas esse similes equis, id est, equitibus cataphractis. Iidem enim appellantur loricati: vt ex Liuiο nuper diximus. Nunc illud additur, harum locustarum loricas non vtcunque esse ex corio aut ære, sicut reliquæ communiter esse solent; sed ex chalybe. Vide quæ supra diximus versu septimo.

*Locustæ quomodo stridorem edant.*

*Per vocem locustarum alis editam quid indicetur.*

VOX ALARVM SICVT VOX CURRVRVM. ] Stridor propriè vocatur locustarum strepitus, atque etiam curruum. Quod argumento est, aliquid inter eos similitudinis inesse. Cum autem de locustis tamquam de militari exercitu fuerit sermo institutus; nihil aptius, quàm cum stridore curruum in bella ruentium, harum locustarum stridorem comparare. Quod verò locustæ alis edant stridorem, id notum est. Vide hac de re Plinium libr. 11. histor. cap. 29. Licet idem etiam addat; *Vox earum proficisci ab occipio videtur: eo loco in commissura scapularum habere quasi dentes existimantur, eosq; inter se terendo stridorem edere.* Ceterum quoquo modo id fit, si dentibus hic stridor edatur, fortè quod dicitur in commissura scapularum, intelligendum est in alis.

Hic autem stridor siue murmur significat desideriorum plagā non torqueri solum sceleratos, morderi, atque corrodī; verum etiam eorum animum ita teneri constrictum, vt nihil penè loci super sit ad aures consiliis salutaribus accommodandas. Absorbet enim plaga hæc animorum attentionem. Id quod pereleganter significatur, dum fingitur, locustas has vocem adeò contentam edere, vt nulli prætereā rei attentionem relinquunt. Vide illud Prouerb. 30. 15. *dicentes Affer, affer;* nimirum maximis clamoribus & ingenti contentione. Et verò stridor hic alis tribuitur; vt idoneè allegoria accommodetur locustis, alarum motu stridorem edentibus. Quo fortasse significatur etiam concupiscentias, si alas recipient; id est, si nimiam licentiam & impunitatem nanciscantur, suo murmure atque stridore, nec non nimia anxietate ingentem animo perturbationem afferre. Cuius demum significatio est, eas animi attentionem prorsus auferre. Atque id ipsum Christus aliā allegoriā significanter expressit Marc. 4. 19. *Concupiscentia introeuntes suffocant verbum.*



## T E X T V S.

*Vers. 10.* Et habebant caudas similes scorpionum; & aculei erant in caudis earum, & potestas earum nocere hominibus mensibus quinque.

Vide quæ diximus suprà versu 3. & 5.

*11.* Et habebant super se regem angelum abyssi, cui nomen Hebraicè Abaddon; Græcè autem Apollyon; Latine habens nomen Exterminans.

## C O M M E N T A R I V S.

**L**OCUSTAE, ait Salomon, *regem non habent*. His tamē mysticis locustis regem esse Angelum abyssi, textus affirmat. Porro suprà iam vidimus notatione secundā, abyssō iuxta sacrę Scripturę phrasim nunquam Infernum significari: & in Apocalypsi per illam denotari profundum iusti Dei iudicii puteum.

His tamen præmissis, non facile est explicare, quisnam ille sit, qui hic abyssi Angelus, & mysticarum locustarum Rex nuncupetur? Ac primò certum est, hunc abyssi Angelum neutiquam esse posse eum, qui tubā quintā cecinit. Qui enim quintam tubam perfonuit, typum gerit eorum prophetarum, quibus Deus hanc impiorum Iudæorum plagam prænuñciavit. Quare illi Angelo, qui quintam iussit tubam, nomen exterminatoris congruere non potest. Præterquam quòd in ipsa figura seu visione, clangor tubæ quintæ apertionem putei antecedit. aperto autem puteo, protinus erupere locustæ. Quibus cum Rex destinatur; congruentius est, vnde locustæ exierunt, inde etiam earum regem prodissse. Quemadmodum vnde apum examen egreditur, cum illis pariter suus inde rex procedit. Itaque necessariò Angelus abyssi ex eadem abyssō vnā cum locustis exiisse putandus est; ac proinde ab illo esse Angelo diuersus, qui cecinit quintā tubā. Quare ille Angelus ideo abyssi appelletur oportet; quia de abyssi puteo simul cum locustis exiuit.

Per hunc ergo abyssi Angelum verisimile est, dæmonem significari: qui medio concupiscentiarum æstu bellum infert hominibus, & concupiscentias ipsas, earumque opem sibi adsciicit; sicuti Rex militum contrahit exercitum, vt suis hostibus bellum inferat. Huc spectat, quòd homines, suis effrænatis cupiditatibus vt primū succumbunt, eo ipso dæmoni pariter subiiciuntur; à quo captiui tenentur ad ipsius voluntatem, vt loquitur Paulus 2. ad Tim. 2. 26. Et quemadmodum locustæ propterea ex abyssō exiisse perhibentur, quia iuste permittit Deus hominem improbum suis concupiscentiis tradita etiam dæmon vocatur abyssi Angelus, & inde prodissse significatur; vt innuatur iuste à Deo permitti, vt homo suis concupiscentiis subiectus, dæmoni etiam per inordinatas ipsas animi affectiones captius tradatur. Iuxta hunc sensum, mentio locustarum regis idcirco fit; vt denotetur, præter naturalem famem, quæ locustas stimulare fingitur, illis insuper esse Regem ac ducem validissimum, qui eas excitet & inflammet; & hac ratione hominum perniciem & vastitatem machinetur: ideo enim ei datur exterminatoris nomen.

Huc accedit in plaga hac præ ceteris oportuisse, vt ipsius dux ac princeps dæmon esse agnoscat, qui hominum excidio inhiat. Nam famem quidem, bellum ac pestem; item ignorantiam, iras, & obdurationem facile plagas esse apparet: concupiscentiarum verò lenis vultus ac placidus, & femineæ comæ decipiunt complures; qui nihil sibi à suismet desiderijs cauendum esse falsò putant. Quamobrem vt cautè & attentè nos geramus, admonemur huius exercitus ducem esse humani generis exterminatorem pariter & euersorem. Atque in hoc nomine, ni me fallit animus, alluditur ad eam historiam, quæ refertur Num. 11. 34. vbi de sepulchris concupiscentiæ (de quibus vide etiam Num. 33. 16. Deut. 9. 22. Psalm. 105. 14. Sapient. 16. 2. & cap. 19. 11.) Nam in ea historia & in inscriptione (*sepulchra concupiscentiæ*) voluit diuinus Spiritus nobis quasi ob oculos proponere miserimā stragem, quam cordis desideria, seu (quod idem est) concupiscentiæ in hominum animis edunt. lege 1. ad Timoth. 6. 9. *Desideria mergunt homines in interitum & perditionem.* Vbi perditioni respondet in Græco ἀπώλεια, quæ vox deriuatur à verbo ἀπολλύω, quod est perdere; eiusque participium est, ἀπολλών, id est, perdens vel exterminans: ac proinde Pauli locus prædictæ significationi valde fauet. Vide etiam 2. Petr. 1. 4. *Fugientes concupiscentiæ corruptionem, quæ in mundo est.* Et Eccli. 18. 30. *Siprestes anima tua concupiscentias facient te gaudium inimicis tuis.*

Ex ijs tamen, quæ diximus, exurgit quæstiuncula; scilicet, quid cohæreat nomen perditionis cū eo, quod supradictum fuerat, nempe præceptum esse locustis, ne occiderent homines? Respondeo primò, Exterminantis nomen dæmoni attribui propter infensissimum ipsius animum, quo nostras concupiscentias excitare & stimulare auet. Secundò, ingens perditio & vastitas, quam medijs concupiscentiis molitur dæmon, refertur ad animum. Præsertim quia, licet desiderium nobis non auferat vitam: ex eo tamen, quòd suis homo cupiditatibus se ferri sinat, multæ exoriuntur cædes. Notum est illud, *Plures occidit crapula, quam gladius*: idemque accidit in alijs concupiscentiarum speciebus. Atque omnia isthæc complectitur sepulchrorum concupiscentiæ figura.

Quisnam  
sit hic locu-  
starum rex.  
Eum esse  
non posse  
quinta tuba  
angelum.

Locustarum  
regem esse  
dæmonem.

Cur tam lo-  
custæ, quam  
ipsarum rex  
ex abyssō  
prodire di-  
cantur?

Nominis  
Apollyon  
etymon &  
mysterium.

Dubitatio  
circa prædi-  
ctam exposi-  
tionem; eius-  
que respon-  
sio.



Locustarum  
regem de  
inordinato  
amore pro-  
prio posse et-  
iā congruen-  
ter explica-  
ri.

Huc vsque per abyssi Angelum dæmonem intelleximus. Si quis tamen de amore proprio, id est, de inordinato sui amore explicare malit; non solum non recuso, sed libentissimè etiam assentior. Quare quod illi nomen Angeli abyssi adscribatur; ex loquendi modo elicitur, huic hosti teter- rimo dæmonis figuram dari. Quod tragicum est, & sæuissimo cuique hosti tribui solitum: vt morti & perditioni, Abacuc 3.5. *Ante faciem eius ibit mors, & egredietur Diabolus ante pedes eius.* Hac verò ratione non ineptè amor proprio inordinato nomen mali Angeli siue dæmonis imponitur. Aut forsan abyssi Angelus est idem, ac minister abyssi; id est tyrannus, cui peccatores iusto Dei iudicio traduntur; dū permittit Deus, vt ipsius truculenti tyranni miserâ seruitute premantur. Nec dubium est, quin proprio amori, & nimia ipsius scitentiæ mirificè quadret nomen regis mysticarum locustarum; no- men etiam *Abaddon*, siue exterminator.

Illud insuper adiungo, vtramque hanc Regis locustarum declarationem, alteram de dæmone, alteram de proprio amore minimè inter sese pugnare. Quare potuit simul Spiritus sanctus vtram- que intendere: vt de septem capitibus Bestiæ cap. 17. ait textus: *septem capita, septem montes sunt, supra quos mulier sedet, & Reges septem sunt.*

Difficultati  
ex dictis  
ortæ sit satis.

Opponet tamen nobis aliquis, quinque esse concupiscentiarum genera, quæ miserum peccato- rem distorquent; vnumque ex eis esse virtutis, quam videt se consequi non posse, desiderium (vt vi- dimus notat. 3.) Huius autem concupiscentiarum generis nec demon, nec inordinatus suus amor du- ces esse posse videntur. Respondeo, bonum virtutis desiderium esse illud, quod humile est, Deoque subiectum, & fide ac spe diuini fauoris & clementiæ imprimis nixum. Hoc autem desideriorum ge- nus non plaga est, sed plagæ remedium. Cùm verò inter concupiscentias, quæ pertinent ad quin- tam plagam, annumeratur virtutis desiderium; intelligi debet de fidenti desiderio virtutem ipsam proprijsmet viribus assequendi: quod proinde superbum atque inordinatum est, & à dæmone ac proprio amore ad peccatores cruciandos stimulatur.

Dixi hæc tamen, quæ satis esse duxi ad locustarum, atque ad eam quintæ huius plagæ explicationem. Illud pro colophone addam; quanuis Apocal. hîc propriè & directè agat de plagis in Iudaicum po- pulum immissis: verumtamen dubium non est, quin eadem etiam plagâ plectat Deus ex Christia- nis hominibus eos, qui suas cupiditates non frænant, & comprimunt. Non enim ignorabant Apo- stoli multos fore Christianos *ambulantes secundum desideria sua*. Vide epistolam Iudæ, num. 16. & 2. Petr. 3.3. *Iuxta proprias concupiscentias ambulantes.* Et sanè, quanta sit Christianorum miseria & infelicitas, qui suis voluptatibus famulantur, vel ex eo coniici facillè potest, quod nobis Ioannes in hac plaga pro- ponit. Cùm autem res hæc tanti momenti sit, mirum non est, toties in sacra Scriptura nos admone- ri, vt proprias concupiscentias coerceamus. Vide Ecclesiastici 5. numer. 2. & capit. 18. numero 30. Roman. 13. numero 14. ad Galatas 5. numero 16. & 1. Thessal. 4. numero 5. & 2. Timoth. 2. numero 22 & ad Tit. 2. numero 12.

## T E X T V S.

*Vers. 12. Væ vnum abiit: & ecce veniunt adhuc duo væ post hæc.*

Hæc exposita iam sunt, examinataque in fine capitis octauæ.

## T E X T V S.

*Quod est initium plagæ sextæ.*

*Vers. 13. Et sextus Angelus tuba cecinit. Et audiui vocem vnā ex quatuor cornibus altaris aurei, quod est ante oculos Dei, 14. Dicentem sexto Angelo, qui habebat tubam; Solue quatuor Angelos, qui alligati sunt in flumine magno Euphrate.*

## C O M M E N T A R I V S.

Sexta plaga  
interpreta-  
tio quæ sit.

INTERPRETATIONES, quæ de hac sexta plaga literis proditæ sunt, in huius capitis prologo in- dicauimus: & manifestum est, earum auctores non sibi plenè satisfecisse. Nostra explicatio est de iris atque furoribus, quibus puniuit Deus Iudæos Chistum respuentes. Et quidem cū per

locu-



locustas concupiscentiæ allectrices denotentur; ordo ipse postulat, vt furiosi equi irarum furias significent. Concupiscentias enim iræ, indignationes & odia consequuntur. Quamobrem id vnum superest examinandum; vtrum nostra explicatio omnia, quæ textus asserit, recte coniungat.

Imprimis altare, quod ante Dei oculos esse dicitur (græcè ἑνώπιον, id est, in conspectu) videtur esse altare Thymiamatis, quod erat ad ianuam Sancti Sanctorum; & quatuor ipsius cornua esse quatuor ipsius altaris anguli. Cuiusmodi verò fuerint illa cornua, non admodum refert; & videri possunt descriptiones Ariæ & aliorum. Illius ergo altaris instar, quod erat prope arcam fæderis, vidit Ioannes altare quoddam iuxta Dei thronum, qui cap. 4. descriptus fuit. Quod verò ait, prodire vocem ex quatuor cornibus altaris; significat eam exire per quatuor omnes angulos, id est, ex toto altaris circuitu: quæ vox, vt postea videbimus, vindictam contra Iudaicum populum clamitabat. Quid ergo est, huius plagæ potius, quàm aliarum descriptionem exordiri à vindicta, quàm altare Thymiamatis aduersus Iudæos deposcit? Respondeo, per Thymiamatis altare mirificè adumbrari religionem ac diuinum cultum, vt alibi explicuimus. Et apud humaniorum literarum peritos tritum est, in antiquis numismatis altare cum igne esse religionis symbolum. Deinde facile cernitur, clamorem ex altari prodeuntem, esse elegantissimum symbolum, quo significatur Christianam religionem de Iudæis conqueri, & vindictam exposcere; ad eum modum, quo Abelis sanguis clamasse dicitur Genes. 4. numero decimo. Cum ergo dicitur altare ex omnibus quatuor angulis conclamaridem est, ac si significaretur, catholicam religionem non de Iudæorum paucis, sed generaliter de tota Ierosolymorum vrbe, atque adeò de vniuerso Iudaico populo conqueri, & vindictam aduersus illos flagitare. Hanc autem vindictam postulat sub belli figura, vt infra explicabitur. Atq; hanc exordij rationem apud Poëtas reperimus, qui Troiæ ac Thebarum prælia & expeditiones literarum monumentis consignarunt. Scribunt enim hæc bella duxisse exordium à querimonijs terræ propter hominum flagitia.

Verum cur in Apocalypsi hæc querimonia ab altari proficiscitur, præsertim initio sextæ plagæ? Respondetur, in ordine diuinæ providentiæ, irarum atque indignationum furia accidunt in supplicium eorum scelerum, quæ concupiscentiarum causâ commissa sunt. Ad hæc; effrænata concupiscentiarum libido in sacris Literis figuratur veluti spiritalis quædam idololatria. Quare æquum est, eos, qui per inordinatum rerum creatarum amorem ipsis potius creaturis, quàm summo creatori inferuierunt, meritissimas pœnas luere odijs ac furoribus, qui appetitionum perturbationem consequuntur. Quemadmodum ob propriæ idololatriæ flagitia permisit Deus Ierosolymam à Nabuchodonosore deuastari. Aptissime igitur, vt furiarum plagæ initium sumatur, fingitur altare, (id est, religionem) offensum iniuriâ illâ à Iudæorum cupiditatibus & inordinatis desiderijs illatâ exposcere, vt in illius idololatriæ vltionem immittantur furia; quæ in ipsos Iudæos truculenter inuadant. Itaque cum altare alloquitur Angelum sextæ tubæ; idem est, ac si diceret, suam ipsius iniuriam atque ignominiam eò iam audaciæ ac dementiæ processisse, vt ferri amplius non possit; ac proinde petere se atque contendere à sexto Angelo, vt commissum sibi munus exequatur, & aduersus Iudæos proferat sententiam, nimirum vt fontes puniendi tradantur.

Deinde sexta hæc plaga ob oculos nobis proponitur in similitudinem atrocissimi belli, quod Babylon Ierosolymæ intulit. Altare enim postulat, vt quatuor dimittantur Angeli, qui alligati erant ad Euphratem, (flumen, quod mediam interfuit Babylonem:) quorum liberatione ac dimissione factum est, vt aduersus Iudæos furiosissimus equorum effræntorum exercitus ducentorum millionum mitteretur. Quo innuitur, pristina illa bella, quæ olim Babylon in Ierosolymam suscepit, fuisse quasi depicta & adumbrata; si cum mystico hoc bello irarum ac furiarum in miseros Iudæos immisissarum comparentur.

Quod si roges, quænam ista sit Babylon, ex qua infinitus hic erumpit exercitus contra perfidam Ierosolymam? Respondeo, cum ad hanc plagam acceditur, iam nec Ierosolymam extitisse, nec fortasse Babylonem. Nam secunda plaga, id est, bellum Vespasiani ac Titi urbem Ierosolymam penitus excidit: & antiqua Babylon multò antea fuerat euersa; aut certè adeò inermis atque imbellis restiterat, vt ad bellum in Ierosolymam comparandum vires sibi minimè suppeterent. Verum tamen, vt de Iudæis rebellibus idoneus habeatur sermo; inducuntur Ierosolyma & Babylon, veluti hostiles quædam vrbes, & inter se infensæ; quæ concipiuntur, vt ciuitates duæ siue respublicæ, nullam inter se realem distinctionem habentes, sed solum formalem. Etenim vt in bello intestino irarum atque furorum; quibus infelix homo conficitur, ipsemet, non alius, sibi ipsi bellum infert: ita etiam loquendo de plaga irarum & indignationum, qua Deus perculit Iudæos; in eorum singulis oriebantur iræ ac furores, quibus eos cruciabat Deus. Ceterum, vt significaretur hæc plaga per modum crudelissimi belli, significanter satis & iuxta loquutionem Apostolis vsitatam, considerantur Iudæi quasi singuli in binos diuisi homines; quorum alter bellum inferat, alter patiatur. Hac igitur ratione in eadem republica concipiuntur duæ: ex quibus Babylon appellatur illa, quæ irarum ac furiarum exercitum in miseros Iudæos immittit; Ierosolyma verò, quæ mortifero illo bello appetitur. Hæc autem apprehenditur esse ciuitas illa, quam ad se conuertere conabatur Deus, quamque ob eius repugnantiam atque perfidiam hostili Babylonis exercitu opprimebat. Aliquis fortè has distinctiones, vt nimium metaphysicas reiiciet; & clarius atque intellectu facilius esse ducet, si per Babylonem dæmonum respublica intelligatur. Huic ergo responderim primò, non esse vt nimis subtile repudiandum, quod communi spiritalium virorum vsu & consensione receptum est. Quis ergo ignoret, quid spirituales homines intelligant; quando de vno eodemque homine loquentes, illum in binos partiuntur? quin imò asserunt, intra eiusdem hominis pectus esse bellum inter Ierosolymam & Babylonem susceptum; atque adeò singulis inesse hominibus intra præcordia intima Babylonem perfidiam, quæ fidelem Ierosolymam bello conetur diruere.

Altare, unde vox prodit, de altari thymiamatis esse intelligendum.

Cur sexta hæc plaga præ ceteris à Iudæice vindictæ postulatione exordiat?

Cur hæc querimonia siue vltio de Iudaico populo sumenda ab altari proficiscatur?

Sextam plagam in belli similitudinem proponi.

Quænam sit Babylon, ex qua numerosissimus exercitus contra Ierosolymam erumpere fingitur?

Proposita Babylonis ac Ierosolymæ distinctio quam sit apta ostenditur.



secundò, respondetur in eo bello, quod homo à suis odijs ac furijs perpetitur, dæmones esse suasores atque impulsores; bellum tamen propriè ab ipso homine sibimet inferri. Quæ consideratio sacræ Scripturæ locutioni congruens valde est. Sicut enim Iacobus capit. 1. 14. ait, *Vni quisque tentatur à concupiscentia sua abstractus & illectus*. Sic etiam Ecclesiasticus ait; *Iracundia animositate illius subversio eius est*. Est autem valde consentaneum, hoc modo de cupiditatum bello internecino agi; vt existiment homines, sibi que persuadeant, licet dæmon re verà nobis damnum machinetur; nos tamen ipsos esse, qui bellum nobis inferamus, dæmone instigante. Constat autem, hoc fuisse valde appositum, quo exprimeretur Iudæos in ipso, quo premebantur bello, sui detrimenti esse auctores. Postremò contextus ipse efflagitare mihi videtur, vt in hoc loco Babylon & Euphrates indicent ipsosmet Iudæos, quatenus ab illis sexta plaga in ipsos immissa proficiscebatur.

Quatuor angeli in Euphrate alligati quoniam sint.

Quatuor hosce angelos non posse inter bonos numerari.

Cur quatuor angeli in Euphrate alligati fingantur ante plagam sextam solui?

Quid per Euphratem figuretur. Per fluminis fluxum & cursum quid adumbratur.

Cur in Euphrate sint quatuor angeli alligati. Altaris vox quid propriè postulet.

Irarum ac furorum fons & origo.

An quatuor hi angeli congruenter possint de quatuor ventis exponi.

Soluitur difficultas, vnde in prædicta posset explanatione suboriri.

Tertiò, in Angelorum quaternario, qui alligati erant in Euphrate, certum mihi est significari quatuor illos humani generis hostes, de quibus diximus cap. 6. not. 3. (illi autem sunt, proprius amor, diuitiarum cupiditas, inanis hominum existimatio, & proprium iudicium.) Hi enim quatuor sunt famosi hostes, de quibus Apocalypsis agit; illisque opponit quatuor illos equos, de quibus c. 6. vt suo loco vidimus. Atque hi quatuor eleganter satis dicuntur ad flumen Euphratem fuisse ante sextam plagam alligati; & ex eorum solutione, sexta plaga in Iudæos redundasse. Hoc vt melius percipiatur, notandum primò est, hos quatuor Angelos non posse inter bonos numerari: siquidem in Euphrate conficti fuisse dicuntur. Præsertim, quia, vt vidimus c. 8. 2. instrumenta, quæ Deus ad inimicorum supplicium vsurpat, vocitari solent angeli; tum in sacrarum Literarum, tum in Apocalypsi. præcipuè locutione. Itaque nihil est inconueniens Angelorum nomine malorum, quatuor illos humani generis hostes nùcupari.

Notandum est secundò, quemadmodum iuxta Scripturæ phrasim, dæmon illaqueatus esse dicitur, quando cohibetur, nequid inferat damni; sic etiam quatuor illos hostes supradictos per eleganter fingi ante plagam sextam fuisse in Euphrate flumine alligatos. Euphrates enim pleno alueo fluens & Babylonem latificans aptissimè repræsentat voluptates atque delicias ciuitatis Deo inimicæ, & ad animi voluntatem successus. Nam fluentibus ad voluntatem hominum rebus prosperis; fluunt etià peccatores, atque aded diffuunt mollitià & luxu. Et quidem fluminis fluxu atque decursu appositè rerum ex animi sententia succedentium prospera vicissitudo indicatur. Interim ergo, dum res prosperè fluunt, hic idem fluxus impedit siue dissimulat potius irarum atque odiorum bellum: quod ferè exoritur ex eo, quòd proprius amor, cupiditas propriæ existimationis ac iudicii proprii tenacitas lædi se ipsa, atque offendi sentiant. Tunc enim ad sui defensionem ac vindictam bellum facere decernunt & aduersarios opprimere. Si ergo hoc est belli intestini initium; nemo non viderit, excitari illud non posse, donec irarum & discordiarum causæ excitentur; ac proinde quatuor illos hostes interim quasi alligatos & præpeditos detineri. Nam cum res pro votis prospere cadunt, voluptas ipsa ac delectatio iram quasi sopitam & alligatam tenet.

Fingitur autem non ineptè quatuor illos inimicos in fluuio Euphrate esse alligatos. quo innuitur Babylonis aliquando delictis animum Nabuchodonosoris, ipsiusque ducum fuisse distentum omnino & occupatum atque bellorum penitus oblitum. Hoc enim voluptatis oblectamentum est veluti compedes quædam, quibus irretiuntur homines. irarum verò atque odiorum causæ sunt, quæ hæc vincula hosque laqueos dissoluunt. Quamobrem illa altaris vox id præcipuè postulat; ne scilicet furorum ac discordiarum occasio proferatur ampliùs; vt belli duces suas illas delicias in furias conuertant; & vinculis illis, quibus conficti tenebantur, absoluti suam ferociam & immanitatem contra infelicem Ierosolymam, id est, contra perfidos Iudæos ostendant.

Totus hic discursus illud vel maximè præstituit, quod in philosophia notum est; nimirum iras ac furores in amore proprio, in opum cupiditate, in falsa hominum existimatione, & in iudicio proprio imprimis niti. Vnde Diuus Thomas 1. 2. q. 25. art. 1. statuit, concupiscibilem naturam suam priorem esse irascibili. Et de harum animi facultatum distinctione videndus est Diuus ipse Thomas, 1. p. q. 81. art. 2. ex Greg. Nyssen. & Damascen. Quauis, vt verum fatear, ad quintæ & sextæ plagarum differentiationem, non tam ipse attenderem Aristotelis distinctionem, quam vsitatam & loquendi & sentiendi rationem; quæ cum cordis desiderijs componit quidquid facili ac placidâ specie sese insinuat; cuiusmodi sunt proprius amor, spes, gaudium, & his similia; licet postea acerbum ac mortiferum habeant exitum: cum furijs verò atque discordijs coniungit, quidquid infestum atque horridum aspectum præ se fert; vt odia, desperationes, inuidentiæ, furores, aliæque persimiles.

Non deerit fortè, qui opinetur, quatuor Angelos, quorum hic mentio fit, esse quatuor ventos: propterea quòd indignationum atque irarum causæ rite sub tempestatis specie figurentur; quæ coriatur repente, & reipublicæ tranquillitatem conturbet. Sic enim sæpè vsurpari videntur à Marco Tullio huiusmodi locutiones, *patria procella, turbo ac tempestas pacis*: & alicubi ait; *alios ego vëtos, alias procellas animo prospexi*. Et de procellis irarum, siue de aduersæ fortunæ procella frequenter occurrit sermo. Respondeo tamen: allusio ad quatuor ventos proposita nobis fuit, vt vidimus in cap. 7. vbi generatim de septem agitur plagis. At in plaga hac sexta non potest conuenienter, vt arbitror, ventorum allegoria vsurpari. Nec enim Apocalypsis in vna & eadem spelunca quatuor ventos coniungit: ne allegoria vsurpari. Verum ad furiorum equorum exercitum minimè est accommodata fictio, quæ indifferatur. Verum ad furiorum equorum exercitum minimè est accommodata fictio, quæ indifferatur. Verum ad furiorum equorum exercitum minimè est accommodata fictio, quæ indifferatur. Verum ad furiorum equorum exercitum minimè est accommodata fictio, quæ indifferatur.

Superest scrupulus auferendus, nequis in eo fortasse offendat. Is verò est huiusmodi. Sextus Angelus (vt suprà explicatum est) repræsentat prophetam, qui Dei sententiam profert, per quam Iudæi iubentur furiarum equis exponi, vt per eos puniantur. Atqui non est munus Prophetæ soluere iras ipsas atque furores; aut offerre occasiones, quibus iræ & furores excitentur, quibus plectendi sunt rebelles. Quomodo ergo coheret, vt ad sextum Angelum dicatur, *Solue quatuor Angelos, &c?* Respondetur,

detur,



detur, ipsam sententiæ prolationem, quam postulatur sextus Angelus, satis esse, vt eleganter dicatur ei, vt soluat quatuor Angelos: quia qui ex Dei nomine, ipsius sententiam reo pronunciat, eo ipso aliquo modo efficit, vt illa executioni mandetur.

## T E X T V S.

*Vers. 15.* Et soluti sunt quatuor Angeli, qui parati erant in horam & diem & mensem & annum, vt occiderent tertiam partem hominum.

## C O M M E N T A R I V S.

**M**ODVS ille loquendi in horam & diem & mensem & annum, indicat, quatuor Angelos supradictos nusquam desistere ab inferendo bello, & adoriendis hominibus, cum primum à vinculis liberè dimittantur. Nam vt de illis, tanquam de ducibus, siue militibus loquamur; si ad inuadendum expectaturi sunt signum aliquod, nec sciunt qua hora dandum sit, oportet totum diem intenti expectent signum. Quod si diem etiam ignorent, debent mensem integrum prompti atque parati esse. Si lateat dies, nullo anni mense imparatos esse atque incautos decet. Iam si vel annum nesciant, per totius vitæ tempus conuenit esse alacres & erectos, neque vnquam solertiam ac sollicitudinem abijcere. Hic modus continuæ atque suspensæ explicationis infatigabile studium ac desiderium ostendit: quemadmodum Plin. ait de Scorpione, *Semper cauda in ictu est, nulloque momento meditari cessat, nequando desit occasio.* Ea igitur loquendi ratio magna cum energia repræsentat, quam sint terribiles quatuor illi aduersarij, de quibus supra: siquidem licet decem aut viginti totos annos constructi sint, & lædendi occasione destituti, nunquam tamen vel vno temporis momento ignaui ac desides conquiescunt; vt oblatam primò occasionem arripiant illico, & innumerabilem exercitum (cuiusmodi in sequenti versu depingitur) extemplo in campum educant. Atque plagam hanc perspicuum est, non semel Iudaico populo fuisse inflictam: quin imò cuilibet singulatim infligi, quoties suis iris ac furijs plectitur.

**V**T OCCIDERENT TERTIAM PARTEM HOMINVM.] Hæc est facultas prædictis quatuor Angelis præmissa occidendi discordijs ac furoribus tertiam hominum partem. Et quia non semper inuadendi tempus est, nisi quando quatuor illi Angeli à vinculis liberantur (id est, quando tumultus ac furoris causæ sese dant) ideo semper præstò sunt: nec vnquam eos occasio improvidos, & inopinantes occupat.

Circa hæc expendendum est primò, proprium amorem & eius affectas nunquam non esse in procinctu; vt cum primum sese offerat occasio, irarum atque odiorum phalagibus in nos truculenter inuadant. Secundo, si iras & odia humano iudicio metiamur, videntur inferre bellum; non ei, qui huiusmodi furore corripitur; sed illi, in quem alter estuat iracundiâ. Verum enimverò Spiritus sanctus nos in Apocalypsi docet, huiusmodi furores esse concipiendos, vt validissimum exercitum in eos ipsos, qui excandescunt, irruentem: illi enim sunt, qui miserabili hac plagâ laborant. Nec aliud nos docet lobus cap. 5. 2. Salomon, Prou. 14. 30. & cap. 19. 19. Ecclesiasticus cap. 1. 28. & cap. 30. 26. Dâni verò, quod irati alijs inferunt, nulla hîc ratio ducitur, tanquam rei exigui valde momenti; & quæ hominibus ipsis, quibus nocetur, vtilissima sæpè sit.

**T**ertio ponderandum est, in huiusmodi plagâ diuinum spiritum agere potissimū de iracundijs ac furoribus Iudæorum Christum excipere nolentium. Quo imprimis inuitur, quemadmodum horribile Dei supplicium est, illos in cordis desideria tradere; sic etiam supplicium esse grauissimum, illos suarū irarum furijs dedere. Licet autem vniuersè sit sermo de furijs omnibus in Iudæos Christum respuentes irruentibus: in illas tamen præcipuè intendit oculos in præsentem Spiritus sanctus, quæ Iudæos aduersus Christianum populum & Euangelij prædicationem corripuerunt. Hos enim furores, has iras, hæc odia euomuerunt Iudæi in persecutione, quam in Ecclesiam concitarunt: de qua persecutione agitur c. 10. & 11. sequentibus, vt in ijs liquebit. Atque vtrumq; caput interijcitur inter sextam & septimam plagas. Nam septima ad calcem capitis vndecimi apponitur. Et quanuis per digressionem dicta videantur quæcunque ab initio capitis decimi ad septimam vsque plagam recensentur: si tamen rectè inspiciantur, in ijs ipsis, quæ digressionem videntur redolere, prouehitur eadem materies furorum atque irarum Iudaici populi: explicaturque, quos effectus in Christianam Ecclesiam habuerit eiusmodi persecutio.

**Q**uarto etsi doctrina hæc de furiarum plagâ ad Iudaicum populum hîc applicetur: ceterum generalis ex se est: atq; in huius plagæ acerbitate expendere licet ingentem stragem, quam iræ & furores edunt in eorum animis, quos penitus occuparunt: nec in animis solum, sed in ipsa etiam vita. Quia zelus & iracundia minuit dies, Eccles. 40. 26. Et putredo ossium inuidia, Prou. 14. 30. Nec inficiari possumus, quod quotidie ipso experimento deprehendimus; cum videamus innumerabilem hominum multitudinem suis discordijs atq; odijs miserandum in modum interire. Et sanè quod Spiritus sanctus affirmat, tertiam hominum partem per huiusmodi irarum ac furorum occasiones de medio tolli; minimè est hyperbolicum. Atque vt in plagis primis dicebamus, sic etiam nobis in hac tertie partis loquutione Spiritus sanctus significat, ipsius clementiâ & misericordiâ fieri; vt eorum numerus, qui euadunt mortem, sit multò maior, quam numerus eorum, qui à suis furijs occiduntur. Quod si aliquis existimet plus inesse mysterii in eo, quod in hac plagâ repetitur, per illam scilicet ex toto hominum cœtu tertiam partem occidere: ego certè fateor me penitiora arcana non assequi: & libentissime ab alio, cui perspicacior sit mentis obtutus, in hac re edocebor.

Cur quatuor angeli dicantur fuisse parati in horam, diem, mensem & annum?

Cuiusmodi sit facultas quatuor angelis concessa.

Quam nos assidue proprius amor inordinatus oppugnet. Iræ & furore correptos sibi potius, quam alijs nocere.

De quorum ira ac furore hic imprimis agitur.

Doctrinam hanc de Iudaica furiarum plagâ pos. e. etiam suo modo ad alios extendi.

Quantus hominem numerus discordijs atque odijs intereat.

Quid per tertiam hominum partem occisam doceamur.



In plagam  
erie non  
tempus,  
ed grāuita-  
is ordine n  
eruati.

Quintò in plagarum serie non temporis seruatur ordo, sed grāuitatis; vt suprà iam diximus. Nam plagæ huius initium fuit sine dubio ante famem, bellum, ac pestem. Verùm tamen reor etiam attendi maximè horribiliorem huiusce plagæ impetum ac furiam; quæ quidem accidit postquàm viderunt Iudæi, Christianam rem multiplici incremento magis magisque excrefcere: nempe proximè ad populi Iudaici obdurationem.

## T E X T V S.

*Vers. 16.* Et numerus equestris exercitus vices millies dena millia. Et audiui numerum eorum.

17. Et ita vidi equos in visione. Et qui sedebant super eos habebant loricas igneas, & hyacinthinas, & sulphureas: & capita equorum erant tanquam capita leonum: & de ore eorum procedit ignis & fumus & sulphur.

18. Et ab his tribus plagis occisa est tertia pars hominum, de igne & de fumo & sulphure, quæ procedebant de ore ipsorum.

19. Potestas enim equorum in ore eorum est, & in caudis eorum. Nam caudæ eorum similes serpentibus, habentes capita; & in his nocent.

## C O M M E N T A R I V S.

Numerus  
hic ceteris  
omnibus in  
tota Scri-  
ptura p̄si-  
tis maior.

Quorsum  
hic equitum  
numerus  
ita magnus  
describatur?

**V**ICES MILLIES DENA MILLIA, id est, bis millies centena millia, siue ducenti milliones. quo exprimitur non quidem infinitus numerus, sed finitus; maximus tamen. Et verò nullus; quod quidem sciam, numerus in tota sacra pagina est ita magnus. Nam *decies millies centena millia*, apud Daniele m c. 7. 10. conficiunt omnino centies centena millia, siue decem milliones. Atq; in sacris Literis nequitiam credere debemus, hunc numerum ceteris maiorem temerè & casu fuisse appositum. Etenim licet finitus numerus pro infinito accipiatur: at in hoc loco exprimi maior è numerum, quàm vsquam aliàs in vniuersa Scriptura, mysterio minimè vacare repute. Dico ergo, angelos, quantum plurimos, certo ac p̄finito numero circumscribi: verùm irarum, tumultuum ac furiarum exercitum, cum ex inordinatis animi affectionibus oriatur, innumerabilem planè esse. Dicam clariùs: eorum numerus magis ac magis potest sine limite excrefcere; ideoque vsurpatus fuit numerus ita ingens, qualem in nullo vnquam exercitu reperire ac dinumerare quisquam possit. Quo illud imprimis adumbratur, ex proprii amoris, & ipsius affectuum impunitate ac nimia licentià innumeras iras, rixas atque discordias exoriri posse: ac proinde qui inexpiabilem hanc tyrannidem & immanitatem non hactenus effugit, eum aduersus semetipsum infinitas furentium inimicorum cohortes infensas atque armatas habere. atque ita quantum plurimi p̄terierint, à quibus non sit offensus; adhuc tamen innumeros remanere, qui in ipsum impetum faciant. Et hæc quidem de equorum numero.

Quàm verò istorum inimicorum singuli horribiles sint; id sic describit Ioannes; *Ita vidi equos in visione*; scilicet eo, qui sequitur, modo: equites nempe cum lorice igneis, hyacinthinis & sulphureis: equos verò leoninis capitibus, ignem, fumum ac sulphur euomentibus, & pro caudis serpentes. Explicemus singula.

Quorsum  
hic exerci-  
tus fingitur  
equestris?  
Discrimen  
inter blan-  
das cupidita-  
tes & fu-  
riosos irarū  
actus.

Falsus ra-  
tionis p̄-  
textus, quē  
Iudæi suo in  
Christianos  
furore p̄-  
tendebant.

Imprimis equestris exercitus fingitur. Quod indicat non solum magnam potentiam, sed etiam eos ad defendendum & saluandum aduenire. Nam, vt vidimus cap. 6. not. 2. hæc est symbolica equi significatio. Si autem attentius inspiciamus; hoc interest discrimen inter blandas cupiditatem illecebras, & furiosos irarum ætus; nam cupiditas illud sibi pro obiecto proponit, vt bonum inquirat: ira, vt à malo defendat; atque vt illud propulset, alium, si possit, lædat. At culpabiles iræ proprium amorem, diuitiarum cupiditatem, honorum appetentiam, ac iudicium proprium tueri ac defendere conantur. Quod vt p̄stent, simulant se, ad eius, qui irascitur, salutem procurandam aduentare. E- nim verò Spiritus sanctus nos perspicuè monet, huiusmodi irarum exercitum non tantum ad non- stram salutem ac defensionem non incumbere, verùm etiam in nosmetipsos, quos saluare iratos ac tueri se simulant, ceu inferorum furias ex ipso tartaro erumpentes violenter inuadere. Quam- obrem rebelles Iudæi (quibus Deus irarum plagam pro ipsorum obstinatione inflixit,) vtpote ef- frænata libidine & cupiditate excæcati, existimabant, se Christianis irasci, & acriter succensere, rem esse plurimum conferentem ad suum honorem, suæque reipublicæ incolumitatem de- fendendam. Re tamen verà in eo ipso, ita miseri & infelices erant, vt in huiusmodi represen- tatione describitur; cum inducitur innumerabilis hic equorum exercitus in eos furenter ir- ruens.

Neque opus est, (quod ad significationem attinet,) equum ab equite distinguere; vt vidimus capit. 6. notat. 5. Quare congruentior explicatio est, tam equum, quàm equitem esse pariter iræ & indignationis symbolum. Sitamen aliquis sibi gratus duxerit, vt equus diuersam habeat ab equite

signifi-



A significationem; facile in hoc ei gratificabimur, si dicamus in equo iram, in equite rationem indicari. Etenim in concupiscentijs non admodum de ratione & æquitate laboratur: at in odijs atque indignationibus semper iratus rationis speciem prærendit; asserens se intra æquitatis limites iræ atque odio indulgere ad iniuriam sibi illatam propulsandam. Hoc autem ut aptè significetur, non perperam fingitur, per furiosum equum, iram; per equitem insidentem, significari rationem. Huc adde, in iris atque odijs inordinatos animi impetus esse vehementes, rationem verò debilem & imbecillum: ideoque arma ad aliorum offensionem conducentia (qualia sunt ignis, fumus, sulphur, leonina capita & caudæ serpentinæ) iure optimo textus attribuit equis: equitibus autem dat arma; non quidem ad aliorum offensionem, sed ad sui ipsorum defensionem, ut miras illas loricas, de quibus infra.

Porro capita equorum leonina iræ superbiam & crudelitatem mirificè exprimunt. Ira enim correptus in offensorem inuolans, ipsum deuorare, atque eius sanguinem exsugere velle videtur; cum tamen sibi potius damnum, sibi perniciem & exitium creet. In igne autem, fumo ac sulphure per ordinem eleganter denotatur inprimis iræ ignis, quo iratus excandescit. deinde inordinatæ perturbationis fumus, atque caligo, quæ iram ipsam consequitur; adeoque ingens est, ut rectè Satyricus ille dixerit:

*Ira furor brevis est.*

Excæcat enim hominem quasi quodam perturbationis fumo; eumque rationis omnino impotem reddit. Tertio ponitur sulphur, quæ aptissima est ignis materia ac nutrimentum; significatque post accensum indignationis ignem & manifestam rationis perturbationem, quidquid siue dicatur, siue agatur; perinde esse, ac si igni ligna inijcerentur. Quod si secundum ligna syluæ exardescit ignis; quid, si sulphur admisceatur?

C His adiungitur, in cauda pro setis singulis esse singulas serpentes. Ac primò descriptio hæc in se claudit eminenter furiarum picturam, quam Poëtæ describunt. Nam pro crinibus eis tribuunt in capite colubros; & manibus tædas ardentes apponunt, quibus inest ignis ac fumus, & inflammabilis materia. Verum in ordine & coniunctione ignis, fumi ac sulphuris proculdubio datur significantia energiæ; nec illâ caret fictio capitis leonini & colubrorum, cui pro setis caudæ adduntur. Ad hæc, commentum Poëtarum, qui furias non amplius tres, easque sub fœminarum specie fingunt, imbellius multò est ac frigidius, quàm ut cum innumera furentium equorum multitudine comparatur.

D Præterea, ut pro setis serpentes fingerentur, aliquod stetit in rerum natura fundamentum. Quod scilicet setæ in aquam iniectæ, ibique asseruatæ facile conuertantur in colubros. Ceterum, quod magis ad rem facit, illud est; quemadmodum locustis afficta fuit scorpionis cauda; sic etiam furiosis equis, setarum vice, serpentes attribui. In hac quidem figura eò fuit habitus respectus, quod scilicet reperiantur locustæ scorpionum caudam habentes; & setæ (ut diximus) possint in colubros verti. In utroque tamen ille potissimum finis spectatus fuisse videtur; quod præter damnum, quod iræ & concupiscentiæ inferunt in ipso primo aditu (hoc enim significatur in capite) aliæ quidem leoninis dentibus, aliæ capitibus leoninis, & igne, fumo, ac sulphure; præter hoc, inquam, in ipso exitu (hoc enim est in cauda) animam pestifero veneno inficiunt, atque percellunt. Atque hæc arma non illæ exertabant prius; sed postea miserabilis homo animaduertit se infectum ac venenatum relinquere; à concupiscentijs quidem per acerbissimos conscientiæ stimulos, per curas atque angores; ab iris verò per odia, furorem, rabiem, ac desperationem, nec non per vehementes læsæ conscientiæ aculeos. Atque huiusmodi conscientiæ stimulos, & immanissimos animæ carnifices appellat Furias Marcus Tullius, At iuxta Apocalypseos locutionem aptior est distinctio, qua iras appellemus Furias, concupiscentias verò Sirenes.

AB HIS TRIBVS PLAGIS OCCISA EST TERTIA PARS HOMINVM. ] Monstruosi huius exercitus facultas nō amplius extendebatur, quàm ut tertiam hominum partem interimeret (agitur enim hic singulatim de Iudæis.) Nunc tamen explicatur tertie hominum partis internecionem consequutam fuisse ex ignis, fumi, ac sulphuris vi. Non igitur (dicet aliquis) caudarum colubris ad hoc opus erat; aut saltem nemo ipsorum vulneribus concidit. Respondeo; serpentum morsus non ita celeriter necant, ut ignis, fumus ac sulphur. Atque quod ad significationem spectat, satis est, ut qui ab igne fumo & sulphure intereunt, ipsorum mortem dolor ac rabies ex serpentum morsibus provenientia comitentur. Iam, licet mortui non sint plures, quàm tertia Iudæorum pars; percussit tamen sunt Iudæi omnes rebelles, & adhibitâ proportionem reliqui scelerati: ad omnesque generatim se extendit morsuum colubrorum significatio.

E Redeamus tamen ad equitum loricas. Adeo mirum est & inauditum loricarum ex igne, hyacinto atque sulphure inuentum, ut aliquis fortè satis esse existimet, eas ex cæruleo panno, aut alia coloris hyacinthini materiâ coagmentatas concipi ignitis flammis interiectis depictas, & in medio sulphuris aliquo frustro distinctas. Sed quod ad grammaticum sensum pertinet, simplicius est de vero igne & vero sulphure interpretari. Noua autem & peregrina inuentio in ænigmati nihil obstat, si debitam habet significationi energiam. Afferro igitur, considerandas esse loricas has tanquam ex panno hyacinthino; ita tamen ut in eo accensus sit ignis, & sulphure alitus; ac proinde hyacinthinas loricas ardentibus flammis æstare. Quod verò vestis hyacinthina non solum hyacinthinum colorem significet, sed illam etiam materiam, quæ eo tingi colore solebat; existimo rem esse humaniorum literarum peritis vulgarem. Quare hyacinthum harum loricarum explico de lanea veste hyacinthino colore tincta.

Sed quid de significatione dicemus? Lorica propriè est armatura ad sui defensionem, non ad offensionem aliorum. constat autem pannosam lorica armaturam esse prorsus ridiculam. Hoc ergo ipsum intenditur, nimirum ridiculum planè esse, & ioculare, quod pro se irati per æquitatis speciem solent adducere, ut suam apud alios iracundiâ purgent. Familiare enim est iratis hominibus,

*Quid per equum, quid per equitem figuretur.*

*Leonina equorum capita quid denotent.*

*Horat.*

*Cur furiosis equis serpentes pro setis dati?*

*Soluitur obiectio contra superius dicta.*

*Lorica equitum quomodo dicantur esse ignea, hyacinthina & sulphurea.*

*Quid significet ignis, hyacinthus & sulphur loricarum.*



Vestes hyacinthina nobilium propria.

Lorica cur ignea & hyacinthina

suam excusare indignationem, & se iure irasci alijs probare velle. Enimvero quæcunque pro se afferunt, nugatoria sunt; nec lorica solidæ ac veræ, sed fucata & futile: ac superbiâ & elatione constantes, irarumque igne succensæ, qui vehementer augefcit ipfismet excusationibus seu rationibus, quibus se excusare volunt miseri. Huius autem doctrinæ veritas sapientibus hominibus comperta est. Ad eam verò significandam ecquid potuit elegantius excogitari, quam lorica ex cæruleo panno confuta, igne inflammata, sulphure ignem ipsum alente? Nam inprimis vestis hyacinthina idonea valde est ad arrogantia ac fastus significationem. Viri enim nobiles hyacinthinis indui solebant; Ezech. 23. 6. & Ecclesiastici 40. 4. *Ab eo, qui vititur hyacintho, vsque ad eum, qui operitur lino crudo.* Et hoc erat antiqua phrasis Hispana, *Vestirse de blao.*

Aduerte insuper frequenter iram obtegi & dissimulari sub specie honoris & existimationis, quæ personæ offensæ debeat: quasi nobili ac honesto viro non sit huiusmodi iniuria inferenda. Et quidquid ad hæc adiungitur, nihil est aliud, quam ira atque iræ nutrimentum; quod est ignis ac sulphur: & hoc pacto fastus ipse & arrogantia exardescit. Nec aliud est lorica hyacinthum flammis ardere. Siue autem eques sit Ratio, siue ipsa Ira; ad hoc parum refert. Aduersus has igitur adeò debiles ac ridiculas excusationes miseri homines, quos ira atque furores adoriuntur, non audent arma capere. Nam licet illæ sint ita imbecillæ; aduehantur tamen veluti in equo furentis impetus acrimoniâ; quæ velut furiosus equus ore ignem, fumum ac sulphur eructat; sine Christi autem assertoris ope & gratia nequeunt homines ab horrendis hisce monstris se protegere, atque tueri.

## T E X T V S.

*Vers. 20.* Et ceteri homines, qui non sunt occisi in his plagis, neque pœnitentiam egerunt de operibus manum suarum; vt non adorarent dæmonia, & simulacra aurea & argentea & ærea & lapidea & lignea, quæ neque videre possunt, neque audire, neque ambulare.

*21.* Et non egerunt pœnitentiam ab homicidiis suis, neque à veneficiis suis, neque à fornicatione sua, neque à furtis suis.

## C O M M E N T A R I V S.

Pluralis numerus pro singulari.

**Q**UANTQVAM in plurali numero dicitur *in his plagis*; meo tamen iudicio, de sexta solum plaga hic sermo est: ita enim contextus ipse sensusque exigunt; & in huiusmet plagæ descriptione Ioannes plurali fuerat vsus n. 10. dicens, *Ab his tribus plagis igne, fumo, & sulphure.*

Hoc ita constituto, furiosi equi, qui Babylone aduentarunt, sunt iræ ac furores, quibus Deus Iudæos miserabiles dignè multauit. Illud autem textus ponderat, quantumuis equi furentes tertiam Iudæorum partem de medio sustulissent, reliquos tamen obstinatos adhuc & pertinaces in vana sua idolorum superstitione, in homicidiis, in veneficiis, in fornicationibus ac furtis adhuc perstitisse.

Vitium de propria idololatria, an de mystica hæc sermo sit.

Quod dicitur eos in sua idololatria peruicaces permanisse, ansam præbuit nonnullis, vt sibi persuaderent, in his plagis non de Iudæis, sed de Idololatriis haberi sermonem. quasi verò nouum foret, in sacra Scriptura mysticè idololatriæ nomen poni; & quasi Paulus non perspicuis dixisset verbis, auaritiā esse idolorum seruitutem, ad Ephes. 5. 5. Adde, non semel aliās in hoc eodem sensu idololatriam tribui filiis Israël post Iesu Christi aduentum; vt Osee 3. 1. *Ipsi respiciunt ad Deos alienos.* Cum ergo ex contextu mysteriorum libri signati conitet, septimi sigilli mysterium esse septem plagas à Deo in Iudæos coniectas; constare etiam debet, idololatriam, de qua hic fit mentio, esse mythicam.

Sensus hic mirificè cum antecedentibus cohæret. Nam huius plagæ initium fuit, conqueri altare de Iudaico populo propter violatam religionem. Cuius querimoniæ sensus est; illos, vt suis indulgerent cupiditatibus, spiritalem idololatriam patrare; ideoque altare ipsum expostulare, atque contendere, vt concupiscentias & deprauatas cupiditates furia irarum consequerentur. Quid ergo cohærentius, quàm vt post depictam furiam plagam, & spiritalem idololatriam, tanquam illarum causam præscriptam; subeat admiratio, quod horribilis hæc furiarum cruciatus, & tertiæ hominum partis occisio non fuerint satis, vt reliqui clausos mentis oculos aperirent, & spiritalem idololatriam detestarentur; ex qua tanta, tamque formidabilis plaga ceperat exordium. Memini quendam mihi olim notum, fortunarum prius & opum amatorem, in eas postea rei familiaris spinas ac sentes se se innotuisse, vt eum mox ex intimo cordis affectu dicentem audierim, sibi infensas omnino atque infestas esse diuitias; ideoque honestam se paupertatem maximè optare. Ioannes igitur ad hunc ferè modum admiratur; cum ita caro Iudæis steterit voluptatis & diuitiarum amor, cum mortifera toties venena, earum causâ, obbiberint; cum denique experti fuerint, tertiam suorum partem fuisse propterea necatam; eos tamen nihilominus adeò præfractâ mente in spiritali idololatria & fornicatione persistere.

DE OPERIBVS MANVVM SVARVM. ] Videtur hoc ad suarum permutationum atque emptio-

num



num compendia referendum. *Dæmonia & simulacra aurea, & argentea & area.* Id refero ad pecuniam: habetque per elegantem energiam, perinde quasi essent idola, pecunias dæmoniorum & simulacrorum compelliari. Sequitur mox; *& lapidea & lignea*, quod de ædibus & possessionibus velim intelligi.

ET NON EGERVNT POENITENTIAM AB HOMICIDIIS SVIS; quibus Christum & Christianos, quos infectabantur, occiderunt; *neque à veneficiis suis.* Veneficiū est crimen veneni. Id quod explicandum reor de felle atque amaritudine, quam Christianis propinandam offundebant, dum Christi nomen extinguere ac delere parabant. Quod si veneficij nomen strictè pro dæmonum imploratione sumatur; quodd Iudæi Gentium auxilium aduersus Christianos implorarent, hæc certe erat spiritalis quædam dæmonum appellatio. *Neque à fornicatione sua.* Forte exponendum hoc est de mystica fornicatione, qua cum proprijs amore ac iudicio adulterabantur. *Neque à furtis suis.* Hæc vox designare potest fænorā ac turpia lucra, quæ in Iudæis Euangelio repugnantibus adeo altas, inueteratas atque annosas egere radices. Et sane hi illos laquei non parum irretiunt, ne Euangelicam excipiant doctrinam; quæ illicita sua compendia, quibus illi tantum impendij faciunt, penitus damnat; cosq; ad iniuste parta reddenda obligat.

*Que sunt  
dæmonia &  
simulacra  
aurea.*

*Veneficiū  
hic. n. quo  
sensu sumatur.*

*Fornicatio  
hic pro my-  
stica & spi-  
rituali.*

# C A P V T X.

## N O T A T I O I.

*In cap. 10. & 11. de argumento horum capitum.*

**C**VM videatur absoluta iam fuisse plagæ sextæ descriptio; mirum apparet, plagam septimam vsque ad versum 15. capitis 11. distrahi. Nonnulli interpretum, qui in ea sunt sententia, vt plagas has fore illas existiment, quas sub mundi finem immisurus est Deus in orbem; opinantur, tunc inter sextā & septimam plagam euenturum esse, quod in duplici hoc capite 10. & 11. prædicatur. Hanc mihi opinionem intactam relinquere est animus. Per me sanè peritet in eo firmitatis ac veritatis gradu, quem doctiores æquum fore iudicabunt; neq; enim illā vlla ratione infirmare aut eleuare statuo. Enimverò in Prolegomenis fundasse me memini, diuersos sensus in Apocalypsin cadere posse; atque etiam in eodem sensu per modum comparationis posse sub eadem litera sensus diuersos in Apocalypsi coniungi. Quapropter nihil est, quod vereatur quispiam, nostrā hac expositione impugnatum iri quidquam ex ijs, quæ communi sunt conceptione recepta: cuiusmodi sunt, in capite vndecimo agi de Enocho & Elia.

Qua in re, auctoritati atque explicationi Ecclesiæ Catholici omnes sponte ac suppliciter fasces submittemus. Liceat mihi interim meæ declarationis filum ducere & continuare; dum Apocalypsin ad eas applico veritates, quæ nec minùs certæ nec leuiores sunt ponderis. In mea igitur explicatione, cum septem tubarum plagæ sint ex, quas Deus in primo Ecclesiæ Christianæ sæculo aduersus infidos Iudæos immisit; minimè possum, si velim; nec velim fortasse, si possum, eam mihi coniecturam seu diuinationem accersere, quæ statuit inter sextam & septimam plagam accidisse, quod in duplici hoc capite traditur. Præterquam quod doctrinæ ordo effragitat, vt irarum plagam, quæ sexta est, septima, quæ est obdurationis, mox consequatur. Aduerto tamen, quāuis plagæ sextæ descriptio videatur esse finita; certum esse tamen, hæc omnia à principio capitis 10. ad septimam vsque plagæ descriptionem interiecta ad sextam plagam quodammodo pertinere. Nam quem admodū absolutā plagā quintā, dixit Ioannes c. 9. 12. *ut vnus abiret non secus quod cap. 11. 14. ait, ut secundum abiret*; indicat planè, quidquid in decimo & vndecimo capitibus præcedit, ad plagam sextam spectare, cum ad eandem ipectet *ut secundum* aquilæ: a-

**B** lioqui nimis serò ac perperam Ioannes diceret, *ut secundum abiret.* Ex quo infero illos interpretes, qui quæ dicuntur capit. decimo, & in priori parte vndecimi, non cum sexta plaga connectunt, nequaquam textu. satisfacere. Nec suas explere partes, si dicant hæc omnia, quæ intercedunt inter sextam & septimam plagas, esse euentura: cum textus ipse nos cogat, vt illæ omnia ad sextam plagam si cettare credamus.

**C** In nostra quidem explanatione & acoluthia nullius id difficultatis est. Etenim sexta plaga nihil aliud continet, quàm iras, indignationes & odia, quibus Deus grauissimè in Iudæorum populum animaduertit; inter quas iras potissimum Apocalypsis adscribit furorem ac rabiem, qua efferati Iudæi Christianum populum acerrimè oppugnarunt. Quare quidquid ad persecutionis illius considerationem pertinet, ad plagam etiam sextam pertineat oportet. Notandum igitur est, persecutionem illam sub triplici ratione siue respectu concipi potuisse; nempe respectu Iudæorum ipsorum qui Ecclesiam infectabantur, & respectu fidelium Iudæorum atque etiam Gentilium. Apocalypsis autem considerat persecutionem illam, vt grauissimam, ipsis persecutoribus plagam (quod capit. 9. descriptum fuit) eamque fuisse exordium maximæ felicitatis Gentilium (idque cap. decimo. pereleganter tractatur); postremò Iudæis fidelibus, qui adeo validè oppugnantur, nihil detrimenti, sed plurimum potius emolumenti ex ipsa persecutione prouenisse; ex eaque excellentissimi triumphi occasionem illos captaile. Atque id agitur in priori capitis vndecimi parte: posteremorem enim occupat plagæ septima.

**D** Ex his intelligitur, sextæ quidem plagæ considerationem, quatenus rebellium Iudæorum supplicium erat, satis iam fuisse descriptam capit. 9. Verum, quia summi erat momenti, percipi atque cognosci quidquid ex plaga illa ad Gentiles & ad primitiuam Ecclesiam redundauit; ideo sextæ plagæ tractationem ab Spiritu sancto ad caput 10. & 11. fuisse extensam. Quia verò in cap. 11. durabat adhuc Iudaice persecutionis pictura; idcirco postquam primigeniæ Ecclesiæ triumphus fuit expressus, subiecit Ioannes, *ut secundum abiret.* & protinus plagæ septimæ descriptionem subdidit.

*Probat  
si præd. et  
asperis ex  
ip. a rerum  
suis & con-  
secutione.*

*Cur sexta  
plaga in-  
ta. 10. sit ad  
c. 10. & 11.  
extensa?*

*Omnia, quæ  
ab ini. 10. ca-  
pit. 10. ad  
septimam  
vsque plagā  
interiecta. n-  
tur, ad sex. a  
quodammodo  
plagam  
pertinere.*



Qua sit ca-  
pituli huius  
decimi sum-  
ma.

Itaque iuxta meam expositionem, summa capi-  
tis decimi est, horribilem illam persecutionis pro-  
cellam, quam Iudæi aduersus Ecclesiam concitarunt,  
initium fuisse veræ ac solidæ Gentilium felicitatis;  
eoque spectasse admirabile diuinæ prouidentia con-  
siliū. Ad hunc ipsē scopum refero, quodcunque in  
c. 10. continetur; quod ad quatuor omnino puncta  
redigitur. Primum est pictura Angeli illius fortis pe-  
dem alterum in terra, alterum in mari tenentis: se-  
cundum, septem tonitrua: tertium, iusiurandum An-  
geli: quartum, libellus ab eo traditus Ioanni, in eius  
ore dulcescens & inamarefcens in ventre. Illud au-  
tem me in hac declaratione non parum stabilit at-

A que confirmat; quod videam, quā sit non æquum  
modò, sed etiam necessarium, quatuor hæc, quæ tex-  
tus in hoc c. coniungit; proportionem inter sese &  
continuitatem habere: quam quidem video ab in-  
terpretibus non admodum attendi. Video etiam iu-  
xta sensum hunc, quem quatuor his punctis adscri-  
bo, si cum alijs Scripturæ locis conferatur, non so-  
lūm connexa inter se illa puncta & copulata esse;  
verūm etiam adeo mirifice coagmentari atq; com-  
poni, vt idem ferè ex quatuor omnibus mysterium  
coalescere videatur. Nisi autem me fallo, cuiusque  
puncti applicatio ita est idonea, vt aptior non desi-  
deretur,

## T E X T V S.

### *Vbi describitur Angelus fortis.*

*Vers. 1.* Et vidi alium Angelum fortem descendentem de cælo, amictum nu-  
be, & iris in capite eius: & facies eius erat vt sol, & pedes eius tanquam co-  
lumnæ ignis.

2. Et habebat in manu sua libellum apertum: & posuit pedem suum dextrum  
super mare, sinistrum autem super terram.







## C O M M E N T A R I V S.

Quis sit  
fortis An-  
gelus de calo  
descenders.  
Riberæ ex-  
positio.

Communis  
tamen sen-  
tentia præ-  
feritur.

Riberæ ar-  
gumentum  
dissoluitur.

Cur hic An-  
geli nomen  
Christo tri-  
buatur?

Quare hic  
Angelus vo-  
catur fortis?

Quo sensu  
Angelus for-  
tis dicitur  
de calo de-  
scendere.

Quid sit,  
Angelum  
nube ami-  
ctum de-  
scendere.

Iris in An-  
geli fortis  
capite cuius  
fuerit figu-  
ra, cuius si-  
gnificatio-  
nis.

**C**OMMUNIS ferè sententia hæcenus erat ante Riberam, in hoc Angelo forti Christum re-  
præsentari. Hæc tamen explicatio Riberæ nostro non arrisit, qui adiecit, non esse impugnatio-  
ne opus, quòd contextus eam manifestissimè refelleret; quia videlicet inter sextam & septimam tu-  
bam, non est ad rem agere de primo Christi aduentu & eius natiuitate: & quia Christus in primo sui  
aduentu non iurauit consummandum esse Dei mysterium.

Sed nihilominus communem sententiam, si rite intelligatur, certissimam reputo; nempe intel-  
ligendo sermonem esse de Christo eadem ratione, qua agitur de Filio hominis capit. 1. hoc est, de  
Christo in suis fidelibus. Est enim perspicua Angeli huius fortis allusio ad capitis primi figuram,  
tum in alijs, tum præsertim in vultu solis instar splendenti & in pedibus ignitis. Quòd verò hic di-  
citur, *Amictum nube*, respondet verbis illis capitis primi, *Ecce veni cum nubibus*: quod nos de Euange-  
licæ prædicationis nubibus explicuimus. Porro comparatio illa pedum cum columnis desumpta est  
ex ijs verbis Cantic. 5. 15. *Crura illius columna marmorea*. In ijs autem cælestis sponsi laudibus certum  
est, considerari Christum non in se solùm, sed in suis quoque membris; vt notarunt Nyssen-  
us, Paulinus, Ambrosius, Philo, Gregorius, Guillermus, & Honorius relati à Delrio in eodem cap. 5.  
versu 11.

Iam ad Riberæ rationem respondeo, non eum hic finem intendi, vt de primo Christi aduentu,  
deque ipsius natali sit sermo; sed illud agi, quod Christus per Apostolicos viros prædicabat, quo tem-  
pore Iudæi Christi ipsius nomen immaniter deletum ire cupiebant; videlicet persecutionem il-  
lam fore occasionem, vt Ecclesia Iudæis derelictis commigraret ad Gentes. atq; is est sensus acerrimæ  
illius asseuerationis *consummabitur mysterium Dei*, vt infra videbimus. Quæ prædicatione Christo iure  
adscribitur, quia eius doctrinâ Euangelici concionatores nitebantur. De sensu autem iuramenti  
huius infra dicemus.

His ita prælibatis, accedamus iam ad contextum, *Vidi alium Angelum fortem*. Ex epitheto, *fortem*, col-  
ligit Riberæ huiusmodi Angelum esse eundem, qui capite 5. 2. prædicabat, *Quis est dignus aperire librum?*  
Leuis sanè coniectura: & textus ipse haud obscure innuit, hunc esse longè diuersum. Ait enim, *Vidi*  
*alium Angelum amictum nube*, & *iris in capite eius*; *facies eius vt sol*, *pedes tanquam columna ignis*; quorum nihil  
congruit Angelo capitis quinti. Sed dices; quorsum hic Angeli figura tribuitur Christo? Respon-  
deo, allusionem in hoc loco apparere ad illud Isaia 9. 6. *Magni consilij Angelus*. Sic enim legunt Septua-  
ginta, vbi noster; *Admirabilis consiliarius*. Atque illorum verborum sensum (*Magni consilij Angelus*) ex-  
pressit diuus Cyprianus illis verbis, *Magna cogitationis nuncius*. Et verò vox illa, quam Christo Apocaly-  
psis attribuit (nempe, *consummabitur mysterium Dei*) denotat Christum annunciasse mundo altissimam  
illam Dei cogitationem atque consilium, quòd scilicet Iudaici populi diminutio, egestas atque in-  
felicitas fuerit Gentilici felicitas, diuitiæ, atque incrementum. Ad hæc; Christus suo ad Gentiles  
transitu volebat eisdem veram annunciare pacem; vt inferiùs dicitur. Ad hoc autem nihil aptius,  
quàm Angeli figura.

**FORTI.** Angelus hic non verbis modò nunciat, Ecclesiam ad Gentiles migraturam; sed  
etiam re ipsâ, id est corporis cultu atque figurâ, idem adumbrat. Nam hic Angelus, vt iam dixi-  
mus, est Christus Saluator noster; & ipsemet est, qui desertis Iudæis ad Gentiles transijt. Cùm au-  
tem consilium hoc rem adedò nobilem, excelsam & difficilem in se contineret (videlicet quòd fi-  
delibus vis, studium, atque contentio superesset, ad Romanum Imperium Christi fidei subiugan-  
dum) ad huius animorum fortitudinis & magnanimitatis significationem per commoda fuit fortis  
Angeli species. Et fortitudo quidem in ordine ad bellum rectè concipitur.

**DESCENDENTEM DE CAELO.** Cælestis primorum Christianorum sanctimonia & fortitudo  
verè, atque eleganter dicitur de calo demissa. Quamobrem ad Christi imitationem (qui cælestis  
homo appellatur) cælestium nomen attribuitur Euangelicis hominibus: & cælestis ipsa Christia-  
norum fortitudo nobis profectò indicat, quanto iure dixerit Paulus, *Secundus homo de calo cale-*  
*stis*. 1. Corinth. 15. 37.

**AMICTUM NUBE.** Si potuit fingere, nec ineptè, Horatius lib. 1. Ode 2.

*Nube candenteis humeros amictus*

*Augur Apollo:*

expende, quantò rectius hic, qui nil molitur ineptè, id est, Ioannes affinxerit, siue descripserit po-  
tius Christum esse Angelum Euangelicæ prædicationis nube coopertum & quasi amictum;  
qui per suos ministros loquitur, & cælestis doctrinæ rorem siue imbrem in homines diffun-  
dit. Hunc autem esse sensum nubium, quibus Christus amicitur, explicauimus latè cap. 1. vers. 7.  
ex loco Zachariæ. Erat vero in hoc loco fictio eiusmodi seu figura satis congruens ad innuen-  
dum summum beneficium, quo Deus per Euangelicam prædicationem Gentiles cumulare vo-  
lebat.

**ET IRIS IN CAPITE EIVS.** Consideranda hic videtur exigua quædam iris, quæ Angelo sit  
pro capitis cidari, siue corona: cuiusmodi esset, si extremæ illius partes in humeros Angeli desine-  
re, eosque contingere fingerentur. Sed quod præcipui sensus proprium est; cùm iris sit pacis sym-  
bolum; vt vidimus cap. 4. pacis quidem insigne gestare in capite, optimè repræsentat illum Ange-  
lum ad pacem annunciandum pergere. Quod autem Christus ad Gentiles transferit; id non fuit  
aliud, quàm pacem ab illo inter vtrumque populum conciliari, & Dei etiam pacem peccatoribus  
renunciari. Vtramque rationem coniunxit Paulus ad Ephes. 2. 14. *Ipse est pax nostra, qui fecit vtraque*  
*vnus, medium parietem soluens, vt duos conderet in semetipso: & veniens euangelizauit pacem vobis, qui longè fuistis,*

& pa-



A & pacem ijs, qui propè. Nescio, quæ aptior huius iridis commentatio afferri possit, quam Pauli locus.

ET FACIES EIVS ERAT, VT SOL. ] Quo significatur desiderium, quo flagrabat Euangelij lucem toto orbe diffundendi, & hac ratione promittendi maximam Ecclesiæ felicitatem & gloriam. Vide dicta capite primo, num. decimosexto, ad ea verba, *Facies sicut sol lucet in virtute sua*, idem enim hic est sensus.

*Quid per faciem solis instar fulgentem.*

ET PEDES EIVS TANQVAM COLUMNAE IGNIS. ] Pedum nomine manifestè hic comprehenduntur crura. Et quanuis vulgaris pictura pro tibijs proprias columnas huic Angelo tribuat; meo tamen iudicio non est hic sensus grammaticus; sed ille, qui intenditur Cantic. 5. 15. vbi legimus, *Crura illius columna marmorea*. In quibus comparatio sumitur à columnis; vt magnitudo, firmitas, decor & pulchritudo denotentur. Præterea illius figura consideranda est, vt magni gigantis; iuxta illud Psalmi 118. num. 8. *Exultauit vt gigas ad currendam viam*. De gigante verò ingenti & valido aptissime diceretur, ipsius tibijs seu femora esse columnarum instar. Hæc de figura columnarum: nunc de materia.

*Quid per pedes ignearum instar columnarum.*

B In quo rectè affirmat Pradus in Ezechielem tom. 1. pag. 34. 2. consideranda esse huius Angeli femora ex ære ardenti: sicut in capitis primi figura. Ceteroquin ex igne pedes non aptè effinguntur. proculdubio enim hic alluditur ad ea verba capitis primi 15. *Pedes eius similes aurichalco, sicut in camino ardenti*. Allusio verò ad eum locum nos docet, in hoc supplendum esse ex primo capite, quod hic expressum non erat; ac proinde pedes appellari igneos, eo quod sint ex chalcolibano ardenti siue ignito. Iam significatio eadem in hoc loco est, quæ in capite 1. vt eo loci exposuimus: denotatur enim huiusmodi symbolo ardentissimus ille ignis, quem Euangelij prædicatio in toto terrarum orbe accendit.

*Quomodo sint huius Angeli pedes considerandi.*

ET HABEBAT IN MANV SVA LIBELLVM APERTVM. ] Pro libello Græcè est βιβλίον, aut βιβλιδάριον, quod idem est: eademque dictio replicatur vers. 8. & 9. & 10. vbi nos legimus *librum*. Aduertendum tamen est primum diminutiuum nominis βιβλίον, esse βιβλίον, secundum βιβλιδάριον, tertium βιβλιδάριον. Itaque in hoc capite vox Græca, quæ pro libro, siue libello supponitur, postulat vt libellum illum perexiguum fuisse arbitremur. Nec verò tantilla hæc libri quantitas mysterij ac frugis expers erit. Verum reiiciamus hoc ad versum octauum, & nonum, & decimum; vbi de huius libri agemus mysterio.

Vers. 2.

C ET POSUIT PEDEM SVVM DEXTRVM SVPER MARE, SINISTRVM AVTEM SVPER TERRAM. ] Iuxta literæ corticem, considerandus est Angelus hic validus à terra ad mare proficisci; ideoque pede altero in terra niti, altero in mari; nempe quia relinquens terram ingreditur mare. Accessus autem siue ingressus in mare fit dextro pede; nec in mari obruitur; quemadmodum Marc. 6. numer. 48. & 49. legimus Christum discipulis visum *ambulantem super mare*. Quod dico de huius Angeli transitu à terra in mare, suspicor nonnullis nouum & inauditum visum iri. Ceterum id mihi vt verum persuadeo; quia principalis sensus ita exigit: nimirum, vt significetur persecutio illa, qua tellus Christum oppugnabat, fuisse eiusmodi, vt ipse se ipsa decerneret tellure relicta ad mare transire. Quod si hæc sit figura, perspicuum est, per terram Iudæicum populum; per mare significandum esse Gentilicum; atque ita intellexerunt Ambrosius, Rupertus, atque Richardus. Quin imò Viegas, ait, hanc esse communem opinionem. Sed siue communis sit, siue paucorum peculiaris; mihi indubitatum est, hanc esse veram explicationem. Et suspicor hoc explanationis vestigium ex antiqua Apocalypseos explicatione per successionem quandam ad hæc vsque tempora deuenisse.

*Quaratione sit huius Angeli figura concipienda.*

*Probatursuperior explicatio de huius Angeli figura.*

D Opponet tamen aliquis; licet verum sit, ab Ambrosio, Ruperto, & Richardo sumi terram hic pro Iudæico populo, & mare pro Gentilico: illi tamen non agunt de Christi transitu à Iudæis derelictis ad Gentilium populum; sed dicunt vtrique Iudæorum & Gentilium populo dimissos esse concionatores; quorum symbolum sunt Christi pedes.

Respondeo tamen in Apocalypsi certò significari prædicationem hanc ad vtrumque populum fuisse habitam, qua ratione accidit, & à Deo fuerat id præfinitum. Atqui Diuina prouidentia ratio, atque consilium fuit, vt prius quidem suum Euangelium Iudæis promulgaretur: deinde verò propter eorum perfidiam & obstinationem ad Gentes commigraret. Id quod disertis verbis exponit Paulus, Actuum 16. num. 46. *Vobis oportebat primum loqui verbum Dei; sed quoniam repellitis illud, & indignos vos iudicatis aeterna vita, ecce conuertimur ad Gentes*. Illud ergo ipsum, quod Paulus ait, in ijs verbis, *Eccce conuertimur ad Gentes*; illud repræsentat hic Angelus fortis, dum dextrum pedem ponit supra mare. Nec dubito hanc esse Ambrosij interpretationem. Nam ipse vt hanc Apocalypseos figuram explicet, affert eum locum ex Actibus Apostolorum.

E Enimuerò quod meam inprimis roborat expositionem, est ipsemet præcedentium & subsequentium contextus ac series. Etenim sex plagæ antecedunt, quibus Iudæorum populum punierat Deus, nempe fames, bellum, pestis, spiritalis lucis defectio, traditio eorum in propria cordis desideria, & permissio grauissima persecutionis contra Christi nomen ab ipsis excitata. Hæc sunt plagæ sex antecessores; superest adhuc quæ septima est & vltima, nempe eorum obduratio & derelictio. Si ergo hæc plaga reliqua erat; quis non videat, eam esse germanam huius loci explicationem, vt Angelus dextro pede mare calcans, huiusmodi positione innuat, impendere iam atque imminere funestum illud ac lugubre Iudæorum populo fatum; quo derelinquantur penitus ipsi, vt pote cælesti beneficio indigni: & Euangelij lux ad Gentes in regione vmbrae mortis habitantes deferatur? qui Gentium populus in Apocalypsi nomine maris certissime indicatur. Nam cap. 17. num. decimoquinto, expresse id docuit Ioannes dicens, plurimas maris aquas esse populos & gentes & linguas.

*Confirmatur prædicta expositio ex ipso præcedentium & subsequentium contextu.*

Deinde in hoc eodem cap. 10. sequuntur septem tonitrua, & Angeli iusiurandum, quo asseuerauit post septimæ tubæ sonitum esse Dei mysteriū consummandum. Significatio autem septem tonitruorum,



rum, vt paulò infrà constabit, proculdubio non est alia, quàm expeditio atque opus conuersionis Gentium; nec aliud indicat Angelus, cùm iureiurando confirmat perficiendum esse Dei mysterium. Non enim aliud est mysterium hoc, de quo agitur, quàm Iudæorum repulsa ac derelictio, & ad Gentiles migratio: de quo infrà. Ex hoc igitur filo atque contextu mihi omnino persuadeo, mysticam illam & admirandam actionem dextri pedis supra maris vndas positi propriè denotare Iudaicæ persecutionis (de qua habebatur sermo) effectum atque exitum fore, vt eos destitueret Christus, & se ad Gentilitatis mare transferret; eidem Euangelium promulgaturus, & veræ religionis ignem communicaturus: illum, inquam, ignem, quem prius voluerat in terra, id est, in Iudaico populo accendere.

Vix poterit dubitare, hanc esse genuinam interpretationem, qui animaduernerit, in Apocalypsi per mare Gentilitatem, per terram Iudaismum haud dubiè intelligi. Quare ad maiorem explanationis nostræ confirmationem operæpretium erit seridè perpendere vtrumque hoc symbolum; & quàm sit certum, ea sæpè in Apocalypsi iuxta hunc sensum vsurpari.

Nota ergo compertum planè esse, in Apocalypsi primitiuam Ecclesiam appellari cælum, quia primæui Christiani cor seu mentem in cælo habebant defixam; & fluxa omnia atque caduca bona pro nihilo reputabant. Quid ergo consequentiùs, quàm Iudaicum populum nuncupari terram; quia eorum affectio atque animi propensio terrenis rebus atque opibus inhærebat? Ad hæc, hæc eadem fuit terræ significatio cap. 8. 5. Vbi *pruna missa sunt in terram.* & num. 7. vbi *grando, & ignis missa sunt in terram.* Et num. 13. vbi habetur, *Va, va, va habitantibus in terra.* Et cap. 9. 1. cùm dicitur stella cecidisse in terram.

Sed dicat aliquis; si ideo Iudæis terræ nomen accommodatur, quia corda habent rebus terrenis infixæ; eadem etiam ratio comprehendit Gentes infideles: atque ita nihil esse videtur peculiare, cur ad Iudæos potius terræ symbolum, & symbolum maris ad Gentiles applicetur. Respondeo, inter eas res, quæ per attributionem diuersis personis dispartiuntur, non opus esse eiusmodi ordinem ac distinctionem reperiri; vt quod alteri tribuitur, denegetur alteri: id quod potissimum conitat in potentia, quæ æterno Patri attribuitur; in Sapientia, quæ Filio; & in bonitate, quæ Spiritui sancto.

Solum ergo exigitur congruens aliqua ratio, quapropter hoc vni, illud alteri singulatim accommodetur. Ratio igitur, cur terræ nomē Iudæis præsertim applicetur, conuenientissima est. Nec enim adeò esset notabile, Gentilium corda ad terrena bona adhærescere. At Iudæos, quibuscumque tanta erat cælestis doctrinæ cognitio, in terrestribus adhuc rebus infixos omnino, demerisq; esse; id verò dignum valde erat, quod ponderaretur à sacra Scriptura, & terræ nomen illis propterea deferret.

Præterea attributio hæc siue accommodatio illud etiam præstituit ac denotat, Iudæos videlicet terræ nomine Iudæam absolute nuncupare. Vt apparet Isaia 24. vbi loquutionem hanc plusquam decies vsurpat Propheta. Verisimile autem est, vt significarent Iudæi suam doctrinam esse solidam, firmam & itabilem, & in sua republica veras ac germanas virtutes efflorescere; ideo hac illos distinctione fuisse vsos, vt Iudæam appellarent terram, mare Gentilium populos: vt obiter etiam innuerent, leuitatem & inconstantiam ac profunditatem in Gentium erroribus, necnon assiduam earum perturbationem pariter & confusionem. His accedit, quòd quemadmodum in mare omnes fluminum vndæ, quæ ex tanta fontium varietate dimanant, demum confluunt: non aliter Gentilitas est congregatio quædam siue coaceruatio innumerabilium populorum inter se dissidentium, & quædam errorum infinitorum permixtio. Atque vt aqua est generationis symbolum; ita aquarum multarum congregatio repræsentat maximam generationum multitudinem. Vide illud Num. 23. 7. *Fluet aqua de scutula eius, & semen illius erit in aquas multas,* vbi alij legunt, *in Gentes multas.* Porro, vt significaretur Iudæos in pace & tranquillitate, Gentes in bellis atque tumultibus degere; idonea satis erat illa terræ marisque distinctio: non modò, propter terræ stabilitatem ac firmitudinem, marisque inconstantiam & mobilitatem: verum etiam quia in mari (præter continuam piraticam, frequentesque rapinas, quæ conuehantur) viuunt ex rapto, & pergrandes pisces exiguos deuorant pisciculos: ingensque est marinarum belluarum tyrannis atque rapacitas. Ad hæc, in mari pisces obruti atque demersi sunt in aquæ falsæ profunditate. Propter has omnes rationes, certa fuisse videtur Iudaici populi & vsitata locutio, vt Iudæam terræ nomine; maris, Gentilitatem vocarent. Diuinus tamen Spiritus, qui eadem phrasi fuit vsus in terræ applicatione ad perfidos ac rebelles Iudæos, eò potissimum attendit, vt apud eos inordinatam animi affectionem ac propensionem ad res vergere terrenas denotaret: pari enim ratione primitiuam Ecclesiam appellat cælum. In maris autem attributione Gentibus (præterquam quòd populorum ac nationum multitudo & varietas indicatur.) respexit imprimis, opinor, grauissimam tempestatem, qua Ecclesiæ naus fuerat deinceps in Gentilium persecutionibus iactanda.

Pro cuius explanatione aduerte, non quodlibet bellum cum maris tempestate appositè comparari; sed illud speciatim, quod acerrimum est & crudelissimum, quodque vndique imminet, nec visari videtur posse. Atque ita videmus internecinum Nabuchodonosoris bellum aduersus miseram Ierosolymam tot Gentium ac nationum millibus gestum, ab Isaia, Ieremia & Ezechiele cum maris furentis impetu comparari: vt notauimus cap. 1. 15. Considerant enim Ierosolymam veluti naufragam cymbam, quam horribilis & procellosi maris impetus vndique violenter adoritur atque diuerberat. Eademque similitudine Apocalypsis adumbravit grauissimam persecutionem, quam Gentilium populus contra Christianam Ecclesiam erat concitaturus: cùm tamen persecutionem Iudæorum, quæ antecesserat, non per maris furorem explicuerit, sed per tubæ sonitum; qui terrestre bellum indicat, cuius non adeò est grauis comminatio.

Nihilominus tamen ita molestè fert Christus terram (id est, Iudaicum populum) quam ipse per Euangelij prædicationem volebat Spiritus sancti igne succendere, in seipsum atque in suos fideles pertinacissimo irarum ac furorum æstu exardescere: vt terram ipsam propterea derelinquere statuatur, & per Gentilitatis mare firmo gradiens vestigio, illud Christianæ religionis igne inflammare.

In Apocalypsi per mare Gentilitatem, per terram Iudaismum figurari.

Primitiuam Ecclesiam appellari cælum.

Cur Iudaismus terra, Gentilismus mare nuncupetur?

Per aquarum multarum congregationem denotari generationum multitudinem.

Iudæa terra nomine Iudæam: nomine maris, Gentilitatem appellasse.

Maris tempestas cuius præsertim bellum sit symbolum.

Angelus dū dextri pedis in mari ponit, quid innuat.



**A** Tamen si autem opus hoc ita est difficile, ut apte per ingressum in mare ignitis pedibus & animo illud inflammandi denotetur; Christi tamen pedum ardentium efficacia adeo est magna, ut dubio procul, Isaia vaticinium rei ipsius exitu comprobetur, *Aqua ardebunt igne, Isaia 64.2.* Quod licet aliqui rei difficultatem admirantes, ita interpretati fuerint, ut ignis calfaciat aquas, siue aqua ipse ab ignis calore distillent, sicuti in sublimatoriis videmus accidere: multo tamen elegantius & significantius est dicere, Christi pedum ignem adeo esse efficacem, ut quemadmodum naphtha seu Babylonius ignis, (vulgò *fuego de alquitran*) aquas ipsas ardentes & ignitas reddit, ita ipse Christus Spiritus sancti igne multas Gentilitatis aquas fuerit accensus. Id enim profecto expressit Isaia in verbis illis nuper allatis.

Nam quantumvis aqua igni magis sit contraria, quā terra: Deus tamen, quippe omnium Dominus, vniuersa pro suo nutu flectit ac temperat.

**B** Atque ut denotetur diuersa huius ignis efficientia in Iudaeorum & Gentilium populis; mirifice deseruit representatio dextri pedis super mare positi. Etenim dextro pede ingredi, innuit illud prosperè ac feliciter euenturum. Quemadmodum sinistri pedis in terra positio designat iustissimā Christi iram, quam aduersus terram conceperat: propterea quod eidem tantā obstinatione restiterit. Et saepe alibi dextri atque sinistri distinctio similem significationem adumbrat.

Præter hæc, cum Christi vestigium in Gentilitatem factum nihil aliud sit, quā ipsis Gentibus Euangelij pacem denunciare: egregie fit, ut mari pacis ac tranquillitatis experti, & procellis atque assiduis fluxibus obnoxio Christus efficacitate mirabili pacem atque quietem annunciet. Iam enim eandem Iudaico populo (licet minori successu quoad extensionem) renunciarat. Lege Isaia 57.19. *Creauit fructum laborum pacem; pacem ei, qui longè est, & qui propè impij autem quasi mare seruens, quod quiescere non potest, & redundant fluctus eius in conuulsionem & lutum. Non est pax impijs, dicit Dominus Deus.* Sed quæ illis pax non est, à Christo efficaciter offertur.

**C** Iam, quod Angeli pes non maris mergatur vndis, sed super ipsas solidus perferat; indicat, Euangelij prædicationem in æstuantis maris procellis ac persecutionibus non esse obruendam; sed in ijs potius firmam, solidamque futuram. Nec alia est significatio vestigiorum Christi stabilium gradientis super aquas Marci 6.48. & 49.

Tandem cum dextri pedis constitutio super mare, & sinistri super terram, sit Gentilitatis exemplum Iudæis ipsis ad pudorem & erubescentiam proponere: figura huius mysterium idem est, quod Paulus ponderat ad Roman. 10. 19. ex Deuter. 32.21. *Ad emulationem vos adducam in non gentem, in gentem insipientem, &c.*

*Pedem angeli in mari positum non mergi, quid indicet.*

## NOTATIO II.

*De triplici differentia inter hunc angelum Ioanni visum dextro pede mare calcantem, & illum Danielis 12.6. super aquas fluminis.*

**A**LLUSIO huius Angeli fortis ad virum illum Danielis 12.6. *qui stabat super aquas fluminis*, manifesta est: vterque enim in aqua pedibus nititur; vterque sublatā in calum manu iurat; & vtroque mox sequitur mentio trium annorum cum dimidio. Verumtamen pulsat protinus mentem cupido agnoscendi congruentem triplicis differentie rationem. Prima est, quia in Apocalypsi Angelus stat super mare, in Daniele super flumen. Secunda, apud Apocalypsi. Angelus alterum in aqua tenet pedem, alterum in terra: apud Daniele vtrumque in aqua habet; & duæ visuntur personæ; altera ad vnam fluminis ripam, altera ad alteram. Tertia, Angelus Apocalypsi tantum manum tollit: Danielis autem Angelus vtramque.

Antequam triplicis huius discriminis reddo rationem; aduerto, Angelum illum Danieli super aquas visum, esse eundem, quem Daniel ipse describit cap. 10. Dei personam gerentem, & significantem quā se mirabilem Deus erga suum populum exhiberet; ut latè explicat Apoc. 1. notat. 17. Quare in Apocalypsi etiam manifestus est respectus inter eam figuram, quam Ioannes c. 1. depingit, & quam in hoc cap. 10. Vtraque enim significat Iesum Christum in Sanctis suis esse admirabilem. Ut ergo ad Danielis Angelum reuertamur; observandum est, cum agitur de admirandis operibus, quæ Deus per suos perficit, tunc Deum ipsum rectè dici oppugnatum, quando ipsius oppugnatur populus: itemque Deum vincere, cum populus ipsius vincit. Quare nulli mirum videri debet, quod de figura super aquas stante dicitur, id de Dei populo esse intelligendum.

Deinde, quod super aquas figura illa nitatur pedibus; indicat graues difficultates, ingentia pericula & admirabilem in illis firmitudinem, atque constan-

**D**tiam. Etenim si humano iudicio rem dispiciamus; qui super aquas graditur, suapte vi immergi & ad imum vergere fundū videtur, ut cepit experiri Petrus Matth. 14.30. *Cum cepisset mergi, clamauit, &c.* ita Gregorius exponit Hom. 24. in Euangelia, *Quia discipuli (inquit) adhuc fluctibus mortalis vitæ inerant; ideo in mari laborabant. Quia autem Redemptor noster iam corruptionem carnis excefferat, ideo post resurrectionem suam in litore stabat.* Quæ cum ita sint, quod Danielis Angelus in aqua stes; significat rectè arctissimum & miserandum rerum statum, quod Dei populus erat deuenturus, Regum Syriæ & Egypti bellis validissime conflictatus (quæ est prophetia cap. 11. Danielis.) Porro duo illi viri ad vtramque fluminis ripam stantes, unus hinc, & alius inde, considerandi sunt eo animo ad ripas fluminis perituro, ut stanti super aquas obflant; ne ad alteram ripam euadat. Quapropter vterque idoneum erant symbolum eorum, qui Dei populum diuexantes in eiusmodi discrimen vocaturi erant, ut populus ipse deiciendus necessariò atque demergendus videretur. Et quidem, quod ad litteram ipsam attinet, per vtrumque ripam vtriusque virum in sensu proximo Reges Syriæ & Egypti denotantur; qui bellorum tumultu Dei populum vtrumque captum in maxima pericula, calamitates & arumnas coniecturi erant. Hic enim est proximus literæ sensus in eo capite 11. Dan.

**E** Ad primam ergo questionem suprà propositam respondeo, Danielis visionem ad fluvium accommodari; quia Daniel tunc iuxta fluvium Tigrim erat, ut ipse expressit cap. 10.4. Ioannis autem visionē ad mare aptari, quia tunc Ioannes erat in Pathmo insula mari proximius. Quod discrimen ipsi significationi fuit perutile. Nam si situs super aquas denotat magnum submerisionis periculum & vehemen-

*Duo viri apud Daniele ad vtramque fluminis ripam stantes quid significant.*

*Cur Ioannis angelus supra mare: at angelus Danielis supra flumen stes.*

*Expenditur allusio huius angeli ad angelum Danielis c. 12. stantem super aquas fluminis. Triplex inter vtrumque angelum discrimen.*

*Angelum illum Dan. 12. esse eundem, quem c. 10. sub Dei persona viderat.*

*Cur Danielis 12. Angelus super aquas pedibus nitatur.*







In eo quod ignis in aqua volebat supra suam virtutem; & aqua extinguentis naturæ obliuiscatur; & in aqua, quæ omnia extinguit plus ignis valebat. Quibus locis respicitur ad id Exodi 9. 24. Grando & ignis mista pariter ferebantur. Verum hæc non est mystica significatio; & mysticum aliquid ab Spiritu S. fuisse in illò sacrificiorum miraculo designatum persuadet, tum accurata illa descriptio & repetitio; tum verò allusio Apocal. ad illa miracula, dum describit Angelum fortem per ipsas maris vndas ingredi volentem, vt eas inflammaret. Hæc enim, præter generalem illam diuinæ omnipotentiae ostensionem, peculiare aliquod mysterium sub ea figura latere facile suadent. Pro explicatione verò norandum est primò, omnia opera Altissimi (vt hîc Ecclesiastici 35. 15.) esse duo, & duo, id est, vnum contra vnum. Constat autem, ignis contrarium siue oppositum esse aquam, quia ignem ardentem extinguit aqua, Ecclesiastici 3. 33. Quare, cum sacri ignis significatio referenda sit ad spiritua-lem veræ religionis ignem, quo Christus cupit mûdum inflammare, facile statim cernitur, per aquæ elementum huic igni oppositum, representari resistantiam seu repugnantiam mundi aduersus eum ignem; conatum nempe oblitendi Euangelico igni, ac bella & persecutiones eo sine excitatione, vt penitus extingueretur is ignis, quo Euangelici conuocatores, veluti ministri diuinæ Providentiæ, siue vt spirituales Christi pedes, conabantur mundum inflammare.

Deinde obseruandum est prædicationis Euangelicæ officium, esse mysticum quoddam sacrificium; vt significauit Paulus ad Rom. 15. 16. vbi agens de munere sibi credito, ait, *Propter gratiam, quæ data est mihi, vt sim minister Christi Iesu in Gentibus; sanctificans Euangelium Dei, vt fiat oblatio Gentium accepta, & sanctificata in Spiritu sancto.* Vbi ex contextu euidenter patet, prædicationem Euangelij considerari ab Apostolo velut mysticum quoddam sacrificium, cuius sacrificij se ipsum contempletur sacerdotem. Atque id propriè significat vox illa *minister*, vt patet ex Græco, *ὁς με εἶναι λειτουργὸν εὐαγγελίου*. Hoc supposito, Paulus ipse cõsiderandus est à nobis veluti alter Elias, qui magnum sacrificium Deo offerre parat: per conuersionem nempe Gentium. Et quâuis non ignoret, mystici maris, hoc est, mundi aquas & fluctus suam omnem vim atque potentiam obijcere & opponere aduersus ignem cælestem, quo opus est vt hostiæ ardeant, & sacrificium rite peragatur (sic enim natura comparatum est, vt aqua cum igne bellum gerat, & eum extinguere conetur.) Apostolus tamen à Dei spiritu edoctus non dubitat, quin cælestis ignis eâ ipsâ antithesi & resistentiâ aquarum pascatur, & quasi delectatus pugnâ, lambat aquas, & in eis inflammandis & deuorandis delectetur. Atque adeo in diuinæ Providentiæ consilio, ad illud ipsum, quod flagrantissimè cupiebat Apostolus, nempe vt sacrificium cælesti igne arderet; ad hoc ipsum valde conducebat, vt hostiæ & altare, & lignorû strues, & omnia prius aquis persecutionis & contradictionis non solum aspergantur, sed imbuantur & madefiant. Quemadmodum in Eliæ sacrificio representatum est. Quamobrem non solum non perhorrescit Paulus persecutionem, sed potius in ea gloriatur; & in aquæ affluentia & redundantia superabundabat ille gaudio & exultatione. Nouit enim Dei esse consilium, vt postquam aquæ visæ sint super altare decessisse, & fossam aquæ ductus repleuisse; tunc ad mystici Eliæ preces ignis è cælo consumat holocaustum, & aquas ipsas ardere cogat.

Iam verò in Eliæ sacrificio facile cernitur, carnes illas, quæ Deo offerebantur, symbolum gestasse eorum Gentilium, qui à Paulo per eorum conuersionem oblatis sunt Deo. Consideratis enim suprâ allatis Pauli verbis, & applicatis ad sacrificium Eliæ,

A carnis oblati omnino respondent Gentes ad n-dem Euangelij conuersæ. Sicut etiam lignis suggestis, ipsa Pauli prædicatione; ac duodecim lapidibus magnis, quibus Eliæ altare constructum est, duodecim symboli Apostolici veritates. Hæc verò omnia visa sunt persecutionis Gentilicæ aquis perfusa & madefacta, cum Christianorum sanguine madebat terra; & quod maior fuit perfusio, & madefactio; eò perfectior fuit effectus, quem mysticus Eliæ tantopere optabat; nempe vt mirando illo sacrificio conuincerentur homines, nullum alium esse verum Deum, nisi eum, cui à mystico Eliæ eiusmodi sacrificium oblatum erat. Et propterea ignis quasi exultans atque triumphans lambebat aquas, vt expressit Scriptura, & puluerem & ligna deuorabat; & lapides cum aquis lambere videbatur.

B Germanum denique illius antiqui miraculi mysterium, seu mystica significatio ab Spiritu sancto intenta, fuit, eò magis acceptum fore Deo Apostolicæ prædicationis sacrificium; & eò præstantiorem fore illius effectum; quo maior esset contradictio mundi aduersus cælestem ignem. Et expropter Christus Dominus in suis ministris non solum non reformidat ingressum in mare, neque eius aquas putat præualituras ad extinguendum pedum ipsius ignem; sed potius certus est atque securus eò fore maiorem mystici sacrificij efficaciam, eò maiorem Dei beneplaciti significationem, & eò maiorem sanctificationis effectum, quem cælestis ignis virtus operatur; quod abundantior fuerit madefactio, & aquarum decurrentium repugnantia.

C Eodém spectat, quod de Nehemiæ sacrificio legimus 2. Machab. 1. vbi videre est, non concidisse animo Nehemiam, (cuius nomen consolationem sonat) cū videret in eo loco, in quo ignis cælestis quærebatur; loco ignis, rem illi omnino oppositam fuisse repertam, aquam scilicet crassam. Hoc enim euentum minimè commotus, gaudet potius suum sacrificiū aquâ illâ crassâ atque adeo magnâ illâ contrarietate aspergi & madefieri: securus, citò fore vt nebula solis fulgori cedat, id est vt obscuritas & aduersitas in prosperitatem conuertatur, & incenso diuinitus igne magna cum Dei gloria absumatur sacrificium. Tunc verò fore, vt quidquid ex persecutione siue contradictione illâ crassâ supererit, huic vsui deferuiat; nimirum vt maiores altaris lapides iterum aquâ illâ perfundantur, & madefiant; & ex bello, quod aduersus Apostolici symboli veritates geretur, heri vt disputationis & contentionis flamma incendatur, (in flamma enim, quæ tandiu durat, dum igni resistitur; eleganter significatur bellum atque contentio, vt annotauimus in id Psal. 17. 9. *Ignis à facie eius exarsit*) & demum contentionis flammam excipiat fulgentius lumen quod à religionis altari egredietur, & omnem contentionis flammam absument; atque ea ratione omnia in maiorem Altissimi gloriam redundabunt.

D Denique si ad significandam cælestis ignis, id est, veræ religionis à Deo approbatæ vim & efficaciam, (quæ persecutionibus non minuitur, sed potius alitur, & persecutores gloriosè triumphat,) si ad hanc, inquam, virtutem significandâ appositissimè deferuierunt historiæ, quas sacra Scriptura narrat de igne Eliæ, 3. Reg. 18. 38. & de igne Nehemiæ, 2. Machab. 1. 20. quanto maioris momenti & energię erit ad eandem significationem id, quod sibi ostensum esse narrat Ioannes in hoc capite decimo? nempe Angelum fortem pedibus ignitis per ipsum mare ingredi, vt illud accendat? Quod est dicere, ignem illum cælestem, quem in suis pedibus Christus gerit, non solum præualere aduersus aliquam aquæ copiam, quæ aspersum est sacrificium; sed etiam aduersus immensam aquarum vim, quam maris nomen representat.

Quem sensum mysticum Spiritus sanctus intendisse videtur in Eliæ & Nehemiæ sacrificiis, quando aquæ ignis arserunt.

Quid per sanctum Dei ignem; quid per aquam ei contrariam figuretur.

Prædicationis Euangelicæ officium esse mysticum quoddam sacrificium.

Carnes in Eliæ sacrificio oblatæ quid autem breui.



## T E X T V S.

*Vers. 3.* Et clamauit voce magna, quemadmodum cum leo rugit: & cum clamasset, loquuta sunt septem tonitrua voces suas.

4. Et cum loquuta fuissent septem tonitrua voces suas, ego scripturus eram: & audiui vocem de cælo dicentem mihi; Signa quæ loquuta sunt septem tonitrua, & noli ea scribere.

## C O M M E N T A R I V S.

Magno Angeli clamor septem tonitrua, echo instar, respondere.

Quid septem tonitrua denotent.

Declaratur septem tonitruorum significatio difficultatis opposita solutione.

ET CLAMAVIT VOCE MAGNA, QUEMADMODUM CUM LEO RUGIT. ] Huic clamori siue rugitui respondent quodam modo atque allonant septem tonitruorum voces. Quapropter necesse est, huius clamoris sensum optimè cum septem tonitruis cōnecti. Cum igitur vox septem tonitruorum sit necessariò referenda ad Christi & Ecclesiæ victorias ex Gentibus partas, hoc est ad ipsarum Gentium conuersionem (vt statim videbimus) eodem etiam spectare debet leonis rugitus.

Obijciat tamen aliquis, Gentium conuersionem esse Christianæ Ecclesiæ latissimam ac celeberrimam: cum tamen leonis rugitus sit valdè terribilis; iuxta id Amos 3. 8. *Leo rugiet, quis non timebit?* Respondeo hunc Christi rugitum, de quo in præsentia, esse quidem formidabilem Dæmonibus: denotat enim certissimam Christi expectationem, fore vt ab eis prædam sit ablaturus. Cui significationi fauent eiusdem Prophetæ Amos verba in eodem capite num. 4. ait enim, *Numquid rugiet leo, nisi habuerit prædam?* Rugitus enim leonis innuit Christi alacritatem atque lætitiā, qua pro certo habebat, cum per Gentilitatem ipse succederet, ipsam veræ religionis igne accensum iri. Quod si opus est, vt rugitus iste Christi furorem, iramque designet: facit similiter ad rem, quod huiusmodi clamor significet, quantopere Christus Redemptor noster Iudaici populi amentiam ac pertinaciam doleat, ac pariter detestetur. Itaque clamor hic vna ex parte festius est, ex altera verò horribilis etiam & Iudaico populo diras & grauissima supplicia interminans. Et quatenus festius est, denotat simul iram Christi contra Gentium idololatriam, & ipsius idololatriæ vastandæ contentionem; quæ est mystica ira, quam vocat Apocalypsis *iram nouissimam*, vt suo loco explicabitur.

ET CUM CLAMASSET, LOQUUTA SUNT SEPTEM TONITRUA VOCES SVAS. ] Hæc septem tonitrua sunt velut echo clamoris Christi. Quod si ira concipiamus; dicere possumus esse echo heptaphonā; qualem refert Plinius lib. 36 cap. 15. vbi vox eadem septies reddebatur. Verum est tamen, septem tonitruorum voces non nihil esse inter se diuersas; id est non omnino similes, vt statim planum fiet.

Obseruandum tamen in primis est, Ioannem hic cum articulo loqui; quasi diceret septem illa tonitrua locuta fuisse voces suas. supponit igitur esse septē aliqua tonitrua insignia ac notabilia. Quare cum Apocalypsis ex varijs ad insigniores Scripturæ locos allusionibus vndique elegantissimè compingatur; si deprehenderemus septem tonitruorum mentionem in insigni aliquo veteris instrumenti loco; nā ad eiusmodi locum in hoc capite haberi respectum diceremus. Affero igitur, allusionem hic fieri procudubidē ad Psalm. 28. vbi septies repetitur vox Domini. Constat autem iuxta Scripturæ phrasim vocem Domini esse idem, quod tonitruum. Quamobrem perinde est dixisse Ioannem ad fortis Angeli clamorem, *Loquuta sunt septem tonitrua voces suas*: ac si diceret, hic vt in proprio loco interferendum esse Psalm. 28. Atque hac ipsa allusione ad ipsum Psalmum magnopere confirmatur, Angeli ingressum ignito pede in mare, & eiusdem Angeli clamorem, atque iuramentum, omnia hæc spectare debere ad ingentem fructum & emolumentum, quod ex Euangelij prædicatione ad Gentes fuerat percipiendum. Constat enim Psalmi 28. argumentum (& eorum præsertim, quæ David ait in his versibus, in quibus de septem tonitruis sub Dei vocum nomine agere videtur) non esse aliud, quàm Gentilitatis conuersionem. Et quia tum Psalmum illum inter ceteros Dauidicos excellentissimum reputo, tum etiam ex hac allusione lux clarissima toti Apocalypsi oboritur; ideo Psalmum integrum seorsum explicare est animus. Verum, quia ipsius expositio longiuscula est; omittatur nunc, & cum alijs Psalmis atque insignibus Scripturæ locis, ad quos alludit Apocalypsis, suum in locum reueruetur.

EGO SCRIPTURUS ERAM. ] Explicat his verbis Ioannes mirificam voluptatem, quam percepit ex Psalmi 28. intelligentia; quæ voluptas tanta fuit, vt Psalmi illius explanationem literis protinus libenter mandaret, nisi illam prætermittere iuberetur; videlicet ne hac ratione nimium perspicuè loqueretur ijs de rebus, quas tunc arcanas & symbolorum inuolucris consignatas esse oportebat. Namque ille Psalmus distinctè agit de futura totius Romani Imperij ad Christi fidem conuersione: & qua ratione congruens maximè fuit Apocalypsin obscurè conscribi; eadem oportuit, ne sensus Psalmi 28. dilucide tunc literarum monumentis proderetur. de quo diximus in prolegomenis notat. 13. Sed aduertat, obsecro, lector, quanti æstimet Ioannes Psalmum 28. atque ipsius mysterium, nec non congruentem rationem, quapropter tunc decuit eius declarationem silentio inuolui; ac proinde quantum fuerit Dei beneficium, quod postea Psalmi illius cognitionem atque intelligentiam Ecclesiæ fuerit impertitus.

Phrasis illa, *signa vel obsigna quæ loquuta sunt septem tonitrua*, meo iudicio indicat Psalmum illum fuisse quasi librum signatum; quia ipsius mysterium non planè percipiebatur. Resignauit autem

Deus

In septē tonitruis allusionem includi ad Psalm. 28.

Vers. 4. Quid tunc Ioannes scribere voluerit.

Quod sit Psalmi 28. argumentum.

Quid innuat locutio illa, signa quæ locuta sunt, &c.



A Deus sigillum, vt Ioannes referatam legeret chartam, id est intelligeret mysterium. Quare, cum iubetur librum siue chartam obsignare, idem est, ac si ei diceretur, ne mysterium reconditum patefaciat; sed vt erat occultum, dimittat. Quo quasi nouum obduxit Ioannes velamen; eiusmodi tamē, quod sensum obregens, retegat pariter, plurima de reconditis inibi mysterijs superesse dicenda, non secus ac de Timantis velo antiquorum annalibus proditum est.

## T E X T V S.

*Ubi de iuramento Angeli.*

B *Vers. 5.* Et Angelus, quem vidi stantem super mare & super terram, leuauit manum suam ad cælum.

6. Et iurauit per viuentem in sæcula sæculorum, qui creauit cælum & ea quæ in eo sunt; & terram, & ea quæ in ea sunt; & mare, & ea quæ in eo sunt; quia tempus non erit amplius.

7. Sed in diebus vocis septimi Angeli, cum cœperit tuba canere, consummabitur mysterium Dei; sicut euangelizauit per seruos suos prophetas.

## C O M M E N T A R I V S.

C **L**EVARE manum, habitus est iurantis, vt bene Pererius tom. 3. in Geneseos caput 14. num. 22. & Ribera hîc. Si autem iurare est Deum adducere testem: proprius iuramenti locus erit, quando quod iuratur, Dei confirmatur testimonio. Ideoque iurare est asseuerare illud, quod ipse iuro, diuino testimonio roborari; ac proinde rem esse Deo testificatam. Atque id est manum attollere, Deum scilicet indice designare, affirmareque Deum esse, qui quod ipse assero, confirmat.

QVI CREAVIT CÆLVM, ET EA QVÆ IN EO SVNT; ET TERRAM, ET EA QVÆ IN EA SVNT; ET MARE, &c.] Mira sanè iurandi ratio, per cæli effectorem, & eorū, quæ cæli ambitu continentur; per terræ, & quæ ipsa coërcet; per maris, & quæ in se includit. Et quidem cum Scriptura neutiquam inaniter verba multiplicet; reddere oportet rationem, quorū ad Deum denotandum tot verba in hoc iuramento multiplicauerit?

D Nota ergo, frequentem vsum esse, vt noua epitheta, quæ Deo tribuuntur in aliquo iuramento, aliquod egregie factum celebrent. Vide Ierem. 16. 15. & c. 23. 7. *Ecce dies veniunt, & non dicetur vltiā; Vixit Dominus, qui eduxit Israel de terra Aegypti; sed, Vixit Dominus, qui eduxit Israel de terra Aquilonis, & vniuersis terris, ad quas eiecit eos.* Secundò nota, dignum esse sapientibus viris, vt peculiare epitheton, quod in iuramento aliquo attribuunt Deo, congruat illi rei, quam iuramento ipso asseuerare intendunt. Vtrunque igitur eleganter coniungitur in longa hac periphrasi, quæ in Angeli fortis iuramento affirmatur de Deo. Etenim nouum facinus egregium, quod in hoc verborum anfractu celebratur, illud est; Deum scilicet, qui Christianæ Ecclesiæ auctor est, minimè contentum, quod Iudæos ad ipsam Ecclesiam acciuerit, suam etiam Euangelii lucem Gentibus impertiri velle; tanquam vniuersalem vtriusque populi parentem & effectorem. Atque hoc est, quod nouus hic verborum circuitus adscribit Deo: cuius significationis rationem, vt è re Apocalypicos esset, eiusmodi fuisse oportuit, quæ ipsamet Apocalypseos symbola vsurparet; iuxta quorum acceptionem, cæli nomen denotat (vt vidimus alias) Christianam Ecclesiam & diuinæ gratiæ bona; terra verò Iudaicum populum; & mare, populum Gentilium. Quamobrem iurandi per longam periodum ducti sensus est eiusmodi; vt Angelus obtestetur Deum, qui nouum Christianæ Ecclesiæ cælum, qui synagogæ terram, qui Gentilitatis mare condidit.

E Quod autem non nudè & absolute dicat cælum, terram, & mare; sed in singulis adiungat, & ea quæ in eo sunt; id sanè non vacat energiā. Quo significetur nullum esse siue in mystico cælo Christianum, siue Iudæum in terra mystica, siue in mystico mari Gentilem: quem non creauerit Deus, & de quo peculiarem non habeat curam; ac proinde Dei ipsius prouidentiam ad singulos non populos modò, sed homines etiam sese extendere; nec aliquem à singulari hac prouidentia subduci. Deinde ipsi Deo curæ esse, vt mysticæ noui cæli stellæ benignos suos influxus & impressiones, non ad Iudæorum tantum terram, sed etiam ad Gentilium mare derident. atque vt etiam peculiariter hæc vel illa stella in hunc vel illum angulum Gentilitatis, benignitatis suæ influxum mittat; & lucem suam impertiatur huic vel illi familiæ vel domui. Hoc fuit nouum Deifacinus, in quod intendit oculos nec immeritò fortis hic Angelus, vt in rem ad maximam Deigloriam, & Ecclesiæ pariter beneficiū redundaturam. Verum non ideo solum; sed quia ad illud, quod fortis Angelus affirmare volebat, nihil æquè poterat conducere. Etenim (vt mox videbimus) affirmare erat animus, Iudaici populi repulsam & Gentilici electionem, iuxta diuinæ prouidentiae decretum, iā iam reapse complenda imminere. Et cum hoc sensu mirè consonat supradictus verborum ambitus, quæ ratione explicuimus.

Ad hanc periphrasin verba illa adiunguntur, *Iurauit per viuentem in sæcula sæculorum?* quæ iurandi

Leuare manum, iurantis habitus.

Vers. 6. Mira iurandi & Deum significandi ratio.

Huius iuramenti periphrasin non abs re, sed subiectæ materiae esse apprimè congruentē. Quid per huiusmodi periphrasin significetur.

Cur in singulis addat angelus, ea quæ in eo sunt?



Quæsum  
faculi secu-  
lorum, siue  
æternitatis  
mentio in  
hoc iura-  
mento?  
Quid sit,  
Tempus non  
amplius fo-  
re.  
Aliorū in-  
terpretatio.

Auctoris in-  
terpretatio  
de tempore  
non amplius  
futuro.

Iudaici po-  
puli obdu-  
ratio & de-  
relictio à  
Christo pa-  
rabolicè  
prædicta.

Difficultatis  
nodus in no-  
stra exposi-  
tione solui-  
tur.

Iudæorum  
conuersionē  
sub mundi  
exitum fu-  
turam non  
obstare hu-  
ius iuramē-  
ti perpetui-  
tati.

Hoc angeli  
fortis iura-  
mentum  
respondens  
iuramento  
angeli Da-  
nielis.

ratio ex Danielis cap. 12. 7. mutuata est. (quem ad locum alluditur in hoc angeli iuramento, vt vidimus notat. 2.) Nam ille Angelus, de quo ibi Daniel, iurauit per viuētem in æternum. Et tam in Daniele, quam in Apocalypsi magnam habet congruentiam mentio æternitatis Dei, quando singulatim agitur de præfinito aliquo temporis spatio. Namque æternum decet Deum præscribere tempora; & quantunvis immutentur ac perturbentur omnia, ipsum tamen (quippe qui in æternum viuit) stabilem semper firmumque persistere.

QVIA TEMPVS NON ERIT AMPLIVS. ] Multi autumant, horum verborum non alium esse posse sensum, nisi vt affirmant, extremi iudicii diem temporibus ac sæculis terminum imposituram; atque adeo asseuerent, quando expletur vaticinium, quod per vtrumque Angeli fortis pedem in terra & in mari situm portenditur, tunc demum affore vniuersalis iudicii diem. Mihi quidem interpretationem huiusmodi refellere non est animus, non mens, non consilium. Sequatur sanè per me quicumque volet: vtinam eo argumenti filo, ac serie, quæ totum contextum aptè & consequenter connectat. Illud mei muneris est, vt ostendam; in eo, quem sequor sensum (videlicet de Iudaici populi reprobatione, & electione Gentilici) conuenientem satis fuisse Scripturæ loquutionem, *Quia hoc tempus non erit amplius.*

Hoc vt probem, aduertatur oportet; licet verum omnino sit, improbis omnibus in huius vitæ decursu spatium superesse temporis, quo per auxilium Dei sufficiens possint à suis flagitijs resipiscere; non tamen minùs esse certum, peccatorem, postquam à Deo fuit propter sua scelera derelictus & obduratus, neutiquam fore amplius conuertendum. Quare ingens difficultas, quæ est in peccatoris obcæcati conuersione, & certa Dei præscientia illum nequaquam conuersum iri; hæc inquam, sufficiunt, vt verissimè dicatur, huiusmodi sceleratis hominibus finitum iam esse tempus, quo Deus ipsorum salutem efficaciter procuraret. Ad hunc ergo infelicissimum statum significandum dicitur verè ac significanter, cum Deus peccatorem aliquem derelinquit, indurat, & obcæcat; huiusmodi peccatori tempus non esse amplius.

Secundò animaduertendum est, ad eum modum, quo obdurato peccatori tempus non esse amplius dicimus; loqui etiam Scripturæ de Iudæorum populo. Vide Lucam 13. 6. *Arborem fici habebat quidam plantatam in vinea sua, & venit querens fructum in ea, & non inuenit. Dixit autem ad cultorem vineæ: Ecce anni tres sunt, ex quo venio, querens fructum in ficulnea hac, & non inuenio. Succide ergo illam: vt quid etiam terram occupat? At ille respondens dicit illi: Domine dimitte illam & hoc anno, vsque dum fodiam circa illam, & mittam stercora. Et si quidem fecerit fructum; sin autem, in futurum succides eam.* In hac allegoria quis non videat, spatium illius anni fico concedi, eoque peracto tempus illi non esse amplius; id est, vt conferantur peculiaria in eam beneficia, & interim non euellatur? Quis etiam nesciat, succidere in ea allegoria idem esse, quod abijcere Iudæorum populum, & in eorum locum Gentiles electos sufficere? Videatur Sapientia 12. 20. *vbi agitur de tempore, quod Deus Aegyptiis concessit; si enim inimicos seruorum tuorum, & debitos morti cū tanta cruciasti attentione & obstinatione, dans tempus & locum, per quem possent mutari à malitia.* Ergo, quando excæcavit iam illos & indurauit, aptissimè dicitur non dedisse eis amplius tempus.

Dicet tamen aliquis; si ageretur de obduratione & excæcatione populi Iudaici, nō diceret Scriptura, *Tempus non erit amplius.* Certissimum namque est, Iudæos sub mundi finem demum conuertendos; *Quia cecitas ex parte contigit in Israel; donec plenitudo Gentium intraret, & sic omnis Israel saluus fieret;* ad Rom. 11. 26. Respondeo, quemadmodū absolute ait Scriptura, succidendā esse ficū, nisi illius anni sibi concessi spatio fructū afferret (id est, fructū poenitentiæ,) ita etiam absolute asseri, *Tempus non esse amplius,* illis videlicet, quos Deus se derelicturū minabatur. Ipsorum verò posteris perspicuū est ianuam in Scriptura non occludi; sed potius in diuinæ prouidentia consilio, conuersionem gentium fore instrumentum, vt postea Israeliticus tandem populus conuertatur. Hæc autem veritas nihil obstat, quin verissimè dictum sit, Israelē in illis primæuæ Ecclesiæ temporibus à Deo fuisse obduratum & obcæcatum; postquam poenitentia tempus illi fuit benignè elargitus. His addo; cum tot sæculis obduratio Iudæorum esset duratura, quanuis sint tandem in mundi fine conuertendi, nihilominus si ad primitiua Ecclesiæ tempus respiciatur, rectè dici potuit; *Tempus non erit amplius.* Quemadmodum Ezech. 30. nu. 13. *Dux de terra Aegypti non erit amplius,* scilicet illis temporibus, de quibus in eo capite sermo est.

Simili etiam phrasi dicitur Daniel. 8. 19. *Quoniam habet tempus finem suum.* Etenim licet hæc verba à nonnullis referantur ad Antichristi tempus, quod erit prope diem Iudicii; in sensu tamen proximo sermo omnino est de tempore Antiochi, vt patet ex contextu; de quæ ipsius interitu, quo imponeret Deus finem persecutioni ab ipso Antiocho contra Israeliticum populum excitandæ.

Confirmatur in super nostra explicatio; quia ex contextu patet, in fine eius temporis, de quo hic est sermo, consummandum esse Dei mysterium. Iurat enim Angelus, *quia tempus non erit amplius, sed consummabitur mysterium Dei.* Atqui consummatio mysterii Dei, vt statim videbimus, referenda omnino est ad repulsam Iudaici populi & Gentilici electionem. Igitur illa verba, *Tempus non erit amplius,* referri debent ad poenitentia spatium, quod Deus Iudaico populo ante ficus succissionem concessit.

Præter hæc, iuramentum hoc angeli fortis responderet iuramento illi angeli Daniel. 12. 7. vbi dicitur ille Angelus iurasse per viuētem in æternum, quia in tempus & tempora, & dimidium temporis complebitur dispersio manus populi sancti, quod est dicere, persecutionis Antiochi spatiū per tres annos cū dimidio duraturum fore; vt dicitur cap. 11. Ex vtriusque ergo iuramenti collatione, cum in Apocalypsi dicitur, *tempus non erit amplius,* elicitur huius phrasis sensum fore, peracto trium annorum & dimidiati intervallo (quo permissurus est Deus, vt Christianus populus à Iudaico affligatur) mox sonaturam esse septimam tubam, & Israeliticum populum excæcatum ac derelictum à Deo permansurum. Cohæret cum hac explicatione, quod cap. 11. 2. (vbi idem etiam prosequitur argumentum) perspicuè dicitur, persecutionem videlicet, de qua agitur, duos & quadraginta menses, (siue quod idem est, mille ducentos sexaginta dies) esse duraturam. Quod ipsum planè est in ipsa illa Danielis lo-

quutione



A quitione significatum, *tempus & tempora & dimidium temporis*. Si ergo mylticum temporis spatium per tres annos & dimidium extenditur; non video, quo pacto possit hic terminus ad vltimum iudicii diem referri. Licet enim tempus, quo duratura est Antichristi persecutio, suspicentur multi tres annos & dimidium fore; tempus autem, quod reliquum erit ad ipsum vsque iudicii diem, hoc annorum trium & dimidij termino minime coërcetur. Quare si opus est, vt verba illa *tempus non erit amplius*, significant intervallum illud, quod concedit Deus, esse trium annorum cum dimidio; qui sequitur sensus, non potest de iudicii die intelligi. Communi namque consensione receptum est, post tres annos & dimidium persecutionis Antichristi, aliquid adhuc temporis remansurum peccatoribus; vt à sceleribus, si velint, resipiscant. Hæc est nec levis difficultas in eorum explicatione, qui verba hæc, *Tempus non erit amplius*, ad postremi iudicii diem referenda censent. At in nostra interpretatione omnia apprimè consentiunt. Nam spatium persecutionis Iudæorum sunt tres illi anni & dimidiatus, de quibus c. 11. mystice tamen sumpti, vt tibi constabit. Nunc autem iurat Angelus fortis, finito illius temporis spatio, tempus non amplius fore; id est, finiendum esse tunc Iudæis tempus, & Gentibus incepturum. Atque hoc est magnum illud Dei mysterium, quod in ipso contextu sequitur.

B SED IN DIEBUS VOCIS SEPTIMI ANGELI, CVM COEPERIT TUBA CANERE, CONSUMMABITVR MYSTERIVM DEI. ] Multi hæc verba ad diem iudicii pertinere contendunt. Ceterum ad declarationem hanc adstruendam, apta applicatio mysteriorum libri signati & sex plagarum, quæ sunt hæcenus descriptæ, aditum præmunissent oporteret, & viam strauissent ijs, quæ consequuntur: ita vt appareret, congruenter in hoc loco & coniectariò ad ea, quæ & antecedunt & subsequuntur, mentionem seu vaticinium de die iudicii interponi. An verò id fuerit hæcenus ab aliquo præstitutum, aliorum iudicium esto. Certè in nostra explicatione, nisi me valde fallo, filum huc vsque fuit continuatum, & ænigmatis applicatio ita producta, vt septimæ tubæ mysterium non aliud esse possit, nisi obduratio Iudæorum, & Gentilium electio. Cùm autem ad finem capitis 11. perueniamus, vbi septimus Angelus tubæ canit, videbimus cum hac eadem significatione appositè congruere, quod Ioannes vidit, quò tempore tuba septima personuit. Interim valida est nostra explanationis confirmatio, phrasis illa, qua fortis Angelus vtitur, *Consummabitur mysterium Dei*. Præsertim cùm mysterij nomen Græcè habeat articulum: quod argumento est sermonem hic esse de noto ac celebri mysterio, cui proinde nomen mysterij Dei, iuxta Christi & Apostolorum phrasim, debeat. Atqui Iudaici populi reprobationi & Gentilici electioni luce clarius est, mirificè nomen mysterij Dei quadrare. Vide ad Rom. 11. 25. *Nolo vos ignorare mysterium hoc, vt non sitis vobis ipsis sapientes: quia cecitas ex parte contigit in Israel, donec plenitudo Gentium intraret. Et ad Ephes. 3. n. 4. In mysterio Christi, quod nunc reuelatum est: Gentes esse coheredes & concorporales & participes promissionis eius in Christo. Et ad Coloss. 1. 25. Mysterium, quod absconditum fuit à seculis, nunc autem manifestatum est sanctis; quibus voluit Deus notas facere diuicias sacramenti huius in Gentibus.*

C Ratio ergo ipsa, & verba Pauli nos docent, nomen, *mysterium*, non esse aptum ad iudicii diem. Nā de die iudicii non obscure loquitur Scriptura; neque ad veritatem huiusmodi enunciandam opus erat ænigmatibus & mysticis significationibus; sed perspicuis potius verbis: nec veritas de die iudicii Iudaico populo erat ignota. At Iudaicum populum fore reprobandum, & Gentilicum illius loco eligendum; id verò figuris pluribus mysticis fuerat præsignificatum; & res erat abdita adhuc & arcana, quam ait Paulus suo tempore fuisse à Deo reuelatam.

D Iam ad diem iudicii designandum non erat ad rem phrasis illa, *In diebus vocis septimi angeli*. Nam conuocatio ad iudicium futura est *in momento, & ictu oculi in nouissima tuba*, 1. ad Cor. 15. 52. Indurationi autem & excacationi Iudaici populi optimè conuenit illa phrasis, *In diebus vocis septimi angeli*. Nam Iudæorum omnium obduratio non vno eodemque die fuit; sed paulatim hi alio die, illi in alio sunt obdurati. Quare magnam habet energiam modus ille loquendi, *In diebus vocis septimi angeli*. Atque quo gradu inua populo Iudaico paulatim occludebatur, eodem reserabatur Gentibus. Nam viros Apostolicos à Iudæis vexatos, afflictos, atque repulso Deo ad Gentium procurandam dimittebat salutem. Quamobrem animi conceptio in hoc loco debet esse eiusmodi, vt septima tuba non semel, sed per dies multos insonuerit; & ex quo percrepare cœpit, cœperit etiam Dei mysterium consummari, id est, reddi manifesta Iudæorum obcæcatio & electio Gentilium; atque aded Iudaici populi diminutionem fuisse diuitias Gentium, vt Paul. loquitur ad Rom. 11. 12.

E SICVT EVANGELIZAVIT PER SERVOS SVOS PROPHETAS. ] Nec clariùs video, vbi Euangelij nomen ad diei iudicii prophetiam accommodetur. Etenim licet iustis sit nuncius lætissimus; in sacra tamen Scripturæ vsu Euangelium videtur esse potissimum bonus nūcius iis, qui in luto & squa-lore iacent, nec eiusmodi nuncium bonum sperant. Huiusmodi autem nuncium Gentilibus Deus per suos Prophetas miserat; sed nondum ad illorum aures peruenerat, atque ita obduratione, & excacatione populi Iudaici factum est, vt mysterium prius à Prophetis testè & obscure indicatum, tandem aliquando consummaretur, & palàm fieret.

An iherosolymitani persecutio- nem, iuxta aliquorum opinionem, tres annos cum dimidio duraturam.

Vers. 7. Virum hæc verba,

In diebus vocis septimi angeli, sint ad extremum iudic. i referenda?

Alia expositio pro parte affirmatiua.

Auctoris sententia exponens: de obduratione Iudæorum & Gentium electione.

Mysterij nomen in sacris ad Iudæorum reprobationem & electionem Gentium referri.

Mysterij nomen non ita aptè diei iudicii quadrare. Cur dixerit, In diebus vocis septimi angeli?



## T E X T V S.

*De libro dulci in ore & amaro in ventre.*

*Verſ. 8.* Et audiui vocem de cælo iterum loquentem mecum & dicentem; vade & accipe librum apertum de manu angeli ſtantis ſuper mare & ſuper terrā,  
 9. Et abij ad Angelum dicens ei, vt daret mihi librum: & dixit mihi; Accipe librum & deuora illum: & faciet amaricari ventrem tuum; ſed in ore tuo erit dulce tanquam mel.

10. Et accepi librum de manu Angeli, & deuorauī illum: & erat in ore meo tanquam mel dulce: & cū deuoraſſem eum, amaricatus eſt venter meus.

## C O M M E N T A R I V S.

*Librum hic in Græco per diminutivum vocabulum ſc. libelli. Cur in libelli huius mentione toties diminutio utatur Ioannes? Gentium vocatiōem in Dei decreto ex Iudæorum reprobatione pependiſſe.*

**L**IBER hic, quem Ioannes ab Angelo ſagitare iubetur, ſemper in Græco per tertium diminutivum effertur *ἐλεῖδριον*, vt ſuprà adnotavimus verſu 2. qui eſt libellus valde exiguus. Et quidē non abſque myſtério peculiari utitur hīc Apocalypſis quater nomine ita diminuto. Cū autem quæ in hoc capite antecedunt, referantur ad Iudæorum reprobationem & electionem Gentilium; contextus ipſe nos impellit, vt inueſtigemus, vtrum in ſacris Literis reperiatur aliquid valde abbreviatum in populi Iudæorum reprobatione & Gentilium electione. Nam ſi quid inueniri poſſit huiusmodi; ad illud profeſſo in hac parui libelli diminutione alludetur. Occurrit igitur mox locus Iſaiæ 10. 22. ad quem fieri alluſionem non ambigo; *Conſummatio abbreviata inundabit iuſtitiam, conſummationem enim & abbreviationem faciet Dominus in medio terra.* Vbi certum eſt ſenſum literalem eſſe eundem, quem Paulus expreſſit illis verbis, *Diminutio eorum, diuitia Gentium.* Nam quod iuſtitia & ſanctitas Euāgelij per totam Gentilitatem inundauerit; id quidem ortum ex eo fuit, quod Iſraeliticus populus abbreviatus fuerit, & ad numerum exiguum reductus; Deo ſcilicet Iudæos ceteros reprobante, & paucos, illos à Iudæis perfidis vexatos accipiente, veluti inſtrumenta ad Gentilici populi conuerſionem. Ita explicat Paulus ad Rom. 9. 27. *Iſaias clamat, Si fuerit numerus filiorum Iſrael, tanquam arena maris; reliqua ſalue ſem. Verbum enim conſummans & abbrevians in æquitate.* Vbi illud nomen verbum, vt patet ex Græco, eſt in accuſatio. Atque ita ſequitur; *quia verbum breuiatum faciet Dominus ſuper terram.* Et paulò infrā; *Gentes, quæ non ſectabantur iuſtitiam, apprehenderunt iuſtitiam ex fide: Iſrael verò ſectando legem iuſtitia, in legem iuſtitia non peruenit.*

Sed obijciat quiſpiam, diſtinctas videri res, quod abbreviatus ſit populus Iudaicus, & quod liber ſit minutus. Reſpondeo; cū dicitur *verbum breuiatum*, videtur eſſe ſermo de albo, ſive numero verorum Iſraelitarum. Quando verò populus ingens ad exiguum coarctatur, immutatur in albu in paruum libellum. Deinde album accipitur pro illis, quorum nomina in eo continentur; quæ eſt conſummatio abbreviata iuſtitiam inundatura iuxta Iſaiæ vaticinium.

*Cur fortis angelus libellum in manu apertum habuerit.*

Itaque cū Ioanni parvus datur liber in manus, illi oſtenditur ingens Iſraelis populus ad exiguum electorum numerum contractus. Porro, parvus hic liber in fortis angeli manu apertus eſt; quia in ipſomet Dei, ſive Chriſti (qui eſt brachium Patris) opere expletum fuerat Iſaiæ vaticinium; & apertum etiam atque expoſitum tum Ioanni, tum ipſius ſimilibus. Quapropter in eādē figura, qua Chriſtus ſiniſtrum in terra pedem, dextrum in mari habebat, vidit Ioannes in Chriſti manu apertum paruum illum libellum, quem Iſaias prædixerat. Cæleſtis autem vox eſt Spiritus ſancti Ioannem excitantis, vt à Chriſto librum ſibi porrigi exoret; id eſt, vt tibi arcanum illud omnino patefaciat.

*Alluſio in hoc angeli libello ad librum Ezechieli traditum, ut eum deuoraret.*

In hoc præterea libello manifeſte reſpectus habetur ad librum illum apertum, qui Ezechieli deuorandus fuit traditus c. 2. 10. & c. 3. 1. Verū Ezechielis liber erat utrāque facie conſcriptus, vt explicuimus c. 5. nec parvus videtur fuiſſe; quia Prophetæ viſcera impleta ſunt volumine illo. Liber autē, de quo in præſenti agitur, tantūmodò erat, quoddam nomen album. In quod, qui relati erāt, vt paucos eſſe notaretur; ideo conſentaneum fuit, vt minimi libelli figuram præ ſe ferret. Neque obſtat, quod alioqui dicantur eſſe centum quadraginta quatuor millia. Hi enim omnes exiguum conficiebant numerum comparatione totius populi Iſraelitici. Præſertim, quia initio ſumma eorū ad numerum multò minorem fuit contracta: & deinceps paulatim crevit myſticus numerus ad centum quadraginta quatuor millia.

Præterea ex illo Ezechielis libro deſumptum fuit ad Apocalypſeos librum c. 5. quod attinet ad utriuſque paginæ aduerſæ & auerſæ ſcriptionem. Ad hunc autem librum capit. 10. mutuatum fuit, quod agit de libri ipſius apertione, & quemadmodum in ore fuerit dulcis vt mel, & amarus in vêtre. Quod autem Prophetæ apertus liber ſit traditus; indicat communicatam illi à Deo libri ipſius intelligentiam. Iam liber Ezechieli oblatus ſignificat procul dubio vaticinium, quod ipſe literis mandauit. At libellus hic, qui Ioanni datus fuiſſe apertus dicitur, non ſignificat totam Apocalypſin (hic enim non eſſet parvus libellus) ſed exiguum, vt dixi, album continens numerum Iſraelitici populi,



hoc est, mysterium infiniti quondam populi Israelitici ad numerum exiguum, ceteris repulsi, coarctati.

Sed quid erit tam apud Ezechielem, quam apud Ioannem apertus liber in ore dulcis, amarus in ventre? Namque Ezechieli etiam suus liber dulcis extitit in ore: *factum est in ore meo sicut mel dulce*. Postea verò quam ipsum edit, non dubium est, quin in ventre amaritudinem senserit: subdit enim versu 14. *Et abii amarus in indignatione mea*. Pro huius rei explicatione notandum est, inuitari tam Ezechielem, quam Ioannem, ut singuli suum deuorent librum; perinde esse ac si ipsa mysterij cognitione inuitarentur. Os enim percipit gustum eorum, quæ eduntur; & intellectus videtur esse quasi animæ os: atqui perspicua notitia & cognitio eius, quod anima meditatur, respondet officio dentium in secando, diuidendo, & comminuendo cibo. Porro participem fieri celestis mysterij, res est, qua Deus maximum suis seruis tribuit beneficium, cuiusmodi fuit illud, quo Abrahamum affecit, cum illi supplicium de Sodoma & Gomorra sumendum renunciauit. Animam verò tanto munere cumulari à Deo, ut ipsius arcanorum conscia & particeps fiat; animæ certè ipsi res est melle dulcior. Præterquam quod vtrumque mysterium, tam quod Deus Ezechieli vulgavit, quam quod Ioanni, continebat mirum Dei consilium, quod Deus ad suæ Ecclesiæ felicitatem exequidecreuerat: & tum propter maximum illud Dei beneficium sua eis arcana consilia detegentis, tum etiam propter præuisam Ecclesiæ felicitatem à se ipsis valde exoptatam, primus ille gustus in re adeò dulci perceptus summæ illis voluptati fuit. Atque hæc est dulcedo mellis in ore.

Transeamus ad viscerum amaritudinem. Hanc enim mellis dulcedinem indicat textus fuisse cōuersam in magnam amaritudinem. Sicut plerumque accidit, ut mel comestum intus in bilem flauam, eamque acerbissimam conuertatur. Aduerte igitur, quemadmodum os delectationem innuit cognitionis, quod intellectus sit quasi animæ os; similiter etiam per viscera significari solere affectus posteriores, qui cognitionē consequuntur. Et in sacris præsertim receptum est, ut viscera affectū cōmiserationis significant. Vide Luc. 1. 78. & ad Philipp. 2. 1. ad Coloss. 3. 12. & 1. Ioan. 3. 17. Imo verò ait Eustachius, *σπλάγχνα*, à splene deriuari: & tristitiā quidē sæpè splenis dolor comitatur. Hoc ita cōstituto, facile intelligitur ad mellis dulcedinem in Ezechiele & Ioanne consequutā fuisse maximā viscerum amaritudinem. Tametsi enim permagni vterque duxerunt illud Dei promeritum, quo illos suorum arcanorum effecit participes: veruntamen cum illius beneficii mysterium includeret seuerissimam poenam, quam Deus populo Israelitico infligebat; hinc est mellis dulcedinem in viscerum amaritudinem desisse. Etenim ex diuini consilij cognitione redundauit ingens commiseratio ærumnarum & calamitatum, quæ Iudaicum populum manebant. Atque eo maior fuit misericordia, & de Iudæorum malis dolor, quod vehementior erat horum vatum sanctissimorum, & Ioannis præsertim charitas. Si enim Prophetæ humano ducerentur affectu; cum viderent supplicia sibi à Deo reuelata in rebellium Iudæorum (à quibus diuexabantur) caput recasura; non solum non miseratione tangerentur, sed in delitijs etiam computarent supplicium illud à Deo de ipsius oppugnantibus sumendum. Enim verò Spiritus sanctus non eiusmodi affectiones ingerit sanctis; sed dolorem potius & commiserationem pro grauissimis supplicijs, quæ vident in suos fore persequutores immittenda. Quamobrem postquam Ezechiel dixerat, *Et abii amarus in indignatione mea*: mox subiungit, *manus enim Domini erat mecum confortans me*. Quo suæ amaritudinis rationem innuit esse spirituales mentis vigorem, quem ei suppeditabat Deus. Eandemque ob rem in Pauli Epistolis extat atque eminet ingens illa commiseratio & amaritudo, qua afficiebatur, propter seueritatem, quam Deus Iudaico populo exhibebat. Nec minor erat, credo, Ioannis amaror, cuius minor non erat charitas.

Meus hic de libello Ioanni deuorato sensus magnopere confirmatur ex totius huius capitis contextu: in quo agitur de Dei mysterio, quod Israeliticum populum imminuerit ad Gentium felicitatem. Confirmatur insuper Isaia loco capitis 10. in quo loquitur de abbreviato libro eundem prorsus finem spectans. Ex quo liquet caput hoc 10. Apocalypseos respondere decimo illi capiti Isaia. Sed ex consequenti etiam contextu similiter nostra expositio roboratur. Nam protinus subsequens caput 11. exorditur à virga Ioanni tradita. Pari etiam ratione Isaia statim post mentionem summationis abbreviatæ subiungit virgæ mentionem: ait enim, *Propter hæc dicit Dominus; Noli timere, populus meus habitator Sion, ab Assur: in virga percutiet te, & baculum suum leuabit super te*. Huius autem virgæ, de qua Isaia agit, sensus non est alius, quam virgæ c. 11. Apocalypseos, ut suo loco videbimus.

DE VORA ILLVM. In verbo, *deuorare*, plus alii mysterij inueniunt, quam ego. Mihi enim idem est deuorare, quod comedere, & glutire. Nam hoc propriè significat verbum Græcum *καταφαγῆν*.

Cur tam Ezechieli, quam Ioanni libellus ad deuorandum oblatus, in ore fuerit dulcis?

Cur insuper vtrique liber in vetro fuerit reditus amarus? Per viscera affectum commiserationis in Scriptura significari.

Nostra de libello Ioanni deuorato expositio ex totius capituli serie & connexionem fit plana.

Vers. 9.



## T E X T V S.

*Vers. II.* Et dixit mihi, Oportet te iterum prophetare gentibus, & populis, & linguis, & regibus multis.

## C O M M E N T A R I V S.

Oportere  
Ioannem  
iterum pro-  
phetare,  
quomodo sit  
accipiendū.

1. Opinio  
explicantiū  
de Ioannis  
ab exilio  
reuocati  
predicatio-  
ne.

2. Exponens  
de Ioanne  
sub mundi  
finem ad  
predicandū  
venturo.

Viraq; ex-  
positio pre-  
cedens im-  
probatur.

Vera au-  
toris inter-  
pretatio de  
secunda  
Apocalypseos  
parte a c.

12. ad Gen-  
tium electi-  
onē spectāte.

Particula  
iterū quo-  
nam hic sit  
referenda?

Argumento  
cōtra nostrā  
explicationē  
facto oc-  
curritur.

**A**LII existimant, hoc perinde esse, ac si Ioanni prænunciaretur, ipsum in Asiam rediturum, & in ea varijs Gentibus prædicaturum. Ceterum si prophetare sumitur hic pro prædicare; in eo, quod Ioannes ab exilio reuocatus apud Asiam prædicauit, non satis fundamenti video, ut dicatur prædicasse *gentibus & populis & linguis & regibus multis*.

Alij sibi persuadent, colligi ex hoc loco, Ioannem adhuc esse superstitem, & vnā cum Enocho & Elia sub Antichristi tempora ad prædicandum esse venturum. Quæstio hæc valde est agitata. Et pro utrāque parte multos adducit noster Suarez tom. 2. in 3. partem disputatione 55. sect. 3. & Pererius in Daniel. lib. 15. init. Vide etiam Sixtum Senensem lib. 6. not. 346. Ioannem esse venturum tenet Ambrosius Catharinus; & latissimè id probare contendit Salmeron tom. 11. tractat. 32. Fauent Andreas & Aretas cum nonnullis, quos generatim citant. Salmeronis sententia est Ioannem mortali in corpore hætenus viuere: eius tamen animam Dei visione beari. Nihilominus Ioannem esse mortuū expressè docent Hieronymus, Augustinus & Eusebius ex Polycrate Ioannis discipulo. Et Suarez pro Ioannis morte asserenda affert Nicephorum, Tertullianum, Chrysostomum, Ambrosium, Isidorum, Bedam, Dorotheum, Epiphanium & Concilium Ephesinum.

Mihi certum est, in hoc saltem capite Apocalypseos, neutiquam agi de aduentu Ioannis sub Antichristi tempora Gentibus ac regibus prædicaturi. Si enim contextus capitis 10. refertur omnino ad Iudaici populi diminutionem & Gentilici incrementum, ut suprà probauimus; quorsum hic sermo de Ioanne ad mundi finem venturo?

Illum igitur sensum legitimum huius loci esse existimo, scilicet Apocalypsin hætenus fuisse de Iudaico populo prophetiam; eam tamen citò finiri iam in eiusdē populi obduratione & reprobatione (quod est in fine capitis 11.) & deinde sequi prophetiam de populo Gentilico; atque aded de multis populis, gentibus, linguis & regibus. Ad huius declarationis intelligentiam imprimis statuo, Apocalypseos reuelationem ideo Ioanni fuisse factam, ut eam litteris mandaret. Cum ergo, quæ sibi fuerant hætenus reuelata, spectarent omnia ad Iudaicum populum; cumque ad finem iam & calcem huius tractationis (id est, ad reprobationem populi Iudaici) perueniretur; videbatur ad totius item prophetiæ terminum perueniri. Veruntamen cum Iudaici populi finis ac reprobatio, iuxta diuinæ prouidentiae consilium, foret initium summæ felicitatis populo Gentilico oritura; ut significaretur superesse adhuc reuelationem de Gentilici populi prophetia; idcirco dicitur Ioanni, *Oportet te iterum prophetare, scilicet, gentibus & populis & linguis & regibus multis*. Itaque particula *iterum* non hic designat Ioannem antea in Asia & in vrbe Romana prædicasse. Etenim, licet hoc etiam usurpare possemus (& eò fortassis hic fit allusio) verum illud magis præcipuum est, reuelationem nimirum Apocalypseos hætenus de Iudaici populi prophetia agere, & deinceps à cap. 12. de populo Gentilico & eius electione acturam.

Sed opponet nobis aliquis, latinam phrasim *prophetare gentibus & regibus* non videri esse idē, quod de illis scribere, sed ipsis coram prædicare. Respondeo phrasim Græcam sonare, *Oportet te iterum prophetare super populos & gentes & reges*. atqui *super* denotat argumentum ipsum, de quo prophetatur, siue scribitur. ut Ezechielis 32. 2. *Fili hominis assume lamentum super Pharaonem regem Aegypti*. Nec alium habet sensum latina constructio per datiuum; quod enim de aliquo prophetatur, ipsi etiam dici videtur. Vide in epist. Iudæ n. 14. vbi nostra lectio habet, *Prophetauit autem de his*; & Græcè in datiuo absque vlla præpositione legitur, *προφητεύει τοῖς τοῖς*. Hæc itaque constructio sensum minimè immutat.

Confirmatur denique nostra explicatio ex eo quod Apocalypseos Prophetia à ca. 12. manifestè spectat ad populos multos, ad gentes, ad linguas & reges; ut in eius expositione deinceps constabit.

## C A P I T I S X I.

## P R O L O G V S.

**I**N decimi capitis præmio explicatum iam manet vndecimi huius capitis argumentum; quod duas præcipuas continet partes. Prima depingit, quemadmodum Iudaici populi persecutione maximos Christiana Ecclesia fecerit in Dei gratia & vera pietate progressus, & gloriosum reportauerit triumphum. In secū-

**E**da parte describitur septima plaga. Nā quidquid in c. 10. & 11. antecedit, ad plagā attinere sextā, iam diximus. Nunc noto, primam c. 11. partem, quæ plagæ septimæ descriptionem præcedit, ad duo symbola reduci; quorum primum est calamus menforius, alterum, duo Christi testes, qui post prædicationem & passionem surrexerunt gloriosi.



## T E X T V S.

*Verf. i.* Et datus est mihi calamus similis virgæ; & dictum est mihi, Surge, & metire templum Dei & altare, & adorantes in eo.

## C O M M E N T A R I V S.

**D**ATVS EST MIHI CALAMVS. ] Manifestum est de calamo mensorio esse sermonem: atque ita pro calamo posuit Vulgatus mensuram arundineam cap. 21. 15. vbi tamen in Græco eadem est dictio. Mensura autem appellatur calamus; quo innuitur dimensionum diuisiones in ea esse signatas; quemadmodum cannæ internodiis discriminantur. Fit porro in hoc calamo allusio ad illum Ezechielis 40. n. 3. & 5. quo templum & altare holocausti dimensa sunt. Quare calamus hic eiusdem cum illo longitudinis esse debet, id est; quæ hominis staturam magnam adæquet, nempe Adami vel Noëi, vt in opusculo de mensuris sacris planum fiet. Vbi explicabimus, calamum in sex æquales diuidi partes, quæ cubiti vocantur. Verum tamen erat calamus maior, id est, mensuræ antiquæ; & calamus minor, id est, posterioris mensuræ; & vterque in sex æquales partes diuidebatur, quas Scriptura appellat cubitos. Et quanuis cubiti dicantur, in eo tamen opusculo probabimus, per cubitinomen in Scriptura non significari quartam humanæ staturæ partem, sed sextam: ac proinde calamum sex cubitorum esse staturæ humanæ mensuram.

**C**eterum humanam staturam alii maiorem considerant, alii minorem. Sic enim Græca statura Romanam excedebat magnitudine, Hispanam Romana. Quin & Hebræi duplici humanæ staturæ mensurâ vti sunt: ex quibus quæ mensura prima siue antiqua vocatur, quarta parte & non nihil amplius excedit alteram; ita vt dupla sit in potentia solida. Quod perinde est, quasi dicatur sphaera cubiti antiqui esse dupla ad sphaeram vulgaris cubiti. Præterea minorem staturam Hebraicam contendo ipse in eo opusculo Hispanicæ staturæ esse æqualem, quæ binas continet mensuras ex ijs, quas Hispani vocant *varas de medir*, & in sex pedes diuiditur. Scio hoc nonnullis nouum, & paradoxum visum iri: si tamen non firmo probâri fundamento, irritum esto. Interim statuamus id, quod probandum suo loco est, ex quo elicio, Ioanni datam fuisse mensuram humanæ staturæ antiquæ, quæ est Adami vel Noëi in sex æquales partes diuisam: quæ partes iuxta sacræ Scripturæ vsum appellari solent cubiti; licet iuxta Græcorum & Latinorum consuetudinem dicantur pedes. Hebraica autem statura antiqua (id est Adami) adæquat septem pedes Romanos; qui ex Hispanica mensura plusquam septē pedes cum dimidio faciunt.

**D** **SIMILIS VIRGÆ.** ] Huius arundinis quantitatem, diuisionem & in metiendo vsum explicuit tū nomen calamus, tum allusio ad calamum Ezechielis. Nunc figuram indicat comparatio virgæ: perinde ac si dicatur calamus quidem esse mensorius, similitudo tamen esse quasi virgæ, qua alium percutimus. Hunc existimo esse sensum grammaticum. Primò, nam eadem phrasis, *calamus similis virgæ*, postulat, vt aliquid ibi insit mysterii; & calami mensorii officium sit alterius rei specie dissimulatū. Deinde, quia in sacris Literis frequens est, virgæ appellationem referri ad supplicium; vt Psalm. 88. 33. *Visitabo in virga iniquitates eorum.* Item Prou. 10. 13. & c. 13. 24. & c. 14. 3. & c. 22. 8. & 15. & c. 23. 13. & 14. & c. 26. 3. & c. 29. 15. & Ecclesiastici 33. 25. & Thren. 3. 1. *Virga indignationis eius.* & Mich. 5. 1. Et quanuis sæpè etiam accipiat pro baculo vel scepro: sed in iis quoque plerumque significatio refertur ad puniendi seu percutiendi officium; vt statim videbimus.

**E** Tertiò considerandum est, hanc capitis vndecimi virgam coniungi cum libello capitis decimi: atqui in eo libello alluditur ad verbum abbreviatum, de quo Isai. 10. 23. vbi post illam abbreviationem, statim sequitur virga supplicii, nempe n. 24. *Noli timere populus meus habitator Sion, ab Assur; in virga percutiet te, & baculum suum leuabit super te in via Aegypti;* id est, affliget te mysticus Assur; sicut olim Aegyptus afflixit Israel. Sed noli timere, quia sicut Israeli quondam conuersa est in gloriam afflictio, quam passus est ab Aegypto; sic tibi multò erit gloriosior persecutio, quam à mystico Assur perferes. Nec dubium est, quin Isaias Ecclesiam alloquatur primitiuam: ille namque est populus, qui per excellentiam vocatur *populus Dei habitator Sion*. Ex hoc ergo Isaiæ loco mihi animum induco, illā virgæ similitudinem, quæ post abbreviatum libellum mensorio adscribitur calamo, intelligendam fore de specie virgæ ad percutiendum aptæ. Etenim allusio libelli ad abbreviationem perspicua est; dein contextus ipse ostendit allusionem prouchi adhuc in virga. Id quod, explicato virgæ huius mysterio, amplius confirmabitur.

**D**ATVS EST MIHI CALAMVS. ] Ex Græco videtur fortis Angelus non tradidisse Ioanni virgam: sic enim ad verbum transfertur ex Græco. *Datus est mihi calamus, & Angelus adstitit dicens; Surge & metire.* Qui loquendi modus innuit, calamum non fuisse Ioanni datū ab eo, qui adstabat. Ceterū hæc lectio Græca non est certa: & memini me aliquando videre Græcum codicem, in quo locus hic lectioni latinæ respondet omnino. Quapropter crediderim, quod in Græcis aliis codicibus legitur, *Angelus adstitit*, glossēma fuisse alicuius non satis contextum percipientis. Nam qui Ioanni dixit,

*Calamum hunc esse mensorium? cur calamus vocetur? Allusio in hoc calamo ad calami Ezechielis. Duplex calami mensorii acceptio in sacris.*

*Humana statura mensuram ab aliis maiorem, ab aliis minorem considerari.*

*Quare hic calamus mensorius dicatur similis virgæ?*

*Cur hæc virga cum capitis 10. libello coniungatur?*

*Mensorium calamum Ioanni ab angelo fortis fuisse datū.*



*Surge & metire*, sine dubio est fortis Angelus capitis decimi: subdit enim; *Et dabo duobus testibus meis*. Ex quo infero, Christum esse, qui hîc loquitur. Et de forti quidem Angelo non congruenter diceretur, & Angelus adstiterat: nam præcesserat iam, Ioannem ad ipsum accessisse propius, & ab eo librum postulasse. Præter hæc; vulgatæ lectioni conuenientius est, vt qui Ioanni calamus dedit, quique illi dixit, *Surge & metire templum Dei*, idem sit; & hoc modo præcipuus sensus magis constat, vt infra patebit.

**SVRGE ET METIRE TEMPLVM DEI ET ALTARE.** J. Diximus iam hîc planè alludi ad calamũ, quo templum dimensum fuit, Ezech. 40. & 41. & 42. & postea altare, cap. 43. Quamobrem omnes illæ templi atque altaris dimensiones, quas Ezechiel ex professo describit, in Apocalypsi cõcentur in præcepto illo siue iussu metiendi templum & altare. Et nec calamus hic Ioanni traditus, nec ille Ezechielis fuerunt aurei. Postea tamen cap. 21. 15. est aureus calamus ille, quo Dei ciuitas dimitur. Et certè huiusmodi discrimen mysterio non vacat: sicut nec illud, quod scilicet Ioannes metiatur templum, ciuitatem verò non ipse, sed Angelus. Ezechielis autem 40. 3. qui mensus est templum, appellatur *Vir, cuius erat species, quasi species aris; & calamus mensura in manu eius*. Quod si mysterium calami menforii deprehendere possimus, in eo congruentiam harum differentiarum reperiemus.

Aliquis forsitan existimabit, menforium calamus, quo Dei templum metitur, esse charitatem: illa quippe est vera meritorum mensura. cui expositioni fauere videtur locus ille Pauli ad Ephes. 3. 18. *In charitate radicati & fundati; vt possitis comprehendere cum omnibus sanctis, quæ sit latitudo, longitudo, sublimitas, & profundum*. Atque hic videtur esse huius dimensionis scopus, nimirum aptè comprehendere latitudinem, longitudinem, &c. Sed hæc interpretatio non placet, in ea enim non redditur idonea superiorum differentiarum ratio. Præsertim, quia verba illa *similis virgæ*, & allusio ad locum Isaïæ 10. 24. (vbi sermo est de virga, qua percutiendus erat populus Sionis habitator) aliam exigunt intelligentiam.

Existimo ergo mensuram illam capitis vndecimi esse mensuram afflictionum, quas pro Christo serui ipsius perpetiuntur: mensuram verò capitis 21. esse mensuram gloriæ, qua Beati fruuntur in patria. Atque imprimis, cum agatur hîc de tempore, quo primitiua Ecclesia à Iudaico populo acriter oppugnabatur, (vt ex cap. 9. & 10. intelligentia constat) vt indicetur quod Isaïas ait cap. 10. 24. videlicet in ijs persecutionibus nihil esse fidelibus, quod timeant; sed potius quod magnopere oblectentur certissima spe futuri successus, qui non futurus erat ab similibus proprio Pharaonis fini antiquum Israellem persequenti: ad hoc (inquam) quid congruentius, quàm Ioanni tradi mensuram laborum; ei que præcipi, vt Dei templum metiatur; atque consideret, ad spiritalem illam celsitatem atque fastigium, quod fuerat ædificium extollendum, persecutionem illam fuisse maximè cõducentem? Hæc congruentia in eo nititur, quod virtus non spectata atque probata, puerilis debet reputari; nec ad virtutis perfectionem conscenditur, nisi per ingentium laborum tolerantiam. Ideo enim Paulus ait ad Roman. 5. 3. *Gloriamur in tribulationibus, scientes quod tribulatio patientiam operatur, patientia autem probationem, probatio verò spem*. Quam argumentationem fusè promouet Paulus ipse in capit. 8. illius epistolæ. Legatur numerus 17. *Cohæredes Christi: si tamen compatimur, vt & conglorificemur*. & 2. ad Cor. 1. 7. *Sicut socii passionum estis, sic eritis & consolationis*. & 2. ad Timot. 2. 12. *Si sustinebimus, & conregnabimus*. Et similiter fuerat loquutus Dauid Psalm. 93. 19. *Secundum multitudinem dolorum meorum in corde meo consolationes tue lætificauerunt animam meam*.

Secundò ad spiritualis magnitudinis significationem (quod per patientiã perueniatur) consentaneũ valde fuit, mensuram esse magnæ illius staturæ, de qua diximus suprà. quo significatur, veluti pueros ac pygmæos esse, qui aliã ducuntur viã. Porro Adami statura denotat mensuram Christi, qui est secundus Adamus. Quod verò statura illa sit dupla in potentia solida respectu vulgaris mensuræ; id indicat, hanc esse staturam primogeniti? Sic enim appellatur Christus. Quod in eo fundatur, quia primogenitum attingebat hæreditas duplo maior, quàm quemlibet ex reliquis fratribus. Et Christus Redemptor noster est primogenitus in multis fratribus, ac multiplici hæreditatis incremento auctus. Cuius labores pro virium ac sanctitatis mensura multò etiam maiores fuerunt & grauiores; & ipsius quidem gloria primogeniti fuit. Præterea Christi mensura est mensura laborum, vt Adami gloriæ verò mensura, vt filij Dei.

Tertiò, eidem significationi congruenter deseruit, quod Ezechiel ait capit. 40. 3. de persona illa templum dimensura: videlicet, *Vir, cuius species, quasi species aris*. Quo in loco certam reputo Hieronymi & Gregorij sententiam asserentium, per virum illum designari Christum Dominum: non solum quia ad Christum, vt ad summum architectum, spectat designare dimensiones noui templi Dei; sed etiam quia mensura ad nouam noui huius templi, ipsiusq; partium structuram ac magnitudinem desumpta fuit ex Christi passione, & ex doloribus multis atque calamitatibus, quas pro sua Ecclesia constantissimè pertulit. Ideoque in ea visione species illius viri fuit, quasi species aris. Nam ex passionis suæ magnitudine agnouit Christus ingentem Christianæ Ecclesiæ fabricam & structuram; & admirabilis Christi in suis laboribus atque passione tolerantia eleganter satis significatur in ærea specie habentis calamus menforium. Nam, vt mox videbimus, habere in manu calamus virgæ similem, symbolicè denotat maximæ persecutionis tolerantiam. Et qui se tanto calamitatum oneri humeros habere impares iudicabat, aiebat; *Nec fortitudo lapidum fortitudo mea, nec caro mea ænea est*, Iob 6. 12. Ex quo intelligitur speciem æream siue æneam idoneum esse symbolum summe ad persecutionem sustinendam fortitudinis.

Quartò, cum mensura, de qua hic sermo est, sit mensura afflictionum, quas Ecclesia fuerat passura; facile cognoscitur primam horum laborum mensuram esse Christi passionem; Nam quos præsciuit Deus, & prædestinavit conformes fieri imagini Filij sui, ad Roman. 8. 29. Quapropter appositè est visus Christus ab Ezechiele mensuram manu tenens, id est, re ipsa mensuram afflictionum Ecclesiæ sustinens. Quod autem mensura hæc postea Ioanni in manus detur; indicat, Christi passionem experimento ipso sentiendam Ioanni exhiberi per passionis ipsius imitationem. Hoc enim est ha-

Quid per menforium calami Ioanni traditum significatur.

Auctoris expositio de calami siue mensuræ arundineæ significatio.

Per patientiam ac tolerantiam ad præmium & coronam perueniri.

Hæc calami mensura cur magnæ staturæ equalis coniciatur?

Cur, qui templum apud Ezechielem metitur, habeat speciem, quasi speciem aris?

Primam laborum mensuram esse Christi passionem.



here in manu mensuram, re ipsa eandem passionem sustinere; eandem, inquam, per imitationem. Iam, quod templum Ioannes mensurâ illâ dimetiatur; est per mensuram, quam manibus tenet, æstimare ac ponderare copiosissimos fructus, quos percipit animus ex multorum laborum pro Christo tolerantia; quæ permagni refert ad spiritalem Ecclesiasticâ structurâ magnitudinem: cum ad hoc magnopere conferant ingentes labores & persecutiones. Et sanè mensuræ symbolum huic significationi est valde accommodatum. Etenim mensorium calamus mihi in manus tradi; perinde est, quasi pars quidâ proportionalis mihi detur illius, quod dimetiendum est: vt cum eam ad rem mensuratam applicem, ex perfecta mensuræ cognitione magnitudinem totius ædificij comprehendam. Quis ergo non videat, passionis Christi imitationem, qua parte Ioannem Iudaica persecutio contigit, eidem Ioanni detexisse, quantopere expediret Ecclesiam primogenitam laboribus, ærumnisque premi; vt in ea compleretur hoc pacto, & ad fastigium perduceretur celsissimæ fabricæ à Deo erigendæ magnitudo?

Quintò, hæc practica cognitio, quæ per mensuram in manu habitam, & ad ædificium applicatâ denotatur; angelis inesse non potest in afflictionum atque ærumnarum tolerantia, cum eos nulla aduersa atque infesta contingant; & propterea mensorius calamus virgæ similis, quo templum metiendum erat, non deditus fuit angelo cælestis hierarchiæ, sed Christi discipulo in terra adhuc commoranti. e contrario verò aurea mensura (quæ mensura est gloriæ; per eamque ciuitatis Dei magnitudo dimensa fuit, c. 21.) non tunc fuit Ioanni in manus tradita, sed Angelo ex cælesti hierarchia; vel si ex Ecclesiastica, vt ibi videbimus; illi saltem Angelo, qui raptus fuerat in tertium cælum; imo verò ei, qui iam fruebatur Dei visione. Soli enim beati, qui Dei fruuntur conspectu, digne possunt æstimare atque perpendere immensam illam gloriæ magnitudinem, quam Christiana Ecclesia in cælo possidebit; id quod ipsi deprehendunt experimento illius gloriæ partis, qua potiuntur. Hoc autè, quod ipsi experiuntur, significatur apte ab illis haberi in manibus; eosque per gloriam illam, qua fruuntur, metiri atque cognoscere, quanta erit felicitas tantæ, tamque innumerabilis Christianorum multitudinis; quæ in cælestem regionem congregabitur, & meritorum varietate, & proportionis pulchritudine insignis atque conspicua.

Ex dictis manet explicatum, cur calamus capitis 11. non sit aureus, sed solum virgæ similitudinem referat; calamus verò capitis 21. aureus omnino sit? Hac enim distinctione eleganter adumbratur, alterum ex iis calamis esse mensuram afflictionum & calamitatum, quas sancti viri pro Christo patienter tolerant: alterum verò esse mensuram gloriæ, qua Beati in cælesti patria perfruuntur.

Opponet tamen aliquis, mensuram spiritualis magnitudinis non tam ad laborum, quam ad charitatis, qua perferuntur, magnitudinem esse reducendam. Fieri enim potest, vt labores alicuius minores sint, quam alterius; cum tamen maius meritum ex ardentiori charitate proficiscens illi respondet. Ad hoc tamen dico, licet doctrina huiusmodi sit certa, hic tamen non esse ad rem de hac doctrina agi. Nec enim sermo erat hic, nisi de maximo & copiosissimo fructu, quem persequutionum magnitudo, quas Iudæi in Ecclesiam excitârunt, ipsi Ecclesiæ pepererat. Et generatim loquendo dubium non est, quin laborum mensura in viris iustis dirigat eos ac prouehat ad ingentem ipsorum vtilitatem. Et verò, vt David ait Psalm. 93. 19. *Secundum multitudinem dolorum meorum in corde meo, consolationes tuæ lætificauerunt animam meam*; eodem, inquam, sensu potest id ipsum Ecclesia de suis aduersitatibus, deque affluenti earum fructu atque progressu affirmare. Atque ad hunc sensum referendum est virgæ illius symbolum, quâ magnitudo atque proportio noui templi à Christo extructi dimetitur.

METIRE TEMPLVM DEI ET ALTARE. ] Cõsiderandum est, iuxta hæc visionem, templum quodâ & altare holocausti similia prorsus templo atque altari, quæ describuntur ab Ezechiele à c. 40. vsq; ad 43. Nam in calamo atque mensura reperitur manifesta allusio, vt supra notauimus. Licet autem Villalpandus contendat, nec templo Salomonis, nec altari holocausti à Salomone extructis, vel minimùm deesse ex iis, quæ latè describit Ezechiel. Hanc tamen opinionem mihi non probat Villalpandus. Et quidem meo iudicio facilius & congruentius creditur, nec Salomonis templum, nec Zorobabelis, nec Herodis ad eam vnquam magnitudinem ac perfectionem peruenisse, quam Ezechiel depingit. id quod ita fieri maxime oportuit; vt animaduertetur, magnitudinem illam & splendorem templi, quæ Ezechieli per visum ostensa sunt, non quidem corporeum esse, sed spiritualem: rem templi, quæ Ezechieli per visum ostensa sunt, non quidem corporeum esse, sed spiritualem: ad cuius perfectam representationem nusquam aut Salomonis, aut hominis alterius fabrica perueniret. Et forte etiam altare holocausti Prophetæ fuit visum excelsius, quam fuit alterum à Salomone fabricatum. In eo ergo, quod nobis conatur persuadere Villalpandus, omnes, inquam, illas dimensiones altari antiquo inesse (præterquam quod Scriptura id non exprimit in libris Reg. vel Paralip.) nequidquam ac sine vllò fundamento desudat Villalpandus. Nec enim probari potest, vniuersas eas dimensiones in veteri altari fuisse. Manifestum verò est, significanter satis Deum Prophetæ ostendere potuisse altare aliud ac templum Salomonicis perfectiora: de quo nonnihil supra attigimus c. 3. not. 2.

At enim (dixerit quispiam) in not. illa 2. dictum est, Ezechielis templum esse peculiare symbolum cuiusdam partis ex catholica Ecclesia, nimirum Religionum: hic autem sensus in præsentī minime quadrat; nam templum, quod Ioannes metiri iubetur, sine dubio est tota Ecclesia primitiua. Illa enim patiebatur Iudaicam illam persecutionem, de qua agitur c. 9. & 10. & 11. Respondeo, regulam ordinum institutionem esse perfectam imitationem primitiue Ecclesiæ. Ex quo intelligitur, qua ratione templum illud Ezechieli visum ab vrbe seiunctum, est religiosæ vitæ symbolum; eadē ratione templum illud fuisse optimam totius primæ Ecclesiæ figuram. Nam temporalium rerū contemtionem profiteri; ab inanibus sæculi rebus esse penitus abstractos, & perfectissimo Dei obsequio addictos; in paupertate voluntaria & rerum abdicatione vitam traducere; Christi sectari consilia, & immaculatos se custodire ab hoc sæculo; hæc, inquam, omnia omnino sapiunt genera-

Cur hic templum & altare non angelus, sed Ioannes dimetiatur: at postea c. 21. angelus metiatur?

Cur calamus Ioannis datus, non sit aureus, sed virgæ similis? Difficultas adu. sus dicta.

Difficultas enodatio.

Templum & altare qua ratione sint consideranda.

Templum Ezechielis visum multo laxius & magnificentius Salomonicum esse.

Templum, quod Ioannes mensurare iubetur, quid significet.



lem primigeniæ Ecclesiæ professionem. Quauis enim multi tunc fuerint Christiani per matrimonium coniugati: illi tamen ipsi, qui habebant vxores, tãquam non habentes erant; tum propter carnalium voluptatum despicientiam, tum propter carnis ipsius macerationem, & præparationem animi ad martyrium, cum opus esset, pro Christo fortiter subeundum.

Altare holocausti, quod Ezechiel vidit, quid significet.

Cur Ioannes altare metiri iubetur?

Qua ratione altare Ezechielis possit de Eucharistia exponi.

Altare autem holocausti, quod Ezechiel depingit (est autem ipsummet, quod Ioannes dimetiri iubetur) meâ sententiâ symbolum est deuotionis maximæ, qua primi illi fideles sese in martyrium sponte offerebant. Quod nihil impedit, quominus referatur etiam ad deuotionem religiosæ vitæ ac prompti animi expeditionem ad res perfectissimo Dei obsequio conducentes (quod secundum est martyrij genus.) Explicatio hæc consonat cum eo, quod cap. 6.9. dicitur, animas scilicet interfectorum propter testimonium (siue martyriū) subtus altare clamasse. Tamen hoc interest discriminis: nam in c. 6. agitur de holocausti altari; quatenus repræsentat oblationē, quam Iudæi in Christianorum sanguine effundendo, se Deo præstare falsò putabant. In hoc tamen loco, vbi sermo est de altari holocausti, quod erat in primitiæ Ecclesiæ templo, directe respicitur ad ipsam Christianorum deuotionem, qua se Christo per martyrium offerebant. Quod autem Ioannes noui huius altaris magnitudinem dimetiri iubetur; perinde est, quasi nobis dicatur Ioannes ipse experimento solatij permagni, quo Deus ipsum cumulat per occasionem martyrij eidem in Iudaica illa persecutione præparati, metiri magnitudinem altaris holocausti primitiæ Ecclesiæ, hoc est, comprehendere hac ratione, quanti ipsius Ecclesiæ interfuerit persecutionis magnitudo; vt mysticum illud altare (id est, ingens ea deuotio ad martyrium) esset numeris omnibus absolutum, ac proinde Deo gratissimum & Christianæ Ecclesiæ gloriosissimum.

Non explico de altari Eucharistiæ. Altare enim, quod fusiùs describit Ezechiel cap. 43. est altare holocausti: Eucharistiæ autem sacrificium non est cruentum. Si quis verò de Eucharistiæ sacramento velit exponere; dicat, ex vehementi illa æstuantis animi affectione, qua tunc altissimum Missæ sacrificium Deo offerebatur, facile agnoscì, aduersariorum persecutiones nihil obstare, sed plurimum potius per occasionem conferre; vt cæleste illud sacrificium supplice cultu ac digna veneratione perageretur.

ET ADORANTES IN EO. Iubetur Ioannes, nō templū modò & altare holocausti dimetiri; sed staturā quoq; Deum in eo templo adorantium. Reuocandum hīc est in memoriā, quod suprà dicebamus, calamum scilicet Ioanni datum magnitudinis esse staturam Adami ad æquantis; cuius significatio respiciat spiritalem Christi mensuram. Dum ergo Ioanni dicitur, vt adorantes in templo cōmetiatur; admonemur in eo persecutiones non ad Ecclesiæ solum corpus, sed ad singula etiam membra esse peritiles: quippe qui mediocri antea virtute præditi, per ipsas persecutiones ex parua statura ad magnam illam Christi virtuti conformem deuenerint. Vide ad Ephes. 4. 13. *In mensuram ætatis plenitudinis Christi.* & n. 16. *in mensuram vniuscuiusque membri.* Legendus etiam est Augustinus lib. 20. de ciuit. c. 8. vbi agens de excellenti Christianorum virtute, qui ad extrema mundi tempora sub Antichristo sunt in fide permansuri; *In eorum sanè (ait) qui tunc futuri sunt, sanctorum atque fidelium comparatione quid sumus?* quasi dicat; punitiones videbimur, cum gigantibus comparati. Hac ergo persecutionum ratione vtitur Deus ad magnam fidelium staturam spiritalem.

## N O T A T I O I.

De lucta Iacobi cum Angelo; de qua Gen. 32. 24. Sap. 10. 12. & Osee 12. 3.

**M**YSTERIVM illud siue rationem, cur templū, altare, & in eo adorantes mensurentur staturæ magnæ calamo (qui virga simul percussoria fit;) eā esse diximus, vt scilicet denotaretur, calamitates & persecutiones Ecclesiæ Christi esse potissimum instrumentum, quò Deus ad ipsius Ecclesiæ gloriam & splendorem vtitur. Ad eandemque rem conducit plurimum duorum Christi testiū visio siue figura: qui quòd abiecti prius, prostrati & interfecti fuerant; propterea illustres mox, gloriosi atq; sublimes ad vitam sunt reuocati, & ad cælum in nubē euecti; vt in hoc eodem capite videbimus infrà. Per occasionem ergo mysterij huius libuit hac notatione luctam Iacobi cum Angelo contemplari: quam nemo Theologus est, qui mysterij plenam esse non videat; non omnes tamen animaduertunt luctæ huius mysterium esse idem, quod in hoc capite 11. Apocalypseos tractatur: nimirum de Ecclesiæ persecutione à Iudaico populo excitata, quæ ad Ecclesiæ ipsius incrementum, gloriam, & splendorem mirifice deseruijt. Cuius rei attentæ cōsideratio ad huius capituli vndecimi mysterium non parum iuuabit.

Quis ille fuerit, qui cum Iacobo luctatus fuit.

Ac primò in ipsa historia præmittit, quod Genesios interpretes rectè probant; illum videlicet, qui cum Iacobo luctabatur, fuisse ipsius Angelum, qui Dei gerebat personam. Quauis Origenes aliter existimauerit; eumque alicubi Hieronymus sequi videatur. Si ergo textus ipse attentè perpendatur; videtur solus romanfisse Iacobus, vt ad Deum preces effunderet, & ab eo opem atque auxilium deprecatur. Quia fratris sui Esau, cui fuerat obuiam pro-

**D**ecessurus, metu ac formidine percelleretur. Dum hæc cura Iacobum tenet anxium; ei Angelus apparuit, qui ipsum complexus fuit medium, quasi ad terram deieceretur. Cum autem Iacobus firmus resisteret: vt illum Angelus ad maius ruendi discrimen reuocaret, claudum reddidit. Nam tetigit neruum femoris eius; quod idem fuit atque illum implicito & intricato pede impellere ac supplantare conari; illum, inquam, cui nomen erat supplantator: idem enim sonat Iacob. Nihilominus tamen firmiter sese tenuit Iacobus; ideoque Israelis nomen illi fuit impositum, quod idem est ac præualens Deo. Cuius rei arcano planè & admirabili euentu ei præsignificauit Deus, se fratri superiore euasurum. Nec enim aliud fuit Iacobo benedicere, quàm eidem robur ac fortitudinem aduersus fratrem suggerere. Quauis fortasse non prænuntiātum fuerit solum Iacobo, se fratre fortiorem ac potentiorē fore; sed etiam pluribus alijs beneficijs a Deo esse cumulandum. Sequitur enim postea in textu, *Et benedixit ei in eodem loco.* Iosephus autem lib. 1. Antiquitatum cap. 19. asserit, Iacobum precatum fuisse ab Angelo, vt ex eo fatum suum cognoscere liceret; votique ac deprecationis compotem euasisse. Non tamen ita est intelligendum, quasi Iacobus simpliciter scire optaret; quid sibi foret deinceps euenturum; sed vt ei Angelus felicia precareceps euenturum; quippe cognouit Angeli precationem Deo ratā & acceptam fore, sicuti fuit precatio illa ab Isaac facta, de qua Gen. 27.

Deinde in contextu verborum illorum, *videns quod eum superare non posset, tetigit neruum femoris eius;*

Israelis nomen Iacobo inditū quid significet: & quid eo nomine illi Deus præsignificauerit.

Quid Iacobus ab angelo fuerit precatus.



Quomodo  
sit intelligē-  
dum, quod  
de Iacobi lu-  
cta dicitur,  
Videns,  
quod eum  
superare  
nō posset.  
quod autem  
ad litera  
expositionē.

Quid ange-  
lus insende-  
rit, dū fuit  
luctatus cū  
Iacobo.

I. Cor. 10.  
13.

Cur Ange-  
lus Iacobi  
luctatus ter-  
gerit.

Quo sensu  
angelus di-  
catur Iaco-  
bum supe-  
rare non  
potuisse.

Quod sit  
huius lucta  
mysterium.

Notandum est illud maximè inibi significari; nimirum quod Angelus non viderit solum, Iacobum à se deijci non potuisse; sed etiam necdum prosternendum fore, quanuis illū debilitate femoris siue claudicatione tentaret. Hoc mihi persuadeo imprimis; nam textus non ait, *Videns quod eum superare non potuisset*; sed, *videns quod non posset*: qua phrasi solemus etiam de futuro loqui: apte enim diceretur, *Videns quod etiam si neruum femoris eius tangeret, nihilominus nō eum posset deicere*: id est, nequaquā itatis fore, si ipsum claudicantē redderet, ad eum prosternendū. Secundo, huiusmodi constructio est congruentissima ad illud innuendum, quod hac in re certū debet esse: videlicet Angelo non eam fuisse mentē, vt reapse Iacobus corrueretur; sed tantum vt illū tentaret, & in id periculi reuocaret: ita tamen, vt se posset cōtinere Iacobus, & re ipsā gloriosus predicaretur; quod firmus cū Angelo congregi potuisset. Etenim tentatio illa siue lucta fuit quasi imago atque pictura, quæ nobis ostenderet, quid accideret hominibus; quando illos Deus tentari & agitari permittit, quāni mox presentem illis opem laturus. Semper enim conflictus eiusmodi ita accidit, ita diuino consilio tentationis & aduersitatis impetus tēperatur; vt iactatus homo & vexatus ne corruat, sed firmus stabilisque persistat; iuxta illud Pauli, *Fidelis Deus, qui non patietur vos tentari supra id, quod potestis; sed faciet etiam cum tentatione prouentum, vt possitis sustinere*.

Vt ergo id significetur; facile cernitur, quantò aptius dicatur Iacobus ab Angelo supplantatus, quod videret Angelus tunc etiam illum firmiter staturū: quāni si afferatur ideo Angelum supplantatione vsum, quia aliter Iacobum deijci non posse videbat. Si autem simplicius videatur alicui grammatica constructio fieri; si nihil aliud exprimat, quā aduertisse Angelum, à se non potuisse Iacobum prosterni; illud saltem (si rem ipsam inspicimus) certum est, cū Angelus Iacobum supplantare decreuit, propterea id prætstitisse, quod videret ne hac quidem ratione Iacobum fore deturbandum.

Sed vtrouis modo grammaticam connectamus; explicatione indiget, quod Angelus Iacobum superare non potuisse dicatur. Abulensis de simulata impotentia explicat. Caietanus de naturali virium assumpti corporis mensura. Alii malunt, conatum atque impetum quem adhibuit Angelus, fuisse eiusmodi; qui Iacobum vexaret; & huc illuc trahere, non prosternere posset: quia conatum suum cum Iacobi viribus temperauit. Quod ad historiam spectat parū hoc difficultatis cōtinet: quod verò Scriptura phrasi illa vtatur, *Videns quod eum superare non posset*; id sanè meo iudicio emphatim habet: præsertim si consideremus Angelum Dei vices ac personam gerere; ac Dei vires immensas & infinitas; hominis autem graciles omnino esse ac debiles.

Huiusce rei mysterium illud haud dubiè est, Deum, cū aliquem ex suis familiaribus tentat, cui præstō ipse esse velit, in hac aduersitatis palatrina nō omni virium conatu & contentione luctari; sed vires potius attemperare aduersitatis pro iusti ipsius luctantis vi ac fortitudine. Tunc autem si iustus vir afflictus se fortem & constantem præstet; potest verè Deus illum quodammodo deijcere non potuisse. Et hac ratione iustus ipse gloriosus satis euadet; se. Quod simul cum Deo congressus fuerit, & ab ipso quod simul potuerit. Vt autem denotetur ingens voluptas, qua Deus perfunditur, quod iustus vir colupto pede sese firmiter cum illo teneat; ideo textus exprimit, vidisse Deum à se prosterni Iacobum non posse. Quibus in verbis dictio illa, *Vidit*, eadem est, quam legimus cap. I. Gen. *Vidit Deus cuncta, que fecerant, & erant valde bona*. Quasi dicatur Deus ipse sibi in suis operibus maximè placuisse. Non aliter in Iacobi lucta accidit; dum Deus ipse suas attemperare vires voluit; ideoque gauisus valde est, vt hac ratione Iacobum secum colluctantem deicere non posset. Etenim quāuis vna ex parte inimici & aduersarii speciem Deus ipse præ se ferret, dum illi obliuebat. Ex alia tamen parte se valde familiarem ac propitium duabus præsertim in rebus exhibebat. Alterā in temperandis viribus, quibus ipsum oppugnabat; alterā in tribuenda eidem Iacobo fortitudi-

A ne, qua rectus & integer in lucta perstaret, & idcirco non eum potuit luctando superare. Nec enim Deus colluctando, quāni fauendo, potentior est: præsertim si suas vires moderetur, & augeat robur, quo luctatore ipsum protegat ac tueatur. Id ergo est omnino, quod in Iacobi lucta euēnit. Expende verba illa Osee 12. 3. *In fortitudine sua directus est cum angelo: & inuoluit ad Angelum & confortatus est*.

Dicebamus igitur suprā, admirabilis huius luctæ mysterium esse illud, quod Christiano populo in Iudæorum persecutione contigit. Ad cuius rei clariorem explicationem aduerto primò, Iacobum sibi ab Esau fratre cauisse, & tamen cum Deo se reperisse luctantem. Quod nobis indicat, in ea aduersitate, quæ Iacobum tunc premebat, metum illum ac solitudinem considerandam fore, quasi exercitationē quandam ac probationem, quam Deus illi ad suam ipsius vtilitatem & spiritale incrementum suppedibat: atque adeo ex eo, quod iustus vir in laboribus atque arumnis sibi à Deo obiectis se rectè & integrè gerat, hinc validum, robustum, & ab omni rerum aduersarum incurfione inuictum prodire.

Secundò notandum est, in hac historia per duas Iacobi & Esau personas denotari vtrumque populum; Christianum scilicet & Iudaicū; vt docet Aug. 1. 6. de ciuit. c. 35. Consideranda sunt verba illa, quæ Deus Rebecca dixit Gen. 25. 23. *Dux gentes sunt in utero tuo, & duo populi*: & repetuntur à Paulo ad Rom. 9. 10. Quæ verba in primo literali sensu indicant duos populos Israelis & Edom; qui sibi mutuo infesti atque infensi fuerunt. Cū autem ex his alter electus fuerit, alter reprobus (vt habetur Malach. 1. 2.) hinc fit per Israeliticum populum Christianā figurari gentem, quæ est verus populus Israelis: per Esau verò Iudaicum populum, natu quidē maiore, reprobum tamen ac repulsum. Quod autem inter horum populorum vtrumque fuerat bellum acerrimum suscitandum; rectè in duobus fratribus figuratum fuit, antequā ederentur in lucem, *Collidebatur enim in utero parvuli*, Gen. 25. 22. Et alterius quidē feritas, alterius mā suetudo eidem significationi seruiuerit; id quod fuit cognitum ab ipsis vtriusque natalibus. Nam Esau rufus erat & in morem pellis hispidus. Gen. 25. 25. *Et adultus factus est gnarus venandi*. per venationem autē persecutio denotatur, vt videbimus in Canticum libri commentario. At Iacobus lenis erat & simplex, vt habetur Gen. 25. 27. & c. 27. 11.

Tertiò notandum est, ad vtriusque populi significationē singulari mysterio fuisse factum, vt hi duo fratres essent gemini, atque ex vno Isaaci concubitu nascerentur; vt attigit Paulus ad Rom. 9. 10. Nam ex eo, quod Deus se cum natura humana coniunxerit, & suam fidem synagogæ olim datam liberaturus adueniret; ex illa, inquam, vnicā Dei cōiunctione cū Abrahamæ semine vetus synagoga geminos concepit filios; alterum Evangelio rebellem ac repugnantem, alterum morigerum & obsequentem. Hi enim sunt duo populi, Iudaicus alter, alter Christianus. Ex quibus humano quidem iudicio, maior & hereditatis nomine locupletior videbatur esse Iudaicus. Nam Christianus populus in suis cunabulis (si cum Iudeorum populo Evangelium Christi persequente cōparetur,) multò erat inferior & numero & ijs omnibus, quæ ad speciem & splendorem mundus æstimat. Ceterum, *Non multi sapientes, non multi nobiles*; sed quæ stulta, sunt mundi & ignobilia elegit Deus; vt bene Paulus, 1. Cor. 1. 26. Et sanè, si aliqua Respublica in duas diuidatur partes; ad quarum alteram nobiles, potentes, Pontifices, ac moderatores sese aggregent; ad alteram verò pauci, ique priuati, & nullius penè auctoritatis: si hæc duæ factiones sint in duobus fratribus figurandæ; plurimorum profectò atque potētium factio in natu maiore; altera paucorum & impotentium in minore significabitur. Hinc ergo est appositè in Esau Iudaicum populum Evangelio rebellem indicari; & in Iacobo populum Christianū diuinis præceptis obedientem. Verum enim verò, vt prænotaretur maiorem ex ijs fratribus à minori deiectionem iri ac superatū; prodijt ex vtero minor maiorem supplantans; hoc est, plantam fratris manu tenens; & idcirco appellatus est Iacobus, id est, supplantator Gen. 25. 25.

Iacobum, dū fratrem fugit, cum Deo luctari, quid mysticè adumbret.

Per Iacobū & Esau figurari Christianum & Iudaicum populos.

In sensu proximo per Iacobum & Esau populos Israeliticum & Idumeum significari.

Ad mysticè significationem quā rectè acciderit, vt Iacobus & Esau essent gemelli.

Cur minor frater Christianum populum: maior Iudaicū figures?



Hæc erat reliqua Christiani populi spes, fore ut pauci & impotentes multos atque potentes essent victuri: id quod mediâ ipsâ persecutione fuerat euenturum. Nec aliud in hac duorum fratrum lucta adumbratur. Etenim si nihil aliud in ea representaretur, nisi Iacobum cum Deo colluctari; id quidem posset facile exponi de precum atque orationum luctu iuxta vulgarem loquutionem, *precibus contendere*. Attamen in oratione non Deus hominem, sed homo aggreditur Deum. Textus enim innuit, Angelum irruisse in Iacobum, *Et luctabatur eum eo*. Imò & Sapientia 10. 12. dicitur, *Certamen forte dedit illi*. Nam præter vim ac robur, quod per speciem illum deijciendi adhibebat Angelus; ipsum debilem & claudum effecit: quo in maximum corruendi discrimen eum adduxit. Hoc autem denotauit, Deum ad maximam Christianæ Ecclesiæ gloriam atque decorem, eidem obtulisse acrem illam Iudaicæ persecutionis luctum: in qua verè ac rectè dicitur Deus tentasse fideles. Sicut tentasse dicitur Abrahamum Gen. 22. 1. Similisque locutio reperitur Ps. 25. 2. & Sapient. 3. 5.

Atque ut mystici Iacobi victoria gloriosior ac celebrior foret: diuina prouidentia statuit, ut suum fratrem supplantaret ac vinceret per medios ipsos labores atque pericula; ex quibus nihil aliud sperari videbatur posse, nisi Iacobi ipsius, id est, Christiani populi euersio ac dissipatio. Ecquis enim putaret, Apostolorum atque fidelium probra, verbera ac cædes immanissimas aliò demum euasura? Hæc igitur grauissima discrimina atque angustia, ad quas fuit Christianus populus reductus, eleganter adumbrantur in Iacobi claudicatione ab Angelo illata. Id enim est, quod textus ait, *Tetigit neruum femoris eius, & statim emarcuit*. Quod perinde fuit atque Ecclesiam in extremum penè discrimen reuocare; ita ut ipsa in terram haud dubiè deijcienda videretur. Nam læso adeò grauitè coxendicis siue femoris neruo, quis non crederet Iacobum quàm mox ruiturum? Quis insuper non diceret, Christiani populi expectatione atque conatum, ut Iudaicum supplantaret ac deuinceret, in suummet tandem caput recidisse? atque adeò claudicatione illa per Angelum illata Christianum ipsum populum, qui supplantatorem se fore sperabat, supplantandum potius esse ac superandū?

Enimverò infinita Dei sapientia impetum, quo Iacobus impellebatur, adhibito modo sustinuit ac temperauit, eâ ipsâ in re, ex qua Christiano populo tantum periculi creari, & interitus afferri videbatur: simulque Iacobi ipsius partes suscepit atque prouexit, ut victor tandem euaderet. Quo factum fuit, ut tantò illustrior ac gloriosior appareret victoria, quantò difficilior & periculosior fuerat ipse cōgressus. Atque id ipsum innuit Paulus cum ait; *Virtus in infirmitate perficitur*. 2. Cor. 12. 9. & mox, *Cum infirmior, tunc potens sum*. Et ad Hebr. 11. 34. *Conualuerunt de infirmitate, fortes facti sunt in bello*. Vbi Vatablus sic vertit, *Validi facti sunt ex imbecillitate*. Et Hugo Cardinalis ex Chrysostomo, *Imbecillitate facti sunt fortes*.

Iam, quod Ecclesiæ persecutiones, (& prima illa potissimum) figurentur sub specie luctu, in qua Deus cum Iacobo implicitis lacertis congreditur; hoc, inquam, percommodum est ad Catholicam Ecclesiam hac ratione informandam, ut in tribulationibus gloriatur. Porro præsentissimū discrimen, quod subiit Iacobus, cum Angelus tetigit neruum femoris eius, est etiam maximè ad rem; ut instruat pariter Ecclesia, tantò esse præstantius Dei beneficium, quo ipsa afficitur; quantò grauior est, qua affligitur, tribulatio. In primo quidem maximum fuit (quis dubitet?) Dei beneficium in Iacobum collatum, dum dignatus fuit cum ipso luctu contendere. Si rex aliquis consertis lacertis cum suo seruo colluctari non dedignaretur; nã seruus ille apud Regem magnâ se gratiâ atque fauore acceptum reputaret. Præsertim si luctu finis non is esset, ut eum Rex in terram prosterneret; sed ut extolleret potius, & honoribus atque promeritis cumularet. Nō aliter Deus se gerit; quippe qui suos familiares non ideo tentat, ut deiciat; sed ut gloriosos atque sublimes ex victoria ipsa reddat. Nam ut rectè Iacobus alter c. 1. 13. *Ipse autem neminem tentat; id est, ad ruinam*. Quid ergo hac vna re iustis viris præstabilius, quid excellentius aut glo-

rius? Deinde, quod subditur de ingenti discrimine, quo Iacobus per claudicationem fuit adductus; inde etiam Dei beneficentia maximè commendatur, qui gloriam illam victoriæ voluit Ecclesiæ in extrema (quod aiunt) tegula versanti deferre.

Apostoli certè, virique Apostolici cum caulestem hanc philosophiam didicissent, in persecutionibus magnopere gloriabantur. Eandemque ob rem nos ipsorum filij ita suppliciter ac deuotè eorum carceres, vincula, tormenta ac cædes extollimus, suspicimus, veneramus. Quam Christiani populi reuerentiam ac venerationem erga Apostolorum & Christi Martyrum ærumnas atque pericula egregiè representat ipsamet Genesios historia, illis potissimum verbis: *Quam ob causam non comedunt neruum filij Israel, qui emarcuit in femore Iacob, usque in presentem diem: eo quod Angelus tetigerit neruum femoris eius, & obstupuerit*. Gen. 32. 32. Vbi illud obseruandum occurrit; filios Israelis ideo ab illius nerui esu sine dubio abstinuisse, ut hac cærimonia luctum Iacobi venerarentur, & magnum illud periculum, quod in illa adierat: atque huiusmodi abstinencia eò videbatur tendere, ut neruum illum Deo offerrent & consecraret in beneficii Iacobo per claudicationem collati recordationem. Sic enim legimus, Dauidem, ut Deo aquam libaret, quæ tanto suorum militum periculo constiterat, eius potu sibi interdixisse; *Et libauit eam Domino*. Gloriosum ergo valde fuit Iacobo illud periculum, in quod fuit ab Angelo vocatus. Nec minùs fuit gloriosa claudicatio, quàm ex ea lucta contraxit; non in diem modò, ut Caietanus opinatur; sed in totius etiam vitæ tempus. Sic enim plagarum cicatrices, quas strenui milites in periculoso bello acceperunt, summæ sibi sunt gloriæ & ornamento, easque propterea frequenter iactare solent.

Cum supradicta explicatione coheret circumstantia temporis. Lucta enim noctu fuit cœpta, & ad tempus matutinum exacta; usque manè. Peractâ autem luctu, ortus est statim sol. Hæc, inquam, circumstantia eidem significationi congruenter deseruit. Nam per noctem significari aduersam fortunam; per lucem, solatium at tranquillitatem postea consequutâ quis nesciat? Hinc illud Esther c. 8. 16. *Non lux oriri visa est, gaudium atque tripudium*. Itaque Iacobus fuit ab Angelo claudus effectus antequàm lucesceret, obscuro adhuc & tenebricoso cælo; sic enim sæpè contingit, ut paulò ante diluculum aer valde obtenebrescat. Quod si per noctem tempus aduersitatis denotatur: nã obscura valde erat nox, cum Iacobus claudicationem sensit, seque in id periculi adductum animaduertit. Hanc tamen caliginem citò fuit consequuta lux. Quapropter & in Apocal. cap. 11. sanctitatis ac veritatis oppressioni (quæ duo in duplici teste figurantur) quàm citissimè succedit sublimis eorundem testimonium resurgentium, & in cælum concordentium gloria.

Præter hæc, ipsamet Dei atque Iacobi lucta, quatenus est ex parte Dei, denotat tentationem, qua Deus suam probauit atque perfecit Ecclesiam: quatenus verò ex parte Iacobi est, Ecclesiæ ipsius preces, & orationes. Facit huc, quod dicitur Osee 12. num. 3. *Fleuit, & rogauit eum*. Quamobrem cum Angelus ait Iacobo; *Dimitte me; iam enim ascendit aurora*. hoc inibi mysterium delitescere videtur; quod Deus signo illo lucentis iam diei dicat Ecclesiæ, nihil esse cur eum tantopere vrgeat aduersitatis finem deprecans; iam enim diei lucem & consolationis, claritatem appropinquare. Quod verò respondet Iacobus, *Non dimittam te, nisi benedixeris mihi*, representat fidelium mentem non eam solam fuisse, ut persecutionis tempus finiretur; sed potissimum ut ipsi in vitæ puritate & sanctimonia prouectiores inde & robustiores euaderent. Hæc autem progressio atque robur, quod Ecclesiæ ex ipsa persecutione accreuit, ritè in nomine Israel adumbratur; quod idem est ac *præualens Deo*; referendumque est ad maximam felicitatem, quam Christiana Ecclesia per ipsas tribulationis angustias comparauit: nimirum, quia tribulatio operata est patientiam; patientia autem probationem; probatio vero spem; ut loquitur Paulus ad Romanos 5. numero quarto.

Christi Ecclesiam per labores ipsos & persecutiones de synagoga vi-  
toriam reportasse.

Cur filij  
Israelis ner-  
uum femo-  
ris in ani-  
malibus nō  
ederint?

Iacobi lucta  
noctu cœpta  
& sub au-  
rora lucem  
consecta,  
quid mysti-  
cè adubret.  
Per noctem,  
labores: per  
lucem, re-  
quiem de-  
notari.

Quid per  
Iaco biluctu  
figuretur.



Magna autem felicitas, ad quam amicorum Dei animæ perueniunt, (dum in tentatione quasi cum Deo luctantes, non sunt in terram delectæ, sed firmæ & erectæ conlisterunt, & ab eo miram benedictionem impetrarunt,) sapientissimè adumbratur in nomine Israelis; quod Iacobo datum est. Id enim denotat ex ea lucta Dei amicos manere rebus omnibus superiores, & quodammodo per Dei gratiam, Deum ipsum triumphantes, quo nihil honorificentius dici potuit.

Denique in admirabili hoc diuinæ prouidentię consilio, quod Ecclesiam abiectione extulit, & infirmitate firmavit; se Deus exhibet planè admirabilem consiliarium: vt expendimus cap. 6. Apocalypseos in quarti sigilli commentario. Quarè in Sapientiæ libro attribuitur diuinæ Sapientiæ quoddam Iacobo certamen forte dederit, vt *vinceret*. Est autem illud animaduersione valde dignum, quoddam Iacobus sub ipsius lucta atque historiæ finem ab Angelo suum nomen sciscitatus fuerit. Cuius responsio ea fuit, *Cur queris nomen meum?* Vbi supplenda videntur ex Iudic. 13. 18. illa verba, *quod est mirabile*. Is enim est illius interrogationis sensus. Notandum verò est, non ideo Iacobum ex Angelo nomen percipere, vt sciret; quicum fuisset congressus: probè enim Iacobus nouerat se cū Deo luctari; ideoque non hio fuerat suæ interrogationis finis. Sed propterea id rogauit, vt sciret, quod

A esset illius luctæ mysterium. Cū enim Iacobus familiariter cum Deo agere consueuisset, & rerum diuinarum cognitione esset apprimè imbutus; verisimile est satis, cognouisse illum nomina Angelis imponi solita in sacris visionibus maximè illi mysterio respondere, cui potissimum deseruiunt; nec non Dei attributo, siue spiritui, qui in eiusmodi opere imprimis elucet; vt in Michaelis, Gabrielis, ac Raphaelis nominibus apparet. Cū ergo responderet Angelus, *Cur queris nomen meum, quod est mirabile?* Non quidem suum suppressit nomen; sed eleganter potius expressit. Nam per interrogationem, magna aliquando mysteria enunciantur, vt patet Prouerb. 30. 4. vbi de sacro S. Trinitatis mysterio per interrogationem sic loquitur Sapiens, *Quis continuit spiritum in manibus suis? Quis tollit aquas quasi in vestimento? Quis suscitauit omnes terminos terræ? Quod est nomen eius, & quod nomen filij eius, si noster?* Similiter ergo in presenti per interrogationem suam explicuit nomen Angelus, seque admirabilem appellauit, atque hoc suum esse nomē edixit: & eā ratione innuit, in illa lucta admirabile Dei consilium figurari. Existimo autem ad hunc locum per allusionem respici Isaïæ 9. 6. vbi de Christo dicitur, *& vocabitur nomen eius Admirabilis, Consiliarius.* quæ verba exposuimus supra capite primo, notatione quinta.

Angelus de proprio nomine rogatus à Iacobo dum per interrogationem respondet, quid indicare velit.

Israelis nomen Iacobo impositum ab angelo quid mystice indicet.

Quorsum Iacobus ab angelo nomen ipsius requisierit.

## T E X T V S.

Vers. 2. Atrium autem, quod est foris templum, eijsce foras, & ne metiaris illud; quoniam datum est Gentibus, & ciuitatem sanctam calcabunt mensibus quadraginta duobus.

## C O M M E N T A R I V S.

TEMPLI nomen, si strictè sumatur, id solum complectitur, quod Ezechiel vocat ædificium separatum; id est, tum sancta sanctorum, tum sancta, & quæ eis adhærebant. At Ioannes templi nomen solet accipere, ita vt complectatur atrium Sacerdotum & atrium Israelis cum suis porticibus. Hæc enim omnia comprehenduntur intra murum quingentorum cubitorum in quadrū: quantumuis Israelis atrium vocetur exterius ratione atrij Sacerdotum. Quoddam Ioannes sic loqui soleat, obseruare licet in Euangelio cap. 2. 14. *Inuenit in templo vendentes;* & nu. 15. *Et omnes eiecit de templo.* & cap. 5. 14. *Inuenit eum Iesus in templo.* & cap. 7. 14. *Ascendit Iesus in templum.* & n. 28. item c. 8. 2. & 20. & similiter loquitur Lucas præsertim in Apostolorum Actibus. Hinc est, licet atrium Israelis respectu Sacerdotalis atrij appelletur exterius; respectu tamen muri prædicti non fuisse foris templum. Quapropter certum existimo in præsentī non esse sermonem de Israelis atrio; sed de atrio Gentilium; si sensum grammaticum attendamus.

Licet autem hoc nomen atrij Gentium nec in Scriptura, nec in Iosepho reperiatur, quantum memoriā consequi possum: certum tamen est, præter atrium Israelis, fuisse extra murum & ab eo seiunctam ingentem porticum, quæ omni ex parte templum circuibat: atque hoc est, quod communiter dici solet atrium Gentium. Et quidem videtur Ezechiel illud designare, atque appellare *suburbana templi*: tametsi non ita certum est, vt opinantur nonnulli, huiusmodi porticum fuisse à Salomone per quatuor omnes partes ædificatam. Neque faciunt ad rem verba, quæ pro huius rei probatione adducuntur ex 3. Reg. 7. 12. vbi legimus, *Atrium maius rotundum* (id est, in circuitu trium ordinum). hæc, inquam, verba nihil probant. In illis enim non est sermo de atrio templi, sed de atrio domus, quam Salomō filia Pharaonis ædificauit, vt ex contextu ipso liquet.

Ceterum, siue porticus & atrium, quæ erant foris templum extra murum prædictum, absoluta sint à Salomone; siue posterioribus sæculis (id quod expressè docet Iosephus l. 6. de bello ca. 6.) illud saltem ex eodem Iosephi loco planum sit, extra murum templum circundatam (qui quingentis cubitis in quadrum patebat) fuisse separatam à muro insignem quandam porticum, quæ templum vndique circundabat, & lata erat triginta cubitos. In hanc insuper porticum ingredi Gentibus licuisse, non tamen in Israelis atrium: quia columnæ æquis interuallis dispositæ præmonebant literis Græcis & Latinis, alienigenas in locum sanctum ingredi non posse. Idemque colligitur ex postremis verbis cap. 42. Ezechielis, vbi mentio fit muri diuidentis inter sanctuarium & vulgi locum. De hoc ergo atrio Gentium sermo est in præsentī. Illud enim propriè erat foris templum. Cū autem Ioanni imperatur, vt non metiatur hoc atrium, quod extra templum erat; alluditur ad Ezechielis vi-

Templi nomen à Ioanne accipi, prout atrium Sacerdotum & atrium Israelis complectebatur.

De quo atrio Ioannes loquitur.

Cuiusmodi fuerit atrium Gentium.

Quodnam propriè fuerit atrium Gentium; & cur ita dictum.



Ezechielem  
minimè a-  
trij Gentium  
in sua tēpli  
descriptione  
meminisse.

Quid sibi  
velit locutio  
hac, Atrium  
ejce foras,  
iuxta sensū  
grammaticū.

Cur Ioannes  
ab atrij Gen-  
tium dimen-  
sione probi-  
beat? Opinio  
Prædi.

Authoris  
sententia.

Quod spe-  
ctet templi  
dimensio  
tam apud  
Ezechielem,  
quàm apud  
Ioannem.

Quid ijs  
verbis in-  
nuatur,  
Quoniam  
datum est  
Gentibus.

Quid hic  
per atrium  
significetur,  
Ambrosii  
expozitio.

Vera senten-  
tia de atrij  
Gentium signi-  
ficatione.

fionem : in qua, licet quidquid appellatur sanctuarium aded distinctè dimetiatur, nec non muros ipsum obiens; nullum tamen est verbum de mensuris porticum, quæ erant extra templum. Quia licet cap. 45. 2. præcipitur, ut suburbana templi intelligantur esse quinquaginta cubitorum in latitudinem per gyrum: verum hoc non est mensurare porticus. Atque hac allusione Ezechielis, confirmatur, atrium hoc (quod Ioannes ne metiatur, iubetur) esse atrium Gentium. Etenim atrium sacerdotale, & atrium Israelis dimensa procul dubio sunt in Ezechielis visione, ut ex eius descriptione patet: & similiter sunt à Ioanne dimensa, comprehendunturque templi nomine, in illis verbis, *Metire templum Dei*, ut diximus versu præcedenti.

ET ICE FORAS ἔξωθεν ἔξω. Hæc locutio primo aspectu videtur impropria: nam quod foris est, non potest ejci foras. Sic tamen loqui solemus: ut si quis dicat, Hoc extra educamus; id est, extra rationem siue computationem; videlicet, ne numeretur, nec ad calculos reuocetur. Similiter ergo in mensuris ejce foras, idem est, atque ne cures eiusmodi atrium metiri. Fortassis etiam habet emphasim, ejce foras, id est, contemne, & pro nihilo ducito: quia ἔξωθεν, solet esse idem, quod repudiare: atque id appositissimum est ad præcipuum sensum, ut dicemus infra.

Familiaris noster Ezechielis interpres censet propterea in ea visione non mensurari atrium Gentium, quia Gentium multitudo ad fidem Christi cogenda (quæ per atrij symbolum significatur) futura erat innumerabilis: iuxta id Osæ 1. 10. *Et erit numerus filiorum Israel quasi arena maris, quæ sine mensura est, & non numerabitur.* Facit pro hac explicatione locus Zachariæ 2. 2. & 4. Mihi tamen multò aliter videtur. Nam Spiritus sancti mentem non dubito fuisse, eandem in templi mensuris, quas Ezechiel refert; & in ijs, quas in hoc capite Apocalypsis attingit. Atque hic quidem quoddam atrium non mensuretur, ea redditur ratio, *Quoniam datum est Gentibus*; videlicet, ut illud conculcent; ut patet ex sequentibus, *Et civitatem sanctam calcabunt*; quæ verba ad oppressionem manifestè spectant, ut patet Lucæ 21. 24. & 1. Machab. 14. 31.

Ratio etiam cogit, ut ab amici explicatione discedam. Nam si ideo atrium non mensuraretur, ut referretur id ad maximam eorum multitudinem, qui in atrio foris posito significantur: dimensio templi & atriorum, quæ muri coercerentur ambitu, referenda esset ad exiguum numerum eorum, qui in templo & in Israelis atrio denotantur. Constat autem hanc non esse in præsentī dimensio- num significationem, nec in Ezechielis loco; sed potius spiritalem adumbrari magnitudinem, quod fuerat Ecclesia per ipsas persecutiones attollenda; nec non certissimam huius magnitudinis expectationem & securitatem ab omni sanctitatis diminutione; cum, ingruenti persecutione, multiplici foret incremento augenda. Probatur hæc nostra explicatio à simili; quia Matth. 10. 30. & Lucæ 12. 7. ait Christus, *Capilli capitis vestri omnes numerati sunt; nolite timere.* Vbi nemo est, qui non videat, eam phrasim explicari Lucæ 21. 18. dum Christus ait, *Capillus de capite vestro non peribit.* Si ergo numeratos habere capillos, perinde est, quasi certò sciat & asseueret, nullum ex ijs fore periturum: simili etiam ratione dimensum habere ædificium, certam in se claudit spem ac securitatem, fore ut nec pilus desit ex ijs omnibus, quæ Ioannes metiri iussus sit. Eodem enim spectat hæc ædificij dimensio, & illa capillorum enumeratio.

Ad Zachariæ locum respondeo, verum quidem esse, ad magnitudinem referendum fore, quoddam vrbis non mensuretur: hanc tamen significationem in amplissima vrbe (cuiusmodi ibi in textu proponitur) esse ad rem; in atrio verò non item.

QUONIAM DATUM EST GENTIBVS. Id est, quia in hostium potestatem venturum est. Quando ergo iubetur templum metiri, ei que dicitur, *Ne metiaris atrium, quod foris est; quoniam datum est Gentibus*; perspicuum est, Ioannem præstari securum, ea omnia, quæ mensurare iubetur, in hostium manus non esse peruentura; aut saltem hostibus non fore potestatem ad ea diruenda aut diminuenda. Locutio quidem perinde est, quasi ageretur de aliquo Gentium exercitu in Hierosolymam inuasuro & eam occupaturo: excepta tamen templi arce (hoc est, quidquid muro quingentorum cubitorum cingitur, diuiditurque eodem muro inter sanctuarium & vulgi locum interiecto) quam capturi non erant, nec quidpiam eorum, quæ includebantur intus; id est, nec altare holocausti, nec candelabrum, nec dum ipsas personas, quæ intra ea septa continerentur. Præterea utrumque atrium tam sacerdotum, quàm Israelis immune erat permanens. Cetera verò omnia, quæ extra murum prædictum sita erant, ab hostibus fuerant occupanda; atque aded omnes porticus, quæ extra prædictum murum cingebant templum. Hoc autem interdum solet accidere, ut hostes vi capiant urbem aliquam, nec tamen arcem naturæ loci munitam expugnare possint. Is igitur est sensus, quod attinet ad æternam locutionis figuram.

Eaim verò sub hoc cortice latet sensus, quem Spiritus sanctus præcipue intendit. Et quidem de Iudæorum persecutione sermonem esse agnovit Ambrosius. Ait enim per atrium hic designari Iudaicum populum; quia foris erat per incredulitatem, licet propè videretur esse: porro atrium hoc datum esse Gentibus, quia Iudæi propter incredulitatem paganis Gentibus erant coniuncti. Aut id eo (ait) dicuntur Gentibus traditi, quia traditi sunt Romanis, ut ab eis deleantur. Hæc Ambrosius.

Ex cuius verbis id assumo, quod meæ fauet explicationi, nempe contextum huius capitis ad Iudaicæ persecutionis tempus, & ad Iudæorum cecitatem referendum esse. Hoc tamen admissio, quam Ambrosius sequitur atrij applicationem, non ei satis apta videtur. Nam atrium applicatur congruentius ad id, quod spectat ad templum, quàm ad id, quod templo contrarium est: Iudæi autem Ecclesiam persequentes non ad Ecclesiam pertinebant, sed ipsi potius erant infesti.

Atrium igitur templi (quod & ad templum ipsum pertinebat, & Iudæis pariter ac Gentibus erat commune) significat percommode bona externa fidelium; illa, inquam, quæ fidelibus & infidelibus solent esse communia: cuiusmodi sunt res familiaris, fortunæ, possessiones, & cetera temporalia commoda; quæ non minùs Deus infidelibus ac Gentibus, quàm fidelibus & feruidis Christianis elargitur. Verbi gratia; aurum atque argentum, quæ Christiani possident; redditus item ac prouentus Ecclesiastici, quauis qua parte sunt Ecclesiæ bona, sint Ecclesiastica, & iuxta rationem



A sui gradus consecrata Deo. Veruntamen in hisce rebus minime consistit aut nititur præcipua aut Christianæ Ecclesiæ, aut diuini cultus, aut fidelium felicitatis ratio. Et propterea hæc recte comparantur cum atrio Gentium, quod templum quidem foris cingebat, Israelitis tamen erat commune cum Gentibus. Commune namque est, vt diximus, fidelibus & infidelibus diuitias ac fluxa vitæ huius bona possidere. Itaq; licet de fidelium possessionibus instituat sermo, iure vocantur atrij Gentium nomine, id est, rei ad Ecclesiam quidem pertinentis; ita tamen, vt Gentibus etiam vulgaris sit.

B Deinde quodd loanni præcipiatur, vt mensuret quiddid coërcet templi murus, non verò atrij Gentium positum extra muri ambitum: hoc, inquam, perinde est, quasi illi significetur, murum inter sanctuarium & locum vulgi interpositum in hostium potestatem ne atiquam fore venturum; nec imminuturam persecutionem aliquid tantæ magnitudinis, in qua sacrum illud ædificium Ioanni visendum obuersabatur; nec verò quiddpiam ex ijs, quæ intus continebantur: quinimò eodem met persecutionis tempore magnificum Dei templum ad maximam illam amplitudinem, idque mediâ ipsâ persecutione, fore prouehendum: quantumuis Gentiles conculcaturi essent & incensuri totum atrium exterius, vniuersamque Ierosolymam violaturi. Quo innuitur Gentiles in bona omnia temporalia fidelium inuafuros, ipsiq; fidelibus eas calamitates atque ærumnas inflicuros, vt illis nec Reipublicæ facies vlla, nec ciuium comoda, nec domus, aut possessiones superessent. Hunc arbitror esse sensum legitimum, in eademque acceptione dixit Paulus loquens de tempore illo, quo Ecclesia aded vehementer conflabatur, *Non habebitis hic ciuitatem permanentem, sed satyram inquirimus*, ad Hebr. 13. 14.

C Præterea tametsi modus loquendi de atrio, quod foris erat (*quoniam datum est Gentibus*) applicari ex se potest æqualiter ad cuiusq; persecutionis à Gentibus excitatæ tēpus: verum contextus postulat, vt Gentium nomine hic intelligamus Iudæos Christi inimicos, & Ecclesiam Christianam persequentes. Agitur enim de prima Ecclesiæ persecutione: quò tempore significanter satis Gentium nomine Iudæi oppugnantes Ecclesiam nuncupantur. Nam si fideles, qui Ecclesiæ obedire reuertunt, ait Christus, à nobis vt Ethnicos & publicanos esse ducentes: quanto magis illi, qui dicunt se esse Iudæos, & non sunt, sed Synagoga Satana; vt habetur cap. 2. 9. qui persequuntur Ecclesiam; & persecutionem eius modi fulciant in spiritali quadam idololatriâ: propter quam Iudæi cap. 9. 20. dicuntur adorare *demonia & simulacra aurea & argentea & ærea & lapidea & lignea*. ex quo fit perspicuum, aptissime Gentium nomen illis tribui in hoc Apocalypseo æmigmatē. Præsertim cum in sexta plaga iuriarum exercitus, quo Iudæi Ecclesiam afflixerunt, figuratus sit veluti tartareus quidam exercitus ab inferis eductus, qui Babylone prodiens in Ierosolymam irruit. Adde huc, de Iudaici populi persecutione sermonem institui per allusionem ad persecutionem Antiochi, vt statim videbimus: ideoque congruens fuisse, vt Iudæi Gentium nomine vocentur.

D Vbi hanc externi atrij significationem perspexerimus, (nempe de bonis externis, quæ persecutorum violentiâ subiecta erant) mox apparet energia illius phrasos, *Eijce foras, & ne metiaris illud*. Hac enim locutione significatur, ne animus torqueatur horum externorum bonorum amissione, optimum esse remedium omnia imprimis renunciare, atque à se eijcere ante persecutionis tēpus; totamque curam ac sollicitudinem impendere in veri templi dimensione ac magnitudine; quippe hoc est, quod solum integrum & illæsum, annuente Deo, est conseruandum; neque Ecclesiæ homines poterunt id comminuere aut labefactare. Cetera abijcere & dare pessum congruentius est, vt quæ conseruari minimè possint, id est, rem familiarem, honores, magistratus, salutem, vitam, ac demum quiddid profanæ violentiæ subiacet. Itaque verba illa, *Eijce foras*, magnam habent emphasim, vt nuper dicebamus, ad significandam rerum omnium, quas inimicorum impetus potest infringere, abdicationem: quæ iusti viri maximopere latantur, & cum Paulo dicunt, *Licet is qui foris est, noster homo corrumpatur; tamen is, qui intus est, renouatur de die in diem*, 2. Corinth. 4. 16. Quapropter si applicitâ considerationis mensurâ, reperiunt mytici huius templi interiora celestibus diuitijs & diuinâ virtutum supellectile esse locupletata; libenter sane atque incunde despiciunt externorum bonorum iacturam.

E MENSIBVS QUADRAGINTA DVOBVS. ] Hi duo & quadraginta menses à multis creduntur esse tres illi anni & dimidiatus; quibus fere dicitur Antichristi persecutio duratura. Atque aded non dubitant proprium ac literarium vndecimi huius capitis sensum esse de tempore persecutionis Antichristi. Hoc amplius confirmatur ex eo, quod communi omnium consensu receptum est; duos scilicet testes, de quibus infra agitur (qui dicuntur prædicaturi, & pro veritate vitam profuturi, & post tres dies atque dimidium ad vitam reuocandi) esse Enochum & Eliam. Hanc ergo declarationem minimè aut impugnare, aut eludere contendo: eam sanè veritatis habeat firmitatem, quam volunt ij, qui illas sequuntur. Mihi tamen adhuc licet dicere, si hanc de Antichristi persecutione explicationem vt præcipuam in hoc capite vndecimo assumam, me omnino nescire Apocalypseos sensum ducere, & consequentem texere seriem. Quanti verò momenti sit acolithia & cohærens contextus in sacra Scripturæ explanatione, diximus in Proleg. not. 8.

Deinde, si quem permoueat ingens auctoritas eorum, qui pro certo habent, potissimum huius capitis vndecimi sensum esse de Antichristi persecutione: vidimus iam in Prolegom. not. 11. nullam esse Apocalypseos declarationem, quæ tanto aut grauiorum auctorum numero, aut rationum pondere solidetur; vt illa, quæ tanquam rem certam itatuit, à c. 4. vsque ad finem vndecimi agi de modo ac ratione, qua Deus se gessit cum Iudaico populo sub primitiæ Ecclesiæ tempora, vsque ad ipsius populi Iudaici reprobationem. Cum hac autem expositione rectè consentit, Antichristi persecutionem hic quidem attendi ac respici per comparisonem, vt latè explicuimus notatione 20. prolegomen. Denique quam hætenus sumus sequuti explicationem ab ipso Apocalypseos exordio, eiusdem decursus & quasi torrens nos rapit, vt cepta & huc vsque prouecta eodem consequentiæ ordine prouehamus; atque aded duos & quadraginta menses, quorum hic Ioannes meminit, applicemus ad tempus illud, quod persecutio Iudæorum in primitiuam Ecclesiam coortadu-  
rauit.

Quid habeat mystice, quod Ioanni dimensio templi im-  
peretur; at atrij Gentium in-  
terdicatur.

Gentium nomine Iudæos  
hic esse in-  
telligimus.

Quid sit  
mystice, a-  
trium foras  
eijcere.

Menses qua-  
draginta  
duo quomo-  
do sint acci-  
piendi.  
Multorum  
sen tentia,  
exponunt  
in c. 11. pro-  
prio de An-  
tichristi per-  
secutionis  
duratione.

Nihil nos  
comuni huc  
explicationi  
dormet iure.  
Totius Apo-  
calypseos a-  
coluthiam  
perire, vt  
hic tempus  
a primiti-  
ua Ecclesia  
persecutione  
a Iudæis ex-  
citata re-  
feratur.



Duos & quadraginta menses in sensu mystico, non proprio, esse capiendos.

In nostra etiam explanatione posse per comparationem tempus Antichristi persecutionis affirmari.

In his duobus & quadraginta mensibus alludi ad Danielis prophetiam.

Ecce in loco comparati Iudaorum persecutione in Christi Ecclesia cum Antiochi Epiphanis persecutione.

De numero 1260 dierum opinio Riberi & aliorum.

Num hic dierum numerus tres annos cum dimidio rite consiciat?

Probatur trium annorum & dimidii spatium iussu à Ioanne significari per numerum 1260 dierum.

His praestitutis, notandum est primò, nisi Apocalypseos liber ænigmaticus esset, perperam omnino & ineptè quadraginta duos menses ad tempus persecutionis Iudæorum applicari. Constat enim persecutionem illam per annos quadraginta durasse. Et quanuis non plus enumeremus temporis, quàm ad Apostolorum toto orbe dispersionem, & ad Gentes veræ fidei præceptis informandas migrationem; nemo tamen ignorat Iudaicæ persecutionis impetum multò plures annos durasse, quàm tempus illud, quod duobus & quadraginta mensibus comprehenditur. Veruntamen quemadmodum dimidia hora capitis octauæ, & quinque menses capitis noni, non sunt in sensu proprio desumpta, sed mysticè: ita etiam conuenienter ad Apocalypseos contextum accipiendi sunt hi quadraginta duo menses in sensu mystico, non proprio. Etenim accipere hos numeros dierum, mensium aut annorum, ut sonant, id quidem nequaquam stylo ænigmatico quadrat.

Secundò, ut in dimidio horæ spatio capitis octauæ allusio facta fuit ad dimidiam illam horam ex Tobiae libro. Atque ut quinque menses locustarum capitis noni accepti sunt ab illis quinque mensibus, quibus terra communis eluuiionis vndis cooperta fuit: non secus quadraginta duo menses, quorum hic mentio fit, sumendi sunt ex aliqua alia historia siue Prophetia, ad quam hic locus alludat. Quòd si ita certum est, ut communi consensu iactatur, Antichristi persecutionem duos & quadraginta menses duraturam (qui tres annos & dimidiatum conficiunt) hac ratione potuit in hoc loco respici ad ipsius Antichristi persecutionem; videlicet per allusionem, ut in quinque mensibus capitis noni ad antiquum diluuium alluditur. Atque huiusmodi allusiones manifestum est comprehendendi etiam in Spiritus sancti intentione, atque adeò sub literalis sensu. Nam in allusione comparatio inest: atqui comparatio affirmat etiam historiam; cum qua comparat veritatem illam, de qua potissimum agit.

Tertiò, spatium hoc duorum & quadraginta mensium procul dubio desumptum fuit ab Apocalypsi ex Danielis prophetia c. 7. 25. & c. 12. 7. ut explicabimus notatione sequenti. Enimuerò Danielis locos licet multi ad Antichristi persecutionem referant; nihil tamen dubium non est, quin in sensu saltem proximo sermo sit in c. 12. de tempore, quo duratura erat Antiochi Epiphanis persecutio; quæ non per tres solum annos, ut aliqui sibi persuadent, sed per tres annos & dimidiatum sæuijt, ut in not. 2. explicabo. Locum autem Danielis 2. agere existimo de tempore, quo duratura erat Neronis persecutio; aut etiam de vniuersis persecutionibus, quibus Romanum Imperium vexauit Ecclesiam.

Existimo ergo in hoc Apocalypseos loco comparari rebellium Iudæorum persecutionem aduersus Ecclesiam cum persecutione illa, quam Rex quondam Antiochus, eiusque ministri contra Dei populum concitarunt. Illud enim bellum inter cetera veteris testamenti verè & propriè fuit contra veram religionem gestum: atque ideo Apocalypsis illius belli figuram vsurpat; primò in Iudaici populi persecutione; deinde in persecutione populi Gentilici capit. 12. & 13. & postea etiam in Antichristi persecutione c. 20. Et in duabus primis Iudaici populi atque Gentilici persecutionibus per allusionem ad persecutionem Antiochi, affirmatur in Apocalypsi maximam Ecclesiæ angustiam tribus annis cum dimidio duraturam: quod mysticè esse accipiendum, explicabimus not. 3.

Interim aduerto, Riberam & alios in ea esse sententia, ut mille ducentis sexaginta diebus, de quibus fit mentio in Apocalypsi, deesse putent octodecim dies, ut integrum spatium trium annorum & dimidij compleatur. Eorum fundamentum est, quia quo tempore Ioannes Apocalypsin scripsit, iam computabatur annus iuxta Iulij Cæsaris rationem, quæ singulis annis trecentos sexaginta quinque dies & horas sex adscripsit. Ex quo inferunt, non esse idem tempus apud Ioannem quadraginta duos menses, (qui tres annos & dimidium constituunt) & mille ducentos sexaginta dies, quos postea Ioannes addit: sed cum ponit tres annos cum dimidio, addi octodecim dies ad mille ducentos sexaginta, quos exprimit not. 13. Hæc illi.

Ceterum imprimis non certum est in Græcia, vbi Ioannes scripsit, iam tunc Iulij Cæsaris computationem esse vsitatam: atqui compertum est, iuxta Græcorum, Hebræorum, & Chaldæorum rationem, singulis mensibus triginta solum dies attribui, de quo notatione 2. dicitur: addebant tamen post aliquot annos vnum embolismi mensem. Deinde quanuis in Græcia computatio Iulij Cæsaris iam fuisset recepta, Ioannes minimè tenebatur, ut se ad computationem à Græcis vsitatam accommodaret. Nam ad allusionem ex Danielis locis petitam, & ad sacræ Scripturæ consuetudinem congruentius erat, ut Ioannes Hebræorum more in connumerando vteretur; qui procul dubio vnicuique mensi triginta omnino dies, anno verò trecentos sexaginta semper tribuerunt; ut sequente notatione constabit. Consentaneum autem erat, ut Ioannes, qui erat Hebræus, de anno & eius diebus more Hebræorum loqueretur.

Præter hæc ex ipso contextu euidenter, ni fallor, elicitur, Ioannem pro eodem sumere tres annos cum dimidio, & quadraginta duos menses & mille ducentos sexaginta dies. Nec aliud denotat phrasis illa, quam Ioannes ex Daniele fuit mutuatus, *Tempus & tempora & dimidium temporis*; quasi dicat annum & duos annos & dimidium alterius. Quibus locutionibus fuit vsus Ioannes per dissimulationem, iuxta ænigmatum consuetudinem. Menses quidem duos & quadraginta hic ponit num. 2. & mille ducentos sexaginta dies exprimit numero sequenti; & c. 12. 7. locutionem verò illam, *Tempus & tempora, & dimidium temporis*, vsurpat ca. 12. 14. quibus tamen omnibus loquutionibus eadem inest, ut dixi, significatio.



## N O T A T I O II.

Seu potius disputatio; an grauissima illa religionis prohibitio Ierosolymis indicta ab Antiocho Epiphane durauerit tres annos & sex menses?

**N**OTANDUM primò est, Daniele, cum capite vndecimo cepisset agere de angustijs, in quas Ierosolyma fuerat ab Antiocho redigenda, mox capite duodecimo, numero septimo affirmare, miram religionis instaurationem differendam esse in tempus & tempora & dimidium temporis. Et infra numero vndecimo. A tempore, cum ablatum fuerit iuge sacrificium, & posita fuerit abominatio in desolationem, dies mille ducenti & nonaginta. Et numero duodecimo, Beatus, qui expectat & peruenit usque ad dies mille trecentos triginta quinque.

Notandum est secundò, primum illud spatium, Tempus & tempora & dimidium temporis, idem omnino esse, atque tres annos cum dimidio; vt omnes conueniunt. Eandemque phrasim vsurpat Apocalypsis cap. 12. 14. Certum autem est, in Apocalypsi idem esse spatium duorum & quadraginta mensium capite vndecimo, numer. 2. & capite decimo tertio num. 5.

Tertiò notandum est, in Apocalypsi tres annos & dimidium reduci ad dierum numerum, nec plures poni dies, quam mille ducentos sexaginta. Ex quo dilucidè cernitur, singulis mensibus triginta omnino dies solum dari. Atque hæc fuit apud nationes complures prisca numerandi consuetudo: vt videre est apud Iosephum Scaligerum l. 1. de mensibus folio sexto, vbi ait: In anno Aegyptiaco & Graeco, omnes menses equaliter sunt triacontimeri. Et infra: Atticorum menses & Persarum omnes triacontimeri. Et infra: Omnes menses anni prisce Hebraeae fuerunt meretricenarii & omnes pleni. Item capite de anno, folio octauo, Conuenit (inquit) vt menses omnes tricenis diebus explicarentur, annusque dierum trecentorum sexaginta constituerent. Hæc diuersa est anni forma. Quare difficultate non caret, Daniele mideri cap. 12. 11. reducere tres annos & dimidium ad mille ducentos nonaginta dies. Cuius difficultatis solutio ea est, opinor; quòd Ioannes tantum sumit tres annos atque dimidium iuxta communem acceptionem: Daniel verò mensem addit embolimum siue intercalarem; qui, cum opus erat, solebat adiungi. de quo etiam late Iosephus Scaliger de emendatione temporum l. 1. c. de mensibus.

Quartò; licet Porphyrius olim, & nostra ætate Iosephus Scaliger voluerint, tres annos & dimidium Danielis intelligi debere de eo tempore, quo Antiochi persecutio exaruit: huic tamen explanationi sese Hieronymus manifestè opponit Danielis 12. clare ostendens Ierosolymæ templum fuisse violatum die vigesima quintâ mensis Casleu; & tribus post annis eadem die (nimirum vigesima quintâ mensis eiusdem) fuisse expiatum. Probatur hoc ex 1. Machab. 4. 52. & 2. Machab. 10. 5. Vtrobique enim expenditur, vt res animaduersione digna, expiationem templi eodem fuisse die, quo prius fuerat violatio. Idemque affirmat Iosephus libro duodecimo Antiquitatum capite decimo, (aliàs vndecimo.) Hoc Hieronymi argumentum tanti apud communem doctorem consensum momenti visum est; vt eo conuicti Doctores bene multi, non dubitauerint Daniele ex Antiochi prophetia (de qua agere coepit capite vndecimo,) ad prophetiam Antichristi fuisse transgressum. Nam tres annis cum dimidio reperiri non possunt in Antiochi historia; atque adeò pro certo habetur, complendos es-

se in Antichristi persecutione. Vide Bellarmin. lib. 3. de sum. Pont. cap. 8. Vbi ostendit prisce Patres non dubitasse, quin illa Danielis verba sint ad Antichristum referenda. Idemque sequuntur Pererius Daniel. 12. & Serarius in Machabæorum harmonia fol. 590. & 653. & 667. in cuius rei confirmationem addit Diuus Hieronymus verba illa, Multi de his, qui dormiunt in terræ puluere, euigilabunt; alij in vitam eternam, & alij in opprobrium vt videant semper; non pertinere ad Antiochi, sed ad extremi iudicii tempus.

Notandum quintò est, Diuum Hieronymum & reliquos Patres non tam agere, ne in Antiochi persecutione locum habeant tres anni & dimidiatus Danielis; quam vt aduertatur, Daniele in his capitibus non loqui solum de Antiochi persecutione contra Iudaicum populum commouenda; verum etiam de illis calamitatibus, quas Christiana Ecclesia, præsertim sub Antichristo, perpessura erat. Ad hoc autem non est impedimento, quidquid Daniel prædicat, prius de Antiochi persecutione, vt de figura, posse explicari. Notum enim est doctis illud Augustini documentum toties nobis repetitum, Prophetas præterita, seu Iudaica tangere, futura, siue Christiana respicere. Qua de re præclara extant exempla: quale est illud Psalmi 28. in quo cum Davidis victoriæ attingantur, potissimum respicitur ad victorias ac triumphos, quos Ecclesia de Gentibus fuerat reportatura. Maias porrò, & Ieremias Babylonis excidium describunt: in eoque præcipue attendunt Idololatriæ siue Romæ Ethnicæ euersionem. Possem exempla huiusmodi sexcenta commemorare. Nec solum reor, in his locis Spiritum sanctum mysticè attendisse Christianæ Ecclesiæ mysteria, sed etiam in literalis sensu intendisse, per comparationem tamen, ad Iudaici populi successus.

Sextò, quanquam Iosephus affirmat, templi violationem tres tantum annos durasse; in duobus tamen locis asserit, Ierosolymæ idololatriam sub Antiochi tempore tres annos cum dimidio perstitisse. Idem perspicue ait in prologo ad lib. de bello Iudaico: Antiochus deuicta penitus Ierosolymâ, cum triennium, sexque menses eam tenuisset, ab Assamone filijs expulsus est. Et libro primo, capite primo, Quotidianæ religionis assiduitatem per anno: tres, sexque menses inhiuit. His locis respondet noster Serarius folio 653. sex illos menses vel per imprudentiam à Iosepho additos esse; vel à lectore fortè quopiam, qui prophetiam Danielis cap. 12. existimabat cum Porphyrio penitus adscribendam esse Antiocho. Non miror hæc dicere Serarium, cum præstatur tres annos cum dimidio ad Antiochi historias non posse verè referri. Ceterum mihi non est dubium, quin secus existimaret Iosephus. Nam expressè ait libro 12. ca. 10. profanationem templi, eiusque instaurationem, siue expiationem à Daniele ante quadringentos annos fuisse prædictam. Ex quo mihi persuadeo, tres illos annos ac dimidium, (de quibus Daniel cap. 12.) à Iosepho fuisse relatos ad Antiochi persecutionem. Daniel enim non meminit trium tantummodo annorum, sed trium cum dimidio: atque ibi agit de religionis violatione, deque expiatione templi.

Septimò, postquam attentè considerauimus hos Iosephi locos, & ipsum perspicue dicere, historiam

Qua fuerit Hieronymi, aliorumque Patrum mens in superiore asseritione.

Secundum Iosephi sententiam Ierosolymæ idololatriam sub Antiocho tres annos cum dimidio durasse.



Scripturae  
Iosephi con-  
ciliatio cir-  
ca persecuti-  
onis Antio-  
chi duratio-  
nem.

Oportere  
concordiam  
querere in  
multis Scri-  
ptura locis,  
qui annorum  
computatio-  
nem varia-  
re videntur.

Conciliatio  
locorum pri-  
mi Machab.  
cum alijs li-  
bri eiusdem  
secundae.

Qua tandem  
fit inter  
Danielē &  
Machabzo-  
rum librum  
primū con-  
ciliatio de  
persecutio-  
nis duratio-  
ne sub Anti-  
ocho.

Confirma-  
tur predicta  
concordia  
ex primi  
Machabzo-  
rum libri  
loco.

ipsam fuisse multo ante à Daniele prænuntiātam; in eam incidi suspitionem, aliquā fortassis ratione conciliari posse tres annos violationis templi cum annis illis tribus atque dimidio, de quibus Daniel & Iosephus loquuntur. Et quanvis Hieronymo non in mentem venerit, congruenter posse componi tres annos, de quibus agunt Machabzorum libri, cum tribus annis & dimidiato Danielis: si tamen cōcordia reperiretur vlla, quæ apte ac dignè vtraque loca conciliaret; non dubito, quin Hieronymi intentioni conciliatio hæc contraria non esset. Ipse enim potius Hieronymus Daniel. 12. planè asserit, rectè tres annos cum dimidio ad Antiochi historiam potuisse referri, si templi profanatio tres etiam annos cum dimidio durasset: constare tamen non durasse, nisi tres tantum annos.

Octand, nihil est, cur desperemus reperiri posse concordiam inter varios Scripturæ locos, qui oppositi inter se esse videntur in annorum computatio-  
ne. Nam multa eiusmodi reperire est in sacris Lite-  
ris, si Regum libri cum Paralipomen. 15. conferan-  
tur. In quibus dum auidè ac solerter indagatur cō-  
ciliatio, inuenitur tandem magno cum animorum so-  
lato. His addo, in tribus annis strictè sumptis,  
quos liber primus & secundus Machabzorum desi-  
gnant, necessariò querendam esse concordiam cum  
alio loco eiusdem primi Machabzorum libri. Nam-  
que vt tres sint tantum anni, statuere opus est tem-  
pli profanationem fuisse die vigesimā quintā men-  
sis Casleu: & tamen l. 1. Machab. 1. 57. significari vi-  
detur violatio tēpli fuisse quinta decima die eiuf-  
dem mensis; sic enim legimus; Die quinta decima mē-  
sis Casleu edificauit Rex Antiochus abominandum idolum  
desolationis super altare Dei. Cuius loci cum alijs eiuf-  
dem libri, & libri secundi conciliatio ea videtur  
esse; Antiochi decretum fuisse indictum die decimā  
quintā; executionem verò cum publica pompa ac  
celebritate fuisse quintā ac vigesimā die. Sicut ergo  
reperitur concordia illius paræ discrepantiæ appa-  
rentis; sic etiam existimo, concordiam esse quæren-  
dam trium illorum annorum cum tribus annis &  
dimidio. Siquidem Iosephus, qui refert, & affirmat  
tres annos præcisè sumptos; asserit etiam in eā An-  
tiochi historia completum fuisse Danielis vaticiniū  
de templi violatione, & diuini cultus prohibitione  
tribus annis Ierosolymæ duraturā, & manifestè Iose-  
phus idem confirmat duobus in locis, persecutionem  
illam tribus annis cum dimidio durasse.

Nonò, his omnibus atq̃tè perspectis, reperio tres  
annos restrictè acceptos & tres annos cum dimidio  
aptissimè in Antiochi historia conciliari posse; atque  
hanc concordiam non parum firmamenti accipere  
ex eadem historia in 1. Machab. ca. 1. Quam igitur  
conciliationem inuenio, huiusmodi est; Antiochum  
nempe urbem & Sionis arcem occupasse, & diuinum  
cultum inhibuisse sex mensibus, antequam templū  
violaret: itaque profanationem vrbis per tres an-  
nos & dimidium durasse; peculiarem verò templi  
profanationem durasse tribus tantum annis.

Concordiam hanc fulciò imprimis in loco illo  
capitis primi ex priori Machabzorum libro. Vbi  
postquam fuerat prædictum, ingressum antea iam  
fuisse semel Antiochum in urbem, eamque cepisse,  
& templum pretiosis omnibus vasis expoliasse; Iu-  
daeos tamen in sua religione ac cōrimonijs reliquis-  
se. Mox vbi sacer textus ad secundam ipsius Antio-  
chi irruptionem in urbem accedit; hæc habet à nu.  
32. Irruit super ciuitatem repente, & percussit eam plagā  
magnā, & perdidit populum multum, & succendit ciuitatē  
igni. Et edificauerunt ciuitatem David, sicut erat, arcem Sio-  
nis muro magno & firmo, & turribus firmis, & facta est  
illis in arcem: & factum est hoc ad insidiam sanctificationi, &  
in diabolum malum in Israel: & effuderunt sanguinem in-  
nocentem per circuitum sanctificationis; & contaminaue-  
runt sanctificationem; & fugerunt habitatores Ierosolymæ; &  
sanctificatio eius desolata est, sicut soli udo. Et scripsit Rex  
Antiochus, vt esset omnis populus vnus; & relinqueret v-  
nusquisque legem suam: & multi ex Israel conseruerunt  
seruitutem eius, & sacrificauerunt idolis, & coinquinauerunt  
Sabbatum. Et misit rex liberos per manus nunciorum in Ie-  
rusalem, vt prohiberent holocausta & sacrificia, & celebra-  
ri Sabbatum & dies solennes: & iussit coinquinari sancta

A & sanctum populum Israel: & iussit edificari aras & tem-  
pla & idola, & immolari carnes suillas, & coinquinari ani-  
mas eorum in omnibus immundis, & abominationibus; ita  
vt obliuiscerentur legem. Et quicumque non fecissent secun-  
dum verbum Regis Antiochi, morerentur. Et preposuit  
Principes populo, qui hæc fieri cogerent.

B Hæc omnia paucis interpositis, textus ait, pri-  
usquam perueniat ad Iouis Olympi simulacrum,  
quod in templo super veri Dei aram fuit impositum.  
Quis ergo non videat, iuxta contextum ipsum val-  
de esse verosimile, vt ea omnia, quæ diximus, ante-  
cesserint ipsius templi profanationem? Nam quod  
attinet ad alia templa constructa, & ad eadem, quæ  
in templi circuitu fiebat Iudæorum ad Dei tem-  
plum accedere audentium; hoc quidem supponit,  
nondum Dei templum in templum Iouis fuisse cō-  
mutatum. Quod si omnia suprā dicta præcesserunt  
violationem templi: quid mirum post veri Dei cul-  
tum in ciuitate prohibitum, sex menses præterisse;  
antequam Iouis simulacrum in Dei templo colloca-  
retur? Præsertim si prius Sionis arcem munierunt,  
& nouis cinxerunt propugnaculis; vt violentius at-  
que securius Iudæos cogerent, atque adeò constrin-  
gerent, vt in abominanda Iouis simulacri colloca-  
tione ne hiscerent quidem.

C Hæc conciliatio, si attentè res inspicatur, ex-  
pressa est in Iosepho. Nam quando agit de religionis  
profanatione, quæ per tres tantum annos durauit,  
distinctè loquitur de templo; Templum, ait, ab Antio-  
cho profanatum siue destructum, sic tribus annis permansit.  
Hæc Iosephus l. 12. Antiq. ca. 10. (vel 11.) Cum autē  
tres annos ad tres & dimidium extendit, manifestè  
agit de ciuitate: hæc enim sunt eius verba in prolo-  
go librorum de bello, Antiochus deuicta penitus Ieroso-  
lyma, cum triennium, sexque menses eam tenuisset, &c. Et  
c. 1. cum dixisset, Antiochum spoliasse templū (quod  
duobus saltem annis antea acciderat, vt constat 1.  
Machab. 1.) subiungit, Quotidiana religionis assiduitatē  
per annos tres, sexque menses inhibuit. Hæc ille. Atqui  
persecutio est, res esse diuersas inhibere religionis  
assiduitatem, & violare templum ipsum; in eiusque  
altari statuam Iouis collocare, atque Iudæos ad eam  
adorandam compellere.

D Eidem insuper concordia valde fauet, opinor,  
caput duodecimum Danielis. Etenim licet sit certū,  
Prophetam respicere potissimum ad persecutiones,  
quibus Christiana Ecclesia fuerat oppugnanda (vi-  
delicet primū a Iudæis, deinde à Gentibus, tan-  
dem ab Antichristo: ) nihilo tamen minus videtur  
certū ex toto c. 11. contextu, & ex ipsius coherentia  
cū c. 12. (quod incipit per illa verba In tempore illo.)  
Propheta agere de Ecclesiæ persecutionibus sub fi-  
gura persecutionis Antiochi; quæ inter Iudaici po-  
puli calamitates, melius Ecclesiæ persecutiones figu-  
rauit. Nec enim Iudaicus populus vllā aliā habuit  
persecutionē, quæ religionis causā fieret. In alijs bel-  
lis dimicabatur de imperio: in illo tamen Antiochi  
non de imperio solum, sed etiam de Iudaica religio-  
ne abolenda agebatur. Eos autem, qui prius Danie-  
lem agere de Antiocho putant, deinde ad Antichri-  
stum trāsfilire, imprimis oro, vt animaduertant, in-  
terdum ex ignorance consequentia totius contex-  
tus transitiones has Prophetæ attribui: porro ne-  
cessarium non esse ex vna re ad aliam repentē trans-  
gredi, si de vtrāque simul agi poterat, alteram cum  
altera comparando. Hæc enim ratione rectè ab ipso  
exordio intelligitur, caput vndecimum & duodeci-  
mum agere de Ecclesiæ persecutionibus. Alioquin  
ipsi etiam, qui saltum ibi necessariò esse asserendum  
suspiciantur; nondum designare congruenter valēt,  
quò ex loco hic saltus sit repetendus.

E Deinde, si certum est, in Antiochi historia figu-  
ratas fuisse à Deo siue adumbratas Ecclesiæ persecu-  
tiones (vt omnes fatemur) si item ad Ecclesiæ perse-  
cutionum figuram atque imaginem congruentissi-  
mum erat spatium trium annorum cum dimidio  
(vt constat ex Apocalypsi c. 11. & ca. 12. & c. 13.) vi-  
derit cordatus quisq; , quam fit verisimile, à diuina  
providentia sapienter fuisse permixtum, vt illa Anti-  
ochi persecutio tres annos & dimidiatū perfliteret:  
vt & à Iosepho affirmatur, & significatur à Daniele.  
Præterea, si tres anni cum dimidio, de quibus agit

Conciliatio-  
nem vtrius-  
que loci su-  
prā traditā  
ex Iosepho  
non obscure  
colligi.

Item ex Da-  
nielē.

Danielē  
agere de Ec-  
clesiæ perse-  
cutionibus  
sub figura  
persecutionis  
Antiochi.



Ex Danielis  
consequuntur  
& intelligit  
ia robora-  
tur adhuc  
nostra con-  
siliandi ra-  
tio.

Huc etiam  
spectare  
Christi Do-  
mini verba  
de abomi-  
natione de-  
solationis.

Daniel c. 12. non ad historiam persecutionis Antiochi; sed ad Antichristi solum persecutionem referantur: hinc sequitur abominationem illam Daniel. 12. singulatim de Antichristi persecutione asseuerari. Quod si ita esset, coactum planè foret, locutione illam ad Iudaici populi persecutionem aduersus fideles concitandam applicare. Si verò Daniel immediatè ac proxime loquebatur de Antiochi persecutione; aptissima erit applicatio ad persecutionem Iudaici populi. Nihil enim aptius, quàm quod de figura dicitur, ad figuratum referri. Constat autem Christum Dominum illam abominationem desolationis applicasse ad tempus persecutionis Iudaorum. Cui etiam applicationi manifestè fauet Danielis textus c. 9. in fine. Iam si proportio attendatur; cum Iudaorum persecutio fuerit sub specie diuini cultus tuendi, ac venerationis vni Deo debita; eleganter fingitur, in veri Dei templo, atque adeo in ipso altari simulacrum, siue idolum, vt quondam ab Antiocho, fuisse à Iudæis constitutum. Etenim cum Christianos cogeant, vt sub Dei venerationis prætextu Christum abnegarent; perinde erat, atque illos compellere, vt in Dei veri arā dæmonem venerarentur.

Adhuc; si Daniel in c. 12. immediatè de Antichristo, non verò de Antiochi persecutione loqueretur: Christus quidem, cum Danielis locum retulit, neutiquam diceret, Cum videritis abominationem desolationis stantem in loco sancto, qui legit intelligat. Hic namque loquendi modus animam allicit, & quodammodo trahit ad mysticam aliquam illius loci intelligentiam. Argui in persecutione Antiochi rite fuit adhibita persecutio, quam postea Iudaicus populus in Christum, suosq; commouit. At in Antichristi persecutione non figurabitur.

Quod si Daniel c. 12. immediatè de persecutione Antiochi agit; hunc sensum potuit Apocalypsis vsurpare, atque transferre ad persecutionem illam, qua Iudæi Christianum postea nomen oppugnarunt: nec non ad persecutionem populi Gentilici, & ad ipsam Antichristi: vt re ipsa præstatur. Nam ad persecutionem à Iudæis excitatam vitur Apocalypsis ea figurā c. 11. & ad Gentilium persecutionem c. 12. & 13. & tandem ad persecutionem Antichristi c. 20. vbi de Gogo & Magogo. Si verò Daniel non de Antiochi persecutione agebat; non ita elucet, quàm aptè vtatur Apocalypsis verbis Danielis ad eas persecutiones significandas, quæ Antichristi persecutionem præcessuræ erant. Nam licet congruenter vsurpetur figura ad agendum de re figurata: at Antichristus non debet esse figura persecutionum, quæ illū antecesserunt. Et quanuis verum sit, posse de alijs persecutionibus agi per comparisonem ad persecutionem Antichristi: id tamen aliquanto violentius est.

Ad huius notationis complementum superest rationem reddere de nonnullis rebus, quæ non satis hæcenus explicatæ sunt. Imprimis verba illa Danielis 12. 2. Multi de ijs, qui dormiunt in terra puluere, euigilabunt, idoneè explicantur in Antiochi persecutione; vt dicemus ad illud Apocal. 13. 3. Plaga mortis eius curata est: vbi significatur, in ijs persecutionibus, quæ postea concitabantur in Ecclesiam, Neronem ab inferis reuocari. Et quanquam D. Hieronymus in Porphyrium scribens Danielis verba vsurpat in alio sensu; ceterum nisi Porphyrius mysticū illius prophetiæ sensum negaret, non inficiaretur sanctus Doctor, verba illa in Antiochi persecutione appositum posse sensum habere.

Secundò, dies illi quadraginta quinque, quos postea Daniel addit c. 12. 13. cum ait, Beati qui exspectat & perident usque ad dies mille trecentos triginta quinque; referuntur, nisi fallor, ad Sionæ arcis instaurationem; quæ ad maius templi præsidium ac propugnationem fuit facta, vt primum fuit templum expiatum. Id quod videre est 1. Machab. 4. 60. & apud

A Iosephum l. 12. c. 10. (aliàs 11.) Quod autem dicitur felicem esse illum, qui alium sesquimenssem expectaret; idem planè est, ac si magna alia felicitas intra sesquimenssem futura promitteretur. Et certe felix faustumque erat, Sionis arcem præsidij, propugnaculis, atque alijs munimentis esse vndique cinctam contra ingruentium hostium incurfiones. At enim ad tantam arcis munitionem, exigui satis (inquit) temporis spatium erat mensis & dimidiatus. Respondeo; illa arcis instauratione non de nouo tunc facta fuit. Triennio enim antea eam extruxerat Antiochus; ad eamque totius populi ardore & contentione reconcinnandam, sesquimenssem spatium non admodum erat exiguum. Scio hos quinque & quadraginta dies à Hieronymo atque alijs in Antichristi prophetia applicari ad dies toridem, quos aiunt Christianæ Ecclesiæ post persecutionem pacatos omnino atque tranquillos fore. Sed quidquid de hoc sit; nunc ipse de Antiochi persecutione ago, quæ meo iudicio negari non potest.

B Tertiò, quod Daniel alibi bellum Antiochi Ierosolymæ inferendum per sex annos & amplius extendat (nimirum c. 8. 14. duo millia trecenti dies) non obstat tribus annis & dimidio, quibus diuini cultus prohibitio durauit. Bellum enim illud multò antè cepit; atque ipsemet textus 1. Machab. 1. exprimit, biennio antè tres annos & dimidium, urbem fuisse ab Antiocho occupatam, & pretiosa omnia vasa templi fuisse direpta. Et ante primam illam irruptionem bellum iam ardere cœperat, & Iudaici populi animos timor peruadere; atque ita optimè coheret, totum belli ab Antiocho gesti tempus plus sex annos fuisse.

C Quartò, reliquum est examinare rationem discriminis inter dies Danielis & Apocalypseos. Namque si Apocalypsis in tribus annis cum dimidio ad tres item annos & dimidium Danielis allusit: quina fieri potest, vt dierum numerus apud Danielē sit mille ducentorum nonaginta: apud Ioannem verò non amplius mille ducentis sexaginta? Huic dubitationi respondeo, si Daniel proximè loquebatur, (vt iam diximus) de tribus annis & dimidio, quos illa diuini cultus interdictio erat duratura sub Antiochi tempus; oportuisse quidem ad prophetiæ perfectionem & integritatem, vt non numeraret solum dierum numerum, qui tres annos & dimidiatum conficiunt; verum etiam dies illos, qui in ea computandi ratione addendi erant ad mensem intercalarem, qui tum fortè incidebat. At Ioannes in Apocalypsi cum non ageret de restricto dierum numero, sed de mystico; nullam debuit mensis embolimi siue intercalaris habuisse rationem; sed illius tantum numeri dierum, qui ad triennij & dimidiari mensis explendum interuallum satis est. Nam mille ducenti nonaginta dies Danielis, symbolum quidē fuerunt ac figura spatij, quo Iudaici populi atque Gentilici persecutiones permansuræ erant: deserui-erunt tamen huic symbolo; non propter exactum & strictum dierum numerum, quem tunc habituri erant illi tres anni cum dimidio; sed quia tres anni & dimidius erant. Atque ita cum ad tres annos & dimidiatum sufficiant mille ducenti sexaginta dies (tribuendo singulis mensibus triginta solum dies, neque aliquid ratione embolismi addendo) ideo Ioannes mille ducentos sexaginta dies tantummodò vsurpauit. Hæc tamen exigua triginta dierum differentia conueniens admodum extitit; videlicet vt per eam animaduertemus, apud Danielē in prophetiā de Antiochi persecutione numerum dierum strictè accipi, atque ita vt sonat, intelligi debere: at in Apocalypsi tam in Iudaorum, quàm in Gentiliū persecutionibus (ad vtranque enim Apocalypsis applicat tres annos & dimidium) dierum numerum, non quidem vt sonat, sed in mystico sensu esse capiendum.

Sesquimenssem à Daniele additurā in Si nea arcis instauratione fuisse impensū.

Est mille trecenti dies à Daniele assignatos bello Antiochi, rectè cū predicta expositione & cum triennij annorum ac dimidij spatij consentire.

Cur ad triennij annorum & dimidiari spatij Daniel dieimille ducentos nonaginta, Ioannes mille ducentos sexaginta designauit?

Quo sensu à Daniele dicantur multi de ijs, qui dormiebant, euigilaturi.

Dies quinque & quadraginta à Daniele additi quæ ad sensum sint referendi.



## NOTATIO III.

In qua referuntur varia explanationes illius locutionis Danielis, Tempus  
& tempora & dimidium temporis.

Quid signi-  
ficet apud  
Danielis,  
tempus &  
tempora  
& dimi-  
dium tem-  
poris.

I. explicatio  
Hieronymi,  
Theodoret  
& aliorum  
explicantiū  
de Antichri-  
sti tempore.

Rationes pro  
eādem sen-  
tentia  
Bellarmini  
allata.

**H**Ac locutione bis vtitur Daniel: primò capite 7. 15. secundò capite 12. 7. vtroque autem Hieronymi, Theodoret, & aliorum complurium sententia est, Daniele agere de Antichristi tempore. Subscribunt Pèreriū vtroque, Serariū in Machabæos folio 653. & Bellarminū libro 3. de Pontifice capite octauo. Eiusdem fuisse sententiæ Primasius, Beda, Anselmus, Haymo, Aretas, Richardus & Rupertus in Apocalypsin. Nec solum opinionem hanc prædicti auctores sequuntur, sed eam reputant certam. Hieronymus enim Danielis 12. ait, *Per spicuum est tres istos & semis annos de Antichristi dici temporibus, qui tribus & semis annis, hoc est, diebus mille ducentis nonaginta sanctos persequuntur est.* Serarius item ait id à Bellarmino demonstrari.

Eandem opinionem amplexi sunt Hippolytus Martyr, & Irenæus libro quinto, capite trigésimo, Cyrillus catechesi 25. & Augustinus libro vigésimo de Ciuitate capite vigésimo quinto, vbi hæc habet: *Qui vel dormitans legerit, Tempus & tempora & dimidium temporis, non finitur dubitare Antichristum secuturum tres annos & dimidium.*

Bellarmini rationes sunt; prima, quia Ioannes in Apocalypsi & Daniel id manifestè asserunt. Quod autem alter mille ducentos sexaginta dies, alter mille ducentos nonaginta assignet; ideo est, quia Antichristus vno mense superstes erit post Enoch & Eliæ interitum. Secundò probat, quia in sacris Literis traditur Antichristi tempus fore breuissimum: alioqui enim multos fore perituros, qui non peribunt. Tertio, quia decet, vt Antichristus, diutius non permittatur prædicare, quam Christus. Quartò, quia euidentis est in Daniele tempus poni pro anno, & tempora, (quod est duale) pro duobus annis. Sicut ipse ait, septem tempora præteritura, quæ Nabuchodonosor sceptro priuatus erat exacturus. Quintò numerorum varietas non finit, vt tempus certum pro incerto vsurpetur. Nam mille ducenti sexaginta non numerum plenum conficiunt, sicut mille: vt certus numerus possit pro incerto substitui. Quemadmodum putauit Henricus Bul-

**A** llingerus hæreticus sermone quadragesimo sexto in Apocalypsin.

Sextò denique, quia in sacris Literis nusquam dies pro anno, aut mensis pro anno item positus reperitur; vt opinantur Magdeburgenses, centuriā primā, libro secundo, capite quarto, siue Illyricus.

Præter hæc Chytræus hæreticus Apocalypsis 11. & similiter Illyricus in centurijs asserunt, duos illos & quadraginta menses esse menses Angelicos: quod irridet Bellarminus.

Secunda tamen opinio est, *tempus & tempora & dimidium temporis*, non esse accipienda in vtroque Danielis loco de eadem persecutione in sensu proximo: sed in primo quidem loco de ea persecutione, quam Romani Imperatores in Ecclesiam suscitauerunt; in secundo verò de illa, qua Rex Antiochus Synagogam afflixit. Atque hæc secunda sententia est, quam nos sequimur. Et quanquam alicui fortasse ea videbitur noua & antiquitati contraria: ex ijs tamen, quæ diximus in commentario versus secundi, constare potest ab hac opinione non id negari, quod potissimum contendebant Patres, & antiqui Danielis interpretes: contextum verò Danielis & Apocalypseos ad eam huic nostræ fauere explanationi, vt vix dubitationi relinquatur locus; id quod amplius confirmabimus (Deo bene iuuante) libro nono, cum peruentum erit ad ea, quæ ex Daniele tangit Apocalypsis. In præsentem enim tantum volui vt lector nosset, quid in nostro Apocalypseos filo deducendo, ex Danielis prophetia supponamus circa hanc questionem; nec non vt nosset me non ignorasse, quid Hieronymus, Theodoretus, Augustinus, Irenæus, Hippolytus martyr & Cyrillus dixerint. Nihilominus tamen saluā tantorum Patrum auctoritate censere hanc secundam opinionem non solum esse probabilem, sed etiam multo probabiliorē; nec omnino aduersari ijs, quæ potissimum contendebant antiqui auctores, qui priorem opinionem amplexati sunt.

Secunda ex-  
plicandi ra-  
tio.

## NOTATIO IV.

De mysterio trium annorum cum dimidio.

In allegorijs  
siue enigma-  
tis quæ ra-  
tione soleat  
designari  
aliquis nu-  
merus acci-  
pi.

**I**n allegorijs & ænigmatibus solet accipi figuræ numerus absque alio peculiari mysterio, quod in se numerus contineat; nisi solum vt rei significata accommodetur numerus per ipsius figuræ allusionem. Exempli gratia; si quis diceret, cherubinos esse celestis misticæ sex siue senos, Hispanicè, *los seis de la capilla del cielo*. non opus est id propter senarij numeri mysterium dici: sed quod in præcipuis Ecclesijs pueri in choro modulantes sex esse soleat. Ita vidimus cap. 4. Apocalypseos, Christianos Sacerdotes appellari viginti quatuor seniores siue presbyteros. Nò quod ipsi essent quatuor & viginti, nec quod hic numerus singulare aliquod mysterium contineat (hoc enim saltem necessarium non est) sed quia Sacerdotes populi Israelitici principes (qui Christianorum Sacerdotum typus ac figura fue-

**D** runt) quatuor & viginti numerum conficiebant: vt constat 1. Paral. 24. Simili item ratione spatium illud, quo plaga desideriorum cordis permanet in capite nono, fuit per quinque menses indicatum: non quod numerus quinque mensium mysterij peculiaris sit in se ipso (quod forsitan non habet) sed quia desumpta fuit allegoria siue comparatio à centum quinquaginta diebus, quibus terra diluuij vndis operta fuit: donec suum Deus spiritum mitteret, qui aquas exsiccaret.

Ex dictis infero, licet trium annorum & dimidiati spatium nullum aliud haberet mysterium, quam Antiochi persecutionem tantundem temporis durasse; hoc satis superque esse, vt spatium persecutionum Ecclesiæ (quæ propriè sunt persecutiones

Ecclesiæ per-  
secutionum  
tempus rectè  
indici pot-  
uisse per  
trium an-  
norum &  
dimidij te-  
pus, quo An-  
tiochi perse-  
cutio dura-  
uit.

contra



contra veram religionem) congruenter per tres annos cum dimidio significetur: vt hoc pacto innuatur, quemadmodum tribus illis annis & dimidio persecutionis Antiochi transactis, cessauit persecutio, & diuini cultus frequentia fuit Ierosolymæ magno cum omnium plausu atque gaudio initaurata; sic etiam persecutionis procellam citò transiuram; & magnam deinceps tranquillitatem, pacem atque latitiam Ecclesiæ orituram.

Vt autem credamus, aliud prætereà mysterium in hoc temporis spatio latere; animaduertendum est, non in Antiochi solum persecutione, sed in nonnullis alijs euentibus apparere, quemadmodum Diuina prouidentia eos omnes ad trium annorum & dimidij spatium coarctare voluerit. Nam imprimis Elias (qui interpretatur *Deus Dominus*) per tres annos atque dimidium clausit cælum, ne plueret super terram; vt habetur in Epistola Iacobi cap. 5. 17. ex 3. Regum 17. Secundò, quod tempus Iudithæ penitentiam egit, & suum corpus ieiunij atque alijs afflictionibus maceravit, fuit similiter tres anni & mensis sex; vt habetur Iudith 8. 4. Tertiò, Christi prædicatio (ac perinde bellum etiam, quod contra ipsius Christi personam Iudæi gesserunt) tribus annis cum dimidio durauit. Quare nonnemo sibi persuasit, tam Daniele, quàm Ioannem in trium annorum atque dimidij spatio iuxta literalem sensum loqui de tempore, quo durauit Christi Saluatoris nostri prædicatio. Ita Michael Aitfingerus in suo Pentaplo folio 109. in cuius expositione, duo illi testes, de quibus Apocalypsis agit, sunt Christus Dominus & Diuus Ioannes Baptista. Quartò, Neronis persecutio (quam primò Roma Ethnica in Christi Ecclesiam excitauit,) hoc idem omnino spatium temporis durasse videtur; cœpit enim Nero Christianos persequi anno sui imperij vndecimo, vt communis fert opinio: imperauit autem quatuordecim tantum annos. Vnde infert Viegas Apocalypsi 6. comment. 3. sect. 1. in fine, persecutionem illam tribus tantum annis durasse: sed melius colligeret, tres annos & dimidium eam persecutionis peitem sœuissse. Vides ergo quatuor insignes historias, in quibus afflictionis interuallum ad tres annos & dimidium non amplius extenditur: idque præter ipsam Antiochi historiam, & præter spatium quoque illud, quod Antichristi persecutio creditur permanfura. Ex quibus fit satis verisimile, peculiari congruentiæ extitisse rationem, quapropter diuinæ prouidentie placuerit, aduersitatis tempus trium annorum atque dimidij terminis circumscribere.

Huiusce autem rei mysterium illud est, opinor, spatium nempe trium annorum cum dimidio appositum esse, vt eo significetur, Ecclesiæ persecutiones nequaquam totum illud tempus perdurare, quod dæmoni collibitum fuerit; sed quod Deus admirabili prouidentia præstituerit: adhuc, cum Deus ipse expedire cernit, tunc ventis & mari præcipere, vt conualescant, & tempestati, vt in tranquillitatem abeat. Atque vt denotetur, pacis atque quietis tempus non minus aut contractius esse in Ecclesia, quàm tempus belli & perturbationis; ad hoc, inquam, deseruit optimè representatio illa, quæ post tres annos & dimidium tempestatem sedatam fuisse proponit. Namque vt tempus ex diebus ac noctibus coalescit: ita sanctorum vita, & totius Ecclesiæ decursus quasi tela ex prospero pariter atque aduerso tempore contextitur: & diuinæ incumbit prouidentie æquato examine lanices sustinere; vt magis congruens esse & opportunum præuidet. Legatur Chrysostomus hom. 8. in Matthæum; ubi inter alia; Enim verò, inquit, misericors Deus mæstis rebus quedam etiam iucunda permiscuit: quod cerè in sanctis omnibus erit, quos neque tribulationes, neque incunditates sinit habere continuas; sed tum ex aduersis, tum ex prosperis Iustorum vitam quasi admirabili varietate contextit.

Hæc itidem ratio extitit, quapropter Tobie aduersitas in dimidiata horæ spatio fuerit figurata; quando sustinuit dimidiam ferè horam felis sibi in oculis iniecti acerbiter. Quo ex loco desumptum est dimidiæ horæ silentium Apocalypsis 8. 1. Etenim integra hora denotat tempus integrum;

hora autem dimidiata dimidium temporis. Simile ergo mysterium reperitur in tribus annis & dimidio. Pro cuius rei intelligentia nota primò, in Scriptura septem annos conficere vnam hebdomadam, vt patet Daniel. 9. 24. Vnde tres anni & dimidius dimidiata tantum hebdomadam continent.

Obserua secundò, hebdomadam siue dierum consideretur siue annorum, esse temporis circulum; quod perinde est, ac dicere, septem dies esse omnes dies; septem etiam annos esse omnes annos. Quare cum dicitur aliquis septem totos hebdomadæ dies operam nauare literis, idem est, ac si semper studere dicatur. Eademque phrasi iuxta sacra Scripturæ vsus, si sol septem annos illuminare homines dicatur, non aliud est, quàm si dicatur semper illuminare.

Tertiò obserua; si de aliquo dicere velimus, eum, licet noctes diesque in literas se prorsus abdere videatur; eum tamen citò lassari, & in medio ipso decursu studium intermittere: ad hoc, inquam, iuxta ea, quæ diximus, idoneus est loquendi modus, si dicamus, illum ex tota hebdomada tres dies & dimidium vacare literis, id est, non admodum studij persequendi esse tenacem; sed tantum temporis quieti atque otio, quantum literarum studio ac labori tradere. Atqui non opus est, vt constet, hoc valde strictè & mathematicè diuisione accipi, sed iuxta vulgarem & vsitatam loquendi rationem.

Ex dictis infertur, vt significetur persecutiones Ecclesiæ non multum temporis duraturas fore, nec pacis atque quietis spatium fore breuius, quàm laboris & afflictionis; ad hoc, inquam, plurimum conferre figuram trium annorum cum dimidio, quibus duret persecutio: quasi tres alij anni & dimidiatus supersint paci & tranquillitati. Quo admonemur, diuinæ prouidentie esse curæ, labores & calamitates temperare, prout Ecclesiæ suæ aptius & congruentius fore iudicat: ideoque persecutionis vim atque impetum ab ipso sapius præcidi & comprimere, quando illa magis ac magis sœuere videbatur.

Huc spectat illud Habacuci 3. 1. Domine audini auditionem tuam, & timui; Domine opus tuum in medio annorum vniuersa illud: in medio annorum notum facies: cum iratus fueris, misericordiæ recordaberis. Quasi dicat; Horrore concutior, cum persecutionem considero, quam tuus populus sustinet aut sustinebit. Tu verò, Domine, quippe qui misericors es ac pius, tuam defendes Ecclesiam, eamque ab hostium oppugnationibus ac periculis saluam & incolumem educes. Hactenus te difficilem & iratum exhibuisti; tuam iam misericordiæ deinceps memento. Nec enim tota vitæ huius hebdomada in calamitatibus & ærumnis transigenda est: sit satis dimidium huc vsque in laboribus fuisse peractum. Quare ad dimidium tempus, hoc est, in tempore & opportunè tuam misericordiam ostendes, tuosque fideles ex maximis persecutionis angustiis liberos extrahes.

Hic sensus est valde idoneus ad explicationem ænigmatum Apocalypseo: ex illoque satis percipitur, quæ fuerit congruentia, vt diuina prouidentia Antiochi persecutionem, nec non Scribarum & Phariseorum, quam in Christi Dominum suscitauerunt, quàmque Nero in Christi Ecclesiam incipit, eas omnes ad tres annos atque dimidium contraxerit. Quod si ita certum est, vt nonnullis placet, Antichristi persecutionem idem omnino temporis spatium fore duraturam; non nimis pugno hoc in Apocalypsi ita supponi, ad illudque per allusionem respici. Non tamen hic esse potest præcipuus Apocalypseo sensus, quando loquitur de tribus annis & dimidio persecutionis. Nam imprimis capite vndecimo, hi tres anni cum dimidio præcedunt mulieris fugam in desertum, id est, Ecclesiæ migrationem ad Gentes: tres item anni & dimidiatus capitis duodecimi, & capitis 13. antecedunt mille pacis annos Ecclesiæ: post quos soluitur iterum dæmoni, & bellum aduersus Ecclesiam gerit. Et meo quidem iudicio euident est, in capite vndecimo, sermonem esse de Iudaici populi

persecutione

Hebdomada siue dierum siue annorum esse vniuersi temporis symboli & quæ sit symboli huius ratio.

Quam aptum sit triennium & semiannum spatium ad Ecclesiæ persecutionum breuitatem denotandam.

Paraphrastica expositio initii capitis 3. Habacuci.

Quam congruenter diuina prouidentia in persecutionem Antiochi, & nonnullas alias in Ecclesiæ concitatas ad trium annorum & semiannum contraxerit.

In pluribus Scripturæ historiis spatium aduersitatis ad tres annos & dimidium a Deo, nec sine mysterio, constitutum. Exemplis id demonstrant.

Neronis persecutio quædam durauerit.

Quid lateat mysterium in prædicto triennium & dimidium anni spatio, quo res aduersæ sæpe durauerint.

Sanctorum vitæ atque aduersitatis Ecclesiæ) cursum ex prosperis pariter & aduersis contextit.

Cur Tobia aduersitas in cecitatis curatione per semihoræ spatium durasse dicatur?



persecutione in Christianos concitata : in capite verò 13. de persecutionibus Romani Imperij, quibus Ecclesiam confictavit. Quamobrem necesse est, spatium trium annorum & dimidij esse mysticum; id quod ita exigebat ænigmatiſ ratio.

### A D D I T I O

*Ad Notationem quartam de mysterio annorum trium cum dimidio : in qua notatione ad hebdomadas Danielis respicitur, & ad aliud æquale prorsus temporis spatium, quod ex sacra Scriptura colligitur.*

**H**uius additionis argumentum ex his est, quæ sunt valde recondita, & quæ seorsum considerari postulat; & propterea eam separavi à notatione præcedenti. Dico ergo persuasum mihi esse, mysterium trium annorum & semis, connexionem habere cum mysterio hebdomadarum sexaginta novem & semis, quas legimus Danielis cap. 9. ubi manifestè Spiritus sanctus septuaginta nobis hebdomadas proposuit. Sic enim ait Angelus versu 24. *Septuaginta hebdomades abbreviata sunt.* sermo autem est de hebdomadibus annorum : & abbreviatio (de qua agitur) non est alia, quam ablatio trium annorum & semis: quia hebdomades sexaginta novem & semis, illo præcisè trium annorum & semis spatio à 70. hebdomadibus superantur. Magnumque procul dubio latet mysterium in spatio illo trium annorum & semis, quod à dimidio hebdomadæ septuagesimæ superest vsque ad eius finem.

Ad huius verò mysterij intelligentiam, supponendum primò est ex disputatione nostri Deckerij, quo sensu dixerit Danieli Angelus, caput illarum hebdomadarum arcessendum esse ab exitu sermonis, ut iterum reedificetur Ierusalem. Nec enim est sensus, computationis initium esse faciendum ab eo tempore, quo edictum de reedificanda Ierosolyma prodixisset: sed verba illa Ab exitu, in eo sensu accipi debent, in quo Latini de rei exitu loqui solent, hoc est, de illius consummatione seu fine. Ad hunc enim sensum conspirant vox Hebraica, Græca & Latina; atque eà ratione & non aliâ, inuenitur iusta præscriptarum hebdomadarum supputatio. Itaque dicere, Ab exitu sermonis, ut iterum reedificetur Ierusalem, perinde fuit atque præcipere, ut computationis initium duceretur ab eo die, in quo Ierosolymæ reedificatio ad exitum perducta, id est, consummata atque perfecta fuisset. Annus autem & mensis, in quo absoluta est reedificatio, insignitus est celebri illo sacrificio in actionem gratiarum à Nehemia oblato; de quo 2. Esdræ 12. versu 27. & 42. & apud Iosephum libro nono Antiquitat. capite 5. sub finem; ubi notat dedicationem illam incidisse in Nouembrem, & in annum 28. ab initio regni Xerxis. Noster autem Deckerius contendit, & valde verisimile facit, in illo ipso sacrificio à Nehemia oblato post absolutum vrbis ædificium, contigisse miraculum illud, quod narratur 2. Machab. 1. 20. nempe ignis deuorantis aquam illam crassam, qua sacrificium iussu Nehemias aspersum fuerat. de quo miraculo diximus capite decimo, notatione tertia.

Secundò suppono, ab illo Nehemias sacrificio, vsque ad diem, quo ignis Spiritus sancti de cælo super Apostolos descendit, iustam inueniri supputationem hebdomadam sexaginta novem & semis à Daniele præscriptarum; quæ faciunt annos 486½. Quauis enim hæc iustæ supputationis ratio, valde obscura atque difficilis fuerit, priusquam à nostro Deckerio lucem acciperet: post eam tamen lucem, manifestè cernitur nihil iam in eà computatione desiderari, aut superesse, ut in secundo tomo explicabo, ad nonum Danielis caput: ubi etiam of-

tendam, liquidò constare, totidem præcisè annos (hoc est, 486½.) præterisse ab igni miraculoso, qui diuinitus datus est Moyſi in dedicatione tabernaculi, (de quo Leuitici 9. 24.) vsque ad ignem item miraculosum, qui datus est Salomoni in dedicatione sui templi, de quo secundo Paralipom. 7. 1.

His ergo suppositis, qui attentè considerauerit adhibitam fuisse à Dei prouidentia curam, ut ab igni miraculoso, qui tabernaculo Mosaico auctoritatem ingentem attulit, vsque ad ignem item miraculosum, quo simili maiestate consecratum est Salomonis templum, præcisè elaberentur annorum hebdomades sexaginta novem & semis: qui considerauerit item, quemadmodum par omnino finitium hebdomadam numerus reuelaretur postea Danieli, & supputationis initium duceretur ab igni miraculoso dedicationis factæ per Nehemiam; hebdomadas autem 69½. terminaret Diuinus ignis in Ecclesiæ Christianæ dedicatione super Apostolos descendens: qui hæc (inquam) attentè consideraue- rit; non poterit dubitare, quin magnum sit numeri illius hebdomadam 69½. mysterium. Si enim (ut sapienter expendit Augustinus libr. questionum in Genesim cap. 152.) numeri in sacris literis sacratissimi sunt & mysteria recondita indicant; quid erit censendum de numero hebdomadam 69½. qui ita præcisè reuelatus est Danieli, & qui duabus in rebus adeo admirandis sibi ad amussim respondet, & vtraque vice ab igne cælesti exorditur, & à dedicatione cælitus approbata; & in ignem quoque cælestem & in dedicationem cælitus approbatam definit.

Inuestiganti ergo mihi huius numeri mysterium, occurrit primò per illum ignem cælestem & miraculosum (quo Deus sancire voluit dedicationem tabernaculi Moſis primò, deinde templi Salomonis, postea Nehemias,) absque dubio designatum fuisse à longè id ipsum, quod tandem expressius repræsentauit Diuinus ille ignis, quo Ecclesiæ Christianæ dedicationem sancit idem Deus in die Pentecostes. Dubitari autem non potest, quin germana huius ignis significatio, siue mysterium fuerit ipse Spiritus sanctus, quem Deus eodem tempore adeo copiosè effudit super Apostolos atque discipulos, ut omnes dicantur fuisse tunc repleti Spiritu sancto (Actuum 2. 4.) promptumque est expendere, quàm aptè ignis cælestis Spiritui sancto significando deferuiat. Quemadmodum enim duæ magnæ virtutes ignis sunt illuminare, & calefacere: sic vnuerſa Spiritus sancti efficacia ad magnam mentis illustrationem, & magnam quoque voluntatis inflammationem reuocatur. Atque hoc indicasse satis fit, quod latius multi prosequuntur, ut videre est in Laureti sylua verbo Ignis: ubi huius significationis symbolice auctores laudat Hefychiûs, Augustinum, Hieronymum, Gregorium, Bedam, Rupertum; quibus multos alios adiungere posset. Et huc spectant ea omnia symbola, quæ congerimus infra in hoc eodem capite notatione septimâ. Animaduertendum tamen est in præſenti, illum ignem qui de cælo datus est Moſi, Salomoni, atque Nehemias, non solum eis fuisse datum ad illius diei sacrificium, sed etiam ut in altari holocausti (quod religionis erat symbolum) magnâ curâ custoditus perpetuò asseruaretur. Ex eoque igne videtur ortum, ut Deus tanquam ciuis diceretur habere suum focum in Ierusalem. Id enim est, quod legimus Isaïæ 31. 9. *Dominus, cuius ignis est in Sion, & caminus eius in Ierusalem.* Quod si hoc inhabitationem Dei in illa vrbe repræsentat; constat veram & propriam Dei inhabitationem in mystica Ierosolyma consistere in Spiritu sancto. Et propterea cum Christus Spiritum suum Ecclesiæ ac sanctis animabus promitteret Ioanni 14. 23. ait se cum Patre suo venturum, ut comoretur in ea domo, & inhabitet eam. Mansionem (ait) apud eum faciemus. Ac statim, ut idem clariùs efferret, subdit; *Paracletus autem Spiritus sanctus, ille vos docebit omnia, scilicet vestras mentes illuminans.* Nec dubium quin magnam mentis illuminationem subsequatur quoque magna animi inflammatio siue accensio.

*A miraculoso igne in Moſis tabernaculi dedicatione vsque ad ignem miraculosum in Salomonici templi primariæ ac carionis quorundam finitium.*

*Numeri in sacris literis mysteriis pleni.*

*Per ignem tum in Moſis tabernaculo, tum in templo sub Salomone, & sub Nehemia miraculose accensum quid figuretur.*

*Spiritus sanctus circumferens & efficacia ad duo potissimum capita reuocari.*

*Quid sit Domini ignem esse in Sion, & caminum in Ierusalem.*

*Quæ ratio- ne hebdomades Danielis finit copiamur.*

*Reedificatio templi à Nehemia facta & celebri sacrificio consecrata quo anno ac mense fuerit.*

*Ab illo Nehemias sacrificio in templo reedificatio usque ad diem Pentecostes hebdomadam sexaginta novem & semis faciunt.*



Quid fig-  
retur per  
ignem celestem  
in Mo-  
sis taberna-  
culo, tum in  
Salomonis  
templo ac-  
centum.

Secundò occurrit mihi, in illa distinctione ignis celestis in tabernaculo Mosaiico, & ignis quoque celestis in templo Salomonico, designari initia & incrementa inhabitationis Dei in Ecclesia, & similiter etiam in vnius electi anima: vtrumque per ignem Spiritus sancti. Templum enim Salomonis ad Mosi tabernaculum rectè comparatur; sicut domus æterna ad tectum subitarium. Et quanuis Deus spiritum suum initio alicui animæ impertierit; nondum tamen in ea, tanquam in domo permanenti & sancto seculari (vt loquitur Paulus) inhabitare videtur; quousque ei eiusdem Spiritus sancti plenitudinem elargitur; hoc est, donorum ipsius affluentiam. Quod verò figuratum est in distinctione duplicis illius dedicationis (quarum prima fuit tabernaculi, altera templi.) hoc ipsum exprimitur in discrimine dedicationis Nehemiæ ab Ecclesiæ Christianæ dedicatione. Templum enim Esdræ, atque Nehemiæ vix erat instar tabernaculi; si cõparetur cum augustissimo Ecclesiæ Christianæ templo, quod in die Pentecostes dedicatum est in monte Sion.

Tertiò occurrit, quanuis omnibus, qui seruire Deo incipiunt, dicatur ab Ecclesiastico cap. 2. 1. *Accedens ad seruitutem Dei prepara animam tuam ad tentationem*; eos tamen, qui maiores in Dei obsequio fecerunt progressus, maioribus solere à Deo aduersitatibus probari & perfici; quemadmodum significatur ab Angelo, qui ad Tobiam ait cap. 12. 13. *quia acceptus eras coram Deo, necesse fuit vt tentatio probaret te*. Iuxta hoc igitur, si in dedicatione templi Salomonis figuratum fuit id, quod postea in Ecclesiæ Christianæ dedicatione impletum est; ac proinde celestis ignis in templi Salomonis dedicatione designabat magnam Spiritus sancti effusionem; valde coheret, vt simul etiam significatum sit, eam Spiritus sancti plenitudinem datam fuisse à Deo; vt per illam constantissime obfisti posset magnæ tentationi ac probationi, qua Deus suam Ecclesiam excoquere atque perficere decreuerat. Atque ita miraculosus sacrificij Elie ignis (qui eidem significatiõni deferuiebat) perhibetur aquas lambere, vt explicauimus cap. 10. notat 3. & eidem mysterio respondere videntur ignis lingue in die Pentecostes. Nec enim solum eo symbolo denotatum est, per Apostolorum prædicationem terram esse diuino igne inflammandam; sed etiam Spiritus sancti ignem ad aquas lambendas, esse efficacissimum; hoc est ad inueniendam in laboribus per aquas significatis, delectationem & suauitatem.

His præiactis si numerus annorum 486½. (aut quod idem est, hebdomadam 69½.) esset aptus atque conueniens ad significandam persecutionem, quam passura erat Ecclesia, post acceptam Spiritus sancti plenitudinem; atque hæc significatio ostendi posset cum alijs sacre Scripturæ locis coherere; in ea fortasse acquiesceret intellectus & sibi satisfactum esse putaret.

Nota ergo primò, in annis 486½. deesse tres annos & semis ad numerum annorum 490. Quare si ostendatur numerus annorum 490. in sacre Scripturæ phrasi esse numerus plenus atq; perfectus, & includens significationem consummati Iubilei & integræ restitutionis ac resurrectionis: eo supposito facile innotescet, in tribus illis annis & semis,

A qui desunt numero annorum 486½. ad 490. iuxta notationem præcedentem representari tempus tribulationis & afflictionis ante perfectum triumphum atque victoriam. & hæc ipsa consideratio valde confirmabit ea, quæ suprà dicta sunt de mysterio trium annorum & dimidij.

B Nota 2. valde esse rationi cõsentaneum, vt in annorũ numero in S. Scripturæ phrasi à legitima Hebræorum consuetudine desumatur significatio. Constat autem in lege Mosi, transactis 49. annis, eum, qui proximè sequebatur esse annum Iubilei (vide Leuit. 25. 10.) & consequenter transactis 490. annis continuo sequi Iubilæum decimum. Quare si Iubilæus est representatio restitutionis, resurrectionis, Iubili, atque triumphi; facile erit animaduertere, decimo Iubileo representari plenissimam & perfectissimam felicitatem atque victoriam. Denarius enim inter numeros est, qui magnam perfectionem consequitur; vt expendit Laurentius & alij multi. Quod verò Spiritus sanctus in hebdomadis Danielis ad mysterium Iubilei respexerit, id ex ipso textu capituli non colligere licet, vt sub loco planum fiet.

C Iubilæi ergo festum incepit ab ipsa dedicatione Tabernaculi & populi sanctificatione. Atque is annus fuit veluti primi Iubilei mystici annus. Ac deinde significatio hebdomadam sexaginta nouem & semis non est alia, quàm post magnam gratiæ celestis confirmationem; post magnum incrementum spiritualium virium, post magnam participationem Spiritus sancti, ac eius spiritualis lætitiæ, quam Deus suis amicis communicat (& quæ primum adumbrata est in Salomonico templi dedicatione, ac postea in dedicatione Ecclesiæ Christianæ expressa fuit in die Pentecostes). Statim subsequi iuxta ordinem diuinæ prouidentie maximam angustiam atque conflictum; seu probationem validam & maximam tentationem, quæ ad mysterium trium annorum & semis reuocatur; vt in præcedenti notatione explicatum est. Et propterea sapientissimo & arcano Dei consilio decretum est, vt dedicatio templi Salomonici, & similiter Ecclesiæ Christianæ consecratio non contingeret elapsis iam 490. annis, hoc est decimi Iubilei anno; sed præcisè post annos 486½. atque adeo cum omnino tres anni cum dimidio supererant; quibus ea inest significatio, quam suprà explicauimus.

D In confirmationem verò præcedentis philosophiæ mysticæ notandum est, numerum 490. fuisse apud Hebræos celebrant; reputatumque fuisse plenum atque perfectum, (quemadmodum apud Latinos 600. & apud Græcos Chiliada seu millenarium) & sanè septuagies septies (quod legimus Genes. 4. 24. & Matth. 18. 22.) non est aliud, quàm 490. vicibus. E Quanuis enim multi non aliter explicent illam phrasim, quàm si legeremus septuagies & septies, hoc est vicibus 77. ea tamen non videtur explicatio legitima; quia septuagies septies postulat, vt ipsum septuagies septies capiatur, quemadmodum ter quater, idem est, quod duodecies; aliud enim est ter quater, & aliud ter & quater; quia ter & quater est idem quod septies: si verò coniunctim dicas, ter quater, idem prorsus dixisti, quod duodecim vicibus. Similiter ergo septuagies septies idem erit, quod vicibus 490. Atque huic sensui manifestè fauent tum Græca lectio, tum etiam rei ipsius conuenientia.

Septuagies  
septies quid  
sit in sacris.



## NOTATIO V.

In qua explicatur difficilis locus ex I. ad Corinthios 3. numero 12. 13.

14. &amp; 15.

**I**N eo discrimine inter templum & atrium, quod foris erat; & in ea dimensionis diuersitate, qua alterum mensuratur, tanquam in persecutionis tempore permansurum; alterum verò minimè mensuratur, utpote quod tempore calamitatis periturum erat; in hac, inquam, differentiâ eam sequuti sumus declarationem, quæ per templum intelligit spirituale Ecclesiæ ædificium; & per atrium (quod extra templum erat) significat quidquid est temporale, fluxu ac periturum. Huiusmodi significatio non parum inde confirmatur, quod Paulus eandem rem tractet sub alia allegoria; quæ etsi non nihil est diuersa, cum hac tamen consonat in metaphora desumpta ab ædificio; cuius ex partibus aliæ aduersitatis tempore firmæ persistant; aliæ intereunt. Et quia Pauli locus insignis est, & dignus qui cum loco Apocalypseos conferatur, operæ pretium duxi illius declarationem hic annexere. Pauli ergo verba sic habent.

Vers. 12. Si quis autem superædificat super fundamentum hoc, aurum, argentum, lapides pretiosos, ligna, fœnum, stipulam;

13. Vniuscuiusque opus manifestum erit. Dies enim Domini declarabit, quia in igne reuelabitur; & vniuscuiusque opus quod sit, ignis probabit.

14. Sicutis opus manserit, quod superædificauit, mercedem accipiet.

15. Si cuius opus arserit, detrimentum patietur ipse autem saluus erit, sic tamen, quasi per ignem.

## COMMENTARIUS.

Hic locus perdifficilis diuo Augustino visus est; ut fateatur ipse in libro de fide & operibus cap. 15. & 16. & q. 1. ad Dulcitium. Atque ex magna difficultate variegatè sunt expositiones: ut videre est apud interpretes; & apud Bellarminum to. 1. controuer. 6. quæ est de Purgatorio, ca. 4. loco 2.

Ego quidem, quid de huius loci interpretatione sentiam, aliquot punctis exponam. Primò ex precedenti contextu liquet, non agere hic Paulum de eo, quod quis in suæ animæ ædificio fabricat; sed de eo, quod Ecclesiæ Prælati ac superiores in ipsius Ecclesiæ ædificio architectantur. Quod non ipse primus animaduertit.

Secundò, Paulus, ut opinor, non hic directè loquitur de ijs, qui diruunt ac demoluntur, sed de illis, qui ædificant aut superædificant. Quare non facit ad rem interpretatio, quæ nomine ligni, fœni, aut stipulæ intelligit Prælatorum & moderatorum peccata. Hæc enim peccata in Christo (qui fundamentum est) non nituntur; nec verò ad Ecclesiæ augmentum, ut ipsius pars, spectant.

Tertiò, qui ædificant, sunt superiores ac Prælati; qui suâ industriâ & labore incrementum Ecclesiæ promouent. Ceterum duo sunt incrementi genera: alterum coram Deo pretiosissimum, quod est in sanctitate atque sapientia: alterum minoris momenti, nempe in opibus, potentiâ, & alijs id genus commodis. Quod autem Paulus ait, idem religiosarum familiarum auctores senserunt; ut D. Dominicus, D. Franciscus, & alij. Nam si ad varia Prælatorum genera, qui ipsi vicario munere successerunt, oculos conuertamus; apparebit multos ex ijs intendisse animum ad spirituale suæ Religionis incrementum: alios verò ad domorum & rerum temporalium accessionem: utrosque sanè laudabiliter, & pro religionis ipsius emolumento; magno tamen eum discrimine:

**A** atque ita magno, ut primi comparentur cum ijs, qui opificium auro, argento & pretiosis lapidibus prouehunt; alij verò cum illis, qui structuram ligno, fœno, aut stipulâ altius attollere contendunt.

Quartò, tam spirituales diuitiæ, quàm temporalia commoda cum ædificio rectè comparantur. Nam ædificium præsidio & defensionis habitantibus est. & sicut protegit sapientia, sic protegit pecunia, ut habetur Ecclesiasticis 7. 13.

Quintò, ut percipiatur magnum discrimen inter spiritale & temporale augmentum, vsus fuit Paulus duplici extremo; scilicet eorum qui pretiosissimè ædificant; & eorum, qui tenuiter nimis & exiliter: quorum alij auro & gemmis, alij fœno & paleis ac lignis ædificant. Reliquit autem Paulus consultò mediam ædificandi rationem, videlicet opere lapideo aut latericio; ut hoc pacto maior esset differentiæ energia: utque denotaretur, temporalem omnem accessionem aduersitatis igni esse obnoxiam.

Sextò, tribus illis pretiosæ materiæ partibus; id est auro, argento, & gemmis, opposuit Paulus partes totidem vilis admodum materiæ, & igni maximè obsequenti; ut ligni, fœni, & stipulæ. Et ex tribus quidem primis aurum denotat, opinor, magnum charitatis pretium; argentum sapientiæ euangelicæ æstimationem; & gemmæ siue lapides pretiosi, ut iaspis, sapphirus & aliz, constantiam, patientiam, & Ecclesiasticæ doctrinæ seueritatem. In vili autem materiâ, fortè lignum refertur ad domos ac materiata, & ad prædia arboribus confita, cuiusmodi sunt vinea, & oliueta: fœnum verò applicari potest ad sata & agros compascuos: stipula autem ad quantum aliam rem domus, siue Ecclesiæ commodis vitalem, licet pretiosa ex materia sit. Supellectilia enim iure in stipulis siue ruderibus denotantur. Nā comparatione spiritualium diuitiarum, temporalia omnia perinde sunt, quasi fœnum, palea, & res quælibet abiectissimæ. Atque ut nostrâ ætate superiores aliqui deprehenduntur, qui se totos in suarum domorum temporale augmentum & vtilitatem impendunt: ita verisimile etiam est, primæuæ Ecclesiæ tempestate fuisse Episcopos aliquot, qui ad temporarios suarum Ecclesiarum prouentus potissimum excubarent, qua ratione tunc id præstare poterant.

**C** Ad temporale porro augmentum spectat potentiorum hominum fauor & gratia, atque alia huiusmodi. Septimò, peculiare Ecclesiæ in priori illo æuo (quemadmodum de Iaponicis nunc accepimus) plurimis erant persecutionibus expositæ. Atque hac consideratione vititur Paulus; ut Catholici Episcopi & Prælati animaduertent discrimen maximum inter eos, quorum tota mens in spirituale suarum Ecclesiarum incrementum incumbit; & eos, qui temporalium rerum accessione contenti sunt; ideoque ait, Vniuscuiusque opus quale sit, manifestum erit: dies enim Domini declarabit; & vniuscuiusque opus quale sit, ignis probabit. Non me later hæc verba à pluribus interpretum ad diem siue Iudicij, siue mortis referri. Mihi tamen Augustini & Magni Gregorij expositio perplacet; qui de die persecutionis & calamitatis interpretantur. Etenim contextus clarè innuit, omnes Ecclesiastici ædificij partes ignis probationem subituras; atque alias quidem suæ virtutis significationem exhibituras fore: alias verò igne absumendas. Hæc autem comparatio ab igne petita minimè est ad rem, ut directè de die Iudicij sit sermo: cum tamen eadem ignis metaphora sit in sacris Literis vtitissima ad tribulationis & aduersitatis

probationem

Pauli locus de spi. ital. adificij extruendi ratio exp. dicitur & explicatur latè.

De quo spiritali adificio Paulus loquitur.

Quinam iuxta Pauli mentem adificare hic dicantur.

Quinam aurum, argentum & gemmas: qui verò ligna, fœnum & stipulam adificare dicantur.

Quid per aurum, argentum & gemmas Paulus intelligat. Quid sit per lignum, fœnum, stipulam.

Quid dies Domini, quid ignis probatio significet apud Paulum.

Aliorū expositio de ignis probatione, referentium ad diē iudicij.



Ignis meta-  
phoram pro  
tribulatione  
in Scriptura  
esse frequēte.

probationem. Vt Prouerb. 17. 3. Sicut igne probatur argē-  
tum, & aurum in camino: ita corda probat Dominus.  
Ecclesiastici 2. 5. In igne probatur aurum & argenti: ho-  
mines vero receptibiles in camino humilitationis. Psalm. 16.  
3. Igne me examinasti. Psalm. 17. 3. Eloquia Domini igne  
examinata. Videatur etiam Psalm. 11. 7. Pl. 65. 10. & Ec-  
clesiastici 31. 31. Diuus ergo Paulus manifeste eādem  
vtitur cōparatione. Et profecto Iudicij dies licet pa-  
tefacturus sit, quodnam verum sit aurum, quod fal-  
sum & adulterinum: id tamen per ignis probationē  
non fiet, sed per illustrationem: vt Sol luce sua rete-  
git, quid sit album, quid nigrum.

Obijciat tamen aliquis; aduersitatis dies non so-  
let in Scriptura appellari dies Domini: praesertim,  
quia nomen dies habet hic praefixum articulum. vn-  
de videtur de die Iudicij esse intelligendus. Huic ob-  
iectioni vt satisfaciam, non illud asseram, in Graeco  
hic non apponi genitiuum Domini: nec enim credi-  
derim illum in nostra Vulgata superuacuum esse. Di-  
co ergo Diuum Paulum, quanuis directē in hoc lo-  
co agat de persecutionis die; de illo tamen agere per  
comparationem ad diem iudicij. Hunc enim diem  
vocat Scriptura diem reuelationis, quod alluditur in  
his verbis, *Dies Domini declarabit: quia in igne reuelabi-  
tur.* Est igitur sensus; quanquam Iudicij extremi dies  
non adeo citō est appropinquaturus, citō tamen Co-  
rinthiacae Ecclesiae aduenturum reuelationis diem:  
in quo persecutionis ignis, spiritualis auri constan-  
tiam, nec non argenti atque gemmarum debeat; &  
ē contrario leuitatem & inconstantiam scēni, ligni  
ac palearum. Obserua tamen, hanc comparisonem  
inter persecutionis diem & diē extremi iudicij mā-  
gnae esse energiae: tum quia orbis etiam igne tādem  
sub extremum diem exurendus est: tum etiam, quia  
calamitatis dies, vt nuper diximus, reuelationis dies  
est. Atque hanc fortassis ob rem hic dies per articu-  
lum profertur ad distinctionem noctis & obscurita-  
tis; in qua quid sit pretiosum, quid solidum, minimē  
potest discerni. Deinde nō est in sacra Scriptura no-  
uum, diei nomine diem angustiae & calamitatis ap-  
pellari. In alijs enim locis non paucis eadem vsur-  
patur locutio. Præterea si Iudicij dies appellatur  
Dies domini; quod in eo suam prouidentiam pro-  
palam ostensurus sit: in Ecclesia item persecutioni-  
bus eam magnopere reddit manifestam. Ac proinde  
simili ratione dies reprobationis Iudaici populi &  
electionis Gentilici in Scriptura *Dies Domini* nuncu-  
patur.

Ostendit, in igne persecutionis Ecclesiae re ipsa cō-  
probatur, Praelatum qui aurū & argentum ac pretio-  
sos lapillos aedificauit, nihil inde detrimēti, sed plu-  
rimum potius premij capere: eum verō, qui lignum,  
scēnum & stipulas fabricauit, ingenti affici damno.  
Nam Ecclesiae incrementum est veluti res propria  
Praelati, qui ipsius incrementi extitit causa. Quod si  
eiusmodi accessio sit, quam tribulationis ignis absum-  
ere aut labefactare nullo modo possit; sed suae po-  
tius firmitudinis ac roboris clarissimum edat docu-  
mentum: certē qui accessionem hanc, quā consilio,  
quā praedicatione, quā exemplo adiunxit atque pro-  
uexit, summus ille solatio ac læticia perfunderetur.  
quod meritissimum est primum sui laboris falci-  
ter impensū. At enim si augmentum erat tempora-  
neum, illudque persecutio consumit; necesse est  
Praelatum, qui augmentum huiusmodi, vt propriū  
diligebat, magnopere angī & torqueri; non secus ac  
si rem suam familiarem conflagrare cerneret. Id ergo  
est, quod textus ait, *Si cuius opus arserit, detrimē-  
tum patietur.*

Nondē, sequitur in textu, *Ipse autem saluus erit; sic  
tamen quasi per ignem.* In quibus verbis non aridet  
eorum explicatio, qui ea ad ignem Purgatorij appli-  
cant. Supponunt enim Paulo sermonem esse de die  
Iudicij: nunc autem illum adiungere, iudicij diem  
patefacturum, quemadmodum qui venialia com-  
misit, nō a Purgatorio intactus euaserit. Hæc conte-  
xtus series durior mihi visa est. Primō, quia ex die  
Iudicij ad Purgatorij pœnam retrogrado cursu refle-  
ctitur: ad eam, inquam, pœnam, quam multō ante  
diem Iudicij subierant ij, qui lignum, scēnum, & pa-  
leas aedificauerunt: cum tamen in textu modus loquē-  
di non sit tanquam de re iam transacta, sed potius

A tunc opere præstanda: *Ipse autē (ait) saluus erit, sic tamē  
quasi per ignem.* Deinde, quia immutatur sensus illius  
vocis, ignis, quod etsi inusitatum non est, sed vsurpa-  
tum aliquando; vt scilicet idem ipsum verbum in  
eodem contextu prius iuxta vnum sensum, postea  
iuxta alium sumatur: hæc tamen varia eiusdem vo-  
cis acceptio, absque peculiari aliqua allusione, com-  
paratione, aut elegantia, sapientibus non probatur.  
In hac verō contextus ratione nullam aut allusionē  
aut concinnitatem video in eo, quod nomen ignis  
primum pro iudicij die, deinde pro purgatorio v-  
surpetur.

B Decimō, Paulus, vt dixi, directē in hoc loco agit  
de persecutionis & aduersitatis igne. quo illud in  
primis significat, Episcopos ac Praelatos, qui cum de  
spirituali Ecclesiae prouentu curare maximē debe-  
rent, de temporali tantummodō curarunt; a Deo in  
hoc potissimum crudiri, & ingenti beneficio cumu-  
lari; vt suismet oculis aspiciant exardescere ac de-  
perire totum illum suae Ecclesiae progressum, in quo  
ipsi suam curam, cogitationem ac studium defixa  
habebant. Hac enim via per laborem pariter ac do-  
lorem pœnas errati luunt, & admissam negligentiam  
expiabunt: atque hac tandem ratione ad veram per-  
uenient beatitudinem; ac primum recipient pro-  
pter obsequium, quod Ecclesiae præstare curauerant.  
Hunc esse arbitror germanum loci huius conte-  
xtum: in quo negari non potest, ratiocinationem  
hanc esse Pauli sapientiā ac sanctitatem valde dignam,  
& cum superioribus apprimē coherentem.

C Vndecimō, non ita accipienda est allegoria; quasi  
architectus ipse sit intra aedificium a se fabricatum.  
Hoc enim coactum est: nec figura eiusmodi aut alle-  
goria significauit, Praelatos ipsos igne examinandos;  
sed Ecclesiae progressionem ab ipsis factam per ignē  
fore probandam. Itaque minimē idonea est ea con-  
sideratio, quæ opificem ipsum intra domum occlu-  
sum apprehendit, atque inde exusta domo ipsum  
semitulatum effugere. Quod si allegoria in eo ni-  
tebatur, quod architectus intra aedificium esset: ille  
etiam, qui aurum & argentum fabricauerat, non  
posset non semiuultus similiter euadere. Etenim qui  
inclusus esset in aureā, siue argenteā domo, quam  
ignis peruaderet; nā ille ab igne intactus & illæsus  
non abiret. Non ergo hæc est illorum verborum eni-  
ergia. *Ipse autem saluus erit, sic tamen quasi per ignem.*  
Sed, iuxta dicta sensus est, exustionem Ecclesiastici  
incrementi, quod plurimi imperfectus Episcopus  
ducebat, eidem purgatorij vice futuram.

D Duodecimō tandem; in hoc sensu mirifice Pur-  
gatorij ignis locum habet. Nam licet propriē & di-  
rectē non sit sermo de igne, qui post hanc vitam ius-  
torum animos alicuius adhuc pœnæ aut venialis  
reos purgat; sed de persecutionis igne, qui Episcopos  
imbecillæ adhuc virtutis magnopere cruciat: nihilo-  
minus in eo, quod dicitur, per huiusmodi ignem  
illos purgatos iam ac defæcatos ad beatitudinem  
caelestem peruenire; ab igne Purgatorij desumitur  
comparatio: quam solus negare potest hæreticus, qui  
Purgatorij veritatem eiurārit. Namque Catholicis  
hominibus, qui fidei veritatem profitentur (cum per  
occasionem dicuntur huius vitæ labores nonnullis  
instar esse Purgatorij) nihil dubij residet, quin in  
allusione hac seu comparatione obiter Purgato-  
rij veritas affirmetur. Vident enim in veritatis  
huius firmitate nisi afferuationem illam, quæ hu-  
ius vitæ labores & calamitates aliquibus pro Pur-  
gatorio esse confirmat. Ad eamque significationem  
mirum in modum conducit tenor verborum Pauli.  
Ait enim, *Ipse autem saluus erit: sic tamē, quasi per ignem.*

E Vbi particula, *quasi*, iuxta receptum vsum potest  
comparationis vim habere. Atque huiusmodi de-  
claratione conciliantur variae Patrum interpretati-  
ones; quorum alij hæc verba referunt ad Purgatorij  
ignem apud Bellarminum initio citatum; alij verō  
ad huius vitæ labores. Si autem præstituamus, con-  
textum agere de tribulationis igne per collationem  
cum igne Purgatorij: apparet mox facillē Paulum  
complexi vtrumque sensum; alterum quidem dire-  
ctē, alterum indirectē per modum comparationis.

Simili etiam ratione conciliantur variae expo-  
sitiones eorum verborum, *Dies Domini declarabit.*

Paulum hoc  
in loco pro-  
priē de perse-  
cutionis igne  
agere.

Prædicta  
aediſicij &  
aediſicatoris  
allegoria  
qua ratione  
ſit accipien-  
da.

Quomodo  
Purgatorij  
ignis poſſit  
etiam in hoc  
ſenſu locum  
habere.

Quo ſenſu  
dicatur à  
Paulo dies  
Domini de-  
claraturus  
vniuerſi  
opus.

Diei nomine  
aliquādo in  
Scriptura  
tribulationis  
& aduerſi-  
tatis indica-  
ri.

Quo ſenſu,  
iuxta Pauli,  
ille cuius o-  
pus arſerit,  
ſaluus dica-  
tur futurus;  
ſic tamen,  
quasi per  
ignem.  
Nū p-æ-  
dicta Pauli  
verba de  
purgatorij  
igno ſunt ex-  
plicanda?



Quauis enim directè agant de persecutionis die: in ipsa tamen locutione alluditur ad diem Iudicij; obiterque affirmatur, quod tangitur in allusione. Quemadmodum Apocalypsis capit. 13. et si propriè sermo est de Romani imperij persecutione: de illa

A tamen agitur factà allusione ad persecutionem Antichristi. Quare verè potest asseri, de Antichristo pariter ibi esse sermonem: ita tamen, vt contextus non de Antichristo, sed de Romanorum persecutione sit.

## T E X T V S.

*Vers. 3.* Et dabo duobus testibus meis, & prophetabunt diebus mille ducentis sexaginta, amicti faccis.

## C O M M E N T A R I V S.

De duorum  
testium in-  
terpretatio-  
ne, quatuor  
auctoris sen-  
tentia.

I. Opinio  
explicandi  
d. Enoch &  
Elia sub An-  
tichristi tē-  
pus ad præ-  
dicandum  
uenturis.

2. opinio re-  
ferentiu etiā  
ad Antichri-  
sti tempus,  
sed non de  
duobus sin-  
gulari viris.

3. interpre-  
tationem de  
duobus qui-  
dem viris,  
sed non de  
tempore An-  
tichristi.

Quarta  
eorum, qui  
nec de An-  
tichristi tē-  
pore, nec de  
duobus sin-  
gulariter  
viris expli-  
cant.  
Auctoris  
sententia.

IN huius versiculi explicatione, & eorum omnium, quæ de duobus testibus vsque ad versum 13. dicuntur; quatuor sunt viæ. Prima interpretatur de duobus viris tempore Antichristi prædicaturis. Secunda de Antichristi quidem tempore; non tamen de duobus viris. Tertia de viris duobus; sed non de tempore Antichristi. Quarta denique nec de duobus viris, nec de Antichristi tempore exponit. Rursus harum viarum singulæ in varia quasi semitarum diuortia partiuntur. Nam qui de viris duobus sub Antichristo prædicaturis censent explicandum esse contextum; alij quidem designant Enochum & Eliam: ex quibus sunt Aretas, Ambrosius, Haymo, Richardus, Ansbertus, Strabus, Hugo Cardinalis, Thomas, Dionysius, Clarius, Vatablus, Ribera, Viegas. Quorum explicationem certissimam esse existimant Suarez tertiæ p. tom. 2. disputat. 55. sect. 2. Pamelius in Tertullianum Mendoza in quodlibet. Pererius in Daniele & Maluenda lib. 9. de Antichrist. Alij verò censent, hîc significari Moysen & Eliam: quam sententiam sequuntur explicantes Christi transfigurationem Diuus Ambrosius in cap. 9. Lucæ, Diuus Hilarius in cap. 17. Matthæi, Abbas Ioachim, Catharinus, Arboreus, Gagneus, & Maldonatus Matthæi 17. 3. In quam etiam inclinat Iansenius in concordia Euangel. cap. 67. Atque hæc sunt in prima via præcipuæ semitæ. Nam Victorini sententia & aliorum, qui denotari hic putant Ieremiam aut Elisæum, communi consensione vt improbabilis ab omnibus exploditur.

Secunda via (id est explicatio de Antichristi tempore, sed non de duobus viris) placuit Ticonio, Primasio, & Bedæ. Ticonius enim hom. 8. in fine impugnat eorum expositionem, qui per duos testes intelligunt duos viros; additque ex ipso contextu omnem explicationis huius suspensionem excludi. Primasius, quauis hunc locum referat ad Antichristi tempus, & mentionem faciat Eliæ tunc prædicaturi: nihilominus recusat in duobus testibus intelligere duos viros; explanatque de duplici genere testium, qui ab Elia confirmati Christum eo tempore profitebuntur. Beda etiam licet quorundam referat expositionem de Enoch & Elia; tamen eam non sequitur; & Ticonium, vt assolet, sectatur. His adiungo Abbatem Ioachimum. tametsi enim statuit sub Antichristi tempus venturos esse Enochum, Moysen, & Eliam; subdit tamen iuxta proximum & legitimum sensum, duos illos testes quos recenset Apocalypsis, esse duo prædicatorum genera; nempe Sacerdotes & monachos. Abbatem sequitur Hortulanus in Cant. vbi ait, *Duo illi testes Enoch & Elias gerunt personam prædicatorum illius temporis sub Antichristo.* Cui sententiæ non nihil etiam fauet Pannonius.

Tertia via erat explicatio de duobus viris, sed non de tempore Antichristi: quæ in varios item tramites diuiditur. Quidam enim primitiuæ Ecclesiæ tempus respiciunt, & duos illos testes suspiciant esse Christum Dominum & Ioannem Baptistam. ita Vbertinus de Casalibus & Michael Eitfingerus in suo Pentaplo. Alij inducunt duos illos Sacerdotes Iesum & Ananum, quos occiderunt Idumæi. ita Caponsachius. Nonnulli exponunt de Syluerio Papa, & Mena Patriarcha pugnantibus contra Eutychianos. Sic Aureolus, Antoninus, I. yranus, & Ederus, & Lizarazus. Non defuerunt etiam, qui existimarent, in his duobus testibus respici ad Beatos Dominicum atque Franciscum; quod arrisit quoque Vbertino, & quibusdam alijs.

Quartâ viâ insistent, qui censent hoc in loco non institui sermonem de Antichristi tempore, neque de duobus singularibus viris, sed de fictis personis per prosopopœiam. Viæ huius prima semita est existimantium, non agi hîc de peculiari aliquo tempore, sed de cunctis Christianæ fidei sæculis. Quam sententiam sequitur Pannonius; dum ait, duos illos testes esse omnium temporum veritatis assertores duobus testamentis subnixos. Huc spectat Arias Montanus, qui asserit, testes illos duos esse legem & prophetiam; legem scilicet in Moysen denotatam, prophetiam in Elia. Altera denique semita, qua nobis gradiendum est, in primitiuo Ecclesiæ tempore persistit, atque duorum testium figuram spiritualiter esse explicandam contendit.

Hæc sententia auctores habet, meo iudicio, eos omnes, qui arbitrantur in Apocalypsi. à capite 4 vsque ad finem vndecimi sermonem esse de modo, quo se gessit Deus cum Iudaico populo sub

primitiuæ







Nam Apostoli fuere duodecim: & tam illi, quàm septuaginta duo discipuli fuerunt Christi testes: & conuersionis efficientia, quæ in decima Hierosolymæ parte conspecta est (qui fuit finis gloriosus & admirabilis fructus testimonij, quod de Christo duo hi testes præbuerunt) non debet integrè attribui vili personarum par: sed ijs omnibus, qui Christo in spiritali illa expeditione fideliter seruierunt. Quare eiusmodi declaratio de duobus Christi testibus videtur necessariò eligenda, quæ sit honorifica & gloriosa ijs omnibus, quos Deus ad decimæ Hierosolymæ partis conuersionem, vt instrumentum, assumpsit: de qua decima parte dicitur infra versu 13.

Satis apparet ex dictis, tres priores exponendi vias à vera explicatione declinare: moxque facile cernitur, in quarta via explicationem illam Pannonij & Ariæ Montani nequaquam satisfacere. Etenim si tota hæc ratiocinationis series, & quidquid de duplici teste agitur, tendit omnino ad decimæ partis Hierosolymæ conuersionem, quam Isaias cap. 6. prædixerat, & quæ Ecclesiæ transitum ad Gentilitatem antecessit: si hoc, inquam, ita est; manifestò apparet, minimè esse ad rem de omnium temporum prædicatoribus tractationem. Nec verò lex & Propheta fuerunt, qui reapse suâ patientiâ & laborum tolerantia decimam Iudæorum partem in Christi fidei ditionem ac potestatem redegerunt. Quapropter nulla alia superest semita sequenda, nisi illa D. Hieronymi, quam multi auctores, ijque grauissimi sectantur, vt vidimus in Prolegom. notat 12.

Reliquum est ostendere, quàm rectè & appositè, quidquid textus ait de duobus testibus, ad nostram declarationem applicetur. Atque imprimis Christi testium nomen inficiabitur nemo doctrinæ celestis & sanctitati ministrorum Euangelij apprime congruere. Nam testimonium, quod Apostoli, virique Apostolici Christo dederunt, fuit quidem doctrinæ celestis & admirabilis sanctitatis testimonium. Vnde nihil aptius aut significantius, quàm celestem ipsam eorum doctrinam & admirabilem sanctimoniam, tanquam nobilissimum par Christi testium, per prosopopœiam inducere.

Porro in hoc testium nomine alluditur, ni me fallo, ad mysterium duorum Cherubinorum, qui vtroque ex latere, ad arcam testamenti erant: & singulatim ad duos ingentes Cherubinos siue colossos, quos Salomon effinxit; quorum interiora ex oliuo erant, vt patet 3. Reg. 6. 23. *E. fecit in oraculo duos Cherubim de lignis oliuarum decem cubitorum altitudinis.* Vnde & in hoc capite 11. sequitur infra n. 4. *Hi sunt dua oliua.* Ad hos, inquam, alluditur, nam in arca posita fuit testificatio Dei, vt habetur Exodi 25. 16. Quare duo Cherubini significant duos Christi testes, nempe virorum apostolicorum doctrinam & sanctitatem. Vbi nota pro testificatione poni in Hebræo *Ghaduth*: & testes vocantur *Ghedim*, vt videre est Deuter. 7. 6. vbi legimus, *in ore duorum vel trium testium.* De his autem Dei testibus, in quibus ille gloriatur, vide Isaiæ 43. 10. & 12. & cap. 44. 8. & 9. Aduerte insuper in versu 1. & 2. huius capitis 11. sermonem fuisse de Dei templo, non quidem materiali, sed viuo & spiritali: atque ita consecrarium est, vt in hoc versu 3. agatur de viuis duobus templi Dei viuis Cherubinis, de quæ maxima gloria & splendore, quo Deum excellenti suo testimonio prædicarunt.

Præter hæc, in nomine duorum Christi testium allusio est ad Mosem & Eliam, vt ex contextu patet: nam Eliam denotant verba illa, *Hi habent potestatem claudendi calum, ne pluât diebus prophetia ipsorum:* at Mosem indicant verba sequentia, *Et potestatem habent super aquas conuertendi eas in sanguinem, & percutere terram omni plagâ.* Et quidem tam Mosi, quàm Eliæ quadrat mirificè nomen duorum Christi testium. Fuerunt enim testes admirandæ transfigurationis, in qua Christus suam gloriam patefecit. Cum autem Ioannes in Christi transfiguratione interfuerit: planum fit, ipsum, qui nunc Christum nube amictum, eiusque faciem vt solem videbat, & audiebat sibi dicentem, *dabo duobus testibus meis;* facile intellegendum fore, duorum testium appellatione designari duos illos, quos Christus in sua transfiguratione testes adhibuerat: præsertim cum mox audierit ipse Ioannes, *Hi habent potestatem claudendi calum* (quod fuit Eliæ miraculum): & *potestatem habent super aquas conuertendi eas in sanguinem;* quod Moyses patrauit. Enimverò Moyses & Elias in hoc sacro ængmate (vt supra dicebamus) non verè sunt personæ, sed fictæ. Nam contextus agit de tempore persecutionis, qua Iudæi Euangelium oppugnarunt sub primitiua Ecclesiæ tempestate. Tunc autem Moyses & Elias nequaquam concionaturi aduenerunt. Quamobrem ille est verus germanusque sensus, vt sermo sit de mysticis Mose & Elia; qui in Apostolorum & aliorum Christi discipulorum prædicatione eminebant in turbulenta illa persecutione.

Nota ergo, gloriam, quæ ex Euangelica prædicatione & peccatorum conuersione redundat in Christum, esse mysticam quandam ipsius Christi transfigurationem, & illustrissimam ipsius gloriæ probationem: in qua Christus duos testes producit, vt in ore duorum testium stet omne verbum. Hi autem duo testes locupletissimi, sunt doctrina celestis & admirabile exemplum ipsius ministrorum. Notum enim est euangelicam atque apostolicam prædicationem ad doctrinam & exemplum reduci, hoc est, ad præstantissimam sapientiam, & integerrimam vitæ sanctimoniam. Deinde qui doctrinam & sanctitatem efficit testes; illis personam addat per prosopopœiam necesse est: atque huiusmodi personis idoneum valde esse Mosem; quemadmodum Eliam ad vitæ sanctitatem & zelum Euangelicum. Facit huc, quod Moyses figurat legem, quæ erat doctrina celestis: & vitæ euangelicæ exemplum in nullo alio Prophetarum ita extat atque eminet, vt in Elia: cuius vita non tam ex veteri testamento Prophetam, quàm ex nouo virum plane apostolicum redolet. quippe non virginalis solum pudicitia, sed vitæ etiam religiosæ fuit; & parens atque auctor celestis illius vitæ. Atque ita in Mose, doctrinæ celestis; in Elia, vitæ Apostolicæ exemplum enitescit: & in vtriusque coniunctione mirè exprimitur perfecta Christianæ fidei prædication; quæ ex vita atque doctrina, ex zelo & sapientia, ex magna intellectus illustratione & voluntatis studio, contentione atque ardore componitur. Quorum vtrumque apprime in vtroque Propheta representatur: in Mose quidem celestis sapientia per lucis radios ex ipsius vultu emicantes; in Elia, vitæ puritas & feruens animi ardor per igneum currum.

Et

Quam aptè  
nomen d. o-  
rum Christi  
testium con-  
ueniat sapi-  
entia & a-  
ctiuitati.

In hoc testium  
nomine al-  
ludit ad duos  
templi Che-  
rubinos in-  
gentes.

In duobus  
testibus al-  
luditur, ne con-  
tinuè ad  
Moysen &  
Eliam.

Cur Moysi  
& Eliæ no-  
men duorum  
testium qua-  
drat?

Quomodo  
Moses &  
Elias in hoc  
ængmate  
sacro indu-  
cantur.

Mystica  
Ch. isti  
transfigura-  
tio.

In Mose fi-  
gurari legem  
in Elia san-  
ctitatem.







bus etiam & singulis concionaturos. Quo denotatur perseverantia ingens atque constantia infatigabilis, quibus doctrina apostolica & evangelica sanctitas conversioni Iudæorum fortiter consuluerunt; quandiu ab ipsismet Iudæis acerrime oppugnabantur.

AMICTI SACCIS. Id est, poenitentiam & peccatorum detestationem prædicantes, & homines ad eam cohortantes.

Cur duo testes saccis amicti inducantur.

## NOTATIO VI.

*In qua declaratur, quod sit solidum fundamentum illius traditionis, quæ docet Henochum & Eliam Antichristi tempore ad prædicandum venturos.*

**A**LIIQVIS fortasse verebitur, ne, si in eo, quod Apocalypsis capite vndecimo, refert de duobus Christi testibus, mea admittatur expositio; præcipuum illâ diruatur fundamentum, quo Ecclesia nixa habet pro certo, semperque habuit, Henochum & Eliam viuos adhuc supersitesque esse; sub Antichristo ad concionandum venturos; & ab eodem pro Christi fide occidendos fore. Hæc obiectio, quæ adversus meam declarationem potest opponi, eò est validior, quò probabilius fuerit reliqua Scripturæ loca, quæ ad fidem Henochi & Eliæ adventui faciendam adduci solent, posse iuxta alium sensum explanari.

Quamvis enim in sacra Scripturâ vna explicatio aliam non excludat: negari tamen non potest, quin argumentum ab vna expositione desumptum non sit admodum firmum; cum ostenditur, locum illum in alio literali sensu appositè explicari valere. Sic enim fit, ut ab Scripturæ verbis non cogi videamur ad communem excipiendam explanationem.

Ut ergo dispiciamus, vtrum in Apocalypseo loco niti opus sit, ut Henochi & Eliæ adventum pro certo fore habeamus; oportet cætera Scripturæ loca obiter percurrere, in quibus hæc traditio niti posse videbatur; & quid habeant vis ac roboris examinare.

Ad Eliæ adventum asserendum, omisso Apocalypseo loco, tres nobis restare loci videntur: ñ sunt 4. Reg. 2. 11. Ecclesiastici 42. 10. & Malachiæ 4. 5. Discutamus ergo per singulos, & inquiramus; num aliter valeant apte explicari.

Primus est, 4. Regum 2. 11. vbi solùm dicitur Elias ascendisse in calum in curru igneo. Id tamen non videtur convincere: nam similiter dicitur de Enocho Genes. 5. 24. *Ambulavit Henoch cum Deo; & non apparuit, quia tulit cum Deus.* Qui autem aiunt hanc esse Ecclesiæ traditionem, non minus de Henoch, quàm de Elia loquuntur: cum tamen Ambrosius, Hilarius, Catharinus, Arboreus, & noster Maldonatus affirmant, non Henochum sed Moysen cum Elia venturum. Locus ergo ille 4. Regum 2. 11. non planè convincit.

Alter locus est, Ecclesiastici 48. 9. & 10. *Qui receptus est in turbine ignis, in curru equorum igneorum. Qui scriptus est in iudicij temporum lenire iracundiam Domini, conciliare cor patris ad filium; & restituere tribus Jacob.* Prima huius loci pars eadem est cum ijs verbis ex 4. Regum 2. 11. de quibus iam diximus. In secunda verò parte, explosâ Iansenij opinione, quam meritò

**B** reprehendit Pererius in Daniele (nempe Ecclesiasticum non loqui ex propria sententia, sed secundum receptam suo tempore opinionem; qua credebatur Elias in sua persona ante Mesiam venturus); hæc, inquam, audaci opinione omisâ; fortasse dici posset, Ecclesiasticum quidem loqui secundum rei ipsius veritatem; loqui tamen de spiritali adventu Eliæ. Neque obstat, quòd in contextu ad ipsam Eliæ personam dirigatur sermo. Nam loquendo cum persona eiusdem, & respiciendo spiritalem eius adventum in alterius persona (nempe Ioannis Baptiste), Eliæ ipsi potuit elegantissimè dici, Tu scriptus es à Malachia mittendus esse à Deo præcurzor Messie.

Pro cuius intelligentia animadvertendum est, Ecclesiasticum ibi congerere laudes veri Eliæ; sed ad ipsius quoque Eliæ laudem spectare, quòd Ioannes Baptista in illius spiritu & virtute venerit. Quid enim magnificentius, quàm Eliæ nomen ita esse illustre atque gloriosum; ut eius imitatio ac nomen potuerint Ioannem Baptistam supremum Christi prodromum honorare? Certè cum huiusmodi sensu mirificè coherent, quæ in eodem Ecclesiastici loco sequuntur: ea sunt; *Beati, qui te viderunt, & in amicitia tua decorati sunt. Nam non videri vivimus tanquam post mortem autem non erit tale nomen nostrum.* Quod est dicere; Ceteri mortales postquam à viuis excidimus, obliuioni tradimur: tu autem postquam à nobis raptus es, viuis adhuc inter nos per gloriosum nomen, viuesque in sæcula: siquidem in tuum honorem & gloriam Ioannes Baptista appellabitur Elias, eo quòd tui futurus sit imitator: si ergo postquam à nobis discessisti, tui memoria & nomen adeò viget, adeoque vigeat; quid existimare debemus de illorum felicitate, qui tui ipsius præsentia & consuetudine perfrui meruerunt?

**D** Hunc contextum non est assequutus Iansenius: & quia voluit aliter interpretari de vita per Mesiam asserenda, ideo dicere est ausus, nostrum interpretem non intellexisse Græcæ lectionis mysterium; & propterea multis additis verbis longè aliter vertisse. Enimvero si serius rem expendisset, cerneret utique; quia noster interpret collineavit, ideo ut Græcæ lectionis mysterium clarius exprimeret, eundem addidisse quædam in Latina versione. Græca enim ad verbum sonant, *Etenim nos videri vivemus*, id est, non amplius vivemus; quàm dū vita hæc mortalis durabit: id est, non amplius durat nomen nostrum; tuum autem æternum superstes erit. Hic erat sensus

Quomodo prædictus locus Ecclesiastici possit de spiritali Eliæ adventu intelligi.

Reprehenditur Iansenius, & ab eius calumnia vindicatur Vulgatus.

Quod sit in Scriptura fundamentum ad Eliæ & Henochi adventum sub Antichristo affirmandi.

Examinatur primus locus ex 4. Regum.

Expenditur secundus locus ex Ecclesiastico.



mysterij plenus. Ex quo intelligitur nihil addidisse Latinum interpretem, quod non continetur in vero Græcæ lectionis sensu. Quod si Iansenius obseruasset, non adeo liberè vulgatam lectionem corripere, neque ausus fuisset auctorem etiam libri quodammodo reprehendere. Ab ea tamen calumnia asseruit Ecclesiasticum Vulgatus: ex eius enim translatione constat, Ecclesiasticum aptissime posse intelligi de alterius aduentu, qui nominis veri Eliæ gloriā amplificet atque extendat. Quod si hæc expositio probabilis est, ex ea potius inferitur, Ecclesiasticum in modo loquendi, videri primo aspectu loqui de Elia, quasi de homine iam mortuo. Nam illa antithesis. *Post mortem non erit tale nomen nostrum*, prima specie sic videtur explicanda; *nomen nostrum, non erit tale post mortem, quale post mortem est tuum*. Non tamen id voluit Ecclesiasticus asserere; sed tantum Eliam postquam à mortaliū consortio discessit, adhuc inter mortales ipsos per nominis claritudinem vivere.

Tertius locus est ex Malachia ca. 4. 5. Quem locum quauis Maldonatus atque Tolerus Lucæ 1. 17. & Pererius in Daniel. contendunt explicandum omnino esse de proprio veri Eliæ, non de spiritali aduentu; Hieronymus tamen ibi explicat de vniuerso Prophetarum choro siue de Prophetia; & Iansenius in eum locum Ecclesiast. 48. vult Malachiam non agere de personali Eliæ aduentu, sed de spiritali in Ioannis Baptistæ persona. Et meâ quidem sententiâ certum est, Malachia locum de spiritali Eliæ aduentu in persona Ioannis fuisse à Christo Domino explicatum. Lege Matth. 11. 14. *Ipsæ est Elias, qui venturus est.* & Matth. 17. 10. *Interrogauerunt eum discipuli: Quid ergo scribæ dicunt, quod Eliam oportet primum venire? At ille respondens ait, Elias quidem venturus est, & restituet omnia. Dico autem vobis, quod Elias iam venit, & non cognouerunt eum.* Vbi nota, verba illa *Elias quidem venturus est*, ita posse explicari, quasi dicat certum ex Scriptura esse, Eliam fore venturum: nempe ante primum Domini aduentum, nimirum spiritaliter. Adde huc, quod Gabriel Angelus Lucæ 1. 17. citat Malachia locum, & exponit de Ioanne. Atque ita non alio sensu negat, existimo Malachia locum de Eliæ aduentu spiritali debere intelligi.

Pro cuius rei confirmatione nota, explicationem de spiritali Eliæ aduentu ante primum aduentum Domini, non solum esse certâ propter rei ipsius veritatem, & propter Christi atque angeli applicationem: sed etiam adeo aptam & elegantem, vt sermonem abstrahendo ab ipsius aduentu personali, illa per se sit Scripturæ sacræ congruentissima. Primum enim negari nō potest, veritatem & elegantissimè dici aduenisse Eliam, quando Ioannes Baptista aduenit in spiritu & virtute Eliæ. Sic enim locutus est Christus, vt supra vidimus: & similiter loquitur Angelus Danielis c. 12. 2. cum ait. *Multi de ijs, qui dormiunt in terræ pulvere, euigilabunt.* hac item ratione loquitur Ioannes in Apocalypsi cap. 13. Cum dicit primum bestia caput, (id est Neronem) postquam occisum est, surrexisse: nimirum quia surrexit alius Ecclesiæ persecutor in spiritu & crudelitate Neronis. Constat ergo eam & Scripturæ esse phrasim, & elegantiam plenam. Neque obstat Malachia contextus, quin intelligi possit, ad literam agi de primo Domini aduentu. Nam quauis sic loquatur, *Antequam veniat dies Domini magnus & horribilis*; ex Græco tamen redditur, magnus & illustris. Et primus Domini aduentus merito dicitur horribilis: est enim valde admirandus ac summo opere venerandus modus, quo Christus suum populum redempturus aduenit. Præterquam quod primus aduentus non iniuriâ dici potest Iudaico populo horribilis: eo enim cæcutierunt illi, & obdurerunt. Ioannis autem prædicatione effectum est, vt aliqua Iudæorum pars ad Christum conuerteretur; atque adeo ne omnes excarcerentur penitus, & fierent anathema; id est, separati & execrandi. Constat ergo Malachia contextum appositè de spiritali Eliæ aduentu intelligi. Ad hæc, non solum in Ioannis Baptistæ personâ spiritaliter aduenit Elias; sed etiam in multis alijs & venit, & venit; vt in beato Dominico & Francisco: ac

proinde ante secundum etiam Christi aduentum præcedit spiritaliter aduentus Eliæ. Nec verò huic de aduentu spiritali explicationi repugnant verba illa, quæ sequuntur; nimirum, *E. conuertet cor patrum ad filios, & cor filiorum ad patres eorum.* Nam Gabriel Angelus hæc idem verba ad Ioannem applicauit Lucæ 1. 17. Quia videlicet suâ admirabili prædicatione effecit, vt multi patres cum filijs, & filij multi cum patribus in verâ religione conciliarentur: quæ etiam ratione restituit tribus Iacob. Nam per incredulitatem perirent omnes Israelitæ: nisi Christo prædicato, seruaretur in eis verus Dei populus; qui insertus deinde Gêtibus augeretur, & gloriâ duodecim tribuum spiritaliter retineret. vt ex c. 7. Apocalypseos intelligitur.

Verum age iam, ad Henochi aduentum transferamus. Primus locus est Genes. 5. 24. *Ambulauit quicum Deo, & non apparuit, quia tulit eum Deus.* Ex hoc autem loco non videtur efficaciter probari, Henochum, vt contra Anichristum prædicet, venturum cum Elia, & vna cum ipso fore occidendum. Constat enim, stâte adhuc hoc ipso loco, aliquos ex grauissimis auctoribus, & inter eos Hilariū atque Ambrosiū sibi persuadere, non Henochum cum Elia, sed Mosē ad prædicandum venturum. Quam sententiam nostrâ ætate sequuntur Catharinus, Arboreus, Gagneius, Arias Montanus, Maldonatus & alij.

Sequitur alter locus Ecclesiastici 44. 15. *Henoch placuit Deo, & translatus est in paradysum, vt det Gentibus penitentiam.* Verum tamen textus Græcus non cogit, vt explicemus de Henochi aduentu; vt notauit Iansenius. Græca enim ad verbum sonat: *Henoch placuit Domino, & translatus est documentum penitentia & ætatibus seu generationibus.* Absque eo autem, quod Henochi aduentus affirmetur, prædicta verba videntur aliter posse aptè explicari: nimirum, ideo Deum abtulisse Henochum, vt mixta illius rei recordatio in posterorum sæculis & ætatibus admoneret peccatores, à Deo assumi sanctos viros, & ex sceleratorum conuictu secerni; quia non meretur mundus illos apud se habere; quorum mores adeo sunt diuersi atque contrarij deprauatis mundanorum hominum moribus: sicque sanctæ Henochi vitæ memoria semper peccatores ad penitentiam excitet. Huic intelligentiæ fauere videtur locus alter Ecclesiastici c. 49. 16. *Nemo natus est in terra, qualis Henoch; nam & ipse receptus est à terra.* Atque in eodem sensu explicari potest, Eliam à Deo fuisse sublatum igneo curru. Et iuxta hanc expositionem, illa versionis Latinæ verba, *vt det Gentibus penitentiam*, aptè possunt ita intelligi, vt semper penitentia documentum exsistat; quantumvis alias non esset Anichristi tempore venturus.

Tertius locus est ad Hebræos 11. *Henoch translatus est, ne videret mortem: & non inueniebatur, quia translatus illum Deus.* Quibus ex verbis non colligi videtur posse, ipsum cum Elia sub Anichristi tempore venturum.

Si Apocalypseos locum excipiamus, nullus est in tota sacra pagina locus, præter eos, quos retulimus, in quibus Ecclesiæ traditio de secundo Henochi & Eliæ aduentu, deque eorum martyrio innitatur. Quod si hisce omnibus locis diuersus potest sensus idoneè adhiberi, vt iam vidimus: ne traditio Ecclesiæ collabatur, necessarium fore fatendum videtur, germanum ac literalem sensum huius loci Apocalypseos de duobus Christi testibus non esse alium, nisi Henochi & Eliæ aduentum, prædicationem, martyrium & gloriosam resurrectionem.

Quod autem sit Ecclesiæ traditio, Henochum & Eliam aduersus Anichristum esse prædicaturos, & ab eodem occidendos; id à grauibz Theologis asseritur, & à nonnullis iudicatur esse de fide. Ad cuius veritatis confirmationem asserunt multa Maluenda l. 9. de Anichristo. Suarez 3. p. to. 2. disp. 55. Pererius in Daniel. Viegas, & Ribera Apoc. 11. Mendoza in quodlibet. Pamelius in Tertullianum.

Ad hæc autem assero primò, licet asserim aliqui de fide esse Henochum & Eliam ad prædicandum contra Anichristum venturos; alijs tamen nō ita certū videri. Imprimis enim de Henoch id negant

De Henochi aduentu sui Anichristi: tēpora primus locus examinatur.

Secundus locus de Henochi aduentu ex Ecclesiastico.

Tertius de Henochi aduentu locus ex epistola Pauli ad Hebræos.

An sit Ecclesiæ traditio, Henochi & Eliam esse sub Anichristo venturos ad prædicandum. Futurum Henochi & Eliæ aduentum non ab omnibus equè certum reputari.



Hilarius, Ambrosius, & nonnulli Theologi ex iunioribus doctissimis, quos suprà retulimus. Deinde eam traditionem non videntur recipere, qui Henochum & Eliam immortalitate donant; vt Procopius in Genesin. vel qui dubitant, an sint immortales, vt Gregorius Nazianzenus; quem refert Pamelius. Eugubinus etiam illis immortalitatem tribuit (quem refert Suarez 3. p. tom. 2. disput. 55. & fauere ait Epiphanium & Hieronymum. Præterea non defuere, qui in dubium reuocarint, num reuerà sint Henochus & Elias venturi: & speciatim, qui dicunt Mahometum fuisse Antichristum. De quo videri possunt, quæ scripserat Hentenius; & quæ contra eum scripsit Pererius in tractatu de Antichristo. Ad hæc, Suarez non ait esse de fide: sed disiunctiue, aut esse de fide, aut proximum fidei. Pererius verò solum ait, eam esse communem sententiam, & ab antiquis temporibus in populo Christiano receptam, & Iansenius Ecclesiastici 48. planè asserit, non esse de fide.

Secundò illud saltem de fide est, Henochum non mortuum esse. Id enim expressit Paulus ad Hebræos 11. 5. Et de Elia similiter colligitur manifestè ex 4. Regum 2. 11. Nam si ex translatione colligit Paulus, Henochum non vidisse mortem: ergo similiter est certum de Elia. Et quanuis Philodæus dixisset mortuum fuisse Henochum; nihil hoc Christiani curaremus. Suarez hunc errorem tribuit Philoni in libro de Abrahamo, seu de vita sapientis. Meo tamen iudicio ex Philonis verbis non id rectè colligitur, quia loquitur allegoricè: atque ita ex eodem loco Viegas infert, affirmasse Philonem, Henochum non fuisse mortuum. Qui hac in re addubitare videtur, est Chrysostomus tomo 1. ait enim; Si quis curiosus rogare velit, quò translatus sit Henoch, & num usque ad præsens vixerit: discat non conuenire humanis mentibus curiosus ea, quæ à Deo fiunt, explorare. Hæc ille; quæ fortè per non curantiam protulit. Si enim aduerteret, quod Paulus affirmat, Henochum non vidisse mortem; neutiquam diceret, id explorare, curiosum valde esse.

Tertiò, vt Ecclesia futurum Henochi & Eliæ aduentum reputet certum, qua ratione reputat; sufficiens est fundamentum, constare de fide ipsos nondum esse mortuos, sed superstites adhuc remanere; nec nõ tot esse Doctores, qui vel propter prædicta Scripturæ loca, vel fortè ex Apostolorum traditione aut aliâ etiam antiquiori iam inde à Prophetis deductâ, affirmât vt rem omnino certam, Henochum & Eliam ideo non obisse, quia Antichristi tempore sunt ad prædicandum venturi, & tunc martyrii palmam adepturi. Hoc, inquam, fundamentum sufficit. Constat enim, à Deo per tot annorum millia Henochum & Eliam fuisse asseruatos, & ipsorum mortem tandiu protractam, non quidem frustra, sed singulari planè consilio ad egregium aliquod & insigne facinus. Quem autem sibi finem diuina providentia in hoc proposuerit, satis ex veteri traditione nobis innotescit; atque etiam ex communi Doctorum declaratione in locis suprà dictis. Huic autem traditioni siue communi persuasioni non officit, superiora illa loca in alio fortassis sensu idoneè intelligi posse. Nam eundem Scripturæ locum duplici literalis sensu constare, præsertim si conne-

xionem inter se habeant, dissentaneum non est. Si hæc veritas atque eius certitudo in eo niteretur, quòd loci illi nullam aliam præterea declarationem admitterent, nisi de personali Henochi & Eliæ aduentu; tunc quidem aliam concedere expositionem, perinde esset, atque illorum aduentum negare: sed ad eas angustias minimè redigimur in hac traditione; nec Ecclesia eam videtur in hoc certitudinis gradu amplecti.

Quartò, quanuis sit verum, si aliquorum Doctorum sententia attendatur, Henochi aduentum non tantâ auctoritatis firmitudine niti, vt aduentum Eliæ; siquidem multi affirmant Eliæ aduentum, qui aduentum Henochi inficiantur. Si tamen res ipsa ex sacra Scripturæ auctoritate consideretur; non minùs est certus Henochi aduentus, quàm Eliæ. Nam præcipuum fundamentum, quo hæc communis Doctorum persuasio firmatur, illud est; quòd ex Scriptura constat, vtrumque Prophetam esse adhuc superstitem: & de Henoch id Paulum exprimere. Quòd si Ecclesiastici locus inspiciatur; non minorem videtur habere vim textus, qui de Henoch loquitur, quàm qui de Elia.

Quintò, quanquam Doctores aliqui opinati sunt, locum Apocalypseos esse præcipuum fundamentum, vt Ecclesia pro certo habeat, Henochum & Eliam esse venturos ad prædicandum tempore Antichristi; mihi tamen certum est, decipi eos, qui eam sibi mentem inducunt. Primò, quia vt sæpè alias ex Dionysio Areopagita retulimus, Theologia symbolica non est argumentaria. Secundò, quia multi sunt Doctores, qui hunc esse Apocalypseos sensum negant; vt vidimus in commentario. Tertiò, nam Apocalypseos acoluthia, quæ solidis fundamentis & grauissima auctoritate solidatur, sensum alium manifestè postulat. Quarto, nam si Apocalypseos textus consideretur; perspicuum est in eo non coniungi Eliam cum Henoch, sed cum Mose. Quamobrem id potiùs nonnullis præbuit ansam erroris, quòd sibi persuaderent Apocalypsin in sensu literali loqui de Eliæ & ipsius socii prædicatione sub Antichristi tempus. Nam cum hoc ita statuerent; scripserunt, non quidem Henochum, sed Mosem tunc fore Eliæ comitem, id quod nimis exaggerando asseuerarunt; cum res sit, meo quidem iudicio, improbabilis. Constat enim ex Scriptura Mosem esse mortuum; eiusque animam, ex quo fuit per Christum Dominum à limbo eduçta, perfrui caelesti beatitudine. Est autem minimè probabile, aliquem ex Beatis excitandum fore, & rursus vitam mortalem traducturum, ac postea moriturum. Itaque tantum abest, vt caput vndecimum Apocalypseos potissimum sit fundamentum ad Eliæ & eius socii sub Antichristo prædicationem & martyrium asserenda; vt potiùs verum sit, opinionem illam, quæ putat Apocalypsin agere de Henochi & Eliæ aduentu, pugnare omnino cum vero aduentu Eliæ & socii ipsius. Nam ex hac opinione sequitur, non Henochum Eliæ comitem futurum, sed Mosem: quod est falsum omnino & improbabile. Inde enim infertur, Henochum quasi irritò conatu & Dei consilio frustra custodiri: cum constet ex sacris Litteris, ipsum planè esse, non Mosem, quem asseruat Deus, vt extremis temporibus moriatur.

*Henochum non fuisse mortuum, de fide constare: idemque de Elia asserendum.*

*Quid senserit Chrysostomus de Henochi morte.*

*Quo fundamento nitatur Ecclesiastica traditio de futuro Henochi & Eliæ aduentu.*

*Non minùs certò de Henochi aduentu, quàm de Elia constare.*

*Ex Apocalypseos loco præcisè: ut pro nõ certò probari Henochi & Eliæ aduentum.*



## NOTATIO VII.

*In qua aduertitur, multa esse symbolorum paria; in quibus significari voluit Spiritus sanctus coniunctionem sapientiae, & sanctitatis, quae sunt duo testes capitis II. Apocalypseos.*

**T**AM Angelos, quam homines (quorum utriusque sunt rationales creaturae) condidit Deus, ut eum suis actionibus honorarent: cetera autem omnia ad hominum obsequium produxit. Ex quo apparet, quanti Deus aestimet actionum rationalium perfectionem; earum, inquam, quae angelis & hominibus sunt communes. Atque ex his actibus rationalibus, quibus Angeli & homines Deum colunt ac suspiciunt; alij perficiunt intellectum, dum eum veram sapientiam illustrant; alij voluntatem, dum illam ad diuinum nutum ac voluntatem conformant; in quo vera sanctitas consistit. Hinc elicitur tum Angelicam, tum humanam perfectionem; atque adeo decus & gloriam, quam rationales creaturae Deo possunt suis actionibus deferre; ea, inquam, omnia reuocari ad coniunctionem verae sapientiae mentem illuminantis, veraeque sanctitatis mundantis affectum. Quod si hoc perfectionum pars in semet complectitur gloriam omnem atque honorem, quem rationales creaturae Deo possunt tribuere; quid obsecro congruentius, quam ut duplicis huius perfectionis frequentissima sit in sacris symbolis mentio? Adhuc, ut significetur quam sit Deo honorifica & gloriosa haec sanctitatis atque sapientiae in rationalibus creaturis copulatio; quid aptius, quam diuinum Spiritum voluisse, multa huiusmodi symbolorum paria, hanc ipsam perfectionum societatem indicantia multiplicare?

Ex his ergo symbolis placuit in hac notatione viginti non minus paria colligere; atque ex ijs ordiri, quae naturalia sunt, quaeque potissimum consistunt in mystica significatione, quam Deus naturalibus rerum aliquarum proprietatibus indidit.

Inter haec primum sibi vendicat locum societas splendoris & efficacitatis, quam Deus in sole constituit, eamque imprimis celebrat Psalmus 109. vers. 3. sub nomine virtutis & splendoris.

Secundo, in igne etiam lux atque calor eandem fortiuntur significationem.

Tertio, in meteoris eidem deferuiunt mysterio tonitrua & fulgura; ut vidimus Apocalypseos 4. in commentario versus quinti.

Quarto, in corporibus mysticis sunt eidem significationi aptissima; mira duae proprietates magnetis; ut vidimus Apocal. 2. not. 5.

Quinto, ex agricultura recte ad eandem significationem usurpatur consociatio & quasi connubiū palmae atque vitis, ut videbimus Cant. 7. versu 7.

Sexto, ex regijs hortis desumptum est ad hoc idem denotandum par illud symbolorum, Hortus conclusus, fons signatus, ut patebit Cant. 4. 12.

Septimo, ex humanis moribus symbolicè accipitur conuiuium vini ad sapientiam denotandam, & nuptiales amplexus ad sanctitatis perfectionem; ut platum fiet Cant. 1. 1. vbi vera sponsi vino praefertuntur.

Octauo, inter naturalia symbola annumerari potest auri & argenti cognatio; quae duo sunt metalla pretiosa; eaque saepe Deus coniuncta procreat: ut constat in electro natiuo, de quo mira prodit Plinius. Atque haec auri & argenti coniunctio mirifice deferuit ad gloriosam sanctitatis & sapientiae copulationem in coronis ex auro & argento, de quibus Zachariae 6. 11.

Aliud symbolorum est genus, quod in sacris historijs fundatur aut in rebus, quas Spiritus sanctus ad huius perfectionum paris significationem

**A** fabrefieri iussit. Et historiae quidem, in quibus duae copulantur personae; ut altera caelestem repraesentet doctrinam, altera euangelicam sanctitatem, sunt quae sequuntur.

Prima, Pontifex Iesus sapiens, & dux Zorobabel fortis: de quibus agitur Zachar. 4. & Ecclesiastici 49. 13. & 14.

Secunda, Moses & Elias in Christi transfiguratione; quod alluditur in duobus Christi testibus, Apocalypf. 11.

Tertia: sorores duae Martha & Maria; altera, quae Christi verba exaudit, altera, quae in ipsius Christi obsequium sese impendit. Et fortasse aliquis has duas sorores componat cum duabus illis Lia & Rachele, quas Iacobus duxit uxores.

Quarta: duo Angeli, qui Christi resurrectionis fuere testes, Lucae 24. 4. Et qui in Christi Ascensione apparuerunt, Actuum 1. 10.

Quinta: ad eiusdem rei significationem misit Dominus discipulos binos ante faciem suam.

Sexta: eidem mysterio seruiunt duo illi viri, qui vuarum racemum comportant; de quo Nu. 13. 24.

Septima: (ut historijs visiones propheticas adiungamus) huc spectat biga equitum Isaiae 21. 9.

Octaua eodem etiam pertinent duae oliuae, Zachariae 4. 3.

**C** Res vero artificiales ad hanc eandem significationem, Dei quondam iussu fabricatae, quae quidem modo in mentem veniant, sunt huiusmodi.

Prima: duae columnae Booz & Iachim, quae erant in templi porticu: de quibus diximus Apocalypf. 3. not. 1.

Secunda: mensa propositionis & candelabrum, quae erant in templi parte, quae appellabatur sancta, iuxta portam sanctuarij; alterum quidem ad dexteram, altera ad sinistram. Hanc vero esse germanam duplicis illius symboli significationem, vidimus c. 4. notat. 14.

**D** Tertia: duo Cherubini, qui erant in sancta sanctorum; (quibus opponuntur duae mulieres, quae leuauerunt amphoram impietatis Zachariae 5. 9.) Porro de duorum Cherubinorum significatione diximus late Apocalypseos 4. notat. 9. In templi etiam parietibus Cherubini calati erant bini eadem significatione.

Quarta: cognatio illa, siue societas doctrinae & veritatis, quas Deus in Pontificis Rationali imprimi iussit, Exod. 28. 30. Nam per doctrinam significari sapientiam compertum est. Deinde doctrinae & veritatis distinctio, & Rationale duplex effectum (instar corporaliū bursae) ut in altera parte apponeretur doctrina, in altera veritas: haec, inquam, distinctio, meo iudicio postulat, ut veritas in Rationali ponatur, sicut saepe alias in Scriptura pro sanctitate; cui aptissime tribuitur veritatis nomen. Adde ex Hebraeo ad verbum reddi, pro *Vrim & Thummim*, Illuminationes, & Perfectiones. Non disputo in praesenti id, quod ab alijs late disputatur, & quod ipsi mysterio praestituitur; ex qua scilicet materia, & qua forma fuerint in Rationali *Vrim & Thummim*; pro quibus noster vertit doctrinam & veritatem. Scio ea de re varias esse admodum Doctorum sententias, quas refert noster Delrius lib. 4. de Magia. Ceteris tamen omissis breuiter dico, nihil in ea re verisimilius esse, quam quod Philo manifestè docet l. 3. de vita Mosi: vbi Rationale appellat basim; & ait, in ipsa textura Rationalis scripta fuisse illa verba *Vrim & Thummim*.

Et simi-

Proponitur  
varia sapi-  
entiae & san-  
ctitatis sym-  
bola.  
I. symboli.

II.

III.

IV.

V.

VI.

VII.

VIII.

IX.

X.

XI.

XII.

XIII.

XIV.

XV.

XVI.

XVII.

XVIII.

XIX.

XX.

De doctrina  
& veritate  
in Pontificis  
olim Ratio-  
nalis im-  
pressis.

Vrim &  
Thummim.







candelabrum sine dubio fore accendendum: id quod fuerat euenturum ipso dedicationis die post absolutum iam templi ædificium. Præterquàm quòd candelabrum ipsum accensum est idoneum satis symbolum gloriæ & splendoris tam templi ipsius, quàm Catholicæ Ecclesiæ. Hæc est illius capitis proxima intentio apud Zachariam: & in eodem sensu, vt dux Zorobabel & Pontifex Iesus meritò afficerentur honore, ostendit etiam Propheta Angelus duas oliuas seu duos oliuarum ramos, in quo eidem significauit; si accensi candelabri fulgor symbolum erat splendoris illius templi ad diuinum cultum ædificati, oleum quidem illius lucis referri acceptum Zorobabeli & Sacerdoti Iesu: & quemadmodum candelabri lux referenda est oliuæ, quæ oleum subministrat; ita populum ipsum debere agnoscere plurima officia, quibus suo duci atque Pontifici tenebatur attritus: siquidem illorum fortitudine & solertiâ templum inauratum & diuinum cultum restitutum adepturi fuerant. Vide Ecclesiastici 49. 13. *Quomodo amplifcemus Zorobabel? Nam & ipse quasi signum in dextera manu. Sic & Iesum filium Iosedec qui in diebus suis ædificauerunt domum, & exaltauerunt templum sanctum Domino, parauit in gloriam sempiternam.* Propterea ergo Angelus Zorobabeli & Iesu prò insignibus & stemmatibus duas oliuas præscripsit; per allusionem videlicet ad duos Cherubinos, quos Moyses de lignis oliuarum fabricauit; necnon ad significationem illorum Cherubinorum ex oliuo, de qua diximus capite 4. Quòd si duo Cherubini, quos effecit Salomon, figurabant (vt diximus) magnam doctrinam & insignem virtutem: in Zorobabele quidem virtus eminebat, in Iesu Pontifice doctrina. Atque vnà oliuæ symbolum magna in se includebat elogia: vt facile cerni potest expensis ijs Scripturæ locis, in quibus oliuæ fit mentio. Vide illud Psalmi 51. 10. *Sicut oliua fructifera in domo Domini.* Ecclesiastici 24. 19. *Quasi oliua speciosa in campis.* Ierem. 11. 16. *Oliuam vberem, pulchram &c.* Osee 14. 7. *Erit quasi oliua gloria eius.* Ad Roman. 11. 17. *De pinguedine oliuæ.* Oliua item fortasse est illa Psalmi primi; *Cuius folium non defluet.* Vide etiam Ieremiam cap. 17. 8. Et Ariam Montanum de arcano sermone.

In duabus Zachariæ oliuis ad duos magnos templi Cherubinos haberi respectū.

Ex his omnibus satis explicatur noster locus: in quo manifestè alluditur ad locum Zachariæ. Quare vox, *oliua*, articulum habet præfixum in Græco; quasi designans duas illas Zachariæ oliuas: atque innuens, si zelus ac virtus Zorobabelis, si sapientia, & consilium Pontificis Iesu vtrique ipsorum nomen atque elogium oliuarum indidit; maiori quidem iure hoc laudis præconium, huncque titulum excellenti sapientiæ & egregiæ sanctitati prædicatorum Euangelij tribui debere. quibus prædicatoribus candelabrum Ecclesiæ suam lucem, fulgorem, splendorem & gloriam refert accepta. Adde huc, quòd significatio hæc doctrinæ & sanctitatis, quæ in Euangelij ministris enitescunt, est præcipuus sensus duarum oliuarum, & eorum omnium, quæ de Iesu Pontifice & de duce Zorobabele apud Zachariam cap. 4. prædicantur, vt suo loco opportunè conitabit. Quamobrem Apocalypsis ad Zachariæ locum sese refert in eo sensu, quem Spiritus sanctus in ea Zachariæ visione potissimum respiciebat. Facile autem est cernere, mysticos Moysen & Eliam à mysticis Iesu & Zorobabele neutiquam esse distinctos.

Confirmatur nostra explicatio de duplici Apocalypsis oliua per allusionem ad oliuas Zachariæ.

Quòd si attendamus propriam & peculiarem oliuæ significationem symbolicam (quæ non alia est, quàm misericordia) hæc eadem significatio mirifice ad hunc locum aptatur: quemadmodum in duobus Cherubinis, quos Salomon ex lignis oliuarum fabrefecit. Nam vtroque finis præcipuus est per prosopopœiam doctrinæ & sanctitati speciem personarum affingere, atque aded pereleganter inducere duas has personas, quasi ingenti hominum commiseratione tactas sese in eorum salutem totas impendere. Atqui perspicuum est, hoc opus prædicationis Euangelicæ cum excellenti doctrina & admirabili sanctitate coniunctæ esse perfectissimum Misericordiæ opus: in eoque impleri, quod dicitur Ecclesiastici 44. 10. *Illi viri misericordiae sunt, quorum pietates non defuerunt.*

Oliua misericordiæ symbolum.

ET DVO CANDELABRA IN CONSPECTU DOMINI TERRAE. ] Hisce in verbis dilucidè fit allusio ad caput Zachariæ 4. ita tamen, vt conuenientiæ admisceatur differentia: sicut in multis alijs Apocalypseos allusionibus. Conuenientia quidem manifesta est, tum in duabus oliuis, tum in ijs verbis, *In conspectu Domini terra*; quæ sumpta sunt ex calce capitis 4. Zachariæ; vbi legimus, *Isti sunt duo filij olei, qui assistunt Dominatori vniuersa terra.* Et verò in Zachariæ contextu, hæc verba explicant duplicis oliuæ symbolum. & meâ quidem sententiâ, cum dicitur, *Isti sunt duo filij olei, qui assistunt Dominatori vniuersa terra*, perinde est ac si diceretur, *Isti sunt duæ illæ oliuæ*, id est, duo illi magni Cherubini ex oliuarum lignis fabricati, qui adstant ad vtrumque arcæ latus, supra quam verus ac præpotens Deus suam fixit sedem & thronum. Cum autem in præcipuo sensu, quem Spiritus sanctus intendebat, sermo sit de ministrorum Euangelij doctrina & sanctitate, (quas duo Salomonis Cherubini figurabant) dum asseritur illos assistere Dominatori vniuersa terra, nobis significatur, illas esse vniuersales administras, atque aded curatrices non tantum incolumitatis & salutis vnius aut alterius provinciae, sed totius etiam terrarum orbis. Quod idem est ac dicere, in Euangelica prædicatione imprimis eminere vniuersalem Dei prouidentiam de spiritali Gentium omnium ac nationum bono: siquidem propterea virorum Apostolicorum doctrinam & sanctitatem, vt apta huic muneri instrumenta, desumit. Atque hoc sit satis ad indicandam concinnitatem & congruentiam, quæ inter Apocalypseos & Zachariæ locos reperitur.

In duplici item candelabro ad Zachariæ locum alludi.

Quid sit hic assistere dominatori vniuersa terra.

At verò eorum differentia eiusmodi est. Zacharias vnum tantummodò candelabrum inspexit, & ad vtrumque ipsius latus oliuas duas: Ioanni autem dicitur de duobus Christi testibus, *hi sunt duæ oliuæ & duo candelabra.* quo illi affirmatur, illos testes non solum esse oliuas, quæ oleum largè suppedient ad candelabri fulgorem alendum; sed etiam esse mira candelabra, quæ ante Deum in vniuersis terræ provincijs ardent & collucet. Et quanuis verum sit candelabrum symbolum in capite 1. Apocalypseos Ecclesijs adscriptum fuisse: hoc non impedit, quo minus idem candelabri ante Deum ardentis elogium doctrinæ & sanctitatis virorum Apostolicorum tribuatur: dum in ijs attenditur, doctrinæ eorum ac sanctitatis luce Deum magnopere decorari, & septem ipsius spiritus cum primis enitescere. Neque hæc candelabra obscurat persecutionis nox; quin imò in ea ipsorum splendor ac gloria magis, magisque proditur. Quam ratiocinationem

Differentia inter Zachariæ & Ioannis locos.



amplificare per facile est, percurtis ijs Scripturæ locis, in quibus de candelabrorum materiâ ac formâ tractatur; & ijs etiam in quibus iusti candelabro comparantur, vt Ioannes Baptista atque alij. Et memini me alibi adnotasse in symbolica significatione abstractum à concreto non distingui. Nam Leo, verbi gratiâ, tam fortitudinis, quàm viri fortis promiscuè symbolum extat.

Distinctionem inter doctrinam & sanctitatem adumbrari in templi mensa & candelabro.

Observari etiam debet, distinctionem inter doctrinam & sanctitatem in templo Salomonis adumbrari inter candelabrum & mensam. Ibi enim candelabrum figurabat vitæ integræ & incorruptæ lucem: mensa autem diuinæ doctrinæ symbolum erat. Hoc tamen impedimento non est, quin dicatur etiam magna cum energia excellentem doctrinam euangelicam esse admirabilis instar candelabri.

## T E X T V S.

B

*Vers. 5.* Et si quis voluerit eos nocere, ignis exiet de ore eorum, & deuorabit inimicos eorum: & si quis voluerit eos ledere, sic oportet eum occidi.

## C O M M E N T A R I V S.

**S**I QVIS VOLVERIT EOS NOCERE. ] Vñtata phrasis latina erat, *eis nocere*: sed in nostro textu Græca constructio remansit. Verbum græcum est, ἀδικῆσαι, quod propriè significat, *ledere*, aut iniuriam facere; idemque verbum est, vbi nos legimus; *Si quis voluerit eos ledere*.

Allusio ad ignem quem ter Elias à calo descendere iussit.

Ignis à duorum est spirituum ore proiens de quo igne sit explicandus.

**IGNIS EXIET DE ORE EORVM, ET DEVORABIT INIMICOS EORVM.]** Alluditur ad historiam, quæ 4. Regum 1. 10. & sequentibus narratur: vbi Elias ait; *Si homo Dei sum, descendat ignis de calo, & deuoret te*. Videatur etiam Ecclesiastici 48. 3. *Deiecit de calo ignem ter*. Quia verò vt primùm Elias imprecabatur ignem cælitus immissum, protinus decidebat ignis: videbatur quodam modo ignis ille ex Eliæ ore erumpere. Enimuero agendo de mystico Mose, & de mystico Elia, sacra fictio non inducit eos solum ignem à calo demissum imprecantes, atque ignem mox deiici: sed etiam ipsosmet ex suo ore cælestem ignem euomentes. Noui, hoc à multis de proprio & corporeo igne explicari, qui Mosis & Eliæ hostes penitus absumat, & corporis vitâ priuet. Ceterum meminisse oportebat illius euentus, quem Lucas narrat, cap. 9. 55. *Cum Samaritani non reciperent Iesum, Iacobus & Ioannes dixerunt, Domine vis dicimus, vt ignis descendat de calo, & consumat illos? Et conuersus Iesus increpauit illos dicens, Nescitis cuius spiritus estis. Mystici ergo Moses & Elias non eo sunt præditi spiritu, vt materiali igni vitam hominibus auferant; sed potius, vt peccatores diuini spiritus igne inflamment. Atque huiusmodi vindictam Euangelici viri de inimicis expetunt; eamque re ipsâ de multis sumunt, & de illis præsertim, à quibus validius oppugnantur, & vehementius affliguntur: nimirum pro ipsis ad Deum preces effundere, & tantâ ad eos efficacitate concionari, vt illos de mum subijciant cælesti Spiritus sancti flammæ. Iam, quod textus ait, *sic oportet eum occidi*, non denotat solum à mysticis Mose & Elia peccatores reapse fore mysticè interficiendos; verum etiam ad Dei gloriam & totius mundi salutem summopere conducere huiusce vindictæ rationem. Et in eo sensu sacra interdum Scriptura vsurpat verbum, *oportet*; vt Sapient. 12. 19. *Oportet iustum esse & humanum*.*

Ad concionatoris efficaciam exprimendam significanter dici, eum ex ore ignem euomere.

Præterea in eaphrasi, *Ignis exiet de ore eorum*; aduerte, vsitatam esse hanc loquendi rationem, eamque ad euangelicum aliquem concionatorem vsurpari solere, asserendo eum ignem ore euomere. Hic tamen ignis est sanctus & purus, qui figurabatur in illo igne, de quo dicitur Leuitici 9. 24. *Ignis à Domino deuorauit holocaustum*. Ad hæc; ignis, quo Elias absumpsit eos, qui ad illum comprehendendum aduenerant, erat ignis cælestis, quo Spiritus sancti ignis denotatur. Atque de hoc ipso igne sermo est Apocalypseos 17. 16. vbi in Romæ conuersione, dicitur, *Ipsam igne cremabunt*. Et Apocalypsi. 20. 9. de simili conuersione sic habetur, *Descendit ignis à Deo de calo, & deuorauit eos*. Quin imò non alius est ignis Christi pedum Apoc. 1. & 10. Videantur quæ diximus in Prolegomenis notat 23. Et illud interim, quod ibi diximus, hic etiam adnotetur; nimirum, quantum maximum inferatur beneficium peccatori, qui hoc igne succenditur; hoc tamen beneficium esse pariter magnam vindictam: quippe peccatum ipsum Deo & virtuti infestum omnino destruitur. Quod verò textus ait, *sic oportet eum occidi*; denotat, mortem hoc igne illatam, esse remedium efficacissimum ad vitam veram & permanfuram obtinendam. Quemadmodum de aue phœnice iactatur; eam igne consumi, atque inde superstitem & vegetam reuiuiscere.







N O T A T I O V I I I.

*De mystica plagarum Ægypti significatione.*

Cur Apoca-  
lypsis allusi-  
onem ad  
Ægypti  
plagas u-  
serpet.

Quod pec-  
catorum  
supplicium  
proprie ad  
predicatio-  
nem Evan-  
gelicam  
spectet.

Quo sensu  
dicantur  
duo testes  
terram o-  
mniplaga  
mysticè per-  
cutere.

*Euangelicus concio-  
nator quan-  
do dicatur  
peccatores  
diuerbe-  
rare.  
Decem Æ-  
gypti plage  
per ordinem  
enumerata.*

Quenem  
mystica pla-  
garum Æ-  
gypti signi-  
ficatio de-  
beat inda-  
gari.

**D**VAS inprimis ob res vsurpat Apocalypsis allu-  
sionem ad Ægyptiacas plagas. Primò ad agen-  
dum de bello, quod diuina prouidentia cuni lu-  
dæis & Gentibus gessit, per similitudinem belli il-  
lius, quod Ægyptijs intulit, vt Israeliticum popu-  
lum ex eorum educeret potestate: de quo agitur ca-  
pite 8. & cap. 16. vt diximus cap. 8. notatione quarta.  
Deinde vt explicet ingètem potestatem mysticam,  
quam duo Christi testes habent (hoc est Euangelica  
prædicatio, quæ ex admirabili exemplo, & doctri-  
na excellenti compingitur) ad mira & inaudita fa-  
cinora patranda. Eapropter cap. 11. Apocalypseos  
apponitur allusio ad Mosis virgam, & ad maxima  
miracula, quæ Moses per illam edidit. In hoc enim  
sensu dicuntur duo Christi testes esse potentes ad  
aquis in sanguinem conuertendas, & ad terram  
plagis omnibus (scilicet Ægyptiis) percutiendam

Deinde ad Euangelicam prædicationem non propriè spectat peccatorum supplicium, proprias immittendo plagas: Atque ideo, quod textus ait, *Hi habent potestatem conuertendi aquas in sanguinem, & percutiendi terram omni plaga*, mysticè debet intelligi necessariò: id est, aut de plagis mysticis, aut de figurata veras plagas immittendi ratione. In aliqua ergo plagarum huiusmodi (vt in conuersione aquæ in sanguinem) habita mystici sensus ratione, videbimus plagam illam verè immitti ab ipsa Euangelij prædicatione. In alijs verò, vt magna cum emphasi & elegantia dicatur duo Christi testes terram omni plaga percutere; satis erit, si ostendamus Apostolicam prædicationem esse valde efficacem ad enunciandas & retegendas hominibus eas plagas, quas patiebantur quidem, nec tamen agnoscebant: nimirum, quia ipsis hominibus proponit ob oculos, & aspicienda offert; quæ iisdem, cum perpeterentur, non aduertebant; scilicet eos per infidelitatem plagis huiusmodi subijci; Christi quæ crucem esse, quæ illos ab ijs plagis possit eripere. Atque hic idoneum habet locum loquutio illa, quæ alias ad res à multis vsurpatur, videlicet sæpè in sacris Literis tunc aliquid fieri dici, cum manifestatur. Et tunc præsertim hæc phrasis continet proprietatem, quando rei illius declaratio maximam secum affert admirationem. Tunc enim rectè tribuitur effectus ei, qui illum reddit manifestum. siquidem antea ignota res erat, & eius manifestatio maximi fuit momenti opus, quod inter ingentia miracula referatur. Ad hæc, eleganter dicitur Euangelicus prædicator peccatores verberare atque percutere, cum eis sua scelera in oculorum conspectu subiicit, & quasi in propatulo ostendit, atque in ea acerrimè inuehitur. Hoc ergo est, quod textus ait, *Percutere terram omni plaga*. Hoc ita constituto; plagæ, quas Deus in Ægyptum immisit, sunt omnino decem (de quibus latè agitur in Exod. cap. 7. vsque ad 12.) quæ hoc ordine numerantur. Prima est, *Aquæ conuersio in sanguinem*. Secunda, *ranae*. Tertia, *cinyphes*. Quarta, *muscæ caninæ*. Quinta, *pestis animalium*. Sexta, *ulcera vesicarum*. Septima, *grando*. Octaua, *locustæ*. Nona, *tenebræ*. Decima, *mors primogenitorum*.

De mystica harum omnium plagarum significatione multa video ab interpretibus sparsim dici, & ferè omnia à nostro Pererio congeri suo in Exodum commentario.

Ceterum meâ sententiâ minimè facit satis explicatio illa, quæ plagarum singulas seorsum sumit, easque ad idoneam aliquam cogitationem ita applicat, vt nullam omnino ducat rationem explanationis huiusmodi, quæ vniuersam decem plagarum ratiocinationem per ordinem ad decem mysticas plagas aptè applicet, in quibus idem cernatur ordo. Etenim si *omnia in figura contingebant illis*, iuxta Pauli pronunciatum: quis dubitet, in ea decem plagarum historia fuisse Spiritus sancti mentem, vt alius my-

A flucarum plagarum denarius figuraretur: & illi pariter ordini plagarum decem à Deo in Ægyptum illatarum peculiare mysterium inesse? Nequaquam ergo fuit satis, si plagæ singulæ concionatoriè ad aliquid morale accommodentur, nisi omnis illarum series, numerus & ordo ad rem Spiritus sancti mente dignam applicetur. Ac demum eiusmodi esse applicationem oportet; vt si verissima illa decem plagarum narratio historica per meram fuisset fictionem & ænigma excogitata; apparetet sane illam sapienter satis fuisse confictam ad mysterium illud præsignificandum, quod diuinus Spiritus in plagarum numero atq; ordine occultauerit.

Hoc explicationis genus vix aliquis (quod quidē viderim) in decem Ægypti plagis fuit ausus meditari. Constat tamen id diuino Augustino maximē fuisse in opatis. Scripsit enim tom. 9. tractatum de decem plagarum conuenientia cum decem præceptis Decalogi. Vbi præcepta decem confiderat sanctissimus Doctor, veluti decem medicamenta plagarum totidem, quæ in decem Ægypti plagis figurentur. Quòd si Augustini applicatio aliquanto est violentior: ex eo ipso infertur, quàm apud se firmiter D. ipse Augustinus statuerit, in decem Ægypti plagarum significatione ordinem quæri oportere: quandoquidem ad ipsius inquisitionem aspirauit; quantumuis, quæ sibi occurrit, non nihil coacta videretur. Quemadmodum quia ceterò existimabat, quidquid in opus sex dierum partitur Genes. 1. à Deo fuisse vno eodemque momento conditum, non dubitauit violenter explicare, qua ratione in illo sex dierum officio distingueretur mane & vespere. Minus enim inconueniens fore reputauit, violentam adhibere declarationem, quàm concedere in creatione paulatim Deum, & quasi pedetentini processisse. Sed de ea nos quæstione alibi fortassis agemus. In applicatione verò decem plagarum inuabit procul dubio diuini Augustini desiderium; & plagarum eiusmodi mysterium prouehet, qui applicatione non quidem coacta ac violenta, sed apta & congruenti ostenderit, decem Ægypti plagas consequenti ordine respondere decem plagis, quas Euangelica prædicatio in infidelibus & peccatoribus detegit. Quibus ex plagis diuinus Spiritus verum liberat Israël, hoc est, bonos & strenuos Christi cultores.

Imprimis ergo quod ad numerum denarium at-  
tinet; vt significetur infidelium & peccatorum pla-  
gas esse complures, facile perspicitur, quàm fuerint  
congruenter ad denarium numerum redactæ; qui  
numerus multiplicationis est proprius. Quamob-  
rem licet difficile non admodum esset, plagas sce-  
leratorum hominum ad numerum aut maiorem  
aut minorem reuocare: eleganter tamen & signifi-  
cantly denario sunt numero comprehensæ. Huius-  
modi autem reductio & ad prædictum numerum  
reuocatio quàm fuerit idonea & consentanea, ex  
ipsa enumeratione constat.

lis igitur prætermiffis, quæ à nonnullis Doctõ-  
ribus de decem plagarum myfterio difputantur, no-  
ftrâ declaratio hifce decem plagis myfticis coërce-  
tur. Prima eft, *Infidelium & improborum hominum dif-*  
*cordia.* Secunda, *rixæ & tumultus,* qui ex ipfa difcor-  
dia dimanant. Tertia, *curæ & follicitudinis,* quæ mun-  
danos homines difcruciant. Quarta, *iræ atque odia,*  
quibus æftuant. Quinta, *expetita voluptas & oblecta-*  
*mentum* in rebus ipsis, quas poffident, minime in-  
uenta; atque adeo rerum poffeffarum inutilitas. Sexta,  
*conscientiæ stimuli ac morfus.* Septima, *obftinatio*  
*in fuis ſcleribus.* Octaua, *concupifcentiæ tyranni.* Nona,  
*miferanda cæcitas,* in qua iacent. Decima, *ſuarum a-*  
*nimarum damnatio.*

Has miseras quicunque attentè perpenderit;  
animaduertet, improbos homines & infideles illis

*Mystica D.  
Augustini  
explicatio  
de dei em  
Ægypti  
plagis.*

Denarius  
plagarum  
numerus  
appositus ad  
plagarum  
in peccato-  
res immissa-  
rum multi-  
plicitatem.

*Auctoris  
sententia  
de mystica  
Ægypti pla-  
garum si-  
gnificatio-  
ne.*



miserè confictari: nec tamen spiritales viros earum contagione maculari. Illi enim sunt verus Israel Dei, de quo Paulus agit. Et quamvis mundanorum hominum plagæ possint ad numerum laxiorem reduci; hæc tamen decem sunt inter se distinctæ, & ceteras omnes comprehendunt, à quibus Deus verum liberat Israel, & spiritalem Ægyptum percellit.

Vt ad earum ordinem veniamus; aduerte inter mundi plagas iure optimo à discordia initium sumi. Nam in magno aliquo hominum cœtu, quod imprimis expetitur, concordia est: quippe reipub. speciem ac formam ea vna inducit. Deinde animorum discordiam subsequuntur contentiones & rixæ & animositates, vt loquitur Paulus. Tertio, ambitionem sequuntur curæ & anxietates. Quarto, ubi res non succedit; ecce tibi indignationes, iræ, atque odia ingruunt. Quinto, si prospere accidunt res, quando scilicet aliquis voti sui compos euadit (vt si rei familiaris copiam adipiscatur) quietem & tranquillitatem quam exquirebat, non reperit; quod est nucem sine nucleo inuenire. Sexto, ex eo quod iniuste & inordinate, quod optabat, improbus conquiritur, (siue illud assequatur, siue non,) sequuntur inde acerrimi conscientie morsus & stimuli. Septimo, quantumvis scelerum conscientia exagitetur impius; eam miseriam alia maior adhuc subsequitur, nempe cordis obstinatio & pertinacia; qua obduratur, vt in sua infelicitate ac miseria persistat. Octauo, huic cordis duritiæ succedit vehemens concupiscentiæ tyrannis; qua peccatores miseri suis desiderijs, vt carnificibus durissimis, traduntur. Nono, huiusmodi concupiscentiæ tyrannidem excipit miserabilis cæcitas, quæ iure optimo cum subterfugis scrobibus & obscurissimis custodijs comparatur; in quibus captiui Christiani apud Mauros artissimè detinentur. Decimo, has demum miseriarum & infelicitatum facies claudit finis planè miserabilis; cum scilicet improbus lethali scelere confictus dedit, ipsiusque anima in bathrum æternis ignibus crucianda detruditur.

Huic tamen ordini aliquis se ita opponet: si ordo septem plagarum, quibus Deus affecit Iudeos, est ille, quem cap. 8. proposuimus (nimirum Fames, Bellum, Pestilentia, Ignorantia, Concupiscentia, Iræ, & Obduratio,) aut Apocalypseos ordo confusus est atque permixtus; aut ordo mysticarum decem plagarum, quas modò recensuimus, legitimus non est: quia illarum septem plagarum ordo minimè consonat cum ordine decem plagarum Exodi, vt ex se patet manifestè. Etenim præterquam quod in Apocalypsi præcedunt Fames, Bellum, & Pestilentia, quæ hic omittuntur, in Apocalypsi quidem concupiscentias antecedit ignorantia, & iras atque odia, concupiscentiæ, iræque ipsæ, obdurationem. In eo autem decem plagarum ordine, quem modò præscripsimus, iræ præcedunt cordis duritiem; hæc concupiscentiæ tyrannidem, quæ tenebras ignorantie antecedit.

Ad hæc respondeo nonnullis propositionibus. Prima est: congruentissimum fuit plagas à Deo inflictas Iudæis ad septenarium numerum reuocari, vt suo loco vidimus. In illis autem plagis non facienda erat solum mentio spiritualium plagarum, quibus Deus infideles omnes & sceleratos punit; sed etiam earum, quæ propriae erant atque corporeæ, cuiusmodi sunt Fames, Bellum, & Pestilentia. Vt enim Deus sui altissimi consilij rationem ostenderet, utque Iudaici populi perfidia magis magisque appareret; voluit supplicia illa, quæ in Iudaicum populum immisit, non solum spiritualia esse, sed etiam corporeæ, vt Fames, Bellum, & Pestem.

Secunda ignorantia, quæ inter septem Iudaici populi plagas quarto loco constituitur, non est spiritualis ignorantia, in qua generatim sunt infideles omnes immergi; sed peculiaris alia miseria, per quam tertia celestis lucis parte privati sunt, vt suo loco explicatum est.

Tertia, in tribus postremis plagis ex septem illis Iudaicorum proprijs clauduntur quodammodo omnes decem plagæ, quas nuper exposuimus. Nam ad plagam desideriorum cordis reducuntur discor-

dia, contentiones, curæ, fluxarum huius vitæ rerum vanitas, concupiscentiæ tyrannis & miserabilis cordis cæcitas. Quapropter ad has omnes infelicitates sub vno eodemque symbolo pariter figurandas excogitatae sunt monstrosæ illæ locustæ, c. 9. Apoc. In eaque pictura cernimus cæcitatibus fumum ex imo puteo ascendente, & vultuum placidorum fraudulentiam, nec non dentes, quibus rodunt, ac inordent; & acutos caudarum stimulos. In plaga item irarum Apocalypseos includuntur similiter conscientie morsus & ignorantie fumus: vt vidimus in descriptione equorum, siue furiarum capitis noni.

Quarta: vt ostendatur, ignorantiam antecedere concupiscentijs atque iras, ex hisque ignorantiam ipsam multiplici incremento augeri, sapienter in Apocalypsi obscuritas tertiæ partis lucis plagas concupiscentiarum & irarum antegreditur: & in Exodo easdem iras & concupiscentias tenebræ mox palpatiles consequuntur.

Quinta: vt denotetur, concupiscentias præcedere iras, & obdurationi; nec non in obliuio peccatore tyrannidem concupiscentiæ obstinatione ipsa vehementer excrecere: ad hoc, inquam, significandum congruenter in Apocalypsi concupiscentiæ antecedunt iras atque odia, (præsertim, quia ibi potissimum attendebatur Iudeorum Ecclesiam persequentium furor, qui ex effrenatis eorum concupiscentijs duxit originem.) At in Exodo post irarum & indignationum plagam depingitur cordis obduratio, quam sequitur crudelior concupiscentiarum cordis tyrannis. Et hanc etiam sauiorem tyrannidem subsequitur confirmatio in ipsa obduratione; de qua Apocalypsis agit: in eaque obdurationis perpetuitate includitur animæ damnatio.

Sexta: ex ijs, quæ diximus hæcenus, elicitur, idoneè satis septem Apocalypseos plagas ordine ibidem expresso enumeratas fuisse: nihilominus decem mysticas Exodi plagas eo ordine, quem nuper tradidimus, rectè considerari. Quare, quicumque ordinem attentè inspexerit, animaduertit esse vtrumque legitimum & Spiritus sancti sapientia dignum.

Reliquum est, vt breuiter attingamus singularum ex decem Ægypti plagis applicationem ad mysticam eam plagam, quam suo ordine respiciunt.

Primo igitur ad infidelium discordiam innuendam nihil aptius, quam aquarum potabilium conuersio in sanguinem: vt fusiùs explicabitur cap. 16. in plaga tertia (ubi notabimus, Euangelica prædicatione discordiam in terrarum orbem fuisse inuectam; vt Christus antea prædixerat.) Hic satis fit aduerte, sanguinem esse belli symbolum, vt vidimus cap. 8. in plaga secunda: & bellum quidem Israelitico populo à Gentibus illatum ritè in mari sanguine denotatur. Ad domesticum verò & intestinum bellum figurandum aptissimæ sunt aquæ potabiles in sanguinem conuersæ. Sic enim significatur, discordiam in intima reip. viscera ac venas serpere.

Secundo: ad contentionum, rixarum & animositatum significationem quis non videat appositum esse symbolum ranas & importunum earum clamorem? Dicemus de hoc symbolo latius cap. 16. in sexta plaga.

Tertio: curarum numerosa multiplicitas, quæ licet rerum minimarum sint, animum tamen excruciant, & sanguinem exugunt, nec eas valet homo à se excutere: ad huiusmodi, inquam, significationem eleganter applicatur culicum plaga; qui pungunt & angunt aculeis, & rauco murmure torquent.

Quarto: iræ & indignationes per aestros siue aflos optimè figurantur, quorum effectus atque ictus furiosi sunt: vnde & aestro perciti videntur ij, quos pungunt.

Quinto: vanitas rerum ac bonorum huius vitæ, in quibus optata tranquillitas minimè reperitur, in pecorum intereptione figuratur egregiè. Nam qui re familiari abundat, eius tamen ope ac subsidio impendentes calamitates subterfugere nequitquam potest, nec ad veram animi voluptatem peruenire:

plagas has omnes decem quodammodo includit.

Cur in septem Iudaicorum plagis plaga concupiscentiarum præcedat subtractionem scilicet partis lucis.

Cur item in eisdem Iudaicorum plagis, concupiscentia antecedat iras.

Redditur apta singularum mysticarum rationum, & cum proprijs Ægypti plagis per ordinem conferuntur.

Contentionibus & rixis, ranas.

Culis, culices.

Iris & indignationibus aestros siue aflos.

Rerum temporalium vanitati, pecorum intereptionem.

Explicatur supra tractatus mysticarum plagarum ordo.

Obiectio contra prædictum plagarum ordinem.

Enodatio superioris difficultatis.

Qualis sit ignorantia, quæ inter septem Iudaicorum plagas quarto loco constituitur.



na illi res familiares atque fortuna perinde sunt, quasi mortuæ essent; cum nulli sibi vñi esse possint aut vilitati, sed impedimento potius, damno & detrimento.

Conscientia  
morsibus  
vulnera ve-  
ficarum.

Sexto; conscientia morsus & interior animæ confusio ac perturbatio non inepte denotantur in vetricarum vlcibus; quæ dolorem secum, pudorē & horrorem afferunt. De qua plaga dicemus iterum cap. 16. in plaga prima. Hic solum addo, Prospero & Ruperto hanc plagam vlcis vetricarum esse adulterorum poenam.

Obduratio-  
ni grande-  
nem.

Septimo: per granditatem obduratio conuenienter significatur: vt videbimus in fine huius capituli vñdecimi, & in plaga septima capite decimo sexto.

Concupiscen-  
tijs locustas.  
Animi  
o-  
rum cecita-  
ti tenebras.

Octauo, per locustas vidimus iam capite nono mirifice concupiscentia tyrannidem figurari.

Nono: ad maximam animorum cecitatem indicandam, qua infideles & peccatores hallucinantur, quid clarius ipsismet Ægypti tenebris? Quare Augustinus de concupiscentia tenebris exponit.

Æterna  
damnationis  
mortem  
primogenito-  
rum.

Positemo: ad animarum damnationem optimū etiam est symbolum mors primogenitorum (atque hoc fortassis indicat primogenita mors.) Namque vt primogenitus est in paterua dōmo princeps, sic animus in vnoquoque homine.

Cur, cum  
malefici Æ-  
gyptij primā  
& secun-  
dam plagas  
fuerint imi-  
tati; terti-  
am & se-  
quentes  
imitari non  
potuerunt.

Cum hucusque explicauerim decem Ægypti plagarum mysterium in meæ applicationis confirmationem: illud appendicis loco iuuat annexere, quod mihi haud exigua voluptati fuit; nimirum, quid habeat mysterij quod dicitur Exodi 8. 18. in cynipum siue culicum plaga; *Feceruntque similiter malefici incantationibus suis, vt educerent cyniphes, & non potuerunt. Et dixerunt malefici ad Pharaonem, Dignus Dei est hic. Vbi notandum est, in prima plaga conuertendi aqua in sanguinem dici Exodi c. septimo numero vigesimo secundo, Feceruntque similiter malefici Ægyptiorum incantationibus suis. Id quod in secunda item plaga ranarum dicitur quoque Exodi capite octauo numero septimo. Fecerunt autem & malefici per incantationes suas similiter, educeruntque ranas. In tertia tamen plaga, & in ceteris deinceps, Ægyptiaci malefici caelestem plagam æmulari non potuerunt. Deinde notandum est, ex eo quod textus ait in prima plaga, apparere, quemadmodum malefici caelestem plagam in terra Gessen imitari contenderint. Pater hoc; nam si extra terram Gessen tota aqua potabilis fuerat in sanguinem conuerfa; necesse ergo erat ad Mosaiici illius miraculi imitationem pergere ad terram Gessen; vbi vera & germana aqua remanebat ab eiusmodi metamorphosi immunis.*

Quibus præmissis, huiusmodi mysterium, quod scilicet Dæmon suis technis aliquo modo potuerit primam & secundam plagam imitari in terra Gessen, tertiam & reliquas non item: huius, inquam,

A rei mysterium, meo iudicio, illud est; quia in terra Gessen, id est, in spiritualibus viris eo dæmonis astutia & malitia peruenit, vt primam & secundam plagas ex plagis decem mysticis æmuletur: ceteras autem plagas imitari nequaquam potest. Ita enim plerumque videmus accidere, vt inter viros pios contentionem aliquot atque discordia exoriantur; quas dæmon excitare & accendere conatur sub zeli aut diuini obsequij prætextu. Enimvero tota hæc dæmonis machinatio & fraus, præterquam quod vera omnino plaga non est, sed ipsius speciem præfert; secundam plagam non prætergreditur. Etenim licet cum vero Dei obsequio stare possit sententiarum diuersitas, & nonnulla minoris momenti dissensiones, dum quisque in ea persistat sententia, quam rectam & rationi consentaneam esse iudicat: verum tamen inter pios & spirituales viros non res eo deducitur, vt curas secum, anxietates, odia, cecitate & obstinationem trahat. Huiusmodi enim infelicitates, & veras animi misérias recti homines atque integri ne in specie quidem patiuntur.

Si autem scrupuli aliquam præ se ferunt conscientia morsuum speciem: id sanè longè est diuersum ab acerrimis animi stimulis ac vehementi mentis perturbatione, qua scelerati exagitantur. Nec tamen hoc inter plagas, sed inter animæ potius medicamenta à Deo sapienter probis hominibus adhibita referendum est; siquidem Bonarum mentium est (vt ait Gregorius) ibi culpam timere, ubi culpa non est.

Scrupulos  
ad animo-  
rum medi-  
cinam à  
Deo sapē  
immissi.

Haecenus de mystica plagarum Ægypti significatione. In ipsa verò historia propterea tantam Deus plagarum diuersitatem immisit; vt ostenderet, res creatas omnes aduersus Dei hostes arma capere, & bellum apertum indicere; vt haberetur Sapient. cap. quinto numero decimo octauo & vigesimo primo, & capite decimo sexto numero decimo septimo, vbi literalis est sermo de Ægypti plagis. Atque ita Nilus (quem Ægyptij vt Deum venerabantur) sanguineo infectus colore cernitur. Deinde in ranis & culicibus declaratur, non Deo opus esse crocodilis, aut immanibus alijs piscibus ad bellum suis hostibus inferendum: sed satis sibi superque esse ranarum & culicum exercitum.

Quid Deum  
tantā pla-  
garum mul-  
titudine in  
Ægyptios  
effusa signi-  
ficare volue-  
rit.

Non secus ex terrestribus animalibus seligit Deus, ex noxijs quidem non iam leones aut tigrides, sed oistros aut asilos. Ex vtilibus autem (qualia sunt pecora) ea desumitur plaga, qua animalia ipsa interdicant. at ex humanis corporibus exoritur plaga vlcis acerbissimorum, quæ dolorem pariter & pudorem secum afferant.

Tandem aeris & ignis plagæ sunt fulmina, grando, locustæ, & tenebræ horribiles. Nam locustas adduxit ventus vrens. Ac postremo plaga decima angelorum ministerio fuit in-  
uecta.

## TEXTVS.

Vers. 7. Et cum finierint testimonium suum, bestia, quæ ascendit de abyssu, faciet aduersus eos bellum, & vincet illos, & occidet eos.

## COMMENTARIVS.

NON permittit Deus Iudæorum nequitiam aduersus duos Christi testes præualere: quandiu testes ipsi integrè & cumulatè nondum perhibuerant testimonium, cuius gratia missi fuerant. Ita enim decebat Dei prouidentia ostensionem. Atque id significatur verbis ijs, *Cum finierint testimonium suum.* Verbum Græcum est τελειω, quod proprie significat perficere & ad finem vsque perducere. In rebus item sacris significat celebrare & peragere: vt ex Herodiano atque Dionysio Areopagita notant dictionaria. Forsan ergo in præsentia agit de Euangelij prædicatione, vt de sacrificio quodam: quemadmodum Paulus loquitur ad Romanos 15. 16. *Vt sim minister sanctificans Euangelium Dei.* ἵς τὸ εὐαγγέλιον με ἀφ' ὧν ἐργάζομαι τὸ εὐαγγέλιον, hoc est, *Sacra functione circa Euangelium fut-*

Quidjs  
ignatur  
verbis,  
Cum fini-  
erint testi-  
monium  
suum.



**A** BESTIA QUÆ ASCENDIT DE ABYSSO. ] Hoc nomine nonnulli putant designari maris bestiam, de quo agitur cap. 13. in qua opinantur alij Antichristum, alij Romanum Imperium figurari. Quamobrem ad eam, quam persequimur, acolithiam, incessit difficultas, quorsum bestia maris hic mentio fiat: siquidem in hoc capite iuxta nostram explicationem de Romani Imperij persecutione non agitur, sed de illa, quam Iudæi in Ecclesiam concitarunt. Vt huic difficultati faciamus satis, existimabit quispiam, apte hic dici posse, Iudæos in ea persecutione aduersus Christi Euangelium coacti, vi atque potentia Romanorum vsos fuisse; atque adeo ex eo tempore Romanum Imperium in Pilato, Herode, Festo atque alijs sese Euangelio opposuisse. Ipse tamen non in eas redigor angustias, vt hanc loquendi rationem accersere opus sit: quippe qui pro certo habeam, hanc bestiam, quæ in textu dicitur bellum aduersus duos Christi testes gessisse, non esse maris bestiam, de qua agitur cap. 13. sed esse locustas capitis noni.

Ac primum nullius difficultatis est, de locustis in singulari numero esse sermonem. Quin imò hæc est familiaris ratio loquendi de locustis, vt patet Exod. 10. 4. *Ego inducam cras locustam.* Et similiter numero 12. & 19. & 3. Regum 8. 37. & 2. Paralip. 6. 28. & cap. 7. 13. item Psal. 104. 34. Prouerb. 30. 37. Ecclesiastæ 12. 5. Ioel 1. 4. & cap. 2. 25.

**B** Deinde certum est locustæ congruere nomen bestia. Lege Sapient. 16. 1. *Per multitudinem bestiarum exterminati sunt.* Et paulò infra; *illos enim locustarum & muscarum occiderunt morsus.* Ad hæc, Græca vox, quæ respōdet bestia est *θύσιον*, & Ælianus araneum etiam appellat *θύσιον*. Dioscorides autem, Hippocrates & Galenus lumbricos etiam. Et apud medicos peculiariter dicitur, *θύσιον*, quod ictu, morsuue venenum relinquit. Constat autem locustis Apocalypseos caudas scorpionum inesse.

Tertiò, textus ipse expresse ait, *Bestia quæ ascendit de abyssu.* Et quanuis alibi abyssi nomen pro mari etiam sumatur interdum: Apocalypsis tamen aperte distinguit abyssum à mari; abyssum enim vocat puteum, vt patet cap. 9. n. 1. 2. & 3. Itaque apud Apocalypsin figura abyssi est instar putei profundi. Constat autem ex abyssi puteo locustas ascendisse. Nam aperto puteo, *Ascendit fumus: & de fumo exierunt locustæ in terram.*

Quartò; nomen bestia Græcè fixum habet articulum: quod argumento est de bestia illa præcessisse sermonem. Nam in cap. 13. quando maris bestia primò nominatur, nullus ei præponitur articulus: nec bestia etiam terræ, quando primò in eodem capite decimo tertio exprimitur.

**C** Ex his ergo mihi certum est, textum hic agere de locustis capitis noni. Opponet tamen nobis aliquis; de locustis illis dicitur cap. 9. 4. *Præceptum est illis, ne laderent fanum terræ, &c. nisi tantum homines, qui non habent signum Dei in frontibus suis:* ac proinde non videtur hoc in loco sermo esse de illa Bestia; cum perspicuè dicatur de bestia abyssi; *Faciet aduersus eos (id est duos Christi testes) bellum, & vincet illos, & occidet eos.* Respondetur; locustæ capitis noni (vt suo loco vidimus) significant Iudæici populi concupiscentias; quæ quidem ex Iudæis eos solum lædebant, qui Dei signo in suis frontibus non erant notati: in eos enim verè immittebantur. Licet autem dicatur abyssi bestia bellum gessisse aduersus Christi testes, eosque superasse & obtruncasse: id tamen non egit bellua immediate in eos irruendo, sed mediatè; nimirum Iudæos contra ipsos Christi testes incitando. Et quidem damnum inferunt feræ illæ locustæ illis, in quos per se ipsas irruunt; id est, in eos, quos tradidit Deus in desideria cordis eorum. At familiares Christi seruos, quos persequuntur concupiscentiæ in Christi hostibus dominantes, licet bello oppugnent, vincant & occidant; non tamen verè ac proprie lædunt. Illud enim verum est damnum & detrimentum deplorandum, quod in hominum animis & cordibus concupiscentiæ ipsæ regnant ac dominantur. Quod damnum, vt constat, minime inferunt Christi seruis, quando in eos suscitant bella.

**D** Præterea eadem phrasis, *Faciet aduersus eos bellum*, eleganter huic ipsi sensui aptatur. Reges enim sunt, qui bellum gerunt, non quidem per se ipsos, sed per suos milites; dum eis sua iussa & imperia exequenda indicunt. Eadem ergo ratione, qua Iudæis concupiscentiæ imperitabant, dicuntur apte intulisse bellum Christi testibus, videlicet subditam sibi gentem in eos commouendo. Simili locutione significanter diceretur impura libido gessisse bellum in Ioannem Baptistam, scilicet Herodiadem & Herodem concitando aduersus illum. Manifestum autem est, fluxarum rerum & caducarum concupiscentias, quæ in Iudæorum cordibus regnabant, fuisse potissimas duces, quæ Iudæos ad Christi seruos persequendos excitarunt, immiserunt, compulerunt. Videatur Iacobi 4. 1. *Vnde bella in vobis? nonne hinc, ex concupiscentijs vestris, quæ militant in membris vestris.*

ET VINCE ILLOS ET OCCIDET EOS.] Quando tyrannis & immanitas ministris Euangelij potentior est ac robustior, vt eos in exilium atque adeo infra mortuos amandet; tunc magna cum elegantia dicuntur Veritas & Sanctitas vinci atque occidi. Et hac ratione loquitur Daniel capite octauo versu duodecimo. *Prosternetur Veritas in terra.* Et Isaias cap. quinquagesimo nono num. 14. *Corruit in platea Veritas.*

## T E X T V S.

*Vers. 8. Et corpora eorum iacebunt in plateis ciuitatis magnæ, quæ vocatur spiritualiter Sodoma & Ægyptus, vbi & Dominus eorum crucifixus est.*

*Bestia, quæ hic dicitur de abyssu ascendere. quænam sit. 1. Opinio explicantiis de maris bestia, de qua cap. 13.*

*Auctoris expressio de locustis, de quibus supra.*

*Singularis pro plurali frequens in sacris. Nomen Bestia locustis in Scriptura familiare. Abyssi nomē hic pro alio puteo sumi.*

*Obiectio aduersus prædictam expositionem.*

*Respondetur obiectioni.*

*Quam videretur locustæ facere contra Dei testes bellum.*



## C O M M E N T A R I V S.

**S**VNT qui ex his verbis inferant, Antichristum Ierosolymis regnaturum fore, atque ibi interfectorum duos Christi testes Henochum & Eliam: de qua explicatione vide Bellarminum to. 1. l. 3. de Rom. Pont. c. 13. & Maluendam de Antichristo l. 9. Alij sunt, qui sibi persuadent, hic non esse sermonem de Ierosolyma in literali sensu, sed generatim de vrbe Euangelio inimica; hoc est de ea, quā Augustinus appellat Babylonem, vel etiam de Roma Ethnica. Ad cuius probationē asserunt, vbi Christus ab hominibus offenditur, illum ibidem crucifigi: iuxta illud ad Hebræos 10. 29. *Deteriora meretur supplicia, qui filium Dei conculcauerit, & sanguinem testamenti pollutum duxerit.* Item ad Galat. 3. 1. *In vobis crucifixus, &c.* Atque hanc secundam expositionem sequuntur Paula & Eustochium tom. 1. Diui Hieronymi epist. 17. cap. 4.

Nihilominus certum existimo agi in hoc loco de Ierosolyma; atque aded hunc versiculum cogere, vt septem omnes tubarum plagæ sint illæ, quibus Deus mulctauit Iudæos Christum ipsiusque doctrinam reijcientes, vt late expendimus in prolegomenis notat. 12. Quin imò acolithia etiam & recta præcedentium capitum applicatio dilucidè ostendunt, sermonem hic esse de Ierosolymorum vrbe; id, quod clarè item probat illa Ioannis periphrasis, *Ciuitas magna, quæ vocatur spiritualiter Sodoma & Ægyptus.* Nam imprimis appellatio hæc ciuitatis magnæ congruit Ierosolymæ propter illud, quod Iosephus scribit lib. 7. de bello cap. 17. nimirum paschali quodam tempore numeratas fuisse Ierosolymæ personas paschalem agnum edentes ad tricies centena millia & millia itidem quater centum. Deinde certum est, Ierosolymam esse urbem illam, quæ in sacris Literis spiritualis Sodoma nuncupatur. Lege Ieremiam 24. 14. vbi loquens Deus de Ierosolyma, ait; *Facti sunt mihi omnes, vt Sodoma.* Deut. 32. 32. *De vinea Sodomorum vinea eorum.* Isai. 1. num. 10. *Audite verbum Domini principes Sodomorum.* Isai 3. 9. *Peccatum suum quasi Sodoma prædicauerunt.* Legatur etiam Ezechiel 16. vbi Sodoma appellatur Ierosolymæ soror: perinde ac si vtrique dicantur valde inter se esse similes. & ibi num. 49. *Hæc fuit (dicitur) iniquitas Sodoma sororis tue, superbia, saturitas panis & abundantia, & otium; & manum egeno & pauperi non porrigebant.* Propter similia ergo scelera atque flagitia vocatur Ierosolyma spiritualiter Sodoma. Quod autem subditur illam pariter appellari spiritalem Ægyptum; ideo procul dubio dicitur, quia Ægypti plagæ iuxta mysticum sensum, in hoc capite ad Ierosolymam applicantur. Illud etiam non parum fauet, quod Ezech. 23. tribuitur Ierosolymæ nomen *Ooliba*; & sæpius dicitur atque iteratur ea fornicata fuisse in Ægypto; indeque fornicandi consuetudinem sumpsisse, nec dum obliuioni mandasse. Ex quo infertur, Ierosolymæ rebeli nomen spiritualis Ægypti propter spiritalem idololatriam quadrare.

Ioannes ergo voluit haud dubie Ierosolymam hac periphrasi designare; & argumenti Apocalypseos lucem atque notionem exhibere. Noluit tamen proprio Ierosolymæ nomine vti: vt significaret hoc pacto perfidiam illam urbem indignā prorsus esse, cui nomen Pacificæ tribueretur: qua ratione etiam cap. 2. 9. designans Iudæos ait Dominus, *Qui se dicunt Iudæos esse, & non sunt.* Atque ad illud, de quo sermo erat in contextu, oportuit maxime Ierosolymam non suo nomine compellari, sed mystica spiritualis Sodomæ & Ægypti appellatione, vt intra explicabimus. Ceterum nequis remaneret dubitationis scrupulus, agi ibi de infida Ierosolyma; quemadmodum cap. 17. 18. designata Roma dicitur; *Ciuitas magna, quæ habet regnum super reges terra.* Et de illa pro certo indicio traditur ædificatam esse illam supra septem montes: ita similiter ad notandam Ierosolymam, certum etiam apponitur signum; *In qua Dominus crucifixus est.*

Quod si aliquis in eo substituerit, quod Christus non fuit Ierosolymæ, sed extra illam crucifixus, quia *extra portam passus est*: ad id dubioli respondeo, hoc esse satis, vt verè dicatur Christus Ierosolymæ in crucem actus: vt patet ex ijs Lucæ 13. n. 33. *Non capit Prophetam perire extra Ierusalem,* vbi Christus de sua morte habebat sermonem.

De sententia alia, quæ contendit, hic agi ad literam de Antichristo Ierosolymæ regnaturo, & Henochum atque Eliam ibidem occisuro, dixi iam suprâ, me illam nec impugnare nec sequi: quin imò, si aded certa est, vt nonnullis collibuit, satis esse ad eam prophetiam hic fieri allusionem: contextum tamen non obscure agere de persecutione sub primitiæ Ecclesiæ tempus à Iudaico populo aduersus Christi fideles concitata.

Ait ergo textus, *Corpora eorum iacent.* Cum enim martyrum corpora in media platea iacent insepulta, dicitur significanter satis, *Hic iacent veritas & sanctitas*; vt suprâ ostendimus.

IN PLATEIS CIVITATIS.] Plenius est id, quàm quod quidam libri Græci habent, nempe in singulari numero, *in platea.* Nec enim de vno aut altero martyre est sermo; sed de iustitia, & sanctitate in cunctis Christi Martyribus, qui in ea Iudaici populi persecutione mortem fortiter oppetierunt. Atqui simile est vero, non omnes fuisse in eadem vrbis platea contrucidatos. Præsertim quia non tam agitur de vrbe ipsa Ierosolyma; quàm de ciuitate, id est, de republica illa Iudæorum, cuius metropolis erat Ierosolyma. Qua ratione illius vrbis plateæ planè erant publici omnes conuentus atque hominum cœtus. Quo innuitur, in media luce & Iudaici populi conspectu atque consensu martyres Christi, Iudæorum manibus iugulatos iacere: quasi perduellionis rei, aut infames latrones essent. Eò enim Iudaici populi iniquitas processit, vt doctrinam viuam, viuumque exemplum, quæ sese illis opponerent, minimè superesse patèrentur.

QVÆ VOCATUR SPIRITUALITER SODOMA ET ÆGYPTVS.] Sodoma Philoni sonat *cacitatem*; Ægyptus *angustias*. Quare in vtroque nomine rite exprimitur furentium Iudæorum cæcitas ac rabies, qua Christianos persequebantur atque vexabant. Aut fortasse, (si non tam nominis etymologiam, quàm rem ipsam attendamus,) nomen Sodomæ denotat, eos permittente Deo in desideria cordis fuisse traditos: Ægypti verò nomen indicat, nouum Israël à Iudæis ipsis, sicuti olim veterem ab Ægyptijs, acerrimè oppugnari.

Nam hic Sodoma & Ægypti nomen signatur Ierosolyma? Vera sententia affirmans.

Nomen ciuitatis magnæ quæ dicitur Ierosolyma.

Eidem etiam nomen Sodoma in sacris datur.

Ægypti item nomen eidem conuenire.

Cur Ioannis hic Ierosolymam non proprio nomine compellauerit.

Quomodo dicatur verè, In qua Dominus crucifixus est; idem Christus extra portas passus sit.

Platea ciuitatis quo sensu hic capienda.

Sodoma & Ægypti etymologia.



VBI ET EORVM DOMINVS CRVCIFIXVS EST.] His verbis innuitur, Iudæos, quod aduersus Christum ipsum prius machinati fuerant, in discipulos quoque machinari: iuxta illa eiusdem Christi verba. *Si me persecuti sunt, & vos persequentur.*

## NOTATIO IX.

*Cur Ierosolyma rebelli nomen Sodoma & Ægypti tribuatur.*

**C**UR Ægypti nomen ad Ierosolymam rebellem; hoc est, ad Iudæam applicetur, dicentis exacte Apocal. 14. notat. 6. Quare illud hic tantum exponere est animus; cur scilicet synagoga nomine Sodoma nuncupetur? Quam ad rem oportet attentè perlegere, quod de mari mortuo prodicitur Genes. 19. 25. & pariter animaduertere totam eam regionem, antequam Dominus subuerteret Sodomam & Gomorrhiam, irrigari solitam, sicut paradisum Domini, & sicut Ægyptum vniuersis in Segor. Quæ tota regio igne exuta in mare mortuum euasit. Pro quo videri debent ea quæ scribunt Strabo lib. 16. n. 7. vbi de Iudæa, Andreas Mafius Iosue 3. fol. 66. Ioseph. 1. 5. de Bello cap. 5. Plinius 1. 5. histor. c. 15. & 16. & 1. 7. c. 15. Tacitus 1. 5. histor. siue vt alij cõputant, 1. 25. Abrahamus Ortelius latè in sua Geographia in tabula de peregrinatione Abrahamæ, vbi citat Patres.

Significatio ergo in eo potissimum consistit, quod Iudæorum natio ac populus prius quidè fuerit veluti Dei paradisus, at post supplicium illis diuinitus inflictum, sit tanquam mare mortuum, in quo nihil viuens procreatur. Quamuis enim illis adhuc ceremoniarum aliquot & externa quædam fructuum & probæ vitæ facies remaneat: hæc tamen omnia ficta & commentitia sunt. Expende Iosephi verba, vbi de Sodomitica terra, Olim fortunata, nunc omnis exusta. Quod verò attinet ad inanem diuini cultus speciem in Iudæis adhuc residentem, apposita etiã sunt ipsius Iosephi verba, Videre, (inquit) licet renascentes in fructibus cineres, qui colore sunt edulibus similes, carpentium verò manibus in fumum dissoluuntur & cinerem. Atque hæc sunt, quæ vulgò Sodoma poma nuncupantur. Idem refert Tacitus hisce verbis, Halitus lacus inficitur terra vicina; & superfluis spiritus corrumpitur, eoquæ factus segetum & autumnus putrescent, solo, celoquæ iuxta graui. Nam cuncta sponte edita aut manusata, siue herba tenuis aut flore, siue solitam in speciem adolueret, atra & inania velut in cinerem euanescent. Idem recenset Tertull. Augustinus, & Solinus relati

**B** ab Ortelio in tabula de peregrinatione Abrahamæ.

Deinde Iudæorum conuictus & commercii exitiale ferè est omnibus, nisi diu multumque in vera religione probatis atque perspectis. Id quod figuratur rectè in eo, quod Strabo affirmat de maris mortui bitumine, Aeri, argento ac nitidis & tersis omnibus rubiginem inducit, dempto solo auro. Et cum vasa ærugine contrahunt, iam accolis intelligunt, bituminis eruptionem appetere.

Verus, (si quis est) fructus, quem Iudæorum gens hac tempestate producit, non est alius, quam spinæ atque sentes. Lege Sophonia 2. 9. Moab vt Sodoma erit, & Gomorra promptuarium spigarum, & fodina salis, & vastitas eterna. Et quidem miseria atque infelicitas, qua Iudæorum animi & conscientiarum occupantur, ita vt nullus in eis diuinæ sit gratiæ participes, meritò significatur in maris mortui epitheto, quod est falsissimum & amarissimum, nec non in eius liquore adeo graui & vehementi, vt nihil viuens patiatur in eo demergi, vt adnotarunt Ioseph. lib. 5. de Bello cap. 5. Tacitus & Strabo.

**C** Inanis item & ficta religionis species in Iudæis rectè figuratur in eo, quod tradidit Iosephus; Mirabilis est coloris mutatio, quæ ter in singulos dies variata superficiem vertit; & solus radius variata resplendet, quem esse splendorem falsum nemo dubitat. Ad hæc, quam obfirmati & peruiacaces in sua obstinatione sint, fortè indicatur in ijs, quæ Plin. 1. 7. c. 15. de maris mortui bitumine scripta reliquit, Sequax & lenta bituminis eius natura.

Hæc de Iudæis, postquam veritate interioris luminis ac religionis carentes in mortuis ceremonijs perseuerant. Atque horum aliqua possunt suo modo applicari ad quamuis religiosam familiam, quæ à primitiuo suæ institutionis spiritu omnino defecisset, & in solis externis ritibus ac ceremonijs absque vlla spiritualis vitæ fruge peristeret. Hæc namque est hypocrisis, quam Christus Phariseis exprobat.

## TEXTVS.

*Vers. 9.* Et videbunt de tribubus & populis & linguis & gentibus corpora eorum per tres dies & dimidium; & corpora eorum non sinent poni in monumentis.

10. Et inhabitantes terram gaudebunt super illos, & iucundabuntur, & muna mittent in inuicem. Quoniam hi duo Prophetæ cruciarunt eos, qui habitant super terram.

## COMMENTARIVS.

**E****H**ORVM versuum finis est depingere, quod dementia & immanitatis peruenerit illa Iudæorum in Ecclesiam persecutio. Ed enim rem fuisse deductam significatur, vt veritas, ac virtus, magno cum suorum hostium gaudio atque tripudio superata iacuerint. Nam non prædicatores solum Euangelici aut omnino expulsi, aut etiam trucidati sunt: sed etiam Iudæi Christianæ religionis hostes insolenter triumpharunt, & sanctissimorum Christi martyrum opprobria ac cædes pro maxima latitia & celebritate reputabant. Hæc tamen omnia mitissimus Deus ad eorundem persecutorum conuersionem, & animi salutem dirigebat. Quippe tanta est ipsius bonitas, vt, dum modo sui hostes à flagitijs & sceleribus resipiscant, non dubitet suosmet familiares & amicos mactandos & trucidandos permittere: ita vt videantur etiam sepulturæ honore carere (hoc est inglorij, atque indecores post ipsam internecionem manere:) vt vel sic Iudæi obstinati cernentes veritatem adhuc valere & vincere, illi tandem manus darent.

Quamobrem ad eorum conuersionem, qui se Catholicæ religioni subiecerunt, & eam amplexi sunt, fuit sanctissimorum virorum mors acceptum Deo sacrificium; quo iustissima ipsius ira conqueuit: ipsorumque sanguis sacra Ecclesiæ fecundauit, vt vberes atque copiosos fructus redderent.

Bitumen  
maris mor-  
tui, eiusque  
natura.

Sodomitica  
regionis ac  
telluris co-  
lor & spe-  
cies qualis.

Iudæorum  
cæcias &  
amentia.

Martyrum  
mors quasi  
sacrificium  
pro ipsis per-  
secutoribus  
oblatum.

Sodomam  
& Gomor-  
rham post  
caluisse igne  
in mare  
mortuum  
euasisse.

Iudæi qua-  
les quondam  
fuerunt:  
quales mor-  
tuus, post-  
quam diuini-  
tatis sup-  
plicio affecti  
sunt.  
Sodomiti-  
ca regio  
qualis olim  
fuerit.  
Sodoma  
poma post  
inflictum,  
calitum sup-  
plicium eu-  
anescentia  
sunt.

D

E



Et sanè illorum etiam respectu, qui rebelles adhuc perstituerunt, prædicatio ministrorum Euangelij & proprii ipsorum sanguinis effusio Dei consilium & admirabilem agendi rationem æquissimam esse testata sunt: & magis magisque innotuit, quàm merito Deus ipse postea indignationis repressum flumen eruperit, aduersus eos, qui post tot tamque grauiam veritatis testimonia, rebelles adhuc, perfidi & obstinati perstabant.

Quia verò summopere expediebat, magnas illas Ecclesiæ angustias ne multum temporis durare permitteret Deus, ut denotaretur cura, quam ipsius habet prouidentia coarctandi afflictionis & calamitatis tempus, ne diutius, quàm par est, persistat: eapropter in hac sacra fictione tempus, quo Martyrum corpora insepulta fuerant remansura, & aduersariorum opprobrijs atque illusionibus obnoxia, ad tres dies cum dimidio omnino contrahitur, de quo spatio dicemus notatione 10.

Num hic de  
Gentibus, an  
de Iudæis  
sermo sit.

VIDEBUNT DE TRIBVVS ET POPVLIS ET LINGVIS ET GENTIBVS.] Aliquis fortasse ex his verbis animam arripiet; ut probet, non agi in hoc loco de Iudaici populi persecutione, siquidem exprimuntur hic populi, linguæ & gentes. Verum tamen adeo sunt firma fundamenta, ut credatur agere contextus de prima illa Iudæorum persecutione, ut neque hoc argumento, neque alijs grauioribus possint conuelli. Deinde, ut repræsentetur, persecutionem eiusmodi fuisse totius Iudaici populi consensu & approbatione; expediens valde fuit mentionem fieri de populis, linguis & gentibus. Ierosolymam enim confluebant Iudæi ex omnibus orbis prouincijs & ex omnibus linguis ac nationibus, ut habetur Actuum 2.9. Parthi, & Medi, & Elamitæ, &c. Quod si Gentium nomen Iudæis ipsis tacite obijcit Ethnicorum infidelitatem; non id nouum in Apocalypsi est, videatur cap. 9. num. 20. Tertiò, si quis adhuc perstiterit, linguas & gentes, quæ hic nominantur, non esse referendas solum ad Iudæos, sed ad Gentiles etiam: non valde contenderim. Etenim verum etiam est, Gentibus fuisse manifestam persecutionem illam Iudæorum excitatam in Christi sectatores, nec non eorum cades, opprobria & irrisiones. Atque hoc est, quod textus ait; Videbunt de tribubus & populis & linguis & gentibus. Et hæc quidem omnia spectant ad ponderandam illius persecutionis frequentiam ac celebritatem, & triumphum etiam; quem Iudæi se ex Christiano nomine reportasse putabant. ut postea tanto fuisset maior excellentiorque Christianæ Ecclesiæ gloria in triumpho de Iudæis acto; quantò ipsius Ecclesiæ afflictio fuerat manifestior, & Iudaici populi triumphus (inanis tanten ac futilis) aspectantium oculis & opinionione celebrior.

Verf. 10.

Quo sensu  
dicuntur  
duo testes  
cruciari eo,  
qui habitant  
super terram.

QVONIAM HI DVO PROPHETÆ CRUCIAVERVNT EOS, QVI HABITANT SVPER TERRAM,] Suprà iam explicuimus, qui sint hi duo prophetae, siue Christi prædicatores ac testes, in capite item decimo fuse probauimus terræ nomen in hac prima Apocalypseos parte designare Iudæam. Quare qui habitant super terram, sunt nimirum Iudæi. Cruciarum autem, quo textus ait fuisse affectos Iudææ habitatores à duobus prophetis, perspicuum est, fore intelligendum de dolore ac rabie, qua Iudæi effrabantur; quod publice prædicaretur, eum, quem ipsi in crucem sustulerant, esse promissum Messiam, atque aded verum Dei Filium. Præsertim, quia cum ipsa prædicatione coniungebantur mylticæ plagæ, quibus duo Prophetae Iudaicum populum percutiebant; ut suprà explicatum est.

## N O T A T I O X.

### De mysterio trium dierum cum dimidio.

IN secunda huius capitis notatione, vidimus, hebdomadam, siue annorum sit (ut apud Danielē) siue dierum, quocunque modo sumatur, esse temporis circulum. Ceterum hebdomada annorum longior est periodus; dierum verò hebdomada periodus breuior. Quamobrem ut denotetur, Ecclesiæ persecutionem, quantumuis longa videatur, re tamen vera non plus, quàm dimidium temporis durare (si rectè expendatur res) & opportuno tempore, quando nulla ferè erat spes reliqua, successuram afflictioni & aduersitati tranquillitatem ac pacem: ut hoc, inquam, denotetur, percommoda locutione fuit expressum, persecutionem Ecclesiæ non ampliùs, quàm tres annos & dimidium ex integra annorum hebdomada duraturam. Ad eundem ergo modum, quando agitur de arctissimo sæuioris persecutionis tempore, quando non tam bellum, sed summa veræ doctrinæ ac sanctitatis abiectio, desipientia atque ludibrium videbatur: tunc sanè, ut ostendatur, hanc grauiissimam angustiam & contemtionem non multum temporis à Deo permitti; ideo periodus breuior, siue spatium assumitur, nimirum dierum hebdomada: affirmaturque, illud à Daniele capite octauo numero duodecimo prædictum, Prostrernetur veritas in terra, non fore per longum temporis intervalum duraturum: sed tantummodò per tres dies & dimidium: quod est, per dimidium hebdomadæ breuioris. Quasi apertius asseratur, non permittere Deum diutius grauiissimum illum confictum durare: atque adeo breui dierum periodo cognoscendum esse, tempus illud acerrimæ persecutionis & afflictionis acerbissimæ non am-

Trium dierum & dimidii mysterium in dierum Christi resur- rectione.

plius fuisse, quàm dimidium illius brevis intervalli: quod subinde consequatur magna exaltatio atque gloria. Quapropter, quando persecutionis procella vehementius sauebat, & quando Iudæorum opinione de religione Christiana, deque fidelium sanctitate & veritate actum erat: tunc propius erat & magis magisque appropinquabat, non solum tantæ calamitatis remedium, sed summa etiam felicitas & Christiani nominis exaltatio. Nam nisi breuiati fuissent dies illi, non fieret salua omnis caro. Et quamuis diuina prouidentia permisit, Ecclesiæ primitiuam in summas redigi angustias: non tamen eius curam abiect, sed potius exiguo temporis intervallo eam ad illustriorem gloriam euexit. Ideoque textus ait, post tres dies cum dimidio, (hoc est, breui temporis spatio) opportunè satis duos Christi testes fuisse à morte ad vitam reuocatos, magno cum hostium stupore atque formidine; & in cælum gloriosè ascendisse. Facile autem est animaduertere allusionem, quæ continetur hic ad Christi redemptoris nostri resurrectionem & ascensionem: ac proinde ad summæ exaltationis significationem post maximam abiectioem & desipientiam nullum aliud symbolum elegantius ac significantius excogitari potuisse.

Aliquis scire fortassis optabit, quem ad locum Scripturæ respectus habeatur in hoc trium dierum & dimidii spatio. Vix enim (ut aliàs vidimus) in tota Apocal. res aliqua paulò insignior reperiatur, quæ illustrem Scripturæ locum non referat. Quamobrem non est verisimile, exiguum hoc temporis intervallo alicui alteri Scripturæ loco non respondere.

Ad quem Scriptura locum in hoc trium dierum & dimidii spatio alludatur.

Atque



Atque eadem spatij differentia, quæ intercessit inter Christi mortem & gloriosam ipsius resurrectionem allicit nos & stimulat, vt accuratè disquiramus, quònam Scripturæ locorum in hoc tridui & dimidiati diei interuallo alludatur. Ab eiusmodi se cura atque labore eximunt ij, qui arbitrantur Apocalypsin hac in parte non ænigma agere; sed perspicuam prophetiam, quæ intelligenda sit omnino ac sonat; & re ipsa in Henoch & Elia sub mundi finem contropanda. Enim verò, quid de eiusmodi declaratione sentiam, & quantopere teneamur ad contextum huiusmodi pro ænigmatico reputandum (nec non ruinam decimæ partis Ierosolymæ, & quæ ipsam tum præcedunt, tum subsequuntur;) hæc, inquam, iam à me satis sunt in superioribus explicata.

Respondeo ergo ad eam interrogationem, qua rogatur de peculiari loco, ad quem fiat allusio in trium dierum & dimidiati spatij. Existimo, in hoc loco respici ad eadem Danielis testimonia, ad quæ respectus habetur in tribus annis cum dimidio. Nam imprimis in arcano sermone certum est, diem pro anno accipi frequenter solere: vt rectè multi colligunt ex Ezechielis cap. quarto num. sexto, *Diem pro anno dedi tibi.*

Secundò; siue Iudaici populi persecutio tribus annis cum dimidio, siue tribus diebus cum dimidio durasse dicatur; nequaquam variatur sensus. Neutrum enim ex his interuallis vsurpandum est, ita vt sonat, sed in sensu mystico. Quæ de re vt erudiremur, congruenter fuit ipsa phrasim immutata; & modò tres anni cum dimidio, modò tres dies & dimidiatus expressi sunt. Quod sit autem dimidia hebdomadæ mysterium, supra notat. & explanatum à nobis est.

Tertiò, licet sensus non varietur, siue tres dies & dimidiatus, siue tres anni cum dimidio designetur: ad sacræ tamen fictionis congruentiam prudenter satis appositæ sunt trium annorum & dimidij phrasim in belli ac persecutionis figura: in eius verò temporis representatione, quo Martyrum cadauera in gloria, insepulta & ludibrio habita iacuerunt; eleganter vsurpata fuit trium dierum & dimidij expressio. Erenim violenter nimis fingeretur, Iudaorum irrisum atque ludibrium de intersectorum corporibus tres omnino annos atq; dimidium durasse. Præsertim, quia, vt superius diximus, trium annorum & dimidij interuallum applicatu fuit aduersus persecutionis illius tempus; tres verò dies cum dimidio ad grauissimæ & calamitosissimæ angustie spatium, quod extremam persecutionis tempestatem complexum fuit. Quapropter oportuit vel maximè trium annorum & dimidij phrasim ad to-

rum persecutionis tempus, phrasim verò dierum trium & dimidiati ad summam & extremam angustiam accommodari.

Quartò; in hoc etiam facta est allusio ad Christi prædicationis & passionis tempus. Nam Christi Domini prædicatione per tres annos & dimidium durauit. Atque ita conueniens fuit, duorum testium prædicationem, & Iudaorum bellum in eos suscitatum ad tres annos atque dimidium in hac sacra & arcana fictione reuocari. Et quamuis tempus illud, quod à Christi passionis exordio ad resurrectionem vsque interfuit, non fuerit trium omnino dierum & dimidiati (nisi passionis initium à feriæ quartæ vespertino tempore ob peculiarem aliquam considerationem capere velimus: cuiusmodi esset propter impiam Iudææ actionem de Christo hostibus tradendo, aut aliquid simile;) nihilominus à Christi morte vsque ad ipsius resurrectionem tres verè numerantur dies. Et ad significandam temporis illius breuitatem, quod intercessit inter grauissimam & extremam Ecclesiæ calamitatem in duorum testium internecione figuratam, & inter Ecclesiæ ipsius exaltationem, quæ in eorundem testium resurrectione & ascensione adumbratur, aptè satis assumitur trium dierum & dimidij tempus. Quo innuitur, ipsorum abiectionis & Ecclesiæ afflictionis spatium vixdum fuisse longius, quàm quod inter Christi mortem & gloriosam ipsius resurrectionem fuit interiectum. Quia nubecula est quæ citò transit, (vt magnus aiebat Athanasius.) Atque hæc locutionis ratio, vt iam diximus, congruentissimè ad tres dies atque dimidium reuocatur.

Denique, quemadmodum dimidiata hora capitis octauæ, & quinque menses capitis noni non sunt propria & stricta temporum interualla; sed metaphorica & mystica: ita similiter tres anni cum dimidio, & dies etiam tres cum dimidio sunt pari ratione mysticè vsurpandi, vt hoc pacto significetur Deum in medio ipso tempore, id est, tempore opportuniore, quando id minus fieri posse hominibus videbatur, Ecclesiæ afflictionis tempus contrahere & coarctare, ipsique Ecclesiæ gloriam ac decus immortale impertiri.

Ex dictis facillè apparet, quod dicitur de occisorum cadaueribus per tres dies ac dimidium inhumatis, & omni prorsus honore carentibus, non necessariò debere re ipsa comprobari in aliquot ex ijs martyribus, qui in ea persecutione mortem pro Christo subierunt. Illud enim solùm hæc allegoria indicat, vt non semel aduertimus; tempus scilicet, quo virtus defecta iam ac penè conuulsa cum Christi hostium triumpho atque tripudio, cumq; maxima Christianæ fidei contemptione videbatur.

In duorum testium prædicatione & occasione ad Christi prædicationem & passionem allusio.

Quomodo intelligendum quod dicitur de duorum testium occisorum cadaueribus inhumatis, &c.

## T E X T V S.

*Vers. 11.* Et post tres dies & dimidium spiritus vitæ à Deo intrauit in eos, & steterunt super pedes suos: & timor magnus cecidit super eos, qui viderunt eos.

*Vers. 12.* Et audierunt vocem magnam de cælo dicentem eis; Ascendite huc. & ascenderunt in cælum in nube; & viderunt eos inimici eorum.

## C O M M E N T A R I V S.

**P**L V R A ex ijs, quæ super his versiculis erant adnotanda, in superiori notatione prædicta iam sunt & explicata. Nonnihil tamen superest annectendum: videlicet in Ierosolymæ persecutione aduersus Christi Ecclesiam coacta, post ingentem illam afflictionem & ærumnam,



Quando existimandi sint duo testes in Ierosolyma plateis occisi.

Quando duo illi testes surrexerunt dicantur. Ingens fructus in Iudaeorum conversione ex Iacobi Minoris predicatione percipitur.

Quomodo duo testes rediunt ad calum consensu di-cantur.

Quo sensu Iudei testes in calum abeuntes aspexerint.

Nubes Evangelica predicationis symbolum.

successisse maximam prosperitatem & Christianae Ecclesiae ingens in ipsa vrbe Ierosolyma incrementum. Etenim post Diui Stephani martyrium, ait sacer textus Actuum 8.1. *Facta est autem in illa die persecutio magna in Ecclesia, quae erat Ierosolymis; & omnes dispersi sunt per regiones Iudaeae & Samariae, praeter Antiochiam.* Et postea magis adhuc creuit persecutionis aestus; vt apparet cap. 10. in Iacobi Maioris martyrio & Petri comprehensione. Et denique omnes fere Apostoli Ierosolymam cesserunt, & in varias concessere provincias ad Euangelij doctrinam disseminandam. Itaque principio quidem magna fuit facta fidelium turbatio ac caedes: videbaturque Christi nomen ab Ierosolymorum finibus procul exulare. Et tunc sane suum congruenter habuit locum, quod Apocalypsis exprimit de duobus Christi testibus sanctitate & doctrina iacentibus in Ierosolymae plateis; & quod subiungit de Christi inimicorum gaudio atque triumpho, quod illos ex toto terrarum orbe sibi viderentur expulisse. Ceterum tanta, tamque vehementi angustiae successit postea (ante Ierosolymae vastitatem) tanta Iudaeorum conuersio per Iacobi Minoris Ierosolymorum Episcopi praedicationem: vt, quemadmodum Eusebius scribit lib. 2. hist. Eccles. cap. 22. *Plerique etiam ex Principibus viris fidem Christi amplexati sint.* Quin imò, vt idem ait, *Nonnulli ex Scribis & Phariseis & reliquis Iudeis tumultuari coeperunt, quod vniuersus fere populus Iesum existimat verum esse Christum.* Atque haec fuit causa, propter quam Iacobus frater Domini fuit martyrio coronatus. Certum igitur est post Christiani nominis oppressionem illam maximam subsequutum mox fuisse maximum Christi fidei incrementum & verae religionis in eadem Ierosolyma exaltationem. Haec ergo est historia, quam duorum Christi testium resurrectio admiranda & eorundem in caelos ascensio repraesentant. Atque ad hanc etiam Christianae fidei in Ierosolyma exaltationem, non parum fortassis adiunxit conuersio multorum ex Iudaico populo, qui Alexandriae ad veram Christi religionem traducti magna cum vitae sanctitate debebant: de quo Euseb. lib. 2. hist. cap. 16.

Præterea, vt significaretur, Christianam doctrinam & sanctitatem, quae Ierosolymis collapsae penitus atque consumptae videbantur, caput rursus attollere, & ingenti cum gloria ac sublimitate eminere visas; congruenter satis inducuntur duorum Christi testium corpora demortua iam & opprobrijs ac ludibrijs exagitata per nouam rursus vitam erecta, ac suscitata. Deinde ad maximam Christianae fidei exaltationem per Iacobi Minoris praedicationem, quid significantius, quam in caelum ascensio in nube? Lege, quae diximus cap. 1. versu 7. circa illa verba, *Ecce venit cum nubibus.* Adhaec elegantissime additur in textu: *Et ascenderunt in calum in nube, & viderunt eos inimici eorum.* Quibus verbis aperte significatur Christianam fidem Ierosolymis caput erexisse, & ad eam principes viros media praedicatione se traduxisse; quos propterea, vt sanctos, maxime ab ipsis Iudeis fuisse habitos. Quin imò iidem Iudaei Christiani nominis hostes, quantumvis inuiti ac renuentes, proprijs met oculis aspiciebant ingentem & admirandum honorem atque aestimationem, quam Iacobo fratri Domini omnes deferebant; & facultatem illi vni concessam, (praetera nemini) ingrediendi in sancta sanctorum. Et forsitan illis ipsis verbis, quae nuper ex ipso textu retulimus, denotatur, nonnullos ex ijs, qui prius hostili & infenso animo erant, videntes gloriosum Christianae fidei incrementum, eidem tandem subiecisse. Nam simili phrasi dicit Paulus (vt cap. 1. notauimus) *Aspicientes in auctorem fidei & consummatorum Iesum.*

Per nubem quidem significari Euangelij praedicationem, genuina est meo iudicio, in Apocalypsi explicatio: vt ex alijs eiusdem Apocalypseos locis constat. Huic tamen explicationi aliam adijcio: quae est eiusmodi. Potest per nubem significari Dei gloria, iuxta illud Exodi 16. 10. *Gloria Domini apparuit in nube.* Cum autem duo Christi testes dicuntur, spectantibus ipsorum hostibus, in nube ascendisse in calum: fortassis indicatur, Iudaeis vna ex parte triumphum & exaltationem Christianae fidei innotuisse; (siquidem ita eam manifeste aspexerunt, vt inspicere non possent:) ex alia vero parte, hanc Euangelij gloriam illis quasi nubem fuisse obductam, ne eam omnino intelligerent. Effectus quidem ipsius euidentia illis quantumvis renuentibus affari declarauit Christianae doctrinae & sanctitatis triumphum: ignorantiae tamen nubes illis impedimento erat, ne Christi testium aspectu & pulchritudine fruerentur. Ceterum haec eadem ipsorum ignorantiae nubes est peculiaris triumphus testium gloria: quippe non aded ille esset gloriosus, si ipsius hostes eum possent absque nube intueri: hoc est, agnoscere integrè, & contemplari, antequam se se illi subderent.

## T E X T V S.

*Vers. 13.* Et in illa hora factus est terramotus magnus, & decima pars ciuitatis cecidit: & occisa sunt in terramotu nomina hominum septem millia: & reliqui in timorem missi sunt, & dederunt gloriam Deo caeli.

## C O M M E N T A R I V S.

*VPRA C. 6. 12.* diximus terramotum in Apocal. esse magne rerum mutationis symbolum. Ad illam ergo mutationem ingentem significandam, quae Ierosolymam accidit, quando post vniuersale illud odiū in Christi fidem conceptū, subsequuta fuit conuersio bonae Ierosolymorum partis, & publica Christianae

reli-

Quid hic per terramotum figuresur.



religionis confessio: ad hanc inquam, mutationem denotandam quid congruentius, quam terræ-motus in ipso textu descriptus? Quod verò dicitur, *In illa hora*; horæ nomen est ad sacram ænig-matis fictionem accommodatum; in quo dicuntur duo Christi testes à mortuis surrexisse. Fingi-tur enim terræmotus magnus fuisse factus, quò tempore illi sunt ad vitam reuocati, & in cælum e-uecti. Si tamen alicui magis placeat terræmotum ad Dei timorem referri (quia in terræmotu tre-mit quidem tellus, & tremor aptè ad timorem refertur) hoc etiam non est abs re; vt significetur Christianâ doctrinâ & sanctitate reuiuiscen-tibus, mirum fuisse effectum diuinæ gratiæ ostensum in sancto Dei timore, qui corda occupauit plurimorum ex ijs, quos antea duos ac rebelles Euangeli-ca prædicatio inuenerat. Atque sanctus hic timor significanter appellatur terræmotus magnus ob ingentem morum conuersionem, quam in terra, id est in Iudæis, effecit.

ET DECIMA PARS CÛVITATIS CECIDIT. ] Miror sanè doctos esse viros, qui sibi persuadent Spiritus sancti mentem hoc in loco non esse aliam, quam quod verba ipsa textus sonant; nimirū decimam partem ædificiorum Ierosolymæ ruituram. quod ad Antichristi tempus referunt, post Henochi & Eliæ martyrium. Si hoc ita esset certum, vt nonnulli credunt; satis esset in sensu ipso ænigmatico supponi; quod tunc euenturum est, & ad illud per allusionem respici. Enim verò Spi-ritus sancti sensum in difficilis huius ænigmati decursu non materialiter (vt ita dicam,) sed spiri-taliter accipiendum esse, & ad primitiuæ Ecclesiæ tempora referendum, negare non poterit, qui sex tubarum hætenus præmissarum mysterium probe tenuerit; nec non septimæ, quæ mox sequi-tur. Et meo quidem iudicio in hac decimæ partis Ierosolymæ ruinâ, manifestè continetur allusio ad murorum Hierichuntinorum casum, circum concrepantibus septem tubis (de quo Iosue 6. 20.) Nam in hoc Apocalypseos loco septem tubæ non contra Hiericho, sed aduersus Ierosolymam in-flantur. Huius tamen clangoris effectus non fuit totius Ierosolymæ, sed decimæ tantum partis rui-na, ante septimæ tubæ sonum.

Et mihi sanè indubitatum est, in decimæ partis ruinâ conuersionem decimæ Iudæorum partis fi-gurari. Atque imprimis hæc partis decimæ Iudæorum conuersio fuerat multò antè per Isaiam prænunciata cap. 6. 13. verbis illis; *Et adhuc in ea decimatio, & conuertetur.* In quibus illud certè asseri-tur, licet Iudaicus populus fuerat propter sua scelera obdurandus à Deo, & execrandus; eam ta-men infelicitatem non adèd generalem fore, quin ceterorum excacationem præcederet decimæ partis illuminatio. Quem sensum illius esse loci proprium & germanum, explicabimus notatio-ne 11. sequenti.

Deinde nulli mirum videri debet, verbum, *cadere*, in ænigmate ad conuersionem referri. Eam enim esse genuinam significationem in arcano sacra Scripturæ sermone, compertum est: & vide-re licet in Iylua Allegoriarum ex Basil. in Psalm. 44. 10. Tertull. libro aduersus Iudæos, Hieronym. Isaia 13. 17. & 26. & Amos 7. August. in Psalm. 44. 10. Greg. 1. Reg. 14. & lib. 2. Moral. c. 38. Quia om-nes Patres notant, *Cadere*, esse subijci Christo eos, qui ad veram religionem ac fidem commigrant. Vnde & ruinam Damasci explicant de Gentium conuersione, notantque, tunc dici habitatores terræ non cadere, quando improbi non respiscunt, sed in suis sceleribus erecti & obstinati per-stant. Lege Isaiam 13. vbi cadere dicuntur in ore gladij, qui Dei verbo conuicti, & gladio oris sub-iecti pristinos deserunt errores; similiter Leuit. 26. & 2. Paralip. 7. & Ierem. 18. mysticè dicuntur ini-mici cadere coram fidelibus, cum se illis subijciunt, vel eum Dæmones superantur; vti explicant Origen. hom. 19. in Matth. & Hesychius Leuit. 26. iam, quod Christus dicitur *Positus in ruinam multorum*, Lucæ 2. Origenes & Hieronymus mysticè impleri dicunt, cum cadit vetus homo, & resurgit no-uus. Ad hæc, mænium Hierichuntinorum casum (quò fit in hoc loco allusio) de Dæmonis machi-nationibus deuictis exponunt Origen. Hieronymus & Augustinus Epistola 119. Et cadentem Ba-bylo-nem de conuersione peccatorum explicat Origenes ipse homil. 1. in Ierem. Atque is est ge-nuinus in Apocalypsi sensus, cum dicitur; *Cecidit, cecidit Babylon.* Vt suo loco videbimus. Huc spectat illud Psalm. 44. 10. *Populi sub te cadent.* & Apocal. 19. 16. *Ciuitates Gentium ceciderunt.* Deniq; quòd ruina de-cimæ partis Ierosolymæ sit mysticè accipienda, valde confirmatur ex eo, quòd conflagratio Baby-lonis, de qua cap. 17. & 18. est omnino etiam mysticè sumenda; vt ibidem planum fiet. Et quemadmodum triumphus, quem Ecclesia de populo Gentilico reportauit, est mystica Romæ conflagratio: non aliter, quem egit de Iudaico populo triumphum, fuit mystica decimæ partis Ie-rosolymæ ruina.

Tertiò, contextus in plagis tubarum haud dubiè continet seueritatem, qua Deus in Iudaicum populum animaduertit sub primæuæ Ecclesiæ tempus, vt probatum satis est supra: quo tempore euer-sa fuit Ierosolyma; ita vt nec lapis lapidi impositus superesset. Quapropter si de materiali (vt ita dicam) ruina sermo esset, neutiquam diceretur, *Decima pars ciuitatis cecidit*; cum ex ipso pate-at contextu, sermonem institui de Ierosolyma, vt liquet in versu octauo. Notanda est ergo sum-ma Spiritus sancti elegantia, qui ingentem illam Ierosolymæ ruinam (quæ tanta fuit, tamque ca-lamitosa, vt Christo illâ prædicenti lachrymas elicuerit) non tanti æstimet, quanti mysticam decime partis ruinam: in qua verus cõsistit triumphus, quem egit Ecclesia primitiua de rebeli & obstinata Ierosolyma: quæ, quantunvis perfida & obdurata, decimas tamen Deo, Sanctisq; gratissimas dedit.

Quartò eadem decime partis Ierosolymæ conuersio per eleganter figuratur sub typo suppli-cij atque vindictæ, quam sumpsit cælum de Ierosolyma; vt latè explicuimus in Prolegomenis, not. 23. & Isaia cap. 6. 13. vbi de conuersione decimæ Iudæorum partis agens, eam nuncupat decima-tionem. Fortè alludit ad eam decimationem, quæ militibus supplicij ergò solet indici; cum sci-licet ad vniuersum plectendum exercitum, decimus quisque ex numeratis militibus capite damna-tur. Sed quemadmodum in vltione propria seuerissimè cum decima eorum parte agebatur, cum reliquis, piè & clementer: ita è contrario ingens Dei misericordia potissimum splendescit in deci-ma parte, quæ cadere dicitur: magna autem seueritas in nouem reliquis partibus, quæ non cadunt. Atque hæc grauis seueritas mox in plaga septima exprimitur.

Ruina de-cimæ partis Ierosolyma quo in sensu accipienda.

Per hominū casum siue ruinam, eorundem conuersionē mysticè in Sacris sape denotari.

Cadere pro, subijci Christo, sape in Sacris.

Ierosolyma conuersionē sub supplicij & vindictæ specie figu-rari.



In hominū  
septem mil-  
lium occisio-  
ne alludi ad  
3. Reg.

Septem  
millium oc-  
cisionem de  
conuersione  
explicatum  
iri.

Obiectio  
contra præ-  
dicta dissol-  
uitur.

Cur dicat  
Iohannes,  
Nomina  
hominum  
non homi-  
nes?

Qui nam  
dicantur in  
timorem  
Dei, &  
Deo dedisse  
gloriam?

Quo sensu  
Iudæi incre-  
duli Deo  
gloriam de-  
disse perhi-  
beantur.

ET OCCISA SVNT IN TERRAEMOTV NOMINA HOMINVM SEPTEM MILLIVM.] Hisce in verbis non dubito allusionem fieri ad 3. Reg. 19. 18. *Derelinquam tibi in Israel septem millia virorum, quorum non sunt curuata genua ante Baal.* Quæ verba fecit Deus ad Eliam, asserentem se solum esse derelictum. Atque id Paulus ponderat ad Rom. 11. 4. *Elias interpellat Deum aduersus Israel, Domine Prophetas tuos occiderunt, & relictus sum ego solus, &c. sed quid dicet illi diuinum responsum? Reliqui tibi septem millia, &c.* Cum ergo in præsentī septem millia dicuntur occisa; occisionem eiusmodi de conuersione planè intelligo: vt non semel aliàs in Apocalypsi (id quod satis disputatum est supra, & confirmatum in præmio not. 23.) si ergo id statuamus, decimæ nimirum partis ruinam esse eorum translationem ad Christi fidem: contextus ipse compellit, vt ad eandemmet conuersionem referatur mystica septem millium mors: vt & illud capitis 20. 21. *Ceteri occisi sunt gladio sedentis super equum, id est, gladio Spiritus, quod est verbum Dei.* Et quide supposita hic allusione ad septem illa millia, *qui non curuauerunt genua ante Baal*, necesse est, verbum *occidere* accipi de mystica vltione atq; cæde: nam propria vindicta & supplicium minimè sunt apta ad eos, qui idolis cultum non exhibuerunt; sed ad eos, qui idola venerati sunt.

At enim (inquies) si occisionis nomine agitur de illis, qui se ad Christi fidē traduxerūt, numerus quidē 7. millium exiguus valde est ad significandum numerosam eorum multitudinem, qui Ierosolymæ Christo dedere nomen. Etenim si verum est decimam eorum partem, qui tunc Ierosolymæ degebant, se Euangelio subiecisse: ciuium certè numerus plus decies centena millia comprehendebat: imò & plus vices, vt obseruant Iosephus & Eusebius. Præsertim, quia nomine Ierosolymæ non ciuitatis modò ciues intelliguntur, sed etiam totius Iudææ. Respondeo tamen numeros hos in ænigmatica locutione, non esse accipiendos, ita vt sonant: atque aded, cum dicitur occisa sunt septem millia, non significari totidem fuisse homines nec plures, nec pauciores ad Christiana sacra traductos; sed eadem illam spiritalem in maxima hominum multitudine fuisse factam, qui ex spiritali idololatria euaserunt, quique fuerant præsignificati in septem his millibus, qui non curuauerunt genua ante Baal. Nec aliud est, quod Paulus innuit in verbis illis, quæ ex epistola ad Romanos paulò ante retulimus.

Reliquum est expendere, cur non dicat textus, *Occisa sunt septem millia hominum, sed nomina hominum septem millium?* Sixtus Senensis libro secundo, verbo *mortis liber*, exponit de reprobis, & hoc ex hoc loco probat, dari librum mortis, in quo reproborum nomina scribantur. Pro qua expositione conatur adducere Hieronymum & Augustinum. Verum explicatio hæc nullum habet firmum fundamentum; vt ex supra dictis apparet. Alius fortasse somniaret, hac phrasi denotari extinguitas fuisse septies mille familias siue progenies hominum, quibus diuersa solent nomina & appellationes inesse. Sed hoc vanum est. Alius philosophabitur huius loquutionis esse sensum, non ipsos perire homines, sed eorum nomina. Quia in alios homines mutantur: ad eum fere modum, quo Paulus ait, *Viuo ego, iam non ego.* Et eapropter sacro baptisate tinctis nouum imponitur nomen. Germana tamen expositio est, illos proprijs nominibus appellari à Deo, cognosci, seligi, atque amari, qui peccatis morientes Christo resurgunt ac viuunt. Et de phrasi quidem ipsa diximus cap. 3. 4. ad ea verba, *Habes pauca nomina in Sardis.* Adhæc; electi ac prædestinati sunt quidem magnæ apud Deum æstimationis, & magna nomina pro magnis nominis hominibus dixit Plin. & *ὀνόματα καλά*, pro honestis hominibus Dion. Halicarnassens; sicut è contrario dixit Latinus Poëta, *Auulsumq; humeris caput, & sine nomine corpus.* 2. Æneid.

ET RELIQVI IN TIMOREM MISSI SVNT, ET DEDERVNT GLORIAM DEO CÆLI.] Huius locutionis figura desumitur ex eo, quod ferè videmus accidere, quando repentino aliquo terræmotu ædificium concidit: cuius ruina obteruntur alij, alij formidine & horrore pauescunt. Quod si illi in mystico terræmotu dicuntur occisi atque oppressi, qui Christianæ fidei sacra susceperunt: sequitur eos, qui nec nomine occisorum comprehenduntur, fidem amplexos non fuisse. Vnde difficultas exoritur, quinam dicantur timuisse, & gloriam Deo dedisse. Respondeo: sensus non est, illos Deo dixisse laudem, propterea quod eos à morte eripuerit; hoc enim non est ad rem: sed Iudæos, qui in sua obstinatione perstiterunt, Dei tamen gloriæ inferuisse, quatenus confessi sunt, Deum iure optimo Christi nominis hostibus succensere, & seuerissimè in eos animaduertere. Ad cuius sensus explicationem; aduerte primò vsitatam esse Scripturæ phrasim, qua asseritur homo impius ac sceleratus, quando acriter punitur, Deo gloriam dare, dum confitetur se iuste pro suis sceleribus plecti. Patet hoc Iosue 7. 19. vbi ait Iosue ad Acham, *Da gloriam Domino Deo Israel, & confitere, atque indica mihi, quid feceris.*

Aduerte 2. vulgatâ fuisse apud Iudæos opinionē (apud eos præsertim, qui prudentia inter eos pollebant) horribilem illam seueritatem, cuius documentum edidit Deus in Ierosolymam, cum eam Titus deuastauit, propterea fuisse; quia Iacobum Minorem ipsius vrbis Episcopum indigna morte Iudæi peremerant. Docet hoc expresse Iosephus lib. 20. Antiquit. cap. 8. & ex illo refert Eusebius lib. 2. histor. c. 22. ex quo euidenter infertur, illos sibi metipsis reos ac nocentes videri, quod Christū suffixissent cruci: siquidem fatebantur, aut verebantur saltem, impium illud facinus in Iacobi interneccione patratum, fuisse tot ærumnarum & calamitatum causam. Si enim in eorundē opinione adeo inextinguibile fuerat scelus, occidere Iacobum asserentem, verum esse Messiam Christum, qui ab ipsis fuerat Iudæis interfectus; multò etiam atrocius erat flagitium ex ipsorum confessione, aut certè timore ipsum occidisse Christum. Hæc igitur Iudæorū (siue confessionē velis, siue timorem) in media illa eorundem obstinatione, qua Christum reiecerunt quàm fuerit Deo gloriosa, quàmq; Dei ipsius seueritatem in Iudaicum populum iustam & satis meritam esse comprobavit, perspicuū est. Siquidem iidem Christi hostes Iudæi fateri cogeantur, aut saltem extimescere, calamitosissimum illud excidium, & extremas angustias, quas patiebantur, meritissimum fuisse supplicium sibi cælitus immissum, ob impiam necem, quam Iacobo fuerant machinati; propterea quod Christum crucifixum verum esse Messiam asseueraret.



## NOTATIO XI.

De genuino sensu decimationis, cuius meminit Iſaias cap. 6.

Et ad quam alluditur Apocal. 11. 13.

Decimatio  
ab Iſaiā  
praedita  
quo sensu  
explicanda  
sit.1. Opinio  
explicatio  
de propria  
hominum  
internecio-  
ne.2. Sente-  
ntia (qua &  
praefatur)  
exponens de  
conuersione  
ad Christi-  
anismo.

**V**IDEBITUR alicui fortasse nostra explica-  
tio de conuersione decimae partis Iudaeorum  
infirmo aut debili fundamento niti. Aliter enim  
explanant non solum Forerius, Perusinus & alij ex  
iunioribus; sed etiam Patres, quia Cyrillus Alexan-  
drinus sic interpretatur; Oppugnantibus regionem Iu-  
daeam Vespasiano & Tito, ad tantam virorum paucitatem  
gens eorum recidit; ut à vero deflexurus non sit, qui vix  
totius populi decimam partem in ea superfuisse dixerit.  
Quam eandem explicationem sequuntur Hieronymus,  
Procopius, Carthusianus, Leo Castrensis, Forerius  
& Perusinus. Quin imò Forerius non modò  
hanc expositionem amplectitur, sed etiam nostram  
impugnat. Ait enim; Aliqui accipiunt in bonam par-  
tem pro electis, quibus nequaquam assentior; quòd quae se-  
quuntur, non conueniant. Hoc ideo dicit, quia ubi nos  
legimus; Erit in ostensionem; ipse transfert, Erit in  
combustionem. Et ubi nos, Sicut quercus quae expandit  
ramos; legit ipse, Sicut quercus quibus in defluxu folio-  
rum stipes est. Quod est dicere; veluti quercus, cuius  
folijs deciditibus, truncus solus nudus remanet.

Omitto Lyram atq; Vatablum cum Hebraeis aliter  
interpretari, nimirum de numero denario Re-  
gum à Ioatham filio Oſiae vsque ad Sedechiam: cuius  
tempore affirmant impletam fuisse prophetiam  
de Iudaeorum captiuitate per Nabuchodonosorem.  
Hanc explicationem longe aberrare ab scopo facile  
erat ostendere. Sed omittendam potius censebam,  
non minùs, quàm illam de soluendis Ecclesijs deci-  
mis, cuius Lyranus & Carthusianus meminere.

Redeo igitur ad id, quod doctis atque catholicis  
certum est, nempe Iſaiam in eo capite de excacatio-  
ne & obduratione Iudaeorum in primo Christianae  
Ecclesiae saeculo agere. Hoc ita statuto, nemini mi-  
rum videri debet, si decimatio referatur ad eos, qui  
ex Iudaeorum populo Christianam fidem amplexi  
sunt. Nam ea est Magni Basilij explicatio; cuius  
haec sunt verba, Licet omnis Israel non sit consequutus  
quod quaerebat: at certe secundum electionem consequutus  
est per eos, de quibus ait Dominus Elie, 3. Reg. 14. Reli-  
qui mihi septem millia virorum, qui non curauerunt ge-  
nua ante Baal. Atque hi sunt de quibus dictum est hoc, Ad-  
huc in ea erit decimatio. Sic Basilius, cuius vestigijs inſi-  
stunt Arias Montanus, Oſorius, Hector, & Aluarez.

Et sanè si vulgatam sequamur lectionem, (quam  
nemo prudens lectioni Forerij non anteponat) vix  
inſiciari, aut tergiuersari possumus, quin de electis  
sit contextus intelligendus. Nam ramos expandere  
non dicitur arbor, cum vritur atque deſicitur; sed  
cum post putationem renouatur, & feliciter ramos  
expandit. Quapropter Iſaias mens illa est, quam

**A** sapienter Arias Montanus declarat; videlicet illum  
agere de arbore, cui per putationem rami inutiles  
praecisi sunt, & vix ei decima ramorum restitit pars:  
illud tamen, quod ei remansit, pullulauit mox,  
& noua germina felicissimè protulit. Quare con-  
cludit Iſaias, non aliter Ecclesiae fore euenturum,  
opitulante Deo maximae sanctitati paucorum, qui  
ex eo populo, veluti reliquiae & spiritalis regenera-  
tionis semina, residui fuerant. Atque id est Semen  
sanctum erit, quod steterit in ea. Quam interpretationem  
confirmat Arias ex cap. 11. epist. ad Rom. ubi Paulus  
ait n. 17. Quod si aliqui ex ramis fracti sunt, &c. Quibus  
in verbis alluditur ad finem capitis 6. Iſaias. Suam  
etiam sententiam confirmat Arias ex Chaldaica  
paraphrasi, in qua idem continetur sensus.

**B** Nisi autè me valde fallo, optima est explicationis  
eiusdem confirmatio, quae peritur ex manifesta allu-  
sione Apocalypſeos cap. 11. 13. ad eundem Iſaiam lo-  
cum. Cum enim Ioannes ait, Decima pars ciuitatis  
cecidit, respicit profectò locum Iſaias. Ceterum ele-  
ganter satis Iſaias inuertit ordinem & quod ille per  
arboris decimam partem permanentem exposuit,  
Ioannes per decimae partis vrbis ruinam extulit. Et-  
enim in Apocalypſeos còtextu inſituebatur sermo  
de Ierolyma, sub specie belli grauissimi, quod  
Deus in ciuitatem quandam susceperat. Vnde pars  
eius ciuitatis, quae se Euangelio subdidit, dicitur ele-  
ganter, ad caelestium tubarum clangorem cecidiſſe.  
Idemque innuitur in ea arboris allegoria per deci-  
mam ramorum partem, qui ad spiritalem instaurationem  
remanferunt.

**C** Alia Lyranus expositio est, alludi hic ad eam histo-  
riam Genes. 18. ubi dicitur Deus concessisse Abra-  
hamo, Sodomam non fore euertendam, si decem  
in ea iusti inuenirentur. Enimuerò hoc omnino  
est abs re. Certum enim est ex Iudaico populo mul-  
ta hominum millia ad Christum fuisse translata:  
nec tamen ideo maiorem Iudaici populi partem nò  
puniuit Deus ac reprobauit. Manet ergo, legitimam  
Iſaias expositionem esse illam, quam docet Basilius,  
& paraphrasis Chaldaica, quamque manifesta Apo-  
calypſeos & Pauli allusio adumbrat, & sequitur A-  
rias Montanus, Hieronymus Oſorius, Hector Pin-  
tus & Aluarez. Nec verò opus esse reor, obiectioni  
Forerij respondere. Ille enim haud dubie contextum  
non probè tenuit, nec Iſaias comparisonem ab ar-  
bore desumptam, cuius rami inutiles & superuacui  
amputantur, quò deinceps efficacius pullulet & no-  
ua germina erumpant. Quae omnia simul cum He-  
braicarum vocum, quibus Iſaias vtitur, significa-  
tione doctissimè Arias Montanus declarauit.

Ex Apocaly-  
pſeos c. 11.  
confirmatur  
illa Iſaias  
interpreta-  
tio.Alia Lyranus  
expositio re-  
fertur ac  
reijcitur.

## NOTATIO XII.

In id Zachariae 12. 2. Ecce ego ponam Ierusalem superliminare crapulae omnibus  
populis in circuitu: sed & Iuda erit in occisione contra Ierusalem.

**Q**UOD sermo inciderit de decimae partis Iudae-  
orum conuersione (de qua Apocalyp. 11. 13. &  
Iſaias 6. 13.) non abs re fore putavi, si hunc Zachariae  
locum insignem sanè & difficilem explicarem. Ad  
quem profectò alluditur in Apocalypſi, vt capite  
decimo quarto videbimus: atque ex his, quae in hoc  
capite vndecimo de partis decimae Ierolymae con-  
uersione tractantur, exoritur lux ad Zachariae loci  
illustrationem.

Ecce ego ponam Ierusalem superliminare crapulae. Ver-  
bo illi superliminare respondet hic in Hebraeo שֶׁמֶן,

**D** (Saph) & Arias Montanus atque Pagninus, vt com-  
pertum statuunt, hoc in loco non significari supe-  
rius osti-  
nitur fortassis in eo, quòd superliminare crapulae  
non videatur inter se aptè coherere: secus erit, vas  
ebrietatis, aut, vas veneni soporiferi. Et negari pro-  
fectò non potest, quin Hebraica dictio significet etià  
idem, quod vas, in quod liquor aliquis infunditur,  
quia Ieremiae capite quinquagesimo secundo num.  
decimo nono, eidem hebraicae dictioni respondet in  
nostra vulgata hydrie nomen.

1. Expositio  
Arias,  
Pagnini &  
Hebraeo-  
rum.Superlimi-  
nare crapulae  
la quid sit  
apud Iſaiam.



2. exposi-  
tio Hiero-  
nymi; qua,  
ut verior,  
eligitur.

Hieronimi  
lectioni &  
expositioni  
consonare  
versionem  
70a.

Prior expo-  
sitiō impu-  
gnatur.

Quid sit  
superiorum  
liminum  
commotio  
in hac Za-  
charia lesu-  
sione.

Superlimi-  
nare crapu-  
le quomodo  
sit accipien-  
dum.

Rabbini frequenter, vbi Hieronymus vocem **SD** Saph, explicat, seu vertit limen vel superliminare; intelligunt ipsi de vasis templi. Vnde cum Hieronymus transfert, *Custodes vestibuli, vel ianitores*, ipsi exponunt de vasorum custodibus, vt Ieremia 35. 4. & 4. Reg. 12. 19. & cap. 22. 4. & cap. 23. 4. & cap. 25. 18. & 1. Paralip. 9. 19. & Esther. 2. 21. Sed pro Hieronymo sunt Septuaginta interpretes. Expendat ergo æquus iudex, quibusnam interpretibus sit potius habenda fides; septuaginta ne viris & Hieronymo; an Rabbini? præsertim, quia in his locis Hebraice ponitur Saph, in singulari numero. atqui *Custodes vasis*, pro custodibus vasorum, violenta planè est phrasis: custodes autem liminis, aut superliminaris non item.

Deinde alijs in locis, vbi Hieronymus & Septuaginta de limine siue superliminari exponunt; eodè etiam modo interpretantur Rabbini; vt 3. Reg. 14. 17. Iudic. 19. 25. & 2. Paral. 34. 9. Isai. 6. 4. Ezech. 23. 4. & cap. 40. 6. & cap. 41. 16. & cap. 43. 8. Sophoniz 2. 14. & Amos 9. 1.

Tertiò in loco etiam Zachariæ 12. 2. Septuaginta de superliminari explicant. Legunt enim, *Ecce ego pono Ierusalem ut superliminaria, quæ mouentur, omnibus populis in circuitu*. Exilinare ergo, tum Septuaginta interpretes, tum Hieronymum aberrasse, quòd non ita idoneè dici videatur *superliminare crapule*: id planè est Septuaginta & Hieronymum ignorantia infimulare. Nullo autem modo sit verisimile, illos adeò esse hebetes, vt in re ita manifestà, ac Pagnino, Ariæ, & Rabbini videret, errauerint. Vide quid simile in hac eadè voce Exod. 12. 22.

Quartò in Pagnini, Ariæ, & Rabbiorum translatione, non leuis remanet in contextu difficultas. Dicere enim, *Ego ponam Ierusalem scyphum veneni, siue, vas plenum amaritudine, vel calicem stuporis operientis cor, aut, calicem saporiferum omnibus populis in circuitu*; horum, inquam, nihil est, quod significet Ierosolymam labore atque æruginà affligendam; sed potius ipsam finitimis omnibus populis calamitati, & oppressioni futuram. At verò contextus exigit, ne hisce in verbis agatur de aliorum populorum calamitate, sed de ipsius Ierosolymæ labore atque angustia. Quod efficaciter satis probatur, tum ex antecedentibus verbis, *Onus Domini super Israel*; quæ manifestam præ se ferunt prophetiam Israelitico populo minitantem: tum etiam ex subsequentibus, *Sed & Iuda erit in obsidione contra Ierusalem*. Et certè qui ait, tribum Iuda Ierosolymitanos etiam obfessuram; manifeste innuit, in præcedentibus verbis fuisse sermonem de acerbissimis angustijs, in quas fuerat Ierosolyma redigenda. Si ergo Hieronymi & Septuaginta interpretum translatio vsui esse possit ad ingentem afflictionem exprimendam, qua opprimenda erat Ierosolyma: næ tunc dilucidè constabit, Rabbinos, Pagninum, & Ariam longius ab scopo aberrasse.

Quintò, superiorum ostij liminum commotio videtur præsentem totius domus ruinam innuere. Quare cum Deus dicit (iuxta Septuaginta) *Ponam Ierusalem ut superliminaria, quæ mouentur*; perinde est quasi dicat, se illam eò periculi arque discriminis deducturam, quòd redacta est domus; cuius superiora portarum limina horribili stridore tremefacta concutuntur, hoc est, persecutione grauem & acerbam, vt totum Ecclesiæ ædificium desuper ruiturū videretur. Cùm autem ædificium aliquod concutitur & labascit; quicumque in conspectu sunt prætereuntes vocibus & clamoribus, vt sibi caueant, hortantur. Hoc ergo est, quod ait Propheta; omnes scilicet populos circumspecturos Ierosolymam, vt domum labantem iam ac penè ruentem; videlicet propter persecutionis magnitudinem: & se mutuo hortaturos, vt sibi à Christianorum ruina præcauerent.

Nec aliud nostra lectio debet significare, cùm ait, *superliminare crapule*. Pro cuius intelligentia aduertendum est, ebrijs hominibus, & præ vini ingurgitatione capitis vertigine laborantibus, omnia videri circumagi & tremefieri. Sensus igitur est, Ierosolymam in eiusmodi discrimen traham, vt in finitimorum circum oppidorum conspectu reapse illi acci-

dat, quod falsa exstimatione delusi videri sibi ebrijs frequenter videntur, domos scilicet & ædificia omnia commoueri. Itaque superiora huiusce ædificij limina re vera concutientur, & tota structura moles ruinam minitabitur, præ vehementi persecutionis vi atque impetu: quemadmodum videntur ebrio domus, quantumuis firmæ, emoueri. Quare se mutuo hortabuntur vicini, vt suæ salutis & incolumitati consulant.

In hac expositione, *superliminare crapule*, comparatio est petita ex limine, quod ebrius aspicit. Sensus tamen non is est, quòd scilicet limen fictè & simulatè videatur collapsurum: sed quòd re vera labet ac titubet, & in grauissimum reuocetur discrimen; vt Septuaginta explicauerunt. Quoniam verò domum nutare, & minari ruinam, ex persecutione oritur, quæ in Ecclesiam à Iudæis excitata est, ideo aptissime subiicitur, *Sed & Iuda erit in obsidione contra Ierusalem*.

Sextò, *commoueri superliminaria*, Hebraica phrasis est, qua indicatur ædificij alicuius impendèrè ruinam: vt videre est Isaiæ capite sexto numero quarto, & Amos capite nono numero primo. Quibus ex locis confirmatur nostra hæc de Zachariæ loco explicatio, quòd scilicet in motu superliminaris non sermo sit de finitimorum oppidorum calamitate, sed de Ierosolymæ ipsius angustia atque discrimine.

Septimò, ad rei cuiuspiam magnitudinem exaggerandam, significanter satis solemus dicere, eam quasi solam mentis conceptionem, aut considerationem videri: id quod Hispano nostro idiomate elegantius sonat, *Parece cosa de imaginacion*. Vt Psalm. 125. 1. *In conuertendo Dominus captiuitatem Sion, facti sumus sicut consolati*. Hebraicè *ut somniantes*, id est, res ita admirabilis ac noua visa est, vt somniata potius quàm oculis vsurpata videretur. Igitur ad magnam commotionem postium significandum, congruenter dicitur, *ut superliminare crapule*: id est, sicut in crapula moueri videntur superliminaria; sic reuera commouebitur Ecclesiæ ædificium spectantibus vicinis populis, & se ad cauendum sibi mutuo cohortantibus.

Octauò, *superliminare crapule omnibus populis in circuitu*, forsità denotat omnes finitimos populos Christianæ Ecclesiæ limina respecturos tanquam crapulam, ebrietatem & insaniam, & Christianis hominibus insultaturos, quemadmodum pueri ebrium hominem vrgerè & insectari solent: quem labantem iam, & vacillantem, vt citius corruat, impellunt atque supplantant. Lege illud Psalmi 106. 27. *Moti sunt, sicut ebrius*, id est, huc illuc nutant ac titubant cerebro & pedibus tentati. Item Iob 12. 25. *Errare eos faciet quasi ebrios*.

Nonò, Arias Montanus arbitratur, Hebræum vocabulum **SD** (saph) ex primæua significatione denotare quodcunque vas, & inde transferri ad limen. Mihi verisimilius multò est, primaria & germana significatione per hanc vocem indicari limen; atque hinc aliquando translatiue significari non quodcunque vas, sed aliquod vas, in quo similitudo aliqua liminis appareat: vt paruos lebes, qui superiori parte habet ansam limini ianue non ab similem. Atque ita forsan in nostra etiam vulgata, Exodi capite duodecimo numero vigesimo secundo, limen accipitur pro simili vasculo. Hoc inde mihi probabile sit, quòd à vase ad limen, nullum similitudinis transitum reperiri posse videam. A limine verò ad aliud peculiare vas, aptè potuit transferri nomen. Limen autem prius est & notius, quàm peculiaris illa vasis forma. Ad hæc, in sacris Literis iuxta Hieronymum, Septuaginta & Græcos interpretes (vt Aquilam, Symmachum, & alios), ferè hoc nomine significatur limen: ea igitur erit primæua ac vera significatio.

Sequitur in textu, *Sed & Iuda erit in obsidione contra Ierusalem*; hic quamuis hebraicus contextus alio modo transferri videatur posse; & Septuaginta interpretum versio non adeò perspicua sit: ex contextu tamen & ex collatione huius loci cum altero illo capitis 14. 14. *Sed & Iudas pugnabit aduersus Ierusalem*, non dubitauit Hieronymus, in sensu gram-

Comparatio  
his ab  
ebrijs petita  
quoniam dicitur  
ut intelligenda sit.

Traditur  
alia exposi-  
tio superlimi-  
naris  
crapula.

Hebræa vox  
Saph quid  
propræ.

Quo sensu  
dicatur Iu-  
das pugnauit  
aduersus Ieru-  
salem.



matico significari, Iudæos ipsos aduersus Ierosolymam fore pugnaturus. Cum autem Zacharias Ierosolymæ nomine citra dubitationem de Christiana Ecclesia primogenita loquatur; idem Cyrillus (quem Arias & Ribera sequuntur) censet, prophetam in præcipuo sensu agere de persecutione, quam Iudæi aduersus Ecclesiam primogenitam excitant, ut sensus sit, non solum fore Ecclesiam à Gentibus oppugnandam, sed etiam à Iudæis ipsis, qui in Melbæ expectatione erant. Hæc illi.

Mihi tamen, cum bona eorum venia, persuasum est; sub Iudæ nomine non designari in præsentī Iudæos pertinaces, qui in sua peridia & oblatione restiterunt: sed eos potius, qui initio quidem (ut Paulus) Euangelio repugnabant, postea tamen sunt ad fidem conuersi. Atque hanc esse existimo decimam Iudaici populi partem, quæ Euangelio nomē dedit: de qua Apocal. 11. 13. & Isaia 6. 13. Hoc mihi probatur ex ijs, quæ mox numero quarto sequuntur: *Super domum Iudæ aperiam oculos meos; & ponam duces Iudæ sicut caminum ignis in lignis; & sicut faciem ignis in feno: & deuorabunt ad dexteram & ad sinistram omnes populos in circuitu. Et saluabit Dominus tabernacula Iudæ, sicut in principio, ut non magnificet gloriatur domus Dauid, & gloria habitantium Ierusalem contra Iudam.* Ex his verbis infero, eam fuisse loquendi rationem; quasi initio ad Gentes, quæ bello Ierosolymam infestabant, ingens Iudæorum manus sese hostili animo adiunxerit, ut illis associati prælium etiam ipsi cum Ierosolyma committant: huic autem Iudæorum phalangi Deus postea oculos aperuerit, & corda immutaret: ita ut conuersis signis arma in Gentiles ipsos sumserint, qui Ierosolymam euerfuri eruperant, magnamque in ipsis ediderint stragem.

Hoc ita posito, nomen Iudæ non hic designat tribum Iudæ: sed promiscuè & indistinctè sumitur eodem modo, quo nomen Israelis. Nam post captiuitatem Babylonicam, duo hæc nomina Israel & Iudæ pro eodem accipiebantur; & populus quidem Iudaicus ceteras comprehendebat tribus. Atque ita statuunt Cyrillus, Arias, & Ribera. Quod enim de Iudaica persecutione exponunt, non referunt ad persecutionem eam, quam vna conciuuit tribus, sed ad eam, quam carnalis Israelis populus commouit.

Ego vero censeo nomen Iudæ taliter quidem summi, ut tribus omnes comprehendat: ita tamen, ut sermo sit de illis tribubus, quas Apocalypsis cap. 7. insinuat. Etenim ingens ille numerus centum quadraginta quatuor millium ferè totus constat ex ijs Iudæis, qui initio persequiebantur Ecclesiam, postea verò non modò sunt ad fidem conuersi, verum etiam ex semetipsis exercitum illum conflant, quo Deus bellum Gentibus indixit, & falsum idolorum cultum sustulit. Suppono igitur ex capitis septimi commentario; ferè omnes illos centum quadraginta quatuor millia fuisse ex populo Israelitico. Atqui manifestum est, principio penè omnes illius populi Christianæ Ecclesiæ tunc primùm nascenti bellum intulisse. Postea tamen illos cælesti lumine illustrauit Deus, & bellum ita fuit commu-

tatum, ut mystico ac spiritali igni, quem Christus in terris accensurus aduenit, Gentilitatem inflammaret: atque hoc significatur, in Zachariæ textu satis eleganter, ut vidimus.

Nota ergo, negari non posse, quin Zacharias de illis sermonem instituat, qui instrumentum, atque adeò adiumento fuerunt ad insignem victoriam, quam Ecclesia de Gentibus reportauit. Hos autem manifestum est non ex eorum Iudæorum numero fuisse, qui rebelles & obstinati persistenterunt, sed ex illis, qui ad fidem Catholicam commigrarunt. Distinctio autem est eiusmodi, ut per nomen *Ierusalem & domus Dauid*, denotentur primi illi, qui Euangelio non repugnauerunt: at per nomen *Iudæ*, (de quo dicitur, *pugnabit aduersus Ierusalem*) significantur, qui principio quidem Euangelio reclamauerunt, & bellum in Ecclesiam susceperunt: postea tamen suaui Euangelij iugo supposuerunt ceruices, & ex illis confecta sunt mysticæ illæ tribus duodecim, de quibus agitur Apocal. 7.

Quod autem in nomine Iudæ non includantur ij, qui in sua obstinatione permanerunt, singularem habet elegantiam. Nec enim vniquant futuri erant veri Iudæi, sed potius synagoga Satana, ut loquitur Apocalypsis c. 2. 9. Quare hi in Gentilium numerum ab Scriptura referuntur. Quamobrem Iudæorum nomen ad eos eleganter accommodatur, qui erant à Deo prædestinati, ut per eos Gentes Euangelij fidem reciperent; & quamuis eorum per pauci fidem principio amplexi fuerint, nec illam vnquam oppugnarint: maior tamen eorum pars fuit certè, qui traducti ad fidem sunt, postquam illam infestauerant. Quæ in re expletum fuit diuinæ providentiæ consilium, ut idonei postea Euangelij ministri forent, qui illud antea persequiebantur; cuiusmodi tum Paulus, tum alij fuere permulti. In his autem verum esse comprobatur, Deum saluasse tabernacula Iudæ, sicut in principio, nec non ex decimæ Iudæorum partis conuersione, & admirabili ipsorum efficietia in Catholica religione propugnanda illud imprimis redundasse; ne primogenita Ecclesia (quæ per domum Dauid, & mysticam Sionem, siue Ierosolymam figuratur) sese gloriabunda iactet, quasi ipsa per se sola absque Iudaici populi subsidio victoriam ex Gentibus obtinuerit. Nec enim ita accidit, sed Iudaico populo suppetias ferente, id est, illis postea auxiliantibus, qui primò nascentem Ecclesiam afflixerant; quorum mentes illuminauit Deus, & ex oppugnationibus propugnatores reddidit.

Vltimò, cum hac Zachariæ expositione consonant optimè verba ipsius textus præcedentia; scilicet, *Dicit Dominus extendens calum, & fundans terram, & fingens spiritum hominis in eo.* In quorum verborum expositione me refero ad ea, quæ de illis dixi Apocalyp. cap. primo numero quarto, & in illius loci commentario, ab eo qui est, & qui venturus est. Illud hic demum addo, calum Christianæ esse Ecclesiæ symbolum; terram autem Iudaici populi, ut sæpe diximus.

In nomine Iudæ, apud Zachariam non eos comprehendendi Iudæos, qui obstinati persistenterunt.

Quid hic Iudæ nomine innuat.

Post Babylonicam captiuitatem duo hæc nomina Israel & Iudæ, pro eodem summi solita.

## TEXTVS.

Vers. 14. Væ secundum abiit, & ecce væ tertium veniet cito.

## COMMENTARIVS.

DE his verbis diximus cap. 8. fine & capite decimo in principio; ubi animaduertimus, hisce ex verbis colligi totum caput decimum, & partem eam vndecimi, quæ septimam præcedit plagam, consideranda esse veluti ad plagæ sextæ tempus spectantia. Alioqui nimis serò diceret hic Ioannes, *Væ secundum abiit, & ecce væ tertium veniet cito.*



## NOTATIO XIII.

*De summa & scopo eorum, quæ sequuntur vsque ad finem capituli: hoc est, eorum, quæ ad septimæ tubæ plagam spectant.*

Difficultas  
in subsequen-  
tium cum  
antecedenti-  
bus connec-  
tione.

**A** COLVTHIA eorum, quæ sequuntur à septimæ tubæ clangore ad finem vsq; capituli 11. non leuem continet difficultatem. Quæ enim hic coniunguntur, minimè inter sese videntur consentire. Nam imprimis ex illis tribus *Ve*, quæ aquila cap. 8. 13. significauit, postremum & seuerissimum ad septimam pertinet tubam. Cum tamen vice fletus ac lamenti, post septimæ tubæ clangorem, vocis laudis atque lætitiæ perficiant, quod Deus iam & Christus regnent. Secundò huic exultationi adiungitur ira Gentium & ira Dei. Tertio, videtur hic esse sermo de extremo vniuersalis iudicii die, nēpe de mortuorum resurrectione, de sanctorum præmio, & improborum supplicio. Id enim sonant verba illa, *Tempus mortuorum iudicari, & reddere mercedē seruis tuis pusillis & magnis, & exterminandi eos, qui corruerunt terram.* Quartò, quod ad finem additur videtur necessariò referendum ad Euangelicæ prædicationis tempus. Nam arca Dei & manna atque virga Aaronis non sunt idoneum æternæ beatitudinis symbolum: at fulgura & voces aptissima sunt symbola ad prædicationem Euangelij, vt vidimus capite 4. 5. atqui violentum planè est huiusmodi symbolum ad æternas damnatorum pœnas applicare. Nihilò est aptior ad infernum indicandum terræ motus & ingens grando: vt faciliè cerneret, qui attentè perspexerit horum symbolorum elegantiam.

Denique in huiusmodi rerum consequentia tantam interpretes difficultatem inuenerunt, vt iudicauerint, quidquid in versu 19. dicitur (scilicet, *Aper- tum est templum Dei in celo, &c.*) non ad septimam pertinere tubam, sed ad nouam aliam visionem, quæ in capite 12. continuetur. Itaque arbitrantur ex hoc versu exordienti fore caput sequens. Ita ex Græcis Andreas; & ex Latinis Ioachimus, Rupertus, Hugo Cardinalis, Anselmus, Albertus, Pannoni- us, & alij. Omitto Aretam, qui licet seorsum nouum caput conficiat ex versu decimo nono, asserit tamen, hoc esse tertium *ve*. In quo existimat hunc versum ad septimam tubam pertinere. Et quidem hac in re collineauit Aretas. Etenim præterquam quod communis distinctio, quam admittit Ecclesia, nos docet, grandine magnā plagam tubæ septimæ compleri, & nouum argumentum ordiri à magnò illo signo, id est, à muliere amicta sole: præter hanc, inquam, communis distinctionis auctoritatem, qui mysterium plagæ septimæ probè tenuerit, nec non magnæ grandinis symbolum; dubitare non poterit, quin magna hæc grando septimam plagam perficiat. Nam absque huiusmodi grandine nihil aliud fuerat prædictum, quod dignè plagæ septimæ grauitatem ponderaret. Adhæc, proportio & conuenientia septimæ huius plagæ cum plaga item septima capituli 16. & cum septima etiā Aegypti plaga (de qua Exod. 9. 22.) probat efficaciter magnum profectò latere mysterium in eo, quod in hisce tribus locis grando magna semper in loco septimo reponatur.

His ita præmissis de tubæ huius septimæ mysterio variæ iactantur sententiæ. Atque vt à Dei & Christi regno, quod eali gaudio celebratur, ducamus exordium, alijs placet, hoc esse referendum ad tempus victoriæ ex Antichristo partæ. Ita Seraphinus sequutus fortasse Ioachimum, qui exponit de tempore magnæ cuiusdam libertatis; quæ pertinet, vt ille ait, ad Spiritum sanctum. Alij referunt ad tempus libertatis Ecclesiæ sub Iustiniano Imperatore. Sic Aureolus, Antoninus, Lyranus, Ederus, & Lizarazus. Alij ad ipsum vniuersalis iudicii diem, vt Andreas, Aretas, Beda, Primasius, Albertus, Ribera, & Viegas.

Primas duas declarationes satis constat cum septem plagarum argumento non consentire: id quod

**A** sufficit, vt eas prætermittamus. Tertiam verò dicit aliquis non male coherere, vt post sex plagas, quibus Deus in hac vita perfidos percussit Iudæos, septima addatur de vindicta, quam de illis Deus in die iudicii sumet. Præterea huic ipsi de iudicii die explicationi fauere videntur duo imprimis argumenta. Primum est, quia textus planè meminit vniuersalis mortuorum resurrectionis, necnon iudicii & præmij Sanctis tribuendi, atque supplicij pariter improborum. Hæc enim omnia apertè sonant verba illa, *Tempus mortuorum iudicari, & reddere mercedem seruis tuis pusillis & magnis, & exterminandi eos, qui corruerunt terram.* Secundum est; quod textus ait de Dei atque Christi regno, aptè satis verum redditur in extremi iudicii die; vt probant illa Pauli verba 1. Corinth. 15. 24. *Deinde finis, cum tradideris regnum Deo & Patri,*

**B** Nihilominus expositio hæc mihi non probatur. Primò, quia in ea præstituitur, sermonem hic esse per anticipationem de die iudicii; & postea ad Antichristi bellum fieri regressum (imò ad incarnationis mysterium, vt docent Ambrosius & alij.) Atqui huiusmodi anticipationes, & ordinis perturbationes, nisi necessitas cogat, admittendæ non sunt; aut ni fortè prudentia atque elegantia videantur exigere ob singularem aliquam rationem anticipationes huiusmodi & perturbationes. Quæ omnia hic omnino deficiunt. Nam, vt infra videbimus, absque aliqua ordinis perturbatione declaratur contextus; & ostenditur, symbola in hoc loco usurpata, esse maxime idonea ad significationem eorum, quæ in ijs adumbrantur. Nec aliqua vrgebat ratio, vt ex Iudæi populi persecutione in Ecclesiam commota repente ad diem iudicii fieret transgressio.

**C** Deinde, quia Concupiscentias & Furias (quæ in quinta, & sexta plaga continentur) recto ordine consequebatur plaga obdurationis ac pertinaciæ, qua Deus in hac vita populum Iudaicum percussit. Ad quam significationem elegans symbolum, & in sacra Scriptura vsitatum, est grando magna, quæ hoc caput absoluit. Nec alia est grandinis significatio in plaga septima capituli 16. vbi tamen agitur de quorundam ex Gentibus obduratione. Ex hac autem animaduersione colligitur planè distinctio septimæ huius plagæ capituli 11. & magnæ grandinis c. 16. Aliter enim vtrique plaga confunditur. Nec potest discriminis inter vtramque congruens reddi ratio, cur ex quatuordecim Apocalypseos plagis septima & quartadecima inter se confundantur; & vtriusque significatio sit de æternis inferorum pœnis.

**D** Tertio, si symbola vtrumque, fulgurum, terræ motus & magnæ grandinis ad pœnas inferorum aptentur; certè Apocalypsi subtrahitur symbolica significationis excellentia. Etenim, si rectè huiusmodi symbola inspiciantur; certum est, illa ad alias significationes elegantius transferri: vt in tribus primis vidimus cap. 4. & 6. atque in vltimo videbimus in hoc capite 11. Quin imò ita est generatim receptum, vt propria tonitruorum & fulgurum significatio spectet coniunctionem celestis fortitudinis & admirabilis exempli in Euangelij promulgatione. Terræ motus autem significatio est mutatio rerum: grandinis verò (vt postea planum fiet) obduratio peccatorum. Quare violentum profectò est, vsitatas in sacris Literis horum symbolorum significationes, easque perelegantes prætermittere; vt ad diem iudicii, & ad æterna improborum supplicia importunā transiitio deueniatur. Præter hæc, multos interpretum impulit hæc ratio (etiam ex ijs, qui in tuba septima de die iudicii sermonem esse putabant) vt nihilominus in fulguribus ac vocibus ad Euangelij prædicationem regrederentur.

Reliuntur  
duæ priores  
inter presen-  
tationes.

Argumenta  
pro 3. expo-  
sitione.

Refutatur  
3. expositio.  
1. Ratio  
contra 3.  
expositio-  
nem.

Secunda  
ratio.  
Traditur  
vera septi-  
ma plaga  
interpretati-  
o, de Iu-  
daeorum ob-  
duratione.

Probat  
nostra expo-  
sitiō, & pa-  
riter tercia  
superius do-  
cta impu-  
gnatur.

Difficultas  
tempo-  
ris in hoc  
loco ad quas  
expositionis  
Syries in-  
terpretes  
non paucos  
impegerit.

Varia ex-  
plicationes  
de septima  
tubæ my-  
sterio

1. Opinio  
exponentiū  
de victoria  
ex Antichr.  
partæ.  
2. de tempore  
libertatis  
Ecclesiæ sub  
Iustiniano  
Imperatore.  
3. De ex-  
tremi iudi-  
cii die.

Quartò,



Quartò, in capite 12. dubium non est, agi de Ecclesiæ transitu ad Gentilitatem Iudaico populo derelicto. Ex quo sit manifestum, quod antecedit (nempe septimam plagam) non fore vniuersalis Iudicij diem, sed Iudaici populi obdurationem. Hæc enim duò sunt maximè inter se connexa, videlicet Iudæorum obduratio & Ecclesiæ migratio ad Gentes, vt paulò infra apparebit.

Quintò, illud præ ceteris nostram sententiam suadet, quia quidquid textus in plaga septima exprimit, congruentissimè ad Iudaici populi obstinationem applicatur. Quamobrem, cum adeò certum sit, tubarum plagas esse septem illas, quibus Deus in Iudæos animaduertit, & ex plaga vltima fieri

A transitum ad Ecclesiæ transmigrationem ex Iudæis ad Gentes: vocari in dubium non potest; quin, si quod in hac plaga septima textus affirmat, idoneè ad populi Iudaici obdurationem applicetur, id debeat esse verus germanusque sensus. Quod verò in Apocalypsi vsque ad vndecim capitis finem de Ecclesiæ bello in Iudæos suscepto instituat sermo, & à capite 12. de eiusdem Ecclesiæ bello aduersus Gentes; hoc inquam, satis stabilitum est suprà, tum in procemio notat. 12. tum etiam in capitum præcedentium commentario.

Reliquum modò sit, ostendere cògruentem hanc contextus applicationem ad obdurationem Iudaici populi, id quod in sequenti commentario patebit.

## T E X T V S.

B *Vers. 15.* Et septimus Angelus tubâ cecinit: & factæ sunt voces magnæ in cælo dicentes; Factum est regnum huius mundi, domini nostri & Christi eius, & regnabit in sæcula sæculorum. Amen.

## C O M M E N T A R I V S.

C **H**ic sese imprimis menti offert dubitatio, quid scilicet habeat commune cum Iudaici populi obstinatione, subiectio regni mundi Christo, & Christi ipsius regnum perpetuò duraturum? Responso autem est huiusmodi: quemadmodum in diuino decreto connexionem habet vocatio Gentium cum Iudæorum reprobatione (vt enim Deus Gentibus Euangelij lumen impartiret, Iudæorum permisit cæcitatem, vt docet Paulus ad Roman. 11.) haud aliter Ecclesiæ patuit obduratio ac reprobatio Iudaici populi eodè tempore, quo sanctis innotuit Euangelicæ prædicationis ad Gentes initium, & porta ad ipsius Euangelij penetralia vniuersis mundi nationibus referata. Hæc enim duò in diuinæ prouidentie consilio coniuncta inter sese & copulata erant. Idcirco dilucidè constat, ad tractatum de Iudaicæ gentis reprobatione pertinere Gentilici vocationem: atque hanc eandem vocationem Gentium, quam prænunciat Deus, esse extremæ in Iudaico populo calamitatis (id est, obdurationis ac reprobationis) exordium. Propterea quòd, vt iam diximus, Gentium vocatio, & obcæcatio Iudæorum connexæ sint; & ad plenum Gentilicæ vocationis effectum, in diuini consilij ratione, Iudæorum repulsa pro medio instrumento accipi deberet. Quare, cum dicitur Deus portam Gentibus patefacere; perinde est quasi dicatur, eam velle Iudaico populo claudere. Circa hæc autem notanda sunt Hieronymi verba in id Matthæi 15. 24. *Non sum missus, nisi ad oves, quæ perierunt domus Israel.* Vbi sic habet; *Non quòd & ad Gentes non missus sit, sed quòd primum missus sit ad Israel; vt illis non recipientibus Euangelium, iusta fieret ad Gentes transmigratio.*

Iam, quòd regnare Dominum, & Christum eius in mundo, soleat in sacris Litteris ad Gentium conuersionem referri, liquet ex Psalmo 96. *Dominus regnauit, exultet terra, latentur insula: multæ: nubes & caligo in circuitu eius; iustitia & iudicium correctio sedis eius, &c.* Argumentum enim huius Psalmi non est aliud, quàm vocatio Gentium; vt in eius commentario videbimus. Idemque dixerim de Psal. 98. *Dominus regnauit, irascantur populi.* item Psalmo 92. *Dominus regnauit, decorem indutus est, indutus est Dominus fortitudinem.* Quem ad locum clarè alluditur infra, cum dicitur, *Accepisti virtutem tuam magnam, & regnasti:* de quo ibi. Huius locutionis fundamentum illud est. Cum enim Deus antea vni populo Israelitico notus esset, præterea nemini; non vtique in mundo videbatur regnare; nec spirituale eius regnum, vniuersalem monarchiam, sed peculiarem referebat principatum. Atqui regnare Deum, idem est, ac propalam ostendi Dominum vniuersalem, & cunctis mundi nationibus dominantem; quas omnes infinito suo amplexu coërcet septemplex diuinæ prouidentie spiritus.

D Cum ergo primis fidelibus fuit diuinitus prænunciatum, Dei regnum vniuersis nationibus communicari; & diuinum decretum iam impleri, Ecclesiam propagandi suam ad extremos vsque mundi limites, & Gentes omnes gratiâ Euangelicâ alliciendi & inuitandi: tantâ hæc Ecclesiæ sublimitate & gloriâ à se ipsis expectatâ, & felicissimis tantæ operis exordijs sum mopere fideles fuere latitati. Atque ingentes voces illæ & clamores qui in cælo personant, indicant gloriosissima laudum præconia, quæ Deo Christiani primitiui dederunt. Cæli enim nomen Christianæ Ecclesiæ in Apocalypsi tribui, vidimus cap. 4. Peripituum autem est, per mundi regnum denotari regnum vniuersale: sicut & dicere duraturum fore in sæcula sæculorum, indicat ipsius perpetuitatem. Quasi dicatur Christiana Ecclesia esse catholica & permanens, hoc est, vniuersas nationes complectens, & in æternum mansura.

*Quorsum hic cum Iudæorum obduratione, subiectio regni mundi Christo & regnum ipsius Christi perpetuum componatur?*

*Iudæorum obstinatio & Gentium electio in diuina prouidentia coniuncta.*

*Regnare Deum & Christum eius in mundo, sæpe in sacris Litteris ad Gentium conuersionem refertur.*

*Voces magna à cælo exaudita quid indicent.*



## T E X T V S.

*Vers. 16.* Et viginti quatuor Seniores, qui in conspectu Dei sedent in sedibus suis, ceciderunt in facies suas, & adorauerunt Deum, dicentes :  
 17. Gratias agimus tibi Domine Deus omnipotens, qui es, & qui eras, & qui venturus es; quia accepisti virtutem tuam magnam, & regnasti.

## C O M M E N T A R I V S.

*Per Seniorū  
adorationē,  
quid signifi-  
cetur.*

**V**IDE suprā cap. 4. versu 10. vbi ostendimus, per seniorum siue presbyterorum adorationem significari Christianæ Ecclesiæ sacrificia, quas Missas dicimus; hæc enim est excellentissima ratio, ingentia Dei opera celebrandi. Verbum autem *Gratias agimus*, vt ex græco patet, idem significat, quod, *Eucharistia sacrificium offerimus*; scilicet pro vocatione Gentium, vt diximus versu præcedente. Id enim ipsum hic denotat phrasis illa, quæ affirmat regnare Deum. Atque id ipsum magnopere congruit cum plaga septima, vt superiori versu explicatum est. De illa verò loquutione, *Qui es, & qui eras, & qui venturus es*, dictum à nobis est latè cap. 1. notat. 3.

*Vers. 17.  
Allusio ad  
Psalm. 92.*

**Q**VIA ACCEPISTI VIRTUTEM TVAM MAGNAM ET REGNASTI.] His verbis habetur respectus ad Psalmum 92. vbi dicitur, *Dominus regnavit, decorem indutus est, indutus est Dominus fortitudinem*. Idem enim est virtus, ac fortitudo. Et accipere virtutem, non aliud est, quàm indui virtute. Quippe ideo accipitur vestis, vt induatur. Simili phrasi dixit Ephesij Paulus cap. 6. 13. *Accipite armaturam Dei*. Item Ioannis 13. 12. *Accipit vestimenta sua*.

## T E X T V S.

*Vers. 18.* Et iratæ sunt Gentes; & aduenit ira tua, & tempus mortuorum iudicari, & reddere mercedem servis tuis Prophetis, & Sanctis, & timentibus nomen tuum, pusillis & magnis, & exterminandi eos, qui corruperunt terram.

## C O M M E N T A R I V S.

*Præterita  
pro futuris.*

*In Gentium  
ira allusio  
ad Psalm. 2.*

**E**T IRATÆ SVNT GENTES ET ADVENIT IRA TVA.] His in verbis præterita pro futuris accipiuntur. Et præterquam quod phrasis hæc Prophetis est familiaris; eam in hoc loco oportuit vsurpari propter allusionem ad Psalmum 2. in quo hæc eadem prophetia per præteritum enunciatur. Dicitur enim, *Quare fremuerunt* (siue iratæ sunt) *Gentes?* Et infra. *Tanquam vas figuli confringes eos*. vbi sermo est de Deo. Itaque vtrumque eorum, quæ in hoc versu dicuntur, nempe, *Iratæ sunt Gentes, & aduenit ira tua*, desumptum est ex Psalmo 2. Et sane postquàm Deus primitivæ Ecclesiæ fidelibus suum de vocatione Gentium decretum, & admirandi huius operis exordium prænuntiavit; postquàm fideles ipsi eidem debitas grates egerant ob insigne illud beneficium in suam Ecclesiam collatum, cum ei Gentes omnes subiicere decrevit: addunt deinceps, sibi ignotum non esse Euangelicæ prædicationi Gentes initio pertinaciter restituras; sicut scriptum est in Psalmo 2. huic tamen Gentium iræ nouissimam Dei iram (qua ipse imprimis gloriatur) successuram, quæ mysticā de ipsis vindictamumat: atque hac ratione Gentilium persecutionem in ipsorum Gentilium conuersionem redundaturam, vt in secundo Psalmo fuerat à Davide prædictum, *Dabo tibi Gentes hereditatem tuam & possessionem tuam terminos terræ*.

*Quod ap-  
pellatur hic  
tēpus mor-  
tuorum iu-  
dicari.*

*1. Opinio  
exponens  
extremi iu-  
dicii diem.  
Impugna-  
tur præce-  
dens inter-  
pretatio.*

*Traditur  
vera exposi-  
tio de mysti-  
ca resurre-  
ctione, per  
allusionem  
ad extremi  
Iudicii diē.*

**E**T TEMPVS MORTVORVM IUDICARI, ET REDDERE MERCEDEM SERVIS TVIS, ETC.] Primarius, Beda, Andreas, Aretas & alij, vt credant, 7. tubæ plagam esse illam, quā extremi iudicii die sunt improbi perpeffuri; eo solum nituntur fundamento, quod in hoc versu expressa sit mentio de mortuorum tempore: quod non aliud esse videtur, quàm generalis resurrectio. Deinde sequitur, *iudicari*: postea sententiæ ipsius executio, id est, *Reddere mercedem servis tuis, & exterminare eos, qui corruperunt terram*. Huic tamen argumento, vt faciam satis, assero in ænigmate nouum non esse, vt aliud sonet, aliud significet. Fateor ergo in huiusmodi verbis allusionem ad diem Iudicii, elegantem fieri; præcipua tamen significatio de die illo esse non potest propter rationes eas, quas notatione tractauimus.

Adhæc, non hic est solum Scripturæ locus, in quo sub propriæ resurrectionis specie legitimus sit resurrectionis mysticæ sensus. Expende illud Pauli ad Ephes. 5. 14. *Surge, qui dormis, & exurge à mortuis, & illuminabit te Christus*. Quæ cum ita sint, non inficior, *aduenisse tempus mortuorum*, idem esse, quod *aduenisse tempus resurrectionis mortuorum*. Ceterum locutionem hanc aptissimam esse affirmo, vt ænigmaticè indicetur Gentilium sanctificatio, & cælestis Spiritus eisdem liberaliter largiendus. Quod si antecedentia verba de vocatione Gentium agunt, vt ex superioribus constat, quid, obsecro, congruentius, quàm si asseratur, appropinquare iam tempus, cum Deus mortuis fuerat vitam daturus? Rursus, si hoc ita est, ipsa ad Iudicii diem allusio inuitat, atque alludit, vt mortuorum resurrectioni mentio Iudicii subiiciatur. Et verò non parum habuit congruentiæ

cum



A cum plagæ septimæ argumento adiectio illa admirabilis Dei iudicii post mysticam Gentium resurrectionem : quod Dei iudicium splendescit imprimis in ipsarum Gentium vocatione, & sanctificatione ; adiecta pariter Iudaici populi repulsâ. Ideoque post *tempus mortuorum* additum fuit, *Iudicari*. Aut fortasse verbum hoc refertur ad iudiciû illud cōtra Idololatriam, de quo Christus Ioan. 12. 31. *Nunc iudicium est mundi.* & Isai. 42. 4. *Donc ponat in terra iudicium.* Perstante adhuc allusione eadem ad vltimi iudicii diem, additur mox ; *Et reddere mercedem seruis tuis Prophetis*. Nam simul cum incredibili gaudio ex Gentium conuersione parto Deus in hac vita suis Prophetis (id est, Euangelij prædicationis ministri) copiosam retulit mercedem, & summi solatij triumphum. Quemadmodum innuit Paulus, quando eos, quos ipse ad Christi fidem euocarat, suum gaudium & coronam appellat.

Verbum iudicari, ad quid referendum sit.

B ET SANCTIS ET TIMENTIBVS NOMEN TVVM PVSILLIS ET MAGNIS.] Prosequitur adhuc allusio ad iudicii diem, dum dicitur merces hæc eximia non solum Prophetas, id est, Euangelij prædicatores attingere, sed etiam Sanctos omnes ; & eos, qui Dei nomen colunt ac reuerentur ; & postremo eos omnes qui in sanctitate siue maxime excellunt, siue mediocriter prouecti sunt. Hæc est locutionis huius figura : qua significatur, gaudium ingens de Gentium conuersione non solum ad eximios sanctitate viros, & ad strenuos Euangelij operarios, sed vniuersè ad fideles omnes & Dei amicos spectare. Etenim omnium Ecclesiæ filiorum studium & cupiditas (in illis præsertim primis Ecclesiæ ipsius temporibus.) eo ardens ferebatur, vt summi, præpotentisque Dei gloria magis magisque in dies excreceret. Pro quo ardenti desiderio, magna illos contingit pars spiritualis huius voluptatis, quæ ex Gentilitatis conuersione percipitur. Hæc ferme ratione inter Religiosos viros dici solet, licet fructus, qui ex animorum conuersione capitur, videatur magis propriè ad concionatores & confessarios pertinere ; huius tamen fructus partem sibi vendicare fratres eos qui temporalibus domus ministerijs sunt addicti, vt coquum, ianitorem, & reliquos : siquidem vniuersum vnum idemque religionis corpus conficiunt. Atque hæc consociatio & vitæ communio causa est, vt summos & infimos hoc gaudiû & solatium ex maximo Religionis fructu proueniens attingat. Et ad expendendam magnitudinem gaudij, quod ex Gentilitatis conuersione percipit vniuersa Ecclesia (quæ & magnos, & paruos amplectitur) nihil aptius.

C ET EXTERMINANDI EOS, QVI CORRVPERVNT TERRAM.] Hæc verba congruenter referri existimo ad idolorum euerfionem. Nam siue contextum, siue phrasim attendas, hic sensus egregie concinit.

## T E X T V S.

*Vers. 19.* Et apertum est templum Dei in cælo : & visa est arca testamenti eius in templo eius : & facta sunt fulgura & voces & terræ motus & grando magna.

## C O M M E N T A R I V S.

D N E C E S S E est, (vt suprà aduertimus) hunc versiculum applicare ad Iudæorum rebellium obdurationem. Vt ergo significetur Iudaico populo propter ipsorum scelera detraxisse Deum arcam testamenti ; eleganter inducitur in hoc loco ipsa testamenti arca, quæ in Iudaici populi templo esse prius solebat, in cælum iam translata. Ad eundem ferè modum fingit Ouidius in primo *Metamorph.* virtutes terrarum regionibus derelictis, in cælum conscendisse :

Quid significet arca testamenti in cælo visa.

*Vltima caelestium terras Astræa reliquit, &c.*

E Quod autem arca Dei in cælum commigrarit, elegantem continet cum summa energia significationem. Denotat enim, quod Dei arca figurabat, id nequaquam iam apud Iudaicum populum (qui, vt suprà vidimus, terra est,) reperiri : sed in cælo mystico, quod est Christiana Ecclesia ; vt capite quarto explicuimus. Quamobrem cum Ioanni templum caeleste pateret, id est, Christianæ Ecclesiæ templum ; cumque Deus noui huius templi mysteria illi refferet : vidit arcam, quæ in Iudaico quondam templo sedem ac domicilium fixerat, dereliquisse terram, & cælum conscendisse : atque adeo Iudæos à Deo fuisse penitus desertos, abiectos, induratos, repulsos. Omitto accuratiorem arcæ explicationem ad notationem 14. Non tamen mihi temperare hic possum, quin verba Magni Leonis subiiciam ; ea sunt sermone 8. de passione Domini post medium ; *Traxisti (ait) Domine omnia ad te ; cum in execratione Iudaici sceleris, scisso templi velo, sancta Sanctorum ab indignis Pontificibus recesserunt : vt figura in veritatem, prophetia in manifestationem, vt lex in Euangelium verteretur.*

Quid sibi velint hic fulgura & voces.

ET FACTA SVNT FVLGVRA ET VOCES ET TERRÆ MOTVS ET GRANDO MAGNA.] Nul- lum aliud symbolum potuit, opinor, elegantius, aut significantius vsurpari ad horribilem Iudæorum obdurationis plagam exprimendam, quàm id, quod hic proponit Apocalypsis. Quippe nulla alia res clariùs ostendit improborum obdurationem, quàm vt eo peruicaciæ & obstinationis delatueniant ; vt quantunvis admirabili vitæ caelestis exemplo & excellenti doctrinâ doceantur ; hoc tamen propter eorum peruersitatem ad nihil aliud, quàm ad grauiorem ipsorum cordis duritiem conferat. Vt igitur figuretur Apostolica prædicatio sanctissimis exemplis & miraculis planè diuini comitata, vidimus iam cap. 4. mirificum esse symbolum tonitrua ac fulgura. Ad terribilem vero obdurationem nihil potuit adduci congruentius, quàm grando magna, vt notatione 15. probabimus.



*Cum alibi fulgura, voces & tonitrua: hic verò solum fulgura & voces coniungantur.*

*Terramotus hic quid denotet.*

Præter hæc, si in hoc loco per voces non significantur tonitrua; sed concionatorum voces & clamores: cum alibi *Fulgura & voces & tonitrua*; hic, *Fulgura & voces* tantummodò apponantur, indicabit profecto, vni illam celestem atque diuinam, quam Deus cum prædicatoris luce ad peccatorum conuersionem coniungit, quæque in tonitru figuratur, & sceleratos prosternt, deiecit. & ad Deum tremantes ac stupefactos conuertit; hanc, inquam, meritissimo Dei supplicio, in prædicatione, quæ ad Iudæos fiebat, fuisse desideratam. Cum ipsis prædicari perinde esset, atque illos per occasionem reddere obstinatiores.

Symbolum autem terramotus, qui inter voces & grandinem interponitur, denotat, sicut & alias, ingentem nouitatem & mutationem, voces scilicet prædicatorum cum admirabili sancti monia & clarissimis miraculis coniunctas, quæ sceleratorum mollire duritiem, atque adeò frangere ferrea corda deberent; nullius iam vñs, aut emolumenti in Iudæorum animis esse, nisi ut eos magis magisque obducent. Quid, quæso, posset excogitari elegantia plenius ad exprimendum infelicem ac miserabilem statum, quò Iudaicus populus, extrema hac plaga ceterarum grauissima, peruenit.

## NOTATIO XIV.

*De germana significatione arcæ Dei, & eorum, quæ ad arcam spectant.*

**Q**UÆ ab alijs significationes tradi solent, videri possunt apud Allegoriarum sylvam, & apud Riberam libro secundo de Templo capite tertio. Mihi fuerit satis in præsentī significationem eam, quæ mihi maximè probatur, & quæ optimè mysterio plagæ septimæ deseruit, paucis proponere.

Imprimis intra arcam solum erant tabulæ legis: quamuis ad arcam etiam pertinerent, Primò Propitiatorium; secundò Cherubini à Mose fabricati, & supra ipsum propitiatorium constituti: tertio virga Aaronis & vrna Marina; quæ simul erant cuncti arca, non tamen intra illam; vt optimè probat Ribera libro secundo de templo cap. secundo. Quartò Scriptura sacra, quæ ad latus arcæ erat; vt colligitur ex eo, quod præcepit Moses Deuteronomio 31. 26. Nec magni refert meo iudicio discernere, num Scriptura intra arcam, an iuxta illam fuerit.

Deinde, quævis Apocalypseo textus asserens paruisse cæli templum, non exprimat aliud inibi singillatim fuisse visum præter arcam testamenti: verum tamen procul dubio cum arca Apocalypsis coniungit quidquid ad arcam ipsam pertinet, quamuis intus non fuerit. Nam de illis omnibus eadem est ratio, quod attinet ad arcæ translationem in cæli templum, id est, ad Ecclesiam Christianam. Atque ita Paulus etiam ad Hebræos 9. coniungit cum arca vnam auream, in qua erat Marina, & Aaronis virgam.

Tertio, existimo aptissimam, & valde propriam significationem arcæ, in qua legis tabulæ erant inclusæ, esse diuinæ legis obseruationem. Cum autem dicitur arca ad cælum translata, innuitur non obscure veram diuinæ legis obseruantiam non amplius apud Iudaicum populum fore. Quantumuis enim aliquot legis præcepta ac caeremonias materialiter (vt dicitur) custodirent; præcipua tamen mandata transgrediebantur: proptereaque Deum sibi habebant infensum: quin & caeremoniarum legis obseruatio iam contra legem ipsam militabat; præsertim post annos quadraginta, qui designati sunt bene longo intervallo, vt synagoga cum honore sepeliretur. Itaque legis quidem obseruantia apud Iudaicum populum iam non erat: erat tamen verè ac perfecte apud Christianæ Ecclesiæ templum. Exempli gratiâ: Iudæorum circumcisio legis est non iam obseruatio, sed transgressio: vera tamen circumcisio, quam à nobis exigit Deus, nempe spiritualis, in Christiano populo imprimis viget: id

**B** quod de reliquis caeremoniis est dicendum.

Quartò propitiatio siue Propitiatorium est peccatorum remissio, & diuinæ providentiæ singulare patrociniū: hac verò propitiatione certum est Iudæos prorsus carere, Christianos in Christo & per Christum cumulatissime frui: atque ita interpretatur Paulus ad Rom. 3.

Quintò, Cherubini, vt vidimus capite quarto notat, nona, denotant veram sapientiam ac sanctitatem: ex his enim componitur, & quasi coagmetatur Dei thronus, in quo ipse requiescit. Significat autem Apocalypsis, iam apud Iudæos, nec verā sapientiam; nec veram sanctitatem remanere; ac proinde nec Dei thronum apud illos, sed apud Christianam Ecclesiam reperiri.

Sextò, veram legis obseruationem comitantur duo, quæ in virga Aaronis & in Manna vna conuenienter figurantur, nimirum manifesta diuinæ potentiæ contra Iudaici populi hostes ostentatio, nec non admirabilis beneficentia ac providentia suauissima ad ipsius populi patrociniū. Quod enim virga ad inimicos debellandos pertineat, facile intelligitur ex eo, quod Moisaica virgæ miracula fere omnia in Egyptiorum supplicia redundarint. Vnde est illud Psalmi 109. 2. *Virgam virtutis tue emittet Dominus ex Sion; dominare in medio inimicorum tuorum.*

**C** Vrna verò Manna perspicuum est providentiæ suauissimæ symbolum, & fauorū ac gratiarum, quibus Deus suos filios affatim cumulat. Horum igitur duorum vtrumque à Iudaico populo abest longissime; & in populo Christiano affluenter inuenitur. Mystica autem virgam ad hostes debellandos ac subigendos, locus ille Psalmi, quem paulò ante retulimus, describit elegantissime, *Virgam virtutis tue, &c.* vt in eius Psalmi commentario explanabimus. Mystica etiam vna Manna (qua maximā Dei beneficia, ac cælestes deliciae, quibus suos familiares Deus ipse permulcet) appositè ad Christianæ Ecclesiæ Sacramenta accommodatur; præsertim tamen ad sacram Eucharistiam, & ad incredibilem voluptatem, quam ex pijs libris, ex sacris cohortationibus, ex diuinis consolationibus per cælestium rerum commentationem & contemplationem, Christianæ Ecclesiæ filij percipiunt.

**D** Septimò denique, Scriptura sacra non iam in populo Iudaico manet potestate: si quidem verā ipse caret intellectu: manet autem ac persistat in Christiano populo; cui Deus, inter cetera beneficia præstantissima, hoc tribuit singulare.

*Quid per arcam Propitiatorium significetur.*

*Quid per Cherubinos arcam impositos.*

*Quid per Aaronis virgam & Mannam.*

*Quid intra testamenti arcam: quid iuxta, fuerit.*

*Quomodo testamenti arcam in celo fuerit Ioannis visa.*

*Quid arca significet.*



## NOTATIO XV.

In qua colliguntur exempla grandinis magnæ.

**A**PUD Latinos aliud est lapidibus plueri, aliud grandine quantumvis magna. Legimus quidē apud Plinium libro secundo cap. 58. veros aliquando lapides cecidisse (de quo etiam Alexander ab Alexand. libro quinto capite vigesimo quinto,) vnde olim apud veteres nouemdiale institutum erat sacrificium peragendum quocumq; tempore lapides pluerent. Et sanē res fuit non semel oculis vsurpata. Quin imō nostra ætate in Arequipa Peruijani regni vrbe lapidibus depluisse multorum testimonio & literis accepimus. De grandine autem valde magna, quod quidem ipse viderim, non meminit Plinius.

In sacris tamen Literis sit mentio grandinis horribilis Exodi 9. 24. quæ tantæ fuit magnitudinis, quanta antè nunquam apparuit in vniuersa terra Aegypti; ex quo gens illa condita est. Et percussit cuncta, quæ fuerant in agris, ab homine vsque ad iumentum: deciditq; fulminibus ac tonitruis glomerata; & grando & ignis missa pariter ferebantur. De hac eadē gr. n. line Aegypti dicitur Sapientia 5. 23. A petrosa ira plenæ mittuntur grandines.

2. Præterea Iosue 10. 11. misit Deus contra Amorrhæos lapides magnos de celo. Et mortui sunt multo plures lapidibus grandinis, quàm quos gladio percussērūt filii Israël: quantumvis facta fuerat ingens à militibus occisio. De grandine item hac dicitur Ecclesiastici 46. 6. In saxis grandinis virtutis valde fortis oppugnatos à Deo fuisse hostes. Vide etiam Ezech. cap. 38. numero 22. grandinem lapidum immensorum contra Gog.

3. Grandinem quidem iuglandium siue nucum magnitudine sæpius fuisse visam, affirmatur. Illud autem valde est mirabile, quod narrat Ludouicus Clauitellius folio 82. nempe cecidisse anno 1234. in agro Brixienti & Cremonensi grandinem crassitudinis nucum; in qua impressum erat, Iesus Nazarenus. Quod verò ad magnitudinem nucum attinet, eiusdem quantitatis & maioris etiam depluit grando Hispali die vndecimo Octobris anno 1603. quam me videre memini.

4. Grando oui gallinacei magnitudinem adæquans à multis visa fuit. Nec plures sunt anni, cum Car. orle in oppido ad Bxtica confinia sito conspecta fuit. Et anno 1514. die quinto Augusti, Cremonæ & in eius agro eiusdem magnitudinis grandinem pluuisse, auctor est idem Clauitellius fol. 260.

5. Non desunt, qui affirmant cecidisse grandinem aliquando magnitudinis imitari humani capitis. Ita referunt ex Isidoro Conimbricenses in suis Meteoris cap. de grandine. Idemque asseuerat Olaus

**A** Magnus de regionibus Septentrionalibus libro 1. capite 22. sine. id quod ab eo videtur recenseri, tanquam res in ijs regionibus vulgaris & oculorum consuetudini perua.

Nec minor erat, opinor, grando, quam refert Clauitellius fol. 306. vbi ait, anno 1537. mense Augusto in agro Bononienti vehementem cecidisse grandinem sanguine mistam, ex qua grana aliquot fuerunt ponderata librarum viginti octo, quæ triginta sex vncias supra centum conficiunt, si libris singulis duodenæ vnciæ tribuantur.

Eiusmodi ferè est illud, quod refert Tripartita libro 7. capite 22. nempe Constantinopoli grandinem saxorum magnitudine vehementer effusam, quarto Calendas Iunias, anno trecentesimo sexagesimo nono.

**B** Anno etiam quadringentesimo sexto, pridie Calendas Octobris, cum clarissimum illud Ecclesiæ lumen diuus Ioannes Chrysostomus fuit in exiliū actus, terribilis etiam grando in Constantinopolim depluit: quod refert Tripartita lib. 10. capite 20. & Nicephorus libro 13. cap. 36. eandem refert historiam, ex cuius tanten narratione constat, grandinem illam non adeo fuisse magnam, vt eam, quæ Clauitellius Bononiæ pluuisse affirmat. Verba Nicephori sunt, Pluribus in locis grando saxi manuarijs maior, & circiter octonarum librarum pondus trahens, deferri visa est. Octo quidem libræ nonaginta sex vncias non amplius continent, si cuiuslibet libræ duodecim vnciæ reddantur.

Iacobus Meyerus in Flandriæ annalibus an. 1435. ait, Nonis Augusti grandinis, quæ cecidit, magnitudo omnem memoriam superauit.

**C** Sexto, multo adhuc maior est grando, quam depingit Apocal. cap. 16. sine. Grando magna sicut talentum. Nam talentum in Scriptura mille quingentas vncias ponderat. Atque eiusdem etiam magnitudinis esse existimo, quam ipsa Apocal. cap. 11. fin. appellat grandinem magnam.

7. Aliquod tamen glacialis gelu fragmentum multo grandius perhibent aliquando cecidisse de celo. Nam in horrenda illa grandine, quæ in Gallia sub Eugenij secundi Pontificis summum tempus decidit (quæ plures oppressit homines, vt refert Illescas in sua Pontificia historia to. 1. f. 180. 2.) frustum gelu durissimi cecidit, quod refert Illescas ex communi scriptorum sententia habuisse quindecim pedum longitudinem, sex latitudinem, & duorum crassitudinem. Noster tamen Pererius in Exodum cap. 9. §. 24. illi tribuit longitudinem pedum non amplius duodecim; pro quo citat Palmerium Florentinum in suo Chronico.

Mira grandinis magnitudo.

Grandinem ingentem Constantinopoli depluisse, cum B Chrysostomus fuit in exiliū actum.

## NOTATIO XVI.

De significatione grandinis magnæ.

**P**ER grandinem in arcano sacrarum Literarum sermone diuinam punitionem & damnatorum poenam denotari refert Laëretus in sylua ex Hieronymo, Eucherio & Georgio Veneto. Ex eisdemq; asserit, per grandinem significari cordis duritiem; aut prauorum hominum vitam, quæ & per torporem frigescit, & per duritiæ malitiam percutit. Hec ille. Vide etiam Isidorum libro de Mungo cap. 35. cuius ea sunt, Figuraliter grando, perfidia duritia est, torbore malitiæ frigida.

Enimuerò, vt huius elegantia symboli plenius intelligatur, consideranda est grandinis natura ex Arist. 1. Meteor. capite 12. & ex eius interpretibus. Grando igitur est pluuia, quæ in ipso casu gelascit & obdurescit: in cuius congelatione semper aliqua accidit antiperistasis. Dupliciter enim congelatur, videlicet aut ardenti ætu, aut vehementi frigore.

**D** Quando ætus ardore congelat, tunc quidem perspicuum est, nisi per antiperistasin, nequaquam gelatum iri; frigore nimirum aquæ magno aëris circumuectis calori, resistente, ac sese contrahente; donec tandem aqua abeat in lapidem. Quando autem frigescente aëre atque gelante, decidit grando: tunc aiunt Philosophi, ingentem illam duritiem ac rigorem ex eo provenire, quod in ipsa aqua aliquis inerat calor, qui eam extenuando efficit demum, vt aëris circumdantis frigus illam celerius ac validius constringeret.

Quibus præstitutis facile apparet, magnam grandinem esse symbolum aptissimum ad seuerissimi supplicij significationem, illius nempe supplicij, quod de misero peccatore in vltima obduratione sumitur. Cordis ergo duritia siue obduratio vsque ad mortem, propriè & eleganter per magnam

Grandinis symbolum ad seuerissimū obdurationis supplicij applicatur.

gran-

Nouēdiale apud ethiocos sacrificium quod dicitur.

Qualis fuerit grando in Aegyptios de celo demissa.

Lapides de celo in Amorrhæos missi.

Varia grandinis tum minoris, tum grandioris de celo demissa exempla referuntur. Grando nucis instar cum ea inscriptione, Iesus Nazarenus Grando oui gallinacei magnitudinem habens item humani capitis adæquans magnitudinem.

Quid per grandinem in sacris denotetur.

Exponitur grandinis natura.



grandinem denotatur. Primò, propter insolitam rei nouitatem; dum aqua, quæ ex se ita est mollis ac liquida, tantopere obdurefcit. Deinde, quia si maximus diuinæ vindictæ rigor in eo confistit, quod peccatorem ad finalem usque impenitentiam obduret: ad huius quidem furoris diuini imaginem exprimendam nihil perfectò elegantius, quam aquam in ipso casu obdurefcere. Expende illud 2. Reg. 14. 14. *Omnes morimur, & quasi aquæ dilabimur in terram, quæ non reuertuntur.* Hebraicè, *Moriendo morimur, velut aquæ effusæ in terram, quæ non colliguntur.* Vbi mors cum ipso pluuiæ guttatim decidentis casu comparari videtur, cuius pluuiæ guttæ non amplius sursum coitura ascendunt. Si ergo pluuiæ lapsus est symbolum mortis: quid aliud, obsecro, erit, ad mortem usque lapidis instar obdurefcere; nisi eatenus indurari peccatorem, donec tandem in lethali crimine decedat? Iam, quæ maior concinnitas, vt significetur duritiæ culpa semper in peccatore residere, quam illa, de qua dicebamus, antiperistasis? Aqua, dum cælo resistit; & frigori calore, calori frigore opponitur, lapidis instar obduratur. Quid hoc, nisi vt animaduertat homo; in semet inesse culpam, quod ipse cor cælitus obduretur: ed enim eius repugnantiam, peruiaciam & obstinationem cedere par erat. Nam qui nec beneficiorum calori, nec comminationum rigori cessit; dignus profectò est, vt in eundem fauor ac rigor conspirent, & obduratum deiciant, prosternant, & in damnationem æternam proprio dent pondere præcipitem.

Quantam in Apocalypsi grando magna uerè nuncupatur.

Præter hæc, quantumuis crassa sit grando materialis, licet granum quodlibet multas ponderet libras; non ideo in Apocalypsi grando magna nuncupabitur: secus tamen obstinati cordis durities, quæ illud in inferos deturbat. Etenim in eorum duritie & obstinatione, qui ad mortem usque in capitali scelere obdurati persistunt, cælestis indignatio atque ira cum primis patefcit. Et sanè, si attendatur magna strages, quam formidanda hæc obdurationis grando edit: perspicuum est, humani cordis duritiæ non esse flagellum eiusmodi, quod tecta aut agros diuerberet, sed peccatoris ipsius animum ac mentem: hac enim illos desuper cælum percutit. Atque ita improbi & scelerati homines sunt, qui tam horrenda grandine percelluntur. Quid ergo hæc grandine congruentius ad extremam vindictam figurandam? Legatur Isaia 28. 2. *Ecce validus & fortis Dominus sicut impetus grandinis.* Et cap. 30. 30. *Allidet Dominus in turbine & in lapide grandinis.*

Quid innuat Apocalypsis 16. grando magna, sicut talentum.

Iam verò, quod Apocalypsi. cap. 16. in plaga septima de mira hac grandine dicat, *Grando magna sicut talentum*; hoc imprimis habet elegantia; quia talentum est omnium ponderum maximum, pondus tamen æquum ac iustum: quin imò Græca vox propriè significat iustum pondus. Talentum autem sacræ Scripturæ appendit mille quingentas uncias: vt videbimus cap. 18. Quod mirificè deseruit, vt significetur supplicium hoc grauissimum æquè ac iustissimum esse.

Obseruandum est etiam in fine capitis 11. Apocalypseos propriè sermonem esse de obstinatione & obduratione finali Iudæorum: quæ iure optimo appellatur grando magna. Ceterum potest etiam aliorum peccatorum pertinacia & durities (vt Pharaonis) cum formidabili grandine comparari: tum

A propter rigentem duritiam, tum etiam propter repugnantiam & peruiacem obstinationem, quæ cælestibus monitis & cohortationibus resistunt. Atque ideo cap. 16. fine ubi dicitur *Grando magna sicut talentum*, agitur planè de Gétiliis aliquot pertinacia & obduratione; qui post promulgatum Euangelium, sibi quæ propalam enuntiaturum, infideles adhuc & cæci præfractâ mente resisterunt. Etenim licet quam plurimi Christianam fuerint religionem amplexi: alij tamen nec pauci in suæ superstitionis caligine permanserunt. Nam Christus postus est in ruinam & resurrectionem multorum, Lucæ 2. 34. Apud Isaia etiam non semel legimus grandinem horribilem, qua Deus aliquos percussit, cum maximâ in alios beneficentiâ coniunctam. Sic enim ille cap. 28. 10. *Ecce ego ponam in fundamentis Sion lapidem pretiosum; & ponam in pondere iudicium, & iustitiam in mensura; & subuertet grando spem mendacij.* Et cap. 32. 18. *Et sedebit populus meus in pulchritudine pacis, & in tabernaculis fiduciae, & in requie opulenta.* Grando autem in descensione saltus; & humilitate humiliabitur ciuitas. Simili ergo ratione Apocalypsis 16. fine, ubi de irruptione in urbem Romam, de quæ multorum conuersione sermo est, demum additur, *Et grando magna sicut talentum descendit de cælo in homines.* Namque ex Romæ conuersione grauior adhuc & durior obstinatio per occasionem redundauit ad eos, qui in sua cæcitate & idololatria pertinaciter remanserunt; & sapè diuinæ prouidentia consilium ed demum deuoluit, vt probi iustiores fiant, improbi obuiam pertinaciam deteriores; iuxta illud, *Qui iustus est iustificetur adhuc; & qui in sordibus est, sordescat adhuc.* Apocalypsis 22. 11. Notandum insuper est, peccatores dum in uiuis degunt, obduratione suâ in interitum ruere voluntarium: non tamen propriè obdurationem dici, nisi eam, quæ ad mortem usque persistit: quæ quidem, multò antea obdurationis curriculum init; & ex eo tempore infelix peccator incipit suæ duritiæ pondere ferri.

C Hactenus de grandine magna. Verùm Apocalypseos 8. 7. in symbolis, quæ de causis famis afferuntur, dicitur; *Facta est grando & ignis, &c.* Nec tamen vocatur grando magna. Non enim ibi agitur de cordis duritie, sed de septem plagarum minimis, nempe fame; quæ inter cælestia flagella computatur etiam, paruum tamen præ cæteris, ex quibus maximum est grando magna: tantum in arcano sermone grando à magna grandine distat. Atque ipse etiam textus nos huius discriminis admonet: siquidem tres plagas postremas asserit esse horribiles illas, quæ tribus *Væ* respondent. Rupertus affirmat grandinem magnam esse punitionem ipsam, & communem grandinem esse comminationem. Verùm tamen congruentius est, grandinem in prima plaga referri ad famem, vt eo loci exposuimus: magnam verò grandinem in plaga septima ad obdurationem spectare. Vtrobique autem respectus est ad septimam Egypti plagam: cum eo tamen discrimine, quod prima Apocalypseos plaga respexit quidem Exodi historiam, in qua grando cibaria Egyptijs sustulit. At plaga septima spectauit eiusdem plagæ Egyptiacæ mysterium, quod peccatoris obdurationem, vt suprâ diximus, figurabat. Atque hæc de capite vndecimo, & de prima Apocalypseos parte, quæ ad Iudæorum diminutionem pertinet.

Grandinem horribilem, qua Deus aliquos percussit, coniungi alij quando cum magna Dei ipsius in alios beneficentia, & huius discriminis mysterium.



## LIBER QVARTVS

QVI CONTINET  
EXPLICATIONEM

## VIII. CAPITV M,

## A XII. VSQVE AD XIX.

*In quibus agitur de bello Ecclesie cum Gentilismo, & de  
victoria quam de illo obtinuit.*

## EXORDIVM HVIVS LIBRI.

**I**N lautissimo epulo, quod Apocalypsis fidelibus apparatissime  
apponit, varia sunt fercula; prima scilicet, media, atque vlti-  
ma. Prima fercula, seu mensæ proponuntur fidelibus in tri-  
bus primis capitibus, quæ prologum agunt. Extrema con-  
tinentur in vltimistibus capitibus, quæ veluti totius sacræ  
actionis coronis prophetiam posteriorum temporum summa-  
tim complectuntur: & postremò agunt de cælestis Ierosolymæ triumpho.  
Media tamen fercula siue mensæ miri huius conuiuij (quod magis ex professo  
tractatur, quodque præcipuè ob oculos fidelium proponitur) comprehendūt  
ea capita, quæ à quarto vsque ad vigesimum interiacent. Quæ quidem ad-  
mirabili quodam vaticinio continent modum, quo Christiana Ecclesia de Iudæis,  
ac Gentibus fuerat triumphatura. Cùm autem triumphum ex Iudæis  
diuerso modo, atque ex Gentibus actura esset Ecclesia; congruentissimum ex-  
stitit, vt hæc sexdecim capita, (quæ præcipuum huius actionis scopum con-  
tinent) duas in partes diuiderentur: & prima octo agerent de Ecclesia primi-  
genia vsque ad *Iudeorum diminutionem*: & octo sequentia impenderentur in  
*Diuitias Gentium*, Romanæ Ecclesiæ felicitatem describentes. Hæ igitur  
Gentium diuitiæ, & Romanæ Ecclesiæ felicitas sunt quarti huius libri argu-  
mentum. Et quamuis argumentum libri tertij profundius sit propter septem  
figillorum mysterium: quarti tamen libri argumentum proculdubio est iu-  
cundius, quia Christianæ Ecclesiæ gloriosius. Atque ad illustriorem gloriæ  
huius considerationem prius ob oculos ponitur coniuratio malitiæ Demo-  
num cum totius Imperij Romani potentia, nec non cum sapientiæ carnalis  
calliditate atque versutia. Coniuratio (inquam) horum trium eo consilio  
inita, vt fidei Christianæ internecino bello obsisteretur. Deinde figuratur,  
quemadmodum huic bello Euangelij prædicatorum exercitus se opposuerit  
retorquendo bellum aduersus daemonis, mundi, atque carnis phalanges. De-  
scribunturque plagæ phialarum, quibus Ecclesiæ ministri pugnarunt: & po-  
stremò irruptio in Romam ethnicam facta, & egregium illud ac memorabile  
facinus, quo tandem, quæ erat idololatriæ caput ac princeps, in Christianæ  
Religionis Metropolim fuit mutata. Ex quo totius Imperii ad Christi fidem

*Quod sit  
quarti hu-  
ius libri ar-  
gumentum.*



conuersio, & diuturna populi Christiani pax & prosperitas emanauit.

Babylonem  
in Apocalyp-  
si pro Ro-  
ma ethnica  
sumi.

In hoc argumento illud vt certum præstituitur, scilicet Apocalypseos Babylonem esse Romam ethnicam; illam (inquam) antiquam Romam, quæ Christi quondam Ecclesiam persequabatur, & Christiano nomini internecinum bellum inferebat. Quæ (vt cap. 17. videbimus) est Hieronymi sententia quatuor in locis; Tertulliani in duobus, nec non Pauli Orosij; cui ex recentioribus subscribunt Hesselius, Gagneius: & ex nostris Salmeron, Bellarm. atque Suarez. Ceterum habemus firmiorē propheticum sermonem, id est, ipsius Angeli ad Ioannem explicationem manifestam, cap. 17. 18. *Mulier (ait) quam vidisti, est ciuitas magna, quæ habet regnum super Reges terræ. Et n. 9. Septem capita Bestiæ, septem montes sunt, super quos mulier sedet.* Concinit etiam, quod B. Petrus Epist. 1. cap. 5. 13 Babylonis nomine Romam designat; vt exponunt Papias Hierapolites Episcopus, & ex eo Eusebius lib. 2. historiæ cap. 15, & Hieronymus de scriptoribus Ecclesiasticis, nec non Beda ibi, atque Hesselius. Adstipulatur Augustinus de ciuitate libro 18. cap. 22. vbi Romam appellat filiam Babylonis ex locutione scilicet sacræ Scripturæ. Quapropter nemo potest mihi explicationis nouitatem & insolentiam opponere; nec erit (opinor) qui nobis obiiciat horum capitum cum antecedentibus ineptam in mea explicatione, atque adeo nullam connexionem. Quia si priorum capitum argumentum est illud, quod in nostra explicatione continetur, euidens est, nullum aliud horum capitum sequentium argumentum esse posse, nisi hoc, quod à nobis subiicitur. Ipsa enim argumenti acolutia seu consequentia postulat, vt Iudaici populi diminutionem diuitiæ Gentium & Romanæ Ecclesiæ felicitas subsequantur.

Duplex ad-  
uersariorii  
genus, se-  
quenti ex-  
positioni re-  
spondendum.

Nihilominus tamen huic libri quarti argumento duo aduersariorum generare repugnatura fore video: aliud quidem Catholicorum; qui sibi persuaferant, maris Bestiam capitis 13. esse Antichristum; & phialarum plagas ad nouissima mundi tempora sub Antichristi aduentum pertinere: deinde quantumuis Apocalyp. Babylon Romam denotet, verum non agi de veteri Roma ethnica, sed de Roma ipsa prope mundi finem. Quod ergo ad hosce attinet auctores, tora difficultas eò tandem deuoluitur, vtrumne mea contextus applicatio sit apta & cohærens, an non? Cum enim de ipsius historiæ veritate, ad quam ipse applico Apocalypsin, inter nos conueniat; si ad hanc historiam vniuersus contextus in mea interpretatione cōgruenter, exactè & consequenter aptetur, sicut ad optimam ænigmatis enodationem opus est; si hoc inquā fiat, proculdubio primum aduersariorum genus hac in parte gaudebit se vinci, & idoneæ interpretationi facile acquiescet. Aliud tamen genus aduersariorum erit, quibus mea explicatio, si congruentissima foret, eo ipso esset molestissima; ij sunt hæretici Ecclesiæ Romanæ hostes. Qui hætenus quidem nihil sibi videbuntur in mea explicatione deprehendere, in quo offendant. Nam in Iudaici populi reprobatione, (de qua à capite 4. vsque ad finem vndecimi tractatur,) & in Diuinæ prouidentię ratione, qua se Deus aduersus Iudæos æquum ac iustum re ipsa comprobauit, in hoc (inquam) hæretici ferè non à nobis dissentiant: in ijs verò, quæ à capitis duodecimi exordio inchoantur, mea illis interpretatio eò grauior sit ac molestior necesse est, quò iustior fuerit ac cohærentior. Tamen si enim nobiscum conueniant in Iudaici populi reprobatione & Christianæ Ecclesiæ ad Gentes transitione; nihil est tamen, quod ipsi magis horreant & execrentur, quàm præcipuum mei argu-







Quare Ec-  
clesia radiis  
solis ami-  
cta, stellis  
coronata, &  
lunam plā-  
tis premens  
appareat

hæc Ecclesiæ voluntas, & efficax studium orbem totum illuminandi, nihil aptius, quàm quod textus ipse refert; nimirum fœminam hanc apparuisse solis radiis vestitam, stellis coronatā, & lunā innitētem. Nam vt in rebus corporeis vniuersalis mundi lux sunt sol, luna, & stellæ: ita ad spiritalem totius orbis illustrationem nihil potuit significantius effingi, quàm mystici solis, lunæ mysticæ, & mysticorum syderum confociatio: quibus Ecclesia ad nationes omnes illustrandas amicta atque ornata est. Si enim, qui docti fuerint, fulgebunt quasi splendor firmamenti; & qui ad iustitiam erudiunt multos, quasi stella in perpetuas æternitates. Vt habetur Danielis 12. 3. Quam aliam ad rem potuit congruentius vsurpari solis, lunæ, & stellarum symbolum, quàm ad denotandam virilem animi contentionem, qua Ecclesia vniuersis mundi nationibus Euangelii lumen inuehere decreuit? Quartò, in versus secundi commentario constabit, necessarium esse, vt in hoc loco de primitiua Ecclesiâ sermo sit.

Iam, vt de sacræ fictionis huius elegantia nonnihil dicam; nã illa omnibus Poëtarum fabulis præstat. Illi enim commenti sunt, fœminam, (quam dixere Latonam) filium Ioui parituram à serpente Pythone acriter vrgeri & insectari; & ab eo fugientem in Delon insulam appulisse: atque inibi Apollinem, & Dianam vno eodemque partu fuisse enixam. In Apocalypsi autem mulier paritura filium, *Qui rectorus est omnes Gentes in virga ferrea*, Apolline ipso amictur, lunâ pedibus suppositâ nititur, & stellis caput ornatur. Romani etiam per adulationem finxerunt, Augustum Cæsarem esse solem, & vxorem ipsius lunam, vt videre est in Augusti numismatis apud Goltzium, capit. 9. 9. & capit. 32. 2. vbi tribuitur Augusto radiata corona. (Sic enim pingebatur sol) & eius vxor inculpitur imagine lunæ coronata; vt depingi solebat Diana. At in Apocalypsi mulier Ioanni ostēsa non fingitur esse sol, sed solis esse radijs amicta; nec luna cōfingitur, sed in luna pedibus esse nixa. Adhæc; Augusti vxor in illis numismatis genitrix orbis inscribitur. In præsentī verò mulier prius suum primogenitum parit, qui Gentes omnes erat rectorus; & postea multos alios filios edit in lucem; vt colligitur ex numero decimo septimo, vbi draco dicitur abiisse, *facere prælum cum reliquis de semine mulieris*.

Præter hæc; in solis, lunæ & stellarū coniunctione (vt ad eam regrediar) video vulgares picturas frequenter aberrare. Nam pictores lunam fœminæ pedibus suppositam solent vtroque acumine sursum conuerso depingere; Mathematicæ autem artis peritis euident est, si sol & luna coniuncti vterque sint, & luna ab inferiori loco ex vno latere respiciatur; vtrique lunæ cuspidem, siue acumen deorsum conuersa videri, ita vt mulier sit, non supra lunæ concuum, sed supra conuexam illius partem. Id quod ita fieri oportebat, vt mulierem supra stantem collustraret.

In distinctione autem solis, lunæ, & stellarum huiusce figuræ, quauis soli & stellis ferè tribuāt interpretes nobilissimam significationem; lunæ verò non item, sed eam considerant, vt rem ab ipsa muliere despectam, conculcatam, aut saltem illi longè inferiorem. Nituntur imprimis in eo, quòd mulier lunam sub pedibus habeat; atqui phrasis hæc, *Sub pedibus*, denotare solet illud, quod sub pedibus est, tanquam abiectum contemni atque calcari: vt 2. Reg. 22. 39. *Cadent sub pedibus meis*. 3. Reg. 5. 3. *Sub vestigio pedem eius*. Iudith. 14. 5. *Conteret eos sub pedibus vestris*. Psalm. 8. 7. *Omnia subiecisti sub pedibus eius*. Psalm. 17. num. 39. *Subtus pedes meos*. Psalm. 46. num. 4. *Gentes sub pedibus nostris*. Thren. 3. num. 34. *Vt contereret sub pedibus*. Malach. 4. num. 3. *Calcabitis impios, cum fuerint cinis sub planta pedum vestrorum*, ad Roman. 16. numero 20. *Deus conteret Satanam sub pedibus vestris*. 1. Corinth. 15. numero 25. *Inimicos sub pedibus*, & numero 27. *Omnia subieci sub pedibus eius*. Similiter ad Ephes. 1. 22. & ad Hebræos 2. numero 8. & Iacobi 2. num. 3. Facit etiam illud Psalm. 109. numer. secundo, *Donec ponam inimicos tuos scabellum pedum tuorum*. Et alia huiusmodi.

Propter hæc fortasse D. Gregorius, & post eum plerique interpretes existimant, hoc in loco per lunæ symbolum bona commutabilia denotari, quæ ab Ecclesia despiciuntur & conculcantur. Quòd applicant illud Ecclesiastici 27. numero 12. *Stilius sicut luna mutatur*. Qui verò opinantur, lunam hic esse Ecclesiæ symbolum, sicut in aliis locis, (vt tradunt Tertullianus, Ambrosius, Hieronymus, Augustinus, Gregorius, atque Bernardus ex Canticorum 6. 9. *Pulchra vt luna*, apud Lauretum in Sylua allegoriarum verbo Luna) simul affirmant, mulierem supra lunam stantem esse Virginem cælorum Reginam; propterea quòd ceteris omnibus fidelibus magnopere præstet.

Ceterum neutra harum expositionum mihi probatur. Primò, quia licet luna per se sumpta possit aliquando ad mutationis, siue imperfectæ rei significationem, (saltem per modum comparisonis,) vsurpari; in solis verò, lunæ, & syderum coniunctione necessarium est, quemadmodum sol lunam excedit, ita etiam lunam stellis antecedere. Nam quoties in Scriptura fit mentio solis, lunæ, & stellarum, (sæpissimè autem fit) semper hic ipse ordo seruatur; ita vt prius nominetur sol, deinde luna, postea stellæ. In præsentī autem idem seruatur ordo. Etenim quauis stellæ mulieri pro seruo siue diademate, sol, pro amictu, luna pro suppedaneo, siue basi sit; verum dignitatis ordine seruato, prius dicitur *sole amicta*; mox additur, *Et luna sub pedibus eius*; ac postremò subiungitur, *Et in capite eius corona stellarum duodecim*. Quis ergo in huiusmodi ordine dubitet, quin sol & luna sint duo magna luminaria mystica; & stellæ in mystica significatione esse lunæ ipsi inferiores: quemadmodum in luce, quam noctu impertit, cunctis syderibus longè antecedit? vnde est illud Horat. l. 1. Ode 12. *Micat inter omnes Iulium sydus; velut inter igneus Luna minores*. Et in Epodon Ode 15. *Nox erat, & calo fulgebat luna sereno Inter minora sydera*.

Secundò, quòd mulier hæc apparuerit sole vestita, lunâ innitens, & stellis coronata, proculdubio symbolicè indicat (vt supra dicebamus) ex Iudaici populi reprobatione redundasse, vt Ecclesia commigraret ad Euangelii lumen cunctis mundi nationibus impertiendum. Quæ connexio haud obscure innuitur in ea coniunctione, *Et*. Ex qua hoc caput duodecimum orditur. Ad illuminationis ergo significationem, nemo non viderit ineptum esse, vt stellæ præferantur lunæ.

Tertio, in alia ænigmaticâ pariter solis, lunæ, & syderum coniunctione, habemus Scripturæ ipsius interpretationē, per solem ac lunam duo maiora ac præstantiora luminaria denotari; & per vndecim

stellas,

Romanos  
Augusto  
Cæsari solē:  
lunam ip-  
sius vxori  
per adula-  
tionem at-  
tribuisse.

Luna pedi-  
bus mulieris  
supposita  
qua ratione  
pingi de-  
beat.

Luna hic  
pedibus sub-  
iecta num  
pro re vili  
& despecta  
sic sumēda?  
Proponitur  
sententia  
affirmans,  
& Scriptu-  
re locutione  
probat.

Lunam hic  
à multis pro  
bonis tem-  
poralibus ac  
mutabilibus  
vsurpari.  
Ab aliis pro  
Ecclesiâ: &  
mulierem  
pro B. Vir-  
gine.  
Improbatur  
vtrique  
sententia.



A stellas, solis illius ac lunæ filios. Genes. 37.9. ait Iosephus, *Vidi per somnium quasi solem & lunam, & stellas undecim adorare me.* Et infra ipse parens Iacobus ait, *Num ego, & mater tua, & fratres tui adorabimus te?* Facile ergo quisque cernet, optandum maxime esse, ut in presenti stellæ similiter duodecim sint quasi solis ac lunæ filij.

B Quartò, in Apocalypsi evidens est in solis ac lunæ coniunctione, per solem diuinitatis claritatem, & Christi humanitatis claritatem per lunam indicari. Legimus enim c. 21. 23. *Ciuitas non eget sole, neque luna, ut luceant in ea; nam claritas Dei illuminauit eam, & lucerna eius est Agnus.* Quod perinde est, ac dicere, cælestem Ierolimam minimè sole aut luna corporeis indigere; cum Dei diuinitatem pro sole, pro luna humanitatem Christi habeat. Hoc ita constituto, quis non videat, idcirco in hoc capite 12. prius mulierem sole circumamictam apponi, deinde lunam veluti basi fultam; ut significetur solem ipsum, ac lunam, qui triumphantem Ecclesiam collustrant; eosdem, licet non eodem modo, suæ etiam lucis vsuram militanti Ecclesiæ communicare? Cum huiusmodi sensu egregie consentit, quod post solem ac lunam, illico stellæ Ecclesiæ coronantes, id est, Apostoli adiungantur. Nam Dei claritas, Christi quatenus hominis, & ipsius Apostolorum; hæc sunt clarissima militantis Ecclesiæ luminaria: quorum fulgore & claritate Ecclesia primogenita omnes mundi Gentes per Euangelij prædicationem & fidei cognitionem lustrauit.

Hæc explicatio ita facere videtur satis, ut neminem de ea fore dubitaturum putarem. Si tamen apta & congruens reperiretur solutio illius difficultatis, quæ in ea protinus occurrit; nimirum, quod luna subter mulieris pedes visa sit. Ad hoc ergo primò assero; in ijs locis allatis, ut probetur hæc phrasis, *sub pedibus*, abiectionem & contemtionem denotare, nihil probari amplius, quam sæpe Scripturam eâ phrasi uti ad eius rei, quæ vincitur, siue despicitur, significationem. Enim verò certum omnino est, alijs in locis locutionem hanc non in eo sensu vsurpari, ut Psalm. 17. numero decimo, & 2. Regum 22. numero decimo, *Caligo sub pedibus eius.* Et Exodi 24. numero decimo, *Sub pedibus eius quasi opus lapidis sapphirini; & quasi calum, cum serenum est.* Numer. 16. 32. *Dirupta est terra sub pedibus eorum.* 1. Machab. 6. numero quadragesimo sexto, *Iuit sub pedes elephantis, & supposuit se ei, & occidit eum.* Vide etiam 2. Regum 2. numero vigesimo tertio, ubi nos legimus, *Mortuus est in eodem loco,* Græcè habetur, *ὑποκάτω αὐτοῦ*, id est *sub se.* Atque hoc eodem aduerbio *ὑποκάτω*, utitur Ioannes in hoc loco.

C Secundò assero; ijs locis, in quibus esse *sub pedibus*, vinci aut contemni significat, idcirco hanc attribui significationem, quia phrasis illa in huiusmodi materia vsurpatur, quæ aliam non admittat expositionem; & quia coniungitur cum hisce verbis, *Cadere, conterere, conculcare, subicere.* Cum verbis enim huiusmodi (præsertim ubi de hostibus sermo est) manifestum est, quod pedibus subijcitur, ideo supponi, ut proculcetur & subigatur. Vbi autem nec de hostibus agitur, nec verbum aliquod exprimitur, quod contemtionem denotet; supra iam vidimus locos aliquot, in quibus, *sub pedibus*, nihil aliud sit, quam locum singulatim assignare, absque aliqua despicientiæ aut abiectionis notâ. Confirmatur hoc, quia in ceteris etiam locis, quantumvis non diceretur, *sub pedibus vestris*, sed *sub vobis*, eodem planè modo acciperetur locutio. Idem enim est sensus, *Deus conteret inimicos sub pedibus vestris.* Atque hic, *Conteret eos sub vobis.* Et interdum quidem dicitur *sub pedibus*, interdum verò *sub manibus*, vel *sub manu.* ut Genes. capit. 16. numero nono, *Humiliare sub manu illius;* & Psalm. centesimo quinto, numero quadragesimo secundo, *Humiliati sum sub manibus eorum;* & similiter 1. Petri 5. numero 6.

D Tertio assero, vocem *sub*, non aliud significare, quam rem ipsam, de qua sermo est, esse *subter*: ex contentu autem, & ex mysterij intelligentia pendere, utrum hic exultendi modus sit per modum fulcientis aut sustententis, an potius ut subiecti, afflicti, & conculcati proprius. Nam *boues sub mari aneo,* & *sub basibus*, perspicuum est ibi esse stabiendo, & sustentando, 2. Paralipom 4. numero 15. & Ieremiæ capit. 52. numero vigesimo. Item *leua eius sub capite meo,* Cantic. 8. numero tertio, & similiter, *Pulilli sub omni cubito, & ceruicalia sub omni capite,* Ezechiel. 13. numero decimo octauo. Et sexcenta huiusmodi. Luna igitur sub pedibus rectè potest in ea acceptione sumi, ut sustineat ac foueat. Præsertim in solis, lunæ, ac syderum conspiratione; ubi & sol atque stellæ fauent, & luna quantumvis soli dignitate inferior, stellis tamen superior est. Atque ipsis prior à Ioanne exprimitur. Adde huc, superiorem locum non esse in hoc ænigmate nobiliorem. Siquidem seruato naturæ ordine, & ipsius mysterij congruentiâ, textus stellas constituit pro capitis diademate, & solem pro totius corporis vestitu. Nihil ergo mirum, si luna, licet rem multò nobiliorem stellis adumbret, in inferiori tamen loco collocetur.

E Quartò, ex quinque, aut sex locis supra adductis dilucidè cernitur, phrasim illam, *sub pedibus*, interdum in Scriptura absque vlla abiectionis significatione accipi. Quando enim dicitur, *Caligo sub pedibus eius;* si dicentis animus esset, admirabilem maiestatem obscurâ in nube latentem indicare; nemo certe aut picturam, aut locutionem damnaret. Atqui manifestum est, Deum suæ maiestati superiorem non esse, nec eam contemnere. Quod si in sapphiro cellissimus diuinitatis thronus figuratur, nihil in eo est, quod Deo inferius sit; & tamen textus ait; *Sub pedibus eius quasi opus lapidis sapphirini; & quasi calum, cum serenum est.*

Quintò, conueniens valdè fuit, lunam subter mulieris pedes constitui; ut significetur, Christum Dominum esse basim ac fundamentum, quo tota nititur Ecclesia. Quantumvis enim si Christi humanitas hic in propria hominis figura pingeretur, dissonum esset ac minimè decorum, ipsum Ecclesiæ pedibus supponi; at enim in lunæ symbolo nihil habet dissonum,

In Apocalypsi, solem esse symbolum diuinitatis: lunam humanitatis Christi. Auctoris interpretatio, per lunam figurari Christi humanitatem.

Respondetur locis supra adductis: ubi sub, vel subter abiectionem videtur importare.

Propositio sub quid propriè significet.

Cur luna Christi humanitatem significans sub muliere, siue Ecclesia pedibus ponatur.



taneum, sed consentaneum potius, quod subter mulieris pedes collocetur. Hoc ideo dixerim, quia in communi concipiendi ratione persona aliqua siue humana figura sub alterius pedibus posita, submissionem atque abiectionem indicat: & hac ratione esse *sub pedibus*, inferioris est. Veruntamen globus aliquis congruenter satis potest figuræ humanæ pedibus substitui, quasi illam fulciendo. Ad eum ferè modum, quo in celsissima templi maximi Hispalensis turri Fidei simulacrum ingenti globo veluti basi ac fulcro impositum cernitur. Si autem globus ille aureus foret, & solem repræsentaret; diceret nemo ineptè Christianæ Fidei imaginem soli imponi; vt denotaretur Christianam fidem in Christo Domino prorsus inniti. Planum ergo fit, si mulier pedibus lunam nitatur, lunam ipsam esse fœminæ figuræ basim, & in ea fœminam sustineri. Verum maioris dissimulationis ergo, (vt ænigmaticum decet stilum) non dicitur luna sustinere mulierem, sed esse sub pedibus eius.

Sexto: in symbolis plerumque inferior locus est maximæ dignitatis. Nec enim dignus est quidquam, aut honoratius, quam primum fundamenti lapidem esse in spiritali ædificio, & Ecclesiæ columnæ basim atque adminiculum, quo Christiana respublica firmetur. Quamobrem Paulus Christum appellat Ecclesiæ fundamentum; atque ea de causa, & in eadem significatione ponitur sub mulieris pedibus luna. In quo etiam fuit habitus respectus ad inferiorem locum, quem luna inter reliqua sydera occupat. Ceterum eo ipso concipitur rectè, vt stellarum omnium fundamentum. Accedit huc, quod terram quantunivis subter pedes locatam veteres Ethnici Deam esse sinxerunt, & viventium omnium parentem, quæ nos sustineat, atque alat. Et iuxta eandem proportionem tribuunt lunæ Philosophi terræ cælestis cognomen, (sic enim fuit locutus Pythagoras) eamque considerant veluti stellarum matrem; tametsi stellis omnibus inferior est. atque ita in Iosephi somnio manifeste luna stellarum mater esse concipitur.

Septimo, cum hæc mulier, quam textus describit, parturiens sit, denotetque Ecclesiam primigeniam per fidei lucem Gentibus effusam complures filios Deo procreaturam: ad hunc scopum appositè omnino mulier appingitur Christo innitens: ideoque maximè oportuit fœminam eam parturientem exprimi, quasi lunæ mysticæ ope & auxilio adiutam. Nam & Gentes ad lunæ fœcunditatem respicientes, eam in partibus implorabant, & quasi obstetricem credentes, illam Iunonem Lucinam compellabant. Felix igitur primæ Ecclesiæ partus, (vt constat,) Christi Assertoris nostri ope & adiumento fouebatur: ideoque vt partus hic faustus & auspiciatus esset, eleganter inducta fuit mystica Lucina opem ferens suo contactu atque virtute parturienti fœminæ (vt tellus quondam Antæo præstitisse fingitur.) eamque supra se sustinens, ne deficiat. Ac denique mulier hæc nequaquam posset eum filium primogenitum gignere, *Qui rector erat omnes gentes in virga ferrea;* nisi Christi Redemptoris nostri præsidio stabiliretur. Quia in ipso, & per ipsum, & cum ipso peperit Ecclesia primogenita fidelium ex Gentilitate multitudinem.

Octavo, Propitiatorium, Christi erat figura, & tamen basis erat Cherubinorum, qui Christianæ Ecclesiæ sapientiam & sanctitatem indicant. Quare Christum induci veluti basim, qua Ecclesiæ figura fulciatur, id verò est instrumenti veteris symbolis ac figuris consonum. Et tantum abest, vt Christi maiestate indignum sit, illum, vt fundamentum proponi, quo mulier Ecclesiam repræsentans firmetur; vt nullo alio nomine melius Regia dignitas innuatur. Quapropter Græci Regem appellant, βασιλεύς, quod sonat basim populi; idemque est, illum nominari populi stabilimentum: quod epitheton sapienti Regi tribuitur, Sapient. capite 6. numero vigesimo sexto. Et Iosepho principi in Aegypto sapientissimo, Ecclesiastic. 49. numero decimo septimo, vbi Græcè legimus, *στήριγμα*, quod est id, cui res aliqua innititur tanquam basi.

Vltimò tandem noto, congregationem hanc solis, lunæ & stellarum duodecim, esse admirabilem astrorum coniunctionem, & quasi confluxum; quo indicatur Ecclesiæ primogenitus partus felicissimus futurus. Nam si in partu aliquo verum est, ipsius felicitatem ex auspicatorum syderum consociatione pendere; in nullo alio id potest rectius affirmari, quam in hoc, de quo textus agit; id est, in fundatione Romanæ Ecclesiæ, quæ est filius primogenitus ab hac muliere in lucem editus. Hoc enim fuit actum mysticis astris confluentibus, & auspiciatissimè conspirantibus per singulare beneficium atque opem, quam sua claritate Deus, Christus, & duodecim Apostoli præstiterunt; quorum doctrinam fuit Romana Ecclesia fundata.

Inferior locus in symbolis plerumque magnæ dignitatis.

Ecclesiam parturientem Christo subnixam perinde esse, quasi vera Lucina ope & auxilio adiutam.

Minimè indecorum esse, vt Christus imo in loco quasi sustinens & fulciens Ecclesiam effingatur.



## NOTATIO I.

*De præstantia symbolorum solis, lunæ, & stellarum ad significationem diuinitatis, & humanitatis Christi, & Apostolorum.*

**I**N solis & stellarum significatione existimo, interpretationem meam nemini nouam & insolitam visum iri. At, quod ad lunæ attinet significationem, suspicor, illud Endymionis prouerbum mihi fore applicandum. Historia quidem sic breuiter habet. Cum Endymion admirabilem ac multiplicem lunæ speciem, siue phænomena sæpe tacitus contemplaretur, vt causas ac rationes indagaret, post earum excogitationem atque inuentionem, dilaudatur ab alijs, ab alijs vituperatur. Laudant quidem Marcus Tullius, Plinius, & Mythologici omnes, qui in eius commendationem explicant tabellam illam, qua fingitur à luna fuisse adamatæ atque sopitus, vt ipsum in Cariæ monte dormientem è calo illa descendens oscularetur. Ceterum vulgus eum vituperat, & Endymionis somnium vertit in prouerbum aduersus eos, qui sopore præli negligenter conuiuent, vbi sollicitè foret vigilandum. Mihi certè in lunæ Apocalypseos contemplatione contigit, valde admirari secundum cæli luminare mulieris pedibus suppositum; & coactus sum nouam inuestigare intelligentiam. Quæsiui sedulo, ac demum inueni, dum lunam de Christi humanitate interpretor. Meâ tamen explicatione multos offensum iri, vel nouitate ipsa permotos, coniecto: atque adeo pro ludibrio illam habituros; asserturosque me vel in eo somnare, vbi maxime vigilandum erat. Spes tamen iniecta mihi est, sapientibus viris in huiusmodi interpretatione pergratum me fore facturum. Vtinam & eiusdem mysticæ lunæ gratiam etiam ac fauorem promerear; eiusque beneficio immergar spiritali illo somno, à quo sponsus suam prohibet sponsam excitari: ac destinato demum tempore (in morte scilicet) felicius in Christo dormiam; & ab eo me tunc fuisse dilectum experiar, cui in hac lunæ contemplatione deferuire contendo.

Vt ergo in meâ expositione pergam, visum mihi est, quod plus ei lucis asferrem, in hac notatione cum lunæ symbolo, symbola etiam solis & stellarum coniungere, & de symbolorum huiusmodi præstantia nonnihil addere. Quod enim ea in præsentī Spiritus sanctus coniunxerit res est magnæ elegantiae, & animi attētionē digna. Quod si aliquis dicat, violentum videri, quod sol, luna & stellæ suam omnes simul lucem effunderent, nec sol suis radijs lunam & stellæ obscuraret. Ad hoc respondeo, in ænigmatis haudquaquam esse exigendum, ne quid admirabile & inuitatum fiat: illud tantummodò quarendum, ne quid in significatione atque eius applicatione perperam accommodetur. Egregiè autem conuenit hæc stellarum & lunæ claritas coram sole. Mysticus enim sol efficit, vt tam luna, quam stellæ cum ipso Christianam collustrent Ecclesiam.

His præmissis, accedamus ad horum symbolorum præstantiam seorsum considerandam. Solis symbolum, si seorsum accipiatur, aptissimè cōuenit Christo; vt ex pluribus Scripturæ locis colligunt multi. Enim verò ad denotandā sub distinctione tam diuinitatis lucem, quam humanitatis, non alia poruere symbola magis idonea proponi, quam duo hæc magna luminaria; sol videlicet, ac luna. Ad hoc autem, quantum diuinitas in Patre, Filio, ac Spiritu sancto sit prorsus eadem; at expressioris distinctionis gratiā loquimur Scripturæ more de Patris diuinitate, deque humanitate Christi. Ad Patris ergo Aeterni claritatem significandam, quid obsecro congruentius, quam solis nomen? nonne sol est fons lucis, & reliquorum luminum parens? Sol ergo aptius ad eius designandam claritatem, qui totius est diuinitatis fons, & quem Scriptura patrem luminum appellet?

Deinde ad lucis distinctionem, quam Christi hu-

**A** manitas habet, facile est videre, quàm rectè & congruenter lunæ nomen applicetur. Etenim inter luges omnes, quæ deriuantur à sole, lunæ certè lux extat atque eminet; siquidem est alterius instar solis. Vt ergo adumbretur præstantia ac dignitas, qua Christi lux Sanctis omnibus antecellit, aptissimum est symbolum lunæ. Ad hæc, si sol ac luna rite considerantur veluti stellarum omnium parentes, vt colligitur ex Genes. 37. n. 9. quis nesciat, à Deo Patre, & à Christo Domino, vt à parentibus luminum, eam omnem dimanare lucem, quæ in omnibus mysticis syderibus effulget?

**B** Ceterum incurrit fortassis alicui difficultatem, quod in Genesi de sole ac luna dicitur, vt ad Aeternum Patrem, & ad Christum accommodetur. Dicitur enim c. 1. 16. *Luminare maius, vt præesset diei; & luminare minus, vt præesset nocti.* Videtur autē tempus legis gratiæ, esse dies; iuxta illud Pauli Rom. 13. 12. *Nox præcessit, dies autem appropinquauit; abiciamus ergo opera tenebrarum, & induamur arma lucis; sicut in die honestè ambulemus.* Huic ergo diei Christus Iesus præest: ideoque lunæ symbolum, quæ noctem illuminat, non ei videtur aptè congruere. Respondetur tamen; quanuis legis gratiæ tempus, si cum ea comparetur ignorantia, qua mundus quondam erat immerfus, rectè ad diem referatur: verum si cum æternæ beatitudinis statu cōponatur; lux ea, qua fideles in hac vita fruuntur, eleganter per lucem lunæ, ac syderum denotatur. Qua ratione fuit locutus D. Petrus in sua secunda Epistol. c. 1. 19. *Habemus firmiorem propheticum sermonem; cui bene facitis attendentes, quasi lucernæ lucenti in caliginoso loco, donec dies illucescat.* Quod cum ita sit, diuinitatis quidem luce in seipsa soli perfruuntur Beati; atque ideo lux ea est luminare maius quod diei Beatitudinis præest. Interim verò, qui eā fruimur luce, quæ in hac vita fidelibus impertitur, non sole in se ipso fruimur; sed luminari secundo, nempe Christo, & ipsius atque Apostolorum doctrinā. Quā obrem Ps. 8. vbi distinctè de illa luce habetur sermo, quam in hac vita possidēt fideles, nulla fit solis mentio; sed lunæ solum, & stellarum. *Quoniam videbo celos tuos opera digitorum tuorum, lunam & stellæ, quæ tu fundasti.* Apposite ergo diuinitatis claritas appellatur *luminare maius, quod præest diei.* (Cum in Beatitudinis celestis die Sancti propriè & proximè Dei claritate in seipsa perfruantur) Christi verò assertoris nostri claritas dicitur, *Luminare minus, quod præest nocti.* Nam in huius vitæ nocte, quacunque fideles potiantur claritate, non ea immediatè ex illa æterni diei claritudine; sed ex Christi, & eius Apostolorum doctrinā deriuatur.

**D** Verum quidem est tamen, huiusce vitæ noctem esse fidelibus clarissimam. Nam luna, cuius luce colustrantur, est solis instar clara ac fulgens; vt fuerat ab Isaia prædictum, c. 30. 26. *Erit lux lunæ, sicut lux solis.* Veruntamen si hæc lux cum æterni illius diei luce comparetur; potest lux noctis meritò nuncupari: quippe mysticus sol septies est, atque adeo millies lunæ fulgentior: vt idem vates mox subiicit, *Et lux solis septemplex erit.* Si igitur lux vitæ huius est propriè lumen Christi, & celestis Patris lux est ipsa claritas diuina; adhæc, si lux ea, qua fruuntur in hac vita fideles ab Scriptura cum noctis luce comparatur: Christus ergo est mystica luna, & Pater æternus est sol.

At enim, ex hac ipsa explicatione noua suboritur difficultas. Etenim, si diuinitatis lucem, qua potiuntur Beati, sol figurat: igitur Ecclesia primigenia (quæ erat Ecclesia militans) nequaquam depingenda erat solis amictu vestita, sed solum lunæ, & stellarum ornatu decorata. Respondeo; vt exactè luna applica-

Difficultas circa prædictam applicationem proponitur, ac soluitur.

Christi diuinitas, luminare maius, quod diei Beatitudinis præest: humanitas verò luminare minus, quod præest huius sæculi nocti.

Obiectio contra superius dicta.

Responsio.

Endymionis huius historia sum fabula.

Expenditur, quàm aptè congruat lunæ symbolum ad Christi humanitatem significandam.



retur ad Christum, & solis lux ad diuinitatem, congruenter fuit expensum, quā rectē diuinitati conueniret luminare maius, quod præset diei; & Christo Domino luminare minus, quod præset nocti. Quia in hac vita nondum fruitur Ecclesia diuinitatis luce in seipsā. Nihilominus idonea extitit ratio, quam ob rem militans Ecclesia amicaretur sole; quod magna sit illustratio, quam à diuinitate accipit. Etenim lunæ quidem lux aptissimè (vt vidimus) ad Christi Assertoris nostri doctrinam, qua fruitur Ecclesia, accommodatur: (iuxta illa Christi ipsius verba Ioan. 7. 16. *Mea doctrina, non est mea.* Ingentem enim lucem, quam habet luna, à sole est omnino mutuata.) Ceterum præter hanc doctrinam, & Apostolorum atque Euangelij ministrorum prædicationem, (qui stellarum instar sunt) fruitur insuper Ecclesia Spiritus sancti illustratione secundum Christi ipsius dictum: *Ille vos docebit omnia, & suggeret vobis omnia, quaecumque dixerō vobis.* Atque interior hæc Spiritus sancti per ipsius dona illuminatio, est aliqua diuinæ claritatis effusio. Tamen autem in cælesti patria erit longē maior atque præstantior claritas, & excellentiori longe modo participata; (si quidem solis ipsius lux proprio in fonte haurietur) in hac tamen vita per Spiritus sancti charismata singularia, potitur Ecclesia Dei claritate; eamque ob rem vestita sole conspicitur, quia induta est virtute & claritate ex alto. Itaque quauis diuinitas magis quidem propriè solis munere in cælo fungatur: nihilominus idonea satis fuit ratio, vt Ecclesia primogenita congruenter solis induta radijs cerneretur. Sicut è contrario, licet Christus magis directè officium lunæ præstet, fideles in hac vita degentes suā doctrinā illuminans; quia tamen in patria præter diuinitatis claritudinem, qua potiuntur Beati, Christi humanitatis conspectu clarissimo magna sit ad eorum felicitatem accessio; idcirco dicitur etiam Apocalypsis 21. numero 23. claritas Dei, & Agni esse cælestis Ierosolymæ sol ac luna; qui Agnus inibi lucernæ nomine compellatur, quia luna nocti est instar lucernæ: die verò, quauis lucernæ munere non fungatur, homines tamen sua pulchritudine magnopere exhilarat, *Et parte diei solis lucem adiunat*, vt optime Plinius l. 2. c. 9.

Præterea in luna hac corporea, quam intuemur, illud est notatione dignum, quod Ecclesiasticus his verbis ponderat, capit. 43. numero septimo. *Minuitur in consummatione; & crescit mirabiliter in consummatione.* Vbi locutio illa, *In consummatione*, perinde est, quasi vsque ad summum: quod idem est, ac dicere: lunam quidem eò vsque diminui, quoad omnino consumpta esse videatur: mox verò post hanc diminutionem consequi continuum incrementum, donec solem ipsum quodammodo adæquet. Vnde Plinius libr. 2. capit. 9. *Immensa orbe pleno, ac repente nulla.* Hæc ergo lunæ proprietates aptissima est ad summam Christi Domini submitionem exprimendam; necnon exaltationem summam, quæ fuit humiliationem consecuta. Prius enim *exinanivit semetipsum.* & *Non erat ei species, neque decore.* Hanc tamen extremam demissionem subiit præstantissima exaltatio; donec eò vsque luna cetera cæli astra superaret, vt merito *Regina cæli* à Ieremia nominetur c. 7. r. 8. & 44. 17. concinitque Horatius in sæculari carmine; vbi lunam syderum Reginam appellat.

Si verò ijs quæ diximus, à nimium theoricis opponatur; lunam solis claritate ac radijs non penetrari, quod diaphana non sit; atque adeo videri potius partem cæli intimam, & minus in se continentem perfectionis; præsertim cum plurimæ sint stellæ ipsâ maiores, & astrorum multitudo penè innumerabilis sit. Vt omittam quæstionem illam Astrologis discutiendam; vtrum dentur aliquæ stellæ lunâ maiores. Esto hoc verum sit, & luna ipsa sit opaca, atque stellarum aliquæ non item: hoc tamen ad illud conducet, quod Psalm. 8. dicitur. *Minuisti eum paulo minus ab Angelis.* Christus enim quatenus homo, est Angelis inferior naturâ; si tamen splendor ac gloria attendantur, quis neget lunam esse stellarum Reginam, ac proinde, quæ inter eas fulgeat, vt Regina inter minora sydera, vt ait Hora-

tius? Quapropter Christi gloria, sapientia, & splendor sunt absque controuersia multo præstantiora ijs omnibus, quæ in Angelis, & Sanctis vniuersis reperiuntur. Atque hoc diuinæ providentiæ consilium, vt astrum naturâ inferius, sit gloriâ tantò excellentius atque sublimius; hoc inquam ad lunæ symboli perfectionem congruentissimum extitit.

Verum enim verò si lunæ influxum, & quasi il-lapsum inspiciamus; hæc quidem in parte ceteris signis cælestibus longè antecedit. Et quauis sole sit inferior, illum tamen in rerum sublunarium procreatione & conseruatione comitatur; ita vt nihil producere videatur sol per se solus, nisi cum luna sociatus. Facit, quod supra vidimus, videlicet lunam à Romanis genitricem orbis appellari solitam; cui epitheto Catullus concinit, dum lunam alloquens ait,

*Tu rustica agricola testa  
Bonis frugibus exple.*

De lunæ autem in terras influxu ac potestate in hæc inferiora latè Plinius libr. 2. capit. 41. & capit. 49. Et in Scriptura Deuter. 33. numero 14. in Ioseph benedictione, omnia poma & fructus terræ dicuntur esse fructus solis & lunæ. Sic enim textus habet: *De pomis fructuum solis & lunæ.* Quauis autem hæc efficacem generandi virtutem luna ex sole (sicut & lucem) participet; verum tamen magna solis vis atque calor cum lunæ humiditate ac molitudine mirum in modum conspirant ad naturalium rerum generationem, quæ in calore atque humiditate congruenti potissimum consistit. Simili etiam ratione spiritalis nouæ cuiusque creaturæ regeneratio, & totum diuinæ Gratiæ incrementum, quod perueniunt, non solum ex Dei pendet virtute, sed etiam ex Christi Redemptoris nostri meritis, benignitate & gratiâ. Mysticus enim sol supranaturalem suam vim & efficacitatem nulli creaturarum clariguit, nisi lunæ mysticæ influxus, atque benignitas pariter confluant. Ac denique vehemens lunæ illapsum appositè significatur in eo, quod Plinius asserit, nimirum lunæ sydus esse rerum spiritum. Simili enim phrasi aptissimè dicitur Christus esse *Spiritus oris nostri* ex Ieremiæ Threnis, capit. 4. numero 20.

Ad hæc, quemadmodum ad Christi Domini passionem & exaltationem nobis in memoriam reuocanda, semper cælum nobis ob oculos subiecit asfiduam tum coniunctionis lunæ, tum oppositionis vicissitudinem, (in qua veluti in expressa effigie figuratur summa exaltatio summam diminutionem subsequens) ita etiam vt euidentior esset in luna significatio Christi humanitatis, sola ipsa luna inter cetera cæli astra præ se fert veluti expressam faciei humanæ effigiem; quæ nos quodammodo commouefacit, perfectissimæ Christi humanitatis symbolum se esse pulcherrimum, nec non bonorum omnium, quæ ex illa in nos deriuantur.

Vt verò nostram hanc lunæ significationem nemo nouitatis aut paræ auctoritatis infimulet, meo quidem iudicio Scripturæ liber tum primus, tum postremus, id est, Genesis & Apocalypsis summam ei antiquitatem, & auctoritatem afferunt. Ex Genesis enim nobis liquet, in solis, lunæ, ac syderum coniunctione, lunam secundum dignitatis locum obtinere, cui stellæ vndecim suam substantiam referant acceptam. Nemo autem dubitat, duodecim Apocalypseos stellas esse Apostolorum symbolum, eosque filios ac discipulos solis diuinitatis atque humanitatis Christi. In Apocalypsi idem expressè asseueratur, solem Ecclesiæ esse Dei claritatem; & ingentem lucernam, (id est lunam) esse Christum Dominum, vt supra expendimus, ex c. 21. 23. Et ne patronus aliquis ex sanctis doctoribus huic nostræ expositioni desit; D. August. in id Psalm. 73. 16. *Tuus est dies, & tua est nox, expressè applicat lunam carni Christi, hoc est ipsius humanitati illuminanti huius vite noctem.* Et Gregorius hom. 2. in Euangelia in principio, dum lunam ait in sacra Scriptura poni pro defectu carnis, de humanitate Christi interpretatur; subdit enim, diuinitatem defectum nostræ carnis suscepisse.

*Luna influxus in inferiora corpora.*

*Spiritalis luna, id est, Christi influxus in suos fideles.*

*In luna summam Christi humanitatem & exaltationem figurari.*

*Ex Patribus quinque luna symboli ad Christi humanitatem applicari.*



Itaque nostræ explicationi neque antiquitas deest, neque auctoritas. Quod si res ipsa attentè perpendatur; dubium non est, quin luna sit præstantissimum Christi humanitatis symbolum. Quamobrem fateor, maximæ mihi voluptati fore, si Turcæ lunæ insigne non suis vexillis arrogassent, vt Christianæ Religionis cultores huiusmodi signum in ea, quam tradit Apocalypsis significatione, vsurpare possent. Ceterum præstantius est insigne, quod nobis Apocalypsis in huius capitis exordio proponit ob oculos; nempe fœmina sole vestita, lunæ innitens, & stellis coronata. In hac enim pictura habemus pariter symbolum diuinitatis, & Christi humanitatis, atque excellentiæ Apostolorum; necnon singularis beneficii, quod Deus in mundum contulit; dum decreuit primitiuam Ecclesiam diuinitatis claritudine circumfusam, Christi præsidio suffultam, & Apostolorum doctrinâ imbutam, omnibus mundi nationibus lumen Euangelij inferre. Atque ad egregium Christianæ Ecclesiæ vexillum non video, quod aliud stemma, siue insigne præstantius aut elegantius potuerit excogitari.

Reliquum est, vt nonnihil de duodecim stellarum symbolo dicamus. Atque imprimis in duodenario hoc numero habitus fuit proculdubio respectus ad duodecim Apostolos, qui doctrinam Euangelicam duodecim Apostolici symboli veritatibus complexi sunt. Quapropter quauis Paulus & Barnabas non minus Apostolorum nomine, & stellarum symbolo digni sint, quàm reliqui duodecim; veruntamen cum in stellis ijs fœminæ coronæ habita fuerit ratio veritatum duodecim in Apostolico symbolo contentarum, quæ Ecclesiæ ipsius gloriam & ornamentum componunt; ideo iure optimo respectum fuit ad numerum Apostolorum, qui Apostolicum symbolum ordinarunt. Ceteroquin si Apostolis stellarum symbolum attribuitur, quod mundum collustrarent, (iuxta id Danielis 12. numero tertio. *Qui ad iustitiam erudiunt multos, tanquam stelle in perpetuas æternitates.*) huiusmodi certè symbolum non minus propriè Paulo ac Barnabæ debetur, qui singulatim ab Spiritu sancto fuerunt Apostoli Gentilitatis electi. Singularis verò Pauli commemoratio, ob excellentem illius doctrinam, atque ob Gentilitatis conuersionem (de qua libro quarto Apocalypseos agitur) minimè Ioannem præterijt, vt infra ostendetur. Quinimò nullius Apostolorum toties Apocalypsis meminit, vt Pauli. De quo capit. 16. numero 2. & cap. 17. numero 1. & capit. 21. numero 9. Ac fortassis etiam in duabus mulieris alis respectus fuit habitus ad Paulum & Barnabam, vt suo loco expendemus.

Præter hæc, quod stellæ duodecim mulieri pro diademate sint impostæ, non arguit stellas ipsas aliquid nobilius lunæ præferre. Constat enim solem esse excellentioris rei symbolum, quàm stellas; quantunvis sol fœminæ pro indumento sit, stellæ pro corona; non ergo superior locus stellis tribuitur, quod nobilioris rei symbolum existunt, sed solum vt denotetur, Apostolos esse Ecclesiæ gloriam & ornamentum. Atqui manifestum est, illis hoc elogium congruere; siquidem Paulus eos vocat Christi gloriam.

Obijciat tamen aliquis; si hoc in loco figuratur

A Ecclesia primogenita post obdurationem Iudæorum, & post decimæ Ierosolymorum partis conuersionem: tunc quidem non fuerat depingenda cum stellarum duodecim diademate. Eo enim tempore Iacobus maior, & ex ceteris Apostolis nonnulli vitam iam cum sanguine pro Christo profuderant: quare tunc non duodecim extabant. Ad hoc Respondeo; quod Ecclesia Apostolorum duodecim claritate, & splendore redimiretur, neuiquam pendebat ex eo, quod ipsi viui adhuc & superstites essent; nam post eorum etiam omnium mortem, semper hæc erit Ecclesiæ corona, decus & ornamentum. Simili etiam ratione quauis hæc primogenita singulatim Ecclesia consideretur in egregia illa expeditione foundationis Romanæ Ecclesiæ; & quauis ad hanc ipsam expeditionem non fuerint reapse profecti, nisi duo vel tres Apostoli; nihilominus congruentissimè est excogitatum, vt Ecclesia primogenita ad Romanæ foundationem stellis duodecim coronata progredi dicatur. Quam enim doctrinam prædicabat Ecclesia, & in qua gloriabatur, ea profectò non alia erat, quàm quæ in Apostolico symbolo continetur; in quo Apostolorum duodecim ipsum concinnantium gloria splendet. Atque hac doctrinâ fundata fuit, & erecta Romana Ecclesia.

Illud insuper obseruatione dignum est, in corona scilicet stellarum videri ad Aaronis coronam alludi, quæ fortassis erat pretiosis vndique lapillis ornata; vt canere videtur Ecclesia hebdomada tertia post Pascha feria 2. in secundæ lectionis responso: *In diademate capitis Aaron lapides pretiosi fulgebant.* Capite autem primo vidimus, gemmis fulgentissimis nomen stellarum congruere.

C Denique in hac mystici solis, lunæ, & stellarum conspersione sunt iure ponderanda Ecclesiastici verba cap. 43. vbi describit *speciem cali in visione gloriæ.* Deinde pereleganter descensu facto, ad solis, lunæ & stellarum descriptionem seorsum deuenit. Totus autem ille discursus ad primæ huius notationis scopum est valde appositus.

At enim (dicit quispiam) in hac capitis duodecimi figura, cum solis, & lunæ, & stellarum coniunctio proponatur, necesse est, lunam considerari non quidem in sua accessione & augmento; sed in recessu potius ac diminutione; aptius vero multò esset ad Christi Domini significationem, si luna in suo incremento figuraretur. Nam si de Simone Oniæ filio ait Ecclesiasticus cap. 50. 6. *Quasi luna plena in diebus suis lucet*, quantò magis debebat Christus lunæ plenæ symbolo denotari? Respondetur, comparisonem illam esse desumptam ex pulchritudine, quam luna mortalium oculis ostendit. Veruntamen si in se ipsa consideretur, semper est æqualiter pulchra. Non aliter Christus sub primitiæ Ecclesiæ tempora, quando ipsius pulchritudo magis mûdo obtegebatur, ipsemet erat omnino, qui nunc est, & quauis figura coniunctionis solis cum luna coegerit, vt luna ipsa in sua diminutione pingetur; scopus tamen præcipuus fuit, vt luna ipsa vsurparetur secundum omnem, quam continet, perfectionem; & vt decremento ipsius proposito, promitteretur deinceps incrementum; ac propterea vtrumque extremum desumeretur ad miram huius symboli perfectionem.

Difficultatis  
modus sol-  
uitur.

Aaronis co-  
rona gem-  
mis fulgens.

Luna virg-  
hic accrescens  
vel decrescens  
consideranda.

Duodecim  
stelle Apo-  
stolorum  
symbolum.

Cur stelle,  
que Aposto-  
lorum sunt  
symbolum,  
supra mu-  
lieris caput  
apponatur?



## N O T A T I O II.

*De secundaria significatione luna, quæ mulierem sustinebat. Hoc est de eodem symbolo, respectu Beatæ Virginis.*

*Sensuum multiplici-  
tatem in  
Scriptura  
interdum ex  
ipsius fœ-  
cunditate,  
interdum ex  
rei difficul-  
tate exoriri.*

**M**ULTIPLICATIO sensuum in eodem Scri-  
pturæ loco interdum non ex ipsa sacrarum  
Literarum fœcunditate nascitur; sed ex diuersitate  
ingeniorum, & loci, qui explicatur, difficultate: quod  
nullus ex ijs sensibus, qui adducuntur plenè & cum-  
ulatè satisfaciatur. Quemadmodum multiplicantur  
nonnunquam alicuius argumenti solutiones; quia  
nulla mentem omnino explet. Nec enim semper va-  
riè proponuntur alicuius loci sensus, vt omnes si-  
mul quispiam amplectatur; sed vt ex ijs seligat illū,  
qui magis arriserit. Interdum tamen ex ipsa Scri-  
pturæ fœcunditate, & ex rerum ipsarum connexio-  
ne oritur sensuum multiplicitas. Tunc autem non  
ideo proferuntur, vt ex eorum, qui proponuntur  
varietate lector aliquem secernat; sed potius hoc pa-  
cto ostenditur, eos omnes sensus atque expositiones  
iuxta Spiritus sancti mentem ab Scriptura pariter  
coërceri. Id quod si in alijs Scripturæ libris verum  
est, in Apocalypsi ob peculiarem rationem ita esse  
credendum, vidimus notat. 20. proœmiali.

Hac igitur ratione contendo, lunæ symbolum,  
quæ mulierem Ioanni visam fulciebat, præter præ-  
cipuam significationem de Christi humanitate, quā  
proposuimus, iuxta Spiritus sancti intentionem ad  
sanctissimam etiam Virginem congruenter applica-  
ri. Nam imprimis cum Apocalypsis in primigeniæ  
Ecclesiæ gloria de illa eiusdem pulchritudine singu-  
latim egerit, quam ex duodecim Apostolorum co-  
rona accipit ipsa; cumque ter deinceps Paulum de-  
signet, nempe in capitibus 16. & 17. ac 21. quicum-  
que miram Virginis sacratissimæ excellentiam per-  
penderit, & ipsius precum efficacitatem; facile cer-  
net, in huiusmodi figura & admirabili spectaculo,  
quo Christianæ Ecclesiæ splendor designatur, ne-  
quaquam Spiritum sanctum prætermisisse admi-  
rabilem Virginis ac Matris excellentiam, & quantum  
in ea patrociniæ ac defensionis Christiana experia-  
tur Ecclesia. Præcipue cum Apocalypseos scriptor sit  
Ioannes; qui tantopere fuit Deiparæ obsequij studio-  
sus, & illi in filium traditus fuit à Christo in eo ip-  
so, quod in cruce condidit, testamento. Si ergo con-  
sentaneum erat, ne in Apocalypsi omitteretur inte-  
gerrimæ Virginis excellentiæ; nullum profecto sym-  
bolum potuit ad hanc significationem illustrius,  
quàm luna, usurpari: vt postea planum fiet: nec lo-  
cus valuit aptior inueniri, quàm cum de Ecclesiæ  
primogenitæ partu, deque casta Lucina eius auxilia-  
trice agebatur.

Deinde minimè debet reputari dissentaneum, sed  
valde potius consentaneum, vt in eodem loco, ei-  
demque verbis Scriptura Christum Dominum &  
sanctissimam eius Parentem significet. Hoc enim  
mirum conducit ad denotandum arctissimum ne-  
cessitudinis vinculum & maximam similitudinem,  
quæ inter filium ac matrem reperitur: ostenditur-  
que nihil inter eos quasi diuisum aut seiunctum  
inueniri: quinimo vbi de filio tractatur, de matre et-  
iam inibi tractari; cum aded inter se mirabiliter  
consentiât, & in eodem throno sedes habeant. Qua-  
re maiori quidem iure Virgilianum illud huc ap-  
plicare possemus:

*Castæ fauæ Lucina; tunc iam regnat Apollo.*

Et fanè, qui id attentè perpenderit, facili negotio  
aduertat, nihil aliud calorū Reginæ nobilium aut  
honorificentius esse posse, quàm cum filio ita esse  
coniunctam; vt vbi de filij excellentia sermo sit, ibi

**A** etiam de excellentia matris non taceatur. Præcipue  
verò vbi de admirandis filij operibus & beneficijs in  
Ecclesiam collatis agitur; cum ipsius mater sit po-  
tissimum instrumentum, quo medio isthæ benefi-  
cia in Ecclesiam deriuantur. Hæc ipsa ratio, & quasi  
subordinatio idoneè efficit, vt verba eadem Christū,  
vt præcipuam causam commendent, & sanctissi-  
mam Virginem vt hominum mediatricem, & præ-  
cipuum in eorum salute instrumentum. Si enim a-  
licuius ministri, siue magnatis fauor & gratia apud  
terrenum aliquem Regem tanta esse potest; vt cum  
primū dicatur Rex beneficium quoduis tribuisse,  
eo ipso innuatur, atque aded intelligatur, illud fa-  
miliarissimo Regis amico, siue famulo referri ac-  
ceptum debere, quod absque ipsius interuentu nihil  
omniñò largiatur Rex: iam quanto maiori iure po-  
terit hæc loquendi atque sentiendi ratio ad singu-  
larissima illa promerita transferri, quibus Christus  
suam cumulat Ecclesiam; cum omnia ex Mariæ Vir-  
ginis ope ac patrocinijs prorsus pendeant.

**B** Atque huiusmodi quidem consideratio nuper aut  
excogitata, aut inuenta non est: sed antiquissima sa-  
ne, & à Patribus, atque communi Ecclesiæ consen-  
su recepta. Pleraque enim amplissima laudis præco-  
nia, quæ in Virginem ex Scripturæ verbis deprom-  
pta congeruntur, nituntur omnia in eiusmodi lo-  
cationibus, quarum primarius ac præcipuus sen-  
sus respicit Christum. Hinc est, vt in beatissimæ Vir-  
ginis celebritatibus Ecclesia diuino spiritu afflata  
bonam capitis octauæ Prouerbiorum partem decā-  
ter; vbi in literali sensu sermo est de æterna Dei Sa-  
pientia, nempe Christo: sub cuius nomine dicitur,  
*Dominus possedit me in initio viarum suarum, antequam  
quidquam faceres à principio, ab æterno ordinata sum, &c.*

**C** Similiter in ipsius Virginis ferijs canitur ab Ecce-  
lesia totum ferè caput 24. Ecclesiastici; in quo pariter  
est de Christo, Dei Sapientiâ, sermo. In his ergo, at-  
que similibus locis nonnulli satis esse putant, si Ecce-  
lesia aliquo modo ad Virginem applicare perhibea-  
tur, quod tamen minimè dicatur de illa, si verus  
Scripturæ sensus attendatur. Quemadmodum ei-  
dem etiam applicantur verba illa: *Maria optimam  
partem elegit, quæ non auferetur ab ea.* Mihi tamen val-  
de fit verisimile, tam in Scripturæ fœcunditatem,  
quàm in maximam vnionem, quæ inter Christum  
& Mariam intercedit, omnino cadere; vt illa ipsa-  
met verba, quæ in præcipuo sensu Christum respi-  
ciunt, in sensu secundo, ex intentione etiam Spi-  
ritus sancti, ad Virginem referantur: ac proinde nō  
solum ab Ecclesia per accommodationem, ad ipsam  
Virginem applicari; verum etiam per credibilem sa-  
tis & valde piam existimationē, quod diuinus Spi-  
ritus in iis locis non Christum modò, sed Virginē  
etiam propter mutuam vtriusque coniunctionem  
attenderit. Atque hoc certè Virgini sanctissimæ glo-  
riosius & honorificentius est, quàm si alijs totidem  
sive locis, siue verbis de illa seorsum à filio ageretur:  
dignius enim est, & excellentius Reginæ, vt sella ipsi  
in eodem Regis throno sub eodem peristromate, &  
sub eadem cortina collocetur, quàm si in alio thro-  
no atque sede quantunvis excelsa reponatur. Si er-  
go hoc Virgini præstantius est; verisimile non fit, eò  
alicuius ingenium quauis acutissimum posse de-  
uenire, vt plus Virgini deferat ratiocinando ho-  
noris, quàm re ipsa voluit Spiritus sanctus ei tri-  
buere.

*Quæ de  
Christo, vt  
de præcipua  
nostrorum  
bonorū cau-  
sâ, dicuntur:  
de Virgine  
etiā, vt de  
hominum  
mediatrice,  
apud enun-  
ciari.*

*Multa ex  
ijs, quæ Ec-  
clesia de B.  
Virgine de-  
cantat, ad  
Christi pri-  
maris, secū-  
dario ad  
Virginem  
referri.*

*Predictam  
explicandi  
rationem  
in mul. is  
Scriptura  
locis B. Vir-  
gini esse glo-  
riosissimam.*

*Lunæ sym-  
bolum in  
hoc loco ad  
Beatam etiā  
Virginem,  
secundario  
tamen, ap-  
plicari.*

*Dissentaneū  
minimè ef-  
se, sed valde  
consentane-  
um, vt eodē  
loco ac ver-  
bis de filio  
ac matre  
agatur.*

*Eclog. 4.*



Itaque hæc mihi ratio facile persuadet, siquidē magnus hic honor potuit Virgini præstari, ut de illa in secundario sensu sit sermo in ijs locis; ubi primarius de Christo sensus est. Hanc explicandi rationem non pro futuri & nupera inuentione à me excogitatā, esse reputandam velim, sed pro vera ac solida Spiritus sancti mente; qui Virginem, ut charissimam sibi sponsam, vnicē diligit. Et quidem ex eisdem lectionibus, quas Ecclesia in B. Virginis officio usurpat, hanc ipse philosophiam didici. Nam ad meram accommodationem præter Spiritus sancti mentem nimum videbatur satis, non vnum aut alterum verbum, sed integra Scripturæ capita eidem applicari. Quia in re haud simile quidē accidit, quod in Canticorum libri applicatione. In huiusmodi enim libro perspicuum est, singularem esse Virginis prærogatiuam, ut illi per excellentiam aptetur, quidquid generatim prædicatur de ingenti amore, quo Christus suam sponsam prosequitur, deque admirabili ipsius sponsæ pulchritudine ac perfectione. At cōtinua illi capita applicari, in quibus de solo Christo (id est æternā Dei Sapientiā) sermo instituitur: id verō longē mihi sit diuersum, atque adeo persuadet in ipsismet capitibus Spiritus sancti intentionem planē fuisse, ut excellentissima intemeratę Virginis perfectio atque sanctitas in sensu secundario significetur.

Sed opponet nobis aliquis, ut in lunę symbolo fœminam sustentantis locus Virgini supersit, videri congruentius, ut in ea solis, lunæ, atque syderū coniunctione, per solem Christum; per lunā B. Virgo; per sydera Apostoli denotētur. Hæc enim explicatio videtur illi perfimilis, quam Iacobus admirabili Iosephi somnio adhibuit, cum dixit. *Num ego, & mater tua, & fratres tui adorabimus te?* Accedit, quod solis symbolum aptissimē conuenit Christo; ubi autem admittatur, in sole Christum figurari, & in stellis Apostolos; consecrariū videtur, in luna Virginem adubrari. Præterquā quod nemo nescit, verba illa Cant. 6. 9. *Pulchra ut luna*, Virgini per excellentiā cōgruere. Quapropter eadē in eius Litaniis Ecclesia decatat; & ferē Ecclesiastici scriptores inter cetera Virginis elogia, hoc ut præcipuū adscribunt. Et singulatim Cardinalis Petrus Damianus in sermone de Virginis assumptione, ubi hæc habet. *Quantūlibet aliæ stellæ reluceant; luna tamen & magnitudine præminet & splendore. Sic utramque naturam Virgo singulari exuperat, & immensitate gratiæ, & fulgore virtutum.* In sermone item secundo de Natiuitate B. Mariæ assertit illud, *Pulchra ut luna*, & subdit: *Quemadmodum nullum est astrum excepto sole, adeo pulchrum ut luna: sic summam gloriam esse post Deum videre Virginem, adherere ei, & in illius protectionis munimine commorari.* Et Rupertus l. 6. in Cantica. *Sicut luna (ait) lucet, & illuminat luce non sua, sed ex sole accepta; sic tu, o Beatissima Virgo, hoc ipsum quod tam lucida es, non ex te habes, sed ex diuina gratia.* Innocentius etiam sermone 2. de Assumptione Virginis philosophatur in lunæ pulchritudine, & rotunditate; & ad Virginis fœcunditatem applicat, ex qua plenē formosa existit.

Nihilominus quanuis verum sit, solis symbolum Christo Domino mirificē aptari, & lunæ symbolum Virgini Matri: in Apocalypsi tamē certum meo iudicio est, ex c. 2. 1. 2. 3. repræsentari in solis ac lunæ afinitate diuinitatis claritatem, nec non humanitatis Christi Domini. Quapropter nullus reliquus est locus, ut Virgini in primario sensu lunæ symbolum apud Apocalypsin aptetur; sed solum in sensu secundario. Ceterum idipsum, ut nuper dicebamus, Deiparæ ipsi illustrius & gloriosius est. Quare illud superest, ut ad natiuas lunæ facultates considerandas regrediamur: & ad id, quod textus asserit de parturiēte muliere lunæ veluti fulcro & adminiculo sustentata, ut ea omnia ad Virginem applicemus.

Quam ad rem illud præmitto, quod ex dictis in commentario constat, duas nimirum difficultates esse iam ibidem superatas, quæ aduersus hanc expositionem obijci videbantur posse. Alteram, quod luna varietatē ac mutabilitatē indicet; alteram, quod infra mulieris pedes posita videatur ipsi fœminæ inferior, & ab ea despecta & conculcata. Hæc (inquam) longe aliter hic se habere, iam in commen-

tario demonstraui. Luna enim non ideo subter mulierem locatur, quasi ab ea sit superata, deuicta, aut contempta: sed ponitur ut basis seu fundamentum, quo fœmina ipsa fulcitur. Nec verō hic lunæ vicissitudines; sed ipsius claritas, pulchritudo, & secundus inter omnia cæli lumina locus attenduntur. Quod si hoc elogium Christi humanitatis est proprium; hanc ipsam magnitudinem & excellentiam Virgo Parens participat, propter ipsius artificissimam cum Christo cognationem. Quamobrem id vnum reliquum est, ut scilicet lunæ philosophiam ad sanctissimæ Virginis præstantiam, & ipsius erga Ecclesiam patrocinium applicemus.

Primum ergo in supradicto lunæ encomio Ecclesiastici 43. 7. 8. *Minuitur in consummatione, & crescit mirabiliter in consummatione*; designatur eleganter illud, quod in B. Virgine insigne atque præclarum est, coniunctio videlicet humilitatis maximæ ac demissionis, cum admirabili excellentia & exaltatione. Nam quæ sibi ancilla, atque adeo nihil in suis oculis appareret, reapse est cæli Regina gloriosissima. Quare & diminutio, & incrementum, utrumque mirandum in modum excellit. Quemadmodum luna in sua cum sole coniunctione, eo usque diminuitur, donec suam penitus lucem occultet, & nullam omnino habere videatur; (id quod oritur ex eo quod luna cum sole coniungatur, & ipsi subiiciatur plenē.) Non aliter Virgo ex eo quod cum Deo intimē vniretur, & illi sese perfectissimē subiceret; omnem suæ lucis haustum eo regerit, unde accipit, ut Plinius inquit. Atque in coniunctione hac cum sole consistit potissimum perfecta ipsius Virginis humilitas. Verum hæc eadem luna, quæ adeo minuitur, atque contrahitur, tantopere etiam ab ipso illustratur sole; ut in oppositione, si illam vna ex parte, solem ex altera prospectes, secundum penē solem, & quasi alterum de numine numen gloriosissimē resplendens, & longo intervallo cetera astra antecellens iure appelles. Quid igitur potest adduci congruentius ad summæ humilitatis, summæque exaltationis symbolum? Huc spectat, quod Luna à Plinio vocatur *humilis*, & *excelsa*; quia aliàs admota celo, aliàs contigua montibus.

Hic obiter addo, hanc ipsam humilitatis, & celsitudinis cognationem in Mariæ nomine non obscure adumbrari. Hoc enim nomine, (quod iuxta suam originem sonat Mariam) duplici etymologia notatur. Alterum est, *stilla maris*, siue *gutta maris*. (non quidem stella, ut vulgō iactari solet, sed stilla, siue gutta) quia **מַר** Mar significat idem quod gutta, & **מָיָם** iam denotat mare. Vnde Mariam est idem, quod gutta maris. Hoc autem ad demissionis & humilitatis significationem esse aptissimum, nemo non viderit. Hac enim ratione indicatur res valde exigua, cuiusmodi est existimatio, quam de se verē humilis habet; sicut gutta aliqua, si cum tota maris immensitate conferatur, ferē nihil est. Et videtur quidem Hebraicā locutione appellari gutta maris; quod valde est exiguum. Vide Ecclesiastici 18. numero octauo. *Numerus dierum hominis, quasi gutta aque maris, deputati sunt; & sicut calculus arene, sic exigui anni, in die tui.* Quasi dicat vitam hominis respectu æternitatis esse planē nihilum. Simili ergo ratione, qui se ipse valde contrahit atque demittit; aptissimē dicitur in suis oculis esse maris gutta. Cum autem nemo nunquam adeo humilis, ut Beatissima Virgo, extiterit; ideo nulli Mariæ nomen æquē conuenit; atque illi, id quod intelligendum est; si opinionem, quam ipse de se concepit, consideremus.

At verō in Dei oculis plusquam lynceis Virgo est altissima planē ac gloriosissima; id quod in nomine etiam Mariam, apprimē innuitur: ut doctē explicat Caninius de locis noui testamenti, c. 13. ubi asserit, omnes Hebraicē doctos esse fassuros, literam **מָר** in hoc nomine semanticam: thema autem esse **מָרָה**, quod est excellere, & eminere. In quo themate quiescit media *lod*, quæ in deriuato mouetur. Sicut à **מָר** deriuatur, **מָרָה**, atque ita ex *ram*, deducitur *riam*; deinde cum, **מָרָה**, quod additur, sonat Mariam. Et

*Ecclesiasticus locus. Minuitur in consummatione, & crescit B. Virgine explicatur.*

*Virginis tū humilitatē, tum exaltationem in duplici nominis Maria etymologia indicari. Maria sonat, stilla (siue gutta) maris.*

*Maria, idē quod, excelsa.*



Hebraicè quidem sonat *Miriam*; vt apparet in nomine Mariæ sororis Moſis Exod. 15. n. 20. Sed nomina, quæ Hebraicè initio habent *Iod*, ea Syriacè cum *a*, pro nunciantur; vt doctè idem Caninius ca. 6. Quare pro *Migdal*, *Miriam*, *Ribboni*, profertur, *Magdal*, *Mariam*, *Rabboni*. Maria ergo sonat exiguam, & sonat excelsam. Et fortè, quæ prius fuit hoc nomine nuncupata, ideo dicta est Maria, quia procera statura erat. Hæc tamen etymologia nequaquam excludit alteram. Vt enim Hebraicè dicatur gutta maris, rectè dicitur *Mariam*. Nomen ergo Mariæ & guttam maris significat; & eam fœminam, quæ valde sit excelsa. Quid ergo elegantius, quàm sub eodem Mariæ nomine aptissimum humilitatis & excellentiæ symbolum deliteſcere? Et quidem hæc sunt genuinæ huius nominis etymologiæ. Quauis posset etiam ratiocinari quispian in ea, quod stilla maris sit appositum nomen ad denotandum vnionem, qui ex gutta cælestis roris in mari congelantis conflatur. Et vnio etiam, siue margarita est aptum Virginis nomen. Sed ad ipsum iam lunæ symbolum regrediamur.

Secundò ergo inter B. Virginis singulares prærogatiuas admirabilis est virginitatis, & fœcunditatis consociatio. Ad cuius significationem nullum aptius lunæ symbolum reperiri potest. Vtraque enim virginitatis & fœcunditatis significatio ab humaniorum literarum studiosis eidem lunæ attribuitur. Patet hoc, quia in numismatis Corneliæ Augustæ (vt refert Pierius lib. 44.) cum lunæ imagine, in alijs hæc inscriptio apponitur, *Fœcunditas*; in alijs hæc, *Pudicitia*. In calitatis verò significatione illud præstituitur, quod in Poëtarum fabulis inculcatur; nempe Dianam præ virginitatis amore commercia fugisse hominum; & propterea virginum comitatu septam syluas venando fatigasse. Quare Virgilius, ceterique Poëtæ illam appellant castam. Facit illud Plinijs, *Luna super omnia pura, luceque plena*. Significatio autem fœcunditatis similiter est congruentissima: sol enim ac luna sunt, qui omnia generant ac procreant; vt notatione præcedente vidimus. Verùm ad virginitatis quidem significationem nihil opus est fabulas accerere; apud Bernardum enim de Passione Domini cap. 3. legimus, *Quis sanctorum chorus melius lunæ comparatur, quàm virgines?* Videlicet propter ipsius cædorem, & pulchritudinem; subditque: *Honorabuntur præ ceteris; sicut lunam videmus, præ ceteris syderibus præeminere*. Iam qui attentè lunam inspexerit, haud dubitabit, rectè ab illo fuisse prolatum, qui dixit, lunam margaritarum ideam videri. Constat autem margaritas esse aptissimum virginitatis symbolum, (de quo infra c. 2.) Luna igitur mirificè innuit virginitatem pariter ac fœcunditatem, & perinde Beatissimam Virginem Matrem.

Tertiò, miræ & eximie Virginis excellentia atque dignitas eò tandem reducuntur, quod mater sit Dei, atque etiam sit gratiæ & misericordiæ mater. Ad vtramque verò rem egregiè conducit lunæ symbolum subter mulieris pedes positæ; vt Ioanni hoc capite fuit visa. Nam imprimis dignitati Matris Dei proprium epitheton est, *Regina celi*, quod nomen tribuit lunæ Ieremias cap. 7. 18. Deinde, quod mulieris pedibus sit subdita; vidimus iam in commentario non denotare, eam aut victam esse, aut expectam; sed vt Ecclesiæ basim ac fundamentum, ita supponi. Quare si Apostoli bases terræ nuncupantur Iob 38. (vt exponunt Hieronymus, & Gregorius) quantò congruentius Dei Mater, cæliq; Regina dicitur Ecclesiæ basis? Præterea Ioannes vidit mulierem lunâ fulciri, & sole ac syderibus ornari. Quod nobis innuit; lunam, dum mulierem veluti basis sustentat, esse etiam fulcrum ac basim; quo non stellæ ipsæ solum, sed sol quoque mulierem circumvestiens quo-

dammodo nitebatur. Hoc verò eleganter exprimitur in eo, quod Virgo sit Dei Mater. Filius enim quodammodò in matre, sicut in basi columna, fulcitur. Ideoque & Apostoli, & vniuersa Ecclesia sustentantur in Virgine; quod ipsa sit verè Dei Mater. Si autem lunæ symbolum Virgini congruit propter coniunctionem maximam & necessitudinem, quæ illi intercedit cum Christo (qui primaria est lunæ significatio) ex hac ipsa cum Christo coniunctione atque vnione deriuatur in Virginem, quod ipsa sit suo modo Ecclesiæ fundamentum; atque adeo lunâ esse fœminæ illius basim, nobis indicat, calorū Reginam Dei esse ipsius parentem.

Præter hæc, quantopere Dei Mater reliquis Sanctis antecedit, repræsentatur id optimè in præstantia atque excellentia, qua luna stellas excedit. Epitheton autem Matris gratiæ ac misericordiæ luna etiam in eo potissimum indicat, quod ipsius influxus, lenitas atque humor tanta sint, quodque res omnes sublunares vsque adeo ex hoc lunæ influxu pendeant, vt in præcedenti notatione explicauimus. Huc spectat illud Plinijs l. 2. c. 51. *Lunæ fœmineum sydus & molle*. quod ad ipsius lenitatem ac molliitudinem explicandam est aptum. Et Plinius ipse l. 2. c. 18. *Lunæ color blandus*. & l. 2. c. 9. *Omniem admirationem vincit lunæ sydus terræ familiarissimum*. Hoc ipsum innuitur in eo, quod mulier lunâ innitens apparuerit: quod significat, Virginem sanctissimam lua pietate & precum efficacitate esse Ecclesiæ firmamentum & adminiculū. Imò verò non precibus solum, verum etiam cælestis planè vitæ exemplo, & sapientiæ sibi reuelatæ magnitudine adeo primigenitæ illuxit Ecclesiæ, vt meritò eam sustinuisse dicatur. Hanc ob rem, cum Christus in cælum conscendit, tandiu reliquit in terris Virginem calorū Reginam; vt suo præsidio, patrociniò & cælestis præsentia solatio, necnon admirandæ sanctitatis atq; sapientiæ splendore esset veluti perfugium tutissimum, atque asylum eorum omnium, qui Christi religionem suscipiebant. Iam verò ad Virginis sapientiæ elogium facit Plinianum illud lib. 2. c. 9. de luna dictum. *Omniū, quæ in cælo pernosci potuerunt magistra*. Veruntamen patrociniū hoc & quasi receptaculum non fuit Ecclesiæ sublatum post Virginem in cælum assumptā. Nam gratissima illius recordatio & indulgentissimæ Parentis officium, quod ipsa in cælo præstat pro Ecclesiâ, & maxima Virginis ipsius apud Filium potestas; hæc, inquam, omnia prouehunt, & augent singulare solatium ac fauorem, qui ex hoc Virginis fundamento in Ecclesiam accerlitur.

Et quidem tam ad egregias quasque Ecclesiæ expeditiones, (quarum maxima fuit Gentilitatis conuersio) quàm ad prædicationis Euangelicæ efficacitatem ac fructum, auxilium Virginis Ecclesiam de prospero euentu reddit securam. Cum verò hoc in loco prædicationis Euangelij ad Gentes, & Ecclesiarum omnium singularium, ac præcipuè Romanæ, fundatio in Matris Sionis figura denotentur; (hæc enim est mulier grauida, & iam partui proxima) vt & partus hic foret auspiciatissimus, & in rebus ceteris euentus felix ac fortunatus, egregiè figuratur Virgo Beatissima sub ipsius partus tempore opem ferens, tanquam ea, quæ est verissima spiritalium partuum Lucina: cuius astri illapsu benignissimo & præsentissimâ ope fidens Ecclesia primogenita sperabat se innumerabilem illam prolem fore pariturā; de qua dixerat Isaias 66. 8. *Quis audiuit vnquam tale, & quis vidit huic simile? numquid parturiet terra in die vna, aut parietur gens simul? quia parturuit, & peperit Sion filios suos*.

Concludo igitur, tam Christo, quàm Beatissimæ ipsius Parenti esse mirificum lunæ symbolum, & Apocalypſeos perfectione dignissimum.

*B. Virgo Ecclesiæ basis.*

*B. Virginis excellentiâ inter omnes sanctos per lunam etiam indicari.*

*Cum Christus post suam Ascensionem tandiu in terris Virginem matrem reliquerit.*

*Auxilium B. Virginis quantū ad Ecclesiæ propagationem inter sit.*

*Etymon nominis Maria, quatenus guttam sonat, ad margaritarum procreationē aptè applicari.*

*Admirabilis in B. Virgine virginitatis & fœcunditatis consociatio, in lunæ symbolo adumbratur.*

*Lunam à veteribus ethnicis castam vocari.*

*Lunam simul cum sole fœcunditatis esse originem.*

*Præcipuam Virginis excellentiâ, quod sit mater Dei, in luna item symbolo figurari.*

*Apostoli bases terræ.*



## N O T A T I O III.

*De symbolica significatione eclipsium, siue defectuum solis ac lunæ.*

**C**VM viderimus per solem in Apocalypsi splendorem diuinitatis Patris Æterni; per lunam, humanitatis Christi splendorem; & secundario splendorem Virginis Deiparæ significari: oportet examinare, vtrum, quod tam in sole, quam in luna adeo est insigne, (nempe miræ ipsorum eclipses) ad eandem etiam conferat significationem? Pro quo aduertendum est, solis defectum non in eo consistere, quod sol ipse aliquid de sua luce aut claritate in seipso deperdat; sed quia luna terræ auersa, sese inter terram ipsam & solem interponit; ita vt nec lunæ claritate, nec solis radijs tellus fruatur. Lunæ autem eclipses ex eo fit, quod tellus inter solem ac lunam sese interferat: hinc enim efficitur, vt luna ipsa tunc maneat obscurata, nec solis in se radios excipiat. Vtriusque autem defectus significari meo quidem iudicio non est alia, quam de Christi Domini Passione, & de Iudæorum excacatione. Nam primo, quod Christus in cruce ad Patrem conuersus dixerit ex Ps. 21. *Deus meus, Deus meus, vt quid dereliquisti me?* hæc inquam derelictio in lunæ eclipsi perquam venuste exprimitur. Namque vt luna in suo defectu à sole destituitur, quia tellus se mediam interiecit; non aliter ex eo quod Christus scelera filiorum Adam, (qui per terram denotantur) luenda suscepit, redundauit; vt Christus ipse (qui est mystica luna) ab Æterni Patris claritate atque auxilio derelictus videretur. Id quod suo etiam modo extenditur ad acerrimum dolorem, quo sanctissima Virgo in filij sui passione ac morte cruciatur.

Ceterum, quauis inferior Christi animæ portio tot fuerit cruciatibus atque ignominij affecta, vt merito Christus Dominus à Patre se derelictum lamentaretur; superior tamen animæ portio plenissime immensâ Dei claritate perfundebatur; atque id, quod non integrè in lunæ denotatur eclipsi, mirifice in solis defectu adumbratur. Nam tamen solis nuncupatur eclipsis, quia terræ obscuratur sol, eamque tenebris circumfusam reliquit; ipsi tamen soli nulla in se ipso detrahitur claritas: solem enim, vt pote Dei claritatis imaginem, nulla potest suæ lucis pars deficere. Et quauis tunc luna inter terram ac solem interiecta videatur penitus obscura & tenebrosa persistere; superioris tamen sui partis claritatem minimè amittit.

Hæc omnia eleganter figurant, quod in Christi Redemptoris nostri Passione accidit. Tunc enim Christus ipse (qui mystica est luna) se inter Deum atque homines medium, siue mediatorem potius interposuit. Et quanquam ex hoc Christi interpositu atque interiectu, vitam pro hominibus profundo, suam ipse superioris partis claritatem non amisit; verum in ipsius mundi oculis mystica hæc luna penitus obscurata restitit. non quod illam claritas destituerit; sed quoniam inferior animi pars, quæ hominibus erat obiecta, foedata prorsus ac tenebrosa apparuit; & superioris partis claritas ad diuinæ illius lucis radios sese tunc subtraxit funditus; vt mediatoris officium ipse cumulatissime præstaret. Cum autem Iudaica terra in Christi passione obæcata offenderit; hinc fuit, passionem illam

**A** ac mortem, è qua mundi totius remedium dependebat, Iudæis ipsis perinde fuisse, quasi solis defectu; ipsosque in perpetua caligine perstitisse, nec aspexit se diuinæ prouidentie claritatem, quæ mystici solis vicem gerit. Itaque admirandum illud opus Christi inter Deum atque homines interiecti, vt Deum ipsum hominibus redderet propitium; Iudæos per occasionem ita offendit, & insolita luce præstinxit; vt illa etiam Dei claritatis cognitione, qua fuerant prius imbuti, deinceps destituti remanserint.

Ex dictis colligo, ideo solem in Christi Passione per miraculum defecisse; non solum vt cælum ipsum in Christi morte mœstitiæ ac luctus ederet signa; sed etiam vt in eo miraculo, veluti in symbolica quadam effigie atque imagine figuraretur, quod re ipsa in Christi Domini Passione spiritaliter accidebat. **B** Quod autem defectus ille mirus, insolitus & præter naturam omnino extiterit (erat enim in ipso lunæ obiectu atque oppositu è regione solis;) hoc ipsum mirifice deseruiit ad significandum admirabile illud Christi Passionis miraculum, & Iudæorum excacationis. Quamobrem, non sine diuino instinctu, (quanuis non satis, quod dixit; perciperet,) videtur Dionysius Areopagita stupendum solis defectum miratus, dixisse, aut naturæ auctorem emori, aut naturæ ipsius machinam dissolui.

Præter hæc, quanuis in hac mulieris figura Ioannem lunæ claritas non latuerit, quia ipsam ex superiori parte, aut saltem ex latere conspiciebat; ceterum si Ioannis visionem attentè perpendamus, aliqua ibi ineit solis defectus, respectu terræ, representatio. Sol enim erat supra lunam, & luna ipsa inter solem ac terram media. Quare in hac figura non denotatur lunam inferiore sui parte esse conspicuam & collucentem; sed tantum superiore parte, qua mulierem ipsam collustrabat. Hoc autem veluti quibusdam inuolucris adumbrat, Christianam Ecclesiam primogenitam à Christo in cælum euectam, & in eodè fultam, frui quidem perfectâ solis, lunæ, & stellarum claritate; atque hoc eodem fulgore conspicuam ad Gentes illuminandas proficisci: hanc tamen ipsam protectionem ita fieri, vt Iudaicus populus in tenebrosa nocte immerfus remaneret. Nā vt vidimus cap. 10. terræ symbolum sæpè in Scriptura, & præsertim in Apocalypsi, Iudaicum populum representat. Cum autem in hac visione eclipses figuretur respectu terræ, quæ lunæ subiacebat; significatio est, Iudaici populi terram, (ex qua Ecclesia primogenita in cælum scandere visa est) eam inquam, quæ subtus manebat, obscuram & caliginosam in miraculoso illo solis defectu persistere; & Ecclesiam tantâ claritate ornatam ad ceteras collustrandas nationes, quæ tunc lunæ non subiacebant, commigrare. Etenim si tellus lunæ subiecta denotabat Iudaicum populum; Gentilicus quidem vt pote adeo diuersus congruenter figuratur in remotissimis prouinciis, quod eclipses non attingebat. Quapropter mulier lunæ imposita, ac sole vestita, dum in cælum extollitur; indicat, se Iudaico populo obscura caligine circumfuso, suæ claritatis radios in reliquas orbis nationes dispergere.

*Solis defectus in Christi passione, vt symbolica ipsius significatio.*

*In hac Ioannis visione aliquam esse solis eclipses speciem, & quæ sit eius significatio.*

*Solis eclipses vnde promouentur.*

*Vnde item eclipses lunæ.*

*Solis ac lunæ eclipses, symbolum Christi passionis & Iudæorum excacationis.*

*Quod superior Christi animæ portio in ipsa passione immensâ Dei gloriâ fruebatur, per solis defectum significari.*

*In luna etiā defectu circa Christi passionem philosophari pariter posse.*



## NOTATIO IV.

De mirabili efficacia lunæ in æstuum maris  
accessu, & recessu.

Expenditur  
lunæ effici-  
tia in maris  
fluxu ac re-  
fluxu; & symbolica  
illius repræ-  
sentatio.

Maris fluxus  
ac refluxus unde  
proveniat;  
& quo tem-  
pore ac mo-  
do cōtingat.

Peculiaris  
in maris  
fluxu ac re-  
fluxu obser-  
vatio.

**S**I in lunæ syderum Reginæ creatione singula-  
ris arcanae providentiæ scopus non fuit alius,  
quàm ut in huius nobilissimi astri natura & fa-  
cultatibus mysticam quandam Christi humanitatis  
imaginem, & elegantissimum virtutis eius sym-  
bolum hominibus contemplandum propone-  
ret: hæc ipsa ratio nos inuitat, ut expendamus,  
an ceteræ quoque lunæ proprietates eidem signi-  
ficationi aptissimè famulentur. Inter eas verò  
valde notanda, seu potius admiranda est ea domi-  
natio, quam in mare, & præsertim in Oceanum,  
luna habere; & exercereprehenditur: constat  
enim maris æstuum accessum atque recessum lunæ  
motu gubernari: bis enim inter duos exortus  
lunæ affluunt, bisque remeant; atque adeo Oceani  
affluentia & accessus sex horas & paulò amplius  
continuatur, & tantundem temporis recessus; &  
statim rursus senas horas & tantillo plùs crescere  
visuntur aquæ, & æquale illico succedere decre-  
mentum. Quod verò singulis senis tam accessus,  
quàm recessus horis nonnihil ampliùs addatur; id ex  
eo provenit, quòd inter duos lunæ exortus nonni-  
hil ampliùs intercedit, quàm inter duos exortus  
solis; id nempe quod opus est, ut ab vna coniun-  
ctione lunæ ad aliam sol in diurnis anfractibus vno  
exortu atque circuitu lunam superet: exor-  
diente scilicet lunà quotidie nonnihil tardius.  
Quod etiam vsui est, ut ipsis oculis hauriamus  
maris æstuum accessum atque recessum lunæ mo-  
tu gubernari, (ut suprà dicebamus,) & ab ip-  
sa luna provenire. De quo videri potuerunt Ari-  
stoteles 2. Meteororum, & problemate 23. Pto-  
lomeus libro 2. quadripart. capit. 12. Plinius libro 2.  
capit. 97.

Et quidem philosophicam adeò mirabilis effe-  
ctus reddere rationem, quæ possit intellectui satisfacere,  
id Philosophorum est. Neque parum erit, si  
ita se ab ea difficultate expediant, ut res satis ex-  
posita, & intellecta maneat. Quare illis eà curâ  
relictâ, ac variis eorum opinionibus superlegendum  
ratus, (utpote qui non rationem exquiram,  
sed quis sit effectus considerem; ut notare in eo va-  
leam, quàm aptè deseruiat significationi symboli-  
cæ) in ipso effectû aliquid mihi cernere videor, quod  
nescio an ab aliis observatum sit. Nimirum, quo  
tempore mare à nobis recedit, eodem recedere si-  
militer ab Antipodis: & hoc ipso tempore affluere,  
& accedere ad eos, qui & à nobis, & à nostris  
Antipodis æqualiter distant ad eos nempe, qui sunt  
nobis collaterales, ut ita dicam. Hoc ut ampliùs  
explicem, postulo à lectore; ut eum globum, qui  
ex maris & ex terræ ambitu constituitur, in qua-  
tuor æquales partes diuisum contempletur; ad eum  
prorsus modum, quo spheram coluri diuidunt, se-  
mutud secantes ad angulos rectos sphaerales in po-  
lis mundi, atque adeo partientes spheram in qua-  
tuor partes æquales, quarum quælibet pertingit ab  
vno polo in alium. Hoc facto, id est, diuiso glo-  
bo maris & terræ in illas quatuor partes æquales,  
simul etiam diuiditur Oceanus per illos coluros.  
Hac igitur partitione consideratâ, assero, lunam  
quo tempore facit Oceanum affluere in vna ex il-  
lis quatuor partibus designatis (verbi gratia in ea,  
quæ ad nos spectat) eo ipso tempore effluere, ut  
in quarta parte, quæ proxima est, & quasi collate-

**A**ralis, decreseat idem Oceanus: in sequenti ve-  
rò parte, (quæ ad Antipodas nostros pertinet) af-  
fluentiam & accessum maris contingere illis eodem  
ipso tempore, quo nobis: & denique in vltima quar-  
ta parte, quæ inter nos & Antipodas interiacet, tunc  
quoque, sicut in altera collaterali, Oceanum de-  
crescere, & remeare.

Non eo inficias, valde mirabile esse, quòd eo-  
dem tempore quadripartito discrimine Oceanum  
luna distinguat; ut variato per gyrum effectu suæ  
virtutis efficaciam euidentius ostendet. Si quis ta-  
men, propter rei admirationem, assensum cohi-  
bet; accedat propius, & manifestè cernet rem ef-  
se exploratam atque compertam. Siue enim lu-  
na, cum est supra nos, tunc faciat illam quartam  
partem maris, quæ ad nos pertinet, affluere; siue  
tunc faciat eam refluere, & remeare; quidquid ho-  
rum eligatur, non poterit negari, quin luna respec-  
tû sequentis (versus Occidentem solem) quadran-  
tis, futura sit post sex horas in eadem positione, in  
qua modò est respectu huius Oceani partis, quam  
noster quadrans complectitur. Et similiter negari  
non potest, quin post duodecim horas futura sit  
in eadem positione respectu nostrorum Antipo-  
dum; & post horas duodeviginti in eadem respectu  
quadrantis extremi. His verò ita præstitutis li-  
quidò constat, eum ipsum effectum, qui à lunæ præ-  
sentia dimanare nunc cernitur in Oceanum in hoc  
nostro quadrante, visendum esse post sex horas in  
quadrante sequenti: ex quo confectarium est, ut in  
eo quadrante proximo, nunc proculdubio contra-  
rius effectus contingat. Necessè enim est, ut pars  
Oceani, quæ modò affluit, eadem post sex horas re-  
cedat: & similiter quæ modò recedit, tunc affluat.  
Hac verò continuatâ ratione euidenter probatur, id  
ipsum, quod nos modò cernimus in Oceano, simi-  
liter tunc ab Antipodis cerni. Id quod aliter et-  
iam demonstratur ex eo quòd dubitari non possit,  
quin post duodecim horas renouandus sit in hoc  
nostro quadrante idem effectus, qui nunc in eo  
cernitur à lunæ influxu provenire. Atqui negari  
non potest, quin eo ipso tempore, (id est post duo-  
decim horas) futura sit luna respectu nostri in e-  
adem positione, qua modò est respectu nostrorum  
Antipodum. Ergo necesse est, ut idem modò efficiat  
in eorum quadrante, quod nunc facit in nostro.

**D**His ita explicatis obiter animaduerto, decipi pro-  
culdubio eos, qui maris vel accessum, vel recessum  
provenire suspicantur ab humiditate, quæ à lunæ  
præsentia in partem aeris & aquæ ipsi lunæ subia-  
centem deriuatur. Constat inquam eos toto cælo ab-  
errare; cum enim accessus maris eodè omnino tem-  
pore nobis & Antipodis contingat; & eo ipso tem-  
pore contingat recessus ipsius, qui & nobis & ipsis sunt  
collaterales: fingi non potest, lunam vno eodemque  
tempore in hoc nostro quadrante, & in opposito  
humiditatem producere, ficitatè autem in ipsius duo-  
bus quadrantibus, qui sunt medij inter nos & Anti-  
podas. Quare fieri etiam non potest, ut vera sit eorū  
sententia, qui affluentiam maris exiliant ex eo  
provenire, quòd luna per sui præsentiam globū ma-  
ris & terræ in aduersam partem impellat: hæc enim  
opinio indiget, ut quo tempore ad nos accedit ma-  
re, eodè ab Antipodis recedat. Atqui nō potest globus  
terræ & maris in vtranque partem simul impelli:

Demonstra-  
tur prædicta  
marini ac-  
cessus & re-  
cessus obser-  
vatio.

Improbatur,  
qui maris  
accessum  
& recessum  
referunt in  
humidita-  
tē, quæ à lu-  
nâ in partē  
aeris & a-  
quæ ipsi lu-  
næ subiacē-  
tem deriuat-  
ur.

Demon-



Demonstratumque est eodem omnino tempore nobis & Antipodis accessum maris contingere; & tunc in vtroque quadrante collaterali maris recessum euenire.

Sed relicta Philosophis, (vt suprà dicebam) philosophicâ indagatione, si supponatur id, quod suprà demonstratum est, (scilicet in quatuor Oceani partibus iam assignatis & per coluros diuisis, eodem tempore, quo ad nos accedit Oceanus, accedere etiam ad eos, qui nobis sunt Antipodes, & tunc recedere ab eis, qui nobis sunt collaterales) hoc inquam supposito, necessariò fatendum est in ipsis Oceani aquis semper à luna duas designari cruces, alteram sub hoc polo, alteram sub illo. Nam ibidem etiam ex coluris se inuicem secantibus, crucem vtrâque ex parte concipimus. Sed hoc interest, quòd cruces à coluris formatæ non sunt veræ, sed imaginariæ; quas verò facit in Oceano luna, veræ sunt, & reapse in aquis formatæ. Si enim hæc pars Oceani reuera affluit, atque redundat; pars verò illa, quæ huic proxima est, eodem tempore minuitur, atque recedit: fieri non potest, quin aliqua linea veluti limes accessum à recessu determinet, & vtrumque effectum distinguat. Imò verò hoc distinctionis signum non solum est necesse, vt in maris superficie existat; sed etiam vt veluti gladius interiora aquarum vsque ad abyssi profundum penetret: æstusque turgidos atque tumentes ab aquis subsidentibus & recedentibus penitus diuidat. Hæ verò cruces, (siue linearum, siue gladiatorum) nunquam quietæ consistunt; sed ad lunæ motum eadem celeritate se conuertunt, ac torquent. Quemadmodum etiam coluri nunquam gyrum agere cessant. Secant enim Zodiacum transeuntes alter per principia Arietis & Libræ; alter per principia Cancri & Capricorni. Atque ita sicut Zodiacus semper circumagitur; sic etiam necesse est, vt coluri semper in gyrum conuertantur. Illi verò coluri (vt sic eos appellem) quos reipsa in Oceano designat luna, non ad Zodiaci motum, sed ad lunæ ipsius motum se conformant, vt ex prædictis facillè intelligitur. Atque hætenus quidem lunæ dominationem in mare considerauimus, superest ad applicationem animi aduertere.

### Applicatio.

Admirandâ lunæ in Oceanum dominatione superius explicatâ, voluit nobis diuina Prouidentia quasi penicillo depingere dominationem illam, quam Christo Domino in Gentilismum concessit Pater Æternus, quamque Psalm. secundo promiserat ei per illa verba, *Postula à me, & dabo tibi Gentes hereditatem tuam.* Oceanus enim Gentilitatem omnino adumbrat, vt explicatum est Ioanni ab Angelo sic interpretante, *Aquæ multe sunt populi multi, & Gentes, & lingue.* Ad maximam verò potestatem denotandam nihil aptius effici potuit, quàm vnam Oceani partem augere, & alteram minuere; & hoc variato effectum, maris æstus distingue-

re. Certè quod in Psalm. 74. numero octauo legimus, *Hunc humiliat & hunc exaltat*, ad supremæ dominationis, seu potestatis experimentum manifestè refertur. Ad expressionem verò potestatis imaginem spectat tum quadripartita illa mirandi effectus distinctio, tum etiam eiusdem effectus circumlatio: per quam ea pars exaltatur, quæ fuerat humiliata atque depressa; & illa etiam deprimitur, quæ fuerat subleuata & tumefacta. Quoniam verò supremæ potestas, dominatioque in mysticum mare, (id est in Gentes) data est Christo propter crucis acerbissimum cruciatum; inde est, in ipso Christi imperio & potestate in omnes Gentes mirificè elucere ipsius crucis Christi gloriam. Ad hoc autem denotandum, quid congruentius optati potuit, quàm vt in ipso experimento dominationis, quod luna habet in Oceanum, semper figura crucis Christi vtrique manifesta exsistat, & gloriòse in orbem circumferatur.

Quod verò interlunij & plenilunij diebus multò fit maior & expressior maris æstuum accessus atque recessus (quod vulgus aquas viuas appellat) atque adeò tunc non solum in Oceano, sed etiam in Mediterraneo mari euidentissimè appareat: id etiam significationi symbolicæ mirificè congruit. Lunæ enim coniunctio, (per quam nostris obtutibus obscuratur) mortem Christi Domini adumbrat; quemadmodum & resurrectionem, oppositio; in qua luna omnino suam lucem & gloriam integrè ostentat. Elegantissimum verò est, vt vtriusque mysterij maiestati mare mysticum, (hoc est Gentilitas) singulariter se subiectum esse re ipsa fateatur: & propterea in vtriusque mysterij representatione altius se maris æstus deprimant, & attollant.

Quoniam verò in maiorem tam plenilunij, quàm interlunij efficacitatem incidimus; appendicis loco visum est hîc nonnihil annexere de lunaticis, qui eisdem diebus vehementius furunt: nam & hoc quoque nostro instituto deferuiet. Animaduertendum tamen est, acriorem illum furorem non effici directè à luna, cum in sanorum capitibus nihil huiusmodi efficiat; sed indirectè propter capitum eorum insanitatem. In hoc autem peregrino effectû designari videtur id, quod certissimum est, nempe eos qui in sua impietate obduruerunt, (qui sunt verè insipientes & fatui) in mystico interlunio, & plenilunio furere. Quia nihil est in Christiana Religione, in quo illi vehementius furant atque bacchantur, quàm Christi veri Dei mors, & eiusdem mortui resurrectio. Hoc verò est, quod Paulus prædicat, scilicet Euangelium, (quod ad Christi mortem & Resurrectionem reuocatur,) esse Gentibus stultitiam, siue insaniam. Vnde ad eorum mysteriorum prædicationem furebant miseri, & aduersus Euangelii prædicatores, nec non aduersus fideles omnes tragedias furiosi excitabant. Sicut enim Gentes Christo subiectæ in humilitate mortis Christi, & in gloria Resurrectionis eius, maiorem in modum se illi subiiciunt, vtrumque mysterium maximè venerantes; sic etiam iis, qui adhuc insaniunt, maxima hæc nostræ salutis mysteria, maioris sunt furoris occasio.

Christi crucis potestas in Gentium conuersione.

Plenilunij accessus & recessus interlunij quid mysticè adumbrant.

De lunaticis, acque mystico eorum symbolo consideratio.

À luna effluencia binas veluti cruces in Oceani aquis imprimi, sub singulis polis singulari.

Mystica prædictæ philosophiæ consideratio.

Effectum marini tum accessus, tum recessus esse symbolum summe potestatis.



## N O T A T I O V.

*In qua explicatur, ex quibus Scripturæ locis sit desumptum hoc lunæ  
Symbolum, quod Christo tribuitur.*

Ex quibus  
Scripturæ  
locis desu-  
matur lunæ  
symbolū ad  
Christi hu-  
manitatem.

Primus est  
ex Genes. c.  
1. & Psal.  
135.

Secundus ex  
Iobi 25.

Tertius ex  
Psal. 8.

**S**I ferè omnia Apocalypseos symbola ex insigni-  
bus veteris instrumenti locis accersuntur, (vt do-  
ctis fatendum erit) dubium mihi non fit, quin no-  
bile hoc lunæ symbolum Christo applicatum ex al-  
liquo Scripturæ locis sit petitum. Querenti igitur  
locos huiusmodi, illud imprimis occurrit; hanc sci-  
licet forsitan fuisse mysticam significationem à di-  
uino spiritu intentam. Gen. 1. 16. cum dicitur: *Lumi-  
nare maius, vt præset diei; & luminare minus, vt præse-  
set nocti.* Ex quo sumptum est illud Ps. 135. 9. *Solem in  
potestatem diei, lunam & stellas in potestatem noctis.* Vbi  
ibidem fortè mysterium delitescit. Et de loco Gene-  
seos dicemus in notatione ad Psalmum 28.

Deinde Iobi 25. 5. dum dicitur: *Ecce luna non splen-  
det; & celi non sunt mundi in conspectu eius;* forsitan sermo  
est de luna mystica, id est, de Christi Domini huma-  
nitate; & de mysticis cælis, id est de Ecclesia primo-  
genita. Nam omnis creata lux, quanuis Christi etiā  
humanitas comprehendatur; si tamen cum diuini-  
tatis luce compareretur, verè dicitur in conspectu eius  
non splendescere. Si verò in hoc loco de luna cor-  
porea sermo esset, parum admodum in ea locutione  
significaretur; quandoquidem nec sol vnus, nec  
mille soles possunt cum diuinitatis luce coasferri.  
Quid, si peculiari etiam mysterio de luna dicatur,  
*Non splendet non tamen, Non est munda:* cum Dei ad-  
huc conspectu humanitas Christi sit ab omni sce-  
lerum contagione immunis? Id quod in cælo my-  
stico secus accidit. Nam Christo Iesu, & ipsius Matre  
exceptis, omnes peccauerunt, & egent gloria Dei.

Ad hæc Psal. 8. (vt in eius commentario videbi-  
mus) literalis sensus non est de materiali luna, aut  
stellis; cum dicitur numer. 4. *Lunam & stellas, quæ tu  
fundasti,* sed de Christo, & ipsius Apostolis, ac viris A-  
postolicis.

A

Fortasse etiam Ps. 71. 5. dum videtur de Salomo-  
ne dici, *Permanebit cum sole, & ante lunam;* de mysticis  
sole, ac luna sermo est. Agitur enim ad literam de  
Christo Domino; qui cum sole, id est, vnà cum diui-  
nitate, quasi luna cum sole; sed ante lunam, id est,  
multò clarior, quàm luna, splendet. Nam luna hu-  
ius claritas claritatem solis æmulatur, vt habetur  
Isaia 30. 26.

Præterea Psal. 88. 38. dum Deus de Dauide agens,  
iurasse dicitur, *Thronus eius sicut sol in conspectu meo, &  
sicut luna perfecta in æternum;* valde suspicor, de Chri-  
sto vero Dauide, qui verus est Deus, & verus homo,  
sermonem institui: qui propterea lucet simul sicut  
sol, & sicut luna perfecta in æternum. Vt sol quidè,  
quia Deus est; vt luna, quia verus Messias.

Item Cant. 6. 9. de Ecclesia prædicatur, *Pulchra vt  
luna.* Vbi forsitan etiam est sermo de Ecclesie pulchri-  
tudine ad lunam, id est, Christi Domini imitationem.

B

Similiter Apocal. 21. n. 23. manifestè respicitur ad  
illud Isaia 60. 20. *Non occidet ultra sol tuus; & luna tua  
non minuetur.* Quibus in verbis liquet, sermonem  
haberi de sole mystico & mysticâ lunâ. Alioquin nō  
diceretur sol iusti, nec iusti luna; nec hic sol & luna  
vnquam aut occidere aut minui peribarentur. Io-  
annes ergo in Apocalypsi disertè explicat, solem il-  
lum, de quo Isaia agit, esse diuinitatis claritatem; &  
cælestis Ierosolymæ lunam esse Christum, de quo in  
cælesti patria dum sermo est, verè dicitur luna nun-  
quam diminuenda; iuxta illud Psal. 88. 38. *Sicut luna  
perfecta in æternum.*

Denique Habacuc 3. n. 11. in ijs verbis, *Sol & luna  
steterunt in habitaculo suo;* lunæ nomine, in literali sen-  
su sermo est de Christi Domini humanitate; sicut  
de diuinitate in nomine solis, vt explicabimus in il-  
lius Cantici commentario.

Quartus  
ex Psal. 71.

Quintus  
ex Psal. 88.

Sextus ex  
Cant. 6.

Septimus ex  
Isaia 60.

Octauus ex  
Habac. 3.

## T E X T V S.

*Vers. 2. Et in vtero habens clamabat parturiens; & cruciabatur, vt pariat.*

## C O M M E N T A R I V S.

**M**VLIER, quæ in desertum aufugit, sine dubio est Ecclesia primogenita, quæ post Iudaici popu-  
li obdurationem sese ad Gentiles recepit. Porro primigeniæ huius Ecclesiæ nomē apud Scri-  
pturam est Sion, siue mater Sion. Ibi enim eam Christus fundauit, diuino Spiritu in discipulos eodē  
coactos demisso. Quibus ita constitutis, facillè intelligitur contineri in hoc loco manifestam allusio-  
nem ad Isaia 66. 7. *Antequam parturiret, peperit, antequam veniret partus eius, peperit filium masculum.* Et infra:  
*Quis audiuit vnquam tale? & quis vidit huic simile? numquid parturiet terra in die vna? aut parietur gens simul, quia  
parturiuit, & peperit Sion filios suos?* Vbi aduertendum est, verbis illis, *Antequam parturiret, non denotari,  
partum absque doloribus fuisse in lucem edium;* sed tam dolores, quàm partum ipsum pariter con-  
fluxisse. Quod indicat miram celeritatem, qua Ecclesia primæua ingentem fidelium numerum  
Christo effudit; vt mox verbis illis explicatur, *Quis audiuit vnquam tale, quia parturiuit, & peperit Sion filios  
suos?* Quasi diceret dolores partus præcursores, ac partus ipse simul aduentarunt. Non tamen absque  
doloribus, & cruciamentis partus accidit; cum mox Propheta subiiciat, *Parturiuit, & peperit.* Verbum  
autem *Parturio*, dolores parturientis haud dubiè designat.

Allusio in  
parturiente  
femina ad  
Isaia locum.  
Quid sit a-  
pud Isaiam;  
Antequā  
parturi-  
ret, pepe-  
rit.

C



A Sermo igitur est de mystica illa femina, quæ in Scriptura appellatur Sion. Et ea ipsa est spiritalis Ierosolyma, de qua Isaia 3. 3. *De Sion exhibit lex, & verbum Domini de Ierusalem.* Vtraque enim allegoria & femina, & ciuitatis ad Christianæ Ecclesiæ significationem egregie deferuit. Et ambæ etiam allegoriæ diserte copulantur Apocalypsis 19. & 21. vbi de Ecclesia, vt de sponsa, vtque de vrbe sermo est. In hymno item, qui in Ecclesiæ dedicatione concinitur, iunguntur quoque hæ allegoriæ. Quod prudenter satis fit; vt ea ratione admoneamur, non esse nobis in grammatico sensu consistendum; sed ad mysterij arcana penetrandum. Hæc est igitur illa Sion, de qua frequentissimè apud Psalmos & Prophetas mentio est. Psalmorum quidem loci sunt quadraginta: Isaia verò quinquaginta. In Psalmi autem duodetrigesimi commentario planum fiet, quam meritò Sionis nomen fuerit primogenitæ Ecclesiæ inditum, per allusionem ad tabernaculum illud à Dauide in Sionis monte Deo erectum. Eademque allusio expressa est ad Hebræos 12. numero 32. Vbi dicitur. *Accessistis ad Sion montem, & ciuitatem Dei uiuentis ad Ierusalem caelestem.* Vbi quauis Apostolus eam caelestem appellet Ierosolymam simili ratione, qua hic dicitur in cælo apparuisse; manifestum autem est, non de triumphante Ecclesia, sed de militante esse sermonem: ad quam accesserant fideles, quibus Apostolus scribit. Similiter de eadem Ecclesia militante loquitur non obscurè Paulus ipse ad Galatas 4. numero vigesimo sexto. *Illam autem, quæ sursum est Ierusalem, libera est, quæ est mater nostra.* Et subdit, hanc esse, quæ multos filios parturiebat. Lege etiam ad Romanos 9. numero trigesimo tertio, & 1. Petri 2. numero 6.

*Mysticam hanc feminam esse eandem, quæ in Scriptura appellatur Sion.*

*Eandem etiam ab Apostolo appellari Ierusalem caelestem.*

B Ex hac insuper Apocalypseos allusione ad id Isaia 66. 7. validè confirmatur, quod supra in primi versus commentario statuimus, videlicet non esse hic sermonem de Ecclesia secundum eum statum, quem sub Antichristi aduentum est habitura; sed iuxta eum, quem primitiua Ecclesia habuit: quia de illa manifeste loquitur Isaia locus. Summa enim illius Isaia capitis est fastidium Dei, siue satietas de Iudaico cultu sine timore Dei; atque adeò synagogæ reprobatio, & Gentium electio per mirabilem Sionis partum. In fine autem capitis rursus agitur de vocatione Gentium, & de nouæ Ierosolymæ felicitate.

*De quo Ecclesia statum sit sermo sub hac imagine parturiens allegoria.*

C Iam quòd in vtero habere visa sit, non referendum est solum ad vnus filii, aut alterius; sed ad complurium grauiditatem, vt ex allusione ad locum Isaia constat. Quamobrem quauis hoc in loco prius mentio fiat filij primogeniti: paulo tamen post subditur, Ecclesiam multos peperisse filios; aduersus quos prælum commissurus abiit draco, vt habetur infra in hoc capite numero 17. Vnde grauiditas hæc quàm plurimos pollicebatur filios; & verè ita contigit. Nam Euangelij per totum orbem promulgatio, (quæ figuratur per mundi illustrationem, solis, lunæ, & stellarum claritate) perinde fuit, quasi spiritalis quædam innumerabilium filiorum grauiditas, siue foetura. atque ita cernitur, conuenienter mundi illuminationem cum mulieris parturientis figura in presenti copulari.

*Fœmine huius futuram non de vno solum filio, sed de pluribus esse accipiendam.*

D CLAMABAT PARTURIENS; ET CRUCIABATUR VT PARIAT. ] In filiis primis, quos primæua Ecclesia peperit Christo, videtur vel maximè expletum fuisse, quod Isaia verba insinuant, nempe filios eos penè absque partus cruciatu fuisse susceptos, *Antequàm parturiret, peperit.* Nam vt primum Spiritus sanctus in Apostolos descendit, prodiit mox Petrus ingenti animi feruore concionabundus. Et appositæ sunt in die illa animæ circiter tria milia, Actuum 2. numero quadregesimo primo. Et similiter contigit illis diebus in primis Apostolorum concionibus. Nihilominus tamen in feruida Euangelij prædicatorum oratione & incredibili contentione, qua animorum saluti inhiabant, eleganter verbi *Parturire*, vis atque energia exprimitur. Nec in alio sensu illud Paulus vsurpat ad Galat. 4. 19. *Filioli mei, quos iterum parturio.* Et certè, si in primorum illorum conuersione non ita dispiciuntur Apostolorum labores ac defatigationes; in Gentilium saltem conuersione, & in ærumnis atque calamitatibus, quas Apostoli subierunt in Christi fide per totum terrarum orbem propagandâ; in hoc (inquam) satis patuit, quàm propriè ac significanter allegoria ex partus doloribus petita, vsurpetur. Hæc enim spiritalis foetura illis maximo cruciatu, maximisque angoribus constabat: nec tamen ideo à suscepto prædicandi consilio deterrebantur. Et verò energiam hanc & concinnam metaphoram ex partus cruciametis atque clamoribus petitam, apprimè exposuit Christus Dominus agens de Apostolorum tristitia Ioan. 16. 21. *Mulier cum parit, tristitiam habet, quia venit hora eius; cum autem peperit puerum, iam non meminit pressuræ, &c. & vos igitur nunc quidem tristitiâ habetis, &c. Si ergo tunc aptus fuit comparationi locus; nihilo fuit ineptior, quando tristitia illa atque pressura ad spiritalium filiorum partum spectabat. Id quod figuratur in eo, quod textus refert de muliere clamante, & cruciabatur vt pariat.*

*Fœminam hanc mysticam parturire, quid significet.*

E Clamores insuper eiusmodi idoneè referuntur non ad clamores solum orationis, sed etiam ad clamores prædicationis; ac demum Euangelicis concionatoribus tribuit Scriptura nomen matrum, quæ ex diuino spiritu concipiunt, & spiritales Deo filios procreant. *Semen autem est verbum Dei.* hoc est, cælestis doctrina. Quia verò noui filij Christum Dominum in animi virtutibus, ac veluti lineamentis ad viuum exprimunt: eapropter rite etiam dicuntur Euangelij prædicatores esse Christi matres; dum filios hosce spiritaliter pariunt. Atque ita in eisdem expletur, quod Christus Iesus Matth. 12. numero 50. expressit; *Quicumque fecerit voluntatem Patris mei, qui in cælis est, ipse meus frater, & soror, & mater est.* Qui enim per vitæ imitationem fit Christi frater, per prædicationem mater efficitur; vt optime philosophatur Gregorius. Postremò ad primigeniam Ecclesiam, quæ ad Gentes illuminandas, & Romam potissimum properabat, possumus haud perperam Michæ verba applicare, capit. 4. num. 10. *Dole, & satage filia Sion quasi parturiens, &c. & venies vsque ad Babylonem, ibi liberaberis, ibi redimet te Dominus Deus de manu inimicorum tuorum.*

*Clamores fœminæ parturiētis quid innuāt.*

Denique ex versiculi huius verbis edocemur, illis, qui ad animorum conuersionem se totos traducunt, compertum debere esse, hoc sibi munus excellentissimum non gratis, sed ingentibus partus clamoribus atque doloribus constaturum ad primæuæ Ecclesiæ imitationem; quæ huiusmodi

*Qua contentione & studio se debeant gerere, qui animorum salutem incubant.*



doloribus filios Deo protulit. In his autem cruciatibus figurantur pariter curæ, anxietates, corporis atque animi afflictiones pro animorum salute procuranda: dolor item de hominum sceleribus in Deum patris, ac zelus, qui cor exedit atque consumit. Iuxta illud Psal. 68. 10. *Zelus domus tua comedit me.* & tandem laborum atque ærumnarum inuicta tolerantia, pro obsequio in proximos strenuè impendendo. Quinimò si opus sit, debent in tanti operis progressionem vitam prodigere, vt Rachel ex Beniamini partu interiit.

## T E X T V S.

*Vers. 3.* Et visum est aliud signum in cælo: & ecce draco magnus rufus habens capita septem, & cornua decem & in capitibus eius diademata septem.

4. Et cauda eius trahebat tertiam partem stellarum cæli; & misit eas in terram; & draco stetit ante mulierem, quæ erat paritura: vt cum peperisset, filium eius deuoraret.

## C O M M E N T A R I V S.

Hoc draconis signum cuiusmodi fuisse fingatur.

Aliorum explicatio de ingenti draconis magnitudine.

Serpentes aliquot magnitudinis prægrandis.

**S**IGNVM in præsentem nihil est aliud, quàm res mira, (vt versu primo explicui.) Mirum autem hoc signum nonnulli exponunt de draconis præsertim magnitudine, deque septem ipsius capitibus, cornibus decem, ac de ipsius alis ac velocitate. Nam immanissimus draco pro re prorsus admiranda reputatur. Ideo Plinius vt stupendum miraculum refert, libr. 8. cap. 14. enormem quendam serpentem centum viginti pedibus longum, qui oppidi instar tormentis atque ballistis, fuit oppugnatus ac deuictus. Refert etiam eodem capite, serpentes in India in tantam adolefcere magnitudinem, vt solidos hauriant ceruos, taurosque. Porro de anserinis pedibus, & alis draconum, mira etiam sunt quæ referuntur à Gesnero, & Bustamantio, nec non à Lellæo in sua Scotia, libro decimo fol. 541. Iouius item lib. 18. ait Georgiani regni incolæ assueverunt in suis vallibus alatos gigni dracones. Et Lucanus de draconibus loquens, ait, eos ducere in altum aëra cum pennis. Hos autem alatos dracones afferunt Eucherius & Isidorus in Scriptura Syrenes appellari. Et Isaia 14. 29. vbi nos legimus, *Semen eius absorbens volucres.* Septuaginta legunt, *Serpentes pennati.* Arias vertit; *Fructus eius serpens ignitus volans.* Alii verò: *Cerastes volans.* Verum est tamen aliquot interpretes secus explicare, scilicet Basiliscum sua vi attrahere ad se, atque deijcere aues volantes.

His accedit, quod admirationi planè est, nimirum multitudo capitum, & cornuum. Licet enim non desit quispiam, qui referat, vidisse se serpentem septicipitem, quem perhibent apud Bauariæ Ducem balsamo conditum vetustati asseruari. Et Gesnerus etiam referat, similem alium ad Regem Galliarum fuisse delatum: ipse tamen Gesnerus subdit, pro certo tunc percrebuisse, huiusmodi serpentem non à natura procreatum, sed ab arte fuisse confectum, ad lucra viso huiusmodi comparanda. Idemque potest de illo apud Bauariæ Ducem seruato coniectari. Sat noui, nonnullos, ne velut omnino incredibile monstrum hoc existimetur, adducere verba illa Psalm. 73. 14. *Tu confregisti capita draconis.* Per quæ verba (vt notat Iansenius) Pharaon cum dracone multorum capitum comparatur. Ibi tamen nec de septem draconis alicuius capitibus mentio fit, nec Hebraice habetur in plurali numero, *capita*; sed *Leuiathan*, in singulari. Et fortè cum Leuiathan plurali numero careat, vt exprimerentur Leuiathanes, periphrastice dictum fuit, capita Leuiathan. Nam Leuiathan est immanis cetus, vt patet ex eius descriptione Iob 40. Nemo autem cetis plura capita tribuit.

Verum enim verò, siue intra naturæ vires serpens dari possit septiceps, siue non: in ænigmate saltem nihil est, cur illud vereamur fingere, quod in rerum natura fieri non potest; nec enim opus est figuram huiusmodi ex rebus naturalibus esse desumptam, cum satis sit aptè fuisse confectam ad alicuius mysterij significationem. Quare non propterea signum, id est, res mira nuncupatur, quod serpens hic per aëra volans sit valde ingens, & multis capitibus admirandus, sed quia denotat quidpiam, quod re verà est admirabile: ita vt meritò fingi potuerit hæc bellua multiceps esse in cælo. Id ergo est, quod explicatione indiget: cur scilicet in cælo apparuerit hic draco, qui quidem refert Satanam, vt expressit Ioannes numero 9. dicens, *Vocatur diabolus, & Satanas.*

## Cur draco in cælo apparuerit?

**H**VC dubitationi respondebit aliquis, ideo draconem in cælo visum; vt innuatur ipsum pro Deo cultum ac veneratum esse. Hoc autem mirandum prorsus est, eò scilicet mundi cæcitate & amentiam deuenisse, vt dæmoni diuinitatem detulerit, eumque pro Deo suspexerit. Qua ratione non malè conueniebat signi nomen. Ceterum si, quod draco in cælo sit visus, ad idololatriam refe-

ratur;

Auctoris expositio de signi magni appellatione ad draconem describendam.

Cur draco in cælo apparere dicatur?



A ratur; oportebit, cum infra numero 9. dicitur, *Proiectus est de calo*, hunc draconis casum ad idololatriæ euerfionem referri, quod dici nulla ratione potest. Etenim quauis prima specie appareat, verbis illis, *Proiectus est draco*, alludi ad Christi dictum Ioan. 12. 31. *Nunc princeps huius mundi eicietur foras.* (Quæ verba Maldonatus, & Toletus explicant de iure, quod dæmon per Christi mortem amittit: Salmeron verò cum multis Patribus, quos adducit, de ipsa idololatriæ destructione: ) si tamen Apocalypseos contextus seriò examinetur, minimè videtur cohærere, vt in capit. 12. dum dicitur proiectus fuisse draco, agatur aut de iure dæmoni in mundi dominatione ablato; quia non est de Christi Passione fermo; aut de idolorum culturæ extinctione. Nam verba illa præcedunt persecutionem à Romano Imperio excitaram aduersus Ecclesiam. Quare de idololatriæ excidio vera comprobari non possunt; cū constet ante persecutiones à Romano Imperio contra Euangelii prædicatores commotas, idololatriam ex eodem Imperio Romano non fuisse expulsum. Quamobrem, si vox *Proiecti*, non indicat idololatriæ exterminationem; nec in calo id accidisse, signum erit draconem siue Satanam pro vero numine fuisse cultum. Siquidem post ea, quæ textus refert, quando ait, *Proiectus est draco*, fuit etià ab idolorum cultoribus pro Deo habitus. Nam deinceps c. 13. dicitur, Romanum imperium idolorum cultui deditum Christianam Ecclesiam insectari.

B Dicit alius, quòd draco in calo, id est in aère fuerit visus, referendum esse ad magnam ipsius potentiam, qua maximum possit detrimentum ac perniciem hominibus importare: est enim alatus hostis, qui velocitate ingenti potest absque vilo impedimento per aëra volitare. Atque id fortassis innuit Paulus ad Ephel. 2. 2. vbi dæmonem appellat principem potestatis aëris huius, & cap. 6. num. 12. de dæmonibus agens; *Aduersus spiritualia nequitia in caelestibus.* Quo in loco nomen nequitiae ad astutiam, calliditatem atque versutiam refertur. At verò in *caelestibus*, idem est, quod per aëra cum ingenti potentia. Vnde maxima vis, quæ draconi inest ad damnum inferendum, eleganter figuratur in eo, quòd in calo apponatur: hoc est, per aëra pennis volitet. Quæ videtur esse egregia pictura; vt exprimat, quanta sit dæmonum humani generis hostium horribilitas. Qua de re legendus est insignis Chrysostomi locus, tomo 5. tract. de sacerdotio in fine.

C Verù isthæc expositio minime præfenti instituto congruit. Nam si ideo in calo apparuisset draco, vt huiusmodi symbolo terribilis ipsius potentia notaretur, ipsius ex calo deturbatio deberet esse signum deperditæ iam potentiae, quam si nondum amiserat per Christi Passionem, (siquidem post eam alatus in Apocalypsi depingitur) verè dici non potest dæmon ante idololatriam ex Romano Imperio depulsum, suam amisisse potentiam propter mulieris partum, aut propter egregium aliud Ecclesiæ facinus, quod in Michaelis & Angelorum cum dracone conflictu figuratum sit. De quo infra versu 7.

Alia expositio est, quam sequitur noster Ribera; ideo videlicet draconem in calo esse visum, quia bellum infert militanti Ecclesiæ, quæ in calo descripta erat; & præcipue propter bellum, quod gerit cum iis, qui inter fideles stellarum instar sunt. Adiuuat expositionem hanc, quod narrat Zacharias cap. 3. 1. *Satan stabat à dextris eius, vt aduersaretur ei.* Sicut igitur ad bellum denotandum, quod dæmon aduersus Iesum sacerdotem mouebat, ad ipsius dexteram fuit conspectus: sic congruens videtur fuisse, vt dæmon sub draconis specie pingatur in calo; quo denotetur bellum à dæmone contra mulierem in calo positam susceptum. Aut fortasse in hac draconis pictura alluditur ad illud Iob 1. 6. & cap. 2. 1. vbi Iobum accusaturus adfuit Satan inter filios Dei. *Cum venissent filii Dei, & starent coram Domino.* Quod perinde esse videtur, quasi in calo Angelis admistus apparuerit veluti Iobi accusator. Ad quod manifesta allusio continetur Apocalypsi 12. 10. dicitur enim; *Quia proiectus est accusator fratrum nostrorum, qui accusabat illos ante conspectum Dei nostri.*

D Sed neque in hac expositione animus acquiescit. Nam si bellum iis illatum, qui in calo degunt, (quia illorum conuersatio in calis est) sufficit, vt draco etiam, qui eos bello infestat, in calo depingatur; hoc quidem bellum cum mulieris partu non est finitum: perspicuum namque est, bellum longius processisse, vt in capitulis sequentibus recensetur. & singulatum bellum exarsit crudelissimum sub persecutionis tempora. Cùm autem textus indicet, ante hoc bellum fuisse draconem in terram deturbatum, neque locum eius in calo amplius inuentum; ratio ergo, cur in calo affingatur draco, non est propter bellum ab eo illatum iis, quos Apocalypsis in calo depingit. Nec verò ea potest reddi ratio, quòd scilicet delatoris partes aduersus fideles ageret, Nam antequam draco hoc accusatoris officio defungatur, textus exprimit, illum è calo fuisse expulsum. Quare quòd in calo apponatur; non innuit, illum accusatoris partes agere. Quomodo autem sit intelligendum, quod dicitur, proiectum fuisse de calo eum, qui Dei seruos accusabat; infra suo loco dicemus.

E Respondebit fortasse alius, dæmonem quidem in calo conspici, non vt ibi esse significetur; sed vt ostendatur in ea vehementi auiditate, qua dæmon mulieris filios, ac præsertim primogenitum, deuorare studebat, pristinum illud bellum fuisse redintegratum, quod in calo quondam exarsit; quando Satanas aduersus Deum rebellauit; quod bellum Theologi aliquot existimant ex dæmonis superbia, & aduersus Christum indignatione directè fuisse coortum. Iuxta quam explicatio nem sensus erit eiusmodi; vt dæmon in Christum quondam conspirauit, ita etiam coniurauit postea aduersus Romanam Ecclesiam, quòd illam in suis primordiis, si posset, degluberet; propterea quòd extimesceret, à Romana Ecclesia se mundi imperio ac dominatione priuandum. Quando verò dicitur dæmon è calo corruisse, nec locus eius in calo amplius fuisse inuentus; in hoc etiam allusio eadem ad bellum antiquum continuatur. Quapropter non opus est præstare, dæmonem in calo extitisse; neque enim aliud est sensus, nisi tantum, accidisse dæmoni, quod olim in calo degenti accidit: cùm & superatus fuit, & inde expulsum.

Verum enim verò, quauis in hoc Apocalypseos bello ad pristinum illud alludatur, cùm Satanas & eius focii de calo sunt deturbati; hæc tamen allusio non impedit, quominus hæc dæmonis in calo pictura sub partus sceminae tempus, & dæmonis ipsius postea ruina, non possint maiorem aliquam exprimere energiam; id quod in præfenti inuestigamus. Nam simplex ad illud vetus bellum

1. Explicatio de adoratione dæmoni ab ethnicis delata: quæ tamen excluditur.

2. Explicatio de dæmonis potentia.

Reiicitur prædicta expositio.

3. Expositio de dracone persequente Ecclesiam; quæ in calo esse obrita sanctitatis, dicitur.

Impugnatur 3. expositio.

4. Expositio de ingenti dæmonis auiditate mulieris filios deuorandi.

Non nihil adhuc aliud præter quartæ expositionis sensum desideratis



respectus non satis esse videtur, vt propterea absque alio mysterio draco aspiciatur in cælo. Etenim primum illud bellum fuit etiam instauratum in acerrimis congressibus, quibus dæmon deinceps Ecclesiam opprimere tentauit: nec tamen ideo huiusmodi bella dæmon in cælo gessisse fingitur: sed vel in terris, vel in maris littore, vt in capitis huius fine habetur.

A  
Auctoris in-  
terpretatio  
de magna  
dæmonis fi-  
ducia, fore  
vt Ecclesia  
superaret.

Reiectis igitur quatuor expositionibus, superest eam proponere, quæ mihi videtur probabili-  
lior. Quod ergo draco apparuerit in cælo, existimo non solum denotare, ipsum inferre bellum Eccle-  
siæ primogenitæ, (quam Apocalypsis magna cum energia depingit in cælo;) verum etiam in hoc  
bello magnam draconi inesse fiduciam, fore vt Ecclesiam ipsam superaret. Etenim dum hæc dæ-  
moni iniecta erat spes; quantunvis ingentes alas haberet mulier; poterat adhuc dæmon sperare, se  
superiorem atque victorem euasurum; atque adeo Ecclesiam in acerrimo hoc conflictu deuictum  
iri. Ad huiusmodi significationem bellæ habet, quemadmodum mulier in cælo, (id est, è terra sub-  
limis) existeret, ita etiam draconem in cælo videri; hoc est, cum magna expectatione de victoria à  
se reportanda. Quodd verò iactantia & gloriatio meritò fingatur alas tribuere, & ad cælum vsque eos  
extollere, qui Rempublicam se oppressuros esse confidunt; patet ex illo Isaia 14. numero decimo  
tertio, *In cælum conscendam, &c.* vbi loquitur Nabuchodonosor. Et Danielis 8. 10. de Antiocho dicitur,  
*Magnificatum est vsque ad fortitudinem cæli.* Et de eodem 2. Machab. 9. numero decimo. *Sydera cæli con-  
tingere se arbitrabatur.* Et 1. Machab. 1. numero quarto, de Alexandro Magno, *Exaltatum est & eleuatum  
cor eius.*

B  
Ratiocina-  
tio, unde  
dæmon po-  
tuerit fidu-  
ciam supe-  
randa Ec-  
clesiæ conci-  
pere.

Deinde quanuis dæmonem obcæcaret ipsius superbia & arrogantia ac diuinæ prouidentie con-  
filiis ignorantio; eò tamen res esse deducta videbatur, ita omnia prouecta atque disposita, vt dæ-  
monis astutia atque calliditas, priusquam reapse ita fieri cerneret, minimè suspicari potuerit, Chri-  
stianam Ecclesiam superiorem euasuram in difficillimo & grauissimo opere, quod exequi tenta-  
bat, Christi nomen toto terrarum orbe amplificandi; Ecclesias in cunctis Romani Imperii prouin-  
tijs erigendi; & inanem idolorum superstitionem penitus ablegandi. Nam imprimis, cum primi-  
tiua Ecclesia omnes contendisset neruos in Iudaici populi conuersionem; illud profecerat ad sum-  
mum, vt decimam tantum partem ad Christiana sacra traduceret; reliquis nouem partibus ita in  
sua perfidia obstinatis, vt quodammodo dæmon gloriari posse videretur, se in eo bello com-  
pendium potius, quam dispendium fecisse: siquidem ex decem fidelis populi partibus, nouem  
ipse fuerat lucratus; atque adeo effecerat, vt omnes sese acerrimos Christiani nominis hostes pro-  
fiterentur.

Si ergo primogenita Ecclesia adeò profecerat parum cum iis, qui Abrahami se filios iactabant,  
& ab eo fidem quasi hæreditario iure acceperant; qui sacrarum Litterarum monumenta apud se  
retinebant; qui vera Dei notione & admirabilium ipsius operum erant imbuti; qui Christi Iesu do-  
ctrinam auribus, oculis miracula vsurpauerant; qui Apostolorum prædicationem summæ sapientiæ  
& sanctitatis eximie præsidio comitatam exceperant: si in horum, inquam, conuersione ita parcè &  
strictè se gesserat Ecclesia; quinam eam sibi mentem dæmon induceret, Ecclesiæ felicius ac fortu-  
natiùs cum Romano Imperio euenturum: cum ethnicorum animi tantopere Euangelio aduersa-  
rentur; cum adeò pauci atque contempti essent prædicatores; cumque plures ex ijs de me-  
dio tollerentur? Hinc ergo ingentes alæ antiquo serpenti natæ fuerant, videlicet quòd Iudaicum po-  
pulum esset deuoraturus, qui tunc Ecclesiam vehementer insectabatur. Nam vt est in prouerbio;  
*Serpens non fit draco, nisi serpentem deuoret.*

Præterea Ecclesiæ excursio ad Euangelium Gentibus promulgandum, per occasionem ex Iu-  
daici populi persecutione traxit initium. Cum ergo cerneret dæmon sibi vires roburque suppe-  
tere ad grauiiores adhuc & sæuiiores procellas in Gentilitatis mari excitandas: existimabat planè,  
illud Ecclesiæ studium & contentionem vniuersum orbem Euangelio subigendi futilem prorsus  
& inanem fore. Præsertim, cum sibi esset perfacile (vt putabat) fidelibus nuper ad Christum con-  
uersis omnes inferorum machinas opponere, & sic ab instituto cursu detertere. Quo pacto prædi-  
cationem Euangelij sperabat facile aut opprimi, aut reprimi saltem posse.

C  
D  
Cur draco-  
nis visum  
appellatur à  
Ioanne si-  
gnum ma-  
gnum?

Ex dictis non obscure apparet, dæmonis expectationem atque fiduciam eam esse, vt Ecclesiam  
primogenitam deuinceret atque prosterneret; & Euangelij prædicatorum conatus in Gentium cõ-  
uersione irritos faceret. Atque ex his etiam perspicitur, quàm meritò appelletur signum, id est, res  
mira; quòd scilicet tantum licentiæ Deus dæmoni permiserit, vt eos caperet animos, atque in eam  
deueniret expectationem: ac proinde Deus ipse statueret, Euangelij promulgationem in toto terra-  
rum orbe tantæ infirmitatis specie, à fidelibus iniri: dum ex parte dæmonis, si res foret humano iu-  
dicio dimetienda, tantum roboris & contentionis, tantumque machinationis & fraudis admoueba-  
tur, vt in draconis figurâ in cælo visâ conspicitur; qui proinde mulieris prolem quàm mox deuora-  
turus auidissimè expectabat.

E  
Quo sensu  
dicatur dra-  
co è cælo de-  
iici.

Veruntamen, postquàm aspexit dæmon primæuam Ecclesiam suum filium primogenitum pe-  
perisse, id est, nouam aliam Ecclesiam Romæ erexisse; & fideles recens Christianis sacris initiatos,  
quos ipse se glutire posse existimabat, diuinitus cælesti robore armari, & ab eius vnguibus eripi: tunc  
ipsa euidenter agnouit, suam ipsius spem atque fiduciam incassum cecidisse. Quapropter dum  
sua expectatione deiicitur, eleganter de cælo irruere figuratur. Et quanuis non ideo à bello Ecclesiæ  
inferendo destiterit; non tamen id è cælo agebat, non futili illa spe Ecclesiam superandi subnixus.  
Ex iis enim, quæ in Romanæ Ecclesiæ exordio atque progressu cernebat, eliciebat facile, Ecclesiam  
demum superaturam, atque idololatriam ex Imperii totius finibus iri depulsum. Itaque acerrimum  
hoc prælium ex parte dæmonis in rabiem iam ac desperationem definebat, cum aliqua spe hos aut  
illos deuorandi; non tamen sperabat se Romanam Ecclesiam deuoraturum, nec eius conatus de-  
lusurum.

Cur draco  
appellatur  
visus.

ET ECCE DRACO MAGNVS RVFVS. ] His verbis adumbratur horribilis dæmonis vis atque calli-  
ditas ad perniciem hominibus afferendam. Et in serpentis quidem figura alluditur ad eam spe-  
ciem



ciem serpentis, quam olim dæmon Euam decepturus induit. Quod egregie indicat hostiles inimicitias, quas cum humano genere exercet. quapropter nominatur in Apocalypsi serpens antiquus. Græcum nomen, quod voci, *Rufus*, respondet est, *ῥοφός*; scitum autem est, serpentem interdum rufo colore inueniri, quæ Græcè appellatur *ῥοφίας*. Quod serpentum genus ceteris exitius & callidius reputatur. Et forsan in præfenti, *Rufus*, est idem quod ignitus: facta nimirum allusione ad ignitos serpentes; de quibus Numerorum 21. 6. Et enormes quidem dracones aliquando visi eâ maxime ratione horrorem incutiebant, quodd ignem tanquam vomitu longè lateque diffundere conspecti sint. Leflaus in sua Scotia anno 1558. refert apud Marchiam & Laudouiam, populum excubare esse coactum circa fruges, ut ignem, quem ex draconis cuiusdam vomitione concipiebant, extingueret.

*An draconis symbolum in præfenti solum denotet demoniorum principem; an etiam vniuersum demonum agmen.*

**D**E Principe dæmoniorum multi videntur exponere: quibus prima specie fauet contextus. Primum, quia dicitur eius cauda tertiam stellarum cæli partem traxisse: atqui ipsum dæmoniorum agmen non secum attraxit tertiam Angelorum partem, sed vnus Lucifer. Secundò, quia manifestè draco ipse à suis Angelis distinguitur, infra numero 9. *Proiectus est draco ille magnus, & c. & Angeli eius cum illo missi sunt.* Hoc itidem videtur non obscure adumbrari commento illo Pherecydis Syri (quem referunt Viues in libr. 14. de ciuitate cap. 11. & Pererius in Daniele circa finem) ait enim dæmones à Ioue fuisse e cælo deturbatos, quorum princeps dictus sit Ophionæus, id est, serpentinus.

Nihilominus multò verisimilius existimo, apud Apocalypsin symbolo draconis vniuersam dæmonum Rempubicam denotari. Ac primum, ita solet passim de dæmone institui sermo in singulari numero; cum tamen dæmonis nomine vniuersi dæmones intelligantur, qui ad vniuersalis Ecclesiæ persecutionem vnâ, velut agmine facto, conspirant. Deinde Apocalypsis cap. 12. & 13. haud dubie proponit coniurationem quandam, siue foedus initum inter draconem, Bestiam maris, & Bestiam terræ (in quibus monstris tribus fit allusio ad Satan, Leuiathan, & Behemoth: de quibus in Iobi libro.) Hac igitur monstrorum trium coniuratione suppositâ, congruens & recta proportio exigit, ut de cunctis tribus eodem modo agatur. Quamobrem cum marinæ bestię nomine non designetur vnus tantum Romanus Imperator, sed totum Imperium idolorum superstitioni addictum, quod se Christi Ecclesiæ opponebat: cum etiam terrestris Belluæ appellatione non vnus aut alter Imperij minister significetur, sed æqualiter tota ministrorum persecutionis colluio, ut suo loco constabit: confectarium est, per draconem, non aliquem ex dæmonibus singularem; sed vniuersum dæmonum exercitum denotari.

Tertiò, ipsa met draconis figura, quam textus exprimit, efflagitat, ne vnus dæmonis, sed omnium symbolum præ se ferat. Nam decem cornua indicant principum multitudinem; videlicet, *Principes & potestates tenebrarum harum*, ut loquitur Paulus. Quemadmodum in decem marinæ Belluæ cornibus multitudo senatorum figuratur; ut inferius dicitur.

Quartò, hæc eadem sententia omnibus facile arridebit; si argumentorum, quæ e contrario posita nobis sunt, idonea solutio inueniatur. Nec enim erat, cur in Apocalypsi de aliquo dæmone singulatim tractaretur.

Ad argumenta igitur in contrarium adducta facilis responsio est, si Apocalypseos ænigma probè teneatur. Etenim ut deinceps videbimus, quanuis in tertiæ stellarum partis lapsu fiat allusio ad dæmonum, quod Lucifer in cælo patrauit, quando inde decidit; verum primarius ænigmatis huius sensus est valde diuersus. Pari etiam ratione, qui draconis Angeli nominantur, non dæmones sunt; sed homines peruersi ac deprauati satelli & administrari ipsius dæmonis: ad eum modum, quo prædicatores Evangelici Christi Angeli nuncupantur. Quare nihil est, quod nos obliget, ut draconis symbolum ad dæmonum Principem singulariter referamus.

**HABENS CAPITA SEPTEM, ET CORNUA DECEM.** J Ribera §. 11. ait, *Hoc nemo negare potest ad Antichristi tempora pertinere*, assertque caput 7. Danielis, & communem Ecclesiasticorum scriptorum opinionem inibi à Hieronymo relata: qui ex capite illo colligunt, cum Antichristus aduenerit, mundum vniuersum inter decem Reges diuisum iam tunc fore: ex quibus tres, (nempe Aegypti, Africa, & Aethiopiæ Reges) ab Antichristo superatum iri; reliquos verò septē se se illi subdituros, & cum eo pariter conspiraturos. Deinde asserunt, hanc eandem prophetiam in septem capitibus, & decem cornibus denotari: nam per cornua decem toridem innui Reges; & per septem capita, Reges illos septem, qui Antichristo sunt fascis submissuri. Ribera autem affirmat, quanuis draco dæmonē, maris Bestia Antichristum designet; in decem tamen cornibus & capitibus septem idem omnino vtroque repræsentari; nempe illos Reges, qui ad Diabolum & ad Antichristum pertinent, & de vtriusque veluti corpore sunt: quia per eos vterque aduersus Ecclesiam pugnabit. Hæc Ribera à §. 11. vsque ad 16. & pro se adducit Irenæum, Hippolytum, Lactantium, Hieronymum, Theodoretum, & Prosperum. Et fatetur quidem, Augustinum de veritate eius prophetiæ addubitare: sed ipse ait, de ea dubitari non posse.

Ceterum, ut meum hac de re sensum exponam; imprimis nihil est, cur hinc traditione Ecclesiasticâ, & communi Doctorum declaratione nobis terrores ac minæ intenduntur. Nam & ex Apocalypseos interpretibus complures capita septem, & cornua decem ad diuersa significata applicat; non verò ad decem Reges sub Antichristi aduentum futuros, vel ad septem cum illo coniuratos. Et ex auctoribus, quos pro se affert Ribera, non omnes de Apocalypseos dracone, & Bestia loquun-

1. Sententia explicans de dæmonum principem draconem.

2. tamen sententia, ut probabilior, seligitur explicans de vniuerso dæmonum cætu.

Respondetur prima sententia fundamento.

Vtrum draconis capita septem & cornua decem ad Antichristi tempora referantur? Proponitur sententia affirmans.



tur; sed solum de capite 7. Danielis; apud quem, neque in dracone vno, neque in Bestia capita septem reperiuntur.

Deinde opinio asserens mundum sub Antichristi tempus in decem Reges diuisum iri, & horum tres ab Antichristo delendos, septem reliquos subigendos fore; hæc, inquam, opinio non ad eam certa est, vt Ribera contendit. Nam quanuis Hieronymus eam Ecclesiasticis Scriptoribus ascribat; non tamen vult, eam ab omnibus certam reputari; sed solum eam fuisse communem ac vulgarem omnium opinionem: simili ferè loquendi ratione, atque illa; *Totus mundus post eum abijt.* Vbi totus per Hyperbolen dicitur. Cum autem ad ferendum iudicium de aliqua opinione acceditur; nullus est Doctor Augustino grauior, qui l. 20. de ciuitate c. 23. ait: *Veneri me sanesfateor, ne in decem Regibus, quos tanquam decem homines videtur inuenturus Antichristus, forte fallamur; atque ita ille nobis inopinatus adueniat.* Quare ipse in Bestia c. 13. nullo modo vult Antichristum intelligi. Augustinum ipsius discipuli, alijque non pauci, sequuntur.

Tertio, in illa communi opinione, quæ Hieronymi tempore percrebuerat, de decem Regibus ab Antichristo in orbe reperiendis, non sermo erat generatim de decem Regibus; sed de decem Romanis ducibus, qui fuerant Imperium diuisuri inter sese; ac decem in Regna dispersuri. Quemadmodum Alexandri Imperium in quatuor fuit Regna partitum. De alijs verò Regibus agere, abs re erat. Non enim aliud erat illius opinionis fundamentum, nisi tantum congruentem aliquam inquirere expositionem decem cornibus quartæ Bestiæ Danielis 7. per quam euident est Imperium denotari Romanum. Qui autem Romani duces non sunt, illius Bestiæ cornua esse non possunt. Quapropter si Romanum Imperium fuit iam finitum; effectus planè ipse ostendit, eam opinionem falsam aliquam coniecturam, aut cogitationem fuisse subnixam. Quod autem Imperium sit extinctum, prorsus videtur certum. Qui enim in eo deinceps successerunt, ex diuersis Gentibus ac nationibus sunt. Quod si Daniel in eodem capite diuersam Bestiam atque Imperium diuersum Medorum & Persarum efficit à Chaldæorum Bestia & Imperio, quantunvis Persæ ac Medi in Babylonis Regno successerint: euident ergo est, interijisse iam Romanum Imperium, licet ipsius provinciæ ab alijs nunc Regibus & Imperatoribus occupentur. Non igitur fieri potest, Romanum Imperium à Daniele in quarta Bestia expressum in decem fore Regna partiendum, quæ sint veluti decem Bestiæ cornua; & reliqua, quæ illius sententiæ auctores opinantur. Ac demum euentus ipse declarauit, Augustini timorem non fulem, aut vanum fuisse.

Huic obiectioni Ribera §. 14. his verbis respondet. *Quod antiqui Scriptores dicunt de regno Romanorum, nos de vniuerso orbe intelligere possemus; quia regnum Romanorum iam nullum est. Sed coniectura multum ducor, Romam ad pristinam gloriam redituram esse ante tempus Antichristi, & eius Imperium tunc in decem Reges esse diuidendum.* Quæ de re latè Ribera ipse c. 14. à n. 50. Hæc Ribera verba duas continent partes. Prima est, Danielè non iam de Romanorum Imperio, sed de vniuerso orbe agere. Id quod per se facile corrui. Euident namque est, Daniele ibi de Romanorum Imperio vaticinari. Altera pars est: Romam Imperij rursus & idololatriæ caput, sicuti olim futuram; tuncque Danielis vaticinium fore complendum. Quæ coniectura prorsus inanis est. Nam esto, Roma iterum ad Imperij & idololatriæ culmen eueheretur: non propterea Imperium iam extinctum resurgeret; sed aliud valde diuersum oriretur. Quemadmodum, si nunc Imperium aliquod fundaretur in Græcia; diceret nemo, eam esse tertiam Danielis Belluam. Simili ergo ratione nec nouum illud Romæ Imperium, quod nunc aut postea denovo erigeretur Romæ, foret in quarta Danielis Bestia præsignificatum.

Denique in hac opinione de decem Regibus ab Antichristo in orbe reperiendis idem ferè contingit, quod in nuncio aliquo siue rumore, qui nullo alio auctore aut capite spargeretur in vulgus; nisi solum, quod Toletanus Præses, aut Princeps alius vir clarissimus illud diceretur affirmasse. Si enim postea constaret, id à Toletano Præsede nusquam fuisse assertum; prudentes viri proculdubio figmentum illud, ac meras esse nugas reputarent. Idem accidit in hac opinione, quam licet olim multi asseuerarint; nonnulli tamen verebantur, ne quid in ea falsitatis sub veri specie lateret. Vt autem crederetur, nullum aliud fundamentum erat; nisi quia à Daniele id fuisse prædictum putabatur. Postea verò longo sæculorum decursu euidenter comprehensum est, id nequaquam à Daniele fuisse affirmatum. Ille enim in quartæ Bestiæ vaticinio agit tantummodò de Romano illo Imperio, quod Christianam Ecclesiam conflictauit: hoc autem iam prorsus interijt. Quis ergo non videat, huiusmodi opinioni nullam iam verisimilitudinem superesse? Et hæcenus de incertitudine opinionis.

Quarto, Nihilominus tamen quantunvis certum foret hosce decem Reges in Romano Imperio sub Antichristi tempora futuros, & ex ijs tres fore ab Antichristo occidendos, ac reliquos subiugandos: quantunvis etiam id fuisset à Daniele prædictum; in duabus adhuc Apocalypseos figuris, (nempe in draconis capitis 12. & in Bestiæ capitis 13.) nullo modo posset vaticinium illud huic Prophetiæ significandæ deseruire. Primò, quia bellum in c. 12. & 13. Apocalypseos depictum, vt euidenter ex ipso contextu deducitur, antecedit mille pacis annos, de quibus c. 20. At Antichristi bellum constat post mille illos annos fore. Deinde, quia vt significetur decem Reges prius regnatos, & ex illis tres ab Antichristo euersum iri, reliquos subiectum: ad hoc inquam nullus mediocriter eruditus satis sibi esse putaret, si id in septem capitibus, & decem cornibus exprimeret. Certè si ipse huius essem ænigmatis inuentor & auctor, pudore omnino suffunderer, quod ita insciè & imperitè vaticinium illud adumbrare voluissem: cur ergo illud diuino Spiritui tribuam, quod mihi ipse attribui plane dedigner? Tertio, quia coactum valde est, & prorsus extra rem, si existimemus, Reges illos dæmoni & Antichristo in auxilium adiungendos, ipsius dæmonis atque Antichristi capita futuros. Si è contrario affirmaretur, dæmonem scilicet & Antichristum esse illorum Regum capita ac principes, id sanè proportionis alicuius speciem præ se ferret. Tunc autem draconis & mariniæ Bestiæ figuræ non erant pingendæ duæ, sed monstrum vnicum binis capitibus, & septenis siue cornibus, siue manibus præditum. At verò duo exprimi monstra, & eorum singula septem constare capi-

tibus,

Opinionem de toto orbe in decem Reges sub Antichristo diuidendo, non ad eam esse certam, ut aliqui putant. Augustini mens de decem Regibus sub Antichristo futuris. Infirmitas prædicta de decem regibus opinio.

Responsio pro opposita sententia refellitur.

Illam de decem regibus expositionem in Apocalypsi saltem nullum posse habere locum ex coherentia ipsius serie demonstratur.



A tibus, vt dæmon & Antichristus denotentur, qui eisdem omnino ministris vtantur, id profectò meâ sententiâ ita est absurdum, quàm quod maximè. Postremò, Antichristus in ea etiam opinione septem tantum Regum industriam & auxilium sibi acciturus est: tres enim reliquos (aiunt) de medio est sublaturus. Quorsum igitur cum decem cornibus appingitur? Apud Danielelem quidem vetus illa opinio aliqua consequentiæ & ordinis specie non carebat; ibi enim exiguum quoddam cornu excrescit, & tria alia ex magnis euellit, & reliqua septem in suam redigit potestatem. Verùm in duplici Apocalypseos monitro si dæmonis & Antichristi sint symbola, quo pacto possint Kiberæ & Viegæ opinioni aptari illa duo monstra, fateor me omnino non assequi.

B Quintò, vt ad meam tandem expositionem accedam; septem, draconis capita interpretor de septem nefariis spiritibus, quos dæmoni sancti Patres adscribunt, nimirum de spiritu superbiæ, avaritiæ, luxuriæ, iræ, gulæ, inuidiæ, atque acediæ. Vt autem significetur fraudulentus hic hostis, nos interdum superbiâ, alias luxuriâ, alias irâ, (& sic de ceteris) oppugnare; nescio quid possit aptius figurari, quàm draco septem diuersis vultibus constans. Et posset etiam aliquis exitimare, ex hisce capitibus siue vultibus, alium esse leonis, alium tigridis, alium vrsi, alium viperæ, alium lupi, alium serpentis, atque alium asini. Licet enim huiusmodi diuersitatem textus non exprimat, eâ tamen denotari posset, dæmonem in suis incurfibus & oppugnationibus, nunc superbi leonis vultum nobis ostendere, nunc serpentis inuidæ, nunc viperæ iratæ, nunc etiam asini ignaui; vt huiusmodi technis & astibus nos in scelera ac flagitia pelliciat; siue vt impios aduersus fideles impellat. Ceterum siue huiusmodi facies sub hac diuersitate, siue vt serpentis capita considerentur; significatio quidem ex septem capitalibus vitijs debet sumi. Nam & semper communis Ecclesiæ consensus hæc vitia capitalia appellauit. Quod verò peccata omnia ad capitalia septem reducantur; nititur præsertim in septem illis dæmoniorum spiritibus, de quibus Matth. 12. numero 45. & Lucæ 11. numero 26. Estque manifesta doctrina Gregorij libro 31. moralium capit. 31. & Cassiani libr. de institutis capit. 1. & Collatione 5. capit. 2. (quanuis ibi octo vitia capitalia enumeret,) & D. Thomæ 1. 2. quæst. 84. art. 4. & Theologorum in 2. dist. 42. Cur verò ad septem illa vitia reuocentur omnia, disputat bene Valentia 10. 2. disp. 6. q. 14. puncto 2.

C Si ergo hæc sunt septem corporis peccati capita, quis non videat, hæc eadem fore capita, ad quæ totum dæmonis bellum & singularia tentationum prælia redigantur? Præter hæc; in septem marinæ Bestiæ capitibus significatur capitum illius Bestiæ successio, (siue Imperatores Idololatæ, siue persecutiones ipsæ per capita designentur.) Dicitur enim capit. 17. 10. *Quinque ceciderunt; vnus est, & alius nondum venit.* Iam si draconis septem capita velimus aliquâ etiam successionis significatione constare; quilibet facile cernet, dæmonem non omnia simul vitiorum ora vultusque prætere; sed modo hunc, deinde illum, postea alium. Itaque quanuis dæmon omnia in se superbiæ, luxuriæ, & ceterorum capita simul contineat; at in ipsa tentatione non omnia simul propalam obicit; sed caput capiti, vultus vultui succedit; & prius (verbi gratia) gulæ spiritum immittit, mox luxuriæ, hinc superbiæ, deinde inuidiæ, &c.

D Sextò, per decem draconis cornua denotatur dæmonum tum multitudo, tum etiam singulorum vis ac potentia. In hoc eodem sensu dixit Paulus ad Ephes. 6. numero 12. *Non est nobis colluctatio aduersus carnem & sanguinem, sed aduersus Principes & potestates.* Pro quo aduertendum est, Principes in Scripturæ phrasi aptissimè per cornua designari; quia sicut cornuta animalia præcipuum robur habent in cornibus, & illæ sunt partes excelsiores atque eminentiores; sic gloria roburque Reipublicæ in Principibus maximè est. Legendus est Maldonatus in id Lucæ 1. 69. *Erexit cornu salutis nobis.* Quod autem ad numerum denarium pertinet; constat satis eum esse multiplicationis numerum. Omnes enim nationes inter numerandum, vbi ad denarium accessere, non longius progrediuntur; sed regrediuntur potius, & vnitatem, binarium, & ternarium, ceterosque cum denario coniungunt. Sic vbi ex denario procedere opus est, dicimus vndecim, duodecim, tredecim; item viginti vnum, vnum & triginta, & sic de reliquis. Quare videtur nullus numerus per se sumptus esse denario maior; ideoque est vniuersitatis & multitudinis symbolum. Et profectò, qui quartam Danielis Bestiam capitis 7. attentè consideret; non obscure coniciat, illam Bestiam à Propheta, vt à reliquis distinctam notari, atque discerni. habet enim cornua decem, quo innuitur Romanum Imperium non propriè esse Regnum, sed Polyarchiam. atque vt denotetur, Romanos senatores esse Principes, concinnè & eleganter cornua decem Bestiæ addita sunt. Nam ad magnam senatorum multitudinem indicandam, nullus potuit numerus congruentior exprimi.

E Obijcies tamen, figura decem cornibus constans aptior videtur ad Romanam innuendam Rempublicam, quando propriè Polyarchia erat; priusquàm Cæsares illam ad Monarchiæ normam redigerent: postea enim nihilo erat secius Monarchia, quàm reliquæ omnes hoc nomine nuncupantur. Quod si quartæ Bestiæ discrimen à ceteris in hoc singulariter designetur; hæc certè differentia non perstabat, quando Romanum Imperium Ecclesiam oppugnavit. Et quidquid de Romano Imperio sit; dæmonis saltem Regnum propriè Monarchiæ rationem habet. omnes enim ei obediunt, qui secum reliquos in eandem perniciem traxit. Quapropter si decem cornua Polyarchiæ symbolum præ se ferunt; draconi cornua decem non inesse debebant. Respondeo tamen. Tam in Romano Imperio, quàm in dæmonis Regno, si rem seriò discutere velimus; & Monarchiam & Polyarchiam coniunctim reperiemus. Nam simul cum Romano Imperatore Senatus etiam Rempublicam gubernabat; & grauissima erat senatorum auctoritas; atque adeò Imperij vis ac robur non in Imperatore solum, sed etiam magna ex parte in senatorum numero, virtute atque consilio fultiebatur. Erat enim Senatus grauissima Principum concio, quæ semper, Imperatore etiam moriente, permanebat. De quo latè Polybius. Similiter etiam dæmonis Regni vis non in eo solum consistit, quod Lucifer sit versutissimus pariter ac potentissimus; verùm multò etiam magis, quod inferorum Respublica sit Polyarchia, (siue Aristocrata) atque ex Principibus & Potestatibus coagmentetur. Quamobrem sicuti ad maximum Romani Imperii robur explicandum apposita fuit species ma-

Auctoris interpretatio de septē draconis capitibus ad septem capitalia vitia relatis.

Quid per decem draconis cornua figuretur.

Denarius multiplicationis numerus; atque adeò multitudinis & vniuersitatis symbolū.

Difficultas contra prædictam expositionem.

Responsio.



rinæ Bestiæ decem cornua habentis ; non minus congruenter cornua totidem draconi dæmonem referenti affixa sunt, vt denotetur, ipsius ministros esse Principes ac Potestates. ( Sic enim loquitur Paulus ) nec non multitudine penè innumerabiles ; ac proinde bellum, quod aduersus Christianam Ecclesiam exarsit, acerrimum pariter & periculosissimum extitisse.

Cur draco-  
nis capita  
fuerint : co-  
ronis redi-  
mita : at  
marinæ Be-  
stiæ n. n. ca-  
pita, sed  
cornua co-  
ronentur ?

ET IN CAPITIBVS EIVS SEPTEM DIADEMATA. ] Obseruatione dignum est discrimen, quod textus inter draconis coronas & coronas marinæ Belluæ designat : ait enim, draconis capita esse coronis redimita, atque adeò septem illi esse diademata. At marinæ Bestiæ non capita, sed cornua esse coronis ornata ; ac proinde decem coronas illi esse, cum totidem cornua sint. Oportet ergo huiusce discriminis congruentem reddere rationem. Illa autem sese mihi offert in præsentī. Inter dæmonum Rempublicam, & inter Rempublicam hominum hæc differentia versatur ; quod dæmones quidem omnes in vnum conspirent, nec peculiarem victoriam huic, aut illi dæmoni expetunt. id vnum contendunt atque laborant, vt septem spiritus superbix, auaritiæ, luxuriæ, &c. victoriam ex hominibus adipiscantur. Quapropter licet Principes ac potestates, qui in decem cornibus significatur, sint plurimi ; quas tamen illi victorias atque coronas per magni æstimant, & avidissimè expetunt, eæ sunt non ampliùs septem ; quæ nimirum ad septem capita, siue ad capitalia vitia pertinent. At verò Romani Imperii senatores, vt pote terreni Adami filii, nec inter se rectè consentientes, singuli de peculiari sua potentia atque corona, de quæ singulari excellentia, qua ceteris præstarent, gloriabantur. Cum autem denarius numerus senatorum multitudine non repræsentet ; coronarum, quibus se ipsi iactabant, numerus multitudini eorum æquè respondet. Aut sicut stellæ duodecim sunt mulieris corona, quia duodecim Apostoli Ecclesiæ sunt decori & ornamento ; sic Imperii Romani splendor & gloria proueniebat ex senatorum multitudine, qui in denario numero figuratur. Imperatoris autem præcipua dignitas ac maiestas ea erat, quod in illa dominarentur Republica atque Senatu, qui senatoribus veluti Regibus quibusdam constabat. Dæmonibus autem nulla alia excellentior gloria, nulla optabilior corona est, quàm vt immundi septem spiritus miseros mortales deuincant, atque triumphent. Quamobrem dæmones bellum Ecclesiæ inferebant septem illis capitibus coronatis : dū eorum interuentu se regnuros sperabant. Romanum verò Imperium non tam in distinctione Imperatorum per septem capita signatorum gloriabatur, quàm in ipsius Imperii potetia, & in senatorum multitudine, qui vnà cum suis Imperatoribus idolorum superstitioni penitus erant addicti : atque hac senatorum multitudine & auctoritate freti tam Imperium, quàm Imperatores Ecclesiam per acri bello premebant.

His adiungo, quod rite expendit Methodius, & ex eo refert Andreas capit. 33. videlicet per septem draconis coronas, quas Ioannes aspexit, significari totidem coronas à Deo iustis hominibus proponi in bello eis per dæmonem illato ; propter clarissimum triumphum, quem ex vitiis septem capitalibus agunt : non tamen eis pro corona pollicetur, dæmones ab iis ad Christi Euangelium traducendos. Contrà verò in victoria, quam ex Romano Imperio Euangelij prædicatores compararūt, non illis pro corona proponitur triumphus de capitalibus vitiis agendus ; nec enim satis est mundum vniuersum ad fidem conuertere, vt idcirco de septem vitiis triumphetur : sed huiusmodi triumphus de capitalibus vitiis perinde est, quasi de dæmonibus ipsis triumphare. Itaque illud peculiare extitit in victoria de populo Romano comparata, quod Ecclesia sub Christi fidem redegerit Romanos ipsos senatores qui erant cornua Bestiæ coronata, atque adeò eorundem senatorum coronas ad Christi pedes abiecerit.

Verf. 4.  
Quid sit,  
draconis  
caudā trahi-  
tertia stel-  
larum par-  
tem.  
1. Expositio  
Victorini.  
2. Expositio  
B. Gregorii.

ET CAUDA EIVS TRÀHEBAT TERTIAM PARTEM STELLARVM CÆLI, ET MISIT EAS IN TERRAM. ] Hoc multi referunt cum Victorino ad Angelorum lapsum, quos eorum Princeps idè caudā traxisse dicatur, quod secum eos, siue post se traxerit. Sic enim exponit eam phrasim Origenes tractatu 30. in Matthæum. Et quauis scopus sit agere de damno ac detrimento, quod dæmon hominibus importat : potest tamen id vsurpari ad probandum, quanta sit dæmonis ipsius potestas, & ad eam ponderandam ex damno, quod cælo inuexerat. Verum in nostra explicandi ratione obstat expositio huiusmodi, quod nos per draconem in hoc capite non dæmoniorum Principem, sed vniuersum eorum exercitum intelligimus.

Alii per draconis caudam suspicantur Antichristum figurari, quæ est magni Gregorii interpretatio ; & eam mordicus tenet noster Ribera, pro certo habens hoc in capite de Antichristi tempore sermonem institui. Et secundum hanc explicationem, tertia stellarum pars, quam draco caudā cælo traxit, & in terram deiecit, adumbrat eos fideles, quos Antichristus ad suam sententiam pertrahit. Ceterum huic expositioni, vt sæpe aliàs diximus, ordo ipse, seu series Apocalypseos reclamationat. Nam c. 13. habetur sermo de Romani Imperii persecutionibus in Ecclesiam concitatis, & multo post de Ecclesiæ ipsius victoria atque pace, quæ per mille annos durat. Itaque Antichristi persecutioni nullus est locus in tota Apocalypsi reliquus, donec dæmon post mille annorum pacem dissoluatur. Quod si Ribera putaret Apocalypsin continuatā prophetiæ serie, & rerum ordine seruato congruentissimè declarari posse, neutiquam hoc caput de Antichristi persecutione exponeret.

3. Expositio  
Thomæ An-  
glici.

Dicent alii, si nostra huius capitis expositio admittatur, cum stellæ videantur esse ii, qui ceteros fidelium suo lumine collustrant, per tertiam earum partem à dracone deturbatam significari infelicitatem multorum ; qui cum cæli stellæ feligantur, ipsi tamen dæmoni cedunt, & ab eo se prosterni & conculcari permittunt. Sic videtur exponere Thomas hic ; & adducit Gregorium. Huc spectat, quod capite 3. vidimus, nempe Sardensem, & Laodicenum Episcopos fuisse quidem stellas ; quia in Episcopali dignitate constituti erant : nihilominus vtrumque lethali scelere esse immersum, atque adeò à dæmone deiectum & conculcatum. Præterea hic locus videtur manifestè respicere illum Danielis 8. numero decimo. vbi Antiochus Epiphanes dicitur *Deiecit de fortitudine, & de stellis, & conculcasse eas*, vbi Hieronymus & Theodoretus existimant denotari, Iudæorum plurimos ; qui nobilitate & doctrinā ac pietate erant illustres, minarum & tormentorum terrore



A de obseruatione Mosaicæ legis fuisse ab Antiocho deiectos, & ad idololatriam pertractos. Si autem in allusione ad eum locum in hoc perstandum nobis sit; cum hic de dæmonis persecutione sit sermo in Christi fideles primitiua Ecclesiæ tempore suscitata, eos deiecis- & conculcasse diceretur, quos minis atque cruciatibus de Christiana fide, ac de illius professione depulso ad idololatriam compulerit. Id quod ad dæmonis potentiam, & astutiam ponderandam aptum satis est.

B Hæ omnes expositiones quasi certum præstunt, trahere, & in terram mittere, perinde esse, quasi in culpam & graui peccata deijcere. Verum cum bonâ grauium interpretum ita credentium veniâ, multò mihi sit verisimilius, sermonem in hoc loco esse, non de dāmno, quod intexit dæmon in eorum animas, qui cælestium stellarum munere fungebantur; sed de corporum comprehensione, oppressione atque cæde. Et imprimis ad indicandam dæmonis fiduciam, fore vt Ecclesiam posset re ipsâ auertere a suscepto, propositoque consilio idololatriam ex orbe depellendi, & nationes omnes fidei radijs illuminandi; ad huius inquam fiduciæ significationem appositè satis expenditur dæmonis ipsius iactantia, quod comprehendere, atque occidi fecerit bonam eorum partem, qui Euangelii verbum disseminabant. Quo innuitur, reliquam illi esse spem, futurum vt ceteros omnes pari ratione deijceret atq; prosterneret; quo facto Ecclesiæ conatum & contentionem fore penitus eludendam. Atque hæc dæmonis arrogantia, & gloriatio, quod cæli lumina & stellas magna ex parte deturbasset, non parum reliquam dæmonis ipsius confidentiam adiuuabat. Cui enim duci non vires animosque adderet tertiæ ex hostium ducibus partis occisio.

C Deinde, si in hoc loco sit allusio, (vt re vera sit) ad illa Danielis verba c. 8. 10. *Deieci de fortitudine & de stellis, & conculcaui eos*; Pererius inibi fatetur huiusmodi verba congruentissimè explicari de viris sanctitate insignibus; quos Antiochus non quidem spiritaliter, sed corporaliter deiecit, & conculcavit, acerbissimis eos cruciatibus trucidando; sicut de venerabili sene Eleazaro, septemque pueris, & eorum matre narrat posterioris Machabæorum libri historia. Et meâ quidem sententiâ explicatio hæc longè est aptissima ad Danielis contextum, sequitur enim numero 12. *Et prosternetur veritas in terra; & faciet, & prosperabitur*. Quæ verba ad tyrannorum victoriam in Martyrum internecione spectant omnino. Atque in hoc eodem sensu, & per loci eiusdem allusionem dicitur in Apocalypsi capite 11. 8. *Corpora eorum iacebunt in plateis ciuitatis*. Nihil ergo in præsentem coherentius, quam vt Apocalypsis ad illud respiciat, quod c. 11. descripserat; & propterea dicat, gloriari dæmonem de tertiæ stellarum partis deiectione, atque id ipsum in ceteras machinari.

Tertio, cum probatum iam sit, sermonem hic institui de primæ Ecclesiæ tempore; non video, quàm sit solidum asserere, tertiam eorum partem, qui sub idem tempus veluti Ecclesiæ sydera effulgebant, à dæmone per spiritalem ruinam deturbatam. Accedit huc, quod ad huius libri scopum, (qui de primogenitæ Ecclesiæ victorijs agit) minime erat ad rem loqui de eorum lapsu fidelium, quos dæmon in scelera dabat præcipites; & eorum potissimum, qui erant Ecclesiæ ipsius stellæ.

Quarto, ad nostram expositionem textus ipse congruenter satis aptatur; nec enim dicit, cæli stellas à dracone deuorari, sed eius caudâ deijci. Atqui, vt iam vidimus, in septem illis capitibus denotatur multiplex vitiorum capitalium tentatio; quibus angusto animo succumbere, non est aliud, quàm dæmonis pabulum fieri, & eius dentibus dilaniari. Quamobrem ad illud significandum discrimen, quod draco in alijs animorum stragem, in alijs corporum duntaxat facit, appositè dicitur alios impressis dentibus discerpere, atque glutire; alios, quos deuorare non potest, percutere & opprimere: id quod serpentes non aliter, quam caudâ verberibus patrare possunt. Quod autem textus ait, *Trahebat*; non denotat, dæmonem eos post se, aut secum trahere; sed caudâ ictibus & voluminibus deuoluere. Hoc enim significare potest verbum Græcum, *σύπειν*, atque idem contextus ipse deposcit. Nam significatio eas post se trahendi non rectè consonat cum eo, quod sequitur, *Et misit eas in terram*. At verò stellas ipsas deuoluere, & in terram prosternere; hoc optimè cohæret.

D Præterea manifestum est, cum c. 13. 7. de maris Bestia dicitur, *Datum est illi bellum facere cum sanctis, & vincere eos*; non esse de spiritali victoria sermonem. Si ergo verba isthæc de victoria corporum intelliguntur: quid, obsecro, congruentius ad externam illam victoriam denotandam, vbi de serpente agitur, quàm si dicatur serpens ipse suâ caudâ magnam stellarum partem è calo in solum decutere?

E Sed dicet aliquis, Augustinum in ea verba Matth. 5. *vt conculcetur ab hominibus*, hæc habere: *Calcari non potest nisi inferior; sed inferior non est, qui quauis corpore multa in terra sustineat, corde tamen fixus in calo est*. Quibus ex verbis colligitur, nec phrasim illam *Misit eos in terram*, nec Danielis verba cap. 8. 10. *Conculcabit eas*, ab Augustino de corporali deiectione exponi potuisse. Præsertim, quia *deijcere in terram*, videtur idem esse, atque eos à cælesti conuersatione ad terrenos affectus deturbare. Respondetur, vbi de spiritali ruina sermo est, mysticum hunc sensum esse congruentissimum; verum nec Augustinum, nec alium negare posse, quin eisdem verbis de corporali deiectione possit agi?

Quinto, forsitan per draconis caudam significari possunt illi homines, qui dæmonis obsequuntur voluntati. Nam caudam pro ducis alicuius exercitu sumi, phrasis est sacra Scripturæ; vt videre licet apud Isaiam c. 7. 4. Qua ratione, eos dicitur dæmon traxisse caudâ, quos per deprauatos homines afflixit, atque prostrauit.

Sextò denique, quauis mea mihi placeat declaratio in hisce verbis, vbi draco dicitur caudâ deiecis- & tertiam stellarum partem, & eas in terram misisse: non tamen idcirco ea mihi mens est, vt graues alias expositiones sugillum. Nam Scripturæ sacra fecunditas plures complectitur. Ceterum liceat mihi eas declarationes omittere, quas ipse cum serie ac filo à me ducto, connectere atque cōtexere nescio; & eam interim vsurpare, quæ magis è mea re videtur esse.

ET DRACO STETIT ANTE MULIEREM, QUAE ERAT PARITURA; VT CVM PEPPERISSET, FILIUM EIUS DEVORARET. ] In huiusmodi figura innuitur, draconem de matris deuoratione diffidentem, filium saltem nasciturum deuorare se posse confidere. Ex quo intelligitur ad spiritalis mortis significationem idoneum imprimis esse symbolum, à dracone deuorari: eius autem caudâ

Auctoris mens & expositio.

Corroboratur nostra sententia ex allusione ad Danielis locum.

Cur Draco alios dentibus discerpere & vorare: alios percutere & opprimere dicatur: & que sit huius discriminis ratio?

Obiectio contra prædictâ expositionem ex Augustini auctoritate dissoluitur.

Quid per draconis caudâ significetur.



verberari, atque ad terram affligi, non spiritualis necis, sed afflictionum & cædis corporalis esse symbolum; vt versu præcedenti dicebamus. Quauis enim draco mulierem, quippe adultam iam & proceram, deuorare non posset; posset vtique suæ acerbitalis & indignationis virus in eam euomere, caudâ percutiendo, & acriter discruciendo. Sic enim deiiciebat aliquas ex stellis, quibus mulier coronata erat. Nam si rem ipsam inspiciamus; maxima quidem & robustissima primogenitæ Ecclesiæ virtus dæmonem reddebat securum, fore vt ab eo neutiquam posset deuorari: non tamen ideo desperaret dæmon, quin sui furoris atque odij documentum in ea edere non posset persequendo scilicet, & atrocissime mactando illos, qui stellarum in cælo fungebantur munere.

Quæ in se-  
sum dicatur  
draco expe-  
ctare, vna-  
siturum  
mulieris fi-  
lium voraret.

Horum ergo verborum significatio ea est; quauis dæmoni constabat primogenitæ Ecclesiæ sanctitatem superari à se & coniteri non posse; confidebat tamen fore vt filios, quos mulier in lucem ederet, & quas nouas fundaret Ecclesiās, in primo ipso flore & imbelli teneritudine correptas per septem capitalium vitiorum facies, posset tandem deuorare: id est, eas ab instituto sanctitatis cursu, atque adeo à Christiana Religione reuocare valeret, & secum pariter in eandem conspirationem deuoluere. Hunc esse existimo germanum loci huius sensum. Porro tametsi textus ait, *Filium eius*, in singulari numero: suspicor tamen non referendum esse solum ad filium primogenitum, quem mox dicitur fœmina peperisse; sed generatim ad quemuis ipsius filium. Nā mulier, vt supra vidimus, non vnum modo filium, sed plures gestabat in vtero: vt ex illo Isaïæ loco cap. 66. 8. (de quo supra) & ex hoc ipso capite 12. constat.

Serpentes  
quædam dicta  
Boæ.

Notandum insuper est, hanc draconis confidentiam de puero recens nato deuorando esse consentaneam ijs quæ interdum accidisse nouimus. Plinius enim libro 8. capit. 14. ait Claudio principe occisam fuisse in Vaticano serpentem quandam ex illis, quæ appellantur Boæ; & in eius aluo inuentum fuisse solidum infantem. Vnde & Poëtæ etiam fingunt (nili vera est fortassis historia) serpentes duos infantem Herculem in cunis agentem adortos, vt deuorarent. Facit etiam, quod Pharaonem Israelitici populi infantes conficere conantem Scriptura appellat draconem, Psal. 73. 14. *Tu confregisti capita draconis*. Herodi etiam, qui Christum puerum glutire contendit, & suam rabiem efferatam in regionis Bethlemiticæ paruulos effudit, draconis symbolum egregie quadrat. Et quod mirum est, ipsum Herodis nomen Syriacè sonat idem, quod *draco ignitus*; vt Arias Montanus in suo apparatu tradit. Nec defuit, qui diceret in hoc dracone Ioanni viso, qui puerum nasciturum deuorare cupiebat, Herodem figurari; atque hanc esse propriam huius Apocalypseos partis expositionem. Ita sanè Barradas lib. 10. c. 12. Hæc tamen declaratio minimè consonat cum Apocalypseos acoluthia ac serie. Quare multo rectius asseretur, in Herode figuratum fuisse, quod postea dæmon tentauit; vt scilicet primogenitæ Ecclesiæ filios deuoraret.

Pharao ab  
Scriptura  
appellatus  
draco.  
Herodis no-  
men quid  
sonet.

His addo, draconem hunc siue serpentem, de qua in præsentis est sermo, videri Hydram, quæ multis etiam capitibus fingeatur. Huc spectat, quod hæc serpens Ioanni conspecta flumen aquæ ex ore euomit. Hydram autem esse inuidiæ symbolum videre poterit lector apud Pierium lib. 16. In eo autem, quod fingitur de pueris, quos serpentes siue Hydræ deuorare optarunt; apparet inuidia, qua stimulatæ occidere volebant eos, qui ad magnam orbis expectationem ac felicitatem nascituri erant. Quod autem draco mulieris filium deglutire voluerit, indicat, filium ipsum mulieris primogenitum ad mundi Imperium capeffendum, & ad depellendam idololatriæ impietatem in lucem prodire. Quod rectè applicari potest Herculis fabula, qui ortus dicitur ad teterrima monstra, quæ orbem vniuersum opprimebant, funditus ableganda.

Serpens hy-  
dra inuidia  
symbolum.

## T E X T V S.

*Vers. 5. Et peperit filium masculum, qui recturus erat omnes gentes in virga ferrea; & raptus est filius eius ad Deum, & ad thronum eius.*

## C O M M E N T A R I V S.

Quid per  
filium ma-  
sculum figu-  
retur.

**P**ER filium hunc masculum existimo designari illustrem aliquem populum, quem primogenita Ecclesia Deo peperit. Nam primum cum Aretæ veniā, Apocalypseos acoluthia siue contextus non fert, vt de Christi Domini natali hic sermo sit. Quamobrem quod dicitur, *Qui recturus erat omnes gentes in virga ferrea*; non ita est accipiendum, quasi supremus sit Monarcha, qua ratione proprium est Christi Assertoris nostri regere gentes in virga ferrea, sed potestate ab ipso Christo derivatā. Nam Christus, qui ab æterno Patre ferream virgam accepit, eandem etiam aliquibus communicat; vt habetur suprà c. 2. 27. Et quauis verum sit, virgam hanc non solum populo sancto impertiri, sed nonnullis etiam personis singularibus; nullus tamen est peculiaris homo, qui inter Ecclesiæ filios ita emineat, vt de eo possit in Apocalypsi per excellentiam dici, esse primogenitum Ecclesiæ filium; qui prædictus fuerat omnes gentes in virga ferrea recturus.

Secundò, illa loquendi ratio, *Qui recturus erat omnes gentes in virga ferrea*, supponit in Scriptura præsignificatum iam esse, hunc filium, de quo in præsentis agitur, totius mundi moderatorem ac Principem futurum. Hoc autem in toto veteri testamento de nullo singulari primogenitæ Ecclesiæ filio

prædictum



A prædictum fuisse comperiemus; secus tamen de populo aliquo sancto, de quo dicitur Danielis 7. 27. *Regnum autem & potestas & magnitudo Regni, quæ est subter omne calum, detur populo sanctorum Alissimi.* Quare illud nunc Ioannes ait, matrem Sionem peperisse filium primogenitum; in quo explenda erat Danielis Prophetia, & cuius interuentu Christus fuerat mundum recturus iuxta illud Ps. 2. 9. *Reges eos in virga ferrea.*

Tertio, quod masculi filij nomen referatur ad populum aliquem, probatur efficaciter ex Isaia verbis c. 66. 7. Nec enim dubitari potest, quin isthæc Apocalypseos verba, *Peperit filium masculum*, sint desumpta ex illis, quæ ibi profert Isaias de matre Sione loquens; *Peperit masculum.* Vbi evidens est, Isaia non de singulari persona, sed de numerofo aliquo populo loqui. mox enim post verba illa, *Sion peperit masculum*, subdit. *Quis audiuit vnquam tale; & quis vidit huc simile? nunquid parturiet terra in die vna, aut parietur gens simul? quia parturivit, & peperit Sion filios suos?* vbi perspicue exigit contextus, vt ille ipse, qui filius masculus appellatur, illico nominetur gens & filij multi: alioqui cõtextus neutiquam inter se cohæret. Necesse ergo est, vt masculus ille filius nõ sit singularis persona, sed clarissimus aliquis populus.

B. Quarto, cum mater ipsa non sit peculiaris aliqua mulier, sed Ecclesia primogenita: nihil mirum, si filius primogenitus sit alia illustissima Ecclesia. Sic enim sæpe loquimur; vt cum dicimus, *Coloniã aliquam fuisse Romæ filiam*; aut *Religiosorum aliquem conuentum esse alterius filium*, siue ab altero per filiationem ortum. Et in sacris Literis deprehendimus Israelitico populo in suis primordiis nomen filij parui attribui: vt patet Osee 11. 1. *Puer Israel & dilexi eum.* & Ex Aegypto vocaui filium meum. Iere. 31. 20. *Filius honorabilis mihi Ephraim, puer delicatus.* Luc. 1. 54. *Suscepit Israel puerum suum.* Ex quibus facile elicitur, sicut nomen parui pueri, & Dei filij potest integro populo applicari; ita similiter posse filium Ecclesiæ primogenitum vocari: atque aded aptissime fingi illum, Deo parente, ab Ecclesia primæua vt à matre in lucem suscipi.

C Vidimus iam, primogenitum huius mulieris filium nõ de peculiari aliqua persona, sed de Ecclesia aliqua, siue populo esse explicandum. At enim quoniam populus hic, siue Ecclesia in puero figurata? Riberã opinatur Apocalypsin ex hoc loco agere de euentis sub Antichristi tempora futuris; nimirum de Ecclesiæ renouatione extremis illis temporibus, & de insigni sanctimonia, qua Deus suos fideles ornabit ac muniet. Mihi tamen, vt verum fatear, coactum plane videtur in huius figuræ interpretatione primogenitam Ecclesiam prætermittere; & ad Antichristi tempora mentem adijcere. Præsertim, cum omnia, quæ textus asseuerat, congruenter ad primogenitam Ecclesiam aptentur, cumque tot difficultatum salubræ in Riberæ expositione intercurrant.

D Nam in primis in ea explicatione constituendum est, huiusmodi figuræ ex proprio loco in aliũ per anticipationem transferri, vt fateretur Riberã §. 1. & 25. Deinde; Apocalypsis (iuxta interpretationem eandem) omittit prorsus exitum earum persecutionum horribilium, quas Romanum Imperium idololatrię additum aduersus Ecclesiam comouit; & ad Antichristi persecutionem repente transgreditur: quasi verò ad septem Asiæ Ecclesias (quibus liber hic mittebatur) magis spectaret de Antichristo vaticinium, quam finis persecutionis illius, quã à Romano Imperio videbatur excitari. Præterea, quasi victoria de Romano Imperio obtinenda, & idololatrię ex eiusdem Imperij finibus depulsio, res foret parui admodum momenti; non secus sibi persuadent, qui hæc omnia ad Antichristum referunt, duo illa in Apocalypsi inuolui silentio: cum tamen eã tepetate tantopere Ecclesiam sollicitudine, & anxietate suspensam tenerent. Præterquam quod si res ipsa (Romæ inquã conuersio & idololatrię expulsio) attente consideretur; aded est excellens ac præstans, adeoq; difficilis, vt nihil vnquã secundum humani generis redemptionem maius aut mirabilius post hominum memoriam patrãrit Deus. Ad hæc; si in hac figura intendatur animus ad eas persecutiones, quas tunc Ecclesia sustinebat, & ad gloriosum earum exitum; totus planè nobilissimæ huius actionis decursus, nullã anticipationem interpositã, continuato filo & apte inter sese cohærenti ad finem vsq; contextitur. Si autem hæc Apocalypseos figuræ in primario sensu ad Antichristi tempora referantur; perturbetur omnino ordo, & plurimę anticipationes ac transgressionibus adsciscantur, necesse est. Atq; vt exẽplo aliquo confusio hæc, & violentia expositionis pateat; nescio certe quid clarius & manifestius possit exprimi, quam cõsecutionis ordo, quo narrat Apocalypsis, draconem, maris bestiam, & bestiam terrę acerrimam inferre bellum Ecclesiæ. Ex quibus conflictationibus Christum demum euadere victorem, & maris ac terræ bestias in stagnum ignis ardẽtis immittere; draconem autẽ in quadam abyssu primũ alligari; deinde post mille annos solui; & eum rursus contra Ecclesiã bello infestissimo exardescere. Quid ergo magis aut violentum, aut confusum fingi aut excogitari potest; quàm draconis, marinæ belluæ, atq; terrestris prælia post mille illos pacis annos reijcere? Præterea, primũ draconis bellum, quis non videat, inde ducere exordium, quod infantem à muliere edendum deuorare voluerit? Nonne coactum omnino est, & planè tumultuariũ, si bellum hoc draconis post mille ipsius ligationis annos protrahatur? An verò in textu ipso nõ evidens est, post primũ illud bellum fuisse draconem per mille annos constrictum? Impossibile igitur est, bellum illud ab ipso dracone post mille annos susceptum, esse omnino idem, quod Apocalypsis ca. 12. recenset.

E Ex his meo iudicio manifeste infertur, mulierem hanc, quæ filium parit, esse Ecclesiam primogenitã, vt supra explicauimus: ac proinde infantem recens natum aliquam esse Ecclesiam, quã Christo primogenita Ecclesia peperit. Quod cum ita sit; existimabit fortasse quispiã, cum mater sit primæua Ecclesia ex Iudæis Christum eo tempore suscipientibus coactã, filium ipsius esse fideles omnes, quotquot ex Gentilico populo per primogenitæ Ecclesiæ prædicationem ad Christum aggregati fuere. Huic enim populo videtur mundi Regnum fuisse promissum. Nã Synagoga repulsã, & compluribus primogenitæ Ecclesiæ filiis pro Christi fide interfectis, remansit quali princeps ac Regina Ecclesia illa, quæ ex Gëtibus fuit euocata, quę nimirum diuino deinceps lumine annuete totiterrarũ orbi dominata est. Hæc declaratio, si filij primogeniti à matre Sione suscepti symbolũ ita explicet, vt nõ ad singularem aliquã Ecclesiã applicet, sed ad vniuersalẽ, quæ Ecclesias omnes in Gentilitate erectas cõprehendat: in hac inquã acceptione repugnat ipsi cõtextui. Agitur enim distincte in hoc capite de primogenito vno filio ad aliorum natu minorum differentiam; & perspicue n. 17. dicitur mulier præter filium primogenitum

Idem etiam amplius ex Isaia verbis solidatur.

Qui populus siue gens in masculo puero adhibetur. Opinio Riberæ ea de re improbat. Sermone hic esse non de Antichristi, sed de primitiua Ecclesiæ tempore.

Superior asserit ex Apocalypseos filo ac serie probatur.

Vera sententia, infantem masculum esse peculiarem aliquam Ecclesiam, non vniuersalem fidelium omnium coetum.



alios Christo filios procreasse. Necellarium ergo est, primum huiusmodi filium esse intelligendū, nō de vniuersis siue fidelibus singularibus, siue populis, quos primitiua Ecclesia ex Gentilitate conuertit; sed de peculiari aliqua Ecclesia in Romani imperij prouincijs fundata, quæ sit à ceteris distincta, sed earum tamen Princeps & caput: quemadmodum filius primogenitus inter fratres reliquos obtrinet principatum.

Hæc ratio in eo imprimis nititur, quod Apocalypsis non asserit solum, quemadmodum Isaïas, filium masculum à matre Sione fuisse genitum: sed distinctè loquitur de hoc filio, vt de primogenito; ad quem dominatio atque imperium spectabant. Additque post hunc filium alios insuper à primogenita Ecclesia fuisse susceptos. Quapropter apud Isaïam nomine filij masculi recte posset intelligi Catholica Ecclesia ex Gentibus congregata; quæ fideles omnes ex Gentilitate ad Christi fidem euocatos comprehendat. In Apocalypsi autem necesse est, filij masculi significationem ad singularem Ecclesiam coarctari. Et quauis meritò etiam dici possit, sceptrum ferreum Ecclesiæ Catholicæ fuisse traditum: hoc tamen in vniuersali Ecclesia ratione sui capitis verum esse comprobatur. Nec aliud indicare voluit Apocalypsis, nimirum inter Christianos populos esse vnum ceterorum primogenitum, quem proprie attingat in omnes nationes mundi dominatio; quæ in ferreo sceptro figuratur. Quemadmodum verò Catholica Ecclesia in suo capite, nempe in Romana regnat, licet etiam Romana Ecclesia in suo capite, id est, in Romano Pontifice.

Cum ergo Apocalypsis inter Ecclesias omnes, quæ per mundi prouincias sunt institutæ, singularem vnā, vt primam ac ceterarum principem designet; eamque asserat esse filium masculum, qui recturus erat Gentes in virga ferrea. Quis erit, non dico ex Catholicis, sed vel ex ipsis hæreticis, qui verisimilitudine aliquā audeat Ecclesiam aliam à Romana destinare, quæ verè dici possit filius primigenius & præcipuus Ecclesiæ primogenitæ; & cui singulariter ferreum Christi potestatis sceptrum conueniat? Si quis fortè in tota Scriptura reperiretur locus, qui explicatè assereret, (ita vt vel hæretici inficiari non possent) inter peculiare Ecclesias esse vnā ceterarum reginam & caput: numne aliquis fuisset ausus hanc primatus prærogatiuam Ecclesiæ alteri, præter Romanam, deferre? Nullus, opinor adeò insaniret, vt aliam à Romana, caput ceterarum assignaret. Tametsi enim eò aliquorum impudentia peruasit, vt se ex Romani Pontificis obedientia exemptos dicerent; & præfracto ore blaterarent, Romanam Ecclesiam non esse caput reliquarum, sed aliquas præterea æqualis esse dignitatis. Nihilominus inauditum est, fuisse quempiam, qui tam Romanam Ecclesiam, quam reliquas omnes opinaretur esse subiectas peculiari alteri Ecclesiæ ex ijs, quas primogenita Ecclesia fundauit. Si ergo nullius petulantia eò erupit, vt aliam Ecclesiam à Romana constituere auderet Principem ceterarum omnium, cui per antonomasiam & per primigenij iura ferreum sceptrum supremæ dignitatis congruat: consequenter debemus fateri, cum Apocalypsis singularem Ecclesiam vt natu maiorem inter reliquas delignet, hanc nequiquam esse à Romana Ecclesia diuersam. Quod verò inter primogenitæ Ecclesiæ filios designet Apocalypsis vnum primigenium & ceterorum caput, ex iusto supra me efficaciter probasse. His accedit, quod Apocalypsis in hac excellentia, quam Romanæ Ecclesiæ præ ceteris omnibus defert, alludit ad eam prærogatiuam, quam illi etiam Canticorum liber attribuit: & singillatim c. 6. 8. Cui loco lucem affert Apocalypsis allusio, & alter ab altero corroborantur; vt in eius loci expositione videbimus.

Enimverò, et huius expositionis veritas magis elucescat, oportet duabus satisfacere obiectionibus, quæ possent nostræ declarationi opponi. Altera est eiusmodi. In c. 19. iuxta nostram acoluthiam agitur de Romana Ecclesia, & Agni sponsa appellatur; nec non celebrantur nuptiæ. Non igitur cohæret, vt Ecclesia eadem nunc filius masculus, nunc Agni sponsa appelletur. Altera obiectio est, Textus ipse exprimit, post filij masculi ortum, in desertum effugisse ipsius matrem, vt habetur n. 6. & n. 13. desertum autem proprie Gentilitatem denotat. Quare in Gentilitatem fugere, perinde est, ac commigrare ad Gentes; si ergo hæc fuga post filium masculum iam natum accidit, masculus igitur filius non potest Ecclesiam Romanam indicare; nam Ecclesiæ huius natalis non contigit ante primogenitæ Ecclesiæ fugam ad Gentes, sed potius admirandus extitit fugæ illius fructus.

Ad primam difficultatem Respondeo, vnius populi figuram vtroque modo proponi aptè potuisse; nimirum & sub specie viri, & sub sponse etiam forma. Nec ratio vlla vrgebat ne qua in figurâ varietas inesset: quinimo diuersitas ipsa deseruiit, vt figura altera alterius defectū suppleret. Et quidem congruenter satis duabus hisce figuris fuit suus cuique locus distributus; nam in ca. 12. ad denotandam partus ipsius felicitatem & robur ac fortitudinem sanè quàm masculinā, quæ Romanæ Ecclesiæ in ipso sui exortu fuit indita: appositè masculi figura illi aptatur. Postea verò c. 19. vbi pacis tempus depingitur, quando per Romanæ Ecclesiæ prædicationem & auctoritatem Prouinciæ omnes Euangelij iugum erant subitura, (quod miram præ se fert fecunditatem) tunc inquam sponsæ figuræ species valde fuit opportuna; & ipsa desponsationis ac nuptiarum celebritas congruentissima extitit, ad publicam Christianæ Religionis professionem notandam, vt suo loco dicemus.

Ad secundam difficultatem. Quauis primogenita Ecclesia à Deo edocta eò potissimum mentē adiecerit, vt idololatriæ impietatem penitus ex mundo depelleret, & Euangelij lucē Gentes illustraret; & quauis eam ad rem decreuerit Romanā Ecclesiam erigere, quæ Christiani imperij caput esset: ceterum ad hunc ipsum finem, diuinæ prouidentię consiliū ita statuit, vt Romana Ecclesia in Iudæis ipsis Romæ degentibus exordium sumeret; & idcirco Petrus ac Paulus se Romā contulerunt, qui prædicationis efficacitate ex eis prius Iudæis, qui Romæ erant, bonam ad Christum partem traduxerunt, in quibus Romana Ecclesia fuit inchoata. Hoc planum sit ex Apostolorum actibus, & ex historia Ecclesiastica. Et verò ita fieri decebat diuinæ prouidentię suauitatem pariter ac fidelitatem. Ex hinc Romæ eodem modo se res habuit, ac prius Ierosolymæ; nam præ obstinatis ac rebellibus, pauci fuerē Iudæi, qui se ad Christum adiunxerunt. Deinde multi paucos acriter ceperunt infestari. Cum autem hæc persecutio coorta fuisset Romæ, quæ Gentilici populi caput erat; fideles à Iudæis perfidis diuexati, cum viderent operam cum eis ludi, utpote cum obduratis omnino

Filij demū masculi nomine Romanam Ecclesiam adumbrari.

Romana Ecclesia excellentia & p. i. maius inter Ecclesias ceteras.

Propositur duplex difficultas in prædicta expositione.

Prima difficultas soluitur.

Soluitur secunda.



A & obcæcatis, ad Gentes prædicationis suæ vim transtulerunt. Atque hîc propriè locum habet mulieris fuga ad Gentilitatis desertum. Hac igitur ratione intelligitur primogenita Ecclesia filium peperisse masculum (hoc est Romanam fundasse Ecclesiam) antequam ad desertum Gentilitatis euclaret. Nam Romana Ecclesia fuit primò instituta in ijs, qui ex Iudæorum Romæ existetium cœtu, Christi fidem amplexi sunt.

B QVI RECTVRVS ERAT OMNES GENTES IN VIRGA FERREA. ] De ferreæ virgæ symbolo diximus latè suprâ ca. 2. 26. Illud hîc solum addo, sermonem esse in hoc loco de ea singulatim Ecclesia, cui statutum iam erat, vt summa traderetur potestas ad nationes omnes Christo conuertendas, & ad eas edomandas Christi virgâ: quæ quauis rigoris speciem præferat, sub eâ summus includitur fauor, & ingens efficacia ad animorum conuersionem; vt suo loco explicatum est. Iam mundi conuersionem per Ecclesiam Romanam, & eiusdem auctoritate per ipsius legatos esse factam, ex historijs Ecclesiasticis liquidò constat. Atque id significatur in virga ferrea, de qua hîc sermo est; & in huius pariter virgæ excellentia ac summa persecutione continetur vniuersalis auctoritas, qua Ecclesias omnes tanquam caput flectit ac moderatur. Et de veritate quidem supremæ potestatis, quam habet Romana Ecclesia, ab alijs est egregiè contra hæreticos disputatum. Quare hac de re ad eos auctores refero lectorem. Mei enim muneris solum est ostendere, quàm sit aptum virgæ ferreæ symbolum ad supremæ potestatis significationem: nec non demonstrare in hoc Apocalypseos loco de Romana Ecclesia sermonem institui; quorum vtrumque, ni fallit animus, satis iam manet explicatum.

C ET RAPTVS EST FILIVS EIVS AD DEVM, ET AD THRONVM EIVS. ] Omitto aliorum expositiones à nostra serie alienas, vt de Christi ascensione in cælum, aut de gloria Sanctorum post martirium (quæ est Ambrosij, & Riberæ) & alias similes. Et quidem cum hic filius, quem peperit fœmina, Romanam Ecclesiam in suis primordijs adumbret; quod nunc subiicit textus, nempe, *Raptus est filius eius, &c.* manifestam continet allusionem ad id, quod dicitur de Ioas 4. Reg. 11. 2. quem ipsius amita, vxor Pontificis Ioiada furata est de medio filiorum Regis, qui interficiebantur, & nutrice eius, & abscondit eam à facie Athalie, &c. erat quæ cum ea sex annis clam in domo Domini, nempe, in cubiculo lectulorum; vt habetur 2. Paral. 22. 11. quod erat fortassis penetrale aliquod in superiore templi parte. Quemadmodum igitur Deus in sua domo protexit Ioas, quia regnum erat moderaturus; ita etiam Deus ipse, qui Romanam elegerat Ecclesiam, vt in suo eam throno collocaret, tutatus illam fuit à dæmone, qui recens ortam deuorare cupiebat; vt hoc pacto portæ inferi non præualerent aduersus eam. Atque etiam dum Romanus Pontifex Christi vicarius constituitur, masculus ille filius in thronum euehitur. Nā ratione Romani Pontificis verè dicitur Ecclesia Romana Dei thronum in terris habere. Qua etiam ratione idoneè intelligitur, puerum ad Dei thronum fuisse raptum; non vt defenderetur solum, sed etiam vt in throno ipso locaretur. Fateor tamē simplicius esse, vt pueri raptus ad Deum & eius thronum, non referatur ad ipsius sessionem in throno, sed ad defensionem, & à furore draconis glui re cupientis liberationem, Nam vt infans ex draconis ira atque furore eripiat, non potuit tutior locus, atque adeo aptior cogitari; vt elegantissimè canitur Ps. 90. *Qui habitat in adiutorio Altissimi, in protectione Dei celi commorabitur*: ab ipso Psalmi exordio vsque ad exitum. Et eiusmodi interpretationi rectius congruit allusio ad historiam Ioas. In qua historia obseruandum est, per nomen Ioas significari ignē Dei: lucerna autem Dei solet in sacris Literis regiam potestatem indicare. Quapropter illud in hac allusione videtur adumbrari, videlicet ne tempestatis impetus, (quæ ad extinguendā Dei lucernam in Romana Ecclesia accensam excitabatur) Dei ignem, atque adeo Ecclesiam ipsam in suo exordio extingueret, idcirco diuinæ prouidentie patrociniò eam fuisse protectam, & cultoditam: dum Deus ipse illam in suum intulit tabernaculum, & quasi manu opposita lumen defendit ab aura.

D Secundum ea, quæ diximus; puerum rapi, & in Dei tabernaculum introduci, non aliud erit, quàm per singularissimam Dei potentiam à dæmonis eripi rabie. Veruntamen bifariam fideles à Deo ex tentationibus liberantur. Primò, cum Deus ipse dæmonis oppugnationes temperat, nec patitur eos tentari supra id, quod possunt. & quauis huiuscemodi ad pueri recens nati speciem sit idonea, & in hac prouidentia dæmon potuerit animaduertere, suam omnem confidentiam, & puerum vorandi studium irrita atque inania euasisse, nihilominus alius est liberandi modus multò Romanæ Ecclesiæ gloriosior in suis præsertim initijs, & huic textui congruentior, nec non Dei intentioni, qui dæmonem ipsum & tartareas potestates hoc pacto sapientius elusit. Huiusmodi autem eripiendi modus est, fidelibus ipsis ac iustis hominibus affluentem diuini Spiritus copiam, id est, magnam sanctitatem atque sapientiam elargiri; ita vt quantuuius sauiissima coorietur tempestas, non tantum cælestem eorum ignem non extinguat, sed etiā magis magisq; suis flatibus augeat. Quæ Spiritus abundantia fuit à Deo affluēter satis Romanæ Ecclesiæ in suo exordio collata. Ad hæc; figura illa inducendi puerum in ipsum Dei thronum, veluti in sancta sanctorum, est etiam huic significationi aptissima. Hoc enim significat apud Paulum, propalatam esse sanctorum viam; videlicet ianuam sancti sanctorum esse patefactam, vt eò fideles perfugerent; & maximam illam sanctitatem ac sapientiam participarent, quæ illis Christus propriā morte acquisiuit: quæ nimirum duo per duos Cherubinos significari, vidimus iam capite quarto. Quauis autem singularis Dei defensio ac patrociniū, quo tentationes attemperat, ac modificatur, sit maximum beneficium, quo fideles securi reddantur; negari tamen non potest, quin secunda protectionis ratio sit multò excellentius beneficium, & gratia multò sublimior. Atque hic est modus longè nobilissimus iustos præstandi securos. & ea ratione inter maxima quæque pericula, minas atque tormenta, qui intra Dei tabernaculum est receptus, & largam diuini Spiritus copiam imbibit; qua in Christo sit radicatus ac fundatus; nā ille meritissimè dicitur ita esse protectus ac securus, vt summā fruatur pace ac tranquillitate; nec eò possint dæmonis machinæ peruadere.

E Deinde, sensus hic est multò congruentior huius capitis scopo; in quò quasi ob oculos proponitur quàm irritus atque elusus dæmon euaserit, quamque è sua futile spe fuerit in terram deie-

quo sensu  
filius ma-  
sculus dicitur  
omnes  
gentes in  
virga ferrea  
raptus.

Quia ratio-  
ne dicatur  
filius ma-  
sculus ad  
Dei thronum  
raptus.

Ioas quid  
fuerit.

Explicatur  
adhuc ma-  
gis modus,  
quo infans  
raptus ad  
Deum dela-  
tus & ad  
eius thronum.

Superioris  
explicatio-  
nis confir-  
matio.



Aus: propterea quod experimento didicerit, tantam à Deo opem & auxilium Romanis nuper conuerſis impertiri, vt nulla ſibi eos deuorandi reliqua fuerit ſpes. Nā diuini Spiritus copia eos tutos atq; ſecuros nihilo ſecius reddebat, quā ſi in ipſa ſancta ſanctorum fuiſſent illati. Quod euidenti erat argumento, Deum omnino decreuiſſe per Romanam Eccleſiam firmiter ſtabilitam ex toto terrarum orbe funditus idololatriam amandare.

Fauet in ſuper huic explicationi allegoria filij maſculi, & virilis roboris eidem inditi; quippe qui naſcebatur ad dæmonis potentiam opprimendam. Namque vt Hercules ab ipſis incunabilis oſtendiſſe fingitur, nulla deinceps monſtra aduerſus illum fore ſuperiora; quando vel infans in cunis degens, ſerpentes ipſum adortas oppreſſerat: ita in Chriſtiani populi recens erecti robore inuictus, ac virtute planè maſculā maximè enituit, quantam poſtea ſtragem fuerat in inferorum dracones ac ſerpentibus facturus. Vt autem denotaretur ſpiritualis tranquillitas atque pax Romanorum nuper ad fidem conuerſorum in medijs ipſis procellis, quas in eos dæmon excitabat, nihil ſignificatiuſ, quā aſſerere, filium paruulum in Dei tabernaculo ſiue throno eſſe abditum. Quin ipſum diuini throni nomen innuit Euangelicam ſapientiam & ſanctitatem, qui ſunt duo myſtici throni Cherubini, vt diximus c. 4.

## T E X T V S.

*Verſ. 6.* Et mulier fugit in ſolitudinem; vbi habebat locum paratum à Deo, vt ibi paſcant eam diebus mille ducentis ſexaginta.

## C O M M E N T A R I V S.

Q VOD ad ipſam figuræ ſpeciem attinet, eiſmodi eſſe videtur, vt infans à muliere editus ſit in ſancto ſanctorum occultatus; & mater ipſa fuerit dereliſta, vt eam perſequeretur draco; tum vero ipſa in ſolitudinem effugerit. Itaque pueri perſugium & aſylum fuit ſancta ſanctorum; matris verò non aliud fuit, quā vt fugā ſaluti conſuleret, ſequē in eremum reciperet; atque in ſpeluncam abderet, ſibi à Deo præparatam: qualem Paulo primo eremicolæ parauit. Ex hac figura inferet quiſpiam, puerum paruulum, vtpote tenerum ac delicatum, à Deo fuiſſe ex tentatione ereptum: atque adeo dæmoni non fuiſſe poteſtatem permiſſam, vt eum oppugnaret: matrem verò, vt quæ adultā iam ac robuſtā virtute erat, ſerpentis furori fuiſſe expoſitam, diuino tamen præſidio ſecuram, nequid à ſerpente caperet detrimenti. Ceterum tametiſi verum eſt, primogenitæ Eccleſiæ virtutem fuiſſe præſtantiorem, quā filiorum, quos ipſa Chriſto procreabat: nihilominus ſanctitas fidelium, quos maſculus hic puer designat, adeo fuit vegeta ac fortis, vt protinus potuerit validiſſimè ſerpentis perſecutioni obſistere. Atque ex Eccleſiaſticis hitorijs liquet, ex fidelibus recentior ad Chriſtum tractis, complures egregia conſtantix ac fortitudinis documenta dediſſe. Suprà autem vidimus, hoc optimè coherere cum illis textus ipſius verbis; *Raptus eſt (puer) ad Deum, & ad thronum eius.* Quamobrem, cum dicitur nunc mulier in ſolitudinem fuiſſe; verba hæc non ita ſunt explicanda, vt ſit ſenſus, mulierem fuiſſe expoſitam ei perſecutioni, e qua ereptus fuit puer; ac propterea illam in ſolitudinem effuſiſſe.

Discrimen igitur in hoc minimè ſitum eſt; ſed in eo vel maximè, quod in pueri ſpecie de Chriſtianiſ ad fidem nuper traductis ſermo eſt; at in matris figura de Apoſtolicis prædicatoribus agitur. Illud autem in nuperis fidelibus erat imprimis mirandum, eos ſcilicet inter ſauas perſecutionis procellas tanta pace & tranquillitate frui; id quod eleganter repræſentatur in eo, quod puer ſit raptus ad Deum & ad thronum eius. etenim eius fortitudo atque tranquillitas in terreſtribus bonis continendis ita fuit, firmiter Deo adhærendo. Verum Euangelicos prædicatores non attingebat ſolum pax atque conſtantia in medijs perſecutionum turbinibus; ſed etiam vt tempori morem gererent, & ſuum accuratè munus Euangelium prædicandi explerent; atque adeo Chriſti obtemperarent præcepto, *Matt. c. 10. 23. Cum perſequentur vos in ciuitate iſta, fugite in aliam:* videlicet ad Euangelium fructuoſè diſſeminandum: ne in obduratorum culturâ, temporis iactura nequidquam fiat.

Hunc ad finem expediens fuit, vt mulier in ſolitudinē fugiens fingeretur. Quia in re illud ſupponitur, poſt primogenitum femine filium exortum, id eſt poſt nouam Romæ Eccleſiā in Iudæis Euangelium ſuſcipientibus fundatam, draconem obſtinatum Iudæorum interuentu horribilem ſuſcitariſſe perſecutionem aduerſus Chriſti fidei prædicatores; hos propterea ex hac perſecutione iuxta Chriſti conſilium fugientes, vel Iudæorum potiùs perſidorum duritiæ ſuperſedentes in deſertum (vt textus ait) conſugiſſe.

In qua locutione primò notandum eſt, per deſertum proculdubio figurari Gentilitatem. Hanc enim eſſe Scripturæ phraſim diſerte docent Clemenſ Alexandrinus, Origenes, Ambroſius, Baſilius, Hieronymus, Gregorius, Hilarius, Heſychius, & alij multi apud Lauretum in Sylua allegoriarū verbo, *Deſertum.* Atque ex pluribus Scripturæ locis manuſtum planè eſt, vt *Iſaie 35. 1. Latabitur deſerta & inuis, & exultabit ſolitudo.* Item *c. 41. 19. Ponam in deſerto abietem.* Eademque phraſi ſæpè vtitur in *Psalmis* David, & ceteri Prophetæ, vt *Ieremias, Ezechiel, & Amos.*

Cur filius  
paruus in  
Dei thronū  
aſſumptus;  
mater verò  
in ſolitudinē  
fugi ſe dica-  
tur.

Redditur  
ſuperioris  
diſcriminis  
ratio.

Deſertū eſſe  
ſymbolum  
Gentilitatis.



A. Secundò nota, Christi præceptum (vt suprà vidimus) fuisse eiusmodi, *Cum persequuntur vos in ciuitate ista, fugite in aliam*. Sed cum Roma adeo esset ingens & laxa, satis fuit loci, vt præcepti eiusdem finē impleret Ecclesia primogenita intra Romæ adhuc spatia se continens: nimirum si Iudeis derelictis suæ prædicationis vim ad Gentiles traducerent. Atq; ad huius transitionis nouitatem denotandam, opportunum satis fuit, vt figuraretur primogenita Ecclesia, non quidem ad aliam ciuitatem, sed ad desertum migrasse. Nam ad Gentes prædicare iuxta sacrarum Litterarum locutionem, perinde est, quasi desertum petere prædicandi gratiâ. Veruntamen, vt Iudaici populi obstinationem, subterfugeret, operæ prætium duxit in desertum Euangelij lumen inuèhere.

B. Tertiò nota, hoc ipsum, quod Romæ egerunt Apostoli, dum Iudæorum obstinatione derelictâ ad Gentes prædicaturi se conuerterunt, hoc inquam ipsum in reliquis ciuitatibus eos præstitisse. Sic enim amissio Iudæorum fuit reconciliatio mundi. vt habetur ad Rom. 11. 15. *Lege Actuum 13. 46. Tunc constanter Paulus & Barnabas dixerunt; Vobis oportebat primum loqui verbum Dei; sed quoniam repellitis illud, & indignos vos iudicatis æterna vitæ, ecce conuertimur ad Gentes. Sic enim præceptum nobis Dominus. Præter hæc, cum Iudæi Stephanum martyrio coronarunt; mox subiicit textus Act. 8. 1. Facta est autem in illa die persecutio magna in Ecclesia, quæ erat Ierosolymis; & omnes dispersi sunt per regiones Iudææ, & Samariæ præter Apostolos. Circa quem locum Baronius tomo primo, anno Christi 35. fol. 244. contendit, discipulos tunc non solum per Iudææ & Samariæ regiones, sed etiam per vniuersum orbem fuisse dispersos; atque ea ratione Christianis in diuersas, ac longè positas regiones proficiscentibus, & Euangelium prædicantibus Ecclesiam Dei feliciter fuisse propagatam. Nam qui tunc Ierosolymis excesserunt, fuere numero amplius quindécim millia. Ipsæ tamen verius existimo, quod à Luca significari videtur, dispersionem scilicet tunc per Iudææ & Samariæ solum regiones fuisse factam. Egressio autem ex Palæstina non tunc accidit, opinor, nisi paucorum admodum (si qui fortè fuerunt.) Si enim generalis fuisset per totum orbem dissipatio, non diceret Lucas, *Omnes dispersi sunt per regiones Iudææ & Samariæ*: sed, *Quidam per regiones Samariæ, alij verò per remotas alias regiones*. Quod autem Baronius adducit, vt probet dispersionem toto terrarum orbe fuisse factam: euincit quidem fideles per totum orbem fuisse dispersos; non tamen id tunc accidisse probat. Quamobrem multò verosimilius est, per orbem fuisse fideles dispersos, quando postea vehementius adhuc persecutionis tempestas ingruit, & Apostoli ex Iudæa cedentes per Gentilitatem diuisi sunt; id quod nouennio postea accidit, nempe anno Domini 44. vt videre est apud eundem Baronium, vbi accedit ad annum 44. folio 305. quo in loco ostendit, Apostolorum diuisionem euenisse anno Claudij 2. quo tempore occisus fuit Iacobus maior, & Petrus eidem supplicio destinatus, sed diuina ereptus virtute, persequente eos Agrippâ.*

C. At mulieris fuga, de qua hîc Apocalypsis loquitur, ne tunc quidem accidit; sed post Ecclesiam Romæ iam fundatam ex Iudæis, qui Christi fidem complexi sunt. Textus enim agit de mulieris fuga post editum in lucem eum filium, *Qui reuertens erat omnes gentes in virga ferrea*.

D. Hæc de nobilis huius fugæ sensu. Sed vt ad figuram ipsam, vel ideam regrediamur, dubitabit fortasse quispiam, vtrum consideranda sit fugiens femina lunam secum semper sub pedibus ducere, qua innitatur. Qui enim ait, feminam lunæ esse impositam, deinde se in fugam dare; non ideo asserit, lunam simul cum ipsa euolasse: quinimò ideo videntur alæ fuisse mulieri datæ, quod non iam luna innitens veheretur. Præterea, si per lunam (saltem in secundario sensu, vt suprà diximus) Sanctissima Virgo indicatur; certum non est, eam etiam Iudæâ excessisse, quando Apostoli inde egressi sunt. Licet enim Concilium Ephesinum dicat, Mariam Deiparam degisse Ephesi cum Ioanne Euangelista; Epiphanius tamen id inficiatur. de quo consulendus est Baronius tomo 1. anno 44. fol. 310. & 311.

Nihilominus si figuræ huius sensum penitissimum, ac mysterium præcipuum perscrutemur; haud dubiè asseuerandum est, ita esse fugæ huius ideam concipiendam, quasi mulier in desertum aufugiens semper lunæ ipsi incumbens feratur. Facile enim intelligitur luna parili motu cum ipso femina volatu illius supposita pedibus, eamque sustinens ferri. Quod autem de sanctissima Virgine dicitur, quod tunc Iudæam non dereliquerit, nihil ad rem; nam vt Ecclesia ad nobilissimam illam expeditionem Christi & ipsius Mariæ auxilio nitens proficiscatur, non opus est illos ex Iudæa exiisse; præsertim cum hîc non sit directè sermo de egressu ex Iudæa; sed de admirabili illa transitione, quâ intra Romam primogenita Ecclesia à Synagoga ad Gentilitatem, siue ad desertum fecit.

E. VBI HABEBAT LOCUM PARATVM A DEO, VT IBI PASCANT EAM DIEBUS MILLE DVCENTIS SEXAGINTA. ] Mulier ergo in desertum sese proripit; vbi speluncam reperit, in quam se abdat; nec defuit inibi, qui ei cibum afferret (vt coruus olim Paulo Eremiticæ): & eo modo tres annos cum dimidio transiit. Quod autem ad sensum attinet: toto tempore, quo ad Gentes fiebat prædicatione, antequam bona eorum pars Christi fidem susciperet, primogenita Ecclesia in deserto degit. Desertum enim est (vt iam diximus) Gentilitas; vbi incommoda valde est viuendi ratio: quod significatur per habitationem in deserto; vbi leones, tigrides, viperæ, aliaque animantia noxia & eserata esse solent, cum tamen locus ipse alioquin sit omni humano solatio destitutus. Enimuero in media ipsa solitudine, & rerum omnium defectu inuenit primogenita Ecclesia tutissimum & placidissimum in Deo refugium. Sic enim crebrò Deus in Psalmis & in alijs Scripturæ locis nuncupatur. Iam, quod mulieri in deserto victus suppeditetur; innuit consolationem, quam Deus Euangelij concionatoribus largiebatur, quod Dei ipsius voluntati in eo opere obsequerentur; iuxta illud Ioannis 4. 34. *Meus cibus est, vt faciam voluntatem eius, qui misit me*. Atque hoc solatium eomitabatur fructus quam mox demetendi expectatio, nec non primitiæ ipsæ, quæ iam apparebant.

Sed addit textus: *Vt ibi pascant eam*. ibi autem idem est, atque In deserto. Porro ea incommodæ vitæ ratio, labor ille, afflictio, atque ferarum ibi degentium formido, quæ deserti nomine figurantur, erant duratura, vt textus ait, *Mille ducentis sexaginta diebus*. Quo dierum numero vidimus iam capite vndecimo, tres annos & dimidiatum denotari iuxta Hebræorum &

Quid sit mulierem in desertum fugere.

Post Stephanum martyrium virum discipuli toto terrarum orbe, an solum per Iudæam & Samariâ sint dispersi?

Quid mulieris in desertum fuga acciderit.

Virum mulierem cum luna pedibus supposita fugisse consideranda sit?

Pars affirmans statuitur.

Quandam mulierem siue Ecclesiam in deserto degentem.

Quid figeretur per 1260. dies, quibus mulier in deserto erat pascebat.



Græcorum enumerationem. Vidimus etiam ibidem, spatium hoc trium annorum & dimidij esse mysticum; per illudque significari, in media septem annorum hebdomada, hoc est breui temporis interuallo aduersitatem atque ærumnam finiri. Quare loci huius significatio est, intra paucos annos solitudinem ipsam in paradysum, & Gentilitatis desertum in Christianam Ecclesiam conuertendū fore: & tunc quidem Euangelij ministros, qui in solitudinem fugerant, in maximā repenti frequentiā & celebritate multorum sibi amicissimorum futuros.

## T E X T V S.

*Vers. 7.* Et factum est prælium magnum in cælo, Michael, & Angeli eius præliabantur cum dracone; & draco pugnabat, & Angeli eius.

*8.* Et non valuerunt, neque locus inuentus est eorum amplius in cælo.

## C O M M E N T A R I V S.

**I**N hac pugna Michaelis cum dracone, quatuor quæstiones per ordinem occurrunt. Prima, ad quem Scripturæ locum in præsentī alludatur. Secunda, de qua pugna loquatur ille locus, quem respicit Apocalypsis. Tertia, de qua etiam pugna Apocalypsis ipsa agat in præsentī. Quarta, de personis sub nomine Michaelis, & eius Angelorum designatis.

## Q V A E S T I O I.

*Ad quem Scripturæ locum hic alludatur.*

*Ad quærentem  
Scripturæ  
locum fiat  
allusio in  
hac pugna  
Michaelis  
cū dracone.  
I. opinio B.  
Prosperi.*

**P**ROSPER in dimidio temporis cap. 4. existimat, visionem hanc, in qua draco est superatus, eandem esse cum illa Danielis 10. 13. *Princeps Regni Persarum restitit mihi; & ecce Michael vnus de Principibus primis venit in adiutorium meum.* Et in fine capitis ait Gabriel: *Reuertar vt prælior aduersus Principem Persarum, &c. & nemo est adiutor meus, nisi Michael Princeps vester.* Hactenus Daniel. Si autem bellum, de quo ibi loquitur, idem est cum illo, de quo in hoc loco Ioannes agit, vt sibi beatus Prosper persuasit; sequitur inde, apud Daniele, dæmonem esse Regni Persarum Principem. prælium enim Michaelis, quod hic describitur fit aduersus draconem. Quamobrem hæc Prosperi sententia Cassiani & Ruperti opinioni consentanea est; qui existimant Regni Persarum Principem esse dæmonem.

Enimvero meo iudicio probabile non est, in hoc Apocalypseos prælio haberi respectum ad illam Danielis pugnam. Primò, quia communior ac receptior Theologorum sententia est, Persarum Regni Principem, de quo Daniel, non esse dæmonem, sed bonum Angelum. Sic sanè sentiunt Theodoretus, Gregorius, Lyranus, Carthusianus, Pererius; & ferè omnes Scholastici, atque imprimis D. Thom. 1. p. q. 113. a. 7. Atque ad eam allusionem oportebat Persarum Regni Principem, & draconem esse eundem. Secundò, esto Princeps Regni Persarum referat dæmonem; nemo saltem dicet eum esse, aut dæmoniorum Principem, aut totum dæmoniorum exercitum; quia textus illum distinguit à Regni Græcorum Principe. Non ergo cohæret, vt hæc Apocalypseos pugna sit illa eadem Danielis: cū in Apocalypsi draco, aut dæmonum sit Princeps, aut vniuersa dæmonum phalanx, vt explicauimus suprâ.

Cum ergo statuerimus non hic contineri allusionem ad eum Danielis locum; superest in præsentī alludi ad caput eiusdem Danielis 12. 1. vbi dicitur, *Intempore autem illo consurget Michael Princeps magnus, qui stat pro filiis populi tui.* Et statim ex allusione ipsa intelligitur verbum illud, *consurget*, esse idem quod *exurget in prælium*. Quasi dicat, bellum concitabit aduersus Aquilonis Regem, (de quo in præcedenti capite fuerat sermo.) Deinde necessarium est, Aquilonis Regem, de quo Daniel ad finem ca. 11. loquitur, & hunc Apocalypseos draconem esse eundem, vel saltem vnâ conspirare, ita vt Michael eo ipso, quod bellum aduersus Aquilonis Regem suscipiat, bellum etiam cum dracone gerat.

*Auctoris c.  
tenet, &  
proposuit  
quæstionis  
solutio.*



## Q V Æ S T I O II.

*Quis sit sensus illius Prophetiæ Danielis cap. 12. 1 ubi dicitur: In tempore illo  
consurget Michael Princeps magnus;*

**H**IVS quæstionis enodatio pendet ex intelligentia illius temporis, de quo ad finem ca. 11. Daniellis instituebatur sermo. Nam eodem temporis referuntur verba illa, *In tempore illo consurget Michael Princeps magnus.* Quæ de re variæ extiterunt auctorum sententiæ. Prima fuit Porphyrij; qui cõtendebat, ibi non esse sermonem de aliquo Christianæ Ecclesiæ bello; sed de illo, quod Antiochus Epiphanes Iudaicò populo intulit. Altera opinio fuit existimantium nullo modo agi in ca. 11. aut in eius saltem fine de Antiocho, sed solum de Antichristo. Tertia affirmat, Daniele (sicut moris est Prophetarum) Iudaica tangere, & Christiana respicere; & propterea quanuis præcipue respiciat bellum ab Antichristo, siue ab Antichristis in Christianam Ecclesiam commouendum; ad hoc tamen ipsum vri comparatione belli illius, quo Antiochus Iudæorum populum acriter vrsit; dum pro virili parte Iudæorum Religionem eâ tempestate vigentem extinguere fuit conatus.

Tertia hæc sententia mihi semper certissima visa est, vt in illius Prophetiæ expositione ostendam libro huius operis nono. Et quanuis existimet non nemo interpretationem hanc Hieronymo esse contrariam, propterea quòd S. Doctor Porphyrij explicationem vehementer impugnet. Ceterum, quod Hieronymus, & reliqui ex antiquis Doctoribus refellunt, illud est; quod præcipue Porphyrius laborabat, videlicet apud Daniele nullo modo esse sermonem de persecutionibus, quas Christi Ecclesia erat subitura. Quem errorem dum veteres Doctores refutant, mirum non est, eos aliquando disputationis feruore eò prouehi, vt nihil videantur loci relinquere; quòd Porphyrij sensus sit saltem, si non præcipuus, at quasi fundamentum, quo principalis sensus innitatur. Et forte prudentiæ fuit, ne viderentur cum Porphyrio consentire, eò inclinare, vt nihil assertionis cum illo habere vellent commune: non solum quia Porphyrius præcipuum negabat sensum, verum etiam, quia in eo ipso, quod posset veluti fundamentum potissimæ intentionis ac sensus esse, multa errorum signimenta permiscebat. Quapropter sapienter ipsius Porphyrij nugæ ac deliramenta sunt explosa, & de infesto Ecclesiæ hoste triumphatum. Veruntamen reiecto Porphyrij errore, & sedato illius contentionis æstu; si B. Augustinum iudicem accersere velimus, dubium non est, quin Spiritus sanctus suæ mentis non reputet indignum, vt Daniel in toto cap. 11. agat de Antichristo, siue de Antichristis Ecclesiæ hostibus per comparationem ad Antiochum; vt hoc pacto Iudaica tangens, Christiana respiciat. Atque vt suo loco videbimus, contextus ipse vrget, ne dubitemus figuram vniuersi illius capituli, & proximum sensum (quanuis minus præcipuum) esse Regem Antiochum; & de illo haberi sermonem ad eum ferè modum, quo Ps. 28. inducuntur Dauidis bella; vt hac ratione per comparationem agatur de bello, quod Christus per Christianam Ecclesiam cum Gentibus fuerat gesturus.

His præmissis in sensu proximo Michael procul dubio est Mathathias, strenuus ille dux, qui Antiochi tempore, diuino zelo accensus crexit vexillum aduersus nefandas Antiochi machinari-nes; & veram Religionem omni virium contentione defendit atque protexit. Nomen autem Michael, ad amissim cõgruit Mathathias; quod enim illi animos fecit, vt se Antiocho opponeret, fuit potissimum Dei zelus & maximum discrimen, quod inter Deum verum, & inter ficta Antiochi idola (quæ ipse veneranda curabat) intererat. Quamobrem ad nomen atque insigne Mathathias nihil aptius, quam Michaelis cognomen, quod sonat, *Quis sicut Deus?* quod verò textus ait, *In tempore illo,* accipiendum est de tempore illo angustias & oppressionis; vt Hebraicus exprimit textus; vbi nos legimus, *Veniet tempus, quale non fuit.* Deinde vt significaretur, suam illam tempestatem non fore potentem, vt veros Israelitas submergeret, ait textus, *In tempore illo saluabitur* (Hebraice euadet) *populus tuus omnis, qui inueniuntur fuerit scriptus in libro.* Mox verò innuitur, illius afflictionis tempus vsui fore, vt Deus nouos excitaret Phinees, nouosque Elias; nec non vt noui Achabes, ac Iezabeles nouæ retegerentur. Quem ad finem subiungit textus: *Et multi de ijs, qui dormiunt in terra puluere enigilabunt, alij in vitam æternam, & alij in opprobrium.* Phrasis enim Scripturæ est, & elegantia plena, asserere antiquos tyrannos ad lucem reuocari, nec non Moïsem & Eliam, aliosque per similes; quando viri excitantur eiusmodi, qui eorum gesta ac robur imitentur. De qua phrasi diximus ca. 11. vbi de duobus testibus. Atque hæc de proximo illius prophetiæ sensu sint obiter dicta, ceteris ad proprium locum reiectis.

Iam, quod ad præcipuum attinet sensum; Christianæ Ecclesiæ prophetiam in Antiochi perfectione adumbrat respexit potissimum Daniel. Et quanuis Hieronymus, alijque Doctores videantur in illius Prophetiæ declaratione nihil aliud cogitare, præter Antichristi tempora; si tamen Antiochi historia seriò inspicitur, nihil est, cur vaticinium illud ad Antichristi tempora coardemus. Nam in ea Antiochi persecutio, quæ directe contra veram Religionem exarsit, certè fuit ad viuū expressa non solum persecutio illa, quam postremus ac verus Antichristus in Ecclesiam suscitabit; sed omnes etiam aliorum Antichristorum persecutiones, & Romani præsertim imperij. Illæ enim omnes eò spectant, vt veram ac sinceram Religionem ex toto orbe penitus exterminarent, & inanem idolorum superstitionem vero Dei cultui anteferrent.

De quo tempore agat Daniel cap. 12. initio. *Varia hæc de re opinionēs.*

Auctoris mens.

Michaelis esse Mathathias figuram apud Daniele.

Quo sensu & Daniele dicatur enigilaturi muli ex ijs, qui in terre puluere dormiunt.

In Antiochi Epiphanis persecutione adumbrari persecutiones in Christi Ecclesia conuincitur.



Hoc mihi aded fit planum, vt aliâ non indigeat probatione. Ceterum ipse Apocalypseos contextus validissimæ instar confirmationis est. agit enim haud dubiè de initio persecutionis, qua Romanum Imperium Christianam infestauit Ecclesiam. Quam ad rem assumit allusionem ad Danielis prophetiam, in qua, vt dicebamus, sensus proximus est, de persecutionis tempore sub Antiocho. Sequenti tamen quaestione res fiet illustrior.

## Q V Æ S T I O III.

*De qua pugna loquatur in præsentì Apocalypsis.*

De qua pugna sermo hic instituat Apocalypsis.

1. expositio putantium de antiquo angelorũ & de nouum praelio agi.

2. expositio Ribera referentis ad Antichristi praelium.

Refellitur secunda expositio.

Respondetur 2. opiniois fundamētis.

NONNULLIS placet, Apocalypsin hic respicere ad bellum illud antiquum, quod in celo inter bonos Angelos, ac malos fuit peractum: in quo communiter pro certo reputatur obstigatorum ducem fuisse Principem demoniorum, & ducem bonorum Michaellem. Quem sensum hic agnoscunt Aretas, & alii. Contextus autem manifestè ostendit, licet ad pristinum illud bellum in hoc loco alludatur, non tamen de illo directè agi. Atque ea allusio non hic reperitur solum, sed apud Danielelem etiam in sensu proximo. Ratio enim cur Mathathia nomen Michaelis imponatur, fuit propter Michaelis Archangeli imitationem. Nam vt Michael (cùm Angeli superbi se Deo opposuerunt, & in suum conditorem conspirarunt) illis inuicto animo obstitit, eosque de celo detruxit: ita similiter Mathathias diuinæ gloriæ zelo æstuans Antiochi & ipsorum ministrorum furori se opposuit.

Ribera §. 26. sentit, hoc Michaelis praelium cum dracone citra dubitationem ad Antichristi tempora pertinere. Probat hoc ille D. Gregorij, & Aretæ auctoritate: atque etiam ex allusione ad illum Danielis locum ca. 12. 1. *In illo tempore consurget Michael Princeps magnus.* Quem locum Hieronymus & antiqui interpretes censent de Antichristi tempore esse intelligendum. Vrget etiam Ribera ex ipso contextu, quia n. 12. huius capitis dicitur: *Va terra & mari, quia descendit diabolus ad vos habens iram magnam, sciens quia modicum tempus habet.* Quibus ex verbis videtur necessariò colligi, prophetiam hanc ad nouissimæ Ecclesiæ tempora spectare. alioqui non diceretur dæmon, sciens tibi modicum superesse temporis, in mundi perniciem festinaturus.

Nihilominus in mea explicationis serie bellum hoc non potest Antichristi tempora respicere. Nam post hoc bellum diabolus per mille annos alligatur. Dein bellum contra Ecclesiam per Antichristum commouet. Non igitur de Antichristi bello in hoc loco disputatur. Respondet huic argumento Ribera, bellum hoc per anticipationem hoc in loco describi. Ceterum anticipationes huiusmodi violentiæ minimè faciunt difficultati satis; præsertim quando tota series absque vlla prolepti, siue anticipatione potest congruentius intelligi. Qua de re consulenda sunt, quæ diximus in notationibus præfationibus. Et meo quidem iudicio violentia anticipationis hac in parte est maxima. Nam ca. 12. manifestè incipit draconis bellum; in cuius belli decursu draco ipse ad finem capitis in maris littore depingitur. Deinde ca. 13. prosequitur bellum ipsum terra marique gestum; ac demum bestia maris & bestia terræ, (quæ cum dracone coniurauerant) mittuntur in stagnum ignis; & draco siue diabolus per mille annos constrictus soluitur postea, & iterum Ecclesiæ bellum indicit. Quid ergo violentius, quàm asserere bellum hoc capitis 12. esse illud, quod post mille annos fuit gestum?

Ad B. Gregorij auctoritatem respondeo ex eodem Gregorio in præmio libri Regum, ubi ait: *Venerabiles Patres si seriatim cuncta exponerent, quæ ex parte tetigerunt, eam seriem locutionis, quam tenere visi sunt, obseruare nequaquam potuissent.* Hæc ille. Et regula iuris est, *Quod quisque iuris in alium statuit, vt ipse eodem iure vtratur.* Adde, quod Patres, quide idololatriæ expulsiōe interpretantur illud Ioannis 12. 31. *Nunc Princeps huius mundi eicietur foras;* omnino videntur nostræ explicationi fauere. Nam vt vidit ibi noster Maldonatus, proiectum esse draconem in terram, idem est, quod eiectum esse foras. Quare si locus ille de prima idololatriæ expulsiōe tractat; necesse etiam est, sermonem esse in præsentì de bello gesto à Michaelle ad idololatriam ex Romano orbe depellendam. Patres verò, qui locum illum Ioan. 12. 31. de idololatriæ eiectione exponunt sunt Cyrillus, Gregorius Nazianzenus, Basilus, Augustinus, & Gregorius ipse Magnus, quos refert & sequitur Alphonsus Salmeron tom. 8. tract. 56. & Toletus Ioannis 12.

Ad argumentum ex Danielis c. 12. 1. ex Hieronymi auctoritate petatum respondeo idem ipsum, quod quaestione præcedente dixi, nempe Danielelem in sensu proximo de bellis Antiochi vaticinari; quapropter in ijs verbis sub Michaelis nomine Mathathiam intelligit. Quid ergo prohibet, Apocalypsin in præsentì ad proximum verborum illorum sensum alludere? Quidve obstat, vt in Antiochi bello Mathathias Dei zelo succensus acriter Antiocho obstitit, ita etiam in dæmonis persecutione aduersus Ecclesiam (quando illa idolorum cultum pellere ex orbe curabat) exurgere similiter admirabilem alium Mathathiam? Si autem primo illi Mathathia Daniel Michaelis nomen indidit: hoc ipsum nomen & allusio ad antiquum cali bellum congruunt potiori iure nouo Mathathia, de quo in Apocalypsi sermo est. Quem sensum, existet, opinor, nemo, qui aut parum aptum, aut malè coherentem dicere possit.



A Iam verò, si (vt mihi persuasum est) Daniel eo loci in præcipuo sensu non agit solum de Antichristi tempore, sed æqualiter de persecutionibus in Ecclesiam excitandis ad veram Christi Religionem extinguendam; si hic inquam est Danielis Prophetiæ scopus, inter huiusmodi persecutiones primum illæ locum obtinent, quas Romanum Imperium idololatriæ addictum à Nerone ad Iulianum vsque commouit. Quare Apocalypsis de hisce persecutionibus loquens potuit alludere non modò ad proximum Danielis sensum de bellis Antiochi; sed etiam ad sensum in præcipuum de ijs persecutionibus, quibus Gentes Ecclesiam oppugnaturi erant.

Licet autem daremus, Danielem nullo modo de Antichristi bellis loqui, nec de Romani Imperij persecutionibus, sed solum de persecutione illius, qui per antonomasiam vocatur Antichristus; congruenter adhuc potuit in Apocalypsi tractari de Romæ ethnica persecutione per allusionem ad persecutionem Antichristi. Nam & Ioanni mos est loqui de ijs, qui Christum persequuntur sub allusione & nomine extremi Antichristi; vt cum ait, *Audistis, quia Antichristus venit: & nunc Antichristi multi facti sunt*, 1. Ioan. 2. 18.

B Ad confirmationem ex contextu desumptâ Respondeo; cum quis dicit, parum tibi temporis residuum esse, non esse necessarium, vt diem iudicii iam imminere credat; satis namq; est si suspicetur, parum temporis sibi restare ad rem aliquam patranda, quam aut præ manibus habeat, aut absolueri desideret. Quare vbi dæmon erectam iam vidit Romanam Ecclesiam, & Euangelij sēmen toto terrarū orbe cum maximo prouentu dispergi; credens paucis post sæculis idololatriam ex toto fore Romano Imperio exturbandam, potuit verè dicere, parum sibi superesse temporis; quippe Euangelicæ prædicationis efficientiam esse maximam, ac proinde paruum satis tempus sibi iam reliquū esse illius Imperij, quo mundum tot retro sæculis per idololatriam occuparat: parum etiam ad suum Imperiū tuendum ab eorum incursionibus, qui illud in Christi ditionem ac potestatem redigere tentabant. Notum autem est, *Modicam & Multum*, dici relatiuè. Nam ad res aliquas applicatur iure modicū, quod ad alias verè est maximum. Consideratā ergo gloriōsi & admirandi facinoris magnitudine, (cuiusmodi erat idololatriam ex orbe penitus ablegare) meritò quidem paruum tempus appellatur duorum aut trium sæculorum spatium: præsertim quia in aliquot orbis partibus Euangelij prædicatorum intentio effectum multò antè fuit sortita. Quare respectu aliquarum Gentium multò minus fuit interuallum. Quamobrem ex eo, quodd citò dæmon expelli incipiendus erat, dixit Christus Ioānis 12. 31. *Nunc Princeps huius mundi eiicietur foras*. Quod si locutionem ipsam inspiciamus, nō minus spatii opus est, vt dicatur *Nunc*; quàm vt asseratur parum superesse temporis; & vocem quidem *Nunc* referunt Patres ad actuale idololatriæ expulsionem, vt suprà vidimus.

C Ex hætenus dictis infero, quod textus ait, *Factum est prælum magnum in calo*, referendum esse ad bellū, quo dæmon fuit depulsus ex imperio, quod in orbe per idololatriam obtinebat. Atque hic sensus mirificè consonat cum præcedenti fuga mulieris in desertum. Nam fuga illa nihil aliud fuit, quàm Iudaicū populum derelinquere, & ad Gentilium conuersionem commigrare. Qua in re includitur bellum illud acerrimum, quod geri opus fuit ad dæmonem ex suo imperio deturbandum.

Quo sensu  
dicatur dæ-  
mon, sciens  
quia modi-  
cum tempus  
habet.

Auctoris de-  
mum sentē-  
tia de hoc  
Apocalypseos  
prælio.

## Q V Æ S T I O IV.

D *In qua explicatur, quasnam personas textus assignet sub nomine Michaelis, & illius Angelorum.*

E QV ANVIS ex superiore quæstione iam constet, hoc Apocalypseos bellum esse illud, quod idololatriæ impietatem ex orbe exegit; non tamen adhuc declarauimus, quis ille sit, qui Michael hic nuncupatur? qui ipsius Angeli? Quare locus hætenus superesse videtur, vt hæc nomina ita accipiantur ac sonant. Nam sicut pugna inter Angelos fuit exorta de filiorum Israelis in Babylone adhuc manentium liberatione, vt habetur Danielis 10. & in ea sit peculiaris mentio Michaelis; haud secus compertum est, Michaelē & Angelos beatos interfuisse etiam in bello, quod Ecclesia idololatriæ inferebat; atq; Ecclesiæ ipsi opem tulisse: & eorum auxilio gloriosissimam fuisse victoriam reportatam. Hunc sensum imprimis illud iuuat, quodd cum textus ipse de Michaelē & eius Angelis explicatè loquatur; minùs videatur decorum, nec satis grati animi præ se ferens, si nomen Michaelis ipsius & Angelorum pro ænigmate vsurpetur, & ad diuersum alium sensum detorqueatur. Secundò diaboli nomen in præsentia accipitur propiè; similiter ergo erit nomen Michaelis accipiendum; siquidem prælium committitur inter Michaelē & dæmonem. Tertiò, nomen Michaelis in sensu proprio sumitur apud Danielem c. 10. vbi sermo est de bello; erit igitur hic eodem modo vsurpandum, vbi de bello etiam sermo est.

Censeo tamen nihilominus Apocalypseos scopū fuisse eiusmodi, vt Michaelis persona hic attribueretur Christo Domino, & Michaelis Angelorum personæ ipsi exercitui ministrorū Euangelij, & prædicatorū, quibus Deus hoc bellū idololatriæ faciebat. Ac primò nihil est, cur nouū & insolitum videatur alicui, si in ænigmate persona aliqua supponatur pro alia (vt vidimus in Mose, & Elia capite 11.) id enim non solum non est inconueniens, sed potius si aptè fiat, elegantissimum est. Deinde quanuis Michael & Angeli homines defendant, ac protegant in iis omnibus, quæ ad summi Dei obsequium

Quinā sub  
Michaelis  
eiusque an-  
gelorum no-  
mine figure-  
tur?  
1. sententia  
hæc nomina  
ita accipiēs,  
vsuant.

2. sententia  
Auctoris  
Michaelē  
explicari: is  
de Christo  
Domino, &  
eius angelos  
de Euange-  
licis concio-  
natoribus.



obsequium spectant; & idcirco bona illos gloriæ pars in his victorijs attingat: verum quando sermo incurrit de bello, quo dæmon fuit ex mundo eiectus; quis non videat, melius & congruentius egregium hoc facinus Christo vt Imperatori, & Prædicatoribus Euangelicis vt militibus adscribi? Tertio, si Apocalypseos tam finis, quam stylus attendatur; certum est in ea sæpe Angelorum nomine Christum & viros Apostolicos designari. Nam Christus est Angelus ille fortis capitis decimi, & Dei Prophetæ sunt Angeli tubarum; Euangelici item concionatores phialarum Angeli. Quarto, ipsemet exponit contextus, eos ipsos, qui pugnarunt atque vicerunt, esse Euangelij prædicatores in Christi Sanguinis virtute ac robore, ait enim; *Proiectus est accusator fratrum nostrorum: & ipsi vicerunt eum propter sanguinem Agni, & propter verbum testimonij ipsorum; & non dilexerunt animas suas vsque ad mortem.* Hi ergo Angeli victores sunt prædicatores Euangelici, qui in ipso Marte pro Christi Religione mortem constanter oppetierunt: atque aded Michael erit in hoc loco Christus Dominus. Quinto, bellum hoc non situm erat in mentium & animorum diuersitate, sed in concionibus efficacitatis maximæ, & in testimonio proprii sanguinis, quo veram Religionem Martyres moriendo confirmarunt. Quapropter licet Angelorum auxilium magni fuerit ad victoriam momenti; si tamē idonee sit loquendum, Angeli non auxilium hominibus præstiterunt in eo bello depugnando; sed ipsis Christi militibus arma suggerendo, eosque ad prælium excitando.

Sexto, tam figura, quam nomen Michaelis Christo Redemptori nostro aptissimè quadrant. Ipse enim est vnus de Principibus primis, vt pote vna ex tribus sanctissimæ Trinitatis personis. Quod si de Christo, quatenus est homo, loquamur; Michaelis nomen illi congruit appositè propter ardentem diuinæ gloriæ zelum; iuxta illa ipsius Domini verba, *Ego non quero gloriam meam.* Aeterni namque Patris gloria Christum impulit, vt arma caperet, & dæmonem ipsum prosterneret, eademque ratione hoc nomen Michaeli Archangelo fuit impositum. Sicut enim Gabrieli suum datum est nomen propter ingentem Dei fortitudinem, quæ in eis elucet operibus, quorum annunciatio Gabrieli demandatur; sicut etiam nomen Raphaelis, (quod Dei medicinam sonat) illi fuit concessum, qui Tobiam curauit, propter ipsius operis efficientiam: ita strenuo Imperatori Angelorum, qui cum dæmonum Principe conflixerunt, eumque è cælo dedere præcipitem, iure optimo nomen Michaelis inditur; ob accensum illum Dei gloriæ zelum: sonat enim Michael, *Quis sicut Deus?* Hæc autem inscriptio siue titulus mirificus planè est ad hieroglyphicum de diuinæ gloriæ zelo; quo instructi sunt ij, qui zelo huiusmodi instimulati sese Dei gloriæ hostibus constanter opposuerunt. Notandum verò hic est, Michaelis nomen fuisse quondam in Deipopulo valde vsitatum. plures enim ex Israelitis in Scriptura legimus Michaelis nomine appellatos. Nec aliud erat, opinor, nominis huius mysterium, nisi vt diuinæ gloriæ zelum significaret. Quamobrem Michaeli Archangelo fuit propterea, vt pote in huiusmodi zelo excellenti, hoc nomen impositum. Si ergo hæc est illius nominis ratio; nemo non viderit, Christum Dominum esse verum Michaelē. Et forsā Michaelis nomē ideo hic articulum habet præfixum; vt innuatur de illustrissimo illo Michaelē in hoc loco verba fieri; de illo inquam, qui fuit in Archangelo figuratus.

Septimo, si in hæc verba, *Factum est prælium in cælo; & infra, Proiectus est draco ille magnus,* in eadem significatione alludatur ad id, quod Christus dixit Ioannis 12. 31. *Nunc princeps huius mundi eijcietur foras:* Si in his etiam Christi verbis ad literam agatur de idololatriæ euerfione, vt multi Patres exponunt: certè cum Christus dixit, *Nunc princeps huius mundi eijcietur foras;* loquebatur de efficacia, quam ex suo ipsius sanguine Euangelici prædicatores hausturi erant, ad dæmonem ex suo throno & possessione repellendum. Igitur quando ait, *Nunc princeps huius mundi,* &c. absque dubio idem significat, ac si expressè diceret; à me & à meis ministris, hoc est, ab Apostolis atque discipulis eijcietur foras. In quo alludit profecto ad pristinum illud bellum, quo per Michaelē, & ipsius comites præceps fuit actus è cælo: atque in huiusmodi allusione sibi Christus Michaelis figuram, & suis Prædicatoribus figuram Angelorum comitum Michaelis, assumit. Idem igitur sensus erit in hoc Apocalypseos loco. Et hic quidem amplius habet decori translata ad Christi milites Angelorum figura. quippe proponitur bellum ipsum in cælo; vt denotetur, quanto dæmon imperio mundum teneret occupatum; siue potius quia hoc Apocalypseos ænigma militantem Ecclesiam, cuius conuersatio in cælis erat, frequenter in cælo considerat. Ad hæc; Angelorum nomen proprium est ministrorum Euangelij: qui sunt Angeli à Christo missi ad ipsius nomen hominibus diuulgandū. Vnde ille, *Sicut misit me* (inquit) *Pater, & ego mitto vos.* & hac ratione egregiè stat, Christum esse mysticum Michaelē, & ipsius Angelos esse Christi Prædicatores.

Ad primam igitur difficultatem ex ijs, quæ initio sunt propositæ, Respondetur: Michaeli, & ipsius Angelis satis Scriptura attribuit, quod ipsorum tam nomina, quam figuræ Christo & eius Prædicatoribus deferuiant. Atque ad grati animi significationem, quam Christi discipuli Angelis ob auxilium præstitum debent exhibere, non solum huiusmodi consideratio non impedit, sed iuvat potius maxime. Nam Angelorum nomen nos admonet societatis ac fœderis inter Euangelij Prædicatores, & cælestes Angelos inici: ex quo confectarium est, cælestes Angelos ijs opem ferre, qui per Dei gratiam sunt ipsorum socij. Ad secundam Respondetur: in huius belli pictura dæmon non appellatur diabolus & Satan, sed Draco; nec minùs est allegoricum nomen Draco, quàm Michael, & Angeli eius; Vt igitur postea exponitur, dracone dæmonem figurari, ita intelligendus est Michael esse Christus. alioqui nomen alterum propriè, alterū figuratè sumeretur. Præterea, cum dicitur, *Draco & Angeli eius;* Angelorum nomen non pro dæmonibus ponitur, sed pro hominibus, per quos dæmon pugnavit. Nam in draconis figura dæmones vniuersi denotantur, vt supra explicuimus. Quare eadem proportionem Michaelis Angeli sunt Euangelij concionatores. Et verò magis propriè Prædicatores Euangelij vocitantur Christi Angeli, quàm cælestes spiritus dicuntur Angeli Michaelis. etenim nomē Angeli ministerium præ se fert: atqui cælestes Angeli non propriè sunt Michaelis Archangeli ministri. Quapropter exacta sacrarum Literarum sinceritas forte, si de Angelis cælestis Hierarchiæ sermo esset, non eos Michaelis Angelos nuncuparet. Ad tertiam denique difficultatem dico, si Danielis 10.

Michaelis  
tūm figu-  
ram, tūm  
nomen Christo  
symbolicè  
quadrare.

Michaelis  
nomen olim  
apud He-  
bræos vsita-  
tum, cōq;  
multos ex  
illis fuisse  
vocatos.

Fulcitur su-  
perior ex-  
planatio de  
Michaelis  
& eius An-  
gelorum si-  
gnificatione.

Discuntur  
primæ sen-  
tentie fun-  
damentum.



nomen Michaelis accipitur proprie, saltem Danielis 12. accipi figurate. Vidimus autem iam sup<sup>a</sup> q. 1. hic non ad caput Danielis 10. sed ad caput 12. fuisse respectum.

MICHAEL ET ANGELI EIVS PRAELIABANTVR CVM DRACONE; ET DRACO PVGNABAT, ET ANGELI EIVS.] In horum verborum ordine apparet magna Scripturæ exactio. Nam si directe loqueretur de antiquo bello, quod inter bonos Angelos & malos exarsit, quando improbi de cælo sunt deiecti: ordo ipse deberet eiusmodi esse; *Draco & Angeli eius praeliabantur, & Michael & Angeli eius pugnabant.* Draco enim fuit, qui tunc bellum inchoavit, & perturbavit pacem. Ceterum loquendo de novo bello, quod Christus & ipsius Prædicatores dæmoni, eiusque Angelis indixerunt; legitimus quidem ordo poposcit, ut à Michaelis sumeretur initium. Nam dæmon fortis instar armati (ut Christus ait) non aliter mundo dominabatur, ac si omnia in pace & tranquillitate possideret: propterea quod homines sese illi voluntario obsequio subiugauerant. Christus autem hoc bellum fuit exorsus. Sic ille: *Non veni pacem mittere, sed gladium.* Quod deinceps bellum ipsius Christi auxilio fulti Evangelij prædicatores prouexerunt. At dæmon ideo acri bello aduersus illos excaudit, quia ipsi illum bello item è folio deturbare intendebant. Ex quo colligitur, bellum hoc ex parte Michaelis & ipsius Angelorum esse referendum ad Euangelij prædicationem. Quod verò sequitur, *& draco pugnabat, & Angeli eius;* esse referendum ad persecutionem, quam dæmon contra Euangelij promulgatores eo fine commouit; ut suas ipsius partes defenderet; nec ab imperio, quod tot retro sæculis per idololatriam in orbe tenuerat, per ipsos pelleretur:

ET NON VALVERUNT, NEQUE LOCUS INVENTVS EST EORVM AMPLIVS IN CAELO.] Sensus est, dæmonis & ipsius ministrorum repugnantiam non fuisse satis, ne tandē victi remanerent. Quod verò attinet ad phrasim; forte philosophabitur aliquis, hîc non dici solum, eos è cælo corruisse; sed etiā eorum locum non amplius apparuisse, vel ipsius memoriam deinceps non fuisse super. Nec deerit fortassis, qui huiusmodi considerationem cō referat, vt idololatria non expulsa modò ex orbe per Euangelij lucem, verùm etiā obliuione pēnitus sepulta dicatur. Simplicius tamen est phrasim illā, *Locus eorum non est inuentus*, perinde esse, quasi afferatur, eos in posterum non illum occupasse locum, quem antea possidebant. Simili locutione dicitur Ps. 36. 10. *Queres locum eius, & non inuenies*. Et Daniel. 2. 35. *Nullusque locus inuentus est eis*.

35. Nullusque locus inuentus est eis.  
Verūmenim verò oportet nonnihil ampliùs exponere, quā ratione dæmon & eius Angeli in cælo steterint. Quo explicato planum deīn fiet, quod nunc additur de ipsorum lapsu, deque loci spatio vacuo derelicto. Ad huius ergo explicationem nota 1. Cū hic ad antiquum bellum inter vtroque Angelos coortum fiat allusio; hanc fuisse satis, vt draco & ipsius ministri eleganter in cælo stetitisse fingantur. Nam quemadmodū in veteri bello mali Angeli de cælo fuere depulsi; sic postea mūdi possessione priuati sunt. Secundò nota, draconis in cælo apparentis visione ( vt versu tertio vidimus) significari, non solūm fuisse illum huius sæculi veluti Deūm, sed etiam spe victoriæ erectū fuisse. Quare è cælo deiici, perinde fuit, atque causā cadere, & conceptam animo fiduciam deponere. Atque eodem etiam sensu dæmonis ipsius ministri, vt Simon Magus, & Apollonius Tyanæus videntes Euangelij vexillum erigiti, & Christi fideles cælesti virtute munitos in medijs tormētis perstare integros atque inuictos, desperarunt prorsus se aduersus illos vires posse euadere; idemque dixerim de prælidum ac iudicium turba, nec non de ipsius persecutionis satellitibus & ministris, quomnes tandem superari ægerrimè ferebant.

Opponeret aliquis, si victoria, de qua hîc agitur, in eo potissimum stetit, vt idololatria ex orbe exterminaretur; hæc victoria non aded citò fuit reportata, vt textus videtur innuere. Nam draconis lapsus ponitur ante Romani Imperij persecutiones, de quibus ca. 13. sermo est. constat autem, quando persecutiones vigeant, idololatriam adhuc durare. Quomodo ergo draco & Angeli eius describuntur cecidisse, antequam ad ipsas deueniantur persecutiones? Præsertim quia præter ipsius draconis ruinam priori loco descriptam, significatur draco ipse post suum casum extitisse super arenam maris; & per maris ac terræ Bestias pristinum redintegrare bellum. Respondeo, persecutionibus c. 13. antecedere primam persecutionem sub Nerone, vt ex c. ipso 13. colligitur. Tota enim illa c. 13. persequitur in eo fundatur, quòd primum marinæ Bestiæ caput surrexerit; hoc est Neronis persecutio reuixerit ab Imperatoribus eius successoribus instaurata. Hoc supposito, quod de draconis casu & ipsius Angelorum figuratur in Neronis persecutione verum tenet. Nec obstat multos post annos idololatriam in orbe extitisse. nam dæmon & eius ministri experimento satis compererant, horribilem à seipsis persecutionem excitatam neutiquam obstidisse, quo minùs Euangelij prædicatio altiores in orbe radices ageret. Quamobrem ex ipsius belli instauracione, & incremento (vt ipsi metè perspicuè cernebant) minimè subsequutus erat effectus, quem ipsi tantopere contendebant, de Euangelij prædicacione extinguenda: solum inde constabat furor ac rabies, qua dæmoni, & ipsius satellites in Christi Ecclesiam excandescabant. Atque id proprie est, bellum Ecclesiæ noueri ab ipsis deiectis iam ac deturbatis, non secus ac si quis, postquam prostratus iam esset, rabie adhuc efferatus hostem morsibus appetere, & quauis ratione lædere tentaret.

Præter hæc; huiusmodi prophetia non simul & eodem tempore fuit in vniuersis orbis partibus completa; sed veluti si tyrannus aliquis regnum quodpiam occupasset, deinde maximus exercitus ad tyrannum expellendum procederet, eumque paulatim ex antiqua possessione deiiceret; dū op-  
pida aliquot, atque vrbes singulis diebus recuperarentur. Non aliter Apostolicorum virorum exer-  
citus successiue dæmonem depellebat ex hominum animis, quos per idololatriæ tyrannidem occu-  
parat. Vt igitur ratione cuiusque oppidi, siue castelli, postquam ex potestate tyranni esset ereptum,  
posset dici, *Nunc facta est salus, & potestas, & regnum veri Domini*: ita etiam quo gradu Gentiles ad Christi  
fidem traducebantur; eodem in nuper conuersis ruina draconis comprobabatur. & similiter intelli-  
genda sunt respectiue illa verba, *Neque locus inuentus est eorum amplius in calo*. Nam draconis lapsus, & de-  
veteri possessione expulsio sunt accipienda respectu cuiusque Gentilis, quando ad Christi fidem  
emigrat: quantumvis respectu ceterorum, qui in sua adhuc impietate persistunt, nondum repul-

Quorsum  
dicatur,  
Michael &  
angeli eius  
præliabā-  
tur: & max;  
& draco  
pugnabat  
& angeli  
eius?  
Vers. 8.  
¶ No fuit  
dica: & dra-  
cis &  
ipſius an-  
gelorum locis  
nō amplius  
fuit eis nu-  
sus in calo.

Draco &  
eius angeli  
qua ratione  
in calostre-  
tisse dicant-  
tur.

Difficultas  
cōtra dicta.

*Solvitur.*

Prophetia  
hac de de-  
monum ex-  
pulsione de  
celo quomo-  
do confide-  
randa sit  
fuisse im-  
pleta.



iam tulerit dæmon. Nihilominus dum Tyrannus amissa oppida non recuperat, & dum contrarius exercitus illum adhuc cedere, & pedem referre cogit; iure optimo dicitur tyrannus deiici, nec ad Imperij, quod possidebat, tranquillam potestatem redire. Ita igitur draco & eius ministri post primam illam persecutionem dicuntur verè cecidisse, nec ad quietam mundi Imperij possessionem per communem orbis idololatriam rediisse. Ex eo autem, quod draco cerneret, se quotidie ab Ecclesia nouis praelijs superari in rabiem agebatur; *Sciens quia modicum tempus habet*. Videbat enim Christi exercitum per Gentilitatem ipsam se immisisse, & in animorum expeditione quotidie superiorem euadere; atque adeo ex militum virtute ac robore facile perspicere, eos breui temporis intervallo, (breui inquam, si expeditionis ipsius magnitudo ac difficultas ponderentur) vniuersum orbem sub Christi potestatem esse redigendum.

Prædicationis euangelicæ lux in primo etiam suo exortu quanta fuerit.

Præterea, ut draconis & ipsius Angelorum ruina magis adhuc re ipsa comprobetur, illud plurimum confert, quod scilicet Euangelicæ prædicationis lux vniuerso orbi diffusa adeo fuerit conspicua, ut nulla humanæ eloquentiæ nubecula, nec astus diabolici aut mundanæ potestatis tenebræ fuerint satis ad clarissimum eius lucis splendorem obscurandum. Sed potius manifestè constaret, idolorum cultum à suis sectatoribus non ideo retineri, quod cordati viri veram illam esse religionem crederent; sed quia humanam solum ac politicam ratione ducti nolebant potentes ac superbi Euangelicæ doctrinæ humilitati ac demissioni se subijcere; & à vitijs atque peccatis ad sanctitatem vitæ animum traducere. Atque vniuersalis hæc lux de idololatriæ falsitate fuit certè dæmoni & ipsius ministris maximè instar ruinæ; ob quam dicitur verè, *Locus eorum non est inuentus amplius in celo*.

At enim ante ipsius Euangelij prædicationem (inquiēs) satis fuerat lucis aliquibus saltem Philosophis exortum de idololatriæ nugis atque figmentis. Ita sanè: verum isthæc lucis fulgetra in aliquorum animis intermicantia, in ipsis fuerant extincta. Ceterum ea lux & euidencia, quæ ex Euangelij promulgatione orbi innituit, vniuersalis ferè extitit: & in hac perspicua veræ lucis cognitione præclarè completur dæmonis lapsus, & eorum omnium, qui ex inani idolorum cultu rem suam & auctoritatem augebant; ut idolorum sacerdotes & alij eiusmodi.

## NOTATIO VI.

*De secundaria significatione Michaelis & Angelorum eius per allusionem ad Mathathiam & ipsius liberos atque eorum exercitus.*

Secunda Michaelis & ipsius angelorum significationis ad Petri Apostolum relata.

**S**ICUT notatione 3. capitis huius vidimus lunæ symbolum præcipuè ad Christum pertinens, in sensu tamen secundo ad sanctissimam Virginem se extendere; sic etiam in præsentis explicandum mihi est, allusionem ad illud Danielis 12. 1. *In tempore illo consurget Michael princeps magnus*, in sensu secundo ad Petrum Apollorum principem propagari; ac proinde valde esse verisimile, huiusmodi sensum iuxta Spiritus sancti mentem comprehendere in hoc Apocalypseos bello, quod Michael & eius Angeli aduersus draconem & Angelos eius gesserunt.

Hoc mihi persuadeo imprimis, quia Apocalypsis præter honorificam mentionem totius Apollorum collegij, speciatim meminit Pauli, ut vidimus c. 16. 2. & c. 17. 1. & c. 19. 9. Si ergo de Paulo ut præclarissimo Gentilitatis Apostolo oportuit singulatim meminisse in hac Apocalypseos parte, ubi agitur de diuitijs Gentium, & de prædicatione ad Gentes facta: verosimile valde est, singularem etiam Petri mentionem fieri in Apocalypsi, præsertim ubi agebatur de Romanæ Ecclesiæ fundatione, quæ ab Apostolo Petro fuit potissimum instituta; non solum quia Petrus fuit primus Romæ Episcopus, sed quia Apostolorum primus ac princeps, qui Romam aduenit; & in ea multos ad Christum adduxit; ac demum quia Petri aduentus Romam fuit quindecim annis ante aduentum Pauli, ut videre est apud Baronium. Et fructus quidem ex Petri prædicatione perceptus nihilo fuit minor, quam Romanæ Ecclesiæ fundatio. Deinde egregia virtus, qua se Petrus Simoni Mago Romæ oppoluit, est quidem in Ecclesiasticis historijs omni prædicatione dignissima. Et certè in deiectione Simonis Magi è celo mirificè fuit expressus hic dæmonis & ipsius Angelorum lapsus, quem refert Apocalypsis.

Quemadmodum igitur ob maximam Christi cum Sanctissimæ Virgine coniunctionem, idè lunæ symbolum potuit verumque capere, ut vidimus supra in hoc eodem capite notatione tertia; ita etià propter unionem maximam, quæ inter Christi Pontificiam

dignitatem & dignitatem Petri interest, suis etiam Petro relinquitur locus in hac eadem Michaelis cum dracone pugnantis figurâ. Etenim si Mathathia nomen Michaelis fuit impositum, propter ardentem Dei zelum, quo Michaelis instar vexillum sustulit contra tyrannicam Antiochi superbiam, & Dei gloriam ac veram Religionem acerrimè propugnauit; hoc certè idem facinus præclarissimè mirificè fuit instauratum in zelo illo atque animi ardore, quo B. Petrus in Imperij metropoli, atque adeo in totius orbis theatro constanter & animosè obstitit demonis superbiz; qui Simonem Magum veluti instrumentum assumpsit ad suum nomen gloriosè amplificandum, atque ut persuaderet se habere propriam sedem, seu locum in celo, atque adeo diuinum cultum ei esse debitum, eosque omnes, qui ipsum non colerent, ignominiz & euerfioni esse subijciendos.

Deinde, quod Petrus fuit exorsus, cum Simoni ardentem se opposuit; illumque ex æthere præcipitavit; id ipsum postea prouexit, dum per se & per suos comites in idololatriam vehementi prædicatione inuectus est. Quod perinde fuit, quasi aperto Marte cum ipso dæmone pugnare, cumque sacerdotibus idolorum cultoribus, qui dæmonis ipsius factione tenaciter sectabantur. ea autem subiectio ac reuerentia, quam ceteri Euangelij Prædicatores vni Petro, ut reliquorum capiti & Christi vicario exhibebant; ea (inquam) magnâ cum energiâ denotatur in illo loquendi modo, quo Petrus & reliqui viri Apostolici innuuntur his verbis: *Michael & Angeli eius*. Nam ut reliqui Hierarchiæ celestis Angeli Michaeli ut ducem obseruabant in illo bello aduersus dæmonem gesto; ita Euangelij Prædicatores omnes, qui Hierarchiæ Ecclesiasticæ Angelos agunt, Petrum Christi Vicarium tanquam ducem & imperatorem suspiciebant. Quare, qui Christi sunt Angeli, idem etiam Angeli Petri dicuntur. Præterquàm quod Petrus Romam in omnes Prouincias Prædicatores, & Episcopos dimittebat; qui propterea iure



optimo Petri Angeli possunt nuncupari, qui sub ipsius Petri signis aduersus tarrarcas potestates militabant. Huius autem belli effectus is fuit potissimus, ut scilicet dæmonem à calo, quod se per superbiam atque iactantiam extulerat, deicerent; & tam Gētium idolis, quàm ipsorum sacerdotibus falsam diuinitatis personam detraherēt. Quod si deicere de calo dracōnem & Angelos eius, fuit idololatriæ fīctam & euentim existimationem auferre, & euidenter ostendere vera esse figmenta, atque nugæ; quid quæso ad eam rem vtilius & efficacius, quàm Simonis Magi deiectio, quæ per Simonem Petrum fuit executioni mandata?

Denique cum Petrus extiterit Romanæ Ecclesiæ fundator & princeps (quo instrumento Deus fuit vsus ad idololatriam ex orbe ablegandam) quæ-

A cunque hanc ob rem totus mundus Romanæ debet Ecclesiæ, ea omnia Petro secundum Deū referre etiam debet accepta. Quare cum Petri ipsius dignitas in suis successoribus continuatā serie perficitur; omnes Catholice Ecclesiæ filij, etiamnum diuini verbi gladio bellum Hæreticis & idololatriis inferret, omnes inquam se Romanis Pontificibus Christi Vicarijs milites esse gloriantur. Quapropter quod valde sint Papistæ (id quod nobis Religiosis hominibus Hæretici exprobrant) hoc ipsum & ipsi, & nobis summo decori ac gloriæ est. Hoc enim perinde est, atque mystici Michaelis esse Angelos; & bellum draconem, eiusque Angelis acriter facere; illud videlicet continuando, quod Romæ Dux noster & Princeps iniuit.

## NOTATIO VII.

*In qua expenditur, an mentio prælij Michaelis & Angelorum eius faueat eorum sententia, qui existimant demones à calo ruisse, quia Christum tanquam caput recognoscere detrectarunt, eiusq; diuinitatem ambierunt.*

C ELEBRIS est nostra ætate disputatio, an demones propterea ruerint, quod Christum sibi per fidem propositum, ut eum venerarentur, & tanquā caput ac Principem adorarent, non solum adorare noluerint, sed sibi etiam eam diuinitatem affectarint? Huius quæstionis decisio me non attingit: refero me hac in re ad Theologos Scholasticos. Illud interim animaduerto, opinionem hanc nonnullis ex doctis recentioribus valde placuisse, ut Catharino, Viguerio, Naclato, & nostro Suarez 3. p. to. 2. disp. 3. 1. sect. 4. §. Ex his ergo, ad finem. Quod autē ad me spectat, illud est, num quod in hoc loco recensetur de prælio Michaelis, & Angelorum eius cum dracōne, & ipsius Angelis, faueat aliquo modo huic opinioni, quæ in hoc doctissimorum hominum sæculo, eorum non paucos pro se habet?

Hanc ad rem primò aduertendum est, quantum Apocalypseo locus, & alter ille Danielis, quem respicit Apocalypsis, non agant directè de primo illo bello inter Angelos cælestis Hierarchiæ & demones inito; in vtroque tamen ex his locis bellum illud præstitui, & per allusionem respici; siquidem per comparationem ad illud, Michaelis nomen Christo Domino, & suo etiam modo Mathathias tribuitur.

Secundò; comparatio illa, quæ fit cum pristino Angelorum bello, erit quidem tantò aptior, quantò maior extiterit proportio inter bellum Angelorum, & bellum quod Christus Gentilitati indixit, atque etiam inter bellum, quod Mathathias in Antiochum & eius ministros suscepit.

In bello ergo, quod per Euangelij concionatores Christus contra idololatriam gessit, certum est non in eo solum idolorum oppugnationem esse sitam, ut ipsorum falsitas probaretur; verum etiam ut Iesu Christi veri Dei atque hominis fides idolorum superstitionis penitus opponeretur. Itaque illud proponebatur Gentilibus; Christum scilicet ut verum mundi Saluatorem, verumq; Deum coli & adorari debere; fidei verò idolorum simulacra vtpote Deo vero contraria illud debere atque contemni. Atque hæc eadem fides, quantum non ita explicita, includebatur in ijs, quæ Mosæica lex fidelibus proponebat ante Christi Redemptoris nostri aduentum. Quare Mathathias, dum in suæ legis defensionem, Antiochi furori atque amentię obstitit, non solum se idololatriæ insensum præstebatur, verum etiā in Messiam à Iudeis expectati venerationem erigebat vexillum; & in eo suam omnem firmabat spem; ac proinde præstebatur, idola quippe Christi Domini fidei & spei contraria despicienda, & penitus expellenda fore.

B Quibus ita præmissis, qui veram sibi esse persuaferit illam Suarez & aliorum huius temporis Theologorum sententiam, maiorem inueniet proportionem, atque elegantiam in verbis illis, Michael, & Angelus eius præliabantur cum dracōne. Erit enim sensus, tunc instauratum fuisse bellum illud pristinum, quo Michael vexillum sustulit aduersus eos, qui Christum verum Dei filium, & humani generis Redemptorem confiteri & adorare volebant: sed potius contendebant Christi diuinitatem demoniorum Principi esse deferendam. Hac certe ratione plenior multò est comparationis elegantia; in qua comparatione mox patefcit idololatriæ originem fuisse ductam ab inuidia, quam dæmon de Iesu Christo concepit, cum aeterno de diuini Verbi Incarnatione decreto noluit se subijcere; sed optauit, quando sibi non erat permissa vniuersi hypostatice dignitas, quæ naturæ humanæ concessa fuit, ut ipse saltem pro Deo fuisset cultus in Christi Domini amulationem, & eorundem hominum, quos Dei Filius saluandos suscepit, damnationem.

C Hanc etiam ob causam dæmon agnoscens solē, lunam & sydera à Deo fuisse condita, ut Christi & ipsius Ecclesiæ symbola essent; concupiuit ipse in eisdem symbolis se ab omnibus adorari. Et quia luna potissimum est inter symbola humanitatis Christi illustrissimum; curauit imprimis lunæ veneratione plus errorum & superstitionum à mortalibus excogitari, eamque à Christi hostibus in suis signis atque vexillis aduersus Christum & eius Ecclesiam affigi.

D E contrario verò Michael & ipsius commilitones, quos dæmon in fraudem pellicere non valuit; & eorum superbiæ obstiterunt, qui Deo bellum inferre tentabant; & Christo se sponte subiecerunt: quod idem fuit, quasi in suis vexillis Christi insigne apponere, & in eo adorando ac suspiciendo gloriari. Id quod Euangelici Prædicatores deinceps imitati sunt in bello, quod contra idololatriam gerébāt. Quare ipsorum gloriatio erat, quod Paulus ait, Nos autem prædicamus Iesum Christum, & hunc crucifixum, 1. Corint. 1. 23.

His addo, quod ut in Apocalypsi bellum draconis aduersus Mulierem ex eo ducit exordium, quod ipsa filio, quem vtero gestat, sit grauida, cuique virga ferrea erat promissa; ita etiam plenior foret allusio belli huius ad illud primum in calo gestum, si illud etiam Angelorum bellum exordium cepisset ex inimicitijs draconis contra illum, qui fuerat in mundi felicitatem oriturus: cui ferrea virga in Psalmo secundo fuerat promissa.

Collatio per similitudinem utriusque belli prædicti cum pristino angelorum & demonum bello.

In Apocalypseo & Danielis prælio per allusionem respici ad antiquum illud angelorum ac demonum prælium.



## T E X T V S.

*Vers. 9* Et proiectus est draco ille magnus, qui vocatur diabolus, & Satanas, qui seducit vniuersum orbem; & proiectus est in terram, & Angeli eius cum illo missi sunt.

## C O M M E N T A R I V S.

**Q**UID sit draconem proiectum esse de calo explicuimus versu 8. summa verò hæc est. Euangelij prædicatio, etiam antequam idololatriam ex orbe depelleret, ipsam simul cum dæmone in terram deiecit; quia mundo euidenter ostendit, falsa idolorum simulacra & ipsorum ministros, (qui pro diuinis rebus ac cælestibus colebantur) nihil veræ diuinitatis habere: atque hac ratione à pristina diuini nominis existimatione prorsus collapsi sunt. Qui verò idolis adhuc cultum deferebant, illi non tam priori ignorance, quàm malitiâ & prauitate ducti in eam se impietatem detrudebant. Quam in re completa fuit primò dæmonis, & ipsius ministrorum ruina; quanuis veriùs ac perfectiùs reapse fuerit comprobata in ijs, qui eiurata idolorum impietate Christianâ Religionem profitebantur. Sic enim melius proijcitur foras dæmon; & ita locutus est Christus Ioannis 12. 31. dicens; *Nunc Princeps huius mundi eijcietur foras.* Vbi noster Maldonatus ait, proiectum esse draconem in terram, idem esse, quod eiectum esse foras. Quinimò Prosper in dimidio temporis cap. 2. afferens hunc locum Ioannis 12. 31. legit, *Nunc Princeps huius mundi missus est deorsum.* Ceterum, meo iudicio, quod hic Apocalypsis innuit, cum ait, proiectum fuisse draconem; in Euangelij prædicatione re ipsa verum esse comperit, in ijs etiam, qui fidem non receperunt.

**DRACO ILLE MAGNVS.]** Quasi dicat, dracones corporeos, qui sub oculorum aspectum cadere possunt, quantumvis licet sint prægrandes, exiguos tamen esse, id est parum importare detrimenti; si cum cæde & vastatione ab hoc dracone illata comparetur.

**SERPENS ANTIQVVS.]** Alluditur ad draconis, siue serpentis figuram, quam dæmon Euam decepturus induit; vt habetur Genes. 3. 1. Non quia dæmon delegit serpentem, vt sentit Diodorus; sed quia non ei permisit Deus, vt aliud ex animalibus assumeret; vt sapienter docet noster Delrius, securus in eo Bar-cepham lib. de paradiso capite 27. Ideo autem alterius animalis vsum dæmoni non permisit Deus; vt in ea figura, qua dæmon Euam decepit, veluti in aptissimo symbolo agnoscere mus dæmonis versutiam ac fraudes, & quàm sit capitalis humani generis hostis. Latitant enim serpentes in frondibus, aut etiam sub arena in vijs; vt incautos mordeant, & effuso veneno inficiant. Serpentis autem astutiam prædictus Genesios locus exprimit dicens, *Serpens erat callidior cunctis animalibus terra.* Et nomen ipsum Hebraicū *Nobhos*, quod respondet serpenti, deriuatur à radice, *Nobhas*; quod est malis artibus curiosè obseruare, & explorare, vt noceat. Propterea igitur Deus dæmoni potestatem non fecit, vt sub alia figura Euam tentaret. Veruntamen tum dæmonis ipsius audacia & impudentia, tum hominum ignoratio & stoliditas eò processerunt, vt sub eadem serpentis specie dæmon adorari se ab hominibus effecerit; vt ex Augustino & alijs rectè expendit Pererius in Daniele extremo folio.

**QVI VOCATUR DIABOLVS.]** Hoc nomine vtitur Scriptura in veteri instrumento, 3. Reg. 21. 13. Ps. 108. 6. Sapientia 2. 24. Ecclesiastici 21. 30. Habacuc 3. 5. Est autem Græcum nomen sonans idem, quod *Calumniator*. Et quidem apud Iobum cap. 1. 9. 10. & 11. & cap. 2. 4. 5. expressè reperimus, dæmonem esse bonorum calumniatorem; & eo sine facultatem ad tentandos homines petere; vt constet ipsorum sanctitatem non esse solidam; quippe quæ oppugnata succumbat. Sed quorsum hoc, vbi de dæmonis agitur deiectione? Numne dæmon calumniatoris officio fuit motus? Minimè sanè. Namque vti ad Dei gloriam & sanctissimi Iobi coronam expediens fuit, dæmoni licentiam permitti, vt calumniatoris & têtatoris munere aduersus Iobum fungeretur: ita etiam in signi sanctitate viris utile valde est, illos à dæmone ipsdè artibus ac technis oppugnari. Nihilominus tamè quando de ipsius agitur lapsu, opportunè sui muneris mentio fit; vt iusti viri gaudeant ipsorum aduersarium & calumniatorem dari pessum; & quanuis calumniatoris adhuc partes agat, non tamen eâ alacritate & confidentia se gerere, quam præ se ferre quondam solebat: sed potius furore ac rabie correptum, quodd iusti de ipso clarissima reportent trophæa, eumque ex mundi imperio deijciant: siquidem Euangelij prædicatio propalam terrarum orbi ostendit idololatriæ falsitatem & mendacium.

**ET SATANAS.]** Nomen hoc dæmoni adscribitur in veteri testamento 1. Par. 21. 1. & in libro Iobi decies; ac ter apud Zachariam idem significat, quod *Aduersarius*. Huius verò loci allusio singillatim respicit Iobi librum: nam in Apocalypsi c. 12. & c. 13. tres præcipui duces belli in Ecclesiam suscepti, ij sunt; draco, Bestia maris, & Bestia terræ; qui tres respondent tribus illis hostibus, quos Deus se vincere gloriatur apud Iobum, nempe, Satan, Leviathan, & Behemoth. Respectus autem ad Iobi librum est quidem in nomine *Satan* manifestus; nec enim dicitur solum esse nomen eius *Satan*; sed additur etiam, *Accusator fratrum nostrorum, qui accusabat illos ante conspectum Dei.* quod manifestè ex Iobi libro desumptum est.

**ET PROIECTVS EST IN TERRAM.]** Diuinus spiritus non fuit contentus dixisse, *Proiectus est*; sed addidit, *in terram.* quod indicio est, peculiari mysterio nō carere phrasim illam; *Proijci in terram.* In hoc igitur fortassis alluditur ad maledictionem illam, quàm olim Deus in serpentem pronunciauit, Genes. 3. 14. *Super pectus tuum gradieris.* quod est, *Repere.* Hæc autè maledictio denotat, vt serpentes semper terrâ serpunt, ita dæmonem cum sua omni calliditate & astutia nusquam è terra fore erigendum, id est,

Quo sensu  
draco dica-  
tur in terrâ  
iciectus.

Draconis  
magni ap-  
pellatione  
quid innua-  
tur.  
In antiquo  
serpente al-  
lusio ad eū,  
qui Euam  
decepit.

Hebraicum  
serpentis no-  
men unde  
deriuatur;  
quid signifi-  
cet.

Diaboli no-  
men quid  
sonet.

Quorsū hic  
diaboli, siue  
calumniatoris  
appellatio?

Satanæ etij-  
mon.

Allusio ad  
Iobi librum.

Quid sit  
hic, proijci  
in terram.



**A** in suâ semper miseriâ & vilitatē remansurum. Huiusmodi maledictum solet cadere in sagaces nimis atq; versutos huius mûdi filios; qui cûm astutissimi sînt, semper tamen ad res terrenas adherescunt, & pectus ad terrestres affectiões deprimunt; neque vnquam animum ad celestia, siue superna erigunt. Deinde in ijs verbis non significatur modò damonis culpæ abiectiō & indignitas atque ipsius pertinacia, verum etiam innuitur, ipsum e cælo decidisse, hoc est ex illa hominum existimatione, quæ dæmoni & falsis simulacris, sicuti diuinis rebus, cultum & honorem deferrebant. Hæc autem allusio, vt constat, supponit antiquam illam dæmonum ruinam e cælo in infima terrarum loca.

ET ANGELI EIVS CVM ILLO MISSI SVNT. ] Sensus est (vt suprà iam diximus) simul cum idololatriæ casu, cecidisse etiam Pontificum & Sacerdotum de idolis existimationem & honorem; atque adeò patuisse, id quod antea munus & dignitas sacra ac planè diuina videbatur, reapse sordidum esse, squalidum & terrenis prorsus affectibus atque vilissimis fultum,

*Quo sensu  
diaboli an-  
geli cum illo  
dicantur in  
terrâ missi.*

## NOTATIO VIII.

*Qua explicantur illa Christi verba Ioannis 12. 31. Nunc Princeps huius mundi eiicietur foras.*

**V**IDI MVVS in superioribus iuxta Prosperi, Maldonati, & aliorum sententiam in his Apocalypseos verbis, *Proiectus est Draco, &c.* contineri respectum ad illa Christi verba Ioannis 12. 31. *Nunc Princeps huius mundi eiicietur foras.* Quæ verba bifariam explicari solent. Primò de iure, id est, quòd Christus suâ morte dæmonem vicerit: ita vt, nisi per homines iterit, nil prorsus in eos habeat potestatis. quod perinde fuit, atque illum priuare iure, quod sibi inerat regnandi in hominibus per peccatum à primi omnium Parentis lapsu. Tunc enim traditus fuit mundus dæmoni sicut tortori à Iudice iusto Deo. Nisi verò Christus mundum Deo Patri reconciliaret, nemo posset à peccati & dæmonis seruitute liberari. Secunda expositio est de facto; id est, non solum de iure, quod dæmon per Christi mortem amisit; sed etiam de facto, quia re ipsâ possessionem amisit, quando expulsâ idololatriâ mundus fuit ab errore liberatus, & innumeri homines se ad Iesum Christum perfectissimè aggregarunt.

Primam expositionem sequitur Maldonatus, & eandem etiam videtur magis probare Tolemus. Secundam amplectitur Salmeron; eamque multi Patres videntur excipere, vt Cyrillus libro decimo in Ioannem, capite quadragesimo, & Nazianzenus oratione de calamitatibus animæ suæ. quorum vterque dæmonis mancipium siue dominium ad idololatriam referunt. Quò spectat Augustini & Gregorij interpretatio; qui verba illa *Eiicietur foras*, ita exponunt; *Foras, scilicet, de cordibus hominum.* Similia ferè Basilii. Præterea verba illa, *Traham ad me ipsam.* & illa *Eiicietur foras*: & totus item contextus

**B** aptius de facto ipso, quàm de solo iure explanantur. Et Apocalypseos locus de solo iure agere non potest. Nec enim hic agitur de Passionis Christi tempore, sed de Euangelij prædicatione ad Gentes, postquam mulier in solitudinem fugit.

Inter duas hæc expositiones si proprius Apocalypseos sensus inspicatur, mediâ viâ videtur incedendum: ita vt nec de solo iure sit sermo, nec opus sit ad horum verborum veritatem operiri plenam totius idololatriæ euersionem; sed solum effectum, qui ex Euangelij prædicatione fuit subsecutus: cûm idololatriæ existimatio, gloria & splendor omnino fuere detracta. Hoc enim fuit Draconem in cælo stantem ad terram prosternere, vt suprà explicatum est. Quòd si Apocalypseos locus ad Christi verba respicit; nihil congruentius, quàm vt Christi verbis eam intelligentiam tribuamus, quæ cum Apocalypseos contextu magis consonat. Et quanuis Christi fuerit mens, significare, idololatriam ex toto orbe reipsa fore exterminandam; ad huiusmodi significationem satis est, in hisce verbis attingi, idololatriam citò ex falsi honoris culmine ruituram. Hunc enim lapsum consecuta fuit idololatriæ euersio; & ex antecedentibus sæpè subsequentiâ significantur.

Verum quidem est, non esse prorsus necessarium, vt *Proici in terram*, sit idem omnino cum eo, quod Christus dixit, nempe eiiciendum esse foras. Dici enim potest, aduerbium illud *Foras*, non significare extra cælum, sed extra iniquam possessionem, quam dæmon mundani imperij sibi immerito arrogat.

*Auctoris  
explanatio  
ad ea Christi  
verba.*

*Duplex sensus  
illorum  
Christi ver-  
borum; Prin-  
ceps huius  
mundi ei-  
cietur  
foras.*



## T E X T V S.

*Vers. 10.* Et audiui vocem magnam in cælo dicentem, Nunc est salus & virtus, & regnum Dei nostri, & potestas Christi eius, quia proiectus est accusator fratrum nostrorum, qui accusabat illos ante conspectum Dei nostri die ac nocte.

## C O M M E N T A R I V S.

Vox magna, quam Ioannes cælo exaudijt, à quo fuerit prolata.

Quid hic nomine salus & virtus significet.

Dæmon quo sensu dicatur fratrum accusator.

Allusio in hac dæmonis accusatione ad Iobi librum.

Quo sensu dæmon homines die ac nocte accusare dicatur.

**A**RETAS, Haymo, & Ansbertus existimant, hanc esse vocem Angelorum cælestis Hierarchiæ, qui iustos homines aiunt suos esse fratres; sed iam sapius vidimus, cæli nomine in Apocalypsi militantem Ecclesiam adumbrari. Quare hæc vox magna significat communem ac celeberrimam fidelium lætitiā, & intimum deuoti animi sensum; quo Deo immortales egere gratias, quando Draconem & eius Angelos e cælo deiectos aspexerunt: eā nimirum ratione, qua superius explicatum est. Verum verba singula expendamus. *Salus* hic est, mundi salus. Græcè σωτηρία, saluatio. *Virtus* verò est Christi Passionis virtus & efficientia. *Regnum* autem & *potestas Christi*, est nationum omnium subiugatio; quæ omnia sunt dæmonis regno opposita. Quamobrem cum mysticum cælum cerneret, idololatriam ex suo iam honore & existimatione deturbari, & mundum à dæmonis tyrannide liberari cœpisse; præ nimia lætitiā voces in cælum tollebant clamantes, *Nunc facta est salus & virtus, &c.* Quali dicerent; iam patefieri incipit vniuersalis hominum redemptionis efficacia; & in hoc exordio atque capite cernimus quasi præsentem gloriosissimæ nostræ expeditionis exitum: iam enim dæmon loco motus & ex sua gloria deiectus est: & quod felicibus auspicijs Romæ fuit hætenus cœptum, Deus ipse, qui dedit initia, maximo cum incremento prouehet. Iam, quod attinet ad phrasim ipsam, *Nunc facta est salus &c.* vide similem locutionem suprâ c. 11. 15.

**Q**UIA PROIECTVS EST ACCVSATOR FRATRVM NOSTRORVM. ] Accusator, (vt aliàs diximus) idem est in præsentī, quod calumniator, siue diabolus. Græcum nomen est, κατήγορος, quo designatur is, qui aduersus alios obloquitur. Et de calumnijs in præsentī esse sermonem ex superiore versu liquet: vbi etiam diximus de peripicua eius loci allusione ad Iobi librum, & de quæ dæmonis officio calumniandi, quod quanuis post suum lapsum non amiserit, nihilominus congruenter inducitur fidelium lætitiā de calumniatoris casu propter Christi Regni initium in Gentes inuectum. Itaque non est in præsentī sermo de accusatione, qua dæmon peccatores defert. Quod primò constat ex allusione ad Iobi librum; illa enim dæmonis accusatio non fuit de Iobi peccatis, quæ ipse patrasset; sed calumniatus fuit, Iobum, si Deus tentari permitteret, in culpam fore lapsum. Deinde ex hoc Apocalypseos contextu idem roboratur; quia per allusionem ad Iobi librum, cum dæmon à Deo licentiam impetrauit, vt Iobum ipsum oppugnaret, dicitur in præsentī, ex hac dæmonis calunnia aduersus Euangelij prædicatores, nihilo gloriosior euasisse dæmon, quàm ex illa Iobi calunnia. Nec enim solum prædicatorum virtus probata & spectata enituit, verum etiam dæmon ipse inglorius remansit, & inde idololatriæ ruina duxit exordium. Non ergo sermo est de dæmonis accusatione aduersus infideles & Idolorum cultores; sed de calunnia in Euangelicos concionatores: quòd scilicet, si in media Roma Gentilium telis & oppugnationibus forent expositi, erecto animo Christi fidem prædicare minimè auderent. Et quemadmodum Deus illos ad Gentilitatem, & Romam potissimum misit, vt firma & stabilis eorum virtus longè lateque patefceret; ita etiam hoc ipsum experimētum quod à Deo vt familiarissimo proficiscebatur; à dæmone quidem oriebatur, vt ab aduersario & calumniatore, vt in Iobi libro apparet. Cuius rei consideratio valde conueniens fuit ad dæmonis ipsius irrisiōem; vt dum de concionatoribus Euangelicis triumphare se putat, victus ipse superatusque decedat: & tantam præteritæ gloriæ atque existimationis iacturam faciat, vt verè dicatur ex æthere cecidisse, tam ipse, quàm ipsius ministri, vt suprâ explicuimus. Constat autem hunc esse proprium sensum ex ijs, quæ sequuntur, *Et ipsi vicerunt eum*, vbi apparet dæmonem fuisse deuictum ab ijs, quos ipse criminabatur; sicuti in Iobi historia accidit, ad quam in præsentī alluditur.

**Q**UI ACCVSABAT ILLOS ANTE CONSPECTVM DEI NOSTRI DIE AC NOCTE. ] Allusio ad Iobi historiam manifesta est; in qua etiam est satis fundamenti ad extrema huius versiculi verba, *Die ac nocte*. Dicitur enim Iobi 1. 8. *Cum venissent filij Dei, vt assisterent coram Domino, affuit etiam inter eos Satan, &c.* & ait, *Nunquid Iob frustra timet Deum? &c.* *Extende manum tuam, & tange cuncta, quæ possidet, nisi in faciem benedixerit tibi.* Id quod accidit in die Iobi, hoc est in suæ prosperitatis tempore. Deinde cap. 2. 4. cum venisset Satan & in Dei adlaret conspectu; laudante Deo Iobum, quòd adhuc pristinam suam innocentiam in aduersa fortuna (quod est noctis Iobi tempus) retineret, respondens Satan, *Pellem (inquit) pro pelle, & cuncta, quæ habet homo, dabit pro anima sua: alioquin mitte manum tuam, & tange os eius & carnem, & tunc videbis, quòd in faciem benedicat tibi.* Itaque in die criminatio dæmonis erat, Iobum aduentante nocte aduersitatis Deo valedicturum; nocte verò criminabatur, noctis umbris duplicantibus & tērationis vi ingruente, tunc saltem à Deo defecturum. Similiter ergo Euangelij Prædicatoribus vsu venit; nam ante persecutionem calumniabatur dæmon, eos vrgēte aduersitatis impetu in Christi obsequio ac fide retro-

cessuros,



**A** cessuros, seque in latebras abdituros: sub ipsa autem persecutione, eò tendebat calumnia, vt diceret; fidei prædicatores fore vt animum desponderent, vbi tenebricosâ persecutionis nocte se vndique obsessos cernerent, & Romani Imperij auctoritate & magnitudine acriter appetitos. Hunc esse existimo loci huius contextum. Quod si impensè consideremus, quod generatim loquendo accidit fidelibus, quando illos dæmon diu noctuque tentat & calumniatur; potest id aptè ad duo tentandi genera referri; alterum per res aduersas, alterum per secundas; quarum extrema oppugnatio non minus periculosa est, quàm prima: complures enim, quos nò deiecit aduersitas, prosperitas prostrauit. Vt autem dæmon criminatur alios, quò sibi per Deum liceat illos medijs aduersitatibus tentare; ita etiam alijs molitur calumniam, vt eos per res secundas oppugnet. Quorum vtrumque Euangelici prædicatores re ipsâ periclitati sunt, *Per infamiam & bonam famam*, vt Paulus loquitur 2. Corint. 6. 8. Iam veluti dij honoribus affecti, (vt Actuum 14. 12.) iam ceu dæmones eieci & profligati.

Cælestis igitur vox, quam Ioannes audiuit, vox est exultantis Ecclesiæ de futura contra diabolû victoria; quæ in gloriosissima illa Euangelicæ prædicationis & conuersionis mundi expeditione fuerat à Christi fidelibus comparanda; cuius felix iam initium cernebatur. Cùm dæmon deinceps in deterius ruat, ac proinde ipsius imaginationes nò possint Ecclesiæ felicitati obistere: sed potiùs in nobiliorem Dei gloriam sint tandem cessuræ, & in idololatriæ ruinam.

**B** Aduerte autem hîc non dici, *Accusator noster*, sed *accusator fratrum nostrorum*, qui accusabat illos, quæ verba videntur respicere Iobi & antiquorum Sanctorum accusationem; de quibus vt de fratribus congruenter sermo esse potest. Nihilominus præstabilius est, vt Christiani adhuc viui & superstites intelligantur de illis loqui, qui pro Christi fide & Euangelij prædicatione fortiter occubuerant. Huic enim explicationi fauent manifestè verba subsequenti versûs. Quauis posset etiam affirmari, vniuersum Christianæ Ecclesiæ corpus agere singulatim de Euangelij concionatorum constantia; qui pro Christi gloria & mundi salute extremam mortis aleam fortiter & animosè subierant; & aui fuerant in orbis theatro palam prædicare Iesum Christum esse vnicum Deum verum.

Duplex tentationis genus, per aduersitatem & prosperitates.

Cur non dixerit Ioannes accusator noster: sed fratrum nostrorum?

## T E X T V S.

**Vers. 11.** Et ipsi vicerunt eum propter sanguinem Agni, & propter verbum testimonij sui; & non dilexerunt animas suas vsque ad mortem.

## C O M M E N T A R I V S.

**D** **DEMONIS** criminationes in Christi ministros, & facultas ei permissa eos insectandi, illum tandem habuere finem, vt in ipsis Christi seruis magis magisque emineret eiusdem Christi sanguinis virtus, Diuini verbi efficacia, & ingens virorum Apostolicorum charitas. Hæc est explicationis summa. In textu verò notandum est, cùm dicitur, *Propter verbum testimonij sui*, ex Græco ad verbum reddi, *Testimonij ipsorum*. hoc est testimonij, quod Sancti inter promulgandum Euangelium de Christo dabant. Illa autem phrasis, *Non dilexerunt animas suas vsque ad mortem*: perinde est, ac si dicerent, tantum abest, vt non dilexerint, vt emori etiam non formidauerint. Facit huc illud Pauli Act. 20. 24. *Nec facio animam meam pretiosiore, quàm me, dummodo consummem cursum meum*. Hoc est; Non tanti est mihi vita mea, quanti vt cursum meum consummem.

Quid sit, non diligere animam suam vsque ad mortem.

## T E X T V S.

**E** **Vers. 12.** Propterea latamini cæli, & qui habitatis in eis. Væ terræ, & mari, quia descendit diabolus ad vos habens iram magnam, sciens quòd modicum tempus habet.

## C O M M E N T A R I V S.

**S** I cæli in Apocalypsi Christianam Ecclesiam significant, vt aliàs diximus: quænam est distinctio hæc inter cælum & eos, qui in cælis habitabant? Respòdeo, cælum nomine denotari vniuersam Ecclesiam: nomine autem eorum, qui in cælis habitare dicuntur, intelligi Christianos singulos,

Quid innuat distinctio cæli & eorum, qui in eo habitant.



qui in Ecclesiâ gremio degunt; quod est dicere; latentur atque exultent tam communis Ecclesiâ, quam singuli fideles. Ita cap. 13. 12. legimus, *Terram, & habitantes in ea.* Aut fortasse calor nomen primogeniam designat Ecclesiâ, id est, illos ex circumcissione fideles, qui Christum receperunt: iuxta Pauli locutionem, qui Ierosolymitanam Ecclesiâ appellat caelestem Ierusalem. Qua ratione Gentiles ij, qui in eandem Ecclesiâ sunt inserti, dici possunt in cælis habitare. Simili enim distinctione possemus dicere: Latetur Hispalis, & quotquot in ea degunt; id est, quanuis Hispali nati non sint. Prior tamen expositio mihi magis arridet.

**VAE TERRAE, ET MARI.]** In c. 13. innuitur, mare ac terram concitare horribilem persecutionem aduersus Christianam Ecclesiâ. Per respectum igitur ad eam persecutionem ait nunc textus, *Vae terræ, & mari.* Tamen si autem hæc procella est in Ecclesiâ scitatura, nihilominus non tantum non dicitur; *Vae Ecclesiæ*, verum etiam asseritur, *Latamini cali;* Ecclesiâ videlicet cali nomine nuncupatâ. quod perinde est, ac si dicatur persecutio illa non in Ecclesiæ ruinam, sed in admirabilem eius potius gloriam, splendorem atque victoriam redundatura, nec persecutio illa Ecclesiæ calamitosa, sed felix futura; iuxta illud Iacobi c. 1. 2. *Omne gaudium existimate fratres, cum in varias tentationes incideritis.* Quamobrem *Vae* illud non fidelibus persecutionis tempestate iactatis, sed persecutoribus ipsis; videlicet mari & terræ, per modum compinationis intenditur. Non enim sunt Christiani, quantunvis oppugnati, miseriæ & calamitati obnoxij; sed potius ipsorum oppugnatores, quorum ministerio vitur dæmon. Atque hic sensus est Apocalypseos sapientiâ dignissimus.

Deinde in maris & terræ distinctione (si in persecutione Iudaici populi persisteremus) adhuc non dubitarem, per terram Iudæos, Gentiles per mare designari, ut vidimus capite decimo, & eadem allegoriâ seruata dici posset, in persecutione à Gentibus excitata non solum fuisse infelices ac miseros Gentiles, qui in Christianos exandescabant; sed Iudæos etiam, qui eandem Gentilium persecutionem vigeant pro virili parte, & ipsorum Gentilium factioni in hac re vehementer studebant; ut ex Ecclesiasticis historijs constat. Certum namque est, tam Romæ, quam vbiunque reperiabantur Iudæi, eos fuisse potissimos fidelium calumniatores.

Nihilominus tamen existimo, nomen terræ & maris congruentius sumi in hoc capite, sicuti in capite decimo tertio. Nam Draco ut ad calcem huius cap. asseueratur, maris litus selegit, ut locum aptum; ex quo tam mare quam terram misceret, & in bellum aduersus Christianam Ecclesiâ concitaret. Quapropter terræ nomen Iudæos hic singulatim non denotat, sed vniuersè eos omnes, qui terrenis affectibus inhærescunt: sicut & nomen maris mundum, eiusque potentiam designat. Quod autem in secunda hac Apocalypseos parte nomen terræ comprehendat omnes terrestrium affectionum sectatores; eo sine fuisse excogitatum videtur, ut terræ nomen ad Gentiles sese extenderet eadem proportionem, qua ad Iudæos prius fuerat terræ ipsius symbolum accommodatum: videlicet propter terrenos affectus. Hanc explicationem fulciunt Græca quædam, quæ vbi nos legimus, *Vae terræ, & mari;* legunt; *Vae habitantibus in terra, & habitantibus in mari.* Quæ expositio Iudæos terræ nomine non excludit; continentur enim in communi ratione eorum, qui terrenis affectibus voluntantur. Quare in hac secunda explicatione includitur etiam prima.

Itaque quo tempore infideles fuerant infectaturi Christianos homines, & in eis stragem edituri; eodem caelestis vox non ait, *Vae fidelibus;* sed, *Latamini cali;* & *Vae infidelibus.* Nam in ipsa persecutionis rabie, cædes & vera strages in improbis potius persecutoribus, quam in probis ac sanctis hominibus à dæmone fit. Etenim non æquum est, caelesti voce pronuciari *Vae* in eos, qui ingenti meritum thesauro locupletantur; sed in eos, qui thesaurizant sibi iram in diem indignationis ac vindictæ: hi autem sunt, qui in huiusmodi mari vitam transigunt, ipsius turbulentis vndis ac fluctibus conquassati; & qui terrestrium bonorum cupiditate illecti, terræ incolæ verè & sunt & nuncupantur: atque ut mundanis iussis obtemperant, persecutorum partes velis remissæ prouehunt.

Aliquis forsan opinabitur, hoc Apocalypseos, *Vae*, propagari etiam ad Christianos fractæ ac debilitatæ virtutis, qui terræ etiam ac maris incolæ dici possunt; quod Christianæ professionis, ipsiusque morum celsitatem non auide arripiunt. Ceterum quanuis Apocalypseos doctrina ad horum etiam calami. atem dilatur; vero similis tamen est, directè hic esse sermonem non de ipsis, sed de infidelibus obstinatis Ecclesiâ infectantibus. Nam scopus est, agere de Christianæ Ecclesiæ felicitate in medio ingruentium persecutionum impetu. Et quidem si primigeniæ Ecclesiæ status consideretur, in quo valde pauci Christianorum vitijs & improbitati se dabant, iure optimo potuit de Christiani populi felicitate institui sermo: eadem omnino ratione, ac si omnes vere sanctitati studerent. Sic enim loqui solemus, vbi de communitatis laudibus sermo est.

**QUIA DESCENDIT DIABOLVS. ADVOS HABENS IRAM MAGNAM.]** Ex his verbis colligitur respici in hoc loco ad ea, quæ in fine capitis dicuntur; scilicet, Draconem, ut bellum Ecclesiæ inferret, in maris littore constituisse, inter mare ipsum, ac terram; & quanuis ingens dæmonis ira ac furor in Ecclesiâ potissimum ferebatur, ad eius tamen executionem accitum fore in suum auxilium maris Bestiam, & Bestiam terræ, atque maris & terræ incolas, nec non ijs omnibus mirè abusurum. Quare dæmonis irâ ac furore fuerant ipsi corripiendi, & grauissimis sceleribus miserandum in modum implicandi.

**SCIENS, QUIA MODICVM TEMPVS HABET.]** Hinc aliqui inferunt, contextum propriè ac directè de Antichristo agere. Huiusmodi tamen declarationem superius iam subuertimus fortioribus argumentis, & serie atque acoluthiâ non vnius aut alterius verbi, sed totius libri. Iam, quod auctores nonnulli in hisce verbis vrgent, ut contextus tempora Antichristi respiciat: ad id quidè in promptu est solutio. Cum enim dicitur parum nobis superesse temporis, non agi solet abstractè de tempore, quod ad extremi vsque iudicii diem reliquum est; sed de tempore, quod nobis restat ad illud peragendum, de quo incipit sermo. Veluti si quis vindemiam acceleraret existimans modicum sibi temporis esse super; intelligendum est de tempore ad vindemiam apto; priusquam vna

Nomin: terra & maris quid hic significetur.

Cur hic Vae non de Ecclesiâ afflicta, sed de ipsam affligentibus prædicetur.

Vtrum hoc Vae extendatur etiam ad Christianos debiles & infirmos virtutis?

Quo sensu dicitur de dæmone, sciens, quia modicum tempus habet.



**A** folis ardore passę exarescant. Nemo autem inficiari potest, hęc esse peruagatum loquendi modum. Cum ergo nostrę expositionis continuatio spectet ad tempus, quo per Euangelij prædicationem ad Gentes, idololatria pristino loco, gloriâ, ac dignitate ceciderat; nullius difficultatis est, verba illa; *Sciens quia modicum tempus habet*; aptissimè ad exiguum referri tempus, quod dæmoni residuum erat, vt in mundo per idolorum culturam imperitaret; antequam Christiana Religio caput attolleret. at qui peripicuum est, si rei moles ac magnitudo ponderetur, modicum satis tempus reputari vnum aut alterum sæculum. Quauis enim de Antichristi tempore sermo esset; nescit omnino dæmon tempus ab Antichristo ad extremi iudicij diem interijciendum minus ducentis annis fore.

Quod si roges, vnde coniectarit dæmon, ab initio Euangelicę in orbe prædicationis parum interesse temporis ad idololatrię vsque ruinam & expulsionem? Respondeo, Id dæmonis malitiam, ac versutiam minimè latuisse; cū videret in ipsis prædicationis & conuersionis primordijs ingentem Christianę Religionis & ipsius prædicatorum efficaciam, & Prophetarum insuper hac de re vaticinia perpenderet; quodque verisimile erat, effuso Christi Sanguine fore præstandum.

*Vnde dæmon coniectare potuerit, parum sibi superesse temporis.*

## T E X T V S.

**B**  
**C** *Vers. 13.* Et postquàm vidit draco, quod proiectus esset in terram, persecutus est mulierem, quę peperit masculum.

## C O M M E N T A R I V S.

**D** **Q**UOD draco mulierem sit persecutus, apponitur hęc quasi quid cōsecrarium, postquam draco se de cælo in terram deiectum aspexit. At enim (inquies) mulier in desertum fugit ratione persecutionis in se concitata; persecutio ergo, mulieris fugam anteuertit. Ceterum mulier quidem fugit in solitudinem propter Iudæorum rebellium persecutionem, qua Euangelij prædicatores exagrabant. postquam verò Euangelium Gentibus enunciarı cœpit, & dæmon propter amissum idololatrię splendorem de cælo fuit deiectus; tunc dæmon ipse vehementiore furore correptus persecutionem non Iudæorum modò, sed Gentium pariter in Ecclesiã commouit.

*Virū dracōnis persecutio fugā mulieris anteuerteret; an ē contrariū?*

Quia verò Romę prima persecutio præcipuè fuit coorta contra nouę Romę Ecclesię Parentem, hoc est contra Apostolos & Euangelicos prædicatores, qui Romanam Ecclesiã à fundamentis erexerant; ideo draco dicitur persecutus fuisse mulierem, quę peperit masculum. Quibus verbis designari arbitror, primam sub Nerone persecutionem; quę exarsit primò aduersus Euangelij prædicatores, & singulatim aduersum eorum caput Petrum. In eo autem, quod draco fuerit infectatus fœminam, quę masculum filium in lucem edidit; innuitur, dæmonem Romę Ecclesię fundatione imprimis stimulari ad eam persecutionem excitandam. Nec enim dubitabat, quin masculus ille filius ad idololatriam penitus exterminandam fuisset natus.

*Quid innuitur, dū dicitur draco persecutus mulierem, quę peperit masculum.*

## T E X T V S.

**E** *Vers. 14.* Et datę sunt mulieri alę duę aquilę magnę, vt volaret in desertum, in locum suum; vbi alitur per tempus, & tempora; & dimidium temporis à facie serpentis.

## C O M M E N T A R I V S.

**H**ic illud primò dubium occurrit; vtrum huiusmodi alę fuerint mulieri datę, antequam se fugę mandaret; an potiùs postquam cœpit fugere, quando draco illam suscitauit persecutionem; de qua superiore versu diximus, quod se de cælo deiectum videret? Ratio dubitandi est, quia suprà nu. 6.

*Nūc alę sint datę mulieri, antequam se fugę mandare cœpisset; an post fugę initium dictum*



dictum fuerat, mulierem fugisse in solitudinem; cum tamen ibi nulla sit alarum mentio: nunc autem n. 14. facta mentione persecutionis, posteaquam in terram fuit draco prostratus, additur duas mulieri alas fuisse datas, vt in desertum volaret. Quare non videntur illi fuisse tributa, quoad damo eam in desertum fuit insecutus. Arbitror tamen, aptius & congruentius intelligi, à principio, aut saltem statim ac peperit masculum, alas ei fuisse additas; vt se reciperet in illud perfugium, quod Deus illi in deserto praparauerat. Mulier enim, cum peperit, fingitur in celo fuisse, & mox post partu fugisse; atq; vt per aera impune volitaret, alis sibi opus erat. Quapropter, quod postea alarum mentio intercurrat, non ideo fit, quia ante ipsam persecutionem alae ei concessae non fuerint; sed vt intelligatur, quauis draco mulierem in desertum sequeretur, illam tamen subsequi, ita vt eius iter impedire nullo modo posset. Tametsi enim draconi alae inerant; ea tamen, vt pote draconis, non illum sublimè efferre poterant. At foeminae fuerant suppeditatae aquilinae alae, atque adeo multò altius ac velocius dracone volitare poterat. Vide de velocitate aquilae Deuteronomij 28. 49. Habacuc 1. 8. & 2. Reg. 1. 23. Item de illius sublimitate lege Prouerb. 30. 19. & Ierem. 49. 22.

Deinde in alis mulieri subministratis videtur contineri allusio ad illud Isaia 40. 31. *Qui sperant in Domino, mutabunt fortitudinem: assument pennas vt aquila; current, & non laborabunt; ambulabunt, & non deficient.* Quae tamen Isaia verba non adigunt nos, vt in alarum distinctione philosophemur; nam ad denotandam ingentem velocitatem ac suauitatem in assiduo atque indefesso per aera volatu, sanè quàm idonea est alarum aquilae allegoria: ad quod tamen non est necesse notare, quot sint alae, & quales. Quare Isaia locus non ait, *Assument duas pennas*; sed *Assument pennas, vt aquila*. Similiter etiam Ezech. 17. 3. & num. 7. legimus, *Aquila grandis magnarum alarum*. Vbi interpretum nemo in applicatione de alarum distinctione philosophatur. Verum in hoc Apocalypseo loco contextus ipse nos cogit, vt in applicatione duplicis alae distinctionem inuestigemus. Ait enim, *Data sunt mulieri alae duae*. Nili enim in binarij numero peculiare mysterium delitesceret; nequaquam diceretur, *Alae duae*. Sicuti nec apud Ezechielem id exprimitur, vbi de aquila magna alis.

Præterea aduertendum est, in Graeco insignem quandam aquilam designari, duplici enim articulo inscribuntur haec verba, praefixo tam in voce *Aquila*, quàm in *Magna*. Quamobrem cum in Apocalypsi Aquila sit sapientiae symbolum, vt vidimus cap. 4. 7. & c. 8. 13. Cumque duplex hic (vt dixi) articulus praeponeatur; non videtur dubitandum, quin in praesenti, aquila caelestem sapientiam denotet. Per duas verò alas nihil aptius occurrit, quàm vt duo testamenta, sacrae Scripturae partes, indicari dicamus. Nam sapientiae caelestis alae sunt Ecclesiae summo solatio. Atque haec est Ticonij, & aliorum explicatio. Sitamen aliquis optet huic expositioni aliam addi, quae de duobus sapientiae actibus agat; haec insuper potest adhiberi explanatio, videlicet vt duarum alarum altera significet rerum temporalium despicientiam, altera spiritualium aestimationem. Duabus his sapientiae partibus congruenter applicatur duarum alarum distinctio; & vtriusque coniunctioni nihilo aptatur minus aquilae grandis allegoria. his enim pennis spirituales viri ex rerum terrestrium contagione abstracti tolluntur in sublime, & in vno Deo verum exquirunt solatium. Rem autem quamlibet tanti ducere, quanti est; id verò proprius est sapientiae effectus. Sapientis namque est de rebus ipsis, perinde ac lunt, iudicium facere. Quare applicatio fit aptè ad duplicem actionem; quae propriae sunt sapientiae partes, & quasi alae.

Aliquis congruens esse putabit, vt haec duae alae sint sanctitatis atque sapientiae symbola; vt hoc quoque par pluribus illis annumeretur, quae retulimus cap. 11. Si tamen aquila est sapientiae symbolum, vt satis supra probatum est; non rectè consonat, vt ex duabus aquilae pennis vna sapientiam, sanctitatem altera figuret. Nihil est aptius, per duas alas denotari amorem tam Dei, quàm proximi; vel desiderium gloriae Dei, & vitae immaculae studium (quae est explicatio Riberæ.) Neque enim huiusmodi actiones sunt propriae sapientiae, sed sanctitatis. Omitto expositiones alias minus probabiles; cuiusmodi est, per duas alas innui fauorem Romani Imperij, cuius insigne fuit aquila; aut etiam fauorem Imperij Orientalis, & Occidentalis. Quae interpretationes cum Apocalypseo serie nulla ratione consentiunt.

Diceret tamen aliquis, illud saltè non ineptè affirmari posse; duas nimirum aquilae alas esse impugnatione falsitatis & veritatis probationem; atq; ad praedicationem Gentibus factam conducere imprimis considerationem vtriusque rei, quas Deus Euangelicis praedicatoribus impertiuuit. Aut si profectio in desertum fuit Iudaici populi derelictio, & ad Gentes commigratio; fortassis duarum alarum altera Iudaorum reprobationis cognitionem, altera electionis Gentilium indicat. Adhuc dico; ex contextu ipso planum fieri, alas aquilae fuisse mulieri datas; non vt in solitudinem fugeret, sed vt peruenire posset ad refugij locum, quem Deus illi in deserto praparauerat. Hoc enim manifestè innuunt verba illa, *Data sunt mulieri alae duae, vt volaret in locum suum; vbi alitur a facie serpentis*. In superioribus autem explicauimus, Deum ipsum esse locum, siue domum refugij, quod sese mulier in solitudine abdiderat. Constat verò ad eiusmodi perfugium in deserto inueniendum minimè esse aptam aliorum arcanorum notitiam, nec in argumentis refutandis vim; esse verò valde ad rem contemtionem terrenarum rerum, & caelestium aestimationem.

Vbi alitur a facie serpentis. ] Riberæ §. 39. ait hic esse Hyperbaton; nam verba illa *A facie serpentis*, non conueniunt (inquit) cum verbo *alitur*; sed cum, *Vt volaret*, ita vt constructio sit, *Datas esse mulieri alas, vt volaret a facie serpentis in desertum, in locum suum; vbi alitur per tempus, & tempora, &c.* Haec ille. Meo tamen iudicio nullum hic subest Hyperbaton. Ali enim a facie serpentis Graeca phrasi idem est, quod ali procul a serpentis conspectu. Quare aptissimus sensus est; quamuis acerrima sit serpentis persecutio, non tamen eò peruenire posse, vt impedimento sit, quominus in abdito tranquillae animae penitrali fruantur sancti viri maximo solatio ex eo, quod Dei voluntatem perfecte exequi conentur. Hic enim est sanctarum animarum cibus; vt superius Christi Domini tum verbis, tum etiam exemplo probauimus. Et in hac etiam significatione includitur patientia & spes & solatium ortum ex contumeliis pro Christo toleratis.

In muliere alae subesse allusionem ad Isaia locum cap. 40.

Duarum alarum mentionem hoc in loco non absque mysterio fieri.

Quod sit duarum mulieris alarum mysterium.

Alae de duplici mulieris ala expositiones referuntur, ac resolluntur.

Quid sit, a facie mulieris a facie serpentis.



PER TEMPVS, ET TEMPORA, ET DIMIDIUM TEMPORIS.] Id est, per tres annos & dimidiatum, vt cap. 11. discussimus: vbi etiam late de mystici huius temporis significatione. Praterca ali per tres annos & dimidium a facie serpentis, accipiendum est de tempore, quod mulier in deserto transegit in spelunca, siue refugio diuinæ providentiæ, septa vndique tygribus, leonibus, ac basiliscis ante Gentilitatis conuersionem. Tunc enim solitudo fuit in paradysum commutata, vt diximus versu 6.

## NOTATIO IX.

*De secundaria significatione duarum alarum, quæ datæ sunt mulieri, vt in desertum volaret.*

SEMEI iam & iterum in hoc capite (nempe in lunæ, & in Michaelis symbolo) vidimus primariæ significationi adiungi interdum secundariam; quam etiam Spiritus sanctus intendit. In symbolo ergo duplicis alæ mulieri subministratæ, præter primariam significationem, illud occurrit; nimirum, in his etiam alis Ecclesiæ concessis significari fortassis Apostolos Paulum, & Barnabam; ita vt ipsi sint duarum instar alarum, quibus ornata fuerit Ecclesia primogenita; vt sese audacter in Gentilitatis desertum inferret.

Hanc ad rem considero imprimis, vt per Gentilium desertum fieri possit iter, recte concipi alas vt necessarias; sine quibus illac tendi non possit. Vide Ioannis 7. 35. vbi postquam Christus dixit, *Ego vado, quod vos non potestis venire*; dixerunt Iudei ad semetipsos, *Quod hic iurans est? numquid in dispersionem Gentium iturus est, & docturus Gentes?*

Secundò considero, quod Spiritus sanctus ait, Act. 13. 2. *Segregate mihi Sautum & Barnabam in opus; ad quod assumpsi eos.* Et infra n. 46. *Contradicientibus, & blasphemantibus Iudeis; tunc constanter Paulus & Barnabas dixerunt; Vobis oportebat primum loqui verbum Dei; sed quoniam repellitis illud, & indignos vos iudicatis æternæ vitæ, ecce conuertimur ad Gentes; sic enim præcepit nobis Dominus. Audientes autem Gentes gauise sunt, &c.*

Tertiò receptissimum est Exodi 19. per alas aquilæ intelligi Moysen & Aaronem, vel etiã prædicatores; sic exponunt Origenes, Ambrosius, Hilarius, Basilus, Augustinus, & Hefychius. Victorinus autem & Ticonius duas has alas interpretantur de Elia, & ipsius comite sub Antichristo. Si igitur Dei ministri, & præsertim concionatores sunt aquilæ alæ; quid mirum per alas mulieri attributas, vt in solitudine volaret, Apostolos Gentilitatis denotari; qui aquilarem instar Ecclesiam velocissimè per Gentilitatis solitudinem aduexerunt?

Quartò, quanuis Apostoli omnes Iudæis & Gentibus prædicarent; certum tamen est Paulum & Barnabam magis propriè esse Gentilitatis Apostolos, vt ex supra dictis liquidò constat. Quod roboratur amplius; quia licet nullam Barnabæ epistolam habeamus; Paulus tamen de se & de Barnaba pariter loquitur. Lege ad Romanos 11. 13. *Ego sum Gentium Apostolus; ministerium meum honorificabo*, Et cap. 15. 16. *Data est mihi gratia; vt sum minister Christi Iesu, sanctificans Euangelium Dei; vt fiat oblatio Gentium accepta.* Et ad Galatas 2. 2. *Ascendi cum Barnaba; & contuli cum Apostolis Euangelium, quod prædico in Gentibus.* Et n. 7. *Cum vidissem, quod creditum est mihi Euangelium præputij, sicut Petro circumcisionis, (qui enim operatus est Petro in Apostolatui circumcisionis, operatus est mihi inter Gentes.) & cum cognouissem gratiam, quæ data est mihi; dexteras dederunt mihi & Barnabæ societatis; ut nos in Gentes, ipsi autem in circumcisionem.* Et 1. ad Timoth. 2. 7. *Positus sum ego prædicator & Apostolus & Doctor Gentium (siue Magister Gentium); vt habetur 2. ad Timoth. 1. 11.* Ex his ergo locis planum fit, Paulo & Barnabæ peculiarem ab Spiritu sancto gratiam & audaciam fuisse collatam, vt Euangelij lumen in Gentes inuherent, & ceteris Apostolis viam ad Gentium prædicationem referrent. Vide illud Act. 9. 15. *Vas electionis est mihi iste,*

*vt portet nomen meum coram Gentibus.* Aduerte autem alarum esse proprium, auem euehere & asportare; & vas quidem electionis Hebraicâ phrasi ponitur pro egregio instrumento, (cuiusmodi est ala) ad portantum nomen. Sic enim alæ atque tuba tribuuntur Famæ.

Quintò, cum sermo sit de primogenita Ecclesia, quæ vocatur Sion; oportebat honorificam fieri mentionem de reliquis præcipuis ipsius partibus, ac potissimum de illis, quibus Euangelij prædicatio & erectio Ecclesiarum, quæ sunt matris Sionis filia, referri debent accepta. Quamobrem cum Christus & ipsius Mater sanctissima in luna: in duodecim stellis totidem Apostoli figurati sunt; decebat, ne duo Spiritus sancti Apostoli Paulus & Barnabas silentio prætermitterentur. Non autem reperiri potuit aptior & congruentior locus ad eorum mentionem, quam hic, vbi de prædicatione ad Gentes sermo instituitur. Hoc verò non est Paulum & Barnabam ceteris Apostolis inferiores effingere; quod duodecim per stellas totidem, & hi duo per mulieris alas denotentur: quinimò ita assignatur peculiaris gratia, quam diuinus Spiritus Paulo & Barnabæ fuit elargitus, vt Euangelium per Gentilium regiones celeriter vectarent; & reliquis Apostolis veluti alas suggererent ad gloriosam illam expeditionem. cetera; dubium non est, quin si duodecim Apostoli stellarum cognomèto mererentur honorari, quod mundum sua luce compleuerint, non minus hoc nomine sint Paulus & Barnabas digni. Enimuerò, dum alijs stellarum, alijs alarum symbolum distribuitur; adumbratur non obscure hinc duodecim Apostolorum gloria, quod Apostolicum Symbolum condiderint, & sint duodecim mystici Patriarchæ spiritualis Iacobi filij: inde peculiaris Spiritus sancti prærogatiua, quæ duobus Apostolis concessit. Nec tamen ideo negatur, duodecim Gentilitatis etiam Apostolos fuisse; sed per attributionem congruenter hoc elogium illis applicatur, qui diuinitus fuere ad id muneris peculiariter destinati.

Sextò, quod Ioannes in Apocalypsi alarum symbolo Paulum & Barnabam signatos viderit, grati illi valde videtur fuisse, eo quod Ecclesias in Asia per Ioannem fundatas, Paulus in Asia itidem, & Ephesi præsertim prædicans, inchoauerit. Et enim dū vtrumque Apostolum in mulieris alis figuraret; perinde fuit, ac si diceret, illis tamen ideo negatur, duodecim attribui debere ex Ecclesiarum fundamine, quas ceteri in Gentilitate exeruerunt; quasi illi prius felibus & auspiciatissimis primordijs initium dederint; & robur animosque ceteris ad gloriosam hanc expeditionem addiderint.

Septimò, mulieri congruenter satis aquilina alæ, non columbina tribuuntur; quod innuitur, illam non tam fuisse fugam, quam sub fugæ specie animosam impressionem, volatum sublimem, & admirabile quoddam aucupium. Columba quidem timida est; aquila tamen audax; & ad præceptum Domini eleuabitur aquila. Iob 39. 30. Et infra numero 33. *Vbi cadauer fuerit, statim adest.* Maldonatus Matt. 24. 28. asserit, hoc esse Hebræorum prouerbiū. Praterca Iobi 9. 26. de aquila dicitur; *Volat ad escam.*

*Cur hoc potissimum loco Pauli & Barnabæ mentio fiat?*

*Cur mulieri aquilina alæ, non columbine assignantur?*



Quare egressio illa Pauli & Barnabæ fuit veluti incursus ad prædam. Quod pariter exemplo est Euangelij ministris & concionatoribus. Et in hoc exemplo veluti in quadam pictura cernimus aquilam grandem, quæ prouocat ad volandum pullos suos, Deut. 32.17. & eos docet in sublime volatum extollere, prædam indagare, & solem aduersis oculis intueri. Portat etiam pullos super alas: Exod. 19.4. illos videlicet, vel potius Ecclesiarum pondus in se sustinens. ac demum in aquilæ pennarum allegoria longior fieri potest ratiocinatio.

Verum vt ingenuè fatear, quid sentiam, tota hæc

A explicatio alarum mulieris ad Paulum & Barnabam concionatoria mihi potius, quam propria & literalis apparet. Contextus enim non alas mulieri tribuit, vt se per desertum inferat; sed vt in eodem deserto ad perfugij locum se recipiat. Nec verò timendum est, si minus hoc symbolum attigerit Paulum, ipsum absque peculiari sui mentione in Apocalypsi prætermisum iri. Nam in alijs locis honorificentissimè sub alijs symbolis significatur; vt postea perspicuè constabit, capite decimo sexto, in plaga prima & similiter c.17. & c.21.

## T E X T V S.

*Vers.15.* Et misit serpens ex ore suo post mulierem aquam tanquam flumen, vt eam faceret trahi à flumine.

16. Et adiuuit terra mulierem; & aperuit terra os suum, & absorbuit flumen quod misit draco de ore suo.

## C O M M E N T A R I V S.

Ingentes pisces aquæ copiam efflantes.

QVOD ad ideam attinet, non opus est eam ab aliqua re naturali desumi; id est, esse in rerum natura draconem, qui aquam ore emittat. Ingentes aliquos pisces tradunt magnam aquæ copiam fitulâ quadam euomere, & ex eis, quidam appellatur, *φυσήτης*, id est, flator; eo quod nimbosam quandam aquarum eluuiem efflando emittat. Vt plerumque etiam alueos nauigantium deprimat. Bellua est miræ magnitudinis, quam Itali appellant *Capitolium*, de qua Rondeletius l.18.c.14. Deinde Crocodilus dicitur etiam aquam in ipsam viam eijcere, vt homo collabatur. Est enim humani corporis audissimus, de quo Marfilius de aqua benedicta folio 93.

Ribera contemplatur, hunc fluuium, quem draco ore euomebat, considerandum esse instar fluctus accedentis & recedentis: sic enim deseruiet ipsius draconis auditati deuorandi faminam. sed suprâ iam vidimus, dæmonem de mulieris deuoratione desperare; id tantum conari, vt eam insectaretur, vexaret, ac discruciaret. Quamobrem aptius & simplicius est, si asseramus draconis fuisse mentem, vt fluminis torrens mulierem corripere, ac demergeret; vel saltem ex spelunca extraheret: id enim videtur ijs verbis innui, *Vt eam faceret trahi à flumine*. Nam cum intra specum dæmon eam videatur infestare non posse; aptissimè effingitur, effuso aquæ flumine, illam ex specu velle extrahere.

Vt verò ad significationem deueniamus; in Scriptura quidem compertum est, persecutionem ingentem significari per inundantem fluuium. Iege Isaia 8.7. Ieremix 46.8. Ps. 92.3. Ps. 123.4. *Forstian aqua absorbuisset nos.* Et Cant. 8.7. *Nec flumina obruent illam.* Quæ locutio siue phrasidis apud prophanos etiam Poetas communis est. Ex quibus Homerus fingit bellum, quod fluuius Xanthus Achilli inferre tentauit.

Obijciat tamen quispiam; quanuis per fluuium mulieri impendentem aptè figureretur persecutio; cum verò fluuius hic ex draconis ore eruperit, necessarium est, ne de qualibet persecutione explicetur; sed de illa, quæ idoneè consideretur ex ore procedere: eiusmodi esset Philosophorum doctrina, & Oratorum eloquentia. Nam simili ratione gladius ex ore procedens ca.1.16. & ignis ex ore duorum testium capite 11.5. Ranæ item ex ore draconis & Bestiarum cap.16.13. Hæc inquam omnia ad doctrinam referuntur. Similiter ergo in fluuiio ex ore draconis procedente philosophandum erit. Deinde, flumen est appositum symbolum sapientiæ & eloquentiæ. Quare fluuius ex ore draconis humanam eruditionem atque eloquentiam, quam draco opposuit Euangelio, congruenter denotabit. Tertio, si seriò inspiciamus, quod in hoc dæmonis bello per Gentes Ecclesiæ illato accidit, comperiemus sanè, prius hoc bellum per verba, deinde per opera ipsa atque cruciatus fuisse gestum. Initio enim priusquam ad tormenta ac cades ventum esset, dæmonis calliditas nitebatur humanæ sapientiæ atque eloquentiæ viribus doctrinam Euangelicam superare, & tanquam stultam ac ludicram irridere. Id enim est, quod Paulus ait, nimirum Euangelium ab se prædicatū esse Gentibus stulticiam. Porro certum est, interdum per Oratores ac Philosophos, interdum per ludibria & illusiones, nonnunquā etiam per mellitam ac suauem loquendi copiam Ecclesiæ dæmonem peracriter intulisse bellū. Quāobrem, cum Apostoli non fuerint concionati in sublimitate sermonis, nec fucatis verborum

Ingentem persecutionē in Scriptura per fluuium inundantem designant. Verum hic draconis fluuius humanā significet eloquentiā proponitur sententia affirmans.



**A** pigmentis ac lenociniis; cumque ipsorum doctrina, si externa consideretur species, non admodum esset splendida & popularis; mirum non est, dæmonem principio contendisse, vt profana eloquentia torrens Euangelicam prædicationem exsorberet, & opprimeret rapidissimi instar fluminis; quod solitas ripas prætergressum obuia quæque secum trahit. Itaque hæc videtur extitisse prima persecutio à Gëtibus in Euangelium concitata: & propterea textus videtur asserere, vbi primum dæmon fuit in terram deiectus, & faminam aquilinis alis in locum perfugij concessisse asperxit; priusquam Romani Imperij potentia, per maris Bestiam denotata Euangelio sese opponeret, draconem ex ore euomuisse aquæ fluium, quo faminam adoriretur; vt hoc pacto mundana eloquentia flumen faminam deuolueret, atque corripere; quemadmodum lignum aliquod, siue arbor solet ab effuso torrente deferri. Ea enim videtur esse vis græcæ vocis *ποταμοφορητον*.

**B** Nihilominus hæc explicatio nulla mihi ratione probatur. Primò, quia bellum, quod per mundanam eloquentiam consideratur aduersus Euangelij doctrinam esse gestum, quamuis reapse demonis instrumentum extiterit, quo ipse Gentilium non paucos falsa verborum titillatione pelliceret; non tamen tanti fuit, vt inter persecutiones in viros Apostolicos coortas debeat recenseri. Ipsi enim Christi sectatores non eiusmodi erant, qui humana sapientia affluentiam Euangelio, eiusque doctrinæ contrariam magni admodum ducerent. Quare dæmon ipse non aded desipiebat, vt existimaret, humanam eloquentiam & eruditionem fuisse satis, vt per eam veluti effuso flumine, Ecclesiam primogenitam siue Apostolicos viros pertraheret. Secundò ad sapientiam huiusmodi humanam figurandam minimè est ad rem fluius ex draconis ore exiliens. Tametsi enim humana eloquentia rite comparatur fluuiò, eiusmodi tamen fluius est, qui ex sapientium & eloquentium hominum ore, non ex ore dæmonis procedit. Tertio, hæc declaratio non bene consonat cum subsequentibus: dicitur enim, *Terra aperuit os suum, & absorbit flumen, quod misit draco de ore suo*. Nam licet aliqui contemplantur hic floridam illam eloquentiam, quæ quondam in toto orbe vigeat (vt Demosthenis, Ciceronis, & aliorum) quasi à terra dehiscente fuisse exhaustam atque absorptam: non tamen rectè consideratur, eloquentiam illam, ne Euangelio euaderet superior, Diuino consilio fuisse à terra deuoratum. quasi verò Euangelij prædicatione non aliter posset humanam eloquentiam excellere. Vanum hoc est, & pusilli animi, ac nimium humanam eloquentiam timentis. Nec video, quænam apta interpretatio possit assignari illis verbis, quibus textus ait, flumen à terra fuisse absorptum; si per flumen humana eloquentia atque sapientia figurentur. Præsertim cum addatur huiusmodi deuorationem fluminis mulieri adiumento fuisse. Quartò, postquam textus asseruit, dæmonem apud se decreuisse mulierem infectari; non rectè consentit, huiusmodi oppositionem humanæ eloquentia primo loco designari, quasi magnam persecutionem, & quasi flumen ex ore dæmonis emissum. Næ exaggerationem hanc sapientia Apocalypscos indignam planè reputarem.

**C** Mea igitur sententia est, per flumen hoc ex ore draconis procedens significari Neronis persecutionem in Christianam Ecclesiam, & præsertim Euangelicos concionatores commotam. Cui significationi mirificum est symbolum fluminis ex draconis ore emissi. Atque imprimis miro artificio Apocalypsis hac distinctione persecutionem Neronis (quæ fuit prima) ab aliorum Imperatorum persecutionibus discriminauit; vt scilicet persecutionem Neronis proximè dæmoni tribuat, aliorum verò persecutiones ipsis attribuat Imperatoribus. Cuius discriminis ratio est; quia Nero fuit veneficij & incantationibus addictissimus, atque vt Plinius lib. 30. cap. 2. *Veneficorum omnium, quotquot vnquam existerent, maximus, qui dæmones de qualibet suspitione consulebat*. Et propterea Simon Magus tanta apud illum gratia pollebat. Satis ergo credibile fit, persecutionem à Nerone excitatam, ab ipsius dæmonis responso duxisse originem. Quare edicta ac leges omnino impiæ, quas Nero in Euangelium promulgauit, eleganter representantur, quasi ex draconis ipsius ore processerint: atque aded rapidissimum illum persecutionis fluuium Ecclesiæ imminentem multò aliter extitisse, ac persecutiones reliquas, quas stimulabat, & vrgebat dæmon, qua ratione homines solet ad peccatum inducere: sed potius expresso dæmonis oraculo hanc Neronis pugnam in Christianos sæuisse. Quamobrem oppugnationes reliquæ, & machinæ in Ecclesiam intentæ Bestiæ maris capitibus: hæc verò Neronis, draconi ipsi proximè tribuuntur.

**D** Hæc interpretatio non parum accipit roboris ex propria significatione Bestiæ maris cap. 13. Ibi enim, (vt videbimus) supponitur, primam Neronis persecutionem iam præcessisse: descriptio enim persecutionum c. 13. initium sumit à re illa mirabili, quod primum Bestiæ caput reuiuisceret; quod perinde est, ac dicere, Neronis persecutionem tunc instaurari; id est, Imperatores deinceps succedentes, quasi ab inferis reuocasse, & excitasse Neronianam rabiem contra Christi nomen.

**E** Constat ergo ex his ad argumenta pro priori expositione allata. Ad primum enim, quemadmodum gladius ex ore Christi procedens refertur ad doctrinam, sic etiam flumen ex draconis ore erumpens refertur ad edicta & persecutionem, quæ dæmon Neroni non inspirauit solum, sed etiam expressit. Ad secundum. Fluius non minus aptè deseruit ad significationem persecutionis, quam eloquentia, vt supra ex multis Scripturæ locis ostendimus, præsertim cum ipsa contextus series non obscure de persecutione agat. Ad tertium. Oppositio ac repugnantia, qua Gentes per humanam sapientiam ac eloquentiam Euangelio obstiterunt, minoris fuit momenti res, quam vt inter grauiiores Ecclesiæ persecutiones locum habeat.

**VT EAM FACERET TRAHĀ FLVMINE.]** Hoc est vt ipsam perturbaret, & à parta tranquillitate ac pace deijceret, vt ex superius dictis liquet. Id enim denotat draconis conatus, quo eam e refugij loco extrahere laborabat.

**ET ADIUVIT TERRA MVLIEREM.]** Sæpè iam diximus in terra affectiones terrenas figurari. Et quidē qui Neronē occiderūt, id nec propter diuinū obsequiū, nec propter veræ religionis defensionē præstiterunt, sed solum propter suas terrenas cupiditates. Aut si terræ nomen (vt sæpè in Scriptura)

*Refutatur superior sententia.*

*Quid significet fluius ex draconis ore procedens.*

*Nero veneficij addictissimus.*

*Cur Neronis persecutio specialiter per hunc draconis fluuium figuretur.*

*Respondetur argumentis pro prima expositione adductis.*

*Verf. 10. Quid hic nomine terræ innuat.*



Quomodo  
terra muli-  
erem adiu-  
uerit.

referatur singulatim ad eam ciuitatem, de qua agitur: Romani Gentiles, qui de medio Neronem sustulerunt, terrestribus affectionibus & cupiditatibus tenebantur; qui tamen in Neronis cæde non nihil Ecclesiæ adiumento fuerunt. Occiso enim Nerone, & ipsius edictis abrogatis, persecutio illa eius iussu cœpta finem fecit. Id quod significanter figuratur, dum dicitur terra fluium ex dracone procedentem absorbuisse. In quo fortasse allusio fit ad id, quod in locis aliquot cernitur; vbi fluius interdum in terra ipsa per spatium aliquod, siue etiam leucas ita demergitur, vt prorsus non appareat. Quod in Anate vltioris Hispaniæ fluius experimentoprehendimus.

## TEXTVS.

*Vers. 17.* Et iratus est draco in mulierem; & abiit facere prælium cum reliquis de semine eius, qui custodiunt mandata Dei, & habent testimonium Iesu Christi.

## COMMENTARIVS.

Qui sint  
reliqui de  
mulieris se-  
mine, qui-  
bus draco  
bellum in-  
tulit.

**N**ERONIS persecutio simul cum ipsius morte finem fecit: non tamen dæmonis ira contra primogenitam Ecclesiā, eiusque filios. Quapropter desperans dæmon se posse primogenita Ecclesiā, aut filio primogenito superiorem euadere: statuit generale bellum suscipere, hoc est, non solum aduersus vnam Romæ Ecclesiā (quæ est primogenitus matris Sionis filius) verum etiam aduersus peculiāres omnes Ecclesias, qui sunt Sionis etiam filii natu minores: ac demum aduersus eos omnes, qui spiritali generatione à matre Sione, id est, ab Ecclesiā primogenita genus ducunt. Et quidem primorum Christianorum vita atque institutio tunc erat huiusmodi, vt Ioannes de illis generatim dicat, *Qui custodiunt mandata Dei, & habent testimonium Iesu Christi*. Semper tamen maximi alicuius cœtus, siue numerosæ hominum multitudinis laudes patiuntur aliquam exceptionem propter singularis cuiuspiam defectum. Sub nomine autem mandatorum Dei continentur, quæ ad fidem, spem, ceterasque virtutes spectant. At habere testimonium Iesu Christi, videtur hic quidem esse, quasi Christi chirographo testatum habere, illa esse vera Dei mandata; quæ qui custodierit, æternā felicitatem consequatur. (Vide 1. Ioannis 5. 10.) Aut quod magis ipse probo, *Testimonium Iesu Christi*, in hoc loco est, manifesta Christi approbatio in maximis beneficiis, quibus eos afficiebat; dum vires illis suggerebat ac robur, & miranda per eos opera patrabat.

Sermonem  
hic esse de  
alijs prima-  
ria Ecclesia  
filijs ad di-  
stinctionem  
primogeni-  
ti.

Porro in hoc versu notandum est valde, sermonem non obscure esse de alijs primogenitæ Ecclesiæ filiis ad distinctionem filii primogeniti, *qui relictus erat omnes gentes in virga ferrea*. Ex quo patet, primogenitum filium non esse vniuersalem Ecclesiā, sed peculiarem quandam, quæ inter reliquas obtineat principatum. Et quamuis de dracone dicatur, *Abiit facere prælium cum reliquis de semine mulieris*: non perhibetur ideo ipse à bello contra filium primogenitum inferendo abstinuisse: sed decreuisse simul generali bello vndique concitato non primogenitum modò filium, sed omnes pariter mundi Ecclesias, & vniuersos homines Christianæ fidei professores adoriri. In quo etiam innui tacite videtur, persecutionem per flumen à dracone emissum indicatam, non ita fortassis communem & generalem extitisse. Id quod colligitur ex iis, quæ Baronius recenset anno Christi 60. agens de Neronis persecutione, & referens, quæ de illa tradunt Tacitus, Tertullianus, & alii. Non enim significant, eam persecutionem fuisse in toto Imperio vniuersalem, sed peculiarem Romæ, nec non sub eo prætextu cœptam, quoddam Christiani falsò insimularentur ignem ad Romam comburendam admouisse; vt hoc pacto Nero ipse à suspitione excitati incendii se purgaret. Quamuis non propterea negandum sit, eam ipsam persecutionem postea ad alias prouincias fuisse extensam.

Neroniana  
persecutio-  
nis initium  
non toto Im-  
perio com-  
mune, sed  
Roma pecu-  
liare fuisse:  
& quo præ-  
textu cœpe-  
rit.

**ABIIT FACERE PRÆLIUM.]** Huiusmodi prælium, siue generalem persecutionem, quæ hisce verbis denotatur, perspicuum est illam esse, quæ describitur capite decimo tertio à dæmone fuisse commota per maris Bestiam, & Bestiam terræ. Ideo enim mox additur, dæmonem inter mare & terram, nempe in maris littore ad hoc bellum capeffendum constitisse.

## TEXTVS.

*Vers. 18.* Et stetit super arenam maris.

## COMMENTARIVS.

Vtrum hic  
Stetit, an  
Steti: regem-  
um sit.

**R**IBERA §. 43. & Viegas sectione 22. fine, aiunt, frustra laborare interpretes in exponendo, cur draco super maris arenam stetisse dicatur; cum non sit legendum *Stetit*, sed *Steti*, in prima persona. Probant, quia Græcè legitur *ἵσθλω*. Et apud Aretam atque Andream legitur *Steti*, & in



A Compl utensi etiam editione. Citant etiam pro se Rupertum & Erasmus; aiuntque hæc verba pertinere ad caput 13. vt videre est in Andrea, Areta, Ruperto & Richardo. Probant præterea ex contextu; quia Ioannes statim subdit, se vidisse Bestiam de mari ascendentem: atque ita optime coheret, Ioannem ad hanc visionem supra maris arenam constituisse.

B Existimo autem, omnino legendum esse *Stetit*, in tertia persona: atque adeo de dracone hic esse sermonem. Sic enim legitur in Biblijs omnibus correctis, & in vltima editione Vaticana; nec Biblia reperientur alia typis excusa, in quibus legatur *Steti*; vnus Complutensibus exceptis. Et in ijs ipsis post vocem *Steti*, sequitur paruum T. vbi coniectari potest per typographi inconsiderationem huiusmodi errorem irrepisse. Ex interpretibus autem, vnum Rupertum constat legisse, *Steti*, in prima persona; qui verbum hoc de Ioanne interpretatur. Ex Andrea verò, & Areta commentarijs nihil potest certo inferri; quia nihil peculiare notant super ea verba. Quamobrem licet in eorum textu impresso legatur, *Steti*; fortassis est aut error interpretis, aut mendum præli. Ceteri expositores legunt omnes, *Stetit*, & ad draconem referunt. Illud verò argumentum, quod aliqui ex hoc versu caput 13. auspicentur, nihil probat. Communis namque diuisio hunc versum capiti 12. adscribit. Atqui in diuisione communi locum non habet *Steti*, in prima persona. Quin imò licet caput 13. his verbis incipiat; non tamen perperam legetur, *Stetit*, in tertia persona; vt patet ex Richardo, & clarius infra constabit.

Quod attinet ad Erasmus, miror illum à Ribera, & Viega pro sua opinione adduci, cum ipse nō legat *Steti*, sed *Stetit* in tertia persona. Eito tamen legeret in prima; non tanti est, quem tutò sequi possis, ommissa communi & recepta lectione. Iam quod affertur ex Græco, facili negotio diluitur; qui enim ex Græco transferunt, (vt Erasmus, Vatablus, Arias, & Biblia Regia) legunt omnes in tertia persona; indicium sanè non obscurum, fortè in græcis libris correctionibus non legi, ἐσθλῶ, sed ἐσθλῆ, quod est, *Stetit*, vel *collocatus fuit*. Aut forsan ἐσθλῶ potest tertiæ personæ deferui addito in fine dictionis ν, eo quod sequatur vocalis, qua ratione sæpe ponitur λέγουσιν, pro λέγουσι. Et quauis grammatici asserant non addi, ν, in fine dictionis nisi post ῶτα, vel ῖψυλον, in verbo tamen substantiuo saltem dicitur ἦν, ἦς, ἦν, ita vt habeat ν, in tertia persona. Forsan ergo similiter id potest extendi ad verbum ἐσθλῶ, vel ἔστημι, quod significat *stare*, & est quasi substantiuum.

C Denique communi lectioni insistendum est; & ab illa nemo, opinor, recederet; nisi interpretationis difficultate abreptus. Sed fortassis ea difficultate superata, mysterium ipsum in his verbis inclusum planè ostendit, veram lectionem esse, *stetit*, in tertia persona. Atque vt ab ipsa ænigmatis figura incipiamus; quis non videat in his duobus capitibus 12. & 13. repræsentari coniurationem quandam monstrorum trium in Ecclesiam conspirantium; nempe draconis è cælo dilapsi, Bestiæ maris, & Bestiæ terræ? In hac ergo figura liquidò constat, maris Bestiam esse quasi præcipuū maris ducem & imperatorem, & Bestiam terræ esse etiam terrestrium copiarum ducem: draconem porro esse communem tam terrestribus exercitus, quàm naualis imperatorem. Quare proprius illius locus est inter mare ac terram, & in ipso maris litore. Hoc ergo indicat textus, cum ait, *Et draco stetit super arenam maris*. Adhæc, quemadmodum maris Bestiam textus depingit in mari, & terræ Bestiam in terra, ita etiam amphibium animal rectè in maris litore constituitur. Serpentes autem videntur ferè omnes ex amphibiorum esse genere, de quo Virgilius in Georgicis.

D Sed accedamus iam ad mysterium. In cuius inuestigatione notandum primò est, generalem Ecclesiastici exercitus Imperatorem (nempe Christum) ab Apocalypsi collocari in maris litore. Nam vt vidimus capite decimo, figura illa Angeli fortis pede altero mare, altero terram prementis Christum Dominum repræsentat. Si ergo Christus ideo pedem alterum in mari tenens depingitur, quia Euangelij ad Gentes prædicatio eò ingreditur; si dæmonis item intentio eò fertur, vt prædicationi Euangelicæ mare ineunti obstitat; quæ posset statio illi congruentior designari, quàm maris littus; vt Christi studio & contentioni repugnare tentaret?

Secundò notandum est, draconis situm consultò in sacra fictione fuisse eiusmodi destinatum, vt draco ipse inde vtramque maris & terræ Bestiam prensare, & sollicitare posset; quò prælium aduersus Christianam Ecclesiam initum acriter & ardentè vrgerent. Quamobrem, cum draco è cælo in terram fuisse lapsus dicatur; congruenter satis in eo situ depingitur: vt suo inde sibilo atque halitu pestilenti vtramque simul Bestiam ad prælium accenderet & inflammaret.

E Tertio notandum est, Neronis persecutionem mirifice (vt diximus) fuisse figuratam veluti bellum, quod dæmon per se ipse immediatè gerebat. Quo significatur Neronem expressa ipsius dæmonis cohortatione atq; responso (quod vtpote insignis veneficus in omnibus consulebat) animum ad bellum illud appulisse. Quæ verò persecutiones ab alijs Imperatoribus ethnicis post Neronem excitatæ sunt; hæc describuntur capite decimo tertio veluti prælia, quæ Imperium ipsum eiusque ministri aduersus Ecclesiam committebant; non verò dæmon per se ipse proximè, sed illorum interuentu ac ministerio. Quippe in hisce præliis dæmonis iussu expresso non capiebatur exordium: quamuis reuera ipse etiam fuerit in illis præcipuus hortator & auctor. Ad hoc ergo significandum congruenter fingitur draco in maris litore delitescere. Nam & colubri in arena latere solent, & ipsa maris arena aptum est symbolum innumerabilis multitudinis hominum; in latere solent, & ipsa maris arena aptum est symbolum innumerabilis multitudinis hominum; in quibus Euangelij semen nullum fert fructum. Certum autem est, eos omnes, qui obstitabant Euangelio, esse infinitum stultorum numerum; in quibus Euangelij semen sterile reddebatur. Atque vt denotetur, infideles vtpote mundanos & obduratos, ac nullius stabilitatis aut firmitudinis, nequaquam permittere, vt Euangelij sementis in eorum animis radices ageret; ad hoc inquam aptissima est arena. Primò, propter infinitum numerum: huic enim significationi sæpe maris arena accommodatur in Scriptura: & expressè iam habemus Apocal. 20. 7. vbi dicitur, *Quorum numerus est sicut arena maris*. Secundò propter duritiem. Tertio, propter vnionis defectum. Sunt enim impij, vt arenæ maris, inter se minimè coherentes, siue vt arena sine calce (quod aiunt.)

Vaticanæ  
editionis  
lectio præ-  
fertur.

Quid du-  
plicis hoc c.  
12. & 13.  
contineatur.

Cur draco  
in maris lit-  
tore stetisse  
dicatur,  
quod atti-  
net ad figu-  
ram.

Item quod  
attinet ad  
mysterium,  
seu signifi-  
cationem.

Discrimen  
inter Nero-  
nianam per-  
secutionem  
& reliquas  
subsequen-  
tes.

Quid de-  
notetur per  
arenam, in  
qua draco  
constitit.



Quartò, propter sterilitatem; nec enim potest arena ferre fructum, nec semen sibi commissum reddere. Quintò, arenæ duritiei additur emphaticòs genitiuus ille *Maris*. Nam præterquam quòd arena ex se sterilis ac dura est, assidua ipsa marinæ vndæ eluvio illam magis adhuc fructus expertem reddit. Id quod omnino accidit impijs hominibus, quibus præter natiuam rigentis cordis duritiem, adiungitur noxia illa affectio ac lues, quam ex mundi commercio & contagione trahunt, nec non ex falsa aqua, qua frequenter alluuntur, hoc est ex eo quòd deprauatis mundi legibus ac moribus fubiaceant. Hi ergo sunt, in quibus serpens antiquus se abscondit. Nam in persecutione ac repugnantia, qua impij Euangelium infestabant, haud dubie præcipuus dux atque suafor erat dæmon delitescens, veluti in arena, in infinita impiorum multitudine, quæ sese Euangelio opponebat. Facit pro hac explicatione, quod Origenes, Augustinus, & Hesychius notant, nempe arenæ simbolo impios denotari steriles atque terrenos. Atque in maris arena plus adhuc energiæ habet hæc significatio, vt ex dictis liquet. Quare communis expositio est de impiorum multitudine.

Quartò notandum est, illam ipsam stationem, quam sibi elegit draco, esse aptam, vt denotet ipsius finem & scopum ad bellum inferendum tendere, vt patet ex phrasi latina, *Descendere in arenam*.

Vltimò nota, quamuis proxima maris Bestiæ significatio sit imperii potentia atque superbia, & significatio proxima Bestiæ terræ sit industria sapientiæ carnis, quæ magnum illud persecutionis incendium excitabat: in his tamen duabus Bestiis denotatur etiam, in altera quidem hostis animæ, quem mundum appellamus, in altera, caro, quæ alius est hostis. Et inter hosce duos est dæmon interiectus, qui sese Euangelio ac veræ pietati opponens, contendit vtriusque aduersarii vires atque exercitus aduersus Christum, eiusque Ecclesiam conflare. Quamobrem draco in maris littore, quasi medius interpositus fingitur, vt vtramque Bestiam ad huiusmodi bellum pelliciat. Præterea cum mundi atque carnis bellum terra, marique geratur, hoc est, extrà & intrà: quid congruentius, quàm draconem ipsum huiusce belli & nefandæ amicitie conciliatorem in medio consistere? Hoc enim bellum in eo potissimum situm est, vt mundi potentia extrà, & intus sapientia carnis aduersus Christianam fidem machinas omnes admoueant. Quare dæmon conspiracy huius auctor, rectè inter vtramque medius collocatur, vt ambas ad bellum excitet atque accendat.

Bestia maris & bestia terra significatio.  
Cur draco inter maris ac terra bestias interiectus fingatur.

## C A P V T X I I I .





Don Juan de los Rios



*Disputatio de huius capituli argumento.*

**T**O T V M hoc caput ad duas reducit Bestias; maris alteram, alteram terræ. Quapropter præcipua eius difficultas in eo sita est, ut quæ sint huiusmodi Bestiæ diligenter inquiramus, atque explicemus. Distinctionis autem gratia de singulis seorsum agemus.

*De Bestia maris.*

**B**ESTIAM maris alij inferorum dæmonem esse autumant. Alij impium quendam hominem omni scelere & improbitate insignem. Alij peculiare quoddam imperium. Alii denique vniuersam improborum hominum multitudinem.

*§. 1. An sit Dæmon?*

*Marinam  
Bestiam de  
dæmone re  
ctè explica-  
ri non posse.*

**I**N applicatione ad dæmonem occurrit protinus in ipso textu repugnantia; videlicet, quia draco marinæ Bestiæ dedit suam virtutem & potestatem amplissimam. Quamobrem, cum draco manifestè dicatur esse dæmon; si maris Bestia dæmonem similiter agit, sequitur inde dæmonem dæmoni suam tradidisse potestatem. Hoc argumento constricti nonnulli (ut refert Aretas) in eam abiire sententiam; ut dicerent, hanc Bestiam esse dæmoniorum secundum; hoc est, non Satanam, qui princeps dæmoniorum est; sed dæmonem alterum inferiorem Satanæ, & ceteris dæmonibus superiorem. Ridebunt (opinor) Theologi: sed magis miror fuisse, qui existimarent hanc maris Belluam esse ipsum dæmoniorum Principem. Quam expositionem confusè tradiderunt Haymo, Albertus, & alii; & distinctè amplectitur noster Pineda, Iob capite 40. versu 10. §. 1. & prius etiam indicauerat, eam sibi non displicere Iob 18. versu 15. §. 6. Libenter hoc omitterem, ne viderer in magno & pulcherrimo opere narium carpere; nisi censerem venerationem debitam textui asserenti draconem dedisse potestatem suam magnam Bestiæ maris, nos cogere, ut dicamus applicationem illam Bestiæ marinæ ad dæmonem, non posse esse explicationem textus. & quanto maior est auctoritas eius, quicquid sequitur applicationem, tanto maior erat periculum existimandi eam esse solidam explicationem. Existimabit fortè aliquis eam applicationem in eo niti, quod Bestia marina Apocalypseos respondet Leuiathan Iobi, quem multi, iique graues auctores de dæmone interpretantur.

Ceterum ad huiusmodi suspicionem respondeo, allusionem quidem marinæ Belluæ ad Leuiathan esse certam, ut infra ostendam: in Leuiathan verò explicatione minimè contentos nos esse debere, si illum de dæmone exponamus. Nam ex Apocalypseos allusione perspicue colligitur, quæ ratione dicitur draco suam marinæ Bestiæ dedisse potestatem; eadem etiam, potestatem hanc concessisse Leuiathan. Et quamuis primo aspectu videamur in distinctione Leuiathan à dæmone communi declarationi repugnare; suo tamen loco videbimus, permagni esse æstimandam lucem eam, quæ ex Apocalypsi in Leuiathan Iobi refunditur; nec non auctores omnes, qui Leuiathan ad dæmonem applicant, eo vel maxime fundamento, & quidem satis vero, fuisse subnixos; quod scilicet descriptio Leuiathan allegorica est (licet aliquis hoc non existimauerit valde solidum) & in eo bello, quod Deus gerit aduersus Behemoth & Leuiathan, cum dæmone pariter pugnat. Nihilominus tamen, neque Leuiathan, neque Behemoth sunt ipsi dæmones, sed cum dæmone foederati; ad eum modum, quo in Apocalypsi Bestiæ maris & terræ cum dæmone conspirant, à quo tamen distinctæ sunt. Et Apocalypsis quidem nobis quasi viam reserauit, ut dignoscere possemus, quinam sint Behemoth & Leuiathan, de quibus libro 6. latè dicemus.

*§. 2. An Bestia maris sit Antichristus?*

*Virum ma-  
ris-Bestia sit  
Antichri-  
stus?*

*Proponitur  
sententia  
affirmans.*

**S**EQVITVR ea opinio, quæ maris Bestiam de quodam homine omnium flagitiorum turpitudine infami interpretatur. Quem alii Lutherum esse putant, ut Lindanus libro tertio dubitantis.) Alii Genfericum. Alii Mahometum, (ut Antoninus, Ioannes Annius, Hentenius, Genebrardus, Euthymius, Cedrenus, & Zonaras.) Alii Siroem, siue Sirum Cosdroæ Persarum Regis filium (sic Lyranus, Ederus, Lizarazus, & Sotus 4. distinctione 49. quæst. 1. a. 2.) Alii denique complures o-  
pinantur, per Bestiam marinam Apocalypseos propriè & directè Antichristum figurari; cuius per-  
secutio erit omnium, quotquot Christiana Ecclesia habuerit, maxima. Atque hanc expositionem  
nonnulli aded certam esse putant, ut de illa dubitari omnino non possit. Sic censet Maluenda lib.  
quarto de Antichristo capite decimo octauo, & Ribera hic cum aliquot aliis. Rigidæ huius cen-  
suræ fundamentum est; quia plurimi sunt Patres, qui hanc maris Belluam ad Antichristum refe-  
runt, ut Irenæus, Tertullianus, Hippolytus, Ephrem, Prudentius, Gregorius, & Prosper. exposi-  
tores verò (ut aiunt) ferè omnes, ut Ambrosius, Haymo, Methodius, Andreas, Aretas, Rupertus,  
Albertus, Thomas, Pannonius, Gagneius, Seraphinus.



A Verum enim verò, vt expositio aliqua pro certa & indubitata reputetur, non satis est, multos illi subscribere : si tamen sunt adhuc graues auctores, qui oppositam sententiam amplectantur. Equidem si recensamus auctores, & vtrorumque auctoritatem aequali lance expendamus; profectò nec numero sunt, nec grauitate inferiores, qui illi de Antichristo expositioni sese opponunt, quos ipse paulo post referam, vt hi cum illis possint conferri. Nec verò lectorem effragito, vt mihi in hac parte fidat, sed auctores ipsos peruideat; ita enim ipse præsili. Cum autem omnes, quos pro se affert Maluenda, singulatim consuluissem, reperi eorum aliquos Diui Augustini vestigijs insilere, & opinionem sectari; qui maris Bestiam explicat de impiorum multitudine; ex quorum albo sunt Primasius, Beda, Richardus, & Albertus, quos Maluenda pro sua de Antichristo expositione adducit. Alij adeò confuse & promiscuè loquuntur, vt vtram sectentur viam, discernere omnino nescias. Ex his sunt Haymo, Albertus, atque alij; qui referunt explicationem de Antichristo & de Dæmone, nec non eam, quæ maris Bestiam de imperiorum multitudine exponit; & cum vtramque pariter complecti velle videantur, nullam firmiter tenent.

*Expenditur eorum auctoritas; quos pro hac sententia referuntur. Ac primo de expositionibus agitur.*

B Venio ad Patres, qui pro illa opinione citantur à Maluenda. Atque imprimis eorum aliquos certum planè est fuisse Millenarios; & quanuis id ad res alias illis auctoritatem non derogat, in hac certe non illis admodum fiderè debemus. Nam huius explicationis difficultas in eo vel maxime sita est, quòd ex eius assertione sequatur, mille pacis annos Ecclesiæ subsequi post Antichristi bellum; id quod Millenarij nequaquam dissonum aut dissentaneum reputabant. Quæ ergo prudentia est, in re adeò difficili eorum opinione niti ac fidere, qui difficultatem ipsam non cerunt; quia sibi verum esse persuadent, quod Ecclesia erroris damnauit. In hac igitur quæstione, Vtrum Bestia maris Antichristus sit, nulla habenda est ratio, (opinor) Irenæi, Tertulliani, Lactantij, Apollinaris, Iustini, Papiæ, nec alterius cuiusque ex Millenarijs. Hi enim dum eum errorem sectantur, non admodum laborant de difficultate magna, quæ mox in ipso contextu sese obijcit, videlicet exitum belli ab vtrâque, maris & terræ Bestia gesti aduersus Ecclesiam, esse victoriam ipsius Ecclesiæ, & mille pacis annos.

*Deinde Patribus.*

*Millenariorum auctoritatem hæc in parte fideri non facere.*

C Respondebit tamen Ribera, difficultatem hanc prorsus desinere; si præstituamus, in Apocalypsi nullum ordinem, aut Prophetiæ seriem obseruari; hanc enim esse Prophetarum consuetudinem. Verum id, quod videtur Ribera deuorandum, nec deuorabant Millenarij in Apocalypsi: nec deuorabit, qui viam aliquam inuenerit ad totam Apocalypseos acoluthiam aptissime absque vlla anticipatione vel saltu, vel ordinis peruersione declarandam. Nec enim aut Ribera, aut qui libet alius ire inficias potest; quin si id fortè reperiatur, ordinis peruersio fuerat idcirco conficta, quia vera intelligentia nondum inuenta erat. Quamobrem, quia diuino numine fretus spero, me totam Apocalypsin seruato historiæ ac mysteriorum ordine expositurum; existimo plane ordinis peruersionem, quam alij deuorare non dubitant, violentam prorsus atque coactam esse. Et certè cum vel Millenarij ipsi hanc rerum permissionem & confusionem minimè admitterent; eorum abuti auctoritate ad ea amplectenda, quæ ipsi respuebant; id profectò non aliud est, quàm difficilis ac salebrosæ viæ illos assumere duces, qui ad difficultatem agnoscendam omnino cæcutiunt.

*Rerum transgressionem & ordinis perturbationem in explicatione Apocalypseos non rectè admitti.*

D Et quanuis in alijs Apocalypseos nodis non admodum contextum vrgeret, atque peruerteret, qui saltus eiusmodi & transgressionem admitteret, in hac saltem re huiusmodi perturbatio ordinis expressam, & coactam satis violentiam præ se fert. Textus namque ipse clarè indicat, horum capitum bellum eo demum exitu finiri, vt duæ Bestiæ in stagnum ignis præcipientes detrudantur: & draco præcipuus belli auctor in quodam puteo per mille annos constringatur; vnde soluat postea, & bellum in Ecclesiam redintegret. Quam rerum ordinem ac seriem qui neget, nã ille meridianam neget lucem.

*In hac præsertim Apocalypseos parte quàm de decent qualibet ordinis confusio & inconsequenter.*

E At enim (inquies) quantunvis licet eum ordinem admittamus, potest adhuc consequenter asseruerari, maris Bestiam esse Antichristum; vt tuentur Pannonius, Seraphinus de Fermo, & Bulingerus (forfan ex Ioachimo, Vbertino, & Hortulano) qui mille pacis annos mysticè exponunt; & applicant ad pacem, qua Ecclesia post Antichristi interitum fruetur. Quin imò affirmare non dubitant, bellum Gogi & Magogi non esse illud, quod antonomastice bellum Antichristi vocatur, sed aliud post Antichristi ipsius mortem, & post mille illos pacis annos futurum. Ceterum vt meum hac de re sensum exponam, hæc mihi non expositio, sed somnium potius ac merum figmentum visum est. Ex quorū auctorum insolita explicandi ratione illud saltem elicio, videlicet quantopere illos vrserit, atque impulerit ipsemet rerum ordo, quem Apocalypsis in horum capitum bello relictis, & in mille pacis annis, atque in Gogi & Magogi bello obseruat: siquidem vt illud tueri censendo, & in mille pacis annis, atque in Gogi & Magogi bello obseruat: siquidem vt illud tueri possent atque defendere, quod affirmauerant de Antichristo per maris Bestiam figurato, quodammodo in Millenariorum errorem prolapsi sunt: dum mille annorum pacem post Antichristum, & ante Gogi & Magogi persecutionem inferuerunt; pacemque ipsam mille annorum ad violentissimam allegoriam reuocarunt.

*Mille pacis annos, de quibus Apocalypsis, Antichristi bello debere præcedere.*

Mihi quidem dubia & incerta confingere fas non est. Video autem in communi ac recepta Theologorum doctrina, mille pacis annos, de quibus Apocalypsis, in Antichristi persecutione terminari: vt docent Augustinus libro vigesimo de Trinitat. capite septimo, Gregorius libro 9. Moralium capite primo, & lib. 35. cap. 20. Primasius, & Beda in Apocalypsin, & grauissimi quique interpretes. Quamuis improbabile non existimem, Gogi & Magogi bellum, ac pacis perturbationem exordiri a bello hæreticorum huius temporis, vt Antichristi præcursorum: atque adeò totum hoc velut iproecium quoddam & inchoationem ad Antichristi bellum pertinere. Verum tum hoc velut iproecium quoddam & inchoationem ad Antichristi bellum pertinere. Verum tum hoc velut iproecium quoddam & inchoationem ad Antichristi bellum pertinere. Verum tum hoc velut iproecium quoddam & inchoationem ad Antichristi bellum pertinere. Quæ veritas difficillimam Imperium Religioni subiectum, & ante ipsius Antichristi aduentum. Quæ veritas difficillimam reddit marina Bestiæ explicationem de Antichristo, atque difficultatem hanc dignoscere Millenarij non poterant. Nam præter ipsorum errorem, qui mille annorum pacem (vt sonant)



Millenari-  
orū de ma-  
ris Bestia  
mentem, si  
recte inspi-  
ciatur, ad  
interpre-  
tationem  
Rom. Imper-  
ij satis in-  
clinare.

Quid re-  
spondendū  
sit ad Pa-  
trum aucto-  
ritatem, qui  
marinam  
belluam de  
Antichristo  
exponunt.

Quid do-  
expositorib.  
idem senti-  
entibus di-  
cendum.

Impugna-  
tur opinio-  
nes marinā  
bestiam ex-  
ponentes de  
singulari a-  
liqua perso-  
na.

constituebant, & primam iustorum resurrectionem post Antichristi aduentum, & ante diem iudicii collocabant, præter hunc inquam errorem, nondum ipsemet Ecclesiastica Ecclesiæ successus illos ab ea deceptione depulerat; cum tamen ex Ecclesiæ historia ac rerum successione constet euidenter, post Rom. Imperij subiectionem & euersionem idololatriæ, Christianam Ecclesiā mille pacis annis positam esse ante iustorum resurrectionem, & aduentum Antichristi. Itaque ipsa temporum series & ordo sæculorum euidenter ostendit, Antichristi persecutionem (quæ nondum aduenit) cum antiquis Romani Imperij ethnici persecutionibus neutiquam fore continuandam, ut falsò Millenarij putabant. Si igitur hæc Millenariorum opinio recte consideretur; facile mox constat, ab ea minimè dissentire illam expositionem, quæ per maris Bestiam Romanum Imperium ethnicum significaret. Extremum enim & immensissimum illius persecutionis, credebant ipsi persecutionem Antichristi fore. Quare seposito eorum errore, Millenarij, quos Maluenda & Ribera suæ fauere opinioni arbitrantur, dum maris Bestiam ad Antichristum referunt, re verà si eorum non verba solum, sed intentionem etiam discutiamus, ad eam potius inclinant sententiam, quæ maris Bestiam de Romano imperio Idololatræ interpretantur. Quapropter Victorinus (qui ex Millenariorum numero est) expressè per Bestiam de mari ascendentem Romanum imperium & populum commissum intelligit. Itaque Millenarij (quorum testimonium est irritum ac nullum ad marinam belluam de Antichristo declarandam, quippe contextus difficultatem non explorarunt) ipsimet non de alio loquuntur Antichristo, ut ex eorum intentione pater, quàm de antiquo Romano Imperio Idolorum culturæ dedito. Id quod si Maluendæ ac Riberae satis est, nã in eandem omnes sententiam pedibus imus; nec opus erit ad nostram stabiliendam sententiam à Millenariorum errore auxilium implorare.

Dices, alij Patres (ut Gregorius) quos Millenariorum error nec leuiter aspersit, nihilominus affirmant, maris Bestiam esse Antichristum; cuius persecutio re ipsa mille pacis annos consequitur. Respondeo primò, ex antiquis Patribus à Millenariorum errore in tactis, qui marinam Bestiā de Antichristo exponant, esse perpaucos; & multo esse plures, qui in aliam descendunt sententiam, nec minùs graues, ut infra videbimus. Secundò: supra iam Gregorij verba retulimus; ex quibus liquet per Gregorium, & eius exemplum licere ijs, qui *seriatim* aliquem Scripturæ librum exponunt, discedere ab aliquorum Patrum explicatione, qui non *seriatim* exposuerunt. Tertiò; illud mihi imprimis probatum est, per maris Bestiam non directè & propriè illum denotari Antichristum, cuius persecutio post mille pacis annos est futura. Ad Patres verò, qui maris Belluam Antichristo applicant, sufficit de illo hic agi indirectè; id est, de Romano Imperio per comparisonem ad Antichristum. Quæ locutio Scripturæ familiaris est, & præcipuè Ioanni, quando de Ecclesiæ persecutoribus loquitur: quibus in hoc sensu nomen ac figuram Antichristi tribui, res est, quæ Apocalypseos contextum ac seriem minimè inturbat. Atque hac ratione potest verè affirmari, sermonem esse indirectè de Antichristo: obiterque ipsius Antichristi asseritur persecutio, quando sumitur ab illa comparatio; id quod nequaquam inficiabor. Et sanè explicatione hac contenti esse deberent, qui sibi persuadent, complures esse Patres, qui de Antichristo hanc maris Bestiam declarant. Etenim quantumvis essent plurimi; posset eorum expositio hoc pacto congruentur accipi: & pariter reliquus erit explanandi locus, ut directè de ijs rebus in hoc loco sermo sit, quas præcedentium & subsequen-  
tium series & coherencia suo iure deponunt.

De huius autem libri interpretibus ita censo: mirandum minimè esse in libro aded obscuro atque difficili, in quo historiæ consecutio aded erat inuoluta; dum expositores ipsi asseriebant, contentos se esse, (ut Richardus ait) aliqua solum circa superficiem carpere; cum viderent aliquos esse Patres, qui Belluam marinam Antichristi figuram esse putarunt, eorundem instituisse vestigijs: nulla interim de huius explicationis exordio (quod à Millenarijs deriuatur) inquisitione facta. Veruntamen nec expositio hæc ita est communis ac peruagata, ut opinatur Maluenda. Nam ex interpretibus habemus etiam pro nostra sententia non paucos, ut statim planum fiet.

De ceteris expositionibus marinam Bestiam ad peculiarem aliquam personam detorquentibus (siue illum esse verum Antichristum, siue Mahometum velint, siue quemlibet alium Antichristi præcurso-  
rem, ut Lutherum, siue Ecclesiæ hostem; ut Cosdroæ filium) de huiusmodi, inquam, expositionibus refellendis nihil laboro. Constat enim eas non explicationes esse, sed applicationes; quibus Apocalypseos filum duci continuata serie non possit; nec dignæ sunt huius libri magnitudine, & grauitate, nec demum absque magna violentia applicantur. quantumvis nihil aliud nisi ipsa marinæ Bestiæ figura attendatur.

Atque ut cunctis expositionibus, quæ maris Bestiam ad singularem referunt personam; non nihil opponam: alijs prætermittis, illud interim nunc animaduertere sit satis, septem capita, quæ textus Bestiæ maris attribuit, fieri non posse ut singulari alicui personæ, nec sub eodem tempore aptentur. Nam ex capite 17. planum fit, septem isthæc capita non esse reapse comprobanda, siue asserenda sub eodem tempore; sed per successionem atque decursum: ita ut de illis verè possit asseruari, *Quinque ceciderunt; unus est, & alius nondum venit.* Quod perinde est, ac si dicatur, post capita quinque præcisa ac demortua, sextum esse superstes, necdum septimi tempus aduenisse. His verbis (ni fallor) euincitur falsitatis, quæcunque expositio contendat septem capita de eodem tempore explanare: arripit enim viam contrariam ijs, quæ textus exprimit. Præterquàm quòd, utcumque septem hæc capita accipiantur, evidens ex contextu est, in illis Reges septem diuersos, aut Principes denotari. Atqui singulari alicui personæ septem capita affingere, quòd septem ei Reges præstent obsequium, id verò non aliud est, quàm ex pedibus capita conflare.



## §. 3. De Hæreticorum insania in Bestia marinæ expositione.

**S**EQVNTVR eorum opiniones, qui marinam Belluam de aliquo Imperio singulari exponunt. Et nequa mihi opinio quantunvis iocularis & nugatoria prætermittatur: primo loco Hæreticorum nostri temporis insaniam ac delirium referam, vt famâ & auditione accepi, (nihil enim habeo præter auditum.) Fingunt igitur, & obloquuntur, hanc maris Bestiam esse figuram Ecclesiastici Imperij Romanorum Pontificum, siue eorum successionis. Mira hæc impudentia ac deliratio indigna profectò erat, cui responsio præberetur; nec sedes Apostolica nostrâ indiget in meris hisce nugis dissensione. Sed respondendum est stultis iuxta stultitiam suam; ne sibi sapientes esse videantur. Prætermitto præcipuam huius erroris confutationem, quæ petenda est ex evidenti demonstratione, qua peripicuam fit Romani Pontificis auctoritatem à Christo Domino fundatam, stabilitam, atque erectam esse; nec non Catholicæ Ecclesiæ vñionem ac vinculum, & pariter columnam ac firmamentum veritatis. Ex quo inferitur, eos, qui asserunt Apocal. descripsisse Pontifices Romanos in Bestia maris, non aliud agere quàm vt Apocalypsis deferuiat blasphemijs contra Christum & Ecclesiam. Hoc tamen, vt dixi, silentio inuoluo, quia huius in libri expositione non me attingit hæresum impugnatio, sed ænigmatum Apocalypsicorum enotatio. Quamobrem satis mihi erit, si ipsismet hæreticis euidenter ostendero, impossibile omnino esse hanc maris Bestiam esse symbolum ac figuram supremæ Pontificis summi dignitatis, quæ ipsos tantopere torquet & cruciat; ac proinde hanc ipsorum applicationem esse execrandam blasphemiam, & omnium risu ac sibilis explodendam.

*Hæreticorum somnium de marina bestia expositione.*

Quam ad rem illud solum noto, siue potius obiter refrico, quod superius iam planum feci, nimirum capitis vñdecimi finem claudere in se absolutam tractationem de Iudæorum repulsa atque reprobatione. Deinde in capite duodecimo denotari Ecclesiæ transitum ad Gentiles, & peculiares Ecclesias, quæ in tota Gentilitate sunt institutæ; nec non Dæmonis persecutionem aduersus illas excitatam. Præterea euidenter est, hoc ipsum argumentum in capite decimo tertio continuatâ serie prouehi. Nam draco & Bestia maris ac Bestia terræ, inito inter se facere, aduersus Ecclesiam ad Gentes commigrantem coniurant. Certè, qui in meridiana luce cæcutire, & mente obstinatâ, ac præfracto ore blaterare nolit; perspicuè videat ac fateatur necesse est, hanc rerum seriem ac decursum adeò manifestè in textu exprimi; vt qui nostram superiorè capitulum explanationem perlegerit, ante capitis huius 13. commentarium, vel ex ipsa textus lectione reddatur certus de belli eiusdem consecutione in duodecimo & decimo tertio capitibus. Quapropter, qui per maris Bestiam Romanos Pontifices asserunt figurari, nihil aliud contendunt quàm vt bellum à Dæmone excitatum in Ecclesiam, postquam migravit ad Gentes, per Romanos ipsos Pontifices gesserit ipsemet Dæmon. Ecquis ergo Hæreticorum adeò vecors ac demens reperiatur, qui non videat suos conatus irritos planè esse ac nugatorios: si probare contendat Romanos Pontifices Petro per ordinem succedentes esse præcipuum instrumentum belli illius, quo dæmon Christi Ecclesiâ demoliri tentauit? Quòd si Hæretici non audeant antiquos Pontifices Romanos Christi esse hostes affirmare; ex antiquis sanè Pontificibus necesse est marinæ Bestiæ significationem auspicari: si tamen, (vt ipsi comminiscuntur) huius Bestiæ figura Romanos Pontifices adumbrat. Euidens namque est hic sermonem institui de bello, quod Bellua hæc Ecclesiæ intulit, simul atque ad Gentilitatem sese ipsa Ecclesia transfudit.

*Confutatur hæreticorum error, ex ipsa contextus serie & consequentia.*

*Hæreticorum in suo errore confusio, in consequentia & ordinis persistens.*

Ad hæc; nemo non viderit, omnino esse improbabile, quòd Apocalypsis prætermittat grauissimum bellum, quo Romani Imperatores Idolorum cultores Christianam Ecclesiam diuexarunt, vbi primum Euangelium Gentibus promulgari cœpit: & repentè transfiliat ad bellum illud, quod Hæretici somniant Romanæ Ecclesiæ à summis Pontificibus inferri. Quauis enim verum foret id, quod est impudentissimum mendacium, nempe Romanos Pontifices esse Christi hostes: nihilominus nulla ratione cohærebat, vt in præsentia de illis ageretur in Bestia maris. Hoc enim planè esset, prorsus omittere clarissimam illam & gloriosissimam victoriam, quam Ecclesia ex Romani Imperij persecutione comparauit, (quod certe post humani generis redemptionem, præstantissimum extitit facinus omnium, quotquot mundus aspexit) & quæ proximè subsequēbatur Ecclesiæ transitum ad Gentes: & pro Hæreticorum libito Prophetiæ seriem ordinemque peruertere, atque ad importunissimam narrationem siue fictionem potius ridiculè transilire.

Iam verò quis vnquam Danielis textum attentè perlegit, quin pro comperto habeat, Bestiam illam decem insignitam cornibus esse Romanum Imperium idolis addictum, & antiqui illius fenatus potentiam? Si hæc ergo est Bestiæ decem cornuum apud Daniele significatio, & in hoc Apocalypseos loco manifestus ad illam respectus habetur; cuius stultitiæ est, odio ac furori in sedem Apostolicam tantopere indulgere, vt Bestia decem cornuum in Apocalypsi non pro Imperio & fenatu Christi nomen acerbissimè infestante, sed pro Petri successoribus vsurpetur.

*Reuincitur hæreticorum insania ex Danielis bestia collatione cum marina hac Apocalypseos bellua.*

Denique, quantunvis ex ipsa Apocalypseos cohærentia, & ex allusione ad quartam Danielis Bestiam, non ita constaret euidenter falsitas & insania huius applicationis ad Romanos Pontifices: quis adhuc non videat, ipsam marinæ Bestiæ descriptionem omnino huiusmodi applicationi repugnare. Quòd enim, obsecro, accommodandum est opus illud mirum & insolitum, cum primum caput antea extinctum reuiuiscit? Quòd vsini pedes, qui manifestum sunt luxuriæ symbolum? Verum quid opus est diutius in his delirijs refutandis immorari? quasi verò prudentiæ sit, vocibus & clamoribus cum eo contendere, qui in meridiana luce cymmerias se tenebras contrectare asseueret.



## 4. De Applicatione marinæ Bestiæ ad Imperium Turcarum.

Excluditur  
opinio expo-  
nitionum  
maris Besti-  
am de Tur-  
carum im-  
perio.

**D**ISCVTIAMVS oportet, (obiter tamen) explanationem aliam, quæ placuit Caponfachio in huius capituli interpretatione, Louifino in libro de Aquila Efdra, fol. 21. & Lulio Legionensi in libro de nominibus Christi. Hi enim opinati sunt in marina hac Bellua Turcicum Imperium figurari. Eodem ferè recidit eorum expositio, qui hanc maris Bestiam esse existimant Mahometismum, siue Mahometicorum colluionem ac faciem: quod placuit Ioanni Annio, atque Hentenio. Ceterum præterquam quod huiusmodi applicatio multis in rebus violentiâ præ se fert, profecto tã Apocalypseos series, quàm allusio ad quartam Danielis Bestiam decem cornibus præditam dilucide ostendunt, huiusmodi expositionem veram esse non posse. De quo plura non dicam, quia ex ijs quæ infra subiiciuntur, idem ampliùs constabit.

## §. 5. Bestiam maris non esse aliud, quàm Romanum Imperium, quod olim Ecclesiam insectabatur.

Statuitur  
vetera mari-  
na Bestia  
interpretatio de Ro-  
mano Imperio ethnico  
antiquo Christianam  
Ecclesiam persequen-  
te.

Prædicta  
explicatio  
auctoritatis  
momentis  
fulcitur.

Quinam  
ex Patribus  
nostram su-  
eantur sen-  
tentiam.

**R**ELIQUVM est, vt expendamus, quid censendum sit de eorum sententia, qui affirmant per marinam Bestiam, Romanum significari Imperium idolorum superstitioni deditum; quod Christianam Ecclesiam acriter vexauit, vt primum illa Iudæis derelictis ad Gentiles gradum fecit. Imprimis ergo ita statuo, pro hac explicatione auctores sanè quàm multos, eosque grauissimos numerari. Nam vt ex ijs ipsis ducamus exordium, qui maris Bestiam ad Antichristum videntur detorquere, eorum non pauci procul dubio Antichristi nomine compellant vltimum ex Romanis Imperatorem, qui iuxta eorum opinionem multò crudeliùs ceteris fuerat in Ecclesiam sæuiturus. Et quanuis hi auctores in eo errauerint, quod existimarint, illum, quem Ecclesia per antonomasiam appellat Antichristum, extremum fore omnium antiqui illius Imperij Romani Imperatorum nihilominus (vt supra iam vidimus) si diligenter attendatur Millenariorum mens, certum est, per ipsos Antichristum à veteri Imperio Romano minimè distingui; nisi tantum penes illud, quod Romanum Imperium vetus sub extremâ persecutione Ecclesiæ inferendâ considerabant. Hoc videre est expressum in Victorino, qui Millenarius erat. Nec alia fuit reliquorum mens, qui huic subscripserunt errori. Eos autem fuisse ex antiquioribus Patribus non paucos, superius ostendimus. Qui quidem licet decepti fuerint, dum mille pacis annos in Regno Christi crasse nimis ac supinè acceperunt; verum in pace illa mille annorum constituenda, quasi fructu atque effectu consecuto ex victoria, quam Ecclesia de Bestia maris & eius fœderatis reportauit; in hoc sanè minimè errarunt, sed optimam Apocalypseos consecutionem assecuti sunt. Quemadmodum etiam Danielis ordinem tenere, quatenus persecutionem illam à Bestia decem cornuum excitatam, non dubitarunt esse Romani Imperij & senatorum persecutionem.

Deinde auctores omnes, qui meretricem illam (Apocalypseos 17.) Babylonis nomine distinctam existimant esse antiquam Romanam ethnicam, quæ Christianam insectabatur Ecclesiam; consequenter adstruunt marinam Bestiam huius capituli 13. esse Romanum Imperium idololatram. Certum namque est, maris Bestiam, de qua in hoc capite, & Bestiam illam, cui Babylon infidet, capite 17. vnam eandemque esse; vt disertè docet Hieronymus, & suo loco demonstrabimus. Vbi autem semel statuamus in meretrice illa Romanam ethnicam figurari; illico compertum fit, eam Bestiam esse Romanum Imperium dijs commentitijs obsequens, quod à Roma ethnica administrabatur. Auctores verò, qui Babylonem Apocalypseos esse credunt Romanam antiquam idolorum cultricem, plurimi sunt atque grauissimi; vt vidimus notatione 11. procemiali; vbi plures quam viginti enumerauimus, eorum etiam locis indicatis. Hi autem sunt, Papias, Tertullianus, Eusebius, Hieronymus, Apringius, Cassiodorus, Paulus Orosius, Hentenius, Annianus, Salmeron, Ederus, Bulengerus, Forerius, Gagneius, Hesselius, Bellarminus, Pererius, Suarez, Marquez, Pradus, & Mendoça. Et meo quidem iudicio præuium horum auctorum ducem meritò designare possumus Angelum illum, qui Ioanni nonnulla ex Apocalypsi explicauit. Perspicuè enim asseruit, septem eius Bestiæ capita esse septem Romæ montes: & per meretricem denotari urbem magnam, quæ habebat regnum super reges terræ.

Præterea si phialarum plagæ significant bellum, quod Christiana Ecclesia intulit idololatriæ, donec eam euerteret (vt Irenæus cum maxima voluptate perdidit ex antiquo Presbytero, qui fortè erat Polycarpus Ioannis auditor) certè si hoc admittatur, eadem etiam consequentiâ admittatur necesse est, meretricem capituli 17. esse Romanam ethnicam, & Bestiam capituli 13. esse Romanum Imperium ethnicum, quod Christi Ecclesiæ insultabat. Atque vtrumque admittit beatus Apringius in suis commentarijs cap. 13. & 17.

Porro auctores ij, qui marinam Bestiam de impiorum omnium multitudine siue de Gentilismo declarant; intelligendi profectò sunt non de vniuersis impijs, qui ab ipso mundi primordio extiterunt; non de cunctis Gentilibus, qui aut post hominum memoriam fuerant, aut tunc fortè siue in Iaponia, siue in America, siue alicubi Gentium extra Imperij fines degebant, sed de illis ipsis impijs, de illis ethnicis, qui per Imperij persecutiones Bellum contra Ecclesiam gerebant. Sic enim plerumque scriptores antiqui nomina mundi atque orbis, & quæuis alia vniuersitatem significantia ad Romanum orbem, seu Imperium accomodare solent. Et verò in contextu euidentis est, non institui sermonem de impijs omnibus, aut de cunctis Gentilibus generatim sumptis, qui vbiq; terrarum dispersi erant; sed de illis solum, qui in illa Ecclesiæ persecutione vnum veluti corpus atque exercitum inter se conflabant. Hi autem non alij erant, nisi qui eâ tempestate impietati ac

furori

Aliorum  
auctorum  
sensus pro  
nostrâ ex-  
planatione  
declatur.



**A** furorū Romæ ethnicæ erant subiecti, (quæ Roma meretrix est in Bestia confidens); & pro capitibus siue moderatoribus habebant Rom. Imperatores in Bestiæ capitibus figuratos. Hinc est, Bellarminum sapienter pro eodem reputare Rom. Imperium, vel cœtum impiorum; ait enim libro 3. de Pontifice Romano cap. 15. Bestiam hanc de mari ascendentem esse Romanum Imperium, aut cœtum impiorum. Id quod clarè etiam cernitur in Victorini interpretatione, & in Apringio. Si autem admittamus, impiorum cœtum (de quo multi marinam Bestiam explicant) Imperium esse Romanum; à nobis etiam stabunt Ticonius, & Augustinus lib. 20. de ciuitate cap. 9. & 14. quos sequuntur Primasius, Beda, Richardus, Hugo, Ansbertus, & alij multi, qui de infidelium populo, siue de cœtu impiorum hanc maris belluam intelligunt. Atque idem dico de illis, qui eandem Bestiam ad Gentilismum referunt: ex quibus sunt Ioannes Annius, & Hentenius. Atque huc vsque de nostræ expositionis auctoribus; qui omnes vnum in numerum congesti, & plures sunt & grauioribus auctoribus omnium aliarum expositionum.

*Rationibus  
nostra ex-  
positio ro-  
boratur.*

**B** Sed præter tantam testium nubem, sunt etiam valida satis argumenta, quæ nostram statuunt roborantque sententiam; eaque, vt summam complectar, hæc sunt. Primum; quia, vt suprà iam diximus, negari non potest, quin in hac Bestia decem cornuum alludatur ad quartam illam Danielis Bestiam capitis 7. quam esse Romani Imperij figuram ac symbolum, liquidò constat. Secundum; antecedentium capitum contextus hanc de Romano Imperio explicationem non insinuat solum, sed affatim quoque vrget. Romanum namque Imperium idolorum cultui studens horribile in Euangelij prædicationem concitauit bellum; atque hoc fuit, quod aduersus Ecclesiam exarsit; simulatque illa ad Gentilitatem confugit. Nec verò credibile est, in nobilissima de Ecclesiæ progressu prophetia rem adedò sublimem & gloriosam prætermisum iri. Tertium: subsequen-  
**C** tium huius libri partium connexus suo quasi iure deposcit eandem marinæ Belluæ explicationem. Nam victoriam Ecclesiæ de Romano Imperio partam consecuta est idololatriæ exterminatio, & pax per mille annos durans: de qua postea. Quartum: ad Romanum Imperium idolorum cultorem aptissime applicatur, quidquid de marina Bestia textus recenset: nec in quauis alia expositione quidpiam reperitur, quod hac in re animum omnino expleat. Quintum denique: in hac interpretatione (id quod mihi validissimi instar argumenti est) totum Apocalypseo filum facile ducō, & antecedentia cum subsequen-  
**D** tibus attexo. Hoc autem tum in omni declaratione optandum maximè est, tum etiam in ænigmatum enodatione euidenter demonstrat, veram ac germanam expositionem fuisse deprehensam. Atque hæc de argumento primæ partis huius capituli, nempe de maris Bestia. Regrediamur nunc disputatio ad secundam capituli partem de Bestia terre.

### §. 6 Bestia de terra ascendens quid significet.

**A**VGUSTINVS lib. 20. de ciuitate cap. 14. ait, forsan per hanc Bestiam designari Antichristum. Eandem expositionem amplectitur Prosper in dimidio temporis cap. 11. vbi tamen parum sibi videtur constare. Nam cap. 10. ad Antichristum applicauerat Bestiam maris, atqui eu-  
**E** dens ex contextu est, maris Bestiam & Bestiam terræ diuersas esse debere. Quare, qui per maris Bestiam Antichristum intelligunt, sibi ipsis repugnant, si ad eundem velint terrestrem Bestiam referre. Enimvero huiusmodi repugnantia omisâ, terrestis Bestiæ applicatio ad Antichristum (cuius etiam meminit Andreas) Antichristum ipsum marinæ Bestiæ ministrum constituat, oportet. Hoc verò non aliud esset, quàm asserere, siue supponere, in marina Bestia dæmonem repræsentari, quod satis superque impugnatum est. Nam Antichristus minimè contendet, cuiquam alii præter dæmonem & seipsum, adorationis honorem cultumque deferri: cum tamen affirmet textus, Bestiam terræ effecturam, vt mundani omnes marinam Bestiam adorent.

*Bestia de  
terra ascen-  
dens in-  
terpretatio  
que sit.*

*Referuntur  
aliorum  
sententia.  
1. Sententia  
explicans de  
Antichristo.*

*2. exponens  
de Maho-  
meto.*

Hentenius in iudicio de Apocalypsi, (quod veluti prologum agit ad Aretæ commentarios) refert Anni Viterbiensis quæstiones in Apocalypsin Sixto Quarto Pontifici summo & Christianis Regibus dicatas; quibus contendit, per hanc terræ Bestiam signari Mahometum; huncque esse magnū illum Antichristum, qui prædictus erat bellum Ecclesiæ illaturus. Quam Anni opinionem non refert solum Hentenius, sed probare etiam videtur, quauis concludat demum, se nihil afferendo dicere, sed vt doctioribus occasio perferendi daretur. Contra hanc Anni excogitationem aliqui graues Theologi conscripserunt; vt Suarez, Pererius, & Maluenda. Quapropter ad eorum scripta lectorem refero; in quibus demonstrant, fieri nullo modo posse, vt Mahometus sit celebris ille Antichristus toties in sacris Literis prænunciatus. Verum quod attinet ad huius Bestiæ de terra ascendens interpretationem; illam de Mahometo explicari planè repugnat veræ declarationi, quam de marina Bellua tradidimus. Etenim textus hanc terræ Bestiam perspicuè designat, vt Bestiæ marinæ ministrum. atqui Mahometus nullo pacto Romani Imperij ethnici minister extitit.

*Tertia est  
merum hæ-  
reticorum  
significum.*

*4. Sententia  
explicans de  
Antichristi  
ministris.*

Multò adhuc vesanior est ea huius Bestiæ applicatio, quam ab huius temporis hæreticis per summam impudentiam assignari audio. asserunt enim in ea Romanos Pontifices, aut eorum ministros adumbrari; qui ex duplici cornu, quod textus huic Bestiæ attribuit, ansam accipiunt ad Episcoporum mitras caninis dentibus dilacerandas. Refert hoc Durantius de rebus Ecclesiæ. Veruntamen aduersus hanc impudentiam & insaniam sint satis, quæ diximus contra eosdem hæreticos in superioris Bestiæ explanatione.

Diuus Gregorius libro trigesimo tertio Moralium, capite trigesimo sexto, existimans in maris Bestia Antichristum describi; credit insuper, ipsius Antichristi ministros & concionatores per Bestiam terræ denotari: eademque expositio arrisisse videtur Richardo, Bedæ, & Ansberto. Aliorum suspicio est, non plures Antichristi ministros, sed certum quendam ipsius sodalem & affectam

valde



valde insignem per terrenam hanc Belluam innui. Sic Irenaus, Andreas, Ambrosius, Ribera, & Viegas. Vtraque explicatio in eo nititur, quod maris Bestia Antichristum designet; hinc enim obligat textus, vt terrestrem Belliam ministram esse marinæ fateamur. Quapropter, corruente fundamento, corruat necesse est terrestris Bestiæ expositio; quæ illo veluti adminiculo fulciebatur. Et sanè, si maris Bestiam esse Antichristi figuram opinarer; in terrenæ Bestiæ explicatione Gregorium potius, quam Irenæum sectarer. Etenim Antichristi fore concionatores veris Christi prædicatoribus omnino oppositos, res est multò in se certior, quam quod Irenæus & eius sectatores sibi persuadent, de vnus ex Antichristi ministris præstantia & excellentia inter ceteros omnes; ita vt id sufficiat, vt Scriptura hunc Pseudopphetam reliquorum Antichristi asseclarum principem singulatim exprimat, & in hac terræ Bestia figuret; nullâ interim ceterorum factâ mentione. Incertum est hoc valde, neque vnquam communi Ecclesiæ consensione receptum. Et ænigmata quidem melius multò impenduntur in solidarum rerum atque certarum significationem, quam in earum, quæ ex alia parte minimè innotescunt, nisi ex ea solum suspicione & coniectura, quod illud in ænigmate adumbretur.

Superiorum  
explicatio-  
num nullâ  
cum tradita  
marinæ be-  
stiæ expoli-  
tione posse  
congruere.  
Vt n. per  
terra bestia  
signetur  
Romani Im-  
perij mini-  
stri persecu-  
tionem ipsâ  
promouen-  
tes.

His tamen omissis; quæcumque est auctoritatis ac rationis firmitas, vt Apocalypsis Romanum figuret Imperium falsæ Deorum superstitioni deditum: eadem nihilo incertius reperitur, vt terrestr Belluæ non tribuatur interpretatio, quæ cum vera Bestiæ marinæ explanatione non cohæreat. Primâ igitur specie apparet, per Bestiam terræ significari ministrorum multitudinem, qui Romani Imperij persecutionem promouerunt. Etenim in textu ipso perspicuum est, Bestiam terræ esse marinæ Bestiæ subiectam, & omnem illius conatum ad huius venerationem & cultum ab omnibus exhibendum transferri. Deinde quemadmodum arcanum marinæ Bestiæ mysterium non vnâ aut alteram personam singularem repræsentat, sed ingentem hominum multitudinem; hoc est, Romanum Imperium ethnicum, quod suâ potentia, atque superbiâ Christianam Ecclesiam de medio tollere tentabat: ita similiter terrestris Bestiæ interpretatio eiusmodi esse videtur, vt vniuersam ministrorum persecutionis multitudinem complectatur. Præter hæc; auctores illi, qui per maris Bestiam Antichristum designari putabant, aut omnes, aut saltem plures eam sibi mentem induxerant, vt crederent in Bestia terrestri figuratos esse Antichristi ministros. Sic enim Aretas, Haymo, Rupertus, Pannonius, & plerique alij censuerunt. Si ergo hoc erat ad interpretationem de Antichristo in marina Bestia coniectarium: vbi per eandem maris Belluam significari Romanum Imperium dicamus, videtur illud pariter asseuerandum, in terræ scilicet Bestia depingi ardorem atque ferociam, quæ in eius persecutionis ministris æstuabat. Hac enim ratione vtriusque Bestiæ nomen æqualiter accipitur, quatenus tam vna Bestia, quam altera non pro singulari persona, sed pro numerosa multitudine vsurpantur, (sicuti apud Daniele cap. 7. quatuor Bestiarum figuræ sumuntur) & terrestris Bestia Bestiæ marinæ subiecta atque obsequens exprimitur, vt textus ipse manifeste ostendit.

Pars nega-  
tina statui-  
tur ac pro-  
bat.

Hoc fortassis modo, quem tradidimus posset aliquis in eiusmodi explicatione ratiocinari. Mihi tamen nequaquam placet, quod terrestris Belluæ significatio ad persecutionis ministros, (vt Præsides, delatores, & alios eiusmodi) coarctetur. Primò, quia symboli terræ significatio multò latius patet. Extenditur enim ad eos omnes, qui terrenis cupiditatibus & affectionibus subiecti sunt; quem in numerum adscribuntur Romani Imperatores idolis seruientes, ceterique Gentiles; quauis persecutionis ministri non sint. Secundò, nam in verbis illis capitis 12. numero 12. *Va terra, & mari*, haud dubie alluditur ad perniciem, quam dæmon mari & terræ per duas hæc Belluas fuerat illaturus; atqui huiusmodi allusio, meo iudicio, exigit, vt quando de maris & terræ Bestiis incidit sermo, vtrumque nomen tam terræ, quam maris non minùs largè ac generatim accipiat, quam in capite 12. sumitur, cum dicitur, *Va terra & mari*. Tertiò, quemadmodum maris Bestia sua figura coercet Gentes omnes, quas in se Romanum claudit Imperium; & in hac significatione symbolum maris Gentium multitudini attribuitur (quia aquæ multæ populi multi) nec plus hæc marina Bestia contrahitur, quam ad Romani orbis Gentes: parietiam ratione expediens est, vt Bestia de terra ascendens complectatur terras omnes, quæ Romanorum ditioni parebant. Quarto, cum Spiritus sancti mente, (quæ, vt infra videbimus, in hac draconis, & duplicis Bestiæ pugna illum repræsentat conflictum, quo Dæmon, Mundus & Caro, virtutem acriter oppugnant) non rectè consentit coarctatio hæc Belluæ terrestris ad persecutionis ministros. Nec enim minùs latè patet carnis, quam Mundi oppugnatio. Is enim animarum hostis, qui appellatur Caro, in omnibus mundanis reperitur bellum erga animas gerens; atque ita æquè latè patere debet mystica significatio Bestiæ terrestris, ac Bestiæ marinæ.

Auctoris sen-  
tentia de  
terrestris be-  
stiæ signifi-  
catione.

Supereff ergo, vt nostram de terræ Bestia explicationem subiiciamus; quæ quauis initio fortassis nouitatem, & insolentiam præ se ferre videatur aliquibus; spero tamen, si attentè dispiciatur, Theologis non ineptam visum iri. Quanquam ergo in prima Apocalypseos parte nomen terræ ad Iudaismum, & maris nomen ad Gentilismum contracta sint, in hoc tamen quarto Apocalypseos libro, vbi nulla iam mentio Iudæorum, vtrumque symbolum ad Gentiles aptatur; & maris ac terræ distinctio non iam personarum aut Gentium diuersitatem importat, sed formalem solum distinctionem, vt loquuntur logici, id est, sicut maris nomen ad omnes Gentes dilatatur: sic etiam nomen terræ in sua significatione ad eosdem Gentium terminos sese extendit. Cum eo tamen discrimine, quod in mari adumbrantur tumidi communis opinionis & legum mundanarum fluctus; crimine, quod in mari adumbrantur tumidi communis opinionis & legum mundanarum fluctus; nomen verò terræ ad affectus terrestres refertur. Hæ autem gubernandi rationes, aut per mundi leges, aut per cupiditates terrenas, diuersæ in se sunt; quarum tamen vtraque in mundanis atque improbis hominibus reperitur.



Explicatur  
amplius  
prædicta in-  
terpretatio.

Et quanvis ambiguitatem & æquiocationem præ se videatur ferre, quod in prima Apocal. parte terræ nomē pro Iudæis accipiat, nunc verò pro Gentibus, quatenus terrenis affectibus subditi sunt; si tamen rem seriò examinare velimus, non quidem diuersam significationem, sed applicationem solùm distinctam comperiemus. Nam eadem ratione, qua Iudæi, cum de illis sermo erat, terræ nomine signabantur (videlicet propter terrenas affectiones, quibus erant demersi) eadem, inquam, Gentibus nunc idem terræ nomen adscribitur, quando de Gentilitatis bello sermo est. Nec verò inusitatum est, vt vnum idemque symbolum modò hos, modò illos significet; si tamen eadem semper spectetur ratio. Sic enim quando de Nerone agitur, illi nomen leonis attribuitur ob suam immanitatem ac sæuitiam; eademque ratione potest nomen idem ad crudelissimū alium Imperatorem transferri, (vt ad Diocletianum) quando Nerone omisso, de illo sermo est.

Iam in persecutionibus, quas Romanum Imperium in Ecclesiam commouit; præter Dæmonis instigantis atque vrgentis malitiam, duo imprimis illum impietatis ignem accendebant. Alterum, Romani Imperij amplitudo atque maiestas, quæ Euangelij humilitati funditus contraria Gentilium oculis proponebatur: atque hæc est maris Bestia, cuius vana existimatio atq; conceptio illis agebat præstitia, & stimulos admovebat, vt crudelissimo bello eos exterminaret omnes, qui hominis crucifixi cultum & adorationē inducere conabantur. Id quod propriè Euangelicæ submissione & humilitati è regione repugnabat. Alterum, terrenus effrenatarum cupiditatum affectus, qui in ipsis Gentibus integer ac viuus extabat. Hic autem astutissimus pariter & efficacissimus est, vt temporalia bona, & quidquid mundus proponit, suspiciantur maximè, atque colantur; & è contrario velis remisque fugiatur quidquid mundanæ felicitati obsistit. Atque hæc est Bestia terræ, quæ affectionem Euangelio prorsus oppositam representat; cui proinde affectioni nomen sapientiæ carnis in sacris Literis imponitur. Itaque hi duo acerrimi hostes secum afferunt, alter obiectum, id est Romani Imperij ethnici auctoritatem ac maiestatem Euangelio contrariam; alter affectum, id est, carnis sapientiam eidem infestam Euangelio.

Ex dictis facile est intellectu, quanvis Bestia terræ in eisdem personis existeret quas maris Bestia figurat, hoc est in vniuersis ethnicis, quos Romani Imperij nomen includebat: verissimè tamen induci Bestiam terræ, veluti insignem quendam marinæ Bestiæ ministrum; cuius proprium sit marinæ Bestiæ cultum & adorationem omni studio & contentione tueri atque prouehere. Etenim maxima vis deprauatæ consuetudinis, & sapientiæ carnis totum suum robur ac vires eò conferebat, vt ethnicos homines miseros & obcæcatos Romani Imperij superbiam, atque arrogantiam prorsus submitteret: & pro Romano ipso Imperio, eiusque superbia contra doctrinam Euangelicam animis armisque muniret.

Quod si rem penitus inspicimus; quanquam Bestia terræ easdem omnino personas occupabat, quas Bestia maris indicat; in marinæ tamen Bestiæ nomine denotatur, totum Romanum Imperium coniunctim sumptum (nam contrarium Euangelio obiectum erat totius Imperij ethnici auctoritas, quam Dæmon singulis ethnicis hominibus proponebat.) Nomine autem terrenæ Bestiæ representatur, quod separatim in quolibet Gentilium aduersus Euangelium pugnabat; nempe terrena affectio deprauata, quæ singulos deiiciebat, vt marinam Bestiam reuerentia ac veneratione prosequerentur, & sub ipsa contra Christi Ecclesiam militarent. Et hæc de argumento huius capituli, vt maiorem confirmationem commentario relinquamus.

*§. 7. In hoc eodem argumento, quod ad doctrinam attinet, reuocari debere hypothesein ad thesim.*

**D**IXIMVS de proprio huius capituli argumento, ceterum iuxta Rhetoricorum præceptionem, qui hypothesein ad thesim reuocari oportere tradunt (id est argumentum peculiare ad communiorē rationem,) operæ precium me fore facturum putari, si illud hic obseruarem, quod animaduersione dignum maximè duco, videlicet, quanvis horum duorum capitulum contextus singularim contineat bellum, quod Dæmon, Rom. Imperium ethnicum, & persecutionis ministri aduersus Ecclesiam gesserunt, nihilominus in hac ipsa descriptione pactionis inter draconē & vtramque Bestiam initæ diuinum Spiritum occultasse generalem doctrinam, quæ non obscure indicat pugnam acerrimam trium animarū hostium, Dæmonis, Mundi, & Carnis contra Euangelij doctrinam ac veram Christiani nominis pietatem. Namque vt in mutua fœdera coniurarunt draco, id est, Dæmon & Romanum Imperium, atque singulorum Gentilium affectus, quo internecino bello Christianū nomen extinguere ac delere tentarent; non aliter vt spiritale bellum tum aduersus quemlibet piorum hominum cœtum, tum etiam aduersus singularem quemque hominem gerant, iunguntur semper & copulantur Dæmon, Mundus, & Caro; qui in Diuinam gloriam & animorum incoluitatem infenso atque hostili animo sunt. Atque hæc quidem generalis doctrina in horum capitulum argumento includitur. Etenim qua draco Euangelicæ prædicationis cursum impedire, & interturbare studebat, eadem pariter contentione cuiusque hominum salutem tendit insidias. Quare, quod singulari cuique homini damni & detrimenti conatur inferre hostis animæ, quem Mundū vocamus, idem omnino Romanum Imperium Christianæ Ecclesiæ præliebatur in ea persecutione, quam olim suscitauit; & quod singuli ethnici in ea persecutione præstabant, à zelo, æstu, & carnis sapientiæ proficiscebatur. Itaque in triplici hoc Ecclesiæ hoste triplicis animi hostis non adumbratam modò, sed expressam etiam habemus effigiem.

Quod autem hæc fuerit Spiritus sancti intentio, satis constabit; si obseruetur draconis, & duplicis Bestiæ allusio ad Satanam, Leuiathan, & Behemoth; de quibus in libro Iobi mentio est: & pariter etiam attingatur sensus genuinus eorum verborum, quæ Deus in descriptione Behemoth & Leuiathan ad Iobum fecit. Certe in draconis descriptione perspicua est allusio ad Satanam libri

Bellum à  
tribus hosti-  
bus Draco-  
ne, Bestia  
maris &  
Bestia ter-  
re in Eccle-  
siam susce-  
ptum quo  
modo aptè  
ad bellum  
trium ani-  
ma hostium  
Mundi, Dæ-  
monis &  
Carnis ap-  
plicetur.

Allusio in  
triplici hoc  
Apocalypse-  
os hoste ad  
Satanam,  
Leuiathan,  
& Behemo-  
th, de  
quibus Iobus.



Iobi; vt vidimus in eorum verborum expositione, *Hic est Diabolus & Satanas accusator fratrum nostrorum qui accusabat illos die ac nocte.* Ad hæc; si consideremus, apud Iobum gloriari Deum de internectione Behemoth & Leviathan: eamque ob rem illos ex professo describi; atque alterum esse ingentem maris Belluam, alterum terræ: ex his non erit difficile coniectare, sicut in Apocalypsi coniurant draco, maris Bestia, & Bestia terræ; ita etiam apud Iobum Behemoth & Leviathan cum Satana conspirare, ac vicissim respondere duabus Apocalyp. Bestijs cum dracone, qui è cælo cecidit, fœderatis: ac proinde, quemadmodum in Apocalypsi non draco solum, sed vtraque etiam maris & terræ Bestia aduersus Christum arma capiunt; ita similiter in Iobi libro non Satanam modò, sed Behemoth etiam, & Leviathan Iobo aduersari. Quamobrem gloriatur Deus, quòd cum ipsis bellaue- rit, eosque deuicerit, vt Iobum familiarem suum ex imminente discrimine liberaret. Cuius admirabilis planè allegoriæ mysterium eò spectat, vt vehemens illa procella, quam Deus contra Iobum excitari permittit, exitum fuerit sortita ad eò gloriosum Iobo; vt ipse non ex Dæmone solum criminante, verum etiam ex Mundo per Leviathan, & ex Carne per Behemoth figuratis clarissimum ageret triumphum.

Et quanuis descriptiones duplicis Apocalypseos Bestiæ sint valde diuersæ ab ijs, quibus Behemoth & Leviathan expinguntur; in hoc tamen discrimine mirus lepor atq; elegantia delitescunt; vt libro sexto explicabimus. Et quidem si rem ad thesim reuocemus; communis est & vniuersalis doctrina, quæ vtrouque continetur de pugna acerrima, qua tres animæ hostes inter se fœderati homines oppugnant. Deinde quanquam Apocalypsis singulatim agit de Romano Imperio fictis dijs seruienti, quando vrsinos ei pedes, tigrinum corpus, os leoninum effingit; nihilominus pictura eadem suo modo aptatur bellissimè ad eum Mundum, qui nunc etiam apud Christianos, vt infestus animæ hostis virtutem persequitur. Item, quod Apocalypsis enumerat de præstigijs ac lenocinijs sapientiæ Carnis, quæ in ethnicis Ecclesiam vexantibus residebant; aptissimè etiam potest generatim loquendo accommodari ad fucata Carnis pigmenta; & eius ad vitia procliuitatem.

Non inficior, apud Apocalypsin non repræsentari detrimentum, quod reapse dæmon Ecclesiæ intulit; sed quod inferre tentauit, dum aduersus illam Romanum concitauit Imperium, & persecutionis ministros ad motis furiarum aculeis stimulauit. Quare non progreditur narratio ad suggestiones turpes, quibus dæmon proximè Iustorum animos oppugnat, nec in carnis bello ad eas deuenit confictiones, quibus fideles homines tentabantur, sed solum ad ipsam efficientiam quam sapientia carnis præstabat, concitando persecutionis ministros aduersus fidelium cœtum. Id tamen ita fieri oportebat; vt re ipsa constaret, coniurationis inter draconem & vtramque Bestiam initæ exitum in hominum mundanorum ac potentium, inque Ecclesiæ hostium perniciem redundasse. Quapropter Bestia vtraque tandem in stagnum ignitum fuit detrusa; & Ecclesia non indemnis solum, sed victrix etiam gloriosissimè ex tot persecutionis angustijs emerfit. Id quod satis superque exitit ad Apocalypseos scopum, nec minùs satis esse debet, vt ab effectu, quem dæmonis suggestiones & ad vitia procliuitas in terrenis hominibus præstiterunt, eliciamus demum, qui eiusdem atque illi, naturæ sumus participes, expositos nos planè esse atque obnoxios. (si naturæ imbecillitatem respiciamus) non tantum externis mundi bellis, sed internis etiam dæmonis & carnis confictionibus. Quare quòd eorum hostium victores euadamus, id sanè singulari Dei providentiæ ac patrocinio adscribendum fore; vt apud Iobi librum innuitur in peculiari beneficio, quo Deus ipsum affecit, dum saluum & incolumem præstitit à semetipso, (hoc est à sua carne per Behemoth figuratâ) & à Mundi superbia, quam exprimit Leviathan, nec non à multiplici Satanae incursione.

Quorū  
tandem  
sum hoc  
draconis  
&  
duplicis  
bestia  
bellum  
spectet.

## T E X T V S.

*Vers. 1.* Et vidi de mari Bestiam ascendentem, habentem capita septem, & cornua decem, & super cornua eius decem diademata, & super capita eius nomina blasphemiarum.

## C O M M E N T A R I V S.

**C** O N N E X I O huius versus cum præcedentis capituli ultimo ostendit satis, Bestiam maris & Bestiam terræ cum dracone fœderatas Ecclesiæ bellum machinari. Cum enim superiori versu sit dictum, draconem ad maris littus constitisse; sequitur mox, Bestiam vnâ è mari, alteram è terra conscendere, marinæ autem Bestiæ tradit draco virtutem suam & potestatem magnam; & qui marinam Bestiam adorant, venerantur pariter draconem qui dedit Bestiæ potestatem. Terrena autem Bestia loquitur sicut draco, & homines ad marinæ Bestiæ cultum & adorationem inducit. Constat ergo draconem & Bestias duas pariter conspirare, vt bellum cum filiis mulieris faciant, de quo cap. 12. 17. siue vt bellum inferant sanctis, vt cap. 13. 7. Mea autem declaratio summatim ea est: dæmonis malitia & astus in Romano Imperio auctoritatem mundi & carnis sapientiam comparauit, vt cum Christiana dimicaret Ecclesia, vbi primum Euangelium Gentibus promulgari cœptum est.

Maris &  
terra bestia  
cum dra-  
cone aduer-  
sus Ecclesi-  
am fuisse  
fœderatas.



**A** ET VIDI DE MARI BESTIAM ASCENDENTEM. ] Hoc ita est considerandum, quasi effectus sit ex dæmone ad maris littus existente consecutus. Idemque dixerim de eo, quod textus inferius subijcit; nimirum alteram etiam Bestiam ascendisse de terra. Hac enim ratione dæmon homines oppugnat, dum eis proponit ob oculos fluxa ac peritura bona, & quidquid in mundo magni aestimatur: quod perinde est, veluti si ex mundi huius mari Bestia illa virtuti contraria exurgat ad homines in fraudem pelliciendos. Tentat etiam dæmon, dum hominum voluntatem atque affectum excitat, & inflamat, & carnis sapientiam pariter instimulat: hoc autem non aliud est, quam si de terra confurgat Bestia altera, quæ marinæ Bestiæ imprimis ministret.

Nomini *Bestiam* responderet Græcè *Δύσιον*, quod proprie significat belluam aut feram; atque idem in hoc loco significat nomen Bestiæ, & in hac etiam significatione apud Latinitatis auctores poni tolet. Ideo autem Romano Imperio idololatræ, & postea sapientiæ carnis nomen ac figura Bestiæ, siue Belluæ efferatæ tribuitur; quia in morem feræ Christianam Ecclesiam diuexarunt.

**B** ASCENDENTEM. ] Ribera existimat, *Ascendere* in hoc loco idem esse, atque ad littus emergere. Sed contrà est, quia eadem phrasi illico dicitur Bestia altera ascendisse de terra. Quod si Bestia utraque ad littus conueniunt, non ambæ dicentur ascendere, neque enim littus & mari & terra sublimius reputatur. Aptius fortassis est si in hac locutione figuretur, mare horribilem produxisse feram & terra alteram eiusdem rationis; ita ut marina Bestia ex ipsis maris vndis oriri sit visa; nec solum caput, sed totum corpus attollere: eademque ratione Bestia terrestris consideretur edita. In Græco, pro *Ascendere*, est verbum, *ἀναβαίνειν*, quæ etiam phrasi in Scriptura dicitur ascendere virgultum, & spinæ nasci.

**C** Notandum insuper est, apud Daniele cap. 7. 3. quatuor Bestias, (quibus Monarchiæ quatuor indicantur) dici omnes ascendere. Vbi Pererius noster asserit, ea locutione denotari Monarchiarum principium, utpote quæ ex humilibus ac paruis initijs duxere primordia. Nam id quod ascendit, prius in humili erat loco, vnde paulatim ad sublimiorem euehitur locum. Constat autem cuiusvis Monarchiæ principia parua & obscura fuisse: hinc decursu temporis ad potentiæ fastigium euasisse. Hæc est Pererij mens. Non tamen id est ad rem, quæ in Apocalypseos significatione intenditur. Nam Romani Imperij potentia in ipso persecutionis exordio maxima erat. Accedit, quod eadem loquendi formulâ, dicuntur ascendisse altera Bestia de mari, altera de terra: atqui secundæ Bestiæ non congruit eiusmodi explicatio, quæ illam ex paruis initijs denotet fuisse ortam. Commodius hic esset, per hanc loquendi rationem significari, coortam fuisse persecutionem, quam aduersus Ecclesiam utraque Bestia draconis instinctu & afflatu excitauit.

### §. 1. Cur altera Bestia de mari, altera de terra ascendisse dicantur.

**M**ARE quidem, (ut iam inuimus) denotat mundum, terra verò carnem. Ex mundi ergo mari, atque ex communis ethnicorum erroris fluctibus in Ecclesiam confurrexit Romani Imperij auctoritas ac superbia; ex carnis autem affectionibus inordinatis altera emerfit Bestia, id est, sapientia carnis, quæ marinam Bestiam Gentibus adorandam proposuit. & vehementer contendit.

**D** Ut ergo ad horum symbolorum singula seorsum descendamus, Mundum significari, notarunt Clemens Alexandrinus, Origenes, Arnobius, Hieronymus, Cyrillus, Augustinus, atque Gregorius. Addam nostri Pererij verba Danielis 7. *Mare (ait) significat Mundum, vel conditionem rerum humanarum; est enim ea amaritudinis & acerbitatis plena, inconstans, instabilis, periculisque referta, & habet plurimos pisces atque diuersos, & minores sunt præda maiorum.* Deinde ad inconstantiam & mutabilitatis significationem, præter ventorum perturbationes & maritimas tempestates, spectant etiam maris frequentes accessus atque recessus. Præterea, ut sæpe aliàs obseruauimus, per mare in Apocalypsi figuratur gentilitas; quia *Aquæ multa sunt populi multi.* Et ex gentilitate ipsa contendit dæmon, Romani Imperij superbiam atque potentiam in Christianæ Religionis perniciem confurgere: & eapropter Daniel capite septimo numero tertio confirmat, quatuor Bestias cum fideli populo pugnautes e mari fuisse exortas.

Quod verò terra affectus terrenos significet, plures etiam ex Ecclesiæ Patribus obseruauerunt, ut Origenes, Basiliius, Hilarius, Ambrosius, Augustinus. Idcirco Iacobus in sua epistola cap. 3. 15. sapientiam carnis appellat terrenam, quia astus atque præiugiæ sapientiæ carnis ex terrenarum affectionum impotenti vehementia proficiscuntur.

**E** Iam si trium animæ hostium, Dæmonis, Mundi, atque Carnis pugnam examinare velimus; in eo imprimis consistit, quod dæmon illud vel maximè laborat, ut Mundus rebus virtuti contrarijs menti propositis ad terrenum & inordinatum affectum homines alliciat: hæc autem terrestris affectio (quam dicimus carnem) expetat, & diligenter inquirat, quod Mundus proponit. Si ergo Caro repræsentat affectum, quid aptius, quam illum per terram figurari; quæ ex se arida est, & semper appetit eo satiari succo, quem ex mari sugere conatur? Ardens quidem terræ mysticæ sitis in eo cum primis figuratur, quod semper bibit, & haurit insaturabilis, nec tantâ fluuiorum infinitate natuiam extinguit sitim. Quia maxima illius siccitas indiget eâ aquarum immensa vi. Videtur autem ex eo ipso sitis terræ crescere, quod aqua maris semper salissima sit. Si autem in terræ siti congruenter terrenus affectus indicatur, rectè huius desiderij obiectum adumbrabitur in mundi mari, cuius succum semper appetit terra. Homini ergo, qui terra est, intra domesticos parietes suus inimicus, id est, terrena affectio, innascitur. Et mundi Bestia, quæ ex parte obiecti consideratur, sapienter fingitur exorta e mari, quod terram obit, atque alluit; & cuius succo ipsa appetit satiari. Et quemadmodum in qualibet regione terræ fructus ij solent nuncupari, qui non aliunde

*Marina bestia ascendit e mari perinde considerari quasi draconis effectum: id est, de terra bestia descendit.*

*Quid sit. Bestiam de mari ascendere.*

*Quid sit alteram de mari bestiam, alteram de terra confurgere. Per mare significari mundum.*

*Per terram adumbrari terrenos affectus.*

*In quo consistat pugnam trium animæ hostium, id est, mundi, dæmonis, atque carnis.*



deuehantur, sed in ipsa regione procreantur; ita etiam carnis sapientia, eiusque lenocinia dici possunt natiui cuiusque terræ fructus. Illud verò, quod Mundus Gentilibus proponebat ob oculos, nempe Romani Imperij auctoritas ac superbia, ex mundano cooriebatur mari per speciem horribilis & formidandæ Belluæ Religioni Catholicæ interminantis: eiusmodi tamen, quæ, ut homines in suum obsequium incãutos traheret, terrenæ Bestiæ fraudibus atque fallacijs indi-  
geret.

Ad hæc; si mare mundum ut obiectum representat; si terræ, humani cordis affectus; naturale erat, terram ipsam vndique maris vndis ambiri, ac veluti demergi; & hac ratione tellus ipsa ne-  
tquam posset fructus proferre. Verum admirabilis Dei prouidentia figuratur in illis Geneseos  
verbis cap. 1. 9. *Congregentur aquæ, quæ sub cælo sunt, in locum vnum; & appareat arida.* Quod perinde fuit,  
ac suâ omnipotentia præcipere, ut aliqua terræ pars maris & fluctuum subiectionem & imperium  
ex se excuteret; atque ita cælo exposita pateret, rorem inde cælestem expectando, ac sitiendo.  
Quare mox sequitur, *Germinet terra herbam viuentem.* Sed hoc obiter delibasse sit satis.

Aliorum explicationibus supersedeo; quod eas non probè teneam, & multa eo nitantur fun-  
damento, ut in marina Bestia Antichristum denotari putent. Ribera insuper ait, quod ad sensum  
attinet, idem esse *ascendere de terra*, atque *ascendere de mari*. quia Daniel cap. 7. 17. quod prius dixerat,  
quatuor se Bestias de mari ascendentes aspexisse; statim explicat de quatuor Regnis, quæ de terra  
ascendent. Ad hoc tamen dico, in ænigmati declaratione, posse quidem Mundum nuncupari  
terram; quia idem est mundus, & orbis terrarum: non tamen vacare mysterio, quod in eodem  
ænigmate Bestia altera de mari, altera de terra ascendisse dicantur. Atque hoc est mysterium  
quod nos explicari conati sumus.

HABENTEM CAPITA SEPTEM.] In capite 17. planum fiet, hanc maris Bestiam capite 13. &  
Bestiam capite 17. descriptam, super quam sedit Babylon, non esse diuersas, sed eandem. Quam-  
obrem, quam Angelus declarationem tradit de septem capitibus & decem cornibus Bestiæ capitis  
17. eadem deseruit septem item capitibus, & cornibus decem marinæ huius Bestiæ capitis 13. Quod  
ad id certum est, ut illi ipsimet, qui has Bestias diuersas esse putarunt, (ut Ribera, & alij non pauci)  
nihilominus statuunt, 7. capitum, & cornuum decem significationem eandem in vtrâque Bestia esse  
debere. Expositio ergo septem horum Bestiæ capitum ab Angelo reddita capite 17. 9. est eiusmodi.  
*Septem capita septem montes sunt, super quos mulier sedet, & Reges septem sunt: quinque ceciderunt; vnus est, &  
alius nondum venit.*

In quibus Angeli verbis notandum est, septem Bestiæ capitibus duplicem ab Angelo significa-  
tionem assignari, (ut vel hinc constet multiplicem eiusdem loci intelligentiam ab Spiritu sancto  
sæpe intendi.) Quauis verum etiam sit duas has significationes ab Angelo explicatas, non esse  
admodum inter se diuersas. Septem enim montes (ut infra videbimus) Romam; & septem Re-  
ges totidem Romæ Imperatores designant Christianæ Ecclesiæ oppugnatores. Quare cum se-  
ptem Bestiæ capitibus dicuntur esse montes totidem; innuitur pariter, Romam esse caput Romani  
Imperij ethnici Ecclesiam persequentis. Cum verò dicitur septem capitum significatio ad  
septem Reges referri; indicatur, Romanos Imperatores esse illius Imperij caput: quorum vtrum-  
que eodem recidit.

Prima ergo significatio est de septem Romæ montibus; hoc est, de Roma ipsa, quæ propter se-  
ptem montes appellabatur septimontium, ut norunt in humanioribus literis mediocriter versati.  
Hi autem septem montes sunt huiusmodi: Palatinus, Quirinalis, Auentinus, Cælius, Viminalis,  
Æsquelinus, Ianicularis. Vnde liquet, per maris Bestiam aperte Imperium designari Romanum,  
cuius caput erat Roma idololatrix. In septem enim montibus Roma figuratur, eo quod super illos  
fundata sit. In hac autem significatione manifestum est, capitum numerum cum montium nume-  
ro æquari; atque ad id ut dicatur Roma esse Imperij caput, congruenter in Bestia pro vno capi-  
te, septem reponi. Roma enim, cum ob montes septem, tum ob ingentem suam molem ac ma-  
gnitudinem, quasi septem vrbium pariter coniunctarum speciem præ se ferebat.

Dices tamen: Roma ethnica est meretrix illa capitis 17. quam Ioannes coccineæ Bestiæ insiden-  
tem fuit contemplatus; non autem rectè inter se videntur cohærere, ut & Bestia septiceps, & me-  
retrix illi insidens, vnum idemque sint. Respondeo, Bene vtrumque componi, & inter se con-  
sentire: quinimò concinnum imprimis esse atque elegans, ut duo diuersa symbola in eadem vsur-  
pentur significatione. Sic Genes. 41. 26. *Septem boues pulchra, & septem spica plena septem vbertatis anni  
sunt; eandemque vim somnij comprehendunt.* Et infra numero 32. *Quod autem vidisti secundo ad eandem rem  
pertinens somnium; firmitatis indicium est: eo quod fiat sermo Dei, & velocius impleatur.* Facit, quod Apocalyp.  
5. 6. legimus septem cornua & septem oculos Agni, quorum vtrique symbolorum eandem textus  
ipse significationem adscribit, & communiter ferè interpretes. Non ergo dissentaneum est, duo  
symbola pariter coniuncta eidem significationi deseruire; modò vtrumque rectè ad eundem signi-  
ficatum aptetur. Id quod in duplici symbolo capitis 17. minimè desideratur. Ecquis enim neget,  
ad Reipublicæ moderatorem significandum idonea hæc esse symbola; Reipublicæ caput, nauis gu-  
bernatorem, sessorem equi, currus aurigam, &c.

Altera significatio septem Bestiæ capitum ab Angelo expressa est, de septem Regibus, (hoc est  
de multis Imperatoribus) nempe de illis, qui Christianam Ecclesiam exagitarunt. Maris enim  
Bellua non adumbrat Romanum Imperium, prout à Christiano & ethnico abstractum; sed qua-  
tenus idolorum superstitioni velificabatur quondam, & Dei Ecclesiam vehementer premebat.  
Atque ita in huius Bestiæ capitibus ij solum Imperatores notantur, qui persecutionem aduersus  
Ecclesiam suscitauerunt. Huic declarationi fauet Prosper in dimidio temporis cap. 8. ubi agens de  
septem Bestiæ capitibus; *In quantum datur (inquit) existimatio, priores Reges memorat Ioannes; qui truculen-  
tiores fuerunt in Religionem Christi.* Confirmatur, quia Ioannes super septem Bestiæ capita inspexit  
nomina blasphemiarum: igitur qui non truculentos se in Christum exhibuerunt, nec Christiani no-  
minis

Quid per  
septem ma-  
rine Bestia  
capita figu-  
retur.

Duplex se-  
ptem bestia  
capitum signi-  
ficatio ab  
angelo tra-  
ducta.

1. Septem  
capitum  
significatio.

2. signifi-  
catio.

A

B

C

D

E







tis & emolumenti importat, præter argutam nimis curiositatem.

4. difficul-  
tatis ratio.

Quartò, coactum valde est ac violentum, minimeque probabile, Iulianum Apostatam ex marina Bestiæ capitibus excludere; cum sermo sit de idololatriæ Imperatoribus, qui Ecclesiâ conflictarunt. Quòd si per septenarium numerum septem tantum persecutores primi designentur; necessariò prætermittendus erit Iulianus. Tum quia absque illo septem affatim numerantur; tum etiam ut hac ratione Iulianus octonarium numerum expleat, iuxta illa verba capitis 17. 11. *Et ipsa octaua est, & de septem est.*

In capitulum  
septenario  
haberi re-  
spectum ad  
exactum Ec-  
clesiæ perse-  
cutionum  
numerum,  
exceptis ta-  
men Nero-  
nis & Iuli-  
ani persecu-  
tionibus.

Cur Ne-  
ronianæ per-  
secutionis  
mentio in  
capitulum se-  
ptenario  
nulla sit.

Cur item  
nec Iuliani  
persecutio  
inter septem  
capita an-  
numeretur?

Quomodo  
persecutio-  
nis inter  
Neronem  
& Iulianum  
interiecta  
ad septena-  
rium nume-  
rum refer-  
centur.

Argumen-  
tis pro supe-  
riore sen-  
tentia ad-  
ductis sit  
satis.

Nihilominus mihi valde verisimile est, in septem marinæ Bestiæ capitibus Spiritum sanctum respexisse ad exactam præcipuarum persecutionum numerum, quæ inter Neronis, & Iuliani persecutiones intercesserunt (ipsis tamē Nerone & Iuliano ex hoc numero exclusis) ex quarum persecutionibus altera fuit prima, altera postrema. Enumero igitur medias tantum persecutiones duabus extremis omisissis. Id alicui fortassis paradoxon videatur: sed explicatione probabile fortè fiet. Primò ergo, ea potuit ratio existere, cur Neronianæ persecutionis mentio inter septem Bestiæ capita non fieret; quia ipsius mentio singulatim facta iam præcesserat capite 12. ut ibi vidimus. Vbi persecutio illa draconi ipsi fuit adscripta, cuius iussu atque oraculo Nero ipse, utpote insignis veneficus, creditur persecutionem illam excitasse. Quamobrem Bestia maris repræsentare debet persecutiones eas, quas Romanum Imperium post Neronianam commouit; & in quarum singulis Neronis persecutionem instaurauit.

Deinde, ne Iuliani persecutio inter septem capita directè annumeretur, ratio etiam satis congruens reperitur. Illa enim persecutio Iuliani perinde extitit, quasi semiustus torris; qui cinere sopitus ac pene extinctus reuiuiscere & rursus fumigare cœpit post persecutionum incendium in Imperio prorsus restinctum. Dicam clariùs. Constantini quidem tempore Christiana Ecclesiâ clarissimâ iam victoriam ex idolorum cultu adepta fuerat per publicam Christianæ Religionis professionem, & templorum magnificentissimorum erectionem. Quare Imperij persecutiones iam tunc videntur, non interruptæ solum, sed etiam finitæ penitus fuisse. Quòd si postea Iulianus aliam denuo persecutionem instaurauit; satis fundamenti est in Ecclesiastica historia, ut hæc Iuliani persecutio non referatur in earum numerum, quas passa est Ecclesiâ ante Religionis Christianæ publicam professionem. Quamobrem, qui persecutionum à Romano Imperio ethnico illatarum numerum in-  
eunt, communiter Iuliani persecutionem prætermittunt; ut videre est apud Augustinum, quando eas ad denarium redigit numerum; & apud Seuerum Sulpicium, cum illas nouenario numero coercet; & sic de reliquis, qui seorsum, veluti rem alterius generis, referunt Iuliani persecutionem. Ideoque Angelus capite 17. prius enumerauit persecutiones septem, easque ad septem Bestiæ capita reuocauit: & mox subdidit, aliam præterea futuram, quæ in reliquarum numerum non fuerat adscripta; utpote res alterius rationis, & ea propter seorsum reponenda, quasi reliquarum septem additamentum; verum ex earum etiam genere, & veluti titio, qui ex priorum persecutionum incendio reliquus fuerat.

Supereff nunc ostendere, quæ potuerit congruens ratio reperiri, quamobrem persecutiones inter duas Neronis & Iuliani extremas interiectæ, ad numerum septenarium reducantur; quando ex Augustino nuper vidimus, post Neronem & ante Iulianum nouem extitisse persecutiones. Ad hoc Respondeo. Ex nouem illis persecutionibus, quas Augustinus post Neronianam recenset, & nos ex eodem supra retulimus, duas omnino detrahit Seuerus Sulpicius. Licet enim ille nouem referat (ut aduertit Genebrardus) nempe octo post Neronianam: nihilominus ut hunc nouenarium numerum constituat, Traiani persecutionem in duas dissecat; alteram ab ipso Traiano, alteram ab Adriano inductam, D. autem Augustinus & Genebrardus ex vtraque vnam constituunt, à Traiano cœptam, prouectam ab Adriano. Itaque Sulpicius duas efficit ex vna; tollit tamen duas alias, nempe Maximini & Aureliani quas contemnit. Et apud Genebrardum quidē legi potest fundamentum, quo nixus Sulpicius illas persecutiones ex ceterarum alio sustulerit. Ratio autem eius fuit, quia Maximiniana nec generalis in toto Imperio extitit, nec aduersus Christianos omnes; sed solum contra prædicatores excitata. Atque Aureliani persecutio reapse executioni mandata non fuit, ut obseruat Genebrardus & ex Eusebio, aliisque cōpluribus probat. Constat ergo satis esse fundamēti atque rationis, ut ex 10. persecutionibus ab August. recensitis, duæ supprimantur. Quare Neronianæ etiam suppressæ, iuxta ea, quæ superius annotauimus, septē omnino residuæ sunt communes & generales Ecclesiæ persecutiones ante Iulianum: quæ hoc ordine numerantur. Prima Domitiani. Secunda Traiani. Tertia Antonini. Quarta Seueri. Quinta Decij. Sexta Valeriani. Septima Diocletiani. Atque his septem respondent totidem Bestiæ capita, relicta Iuliani persecutione; de qua intelligantur verba illa capitis 17. *Et ipsa octaua est.* Ita ut quasi res à superioribus diuersa consideretur, & eo minus afferens timoris, quò altiores iam radices egerat Christiana Religio.

Hæc mihi interpretatio probabilior visa est; ideoque argumentis in contrarium adductis facere oportet satis. Ad primum ergo Respondeo, non deesse aptum fundamentum, (ut vidinius) ad persecutiones omnes æquiori numero complectendas, quantumuis Augustinus ad denarium reducat. Ad secundum, Angelus quidem non eo fuit consilio, ut Ioannem admoneret, præcipuas persecutiones plus septem fore; sed septem præcipuas aliam deinceps successuram, nempe Iuliani. Ad tertium, quia non permagni Ecclesiæ intererat ante ipsum rerum euentum vulgò numerum persecutionum Romani Imperij prænosci, sed potius id ignorari oportebat, idcirco quamuis diuinus Spiritus in hoc ænigmate eas adumbrauerit, ita tamen inuolucris & integumentis obtexit, ut ante ipsum euentum fideles Apocalypseos verbis securi ac negligentes reddi non possent, siue de certo persecutionum numero, siue de illarum enumerandi ratione. Quod autem non expedierit, Ecclesiâ ante præcognouisse exactum persecutionum numerum; non ideo probatur, ab Spiritu sancto huiusmodi numerum præmonstratum non fuisse. ad hoc enim satis rationis erat, si Ioannes id mysterii probè intelligeret, nec non alii, quibus Apocalypseos intelligentia procul dabio impertita fuit.

A

B

C

D

E



fuit. Atque ad Ecclesiæ solatium non parui admodum interest, post prophetiæ complementum, eiusdem prophetiæ figuram, & ipsius partium numerum in eadem figura adumbratum Ecclesiæ ipsi innotescere. Hoc enim non parum conducit, opinor, ut Spiritus sanctus in septem Bestiæ capitum visione credatur respexisse ad præcipuarum persecutionum numerum: quamvis cum hoc etiam sensu rectè alter consentire possit, de quo infra. Iam, quod additur, persecutiones videlicet ad maiorem posse numerum reduci; ad id respondeo, perbreuem intermissionem non tanti esse, ut propterea diuersa sit persecutio reputanda; quia parum pro nihilo reputatur. Et persecutiones quidem ab Augustino relictas perspicuum est minoris esse momenti, atque aded iure prætermitti debere. Magnas verò & generales persecutiones post Neronianam & ante Iulianæam, fuisse omnino septem, nec plures nec pauciores, ex superioribus satis constat. Ad quartum Respondeo. De Iuliani persecutione, quamvis ex illarum septem numero seposita ob suprâ dictam rationem, peculiarem tamen fieri mentionem; quod satis est.

### §. 2. Alia expositio septem marina Bestiæ capitum.

**V**IDIMVS hætenus, qua ratione septem Bestiæ capita possint ita accipi, ut capitum numerus septenario persecutionum numero respondeat. Verum illud etiam mihi satis verò sit simile, nimirum septem capitum significationem non opus esse ad septenarium persecutionum numerum præse sumptum reduci, sed solum ad multitudinem Imperatorum ethnicorum, qui Christianâ Ecclesiam vexarunt. Etenim receptissima est in sacris Literis phrasid, certum numerum pro incerto poni: id quod præcipue locum habet in quibusdam numeris, qui completi appellantur; cuiusmodi sunt septenarius, denarius & millenarius. Quod verò septenarius atque denarius numeri reputentur completi, auctor est Ambrosius libro de Noë & Arca, capite duodecimo, pro quo plures extant Scripturæ loci, in quibus dilucidè apparet, septenarium indefinitè sumi. ut Psal. 118. 164. *Septies in die laudem dixi tibi.* Genes. 4. 24. *Septuplum ultio dabitur de Cain.* Prouerb. capite vigesimo quarto numero decimo sexto. *Septies enim cadit iustus.* Matth. capite duodecimo numero quadragesimo quinto. *Assumit septem alios spiritus nequiores se.* Si ergo recepto Scripturæ more septenarius apponi solet ad plura nullo certo numero præfinita significanda; congruenter in hoc ænigmate septem exprimi capita potuerunt, ut plures siue Imperatores siue persecutiones nullo certo numero signarentur. Atqui constat in ænigmate figuram atque picturam septenarii fuisse, quod non nego; assero tamen septenarii huius significationem non esse necessariò ad certum aliquem Imperatorum septenarium reuocandam.

Deinde, quamvis septenarius & denarius, si indefinitè sumantur, (hoc est, posito certo numero pro incerto) videantur præ se ferre eandem significationem; nihilominus aptior videtur septenarius ad eas denotandas res, quæ temporis decursu sibi succedunt. Hi enim numeri propterea indefinitè usurpantur, quia completi sunt, ut suprâ dicebamus. Licet autem denarius sit completus in numerandi ratione, nusquam tamen denarium aliquem rerum succedentium reperimus, qui communi consensione sit pro perfecto & absoluto numero receptus. Secus tamen est de septenario, nam & septem continet dies hebdomada, & totidem etiam annorum hebdomada est; & hebdomadæ Pentecostes septem pariter sunt. Quamobrem idonea extitit ratio, cur in ænigmate denarius cornuum Bestiæ denotaret multitudinem principum polyarchiæ, qui sunt omnes simul; & septenarius numerus designaret in septem Bestiæ capitibus multitudinem Imperatorum, qui non simul, sed temporis decursu successerunt. Quare in ipsis capitibus textus successionem euidenter exprimit: dicitur enim cap. 7. 10. dum de illis sermo est; *Quinque ceciderunt, vnus est, & alius nondum venit.* Quid expressius ad successionem denotandam?

Tertiò, in septem capitum numero, si certus pro incerto reponatur, significari potest, quamvis voluerit Deus persecutionum numerum Ecclesiæ ignotum esse, non tamen temere & casu id fore euenturum, sed in numero certo atque perfecto, id est, per summam Dei sapientiam ac dispositionem ordinato ad ipsius Ecclesiæ emolumentum. Vide quid simile in numero centum quadraginta quatuor millium cap. 7. & cap. 14.

Quartò, quæ poterat subesse dubitatio, vtrum scilicet septenarius strictè pro septem Imperatoribus, an late pro eorum multitudine sumeretur, hanc inquam sustulit Angelus capite decimo septimo numero vndecimo verbis illis, *Et Bestia quæ erat, & non est, & ipsa octaua est.* Siue ut in Græco legitur, *Et ipse octauus est.* vbi cum dixisset antea, *Quinque ceciderunt, vnus est, & alius nondum venit.* videbatur quidem sensus esse eiusmodi, ut septem omnino essent. ceterum, ut alium longè diuersum esse sensum appareret, subiungit Angelus, inter septem illos reges numerari etiam octauum: & nihilominus fuisse satis septem tantum capita Bestiæ apponi; quia octauus rex ex septem illis vnus erat. Difficile valde explicatu atq; aded intellectu id videatur alicui, nisi aduerterit septenarium hic numerum laxè & indefinitè pro numero incerto usurpari. Si autem obseruetur capita septem nihil aliud denotare, quàm plurima capita, omnino tollitur (ni fallor) difficultas. Etenim si in aliquo ænigmate per septem vnus Bestiæ capita vellem complurium Imperatorum successionem figurare (hoc est in numero definito indefinitum) roganti, cur plura Bestiæ capita non affingerem, cum Otho octauus fuerit Imperator? facile utique responderem, quod Angelus Ioanni edixerit; nimirum octauum hunc Imperatorem esse vnum ex septem capitibus, quæ Bestiæ assignaui. Quod si rursus vrgeret, quinam fieri posset, ut octauus esset vnus ex septem? riderem sanè interrogantis imperitiam; & secundò iterarem, vbi septenarius indefinitè accipitur; in eo quidem octo, nouem, duodecim, aut multò etiam plures comprehendi. Quare mirum non esse, si octauus in septenario illo includatur.

Quamobrem, quod Angelus Ioanni exposuit, illud est, videlicet, persecutiones plures septem futuras, quantumuis figura ipsa septem capita præferret: quot verò strictè futuræ essent, id fortè

2. expositio de septem marina Bestiæ capitibus.

In aliquot numeris certum aliquando pro incerto poni.

Septenarii ad indefinitum rerum sibi succedentium numerum denotandū congruenter usurpari.

In capitum Bestiæ septenario indefinitè sumpto quid innuitur.

Ex angeli verbis cap. 17. colligi, septenarii hic indefinitè sumendum.

Cur Angelus Ioanni certū persecutionū numerū non declarauerit.



Angelus non declarauit, vt ostenderet, nolle Deum id Christianæ Ecclesiæ reuelare, & eam ob rem Belluam septicipitem fuisse visam. Additumque est ab Angelo in illo capitum septenario octauum contineri; vt hac ratione pateretur, illum septenarium numerum indefinitè pro incerto fore accipiendum: ac proinde non opus esse, vt sensus ad octo persecutionum numerum contraheretur. Nam si id significare voluisset, facile profectò foret, octo Bestiæ capita appingere.

Vt autem exemplo aliquo planum fiat, septenario numero indefinitè sumpto, verè dici potuisse, octauum esse ex illis septem vnum; lege Danielis 7.8. vbi ex medio spatio decem cornuum surgit cornu vndecimum. Cum verò per cornua decem denotentur Romani omnes senatores, (vt intra videbimus,) dubium non est, quin, qui contra illos caput extulit, eorum vnus fuerit. Nam Iulius Cæsar, qui Monarchiæ initium dedit, ex eodem senatorum numero erat. Cornu igitur vndecimum est vnum ex decem. Id certè negari non potest, loquendo de ænigmatis significatione; quamuis in figura ipsa siue pictura congruenter expressum fuerit vndecimum cornu exiguum, quo Iulius Cæsar signaretur quasi à ceteris diuersus, quamuis ex numero illorum, & innueretur pariter, ipsius felicitatem ex paruis initiis originem duxisse, & sub ipsa exordia aliorum Imperatorum felicitati inferioriorem extitisse.

Videamus nunc, cūr Ecclesiæ fuerit prænuntiati, persecutiones amplius septem fore, non autem earum numerus illi clarè fuerit expressus? Etenim si congruens fuit Ecclesiæ prædici, plus septem persecutiones futuras, nihilo videbatur minùs fore consentaneum, si exactus illi numerus exponeretur. Respondeo tamen, oportuisse quidem præscire Ecclesiam plures sibi persecutiones à Romano Imperio imminere; vt illa sese ad tot hostiles incursus compararet, ac præmuniret: cōgruum tamen fuisse, ne præfinitum earum numerum cognosceret, hoc enim sibi maiori emolumento erat futurum. Quemadmodum dici solet, & meritò, iustis hominibus expedire, ne extremum suæ vitæ diem præcognoscant; vt hac ratione cautiore ac solertiores se exhibeant.

Nihilominus opponet nobis quispiam, hanc interpretandi rationem in septenario numero minime respondere declarationi, quam in superioribus tradidimus de stellis duodecim, ex quibus mulieris corona constabat: de duobus testibus capituli 11. de septem cornibus, totidemque oculis Agni: de septem draconis capitibus: & de septem pariter capitibus Bestiæ per respectum ad septem Romæ montes. Etenim, si hi omnes numeri præcisè vsurpantur, vt sonant; ita etiam accipiendus erit septenarius numerus in septem Bestiæ capitibus respectu septem persecutionum. Respondeo, aliquos numeros, vt binarium & duodenarium, non esse ex ijs, qui solent indefinitè sumi, sicut denarius & septenarius, qui tamen duo, nempe septenarius & denarius (vt omnes facile concedent) tam in ænigmate, quàm extra ænigma accipi possunt haud ineptè indefinitè pro incerto & indeterminato numero: & fortè binarius numerus & duodenarius ad hanc significandi rationem perperam assumerentur. Nequè vrget, quod ex præcisa septenarii acceptione in Agni cornibus, & in draconis capitibus adducitur. Licet enim huiusmodi numeri possint indefinitè accipi; id tamen non obstat, quo minùs propriè etiam & præfinitè valeant vsurpari; sicut è contrario, quod sumantur interdum definitè, non ideo sunt semper necessariò ad eam significationis proprietatem coarctandi: præsertim quando ipsemet, qui ænigma proponit, nos edocet, septenarium numerum non esse propriè & exactè sumendum: vt Angelus Ioannem erudit dicens, *Et ipsa octaua est.* In septem Agni cornibus iusta fuit computatio; respondent enim septem libri sigillis. In draconis item capitibus congruit pariter enumerandi ratio cum septem vitijs, quæ capitalia vocant. Ceterum, quamuis diuisio alia magis adhuc metaphysica in plura membra fieret; & capitalia ipsa vitia constaret ad octo posse reduci, vt Cassianus alicubi existimat: adhuc ea omnia vitia optime in septem draconis capitibus denotarentur. Nam & D. Thomas non reputat inconueniens vitium aliquod reperiri, quod directè non sit vllum ex septem illis capitalibus, quæ vulgò numerari solent, vt videre est 1.2. q.84. a.4. ad 5. Licet autem Valentia rectè vitiorum septem capitalium numerum ad peccatorum omnium multitudinem per accommodationem distribuat: alius tamen fortassis existimaret, diuisionem huiusmodi non admodum esse formalem, sed solum accommodationem ad septem spiritus nequissimos; (quorum mentio est apud Matth. c.12.45. & apud Lucam c.11.26.) atque ad 7. capita draconis. Sin autè diuisio hæc in 7. vitia capitalia sit perfecta & exacta; multò autem commodius accidit. Cum verò 7. draconis capita afficta sint, & totidem montes numerentur, in quibus Roma est fundata; facile apparet congruens ratio, cur Bestiæ capita non amplius 7. esse deberent. Nam ad quemlibet Imperatorum Ecclesiam persequentium numerum indicandum aptus erat imprimis septenarius. De numero verò denario in cornibus dicemus infra.

Obijcies ex Ribera, neminem interpretum, præter Victorinum, singula Bestiæ capita de singulis Principibus intellexisse. Nam ceteri omnes expositores in horum septem capitum singulis plures agnoscunt Principes. Sicut Danielis 8.20. *Aries rex Medorum est atque Persarum.* Quod de cunctis Medorum atque Persarum regibus exponit Hieronymus. Et tantum abest, vt de Imperatoribus singulis singula sint capita explicanda, vt Viegas c.7. existimet, communem esse Richardi opinionem, quæ septem capita interpretatur de vniuersis regibus impijs, quæ in 7. mundi ætatibus, & antea extiterunt, & deinceps existent: quarum ætatum prima fuit vsque ad Noëm: secunda vsque ad Abrahamum: tertia vsque ad Moysen: quarta vsque ad Dauidem: quinta vsque ad Christum: sexta vsque ad Antichristum: septima vsque ad Iudicium.

Ad hæc tamen dico, minime violentū esse, singulare nomē accipi aliquando pro plurali. Si tamē euident sit marinam Bestiam pro Rom. Imperio inanum deorū superstitioni dedito vsurpari: euident pariter erit, non esse Bestiæ capita, quæ Viegas, atque Ribera opinantur. Etenim necesse est, 7. illa capita esse Reges, & capita Rom. Imperii ethnici Catholicā vexantis Ecclesiam. Siue autè septenarius capitū ad 7. referatur persecutiones (pro eodem capite cōputatis ijs, qui vnā persecutionē cōmouerunt, & sic de reliquis) siue ad ingentem Imperatorum numerum Ecclesiæ hostium: contextus saltē omnino respuit, hoc in loco esse sermonē, aut de regibus sub Antichristo futuris, aut de

Cur Ecclesiæ  
prænunciari  
Deus voluit  
ut persecu-  
tiones fore  
amplius se-  
ptem: nec  
tamen præ-  
finitum om-  
nium numerū  
referauerit?  
Obiectio  
contra præ-  
dictam de-  
clarationem.

Solutio.

Altera ob-  
iectio.

Soluitur.







duo cornua, alii vnum obtigerit? nili solum quia pictura ipsius facilitas atque commoditas id exigebat: quantumvis, quod ad significationem attinet, decem cornua in singulis capitibus reperiantur coniuncta, quando cuiusque tempus per vices aduenerit.

Decem bestia  
cornua quid  
significent.

Denarius  
multiplica-  
tionis nu-  
merus.

Soluitur  
difficultas  
in praedicta  
explicatione  
occurrentes.

Obiectio  
contra no-  
stram in-  
terpretatio-  
nem.

In quarta  
Danielis  
bestia, quid  
significet,  
tria capitibus  
cornua ab  
alio emi-  
nentiori  
deici.

Sed ut de significatione ipsa dicamus, praetermissa illa opinione, quae decem cornua ad Reges decem sub Antichristo in Romano Imperio futuros applicat; aut ad eorum multitudinem regum, quos Antichristus ipse in terrarum orbe reperiet, (quod minus displicet Augustino 20. de ciuitate cap. 23.) illud mihi certum est, decem isthaec cornua esse symbolum multitudinis senatorum Romanorum. Sicut enim vnum cornu in Scriptura designat principem vnum; ita cornua plurima Polyarchiam innuunt, seu plurimorum principum gubernationem. Et idcirco dixit Daniel quartam Bestiam esse dissimilem ceterarum: aliae enim erant absolute loquendo Monarchiae; Romanum vero Imperium proprie Polyarchiae rationem induebat. Ut autem hoc significaretur; aptissimum fuit decem cornuum symbolum; quippe denarius est multiplicationis numerus, & eam ob rem maiores omnes numeri in denario tandem clauduntur. Nam ubi ad denarium deuenitur, protinus ad numerorum initium, siue vnitatem regressio fit; & dicimus, *Vndecim, Duodecim, &c.* quali diceremus decem & vnum, aut decem & duo. Cum autem senatorum numerus certus ac praefinitus non esset, & exprimendus foret numerus aliquis, qui multitudinis esset symbolum; nullus potuit congruentius assumi, quam denarius. Lege Zachar. 8. 13. *In diebus illis apprehendent decem homines ex omnibus linguis Gentium fimbriam viri Iudaei, dicentes, Ibimus vobiscum, &c.* Vbi forte *Decem*, idem est, ac *Plurimi*. Si enim non intelligas decem ex qualibet lingua, sed decem ex omnibus collectivae; non possunt esse decem ex omnibus linguis, cum linguae omnes plus septuaginta sint. Praeterea ipsemet Apocalypseos contextus cap. 17. 12. explicat, per decem cornua figurari Polyarchiam, quae est multitudo principum eodem tempore vigentium: atqui eiusmodi erant Romani senatores. Etenim licet non proprie fuerint reges; eorum tamen potentia & amplitudo regum instar erat. Quare Cyneas dixit, Romanum Senatum sibi fuisse visum confessum regum, ut narrant Plutarchus in Pyrho, Florus lib. 1. Liuius lib. 11. Lipsius lib. 4. de magnitudine Romana cap. 2. Coharent cum hoc ipsius textus verba, *Decem cornua decem reges sunt, qui potestatem tanquam reges vna hora accipient: vel acceperunt.* Quid enim est, obsecro, *Vna hora*, nisi vno eodemque tempore principatum tenere? Quod autem reges appellentur, & declaretur pariter, eos non proprie reges esse, sed regum habere potentiam & amplitudinem, quis non in hoc senatorum Romanorum descriptionem cognoscat?

Dicit tamen aliquis, quando Romanum Imperium in Ecclesiam saeuit, Polyarchia ipsa Romanorum iam fuerat ad Monarchiam redacta; atque adeo pro illo ipso tempore non recte decem cornua tribuuntur. Ceterum, quamuis verum sit, per dignitatem imperatoriam multum auctoritatis senatoribus fuisse imminutum, adhuc tamen maxima illis auctoritas & amplitudo restiterat; ut cap. 12. obseruauimus ex Polybio: & leges singillatim senatus ipse probabat, & confirmabat; aliter enim nullam legum vim obtinebant. Quare cum haec maris Bestia Romanum representet Imperium Romanae Ecclesiae per edicta ac leges iniquas bellum inferens, non fuit satis septem figurari capita, quae Imperatorum symbolum gerunt, nisi decem quoque cornuum figuraretur auctoritas, quae Romanum Senatum denotarent. Etenim in ijs legibus & persecutionibus, quae aduersus Christianam Ecclesiam dimanabant, Romanum Imperium non meram agebat Monarchiam; sed Monarchiae iuxta ac Polyarchiae permissionem. Quapropter consentaneum fuit, decem cornua marinae Bestiae affingi, quibus Romani Senatus auctoritas in Ecclesiae oppugnatione & idolorum propugnatione adumbraretur. Qui ergo senel sibi in mentem induxerit, decem cornua apud Danielem significare Romani senatus auctoritatem, nescio, quo pacto possit in dubium vocare, in eadem significatione hoc symbolum ab Apocalypsi usurpari, cum ex illo Danielis symbolo sit desumptum. Praesertim cum constet, ita exigi necessarium ad consequentem Apocalypseos seriem & acoluthiam, nec non ad declarationem ab Angelo traditam de decem cornibus cap. 17. numero 9. 10. 11. & 12. Cumque certum etiam sit ad Polyarchiae significationem nihil posse concinnius afferri, quam haec decem cornua. Nec tamen inde sequitur, per denarium numerum semper ingentem multitudinem denotari. Nam in alijs rebus denarius est numerus exiguus, ut cum exprimuntur decem dies cap. 2. 10. In alijs vero est ingens numerus, ut in decem vnus Bestiae cornibus.

Sed obiciet aliquis, symbolum decem cornuum si idoneum erat ad Romanum Senatum figurandum ante Iulij Caesaris tyrannidem & Monarchiae institutionem; ex hoc ipso colligitur, non esse huiusmodi symbolum ad rem, ut per illud Senatus idem denotetur, quo tempore persecutiones sunt aduersum Ecclesiam excitatae. Etenim haec persecutiones accidere multis annis post Monarchiam institutam: huiusmodi autem Monarchiae exordio dum vaticinatur Daniel, affirmat, in medio decem cornuum loco, cornu aliud vndecimum sese extulisse, quod inter cetera superius euasit. Et tria de cornibus prioribus euulsa sunt a facie eius. Quod in sensu proximo significat inter Romanos senatores vnum fuisse cristas, seque in eius Reipublicae Monarchiam intrusisse, & bonam eiusdem Reipublicae senatorum partem fuisse demolitum: quia suos hostes, & competitores disturbauit. Id quod significatur in trium cornuum euulsione, quae fere tertiam denarii numeri partem conficiunt. Ex hoc igitur inferri videtur, cum in Apocalypsi Rom. indicatur Imperium, quo tempore iam erat Monarchia, Bestiam hanc non fore cum decem cornibus depingendam, sed solum cum 7. Quandoquidem Monarchia ipsa extitit causa, cur tria ex decem cornibus amitterentur. Respondeo tamen, apud Danielem fuisse figuratum, quod Iulij Caesaris tempestate fuerat euenturum; atque adeo oportuisse, ut illorum trium cornuum euulsio representaretur: non tamen ideo fuisse necessarium, ut in posterum septem duntaxat cornua Bestiae affingerentur. Etenim numerus senatorum, quos Iulius Caesar euertit, alijs postea senatoribus fuit instauratus. Imo vero senatus a Iulio Caesare ad nongentos auctus describitur. Et quidem licet id non praestitisset; Senatorum tamen numerus semper extitit ingens. Decem autem cornua (ut iam vidimus) id vnum denotant, maximam senatorum principalium multitudinem. Quapropter quamuis deinceps pauciores

essent



ET SUPER CORNUA EIVS DECEM DIADEMATA. ] Vide suprà capite 12.3. vbi adnotauimus discrimen inter draconem & maris Bestiam ; quod in dracone septem sint, iuxta capitum numerum, diademata. Nam draconis capita sunt coronis insignita. In Bestia verò maris sunt diademata decem, quia eius cornua sunt decem, quibus imposita sunt coronæ. Ibi autem discriminis huius idoneam rationem reddidimus.

ET SUPER CAPITA EIVS NOMINA BLASPHEMIÆ.] Hæc blasphemiæ nomina in capitum frontibus impressa confidero. Hoc enim satis est ad textus ipsius veritatem, præsertim si Græca loquutio attendatur, ἐπιτάς κεφαλάς. Si quis autem roget, quænam isthæc nomina fuerint? Respondeo, Nullum mihi aptius nomen occurrere, quàm *Antichristus*, quasi se Christi profiteantur hostes, eiusque nomen sanctissimum maledictis incessant. Notandum porro est, in capite 17.3. visam Ioanni fuisse eandem Bestiam nominibus blasphemiæ plenam; quod fortè non arguit solum in capitibus, sed in toto etiam corpore fuisse hæc nomina dispersa. Nam quamvis propter nomina illa, quæ descripta in frontibus habebat, dici posset plena nominibus blasphemiæ, (sicut aliquem diceremus annulis plenum, si in digitis singulis singulos gestaret) nihil tamen prohibet, quin cum initio Ioannes non viderit Bestiam coccineam (id est sanguine tinctam) postea tamen viderit: eadem etiam ratione principio quidem inspexerit, Imperatores solum esse Antichristos, id est, qui bello Christum laceßere tentabant; deinceps verò conspexerit totam pariter Bestiam eodem Christi nominis odio imbutam esse atque refertam. Nam

Præsertim cum dæmon ipsos idolorum cultores stimularer, & accenderet; quò Romanorum Imperatorum edicta & senatus consulta aduersus Christi sectatores impigrè ac diligenter exequerentur. Atque hæc de blasphemiarum nominibus super Bestiarum capita impositis, si capita ad Imperatores referantur. Si verò referantur ad septem montes; illi quidem blasphemiarum etiam nominibus erant pleni, propter frequentissima idolorum templa, quæ passim per totos vrbis vicos structa viscebantur. Suspicio tamen, simplicius esse, si, (dum de blasphemiarum nominibus agitur, quæ in Bestiarum capitibus erant descripta) capitum nomina pro Imperatoribus supponatur. Ex quo dentum intelligitur, non propriè huius Bestiarum capita reputari, nisi eos solum Imperatores, qui Christianam Ecclesiam affligerunt.

*Vers. 2.* Et Bestia, quam vidi, similis erat pardo, & pedes eius sicut pedes ursi, & os eius sicut os leonis; & dedit illi draco virtutem suam & potestatem magnam.

**D**IXIMVS superiore versu, quamvis maris Bestia quatuor illas Danielis ( nempe quatuor Monarchias ) non directe repræsentet, sed solum quartam; nihilominus diuinum Spiritum in ea quodammodo voluisse coniungere, quidquid in illis quatuor sæuum, immane, atque terribile eminebat; atque ad eò vndique accersuisse, quod ad distinctiorem significationem congruentius esse poterat: vt simul cum decem cornibus & septem capitibus iungantur in illa leonis superbia, quam tribuit Daniel primæ Bestiæ, vrsi luxuria, quam tribuit secundæ; & maculosa pardi figura, quam tribuit tertiæ. Sic enim expediens erat ad describendum cruentum bellum, quod Imperium Rom. idolis seruiens Ecclesiæ Christianæ fecit; quod bellū multò distinctius reuelatum est Ioanni, quàm Danieli. Quamobrem nihil mirandum nobis est, cur Bestia ad eò noua & inaudita ascendat de mari, quæ nihil habeat cum marinis piscibus cōmune. Hæc enim pictura non est, vt illa Leviathan apud Iobum, in qua diuinus Spiritus similitudinem ceti, ( quæ propria est maris Bestia ) vsurpauit, vt animæ hostem, quem mundum appellamus, depingeret. At in Apocalypsi ad distinctiorem significationem eiusdem inimici, præsertim in bello per Rom. Imperium contra Ecclesiam gesto, non satis esse duxit Spiritus sanctus similitudinem cuiuslibet Bestiæ ex ijs, quæ naturali generatione propagantur: & propterea in hac sacra visione aliam multò monstrosiorem & horribiliorem expressit. Quæ in re elucet imprimis sacrarum Literarum sapientia; quæ per comparationes ex rebus naturalibus petitis fuit exorsa; postea tamen, vt figura ipsa siue pictura expressior fieret, naturalibus comparationibus aliæ ex rebus suis accersitas sapienter & eleganter adiunxit.

*SIMILIS ERAT PARDO.] Notandum hic est de pardo diuersa & inter se discrepantia à Plinio atque Solino tradi. Plinius enim l.8.c.18. sentire videtur, pardos esse pantherarum mares. Solinus autem c.21.vtrumque animal specie diuersum affirmat. ait enim, In his syluestribus & pardi sunt, secundum à pantheris genus, satis noti, nec latius exequendi, quorum adulterinis coitibus degenerantur partus leonarum, & leones quidem procreantur, sed ignobiles. Plinius quoque hæc scribit, Quidam à pardis pantheras candore solo discernunt, nec adhuc aliam differentiam inueni. Nec verò aut Plinius aut Solinus exponunt, num pardi illi, de quibus loquuntur, varij sint & maculosi. Tigribus quidem & pantheris picturæ varietatem tribuunt: vnde Plinius, Panthera (inquit) & tigris macularum varietate propè solum bestiarum spectantur. Pantheris in candido breues macularum oculi. Sunt qui tradant in armo ijs similem*

Quenam  
sint blasphem  
ia nomina  
bestie capi  
tibus im  
pressa.

Cūr huius  
bestia figu-  
ranova &  
insolita ap-  
pareat, nec  
veri alicu-  
ius animā-  
tis similitu-  
dinem pra  
se ferat.

Pardi ani-  
mantis na-  
tura, & e-  
ius conside-  
ratio.  
Virum bar-  
dus sit spe-  
cie diversus  
à panthera.



*luna maculam crescentem in orbes, & cauantem pari modo cornua. Afferitque multas in Syria pantheras esse. Solinus agens prius de tigris hanc habet, Hoc bestiarum genus insignes maculis nota & pernicitas memorabile reddiderunt. Fuluo nitent: hoc fuluum nigrantibus segmentis interundatum varietate apprime decet. Deinde magnam ipsius velocitatem commendat. Postea ad pantheras transiens, hæc subdit, Numerosa sunt in Hyrcania, minutis orbiculis superpicta; ita ut oculatis ex fuluo circulis, vel caruleæ, vel alba distinguatur tergi supellex. Ad hæc, pantheris non video à Plinio aut Solino velocitatem tribui, quinimò negare videntur: notant enim eam caput abscondere, ne reliqua animalia fugiant, quando ad eam odore allecta accedunt. Quod si caput occultat, ne illa sibi per fugam consulant; indicio est, pantheram non pernicitate præstare. Ex dictis minime constat, pardum illum, de quo Plinius & Solinus agunt, esse pelle maculosa, nec inter se conueniunt de animalis specie.*

*Pardi nomine in sacris Literis tigres etiam & pantheras comprehendit.*

*In Vulgata tigridem ac leonem eadē voce originali usurpari interdum.*

*Panthera nominis eysmon.*

*Vrsorum natura consideratio. Vrsus, animal valde libidininosum.*

*Os leonis hic quomodo accipiendum.*

*Leonis os ad adeius rugitum esse referendum.*

*Significatio parvum, ex quibus marina bestia compingitur.*

Veruntamen in sacris Literis pardus haud dubiè maculosus est; & eos comprehendit, quos Plinius & Solinus nominant tigres & pantheras. Probatur primò, quia Ieremiæ 13. 23. dicitur, *Si mutare potest pardus varietates suas.* Et Habacuc 1. 8. *Leuiore pardus equi eius.* Vnde Hieronymus Danielis 7. ait, *Pardus est maculosus & velocissimus, praecepsque fertur ad sanguinem.* Secundò probatur; nam Plinius affirmat, pantheram esse animal in Syria frequens. Quare cum in sacris Literis sub hoc pantheræ nomine non exprimitur, certè pardus pantheram etiam significat, aut sub se comprehendit. Tertiò, quia Tigris animal in nostra Vulgata nusquam reperitur, nisi apud Iobum capite quarto numero vndecimo, *Tigris perijt.* vbi Hebraicè legitur *טִיגִיס*, *lis*, quod propriè leonem significat, ut patet Isaia 30. 6. *Leo ex eis.* & clariùs Prouerb. 30. 30. *Leo fortissimus bestiarum.* Itaque videtur tigris in Vulgata esse leo; & pardus esse tigris, aut panthera. Nec mirum, quia in prophanis etiam auctoribus solent Pardi & Pantheræ nomina confundi; ut constat ex Aristotele, Plinio, Dioscoride, & Gaza. Vnde Aconitum solet appellari, *παρδαλιανθής*; eo quòd pantheras enecet; ut scribit Plinius, & Dioscorides, & *πανθῆρ*, *os* est etià masculini generis. mares igitur vocantur etià Pantheræ. Quare si pardus item est ac panthera, eius nomen crudelitatem sonat; quia *πανθῆρ*, idem significat, quod omnino fera, vel valde saua. Est item astutus, pernix, & oculis tota pelle distinctus: & per fraudem intercipit ea animalia, quæ illius caput aut vultum non intuentur, in fraudem verò inducit odore, ut Plinius ait. Alii fortasse dicent, pellis varietate & pulchritudine. De significatione autem dicemus postea.

ET PEDES EIVS SICVT PEDES VRSI. ] Quod de pedibus dicitur, fortè extendendum est ad crura atque femora; hæc enim omnia pedum nomine solent comprehendit. Iam de vrsorum natura Plinius libro octauo cap. 36. scribit. *Vrsorum coitus non vulgari quadrupedum more, sed ambobus cubantibus complexisque.* Et memini me apud aliquem auctorem legere, marem ac feminam complures dies simul amplexatos permanere; quod summa est luxuriæ symbolum. Addit Plinius, *Mollisfronde consternunt lectum; oculi eorum hebetantur crebrò.* Et alibi dicit, *Vrsi sine calceatu longo itinere fatiscunt.* Itaque animal est maximè luxuriosum ac molle: est etiam fœditissimus pariter atque turpissimus, quæ omnia manifestam luxuriam præ se ferunt. Accedit, quòd vrsus expetit fauos; & quamuis Plinius autumet, non eos affectare mellis causa; sed ut illum apes suis aculeis pungant, atque ea ratione grauedinem oculorum releuet, siue ut apes ipsas deuoret, quod alibi idem Plinius ait. Communis tamen opinio fert, vrsum mellis esse avidissimum, ideoque fauos auferre. Et quidem ad symbolicam significationem recepta hæc opinio satis fundamenti præbet.

ET OS EIVS SICVT OS LEONIS. ] Si Græca vox, *σῶμα*, sumi posset pro tota facie, ut interdum Os apud Latinos (veluti cum dicitur,

*Os homini sublime dedit, calumque videre Insit).*

dici potest huic Bestiæ facies esse leonina, tigrinum pectus, & pedes atque femora vrsina. Verùm Græcanicæ literaturæ periti affirmant, nusquam *σῶμα*, pro tota facie accipi; sed pro eo spatio, quod deductis labris continetur; siue pro toto illo interiori spatio vsque ad imas fauces; in quo sunt dentes, palatum, lingua, gurgulio, & tonsillæ duæ. Quare in externa huius Belluæ figura, nihil video leonis proprium; nam in oris hiatu parum esse potest discriminis inter leonem, tigridem, atque pantheram. Hæc perpendiculari illud mihi occurrit, quod in textu dicitur; *Os eius sicut os leonis*; ad rugitum & vocis sonum fortassis referendum esse. Phrasis enim Scripturæ est, *os* pro loquela, siue pro vocis prolatione vsurpare, ut Matthæi 16. 18. *In ore duorum, vel trium testium, &c.* Lucæ 19. 22. *De ore tuo te iudico.* Prima Petri 2. 22. & sæpe alibi. Iuxta hunc ergo accipiendi modum sensus erit, quamuis species ipsa vultus & totius corporis pardum referat, rugitum tamen esse leonis: atque ut leoninus sit rugitus, consequenter requiritur, ut rictus & interius illud spatium vsque ad imas fauces ori leonino sit assimile. Et quidem manifestum est leonis rugitu maximam figurari superbiam, & horrorem pariter atque terrorem incuti ceteris animalibus.

Verùm enim uerò deueniamus iam ad chimericæ huius Bestiæ ex pardo, leone, atque vrsu compactæ significationem. Qui in hac Bellua Antichristum intelligunt; affirmant, illum pardo comparari propter nationum, quæ ipsum sequuntur, varietatem; & quia breui orbē sibi terrarum subijciat. Vrsu insuper cōparari propter astutiam, quia, ut ait Plin. *Nulli animalium in maleficio astutia maior:* ac demum per leonē figurari propter crudelitates & cædes. Ceterum præterquam quòd antecedentiū & subsequentiū contextus minimè sustinet huius Bestiæ de Antichristo expositionem, ut supra probauimus: applicatio illa, meo quidē iudicio, non satis est apta. Etenim si vrsi significatio ad callidam refertur astutiam, quorsum astutia in pedibus? Si leo ad sauitiam refertur, cur solum in ore?

In nostra tamen interpretatione applicatio (ut ex superioribus constat) est ad Romanum Imperium ethnicum Christianam Ecclesiam oppugnans, nec non ad animæ aduersarium, quem mundum vocant, hypothesi ad thesim reuocata. Pro hac ergo explicatione imprimis sunt expendenda Ioannis verba epistola prima capite secundo numero decimo sexto, *Si quis diligit mundum, non est charitas Patris in eo. quoniam omne, quod est in mundo, concupiscentia carnis est, concupiscentia oculorum, &*

*super-*



*superbia vitæ: quæ non est ex Patre, sed ex mundo.* Si ergo quidquid in mundo est, ad luxuriam, auaritiam, ac superbiam reducitur; quid elegantius ad Mundi significationem, quàm in vna, eademque Bestia cōiunctionem vrsi, pardi, atque leonis confingere? Quæ enim est Bestia inter efferatas, quæ ita propriè luxuriæ symbolum præ se ferat, quàm vrsus? Hæc ergo est concupiscentia carnis. Ad oculorum verò concupiscentiam quid potuit excogitari pulchrius, quàm Bestia ocellis vndique picturata? Quippe ad illud significandum, quod cupidorum oculos ad se se trahit, nihil aptius, quàm huiusmodi feræ pellis, quæ propter oculorum multitudinem quasi auarorum oculos in se transfuisse videatur. Et auarus ipse oculos quidem atque cor in suis pecunijs habet reposita. In Scriptura item per oculos cupiditas & auaritia denotatur. His adnectitur superbiæ ac ferocitatis symbolum in leonis rugitu.

*Vrsus luxuriæ symbolus.*  
*Pardus cupiditatis & auaritiæ symbolum.*

*Leo superbiæ symbolum.*

Atque hæc vrsi, pardi, ac leonis accommodatio ad tria illa concupiscentiam carnis, concupiscentiam oculorum ac superbiam vitæ non à me primum inuenta est: eam enim Hugo Cardinalis attigit; & multa illi possunt adiungi, consideratis iis, quæ in illum Ioannis locum disputant interpretes, & præsertim Augustinus libr. 10. Confess. capit. 28. Et D. Thomas 1. 2. quæst. 77. articulo 5. Verum ingenuè fateor, aliquam mihi subesse formidinem, ne communis distinctio, qua verba illa Ioannis, *Concupiscentia carnis, concupiscentia oculorum, &c.* soient exponi, fundamento parum solido roboretur. Nam Ezechielis 23. 16. manifeste videtur oculorum concupiscentia ad libidinem referri. Quare non ita apparet necessarium, vt concupiscentia carnis ab oculorum concupiscentia distinguatur. Siquidem non minùs luxuria, quàm auaritia per oculos sese in animum insinuat; & vtraque est carnis voluptati satis procliuus. Nihilominus tamen communem explicandi rationem veneratus, meam applicationem ad eam pariter conformaui. Ad hæc; quod luxuria in pedibus, auaritia in corpore, in ore superbia, (id est in capite) collocentur; fortassis indicat, in infimis hominibus, qui quasi mundi pedes sunt, luxuriam fere potissimum dominari; in medijs, auaritiam; & in capitibus, superbiam. Et corpus quidem pantheræ, vrsini pedes, atque os leoninum forte adumbrant, mundi corpus diuitijs comparandis inhiare; vt extare sic, & eminere possit, atque se in turpem & libidinosam viuendi consuetudinem ingurgitare. In medio autem auaritia constituitur; quia superbiæ & libidini opus est ipsius ope & adminiculo: & inter illas duas, nempe auaritiam atque libidinem caput exerit superbia, vtpote erecta atque arrogans in ipso capite, siue etiam in ore; iuxta id Prouerb. 14. numer. 3. *In ore stulti virga superbia.* At luxuria atque libido, vt fæda ac turpis, ad pedes ipsos abijcitur.

*Cur in huius bestie pedibus luxuria, in corpore auaritia, in ore superbia collocetur?*

Deinde cum in hac vrsi, pardi atque leonis coagmentatione habitus fuerit respectus ad tres primas Danielis Bestias; nihil verisimilius, quàm isthæc symbola in Bestia hac, quæ Romanum repræsentat Imperium, esse accipienda iuxta eam significationem, in qua symbola eadem tribus illis prioribus Danielis Bestiis tribuuntur. Quod perinde est, ac dicere, Romano Imperio Ecclesiam infestanti leonis symbolum nihilo secius congruere, quàm Monarchiæ Chaldæorum, cum illi fuit à Daniele adscriptum. Symbolum item vrsi eidem Romanorum Imperio non minùs, quàm Medorum atque Persarum Monarchiæ aptari. Pardi denique symbolum æque illi, atque Monarchiæ Græcorum quadrare. Et sanè Chaldæis leonæ fuit symbolum attributum, propter superbiam & arrogantiam. Lege Danielis 5. 20. vbi de Nabuchodonosore, *Elevatum est cor eius, & spiritus illius obfirmatus est ad superbiam.* Et infra. *Tu quoque aduersus dominatorem celi elevatus es.* Et Iudith. 1. numero 7. *Elevatum est cor eius.* Item capit. 3. 11. expenditur ferocitas Assyriorum seu Chaldæorum. Et cap. 3. 13. Nabuchodonosor præcepit, vt ipse solus diceretur Deus. Deinde Persis ac Medis vrsi symbolum fuit applicatum, propter effrenatam & intemperantem luxuriam, vxorum multitudinem, & deliciarum atque conuiuiorum affluentiam. Vide Esther capit. 1. & capit. 2. Græcis autem (quanvis cupiditatis etiam atque auaritiæ insimulentur, vt patet ex Machabæorum libris) pardi tamen siue pantheræ symbolum verisimilius est fuisse traditum propter incredibilem velocitatem, qua sui Imperij magnitudinem adquisierunt; & propter ingentem gloriam, quam sibi ex tot nationum subiugatione compararunt. Hæc enim insignis gloria idoneè figuratur in pantheræ ac tigridis pelle, *Quæ facit eas bestias memorabiles;* vt loquitur Solinus. Et quemadmodum inter ceteras aues pauo, propter suam versicoloris & ocellatæ caudæ varietatem, inanem mundi gloriam mirè exprimit; ita inter feras nulla potuit tigride aut pantherâ congruentior ad eandem significationem designari. Atque vt in pauo copulantur simul gloriæ symbolum, & symbolum vilitatis atque abiectionis; hoc in pedibus, ille lud in pennis (ideo enim dicitur, vbi suos despicit pedes, speciosum plumarum orbem delicere:) non aliter in hac sacra fictione pardi seu pantheræ similitudini, quibus magna denotatur pulchritudo, vrsinorum pedum deformitas adijcitur. Fortassis etiam Ioannes ideo in sua Canonica concupiscentiam carnis, & (quod idem est) concupiscentiam oculorum cum vitæ superbia coniunxit.

*Vrsi, pardi ac leonis symbola in hac Bestia esse petenda ex trium primarum Danielis bestiarum significatione.*

*Chaldæis cur leonæ symbolum attributum?*

*Persis ac Medis cur vrsi symbolum concessum?*

*Græcis cur pardi seu pantheræ symbolum applicatur?*

Mirificè ergo in Bestia, cuius pellis pardum seu pantheram; pedes vrsi; & rugitus leonem refert, Romanum adumbratur Imperium; quod suæ gloriæ magnitudine, deliciarum ac libidinum affluentia, & edictorum in Christi Ecclesiam promulgatorum terrore Euangelium conuellere, & extinguere conabatur. Cum enim Euangelio ipsi è regione opponeretur Romani Imperij splendor, gloria atque maiestas, & inanium sectarum ac superstitionum varietas, quas Romanum ipsum Imperium complectebatur; varietas etiam nationum, quas subiugauerat. Hæc inquam omnia fidem idololatriæ facere videbantur. Deinde cum delitijs & carnis lenocinijs homines ad nimiam viuendi licentiam allicerentur (esto, hæc vt infima, atque abiecta in pedibus reponantur,) non parum hac ratione mollebantur pariter ac flectebantur, vt religionis à Romano Imperio cultæ iugum subirent: & Christi se doctrinæ omnino contrariæ opponerent. His demum omnibus adiungebatur seueritas ac terror legum & edictorum, quæ, leonini instar rugitus, horrorem incutiebant hominibus; nequis Christi fidem amplecti & profiteri auderet. Iuxta illud Amos 3. nu. 8. *Leo rugiet, quis non timebit?* Hic ergo est genuinus sensus; in quo facile mox apparet, quàm sapienter pardi similitudo fuerit in

*Cur in hac bestia ex pardo, vrsi & leone composita Romanum adumbratur Imperium?*



pelle constituta; vrsi in pedibus: & leonis in ore; id est, in rugitu superbo atque minaci. vt hoc pacto figuraretur terror, quo leges & edicta immania aduersus Christianum nomen immissa hominum animos percellerant. Atque hoc est arcanum mysterium, cur marina Bestia ex pardo, leone, & vrsu compacta fingatur: hoc est ex animalibus, quæ suapte naturâ sunt terrestria; vt ea ratione significaretur, bellum, quod mundus inferebat Ecclesiæ, coalescere ex iis Bestijs, quas terra nostræ deprauatæ affectionis gignit.

Quo sensu  
dicatur dra-  
co suam  
virtutem &  
potestatem  
marine de-  
disse bestia.

ET DEDIT ILLI DRACO VIRTUTEM SVAM ET POTESTATEM MAGNAM.] Qui de Antichristo explicant, virtutem hanc à dæmone traditam interpretantur de arcanorum reuelatione, de quæ præstigiis ac malis artibus ad miracula falsa & inania edenda, & mundum hac ratione decipiendum. In nostra tamen expositione, quæ hanc maris Bestiam ad Romanum Imperium ethnicum refert: hæc virtutis ac potestatis magnæ traditio explicari potest de maxima cura & sollicitudine, quâ intendit dæmon in Romanum Imperium idolis deditum exornandum, & in eius existimationem ac venerationem amplificandam; vt horribilis illius belluæ reuerentia ab omnibus exhibita & terror in hominum animos iniectus crudele bellum inferrent Ecclesiæ. Quamobrem hæc virtus Bestiæ à dæmone collata non consistebat in rerum arcanarum præfagitione; sed in eo, quod in hominum mentibus Romani Imperii auctoritatem, amplitudinem & maiestatem maximè corroboraret; vt hac ratione idolorum cultus magis magisque æstimaretur. Pro hac explicatione stat, quod sæpè virtus in Scriptura pro maiestate accipitur; & potestati respondet in Græco, *ἐξουσία*, quod sonat auctoritatem. In Græco item additur, *Et thronum suum*, quasi dæmon non præstiterit solum, vt Imperium pro maximo ac potentissimo coleretur, sed pro diuino etiam: ita vt, quem Ethnici diuinitatis thronum dæmoni tribuebant, eundem Romano Imperio deferrent. Facit, quod ex antiquis inscriptionibus constat, Romam à Gentibus pro Dea habitam. Lege Goltzij thesaurum; vbi videre est varia numismata cum hisce inscriptionibus. *ΡΩΜΗ ΘΕΑ. Roma & Augusti templum. Roma & Augustorum templum. Dea Roma.* Huc etiam accersere illam vetustatis inscriptionem. *Sacerdos ad templum Roma & Augusti.*

Roma olim  
à Gentibus  
diuini hono-  
res tribuiti.

Virum pote-  
stas à dra-  
cone tradita  
bestia possi-  
referri ad  
facultatem  
falsa patrâ-  
di miracu-  
la?

Ingentem dæmonis virtutem ac potestatem Bestiæ communicatam refert nonnemo ad externam speciem falsi illius miraculi, quod postea subiicitur de vnus capitis resurrectione. Verum infra videbimus, recidui huius capitis excitationem, in textu non referri vt miraculum à maris Bestia effectum. Quare non est ad rem, quod dicitur, propterea draconem Bestiæ suam virtutem & potestatem dedisse. Quinimò non video, quomodo magna sit potestas, quæ ad falsum miraculum confingendum tribuatur. Magna enim potestas & magna præstigatoris fallacia res sunt valde inter se diuersæ. Itaque potestatis nomen non est referendum ad facultatem edendi falsa miracula, sed ad auctoritatem ingentem ac maiestatem ab ipso dæmone adiutam: in quo etiam includitur magna ad decipiendum efficacia, quæ est maxima Satanæ virtus, quatenus Satanus est.

Traditur  
alia exposi-  
tio potesta-  
tis bestie à  
dracone cõ-  
missa: quæ  
probat.

Prædictæ explicationi aliam adiungo, quæ mihi adhuc magis probatur: ea autem est, pro virtute ac dæmonis potestate hinc intelligi licentiam ac facultatem, quam dæmoni permittit Deus, vt iustos persequatur, sicut & Iobum persecutus fuit. Omnino enim hisce in verbis alluditur ad id, quod Deus Satanæ dixit Iobi 2. numero sexto, *Ecce in manu tua est.* vbi ei datur potestas, non solum ad fortunas iusto viro auferendas, sed etiam ad eum grauiter torquendum. Atque hæc est magna illa facultas, & *ἐξουσία*, prout distinguitur ab ea, quæ prius illi fuerat concessa, auferendi ab eo omnia externa bona, *Vniuersa, quæ habet, in manu tua sunt.* At verò magna facultas omnia pariter includit. Hanc igitur maximam potestatem, quam dæmoni fecit Deus, insectandi Christianos homines, statuit dæmon ipse exequi per Imperium Romanum. Hoc enim pacto existimabat, Christianæ Ecclesiæ persecutionem fore sæuissimam. Pro expositionis huius confirmatione vide infra numero duodecimo.

## T E X T V S.

*Vers. 3. Et vidi vnum de capitibus suis quasi occisum in mortem; & plaga mortis eius curata est; & admirata est vniuersa terra post Bestiam.*

## C O M M E N T A R I V S.

Virum hic  
caput quasi  
occisum pro  
verò occiso  
sumatur?

QVIA in textu non absolutè dicitur, *Occisum*, sed, *Quasi occisum*; ideo multis visum est, caput illud non apparuisse Ioanni omnino mortuum, sed lethali plagâ vulneratum. Et facit, quod infra numero 12. dicitur, *Cuius curata est plaga mortis*, & paulo post, *Habet plagam gladii & vixit.* Verosimilius tamen mihi est, in ea visione caput illud Ioanni planè mortuum fuisse visum; ideoque dici in textu illud tanquam mortuum, aut quasi mortuum fuisse inductum; quia reuera occisum erat. Sic enim



A cap. 5. 6. dicitur, *Vidi Agnum tanquam occisum*. vbi particula *Tanquam* significationem non imminuit; sed apponitur, vt vel sic appareat illius positionem fuisse, vt Agni occisi; in quo vera Christi mors figurabatur. Et quidem ad significationem multò congruentius est, vt occisum caput reuiuiscat.

Sed age iam, quanam est huiusmodi significatio? Qui ad Antichristum confugiunt; alij ex illis volunt, hoc primum Bestiæ caput pro ipso Antichristo substitui. Existimant enim, illum mortuum se simulaturum, & triduo transacto denuo appariturum, vt verè à mortuis excitatus credatur. Alij caput hoc interpretantur de vno ex septem Regibus, qui se Antichristo subijcient. Opinantur enim hunc Regem lethali prius vulnere in prælio percussum, mox ab Antichristo fore sanandum. Sic noster Viegas, qui priorem explicationem impugnat. Sed vtrique meo iudicio omnino est extra rem. Nam in hoc capite, (vt sæpè aliàs diximus, & initio huius capitis latè disputauimus) directè instituitur sermo de Romani Imperij persecutione aduersus Ecclesiam. Præterquàm quòd superiores duæ declarationes contextum ad res omnino incertas & parum verisimiles applicent.

B In nostræ autem expositionis filo illud inuenio Apocalypseos elegantia imprimis dignum, videlicet in ea persecutione, quam Domitianus suscitauit, vitum fuisse reuiuiscere Neronem, qui primus fuerat persecutor. Cui explicationi contextus omnino videtur applicandus. Ac primò, rectè congruit Neroni locutio illa, *Vnum de capitibus Bestiæ*, id est, primum: sic enim sæpè ponitur in Apocalypsi *vnum* pro *primo*. Deinde, quanuis verum sit, bellum, de quo in hoc capite agitur, esse illud, quod Romanum Imperium à tempore Domitiani Ecclesiæ indixit, (de Neronis enim persecutione supra actum iam erat caput. 12. vbi ea draconi sapientissime fuit attributa,) cum tamen Bestia Imperium idolorum cultorem repræsentet; necessarium est, primum eius caput ad Neronem referri. Quoniam verò primum caput prius apparet demortuum, deinde resurgit; hoc ipso eleganter figuratur, Neronis persecutionem fuisse quidem transactam, in Domitiano tamen mox redintegrari. Atque ita primum caput, cum mortuum visitur, designat Neronem fuisse occisum, & eius persecutionem cessasse. Cum autem resurgit, innuit eundem Neronem in Domitiano reuiuiscere, & Neronis persecutionem in detestabili successore instauratam. Itaque primo in capite repræsentatur tum Nero mortuus, tum Nero ipse in Domitiano suscitatus: atque hac ratione denotatur pariter idem Domitianus, cuius persecutio est prima earum, quæ in hoc capite sub ænigmatum inuolucris adumbrantur; vt supra collegimus.

C Tertio, huius explicationis vestigia nonnulla reperio; ex quibus non obscure coniectare licet, hunc locum ita fuisse quondam à Ioannis discipulis intellectum. Id autem elicio ex eorum deceptione, qui sibi persuaserunt, Antichristum eandem fore Neronis personam; atque adeò affirmabant, Neronem rursus in nouissimis temporibus fore appariturum. Ita opinati sunt antiquorum multi, vt refert Hieronymus Danielis 11. ex quibus fuit vnus Victorinus, vt patet ex ipsius commentario ad ea verba capitis 17. *Et ipsa octaua est*. Vbi ait, octauum hoc caput esse Antichristum, quem fore Neronem ipsum ab inferis tunc excitandum. Et Prosper in dimidio temporis caput. 8. sic habet. *Octauum Regem, quem dicit Antichristum, quidam Neronem intelligi volunt; vt ipse sit Bestia, quæ fuit, & non est, & iterum venturus est. Sed siue ipsius formam & speciem corporis sumat, & in ea appareat, (sicut Angelus in libro Tobis dicitur similitudinem Azaria suscepisse.) siue in alterius specie appareat Antichristus; ipsius tamen Neronis luxuriam, seuitiamque morum habiturum Daniel Propheta testatur.* Hactenus Prosper; in quo Victorini, & aliorum errore accidisse credo, quod in multis aliis rebus vsu venire solet; nempe ex metaphorâ aliquâ siue allegoriâ, quæ initio fuit rectè percepta, prouenire postea, vt nonnulli sibi in animum inducant, illam fore accipiendam, vt sonat. Id quod in sancti Georgij pictura (vt Baronius notat) conspicuum fit. Nec enim sapienter satis sibi quisquam persuadeat, in eiusmodi pictura significari virginem aliquam ex draconis faucibus per Georgium liberatam. Et forsitan simile etiam est, quod de procera nimis, & plusquam giganteâ Diui Christophori staturâ, quæ solet fere depingi, in multorum animos irrepsit. Vt igitur ineptum planè est, quæ vera sunt ac solida, ad meras velle metaphoras reducere: ita etiam nimis simplicitatis est, metaphoras ipsas, ita vt sonant, absque vlla penitiori intelligentiâ assumere; præsertim in rebus iis, vbi ingentia miracula absque vlla vel Dei gloria, vel Ecclesiæ utilitate, gratis & nequidquam, confinguntur. Ecquid enim ex Nerone aut in viuis asseruato, aut post duo vel tria annorum millia excitato, utilitatis & emolamenti diuina prouidentia percipiet? Si forte expedit, crudelissimum hominem, & Christiani nominis ac sanguinis maxime sitientem aliquando exilire; non tanta nobis inesse debet simplicitas, vt cum primum Neronem audiamus nuncupari, protinus eandem antiqui Neronis personam ab inferis reuocandam fore credamus.

D Quarto, prudenter valde excogitatum fuit in Domitiani persecutione (idemque de ceteris dicemus infra) reuicturam esse persecutionem Neronis, atque eiusdem Neronis personam & inimitabilem crudelitatem mysticè suscitatum iri. Nam & Neronis persecutio prima extitit, eaque sauiissima, vt ex Ecclesiasticis historiis constat; & post Neronis mortem videbatur Catholica Ecclesia ab Imperij Romani impugnationibus libera omnino euasisse. Præsertim cum Imperatores ij, qui Neronem subsecuti fuere (videlicet Galba, Otho, Vitellius, Vespasianus, & Titus) Christianos fuerint oblitii. His ergo animaduersis cernitur, quàm sapienter & eleganter fingatur in Domitiano reuiuiscere Nero, & antiquam persecutionem renouasse. Sane hæc loquendi ratio cum aliis Scripturæ locis & sapientium locutione valde consonat. Ezechielis 34. 23. *Suscitabo super eas pastorem vnum, qui pascet eas, seruum meum Dauid.* Danielis 12. 2. *Multitudo de his, qui dormiunt in terra puluere, euigilabunt: alij in vitam æternam, & alij in opprobrium.* Malachia 4. 5. *Ecce ego mittam vobis Eliam.* Quod de Ioanne baptista Domini pia cursor explicat Angelus Luca 1. numero 17. *Ipse præcedet ante illum in spiritu & virtute Eliæ.* Quin & Virgilius Æneidos 6.

*Non Simois tibi, nec Xanthus, nec Dorica castra  
Defuerint. Alius Latio iam partus Achilles,*

Caput vñ  
le. i. e. quasi  
occisum,  
quid signifi-  
cet.

Quo sensu  
dicatur ca-  
put bestie  
occisum mox  
reuiscere.

Superiorem  
de Nerone  
& Domi-  
tiano expo-  
sitionem ex  
antiquorum  
vestigijs  
elici.

Cur in Do-  
mitiani per-  
secutione  
dicatur Ne-  
ronis perse-  
cutio reui-  
scere?



Natus &amp; ipse Deus.

Omitto alia sexcenta; & iam iterum supra de hac phrasi diximus.

Quintò, quãvis pari etiam ratione, qua in Domitiano dicitur reuixisse Nero, idem posset de ceteris persecutionibus post Domitianum subsecutis affirmari; satis tamen fuit semel fuisse expressum in prima, ut de reliquis idem pariter intelligeretur. Nec ænigmati nitori atque elegantia sapius idem iterari congruebat.

Virum primi marina bestia capitis reuiviscētia tanquā ipsius bestie miraculum referatur?

Sextò denique, prudenter contextus hanc primi capitis reuiviscētiā non refert, quasi marina bestia miraculum. Tamen si enim dicitur post primum caput ad vitam reuocatum, *Admirata est vniuersa terra post Bestiam*; inde tamen non infertur, hanc admirationem fuisse exortam ex eo, quod marina bestia miraculum aliquod ediderit. Constabit hoc infra ex illorum verborum explicatione. Nunc duo tantum obiter attingo. Primum: si Ioannes affirmare veller, primum caput singulari marina Bestie miraculo excitatum fuisse, facile id explicatè afferere potuisset. alterum; quod ad sensum attinet, non rectè cohæret, si hæc primi capitis resurrectio tanquam Bestia miraculum referatur. Et enim licet maris Bestia persecutionem instaurauit; hæc tamen instauratio nihil est aliud, quam Christiani nominis hostem sese iterum re ipsa profiteri; id quod Bestia non nouum, insolitum aut miraculosum est; sed vulgare potius, vsitatum & familiare; quia contra bonum, malum, & contra vitam, mors.

Quomodo vniuersa terra dicatur post bestiam admirata.

ET ADMIRATA EST VNIVERSA TERRA POST BESTIAM. ] Modus ipse loquendi perinde est, quasi Gentes ingens aliquod miraculum obstupuerint. Sensus tamen non is est: sed, renouatā in Christianos persecutione, Gentes se Bestia subiecisse; eamque maximi æstimasse, coluisse, & obseruasse: & hac ingenti æstimatione & veneratione ad ipsius cultum, voluntatē ac nutum allectas & attractas fuisse. Quod idem est, ac si afferatur, singulos homines multitudinis errori subscripsisse; cum viderent Romanum Imperium Christiana Religioni crudelissimā persecutione obsistere. Hunc existimogermanum esse huius loci sensum. Notum verò est, verbum *Admirari*, solere accipi pro eodem, quod est permagni facere & æstimare; ut cum Horatius ait,

*Nil admirari, propè res est vna, Numici,*

*Solaque, qua possit facere & seruare beatum.*

Addo etiam, terræ nomen posse hinc referri ad eos, qui terrenis affectibus inhærescunt, ut sæpè a libi.

## T E X T V S.

*Vers. 4.* Et adorauerunt draconem, qui dedit potestatem Bestia: & adorauerunt Bestiam; dicentes: Quis similis Bestia, & quis poterit pugnare cum ea?

## C O M M E N T A R I V S.

SEQUI Bestiam, est adorare draconem; nimirum per idololatriam, quam Bestia suadebat; & eam ob rem draco tantum auctoritatis ac potestatis Bestia concessit; ut homines induceret, ac subigeret ad ipsius draconis adorationem.

De qua bestia adoratione hic sermo sit.

ET ADORAVERVNT BESTIAM. ] Quavis hominum lippitudo ac cæcitas eò perueniret, ut Romano ipsi Imperio diuinos honores tribuerint: hinc tamen ea de re sermo non est; sed de obseruantia, veneratione & submissione, quam Bestia exhibuerunt, sibi persuadentes, Bestia obsistere in ijs præsertim, quæ ad religionem spectabant, absque temeritatis & insanie nota, posse neminem. Itaque verbum *Adorare*, quando ad draconem refertur, propriam idololatriæ actionem præfert; quando autem refertur ad Bestiam, denotat stultam illam reuerentiam & cæcam subiectionem, quæ alius quidam adorationis modus est. Si tamen persistat aliquis, respectu etiam draconis hoc eodem modo verbum esse accipiendum, de voluntate in demonis obsequium ac nutum pronâ, non admodum repugno. Atque hoc pacto verbum *Adorare* secundum sensum eundem vsurpabitur, siue ad Bestiam referatur, siue ad draconem.



## T E X T V S.

*Vers. 5.* Et datum est ei os loquens magna & blasphemias: & data est ei potestas facere menses quadraginta duos.

## C O M M E N T A R I V S.

**N**OVVM & inusitatum apparet, quòd Bestia pardo similis, & os leonis habens loquatur; & mirum etiam est, permittere Deum nefandas illas blasphemias, quibus Imperium Romanum veram Christi Religionem irridebat. Ita tamen factò opus erat ad altissimum diuinæ providentiæ consiliū. Porro, *Loqui magna*, in præsentem idem videtur esse, quod loqui superba. Græcanicæ enim literaturæ peritissimus quidam me docet, vñtatam esse apud Græcos phrasim, *Loqui magna*, id est, blasphemias proferre: atque aded ad phrasem eam exponendam addidisse Ioannem, *Et blasphemias*. Ad cuius locutionis probationem afferunt Tragicum quendam Græcum ita dicentem, *Nil magnum dixeris*; hoc est, ne blasphemias iactes.

Loqui  
magna,  
quid hic sit.

**FACERE.** In quibusdam Græcis codicibus additur *πολεμον*, id est, facere bellum. Maior tamen subest energia in verbo *Facere* absolute posito; quod perinde est, quasi stragem in Christianis hominibus maximam edere. Et constat sæpe in Scriptura hoc verbum absolute accipi. Obiter aduerte, in hoc versu simul coniungi *Loqui*, & *Facere*: eā omnino phrasi, qua Hispanè dici solet, *Dezir y hazer*, quæ est locutio familiaris virorum robore atque animis præditorum.

Quid item  
sit, Facere.

**MENSES QUADRAGINTA DVOS.** In capite II. exposuimus, hos duos & quadraginta menses (siue quod idem est, tres annos & dimidium) esse mysticum temporis spatium, quo Ecclesiæ persecutio durat; vbi de magna huius mystici spatii energia, deque allusionibus, quæ in eo perstringuntur.

## T E X T V S.

*Vers. 6.* Et aperuit os suum in blasphemias ad Deum, blasphemare nomen eius, & tabernaculum eius, & eos, qui in cælo habitant.

## C O M M E N T A R I V S.

**I**MPERIUM ethnicum atque impium irrifioni ac ludibrio habebat vñicum verumque Deum; & Dei nomen (nempe Iesum, siue Salvatorem) illudebat, necnon promissiones in hoc ipso nomine inclusas; quæ eadem sunt, quæ in nomine *Iehoua*. (de hoc autem diximus latè cap. I.) Congerebat pariter maledicta in Dei ipsius tabernaculum, id est in cultum & venerationem qua tunc Christiana Ecclesia summum ac præpotentem Deum prosequabatur: quando videbatur nondum magnum illud possidere templum, quod postea fuit erectum Salomonico templo respondens; sed mysticum duntaxat habere tabernaculum minoris amplitudinis ac maiestatis; commodum tamen ad viam, quam per eremum suscipiebant. Ceterum quemadmodum diuinæ virtutis præsentia ac demonstratio nihilo fuit minor aut inferior in Mosis tabernaculo, sed maior potius & illustrior, quam quo tempore Deus in templo Salomonis degit; ita similiter in illa Religionis forma & externo cultu, qui in Gentilium oculis abiectus & despiciatissimus videbatur, mirum in modum enitebat summi Dei virtus & præsentia. Vide infra c. 15. 5. vbi rursus de mystico tabernaculo.

Qua ratione Bestia  
in Dei tabernaculum  
maledicta  
concessisse  
dicatur.

**ET EOS, QUI IN CÆLO HABITANT.** Hoc est, ludificabatur Romanum Imperium primitiuos Christianos; atque aded eosdem ipsos, qui verè & significanter in cælo degere dicebantur: quia eorum conuersatio in calis erat. Quare Christianam ludere Ecclesiam, perinde erat, quasi ipsosmet cali habitatores ludere.



## T E X T V S.

*Vers. 7.* Et datum est illi bellum facere cum sanctis, & vincere eos; & data est illi potestas in omnem tribum, & populum, & linguam, & gentem.

## C O M M E N T A R I V S.

De quo Bestia bello atque vtriusque huius sermo sit.

**Q**UAMVIS in Romani Imperii persecutione nonnulli ex fidelibus desponderint animum: verum hinc nequaquam sermo est (opinor) de huiusmodi victoria, quam ethnici de Christianis reportauerint; nec enim id est ad rem in hac argumenti Apocalypseos parte; præsertim cum victi ipsi appellentur Sancti, & de Sanctis in genere sermo sit. Non ergo agitur hic de eo, quod animi vincantur; sed quod corpora occidantur & contrucidentur; ad eum modum, quo Daniel ait, *Prosternetur veritas in terra*: atque ut draco dicitur tertiam stellarum partem in terram deiecit: at vero bellum & strage, quæ hic recensetur, erat generalior adhuc & vniuersalior. Nam marinx Bestiæ, *data est potestas in omnem tribum, & populum, & linguam, & gentem.*

B

## T E X T V S.

*Vers. 8.* Et adorauerunt eam omnes, qui inhabitant terram, quorum non sunt scripta nomina in libro vitæ Agni, qui occisus est ab origine mundi.

## C O M M E N T A R I V S.

Quorum nam nomina dicantur non esse scripta in libro vitæ Agni? Difficultas in prædicta exposui.

**A**DORANDI verbum, qua ratione sit accipiendum, diximus supra versu 4. Et sæpè iam explicuimus, eos dici inhabitare terram, qui in terrenas affectiones se totos demergunt. Quamuis possit etiam ita intelligi, ut hac phrase agatur in præsentem generatim de omnibus, qui Romanum orbem inhabitabant; restricta tamen generali hac acceptione per additamentum illud quod mox subiungitur, ad significandos eos omnes & solos, qui se totos Romani Imperij Bestiæ submittebant, *Quorum non sunt scripta nomina in libro vitæ Agni.*

Enimvero in generali hac propositione occurrit protinus difficultas. Etenim Iudæi, qui Romanum incolebant orbem, & terrenis etiam affectibus obsecundabant, Romano se Imperio non subiiciebant in ipso idolorum cultu; nec tamen eorum nomina inscripta erant in libro vitæ Agni. Deinde, quantum veritabile valde sit, ex primævis Christianis paucos admodum æternis inferorum suppliciis addici; nihilominus non omnes prorsus saluabantur. Nonnulli igitur ex ijs non erant prædestinati, atque adeo eorum nomina non erant scripta in libro vitæ Agni; nec tamen subiiciebant se Bestiæ, ut idola colerent; ergo non adorauerunt eam omnes, qui habitant terram, quorum non sunt scripta nomina in libro vitæ Agni.

Prima difficultas proposita soluta.

Respondeo tamen: quod ad Christianos attinet, dicere non ineptè possemus, eos, qui ob sua lethalia scelera damnantur, delecti de libro vitæ Agni; iuxta vtitam Apocalypseos locutionem cap. 3. 5. quod si delentur, eorum ergo nomina prius inibi erant descripta. Nam, ut in eodem loco dicebamus, in eo libro non scribuntur solum, qui saluandi sunt; sed omnes, quos diuina prouidentia ad christianismum efficaciter vocat. Qui autem ex eo catalogo expunguntur, non ob peccatum quodlibet delentur; sed quando diuino atque occulto Dei iudicio permittente obdurantur, ut deinceps ad gratiæ statum non redeant. Quare quod ad reprobos ex Christianis spectat, recte ac vere dicitur, eorum nomina fuisse prius in libro vitæ Agni relata. Nihilominus tamen responsionem aliam oportet magis aptam indagare. Nam Iudæi saltem, qui in Christum non crediderant, non erant in libro vitæ Agni descripti: imò etiam Christianorum aliqui forsitan oblitterati iam erant iusto summi Dei iudicio, quantumvis in idololatriam non fuissent prolapsi. Itaque difficultate adhuc non caret generalis illa locutio, qua omnes ij, qui in vitæ librum transcripti non erant, bestiam adorasse dicebantur.

Vt ergo verè affirmetur, omnes in eo libro non scriptos Bestiæ cultum exhibere; non opus est, eos omnes expresse & (ut ita dicam) formaliter idololatriæ esse addictos; satis est eos mystice idolorum cultui studere, id est, mundo ac mundanis rebus inhiare; & fluxa atque caduca bona pluris

C

D

E



**A** æstimare, quàm oporteret; atque adeò supremum rerum omnium Creatorem pro rebus creatis infimis & abiectissimis derelinquere. Notum enim est huiusmodi omnes in Scriptura appellari idololatrias, atque ita Isaia 2. 8. ubi expresse agitur de nouissimis temporibus, ( id est de temporibus legis gratiæ ) perhibetur Iudæorum terra repleta esse idolis, & propter idololatriam id fuisse reprobauit; id quod de improbis Christianis intelligi etiam potest. Adorare ergo Bestiam, idem fere est, quod mundum diligere; quæ est phrasis Ioanni familiaris. Adorandi tamen verbum addit admirationem & reuerentiam; & mundi generalem acceptionem Romano Imperio accommodat textus: quod est agere de mundo, qui tunc Euangelium oppugnabat.

**B** AB ORIGINE MUNDI. Hæc verba, si grammatica solum attendatur, trifariam possunt conne-  
cti. Primò sic. Ab origine mundi adorauerunt Bestiam illi, qui non sunt scripti in libro vitæ Agni. quam tamen constructionem amplectitur nemo. Certe à nobis recipi nequaquam potest, bestiam hanc de Romano Imperio explicantibus; quod ab ipsa mundi constitutione, cum non extaret, coli nullo modo potuit. Secunda construendi ratio intelligit, Agnum ipsum ab origine mundi occisum dici. Habet enim hæc locutio suum verum sensum; eamque sequuntur Irenæus, Anselmus, Hugo, Thomas, Ansbertus, Gagneus, Viegas hic sectione 4. Fauent etiam Ambrosius & Beda. Tertia constructio est, Bestiam adorari ab iis, quorum nomina ab origine mundi non sunt scripta in libro vitæ Agni occisi. Sic Ticonius, Andreas, Aretas, Ioachimus, Zegerus, & Ribera, nec non Ambrosius & Beda. Hanc ipse constructionem magis probo; quanuis enim in aliquo sensu verum sit, Christum à mundi origine fuisse occisum; hic tamen sensus, meo iudicio, in præsentī non erat ad rem, si per se sumatur. Cohæret autem optimè, si ponderetur ex diuina prædestinatione secundū Christi sanguinis virtutem constitutū proficisci, ne aliquis mundum diligit, nec iniquis eius legibus subscribat. In Christo enim prædestinati sunt illi, qui non diligunt mundum; & eiusmodi erant, qui se ipsos à Romano Imperio seduci non patiebantur. In hac item constructione includitur aliquo modo Agnum occisum esse ab origine mundi; quia in Christo occiso prædestinati sunt omnes electi. atque ita Ambrosius, & Beda utramque constructionem coniungunt. Nota præterea elegantem antithesim inter librum vitæ & Agnum occisum; illa enim vita, ad quam euocantur electi, fructus est Christi passionis ac mortis.

Ab origine mundi, quo sensu intelligendum sit.

## TEXTVS.

*Vers. 9.* Si quis habet aurem audiendi, audiat.

## COMMENTARIVS.

**D** Hæc verba, quæ intentam animi mentem exigunt, referri possunt ad id, quod proximè antecesserat de prædestinatione; sed aptius (ni fallor) ad subsequentiā referuntur. licet enim vtrumque sit attentione & auditione dignissimum; peculiaris tamen elegantia est, audientiam postulare ad sortium commutationem.

## TEXTVS.

*Vers. 10.* Qui in captiuitatem duxerit in captiuitatem vadet: qui in gladio occiderit, oportet eum gladio occidi. Hic est patientia, & fides sanctorum.

## COMMENTARIVS.

**E** DVPLICEM hæc verba sensum admittunt. Primus est; qui sanctos viros detrudebant in carceres, torquebant, occidebant; eos etiam comprehendendos, & æternis inferorum suppliciis ac morte nusquam intermoriturā discruciantos. Ex quo intelligitur, qui in hac mortali vita pro Christi fide ac Religione probra & tormenta patiuntur, eos in Beatorum felicitate sempiternis fore præmiis afficiendos: qua certa expectatione sancti in patientia ac fide, quam profitentur, inter omnes tormentorum procellas firmi stabilesque persistunt. Alter sensus est de spe Christiano populo iniectā, fore ut Ethnicos in mysticam captiuitatem redigerent (captiuantes, videlicet, eorum intellectus in obsequium fidei) eos inquam Ethnicos, qui Christianos ipsos comprehendebant, ac trucidabant, & glorio-

Duplex horum verborum sensus.



Posteriori  
ta-men  
sensu  
anteponen-  
dus.

fam hanc de Gentibus victoriam per ipsam persecutionem ac martyrium, quæ patiebantur fideles, obtinendam fore: atque hac certa fiducia Christianos ipsos in suæ fidei professione roborari. Secundum hunc sensum aptiorem iudico, & congruentiorem mysticis Apocalypseos locutionibus: & fortè significatur pariter, quando Gentiles videbantur Christi ministros superare & necare (iuxta ea, quæ suprà dicta sunt de potestate Bestiæ commissâ sanctos viros superandi) tunc Gentiles ipsos verè fuisse deuictos. Vocem autem illam, *Oportet*, vidimus iam aliquando eò referri, vt denotet, mysticam hanc mortem esse maximum ipsius, qui occiditur, beneficium. Vide caput 11. 5. *Sic oportet eum occidi*. Verùm non significatur solum, hoc illi conducere; sed etiam re ipsâ occisum iri. Sæpè enim verbum hoc ad prophetiæ certitudinem adhibetur; vt illud Pauli 1. Corinth. 11. numero 19. *Oportet hæreses esse*.

In Græco denique habetur perelegans in hoc versu Paronomasia. nam duobus illis verbis, *Duxerit, & Vadet*, respondent hæc duo *συγάγῃ, ὑπάγῃ*.

## PARS II. CAPITIS XIII.

*In qua agitur de Bestia terræ.*

### TEXTVS.

*Vers. 11. Et vidi aliam Bestiam ascendentem de terra; & habebat cornua duo similia Agni, & loquebatur sicut draco.*

### COMMENTARIVS.

De Bestia  
terra quid  
singulatim  
textus ex-  
primit.  
Vtrum ter-  
restis be-  
stia sit hu-  
manæ sp. cie  
conciptenda?

**Q**UID sit ascendere de terra, diximus suprà versu 1. De figura autem huius bestię, nil aliud exprimere videtur textus, nisi solum duo cornua illi inesse cornibus Agni similia. Verùm bestia hæc terrestris Pseudoprophetæ nomine ter nuncupatur; nempe capite 16. 13. ca. 19. 20. & capit. 20. 10. Quare aliquis sibi forte persuadebit Pseudoprophetæ nomen & officium deposcere, vt huic bestię humanā tribuatur figura; vtpote quæ aptior est ad loquendum, & ad interpretis vices pro marina bestia gerendas. Neque obstat bestię nomen; nam duo parua cornua, quæ illi in textu affinguntur, satis fundamenti præbent, vt bestię nomen illi deferatur. Etenim Satyrus ille, siue Faunus, quem Hieronymus in vita Pauli Eremiticæ magno Antonio obuiâ occurrisse describit, humanâ quidem constabat figurâ, sed fronte cornutâ & caprinis pedibus. Narrat autem Hieronymus, portentosum hoc animal de Christo Domino verba fecisse; & Antonium mox exclamasse, & grates Deo egisse, quòd vel ipsa bestia Christum prædicarent. Addit etiam huiusmodi bestiam viuam perductam fuisse Alexandriam; hinc ipsius cædauere postea Antiochiam allatum.

Pars nega-  
tiua statui-  
tur.

Verùm probabile nihilominus non apparet, terrestrem hanc belluam, de qua Apocalypsis, humanâ specie esse figurandam. Nam Pseudoprophetæ nomen id vnum denotat, ipsius prophetias esse commentitias; in quo alluditur (vt infrâ peripicuum fiet) ad dæmonis prophetias, quæ Genes. 3. 4. referuntur. *Nequaquam moriemini. Aperientur oculi vestri. Eritis sicut dii*. Itaque eodẽ sensu Bestia terræ vocatur Pseudopropheta, quo dæmonem ratione illorum verborum vocare ita possemus. Constat autem dæmonem non humanâ specie Euz apparuisse, sed in serpentis figura. Quam obrem nec ex nomine Pseudoprophetæ, neque ex iis, quæ textus terrestrem Bestiam fuisse locutam recenset, colligi potest eam Ioanni humanâ figurâ fuisse visam. Præsertim cum liqueat, marinam Bestiam (cuius species adeò ab humanâ erat diuersa) loqui etiam magna & blasphemias. Vbi manifeste apparet, Apocalypsin verba humana in præsentem dare iis bestiis, quibus humanâ figurâ nihil erat; licet etiam suprà humanam locutionem tribuit aquilæ.

Nam bestia  
terra præ-  
ter ea, quæ  
textus ex-  
primit, fue-  
rit in ceteris  
marinæ be-  
stie persi-  
milis?

Alius fortasse opinabitur, hanc terræ Bestiam, exceptâ capitum & cornuum multitudine, cetera concipiendam esse marinæ Bestiæ similem; nimirum vrsinis pedibus, pardino corpore & binis corniculis Agni similibus. Nam Ioannes marinam Bestiam cumulare descripsit, dicens, *Similis erat pardo, & pedes eius sicut pedes vrsi*; deinde addit, *Et vidi aliam Bestiam ascendentem de terra*. Quòd si dissimilis esset forma; necessariò videbatur exprimenda, sicut marinæ Bestiæ forma expressa fuit. Cum igitur ibi Ioannes subiceat, & tantum explicet, contemplatum se fuisse aliam Bestiam è terra surgentem; videatur quidem vox *aliam*, idem hic esse, quod alia numero distincta, sed eiusdem figuræ. Nam & exceptio, (vt aiunt) firmat regulam; & textus ipse manifestum assignat discrimen; dum ait, primæ Bestiæ cornua decem, secundæ duo tantum inesse; item, primam in modum leonis; secundam in serpentis modum loqui. In reliquis igitur considerari debent, vt inter se similes. Adhæc, quod magis videbatur mirum & insolitum, maris scilicet Bestiæ pardo & vrsi esse similem, id textus ipse exprimit, atque ideo in terrestri Bellua dixisse fuit satis, *Et vidi aliam Bestiam ascendentem de terra*, id est, aliam etiam pardo atque vrsi similem.



A E contrario tamen est; quia si terrestris Bestia sit marinæ Bestiæ assimilis consideranda in eo, ubi textus discrimen non explicat; inde pariter sequeretur terrenæ Bestiæ septem iñ capita fore attribuenda; quod improbable est. Respondebis, capita & decem cornua Bestiæ marinæ à textu exprimi, priusquam dicatur similis esse pardo & vrsō : quare in pardi & vrsi similitudine vtraque Bestia se mutuo referat, necesse est. Nam septem capita & cornua decem non respiciūt similitudinem, siue imitationem belluarum notarum, sed singularis alterius portentosa; ideoque non opus est in hoc terrenam Bestiam marinæ assimilari. Consulto enim prius dictum fuit, quod ad capita & cornua spectabat; mox additum est, *Similis erat pardo, & pedes eius sicut pedes vrsi*, vt Bestiæ ambæ in hoc esse similes, in reliquis dissimiles crederentur. His addent, vbi discrimen inter marinæ Bestiæ & terrestris cornua assignetur; hinc elici, septem marinæ Bestiæ capita non esse ad terrenam Bestiam extendenda; cum cornua sint quid capitibus ipsis annexum, & in cornibus mirum non sit differentiam inter marem, ac foeminam in maris & terræ Bestiis reperiri. Nam in ipsis etiam animalibus naturali ordine propagatis eiusmodi diuersitatem interdum reperimus; vt maribus cornua sint, foeminis aut nulla, aut diuersa.

Respondetur  
negatiue.

B Hæc habui, quæ pro similitudine harum Bestiarum afferrem. Mihi tamen magis placet, nequid de ipsa visionis specie affirmetur, quod ex ipso textu non manifeste colligatur. Quæ autem ad Bestiæ vtriusque similitudinem astruendam adduximus argumenta, lubrica potius coniecturæ sunt. Quapropter ad primum respondeo; Ioannem non ideo terrenæ Bestiæ figuram suppressisse, quia alteri similis erat; sed quia ad mysterii significationem parui intererat. Quod autem exceptio firmet regulam, nihil probat; nec enim vlla est regula, quæ illas esse similes affirmet. Etenim quanuis per maris Bestiam, mundus; caro, per Bestiam terræ figurentur; hoc tamen non cogit, vt hæc Bestiæ licet inter se coniurata, eiusdem esse figuræ considerentur. Et quidem si ad harum Bestiarum mysterium respiciamus; caro non mundanum amat obiectum, vt ipsa in se habeat, quod diligit in mundo; sed potius frui mundo concupiscit, vt famem expleat earum rerum, quæ affluunt in mundo. Et ipsum met officium, quod textus terræ Bestiæ attribuit, videlicet vt Bestiæ marinæ cultum & adorationem magnopere promoueat; hoc ipsum indicat Bestiam terrenam marinæ prorsus concedere. Ex quo videtur nihil opus esse, vt hæc duæ Bestiæ sint inter se omnino similes. Præterquam quod, si figuræ simili pingerentur, huius similitudinis significatio in eo consisteret, vt quod in marina Bestia quasi in obiecto est, id ipsum in Bestia terræ esset, tanquam in effectu. Ad hanc verò significationem non admodum congruens est vtriusque Bestiæ similis omnino pictura; licet aliquam iis fore similitudinem, si minus in multiplici colorum varietate, at in corporis figura, (meo iudicio) negari non debeat; quippe maxima familiaritas, quam inter vtramque Bestiam intercedere textus innuit, videtur exigere, vt aliquam inter se habeant similitudinem. Quamobrem vtramque confidero quadrupedem, vtramque eiusdem ferè magnitudinis, nec dissimilis valde figuræ. Et hætenus de terrestris Bestiæ figura, quam Ioannes vidit. Nunc ad ea, quæ textus exprimit, progrediamur.

Fuit satis argu-  
mentis,  
quibus v-  
tramque  
bestiam esse  
omnino si-  
mitem pro-  
babatur.

C Principio quidem Ioannes huic monstro nomen terrestris Bestiæ attribuit; in disputatione autem huic capiti præfixâ explicauimus, hanc terræ Bestiam esse hominum procliuatatem ad ea velis remisque sectanda, quæ mundus amat, & maximi ducit; atque adeò hunc esse animæ aduersariū, qui vulgò appellatur caro. Postea item explicauimus, cur ex duabus hisce Bestiis altera visa sit de mari, altera de terra ascendere.

Quid per  
terra Bestiæ  
figuretur.

D Subdit deinde Ioannes; ET HABEBAT CORNUA DVO SIMILIA AGNI. Vox Agni, nullum hîc articulum habet præpositum. Nam quanuis in ipso mysterio contineatur allusio ad Agni cornua, de quibus supra cap. 5. (vt mox constabit) verum qui visionem narrat, visa tantum refert: vidit autem hanc terræ bestiam cōstare duplici cornu cornibus Agni non ab simili. Qua in re (vt opinor) voluit diuinus Spiritus figurare, ex septem Agni cornibus capitis 5. duo duntaxat aliquo modo ad terræ bestiam per speciem, siue similitudinem quandam spectare. Dicam clariùs. Per septem mystici Agni cornua denotantur septem Dei Spiritus, id est, Virtus, Beneficentia, Æquitas, Sapientia, Patientia, Comminatio, & Seueritas, de quibus late egimus c. 1. & cap. 5. Sapientia ergo carnis in ea persecutione non magnam admodum virtutem ostentabat (quæ enim virtus aut fortitudo est, inferre bellum iis, qui sponte gladio iugulum supponebant?) nec Beneficentiam; cum crudelitatem potius exhiberet; nec Æquitatem, quia iniquitas maxima in innocentium internecione emicabat; nec Sapientiā, cum ipsimet tyranni nescirent omnino quid agerent, quò se verterent, vt Christianum nomen penitus extinguere; nec Patientiam, quia impatienter nimis se gerebant, quòd auderet quispiā Christianam Religionem profiteri. Itaque ex septem spiritibus, in quibus gubernationis perfectio sita est; quinque illi primi manifestè carnis sapientiæ deficiebant: duo tamen reliqui erant, nempe comminatio & seueritas. Nam minæ Christianis intentæ valde erant horribiles; & seueritas in tormentorum executione immanitatem quàm maximam præferbat. Et quidem tam in cōminationibus, quàm in tormentorum seueritate affectabat carnis sapientia prætextum innocentia & sanctitatis; atque adeò duplex cornu veluti mitis Agni iactabat; quibus tamen Christi Euangelium affligere, deturbare, atque prostrernere vehementer optabat. Dum igitur conatur suis minis atque tormentis æquitatis ac sanctimoniam velum obducere; in eo non obscure innuitur imitatio quædam (falsa tamen) duorum ex septem cornibus, quibus verus Agnus Christus Iesus insignitur.

Quid si-  
gnificent  
duo Bestiæ  
cornua Agni  
similia.

E Quod autem terrenæ Bestiæ duo Agni cornua affingantur; forte in hoc tacita subest irrissio comminationis ac seueritatis, quibus sapientia carnis Euangelium exterminare tentabat. Etenim dum duo solum cornua extabant, (hoc est, absque commercio & societate aliorum quinque, nempe virtutis, sapientiæ, & ceterorum) nihil erat cur fideles terrenam Bestiam perhorrescerent; sed potius eam despicerent, quasi ipsius cornua imbellis agnelli essent.

Quid in  
nuat, dū  
duo Bestiæ  
cornua di-  
cuntur esse  
Agni simili-  
lia.

Hæc expositio de duobus Agni cornibus supponit id, quod diximus in superioribus agentes de septem spiritibus, & de septem cornibus Agni. Spero autem, si lector tractationis illius memoriam



refricare volet, hanc de duobus Bestiæ cornibus explicationem illi aptam, & cum Apocalypseos serie, & cum septem cornuum Agni significatione congruentem visum iri.

Rogabit tamen quispiam, cur duo isthæc cornua (id est comminatio, & seueritas) terrenæ Bestiæ potius, quàm marinæ adscribantur? Nam si per maris Bestiam Romanum indicatur Imperium idolorum superstitione irretitum; hoc ipsum Imperium erat, quod Christianam Ecclesiam minis atq; cruciatibus vexabat. Respondeo tamen, non duo esse bella, sed vnicum, quod à mundo & carne contra Ecclesiam fiebat. Nec enim hîc directè sermo est de pugna, aut certamine singulari, quo fidelium singulos propria ipsorum caro laceffit; sed de bello ab infidelibus gesto, quos mundi auctoritas & carnis sapientia ad malum procluis incitabant. Quod verò minis atque tormentis sanctitatis & innocentia species prætendatur; id quidem non tam ex mundi superbia, quàm ex carnis sapientia, eiusque præstigiis proueniebat. Denique obseruandum est, cornua Agni capitis 5. esse symbola rerum Romanæ Ecclesiæ gratissimarum; quia Agnus est summum ipsius Ecclesiæ bonum: at in hac Bestia Ecclesiæ contraria symbola esse debent rerum eidem Ecclesiæ insectarum, quantumvis publicæ vtilitatis prætextu obtegerentur.

## NOTATIO I.

*In qua nonnullæ aliæ explicationes duorum cornuum expenduntur.*

**Q**Uæ opinantur in hac terræ Bestia insignem aliquem Antichristi ministrum adumbrari (vt Ribera, & Viegas putant) duo cornua Agni similia interpretantur de mansuetudine & innocentia, quas hic Antichristi Propheta simulabit. Ceterum exploratum iam supra est, per hanc Bestiam nullo modo Antichristi ministrum posse figurari. Huc addo, quod licet innocentia & mansuetudo repræsententur in Agno, non tamen in Agni cornibus, sed in tota corporis figura. Quapropter aptius est, per duo illa cornua denotari duos gubernationis spiritus, in quibus sanctitas & innocentia simulantur, ideoque in duobus Agni cornibus signari per allusionem ad septem veri Agni cornua.

Dicit alius; si hæc Bestia carnem animi hostem significat, duo ipsius cornua aptè possunt denotare duplicem eiusdem carnis facultatem, irascibilem & concupiscibilem; quas duas veluti paries deprauatæ propensionis vis complectitur. Licet enim externa ipsius species comitatem & facilitatem prætendat; sunt tamen cornua, quæ vim asferre conantur. Verum hoc concionatorium potius est, quàm germana expositio; & in hac interpretatione omittitur allusio illa ad duo ex septem cornibus Agni in qua plurimum leporis & concinnitatis situm est.

Alii magis forsitan arridebit, quemadmodum per draconis & marinæ Bestiæ cornua figurantur Principes & potestates; non aliter denotari in terræ Bestiæ cornibus præcipuos duces & antesignanos; quorum ope & adminiculo sapientia carnis sese Christianæ Ecclesiæ in suis primordiis opposuit; contendens vehementer idololatriam promouere per veræ sapientia speciem. Hi sunt enim ipsius cornua, hoc est eminentiores sapientia carnis ministri, & eius virtutem siue robur præferentes. Ex historijs autem Ecclesiasticis apparet, qui veris demonis præstigijs, & falsâ magnæ sapientia simulatione plurimum negotij Apollolis faciuerunt, eos fuisse duos insignes magos ceteris omnibus nobiliores, Simonem Magum, & Apollonium Tyanaum. Hi enim duo Apollolis per falsâ miracula & inanem diuinæ sapientia ostentationem pertinacissimè repugnarunt. De Simone Mago nemo est, qui nesciat; nec minus fuit acre Apollonii bellum in Ecclesiam, præsertim Ephesi. Ephesios namque magi fuisse addictum mos testatur Hieronymus; & hoc pacto incredibilem apud illius vrbis accolæ exitumationem aucupatus est Apollonius, qui Ephesi permansit vsque ad Domitiani interitum. Consulatur Baronius tomo 1. pag. 423. & 682. Huc spectat, in Proverbium ab ipse iam Ephesias literas, quo denotan-

tur filicis grana, id est, insignia veneficia. Et Baronius pag. 497. obseruat, ideo Paulum tandiu apud Ephesios fuisse commoratum. Et pagin. 510. tradit, sanctum Paulum & Apollonium pariter Ephesi extitisse, & demonem artibus Apollonij fuisse conatum Christianæ fidei aduersari; sicut olim Iannes & Mambre Mosi resisterunt; & vt Magi Aegyptiaci Mosi sapientia ac virtuti se opposuerunt. Cum enim eadem ferè, quæ à Deo per Paulum signa fieret, ab Apollonio viderentur factitari; veritas in magnum discrimen reuocabatur; ita vt Christiana fidei hostes qualemcumque aucupantes occasionem, eiusdem esse generis, quæ à Paulo, & quæ ab Apollonio agerentur, stultè iactarent; & plus fortasse tribuerent Apollonio sua gloriosius ostentanti, quàm Paulo modestissimè se gerenti. Quamobrem Apollonio statuas Ephesi erexere, & obtulere sacrificia. atque ita oportuit Ioannem magnâ virtute in Apollonium obniti: vt olim Petrus aduersus Simonem Magum depugnauit. Item pag. 747. affirmat Baronius ipse, Ioannem propterea rediisse Ephesum; & in omnium conspectu mortuum ad vitam renouasse. Sileo multa alia, quæ hanc ad rem ex Eusebio & Baronio adduci possent.

His præmijs dici posset, ideo bina huius Bestiæ cornua fingi cornibus Agni similia; vt denotetur exigua illius vis & parua existimatio, qua Apolloli sapientiam & miracula Simonis Magi atque Apollonii excipiebant. Vera enim miracula & diuinitus patrata cum falsis & commentitijs conferri non erubescunt; & facile Apollolis fuit euidenter ostendere, Simonis & Apollonii miraculorum fallitatem, merasque præstigijs. Id quod ita præstiterunt Apolloli, cum per suorum miraculorum veritatem, tū per suæ doctrinæ virtutem. Et multi ex eis, qui fuerant curiosi selecti, (Act. 19. 19. vbi sermo est de Epheso) contulerunt libros, & combusserunt coram omnibus; & compulsi pretijs illorum inuenerunt pecuniam denariorum quinquaginta millium. Pulchrum sane extitit, nec minus visu dignum, Apollonii discipulos à Paulo conuictos, tot librorum congeriem tanto pretio assignatam flammis dedidisse; & maior adhuc & præstabilior efficientia fuit consecuta ex Ioannis apud Ephesios miraculis & prædicatione.

Hanc de Simone Mago & Tyanao Apollonio expositionem si quis vt secundariâ volet admittere, non admodum recusabo. qui verò primariâ assermet; nã ille plus a quo veneficis & præstigatoribus detulerit. Præsertim cū terrestribus hæc Bestia, vt supra vidimus, nō ad persecutionis ministros coarctetur; sed potius ad Romanos Imp. & ad idololatrias omnes dilatetur. Nō autē hîc directè agitur de oppugna-

Cur duo isthæc cornua terrestri potius bestia, quàm marinae opponantur?

Alia de duobus cornibus expositiones omittuntur, ac reselluntur.

1. Expositio de simulata mansuetudine & innocentia, quæ in insigni aliquo Antichristi ministro sunt futura.

2. Expositio de duplici anima, scilicet, irascibili & concupiscibili.

Simon Magus & Apollonius Tyanaus præcipui Euangelii hostes.

Applicatur 3. cornuum duorum expositio ad Simonem Magum & Apollonium.

Prædicta expositio, et secundariâ, probabiliter admittitur.



tionem, quæ per falsa miracula; sed quæ per furorem persecutionis, Ecclesiæ facta fuit: ut series atque contextus attentè consideranti facillè ostendunt. Quare quæ videntur miracula, (cuiusmodi est ignem è celo deducere) ea alterius rationis sunt, non ex veneratorum præstigijs petita.

Iam, quod initio huius expositionis perstrictum fuit de Bestiæ terrenæ cornibus, quæ personas aliquas humanâ sapientiâ maximè insignes repræsentant; ad hoc inquam Respondetur, allusionem ad Agni cornua capitis 5. postulare, ut horum cornuū duorum declaratio ad septem illorum cornuum interpretationem conformetur. Vidimus autem in eo cap. 5. licet aliqui septem illa cornua de septem

A præcipuis Angelis intellexerint; certum tamen esse, septem optimæ gubernationis spiritus in ijs denotari. Quod si contendat aliquis nomen cornu in vna eademque significatione semper accipi debere; hic profectò ad eam se regulam constringit, quæ non semper observatur; ut in nomine terræ apud Apocalypsin aduertimus; quæ prius pro synagoga fuit usurpata, deinde ad Gentes terrenorum affectuum sectatrices sese extendit. Præterquam quod in ipsa visionis specie, siue figurâ valde sunt diuersa marinæ Bestiæ cornua (quæ ingentia sunt) à cornibus terrenæ Bestiæ, quæ sunt instar cornuum Agni. Sed ad ipsum iam commentarium redeamus.

## T E X T V S.

Et loquebatur sicut draco.

## C O M M E N T A R I V S.

C **M**ARINÆ Bestiæ vox leonis rugitui comparatur: vox autem terrenæ Bestiæ sibilo serpentis. Quo denotantur carnis fraudes atque præstigiæ. Est enim serpens callidior cunctis animantibus, ut habetur Gen. 3. & placidi sibili species cum serpentinâ calliditate copulatur. Quare loquebatur sicut draco, idem est ac dicere, eius loquelam esse dulcem, & sese facile insinuantem; ita ut illam auribus excipere perinde sit, quasi colubri sibilos exaudiri. Porro verbis illis denotatur pariter, sapientiæ carnis sermonem à dæmone inspirari, & illi esse persimilem. Quamobrem spirituales viri sæpè ac verè iactare solent, carnis loquelam esse quidem loquelam ipsius dæmonis. Quibus autem rationibus sapientia carnis idolorum propugnabat cultum, & veram Religionem oppugnabat; eadem quidem à dæmone erant immixtæ atque haustæ.

D Præterea in hac ipsa comparatione alluditur ad astutiam serpentis, quæ Euam in paradiso decipit Genes. 3. Quo loco videre est, serpentis verba eò spectare, ut Euæ detrahat timorem veræ comminationis, & prosperitatis falsæ spem ingerat. Prius enim dixerat serpens, Nequaquam moriemini, quò metum auferret. Mox subiicit, Aperiuntur oculi vestri; & eritis sicut dii, scientes bonum & malum, quò inanem fictarum promissionum expectationem illi iniecit. Similiter ergo sapientia carnis Euangelio Christi infesta vi deprauatæ propensionis hominibus suadebat, minas eas, quas Euangelii concionatores iactabant aduersus Religionis Christianæ contemptores, esse prorsus nugatorias; ac proinde, si Euangelicæ fidei obisterent, eiusque prædicatores infra mortuos amandarent, eos magnâ pace & tranquillitate fruituros. Vide supra cap. 11. 10. ubi de cruciatibus ac tormentis, quibus prædicatores Euangelij incolas terræ torquebant; quæ ut à se depellerent homines ipsi terreni illis bellum inferebant. Constat ergo sapientiæ carnis sermonem rectè & eleganter dici similem sermoni draconis. Quapropter ut dæmon falsum egit vatem in iis, quæ Euæ primæ parenti præfagiuir, ita sapientia carnis vestigia dæmonis insistent, falsas prophetias profert: atque ideo in Apocalypsi terrenæ Bestiæ tribuitur nomen Pseudoprophetæ; idque bis & ter repetitur, ut res, cuius cognitio magni momenti sit.

Præter hæc, cum dicitur, Loquebatur sicut draco: vox draco non habet articulum in Græco; nec tamen dubitare quisquam potest, quin Bestiæ sermo comparetur cum sermone draconis c. 12. de quo etiam paulò antè facta fuerat mentio, nēpe n. 4. Quamobrem nō quotiescumque deest in Græco articulus, deest propterea certa aliqua ac præfinita allusio. Quod etiā observare licet, cū dicitur; Habebat duo cornua similia Agni; ubi articulus similiter desideratur in nomine Agni. Et tamen ad Agnū c. 5. alluditur, ut supra adnotauimus. Et qua ratione deest articulus Agno; eandem deest etiam draconi. Videlicet, quia illud tantum refert Ioannes, quod vidit: atque ideo tantummodò asserit, terrenæ Bestiæ sermonem referre sibilum colubri, siue serpentis. Quain re illud (ut supra diximus) continetur mysterium, nimirum allusio ad draconem, siue serpentem Geneseos, & ad caput 12. Apocalypseos. Ex quo facillè colligitur, draconem & duas Bestias pariter coniurare; siquidem draco suam potestatem marinæ Bestiæ, & terrenæ suum sermonem communicat.

Quid sit, terra Bestiæ loqui, ut draconem.

In hoc terræna Bestia sermone alludi ad astutiam serpentis Euam decipientis.

Articulus Græco nōmini præpositum non semper peculiare habere mysterium: nec è contrario semper absesse mysteriū, cum ille abest.



## NOTATIO II.

*De quibusdam locis, in quibus Apostoli loquuntur de  
sapientia carnis.*

**A**d pleniorē explicationē eorum quæ Apocalypsis de Bestia terræ asseuerat, opere pretium erit obseruare ea, quæ Apostoli docent de sapientia carnis, Etenim, si per terrestrem Bestiam carnis sapientia figuratur; quod Apostoli de hac sapientia affirmant, deseruiet maximè ad interpretationem eorum, quæ Apocalypsis de Bestia terræ testatur.

Sanctus igitur Iacobus in sua Canonica cap. 3. 15. ait, *Non est ipsa sapientia de sursum; sed terrena, animalis, diabolica. Quæ autem de sursum est sapientia, primum quidem pudica est; deinde pacifica, modesta, suadibilis, bonis consentiens; plena misericordiâ, & fructibus bonis, non iudicis, sine simulatione.* Hæc Iacobus. In quibus vox Terrena denotat illam in terrenis affectibus fundari, vt sæpè explicuimus. Deinde *Animalis* dicitur ab anima animali, id est à parte animalis hominis, quæ non nititur in spiritualibus portionis superioris rationibus, sed inferioribus ac politicis. *Diabolica* verò dicitur, quia ex ipso diabolo perficitur, vt ab huius detestabilis doctrinæ magistro; atque id denotatur

*De terrena  
& carnali  
sapientia,  
deq; celesti  
& spiritali  
locus ex B.  
Iacobi ca-  
nonica.*

**A** verbis illis, *Loquebatur sicut draco.* Itaque ad id, quod textus ait, *Ascendebat de terra,* Respondet vox *Terrena.* & nomini Bestiæ respondet *Animalis*; ac denique verbis illis, *Loquebatur sicut draco,* respondet *Diabolica.* Deinde ex epithetis, quæ Iacobus veræ sapientiæ adiungit, per contrarium sensum eliciemus (siquidem illam Iacobus sapientiæ terrenæ opponit) terrenam quidem esse impudicam, litigiosam, immodestam, siue superbam, imperuolabilem, seu bonis non consentientem, vacuam misericordiâ & fructibus bonis, iudicantem, & simulantem.

Secundò notanda sunt Pauli verba ad Romanos 8. 5. *Qui secundum carnem sunt, (vel ambulant,) quæ carnis sunt sapiunt: & sapientia carnis mors est, & inimica est Deo; legi enim Dei non est subiecta, nec enim potest.* Qui autem in carne sunt, Deo placere non possunt. Et 1. ad Corinth. 3. 19. *Sapientia huius mundi stultitia est apud Deum.* Et 2. Corinth. 1. 12. *Non in sapientia carnali conuersati sumus, sed in gratia Dei, in simplicitate & sinceritate.*

*Carnalis  
sapientia  
descriptio,  
ex Paulo.*

## TEXTVS.

*Vers. 12. Et potestatem prioris Bestiæ omnem faciebat in conspectu eius; & fecit terram & habitantes in ea adorare Bestiam primam, cuius curata est plaga mortis.*

## COMMENTARIVS.

**L**EGENDA sunt suprâ dicta, num. 2. vbi draco dicitur dedisse Bestiæ maris (quæ hic dicitur prior Bestia) virtutem suam & potestatem magnâ; & potestati quidem respondet ibi in Græco, *ἡ σοία*, id est, licentiâ; illam autem licentiam siue facultatem exhibendi immanitatem suam aduersus Dei familiares (de quo in libro Iobi) dæmon plurimi faciebat. Quod verò potestati adiungatur Virtus, phrasis est Græcâ; vt constat ex Plutarcho & Herodiano, qui similiter copularunt *δυναμιν*, & *ἡ σοία*. Illam ergo facultatem magnam sibi tributam decreuit dæmon per maris Bestiam, id est per Romanum Imperium exercere. Nam in ea facultate dæmoni permittenda includebatur potestas delegandi. Quare ipse sibi marinam delegauit Bestiam. Atque id est, quod dicitur versu 2. Nunc verò additur, quodd maris Bestia videatur eandem facultatem terrestri Bestiæ, tanquam suo ministro, subdelegasse. Quam enim facultatem dæmon marinæ Bestiæ communicarat, Bestia terrena exercebat; & quidem ita reapse accidebat. Nam Romanum Imperium per carnis sapientiam, & per terrenas singulorum Ethnicorum affectiones persecutionem contra Ecclesiam opere præstabat. Addit porro textus, facultatem hanc à terrena Bellua in marinæ Bestiæ conspectu exerceri. Nam singulares homines, vt Mundo, (hoc est Romano Imperio idololatræ) pergratunt facerent, aduersarios se & inimicos Christiani profitebantur nominis; ipsosque Christianos in Romani Imperij oculis distorquebant, cædebant, contrucidabant.

**ET FECIT TERRAM, ET HABITANTES IN EA ADORARE BESTIAM PRIMAM, CUIUS CURATA EST PLAGA MORTIS.** Vidimus iâ superius, in resurrectione primi capitis Bestiæ, (cuius plaga mortis curata esse dicitur,) significari Neronis persecutionem à Domitiano rursus excitatam. Huius igitur loci contextus est huiusmodi; sapientia carnis, vt primum per Domitiani edicta recruduit persecutio, effecit, vt terreni homines marinam Bestiam cultu ac veneratione prosequerentur; id est vt eius complecterentur leges, vt tempori morem gererent, ac se Christianæ fidei hostes exhiberent. Dicitur iam aliàs est in hoc eodem capite de adorandi verbo; & qua ratione accipiat terra nomen. Quod subditur, *terram & habitantes in ea*, alterum est alterius explicatio; vt suprâ cap. 12. 12. vbi dicitur: *Cali, & qui habitant in eis.*

*Qua ratio-  
ne Bestia  
terra effe-  
rit; vt terra  
primam be-  
stiam ado-  
rauerit.*

B

C



## T E X T V S.

*Vers. 13.* Et fecit signa magna, vt etiam ignem faceret de cælo descendere in terram in conspectu hominum.

## C O M M E N T A R I V S.

**E**X his signis fucatis & commentitiis colligunt nonnulli sermonem hîc esse de ministro illo Antichristi, vel de ipso concionatoribus. Certum namque est, Antichristum, ad homines in fraudem illiciendos, falsa miracula editurum: sic enim prædixit Dominus, vt habetur Matth. 24. 24. *Surgent enim Pseudochristi & Pseudoprophete; & dabunt signa magna & prodigia: ita vt in errorem inducantur (si fieri potest) etiam electi.* Et Marci 13. 22. *Et dabunt signa & portenta ad seducendos (si potest fieri) etiam electos.* Accedit, quod aperte loquitur Paulus 2. ad Theil. 2. 9. *de signis & prodigiis mendacibus Antichristi.* Ceterum quia ex superiori disputatione constat, in præsentî de vltimi Antichristi temporibus sermonem non esse; sed de persecutione, quam Romanum Imperium in Christi Ecclesiam concitauit; ideo quod de magnis terrenæ Bestiæ signis dicitur, non potest ad Antichristi vel ipsius ministrorum signa directe referri. Dixi directe; quia allusionem & comparisonem ad Antichristi signa atque portenta non solum non inficior, sed certissimam etiam esse in præsentî censeo. Cum hac ergo allusione affirmat hîc Apocalypsis, in Romani Imperii persecutione, falsa quidem, sed ingentia miracula per carnis sapientiam patrari, aduersus vera miracula atque prodigia, quibus promulgata Christi fides à viris Apostolicis comprobatur. Et quanuis suspicetur fortasse aliquis, hoc esse referendum ad Simonis Magi & Apollonii miracula commentitia; verum nec prodigia hæc, quæ referuntur in textu, (vt ignem de cælo descendere, & marinæ Bestiæ imaginem loqui) de Simone Mago aut de Apollonio leguntur; nec consentaneum est Apocalypsin ad Simonis & Apollonii præstigias suistili seriem & grauitatem demittere.

Porro elegantissimum est, magnorum prodigiorum nomen attribui duabus rebus ita insignibus, quibus sapientia carnis in iis persecutionibus Christianam conflictauit Ecclesiam. Altera ex his rebus fuit, Gentibus eum animum fuisse inductum, vt bella ac pestes, ceterasque Imperii calamitates diuinitus fuisse inmissas putarent in supplicium earum iniuriarum, quæ diis noua illa Christianorum Religione fiebant. Hæc autem opinio Gentilium animos mirum in modum peruasit; quam suis scriptis conuellerunt Prudentius contra Symmachum, Ambrosius, Augustinus, Orosius, Theodoretus contra Græcorum affectiones, alijque per multi. Et nostrâ etiam tempestate hæc falsa existimatio non parum Catholicæ Religioni apud Iaponios obstitit; vt ex illorum regnorum historiis, & nostrorum hominum apud eos degentium literis videre est. Hæc itaque est vna ex præcipuis carnalis sapientiæ fraudibus. Altera eisdem etiam ethnicis persuasum esse, ipsorum idololatricam rem esse planè caelestem atque diuinam; ac proinde Christianam Religionem illi oppositam ex toto orbe exterminari debere. Facile autem apparet, quantopere hæc duæ deceptiones sint inter se connexæ & colligatæ; ad easque reduci, quidquid carnalis sapientia aduersus veritatem Euangelicam excogitare valebat. His ergo duobus mendaciis atque præstigiis tribuit Apocalypsis duorum ingentium portentorum figuram; quorum alterum sit, ignem de cælo demitti; alterum, imaginem marinæ Bestiæ loqui. Quamobrem inspicimus oportet, quàm aptè qualibet ex his figuris ad fraudem illam, quæ ei responderet, denotandam accommodetur.

**VT ETIAM IGNEM FACERET DE CAELO DESCENDERE IN TERRAM IN CONSPECTU HOMINUM.** ] Quanuis interdum ignem descendere de cælo, sit gratiæ atque fauoris signum; vt 2. Paralip. 7. 1. *Cumque compleisset Salomon fundens preces, ignis descendit de cælo, & deuorauit holocausta & victimas.* Et 2. Machab. 2. 10. *Descendit ignis de cælo, & consumpsit holocaustum.* Hîc tamen congruentius videtur, vt respectus habeatur ad illud Eliæ miraculum 4. Reg. 1. 10. *Descendit itaque ignis de cælo, & deuorauit eum, & quinquaginta, qui erant cum eo.* Vbi ignis ille acerrimi vindicis egit vices. Per allusionem ergo ad hoc miraculum; (vt indicetur per carnalis sapientiæ præstigias fieri, quod Deus mundum propter idololatriæ contemptionem punire videretur, quemadmodum Elias contra eorum cultores ignem ex aethere demisit) aptissimè textus inducit terrenam Bestiam efficientem, vt in hominum conspectu ignis de cælo in terram descenderet; ita vt propter carnis sapientiæ seductionem id verè fieri homines putarent. Si tamen aliquis in eam propendeat sententiam, vt hunc ignem de cælo dilapsum de Religionis igne interpreteretur; illud saltem obseruare debet, hîc nullum verbum de sacrificiis fieri. Quod si adhuc ignis hîc de cælo descendens ad Religionis ignem applicaretur; sensus esse posset, sapientiæ carnis Gentilibus persuadere zelum Imperii Romani in Christiana Religione vexanda esse planè diuinum, & veluti de cælo dilapsum; quod eos ad persecutionem illam nihil aliud stimularet, quàm zelus honoris & cultus diis impendendi. Atque hæc de primo miraculo. Superest, vt de altero mox subsequenti agamus.

*Verum in commentitiis hîc signis sermo sit de Antichristi ministris? Statuitur de Antichristo aut eius ministris directe non hîc esse sermonem; ad illos tamen per allusionem respici.*

*Quanam sint hæc signa à Bestiæ terræ patrata?*

*Allusio ad ignem ab Eliæ de cælo delatum.*

*Ignem à Bestiæ de cælo per speciem demissum posse etiam de falso religionis cultu suo modo explicari.*



## T E X T V S.

*Vers. 14.* Et seduxit habitantes in terra propter signa, quæ data sunt illi facere in conspectu Bestiæ; dicens habitantibus in terra, vt faciant imaginem Bestiæ, quæ habet plagam gladii, & vixit.

*15.* Et datum est illi, vt daret spiritum imagini Bestiæ, & vt loquatur imago Bestiæ, & faciat, vt quicumque non adorauerint imaginem Bestiæ, occidantur.

## C O M M E N T A R I V S.

Secundum  
terrestre  
Bestia signū  
sive mira-  
culum.

**H**I duo versus ad secundum miraculum pertinent; dicitur enim Bestia terræ seduxisse habitantes in terra, dicens eis, vt faciant imaginem Bestiæ. Id autem referri non potest ad præcedens miraculum, sed ad subsequens; cuius narratio inchoatur ab eo, quod ante miraculum præcessit, nempe terræ incolis persuadere, vt marinæ Bestiæ imaginem effingerent. Mox sequitur miraculum ipsum, quo imagini eidem fuit datus sermo. Deinde adiungitur eorum occisio, qui imaginis adorationem respuerunt. In tota hac narratione id vnum prodigiosum apparet; quod scilicet marinæ Bestiæ imagini vitalis spiritus & sermo fuerit datus; in quo cum vnum solum videatur contineri miraculum, textus tamen de illo in plurali numero loquitur; ait enim, *Seduxit habitantes in terra propter signa.* Vnde infero, imaginem quam terrena Bestia fieri iussit, non vnam tantum fuisse, sed plures. quippe vnusquisque suam peculiarem effingebat. Quare quot erant imagines, tot edebantur miracula; nam cui-libet imagini & spiritum & loquendi potestatem terrestris Bestia dabat. Aliquis forte assereret, de hoc miraculo in plurali numero esse sermonem; quod diuersa sint, imagini vitam dare, & loquendi præterea facultatem. Mihi tamen magis placet pluribus simul imaginibus animam simul ac vitam à terrestri Bestia fuisse tributam; cum mysterio ipsi mox subiiciendo id congruentius sit.

Ait igitur textus hoc miraculo per Bestiam terrestrem edito terræ incolæ fuisse deceptos: additurque miraculum hoc in conspectu Bestiæ maris fieri. Præterea idem prodigium supponit, reuixisse iam Neronis persecutionem; ita enim terræ incolis præcipiebatur, vt effingerent *imaginem Bestiæ, quæ habet*, (id est habebat) *plagam gladii, & vixit.* Hoc autem est, primum caput antea mortuum surrexisse, vt dictum in superioribus est.

Quid per  
visionis  
huius figu-  
ram signi-  
ficetur.

In huius visionis figura significari diximus Gentiles carnali sapientia in eam opinionem adductos, vt quam profitebantur idolorum culturam, rem esse diuinam, & miraculis maximis à Deo comprobata putarent. Vt autem ænigmatis huius elegantia perspicatur, notandum prius est, in eo, quod Bestia terræ imagini marinæ Bestiæ vitam & sermonem suppeditauerit, fieri omnino allusionem ad falsum & adumbratum miraculorum ac responsorum fucum, quo idololatriam ipsam dæmon in Ethnicorum animis figurauerat, & expresserat. Persuadebant enim sibi Ethnici, per cæleste miraculum statuas ipsas rogatas sermonem accipere, & reddere; quantumvis oraculum ipsum non ab Apollinis, statua, sed à scæmina Pythia furore correptâ ederetur.

De qua ma-  
rina Bestia  
imagine hic  
sermo fit.

Ad huius igitur deceptionis & fraudis imitationem fingitur, postquam Domitianus Neronianam persecutionem ab inferis excitauit, carnalis sapientia reperisse quasi præstigias quasdam & incantamenta, quibus Gentilibus fucum faceret; ac persuaderet, illius persecutionis edicta esse cælestia quædam oracula. Quauis enim non permisit Deus, vt per statuas ipsas æreas, lapideas ac ligneas sermonem redderet dæmon in legum atque edictorum aduersus Christianos dimanantium probationem; quinimò diuino consilio & providentia fuerit factum, vt quo tempore Euangelium promulgari cœptum est, Apollinei oraculi ludibria euanescerent, & statuarum quondam eloqui solitarum deinceps obmutescerent: ceterum carnalis sapientia modum ac rationem excogitauit, qua oraculorum defectum suppleret; atque aded singulis incolarum orbis intra suas mentes idolum fabricari iubebat, quod maiestatem Romani Imperii Christianam Religionem damnantis ad viuum exprimeret. Huic autem simulacro, quod quisque in sua cogitatione fingebar, carnalis sapientia spiritum, vitam, animumque dabat. Perficiebat enim vt Ethnici & sibi persuaderent, & propalam enunciarent, edicta illa in idololatriæ venerationem promulgata sanctissima esse, & maxime diuinis legibus consentanea; ac proinde nihilo secius inanem deorum superstitionem fore, vt veram ac germanam amplectendam, quam si eo ipso quod à Romano exciperetur Imperio, diuinitus confirmata videretur. Vt ergo hæc magna deceptio significaretur, (qua sibi persuadebant Ethnici cæleste responsum esse id, quod vnicuique peruersitas affectionis deprauatæ dictabat) quid potuit significantius per irrisionem effingi, quam idolis per Ethnicos in cuiusque animo fabricatis à sapientia carnis vitam & spiritum dari; vt & idololatriam confirmaret, & vanæ eorum opiniones pro cælestibus oraculis haberentur? & statim ageretur de eis interficiendis, qui marinæ Bestiæ imagini cultum non deferrent, fascesque submitterent; hoc est, falsam Romani Imperii de idolorum cultu existimationem non tanquam veram amplecterentur?

Imagini  
Bestia ma-  
rinae quo  
sensu anima  
indita esse  
dicatur.



Additur in ipso textu, hoc miraculum prædictas statuas animandi patrari à terrena Bestia in Bestiæ marinae conspectu: quod concinnam in se continet elegantiam. Hæc enim omnis seductio in Romani Imperii ethnici obsequium & submissionem cedebat. Constat autem quod hominibus placendi causâ fit, hoc aptissime dici in hominum fieri conspectu; præsertim cum in huius prodigii figurâ non solum significata fuerit interior hominum persuasio, sed multò magis externa idololatriæ professio; in qua Gentiles, ut Romano obsequerentur Imperio, ita se gerebant secundum externam speciem, ac si re verâ diuino oraculo intruenter, veram esse omnino & inconcussam veritatem, quam sibi ipsi practicè persuadere volebant, ut Romano Imperio morem gererent.

Quid sit,  
signa fieri  
à terrena  
bestia in  
marina be-  
stia conspe-  
ctu.

Omitto alias interpretationes secundi huius miraculi terrēæ Bestiæ ; quia cum ea argumēti ferie, quam ipse persequor, minimē consonant. Huiusmodi est Augustini expositio libro 20. de ciuitate cap. 9. qui per imaginem Bestiæ intelligit simulationem in eis videlicet hominibus, qui fidem profiteri videntur, infideliter tamen viuunt. Nam ad eandem pertinent Bestiam non solum aperti hostes nominis Christiani, sed etiam zizania. Sic Augustinus, sed non video, quomodo hæc explicatio cohærere possit cum textu.

*Alia secundi  
huius signi  
explicatio-  
nes referun-  
tur, nec pro-  
bantur.*

Iam, qui marinam Bestiam pro Antichristo accipiunt, hæc miracula vsurpant, vt sonant, nullo interim alio mysterio conquesto. Quod tamen cum ænigmatis stilo minime congruit. Qui autem terrenam Bestiam de Mahometo exponunt (vt Ioannes Annius, quem refert Hentenius) asserunt, tunc marinæ Bestiæ imagini dedisse spiritum, quādo suam promulgauit legem. Quod quidem quā recte & apte asseueretur, aliorum iudicium esto.

T E X T V S.

*Vers. 16.* Et faciet omnes pusillos & magnos, & diuites & pauperes, & liberos  
& seruos habere characterem in dextera manu sua, aut in frontibus suis.

17. Et nequis possit emere, aut vendere; nisi qui habet characterem, aut nomen Bestiæ, aut numerum nominis eius.

C O M M E N T A R I V S

**A**NTEQUAM ad duplicis huius versiculi mysterium accedo, in sensu ipso grammatico occurrat difficultas prius discutienda. Vtrum scilicet character, nomen, & numerus nominis tria sint inter se distincta, an solum duo? Hæc dabitatio, (siue potius eius solutio) pendet ex ea, an character sit à numero, & nomine distinctus? Interpretes huius loci serè statuunt, & quasi certum præmittunt, characterem esse quidà numero, & nomine diuersum, & à Bestia signari alios numero, alios nomine, alios characterē. Quapropter Ribera affirmat characterem haud dubie esse à numero & nomine distinguendum; cùm textus illa distinguat dicens, *Characterem, aut nomen Bestia, aut numerum nominis eius*. Hac autem distinctione suppositâ, offert se illico difficilis nodus de huiusmodi characterē, quisnam ille sit? Alii enim autumant esse Antichristi effigiem: alii esse draconis insigne: alii esse notam, qua Christus inscribitur, quæ huiusmodi esse dicitur, ✠. & Ansbertus quidem asserere videtur, sibi à Deo fuisse reuelatum, de huiusmodi nota sermonem hic esse.

Vtrum cha-  
racter, no-  
men & nu-  
merus no-  
minis bestia-  
ria sint in-  
ter se distin-  
cta?

Mihi videtur omnino certa sententia Hippolyti Martyris in oratione de consummatione sæculi; qui existimat de nullo alio charactere in præfenti agi, nisi de nomine, vel numero nominis Bestiæ. Ac primum, quod textus ait, *Bestiam terræ facturam, Nequis possit emere, aut vendere; nisi qui habet characterem, aut nomen Bestiæ, aut numerum nominis eius.* Hoc inquam non probat, characterem à reliquis duobus fore diuersum. Etenim re Beita fieri potest constructio, vt emere, aut vendere nemo possit, cui impressa non sit Bestiæ nota, siue lignum: idque siue nomen ipsum Bestiæ sit, siue nominis numerus; quod perinde est, quasi dicatur, ne emere aut vendere possit, nisi qui habeat characterem; hoc est aut nomen Bestiæ, aut numerum nominis eius. Sicut I. Cor. 14. 7. dicitur. *Quæ sine anima sunt vocem dantia, siue tibia, siue cithara. vbi, sine anima vocem dantia,* non est diuersum quidpiam a tibia & cithara; sed communis quædam ratio tibie & citharæ. Ita similiter numerus & nomen impressa in ipsa carne conueniunt in eo, quod sint character siue nota iusta. Lege etiam I. Corinth. 14. 6. *Linguis loquens &c. aut in reuelatione, aut in Prophetia, aut in doctrina.* Ecce loquens linguis, est quid commune ad ea, quæ subiunguntur.

Proposita  
cuestionis  
enodatio.

His præmissis; quæ me urgent rationes, ut characterem in præsentia numero, & nomine non discriminari existimem, ex sunt. Prima, si character nomini ac numero communis est, nec alius præterea character reperitur; verè dicitur terrestris Bèstia omnibus Bèstiaè marinæ characterem inungere. Sin diuersus esset, non diceretur verè omnes caractere designare: sed alios quidem caractere, alios nomine, & alios numero. Vide ergo, quid asserat textus, *Et faciet omnes puillos & magnos*

*Prolatur.  
rar. eni. sus  
cha. a. tere  
non d. st. n-  
gu. hic à  
numero &  
nom. inc.*



*Et habere characterem in dextra manu sua, aut in frontibus suis.* Si ergo characterem à numero, & nomine distinguit; numerus quidem & nomen prorsus superuacua sunt; quando omnes vno characterem notantur, nisi forte tria omnia signa omnibus pariter imprimerentur. Tunc autem quorsum diceretur sub distinctione, *Characterem, aut nomen Bestiæ, aut numerum nominis eius?*

Secunda. In capite 20. numero 4. dicuntur omnes, qui non acceperunt characterem Bestiæ in fronte, aut in manu, regnare cum Christo; igitur non accepisse characterem, idem est, ac non accepisse nomen, nec numerum. Alioquin non regnarent cum Christo omnes, qui characterem non acceperunt.

Tertia. Nam alioqui sæpe foret diminuta locutionis forma, cum agitur de illorum supplicio, qui characterem acceperunt; nec tamen agitur de ijs, qui accepere nomen, vel numerum, cum de omnibus foret agendum. Vide infra capit. 14. 9. *Et acceperit characterem in fronte sua, aut in manu sua, & hic bibet de vino iræ Dei.* & capit. 14. numero vndecimo, *Nec habent requiem, &c.* & si quis acceperit characterem nominis eius.

Quarta. *χρῆμα*, quæ Græca est vox, & hic respondet nomini *character*, idem est, quod nota impressa; siue ergo imprimatur in cute nomen, siue numerus; utrumque proprie est character. Quod autem sit sermo de nomine, & de numero in cute impresso videbimus infra, & Vegetii locus ad nomen adiumento erit.

Quinta. Si semel præstituamus, non de alio characterem hic esse sermonem, nisi de nomine aut de numero; facile hinc intelligitur, cur numerus appelletur numerus nominis, & cur character item vocetur character nominis capit. 14. 11. id est, nomen ipsum vel expressè inscriptum, vel ad numerum reuocatum, ut inferius dicemus. Ceteroquin difficile profectò est, quid sit character nominis à nomine ipso distinctus? Quod enim ait noster Ribera, esse notam aliquam ipsius nominis, qua nec literæ expressæ sint, nec numerus, sed mera nota; id sanè difficultati non facit satis; quippe nota illa, nomen etiam est. Ac demum in nostra sententia cessat omnino quæstio de peculiari modo ac ratione characteris, à nomine & numero distincti. In qua quæstione nihil solidum poterat adduci.

Quomodo  
faciat terra  
bestiæ omnes  
habere cha-  
racterem in  
fronte aut  
in manu.  
Antiqua  
consuetudo  
militis in  
cute scribere  
di pñcturis.

Cum ergo dicitur; *Faciet omnes habere characterem in fronte, aut in manu*: sermo est de marinarum Bestiæ nomine, vel de nominis numero, ut statim explicabo. Fit autem allusio ad antiquæ militiæ morem; in qua qui nomen suum dabant, stigma Principis in manu accipiebant; de quo vide Vegetium libr. 1. capit. 8. & libro 2. cap. 5. ubi ait; *Puncturis in cute punctis scribuntur milites.* Quæ inscriptio fuisse videtur eiusmodi, quæ nomen siue ducis, siue Regis, sub quo militabant, contineret. Accipere autem characterem in fronte, vel in manu dextra videtur maioris æstimationis ergò fieri, siue maioris submisionis militis illius; qui eo signo rotatur, & quasi seruum eo stigmate se proficitur. Porro de illo antiquæ militiæ vsu legatur Liplius libr. 1. de militia dialogo 9. ubi multa adducit ex codice Iustiniani, ex Augustino, Chrysostomo, & Prudentio.

Si verò quæras, quonam instrumento character hic imprimeretur? ferrone an gladio? Respondetur; utrumque; fortassis in vsu fuisse. Nam puncturæ in cute (quod Vegetius ait) proculdubio fiebant acuminatâ cultelli cuspide, sicut & hodie Afræ, siue Maurorum scæminæ brachia huiusmodi stigmatibus solent depingere. Sed Machabæorum 3. (ut habetur in editione Sixti, fol. 1403. D.) Philopator iussit Iudæos designari per ignem in signi Liberi hederæ folio.

Prius autem quàm de ipso agamus mysterio; opus est locutionem illam, *numerum nominis*, explicare. Ad cuius explicationem præmittendum est, apud Græcos, (sicut etiam apud Hebræos) literarum characteres pro numerorum etiam notis vsurpari; ita ut quælibet litera suum habeat peculiarem numeri valorem. Nec enim numeri diuersas habent notas ab Alphabeti literis. Itaque, α valet vnum; β, valet duo; γ, tria; & sic deinceps. Quapropter quoduis nomen potest post ad præfinitum aliquem numerum reduci; id est, ad eam summam, quæ ex nominis illius literis ad numerandi rationem reuocatis subducitur. Exempli gratia nomen Iesus continet 888. nomen verò Mariæ continet 152. ut ex hac summa videre est.

ι	10.	μ	40.
η	8.	α	1.
σ	200.	ρ	100.
ο	70.	ι	10.
υ	400.	κ	1.
ς	200.		152.
	888.		

Ex quibus liquet, characterem in præfenti idem esse, quod nomen, vel numerum nominis: numerum verò esse idem, quod numerum nominis; atque aded characterem siue sit nominis, siue numeri, recte nominis characterem appellari. Præterea ex duobus signis, nempe nomine & numero, liquidd cernitur, signum expressum esse nomen, & occultum esse numerum: re tamen ipsâ utrumque signum in idem recidere.

Quid sit,  
prohiberi ab  
empirione &  
venditi. ne  
quotquot  
Bestiæ cha-  
racterem si-  
gnati non  
sint.

In ipsa autem idea (antequàm ad mysterium deueniamus) cum prohibetur ne quis possit emere, aut vendere, nisi qui Bestiæ habeat characterem; idem est, ac reliquos omnes quales ex signatorum commercio & communione seiungere, eisque aquâ & igni interdicere. Etenim intestinum odium & inimicitia, quæ in aliquem populum exercentur, indicari solent, quando populares illi à contubernio atque commercio penitus arcentur; præcipue quando huiusmodi detestatio & execratio ex eo prodehit, quod gens illa siue populus ratione deprauatæ religionis pro abominabili reputatur; & quia timetur, ne eorum conuictu & contagione sani homines inficiantur. Non absimile est illud Iohannis capite quarto numero nono, *non cōtuntur Iudæi Samaritanis.* Denique cum commercium interdicitur, hoc ipso indicatur, eorum hominum communionem & societatem esse Reipublicæ exitiabilem.

His ita præstitutis, ad ipsam mysterii explicationem progrediamur. Quod de Bestia terræ dicitur;



A Faciet omnes pusillos & magnos, diuites & pauperes, liberos & seruos habere characterem, denotat, sapientiam carnis, vt persecutionem in Christianos excitatam magis magisque accenderet, Ethnicis generatim prastigias agere, sub gloriæ & honoris specie; vt omnes futili inanis existimationis splendore peritrici coniurarent pariter, & contra Euangelii doctrinam exercitum conflarent: per speciem dedecoris & ignominia, quam in cultu & adoratione à Christianis crucifixo homini exhibitâ subesse putabant. Cum autem persecutio isthac sub militiæ figura describitur per allusionem ad pristinam militum consuetudinem stigmate ducis inustorum; idem est atque asserere, hanc persecutionem in Christianum nomen exortam esse generalis instar belli, cui Gentiles omnes nullo habito discrimine nomen dabant; vel ea opinione permoti, quod suum honorem & existimationem tuerentur aduersus eos, qui prædicabant, idolorum cultores flagitiis atque sceleribus esse demersos, & inani superstitione obcæcotos. Dicuntur autem omnes liberi & serui, magni & pusilli accepisse characterem; ac si clarius diceretur; in aliis bellis siue expeditionibus multi plures afferunt excusationis anas, & moras neunt, quominus arma capiant, & ad bellum proficiscantur; in hoc tamen nullus est, qui expeditionem recuset; omnes communi consensione, tam pueri, quam prouecta ætate viri in arma feruntur.

Quo sensu faciat Bestia terra, vt omnes marine Bestia characterē habeant.

B Et omnes quidem marinae Bestiæ characterē, siue nomine notantur; sed non omnes eodem modo, alii enim characterem in fronte, alii in manu dextra accipiunt: in aliis character expressum nomen, in aliis nominis numerum præfert. Explicandum igitur est imprimis, quid sit accipere characterem in fronte; quid in manu? Explicauit autem optime Augustinus l. 20. de ciuitate cap. 9. his verbis. *In fronte per professionem; in manu per operationem.* Similiter Prosper in dimidio temporis cap. 5. *Inscriptio in fronte (ait) est gloriatio in malis operibus; & inscriptio in manu, est imitatio.* Qui ergo publicè se Christianorum persecutores profitebantur, atque iactabant; his character erat inustus in fronte; quippe de sua impietate propalam gloriabantur. In manu autem signantur ii, qui si minus Christianorum persecutionē profitebantur; in suis tamen præcipuis operibus hanc veluti inscriptionem habebant præfixam; ita vt si eos, eorumque opera attentè inspiceres, facile illius persecutionis ministros & belli illius milites recognosceres.

Qua sit ratio di, criminis, cur alii characterem in fronte, alii in manu accipiant?

C Age verò, quod nomen existimatur in Gentilium frontibus fuisse; in aliis per literas proprias expressum, impressum in aliis per nominis numerum? Respondeo, hoc nomen fore eiusmodi, quod delignet Romanum Imperium idolis deditum, & Christianæ Ecclesiæ persecutorem. Hoc enim significat Bestia maris. Et quanuis Romano Imperio ethnico Ecclesiam infestanti varia possent ac multiplicia nomina imponi; inter omnia tamen illud seligi debet, quod aptius sit ad denotandam persecutionem in Ecclesiam ab eo excitatam, & eiusdem persecutionis fundamentum. Ad harum rerum vtramque operæ pretium erat, eiusmodi nomen desumi, quod magna cum energia superbiam Romani Imperii signaret. Ad hoc imprimis obseruo sub hoc superbiæ & superbiorum nomine in Prophetis institui sermonem de hostibus & aduersariis populi Dei ac veræ Religionis. Lege Isaia 13. 11. *Quiescere faciam superbiam infidelium.* Ezech. 7. 24. *Quiescere faciam superbiam potentium.* Ezechiel. 32. 12. *Vastabunt superbiam Aegypti.* Zacharia 9. 6. *Disperdam superbiam Philistinorum.* Et cap. 10. 11. *Humiliabitur superbia Assur.* Et persecutores ipsi appellantur filii superbiæ Iob 41. 25. & 1. Machab. 2. 47. Iam, quod dicitur Ecclesiastici 10. numero decimo quinto, *Initium omnis peccati est superbia*, verum præcipue tenet in Ecclesiæ persecutione. Quin & vox *initium*, desumi potest pro præcipuo fundamento, quo innitur: sicut & alibi.

Quodnam sit nomen Bestia vel expressum literis, vel numeris impressum?

Superbiorum nomine sapè in sacris hostes populi Dei ac veræ religionis designari.

Secundò obseruo, Monarchiarum singulis attribui quandam veluti notam ac signum eius rei, quæ in ea potissimum eminebat; vt vidimus c. 9. notat. 3. atque ex ea distributione Romanos vel maxime attingit superbia, vt ibi confirmauimus auctoritate Augustini.

D Tertiò obseruo, si rite expendatur causa, vnde Romanum Imperium initium sibi belli desumpsit, nõ aliud fuisse, nisi superbiam inuenimus. Etenim persecutio illa directe opponebatur Christi præsertim in crucem suffixi humilitati ac submissioni; quæ Romanos imprimis offendebat, quasi res ipsorum iudicio valde ignominiosa. Deinde cum Romani ita essent arrogantes ac superbi, cumque Euangelii doctrina eos vt omnino deceptos & sceleribus coopertos damnaret; necesse erat, qui in sua adhuc superbia & obstinatione persistebant, eos immani furore percitos rapi aduersus illos, à quibus ipsi vt vani atque decepti insimulabantur.

E Quartò obseruo, in ipsa marinae Bestiæ figura extare imprimis, & eminere pardi similitudinem, os leonis, & capitum atque cornuum multiplicitem. quæ omnia non obscure superbiam & arrogantiam prædicant. Pellis namque pardi macularum varietate ac notis adpersa manifestè indicat mundanæ gloriæ fastum ac pompam: cum pardinae pellis ocellata varietas & pulchritudo eandem habeat inter feras significationem, quam inter aues oculi in cauda pauonis depicti adumbrant. At qui neminem latet, pauonem inter aues esse fastus ac superbiæ symbolum. In leonis autem ore (id est in rugitu) superbiam pariter figurari, clarius est, quam vt in dubium vocetur. Iam verò in capite multitudinem, in blasphemiarum nominibus, & in cornuum multiplicitate, quis non videat perspicuam iactantia atque superbiæ ostensionem?

Partes, ex quibus marina Bestia compingitur ad superbiam omnes reuocari.

Quintò; cum tres aduersarii, qui ad bellum Euangelio inferendum conuenerunt, sint draco, & Bestia maris, & Bestia terræ; mirificè cohæret, vt draconi malitia dæmonis, marinae Bestiæ superbia Imperii, & carnalis sapientia terrenæ Bestiæ attribuantur. Ex his ergo omnibus facillè intelligitur, Imperii, quo Scriptura Romanum Imperium ethnicum appellare debebat, eiusmodi fore, vt maxime opere ipsius Imperii superbiam exprimeret, præsertim cum sermo sit de nomine, quod Gentiles in ea persecutione frontibus siue dextris inustum gerebant, quodque significare debebat singulare notam aut signum; ex quo constaret, eos esse Romani Imperii ethnici milites in ea persecutione. Nullum autem aliud erat signum, nisi superbia.

Marina Bestia rectè superbiæ attribui.

Quæ cum ita sint; mea sententia est, cum in Apocalypsi agitur de marinae Bestiæ nomine, diuinum spiritum significare voluisse nomen hoc, SUPERBIA VITÆ. Nam imprimis nullum aliud nomen

Quod tandem sit Bestia marina nomen literis vel nominis nota-



poterit congruentius eligi, quod significanter indicaret, quidquid in Romano Imperio Christianæ Religionis potissimum se opponebat. Deinde, cum Apocalypseos scriptor sit Ioannes, qui in prima sua Canonica c. 2. 16. ait, *Omne quod est in mundo concupiscentia carnis est, & concupiscentia oculorum, & superbia vitæ*, si ad Romanum Imperium ethnicum Ecclesiam persequens singillatim denotandum apposita fuit superbia; congruentissimum erat, eandem illam phrasim à Ioanne in sua Canonica usurpatam assumi, nempe *superbia vitæ*, quæ phrasis maximè conducebat ad illud, quod intendebatur, significandum. Tertiò denique validissima huius expositionis confirmatio est, quod nomen Græcum illi locutioni respondens, nempe ἡ ἀλαζονεία βίαις; adæquat omnino numerum 666. dicitur enim versu sequente, *numerus eius 666.* sed de hoc latius infra.

Quo sensu  
alii nomen  
Bestiæ, alii  
nominis nu-  
merum ac-  
cipiant.

Reliquum est ut explicemus, quid sit, alios accipere (vel in frõte, vel in manu) nomen Bestiæ; alios verò nominis numerum? Ad quod Respondeo. In nomine expressio expressam denotari superbiam, & manifestam persecutionem (siue in ea gloriando, siue eam saltem opere exequendo; quod est in fronte, vel in manu.) Numerus autem nominis erit seppressa & implicita superbia, quæ non ita aperte superbiam & persecutionis speciem præ se fert; verum eodem tandem deuoluitur. Qui enim numerandi rationem nouit; id est, qui veram rerum singularum æstimationem ex ipsiismet rebus dimittitur; facile cognoscit, quæ non aperta apparet superbia & aperta persecutio, illam reapse eiusdem esse rationis cum persecutione manifesta, & eodem prorsus spectare. Verbi gratiâ. Nonnulli extiterunt fortassis, qui dicerent, se de Christianis nihil minùs a quom ac rectum opinari: ceterum nequa in Religione nouitas & insolentia serperet, maximè oportere, ut in illos seuerè consuleretur. Deinde alii persequiebantur Christianos, specie quidem non tam superbiam, quàm temporalis alicuius commodi; qui tamen reuerà occultâ ferebantur superbiam. Præterea, alii eo ipso, quod se idolorum cultui addictos ostentarent, aut Imperatorum decretis impiis audientes essent in falsis deorum sacrificiis frequentandis; persecutionem ipsam promouebant; quauis per se ipsi Christianos non infestarent. Etenim dum Ethnicorum causam fauebant, clarè indicabant Christianæ Religionis contemptum: atque aded vel expresso superbiam nomine, vel eius valore (quod perinde valet) notati & insigniti agnoscebantur. Omnes enim supradicti Ecclesiæ persecutionem, quæ in Romani Imperii superbiam nitebatur, pessimo saltem exemplo prouehant. Ac demum si Bestiæ nomen manifestam superbiam & persecutionem pariter manifestam importabat; aptissimè per nominis numerum implicita persecutio designatur. Nam nomen propriis distinctum characteribus videtur suam significationem exprimere, ac pronuntiare; numerus autem nominis, non tam exponit, quàm perinde valet.

ET NE QVIS POSSIT EMERE, AUT VENDERE. ] Bellicum solet esse stratagemata, ut peculiari aliquo signo milites omnes vnius factionis distinguantur; quò reliqui eo signo carentes pro hostibus reputentur. Sic ergo sapientia carnis, ne in ea persecutione Christiani possent delitescere, decreuit, ut Gentiles omnes re ipsâ se Romani Imperii ethnici sectatores profiterentur, gentilia sacra & ceremonias frequentando, nefandosque ritus in connubiis, iuramentis, aliisque sexcentis rebus obseruando. In quibus apparebat, num Gentiles essent, an non. Ex hoc autem consecrarium erat, Christi fideles, qui hosce ritus impios auersabantur; occultari non posse. Ex eo autem quòd in has angustias Christiani se redigi cernerent, cogeantur latebras peruestigare, quò se abderent; ne Ethnicorum impietatem communicarent. Hoc igitur ut significetur, concinnè satis & significanter dicitur illis, qui marinæ Bestiæ nomine aut numero nollent insigniri, commercio penitus interdicti. Adhæc deprauata consuetudo & effræmati ingenii procliuas efficiunt, ne inter homines transigi videatur posse, nisi quis mundanarum legum iugum subire, & quasi iniusto ferro ac stigmate se notari patiarur.

Quo sensu  
dicantur,  
qui bestiam  
adorare no-  
lunt, huma-  
no interdicti  
commercio

Scio sanctissimum Ephræm in tractatu de consummatione sæculi, hæc omnia ad Antichristi tempus referre; & quæ dicuntur de charactere, nomine & numero, ita ut sonant, accipere. Prosperum item in diuidio temporis de Hæreticis explicare. Sed nobis nostra explicatio fuit exponenda. Legat qui volet Viegam hic sectione 7. ubi de Primasii & Ansberti explicatione.

## T E X T V S.

Vers. 18. Hic sapientia est: qui habet intellectum, computet numerum Bestiæ; numerus enim hominis est; & numerus eius sexcenti sexaginta sex.

## C O M M E N T A R I V S.

Quid illis  
innuatur  
verbis, Hic  
sapientia  
est.

VERBA illa, *Hic sapientia est*, denotant, ingenii acrimoniâ & perspicacitate opus esse ad ea, quæ subsequuntur, recte percipienda; utpote quæ mysterium ac difficultatem in se contineant. Iam, si locutionem spectes, non absumile est Virgilianum illud *Æneidos 6. Hoc opus, hic labor est.* In Græco autem *sapientia*, præfixum habet articulum; quod emphasim innuit.



Porro Bestiæ numerus debet esse, qui ex valore literarum vnius nominis conficitur; cum Græcè (in qua lingua Ioannes Apocalypsin scripsit) Alphabeti literæ, sicuti iam diximus, sint etiam numerorum notæ; & quælibet litera diuersum contineat valorem; vt constat ex subiecta tabula, quæ in omnibus Græcæ linguæ dictionariis apponi solet.

α	1.	κ	20.	σ	200.	α	1000.
β	2.	λ	30.	τ	300.	β	2000.
γ	3.	μ	40.	υ	400.	γ	3000.
δ	4.	ν	50.	φ	500.	δ	4000.
ε	5.	ξ	60.	χ	600.		
ζ	6.	ο	70.	ψ	700.	&c.	
η	7.	ω	80.	ω	800.		
θ	8.	ς	90.	π	900.		
ι	9.	ρ	100.				
	10.						

Quæ sit  
apud Gra-  
cos numeros  
& signandi  
& compu-  
tandi ratio.

NUMERVS ENIM HOMINIS EST.] Beda existimat hisce verbis innui, Antichristum fore verum hominem; & constructionem esse huiusmodi, Numerus hominis est, id est, numerus iste, de quo loquor, erit numerus nominis cuiusdam hominis, nempe Antichristi. Hæc constructio illud præstituit, directe hic esse sermonem de Antichristo; quod tamè suprà impugnatum satis est. Accedit, quod genitiuus ille *hominis*, in Græco non habet articulum; haberet autem si de certo aliquo homine ageretur. Deinde, constructio illa non aptum videtur reddere sensum; si enim ideo dictum fuit, numerus hominis, vt Antichristus verus homo futurus affirmaretur; connexio literæ hæc erit. Qui habet sapientiam, computet numerum nominis Bestiæ, quia Antichristus erit homo, atque adeo numerus eius erit numerus hominis. Quæ ratio minimè videtur apta. Nam quod Antichristus sit homo futurus, nil deteruit ad hoc, vt computetur, vel non computetur numerus eius.

Quid hic  
dicatur, nu-  
merus ho-  
minis.  
Beda exposi-  
tio impro-  
batur.

Congruentior est ea constructio, quam Richardus & alii sequuntur; videlicet numerum hominis appellari eum numerum, qui ab homine obseruari possit: quasi dicatur eiusmodi esse enumerandi ratio & computatio, quam humani ingenii vis assequi & inire possit. Quæ ratione nec phrasis est insolens, nec inepta ratio: imò verò aptissima est connexio. Qui habet sapientiam, computet numerum Bestiæ; humani enim ingenii viribus hæc fieri valet computatio. Scilicet obseruando singularum literarum valorem, & eas in summam redigendo; & hoc pacto numerus, qui ex omnibus nominis literis conficitur, est 666. Cum autem dicitur numerus eius, pronomen illud *eius*, non ad hominem, sed ad Bestiam referendum est.

Richardus  
interpreta-  
tio, quæ &  
probat.

Constructio ergo est huiusmodi: Hic sapientia est, hic fita est concinnitas imprimis & elegantia; atque adeo ingenii perspicacitate opus est. Qui habet intellectum computet numerum Bestiæ: cui suppetunt ingenii vires, is valorem literarum, quas continet Bestiæ nomen, accuratè obseruet; eiusque summam ac rationem subducatur; id quod non difficile præstabit. Numerus enim hominis est, id est, quia eiusmodi est supputatio, quam possit humano more conficere. Numerus autem omnino est 666. Eodem recidit, quod alii ita explicant. Hominis est numerare, quare qui habet intellectum computet, &c. Vel vt ait Aretas, Numerus hominis est, id est, nomen, de quo habetur sermo, non est insuetum & insolens, sed hominibus notum ac familiare. Aut fortasse se ipsum designauit Ioannes per nomen *hominis*, quasi dicat, hæc computatio mea est, siue computatio est valoris earum literarum, quas in prima mea Epistola scripsi cap. 2. 16. Atque hæc de sensu grammatico.

Quomodo  
contextus  
series iuxta  
hanc exposi-  
tionem aptè  
conectatur.

Vt vero ad rem ipsam accedamus, valde ab scopo aberrant, meo iudicio, qui putant Spiritum sanctum in his verbis de numero nominis Antichristi agere. Primò, quia vt demonstratum suprà est, hæc Bestia nequaquam est Antichristus; siquidem post Bestiæ ipsius præcipationem in inferos, mille pacis anni succedunt ante aduentum Antichristi. Atque vt Hieronymus in ea Christi verba Matth. 24. (Qui legit, intelligat) sapienter ait; Quando ad intelligentiam prouocamur; mysticum monstratur esse quod scriptum est. Similiter ergo in præsentī verba illa, Hic sapientia est, non patiuntur vt præcipuus sensus Antichristi nomen respiciat.

Hisce verbis  
de nomine  
Antichristi  
non posse  
esse sermonē.

Secundò, Antichristi nomen nobis reuelari, næ res esset superuacua; curiositatis plena, atque ad eò indigna Spiritus sancti grauitate. Etenim nisi reliqua signa Dei famulos edoceant, qui se Christum esse iactat, & prædicat, eum esse verum, & vltimum Antichristum; certè exigui aut nullius vsus erit, numerum 666. eius nomini rectè quadrare, quippe numerus hic ad plurima alia nomina potest præcisè conformari: sicuti ad Mahometum, ad Lutherum, aliaque penè innumera. Facile autem est nomen aut contrahere, aut distrahere; quò iusta illi computatio conueniat. Quamobrem sicuti verisimile nobis non fit propter Genebrardi, aut etiam Lindani ratiocinationem, verum Antichristum fuisse aut Mahometum, aut Lutherum; ita similiter nihil est, cur speremus ex literarum valore Antichristum nobis cognitum iri. Quinimo obseruare literarum valorem in nomine illius, qui Christo se opponat, procliuè est, vt ad multiplices ac vanas cuiusque mentis conceptiones distrahatur; dum quilibet suum pro libito Antichristum confingit. Si autem certum foret, de vero Antichristi nomine hic esse sermonem; facile ipsi Antichristo esset proprio dissimulato nomine aliud ementiri, ne agnosci posset ex nomine.

Tertiò, illud saltem probabile esse, inficiari mihi nemo potest, marinam Bestiam cap. 13. non esse Antichristum. Non igitur constat, Antichristi nominis numerum fore 666. ac proinde non voluit Spiritus sanctus, vt Ecclesiæ numerus Antichristi nominis innotesceret. Quid igitur proderat, nomen ita reuelasse, vt nullius omnino vtilitatis esset?

Præter hæc, ænigmata, quæ eruditis ingenii negotium faceffunt, non eo finè sunt condita, vt per ipsa constaret de iis, quæ prius erant ignota, sed vt ænigmatis inuolucris delitescant, quæ nota prius erant illis ipsis, quibus ænigmata proponitur enodandum. Hæc mihi veritas adeo perspicua est, vt nō satis admirer eos, qui opinantur hunc numerum 666. fuisse appositum ad eius nominis significationē,

Ænigmata  
ad res alio-  
qui notas,  
nō ad igno-  
tas signifi-  
candas com-  
poni.



quod antea latebat Ecclesiam. Aptius certè Aretas (si tamen satis tenuit, quod dixit) dum explicat, quid sibi velint ea verba, *numerus hominis est*. Ait enim illis denotari, non esse in præsentī sermonem de nomine ignoto & insueto, sed potiùs de nomine valde noto.

Adhæc; valde verisimile existimo, Ioannem prius suam primam Epistolam Canonicam scripsisse; deinde in hoc nominis Bestiæ numero respexisse ad superbiam vitæ, quam de Romano Imperio agens, mundo attribuerat. Ceterum utcumque hoc sit, negari saltem non potest fidelibus fuisse notissimam eorum superbiam, qui persequabantur Ecclesiam: & superbiæ nomen, iuxta Scripturæ locutionē, aptissimè omnibus Ecclesiæ persecutoribus tribui; ut vidimus supra: Romanis autem Ethnicis multo congruentius, quàm ceteris.

Hoc ergo nomen *superbia vitæ*, est, ἡ ἀλαζονεία βίου. Cuius literarum valor si attentè perpendatur, numerum 666. adæquat. Sed obiiciet nobis aliquis, si rectè computatio fiat, huius nominis numerum non esse 666. sed 665. ut videre est in hac summa.

η	8.
α	1.
λ	30.
α	1.
ζ	7.
ο	70.
ν	50.
ε	5.
ι	10.
α	1.
β	2.
ι	10.
ο	70.
υ	400.
	665.

Respondetur: postremum, α, huius nominis ἀλαζονεία, iuxta antiquum scribendi & pronunciandi morem duplicandum est, atque ita scribendum ἀλαζονείαα, atque ita non deerit vnitas, quæ videbatur deesse. Et ne cui hoc à me fictum videatur; Mekerkius in libello, quem scripsit de prolatione Græcorum, c. 37. ait, vocales indifferentes, vbi naturā longæ sunt, ab antiquis Græcis in prolatione & in scriptione duplicari. Pro cuius confirmatione obserua ex Antonio Augustino in dialogis de numismatis, atque ex aliis, Latinos etiam olim scripsisse *felix* per duplex E. quod vocalis illa esset longa. Vide etiam Lipsium de recta Latinæ linguæ pronunciatione: vbi ait, Non solum in enunciando, sed etiam in scribendo antiquis cura fuit, ut aliter pingerent vocales longas, aliter contractas. Nam has solitarias pingebant ad exemplum hodiernum, illas geminabant. Atque id probat ex Victorino Afro & ex Quintiliano. Victorinus ait, *Nævius & Livius, cum longa syllaba scribenda esset, duas vocales ponebant.* Quintilianus verò: *Vsq̃ue ad Articum, & vltra porrectas syllabas geminis vocalibus scripsere.* Idem docet de Græcorum scriptione & prolatione germana Ioannes Scapula in sui dictionarij calce; vbi de vetere Græcicæ linguæ pronunciatione in litera α. & pro se adducit Fabium, & Priscianum.

Superest probare, vltimum α, nominis ἀλαζονεία esse naturā longum; qua de re dubitabit nemo, qui fuerit mediocriter in quantitatis regulis versatus. Generalis enim regula est in Græca lingua, quando penultima acuto notatur accentu, vltimam esse longam. Consule Clenardum in fine suæ grammaticæ, vbi de accentibus: & Gretserum de accentu pag. 25.

Quamvis autem secundum, α, sit longum in nomine ἀλαζονεία, non tamen est longum naturā, sed solum positione; quia sequitur duplex consona, nempe ζ, atqui ipsimet auctores, qui affirmant vocalem longam quondam duplicari solitam, exprimunt, id esse intelligendum de vocali, quæ suapte naturā est longa; non de illa, quæ positione duarum vel vnus duplicis longa est. Scribebant enim antiqui, & proferebant *Felix* non *Feelix*.

Cum mihi eam mentem induxerim, ut Bestiæ marinæ nomen esse *vita superbiam*, existimarem; in eam incidi pariter coniecturam, ut opinarer, Ioannem in hoc loco alludere ad ea verba, quæ ipse in sua prima Canonica conscribit, cum ait: *superbia vitæ*. Cum autem ad Græcum fontem recurrem, & valorem literarum, quæ in eo nomine ἡ ἀλαζονεία continentur, ad summam redigerem; vbi omnino 666. esse reperi, firmior in mea sententiā persisti.

Verum enim verò postquam vnitatem, quæ huic numero deesse videbatur, inuenimus; alia occurrit haud levis difficultas. Etenim in Græcis noui Testamenti codicibus, *superbia vitæ*, duplici inscribitur articulo, ἡ ἀλαζονεία τῷ βίου. Si autem articuli τῷ, valorem pariter computemus; ille solum conficit 770.

τ	300.
ο	70.
υ	400.
	770.

Et quidem, cum primū articulum nominis ἀλαζονεία numeremus, nempe η, secundus item articulus subsequenti nominis pariter videtur numerandus; sin minus, vterque simul expungendus. cū nulla potior appareat ratio, cur prior articulus exprimendus, alter supprimendus sit.

Respondeo tamen, ut numerum hunc 666. inuenire possem, diuino consilio factum fuisse arbitror, ut primū ita scriptum reperirem, ἡ ἀλαζονεία βίου, vnico articulo. Postea autem quamvis duplicem articulum in plerisque codicibus viderim, nihilominus valde suspicor, germanam lectionem vnico tantum articulo esse exaratam. Primò, quia si quis consulat interius aurium iudicium; inueniet exactiorem locutionem esse cum vno duntaxat articulo, *illa superbia vitæ*, ut locus

intel-

Quod nomē  
eo numero  
666. adum-  
bretur.

Soluitur  
difficultas  
in nostra  
expositione  
occurrent.  
Vocales na-  
turā longas  
olim apud  
vetēres du-  
plicari con-  
sueuissent.

Apud Gra-  
cos, quando  
penultima  
acuto nota-  
tur accentu,  
vltimam  
esse longam.

Allusio in  
hoc nominis  
numero ad  
superbiam  
vitæ, de qua  
Ioannes in  
sua prima  
canonica.  
Occurritur  
difficultati,  
quæ ex Gra-  
cæ articuli  
notione exoriri potest.



A intelligatur de omni superbia; nec tamen omnium hominum vita cōdemnetur. Solet enim articulus, qui adiungitur, efficere, ut nomen illud in tota suæ significationis latitudine sumatur, & nihil præterea sit reliquum. Verbi gratiā: cū Hispanè dicimus, *Los ombres, Los Reyes*, de omnibus loqui videmur. Deinde licet in vulgari & vsitato sermone non ineptè dicatur, *ἡ ἀλαζονεία τοῦ βίου*, verū si pro vno eodemque nomine vnus personæ proprio vsurpetur; quasi in vnicum nomen coalescit: ut cū dicimus, *Paterfamilias*, atqui nomen vnicum vnicus decet articulus. Quare in Epistola Canonica potuit duplici articulo constare, quāvis in Apocalypsi primi tantū articuli ratio habeatur. Et saltē vtrius modo scribi poterat, *illa superbia illius vita, & illa superbia vita*, Hispanicè, *La soberbia de la vida, & La soberbia de vida*. Cū autem non possit vtrius modo numeri 666. summam adæquatè conficere; satis est si alterutro modo conficiat. Et quanvis Ioannes in sua Canonica vtrumque expressisset articulum; posset adhuc in Apocalypsi ad alteram scribendi rationem respicere, præsertim si aut ea videbatur exactior, aut numerus 666. magis hic congruebat, quā alius, propter peculiare aliquod mysterium, de quo infra.

B Quo igitur tempore Ioannes Apocalypsin exaravit, receptā consuetudine significatio numerorum obseruari solebat, atque ita doctores sacri eam frequenter versare solent, ut Augustinus & alii, in ænigmatis autem, sapientis est ad sui temporis consuetudinem se conformare. Et quanvis prima specie videatur hic numerus 666. fuisse in ænigmate expressus eo solū fine, ut doctiorum ingenia difficultate excuteret, & exaceret; ceterū ad ipsum literarum valorem absque peculiari alio mysterio descendere; id verò sacrā Scripturā dignum minime est. Quapropter mysterium ipsum oportet indagare diligenter. Et quidem quod superbia bifariam scribatur, nempe per proprios characteres, & per numeros, vidimus iam suprà singularis mysterii plenum esse, nimirum ut denotetur, in aliis expressam atque patentem esse superbiam, in aliis operam atque implicitam; cū tamē perinde sit. Atque hoc certè mysterio (non inficior) in superbiam nomine contentus, nil vltius peruestigare. Fortè tamen peculiaris alia tubest vis atque concinnitas in eo, quod superbia numerus ad 666. reuocetur.

C Huiusmodi esset mysterium, si numerus hic 666. congruentior extitisset quolibet alio ad superbiam significandam: ita ut singulari Dei prouidentia videatur factum, ut Græcum superbia nomen ad eum numerum reduceretur. Certè pium est credere non absque diuino consilio nomen *Iesus* cū numero 888. exaquari; præsertim si per vnā ex Sibyllis ita erat prænunciatum, ut habetur l. i. oraculorum Sibyllinorum in Bibliotheca sanctorum Patrum tomo 8. folio 10. Fortè etiam non accidit casu, ut Græca vox respondens concupiscentiæ, (quando dixit Ioannes, *Concupiscentia carnis, concupiscentia oculorum*) esset *ἑπιδουσία*, conficiens præcisè numerum 555. hac ratione.

ε	5.
π	80.
ι	10.
ς	9.
υ	400.
μ	40.
ι	10.
α	1.

555.

D Hoc ita constituto, non deerit forsan, qui mysterii aliquid inesse putet in eo, quod *concupiscentia* tres nobis quinariorum, *superbia* tres senarios, & *Iesus* tres octonarios repræsentet. Ipse quidem trepidas potius suspiciones, quā firmas possum rationes adducere. Dicam tamen, quid mihi coniectura in mentem veniat. Triplicatio eiusdem numeri per vnitates, denarios, & centenarios, videtur esse vniuersalis comprehensio & affirmatio in infimis, medijs, & summis; aut semel, bis ac ter, ad firmiorem asseuerationem. Adhuc, Octonarium perhibent Doctores, esse æternæ felicitatis symbolum, perfectum item concentum, consonantiam ac reditum in Deum in æternitate succedente volubilitati septenaria. Huiusmodi autem felicitatem omnibus absolutam numeris habemus in Christo Iesu, qui vera est animorum salus atque felicitas. Per quinarium denotari dicuntur quinque corporei sensus; & nostra quidem desideria, studia & concupiscentiæ tum carnis, tum oculorum id vnum laborant, ac desudant, ut corporeos sensus demulceant, & pascant. Semper tamen inexplibilis desiderii sitis viget, ac perstat; nec in paruis vnquam, in medijs, aut in magnis plenè satiatur. (Hispanè diceres, *Siempre se queda en cinco de corto*.) Senarius habet, nescio quam perfectionis vmbra. Dicitur enim numerus esse perfectus; id quod ita (falsò tamen) putat mundi superbia atque iactantia; sibi nepe nihil abesse, nunquam tamen attingit requiem & plenitudinem per septenarium numerum figuratam; nec illum prehendit felicitatis cumulum, quem sibi superbia confragit; idque neque in paruis, neque in medijs, neque in magnis. Itaque naturalem quietem ac felicitatem nunquam superbia adipiscitur, quantūvis per nimium Beatitudo, sed supernaturalis etiam atque diuina perfectio & tice. At in Christo non naturalis modò Beatitudo, sed supernaturalis etiam atque diuina perfectio & cumulatè reperitur omnibus suis numeris absoluta.

E Ex iis, quæ diximus, elici potest ratio, cur Apocalypsis potissimū attenderit nomen illud *ἡ ἀλαζονεία* 666, vnicò inscriptum articulo; videlicet ut omnino adæquaret mysticum illum numerum 666. Quare quod alicui videri posset in supputandi ratione impedimento, quod scilicet in eo nomine postremum α, duplicaretur; nec articuli τς ferè apud Græcos codices in prima Ioannis Canonica expressi, vlla duceretur ratio; hoc ipsum computationem vero similior em reddit. Quippe vbicongruens difficultatis enodatio reperitur; quantò minùs quæ adrare antea videbatur, tantò magis diffidili congruit ænigmati.

Quid mysterii la. è. o. p. sit in nomine superbia vitæ, per numerum 666 figurato.

Nomen Iesus Græcè quem numerum conficiat.

Octonarius numerus æternæ felicitatis symbolum.



## N O T A T I O III.

In qua explicatur, quanam inter aliorum opiniones & de nomine Bestia, &  
de nominis numero aptior videatur?

Referuntur  
varia alio-  
rum exposi-  
tiones de  
numero no-  
minis Be-  
stia, ac re-  
solvuntur.  
Insanum hac  
de re hære-  
ticorum error  
confutatur.

GENEBRARDVS in sua Chronologia in Vita-  
gliano refert, Hæreticos abuti mysterio numeri  
666. vt summum Pontificatum maledictis proscin-  
dant, & præfractio ore affirmant exordium habuisse  
anno Christi 666. ita enim in Apocalypsi prænun-  
ciari. Hanc imperitiam, atque adeo insaniam refel-  
lere nihil moror; ne vel ipsis Hæreticis risum mo-  
ueam, quod in re adeo nugatoria confutanda ope-  
ram & tempus absumam: dicent enim maledicta  
solere conici; etiam si non credantur. Constat au-  
tem huiusmodi numerum in Apocalypsi neuti-  
quam referri ad tempus, quo Bestia illa fuerat ex-  
surrectura; nec ad annos, quibus persecutio Bestiæ  
duratura erat; sed ad nomen, quod Apocalypsis Be-  
stiæ illius nomen esse considerat, & in frontibus im-  
pressum, aut etiam in manu dextra eorum, qui Be-  
stiam ipsam cultu & veneratione prosequuntur.  
Numerus autem annorum quorsum ab aliquo in  
fronte exaratus gestetur?

Vt ergo ad ea nomina deueniamus, quæ nume-  
ro 666. respondent: quæcumque extitit vnquam  
vel levis suspicio, vel inanis coniectura de aliquo,  
qui futurus Antichristus credebatur; illico non  
deerant, qui illius nomen ita aptarent, atque effin-  
gerent, vt numerum illum exæquaret. Quamob-  
rem, qui arbitrati sunt Genfericum esse Antichri-  
stum, mox inuenerunt huius nominis literas va-  
lere 666. Eandem etiam ob causam, qui Mahome-  
tum pro Antichristo dicebant, eius nomen ita ac-  
commodarunt, vt eidem numero iuste congrue-  
ret, nimirum scribentes, *Maometis*. Sic Euthymius,  
Cedrenus, Zonaras, Annius, Hentenius, nec non,  
(vt perhibent) Parisienses multi. Certè Genebrar-  
dus, libro 3. Historiæ folio 491. & 755. in ea est per-  
suasione.

Pari etiam ratione tenentur ad inuestigandam  
congruentem proportionem inter Otomanæ fami-  
liæ nomen, & numerum 666. qui putant in maris  
Bestiæ Turcicum Imperium designari. In quam o-  
pinionem defluxerunt noster Salmeron, Ludovicus  
Legionensis, & Ferdinandus del Castillo Domini-  
canus, atque alij. Sic etiam Lindanus libro 3. du-  
bitantium, conatur ostendere Lutheri nomini cer-  
tâ quadam ratione pronunciato quadrare nume-  
rum 666.

Hæretici item, ne minùs videantur subtiles, gar-  
riunt in hoc nomine *λατίνος* (quod est ab Irenæo  
assignatum) inueniri prædictum adæquatè nume-  
rum; atque hoc esse commune Pontificum Roma-  
norum nomen, qui sunt Ecclesiæ Latinæ Papæ. Sic  
David Chytræus, & Theodorus Bibliader; quorum  
vesaniam impugnat Bellarminus in Appendice ad  
suum de Romano Pontifice tractatum. Ad me qui-  
dem in iis commentariis nulla spectat impugna-  
tio, quàm perspicua ipsa euidentiâ; quâ constat, nec  
hæreticorum insanias, nec Catholicorum aliquot  
opinionem de singulari aliquo Antichristo designan-  
do posse Apocalypseos contextui accommodari in  
ijs, quæ de Bestia maris edisserit; id quod (ni fal-  
lor) supra est à me valide satis comproba-  
tum.

Ad Irenæi verò auctoritatem, qui nomen  
*λατίνος* designat, vera responsio est, Sanctum Do-  
ctorem existimasse maris Bestiam fore aliquem  
Romanum Imperatorem; & propterea nomen  
*λατίνος*, illi aptasse. Iam verò in superioribus ani-  
maduertimus, eam opinionem falsò Millenari-  
um animis infedisse, fore vt extremus Romani

A Imperii ethnici Imperator esset insignis ille Anti-  
christus, qui in Apocalypsi per maris Bestiam fuerit  
adumbratus. In qua opinione non nihil inest veri, &  
rectè Apocalypseos intelligentiæ: nempe in marina  
Bestia representari Romanum Imperium antiquum  
idolorum cultui deditum, & in Catholicam saui-  
ens Ecclesiam. Atque in huiusmodi quidem con-  
sideratione non omnino erat abs re nomē *λατίνος*.  
Verum minimè facit satis; nec enim est argano my-  
sterio plenum, & dignum, quod Apocalypsis respi-  
ciat, & in Ecclesiæ hostium frontibus, aut dextera  
impressum esse siue literis, siue numeris cingat. Pre-  
terquam quod, vulgaris scribendi ratio non est, *La-  
teinos* sed *Latinus*, quæ literatura numerum 666. non  
omnino adæquat.

B Ex ceteris auctoribus, qui ad Bestiæ nomen, & ad  
numerum 666. singillatim descendunt; ferè omnes  
nomen aliquod inquirunt, quod & ad Antichristum  
quouis modo pertineat, & prædictum numerum  
666. æquet. Cum autem certum Antichristi nomen  
ignoretur; alij hoc, alij illud pro libito constringunt.  
Vide Viegam hic, qui plusquam quindecim nomi-  
na à diuersis excogitata refert; ac demum concludit,  
nihil posse certi de Antichristi nomine definiri, quo-  
ad Antichristus ipse adueniat; sic ille. Ego verò,  
qui ex Apocalypseos serie pro comperto habeam,  
per maris Bestiam minimè denotari directè famo-  
sum illum Antichristum, qui hætenus nondum  
venit; sed Romanum Imperium antiquum, quod  
Christi oppugnavit Ecclesiam; consequenter omnia  
nomina cōficta, tanquam celebris illius Antichri-  
sti, qui nondum venit, aliena omnino cenleo ab A-  
pocalypseos intentione. Nihilominus tamen inter  
alia nomina, quæ à prædictis auctoribus afferuntur,  
video nonnulla, quæ si considerentur, non vt postre-  
mi Antichristi propria, sed vt Romani Imperij  
ethnici communia; non erunt valde abs re. Huius-  
modi est nomen *ἀνικητός*, id est, *Contrarius*, quod as-  
signatur à Ticonio, & Primasio. Nam Romanum  
Imperium ethnicum in persecutionibus, quas exci-  
tabat, se Christianæ Ecclesiæ contrarium & infen-  
sum profitebatur.

C Sed omittis alijs, inter nomina reliqua à Viega  
relata, illud mihi magis arridet, quod apponit Are-  
tas; dummodo non ad postremum Antichristum,  
sed ad Romanum Imperium Ecclesiæ persecuto-  
rem referatur, illud autem est, *ὁ νικητής*, id est, *Victor*.  
Pro quo obseruandum imprimis est, Romanum Im-  
perium quondam gloriari solitum, tanquam omni-  
um mundi Gentium atque nationum victorem.  
Hinc est illud non arrogantia minùs, quàm male-  
statis plenum elogium:

D *Parcere subiectis, & debellare superbos.*  
Et quidem in hoc capite numero 7. de illo asseritur,  
*Datum est illi bellum facere cum sanctis, & vincere eos.*  
Itaque persecutioni ipsi videtur hic tribui Victoris  
nomen, propter eadem & stragem, quæ in Christia-  
nis fiebat; & consequenter, qui se Christiani nomi-  
nis persecutores iactabant, rectè considerantur  
victoris nomen in fronte siue in manu dextra im-  
pressum habere. Præcipuè cum singulares homines  
carnali sapientia ducti in ea persecutione sese totos  
effingerent ad communem mundi normam ac fen-  
sum; vt ad eam partem inclinarent, in quam incli-  
naret victoria, atque adeo factionis victæ se inimi-  
cos profiterentur. Cum hac quidem consideratione  
rectè cōgruit, quod textus ait de numer. 666. vt col-  
ligere est ex subiecta computandi ratione.

3. opinio  
interpretis  
maris  
bestiam de  
Antichristo.

Arete expo-  
sitis de no-  
mine victor  
exponitur.

Virgilius  
Æneid. 6.  
Quo sensu,  
nomen Vi-  
ctoris Ro-  
mano Im-  
perio ethni-  
co Ecclesiam  
persequenti  
congruat.

1. opinio  
applicandi  
nominis  
numerum  
ad Maho-  
metum.

2. opinio  
exponendi  
maris Be-  
stiam de  
Turcico Im-  
perio.

Error hære-  
ticorum de  
nomine La-  
tinus ex-  
plicanti-  
um exploditur.

Irenæi men-  
s explicatur.



o	70.
v	50.
i	10.
x	20.
u	8.
τ	300.
u	8.
ς	200.
	666.

Quod autem siue in fronte, siue in dextra alii nomen, alij numerum habeant exaratum; potest ad idem ferè mysterium referri, quod in commentario exposuimus, agentes de nomine *Superbia vitæ*. Iam, quod ait textus, *Quia numerus hominis est*, in victoris nomine posset ita explicari; vt sit nomen ex ijs, quibus homines vti solent. Atqui perspicuum est, nonnullos proprio nomine *Nicetas* fuisse appellatos, sicut & Latine Victores.

Posset insuper quispiam contemplari, victoris nomen, quod persecutoribus datur, ideo ad numerum 666. reduci; vt innuatur, quantunvis Ethnici de perfecta gloriarentur victoria, (quia senarius vt-pote perfectus numerus perfectionem significat) huiusmodi tamen victoriam esse contractam ad senarium numerum, qui nunquam septenarium per-tingit; quia *relinquitur sabbatismus populo Dei.* & sex diebus operis ac laboris succedit festus dies, gloria

A ac splendor Christianæ Ecclesiæ, sicuti in gloriosa Christi transfiguratione post sex dies facta, adumbratum fuit.

B Ceterum adhuc existimo, huiusmodi expositionem Apocalypf. grauitate non ita dignam esse; sicuti eam, quam in commentario explicui, illa enim multo est hac illustrior & congruentior sacra Scriptura locutioni attribuētis persecutionem vni superbiæ, & persecutores omnes appellantis superbos, siue superbæ filios, quod etiam in Romanis idololatriis multo verius comprobatur. Accedit, quod licet Grecum nomen *δῆρ*, quod Belluam, seu Bestiam significat, sit masculini generis; in Apocalypsi tamen cum agitur de Bestia maris, & Bestia terræ, non vsurpatur nomen *δῆρ*, sed *δῆριον*, quod neutrum est. nomē autem, *δὲ νικῆτης*, & appellatiui formam habet, & est masculini generis; atqui appellatiuum masculinum cum neutro substantiuo non recte consentit. Quæ tamen obiectio in nomine *superbia vitæ* locum non habet; cum nomen hoc non appellatiuum sit, sed abstractum, atque adeo significanter satis Imperio Romano imponatur. Etenim abstracta nomina vsurpare proprium eorum est, qui magna cum energia loquuntur; vt videre est in sanctis Doctoribus Ambrosio ac Leone Papa; nec non in alijs, quibus eadem stili grauitas, & loquendi energia familiaris est.

## C A P V T X I V.

### *Prologus de connexionione partium huius capitis.*



APITIS huius partes primo aspectu dissolutæ inter sese ac dissentaneæ apparent. Ordinetur enim à descriptione numerosissimi illius exercitus centum quadraginta quatuor millium, qui Agnum sequuntur. Deinde transit ad tres Angelorum voces; quorum vnus de iudicio, alter de Babylone, tertius de inferorum pœnis agit. finitur tandem messis atque vindemiâ. Hæc tamen omnia in nostra expositione mirificè & inter sese, & cum antecedentibus cohærent. Cum enim capite 13. expressa fuerit innumerabilis Gentium multitudo, quæ in Romani Imperii bello contra Christi Ecclesiam gesto factionem draconis, & Bestiarum maris ac terræ sectabantur: nihil consequentius, quàm describere exercitum, quem Christus Dominus prædictis hostium phalangibus opposuit. deinde cohortationem subiicere; qua suos ipse Christus in prælium accendit. postea gloriosissimam victoriam, quam Christi exercitus fuit adeptus. Hæc ergo tria sunt, quæ in hoc capite per ordinem describuntur. Nam centum quadraginta quatuor millia, quos textus ait fuisse in Sionis monte cum Agno; constat esse exercitum, quem coëgit Christus, vt spiritale bellum Romano Imperio indiceret atque inferret; illudque subiugaret. Ternæ autem Angelorum voces nihil aliud sunt, quàm hortatio Christi, qua ipse per suos ministros concitauit in prælium milites. Postremò messis ac vindemia sunt allegorica quædam & ænigmatica pictura præstantissimæ victoriæ, quam Christi exercitus comparauit. Nec nouum in Scriptura est his allegorijs vti ad ingentis victoriæ significationem, necnon stragis in hostibus editæ. Nihilominus inusitatus est animarum conuersionem, ac subiectionem Imperio Christi, sanguinis item effusionem figurari veluti victoriam ab hostibus reportatam, & eadem in eisdem factam: vt infra in explicatione perspicuum fiet.

Qua ratio-  
ne capitis  
14. series  
cum præce-  
dentibus  
conectatur.



## T E X T V S.

*Vers. 1.* Et vidi, & ecce Agnus stabat supra montem Sion; & cum eo centum quadraginta quatuor millia, habentes nomen eius, & nomen Patris eius scriptum in frontibus suis:

## C O M M E N T A R I V S.

Hos centum quadraginta quatuor millia esse eosdem, de quibus c. 7.

Per hos centum quadraginta quatuor millia denotari primitiuam Ecclesiam fideles.

Obiectio ex Areta contra nostram expositionem diluatur.

Sionis nomine primitiuam figurari Ecclesiam.

Cur in Sionis monte Christus sub Agni specie appareat?

**H**I centum quadraginta quatuor millia sunt haud dubie iidem ipsi, qui capite septimo continentur; vt docet Hieronymus l. i. contra Iouinianum; & manifestum est. Nam vtroque idem est numerus sequentium Agnum, scilicet centum quadraginta quatuor millia. Similiter enim dicitur c. 7. 17. *Agnus reget illos, & deducet eos.* Quamobrem sicut c. 7. per ingentem hunc hominum numerum significari diximus primitiuam Ecclesiam Christianos (qui maiori ex parte Israelitae fuerunt) ita etiam in hoc loco eadem est tantae huius multitudinis significatio. Etenim vt praelium cum Romano Imperio Christus committeret, illudque sub iugi Euangelii ditionem redigeret; Christianos primitiuos elegit in milites, qui maxima ex parte erant Israelitae, qui Christi fidem, & Spiritum receperat. Quod autem haec visio Agni, & numerosi exercitus in Sione monte fuerit conspecta, alluditur in eo ad isaias verba c. 2. 3. *Quia de Sion exiit lex, & verbum Domini de Ierusalem.* Scio Arnobium, Hieronymum, Augustinum, Gregorium, atque Rupertum (apud Lauretum, in sylua allegor. verbo *Sion*) obseruare, per Sionem in Scriptura militantem Ecclesiam significari solere. primum tamen & praeipuum significatum esse arbitror, vt primariam denoter Ecclesiam; quae magnam partem ex Hebraeorum populo constabat. Hinc autem Sionis nomen extenditur ad totam Ecclesiam militantem; quia ceteri inserti sunt, vt ait Paulus, in eandem oliuam; & propter totius sanctimoniae celsitatem, qua Deus primigeniam Ecclesiam insigniuit. Sionis etiam nomen ad virtutum culmen denotandum refertur; quae est Hieronymi explicatio. Cernit ergo Ioannes Agni exercitum in virtutum culmine, & in ea spiritus perfectione quae in Sione monte fuit affatim Ecclesiae communicata. Ibi enim Apostoli atque discipuli induti sunt virtute ex alto: ibi diuinum Spiritum intimis praecordiis acceperunt; ibi imbuti sunt caelesti robore atque virtute ad Christi nomen vniuersis nationibus enuncian- dum; & ad vitam, si opus esset, in hac expeditione prompte & alacriter profundendam.

Obijcit tamen nobis Aretas (quem Ribera & Viegas sequuntur) Ioannem in praesenti sine articulo loqui de exercitu centum quadraginta quatuor millium: quod si de eodem illo num. capitis 7. verba faceret, eum articulo fore vsurum; vt hoc pacto ad eosdem illos, quos superius commemorauerat, se referret. Ceterum euident est, argumentum hoc nullius esse roboris; constat enim Ioannem hic de eodem Agno loqui, de quo supra c. 5. & c. 7. & tamen hic sine articulo ait; *Ecce Agnus stabat.* Si ergo fatendum nobis necessarium est, de eodem Agno esse sermonem, quanuis articulo careat; defectus igitur articuli neutiquam probat, hanc centum quadraginta quatuor millium multitudinem esse diuersam ab illa. Quod autem in hoc loco dilucide perspicitur, in Graecanica lingua nouum non est, vt ipsi etiam peritiores grammaticae notant; vt videre est apud Clenardum in notis ad articulos. Vbi docet, in Graeca lingua saepe abundare, saepe etiam deesse articulos; modo ornatus gratia, modo quia phrasis Graeca patitur articulos addi, vel tolli. His adiungitur, qui aenigmata conscribit, non opus esse, vt exprimat inter scribendum quidquid illi sensui lucem afferre potest; satis esse, si enigma ipsum describat. Quinimò in visione aliqua, siue aenigmate lepôris potius & concinnitatis plenum est, vt desit articulus; quod non ita facile agnoscatur, huius capitis Agnum, & centum quadraginta quatuor millia illum comitantes esse eosdem, de quibus cap. 7. Atque ita ad aenigmatis intelligentiam id remittatur. Quod ergo desint articuli in hoc loco tam Agno, quam centum quadraginta quatuor millibus (quantumvis iidem sint) ideo fit, quia licet ex aenigmatis sensu constet, eos esse eosdem; ex ipsa tamen visione imaginaria non nihil dubitationis suboriebatur, videlicet, quia Agnus nunc in Sione monte conspicitur, cum in caelo prius in medio throni visus esset; & ingens illa multitudo aliam nunc nota sunt insigniti, diuersa ab illa, quae cap. 7. recensetur. Qui autem condit aenigmata, non tenetur ad omnem funditus scrupulum tollendum, qui potest offerri. Itaque potuit, ac debuit Ioannes articulos praetermittere. Vide quid simile in c. 17. vbi eandem ob causam deest Beatae articulus.

Nomine igitur Sionis in praesenti designatur Ecclesia primogenia ex Iudaico populo conflata: quae in Sione monte diuini Spiritus robore, ac caelesti virtute fuit imbuta. Atque eodem modo vsurpat nomen Sionis Isaias cap. 66. 8. *Et peperit Sion filios suos.* Et quidem quod ibi sub eiusmodi allegoria Isaias adumbrat, hoc ipsum hic significatur: dum ostenditur, Christum cum valida primorum Christianorum manu ex Israelitico populo coacta bellum aduersus Imperium Romanum gessisse. Simili item ratione accipit Paulus nomen Sionis ad Galat. 4. 26. & ad Hebr. 12. 22. Nec aliter vsurpauerat Dauid Ps. 28. & saepe alibi.

Sed cur in hoc monte Christus sub specie Agni appareat? Videlicet, quia cum Christus se veluti Agnum mansuetissimum in sacrificium obtulit, & pro mundi salute mortem obiit: suis reliquit exemplum, necnon Spiritum caelestem, atque virtutem contulit: vt ipsius & vestigia sectantes, &

crucem



A cruce capeffentes imitarentur Agnum in morte pro mundi salute & incolumitate, si opus effet, subeundâ. atque huiusmodi est bellum, quo Christus Romanum Imperium erat oppugnaturus, & sibi subiecturus. Quamobrem energiâ plenû est, quodd validissimi huius exercitus dux sub Agni imagine atque figura conspicuus appareat; vt hac ratione constet, qui suis prædixerat, *Itē, ecce ego mitto vos sicut agnos inter lupos*, Lucæ 10. nu. 3. eundem vt ducem strenuum in Agni tamen specie ipsis antecedere.

Iam, quod ad numerum centum quadraginta quatuor millium spectat; recolat lector quæ diximus ca. 7. Quamobrem illud modò reliquum est, vt duo soluamus argumenta; quibus probari solet, hanc hominum multitudinem non esse eandem, quæ c. 7. describitur. Primum est, quia filij Israelis c. 7. in fronte erant signo crucis muniti: virgines autē in hoc locogerunt in frontibus nomen Agni, & nomen Patris eius. Alterum, verisimile non est, illos centum quadraginta quatuor millia Israelitas fuisse omnes virginali pudicitia flore fragrantē: atqui de hac capitis huius multitudine in vniuersum textus affirmat, *Virgines enim sunt, & sequuntur Agnum quocumque ierit*.

B Ad primum respondetur, mirum non esse, vt iisdem ipsi in vno Apocalypseos loco signo crucis in frontibus impresso depingantur; in alio verò cum nomine Agni & Patris eius: sunt enim veluti duo ænigmata, nec opus ea inter se omnino consentire. Præterquàm quod si oporteret sermonem de iisdem esse, & visionem pariter esse eandem; optimè cohæret crucis signū cum Agni & ipsius Patris nominibus. Nam quemadmodum vnum idemq; sigillum capit simul vtrumque nomē, atque etiam crucis signum; ita similiter tam nomina, quàm crux possunt pariter in militum Agni frontibus inusta considerari. Imò potius si diuersi forent qui cruce sunt insigniti ab ijs, qui Agni & Patris eius nominibus sunt notati; difficile esset idoneam reddere rationem, cur illi c. 7. vno signo distinguantur; hi verò alio. Cum autem iisdem sint vtrique, cessat quæstio; & facile apparet, nomina Christi & æterni Patris in militum frontibus impressa haberi, consecrarium esse ad crucis signum in eorundem frontibus exaratum. Qui enim gloriantur, se Christi & ipsius Patris esse seruos; hi quidem verè dicuntur & significanter id in frontibus inscriptum habere. Hos autem perspicuum est esse eosdem, qui Pauli imitar, in cruce Domini nostri Iesu Christi gloriantur. Quod si signum Taw c. 7. commutatur hic in nomen Agni & ipsius Parentis; forsā ideo sit, quia ca. 7. agebatur de illorum frontibus signandis, vt hac notā distincti plagas subterfugerent; nunc verò sermo est de ea professione, qua Christi serui se Christo ipsi, eiusque Parenti subditos esse fatentur. Item signum hoc respondet ijs, quæ c. 13. dicta sunt de marinæ Bestiæ sectatoribus, qui gerunt scriptum ipsius nomē siue in fronte, siue in manu; idque vel numero, vel literis. Similiter ergo, qui sequuntur Agnum, dicuntur in præsentī impressum gestare in fronte nomen Agni & Patris eius. Ad secundam difficultatem respondetur in commentario versus quarti.

C Ribera & Viegas cum alijs contendunt, in hac visione sermonem institui de sanctis, qui Antichristi tempore sunt insigni virtute & sanctitate exituri. Contendit autem Ribera, centum quadraginta quatuor millia esse exactum & præcisum numerum eorum, qui virginali pudicitia præditi Antichristo sunt restituri; quod tamen Viegæ non placet. Præterea Aretas credit, hos centum quadraginta quatuor millia, de quibus in præsentī agitur, esse omnes ex populo Gentilico. Viegas completi vult sanctos ex populo vtroque Iudæorum & Gentilium: & in hac visione existimat, eos cum ea gloria induci, qua sunt in cælesti regione perfruituri. Quia videbitur Deus deorum in Sion, Pf. 83. 8. Quin etiam Gregorius 13. commentariorum in libros Regum ca. 3. ait, Sion esse altissimum supernæ felicitatis. Hæc illi. Meo tamen iudicio nihil horum cum Apocalypseos serie consonat; nec illud Pf. 28. *Videbitur Deus deorum in Sion*, necesse est ad beatam visionem referri; sed ad maximam Dei cognitionem, quam sancti viri in hac vita assequuntur.

## NOTATIO I.

In qua explicatur allusio ad id Isaia 16. 1. Emitte Agnum Domine dominatorem terræ de petra deserti ad montem filia Sion.

CVm Ioannes cap. 14. 1. dicat; *Ecce Agnus stabat supra montem Sion*: facile quispiam cernet, hæc verba illis Isaia verbis respondere; atque adeo in Apocalypsi denotari, Ioannem completum iam vidisse, quod Isaia tantopere expetebat, cum dixit: *Emitte Agnum Domine dominatorem terræ de petra deserti ad montem filia Sion*.

Contra hanc tamen allusionem obijci potest primò; in Hebræo non esse sermonem cum Deo, sed cum Moabitibus; Hebræa enim sonant. *Emitte Agnum*, vel *Arietem*, (vt vertit Forerius), & Septua-

E ginta multò aliter vertunt, nempe: *Mittam quasi reptilia super terram*. Quæ verba Basilii, & Cyrilli coniungunt cum superioris capitis fine; & deinde caput 16. sic incipiunt. *Numquid petra deserta est mons filia Sion?* Secundò potest opponi totus Isaia contextus capitis 15. & 16. qui pertinet ad onus Moab: in medio autem hoc contextu minimè videtur ad rem, vt abruptantur comminationes aduersum Moab precatione illa, *Emitte Agnum Domine dominatorem terræ*. Quamobrem Forerius opinatur, legitimum lectionis originalis sensum esse ironiam

Quid sit dicendū de præfinito hoc numero centū quadraginta quatuor millium.

Exp. dicitur difficultatis nodus in nostra explanatione.

Aliorū explicationes de numero 144. millium regium nuntur

Allusio ad Isaiā locū in Agno supra montē Sion v. 16. Explicatur Isaiā locus cap. 16. Difficultates circa hanc Isaiā locum.

Forerij exp. positio in hac Isaiā verba.



quandam, qua Moabit per irrisiōem dicitur, vt aduersus Ierosolymam immittant belli ardetes; quasi apertius asserat Propheta, eos, si contra Ierosolymam processerint, cum probro ac dedecore redituros. Hispani dicerent, *Que vendran por lana, i bolueran tresquilados*. Huc accedit, quod verba paulo infra posita manifestam continent ironiam, *Ini consilium, coge concilium*.

Aliorū explanatio.

Alij existimant, verbis illis, *Mittite Agnum, &c.* agi de vestigalibus, quae Moabitis tanquam subditi Ierosolymis persoluri erant. Et interpretes quidem qui legunt, *Emitte Agnum Domine dominatorem terrae*, & explicant tanquam ingens desiderium de Messia aduentu, non satis exponunt, quomodo haec verba cum praecedentibus & subsequen- tibus apte connectantur. Quod enim notant, morem scilicet Propheciarum esse, filium repente abrumperet, & ad Christi mysteria transilire; id nequitiam accipendum est de transi- tione, aut saltu dissono atque hiulco. nulla autem ratione videtur consonum, vt in media ipsa aduersus Moabitas comminatione horribili, eo solum, quod Messias utpote Dauidis filius ex Ruth Moabitide fuerat propagandus, absque vlla praeterea connexione inferatur versus vnus, quo à Deo aduentus Messiae oritur. Deinde, omisso illo saltu, contextus illico ad minas contra Moab. regreditur; ita vt medius ille versus interiectus nihil omnino conducat ad ipsarum minarum consequentiam. Nec eleuatur difficultas ex eo, quod nonnulli excogitarunt videlicet, vt primum hunc capituli 16. versiculum hinc inde parenthesi includerent: sic enim in Plantiniani Biblijs legitur. Verum eiusmodi parenthesis, nec in correctionibus Biblijs, nec in editione Vaticana reperitur: Imò credibile non est, caput ipsum à parenthesi exordiri. Nec demum in sermone prudenti admitti debet parenthesis, quae sit omnino extra rem.

Vulgata & lectio & scriptio defenditur.

Oportet in hac difficultate idoneam inuenire rationem, qua primus hic versus capituli 16. iuxta vulgatam lectionem, & in eo sensu, qui votum ac deprecationem pro Messia contineat, congruenter cum antecedentibus & consequentibus consentiat. Etenim vt legatur atque explicetur sicuti Vulgata legit, & intellexit; praeter Ecclesiae auctoritatem, qua vulgata versio roboratur, non parui momenti est manifesta Apocalypseos allusio ad eundem Isaia locum; apparet enim in Apocalypsi denotari antiquum illud Ecclesiae desiderium, quod Isaia capite 16. 1. repraesentat, à Deo iam fuisse expletum; & idcirco Christum sub Agni specie Ioanni in Sione monte visum; quia Isaia dixerat: *Emitte Agnum Domine dominatorem terrae ad montem filiae Sion*.

Vera Isaia verborum expositio.

In hac ergo difficultate obseruanda est, eam inde potissimum fuisse ortam, quod interpretes communiter statuunt in contextu capituli 15. & 16. simplicem esse sermonem de propria aliqua vindicta, quam Deus fuerat de Moabit sumpturus paulo post, quam ab Isaia fuerat praedicta. Nam si haec explicatio de ea vindicta ita, vt sonat, accipitur; reperiri non potest, quo pacto versus ille primus capituli 16. in ea tractatione inferatur è re ipsius contextus & consecutionis. Cessat autem haec difficultas, si illud hic statuamus, quod sine dubio D. Hieronymus constituit, vt ex eius commentario planum sit; nimirum Moabitarum nomen in hisce capitulis esse mystice accipiendum; & Moabitarum eueriōem, quam praedicat Isaia, esse mysticam vindictam, sicuti de Babylonis excidio in Apocalypsi docuimus; & de Idumae etiam eueriōe Isaia ipse c. 34. Non tamen ideo tollitur, ne Propheta attingat etiam propriam veterum Moabitarum ruinam; cum potius familiare sit sacris vaticinijs (vt toties ex Augustino inculcauimus) praesentia tangere, futura respicere. Quamobrem nihil congruentius prophetico stilo, quam per comparationem propriae ruinae Moabitarum, siue propriae vindictae, quam Deus de illis cepit, agere ad literam de mystica eorum ruina, qui spiritualiter dicuntur Moabitis; & de vindicta etiam mystica à Deo de illis per Euangelij praedicatorum sumenda. Iam verò quam sint huiusmodi locutiones mysticae Prophe-

tis visitatae, notissimum erit ijs, qui in eorum intellectione profecerint.

Hic ergo sensus, qui iuxta receptam Prophetarum locutionem valde est Isaia congruens, magnopere confirmatur hoc ipso versu capituli 16. quod enim extra re prorsus esset, respectu propriae vindictae Moabitarum (praesertim si sermo sit de vindicta, qua Deus illos ante Verbi incarnationem foret visiturus) hoc ipsum appositissimum est ad vindictam mysticam, quam sumpturus erat Deus de illis, qui spiritualiter Moabitis nuncupantur: ad quos dimissi fuerunt Euangelij praedicatorum, *Sicut agni inter lupos*. Qui tamen pro ducere Christum ferebant, qui mundum veluti Agnus mysticus expugnavit: ideoque Isaia illum iure optimo appellat, *Agnum dominatorem terrae*. Cum autem Isaia de illis, quos Agnus subiecturus erat, sub Moabitarum nomine, & per comparationem ad Moabitarum ruinam loquatur; cumque meminisset ex Ruth quae Moabitibus genere Messiam oriturum, qui mysticos Moabitas subiugaturus fuerat; alludens etiam ad fecunditatem terrae Moab in agnis procreandis; propterea ait, *Emitte Agnum Domine dominatorem terrae de petra deserti, ad montem filiae Sion*. Quibus verbis exprimit sacer Vates ingens illud desiderium, quo Propheta olim aestuabant, vt mysticus Agnus, verusque secundum genus Moabitis, id est Christus Dominus, in mundum adueniret; suumque agnorum exercitum constaret in mystico Sionis monte, vt mysticam pariter vindictam sumeret de illis, qui spiritualiter Moabitis nominantur.

Si versum hunc iuxta eiusmodi sensum accipiamus, quid, quae, aptius & coherentius dici potuit ad ea omnia, quae cap. 15. antecedunt, & cap. 16. subsequuntur? quidve optari potuit congruentius, vt manifeste constaret Apocalypseos allusionem ad ea Isaia verba esse mirificam, & genuino illius loci sensui congruentem. Hoc ergo ipsum, quod opus erat, vt allusio Apocalypseos ad hunc locum, sicut & ceterae omnes, quibus tota Apocalypsis scatet, nitetur in germano illius loci sensu, quem respicit; hoc inquam ipsum nobis persuadet Apocalypseos auctoritas; alioquin eius allusio ad eum Isaia locum indigna esset Apocalypseos sapientiae & elegantiae. Itaque Apocalypsis ipsa nos edocet, Isaia contextum in duplici illo capite directe respicere ad mysticam illam vindictam, quae à Deo sumenda erat sub felicissima legis gratiae tempora de illis, qui spiritualiter essent Moabitis: sicuti cap. 11. docet etiam non obscure Apocalypsis, quidquid Isaia, alijsque Prophetarum de onere Aegypti praedicunt, id secundum Spiritus sancti intentionem directe asseri de supplicio in Iudaeos exercendo; quia Iudaea est, quae vocatur spiritualiter Aegyptus; in qua Dominus crucifixus est.

Praeter haec, si attentè examinentur verba aliqua ex ijs, quae in Isaia contextu subsequuntur; apparet facile, Prophetam de illis loqui, qui spiritualiter dicuntur Moabitis: Etenim ad denotandum eam victoriam, quam de illis Christiana Religio comparauit, quando ipsamet interitura videbatur, apposita valde sunt verba illa: *Pone quasi noctem umbram tuam in meridie*. Vt autem significetur, quod fuerat in media Christianorum persecutione futurum, quando Christianorum multi in Gentilium domos sese abdebant, quid conuenientius, quam verba illa: *Abconde fugientes, & vagos ne prodas, habitabunt apud te profugi mei*. Moab esto latibulum eorum à facie vastatorum. Iam ad praecipuum illius persecutionis finem, nempe ad mystici Dauidis victoriam per Gentilitatis conuersionem mirifice deseruiet ea: *Et preparabitur in misericordia solium, & sedebit super illud in veritate in tabernaculo Dauid, iudicans*; & querens iudicium, & velociter reddens, quod iustum est. Si ergo omnia ista haec ad legis gratiae tempora referenda sunt; cur non etiam omnia à principio ca. 15. vbi de onere Moab? Quod si semel obtineamus, nulla superest difficultas in eorum verborum contextum; *Emitte Agnum Domine dominatorem terrae*. Nec solum à principio c. 15. proprius illius loci sensus est; quem mysticum appellant; verum etiam in capitulis praecedentibus, vt aliquando diuino aspirante Numine ostendamus.

Explicatur adhuc magis & confirmatur praedicta interpretatio.

Eadem Isaia verborum explanatio ex hoc Apocalypseos loco roboratur.

Iam ex ipso Isaia contextu & serie confirmatur.



Si sensus hic, quem proposui, in cap. 15. & 16. admittatur; apparet mox versum primum capitis 16. non parum elegantiae, & concinnitatis in se continere. Etenim figura ipsa & species locutionis contra Moab praefert ingentem quandam vindictam de Moabitis à Deo sumendam. Verum sub hac vindictae simulatione latet summæ misericordiae & beneficentiae effectus; scilicet conuersio atque martyrium eorum, qui dicebantur Moabitis. Hæc enim & in Apocalypsi compellatur ira nouissima, & in plerisque Prophetarum locis iuxta sensum legitimum respicitur. Ad figuram ergo locutionis, quæ est de Moabitarum excidio, recte dicitur dux à Deo mittendus aduersus Moabitas, ex ipsismet Moabitibus originem esse ducturus; atque adeo in Moab inuasurus, quasi in regionem sibi satis notam atque perspectam: quod magni solet esse momenti ad felicem ipsius victoriæ exitum. Si autem attendamus permagnam commiserationem, quæ sub ira atque vindictæ personâ delitescit; conuenienter satis fit mentio cognationis, quæ duci ipsi cum illis intercedit. Atque ad hoc significandum ait Propheta, verum Messiam Agni nomine iure nuncupatum non posse non pietate atque clementiâ maximâ aduersus eos uti, quos textus Moabitas vocat. Namque ut ex Ruth quæ Moabitibus genere deriuatur, ita etiam propinquos atque cognatos habet eos omnes, quibus Scriptura Moabitarum nomen attribuit. quare ipsius victoria, utpote victoria propinqui ac necessarij, in generale hominum beneficium bedet.

Ex hucusque dictis sequitur, primum versiculum cap. 16. qui ante veram ipsius textus intellectiōem, difficultatis non parum afferebat, superato iam difficultatis nodo plurimum lucis duobus illis Isaie capitibus impertiri; dum tam versus ille, quam caput utrumque in sensu mystico accipiuntur, ita enim opus est, ut primus ille versus capitis 16. cum antecedentibus & subsequētibz rite cohareat. Verum enim verò, licet edixerimus hætenus, sermonem hoc loco non esse tantummodò de carnalibus Moabitibus, sed de ijs omnibus, qui sub eorū figura comprehendebantur; & quāuis necessariò videatur hæc significatio ad Gentiles omnes extendenda; non tamen adhuc exposuimus, sub qua ratione Gentilibz nomen Moabitarum tribuatur; cuius rei explicatio non parum conferet ad pleniorē horum Isaie capitum intelligentiam. Id tamē commodius explicabimus in Appendice ad notationem sextam, ubi de mysticis Idumæis, & de mystica Aegypto.

Nunc respondeamus oportet ad duplex illud difficultatis caput, quod initio opposuimus Apocalypseos allusioni ad prædicta Isaie verba in eo sensu, quem Vulgatus expressit. Ad primum ergo respondet, fortè contextus difficultate coactos Hebræos vnius literæ adiectione mutasse Hebraicum verbum, quod sonabat *Mitte* in *Mittite*. Nam Hieronymus obseruat, Hebræa ad verbum sonare, *Mitte* Agnum dominatorem terre, vel dominatori terre. Septu-

aginta hic versio nihil lucis afferre posse videtur, manifestè enim secundam personam in primam commutarunt; transferentes, *Mittam*. Si tamen vera lectio Septuaginta foret ea, quæ in Biblijs Complutensibus reperitur, *Mittam Agnum dominatorem super terram*: idem maneret sensus: verum quidquid de hoc sit; lectio Basilij & Cyrilli Hebræo non respondet. Fuit porro singulari Dei consilio factum, ut eam Hieronymus corrigeret, & Ecclesia correctionem Hieronymi probaret, atque amplecteretur. Iam quod Forerius transtulit *Arietem*, loco Agni, id ex loci difficultate ortum est: constat tamen Hebraicam vocem significare Agnum. Sit enim, vertunt Pagninus, & Arias, eademque versio ex Apocalypseos allusione pariter, ut vidimus, roboretur. Cum autem legamus Agnum, inconueniens non est, si credamus, Hebraicam vocem, quæ in plurali sonat, *Mittite*, incorruptam esse. nam si sensus attendatur, in idem recidit, siue sermone ad Moabitas conuerso dicatur illis, *Mittite nobis Agnum*, qui dominaturus est uniuersæ terre. Siue ad Deum sic sermo dirigatur, *Mitte Agnam Domine*, qui dominetur uniuersa terre. Vtriusque enim ratione idem significatur; nimirum ardens desiderium aduentus Messiae, qui ex Moabítico genere ducturus erat originem, & lenitate ac mansuetudine Gentes fuerat omnes subiugaturus. Itaque verba illa, *De petra deserti*, innuunt Christum, quatenus ex Ruth deriuatum, fore Moabitam; ut præclare docet Hieronymus. Non tamen propterea opus est, eidem Ruth nomē petræ hic indi, ut contendunt aliqui. verisimilius enim est, petræ nomen esse, quod vrbi Arabiæ Petræ Metropoli tribuitur. nam ea appellatur Petra Ptolomæo & Straboni: id quod significat Hebraica vox *Salagh*, id est, rupes, aut saxum, sicuti quoddam Africæ oppidum nostris dicitur *El Pesson*, quia in viuo saxo erectum est; & vrbs illa Arabiæ Petræ videtur fuisse Moabitarum regni Metropolis.

Secundus difficultatis nodus ita soluitur: in tractatu quidem de onere Moab, si de proprijs poënis à Moabítico populo repetitis intelligatur, verba illa minime esse videntur ad rem, *Emitte Agnum Domine dominatorem terre*. Si tamen onus Moab de mystica vindicta interpretetur, nihil potest aptius afferri, ut constat ex ijs, quæ superius annotauimus. Ironiam autem, quam hic Forerius subesse putat, respuit omnino tam Vulgata lectio, quam Apocalypseos allusio; quos duces potius, quam Forerium sectari debemus. Nihil est congruentior sensus de vestigali soluendo; hic enim pariter & Vulgata lectioni, & Apocalypseos allusioni refragatur. Quare huiusmodi sensibus relictis, eum vnum, quem proposui, voluit haud dubiè Vulgatus exprimere; eumque Apocalypseos allusio collineauit: qui nec præpostero saltu, nec repentinâ transiitione, nec parenthesi importunâ indiget: sed continuum ducit filum, eleganti rerum atque ordinis consecutione: ut ex supra dictis satis apparet.

Hebraica lectio cum Vulgata comparatur.

Secunda difficultatis sit satis.

Respondetur difficultati-  
bus initio  
positis.  
Ac primò  
quod attinet  
ad Hebrai-  
cam lectio-  
nem.



## T E X T V S.

- Vers. 2.* Et audiui vocem de cælo, tanquam vocem aquarum multarum, & tanquam vocem tonitruui magni, & vocem, quam audiui sicut citharædorum citharizantium in citharis suis.
3. Et cantabant quasi canticum nouum ante sedem, & ante quatuor animalia, & seniores; & nemo poterat dicere canticum, nisi illa centum quadraginta quatuor millia, qui empti sunt de terra.

## C O M M E N T A R I V S.

Ioannes  
quomodo  
vocē de cælo  
exaudierit.

**I**mprimis violentum valde est existimare, eundem aquarum multarum sonitum esse similem tonitruo magno & cithararū concentui: atq; magna hæc violentia nec à textu exigitur nec ad mysteriū necessaria est. Quapropter satis est, si dicamus, Ioannē auribus simul excepisse tres eos sonitus, quos refert; non quidē confusos, & in vnū promiscuē coalescentes; sed distinctos, sicuti qui tres pariter voces exaudit. Imò verò non diuersi solum erant soni; sed primi duo in cælo resonabat: tertius non item, vt statim explicabimus. Et quanuis Vulgata ait, *Et vocem, quam audiui sicut citharædorū, &c.* non tamen opus est, vt hoc de tonitruui voce intelligatur; præsertim cum ex Græco sic reddatur ad verbum, *Et audiui vocem citharædorum.*

An vox ci-  
tharædorum  
à Ioanne sit  
etiam de cælo  
audita.

**E**T AUDIUI VOCEM DE CÆLO. ] Hoc proximè refertur ad vocem aquarum multarum; deinde liquet etiam, vocem tonitruui pariter de cælo exaudiri. Quare ad vtramque vocem referenda est vox illa *De cælo*. An verò vox quoque citharædorum de cælo audita sit, id oportet diligenter expendere. Dicit quispiam, necessarium esse, vt tertia hæc vox in cælo pariter sonuisse dicenda sit; tū quia nulla est potior ratio, cur vox de cælo ad duas primas, non verò ad tertiam itidem referatur: tum etiam quia de citharædis mox subiungitur, *Et cantabant quasi canticum nouum ante sedem, & ante quatuor animalia, & seniores*. Constat autem Dei thronū, & animalia, & seniores visos à Ioanne in cælo; vt patet c. 4. n. 2. 5. & 6. Igitur citharædi etiam erant in cælo; alioquin non dicerentur cantare ante sedē, & ante quatuor animalia, & seniores.

Quinā sint  
huiusmodi  
citharædi  
citharæ  
pulsantes?

**V**t huic difficultati satisfiat, intelligamus imprimis oportet, qui sint illi, de quibus versu 3. dicitur, *Et cantabant quasi canticum nouum*. Quia in re primò sic statuo, hos non esse posse animalia & seniores; quanuis enim his quoque data sint citharæ, vt habetur c. 5. 8. verum cum textus hic dicat citharædos ante quatuor animalia & seniores cantare, euidenter hos ab illis distinguit. Secundò, hi citharædi non sunt Angeli ex cælesti Hierarchia; hoc enim cum ipso sensu non bene consentit. Quapropter pro certo habeo citharædos hosce esse exercitum cētum quadraginta quatuor milliū, qui erant in monte Sionis. Etenim quanuis aliquis cōsiderare posset, harmoniā prius in cælo resonare, qua veluti ad canticum pariter inuitarentur centū quadraginta quatuor millia; & quanuis huic intelligentiæ videatur fauere, quod sequitur, *Et nemo poterat dicere canticum, nisi illa centum quadraginta quatuor millia* (vbi dicere perinde esse videtur, quasi imitari: nam verbum Græcum *μαρθεῖν*, est discere; ) nihilominus si rectè id expendamus, nulli alij reliqui sunt, qui possint citharædorum vice fungi, præter illa centum quadraginta quatuor millia. Quare nihil est, cur alios esse fingamus.

Statuitur  
citharædos  
hos non esse  
alios, nisi il-  
los 44. mil-  
lia.

**V**eruntamen vt vox illa, *Audiui vocem de cælo*, ad citharædorū concentū referatur; instabit aliquis, fortè verba ipsa ita esse connectenda, vt Ioannes de cælo audierit vocem citharædorum in Sione monte cantantium. Ascenderat enim Ioannes in spiritu in cælum, vt habetur ca. 4. 1. Dicat alius, quod Ioannes asserit versu 1. huius capitis, nempe Agnum & centum quadraginta quatuor millia esse in Sionis monte; non ita intelligendum fore, vt in monte ipso pedibus niterentur; sed vt nubes aliqua supra terram esse solet. Quare cælesti Agno in medio throni, qui erat super nubes, permanente, potuit conspici quasi supra ipsum Sionis montem existens. in quo sensu verè dici posset vox cētum quadraginta quatuor milliū Agnum constipantium de cælo resonare. Hæc tamen duæ expositiones illius vocis *De cælo*, coactæ sunt, opinor. quapropter illud simplicius & germanius est, Agnum in hac visione apparuisse in montis Sionis culmine, & in eodem ipso monte (qui hic videtur fingi ingens atque extensus) extitisse etiam omnes illos centies quadragies quater mille. Adhæc, de cælo personuisse vocem aquarum multarum ac vocem tonitruui: ex monte verò Sionis sonuisse vocem persimilem citharædorum citharizantium in citharis suis: hoc est musicum concentum atque harmoniam humanarum vocum cum citharis concinentium valde similem.

Vitæ Agnus  
c. 1. 44. mil-  
lia in Sion  
in u. e. pedi-  
bus niteren-  
tur: an verò  
in aëre ele-  
uati cōside-  
randi sint.

Argumentis  
de contrariis  
adductis oc-  
curritur.

**A**rgumenta autem superius adducta ad probandū huiusmodi harmoniam de cælo fuisse exaudita, non multum roboris habent. Quare ad primum assero, vt vox illa *De cælo*, non extendatur ad musicā, ideo phrasin fuisse in textu immutatam. Etenim cum de primis duabus vocibus dictum esset, *Audiui vocem de cælo tanquam vocem aquarum multarum & tanquam vocem tonitruui magni*; non eadem loquendi ratio longius progressa est, & *tanquam vocem citharædorum*. sed rursus ita cœpit, *Et audiui vocem*

*citharædorum*







monte Sione collocentur. Quinvis enim vtrumque symbolum idonee repræsentet Christianæ sanctitatis celsitudinem; atque adeo Agnus, id est Christus, cū animalibus & senioribus in cælo, in monte Sione cum centum quadraginta quatuor millibus apponatur; ceterum, quod in hac visione alij in monte, alij considerentur in cælo; potuit quidem apte confingi ad denotandam sublimiorem eorum excellentiam, qui editiores ac celsiores erant. Et quanvis vere etiam dicantur non Apostoli tantum, sed pij omnes fideles in cælo degere, quia ipsorum conuersatio in cælis est: nihil tamen prohibet quominus cæli symbolum accipiamur interdum pro nobilissima illa ac perfectissima ratione viuendi in cælo, quæ propria erat Apostolorum & discipulorum Christi; nec non aliorum similiter, qui ipsis fuere per similes.

ET CANTABANT QVASI CANTICVM NOVVM. ] Si de doctrinæ solùm præstantia ac perfectione haberetur hic sermo; nouum canticum nusquam antea exauditus, non esset aliud, quàm explicita Apostolici symboli doctrina. Veruntamen hæc noua cantio potest etiā ab ijs vsurpari, qui ex numero cætum quadraginta quatuor milliū non sunt, quod deprauatis moribus sint, quanvis Christianā proficeantur fidē. Quare illud mihi magis arridet, nouum hoc canticum reuera ad honorificam prædicatorū glorificationem in ipsismet persecutionum & cruciatuum procellis; quod veteris Testamēti tempore fuerat inauditum, ac proinde legis gratiæ proprium. Licet autē citharæ si ab Apostolis & Christi discipulis, utpote eorum filij distinguantur; nihilominus hæc noua cantandi ratio non ab ipsis filijs duxit exordium. Non item appellatur canticum nouum, quia ipsi primò cecinerūt illud; sed quia in mundo fuerat inauditum, antequam Deus suum Christianæ Ecclesiæ Spiritum impertiret. Atque ideo fortassis non dicitur, *Cantabant canticum nouum*; sed, *quasi canticum nouum*. Adhuc enim persistabat in hominum opinione illa nouitatis & insolentiæ admiratio, quod in afflictionibus atque ærumnis mortales exultarent, & iactabundi gloriarentur.

ET NEMO POTERAT DICERE CANTICVM ILLVD, NISI ILLA CENTVM QVADRAGINTA QVATVOR MILLIA. ] Verbo, *Dicere*, respondet in Græco *μαθῆναι*. Quod proprie est, *Discere*. Hic tamen vtrūque in idem recidunt; qui enim nouum canticum ediscunt, idem illud decantant, ac prædicant. Ex verbo autem Græco deducitur, quamvis Cantico epitheton *Nouum* adiungatur, nihilominus illud iā antea ab Apostolis & discipulis fuisse decantatum. Ex ipsis enim didicere centum quadraginta quatuor millia. Atque ita imitantur hoc pariter legitimi eorum successores & studiosi sectatores; nec nō qui in eandem adsciscuntur societatem. Ex his etiam verbis inferitur manifeste, quantumuis primarij Christiani, quibus cum Deus bellum Gentilitati intulit, maxima ex parte fuerint à Iudeorum populo acciti; in exercitu tamen centum quadraginta quatuor millium comprehendi necessariò fideles omnes perfectos, quotquot eā tempestate reperiabantur. Illud enim canticum non concinebant modò fideles ex populo Iudæorum euocati; sed fideles etiam perfecti ex populo Gentilico, qui in eam oliuam inferebantur. Tamen si autem initio complures eorum, aut fere omnes erant ex Hebræorum populo; illud tamen permagni faciendū est, eos videlicet spirituales israelitas fuisse, & ex nouis Dei populi tribubus sub nouis Patriarchis, id est sub Apostolis; quæ dignitas illis impertiebatur, qui ex Gentilium populo ad Christianam Religionem commigrabant.

QVI EMPTI SUNT DE TERRA. ] *Emere* hic non est solum proprium sanguinem in pretium effundisse; hoc enim modo pro vniuersis hominibus Christus Iesus mortem subiit. Emptionis ergo perfectio in eo consistit, ut quod quis eam rem, quam emit, vel redimit, extrahit ab eius potestate qui possidebat, & in suam vendicat ditionem. Primitiuos autem Christianos & homines vere spirituales dicitur Christus vere ac proprie eripuisse de terra, id est, de terrenarum rerum cupiditate, de mundi subiectione, de quæ prophanis ipsius legibus; eosque transfuisse in libertatem, & in Regnum filij dilectionis suæ; atque hoc est, eos, qui capitiuē tenebatur, à Christo fuisse in veram libertatem assertos.

## T E X T V S.

*Vers. 4.* Hi sunt, qui cum mulieribus non sunt coinquinati, virgines enim sunt. hi sequuntur Agnum quocumque ierit, hi empti sunt ex hominibus primitiæ Deo, & Agno.

5. Et in ore eorum non est inuentum mendacium, sine macula enim sunt ante thronum Dei.

## C O M M E N T A R I V S.

QVONDE horum centum quadraginta quatuor milliū virginitate asseueratur, plerique accipiunt ut sonat. Cum autem virginitati adiungatur hic aliarum virtutum maximarum prætidium & coadiutor; opinatur Ribera de iisdem tantum virginibus esse sermonē, qui virtutes omnes cū virginitate copulant; vel significari, in virginum multitudine omnia merita, etiam martyrij, inueniri. Addit Viegas virginitatē ipsam esse quoddam martyrij genus; simplicius tamen esse, si explicetur, non de imitatione Christi, neque de omniū virtutum genere; sed de ea voluptate & gaudio, quo virgines Deum afficiunt; sicuti musicæ artis periti suo mirifico concentu principem aliquem demulcent; qui illos propterea secum affert, quocumque pergat. Atque hoc ait Viegas, esse, *Hi sequuntur Agnum quocumque*

ierit.

*Vers. 3.*  
*Quæ sit hæc*  
*nova cantio*  
*in 144.*  
*millibus v-*  
*surpatis.*

*Per illos*  
*144. milliā*  
*denota- i fi-*  
*deles tam ex*  
*Iudeis, quā*  
*ex Gentilibus*  
*euocatos.*

*Quo sensu*  
*dicuntur*  
*empti de*  
*terra.*

*Virgines vir-*  
*ginum nō sūt*  
*hic in sensu*  
*proprio, an*  
*in illo ico*  
*sit usu pan-*  
*dum?*  
*Temp nō ur*  
*pr. ma exp.*  
*scio in sen-*  
*su proprio*  
*accipia.*



**A** ierit. Et quidem ita Rivera, quam Viegas sibi persuadent de illis duntaxat virginibus esse in presenti sermonem, qui Antichristi tempore adhærebunt Agno. Verum. nō deerit, qui hæc in vniuersum de Religiosorum hominum familijs Ecclesiam Christianam decorantibus prædicta velint. Nam in Religiosis Ordinibus sacri homines profitentur castitatem Angelicā puritate custoditam, & cū diuinorum præceptorum atque consiliorum obseruatione copulatam: quod est, *sequi Agnum, quocumque ierit.*

Huiusmodi expositiones, virginitatis nomen vsurpant in ea propria acceptione, quā præ se fert. Enimvero (ni me animus fallit) non solum Apocalypseos series & consequentia, sed etiam hic ipse met textus præfens diuersam interpretationem deposcit. Primum enim Apocalypseos argumentum postulat, vt in his centum quadraginta quatuor millibus illi adumbrentur milites, qui Christo Redemptori nostro in spiritali ac mysticā imperij Romani expeditione strenuā natiarunt operā. Ex quibus licet plerique fuerint proprie virginēs, non tamen omnes; sed nonnulli etiam coniugati, aut vidui in ijs reperiabantur. Quod vero sancti illi viri, qui aut matrimonio erant addicti, aut etiam post cōiugis mortem ab eo liberati excludantur ab eorum consortio, qui canticum nouum pariter concinebāt; id sanè nec cum vera cantici ipsius declaratione, nec cum argumenti acoluthia & cohærentia cōsentit. Deinde vt virginitatis nomen hic mysticè desumatur, non modò ænigmatis stilus permittit, sed etiam contextus. Nam vbi nos legimus, *Virgines enim sunt*: habetur Græcè παρθένοι. quod nomen fœmineum est, & puellas intactas significat. Manifestum verò est, sensum huius loci minime esse, hos omnes citharædos esse puellas illibatas. Quamobrem ipse contextus inuitat, vt virginum nomē allegorice accipiat, sicuti ab Apostolo accipitur 2. Corint. 11. 2. *D spondi enim vos vni viro virginem castā exhibere Christo.* Vnde Origenes, Hieronymus, Augustinus, Hesychius, atque Fulgētius (apud Lauretum verbo Virgo) colligunt, in sacris Literis non solum Ecclesiam appellari virginem; sed omnes etiā animas puras, quæ minime patiuntur violari se à concupiscētijs & prauis affectibus, sed integras se Christo reseruant. Itaq; vitæ atq; doctrinæ integritas & perfectio pro mystica virginitate reputatur. His addo, in hoc loco alludi (vt opinor) ad illud Cantic. 1. 3. *Adolescuntula dilexerunt te: curramus in odorē vnguentorum tuorum.* Vbi virginitati adiungitur sequi Christum, quocumque ierit; sicuti & in præsentī. Iam, quod de virginitate dico, idem etiam dictum esto de illis verbis, *Hi sunt, qui cum mulieribus non sunt coniugati.* nam similiter hoc est allegoricum.

**C** Existimo ergo virginēs in hoc loco appellari eos omnes, qui rerum creaturarum inordinatā affectione se non contaminant. Nec de illicito solum affectu loquor, sed de licito etiam atque permissio; qui tamen aliquo modo animum a diuino cōmērcio remouetur. Sicut Paulus loquitur de matrimonio 1. Corinth. 7. 33. & 34. Etenim ab eo effectus, qui ex matrimonio sequi solet, dum animam à Dei familiaritate quodammodo retardat, aut diuidit; ab hoc inquā spiritalis viri, quantumuis vidui aut cōiugati sint, reperiuntur inimices. Huius autem versus cum præcedenti connexio ea est. Vt decāri possit noua cantio, de qua supra, nempe noua & efficacissima prædicandi ratio, atque etiam in tribulationibus gloriatio: oportet quæuis spiritalē esse virum, & sequi Agnum quocumq; ierit: quod perinde est quasi animo forti magnoq; esse ad Christi amplectenda consilia, ad eius crucem tollendam, & ad martyrij, si opus sit, palmam reportandam. Id quod saltem in voto præstabant omnes primitiua Ecclesiæ sancti. Quod si propter susceptum firmiter castimoniam consilium atque decretum virgo quæuis vere potest dicere, *Virum non cognosco*: verè etiā dici possunt Christum ad Caluariæ montē sequi, qui tenaci mente apud se statuerūt pro ipso Christo vitam, si oporteat, amittere; & qui ipsum in rerum temporalium despicientia, & diuinæ gloriæ desiderio subsequuntur.

**D** *HI EMPTI SUNT EX HOMINIBUS PRIMITIÆ DEO ET AGNO.* ] Facile intelligitur, quā verè primitiui dicantur Christiani primitiæ esse illorum, quos Christus suo sanguine redemit. Et fortassis alluditur ad illud Ierem. 2. 3. *Sanctus Israel Domino, primitiæ frugum eius: omnes, qui deuorant eum, delinquent.* Quæ verba ad spiritalem Israelē translata, significationis & energię habent plurimum. Constat autem hæc centum quadraginta quatuor millia esse spiritalem Israelē, sicut c. 7. vidimus. Iam verò si primitiua Ecclesiæ est primitiæ Christi, sequitur, vberem & copiosam messē esse vniuersalem Ecclesiam ex Gentilitate euocatam. Licet autem hæc messis multò fuerit maior & affluentior; primitiæ tamen Deo exitire gratiores, vtpote ex lectissimis hominibus coactæ. Illi enim Spiritus sancti primitias acceperunt, testante Paulo ad Rom. 8. 23. *Primitias spiritus habentes.* & 2. Thessal. 2. 12. *Elegerit vos Deus primitias.* Ac demum propter huiusmodi primitiæ fortunat Deus atq; fecundat Ecclesiam vniuersam; iuxta id Prouerb. 3. 9. *Honora Dominum de tua substantia, & de primitijs omnium frugum tuarum da ei. & implebuntur horrea tua saturitate, & vino torculum tuum redundabunt.* Quapropter primitias huiusmodi consequitur ad calcem huius capitis, spiritalis messis atque vindemia; de quibus suo loco dicemus.

**E** *ET IN ORÉ EORVM NON EST INVENTVM MENDACIVM.* ] Græcè δόλος. vnde allusio videtur fieri ad ea Christi verba de Nathanael loquentis Ioan. 1. 47. *Ecce verus Israelita, in quo dolus non est.* Videlicet quia mundi sermo atque loquela mendacijs & fraudibus scatet; at spiritalium hominum sermones veritatem ac simplicitatem præ se ferunt; nec aliud verbis, aliud factis ostendunt; sed vitam ad Christianismi professionem conformant.

*SINE MACVLÁ ENIM SUNT ANTE THRÓNVM DEI.* ] Redditur hîc ratio, cur Christiani primitiui mendacium quodlibet ac deceptionē detestarentur; nimirum, quia vt homines diuino auxilio protecti & in Dei ipsius conspectu degentes vitā ab omni scelerū contagione illa sam agere studebant. *Sine maculâ.* Græcè ἀμωμοί, id est, inculpui. Recte tamen vertit noster interpres; quasi innuat, eos, qui in magni alicuius Principis conspectu semper agunt, accuratissime studere, vt vestimenta sua ab omni labe ac maculâ sine decersa; ne Regem, cui famulantur, vel leuiter offendant. Vide c. 7. 14. Vbi de his ipsis dicitur, *Lauerunt stolas suas, & dealbauerunt eas in sanguine Agni. Ideo sunt ante thronum Dei.*

*Vera auctoritas sententiæ exprensus in sensu allegorico.*

*Quinā hic appellantur virginēs*

*Cur hi dicantur primitiæ Deo & Agno?*

*Verf. 5. Quo sensu dicatur in eorum ore non fuisse inuentum mendacium.*



## T E X T V S.

- Vers. 6.* Et vidi alterum Angelum volentem per medium cæli, habentem Euangelium æternum, vt euangelizaret sedentibus super terram, & super omnem gentem, & tribum, & linguam, & populum.
7. Dicens magna voce; Timete Dominum, & date illi honorem, quia venit hora iudicij eius, & adore eum, qui fecit cælum & terram, mare & fontes aquarum.
8. Et alius Angelus secutus est dicens; Cecidit cecidit Babylon illa magna, quæ à vino iræ fornicationis suæ potauit omnes Gentes.
9. Et tertius Angelus secutus est illos dicens voce magna: Si quis adoraue- rit Bestiam, & imaginem eius, & acceperit characterem in fronte sua aut in manu sua.
10. Et hic bibet de vino iræ Dei, quod mistum est mero in calice iræ ipsius, & cruciabitur igne & sulphure in conspectu Angelorum sanctorum, & ante conspectum agni.

## C O M M E N T A R I V S.

Quinam in  
tribus hisce  
angelis figu-  
rentur?  
Aliorū ex-  
positio de  
Antichristi  
tempore, ex-  
ploditur.

**H**OSCE omnes versiculos coniunxi; quia in illis referuntur trium Angelorum voces. In qua- rum explicatione neutiquam satis est, vnamquamque seorsum conuenienter applicari, nisi ostendatur pariter congruentia huius ternarij Angelorum, & coherentia trium vocum inter sese, atque aded earum omnium argumentum. Vides parte 2. sectione primâ addubitatur, num hi tres An- geli denotent tres prædicatorum differentias, quos Deus sub Antichristi tempora sit missurus; vt Ticonius, Beda, Rupertus, Anselmus, & Ansbertus exponere videntur? an verò sit solum visio ima- ginaria, vt Ioannes tres illas sententias literis mandaret? Mihi quidem interpretatio, quæ hos tres Angelos ad Antichristi tempora reijcit, reiicienda necessario est. nam mæ acoluthiæ filium me cogit, ne in hoc loco extra Romani Imperij primitiuam Ecclesiam persequentis limites pe- dem efferam. Præterquam quod indignum est Apocalypseos grauitate, hunc Angelorum ternariū ad res omnino incertas applicare; huiusmodi est triplex ille prædicatorum ordo, quos à Deo fore sub Antichristi tempus mittendos nonnulli opinantur. Nec verò simile rationi apparet, prædicato- rum discrimen inde esse capiendum; quod alij prædicent ea, quæ in prima horum trium Angelorū voce continentur; alij Babylonis ruinam; & alij inferorum pœnas. Cur non potius omnes vniuer- sam Christianam doctrinam personabunt? Iam affirmare huic trium Angelorum visioni illud my- sterij solum inesse, vt tres illæ sententiæ conscribantur; hoc inquam mentem minimè explet: nisi exponatur trium sententiarum connexio, & congruens pariter ratio reddatur, cur sint in hunc lo- cum insertæ.

Mysterium  
trium vocū  
à tribus an-  
gelis prola-  
turū quod-  
nam sit

Omissis ergo aliorum declarationibus; illam ego veram atque germanam iudico, quæ has tres voces explicet de cohortatione, quæ ex parte Agni fuit suis militibus facta; vt in eo bello, quod A- gnus ipse aduersus Romanum Imperium persecutionis tempore gerebat, strenuè & fortiter dimi- carent. Cum autem hostilis factionis duces tres fuerint, nempe draco, bestia maris, & bestia terræ; ideo tribus hisce ducibus tres item voces Angelicæ per ordinem opponuntur. Prima nimirum dra- conis; secunda maris bestię; tertia bestię terrestri. Et quidem vbi ad singularum vocum expositionem deueniamus; facile perspicietur, huiusmodi distributionem non gratis confictam, sed ab Spiri- tu sancto fuisse intentam.

Auctoris  
sententia de  
trium ange-  
lorum signi-  
ficatione.

Postquàm trium vocum series & coherentia obseruata fuerit; facile concedet quispiam tres illos Angelos, quibus voces eiusmodi tribuuntur, esse tres ex sacris Scriptoribus; eos scilicet, ex quibus ee- sententiæ videntur esse depromptæ. Illud autem hic Apocalypseos elegantiam imprimis commen- dat; videlicet, quod hi tres Scriptores sint illi ipsimet, qui præcipui exitire duces in eo Ecclesiæ bel- lo aduersus Romam ethnicam suscepto. itaque figuratur in hoc loco exhortatione militibus Chri- sti fieri ab illis ipsis, quos Christus illius belli duces delegit. Ij vero sunt Petrus, Paulus, & Ioannes; qui inter ceteros Apostolos sunt destinati, vt Romæ Euangelium prædicarent, & tanquam expeditio- nis huius duces præstantissimi, in eadem vrbe martyrio coronarentur. Et quidem licet tres Apostoli viderentur prædicto ordine numerandi, nempe Petrus, Paulus, & Ioannes: ceterum ordo sententia- rum (quarum prima continebat hortationem aduersus dæmonem; secunda aduersus Imperiū Ro- manum; tertia aduersus carnis sapientiam) postulat, vt in trium Angelorum ordine primus foret



A Ioannes, secundus Paulus, tertius Petrus. Prima enim ex tribus tentētijs deumpta est ex Ioannis Euangelio; secunda ex Paulo; tertia ex Petro. Qua in re forsitan Ioannes comitatis ergo, honoris ac decoris ordinem seruauit. Sæpè enim vsu venit, vt posterior locus præstantior & honoratior sit. Quare cum Petrus extremo in loco numerandus esset, vtpote Dux & Princeps ceterorum; sibi Ioannes primum, atque adeo nouissimum reseruauit; & Paulo secundum reliquit.

Verum ad singulos iam versus descendamus. In versu 6. ait textus, *Vidi alterum Angelum*. vbi pro voce, *Alterum*, optarem ego legi *Alium*, vt Græca sonant. & vox *Alium*, non referenda hic est ad aliquem, qui præcesserit; sed respectu aliorum, qui subsequuntur. phrasis enim est frequēter vsurpata, vt *Alius* non minùs dicatur de primo, quàm de secundo & tertio; vt 1. Corint. 11. 21. *Alius quidem esurit, alius autem ebrius est*. Videre licet locutiones similes 1. Corint. 12. 8. 9. & c. 15. 40. 41. & ad Ephes. 4. 11. Vt ergo Ioannes asserat, tres Angelos sibi visos; quorum alius prædicabat horam iudicij aduentasse, alius Babylonis ruinam, & alius æternas inferorum pœnas; optimè potuit de primo dicere; *Vidi alium Angelum*. Et ex contextu manifestum est, eum esse sensum. Nam numero 9. additur, *Et tertius Angelus secutus est illos*. Ad hæc; nullus alius in hoc loco Angelus præcesserat; ratione cuius appellandus esset alius, ille de quo hic sermo est; viciniore enim, qui antecesserat Angeli, sunt Angeli Michaelis, de quibus c. 12. 7. atqui illi longius distabant, quàm vt respectu illorum hic posset vocitari.

B VOLANTEM PER MEDIVM CÆLI. ] Hic Angelus, vt infra videbimus, ipsummet Ioannē Euangelistam repræsentat; qui dicitur significanter satis per medium cæli volare, propter excellentem cognitionem, qua res supranaturales percipit. Quod autem Ioannes hoc de se elogium literis tradat, id ipsius Ioannis modestiæ minimè refragatur; iussus namque fuit, quod cerneret, literis mandare. Ipse verò vidit, primum trium Angelorum per medium cæli volantem. & quauis Ioannes non dubitauerit, se in illo Angelo figurari, ipsius tamen partes erant, simplici narratione atque aperta conscribere, quæ videbat. Nec dubium quin ille nequaquam superbiit, sed potius demisse admodum de se existimauit, eo ipso quod se à Deo exaltatum vidit. Forte etiam, *Volare per medium cæli*, eò spectat, vt ab omnibus videri & exaudiri possit; quo innuitur, licet vox huic Angelo attributa mysterio plena sit, ab eo tamen ad eò clarè atque perspicuè fuisse proditam, vt ab omnibus fidelibus generatim excepta & intellecta fuerit. Quid, si *Volare per medium cæli*, denotet Euangelij, siue boni nuncij lætitiā & gaudium? Etenim ad significandam ingentem lætitiæ voluptatē, non perperā induci potest sublimis volatus; quo euehatur nuncius in cælū, & per aëra volitet atq; discurrat. Nec dissonat quod sequitur.

C HABENTEM EVANGELIVM ÆTERNVM. ] Id est, sese per aëra volitans extulit magnā cū hilaritate & exultatione: quia lætissimum nuncium hominibus afferebat. Illud tamen insolitum hic primā specie apparet, Euangelij nomen atque ad eò æterni Euangelij tribui ijs, quæ mox consequuntur; nimirum *Timete Dominum, & date illi honorem, quia venit hora iudicij eius*. Citò tamen cōstabit huiusmodi verba rectè intellecta felicissimum in se nuncium & æternum etiam continere. Notandum tamen hic obiter est, tamen si apud Scholasticos Theologos æternitas propriè loquēdo nec principium habet, nec finem; in sacris tamen Literis non semper iuxta hanc strictam acceptionem sumi; sed interdum accipi æternitatem secundum præteritam durationem: vt ad Rom. 16. 25. vbi de mysterio temporibus æternis tacito; interdum verò secundum futuram & posteriorem; qua ratione hominis animam dicimus æternam, id est, in æternum duraturam. Et certè in hoc eodem sensu æternum Euangelium hic vocatur nuncius ille, qui maximam importat felicitatem æternam permaturam. Porro contextus ipse exprimit huius nuncij felicitatem esse vniuersalem; ait enim, *Vt euangelizaret sedentibus super terrā, & super omnem gentem, & tribum, & linguam, & populum*. Sed videamus iam, ecquis sit nuncius huiusmodi; vt postea discernere possimus, quàm merito appellatus fuerit Euangelium æternum, & ad vniuersas spectans nationes.

D DICENS VOCE MAGNA. ] Græca sonant, *Dicentem*. Verum perinde est, *Dicens*. & cohæret cum illo verbo, vt *euangelizaret*. vox autem *Magna* denotat publicam lætitiā & celebritatem; sic enim felix aliquis nuncius, qui vniuersis renunciatur, promulgari solet.

E TIMETE DOMINVM, ET DATE ILLI HONOREM: QVIA VENIT HORA IVDICII EIVS. ] Existimabunt aliqui huius boni nuncij felicitatem in eo potissimum consistere, quod Ecclesiasticus ait c. 34. 16. *Qui timet Dominum, nihil trepidabit, & non pauebit*. Quod si hæc est cohortatio militibus Christi facta, vt Romani Imperij persecutionem parui pendant; non esse abs re videbitur, si excitentur atque erigantur firmā spe; quod scilicet nulla aduersitas, aut ingruens persecutio possit illum concutere, qui in Dei timore firmus stabilisque permanferit; atque ad eò Deum esse duntaxat extimescendū, cuiusque iudicia veneranda: non inania hominum consilia, & sæuissima tyrannorum edicta promulgata. Quam ad rem adduci possunt multi Scripturæ loci, vt est ille Matth. 10. 28. & Luc. 12. 5. *Nolite timere eos, qui occidunt corpus*. Ostendam autem vobis quem timeatis. 2. Paral. 20. 15. *Nolite timere, nec paueatis hanc multitudinem: nō est enim vestra pugna, sed Dei*. Ps. 26. 1. *Dominus illuminatio mea, & salus mea; quem timebo?* Eccl. 12. 13. *Deum time, & mandata eius obserua*, hæc est enim omnis homo, & cuncta quæ fiunt adducet Deus in iudicium. & Eccl. 2. 21. *Qui timet Dominum, custodient mandata illius, & patientiam habebunt vsque ad inspectionem illius*. Præterea cum in hac voce Angelica mentio fiat iudicij; suspicabitur aliquis hunc Angelum esse B. Petrum, qui de iudicij die diserte agit epistola 2. cap. 2. 9. & cap. 3. 10.

Hi omnes loci agunt de Dei timore & de iudicio. Sed vox Angeli aliam adhuc multò diuersam (ni fallor) continet energiam, & locum alium valde dissimilem respicit. Imprimis quia, quod hic Angelus contenta voce prædicat, exprimitur in hoc loco, vt nouus ac felicissimus nuncius, qui cunctis nationibus renunciatur. Præceptum autē timoris Dei, non est nouus & felix nuncius, sed antiquū præceptū. Quare in nullo eorū locorū, quos nuper retulimus, præceptum de Deo timendo, vt nuncius nouus ac felix traditur. Deinde non videtur esse ad rē in hoc loco tractatio de vniuersali iudicij die. Nec enim aut hæc veritas in sacris Literis, solet vt felix nuncius proponi; nec vniuersè cunctis hominibus, sed solum bonis est felix; cum tamen hic textus dicat, *Vt euangelizaret sedentibus super terram, & super omnem gentem, & tribum, & linguam, & populum*. Tertio: Apocalypseos series & consequentia non

Alter Angelus quo sensu sit accipiendus.

In angelo per medium cæli volante Ioannem ipsum Euangelistam figurari. Quid hic sit, per medium cæli volare.

Quid sit hic Euangelium æternum.

Vers. 7.

Cuiusmodi sit hic numerus ab angelo allatus. Prima expositio proponitur.

Resellitur prædicta expositio.



nondum in hoc loco ad extremi iudicii diem peruenit; superant enim mille pacis anni, & Gogi & Magogi bella. Quamobrem non video, quam apte dicatur hic vniuersalis iudicii hora aduentasse.

Existimo ergo in hac Angeli vocē respici locum illum Ioannis 12. 31. *Nunc iudicium est mundi: nunc Princeps huius mundi eicietur foras.* Quibus in verbis norunt omnes de vniuersali iudicii die non esse sermonem, & quauis nonnulli ad Christi passionem applicent, quippe demoni per illam fuit ius ablatū, quo mundū tenebat oppressum: receptior tamen & congruentior explicatio est, quā nō de iure solum, sed etiā de facto ipso exponit: quod scilicet demon citō deturbandus foret ab iniqua possessione, qua mundū per idololatriā tyrannicē occupauerat. Nā idololatrię expulsio ex orbe terrarū fuit vnus ex præcipuis Christi passionis effectibus. Et hac ratione intelligunt multi Patres illa ipsa Christi verba: vt vidimus c. 12. not. 7. Cum ergo dicitur aduenisse iā iudicii hora: de hoc ipso iudicio accipiendum est. Atque huic explicationi egregiē concinit ipsa Apocalypseos series. Nā in hisce capitibus sermo est de tempore illo, quo vehementes Romani imperij persecutiones aduersus Romanam Ecclesiam extiterunt: quas persecutiones vti instrumentum, diuina vsurpatit prouidentia ad idololatriam ex orbe ablegandam. Deinde ad Christi milites in spiritalem illam pugnam stimulandos, nihil potuit congruentius proponi, quā certa expectatio de felicissimo illius prælij exitu: videlicet de demonis imperio, quod ipse per falsam idolorū superstitionē in mundo comparauerat, penitus euer tendo. Iam, quam aliam ad rem potuit melius & aptius vsurpari nomen æterni Euangelij, id est rei nouæ felicissimæ & in æternū duraturæ? Ecquid enim magis nouum & insolitum, quo tempore mundus vniuersus per idolorum impietatem nefandæ demonis seruituti subiacebat, quā eiusmodi nuncius, qui libertatis veræ tempus aduenisse iam hominibus pronuntiaret?

Præterea recte ac vere affirmatur huius libertatis felicitatem ad terram vniuersam spectasse; ac proinde verum in ea comprobatur, quod textus asserit: *Sedentibus super terram, & super omnem gentem, & tribum, & linguam, & populum.* Adhęc; cui alij nuncio felici conuenientius addi potuit illud epitheton, siue appositum, quod in præsentī Euangelio additur, cum dicitur, *Euangelium æternum*? Etenim ante Christi Saluatoris nostri passionem, quauis sæpē Israeliticus populus idololatrię iugum à se excuserit; in eandem tamen captiuitatem identidem relabebatur. Postea verò quā per Romani Imperij persecutionem Christus falsum idolorum cultum triumphauit; regio illa, seu prouincia, vnde semel hoc idololatrię monstrum fuit prorsus exterminatū, immunis deinceps ac libera ab hoc exitio in æternum perstitit. Id quod hætenus experimento edocti sumus; nec apud Christianos modò, sed apud Iudæos etiam, Turcas & Mauros asperimus. Licet autem eam sibi mentem nonnulli inducant, fore vt Antichristi tempore orbis sit rursus antiquæ idololatriæ eluione obruendus; & propterea dicere possint, vt idololatriæ expulsio appelletur æterna, satis esse, si per mille ampliūs annos sit duratura; nihilominus multò mihi verisimilius sit idolorum culturam semel per Christi Euangelij expulsam, nusquam fore à mundo rursus amplectendam. Tanta enim est lux atque euidetia, qua fides Christiana & gloriosissimæ Martyrum palmæ terrarum orbem repleuerunt, vt nullū dæmoni vestigium reliquum sit, quā posset idolorum impietatem rursus in orbem inuehere. Quod autem de Antichristi tempore asseueratur; ad hoc respondeo, credibile mihi non esse Antichristi bellū Christianæ Ecclesiæ inferendum, eo sine esse, vt Catholicos ad idolorum culturam pertrahat. Etenim si huiusmodi bellū adeo fictis & simulatis miraculis est faciendum, vt ab ipsis non decipi, ac seduci sit admirabile constantiæ & fortitudinis in sanctis viris indicium; quomodo cohæret cum hoc miraculorū bello finis atque intentio idololatriam in mundū inferendi? Quis enim adeo cunctis sit, qui non videat miracula in idololatriæ confirmationem edita prorsus esse futilia & nugatoria? Quidue mirū, sanctissimos viros in ijs miraculis non succumbere, quæ merum præ se ferunt fucum atque præstigias? Quod verò sibi alij persuadent, ante Antichristi saltem persecutionem, Romam iterum idololatriæ caput ac ducem futuram, & propter hoc scelus tunc fore euer tendam: id suprà iam ostendimus esse omnino improbabile.

Ceterum ad primi Angeli verba regrediamur, *Timete Dominum, & date illi honorem.* Imperatius hic, pro futuro (opinor) iumentum est; ita vt sint verba non tam præcipientis, quā gratulantis & exultantis. Simili enim phrasi alicui gratulari solemus; & in prophetijs nihil frequentius, quā imperatium loco futuri vsurpari. Hunc sensum (meo iudicio) requirit Euangelij æterni nomen; quia aliud est præcipere, aliud euangelizare. Vniuersas ergo Gentes, quæ prius idolorū vanitati erant subiectæ, alloquitur Angelus, & ait: *Timete Dominum, & adore eum.* quod perinde est, quasi dicere; Iam deinceps non vana idola, sed verū adorabitis Deum. iam enim venit hora illius iudicii à Christo prædicti per verba illa: *Nunc iudicium est mundi, nunc Princeps huius mundi eicietur foras.* Quis, obsecro, non videat, hunc esse sensum aptissimū & mirifice concinentem cum verbis præcedentibus; in quibus dictus est hic Angelus asferre Euangelij æternum, vt euangelizaret *sedentibus super terram, & super omnem Gentem?* &c. Si quis autem in hisce verbis optet distinguere terram ab omni Gente, ita vt per terram Iudæa, siue Iudæi designentur; non admodū repugnabo: quia illi etiam huius felicitatis partem assecuti fuerunt, licet alioqui grauissimis sceleribus cooperti.

Obseruandum insuper est horū verborum artificium. Cum enim scopus eorum sit, Christi milites cohortari ad constantiam in mystico illo bello firmiter retinendam: non tamen hic Angelus ad eos conuertit sermonē, sed ad vniuersas Gentes; qui modus Christi milites accendēdi aptissimus est. Videtur enim Angelus in eorū conspectu dicere, nihil opus esse strenuos milites cohortari, qui ita fortiter & animose mortem pro Christo subeunt; sed gratulari potius orbi vniuerso ingentem illam felicitatem, quæ ad omnes Gentes redundat, ex inuictissima Christi Martyrum constantia. Quo persuadendi genere quid quæso efficacius excogitari potuit?

QVIA VENIT HORA IUDICII EIVS. Illius videlicet, quod Ioan. 12. 31. à Christo dicitur iudicium mundi; quia per illud mundus à demonis seruitute est ereptus. Quod verò hora illius iudicii aduenisse dicatur; ad horam, id est ad tempus belli illius decretorij referendum est. Græca vox, quæ hic respōdet iudicio, est *κρίσις*; quæ (vt norunt Græci, & Plutarchi atque aliorum vsu comprobatur) elegatissimè

Vera aucto-  
ris interpre-  
tatio

Cui mun-  
dus de i-  
dololatriæ  
expulsione  
appelletur  
Euangelium  
æternum?

Idololatriā  
nunquam  
posthac in  
mundū de-  
inceps fore  
inuehendam,  
necdū ipso  
Antichristi  
tempore.

Imperati-  
us pro fu-  
turo.

Cui hic an-  
gelus nō ad  
primos  
Christianos,  
sed ad Gētes  
ipsas verba  
facit?

Quinam  
hic ab an-  
gelo dicatur  
hora iudicii.



A tiffimè ponitur ad decretorium, siue iudicarium belli prælum significandum. Congruenter igitur atrocissimæ persecutionis tempus, quam Romanum Imperiū in Christi Ecclesiam concitabat, concipitur quasi hora decretorij prælij, per quod mundus fuerat à dæmonis cultu liberandus. Huic xp̄i-  
 ois, significationi affinis est medicorum vsus; qui in morbis xp̄i-iv appellat, quasi decretoriam mor-  
 bi pugnam; ex qua sequitur aut morbi ipsius depulsio, aut repentina in melius, aut in deterius com-  
 mutatio. Similiter conflictio illa est veluti quoddam iudicium, quo Imperij possessor aut in eo cor-  
 roborandus, aut ab eo exturbandus est. Et verò Romani Imperij persecutio mūdum grauiter ægro-  
 tantem in extremum penè conflictus discrimen adduxit; & veluti quædam xp̄i-iv extitit vehementis  
 illius morbi, quo afflictabatur; dum vna ex parte dæmon in veteri sua possessione persistere; ex alia  
 Christus illum inde eicere conatur; quod & re ipsa præstitit, & conflictione illa ægrotus antea mun-  
 dus morbo depulso ad integram fuit sanitatem restitutus. Nomen autem iudicij, vt benè adnotauit  
 Toletus Ioannis 12. 31. connotat iustitiam. Nec enim verè nūcupatur iudicium, quod non est iustum.  
 In eo certè, quod Dei iudicium vocatur, perspicuum est, neutiquam de fore iustitiam. Quamobrem  
 cum dicitur appropinquasse hora iudicij Dei, (videlicet quando instabat tempus dæmonem ex iniu-  
 sta mundi possessione deturbandi) innuitur pariter, hanc dæmonis possessionem tyrānicam extitisse,  
 & eā fuisse dæmonem ipsum depulsum non reapse solum, sed iure etiā propter Christi Redempto-  
 ris nostri merita, & fortitudinem Martyrum præstantissimorum; qui vt inuicti milites Christi in ea  
 expeditione vitam cū sanguine profundere non dubitarunt. Denique vt distinctè de admirabili illa  
 xp̄i-iv loquamur, tam respectu passionis Christi, quàm in ordine ad Romani Imperij persecutionem,  
 dicere iure possemus, diem criticum à Christi passione primordium cepisse, & horam ipsam xp̄i-iv  
 incidisse, vt hic Angelus ait, in Romanæ persecutionis tempus; quanuis Martyrum passionis effica-  
 citas Christi Iesu passioni referri debeat accepta.

B His ita præmissis, si tres Angelorū voces, qui Christi exercitū in prælum acunt, per ordinē sunt  
 obijciendæ, prima draconi, secūda Bestiæ maris, & tertia Bestiæ terræ; aptissimè vox prima fuit accepta  
 ex ijs, quæ postea conscripsit in suo Euangelio Ioan. c. 12. 31. *Nunc iudiciū est mundi, nunc Princeps huius mun-  
 di eicietur foras.* Etenim vt ostenderetur frustrandas fore dæmonis spes, quas cōceperat de suo imperio  
 in toto terrarum orbe per idolorum impietatem roborandis, nihil potuit hanc ad rem magis ido-  
 neum afferri; quo continuatur illud, quod in draconis lapsu cōceptum erat c. 12. 9. & mundo vniuerso  
 felicissimus exponitur nuncius, nempe de felicitate in æternū duratura. quæ felicitas non eos solum  
 attingit, qui iam Christiana sacra susceperāt, & pietati ac sanctimonix studebāt; sed omnes etiam to-  
 tius orbis nationes. Omnibus enim promittitur per illam Ecclesiæ persecutionem liberatio ab im-  
 pijs idolorum ritibus, quibus dæmon in mundo colebatur.

C ET ADORATE EVM, QVI FECIT CÆLVM ET TERRAM, MARE ET FONTES AQVARVM. ] Ad de-  
 signandum mundi opificem ac molitorem Deum, satis erat dicere, *Qui fecit cælum & terrā.* quare quod  
 additur, *Mare, & fontes aquarum,* haud quaquam mysterij expers est. Præterim cum hæc phrasis tortè  
 nullibi præterea in tota Scriptura reperiatur. Quanuis enim Ad. 14. 15. ex Ps. 145. 6. dicatur Deus esse,  
*qui fecit cælum & terram, & mare, & quæ in eis sunt.* hic tamen adduntur fontes aquarum. Et quidem quan-  
 do in sacris Literis singularis aliqua Dei periphrasis describitur; verba certe eiusmodi ponuntur, quæ  
 consentanea sunt ad ponderandum egregium aliquod Dei facinus, quod eidem in subsequenti cō-  
 textu attribuitur. licet hoc obseruare in verbis illis Zachariæ 12. 1. *Dicit Dominus extendens cælum, & fun-  
 dans terram, & fingens spiritum hominis in eo.* Quem locum alibi expendimus, ostendentes congruentiam  
 locutionis illius ad eius capitis prophetiam. Nec aliter in præsentī philosophandum est. Huius ergo  
 periphrasis scopus, quam primus hic Angelus de Deo tradit, non denotat solum Deum esse vniuer-  
 salem rerum omnium creatarum effectorem; verum etiam obiter proponit providentiam, quā Deus  
 in cælo, in terra, in mari, & in fontibus ostendit; vt hoc pacto denotetur singularis providētia, quæ suę  
 consulebat Ecclesiæ in media illa rerum perturbatione & calamitate; in qua minimè erat timēdum,  
 ne Christi Ecclesia deficeret. Nam quemadmodum tellus, licet primo aspectu videatur à mari peni-  
 tūs absorbenda, cum nullum præterea habeat adminiculum, quo sustineatur; nihilominus tamen  
 firma consistit; ita Ecclesia in medijs persecutionum vndis integra & inconcussa fuerat permāsura.  
 Et sicuti maris amaritudo non obstat, quominus ex eo dulces ac pellucidi fontes identidem exorian-  
 tur, qui terram irrigent, ac fecundent; non aliter ex illo persecutionum mari educturus erat Deus  
 crystallinos fontes ac fluuios sapientiæ, solatij ac felicitatis quæ in Christi Ecclesiam redundarent.  
 Atque satis fit hic obiter delibari; de hoc enim latius agemus l. 6. circa caput Iobi 38.

D Sequitur versus octauus, in quo secundi Angeli vox proponitur, *Cecidit, cecidit Babylon illa magna,*  
*quæ à vino iræ fornicationis suæ potauit omnes gentes.* His in verbis manifesta continetur allusio ad verba I-  
 saïæ c. 21. 9. & Iere. c. 51. 8. Primus sic habet, *Cecidit, cecidit Babylon; & omnia sculptilia deorum eius contrita sunt*  
*in terram.* Secundus verò sic: *Subitò cecidit Babylon, & contrita est.* Et quāuis Propheta vterque in sensu pro-  
 ximo videatur agere de antiqua Babylone, quæ sub Nabuchodonosore Ierosolymam bello afflixit;  
 ximo tamen certum etiam est, vt Ps. 28. per comparisonem ex Davidis victorijs petita, agitur ad li-  
 mihitamen certum etiam est, vt Ps. 28. per comparisonem ex Davidis victorijs petita, agitur ad li-  
 teram de triumpho, quem Christus de Gentilitate egit: sic etiam Isaiam ac Ieremiam in literali sen-  
 su prophetico per comparisonem antiquæ Babylonis, loqui de Roma ethnica, quæ Christi Eccle-  
 siam fuerat oppugnatura. Huius autem nouæ Babylonis ruina (quæ tantopere est in sacris Literis ce-  
 lebrata) non est alia, nisi Romæ conuersio, vt diximus notatione 22. procemiali, & ex professo dice-  
 mus c. 17. & 18.

E Hoc supposito; dicet quispiam, hunc Angelum secundum, qui protulit ea verba, *Cecidit, cecidit*  
*Babylon illa magna.* non esse alium, quàm Isaiam aut Ieremiam. Ipse tamen mihi persuadeo, in hoc se-  
 cundo Angelo non aliquem ex veteri testamento Prophetam, sed vnū ex noui scriptoribus deno-  
 tari. Primo, quia cum tres hic Angeli inducantur, cumque Ioannes ex illis sit primus; optandū mu-  
 timè est, vt in duobus reliquis Paulus ac Petrus insinuentur; vt hic Angelorum ternarius significet  
 ternarium Apostolorum, qui Romæ prædicarunt. Secundò, quia quanuis Isaias & Ieremias loquan-

Primi An-  
geli vox vn-  
de sit de-  
sumpta.

Cur hic di-  
catur Deus  
fecisse mare  
& fontes a-  
quarum.

Allusio in  
Babylonis  
ruina ad I-  
saïæ & Iere-  
miam loca.

Quis in hoc  
secundo an-  
gelo figure-  
tur.



tur de mystica Romæ ethnica ruina, dum aiunt perspicuis verbis, *Cecidit Babylon*: re tamen ipsa idem Petrus significat, cum Romam appellet Babylonem 1. Petri 5. 13. Etenim, dum illam Babylonē nominat; tacite fideles admonet, Isaia & Ieremia vaticinia, quæ de Babylonis loquuntur excidio, de Roma esse intelligenda; & de eadem Romani Imperij ruina agit Paulus 2. ad Thessal. 2. vt videbimus notatione 2. Tertiò, quauis Isaia & Ieremias eisdem distincte verbis dicant, *Cecidit, cecidit Babylon*; in hoc tamen loco expedit potius, vt secundi angeli figura alicui scriptori sacro tribuatur, qui non ita loquatur expresse. Nec enim mysterio vacat, quod textus de trium horum Angelorum vocibus loquens, primo & tertio Angelo magnam vocem tribuat, de secundo autem nihil eiusmodi proferat. Ex quo infero; in hoc loco habitum fuisse respectum ad aliquem, qui cum eandem sententiam scripserit; non eam tamen clarè ac distinctè, sed rectè & obscurè tradit; ita enim fieri expediebat, vt notatione 2. videbimus.

Licet autem Isaia ac Ieremias in designanda Roma satis etiam obscurè, & sub allegoriæ inuolucro loquantur; ceterum ea saltem verba, *Cecidit, cecidit Babylon*; expresse proferuntur: ad distinctionem verò secundæ vocis, quæ non magna fuerit & contenta, sed parua ac demissa, multò aptius est, vt respiciatur, qui eandem sententiam alijs verbis pronunciet. Præcipue cum significatio eò potissimum spectet, vt fidelibus consolationem & animos adderet, quod Ioannes clarè conscripsit; *Nunc iudicium est mundi, nunc Princeps huius mundi eijcietur foras*. Id quod contenta voce prædicabatur. Deinde eodem etiam excitabat, quod occultâ traditione inter fideles ipsos dimanabat, Romam scilicet, quæ idololatriæ erat metropolis, in Christianæ Ecclesiæ caput ac metropolim fore conuertendâ. Atque hanc arcanam doctrinam & traditionem ab Apostolis hausit Ecclesia. Quare congruentissimum est, in hoc secundo Angelo aliquem ex Apostolis ipsis designari. Quartò; Verba illa, *Cecidit Babylon*. non vnus profert sacer Vates, sed duo; nec videtur potior ratio vnius, quàm alterius. Cum verò in Apocalypsi hæc verba non tribuantur duobus Angelis, sed vni tantum; aptius est, vt ad nouum aliquem Angelum referantur, qui eandem sententiam alijs verbis dixisse reperiatur. Atque hæc de Angelo ipso.

Verum vt ad eiusdem Angeli verba redeamus; sicuti vox primi Angeli è regione respicit draconem, id est dæmonem; ita etiam hæc secunda directè opponenda est Bestiæ marinæ, hoc est Romano Imperio ethnico; quod in eadem mari; Bestia figuratur. Et primâ quidem specie apparet, non hic sermonem haberi contra ipsam Bestiam; sed contra eam urbem, quam Apocalypsis Babylonem appellat; atque adeò distinctionem fore assignandam inter Bestiam, & ciuitatem: siquidem c. 17. depingitur Babylon ipsi Bestiæ insidens. Respondeo tamen, id ipsum significari per faminam Bestiæ insidentem, quod per septem Bestiæ capita, & decem cornua; vt diximus c. 1. 3. & iterum c. 17. repetemus. Quamobrem qui aduersus mulierem verba facit, obloquitur pariter contra Bestiæ caput; atqui quod in caput ipsius Bestiæ iactabatur, in totam etiam iactari Bestiam perspicuum est. Etenim dum Bestiæ caput penitus abscinditur, de tota ipsa Bestia triumphatur. Atque ita fuerat euenturum, vt Ecclesia de Româ triumphans, toti Romano Imperio dominaretur. Hoc autem appositè figuratur, dum inducitur Ecclesia de Roma triumphatura. Id ergo propriè ac directè exprimitur hijs verbis; *Cecidit, cecidit Babylon illa magna*.

Per septem capita Bestia capitis 13. & per faminam bestia insidentem c. 17. idè omnino, id est, Româ ethnicam figurari.

Verf. 8.

QUA AVINO IRAE FORNICATIONIS SVAB POTAVIT OMNES GENTES. ] *V*isitata est in Sacris locutio, propinare calicē, pro eo quod est, affligere, ac diuexare. cuius phrasis significatio infra n. 10. apparet, cum dicitur; *Hic bibet de vino ira Dei*. & ca. 18. 6. *In poculo, quo miscuit vobis, miscete illi duplum*. Quibus locis alij sunt nō absimiles. Porro hæc phrasis in præsentī refertur proculdubio ad generalem persecutionem, qua in suis omnibus prouincijs Roma Christianos premebat: propterea enim dicitur ira suæ vino omnes Gentes potasse. Illud autem insolitum & peregrinum occurrit, quod ira illa appelletur ira fornicationis. Veruntamen re attentius inspectâ cernitur, magnam hinc energiam & elegantiam inesse. Desumitur enim allegoria à mulieribus meretricibus ac fornicarijs, quæ sunt valde iracundæ, maximè quando zelotypia feruntur. Quamobrem cum idolorum cultus in Scriptura appelletur fornicatio; vt exprimatur ingens ira atque furor, quo Roma ethnica Christianos infestabat; congruenter ira fornicationis vocatur: id est ira, qua Roma veluti fornicaria excaduit aduersus eos, qui homines separare tentabant ab eiusdem Romæ cōcubinato: hoc est ab ipsius nefanda societate; quæ spiritalem fornicationem, id est impium idolorum cultum anhelabat. Itaque ira fornicationis nihil aliud est, quàm ira ex spiritualis fornicationis zelo exardescens. Atque hac ira Christianum nomen Roma fuit infectata in vniuersis sui Imperij prouincijs. Fortasse tamen alius est sensus calicis illius, quem habet in manu sua Babylon, Apocalypseo 17. 4. de quo ibi. Facile tandem cernitur, cum secundæ huius vocis scopus foret significare triumphum ab Ecclesia de Romano Imperio consequendum, expediens valde fuisse, vt fieret singulatin mentio de persecutionis calice, quem Roma Imperij caput ac princeps Christianæ propinabat Ecclesiæ. Atque ita Paulus etiam 2. Thessa. 2. 7. vbi agit de Christiani populi expectatione in triumpho de Romano Imperio reportando, ibidem pariter agit de persecutione, quam Dei Ecclesia ab Imperio patiebatur. Quapropter mihi persuadeo hunc secundum Angelum esse Pauli figuram, propter verba illa, quæ ipse ad Thessal. scribit. Vt autem melius hæc allusio perspicuiatur; visum est, verba ipsius Pauli, in notatione sequenti expendere.

Quenam ira forn. c. 13. nis hic dicitur?

Hinc secundum angelum esse B. Pauli figuram.



## N O T A T I O II.

In qua explicatur locus Pauli 2. ad Thessalonicenses 2. ad quem  
in presenti alluditur, dum de ruina Baby-  
lonis agitur.

## T E X T V S P A V L I.

3. Ne quis vos seducat ullo modo; quoniam nisi vene-  
rit discessio primum, & reuelatus fuerit homo peccati, filius  
perditionis.

4. Qui aduersatur, & extollitur supra omne, quod di-  
citur Deus, aut quod colitur; ita ut in templo Dei sedeat of-  
tendens se tanquam sit Deus.

5. Non retinetis, quod cum adhuc essem apud vos, hæc  
dicebam vobis.

6. Et nunc quid detineat scitis, ut reueletur in suo tem-  
pere.

7. Nam mysterium iam operatur iniquitatis: tantum  
ut qui tenet nunc, teneat, donec de medio fiat.

Summa eorum, quæ Paulus his verbis  
docet.

PAVLVS Thessalonicenses admonet, ne existi-  
ment extremi iudicii diem, quam mox adfore;  
prius enim futuram magnam à Catholica fide de-  
fectionem; nec non impium illum Antichristum,  
cuius typum duntaxat gerebat Romanum Impe-  
rium ethnicum; quin & de eodem Imperio Roma-  
no Ecclesiam fore triumphaturam. Quapropter  
dum Imperium Romæ ethnicum permanebat, diem  
iudicii, nondum imminere: postea tamen quam Ec-  
clesia triumphum de Romano ageret Imperio; suo  
quidem tempore retegendam fore Antichristi per-  
secutionem, quem Ecclesia etiam fuerat triumphu-  
tura.

Commentarius verborum Pauli.

NI SI VENERIT DISCESSIO PRIMVM. ] Id  
est, non veniet dies Domini; antequam adue-  
niat apostasia, & Antichristus. Nota concisum lo-  
quendi modum.

DISCESSIO. ] Græcè apostasia. Et videtur om-  
nino esse sermo de magna quadam apostasia in no-  
uissimis temporibus futura: de qua etiam plerique  
intelligunt illud Pauli 1. ad Timoth. 4. 1. Spiritus au-  
tem manifestè dicit, quia in nouissimis temporibus disce-  
dent quidam à fide, attendentes spiritibus erroris, & do-  
ctrinis demoniorum. ubi pro Discedent Græcè habetur  
ἀποσύνονται à verbo ἀφίστημι, à quo derivatur apo-  
stasia. Idemque verbum est apud Lucam cap. 8. 14.  
Qui ad tempus credunt, & in tempore tentationis recedunt.  
Aut ergo Paulus: Ne putetis postremi iudicii diem iam iam  
imminere: adhuc enim singulari Dei beneficio longius ab ea  
apostasia distamus, quam ante diem iudicii euenturam præ-  
scimus. Verum est, quamlibet hæresim esse apostasia-  
m; verum Apostolus cum articulo loquitur de  
magna illa apostasia sub Antichristi tempus futurâ;  
aut fortè loquitur de tempore etiam præcursorum  
Antichristi. Nam de hæresibus exponunt Theodo-  
retus, Sedulius, & alij: & eandem expositionem  
sequitur Stapletonius oratione academi-  
câ 28.

Discessionem siue apostasiam pro defectione à  
Christi fide accipiunt Augustinus, Cyrillus Iero-  
solymitanus, Strabus, Thomas, Liranus, Titelmanus,  
Gagneius, Sonnius, Bellarminus, & Suarez; quos re-

A fert Maluenda de Antichristo fol. 236. & quanvis  
discessionis nomine videantur intelligere ipsum  
Antichristum Chrysostomus, Augustinus, Theodo-  
retus, Theophylactus, Oecumenius, Beda, & alij,  
quos ipsemet citat Maluenda, fol. 235. fortasse tamè  
sunt explicandi non de formali ipsius Antichristi  
apostasia; sed de ea, quam ipse inuehet.

Aliorum expositio est de discessione, siue defe-  
ctione Prouinciarum ab Imperio Romano, quam  
sequuntur Tertullianus, Hieronymus, Ambrosia-  
ster, Primasius, Sedulius, Engelberus, Caietanus,  
Titelmanus, & Driedo. Ceterum hæc interpretatio  
supponit, Prouinciarum defectionem à Romano  
Imperio, esse proximum Antichristi iam aduentantis  
signum; quod à Millenarijs deriuatum est; & nos  
infra probauimus, id nulla ratione à sacra Scriptura  
doceri. Huc spectat discessio decem Regum à Ro-  
mano Imperio, de qua nonnulli hunc locum inter-  
pretantur. Alij verò de discessione Romæ à Christi  
fide, existimantes ante aduentum Antichristi Româ  
rursus idololatriæ caput, & Metropolim futuram;  
quod nos latè impugnamus.

ET REVELATVS FVERIT HOMO PECCA-  
TI. ] Hæretici exponunt de Romanorum Pon-  
tificum successionem. Sed Paulus manifestè agit de  
singulari quodam homine, non solum quia singula-  
ri numero vitur, atque etiam articulo, (qua  
ratione de peccatoribus generatim loqui non solemus)  
sed etiam quia Paulus paulò infra se magis  
explicat, ostendens agere se de infestissimo Christi  
aduersario, qui à Iudaico populo ut Messias exci-  
piendus est. ut obseruauit Irenæus, Hieronymus,  
Cyrillus vterque, Augustinus, Chrysostomus, Am-  
brosius, Gregorius, Theodoretus, Theophylactus, &  
Oecumenius; quos adducit Maluenda folio 311. col.  
2. Præterquam quod euident est summis Pontifi-  
ces Christi Vicarios contra ipsum Christum non  
insurgere, nec pro dijs velle honorari; atqui de  
Antichristo Paulus ait; eum in Dei templo sessu-  
rum, & ostensurum, quod sit Deus, & eleuatus con-  
tra Deum.

NON RETINETIS, QVOD CVM ESSEM A-  
PVD VOS, HÆC DICEBAM VOBIS. ] Augusti-  
nus libro 20. de ciuitate capite 19. ignorare se fate-  
tur, quid Paulus Thessalonicensibus dixerit; atque  
loci huius difficultatem cō reuocat, quod omnino  
nesciat, quæ Paulus eos ante admonuerit. Sed saluâ  
tantum Doctoris reuerentiâ ex contextu videtur ma-  
nifestum, quod Apostolus eis prædixerat, idem esse,  
quod in hoc loco paulò ante ad eos scripsit: ni-  
mirum antequam dies Domini adueniat, futuram  
ingentem illam apostasiam, & Antichristi aduen-  
tum: alioquin non diceret Apostolus, ut re-  
uocarent in memoriam, se illis hæc ipsa coram di-  
xisse.

ET NVNC QVID DETINEAT SCITIS. ] Id  
est, quid Antichristi aduentum remoretur; ut expo-  
nunt Ambrosius, Hieronymus, Chrysostomus,  
Theophylactus, Caietanus, & Titelmanus apud Ma-  
luendam fol. 64. col. 2. Quod autem Antichristi ad-  
uentum eo tempore detinebat, & Thessalonicenses  
ex Pauli prædicatione cognouerant, illud erat; quod  
scilicet Romanum Imperium nondum Ecclesiæ ef-  
set subactum; cum tamen ante aduentum Antichri-  
sti foret ipsi Ecclesiæ subiiciendum, ut infra consta-  
bit clarius.

2. expositio  
apostasia.

Quid sit a-  
pud Paulum  
homo pec-  
cati.

Conuelliunt  
hæreticorum  
error.

Quid Pau-  
lus innuat,  
se Thessalo-  
nicensibus  
dixisse.

Quid esset  
id, quod An-  
tichristi ad-  
uentum re-  
moraretur.

Discessionis  
nomine quid  
significet  
Paulus.

Discessionis  
siue apostasia  
præmissa  
expositio.



VT REVELETUR IN SVO TEMPORE.] Quod Antichristi aduentum retardat, non efficit vt ipse ferius adueniat, quàm foret venturus; sed potius vt tempore à Deo præfinito adueniat.

NAM MYSTERIVM IAM OPERATUR INIQUITATIS.] Myſterium iniquitatis perinde eſt, ac figura atque pictura, quæ iniquitatem & impietatem Antichriſti repræſentet; præuia quædam repræſentatio illius belli, quod Antichriſtus eſt Chriſto faſturus. Vno verbo dicam: Typus Antichriſti. Atque ita myſterium iniquitatis de Antichriſti typo exponunt Tertullianus, Chryſoſtomus, & plerique alij. Sermo verò eſt de Romano Imperio idolorum cultui dedito, vt infra videbimus. Enimverò nexus & conſequentia huiusce loci difficilis apparet. Etenim vt probetur Antichriſti tempus non imminere, ſed longè diſtare, minimè conueniens videtur ea ratio, quod ſcilicet extet iam atque emineat, qui ipſius Antichriſti typus eſt. Obſerua vim eorū verborum, Nam, & iam, quæ poſtulant, vt typum ipſum iam adueniſſe, conferat ad probandam Antichriſti aduentus dilationem. Ad hoc Reſpondeo, Romanū Imperium eo ipſo quod mundi cōuerſioni obſiſtebat, & Antichriſti officiū gerebat, protrahebat magni illius Antichriſti aduentum, qui futurus non eſt, quoad Eccleſia triumphum de idololatria egerit, (nam apoſtaſia poſt mundi conuerſionem erat euentura.) Quare citius Antichriſtus adueniret, ſi totus orbis propere & abſque vlla cōtradictione ad Chriſti fidem conuolaret, & electorum numerus exple-ret. Quod ergo Eccleſia ſub ipſa initia, Antichriſti typum offenderit, hoc ipſum Antichriſti aduentum detinebat. Optime igitur probat Paulus dilationem aduentus Antichriſti ex eo, quod in Antichriſti typum Eccleſia inciderit. Agere enim Antichriſti typum, idipſum cogit, vt verū Antichriſti aduentus differatur. Ad hæc; forſitan particula Nam, non exigit vt ſubſequens propoſitio ſit antecedentis probatio; ſed ſolum vt aſſeratur, illud ſolum diſtrahi, atque proferri; nempe proprii Antichriſti aduentum; non verò aliorum, qui eius vices gererent, quandoquidem extabat iam, qui ipſius munere fungeretur.

Verbum operatur, poteſt actiue & paſſiue ſumi; nam verbum Græcum eſt commune; & in eo loco ad Galatas 5.6. Fides, quæ per charitatem operatur, accipiunt paſſiue (operatur, id eſt actiue) Turrianus, Bellarminus, & Stapletonius oratione æcademica 28. Si autem verbum, operatur, hic actiue vſurpetur; bifariam poteſt hic locus conſtrui, vt notat D. Thomas; nam myſterium iniquitatis poteſt in nominandi caſu intelligi; ita vt hic reddatur ſenſus; Iam typus Antichriſti ſuam exercet vim. Poteſt etiam accuſatiue eſſe in hoc ſenſu. Iam eſt, qui opere compleat myſterium iniquitatis, & typum Antichriſti exercet. Tunc autem opus erit; verbo Operatur quarere ſuppoſitum: & vtrumque in eundem ferè ſenſum recidit. Quid verò ſit ad cōſtructionē aptius, infra cōſtabit.

TANTVM, VT QUI TENET NVNC, TENEA T.] Græcè ſolum habetur, Tantum qui tenet nunc, *ὁ νῦν ὁ κρατῶν & πρῶτος*. Et quidem Græcè illud videbatur congruentius, vt *κρατῶν* eſſet ſuppoſitum verbi *κρατῶν*, nullo interpoſito commate; ita vt hic ſenſus reddatur: Qui nunc tenet, ſeu poſſidet, nihil aliud agit, quàm vt ſit Antichriſti typus. Id eſt, non eſt verus Antichriſtus, ſed ipſius typus, & eius iniquitatem typicè repræſentans. Hæc literæ ordinatio omnem huic loco tollebat difficultatem, & ſenſui valde erat apta. Et quanuis in Græco cum diſtinctione aliqua legamus, Iam operatur myſterium iniquitatis, tantum qui tenet nunc. Sensus idem erit hac ratione, Eſt iam, qui Antichriſti munus peragat, tantum qui tenet nunc. id eſt, nec aliud eſt præterea, qui nunc tenet, ſeu poſſidet. quali dicat: Non eſt verus Antichriſtus, ſed typus ipſius: tantum hoc facit, vel tantum operatur myſterium iniquitatis, nec verum agit Antichriſtum. Iuxta hunc ſenſum videtur repetendum, Operatur myſterium iniquitatis: ita vt illud Tantum, perinde ſit, ac Tantum operatur myſterium iniquitatis. Nec Paulo inuſitatum eſt præſe & concisè loqui; ita vt ſi aliquid neceſſariò ſupplendum, vt ſuprà: Nifi venerit diſceſſus primum. id eſt, non veniet

dieſ Domini, niſi venerit diſceſſus primum. Singilatiim verò concinnitatis habet plurimum concifa hæc loquendi ratio, vbi obſcuritas affectatur. Quod ſi Paulus de Nerone, aut de Romano Imperio inſtuebat ſermonem; perſpicuum eſt illum obſcurè loqui voluiſſe.

Sed videamus oportet, vtrum Latina lectio, quæ habet, Tantum vt qui tenet nunc, teneat, eundem admittat ſenſum. Ad hoc aſſero; in omni ſenſu aliquid neceſſariò fore ſupplendum; & nihil aptius, quàm vt ex præcedenti contextu ſuppleatur, hac ratione. Non deſt, qui Antichriſti officio fungatur, ſed nihil aliud præterea eſt; tantum hoc eſt; illud enim ſolum agit, vt Antichriſti officium gerat, id quod reapse videmus accidere, vt qui nunc tenet, teneat ſiue poſſideat, donec de medio tollatur.

Exiſtimabit aliquis, cum dicitur, Tantum vt qui tenet nunc, teneat, idem eſſe, ac ſi diceretur: id ſolum expectandum eſſe, id vnum ſupereſt, vt qui tenet nunc, teneat. Verum eiufmodi cōſtructionē Græca lectio reſpuit. Præterquàm quod ſenſus hic minimè eſt ſolidus; nec enim verum eſt, Antichriſtum fore venturum, ſimulac ſublatus de medio eſſet ille, qui tenebat, ſeu poſſidebat.

QUI TENET.] Græcè, ὁ κρατῶν. Eſt autem in hoc loco idem verbum Græcum, quod paulò antè ſignificat detinere in ijs verbis. Et nunc quid detineat ſcitur, hic verò poſſidere, ſeu tenere, redditur. Quare arbitrabitur aliquis, hic etiam verbum hoc ſignificare debere idem, quod Detineo, quia ſimplicius eſt, cum verbum idem in eodem contextu repetitur, in eodem pariter accipi ſenſu. Sed contra eſt; quia omnes interpretes tam Græci, quàm Latini expoſuerunt in præſenti, Tenere pro Poſſidere. Et Vulgatus de induſtria non hic appoſuit, Tantum qui detinet, ſed Tantum qui tenet, vt locus communi interpretationi ſupeſſet. Iam ad id, quod dicitur, ſimplicius eſſe, vt hic & paulò ſuprà eodem modo verbum idem accipiatur. Reſpondeo, elegantius eſſe vt ipſummet verbum aliter vſurpetur; præſertim vbi obſcuritas aliqua vel elegancia conſultò accerſitur. Legendus eſt hac de re Gueuara in Habacuc cap. i. verſ. 16. 5. 167. verbo Sageña. Vbi inter alia aſſert acutum illud de Nerone atque Aenea ſub ambiguitate pentametrum.

Suſtulit hic matrem, ſuſtulit ille patrem.

Porrò, qui tenet, referunt ad Neronem Victorinus, & alij. Verba item illa, Iam myſterium operatur iniquitatis, de Nerone intelligunt Tertullianus, Chryſoſtomus, Ambroſius, Auguſtinus, Theophylactus, Strabus, Lyranus, & Gagneius; vt videre eſt apud Maluendam fol. 65. Sed Baroniſ contendit, hanc epiſtolam non ſub Nerone, ſed ſub Claudio fuiſſe conſcriptam; qua de re conſulendus eſt idem Maluenda fol. 67. & 68. Non eſt ergo certum, Paulū ad Neronem ſolum reſpexiſſe, neque is eſt ſenſus plenior, vt inferius patebit.

Ribera, illud qui tenet, exponit de omnibus ſextæ ætatis regibus. Maluenda tamen eam expoſitionem non valde probat, & certè ea eſt duriffima. Sorus in 4. diſt. 49. ſic explicat, Tatum vt qui tenet nunc regnū temporale, id eſt Roma, teneat ſpirituale: donec in fine mundi ab ea tollatur, & tunc veniet Antichriſtus; quam tamen expoſitionem Maluenda impugnatur, fol. 67.

Receptiffima expoſitio eſt, per Imperium Romanum, dum ſtat, Antichriſti aduentum detineri; idque ſignificari per illa verba, Tantum qui tenet nunc, teneat. ita Tertullianus, Chryſoſtomus, Ambroſius, Hieronymus, Auguſtinus, Theophylactus, Oecumenius, Anſelmus, Haimo, Strabus, Thomas, Liranus, Caietanus, Bellarminus, Suarez, & Pamelius, quos reſert Maluenda, fol. 66. col. 1.

Vt ergo, quid ipſe ſentiam, nonnullis aſſertionibus exponam; imprimis communis expoſitio mihi per placet, vt ijs verbis, Qui tenet nunc, Romanum designetur Imperium. Neque obſtat, quia de Imperatoribus in communi ſic loqui poterat; ſicuti nos etiam dicemus, Papa eſt Chriſti Vicarius, id eſt, Papæ omnes. Sic ergo de Romanis Imperatoribus rectè dici poteſt, qui tenet.

Latina lectio (ex-sus expri-mitur.

Quo ſenſu dicatur hic, qui tenet.

Verbum, qui tenet, ad quæ hic referatur.

Quid ſit apud Paulū Myſterium iniquitatis.

Locus diffi-cilis.

Quomodo cohareat, aduentum Antichriſti retardari ex eo, quod myſterium iniquitatis.

Verbum operatur hic & actiue, & paſſiue poſſe ſumi.

Quid ſit apud Paulū, Tantum vt qui tenet nunc, teneat.



Quo sensu  
sermo sit hic  
de Romano  
Imperio.

Deinde in sacris Literis sermo non est de Romano Imperio absolute siue materialiter; sed formaliter, quatenus est Ecclesiae hostis; hac enim ratione appellatur Bestia. Cum autem de eodem Imperio ad Christi fidem conuerso sermo est; tunc dicitur Regnum Bestiae auferri, & populo sancto tradi. ita Danielis 7. 27. & Apocalyp. 17. & 18. Quare verba illa, *Tantum qui tenet nunc*, cum de Romano agant Imperio, non debent ad Christianos Imperatores extendi; sed ita ut de Imperio loquantur solum, quatenus ethnico & Euangelij aduersario. Sin vero obijcias, tunc nondum Neronis persecutionem incepisse, ut probat Baronius, & Maluenda fatetur: Respondeo, Claudium eo iam tempore coepisse Christianos insectari, Iudeis in exilium amandatis; ut videre est apud eundem Maluendam l. 8. ca. 1. & quauis nulla peculiaris persecutio tunc fuisset inchoata; certum adhuc est, Christianos sibi à Romano Imperio, ut ab infestissimo hoste cauere, & forte Paulus erat iam in carcerem detrusus.

Tertio, *Donec de medio fiat*. Non accipiendum est materialiter, sed formaliter; id est, donec Romanum conuertatur Imperium; quod perinde est, ac dicere, Imperium Romanum Antichristi vice & officio fungi, donec de illo triumpharet Ecclesia iuxta Danielis Prophetiam capite 7. cui consonat Apocalypsis.

Quarto; quandoquidem Paulus significare voluit Christi Ecclesiam de Romano Imperio triumphum acturam; congruentissimum fuit, ut non palam & aperte, sed tecte & obscure loqueretur. Chrysostomus & Theophylactus asserunt, non metus causam, sed ut nos erudiat, ne superuacuas suscipiamus inimicitias, si nihil vrgeat. Hieronymus, *Ne causam persecutionis in Ecclesiam arriperent Romani, si diceret delendum esse Imperium Romanum*. Idemque ac-

cideret, si manifeste affirmaret Apostolus, Christianam Ecclesiam de Romano Imperio triumphaturam. His addo, eandem ob rem Romanam à Petro appellatam fuisse Babylonem, dissimulationis ergo; & similiter à Ioanne in Apocalypsi.

Quinto; non ait Paulus, cum Romanum Imperium fuerit extinctum, mox Antichristum & diem iudicii venturum. Id vnum asserit, Romanum Imperium Antichristi partes agere, dum idolorum cultura adstrictum Christianam persequatur Ecclesiam; id quod ab eo fore praestandum, donec Christi fidem ac Religionem susceperet. Quinimo eo ipso quod asserat, Ecclesiam de Romano Imperio triumphaturam (ut innuit verbis illis, *Donec de medio fiat*) significat pariter, Ecclesiam ipsam postea multos annos pace perfruituram, antequam Antichristus adueniret: tum quia hoc spectat ad persecutionis finem & Ecclesiae triumphum, ut praedixerat Daniel ca. 7. 27. *Dabitur regnum populo sanctorum*, utque re ipsa adimpletum est. Tum etiam quia verba illa, *Et tunc reuelabitur ille iniquus*; non referuntur ad illud, *Donec de medio fiat*; sed ad id, *suo tempore*.

Quod si obijcias, cum dicitur *Reuelabitur suo tempore* & *tunc reuelabitur*, non propterea aliquid de tempore affirmari. Respondeo, hic quidem non eum fuisse Apostoli scopum, ut tempus ipsum praefiniret; sed solum ut assereret Antichristi aduentum suo tempore fore, postquam Ecclesia triumphum de Romano Imperio reportasset. Quantum vero temporis sit hic Ecclesiae triumphus duraturus; id nec à Paulo declarari, nec à Ioanne in Apocalypsi. Licet enim Ioannes expresserit, mille pacis ac regni ab Ecclesia posselli annos futuros; loquitur tamen figuratè, & millenarium pro longissimo annorum numero, nobis tamen incerto atque indefinito, usurpat.

## NOTATIO III.

In qua explicantur verba quae superioribus adnectit Paulus  
2. Thessal. 2. 8.

QUEM DOMINVS IESVS INTERFICIET SPIRITV ORIS SVI, ET DESTRVET IL-  
LVSTRATIONE ADVENTVS SVI EVM. ] *Gracè ἀναλῶσει τὸ πνεῦμα τῆς ῥήματος αὐτοῦ, & καταργήσει τὴν ὑπὸ φανείαν τῆς παρουσίας αὐτοῦ.*

Vocem illam *Quem*, euidentem est ad Antichristum referri. Vnde qui arbitrantur in Apocalypsi expressè asseri Antichristum & eius praecursorem viuos ac superstites in inferorum barathrum detrudendos (ut Ribera Apocalyp. 19.) laborant valde cum ea repugnantia & oppositionis specie, quam inter hunc Pauli locum, & Apocalyp. 19. 20. offendunt. Paulus enim ait, Antichristum à Christo fore occidendum; & in Apocalypsi videtur asseri, Antichristum viuentem ac videntem ad inferos deturban-  
dum.

Vt ergo hanc difficultatem expediam; imprimis sic statuo, in Apocalypsi sermonem non esse de Antichristo, ut eo loco latè ostendam. Deinde, etiam si Apocalypsis de Antichristo perspicue ibi ageret; per locum adhuc Pauli liceret, Antichristum ipsum in inferorum regiones viuentem praecipitari. Etenim pro verbo illo *interficiet*, Gracè habetur ἀναλῶσει, quod propriè est *consumet*. Atque ita vertitur Lucæ 9. 54 *Ut ignis descendat de caelo, & consumat illos*. & ad Galat. 5. 15. *Si inuicem mordetis, & comeditis; videte ne ab inuicem consumamini*. In nouo qui-

dem Testamento non est verbum ἀναλῶσει, nisi in tribus hisce locis. Nam quod dicitur *Deus noster ignis consumens*, est καταναλῶσει, ad Hebræos 12. 29. Atque ut in Græco Thesaurò observatur verbum ἀναλῶσει, significat *consumere*; *extinguere*, *perdere*. Itaque vox illa *interficiet*, si vim huius loci in originali examinemus, non hic significat *Occidere*, siue *interficere*; vitâ prorsus ablata; sed *destruere*, siue *euertere*. Et dux quispiam, quem hostis superauit, profligauit, & omni honore spoliatum ingenti affecit plagâ & ignominia, nâ ille dicitur verè destructus, euersus, & quasi ad nihilum reductus. Atque id propriè significat, ἀναλῶσει. Quamobrem idem est *interficiet*, quod mox sequitur, *Destruet eum*. quod in Græco est, & καταργήσει, & καταργῆσθαι est ἀεργον reddo, & inefficacem, atque inutilem. quod verbum Paulo familiare est; & interdum vertitur, *euacuare*, ut ad Romanos 3. 3. *Nunquid incredulitas illorum fidem Dei euacuabit?* & 11. Corint. 13. 10. *Euacuabitur, quod ex parte est, & cap. 15. 24. Cum euacuauerit omnem principatum & potestatem*. Interdum verò, *Destruere*. Quod enim viribus ac vigore spoliatur, euersum ac destructum remanere videtur.

Ex dictis infero, Paulum (meâ sententiâ) non agere de propria atque (ut ita dicam) personali Antichristi nece; sed tantum contendere Christi Asserto-

De qua Antichristi nece loquitur Paulus.

Cur Paulus  
obscure fuit  
locutus de  
Antichristo  
Romano  
Imperio per  
Ecclesia. re-  
portantem.

Coniunctur  
Pauli & A-  
pocalyp eos  
locos, quæ vi-  
dentur in-  
ter se oppo-  
ni.

Quo sensu  
Paulus de  
Antichristo  
dixerit, quæ  
dominus le-  
gus in euer-  
tere prorsus  
vult.



ris nostri doctrinam ac fidem Antichristo ipsi multo superiorem extituram; atque adeo mundum vniuersum perspecturum, quidquid sibi Antichristus falsis miraculis probauerat, demonis esse praestigias ac deceptiones. Nec verò ideo inficior, Antichristum à Christo fore occidendum: illud assero, Pauli locum de hac propria occisione non agere; sed solum velle, Christum Dominum sui oris spiritu, & excellentissimam suae praesentiae manifestatione fraudem ac tyrannidem Antichristi euersurum. Hoc mihi textus ipse sonat cum sua origine collatus. Nihilominus tamè placet verba ipsa singillatim nonnihil ampliùs exponere.

**SPIRITUS ORIS SVI.]** Perinde esse existimo, ac si Apostolus diceret; Christum Dominum, vt Antichristum deiciat atque prosternat, sui ipsius ministris diuini spiritus copiam effusurum; vt caelesti vi, sanctitate maxima, verisque miraculis Euangelicam praedicationem confirmantes, Antichristum conterant; & diuinæ lucis vsuram toto orbi impertiantur. Hanc autem suae phrasim, siue significationem minime damnabit, opinor, qui animaduertit, quid Christus Iesus significare voluerit, quando in Apostolos praesentes *insufflauit*: vt habemus in Euangelica historia Ioan. 20. 22. Item quid illud Gen. 1. 7. *Inspirauit in faciem eius spiraculum vitae*. Vide etiam Ezech. 37. 9. *Insuper super interfictos*.

**ILLUSTRATIONE ADVENTVS.]** Græcè τῆς ἐπιφανείας τῆς παρ' αὐτοῦ, quod proprie sonat, *Supernam apparitionem praesentiae suae*. Nec desit fortassis, qui his verbis adductus eam sibi mentem inducat, vt existimet Christum visibili specie in media luce appariturum, vt & Antichristum prosternat, & ipsius fallacias mundo irritas & inanes ostendat. Verū (ni me fallit animus) hoc nec Christi Domini auctoritati consentaneum est, nec ipsius prouidentiae rationi valde consonum. Non enim opus est Christum rursus in orbe se videndum & aspectandum proponere; cum illam Antichristi perniciem potius aliter facile refecare, immisā sui Spiritus diuini copiam, & caelestium donorum atque gratiarum fluentis. Quid ergo erit, *Superna apparitio praesentiae suae*? In sui spiritus communione ac largitione Christus Iesus suam praesentiam reddet conspicuam; sicuti dicitur, *Digitus Dei est hic*: quando ipsius omnipotentia maximè ostenditur. Et quæadmodum Christus Dominus; Mat. 28. 20. dixit: *Ecce ego vobiscum sum usque ad consummationem saeculi*. Si ergo dicitur suam gratiam atque fauore praesens adesse, qui non solum cernit, quæcumque accidunt, sed etiam ita fauet & auxiliatur, vt suae praesentiae clarissima documenta edat; quis non videat, quam meritis dicatur Christus suomet spiritu Antichristum euersurus; quando suis seruis eundem Spiritum suppeditet, quo suam praesentiam illis reddat manifestam, & se ad Ecclesiae suae in extremo penè discrimine laborantis auxilium aduentare declaret? Facit, quod saepe in Scriptura per Dei aduentum significatur admirabilis ipsius fauor atque subsidium, sumptā metaphorā à prestantissimo aliquo duce, qui validā manu appropinquat ad aliquius urbis hostium obsidione pressā liberationem.

**A** Iam, si quis existimet verba illa, *Illustratione aduentus sui*: referri ad vltimum iudicii diem; quasi dicatur Antichristi persecutio ad extremum vsque diem iudicii duratura; & tunc à Christo, cum mundum iudicaturus adueniat, Antichristus ipse pariter opprimendus; facile est ostendere huius explanationis falsitatem: tum quia contra communem doctorum opinionem militat, quam ipsi ex Daniele etiam colligunt, scilicet post Antichristi excidium tempus aliquod ante postremam iudicii diem praeteriturum. Et hoc per se erat verisimile considerata diuinæ prouidentiae consuetudine: tum etiam, quia contextus ipse agit de maxima quadam diuini Spiritus effusione, id quod vltimo die iudicii futurum non est.

**B** Quod verò Paulus ait de Christo Domino, qui Antichristum interficiet spiritu oris sui; videtur plerisque desumptum ex Isaia c. 11. 4. *Spiritu labiorum suorum interficiet impium*. Et saltem Vulgatus interpres apud Paulum legisse videtur, *Interficiet*, per allusionem ad Isaia locum.

**C** Circa hoc, primò assero, in Isaia sermonem non esse de Antichristo; quia nec contextus id patitur, nec nomen impij habet articulum. Sed sermo est manifestè de peccatorum conuersione ad Christi fidem. Hoc enim clarissimum facinus solet ab Scriptura depingi sub specie siue figura maximè cuiusdā victoriam; in qua Christus peccatores interficiat; & litera quidem eos occidit, spiritus autem viuificat. Vide Cyrillum, & Procopium, qui hunc locum de demonibus à Christo vincendis exponunt.

Deinde Isaia locus iuxta Græcum sic ad verbum sonat; *In spiritu per labia interficiet impium*. Quare in Græco locus alter cum altero non consentit; præterquam in nomine spiritus. Nam Paulus iuxta Græcum sic habet, *Quem Dominus consumet spiritu oris sui*. Isaia verò sic, *In spiritu per labia interficiet impium*. *ὁ πνεύματι διὰ χειλέων ἀνέξει ἀπ' αὐτοῦ*. Adde, quod Isaia c. 11. 4. paulò antè, vbi nostra Vulgata legit, *Virga oris sui*; in Græco est, *Sermone oris sui*.

**D** Nihilominus existimo, Paulum ad Isaia locum alluisse. Quauis enim Isaia non agat de Antichristo; ramen vt Paulus assereret Antichristum à Christo fore superandum, quatenus Christus ipse sui spiritus copiam & affluentiam suis seruis erat elargiturus; opportunè hoc ita explicuit, asserens id futurum esse ad eum ferè modum, quo Christus idololatriam deuicit: videlicet suomet ipsius spiritu impietatem destruendo. (Id quod significat Isaia, asserens Christum suo spiritu peccatores occisurum.) Quod vt Paulus indicaret, ad Isaia locum per allusionem respexit. Verum pro *Interficiet*, substituit, *Consumet*. Illi enim, qui peccato moritur, & sese ad Christum conuertit, rectius quadrat interfici gladio spiritus: Quod est verbum Dei. Antichristo verò ac demoni, qui conuertendi non sunt, melius congruit consumi ac destrui; propterea quod consumantur ac destruantur illo ipso spiritu, quem Deus Euangelij praedicatoribus elargitur; nec non mysticā morte, quam Deus illis infert, qui demonis & Antichristi famuli atque assecla erant.

Quis hic dicatur spiritus oris Christi.

Quanam sit illustratio aduentus Christi dicatur?

Reicitur 1. expressio de visibili Christi aduentu ad Antichristum interficiendum.

Vera sententia & Pauli loci explicatio.

Verum hic Christi aduentus, de quo Paulus, p'ssi ad vltimū iudicii diem refertur?

In Pauli verbis allusio ad Isaia c. 11. licet non eandem respiciat sententiam.

Quomodo Pauli allusio ad Isaia sit intelligenda?



## T E X T V S.

*Vers. 9.* Et tertius Angelus secutus est eos, dicens voce magna, Si quis adoraue-  
rit Bestiam & imaginem eius, & acceperit characterem in fronte sua, aut  
in manu sua.

*10.* Et hic bibet de vino iræ Dei, quod mistum est mero in calice iræ ipsius, &  
cruciabitur igne & sulphure in conspectu Angelorum sanctorum, & an-  
te conspectum Agni.

## C O M M E N T A R I V S.

**I**n horum trium Angelorum partitione diximus, tertij Angeli vocem è regione fore opponen-  
dam terrestri Bestiæ, hoc est sapientiæ carnis: id quod difficultatem nunc videtur inuoluere. Cum  
enim dicitur, *Si quis adorauerit Bestiam, & imaginem eius.* haud dubiè nomen Bestiæ marinam Bestiam si-  
gnificat; de cuius imagine & caractere superiore capite actum est. Ex quo primâ specie videtur in-  
ferri, tertium Angelum directè loqui non contra terrestrem Bestiam, sed contra marinam. Verum  
enimverò, quod marina Bestia & eius imago adorentur; quodque eius milites in frontè aut in manu  
characterem siue notam impressam habeant; hoc inquam est proprium terrestris Bestiæ officium,  
vt ex ipso superioris capitis textu liquet. Quare hæc Angeli tertij vox directè aduersus eos intonat,  
qui terrestri Bestiæ obsequuntur. Ad hæc; si per terræ Bestiam sapientia carnis figuratur, (vt vidimus  
c. 13.) marinæ Bestiæ & ipsius imaginis venerationem & ipsius characteris impressionem in suorum  
militum fronte seu manu non præstat carnalis sapientia effectiue, sed formaliter, vt Scholastici lo-  
quuntur. Etenim hæc sunt formales carnis sapientiæ actiones; vel potius hæc est allegoria, siue  
ænigma efficientiæ quam terrenus affectus in terrestribus hominibus operatur: est item quædam  
veluti descriptio exprimens, quid agat, qui suis cupiditatibus misere succumbit. Quamobrem vox  
ea, quæ marinam Bestiam, eiusque imaginem adorantibus, & characterem in manu aut fronte acci-  
pientibus comminatur; ipsamet propriè intenditur in terræ Bestiam, id est in carnalem sapientiam.  
In hoc enim carnis sapientia potissimum consistit; nec alia præterea est sapientia carnis, nisi id ipsū  
quod præ se fert hæc allegoria, siue ænigma de adoratione marinæ Bestiæ & ipsius imaginis. Existi-  
mo autem hoc satis à me explicatum in capitis 13. commentario. Vnde planum fit, hanc tertiam vo-  
cem directè aduersus terrestrem Bestiam emitti.

Enimverò Bestia terræ considerari potest in Ethnicis hominibus Christianos persequentibus,  
eorumque mortem anhelantibus; quo in sensu actum iam de illa est ca. 13. Potest in super concipi in  
aliquo, qui cum Christianus esset, tormentorum vi ac terrore siue terrenâ alia affectione cōpulsus  
à Christiana Religione defecit. Existimo ergo iuxta hanc secundam acceptionem agi in hoc loco de  
illorum impietate, qui se totos terrestri Bestiæ subijciunt; & ab ea decepti marinam Bestiam, eiusque  
imaginem cultu ac veneratione prosequuntur. Licet enim huiusmodi doctrina generalis sit, ex ipsa  
tamen dicendi ratione apparet, applicari hîc nō ad Gentilium infirmitatem; sed ad hominem quæ-  
piam, qui Christianæ prius Religionis cultor in fraudem fuit à Bestia terræ illectus. Hoc ex eo infer-  
ro, quia modus loquendi is est; *Si quis adorauerit Bestiam & imaginem eius.* Atqui phrasis illa, *Si quis,* in præ-  
senti indicat de eo sermonem institui, quod posset alicui contingere; non tamen valde vîsitatum in  
ea Gente, ad quam hîc sermo dirigitur. Et verò ita prorsus primitiæ Ecclesiæ Christianis accidebat.  
Per pauci enim eorum reperiabantur, qui carnali sapientiâ decepti Christianam fidem abiurarent.  
Id quod innuitur eâ locutione, *Si quis adorauerit Bestiam & imaginem eius.* Si enim ad Gentiles verba fie-  
rent, nequaquam diceret Angelus, *Si quis;* sed, *omnes qui adoratis Bestiam.* Præterea quannus c. 13. habi-  
tus fuerit sermo de effectu, quem generatim Bestia terræ in vniuersis Gentilibus præstabat; & nunc  
Angelus sermonem conuertat ad eum Christianum, qui se à terrestri Bestia circumueniri patiatur;  
ipsa tamen terræ Bestia vtroque eadem est, vt constat, eademque ratio Gentiles siue Christianos  
decipiendi.

Iam verò, quod in hoc loco singillatim de Christiano homine sit sermo, qui ab hoc monstro se  
decipi patiatur; id inquam textui congruens valde exitit. Etenim finis trium harum vocum, quas  
Ioannes ab Angelis totidem probatas auribus excepit; is est, vt Christi milites inducerentur pariter,  
atque inflammarentur ad mysticum illud Ecclesiæ contra Romanum Imperium certamen fortiter  
capeffendum. Cum autem in duabus vocibus præcedentibus figura fuerit certa fiducia, quam Eccle-  
sia de victoria ex dæmone ac mundo comparandâ conceperat; grauitas autem tormentorū & huma-  
na debilitas efficiebant, vt timor ac formido Christianorum animos incesferet; fore vt non nihil ex  
ijs persecutioni succumberent, & Christianâ Religionem desererent. Hic verò metus conueniens  
satis est, vt cum timore & tremore singuli suam salutem operentur. Vt ergo & hoc discrimen pro-  
poneretur ob oculos, & præsentissimum illi remediū adhiberetur; opportunè admodum ait tertius  
Angelus, *Si quis adorauerit Bestiam & imaginem eius, &c.* Et hic bibet de vino iræ Dei, & cruciabitur igne & sulphure.

Quomodo  
hæc terræ  
angeli vox  
contra ter-  
restrem Be-  
stiam in-  
stituitur.

Terræ Bestiæ  
quod ad  
mystic a-  
nimæ sensu  
bisaria con-  
siderari pos-  
se.

Huiusmodi  
mina, quas  
tertius intè-  
dit angelus,  
contra quos  
potissimum  
sacrum.



In his verbis indicatur imprimis possibile esse, ut quis ex pristino sanctitatis gradu ruat: ut vel sic quis stat videat, ne cadat. Deinde ad homines ab eo scelere deterrendos, depingitur quanta sit rei indignitas & ignominia, ut Christi miles illaqueari se patiatur à Bestia terræ; & ante maris Bestiam, eiusque imaginem in genua procumbat; sequæ illius notæ & stigmatæ siue in fronte siue in manu permittat inuri. Tertio, ad hoc etiam magis agnoscendum conducit, quod de æternis inferorum supplicijs, quibus Deus improbos plectitur, deinceps additur. Ac demum hæc ipsa pœnarum inferni consideratio apertissima est, ut excitentur Christiani; & ad cruciatus atque tormenta fortiter subeunda stimulentur: quandoquidem perspicue cernitur, quàm sit stultum atque insanum, metu breuissimi cruciatus sese æternis inferorum tormentis addicere.

Porro, quid sit Bestiam & imaginem eius adorare; quid, accipere eius characterem in fronte aut in manu; de hoc iam satis c. 13. disputatum est. Quare longius in textus explicatione progredior. Et hic biber de vino ira Dei. Hoc proprie est, vino Babylonis iræ opponere vinum iræ Dei; quæ multo magis horribilis ac formidabilis est. Iam, quod ad calicis, siue potionis vini allegoriam attinet; probans est, ut supra dicebamus, in sacris Literis valde familiaris. Sequitur: Quod mistum est mero. In qua locutione manifeste apparet, certum omnino esse, quod à nonnullis obseruatum est; videlicet, Misere, plerumque non esse idem, quod vinum aquâ temperare: sed idem, quod vinum, quantum sit merum, in poculum infundere, ut Pl. 74. 9. Calix in manu Domini vini meri plenus misto, siue, missione. Quamobrem quod nunc dicitur, calicem quem damnati potant, mistum esse mero; denotat esse pœnarum ac tormentorum calicem: non absque vlla solatij aut quietis intermissione: secus tamen esse Sanctorum dolores atque tormenta, quibus in hac vita conflantur; propterea quod admirabili sunt latitâ & consolatione temperata, tum propter maximam voluptatem, quam ex pœnis ipsi pro Christi amore perpessus hauriunt; cum etiam propter pœnarum breuitatem & præmij atque gloriæ speratæ æternitatem.

ET CRUCIABITUR IGNE ET SULPHURE. ] In Apocalypsi per ignem & sulphur inferni denotantur cruciatus. Infra cap. 19. 20. Vini missi sunt hi duo in stagnum ignis ardentis sulphure. Sed quorsum sulphuris mentio in igne gehennæ? Respondebit fortè quispiam, hoc ad illius ignis perennitatem significandam spectare; quasi concipiatur sulphure nunquam defecturo, eum ignem ali. Ego tamen non video in sulphuris natura aliquid, quod ad eius ignis æternitatem indicandam conferat. Quamobrem licet certum sit, infernum ignem nunquam fore intermoriturum; hoc autem neutiquam in sulphure significatur, nec in eo significari id opus erat. Nam gehennæ æternitas satis ijs verbis denotatur; Quod mistum est mero, quod est, absque vlla consolationis permissione, atque aded sine spe de illo igne acque tormento vnquam abluendo. Præsertim cum sequenti versiculo addatur, Et fumas eius ascendet in sacula seculorum.

Quid ergo in præsentī denotat sulphur? Suspicio, propriam ipsius significationem eā esse, nimirum animas inferorum igne torqueri; quia scelera atque flagitia iue peccatores ipsi sunt veluti sulphur; hoc est propria atque apta materia & nutrimentum; quod ignis ille celeriter corripit, & inflamat; quia ut ait Plin. l. 35. c. 15. agens de sulphure; Non alia res facilius accenditur. Præter hæc. Ex ardescentis sulphure, repercussu pallor dirus veluti de iunctorum hominibus offunditur: ut ibidem notat Plinius. Hic autem dirus pallor apprine exprimit damnatorum hominum desperationem; & grauissimus ac terrum odor pœnam ac fetorem flagitiorum, quæ sui odoris putore damnatos ipsos torquet acerrime. Notū insuper est, & Plinio ibidem obseruatum, necnon Alexandro ab Alexandro l. 5. c. 27. ex Ouidio, inter Gentiles sulphuri in rebus ad religionem spectantibus fuisse locum ad expiandas iussu domos. Et forte per allusionem ad pristinum hunc morem repræsentat Scriptura, mundum, (qui Dei est domus) videri quodammodo igne tartareo expiari. Nam diuinæ iustitiæ improborum pœnas iustissimas exigenti satisfacit inferorum ignis, dum suam seueritatem in damnatis exercet. Atque eadem mystica philosophia potest pariter extendi ad odorem sulphureum, quem fulminibus inesse notat iisdem Plinius. Fulmina enim sunt diuinæ indignationis symbolum, & supplicij seueritate videntur mundum expiare. Postremo in sulphuris atque ignis coniunctione alluditur ad Sodomæ & Gomorrhæ supplicium; in quo pluit Dominus sulphur & ignem, Gen. 19. 24. Et supplicium illud ait Scriptura fuisse exemplum inferni supplicij. Consule epistolam Iudæ n. 7.

IN CONSPECTU ANGELORUM SANCTORUM ET ANTE CONSPECTUM AGNI. ] Inter ceteras res, quæ damnatorum pœnas atque cruciatus adaugent, vna est certa cognitio, qua sciunt suos cruciatus atque tormenta à Christo, eiusque Angelis peruiideri, nec tamen ad commiserationem ideo flecti; sed potius voluptate affici, quod Dei hostes vehementer puniantur. Cum autē singulatim in contextu sit sermo de supplicio, quod sumet Deus de Christiano homine, qui à Bestia terræ in fraudem se induci fuit passus, ut Christianam Religionem defereret: his ipsis peculiaris erit tormenti atque cruciatus ratio & grauitas, quod semper æternis ignibus exurantur in eius conspectu, in quem se proditores & perfidos exhibuerunt; necnon in custodum Angelorum conspectu, quos ipsi neglexerunt; dum Christianam fidem abnegantes, pluris Satanam, eiusque ministros aestimauerunt. atque cōceptus ex hac perfidia ac prodicione pudor & verecundia nusquam interciderit: quia nunquam eam sibi solatij particulam adiscissent, quæ ex Agni & ipsius Angelorum absentia ad eos derivari posset Angelorum autem nomen potest extendi ad viros sanctissimos, qui fuerant ministri & cooperatores conuersionis eorum, qui postea à vera Religione turpiter defecerunt.

Reliquum est, ut inquiramus ex qua Scripturæ parte hæc tertij Angeli vox fuerit desumpta? Inde enim pendet cognoscere, quis sit tertius hic Angelus. Nec verò in eo sita est difficultas, ut aliquem Scripturæ locum inuestigemus, in quo de hoc ipso argumento tractetur. Nec enim difficile est complura eiusmodi loca in Euangelijs, in Pauli Epistolis, & in alijs Scripturæ locis reperiri. Difficultas ergo in eo consistit, ut ex omnibus eiusmodi locis seligatur vnus, qui in hac ipsa sententia maxime omnium insignis; vel saltem sit congruentior, quod in hac tertij Angeli voce allusio facta esse poterit. Ex ultimo ergo Spiritus sancti mentem hoc in loco fuisse intentam ad secundam Petri epistolâ, præsertim in caput secundum. Primò, quia cum antecedentes Angeli sint Ioannes & Paulus; nullus

Vinum ira  
Dei opponi  
vino i. & Ba-  
bylonis.  
Miscere  
in Scriptura  
interdu pro  
eodem sumi,  
quod in-  
fundere.

Quid per  
ignem & sul-  
phurem in A-  
pocalypsi.

Quorsum  
hic sulphu-  
ris mentio  
sit.  
Sulphuris  
na ira  
Apud ethi-  
opes olim sul-  
phure in sa-  
cris ritibus  
tum ad ex-  
piandas sus-  
pensas domos.

Ex Dei &  
Angelorum  
conspectu  
damnatorum  
pœnas apud  
inferos ma-  
gis augetur.

Damnatorum  
apud infe-  
ros pœna  
obiter perie-  
ramur.

Ex qua Scri-  
pturæ parte  
hæc tertij  
angeli vox  
fuit desumpta.



alius posset esse aptior Pet. o, vt agmen hoc clauderet, & tertius illis duobus adiungeretur. Secundo, caput illud secundum Epistolam Petri secundam est illustrissimum ad explicandam summam miseriam atque supplicium eorum, qui terrenis affectionibus & cupiditatibus allekti Christianam Religionem derelinquunt. In cuius rei confirmationem valde est obseruatione dignum, quod cum B. Iudas in sua canonica vellet idem argumentum tractare, ferè omnia, quæ hac de re disputat, ex Canonica Petri epistola deprompserit, vt sequenti notatione videbimus. Et quanuis duo Apostoli Petrus ac Iudas in prædictis locis agant singillatim de ijs, qui à Christiana Religione desciscientes in hæresim miserè prolabantur; apostasia tamen est inter hæreses maxima. Quapropter quod de æternis Hæreticorum poenis iactatur, non minùs de Apostatis, quàm de sectarijs accipi debet. Et aliorum quidem apostasia, atque hæresis aliorum, iuxta Petri & Iudæ doctrinam, suam ducunt originem ex eo, quod homines suis se effrena is cupiditatibus ac libidinibus rotos dedant. Atque id ipsum significat Bestia terræ, siue carnalis sapientia.

Obseruandum præterea est, licet directè in hoc loco sit sermo, (& similiter in Petri, atque Iudæ Epistola) de illis, qui, vt suas sectentur concupiscentias, Christianam fidem eiurant; ceterum adhibita proportionem posse eandem doctrinam congruenter applicari ad eos Christianos, qui in suis secteribus immersi, suas cupiditates sequuntur, quantumvis fidem non deserant. Non tamen postulabat contextus, vt hic de illis ageretur; præsertim primitiæ Ecclesiæ tempore, quando Christiana fides tantopere oppugnabatur; & qui se sponte suis vitijs tradebant, aded parùm distabant à Christiana Religione deferendâ. Quare maiori ex parte fideles tunc erant à vitiorum fæce & contagione seiuncti, & virtutis ac sanctimoniz imprimis studiosi. Quemadmodum hodie videmus accidere in ijs Catholicis, qui in prouincia aliqua hæreseos lue infectâ sese audacter Christianæ Religionis assertores & Summo Pontifici obsequentiissimos profitentur.

Petrus A.  
postolus in  
sermo in  
gelo figura-  
rio

Doctrinam  
in e. i. &  
Thad. i. epi-  
stolis c. n. e-  
tam suo etia  
modo ad om-  
nes Chri-  
stianos de-  
prauare v-  
to posse ap-  
plicari.

## NOTATIO IV.

In qua conferuntur Epistola II. Petri & Epistola Iudæ, vt manifestè cernatur,  
B. Iudam quàm plurima ex B. Petri Epistola desumpsi, se: & alteram  
esse optimum alterius commentarium.

Cum eam mihi mentem induxerim, vt vocem  
Chanc. tertij Angeli ex secunda Petri Epistola fu-  
isse de, rompiam exitum; propterea diligenter  
attendi prædictæ Petri epistolæ seriem ac decursum.  
Et quidem (ni fallor) ad eius intelligentiam facilius  
assequendam haud parum conducit Iudæ Thadæi  
Epistola, quippe ex vtriusque collatione perspicue  
elicitur, Iudam ex Petri Epistola fuisse mutuatum

non solum rerum ac rationum, quas affert, ordinem  
& coherentiam; verum etiam ex ipsismet verbis nō  
pauca. Quapropter in alterius verbis clariùs appa-  
ret, quod in altero obscurius latebat. Quod vt ma-  
nifestè perspiceretur, operæ pretium me fore factu-  
rum putavi, si vtriusque Epistolæ verba inter sese  
conferrem; vt lector inde magnam vtriusque simi-  
litudinem obseruare facile possit.

Collatio  
in e. i. &  
Thad. i. epi-  
stolis c. n. e-  
tam suo etia  
modo ad om-  
nes Chri-  
stianos de-  
prauare v-  
to posse ap-  
plicari.

### EX EPIST. B. PETRI.

Caput 1. num. 2. Gratia vobis, & pax adimpleatur.

Cap. 1. 1. In vobis erunt magistri mendaces, qui intro-  
ducent sectas perditionis,  
Et eum, qui emit eos, Dominum negant.

Num. 2. Et multi sequentur eorum luxurias per quos  
via veritatis blasphematur.

Num. 4. Si enim Deus Angelis peccantibus non peper-  
cit, sed rudentibus (Græcè catenis) inferni detractos (id est  
præcipitatos) in tartarum tradidit cruciandos in iudicium  
reservari.

Num. 6. Et ciuitates Sodomorum & Gomorrhæorum  
in cinerem redigēs, euersione damnauit; exemplum eorum,  
qui impiè acturi sunt, ponens.

Num. 10. Magis autem eos, qui post carnem inconcupi-  
scentia immunditiæ ambulant, dominationemque contem-  
nunt.

Ad hæc non metuunt blasphemantes.

Num. 11. Angeli fortitudine & virtute cum sint maio-  
res, non portant (Græcè φέρουσι) aduersum se execra-  
bile iudicium.

Num. 12. Hi verò &c. in his quæ ignorant blasphemantes  
in corruptione sua peribunt.

### EX EPIST. B. IUDÆ.

Num. 2. Misericordia vobis, & pax, & charitas adim-  
pleatur.

Num. 3. Subintroierunt quidam homines impij, qui o-  
lim præscripti sunt in hoc iudicium.

Num. 4. Solum Dominatorem, & Dominum Iesum Chri-  
stum negantes, Dei nostri gratiam transferentes in luxu-  
riam.

Num. 6. Angelos verò, qui non seruauerunt suū princi-  
patum, sed dereliquerunt suum domicilium, in iudicij ma-  
gni diei, vinculis æternis sub caligine reseruant.

Num. 7. Sicut Sodoma & Gomorrha, & finitimæ ciui-  
tates simili modo exformatae, & abeuntes post carnem al-  
teram factæ sunt exemplum, ignis æterni poenâ sustinentes.

Num. 8. Similiter & hi carnem quidem maculant, do-  
minationem autem spernunt.

Ad hæc autem blasphemant.

Num. 9. Cum Michael Archangelus cum diabolo dispu-  
tans altercetur de Moyse corpore, non est ausus iudicium  
inferre blasphemiz; sed dixit: imperet tibi Dominus.

Num. 10. Hi autem quæcumque quidem ignorant, bla-  
sphemant; quæcumque autem naturaliter tanquam muta a-  
nimalia norunt, in his corrumpuntur.



Num. 13. Coinquinat. ones & macula delictis affluentes in conuiuijs suis luxuriantes.

Num. 14. Cor exercitatum auaritia habentes. Et n. 3. In auaritia fidei uerbis de uobis negotiabuntur.

Num. 15. Securi uiam Balaam ex Bosor, qui mercedem iniquitatis amant.

Num. 17. Hi sunt fontes sine aqua, & nebula turbini- bus exagitatae.

Quibus caligo tenebrarum reservatur.

Num. 18. Superba enim uanitatē loquentes pellicunt in desiderijs carnis luxurie eos.

Cap. 3. n. 1. Charissimi.

Num. 2. Memores sitis eorum, quae prae dixi uerborum, &c. & Apostolorum uerborum, praeceptorum Domini, & Saluatoris.

Num. 3. Hoc primum scientes, quod uenient in nouissi- mis diebus in deceptione illusores iuxta proprias concupi- scentias ambulantes.

Num. 12. Hi sunt in epulis suis macula conuiuantes sine timore, & metipso pascentes.

Num. 16. Mirantes personas, quae sus causā.

Num. 11. Errore Balaam mercede effusi sunt.

Num. 12. Nubes sine aqua, quae à uentis circumferun- tur.

Num. 13. Quibus procella tenebrarum seruata est in æ- ternum.

Num. 16. Secundum desideria sua ambulantes, & os eorum loquitur superba.

Num. 17. Vos autem charissimi.

Memores estote uerborum, quae prae dicta sunt ab Apo- stolis Domini nostri Iesu Christi.

Num. 18. Qui dicebant uobis, quoniam in nouissimo tē- pore uenient illusores secundum desideria sua ambulantes in impietatibus.

Ex huiusmodi collatione magna, opinor, lux oboritur secundo capiti Epistolae Petri secundae, & satis etiam perspectum manet, quod sufficit, ut cog- noscatur allegoriam illius uocis, quam ex tertio Angelo refert Ioannes, esse idem, quod in eo secun- do posterioris Epistolae Petri capite latius describi- tur; nimirum de sempiternis eorum supplicijs, qui suis concupiscentijs ac libidinibus indulgentes in Christiana fide miserum fecere naufragium. Et quidem difficiles aliquot B. Petri locos necesse est intelligi, quemadmodum B. Iudas eos quasi para- phrastice exponit. Ut quod dicitur apud Petrum c. 2. 11. Angeli non portant aduersum se execrabile iudicium. necessarium est id de bonis Angelis intelligi. Nā Iu- das ad Michaelē singillatim descendit; ueluti in- nuens, quod Petrus generatim dixit, de Michaelē speciatim dixisse, de quo per traditionē ex antiqua aliqua reuelatione deriuatam aut per ueterem ali- quem librum canonicum id proditum erat, uideli- cet in disceptatione illa, qua cum damone alterca- tus fuit, non ausum fuisse illi iudiciū inferre bla- sphemia. Itaque quāuis latinis auribus; Portare iudi- cium execrabile, non idem sonet, quod Inferre iudicium

blasphemiae, seu maledictum iacere in alium; nihilo- minus Iudae contextus, & Graeca lectio, quae utrobi- que eodem utitur uerbo. (nempe *phero*, cuius Ao- ristus est *ēseyxa*.) cogunt, ut asseramus in Vulgata idem hic esse, Portare, quod Inferre. Nec valde mirū est, utrumque uerbum *Fero*, & *P. ro* in hoc loco cō- fundi. Quod autem Petrus ait, Angelos non portare (siue inferre) aduersum se execrabile iudicium, siue execrationem; uerbum *Aduersum se*, significat idem, quod erga alios angelos; nempe erga demones, qui sunt eiusdem naturae.

Quod uero in hisce epistolis de nouissimis tem- poribus asseueratur, ad primitiua etiam Ecclesiae tempora referendum est; ita ut nouissima tempora, iuxta sacrae Scripturae phrasim, de tempore legis gratiae intelligantur. Quod patet, quia saltem B. Iu- das, (qui post Petrum scripsit) affirmat, fuisse iam expletam ueterem illam prophetiam, de qua Chri- sti Apostoli ceteros fideles admonuerant. Reliqua omnia, quae ad harum Epistolarum elucidationem spectant, interpretibus Canonicarum Epistolarum remitto.

Portare iudi- cium exco- crabile, quid sit apud B. Petrum.

Nonnulla in Petri epi- stola diffi- cilia loca ex B. Iudae epi- stola, eiusq; ceteris explicari debere.

## TEXTVS.

Vers. 11. Et fumus tormentorum eorum ascendet in saecula saeculorum: nec ha- bent requiem die ac nocte, qui adorauerunt Bestiam & imaginem eius, & si quis acceperit characterem nominis eius.

## COMMENTARIVS.

CONTINUATUR in hoc versu vox Angeli tertij. Quamobrem, cum iuxta nostrā expositionem, vox haec sit mutuata ex c. 2. Epistolae D. Petri secundae; oportet ostendere, ubi Petrus in eo capite agat de fumo tormentorum; quibus ij crucientur, qui se à Bestia terrae decipi sinunt, ut fidem defe- rant; de eiusmodi inquam fumo, qui in aeternum sit duraturus: & ubi etiam Petrus dicat, eos nō ha- bere requiem die ac nocte. Erunt fortasse, qui credant in toto illo capite nihil posse reperiri, quod huic versiculo respondeat; ac proinde in eam deueniant suspiciōē, ut per illum tertium Angelum opi- nentur Isaiam adumbrari. Nam ille est, qui c. 34. 10. agens de Bosra Idumaeae metropoli, ait, *in sempi- ternum ascendet fumus eius*. Verum tamen quāuis in hoc Apocalypseos loco contineatur pariter allusio ad illa Isaiæ uerba, (de qua notatione quintā:) hoc tamen ideo fit, quia Petrus in eo capite ad Isaiā locum all. dit. Etenim quod tertius ille Angelus Ioanni uisus non Isaiam, sed Petrum repraesentat; inde mihi persuadeo, quia primus Angelus fuit absque dubio Ioannes; quem ut tanquam socij comi- tentur in ea cohortatione ad fideles habitā, sunt profecto aptiores multo Paulus ac Petrus, quā aut Isaias, aut quilibet alius ex sacris ueteris Instrumenti uarijs; praesertim cum ex tota tertij Angeli voce (excepto aeterno illo fumo in saecula saeculorum ascendere) nihil omnino in eo Isaiā capite re- periatur; & forsā in alio satis diuerso sensu. At in secundo capite Epistolae Petri secundae habemus omnem uocis huius tertiae medullam, & integram hac de re eamque mirificam tractationem. Et quāuis uerum sit, Petrum non expresse uti metaphorā aeterni fumij; asserit tamen, quod satis est, ut

Difficilis ubinam apud Petri e- pistolam re- peritur mentio de eo tormentorū fumo, de quo hic sermo est.



A in Apocalypseo ænigmate & allegoria per fumi æterni translationem denotetur, quod Petrus significanter satis perstrinxit. Quemadmodum nec apud Petrum inuenitur adoratio Bestiæ & eius imaginis, nec notæ ac characteris impressio; bene tamen huius allegoriæ sufficiens fundamentum. cuiusmodi est homines suis inordinatis appetitionibus morem gerere, & à vitæ superbia atque inani mundi existimatione se ferri permittere, vt ca. 13. affatim explicuimus. Et de his quidem dilucide agit Petrus in eo capite.

Sed quæ sunt apud Petrum verba, quibus in Apocalypsi fumus æternus respondeat? Imprimis B. Petrus in eo capite n. 9. mentionem facit Sodoma & Gomorrhæ; asseritque in earum cruciatibus atque tormentis exemplum nobis proponi eius supplicij, quo meritissime mulctantur impij suarum concupiscentiarum sectatores. Id quod Thadaus clariùs adhuc expressit; ait enim, *Facta sunt exemplum ignis æterni pœnam sustinentes*. Deinde quando Isaïas de Bosra agens asserit, *In sempiternum ascendet fumus eius*; significare voluit idem Bosraellæ euerturum, quod in Sodoma & Gomorrha fuit ante figuratum; quæ quidem exustæ fuerunt, & supplicij illius atque ignis effectus perpetuò durat. Quippe halitus pestilens, quem semper mare mortuum exhalat, nec patitur volucrum aliquam supra impune volitare; hic inquam halitus pestifer & temper ascendens, est veluti fumus illius incendij, quo Sodoma & Gomorrha conflagrarunt; & eiusmodi fumus, qui nusquam consumatur. Si ergo admittamus hæc esse verborum Isaïæ vim; facile est videre, quam apte & congruenter dixerit Petrus, in inferorum supplicij, quibus suarum concupiscentiarum sectatores excruciantur, verum comprobari, quod in Sodoma & Gomorrha pœnâ figuratur. Quid verò per fumum huiusmodi à gehenna semper ascendente insinuetur; commodiùs notatione quintâ disputabimus.

NEC HABENT REQUIEM DIE AC NOCTE. ] Existimo id referendum minimè esse ad inferorum supplicia; cum ibi nullus sit dies. Nec satis huic difficultati fit, si dicas, *Die ac nocte*, phrasim esse vsitatam, quæ assiduos cruciatus absque vlla quietis intermissione significet. Non enim verisimile est eâ phrasim ab Apocalypsi absque peculiari mysterio vsurpatam. Nam in ænigmatibus ab acerrimi ingenij viro compositis, si optima sint, nihil debet redundans, nihil superuacuum reperiri: quanto magis in hoc ænigmate ceterorum ingeniosissimo ac plane diuino. Cum ergo antecedentia verba ad tartareos cruciatus referantur; optime adhuc cohæret, vt addatur nunc, impios ac sceleratos homines non in alia solum vita æternis pœnis torquendos, sed in hac etiam; nec tantum nocte, id est aduersitatis tempore, sed die etiam, id est tempore prosperitatis semper fore inquietos & impacatos; nec verò vniquâ pace fruitorios; *Quia non est pax impijs, dicit Dominus*. Atq; hoc etiam nos docet Petrus in eo c. n. 17. *Hi (inquit) sunt fontes sine aqua, & nebula turbidibus exagitata*. Quod est dicere; qui suis cupiditatibus laxant habenas (dum eâ ipsâ viâ falsò putant, se desiderij sitim expleturos) æquissimo Dei iudicio, atque adedò supplicio fit, vt suas omnes spes irritas esse & inanes experiantur: nec solidâ potiantur vnquam requie & tranquillitate. Hoc namque est, *Fontes sine aqua, & nebula turbidibus exagitata*. fons enim aquæ copiam, & affluentiam pollicetur. hi tamen fontes sunt mendaces ac fraudulentij, & nebula etiam commentitia. Cum enim videbatur pluviæ copia in terram effluxura; reflat repente siccus ac frigidus Boreas; qui nubes ipsas huc illuc dissipat, & miserorum hominum speculâ irritam prorsus reddit. Id quod expressit B. Iudas num. 12. *Nubes sine aqua, quæ à ventis circumsferuntur*. Quæ in re verumprehenditur, quod Salomon ait Prou. 25. 14. *Ventus & nubes & pluuia non sequentes, vir gloriosus, & promissa non implens*. Hoc enim proverbium sapienter de illis intelligitur, qui vanâ mundi gloriolâ decepti falsam sibi promittunt felicitatem: quam tamen promissionem nunquam ad ipsum exitum perducunt.

Prop. ista  
difficultas  
expeditur.

Quid hoc  
in loco sit,  
non habere  
requiem die  
ac nocte.

## NOTATIO V.

De duplici sensu fumi ascendente in sæcula, & de Isaïæ loco c. 34. 10.  
cum locis Apocalypseo collato.

D Vo sunt in Apocalypsi loci, in quibus de fumo in sæcula ascendente tractatur. Alter in hoc c. 14. nu. 11. vbi agitur de gehennæ igni, quo damnati exuruntur; de cuius ignis fumo dicitur, *Fumus tormentorum eorum ascendet in sæcula sæculorum*. prædictum autem fuerat, eos igne & sulphure esse torquendos. Alter habetur Apoc. 19. 3. ibi enim sermo instituitur de Babylone; & postquam dictum fuerat, eâ igne fore comburendam; subiungitur, *Et fumus eius ascendet in sæcula sæculorum*. Vtroque in loco videtur alludi manifestè ad Isaïæ verba cap. 34. 10. in quibus agit Prophetæ de incendio Bosra, quæ erat Idumææ metropolis; & ad eius incendium exaggerandum affirmat, torrentes in picem, terram in sulphur conuertendam fore; vt vrbs ipsa magis magisque exardesceret. Dein hæc subdit; *Nocte & die non exstinguetur, in sempiternum ascendet fumus eius*.

In trium horum locorum conciliatione duplex oboritur difficultas. Prima de germano Isaïæ loci sensu, quem respicit Apocalypsis. Nec enim fumi sempiterni, de quo Apocalypsis, sensus debet esse diuersus ab eo sensu, quem apud Isaïam habet. Altera difficultas est, vtrum in Apocalypsi sit sensus idem fumi sempiterni in c. 14. & in c. 19. Nam in nostra

apocalypsi ca. 14. sermo est de æterno gehennæ supplicio, quod illis paratum est, qui Bestiam adorauerint, & eius acceperint characterem. Capite verò 19. agitur de mystica vindicta, quam Deus erat de Roma sumpturus, eam videlicet Christianæ Religionis subiiciens, & Religionis eiusdem ignem in eâ æternum accedens. Hæc autem sensuum diuersitas, præter difficultatem, quam in ipsa Apocalypsi habet, reddit etiam valde perplexum Isaïæ locum. Quam enim lucem ei alter locus afferebat, videtur alter subtrahere, si diuersum exigat sensum.

E Circa primam difficultatē præmittam imprimis expositiones duorum Isaïæ interpretum, qui nostra ætate permagni (& quidem satis meritò) æstimantur: Foresterij & Ariæ Montani. Quorum prior in eo Isaïæ capite 34. existimat Idumææ nomine ibi designari Iudæam, & nomine Bosra Ierosolymam: locum autem ipsum interpretatur de illius prouinciæ euersione propter Iudæorum scelera; quod verò de incendio & sempiterno fumo asseueratur; quasi hyperbolicè dictum accipit. Contra hanc declarationem validissimum argumentum ex eo petitur, quod Apocalypsis cum bis ad Isaïæ locum alludat, in neutra parte meminit Iudææ aut Ierosolymæ,

Expeditur  
Isaia locus de  
fumo incendij  
Bosra in  
sempiternum  
ascendente.  
1. expositio  
Foresterij,  
Idumæam  
explicans  
de Iudæa, &  
Bosra de Ie-  
rosolyma.  
Argumentum  
contra Fore-  
sterij expositi-

nec onem.

De fumo a-  
scendente in  
sæcula s. cu-  
borum dispu-  
tatio.

Allusio ad  
Isaia locum  
de fumo a-  
scendente in  
sæcula.



nec reperitur interpres, qui in his locis eum sensum subesse suspicetur. Iam, velle in Apocalypsi per hyperbolem exponere incendium, ac fumum sempiternum; id sane commentitium esset. Nam in enodandis anigmatis non recte applicet, qui eorū verba ad sensum hyperbolicum reuocet; cū nihil in eis deprehendatur, quod si percipiatur probè, non sensui congruenter aptetur. Et saltem c. 14. dubium non est, de sempiterno igne sermonem haberi: vbi ignem fore in æterna sacula duraturum, quis audeat ex Catholicis inficiari? Quapropter necessariū est, huic fumo aliquem adhiberi sensum de re quāpiam; quæ verè ac propriè in perpetuum dicatur duratura. Et quidem interpres, qui locum Isaia, ad quem bis alludit Apocalypsis, sic exponit, vt interpretatio conuenire non possit cum loco Apocalypseos; non video qua ratione doctis satisfacere possit.

Arias Montanus autem in eodem Isaia loco affirmat, sub nomine Bosra (quod à munitionis significatione deducitur) agi ad literam de Roma, quæ arx erat Centium munitissima. Porro incendium interpretatur de igne Euangelico; cuius virtus est eiusmodi, vt nihil omnino ab incendio excipiat eorum, quæ prius maxima videbantur. Fumum autè exponit de incertis fabulis obscuris ac molestis, (id quod ex antiqua illa superstitione post idololatriæ expulsiōem tantūmodo remansit.) His addit, expediens fuisse, vt eiusmodi fabulæ monumenti causā superessent. Hæc ille.

Ex hac interpretatione illud maximè probo, quod pro Idumæa Romanum Imperium explicat; & pro Bosra Romæ ipsiusmet Imperij metropolim; quod meā sententiā est ex Apocalypsi certissimum. Nam, quod Isaia asserit de incendio & fumo Bosra, Apocalypsis cap. 19. ad Babylonis incendium ac fumum applicat. Per Babylonem autem significari Romam, manifestum est. Et quauis cap. 14. directè sit sermo de igne ac fumo Christianorum, qui in Romani Imperij persecutione decepti carnali sapientiā à Christi Religione desciscerent: verū id in hoc significatur, quod Christiani fuerint, nihil eis profuturum, vt illud effugiant supplicium, quod Christi Ecclesiæ persecutoribus carnali sapientiā seductis fuerat præparatum. Itaque supponitur illum ignem ac fumum esse destinatum ethnicis hominibus, qui Christianam Ecclesiam insectabantur; ac proinde veros Idumæos (de quibus Isaia ca. 34. loquitur) fuisse idolorum cultores, qui Ecclesiam insectarunt; hoc est Imperium fuisse Romanum: atque adeo in Bosra designari Romam ipsius Imperij metropolim. Hoc autem non obstat, quominus Propheta de ipsis etiam Idumæis, & de vrbe, quæ propriè appellatur Bosra, aliquo modo loquatur. Etenim rectè stat, Prophetam, sicuti in alijs locis, hic etiam Iudaica tangere, Christiana respicere: & per comparisonem diuini supplicij de antiqui Israelis hostibus fumendi, agere de vltione, quæ exercenda erat in ethnicos veri Israelis, id est, Christianæ Ecclesiæ oppugnatores.

Quod verò spectat ad fumum; Ariæ Montani expositionem nullo modo recipiendam cenfeo. Primò, quia *Fumum ascendere in sæcula*, applicat Apocalypsis ad fumum, qui ex tartareo inferorum igne attollitur: vbi stultum esset de fabulis interpretari. Secundò, quauis Isaia non ageret de alio incendio, quàm de mytica Romæ conflagratione per Christianæ Religionis ignem; in eo etiam sensu iuxta Ariæ Montani declarationem; opus est, ne vilis super sit ignis, sed solum fumus: atqui Isaia textus contrarium omnino asserit: cū dicat, *Nocte & die non extinguetur*. Id quod verum planè est: ignis enim veræ Religionis semper erat Romæ duraturus, tanquam in Christianæ Religionis arce atque capite. Quod ita esse supponitur in eo, quod de fumo additur, qui semper durat, dum viget ignis. Et quauis Isaia alludat proculdubio ad pœnas, quas Deus de Sodoma & Gomorrha exegit, vbi verè non perseuerat ignis; verum idcirco dicitur quodammodo perseuerare; quoniam perseuerat fumus ille qui semper ex mari mortuo exhalatur, & aliquo modo imitatur fornacis fumum. Hoc tamen interest dif-

crimen inter incendium, de quo agit Isaia, & Sodoma conflagrationem. Nam Sodoma conflagratio non perpetuò durat: & alterum incendium durat semper: atque ita quo igne Sodoma deflagrauit, ille extitit figura sempiterni ignis; vt expressè Iudas Thadæus testatur in sua Epistola n. 7. his verbis, *Sodoma & Gomorrha factæ sunt exemplum, ignis æterni pœnam sustinentes*. Vnde Isaia etiam peripiciè edisserit, eum ignem, de quo ipse loquitur, fore sempiternum; & nec prosperitatis, nec aduersitatis tempore extinctum iri: ideoque fumum durare per sacula, quia ignis etiam in sacula perdurat.

Reiectis Forerij & Ariæ Montani explicationibus; necessarium est, aliam inuestigare, in qua intellectus acquiescat. Et quoniam ea ex Apocalypsi petenda est, oportet, antequàm genuinam Isaia declarationem proponamus, ad alteram difficultatem ex duabus initio propositis respondere. Videlicet, vtrū in Apocalypsi sit sensus idem fumi ascendentis in sacula c. 14. & 19. Qua de re sic statuo. Mihi pro certo est in c. 14. 11. sermonem esse de inferorum igne, vt vidimus in commentario. Nec minùs certū esse existimo in c. 19. 3. agi de Christianæ Religionis igne, qui Romæ semper exardescit: vt eo loci constabit. Quod autem Apocalypsis ipsdē ferè verbis vtatur, prius ad agendum de propria vindicta, qua Deus sceleratos homines vlciscitur; & postea eadem verba vsurpet, ac transferat ad mysticam vindictam, quam Deus de Roma sumpsit; id inquam non solū dissimilaneum non est, sed valde etiam consentaneū: vt significetur vindictam mysticam, & Deo esse gloriosissimam, & diuinæ iustitiæ perfectissimā satisfactionem. Quamobrem peccatorum conuersioni tribuitur nouissimæ iræ nomē, id est, nouæ alterius & multò nobilioris vindictæ. Sicut ergo idem iræ nomen vindictæ propriæ ac mysticæ communicatur: sic elegantissimum est, vt phrasia eadem ignis æterni ac fumi ascendentis in sacula, qua damnatorum pœnæ fuerant significata; postea desumatur ad significandum nouum supplicij genus, quod Deus sumpsit de illis, quos veræ Religionis igne à se ipso inflammatos in æternum voluit eo incendio conflagrare.

Quod si phrasia ignis & ardoris sēpiterni potuit eleganter ad duplicem hunc sensum ita inter se diuersos accommodari; quid mirum, si fumus de igne ascendens in sacula, diuerso etiā modo accipiat? Nonne confectarium est, vt sempiternum ardorem fumus pariter sempiternum comitari cōcipiatur? Si ergo duplex illa ignis ratio admittitur; necessarium est, duplicem quoque fumi intelligentiam concedi. A dhac: Si quæ extitit in duplici ignis ratione concinnitas & elegantia; maior adhuc effulget in eo, vt vtrobiq; sempiternū ignē fumus etiā sempiternus subsequatur. Etenim licet verū sit, ignes ipsos inter se esse diuersos; fumi tamen magnā inter se habent cognationē. Nam si attentè inspiciamus, quid sit fumus ex inferno igne ascēdens in sacula; nihil aliud (arbitror) per fumi allegoriā adūbrari, quàm splendore & gloriam, quæ in Deū redundat ex eo, quod damnati æternis barathri ignibus discrucientur. Si autem ex hoc magna Deo gloria prouenit, atq; hæc gloria potuit congruenter per fumū denotari: profectò cū Scriptura allegoriā incēdij sempiterni ad veræ Religionis ignem, quo Roma semper exardet, trāsferat; in hac ipsa allegoria sempiternus fumus locū habebat iuxta eandē diuinæ gloriæ significationē. Nec enim est minor Dei gloria, sed lōgè maior, & similiter sempiterna, quæ redūdat ex mystici incendij igne, qui Romam accendit, quàm, quæ ex æterno dānatorum supplicio. Atq; ita tamen si fumus ascendens in sacula duplicē habet sensum; alterum de iusta seueritatis gloria, de qua c. 14. agitur; alterū de gloria iræ nouissimæ, de qua c. 19. Sed vtriq; loco commune est, per fumū in sacula ascendentē significari sempiternam gloriam Deo redundantem ex eo, quod se ignē consumentem ostendat. Nā in vtraq; ira, (in antiqua videlicet & in nouissima) verè Deus ignis æterni officium præstat; & siue dānatos in gehenna æternū puniat, siue prædestinatos suæ charitatis igne mysticè exurat; vtrāque ratione suā gloriam promouet.

Quo sensu sumatur fumus sempiternus, Apocal. 14. Duo item sensus; unus idem sumatur, c. 19.

Vterque fumi sensus supra traditus comprobatur.

Quid per fumi allegoriam adūbretur.

Quomodo duo sensus ignis in sacula ascendētis in vniū conlescere possint.

2. expositio Ariæ Montani, accipientis Bosra pro Roma.

Quid in Ariæ explicatione probetur.

Quid in prædicta Ariæ interpretatione displicet.



Preponitur  
alia dupli-  
cis fumi ex-  
plicatio.

Quomodo  
fumi symbo-  
lū possit de  
Dei gloria  
apte exponi.

Alia Isaia  
loci inter-  
pretatio ex-  
ponitur.

Aliquis fortasse dicet, fumum ascendentem ex perpetuo Catholica Religionis igne Romam inflammantē, esse fumum diuinarum laudum & orationum ac precum, quibus Deus ab Ecclesia Catholica colitur, semperque coletur: per fumum itē ex inferis ascendentem figurari damnatorum hominum blasphemias ac desperationes. Mihi tamen magis placet, per fumum ex utroque igne elicitorum denotari Dei gloriam, quæ in eum redundat ex eo, quod ignis sempiterni vices gerat. Hac enim ratione idonea reperitur conciliatio inter eos locos, qui oppositi & inter se pugnantē videbantur. Atque huic significationi valde fauet ipsius fumi natura. quippe ignis lignum aliquod corripit, dum illud absumit, fumum excitat; & ille quidem fumus in aëra sublatus quasi prædicat ignis victoriam & stragem, quam in suo aduersario edit. Itaque fumus videtur suapte natura ignis gloriam atque victoriam figurare. Nec potest æternus esse fumus, quin ignis etiam æternus sit. Sed cum Deus sit æternus ignis, nec ipsius victoria finiatur vnquam (siue sermo sit de illa, quam in damnatorum punitione, siue de ea, quam in mystico Romanæ vrbs incendio consequitur) elegatissime fingitur ex utroque igne, tam vero inferni, quam mystico Romæ, fumus ascendere sempiternus.

Huic explicationi adstipulatur, quod alibi in sacris reperimus fumum Deo gloriosum; vt Isaia 6.4. *Et domus repleta est fumo.* & Apoc. c.8.4. *Ascendit fumus incensorum,* & c.15.8. *Impletur est templum fumo.* Ac demum, ad fumum, qui in celum feratur, aptius est gloriam assumi Deo prouenientem ex damnatorum supplicio, quam ipsorum damnatorum blasphemias ac maledicta. Deinde non inficior in igne ex mystico Romæ incendio in celum ascendente comprehendere etiam orationes ac laudes. verum congruentius refertur fumus ad vindictæ gloriam; siue ea sit propria vindicta, vt in inferno; siue mystica, vt in Romæ incendio sempiterno.

Iam vt ad Isaia locum regrediamur: posset primo dici, sacrum vatem ca.34. non agere de propria vindicta, quam Deus fuerat sumpturus de Romanis, qui Euangelium recipere nolissent; sed de mystica duntaxat vindicta, quam sumpturus erat de Roma cum illam veræ Religionis igne inflammauit. Quo supposito, dicendum esset, in ca.14. Apocalypseos vocem tertij Angeli non respicere ad Isaia locum, sed ad secundum caput Epistolæ Petri secundæ; vbi sermo est de æterno igne, quo Deus est animaduersurus in eos, qui vt suis concupiscentijs indulgeant, sese impietati turpiter dedunt: sicuti in Sodome & Gomorrhæ supplicio fuit adumbratum. Itaque ex duobus Apocalypseos locis, in quibus le-

A gitur fumus ascendens in sæcula, primus fit desumptus ex Petri Epistola, alter ex ca.34. Isaia.

Secundò dici potest, Isaia locum vtramque rem complecti; nempe vindictam mysticam de ijs sumendam, qui primò bellum Ecclesiæ inferebant, deinde Religionis veræ igne æternum duraturo flagrant; & vindictam etiam propriam in eos exercendam, qui mystico Euangelij igni non cederent, & propterea forent æterno igne cruciandi. Et quidem Apocalypsis (vt ego existimo) nos docet, vtrūq; ab Isaia fuisse adumbratum in eo Idumeorum incendio. Nam vtroque in loco perspicuum videtur, Apocalypsin ad Isaia locum alludere: atque adeo c.14. vti significatione æterni inferorum ignis; c. autem 19. ignis mystici significatione. Cum autem ad vtrumque denotandum Isaia verba accersat; nos pariter instruit, Prophetam complexum fuisse vtrumque sensum. Nec negari potest, quin ambos simul recipiat phrasis illa; videlicet, quod Deus fuerat suos inimicos æterno igne exustus, & triumphaturus fumo sempiterno, qui ex eorum incendio erat in celum ascensus.

Hinc tamen minimè infertur, vtrumque pariter sensum in quolibet ex his Apocalypseos locis comprehendere. Nam c. saltem 14. euidenter est, contextum nequaquam permittere vt de alio igne agatur, præterquam de igne tartareo. Et meo quidem iudicio violentum etiam est in c.19. sensum de inferorum igne pariter coerceri. Nam respectu plagarum nouissimarum minimè facit ad rem. Nihilominus si quis contendat cum eo sensu, quem ipse plagis nouissimis & euersioni Babylonis assigno, posse non ineptè componi declarationem eiusmodi; quæ hanc Apocalypseos Prophetiā exponat pariter de propriæ vindictæ, quæ Deus per sempiternum inferorum igne de rebellibus & obstinatis erat sumpturus: hic inquam, vt vtrumque simul sensum complectatur, poterit pro se adducere; mirum non esse, si Apocalypsis in capite 19. & in duobus precedentibus duos illos sensus comprehendat; siquidem eos comprehendit Isaia c.34. Veruntamen mihi satis est illam explanandi viam, eumque sensum sectari, qui magis proprius magisq; solidus apparet. Cum autem in cap. 14. alter solum ex duplici illo sensu locum habeat; ita etiam existimo in cap. 19. alterum etiam duntaxat comprehendere: atque adeo Apocalypsin sapienter vtrumque sensum; quos Isaia coniunxit, diuisisse; & alterum in ca.14. alterum in c.19. expressisse. An verò in alijs Isaia & Ieremiæ vaticinijs, vbi de Babylonis excidio sermo est, sit uterque sensus admittendus, quem admodum Isaia 34. commodius ea de re alio loco, vbi se aptior dabit occasio, differemus.

Tertia item  
Isaia expli-  
catio propo-  
nitur.

## NOTATIO VI.

*Vbi, cur in Isaia, & in alijs Scripturæ locis Idumæa designet Romanum Imperium, quod Christianæ Ecclesiæ se opposuit? Et cur etiam mystica Egypti nomen Iudeis tribuatur rebellibus, qui Ecclesiam sunt persecuti?*

In Idumæa  
Romanum  
Imperium  
ethnificum si-  
gnificari.

PER Idumæam Isaia 34. Romanum designari Imperium idolis seruientem, quod Christianam Ecclesiam oppugnauit; & per Bosra Idumææ metropolim adumbrari Romanam ethnicam illius imperij caput, notatione superiori ostendimus. Pro quo non militat solum auctoritas doctissimorum interpretum, qui ita exponunt; sed etiam Ecclesiæ Patrum: qui notant Idumæam significare Gentilitatem Christianæ fidei subiugandā. Ita Basilus Ps. 59. Arnobius, & Hilarius Ps. 107. & Augustinus de Essentia diuina, & Ps. 59. & 62. Nec Patres modò, sed etiā Apocalypseos

E consequentia id confirmat: in qua certum est, quod asserit Isaia in fumo in sæcula ascendente in coflagratione Bosra, à Ioanne intelligi de fumo ascendente ex mystica Babylonis siue Romæ incendio. Quāobrem tota ea auctoritas, qua probatur in Apocalypsi Babylonē pro Roma viurpari; militat etiam, vt credamus, Idumæam in Isaia a pro Romano Imperio ethnico accipi. Eademq; explicatio extendenda est ad plures alios Scripturæ locos: inter quos illustrissimus est ille Ioelis 3. 19. *Ægyptus in desolationem erit, & Idumæa in desertum redditura.*

locis locis  
exponitur.



Apud Isrl.  
in Ægypto  
Iudeos, Ro-  
manos in  
Idumæis ad-  
umbrari.

Cur Idu-  
mæa nomen  
Romano  
Imperio  
ethnico, Is-  
raelico vero  
populo no-  
men Ægy-  
pti impona-  
tur.

Quomodo  
Ægyptij  
Iudeos, Idu-  
mæi Roma-  
nos adum-  
brarint.

Circa quem locum obferuandum est, argumen-  
tum illius capitis (vt ex Apocalypſeos alluſione con-  
ſtat, & videbimus lib. 10.) non eſſe aliud, quàm du-  
plicem victoriam ab Eccleſia Chriſtiana de Iudeis,  
deque Gentibus reportandam. Clariſſima autem vi-  
ctoria, quàm Eccleſia de Gentibus fuit conſecuta,  
nihil eſt aliud, quàm Romani Imperij ad Chriſti fi-  
dem ſubiectio. Paucis ergo complectitur ſacer Va-  
tes pœnas, quas Deo daturi erant Iudei ac Romani  
Eccleſiam perſequentes. & Iudeis quidem nomen  
Ægypti, Romanis Idumææ nomen imponit; atque,  
*Ægyptus in deſolationem erit, & Idumæa in deſertum per-  
ditionis.* Quod verò Ægyptus myſtica ſit Iudæa & Ie-  
roſolyma; expreſſum in Apocalypſi habetur c. 11. 8.  
vbi ciuitas, in qua Chriſtus fuit in crucem ſuffixus,  
appellatur ſpiritualiter Ægyptus. Si autem Idumæa  
Romanum figurat Imperium idolorum cultui mā-  
cipatum; (vt conſtat ex Iſaia 34.) congruentiſſima  
explicatio eſt, vt per Ægypti, & Idumææ vaſtatio-  
ne innuatur ſupplicium à Deo inflictum Iudeis ac  
Gentibus doctrina Euangelicæ obſiſtentibus; exca-  
cando videlicet ac repellendo obſtinatos; prædeſti-  
natos verò diuini verbi gladio iugulando; eoſque  
euangelicæ fidei ſubiſciedo, & vtramque ob rem ſi-  
gnificanter dicuntur Ægyptus & Idumæa, quate-  
nus tales ſunt (id eſt quatenus Euangelij hoſtes) euer-  
ſæ atque deſtructæ fuiſſe.

Hoc ita conſtituto; explicemus oportet funda-  
mentum, quod extitit, vt Idumææ nomen Romano  
Imperio ethnico, & nomen Ægypti Iudaico populo  
aparetur. Ad huius rei explicationem obſerua; in  
hac phraſi innui, quemadmodum fuit inſtaurata ve-  
tus illa repugnantia & oppugnatione, qua Ægyptus  
& Idumæa ſeſe Iſraelitico populo oppoſuerunt; &  
pariter inſtaurata fuit victoria diuinitus eidem Iſrae-  
li populo conceſſa, & vindicta de Ægyptijs atque I-  
dumæis ſumpta. Sicq; nominum partitiō percom-  
modè accidit; quippe *Omnia in figura contingebant illis.*  
Deus ergo Moſem denuſit; vt ſuum populum ex  
Pharaonis eriperet ſeruitute; eumque conduceret ad  
Amorrhæorum & Phereæorum expeditionē. Qua  
in re illud fuit figuratum, ex eo, quod Deus Chri-  
ſtum Dominum Iſraelis Saluatorem miſerit, ſubſe-  
cuturam fuiſſe imprimis educationem ipſius Iſrae-  
lis ex miſera ſeruitute, & aſſertionem eorum in Eu-  
angelicam libertatem. Notum autem eſt, libertatis  
Euangelicæ nomine comprehendi liberationem à  
Moſaicæ legis iugo; non ſolum quatenus carimoni-  
alis erat, ſed etiam quatenus lex. Quia ratione Pau-  
lus ait, illam eſſe occaſionem peccati; quia concupi-  
ſcentiam excitat, dum gratiam non confert ad eā  
explenda, quæ iubet. Atque hic eſt primus effectus  
ex virga virtutis Chriſti conſecutus. Alter eſt, vt qui  
per Redemptoris virtutem ex Legis captiuitate in  
Euangelij libertatem aſſerebantur, minimè eſſent  
contenti liberatione illa; ſed ſtrenuè etiā & conſtan-  
ter myſticam Amorrhæorum & Phereæorum ex-  
peditionem aggredierentur; id eſt Gentilitatis ac to-  
tius mundi conuerſionem ad veram Chriſti Religi-  
onem.

Harum igitur duarum expeditionum primæ ob-  
ſtitit ſynagoga; & ſecundæ Romanum Imperium  
ethnicum. Prima ex his oppoſitionibus figurata  
fuit in ea, qua Ægyptus populo Iſraelitico obſtitit,  
volens nimirum diſſicere libertatem, quod Deus ſu-  
um populum euocabat: qua de re latè agitur in Exod.  
Secunda verò oppoſitio adumbrata fuit in ea, qua  
Edon contra Iſraelis populum ſe oppoſuit, ne recta  
ad Amorrhæorum, & Phereæorum expeditionem  
pergeret. Lege Numer. 20. 14. & infra: *Miſit Moy-*

A ſes nuncios ad Regem Edon; Obſecramus vt nobis tranſire  
liceat per terram tuam. (illac videlicet recta dirigeba-  
tur via.) Cui reſpondit Edon; Non tranſibis per me; alio-  
quin armatus occurrā tibi. Statimque egreſſus eſt obuius  
cum infinita multitudine, & manu forti. Hæc inquam  
hiſtoria figura fuit belli, quod Romanum Imperi-  
um Euangelicis intulit concionatoribus (qui erant  
veri Iſraelis filii, & pergebant ad Euangelium Gen-  
tibus prædicandum, & eas fidei Chriſti ſubiſcendas)  
& recta quidem ad hanc profectionem via, ea vide-  
batur eſſe; vt Romanum Imperium illis liberam  
concionandi poteſtatem faceret; quod perinde erat  
quaſi tranſitu liberum relinquere ad ſubiugandas  
animas, quæ à Deo erant prædeſtinatæ; vt ſub fidei  
Euangelicæ iugum irent. Verum Romanum Impe-  
rium ſecus id egit; nam maximā potentiā ſeſe il-  
lis oppoſuit, Cum infinita multitudine, & manu forti.  
B Quamobrem neceſſe fuit, myſticum Iſraelem diſ-  
pendio deſertum circuire, hoc eſt maximas exant-  
lare moleſtias atque ærumnas in deſerti laboribus  
& difficultatibus figuratas: vt hac ratione ad Amor-  
rhæorum expeditionem, hoc eſt, ad multarum ex  
Gentibus animarum conuerſionem, antequam Ro-  
manum ſubiugaret Imperium, perueniret.

Vides ergo, ſi rectè figura ipſa expendatur; nomē  
myſticæ Ægypti mirificè carnali Iſraeli quadrare,  
nec minus Edonis myſtici nomen Romano impe-  
rio idolorum cultori. Atque vt in ipſa figura Deus  
ſeueriſſimè animaduertit in vniuerſum Ægyptio-  
rum exercitū, cum eos in mare demerſit; & poſtea  
etiam fuit vltus Idumæos, cum eos Dauidis impe-  
rio funditus ſubiicit; vt habetur 2. Reg. 14. Ita etiam  
C in re ipſa figurata carnalem Iſraelem mare rubrum  
obruit. Quamuis enim myſtico Iſraeli non ſubi-  
ecti remanſerint, quia ad fidem conuerſi non ſunt;  
in ſua tamen obſtinatione ſubmerſi fuerunt. My-  
ſticum autem Edonem ſubiicit Deus veri Dauidis,  
id eſt, Chriſti iugo. Et facta eſt vniuerſa Idumæa ſer-  
uens Dauid. Atque in eodem ſenſu ait myſticus Da-  
uid Pf. 59. 10. & Pf. 107. 10. *In Idumæam extendā cal-  
ceamentum meum.* Glorians videlicet, quod Romanū  
Imperium ſit calcaturus; id eſt, ſue ditioni ſubiugatu-  
rus. Vide etiam Iſaia 34. 5. *Super Idumæam deſcendet.*  
& Ierem. 49. 17. *Erit Idumæa deſerta:* Ezech. 25. 13. &  
14. *Extendam manum meam ſuper Idumæam, &c.* & c. 36.  
5. Item Amos 9. 12. *Vt poſſideant reliquias Idumææ.* Ab-  
dia n. 8. *Perdam ſapientes de Idumæa.*

Ex his omnibus intelligitur, in Apocalypſi no-  
men Ægypti, Ieroſolymæ ac Iudææ non gratis, ſed  
congruenti applicatione imponi; idemque dixerim  
de incendio Boſra ad myſticum Romæ incendium  
applicato. Vnde plurimum lucis oboritur multis  
prophetijs; ex quibus aliæ primo aſpectu loqui  
videntur aduerſus propriam Ægyptum; & aliæ ad-  
uerſus propriam Edonem. Ceterum licet iſthæc ap-  
plicatio congruentiſſima ſit; non tamen obligat, quo-  
minis in aliqua parte poſſit Ægypti nomen ethni-  
cis Philoſophis propter inanem ſapientiæ iactantiā  
attribui; & aliqua etiam ex parte Eſau, vtpote Iaco-  
bo natu maior, Synagoga repræſentat; vt in Iaco-  
bi luſta cum Angelo explicatum eſt; de qua diximus  
c. 11. notat. 1. Ibi tamen figura non petitur ex toto  
Edonis populo, ſed ex perſona Eſau. Cum verò re-  
ſpicitur ad Edonis pugnam, qua Iſraeli obſtitit, ne  
ad terræ Promiſſionis expeditionem progredieretur;  
tunc non agitur de perſona Eſau, ſed de vniuerſa I-  
dumæa, & eius Principibus; quæ eſt Romani Impe-  
rij ethnici figura. Vt ex ſuprà adnotatis manifeſtè  
conſtat.

Ægyptios  
fuiſſe in  
mari de-  
merſos; Idu-  
mæos verò  
Dauid ſub-  
actos, quia  
myſticè ſi-  
gnificati



## Appendix ad notationem sextam de Vera Moabitarum &amp; Ammonitarum significatione.

De Moabi-  
tis & Am-  
monitis  
disputatio.

CUM in præcedenti notatione explicata sit propria Ægypti & Idumæ significatione; oportet, ut hic addamus, qui sint spiritualiter Moabitis & Ammonitis. Nam sicut Idumæa sese opposuit intentioni filiorum Israelis, qui ad Amorrhæorum & Pherezeorum expugnationem properabant; ita similiter eisdem conatibus Moabitis & Ammonitis obstiterunt. Constat hoc Iudicium 11. Ex quo capite similiter patet, eundem fuisse Ammonitis & Moabitis Regem: electus quippe est Iephthe in principem, ut pugnaret pro Israël aduersus filios Ammon. Et misit nuncios (Iephthe) ad regem filiorum Ammon, qui ex persona sua dicerent: Quid mihi & tibi est, quia venisti contra me, ut vastares terram meam? Quibus ille respondit: Quia tulit Israel terram meam, quando ascendit de Ægypto, &c. Per quos rursum mandauit Iephthe, & imperauit eis, ut dicerent regi Ammon: Hæc dicit Iephthe, non tulit Israel terram Moab, nec terram filiorum Ammon: sed quando de Ægypto conscenderunt, ambulauit per solitudinem usque ad mare rubrum, & venit in Cades. Misitque nuncios ad regem Edom, dicens Dimitte me ut transeam per terram tuam. Qui noluit acquiescere precibus eius. Misit quoque ad regem Moab, qui & ipse transitum præbere contempsit. Mansit itaque in Cades, & circumiit ex latere terram Edom, & terram Moab, &c. nec voluit intrare terminos Moab. Ut ergo ex his liquet, reges Idumæorum, Moabitarum & Ammonitarum erant, à quibus filij Israelis liberam per suas regiones transeundi potestatem deprecabantur: ut in Amorrhæorum & Pherezeorum expeditionem recta possent contendere. Quamobrem cum exposuerimus iam, quæ sit mystica Ægyptus & Edom; superest explicare, qui sint mystici Moabitis, & Ammonitis, qui eundem habebant regem, & similiter Israeli transitu per eorum ditionem interdixerunt.

Cum igitur idem fuerit Moabitarum & Ammonitarum rex; sequitur, quo tempore filij Israelis hanc ad eum legationem miserunt, Balac Ammonitarum & Moabitarum regnum tenuisse, de quo latè agitur Numerorum vigesimo secundo, & vigesimo tertio, & vigesimo quarto. Quamuis enim Moabitarum & Madianitarum solum mentio fiat, sed sub Moabitis intelliguntur etiam Ammonitis, ut colligitur ex superiore loco Iudicium 11. Nam idemmet erat Ammonitarum & Moabitarum rex: ac proinde communi consensione obuia Israelitico populo prodierunt.

Ad mysticam autem expositionem, quam respicit Apocalypsis, obseruandum est, Moab & Ammon (ex quibus Ammonitis & Moabitis ducunt originem) fuisse ambos Lothi filios ex duabus ipsius filiabus susceptos, Moab ex maiore, & ex minore Ammon, ut habetur Genes. 19. 37. Hi ergo duo fratres ex inordinata concupiscentia procreati, videntur mihi representare duos inordinatos affectus, qui generantur à carne; alterum concupiscibilis facultatis, alterum irascibilis. Quare illi spiritualiter Moabitis nuncupantur, qui suis concupiscentijs se totos dedunt: illi Ammonitis, qui ira atque furoris aestu aduersum Dei filios rapiuntur. Manifestum autem est, eosdem esse, qui & suis concupiscentijs morem gerunt, & earum causa filios Dei persequuntur: id eoque interdum Moabitarum nomine vterque; comprehenditur affectus. Verum formalis eorum distinctio in duobus illis fratribus non ineptè figuratur. Nec opus est, inter mysticos Moabitis atque Ammonitis realem interesse distinctionem: imò verò idem Gentiles in Idumæis, in Moabitis, & in Ammonitis adumbrati sunt. Nam Idumæa in S. Literis (ut iam diximus) significat Rom. Imperium idolorum superstitionis studiosum; quod cum ingenti potentia Christianæ Ecclesiæ primitiæ se opposuit. Atque sicut in Apocal. fuit satis formalis distinctio, ut terrestri Bestia à Bestia marina distingueretur, & in Bestia maris Rom. figuraretur Imperium, in Bestia verò terræ carnalis adumbraretur sapientia, (quæ in singulis ethnicis bellum faciebat aduersus Ecclesiam;) sic sub eiusdem veritatis figura, in antiqua historia inclusa, per Idumæam representatur idem,

A quod Bestia maris; & per Moabitarum atque Ammonitarum regnum, idem, quod Bestia terræ. Vbi tamè maioris distinctionis gratia, in nomine Moab adumbratur concupiscibilis facultatis affectio inordinata, & Ammonis nomine, affectio irascibilis: ad eum ferè modum, quo in Apocal. cum de bello à Iudæis in Ecclesiam gesto agitur, distinguuntur locustæ ab equis furiosis, id est, concupiscentiæ ab iris, ut vidimus cap. 9. Similiter ergo in bello per Rom. Imperium Ecclesiæ primitiæ inferendo, totius Imperij potentia in Idumæis Israel resistentibus figurata fuit. Illi enim Dei populo processerunt obuia, cum infinita multitudine, & manu forti. Carnalis autem concupiscentiæ affectus, quo Ethnici stimulari Euangelium acriter oppugnant, in Ammonitis atque Moabitis eleganter adumbratur. Ar rex Balac (quod destructorem sonat, & vtriusque populi rex erat) innuit amoris proprii effrenatam potentiam, cui etiam Apoc. 9. 11. Exterminantis nomen datum est.

B Præterea, ut in Apocalypsi prius imperij idololatæ superbia in maris Bestia depingitur; deinde sapientia carnis, in Bestia terræ: sic etiam in Numerorum libro (ubi describitur historia de bellis & oppugnationibus, quibus Israelis filios vexarunt nationes illæ, quæ regionibus per ipsos Israelitas debellandis priores existerant) primò recensetur Idumæorum oppositio in manu forti. Dein huic oppositioni additur repugnantia regis Balac, qui Moabitis pariter & Ammonitis imperabat. Atque ut in Apocalypsi maris Bestiæ adscribitur potentia, & Bestiæ terrestri astutia & calliditas, non aliter in Numerorum libro ingens potentia attribuitur regi Edom, Qui egressus est obuia, cum infinita multitudine, & manu forti. Regi autem Balac Moabitis & Ammonitis dominanti non tam potentia tribuitur, quam astutia. Vnde perhibetur promissis atque blanditijs Prophetam Balaamum pellicere tentasse, ut in Israeliticum populū maledicta & execrationes euomeret. Balaamus ergo videtur rationem figurare, (quæ est veluti Dei Propheta Gentilibus adhuc reliquus.) Quare dum Balaamus Deum obseruauit, & suum præstitit officium; adduci non potuit, ut Israelis populū diris & imprecationibus deuoueret, sed potius ei fausta atque felicia fuit precatus. Licet postea in eam sententiam peruersè inciderit, ut regi Balac consilium daret perniciosum, quo populū ipse Israeliticum in scelus atque flagitium impelleret. Ita accidit in Ecclesiæ persecutione. multi enim ex ipsis ethnicis erant, quibus recta ratio semper dictabat, periniquum esse Christianos homines insectari, quamuis ipsimet postea morem temporis gererent, & re ipsa persecutionis fautores se profiterentur.

C Madianitis etiam, (qui regi quoque Balac subiacebant) fortassis significant simulata per speciem rationis argumenta, quibus inordinatæ affectiones vtebantur ad Ecclesiæ persequendam. Nec enim sua etiam rationis (falsæ tamen ac fictæ) species desit concupiscentijs, iris atque furoribus hostium Ecclesiæ; qua illi excitari persecutionem alant ac prouocant. Et aliquando etiam harum rationum fictio eò peruenit, ut nonnulli ex fidelibus in fraudem inducerentur, & in eadem scelerum communione cum Madianitis coeuntes, eorum idola venerarentur. Huc spectat etymon nominis Madian, quod sonat Litum. Fuit autem Madian filius spurius Abrahami, qui idem est, ac à Deo edoctus. Et hæc attigisse, siue indicasse sit satis: infiniti namque operis esset, omnia persequi. Ceterum ea, quæ diximus, vsui esse possunt, ut intelligamus, cum Prophetæ agunt de vindicta à Deo sumenda de Moabitis, in sensu prophetico esse sermonem de vindicta mystica, quam sumpturus erat Deus de illis, qui suis prius concupiscentijs obsequentes ab Euangelica doctrina longissimè abhorreere videbantur. Quando verò Prophetæ loquuntur de victoria ex Ammonitis per Ecclesiam reportanda; similiter sensum esse propheticum de illa victoria,

Imperij  
Romani po-  
tentia quo-  
modo in I-  
dumæis  
designetur.Balac regis  
& Balaami  
Propheta  
historia  
mysticè ap-  
plicatur.Quid per  
Madianitas  
significetur.Vox Madiæ  
quid sonet.  
Propheta,  
cum de vin-  
dicta ex Mo-  
abitis sumē-  
da sermonē  
instituit,  
quoniam po-  
tissimum  
prophetia  
finem diri-  
gant, quod  
verò respec-  
tando, quan-  
do de victo-  
ria ex Am-  
monitis re-  
portanda  
agunt.Balac Mo-  
abitarum  
& Ammo-  
nitarum  
rex.Moab &  
Ammon filij  
Loth.Quinam  
per Ammo-  
nitas &  
Moabitis  
mysticè si-  
gnificentur.



quam adeptura erat Ecclesia de ira atque furore Gentilium illam persequentium. Atque hunc modum exponendi eiusmodi Prophetas ab Apocalypsi discimus, dum in principio capitis 14. alludit ad Prophetiam Isaia de onere Moab, (cap. 15. & 16.) eamque applicat ad mysticam ultionem, quam Agnus sumpturus erat ex ijs, qui suis antea concupiscentijs indulgentes se opponebant Euangelio. Et similes prophetias aduersus Moabitas legimus Numerorum 21. 29. & c. 24. 17. Psal. 59. 10. & Psal. 107. 10. Haia 25. 10. Ieremiae 48. 1. Ezechielis 25. 8. Amos 2. 1. Sophoniae 2. 8. Nec alia ratione explicandae sunt prophetiae contra Ammonitas, Psal. 82. 8. Ieremiae 49. 1. Ezechielis 21. 20. & cap. 25. 2. Amos 1. 13. Sophoniae 2. 8. In his enim propheticis pariter sensus innuit victoriam preclarissimam, quam Deus suae Ecclesiae fuerat concessurus de Gentilibus, qui eam acerrime oppugnabant, multis eorum ad Christianam religionem adiunctis. Atque hoc etiam mysterium fuerat adumbratum in victorijs, quas populus Israeliticus ex Ammonitis adeptus est. de quibus Iudicum 11. 32. & 1. Reg. 11. 11. & 2. Reg. 8. 12. & omnium maxime 2. Reg. 10. Legatur etiam caput 12. 26. Idem quoque mysterium figurabatur in ijs victorijs, quas olim Deus Israeli contra Moabitas dedit. *Factus est enim Moab seruiens Dauidi sub tribute, ut habetur 2. Reg. 8. 2.*

**A** Iam, si Moabita & Ammonita considerentur secundum eorum significata, id est concupiscentias atque iras, quae aduersus Christi Euangelium militant, latens hinc mysterium eruitur, ratioque cognoscitur, cur praeceperit Deus Israelitis, ut contra Madianitas & ceteros eiusdem factionis internecinum bellum gerant, nec Ammonita & Moabita vnquam in Ecclesiam ingrediantur. Vide Numer. 25. 17. *Hostes vos sentiant Madianita.* Et de non admittendis vllò vnquam tempore in Ecclesiam Moabitis & Ammonitis, lege Deutero. 23. 3. & 2. Esdrae 13. 1. Ratio verò est, quia Moab, ut iam diximus, significat inordinatas concupiscentias, quam explanationem desumpsimus ex Origene homil. 5. in Genesim, Ambrosio in Psal. 59. & Gregorio 1. Regum capite decimo quarto; qui notant, per Moab significari concupiscentiam, quae à patre diabolo est, & carnales etiam sensus, qui nunquam sunt Dei Ecclesiam ingressuri. Nec diuersa est explicatio Origene Exodi capite sexto, Basilij atque Hilarii Psal. quinquagesimo nono, & Hieronymi Psalmo octogesimo secundo. Etenim licet ij dicant, Moabitas esse symbolum Gentilium, intelligendi tamen sunt de Ethnicis, quatenus proprijs cupiditatibus irretiti Euangelicae praedicationi pertinaciter resistunt.

*Cur Deus suo populo praeceperit, ut & Madianitis se hostes exhiberent, & Ammonitis ac Moabitibus ingressu Ecclesiae interdicerent? mystice.*

## TEXTVS.

*Vers. 12.* Hic patientia Sanctorum est, qui custodiunt mandata Dei, & fidem Iesu.

## COMMENTARIVS.

**E**RIT fortasse, qui credat, in his verbis continuari adhuc vocem tertij Angeli, aut saltem aduerbium illud, *Hic* ad tertij Angeli vocem duntaxat referendum esse. Mihi conueniens videtur, ne verba isthaec ad tertij Angeli sermonem pertineant; sed considerentur quasi à Ioanne adnotata, dum de tribus omnibus trium Angelorum vocibus superius relatis loquitur. In quibus lectorem instruit, trium harum vocum veritati inniti patientiam & spem, quae sanctis viris inerant persecutionis tempore, cum tormenta quaelibet atque caedes constanter tolerabant, ne Christi fidem ac religionem violarent.

*Verba haec non ad tertium angelum referenda, sed à Ioanne sub propria persona dicta.*

## TEXTVS.

*Vers. 13.* Et audiui vocem de caelo dicentem mihi: Scribe; Beati mortui, qui in Domino moriuntur: Amodò iam dicit Spiritus, ut requiescant à laboribus suis: opera enim illorum sequuntur illos.

## COMMENTARIVS.

**D**E omnibus, qui ex hac vita in Dei gratia decedunt, exponunt hanc vocem Bernardus, Beda, Richardus, Andreas, Primasius, Haimo, Ioachimus, Ansbertus, Pannonius, & alij. Alij verò de solis Martyribus, siue quia mori in Domino existimant perinde esse, ac mori propter Dominum (aliquando enim *in*, est idem quod *propter*, ut Genes. 18. 28. & capite vigesimo nono, numero decimo octauo.) siue quia generalis sententia de felicitate eorum, qui mortem obeunt in Dei gratia, hic sanctis Martyribus applicatur; cum sermo sit de persecutionis tempore, & cohortatio fiat ad patientiam, ut videre est in ipso contextu.

Ipse tamen mihi persuadco, *Mori* in hoc versu non esse re ipsa ex hac vita decedere, sed constanti atque erecto animo esse ad vitam pro Christo cum sanguine profundendam; & internecioni quasi vicissimam esse iam deuotum ac destinatum pro Dei gloria & Christianae fidei professione; atque adeò existimo, illos in hoc loco mortuos nominari, qui fortiter mori decreuerunt, priusquam sceleris quidquam in Diuinam maiestatem admittant; ac demum labores omnes & calamitates maturè prospiciant, Virgiliani instar Aeneae dicentes lib. 6.

*Omnia praecepi, atque animo mecum antè peregi.*

Imprimis ergo nouum minimè est in Sacris verbum indicatiui praesens significare firmum aliquod

*Quinam hic dicantur mortui. Duplex aliorum sententia proponitur.*

*Auctoris sententia.*

**D**

**E**







Doctrina de  
vera requie  
quam iusti  
per sui mor-  
tificationem  
assequuntur,  
spiritualiū  
viroſū pro-  
pria, non  
carnalium.  
Quo ſen-  
ſu dicitur,  
Opera illo-  
rum ſequit-  
ur illos.

Difficultas  
contra pra-  
dicta ſolui-  
tur.

AMODO IAM DICIT SPIRITVS, VT RE QUIESCANT A LABORIBVS SVIS. ] Hæc doctrina carnali-  
bus hominibus difficilis admodum apparebit; nimirum, vbi quispiam Chriſti crucem fuerit am-  
plexus, & fortiter mori pro Chriſto ſtatuert, in ipſiſmet laboribus, ſiue etiam ab ipſis, requiem ſe  
ac pacem inuenturum. Sed nihil eſt magis inter ſpirituales viros familiares aut ſapius iteratum:  
quibus vtpote expertis habenda fides, præſertim cū Ioannes dicat, voce ſibi cælitus audita confir-  
matum fuiſſe, eiufmodi doctrinam eſſe Spiritus ſancti propriam. Et multa alia ſimilia testimo-  
nia reperiuntur in nouo teſtamento; vt illud Pauli ad Coloſſ. 3. 3. *Mortui enim eſtis, & vita veſtra, &c.*

OPERA ENIM ILLORVM SEQVNTVR ILLOS. ] Communis expoſitio eſt, iuſtos in cæleſti patria  
premium bonorū operū inuenire. Verū conſiderata Scripturæ phraſi, multò ſimplicius & aptius  
eſt, vt de ipſis explicemus operibus. Neque enim ait textus, *Fructus operum ſequitur eos*, ſed *Opera illorum  
ſequuntur illos*. Cū autem agatur hic de illis, qui ſe morti fortiter addicunt, ac deuouent; ſenſus ho-  
rum verborum eſt, qui pro Chriſto mori decreuerūt, & mortem ipſam quaſi deuorarunt, eos poſteā  
in opere ipſo non viribus deſici; ſed ſtabiles potiùs, & in opere efficaciſſe, conſtantes, patientes, &  
fideles Chriſti amatores inueniri. Quid enim aliud ſignificatur operum nomine? Et verò verbail-  
la *Sequuntur illos*, cū de operibus ſermo eſt, denotant proculdubio, quod poſteā res ipſa oſtendit.  
Conſule Prou. 12. 20. *Qui pacis ineunt conſilia, ſequitur eos gaudium.* & cap. 18. 3. *Sequitur eum (impium) igno-  
minia & opprobrium.* Et cap. 29. 1. *Qui corripientem contemnit, &c. & eum ſanitas non ſequitur.* Et num. 23. *Super-  
bum ſequitur humilitas, & humilem ſpiritu ſuſcipiet gloria.* Ieremiæ 48. 2. *Sequeturq; te gladius.* 1. ad Timoth. 5. 24. *Quorundam hominum peccata manifeſta ſunt, præcedentia ad iudicium; quorundam autem & ſubſequuntur.* vbi ſenſus  
eſt de nonnullis, quos Episcopus non potuit non ad ſacros ordines recipere; quia ipſorum peccata  
non erant manifeſta. poſteā tamen ipſorum opera indicarunt, eos fuiſſe indignos. Subdit verò ibi  
Apoſtolus, *Similiter autem & facta bona.* Senſus igitur in præſenti eſt, qui mortem pro Chriſti fide ſub-  
ire non formidabant, ſed potiùs ad eam oppetendam prompti ac parati erant, eos deinceps in pa-  
tientia atque conſtantia firmos ſtabileſque perſiſtere.

Sed opponet aliquis; non bene probati, eos qui pro Chriſto ſerid mori decreuerunt, in ipſis labo-  
ribus pace frui; quia poſteā inueniuntur in operibus ſtabiles. Reſpondeo primò, optimè cohære-  
re cōtextum. Nec enim pacefruerentur, ſi laboribus & perſecutionibus ſuccumberent. Secundò, par-  
ticulæ *Enim* reſpondet in Græco δὲ. Itaque hic vox *Enim* cauſalis non eſt, ſed affirmatiua & conti-  
nuatiua, vt ſapè alibi. Quare de ijs, qui ſe morti viriliter offerunt, duo affirmantur; alterum eos  
illico (ex eo videlicet ſuſcepti conſilii tempore) requiem potiri: alterum, illos poſteā in ipſis o-  
peribus ſtabiles ac firmos reperiiri.

## T E X T V S.

Vers. 14. Et vidi, & ecce nubem candidam: & super nubem ſedentem ſimi-  
lem filio hominis, habentem in capite ſuo coronam auream, & in manu  
falcem acutam.

15. Et alius Angelus exiuit de templo clamans voce magna ad ſedentem ſu-  
per nubem, Mitte falcem tuam, & mete, quia venit hora, vt metatur; quo-  
niam aruit meſſis terræ.

16. Et miſit, qui ſedebat ſuper nubem, falcem ſuam in terram; & demeſſa eſt  
terra.

## C O M M E N T A R I V S.

EX allegoria exercitus atque militiæ tranſitio fit ad meſſis allegoriam. Verū ſenſus ipſe haud  
dubie continuatur: vt cernitur apud Ioelē c. 3. vnde hæc allegoriæ commutatio deſumitur.  
Agebatur enim de bello, vt patet n. 9. *Sanctificate bellum, ſuſcite robuſtos, accedant, aſcendant omnes viri bella-  
tores. Concidite aratra veſtra in gladios, & ligones veſtros in lanceas. Infirmus dicat, Quia ſortis ego ſum. erumpite, &c.* Et  
paulò in frā ſequitur, *Mittite falces, quoniam maturauit meſſis.* Hæc igitur meſſis, de qua loquitur ibi Ioel,  
in præſenti deſcribitur à Ioanne. Ribera ait, hanc viſionem eſſe difficillimam; ſed demū per meſ-  
ſem ſtatuit debere intelligi conſummationem ſæculi: iuxta illud Matth. 13. 30. *Sinite vtraque crefcere  
vſque ad meſſem.* Cum Ribera conſentit Maldonatus Matth. 19. 28. vbi hunc Apocalypſeos locum af-  
fert, & ſic habet, *De extremo iudicio loquitur, vt falx in manu ſedenſis declarat.* Atque ea eſt Gregorij Magni  
expoſitio l. 33. Moralium c. 14. vbi diuini iudicii poteſtatem per falcem intelligit. *In falce enim quidquid  
inciditur, intus cadit.* Eandem de extremi iudicii die interpretationem amplectitur Primaſius, Beda,  
Haymo, Anſbertus, Pannonius, Viegas & alii. Et videtur quidem ex eo valde confirmari, quod in  
eo Ioelis loco (ad quem hic alluſio fit) præcedit, *Conſurgant, & aſcendant Gentes in vallem Joſaphat, quia  
ibi ſedobo, vt iudicem omnes Gentes in circuitu.* & mox immediate ſequitur, *Mittite falces, quoniam maturauit meſſis.*

Nihilominus mihi certum eſt, per meſſem in hoc loco denotari ingentem fructum, quem ſuis  
concionibus collegerunt Apoſtolici viri, quos Deus ad prædicandum Gentibus miſit; hoc eſt, vber-  
rimam animarum ſegetem & copioſiſſimam Gentilium conuerſionem. Atque inprimis inſiciari  
nemo poteſt, quin vſitata ſit Scripturæ loquutio, meſſem appellari Gentilium conuerſionem. Patet  
hoc Matth. 9. 37. & Lucæ 10. 2. *Meſſis quidem multa, operarij autem pauci.* Rogate ergo Dominum meſſis, vt mittat  
operarios in meſſem ſuam. Et Ioan. 4. 35. *Videte regiones, quia alba ſunt iam ad meſſem.* Et certè nihil apud Eccle-  
ſiæ Patres frequentius, quam animarum conuerſionem nomine meſſis, aut ſegetis ſignificare.

Secundò, Apocalypſeos ſeries & conſecutio hunc ſenſum omnino poſtulat; qui prætermitti nō  
poteſt, niſi ab ijs, qui de Apocalypſeos filo & cohærentia nihil curant. Etenim præterquam quòd  
nullus hic locus eſt extremo iudicio: (cū poſteā mille pacis anni ſubſequantur) in hoc ipſo capi-

Transitio ex  
militia alle-  
goria ad al-  
legoriam  
meſſis, ex  
Ioelē petita.  
Quid ſit  
apud Ioelē,  
Mittere fale-  
ces, quia  
appropin-  
quauit meſ-  
ſis.

1. expoſitio  
accipiens de  
extremi iu-  
dicii tem-  
pore.

Auſtoris  
explicatio  
de meſſe ani-  
marum, qua  
per Euange-  
lij prædica-  
tionē in Ec-  
cleſia horrea  
cōuehūtur.  
Prædicta  
interpreta-  
tio in Apoc.  
cōſecutione  
ſoluitur.



A teuidens est, nondum ad diei iudicii tractationem perueniri; quādoquidem sub Agni specie Christus apparet, & Agnus ipse est huius belli, huiusque exercitus dux; nec non eius milites praelium ineunt, non secus atque agni inter lupos. Ad hoc ergo bellum spectat messis, ut manifeste colligitur ex Ioelis 3. ibi enim messis allegoria cum belli tractatione connectitur. Et quamuis sibi aliqui persuadeant, legitimum sensum capit 3. Ioelis esse de propria vindicta, deque vniuersalis iudicii die: me certe Apocalypsis docet, Ioëlem ibi agere de mystico Euangelij prædicatorum bello; atque aded messem esse illius prædicationis fructum. Et de die quidem iudicii ego prorsus explicare nescirem illa Ioelis verba. 10. *Infirmus dicat, quia fortis ego sum.* Vnde Paulus: *Virtus in infirmitate perficitur.* & *Omnia possum in eo qui me confortat.* & alibi. *Cum infirmor, tunc potens sum.* Quæ verba aptissime applicantur ad robur ac vires, quas Deus viris Apostolicis suggerit; quando infirmiores ipsi ac debiliores ad Euangelij messem videntur. Nec huic sensui obstat mentio vallis Iosaphat, ut constabit libro 10. in illius capituli expositione.

B Tertio, ad significandam mysticam conuersionis messem in Gentilium quamplurimis, cohæret optime, quæ in hac visione Ioanni sunt ostensa. Nam per nubem candidam mirifice exprimitur ministerium Euangelij prædicatorum, ut vidimus c. 1. & in ea nube eleganter effingitur Christus aduenire cum verbi sui falce ad metendum. Ipse enim propriè conuersionis effectum præstat. Nam licet possit etiam ipsedem operarijs, veluti ministris, attribui; ut constat Matth. 9. 37. Luc. 10. 2. & Ioelis 3. 13. In Apocalypsi tamen iure optimo Spiritus sanctus conuersionem animarum Christo, ut præcipuo auctori, voluit adscribi. Quapropter c. 19. 21. cernimus, licet Christus magnam equitum multitudinem secum ducat, vniuersas tamen cædes fieri ab ipso Christo; quia *omnes occisi sunt in gladio sedentis super equum, qui procedit de ore ipsius.* Porro nubis symbolum optime etiam indicat incredibilem velocitatem, qua viri Apostolici diuino spiritu afflati totum terrarum orbem percurrerunt, nulla difficultate victi, nullo labore fatigati. Vnde illud Isaia 60. 8. *Qui sunt isti, qui ut nubes volant?* Deinde humana figura aptissima est ad Christum clementem atque benignum denotandum; & eapropter de prima illa figura cap. 1. 13. dicit Ioannes, vidisse se similem filio hominis. & sicut c. 1. in prima illa visione sermo est de Christo in sua Ecclesia; sic etiam in præsentī, persona filij hominis repræsentat Christum in viris Apostolicis, siue per illos, metentem mysticam messem. Adhæc: corona aurea, quam cælestis messor gestat in capite, egregiè conuenit cum Gentium vocationis mysterio; quia per Gentium conuersionem dicitur Christus in mundo regnare. Atque hic est ipsissimus sensus eorum Psalmorum, in quibus dicitur *Dominus regnauit.* (Ii autem sunt Ps. 92. Ps. 96. & Ps. 98.) Expende verba illa, *Dominus regnauit; exultet terra, latetur insula multa; nubes & caligo in circuitu eius.* Ecce nubem, de qua in præsentī Ioannes. Mox sequitur, *Iustitia & iudicium correctio sedis eius.*

C ET IN MANU SUA FALCÈM ACVTAM.] Quod in belli allegoria est gladius; hoc in messoris figura est falx acuta; quare sine dubio sermo est de gladio Spiritus, *Quod est verbum Dei.* Vide c. 19. 21 ubi tota occisio fit ipsius ducis gladio.

ET ALIUS ANGELVS EXIIT DE TEMPLO.] Quod ad grammaticam spectat, relatiuum *alius* non significat sub Angeli specie apparuisse illum, qui super nubem candidam fuit visus; satis namque est, duos proximè subsequentes esse Angelos, sicut diximus supra num. 6. Si tamen aliquis velit, per complexum illum, *Alius Angelus*, denotari in præsentī, messorē etiam Angelum esse; non admodum repugno. Nam & Christo & Apostolis nomen etiam Angelorum in sacris Literis datur: nec tamen ideo opus est, messorē apparuisse alatum.

D Quod verò ad rem ipsam attinet; hic Angelus è templo exire visus denotat (opinor) Prophetam Ioëlem; verba enim quæ profert, ea sunt: *Mitte falcem tuam, & mete, quia venit hora, ut metatur; quoniam maturauit messis terræ.* Hæc autem verba mutuata sunt ex c. Ioelis 3. n. 13. ubi ait: *Mittite falces, quoniam maturauit messis.* Ideo autem Apocalypsis singulari numero, Ioel verò plurali vtitur: quia Ioel alloquitur Euangelicos prædicatores, quos destinauit Deus ad Euangelium Gentibus promulgandum; at Apocalypsis dirigit sermonem ad Christum. Sensus tamen idem est; quia Christus erat præcipuus, qui in suis operarijs fruges demetebat. Quamobrem ipsis, ut instrumentis; Christo, ut principali causæ, messis adscribitur. Ioëlem verò de messe Euangelica sermonem instituere libro 10. manifestum erit in eius capituli commentario.

E Verum age iam, quid sibi vult, Ioëlem dicere Christo, ut mittat falcem, quoniam triticum ad maturitatem peruenerat? Respondeo, Ioel, ut Propheta, Dei beneplacitum enunciat; Christus autem quatenus homo in suis actionibus semper in Dei beneplacitum mentis oculos intendit: & idcirco dicitur Christus, ut impleretur Scriptura, protulisse, *Sinio.* & similiter in multis alijs. Præterquam quod messor in hac visione repræsentat, quod Christus per suos ministros, id est prædicatores Euangelicos fuit operatus; ad eosque sermonem conuertit Ioel cum ait, *Mittite falces, &c.*

Sed quid significat illa Angeli egressio è templo? Illud quidem vaticinium capit 3. Ioelis est arcanum nimis ac reconditum: in eoque ostenditur, Prophetam, quando vaticinium hoc enunciaturus prodit, quasi ex ipso Dei penitrali fuisse egressum; hoc est, quod Deus illum in abditum Sanctuarij recessum intulerit, & mira Christianæ Ecclesiæ arcana docuerit, ideo Prophetam potuisse admirabilem illam prophetiam pronunciare. Quod autem Ioel dicatur in illis verbis *Clamasse voce magna*, ad vehementem affectum referendū est; sicuti qui in rebus magni momenti præ ingenti animi sensu exclamare solent. Fortè etiam clamor hic Euangelij concionatores ad clamandum inuitat. Sic enim suum explent officium, & apta fiunt mystici messoris instrumenta.

QVONIAM ARVIT MESSIS TERRÆ.] Verba Ioelis sunt, *Quoniam maturauit in messis.* Ad quæ etiā verba respexisse videtur Christus Ioan. 4. 35. *Videte regiones, quoniam alba sunt iam ad messem.* Quibus verbis non significatur, messē ipsam, quod in se est, maturam iam & falci aptam esse, sed adesse iam tempus opportunum, quo Deus ipsi maturitatem addere decreuerat. Quapropter maturitas non est referenda ad bonam dispositionem, quæ Gentibus ipsis inesset; sed ad magnam efficacitatem, quam Deus prædicationi cōferebat; quod accessisset tempus à Deo constitutum, in quo & concionatoribus

Ex ipsa visione Ioannis hic ostensa id amplius confirmatur.

Quid significetur eo Psalmorum exordio, Dominus regnauit. Vers. 15.

In hoc Angelo, qui è templo exiit, quis figuratur.

Quid sibi velit hic angelus clamare, Mitte falcem tuam, &c.

Angelum egredi è templo, quid innuat.

Allusio ad Ioelis verba.



ad prædicandum, & ad excipiendum auditoribus opem auxiliumque efficax præbere decreuerat. Scio aliter exponere Andream & alios; qui putant, propterea dici, *Quoniam aruit messis terra*; vt significaretur electorum numerus esse completus. Verum hic sensus aptari non potest Ioannis verbis in Euangelio cap. 4. 35. cum Christus ait, *Videte regiones, quoniam alba sunt iam ad messem*. Idemque est; *Quoniam aruit messis terra*.

Verf. 16.  
Quo sensu  
hic dicatur  
demessa esse  
terra.

ET DEMESSA EST TERRA.] Non agitur hic de generali totius Imperij Romani conuersione; sed de messe, siue conuersione, quæ vindemiam antecessit; hoc est, ingentem Martyrum numerum, qui in maximum Christi nominis decus, splendorem, & gloriam reIundauit. Nec alia fuit mystica hæc messis, quam vocatio atque conuersio numerosæ Gentilium multitudinis, quæ per viros Apostolicos toto orbe dispersos ad Christi Religionem ex omnibus Imperij prouincijs aggregata fuit. Terræ igitur nomine designatur humanum genus. Non quod cuncti homines fuerint ad fidem traducti; sed quia ex humani generis terra maximum hunc fructum percepit Deus.

## T E X T V S.

Verf. 17. Et alius Angelus exiuit de templo, quod est in cælo, habens & ipse falcem acutam.

18. Et alius Angelus exiuit de altari, qui habebat potestatem super ignem; & clamauit voce magna ad eum, qui habebat falcem acutam, dicens; Mitte falcem tuam acutam, & vindemia botros vineæ terræ, quoniam maturæ sunt vux eius.

## C O M M E N T A R I V S.

Verum in  
hac vindemia  
sit sensus  
de propria  
vindicta,  
an de  
mystica.

Proponitur  
prima sen-  
tentia ex-  
plicans de  
propria vin-  
dicta.

AD messem, de qua in superioribus versibus sermo fit, additur in his noua quædam ac mira vindemia, in qua falcis nomen, si literam spectes, ad cultelli curui figuræ referendum est: cuiusmodi sunt cultelli, quibus multis in locis vites vindemiari solent. In præcipuo autem sensu quæstio illa sese hic primum offert, vtrum hæc vindemia sit propria vindicta, quam Deus de mortalibus sumat: vel magnum potius beneficium, quod in eos conferat? De propria vindicta esse sermonem, opinantur multi; vt Andreas, Ambrosius, & Ribera; qui eiusmodi vindemiam de reproborum damnatione interpretantur. Cui explicationi fauere videtur contextus, qui agit de ira Dei. Nam qui vindemiauit, *misit botros in lacum iræ Dei magnum*. quem lacum aiunt esse infernum. Deinde in alijs etiam Scripturæ locis, vindemiæ nomen manifeste in malam partem accipitur. Sic Psal. 79. 13. *Vt quid destruxisti maceriam eius; & vindemiant eam omnes, qui prætergrediuntur viam*. Threnorum 1. 12. inducitur Ierosolyma sic lamentans; *Vindemiauit me, vt locutus est Dominus in die iræ furoris sui*. Et num. 22. subdit, *Vindemia eos, sicut vindemiasti me*. Et cap. 2. 20. *Vide Domine, & considera, quem vindemiaueris*. Isaia 16. 9. *Super vindemiam tuam, & super messem tuam vox calcantium irrui*. vbi sermo est de vindicta de Idumæis sumenda. Et cap. 32. 10. *Conturbabimini confidentes, consummata est enim vindemia, &c. plangite, &c.*

Au'toris  
mens expo-  
nentis de  
mystica  
vindicta.

Hæc tamen nihil obstant, quominus pro certo rear, per hanc vindemiam in præsentī figurari summum beneficium in eos collatum, qui vindemiari dicuntur. Et imprimis argumenta omnia quæ superius attulimus, vt messem præcedentem vindemiæ probaremus esse felicissimam ijs, qui pro messe computantur; illa inquam omnia militant pro nostra hac vindemiæ explicatione, vt interim Apocalypseos a coluthiam atque contextum (ex quo validum semper argumentum desumo) prætermittam. Secundò; ipsamet messis atque vindemiæ copulatio felicitatem adumbrat non obscure. Hic enim cernimus, vindemiam denotare quasi rem, quæ proximè messem fuit subsequuta. Atque apud Leuiticum cap. 26. 5. scriptum legimus, *Si in præceptis meis ambulaueritis, &c. apprehendet messem tritura vindemiam*; item Deut. 7. n. 13. Amos 9. 13. *Comprehendet arator messorum, & calcator vux mutantem semen*. similiter etiam Ioëlis 13. 3. de quo loco dicemus infra.

Tertiò, nemini nouum & inauditum videri debet, quod Ecclesia appelletur vinea atque messis. Id enim & in multis Scripturæ locis manifestum est, & ab ipsamet Ecclesia decantatur in quadam Sabbati sancti oratione, quæ sic se habet, *Tribue quasumus Domine populis tuis; qui & vinearum apud te nomine censentur, & segetum, &c.* Si ergo Christi Ecclesiæ sunt vinea; certè vindemia felicitatis maximæ symbolum esse debet.

Argumenta  
pro priori  
expositione  
adducta e-  
modantur.  
Primum  
soluitur.

Vt autem illis obuiam occurramus, quæ nobis in contrarium opponuntur; ad primum Respondeo, in Apocalypsi (vt sæpe diximus) vindictæ, atque iræ speciem attribui animarum conuersioni, alijsque permagnis beneficijs, quibus Deus homines solet afficere. Quamobrem nomen iræ, aut lacus iræ non solum non est impedimento, sed elegantæ potius plurimum continet; quod summum beneficium sub vindictæ simulatione figuretur. Aduerte autem pro nomine *Lacus Græcè* apponi ληνον, quo nomine propriè significatur torcular. Sic enim redditur infra cap. 19. 15. Quod autem torcular appelletur lacus; nouum non est, & Hispanis hominibus imprimis est familiare. Nos enim torcular linguâ vernaculâ nominare solemus *El lagar*. Deinde cum sermo hic sit de ira Dei in vindemia; manifestè respicitur ad illud Isaia 63. 3. *Torcular calcaui solus: calcaui eos in furore meo, & calcaui eos in ira mea, conpersus est sanguis eorum super vestimenta mea, & omnia indumenta mea inquinavi*.



Quibus in verbis de Christi passione sermonem institui, compertum est, cum Christus Dominus, quam potuit maximam iræ significationem aduersus peccatum exhibuit. Et quamuis in ordine ad ipsos peccatores ira fuerit in summam misericordiam conuersa: hæc tamen ipsa misericordia in sacris Literis sub specie vindictæ significatur. Itaque nos docet Isaias, Christum se ex suis hostibus vindicasse, & illustrem de illis reportasse victoriam. Quod verò Christus suomet sanguine fuerit respersus, id magna cum energia figuratur, quasi ipse effuso suorum hostium cruore redundaret. Etenim in suæ passionis vindemia occidit mysticè Christus suos hostes, atque contriuit. Quare in hoc Apocalypseos loco per allusionem ad illa Isaiæ verba, inducitur sermo de maximo quodam beneficio, quod Deus in suos contulit seruos, vt infra explicabimus.

Ad secundum argumentum dicendum est, in iis quidem locis agi de seueritate ac supplicio: si tamen hic erat agendum de ingenti beneficio, quod supplicij speciem habebat, eo ipso aptissimam esse vindemiæ atque iræ allegoriam. In hoc enim sita est potissimum huius phrasidis de nouissima ira agentis concinnitas & elegantia; vt translationes illæ, quibus horribile solet denotari supplicium, traducantur ad nouam iræ rationem, siue ad iræ personam ac laruam, qua diuina misericordia veluti personata procedit. Ad hæc, si in aliquibus locis vindemiatio applicatur ad supplicij significationem, in aliis etiam transfertur ad significationem magni triumphi, vt Isaiæ 25. 6. & vtraque significatio hic pereleganter coniungitur, felicitate cum rigoris & seueritatis aspectu coniuncta.

Ad pleniorum autem huius elegantia expressionem, transeamus oportet ad quæstionem secundam; Ecquod scilicet beneficium sit illud, quod hic per vindemiæ allegoriam innuitur? Dicit fortasse aliquis, non esse opus, vt messis atque vindemiæ significationes diuersæ sint; duplici enim allegoria potuit res eadem indicari. & apud Ioel 3. 13. (quo in hac Apocalypseos melle, & vindemia respici diximus) messis ac vindemia non videntur inter se distingui. Nam in eodem versu dicitur: *Mittite falces, quia maturauit messis, venite, & descendite, quia plenum est torcular, exuberant torcularia.* Vbi apparet, mellis atque vindemiæ coniunctionem perinde esse, quasi duæ metaphoræ conglobentur, quæ exprimant ingentem eadem à victore exercitu in victis edendam. Si autem sermo est de Euangelicæ prædicationis bello; per messem quidem ac vindemiam denotabitur ipsius prædicationis fructus. Vnde in sapientia Euangelica complebitur, quod Ecclesiasticus ait cap. 33. 17. *Quasi qui vindemiat repleui torcular.* Adde huc, quod inter eos, qui messem ac vindemiam huius capitis ad propriam referunt vindictam, reperiuntur aliqui, qui inconueniens non esse putant, vt res eadem duplici allegoria pariter explicetur. Sic sanè Viegas, licet statim subdat, fortassis fenēs comparari messi; adulescentes verò, vindemiæ; & propterea mortem duplici armari falce; quia altera adulescentes vindemiat, altera demetit fenēs. Hæc ille.

Verum enim uero, vt quid sentiam exponam: existimo, quemadmodum per messem conuersio multorum infidelium denotatur; ita similiter per vindemiam adumbrari eorundem martyrium, qui Christi amplectebantur fidem. Primò enim insciabatur nemo, quin cum hæ duæ figuræ sint inter se diuersæ, & messis tanquam vindemiam subsequens inducatur; congruentissimum sit, vt vindemia distincta sit à messe. Deinde in Gentilium conuersione, quo tempore Rom. Imperium Ecclesiam euertere curabat, notum est, post conuersionem, mox subsequi fidei confessionem, mox pro confessione ipsius fidei, effusionem plerumque sanguinis, ac mortis perpeffionem. Cum ergo tantopere ad Christi gloriam redundaret, vt quamplurimi ex iis, qui paulò antè in misera idolorum superstitione volutabantur, vix dum ad Christi ipsius fidem traducti aded in signe acceptæ nuptiæ fidei testimonium redderent, & fortiter atq; alacriter pro Christo inter crudelissima tormenta interirent: facile cernitur, rem hanc esse dignissimam, quæ in Apocalypsi æternis celebraretur præconiis, atque in hoc præsertim loco, vbi agitur de admirabili fructu, quem viri Apostolici toto terrarum orbe dissecti ex Christianæ fidei prædicatione ceperunt. Id quod dignè Paulus expendit ad Philip. 1. 29. *Quia vobis donatum est, non solum vt in eum credatis, sed vt etiam pro illo patiamini.*

Tertiò, voluptas maxima, quam Diuina prouidentia accipiebat in tanto cruore pro Christi gloria effuso, optimè significatur in admirabili hac vindemia; in qua dicitur tanta fuisse vix copia in lacum siue torcular iniecta, vt sanguis, (qui rubro respondet vino) vsque ad equorum franos per stadia mille sexcenta redundet. Ad quorum verborum explanationem vbi peruentum erit, artificiosæ huius allegoriæ venustas & elegantia magis perspicietur.

Quartò, hic ipse sensus est vindemiæ, quæ cum messe coniungitur Ioëlis 3. 13. & Amos 9. 13. Quare vtrobique mox subditur: *Stillabunt montes dulcedinem, &c.* Quibus verbis innuitur mira consolatio spiritalis, qua Deus suos fideles recenter conuersos in medio persecutionis cursu perfundebat. Sic enim expediens erat, vt possent firmiter & animosè pro Christo tolerare tormenta.

Quintò, quamuis falci, de qua agitur in messe, & falci similiter vindemiæ tribuatur epitheton *acutæ*: ceterum in messe hoc epitheton non fuit secundo iteratum: at in vindemia quater repetitum est, nimirum n. 17. *Habens & ipse falcem acutam.* n. 18. *Ad eum qui habebat falcem acutam.* & infra: *Mitte falcem tuam acutam.* & n. 19. *Misit falcem suam acutam.* Atque hæc affectata repetitio meo iudicio congruentissima extitit ad exprimendam Diuini verbi vim in Christianorum recens conuersorum animis roborandis, vt pro Christi gloria hilariter ac iucunde in mortem ruerent. Eodem enim sensu ait Paulus ad Hebræos 4. 12. *Viuis est enim sermo Dei, & efficax, & penetrabilior omni gladio ancipiti, & pertingens vsque ad diuisionem animæ ac spiritus, compagum quoque ac medullarum, & discretor cogitationum, & intentionum cordis.*

Sextò, D. Hieronymus Isaiæ 24. 13. in ea verba, *Cum fuerit finita vindemia; nomine vindemiæ intelligit oppressionem iustorum in Antichristi persecutione.*

Septimò, Nihil propius ad significandam sanguinis effusionem in Sanctorum martyrio, quam expressio musti in vindemia. tum, quia mustum ipsum in Scriptura sanguis vix nominatur (forfan quia in Palæstina vinum ferè erat rubrum) tum etiam, quia passio Christi per allegoriam vindemiæ figurata est apud Isaiam cap. 63. 3. vt supra vidimus. Quapropter per allusionem ad illum Isaiæ locum coheret optimè, vt Martyrum passio in hoc Apocalypseos loco tanquam vindemia quædam signi-

Secundum  
soluitur.

Quodnam  
fuerit bene-  
ficiū per  
vindemiā  
allegoriam  
figuratum.

Proposita  
dubitationi  
satisfit.

Per vinde-  
miā signari  
Martyrum  
cadem.

Rationibus  
solidatur  
prædicta in-  
terpretatio.

Ex locis lo-  
co, ad quem  
hic respi-  
citur, eadē  
probat  
expositio.  
Cur in vin-  
demia epi-  
theton *Acu-  
tæ* quater  
addatur  
falci: semel  
verò in  
messe.

Expressio  
musti in  
vindemia  
ad Martyrū  
sanguinem  
figurandum  
esse apposi-  
tam.



Quomodo  
in Martyri  
cade suam  
Dei iram  
ostendat.

Quinam  
sint duo an-  
geli vindi-  
miæ?

In tertio  
angelo, qui  
ad vindi-  
miatorem  
clamauit,  
figurari  
Eliam.

Per Ange-  
lum aqua-  
rum figu-  
rari Moysen,  
qui hic vin-  
demiatoris  
personam  
agit.

Mosen &  
Eliam in  
duobus an-  
gelis figu-  
ratos hic  
esse sapien-  
tiam & san-  
ctitatis  
symbola.

Cur mystica  
vindemia  
attribuatur  
caelesti sa-  
pientia ser-  
uorum  
Christi.

Soluitur  
difficultas  
in hac ex-  
plicatione  
occurrent.

ficetur, per quam Christus victor, & suæ passionis victoriam gloriose prouehens, se admirabiliter de illis vindicauit, qui antea idolis seruierant, eos videlicet in tormentorum atq; cædis torcular im- mittendo, eisq; suggerendo robur, vt sanguinem ac vitam pro ipso constantissime profunderent.

In sanctorum etiam martyrio ostendit Christus Dominus suam iustissimam iram, quam contra idololatriam conceperat. Si quidem, vt eam opprimeret, suorum amicorum sanguinem effudit. Quod enim Ioannes ait epistola 1. cap. 5. 4. *Hæc est victoria, quæ vincit mundum, fides nostra*; in fide mar- tyrio confirmata verum esse imprimis comprobatur. Quamobrem Martyrum sanguis confide- rari etiam potest tanquam sanguis inimicorum; atque adeo Martyres ipsi figurantur veluti trium- phatores; qui licet se sanguine aspergant, hæc autem maculæ indicant & suæ victoriæ signa, & Dei indignationem aduersus idololatriam: ad eum fere modum, quo Isaïas loquitur de Christi passio- nis vindemia cap. 63. Quod si Christi Redemptoris nostri passio est magnum illud diuinæ iræ torcular; in eo ipso copiosa Martyrum vindemia calcata fuit. Ipsorum enim sanguis pariter cum Christi sanguine mistus confluit; vt ex eo efficacitatem acciperent, & cumulatam ei redderent effectum in ea victoria, de qua agit Isaïas.

Sequitur ordine tertia quæstio. Quinam scilicet sint duo Angeli vindemiæ, tam qui falcem ma- nu tenebat, vnam vindemiaturus, quam qui illum ad vindemiam cohortatus est? Primasius, Beda, Haymo, Ansbertus, Pannonius, & Viegas, credunt, vnam vindemiatorem esse Christum. Hoc ta- men Riberæ non placet; sed asserit illum esse Hierarchiæ cælestis Angelum. Ceterum cum tres hic Angeli per ordinem enumerentur, vnus qui ait, *Mitte falcem tuam, & mete*. Alter vnam demet- surus. Tertius, qui secundum admonet, vt eam præcidat: cumq; horum trium Angelorum pri- mus sit Ioel Propheta, vt suo loco vidimus; valde verisimile est secundum & tertium Angelos esse pariter prophetarum totidem veteris instrumenti figuram. Etenim cum vterque cum Ioële copuletur, & tres omnes appellentur Angeli; congruens exigit coniectura, vt Angelorum no- men illis eodem modo quadret; & tres ipsi apte coniungantur; atque adeo, vt illi omnes ex veteri testamento sint. Prophetis autem tribui in Apocalypsi Angelorum nomen, vidimus supra in An- gelis tubarum. Præterea tertius Angelus, qui ad vindemiatorem clamauit, dicens *Mitte falcem tuam acutam, & vindemia*, meo iudicio Eliam Prophetam adumbrat. Quæ enim textus de illo prodit indi- cia, hæc sunt: *Qui habebat potestatem super ignem*. Quibus verbis Elias videtur omnino designari. Ille enim fuit, qui cum Prophetis Baal pactus est, 3. Reg. 18. 24. *Deus qui exaudierit per ignem, ipse sit Deus*. Et num. 38. *fecit, vt descenderet ignis Domini, & voraret holocaustum*. Ipse itidem est, quo præcipiente ignis de cælo demissus vnum & alterum Quinquagenarium cum suis militibus absumpsit, 4. Reg. 1. 10. 12. Quamobrem, cum de quodam Propheta hic instituat sermo, *Qui habebat potestatem super ignem*, non alius esse potest, præter Eliam.

Huc accedit, quod de eodem Angelo hic dicitur, *Exiit de altari*. In quo continetur etiam allu- sio non obscura ad id, quod de Elia affirmatur 3. Reg. 18. 30. *Curauit altare Domini, quod destructum fu- erat*: & insigne obtulit sacrificium. Quare hunc eundem Angelum audiuit Ioannes ab altari lo- quentem cap. 16. 7. Vbi ex contextu etiam non parum roboratur per hunc altaris Angelum deno- tari Eliam. Nam Eliæ socius in Apocalypsi (sicut & in Christi transfiguratione) est Moyses, vt vi- dimus c. 11. Angelus verò ille, qui ab altari loquebatur, adiungitur tanquam socius Angelo aquarum cap. 16. 5. & 7. Et qui animum parumper aduertat, non dubitabit, quin Angelus aquarum Moysen designet. Quippe cum Apocalypsis Angelorum nomen Prophetis tribuat; nulli alij præter Mo- sem, quadrat nomē Angeli aquarum. Quia ipsum nomen *Mosis* sonat idem, quod *Attractus*, subaudi de aquis. Lege Exodi 2. 10. *Vocauique nomen eius Moyses, dicens, quia de aqua tui eum*. Et Apocalyp. 11. de Mo- se dicitur, *& potestatem habet super aquas*. Ex his ergo valde vero simile est, illum Angelum, qui habe- bat potestatem super ignem, esse Eliam. Quo constituto, non videtur dubitandum, quin Moyses sit ille, qui in præsentī vindemiatoris agit. Nam qui habebat falcem ad vindemiandum, & qui habebat potestatem super ignem, in hac vindemiæ visione socij sunt. Quapropter vbi in altero Eliam agnosca- mus, mox alter intelligitur esse Moyses. Hi enim duo, sicut in transfiguratione Christi, sic etiam in Apocalypsi sociantur cap. 11. & in hoc capite 14. & cap. 16. 5. & 7. Itaque tres Angeli, quorum hic meminit Ioannes, sunt Ioel, Moyses, Elias. Ioel quidem ad messorem clamat, Moyses verò & Elias sunt ij quorum in hac mystica vindemia mentio fit.

Porro, quemadmodum cap. 11. Moyses & Elias personæ sunt, quarum altera cælestem sapienti- am, altera eximiam sanctitatem, siue ardentem zelum in Christi seruis effulgentes repræsentant; sic etiam in præsentī opus est, vt Moyses & Elias eandem significationem retineant. Quare ad eorum quæ nuper de illorum significatione diximus, probationem, reliquum est, vt exponamus, cur mystica vindemia cælesti seruorum Christi sapientiæ attribuitur; & cur zelus hic introducat ad sapientiam clamans, vt mittat falcem, atque vindemiet.

Circa primum aduerte, non esse hunc locum primum, in quo cædes cælesti adscribatur sapientiæ. Nam vt cap. 6. vidimus, quarto sigillo designato, relegendus erat admirabilis sapientiæ atque con- filij spiritus, & tamen figura per speciem apparuit mortis atque inferni stragem edentis in Chri- sti Iesu familiaribus. Vbi adduximus illa Isaïæ verba; *Admirabilis consiliarius*. In quibus ad Solo- monicum alluditur iudicium, quod primo aspectu crudelitatis ac feritatis speciem præ se ferebat. Adduximus item illud Prouerb. 9. 2. *Sapientia immolauit victimas suas*. quod ad suorum filiorum ma- gnam stationem à Tertulliano refertur. Itaque iure satis magno tribuitur spiritui sapientiæ & admirabi- li Dei consilio vindemia effecta in torculari, quod loco vini expressit immensam sanguinis Mar- tyrum copiam.

At enim, inquires, quanuis Martyrum sanguinis effusio eleganter admirabili consiliario tribua- tur, quodd eius fuerit consilium, stultitiæ simulatione propriam sapientiam obtegere; Moyses tamen minimè denotat Dei ipsius, aut Christi sapientiam, sed ipsius seruorum. Etenim Moyses & Elias considerantur tanquam serui Christi; & Christus ipse eorum vocatur Dominus Apocalyp. 11. 8.



A Respondeo, per Moſem quidem & Eliam non directe repræſentari Dei aut Chriſti ſapientiam, ſed ſeruorum ipſius; ſapientiam tamen Sanctorum eſſe à diuina deriuatam. Quapropter ſicut conſilium de ſanguine Martyrum effundendo Diuinam prouidentiam & Chriſti conſilium, vt præcipuam cauſam, propriè attingit; ſic etiam ſuo modo attingit ſanctorum ſapientiam, ipſuſmet conſilii executio; quatenus illa conſilio atque ſapientiæ ipſius Dei & Chriſti ſubordinatur. Deus enim ſuis ſanctis vtitur vt liberis instrumentis in eo, quod præſtant, obſequio ſuum pro illo ſanguinem effundendi. Et quemadmodum diuini conſilii & ſapientiæ proprium eſt, Sanctos ſuos per iniurias, tormenta & cædes ad æternæ gloriæ celſitatem conducere; ita ſimiliter proprium eſt ſapientiæ, quam Deus ipſe ſuis ſeruis impertiuit, ſe ipſos tormentis ac morti pro Deo offerre, & animam ſuam, ſiue vitam odiſſe, vt eam reddant meliorem. Quod qui attentè conſideret, facile cernat, rem eſſe Spiritu ſancto digniſſimam, vt vera illa æſtimatio atque conſilium eorum, qui omnia pro Chriſto aſpernabantur, cæleſti tribueretur ſapientiæ, quam Deus ſanctis ipſis elargiebatur. Quapropter magna cum energia inducitur Moſes, id eſt ſanctorum ſapientia hanc vindemiam faciens. Qui verò clamat ad Moſem, eumque hortatur, vt ſuum præſtet officium, eſt eius comes Elias, id eſt, diuinæ gloriæ zelus; qui ſanctos impellit viros ad ſanguinis pro Chriſto effuſionem.

B Sed quorſum in meſſe Ioel ipſuſmet Ioelis Prophetæ perſonam agit, cum in vindemia Moſes & Elias non proprias ſed fictas perſonas repræſentent? Deinde, quorſum in meſſe, qui falcem mittit, eſt Chriſtus Dominus; at in vindemia, qui infert falcem, non Chriſtus eſt, ſed myſticus Moſes, id eſt cæleſtis ſapientia ſeruorum Chriſti?

C Respondeo, Chriſtum eſſe, qui in ſuis operatur, & quem Prophetæ reſpiciunt tam in iis, quæ ſcripſerunt, quàm quæ in ſe ipſis atque in ſuis operibus figurant. Eſt autem meſſor ſimilis filio hominis (id eſt Chriſtus in ſuis miniſtris) quia animarum conuerſioni, quæ miniſtrorum Euangelii miniſterio fit, Chriſtus efficacitatem addit. Et quanuis vindemia Moſi atque Eliæ myſticis attribuat, hoc ipſo innuitur eſſe proprium Chriſti facinus. Nam myſtici Moſes & Elias Chriſtum in Apocalypſi ſuum Dominum recognoſcunt; & eius virtute ſuffulti admiranda opera præſtant. Ac demum ad Chriſti, eiſque Eccleſiæ myſteria illuſtranda deferuiunt, Ioel quidem ſuis ſcriptis, Moſes verò & Elias ſuis operibus ac figuris. Quamobrem vt ſignificetur, Chriſtum fuiſſe potiſſimum ſcopum eorum omnium, quæ & Prophetæ prædixerunt, & Deus figurauit in illis, congruenter factum eſt, vt alii ad ſacram hanc Apocalypſeos actionem ſua ſcripta conferrent, alii ea myſteria, quæ in ſe ipſis, inque ſuis operibus adumbrarunt. Itaque non ſolum inconueniens non eſt, ſed valde potiùs conueniens, vt hinc Ioelis ſcriptura, inde Moſis & Eliæ opera huc conſuant. Prætereà, quod vindemia Martyrum ſanctitati atque zelo tribuatur, non verò tribuatur conuerſio iis ipſis, qui conuertuntur ad fidem, id ex Theologiæ viſceribus petitum eſt. Nam martyrium quidem ſupponit Martyres ipſos eſſe inſignes ſanctitate viros; atque ideo potuit martyrium ipſorum ſapientiæ & ſanctitati aliquo modo tribui; at conuerſio nulla potuit ratione illi adſcribi, qui ad Catholicam fidem traducitur. Nec enim illum ſanctum eſſe antea indicat, ſed peccatorem potiùs, ac proinde omnino indignum, cui tribuatur, quod mera eſt Dei gratia.

D Quibus præmiſſis, textum ipſum percurramus. Alius Angelus exiit de templo, quod eſt in cælo. Hic Angelus in noſtra expoſitione eſt myſticus Moſes; qui cum cæleſtem ſeruorum Chriſti ſapientiam repræſentet, ideo acutam falcem manu geſtat, quæ idem eſt, atque gladius, ſiue cultellus acutus ad vindemiandum. Conſtat autem gladium ſpiritus eſſe verbum Dei. Cæleſtis verò ſapientia eſt, quæ Diuini verbi auxilium ſibi adſciſcit ad iugulum gladio ſupponendum, atque hoc eſt vnam præcidere, vt eam tyranni conculcent. Verum ſapius reperitur, huiusmodi cultellum, quem Angelus manu tenebat, eſſe acutum, vt indicetur vis maxima, qua vnum ab alio diuidit & ſeparat, iuxta illa Chriſti verba Matth. 10. 34. Non veni pacem mittere, ſed gladium. Veni enim ſeparare homines, &c. Iam ſi Moſis hitoriæ memoriâ refricare velimus; non nihil in ea deprehendemus, quod in hac falce ſeu gladio acuto alludatur. Vide Exod. 32. 26. Si quis eſt Domini iungatur mihi, &c. Ponat vir gladium ſuper femur ſuum. Sed cur ipſe Angelus dicitur egreſſus de templo, quod eſt in cælo. Nimirum quemadmodum Ioel dictus fuit exiſſe de templo, quod Deus illum ad ſuum penetrare admiſiſſe, & ſua illi arcana euulgaſſe videbatur, non aliter cæleſtis ſapientia per Moſem figurata ſignificanter dicitur eſſe templo prodire, id eſt ex recondito diuinæ diſciplinæ penu, quando in ipſam prodit actionem, & falcem manu tenens egreditur ad amputandos botros, & iugulum tyranni ferro ſubdendum. Aduerte inſuper locutionis diſcrimen. Nam Ioel textus ait exiſſe de templo, de myſtico verò Moſe dicit, Exiit de templo quod eſt in cælo. Videlicet cum templum Chriſtianæ Eccleſiæ conuerſationem in cælis denotet; recondita quidem doctrina admirabilis huius & cæleſtis conuerſationis propriè ſpectans ad tempus legis gratiæ, Chriſtianum hominem diuini verbi gladio munit ad vnam reſecandam, & martyrium alacriter ſubeundum: id quod proprium eſt ſpiritus & gratiæ, quam lex Euangelica ſuis aſſectis & obſeruatoribus communicat. Et propterea Ioel non dicitur exiſſe de templo, quod eſt in cælo; ſed de templo, quod tunc Prophetæ ingrediebantur, quæ erat Chriſti myſteriorum cognitio. Si verò ad Moſaicam hitoriā oculos conuertamus, quando myſticus Moſes, (cum gladium arripuit, & ſtragem illam edidit) dicitur prodiſſe e templo, quod eſt in cælo; fortaliſ alluditur ad Moſis deſcenſum e monte, ubi aſpexerat cæleſte templum; ad cuius normam effinxit poſtea tabernaculum, vt ſibi à Deo fuerat imperatum, Secundum exemplar quod illi in monte demonſtratum eſt.

E Scio alios per hunc Angelum intelligere Chriſtum ipſum. Verum, ſi Chriſtus erat, cur in meſſe ſe ſimilis erat filio hominis; nunc verò in vindemia Angeli nomen habet? Dices, Chriſto tribui etiam in Apocalypſi nomen Angeli, vt vidimus capite 10. Hoc tamen proſitutum nodum non ſoluit, cur ſcilicet & in meſſe ſimilis filio hominis, & in vindemia Angelus ſit? Et certè diſcrimè inter meſſorem, & tres Angelos ſubſequentes hic aſſignatum indicat non obſcurè, hos tres Angelos eſſe ſeruos ac miniſtros illius, qui falcem manu demeuſurus ferebat.

ET ALIUS ANGELVS EXIIT DE ALTARI, QVI HABEBAT POTESTATEM SUPER IGNEM.]

Cur in myſtica meſſe Chriſtus ſit, qui falcem mittit: at in vindemia non Chriſtus, ſed myſticus Moſes.

Cur in hac viſione Ioel ſuammet ipſius perſonam agat: at Moſes & Elias non ſuas proprias ſed fictas.

Quid ſignificet falx, quam manu portat angelus egrediens de templo, quod eſt in cælo.

Cur hic angelus dicatur egreſſus de templo, quod eſt in cælo: alter verò, qui Ioelē figurat, tantum dicatur exiſſe de templo.

Quid hic per templum.



Angelus,  
qui exiit  
de altari,  
quisquam  
fuit?

Ad historiā  
Elie hic per  
allusionem  
respici.

Pannonius hæc verba de ipsa Eliæ persona interpretatur; & ad Antichristi tempus confugit. Ribera exponit de quodam Angelo cælestis Hierarchiæ, quem tanquam legatum mittunt Martyres à Deo postulantes, ut improbos in inferos detrudat. Me tamen Apocalypseos acoluthi docet, hunc Angelum esse mysticum Eliam, ut suprā iam dixi. Quod autem textus ait, illum de altari exisse; de altaris curatione expono. Nam Elias, ut habetur 3. Reg. 18. 30. *Curavit altare Domini, quod destructum fuerat.* Et quidem ad Diuinæ gloriæ zelum significandum, nihil aptius, quàm Eliam depingere; qui ab altaris curatione prodeat, & sapientiā Sanctorū cohortetur, ut vineæ terrenæ botros vindemiet. Si Eliæ historiā in mente reuocare libeat, eò videtur alludi, nimirū, quòd Elias curato Dei altari, & Israelitis de veri Dei adoratione conuictis (argumento ignis de calo in sacrificium illapsi) tunc populum est hortatus, ut egregiam illam occisionem, & Deo gloriosam facerent in torrente Cison. Cum verò vsurpetur hic vindemiæ allegoria ad denotandam interfectionem; extra rem non est, ut qui ex altari prodit, & super ignem habet potestatem, ad vindemiam alios hortetur; ita enim historia ipsa se habuit. Verum in præsentī ad vindictam mysticā à Deo sumptam de peccatis per Sanctorum occisionem accommodatur perelegantē illa historia. Etenim Spiritus sancti ignis è cælo dilapsus cælestem sapientiā conuicit, & adegit ad mysticā vindemiam patrādam, & sanguinem pro veri Dei obsequio fundendum. Faciunt nobiscum Ambrosius, Haymo & Ansbertus, qui per ignem in hoc loco intelligunt Spiritum sanctum & charitatem. Ribera quidem interpretatur de igne, quo deflagraturus est mundus, vel etiam de igne inferorum. Sed violenter id meo iudicio, altaris enim atque ignis coniunctio exigit, ut de igne altaris sit sermo; aut saltem de igne cælesti, qui holocaustum absumpsit. Contextus verò postulat, ut hæc omnia aptè connectantur cum mystica martyrii Sanctorum vindemia.

MITTE FALCEM TVAM ACUTAM, ET VINDEMIÆ BOTROS VINÆ TERRÆ: QUONIAM MATURÆ SVNT VVÆ EIUS. Si zelus sapientiæ admonens, ut suam falcem in vindemiam mysticā immittat, non esset ipsemet Diuinæ gloriæ zelus, qui in Martyrum singulis exardebat; suspicari posset quispiam, singulari elogio appellari botros vineæ illos, qui ad lubeundum martyrium prompti sunt, atque dispositi, & hic pariter asseri, eos ad vindemiam maturos iam & tempestiuos esse. Sed cum ipsi met Martyres sint, qui loquuntur, & se mutuo ad martyrium cohortantur, oportet hæc verba ita exponere, ne sancti viri semetipsos videantur commendare. Quare verba illa, *Matura sunt vva eius*, eò sunt referenda; ut significetur adesse iam occasionem effundendi pro Christo sanguinem; eo fere sensu, quo suprā dictum, *Quoniam aruit messis terra.* Atque ut se ipsos excitent, atque accendant; ne pedē referant, sed se potius ipsos obijciant tyrannis; rectè possunt illi ipsi, qui à Deo ad illustrissimum hoc facinus mouentur, perpendere, se singulari Dei beneficio firmos testesque in fide persistere, & vitam pro Christo amittendi cupidos; id quod pariter in eadem, quod mysticus ait Elias, *Quoniam matura sunt vva eius.* Præterea maturitas hæc est opportuna occasio, in qua teneantur fideles ad suam fidem publicè profitendam. Tunc enim congruenter dicitur tempestiua maturitas ad vindemiandum sese dare.

Vva vineæ  
terra quo  
sensu dicuntur  
esse matura.

## NOTATIO VII.

De comparatione huius vindemiæ Apocalypseos cum ijs, quæ de eadem vindemia habentur apud Ioelē cap. 3. 13.

Allusio mystica huius vindemiæ ad Ioelē vindemiam explicatur.

EADEM ratione, qua in Apocalypsi Angelus messi dixit, *Mitte falcem tuam, & mete*; alius item Angelus fuit ad vindemiātorem locutus, *Mitte falcem tuam acutam, & vindemia.* Ioel verò non eodem loquitur modo de messe atque vindemiā; de messe enim ait, *Mittite falces, quoniam maturauit messis*; deinde ad vindemiam transiens, *Venite, inquit, & descendite; quia plenum est torcular, exuberant torcularia.* Quibus in verbis manifestum est, non esse sermonem ad eos, qui vnam præcidunt, & in torcular inijciunt; sed supponitur potius vnam iam esse resectam, & in torcular immissam, atque etiam mustū iam effluere; siquidem ait, *Venite & descendite, quia plenum est torcular, exuberant torcularia.* Huius ergo discriminis in præsentī reddenda ratio est, quandoquidem Ioel Prophetā in eo capite 3. de eadem agit messe atque vindemia, de qua Apocalypseos cap. 14. Hoc enim præmittimus ex suprā dictis, quod amplius roborabitur libro 10. in explicatione illius capitis Ioelis.

Aduerto igitur imprimis, Ioelē hic sermonem conuerrere ad Euangelicos solum prædicatores, qui Christi fidē disseminaturi toto terrarum orbe dispersi sunt. Hi enim sunt strenui ac validi milites victoris illius exercitus, quem Ioel ibi describit: quibus edicit, *Mittite falces, venite, & descendite, quia plenum est torcular.* Vindemia autem, de qua facer

D Vates agit, non est martyrium eorundem, ad quos dirigit sermonem, nec enim ipsos inuitaret, ut accederent, & proprii sanguinis torrentem intuerentur. Nihilo plus agit in eo, quod de vindemia asserit, de mystica aliqua cæde & internecone, quam Euangelii concionatores sint facturi. Nec enim eis dicit, ut veniant, & vnam præcitant, aut conculant. quinimo præstituit, botros iam esse amputatos, & in lacum, siue torcular immisos; atque adeo mustum ipsum copiosè exuberare. In quo etiam videtur supponere, vnam attritam iam esse & calcatam; siquidem ait, *Exuberant torcularia.* Vnde apparet, nō eos à Ioelē inuitari ad vindemiam ipsam faciendam, nec ad calcandam vnam, sed ad id solum, ut musti copiam & affluentiam inspiciant; aut fortè etiam vt ex musti torrente bibant.

E Ex his ergo mihi persuadeo, Ioelē Prophetā in ea vindemiæ allegoria sermonem instituere de eorundem Gentilium martyrio, qui nuper ad fidē traducti, eam illico publicè profitebantur, & mortuæ, eam illico publicè oppetebant. Itaque Euangelicos prædicatores alloquens, ipsosque hortans, atque excitans ad sui muneris partes cumulatiuè præstandas; eos admonet, ut strenuè in mystico munere se gerant; neque enim illis vt messorum munere vine copiam & affluentiam defore, pote messoribus vini copiam & affluentiam defore, qua se magnopere reficiant atque solentur. Cum enim

Ioel in sua  
capitis 3.  
vindemia  
ad quos  
sermonem  
conuertat.

Ioel in sua  
illa vindemia  
allegoria,  
qua de  
sermone  
instituit.



enim ipsi se totos in messē impendant; tunc Deum pariter vindemiæ curam suscipere, atque eodem ipsos, qui proximè messis fuerant, exemplū in vineam maturam ac tempestiuam commutari; siquidem Deus eos in torcular iniecit, & mustum mox abundanter effluit. Hoc ad messores dicitur, ut ipsi redintegrato studio & contentione excitentur. Et certè nullum maius solatium posset Euangelij prædicatoribus afferri; nullum aliud his messoribus vinum, quod tantopere ipsorum corda lætificet, quàm copiosa seges & fructus ipsorum prædicationis: cum videant ex tenellis plantis ac vineis ita recentibus, Deum tantam maturi multi copiam elicere, ut ipsosmet messores ad potum inuitet.

Enimverò, cum hoc Ioel ad Euangelij cōcionatores proloquatur; ubi satis fuerit perspecta horum verborum significatio, dilucidè apparet, cur non aptè dicere potuerit, *Mittite falces & vindemiate*. Nec enim ad ipsos spectat prædicatorum martyrij vindemiam in recens ad fidem conuersis præstare; quia ipsorum non est eos martyrio coronare, nec

A animum ac vires addere ad amputandos botros, & in torcular inferendos. Hoc nempe munus diuinū Spiritum propriè attingit; & hic vigor atque animus reducitur ad cælestis sapientiæ & zeli ardentis participationem. Quamobrem, dum Ioel ad Euangelij prædicatorum verba faciebat, & agebat cum illis de recentium Christianorum vindemia; non poterat congruenter dicere, *Mittite falces, & vindemiate*. At verò in Apocalypsi; cum Moyses nomen ipsum cælestis sapientiæ, quàm Deus recens conuersis conferebat, propriè tribuatur; cumque Eliæ figura accenso Diuinæ gloriæ zelo imponatur, quò ipsi magnopere æstuabant; magnæ fuit congruentiæ atq; elegantie, ut mysticus Elias mysticum itidē Moysen sic affaretur, *Mitte falcem tuam acutam, & vindemia botros vineæ terræ*. Etenim vix amputatio, & in torcular immissio, ut ibi conteratur, res est quæ directè cælestē attingit sapientiam, quàm Deus suis Martyribus copiose elargitur, ut in superioribus explicatum est.

## T E X T V S.

Vers. 19. Et misit Angelus falcem suam acutam in terram; & vindemiauit vineam terræ, & misit in lacum iræ Dei magnum.

## C O M M E N T A R I V S.

C A N G E L V S iste, ut suprà iam diximus, est mysticus Moyses, id est, cælestis fidelium sapientia; & Moyses hic mysticus Diuini verbifalce in terram, (id est in terrena corpora) immisā, vineam terræ, siue ipsa fidelium corpora vindemiauit, illa propter Dei gloriam tormentis ac morti obijciens; atque hac ratione botros vineæ terræ *Misit in lacum iræ Dei magnum*, id est, fidelium corpora mysticè obiecit vindictæ iræ nouissimæ Dei, ut in ipsis suam expleret indignationem aduersus hominum scelera conceptam, utque suorum Martyrum cruore satiatus iustissimam remitteret iram qua in genus humanum erat accensus. Vocatur autem lacus magnus, siue magnum torcular, quia maximus fuit Martyrum numerus, maximaque Christiani sanguinis copia, quæ effusa fuit. Aut fortè respicitur ad illud Isaia 63. 3. *Torcular calcavi solus: calcavi eos in furore meo, & conculcaui eos in ira mea, & aspersus est sanguis eorum super vestimenta mea*. ubi de Christi passione esse sermonem; superius admonuimus. Qui autem pro Christi fide emittunt sanguinem, se ipsius Christi passionis comites & affectas profitentur, ac proinde in idem sese proiciunt torcular, in quo Christus Dominus pressus est, ut cum illo pariter premantur: & eidem Diuinæ vindictæ, qua se Christus subiecit, semet vnā cum Christo subiiciunt; ut cum socii fuerint passionum & contumeliarum, sint etiam postea consolationis ac lætitiæ. Iam lacus ille, in quo Christus pressus est, meritisimè torcular magnum nuncupatur, & torcular iræ Dei, illius videlicet iræ, de qua Isaia loco proxime allato fuerat locutus, capite scilicet 63. 3.

Angelum vindemiæ  
torem (ym-  
bolum esse  
Mosis.

Quis sit  
lacus ira  
Dei magnus

## T E X T V S.

Vers. 20. Et calcatus est lacus extra ciuitatem; & exiuit sanguis de lacu vsque ad frēnos equorum per stadia mille sexcenta.

## C O M M E N T A R I V S.

E L A C V M extra ciuitatem calcatum interpretatur Ribera de gehenna, quæ & extra cælestem patriam, & extra Ecclesiam est. Sed cum in nostra expositione de passionē Martyrum sermo sit, ideo lacum extra ciuitatem calcatum exponimus Pauli verbis ad Hebræos 13. 11. & 12. *Quorum enim animalium inferitur sanguis pro peccato in sancta per Pontificem, horum corpora cremantur extra castra, propter quod & Iesus, ut sanctificaret per suum sanguinem populum, extra portam passus est*. Exeamus igitur ad eum extra castra improprium eius portantes. Non enim habemus hic ciuitatem permanentem, sed futuram inquirimus. Ex his cōstat, improprium eorum, qui pro Christo patiebantur, & tanquam sacrilegi hominum consortio indigni credebantur, aptissimè significari phrasi illa, *Extra ciuitatem*, vel *Extra portam*. Et fortassis ideo extra urbem quondam morti damnati supplicio mulctari solebant, (& nunc etiam in plerisq; locis: ne præsentia suā ciuitatē cōtaminarent.) Si ciuitatis nomē in hoc loco Ecclesiā denotaret, diceret, quia persecutionis ministri infideles erant, propterea lacū siue torcular extra ciuitatē effingi.

Quid sit,  
lacum extra  
ciuitatem  
calcari.

ET EXIUIT SANGVIS DE LACU VSQUE AD FRēNOS EQVORVM.] Victorinus, Ticonius, Primasius, Beda, Ansbertus, Haymo, & Ribera §. 91. per frēnos equorum intelligunt populorum retores. Alia expositio est de dæmonibus, quam ponunt Glossa, Beda & Anselmus. Ribera existimat hic sanctos induci in equis aduectos hilares ac lætos propter supplicium, quo improbi apud inferos cruciantur.



*Quo sensu  
dicatur san-  
guis vsq; ad  
franos equos  
exire.*

*De quibus  
equis hic  
sermo sit.*

*Victorem ex  
hostium ca-  
sorum san-  
guine quo-  
dammodo,  
potare, glo-  
riosa victo-  
ria signum.*

*Quatuor  
diuina seu  
providentia  
equi.*

*Quomodo  
quatuor di-  
uina provi-  
dentia par-  
tes in suorum  
Martyrum  
occisione  
dissimulata  
fuerint.*

*De stadijs  
mille sexce-  
tis, quibus  
sanguis de lacu  
inundauit,  
varia aucto-  
rum expo-  
sitiones.*

*Auctoris  
sententia de  
stadijs 1600.*

*Quid per  
1600 stadia  
mysticè figu-  
retur.*

Hoc tamen in mea explicatione interpretor de maxima Christiani sanguinis vi atq; copia, quæ primitiæ Ecclesiæ tempore profunde batur. Ut autem significetur, quantum Christiani sanguinis tunc fuerit effusum; congruens satis est fictio, quæ repræsentet torrentem sanguinis ita exundantem, ut equos frænorum tenus attingat. Deinde in sacra hac fictione indicatur, equos ipsos facile sanguine exsaturari posse. Ipse enim met sanguis ad eorum ora pertingebat. Porro equorum nomen præpositum hic habet articulum in Græco; qui articulus denotare solet, sermonē ibi haberi de re aut insigni, aut iam antea tractatâ. Famosi autem Apocalypseo equi, de quibus antea mentio præcesserat, sunt quatuor illi equi capitis 6. nimirum Diuinæ providentiæ equi; de quibus agit Habacucus cap. 3. 8. *Ascendes super equos tuos, & quadrigæ tuæ saluatio.* Iam potare sanguinem, victoribus valde est gloriosum. Vide Lucium Florum in bello Cymbrico. *Tanto ardore (inquit) pugnatum est, eaquæ cades hostium fuit, ut victor Romanus de cruento flumine non plus aqua biberit, quam sanguinis.* Vide etiam Psal. 109. 7. *De torrente in via bibet, propterea exaltabit caput.* vbi de torrente sanguinis esse sermonem, & contextus persuadet, & in eius Psalmi commentario videbimus. Præterea in Christi Martyrum internecione Diuina providentia est quæ gloriosam consequitur victoriam. Ceterum ut figura ipsa & minus violenta, & magis elegans esset, non dicitur dux ipse victor potare sanguinem; sed ipsius equi. Quod si per Dei equos & quadrigas (ut Habacucus ait) denotatur saluatio: quid potuit elegantius fingi, quam eum, qui homines saluaturus adueniebat, suam saluandi sitim cumulatissimè eorum sanguine explere?

Ad hæc, in illa quatuor equorum distinctione ac numero adumbrantur (ut vidimus cap. 6.) quatuor præcipuæ virtutes Diuinæ providentiæ; nimirum Virtus, Beneficentia, Æquitas, atque Sapientia: sub contrariorum effectuum prætextu dissimulatæ. Quamobrem, cum dicuntur in Martyrum Christi nece quatuor equi sanguine expleri; perinde est quasi dicatur, in admirando illo opere Deus suo satis desiderio facere, hominum saluti prospiciendi per quatuor illarum virtutum absolutissimam perfectionem; quæ consistit in earum dissimulatione. Si autem per quatuor equorum colores (ut in illius capitis 6. commentario explanatum est) significantur, per album quidem mansuetudo; per rufum, zelus; per nigrum, modestia; & per pallidum, mortificatio: facile est videre, quatuor hæc virtutes gloriosissimè in egregio illo facinore triumphasse.

Denique fictio ipsa repræsentat, Deum Martyres saluaturum in triumphalem currum quatuor illorum equorum conscendisse rectè ac dissimulanter, ut depingitur cap. 5. & 6. Apocalypseo; & victoria ipsa atque occisio adeo magna fuisse depingitur, ut ipsimet equi sanguine se omnino satiauerint. Etenim præstantissima Dei Virtus, quanuis sub infirmitatis specie (siquidem suos familiares grauissimis tormentis mactari patiebatur) eo tamen cruore expiauit sitim, quæ stuabat clarissimum illud facinus edendi, & victoriam gloriosissimam reportandi. Magna etiam Dei Beneficentia, quanuis sub seueritatis integumento, effuso illo sanguine se summo opere largam ac beneficam præstitit. Diuina item Æquitas, quanuis iniquitatis prætextu obuelata, sibi etiam planè satisfecit. Eademque ratione altissimum Dei consilium stultitiæ velo obtectum sibi cumulatissimè satisfecit, quod egregium & admirabile suæ excellentiæ documentum dedisset.

PER STADIA MILLE SEXCENTA,] Horum verborum applicationem frustra nonnulli apud inferos reperiri posse contendunt. Et quidem miror Victorinum, Ticonium, Bedam, Haymonem, Ansbertum, atque alios in laborem hunc, inanem operam impendere. Quinimò Ribera vult ex hoc loco deducere, stadia illa mille sexcenta esse præcisè quantitatem, qua inferorum concauitas constat: concluditque stadia illa non esse figuratè, sed proprie & strictè capienda. Quod ipsius sectatori Viegæ placere nequaquam potuit; & quidem satis meritò. Quam enim, obsecro, vtilitatem aut emolumentum Deus perciperet ex eiusmodi reuelatione; qua præcisa inferorum quantitas ita prænunciaretur, ut vno excepto Ribera, nullus præterea sibi persuaderet, hanc esse in iis verbis Spiritus sancti mentem? Si de aliqua veritate sermo esset, quæ in alio Scripturæ loco reuelata foret, tunc quidem nihil obstarèt, eam hic valde obtegi atque celari, & ea ratione doctorum hominum ingenia eiusmodi enigmatis inuolucro instimulari ad eruendam eam veritatem sub hoc integumento delitescentem. Veruntamen quod aliâ viâ penitus ignoratur, frustra id in ænigma te quaeritur, ut sæpius dixi.

Qui numerum mille sexcentorum stadiorum accipiunt pro ingenti aliquo numero, ita ut sit numerus certus pro incerto; nã illi sibi nequaquam satisfaciunt. Licet enim aliquot numeri sint pleni, in quibus certus pro incerto soleat supponi (cuiusmodi sunt Septenarius, Denarius, & Mille-narius: ) hic tamen numerus mille & sexcentorum, neque vnquam indefinitè fuit vsurpatus, nec certè in aliquo peracris ingenij viro pro numero indefinito, sed magno, in suum ænigma adscisceretur,

Existimo ergo in eiusmodi numero habitum fuisse respectum ad totam illam longitudinem, quam communiter habere dicebatur Promissionis terra à filiis Israël occupata. Quippe iuxta communem ac receptam computationem, illi assignabantur centum sexaginta milliaria; quæ mille sexcenta stadia omnino conticiunt, ut videbimus notatione 8. Nec alia est mille sexcentorum stadiorum dimensio, quod Apocalypsis respicere potuerit. Et verò allusio ad promissionis terram, quam Israël occuparunt, aptissima est; siue terra illa accipiat ad symbolum vniuersitatis fidelium (quia Notus in Iudæa Deus, in Israel magnum nomen eius, Psal. 75. 1.) siue accipiat ut symbolum primigeniæ Ecclesiæ, quæ ex Iudaismo ad Christum conuersa est. Etenim si Palæstina vniuersam Ecclesiam repræsentet; huius loci significatio erit, totam Christianam Ecclesiam innumerabiliū Martyrum pro Christo morientium sanguine immauuisse. Si verò terra duodecim Tribuum solum figurat primariæ Ecclesiæ fideles, qui per totum orbem dispersi sunt ad Euangelium promulgandum: dum tota hæc tellus inducitur Martyrum ex Gentilitate conuersorum cruore redundans, significabitur, copiâ & vbertate sanguinis, quem recens conuersi pro Christo profunde bant, primogenitam Ecclesiam abunde irrigari, atque adeo decorari; & Euangelicos ipsos prædicatores



**A** eadem mirum in modum oblectari. Cum enim cernerent, suosmet discipulos & auditores vitam pro Catholica religione libenter offerre, & sanguinem alacriter profundere; hoc ipsum perinde erat suis Doctoribus atque magistris, quasi vini suauissimi suuius, qui ipsorum animos latificabat, simulque explebat ardentem illam sitim, quæ ipsis inerat Christianam fidem toto terrarum orbe promulgandi. Ac demum effusum illum pro Christo sanguinem considerare poterant, tanquam suæ prædicationis fructum. Quare quod maior atque vberior Martyrum sanguinis torrens figuratur, eod magis Euangelii prædicatorum gloria extat atque eminet, iuxta illud Psal. 109. 7. *De torrente in via bibet, propterea exalabit caput.* Cum autem dictum antea fuisset, botros extra ciuitatem fuisse calcatos, hoc est extra Ecclesiam; congruenter significatur, quamuis extra prematur vva, vinum tamen per totam promissionis terram effluere, eamque pariter latificare. Et quamuis perinde esset dicere, 160. milliaria, atq; 1600. stadia, nomen tamen stadii appositum fuit ad sacrum Martyrum agonē innuendum.

## NOTATIO VIII.

*De longitudine illius terræ, quam filii Israelis possederunt.*

**I**N commentario mille sexcentorum stadiorum duo cum primis diximus; Alterum, Palæstinæ regionē, quam 12. Israelis tribus obtinuerunt, patere in longitudinem millia passuum sexaginta supra centum; Alterum, centies sexagies mille passus conficere omnino stadia 1600. Duo isthæc, claritatis gratia, seorsum discutere, & examinare oportet.

Vt ergo de prima parte prius dicamus. Quamuis Plinius l. 5. c. 13. assignet Palæstinæ (siue Iudææ) 189. millia passuum à Septentrione ad Meridiem. (hæc enim est terræ illius longitudo: ) verum quos Plinius terminos illi prouinciæ præscribit, diuersi sunt ab iis, quos communis ac recepta sententia præfinire solet. Quare vel incerta traditione Plinius fuit nixus vel passuum mensura, quam ipse designat, minor est, quam quæ apud Palæstinos in vñu erat. Nam D. Hieronymus epistola 129. confirmat, vniuersa illius regionis longitudinem vix constare 160. passuum millibus. Quæ Hieronymi numerandi ratio haud dubiè certa est; nam ad id, de quo S. Doctor ibi agit, debebat prouinciæ illius longitudinem diligenter examinasse. Et quidem id facile Hieronymus nosse poterat, quippe qui præter insignem sacrarum Literarum cognitionem, multos in ea regione annos posuerat; eamque exactè & consideratè peragrauerat. Quamobrem Hieronymi computationem, quod ad terræ sanctæ longitudinem spectat, vt certam amplectuntur Arias Montanus in Caleb, & Pererius in Exodum c. 3. §. 44. Atque hæc ipsa longitudo egregiè confirmabitur ex hoc Apocalypseos loco, vt infra videbimus. Porro longitudo, quam Hieron. considerat, eadem est, quam sæpè Scriptura designat, à Dan usque Bersabee. Neque obstat, quod longitudo terræ Israelitis promissæ, & à Dauidè postea suo imperio subiugata, fuerit multo maior, nimirum à flumine Ægypti usque ad Euphratem. Hæc enim terrarum distantia, non erat quam duodecim tribus fuerant occupaturi, sed quam suo imperio subiecturi.

Circa secundam difficultatem, siue quæstionē initio positam, (videlicet 160. millia passuum idem esse, atque stadia mille sexcenta) obseruandum est, iuxta Romanorum numerandi rationem stadiis octo confici vnum milliariū. Nam Romani singulis passibus quinque omnino Romanos pedes assignant, & stadiis singulis passus 125. qui Romanos pedes conficiunt 625. Ceterum in Græcorum dimensione 10. stadia milliariū vnum, siue mille passus iuste constituent. Quippe iuxta Græcorum computationem passus vnus 6. continet pedes (quæ mensura humanæ staturæ prorsus adequat) & stadium vnū 100. nam staturæ prorsus adequat) & stadium vnū 100. passibus, siue staturis humanis constat, id est, pedibus sexcentis ac proinde 160. milliaria præcisè sunt stadia mille sexcenta. Quod autè Romani ad vnus stadii dimensionem 125. pedes adijciunt, id propterea fit, quia ex communioribus Græcis pedibus, 24. pedes exæquabant longitudinem 25. pedum Romanorum. Quamobrem, vt in stadij mensura Romani cum Græcis conuenirent; stadio tribuebant Romanos pedes 625. siue (quod idem est) 125. passus Romanos.

Hæc differentia atque concordia inter Græcos & Romanos nota est omnibus, qui de intervallo mensuris scribunt. Sed cum variz atque diuersæ fuerint pedum mensuræ inter Græcos (vt constat ex

**B** Gellio lib. 1. cap. 1.) consequenter pro certo habendum est, diuersas quoque fuisse stadiorum mensuras, præscriptis semper stadio centum passibus Græcis, siue pedibus Græcis sexcentis.

Illud nunc videre superest; vnde ipse colligam, passus centum sexaginta millia, quibus Palæstinæ longitudo protendebatur, & mille sexcenta stadia, quæ Ioannes in Apocalypsi refert, vtramque mensuram fore reducendam ad Græcorum computationem, non ad Romanorum.

Ad hanc dubitationem respondeo; Cum Ioannes & Græcè & in Græcia conscripserit, consentaneum valde esse, vt stadium vnum pro centum passibus accipiat. Et quantis Hieronymus scripserit Latine; cum tamen scripserit in Palæstina, maxime est rationi consentaneum, illū loqui de passibus, quæ ratione apud Palæstinos accipiebantur. Est autè valde verisimile Palæstinæ dimensionem nō eam fuisse, quæ passui quinque pedes, sed quæ sex præstaret. Primo, quia senorum pedum mensuram (quæ humanæ æquat staturam) constat fuisse mensuram Palæstinæ, vt à nobis disputatur in tractatu de sacris mensuris. Nec aliqua est mentio cuiusquam mensuræ vulgaris quinque pedibus constantis, quæ Hebræis foret in vñu.

**C** Secundo, quia sacri scriptores vsurpant nomen Orgia, (qui est passus) in iis libris, quos Græcè habemus, vt Matth. 5. 41. & Actuum 27. 28. vbi liquet, passum quinque pedibus constare non posse; cum hæc mensura Græca non sit. Est igitur vero imprimis simile, hebraicum passum senis constare pedibus, sicut & græcum.

Tertio, cum Græci adeo Hebræis essent finitimi, tantumq; Romani distaret, multo certe probabilius est, Hebræos in senorum passuum mensura cum Græcis potius consensisse, quam in quinquorum pedum dimensione cum Romanis. Quod si, (vt verisimilius est) Græci illam passus rationem ab Hebræis acceperunt; in hoc ipso euidenter inuoluitur, Hebræorum passum sex pedum fuisse. Fit autem passus mentio in veteri instrumento 2. Reg. 6. 13. & Numerorum capite trigésimo quinto, numero quarto. Quamuis in hoc posteriori loco hebraicum nomen sit Amah, quod sonat cubitum. Sed cubiti nomen aliquando in sacris vsurpari pro iusta humanæ staturæ mensura; videat qui volet, in nostro de sacris mensuris tractatu.

**D** His demū addo, quod stadia mille sexcenta Apocalypseos cum centum sexaginta Palæstinæ milliariis, iuxta Græcorum rationem omnino conueniāt; hoc ipso persuaderi, tam milliaria, quam stadia ad Græcorum computationem fore reuocanda. Etenim quod Ioannes in suis stadiis longitudinem Palæstinæ regionis respiciat; id sanè ita fit verisimile, vt nullā ratione de eo videatur dubitandum. Vbi autem idonea reperitur concordia quod numerandi rationem Græcis vsitatam (id quod optandum maxime erat) quis non videat, eiusmodi concordia satis valide confirmari, veritatis scopum fuisse collineatum, atque adeo centum sexaginta millia passuum, accipienda esse de passibus senorum pedum, & stadia mille sexcenta, de centum passuum stadiis, iuxta Græcorum computationem?

Stadia milliaria, quibus Palæstina protenditur, ad Græcorum computationem, non ad Romanorum, esse reuocanda.

Nota sit Palæstinæ longitudo.

Vnum milliariū quod stadiis constet, iuxta Romanorum numerandi rationem. Romanus passus quod stadium vero quod passibus constet. Græcorum computationis ratio in milliariis, stadiis & passibus. Cur Romanus vnus stadij dimensio sit pedes 125. adijciant.



Duplex  
difficultas  
in prædicta  
cõputatione  
proponitur.

Prima  
difficultas  
enodatur.

Calamus  
maior &  
calamus  
minor  
(quod ad  
mensuram  
attinet)  
quota essent  
longitudinis.

Verum opere pretium est duabus satisfacere ob-  
iectionibus, quæ contra prædictam conciliationem  
occurrunt. Prima est, quia ex cap. 48. Ezechielis vi-  
detur colligi, longitudinem terræ Promissionis fu-  
isse calamorum non amplius centum quadraginta  
quinque millium. Si autem calami unus longitu-  
do eadem est cum longitudine passus fenorum pe-  
dum; hæc quidem dimensio non euadit in stadia  
1600. sed in 1450. Secunda obiectio est; 1600. stadia  
complent ex Romanis milliariis ducenta præcisè;  
ex ducentis verò ad centum sexaginta superant  
quadraginta millaria. Si ergo terræ sanctæ longi-  
tudo ducentis constaret milliariis; Hieronymus  
Latine non scriberet, vix eam 160. milliariis esse.

Ad primam difficultatem respondeo, non esse ita  
perspicuum longitudinem illam calamorum centum  
quadraginta quinque millium præcisè ab Ezechie-  
le tribui Palæstinæ terræ. Verum, licet id certum  
foret: saltem non constat à Propheta hic considera-  
ri eandem omnino longitudinem, quam reapse ma-  
terialis Palæstina habebat. Nam Ezechiel loquitur  
prophetice, & aliqua immutat ratione mytherij; vt  
apparet in eo ordine, quo tribus ad Iordanis ripam  
disponit. Qui quidem ordo, valde est diuersus ab eo  
quem ipsa Tribus inter se vnquam seruauit. De-  
inde probabile satis est, Ezechielem de maioribus  
calamis loqui, & Hieronymum in ea Epistola 129.  
de minoribus, qui sunt iidem cum passibus sex pe-  
dum humanæ staturæ minoris; atque hac ratione  
calami illi centies quadragies quinquies mille Eze-  
chielis, longius conficiant spatium, quam centum  
sexaginta millia passuum Hieronymi. Nam cala-  
mus maior minorem superat quartâ saltem parte:  
ita vt centum viginti octo millia calamorum ex  
maioribus exæquent centum sexaginta millia ex  
minoribus. Quapropter Ezechiel fortè tum ratione  
mytherij; tum etiam vt singulis tribubus decem  
calamorum millia à Septentrione ad Meridiem da-  
ret, (præter quinque & viginti millia, quæ primi-  
tijs designat ad sacerdotes, Leuitas, atque ciuitatem)  
addit longitudini calamorum 120. millium, quam  
occupant 12. tribus, calamos item 25. millia: quod  
cum illo vaticinio rectè cõsentit, in quo vices quin-  
quies mille calami sacerdotali terræ, Leuiticæ, atque

A ciuitati tribuuntur; nihil interim subtrahendo ex  
decem calamorum millibus, quæ singulis 12. tribu  
designantur. Quod si ita est; centum illa ac sexa-  
ginta millaria vulgarium passuum, (id est calamo-  
rum minorum) conficiebant ex maioribus calamis  
centum viginti octo millia: ex quibus in duodecim  
tribus partitus fuit Ezechiel calamos 120. millia  
fueruntque super 8. millia: quibus si 17. millia ca-  
lamorū addantur ad complementū prædictorū 25.  
millium; tota denum longitudo, quam Ezechiel  
considerauit, ad calamorum 145. millium numerū  
accessit. Atque ita extitit, quidquid opus erat no-  
uam portionem, quæ in eo vaticinio designatur sa-  
cerdotibus & templo, nec non Leuitis & ciuitati:  
quæ portio nec in 12. tribuum mensura cõprehen-  
datur, nec cū illa permisceatur. Qua ratione locus  
Ezech. non solum nostræ concordia non refraga-  
tur, sed aliquo etiam modo suffragatur.

B Ad secundam difficultatem: Si D. Hieronymus  
loquitur de Palæstinæ milliariis, vt ipsum loqui  
verisimile est, absonum non erat, centum sexaginta  
milliariis Palæstinis ducenta Romana compre-  
hendi. Deinde respondeo, minores calamos Hebrai-  
cos omnino esse æquales 2. vlnis, siue virgis Hispa-  
nicis (quibus statura Hispanica cõstat;) vt videre est  
in nostro tractatu de sacris mēsuris. Atque iuxta hanc  
mensurā calami 160. millia siue passus (idem enim  
sunt) non adæquant longitudinem 200. milliariū  
Romanorū; sed 75. & paulo amplius. Nec mirū est, vt  
Hieron. in Palæstina tunc degens mensurā Palæstinā  
vteretur, vocasse 160. millia passuum longitudinē illā,  
quæ iuxta Romanorū dimēsiōē appellāda erat 177.  
milliariū. Et paulo plus cōtinent milliaria 189. quæ  
Plinius refert; si funiculū nonnihil extendamus, vt  
complectatur etiā paludē, quam ipse Palæstinæ ter-  
minum, & Arabiæ confinem designat.

C Tertiò respondeo, Non defore fortassis, qui con-  
ficiat apud Palæstinos in milliariū mensuris passū v-  
nū esse eiusdē longitudinis cum calamo maiori. Ex  
quibus 160. millia exæquant 200. calamorum ex  
passibus minoribus constantium; qui conficiebant  
1600. stadia ex minori dimēsiōe: atque adeo Ioan-  
nem fortè in Apocal. de hac ipsa mensura loqui,  
dum mille sexcentorum stadiorum meminit.

Expediatur  
secunda  
difficultas.

## C A P V T X V. T E X T V S.

Vers. 1. Et vidi aliud signum in cælo magnum, & mirabile: Angelos septem  
habentes septem plagas nouissimas, quoniā in illis cõsummata est ira Dei.

### COM M E N T A R I V S.

Q V A N V I S textus mentionem prius faciat septem plagarum, quàm maris vitrei: certum ta-  
men est, prius visum Ioanni mare vitreum; & postea Angelos illos, qui phialas septem effu-  
derunt. Quippe post recitatum canticum eorum, qui super mare vitreum stabant, subdit numero 5.  
Et post hæc vidi, & ecce apertum est templum, & exierunt septem Angeli habentes septem plagas. Cū ergo visio-  
nis ordo eiusmodi fuerit, vt prius vitreum mare apparuerit, & in eo victores cecinerint, deinde An-  
geli septem prodire visi sint cum septem phialis, quas ex leonis manu acceperant; cū hic in-  
quam sit visionis ordo, cur Ioannes à postrema parte orditur, Vidi signum magnum & mirabile, Angelos  
septem, habentes septem plagas? Respondeo, hanc enumerandi rationem fuisse maximè congruentem;  
vt denotaretur maris atque victorum visionem ad septem plagarum visionem pertinere. Qua-  
propter Ioannes prius summam attulerit, se admirabilem spectasse septem plagarum visionem.  
Deinde per ordinem recenset, vidisse se coactum mare; canticum audisse, postea egressos è tem-  
plo 7. Angelos cum phialis totidem, quorum 1. phialam effudit in terram, 2. in mare, & c. In ipso  
ergo narrationis ordine tacitè innuitur, mare illud vitreum, siue coactum, citharas & canticum,  
omnia isthæc ad 7. plagarum visionē spectare. Itaque 1. cap. huius versus est propositio in istar, quā  
oratores solent præmittere, & veluti summa cap. 15. & 16. mox verò 2. versus orditur narrationem.

Apparet autem difficile explicatu, quid habeat cōmune mare vitreum cum septem plagis, vt vi-  
trei maris visio cum septem plagarum visione congruenter aptetur? Huic tamen difficultati ita  
respondeo. In mari quidem vitreo (vt videbimus infra) manifesta continetur allusio ad mare ru-  
brum, quod filii Israël traiecerunt; & in Exodi quidem historia, plagæ illæ, quibus Deus Israelitas  
ex Ægypto eduxit, antecedunt Israelitarum ingressum in mare rubrum. Septem autem plagæ,  
de quibus in præsentī agitur, non præcedunt mystici Israëlitis ingressum per vitreū mare, sed suble-  
quuntur potius. Quare dum Ioannes ait, se spectasse 7. plagarum visionem, & Israelitas ipsos appa-  
ruisse iam super mare vitreū, perinde est, ac si dicat, 7. visionis huius plagas nō esse illas, quas Deus

mysticæ

Ioanni pri-  
us visum  
mare vitre-  
um, postea  
septem an-  
gelos phia-  
larum.

Cur Ioan-  
nes visionis  
narrationē  
à postrema  
ordiatur  
parte.

Qua sit  
connexio  
maris vi-  
trei cum  
septem pla-  
gis.







He septem  
phialarum  
plaga quæ  
proportione  
respondeant  
septem tubarum  
plagis.

Nostri  
phialarum  
argumenti  
probatum ab  
ipsis do-  
ctrina cer-  
titudine.

Item ab ip-  
sis interpre-  
tationis di-  
gnitate.

Ordo & se-  
ries septem  
plagarum  
novissimarum  
iuxta nostri  
argumenti  
rationem.

Secundò, me reuocat ab earum interpretationum vestigijs proportio & consonantia, quæ inter septem has phialarum plagas, & inter septem tubarum plagas reperitur. Cum enim viderimus, tubarum plagas esse illas, quas infligit Deus Iudaico populo, consecrarium est, si recta rerum proportio seruetur, septem has plagas posteriores aduersus populum Gentilicum fuisse à Deo immisissas. Cur verò eiusmodi plagæ postremæ fingantur, tanquam ex phialis effusæ, inferius explicabitur.

Tertiò; in mea explicatione nihil incertum supponitur. Qui autem has plagas vt sonant, accipiunt, easque ad extremas mundi angustias propè vniuersalis iudicii diem referendas putant; nã illi multa satis incerta deuorant: cum tamen, quæ alioqui sunt ignota & incerta, minimè faciant ad rem in Apocalypseos ænigmatis enodandis; vt sæpè alias expendimus. Ad hæc, nimis in explicando simplicitatis est, velle in ænigmate septem has plagas accipere, vt sonant. Etenim si phialæ non ita sunt accipiendæ, vt sonant; igitur neque vlcera pessima; nec mare sanguineum; nec sanguinea flumina; nec æstus, &c. Huc adde, quintam plagam, vbi tenebrarum mentio est, à nemine explicari ita vt sonat. Quænam ergo maior est ratio plagæ illius, quàm ceterarum.

Quartò; interpretatio, quæ has septem plagas ad mysticas plagas applicat, nobilissima est & dignissima Apocalypseos maiestate, & quod caput est, in ceteris alijs expositionibus applicatio est violenta, in sensu autem, quem nos sequemur, omnia aptè atque concinnè quadrant. Item aliæ explanationes nullam habent rationem ordinis & consequentiæ in septem plagis, nec numeri earum; at nostra interpretatio omnia appositè continuat atque connectit.

His ita præstitutis, priusquam ad contextum accedamus, oportet seriem & consecutionem ipsarum plagarum, quibus Deus Bellum Gentilitati intulit, considerare. Proposito enim prius belli ipsius ordine, & plagarum serie ac numero seorsim consideratis; textus postea applicatio ad earum singulas legentem maiori afficiet voluptate.

### Series & ordo plagarum septem, quæ in totidem phialis significantur.

- I. Pudor Gentilium, dum de peccatis arguuntur.
- II. Persecutionis crudelitas in Euangelij prædicatores.
- III. In Gentiles etiam ad fidem conuersos mira sauitia.
- IV. Ex Christianorum sapientia grauissima offensio.
- V. Summa in ipsâ persecutione execratio.
- VI. Postinvasionem Romæ, maior persecutio.
- VII. Manifesta vrbs Romanæ diuisio.

### Explicatio & ordinis ratio.

**P R I M Ò:** Euangelica prædicatio vt ostenderet, quantopere mundus redemptione Christi indigeret; imprimis mundum ipsum sceleris atque peccati arguebat, hoc est, contendebat acriter, omnes esse absque vlla exceptione peccatores, vt latè probat Paulus ad Romanos 1. & cap. 3. 23. summam complexus fuit his verbis. *Omnes peccauerunt, & egent gloriâ Dei.* Atque hac prædicatione Gentiles ipsi pudore ac dolore vehementer pulsabantur.

**Secundò:** cum Euangelij ministri ab incepta prædicatione minimè desisterent, quinimò perseverarent confirmantes, non esse veram salutem nisi ijs solum, qui in Christum crederent: hoc ipsum per occasionem excitauit crudelissimam Neronis persecutionem; quia ipse & ipsius ministri acriter in Christianam Ecclesiam sauiuerunt. Id quod ita Christus prædixerat, vt habetur Matth. 24. 9. *Tradent vos in tribulationem, & occident vos, & eritis odio omnibus Gentibus propter nomen meum.*

**Tertiò,** quanuis initio non credebatur persecutio illa aduersus Christi prædicatores commota ipsos etiam Gentiles esse comprehensura, (quorum multi affines erant ac necessarij eorundem persecutorum, atq; adeo ijdè cum illis) quia non existimabant Gentiles posse inter eos ipsos reperi aliquos, qui Christianorum doctrinam sectarentur: effectus tamen ipse ostendit, permultos ex illis tunc vel maximè ad Christianorum Religionem adhærescere, quando magis vigeat persecutio. Quare bellum, quod initio aduersus externos geri putabant, domesticum postea & intestinū fuit; ac propterea persecutores non parum afflixit. Nec tamen ideo persecutionis vis atque impetus remittebatur: sed potius ignis ille, furoris & immanitatis vento gliscente, vehementius exardebat; ita vt pater in filium, filius in parentem, mater in filiam, frater in fratrem irarum stimulis adacti excandescerent. Prænunciauerat id antea Christus Dominus Lucæ 12. 51. *Putatis, quia pacem veni dare in terram? non, dico vobis, sed separationem. erunt enim ex hoc quinque in domo vna diuisi; tres in duos, & duo in tres diuidentur: pater in filium, & filius in patrem suum, mater in filiam & filia in matrem, socrus in nurū suam, &c.*

**Quartò;** admirabilis sapientia cum incredibili charitatis ardore copulata, (quam aduersarij ipsi non in viris solum Apostolicis, sed in ipsis recentibus Christianis aspectabant) hæc, inquam, quæ ipsos mollire, & Christo subicere deberet; occasio erat, vt Ethnici ceu stulti atque insani, aduersus Christum Dominum probra ac maledicta congererent; & ea omnia magicis artibus atque cantionibus attribuerent. De hac sapientia & fortitudine, quam Christus suis famulis erat largiturus, vide Lucam capite vigesimo primo, numero decimo quinto. *Ego dabo vobis os & sapientiam, cui non poterunt resistere, & contradicere omnes aduersarij vestri.* Et Actuum capite sexto numero decimo.



A Non poterant resistere sapientia & spiritui, qui loquebatur. Quinimò, Dissocabantur cordibus suis, & stridebant dentibus in eum; vt habetur Actuum 7. 54.

Vrit enim fulgore suo, qui prae grauat artes

Infra se positas

vt cecinit Horatius lib. 2. Epist. 1.

Quinto: cum Christianorū numerus persecutione ipsā cresceret; nihilominus idololatraz furialibus odiis accensi, Christi nomen magis magisque persequebantur: in quo cernebatur ipsorum caecitas & amentia. Primò in furore atque odio, quod aduersus propinquos innocentes concipiebant; iuxta illud primæ Ioannis 2. 11. *Qui odit fratrem suum, in tenebris est, & in tenebris ambulat: & nescit quod eat, quia tenebrae obcauerunt oculos eius.* Secundò, quia cum viderent Christianorum augeri multitudinem, mediâ ipsâ persecutione; stultum plane erat, illos adhuc eâ ratione extinguere velle, & propterea vehementius infectari. Tertiò, quia postquam Christianorum insignem sapientiam & admirabile vitæ exemplum agnouerant, eos tamen propterea acrius oppugnabant, cum eos potius idcirco diligere, & æstimare permagni deberent. Vide 1. Ioann. 3. 12. *Quoniam opera eius maligna erant, fratris autem eius iusta.* Et 2. Corint. 4. 4. *Deus huius seculi excacauit mentes infidelium.*

De quinta.

B Sextò; glisciente adhuc persecutione, prædicatio pariter vires & incrementum magnum accepit. Accidit itaque, quod nemini veniret in mentem. Multa enim ex nobilissimis Romanorum familijs, vt ex senatoriis & equestribus, Christiana sacra susceperunt. In quo apparuit Christianam fidem ad Romam ipsam subiiciendam fuisse adortam; atque aded Apostolicos viros diuino aspirante Numine, præter ethnicorum opinionem, in Romanâ ipsius vrbis arcem inuasisse. Quare cum Gentiles idololatriæ ruinam extimescerent; maiori adhuc furore persecutio toto Romano orbe multiplici incremento aucta est: quod potissimum accidisse videtur sub Diocletiano & Maximiano. Atque in ea Romæ inuasionem, hoc est, in repentina & inopinata senatoriarum familiarum conuersione, videtur fuisse innouata illa Cyri & Darii in Babylonem irruptio; de qua Isaia capite quadragesimo quarto, numero vigesimo septimo. Et ed videtur alluisse Petrus Epistola 1. capite quinto, numero decimo tertio, dum Romam appellat Babylonem. Quo innuit Christiani populi expectationem, Romam occupandi; sicuti fuerat figuratum in illa Babylonis inuasionem per Cyrum & Darium factâ.

De sexta.

C Septimò; sancti Siluestri tempore efficacia prædicationis ed peruenit, vt persecutio vltiùs progredi non posset. Christianorum enim numerus Romæ ferè numerum Gentilium adæquauit; ac penè fuit nihilo inferior eorum numerus, qui per eam lucis particulam, quæ sibi ex Euangelii prædicatione oborta est, idolorum superstitionem vt impiam spreuerunt; nec tamen ad veram Christi cognitionem accessere. Quamobrem cum Roma in tres factiones ferè æquales, hoc est, in Christianos, Paganos & neutrales diuisa foret, Constantinus Imperator, cogente etiam gubernationis politicæ ratione, sed potissimum Diuino fultus auxilio, libertatem & impunitatem Religionis Catholicæ permisit, atque aded liberam Christianis fecit potestatem publicè Catholicam religionem profitendi. Qua in re enituit imprimis obstinata eorum peruicacia, qui in sua adhuc impietate ac superstitione permanferunt. Deinde, qui neutrales erant, si minus Euangelii gratiâ fruebatur, eo tamen ipso, quod se quasi medios gererent, Ecclesiæ partes adiuuabant; iuxta illa Christi verba Marci 9. 39. *Qui non est aduersus vos, pro vobis est.* Præsertim cum Euangelii prædicatione effectum fuerit, vt ipsi idololatriam contemnerent. Veluti cum sol mane exoritur, si quis eius luci effectum fuerit, vt ipsi idololatriam contemnerent. Veluti cum sol mane exoritur, si quis eius luci effectum fuerit, vt ipsi idololatriam contemnerent. Veluti cum sol mane exoritur, si quis eius luci effectum fuerit, vt ipsi idololatriam contemnerent. Veluti cum sol mane exoritur, si quis eius luci effectum fuerit, vt ipsi idololatriam contemnerent.

De septima.

D aliquo saltem modo eum illustret.

### Ratio Septenarij in phialarum plagis.

E **R**OMÆ oppugnationem, (priùsquam ipsa ad Christi fidem penitus conuerteretur) qui attentè consideret, facile cernat ad septem prædicta puncta congruenter reuocari. Nihilominus fatendum nobis est, nisi peculiaris aliqua mysteriiratio in septenario numero haberetur, necessariū hic minimè fuisse ad septenarium reduci plagas, quas Deus in Romam immisit, quo illam hac ratione suo Euangelio subigeret. Hæ enim ipsæ septem plagæ possent haud dubiè ad numerum siue maiorem extendi, siue minorem coarctari. Et in septima præsertim perspicitur peculiari quidam confilio contendendi, vt omnes ad septenarium redigantur. Secus enim plaga illa in duas non perperam posset diuidi: hoc est, in Romæ inuasionem, & in persecutionem postea subsequutam. Quauis ranarum egressio ex Euphrate flumine iam arefacto inuitarit, vt ibi pariter in eadem plaga coniungerentur fluminis exsiccatio, & ranarum eruptio: quæ importuno clamore Ecclesiæ infestarent. Verum tam in hoc ipso, quàm in plagis prioribus peculiari studio ac diligentia effectum est, vt septenarius numerus conficeretur. In quo præter proportionem, & veluti harmoniam inter septem phialas & totidem tubas (quod in ipsa figura non parum elegantie continet) illud insuper singulare hic reperio, nimirum in his septem phialarum plagis peculiarem subesse respectum ad septem Diuinæ prouidentie Spiritus.

Septenarij numeri in his plagis seruat ratio reddidit.

Etenim in prima plaga apparet quidem Diuinæ prouidentie virtus ac fortitudo viros Apostolicos roborantis in eorum fortitudine, qui mundi Reges ac Principes audebant peccatores & flagitios coopertos appellare. Lege caput primum Epist. ad Romanos.

In plaga secunda ille ipsemet sanguis, illud ipsum persecutionis bellum in se includit admirabile Diuinæ Beneficentie artificium, vt vidimus in secundo sigillo capitis 6. vbi beneficentia describitur sub specie discordiæ cum gladio magno tollentis pacem de terra. Verum sicuti in sigillo

In singulis plagis singulos diuina prouidentia spiritus enitescere, per ordinem probatur.



secundo gladius erat Beneficentiæ symbolum in iis ipsis, qui tormenta necemque ferebant, ira hic effusus sanguis est Beneficentiæ symbolum ipsismet, qui illum profundebant. Hoc namque ipsum Deus efficaciter ad eorum conuersionem dirigebat.

In tertia plaga attenditur sine dubio Diuina Æquitas; sicuti illi constabit, qui textum attentè legerit. Angelus enim aquarum & Angelus altaris (quos esse mysticos Mosem & Eliam supra vidimus) vterque clamant; *Iustus es Domine, vera & iusta iudicia tua.*

In quarta facile est cernere, quantopere Dei sapientia emineat; dum Martyribus dat os & sapientiam, cui non possint resistere, & contradicere omnes aduersarij.

In quinta, immensa Dei patientia maxime enitescit in probris, maledictis & ingenti cæcitate Ethnicorum & quidem maximæ execrationis consideratio est aptissima ad miræ patientiæ descriptionem illius, qui cæcitatem illam attendit; iuxta illud, *Dimitte illis: non enim sciunt quid faciunt*, Lucæ 23. 34.

In sexta, textus ipse nos docet, sicuti Diuina pietas Romanos repente & inopinanter inuasit, & quasi ex insidiis cepit, vt eos singulari illo Christianæ Religionis beneficio cumularet; ita è contrario, qui non aduigilarint, eos incautos & imparatos à Deo fore opprimendos; & propterea inserta sunt verba illa numeri 15. *Ecce venio sicut fur, beatus qui vigilat, & custodit vestimenta sua; ne nudus ambulet, & videant turpitudinem eius.*

Septima denique plaga (præterquam quòd propriæ vindictæ magnitudinem ex magnitudine iræ mysticæ conijcere possumus) expressè agit de horribili seueritate, qua Deus grandinem depluit magnam sicut talentum in eos, qui in sua pertinacia perstiterunt.

Constat ergo in his septem phialarum plagis habitum fuisse respectum ad septem illos Diuinæ Providentiæ Spiritus: Quod nobis innuit, inter tubarum plagas & plagas phialarum hoc interesse discriminis, quòd primæ ex Dei seueritate propriè coortæ sunt, hoc est, ex septimo Diuinæ prouidentiae spiritu: posteriores verò non ex vno solum prouidentiae spiritu, sed ex omnibus pariter profectæ sunt. Omnes enim illi in plagis omnibus septem mirum in modum elucet. Quamobrem etsi tubarum Angeli non iidem sunt, qui phialarum; aliqua tamen ratione verum est, per septem phialarum Angelos representari totidem Diuinæ prouidentiae Spiritus, de quibus capite primo agitur.

### *De ipsis Angelis effundentibus phialas.*

*Quia autem  
sunt septem  
harum pla-  
garum angeli.*

**S**EPTEM tubarum Angelos suo loco diximus esse sacros Vates, qui septem illas plagas contra Ierosolymam, & contra Iudaicum populum portenderunt. Qui Angeli in Apocalypsi decorè inducuntur, quasi sententiam illam proferentes, quam ipsi prænuñciarant. Atque in earum plagarum Angelis ille significatur Propheta, qui in singularis illius plagæ vaticinio magis enituit. Sicuti Isaïas in septima, & sic de ceteris.

Simili ergo modo in plagis phialarum philosophandum est. Quare earum Angeli sunt Apostolici viri, qui sua prædicatione & sacrificiis pariter atque precibus fuere præcipui ministri, quos adsciuit Deus in oppugnationem, qua Romam per hæc plagas yrlit. Et in qualibet harum septem plagarum Apostolicus ille vir inducitur, qui in plagæ illius ministerio plus excelluisse videtur. Ex quo infero, per primum Angelum significari Paulum Apostolum, qui præcipuus est, in cunctis hominibus peccati arguendis; vt hoc pacto ostendat, quantopere omnes diuinæ gratiæ ope indigeant.

Secundus Angelus est Petrus (opinor) ipse enim Neronem imprimis sua prædicatione irritauit. Et bene habet in duabus primis plagis Angelos esse duosegregios comites, Paulum & Petrum.

Tertius Angelus forte est B. Clemens Papa, qui egregius fuisse dicitur in Gentilium plurimis ad fidem adducendis, & ad martyrium animandis.

Quartus est alius Pontifex, cuius ope vehementer Christianæ gentis sapientia effulserit, vt verbi gratia, tempore B. Agnetis, aut sancti Laurentii.

Quintus erit ille, qui suâ prædicatione excitauit rabidam persecutionem postea subsecutam; in qua eminebant imprimis hinc summa Gentilium execratio, inde constantissima Dei & Christianorum patientia.

Sextus ille erit Pontifex, qui in multorum Senatorum conuersione magis claruit. Vide an sit Fabianus.

Septimus denique videtur fuisse sanctus Siluester; nam eius tempore accidit magna illa Romæ diuisio; & ipse fuit potissimus, cuius ministerio Christus ad eandem diuisionem fuit vsus.

### *Textus explicatio.*

*Cur hic  
signum ma-  
gnum &  
admirabile  
dicatur.*

**H**IS ita prælibatis, ad ipsa iam verba contextus accedamus. Et videtur aliud signum in celo magnum, & mirabile. Vide supra cap. 12. I. vbi mulier illa amicta sole appellatur signum magnum. Et quidem ratio eadem, ob quâ hæc appellatio illi mulieri indita fuit, nunc etiâ militat, vt signum magnum & mirabile, dicantur septem plagæ, de quibus hic mentio fit. Vtrobique enim attenditur magna illa admiratio, quæ fidelibus fuit, quòd Euangelii gratia ad Gentes etiam dimanaret. Quod verò in præsentia additur, *Et mirabile*; verum tenere videtur in re prorsus admirabili, quòd per hæc plagas, Roma ad Christi fidem esset conuertenda. Præterea tam in cap. illo 12. quàm in hoc loco cæli nomē ad cælestem Christianæ Ecclesiæ conuersionem referendum est; vt aliàs diximus.

ANGELOS SEPTEM HABENTES PLAGAS SEPTEM. ] Phialas has in Gentiles reapse effuderunt omnes



A omnes illi viri Apostolici, qui in clarissima illa expeditione obsequium Deo præstiterunt. Verum enimvero, cum plagæ ad septenarium redigantur: operæpretium fuit septem viros Apostolicos designari in hac sacra fictione, quorum singulis singulæ phialæ traderentur effundendæ. Simile quid vidimus in angelis tubarum capite octauo, quos Prophetas fuisse ibidem docuimus. Nemo autem mirari debet, Angelorum nomen in Apocalypsi prius ad Prophetas, deinde ad viros Apostolicos applicari: vtrisque enim hoc nomen tribuitur meritissimè & non minus aptè, quàm angelis hierarchiæ cælestis.

Iam verò Angelorum numerum ad hanc visionem fore desumendum iuxta numerum plagarum, facile intelligitur, si consideremus, quod pereleganter pictores solent effingere. Vt enim depingant venerationem ac reuerentiam, qua cælestis hierarchiæ angeli passionem Christi Domini prosequuntur, exprimunt passionis eiusdem insignia inter eos per ordinem dispersita; qui summo cum decoro ac reuerentia manibus eagestent, atque adorent. Et quamuis angeli qui hoc muneris atque officii præstant, sint multitudine innumerabiles, in ipsa tamen pictura ille angelorum numerus ad eam representationem eligitur, qui ipsi passionis insignium numero consentaneus sit, ut unus teneat manibus crucem, alter lanceam, clauos alius, alius coronam, & sic de reliquis. Similiter ego in præfenti, cum septem plagæ sint iræ nouissimæ, ad huiusmodi picturam destinati sunt septem Ecclesiasticæ hierarchiæ angeli, in quorum numero forte etiam alluditur ad septem regis Persidis cubicularios, ut diximus cap. 1. congruenter enim effingitur, hos septem Angelos esse mysticæ Dei iræ ministros.

PLAGAS NOVISSIMAS, QUONIAM IN ILLIS CONSUMMATA EST IRA DEI. ] Ribera exponit de plagis vltimis, quas Deus prope diem iudicii in sceleratos homines immittet. Sed in eius expositione nō video quo pacto plagæ phialarum sint in eo sensu nouissimæ. Nam harum plagarum vltima antecedit Romæ conflagrationem. Ille autem existimat, Romam esse ante persecutionem Antichristi igne materiali comburendam. Dicere verò, post euersionem Romam in annis subsequentibus nullo Deum in igni supplicio peccatores puniaturum, non video quomodo constet in ipsius Ribera explanatione. Deinde, contextus ipse cogit, ut superius dicebamus, ne propterea istæ plagæ dicantur nouissimæ, quia sub diem iudicii effundendæ sunt; nam post septimam plagam ponit Apocalypsis mille pacis annos, qui Romæ conflagrationem consequuntur. Atque hoc pariter argumento impugnatur eorum explicatio, qui septem has plagas interpretantur de plagis vniuersis, quibus Deus plectit peccatores; siue quas prædicatores Euangelici à principio Ecclesiæ ad finem vique mundi effundendas esse pronunciant.

C In nostra autem expositione his septem plagis tribuitur epitheton nouissimarum; ut significetur, hoc esse valde nouum plagarum genus. Quas enim plagas olim Deus aduersus peccatores immittebat, & quas mysticæ Aegypto, id est Iudæis perfidis, inflixit; illæ quidem propriam redolebant vindictam, quibus impij peccatores miserè perierunt. At in hac noua vindictæ ratione, quam Deus in Gentiles exercuit, non eò deducta res est, ut peccatores ipsi interirent; sed potius ut conuerterentur ad fidem, & Euangelij gratia fruerentur, idololatriam & peccatis funditus exterminatis.

D Quapropter huiusmodi plagæ non appellantur nouissimæ, quod aliæ insuper non maneant sceleratos, sed quia est nouus vindictæ modus, ratioq; dignissima, quæ inter admirabiles Dei inuentiones numeretur. Dicuntur item plagæ nouissimæ; quia respectu eorum, qui his plagis flagellantur, & Dei hostes prius erant, in eiusdē plagis Dei indignatio terminatur, nec vltius in eisde puniendis procedit. In antiqua enim vindicta atq; supplicio, quod Deus de suis quondam hostibus sumebat, plagæ quidē in eos immixtæ non erant extremæ ac nouissimæ; nec enim destruebatur peccatū, sed semper extabat, ac proinde ira Dei aduersus peccatores semper etiā permanebat. Quare post huius vitæ supplicia, æternæ etiā plagæ ipsos manebant. At verò plagæ illæ, quæ re ipsa peccatū extinguūt, & peccatores ad Deum ipsum conuertunt, congruenter Deus oderat peccatorem (nempe peccatū) verifiniatur omnino ac dissoluatur ea ratio, quapropter Deus oderat peccatorem (nempe peccatū) verifinimè dicitur, Deo per has plagas ira & indignatio finire. Atq; hoc est, quod textus ait, Quoniam in illis consummata est ira Dei. vbi obiter aduerte pro consummata, græcè haberi ἐτελέθη, id est, expleta est. Et verò ita prorsus accidit. Nam plagis in Iudæos perfidos illatis nunquam Dei ira fuit expleta, quare æternū illos tartareis supplicijs afficiet: quia nunquam plenè Diuinæ sit satis iustitiæ. Veruntamen in plagis hisce nouissimis (in quibus Christi passio potissimum operatur) cumulativè satisfit Dei iræ in ijs, qui per illas plagas plectebantur. Quamobrem nullæ aliæ plagæ sunt super, quibus animaduertenda sint peccata in Deum patrata ab ijs Gentilibus, in quos hæ plagæ nouissimæ immituntur.

E Obseruandum tamen est, plagæ nouissimæ nomen non cuius ex his plagis seorsum, sed vniuersis septem coniunctim quadrare. Secunda enim plaga, ut constat, non est per se nouissima, siue extrema, nec quidem aut ipsa, aut plaga quinta propitiæ essent ac secundæ, si separatim sumerentur, sed quatenus cum ceteris coniunguntur: ut reapse deseruiant Gentilium conuersioni. Deinde, quamuis plaga septima (si attendatur duntaxat, quod capite decimo sexto describitur) totius Romæ euersionem non attingat: accedit tamen ad publicam religionis Christianæ professionem in totius orbis teatro, atque metropoli: quæ fuit ingens Ecclesiæ victoria. Quare Romæ postea ac totius Imperij conuersio non fuit noua egregij facinoris forma, sed magna illius victoriae extensio. Itaque in eo, quod capite decimo sexto in plaga septima recensetur, aliquo modo includitur rei totius conclusio & consummatio. Dici etiam potest, quidquid capite decimo septimo & decimo octauo & decimo nono traditur, ad plagam septimam pertinere: quemadmodum totum caput decimum & maior vndecimi pars ad sextam tubarum plagam spectat; ut suo loco demonstratum est. Et certè difficultas ea, quod Babylonis conflagratio, noua adhuc plaga post septimam videretur; hæc inquam difficultas similiter in aliorum interpretationibus occurrit; nec satis video, quid ei ceteri respondeant.

Angeli;  
pro plagarum  
numero,  
congruenter  
fuisse se-  
ptem.

Septenarius  
Angelorum  
numerus  
apposito  
exemplo  
explicatur.

Cur & hæ  
plaga di-  
cantur no-  
uissima, &  
in illis ira  
Dei con-  
summata.

Quid sit  
ira Dei in  
his plagis  
consum-  
mata.

Plaga no-  
uissima no-  
men non  
singulis se-  
orsum pla-  
gis, sed o-  
mnibus con-  
iunctim  
sumptis  
conuenire.



Consummationis nomen in hisce plagis posse etiam ad perfectionem referri.

Quoties in Apocalypsi diuina ira mentio fiat, & qua distinctione ac mysterio.

Præter hæc, consummationis nomen potest ad perfectionem referri, ut sæpe alibi in sacris Literis. Elegantissimè autem hæc ira mystica dicitur ira perfecta; quia eiusmodi est, de qua Deus maximè gloriatur, quamque pluris æstimat, & in qua valdè conquiescit. Est enim hæc ira, quæ iræ antiquæ ut succederet, Christi assertoris nostri meritis effectum est. Quàm verò Apocalypseos excellentia sit dignum, ut hæc ira Dei in eo celebretur; faciliè spirituales viri intelligent. Atque de hæc ira latè diximus in notat. 22. proœmialium.

Illud hic nullo modo interim prætermittendum esse censeo; nouies scilicet in Apocalypsi Diuina iræ mentionem fieri: in quarum tribus prioribus vitur Apocalypsis Græco nomine ὀργῆς. Atque in his tribus locis sermo est de propria vindicta. Locis autem ij sunt, primus in capite sexto, numero decimo sexto & decimo septimo, *Ab ira Agni, quia magnus est dies ira ipsorum. vbi loquuntur impii.* Alter capite vndecimo, numero decimo octauo, *Aduenit ira tua: in damnatione, & obduratione Iudæorum (loquuntur autem seniores.)* Tertius capite decimo quarto, numero nono. *Qui adorauerit Bestiam, bibet de vino ira Dei, quod mistum est mero in calice ira ipsius.* Quibus in verbis tertius loquitur Angelus, qui, ut suo loco vidimus, Petrum Apostolum figurat. At in sex locis sequentibus, Græcè pro ira & indignatione legimus θυμῶν; & in iis omnibus ira semper accipitur mysticè, & ad peccati euerfionem atque conuersionem peccatoris pertinet. Atque in vno ex his locis vox è calo missa exauditur, nempe capite decimo sexto, numero primo, *Effundite septem phialas ira Dei in terram.* In ceteris verò quinque locis Ioannes ex propria persona loquitur. Ii autem sunt cap. 14. 19. *Misi in lacum ira Dei magnum.* cap. 15. 1. *In illis consummata est ira Dei.* cap. 15. 7. *Phialas plenas iracundia Dei.* cap. 16. 19. *Veni in memoriam ante Deum dare Babiloni calicem vini indignationis iræ eius.* & cap. 19. 15. *Ipse calcet torcular vim iræ furoris Dei omnipotentis.* In his inquam locis Græcè legitur θυμῶν. Et quamuis Stoici asserant θυμῶν significare iram nascentem, siue incipientem; quam Latini vocant excandescientiam (& videtur quidem hæc significatio esse ad rem; nam ira mystica principium ducit ab ira, quæ in misericordiam commutatur: ) nihilominus in Apocalypsi sapienter dicitur hæc ira Dei, quæ appellatur θυμῶν, esse consummata siue perfecta atque explera ira Dei, ut supra expendimus. Et celestis vox, quæ iræ nomen mysticæ iræ attribuit, tantopere Ioanni placuit, ut quoties de ira ipse loquitur, semper celestis illius vocis phrasim vsurpet, semperque eodem nomine θυμῶν vtatur. Aliquando tamen vtramque coniungit vocem, ut θυμῶν ὀργῆς, significet indignationem mysticam, in qua est iræ atque vindictæ propriæ species, vel θυμὸς ὀργῆς, id est, excandescencia iræ, siue principium iræ. De vsu verò Stoicorum, quem supra commemoravi, cōsulatur Lipsius in commentario Senecæ fol. 4. notatione 30. & fol. 6. notatione 55. Nota tandem, vocem θυμῶν significare etiam animam atque mentem, & animi etiam præstantiam & præsentiam, quod potest nonnihil etiam in præsentia iuuare.

## T E X T V S.

*Vers. 2.* Et vidi tanquam mare vitreum mistum igne; & eos qui vicerunt Bestiam, & imaginem eius, & numerum nominis eius, stantes super mare vitreum, habentes citharas Dei.

## C O M M E N T A R I V S.

IAM supra notauimus, quamuis prius fiat mentio septem plagarum, quàm maris vitrei, mentionem tamen, quæ prius de plagis fit, esse veluti propositionem & summam eorum, quæ in duobus his capitibus dicenda sunt, atque adeo narrationem à versu secundo incipere.

MARE VITREVM. ] Suprà capite quarto, numero sexto fit etiam mentio vitrei maris: ibi tamen maris vitrei nomine intelligendum est vas vitreum capacissimum figura & quantitate simile illi, quod mare æneum in Scriptura appllatur. Hic verò mare vitreum non vas aliquod, sed ipsamet maris rubri vndæ coagulata. Ratio discriminis huius est, quia visio capitis quarti allusionem habet ad Salomonicum templum, atqui maris nomen in templo supponitur, pro ingente admodum vase iuxta Scripturæ loquutionem. At in hoc loco non fit ad templum allusio, sed ad mare rubrum, & ad stupendum illud miraculum, quando Israelitæ læti atque hilares illud sicco vestigio traiecerunt. Quamobrem necesse est, maris figuram hic considerari similem mari rubro, ita tamen ut aquæ ardentes appareant, & in vitream soliditatem coagulata, ut textus ipse requirit. Nam Ioannes supra hoc mare conspexit adstantes Bestiæ victores; qui minimum sunt centum quadraginta quatuor millia. In vitreo autem vase quantumuis capacissimo, ne centum quidem homines adstantes concipi possent.

Deinde si maris vitrei nomine hoc loco vas vitreum denotaretur: mente comprehendendum esset quasi vas fragile: hoc autem minimè esset aptum aut satis firmum, quo plurimi homines pedibus innitentes starent. Si tamen maris nomen hic in ea significatione accipiat, qua apud Latinos solet accipi mare vitreum; perinde erit atque mare congelatum. In mari verò congelato sisti, ac deambulare sine trepitatione potest; quinimò supra congelatum etiam flumen ponderosa plaustra solent transire.

Dices, si mare est congelatum; vbi consideretur *mistum igne* (sic enim textus ait) confectarium est

Maris vitrei nomen hic pro veri maris similitudine, ac cap. 4. pro vase adeo vsurpari. Et quæ sit huius discriminis ratio.

Probat, hic pro mari proprie sumpto fore accipiendum.







In citharis  
allusio ad  
Exodi c. 15.  
ubi de Ma-  
ria Moysi  
sorore.

Cur appel-  
lentur  
cithara  
Dei.

HABENTES CITHARAS DEI.] In his citharis alluditur ad id, quod dicitur Exodi 15. 20. *Sumpsit Maria tympanum in manu sua, egressæque sunt omnes mulieres post eam cum tympanis & choris.* Quapropter mox sequenti versu sequitur canticum Moysi, in quo manifestè respicitur ad canticum illud, quod legimus Exodi 15. *Cantemus Domino, gloriosè enim magnificatus est.* Hic verò, ad maiorem celebritatis ac lætitiæ significationem, omnes mystici Israelitæ citharas manibus ferunt; quorum pulsus & cantus indicat gaudium atque gloriam, quam re ac verbis Deo deferunt. Cithara enim aptissimè deferuit ad significandam exempli prædicationem, quæ doctrinæ adiungitur; ut suprà vidimus. Vocat autem Ioannes has Dei citharas, quia hoc cithararum genere Deus imprimis oblectatur. Et fortè alluditur ad musicæ templi instrumenta. Addo etiam citharas istas inter Dei dona meritò cōputari, quia *omne donum perfectum de sursum est.* Deinde, recepta Scripturæ phrasi, quidquid est excellens & magnificum solet frequenter significari genitui illo Dei: quod perinde est, atque adiectivum *Divinus.* Et quidem, non sine energia, citharæ diuinæ appellantur admirabiles primorum Christianorum virtutes; quarum actionibus, concentu atque harmonia difficultas omnis in maximam iucunditatem & Dei gloriam conuertebatur.

## TEXTVS.

- Vers. 3.* Et cantantes canticum Moysi serui Dei, & canticum Agni, dicentes; Magna & mirabilia sunt opera tua Domine Deus omnipotens, iustæ & veræ sunt viæ tuæ Rex sæculorum.
4. Quis non timebit te Domine, & magnificabit nomen tuum? quia solus pius es, quoniam omnes Gentes venient, & adorabunt in conspectu tuo, quoniam iudicia tua manifesta sunt.

## COMMENTARIVS.

Ad quod  
Moysi can-  
ticū hic fiat  
allusio.

Quid sibi  
velit, Can-  
ticū Moysi,  
& canticū  
Agni.

**D**Vò Moysi cantica in sacris Literis celebrantur: alterum Exodi 15. *Cantemus Domino, gloriosè enim magnificatus est, &c.* Alterum Deutero. 32. *Audite cali, quæ loquar, &c.* Indubitatum tamen est, hic non de secundo cantico agi, sed de primo. Hoc enim est, quod in Israelis transitu per mare rubrum decantatum fuit, quò manifestè in hoc loco respicitur. Quæ autem hic Mosaici cantici summa attingitur, primum canticum perspicuè attendit, non secundum. Sed quid erit, *Canticum Moysi, & canticum Agni?* Dicat aliquis Moysi canticum prius à victoribus, deinde canticum Agni fuisse decantatum; atque hoc ipsum Agni canticum esse, quod mox illis verbis exprimitur, *Magna & mirabilia sunt opera tua Domine, &c.* Ceterum Apocalypseos artificium & elegantia minimè patiuntur, aliquid huic sacræ fictioni inferi, quod non sit ex aliquo Scripturæ loco repetitum. Quapropter non rectè existimatur, quod textus canticum refert à victoribus celebratum, nouam aliquam Agni cantilenam esse, quæ in alio Scripturæ loco neutiquam reperiatur. Si ergo rem seriò expendamus, non dubito quin Ioannes quasi summam fuerit complexus iis verbis præcipuum Mosaici cantici caput. Quare idem omnino debet esse & Moysi canticum, & Agni: videlicet accepto Moysi cantico iuxta sensum non literalem, sed mysticum; accepto etiam Moysi nomine mysticè pro Christo. In quo denotatur, sicuti Moyses fuit præcipuus dux, qui Israeliticum populum per mare rubrum traduxit, ita etiam mysticum Mosè, nempe Christum Dominum fuisse ductorem præstantissimum, qui spiritalem Israelè super mare vitreum igne mistum transiit. Cum autem qui hoc mare superarunt, in eius traiectu patientiam Christi sint æmulati, dum pro Dei gloria & pro mundi salute ad Christi imitationem sese morti obiecerunt; ideo dicitur mysticus hic Moyses Israelitis mystici dux gloriosissimam hanc victoriam, veluti agnus & agnorum dux, comparasse. Atque adeò mysticus Mosaici cantici sensus esse propriè canticum illius, qui egregium hoc facinus, ut agnus aggressus fuit, atque confecit. Et propterea congruenter satis appellatur canticum Agni illud, quod nouus Israel cum Christo pariter suo duce concinuit. Nam & de eo cantico, *Cantemus Domino gloriosè, &c.* ait sacer textus Exodi 15. 1. illud à Moysè, & ab Israelis filiis fuisse decantatum. Itaque cohæret optimè illius cantici summam & mysticum eius sensum à nouis Israelitis hic simul concini.

Verba, quæ  
victores hic  
concinunt,  
complexi  
debere sensu  
mystico  
summam  
Mosaici  
cantici.

Num hic  
Rex sæcu-  
lorum, an  
Gentium  
sit legendū?

Verba ergo, quæ victores cecinisse dicuntur, complexi debent in sensu mystico Mosaici cantici summam. Quare verba illa, *Magna & mirabilia sunt opera tua, Domine Deus omnipotens,* referenda sunt ad prodigium illud admirandum de Israelitici populi transitu per mare rubrum, de quæ Ægyptiorum submersione in eodem mari. Quod autè sequitur, *Iustæ & veræ sunt viæ tuæ Rex sæculorum,* reuocandū est ad æquissimū Dei iudicium, quod in admirabili illo opere splendescit, nempe in liberatione iustorum, & iniustorum euersione. Iam verba illa, *Quis non timebit te, & magnificabit nomen tuum?* respiciunt illud, quod in Moysi cantico recēsetur de metu ac trepidatione, quæ exaudito illo Dei prodigio Philisthæos, Idumæos, Moabitas, & Cananæos peruasit. Deinde mysticus formidinis huius sensus innuit sanctum Dei timorem, qui fuerat Gentibus ac nationibus iniiciendus, audita Martyrum victoria & gloriosissimo Ecclesiæ persecutionum fine. Atque id est quod textus ait, *Quoniam omnes Gentes venient, & adorabunt in conspectu tuo, quoniam iudicia tua manifesta sunt.*

Circa verbum illud, *Rex sæculorum;* illud obiter adnotandum est, vulgatæ editionis auctoritate persuaderi, hanc esse germanam lectionem. Nec obstat, quod adducit Ribera ex variis lectionibus Græcis & ex coniectura, ut per errorem scribi potuerit *sæculorum* pro *sanctorum.* Cum igitur hæc sit vera



lectio & omnino recipienda : suspicor, commutationem vocis *Seculorum* in *sanctorum*, siue *Gentium*, inde fuisse exortam ; quod crederetur nulla esse peculiaris ratio, cur hic Deus vocaretur *Rex seculorum*. Quod verò voluerint aliqui hic legere, *Rex Gentium*, inde dimanavit ; quod Ieremias cap. 10. 7. habet, *Quis non timebit te o Rex Gentium?* Enim verò si attentius id libeat perferutari, nihil aptius in hoc loco, quam si legatur *Rex seculorum*. Etenim cum in hoc victorum cantu ad antiquissimum illud Moysi canticum alludatur, mirifice consentit, Deum appellari *seculorum Regem* ; vt denote- tur, ipsummet Dominum, qui quondam antiquum Israel per medium mare rubrum traduxit, nunc etiam traducere nouum Israel per summam maris vndas ; & in nouissimis seculis operari, quod in antiquis figurauerat.

Cur Deus hic Rex seculorum appelletur.

Verf. 4.

Cur hic Deus dicatur pius.

Vox Quoniam, quid hic peculiarare habeat.

QVIA SOLVS PIVS ES.] Horum verborum cum antecedentibus constructio huiusmodi est. *Quis non magnificabit nomen tuum, consueudo te solum esse piū ?* Ribera Pium in presenti accipit, pro mundo siue puro ; quia Græce legitur *ὁ πῖος*, id est sanctus, iustus, nullo scelere contaminatus. Mihi videtur noster interpres Græcæ dictionis significationem ex se communem ad omnem sanctitatem, de pietate erga filios singulatim exposuisse. In ipso enim Israelitici populi transitu per mare rubrum, se Deus admodum piū erga suos filios ostendit : & multo magis in mystici Israelis traiectu per summam Gentilitatis maris fluctus. Vt autem ponderetur, quā se piū Deus suis filiis præstet ; eleganter dicitur ipse solus esse pius, id est, nulla dari patris aut matris pietas, quæ cum Diuina pietate possit vlla ex parte conferri.

QVONIAM OMNES GENTES VENIUNT.] Credit Ribera particulam *Quoniam*, poni pro *Quod* ; & loci huius ordinationem esse huiusmodi *Quis non magnificabit nomen tuum, dicens te solum esse piū, & omnes Gentes esse a te adorandum venturas, & manifesta esse iudicia tua ?* Congruentius tamen esse existimo, vt victores rationem reddant, siue potius explicent, cur dixerint, *Quis non timebit te, &c.* nempe quoniam non dubitant, omnes Gentes, considerata miraculi magnitudine, (videlicet de eorum transitu per summam maris, deque ipsorum persecutorum submersione) venturas fore ad veri Dei templum, vt eum adorent propter tanti miraculi euidentiam, & diuini iudicii ostensionem. Iusta quem sensum, quod in fine dicitur, *Quoniam iudicia tua manifesta sunt*, perinde est, ac redditio rationis de Gentium omnium aduentu. Illa autem phrasis, *Veniunt, & adorabunt in conspectu tuo* ; idem sonat, quod, *Veniunt vt te in templo tuo adorent*.

## NOTATIO I.

De sensu mystico cantici Moysi, quod habetur Exodi 15.

### TEXTVS

1. **C**antemus Domino, gloriosè enim magnificatus est, equum & ascensorem dei : in mare.
2. Fortitudo mea & laus mea Domini tui, & factus est mihi in salutem : iste Dominus meus, & glorificabo eum : Deus patris mei, & exaltabo eum.
3. Domini tui quasi vir pugnator, omnipotens nomen eius.
4. Currit Pharaonis & exercitus eius prouicit in mare, electi principes eius submersi sunt in mari rubro.
5. Abissi operuerunt eos, descenderunt in profundum quasi lapis.
6. Dexteræ tuæ Domine magnificata est in fortitudine : dextera tuæ, Domine, percussit inimicum.
7. Et in multitudine gloriæ tuæ deposuisti aduersarios tuos : misisti iram tuam, quæ deuorauit eos, sicut stipulam.
8. Et in spiritu furoris tui congregatae sunt aquæ : statim vnda fluens, congregatae sunt abissi in medio mari.
9. Dixit inimicus : Persequar, & comprehendam, diuidam spolia, implebitur anima mea : euaginabo gladium meum, interficiet eos manus mea.
10. Elauit spiritus tuus, & operuit eos mare : submersi sunt quasi plumbum in aquis vehementibus.
11. Quis similis tui in fortibus Domine ? quis similis tui, magnificus in sanctitate, terribilis atque laudabilis faciens mirabilia ?
12. Extendiisti manum tuam, & deuorauit eos terra.
13. Dux fuisti in misericordia tua populo quæ redemisti, & portasti eum in fortitudine tua, ad habitaculum sanctum tuum.
14. Afferuerunt populi, & irati sunt : dolores obruerunt habitatores Philistinum.
15. Tunc conturbati sunt principes Edom, robustos Moab obtrivit tremor, obriguerunt omnes habitatores Chanaan.
16. Irruat super eos formido, & pavor in magni uulnere brachii tui : sicut immobiles quasi lapis, donec pertranseat populus tuus, Domine, donec pertranseat populus tuus iste, quæ posuisti.
17. Introduces eos, & plantabis in monte hereditatis tuæ, firmisimo habitaculo tuo, quod operatus es Domine : sanctuarium tuum Domine, quod firmauerunt manus tuæ.
18. Dominus regnabit in æternum, & ultra.
19. Ingressus est enim eques Pharaonis cum curribus & equitibus eius in mare : & reduxit super eos Dominus aquas maris : filii autem Israel ambulauerunt per siccum in medio eius.

### I. Dubitatio : An sensus mysticus sit literalis ?

**S**UPRA iam vidimus per occasionem noui Israelis, per summam vitrei maris vndas gradientis, Apocalypsin affirmare, quemadmodum victores Moysi canticum cecinerunt. Ex hoc igitur capite ea imprimis suboritur dubitatio ; Vtrum sensus mysticus, quem illi cantico tribuit Apocalypsis, sit in eo literalis ? Quamuis enim in enigmate possit aptè respici ad mysticum historiarum alicuius sensum, licet sensus is nulla ratione fuerit intentus per ipsamet antiquarum historiarum verba : qui tamen in Apocalypseo intelligentia profecerit, non dubitabit, Apocalypseo esse morem, in iis prophetarum locis, quos citet, eorundem locorum sensum literalem indicare. Cum enim c. 10. per allusionem ad Ps. 28. Ioannes ait se septem tonitruorum vocem audisset eo ipso significat, verum illius Psalmi sensum literalem in capitis 10. Apocalypseo scopum inferi. Nec enim solum continet speciosam aliquam allusionem siue comparisonem, sed veram eiusdem Psalmi in sensu proprio relationem. Quem morem semper Apocalypsis obseruat : atque id ad miram ipsius Apocalypseo sapientiam, & ad ceterorum librorum explicationem est valde notandum. Et in capite quidem octauo vidimus, hunc morem non solum in allusione ad Prophetarum libros, sed etiā ad Tobie librum obseruari.

Virum mystica Moysi cantici interpretatio pro literalis debet reputari.

**E**x hac ergo consuetudine oritur in presenti dubitatio de sensu mystico, quem Apocalypsis in presenti, cantico Moysi attribuit, num scilicet in eo literalis sit, atque adeo per ipsa illius cantici verba ab Spiritu sancto intentus ? Namque vt Apocalypsis cap. 10. se refert ad Psalmum 28. ita hic se itidem refert ad canticum Moysi : ac proinde sicuti respectus ille ad Psalmum 28. nobis lumen prætulit, vt literalem Psalmi illius sensum attingeremus : ita etiam videtur ex hoc respectu ad Moysi canticum nobis lux oritura, ad sensum illius cantici literalem.

Pars affirmans statuitur, vt verisimilis.

Nouum id fortasse, atque insolitum multis videatur : qui perlecto cantico, & interpretum expolitionibus peruolutatis, consistere dicent, nullum alium huius cantici literalem esse sensum, præter illum, quem & ipsa verba sonant, & Israeliticus populus



Prophetis  
familiare  
esset. sub lu-  
daicarum  
historiarum  
cortice  
Christiana  
Ecclesiae hi-  
storia re-  
spicere.

Cantici  
Moysi  
textum non  
valde urge-  
re, ut mysti-  
cus ipse  
sensus pro  
literali ha-  
beat.

in eo decantando intellexit. Veruntamen tam Apocalypseos consuetudo, quam lux, quæ ex ea mihi ad plurimum locorum Scripturæ intelligentiam affulgit, me certe haud parum urgent. Nec verò est, cur alicui mirum videatur, Moysen inter præstantissimos Prophetas iure enumerandum, in suo cantico vti excellenti illa, quam docti viri sacris Vatribus frequenter attribuunt; quod nimirum præsentia tangant, & futura respiciant: ut in Davidicis Psalmis, & in Isaia vaticinio de onere Idumæorum & Babylonis excidio apparet. Atque id ipsum doctiorum plurimi sentiunt de Prophetis ferè omnibus. Hoc autem non impedit, quominus in eisdem locis plerumque in sensu proximo agatur de eo, quod litera ipsa sonat. Etenim si inter Prophetie alicuius sensus aliquis est de Christianæ Ecclesiæ euentu per hanc siue illam antiquam historiam figurato; perspicuum est secundum hanc comparisonem in sensu per verba intento vtrumque comprehendere: nimirum & antiquam historiam, & Christianæ Ecclesiæ mysterium in illa præsignificatum. Quod autem hæc sit Prophetarum mens & consuetudo, non solum pia est opinio, sed quæ validissimis argumentis cōprobetur; & magnam afferat lucem ad Prophetarum intelligentiam, sine qua sæpe nullus est Scripturæ contextus Prophetiarum maiestate dignus. Et parum satis in sacrarum Literarum studio prouectus est, cui hæc non persuadet ipsamet Prophetarum lectio. Verum ut ad Moysi canticum deueniam; fateor, nos ab ipso contextu non cogi, vt præter proximum sensum per ipsa etiam verba ex historia illius comparisonem, de Ecclesiæ mysteriis sermonem esse dicamus. At, si minus cantici contextus obligat; verisimile saltem id est ex sensu, quem illi tribuit Apocalypsis, ex Apocalypseos ipsius in alijs locis consuetudine, & ex Moysi cantici excellentia.

Sed quoniam non omnes id sibi persuadebunt; & alioqui nulla ratione negari debet, quin Apocalypsis cum ferè semper morem obseruet: dici poterit, licet hic sit receptus ab Apocalypsi mos; in hoc tamen loco peculiarem esse rationem, vt dicatur fieri allusio ad sensum illius cantici non literalem sed mysticum. Quippe vnum, idemque canticum nuncupatur Moysi & Agni; & quia ex ipso contextu mox apparet, quod victores concinant, non esse ex ipsis Moysi cantici verbis depromptum; sed alia afferri verba, quibus mysticus antiqui cantici sensus comprehendatur. Atque ita nomen Moysi hic mysticè accipitur, sicuti nomen Agni; & in vtroque designatur Christus.

## II. Dubitatio de partibus mystici sensus, quem Apocalypsis prædicto Moysi cantico tribuit.

**Q**UÆ sit mysticus Israel, qui per mare diuinitus transiit? quod mare ipsum mysticum? satis iam explicuimus. Sed quisnam erit Pharaonis exercitus, qui in mare demersus fuit? Hoc non video satis ab interpretibus explicatum. Mihi tamen vt certissimū in Apocalypseos contextu supponitur, qui mari obruti fuerunt, Iudæos esse Ecclesiam persequentes. Et quidem non opus erat, id ab Apocalypsi in hoc loco exponi. Iam enim capite 11 dixerat, Ierosolymam rebellem vocari in Apocalypsi spiritualiter Ægyptum. Si ergo mare in præsentia denotat Gentilium multitudinem (quia aquæ multæ populi multi: ) Si mysticus item Israel per Gentilitatis mare sese inferens non fuit demersus, sed illud potius sibi subiecit, & veræ Religionis igne accendit; quid aliud erit, Ægyptios Israelis persecutores in mare fuisse submersos, nisi Ierosolymam Christianos persequentem iusto Dei iudicio deuorata & absorptam fuisse ab ipsis Gentilibus, de quibus Christiani triumphabant? Quis verò nesciat in primitiua Ecclesiæ historia, quam sub Prophetie specie Apocalypsis depictura erat, consideratione esse dignissimum horribile illud supplicium, quod Deus de Iudaico populo, & præsertim de vrbe Ierosolyma sumpsit per Gentiles ipsos; & singillatim per Romanum Imperium, de quo iam Christianus po-

Quoniam  
sit mysticè  
Pharaonis  
exercitus in  
mare de-  
mersus.

Explicatur  
summatim  
mysticus  
Moysi  
cantici sen-  
sus.

**A** pulus per Martyrum victorias triumphare cœperat; Deinde ipsamet persecutio aduersus Christi Ecclesiam per obstinatam Ierosolymam concitata mysticam Ægyptum induxit in mare exercitus Romani. Etenim æquissimo Dei iudicio factum est, vt Ierosolymæ oppugnatio ac persecutio metu Romanorum Ecclesiæ illata, ipsosmet Iudæos in medias vndas, id est, in Romanorum potentiam intruderet: vt miserè interirent, sicuti Pharaonis exercitus antiquum Israel emergens interit. Cum autem huiusmodi ruina adeo fuerit magna, vt eam Christus Redemptor noster acerbè antea deplorauerit; res profecto erat valde digna, quam Apocalypsis in egregio aliquo symbolo attingeret. Nec potuit congruentior locus dari, quam hic; in quo depingitur mystici Israelis traiectus per medium Gentilitatis mare; & Moysi citatur canticum, in quo pariter celebratur tum Israelis felicitas in ipsa maris traiectione, tum infelicitas Ægypti, quæ ob nimiam suam audaciam eodem fuit mari demissa.

In eadem etiam figura clauditur, quod post Ierosolymæ vastitatem subsecutum fuit; videlicet Iudaici populi dispersio per varias Romani Imperii prouincias, qui veluti captiui nec caput amplius extollere, nec in pristinam libertatem asseri poterunt. Quis enim non videat, hoc pariter includi in ea representatione, quia Romanum Imperium inducitur maris instar mysticam Ægyptum suis vndis obruentis? Atque hæc quidem interpretatio non est ex meo cerebro conficta, sed ex ipsis Apocalypseos verbis desumpta; dum asserit, mysticam Ægyptum esse Ierosolymam rebellem, & spiritali Israeli cum mystica Ægypto accidisse, quod in Moysi cantico celebratur.

**C** Dicit tamen aliquis, Ecclesiæ victoriam de Iudaico populo partam à capite 8. ad vsque vndecimum fuisse iam in Apocalypsi significatam; quare retrogradum esse cursum, si nunc Ierosolymæ ruinâ iteretur. Respondeo, huiusmodi regressum, dum obiter & quasi per transennam fit, esse necessarium, quando mystici Israelis transitus per Gentilitatis mare consideratur. Hic enim transitus connexus erat cum Ægypti submersione in eodem mari. Qui verò exercitus Israelis mysticum ex Ægypto egredientem insectabatur, perspicuum est, eum non esse Gentilium, sed Iudaicum. Gentiles enim Christianum populum non diexarunt, quod Iudæorum lege derelicta Evangelicâ fuissent amplexi; sed quod ipsosmet Gentiles vellent Christi fidei subigere.

**D** Cum hæc tamen viderimus Pharaonis exercitum esse Iudaicum populum noui Israelis persecutorem; videamus oportet, quis sit mysticus Pharaonis exercitus ductor? Ad hoc dici posset, per Pharaonem significari Iudaici populi Principes ac moderatores, præsertim summum sacerdotum Principem: aut forte etiam Herodem. Magis tamen placet, vt Pharaon designet demonem, quem veluti ducem & caput sequebantur Iudæi Christianam Ecclesiam persequentes. In quo declarationem amplector Tertulliani, Origenis, Arnobij, Hieronymi, Cyrilli, Nysseni, Bernardi, & Ruperti; apud Laurentium in sylua verbo Demon, qui notant, in sacris Literis demonem Pharaonis nomine figurari; sed hos Patres explico non de demone in quouis actu; sed de illo singulatim, prout erat mysticæ Ægypti princeps, id est, Iudæorum Ecclesiam persequentium. Manifestum verò est, in ea Iudaici populi submersione obrutum pariter fuisse atque eunctum ipsius Regem ac Ducem, quatenus persecutionis illius caput erat.

**E** Præterea, quod in Moysi cantico dicitur de Idumæorum & Moabitarum perturbatione, facili negotio applicatur ad Gentium terrorē ob clarissimas victorias, quas suis Martyribus Deus conferebat. Iam autē vidimus c. 14. notat. 6. qui sint spiritaliter Idumæi & Moabites; & quam aprè hæc nomina cōducant ad id, quod Apocal. representat, agens de Romano Imperio & de Gentilibus, qui suis concupiscentiis manus dabant. Eodem spectat, quod in ipso cāico subditur de Chananeis & Philistinis, qui fuerunt Gentiles ab Israele mystico superati, quantumvis prius hostili & infenso animo in eum conspirarint, & acerrimum ei bellum intulerint.

Difficilis  
in nostra  
explicatio-  
ne occurrent  
soluitur.

Quis my-  
sticè per  
Pharaonem  
figetur.



6. Et exierunt septem Angeli habentes septem plagas, de templo, vestiti lino mundo & candido, & præcincti circa pectora zonis aureis.

7. Et vnum de quatuor animalibus dedit septem Angelis septem phialas aureas plenas iracundiæ Dei viuentis in sæcula sæculorum.

C O M M E N T A R I V S.

Quodnam  
appelletur  
Templum  
tabernaculi  
testimonii.

Per templū  
interdum  
in Scriptura  
oraculum,  
sive sanctū  
sanctorum  
aut caler-  
naculi, aut  
templi si-  
gnificari.

Tabernacu-  
lum testi-  
monii quid  
sit.

Quare se-  
piē phiala-  
rum angeli  
ex sancto  
sanctorum  
prodire fin-  
guntur?

Quinam in  
sacris Lite-  
ris dicantur  
adstare corā  
Domino?

Vidit ergo Ioannes in cælo quoddam teitimonii tabernaculum ei simile; quod fecerat Moyses; in quo velum sancti sanctorum erat sublatum, & ex intimo penetrali prodibant septem Angeli totidē phialas habentes. hæc autem phialæ erāt plenæ admirabili illo liquore, qui effusus septem illaturus erat plagas, de quibus c. 16. Porro huiusmodi plagæ, vt suprà iam vidimus, non antecedunt egressū Israelis ex Aegypto; sed consequuntur potius novi Israelis transitum suprà maris vndas. Harum autem septem plagarum significatio (sicuti in verius primi commentario dictum est) ad septē plagas myticas est referenda, quibuscum Deus in Romanum Imperium, & in Romam præsertim Imperij ethnici caput, bellum gessit. Septem Angeli sunt viri septem Apostolici ad sacram hanc actionem delecti numero phialarum respondentes. Et quanvis figura septenarium assignet pro numero plagarum; non tamen septem fuisse dūtaxat; sed ampliùs septuaginta millia, qui in id munus effundendi phialarum suam operam contulerunt; licut in simili figura diximus de Angelis Christi passionis insignia venerantibus.

Eleganter quoq; finguntur septem illi Angeli ex oraculo prodire visi; vt innuatur, hos Angelos priusquam ad phialarum munus præstandum à summo Deo mitterentur, ab eo fuisse introductos in sui sanctuarii penetrale, & arcana sua consilia iis fuisse communicata. Quòd si hos septem phialarum Angelos cum Angelis tubarum conferre velimus, tubarum quidem Angeli dicuntur iterisse in conspectu Dei; Angeli verò phialarum ex sancto sanctorum egressi dicuntur. Quo in discrimine adumbratur; quantunvis primi Angeli (id est antiqui prophetae) Dei fuerint serui, eorum tamen familiaritatem non eò peruenisse, quòd posteriorum Angelorum familiaritas accessit. Hi enim nò solum Deo dicuntur aditare tanquam ministri, sed etiam in sanctum sanctorum ingredi; quod est, quasi Dei cubicularios esse, atque illi imprimis gratiosos. Prius enim nondum erat reuelata sanctorum via, vt Paulus ait; donec per Christi mortem sancta sanctorum referata sunt, & homines eò penetrarunt, vt fruituri arcanâ ac reconditâ Dei consiliorum communione. Vbi obiter aduertendum est, aditare coram Domino dici in Scriptura omnes, qui in atrium Domini ingrediuntur. Licet autem veteres Prophetae sublimiori sensu dicantur aditare coram Domino: nunquam tamen dicuntur ingressi in oraculum templi, quod est in cælo. Et quanvis alioqui significentur aliquando in sancta sanctorum ingressi; hoc tamen in aliis mysteriis magis profundis accidit. Etenim ad minas peccatoribus intendendas non necesse fuit significari, eos in sancta sanctorum fuisse introductos.



Cur hi septem  
angeli non  
ex templi  
Salomonici,  
sed ex Mo-  
saici taber-  
naculi ora-  
culo prodire  
dicantur?

Cur taber-  
naculum sit  
in celo con-  
spectum?

Difficultas  
soluitur.

Verf. 6.  
Phialas siue  
plagas an-  
gelis fuisse  
datas, ante-  
quam ex  
tabernaculo  
exirent.

Quid in  
hoc angelorū  
cultu &  
vestitu. n-  
matur.

Cur leo di-  
catur phia-  
las angelis  
dedisse.

Verf. 7.  
Phiala qua  
sunt; & vn-  
de dicte.

At enim, quid sibi vult, quod textus ait, nimirum hos septem Angelos non fuisse egressos ex Salomonis templo, quod Paulus nominat Sanctum seculare; sed ex templo, siue oraculo tabernaculi testimonii? Respondeo, in distinctione antiqui tabernaculi à Salomonis templo eleganter adumbrari Christianæ Ecclesiæ statum, in quo erat ante victoriam de Romano Imperio partam, ab eo distinctum, qui sibi post ipsam victoriam fuit. Prius enim Christiana Religio per desertum minori apparatu quasi exul incedebat; & veluti in tempore belli sub tabernaculo ac tentorio degebat. Unde est illud Actuum 7. 44. *Tabernaculum testimonii fuit cum patribus nostris in deserto.* Et 2. Reg. 7. 6. *Neque enim habitavi in domo ex die illa, qua eduxi filios Israel de Aegypto.* Postea tamen, veluti pacis & secundæ fortunæ tempore multò maiori magnificentia & apparatu firmum fixit in templo domicilium. Et quidem vtrumque tam tabernaculum, quàm templum verè considerantur, vt Dei habitationes; ex quibus gubernauit, atque gubernat suam Ecclesiam, & mundum etiam vniuersum. Veruntamen bellum aduersus Romanum Imperium ethnicum verissimè dicitur Deus non ex mystico Salomonis templo, sed ex tabernaculo mystico administrare. Sed quauis antiquum tabernaculum templo fuerit inferius magnifico ornatu atque amplitudine; nihilo tamen inferius fuit diuinæ virtutis atque præsentia clarissimis argumentis; sed potius in hoc illi maximè præstitit.

Quod huiusmodi tabernaculum fuerit in celo conspectum; nobis innuit, non hic esse sermonem de viibili illo tabernaculo per Mosem fabricato; sed de spiritali, quod Deus in primitiua Ecclesia habebat, cuius conuersatio in cælis erat. Veritas autem figuræ ipsi non secus, quàm terræ cælum antecellit.

Dices; cum in capite 11. institutus fuit sermo de persecutione per Iudæos excitatâ (quæ Gentilium persecutione prior extitit) iussus est Ioannes templum dimetiri; vbi videtur de Salomonico templo sermo esse. Nam in ijs verbis, *Mette templum*, alluditur ad postrema Ezechielis capita, in quibus Salomonis templum, aut aliud præstantius & magnificentius mensuratur. Respondeo tamen, ipsummet Ecclesiæ primitiua templum cum antiquo tabernaculo comparari, propter externam inopiæ & egestatis speciem, quæ magna fuit respectu externæ amplitudinis ac maiestatis, quod postea extollendum erat; atque hoc ipsum primitiua Ecclesiæ templum ob insignia & præstantia clarissimarum virtutum documenta comparari non modò cum Salomonis, sed etiam cum Ezechielis templo, quod multò est nobilius & excellentius. Vtramque autem allusionem ænigma Apocalypseo complexum fuit; nec tamen altera alteram excludit, quia diuersâ ratione considerantur.

ET EXIERUNT SEPTEM ANGELI HABENTES SEPTEM PLAGAS. ] Existimabit aliquis, licet dicantur exiisse de templo septem Angeli habentes septem plagas; ita tamen hunc locum fore connectendum, vt dicantur prodixisse de templo Angeli, quibus postea datæ fuerint septem plagæ; nondum tamen phialas manibus habuerint, quando è templo egressi sunt; postea enim dicitur, *Et vnum de quatuor animalibus dedit eis septem phialas.* Re tamen melius examinatâ videtur certum, leonem intra ipsum oraculum siue Sanctum sanctorum septem Angelis phialas tradidisse: ita enim sensui congruentius est, & loco ipsi: vbi quatuor animalia esse considerantur. Atque hoc innuitur verbis illis, *Exierunt de templo habentes septem plagas*: quod perinde est, ac si dicantur ipsi iam eas manibus afferre. Quis autem phialas Angelis in manus dederit, sequenti versu explicatur, cum subditur; *Et vnum de quatuor animalibus dedit septem Angelis septem phialas.*

VESTITI LINO MYNDO ET CANDIDO, ET PRÆCINCTI CIRCA PECTORA ZONIS AVREIS. ] Circa duplicis huius symboli significationem consulantur, quæ diximus c. 1. versu 13. ad ea verba, *Vestitum potè, & præcinctum ad mamillas zonâ aureâ.* Nam licet ibi videatur de Christo institui sermo, hic de ipsius ministris; idem tamen est sensus: quia capite primo sermo est de Christo in suis fidelibus. Et duplex hoc symbolum præcipuè spectat ad Euangelii ministros. Atque hic Angelorum cultus & vettitus non obscure indicat, has septem phialarum plagas à plagis tubarum longè esse diuersas. Nam tubarum Angeli nec lino erant amicti, nec pectora zonis aureis accincti: siquidem Ioannes huiusmodi ornatum tanquam Angelis phialarum proprium designat. Huius autem discriminis ratio, aut mysterium illud est. Linea vestis (quam vulgò Albam, aut superpelliceum vocant) in Apocalypsi symbolice repræsentat maximam Apostolicorum virorum perfectionem in diuino cultu: & zona aurea indicat præstantissimam eorum charitatem. Quid ergo elegantius, quàm eos, qui phialarum plagas effundunt, perfectissimâ religione & charitate exornari? qua in re illud adumbratur; in ijs plagis, quibus Deus Gentiles & Romanum ipsum Imperium deuicit, mirum in modum enitescere excellentiam sanctimonie & charitatis, quibus viri Apostolici erant insigniti; dum Romani Imperij potentiam sub Christi iugum efficaciter miserunt; atque id ob Dei cultum & proximorum charitatem. Itaque proprius Euangelii ministrorum habitus puritatem vitæ & charitatis ardorem præ se fert: & qui hoc indumento ornati sunt, his ait textus vnum, id est, primum ex quatuor animalibus (nempe leonem) septem phialas tradidisse.

Si autem leo (vt c. 4. vidimus) magnanimitatem & fortitudinē animi in viris Apostolicis significat; si phialæ sunt arma, quibus bellum Romano Imperio inferitur; quisnam alius viros Apostolicos ad gloriosissimam illam expeditionem armauit atque muniuit, nisi ingens virtus & animi magnitudo à Christo in eos deriuata? Deinde, quod leo phialas Angelis tradat; innuit, hoc opus phialas effundendi esse eiusmodi, in quo summopere Dei virtus & fortitudo emineat; cuius signifer est leo, id est virorum Apostolicorum fortitudo atque constantia.

PHIALAS AVREAS. ] Isidorus libr. 20. Etymolog. c. 20. ait, phialas dici, eo quod ex vitro fiant. vitrum enim Græcè dicitur, *βάλλον*. Sed hæc etymologia non placet; tum quia non scribitur *Phyala*, sed *Phiala*: tum etiam quia ex hoc loco & multis aliis constat, phialas esse vasa aurea aut argentea (nam phialas etiam ex argento habemus, Numerorum 7. quarum singulæ ponderant siclos septuaginta) & Latinitatis etiam magistri id obseruant; adduntque fuisse ingentes pateras, quibus vinum potabatur. Thesaurus Græcæ linguæ notat dici, *φιάλη*, quasi *πιάλη*.

In descriptione phialæ videtur non sibi satis constare Viegas sect. 2. Primum enim ait, esse vas



A potorium ore lato: & postea dicit, esse vas inferiore parte latum, & superiore sui parte in angustum  
 os. definire: & contendit, ex phialis non posse nisi guttatim aquam vel vinum effluere, propter oris  
 angustias. Hoc sibi ita confinxit, vt viam sterneret ad ea Ezechielis verba cap. 20. 46. *Stilla ad Africum*,  
 vbi Hieronymus; *Non dictum est Effunde, sed stilla*. Et similis locus est Ezech. 21. 2. & Danielis 9. 11. Mihi  
 certum est phialas esse vasa oris latissimi; atque ita Angeli cap. 16. non stillant, sed eas effundunt. E-  
 rant igitur ingentes patera. Vide Amos 6. 6. *Bibentes vinum in phialis*. Et Zachariae 9. 15. *Bibentes inebriabun-  
 tur quasi à vino, & replebuntur vt phiala*. Erant autem pretiosa vasa, Iudicum 5. 25. *Aquam petenti lac dedit, &  
 in phiala Principum butyrum*.

Phialas  
fuisse alta-  
ris vasa.

In hoc autem loco sine dubitatione alluditur ad aureas templi phialas; vt constat ex sacerdotali  
 Angelorum veste, & ex iis etiam locis sacrarum Literarum, in quibus mentio fit aurearum phiala-  
 rum templi. Lege Exodi 25. 29. *Parabis & acetabula, & phialas*. Et reperitur Exod. 37. 16. Lege item 3. Re-  
 gum 7. 50. & 2. Paralip. 4. 8. Ea verò fuisse altaris vasa, constat Zachariae 14. num. 20. *Quasi phiala coram  
 altari*.

B Si ergo sunt phialae altaris vasa; earum vsus est ad offerenda libamina, vt exprimitur Exod. 37.  
 16. & cap. 25. 29. & praecipue destinatae videbantur ad vinum Domino libandum. Vinum enim quo-  
 tidie libabatur Domino, Exod. 29. 40. & Numer. 28. 7. Et libatio vini haud dubie erat effusio; iuxta il-  
 lud 2. Regum 23. 16. *Sed (Dauid) libauit eam Domino, id est effudit*. Et Exod. 29. 40. (vbi dicitur, *Vinum ad li-  
 bandum eiusdem mensura in Agno vno*.) ait Abulensis, quæst. 21. Totum istud fundi debebat immolando  
 agnum vnum. Facit illud Aeneidos 5.

Phialarum  
vsus in sa-  
criis.

*Hic duo rite mero libans carchesia Baccho  
 Fundit humi; duo lacte nouo, duo sanguine sacro.*

Porro carchesium est ingens phiala; sic dictum à magnitudine & figura illius, quod in summita-  
 tate mali nautici fabricari solet. Turnebus etiam libro 11. Aduersariorum capit. 7. citat illud Ho-  
 ratij,

*De paulo paululum hoc tibi dabo haud libenter.*

Et ait, de poculo pleno, quod erat potatura, paulum Veneri libat, hoc est in honorem Veneris ef-  
 fundit.

C Ex dictis elicitur; cum aureae phialae sint sacrificii vasa; cumque Angeli sint sacerdotum instar,  
 lineis strictis vestiti, & zonis aureis praecincti; & cum idem sit libare vinum, & Effundere; constat in qua  
 ex his effusionem phialarum in praesenti esse quandam libationem, siue sacrificium. Obijcies; phia-  
 lae hic non sunt vino plenae, aut re alia ad sacrificium pertinente, sed potius iracundiâ Dei, atque ad-  
 eò non videtur esse sermo de sacrificio. Respondeo, ad ænigmatis explicationem spectare, quomo-  
 do possit diuinæ iræ effusio ad sacrificium pertinere. Interim duo asseuero; alterum est, sacrificiū mē-  
 tionem in vindicta, (vel potius vindictæ in sacrificio) fieri etiam Isaia 34. numer. 6. *Victima Domini in  
 Bosra, & interfectio magna in terra Edom*. & Ezech. 39. 17. *Concurrite vndique ad vindictam meam, quam ego immolo  
 vobis*. Alterum est iram Dei, de qua hoc in ænigmate est sermo, liquorem esse aliquem, quo phialae  
 plenae finguntur; & effusionem eius liquoris (qui appellatur ira Dei) esse mirabilem quandam liba-  
 tionem, ex qua effectus admirandi exoriantur. Aqua illa (quam vulgò adhuc efficacior & vehemen-  
 citur metalla liquefacere, & quodammodo conficere. Verum multò adhuc efficacior & vehemen-  
 tior est eiusmodi liquor, qui ira Dei nuncupatur; quandoquidem ex eius effusione effectus ad eò ad-  
 mirabiles subsequuntur. Quod si has effectiones præstaret re vera effusio, siue libatio vini alicuius  
 noui & admirandi; id forte videretur in hoc ænigmate significari. Nam aureae templi phialae in eum  
 fuerant vsus destinatae, vt vinum in ijs libaretur.

Phialarum  
effusio nem  
quasi quod-  
dam sacri-  
ficium con-  
siderari.

D His ita praemissis; viri Apostolici per septem Angelos figurati inducuntur in textu phialas mani-  
 bus tenentes, quasi potestatem habeant, ac voluntatem offerendi Deo admirabile quoddam sacri-  
 ficium; quod in eo consistit, vt effunderent insolitum illum liquorem, qui Dei viuientis ira nomina-  
 tur. In quo includitur significatio quædam vini per effusionem in sacrificiis oblati. Qua in re innui-  
 tur viros Apostolicos suae fortitudinis, necnon diuinæ providentiæ egregia documenta in Euangelii  
 prædicatione dedisse; quod facinus clarissimum perinde fuit, quasi admirabile sacrificium, in quo  
 infinita Christi sanguinis virtus & efficacia in mundum fuit effusa. Itaque liquor hic, quem tex-  
 tus vocat Dei iram, est Iesu Christi sanguis, eiusque virtus efficacissima; quæ virtus dum hominibus  
 communicatur, veluti sacrificium admirabile offertur. Vtrâque in re forte lector nouitatem & in-  
 solentiam reperiât; sed si vtrobiq; congruens reddatur ratio, facile mox erit ænigmatis elegantiam  
 & concinnitudinem, necnon mysterii in eo inclusi sublimitatem deprehendere.

Quid sit,  
angelos in  
manibus  
phialas te-  
nere.

Quisnam  
sit hic li-  
quor, qui  
vocatur ira  
Dei?

E Circa primum ergo notandum est, cum in hisce plagis de ira Dei mysticâ sermo sit, quæ & pec-  
 catum destruit, & peccatori summum beneficium tribuit; manifestum esse, diuinæ iræ nomen Iesu  
 Christi sanguini præ ceteris aliis rebus imprimis congruere. Nec dubium, quin de hac eadem ira  
 agatur Apocal. 14. 19. vbi de lacu iræ Dei magno. & Isaia 63. 3. *Torcular calcavi solus: calcavi eos in furore  
 meo, & concitavi eos in ira mea, & omnia indumenta mea inquinavi*. Siquis tamen in eam potius sententiam  
 propendeat, vt liquor hic ita efficax ad mysticam de peccatoribus vindictam sumendam, sit verbū  
 Dei; quod etiam dicitur facere vindictam in nationibus. Hæc explicatio non multum ab ea differt,  
 quæ primò proposuimus. Etenim diuini verbi efficacia ex Christi sanguine deriuatur. Quare  
 perinde est dicere, Christi sanguinem per Dei verbum operari, atque Dei verbum per sanguinem  
 Christi Domini.

Probabile  
etiam, in  
hoc liquore  
figurari ver-  
bum Dei.

Explicatur,  
quemodo in  
hac phiala-  
rum effusio  
ne concipia-  
tur veluti  
quoddam  
Christi san-  
guinis in  
cunctis ef-  
fusi sacri-  
ficium.

Circa secundum obserua, communicare mundo virtutem Christi sanguinis, esse veluti perfice-  
 re Christi passionis sacrificium; & adimplere id, quod deerat, iuxta Paulum ad Roman. 15. num. 15.  
*Propter gratiam, quæ data est mihi à Deo, vt sim minister Christi Iesu in Gentibus, sanctificans Euangelium Dei*. Græcè,  
 τὸ εὐαγγέλιον τοῦ Θεοῦ ἐν χάριτι τοῦ Θεοῦ. Vbi Euangelii prædicatione de-  
 pingitur veluti quoddam sacrificium, in quo Gētilibus impertitur atq; effunditur Iesu Christi san-  
 guinis virtus; quo mirifice aptatur allusio ad vini sacrificium, siue libamentum. Vini autem symbo-



lum ad Christi Domini passionem eleganter accommodari, nemo nescit; atque ita in calice consecrato sacrificium passionis Dominicæ instauratur. In locis item supradictis, nempe Apocac. 14. 19. & Isaia 63. 3. allegoria desumitur à vindemia. Ad hæc; allegoria calicis vini meri solet in sacris Literis ad vindictam magnam vsurpari, vt Psal. 10. 6. Ezech. 25. 31. Apoc. 16. 19. Quare optimè cohæret, vt cum passionis efficacia sub diuinâ iracundiæ allegoria in his plagis describitur, tribuantur septem Angelis phialæ totidem, siue calices pleni mirabili quodam vino; cuius libatio & effusio sit summæ iracundiæ (mysticæ tamen, & Deo dignissimæ) significatio.

Cum verò hæc vindicta non sit propria seueritatis, sed maximæ virtutis ac beneficentiæ erga Christianam Religionem; ideo ipsamet plagarum figura speciem sacrificij præ se fert. Nam effusio phialarum est libatio, ac proinde sacrificium. Alioqui in vindicta propria sacrificio locus non erat; quippe quod ad placandum numen adhiberi soleat. Quamobrem non recte contentit sacrificij representatio cum ira atque ultione, nisi mysticâ & spiritali, per quam verissimè diuinum numen placatur; & saltem iræ mysticæ potius, quàm propriæ vindictæ conuenit sacrificij figura. Vnde duobus in locis, vbi Scriptura meminit maximæ victimæ, loquens de ingenti occisione; vtrobiq; cõtextus ipse exigit (ni fallor) vt de mystica ultione, de quæ Christianæ Religionis incremento accipiat. Primus ex his locis est, Isaia 34. 6. *Victima Domini in Bosra, & interfectio magna in terra Edom*, id est in Romano Imperio. Quem locum supra ostendimus, ad mysticam eandem pertinere vindictam, de qua in præfenti sermo est. Alter locus est Ezech. 39. 17. *Concurrite ad victimam meam, quam ego immolo vobis*. Quem locum in cap. 19. & 20. Apocalypseos ostendam ad Gentium conuersionem & progressionem Religionis esse referendum. Nec scio sacrificij allegoriam vnquam in Scripturâ iuxta præcipuum sensum de propria vindicta loqui. Et quantuis in his duobus Isaia & Ezechielis locis nonnulli interpretum decipi potuerint, ratione magnæ occisionis, quæ in ipsis figuratur; vt eos accipiant de propria seueritate atque ultione, vti sonant: æquum saltem esset, ne phialarum effusio (quæ est vini libatio, ac proinde cruentâ occisorum animalium imagine non fallit) ad propriam iram applicaretur; siquidem constat plerumque in sacris Literis nomen iræ, indignationis atque vindictæ in se includere summum conuersionis mundi beneficium; vt ex Patrum consensu, & innumeris Scripturæ locis ostensum est notatione 22. procemiali.

Notanda insuper est distinctio, quam textus assignat inter tubarum plagas, & phialarum. Nam in plagis tubarum ferè omnibus, (quæ ad seueritatis spiritum pertinent) apponitur quasi contractio quædam & circumscriptio, nimirum ad tertiam partem; at in phialis nullus huiusmodi limes designatur. Nam in supplicio diuina providentia quasi sibi temperat, & magnâ vitur cautione; vt ipsius supplicij in aliquibus exerciti murmur & strepitus ceteros frænet, & à flagitijs deterreat: & in plerisque plagis plures sunt, qui supplicio subtrahuntur, quàm qui subiiciuntur; quippe non vult Deus Mortem peccatoris sed vt conuertatur, & viuât. At in phialis, cum Deus, quod ex se est, optet mysticam iram, id est summam beneficentiam ad peccatores omnes pertingere; ideo nullam adhibet plagis limitationem, sed plenam potius iubet effusionem. Licet autem tegatur ac dissimuletur sensus vulgari illâ locutione effundendi iram: qui tamen id ferè expenderit, facile animaduertet, magnam hanc effusionem esse copiosam beneficentiam; quia summum bonum est summè diffusiuum sui. Deus itaque stillat iram, & misericordiam effundit; iracundiam prædicat, & largitur clementiam. Quare & ad seueritatis plagas symbolum tubarum, & effusionis symbolum ad plagas mysticas peropportuna fuerunt. In illis enim vult Deus ipso plagarum stridore ac murmure peccatores, vt sibi consulant, præmonere; in his remoto strepitu tectè ac dissimulatè procedit, ne quis felices plagarum mysticarum exitus enadat.

Verum age iam; cur prædicta ira mystica nominatur, *Iracundia Dei viuentis in sæcula sæculorum*. Nec enim satis est, si dicamus, Deum verissimè in sæcula viuere: cum ratio postulet, non solum vt verè, sed etiam vt aptè & ad rem, de qua agitur, appositè dicatur: quapropter opus est, Deum in sæculorum sæcula viuere, connecti hic cum ira mystica. Et primo quidem aspectu non satis ad rem id afferri videtur. Nam mystica ira quoddam potius iræ principium videtur habere, quod breui in amicitiam innuitur: atque aded sub iræ ratione non diu permaneat. Nihilominus eiusmodi epitheto eleganter innuitur Dei vindicta à Romano populo expetita in sæculū duratura. Mystica enim vindicta sumitur veræ Religionis igne in æternum Romæ duraturo. Eodem sensu dicitur infra c. 19. 3. *Et sumus eius ascendit in sæcula sæculorum*. Similiter Isaia 34. 10. de terra Edom, id est de Romano Imperio, *In sempiternum ascendet sumus eius*.

Ad hæc, cum idololatriæ excidium sub vindictæ specie figuretur; cum gloriosissimâ ea vindicta, quam Deus post longam tot sæculorum patientiam de idololatria sumpsit, egregiè consentit, quod nunc subditur, Deum scilicet in sæculorum sæcula viuere. Quo demum significatur, diuturnam patientiam in admirabilem illam vindictam vergere, ex qua æterna Dei gloria redundaret.

Distinctio  
maximè  
obseruanda  
inter tuba-  
rum plagas  
& phiala-  
rum.

Deus in sup-  
plicio par-  
cus: in mi-  
sericordia  
liberalis.

Cur hæc ira  
mystica di-  
catur ira-  
cundia Dei  
viuentis in  
sæcula sæ-  
culorum.



## NOTATIO II.

*De legitimo sensu illorum Ieremiæ verborum, capit. 50. numero 25.**Aperuit Dominus thesaurum suum; & protulit vasa iræ.**Quo sensu dicitur Deus apud Ieremiam aperuisse suum thesaurum, & vasa iræ protulisse.*

**I**N phialarum effusione respicit Apocalypsis, opinor, ad prædictum Ieremiæ locum. Et quanvis multi certum esse credât, Ieremiam de propria vindicta agere, iuxta eam expositionem, quam noster Christophorus de Castro sequitur: me tamen Apocalypseos allusio docet, sermonem esse apud Ieremiam de vindicta mysticâ. In quo vindicandi genere dicitur pereleganter Deus suos referare thesauros, & novam hanc vasorum iræ rationem inde promere: quæ Apocalypseos phialas, siue earum Angelos referunt. Concinit thesauri nomen, quod peculiariter locum habet, in iis, quæ sunt maximi pretii, & propterea asseruantur recondita: licet in generali etiam significatione quandoque ponatur.

**A** Contextus autem Ieremiæ, Babylonis continet euerfionem; quæ ad Romæ conuerfionem in germano sensu per Spiritum sanctum intento referenda est: vt infra capit. 17. videbimus. Atque hic sensus non destruit, sed adstruit potius alium quem ceteri ferè interpretes illi Ieremiæ loco præscribunt. Vterque enim sensus est copulandus: alius quidem vt præcipuus, alius per comparisonem priori deferuiens. Et verò concinnè satis & eleganter Prophetæ de mystica Dei vindicta ab ipsomet Deo de mysticis Babylonis sumendâ loquuntur per comparisonem ad vindictam, siue supplicium proprium, quod erat in Chaldaeorum Babylonem immittendum.

## NOTATIO III.

*De secundaria phialarum expositione ad Missæ sacrificium spectante.**Secundaria phialarum expositio de Missæ sacrificio.*

**Q**UAM in commentario tradidi phialarum & effusionis earum explanationem nempe de Evangelicæ prædicationis officio, veram ac primariam iudico; quia, vt postea videbimus, in singularum phialarum effusione respicitur ad insignis cuiusdam viri Apostolici prædicationem. Verum (vt in aliis pariter Apocalypseos locis ostensum est) id minimè officit, quominus eodem symbolo alia secundaria significatio ab spiritu etiam diuino intèta contineatur. Imprimis ergo concionatores Euangelici, quos Deus in Gentilitatem misit, sacerdotali item munere fungebantur. Cui significationi fauet similiter stricta linea, qua antiquæ legis sacerdotes, (nostrorum pictura atque imago) induebantur. Quamobrem suprà c. 4. viginti quatuor seniores, siue presbyteri (iisdem enim sunt) lineis vestibus amicti inducuntur.

Cum ergo sacerdotibus phialæ traduntur in manus; perinde videtur esse, atque eis calices dari; quibus adumbratur consecrandi potestas, & Deo altissimum illud sacrificium offerendi, de qua significatione nonnihil à nobis dictum c. 5. in phialis, quæ sacerdotibus tribuuntur. Illæ igitur phialæ, quæ ad Dei numen placandum adhibentur, & quibus idcirco offertur thymiama; sunt etiam efficacissimæ ad mysticam de peccatoribus vindictam sumendam. Etenim ex Missarum sacrificiis, quæ Deo sa-

**B** cerdotes offerebant, in ipsorum conciones vis & efficacitas perueniebat. Et certè, qui accuratè perpendat, quantam Deus Evangelicæ prædicationi virtutem, roburque contulerit, postquam Missæ sacrificium institutum, & frequentari cœptum est; næ ille, si sapiat, haud dubitet prædicationis efficacitatem ad Missarum vim magna ex parte referendam. Si autem mystica vindicta in ipso prædicationis effectu consistit, & prædicatio ex Missæ sacrificio suū accipit robur; cur non etiam dicamus, per phialas sacerdotale munus designari; cuius ope ac virtute tot ipsi mira & inaudita prodigia, tot facinora præclarissima patrant?

**C** Huc ipse respiciens consultò asserui, per liquorem illum è phialis effusum Christi Assertoris nostri sanguinem figurari; vt hæc loquendi ratio aptè posset extendi, non ad prædicationem modò, verum etiam ad sacrosanctum Missæ sacrificium; quod Christiana potissimum Ecclesia peracre bellum intulit Gentilitati, & de illa triumphauit gloriosissime. Etenim ipsemet Christi sanguis sanctissimus, qui in Missa quotidie consecratur & offertur, ingentia & admiranda opera in Euangelii prædicatione efficit; & hominum animos sibi suauiter iuxta atque efficaciter subiicit. Constat igitur ex ijs, quæ diximus, duos hosce sensus inter sese mirificè consentire.



## T E X T V S.

*Vers. 8.* Et impletum est templum fumo à maiestate Dei, & de virtute eius; & nemo poterat introire in templum, donec consummarentur septem plaga.

## C O M M E N T A R I V S.

B

Templi no-  
men hic &  
ad sancta,  
& ad atrium  
extendi.

**C**Vm superius dictum fuit, *Templum tabernaculi testimonii*: tunc templi nomine sanctum sanctorum designabatur. Nunc verò, quando absolute de templo sermo est, potest congruenter nomen & ad sancta, & ad atrium simul extendi. In hoc namque fumo continetur allusio ad historiam illam Numer. 9. 15. & Exod. 40. 32. quando erectum est tabernaculum, vbi hæc scribuntur, *Postquam omnia perfecta sunt, operuit nubes tabernaculum testimonii, & gloria Domini impleuit illud; nec poterat Moyses ingredi tecum fœderis, nube operiente omnia, & maiestate Dei coruscante; quia cuncta nubes operuerat.* Similiter, quando Arca Dei fuit in Salomonis templo collocata, 3. Regum 8. numero decimo, & secundo Paralip. 5. numero decimo quarto, *Cum exissent sacerdotes de sanctuario, nebula (Hebraicè Nubes) impleuit domum Domini; & non poterant sacerdotes stare, & ministrare propter nebulam; impleuerat enim gloria Domini domum Domini.* Huc spectat illud Numer. 16. 42. vbi cum Moyses & Aaron fugissent ad tabernaculum; *Operuit illud nubes, & apparuit gloria Domini.* Et Ezechiel. capite decimo, numero tertio, *Nubes repleuit atrium; & repleta est domus nube.*

C

Hic ex locis nequaquam elicio, eundem esse fumum, de quo loquitur Ioannes, atque nubem siue nebulam, de qua in iis agitur; fumum enim esse aliquid valde diuersum à nube infra ostendam. Sed id vnum infero, sicut nube quondam non modò sancta sanctorum, sed totum etiam tabernaculum & tēplum repleta sunt; sic pariter in præsentia à Ioanne significari, tabernaculum totum fuisse expletum fumo; ad eum modum, quo Isaia c. 6. ait, *Et domus repleta est fumo.*

Cur fumus  
dicatur pro-  
dire A ma-  
iestate Dei  
& de vir-  
tute eius?  
Proponitur  
prima sumi  
huius expli-  
catio.

Addit textus, fumum eiusmodi procedere *A maiestate Dei, & de virtute eius.* Et mirum sanè est, fumum ex maiestate prodire; præsertim cum maiestati Græcè respondeat δόξα, quæ vox in nouo instru-  
mēto respondere solet claritati. Quid ergo magis mirum, quàm ex Dei claritate fumum exoriri? Aliquis fortassis asseret, hanc Dei claritatem esse igneam; quippe & Deum ignem esse, qui & accendere, & illustrare homines appetit. cum autem Gentiles collustrare & inflammare tentaret; ipsi contra pro sua animorum duritia & prauitate initio indignabundi resisterent; idcirco representari in hac visione, quod in igne frequenter accidere comperimus; qui primum ex eisdem lignis, quæ mox est concrematurus, fumum solet elicere. Facit illud Psalm. 17. numero nono, *Ascendit fumus in ira eius, & ignis à facie eius exarsit.* Vbi fumus præcedit flammam & ignitas prunas; & qui primò ignis fumum excitat flammam post & prunas ardentes efficit. Hæc tamen consideratio non facere videtur difficultati satis; nec enim ait textus, fumo Gentilitatem impleri, quam Deus potissimum accendere statuerat, sed templum ipsum fuisse fumo oppletum. Quod si templum Christianam adumbrat Ecclesiam; illa profectò Spiritus sancti igne accensa iam erat & inflammata. Quomodo ergo nunc fumo dicitur tota redundare? fumus enim ignem & prunas videtur suapte naturâ præcedere.

D

Dicet alius, fumus concipiendus est, quasi ex Arca testamenti prodiens; nam pro maiestate, vti dixi, Græcè est δόξα; id est Gloria. atqui ipsa arca solet in sacris Literis appellari gloria Dei: vt obserua-  
uit Forerius Isaia 4. numero quinto. Sed neque hoc placet; primò, quia non aptè videtur Dei arca significari verbis illis, *A maiestate Dei, & de virtute eius.* Nam arcæ in sacris nunquam Dei virtutis nomen imponitur. Deinde, quia in huiusmodi visione Deus ipse gloriosus visebatur in eo figuratus, qui sedebat in throno; vt vidimus capit. 4. Quare cum ex eius claritate & virtute fumus procedere dicitur; verbis ipsis innuitur non obscure fumum ex claritate & virtute sedentis in throno egredi: id quod vt nouum & inusitatum textus ipse representat.

E

Si ex Ecclesiæ Patribus aliquid indagare velimus, quod huic fumo lucem afferat; Hieronymus & Cyrillus Isaia 6. numero 4. asserunt, fumum illum ab Isaia expressum vniuersæ vrbi incendium minitari. Et facit id Psalm. 17. numero nono, *Ascendit fumus in ira eius.* Si autem dicas, non totam urbem fuisse visam fumo impletam: Responderi posset, in fumo iram Dei denotari; atque vt vehemens significaretur ira, congruenter figuratur totum fumo plenum: cum ex ira sedentis in templo fuerit eruptura vindicta atque exustio totam urbem inflammatura. Quem sensum vt cum mytica plagarum irâ aptè conciliare possemus, diceret aliquis fumum, quo Christianæ Religionis templum redundabat, esse typum atque imaginem iræ & indignationis, qua Deus idololatriam protequebatur: atque vt fumum mox subsequitur flamma, sic ex eo fumo properè flammam prodituram, quæ Romanum Imperium mysticè deuoraret. Adde huc, quod fumare in sacris Literis sæpe idem est, quod irasci. Psalm. 79. numero quinto. *Quousque irasceris. Hebr. Usquequo fumasti? & Psal. 73. 1. Iratus est furor tuus.*

Hebr.

Refellitur  
prædicta  
explicatio.

2. expositio.

In fumo sa-  
pe Dei irâ  
figurari.



Hebr. *fumabit furor tuus*. Quin etiam Hispanâ locutione dicere pereleganter solemus de eo, qui in irâ accenditur, *Subese le el humo alas narizes*, iuxta vñtatam Scripturę phrasim, quę irę indicationem in naribus ponit. Quare ad diuini numinis iram denotandam per opportuna alicui videbitur totius templi fumo repleti figura.

Ceterum, nec in hac explicatione animus planè conquiescit. licet enim narium fumus ad irę significationem rectè vsurpetur, vt ex superius allatis apparet; valde tamen violenter concipitur fumus ex Dei naribus afflatus templum implere. Nec verò textus ait, fumum ex Dei naribus aut ex Arq; sed à claritate Dei, eiusque virtute prodire. Hoc igitur est cum primis attendendum, fieri scilicet potuisse, vt fumus ex Dei claritate prodiret impleret templum; nec euanesceret, donec omnes septem plagę essent effusę.

Pro huius rei explicatione obseruo primò, proprium esse densi fumi ab oculis claritatem auferre; atque hoc ipsum in eo loco veluti mirum ponderatur, ex Dei scilicet claritate fumum profligare, qui claritatem ipsam oculis eripiat. Secundo; plurimus fumus domum aliquam denigrat, & horrenti fuligine decolorat. Velle enim in domum fumo plenam ingredi perinde videtur esse, ac velle suffocari atque perire. Tertio; densa fumi vis ex domo quapiam erumpens indicat maximum imminere periculum de domus illius incendio & conflagratione. Nam fumus vndanti glomere efflatus inuuit, domum flammis absumi. Ex quo infero, tam in præsentì loco, quàm Isai. 6. 4. per fumum, quo templum replebatur, non directè figurari periculum de Gentilitatis ruina impendens; sed discrimen incendiũ eidem templo, quod occupat fumus, imminens.

Opponet tamen nobis aliquis, nihil horum videri ad rem in plagis his, quę in Gentiles, & præsertim in Babylonem, id est Romam ethnicam, effundebantur. Verum in textu non dicitur fumus imminere Babyloni, aduersus quam effundebantur phialę: id vñum affirmatur, ex quo Angeli cum phialis Babylonem oppugnaturi processerunt, visam Dei domum fumo omnino repleti, quoad omnes phialę sunt effusę. Nec aliqua apparet repugnantia, vt per phialas significetur effectus in ipsis Gentibus præstandus: per fumum innuatur illud, quod interim Dei templo, id est Christianę Ecclesię, tenebras offundere, & minas intendere videbatur. Et quidem si mysterium ipsum attentè dispiciamus, ita re ipsa accidit. Etenim ex quo viri Apostolici Euangelium Gentilibus promulgauerunt, Dei templum, id est Ecclesia fumo fuit impleta; donec effectus ex septimę phialę effusione subsequutus fuit. Nam dum Apostoli, eorumque sectatores bellum Gentilitati per septem phialarum effusionem intulerunt; si oculos in Christianę Ecclesię periculum velimus intendere, videbimus plane, in ea verissimè comprobati, quod in domus fumo impletę symbolo denotatur. Pro solis enim claritate, pro gloria atque splendore, nihil aliud in Christi Ecclesia cernebatur, quàm obscuritas, & præstantissimum incendiũ ac vastationis discrimen. Nec aliter Ecclesia fumosa ac denigrata videbatur, quàm domus aliqua solet fumo ac fuligine infusari. Eiusmodi autem fumus ita erat spissus ac densus, vt qui hoc in templum vellet ingredi (id est ad Christianę Ecclesię Religionem commigrare) perinde videretur, ac sese in medium fumum immittere cum incendiũ atque exitiũ periculo. Fumi denique nebula valde est oculis molesta; atque ita videbatur miserandum satis populi Christiani spectaculum, nil aliud præ se ferentis, nisi pericula, lacrymas & ærumnas.

Verum enim verò, totus hic fumus procedebat (ait textus) *A claritate Dei, & virtute eius*. quippe Dei gloria erat, quę ipsam decolorabat Ecclesiam atque infuscabat; eamque in maximum videbatur discrimen reuocare. Hoc in eo cum primis verum apparet, quod primitiui Christiani diuinam donatam gloriam pro virili parte spectabant: ludæis videlicet longè ab similes, quibus Christus Ioann. 5. numero quadragesimo quarto edixerat, *Quomodo vos potestis credere, qui gloriam ab inuicem accipitis; & gloriam, quę a solo Deo est non queritis?* Imò verò nihil aliud Christi fideles, præter maiorem Dei gloriam, inquirebant. Hęc igitur Dei vñius gloria, ad quam ipsi semper anhelabant, tunc Christi Ecclesiam fumo replebat; fumusque iste non fuit minus Deo gloriosus, quàm nubes ac nebula, quę Mosaicum olim tabernaculum & Salomonicum templum, in viriusque consecratione complere visę sunt. Et quemadmodum intelligo hunc Apocalypseos fumum; ita etiam explico illum, de quo Isaias capite sexto, numero quarto. Et mirificè consentit hęc explicatio cum templi periculo, quod figuratur pariter in eo, quod asserit Isaias; domum scilicet desuper ruere videri: id enim est, *Commota sunt superliminaria*, vt in eius capitis expositione dicemus libro nono. Si autem & fumus ex Dei claritate, & ex Dei virtute commotio superliminarium oriebatur; profectò quod fumi speciem præferebat, id Christianę Ecclesię erat gloriosissimum; quod imbecillitatis faciem atque periculum, id firmissimum pariter ac tutissimum. Atque hoc est, quod textus significat, nimirum densum illum fumum, quo domus redundabat, & maximam periculi significationem ex Dei claritate & virtute procedere. Nam virtus in infirmitate perficitur; & gloria in ignobilitate & abiectione. Quamobrem in ea ignominia ac dedecore, quo tunc Christiana afficiebatur Ecclesia, ipsius gloria sita erat, multò meliùs, quàm in quauis aliã maiestate & amplitudine. Similiter in grauissimis periculis, quibus pro Dei gloria conflictabatur, ipsiusmet Ecclesię virtus & fortitudo enitebat.

Et NEMO POTERAT INTROIRE IN TEMPLVM, DONEC CONSUMMARENTVR SEPTEM PLAGÆ.] Satis patet, hoc ad fumum esse referendum. Sicut enim nubes, aut nebula impedimento erat, quominus Moses posset tectum fœderis intrare, Exod. 40. numero trigesimo secundo, aut sacerdotes possent in templo existere, ac ministrare, 3. Regum 8. numero decimo. Haud aliter fumus dicitur hic templi ingressum prohibere. Quinimò plus homines arcentur à domo siue templo fumo oppleto, quàm aut nebula aut nube referto, fumus enim, præterquàm quoddam lucis splendorem oculis eripit, oculos ipsos lacrymis infestat, fatigat, atque conturbat. Nihilominus quod textus ait, *Nemo poterat introire*, non ita accipiendum est, quasi aliquis ingressum seriò cogitans, non posset per medium ipsum fumum, quantumvis difficulter, prætentâ saltem manu parietes contrectans, eò sic de-

Improbatur  
2. expositio.

Auctoris  
interpretatio  
de fumo  
ex maiestate  
Dei procedente.

Soluitur  
difficultas  
in nostra  
explicatione.

Quomodo  
experimento  
ipso patuerit,  
templum (id est  
Ecclesiã) sub  
Apostolorum  
predicationis  
tempore, fumo  
fuisse  
oppletum.

Explicatur  
tandem, quo  
sensu dicitur  
fumus à claritate  
Dei, & eius  
virtute  
prodire.

Quid sit  
Isaiæ 6. domum  
impleri fumo,  
& commoueri  
superliminaria.

Quo sensu  
dicatur nemo  
posse introire  
templum.



mun ingredi: sed ita accipi debet, quasi nulla fuerit super claritas, cuius ope illuc aditus patere posset. Quapropter hoc in loco non is intenditur sensus, ut persistente septem phialarum bello nullus omnino ex Gentilibus peruadere posset in templum, id est in Christianam Ecclesiam, eius fidem suscepturus. Sed id vnum innuitur; Ecclesiæ ipsius splendorem & claritatem non apparere, nec eius pulchritudinem carnalibus oculis reteri, sed potius ipsius Ecclesiæ ingressum perinde videri, quasi quis sese in fumum, in laborem, in periculum coniiceret. Eiusmodi tamen fumum & caliginem non fore perpetuò duraturam; nam à septimæ plagæ effusione, fumum in claritatem, deformitatem in pulchritudinem, periculum & lachrymas in solatium ac securitatem conuersum iri: ut reapse accidit, & constabit infra, cum ad plagam septimam peruentum erit; de quo capit. 16. fine, & cap. 17. & 18.

Præter hæc; sicuti in veterum figurarum gratiam ac venerationem, arcana diuinorum mysteriorum, quasi inuolucris quibusdam obtegebantur; nubesque ipsa veteres arcebat sacerdotes, nec ad interiora spiritalis templi penetralia intrare sinebat; ita etiam fumus hic, qui Christi Ecclesiam à Gentilibus tunc oppugnatam obtexit, quauis re verâ esset fumus ex Dei gloria procedens, ut fumus tamen aspectum prohibebat; nec patiebatur, ut ad templi interiora, & ad arcanum diuini consilii mysterium accessus fieret. Nam fumus ipse impedimento erat, ne cerni, aut intelligi posset effectus ex eodem fumo subsecuturus. Quare fidelis tum populus in medio illo fumo poterat cum Dauide proferre, Psalm. capite 72. numero decimo sexto, *Existimabam, ut cognoscerem hoc; labor est ante me* (fumus quippe mihi eliciebat lachrymas) *donec intrem in sanctuarium Dei, & intelligam in nouissimis eorum.*

## NOTATIO IV.

### De discrimine claritatis magnæ à nebula & fumo.

1. opinio eorum qui nubem, nebulam ac fumum in sacris pro eodem accipiunt.

**S**VNT qui, cum in aliquot Scripturæ locis dicitur templum nebula seu nube, in aliis fumo repleti; cum fumus ipse dicatur à claritate oriri, sibi persuadeant, tam in hoc Apocalypseo loco, quam Isaia 6. quod ad visionem attinet, fumum eundem esse cum nube, siue nebula aut caligine, de quibus sermo est Exod. 40. 32. Numer. 9. 15. & 3. Reg. 8. 10. & 2. Paral. 5. 14. & Ezech. 10. 3. Addunt præterea, nullum alium fumum, aut nubem siue caliginem apparuisse, nisi nimiam & inaccessibilem claritatem; quæ idcirco appellatur caligo, nubes, nebula, fumus, & tenebræ: nam nimia hac luce syderantur oculi mortalium. In huius rei probationem adducitur illud 1. Tim. 6. numero 16. *Lucem habitat inaccessibleem, quam nullus hominum videre potest.* Ita noster Prado Ezech. 10. nu. 4. Fauet Caietanus, qui illud Actuum 1. numero 9. *Nubes suscepit eum ab oculis eorum,* exponit de claritate nimia, quæ cœpit à Christo Domino dimanare. Vnde & aliqui dicunt, illam veluti nubem in longum ductam, quæ lacteam in cælo viam efficit, nihil esse aliud, quam plurimum stellarum inibi conglobatarum fulgorem.

2. opinio distinguendum quid nebula siue nubem à luce; non tamen nebulam à fumo.

Aliis placet, nebulam siue nubem in prædictis locis esse diuersam à luce, atque adeo veram extitisse nebulam, siue nubem eam, quæ templum impleuit Exod. 40. 32. & 3. Regum 8. 10. Inter nubem tamen & fumum nihil ponunt discriminis existimantes, qui appellatur fumus Apocalypf. 15. numero 8. & Isaia 6. numero quarto, eundem fuisse cum nube siue nebula, & hunc ipsum alibi vocari caliginem. Sic Forerius in eo Isaia loco; qui fumum illum, quem refert Isaia, non accipit de vera fumi natura vel imagine, sed de nebula. Et probari videtur posse hæc opinio ex Isaia 4. 5. *Creabit Dominus super omnem locum montis Sion nubem per diem, & fumum & splendorem ignis per noctem*, ubi eandem nebulam videtur appellare Propheta fumum noctis; quod vna ex parte sit obscura, & lucida ex altera.

Ceterum, ut meam hac de re sententiam expo-

**C**nam; imprimis proclive est velle ea confundere, quæ si distinguantur, non facile apta distinctionis ratio reperitur. Quare cum in quibusdam Scripturæ locis inducatur Deus *Amitus lumine sicut vestimento*, ut Psalm. 103. numero 2. in aliis vero à Dei præsentia fumus dicatur procedere; & in aliis, nebula: compendiaria subterfugendi difficultatem via fuit visa, confundere lucem & tenebras, nubem & fumum; atque adeo eam abijcere curam, quæ reddat rationem, cur Deus alibi tenebris, alibi luce, alibi nebula, & fumo alibi se operiat?

**D**Secundò; Scriptura sacra manifestè videtur distinguere fumum à nebula siue nube; dum alibi ait, templum impletum fuisse fumo, alibi impletum nebula. Quod validè fulcitur; quia Exod. 19. numero 16. & 18. vtrumque exprimitur, nempe & nubes de cælo descendens, & fumus ascendens de monte. Dicitur enim; *Cœpit nubes densissima operire montem; totus autem mons Sinai fumabat; eo quod descendisset Dominus in igne super eum, & ascenderet fumus ex eo, quasi de fornace.* Item Exod. 40. numero trigésimo secundo, perspicuè habetur sermo de nube lucida & splendida, cui nulla ratione quadrat nomen fumi. Præterea Hieronymus & Cyrillus fumi nomen manifestè accipiunt, prout distinguitur à nube, siue nebula vel nimia luce, Isaia 6. numero quarto. Etenim si fumus ibi pro nimia claritate, vel etiam pro nebula fumeretur; ineptè exponerent fumum de vrbis incendio. Iam columna nubis (de qua Exod. 13. & 14. & 40. Numer. nono & decimo, & Deuteronom. 1.) minimè erat lux inaccessibleis; sed propria nubes, quæ de die filios Israel à solis æstu protegebat, & de nocte quadam ignis specie eos illuminabat; ut habetur Numer. 9. numero decimo sexto. Quare simili ratione dicendum est de nube, quæ impleuit tabernaculum Exod. capite 40. numero trigésimo secundo, & Salomonis templum, 3. Regum 8. numero 10. Eam videlicet veram fuisse nubem Etenim tam tabernaculum, quam tēplum impleta sunt nu-

Impugnatur autem superior sententia.

In Scriptura fumum à nebula seu nube distingui.



re; vt Israelitis notum fieret, in ipso tabernaculo & templo habitare summum illum & prapotentem Deum, qui in columna nubis apparuit, & cum Mose fuit collocutus. Lege Exod. 16. numero decimo, *Gloria Domini apparuit in nube*, & cap. 33. num. 9. *Descendebat columna nubis; loquebaturque cum Moysse*. Ex quibus facile cernitur; nubem siue nebulam distinguendam esse à fumo; quia columna nubis non potest fumi columna congruenter vocari.

Tertio; recta ratio dictat; obseruandam religiosè distinctionem, quam Scriptura indicat: dum alibi ad Dei præsentiam excitatur nubes, vt Exod. 40. numero trigesimo secundo, alibi fumus, vt Isaia 6. numero 4. & Apocalypsis 15. numero octauo, alibi tam fumus, quam nubes; vt Exod. 19. numero decimo sexto, & decimo octauo, & Isaia 4. numero quinto, *Nubes per diem, fumus per noctem*. Deinde fumus & densa nebula, siue obliqua nubes; non male nominantur caligo & tenebrae. Sed quibusdam in locis inducitur Deus amictus lumine seu nube lucida; vt Psalm. 103. numero secundo. In alijs verò dicitur posuisse *tenebras latibulum suum*, vt Psalm. 17. numero decimo, & Psalm. 96. numero secundo, *Nubes & caligo in circuitu eius*. Quamobrem, cum huiusmodi distinctionem innuat Scriptura, querenda est in ipsa significatione congruens distinctionis ratio; nam ipsamet significationis proportio, Deo auspice, facile ostendet, distinctionem illam à textu indicatam minimè neglectum iri. Et meo quidem iudicio, planum fecimus in commentario superioris versus octauo, minimè fuisse ad rem, si templum ibi claritate seu nube plenum induceretur. Nec enim aut claritas, aut nubes congruenter significare possent, quod fumo significatum est.

Vt igitur à clarioribus procedamus, nihil familiarius est, quam diei & noctis positionem esse aptissimam ad prosperitatis & aduersitatis vicissitudinem adumbrandam. In hac ergo distinctione proximum est, vt per nubem lucidam significetur fauor atque prosperitas; per obscuram & tenebrosam aduersitas & labor. Atque de his dilucidè loquitur Ezechiel capite 34. numero duodecimo, dum meminit diei, nubis & caliginis. Quod quidem qui ad nimiam claritatem referat; confundat necesse est lucem cum tenebris, cum nocte diem. Porro Deum lumine circumvestiri; manifestè significat maximam sui ostensionem. Similiter tenebris eum obduci, denotat ingentem dissimulationem. Quapropter Psalm. 103. numero secundo, (vbi agitur de creationis operibus, in quibus se Deus perspicuum & manifestum maximè ostendit) dicitur *Amictus lumine sicut vestimento*. In Psalmis verò 17. & 96. (vbi de prouidentia operibus sermo est, in quibus se ipsum, suamque gubernationem Deus obtegit) asseritur: *Posuit tenebras latibulum suum*, & *Nubes & caligo in circuitu eius*. Atque de hoc discrimine inter creationis & prouidentia opera late diximus capit. 5.

Et quemadmodum densa tenebrae, aut nubes valde obscura symbolicè repræsentant illa opera, in quibus sese Deus occultat; ita è contrario, vbi suæ præsentia & fauoris aliquod præbet indicium, non tamen omnino se exhibet manifestum; ibi proprius videtur esse locus nubis lucida & pellucens: vt & splendor fauorem detegat, & obtegat nubes Dei maiestatem. Et eam fortassis ob rem Deus suum populum in gloriosa nubis columna ducebat, & ex ea alloquebatur Moysen; atque in eadem nube habebant Israelitæ lucem ad noctis tenebras illuminandas, & ad terrorem hostibus incutiendum. Quæ omnia mirificam continent proportionem; præsertim si illius populi status expendatur, in quo figuræ erant veluti nubes, quæ mysteriorum in ibi delitescens lucem temperabant pariter & obducebant. omnia enim erant antiquis nebulosa; & si quid interdum splendoris eos irradiabat, id erat exiguum quid & peregrinum; maximè si cum luce Euangelica comparatur. Quamobrem nubes etiam, quæ impleuit tabernaculum, Exod. 40. n. 32. vt ex ipso textu liquet, pulchra erat & splendens. Similiter nubes, quæ Salomonis templum repleuit 3. Regum 8. 10. Nec tamen

ideo est necessarium, vt in ascensione & in ultimi iudicii die, eadem sit nubibus significatio. Ex eo enim quod earum ministerio vsa sit diuina prouidentia ad sui ostensionem hominibus exhibendam; & quod nubes ipsa sint præcipuum inter res naturales instrumentum, in quo diuina prouidentia in rebus naturalibus elucescit; hinc inquam apparet congruentia, quæ inesse potuit, vt nubes pariter eligerentur tanquam gloriosus ac triumphalis Christi cirus; vt diximus late ca. 15. vbi de nubium symbolo. Atque eandem ob rem delectæ pariter sunt nubes ad nubium mysticarum (id est Euangelij prædicarum) significationem.

Per fumum vidimus iam in commentario significari maximum incendij & vastationis discrimen. Verum nonnunquam veræ comminationis significationem exprimit; sicuti Exod. 9. quando Deus legem suo populo indicturus descendit; & nonnunquam adumbrat significationem ingruentis periculi, ad eum modum, quo ira mystica maximè vindictæ figuram præ se fert. Idcirco in primitiæ Ecclesiæ templo peropportunos fumo locus extitit; dum plagæ aduersus Gentilitatem immittebantur.

Si autem querat aliquis, quid lateat mysterii in ea nubis è calo & ex mote fumi coniunctione, quando Deus in monte Sinai legem suo populo promulgauit; vt habetur Exod. 19. Respondeo, Si nubes ipsa (sic enim fuisse videntur) obscuræ erant; per ipsas comminatio figuratur: sin gloriosæ etiam nubes ac lucida ibi apparuerunt; fortè in nubium, & fumi societate significabatur, in lege fauorem promissionum cum minarum terrore pariter sociari. Quapropter ibi nec sola nubes, nec fumus solus erant ad rem, sed vtrumque pariter; nempe & nubes è calo, & fumus è solo: sicuti in ipso textu non obscure significari videtur. Si autem ibi & lucida nubes de calo descenderunt, & fumus obscurus ascendit de terra; in vtriusque coniunctione fortè denotatur, fauorem quidem caelestem ex ipsomet calo suam ducere originem; Dei verò iram ex nostra obstinatione. Quod tamen de ira propria, siue de propria vindicta, intelligendum est. Iram enim mysticam constat non ex terra, sed ex Deo ipso, eiusque gloria proficisci. Atque vt Apocalypseos fumus, qui templum repleuit, indicat primitiæ Ecclesiæ calamitatem & periculum; sapientissimè figuratum est, illum non ex terra, sed à Dei maiestate siue gloria & de virtute eius deriuari. Etenim quauis externa ipsa facies præ se ferret Dei iram, quia ipse fideles conficere & absumere videretur velle: ceterum hac ipsa viâ & diuinæ gloriæ, & Ecclesiæ ipsius amplitudini gloriosius & excellentius consulebatur. Quare considerare non ineptè possumus, duplicem esse fumum; alterum quidem grauem & molestem, qui ex materia alicuius ad ignem applicata repugnantia exoritur; alterum gloriosum atque pergratum, quo Dei gloria suæ virtutis & efficacitatis clarissima prodat indicia. Et hic fumus non minùs est Deo iucundus, quam redolens thymiamatis fumus, quo ipsius Dei ira placatur.

Posset etiam affirmari, quemadmodum fumus in Sina monte visus procedebat ex eo, quod Deus in ignis specie ad ipsum montem descendisset: ira etiâ fumum, quo templum in Apocalypsi completur, inde provenire, quod Deus ad Sionem montem in igne (scilicet Spiritus sancti) descendit. Enim verò ignis ille montis Sina vindictam propriam; at hic Sionis montis, mysticam præferebat. Quare in hoc secundo igne verum omnino redditur, ipsum à claritate Dei, & de virtute eius procedere. Id tamen non obstat, quo minùs verum etiam sit, quod nuper dicebamus, de diuini Spiritus igne in terram ascendente. Hic enim sancti Spiritus ignis meritò nominatur *Claritas Dei, & virtus eius*. Et quia Apostoli, virique Apostolici hoc igne fuere contacti (sicuti montes fulminibus) & quia ipsi sunt induti virtute ex alto; ideo tantus fuit in Sione mote fumus coortus. Nam Spiritus sancti ignis eos adegit, vt solam Dei gloriam quærent; ex quo graues Ecclesiæ angustia atque pericula profecta sunt. Sed tota hæc fumi vis atque copia in maximam Dei gloriam redundabat.

Fumus, cuius rei symbolum.

Coniunctio nubis & fumi in monte Sinai quid mysticè adumbrat.

Alia expositio fumi, qui in hoc ca. 15. Apoc. templum impleuit.



Respondetur  
fundamento  
secund: opi-  
nionis supra  
posita.

Superest vt ad Isaia locum superius pro Foreij sententia allatum respondeamus. Isaia verba sunt cap. 4. numero 5. *Creabit Dominus super omnem locum montis Sion nubem per diem, & fumum & splendorem ignis per noctem.* Verum si hæc verba serio expendere velimus; in ipsis nubes à fumo planè distinguitur; quandoquidem Isaia distinctione vtens ait, *Nubem per diem & fumum per noctem, & meâ quidem sententiâ nubes diei accipienda est pro nube grata atque iucunda: fumus verò noctis pro molesto & acerbis.* Cum autem dies prosperitatem, aduersitatem nox repræsentet; duo isthæc ex æquo respondent admirabili illi vicissitudini, qua diuina prouidentia suæ Ecclesiæ sapientissime consulit; interdum per ma-

**A**nifesta fauoris signa, tanquam per nubes lucidas; interdum per angustias atque pericula, tanquam per fumum acerbissimum; vtrumque tamen pro summo Dei beneficio iure æstimandum. Id quod textus ipse innuit; cum ait tam nubem, quàm fumum à Deo creari *super montem Sion*, hoc est in ipsius Ecclesiæ gratiam ac beneficium, ad Ecclesiæ ipsius solatium atque vtilitatem; vt eam propitijs nubibus mulceat ac foueat, & laborum fumo purget & excoquat. Ideo enim cum fumo coniungitur splendor ignis; qui vna ex parte significat periculum, ex alia effectum ipsum purgandi, ac perficiendi fideles, nec non Spiritus sancti igne accenden-

## C A P V T X V I.







## T E X T V S.

*Vers. 1.* Et audiui vocem magnam de templo dicentem septem Angelis; Ite, & effundite septem phialas iræ Dei in terram.

## C O M M E N T A R I V S.

**I**N primo huius capitis limine admonendus est mihi lector; duas res (quæ ad eius intelligentiam maximi momenti sunt) nihil opus esse à me in hoc loco disputari, cum de utrâque iam in superioribus egerim. Altera est, quod sit harum septem plagarum argumentum? Quis earum discursus, ac series? Qui etiam sint harum plagarum Angeli, siue ministri? de hoc enim diximus cap. præced. versu 1. Altera est, harum plagarum cum Aegyptiacis comparatio; quod fuerit Aegypti plagarum mysterium? Cur ibi decem, hic non amplius septem? atque ex his ipsis nouæ nonnullæ, nec inter Aegyptiacas numeratæ? qua de re latè diximus c. 8.

*Quid denotet vox magna de templo Ioâni audita.*

His ergo præstitutis: *Vox magna de templo*, quæ ad septem Angelos facta est, non solum denotat præceptum Dei Opt. Max. in Christianæ Ecclesiæ templo, & in eius throno sedentis; verum etiam Apostolorum decretum in eorum concilio sancitum de Euangelio Gentibus promulgando, deque mystica Romani Imperii expeditione aggrediendâ. Vt autem significetur & maximum rei momentum, & maximum lumen quod viris Apostolicis de cælo ad eam cogitationem affulsit; appellatur vox magna, quæ septem Angelis (id est Euangelicæ prædicationis ministris) indixit, uti phialas in terram diffunderent. Iam, quid denotent ipsæ phialæ, & cur vocentur phialæ iræ Dei, consule quæ superiori capite diximus.

*Quid sit phialas effundi in terram.*

Verum, quid sibi vult phrasis illa *in terram*? Etenim si hisce plagis prælium erat cum Gentilitate committendum; perperam dici videtur *in terram*, sed *in mare*: quippe quod in Apocalypsi Gentilitatis symbolum sæpè gerit. Deinde, huic præcepto non respondet, quod mox subijcit textus. Quauis enim iussi sint Angeli phialas in terrâ effundere, & primus reapse fuderit in terram; secundus tamen suam phialâ in mare effudit; tertius in flumina ac fôtes; quartus in solē; quintus in sedē Bestiæ; sextus in Euphratē; & septimus in ipsum aērē. Nūquid ergo Angeli aut plus, aut aliter quā iussi fuerant, fecerunt? minime sanè. sed in præcepto illo, *Ite & effundite in terram*: terræ nomen pro orbe vniuerso accipitur, ut sæpè alibi; id est pro vniuersis nationibus, & *in terram*, hoc est in terrenos homines, hæ omnes plagæ effunduntur; etiam si videantur primâ specie aliud spectare. Quemadmodum lapis in aëra coniectus, in terram demum recidit. Fortè etiam, cum septem Angeli in templo cælesti esse figurètur, innuitur, eos ex æthere phialas deorsum, id est terram versus effundere; quauis non phialæ omnes liquorem rectâ in terram immittant. Quod si ad significationem ipsam mentis oculos conuertamus; meritò phialæ omnes in terram iubentur effundi; inde enim subsequutura erat terrenarum affectionum medicina, & mystica de terrenis hominibus vltio tantopere ab Apocalypsi celebrata. Porro licet in prima Apocalypseos parte, distinctio maris ac terræ maximè fuerit expediens ad Iudæos à Gentilibus discriminandos; verum in secunda hac parte, ubi iam de Gentibus ex professo habetur sermo, terræ nomē aptè pro Romano Imperio & Gentilitate ponitur. Vfus enim fert, ut nomen terræ ad eam applicetur terram, de qua tunc agitur.

*Terræ nomen hic quid significet.*

## T E X T V S.

*De prima phiala.*

*Vers. 2.* Et abiit primus, & effudit phialam suam in terram; & factum est vulnus sæuum, & pessimum in homines, qui habebant characterem Bestiæ, & in eos qui adorauerunt imaginem eius,

## C O M M E N T A R I V S.

*Prima phiala seu plaga significatio qua sit.*

**E**X septem plagarum serie, quam cap. 15. descripsimus, primam hanc phialam attingit confusio & dolor, quem Euangelii prædicatio Gentibus importauit; dum eos sceleris atque flagitii in simularat. Ad huius phialæ effusionem feligitur Paulus Apostolus; idque duplici de causa. Prima est, quia in

his



his phialis sermo est de prædicatione ad Gentes: atqui Paulus est prædicationis huius dux ac veluti signifer; ideo enim antonomasticè Gentium Apostolus nuncupatur. Quare nullus potuit reperiri aptior, qui primam hanc phialam effunderet. Deinde quia ut mundus peccati argueretur, & præsertim Romanum Imperium, (de quo sermo est,) nihil in toto sacrarum Literarum decursu inuenitur adèd insigne, ut caput primum Pauli Epistolæ ad Romanos à numero 18. *Reuelatur enim ira Dei de calo super omnem impietatem & iniustitiam, &c.* ubi mirâ efficacitate eorum reuincit insipientiam, idololatriam, & nefanda ac detestanda flagitia; ac demum illos æterno supplicio dignos ostendit. Notum autem est quod attinet ad mundum de scelere arguendum, ut Dei gratiæ necessitas magis elucescat; in hoc inquam Paulum esse magnum imprimis & excellentem Theologum, qui ceteris acrius ac vehementius vires ac nervos omnes contendit in illud, quod ad Romanos 3.23. fuit paucis complexus. *Omnes peccauerunt, & egent gloria Dei.*

Quis hanc phialam effuderit.

Præterea, ut ampliùs confirmetur, Paulum esse primæ phialæ Angelum; notandum est, Angelum hunc primæ phialæ eundem esse, qui postea cap. 17. 1. Ioanni indicat magnâ illius meretricis damnationem; ait enim textus. *Veni vnus (id est primus) de septem Angelis, qui habebant septem phialas; & locutus est mecum dicens, Veni, ostendam tibi damnationem meretricis magnâ.* In quo habetur respectus ad id, quod Paulus scribit 2. Thess. 2. numero 7. ubi de Romano loquens Imperio ethnico ait: *donec de medio fiat, seque refert in horum verborum declaratione ad ea, quæ ipsismet coram fuerat locutus. Non retineatis, quod cum essem apud vos, hac dicebam vobis?* Porro de Romani Imperii conuersione non eo solum loco Paulus agit; sed etiam vbicumque ei incidit sermo de diuitiis Gentium, de quæ Dei mysterio in Gætilici populi electione. Hic insuper Angelus primæ phialæ ait postea cap. 21. 19. *Veni ostendam tibi sponsam uxorem Agni, scilicet caelestem Ierolimam, & Ecclesiæ triumphantis gloriam.* In hoc autem id attenditur haud dubiè, quod in toto nouo instrumento nullus sit locus siue tractatus ita perspicuus & copiosus de Sanctorum in calo beatitudine post generalem resurrectionem; atque ille, qui à Paulo describitur 1. ad Corint. 15. & 2. ad Corint. 5. ut alia interim eiusdem Apostoli loca prætermittam. Quibus animaduersis expendi debet, quàm honorificè Apocalypsis meminerit Pauli, quamque fuerit consentaneum in hac Apocalypses parte, ubi de Gentibus agitur, ter fieri allusionem ad ea, quæ hoc electionis vas conscripsit, & prædicaui tribus de rebus, quæ in ipsius doctrina cum primis extant, atque eminent. Prima est, quantoperè mundus Dei gratiâ indiguerit. Altera spectat ad diuitias Gentium, & earum conuersionem. Tertia ad caelestes Christi diuitias, quæ in ingenti Ecclesiæ triumphantis gloria elucescunt.

Confirmatur Paulum esse, qui primam hanc phialam effudit.

Sed veniamus iam ad ea, quæ textus tradit de primæ phialæ effectu. *Factum est vulnus seuum & pessimum in homines, (id est in hominibus) qui habebant characterem Bestiæ; & in eos, qui adorauerunt imaginem eius.* Qui sint isti homines, explicuimus cap. 13. Illi autem denotantur, qui propalàm & publicâ idolorum cultus professione impiam Romani Imperii superstitionem affectabantur. Atque ea phrasis, *Vulnus seuum & pessimum*, ita explicanda videtur; ut *vulnus seuum*, perinde sit, quasi valde crucians; *pessimum* verò idem quod *scdum*, & pudore ipsos homines afficiens; *πῶνρον* enim significat idem quod *miserum*. Quod autem sordidum ac scdum, idem etiam miserum est. Et sic sermo est de vlcere pessimo Iobi 2. 7. In præsentia tamen manifestè alluditur ad plagam Ægypti sextam, Exod. 9. numero decimo. *Facta quæ sunt vlcera vesicarum turgentium*: hoc est, vulnera ac plagæ in partibus verecundis, & naturâ ipsâ ab hominû conspectu semotis. Idem ipsum Ioannes voluit in hoc loco indicare: Sed graues scriptores in rebus eiusmodi non apertius loqui solent; quàm, ut percipiantur, satis est. Et quidem ex allusione ad Ægypti plagam coniectari facile hîc poterat, de quibus vlceribus loqueretur textus.

Qui sint isti homines, in quos hæc phiala fuit effusa.

Quodnam hic appelletur vulnus seuum ac pessimum?

Observandum etiam est, illa vesicarum vlcera, de quibus Exodus agit, exorta fuisse ex cinere de camino in calum asperso. Quo significatur, ex reliquiis illius ignis in terra ardentis in publicam lucem proditis, & ex manifesta prædicatione, quæ miserabiles ignis concupiscentiæ effectus euulgauit; hinc inquam duxisse originem acerba illa vulnera atque horrida; quæ symbolice representant dolorem, confusionem atque pudorem, quo afficiebantur Gentiles in Euangelii prædicatione. Similem quoque significationem reperire est in illis vlceribus, de quibus 1. Reg. 5. 6. *Aggravata est manus Domini super Azotios, & percussit eos in secretiori parte natum, & infra: Computrescebant prominentes exteales eorum.* Quod etiam respicitur Psalm. 77. 66. *Percussit inimicos suos in posteriora; opprobrium sempiternum dedit illis.* Denique ut turpes ac libidinosos sæpè Deus punit verecundis ac molestis vlceribus; ita etiam Euangelii prædicatione spiritaliter Gentiles percutiebat confusione atque dolore; qui ipsos acriter discruciebat, dum se propalàm tanquam peccatores & sceleratos traduci, atque adèd inexcusabiles reputari videbant. Quod hæc plaga dicitur in terram effusa, fortè denotat dolorem & confusionem in sauis ac pessimis vlceribus figuratam inde proficisci, quod Euangelii prædicatione & caelestis illa diuini verbi sementis in terrenas affectiones suis vitiis & cupiditatibus adstrictas deciderit.

Quid mysterice significet, vlcera vesicarum (de quibus in 6. Ægypti plaga) exorta fuisse ex cinere de camino in calum asperso.

Quam expositionem vlcerum tradidimus, inficiari nemo poterit, aptam atque idoneam esse. Constat enim nihil potuisse aptius afferri ad verecundiam & confusionem exprimendam, quæ in Gentiles incubuit, cum de grauissimis sceleribus fuerint conuicti. Nec sum ipse primus, qui cam expositionem inueni. Nihilominus tamè opponet aliquis, huiusmodi interpretationem cum ipsius contextus serie & consecutione non rectè consentire. Iam enim in fine cap. 14. longius progressum fuerat ad prædicationis Euangelicæ fructum in multorum Gentilium conuersione atque martyrio. Quomodo ergo nunc regressus sit ad pudorem atque dolorem, quo sunt initio affecti Gentiles ex Euangelii prædicatione? Similis obiectio fieri potest contra sequentis plagæ expositionem. In ea enim reditur quoque ad Neronis persecutionem; quæ retro iam in cap. 12. manebat. Ad hoc igitur Respondeo primò; non semper saltum arguit, aut ordinis perturbationem regressus ad ea, quæ superius iam fuerant tractata: sæpè enim id requirit ipsius ordinis congruentia. Et verò, qui id attentè consideret, facile cernat, cum ipsius dil cursus series exigit hîc plagarum omnium in Gentiles immissarum mentionem coniunctim factam; necessarium

Ex obiectio- nis opposita solutione, prædicta confirmantur.



esse, vt non tam de temporis, quàm de rationis ordine curetur: atque aded fiat regressio ad id, quod suprà fuerat tractatum; vt septem plagarum visio foret integra, & ipsius discursus perfectus redderetur. Secundò respondeo; quanuis verum sit Gentilium dolorem & confusionem & eorum perfectionem in Euangelii prædicationes excitatam, (quæ sunt duæ primæ plagæ) initio ab Euangelii prædicatione duxisse originem; postea tamen eundem præstitit effectum progressus in Euangelii prædicatione factus, & ipsamet concionatorum perseverantia. Quare non omnino temporis ordo perturbatur; præsertim cum ratio ipsa vrgeret, vt doctrinæ ordo præferretur.

## T E X T V S.

## De secunda phiala.

*Vers. 3.* Et secundus Angelus effudit phialam suam in mare; & factus est sanguis tanquam mortui; & omnis anima viuens mortua est in mari.

## C O M M E N T A R I V S.

Quid significet, sanguis tanquam mortui.

i. expositio.

SI textus non ampliùs diceret, quàm *factus est sanguis*; nihil difficultatis erat in grammatico sensu. Manifeste enim iis verbis significaretur, mare ipsum sanguineo colore fuisse infectum. Quod verò additur, *tanquam mortui*, non nihil difficultatis habet. Nam quod quidam exponunt de atro sanguine, vel congelato; minime placet. potest enim accidere vt sanguis ex mortuo animali fluens sit rubeus & nitidi coloris; sicuti in hædi sanguine apparet. Nec verò aut diuersi coloris est, aut minùs congelatur sanguis ex scissâ viui hominis vena exiliens, quàm cruor ex cadauere manans. Si verò ad maximâ sanguinis vim & copiam referatur comparatio illa *tanquam mortui*: quia ex boue aliquo siue equo, cum occiditur, plurimum effluit sanguinis; hoc quoque neutiquam videtur facere ad rem. Etenim vt significetur, totum mare fuisse sanguineo colore tinctum, satis parum sanguinis est, quod ex occiso tauro, aut etiam ex mille tauris dimanat. Quid ergo significabunt verba illa, *tanquam mortui*? nec enim absque peculiari mysterio adici credibile est. Existimabit quispiam, sanguinis hic nomen non pro germano sanguinis colore, sed pro quouis atro liquore vsurpari; & fortè genitium illum *tanquam mortui*, ad mare mortuum referri: sic enim appellatur Asphaltites lacus Iosue 3. 16. & eodem modo vocatur à Pausania libro 5. vt refert Lipsius in notis ad Tacitum libr. 5. numero 17. eius autem maris aquæ dicuntur esse bituminosæ. atque de eo bitumine loquens Tacitus, *Ater*, inquit, *naturâ suâ liquor*. Et concinit Iosephus libr. 5. de bello capite 5. Facit etiam, quod mare mortuum fuit ignis e celo depluentis effectus. Similiter Apocalypsis capite octauo numero octauo, mons igneus in mare decidit, & *factus est sanguis*. Vnde suspicari quis posset, sanguinem ibi esse tetrum liquorem; cuiusmodi est in mari mortuo. Denum accedit, quia mox in textu sequitur, *Et omnis anima viuens mortua est in mari*.

Refellitur prædicta explicatio.

Auctoris interpretatio.

Animalium Deo immolatorum sanguinem per altaris circuitum effundi ex Dei præcepto solere.

Verum nihil horum est ad rem; non solum, quod violentum sit, aquas mortui maris appellari sanguinem; sed quia genitiuus ille *mortui* ad mare referri non potest. Nam vox Græca maris foeminea est: at genitiuus *mortui*, neuter, siue masculinus. Præterquàm quod necesse est ex contextu nomen sanguinis in sensu grammatico accipi de proprio sanguinis colore; quippe in tertia plaga per respectum ad id, quod in secunda præcesserat, dicitur, *sanguinem sanctorum effuderunt*, deinde subditur; *Et sanguinem eis dedisti bibere*.

Meo igitur iudicio, genitiuus ille *tanquam mortui*, denotat maris aquas fuisse sanguine infectas; quem admodum in alicuius animalis immolatione aqua ipsa cadaueris cruore tingi solebat. Pro cuius explicatione obserua primò, *mortui* nomen ad hostias, seu victimas occisas applicari solere; sicuti de Christo Domino dicitur Apocalypsi. 1. numero 18. *Fui mortuus*, Græcè, *ἐτεθὼν νεκρός*, vbi manifestè *νεκρός* dicitur de occiso. Et facit, quod *νεκρός*, de occiso cadauere solet sæpè dici ab Homero & Thucydide; vt videre est in Græcis dictionariis. Secundò obserua, allusioni ad Iudaicos ritus & veteres ceremonias aptissimum esse in Apocalypsi locum. Et verò res est non semel in sacris iterata; re legatur Exod. 29. numero 20. Leuitici 15. & 11. & capit. 7. 2. & cap. 8. 19. & cap. 17. 6. & 13. Deuteronomio 12. numero vigesimo septimo, & Ezech. 43. numero 18. Constat autem iuxta altaris templi crepidinem extitisse quandam fossam, quæ sanguis decurreret. Vide Ezech. 43. numero 13. Nec ferebat consuetudo, vt animalia omnia quæ immolabantur, in ipsa altaris crepidine mactarentur; vt ab ipso animali sanguis immediate in fossam deflueret: sed feriebatur animal nonnihil ab altari remotum; cuiusque sanguis vase aliquo siue lebe exceptus per altaris gyrum effundebatur, sicuti Villalpandus depingit in altaris ænei descriptione.



A Tertio obserua, non videri verisimile, hostiæ sanguinem in lebetem omnino vacuum infundi; sed in eum, cui aliqua saltem aquæ copia inesset: ita vt animalis sanguis cum aqua permixtus (sic enim apud nos fieri solet cum vena alicui, siue in ipsa manu, siue in pede scinditur) per altaris ambitum facilius effundi ac defluere posset; alioquin sæpe sanguis congelaretur, nec aptè decurrere valeret. Cum autem tot animalia in eo altari tunc immolari solerent, ne ipsa altaris crepido, & omnia altaris ipsius vasa valde essent cruenta, immunda & sordida; nihil potius aut congruentius occurrit, quàm vt sanguis ipse semper cum aqua misceretur. Atque hoc ipsum, quod ad munditiam & facilem sanguinis fluxum ac legis ipsius obseruationem de sanguine per altaris gyrum fundendo maximè erat consentaneum, hoc inquam mysterio ipsi congruentissimum erat; nec enim absque arcano & singulari mysterio ex Christi latere exiit sanguis & aqua, vt habetur Ioann. 19. 34. Si hoc igitur maximum in se continebat mysterium; quid, obsecro, conuenientius, quàm vt idem etiam mysterium fuerit in antiquis sacrificiis adumbratum; in ea videlicet consuetudine aquam semper cum sanguine miscendi?

B His ita præmissis; si Hebraici populi consuetudine receptum erat, vt occisi animalis sanguis aquam, cui admiscebatur, tingeret; deinde si illud pariter hic intendebatur, vt significaretur mare totum sanguineo colore fuisse suffusum; quid potuit aptius dici, quàm maris aquam in sanguinem fuisse conuersam; non secus atque in lebe, in quem animalis immolati sanguis immittebatur, aqua ipsa sanguineo tingebatur colore? Hoc ergo est, quod sonant verba illa, *Effudit phialam suam in mare, & factus est sanguis tanquam mortui*. Atque hæcenus de grammatico sensu. Vt autem gradum iam ad mysterium in his verbis inclusum faciamus; ad secundam hanc plagam spectat (vt suprà vidimus) crudelissima Romani Imperii persecutio aduersus Euangelii concionatores suscitata. Cum verò per mare Gentilitas figuretur; ad cruentæ persecutionis symbolum nihil potuit aptius effingi, quàm mare vniuersum sanguineo colore fuisse tinctum.

C In huiusmodi figura aliquis satis mysterii latuisse putabit, si dicatur maxima fuisse Martyrum sanguinis copia in omnibus Imperii prouinciis effusa: siue potius illud fuisse vniuersale quoddam Romani Imperii bellum contra Euangelii prædicatores vbique gestum. Sed huic significationi illud imprimis addendum est, confusionem quidem atque pudorem, quo Euangelica prædicatio Gentiles ipsos præpediebat, fuisse in singulorū animis peculiarem, & imis pectoribus abditum; ideoque primam phialam in terram fuisse effusam: at verò persecutionem ipsam omni virium contentione, & totius Romani Imperii auctoritate & potentia fuisse instauratam: & idcirco phiala secundam in mare fuisse exoneratam. Simili ratione, qua Imperium ipsum in maris Bestia figuratum fuit, sapientia autem carnis in Bestia terræ, c. 13.

D Dices; si harum plagarum finis is fuit, vt per illas bellum in Gentilitatem fieret: eiusmodi debebat esse figura, vt plagæ omnes in Gentiles ipsos viderentur immisæ, at in hac secunda plaga secus accidit; neque enim bellum & persecutio in Gentiles, sed in Christianos ipsos consurgebat. Quomodo ergo hæc inter plagas Gentilitati immisæ numeratur? Responderet quispiam, satis fuisse, vt iuxta diuinæ prouidentie consilium, persecutio dirigeretur ad mysticam de Romano Imperio vindictam sumendam, & ad idololatriæ euerfionem, atque fidei Christianæ incrementum: nec enim autem Euangelicis prædicatoribus illatam gloriose triumphasse de vniuerso mundo; ac demum Romanum Imperium subiugasse. Hæc tamen responsio non illis fortasse satisfaciet, qui non modò optant, mysteriū nomini plagarum in Gentiles immisæ respondere; sed etiam in ipsa figuræ atque visionis externâ facie ita induci has plagas tanquam aduersus Gentiles illatas. Quamobrem non satis est dicere, sanguinem illum in calum clamores edere, & ultionem aduersus ipsos carnifices flagitare: hoc enim non significatur satis aptè in ea figurâ maris in sanguinem conuersi. Idcirco congruentius fortasse dicitur, sanguineam maris infectionem repræsentari hic quasi rem mari ipsi contrariam; quippe piscium interitus in maris ipsius detrimentum cedit. Subditur autem in textu, *Et omnis anima viuens mortua est in mari*. Quare figura ipsa est quasi plaga, per quam mare ipsum vehementer infestatur. Etenim Martyrum sanguis admirabili quadam ratione acriter Imperium Romanum ethnicum oppugnabat. Quod si lubeat serid attendere comparisonem eam, qua Ioannes vtitur de sacrificii sanguine aquâ lebetis tingente; in ea comparatione clarè perspicitur, aquam ab infuso sanguine superari, & ipsius colore infici; atque adeo illi quodammodo subiugari: ita vt quod sanguis flueret, eod etiam fluere deberet aqua; ac proinde sanguine per gyrum altaris effuso, ipsa pariter aqua funderetur. Si autem de bello mystico in sanctificationem gesto sermo est; si mari item ipsi perinde accidisse indicatur, quasi lebetis aquæ, cui animalis oblatus sanguis admiscebatur; in hoc ipso eiusdem maris sanctificatio innuitur. Nam verissimè dicitur, sanguine cum aqua permixto, aqua ipsa sanctificari. Ille namque sanguis, cum effundebatur, offerebatur Deo: id quod expressè habetur Leuit. 1. numero quinto, *Offerrent filii Aaron sanguinem fundentes per altaris circuitum*. Huius verò sanctitatis particeps fiebat aqua, cui miscebatur sanguis: nam pariter in Dei honorem cum ipso sanguine fundebatur. Quare, si mysticum bellum mari illatum ad ipsius sanctificationem ordinabatur; rectè consonat, vt Martyrum sanguis misceatur cum Gentilitatis mari; nam sanguis aquæ admixtus eandem sanctificat.

E Iam si mysterium velimus contēplari sanguinis & aquæ ex aperto Christi latere fluentis; ibi certè totius mundi sanctificatio fuit typicè figurata. Mundus namque per aquas designatur; quia aqua multa populi multi, & ex Christi latere prodiit vniuersalis Ecclesia per Christi ipsius sanguinē deterita, ac defæcata (alius autem sensus eorum verborum 1. Ioann. 5. n. 6. *Non in aqua solum, sed in aqua & sanguine*). Et quanuis tota huius sanctificationis aquarum efficacia ex Christo, quasi proprio ex fonte, deriuetur: nihilominus verum etiam est, quod Christus sua passione incepit, ab eodem deinceps per Martyrum passionem fuisse prouectum. Quare suo etiam modo Martyrum sanguis aquas, hoc est Gentilitatis mare, sanctificauit. Quamobrem licet ex effuso Martyrum cruore epinarentur Gentiles, Martyres ipsos deuictos prostratosque esse; Scriptura tamen id proponit, quasi signum omnino

Hostiæ sanguinem in lebetem infusum cum aqua misceri (olere, verisimili cōnectura deducitur.

Quomodo consideretur in hoc & apocalypsis loco aqua maris in sanguinem conuersa.

Secunda huius plage mysterium & significatio.

Explicatur amplius prædicta plaga 2. significatio.

Quo sensu dicitur omnis anima viuens fuisse mortua in mari.

Mysterium sanguinis & aquæ ex Christi latere fluentis.



certam victoriæ atque triumphide Gentilitate ipsa reportandi. In cuius rei figura illustrissimum est, quod refertur 4. Regum 3. numero vigesimo secundo. *Viderunt Moabita a quas rubras quasi sanguinem; dixeruntque, Sanguis gladii est; pugnaverunt Reges contra se & cæsi sunt mutuo. Nunc perge ad prædam Moab, porro consurgens Israel percussit Moab. Itaque exitus ipse ostendit, Moabitas fuisse deceptos; & rubeum illum aquarum colorem esse quali ostentum præsagens futuram Moabitaium cadem ab Israelitis faciendâ. Similiter ergo contigit in profuso Martyrum cruore, quo Gentilitatis mare tingi visum est. Tamen si enim Gentiles credentes mysticum Israelum victum esse ac profligatum, sese ad prædam mutuo incitabant, re tamen ipsâ sanguis ille portendebat Gentilitatis excidium ac ruinam. Atque ita inter plagas mysticas aduersus Gentilitatem inmissas apertissime annumeratur visio maris aquæ Christi Martyrum sanguine vndique tinctæ.*

Quid sit,  
omnem ani-  
mam viuentem in mari  
mortuam  
fuisse.

Superest, vt non nihil dicamus de verbis illis, *Et omnis anima viuens mortua est in mari.* Atque imprimis non id est ita accipiendum, quasi fuerit hæc sanguinei coloris causa; ita vt suffusus sanguinis color inde pronenerit, quod occisa fuerint omnia viuentia, quæ erant in mari. Nec enim sensus sic est intelligendus, sed potius è contrario; vt piscium marinorum interitus duxerit originem ex eo, quod mare ipsum sanguine fuerit imbutum. His autem verbis denotatur, quod ex ipsa persecutionis sauitie & immanitate fuit consecutum; videlicet Christianos omnes, quorum in Romano Imperio inuenti sunt, morti addictos destinatosque manere. Elegantissimè enim ii solum dicuntur habere animas, qui eas non incassum acceperunt; vnde fideles duntaxat inter viuentes animas computantur. Et quanuis non omnes fideles in ea persecutionis procella reapse fuerint trucidati; leges tamen impiæ & edicta execranda omnes pariter Christianos line discrimine damnabant. Quapropter non ii solum, qui reapse à tyrannis capite plecebantur; sed reliqui etiam omnes, qui in Catholica fide itabiles persistebant, inter mortuos poterant quodammodo numerari. Nam cum eos leges morti destinarerent; necesse erat, aut vitam amittere, aut profugos semper in latebras sese abdere: ideoque eis Paulus edicit, *Mortui enim estis; & vita vestra abscondita est cum Christo in Deo,* ad Colossenses capit. 3. numero quarto.

Tam sanguinem  
colorem,  
quam piscium  
interitum,  
conspiciendū  
esse, quasi  
maris ipsius  
plagam.

Quod si sanguineus color in aquis eleganter accipitur quasi ipsius maris plaga; ad eandem etiam plagam pertinet piscium interitus, quo Christus mystice vlciscitur Gentilitatis mare: scilicet quia ex hac morte erat oritura vera mundi vita, atque salus. Etenim sicut in tritici grani allegoria verissimè dictum est; *Si granum frumenti mortuum fuerit, multum fructum afferit.* Ita etiam in sacris Literis reperimus, aquam sanguine mistam è templo effluentem, quæ viuus piscibus vitam videbatur ablatura, eam ipsam alere innumerabilem viuentium piscium multitudinem, vbi nullus antea alebatur. Lege Ezechiel. 47. vbi describitur fluuius egrediens è templo (in quo alluditur ad torrentem è templo exeuntem cum sacrificiorum cruore permixtum) & sanctificans mare mortuum, illudque sanans, ac vim immensam viuorum piscium in eo generans.

## T E X T V S.

### De III. phiala.

- Vers. 4.* Et tertius Angelus effudit phialam suam super flumina, & super fontes aquarum, & factus est sanguis.  
*5.* Et audiui Angelum aquarum dicentem, Iustus es Domine, & qui es, & qui eras sanctus, qui hæc iudicasti.  
*6.* Quia sanguinem sanctorum & Prophetarum effuderunt, & sanguinem eis dedisti bibere: digni enim sunt.  
*7.* Et audiui alterum ab altari dicentem, Etiam Domine Deus omnipotens, vera & iusta iudicia tua.

## C O M M E N T A R I V S.

Tertia plaga  
scopus. ac  
significatio.

**A**D tertiam hanc plagam (vt vidimus capit. 15. versu 1.) pertinet tractatio de illa persecutionis in Christianos commotæ parte, quæ Gentiles ipsos contigit. Atque ad huius plagæ significationem sapientissimè inducuntur fontes ac flumina, sanguineo pariter colore infecta. Allusio est ad

plagam



A plagam Ægypti primam, de qua Exod. capite septimo, numero vigesimo, & de eius significatione nonnihil diximus capit. 11. notatione 7. vbi tamen accuratiorem ea de re tractationem ad hunc locum reiecimus.

B Obseruandum est igitur in secundæ phialæ plaga non actum fuisse de sanguine maris vndas tingente, quasi sanguis ille profluxerit ex prælio aliquo cum ipsis Gentilibus commisso; sed quasi ex eo prælio, quod ipsi cum Euangelii prædicatoribus inierunt. Quamobrem, licet in diuinæ providentiæ consilio sanguis ille fuerit mystica aduersus Gentilitatem plaga; non tamen videbantur directè saltem Gentiles sibi metipsis inferre bellum, quod aduersus Christi prædicatores promulgabant. Quinimò ipsum Gentilitatis mare videbatur suorum aduersariorum sanguine maculari; atque adeo Gentiles ipsi hostium effundere sanguinem; nec tamen ad eos persecutionis procella peruadere. In hac verò tertia plaga peruenitur ad id, quod ex ipso persecutionis conflictu redundauit; videlicet quòd illius tempestatis calix ipsis met etiam Gentilibus Christianos acerbè insectantibus fuerit propinatus. Cum enim Ethnicorum quamplurimi ad Christianam Religionem passim traducerentur; persecutionis etiam vis ad ipsorum persecutorum cognatos & affines sese extendit, factum igitur est, vt qui se ab amara illa persecutionis & sanguinis potione immunes esse putabant, postea illam pariter hauserint; atque adeo quod initio bellum aduersus solos externos fieri credebatur, postea in ciuile, domesticum, & valde intestinum euaserit; vt pote inter patres ac filios, inter fratres & consanguineos gestum. Quod ipsis quoque victoribus solet esse miserimum. Vnde effectum est, vt qui antea existimabant, se calicem persecutionis minimè libaturos, sed propinatuos potius inimicis; postea euadere non potuerint, quin illum ebiberent.

C Ad intestini huius belli representationem eleganter fontes ac flumina sanguine dicuntur fuisse tincta. Illud enim hic significatur; persecutionis scilicet calicem ab ipsis etiam persecutoribus fuisse potatum. Quam ad rem appositè finguntur flumina ac fontes sanguine tingi. Hac enim ratione nemo videtur sanguineam posse potionem vitare. Et manifestum est, hoc in loco per sanguinis potum non victoriæ triumphum, sed plagam denotari. Si autem in ipsa sanguinis effusione crudelitas belli maximè sita est; vt innuatur, huius etiam calamitatis Ethnicos esse participes, mirificè inducuntur flumina & fontes infecti cruore. Nec enim maris aqua; sed fluminum potius & fontium ebibitur. Vnde domesticum bellum & pestis intestina rectè in fluminibus ac fontibus sanguine tinctis figuratur. Nam qui potatur liquor, ad ipsa penetrat intestina. Quapropter in hac plaga significanter depingitur pacis domesticæ perturbatio, & bellum intestinum, quo ipsimet Gentiles acriter perculsi sunt, per eadem leges immanissimas, quæ contra Christi seruos promulgatæ, & executioni mandata sunt. Si ergo maris plaga in eo imprimis consistebat, vt mare ipsum sanguine vndique tingeretur, plaga hæc tertia ex secunda oritur, & eandem auget; cum flumina ac fontes ex mari profecta, eodem se demum exonerent. Quare tertiâ hac plagâ, quæ ex secunda ducebat originem, rubeus sanguinis color in ipso mari augescebat.

D Sequitur in textu, tam Angelum aquarum, quam Angelum altaris Deo gloriam ac laudem deferre propter aquissimum ipsius iudicium; quod in eo vel maximè splendescit, vt Gentiles, qui Christianorum sanguinem sitiebant atque exugebant, eandem quoque tempestatis vim sustineant, & eandem participant immanitatem. In his duobus Angelis crediderim Mosem & Eliam adumbrari; de quibus capit. 11. actum est sub duorum testium figura, & capit. 14. in vindemia. Quod quanuis explicatum ibi à nobis sit; quod tamen hic asserit textus, expositionem nostram haud parum confirmat. Nam imprimis Moyses idem significat, quod attractus, (subaudi) de aquis. Lege Exodi cap. secundum numero 10. Vocauit nomen eius Moyses dicens; quia de aqua tuli eum. Deinde, in superioribus iam vidimus in Apocalypsi per altaris Angelum denotari Eliam. Est enim idem cum illo, qui dicitur habere potestatem super ignem; vt expendimus cap. 14. Porro ipsa Angeli aquarum cum altaris Angelo coniunctio satis etiam roboris huic interpretationi addit: cum liqueat, in Apocalypsi (sicuti in Transfigurationis etiam mysterio) Mosem & Eliam consociari.

E Enim verò quemadmodum capit. 11. & cap. 14. Moyses & Eliæ personæ accipiuntur mysticè; sic etiam in præsentidebent accipi pro seruorum Christi sapientia & sanctitudine. Nihil verò coherentiùs, quam vt in tertia hac plagâ sapientia & sanctitas fidelium gaudio ac voluptate perfundantur ob admirandum illud flagellum, quo Deus Gentiles ipsos plectebat. Nec mysterii expers est, quòd in prima & secunda plagis nemo introducatur, qui Deum propter ipsarum effusionem collaudet, at in hac tertia Moyses & Elias mystici ad hoc munus præstandum inducantur. Cuius discriminis ratio ea est; quia in plagis his mysticis primarius spectabatur finis Ethnicorum hominum conuersio, vt ex supradictis videre est. Et in duabus quidem primis nondum deducta res erat ad fructum ex illis Gentilibus metendum, qui se & Christi iugo subiicerent, & morti pro ipso subeundæ constanter exponerent. At verò in tertia hac plaga primitiæ tanti huius fructus viros Apostolicos in Mose atque Elia figuratos magnopere oblectant & exhilarant: & tam ipsorum sapientia, quam diuini obsequii zelus in Gentilium conuersione atque martyrio mirum in modum exultant atque triumphant.

Verum, cum fructus is, quem Deus ex huiusmodi plagis decerpebat, sub vindictæ specie nobis hic ob oculos proponatur; congruenter excogitatum est, vt grates per mysticos Mosem & Eliam Deo actæ referantur sub ea formula ac norma: *Iustus es Domine, qui hæc indicasti, &c.*

Cum his autem verbis coniungit mysticus Moyses Dei nominis explicationem. Non tamen ait (vt in aliis Apocalypseos partibus fieri assolet) *Qui es, & qui eras, & qui venturus es.* Sed solum: *Qui es, & qui eras.* Nā in hac plaga, & in admirabili hac vleiscendi ratione, satis iam perspicue Dei aduentus enituerat. Quamobrem in ea laude, quam ei ob plagæ huius immisionem decantant, non addunt, *Qui venturus es*, vt innuant, illum iam aduenisse, atque admirabilem iustitiæ suæ mysticæ, (id est perfectæ misericordiæ) significationem dedisse, dum suum Gentibus spiritum large ac liberaliter impertiuit. Itaque solum exprimitur, *Qui es, & qui eras*, quasi significent hoc pacto, antiqua illa vete-

Explicatur  
adhuc ter-  
tia huius  
plagæ myste-  
rium.

Cur fontes  
ac flumina  
sanguine  
perhibean-  
tur tincta.

Quid sit,  
Angelum  
aquarum &  
Angelum  
altaris Deo  
laudem tri-  
buisse.  
Quinā per  
duplicem  
hunc ange-  
lum adum-  
brantur

Cur in dua-  
bus plagis  
preceden-  
tibus non di-  
cantur Deo  
laudes at-  
tribuita; se-  
cus tamen  
in hac ter-  
tia?

Dei nominis  
explicatio  
est, & qua  
ratione hic  
adungatur



rum figurarum inuolucra & integumenta cetera iam esse & euoluta; ac proinde Deum reapse sese exhibuisse eum, qui iuxta antiquas figuras & promissiones erat futurus. Consule caput 1. ubi latè de nominis Iehoua mysterio.

Dua alie de  
3. plaga ex-  
positiones  
traduntur.  
1. expositio  
expenditur.

Proposuius nostram de tertia plaga expositionem; quæ eò reuocatur, vt persecutio à Romano Imperio excitata in bellum domesticum & intestinum desierit; quia per eam sauitum est in ipsum persecutorum fratres, cognatos, affines, familiares. Atque in huiusmodi interpretatione attendimus præsertim genuinum sensum, quò spectauit in prima Ægypti plaga conuersio aquarum in sanguinem; iuxta ea, quæ cap. 11. adnotauimus. Labet tamen huic explicationi duas alias adiungere, quæ primâ specie alicui magis fortasse placebant. Dicit ergo aliquis, per sanguinolenta flumina denotari ingentem stragem, secundum id Numer. capite 23. numero vigesimo quarto, *Donec deuoret pradam, & occisorum sanguinem bibat.* Atque hic est germanus sensus eorum verborum Psalmi 109. sine: *De torrente in via bibet, propterea exaltabit caput.* Nec dissonat, quod superius ex Floro retulimus libro 3. capit. de bello Cymbrico, nempe, *Tanto ardore pugnatum est, ea quæ cades hostium fuit; vt victor Romanus de cruento flumine non plus aqua biberet, quam sanguinis barbarorum.* Atque idem Florus libro 2. capit. de bello Punico ait, *Documenta cladis cruentus aliquando Auspicius.* Ex his ergo videtur similiter in præsentia, per cruenta flumina denotari posse maximam hostium stragem saltem mysticam; atque eâ ratione victoriam Christi in Gentium conuersione celebrari. Hanc tamen explicationem respuit contextus, qui vindictam hîc constituit non in eo, quòd victores sanguinem potent; sed in eo, quòd Ethnici cogantur sanguinem bibere per allusionem ad Ægyptios, qui in prima plaga sanguinem bibere coacti sunt.

Prædicta  
expositio nõ  
probat.

2. expositio  
examina-  
tur.

Dicit alius, in tertia plaga mirificè congruere explicationem B. Isidori in quæstionibus in Exodum capite decimo, vbi ait: *Aquæ in sanguinem versæ significant populos conuersos ad sanguinis Christi fidem.* Sic ille. Cui potest illud adnecti, Martyrum scilicet testimonio cruentatum fuisse mare; vt habetur in plaga secunda. Deinde, cum fontes ac flumina ex mari orientur, & eodem refluant, (*Quia ad locum unde exeunt flumina reuertuntur, vt iterum fluant*) vt significetur testimonium Martyrum fuisse rationem potissimam, cur multi eandem ipsam doctrinam, quæ cruore Martyrum inficiebatur, imbiberent, simulque ad illos aggregati sanguineum maris colorem auergerent; aptissimum videtur fuisse, vt fontes ac flumina sanguine intincta dicatur. Adhæc, certum est fontes ac flumina peregrinorum esse doctrinæ symbolû; vt patet Eccli. 24. à numer. 35. vsq; ad 41. Quòd si doctrina Evangelica horrorem Gentibus incutiebatur; manifestum est, postquam effuso Martyrum cruore fuit infecta, tunc præsertim plus eis horrore iniiciendum. Quo sic præfixo, ad vindictæ mysticæ significationem nihil videtur aptius potuisse fingi, quam vt Gentiles ipsi cruentatam hanc doctrinam haurire & potare cogantur. Id quod textus ipse non videtur obicere adumbrare. *Sanguinem sanctorum tuorum effuderunt, & sanguinem eis dedisti bibere.* Quamobrem potio ipsa atque haustus videtur perinde esse, quasi ipsos ad Christum conuertere, & sic Christi sanguinem & doctrinam Martyrum cruore tinctam ab ipsis potari: & quia hoc euénit in toto Romano Imperio, ideo vbique fontes & flumina dicuntur esse in sanguinem conuersa.

Reiicitur  
etiam supe-  
rior exposi-  
tio.

Nihilominus hæc quoque expositio mihi non probatur. Primò, quia in ipso textu indicatur, omnes persecutores sanguinem bibere; cum tamen non omnes ad Christi fidem se aggregarint. Etenim si flumina & fontes erant cruore intincti; nullus videtur Gentilium potuisse non sanguinem bibere: hoc autem in eo rectè expenditur, ac verum esse comprobatur, quòd in civili bello ac domestico ipsi met, qui inimicorum sanguinem effundunt, pœnas pariter luunt; dum eandem calamitatem simul cum victis participant. Secundò, hic Apocalypseos discursus ad Gentium conuersionem non accedit. Si autem sanguis haustus denotaret conuersionem ad Christum, & hoc in loco figuraretur, omnes sanguinem potare; eo ipso significaretur vniuersalis Gentium omnium conuersio. Tertio, si ea explicatio teneret; minime cohæreret ratio, quam exprimit textus, videlicet; *Sanguinem sanctorum effuderunt, & sanguinem eis dedisti bibere, digni enim sunt.* Nec enim ipsamet Martyrum sanguinis effusio carnifices ipsos præstitit dignos, qui ad Christum se conuerterent, eiusque doctrinam exciperent. Quòd si aliquis dicat; si Christi fides accipiat veluti vindicta quædam, quam de illis sumit Deus, quos suæ ditioni subiicit, ideo dignos dici, quia sua crudelitate meruerant, vt in eos Deus seueram exerceret ultionem, atque adeò aliqua ratione appellari vindictam seuerissimam, quam sumit Deus de illis, quos suæ fidei & martyrio subiicit. Hæc inquam responsio minimè satisfacit. Nec enim absolutè verum est, Ecclesiæ persecutores fuisse dignos mysticâ illâ vindictâ, quam Deus de illis sumpsit.

Nostra ex-  
positionis,  
(quæ supe-  
rius est tra-  
dita) con-  
gruentia præ  
ceteris de-  
monstratur.

In nostra verò expositione, cum sanguinis potio referatur ad calamitatem, quam Ethnici in suorum fratrum & cognatorum martyrio patiebantur; meritò dicuntur ipsi met esse digni, qui horribilem illam calamitatem subeant; utpote qui præcipui fuerunt auctores, vt Evangelii prædicatorum sanguis effunderetur: ac proinde æquum erat, vt huiusmodi delictum seuerissimo luerent supplicio. Quin & diuina iustitia ex eorum immanitate meritum eliciebat supplicium. Etenim ex eadem persecutione in Christi famulos coorta, ortum duxit, vt persecutionis impetus in omnes fieret, qui Christiana sacra suscipiebant. Cum autem eorum fratres, affines ac familiares Christiani fieri, nis suæ iugum sponte subirent; hinc erat reliquum, bellum ipsum domesticum & intestinum fieri, atque adeò contra ipsius persecutionis auctores sui furoris tela quodam modò conuertere. Præterea in nostra expositione includitur aliquo modo D. Isidori expositio; non quòd sanguinis potus directè ad Gentium referatur conuersionem; sed quia in se includit & quasi præstituit persecutorum affines ac necessarios & Christianæ Religioni & martyrio manus dare.

Et quia in hac vindicta eminent pariter tam æquissimum Dei iudicium, quam ipsius Spiritus homines sanctificans; idcirco mysticus Moses, (id est Christi seruatorum sapientia) ait, *Iustus es Domine, qui es & qui eras sanctus, qui hæc iudicasti.* Sequitur; *Quia sanguinem sanctorum, &*



*Prophetarum effuderunt.* Vbi Euangelii concionatores nomine Sanctorum & Prophetarum compellantur.

ET AUDIUI ALTERVM AB ALTARI DICENTEM: ETIAM DOMINE DEVS OMNIPOTENS, VERA ET IUSTA IUDICIATVA. ] Cum hic Angelus mysticum repræsentet Eliam, id est zelum seruorum Christi (vt iam explicatum est) percommode accidit, vt post iustissimum diuinæ prouidentia decre- tum in ipsius belli ad eosdem persecutores extensione satis Sanctorum sapientia cognitum Elias mysticus Mosis socius & comes, id est Sanctorum zelus, se latitæ volupate perfundat ex eo, quod illud Dei iudicium in maximam Christi gloriam cederet. Quid enim aliud magis posset optare Sanctorum zelus ac sanctitas? Phrasis autem illa; *Vera & iusta iudicia tua*, idem significat, atque *verè iusta*.

*Quinam Sanctorum & Prophetarum nomine compellantur? Vers. 7.*

## NOTATIO I.

*De alia expositione duorum Angelorum, de quibus in tertia hac plaga fit mentio.*

*Examina-  
tur quædā  
alia inter-  
pretatio de  
altaris &  
aquarum  
angelis.*

**P**RVDENTES Theologi cupiunt vel maxime sac-  
cræ Scripturæ interpretationem deseruire ad  
communia doctrinæ Theologiæ dogmata compro-  
banda. Ex illis igitur fortasse erit aliquis, qui mole-  
stè ferat, aut etiam conqueratur, Angeli aquarum  
mentionem in nostra explicatione non assumi ad  
receptam illam Theologorum sententiam roboran-  
dam; quod scilicet cuilibet corporearum creatura-  
rum speciei suus sit Angelus præpositus, qui earum  
omnium curam suscipiat; quæ est D. Thomæ do-  
ctrina 1. part. quæst. 613. articulo 2. & pro eius con-  
firmatione Vazquez 1. part. tom. 2. disputat. 245.  
adducit non modò Origenem, Augustinum, An-  
dream, & Aretam; sed etiam Platonem. Huic que-  
relæ addi potest, mentionem illius Angeli; cuius cu-  
ræ commissi sunt fontes ac flumina, rite connecti  
cum tertiæ huius plagæ figuræ: in eam enim aquæ san-  
guineo inficiuntur colore. Quare videtur aquarum  
patronus earum causam acturus, Deoque suppli-  
caturus, ne aquarum speciem omnino interire per-  
mitteret. Vnde vt hominum crimina dignè ponde-  
rentur; videtur congruenter effingi, eò scelerum ac  
flagitiorum deuenisse homines, vt ipsimet Angeli  
de corporearum creaturarum interitu gauderent,  
atque adeò id non solum non agrè ferrent, verum  
etiam Deo grates agerent. Deinde, cum Angeli a-  
quarum benedictione consonat etiam altaris An-  
gelus, qui potest non ineptè significare sacerdotum  
munus. Sensus autem erit: Hominum tyrannidem  
eò deuenisse, vt caelestes Angeli, quorum erat consu-  
lere specierum conseruationi; & Dei sacerdotes, ad  
quos incumbibat, Deum pro ipsarum creaturarum  
conseruatione sollicitare; vtrique inquam in eo con-  
spirent, vt nullus se diuino supplicio interponat; sed  
potius Deum omnes in aquarum corruptione & in-  
teritu collaudent.

**B** Hæc tamen explicatio non arridet. Primò, quia  
constat, aquarum Angelum & Angelum altaris esse  
Mossem & Eliam, vt suprà satis expensum est. Se-  
cundò, quia si in contextu sermo esse non potest de  
propria aquarum conuersione in sanguinem; quid-  
quid creditur profari Angelus, cui aquarum species  
commissa est, minimè facit ad rem. Tertiò, doctri-  
na illa de singulis Angelis vnique creaturarum  
speciei singulatim consulentibus, quanuis vera  
mihi semper visa sit, non tamen inter eas veritates  
numeratur, quas Apocalypseos auctoritate compro-  
bandas esse purem. Etenim libri huius dignitas ac  
maiestas non solum postulant, vt quidquid in eo  
continetur, verum sit; sed etiam vt doctrinam præ-  
ferat Catholicâ fide suffultam, & de qua dubitari  
non liceat. Nec enim sacra ænigmata rectè ad eas  
res transferuntur, quas fidelis quispiam possit in  
dubium reuocare. Quare doctrinâ illâ, ad quam ipse  
Apocalypseos ænigmata applico, non satis esse reor,  
si vera sit ac certa; sed illud etiam contendo, ni-  
hil in mea expositione contineri, quod minùs sit  
certum, quàm recepta ab Ecclesiâ vniuersali do-  
ctrinâ.

**D** Si autem contendat aliquis huius esse generis  
doctrinam illam, quæ singulis corporearum creatu-  
ram speciebus singulos Angelos præficit: illud sal-  
tem non video, quorsum id afferatur ad ea, de qui-  
bus in hoc loco Apocalypsis agit. Quod si satis est, ad  
ipsam veritatem hoc loco allusionem contineri, &  
obiter doctrinam illam per comparisonem affir-  
mari; id à me non impugnatur. Notum porrò est, a-  
liquo etiam modo veritatem aliquam asseuerari,  
cum per modum comparisonis ad eandem sit al-  
lusio.



## T E X T V S.

## De IV. &amp; V. phialis.

Vers. 8. Et quartus Angelus effudit phialam suam in solem; & datum est illi æstu affligere homines, & igni.

9 Et æstuauerunt homines æstu magno, & blasphemauerunt nomen Dei habentis potestatem super has plagas, neque egerunt poenitentiam, vt darent gloriam Deo.

10. Et quintus Angelus effudit phialam suam super sedem Bestiæ, & factum est regnum eius tenebrosum, & commandauerunt linguas suas præ dolore.

11. Et blasphemauerunt Deum cæli præ doloribus & vulneribus suis, & non egerunt poenitentiam ex operibus suis.

## C O M M E N T A R I V S.

Difficultates, quæ in quarta & quinta plagarum interpretatione occurrunt.

Q VARTAM & quintam plagas idè copulaui; vt ex vtriusque inter sese collatione melius explicarentur. altera enim ad æstuantem solem, altera ad tenebrosam caliginem reuocantur. Si ergo hæ duæ plagæ sunt oppositæ inter se, opposita iuxta se posita clarius elucescunt. Sin autem contrariæ non sint, id quoque explicandum est, cur videlicet sol vehemens obiculis tenebris non opponatur? Et quidem, quauis quod ad representationem attinet, cessare videatur difficultas, si asseramus non vtrumque pariter figurari; nempe & ardentem solem, & densas tenebras; sed mutuam vtriusque vicissitudinem, quemadmodum diei succedit nox: verum si oculos in significationem ipsam intendamus, non parua adhuc superest difficultas, quo pacto fieri possit, vt tam sol ardens, quam spissa caligo inter plagas mysticas computentur? Etenim si sol sapientiæ lucem præferat; tenebris ipsis videtur ignoratio figuranda. Sin de propriis suppliciis sermo sit; sapientiæ lux non supplicii loco, sed summi beneficii, habenda est. Si verò de plagis mysticis sermo instituitur; ignorantia quidem non apparet quæ possit ad vindictam mysticam reuocari; ita vt & peccatum destruat, & peccatorem ipsum magno cumulet beneficio.

Quid in his duabus plagis continetur.

Pro difficultatis huius enodatione animaduertendum primò est, in tertia plaga deuolutam fuisse tractationem ad id, quod ex multorum Gentilium ad Christi fidem conuersione redundauit; videlicet, vt persecutio ipsa in bellum euaderet ciuile, & Gentilibus ipsis calamitosum. Cum ergo progressus nunc fiat in eodem bello, quod Euangelii prædicatores in Gentiles ipsos gesserunt; nunc demum additur in his duabus plagis, eiusmodi bello plurimum accessionis fuisse factum, tam nimiam solis vehementiam (quæ est plaga quarta), quam phialæ effusione super Bestiæ sedem; ex quo densissima tenebræ obortæ sunt; atque id ad quintam pertinet plagam. In vtroque autem satis expenditur Ethnicorum hominum afflictio & anxietas, necnon eorundem contumeliæ in Deum ipsum iactæ, pro scelere suorum detestatione, & pro gloria atque laude, quam Deo deferre deberent.

Quis sit hæc in plagis virorum apostolicorum scopus: quis finis subsequens. Plaga quarta quò potissimum spectet.

Secundò animaduertendum est, quis sit in his plagis præcipuus virorum Apostolicorum scopus, & quis effectus inde subsequens. Constat enim Dei ministros directe nequiquam contendisse, vt aut homines vehementi solis ardore æstuant, aut tenebræ Romanum Imperium occuparent. Verum ex eo, quod ipsi suum officium egregie præstarent, Gentilium culpa prouenit, vt solis æstus eos torreret, & tenebræ densissimæ vndique constringerent, atque in rabiem ac furorem verterent.

Tertiò notandum est, quartam plagam aptissime reuocari ad eum effectum, qui consecutus fuit ex clarissima luce, quam Euangelii prædicatio de veri Dei cognitione vbique diffundeat: quintam verò plagam redigi etiam congruenter ad illud, quod redundauit ex ea gloria atque laude, quam viri Apostolici Deo per admirabile vitæ exemplum tribuebant. Duplex enim est Dei glorificatio; altera per concionandi sapientiam, altera per vitæ integerrimæ sanctitatem. Ceterum ex duplici hac Dei glorificatione ii effectus ob Gentilium culpam prouenerunt: ex prima, vt homines solis luce omnino æstuant; ex secunda, vt exempli lux in maximas verteretur tenebras. Nunc enim instituitur sermo de effectu illo; qui accidit iis, qui in sua obstinatione persistebant; non iis qui se ad Christi Religionem aggregabant. Licet enim Dei cognitionis lux & optimi exempli splendor per occasionem Gentiles ipsos in Dei blasphemias & obitinatam mentis duritiem inducerent; hoc tamen interest discriminis, quod lux ex diuina cognitione proueniens eos quantumvis inuitos atq; coactos illustrabat pariter & exurebat; ita vt reapse fieret lucis eius participes ad grauio-



A rem ipsorum damnationem. At exempli lux eis prorsus in tenebras conuertebatur; quippe nequam ipsius fiebant participes. Dicam clarius: lux ea, quam de veri Dei cognitione prædicatio Euangelica hac illac spargebat, tanta erat, tamque conspicua, ut quauis Gentiles ipsos illius valde percereretur, utpote cupiditatibus ipsorum omnino contraria; nihilominus tamen reuera sol ille eos illuminaret, atque adeo incenderet, ut infra explicabimus. At verò Dei gloria, quæ in admirabili vitæ exemplo elucebat, cum non in intellectus luce, sed in sanctitatis splendore consistat, aptè dicitur nullâ ratione eos illuminare, qui non solum non accendebantur ad splendoris eius imitationem, sed deteriores etiam fiebant.

Quartò: hanc eandem discriminis rationem reperimus in aliis Scripturæ locis; ubi intellectus lucem dicuntur peccatores excipere ad maiorem ipsorum damnationem: videlicet cum Deum agnoscunt, & non sicut Deum glorificant. Nihilominus quia piorum hominum vestigia nolunt inhibere, dicuntur in tenebris ambulare. Quæ phrasi vtitur Ioannes Epistola 1. capit. 1. 6. & de eo, qui odit fratrem suum ait capite secundo numero vndecimo, *In tenebris est, & in tenebris ambulat; & nesci quid eat, quia tenebra obcæcauerunt oculos eius.*

B Quintò: in vtraque hac plaga consentaneum fuit eorum exaggerari perniciam, qui ad suorum scelum detestationem adduci non poterant. Etenim ex duabus hisce partibus egregia coalescit concio; in quam conflunt magnæ doctrinæ sapientia, & eximia integræ & incorruptæ vitæ sanctimonia: quarum partium quælibet à peccatoribus postulat, & quasi suo iure exigit conuersionem. Quare eorum repugnantia à nimia cordis duritia & oblatione proficiscitur. Præterea in vtraque plaga ponderatur acerbitas ac dolor, quem improbis afferunt. Nam in quarta dicitur; *Datum est illi flu affligere homines & igni.* In quinta verò; *Commandauimus linguas suas præ dolore.* Nam & ex veritatis cognitione, & ex optimo vitæ exemplo dimanabat vehemens anxietudo in eum, qui durus adhuc pertinaxque resistit. In his autem duabus plagis expenditur; Gentiles eos, qui in impia idolorum superstitione permanebant, blasphemias in Deum euomere. Quæ ratione vtitur etiam Petrus Epistola 1. c. 4. 4. *In quo admirantur non concurrentibus vobis in eandem luxuria confusionem, blasphemantes.*

C Sextò: tametli doctrinæ, sapientiæ & sanctæ vitæ exemplum quodammodo sint septem hisce plagis communia (nam phialæ effusio in ipso prædicationis officio consistit, & perfectæ prædicatio ex vita atque doctrina coagmentatur: ) cum tamen hæc omnes plagæ ex ipsis effectibus distinguantur, rectè in prima observatur dolor ac pudor, quibus Gentiles fuere perculsi, quando de suis sceleribus sunt insinulati; in secunda locum habuit persecutio contra prædicatores ipsos suscitata: in tertia civilis belli furor: in quarta afflictio atque angustia ex veri Dei cognitione per occasionem proueniens: in quinta, ipsorum Ethnicorum mutatio in deterius, ex conspectu Dei ministrorum exemplo trahens originem: in sexta, acerrima Gentilium vis & impressio adhibita, quæ ex Romæ inuasiōe processit: in septima denique durissima eorum obstinatio, qui in suis superstitionibus fixere pedem, & obdurati manserunt, postquam publica Christianæ Religionis professio Romam innecta & excepta est. In hac igitur septem plagarum diuisione iuxta effectuum diuersitatem consideratâ, suus etiam exiit in quarta plaga locus perspicuæ luci Euangelicæ doctrinæ: quatenus mundo euidenter ostendit, anilem & nugatoriam plane esse deorum multipliciter; atque adeo vnum ac solum Deum verò cultu & Religione prosequendum. Nec defuit in quinta plaga locus ad ponderandam eorum duritiem, qui in tanta doctrinæ & sanctitatis luce, quæ ex viris Apostolicis emicabat, deteriores tamen effecti in densa suorum errorum caligine persisterunt.

D Septimò: in hisce omnibus plagis ratio nouissimæ plagæ, siue iræ nouissimæ in eo imprimis sita est, ut non sit propria vindicta; sed noua quadam vlciscendi ratio, eò potissimum tendens, ut peccatum conuellatur omnino, ac de medio tollatur; ipse verò peccator & veniam impetret, & maximâ Dei gratiâ fruatur. Quare licet in septem plagarum distinctione exprimat Gentilium repugnantia, quæ diuinæ gratiæ obfistere nitebantur: hæc tam oppositio vna ex parte conducit, ut immensa Dei bonitas atque clementia elucescat, dum mysticam nihilominus vindictam de Gentibus sumendam, & Gentilium ipsorum conuersionem prouehit: ex alia verò parte hæc eadem contradictio deservit, ut reconditum diuinæ prouidentie consilium suus demum effectus atque exitus sortiatur. Etenim Gentilium pudor ac dolor de consensu scelerum animis, & persecutio ipsa contra Euangelii ministros commota, non exiguo fuerunt argumento, ut de Euangelii victoria euidentius constaret; atque adeo Christiana fides euerso idolorum cultu firmior ac robustior persisteret. Id quod ad grauiorem ipsius fidei auctoritatem fuit maximè consentaneum; ut dilucide cerneretur, illam non pro alicuius principis libito, aut facili hominum studio ac voluptate, sed per singularem Dei virtutem & credibilitatis euidentiam euasisse suorum aduersariorum vitricem, & totius terrarum orbis dominam. Quamobrem non primæ solum persecutiones, sed etiam ipsa rebellium & obstinatorum perniciosa (post Constantini conuersionem) non parum adiumenti contulit ad maiorem ipsius fidei Catholicæ firmitudinem, & gloriosorem de idolorum superstitione victoriam. Quinimò in iis ipsis, qui in suo errore pertinaces decesserunt, dedit obiter Deus maximæ suæ seueritatis documenta; in reliquis verò clementiæ & pietatis signa clarissima. Atque hoc est nouum plagarum genus; cuius summa est, effundere magis ac magis misericordiam: ita tamen ut suus etiam seueritati sit locus.

E His ita præiactis ad textum ipsum accedamus, *Quartus Angelus effudit phialam suam in solem.* Sol sæpe in Apocalypsi ad Dei diuinitatem refertur; unde si phialæ effusio denotat prædicationis officium, ut significetur effectus ex hac ipsa Dei diuinitatis prædicatione consecutus, congruenter fingitur quarta phiala in solem effusa; quod est, prædicationem versari circa Dei diuinitatem & prouidentiam.

ET DATUM EST ILLI AESTV AFFLIGERE HOMINES ET IGNI; ET AESTV AVERVNT AESTV MAGNO. ] Ut significetur quanta claritate & perspicuitate prædicatio Euangelii ostenderit idololatriæ falsitatem ac nugas, nec non verum veri Dei cultum esse, quæ Christiana Religio prædicabat; nihilominus tamen

Peccatoribus lucem intellectus indiciam interuentionem ipsorum damnationem conueni.

Septem harum plagarum effectus per ordinem numerantur.

Ratio nouissima ira in his omnibus plagis quomodo elucet.

Sol diuinitatis symbolum.

Vers. 9. Quia hic fit, flu affligere homines.



tamen ex hac ingenti luce incredibilem hausisse dolorem eos ipsos, qui in sua impietate atque flagitiis (quibus ipse idolorum cultus indulgebat) immobiles peristare volebant; ut hoc inquam significetur, eleganter inducitur maxima solis claritas hominibus molestissima: quasi proprius illius effusionis, siue prædicationis potius, effectus. Quid enim aliud est, *astu affligere homines & igni*; nisi quod solet frequenter in media accidere æstas, quando nimia solis claritas & ardoris vehementia mortales calefacit, ac torret? Scio quosdam hic per solem intelligere Antichristum; alios verò de summo Pontifice interpretari. Pro mea tamen expositione stant & plagarum series & applicationis congruentia.

Vers. 10.  
Quamvis  
appellatur  
hic sedes Be-  
stia: & quid  
sit in eam  
effundere  
phialam?

QVINTVS ANGELVS EFFVDIT PHIALAM SVAM SVPER SEDEM BESTIÆ. ] Hoc perinde esse existimo, quasi Romæ, & in ipso foro atque iudicum subselliis prædicare admirabilem Christi virtutem; & sanctitatis exemplo illam euidenter ostendere: sicut in teneris virginibus accidit, quæ ut pudicitiam retinerent, & se Christo fideles integrasque præstarent, gloriæ ac fortiter occubuerunt. Porro Bestiam de qua hic mentio fit, esse Romanum Imperium ethnicum, vidimus cap. 13. Ex quo facile cernitur, quam apte sedes Bestiæ nominetur Romana ciuitas, atque ipsa iudicum subsellia. Nam in ipsis tribunalibus Christiani de grauissimis delictis accusabantur; & ibidem Deus eorum innocentiam ac vitæ integritatem demonstrabat, quantumvis persecutorum sæuitia & inuidia illis tenebras offundere laborarent.

Tenebre ex  
quinta phia-  
la effusione,  
prouenien-  
tes quid si-  
gnificent.

ET FACTVM EST REGNVM EIVS TENEBROSVM. ] Posset hoc cō referri, ut prædicationis lux re-  
texerit Gentiliæ superstitionis tenebras. Sic Ægypti tenebræ opponuntur claritati, qua Israelitæ fruebantur, Exod. 10. 22. *Factæ sunt tenebræ horribiles in vniuersa terra Ægypti: vbicumque autem habitabant filii Israel, lux erat.* Ego tamen cenſeo non hic directè agi de eorum ignorance, qui deorum falsitatem non agnoscebant; sed de cæcitate illorum, qui postquam solis lucem aspexerant, (ut dictum est in plagâ quarta) hoc est, postquam de vero Deo totius mundi machinæ opifice conuicti erant; fiebant adhuc deteriores, dum eos odio proſequiebantur, quos propter doctrinæ & sanctitatis splendorem diligere maximè deberent. Hanc mihi interpretationem persuadet imprimis ipse plagarum ordo & cōsecutio. Quippe ad ingentem solis claritatem homines exurentis, adduntur hic densissimæ tenebræ; quos de tenebris practicis, deque odio atque inuidia in sanctos viros conflata exponendas reor. Secundò constat, hanc esse loquendi rationem Ioanni familiarem; ut suprà adnotauimus. Tertiò, ex iudicum ac tribunalium improbitate proueniebat, ut Christianorum innocentia & sanctitatis luminibus obstruere infideles conarentur; utque de grauib; accusarentur criminibus, quod id ita esse ab omnibus crederetur. Atque hoc etiam comprehenditur tenebrarum nomine.

Duo sensus  
dicuntur  
Gentiles præ  
dolore lin-  
guas suas  
commandu-  
care.

ET COMMANDVCAVERVNT LINGVASSVAS PRÆ DOLORE. ] Non ita accipiendum est, quasi dolore pungerentur Gentiles, quod se tenebris immersos cernerent. Nam & ipsi *dilixerunt tenebras, potius quam lucem.* Et alioqui tenebræ non aded acrem dolorem afferre solent. Non igitur sermo est de dolore ex tenebris proueniente; sed de dolore tenebras ipsas comitante. Et quantis posset aliquis dicere; in his linguarum morſibus siue manducatione denotari efferatam rabiem; qua interdum exciti Gentiles crudelia persecutionis edicta reprimebant, cum quid agerent, penitus ignorarent; & Christianos ipsos gliscente persecutionis astu magis magisque excreſcere cernerent. Aptius tamen est, ut per hunc linguarum morſum, & compressionem significetur, quantumvis Ethnici admirabilem Christianorum sanctitatem quasi manibus contrectarent; eos tamen linguas comprimere, ne Christi diuinitatem in suis seruis conspicuam faterentur, ob vehementem rabiem, qua ipsi correpti efferatique erant; quæque illos mutos reddebat & elingues.

## TEXTVS.

*De VI. phiala.*











tumulos. Et Isaias c. 21. n. 2. de eodem Babylonis excidio verba faciens hæc habet, *Onus deserti maris; Ascende a Elam, obside Mede, Babylon posita est mihi in miraculum; pone mensam, contemplare in specula comedentes & bibentes; surgite Principes, arripite clypeum. Lege Gueuaram in Habacuc c. 22. n. 135. 136. 137. & 138. vbi adducit Herodotum, & Xenophontem, & subdit; Quod autem auerso Euphrate capienda esset Babylon, prædixerat Isaias c. 44. 27. in hæc verba. Qui dico profundo, Desolare; & flumina tua arefaciam. Et Ieremias c. 50. 38. Siccitas super aquas eius erit, & ariscent. Et c. 51. 31. Capta est ciuitas, & vada præoccupata sunt, & paludes succensa sunt igne. Quid verò inter conuiuandum capienda esset Babylon, monerat Isaias c. 21. 5. & Ieremias 51. 39. & Daniel apertè pronunciat c. 5. 30. Eadem nocte, (sed non anni eiusdè) Babylonem in hostium potestatem venisse, qua Balthasar Rex productis vasis templi grande conuiuium fecerat. Quippe eadem nocte quotannis conuiuari consueuerant, per uigiliæ agentes cuiusdam deorum; quale Lilius l. 23. Campanos celebrasse commemorat, cum Gracchus eos inuasit simul omnibus portis. Lege etiam Genebrardum in chronico anno mundi 3638. fo. 240.*

Porro in Babylonis inuasionem Græci nullâ Da-

A mentionem, sed Cyri solùm faciunt. Iosephus tamè vtriusque meminit l. 10. Antiquitatum c. 12. & Hieronymus, quem citat, & sequitur Pererius vbi suprà fol. 203. Vnde eundem, & Gueuaram in Habacuc. Cyrum autem & Darium ex Oriente venisse Babylonem, norunt omnes, qui vel mediocriter sunt in Geographia versati.

B Notandum insuper est, Euphratem fluuium per mediam Babylonem influere, eamque duas in partes secare, vt perspicuè tradit Strabo. Tamen autem Cyri exercitus Babylonem vndique obsidebat; ita tamen excelsi & eminentes erant muri, tanta eorum firmitas, vt urbem vi capere & expugnare, impossibile esset. Erat enim Babylone innumerabilis propugnatorum multitudo; muri autem ipsi quinquaginta in latitudinem cubitos, ducentos in altitudinem patebant. Atque ita nullo modo poterat vi capi ciuitas. At Cyrus exsiccatu alueo fluminis eam inuasit, quâ Babylonij se magis tutos ac securos putabant. Licet enim muri ita fuerint editi ac latij, multò adhuc videbatur difficilior fluminis traiectionis siue ingressio, quàm murorum ascensus, aut allicuius ex vrbis portis occupatio.

Euphrates  
mediam Ba-  
bylonem in-  
terfluens.

### Prosequitur versus XII. Commentarius.

C Vm igitur Babylonice inuasionis atque excidij historia sic se habeat; miror posse aliquem verba Apocalypseos suprà allata legere (vbi de sexto Angelo dicitur; *Effudit phialam suam in flumen illud magnum Euphratem; & siccauit aquas eius, vt prepararetur via Regibus ab ortu solis*) quin protinus aduertat, ad illam ipsam historiam alludi; & quâdam admirabilis illius facinoris renouationem affirmari. Quâ obrem mirandum est, Apocalypseos interpretes huius historię in hoc loco non meminisse; cum manifestè textus asseneret, eiusmodi fuisse sextæ phialæ effectum, vt antiquum illud & egregium facinus instauraretur de exinanito flumine Euphrate; vt per eius alueum exsiccatum aditus Orientis Regibus in Babylonem pateret.

Mythica ex-  
ficcati Eu-  
phratis re-  
nouationem  
in sextapla-  
ga affirma-  
ri.

D Maioris tamen momenti est intelligere, de cuiusmodi renouatione in hoc loco sermo sit. Nonnulli enim opinantur agi hic de euentis sub Antichristi tempus futuris; ac proinde illud hic affirmari, tunc Religionem Catholicam tantopere in Orientis prouincijs florentem & vbique propagatam fore, vt inde sint Reges venturi, qui cum Antichristo bellum gerant; qui vt secure possint trajicere flumen, eis Euphratem miraculose arefaciendum fore; & sic demum Antichristum ab Orientalium Regum exercitibus conficiendum. Hæc est opinio Genebrardi Pl. 67. 37. & nostri Viege hic sectione 3. quanuis sectione 2. dixerit, suam esse sententiam agi in præsentia de Regibus Orientalibus Euphratem traiectionis, vt bellum Ecclesiæ inferant.

De quam  
ficcati Eu-  
phratis re-  
nouatione  
hic sermo  
sit.

E Et quanquam hæc duæ Viege opiniones sunt meo iudicio ab Apocalypsi valde alienæ, quia eo solùm nituntur, vt ænigmatis verba, sicuti sonant, accepta ad rem applicent prorsus incertam: quam tamen sequitur sect. 3. minùs est violenta; quippe allusio ad antiquam illam Babylonis historiam manifestè indicat, sermonem hic institui de irruptione in ipsam Babylonem. Euidens autem est, in Apocalypsi Babylonem esse Ecclesiæ infensam. Quapropter toto errat cælo, qui hunc Orientalium Regum ingressum per flumen Euphratem eò tendere putat, vt bellum in Ecclesiam fiat. Ceterum vtcumque hoc sit; meâ quidem sententiâ est improbabile, hanc sextam plagam esse accipiendam, vt sonat de vero & proprio transitu Regum Orientalium per siccatum Euphratis alueum. Primò, quia familiaris est Prophetarum locutio, affirmare, antiqua illa gesta & admiranda facinora fore renouanda: atque hoc verborum inuolucro mysticam & spiritalem instauracionem, seu renouationem significare: nec tamen vllò modo de materiali renouatione tractare. Multa nobis suppetent de hac locutione exempla in Pl. 67. & c. 3. Habacuc. Quis ergo non videat, hunc eundem esse loquendi modum apud Apocalypsin, librum præsertim ænigmaticum? Secundò, tam antecedentia, quàm subsequencia clare ostendunt, huius loci verba nullo modo, vt sonant, esse intelligenda. Nam effusiophialæ, quæ proximè antecedit, nequaquam debet accipi materialiter, nec tres ranae, quæ postea subsequuntur. Euidens ergo est, mysticè etiam & non materialiter esse accipiendam Euphratis fluuij arefactionem, nec non illac Regum ingressionem. Iam penè omnia, quæ in cæteris narrantur plagis, non ita esse accipiendam, vt sonant, certum est. Tertiò, Apocalypseos coherentia atque series exigit manifestè, vt sexta hæc plaga ad persecutionis per Imperium Romanum excitatæ tempora referatur. Quare extra chorum saltat, qui explicationem detorquet ad ea, quæ eodem tempore neutiquâ acciderunt. Quartò, non solum qui de Romani Imperij persecutione sermonem hic esse credunt, sed etiam qui hæc plagas de Antichristi tempore exponunt, ferè omnes hanc mysticam plagam accipiunt, quasi rem in sensu mystico intelligendam, asseruntque Euphratis exsiccationem esse symbolum terrenæ felicitatis mundanos homines in ipso decursu deficientis. Quamobrem nimis se ad literam ipsam constringit, qui hanc plagam materialiter vt sonat, esse interpretandam censet.

Opinio ex-  
pliciti de  
Antichristo  
exploditur.

Sexta plaga  
ad Ec-  
clesiam perse-  
cutionem à  
Romano  
Imperio  
ethnico olim  
excitatam  
esse referen-  
dam.



*Mysticam  
Babylonem  
esse Romam.*

*Quid per  
Euphratem  
flumen figu-  
retur.*

*Regum Ori-  
entalium  
symbolum  
quibus po-  
tissimum  
aperitur.*

*Quam sit  
piri aliorum  
nouatio Eu-  
phratis ab  
Orientalibus  
Regibus exse-  
cutis.*

*Quod Deus  
instrumentum  
ad mysticam  
Romam inua-  
sionem sur-  
pauit.*

Vbi autem statuamus, hoc explicandum esse mysticè, & sermonem hîc esse de eo tempore, quo Romanum Imperium oppugnabat Ecclesiam: hinc planum fit, mysticam Babylonem, quam Orientis Reges per siccum Euphratem illati adorti sunt, esse Romam idolorum cultricem. Quod magnopere confirmatur tum congruenti applicatione eorum, quæ textus repræsentat ad id, quod in mystica inuasionem Romæ accidit; tum etiam eorum enarratione, quæ postea referuntur, nimirum Babylonem in Apocalypsi esse antiquam Romam ethnicam, quæ Christianam infestabat Ecclesiam.

Sed age iam, quid per flumen Euphratem repente exiccatum figuratur? Respondeo; Euphratem esse symbolum aptissimum ad significandum torrentem rapidissimum superbix, deliciarum atque opum, & fortè etiam humanæ sapientiæ & eloquentiæ, quibus Romani circumfluebant. Namque ut Babylonios olim Euphratis latitudo ac profunditas de urbis inuasionem reddebat omnino securos: ita etiam copiosa hæc rerum mundanarum affluentia adeò negligentes ac securos tenebat Romanos de mystica Romæ expeditione, ut stultum planè ac prorsus insanum reputarent, si quis Christianam Religionem ad Romæ intimos recessus penetraturam, & senatorum ipsas domos occupaturam existimaret. Interea tamen diuinæ providentiæ cõsiliu & solers Euangelij prædicatorum industria cælesti numine & auxilio roborata totam hanc difficultatum molem superarunt. Et quasi derepente fluuius Euphrates siccaretur, non aliter Deus ex prædestinatorum animis seiunxit obicem illum fastus, superbix, deliciarum ac doctrinæ Gentilicæ, quibus antea misère inhiabant, & medio hæc facinore admirando potuit Christi fides in nobilissimas quasque Romæ familias irrumpere, easque feliciter occupare.

Regum autem Orientalium nomen (quo, si figuram spectes, Cyrus ac Darius designantur) mirificè viris Apostolicis generatim, & Romanis singillatim Pontificibus accidit; ijs videlicet, qui Romam mysticè inuaserunt. Etenim cum in Cyro ac Dario Orientis Regibus adumbrentur; illis egregiè quadrat Regum Orientalium nomen. Præsertim cum Christiana Religio Romam ex Orientis partibus, id est Ierosolymâ, aduenerit. Iam, si excellentissimus aliquis binarius exquiratur, qui Cyro ac Dario respondeat; nihil aptius quàm Petrus & Paulus. Quauis enim illi iam ad cælestem patriam per martyrium euolarint, quando ob mysticam Romæ inuasionem persecutio sub Diocletiano crudelissimè sauij; illi tamen significanter satis dicuntur esse duo Orientis Reges, quibus potissimum admirabilis hæc Romæ expeditio secundum Deum refertur accepta. Quamobrem Laurentius Iustinianus in festo sanctorum Petri & Pauli, duos hosce Apostolos præclarissimos eleganter fingit esse Orientis Reges, qui Babylonem, id est Romam, sese intulerunt; eamque Christianæ Religionis subiugarunt. Licet autè videatur cuiuspiam hæc diui Laurentij Iustiniani non tam expositio esse, quàm accommodatio; meo tamè iudicio rectè collineauit sanctus Patriarcha. Nā interpretatio hæc cum verissima Apocalypseos acoluthia mirificè consentit. Demum Adamus in prologo in Isaiam refert, esse D. Hieronymi sententiam, in Medis ac Persis Apostolos & eorum successores denotari, qui Babylonem, id est consulum mundum, euerterunt. Hæc ille de mundo in communi, quæ tamen multò aptius Romæ ethnicæ applicantur.

Spiritualis ergo renouatio antiqui facinoris, quo Cyrus & Darius Orientales Reges Babylonem inuaserunt, non fuit alia, quàm mystica Apostolicorum virorum in Romam ethnicam inualio; id est in eius præcipuas domos, cuiusmodi erant Senatoriæ, Consulares, & Imperatoriæ, & quidquid Romæ flores atque opulentiam erat. Etenim repente & præter opinionem alius uxorem propriam esse Christianam deprehendit; alius filiam; fratres alius; alius cognatos & affines; ac demum omnes pariter animaduenterunt, Christianam fidem sese in mediam Romam & in ipsas eorum domos insinuassee, atque adeò vix aliquam esse super, quod non cælestis ille penetrasset ignis, quem Christus in terra accensurus aduenit. Adeò autem in hac parte securi atque imparati erant tyranni & ceteri Gentiles, tam longè ab huius euentus suspicione; ut eorum fiducia atque securitas iure optimo figuratur in ea, quam Babylonij quondam inesse diximus. Quippe secundus rerum cursus atque prosperitas, & illa Imperij magnitudo, qua tunc ethnici Romani fruebantur, nec non exundans superbix, deliciarum & Gentilicæ eloquentiæ torrentis eos ipsos ita securos ac negligentes reddiderant de Religionis Catholicæ in Romam irruptione, ut nihil sibi minus extimescerent. In cuius autem mentem veniret, fieri posse, ut in domos adeò superbas humilitas Euangelij & Christi crucifixi adoratio penetrare posset; atque ea doctrina, quæ quidquid mundus amplectitur & colit, pro nihilo ducit? Itaque minimè timebant persecutores fidem Euangelij suas domos penetraturam. Verum enim uerò exitus ipse probauit, diuinam providentiam ipsâ hominum securitate & non-curantia fuisse usam, ut exemplò & præter omnium expectationem Christiana fides in eorum domos penetraret.

Iam quantâ hic euentus admiratione & stupore Romanorum animos perculerit; conijci potest ex nouitate ipsa & insolentia, quæ Christianos ipsos solet in magnam admirationem adducere; quando subito & inopinatò ad Deum conuertitur aliquis, qui in mundo antea, rebusque mundanis fuerat penitus immersus. Cuiusmodi erant Saulus, Matthæus & Magdalena. In quorum & similium conuersione discimus ex Apocalypsi, renouari quodammodo Babylonis inuasionem. Quod autem Deus instrumentum vsurpauit ad mysticam Romæ inuasionem seu conuersionem, præter diuinæ gratiæ efficacitatem, illud fuit; nempe peracre studium atque contentio prædicatorum Euangelij, & communio atque conuictus cum varijs gentibus ac nationibus; etiam cum ijs, qui curiositatis causâ eos in carceribus inuisebant. Nam ministrorum Christi inexplebilis eos omnes conuertendi cupiditas, inanis mundi gloriæ prædicatio, admirabile vitæ & sanctitatis exemplum, in cruciatibus atque tormentis fortitudo atque constantia; hæc inquam omnia Gentiles ipsos alliciebant ac trahebant, ut eiyratâ idolorum impietate sese ad Christiana sacra transferrent. Ac postremò in mystica hac Romæ inuasionem quis non videat, quàm aptè & congruenter excogitetur fidelis exercitus duces & imperatores præcipuos fuisse Petrum & Paulum, quibus Regum Orientalium nomen meritiissime tribuitur?

Atque



*Christiana Religio quomodo se in Romanam arcem insinuauerit.*

Atque ut illud hinc demum adnectam; Cyrus Babylonem non apertâ vi atque armis occupauit; sed occultè, & quâ ipsi sibi Babylonij minùs præcauerant. Similiter igitur Christiana Religio non violentâ armorum impressione Româ irrupit; sed prius eò sese insinuauerat, quàm Romani persentire potuissent, quâ sibi aditû posset Christiana Religio patefacere. Nec enim Catholica fides vim ac potentiâ manifestam potentiæ Romanorû opposuit; nec Romanorû maiestati auctoritatem obiecit mundanam: sed quod maiori impedimento videbatur esse, nempe terrenarû rerum affluentia atque delitias, quibus Romani abundabant, & effrenatâ eorum cupiditatē, quâ se prospero temporaliû rerû decursu ac rapidissimo torrente duci ac trahi sinebant; hoc in quâ immensa Dei virtus & mystici Darij industria, hoc militû strenuorum robur ac fortitudo, hoc firma in Deû fiducia, hoc humilitas, hoc patientia, hoc denique Spiritus sancti ignis (per ignem illû figuratus, quo Cyrus post fluminis aliò auersi diuerticula, aluei & riparum arundineta ac fruticeta combussit) omnino complanauit & sustulit. Quodd verò Euphrates symbolum sit voluptatum fluxus; auctores habeo Ticonium homilia 10. & Rupertum Apoc. 9. Ac de fluuio quidem in communi idem docet Augustinus, sermone 210. vbi ait, *Fluuius significat præterfluentem & fugitiuam & in abyssum descendantem voluptatem, vel luxuriam huius sæculi.* Hec Augustinus, qui si de fluuio in communi ita sentit, quantò magis de Babylonis flumine? Similis explicatio Euphratis tradita à nobis est, suprâ c. 9. 15.

## T E X T V S.

*Vers. 13.* Et vidi de ore draconis, & de ore Bestiæ, & de ore Pseudoprophetæ spiritus tres immundos in modum ranarum.  
*14.* Sunt enim spiritus dæmoniorum facientes signa, & procedunt ad Reges totius terræ, congregare illos in prælium ad diem magnum omnipotentis Dei.

## C O M M E N T A R I V S.

**I**N his tribus ranis alluditur ad Ægyptiacam ranarum plagam, quæ habetur Exod. 8. 6. Ceterum ranæ Ægypti fuerunt innumerabiles; ranæ verò huius sextæ plagæ fuere non ampliùs tres. Illas ait facer textus ascendisse de aqua; has Ioannes ait exiisse de ore draconis, & de ore Bestiæ, & de ore Pseudoprophetæ, non tamen asserit, vidisse se tres illas ranas, ex draconis, & vtriusque Bestiæ oribus prodire; sed illud tantum, quas vidit ranas, earum singulas ex singulis horum trium monstrorum oribus fuisse eiectas. Videtur autem Ioannes in hac visione tres illas ranas aspexisse in ipso fluminis arefacti alueo. Qui enim ait, Euphratem sibi visum desiccatum; & mox addit, tres ranas à se fuisse conspectas; omnino significat, illud sibi ob oculos positum; quod cerni plerumque solet, quâdo torrens aliquis siccat. Tunc enim in nonnullis lacuiculis & exiguis paludibus, quæ reliquæ fiunt, solent mox ranæ apparere. Et verò Spiritus sanctus, qui in his plagis ad Ægyptiacas voluit respicere, hunc in locum ranas appositè inseruit; quippe exsiccatò fluuio, ranæ mox opportuno loco accidunt. Quod autem Ioannes exprimit, illud est; quas ipse vidit ranas, fuisse tres; easque ex draconis & duarum Bestiarum oribus singulatim fuisse egressas.

*Allusio in tribus ranis ad Ægyptiarum ranarum plagam.*

**DE ORE PSEUDOPROPHETÆ.** ] Satis patet terræ Bestiam hinc Pseudoprophetam appellari; idemque nomen illi adscribitur cap. 19. 20. & c. 20. 10. Huius verò rationem discriminis reddidimus c. 13. 11. circa illa verba, *Loquebatur sicut dicitur, Præterquam quod falsa miracula, quæ ca. 13. de illa referuntur, conducunt pariter, ut illi Pseudoprophetæ nomen iure tribuatur.*

**SUNT ENIM SPIRITVS DÆMONIORVM.** ] Quomodo sit accipiendum in præsentidæmoniorum nomen, infrâ explicabo. Nunc aduerto nomen, desertuere ad reddendam superiorum rationem. Sensus ergo est, tres illos dæmoniorum spiritus meritò sub ranarum specie fuisse visos, quæ ex draconis & duarum Bestiarum oribus processerunt: esse enim diabolicos spiritus, & rerum admirabilium effectores.

*Vers. 14.*

**ET PROCEDVNT AD REGES TOTIVS TERRÆ.** ] Quasi dicat, illud esse trium ranarum consilium, ut consletur exercitus, bellumque fiat aduersus summum ac præpotentem Deum; quem ad finem Principes, & Reges terræ à ranis ipsis sollicitari, ut inter sese coniurent, & vires suas roburque congregent contra Christianum nomen, & Christi ipsius Euangelium. Quod quasi deridens Ioannes & stultam earum mentem deludens, asserit, nullum alium fore tantæ expeditionis, tantæque coniurationis exitum, quàm ut congregentur Reges ad prælium in die magno omnipotentis Dei. Quibus in verbis videtur alludi ad illud Ps. 2. 2. *Astiterunt Reges terra, & Principes conuenerunt in vnum aduersus Dominum & aduersus Christum eius. Qui habitat in calis, irridebit eos, & Dominus subsannabit illos.* nimirum, quia conspiratio illa nihil aliud proficiet, quàm ut omnipotens Deus, eos simul collectos corripiat, & suæ potentia documentum clarissimum in eorû excidio edat; idque præstet eadem ipsa viâ atque consilio,

*Quo sensu dicatur tres ranas procedere ad Reges totius terræ.*







A bus inspirati. Cum autē textus exprefferit, ranas tres ex draconis, & duplicis Bestiæ oribus erupisse; necesse est, tam draconem ipsum, quàm Bestias hīc appellari dæmonia. Quinimō licet dæmoniorum nomen ranis imponatur; quoquo modo se res habeat, accipiendum est dæmoniorū nomen, quā ratione nomē Satanæ vsurpatur; quod in Scripturā hominibus etiam tribuitur. Propterea igitur mirū non est, infensibilissimos hostes dæmoniorum nomine compelli; siue diaboli sint, siue homines, siue Bestiæ. Atque ita tres animæ hostes videntur hīc dæmones nominari. Facit Habacuc 3.5. *Egredietur diabolus ante pedes eius. Vbi nomen diaboli tragicum est, vt videbimus l. 10.*

Nomine dæmoniorum quī significatur

B Subdit textus; FACIENTES SIGNA. ] Quod de dæmonis, nūdi atque carnis sermone dicitur, quōd scilicet miracula & portentosa signa edat, referendum videtur ad miracula illa, quæ c. 13. Bestiæ maris & Bestiæ terræ attributa sunt. Nec enim mirum est aut nouum, si trium horum hostiū loquela in hominibus decipiendis, & inescandis eos ipsos referant, quos in suis actionibus imitantur. Id quod cum hac etiam tempestate videamus accidere, quantō magis putandum est, eo tempore accidisse. præsertim inter ethnicos homines in idololatriæ tenebris immersos? Quis dubitet, ranarum clamorem tunc effecisse, vt homines Bestiam maris cultu & adoratione protequerentur, & se illius seruos esse iactarent; atque adeo falsam mundi, eiusque inanis gloriæ imaginem hominibus non tēcus proponi, ac si solida esset & expressa; ipsisque loquentem videri, & facile vt verum persuadentem, quod vera ex se vanitas ac mendacium est? Lege quæ diximus c. 13. de miraculis Bestiarum.

De quibus ranarum signis si se prodigis hīc sermo fit

C ET PROCEDVNT AD REGES TOTIVS TERRÆ CONGREGARE ILLOS IN PRAELIVM. ] Imperatores quidem erant totius terræ Reges. Cum autem præcipui Principes & Imperatores vnā coniurarent, conspirabant pariter cum illis, quoque eorum erant ditiori subiecti. Tres autem ranæ, id est, dæmonis, mundi atque carnis sermocinatio, præcipui fuere ministri, qui tam Imperatores, quàm eorum affeclas atque fautores aduersus Euangelium cogerent; vt Christi nomen ex orbe, si possent, exterminarent. Atque id est, quod Pl. 2. dicitur, *Quare fremuerunt Gentes, & populi meditati sunt inania; aduersus Dominum, & aduersus Christum eius?* Hæc autem coniuratio ex ranarum clamore, vt constat, oriebatur. Quamobrem appropinque ingitur, tres illas ranas concurrere per orbē, & importuno clamore ac vociferatione concitare Principe, populos commouere; vt contra Christi Euangelium arma capiant.

Quosdam autem ad Reges totius terræ dicuntur procedere

D AD DIEM MAGNVM OMNIPOTENTIS DEI. ] Magnus hic dies denotat maximam & euidentē diuinæ omnipotentis significationem; dum Christianæ Ecclesiæ hostes suismet ipsorum armis deuincit ac iugulat. Manifestum autem est, Reges terræ non eo fine à ranis congregari, vt Deus in eorum confusione suam ostenderet potentiam. Verū vt significetur Deus suos ipsos hostes assumere ad ea exequenda, quæ admirabilis ipsius prouidentia disposuit & ordinauit; ad hoc inquam significandum, dicuntur ranæ coniungere Reges, vt prælium committerent magno die omnipotentis Dei. Quo denotatur, quauis ranarum intentio fuerit diuini consilij rationi contraria, re tamen ipsā diuinæ prouidentis dispositioni d. seruire; & Gentiles ipsos, quauis exitus eos manentis ignatos pariter conglobari, vt in illis simul collectis Deus suæ ederet omnipotentis documenta. Consonat illud Mat. 8.9. *Congregamini populi, & vicini.*

Quinā dicitur dies magnus omnipotentis Dei

Qui autem vocatur dies magnus, non est existimandus esse vnicus solum dies; sed quoties Deus Regum ac Principum coniurationem aduersus Euangelium pactam in maiorem atque illustriorem sui nominis gloriam conuertit. Quotiescumque enim id accidit, magnus Dei dies renouatur. Et quauis totius discursus filum poscat, vt singillatim hic sermo sit de die, in quo Ecclesia ex Romani Imperij persecutione victrix euasit; recte tamen potest eadem consideratio ad alios id genus dies extendi. Et concionatores quidem possunt non ineptē vsurpare huius plagæ figuram (in qua repentina Euphratis fluminis exliccatio, & Regum Orientalium irruptio in Babylonem proponitur) vt in hac veluti effigie atque pictura nobis in mentem crebro reuocent obliuionem maximam, maximumque periculum, in quo semper improborum Respublica (quæ est spiritalis Babylon) versatur; ac neminem esse, qui Dei possit irā obsistere (quæ per Orientales Reges figuratur) quominus sicco pede, vt aiunt, sese intro inferat, & suos hostes acerbissimè vliscatur. Ac demum huiusmodi discursus potest congruenter applicari ad regnum aliquod, ad ciuitatem, ad singularem personam; pro vt res aptius se dabit. Potest etiam Dei dies nuncupari repentinum peccatoris supplicium; quando ille imprudentior & imparator erat, & nihil minus curabat, quàm vt sui conatus, quibus se veritati ac virtuti opponebat, irriti forent & inanes. Nihilominus tamen propria & germana huius loci expositio respicit diem victoriæ ab Ecclesia ex Romani Imperij idololatria partæ, vt iam explicauī.

Diem magnum non pro vnico solum die sumendum esse.



## NOTATIO III.

*De alijs explanationibus trium ranarum præter eam, quam in  
commentario proposuimus.*

Referuntur  
alia de tri-  
bus ranis  
explicatio-  
nes, præter  
eam, quæ su-  
pra tradita  
est.

1. expositio  
de tribus  
demonibus  
ab Antichri-  
sto mittendis.

2. expositio  
de hæresi-  
bus.

VIEGA s. sectione 2. existimat, tres ranas huius capitis esse tres demones ab Antichristo sub visibili legatorum specie mittendos. Exire autem de ore demonis, Bestiæ maris, & Pseudoprophetæ, perinde esse dicit, atq; mitti illos ex diaboli, Antichristi, & præcursoris eius imperio. Hæc tamen interpretatio imprimis rem omnino incertam inducit. Deinde minimè est apta. Vt enim significetur, illos demonis & Antichristi imperio mitti, violētum est prorsus asserere, illos esse ranas ex demonis ore prodeuntes. Et quanuis Pierius l. 19. dicat, ranas etiam hoc loco esse demonum simulacra; nullam tamen reddit huius rei rationem, quæ satisfaciat.

Aliorum explicatio est, in tribus hisce ranis hæreses denotari. Huc spectat, quod refert idem Pierius ex Eucherio, nimirum ranas esse Hæreticorū symbola. Cur verò in tribus ranis sint figurati, Staphylus libro de Lutheranorum concordia voluit explicare has ranas peculiariter Lutheranis applicando. At ergo, has tres ranas siue bufones esse tres sectas, quæ à Lutherò deriuantur; ex quibus prima est Anabaptistarum, quorum pater est Rothmanus. Atque hi sunt rigidi Lutherani. Secunda est Sacramentarium, quorū auctor Carolstadius; ex quo Zuinglius, & Calvinus. Tertia est Protestantium, quorum dux Melanchthon. Atque eandē hanc applicationem refert Prætorius. Verū enim uerò nihil opus est fingere, Apocalypsin Lutheri, aut sectarū trium ex illo dimanatum meminisse. Et quidem nec in hac applicatione redditur ratio eorum, quæ textus recenset; neque in ea constare sibi potest. Apocalypseos acoluthia. Quanuis alioquin non negem, ranarum symbolum aptè hæreticis impingi; si attendamus quod Pierius refert, nempe ranam apud Ægyptios symbolum esse inuerecundia, curiositatis, imperfectionis, & rusticitatis. Tradit etiam luce iuxta appositā ranas illico conticescere. Quod referri congruenter potest ad veritatis lucem, quæ hæreticos mutos & elingues reddat. Ceterum quanuis hac ratione Pierius dicat, ranam esse silentij symbolum; ego potius dicerem, illas esse symbolum stultæ & im-

A fortunæ garrulitatis; id quod opportunius erat atque aptius, vt Hæretici ranarum nomine vocarentur.

Beatus Prosper in dimidio temporis c. 11. tres ranas interpretatur de Antichristi præconibus, & subdit, Quod in Daniele dictum est, Examina ex eo surgent: hic aperte dictum est, exire velut præcones eius tres spiritus immundos, tanquam in tres partes orbis, Asia, Europa, & Africa; qui persuadeant Antichristum esse Christum. Hætenus Prosper. Sed neque Apocalypseos consequentia hanc explanationem admittit; nec sunt tantum tres illæ orbis partes; quia America est quarta. & fortasse superest alia Australis nondum satis cognita.

Hisce explanationibus aliam adiungam, quæ non mihi displiceret omnino; si tamen cū Apocalypseos serie connecti posset. Ea verò est, per tres illas ranas denotari Gentilismum, Hæreticismum, & Iudaismum. Hæc enim sunt tria monstra, quæ aduersus Christianam Ecclesiam importunè clamitant; dum conantur Reges potentissimos ac Principes aduersus illam instigare. Et ritè accidit, vt Gentilismus sit ea rana, quæ ex ore marinx Bestiæ prodijt. Iudaismus sit ea, quæ Bestia terræ produxit. Hæreticismus denique, quam draco euomuit. In flumine verò Euphrate figurari posset humanæ eloquentiæ atq; sapientiæ flumen, quod Euangelio videbatur opponi. Quod tamen impedimentum Deus de medio sustulit; partim quia infideles obmutescere fecit admirabili sapientiā, quam Deus suis Martyribus largiebatur. (sic enim Christus, Ego dabo vobis os, & sapientiam, cui non poterunt resistere & contradicere omnes aduersarii vestri.) partim etiam, quia ex Constantini tempore, tota illa vetus eloquentia ita exanuit, vt videatur flumen illud magnum antiquæ eloquentiæ Gentiliæ prorsus exaruisse. Et pro illa eloquentia, quæ Euangelio peracre bellum illatura videbatur, tres solum emerfere ranæ, quas draco ac duplex Bestia produxerunt; quæ quidē importuno clamore ac vociferatione se Euangelio opposuerunt; ita tamen, vt ranæ stultæ, garrulæ & importunæ sint.

2. expositio  
de Antichri-  
sti præconi-  
bus.

4. expo-  
sitiō de  
Gentilismo,  
Iudaismo,  
& Hæreti-  
cismo.

## TEXTVS.

*Vers. 15. Ecce venio sicut fur Beatus qui vigilat, & custodit vestimenta sua; ne nudus ambulet, & videant turpitudinem eius.*

## COMMENTARIVS.

Furis adue-  
nientis com-  
paratio in  
actū. Inter  
frequens, v-  
bi de Domi-  
ni aduentu  
ad iudiciū  
agitur.

ERIT fortasse, qui hæc verba velit in eam partem accipere, vt probet in sexta huius capitis plaga non agi de mystica Romæ inuasionē; sed de singulari aliquo supplicio hostibus Ecclesiæ inflicto. Quippe in aduentu ad iudiciū, hac item furis comparatione solet vti Scriptura: vt videre est Matt. 24. 43. Luc. 12. 39. & 1. ad Thess. 5. 2. & 2. Pet. 3. 10. & Apoc. 3. 3. Ad mysticam verò Romæ subiugationē (quæ fuit bonæ ipsius partis conuersio ad fidem) non aptè videtur desumi illa furis comparatio. In ea enim significatur, miserum atque infelicem esse illum, quem Dominus imparatum, nec vigilantem inuenerit. Atqui in mystica illa Romæ inuasionē non infelices, sed felicissimi potius fuerunt, qui repētē & inopinantes diuinā misericordiā præoccupati Christianam Religionem amplexi sunt.

Nihilominus



A Nihilominus sextæ plagæ explicatio suprà posita firmioribus nititur fundamentis, quàm vt hoc argumeto conuelli possit. Ad illud ergo respondeo; quâuis in sexta plaga directe de mystica Romæ eruptione tractatur; nihil tamen prohibet, quominus in eo tractatu obiter admoneantur homines, quemadmodum Deus sese Romam sicut fur inopinatè immisit (hoc est, quando infideles magis erant incauti, & ab ea inuasiōe securi) ita etiam fideles à Deo ipso derepentè occupari, quando ei fuerit visum. Atque id significat vox illa, *sicut fur*; dum scilicet stultos deprehendit incautos, & nihil tale opinantes. Adiuvat explicationem hanc, quòd versus hic quintus decimus videtur veluti per parenthesis interpositus. Nam versus 16. (nempe *& congregabit illos, &c.*) proximè connectitur cum versu 14. vt facile animaduertet, qui contextum intentè perlegerit. Itaque in media ipsa sextæ plagæ tractatione, diuina vox quasi per parenthesis interponitur; quæ fideles omnes admoneat, sicuti inopinatè irruptio in Romam fuit facta, ita etiam repentè & præter opinionem eos fore à se inuisendos, & imparatum quemuis intercipiendum. Hanc autem vocem hic inseruisse congruentissimum fuit. Nam c. 16. eò fuit imprimis spectatum, vt septem plagæ totidem Dei spiritibus per ordinem responderent; sicuti c. 15. i. notauimus. Ad sextam verò plagam suo ordine atinebat seria comminatio, quæ inter septem Dei spiritus erat sextus, vt explicatum est c. 1. vbi de septem Dei spiritibus longior instituta est tractatio. Quamobrem, vt mysticæ in Romam irruptionis tractatum cum spiritu seriæ cōminationis componere possemus, interiectus fuit versus 15. quo edocemur pariter, & admonemur, quid ex mystica Romæ inuasiōe in nostram vtilitatem trahere debeamus; nimirum, Dei etiā aduentum ad fideles inuisendos repentinum pariter fore. Hunc enim Deus morem in suorum iudiciorum executione solet obseruare; & ipsam etiam Romæ inuasiōem fuerat mox subsequutura suorum fidelium visitatio, vt statim explicabimus.

C Atque ex hoc versu, vbi furis interseritur comparatio, minimè potest colligi, sextam plagam esse proprium aliquod supplicium, quod Deus foret de infidelibus sumpturus. Quauis enim assermet textus, Deum furis instar aduenturum; & quauis hæc furis comparatio (si nihil adijceretur aliud) congruenter posset adhiberi ad diem iudicii, vel ad repentinam infidelium subuersiōem; ex ijs tamen verbis, quæ mox adiunguntur, nempe *Beatus qui custodit vestimenta sua, ne nudus ambulet, & videant turpitudinem eius*, apparet manifestè, nō hīc sermonem haberi de infidelibus; sed de fidelibus, qui negligenter se gererent. Nec enim Scriptura diceret, infideli vestimenta esse, quibus fur animæ nuditatem obteget.

Explicatione ergo indigent hæc verba, *Beatus qui custodit vestimenta sua, &c.* Dicet aliquis, licet Dei aduentus ad homines visitandos cum furis comparetur aduentu, quòd præter expectationem addit; aduentum tamen Dei homines inuisentis esse veluti iudicis; ac Domini aduentum, qui tamen nulli vestem videatur detractus aduenire. Verum in iudicis officio includitur etiam, vt negligenti vestē auferri præcipiat; eadem ratione, qua dicitur Matth. 25. 28. *Tollite ab eo talentum.* & Luc. 19. 24. *Auferte ab illo nummum.* Sed cum in hac comparatione præstituatur, posse interdum accidere, vt vestem quis habeat, qua suam nuditatem, suosque defectus cooperiat, vt tamen negligens ac desidiosus vocetur; ex hoc ipso intelligitur, qui hīc negligentie insimulantur, posse etiam in Dei gratia permanentes negligenter se gerere. Gratia enim est ea vestis, qua animæ nuditas & turpitudine velatur, iuxta illud Pl. 33. 1. *Beati quorum remissa sunt iniquitates, & quorum reuera sunt peccata.*

D Notandum ergo est, in hoc versu 15. verba non fieri de infidelibus, ad quos Deus erat ingressurus per mysticam Romæ inuasiōem. Dei enim aduentus instar furis, in hoc loco referendus non est ad spiritalem Romæ inuasiōem; sed ad persecutionem, quæ postea accidit. De hac enim per tres raras excitatā proximè præcesserat mentio. Hanc autem persecutionem perspicuum est aduersus fideles fuisse coortam. In ea igitur aptissimè Deus intelligitur aduenire ad visitandos Christianos, quos illa petebat persecutio. Quòd autem illa esset repente concitanda; idcirco fidelibus (ne interim obstupescerent, sed vigiles intentiq; essent) edicitur; *Ecce venio sicut fur, beatus qui vigilat, & custodit vestimenta sua; ne nudus ambulet, & videant turpitudinē eius.* Quod perinde est, atq; illos admonere, ne se locordia ac negligentia dedant, existimantes satis sibi esse, si Christi fidem & præteritorum scelerum impunitatem adepti essent; subito enim sauiissimam persecutionis procellam coorituram; in qua Deū occulto iudicio permittitur, vt inertium fidelium nonnulli Dei gratiam, atque adeò fidem deficerent; ac proinde gratiæ vestibus spoliarentur, & eorum turpitudine, ignominia ac nuditas omnibus in propatulo esset.

E Hanc existimo legitimam expositionem. Ex qua constat, cum persecutio fuerit exorta per occasionem irruptionis mysticæ in Babylonem, hanc ipsam periectionem fuisse plagam mysticam, maximumque beneficium; quo Deus eos affecit, qui in mystica Babylone degebant. Et quidem verba illa, *Ecce venio sicut fur*, reuocanda sunt (vt ex dictis elicitur) ad tempus persecutionis, quæ consecuta est multorum ciuium Romanorum conuersionem. At ea verba, *Beatus qui vigilat, & custodit vestimenta sua, &c.* appositissimè sunt ad furis comparisonem adiuncta. Ex comminatione verò, quæ locordibus & inertibus intenditur, facile intelligitur præmium, quod tacite dicuntur adepturi, qui solertes egerint excubias. Illa enim Dei probatio non eò tantum spectabat, vt diligenti ac vigilanti suum relinqueret vestitum; sed vt maxima insuper adderet beneficia. Satis tamen fuit expressisse comminationem aduersus negligentes, quæ cum illa furis comparisonem congruebat.

De quo Dei  
aduentu  
hic sermo  
fit.

In hac 6.  
plaga non  
esse sermonē  
de supplicio  
aliquo pro-  
priè sumptio.

Quo sensu  
hic accipie-  
dum, quod  
hic de vesti-  
mentorum  
custodia  
scribitur.

De quibus  
in hoc versu  
15. fit ser-  
mo?

Ad quod re-  
pus sin: re-  
uocanda  
verba illa,  
Ecce ven-  
io sicut  
fur



## T E X T V S.

*Vers. 16.* Et congregabit illos in locum, qui vocatur Hebraicè Armagedon.

## C O M M E N T A R I V S.

**S**UPRA iam diximus; præcedentem versum; *Ecce venio sicut fur, &c.* fuisse per modum parenthesi ratio; atque in his verbis, *Et congregabit illos, regielium fieri ad id, de quo ante Ieremo erat, & belli allegoriam longius produci.*

**ET CONGREGABIT.]** Græcè est in præterito, *Congregauit.* verùm hæc est communis prophetiæ ratio; in qua de futura re per modum præteriti agitur, ut sæpe alibi. Quare ut facilius percipi posset, translatum fuit in futurum. Sed oportet animadvertere, quod sit verbi huius suppositum. Ego quidè arbitror, in constructione Græca vicem suppositi gerere tres illos spiritus, qui sub ranarum figura visi sunt. Nam spiritus Græce neutrius est generis; atqui neutro plurali singulare verbum præteriti Græcè adungi solet. Cùm autem dictum antea sit, tres illos spiritus procedere ad Reges totius terræ, & illos in prælium congregare; sequitur modo, eos demum ab illis tribus spiritibus in campum Armagedon fuisse coactos. Verùm in nostra lectione Latinâ suppositum verbi *congregabit*, videtur esse omnipotens Deus; & quidem hæc sapienter ut hoc pacto intelligamus, triam spirituum hostile studium & contentionem esse quasi diuinæ providentiæ instrumentum; cuius ministerio Deus ipse sua consilia ad destinatum exitum perducit: videlicet, ut aduersariorum exercitum in campum Armagedon, hoc est in insidias deducat; ibique eos comprehendat. Armagedon enim, (ut sequenti notatione constabit) non est peculiare alicuius loci nomen; sed ad ministerij huius significationem Hebraicè cōstitutum; proprie autem significat locum tendendis insidijs aptū. Quare id in hoc loco innuitur, quando ethnici magis alacres & erecti in bellum aduersus Ecclesiam ferebantur, tunc potissimum a Deo deduci, atque in eas insidias, quas ipsi parauerat, pertrahi. Nam ea ipsa persecutio erat instrumentum, quo diuina providentia vteretur ad Romam Catholicæ Ecclesiæ subiiciendam, & Euangelij veritatem corroborandam, dum constaret Romani Imperij furorem non tantum non potuisse aduersus illam ciuitatem tollere; sed potius medio ipso furore idololatriam profligatam, ac dissipatam fuisse.

Ribera existimans, sermonem hunc esse de prælio cum Antichristo committendo, opinatur proprium illius campi nomen, ubi ab utroque exercitu confligendum est, esse Armagedon. Sed neicio quantæ sit prudentiæ, velle id in ænigmate accipere uti sonat. Viegas ait, locum esse incognitum, & propter mysterium sic appellari: quia eo in loco post victoriam de Antichristo partam, tectum Ecclesiæ in pristinam gloriam conturget. Nam Armagedon significat *Constitutionem tecti*, vel *conurbationem in priora*, siue *montem è latrunculis*, (quia eò Antichristus cum suis conueniet) vel *montem Euangelij*, vel *montem pomorum*. Hæc ille. Sed, explicatâ genuinâ huius vocis etymologiâ, constabit, multò apertius esse mysterium, quod supra indicauimus.

## N O T A T I O I V.

## De etymologia vocis Armagedon.

**H**IERONYMVS de nominibus Hebraicis sic ait: *Armagedon consurrectio tecti, seu consurrectio in priora sed melius mons è latrunculis, vel mons globosus.* Hæc S. Doctor. Vbi vides priores illas expositiones, quas sequitur Viegas; non adeò placere Hieronymo. Quare eas ut minus probabiles omitto. Præterquàm quod si fingendum erat Hebraicum nomen, quod Ecclesiæ foundationem, siue erectionem denotaret; non satis id exprimebatur, si duntaxat diceretur, *Consurrectio tecti*, vel *consurrectio prima*.

Transeo igitur ad posteriores illas Hieronymi etymologias. ex sunt, *mons è latrunculis*, vel *mons globosus*. Ac primò ad huiusmodi significationes apponendus erat nomen *Armagedon* spiritus densus, & ita notari deberet *Harmagedon*. nā Hebræum nomen significans montem est *הר* Har. Deinde ut Hebraicè dicatur *mons è latrunculis*; si voces ad perpendiculū

**E**xigendæ essent, inscribi deberet *Harmigedudim*. quippe Hebraica inscribendi ratio ita habet *הר מגדודים*, & discriminè illud, quod inter has duas voces, *Armagedon*, & *Harmigedudim* reperitur, satis est, ne explicatio illa omnino placeat. Quauis enim locorum nomina sæpe sint valde corrupta in ænigmate tamen si Hebraicum nomen sit fingendum, non debet cōfingi adeò diuersum ab eo, quod Hebraica lingua sonat.

Eandem ob causâ non magis satisfacit illa altera explicatio *mons globosus*. Nā, ut alia prætermittā, eandem habet originē, quam *mons è latrunculis*; & eandem fere significationē. Nā *Gedud* nō videtur referri posse ad globosam montis figurā, sed ad militum globum; nec enim alix in Hebraicis dictionarijs significationes huius voci *Gedud* assignantur, præter illas, *Exercitus*, *Turba*, *Globus militum*, *atro*, *Latrunculus*.

Præteritum  
pro futuro  
prophetiis  
familiare.

Quid sit  
congregari in  
campum  
Armagedon.

Nominis  
Armagedon  
etymologia  
multiplex  
apud Hieronymum.

Examinantur  
duæ potestates  
etymologiae,  
quæ magis  
probanur  
Hieronymo.



Alij significationem *Gedud* non attendunt, sed solum significationem *Mageddo*, quod est proprium vnius ciuitatis nomen in tribu Manasse; in cuius campo occisus fuit Iosias 4. Reg. 23. 29. Que vrbs appellatur *Mageddon*, Zach. 12. 11. Et quia *Mageddo*, vel *Mageddon* denotat annunciationem, vel pium, siue fructum electum: inde suspicantur *Harmageddon* esse idem, quod montem *Euangely*, vel montem pomorum, siue fructuum. Enimvero allusio ad urbem, in cuius campo fuit interfectus Iosias, nequaquam videtur ad rem. Neque ille in monte fuit oppressus, sed in campi planicie. atqui *Armagedon* non sonat campum, sed montem; ad cuius tamen significationem deficit aspiratio.

His ipse permotus rationibus aliam significationem relinquo, quæ meâ sententiâ, & aptior erat, & maioris auctoritatis. videlicet ut *Armagedon* idem sit, quod *mons succissionis*. licet enim videam, hanc significationem Hebraico nomini *Armagedon* à nenni-ne designari: ceterum Zachariæ 12. 11. vbi nos legimus, Sicut plantus *Adrademmon* in campo *Mageddon*. Septuaginta legunt: Sicut campus *malogranati*, quod in campo succiditur, vbi Septuaginta pro *Mageddon* interpretantur succissionem. Quod si de Ecclesiâ succissionem ageretur, optimè habebat, quia *malogranatum* ibi ponitur pro loco *malogranatis* confito; ut obseruat Hieronymus. & *malogranata* sunt Ecclesiarum symbola. Et verò si trium ranarum intentionem inspicimus, id vnum agebant, uti Christum (qui est mysticus Iosias) abolerent, & eius *malogranata* siue Ecclesias succiderent.

Veruntamen non placet, per primam nominis *Armagedon* syllabam significari montem; nec consentaneum est nomen *Armagedon* in hoc anigma-te referri ad ranarum intentionem, sed ad illius prælij exitum, quem imprimis Deus omnipotens intendebat.

*Helias Hutterus* in suo dictionario Hebraico fol. 151. ait, *Armagedon* idem esse, quod montem copie. idemque significari per Hebraicam vocem *Haharmona* quæ ponitur Amos 4. 3. vbi nos legimus *Armona*; alij *Armeniam*; alij *Malogranata*: Septuaginta montem *Remman*. Vatablus, *Palatium ipsum*. Alij *Arceem* vr-bis munitissimam. Sed somnium est, velle nominis huius mysterium rimari ex illo altero, quod Amos 4. 3. legimus.

*Ribera* noster in præfenti, quanvis suspicetur locum illum, in quo superandus est Antichristus, appellandum fore *Armagedon*. (cui sententiæ subscribere nullo modo possum) quod verò ait de vera nominis *Armagedon* etymologia, mihi videtur scopum attigisse. Nam præterquam quod *Ribera* significatio aptissima est mysterio; quod in commentario exposuimus; Hebraicas literas scienti facile persuadebitur, eam esse germanam nominis huius etymologiam. Ait ergo *Ribera*, *Armagedon* idem significare, quod *dolosam exercitus congregationem*, id est infidias, siue infidiarum locum. Ut autem constet, huiusmodi interpretationem cum Hebraicæ linguæ proprietate quadrare: notandum primò est, calliditatem, siue astutiam Hebraicè appellari *רמה* *Gharmah*. Si verò hæc vox Hebræa scribenda sit literis Græcis simpliciter scribendum est, & *μα*; atque adeò Latinis literis *Arma*. Quia in Hebraicis vocibus cum Græcè aut Latine scribuntur, sapissime omittitur litera *Y* *Hain*. ut patet in his vocibus, *Abdias*, *Adon*, &c. litera autem *he* quæ est in fine dictionis, necessariò fuit omittenda Græcè scribenti.

Secundò notandum est, exercitum, siue congregationem exercitus Hebraicè appellari *גורגור* quod

Latinis literis sic redditur *Gedud*, siue *Gedod*. Quare *Armagedon* sine vlla corruptione, aut varietate perinde sonat, atque *Astutia exercitus*, siue *Dolosæ congregationis exercitus*: quas appellare solemus infidias, Hispanè *Celada*, & *Emboscada*.

Tertiò notandum est, quanvis Græcè hic legatur & *μαγεδων*, & Latine *Armagedon*: hoc tamen discrimen mutationis *D* in *N*. aut nullius esse momenti, aut fortè elegantie nonnihil habere. Nam imprimis coniectari posset, forsitan naturalem irrepsisse scriptorum obliuionem, siue incuriam: tunc autem eiusmodi non curantia leuis sanè esset; & mutatio adeò foret exigua, ut vix auribus discrimen perciperetur. In voce autem peregrina, quid mirum si à sua primaria prolatione tantillum discreperet? Deinde forsàn lingua ipsa Hebraica vtrancq; fert terminationem. Nam in voce *Mageddo* simile quid reperimus. In alijs enim locis inscribitur *Mageddo*; & Zach. 12. 11. legimus *Mageddon*. Ad hæc terminatio illa in *on* (fortasse ad diminutiuum formam est referenda. Quippe Hebraica & Græca diminutiva desinunt in *on*. Et quanvis non videatur esse posse Græcum diminutiuum, quod non finiat in *on*, sed in *oy*. (nisi fortè in alijs codicibus scribatur per *μικρον*) satis tamen est, si Hebraicum sit diminutiuum, & sæpe venuste nomina diminutiva finguntur. Quamobrem, si *Armagedon* denotat infidias, siue *dolosam militum occultationem*: ut infidiolæ, siue *tendiculæ* notarentur, non ineptè dictum fuit *Armagedon*. Quod si illud significare voluit facer rexus, Deum scilicet suis hostibus infidias tendidisse: venuste per diminutionem dicuntur infidiolæ, quibus eos comprehendat: quod ad irrisionem de inimicis exprimendam idoneum est.

Ut cumque hoc sit, nullam video ex reliquis huius nominis interpretationibus, quæ propius ad Hebraici nominis veritatem accedat. Atque inter varias expositiones, siue etymologias manifestum est, eam esse seligendam, quæ ænigmati mysterio congruentior existat. Valde autem coheret cum mysterio, de quo agitur, ut nomen loci, quod effingitur, sonet *dolosam congregationem exercitus*. Vbi autem statuamus, *Arma* Hebraicè esse *calliditatem*, siue *astutiam*; cetera nullius difficultatis sunt. Nam radix vocis *Gedod* vel *Gedon* teste *Mercero* significat, *irrumperè*, quod mirifice consonat. Nam infidiæ perinde sunt, atque *Astutia irrumperens*. Et fortè Ioannes ei voci tribuit terminationem in *oy*. ut participij Græci illi normam apponeret; quod sonaret idem, atque *Calliditas irrumperens*. Quid si Septuaginta interpretes eandem significationem sunt secuti Zach. 12. 11. vbi pro *Mageddon*, quod est in Hebræo; transtulerunt, *Succisum*. Nam succidere, seu irrumperè, & euertere infidiarum proprium est: & in nomine *Mageddon*, videntur sumpsisse loci præpositionis; ut idem sit *Mageddo*, quod à succissione, siue irruptione. Fortè etiam locus, vbi interfectus fuit Iosias, appellatus fuit *Mageddon*, non solum quia prope urbem *Mageddo* situs erat; sed etiam quia ibi succisus est, siue occisus: quasi illi fuerit nomen ab ipsa internectione inditum. In Apocalypsi autem commutatum est nomen *Mageddon* in *Armagedon*; ut expressius designaretur astutia infidiarum, quibus idololatræ succidendi erant.

Possunt etiam ad nostrâ interpretationem nonnullæ ex supradictis reuocari. Etenim, si cum dicitur *mons globosus*, habetur respectus ad militum globum, uti iam vidimus; *mons globosus* dici poterit *mons ille*, vbi milites absconditi, & in vnum quasi globum coacti sunt. Eodem spectabit *mons* à *latrunculis*, id est *mons eorū*, qui *latrunculorū* more in infidijs latent.

Coniecturis item eiusdem nominis explicatio probatur.

Nonnulla ex prioribus etymologis cum hac nostra conciliantur.



## T E X T V S.

## De VII. phiala.

*Vers. 17.* Et septimus Angelus effudit phialam suam in aërem : & exiuit vox magna de templo à throno dicens, Factum est.

## C O M M E N T A R I V S.

Septima  
plaga, eiusque  
significatio.  
Aliorum  
interpretatio  
de extre-  
mis uniuersa-  
lis iudicii  
signis explo-  
ditur.

**V**IDIMVS iam c. 15. 1. huius plagæ septimæ mysterium, esse vindictam mysticam, quam Deus de Romæ desumpsit per publicum Christianæ Religionis exercitium & professionem, quæ in ea fidelibus permixta fuit: ex quo subsecuta fuit postea totius Romæ conuersio. Diuersa satis est Viegæ & aliorum declaratio, qui hanc plagam referri volunt ad extremi iudicii imminentis signa. Quare existimant, effusâ in aërem plagâ septimâ admirandas in eo rerum imagines & impressiones visum iri; sicut ante Ierosolymitanum excidium contigit. Vocem autem illam, *factum est*, de impendente mundi fine exponunt. At ciuitatem magnam tres in partes diuisam de Ierosolyma accipiunt; quam opinantur prope ipsius mundi interitum magnificam fore & opulentam urbem; vt Aretas. Hæc omnia, præterquam quod pluribus incertis & minoris momenti rebus scatent, cum ipso contextu minime consentiunt. Magna namque vrbs hoc in loco sit illa necesse est; quam Apocalypsis Babylonem nominat; vt liquet ca. 17. 18. Et post hanc plagam sequuntur mille pacis anni. Afferro igitur, septimam hanc phialam in aërem effundi; quia plaga septima figuratur sub vehementis tempestatis specie. atqui tempestas in ipso aëre excitatur. Allusio verò sit ad septimam Ægypti plagam, de qua Exod. 9. 22.

Græcè hic  
de templo  
cæli legi: &  
quid hac lo-  
cutione de-  
notetur.  
Quid hic  
significet  
phrasis illa,  
Factum est.

ET EXIUIT VOX MAGNA DE TEMPLO. ] Græcè est *de templo cæli*. Additur autem mox, eam vocem procedere è throno, ac dicere, *Factum est*. Cæli templo significatur illud, quod Deus in Christiana Ecclesia possidet. Hoc enim est cæleste Apocalypseos templum, vt sæpe diximus. In hoc templo suum Deus thronum fixit; ex eoque dicitur satis verè, potenti sui Imperij voce bellum cum Ecclesiæ hostibus gerere; quemadmodum veteres olim Propheta dicebant, *Dominus de Sion rugiet, & de Ierusalem dabit vocem suam*. Porro phrasis illa, *Factum est*, non semper denotat, nihil iam faciendum remanere. Nam & Ioannis 19. 30. in cruce protulit Christus, *Consummatum est*, cum tamen vltimum nondum spiritum exhalasset. Et Apoc. 21. 6. *Factum est*. Ex quibus constat, quâdo ad finem ipsum peruenitur, nec quidquam aliud superest præter vltimum rei exitum & colophonem; tunc eiusmodi phrasi locum esse. Quapropter, etsi postrema superabat plaga; quia tamen per illam septem omnibus plagis imponebatur finis, ideo dicitur, *Factum est*. quod perinde est, ac si dicatur, Nihil iam restat expectandum: imponamus finem. Hæc ergo vox denotat perspicuam significationem, quam suæ opis atque auxilij dedit Ecclesiæ suæ Deus, qui propriam in ea sedem collocauit; quo significauit, appropinquare iam tempus, vt Ecclesia propalam aduersus idolorum cultores caput attolleret: vt ministri Euangelici ad prædicationem sese hoc pacto magis magisque stimulant. Dici etiam potest per hanc vocem è throno procedentem figurari notitiam, quam B. Syluester Pontifex Summus toti Ecclesiæ tradidit de Constantini Imperatoris decreto; quo se Christianum publicè professus est, & templa in Iesu Christi honorem erigi imperauit.

## T E X T V S.

*Vers. 18.* Et facta sunt fulgura, & voces, & tonitrua, & terræmotus factus est magnus; qualis nunquam fuit, ex quo homines fuerunt super terram, talis terræmotus, sic magnus.

## C O M M E N T A R I V S.

Quid per  
fulgura, vo-  
ces & toni-  
trua hic ad-  
umbretur.

**M**ANIFESTAM illam cælestis subsidij significationem subsecutum fuit Euangelij prædicato- rum officium egregiè præstitum in Gentilium per veram Euangelij lucem illustratione. Id enim adumbrant fulgura, voces, & tonitrua; vt fusè expendimus ca. 4. 5. De terræmotus verò signi- catione



A catione lege, quæ diximus c. 6. 12. & c. 8. 5. & c. 11. 13. & 19. vbi obseruauimus, apud Apocalypsin semper designari per terræ motum, insignem aliquam terræ mutationem ex Dei cognitione prouenientem: quasi apparente Dei maiestate tellus ipsa contremiscat. Illud in hoc loco ponderatur, hunc terræ motum fuisse maximum omnium, quotquot in toto vsquam orbe visi sunt. Quod mirifice cōducit ad significandam admirabilem illam mutationem, quam mundus vniuersus obstupuit; dum crux, summæ antea abiectionis & ignominie signum, supra ipsas Imperatorum coronas, & fulgentissimas aurogēmisque thiaras fuit imposita; & dii Romanis in pretio ac veneratione habiti in maximum abiēre ludibrium: ac deorum delubra Romæ magnificentissimè structa in Christi Saluatoris nostri templa fuisse conuersa; & superba illa ciuitas Evangelicæ doctrinæ humilitatē amplexa fuit. Per insidias ergo illas, de quibus in plaga sexta mentio fit, tantum accepit incrementi Christiana res: vt Euangelica prædicatio feliciter extare & emicare potuerit victoriam persequendo. Quamobrem vltima ex septem plagis, quibus Deus de Gentilitate triumphauit, fuit admirabilis diuini verbi ac prædicationis vis; qua Imperatorum repugnantia & contradictio fuit superata. Illico enim apparuit præsentissimum diuinæ prouidentie auxilium; quo id roboris ac fortitudinis diuino verbo fuit additum, vt intra paucos dies tota penè mundi facies immutata sit. Quod autem hæc ingens mutatio adumbretur sub specie terræ motus, qui tonitrua & fulgura subsequitur; id sanè admirabilem in se cōtinet elegantiam, qua fingitur, ad ingentes Dei irati clamores, & ad scintillantes præ indignatione ipsius oculos terram pauore concussam contremiscere. Vnde & Ps. 17. 8. dicitur, *Commota est & contremuit terra: fundamenta montium conturbata sunt, & commota sunt; quoniam iratus est eis.* Atque hic tantus terræ motus mox tonitruis & fulgetris intermicantibus attribuitur, *Ascendit fumus in ira eius, & ignis à facie eius exarsit, carbones succensi sunt ab eo. Et intonuit de calo Dominus, & Altissimus dedit vocem suam, &c.*

Quid per  
terramotū.

Contextio  
huius plagæ  
septima cū  
precedenti.

T E X T V S.

*Verf.* 19. Et facta est ciuitas magna in tres partes; & ciuitates Gentium ceciderunt; & Babylon magna venit in memoriam ante Deum, dare illi calicem vini indignationis iræ eius.

C O M M E N T A R I V S.

**N**ONNULLI cum Areta sibi persuadent, non esse vnam eandemque urbem; sed duas diuersas, quarum una in versiculo assignatur, cum dicitur, *Ciuitas magna facta est in tres partes, & Babylon magna venit in memoriam ante Deum.* Hanc iuuat coniectura interpositio eorum verborum, *Et ciuitates Gentium ceciderunt:* quae inter vtramque partem sunt interiecta. Quare quod postea de Babylone subiungitur, non videtur conuenire cum eo, quod de ciuitate magna antecesserat. Hinc fit, per ciuitatem magnam ab eis in praesenti designari Ierosolymam; quam dicunt sub mundi finem futuram esse maximam. Sed contra est, quia ciuitatis magnae nomen perspicue ipsi Babyloni tribuitur c. 17. 18. & tam hinc, quam ibi ciuitas magna praefixum habet articulum; ideoque necesse est, illam denotare, quae magnae ciuitatis nomine famosa erat. Deinde, si articulus illam debet designare urbem, de qua in contextu sermo erat, cum antecesserit exsiccatio fluminis Euphratis, ut illae Orientis Reges in urbem irrumperent, (in quo non obscure innuitur Babylonis inuasio,) non potest alia esse urbs, quam magna ciuitas hinc nuncupetur. Iam, quod diuisioni ciuitatis magnae annectitur ciuitatum aliarum ruina, id non officit, quominus sermo regrediar statim ad eandem ciuitatem magnam. eius enim diuisio & aliarum urbium casus expendunt terrae motus magnitudinem. Fit vero ad ciuitatem ipsam magnam regressus; ut denotetur, Dei iram & indignationem aduersus illam praesertim effervescentem. Nec singularis est haec opinio; quinimodo communis interpretum fere omnium sententia. Quod enim textus ait; *Facta est ciuitas magna in tres partes,* de impiorum multitudine communiter exponi, testis est Viegas sectione 2. & 3. Atque eadem interpretatio Babyloni tribuitur.

Verumne hic  
Babylon an  
Ierosolyma  
nomine ci-  
uitatis ma-  
gne indice-  
tur?

Statuitur  
de una Ba-  
bylone esse  
sermonem.

3. Atqui eadem interpretatio Babylonis tribuitur.  
Sensus ergo est, tantum tamque ingentem fuisse terræ motum, ut ciuitas Babylon in tres diuersas  
vrbes fuerit diuisa; eodemque tempore aliæ Gentium ciuitates corruerint; in Babylonis item diuisi-  
one apparuisse, Deum illius iniquitatem & meritam pœnam non fuisse oblium. Hoc autem de Ba-  
bylone potius, quam de ceteris vrbibus, exprimitur, non quod ipsæ etiam eiusdem calicis haustum  
non participauerint; sed quia singulariter gloriatur Deus de supplicio illi vrbi infligendo, quam te-  
xtus Babylonem vocat.

Quem sen-  
sum conti-  
neant supe-  
rioris versi-  
culi verba.

Quod ad diuisionis attinet figuram, ita est consideranda, vt non solum ingentes scrobes & hiatus habeat interiectiones, sed ita etiam, vt tres partes, in quas ciuitas ipsa partitur, seiunctæ inter se sint atq; distantes. Nonnulla enim aliquando acciderunt huic terræ tremori non abfimilia. Lege Plinium l. 2. ca. 83.

Di uisionis  
in tres par-  
tes figura  
quomodo si  
contipienda  
Verum sub  
hac locutio-  
nis figura

Sub hac locutionis figura Viegas & alij opinantur, sensum alium reconditum indagari non opus esse, sed re verâ ingentem quandam urbem (siue illa Ierofolyma erit, siue Roma) sub mundi finem horribili tempestate ac terræ motu in tres esse partes omnino diuidendam; hoc est, tam ipso

vrbis



*sensus alius  
abstrusus  
sit indagandus?  
Proponitur  
duas senten-  
tia extremæ  
inter se op-  
positæ.*

urbis mœnia, quàm ædificia. Verùm enim uerò, qui in Apocalypsi hoc sensu contentus sit, nec abstrusorem alium eruere conetur; nã ille septem etiam phialarum Angelos materialiter, ut sonat, septem phialas effundere, facile credat; idemque de multis alijs possit asseuerare.

Alij contrariâ omnino viâ insistentes, nomen ciuitatis magnæ, & nomen etiam Babylonis nimum mysticè pro multitudine impiorum accipiunt. Quæ explicandi ratio multos pro se eosque graues continet auctores: qui diuisionem in tres partes referre videntur ad inferiorum supplicium: & tres ipsas partes Richardus de Paganismo, Iudaismo, & falso Christianismo interpretatur. Alij ad Gentilismum, Iudaismum, & Hæreticismum applicabunt. Alij ad superbos, auaros, & luxuriosos: atque ad eò de suppliciorum diuisione tractari hoc in loco: & ad eam fortasse mundi diuisionem respici, quam Ioannes innuit, dum ait; *Omne quod est in mundo, concupiscentia carnis est, concupiscentia oculorum, & superbia vite.* Alius dicit, hanc Babylonis diuisionem in tres partes futuram significare regnum dæmonis, mundi, atque carnis (qui mortalis huius vitæ tempore inter se sunt associati) ut primum damnationis tempus aduenerit, discindendum, ac disiungendum in æternum fore; quippe mundani amici, ac familiares tunc de mum crudelissimi hostes erunt, ut dæmon eos omnes acerrimè discruciat; atque ita draco & duæ Bestiæ (qui omnes antea pariter conspirauerant) in omnè sæculorum æternitatè coniuncti ac separati manebunt. & hæc quidem diuisio singulares omnes siue homines, siue dæmones pertinet; ita ut nullus sit super vnitus aut cum dæmone, cui antè parebat; aut cum suo amico; aut etiam cum ipsa carne.

*Media inter  
utramque  
suprà posita  
sententia se-  
ligitur.*

Nihilominus si interpretum auctoritatem dispiciamus; grauiore multò sunt, qui Babylonis nomine Romam in Apocalypsi intelligunt, ut vidimus not. 11. pro cœmiali, & c. 13. initio. Nec vnus aut alter sunt; sed vigesimū omnino numerum complent. Iam si attendamus contextum & coherentem expositionis seriem; meo quidem iudicio euidenter est, hanc esse genuinam expositionem. Namque huius urbis conflagrationi succedunt in Apocalypsi mille pacis anni. Ipsum verò incendiū mysticū esse necesse est, utpote rem post tonitrua & fulgura consecutā; quibus in Apocalypsi haud dubiè Euangelicæ predicationis efficacia figuratur. Deinde in hoc eodè versu, quem modò exponimus, manifestè supponitur, ciuitatē magnam & Babylonem esse singularem aliquam urbem. distinguitur enim hic ab alijs cōpluribus, quæ ciuitates Gentium nominantur. Si autem de impiorum omnium multitudine sub ciuitatis magnæ, aut etiā Babylonis nomine sermo esset; ab alijs Gentium urbibus discerni neutiquā posset. eā enim ratione Babylon vniuersas impiorum ciuitates complectitur. Denique ex congruenti totius contextus applicatione ad nostræ acolithæ sensum, hanc esse veram interpretationē, satis elicitur.

*Auctoris sē-  
tentiā de Ro-  
mæ quondā  
ethnica di-  
uisione in  
tres partes.*

Quamobrem pro comperto habeo, ciuitatem hanc magnam tres in partes diuisam esse Romam ethnicam, quæ bellum peracre aduersus Christianam Ecclesiā faciebat. Ipsius porro diuisionis sensus hic est. Simul atque Euangelium publicè prædicari Romæ cœptū est, & Christianæ Religionis professio Constantini Imperatoris edicto fuit recepta; subito ciuitas ipsa in tres diuisa partes omnino distinctas atque diuersas apparuit; nimirum in eos Christianos, qui propalam Christi fidem professi sunt; & in eos idolorum cultores, qui publicè in sua cæcitate perstiterunt; nec non in eos, qui cognita idolorum falsitate & eorum adoratione reiectā, nō tamen se Christianæ humilitati subdere vulerunt, sed in superbo antiquæ philosophiæ fastu perseuerarunt. De tertia hac diuisionis parte nihil dubitabit, qui temporis illius annales perlegerit; quiq; cōsiderauerit, quantò facilius extitit idololatriam, ut inanem ac fictam repellere, quàm Crucis Christi ignominiam amplecti. Quapropter multo primo illo diuinæ lucis radio illustrati inibi hæserunt; nec processere longius ad clariorem Euangelij lucem; sicuti Turcis & Mauris accidere videmus. Hoc igitur ita constituto, ut significaretur manifesta per publicam professionem diuisio inter Christianos, Gentiles, atque neutrales; quid aptius potuit excogitari, quàm quod textus ait, *Facta est ciuitas magna in tres partes?* Hæc igitur diuisio certè antecessit mysticam totius Romæ combustionem, de qua infra. Quare plaga septima, quæ Ecclesiæ vistoriam de Roma partam comprehendit, exorditur ab hac diuisione. Deinde ad ipsam totius Romæ conuersionem transit, in eius conflagratione adumbratam; ut vidimus c. 17. & 18. Quorum capitum vtrumque meā sententiā pertinet ad septimam plagam; quemadmodum sexta ex tubarum plagis (de qua Apocalypsis 9.) per totum caput decimum & bonam vndecimi partem protenditur; ut suo loco demonstratum est.

*Quo sensu  
accipiendum  
sit, ciuitates  
Gentium ce-  
cidisse.*

ET CIVITATES GENTIUM CECIDERUNT. ] Hoc item in contextu ipso manifestè pertinet ad terræ motus magnitudinem. Sed sicut ciuitas magnā (nempe Babylon) initio non tota concidit, sed tres in partes fuit diffissa, sic non opus est intelligere, ceteras omnes Gentium vrbes repente funditus corruisse. Nam ut verè dicatur ciuitas aliqua cecidisse in terræ motu, satis est, totam eam contremuisse & bonam illius partem corruisse. Quæ considerandi ratio ipsi mysterio congruentior est. Quauis enim Viegas hæc, uti sonant, velit accipere de proprio terræ motu sub mundi finem euenturo, per quē ciuitates toto orbe dispersæ sint ruituræ, ut ipse suspicatur; hæc tamen suspensiones sunt valde incertæ, & Apocalypsis proculdubio intelligenda est de rebus multo certioribus, maioris momenti, & inter se aptius cohærentibus. De ruina ergo mystica loquitur hic Apocalypsis, sicut c. 11. 13. cum ait, *Decima pars ciuitatis cecidit.* Cum hoc tamen discrimine, quod ibi de perfida Ierosolyma verba facit; hic verò de Gentilium ciuitatibus. Ibi enim sermo erat de Iudaicæ Synagogæ oppugnatione aduersus Ecclesiam; hic de Gentilitatis bello aduersus eandem Ecclesiam gesto. Quamobrem minime consonum est, ut per ciuitatis magnæ nomen hoc in loco Ierosolymam intelligamus; sed Romam Gentilismi metropolim. Nam de Gentibus institui sermonem, ipse etiam contextus facile ostendit: ait enim; *Et ciuitates Gentium ceciderunt;* Hoc est, reliquæ etiam Gentium ciuitates. Tamen autem ciuitatum nomen cum articulo assignetur; non tamen necesse est, generatim de omnibus sine aliqua exceptione intelligi: satis enim est id de insignioribus Romani orbis ciuitatibus verum comprobari. Et fortè singularis est sermo de illis urbibus, quæ propter idololatriæ superstitionem inibi vigentem & plurimam ethnicorum eò confluentium frequentiam nobiliores erant. Cuiusmodi fuerit Ephesus propter Dianæ templū; Delos propter Apollinis oraculū; atq;

*De ruina  
ciuitatum  
mystica, non  
de propria  
sermonem  
esse.*



A alia id genus. Quæ omnes, quatenus idolorum cultrices, magna ex parte ceciderunt; quo tempore per totum Imperium Christianis permixta fuit Catholica religionis professio, & templorum instauratio atque frequentia. De cuiusmodi verò ruina agatur in hoc loco, explicauimus c. 11. Et facile etiam intelligitur; si consideremus, ruente Mahometi secunda in Africa & Asia, significanter dici tunc posse, Mecam cecidisse.

B ET BABYLON MAGNA VENIT IN MEMORIAM ANTE DEVM, DARE ILLI CALICEM VINI INDIGNATIONIS IRAE EIVS. ] Eandem necessariò esse debere, quæ & ciuitas magna, & Babylon nominatur, supra animaduertimus. Hæc ergo verba accipienda sunt tanquam adiecta ad explicandum, cur ciuitas magna fuerit diuisa; & cur Gentium ciuitates conciderint. Vtriusque autem effectus ea redditur ratio, quòd scilicet *Babylon magna venit in memoriam ante Deum*. In quo illud præstituitur, Babylonem videlicet, de qua hic agitur, esse ceterarum urbium ethnicarum caput ac principem. Quapropter & ipsius urbis magna diuisio, & ruina ceterarum considerantur tanquam poena ipsi Babylonis infligenda: ad eius enim supplicium spectat casus illarum urbium, quibus ipsa dominabatur. Ac de Babylone quidem dicitur c. 17. 18. ea esse ciuitas magna quæ habet Regnum super Reges terræ. Porro phrasis, seu loquendi modus, quo Ioannes vtitur in præfenti, idem est, ac si de propria vindicta loqueretur. Locutio enim est in Sacris recepta, poenam ac supplicium appellari calicem vini; Ps. 74. 9. *Calix in manu Domini vini meri plenus misit. Fax eius non est exinanita bibenti omnes peccatores terræ.* Isaie 51. 17. *De manu Domini calicem iræ eius.* & infra: *ad sandum calicis saporis.* & numero 21. *Fundum calicis indignationis meæ.* Ieremiæ 25. 15. *Sume calicem vini furoris.* Ezech. 23. 31. *Calicem furoris tui bibes.* Habacuc 2. 16. *Circundabit te calix dextera Domini; & vomitus ignominie super gloriam tuam.* vbi Cuenara suspicatur allusionem contineri ad ebrium aliquem; quem alij vino ingurgitant, ut illudat atque exprobrent. seu potius quando alicui venenatus calix porrigitur, & bibere cogitur. Vtrumque hoc sit, hæc allegoria calicis Babylonis impacti peculiarem continet elegantiam propter respectum ad cruciatuum & tormentorum calicem, quem ipsa Christi martyribus propinabat. de quo dicemus c. 17. 4. ad illa verba; *Habens poculum aureum in manu sua plenum abominatione.* Aptissime enim dicitur, in crudelissimæ huius tyrannidis vindictam, Deus illi suæ iræ calicem propinare; sicuti supra numero 5. dicitur, *lustus es Domine, qui hac iudicasti. Sanguinem Sanctorum tuorum fuderunt, & sanguinem eis dedisti bibere.*

C Verum in præfenti agitur dubio procul de mystica vindicta. Magna enim Dei clementia & misericordia, quam ipse erga Romam & vniuersam Gentilitatem exhibuit, sub specie vindictæ inducitur. De cuius locutionis elegantia deque familiari illius vsu in sacris latè diximus notatione preceptualium 23. Accedit, quòd verba illa *Babylon magna venit in memoriam ante Deum*, apposite ad vindictam mysticam viurpantur. Etenim phrasis ea, qua Deus alicuius memoriam dicitur reficere, nobilior & excellentior refertur ad suæ misericordie recordationem, qua illum multis cumulet beneficijs. Indignationis item nomini respondet hic in Græco, τὸ δόμῳ, quo nomine Apocalypsis iram mysticam à propria vindicta distinguit, ut supra c. 15. peritruimus. Neque obstat, quòd nomen etiā ὀργῆς, subijciatur. Nam secundus hic genitiuus à primo pendet; & utroque significatur mysticam iram esse mirram quandam propriæ vindictæ similitudinem. Dicit etiam fortasse aliquis, vtrumque genitiuum hic coniungi, τὸ δόμῳ τῆς ὀργῆς, ut hoc pacto innuatur, supplicium à Deo Gentilitati infligendum, vtriusque iræ (nempe propriæ, atque mysticæ) partem sibi adfiscere: quippe aliis fuit mystica (quam nomen ὀργῆς solet in Apocalypsi significare); alijs propriam vindictam, quæ appellatur ὀργῆς, illis videlicet, qui in sua impietate obitinau perititerunt; quique proinde horrenda grandine percussi dicuntur. Ceterum cum secundus genitiuus à primo pendeat; argumento est, vtrumque ad eandem significationem esse referendum. Quamobrem, illorum etiam respectu, qui ad Christiana sacra traducti sunt, verum tenet, Deum Babyloni calicem vini indignationis suæ porrexisse; & multò plenius in mystica totius Romæ deflagratione.

## T E X T V S.

Vers. 20. Et omnis insula fugit, & montes non sunt inuenti.

## C O M M E N T A R I V S.

E Hæc etiam ingentis terræ motus ponderatio est; qui aded fuit immanis, ut vrbes, montes atque insulas complanauerit. Notandum verò est c. 6. 14. dictum fuisse, *Omnis mons & insula de locis suis mota sunt.* hic tamen non dici solum montes atque insulas commotas & auulsas fuisse; sed euanuisse etiam omnino. Significatio est: nihil fore in posterum obicis aut impedimenti, quod Evangelicæ prædicationis decursum detineret aut retardaret. Ad huius rei symbolum elegantèr excogitatum præ nimio ac vehementi terræ motu montes atque insulas ex oculorum conspectu prorsus effugisse. Innuitur autem hic, montes esse præcipuas itinerum, quæ terra sunt, difficultates: insulas verò ac syrtes esse impedimenta & pericula potissima, quæ nauigantibus occurrunt. Qua in re situs imprimis reuocandus in memoriam nobis est illius insulæ, in qua tunc Ioannes degebat; quæ multis vndique exiguis insulis ambiebatur: quarum interiectus maximo nauigijs impedimento, atque aded

Quid denotetur, dicitur Babylon in memoriam ante Deum venisse.

Poenæ suæ supplicium appellari calicem vini, locutio in sacris vi-sitata.

Confirmatur sermone hic esse de mystica vindicta.

Quid significetur in insularum ac montium fuga.



periculo esse posset. Vt ergo denotaretur, deinceps nihil fore impedimenti aut difficultatis Euangelicæ prædicationi; mirifice figuratur mare ipsum omni insularum, rupium ac montium obstaculo liberum & expeditum, vt Petri nauis, nempe Ecclesia, per Gentilitatis mare liberè posset excurrere. Tellus porro ipsa absque montibus plana & æquabilis consideratur, vt Euangelij prædicatores nullis montium molibus obiectis facilius ac celerius ad doctrinæ Euangelicæ promulgationem ferantur. Hoc ipsum verbis alijs depingit Isaias c. 40. 4. *Omnis vallis exaltabitur, & omnis mons & collis humiliabitur; & erunt præua in directa, & aspera in vias planas.* Fortè etiam hæc insularum fuga, siue ex oculis abstractio significat, persecutiones Ecclesiæ tandem aliquando sublatum iri. quippe insulæ mari vndique circumdatæ, & assiduus eius fluctibus verberatæ denotare videntur Ecclesiarum statum; quo tempore persecutionis impetu exagitantur.

## T E X T V S.

*Vers. 21.* Et grando magna sicut talentum descendit de cælo in homines: & blasphemauerunt Deum homines propter plagam grandinis; quoniam magna facta est vehementer.

## C O M M E N T A R I V S.

**I**N c. 11. 19. mentio etiam fit magnæ grandinis. Ibi tamen simul apposita sunt *Fulgura, voces, & terræ motus, & grando magna.* Hic tempestas principium capit à fulguribus, tonitruis, & terræ motu: effectus verò insigniores sunt Babylonis diuiso, ciuitatum aliarum ruina, & insularum ac montium ex oculis fuga. & postremò subditur, *Grando magna sicut talentum descendit in homines.* Iam de huius grandinis magnitudine dicitur, *Sicut talentum.* Græcè, ὡς ταλάντιον, vbi Viegas notat ex Erasino, τάλαντιον, non temper esse id, quod iustum talenti pōdus adæquat; sed iuxta phrasim Græcā, pro re graui accipi solere. Nec defuit, qui existimaret, talenti nomen hic esse vsurpandum pro quodam numi genere, quod vnciam vnā, aut eā minus ponderet: credunt enim aliqui grandinem hanc Ioanni fuisse visam iuxta illius numi pōdus & magnitudinem, aut fortè etiam ad illius omnino pecuniæ signatæ normam. Sic enim audiui quendam explicantem. Atque vt in hac grandine magnum illud denegetur pondus, quod talentum solet appellari, afferri potest, non rectè ex cogitari huiusmodi grandinem tanti ponderis & magnitudinis. Nec enim si ita esset, quispiam hominum, in quos ea grando decideret, viuus ac superstes maneret. Cū tamen textus asserat assiduo grādinis ictu percuttos in Dei blasphemias erumpere. Verū si attentius rem inspiciamus; textus ipse postulat, ne exigua magnitudinis aut pōderis grandine contenti simus. Ait enim; *Blasphemauerunt Deum homines propter plagam grandinis; quoniam magna facta est vehementer.* Si autem hæc grando vnciam plus minus ponderet; non vtique Ioannes diceret, *Quoniam magna facta est vehementer:* siquidem visa est interdum decidere grando gallinaceum ouum magnitudine exæquans, atque etiam superans. quæ de re lege, quæ attulimus c. 11. not. 13.

Perperam ergo existimant, qui talenti pondus hoc in loco aut exiguum esse volunt, aut saltem iustam Attici talenti magnitudinem & pondus non æquare. Textus enim cogit, vt pondus cuiusmodi sit admodum ingens; & significationis elegantia exigit, vt iustam omnino talenti ponderis mensuram æquiparet. Præsertim quia allusio fit ad plumbi talentum Zach. 5. 6. in quo nemo non videat, de exacto talenti pondere esse sermonem. Cuiusmodi verò pondus id sit, consulat lector nostrum de ponderibus & mensuris tractatum, qui his Apocalypseos commentarijs appenderur. Nunc breuiter dico, talentum Atticum fuisse Atticarum minarum 60. id est, ex Romanis libris 62. ½. quæ conficiunt omnino vncias 750. & paulo minus, quā duas *arrobas* ponderabiles continent ex ijs, quæ apud Hispanos in vsu sunt. Talentum verò Hebraicum antiquum est prorsus duplum respectu Attici talenti. De quo etiam antiquo talento Hebraico loqui interdum solent Græci atque Latini; & de eo quoque videtur hic Ioannes loqui.

Vox ipsa Græca talenti sonat idem, quod iustum pondus. Nam vt Græca testantur dictionaria, τάλαντον, est itatera, libra, trutinā, vel lanx. Vnde id pariter, quod laci imponitur ponderandū; & singulatim certum illud pondus magnum (de quo supra) hoc nomine compellatur. Ad id verò, quod superius huic magno ponderi opposuimus, Respondeo; non opus esse, vt naturaliter loquendo immane illud grandinis pondus homines non opprimat; bene tamen id ita potuisse fingi ad ipsius ænigmatis mysterium.

Hoc autem quale sit, ferè expositum iam est c. 11. notat. 14. vbi aduertimus, elegantissimè id fingi ad grauissimæ obstinationis symbolū. Quamobrem, cū pro septimæ plagæ effectu depicta sit mystica vindicta, qua Deus in Romam animaduertit, tres illam in partes diuidendo, prosternendo Gentilium ciuitates, & montes atque insulas complanando: sapienter additum est, sicuti aduersus Iudaos horribilem Deus grandinem depluit ad septimæ tubæ sonitum ca. 11. ita etiam in Gentiles, qui post gloriosam Ecclesiæ victoriam ad Christi fidem conuerti noluerunt, ingentem quoque grandinem

deiecit

Quid sit  
grando ma-  
gna sicut  
talentum.

Expositio  
tur, in qua  
nam acce-  
ptione tale-  
ntum hic su-  
mendum sit.

Græca vox  
talenti quid  
proprie si-  
gnificet.

Quid sit  
mysterium  
grandinis  
magnum in-  
star talenti  
de celo dela-  
tæ.



A deieciſſe. Etenim fidei non ſe ſubmittere ante tot miraculorum & admirabilis doctrinæ euiden-  
tiam, non adeo grauis erat culpa: at poſt tantam lucis perſpicuitatem cæcos adhuc & tenebris de-  
merſos voluiſſe iacere, atque in Chriſtum adhuc blaſphemare; id ſanè duriffimam præ ſe ferebat  
obſtinationem.

B Licet autem tubæ ca. 8. propriam perſonent vindictam, & phiala myſticam iram effundant; ex  
illo tamen ſupplicio Iudæis inſiſto elicit Deus aliquorum conuerſionem, & ex myſtica hac ira in  
Gentilicum populum immiſſa redundauit etiam terribilis aliquorū ex Gentilibus obſtinatio. Illud  
tamen discriminis inter vtrumque intererat; quod ex Iudæis, qui ad fidem cōmigrarunt, fuere per-  
pauci; nec ampliùs quàm decima pars. ex Gentilibus verò, qui Eccleſiam ſuis machinis oppugna-  
bant, generalis extitit conuerſio; & pertinacia in idolorum cultu paucis obtigit, comparatione eorū,  
qui Chriſtiana ſacra amplexi ſunt. Ceterum ex vtriſque plagis ille fuit effectus ſubſecutus, nèpe co-  
pioſa prædeſtinatorum ſalus, & horribilis obſtinatorū damnatio. Quare & ad ſeptimæ tubæ clāgorem  
ingens Iudæos grando percuffit; & ex ſeptimæ phialæ tempeſtate fuit deriuata horribilis grando in  
Gentiles, qui Chriſtum adhuc blaſphemijs & contumelijs petebant.

C Præterea in hoc vtriuſque plagæ ſeptimæ discrimine illud eſt obſeruatione dignum; quod ſcili-  
cet in hoc loco magnus fuit terræmotus, qualis nunquam fuerat: at in ſeptima capitis 11. plaga ter-  
ræmotus tantum (abſque vllō additamento) ponitur. Deinde hīc humanas voces cæleſtia comitan-  
tur tonitrua; ibi tonitrua non ſunt exaudita, ſed fulgura ſolū; & voces humanæ ſine tonitruis ex-  
ceptæ ſunt. Vtriuſque autem differentiæ rationem in cap. 11. calce reddidimus, eaque ex dictis facile  
poſteſt intelligi. Nam ſi tonitruum denotat diuinam virtutem, quam Deus Euangelicæ prædicationi  
conſerebat, ſi terræmotus ingens ingentem pauperum peccatorum conuerſionem; in his duabus rebus  
ſeptima hæc phialarum plaga à plaga tubarum ſep: ima diſtinguitur. Ibi enim effectus fuit eiufmodi,  
qui propriam vindictam & acerrimam Iudæorum obſtinationē præ ſe ferret, & in magno metu ma-  
xima quoque fuit adiuncta perſinacia: hīc verò præcipua efficientia fuit vindicta myſtica, quā ſum-  
pſit Deus de ijs, qui Euangelij vexillum ſecuti ſunt per myſticorum tonitruorum efficacitatem, per-  
que maximum inſolitæ mutationis terræmotum. Quare id priùs apponitur; deinde additur, quid  
plaga ſeptima effecerit in rebellibus & obſtinatis. Huc enim ſpectat ingentis grandinis ſymbolum.  
Et quod additur, ob hanc plagam blaſphemari homines in Deum, nihil aliud eſt, quàm ex obdura-  
tione, qua Deus rebelles puniebat, inde ortas fuiſſe blaſphemias in Chriſtum adeo furioſas.

D Alicui fortè nouum & inuſitatum videatur, quod vna & eadem tempeſtatis allegoria in hac pla-  
ga ſeptima complectatur pariter conuerſionem aliorum, & aliorum obſtinationem. Nam tonitrua  
& terræmotus magnus conducunt ad conuerſionis effectum indicandum, grando autem magna ad  
obſtinationem eorum, qui conuerſi non ſunt. Verum enim verò ſi rem ſeriò diſcutiamus, non ſo-  
lū diſſentaneum nō eſt, vt eadem tempeſtatis figura vtriſque effectui deſeruiat, ſed etiam in eo de-  
corum apprime ſeruatur. Etenim, cum ille intenderetur ſinis, vt vtrumque pariter ſub ſuppliciorū  
figura notaretur, mirificè accidit, vt in ſæuiſſimæ cuiuſdam tempeſtatis effectibus idonea inuenirē-  
tur ſymbola, & ad aliorum conuerſionis, & ad pertinaciæ aliorum ſignificationem. Vnde nec ad præ-  
deſtinatorum conuerſionem potuit optari ſymbolum terræmotu magno voces tonitruorum cōſe-  
cuto præſtantius, neque ad reproborum obdurationem ſignificantius magnā grandine, vt vidimus  
c. 11. notatione 15.

E Porro, licet in plagis c. 16. non alius ſinis fuerit ſpectatus, quàm vt diuinæ providentiæ conſilium  
in Eccleſiæ victoria de Romano Imperio parta ob oculos poneretur; verum rebellium obſtinatio  
diuinæ etiam intentioni in ea victoria deſeruiſſe, vt ſuprà dicebamus. quantò enim maior fuit Genti-  
lium aliquot perſinacia, tantò fuit diuinæ virtutis illuſtrior demonſtratio in clariffima illa victoria,  
quam Eccleſia de Roma, deque eius Imperio fuit adepta.

GRANDO MAGNA SICVT TALENTVM. ] Nonnulli cum Richardo referunt magnæ grandinis  
ſymbolum ad gehennæ obdurationem; quod eſt ſupplicium grauiffimum pariter & iuſtiſſimū. Mul-  
tò tamen aptius eſt (opinor) vt de obduratione accipiamus, qua nonnulli ex Gentilibus in hac vita  
plectebantur. Hæc namque grando eſt, quæ ad perfectam contulit Chriſtianæ Eccleſiæ victoriam;  
quantunuiſ multi fuerint per occaſionem obdurati. Et quidem qui apud inferos æternā obduratione  
puniendi ſunt, ex hac ipſa vita initium ſuæ obdurationis & infelicitatis ordiuntur. Conſideratā autē  
grauitate ſupplicij, quo Deus in hac vita in multos ſeuere animaduertit, eleganter dicitur, quodlibet  
huius grandinis granum vno prorſus talēto ponderari: quod perinde eſt, quaſi dicatur grauiffimū  
eſſe ſupplicium ac iuſtiſſimum. Id enim ſonat talentū, maximum quoddam pondus, iuſtum tamen:  
nempe vnciarum omnino 1500. Aut ſi ad atticū reſpiciatur talentū, vnciarum 750. Quanuiſ autem  
videatur grando vnius talenti in homines decidens, eos oppreſſura: eleganter tamen fingitur, vitā  
eis adhuc ad blaſphemandum ſuperreſſe. Quippe obdurati ad damnatorum imitationem ſuperſtites  
manere videntur, vt in eis diuinæ ſeueritatis ac punitionis vis oſtendatur.

In hoc autem talenti pondere facile cernitur alludi ad plumbi talentum, de quo Zachariæ 5. 7.  
Et mihi nunc alluſionem indicaffe, ſatis ſit; nam Zachariæ locus ex profeſſo nobis erit explicandus  
libro 10.

Quid inter-  
ſit, quod ad  
effectum at-  
tinet in er-  
tubæ & pla-  
gas & pla-  
gas phiala-  
rum.

Discrimen  
inter terra-  
motum tu-  
bæ ſepti-  
mæ & ter-  
ræ motum  
ſeptimæ phi-  
alæ.

Quomodo  
eadem tem-  
peſtatis alle-  
goria con-  
uerſionem  
aliorum, a-  
liorū obſti-  
nationem  
pariter cō-  
plecti poſſit.

Quomodo  
rebellium  
Gentilium  
obſtinatio  
in his phia-  
larum plagis  
diuinæ etiā  
providentiæ  
conſilio de-  
ſeruiſſe.

Grādine  
magna in-  
ſtar talenti  
quid figure-  
tur.



## NOTATIO V.

*De maxima gloriæ & splendoris luce, quæ Roma ex Apocalypseos interpretatione oboriatur.*

**N**ON pertinet ad hanc notationem ea disputatio; quo scilicet pacto explicari debeat; quod Apocalypsis de Babylone tradit. Sed ijs suppositis, quæ hac de re in cōmentario tractantur, oportet ad præclarissimum honorem, qui in Romam ex Apocalypsi dimanat ab hoc c. 16. vsque ad 20. mentem atque animum adijcere.

Primo ergo, quemadmodum tubæ septem c. 8. aduersus Ierosolymam perfidam concrepant, illam inquam Ierosolymā, quæ Iudaici populi principatum tenebat: ita etiam phialæ omnes c. 16. in Romā effunduntur ethnicam totius Gentilitatis caput ac principē. Verum illius belli contra Iudæos gesti fuit exitus Iudaici populi repulsa & obduratio. Quauis enim in sexta plaga figuretur, ante illius populi indurationem adscuisse sibi Deum, & cooptasse decimam eorum partem; nihilominus plaga septima ad reliquorum spectat repulsam, & ad formidabilem ferueritatem à Deo aduersus illos exhibitā. At in phialarum bello contra Romam suscepto, quauis plagarum species appareat, & Romani ethnici acriter obstitent, atque ex septima etiā phiala redundaue- rit grauissima Gentiliū aliquot pertinaciā & obduratio; ceterum Deus admirabili prouidentia ita hæc omnia disponebat, sicuti opus erat; ut phialarū Angeli (id est prædicatores Euangelici) optatum finem attingerent, nempe perfectam de Roma victoriam, & mysticam ipsius desolationem per veræ Religionis ignem. Quippe ex ipsius conuersione dependebat generalis ethnicorū, & præsertim Romani Imperij, conuersio.

Hoc ita constituto, quid potuit Romæ honorificentius excogitari, quam quod in Apocalypsi figuratur? conuersionē videlicet Gentilitatis, (quod facinus post humani generis redemptionem, gloriosissimum exitit omnium, quæ diuina prouidentia patrauit) ex ipsius Romæ conuersione adeo pendere; ut mystici belli ab Euangelio aduersus mundū gesti caput ac robur in vnam Romā conuertatur; atque adeo tota aduersariorum repugnantia eodē demum reducatur, ut Roma bellum inferret Ecclesiæ; & e contrario totum Ecclesiæ ipsius studium & contentio ad vnius Romæ expugnationem admoueat.

Sed opponet aliquis, id quidem per nimiam exaggerationem videri dictum. Nā Apostoli toto terrarum orbe dispersi sunt; nec Romæ alij ex professo prædicarunt, præter Petrum & Paulum, atque ij non semper; quia multas alias orbis prouincias prædicationis lumine illustrarunt. Respondeo, in quibus prouincijs ceteri Apostoli Euangelij semen sparserūt, eas quidem Romano Imperio fuisse subiectas; nec in illis Apostolicæ prædicationis fructum conseruari potuisse, nisi Roma Euangelio manus daret. Quam obrem post Romæ conuersionem multo sunt vberiores fructus sine cōtrouersia decerpi. Præterquam quod tam intra Imperij limites, quam extra, pōdus auctoritatis tantum vna Roma idololatriæ conferebat; ut vbiq; promulgaretur Euangelium, vehementer Romæ auctoritas obliteret. Vnde illa erat imprimis maximi momenti expeditio, quæ Romæ expugnationem ferid & cōstanter arripere: & ante eiusmodi victoriā parum certe emolumentum ex Euangelij prædicatione percipiebatur. Apparet hoc vel maximè in Hispania, quā B. Iacobus Apostolus totā peragravit, & Euangelij verbum in ea disseminauit; & tamen per pauci fuere, qui ex Hispanis tunc ad Christi fidem se receperūt. At Romā Christianæ Re-

**A** ligioni subiugata, facile etiam tota ferè Hispania Christi iugum subiit, & vnius diei fructus fuit plurimarum vrbiū conuersio; cū antea fructus ex immensis Iacobi laboribus decerptus vix ad paucos sese homines extenderit: atque idem penè in ceteris Imperij prouincijs accidit.

**B** Ex quo facile intelligitur, Apostolorum prædicationem vbiq; Gentium habitam, quauis singulis aliquot hominibus maximo fuerit emolumento, generatim tamen ad regnorum & prouinciarū salutem perinde fuisse, atque aliquam Euangelij notionē hominibus impertiri; qua præpararentur eorum animi, ut post Romæ cōuersionē facilius multo totius mundi fieret conuersio. Totius enim Gentilitatis bonū & incolumitatē ex vnius Romæ conuersione Deus deriuari ac dimanare statuerat. Præterea dum Roma nondum ad Christi fidem fuerat traducta, quidquid fructus & vtilitatis ex aliorum conuersione percipiebatur, eodē videbatur dirigi, ut Romæ ipsi inferretur bellum. Nā Romæ ipsius conuersio dependebat ex acerba persecutione, quā ipsa prius in Ecclesiam fuerat concitata. Qui verò in alijs prouincijs ad Christi fidē se aggregabant, eamq; constanter profitebantur; ipsimet per occasionem accerrimam Romanorum persecutionem commoue- bant. Atque ex ipsis fidelibus, qui ex varijs prouincijs Christi fidem suscipiebant, non pauci eorū Romam conueniebant, eā præsertim ratione adducti, quod Romæ Christi vicarius resideret. Atque hæc omnia Deus eodē dirigebat, ut ijs ferè omnibus, qui Christo nomen dabant, vteretur ad inferendū Romæ bellum. Vniuersalis enim Gentium omnium conuersio ex conuersione vrbis Romanæ pendeat.

**C** Secundo, dum Romæ in hoc ipsius bello contra Ecclesiā gesto nomen Babylonis inditur, hoc ei accidit gloriosissimè. Tamen enim hic loquendi modus indicat, Romam tunc mysticā Ierosolymā, id est Christianæ Ecclesiæ bellum indicere, sicut antiqua Babylon Ierosolymæ antiquæ bellum intulit: hoc tamen nomē ab Apocalypsi Romæ ethnici impositum, & manifesta allusio ad eas prophetias, in quibus de Babylonis excidio tractatur; hoc inquam manifestè ostendit, præcipuum illorū vaticiniorū sensum abspiritu sancto intentum spectare ad mysticam vindictam à Deo de Roma ethnica sumendā per veræ Religionis ignem à Christo in terram delatum. Quod autē de hoc sensu sermo sit per comparationē ad antiquam Babylonē; id quidē est iuxta sacrorum Vatum consuetudinem, qui Iudaica tangentes, Christiana respiciunt. Verum si hæc est præcipua prophetiarum mens, quæ contra Babylonem antiquam efferri videntur; præter alia peculiaria loca Prophetarum, sex sunt imprimis solida capita, quæ hanc vnam in re prorsus impenduntur. Ea autem sunt ex Isaia c. 13. c. 14. c. 21. & c. 47. ex Ieremia verò c. 50. & 51. Quorum integra expositio pertinet ad librū nostri operis nonum; vbi de maiorum Prophetarū vaticinijs, quæ lucem ab Apocalypsi accipiūt. Illud interim nota; si ex Apocalypsi constet, eū esse illorum capitum sensum (de quo suo loco agitur) omnino nescio, quid gloriosius aut illustrius ad Romæ cōmendationem potuerit excogitari, quam ut illius conuersio, & ad Christianam Religionē aggregatio tot integris capitibus tanto cum splendore & magnificentia sit per Isaiam ac Ieremiā prædicta. ut alia prætermittam, in quibus figuratē cōtra Iudæam, eiusque metropolim sermo dirigitur.

*Declaratur quem exitū habuerint iubarū plage, quem iis exitū plage phialarum.*

*Quam fuerint Romæ gloriosa phialarum plaga.*

*Obiectio opponitur, & soluitur.*

*Quantope- re totius Gentilitatis cō- uersio ex v- nius Romæ conuersione penderet.*

*Apostolorū prædicationē vbiq; gentiū, ante Romæ cō- uersionem, quæ iis d. sp. uiam ad gē- neralem cō- uersionem, Romæ cō- uersio, sum- ram.*

*Expenditur latè quanta Romæ vrbi lux, splendor & gloria ex Apocalypsi redundet.*

*Quam frequens sit apud Prophe- tas mentio Romæ sub nomine Ba- bylonis.*



Nulla Roma  
laude glori-  
osior posse  
accidere,  
quam quae ei  
ex Apocaly-  
psi prouenit.

Si ergo, quam Spiritus sanctus in his locis respexit Babylonem, ea est Roma; quid obsecro potius ac maius potuit induci, quam sub antiqua Babylonis specie per tota sex capita directè agere de mystico supplicio, quod Deus fuerat Romae inflicurus? Nam imprimis in hoc facile apparet, quanti diuinus Spiritus vnus Romae fecerit conuersionem. Deinde, in eo quod Romae nomē Babylonis tribuatur, mirū in modū expenditur Romae ipsius magnitudo & excellentia: ita ut nihil sit de illius amplitudine magnificentius disputatū in alijs doctorum hominum atque eruditorum libris; quorum inscriptio est, *Admiranda*; siue, *De magnitudine Romana*. Quod enim in huiusmodi tractationibus ponderatur, minimè pertingit ad grauitatem atque praestantiam eorum, quae ad Romae commendationem ex sacrarum Literarum monumentis elicimus: nimirum tantam vnus Romae magnitudinem extitisse, ut omnem antiquae Babylonis amplitudinem Spiritus sanctus vsurpauerit pro figura ac symbolo splendoris, magnificentiae ac maiestatis, quod Roma ethnica fuerat peruentura. Porro Babylonis antiquae magnitudo fuit prorsus stupenda. Fuit enim ciuitas perfectè in quadrum disposita; cuius singula latera quindecim miliaribus in longitudinem excurrebant; muri autem in latitudinem cubitos quinquaginta; in altitudinem bis centum patebant. In singulis vero quadri lateribus quinque & viginti portae erant. Iam operosa aedificiorum moles & admiranda structura magnificentiae murorum egregiè respondebant. Sic enim scribunt Strabo lib. 1. Herodorus lib. 1. Orosius lib. 1. c. 6. Quare, dum diuinus Spiritus Babylonem vt Romae figuram assumpsit; quasi adumbravit, totam illam Babylonis magnitudinem & amplitudinem, & in Regna alia quamplurima dominatum consentanea fuisse, vt antiquae Romae magnitudinem figurarent. Nonne igitur eiusmodi comparatio à Babylone ad Romam desumpta in maiorem Romae ipsius auctoritatem & splendorem sine controuersia cedit, quam quidquid laudis & commendationis ab humaniorū literarum studiosis Romae deferatur?

Tertiò, vt expendatur, quanti Romae conuersionem Diuinus Spiritus aestimauerit; quae potuit ponderatio videri maior quam vt Prophetarum nobilissimorum sex omnino capita, & praecipuus pariter totius Apocalypseos finis huc spectent? Aduerte igitur, post Iusti Lipsii tractatum, quem de Romana magnitudine conscripsit, alium Stapletonij prodixisse sub hoc titulo, *Verè admiranda, siue de magnitudine Romanae Ecclesiae*. Et quantum quidquid in eo libro tractat sit iuxta auctoris sapientiam ac pietatem: verum ad admirandam Romanae Ecclesiae magnitudinem dignè ponderandam, quanto nobilius & excellentius est, quod Spiritus sanctus rem prorsus dignam & omnino congruentem duxerit; vt extremus hic totius Scripturae liber ceterorum apex, pro fine praecipuo sibi proposuerit egregiam laudem atque gloriam, quae ex vnus Romae conuersione ad Christū Iesū, & ex illius erectione in Ecclesia Catholica metropolin fuerat redundatura?

Quartò, si ex Apocalypsi lux ea oboritur, quae magnam Cantici Canticorum partem ostendat in noue Romae (quae Christi est sponsa) magnificentiam & amplitudinem impendi: quidnam Romae Catholicae illustrius & gloriosius esse potuit? De hoc verò latius agemus in commentario Cantici Cantorum, quod lib. 8. explicabitur. Quod autem de Canticorū libro assero; similiter velum intelligi de Ps. 44. quem lib. 7. interpretabimur.

Quintò, gloriosissima etiam Romae est lux illa, quam Apocalypsis ad aliorum expositionem refundit; cuiusmodi est, per illud Ps. 136. 8. *Filia Babylonis*, Romam intelligi (sicuti Isaia 47. 1.). Cum enim in eo Psalmo fuerit eleganter depicta vetus illa Israelitarum seruitus apud Babylonem, necnon grauissimus fidelium dolor, quod se in antiqua Babylone captiuos retineri cernerent: mox sub finē Psalmi suum solantur laborem certissimo illo vaticinio, fore vt priscæ illi Babyloni successura esset filia (nempe Roma ethnica) de qua admirabilem Deus vindictam fuerat sumpturus. Huiusmodi

A autem vindictam eam fore, *Beatus qui tenebit, & allidet paruulos tuos ad petram*. Quem ad locum alliditur Isaia 13. 16. vbi loquens Propheta de hac mystica Romae vindicta, ait; *Infantes eorum allidentur, &c.* Quod verò in sacris Literis nomē filiae Babylonis tribuatur Romae; auctorem habeo Augustinum de Ciuitate Dei lib. 18. c. 22. Et huc etiam spectat, quod ipsemet Augustinus notat ibidem, Romam scilicet fuisse conditam velut alteram Babylonem. & eodē l. c. 27. loquens de Roma appellat eam Occidentale Babylonē. ex Augustino autem idem ipsum sui discipuli hauserunt, dum Romam cum Babylone comparant. Sic enim Paulus Orosius l. 4. ferè per totum.

B Sextò, Apocalypsis praefert etiam lucem Baruco, c. 4. 35. vbi ait, *Ignis superueniet ei ab aeterno in longitudo diebus; & habitabitur à Demonij in multitudine temporis*. Quibus in verbis sermō ad literam continetur de Romae antiqua ethnica, sicut Apocalypsis 18. Quod autē hoc vaticiniū tā crebrò in sacris Literis repetatur; id etiam Romae ipsi gloriosissimū est.

C Septimò, vbi ad singularia, de quibus Apocalypsis agit, sermo deriuetur; complura cernuntur Romae imprimis honorifica atque gloriosa. Huc spectat, quod Babylonis inuasio per Cyrum & Dariū facta fuerit diuinæ prouidentiae consilio, eum ad finem destinata, vt figura esset mysticae in Romam irruptionis per Apostolos Petrum & Paulum factae; atque vt hic sit verus Isaia sensus in his, quae de Babylonis inuasionē per Cyrum vaticinatur, vt non obscure innuitur Apoc. 16. in plaga sexta. Quid igitur maius & illustrius, quam praeclarum illud & antiquissimum facinus non aliud fuisse, quam mysticae in Romam incursionis figuram? Præterea forsitan ex Apocalypsi colligitur, in alijs etiam sacrae Scripturae locis (de quibus nihil tale suspicabantur interpretes) Romam designari, vt Isaia 16. 5. vbi dicitur, *Incuruabis habitantes in excelsu*, vel, vt alij vertunt, *Habitatores excelsi*. Hebraicè, *Habitantes Marom*; quod idem est, ac *Habitatores Romae*. Illa enim syllaba prior dictionis *Marom* idem sonat, ac Hispanica lingua, particula *De*: quae est index genitiui; atque ita habitantes Marom non sunt alij, quam incolae vrbs Romae.

D His ergo praenotatis lectorem obsecro, vt accuratè perpendat, quantum splendoris & gloriae in Romam ex Apocalypsi redundaret, si ex optima ipsius libri intelligentia fulgentissima oboriretur lux, quae ostenderet, praecipuum sacri huius libri scopum fuisse; vt admirabilia laudum praemia celebraret, quae Romae conuersio Christo Redemptori nostro acquireret; & simul indicaret id esse facinus, quod tot retrò saeculis Prophetae descriperant in praeclarissimis & quamplurimis vaticinijs; idque per integra capita, vt supra expendimus. Ad hanc quidem notationē non spectat huius Apocalypseos scopi probatio; ea enim & ex commentarijs est petenda, & à me in decem totis libris confirmanda. Quare in hac notatione id vnū ago, vt ostendā quā foret Apocalypsis Romae gloriosa, si mea interpretatio certa esset. Expendat igitur lector, quis potuerit excogitari aut effingi liber adeo alicui vrbi gloriosus, qui vel centesimam partē illi tribueret eius gloriae, quam iuxta nostros commentarios Apocalypsis Romae impartitur: atque hoc nō solum ad expendendā Christianam nouā Romae magnitudinem (qui est scopus Stapletonij); sed etiam ad veteris Romae maiestatem, qui est Iusti Lipsii scopus.

E Enimuero quauis praecipuus huius notationis finis non dirigatur ad probandum, Apocalypsin sub antiqua Babylonis nomine de Roma ethnica, & de mystico illius supplicio agere: illud tamen hic animaduertere visum est, videlicet, quauis locutionis figura euerfionem Babylonis praeseferat, latens tamen sub hac locutione mysterium esse de mystica hac vindicta à Deo aduersus Romam exercendā. Idemque dixerim de Isaia ac Ieremiae capitibus; in quibus (vt superius diximus) de Babylone loquuntur. Quorum verba quauis significant, Babylonē à Cyro & Dario, cum eam inuaderent, excindendam & exurendam fore: constat tamen illam ab ipsis nō fuisse euerfam, nec illius moenia diruta; sed potius in

Licet Baby-  
lonis euerfio  
in antiquis  
Prophe-  
tis proprie vin-  
dictae speciem  
praeferat, eā  
tamen de  
mystica  
vindicta esse  
intelligendā.

Romam If.  
136. intelli-  
gi sub nomi-  
ne filiae Ba-  
bylonis.



Gravis diffi-  
cultas de  
Babylonis  
vastitate à  
prophetis  
predicta,  
quo scilicet  
modo sit ac-  
cipienda.

Aliorum  
expositiones  
obiter refe-  
runtur.

Huius que-  
stionis solu-  
tionem ex  
Apocalypsi  
facile colligi.

ea fuisse Imperij solium collocatum; atque adeo Ba-  
bylonem Perfici ac Medici Imperij metropolim &  
caput deinde extitisse. Quare difficultas hæc inter  
melioris notæ interpretes acerrimè ventilatur; quo  
scilicet pacto, prophetiæ illæ de Babylonis excidio,  
& quo tēpore sint impletæ. Quam quæstionē latè dis-  
putat Antonius Guevara in Hab. c. 2. à §. 41. vsque  
ad 55. vbi refert opinionem Leonis Castrensis; qui  
asserit in huiusmodi difficultate confugiendum esse  
ad spiritalem sensum, & ad orbis conflagrationem;  
& ita quoque intelligendum esse Ioannem in Apo-  
calypsi. Et postea §. 58. simile quid adducit ex Lui-  
sio Legionensi. Et in Apocalypsi quidē opinati sunt  
nonnulli, quod de Babylonis excidio affirmatur,  
referendum esse ad vltimum supplicium, quod in  
extremi iudicii die repetet Deus ab impiorum om-  
nium multitudine; cui Babylonis nomen mysticè  
conuenit. Verum ex Apocalypseos acolythia certò  
(ni fallor) deducitur, hūc minimè esse Apocalypseos  
sensum. Nam Babylonis exustionem consequuntur  
mille pacis anni. Et Guevara quidem non arridet  
eufasio Leonis Castrensis; atque adeo minùs iudicat  
dissentaneum, si asseratur ad literam esse sermonem  
de antiqua Babylone, hyperbolicè tamen. Ceterum  
quam ob causam Prophetæ fuerint hyperbolicè de  
Babylonis ruina locuti; hoc ipse non explicat. Meo  
tamen iudicio vera huiusmodi solutio in eo vel  
maximè sita est; quod scilicet præcipua Isaia ac Ie-  
remiæ mens in locis supra dictis non fuerit agere  
de antiquæ Babylonis excidio; sed sub ea compara-  
tione vaticinari vindictam mysticam à Deo de Ro-  
ma ethnica sumendam. Quod vbi supponatur, nul-  
la remanet difficultas in multis eorum, quæ à Pro-  
phetis videntur hyperbolicè dicta, si ad Babylonem  
applicentur. Ita enim oportebat, vt exacta esset my-  
sticæ vindictæ in Româ exercendæ descriptio. Quan-  
tobrem, si quod Leo Castrensis applicat ad mundi finem,  
ad mysticam Romæ vindictam & ad idolola-  
triæ euersionem applicaret; citra dubitationem hoc  
pacto collineasset.

Tota demum hæc Romæ maiestas & splendor in  
eo includebatur, quod in Apocalypsi Babylon de-  
signaret Romam (sicut etiam 1. Pet. 5. 13.) & Babylo-  
nis excidium, quod describit, denotaret mysticam  
Romæ deflagrationem. Id quod quauis auctores  
plurimi, hūc graues confirmauerint (nempe vigin-  
ti illi, quos c. 13. 1. reculimus) nihilominus tamē in-  
gens Apocalypseos difficultas ratio erat, ne hæc  
Romæ gloria, quam illi Apocalypsis tribuit,  
innotesceret: & nullus ferè esset interpretum, qui

A hoc Babylonis incendium ad Romæ conuersionem  
& idololatriæ expulsiōem applicaret. Veruntamen  
si difficultas hæc diuino aspirante numine esset su-  
perata (vt mihi in meis commentarijs præstare vi-  
deor) & perspicuè constaret, germanum Apocaly-  
pseos sensum esse eum, quem ipse statuere contē-  
do; tunc quidem proinde planum fieret, nullam aliā  
illustriorem ac sublimiorem laudem & commēda-  
tionem posse de ciuitate aliqua prædicari, quàm  
quæ de Roma in Apocalypsi, & per Apocalypsim et-  
iam in Canticis, in Isaia ac Ieremiæ vaticinijs cele-  
bratur. Atque hoc etiam posset similiter ad Danie-  
lis vaticinium extendi; & ad alia Scripturæ loca nō  
paucā; nisi timerem, ne longius, quàm par est, huius  
notationis series excurreret.

B Vt ergo huius ratiocinationi finem imponam,  
quauis Romana ciuitas vniuersam Scripturā per-  
inde æstimare debeat, quasi diuinæ sapientiæ the-  
saurum ipsi liberaliter impertitum; Apocalypsin ta-  
men non solum reputare debet tanquam partem  
ipsius Scripturæ excellentissimam, atque adeo  
locupletissimam thesauri portionem, quàm diuina  
sapientia fuit Ecclesiæ elargita; verum etiam vt li-  
brum singulariter conscriptū atque editum ad Ro-  
mæ ipsius decus & ornamentū; & qui ad Romæ tam  
antiquam amplitudinem, quàm nouam multò ad-  
mirabiliorem, tantum lucis afferat, vt illius compa-  
ratione, quicquid postea de Romæ, deque Romanæ  
Ecclesiæ magnitudine literarum monumentis pro-  
ditum est, multò sit minoris ponderis ac momenti;  
non solum propter Apocalypseos auctoritatē prorsus  
diuinam; sed propter earum rerum maiestatem,  
quas Apocalypsis sub ænigmatum inuolucris & in-  
tegmentis occultabat. Denique vt Romanæ Eccle-  
siæ corroboretur auctoritas ac maiestas, & probetur  
ipsius Episcopum esse verissimum Christi Vicariū;  
ad hoc inquam mirifica sunt symbola atque elegā-  
tissima, quibus id in Apocalypsi celebratur: vt vidi-  
mus in filio masculo ca. 12. & cerneret etiam initio  
ca. 18. vbi Petrus singulariter designatur in illo An-  
gelo descendente de cælo, & habente potestatem ma-  
gnam; cuius luce & splendore tellus est illuminata.  
Postremò, nuptiæ etiam c. 19. adumbrant haud du-  
biè spirituales Christi nuptias cum Romana Ecclesia  
tanquam cum ea, quæ inter ceteras Ecclesias est Re-  
gina & Imperatrix. Atque ex eo capite lux refundi-  
tur ad Salomonis Cantica; quo in libro eadem veri-  
tas elegantissimè etiam canitur. Idemq; dixerim de  
Ps. 44. cui magnam pariter lucem attulit Apocaly-  
psis.

Quanti Ro-  
mana ciui-  
tas debeat  
Apocalypsin  
facere.

## PROLOGVS

A D

## CAPVT XVII. ET XVIII.

Tria ante  
sequentiæ ca-  
pituli expla-  
nationem  
disputanda.

I N horum capitum utroque proponitur ob oculos poena, quam Deus Babyloni infligere decreue-  
rat; nec non planctus in eius exequijs edendus. Ceterum in primo ipso limine atque vestibulo tria  
sunt nobis per ordinem disputanda. Primum est, quænam hic ciuitas sub Babylonis nomine intelli-  
gatur? Alterum, de quo supplicij genere loquatur Apocalypsis? Tertium, quinam sint hi Angeli, qui  
Ioanni renunciant supplicium à Deo de Babylone sumendum? Alterius enim ex ijs mentio fit initio  
c. 17. & dicitur esse vnus ex septem phialarum Angelis; atque hic est, qui refert omnia, quæ c. 17. nar-  
rantur. Alter inducitur in c. 18. exordio; qui narrat etiam cecidisse Babylonem.

E



## DISPUTATIO I.

## De significatione Babylonis in his capitibus memoratis.

**P**LVRES ex Apocalypseos interpretibus opinantur, Babylonem in hoc loco non esse peculiarem aliquam urbem, sed impiorum omnium multitudinem. Sic Ticonius, Ambrosius, Primasius, Beda, Haimo, Aretas, Rupertus, Thomas, Gagneus, & Christophorus Castrius Jeremia 51. §. 27. Eandem explanationem amplectitur Augustinus in Ps. 26. & Prosper in dimidio temporis ca. 7. ubi sic habet: *Hæc est Babylon illa magna per mundum; eius vero filia, quæcumque facta eius. & superbiam imitantur; nec eam in uno loco existimes civitatem, quæ toto est sparsa in orbe.* Et tandem Maluenda l. 4. de Antichristo, ca. 7. statuit, hanc expositionem de impiorum cœtu non esse repudiandam.

Huic vicina est altera expositio; quæ non de aliqua ciuitate propriè dictâ accipit Babylonis nomen; neque de omnium impiorum multitudinem; sed peculiariter de eorum cœtu, qui ex Christianis reprobantur; aut saltem eorum, qui ex orbe Romano ad Christi fidem conuersi, Dei tamen præcepta contemnunt. Atque hæc videtur esse Ioachimi explicatio, nec non Seraphini, & Vherrini de Casalis, & Dantis etiam Italici Poætæ.

Sed aduersus duas has exponendi vias militat validissimè Apocalypseos acoluthia & consequentia. In qua euidenter est, deflagrationi Babylonis succedere mille pacis annos; his bella Gogi & Magogi, quæ sunt Antichristi & eius præcursorum. Quis ergo non videat, nec impiorum omnium multitudinem, nec improborum singulatim Christianorum cœtum ante mille illos Ecclesiasticæ pacis annos finire? Hoc argumentum ita mihi semper firmum & efficax visum est; ut harum duarum expositionum auctores, si consequenter loquantur, teneantur ad asserendum, nullum in Apocalypsi ordinem, & rerum consecutionem seruari. Si tamen nostra expositio aptè & congruenter applicauerit quidquid Apocalypseos textus continet, idque continuato semper ordinis filo atque seriè; ex hoc ipso euidenter constabit, acoluthiam non esse confictam, sed planè ab ipsa Apocalypsi exposci; aliqui non possent idoneè & consequenter exponi.

Exclusis ergo eorum expositionibus, qui Babylonem nullo certo in loco circūscribunt; reliquum est, Apocalypsin agere de singulari aliqua ciuitate. Hæc autem minimè esse potest antiqua illa Babylō Chaldaea metropolis. Nam imprimis Apocalypsis ipsa declarat, Babylonis nomen huic urbi, de qua agitur, inditum, mysticè esse sumendum; quemadmodum Ægypti & Sodomæ nomen ca. 11. Ierosolymæ impositum est. Secundò constat, Babylonem fuisse in magna planicie edificatam; ut in eius descriptione videre est. at Apocalypseos Babylon supra septem montes sita esse perhibetur. Præterquam quod contextus ipse postulat; uti Babylon, de qua sermo habetur, acerrimo bello Christianam oppugnet Ecclesiam; atque in hoc ceteris terrarum orbis ciuitatibus antecellat. Hoc autem de Babylone hætenus verè affirmari non potest; nec aliquè reperio auctorem, qui credat, Apocalypseos prophetiam in posterum esse implendam in ea ipsa urbe; cui proprium fuit Babylonis nomen.

Illud certè apud Forestitum Isa. 23. 12. inuenio Ioannem videlicet in his capitibus loqui de Antichristianorum urbe (quo nomine videtur significare eos, qui Antichristum sequuntur) & hanc eandem Antichristianorum ciuitatem significari nomine Tyri, Isaia 23. 12. & Ezech. 27. Regnum autem Antichristi Babylone esse inchoandum, & illam fore ipsius Metropolitim, videtur esse multorum opinio; ut constat ex illis, quæ adducit Maluenda l. 5. de Antichristo c.

3. Nihilominus meo iudicio, nullâ ratione probabile est; in Apocalypsi sub nomine Babylonis haberi sermonem de ciuitate ipsa, cui proprium nomē est Babylon. Neque vlla ratione coheret cū libri huius ordine & consequentia, ut Babylonis excidiū quod in eo describitur, referatur ad vindictam de illis sumendam, qui famosum Antichristum sub extrema mundi tempora venturum sequuntur.

Superest ergo, ut Babylon in Apocalypsi designet Constantinopolin vel Romā. & quidem Constantinopolin in Apocalypsi indicari, suspicatus est Aretas; & eandem suspensionem fouerunt Caponsachius in præsentī, & Leouisius in libro de Aquila Eldre. Hi auctores in eo nituntur, quod ciuitas illa sedet super aquas multas: atque est Turcici Imperij metropolis, cuius Imperator est inter omnes Christianæ Ecclesiæ hostes potentissimus. Quare potuit in eam deueniri suspensionem, fore ut ciuitas illa sit demū celesti igne conflagratura. Veruntamen suspensionis huius fundamenta debilia admodum sunt; & vana omnino est expectatio, quæ post Cōstantinopolis euerfionē, quā huiusmodi auctores somniant, credat mille pacis annos, quos refert Apocalypsis, esse incepturos. Etenim, si per mille annorum pacem (ut suo loco patebit) figuratur tranquilla pax, quam Ecclesia post deuictā idololatriā, & ex Romano Imperio depulsam, potita est; dissentaneum videtur omnino; mille horum annorum exordium capiendum fore ex eo, quod neque hætenus accidit, neque euenturum esse scimus. Argumentum verò, quod Cōstantinopolis sit ea, quæ propriè sedet super aquas multas, tantum aebet ut aliquid probet, ut ostendat potius vanè id & falsò de Constantinopoli exponi. Nā textus ipse declarat, *Sedere super aquas multas, allegoricè esse accipiendum*; nam *aquæ multæ sunt populi multi*. Quamobrem minimè iuxta Apocalypseos institutum inquiritur ciuitas aliqua, quæ ad maris littus sita sit. Quod si ad locutionis figuram oculos conuertamus; profectò hæc descriptio ad Babylone antiquam accommodatur, quæ propter Euphratis fluminis, (quò alluditur) magnitudinem rectè dicitur sedere super aquas multas.

Reliquis ergo expositionibus reiectis, illa debet esse certa, quæ docet in Apocalypsi Romam sub Babylonis nomine significari: quod etiam nomen ei tribuit B. Petrus epist. 1. c. 5. 13. Notandū tamen est, trifariam posse nos de Roma loqui. Primò de Roma prout nunc est. Secundò, prout sub Antichristi aduentum fore creditur ab ijs, qui illam existimant tunc ad antiquum idolorum cultum, & Christiani nominis persecutionem atque odium redituri: Tertiò, de Roma; prout erat sub antiquis Imperatoribus ethnicis, cū Christi persequebatur Ecclesiā. Ex his ergo tribus acceptionibus hæretici nostri temporis primam auidissimè arripuerunt; ut hæc ratione in Ecclesiam Romanam debaccharentur, & Pontificis summi potestatem roderent. Contra horum dementia iam disputauimus c. 13. nec iuxta hæc insania tanti debet esse, ut eam rursus refellere optus sit. Quare satis mihi nunc erit, si lectorem referam ad ea, quæ doctè & grauitè scribit Cardinalis Bellarminus in appendice ad libros de summo Pontifice.

De secunda harum trium acceptionum, quæ opinatur Romam iterum à Christi fide defecturam, & Christianæ Ecclesiæ bellum inflicturam, quid censeam, dixi iam notatione 11. procemialium: ubi ostendi, licet non aded rigidâ debeat notari censurâ, ut nonnemo insensius perstrinxit, eam tamen ut improbabilem fore reputandam; & quam meo iudicio consensio & acoluthia Apocalypseos omnino reiciat.

Nā sub hoc nomine intelligatur Constantinopolis.

Respondetur per negationem.

Reijciatur fundamentis superioris de Cōstantinopoli sententia.

Concluditur demum in Apocalypsi sub Babylonis nomine agere de peculiari aliqua ciuitate.

Sub quo sententia consideranda sit Roma, prout in Apocalypsi per Babylonem figuratur.

Babylonis nomine quid significetur in Apocalypsi. 1. opinio explicans de impiorum omnium cœtu.

2. opinio, quæ exponit de cœtu Christianorum, qui reprobantur.

Exploditur utraque explicatio ratione supra tractata.

Statuitur Apocalypsin sub Babylonis nomine agere de peculiari aliqua ciuitate.

Alia expositio Forerij proponitur, nec probatur.



Auctoritas,  
qua pro no-  
stra senten-  
tia militat.

Verissima ergo interpretatio est, per Babylonis no-  
men in Apocalypsi designari antiquam Romam e-  
thnicam, quæ Christi Ecclesiam exagitabat. Quæ ex-  
positio pro se habet imprimis numerum bene ma-  
gnum auctorum grauissimorum, quos in notat. 11.  
procemiali, & c. 13. numerauimus. Quibus nunc ad-  
do Strabum atque Burgensem; qui Babylonis con-  
flagrationem interpretantur de mystica & spiritali  
destructione Regni Romanorum; videlicet per e-  
thnicorum conuersionem ad Christi fidem. Et deniq;  
B. Apringius in præsentem expressit, ait, Babylonē hu-  
ius capitis esse ciuitatem antiquam Romanā; & eadē  
expositio habetur in rubricis manu scriptis antiqui  
codicis in Bibliotheca S. Laurentij. Quare pro nostra  
expositione sunt plusquam viginti auctores; & inter  
eos plerique primæ notæ, vt Tertullianus, Hierony-  
mus, Apringius; Paulus Orosius, & alij.

Ex B. Petri  
Apostoli  
epistola idē  
assumptum  
cōprobatur.

Secundò; Cū B. Petrus Babylonis nomine Romā  
appellet (vt Papias & Eusebius ab Hesselio relati, &  
communis expositorum sententia testatur:) euident  
omnino est, Petrū de Roma ethnica antiqua locutū.  
Et eadē ratione Apocalypsin loqui putandū est. Hi-  
eronymum item, & reliquos suprà citatos sic loqui  
est prorsus manifestum; vt optimè expendit Bellar-  
minus in illa supra dicta appendice.

Idē ex totius  
Apocaly-  
psos filo &  
contextu.

Tertiò; Apocalypseos series & filum compellit, vt  
hanc expositionem amplectamur: eamque (ni fallor)  
reddat certam. Et quidem argumenti magnitudo ac  
summum rei momentum minimè patiuntur, vt A-  
pocalypsis intactum prætermittat exitum horribilis

A illius belli, in quo Roma ethnica cum Ecclesia Chri-  
stiana acriter dimicabat; & repente transiliret ad fi-  
nem illius vrbs Antichristianorum, siue Constan-  
tinopoleos; vel ad id, quod qualibet ceterarum ex-  
positionum opinatur.

Quartò; si Hæretici putant, Romam à vera Religi-  
one defecisse; in hoc manifestè se opponunt Ecclesiæ  
Patribus, qui clamant Romanā Ecclesiam nunquā  
fore à vera Religione defecturam. Cyprianus l. 1. e-  
pist. 3. ait, *Ad Romanam Ecclesiam perfidia habere nō po-  
test accessum.* Et Hieronymus l. 3. contra Rufinum, *Roma-  
na fides Petri auctoritate munita non potest mutari.* Et  
quanuis noua Riberæ & Viegæ opinio respondere  
possit, minimè implicare Ecclesiam rursus Romanā  
valde premi, & conflictari; sicuti Diocletiani & Iuli-  
ani tempore: ceterum vt affirmetur Romanā Eccle-  
siam sub Antichristi tempore Romæ oppressum iri,  
deberet solidum aliquod asserri fundamentū. Quod  
tantum abest, vt adduci possit, vt Gregorius Magnus  
l. 2. Dial. c. 15. affirmet; S. Benedicto fuisse diuinitus  
præsignificatum, Romam nunquam ab infidelibus  
euersum iri.

Hæreticorū  
error confu-  
tatur.

Deniq; ex tota Apocalypseos applicatione ad hanc  
sententiam apta & coherenti, valida satis compro-  
batio elicietur, vt Babylonis nomine intelligenda  
sit Roma ethnica antiqua. Quamobrem nihil opus  
est alia coaceruare argumenta; sed id vnum intēde-  
re, vtrū scilicet huius sensus applicatio congruē  
atque idonea sit.

## DISPUTATIO II.

*De quo supplicij genere sit accipienda Babylonis eversio, quam  
proponit Apocalypsis.*

Quo sensu  
sit accipien-  
dum suppli-  
cium Baby-  
lonis insitū,  
de quo latè  
in huius A-  
pocalypseos ca-  
pitulis.

ILLUD argumentum primā specie firmissimum  
videtur, ne in Apocalypsi Babylonem pro veteri  
Roma ethnica vsurpemus; quod scilicet vt meritū  
persecutionis à Babylone in Ecclesiā excitatæ sup-  
plicij mox proponatur ipsius Babylonis dāatio, &  
cælestis ignis, quo prorsus absumentur. Atq; hoc cele-  
bre supplicium expenditur & celebratur à c. 16. vsq;  
ad 19. Cū igitur cōstet, Deum hoc supplicij genere  
in antiquam Romam ethnicā non animaduertisse,  
sed potius illam suæ fidei subiecisse; in cuius verò  
cultu tot sæculorum atates effloruit: videtur hinc  
reliquum fieri, per Babylonem non significari Ro-  
mam ethnicam. Atque hoc fuit (credo) præcipuum  
argumentum eorum, qui in varias ac diuersas abie-  
re sententias. Omnes enim illi quasi certum statuūt,  
Babylonicæ combustionis pœnam esse accipiendam,  
vt sonat. Quare alijs placet, hoc supplicium impijs  
omnibus impendere; alij malunt improbis Romani  
Imperij Christianis minitari; alij ciuitati Romanæ  
propter flagitia eorum, qui nunc in ea habitant; alij  
Constantinopoli; alij denique comminiscuntur, Ro-  
mam extremis temporibus ad idolorum cultū redi-  
turam, & tunc demum cælesti igne conflagraturam.  
In hac extrema sententia dissonum valde existimo  
supplicium antiquæ idololatriæ fore Romæ luendū  
post vltimam à Christiana fide defectionem. Quan-  
uis enim verum foret, Romam sub Antichristi ad-  
uentum fidem Christi atque cultum deserueram;  
multò saltem credibilis, atque adeo verius est, Ro-  
mā ad Christi Religionē traductā, & veteribus Ro-  
manis sub prima illa tempora in omni virtutis ac  
sanctimonix genere florentibus, iustam Dei iram &  
indignationem aduersus Romanos conceptam in  
maximam beneuolentiam abiisse. Nec ferri potest,  
post duo annorum millia, Romam illam postremā  
pœnas dare eorum scelus, quæ altera illa Roma  
antiqua perpetravit.

Perstringū-  
tur obiter a-  
liorum ex-  
p. scilicet nos.

Impugna-  
tur opinio  
de Roma sub  
mundi fine  
ad idolola-  
triam re-  
gressurā.

C Deinde, si tota difficultatis ratio ad illud de-  
uoluatur, quod Romæ non id acciderit, quod tex-  
tus ipse præ se fert; videlicet urbem eam, quæ Baby-  
lon nominatur, visibili & corporeo igne deflagasse;  
illud hinc erat eliciendum, exustionem scilicet atq;  
supplicij seueritatem mysticè fore accipiendam, non  
vt sonant. Hæc enim explicandi ratio in sacrarum  
Literarum verbis (quibus ignis combustio & vltio  
seuerissima notatur) familiaris est Scripturæ phrasis,  
& omnium ferè interpretum Hebræorum, Græcorum,  
& Latinorum auctoritate firmata: vt vidimus  
not. 22. procemiali: vbi etiam obseruauimus, hūc lo-  
quendi modum non modò esse in sacris receptissi-  
mum, verum etiam apprimè elegantem, & Apoca-  
lypseos consuetudine, ac legis gratiæ spiritu valde  
dignum. Quin etiam ex ibidem dictis constat, ipsū  
Apocalypseos contextum necessariò postulare, vt  
magna illa vindicta non iuxta verborum sonitum  
accipiat. Si enim ita vsurparetur, multis in rebus  
manifesta inuolueretur implicatio; sicuti in eius  
vrbs deuoratione & incendio, & in eius igne atque  
fumo in sæcula sæculorum perdurante.

Elicitur de-  
mū hoc Ba-  
bylonis (id  
est Roma)  
supplicium  
mysticè fore  
accipiendū.

E Accedit, quod hæc vindicta & Babylonis defla-  
gratio subsequitur septem phialas; ipsa autem Apo-  
calypseos verba exprimunt, phialarū plagas ad no-  
uissimum, id est valde nouum, plagarum genus spe-  
ctare. Quare nimium satis literæ ipsius sonum au-  
cupatur, qui in hac Babylonis vltione materiale  
ignem indagat, atque fumum in æternum perma-  
nentem. Quinimò plurimas Deo agere gratias de-  
bemus, quod per Apocalypseos acoluthiam nobis  
lucē immiserit, vt testamenti veteris vaticinia, quæ  
cum hac Apocalypseos descriptione de Babylonis  
vindicta consentiunt, mysticè intelligamus; sicuti  
necessariò est etiam Apocalypseos prophetia intel-  
ligenda.



## DISPUTATIO III.

*Qui sint duo Angeli, qui Ioanni annunciant vindictam de Babylone sumendam.*

Quæstio de  
duobus an-  
gelis Ioanni  
excidit Ba-  
bylonis enu-  
ciantibus.

Virum in  
illis duo pro-  
phetas figu-  
rantur.

Aliso in  
hoc angelo-  
rum pari ad  
Isai. c. 21.

Afferitur, id  
in eo Isaiæ  
loco, quàm  
in duobus  
his Apoca-  
lypticos an-  
gelis, Petrus  
& Paulum  
apostolos  
figurari.

Rationem  
fundamen-  
tis predictæ  
sententia  
faciunt.

**O**BSERVATIONE dignum est, in Apocalypsi, non vnũ esse Angelum, sed duos diuersos, qui Ioanni renunciant supplicium, quo Deus in Babylonem animaduersurus erat. Etenim toto c. 17. qui Ioannem alloquitur, & certiorẽ facit de Babylonis damnatione, est vnus de septem Angelis phialarũ. Postea verò ca. 18. exorditur verbis illis, *Et post hæc vidi alium Angelum descendentem de celo, &c.* Et exclamauit in fortitudine dicens, *Cecidit, cecidit Babylon.* In hoc Angelorum binario aliquis fortasse contẽplabitur vaticinium illud, *Cecidit, cecidit Babylon* à duobus Prophetis esse conscriptum; nempe ab Isaiâ ca. 21. 9. & à Ierem. c. 51. 8. Verum huiusmodi respõsio difficultatẽ nõ soluit; primò, quia Angelus c. 17. Apocalypseos est vnus de septem Angelis phialarum. Illi autem omnes sunt ex noui testamenti ministris, vt suo loco ostẽdimus; quare nõ rectẽ congruit, vt per hosce duos Isaias & Ieremias denotentur. Deinde, quia Angeli descriptio loquentis in c. 18. Apocalypseos nonnulla continet, quæ nec Isaiæ, nec Ieremiæ conueniunt; ac præsertim verba illa, *Habentem potestatem magnã.*

Norandum etiam est, hoc Angelorum par Ioanni referentium supplicium Babylonis, respondere (vt ante me obseruauit Arias Montanus) c. 21. Isaiæ, vbi duo itẽ pronunciant verba illa, *Cecidit, cecidit Babylon.* Narrat enim Isaias visum fuisse speculatori currum, quẽ asinus & camelus iuncti trahebant. Et quidem tã asini, quàm cameli ascensores (id est, qui super ea animalia sedebant) vterque dixerunt, *Cecidit, cecidit Babylõ.* Ex quo intelligitur, duos hosce Angelos, qui eam vindictam de Babylone sumendam in Apocalypsi renunciant, non respondere binario Isaiæ & Ieremiæ; sed binario illi, quẽ Isaias refert.

Certũ ergo mihi est, per duos illos asini & cameli sessorẽs, quorum Isaias meminit, Petrum & Paulũ denotari; ac proinde eosdem esse, qui in Apocalypsi inducuntur Babylonis ruinam annunciantes. Ad huius explicationem animaduerto 1. in Apocalypsi, cũ dicitur, *Vnus de septem Angelis phialarum*, idẽ valere, quod *Primus illorum*: sicuti vnus de quatuor animalibus, idẽ est atque *Primum*, nempe leo. Vidimus autẽ c. 15. & c. 16. qui primam effudit phialã esse Paulum; qui vt Gentilitatis Apostolus mystici illius belli in Gentiles suscepti dux est. Primæ autẽ phialæ mysterium non fuit aliud, quàm Romanos de suis sceleribus arguere; & eos per huiusmodi predicationẽ verecundiã atq; pudore afficere. Quã in re illud imprimis respectũ fuit, quod Paulus de hoc argumento ad Romanos 1. eloquentissimẽ tractat. Si ergo, qui Babylonis ruinam recensent, sunt duo, & eorum alter Paulus; alterum esse Petrum, nemo inficiabitur. Præsertim cũ dicatur esse Angelus magne potestatis: quod profectò responderet admirabili potestati, quã Christus Petro per caelestes clauẽs tradidit. Clauis enim est potestatis, imò verò supremæ potestatis symbolũ; vt expendimus c. 1. ad illa verba, *Habeo clauẽs mortis & inferni.*

Secundo; eo ipso, quòd Deus Petrum & Paulum selegerit Romanæ Ecclesiæ fundatores, etiam si aliunde nõ cõstaret, reuelatũ ipsis fuisse illius Ecclesiæ successum; satis quidẽ esset, duos hos Apostolos fuisse à Deo ad Ecclesiæ ipsius foundationem destinatos, vt pro comperto haberemus, Deum illis præsignificasse Romanæ Ecclesiæ amplitudinem toti deinceps Romæ dominationi, atque illi iugum Christianæ fidei impositurã. Si enim peculiariũ Religionum fundatoribus (vt Dominico, Francisco, atque alijs) piẽ admodũ, nec minũ verẽ credimus, reuelasse Deum insigniores sacrę illius familię successus, quã Dei ipsius ope & auxilio instituebant; quantò verũmilis est Romanę Ecclesię fundatoribus fuisse præ-nunciatũ, quod tanto fuerat ornamẽto & splendori Ecclesię ipsi futurum. Deinde, cũ his duobus Apostolis potius, quàm alijs Euangelij ministris reuelari expedierit Romæ totius conuersionẽ; faciliẽ cer-

**A** nitur, vt duo inducerentur, qui huiusmodi nunciũ Ioanni deferret, nullos seligi potuisse Petro & Paulo aptiores. Namq; ipsi, præ ceteris omnibus, clariorem hac de re habebat cognitionẽ. Nec verò dissonat, quòd Petrus & Paulus figurẽtur è celo missi, vt hoc Ioanni renunciarent. Nã in ipsa saltem caelesti beatitudine nemo Theologorũ dubitat, quin vniciq; in Verbo innotescant euentus earum rerum, quæ ad eos maximẽ pertinent. Ad quos ergo ex Euangelij ministris melius & congruentius, quàm ad Petrum & Paulum pertinebat Romanæ Ecclesiæ euentuum cognitio? Valde igitur decorum fuit, vt per illos res hæc fiat Ioanni & vniuersali Ecclesiæ manifesta.

**B** Tertiò; si consuetudinem Ioanni in Apocalypsi frequenter obseruatam consideremus, consentaneũ valde est, visionem hanc Petri & Pauli felicem Ecclesiæ nuncium referentium niti imprimis in eo, quòd Petri & Pauli Epistolæ eundẽ significant nunciũ. Et quidem ita res se habet. Nã inter sacros noui instrumenti scriptores, qui Apocalypsin antecesserunt, solũ videretur hic nuncius fuisse in Petri & Pauli epistolis significatus. Petrus enim, dum in sua prima Canonica c. 5. 13. Romam ethnicam appellat Babylonem, innuit proculdubio, in eadem Gentili Roma expletũ iri Isaiæ ac Ieremiæ vaticinia, quæ continent Dei supplicium Babyloni immittẽdum. Quòd si huiusmodi doctrina in Babylonis nomine Romæ indito continebatur; quis dubitet, id mysterij Ioannẽ latere nequaquam potuisse? Quapropter magno cum decoro figuratur felicissimus hic nuncius, *Cecidit, cecidit Babylon*, à Petro (fuisse Ioanni relatus tanquam in ipsa Roma omnino complendus. Atque hæc breuiter de B. Petro.

**C** De Paulo autẽ nihilo ignotius est. Nam primò in eius epistolis distinctẽ fuerat prædictũ; *Cecitas ex parte contigit in Israel, donec plenitudo Gentium intraret.* Si ergo Gentij plenitudo intrare debebat; necesse erat, Romam Gentium omnium caput (ex cuius conuersione Gentium conuersio pendebat) Christi Religionem palam suscipere, ac profiteri. Quãobrem certum, meo iudicio, est, quod Paulus de Gentium felicitate prædicat, in eo supponi Romanę vrbis conuersionem; alioqui Gentium felicitas non ita esset integra atque perfectã, vt Paulus significat.

**D** Deinde, vt vidimus c. 14. not. 2. in illis Pauli verbis 2. ad Thess. 2. *Tantum qui tenet nunc, teneat, donec de medio fiat*; supponitur, Paulum clam cum Thessalonicensibus egisse de certissima spe, quæ sibi inerat, fore vt Roma, eiusq; Principes Euangelij iugo ceruices submissuri essent. Et quidem licet non omnibus Paulus arcanum hoc mysterium perspicuẽ detexerit: at Christi Apostolos & præsertim Domini dilectũ minimẽ de hac re celasse credẽdus est. Atq; hoc ipsum existimo esse præcipuum eorum verborum mysterium, quæ Paulus tradit 2. Cor. 12. 4. nimirũ audisse se arcana verba, quæ non licet homini loqui. Vbi verbum illud non licet, neutiqum referendũ est ad mysteriorum excellentiã; ecquã enim præstantiora sunt ac sublimiora mysteria, quàm sanctissimæ Trinitatis, incarnationis Dominicæ, & Eucharistiæ? atqui hæc non licuit solũ, sed maximẽ etiã oportuit Christianis omnibus reuelari. Quamobrẽ, quod Paulus ait, *non licet*, ego quidem accipio de expressã ac manifesta predicatione, quẽ Christianam Ecclesiã prædicaret de Roma triumphum acturam; nec non senatores omnes ad Christi fidem traducturã. Hæc enim palam prædicare non licebat; nã ita recta ratio atque prudentia dictabat, vt explicuimus in proemio notatione 13. Veruntamen illa ipsa, quæ palam & publicẽ pronuciari non expediebat, certẽ minimẽ dubitaret Apostolus Ioanni integrẽ renũciare. Illa igitur sunt, quæ in hoc ca. ænigmaticẽ, vt par erat, reuelantur; tanquam mysterium damnationis Babylonicæ, quod Ioanni à primo phialarũ Angelo, hoc est, à D. Paulo nunciatum est.

Probatur id  
singulatim  
de B. Petro.

Idem etiam  
affirmatur  
in B. Paulo.



## NOTATIO I.

De allusione duorum Angelorum, qui Ioanni ruinam Babylonis annunciant,  
ad duos illos, quorum meminit Isaias capite 21. 7.

Per ascenso-  
res asini &  
cameli apud  
Isaiā signi-  
ficari B. Pe-  
trū & Pau-  
lū Aposto-  
los.

Currit ille  
bifugus Isaiā  
visus c. 21.  
quomodo sit  
conspiciendus.

Cur asinus  
& camelus  
currum illū  
trahere sin-  
gentur?

Cur Chri-  
stus in Iero-  
solyma in  
gressu asinū  
& pullum  
detulerit?

Cur Petrus  
& Paulus  
asinū & ca-  
melo utri-  
que figuntur?

VERBA Isaię sunt; Et vidit currum duorum equitum, ascensorem asini, & ascensorem cameli; & contempla- tus est diligenter multo intuitu. Mea igitur sententia est, in his verbis per asini ascensorem figurari D. Petrū, & per ascensorem cameli D. Paulum. Et quanvis de illo c. Isaię sim ex professo acturus l. 9. huius operis; operepretium tamen fore duxi, si paucis hic expo- nerem fundamenta, quę habeam, vt in hoc Isaię lo- co, Petrū per asini ascensorem, & Paulum per ascē- sorem cameli significari credam. Primum ergo iā fatis explicatum est, duos illos Babylonis ruinā Io- anni renunciantes respondere huic Isaię binario. Quare quidquid hactenus diximus pro asserēda Pe- tri & Pauli significatione in duobus illis, qui hunc nuncium felicissimum Ioanni derulerunt; cōducit etiam, vt Isaias in duobus illis equitibus Petrū & Paulum depingere credatur.

Deinde, currum illum, quem speculator apud Isaiam prospexit, perinde accipiendū esse reor, quasi in eo vereretur fama victorię, siue vindictę, quam Deus in Babylonem exercuerat. Quippe, dum indu- citur illius admirandi facinoris fama curru adue- ctę, eleganter significatur, eiusmodi nuncium præ- dicari, qui admirabilem Ecclesię victoriam atq; tri- umphum contineret.

Iam, quod asinus & camelus eum currum tra- hant; mirificam habet energiam. Nā vtrumque hoc animal huic vni rei videtur natum, vt humano ge- neri humiliter ac patienter deferuiat. Quamobrem vt significetur victoriam illam admirabilem, cuius fama in eo curru ferebatur, insigni patientiā atque humilitate Christi Martyrum fuisse reportatā; con- grueret & significanter satis inducitur sacra fictio, quę illius currus bifugus asinum & camelum pro- ponit: quorum animalium vtrique species in Oriē- tis prouincijs valde est vulgaris. Et quanvis ad glo- riosum Christi Ierosolymam subintrantis trium- phum non camelus, sed asinus expediens fuerit: ce- terum ratio, quapropter fuerit asellus ad id selectus, inde fuit maximē desumpta, vt Christi triumphū per patientiam & humilitatem agi denotaretur. Su- perest ergo explicare, cur in illa Isaię visione asinus & camelus currum iunctim trahere dicantur?

Ad hanc ergo dubitationem Respondeo, Chri- stum quidem in Ierosolymę ingressu detulisse etiā asinum & pullum: forsā ad duorū populorum Iu- daici & Gentilici significationem. Et quidem in ve- ra ipsa historia, qualis ea Christi fuit, nimium asse- ctata res esset, si asinus & camelus coniungerentur: in visione autem sacra nihil dissentaneū fuit, ei- usmodi nouitate vti; quin potius quod inusitatus, il- lud aptius ferē est, si tamen maiorem habēat ener- giam ad eam, quę intenditur, significationem. Præ- terquā quod fortē in eo Christi in Ierosolymam ingressu potissimum significabatur patientia atque humilitas, quibus Christus Dominus tanquam po- puli Iudaici minister de ciuitate illa rebeli trium- phauit. At in victoria, quā de Roma adepta est Ec- clesia, non temerē accidit; vt duo præcipui illius no- bilissimi facinoris duces, qui Ecclesię Romanę fe- licitatē nunciarūt, essent duo Apostoli celeberrimi; quorum alter Iudæorum erat Apostolus, alter Gē- tiorum. Nam licet Romę perpauci erant Iudęi, com- paratione Gentiliū; diuinę tamen prouidentię cō- silio (vt vidimus c. 12.) ita fuit dispositum, vt prius Romana fundaretur Ecclesia in aliquot Iudæis Ro- mę commorantibus, & per occasionē obdurationis reliquorū ad Gentes se conuerteret prædicatio. Ad huius ergo consilij executionē congruentissimē ac- cidit, vt Petrus Romam prius adiret, qui erat circū- cisionis Apostolus; deinde Paulus, qui Gentilium; & vterq; magnā animi cōsensione veluti cælestes Cy- rus & Darius nouam inuaderent Babylonem, & de illa gloriosissimē triumpharent.

A Superest explicare, qua ratione distinctio cameli & asini apta censcatur, vt Petrus in asino, Paulus in camelo sedisse describatur? Etenim si hoc symbolo significandum erat, alterū esse Iudæorum Apostolū, alterum Gentium; difficile apparet, quo pacto hæc distinctio possit in duobus prædictis animalibus cō- gruerenter figurari. Pro huius ergo expositione obser- uandum est ex Plinio discrimen inter asinum, & ca- melum. De camelo quidem agens l. 8. c. 18. ait. Came- los inter armenta pascit Oriens; omnes autem iumentorum in ijs terris dorso funguntur; velocitas inter equos (seu Ni- fæorum equorum, vt ait Arist. l. 9. historię animalium c. 61.) sitim quadriduo tolerant; implenturque cum bibendi occasio est, & in præteritum, & in futurum: obturbatā pro- culcatione prius aquā aliter potu non gaudent. Sunt præ- terea duo camelorum genera; alij enim bina sunt in dorso tubera; alij singula in dorso, & in pectore etiam singula, quibus incumbant. Ac demum tubē- ra, quę ipsos videbantur ineptos redditura ad onē- ra comportanda, illa ipsa eis adiumentum sunt, vt o- nus humiliter & patienter portent.

B De asinis verō Plinius eodem l. 8. c. 43. hæc habet Partus charitas summa, sed aquarū tediū maius; per ignes ad fœtus tendunt; eadem, si riuus minimus inter sit, horrent ita, vt pedes omnino caueant tingere; nec nisi assuetos potat fœtus; atque ita vt sicco tramite ad potum eant, nec pontes transeunt, si per eorum raritatem transluceant flumy. Mi- rumq; dictū, sitiunt; & si immutentur aque, vt bibant co- gende sunt. Hactenus Plinius. Ex quibus animadu- tere est, asinum in aqua potanda esse nimium notis fontibus addictum, nimiumque cautum, ne pedes aqua tingat; e contrario camelum, quæcumq; se de- derit vnda, in eam auidē ferri, atque eā se prorsus ingurgitare; quin etiam turbidā aquā potius, quā limpida delectari; tantumque abesse, vt pedes intin- gere horreat; vt ante potum pedes in aquā immi- tat, eamque proculet ac turbet, antequā bibat.

C Quid posset significantius adduci ad significandā in asini natura nimiam illam Petri cautionē in alijs hominibus conueniendis præter Iudæos, ne se infi- ceret. Perpende illud Act. 10. 14. Absit Domine, quia nunquam manducaui omne commune & immundū. Qua- propter opus fuit, vt vox de celo missa illum semel iterumq; hortaretur; Quod Deus purificauit, tu commu- ne ne dixeris. Iam per aquas multas & varias, nemo nescit in sacris Literis adumbrari multos ac varios populos, a quibus abstinere velle videbatur Petrus, & a pedibus inficiēdis cauere: donec horror ille fuit sibi diuinitus sublatus. Quin & in ea ipsa cautione atque horrore innuitur, Petrū directē vocatū, vt Apostolus esset circumcisionis. Vide illud ad Gal. 2. 8. Qui operatus est Petro in Apostolatū circumcisionis, opera- tus est & mihi inter Gentes. & n. 7. Mihi enim creditū est Euangelium præputij, sicut & Petro circumcisionis. Ad hæc; cum aquę multæ sint populi multi; camelus, cuius symbolum Paulo obrigit, non solum quamlibet a- quam non horret, nec a tingēdis pedibus cauet, sed potius magnam inde percipit voluptatem. Quare & pedem in aquam iniicere, eamq; turbare delectatur; & nullo proprij fontis aut alieni facto discrimine, quancumque fors vndam obrulerit, ad eam se cele- riter proripit, & inde sitim copiosissimē explet. Præ- terea celeritas ac festinatio, quæ Paulus tot terrarum regiones ac prouincias percurrit, mirificē adūbra- tur in ea, quam diximus, cameli velocitate. Fortē etiā cameli tubera, seu gibbi, indicant Paulum mi- nimē videri aptū ad prædicationis Euangelicę offi- cium, onusque vectandum propter repugnantiam qua prius Euangelio obfistebat; quæ tamen contra- dictionis tubera conuertit præpotēs Deus in sedem aptam atque idoneam, vbi pondus impositum, atq; adeo grauissimam laborum ac persecutionum sar- cinam pro Christi Euangelio mansuetē & patienter ferret.

D Petrus dire- ctē circū- cisionis, siue Iudæorum Apostolus vocatus: & Paulus Gē- tiorum. In cameli fessore signi- ficari B. Pau- lum.

Cameli na-  
tura & con-  
sideratio, ex  
Plinio.

Asini item  
natura, ex  
eodem.

In asini fessore adum- brari D. Pe- trum.

Petrus dire- ctē circū- cisionis, siue Iudæorum Apostolus vocatus: & Paulus Gē- tiorum. In cameli fessore signi- ficari B. Pau- lum.



Inter duo  
hac anima-  
lia & eorū  
seffores (quod  
ad symboli-  
cam signifi-  
cationem  
spectat) mul-  
tam esse di-  
stinctionem.

Ex dictis ergo patet, vt currus ille traheretur, in quo fama vehabatur illius victoriae, quam Deus Ecclesiae ex mystica Babylone peperit, congruentissime asinum & camelum assignari, quorum Petrus & Paulus seffores essent. Porro iam vidimus c. 6. in eiusmodi visionibus non esse constituendum discrimen inter equitem & equum; & similiter nec inter camelum & eius sefforem. Nisi forte quispiam dicat, duos hosce Apostolos, dum sibi ipsis superiores facti laboribus & oneri se sponte subiiciunt, factos fuisse idoneos Euangelij ministros, & ideo in ea visione depingi super asinum & camelum sedentes. Praestat tamen dicere, asini sefforem & asinum, cui infidet, simul accipi debere, contempta distinctione; sicuti c. 6. de seffore equi & de equo diximus. Et quemadmodum ibi equo aliquem aduehi, signum erat ac symbolum, eum ad saluandum aduenire; sic apud Isaiam, dum vterque Apostolus aduehuntur alter asino, & alter camelo, trahentes mysticum illum famae victoriae currum, admirabilis quidam triumphus figuratur.

Praeter hac; quamvis asinus vulgo non soleat magni aestimari; aliquando tamen asinus quidam centies mille denarijs (qui decem fere nummum aureorum millia conficiunt) emptus fuit, Omnium animalium pretio victo; vt Plinius asserit, illo eodem c.

A 43. & saltem mysticus hic asinus, quem cum camelo iunctum refert Isaias, certe praeferrī debet ceteris omnibus animalibus; quorum ministerio Deus usus fuit. Quapropter Isaias ipse in ea visione primum asino locum, secundum camelo tribuit. Neque obstat, quod in Apocalypsi Angelus capitis 17. B. Paulum repraesentet, & Angelus cap. 18. B. Petrum. Etenim in Apocalypsi perinde est referendi, & enumerandi ratio, quasi Paulus per modum vaticinii & praedictionis loquatur; Petrus vero quasi de re iam opere completā; loquitur enim in praeterito, *Cecidit, cecidit Babylon.* Quod quamvis ad prophetiae ipsius firmitatem & certitudinem maxime conducatur, nihilominus decorum etiam posebat, vt fieret inde initium, vbi ex dicendi modo videtur prophetiae species ac figura praeferrī eius rei, quae nondum fuerat impleta. Praesertim quia, cum praecipuus clarissimi huius facinoris finis fuerit Gentilitatis conuersio, appositē factum est, vt ordiretur sermonem, qui proprius fuit, per excellentiam, totius Gentilitatis Apostolus. Vt autem de praestantiore B. Petri dignitate manifestū constaret; postea vbi ad eius descriptionem peruenitur; de illo affirmatur, quod de Paulo neutiquam diceretur; videlicet, *Vidi alium Angelum descendentem de caelo habentem potestatem magnam, &c.*

## CAPVT XVII







## T E X T V S.

*Vers. 1.* Et venit vnus de septem Angelis, qui habebant septem phialas, & locutus est mecum dicens: Veni, ostendam tibi damnationem meretricis magnæ, quæ sedet super aquas multas.

## C O M M E N T A R I V S.

**C**ONNEXIO capitis 17. cum decimo sexto aptissima est in nostra declaratione. Diuisionem enim Romæ in publicos Christianos, in Paganos, & in neutrales consecuta fuit paulò post totius Romæ conuersio; atque ita Babylonis diuisioni succedit in Apocalypsi conflagratio vrbis, eo nempe igne, quem Christus venit mittere in terram. In aliorum verò expositionibus non video, quomodo hoc caput apte cum antecedente consentiat. Atque illud non satis miror, esse aliquos, qui sibi persuadeant, prophetiam non vltius progredi, sed regredi potius. Septem enim plagas capitis 16. opinantur effundi aduersus eos, qui Antichristi factionem sectaturi sunt. Romæ autem euersionem credunt post Antichristi aduentum futuram. Nam si antea foret, non per decem reges, sed per septem fieret, qui cum Antichristo coniungendi sunt. Hoc argumentum nullam mihi affert difficultatem. Nam decem cornua & regum denarium accipio ipse pro vniuerso senatorum Romanorum numero, sicuti Daniel accipit cap. 7. de qua denarii acceptione dictum satis est suprà capite 12. & 13. Et verò præter continuatam totius Apocalypseos seriem, à qua discedere fas non est, illud mihi maxime probat tractationem extremi capitis 16. cum hoc sequenti capite continuari; quia euident de vna eademque Babylone sermonem esse in sexta & septima plaga capitis 16. & in meretrice capitis 17. Quare id in se apte consequens est, vt Babylonis diuisionem exustio subsequatur. E contrario autem non video, qua ratione fingi possit post Babylonis incendium, successisse diuisionem ipsiusmet vrbis, quæ iam fuerat penitus exusta. Quam difficultatem & ordinis perturbationem qui deuorant, in eas scripturas induunt, supponentes sermonem esse de supplicio Romæ sub Antichristi aduentum infligendo; quod nulla ratione præstituiere deberent.

VNUS DE SEPTEM ANGELIS, QUI HABEBANT SEPTEM PHIALAS.] Vidimus iam in superioribus, Vnus, hic idem esse, atque Prius. Deinde in hoc Angelo, qui toto capite 17. verba facit, B. Paulum figurari. In nostra autem expositione idonea satis redditur ratio, cur qui primam phialam effudit, is nunc meretricis damnationem Ioanni annunciet, quod in aliorum explicationibus nescio quam apte expediatur.

DAMNATIONEM MERETRICIS MAGNÆ.] Id est iustum supplicium de illa sumendum. Est autem sermo de vindicta mystica, vt suprà iam disputatum est. Et meretricis magnæ nomen tribuitur magnæ ciuitati idololatræ; nam ciuitates idolorum cultrices solent in Sacris meretrices nuncupari; sicut idololatriæ etiam nomen fornicationis tribuitur Isaïæ 23. 15. Ieremiæ 2. 20. & capite 3. 1. Ezechielis 16. 15. Nahum 3. 4. Micheæ 1. 7.

QVÆ SEDET SUPER AQVAS MULTAS.] Quod ad grammaticum sensum attinet, respectus habetur ad Babylonem vtraque ex parte Euphratis fluminis sitam: & in eodem sensu accipitur præpositio, Super in Psal. 136. 1. Super flumina Babylonis, &c. In mystico autem sensu aque multe, (vt toties inculcauimus) populo multos significant. Sedere verò super aquas multas, non aliud est, quam multis Gentibus ac populis dominari: sicut ingens aliqua ciuitas super flumen siue ad flumen æuificata eiusdem fluminis est domina. Sic etiam vrbes maritimæ, vt Tyrus, Vlissipo, & aliæ rectè considerantur, quasi dominæ illius maris, quod longè lateque despectant.

## T E X T V S.

*Vers. 2.* Cum qua fornicati sunt reges terræ; & inebriati sunt, qui habitant terram, de vino prostitutionis eius.

## C O M M E N T A R I V S.

**C**UM idololatria in sacris Literis fornicatio; idololatrix ciuitas, meretrix nominetur; manifestum est, qui se in idolorum cultu ad Romæ consuetudinem conformaret, perinde esse, quasi ad spiritalem fornicationem cum ea coiret. Quamobrem terræ Principes ac Reges, quos Romæ exemplum in eadem idololatria illectos & implicatos tenebat, iure optimo dicuntur magnæ meretricis amasii & riuales esse. Reges autem terræ vocantur Romani senatores, qui mundum suo imperio gubernabant; & illi etiam Reges ac Principes, qui cum Romano Imperio foedus inierant.

Ostenditur  
huius capi-  
tis series  
atque con-  
nexio cum  
antecedenti.

Aliorum  
hic regres-  
siones &  
transi-  
ones atque  
ordinis in-  
consequen-  
tia repro-  
bantur.

Vnus de se-  
ptem Ange-  
lis quis hic  
sit.

Nomen me-  
rettricis ma-  
gnæ Roma  
imponi.

Quid sit,  
sedere super  
aquas  
multas.

Idololatria  
in sacris  
Literis spi-  
ritalis for-  
nicatio ap-  
pellata.



Num idem sit poculum seu vinum, quod vinū prostitutionis, & vinū ira fornicationis vocatur.

1. Expositio proponitur utrumque calicem designans.

2. Expositio utrumque pro eodem accipiens, ut probabilius fiat.

Duplex alia subiicitur prædicti calicis explanatio.

ET INEBRIATI SVNT, QUI HABITANT TERRAM DE VINO PROSTITUTIONIS EIVS.] Hic imprimis illa occurrit dubitatio, numne sit idem poculum seu vinum, quod appellatur vinum prostitutionis; & quod, vinum ira fornicationis? Vide caput 14. 8. vbi dicitur: *Babylon illa magna, quæ à vino ira fornicationis sue potauit omnes Gentes.* & cap. 18. 13. *De vino ira fornicationis eius biberunt omnes Gentes.* Primo ergo aspectu videntur hi esse diuersi calices, seu pocula: & prius quidem Babylon Gentibus propinare mysticæ fornicationis calicem, deinde illum recusantibus poculum ira fornicationis vi impingere, hoc est persecutionis calicem. In quo fornicaria meretrix suum ingentem furorem ostendit aduersus eos, qui ipsam damnant, & aduersantur. Atque hoc poculorum discrimen in eo videtur posse fundari, quod *inebriari vino prostitutionis*, perinde sit, quasi allegoricè & decorè significare spiritalem luxuriam nimis vehementem. In calice enim luxuriæ potiùs respicitur ad turpem delectationem, quàm ad iram vel furorem. Quare, qui mœchabantur cum Babylone, hi videntur cum illa turpiter delectari. At qui cum illa mœchari recusabant, ij calicem ira eius bibere cogebantur: eâ phrasi, qua sæpè in Scriptura tribulatio appellatur calix; vt vidimus supra capite 14. 10. vbi dicitur; *Si quis adorauerit Bestiam, hic bibet de vino ira Dei, quod mistum est mero in calice ira ipsius.*

Iuxta hoc discrimen dicendum erat, non quidem improbos Christianos, sed probos potiùs potari vino ira fornicationis Babylonicæ. Nihilominus congruentius fortassis est, id ita accipere; quasi Roma eos, qui cum illa ad spiritalem fornicationem copulabantur, suæ ira vino ebrios reddat; id est, illos in iram atque furorem agat aduersus Christi nomen. Sic enim verè dicitur, *De vino ira fornicationis eius biberunt omnes gentes.* Nam fornicariæ meretricis iram aduersus Christianum nomen conceptam gentes omnes ac nationes imbiberunt. Siquidè in omnibus terrarum orbis prouincijs Christiani miserandum in modum exercebantur. Sicut ergo in 2. Psalmo dicitur: *Quare fremuerunt Gentes.* Sic etiam in Apocalypsi dicuntur Gentes omnes inebriatæ epoto calice ira meretricis; hoc est, dum Romæ idololatricis iram imitantur. Atque hac ratione non duo sunt pocula, prostitutionis alterum, alterum iracundiæ; sed indignatio ac furor consequitur idololatriæ calicis potum. Tamen si autem diuerso in sensu dicuntur, qui Bestiam adorant, calicem ira Dei potare, hoc tamen inconueniens non est. Qui enim propter turpem societatem cum fornicaria initam bibit prostitutionis calicem, & iram pariter ac furorem aduersus Christianos hausit, aptè dicitur eo supplicio esse afficiendus, vt illi diuinæ ira calix, id est cruciatus acerbissimus impingatur. Et quauis locutio potandi ira calicem immutetur (cùm prius ira ponatur actiue, passiue postea) cùm tamen phrasis vtrique sit elegans, minimè id dissonum est.

Dicit hic quispiam fortasse, vinum non esse fornicationis allegoriam; sed considerari meretricem, quati ad potandum etiam suos riuales inuitet; vel eos, quibuscum se turpiter miscet, prius ad potionem illicitat. Et in hac concipiendi ratione calix significare poterit terrenorum bonorum possessionem, iuxta illud Prouerb. cap. 23. num. 31. *Ne intuearis vinum, quando flauescit, &c.* Qua ratione possent per vinum figurari illecebræ atque blanditiæ, quibus hæc meretrix miseros homines ad spiritalem fornicationem pelliciebat; nimirum spe lucris, honoris & voluptatis. Sic enim crapula luxuriam fere comitatur. Magis tamen placet, vt mystica ipsa fornicatio per calicem prostitutionis designetur, & calix ipse vocetur calix ira. Siquidem idolorum cultores in Christianos acerrimè inuehebantur; eorumque furor ac rabies in ipsa nitebatur idololatria.

Sed dicat fortasse aliquis, calicem illum posse concipi, veluti præmium, quod Roma dabat ijs, qui cum illa mœchabantur. Qua ratione per calicem potest intelligi mors, quam promerentur ii, qui se sceleribus contaminant, atque ita calix in præsentem, sicut in alijs, significabit amaritudinem & mœorem, quem incurrit, qui ex eo calice bibere dicitur. Præstat tamen sensus, quem supra exposui.

## TEXTVS.

*Vers. 3.* Et abstulit me in spiritu in desertum: & vidi mulierem sedentem super Bestiam coccineam, plenam nominibus blasphemiarum, habentem capita septem, & cornua decem.

## COMMENTARIVS.

Quid sit hic, Ioannē in desertum deferri.

QVOD D Ioannes spiritu in desertum deferatur, ei que ostendatur meretrix, nonnulli interpretantur ciuitatis ipsius ruinam & interitum. quippe illam Ioanni in deserto indicari, quasi inuit, urbem in deserto fore conuertendam. Ego tamen contrarium omnino existimo, videlicet ciuitatem illi in deserto demonstrari, quia in Gentilitatis deserto sita erat, quod tamen desertum per mysticam vrbis conflagrationem in paradysum fuerat conuertendum. Et negari quidem non potest, quin receptissima Scripturæ allegoria sit deserti nomine Gentilitatem adumbrari, vt aliàs à nobis probatum est. Cùm ergo instituatur sermo de illa ciuitate quæ totius erat Gentilitatis caput, nihil opus est, aliam præterea significationem indagare, quando Ioannes spiritu in desertum tollitur, vt meretricem inibi in Bestia insidentem contempletur. Atque huiusmodi locutio mirā insuper continet energiam, qua denotatur, innumerabilem illam Ethnicorum multitudinem Ro-



**A** *ma* degentem, admirabilem totius vr̄bis structuram & ædificiorum pulchritudinem, Reip. administrandæ leges, & instituta, hæc inquam omnia spiritali viro & in rerum cælestium contemplatione intento perinde esse, quasi vastam quandam solitudinem ac desertum; quod non hominibus, sed brutis animantibus pateret aditus; vbi nulla legum & administrationis ratio, sed spinæ potiùs ac sentes scelerum & flagitiorum innascerentur. Quam ad rem non ineptè afferri potest Diogenianum illud, qui in ingenti frequentissimæ vr̄bis foro accensam præferens facem, meridiano tempore hominem aliquem in celebri hominum coetu se indagare dictabat; nec inuenire tamen.

**B** *SVPER BESTIAM COCCINEAM.* ] Potest hic in dubium reuocari; num hæc Bestia, super quam sedebat mulier, sit eadem, quæ c. 13. appellatur Bestia maris. Namque vna ex parte videtur eadem esse, si & blasphemiarum nomina, & cornua decem, & septem capita attendamus: ex alia verò apparet diuersa, si inspicimus colorem.

**B** Qui existimant, per maris Bestiam in c. 13. Antichristum; per meretricem verò Romam figurari, (vt Ribera & Viegas opinantur,) consequenter asserunt, Bestiam hanc, cui meretrix insidet, esse ab ea diuersam, quæ Bestia maris vocatur. Eorum opinioni fauet, quia si vna eademque Bestia esset, hic Ioannes eam cum præposito articulo designare debebat; quem tamen cum non apponat, argumento est de alia in hoc loco sermonem institui. Deinde coccineus color nequaquam cum eo consentit, quod cap. 13. de marina Bestia proditur, vbi dicitur esse similis pardo (qui, vt ibidem aduertimus, panthera est, siue tigris) ac proinde diuersi admodum coloris.

**C** Verum enimvero pro comperto habeo, huiusmodi Belluam, in qua mulier residet, eandem esse cum maris Bestia, quæ c. 13. descripta est. Vtrobique enim significatur Rom. Imperium idololatriæ deditum, siue Romanus orbis idololatra; quem Roma ethnica lege & imperio administrabat. Quod si idè credèbatur, duas hæc Bestias esse diuersas, quia diuersos ad fines spectabant; in eo quidem suberat huiusmodi opinionis deceptio. Neque enim Roma ethnica depingi potuit alii Bestiæ imposita; sed eidem, quæ c. 13. fuerat marinæ Bestiæ nomine compellata. Etenim vniuersas illas persecutionis machinas, quas Rom. Imperium ethnicum Ecclesiæ admouebat, Roma potissimum excogitabat, & comparabat, atque ita tanquam reliquarum prouinciarum domina & moderatrix in ea Bestia sedens depingitur. Quare 7. capita, cornua 10. & blasphemiarum nomina indicant proculdubio eandem capitis 13. Bestiam. Vnde iidem auctores, qui in hoc c. 17. per coccineam Bestiam intelligunt Dæmonem, vt quæ dicunt, aliqua ratione continuent, gradum faciunt mox ex dæmone ad mundi regnum; in quo Romam quasi obequitantem considerant, & inibi 7. capita, ac 10. cornua exquirunt. Si ergo maris Bestia c. 13. Rom. orbem denotabat cultorem idolorum & Ecclesiæ oppugnatorem; tam illa Bestia, quàm hæc, eadè est, nec plures. Ad hæc: si duæ Bestiæ forent, cum Ioannes vtramque descripsisset, neutiquam diceret, c. 19. 19. *Et vidi Bestiam, & apprehensa est Bestia.* vbi vtroque in loco articulum præponit, ac supponit pariter, vnam tantum esse Bestiam 7. capitibus & cornibus 10. constantem.

**D** Præterea Ioannes, vt suâ expleret omnino narrationem, debebat recensere exitum eorum omnium hostium, quorum mentionem facit. sic enim refert draconis finem, Bestiæ maris, & Bestiæ terræ (quam postea pseudopphetam vocat,) nec tamen alterius hostis, siue Bestiæ interitum aut finem refert. Non igitur alia superest Bestia, præter eas duas, quarum superius memineral. Dicit aliquis, non opus esse vt sit alia ab illis duabus distincta. Nam coccinea Bestia est draco capitis 12. ille enim rufus erat (quod perinde ferè est, atque coccineus) & capita habebat septem, decemque cornua. Hoc tamen difficultatem non soluit; nam Ioannes draconem à Bestia distinguit, & illum appellat draconem, hanc verò *θῦλον*, id est feram seu belluam. Si autem draconem nominaret Ioannes *θῦλον*, id est, feram, aut bestiam, non rectè cum articulo diceret, *Apprehensa est Bestia*, cum duas diuersas pinxisset.

**E** Vt ergo ad argumenta contrariæ sententiæ respondeamus. Ad primum, de articulo huic Bestiæ non præfixo, Respondeo, Agnum capitis 15. & c. 14. euidenter vnum eundemque esse, cum tamen Ioannes c. 14. non illi articulum apponat. Accedit, quod si hoc argumentum ex articulo petitur aliquid roboris haberet; probaret etiam, hanc Bestiam coccineam esse à dracone diuersam. Et qui contendunt hanc belluam esse distinctam à Bestia maris (de qua c. 13.) volunt etiam hanc Bestiam coccineam esse eandem cum dracone. Præter hæc, Ioannes c. 13. Bestiam maris, & Bestiam terræ depresserat, cum autem duas descripsisset, recta grammaticæ ratio non postulabat, vt ad primam designandam articulo vteretur. Quod si ex ceteris verbis coniiciendum erat, de qua Bestia blasphemiarum Ioannes; satis id indicauit, affirmans huic Bestiæ 7. esse capita, cornua 10. & nomina blasphemiarum. Atque vt id etiam obiter attingam, ad ænigmatis scriptorem non attinet explicare, quidquid ad ipsius ænigmatis intelligentiam conducit. Quæ autem remanere posset dubitatio, vtrum Bestia coccinea esset eadem, quæ Bestia maris capitis 13. hanc inquam dubitationem, quam expressus articulus aliqua ex parte tollere posset, consultò sacer scriptor intactam reliquit, quia sic expediebat ad ænigmatis obscuritatem.

Ad secundum argumentum, quod in coloris diuersitate nititur, Respondetur, fieri quidem posse, vt panthera siue tigris hominem aliquem discerpens eius sanguine ita vndique respergatur, vt sanguineo colore appareat infectus. Vnde eadè fera, quæ persecutionis initio nondum videbatur rubra, postea Ioanni coccinea visa est. Sed obiiciet Ribera colorem coccineum non aptè ad crudelitatem, sed ad delicias & fastum regis referri. Nihilominus tamen Viegas sect. 2. communem amplectitur opinionem, quæ coccineum hunc colorem ad Martyrum sanguinem referendum censet. Et forte ad denotandam Martyrum innocentiam & gloriam, ipsorum sanguini tribuitur coloris coccinei nomen, quod est symbolum rei illustis ac regalis; atque hic ferè est sanguinis Agni color. Et quamuis vestiri coccino ad delicias fastumque pertineat; hic tamen vestimenti color in Bestia non est deliciarum argumentum, sed cædis & internecionis, quam in Christi agnis fecerat.

Quod attinet ad blasphemiarum nomina, ad capita septem, & cornua decem, vidimus iam eorum explicationem cap. 13.

*Verum hic bestia coccinea sit eadem cum bestia maris, de qua cap. 13. 1. Sententia negans.*

*2. tamen sententia, vt verior, seligitur, & probatur vtramque bestiam vnam eandemque esse.*

*Contraria sententia fundamenta soluitur.*

*Coccineum colorem ad Martyres aptè referri.*



## T E X T V S.

*Vers. 4.* Et mulier erat circumdata purpura, & coccino, & inaurato auro, & lapide pretioso, & margaritis; habens poculum aureum in manu sua plenum abominatione, & immunditia fornicationis eius.

## C O M M E N T A R I V S.

*Mundana  
Romæ gloria  
& splendor,  
quo olim  
fruebatur,  
depingitur.*

*Quid si-  
gnificet po-  
culum in  
meretricis  
magna ma-  
na possum.*

*Inaurati  
calicis color  
quid a sum-  
bret.*

*Qua sit  
abominatio  
& immun-  
ditia, qui-  
bus plenus  
erat calix.*

**D**ESCRIBITUR hic mundana gloria & splendor, quo Roma ethnica fruebatur. Et locutio transfertur ad meretricum consuetudinem, quæ suis omnibus auri, argenti ac vestium ornamentis se induere & comere solent. Si legeretur, *Inaurata auro*: *inaurata* idem esset, atque auro vestita. Vulgata tamen lectio legit, *inaurato auro*, quod ad externam faciem referendum est; quasi vestita fuerit non auro solido, quod est charitatis & verarum diuitiarum symbolum; sed externa auri specie.

**HABENS POCULUM AUREUM IN MANU SUA.** ] Lege, quæ diximus de hoc calice supra versu secundo. Quibus addo, calicem manu teneri, interdum esse, ut illum qui tenet, bibit; sicuti Ezech. 23. 31. *Dabo calicem eius in manu tua.* ubi manifestè sermo est de amaritudinis calice, ad cuius potum cogenda erat Ierosolyma. Interdum verò calix in manu positus denotat, illum alteri propinari. Sic Ieremiæ 51. 7. *Calix aureus Babylon in manu Domini, inebrians omnem terram: de vino eius biberunt Gentes, & ideo commota sunt.* Quorum verborum legitimus sensus is videtur; quasi Babylonici Imperii splendor, decus, & gloria sint quasi calix absynthio plenus. Nam illius Imperii vi atque armis Deus infligebat supplicium ijs omnibus, quos plectere volebat. Perinde ferè esset, si diceretur Chaldeorum exercitus esse Dei flagellum, quo ipse puniebat nationes. Licet autem flagellum esset inauratum, non ideo tamen plaga minus erat luculenta. Similiter per Romanorum arma in plures Deus prouincias animaduertit, quas ipsi Romani exciderunt.

Hæc ergo allusio videtur in hoc loco contineri; cum eo tamen discrimine, quoddam Roma non hic induitur ut flagellum in Dei manu; sed ut meretrix ac ut venefica, quæ inaurato calice idololatriam atque iram aduersus Christianum nomen omnibus hauriendam propinabat. Porro inaurati calicis colore potest denotari, aut Romani Imperii dignitas & splendor, aut forte prætextus ipse siue externa facies, qua idololatriæ cultus obducebatur; nimirum sub religionis ac diuini cultus specie. Ponitur verò apud Ieremiam calix in manu Domini, ut supplicium illud à Babylone aliis Gentibus illatum credatur Dei ipsius esse flagellum. In Apocalypsi autem (ubi sermo est de peruerso animo Gentes decipiendi, & aduersus Christi nomen irritandi) congruenter calix depingitur in ipsius Babylonis manu.

Iam, quoddam dicitur, *Plenum abominatione & immunditia*; videtur in eo significari hæc meretrix famosa, ut insignis præstigiatrix conflare immundum puluerem, & non innoxia verba; cuiusmodi essent bufonis cineres, aut confusa hominum in crucem actorum ossa, quæ immunditiæ nomine significare videntur: cantiones item & execranda verba, quæ abominationis nomine includantur. Quæ ratione idoneè significantur tum opera, tum verba, quibus Roma idololatriæ persecutionem aduersus Christianum nomen excitatam pro virili parte accendere, & inflammare curabat. Denique aduerte eiusmodi calicem Babylonis inauratum, & lethali veneno plenum à nonnullis ad eos Gentiles atque hæreticos accommodari, qui verborum lenociniis & speciosæ orationis pigmentis mendacium pro veritate rudibus & imperitis populis diuendunt. Quæ de re consule Marianum Victorium in scholio epistolæ Hieronymi 139.

## T E X T V S.

*Vers. 5.* Et in fronte eius nomen scriptum: *Mysterium.* Babylon magna, mater fornicationum, & abominationum terræ.

## C O M M E N T A R I V S.

*Nomen in  
meretricis  
fronte scri-  
ptum, quid  
sit.*

**Q**UOD spectat ad literam, noster Martinus de Roa lib. 4. Singularium cap. 10. sic explicat, *In fronte*, id est in lupanaris titulo, & in fronte cellæ, & similiter illud Senecæ controuersia prima, *Nomen tuum pendit in fronte, pretia stupri accepisti.* Quamuis Durantius lib. 1. Variarum cap. 2. scribat, non solum titulum pro foribus olim lupanaris, sed in ipsa etiam meretricis fronte inscriptum. Affert etiam Roanus pro cellarum titulis afferendis Tertullianum, Iuuenalem, Senecam, & Martialem. Et constat olim sic fuisse solitos inscribi. Atque ad præcipuum quidem sensum satis fortasse erat, titulum iuxta pristinum illum morem, quem Roanus affert, considerari. Nihilominus tamen significantius est, si hanc inscriptionem in ipsa meretricis fronte notatam concipiamus. Nec noua est in Apocalypsi hæc signi aut inscriptionis ratio humana in fronte impressa. Vide caput 7. 3. & cap. 14. 1. & cap. 13. 16. & cap. 22. 4. Sed forte opus non est, ut concipiamus nomen in ipsa frontis carne inscriptum; sed ad eum modum, quo Aaron nomen Dei in fronte gestabat.



A At verò si significationem attendamus; publica hic professio & manifesta illius iactatio non obscure figuratur, id enim est, quasi in fronte idolatriam, atque aduersus Christianos iram expressis notis distincta gestare. Quamobrem in hoc titulo innuitur, in publica illa ac patenti professione, quam Roma de idolorum cultu & de Religionis Christianæ persecutione præferbat, extare & eminere mysterium illud, quod in ipso Babylonis nomine, eidem ab Scriptura imposito delitescit. Vbi obseruandū primò est, verbum illud, *Mysterium* (cum bona Pannonij venia) accipiendum nò esse quasi ipsius tituli partem; sed quasi rem ab ipso Ioanne additam, vt ipsius tituli mysterium serio expendamus. Atq; ita vox *Mysterium* legenda est in parenthesi, vel quasi per parentheses adiecta. 2. obseruandū est, peculiarem hic respectum haberi ad antiquā illam & infamē priscæ Babylonis consuetudinem; vbi publico edicto sancitum erat, nequa mulier in matrimonium collocaretur, quin prius meritoria fuisset. Atque illa ipsa prostitutio & turpiter merendi ratio, quasi res quædam sacra & propriæ virginitatis Veneri immolatæ sacrificium putabatur. Qua de re adi nostrum Christophorum Castrium in illud Baruc. 6. 42. *Mulieres circumdata funibus in vijs sedent, succedentes ossa oliuarum.*

Quid per nomen in fronte scriptum denotet.

Infamis cōsuetudo seu lex Babylonis antiqua de virginibus ante matrimonium prostituendis.

Cur Romæ ethnica vocetur mater fornicationum & abominatio numm terrarū

B Tertiò obserua, supra hoc veluti fundamentum niti significationem publicæ professionis, qua Roma omnia idolatriæ genera, (quæ veluti spiritalis quædam fornicatio est) libentissimè amplectebatur. Vt enim Leo magnus ait in festo Apostolorum Petri & Pauli; *Cum penè omnibus dominaretur gentibus, omnium gentium seruiebat erroribus; & magnam sibi videbatur assumpsisse religionem, quia nullam respiciebat falsitatem.* Quinimò veluti parens ac nutrix, quancumque idolorum superstitionem hausisset, accuratè fouebat; & omnibus ferè idolorum monstis vna Roma templa atque delubra instaurabat. Atque id est, *Mater fornicationum, & abominationum terra.* Ad eum ferè modum, quo in lupanari pater vulgari nomine appellari consuevit is, qui infames meretriculas eo confluentes excipit, & varias in cellulas distribuit.

C Postremò, in Babylonis nomine, quod Romæ imponitur, alluditur etiam ad ingentem ipsius magnitudinem; & pariter innuitur, fuisse illam vrbeem antiquam, quæ infestissimum bellum inferebat Ierosolymæ, & ijs omnibus, qui idolorum culturam detestabantur. De quo lege historiam Danielis 3. Nomen ergo Babylonis indicat, vt Babylon extitit quondam opulenta illa ciuitas, quæ Ierosolymam vastauit; ita etiam Roman esse, quæ suis edictis bellum crudelissimum aduersus spiritalē Ierosolymam, id est, Christi Ecclesiam indicebat. Et forte epitheton *Magna*, denotat, Romanam non sibi iaus esse putare, si Ecclesiam destrueret, vt Babylon destruxit Ierosolymam; nisi etiam ad magnæ Babylonis nomen implendum aspiraret; ita vt persecutio & oppugnatio Christiani nominis ad extremum vsque illius excidium minimè consisteret.

## TEXTVS.

D *Vers. 6. Et vidi mulierem ebriam de sanguine Sanctorum, & de sanguine Martyrum Iesu. Et miratus sum, cum vidissem illam, admiratione magna.*

## COMMENTARIVS.

E Quid non videat, quam appositè & significanter describatur his verbis, quod Romæ accidit earum persecutionum tempore, quas ethnici Imperatores in Christi Ecclesiam commouerunt? quando nimirum Roma Martyrum inuidissimorum sanguini aded sitienter inhiabat, vt inaudita tormentorum monstra contra illos excogitaret. Et miratus sum admiratione magna. Non eodem modo miratur Ioannes, atque illi, de quibus dicitur versu 8. Et mirabuntur inhiabantes terram. Ioannis quidem admiratio inde orta est, quòdè vsque hominum infania ac dementia processerit, vt in veram Christi Religionem ita furem inuadant, At terrenorum hominum longè alia admiratio est, quòd scilicet Romanum Imperium ab Ecclesiæ oppugnatione desistat. Deinde Ioannes non propterea miratur, quòd magni admodum Romam ethnicam faceret; sed quia insanientem illius stultitiam, tamquam rem nouam & insolitam admirabatur. Terrigenæ verò admirantur prorsus Romani Imperii Ethnici superbiam & magnitudinem, & quòd in tanta rerum affluentia Christianam Religionem non possit superare.

Cur meretrix dicatur sanguine Martyrum ebria.



## T E X T V S.

*Vers. 7.* Et dixit mihi angelus, Quare miraris? Ego dicam tibi sacramentum mulieris, & Bestiæ, quæ portat eam, quæ habet capita septem, & cornua decem.

## C O M M E N T A R I V S.

In hoc An-  
gelo figurari  
B. Paulum.

**H**ic Angelus, qui Ioanni mysterium eiusmodi enunciat (ut vidimus in huius capituli prologo) repræsentat B. Paulum, cui Deus plenè reuelarat admirabile suæ prouidentiae consilium, ut permitteret Romanum Imperium magis magisque Martyrum sanguine inebriari, ut fortissimo hoc vino Roma ethnica madens capitis vertigine tentaretur, & sic demum idololatriæ ruina subsequeretur. Sic enim tellus pretiosissimo hoc liquore irrigata totius mundi conuersionem, quasi fructum vberimum, fuerat productura; nec non effectura illam Babylonis mysticæ mutationem in nouam Ierosolymam: hoc est, ut Roma, quæ caput erat idololatriæ, postea esset arx atque metropolis Ecclesiæ Christi.

## T E X T V S.

*Vers. 8.* Bestia, quam vidisti, fuit, & non est; & ascensura est de abyssu, & in interitum ibit: & mirabuntur inhabitantes terram (quorum non sunt scripta nomina in libro vitæ à constitutione mundi) videntes Bestiam, quæ erat, & non est.

## C O M M E N T A R I V S.

Quid per  
huiusmodi  
bestiam ad-  
umbratur.

**V**IEGAS sect. 2. ait, communem esse opinionem, quæ per huiusmodi Bestiam intelligit dæmonem, & dici meritò, *Fuit & non est.* quia per Christum eiectus est diabolus, iuxta illud, *Nunc Princeps huius mundi eiectus est foras.* Ac propterea addi, *Ascensura est de abyssu*: quia Antichristi tempore rursus in mundo regnabit. Riberatamen credit, Antichristum esse Bestiam de mari ascensuram cap. 13. & tunc dæmonem, qui nunc est ligatus in abyssu, esse soluendum. Sed supra ostensum iam à nobis est, in hac Bestia imperium adumbrari Romanum, quatenus Christianam Ecclesiam infestabat. Sensus ergo est de persecutionibus, quas ab Imperio Romano ethnico Christiana perpetiebatur Ecclesia, quasque Dei prouidentia diutius durare non sinebat. Quamobrem, ut significet angelus, persecutiones fore intermittendas, affirmat, horribilem illam Bestiam iam non esse, quasi Bellua illa ex mari sublata, rursus in ipso mari mergeretur. Nam ut diximus c. 13. n. 1. ad illa verba *Vidi Bestiam de mari ascendentem*: persecutionis tempore ingruente videbatur Bestia e mari emergere; eodem cessante, in eodem mari mergi. Quippe in Gentilium animis residebat adhuc odium pertinax, ut postea pullulans persecutio recrudesceret. Quia verò abyssi nomen designat profunditatem, & speciatim diuini consilii fundum (iuxta illud, *Iudicia Dei abyssus multa*), ideo in iis verbis, *Et ascensura est de abyssu*, significatur, post sopitam prius persecutionem, cum fideles nihil de illius instauratione cogitarent, Deum fore permissurum, ut rursus exardesceret: non tamen in Christi fideles superiorem euasuram, sed Bestiam potius in interitum ituram.

Hac Angeli  
expositio  
quorsum  
spectet.

Quæ igitur de Bestia dicuntur, vna ex parte cohortationi sunt fidelibus, ut vigilantes atque attentissimi sint, nec se reputent securos, quod persecutionis furor non nihil sopitus appareat: ex alia verò sunt solatio, quia fideles ipsi sic admonentur persecutionem non diu duraturam; nec enim Deum permissurum, ut illius bellum aduersus Christi fideles per longum tempus sæuiat. Id quod significatur verbis illis *Fuit & non est.* Atque ex analogia eorum, quæ in præsentia de Rom. Imperio ethnico, & de Christianæ Ecclesiæ persecutione dicuntur, facile est hanc doctrinam extendere, & generatim ad inanem mundi gloriam applicare; quæ videlicet modò est, modò non est: *Præterit enim figura huius mundi*, 1. Corint. 7. 31. Mundus enim eiusque splendor atque felicitas ita properè & festinanter decurrunt; ut cum adhuc extare putes, iam præterierint. Verum quidem est imperium rursus reuicturum, & quasi iterum de abyssu ascensurum; nihilominus celeriter etiam rursus euanescent. Vnde apparet terrenorum hominum deceptio & infelicitas, qui hanc Bestiam plurimi æstimant; cum tamen iam sit, iam non sit, & celeriter in fumum sitabitura.

Hebraicum  
Græcia no-  
men quid  
sonet.

Circa illa verba, *Et mirabuntur*, lege quæ diximus supra vers. 6. quævis Riberæ ea referat ad Antichristi miracula. Præterea in ea phrasi, *Fuit & non est*, videtur allusio fieri ad Hebraicum Græciæ nomen, quod est *Iauan*, & sonat, *Est, & non est.* De quo vide Hieronymum Ezech. 27. Et forte in eo nomine Hebraicorum sapientes significare voluerunt Græcorum omnium inconstantiam non ingeniorum modò, sed fastus etiam atque potentiae. Quapropter Angelus, qui Paulum refert, fortassis indicat, mundo Ecclesiæ Christianæ oppugnatori iure posse applicari nomen *Iauan*.



## T E X T V S.

*Vers. 9.* Et hic est sensus, qui habet sapientiam. Septem capita septem montes sunt, super quos mulier sedet, & reges septem sunt.

10. Quinque ceciderunt; vnus est, & alius nondum venit; & cum venerit, oportet illum breue tempus manere.

## C O M M E N T A R I V S.

**V**OX illa *hic*, aduerbium est, vt patet ex Græco, & designare potius videtur præcedentia ænigmatis verba quàm subsequētia. In ænigmate enim mysterium clauditur, non in declaratione. Et vtrumque hoc sit; cum Angelus ait, *Hic est sensus, qui habet sapientiam*: perinde est, ac si dicat, superius ænigma Bestiæ sapientissimè esse conditum, ad significationem ab Spiritu sancto intentam.

SEPTEM CAPITA SEPTEM MONTES SVNT, ET SEPTEM REGES. QVINQVE CECIDERVNT, & C.] De horum verborum significatione latè disputauimus c. 13. vbi explicuimus de septem montibus, super quos sita est Roma; & de ijs ethnicis Imperatoribus, qui Ecclesiam afflixere. Itaque non omnes Romani Imperatores ethnici considerantur tanquam Bestiæ huius capita: sic enim necesse esset Bestiam à Nerone vsque ad Diocletianum perseuerasse; nec toto hoc tempore vnquam euasisse. Quod tamen non ita affirmatur in textu; quinimò dicitur aliquantum temporis apparuisse, & rursus per aliud temporis intervallum disparuisse; atque in mare, vnde emerferat, fuisse immerfam. Ex quo elicitur, non omnes Imperatores ethnicos considerari tanquam Bestiæ huius capita, sed eos duntaxat, qui peculiare Ecclesiæ bellum indixerunt; qui quidem apte reducuntur ad septem, vt cap. 13. explicatum est.

*De horum verborum explanatione, supra iam dictū, cap. 13.*

## T E X T V S.

*Vers. 11.* Et Bestia quæ erat, & non est, & ipsa octaua est, & de septem est, & in interitum vadit.

## C O M M E N T A R I V S.

**R**I B E R A & Viegas ita literam ordinant, vt dæmon, (qui est Bestia) de septem sit; quia in omnibus tyrannis ipse est, qui diuexat Ecclesiam; & nihilominus octaua est, quippe quæ ab illis distinguatur. Alij sic; dæmon de septem est, quia similiter peccat: & octauus est, quia omnium excedit malitiam. Alij ad Antichristum transferunt verba illa, *Et ipsa octaua est.* vt Prosper in dimidio temporis cap. 8. & Haymo. Sed omnia isthæc quàm sint coacta, facile quiuis expendet. Si verò explicatio ad Iulianum referatur, omnia optimè coherent, vt vidimus cap. 13. quò latiore loci huius explicationem remitto.

Quod ad literam ipsam spectat; aduerte, in Græco cum Bestiæ nomen sit neutrum, quando tamè peruenitur ad hæc verba *Et ipsa octaua est*, vsurpari in Græco masculinum genus; ita, & ipse octauus est. quod videtur omnino debere connecti cum nomine Regis: quandoquidè antecesserat, *septem capita septem Reges sunt, quinque ceciderunt, &c.* Nec tamen idcirco significatur Bestiam esse octauum regem: sed quæ Bestia in septem Regibus consumpta videbatur esse, eam rursus visum iri Rege alio, siue Principe exsurgente, qui se eiusdè Bestiæ caput esse ostenderet. Constructio ergo est huiusmodi, *Et Bestia, quæ erat, & non est*, iterum apparebit, eiusque caput erit rex alius siue tyrannus octauus. Et quamuis locutio ipsius contextus non sit adeò formalis, facilè tamen suadetur, hanc veram esse huius loci constructionem. Aliæ enim in Sacris locutiones deprehenduntur nihilo hac clariores, & (vt ita dicam) formaliore; quæ tamen rectè intelliguntur, vt est illud Isaïæ cap. 1. 18. *Si fuerint peccata vestra vt coccinum, quasi nix dealbabitur.* Satis namque apparet, non hic peccatum ipsum album fore; sed eum, qui peccati macula infectus erat. Demum obseruandum est, in nostra Vulgata, *Octaua* connecti cum *Bestia*. Vnde Bestiæ ipsi, id est Romano Imperio ethnico Christianam Ecclesiam persequenti, nomen primæ Bestiæ imponitur propter primum caput: secundæ, propter secundum; actandem octauæ, propter octauum. De horum autem verborum difficultate, deque genuino eorum sensu diximus satis suprâ capite 13.

*Quo sensu dicatur Bestia & octaua esse, & esse de septem.*



## T E X T V S.

## De decem cornibus.

- Vers. 12.* Et decem cornua quæ vidisti decem reges sunt, qui regnum nōdum acceperunt, sed potestatem tanquam reges vna hora accipient post Bestiam.
13. Hi vnum consilium habent, & virtutem, & potestatem suam Bestiæ irradent.
14. Hi cum Agno pugnabunt, & Agnus vincet illos; quoniam Dominus dominorum est, & rex regum, & qui cum illo sunt, vocati, electi, & fideles.
15. Et dixit mihi: aquæ quas vidisti, vbi meretrix sedet, populi sunt, & gentes, & linguæ.
16. Et decem cornua, quæ vidisti in Bestia; hi odient fornicariam, & desolatam facient illam, & nudam; & carnes eius manducabunt, & ipsam igne concremabunt.
17. Deus enim dedit in corda eorum vt faciant, quod placitum est illi, vt dent regnum suum Bestiæ, donec consummentur verba Dei.

## C O M M E N T A R I V S.

**I**L L V D imprimis in his versibus discutiendum occurrit; quæ nimirum sint hæc decem Bestiæ cornua, & vtrum Dei sint amici, an inimici? Etenim vna ex parte inducuntur ab Angelo tanquam inimici Agni; expressèq; asserit, *Hi cum Agno pugnabunt*. Ex alia verò parte eos depingit, quasi ingenti impulsos desiderio Deo placendi: *Deus enim* (inquit) *dedit in corda eorum vt faciant, quod placitum est illi*. Ad quorum verborum veritatem non satis videtur esse, si Deus deprauata hominum intentione ad suum ipsius consilium exequendum vtatur. Etenim peccatum aliquod permittere, & hominum etiam obstinatorum duritiem quasi instrumentum assumere ad egregium aliquod opus; id quidem longè videtur esse diuersum ab eo, quod est, Deum alicui in mentem iniicere, vt quod Diuinæ ipsius maiestati gratius est, opere compleat. Et quidè licet interpretes hanc deuorent difficultatem; optabile tamen esse constat, vt verba illa, *Deus dedit in corda eorum*, ne violenter accipiantur. Nam fortasse inde pendet ænigmatis intelligentia, & illius elegantia affecutio.

Nota ergo primò, Per decem cornua denotari senatores & optimates illius Polyarchiæ, id est Romani Imperii, quod in ipsa Bestia figuratur. Nam licet Imperatores Romæ gubernationem ad Monarchiam reuocauerint, nihilominus tanta erat Senatus auctoritas, vt multum semper resisterit ex ea gubernandi ratione, quam Aristocratiam vocant. Quare non omnino Monarchiæ normam Romana respublica obtinebat, sed quasi Monarchiæ & Polyarchiæ permissionem. Et in Bestiæ quidem capitibus Imperatores adumbrantur, at in decem cornibus senatores & optimates illius Reip. florentissimæ, vt in cap. 13. aduertimus: denario videlicet pro magna multitudine vsurpato, vt in cap. 7. Danielis similiter fuerat expressum.

Secundò aduerte, in amplissimis illis senatoribus verum maximè comprobari, quod textus ait, nimirum eos, cum proprium non habeant regnum, reges adhuc esse. Tanta enim illis auctoritas, tanta diuitiarum copia & affluentia inerat, ac si re ipsa reges forent. Ad distinctionem verò septem capitum de decem cornibus dicitur, *Potestatem vna hora accipient*. Nam septem capita non simul Imperium tenebant, sed vno Imperatore mortuo deligebatur alius. At verò senatorum & Principum illius Reipublicæ auctoritatem ac dignitatem possidebant pariter primariæ illæ in Romano populo familiæ. Atque hoc significat *vna hora*, id est eodem tempore. Hora enim sæpe denotat tempus, estque phrasis Græca familiaris, & apud sacras etiam Literas omnibus nota. Vno itaque tempore regnare, est regnare eodem tempore. Et quod ad rem ipsam attinet, interpretes omnes conueniunt, inter Bestiæ capita atque cornua hoc interesse discriminis; quod capita successiue regnant; cornua eodem pariter tempore dominantur.

Sequitur, *post Bestiam*, in Græco parua cum distinctione bifariam legitur, *μετὰ τὸ θύειν, & μετὰ τὸ θύειν, post Bestiam vel cum Bestia*. Quorum vtrumque cohæret optimè; si in Bestiæ potestate confideremus imperatoriam dignitatem, quæ caput erat; & maximam simul Senatus auctoritatem secundum Imperatorem; cum quo sua etiam pariter dignitate fruebantur.

Aduerte tertio Babylonis & fornicariæ nomen Romæ non conuenire, nisi quatenus idola colebat, & Ecclesiam oppugnabat. Vnde Babylonis deuastatio & horribile meretricis supplicium formaliter sunt accipienda de Romæ quatenus idololatricis ruina: nec alia præterea vastitas aut ruina opus est, quàm vt Romana ciuitas religioni Catholicæ manus daret. Ceterum hæc ipsa subiectio atq; conuersio eleganter in Scriptura figuratur, veluti ingens quædam vindicta diuinitus sumpta; quæ succendit atque excidit ciuitatem illam, quæ mundi prius erat princeps ac moderatrix; vt latius deinceps ostendemus.

Quinam  
per decem  
bestiæ cor-  
nua figuren-  
tur?

Romanos  
senatores  
hic Reges  
vocari: &  
cur.

Quid sit,  
potestatem  
vna hora  
accipere.

Babylonis  
& fornicariæ  
nomen  
qua ratione  
Romæ con-  
ueniat.



His igitur præmissis; vt Roma ad Christi fidem conuerteretur, non id potissimum opus erat, vt Imperator ipse Christianæ Religionis instituta amplecteretur. Nec enim aut ipse suam publicè fidem profiteri facile posset, toto adhuc senatu in vanâ superstitionis tenebris iacente; aut magni admodum referret, si ea tempestate se Christianum propalare ostenderet. Ac demum vnus homo facile è viuus excedit; illud verò præualere, & permanere solet, quod nobilior Reipublicæ pars communiter amplectitur. Quamobrem licet vterque Philippus Christiana sacra susceperint, non tamen multum profecerunt. Et Constantini quidem tempore effectus ipse ostendit, magnam senatorum partem, & fortasse maiorem ad Catholicam fidem priùs se recepisse. Et forsan politicis etiam rationibus consideratis expediens Constantino erat Christianorum se fautorem profiteri. Plurimum igitur huiusce rei momentum in illo situm erat, vt Romani senatores, eorumque familiarum, si non omnes initio, paulatim tamen omnes ad Christi fidem commigrarent. Præsertim, cum quilibet ex potentissimorum senatorum numero magnâ domus familiâ & frequentissimis seruitis abundaret: quos omnes, vbi domini fidem susceperent, necesse erat pariter eidem fidei se subdere, atque adeo Catholica Religione superante, ruinam maximam idololatriæ impendere.

Vnde potif-  
simū in pen-  
deret Ro-  
mana urbe  
ad fidem  
conuersio.

Hæc ergo tanti momenti res minime potuit executioni mandari sine magno discrimine ac periculo eorum senatorum, qui Christi fidem excipiebant, præcipue cum conuersio eo præsertim tempore vigeret, quo persecutionis furor æstuabat. Tunc enim effervescebat pariter Martyrum sanguis, eorumque virtus præstantissima durissimos hominum animos mollebat. Quapropter senatores nuper ad fidem conuersi extremum penè vitæ ac fortunarum discrimen pro Christi fide subibant. Verùm hoc ipsum eorum periculum Christianam roborabat Religionem. Sic enim manifestè constabat, eam senatoribus, eorumque familiis maximè probari. Vt autem id posset efficacius præstari; necessarium omnino erat, vt diuina virtus eos stabiliret, atque firmaret, quod & se Christianos publicè faterentur; & suam dignitatem, honorem, fortunas, ac vitam rigidissimo ipsius tyranni imperio libenter exponerent. Quod vbi magna senatorum pars strenuè gessit, Christianam ipsam Religionem gloriosissimè triumphare necesse erat. Quare, vt Ioannes redderet certus de totius Senatus conuersione, deque valido senatorum robore ad suæ dignitatis ac vitæ iacturam pro Christo faciendam; ideo ei Angelus edicit, *Hi vnum consilium habent. Quasi dicat; omnes pariter conspirabunt, vt Christianæ fidei vnitatem sequantur ac teneant. Et virtutem, & potestatem suam Bestiæ tradent.* Id est suarum opum, facultatum, dignitatis ac vitæ potestatem facile tyranno permittent; vt hoc obsequium Christo suo Domino ac Redemptori præstent.

Divine vir-  
tutis effi-  
cientia in  
senatorum  
vetrum  
animis, &  
ad Christi-  
ana sacra  
traducen-  
dis, & in  
pietate ro-  
borandis.

HI CVM AGNO PVGNABVNT. ] Hoc est, illi quidem prius Agno infensi atque infesti peracere bellum ipsius famulis indicent. Agnus tamen de illis gloriosissime triumphabit. *Agnus vincet illos,* & suavi Catholicę Religionis iugo subijciet, (de hac enim imprimis victoria Agnus ipse gloriatur.) Nam si illi potentes erant; multo adhuc potentior est Christus, cui dum fasces submittent, vere Reges erunt ac domini. *Quoniam Dominus dominorum est, & Rex regum.* Qui verò eius partes sequuntur, illosmet Deus seligit, & fideles reddit: *Et qui cum illo sunt, vocati, electi, & fideles.*

Verf. 14.  
Quid sit,  
cornua sine  
senatores  
cum Agno  
pugnate.

ET DIXIT MIHI; AQUÆ, QVAS VIDIISTI, VBI MERETRIX SEDET, POPVL I SVNT, ET GEN-  
TES, ET LINGVÆ.] Ac si clariùs diceret; noui quidem totius mundi frequentiam in vnus Ro-  
mæ obsequium, vanitatem, & Idolorum superstitionem pedibus ire: nihilominus tamen

Verf. 15.

DECEM CORNVA, QUAE VIDISTI IN BESTIA, HI ODIENT FORNICARIAM.] Id est odio prosequuntur, atque adeo execrabuntur idololatriam, eamque de medio tollendam omnino curabunt. Eadem phrasi ait Regius Psaltes Psal. 118. 113. *Iniquos odio habui, & legem tuam dilexi.* Quod paulò infrà exponens, *Omnem (inquit) viam iniquitatis odio habui.*

Verf. 16.  
Quo sensu  
dicantur  
decem' ccr-  
nua odio  
habitura  
fornica-  
tiam.

ET DESOLATAM FACIENT ILLAM, ET NYDAM.] Quippe illis, eorumque familiis Christiana dogmata complexis; quidquid accessionis & incrementi Catholica Religio acceperit, in magnam idololatriæ iacturam atque perniciem cedit: quoad sola atque inops derelinquatur. Nam & homines illius cultores & diuitiæ atque opes ad Religionem Christianam congregabuntur.

Quomodo  
erem illam  
desolatura  
& spoliata  
radican-  
tur.

Et CARNES EIUS MANDUCABVNT.] Locutio hæc internecinum odium indicat, id quod ipsa ænigmatiſ elegantia poſcebat. Etenim moribus fornicariam meretricem dilacerare, perinde eſt, quali potiores ipſius partes moribus ab ea diuellere; dumad Chriſti fidem traducuntur ij, qui antea infidelitatis membra & partes nobiliſſimæ erant; quibus ad Chriſtianam fidẽ adductis, ipſius res mi- rum in modum locupletabitur. Poſtremo: *Ipfam igni concremabunt.* Eð enim fortiffimorum ſenato- rum virtus ac robur euadet; vt Romam idolorum cultricem, quatenus eiufmodi eſt, funditus de- ualſent; hoc eſt idololatriam ita evertant, vt nihil ex ea reliquum fiat præter cinerem, id eſt totius mundi pœnitentiam atque erubeſcentiam, quòd antea idololatriæ fuerit additus.

Quid sit  
carnes for-  
nicaria  
manducare.

His ita explicatis, mox apparet, quàm verè ac propriè, verba illa adiiciantur, *Deus enim dedit in corda eorum, ut faciant, quod placitum est illi.* Nam diuina gratia ac virtus, quæ senatorum Romanorum corda occupauit, egregium illud atque admirabile facinus edidit; dum illis vires, animosque suggessit, ut pro ipsius obsequio atque gloria se ipsos, suæque omnia sponte in tyrannorum manus ac potestatem traderent. Donec Deus hoc pacto Romam illam ethnicam prorsus de medio tolleret, sicuti iam antea prædixerat. Id enim significatur verbis illis; *Vt detur Regnum suum Bestiæ, donec consummentur verba Dei.*

Hæc nostra de decem cornibus interpretatio necesse est illis omnibus noua atque insolita videatur, qui firmiter ad eam animi conceptionem adhæserant; vt crederent, quidquid textus de decem Regibus assenerat, reapse, vt sonat, sub Antichristi tempora euenturum. Tunc enim arbitrantur Romam re verâ per decem Reges corporeo igne prorsus arsuram: de quo dubitat Augustinus, vt alibi ostendimus. Me quidem Apocalypseos acoluthia docet, in hoc loco esse sermonem de antiqua illa Roma ethnica, quæ Christi Ecclesiam insectabatur. Et quidem vaticinium illud de Babylonis vastitate & exultione nihilo potest aptius aut congruentius exponi, quàm re ipsâ accidit; nimirum de incendio per ignem illum excitato, quem Christus venit mittere in terram. Quàm

Refertur  
atque resu-  
matur alia  
de decem  
cornibus  
explicatio,  
que ad An-  
nichristi  
tempora  
transgre-  
ditur.



A

verò sit huiusmodi vindicta Apocalypseos stylo & grauitate digna, diximus latè in prologo notatione 22. vbi ostendimus familiare valde esse Scripturæ, sub vindictæ allegoria de peccatorum conuersione loqui. Atque vt in scelerati hominis conuersione ait Paulus, veterem hominem emori, & nouum alium ac nouam creaturam condi; sic etiam in Romæ conuersione ad fidem verissimè & elegantissimè dicitur Roma vetus interiisse, & quædam alia Roma à Deo fuisse fundata, quæ & Agni est sponsa, & Ecclesiarum omnium Regina. Et quanuis verum esset, urbem Romam prope Antichristi aduentum materiali igne fore comburendam, tunc quidem non illa conflagraret, quæ olim Christi Ecclesiam persecuta est. Illa enim Ecclesiæ oppugnatrix, quo tempore Ioannes Apocalypsin scripsit, prorsus iam interiit; & absolum omnino est, cum Ioannes eodem scribat tempore, quo Roma ethnica validissimè Christi Ecclesiam oppugnabat, illum silentio inuoluisse admirabilem tot persecutionum grauissimarum exitum; & fecisse gradum per durissimum hyperbatum ad eum exitum, qui sub extrema mundi tempora maneret Romam propter alia flagitia, quæ ipsa ciuitas ad Christi iam fidem conuersa fingitur tunc commissura.

B

Observatione insuper digna est admirabilis diuinæ providentiæ ratio; quæ ita rerum seriem ordinemque disponit, vt plerumque delictorum supplicia quodammodo necesse sit in peccatorum conuersionem immutari, atque desinere; quibus proinde plurima tribuat beneficia. Etenim si hoc Apocalypseos vaticinium impense discutiamus; grauissimum Romæ ethnicæ scelus fuit immanis illa crudelitas, qua innumerabilium Martyrum cruorem effundebat. Cum ergo Romæ ipsius peccatum debitam mox à cælo vindictam postularer; ex alia verò parte effusus Martyrum sanguis vberimos Martyrij fructus in Ecclesiæ gloriam atque triumphum suo quasi iure deposceret; æquissima exigebat ratio, vt primum omnium martyrio tot Dei amicorum ac familiarium suus debitus redderetur fructus. Sub hac, nulla alia vindictæ ratio de Roma ethnicâ sumenda videbatur esse super, quàm vt ad Christi fidem traduceretur. Hoc igitur pacto idolorum superstitione atque Gentilium sanctorum mirandum in modum fuere supplicio affectæ; dum illi ipsi, qui antea idololatriæ & crudelitatis erant studiosissimi, ante sacras Martyrum reliquias venerabundi prociderunt; & iisdem de semetipsis sumpsere vindictam per superiorum scelerum detestationem, corporis macerationem, & rigidæ Euangelij perfectioni subiectionem.

Diuine providentiæ ac misericordiæ ratio in mystico Romæ ethnicæ supplicio, siue conuersione.

Honorificæ in Apocal. mentionem fieri senatorum, qui ad Christi olim fidem fuere conuersi.

C

Præter hæc: in hac ipsa Apocalypseos narratione de decem cornibus, de quæ inflicto supplicio meretrici, sit honorifica satis mentio Romanorum senatorum, qui Christianæ fidei iugum subierunt. Quorum conuersionem atque martyrium Deus assumpsit ad præstantissimum illud facinus, hoc est ad mysticam Romæ conflagrationem, atque adeo totius Romani Imperii procurandam. Quapropter vrbi Romæ gloriosissima est Apocalypseos prophetia, nec familiis eorum senatorum, qui Christianam religionem amplexi, pro illa fortiter occubuerunt, quidquam illustrius aut magnificentius potuit accidere, quàm vt in sacro hoc & arcano libro notarentur, tanquam clarissimi illius facinoris duces, ex quo pendeat vniuersi orbis Romani conuersio.

Babylonis antiquæ vastitas, de qua Propheta fuere locuti, quo pacto sit accipienda.

Iam si animaduertamus, in hac Romæ conflagratione alludi ad vindictam, quam Deus sumpsit de Babylone antiqua, cuius nomen ethnicæ Romæ accommodatur; quanuis Prophetæ ex ipso vaticinandi modo viderentur incendium ac vastitatem Babyloni imitari; effectus tamen ipse ostendit, supplicium à Deo inflicto Chaldæis, (quibuscum illæ prophetiæ insensu proximo loquebantur) non eum fuisse, vt ciuitas illa corporeo igne, absumpta & in cineres foret redacta, sed vt Chaldæorum Babylone regnantium Monarchia finiretur, & in eadem vrbe Persarum atque Medorum Monarchia succederet. In quærerem vicissitudine Babylon antiqua, quatenus Chaldæorum erat metropolis, non secus interiit, ac si flammis fuisset exusta. Etenim quod integra vrbs in Persarum ac Medorum potestatem peruenerit, perinde fuit, quasi in eodem situ noua alia conderetur Babylon, in qua seruirent ij, qui prius imperabant.

D

Quod si quispiam dixerit, si non eo ipso tempore, at postea Babylonem tandem aliquando fuisse prorsus euersam. Id saltem non est, quod à Prophetis prædicitur. Illi enim agebant de eorum supplicio, qui Ierosolymam inuaseraut ac diripuerant: postquam verò Babylonis dominatus ad alias gentes concessit, quanuis verum fuerit, illam multis postea sæculis incendio conflagrasse, hoc certè minimè fuisset præstitum ad eos vlciscendos, qui Ierosolymam deuastauerunt. Vides ergo proximum earum prophetiarum sensum, non fuisse de materiali (vt ita dicam) euerfione, sed de formali, videlicet quatenus erat Chaldæorum metropolis. Ad rem. Cum in Apocal. Spiritus sanctus manifestè Romæ ethnicæ applicet, quod aduersus antiquam Babylonem prædictum videbatur, Babylonicæ illius vastitatis exitus admonitioni atque adeo argumento nobis esse potest, hoc Romæ excidium, de quo agit Apocalypsis, non proprium ac materiale fore, sed formale ac mysticum, sicuti explicatum supra est. Atque hic erat præcipuus sensus prophetiarum Isaïæ & Ieremiæ: quæ primo aspectu de Babylone loquuntur; sed per eius comparisonem de Babylonis filia, id est Romæ ethnicæ.

E

Circa illa verba, *Aque quas vidisti populi sunt, & gentes & linguae*; Nota illud Numerorum 24. 7. *Fluet aqua de situla eius, & semen illius erit in aquas multas*. Siue vt alii legunt, *in gentes multas*. Et consule pariter, quæ diximus cap. 1. 15. ad ea verba, *Vox illius tanquam vox aquarum multarum*. Ambrosius respicit hic ad aquas fluminis. Ait enim populos multos in mortem properare cum sonitu, & alios aliis succedere. Facit, quod antiqua Babylon super fluminis aquas sedebat. Ceterum ad populorum, gentium, ac linguarum significationem aptissimè à mari sumitur comparatio. Eo enim omnia confluunt flumina: vnde & mare ipsum est ingens illa aquarum congregatio, quæ diuersas habent origines. Ita etiam in Romano Imperio, siue in vniuerso mundo continetur quædam innumerabilium populorum congregatio; quorum singulis diuersæ sunt origines. Et forte in aquarum allegoria ad generationem tacite respicitur.

Videm hic in aquis multis, super quas mulier sedet, sermo sit de aquis fluminis, an de aquis maris.



A

## T E X T V S.

*Vers. 18.* Et mulier quam vidisti, est ciuitas magna, quæ habet regnum super Reges terræ.

## C O M M E N T A R I V S.

**H**ic versus non parum faceffit negotii illis, qui aliam ab antiqua Roma expositionem sequuntur; at in nostra explicatione nihil clarius. Quare magna hinc petitur nostræ explicationis confirmatio.

## N O T A T I O II.

*In qua obiter referuntur aliorum expositiones de decem cornibus.*

*Varie aliorum interpretationes referuntur de decem Bestia cornibus.*

**P**ri<sup>mo</sup> Ribera, Viegas, Aretas, & Beda verba illa, *Potestatem vna hora accipient*, explicant, id est exiguuo tempore regnabunt.

Secundò: Pro decem cornibus ait Viegas communi declaratione intelligi omnia regna regibus impiis subiecta. Sed Anselmus, Ansbertus, Haymo, Richardus, Ribera, & ipse Viegas interpretantur de decem regibus, quos Antichristus inueniet. Et Ribera §. 4. notat, eos principio Romano Imperio fore subiectos.

Tertiò: *Hi odient fornicariam*. Communis declaratio (ait Viegas) est, fouendo & adiuuando impiorum multitudinem aduersus Christum, eam facient obnoxiam cruciatibus sempiternis. Ribera & Viegas asserunt, ab iis decem regibus euersum iri Ierolimam, ut orbem inter se partiantur; idque antequam ab Antichristo superentur: futurum enim, ut Antichristus tres ex illis occidat.

Quartò: *Post Bestiam, & cum Bestia*, ait Ribera idem esse hac ratione, *post Bestiam*, ut eam sequantur: *cum Bestia*, ut ei pareant. Porro, *tamquam reges*, inquit Ribera, quia quamuis Reges sint futuri; paruo tamen tempore durabunt.

Quintò: *Carnes eius manducabunt*. Hyperbolicè id dictum vult Ribera, ad vehemens odium significandum, ex vltima Scripturæ locutione Iob 19. 22. & 31. 31. & Psal. 26. 2.

Sextò: in meretricis supplicio dicit aliquis, præter Romæ conuersionem, considerari etiam posse infinitam penè hominum multitudinem, qui in Romana Republica desiderati sunt satis merito ob fidelium Martyrum supplicia: & ipsos quidem annales esse plenos Romani Imperii bellis & cladibus, quæ acciderunt eorum Imperatorum tempore, qui ante Constantinum post conscriptam Apocalypsin Romanum gubernarunt Imperium. Victoriæ autè, tanto Romanorum sanguine effuso, sunt interdum ab ipsis Romanis partæ; ut multo luctu atque lacrymis constarent victoribus. Ciuile quidem bellum inter Septimium Seuerum & Nigrum gestum potest iure optimo inter totius orbis bella sanguinolenta, & post hominum memoriam crudelissima numerari. Iam ipsius Imperatoris affectæ & milites illius custodiæ destinati ipsum facili negotio trucidabant; Imperiumque pro libito diuendebant. Imperatores verò ex senatoribus quæ plurimos leuissima de causa necabant. Quin inter prosperos felicitum rerum successus, nonnunquam horribiles adeo tempestates intercidebant, ut sæpius Roma ad summum in-

**B** felicitatis discrimen perueniret. Verum enim uerò quamuis minimè dubitem, quin hi rerum euentus calamitosi pro effuso tot Martyrum cruore Romanis frequenter acciderint; hæc tamen omnia ad præcipuum Apocalypseos finem quasi leuioris momenti reputanda sunt. Nec enim de minori calamitate ac miseria Romanæ vrbs hic agitur, quàm ut antiqua illa ciuitas ethnica in puluerem redigatur.

*Cuius magna, quæ habet regnum super omnes reges terræ.* Qui cum Beda magnam hanc ciuitatem de impiorum multitudine interpretantur; contemplari solent, quod frequenter accidere videmus, ut improborum hominum cætus ac reipublicæ dominatum in peculiare Reges, & in ipsos etiam Monarchas habeant. Nam eo ipso, quod mundanorum hominum frequentia vitium aliquod quantumuis infimum & abiectissimum amplectatur; videtur illud quasi communi lege ac plebiscito sanciri, cui vel Principes ipsi improbi quasi mundi subditii se supponunt. Nec enim eis vires sunt ac lacerti, ut pedem aliquando figant, nec se vulgaris erroris impetu ferri patiantur. Hinc proficiscebatur, ut veteres illi Imperatores simul cum ipso populo in Christi Euangelium conspirarent; conuenerunt in unum sub eodem dæmonis vexillo, id est, sub eodem Babylonici impetus errore.

**C** Non deerit fortè, qui per decem Bestiæ cornua, quæ meretricem odio sunt prosecuta, intelligat ducum Romanorum ambitionem; qui quamuis magna essent potestate, sed regnum nondum acceperunt; quia nondum fuerat illorum expleta cupiditas, quæ Imperium affectabant. Cum autem iidem ipsi fuerint præcipui persecutionis ministri; per eosdem voluit Deus se ab infami meretrice vlcisci. Consilium autem diuinum fuit eiusmodi, ut permitteret in Imperii ducibus cupiditatem & ambitionem dominari. Deinde ambiosis hominibus familiare est, ut ad idem omnes supremæ dignitatis fastigium adspirent. Quia in re quilibet sui compos desiderii conatur euadere, & ad optatum finem assequendum, omnes pariter summa opum vi obsequium mundi Bestiæ præstare non dubitant. Nemo enim magis est mundo eiusque legibus addictus, quàm honoris ac dignitatis ambiens. Huius igitur æmulationis & ambitionis permissu vlciscuntur Deum ambiosi ab infami meretricis flagitiis. Namq. omnes sibi metipsis fauissima inferunt bella, atque bellaciuiia, quid aliud sunt, quàm ipsius Reip. vilitas ac ruina? Hoc ergo est Ecclesiam à meretrice ipsius hoste vindicari.

*Beda & aliorum expositio de ciuitate magna, quæ habet regnum super reges terræ.*

*Alia decem cornuum expositio, ad ea verba, regnum nondum acceperunt.*

*Proponitur de meretricis supplicio alia expositio, præter superius traditam: quæ tamen non admodum probatur.*



## CAPVT XVIII.

## Prologus de totius capitis partitione, &amp; coherentia.

Capitis huius 18. argumentum atque partitionis, & partium inter se coherentia.

IN prologo capitis 17. vidimus, quemadmodum Angelus magnæ potestatis, (qui describitur initio capitis 18.) significet B. Petrum. Imprimis ergo refert textus, quod hic magnæ potestatis Angelus dixit. Deinde narrat Ioannes se aliam à cælo vocem exaudisse; quousque verò hæc de cælo vox progrediatur, id attentè consideremus oportet. Multi interpretum statuere videntur, huiusmodi vocem ultra versum octauum non procedere: vbi dicitur, *Quia fortis est Deus, qui iudicabit illum.* At fletus & lamentationes Regum, negotiatorum atque nautarum (quæ mox subsequuntur) non ita accipiunt, quasi à cælesti illa voce sint recensita; sed quasi aliquid ad vocem ipsam consecutum. Dein post huiusmodi eiulatus sequitur Ioannis gratulatio ad Apostolos ac Prophetas versu 20. Postea quidem Angelus ingentem lapidem molarem in mare proijcit versu 21. Denum, quod extremò subiungitur de voce molæ & luce lucernæ, non satis distinguunt interpretes, an referatur tanquam dictum ab eo Angelo, qui lapidem misit in mare; vel tanquam ab ipso Ioanne additum.

Mihi tamen compertum est, in toto hoc capite 18. duo tantum contineri. Primum, quod Angelus potestatis magnæ dixit; alterum, quod vox de cælo exaudita protulit. Itaque quidquid Ioannes à versu 4. ad finem vsque capitis refert; totum hoc à cælesti illa voce audiuit. Quamobrem, quod Ioannes refert de fletu & lamentatione Regum, negotiatorum ac nautarum, ad cælestem pertinet vocem. Quod verò addit, *Sustulit vnus Angelus fortis lapidem molarem, &c.* Ioannes non refert tanquam rem à se visam; sed veluti ex cælesti voce exauditam. Huic demum voci attribuitur, quidquid sequitur ad huius capitis decimi octaui calcem.

Propositi argumenti redditur ratio, & confirmatio subiungitur.

Vt hanc totius capitis partitionem probem, adducor imprimis; quia cum dixisset Ioannes, vocè sibi cælitus auditam; cumque referre cœpisset vocis illius dicta; nulla persuadet ratio, vt credamus non eandem adhuc pergere vocem, quando additur, *Et fletunt, & plangent se;* neque postea, cum ait, *Et sustulit vnus Angelus fortis lapidem.* Nisi enim vox eadem longius procederet; adiungeret Ioannes, sicuti assolet, *Post hæc audiui;* aut, *post hæc vidi.* Quod cum minime proferat vsque ad capitis 19. initium; congruentius est, vt eò vsque prosequatur, quod ex cælesti voce audiuit. Vide suprà caput 14. nume. 13. vbi ait, *Audiui vocem de cælo.* & post vocem subdidit; *Et vidi, & ecce nubem candidam.* Deinde si semel constituamus, totum hoc ex cælesti voce Ioannem auditione excepisse; multò aptius capitis huius partes inter se se connectuntur. Negari autem non potest, quin ænigmatis interpreti liceat, quidquid in ea affirmatur, accipere (decorè tamen) qua ratione opportunius visum erit; vt omnia rectè & aptissime inter se cohæreant.

Cum ergo hoc caput duntaxat contineat, quod & Angelus magnæ potestatis, & cælestis vox protulerint; cumque per potestatis magnæ Angelum B. Petrus adumbretur; facile constat, voce illa cælesti prædicationem Christianæ Ecclesiæ denotari. cælum enim sæpè in Apocalypsi Christianam Ecclesiam repræsentat, vt c. 4. adnotauimus. Mirificè autem quadrat, vt in ea prædicatione spiritualis vindictæ, qua Deus Babylonem mysticam (id est Romam) fuerat vlturus, quasi fundamentum præponatur, quid de illa Ecclesiæ expectatione atque fiduciâ Paulus & Petrus affirmarint: deinde explicetur, quod Euangelica prædicatione adiunxit ijs, quæ Paulus & Petrus expresserant. Perspicuum autem est ab Ecclesiæ prædicatione nihil nouæ doctrinæ additum iri; sed ex ijs ipsis, quæ Romanæ Ecclesiæ fundatores asseuerarunt, peculiari diuini Spiritus instinctu illatum iri, quod implicite in ipsa Petri & Pauli institutione includebatur. Atque ita magno cum decoro præcedit nuncius de futura Romæ cōuersione à Petro & Paulo affirmata; & mox exponitur, quod Christiana prædicat Ecclesia, quasi eundem celebrans nuncium felicissimum, & magis exprimens, quod eidem cecinerant Apostoli. In hac enim publica lætitia Petrus & Paulus videntur præcinere; & Christianæ Ecclesiæ chorus mirifico concentu protinus illis respondere. Et in eo quidem, quod cælestis testatur vox, nobis proponitur ob oculos, quid Ecclesia colligat ex Petri & Pauli dictis; præsertim ex eo, quod affirmat Petrus, Romam scilicet esse Babylonem; cuius ruinam vaticinia sacra prædicunt. Vnde potuit Ecclesia inferre ac pronunciare, quod in cælesti voce Ioanni auditâ figuratur; nimium fideles hac ipsa expectatione nixos ex Roma ethnica egredi debere, per manifestam Christianæ fidei professionem; eosque alacri & erecto animo esse oportere, vt supplicium de Roma ethnica mysticum sumerent, & illi par pari referrent. Adhæc; illos firmiter in ea promissione inhaeruros fore, vt impleretur tandem, quod Isaias cap. 47. & Ieremias cap. 25. & 51. sub Babylonis specie; & Ezechiel cap. 27. sub Tyri specie describunt. Atque ad hanc rerum summam redigitur, quodcumque cap. 18. tractatur, vt planius ex ipso commentario fiet.

Quod si hæc capitis summa est, facile cerni potest, quàm sit B. Petro gloriosum, non modò quod in tribus primis huius capitis versibus, sed etiam quod in toto capitis decursu comprehenditur. Quia quanuis à versu 4. incipiat cælestis vox, quæ prædicationem Ecclesiæ designat, hæc tamen vniuersa Ecclesiæ prædicatione inducitur tanquam illata ab Ecclesia ex Petri sermone atque doctrina. Quamobrem sicut totum caput 17. honorificentissimum est Paulo (qui est primæ phialæ Angelus) sic etiam caput 18. in maximum B. Petri decus & honorem cedit, quantunvis non illi directè tribuantur plures, quàm tres huius capitis versus. Quod enim Petrus asserit, assumitur veluti fundamentum, quo nitatur cælestis vox, quæ reliquam capitis partem occupet. Nec solum id locum habet in cælesti voce, quæ in hoc capite exauditur: verum etiam in aliis vocibus, quæ capite 19. referuntur. Namque, vt ibi patebit, illa etiam prædicatione nititur in eo, quod Angelus magnæ potestatis initio huius capitis protulit.

Quàm sit B. Petro gloriosum capitis huius argumentum.





Don Juan de laurqui inventor.



## T E X T V S.

*Vers. 1.* Et posthæc vidi alium angelum descendantem de cælo, habentem potestatem magnam, & terra illuminata est à gloria eius.

## C O M M E N T A R I V S.

**H**UNC Angelum esse Petrum Apostolum, satis iam ex superioribus constat, atque ad eius excellentiam & primatum dignè expendendum, omnino nescio, quæ verba possent magis appositæ proferri, quàm vt angelus magnæ potestatis & auctoritatis vocaretur, hoc enim significatur Græco nomine *ἄγγελος*, quo Ioannes hic vsus est. Præsertim quia ex Petri & Pauli binario Petrus est, cui hæc illustris appellatio tribuitur. Vbi manifestò liquet, non esse sermonem de communi potestate Apostolis tradita; sed de singulari illa & excellentissima Pontificatus summi auctoritate Petro collata. Et quidem in hac magnæ potestatis mentione manifestè alluditur ad id, quod Christus dixerat Petro Matth. 16. 19. *Tibi dabo claves regni cælorum.* & notandum valde est, si hic versus D. Petro applicetur, in sublimi hoc elogio inuenire intellectum, in quo omnino acquiescat; alioqui aptam illius rationem reddi non posse. Iam, quòd dicitur de cælo hic angelus descendere, perinde est, quasi de Petro, quatenus summo Pontifice & Christi vicario, instituatur sermo. Hæc enim dignitas est prorsus cælestis atque diuina. Quod autem subditur, terram ab illius gloria esse illuminatam, miram etiam cõtinet energiam. Indicat enim eam lucem, quæ habetur in terris de vera cæli doctrina dignoscenda, Petri & eius successorum auctoritati atque gloriæ esse annexam. Si verò referatur lumen ad terræ gloriam & honorem: vniuersa quidem tellus summopere decoratur ex eo, quòd apud se Christi contineat Vicarium cælesti potestate præditum, & veritatis diuinæ assistentia fultum.

His addo; id, quod de B. Petro in præsentī dicitur, nempe terram illuminatam esse à gloria eius, aptissimè referri ad luculentam illam confessionem, *Tu es Christus filius Dei viui.* Hæc enim est illustrissima Petri gloria, iuxta illud, *Beatus es Simon Barjena.* Hæc autem Petri confessio illuminauit terram, & faciem prætulit ceterorum fidelium fidei circa Christi diuinitatem. Quòd si ad eò certum est, Petrum in præsentī designari per prima huius capitis verba: non video, quid aptius, grauius & elegantius pro foribus augustissimi templi, quod in honorem Petri Romæ erectum est, scribi posset; quàm huiusmodi titulus ex hoc capite desumptus, nempe, ANGELO DESCENDENTI DE CÆLO, HABENTI POTESTATEM MAGNAM, ET TERRA ILLUMINATA EST À GLORIA EIUS.

Iam verò huius prophetiæ complementum in mystica Babylonis ruina Petro ipsi gloriosissimū extitit, non solum quia ab ipso fuit enunciata; sed multò etiam magis, quia Petri ipsius prædicationem atque martyrium assumpsit Deus tanquam instrumentum ad clarissimum illud facinus patrandum. Præterquam quòd, cum Romæ fuerit Petrus Episcopus, nihil potuit eidem Petro gloriosius accidere, quàm ipsius Ecclesiam ab ipso fundatam aduersus Romanorum idololatriam præualere, & ipsam idolorum superstitionem Roma penitus exterminari. Ab hac verò gloria Petri illuminata est vniuersa terra. Etenim ex eo, quòd idololatria rueret Romæ, totius orbis illuminatio pendebat. Vt autem repræsentaretur felix nuncius illius rei, quæ terram vniuersam fuerat illustratura; appositum valde est, vt Angelus nuncium afferens ingenti claritate indutus appareat. Sicut etiam fortitudo, qua clamat Angelus, significare videtur, in idololatriæ ruina omnipotentiam Dei, & ipsius ministrorum virtutem mirum in modum elucescere.

## T E X T V S.

*Vers. 2.* Et exclamauit in fortitudine dicens: Cecidit, cecidit Babylon magna, & facta est habitatio dæmoniorum, & custodia omnis spiritus immundi, & custodia omnis volucris immundæ, & odibilis.

## C O M M E N T A R I V S.

**Q**UANTVM congruentiæ & veritatis contineatur in eo, quòd hæc vox tribuatur Petro, satis iam ex supradictis manifestum est. Ipse enim in sua prima canonica cap. 5. 13. Romam nuncupat Babylonem; quod perinde est, atque affirmare, in vrbe Roma fuisse complendum, quod Isaias cap. 21. 9. prædixit; vbi eisdem verbis est vsus; *Cecidit, cecidit Babylon,* & quod vaticinatus est similiter Ieremias cap. 51. 8. vbi ait, *Subitò cecidit Babylon, & contrita est.* Vtriusque enim prophetiæ germanus erat sensus, Romam ethnicam quatenus talem fore ruituram, id est, ad Christi religionē conuertendam, & fictorum deorum cultum lapsuram. Atque ad eiusmodi sensum adstruendū haud parum confert, quod mox Isaias subiungit post verba prædicta; nempe, *Et omnia sculptilia deorū eius contrita sunt in terram.*

In hoc  
Angelo  
figurari  
B. Petrum.

Quam  
apud Petro  
conueniat,  
illuminatam  
esse terram  
à gloria  
eius.

Complementum  
huius  
prophetiæ  
quæ fuerit  
Petro glori-  
osum.

Quaratio-  
ne Petro  
conueniat  
huius  
angeli  
symbolum.  
Quid sit,  
Cecidit  
Babylon,  
&c.



A Huic tamen explicationi opponet aliquis, eam cum verbis proxime subsequen-  
tibus non recte  
consentire. Subdit enim Angelus potestatis magnæ, Babylonem factam esse demoniorum habi-  
tationem, & custodiam omnis spiritus immundi, & custodiam omnis volucris immundæ, & odibili-  
lis. Quæ verba tantum abest, vt aptè ad Romæ conuersionem referantur, vt contrarium potius  
sensum videantur præ se ferre. Nam ex alicuius vrbis conuersione minimè sequitur, illam deinceps  
à demonibus incoli, sed potius quæ antea dæmonum erat habitatio, sit postea Dei & ipsius An-  
gelorum ac ministrorum domicilium. Eapropter nonnulli sibi persuadent, horum verborum sen-  
tum spectare ad propriam atque (vt ita dicam) materiale Romanæ vrbis vastationem. Ex qua  
contendunt futurum, vt dæmonum ac larvarum & coruorum & immundarum auium habitatio in  
posterum sit; quemadmodum antiqua Babylon, postquam extisa fuit, in dæmonum & teterrimo-  
rum animalium domicilium fuit conuersa.

Obiectio  
contra præ-  
dictam ex-  
positionem.

B Huic tamen obiectioni respondeo, verba illa neutiquam referri posse ad materiale vrbis euer-  
sionem. Etenim iuxta veram ac propriam sacrarum Literarum & spiritualium virorum locutionem,  
dubium non est, Romam inter suos illos triumphos celeberrimos & innumerabilem diuersarum  
nationum frequentiam, dum adhuc in idololatriæ tenebrismersa iacebat, sine controuersia exti-  
tisse multò magis propriam dæmoniorum & immundarum volucrum habitationem, quàm post  
suum excidium atque ruinam foret. Si enim igne absumpta in campum conuertenda est (iuxta  
Virgilianum illud,

Responsio  
ad obiectio-  
nem propo-  
sitam.

Verba illa  
ab angelo  
prolata de  
Babylonis  
euerione &  
dæmonum  
inibi habi-  
tatione in  
sensu mysti-  
co esse acci-  
pienda.

Et campos vbi Troia fuit.)

C Quis non videat, campum non esse aptiorem dæmonum habitationem, quàm vrbes idolorum atque  
ipsorum dæmonum cultrices? In huiusmodi ergo locutione sermo est de vindicta mystica, quam de  
occidentali Babylone breui erat sumpturus Deus; & quodd dicitur facta fuisse, hoc est, breui faciendâ  
habitatione dæmoniorum, & custodia omnis volucris immundæ, &c. exponendum est eodem modò,  
quo illud Pauli I. Corint. I. 20. *Stultam fecit Deus sapientiam huius mundi.* vbi facere non est aliud, quàm  
re ipsa ostendere, & manifestare, siue efficere vt constet. Romam ergo veterem factam fuisse  
habitatione dæmoniorum, non est aliud, quàm per conuersionem vrbis & orbis Romani manifestum  
fuisse hominibus; Romam ethnicam, quæ adeo gloriosa apparebat, & quæ immortalium deorum  
domicilium putabatur, non fuisse aliud, quàm dæmoniorum habitationem, & spirituum immun-  
dorum latibula; ac proinde in ea non homines rationales habitasse secundum rationem viuentes,  
sed mylticas feras & mylticos bubones & inferorum volucres. Quod verò de antiqua Roma ethni-  
ca dico, de eius reliquijs, quæ per aliquot annos remansere, similiter intelligo: hoc est de iis, qui  
in idolorum cultura post vrbis conuersionem remanserunt. Quia illicitiam similiter, aut maiori  
etiam iure à fidelibus respiciebantur, quasi vrbis alicuius antiquæ ruinæ à demonibus & immun-  
dis aubus inhabitatæ. Desumitur autem allegoria à domo aliqua ab hominibus derelicta, eo quodd  
ab horrendis lemurijs, laruis & terrificationibus eam incoli & infestari compererint: & quam  
nulli deinceps homines habitare audent, sed solum vespertilioes & aues immundæ: ex quo neces-  
se est, vt breui penitus corruat, nec vlla deinceps remaneat illius iterum erigendæ spes. Iam ve-  
rò facile intelligitur, quàm fuerit apta hæc allegoria ad significandum horrorem de antiqua ido-  
lolatria; quem conceperunt Romani, postquam Christianæ fidei radio sunt illuminati: nec non  
ad asserendum breui futurum, vt ex quoque reliquiæ, quæ post vrbis conuersionem superfuere ex  
antiqua Romanorum idololatriâ, prorsus interirent. Huic autem nostræ explicationi fauent Pri-  
masius, Ambrosius, Aretas, Haymo, Ansbertus, & Viegas; qui verba illa, *Facta est habitatio demoniorum*  
explicant de antiqua idololatria, hoc est, de veteris idololatriæ existimatione apud ipsos Romanos,  
postquam à Deo illuminati sunt; ac de sempiterna eiusdem idololatriæ ruinâ.

D Hic est citra dubitationem verus huius loci sensus. Eodemque modo explicanda sunt Isaïæ ver-  
ba cap. 13. 20. qui cum præ dixisset, Babylonem (hoc nomine veterem Romam indicat) fore solo  
adæquandam; subiungit, *Non fundabitur vsque ad generationem & generationem, nec ponet ibi tentoria Arabi, ne-  
que pastores, &c. Sed requiescent ibi bestie, & replebuntur domus eorum draconibus, & habitabunt ibi struthiones, &  
pilosi saltabunt ibi, & respondebunt ibi vlula in aditus eius, & sirenes in delubris voluptatis.* Vbi pro Pilosis Septuagin-  
ta legunt *Dæmonia*; & pro *Draconibus*, sonitum; pro *Struthionibus*, Sirenes; pro *Vlulis*, Onocentauris: pro *Sire-  
nibus*, Erinaceos vel *Ericios*. Atque aliæ translationum varietates referuntur in notationibus Bibliorum  
Sixti V. ex Basilio, Eusebio, & Hieronymo. Similis habetur locus Isaïæ 34. 11 vbi agitur de euerfio-  
ne terræ Edom, & ciuitatis Bosra; & subditur, *Et possidebunt illam onocrotalus & ericius, ibi & corum habi-  
tabunt in ea.* & infra: *Erit cubile draconum, & pascua struthionum, & occurrent dæmonia onocentauris, & pilosus  
clamabit alter ad alterum: ibi cubauit lamia, &c.*

Duplicem  
Isaïæ locum  
(ad quos in  
his Angeli  
verbis fit  
allusio) esse  
similiter in  
sensu mysti-  
co intelli-  
gendos.

E Vtroque in loco præcipuus diuini Spiritus sensus est, de idololatriæ ruina in antiqua Roma ethni-  
ca; de illa enim sermo instituitur non solum sub specie Babylonis, sed etiam sub specie Bosra,  
quæ Idumæorum erat Metropolis, vt alibi dixi. Verum enim verò, cum vox hæc Angeli habentis  
magnam potestatem desumatur ex prima Petri 5. 13. vbi Romam nominat Babylonem: ideo in  
hoc Apocalypseos loco non directe alluditur ad Isaïæ caput 34. sed ad caput 13. vbi de Babylone  
sermo est. Verissimè autem dicitur Petrus, quando Romam hoc nomine compellauit, significasse,  
in ea fore complendum, quod Isaïas cap. 13. de Babylone prædixerat.



## T E X T V S.

*Vers.* Quia de vino iræ fornicationis eius biberunt omnes Gentes : & Reges terræ cum illa fornicati sunt, & mercatores terræ de virtute deliciarum eius diuites facti sunt.

## C O M M E N T A R I V S.

Triplex sub-  
ditur ratio  
de Babylo-  
nis excidio.

Prima  
ratio.

Quid si-  
gnificet, de  
vino iræ  
fornicatio-  
nis Babylo-  
nis omnes  
gentes bi-  
bisse.

Secunda  
ratio vasi-  
tatis Baby-  
lonis.

Tertia da-  
mnationis  
Babylonica  
ratio.

Quæ ap-  
pelleretur hic  
virtutis deli-  
ciarum Baby-  
lonis.

**T**RIPLEX hic de Babylonis vastitate redditur ratio. Cum autem loquatur adhuc magnæ potestatis Angelus, nempe B. Petrus; cumque habeatur respectus ad plurima ac penitissima sensa, quæ ipsemet Petrus vñico verbo clausit, dum Romam Babylonis nomine vsurpauit: ostendamus oportet, triplicem hanc causam, siue rationem per Prophetas de Babylone loquentes, fuisse præsignificatam; quia Petrus non videtur aliter hoc dixisse, quàm appellationem Babylonis tribuendo Romæ, & ea ratione significando de Roma accipi debere ea, quæ Prophetæ de Babylone prædixerant.

Prima ergo ratio est, *Quia de vino iræ fornicationis eius biberunt omnes gentes.* Consule à nobis dicta Suprà, cap. 17. 4. Atque illud obiter aduerte, quòd ipsa loquendi ratio apud Prophetas sonat, videlicet Gentes non solum illici, & inebriari vino illo, quod eis Babylon propinabat; verum etiam amaritudinis & afflictionis calice ab eadem potari. Quauis enim Ieremias cap. 51. 7. solum dicat, *Calix aureus Babylon in manu Domini inebrians omnem terram: de vino eius biberunt omnes gentes, & ideo commota sunt.* (Quod posset ad ebrietatem tantum & errorem à Deo permissum applicari.) in aliis tamen locis expresse dicitur Babylon vniuersam terram acriter diuexare. Ita Isaias capite decimo quarto numero sexto, *Cadentem populos in indignatione plaga insanabili, subicientem in furore Gentes, persequentem crudeliter.* Et Ieremiæ quinquagesimo numero vigesimo tertio, vocatur Babylon *Mallens vniuersa terra.* Hoc verò referri potest ad Romanorum ethnicorum arma; quibus provincias omnes in suam redigebant potestatem, & grauissimis tributis ac vestigalibus premebant: sicut olim etiam fecere Chaldaei. Nec solum opprimebantur gentes illæ atque nationes, in quas belli impetus ferebatur, sed ipsæmet etiam gentes, quarum ministerio ad bella viebantur Romani, Babylonis calicem suo modo hauriebant. Bellicus namque ille furor quauis primo aspectu videatur non esse pro afflictione reputandus, comparatione eorum, qui furore illo abrepti bellum inferunt; sed respectu illorum, qui Babylonis hostes erant, ac proinde bello lacerabantur: nihilominus bellum ipsum ex se molestissimum est ijs etiam, à quibus inferunt. Et quauis bellicus furor illis grauis ac molestus non esset; maximæ tamen crudelitatis genus est, omnes Imperii provincias bellici tumultus igne accendere; atque id videtur esse calicem iræ omnibus propinare, id est bellico inflammare furore. Et quidem præter quotidiana bella, quibus Romani terrarum orbem vigeant, in persecutione aduersus Christi Ecclesiam per totum Imperium commotâ includebatur etiam quodammodo bellum ipsum, quo Roma omnes infestabat nationes: ad quod bellum vehementi quodam impetu ac furore incitabantur idololatæ omnes; nec aliud erat potare fornicariæ Babylonis iram, vt cap. 17. explicuimus. Cuius furoris Isaiam meminisse credo capite quadragesimo septimo versu nono, vbi Babylonem alloquitur hisce verbis, *Propter multitudinem malefactorum tuorum, & propter duritiam incantatorum tuorum vehementem, &c.*

Altera vastitatis Babylonicæ ratio verbis illis exprimitur: *Et Reges terre cum illa fornicati sunt.* Et quidem sub hac allegoria non inuenio id à sacris Vtibus de Babylone dictum: eam tamen rationem non obscure Isaias perstringit; loquitur enim de Babylone, tanquam de ciuitate idolorum cultrice, & quæ propter suarum superstitionum impietatem esset deuastanda. Hoc significant verba illa capitis 21. 9. *Et omnia sculpilia deorum eius contrita sunt in terram.* Notum verò est, vt supra etiam adnotasse me memini, ciuitatibus idolorum cultricibus appellationem meretricum in sacris Literis tribui. In hac igitur allegoria meritorè dicuntur Reges terræ, qui ciuitatis Imperio dominantis idolatriam sequuntur, cum illa pariter ad spirituales fornicationem commisceri. Constat autem Babylonem, quatenus Romam figurabat, dici *dominam regnorum.* Sic enim Isaias loquitur cap. 47. 5. & cap. 13. 19. vbi hæc habet; *Babylon illa gloriosa in regnis, incluta superbia Chaldaeorum.* Est porro obseruatione digna indignitas ipsa, quam præsert hæc metaphora de Regibus terræ turpi concubinato addictis infami meretrici, quæ se infimis quibusq; hominibus solet prostituere. In hac enim loquendi ratione innuitur eorum vilitas & abiectio, qui cum summi alioquin ac præpotentes sint, in feligenda tamen Dei religione & cultu, nihil adhuc speciosius aut sublimius medi entur, quàm quod vulgus rude & imperitum: id quod attribuitur efficacissimo lenocinio atque pellaciæ meretricis, cui nomen Babylon.

Tertia damnationis Babylonicæ ratio est, *Et mercatores terra de virtute deliciarum eius diuites facti sunt.* In qua locutione, (quod ad phrasim attinet,) nonnulli volunt significari potentissimas Romanorum delicias. Congruentius tamen existimo, vt virtutis nomen (sicut sæpè alibi apud Græcos) pro mercium pretio & æstimatione, sumatur. Atque hæc locutio non Græca solum; sed Hispana etiam est, nos enim eadem omnino voce, & egregiam hominis virtutem, & mercium pretium ac valorem significamus. Nam vtrumque Hispanis denotat hoc nomen, *El valor.* Tertia hæc causa, seu ratio



A tio indicat, adeo fuisse ingentes meretricis huius, de qua sermo est, delicias; ut mercatores terræ de pretio deliciarum eius diuites facti sint. Atque imprimis id potest reuocari ad nimium Romæ ethnicæ luxum ac pompam: quæ quia tanta, tamque nimia erat, utpote grauissimum scelus, dignam de cælo ultionem flagitabat. Ceterum si serid expendatur, quales fuerint Romæ deliciae, prout idolorum cultui studebat, & quinam huiusmodi mercatores, de quibus Apocalypsis; non inepte dixerimus, agi in hoc loco de fastu atque superbia earum rerum, quæ ad ipsam idololatriam foruendam, ac propagandam imprimis conducebant; cuiusmodi erant superba ac magnifica templa; simulacra aurea & argentea admirabili sculpturæ varietate & ornatu distincta; gemmæ & pretiosissimi lapilli, quibus Veneris, Cupidinis, aliorumque monitorum imagines celebrantur, pellucen-  
 B tes margaritæ famosis idolorum delubris atque aris consecratæ; celeberrima gladiatorum spectacula, & quod horribilius ac detestabilius est, sub ipsa persecutionum tempora, innumerabiles puerorum Christianorum & puellarum nobilium cædes, victimæ, & sacrificia; quæ pro infamis meretricis libito passim fiebant. Fauet huic sensui, quod infra numero 23. dicitur,  *Mercatores tui erant principes terra.* Nam principes ipsi pro maximo lucro reputabant, si Romani Imperii idololatriæ velificarentur: hac enim ratione suam auctoritatem conseruare, & prouehere cupiebant.

Adhæc mercatorum etiam nomine digni erant, qui ob sua peculiaria studia Christianos in ius vocabant; eorumque martyria sollicitè procurabant. Etenim si meretricis libitum, ac voluptas significant, quod Roma prout idolorum cultrix summopere studebat; quid aliud tyrannis iucundus & opatius, quam nobilium Christianorum sanguinem exugere, aut Christianam aliquam virginem ad suam ipsorum libidinem allicere, trahere, compellere? aut quæ aptior & oportunior occasio, ut auari sese opibus ingurgitarent, ut libidinosi suam insaturabilem cupidinem explerent? Qui sanctorum Martyrum historias attentè peruolutarit, facile animaduertet, quàm rectè mercatorum nomen ad eos accommodetur, qui Iudæ instar, innocentium sanguinem propter diuitiarum aut libidinum compendia facienda, vanum facillimo negotio dabant. Scimus autem Iudam appellari aptè mercatorem pessimum. Quod si roges, ubinam Propheta sint locuti de mercatoribus, qui de precio deliciarum Babylonis diuites fiebant? Respondeo, huc spectare id Isaïæ 47. 15. *Negotiatores tui ab adolescentia tua vnusquisque in via sua errauerunt. Quod est per totum terrarum orbem discurrere, ut diuitias siue delicias vndique coaceruent. Facit illud eiusdem capituli numero 1. Mollis & tenera. Item numero 8. Et delicata.*

C Vidimus hæcenus causas tres, propter quas destruenda erat Babylon. Verum ex his rationibus aliquis argumentum depromet, ut Babylonis euersione non ad conuersione ipsius Romæ, sed ad veram ac propriam vrbis vastitatem referendam esse probet. Nec enim dici potest, grauissima Romæ flagitia ac propria vrbis vastitas referendam esse potest. Ad hoc respondeo primò, magnitudinem ac multitudinem causam ipsius conuersionis extitisse. Ad hoc respondeo primò, magnitudinem ac multitudinem scelerum esse rationem optimam, uti Deus illam acerbissimo premat bello, ac proinde supplicio opprimat meritissimo. Cum autem in conuersione peccatum perfecte destruat, dicitur significanter satis eorundem peccatorum grauitas Deum permouisse, ut illa de medio penitus tolleretur. Fuit verò summae misericordiæ, Romanos, quatenus idololatriæ addictos, & non quatenus homines, veram ac propriam damnatione euertere. Sed in hac etiã destructione, si perquiratur causa, cur illorum peccata Deus destruere decreuerit; ea verissima ratio reddi potest, nempe quia ipsa peccata erant grauissima & in magnam orbis perniciem. 2. Respondeo, Non esse in Scriptura nouum, ut inducatur Deus ideo magnam misericordiam erga homines utens, quia grauissima erant eorum scelera. Lege Osee 2. 13. *Accendebat incensum, & ornabatur in aure sua, & monili suo, & ibat post amatores suos, & mei obliuiscatur, dicit Dominus. Propter hoc, ecce ego iactabo eam, & inducam eam in solitudinem, & loquar ad cor eius: & canet ibi iuxta dies ascensionis sue de terra Aegypti, & auferam nomina Baalim de ore eius, & non recordabitur ultra nominis eorum.*

D Forerius Isaïæ 14. sine, affirmat, in toto hoc capite 18. Apocalypseos respici ad caput 14. Isaïæ. In quo quidem vera asserit; sed latius hac in re procedere debuisset, & animaduertere, in eo capite Isaïæ contineri sermonem de mystica vindicta, quam Deus erat de Roma sumpturus. Nec solum in Isaïæ c. 14. sed etiam in c. 13. & c. 21. & 47. & Iere. 50. & 51. ad quæ omnia capita respectus habetur in hoc cap. Apocal. 18. Nec verò ad hæc tantum capita alluditur, in quibus sub Babylonis specie de Roma sermo habetur; verum etiam ad caput Isaïæ 23. & ad Ezech. cap. 27. ubi de mystico item supplicio Romæ infligendo agitur, non sub Babylonis nomine, sed sub Tyri, ut suo loco planum fiet. Aliquo tamen modo à nobis stat ipse Forerius. Nam Isaï. 23. 12. sic ait. *Non prater eundem putavi, quod videtur Ioannes in Apocalypsi Antichristianorum ciuitatem per Tyrum intelligere; etiamsi eam non nominat, cum ait V a, V a, ciuitas illa magna.* Hæc Forerius. Verum tamen Ioannis mens in hoc capite non ea est, ut directè de Antichristi tempore sermonem instituatur; sed de tempore persecutionis ab Romanis ethnicis in Ecclesiam excitatæ; de quæ victoria mystica, quam Ecclesia de ipsa Roma obtinuit. Atque de hac mystica Romæ euersione loqui Prophetas de Babylonis & Tyri ruina agentes, nobis Apocalypsis edisserit

Quinam hic mercatores nuncupentur?

Argumentum contra nostram expositionem diluitur.

Allusio hoc in capite ad cap. 14. Isaïæ & quid inibi sentiat Forerius.



## T E X T V S.

*Vers. 4.* Et audiui aliam vocem de cælo, dicentem, Exite de illa populus meus, vt ne participes sitis delictorum eius, & de plagis eius non accipiatis.  
*5.* Quoniam peruenerunt peccata eius vsque ad cælum, & recordatus est Dominus iniquitatum eius.

## C O M M E N T A R I V S.

**D**IXI in huius capitis prologo, vocem hanc è cælo exauditam Christianæ Ecclesiæ prædicationem esse in eo fundatam, quod ipsi Ecclesiæ fuit reuelatum ab Angelo magnæ potestatis, qui B. Petrum repræsentat. Ecclesia igitur per Petrum edocta, & prophetiarum notione, quam ab ipso Petro acceperat, erecta & excitata, intelligens ex ijs, quidquid de Babylone à Prophetis fuerat prædictum, in Roma esse complendum, clamat, *Exite de illa populus meus*, &c. Quæ verba desumpta sunt ex quatuor aut quinque sacrarum Literarum locis; quorum verba ipsa subiiciam; quia sunt valdè consideranda. *Isaias* capite quadragesimo octauo numero vigesimo, ait, *Egredimini de Babylone, fugite à Chaldeis, in voce exultationis annunciate, auditum facite hoc*, &c. *Redemit Dominus populum suum*. Et *Ieremias* capite quinquagesimo numero octauo, *Recedite de medio Babylonis, & de terra Chaldaeorum egredimini, & estoite quasi hardi ante gregem*. Et capite quinquagesimo primo numero sexto, *Fugite de medio Babylonis, & saluet vnusquisque animam suam, nolite tacere super iniquitatem eius; quoniam tempus ultionis est à Domino; vicissitudinem ipse retribuit ei*. Et numero quadragesimo quinto, *Egredimini de medio eius populus meus, vt saluet vnusquisque animam suam ab ira furoris Domini; & ne fortè mollescat cor vestrum*, &c. Et *Zachariæ* capite secundo numero septimo, *O Sion fuge, quæ habitas apud filiam Babylonis*, &c. *Qui enim tetigerit vos, tangit pupillam oculi mei*.

Ribera existimat, cùm Roma sub Antichristi aduentum erit euertenda, Deum suos electos admoniturum, vt inde exeant. Sed longè à vera explicatione aberrat; quæ vt ex suprâ dictis constat, valde diuersa est; nempe Ecclesiam à D. Petro edoctam didicisse nomen Babylonis in Prophetis accipiendum esse de Roma ethnica; atque inde intulisse, exitum de medio Babylonis, quam verba Prophetarum sonant, mysticum habere sensum. Quod ergo Deus suis familiaribus edicat, *Exite de illa populus meus*, in eo se accommodat ad eam allegoriam, quam in Romæ ethnica euerfione per cælestem vindictam grauissimam figuratâ vsurpauit. Quamobrem sicut Deus suos interdum amicos admonuit, vt ex hac vel illa vrbe egrediantur, quando illam statuit euertere (vt in Sodomæ exustione, & in Ierosolymæ vilitate per Titum illata accidit.) Sic etiam Romam, quatenus idololatricem, deuastaturus, suos præmonet fideles, vt ex Ethnicorum cōmercio & societate euadant, non quidem corporeâ sibi fugâ consulendo (hæc enim est prima locutionis ipsius species & quasi cortex) sed se ipsos manifestè prodendo, & Christi Religionem propalam profitendo. Hoc enim perinde est, quasi Gentilium partibus derelictis, ad contrariam factionem transmigrare. Illos igitur Deus admonet, ne se ampliùs occultent; esse enim valde periculosum, suam adhuc celare fidem, quando Dei intinctus & maior ipsius gloria publicam exigunt professionem. Nam & interdum tenemur ad nostram fidem manifestè prædicandam, *Et corde creditur ad iustitiam, ore autem confessio fit ad salutem*. Deinde qui ad fidem publicè profitendam constrictus, tergiuersatur tamen, nec id efficere audet; nã ille haud longè abest, quin etiam illam intimo cordis affectu abneget. Ad hæc omnia extenduntur verba illa, *Vt ne participes sitis delictorum eius*. Iam elegantissimum esse hunc sensum, & sacrâ Scripturâ dignissimum, quis non videat? præsertim cum multa apud Prophetas reperiantur verba, quæ satis innuant, eorum dirigi sermonem ad illos, qui suam publicè confitentes fidem, martyrio suum caput obiciebant. Quid enim est aliud, *Ne mollescat cor vestrum*, quàm eos ad sanguinis effusionem accendere? Quid illud Zachariæ, *Qui tangit vos, tangit pupillam oculi mei*; nili Martyres ipsos hortari, vt sperent, Deum in medio tyrannorum impetu ipsis Martyribus, vtpote sibi charissimis, fore consulturum? Simile est de illis, *Nolite tacere*, &c. Expende iterum locos suprâ allatos.

ET DE PLAGIS EIVS NON ACCIPIATIS.] Duplex sese offert horum verborum constructio. Prima est quasi dicat, *Exite de illa*, ne ipsius delictorum sitis participes, atque adeo suppliciorum pariter, quæ illi infligentur; & iuxta hunc sensum perinde esset legere absque negatione, sic, *Et de plagis eius accipiatis*. Altera constructio est eiusmodi: *Exite de illa*, ne fortè vobis contingat participes ipsius delictorum fieri, non verò plagarum. Plagæ enim à Deo in mysticam Babylonem immisæ misericordiam præ se maximam ferebant, earumque exitus secum attulit Gentilitatis conuersionem. Fieri verò potest, atque adeo formidabile valde est, vt qui suam fidem publicè indicare recusat, à Deo plagis vindictam propriam secum ferentibus plectatur. Ex duplici hac constructione prior communiter, & iure quidem optimo eligitur. Textus enim significat, imminere iam tempus, quo Deus in Babylonem seuerè animaduertat, & eos, qui inde egredi noluerint, eodem pariter inuoluat supplicio.

Verum ex ipso contextu non parua oritur difficultas contra nostram de plagis mysticis interpretationem. Etenim si plagæ à Deo in Romam ethnicam illatæ eiusmodi fuerint, quæ illam ad Christi religionem traducerent: hoc certè supplicii genus minimè est ad rem, vt intendatur iis, qui Baby-

Ad qua  
Scriptura  
locus fiat  
allusio in  
ijs v. rbiis.  
Exite de  
illa popu-  
lus meus,  
&c.

Quis sit  
cælestis il-  
lius admo-  
nitionis  
sensus.

Quo sensu  
admonen-  
tur fideles,  
vt ex mysti-  
ca Babylone  
egredian-  
tur.

Quid sit,  
de plagis  
Roma non  
accipere.  
Duplex ho-  
rum verbo-  
rum sensus:  
& prior  
præfertur.

Expediatur  
difficultas  
in nostra  
expositione  
occurrentis.



A lone cedere recusent; id est, qui acceptā fidei religionē manifesta professione ostendere nō ausint. Respōdeo tamen, cōminationē non ita esse; Cauete, ne vobis accidat perinde, ac Babyloni, quæ cælesti igne inflammanda est: sed iuxta hunc sensum; Cauete, ne eius plagas participetis. Et quidē negari non potest, quin in iis plagis, quibus Deus Babylonem, id est Romam ethnicam puniuit, si iuxta nostram accipiantur explicationem, plurimum supplicii & propriæ vindictæ includatur. id quod potest esse idonea propriæ comminationis materia. Quamuis enim hæ omnes plagæ in mysticam Romæ deflagrationem euaserint; in iis tamen plagis, quæ huiusmodi conflagrationem antecesserunt, nonnihil in singulis propriæ reperitur plagæ, quō Deus meritis ab ethnicis obstinatis pœnas repetebat. Sicuti videre est in plagæ primæ confusione atque pudore, quō illos Euangelii prædicatio afficiebat. Item in magno secundæ furore & indignatione aduersus Euangelicos concionatores concepta. In tertiæ iracundia contra suos ipsorum ethnicorum familiares atque cognatos. In quartæ dolore & cruciatu ex accepta veri Dei luce & cognitione. In quintæ cæcitate ab inordinatis animi cupiditatibus profecta. In sextæ redintegrato adhuc furore, quō triplex ille demonis, mundi, atque carnis sermo persecutionem inlaurarunt. In septimæ denique formidabili obstinatione atque duritia, quæ Gentilium complures ad extremum vitæ spiritum corripuit.

B His ergo plagis afflicta est Babylon. Nam exustio ipsa, cū supponat Babylonem ad Christi religionem & cultum iam traductam, non ipsam viuentem adhuc, sed peccato mortuam, & in Dei gratia rediuiuiam inflamat. Itaque in ea exustione nihil est, quod propriè comminetur iis, qui non se publicè Christianos profiteantur. At in præcedentibus plagis multa satis sunt, quæ possint proprii supplicii loco impendēre iis, qui relicta Babylone non sibi maturè fuga consuluerint.

C Quod si iterum obiicias, eas omnes plagas à prædicatione Euangelica fuisse inflictas: Id ipsum optime deseruit ad minas intentandas in eos, qui fidem Christi non propalarent eo tempore, quō debebant; quia Euangelica prædicatio, quæ aliis magnæ gloriæ futura est, fieri potest, vt in eorum probum & ignominiam cedat. Et quemadmodum idololatris obduratis maximo pudori erit, fidē Christi prævalentem videre; sic etiam suo modo pudore suffundentur maximo ij, qui se Christianos esse profiteri erubuerant.

QVONIAM PERVENERVNT PECCATA EIVS VSQVE AD CÆLVM. ] Variant Græci codices. Quidam (vt Erasmus) legunt ἡκολούθησαν, id est, consecuta sunt: eadem fortasse phrasi, qua dictum est capite decimo quarto, numero decimo tertio, Opera illorum sequuntur illos. de illis operibus, quæ in externas actiones prodeunt. Alij verò codices habent, ἡκολύθησαν, id est, adhæserunt, concreuerunt, globata sunt. Sic legunt Biblia Regia; & meo iudicio hæc lectio videtur præferenda; eamque Vulgatus sequi videtur. quia peruenire ad cælum, perinde esse apparet, quasi coaceruari, & in eumulum siue acervum adeo ingentem excrescere, vt cælum ipsum contingant. Quin, & in hac phrasi suspicor fieri allusionem ad turrim Babel, quam qui erexere, dixerunt, *Faciamus nobis ciuitatem & turrim, cuius culmen pertingat ad cælum*, Genesis capite vndecimo, numero quarto. Et propterea, quia turris adeo sese in sublime attollebat, descendit Deus ipsos architectos & ædificatores confuturus. Non secus in præsentī significatur, statuisse Deum Romanis mysticam injicere confusionem; quod ita essent superbi, & suorum flagitiorum turrim adeo altè erigerent. Quapropter Ecclesia suos fideles erigit atque confirmat, eosque reddit certos, fore vt grauissimam illam de Romæ ethnicæ vastitate expeditionem ad felicissimum exitum perducant. In Roma enim ethnica implendum fore, quod in Babelis turri præfiguratum fuerat: nimirum, Deum superba turris ipsius celsitudine per motum desuper aduenisse, vt eius opifices & molitores confunderet. Nec aliud significat, quod postea sequitur; *Et recordatus est Dominus iniquitatum eius*. videlicet vt de illa sumat supplicium, mysticum tamen. Hoc enim fidelibus vel maxime in votis erat. Quare huius vindictæ mysticæ expectationem illis proponit Ecclesia, vt Babylone egrediantur, id est manifestam Christianæ fidei professionem audaciter exhibeant; etiam si opus sit vitæ periculum subire. Sic enim opus esse, vt consilium Dei de mystica Babylonis vindicta ad effectum perducatur.

Vers. 5.  
Quo sensu  
dicantur  
Babylonis  
peccata  
usque ad  
cælum per-  
uenisse.

## T E X T V S.

E Vers. 6. Reddite illi, sicut & ipsa reddidit vobis; & duplicate duplicia secundum opera eius: in poculo, quo miscuit, miscete illi duplum.

## C O M M E N T A R I V S.

R EDDITE ILLI, SICVT ET IPSA REDDIDIT VOBIS. ] Hæc verba ex Ieremiæ vaticinio mutata sunt; qui capite quinquagesimo, numero decimo quinto ait, *Sicut fecit, facite ei*. Et num. vigesimo nono, *Reddite ei secundum opus suum*. Et capite quinquagesimo primo, numero quadragésimo nono, *Et quomodo fecit Babylon, vt caderent occisi in Israël; sic de Babylone cadent occisi in vniuersa terra*. Ribera & Viegas; cū eò suæ explicationis mentem adiiciant, vt de materiali Romæ euerfione per infidelium exercitum præstanda, sermonem esse existiment; non parum difficultatis

Ex varijs  
Ieremia  
locis hac  
verbis esse  
desumpta.



reperiunt in eo, quodd sanctis viris edicatur vt se de suis persecutoribus vlciscantur; cum tamen nō ipsimet supplicium sumpturi sint. Atque ita notant, Deum suis Sanctis per modum attributionis adscribere, quod ipse præstare constituit: & propterea tribui Sanctis vindictam in peccatores exercitam, quia Deo vindicante gaudent ipsi, & eius iudicium approbant. Hæc tamen explicandi ratio non arridet; nec satis esse puto, si ideo Sanctis vltio tribuatur, quod ipsi illam suis precibus à Deo impetrent: multo enim plus energiæ præ se ferunt verba illa, *Reddite illi, sicut ipsa reddidit vobis*. Præterquam quodd minime verum esse existimo, Deum Sanctorum orationibus permotum Romam fore aliquando vastaturum.

Huius ergo loci atque verborum explicatio, ni fallor, eiusmodi est. Cum Dei verbum & efficax Euangelii virtus in mundi totius conuersione longelateque excreverent; Christi fideles spiritaliter erant re ipsa expleturi, quod tyranni barbare & immaniter exquebantur. Tyranni enim vitam Christianis auferebant, & miseras in eis edebant strages, quo tempore præualebat persecutio; postea autem Euangelii prædicatione superante, mysticam fideles vindictam de infidelibus sumpserunt; iuxta illud Psal. 149. 6. *Gladii ancipites in manibus eorum, ad faciendam vindictam in nationibus, incerpationes in populis, &c. Gloria hæc est omnibus Sanctis eius*. Quodd si infideles Ierosolymam antea facibus inflammabant; fideles postea meretricem moribus discernerunt, & igne combusserunt; vt vidimus superiore capite. Atque hoc demum est, quod dicitur Psal. 136. *sine, Filia Babylonis misera, beatus, qui retribuēt tibi retributionem tuam, quam retribuisti nobis: Beatus qui tenebit, & allidet paruulos tuos ad petram*. Quo de loco consule, quæ diximus cap. 16. notat. vltimā.

Atque hoc ipso versu sexto confirmatur, exhortationem illam ad fideles habitam, vt Babylone discendant, mystice accipiendam esse Etenim ex ipsa fidelium egressione & fuga transitio fit ad vindictam de illa sumendam. Quodd licet in sensu materiali cohærere non posse videatur; in spiritali tamen sensu recte consentit. Mysticus enim egressus fuit, Christianos suam fidem profiteri: & huiusmodi professio maxime ad Romæ conuersionem, atque adeo ad supplicium Babyloni infligendum conducebat. Quamobrem quod in hoc versu dicitur, *Reddite illi, sicut & ipsa reddidit vobis: duplicate, &c.* non solum cohortationem continet, sed etiam vaticinium: more scilicet prophetico, & Hebraica phrasi, quæ sæpe imperatiuis vtitur pro futuris.

ET DVPLICATÈ DVPLICIA SECUNDVM OPERA EIVS. ] Iuxta meam explicationem perinde id est, ac si diceretur, Si magnus fuit zelus & æmulatio, qua Babylon siue Roma idololatrix falso idolorum cultui velificata est, & bellum peracre Euangelicis prædicatoribus indixit; duplo sit vehementior zelus, studium atq; contentio, quæ fideles ad idololatriæ expulsionem & spiritalem ethnicorum internecionem accendat. Porro quamuis non parum exaggeretur, quodd duplo maior dicatur spiritalis æmulatio; significatio tamen dupli non opus est, vt omnino strictè sumatur. Primò, quia recepta est Scripturæ phrasis, dupli acceptionem vsurpare pro eo, quod magno excessu superat: vt notat Ioannes Fernandus, verbo *Duplex*, ex Ambrosio, Helychio, & Theophylacto. Atq; in eandem phrasim cadit, vt quod decies est tantum, appelletur duplum. Secundò, quia si res exacte ponderetur, Mathematica dupli proportio non in omnibus locum habet. metaphoricè enim, & non proprie dicitur aliqua animalis species esse duplo perfectior alia. Si autem singularis aliqua & exacta quærat duplici ratio; illa sese mihi offert, quia Gentiles contenti erant, si fideles externo saltem cultu venerarentur idola. at fideles suum non præstant officium, si tantum conentur, vt infideles Christianam religionem externa specie amplectantur; sed vt interno pariter atque externo cultu Christianam prosequantur fidem; id quod est duplicis instar vestis. Huiusmodi ergo expeditionem aggredi atque perficere, perinde est, quasi reddere Babyloni duplum; & *duplicate duplicia secundum opera eius*. In his insuper verbis videtur contineri allusio ad illud Isaia 61. 7. *Pro confusione vestra duplici, in terra sua duplicia possidebunt; lætitia sempiterna erit eis*. Lege item Ieremia 16. 18. de duplici contritione. Et Zacharia 9. 12. *Duplicia reddam*.

IN POCULO, QVÒ MISCVIT, MISCETE ILLI DVPLVM. ] Necessarium non est; vt hæc verba diuersum habeant à superioribus sensum, sed satis est, quod dictum prius fuerat, *Duplicate duplicia*, applicari hic ad calicis siue poculi allegoriam. Quodd si ira calix, quem Babylon Gentilibus propinabat, indicat, illam eis indignationis ac furoris igniculos admouere, eosque inebriare aduersus Christi sedatores; *miscere illi duplum*, non aliud erit, quam Euangelii prædicatione Romam impellere, vt indignatio contra idololatriam & eius euertendæ zelus, sint duplo maiora, quam furor ac rabies, quibus antea Gentiles in Ecclesiam inflammabant. Atque id est, *In poculo, quo miscuit; miscete illi duplum*. Si enim inauratus calix, quo indignationem alijs Gentibus propinabat, erat externa quædam religionis species, idem quodammodo videtur esse calix, dum religionis causa indignatio contra idololatriam propinatur.

## T E X T V S.

*Vers. 7.* Quantum glorificauit se, & in deliciis fuit, tantum date illi tormentum & luctum: quia in corde suo dicit: Sedeo regina, & vidua non sum, & luctum non videbo.

8. Ideo in vna die venient plagæ eius, mors, & luctus, & fames: & igne comburetur; quia fortis est Deus, qui iudicabit illam.



C O M M E N T A R I V S.

Quis sit  
horum ver-  
borum sen-  
sus.

Relati-  
na illi  
tantum,  
quantum,  
quo sensu  
hic verum  
teneant.

Expenditur  
Isaia locus,  
quod in his  
Apocalypsen-  
os verbis  
habetur  
respectus.

Ex ipso or-  
dine plaga-  
rum, quae  
Apocalypsis  
recenset,  
colligi non  
obcurè pos-  
sunt mysticè  
accipiendas.

D

T E X T V S.

De

10. Longè stantes propter timorem tormentorum eius : dicentes, vñ, vñ  
• ciuitas illa magna Babylon, ciuitas illa fortis : quoniam vna hora venit  
iudicium tuum.

II. Et negotiatores terræ flebunt, & lugebunt super illam; quoniam merces  
eorum nemo emet amplius.

12. Merces auri & argenti, & lapidis pretiosi, & margaritæ, & byssi, & purpuræ, & serici, & cocci, & omne lignum thycinum, & omnia vasa eboris, & omnia vasa de lapide pretioso, & ærameto, & ferro & marmore.



13. Et cinnamomum, & odoramentorum, & vnguenti, & thuris, & vini, & olei, & similæ, & tritici, & iumentorum, & ouium, & equorum, & rendarum, & mancipiorum, & animarum hominum.
14. Et poma desiderii animæ tuæ discesserunt à te, & omnia pingua, & præclara perierunt à te, & amplius illa iam non inuenient.
15. Mercatores horum, qui diuites facti sunt, ab ea longè stabunt propter timorem tormentorum eius flentes, ac lugentes.
16. Et dicentes: Væ, Væ ciuitas illa magna, quæ amicta erat bysso & purpura & cocco, & deaurata erat auro, & lapide pretioso, & margaritis.
17. Quoniam vna hora destitutæ sunt tantæ diuitiæ, & omnis gubernator, & omnis, qui in lacum nauigat, & nautæ, & qui in mari operantur, longè steterunt.
18. Et clamauerunt videntes locum incendii eius, dicentes: Quæ similis ciuitati huic magnæ?
19. Et miserunt puluerem super capita sua, & clamauerunt flentes, & lugentes, dicentes: Væ, Væ ciuitas illa magna, in qua diuites facti sunt omnes, qui habebant naues in mari de pretiis eius, quoniam vna hora desolata est.

## COMMENTARIUS.

*Celestem  
adhuc vocē  
à Ioanne  
auditam  
hisc in ver-  
ficulis con-  
tinuari.*

*Difficultas  
in nostra  
expositione.*

*Soluitur  
difficultatis  
modus.*

*Qua de  
Tyri excidio  
à Prophetis  
enunciatur,  
esse etiā  
de mystica  
Roma rui-  
na intelli-  
genda.*

**P**rimo, certum mihi est (vt in huius capituli prologo dixi) pergere adhuc celestem vocem. Nam Ioannes spectatorem & auditorem hic agit, & manifestò progreditur in eo, quod audisse se ex celesti voce referebat: quandoquidem nullo dato transgressionis ad aliam rem indicio, continuat eandem narrandi seriem, *Et flebunt, & plangent se, &c.* Vidimus autem supra per celestem hanc vocem representari prædicationem Ecclesiæ, postquam edocta est à Petro, Romam ethnicam in sacris Literis esse Babylonem. Verum ex hoc ipso cooritur difficultas. Quippe hic de Babylone luctus & ciulatus vsurpatur ex iis, quæ Ezechiel de Tyri excidio describit capite vigesimo septimo; à numero vigesimo nono vsque ad trigessimum sextum, vbi ingentem natarum inducit numerum; qui cinere conspersi, decaluati, & ciliciis atincti proferunt carmen lugubre; formidinem etiam depingit ac tremorem eorum Regum, qui vicinas incolebant insulas, nec non negotiatorum voces & querimonias. Si ergo hæc Ecclesiæ vox in eo fundatur, quòd Petrus eam admonuit de Roma ethnica per Babylonem in sacris figurata; quid habet commune Babylon cum Tyro? aut vbinam Petrus docuit, Romam ethnicam esse urbem Tyrum; cuius vastitatem Isaias cap. 23. & Ezechiel cap. 26. & 27. describunt?

Respondeo, qui semel accurate obseruauerit; quod Scriptura aduersus Babylonem pronunciat, non sistere in ea vrbe quæ Chaldææ erat metropolis; sed sub eius comparatione agere de superba illa ciuitate, quæ idololatriæ princeps & acerrima propugnatrix erat futura, & eandem ob rem Christum, eiusque fidem oppugnatura: qui hoc (inquam) diligenter animaduernerit; facile concedet, Tyri vastationem esse figuram mysticæ alterius vastitatis, in quam potissimum mentis oculos Ezechiel intendat. Quod vbi consideretur, facili negotio cernitur, lamentationes eas nullam aliam ad rem aptius transferri, quàm ad illud ipsum, quod per Babylonis ruinam figurabatur. Atque hoc ipsum nos Apocalypsis docet, videlicet, Petrum, cum Romam ethnicam Babylonis nomine compellauit, lucem attulisse non ijs solum Prophetarum capitibus, quæ Babylonicæ vastitatis meminere; sed illis etiam, in quibus de eiusmodi vastitatibus sermo est. Nam in ijs omnibus Spiritus sanctus præcipue respiciebat mysticum supplicium de Roma sumendum. Quamobrem significanter satis Ecclesia ad Babylonis applicat ruinam, quod de Tyri excidio scriptum reperitur. Quasi hoc pacto Ecclesia nobis innuat, mysticam Babylonem eandem cum mystica Tyro esse; quemadmodum mystica Sodoma est etiam eadem cum Ægypto mystica; vt affirmat Apocalypsis capite vndecimo numero octauo. vnde mystica etiam ciuitas Bosra Moabitarum metropolis erat pariter eadem cum mystica Babylone, atque adeò, quod Isaias affirmat de Bosra capite trigesimo quarto, numero decimo, idem ipsum applicat quoque Apocalypsis ad Babylonem c. 19. numero tertio.

Nec primus ipse ita sentio. Alii enim id prius adnotauerunt interpretes; inter quos Forerius Isaiæ capite vigesimo tertio, numero duodecimo, docet, Tyrum; cuius euerfionem Isaias describit, iuxta Apocalypseos explicationem esse Antichristianorum ciuitatem. Hæc ille. Rectius tamen dixisset, si Tyrum esse Romam ethnicam diceret. Nam & de Romanis Gentilibus dixit Ioannes, sua iam ætate Antichristos esse plures. Præterea, Arias Montanus Isaiæ capite 34. num. 10. aperte nobiscum sentit; fatetur enim in eo Isaiæ capite, per Idumzæ Romanum Imperium, per Bosra Romam significari: & incendium illud, quod vaticinatur Isaias, esse ignem Euangelii. Et quamuis grauissimorum interpretum antiquorum auctoritatem pro mea sententia possem asserere, illud tamen



A. hic mihi ostendisse sit satis, meæ interpretationi non antiquos solum expositores; sed ex recentioribus eos, qui literalis sensus explicationi valde studere censentur, assipulari.

Rede fene.  
probatu  
qui hase  
omnes la-  
mentatio-  
nes n. yfic  
esse inter-  
pretandas  
doct.

B  
reprobis vniuersitatibus esse propagandum, illud tantum obtinent, namque tametsi illi vniuersi-  
nem non possent, ita ut sonat, accipi. Constat hoc manifeste ex eo, quod affirmat textus ipse; fumum  
scilicet ex Babylonico incendio sublatum à terræ Regibus peruideri. Quòd si quispiam cum Ri-  
bera credat, in textu sermonem esse de ipsismet Regibus, qui Romam sunt euersum, profectò, quod  
mox additur, *Longè stantes propter timorem tormentorum eius*; verisimile nequiquam est de illis accipi,  
ut sonat. Etenim credibile non est, illos tantopere formidare eius incendij, quod ipsimet excita-  
uerunt, propinquitatem; ut procul inde abscedant. Deinde cap. 19. 3. additur *Fumus eius ascendet in  
secula seculorum*. At corporeus fumus in seculorum secula permanere qui potest? Præterea Ribe-  
ra & Viegas inter se non consentiunt. Ille enim ait, eosdemmet Reges, à quibus est Roma combu-  
renda, in eius incendio præ animi sensu & commiseratione lacrymas profusuros; sicut olim fe-  
cit Titus in Ierosolymæ ruina. Quinimò sibi persuadet, non alios esse posse Reges, qui vrbis exci-  
dium lamententur. Nullus enim alius intuper præter decem illos Reges, in toto orbe futurus. Vie-  
gas verò affirmat, alios præterea multos in orbe fore, nec decem illos ploratuuros, qui Romam va-  
staturi sunt; sed alios, qui similem sibi timeant destructionem: ac demum illos ipsos, qui lacrymis  
& lamentis indulgebunt, prædam ac pabulum hisce decem Regibus futuros, ita ut nulli alij, præ-  
ter decem ipsos Reges, in toto orbe sint super. Enim verò ut alias iam vidimus, de hisce decem  
Regibus dubitat Augustinus. Et certè multò aptius atque felicius Apocalypsis exponitur de mysti-  
ca antiquæ vrbis ruina, ipsius senatoribus ad veram Christi Religionem commigrantibus. Ac pro-  
inde, qui Babylonis ruinam & exustionem desint nullo modo credendi sunt esse iidem, qui facies  
ac malleolos ad vrbis incendium comparabunt.

Confirmatur prae-  
cedens expo-  
sitio de my-  
stico harum  
lamentatio-  
num sequi:  
& opposita  
pariter opi-  
nio confu-  
tatur.

Tertio, huiusmodi lamentationes Regum, mercatorum atque nauarum, quid dicuntur Babylonem deploraturi, nullo modo accipienda sunt, vt sonant, sed vt perelegans quædam fictio, quæ valde ornet clarissimum hoc de mystica Babylonis ruina vaticinium. Sunt enim hæc nania ex Ezechielis capite vigesimo septimo desumptæ. Ad proximum autem illius Prophetiæ sensum (quæ Tyri euersionem continet) nemo affirmabit, opinor, necessarias esse omnes illas ceremonias, cuiusmodi sunt conspergi cinere, decaluari, & cilicij accingi ad Tyri miseriam lamentandam. Lachrymæ etiam, plangens & querimonie eodem pacto sunt intelligenda. Quare in ea visione Ezechielis, potissimum figenda est mentis acies in præcipua significatione, quæ cuiusmodi est, Tyrum nempe omnino fore euertendam, tantamque eius calamitatem & miseriam fore, vt satis esset materię ad eius infelicitatem deplorandam, qua ratione describit Propheta. Si ergo ad sensum proximum non opus est nania ita accipi, vt verba ipsa præferunt; quanto minus ad præceptum sensum? Imò verò quamvis in hoc Apocalypseos loco Spiritus sanctus ageret de corporea & materiali Romæ vastatione; huiusmodi lamentationes non aliter erant explicandæ, atque nania illa Ezechielis, quoad proximum attinet sensum: hoc est, in Tyri ruinam. Cum autem compertum sit, Babylonis ruinam, quæ hic desletur, esse mystice vsurpandam; manifestum item est, ænigmati- cum pariter esse debere sensum naniarum, quibus hæc exornatur Prophetia.

Quo pacto  
sint accipi-  
enda regū,  
mercatorū  
& nauarū  
lamentationes,

. His ita præmissis, aduerte, tria hominum genera dolere maxime ac lamentari propter Babylonis ruinam. illi autē sunt, Reges terræ βασιλεις, & mercatores ἐμπόροι, & turba nautarum ὀνητοὶ. Hi omnes longe stant propter timorem tormentorum eius. Cū ergo huiusmodi tres, atque hi omnes longè stant propter timorem tormentorum eius. Cū ergo huiusmodi tres, atque hi omnes longè stant propter timorem tormentorum eius. Cū ergo huiusmodi tres, atque hi omnes longè stant propter timorem tormentorum eius.

In regibus,  
mercatori-  
bus & nau-  
tis Romam  
lamentan-  
tibus quinā  
figuratur.

Superbia igitur in superbis terræ regibus; avaritia in mercatoribus lucro inhiantibus; luxuria in vilibus atque abiectis hominibus (cuiusmodi turba nautica esse solet) apprimè figurantur. Nam terreni reges sunt summi; mercatores mediî; nauta verò infimi. Ut autem significetur, quamvis idolorum cultus fuerit Romæ depulsus, non omnes mox ad Christiana sacra transisse; sed aliquos adhuc Romæ conversionem doluisse, idque tum superbos, tum avaros, tum etiam libidinosos: ad hoc inquam congruenter inducitur Romæ incendium, quasi maximo dolore afficiens huius sæculi filios; ac proinde ostenditur ex omni hominum genere, nempe ex summis, mediis & infimis

Superbia,  
auaritia,  
ac luxuria  
quemodo  
tribus  
hominum  
generibus  
sutradiitis  
per ordinẽ  
applicentur.



non defuisse, qui intimo tacti dolore Romam lamentis & eiulatibus prosequerentur. Depingitur autem in regibus superbia, auaritia in negotiatoribus, in infima plebe turpitudine; ut innuatur precipuum cuiusque hominum generis impedimentum, quominus Christi fidem amplectantur. Et enim nobiles viros ac primarios impedire ac retardare solet superbia; ex media plebe susceptos, cupiditas & auaritia; infimos & abiectos homines, effrenata libido atque luxuria: facta videlicet vitij cuiusque accommodatione ad illud hominum genus, in quo frequenter imperitare solet, iuxta marinæ Bestiæ picturam, de qua supra cap. 13. & in Ethnicis quidem Regibus superbia notatur verbis illis, *In deliciis vixerunt*. Namque Græca *τοὺς σπηνιδόσαντες*, non significat modò delicias; sed etiam pompam, superbiam ac ferocitatem. Græci enim verbi vis ac proprietas significat, superbire, ac ferocire. Quemadmodum ferox aliquis & indomitus equus excussis frænis tumultuatur, atque superbit, & suapte fertur ingenio. In mercatoribus verò auaritiæ textus exprimit, ait enim eos lachrymis & ploribus se dedisse; *quoniam merces eorum nemo emet amplius*. Quòd si in sordibus & squalore rectè figuratur obscenæ libidinis fæditas ac turpitudine; nullum hominum genus magis sordidum & squalidum, quàm nauticum vulgus. Quinimo *ἐμῖλον*, videtur significare infimam remigum turbam; cum olim nulla ferè navis absque remis fuerit. Et quidem congruens satis fuit, maritimis hominibus sub hac pictura suum locum tribui propter peculiarem allusionem ad illum Ezechielis locum; in quo depingens nānias & lamentationes ob Tyri ruinam, tria hæc hominum genera inducit; videlicet Reges, mercatores & nautas.

LONGE STANTES PROPTER TIMOREM TORMENTORVM EIVS.] Hoc affirmatur primò de Regibus numero 10. Deinde de mercatoribus numero 15. *Longe stabunt propter timorē tormentorū eius, flentes, ac lugentes*. Postea de nautis n. 17. *Longe steterunt*. Nec triplex hæc in triplici hominum ratione repetitio mysterio vacare putanda est. Illud mihi in præsentia occurrit; ob Christianæ religionis ac vitæ rigidæ formidinem & horrorem procul ab Ecclesiæ communione & ab ipsa animi salute recedebant, qui fluxarum rerum amore irretiti, & pomparum, cupiditatum ac libidinum studio illaqueati fidem amplecti non audebant. Item vox *Tormentorū*, mirificè exprimit, quàm acerbum mundanis hominibus, quàmque grauè ac minimè ferendum videatur, condonare iniurias, inimicum diligere, rem familiarem contemnere, pellicem arcere, ac voluntaria animi detestatione & castigatione corporis antea vitæ scelera delere. Quod autem vererentur ad ignem, quo Roma exardebat, accedere; perinde est, quasi ab Spiritus sancti igne fugere, qui Romam puram ac defæcatā reliquit, veteri illa ethnica prorsus sepulta. Quamobrem qui formidabant, ne in semetipsis vetus homo interiret, nā illi ignem eiusmodi horrebant, & procul aspectabant; nec non Romæ deflebant conuersionē, quòd cum veteri Roma ipsorum pariter fastus, cupiditas & luxuriarum occasio interirent.

Secundum ea quæ diximus reciprocum illud *se*, quod in latina lectione videtur redundare, dum dicitur *Plangent se*, non quidem superuacuum est, sed valde expediens ad ipsam significationis vim. Verum sanè est significationem verbi græci *κόπονται*, videri idem esse, ac *vexabuntur, fatigabuntur, aut pectus manu percutient*. Ex quo prima facie apparet, in Vulgata reciprocum *se* redundare. Fortè tamen id à Vulgato expressum fuit, ut significaretur, qui in iis Romæ nāniis præficarum vices agunt, eos se ipsos potius lamentari. Nec enim tam alienam miseriam, quàm propriarum rerum iacturam deplorabant: quamvis eiusmodi dolorem specioso commiserationis velo obducerent. Concinit quod infra dicemus ad ea verba, *Poma desiderii tui discesserunt à se*.

ET NEGOTIATORES TERRÆ.] Rectè in mercatorum fletu inferitur nimius deliciarum, pompæ & expensarum excessus; qui Romæ erat, antequàm Christi iugo flecteret cernicem. Hac enim ratione adumbratur tum nimius rerum luxus & affluentia, quæ antea in Roma veteri redundabat, tum etiam mediocritas & parsimonia, quæ in posterum futura credebatur. Et verò illa verba, *Merces eorum nemo emet amplius*, non asseruntur à cælesti voce, sed referuntur quasi à mercatoribus prolata, qui ideo se dedunt lamentis, quia arbitrantur, neminem fore deinceps, qui eorum merces velit comparare. Qua in re imprimis formido ipsa detrimentum exaggerat. Deinde etiam non defuit mercatoribus ratio, quapropter, Roma ad Christi Euangelium migrante, se perditum iri putarent. Nam, variante religione, necesse erat, multa etiam; quæ vix aliis vsibus, præterquam idololatriæ seruiebant, à veteri æstimatione cadere, atque contemni. Quam rerum vicissitudinem atque fortunam ea omnia subitura erant, quæ in idolorum templa, in nefandos ritus, in Gentilicam superstitionem impendebantur: quæ omnia Christiani homines necessariò detestaturi erant. Lege Tertullianum de idololatria; ubi etiā Christianis aurum, gemmas & margaritas, quibus aliquod Gentilicæ superstitionis & cultus appareat vestigium, interdicat. Quod autem de gemmis dicitur, ad tapes etiam & pretiosa peristromata, item ad aurea & argentea vasa potest extendi. Iam in tabulis ac signis opere picturato, siue calato fabrefactis, quid aliud, nisi commentitij dii deaq; visebantur?

Præterea cum primorum Christianorum strenuo seruire non stabat, uti Christianos alios pro mancipiis haberent (id quod hac tempestate nec Romæ, nec in Gallia fas est; ) quid igitur mirum, si institor aliquis confligaretur, & animo frangatur; cui tria aut quatuor mancipiorum millia erant? Ut autem faciamus gradum ad byssum, purpuram, odoramenta, equos, rhedas, armenta, vinarias cellas, olearias, frumentarias, atque alia huiusmodi, mercatorum timor & formido, quòd hæc omnia citò iacturæ naufragium factura erant, argumento est modestiæ & parsimoniæ primorum Christianorum; quorum tempore ex mundi contemptu, quem initio secum attulit Christiana Religio maximum, non solum sublatus est, quidquid superstitioni erat admistum, verum etiam ob ardentissimum perfectionis & sanctimonix desiderium à se prorsus repulerunt, quod fastum, iactantiam aut sæcularem apparatus redolebat. Vbi autem nullus est superuacuis sumptus, sed omnia ad mediocritatis normam exiguntur: ibi certè parum còpendii facient mercatores, quia natura paucis contenta. Et Christianæ vitæ sanctæ ac perfectæ ratio, (ad quam se primitiui illi Christiani pro virili parte conformabant) longissimè ab hisce pompis, & magnifico luxu abhorret. Id quod in

Quomodo  
in Regibus  
denotetur  
superbia.  
Quomodo  
in merca-  
toribus  
auaritia.  
Quomodo  
in nautis  
luxuria.

Vers. 10.

Quo sensu  
dicantur  
tria illa ho-  
minum ge-  
nera longe  
à Roma in-  
cendio fla-  
re.

Vers. 11.  
In negotia-  
torū fletu  
congruenter  
inferi nimius  
delictia-  
rum & su-  
peruacui ex-  
cessus.

Cur merca-  
tores hic fle-  
re dicantur.

Christiana  
vita, pri-  
mò præfer-  
tim tempo-  
ribus, san-  
ctitas ac  
perfectio.



facris Baptismi cæremoniis videre est, in quibus dæmonis pompæ toties renunciantur.

Quæ cum ita sint; cum mercatores cernerent rerum omnium temporalium contemptiōem, quæ in primigeniis Christianis enitebat; cum audirent illam rerum perfectâ despicientiam à Christiana Religione deposci; mirum non est semetipsos, ubi Romam ad Christi fidem conuerti viderunt, pro perditis & omnino derelictis reputare. Si ipsi conspicerent in aureis illis Christianæ Religionis sacculis profanum luxum & immoderantiam siue intemperantiam, quæ postea irrepserunt in vires aliquot ex iis, quæ Christianam fidem retinent, & in ea gloriantur; non erat utique, quod adeò sibi plangendum esse putarent. Verùm à voce cælesti non aueritur illud, *Nemo emet amplius*, sed asseritur quid à mercatoribus lucri audis, & rem exaggerantibus censendum esset, conspectâ aureorum illorum sæculorum modestiâ, & auditâ Euangelicæ perfectionis doctrinâ. Christianos autem postea adeò degeneraturos ab iis moribus, quos fidei Christianæ professio postulat; id verò non erat suspicabile, ab iis præsertim, qui totius mercaturæ ruinam in Romæ conuersione plangebant. Nam dubium non est, quin in primo illo conuersæ Romæ sæculò verè aureo multum interciderit hominum negotiantium commercium; in quo eleganter nituntur lamentationes & naniæ, quas cælestis vox describit sub mercatorum persona, qui Babylonis siue mysticæ Tyri excidium fuerant deploraturi.

ET POMA DESIDERII ANIMÆ TVÆ DISCESSERVNT À TE; ET OMNIA PINGVIA ET PRÆCLARA PERIERVNT À TE; ET AMPLIVS ILLA NON INVENIENT. ] Pro voce *Poma*, in Græco habetur, ὀπώρα, singulari numero; quæ v. ait Aretas significat in cōmuni consuetudine opportunitatem & occasionem. Quod tamen Aretæ dictum interpretatur Ribera de vulgari consuetudine; non de peritorum auctorum vsu. Verùm Græcarum literarum docti aiunt, apud probatos auctores, ὀπώραν significare solere id, quod Aretas affirmat; nempe occasionem, & opportunitatem; quanvis interdum etiam autumnum, & autumnales fructus significet. Et forsitan opportunitatis acceptio per metaphoram desumitur, quæ in primaria autumnus significatione nitatur. Nam sicut, postquam præterit autumnus, nulla reliqua est fructuum colligendorum spes; sic etiam ubi elapsa est occasio, se homo deceptum atque frustratum animaduertit; iuxta illud, *Frome capillatâ, post hac occasio calua*. Forsan etiam hæc eadem fundatur metaphora in tempestiuis & decoctis autumnus fructibus; cuiusmodi sunt vix, ficus, pyra, nuces, & aliæ id genus. Nam & maturior ætas, quæ iuuetam seu pubertatem excipit à Pindaro appellatur, ὀπώρα. Athenæus item libro 12. ait, ὀπώραν esse, τὸ τῆς ἡβῆς ὄντας πρόσωπον, id est omnino idem, quod temporis faciem, seu vultum; quæ tamen est veluti occasionis periphrasis. Eustathius nomen, ὀπώρα deriuat ἐκ τῆς ὀπῆς, atqui ὀπῆς, idem est, quod succus siue substantia. Atque etiam etymologia congruit significandæ opportunitati aptæ ad succum siue vtilitatem comparandam.

Nihilominus Ribera (forte vt Vulgatipartes tueatur) contendit, significationem pomi in presenti esse magis ad rem. Ego tamen è contrario arbitror, non esse nimis difficile Vulgatam lectionem ita interpretari, vt eodem recidat sensus. Et mihi quidem omnino videtur hinc opportunius, ad occasionem percipiendi fructus respicere; alioquin explicatio de pomis non satis apparet idonea.

Pro huius explicatione obseruandum est, non nihil difficultatis inesse in huius versus connexionne cum præcedenti. Nam licet in huiusmodi lamentationibus cælestis vox referat, quæ dicturi erant Reges, mercatores & nauarum videntes Babylonis incendium; quæ tamen Reges erant prolaturi ab iis verbis exordiantur; *Va, va ciuitas illa magna*; vt videre est numero 10. Similiter tam mercatorum, quàm nauarum querimoniam ab iisdem verbis initium faciunt; vt patet de mercatoribus numero 16. dicentibus *Va, va ciuitas illa magna*. De nautis verò numer. 19. Considerato ergo contextu, falsò existimari videtur in hoc versu, *poma desiderii animæ tuæ discesserunt à te*, mercatores loquentes induci. Etenim licet verum sit, in versibus antecedentibus de illis fuisse sermonem; nondum tamen ad eorum verbaperuentum est. Et decori ratio exigit, vt ipsorum lamentatio ducat exordium ab illis ipsis verbis, *Va, va ciuitas illa magna*. Et certe, quando ipsi loquantur, textus distinguit atque exprimit; cum ait, *longè stabunt lugentes, & dicentes va, va, &c.* In versibus igitur superioribus cælestis vox de mercatoribus loquebatur; verum nondum ipsorum verba referebat. Quare congruentius multò est, vt ea verba, *Poma desiderii animæ tuæ discesserunt à te*; non accipiantur tanquam mercatorum verba ad Babylonem prolata; sed vt verba cælestis vocis per apostrophen ad mercatorum singulos facta.

Hæc explicandi ratio vel ex eo probatur, quia hic induciur ciuitas in eorum conspectu exarscens. Atqui in tantæ calamitatis figuram non rectè cadit, vt de illo, quem flammis exuri deploramus, dicamus pariter non cum amplius esurum poma, quorum antea nimis appetēs erat. Huiusmodi profectò cogitatio harum lamentationum decoro erat valde indigna. Adde huc, quod in verbis proximè antecedentibus expressa fuerat negotiatorum locupletissimorum deploratio. *Quoniam merces eorum nemo emet amplius*. Et qui gemmas & margaritas vendunt, valde sunt diuersi ab iis, qui vendunt poma. Quinimò quantunvis aurea poma essent, si tamen eorum lamentationem expendamus, non ideo videtur fuisse, quia ipsorum poma vni Babyloni finita iam sunt; sed quia illa diuidendi occasio amissa est, atque adeò superantibus pomis emptores erant defuturi.

Optabit iam fortassis lector, vt locus hic possit commodè exponi, non de pomis, quæ Babylon edebat, sed de fructibus, quos negotiatores Babylone extrahebant. si enim ipsorum lamentationis ratio erat, *Quoniam merces eorum nemo emet amplius*, confectariū erat, vt deslerent illius fructus iacturâ & amissâ opportunitatem siue occasionem, qua possent in opulenta illa vrbe ditescere. Cum ergo dicitur, *Et poma desiderii animæ tuæ discesserunt à te*, non loquuntur, opinor, mercatores cum Babylone, (necdum enim ad expressa eorum verba peruentum est,) sed vox ipsa cælestis per apostrophen ad mercatorum singulos conuertit sermonem. Quæ loquendi ratio elegantia plena est. Cum enim dictum antea fuisset, negotiatores lachrymis & lamentis Babylonem persecutos, *Quoniam merces eorum nemo emet amplius*; vt hoc amplius explicetur, vtque perspiciatur, eos non tam Babylonis calamitate, quàm suâ ipsorum iacturâ & dispendio percelli, aptissimè ad eorum singulos se vox cælestis conuertit, asserens,

Verf. 14.  
Quæ appellantur poma desiderii animæ.

Connexio huius versus cum præcedenti.

Verba illa, *Poma desiderii*, &c. perinde esse consideranda, quasi à cælesti voce ad mercatorum singulos dicta.

Verum illa, *Poma desiderii animæ*, possint commodè explicari de fructibus, quos mercatores Babylone extraherant?



Quidnam  
calestis hac  
vox merca-  
toribus edi-  
cat, quod  
ad mysteriū  
attinet.

Vers. 15.  
De quibus  
mercatori-  
bus hic ser-  
mo sit.

Vers. 17.  
Quo sensu  
dicatur de-  
stitutæ di-  
uitiæ.

Poma desiderii anima tua discesserunt à te, id est, fructus ille, quem tuorum concupiscentia oculorum præoptabat, exaruit prorsus; & occasio è manibus elapsa est. Et omnia pingua, & præclara perierunt à te: iam tua illa opima lucra, & ditissima compendia fecere naufragium: nec reliquum deinceps erit quidquam, vnde expetitur illum succum, quo impinguari, & locupletari te posse putabas, posthac valeas exugere. Et amplius illa non inuenient, (mercatores scilicet) Babylone non inuenient. Ad sensum huiusmodi adstruendum illud obseruo, vel mihi potius assumo; videlicet in Græca locutione occasionem ipsam appellari pomum, vt supra iam diximus. Deinde voci desiderium in Græco respondet ea ipsa vox, quæ reddi solet concupiscentia, cum de concupiscentia oculorum, siue de diuitiarum cupiditate sermo est. Ipsi igitur mercatoribus edicitur, suæ iam concupiscentiæ occasionem & opportunitatem omnino præterisse, nec eam deinceps se fore inuenturos. Pro qua explicatione nota in signè lucris opportunitatem Italicâ phrasi aptè appellari, Vn bel bocón grosso; hoc est præclaram & pinguem buccam, siue pinguem ac nitidam. Sic autem coniungi solent à Græcis illa duo epitheta, λιπαρόν & λαμπρόν, quæ Horatius latinè cōiungit, cū se appellauit Epicuri de grege porcum pinguem, & nitidum. Eâ ergo phrasi, illis qui pinguescere optabant, aptissimè dicitur per irrimonem, deinceps pingua & nitida ab eis non esse inuenienda: quod est dicere, illos sui causa flere, ipsi sique defuturum id, quod adhuc plurimi æstimabant. Romæ autem ex conuersione ad Christi fidem, nihil accidisse dignum commiseratione, sed potius admiratione & inuidiâ.

MERCATORES HORVM. ] Ex dictis infertur nō esse sermonem de iis, qui vendunt poma, margaritas & gemmas. Hæc enim esset inepta coniunctio; sed de iis, qui huiusmodi lucris inhiabāt; qui nimium animum omnino intenderent ad gemmarum, margaritarum, purpuræ & serici venditionem propter ingentem vtilitatem, quæ inde ad eos redundabat. Pro mercatoribus Græcè est, ἔμποροι, qui sunt negotiatores; & ii præsertim, qui mare traiciunt, vt merces exportent, vel permutent. Hi ergo mercatores (de quibus textus loquitur) cōsiderantur esse, qui margaritas, pretiosos lapillos, ceteraque merces aduehebant, & aurea poma atque opportunam occasionem, ad se locupletandos exquirebant. Atque hæc de mercatoribus sit satis dixisse. Minutiora circa merces singulas consultò prætermitto; quia facile est inuenire apud alios, qui de his eruditè tractant. Et quanuis suspicer non defuturos, qui in singularum mercium appellationibus mysticum sensum latere existiment: mihi sufficit, mercatorum nomen, & nomina etiam mercium singularum, quæ hic exprimuntur, perinde vt sonant, accipere. Quanuis enim supra nomen mercatorum paulò aliter fuerit vsurpatum; hanc tamen varietatem ænigmati elegatâ capit. Nec verò plurimum diuersitatis est; quia semper in mercatoris nomine ad cupiditatem diuitiarum attenditur.

QUONIAM VNA HORA DESTITVT Æ SVNT TANT Æ DIVITIAE. ] Græcè, ἡνιμάδι ὁ πλεῖστον, eodē verbo, quo infra num. 19. de ciuitate dicitur, desolata est. Quare nonnulli volunt, destitui perinde hic esse, quasi in nihilum redigi siue destrui; vt Primasius, & Aretas exponunt. Magis tamen placet nostri Riberæ expositio; qui destitutas diuitias exponit, possessoribus orbatis. Porro quanquam Græcè idē verbum hic exprimitur, quo dicta prius fuerat ciuitas desolata: at in ciuitate aliqua faciliè intelligitur, illam destitui ac derelinqui, esse idem atque destrui. Verum desertas facere diuitias, non videtur idem esse, atque illas euertere; sed deserere, contemnere, ac derelinquere. Consultò ergo mercatores inducuntur lamentantes, quod merces pretiosæ atque diuitiæ Babylone quondam plurimi habitæ (id est in Roma ethnica) postea tamen per subitam Religionis mutationem desertæ ac derelictæ remanserint. Vnde urbem desolari idem est, atque illam exurere. In diuitiis autem, desertas eas facere, non est eas comburere aut euertere; sed despicere, & pro nihilo ducere. Cuius discriminis ratio ea est, quod qui eas antea, dum in idolorum superstitione iacebant, æstimabant plurimi; postea ad fidem conuersi parui duxerunt, ac penitus deseruerunt; & propterea plangunt se auari mercatores, quod deinceps non sint inuenturi, qui eorum pretiosas merces emant. Atque hæc de prædictis fleatibus & lamentationibus dixisse satis sit. Quæ enim de nautis adduntur, ex superius annotatis facilem habent applicationem.

## T E X T V S.

Vers. 20. Exulta super eam cælum, & sancti Apostoli, & Prophetæ; quoniam iudicauit Dominus iudicium vestrum de illa.

## C O M M E N T A R I V S.

Confirma-  
tur ex hoc  
versu, ser-  
monem hic  
esse de my-  
stica vindi-  
ctâ.

CÆLESTIS VOX, quæ in Romæ conuersione nobis hætenus proposuit ante oculos fletus ac lamenta eorum, qui ex Romæ idololatria rem suam & auctoritatē promouebāt; eadem ipsa mox appositissimè gratulatur de victoria fidelibus omnibus, præsertim Apostolis & Euangelii prædicatoribus (hi enim sunt qui in præseti appellatur Prophetæ.) Et sanè si de propria vindictâ à Deo in ciuitatē aliquâ, siue in mundū exercendâ institueretur sermo; minimè cōsentaneū erat, vt Apostolis & Apostolicis viris lætitia & exultatio induceretur. Tametsi enim iusti viri voluptatē capere rectè possent ex supplicio, quo Deus suos hostes vlciscitur: verū locutio illa, Exulta cælū, &c. dū de Apostolis & viris

san-



A sanctimoniâ insignibus agitur, multò melius & significantius impenditur in peccatorum conuersionem, iuxta illud Christi Domini Lucæ 15. numero 7. *Gaudium erit in calo super vno peccatore penitentiam agente.* Quòd si de vnus peccatoris conuersione & penitentia tantopere calum exultat; quanto magis exultare credendum est, super conuersione illius vr̄bis, ex qua totius orbis conuersio pendebat.

QVIA IVDICAVIT DOMINVS IVDICIUM VESTRVM DE ILLA. Id est, quia vos ipsos de illa vltus est. In quo innuitur, Romam Ethnicam, (cui nomen Babylonis tribuitur,) bellum gessisse aduersus calum, ac præcipuè aduersus Apostolos & Euangelii ministros. Romæ autem conuersio erat præcipua vindicta, quæ fidelium mentem ac desiderium magis expleret. Hanc esse contextus seriem reor. Quare Prophetarum nomine non hic accipio antiquos Prophetas; nec enim Roma illos infectata est. Sed hoc nomen congruenter Euangelii ministris & concionatoribus adscribitur; præsertim in Apocalypsi, vbi dicitur, *Testimonium Iesu est spiritus Prophetia.* Si autem contendat aliquis, verbis illis, *Iudicauit Dominus iudicium vestrum de illa,* significari; sumpsisse Deum mysticam de Babylone vindictam, quam Petrus & Paulus ac veteres etiam Prophetæ prædixerant; non admodum recusabo.

## T E X T V S.

*Vers. 21. Et sustulit vnus Angelus fortis lapidem quasi molarem magnum, & misit in mare dicens: Hoc impetu mittetur Babylon ciuitas illa magna, & vltra iam non inuenietur.*

## C O M M E N T A R I V S.

E X iis, quæ capitis huius prologo diximus, constat, hæc non ita à Ioanne recenseri, quasi à se visa sed quasi per caelestem vocem prolata. Cum autem vox illa è calo exaudita significet (vti iam diximus) Christianæ Ecclesiæ prædicationem, quæ in B. Petri institutione nitens ad Romæ conuersionem applicabat, quod de illa in sacris Literis sub euerfionis allegoria scriptum erat; aptissime nunc post gratulationem Apostolis & Euangelicis ministris factam, subiungitur, mysticam hanc vltionem fore æternam; propterea quòd Romana ciuitas nunquam esset ad idololatriæ vomitum reuertenda. Ad cuius rei significationem pereleganter dicitur fortis Angelus ingentem lapidem molarem arripuisse, eumque in mare proiecis-; vbi lapis fuit submersus, nec aliquid illius superfuit vestigium, nec minima formido aut suspicio, fore vt amplius inde emergat: deinde verò addidisse, *Hoc impetu mittetur Babylon ciuitas illa magna, & vltra iam non inuenietur.*

D Hæc autem sacra fictio haud dubiè desumpta est ex Ieremiæ cap. 51. 63. vbi loquens de Babylonis sabuerfione hæc habet: *Cumq; compleueris legere librum istum, ligabis ad eum lapidem, & proicies illum in medium Euphratem; & dices; Sic submergetur Babylon, & non consurget a facie afflictionis, quam ego adduco super eam, & dissoluetur.* Hunc ad locum respexit Ioannes. Verum ad expressiorem significationem addidit lapidi adiunctum, molaris magni; & fluuiio Euphrati, nomen maris, sicut alibi etiam in Scriptura. Constat ergo, qui hic fortis Angelus nuncupatur, esse Ieremiam, id quod in sequenti versu magis confirmabitur. Epitheton autem *Fortis*, (præterquam quòd optimè quadrat Ieremiæ, de quo cap. 1. numer. 18. dicitur, *Ego dedi te in ciuitatem munitam, & in columnam ferream, & in murum æreum, &c.* Et bellabunt aduersum te & non preualebunt,) idoneum etiam satis fuit ad rei ipsius significationem. Denotatur enim in hoc loco, egregium valde diuinæ virtutis facinus effulxisse in mystica vindicta, quam de Roma Deus erat sumpturus, & in perpetua idololatriæ expulsiōe. Quòd autem proiectio magni lapidis in mare sit sumptissima figura ad mysticam hanc vindictam adumbrandam, quæ idololatriam prorsus exterminauit, facile ostenditur ex illis Michææ verbis cap. 7. numero decimo nono, *Proiciet in profundum maris omnia peccata vestra.*

*Hæc item verba perinde consideratum iri, quasi à caelesti voce prolata.*

*Vnde hic Apocalypseo locus sit desumptus. In hoc Angelo fortis Ieremiam figurari.*

*Iuxta Scripturæ phrasin, eleganter dici nostra peccata in profundum maris à Deo proici.*



## T E X T V S.

*Verf. 22.* Et vox citharædorum, & musicorum, & tibiâ canentium & tubâ non audietur in te amplius, & omnis artifex omnis artis non inuenietur in te amplius, & vox molæ non audietur in te amplius.

*23.* Et lux lucernæ non lucebit in te amplius; & vox sponsi, & sponsæ non audietur adhuc in te, quia mercatores tui erant principes terræ, quia in beneficiis tuis errauerunt omnes Gentes.

B

## C O M M E N T A R I V S.

**E**x ipso contextu liquet, duos hosce versus cum sequente referri veluti verba prolata ab Angelo pio forti, qui lapidem molarem in mare deiecit. Quo stabilitur amplius, per Angelum fortem figurari Ieremiam, ut supra dicebamus. Quidquid enim in his versibus recensetur de musico concentu, de artificum strepitu, de pittrini stridore, de nuptiarum tumultu nunquam in Babylone deinceps exaudiendis, deque lucernæ luce in ea non amplius accendendâ; omnia isthac desumpta sunt ex Ieremiâ c. 25. 10. vbi hæc habet inter alia: *Perdamque ex eis vocem gaudii, & vocem lætitiæ; vocem sponsi, & vocem sponsæ; vocem molæ, & lumen lucernæ. Et erit vniuersa terra hac in solitudinem & in stuporem.*

C

At enim (inquires) non videntur ad rem hæc Ieremiæ verba, ut ad mysticum Romæ excidium applicentur. Nam Ieremias in eo capite verba facit de Ierosolyma & de Iudæa. Respondeo. Cum Ieremiæ testimonium sit allatum ad molaris lapidis comparisonem; congruenter ipsemet Angelus, quæ dixit, *Hoc impetu mittetur Babylon*, inducitur de eadem etiam mysticâ Babylone confirmans, quod olim de Iudæa & Ierosolyma ipse enunciauerat. Etenim si ibi continetur descriptio Ierosolymitani & Iudaici excidii per Nabuchodonosorem faciendâ; si familiaris item est Ieremiæ locutio, ut eiusmodi descriptione ingentem ruinam significet: aptissime intelligitur Ieremias, quod de Iudæa prædixit, de mysticâ etiam Babylone pronunciare cuius ruinam ipse describit. Illud igitur in hoc Apocalypicos loco innuitur, ad mysticam Babylonis vastationem, significanter satis & eleganter transferri, quod Ieremias de Ierosolymæ excidio affirmauerat.

Reliquum est, ut consideremus, cur Ieremias coniungat in hoc loco vocem gaudii, vocem sponsi & sponsæ, vocem molæ & lumen lucernæ? Cur insuper in præsentī vox cælestis ex Ieremiæ persona subiungat, *Omnis artifex omnis artis non inuenietur in te amplius*? Respondetur, Romæ conuersionem à Ieremia depingi, veluti Babylonis (quæ est Roma ethnica) vastationem. atque ad vrbe alicuius ruinam & euerisionem exprimendam vti solet Ieremias hac loquendi ratione; ut videre est in loco superius adducto ex illius cap. 25. 10. Quod si liber Regum quartus fuit à Ieremia conscriptus; in eo quidem, cap. 24. 14. & 16. dicitur Nabuchodonosor transtulisse in *Babylonem omnem artificem, & inclusorem*. Atque ita in Ierosolymæ excidio, ad quod alluditur, habemus ex Ieremia, nullum in ea artificis murmur, nullum musicæ concentum, nullam nuptiarum vocem, nullum lucernæ lumen, nullum molæ strepitum remansisse.

D

Facili autem negotio quiuis animaduertet, hæc omnia conducere ad significandam ingentem alicuius loci vastitatem & solitudinem; vbi plurima quondam frequentia & concursus fiebat. In quacumque enim vrbe frequens est hominum cætus, videre est fastis diebus artificum & operarum strepitu omnia personare; nefastis verò musicâ, harmoniâ atque lætitiâ; singulis item noctibus lucernæ accenduntur: quæ indicio sunt homines inibi habitare. Nocte etiam fieri solebant nuptiæ, ut ex aliquot Scripturæ locis colligitur. Itaque quicumque locus hominum celebritate colitur, nunquam in eo deest aliquid, quod strepitum edat, & oculis atque auribus commorantium ibi hominū frequentiam repræsentet. Quamobrem, ut denotaretur, ex tanto illo Romæ ethnicæ concursu, celebritate & frequentia, nullum ferè rerum ethnicarum vestigium deinceps reliquum fore; concinne introducit Ieremias asseuerans, nullum ex tot rebus & officinis murmur reliquum fore; concinne. Et forsitan hæc locutio prouerbii speciem habebat ex ipso Ieremiæ loco.

E

Veruntamen in eo, quod quater in textu reputatur, *non audietur in te; non lucebit in te*, &c. admonemur, opinor, magnam illam mysticæ Babylonis euerisionem à Ieremia prædictam, non in sensu (quod aiunt,) materiali, sed in formali esse accipiendam. Etenim si de propria & materiali excisione sermo esset; cum dictum iam fuisset, Babylonem non secus ac Sodomam, flammis exutum iri; nihil opus erat postea repetere, *Lux lucernæ non lucebit in te; vox molæ non audietur in te*, &c. Ceterum cum post Romæ conuersionem musici adhuc concentus, nuptiæ, lux & hominū frequentia non essent defutura; ideo Romæ ethnicæ quater iteratur, *non in te, non in te*. Quod est dicere; Romanis quidem non defore

har-

Hunc etiam locum ex Ieremiæ prophetia esse de impij. Diluitur obiectio contra nostram expositionem

Cur Ieremias prædicto in loco vocem gaudii, vocem sponsi & sponsæ, vocem molæ & lumen lucernæ coniunxerit?

Quid lateat mysterium in eo quater iteratâ negatione, Non audietur in te, Non lucebit in te, &c.



A harmoniam, lætitiā & voluptatem; Romæ verò ethnica de fore omnino: tunc enim nō iam ethnicā & idolatricem, sed Christianā & Catholicā fore. Non igitur eis deerit honesta liberalium artium & mechanicarum exercitatio: id tamen non Romæ ethnica accidet, sed Catholica, quasi ex illa ad hanc sint artifices & inclusores translati; sicut olim ex Ierosolyma translati sunt Babylonem. Rursus non aberit naturalis philosophiæ lucerna; non tamen in Roma veteri, sed nouā. Demum nuptiæ & connubia adierunt, quibus Romanorum series propagetur; non tamen id vetus Roma, sed noua experietur; quam Deus loco veteris ædificabit, atque ita deinceps ea omnia abhorrebunt à ritibus & cæremonijs ethnicis; & iis erunt signis insignita, quæ satis denotent, obiisse iam veterem hominem; viuere autem nouam creaturam.

QVIA MERCATORES TVI ERANT PRINCEPES TERRÆ.] Triplicem sacer textus rationem reddit vastitatis Romæ ethnica; Prima est, *Quia mercatores tui erant principes terræ.* quasi dicat; Quia decreuit præpotens Deus immanem illam exterminare tyrannidem, qua mercatores per idololatriæ cultum compendia facientes, erant ipsimet principes ac magistratus: qui idcirco Christianos persequerentur, ut hac ratione rem suam & auctoritatem auerent, & suis morem gererent cupiditatibus. Vide supra dicta numero 3. ad ea verba, *Mercatores terræ de virtute deliciarum eius diuites facti sunt.*

B Altera causa, quam textus designat, est; *Quia in veneficijs tuis errauerunt omnes Gentes,* id est, quia Roma suis præstigijs ac veneficijs totum orbem in idololatriæ amentiam pellexerat; quare totius mundi remedium ex Romæ ethnica ruina pendeat. His duabus causis adiungitur in versu sequenti tertia.

Verf. 23.  
Triplex Babilonici excidii ratio in sacro textu traditur.  
Prima ratio.  
Secunda.

## T E X T V S.

Verf. 24. Et in ea sanguis Prophetarum & sanctorum inuentus est, & omnium, qui interfecti sunt in terra.

## C O M M E N T A R I V S.

QVEMADMODVM in superioribus versibus loquebatur Ieremias; ita etiam huius versus verba eidem adscribuntur, per allusionem ad id, quod Ieremias de Ierosolyma scribit cap. 2. 34. *In alijis inuentus est sanguis animarum pauperum & innocentium.* Quo innuitur, quod Ieremias de Ierosolymorum vrbe descripsit, plenius in Roma ethnica fuisse completum: atque adeo, ut Ieremias illam Ierosolymitani excidii causam affert, ita etiam eandem de mystica Romæ ethnica ruinâ causam adducere videri. Etenim, cum Ieremias præsignificauerit mysticum Romæ veteris interitum, (illius inquam, quæ Christianos affligebat, & contrucidabat) eo ipso supponebat, Romam ipsam esse, quæ Christianorum sanguinem profundeabat. In ipsa vero locutionis figura videtur inuolui allusio ad homicidam aliquem, qui indicijs euidentibus de cæde conuincitur; propterea quod eius gladius sanguine imbutus repertus sit. Sensus ergo est; Romam ethnicam fuisse manifeste conuictam de nece, quam Prophetis, virisque sanctissimis intulit. Prophetarum autem nomine Evangelicos prædicatores intelligo, ut supra notauimus. Si verò quispiam contendat, de ipsis antiquis Prophetis Ierosolymæ occisis verba fieri; forsan dici potest propter delicti similitudinem scelus illud Romæ fuisse deprehensum. Additur mox, non solum Romam in diuino iudicio fuisse conuictam tanquam præcipuam Martyrum in ea occisorum auctricem; sed Martyrum etiam omnium, quotquot per totum terrarum orbem necabantur; quia vniuersæ huiusmodi cædes Romæ ipsius imperio, auctoritate, exemplo, aut saltem libito fiebant. Quamobrem verè satis dicitur Roma esse infecta cruore Martyrum omnium, qui pro Christo occubuerant. Nam illi ipsi, quos perfida Ierosolyma de medio sustulit, ut Iacobus & alij, omnes Romanorum auctoritate perempti sunt; iuxta illud Ioan. 18. 31. *Nobis non licet interficere quenquam.* Tanta igitur, tamque copiosus Martyrum cruor, quo Roma ethnica redundabat, grauissimam pariter ac nobilissimam poscebat vltionem; in qua Martyres ipsi cernerent fructum vberimum, quem effusus illorum sanguis, & orbem vniuersum irrigans produxerat.

E Hac denique expositione fit satis argumento Bedæ; qui ex versiculi huius verbis probare contendebat, per Babylonem in Apocalypsi non Romani, sed impiorum omnium Rempublicam adumbrari; cui etiam argumento ante nos optimè Ribera responderat.

Tertia.

Cur Martyrum omnium in terra occisorum sanguis vni Romæ ethnica adscribitur?



## CAPVT XIX.

*Prologus de huius capituli argumento.*

Argumentū  
capitis un-  
deuigesimi.



APITA 17. & 18. cum decimi sexti parte, continent Prophetiam de Romæ ad Christi fidem conuersione sub vltionis de Babylone sumendæ figura. Constat autem Romæ conuersioni successisse copiosam mox in omnibus prouinciis messem; donec totum demum Imperium ad Christianæ Religionis portum se reciperet. Hic igitur Christianæ Religionis processus, qui Romæ conuersionem subsequetur erat, est ipsissimum capitis huius argumentum. Quare sicut Romæ conuersio depicta fuit sub magnâ vindictæ specie; sic etiam conuersio ipsius Imperii per allegoriam non absimilem describitur. Verum exordium sumitur ex quadruplici Alleluia; quibus significatur lætitia atque voluptas, quam vniuersa Ecclesia ex Gentium subiugatione, id est ad Christi fidem conuersione, percepit. Deinde sequitur gaudium & exultatio de nuptiis Agni, (quæ symbolice repræsentant cumulatam lætitiæ celebritatem ob publicam Christianæ Religionis professionem in Roma, quæ præcipua est Christi sponsa) & singulatim de nuptiarum cæna agitur. His adnectitur Ioannis affectus, qui adorandi studio sese ad Angeli pedes prouoluit. Postea proponitur cælestis prædicatorum Euangelii exercitus, qui ad percutiendas myllico gladio Gentes post Babylonis exustionem erat proditurus. Porro cæli aues ad magnificas epulas inuitantur: quæ allegoria innuitur gaudium ac voluptas, quam Angeli ex innumerabilium Gentium conuersione & salute accepturi erant. Denique subiicitur magnæ huius conuersionis figura, quæ est victoria insignis à cælesti exercitu reportata, necnon cædes in aduersariorum exercitu facta. Hæc est totius capitis summa. Et sanè defessus iam referendo, atque impugnando eorum opiniones; qui, quidquid vindictam sonat, pro vindicta propria accipiunt, & ferè omnia ad famosi Antichristi tempora reuocari volunt; satis mihi esse arbitror ea retulisse, quæ in superioribus capitibus adduxi, ut probarem vindictam huiusmodi à Christo desumptam in sensu mystico esse intelligendam, & pro Gentium conuersione vsurpandam: idque esse sacrarum Literarum stilo familiare, & sacri huius ænigmatis excellentiâ satis dignum. Quapropter nihil est, cur nouas nunc congeram rationes; sed satis superque erit, si totius acoluthiæ filum, & apta partium singularum applicatio expendantur: & insignes ad multa sacre Scripturæ capita allusiones, quibus Spiritus sanctus hoc, præ ceteris omnibus Apocalypseos capitibus, ornauit.

## TEXTVS.

*Quæ est prima capitis huius pars, de quadruplici Alleluia quod Ioannes audiuit.*

- Vers. 1.* Post hæc audiui quasi vocem turbarum multarum in cælo dicentium: Alleluia: salus, & gloria, & virtus Deo nostro est.
- 2.* Quia vera & iusta iudicia sunt eius, qui iudicauit de meretrice magna, quæ corripit terram in prostitutione sua: & vindicauit sanguinem seruorum suorum de manibus eius.
- 3.* Et iterum dixerunt, Alleluia; & fumus eius ascendit in sæcula sæculorum.
- 4.* Et ceciderunt seniores viginti quatuor, & quatuor animalia, & adorauerunt Deum sedentem super thronum dicentes: Amen, Alleluia:
- 5.* Et vox de throno exiuit dicens: Laudem dicite Deo nostro omnes serui eius, & qui timetis eum, pusilli & magni.
- 6.* Et audiui quasi vocem turbæ magnæ, & sicut vocem aquarum multarum, & sicut vocem tonitruorum magnorum dicentium, Alleluia; quoniam regnauit Dominus Deus noster omnipotens.



## N O T A T I O I.

## De legitima lectione.

Varia lecti-  
ones circa  
sex versicu-  
los preceden-  
tes.

**P**RIMO Ambrosius, Beda, & Haymo numero 1. pro *turbarum*, corruptè legunt *tubarum*. & numero 6. *turbæ*, pro *turbæ*. De legitima lectione iam constat ex Græcis codicibus, ex Louanienſium notatione, & nouiſſimè ex editione Vaticana, quanuis Græcè vtroque legatur *turbæ* in ſingulari numero; quod tamen non immutat ſenſum.

Secundò, non deest, qui contendat, numero 1. non eſſe legendum *ſalus*, ſed *laus*, fortè, quia nomen *ſalus* non ita aptè illius explicationi quadrat. Ita Ribera, qui addit inſuper non eſſe inſcribendum verbum eſt, vbi legimus, *Deo noſtro eſt*. Sed eius loco ſubaudiendum verbum ſit, ita vt in optatiuo dicatur, *Laus, & gloria, & virtus ſit Deo*, id eſt, laudetur Deus ab omnibus; ille potens ſit, & omnes ei pareant. Nihilominus, ſi mihi daretur optio, eligerè planè correctæ Vulgatæ lectionem, *Salus, & gloria, & virtus Deo*

**A** noſtro eſt. quantò magis cùm optio non deur, ſed ad eam ſequendam tenemur. Et quidem ex commentario & notationibus clarè elicitur veram lectionem eſſe eam quam editio Vaticana confirmat. Legitimus namque ſenſus eſt eiufmodi; *Salus, & gloria, & virtus Deo noſtro eſt*, id eſt, Dei eſt ſalus, gloria, & virtus. Atque hic quidem debet eſſe ſenſus, quanuis legatur ſit. Nec enim ita eſt ſenſus intelligendus, vt Deo gloriam, & virtutem optemus: ſed potiùs vt illi ſalutem, gloriam & virtutem tribuenda eſſe agnoſcamus. Porro quamquam nonnulli Græci codices legunt *ἡ σωτηρία, καὶ ἡ δόξα, καὶ ἡ τιμὴ, καὶ ἡ δύναμις*: id eſt ſalus, & gloria, & honor, & virtus: alii tamen Græci item codices latino ex æquo reſpondent. Et hanc eſſe veram lectionem conſtabit ex alluſione, de qua infra dicemus notatione ſecunda.

## C O M M E N T A R I V S.

**I**N quadruplici Alleluia notandum primò eſt, vocem hanc non ſignificare ſolùm id, quod eſt *laudare Deum*; ſed etiam, eum laudare extollendo cum lætitiæ vocem, vt in rebus lætis fieri ſolet: atque ita continet acclamationem cum exhortatione, vt bene hic Ribera & Viegas adnotarunt.

Deinde duo prima Alleluia dicuntur in textu fuiſſe, *Vox turbarum multarum in calo dicentium Alleluia*. Ex quo dubitatiuncula ſuboritur; vtrum ſcilicet hæc vox ſit accipienda tanquam ab eisdem prolata, qui in cap. 18. loquebantur. Etenim vt ibi vidimus, vox illa de calo (cuius Ioannes meminit ca. 18. 4. cum ait; *Et audiuit aliam vocem de calo dicentem: Exite de illa populus meus*.) perducitur ad finem vſque ca. 18. & repræſentat Eccleſiæ vocem. Nam Chriſtianæ Eccleſiæ in terris militanti nomen cali in Apocalypſi tribui, vidimus aliàs. Vnde & hæc vox, cuius nunc meminit Ioannes, ipſius item Eccleſiæ vox videtur eſſe propria, quandoquidem ſimiliter eſt vox de calo. Si ergo ipſa eſt Eccleſia pergit adhuc loquens; quorſum ait Ioannes, *Post hæc audiui, quaſi vocem in calo dicentem Alleluia*? Reſpondeo, vtramque quidem vocem eiufdem eſſe Eccleſiæ; verum vt ſignificaretur fidelium numerum poſt conflagrationem Babylonis mirum in modum excreuiſſe; ideo cæleſtem vocem, quam Ioannes audiuit proferentem Alleluia, fuiſſe *quaſi vocem turbarum multarum*, quaſi clariùs diceret, priorem quidem vocem capitis 18. non fuiſſe vocem adeò magnarum turbarum. Atque vt hanc exprimeret diſtinctionem, addit modò, *Post hæc audiui quaſi vocem turbarum multarum in calo*.

Præterea in diſtinctione quatuor Alleluia obſeruandum eſt, duo prima cæleſti turbæ magnæ attribui; tertium ſenioribus & animalibus; quartum eidem turbæ magnæ: ſed adiungitur illi ſonus aquarum multarum & tonitruorum magnorum; & cuiſlibet Alleluia non nihil ampliùs adnectitur. Nam primo ſubditur, *Salus, & gloria, & virtus Deo noſtro eſt*; quia vera & iuſta iudicia eius, qui iudicauit de meretrice magna. Poſt ſecundum ſubiicitur; *Et ſumus aſcēdit in ſæcula ſæculorum*. Tertium comitatur, *Amen*. Quartum verò, *Quoniam regnauit Deus noſter*. Quibus in omnibus mirum ſubeſſe artificium, quale excellentiſſimi ænigmatis eſſe oportet, inferiùs conſtabit.

Iam, vt ad quatuor Alleluia diſtinctionem deueniamus; exiſtimabit quiſpiam in eis quaſi præcipuum ſcopum intendi quatuor principalia diuinæ providentiæ attributa; nempe Virtutem, Beneficentiam, Æquitatem, Sapientiam. Poſſe enim non ineptè conſiderari, quatuor hæc attributa in myſtica Romæ conflagratione cumprimis excelluiſſe; atque adeò congruens valde eſſe, vt Deus commendetur propter quadruplicis huius attributi gloriam & excellentiam, quæ in eo opere eluceſcit. Verum vt quid ſentiam, exponam; planè non video, qui poſſit eiufmodi conſideratio applicari ad id, quod textus refert. Ait enim, duas primas voces eſſe cæleſtis multitudinis; tertiam ſeniorum & animalium; & quartam ipſiuſmet rursus turbæ magnæ, nec non aquarum multarum & tonitruorum. Adhæc; quod ſingulis Alleluia ſubiungitur, non rectè conſonat cum quatuor attributorum ſignificatione. Nam, vt alia omittam; quòd ſeniores & animalia clamant, non tam videtur præſeferre noſtam laudem, quàm ſuperiorum confirmationem. Nec enim aliud dicunt, niſi *Amen, Alleluia*. Quod verò poſt Alleluia primum ſubditur, non ſolùm virtutem reſpicit; ſed beneficentiam quoque. Si quidem dicitur, *Salus, & gloria, & virtus*.

Querendum ergo eſt aliquid abſolutius & perfectius. Et meâ quidem ſententiâ, quod ſtatim ſubiiciam, plenè & cumulatè ſatisfacit; quanuis ad pleniorum ipſius probationem forſitan opus ſit, vt

Quorſum  
hic quadru-  
plex appo-  
natur Alle-  
luia.

Vox turba-  
rum mul-  
tarum à  
quoniam  
conſidere-  
tur eſſe pro-  
lata.

In quadru-  
plici Alle-  
luia diſtinctione  
quid ſit obſeruā-  
dum.

Prima ex-  
plicitio qua-  
tuor Alleluia  
in præſentia.

Prædicta  
explicandi  
ratio non  
probat.







A pho de Roma parto enituit. Nec enim eiusmodi fuit victoria, quæ hominum armis, industriâ & cō-  
tentione obtineretur; sed spiritus cœlestis virtute & admirabili efficientia, quæ Romanorum corda  
potuit immutare, & suavi Euangelii iugo submittere. Et secundum hunc sensum solet non semel in  
sacris Literis nomen *virtus* usurpari, vt postea expendemus.

B Ex his ergo tribus perfectionibus, potentia eripiendi Ecclesiam ab omni ingruenti periculo cō-  
gruenter Patri tribuitur, Gloria redemptionis, Filio; & virtus sanctificandi, Spiritui sancto. Nam que  
vt in Apostolorum Symbolo nostra fides reducitur primò ad creandi omnipotentiam, quæ Patri at-  
tribuitur; ad redemptionis opus, quod Filio; & ad fidelium sanctificationem, quæ Spiritui sancto: (ita  
vt in toto Symbolo illustrissima quædam sanctissimæ Trinitatis confessio contineatur:) sic etiam ad-  
mirabili quodam artificio tota laus, quam Christiana Ecclesia Deo detulit propter victoriam de  
Roma partam, reuocatur ad clarissimam quandam ipsius Trinitatis laudationem; quæ illis includi-  
tur *verbis, Salus, & gloria, & virtus Deo*. Si autem quispiam exoptet, vt prima vox creandi potentiam a-  
liquo modo repræsentet; facile cum eo consentiemus, si dicamus, maximam potentiam ad homines  
ē periculis eripiendos, quæ nomine salutis exprimitur, mirum in modum excelluisse in noua illa  
vindicta de Roma sumptæ ratione: atque adeo vt. Roma ipsa integra & superstes per nouæ Romæ  
creationem euaderet; iuxta illud de noua creatura, quod Paulo ita familiare est.

C QVIA VERA ET IUSTA IUDICIA SVNT EIVS. In his verbis (vt ex ipso contextu videre est) red-  
ditur ratio de ea laude, quæ superius perstricta fuerat tribus illis nominibus, *Salus, & gloria, & virtus Deo*  
*nostro*, quod perinde est, quasi dicatur, in Dei æquissimo iudicio, quo Romam Ecclesiæ subiecit, emi-  
nuisse imprimis infinitam ipsius Dei potentiam ad suos & quolibet periculo liberandos; & illustris-  
simam pariter gloriam, quæ ex nostrorum flagitiorum tenebris conspicuam elicit lucem, necnon  
diuinam virtutem ad hominum mentes sanctificandas, quæ Romanorum superbiam fregit. Dum  
autem dicuntur tria hæc in diuini iudicii iustitia, quæ Romam superauit, excellere; manifeste constat  
de Romæ conuersione ita verba fieri, quasi de ingenti quadam vindicta; satis tamen eleganter, vt sæ-  
pe explicuimus. Ac propterea Romæ idololatriæ & crudelitatis culpa pōderatur: quin etiā propter  
eā admirabili quodam modo *inducunt*, id est damnauit Deus & destruxit meretricem magnam; nē-  
pe veterem Romam quatenus ethnicam. Et *vindicauit sanguinem seruorum suorum de manibus eius*. Sumitur  
hic allegoria ab insigni quadam impudica & crudeli meretrice. Atque in iis verbis, *Qua corrupta ter-  
ram in prostitutione sua*, innuitur, illam falso & commentitio idolorum cultu terram contaminasse:  
quippe omnes cum illa ad spiritalem fornicationem turpiter miscebantur. Indicatur autem in hu-  
iulmodi locutione tantæ contagionis toto orbe serpentis culpam in vnam Romam meritò confe-  
rendam; ad eum fere modum, quo infamis aliqua meretrix urbem aliquam diceretur morbo Gal-  
lico & exitiabili luce infecisse.

D Sed iam ad secundum Alleluia gradum faciamus. Et iterum dixerunt Alleluia; & fumus eius ascendit in sæ-  
cula seculorum. secundam laudem, quam ex Romæ victoria Deo tribuit Ecclesiæ, diximus suprà fuisse  
integram & sanctam Christianorum hominum vitam. Hæc enim Deo laudem defert, non minùs  
quàm beneficii confessio & prædicatio. Id quod clarius est, quàm vt sacrarum Literarum exemplis  
stabilire opus sit. Est igitur elegantissimum, quod huic secundo Alleluia adiungitur; nempe, *Et fumus*  
*eius ascendit in secula seculorum*. Quibus verbis indicatur, ex hoc secundo Alleluia redundare fumi ex  
Babylonico incendio erumpentis perpetuitatem. Et quanuis si externam attendamus faciem, mirū  
valde ac peregrinum videatur, quod ex ea laude, quæ Deo ob vindictam de Babylone sumptam tri-  
buitur, proueniat illius fumi aternitas; ænigmate tamen rite explicato, mirifice omnia consentiunt.  
Etenim Babylonis fumus denotat eam gloriam, quæ ad Deum redundat ex Christianæ Religionis  
igne in Roma accenso, vt latè suprà ostendimus capit. 14. notatione quinta. Et verò integra ac fan-  
cta Romanorum vita post Christianam Religionem susceptam, efficit, vt illius ignis gloria perpetuò  
duret. Nam si asseueratur his verbis, veræ Religionis ignem nunquam Romæ extinctum iri; id qui-  
dem ex eo maximè pendet, vt Romæ semper degant homines vitæ puritate & sanctimoniâ prædi-  
ti. Hoc autem insigne beneficium pollicetur Deus, dum confirmat, fumum eius in seculorum sæcu-  
la ascensurum; alioqui vera Religio neutiquam Romæ duraret, si vitæ sanctitas inibi omnino defi-  
ceret.

E Sequitur tertium Alleluia; & laudem sanè tertiam illam esse diximus, quæ immortali Deo fuit  
Missis, concionibus & diuinis officiis decantata. Si ergo seniores designant Christianæ Ecclesiæ sa-  
cerdotes, quos eadem semper Ecclesia Presbyteros appellauit; si per quatuor item animalia, Episco-  
pi & Euangelii prædicatores figurantur: appositè satis dicitur tertium hoc Alleluia à quatuor ani-  
malibus & viginti quatuor senioribus esse prolatum. Quod autem procidentes, & Deum adorantes  
hoc Alleluia conclamasse dicuntur; facit hoc ad maximam diuinæ maiestatis reuerentiam, qua pii  
ac deuoti sacerdotes sacrum faciunt, & diuinum officium persolunt. Indicatur similiter quantā  
ipsiusmet Dei veneratione ministri Euangelici suas exequantur partes, & diuini verbi semen spar-  
gant. Quod item est mystici sacrificii genus, vt Paulus innuit ad Roman. 15. 16. Porro vox *Amen*, quæ  
cum tertio coniungitur Alleluia, significat proprium esse sacerdotum & ministrorum Euangelii  
ceteros omnes in fide & vitæ sanctitate roborare: quod perinde est, quasi Ecclesiæ laudes Deo obla-  
tas confirmare. Quis autem non videat, quo tempore illustrissima illa de Romano populo victoria  
fuit parta, copiosam sacrificiorum multitudinem pro gratiarum actione à nostris sacerdotibus fuisse  
Deo oblatam; nec minorem concionum numerum ab Euangelicis concionatoribus habitum; vt  
fideles cohortarentur ad debitas pro tanto beneficio grates diuinæ clementiæ agendas.

Supereft, vt de quarto Alleluia nonnihil etiam dicamus. Quare cum in quarta laude potissimū  
splendeat ingens efficacia, quam Deus summis & infimis, viris ac foeminis, secularibus & Reli-  
giosis hominibus conferebat; ideo ante quartum Alleluia auditur de throno vox, quæ efficacem di-  
uini Spiritus instigum & afflatum adumbrat, necnon spiritum illum vegetum ac robustum, quem  
Deus Ecclesiæ largitus est ad maiorem ipsius Dei gloriam in proximorum conuersione ac perfe-

Diuini spi-  
ritus effica-  
cia in Ro-  
ma ad fidem  
traducenda.  
Quomodo  
tria illa,  
Salus &  
gloria &  
virtus,  
tribus diui-  
nis personis  
per attribui-  
tionem ac-  
commoden-  
tur.

Verf. 2.  
Quorū  
hic dicantur  
vera & ius-  
ta Dei iu-  
dicia.

Secundum  
Alleluia, &  
laus, quam  
in se conti-  
net, expli-  
cantur.

Babylonis  
fumus ascē-  
dens in sæ-  
cula seculo-  
rum quid  
mysticè ad-  
umbret.

Tertij Alle-  
luia, & lau-  
dis, quam  
in se inclu-  
dit, exposi-  
tio.

Quartum  
Alleluia, &  
quarta pa-  
riter laus  
Deo inde,  
redundans.



etione strenuè procurandam. Hoc namque studium, hæc contentio atque conatus cælestem in ceterorum animis ignem accendendi, nondum ante diuini Spiritus aduentum, fuerant mundo concessa. Nondum enim fuerat Spiritus datus; quia Iesus nondum erat glorificatus. At postquam Christus ad æterni Patris dexteram in cælesti solio confedit; hunc inde efficacissimum ignem nō in Apostolos solum, sed etiā in populum fidelium copiosè dimisit. Hæc igitur animi alacritas atque contentio, quam suis fidelibus suppeditabat Deus ad ipsius gloriam & laudem rebus in omnibus prouehendam, significatè satis adumbratur in iis verbis; *Vox de throno exiit dicens, Laudem d. cite Des nostro omnes serui eius, & qui timetis eum pusilli & magni*, quasi diceret; non ea mihi solum est voluntas, vt sacerdotes & concionatores Christi gloriam extollant, & in proximorum salutem incumbentes sacrum pro eis frequenter faciant; verum etiam Christianos omnes siue humiles, siue sublimes suo modo sacerdotes & prædicatores, mysticè tamen, fieri volo; id verò magna cum efficacia. Si autem aliquo in sæculo cælestis hic feruor de maiori Dei gloria, & proximorum salute conquirenda in Christianorū animis astuauit; certè id imprimis accidisse credendum est sub Romæ conuersiorum; vt inde ad totius Gentilitatis conuersionem sese extenderet. Cum enim tanta diuersarum Gentium & nationum multitudo ad fidem conuertenda esset; cumque sacerdotum hoc munere fungentium numerus nequaquam esset satis; credibile valde est, Deum ceterorum omnium Christianorum ministerio ad tantum hoc opus fuisse vsu. Sicuti in Salomonici templi dedicatione ingens victimarum multitudo, quæ Deo erant immolandæ, Salomonem impulit, vt atrii exterioris pauimento pro altari vteretur; vt videre est 3. Reg. 8. 64. *In die illa sanctificauit Rex medium atrii.*

Quid per  
vocem tur-  
be magnæ,  
per vocem  
aquarum  
multarum  
& per vocē  
tonitruorum  
magnorum  
figuretur.

Sanctificati ergo fideles tam pusilli, quam magni per diuini Spiritus ignem, perque efficacissimā Dei vocationem, incubuerunt omnes pariter in maiorem Dei gloriam & totius Romani Imperii conuersionem. Id enim innunt verba sequentia: *Et audiui quasi vocem turbe magnæ, & sicut vocem aquarū multarum, & sicut vocem tonitruorum magnorum dicentium Alleluia*, vbi nomen turbe magnæ denotat ingentem multitudinem. Verum, ne intelligeretur, qui in mundi conuersione laborabant, eos esse vnus solum populi (quia cap. 7. 9. nomen turbe magnæ ad Iudaicum populum singillatim refertur) ideo adiungitur, *Et sicut vocem aquarum multarum*. Constat autem aquas multas esse populos multos & gentes & linguas. Quare generatim loquendo, qui ex Gentilitate Christianam fidem receperant, omnes pariter maiori Dei gloriæ allaborabant; dum per se singuli ad proximorum salutem & conuersionem suum studium & contentionem adhibebant. Quia verò huiusmodi vis erat efficacium instar concionum, quibus Deus hominum corda solet pulsare; & diuini etiam verbi efficacia in Apocalypsi comparatur tonitruis, (quæ sunt cæli voces:) idcirco cum voce aquarum multarum componitur tonitruorum magnorum vox dicentium *Alleluia* id est Dei laudem prædicantium, siue ad Dei laudem inuitantium. Nam *Alleluia* sonat *laudate Deum*. Quæ autem huiusce laudis redditur ratio, ea est; *Quoniam regnauit Dominus omnipotens*. Quod nō aliud est, quam si diceretur, Deum se Regē declarasse eo ipso, quod vana idolorum superstitione ex Romana vrbe fuit expulsa, & Gentes ac nationes Deo ipsi subiectæ fuerint. Ex eo verò, quod Deus in terrarum orbe per suam fidem, ac Religionem imperitet; summopere ipsius serui lætantur, & ad eius gloriam omni virium contentione procurandam sese excitant.

Refellitur  
aliorū sen-  
tentia refe-  
rentium  
quadruplex  
hoc Alleluia  
ad Sanctorū  
in calo lati-  
tiam de sup-  
plicio à Deo  
improbiis  
instituto.

Hic est meæ expositionis contextus. Porro allusiones de industria ad sequentes notationes reieci, quod facilius totius contextus filum percipi possit. Et quanuis tota hæc celebritas & Alleluia à multis eò referantur, quod Sancti in cælesti beatitudine exultet seueritate, qua Deus siue in hac vita, siue etiā apud inferos in peccatores animaduertit; ceterū præterquā quod Apocalypsis acoluthia necessariò eum sensum respuit, ipsamet Alleluia repetitio compellit, nequa resideat dubitatio, quin de re magnopere festiua sit sermo. Cōstat enim ex receptissimo Ecclesiæ vsu, hanc vocē Alleluia in latissimis maximè celebritatibus locū habere. Quis verò nesciat, verū sanctorū hominum & virorū Apostolicorum gaudium potissimum prouenire ex felicissimis Ecclesiæ successibus & maximā Dei gloriā inde redundante? Inter hæc igitur auspiciatissima euenta nullum certè felicius, quam Romæ conuersio. Quamobrem licet ex impiorum damnatione grates Deo agi debeant; non tamen huc ita propriè impenduntur Alleluia, & maximæ gaudii significationes. Confirmatur, quia Isidorus l. 6. Etymologiarum cap. 19. aduertit, ex huius capitis Alleluia deriuatam fuisse in Ecclesiam consuetudinem, vt Alleluia in lætioribus totius anni celebritatibus vsurparet. Quod si quispiam dixerit, hunc Ecclesiæ morem potuisse etiam dimanare ab iis Psalmis, quibus pro titulo præfixum est Alleluia, qui omnes magnopere sunt hilares ac iucundi, & præsertim extremi; hoc ipso suadet, eundem ad finem in Apocalypsi, atque in Psalmis Alleluia fuisse vsurpata. Hæc enim Apocalypseos Alleluia respectum habent ad illa Psalmorum; & inde non parum confirmationis accipiunt, vt sequenti notatione explicabimus.



## NOTATIO II.

De allusione quadruplicis huius Alleluia ad  
viginti Psalmos.

**S**V PRA C. 10. 3. vidimus, per septem illa tonitrua Ioanni exaudita significari septem Domini voces, quarum Psal. 28. mentio fit: nec aliud fuisse tonitruorum à Ioanne auditorum mysterium, nisi vt admoneremur Psalmū 28. in eum Apocalypseos locum inferi debere. Similiter ergo in praesenti quadruplex Alleluia, quæ Ioannes se audisse commemorat, respiciunt haud dubiè eos Psalmos, quibus Alleluia pro titulo est. Vnde illud hic mytterium subest, Psalmos illos hoc titulo insignitos in praesenti Apocalypseos loco reponendos.

Pro huius rei confirmatione, illud in memoriam reuoco, quod aliàs dixisse me memini; videlicet nulum ferè in Apocalypsi verbum reperiri, quod alicui insigni sacrarum Literarum loco nō respondeat. Etenim sacra hæc actio ænigmatica, (vt in optimis quibusque ænigmatis fieri assolet) tota ex allusionibus ad insignes sacrarum librorum, veterū praesertim, locos coagmentatur. Nulla autem reperitur Alleluia in toto sacrarum Literarum decursu, praeterquā in Psalmis, & Tobia 13. 22. vbi dicitur, *Per vias Ierusalem Alleluia cantabitur*. Quod de illorum etiam Psalmorum cantu intelligendum est.

Quod cum ita sit; ea protinus subit mentem dubitatio, ad quos scilicet ex iis Psalmis, quibus Alleluia pro titulo est, respiciat Ioannes in quadruplici huius capitis Alleluia. Psalmi enim hac inscriptione notati viginti omnino sunt; quare nec vicenarius numerus vllam habet peculiarem cum quaternario proportionem: nec congruens apparet ratio, cur aliquot ex iis Psalmis omnibus, alios accersamus. Nihilominus existimo, quatuor huius capitis Alleluia referri ad omnes illos viginti Psalmos, qui sunt.

Ps. 104. *Confitemini Domino, & inuocate nomen eius.*

Ps. 105. *Confitemini Domino, quoniam bonus, quoniam in seculum misericordia eius. Dicant qui redempti sunt.*

Ps. 106. *Confitemini Domino quoniam bonus, quoniam in seculum misericordia eius. Quis loquetur.*

Ps. 110. *Confitebor tibi Domine in toto corde meo.*

Ps. 111. *Beatus vir, qui timet Dominum.*

Ps. 112. *Laudate pueri Dominum.*

Ps. 113. *In exitu Israel de Aegypto.*

Ps. 114. *Dilexi, quoniam exaudivit Dominus.*

Ps. 115. *Credidi, propter quod locutus sum.*

Ps. 116. *Laudate Dominum omnes Gentes.*

Ps. 117. *Confitemini Domino, quoniam bonus, quoniam in seculum misericordia eius, dicat nunc Israel.*

Ps. 118. *Beati immaculati in via.*

Ps. 134. *Laudate nomen Domini, laudate serui Domini.*

Ps. 135. *Confitemini Domino, quoniam bonus, quoniam in eternum misericordia eius. Confitemini Deo deorum.*

Ps. 145. *Lauda anima mea Dominum.*

Ps. 146. *Laudate Dominum, quoniam bonus est Psalmus.*

Ps. 147. *Lauda Ierusalem Dominum.*

Ps. 148. *Laudate Dominum de caelis.*

Ps. 149. *Cantate Domino canticum novum, laus eius in Ecclesia sanctorum.*

Ps. 150. *Laudate Dominum in sanctis eius.*

Hos omnes Psalmos Ioannes hac allusione perstringit & affirmat pariter, omnes hunc in locum aptari debere, vt mox videbimus. Quod verò opponitur numerum scilicet quatuor Alleluia cum vicenario Psalmorum non rectè congruere. Respondeo, in quadruplici Apocalypseos Alleluia contineri respectum ad quatuor ite series Alleluia, quæ in Psal-

morum titulis reperiuntur. Quāvis enim Psalmi eiusmodi vigesimum numerum expleant; in quatuor tamen ordines, & veluti classes, distribuuntur; quarum quilibet aliquem Psalmorum numerum complectitur, qui inter se cōiuncti & ab alterius ordinis Psalmis seiuncti sunt. Primum enim tres primi Psalmi ex supradictis (nempe Psal. 104. & 105. & 106.) vnam Psalmorum lineam conficiunt. Deinde, post aliorum interiectum, quibus hæc inscriptio Alleluia, non est; sequitur secundus Psalmorum hoc titulo inscriptorum ordo: qui continet Psalmos à centesimo decimo, vsque ad centesimum decimum octauum. Tertia horum Psalmorum classis duos omnino coërcet; scilicet centesimum trigessimū quintum, & centesimum trigessimū sextum. Quarta denique postremos sex comprehendit.

Porro quod Alleluia vnum adfiscat coniunctionem plurium Alleluia, quæ & inter se composita, & seposita à reliquis sunt; id quidem consonum est cum aliis id genus loquendi rationibus. Sic enim Hispanè appellare solemus, *Vn repique de campana*, nō singulārē vnum concitati cymbali pulsū, sed plures eorūq; creberrimos. Itaque dicere solemus bis aut ter solū pulsata fuisse cymbala; quāvis singulis vicibus multiplex fuerit cymbalorū sonus auditus. Præterquā quod minimè credēdū est, viginti illos Psalmos hac inscriptione signatos casu & temerē in quatuor classes siue ordines fuisse partitos. Vt autem significetur, quotquot in vna eademq; serie copulantur, eos omnes maiori inter se affinitate coniungi; congruentissimum extitit, vt Apocalypsi quadruplici Alleluia assignato eos pariter designaret atque diuideret, qua ratione in Psalmorum libro diuisi sunt.

Primum igitur Apocalypseos Alleluia assignat tres Psalmos: secundum, nouem; tertium, duos; & quartum, sex. Nec mysterio fortasse caret, quod secundus ordo sit proportionē triplis ad primum; quartus item sit triplis ad tertium.

Præcipua confirmatio allusionis huius atq; respectus inter quadruplex Apocalypseos Alleluia, & viginti illos Psalmos supradictos, inde petenda est; quod singulis Alleluia ex quatuor, aliquid mox singulatim adiungitur; in quo tangitur peculiaris ratio diuinæ laudis, quæ ad illud Alleluia pertinet. Atque hoc peculiare, quod vnicuique Alleluia subditur, mirificè responder argumentum atque verbis illius Psalmorum ordinis, ad quem eiusmodi Alleluia respicit. Quam obrem nō modò verum est, viginti eos Psalmos ad caput Apocalypseos vnde viginti appositè & congruenter acciri, (eo quod eorum omnium argumentū sit valde ad rem, cōsideratā istius capitis materiæ: ) verum etiam obseruatione dignū est, quā rectè prima horum Psalmorum series primo Alleluia Apocalypseos; secunda, secundo; tertia, tertio; & quarta, quarto respondeat.

Hæc omnia nonnihil amplius explicemus oportet. Cum primo Alleluia coniungit Apocalypsis hæc verba; *Salus & gloria & virtus Deo nostro est, quia vera & iusta iudicia sūt eius, &c.* Tres porro sūt Psalmi, quos primum hoc Alleluia adspicit: nempe Psalmus 104. & 105. & 106. Quid ergo optari potuit exactius, quā vt ex tribus illis verbis, quæ Apocalypsis cum primo Alleluia connectit (id est *Salus, & gloria, & virtus*) Salus quidem designet argumentum Psalmi 104. Gloria verò, argumentum Psalmi 105. Virtus autē, argumentum Psalmi 106. ita vt hi tres Psalmi in eo consentiant, quod Deo grātiās agant; *Quia vera & iusta iudicia sūt eius.*

Psalmos viginti supra positos in quatuor omnino lineas siue series partiri: & quæ sint.

Primum Alleluia ex quatuor Apocalypseos quosdam prædictorum Psalmorum respiciat, quos item secundum: & sic de ceteris. Vnde petenda sit prædictæ partitionis probatio.

Quomodo primum Alleluia primæ lineæ siue ordini Psalmorum respondeat.



Argumentū  
& summa  
Psal. 104.

Videatur alicui fortassis hæc mea pollicitatio inanis, nec aliquo fundamento niti. Verum si cuiusq; ex his Psalmis argumentum attentè consideret; & diligenter examinet eorum verborum, *Salus, & gloria, & virtus*, significationem in sacris Literis vitatâ (vt in commentario explicuimus), minimè dubitet, quin mutua hæc inter sese respiciendi ratio mirificè consentiat. Etenim Ps. 104. argumentum eiusmodi est. Deus, vt fidem suam populo Israelitico datam liberaret, illum seruauit innumera periculis, & perduxit incolumem; donec in terrâ Chanaan possessionem vestigium faceret. Et hanc ob rem illos prius in Ægyptum adduxit; indeque eduxit admirandis prodigijs atque portentis: duxit insuper vastâ solitudine, semperque seruauit; ac demum non reliquit hominē nocere eis, & corripuit pro eis Reges, quoad in ditionem Chanaan eos inferret. In hoc igitur egregio facinore suam Deus potentiam liquidò ostendit, dum suum populum ex tot periculis eripuit. Si ergo in eo opere Deus se sui populi assertorē & saluatorem exhibuit, vt eis imperium traderet terrarum, quas idololatæ possidebant: quæ potuit figura congruentior excogitari, vt melius admirabilem Dei potentiam exprimeret, qua suam Ecclesiam erat præstiturus incolumem ab omnibus periculis & persecutionibus, & in Romanæ vrbis atque Imperij possessionem inducturus? Hic ergo est illius Psalmi scopus, vt ex Apocalypsi discimus. Nam familiare est Prophetis, vt sapissime insculcauimus, Iudaica tangere, & Christiana respicere. Quapropter ad eam figurandam victoriam, quam præpotens Deus Christianæ Ecclesiæ concelebrat, nihil aptius, quam verba illius Psalmi, præsertim extrema; quæ sic habent, *Eduxit populum suum in exultatione, & electos suos in letitia; & dedit illis regiones Gentium; & labores populorum possederunt.* Est autem obseruandum in Daudici tabernaculi dedicatione, quando arca in Sionis arcem inuecta, in eo collocata est, i. Paralip. c. 16. decantari quindecim primos huius Psalmi versus: ceteros prætermitti (est enim Psalmus bene longus.) Hoc autem significauit, beneficia à Deo quondam in suum populum collata veluti inchoationem fuisse eorum, quibus Christianam postea Ecclesiam cumulaturos erat. quæadmodum in primo aliquo exemplari perexiguo incipitur aliquomodo, & inchoatur structura, quæ in eo solum adumbratur.

Psal. 105.  
scopus &  
argumentū.

Transeamus ad argumentum Psalmi 105. In eo celebratur, non obstantibus Israelitici populi sceleribus, clarissimam Deus suæ gloriæ significationem dedisse in suis promissis perficiendis. Quauis enim sæpe illius numen plurimis flagitijs Israelitæ lacerint, tam in egressu ex Ægypto & in deserto Sinai, quam post ingressum in terram promissam: Deus tamen suæ gloriæ memor etli illos supplicio affiebat, non deseruit omnino; quin eos potius ex Philistæorum oppreſsione eripuit, & congregauit eos de nationibus; & clarissimam donauit victoriam de suis oppressoribus partam. Hic esto totius Psalmi sensus, & scopus certe erat, vt significaretur, quo pacto se Deus cum Christiana Ecclesia gesturus esset. Quare Psalmus ipse clauditur verbis illis, *Fiat, fiat*, quæ prophetica planè sunt, & respiciunt nō tam præterita, quam futura in præteritis figurata. Persecutiones autem Christianæ Ecclesiæ propter fidelium peccata accidisse, negari non potest; præsertim in sceleratissima illa Diocletiani persecutione, quæ fuit decima, & vltimum medium ad eam victoriam gloriosissimam, quam Ecclesia de Roma comparauit. Illam enim persecutionem propter grauissima Christianorum peccata euenisse, docet Eusebius lib. 8. cap. 1. In hoc tamen Deus suam gloriam manifestè ostendit, & quam in Christo redemptionem habemus copiosam; quod fidelium peccata quasi media instrumenta vsurpauit Deus, vt propositum de Ecclesiæ victoria consilium prouheret. Quod autem hic Psalmus peridoneus sit ad celebrandam gloriam Dei suum eripientis populum propter peccata afflictum & oppressum; liquidò id constat ex eo, quod legitur Iudith. 13. 21. ybi ad hunc Psalmum non obicure respicitur.

Argumentū  
Psal. 106.

Sequitur Psalmus 106. planè illustrissimus; ad cuius argumentum propriè spectat, Dei virtutem ce-

lebrare in Gentibus Ecclesiæ subiiciendis, & in victoria de damone, mundo, & carne triplici animi hoste comparatâ: id quod per admirabilem Spiritus sancti virtutem effectum est. Concludo igitur, in Apocalypsi trium horum Psalmorum argumenta, quæ primo Alleluia respondent, miro artificio fuisse totidem verbis comprehensa. Nam *Salus* designat Ps. 104. *Gloria* Psalmum 105. *Virtus* Ps. 106. & tres omnes Psalmi continent elegantissimam quâdam sanctissimæ Trinitatis laudem ob singularem victoriâ, quam suæ Ecclesiæ de Roma concessurus erat Deus. Quod verò n. ox in iplo textu subiungitur, *Quia vera & iusta iudicia eius*, manifestè ex eisdem Psalmis detumitur. Nam Psal. 104. 7. dicitur, *Ipse Dominus Deus noster in vniuersa terra iudicia eius.* Quo prædicitur, in toto terrarum orbe visum iri omnino completum quod in vindicta de Chananæis sumpta, & in illius terræ possessione Israelitico populo traditâ, figuratum est.

Hactenus de primo Psalmorum ordine; quorum inscriptio continet Alleluia. Secundus ordo nouem complectitur Psalmos. Ac primò certum est, si rem seriò expendamus, eos omnes congruentissimè impendi in gratias Deo agendas ob Ecclesiæ victoriam de Romano Imperio eam persequente, deque Gentilitatis conuersione partam. Nam in eorum Psalmorum primo (qui est Psalmus 110.) dicitur: *Virtute operum suorum annuntiabit populo suo; vt det illis hereditatem Gentium.* In secundo, nempe 111. habetur. *Potens in terra erit semen eius, generatio rectorum benedicetur. Peccator videbit, & inſietur; dentibus suis fremet, & tabeſcet; desiderium peccatorum peribit.* In tertio, qui est 112. *A soli ortu, vsque ad occasum laudabile nomen Domini.* In quarto, id est 113. celebratur egreſſo noui Israelis ex mystica Ægypto; necnon admiranda planè opera, quibus Deus Israelitas ipsos in terrâ Chanaan possessionem introduxit. In Psal. 114. (qui est ordine quintus) Christianus populus dum perpelas à se persecutiones recolat, ait; *Circumdederunt me dolores mortis, & pericula inferni inuenerunt me; misericors Dominus, & iustus: eripuit animam meam, &c.* Sextus (scilicet Ps. 115.) pereleganter celebrat gloriosissimam Martyrum victoriam. Septimus, id est 116. hæc habet; *Laudate Dominum omnes Gentes, laudate eum omnes populi. Quæ Paulus in Epistola ad Romanos de Gentium vocatione interpretatur.* In octauo (siue 117.) inducitur Christianus populus ita loquens: *Omnes Gentes circumdederunt me, & in nomine Domini, quia cultus sum in eos: dextera Domini fecit virtutem, &c.* Denique Psalmus 118. (qui est ordine nonus & vltimus) attentè qui legat, facillè videat in eo Christianum populum induci Deo agentem gratias, quod ei præsentissimam opem tulerit, & victoriam de superbis principibus illum persequentibus tribuerit. Colligere hoc licet ex plurimis eiusdem Psalmi sententijs; ex quibus pauca has notas, numero 21. *In crepasculo superbos, & nu. 23. Sederunt principes, & aduersum me loquebantur, nu. 46. Loquebar de testimonijs tuis in conspectu Regum, & non confundabar, n. 51. Superbi inique agebant vsquequaque, n. 69. Multiplicata est super me iniquitas superborum, nu. 78. Confundantur ipeſi bi, quia inuise iniquitatem fecerunt in me, nu. 150. Appropinquauerunt persequentes me iniquitati, n. 157. Multi, qui persequuntur me, & tribulant me, num. 161. Principes persequi sunt me gratis.* Aduerte hic, quoties superborum Principum persequentium meminerit, & in memoriam pariter reuoca, superborum nomen propriè Romanis ethnicis tribui, vt vidimus c. 13. fine.

Deinde hoc Alleluia (vt vidimus in commentario) laudationem continet eam, quæ ad Deum redūdauit ex integerrima Christianorum vita & sanctitate. Atque in hoc toto Psalmorum nouenario manifestum est, vt diligenter intuenti constabit, sermonem esse de laude, quam Deo tribuit vera Christianorum hominum sanctitas. Nam in primo inscribitur sermo de Dei timore; simulque dicitur, *Laudatio eius manet in seculum seculi*, laudatio nempe Dei, quam ei sanctus timor detert. In secundo agitur de misericordia & iustitia erga proximum. *Disperſit, dedit pauperibus, iustitia eius manet in seculum seculi.* In tertio depinguntur grates Deo agenda. In quarto spes, atque fiducia erga Deū. In quinto, affectus animi

Secundus  
Psalmorum  
ordo; & quo  
modo secundus  
apocalyp-  
ticeos Alle-  
luia respon-  
dent.  
Quid sum-  
matim con-  
tineatur in  
nouem Psal-  
mis, nempe  
Ps. 110. vsq;  
ad 118. in-  
clusiue.

Quis sit  
posſimus  
Psalmorum  
nouem præ-  
dictorum  
scopus.



& propensio ad orationem. In sexto animi item alacritas & studium ad martyrium. In septimo vehemens desiderium diuinæ gloriæ, & hominum salutis procurandæ. In octauo Ecclesiæ gloriatio in Christo. In nono denique pura & immaculata vita, & ad diuinam voluntatem conformatio.

Tertio, quemadmodum Psalmorum ternarius fuit maxime congruens in prima laudatione (quæ est fidei propria) propter Trinitatis sanctissimæ confessionem, ad quod mysterium summa nostræ fidei reuocatur, vt supra expendimus; ita etiam ad secundam laudem, quam vitæ sanctitas tribuit, appositus est Psalmorum nouenarius. Hic enim numerus est ternarii plenitudo; nam tria ter replicata nouenarium efficiunt. Vnde quadrata radix est ternarius: quadratus verò numerus nouenarius. Notum autem est Mathematicis, quadratum numerum esse suæ radices plenitudinem. Non aliter vitæ sanctimoniam in se continet fidei plenitudinem. Et nisi opera sint plena (vt loquitur Apocalypsis) fidei laus quadrata atque perfecta esse non potest; quia non est speciosa laus in ore peccatoris. Quarto in illis verbis, quæ in hoc secundo Alleluia adduntur, nempe, *Et fumus eius ascendit in secula seculorum*. Si is sensus continetur, vt hæc eadem secunda laus sit, quæ in æternum durat (prout in commentario vidimus;) hoc etiam in hisce Psalmis exprimitur. Nam in eorum primo perspicue dicitur de illa laude, quam Deo sanctus timor attribuit, *manet in seculum seculi*. Cum autem inscriptio Psalmi sit Alleluia, id est laudatio Dei; manifestum est verbum illud, *laudatio eius*, debere intelligi de laudatione Dei, quæ in ipsius timore consistit.

Tertium Alleluia duos solum Psalmos complectitur: sunt Ps. 134. & Ps. 135. In his illud imprimis euident est, eos esse aptissimos ad Deum collaudandum ob egregium triumphum, quem Ecclesia de Romano Imperio reportauit. Nam in utroque Psalmum eisdem penè verbis canitur, Deum esse laudandum; qui percussit gentes multas, & occidit Reges fortes; & dedit terram eorum hereditatem Israeli seruo suo. Secundum, explicat Apocalypsis viginti quatuor seniores, & quatuor animalia hoc tertium Alleluia Deo decantare, quod etiam in his duobus Psalmis perspicuum est. In primo enim dicitur initio, *Laudate nomen Domini, laudate serui Domini; qui statis in domo Domini, in atriu domus Dei nostri*, quod ad sacerdotes profecto referendum est. Tertio horum Psalmorum binarius est appositissimus ad duo ministrorum genera, quos Apocalypsis designat, seniores nempe, & animalia, aut fortasse ad indicandas duas perfectæ prædicationis partes, doctrinam & exëplum. Quarto, vox Amen tertio Alleluia addita, forte cõ respicit, vt quod dicitur in Psal. 134. idem quoque in sequenti Psalmo repeti significetur. idem videtur esse Amen, quasi confirmatio: aut fortasse in voce Amen, attenditur illa verliculi intercalaris repetitio, quoniam in æternum misericordia eius; quod in singulis versibus Ps. 135. repetitur, sunt autem versus sex & viginti.

Ex eo verò, quod duo prima Alleluia sint Christianis hominibus cõmunia; tertium Dei ministris, id est sacerdotibus & Euangelii concionatoribus proprium; ex eo inquam illud etiam mysterium regetur, cur scilicet inter secundam Psalmorum huiusmodi classẽ & inter tertiam, Psalmi quindecim sint interiecti. Nam postremus secundæ classis Psalmus fuit 118. primus verò Psalmus tertij Alleluia est 134. illi ergo quindecim Psalmi interpositi hanc singuli inscriptionem habent, *Canticum graduum*, in ipso verò numero 15. videtur alludi ad totidem templi gradus; quibus ad sublimem ipsius templi partem ascensum patuisse, ex Iosepho notat atque describit noster Villalpandus tom. 2. lib. 3. ca. 34. iam illorum quindecim Psalmorum argumentum non est aliud, quam ingentia beneficia, quibus Deus suos cumulat seruos; vt impensius eos legenti planè fiet. Ad significandum ergo discrimẽ, quod in Christiana Ecclesia inter sacerdotes & Euangelij ministros, atque inter laicos reperitur; singulari Spiritus diuini artificio, post duplicem laudem, quam cõmunis Christianorum cõetus Deo adscribit, mox subiungitur canticum graduum, id est quindecim

prædicti Psalmi; quibus singularia indicantur beneficia, quæ in viros iustos ac sanctos diuina prouidentia confert; & per eos gradus ascenditur in Dei domo ad altissimum felicitatis gradum, cum allusione ad gradus quindecim, quibus ad celsiorem templi partem scandebatur. Post canticum verò graduum adhibetur sacerdotum laus & Euangelij ministrorum Deo decantata per sacrificia ipsa atque conciones. Quo innuitur Sacerdotalis muneris & prædicationis Euangelicæ sublimitas atque perfectio. ad cuius significationem denotandam quindecim illi gradus apponuntur; quæ ratione designatur, magnos hosce Ecclesiæ ministros esse in excelsis valde dignitatis gradu, quod diuinitatis speciem præ se fert.

Huius mysterij occasione desideret fortasse quispiam, vt explicemus etiam, cur inter primam & secundam laudem tres Psalmi intercedant? In primo enim Alleluia tres includuntur Psalmi, nempe 104. & 105. & 106. Primus autem secundum Alleluia Psalmus est 110. Itaque tres Psalmi interijciuntur, videlicet 107. & 108. & 109. Respondeo tamen, ad secundum Alleluia à primo distinguendum decuisse, vt aliquis Psalmorum numerus interponeretur: cū autem tres fuerint primæ classis Psalmi, hic idem Psalmorum numerus fuisse ad eiusmodi distinctionem aptus visus est. Sic enim aptè significatur, secundum Alleluia sese attollere valde supra primum: & fortè in tribus illis Psalmis inter primum & secundum Alleluia interiectis denotatur; post adeptam fidei cognitionem ad primum Alleluia spectantem, vt secunda laus perfectæ vitæ Deo tribuatur, tria imprimis opus esse in tribus illius distinctionis Psalmis denotata. Primum est firma deliberatio. Secundum, ad Deum deprecatio, vt nos à dæmonis insidiis eripiat. Tertium ac præcipuum, vt Deus suum Spiritum homini liberaliter impertiat; sine quo nec consiliū, nec deliberatio, nec dæmonis cohibiti quidquam profuit. Hæc ergo tria videntur per ordinem in tribus illis Psalmis tangi. Nā primus, id est Psalmus 107. orditur ab illis verbis: *Paratum cor meum Deus, paratum cor meum*. Secundus Psalmus, qui est 108. continet feruidam Davidis deprecationem; quæ à Deo obnixè contendit, vt se ab aduersario eripiat. Tertius, qui est 109. nobis proponit ob oculos, quæ admodum Christum in cælo patronum habeamus; vnde suum Spiritum, id est virgam virtutis suæ admirabile, in terras demittat. Qua de re in eius Psalmi commentario latius dicam.

Quartum & vltimū Alleluia extremos sex Psalmos respicit, quibus omnibus Alleluia præfixū pro titulo est. Et quatuor quidem postremi non solum hanc habent inscriptionem; sed in eandem etiā vocem desinunt. Primò hi omnes Psalmi, dubitabit nemo, qui attentè perlegerit, quin valde sint apti ad Ecclesiæ victoriam de Roma commendandam, & ad laudes pro illa Deo decantandas. Primus enim ex his Psalmis, nempe 145. de Deo asserit; *Qui fecit cælum & terram, mare, & omnia, quæ in eis sunt*, (de qua phrasi diximus Apocal. 14. 7.) *fecit iudicium iniuriam patientibus, & illuminauit cecos*. Et regnabit in generationem, & generationem. Secundus Psalmus, nempe 146. *Aedificans Ierusalem* (id Ecclesiam suam) *Dominus, dispersiones Israel congregabit: qui sanat contritos corde, &c.* Tertius Psalmus, qui est 147. agit de persecutionum præteritarum fructu, qui gloriosissimus est Christianæ Ecclesiæ futurus, de quo ad nostrum eiusdem Psalmi commentarium me refero. Psalmus quartus huius ordinis, qui est 148. in eodem persistit & progreditur argumento; nec non concinit, *Deus exaltauit cornu populi sui*. Sequens Psalmus, id est 149. celebrat mysticam vindictam, quam Sancti de gentibus ac nationibus sumpturi erant: *Ad faciendam vindictam in nationibus, increpationes in populis*. Extremus denique Psalmus agit de iucundissima celebritate atque lætitia ob incredibilem virtutem, quam Deus in suis Sanctis ostenderat, & in eorum victoria de suis hostibus comparauerat.

Deinde in hoc Psalmorum senario luculenter describitur primitiæ gentis Christianæ spiritus, de quo supra diximus. Nam in primo eorum Psalmio splendet maxime fiducia, & spēs firma in Deum ad tantam, tamque operosam expeditionem; spēs eius in

Cur inter primam ac secundam laudem tres Psalmi intercedant?

Quis sit scopus Psalmorum 107. & 108. & 109.

Quartum Alleluia ad quos Psalmos alludat. Psalmos, qui ab hoc quarto Alleluia respiciuntur, peridoneos esse ad Ecclesiæ victoriam de Roma celebrandam, & ad laudes præteritæ Deo concinendas.

In sex Psalmis quarti huius Alleluia eleganter describitur Christianorum primitiuorum spiritus.

Cur ad secundam Dei laudem non numerum Psalmi desumantur?



Tertium Apocalypses illi lucia quot, & quos Psalmos respiciat. Arguementū Psalmi 134. & Ps. 135.

Cur inter secundam prædictorū Psalmorum classẽ & inter tertiam quindecim omnino Psalmi interijciantur?



*Domino Deo ipsius.* In secundo patientia & mansuetudo eminet, quæ ad possidendam terram valde necessaria est. *Suscipiens mansuetos Dominus.* In tertio piorum verborum vis & efficacia; qua laicos interdum & illiteratos durissima hominum corda molliere, & in lachrymas liquare solet. *Emitte verbum suum, & liquefaciet ea.* In quarto celestis vita, constantia admirabilis, maximumque vitæ discrimen inter Christianos primitivos & inter Gentiles. In quinto musicus personat concentus vnionis & concordia, qua omnes pariter copulantur; quæ quidem mundum vniuersum potis est ad sui admirationem, & ad diuinæ gratiæ commendationem conuertere. Atque hæc est illa concordia harmonia in Ecclesia sanctorum. Tandem in ultimo Psalmo celebratur magna & continua lætitiæ voluptas, qua fruuntur hi, qui perfectâ charitate cum Deo sunt coniuncti, & perpetuò in eius laudibus versantur; atque hac ratione explent illud eiusdem Psalmi; *Omnis spiritus* (id est omnis spiratio) *laudat Dominum.*

Præterea senarius horum Psalmorum numerus perfectam laudationem adumbrat. Senarius enim perfectus est numerus; quippe qui constet, vt asserunt Mathematici, ex omnibus suis partibus aliquoties simul sumptis. Quod ite in quatuor ultimis Psalmis Alleluia tum titulo, tum sine duplicentur; id maiorem exultationem significandam spectat. Etenim exultatio, quæ ab spe & mansuetudine ducit exordium, mirum in modum excreuit vi & efficacia, quam Deus Sanctorum verbis confert, necnon admirabili constantia, vnione & concordia tum inter seipso, tum etiam (quod caput est) erga Deum. Atque hæc omnia postremis quatuor Psalmis pro argumento sunt. Accedit his omnibus lux maior ex iis, quæ diuino aspirante numine dicemus lib. 7. in Psalmorum commentario, quos respicit Apocalypsis. Sed interim non debui prætermittere, quod satis visum est, vt elegantissima hæc quadruplicis Alleluia allusio percipi posset.

Ceterum aliquid pro colophone addamus oportet de nouenario numero Psalmorum, qui interiecti sunt inter Psalmos tertii & quarti Alleluia. Nec enim mysterio carere putandum est, quod nouem Psalmorum interiectu diuidantur. Ac primò nolim ex iis, quæ de numero Psalmorum quindecim inter secundum & tertium Alleluia intercedentium diximus, quempiam suspicari, per nouem etiam Psalmos inter tertium & quartum Alleluia interpositos denotari pariter magnum aliquem excessum, quo tertium Alleluia à quarto superatur; quasi supra illos quindecim gradus fiat per nouem alios ascensus ad excellentiam quartæ laudis. Huiusmodi namque suspicio & ipsa inanis esset, & nullo solido fundamento niteretur. Nec enim aut datur aliqua Dei laudatio illustrior ac præstantior ipso Missæ sacrificio, & perfectâ Euangelii prædicatione; aut in templo alii insuper scalarum gradus erant, quibus conscenderetur, præter illos quindecim, ad quos in quindecim Psalmos Cantici graduum habetur respectus. Illud igitur vnum in nouem Psalmis inter tertium & quartum Alleluia positum denotatur; videlicet nouenarius orationum atque expectationum ipso persecutionum tempore, quas passa est Ecclesia ante triumphum in quarto Alleluia figuratum. Etenim licet quatuor omnes laudationes possint ac debeant ad Ecclesiæ triumphum referri; nihilominus in tribus primis Alleluia aliis videtur res ipsa longo repeti principio. Vnde spes ipsa & fiducia indicatur, quam

A Ecclesia certo conceperat, fore vt de Roma ethnica, deque Imperio ipso triumpharet. Cum autem ad quartum Alleluia peruenitur; tunc iam proponitur ante oculos lætitiæ & voluptas Ecclesiæ de victoria, quam re ipsâ consequbatur per fidelium vnionem & Romæ veteris desolationem; in qua cum primis enituit fidelium omnium studium diuinam gloriâ magno animi ardore prouehentium. Et quia Ecclesiæ triumphum antecessit orationum nouenarius, necnon expectationum sub ipsa persecutionis temporis; idcirco ante quartum Alleluia, hæc nonè Psalmis adumbratur Catholica Ecclesiæ afflictio, ipsius orationes, fiducia atque securitas in diuina providentia nitens; id quod ultimo signatur in Psal. 144. Ante hunc verò octo præcedentes infumuntur omnes in describendam Ecclesiæ anxietatem, atque eiusdem preces & certam expectationem. Et fortassis octonarius Psalmorum respondet numero magnarum persecutionum, quas Romanum Imperium in Ecclesiam concitauit. Concludo igitur, quartam hanc laudem quantumvis perfectissimam, non tamen esse tertiam superiorem, sed potius ipsius effectum; atque adeo hos nouem Psalmos, qui inter vtramque laudationem intermittuntur, non esse peculiare aliquos gradus, quibus quarta laus tertiam excedat; sed descriptionem quandam orationum earum & expectationum, quas concipiebat Ecclesia ante ipsum triumphum in quarti Alleluia Psalmis celebratum. Præterea antiqua consuetudine receptus est in Ecclesia nouenarius dierum numerus in orationibus ac precibus ad Deum certo tempore effundendis, & in sacrificiis pariter offerendis; qui mos huius explanationi nonnihil adtipularur.

Diximus de allusione quadruplicis Alleluia. Obsecro autem à prudente lectore; vt duo expendat. Alterum est, quanti debeat Apocalypsis aestimari ob lucem conspicuam, quam sacrarum Literarum cognitioni affert. Ecce enim ex quatuor his Alleluia Apocalypseos mira nobis lux oboritur ad Psalmorum viginti intelligentiam; nec solum ad singulorum argumentum, sed ad eum etiam ordinem & artificium, quo inter sese sunt dispositi, necnon ad mysterium in qualibet horum Psalmorum classe delitescens. Atque vt prudens quisque minimè dubitabit, quin nihil horum mysterio vacet; siquidem nullus est in Scriptura apex illius expers; ita etiam Deo grates agi debent, quod in Apocalypsi sublimem hanc philosophandi rationem nos doceat. Id quod eo pluris faciendum est, quod minus harum rerum apud Psalmorum interpretes reperitur. Illi enim solum videntur attendere singulorum Psalmorum explicationem; atque ad eam ipsam rem fortè Apocalypsis aliquibus Psalmis clarius præfert lumen, quam interpretum quispiam. Verum, quod attinet ad miram horum Psalmorum inter se dispositionem, de hoc inquam commentandi genere parum aut ferè nihil in expositioribus, quos viderim, reperitur.

Alterum, quod à lectore rogo, illud est; videlicet vt attentè expendat, si hæc fortè allusio ad viginti Psalmos supradictos euidenter est, (vt mihi apparet; mihi tamen proprius amor præstigiis agit); ex ea ipsa euidenter etiam constare, Babylonis incendiū fore rem latissimam ac festiuissimam; nec aliam ab ea, quæ in his viginti Psalmis decantatur. Et proculdubio continet Gentilitatis conuersionem, vt ex ipsorum contextu cernere facile est, & in aliquo eorum ex Pauli auctoritate.

Mysterium  
senarii horum  
Psalmorum  
numeri.

Quod habeat  
mysterium  
nouenarius  
Psalmorum,  
qui inter tertium  
& quartum  
Alleluia sunt  
interpositi.

Quarta  
Alleluia  
senarii  
numeri  
& quarto  
Psalmi  
inter tertium  
& quartum  
Alleluia in-  
sertum.

Quanti sine  
perfecti  
nouem  
Psalmi  
inter tertium  
& quartum  
Alleluia in-  
sertum.

Quanti sine  
aestimanda  
lux, quæ ex  
Apocalypsi  
ad sacrarum  
Literarum  
cognitionem  
& intelligentiam  
resundit.

Ex toto hoc  
discursu  
confirmari  
Babylonis  
mysterium,  
sive  
Romæ  
incendium  
esse  
mysterium,  
atque adeo  
latissimum.



## NOTATIO III.

*In qua respondetur cuidam objectioni contra ea, quæ superiori notatione sunt stabilita.*

Propomitur  
difficultas  
ex prædicto-  
rum viginti  
Psalmorum  
dispositione  
ac titulis,  
iuxta He-  
braum; quæ  
contra superi-  
orem dispo-  
sitionem mi-  
nitur.  
Alleluia,  
quæ in ali-  
quot Psalmorum  
titulis appo-  
nuntur, in  
Hebræo va-  
riâ ac di-  
uersâ dispo-  
sitione in-  
scribitur.

**Q**VÆCUMQUE hætenus diximus, subnixa sunt atq; suffulta in illorum viginti Psalmorum dispositione ac titulis, iuxta Vulgatam nostram editionem. Ceterum qui Hebræis codicibus nimirum sunt additi, opinentur fortassis in inscriptionibus ac dispositione horum viginti Psalmorum nonnulla reperiri discrimina ac differentias inter Vulgatam & veram lectionem Hebraicam; quæ differentiarum quantitas parui in se, momenti videantur; cum illis tamen non posse coherere supradictâ allusionem quadruplicis Alleluia ad totos illos 20. Psalmos. Nam imprimis allusio primæ Alleluia Apocalypseos in eo nititur, quod tria prima Apocalypseos Alleluia inscriptiones sint trium Psalmorum, quorum exordium est, *Confitemini Domino*, nimirum Psal. 104. & 105. & 106. Atqui in Hebræo secus accidit; nam primæ Alleluia non est horum trium Psalmorum primæ titulus, sed Psalmi antecedentis finis: sequens autem Psalmus, inter tria *Confitemini* primus, non incipit ab Alleluia; sed in illud desinit. Secundus verò Psalmus ex his tribus Alleluia habet, tam pro titulo, quam pro totius Psalmi exitu. Tertius autem ex his quibus initium *Confitemini*, nec initio, nec fine continet Alleluia.

Deinde, in secunda serie Psalmorum, quibus inscribitur Alleluia, tres tantum reperiuntur, qui continuato ordine exordiantur ab Alleluia; aut sunt. *Confitebor tibi Domine*, & *Beatus vir qui timet Dominum*, & *Laudate pueri Dominum*. Postquos alius sequitur Psalmus; qui nec ab Alleluia incipitur, nec in Alleluia terminatur; hic est, *In exitu Israel de Aegypto*. Nam Alleluia illud, quod nos in huius Psalmi fronte præponimus, in Hebræo pertinet ad antecedentis Psalmi finem. Quippe *Laudate pueri Dominum*, Alleluia habet tam pro initio, quam pro exitu. Porro Psalmus ille, *In exitu Israel*, ab Hebræis in duos secatur; quorum posterior ab illis verbis inchoatur, *Non nobis Domine, non nobis*; cum nullum Alleluia inter duos hos Psalmos Hebraicos reperiatur insertum. Quare, quod Alleluia in Hebræo est ad finem Psalmi, *Non nobis Domine non nobis*; neutiquam potest ad secundum Alleluia ordinem pertinere: est enim mediis interiectus Psalmus vnus sine Alleluia. Nec verò iungi potest cum sequentibus Alleluia; est enim alter etiam Psalmus sine Alleluia interpositus, nempe, *Dilexi, quoniam exaudivit*, &c. qui in Hebræo Psalmum vnum cum sequenti componit. Nam *Dilexi*, & *Credidi* (qui duo sunt apud nos Psalmi) apud Hebræos in vnicum coalescunt. Item tres hi Psalmi, *Credidi*, *Laudate Dominum omnes Gentes*, & *Confitemini Domino*, non habent pro inscriptione Alleluia; sed ad finem singulorum adijcitur. Vnde Psalmus 118. *Beati immaculati*, citra omne Alleluia remanet; & qui in nostra Vulgata sunt nouem Psalmi, in Hebræo sunt vndecim; eorumque aliqui absque vilo Alleluia. Quapropter eorumque aliqui in Hebræo corrumpunt fundamentum illud; quo nixi, Psalmos omnes, quibus Alleluia pro inscriptione est, ad quatuor classes, siue ordines reuocauimus. Deficit etiam apta ratio; vt contemplerur, Psalmos secundum ordinis efficere quadratum numerum ternarii, qui in primo Alleluia comprehenditur.

Præterea vt ad seniorum & quatuor animalium Alleluia deueniamus: satis etiam discriminis in Hebræo textu inuenitur. Nam ex duobus illis Psalmis alter, id est, *Laudate nomen Domini*, duplex fortitur Alleluia; alterum initio; alterum fine. Secundus verò nempe, *Confitemini*, nullum habet Alleluia. Deinde Psalmi, qui in quarto Alleluia coercentur, apud

**A** Hebræos sunt non amplius quinque. Nam *Laudate Ierusalem Dominum*, cum præcedente continuatur; & singuli horum quinque Psalmorum duplici Alleluia tum in principio, tum in fine notantur.

Ex hætenus dictis apparet, nostram hanc allusionem quatuor Alleluia ad viginti illos Psalmos, pro nihilo ductum iri à Caietano, Aria Montano, atque alijs, qui sese prorsus adstringunt ad eam diuisionem & titulorum rationem, quæ apud Hebræos codices in singulis Psalmorum cernitur. Ipse tamen mirum in modum gaudeo oblatam mihi occasionem, vt meum hac de re sensum exponam. Miror sane homines doctos ac prudentes pluris facere eam diuisionem, quam hodie amplectuntur Hebræi, & vocis Alleluia dispositionem; quam & eum locum atque ordinem, quo illud à Vulgato collocatur; & eadem diuisionem, quam Christiana sectatur Ecclesia. Etenim si diuisionis huius apud Hebræos receptæ auctoritas in eo fundatur, quod verisimile non sit, mutationem aliquam in codices ipsos originales irrepsisse; quis adeo sit cæcus, qui nesciat, vt statuatur, quæ sit vera Hebræicæ originis lectio atque diuisionem, plus fidei Hebræis libris antiquissimis habendum, quam iis, quos hodie nobis Hebræi neoterici ostentant? Porro quis non videat, perspicuum omnino esse, tam Septuaginta viros, quam Vulgatum apertè suam diuisionem, & in Alleluia disponendo ordinem, iuxta Hebræos codices antiquissimos, quos præ oculis & præ manibus habebant? Euidens ergo est, per antiquos extitisse codices Hebræos, qui in Psalmorum dispositione eandem diuisionem seruabant, quam nunc in Vulgata retinemus; & vocem Alleluia in eisdem custodiebat locis, in quibus eam Vulgatus apposuit; qui hac in re ad Septuaginta interpretum ordinem se totum conformauit. Nec potest adeo esse euident, quam hodie diuisionem Hebræi ostendunt, esse eiusdem antiquitatis cum illâ, quam Vulgatus & Septuaginta secuti sunt.

**B** Et quidem præter eximiam rationem maximam, qua Vulgatam editionem amplectitur, & veneratur Ecclesia; & præter certam fiduciam qua pie credere debemus, diuinam providentiâ singulari auxilio fauenturam illi lectioni; quam Ecclesia demum amplexura erat; præter hoc inquam, multo maior fides habenda est illis codicibus, quos antiquissimos esse constat, quam iis, de quorum antiquitate non ita liquet. Cum igitur planum sit, lectionem eorum codicum, quos Septuaginta & Vulgatus sunt secuti, eandem omnino fuisse, quam ipsi transtulerunt. Nec cōfiet de antiquitate huius lectionis quam hodierni Hebræorum codices nobis proponunt; imprudens valde est, qui sibi persuadeat, incorruptam esse hodiernam Hebræorum codicum lectionem, quæ non reperiebatur in iis codicibus, quos Septuaginta & Vulgatus amplexi sunt.

**C** Præter hæc; Ioannes in quatuor Alleluia Apocalypseos alludit hanc dubie ad eos Psalmos, quorum inscriptio est Alleluia. Quod si huiusmodi allusio cum Psalmorum diuisione & titulis hodie apud Hebræos codices inuentis non consentiat; illud hinc elicitur, dum Apocalypsis diuisionem ac titulos à Septuaginta positos tuetur, à Ioanne in hac parte diuisionem & titulos nostræ Vulgatæ probari; & e contrario reprobari diuersam aliam diuisionem & inscriptionum ordinem, quem hodie in Hebræis codicibus reperimus. Quare in hac Apocalypseos diuisione ad Psalmorum Alleluia, continetur profecto insignis quadam confirmatio diuisionis Psalmorum,

Quid sentiendum, dicendumque sit de Psalmorum variatione dispositione, quæ in nostra Vulgata lectione, atque in Hebræica originali reperitur. Respondetur superiori difficultati: Et pariter impugnatur Hebræorum in Psalmis dispositio, quatenus nostra Vulgata refragatur.

Ex quadruplici Apocalypseos Alleluia desumitur nostra sententia coprobatio.



quam retinet Vulgata; & pariter deducitur inde inscriptionum apud Vulgatam inuentarum comprobatio. Ex quo etiam perspicuū fit, discrimen illud, quod nunc in Hebræis codicibus cernitur, esse inuentum omnino recens, & præter Spiritus sancti intentionem. Si autem semel pro certo statuamus, vnum eundemque esse totum illū Psalmum, qui incipit *In exitu Israel de Aegypto*, & tictam planē esse ipsius in duos diuisionem, e contrario etiam, *Dilexi*, &, *Credidi*, duos esse integros Psalmos, prorsusq; diuersos: & similiter, *Laudate D. minum, quoniam bonus*. Atq; *Lauda Ierusalem Dominum*, distinctos pariter esse. Si hoc inquam ita esse certō statuamus; non minū certō contrabit, Psalmum, *Confitebor tibi Domine*; quem Hebræi codices neoterici particbantur in duos, vnicum tantum esse; alioqui vnus deesset Psalmus ad centum quinquaginta; quo de numero semper inter antiquos consensit.

Nec mirum est, recentes Hebræos aberrasse, dum Alleluia à Septuaginta & Vulgata pro Psalmorum aliquot titulis reputata, crediderunt non esse eorundem Psalmorum titulos, sed præcedentium fines. Proclue enim fuit, eos in eiusmodi errorem prolabi. Si ergo facile fuit, eos hac in re decipi vtriusnam credere potius debemus, Hebræisne codicibus recētoribus? an codicibus ipsorum antiquissimis, Septuaginta viris, Vulgato, Eusebio, Theodoretō, atq;

A Hieronymo in sua ex Hebræo interpretatione: Nam & hos Patres Vulgatæ editioni in hac parte fauere, adnotarunt ante nos viri doctissimi, vt videre est in notationibus ad Biblia Sixti V. in Pl. 104. lit. A. Præsertim, cū præter hæc omnia manifestam Apocalypseos approbationem habeamus: si tamen euidentis est (vt ego reor) allusio ad quadruplex illorum viginti Psalmorum Alleluia. Si ergo id, quod hæcenus intendimus, obtineamus; nempe Alleluia, quæ ab Hebræis existimantur pertinere ad præcedentes Psalmos tanquam illorum clausulam, potius esse initia subsequēntium; atque diuisionem, quam Septuaginta ac Vulgatus secuti sunt, esse certam atque legitimam; omnia hoc pacto mirè consentiunt, pro vt opus est ad illius allusionis fundamentum.

B Denique ad confirmandam Psalmorum diuisionem, quam noster Vulgatus retinet, & congruentem tituli Alleluia dispositionem, plurimi debent, opinor, docti viri approbationem Apocalypseos æstimare; quæ intelligenti allusionem perspicua erit. Sicut etiam ex allusione primi Alleluia ad tres illos Psalmos egregiè confirmatur, veram primi versūs capit-  
tis 19. lectionem esse eam, quam nobis Vulgata correctā proponit, nempe *Salus, & gloria, & virtus*. Nec pro salute supponendam esse laudem; aut addendum honorem; sicuti aliquot Græci codices addunt.

## NOTATIO IV.

*De alio sensu, qui fumo ascendenti in sæcula posset assignari.*

Proponitur  
altera ex-  
positio fumi  
in sæcula  
ascendentis.

IN commentario exposui eum sensum, quem verum ac germanum esse existimo illorum verborum, *Et fumus eius ascendet in sæcula sæculorum*. In quo tamen ibi me retuli ad ea, quæ dixi c. 14. not. 5. Nihilominus visum est, alteram hic adiungere expolitionem, quæ alicui fortassis non displicebit. Cū ergo dicitur, *Et fumus eius ascendet in sæcula sæculorum*; illa coniunctio *Et*, dici potest continuare idem, quod ante Alleluia dictum fuerat: sicuti cū Ecclesia canit, *Surrexit Dominus verè Alleluia, & apparuit Simoni Alleluia*. Sic ergo in præsentī Deus se à meretrice vindicauit; & ecce fumum ascendentem ex accenso igne. Qua ratione illi ipsimet, qui clamant *Alleluia*, asserunt etiam, fumum ex eo igne ascendere in sæcula. Adhæc; Græcum verbum pro *ascendere* est, ἀναβαίνει præsentis temporis; quātūvis quod antecedit, quodque subsequitur, præteriti sit.

Iam, quod dicitur, *Fumus in sæcula ascendit*, forsan significat, huiusmodi incendium per sæcula multa duraturum: quasi in ipsa loquēdi ratione innuatur, tot ac tanta fore exurenda, vt quauis iam prolata sententia executioni mandetur fumusque iursum incipiat ascendere; ignis tamen ac fumus sint multa in sæcula duraturi. Et quidem ita re ipsa accidisse videtur. Tamen enim idololatria repente corruit, & Roma ethnica se superatam animaduertit, cœpitque inflammari cælesti fidei igne, quo purgata demum, & instaurata fuit; si tamen exustio ipsius fuit conuersio ad fidem; dubium non est, quin multas sæculorum ætates incendium illud durauerit, & reliquiarum ex Gētilismo remanentium absumptio. Hoc ergo est, fumum semper ascendere ad summi Dei gloriam, & ad ipsius seruorum meritum; vt semper se totos in eam rem diligenter impendant, vt Gentilitatis reliquias extinguant. In hac declaratione illud inuoluitur, nimirum in *sæcula sæculorum*, non opus esse vtī semper æternitatem importet, sed multorum sæculorum durationem.

Obiicies tamen, in prædicto sensu fortè per inæd-  
diti durationem non significari vindictæ magnitu-

C dinem, sed lenitudinem potius ignis; cū autem hæc sit horribilis vindictæ pictura, aptius videri, si proponeretur ob oculos ignis è cælo descendens, qui Romam momento absumeret; quàm si dicatur incendium tot sæcula permansurum. Ad hoc tamen responderetur primò; cū Deus gloriosorem vindictæ rationem in Roma conuertenda elegerit, quàm in ea ad inferos detrudenda; cūque in ipso conuersionis opere se Deus ad liberi arbitrii naturam sapienter accommodet; cū item in tanta hominū multitudinem perspicuum sit, aliquos in suo errore obfirmatos & pertinaces fore; idcirco confectarium erat, salutare illud incendium plurima sæcula permanere. Quamobrem dum incendium ac fumus multis sæculis durare dicuntur, implicite etiam asfirmatur, incendium huiusmodi suauis fore & salutare: ita tamen vt Gentilitatis reliquias consumeret, nec in posterum ab Ethnicis posset ille ignis extinguī. Dum igitur asseritur, *Fumus eius ascendit in sæcula*, ponderatur suauitas pariter & efficacia illius ignis, quo Deus Romam comburere decreuit. Quia verò Deus de hoc vindictæ genere gloriatur, idque gloriosum maximè reputat: idcirco dum Deum sui serui collaudant, expendant pariter quasi rem ipsius Dei magnitudine dignissimam, quod Romam lento igne paulatim exusserit.

D Responderetur secundo eidem difficultati, in lento etiam igne grauiorem sapē, & feueriorē vindictam repræsentari. Qui enim infenso nimis & irato animo in aliquem est, interdum illum festinā cæde tollere non contentus, ad maiorem & acerbiorē migne feri hominis cruciatum, illum paulatim lento torrere statuit: atque hac ratione sequissima immanitatis & carnificinæ documenta plerumque sunt. Cū ergo infinita Dei bonitas ipsammet vindictæ executionem in suauitatis significationem conuertat; cūq; summis beneficiis suos hostes vlcisci nouerit, & suā iustissimam indignationem emisso diuini Spiritus igne expleret; vtitur quidem admirabili ignis huius excellentiā, qui lentus & suavis cū sit, maximam

2. e. in  
oblationis  
solus.

Obiectio ad-  
uersus præ-  
dicta solus.

tamen



tamen continet efficientiam, ut hoc pacto ostendat, ad rationem vindictæ, quæ ipse in Romam animaduertit, nihil omnino deficere ex iis, quæ acerrimus quisque vindex excogitare posset. Illam enim paulatim incendit, atque vrit: ita tamen, ut ignis ille nullius vi ac potentiâ possit extinguui. Quo etiam modo Ethnicorum tormentum protrahitur, qui se paulatim vident absumi; & nec eorum cruciatus ac dedecus omnino sinitur; nec obices & impedimenta posunt prætere, quo minus flamma illa ipsorum ossa conficiat atque consumat. Vnde mansuetudo atque suauitas Dei illos ad veram sui cognitionem euocantis, eosque demum conuersuri, lentè interim cruciabat; atque hoc ipsum in grauiorem simul redundabat damnationem eorum, qui tandem duri & obstinati persistebant. Ut manifestè pateat, omni via ac ratione, siue vindictam, siue suauitatem spectes, lentam Romæ exustionem & fumi in sæcula plurima durationem, fuisse clarioris & illustrioris facinoris argumentum, quàm si eam repente tellure absorberi iuberet.

Dici etiam potest, fumum quidem esse symbolum diuinæ indignationis, & significationis pariter, quæ Deus suæ præsentis præbet in peccatorum supplicio; non tamen esse signum valde perspicuum, sed subobscurum potius. Fumus namque id ipsum obtegit, quod repræsentat. Si ergo lentus ignis, quo Deus veterem Romam combussit, est Christianæ Religionis ignis; quid aliud erit ex eo igne fumum ascendere, quàm inde confurgere maximum diuinæ indignationis in Romam ethnicam cõceptæ argumentum? Et verò huiusmodi significatio ingentem iram atque vindictam præ se fert. Sed cum significatio occulta sit, (quia eandem iram ac vindictam, quam denotat, obtegit,) ideo cælesti luce opus est, ut aduertatur, atque adeo expendatur, maximum fuisse Romæ supplicium, quod re verâ in summum eius beneficium cessit.

Si tamen adhuc necesse sit, ut phrasis illa, in sæcula sæculorū, non solum multorū sæculorū durationem, sed etiam æternitatem significet: in hoc etiam sensu dici posset, Christianæ Religionis igne esse illū, quo Deus veterem Romam multauit; ac proinde duplæ fides Romæ persistit, verè etiam dici idololatriæ supplicium durare. Quod autem dicitur, *fumus in sæcula sæculorum*, duraturus; perinde erit, ac si dicatur veræ Religionis ignis Romæ nunquam extinguendus; id quod obiter conducet ad dignius perpendendum clarissimum beneficium à Deo in Romam col-

A latum; dum illi in Christiana fide firmitudinem & perpetuitatem promissit.

Si autem opponat quispiam, Antichristi persecutionem effecturam, ut defectio à Catholica fide generalis sit, & in toto orbe publica Christianæ Religionis professio intercitat; Respondetur, fidem tunc apud multos conseruatam iri. Præterquàm quod, si publicam Christianæ Religionis frequentiam & cõsuetudinem attendamus, meritò dicitur in sæculorum sæcula permanfurum, quod à Romæ conuersione ad Antichristi vsque tempora durabit. Quod si fumus indicat, veteris Romæ reliquias lentè consumi; id etiam verè affirmatur, semper scilicet Catholica fidei igne exuri nonnulla vestigia, quæ Gentilitatis antiquæ inter ipsos etiam Christianos reliqua sunt.

B Sequitur in ipso textu, *Et ceciderunt seniores, & quatuor animalia*. Manifestum est, Christianos sacerdotes & viros Apostolicos Deo cultum, religionem, laudes & gratias detulisse ob admirabilem Romæ conuersionem. Nam præter peculiarem ipsorum latitiam ex Ecclesiæ prosperitate & mundi totius conuersione profectam; æquum insuper erat, sacerdotes & Apostolicos viros vehementer gaudere de Romæ conuersione; quippe vrbs illa futura erat Catholicorum sacerdotum curia, & arx munitissima, quod ipsi directionem & auxilium postulaturi confluerent.

Dicentes *Amen Alleluia*, *Amen* idem hic est, ac fiat. videtur autem esse responsio ad ea, quæ cælum, id est tota Ecclesia prædicabat; & singulatim ad vltima illa verba, *Fumus eius ascendit in sæcula*. Huic igitur verbo *Ascendit* respondent sacerdotes & Apostolici viri, *Amen*, id est fiat; quod est votis fouere communem expectationem; & se pariter excitare, ut pro virili parte ad idololatriæ reliquias obliterandas incumbant. Deinde sacrificia etiam sacerdotum & reliqua Apostolicorum virorum pia opera quasi simul pronunciant, *Amen*. Hoc namque pacto firmum Deus ratumque fecit, quod Ecclesia sibi de Romæ conuersione pollicebatur. Porro optimorum sacerdotum & Euangelii ministrorum *Alleluia*, cum *Amen* sociatur; non solum ob ipsorum maius desiderium, verum etiam ob clariorem diuinorum mysteriorum cognitionem. Quam rem hoc *Amen*, non solum est, fiat, sed confirmat etiam, quod Ecclesia vniuersè dicebat; ne quis dubitaret ea de re, quam Dei ministri asserebant ac prædicabant; dum Deo immortales gratias pro tanto beneficio agebant.

Quomodo in prædicta expositione dicatur verum fumi in sæcula duraturus.

Quid sit, Cadere seniores & 4 animalia.

## NOTATIO V.

De duplici alia allusione inclusis in voce de throno exeunte, & in voce quartum Alleluia personante.

Vox de throno prodiens dixit; *Laudem dicite Deo nostro omnes serui eius, & qui timeatis eum pusilli & magni*. Id autem mutuatum videtur ex Psalmo 113. vbi sic habetur; *Benedixit omnibus, qui timeant Dominum, pusillis cum maioribus, & infra, In omnes benedicant Dominum*. Aut fortè allusio est ad Psalmum 144. (qui Psalmus proximè antecedit quartum ordinem, siue classem eorum qui pro titulo habent Alleluia,) vltima eius verba sunt; *Benedicat omnis caro nomini sancto eius in seculum, & in seculum seculi*. Aut fortassis ideo in quarto Alleluia reperitur vox conuiuii Deū colaudans, & vox alia vicissim respondens; quia Psalmi quarti ordinis ab Alleluia exordiantur, & in Alleluia desinunt. In quo significari possit Dei seruos ab ipso Deo allici & inuitari, ut eidem laudem decantent; ad quod ipsi respondeant, Alleluia. Quæ cõsideratio si cui arrideat, dicere is poterit; quod in A-

D pocalypsi dicitur, *Laudem dicite Deo nostro omnes serui eius, & qui timeatis eum pusilli & magni*, alludere ad illud Psal. 148. (qui est vnus ex quarta Psalmorum classe) *Iuvenes & virgines, senes cum iunioribus, &c.* Et quidem manifestum est, Romanæ vrbs conuersione quasi paruis & magnis, (id est virtute imbecillis atque robustis) fuisse præconium indictum, ut possent omnes semet Christianos publicè profiteri, & Deum omni vocis contentione decantare.

Deinde, quod vox illa, quæ quartum Alleluia personat, compareretur voci turbæ magnæ, aquarū multarum & tonitruorum magnorum; in eo alluditur ad illud Ezech. 1. 24. *Audiebam sonum alarum, quasi sonum aquarum multarum, quasi sonum sublimis Dei: cum ambularent, quasi sonus erat multitudinis, ut sonus castrorum*. De quo loco dicemus in capitis illius Ezechielis commentario.

Allusio ad Psal. 148.

In voce simili turbæ magnæ, aquarum multarum & tonitruorum magnorum haberi esse etiam ad Ezech. 1.

Fumi symbolum ad diuinam indignationem posse epin.

Allusio ad Ps. 113.



## NOTATIO VI.

De allusione ad 7. Psalmos in illis verbis; Quoniam regnauit Dominus Deus noster.

Quo sensu  
Apocalypsis  
asserat, De-  
minum Deū  
regnasse.

**H**AE C verba, Quoniam regnauit Dominus Deus noster, Ribera explicat de victoria, quam Ecclesia ex Antichristo reportabit; quia illo occiso regnum Diaboli magna ex parte confringetur. Me tamen nō solum conuincit totius contextus acolutia, vt sermonem esse credam de Ecclesiae triumpho ex Roma ethnica adepto; sed etiam id mihi persuadet attenta consideratio aliorum Scripturæ locorum, ad quos respectum habet Apocalypsis; cū ait, Deum iam regnare. Expende illud Danielis 7. 27. Regnum autem eius potestas, & magnitudo regni, quæ est subter omne cælū, datur populo sanctorum Altissimi. Quæ verba in eorum commentario planum fiet, agere de ea virtute atque potentia, quam Deus suæ Ecclesiae collaturus erat, cū ei Romam & Romanum Imperium subiceret. Nec dubitare debet quispiam, quin quod in Apocalypsi dicitur de Deo iam regnante, denotet, veram Religionem regnare; quod idem est, atque regnare Ecclesiam.

Allusio in  
Dei regno  
ad Psalmos  
omnino se-  
ptem.

Hic ipse est eorum Psalmorum sensus, qui incipiunt, Dominus regnauit. Ii autem sunt Psalmus 92. & Psalm. 96. & Psalm. 98. vt videre erit in eorum explicatione. Nec aliud est argumentum quatuor eorum Psalmorum, qui mediū sunt inter tres illos interiecti: nempe Psalmus 93. & 94. & 95. & 97. Quod ex eorum contextu attentè expendenti constabit. In quorum vno (is est Psalm. 95. numero 10.) expressè dicitur: Dicite in Gentibus, quia Dominus regnauit. Itaque hos septem Psalmos adspicit Apocalypsis; dum ait, Quoniam regnauit Dominus Deus noster omnipotens. Connexio enim septem eorum Psalmorum efficit, vt dum Apocalypsis eorum tres ad se accersit, ceteros pariter admissos trahat. Atque, vt

**A** significetur, vnum esse atque idem septem omnium argumentum; ideo tres ex his Psalmis ita incipiunt: Dominus regnauit. Quæ verba aliquando in aliis Psalmi decursu repetuntur. Nec casu accidisse putandum est, vt Psalmi regnum Ecclesiae decantantes septem omnino sint. Hic namque numerus plenus est; & denotat accedere iam sabbatum, aut Dei populi sabbathismum; hoc est Christianæ Ecclesiae requiem & felicitatem.

**B** Admirabilis sanè res est, & digna, quæ ab Ecclesiae filiis plurimi æstimentur: videlicet Romæ conuersionem in Apocalypsi tantæ grauitate & magnitudine celebrari; vt præter aliquot Isaia & Ieremiæ capita de Babylonico excidio agentia (quæ Apocalypsis ad Romæ conuersionem applicat, ac de illa interpretatur) præter hoc, inquam, in quadruplex Alleluia inferat Apocalypsis ipsa viginti integros Psalmos; nosque planè edoceat, in illis celebrari victoriam, quam Ecclesia Catholica de Roma, de quæ eius Imperio consecuta est. Quin etiam his viginti Psalmis nunc septem alios adiungat, & postea similiter accersat Psalmum 44. & totum insuper (quantus quantus est) Canticorum librum. Id quod ex sequenti versu singillatim constabit. His addo, mihi esse valdè verisimile, in verbis illis, Quoniam regnauit Dominus Deus omnipotens, non solum respici ad septem, quos indicaui Psalmos; sed etiam ad alios nonnullos, in quibus regnum Dei celebratur. Inter quos est insignis Psalmus 144. cuius argumentum est de perfectione regni Dei & Christi eius, ac de septem spiritibus diuinæ providentiæ, de quibus in Apocalypsi copiosè agitur.

## TEXTVS.

Vers. 7. Gaudeamus, & exultemus, & demus gloriam ei; quia venerunt nuptiæ Agni, & vxor eius præparauit se.

8. Et datum est illi vt cooperiat se byssino splendenti, & candido; byssinum enim iustificationes sunt Sanctorum,

## COMMENTARIVS.

De quibus  
Agni nu-  
ptiis hic  
instituitur  
sermo.

**G**REGORIUS & BÉDA arbitrantur agi in hoc loco de nuptiis; quæ non in terra, sed in cælo post resurrectionis tempus concelebrandæ sunt: ac propterea non prandii, sed cœnæ fieri mentionem; quia sermo est de beatitudinis conuiuio in fine diei, id est in vitæ exitu peragendo. Similiter interpretantur Salmeron tom. 7. tract. 37. Maldonatus Matth. 22. 2. Barradas tom. 3. concordia libr. 8.



c. 9. nec non Ribera & Viegas. Confirmant ex nomine vxoris; quia Ecclesia (inquiunt) dum in terris degit, vocatur sponsa; cum autem in cælum conscendat, vxor appellabitur.

Nihilominus tamen D. Hieronymus, & Iansenius Matth. 22. non dubitant eo loci sermonem institui de mysticis Ecclesiæ cum Christo nuptiis in hac vita celebratis. Et verò, quod ad Matthæi locum spectat, eadem est multorum sententia; & inter eos Salmeronis. Quod ipse certum reputo. Nec enim dubito, quin Apocalypsis ad eam Christi parabolam alludat. Et prophetia huius acoluthia & consequentia cogit, vt pro certo habeamus, non agi hic de nuptiis in patria cælesti peragendis; sed in præfenti hac vita cum Ecclesia celebrandis. Etenim post has ipsas nuptias subsequitur pax per mille annos durans. Deinde bellum Gogi & Magogi. Quæ omnia extremum iudicii diem antecedunt. Præter hæc, contextus c. 17. & c. 18. itē Alleluia c. 19. omnia personant clarissimā victoriam, quam Catholica Ecclesiade Roma ethnica & eius Imperio adeptæ est. Atq; hæc verba, *Gaudeamus, & exultemus, & demus gloriam ei; quia venerunt nuptiæ Agni*, ad quartum Alleluia spectant, & cum illo componuntur. Ex quo infero, non apte has nuptias exponi de diuini Verbi vnione cum humana natura per incarnationem factā. Quippe latissima hæc Alleluia post exustionem Babylonis, hoc est post Romæ conuersionem, decantantur; vt ex superius disputatis satis apparet. Atqui tunc dicitur, *Gaudeamus, & exultemus; quia venerunt nuptiæ Agni*. Porro ex contextu ipso compertum est, (meo iudicio) nuptias succedere Romæ ethnicae incendio. Huc spectat, quod parabola illa de nuptiis Filii Dei, quæ habetur Matth. 22. iuxta multorum sententiam, referenda est ad Gentium vocationem. Ita sentit Salmeron tomo 7. tractat. 37. §. 3. vbi ait, eam parabolam loqui de tempore prædicatorum ad vocandas Gentes destinatorum.

Oportet tamē distinctius explicare, quæ sit hæc vxor, de cuius nuptiis sermo instituitur; hoc enim est magni momenti. Nec video ab Apocalypseos interpretibus id adeo expresse atque distincte tractari. Satis enim sibi esse putant, si veluti certum statuant, hanc sponsam, siue coniugē Agni esse Ecclesiam; iuxta illud Pauli ad Ephes. 5. 32. *Ego autem dico in Christo & in Ecclesia*. Nec eò disputatione protrahunt, vt explicent, verum quam Apocalypsis Agni vxorē appellat, sit Ecclesia vniuersalis, an singulatim Romana Ecclesia, quatenus a ceteris distincta, sicut caput à reliquo corpore? Est autem hæc quaestio non parui momenti. Nam si fortē constaret, hoc vxoris Agni nomine Romanam Ecclesiam in Apocalypsi designari; id sanè Romanæ ipsi Ecclesiæ honorificum valde atque gloriosum foret; siquidem omnia Apocalypicos Alleluia eò demum tendunt, vt indicetur tempus iam Christi nuptiarum cum Romana Ecclesia aduenisse. Si autem certum non esset, Apocalypsin in præfenti singulatim de Ecclesia Romana loqui; hæc illa nostris adulationibus minimè indigeret. Expendamus igitur rationum momenta, quæ vtrinque configunt; vt clariùs perspiciatur, vtra sint efficaciora.

Vt ergo credamus hoc in loco de Romanæ Ecclesiæ nuptiis non institui tractationem; illud imprimis tuadet. Quia quæ hic vxor Agni nuncupatur, eadem absque dubio est, de qua dicitur c. 21. *Veni, & ostendam tibi sponsam vxorem Agni*. Nec enim in dubitationem reuocari potest, quin de eadem vxore vtroque sit sermo; maxime cum vxoris nomen vtroque in loco habeat articulum. Eo autē loci manifeste agitur de electorum omnium Ecclesia in cælis triumphante; frustra igitur vxoris Agni nomen ad Romanā coarctatur Ecclesiam. Secundò, si nomen vxoris Agni ad Romanam contraheretur Ecclesiam; id plane esset, ceteras orbis Ecclesias ex Agni nuptiis, earumque honore excludere; quod Catholica doctrina aduersatur. Tertio, si Christus Romanam duxit Ecclesiam; id certè non fuit post Ethnicorum Imperatorum persecutiones, sed antea; nam illius matrimonii vinculum existit fides; atqui perspicuum est, cum Christo iam vinā fide & ardenti charitate coniunctos copulatosque qui pro ipsius nomine & confessione horribilia tormentorum monstra superarunt. Si ergo in huius prophetiæ decursu peruentum iam erat ad eam victoriam, quam Christiana Ecclesia de Imperatorum persecutionibus & de ipsa Roma ethnica sibi comparauerat; ex hoc ipso deducitur, nuptias, de quibus nunc agitur, non esse sacrum Christi matrimonium cum Romana Ecclesia.

Hæc tamen non obstant, quo minùs compertum mihi sit, quæ hic Agni vxor nominatur, aliam à Romana Ecclesia esse nō posse. Pro cuius explicatione primò aduerto, in his Agni nuptiis; & in vxoris nomine, quod ipsius sponsæ inditur, manifestam includi allusionem ad librum Esther; in quo post Vasthi reginam repulsum ac repudiatam; post puellarum plurium pulcheri marum electione, quæ vna in Regis vxorem fuerat eligenda; post annum integrum peractum, in quo vnguentis myrrhinis, aliisque pignientis sese eiusmodi puellæ inungebant; cum omnes per ordinem inducerentur ad Regem, ei tandem præ reliquis placuit Esther; quam Rex accepit vxorem, vt habetur cap. 10. 6. Et *inquit coniuiuium preparari permagnificum cunctis principibus & seruis suis pro coniunctione & nuptiis Esther*. In hac historia norunt omnes, non fuisse solam Esther, quæ Regis fruebatur amplexibus; sed reliquas etiā puellas, quæ cum illa asserebantur. Nihilominus vni Esther vxoris nomen attribuitur, & Regis nuptiæ magnificentissimo conuiuio cum illa celebrantur; quia ipsa fuit ceteris attributa prælata, & nuptiæ magnificentiſſimo conuiuio cum illa celebratum erat cap. 1. 19. *Nequaquam vtrā Vasthi ingrediatur ad Regem, sed regnum illius altera, quæ melior est illā, accipiat*. Et cap. 2. 4. *Quacumque inter omnes oculis Regis placuerit, ipsa regnet pro Vasthi*. Si ergo ad hanc veluti vmbra & figuram attendamus, congruentius multò est, vt ingens hæc cæna & laetissimum epulum, cuius in hoc loco mentio fit, ne celebretur pro mystica Christi coniunctione cum omnibus Ecclesiis (quæ sunt puellæ illæ, quæ Regis amplexibus fruebantur) sed pro celeberrimis nuptiis illius Ecclesiæ, quæ inter reliquas fuit tanquam Regina & caput electa. Iam si de singulari Ecclesiæ alicuius nuptiis agatur, nē finem latet, de nulla alia, quam de Romana Ecclesia institui posse sermonem. Quod ex ipso contextu roboratur, quia in capitulis 17. & 18. præcedit Romæ veteris inuersionem, atque vt sepulto veteri Adamo resurgit nouus, qui secundum Deum creatus est in iustitia & sanctitate & veritatis, ad Ephes. capite quarto numero vigesimo quarto, ita similiter post mortem, humationem ac nanius veteris Romæ, conſectarium est, Romæ nouæ gloriam & iustitiam ac sanctitatem succedere, quæ omnia denotantur in byssino splendenti ac candido. Deinde textus ipse non obscure significat, post has Agni nuptias consequi Gētilitatis conuersionē, quæ

1. opinio inter præcians de nuptiis in cælo celebrandis.  
2. sententia & vera, de mysticis nuptiis Agni cum Ecclesia in hac vita celebratis.

Quæ sit sponsa, quæ sit Agni per has nuptias ducat.

Virum hæc sponsa sit Romana Ecclesia?

1. sententia negans.

Statuitur vera sententia affirmans sponsam hanc esse Romanam Ecclesiam & latè probatur. Primò ex allusione ad historiam Esther.



figuratur in magna Gentium cede per Christi gladium factâ. hæc enim est vindicta mystica in nationibus, quæ Ps. 149. 7. celebratur. Quis verò Christianus nesciat, Gētilitatis conuersionē fuisse effectū gloriæ atque decōris, quod Romana Ecclesia in sua conuersione acquisiuit? Ex eo enim, quod Ecclesia Christiana-ethnica Romam triumphauerit, & in noua Roma veræ fidei & sanctitatis splendor per publicam Religionis Christianæ professionem effulserit: hinc inquam, tanquam ex fonte atque origine deriuata fuit totius Imperii conuersio; quæ adumbratur in maxima illa interneccione post Agni nuptias cum sua sponsa peractas consecuta.

Secundò: Hæ nuptiæ non sunt tantummodò celebratæ, quia tempus illud aduenerat, quo mystica Esther potita est mylticis supremi Regis amplexibus; sed quia dies accesserat, quo fuit ipsa Regina pronunciata, & ceteris omnibus præposita; vt ex libri Esther contextu manifeste colligitur. Ex quo apparet energia illius locutionis, *Vxor Agni*, quæ non indicat concubinam, aut Principem vtrumque, sed supremæ Christi potestatis participem. Id enim proprie est vxor regis. Et quidem de ipso Agno dictum iam fuerat cap. 17. 14. *Quoniam Dominus dominorum est, & Rex regum*. Deinde vidimus suprà capit. 12. virgam ferream (quæ est summæ Christi potestatis symbolum) non omnibus matris Sionis fuisse traditam; sed ei solùm, qui in primigenium electus est. Constat enim ex illo c. 12. matrem Sionem non solùm fuisse enixam filium primogenitum; sed alios etiam complures, qui ipsius fratres vocantur: cum tamen vni duntaxat virga ferrea commissa sit. In illo ergo c. 12. continetur Ecclesiarum allegoria sub specie filiorum matris Sion; atque ibi quidē congruentissima extitit filiorum masculorum figura; vt eo loci vidimus. Verùm quod ibi discrimen repræsentatur inter fratrem natu maiorem & reliquos minores, id ipsum adumbratur hîc in sponsarum allegoria; in qua sit earum vna Regina, sicuti in Esther præsignificatum fuit. Atque id innuitur in nomine vxoris Agni, vel Regis; quod est dignitatis nomen, vt Iulius Peritio loquuntur. Quare vxori in iure ciuili solet epitheton Domine adiungi, ad coniugium atque consortium testandum.

Tertiò: in his Agni nuptiis clare respicitur ad Psalmum 44. vbi sermo est de mystici Salomonis connubio cum Regina. Et quanuis interpretes in eo loco statuere videantur, pro Regina Christianam Ecclesiam accipiendam: ceterum, si per Christianæ Ecclesiæ nomen intelligant Ecclesiam vniuersalem, prout fideles omnes complectitur; meo iudicio, Psalmus euidenter eiusmodi acceptiōnem respuit. Quippe in eo distinguitur Regina à suis proximis, siue cognatis (quæ Regis etiam sponsæ sunt.) Quare necesse est Regine nomen pressius ibi & strictius sumi. Quando enim dicitur, *Asseruntur Regi virgines post eam, proxima eius*, &c. illæ quidem virgines proximæ, siue cognatæ ipsius Regine omnino figurant peculiare Ecclesias, quæ respectu vniuersalis Ecclesiæ non cognatæ sunt, sed filie siue partes. Quanuis ergo Regina & eius affines virgines ad Christi amplexus & coniunctionem accerantur: distinctio tamen Regine & propinquarum arguit distinctionem inter Ecclesias; ita vt vna sit ceterarum Princeps, Regina & caput. Atque hæc per excellentiam vocatur vxor Agni, eiusque nuptiæ maximâ celebritate peraguntur. Illius Psalmi explicationem videre poterit lector l. 7. Atque ex eo valde confirmabitur, Romanam Ecclesiam in Apocalypsi vxorem Agni nuncupari; quantumvis oblatrent Hæretici.

Opponet tamen aliquis, nequidquam ob nomen Regine, quæ vni sponsarum Christi attribuitur, eam ceteris præferri. Nam expresse dicitur Canticorum 6. 7. *Sexaginta sunt Reginae*. Quod si attenditur sponsarum Christi figura (adumbratæ enim fuerunt per sponsarum multitudinem, quas habuit Salomon) ex illis Reginae fuerunt septingentæ; vt habetur 3. Reg. 11. 3. Respondeo, inter Salomonis sponsas, vnam sine dubitatione ceteris fuisse prælatam, vt earum Reginam; qualis fuit Pharaonis filia. Et septingentæ illæ, de quibus in 3. Reg. fit mentio, quanuis Regine vocentur, quia aliquomodo in eam dignitatem erant auctæ; præcipua tamen Regina erat vna ceterarum Princeps. Quinimò in nostro textu 3. Reg. 11. 3. septingentæ non dicuntur absolute Reginae, sed quasi Regine. At Canticorum 6. 7. licet scriptum sit; *Sexaginta sunt Reginae, & octoginta concubinae, & adolescentularum non est numerus*: illico tamen additur; *Vna est columba mea, perfecta mea, electa genitrici suæ*. Hæc igitur vna, quæ ceteris antefertur, Romana Ecclesia est; vt in illius loci commentario planum faciam. Nec officit, multis aliis Christi sponsis nomen etiam Reginarum congruere. Nam quemadmodum sponsus est Rex regum & Dominus dominantium; ita etiam illius vxor est Reginarum Regina, per quam Romana Ecclesia indicatur.

Quartò: in his ipsis Agni nuptiis, quarum Ioannes meminit, alluditur similiter ad illud Canticorum 3. 11. *Egredimini, & videte filia Sion Regem Salomonem in diademate, quo coronauit illum mater sua in die desponsationis illius*. Vbi desponsationis nomen pro nuptiis vsurpatur; agiturque de Christi exultatione in publico Religionis Christianæ exercitio in vrbe Roma recepto; vt ex verissima ipsius contextus acoluthia in illius libri commentario probabimus.

Sed rursus obiiciet aliquis; si Agni nuptiæ ad illud referantur tempus, quo Romanæ Ecclesiæ fuit tradita in ceteras Ecclesias potestas & dominatio; hæc certè facultas non concessa est Romanæ Ecclesiæ, quo die fuit Romæ primò excepta Christianæ Religionis publica professio, sed quo Romana ipsa Ecclesia fundata & instituta est. Constat enim inter Catholicos, quod Romanus Pontifex sit Christi Vicarius, & summus vniuersalis Ecclesiæ Pastor, quodque Romana Ecclesia sit ceterarum omnium caput, hoc, inquam, non primò incepisse à Constantini tempore, sed ab ea ipsa tempestate, qua B. Petrus suam Romæ Cathedram collocauit. Cum hac verò constanti veritate non videtur vilo pacto coherere, vt solennis nuptiarum Christi dies sit illa, cum Romæ publica Catholica Religio professio admissa est. Deinde nostræ explicationi videtur refragari nuptiarum parabola, quæ habetur Matth. 22. 2. ex illa enim patet, repulsos fuisse Iudæos, quia ad Christi nuptias aduenire noluerunt. Quis verò nesciat Iudaici populi excacationem & obdurationem aliquot sæculis præcessisse, antequam publicus Religionis Christianæ vsus Romam induceretur? Non igitur congruens est parabola à Matthæo adducta, si dicamus, nuptiarum diem fuisse, quando publica Religionis exercitatio Romæ exorta est.

Deinde ex  
virga ferrea  
suprà, c. 12.  
vni filio  
masculo tra-  
ditâ.

Tertiò ex  
allusione ad  
Ps. 44.

Obiectio cō-  
trariam  
sententiam  
soluitur.

Quartò  
no, va ro-  
boratur ex  
pessio allu-  
sione ad  
Canticum  
Canticorum.

Proponun-  
tur difficul-  
tates ali-  
quot aduer-  
sus præsti-  
tam inter-  
pretationē.







Allusio ad  
præparatio-  
nem Esther,  
prius quam  
ad Assuerum  
introduce-  
retur.

Sub pluri-  
bus Cantici  
Canticorum  
comparatio-  
nibus quid  
mysterii de-  
lineat.

Collatio hu-  
ius ornatus  
sponse dati,  
cum Regina  
Esther or-  
natu.

PRÆPARAVIT SE.] Alluditur in hoc ad Esther præparationem, quæ ipsius nuptias præcessit. de quo Esther 2.12. Ita duntaxat, ut sex mensibus oleo ungerentur myrrhino; & aliis sex quibusdam pigmentis, & aromatibus uterentur; ingredientibus ad Regem, quidquid postulassent ad ornatum pertinens, accipiebant. Per huius figuræ comparationem rectè intelligitur spiritalis Romanæ Ecclesiæ præparatio; tum ut cælesti Regi gratior, & purissimis illius amplexibus aptior fieret; tum ut eius contemplatio & odor cælestis vocatos ad nuptias permulceret. Quod de animarum ædificatione per optimum exemplum accipi debere facile intelligitur. Manifestum autem est, quæ præparatio Esther Regi extitit gratissima, eandem effecisse, ut omnium oculis gratiosa & amabilis videretur, Esth. 2.15. Quamobrem eadem præparatio, quæ se Romana Ecclesia ornauit, & compfit, ut Christo sponso summo opere placeret; eadem fuit causa, ut in nuptiarum celebritate omnium oculis gratiosissima appareret; ac proinde apud Gentes valeret plurimum, quod facilius eas ad Christi obsequium traderet.

Reducitur hæc comparatio ad eximias atque præstantes Romanæ Ecclesiæ virtutes, quæ Cant. 4. sub elegantissimis comparationibus celebrantur: quibus omnibus significatur, in Romana Ecclesia mirum in modum excelluisse fidei castitatem, devotionis excellentiam, eleemosynas diuitum, prædicationis efficacitatem, honestatem morum, Martyrum victoriam, mirabilem Evangelii ministrorum in persecutionibus sanctitatem, immaculatam in plerisque conscientia puritatem, eximia denique sapientiam; sed maiorem devotionis & vitæ exempli laudem, & in ipsa prædicatione coniunctionem cælestis eloquentiæ cum vitæ sanctimonia. Hæc sunt Romanæ Ecclesiæ laudes, Cantic. 4. graphicè depictæ, ut in eius commentario constabit. Sed ut ad Esther præparationem redeamus; facile cernitur, in oleo myrrhino mortificationem passionum; in ceteris pigmentis & aromatibus pulchritudinem reliquarum virtutum indicari.

ET DATVM EST ILLI, VT COOPERIAT SE BYSSINO SPLENDENTI ET CANDIDO.] De Esther dicitur cap. 2.15. Non quæsiuit muliebrem cultum: sed quacumque voluit Egeus eunuchus custos virginum, hæc ei ad ornatum dedit. Quibus fortè respondet, quod hic de Romana Ecclesia dicitur; nimirum ad nuptiarum celebritatem, non eam selegisse ornatum, sed ab Spiritu sancto accepisse: datum est illi. Induit eam Spiritus diuinus recenti & splendenti bysso, id est, splendore iustitiæ & sanctitatis per labores & ærumnas probatæ; sicuti byssus per iniurias & oppressiones candorem & splendorem acquirit. Atque huiusmodi ornamenta Deo maximè placent, iuxta illud Ps. 92.5. Domum tuam decet sanctitudo. De significatione verò byssi diximus satis c. 1. Et muliebris hic mundus opponitur profano meretricis ornatui, de quo supra c. 17.4.

## T E X T V S.

Vers 9. Et dixit mihi, Scribe; Beati qui ad cœnam nuptiarum Agni vocati sunt.  
& dixit mihi; Hæc verba Dei vera sunt.

## C O M M E N T A R I V S.

In verbo,  
Dixit, quæ-  
nam perso-  
na agens, si-  
ne loquens  
subintelli-  
genda sit.

ANTE QUAM longius progrediamur, nodum dissoluamus oportet. Quod, scilicet, sit suppositum illius verbi, dixit: Est enim Angelus, ad cuius pedes se Ioânes venerabundus abiicit, ut habetur verbi sequenti. Et quauis interpretes hanc difficultatem prætereant, supponentes sermonem hic esse de Angelo, qui à Christo fuit missus, ut Ioanni Apocalypsin repræsentaret (sic enim cap. 1.1. Significauit mittens per Angelum seruo suo Ioanni:) verum non ita comperta res est ac peruia, ut nonnulli putarunt, de hoc Angelo sermonem institui à Ioanne, cum ait, Et dixit mihi. Quauis enim certò cõter, per Angelum cælestis Hierarchiæ totam hanc Apocalypseos visionem Ioanni ob oculos proponi: in hac tamen imaginaria visione multæ inducuntur personæ cum Ioanne loquentes. Et alii quidē sunt Angeli naturæ, alii officio, hoc est, aut veteris instrumēti prophetæ, aut viri Apostolici ex nouo; aut ille, qui per excellentiam appellatur noui testamenti Angelus, nēpe Christus Dominus. Et quidē textus vbique solet distinguere, quā Ioanni appareat, aut loquatur. Quodd verò hic suppositū verbi, Dixit, nō exprimitur; hoc non probat, qui id Ioanni dixerit, esse Angelum totius Apocalypseos actorē. Quoties enim profequitur, & verbū aliquod sine peculiari persona regente apponit, supplēda est verbi antecedentis persona; ut cap. 1.17. vbi dicitur, Posuit dexteram suam super me dicens, vbi persona agens illa ipsa est haud dubiè, quæ se prius numero 13. filium hominis appellauerat. Similiter ergo in præsentī persona agens ex præcedenti contextu subaudienda est; & quauis proximè antecedens non sit Angelus, sed vox turba magna; ceterum cælestis vox loquens c. 18. voces item quadruplicis Alleluia capitis 19. figurantur omnes tanquā quid dependens, & confectariū ad ea, quæ protulit magna potestatis Angelus, de quo mentio fit initio c. 18. Vnde qui nunc ait, Et dixit mihi, Scribe; non alius esse posse videtur, nisi magna potestatis Angelus. Cõstat enim ex sequēti versu, personæ verba isthæc loquen-

loquen-



loquenti nomen Angeli tribui. Quòd si Angelus debet esse qui proxime antecedit, nullus est prior, quàm Angelus magnæ potestatis. Aliæ autem voces, quæ interiectæ sunt, non peculiare agunt personas, quæ prope Ioannem assisterent; sed sunt voces e cælo resonantes confectariæ ad ea, quæ Angelus magnæ potestatis edixerat: qui Angelus dicitur e cælo descendisse. Quare hic esse videtur, qui Ioannem alloquitur.

Quoniam verò in superioribus ostensum est, illum magnæ potestatis Angelum esse Apostolum Petrum; si ille ipse Angelus est, qui hic ad Ioannem verba facit, sequitur Ioannem ad B. Petri pedes deo sculaturum procidisse. Simile quid narratur c. 22. 9. vbi Ioannes ait, & postquam audissem, & vidissem, cecidi ante pedes Angeli, qui mihi hac ostendebat, vbi profectò designatur ille Angelus, qui Ioanni demonstravit civitatem sanctam c. 21. & fluvium eius cap. 22. Namque vt hic Ioannes ad Angeli pedes supplex atque humilis prosternitur, exultans præ gaudio ob nuncium felicissimum, qui antecesserat (nempe de Romæ conuersione, & felicissimo Romanæ Ecclesiæ successu): ita etiam postea c. 22. affectu non absimili procumbit Ioannes ad Angeli pedes, qui illi indicauit summam beatitudinem, qua in cælorum regione fuerat eadem Christi sponsa fruitura.

His præstitutis, si probaremus Angelum, cuius se pedibus Ioannes submittit c. 22. esse B. Paulum; nihil coherentius & verisimilius, quàm vt Angelus, cuius ad pedes nunc Ioannes procidit, sit Apostolus Petrus. Illum enim in Angelo magnæ potestatis figurari, suprà probatum est. Reliquum igitur est, vt probemus eum Angelum, qui Ioanni civitatem sanctam c. 21. monstrauit, esse B. Paulum. Hoc autem meo iudicio valide comprobatur, quia in textu Angelus ille dicitur esse, *Vnus de septem Angelis habentibus phialas*, atqui vnus, idem est quod primus, de quo aliàs, hic verò sine dubio est Paulus, vt vidimus, c. 16. & 17. & infra videbimus c. 21.

Deinde, vt confirmetur, Petrum & Paulum denotari per duos hosce Angelos, quorum ad pedes cecidit Ioannes, non paruo argumento est, vtrumque in sacram hanc Apocalypseos actionem induci, vt Prophetas de Romanæ Ecclesiæ felicitate vaticinantes. Quam verò ipsi rationem Ioanni reddunt, ne eos adoret, ea est; quia si ipsos propter prophetiæ spiritum adorant, ipse quoque Ioannes est Prophetæ, & Omnes, qui habent testimonium Iesu: quia testimonium Iesu est Spiritus prophetiæ. In quo supponitur, hos duos Angelos, quos Ioannes adorare voluit, Prophetas esse. Atqui Prophetæ nomen in sacris Litteris nunquā cælestis Hierarchiæ Angelis attribuitur; Petro autem & Paulo tribuitur aptissimè propter ea, quæ de Romæ conuersione, deque gloriæ magnitudine ipsa in cælo manente prænunciantur.

Præterea, licet ferè statuatur ab expolitoribus, eundem esse Angelum, ad cuius pedes se Ioannes supplex voluit c. 19. 10. & c. 22. 8. hæc tamen opinio non alio fundamento nititur, quàm aliquorū incōsiderantiâ, qui duos hos Angelos in textu distingui, non obseruauerunt: quod si aduertatur, facile cernitur, multò congruentius esse, vt Angelus capitis 22. sit distinctus ab Angelo capitis huius 19. Nam in eodem ipso Angelo nō multū conuenientiæ habet, vt postquā Ioannes semel ad eius se pedes abiicit, & ab eo fuit prohibitus verbis illis, *Vide ne feceris: conseruus enim tuus sum, & fratrum tuorum habentium testimonium Iesu*; adhuc tamen secundò ad eius pedes Ioannes procumbat, eademque verba ab Angelo prohibente exaudiat. Si tamen diuersi sint Angeli, plus decòris atque energiæ continet visio, in qua indicatur Ioannis studium & propensio ad eorum quemlibet adorandum; necnon vtriusque Angeli consensio in Ioanne eisdem verbis & eadem comitate arcendo. Huic sententiæ illud adstipulatur, quòd titulus *conseruus*, est Pauli proprius. Nam ad Coloss. 4. 7. Tychicum, qui fidelis erat minister, appellat *conseruum* suum. In eandem locutionem recidit illa Petri Epist. 1. cap. 5. 1. vbi cum Presbyteris loquens, vocat se *conseniorem*, id est compresbyterum: quod eandem continet energiam.

SCRIBE: BEATI, QUI AD COENAM NVPTIARVM AGNI VOCATI SVNT.] Multi verba hæc ad eam referunt aternæ patriæ felicitatem, qua Sancti post huius vitæ decursum perficiunt. Hic tamē sensus nostræ nuptiarum explicationi non quadrat; & alioqui etiam ad patriæ felicitatem non erat satis aptum cœnæ nomen. Quia cœna non appellatur ferè, nisi quæ de nocte fit; atqui in cælesti patria noctis nomen non habet locum. Nobis igitur hæc cœna accipienda est de opiparo conuiuio iis præparato, qui sunt efficaciter vocati ad nuptias Romanæ Ecclesiæ cum Christo in hac vita celebrandas, post mysticam Romæ veteris deflagrationem. Est autem animaduertendum in hac allegoria cœnæ nuptiarum, cœnam quidem antecedere mutæ vnionis sponsi atque sponsæ in cubili. Vnde in Canticorum libro iterum atque iterum distinguuntur oscula & amplexus à vino, atque conuiuio, tantumquam à re præcedenti. Vide caput 1. 1. *Meliora sunt vbera tua vino*, & c. 2. 4. *Introduxit me in cellam vinariam, ordinauit in me charitatem*, id est epulum apparauit. Et postea: *Lana eius sub capite meo, & dextera illius amplexabitur me*. Sicut ergo oscula & amplexus ad animarum vnionem cum Christo referuntur: sic etiam conuiuium, quod præcedit, ad Christi cognitionem, & vini suauitas applicatur ad purissimam reuelatæ sapientiæ voluptatem.

Censeo igitur, quod Ioannes literis mandare iubetur de eorum felicitate, qui ad nuptias sunt vocati; significare, post Christianæ Religionis professionem publicam Romæ receptam, Christi cognitionem & Ecclesiæ doctrinam ad magnum perfectionis cumulū peruenturâ: & eos qui huius cōuiuii forent participes per cælestis sapientiæ delitiis cælestibus fruituros; vt Beatorum nomen, id est eiusdem affluentia, tantisq; eiusdem sapientiæ delitiis cælestibus fruituros; vt Beatorum nomen, id est valde feliciū illis meritò tribuatur. Memini me audisse à viro quodā eximie sapientiæ & sanctitatis, cælestis felicitatis imaginem, quæ in terra reperitur, videri sibi non esse aliam, quàm sacram Scripturam legere & intelligere. Et quidem meritò; eodem enim sensu vsurpauit Christus Dominus nomē Beati, cum dixit Petro Matth. 16. 17. *Beatus es Simon Bar-ionas; quia caro & sanguis non releuauit tibi, sed Pater meus, qui in cælis est*. Et quauis suauitate illa atque vbertate potita sit Romana Ecclesia ante nuptiarum cum Christo celebratam: si tamen fidelium communis status perspiciatur, magnopere sanctorum sapientia & diuinorum mysteriorum cognitio aucta est publicâ Christianæ Religionis Romæ professione. Nam persecutionum quidem, (vtpote belli) tempore, non ita ex professio sapientiæ & rerum cognitioni vacari potest. Quapropter negandum non est, quin post persecutionum exitum,

Qui Ioanni  
nunc dicit,  
vt scribat,  
angelum  
esse magnæ  
potestatis;  
at præinde  
B. Petrum  
in eo signa-  
uimus.

Angelum,  
ad cuius  
pedes Ioan-  
nes se in hoc  
capite pro-  
cubuit, di-  
uersum esse  
ab eo, ad cuius  
item pe-  
des procidit  
Ioannes ip-  
se, c. 22.

Cœnam  
agni non  
hic sumi pro  
cælestis pa-  
triæ felicitate.

Quæ sit hæc  
agni cœna  
siue conuiu-  
ium.



& post generalem totius Romæ conuersionem ad Christum, Deus Romanæ Ecclesiæ, eiusque doctoribus multò vberiore sapientiam, quàm antea sit elargitus. Vnde Martyrum fortissimorum gloriæ successit felicissimus Doctorum & Conciliorum status.

Quinam  
hic ab an-  
gelo prædi-  
centur bea-  
ti?

Dum ergo coniciuntur oculi in futurum sapientiæ Romana in Ecclesia incrementum, in sacra- rum Literarum studium, & cælestium mysteriorum notionem; aptissimè in conuiuii allegoria dicitur, *Beati qui ad cœnam nuptiarum Agni vocati sunt.* Vt verò denotetur eorum securitas, qui, quo tempore ad eò erat splendidum atque abundans sapientiæ conuiuium, ad Romanæ Ecclesiæ epulas accederent; ideo profertur, *Beati, qui ad cœnam nuptiarum Agni vocati sunt.* Si enim vxor Agni est Romana Ecclesia, vt supra ostendimus; qui ab illius commercio & societate separantur, vt hæretici & schismatici, neque il- lius fruuntur conuiuium, nec prædicantur beati. Porro in hoc epulo verissimè & cumulativè im- pletur, quod Prov. 9. describitur, vbi sapientia dicitur miscuisse vinum, & proposuisse mensam suâ. Quod si his in verbis Salomon eò respexit, templum scilicet à se structum, veræ etiam doctrinæ fore scholas, & Israelitici populi sapientiam per illius nobilissimæ academix frequentationem multi- plici incremento auctum iri: facili negotio cernitur, templum illud fuisse non adumbratam modò, sed etiam expressam maiestatis Romanæ Ecclesiæ imaginem; atque ad eò in ipsa Ecclesia mirum in modum excreuisse veram sapientiam sub pacis & Christianæ fidei professionis tempora, ita vt iure dici possit; *Beati, qui ad cœnam nuptiarum Agni vocati sunt.* Porro de hoc eodem cælestis doctrinæ incremē- to & ornatu in Romana Ecclesia agitur elegantissimè sub alia allegoria Cant. 4. vers. 13. 14. & 15. Vt eo loci expendemus.

In hac con-  
uiuii all-  
goria, tria  
potissimum  
observanda.

Præter hæc, in conuiuii allegoria tria cum primis intelliguntur: hæc sunt, magna affluentia, mi- ra varietas, meræ deliciæ. Quæ tria in splendidissimo sapientiæ epulo, quod inuitatis ad nuptias Ro- manæ Ecclesiæ cum Christo proponitur, affatim reperiuntur. Quò spectat concionum admirabiliū frequentia, librorum cælesti doctrinâ refectorum copia, colloquia cum viris sapientissimis habita, egregia spiritualium hominum institutio. Quæ omnia propriè consociant sapientiæ conuiuium; quodque ceteris omnibus antecellit, est interior diuini Spiritus illustratio per pias diuinarum rerum commentationes, & frequentem ad Deum orationem; adhærendo semper Ecclesiæ Romanæ insti- tutioni, & sacrorum Conciliorum, quæ pacis tempore celebrari potuerunt.

In eadem  
allegoria  
conuiuii,  
fortè haberi  
resp. etiam  
ad Missarū  
sacrificiū.

Ceterum, præter hanc cœnæ explicationem, fortasse dici posset in nuptiarum Romanæ Ecclesiæ allegoria comprehendere Missarum & Sacramentorum frequentiam, quibus singuli homines frui potuerunt; postquam Christianæ fidei professio Romam fuit communiter inuecta. Ac præsertim potest in ea allegoria denotari sanctissimæ Eucharistiæ præsentia atque vsus, religiosæ vitæ facilis cōsuetudo propter erecta hominum Deo sacrorum monasteria, templorum frequentia, imaginum adoratio, veneratio sacrarum reliquiarum, ac diuinorum officiorum celebritas. Hæc namque omnia si sumatur quatenus præcedere solent, atque disponere hominum animos ad mutuam cum Deo cō- iunctionem; in cœnæ allegoria possunt coerceri, quæ cœna solet antecedere mutuam sponsi & spon- sæ coniunctionem.

Cur Petrus  
inducatur  
Ioannem  
hortari, vt  
hanc con-  
scribat sen-  
tentiam?

Quod verò Petrus Ioannem hortetur, vt hanc conscribat sententiam; *Beati, qui ad cœnam nuptiarum Agni vocati sunt.* in eo indicatur, vehemens B. Petri desiderium, vt fideles permagni facerent felicitatē illius conuiuii, quod eis proponitur in Romanæ Ecclesiæ nuptiis cum Christo. Cum autem huius- modi nuptiæ ad illud referantur tempus, quo vniuersa Roma Christi fidem amplexa est; iure opti- mo inducitur Petrus (qui illud prædixerat) Ioanni præcipiens, vt id literis mandet; vt quasi ve- ritatem ab Apostolis traditam fideles suscipiant, ac venerentur. Iam, si locum aliquem B. Petri in- quiramus, vbi significet ingentem felicitatem, quæ reperitur in cælestis sapientiæ affluentia, quam Deus in hac vita suis familiaribus impertitur; nihil occurrit aptius, quàm verba illa 2. Petri 1. 2. *Grat- ria vobis & pax adimpleatur in cognitione Dei, & Christi Iesu Domini nostri.* In hac Petri benedictione fidelibus scripta detegitur, quanti B. Apostolus æstimaret splendidissimum conuiuium; quo, post triumphum de Roma ethnica actum, fideles in cœna nuptiarum Agni fruituros præsciebat.

Cur huius-  
modi conui-  
uium ap-  
pelletur cœ-  
na?

Fortè autem huic epulo nomen imponitur cœnæ, vt allegoria ipsa ad Iudææ consuetudinem, vel potiùs ad receptum in omni antiquitate morem conformetur. Nuptiæ enim apud veteres noctu celebrabantur; vt colligitur ex parabola Christi Matth. 25. vbi decem virgines cum accensis lam- padibus opperiantur sponsum ad nuptias venientem. Hoc autem ex Plutarchi problematis, & ex aliis veterum scriptorum locis liquidò constat. Atque eum fuisse communem antiquorum morem; ex eo licet colligere, quòd matrimonio tædæ nomen dederunt; vt conilat ex illo Virgilii 4. *Æneid.* *Si non perta sum thalami tædæ que fuisset.* Et quauis obiciat huic consuetudini Ribera, prandia etiam apud veteres vltata fuisse; inde tamen non probat, epulas nuptiales ante noctem celebrari solitas. Adhuc; cœnæ nomini mysterium peculiare subesse potest. Mylticum enim conuiuium, de quo hic sermo est, in huius vitæ nocte potimur; antequàm æternæ claritatis dies elucescat. Atque hoc vitæ huius e- pulo fruimur ad Diuini Verbi nobis reuelati lucernam; dum illi attēdimus, *Quasi lucerna ardenti in cali- ginoso loco, donec dies elucescat.* 2. Pet. 1. 19. Fortè etiam cœnæ nomen exigit, vt post spirituales delicias ac re- fectionem sequatur contemplationis somnus; vt possit inuitatus dicere illud Ieremiæ 31. 25. *Quia in- ebriaui animam lassum, & omnem (id est totam) animam esurientem saturavi: ideo quasi de somno suscitatus sum; & vidi, & somnus meus dulcis mihi.*

Hæc prædi-  
ctorum cō-  
firmatio  
quomam re-  
ferenda sit?

ET DIXIT MIHI; HÆC VERBA DEI VERA SVNT.] Confirmatio hæc nō solū referenda est (opi- nor) ad eā sententiā, quam Angelus magnæ potestatis Ioannē scribere iussit (scilicet, *Beati, qui ad cœnam nuptiarum Agni vocati sunt*) verū etiam ad vniuersam prophetiam de myltico Babylonis supplicio, deq; latissima celebritate, quam Ecclesia in Agni nuptiis peractura erat. Quia verò omnia hæc in Romæ vnus conuersione completa sunt; hæc ipsa Romæ conuersio rursus confirmatur diuinā auctoritate; non vt tunc Ioannes credat (iam enim antea credebatur) sed vt solatium accipiat certissimo futuræ illius rei euentu; quæ tanti ad Romanam Ecclesiam intererat. Ita philosophatur Paulus ad Hebræos 6. 18. in Dei iure iurando, *Vt fortissimum solatium habeamus.* Hæc ergo est illorum verborum vis; Hæc verba



*Dei vera sunt.* In quibus licet primò Epitheton *vera*, superuacaneum videatur (nā si Dei sunt, vera sint necesse est; *Impossibile enim est mentiri Deum.*) Hoc tamen, quod superare videtur, est veluti ipsius Dei iusiurandum, quod permagno solatio est. Quid, si *vera Dei verba* perinde sit, atque legitima & non adulterina, cui proinde fides habenda sit? Cum autem hæc verba B. Petrus faciat, videtur hæc sententia deprompta ex eo, quod ipse scribit Epistola 2. capit. 1. numero decimo nono, *Habemus firmiorem propheticum sermonem.* Similiter enim in præsentī Angelus magnæ potestatis affirmat, Dei esse prophetiam, quidquid præmonstratum est ab illis verbis, quæ ille dixit, nimirum: *Cecidit, cecidit Babylon.*

## T E X T V S.

*Vers. 10.* Et cecidi ante pedes eius, vt adorarem eum; & dicit mihi: Vide ne feceris, conseruus tuus sum, & fratrum tuorum habentium testimonium Iesu. Deum adora. Testimonium enim Iesu est spiritus prophetiæ.

## C O M M E N T A R I V S.

**H**ORVM verborum explicationi annectenda est similium verborum explicatio ex capit. 22. numero octauo & nono, quæ sic habent: *Et ego Ioannes, qui audiui, & vidi hæc; & postquam audissem & vidiissem, cecidi vt adorarem ante pedes eius, qui mihi hæc ostendebat: & dixit mihi; Vide ne feceris, conseruus enim tuus sum, & fratrum tuorum prophetarum, & eorum qui seruant verba prophetia libri huius, Deum adora.*

Vtroque in loco duo videntur itatuere interpretes. Alterum, eundem omnino esse Angelum, ad cuius pedes procidit Ioannes tam capite decimo nono, quam capite vigesimo secundo, atque adeo Ioannem bis ad eiuſdem Angeli pedes prouolutum. Alterum, hunc Angelum esse vnum ex cælesti Hierarchia; illum scilicet, quem Christus misit, vt Ioanni Apocalypsin ageret. Ego tamen (vt versu præcedenti dixi) mihi persuadeo, duos hos Angelos esse inter se diuersos; nec naturâ esse Angelos, sed officio; ac primum quidem esse B. Petrum; secundum, B. Paulum. Id quod licet audienti, siue legenti nouum, atque insolitum appareat: si tamen attentè rationes expendierit, quas superiori versu proposui, verisimilius ac probabilius illi visum iri confido.

Frustra igitur laborant interpretes in reddenda ratione, cur Angelus non se à Ioanne adorari sit passus? Alii enim Dominicæ incarnationis reuerentiam causantur; quapropter nolint Angeli adoratione coli ab iis, qui eiusdem sunt cum Christo homine naturæ. Ita Gregorius, Ambrosius, Haymo, Strabus, Rupertus, & Ansbertus. Sed contra est; quia non hanc reddit Angelus rationem, sed longè diuersam. Alii malunt, hanc adorationem respuisse Angelum sibi à Ioanne deferri, propter virginitatis in Ioanne elucens excellentiam: sic Petrus Damianus. Alii referunt ad sacerdotis dignitatem quæ homines Angelis adæquat: sic Viegas. Alii ad Ioannis labores pro Christo fortiter toleratos: magnam quippe dignitatem esse pro Christo pati. Alii ad dignitatem Euangelici prædicatoris; quod munus homines Angelis reddit æquales. Baronius 1. Annalium tomo, id propterea fuisse scriptum tradit, vt fideles probè essent instructi aduersus Cherinthi errorem; qui eodem ipso tempore plus dignitatis tribuebat Angelis, quam re ipsâ illis Scriptura attribuit. Aliis placet ea ratio; quia scilicet homines in cælesti Beatitudine erunt Angelis æquales. Si tamen verum est, per vtrumque Angelum adumbrari Petrum & Paulum; hæc omnes philolophandi rationes facile corrunt.

Nihilo plus arridet illa suspicio (quanuis auctores valde graues, nempe Augustinus & Thomas eam aditruant) Ioannem videlicet credidisse, hunc Angelum esse Christum Dominum; ideoque ad eius pedes cecidisse, vt eum adoraret. Vide hac de re Salmeronem to 16. in fine præludiorum in Apoç. & Viegam sect. 3. Huius autem suspensionis fundamentum illud esse videtur; quod adorationis nomen accipiat pro latria, quæ soli Deo defertur. Constat tamen ex sacrarum Literarum vsu, sæpè adorandi vocabulum latius accipi. Si autem Angelus, ad cuius pedes se Ioannes abiecit capite 22. idem erat cum Angelo capitis 19. vt fert communis opinio; in capite saltem 22. Ioannes

*Angelum, cuius ad pedes hic Ioannes procidit, esse diuersum ab eo; ad cuius item pedes c. 22. procubuit. Variæ aliorum opinionones ac rationes de hac Ioannis adoratione referuntur obiter ac reiciuntur.*



*Ioannē mi-  
nime fuisse  
deceptum in  
huius angeli  
cognitione.*

*Alia expli-  
candi ratio  
preponitur  
ac refuta-  
tur.*

*Vera aucto-  
ritas serena,  
cur scilicet  
Ioannes ad  
vtriusque  
angeli pedes  
se se abice-  
rit?*

*Cur Ioannes  
ad vnam de  
futura Ec-  
clesia felici-  
tate enun-  
tiationem;  
non verò ad  
aliarum re-  
rum sibi  
pred. charū  
nuncium  
veneratū-  
dus proci-  
derit?*

*Difficul ac-  
contra pra-  
dicta expe-  
ditur.*

ignorare non poterat, Angelum non esse Christum: siquidem ipse met Angelus ille antea edixerat; *Conseruus tuus sum, & fratrum tuorum.* Cum igitur tunc Ioannes rursus ad eum adorandum aggrediator; argumento est, principio non eum adorare voluisse, quod Christum esse reputaret. Nec est, cur Ioannem deceptum fuisse credamus; cum potius ex textu constet, Ioannem agnouisse, quisnam esset ille Angelus, ad cuius hinc pedes procubuit; quippe de illo tanquam sibi cognito fuerat locutus dicens, esse Angelum magnæ potestatis c. 18. 1.

Dices: si Ioannes illum Angelum esse Petrum recognouit, illam ei voluit fortassis deferre adorationem, quam fideles omnes cuiuscūque dignitatis sint, summo Pontifici Christi Vicario tribuere solent: qua ratione verum quodammodò est, Ioannem ideo voluisse huic Angelo cultum & adorationem offerre, quod eum pro Christo habuerit. Nam Vicarium esse Christi, quodammodo est ipsum esse Christum; utpote qui illum representet. Ceterum quanuis tota illa veneratio, quam Christianus populus supremo Christi Vicario attribuit, ipsius dignitati maximè debeatur; nihilominus verum simile non est Petro deferri à Ioanne adorationem tanquam Christi Vicario. Primò, quia eandem postea reuerentiam Ioannes exhibet Paulo cap. 22. 8. Atqui Paulus non fuit Pontifex iustus. Deinde, quia si Ioannes hoc in loco Petrum ut Christi vices agentem adoraret; non diutius differret ad eius se pedes abicere; sed cum primùm ei apparuit, prout cultum deferret. At inter spatium illud, quo ei primùm Angelus apparuit, & aliud, cum Ioannes ad eius pedes procidit; intercessere illa omnia, quæ toto c. 18. & magna parte cap. 19. referuntur. Præterea, quanuis Pontificis Romani dignitas atque maiestas per se considerata non acceperit processu temporis incrementum; primis tamen Christianæ Religionis sæculis videtur aliqua extitisse causa vel ratio, propter quam adoratio summi Pontificis, quoad exterioris ceremoniæ ostensionem, non fieret communiter tantâ reuerentiâ, quantam postea Christiana pietas ab omnibus fidelibus suo iure requirit: videlicet, quia dum Christi Ecclesia non dum publicum Religionis exercitium adepta fuerat, rationi erat consentaneum, ut Romani Pontifices gererent se eo ferè modo, quo Principes ii, qui aliqua de causâ priuatorum hominum habitu dissimulati incedunt; erga quos etiam, à quibus agnoscuntur, dissimulationi se accommodantes, & tempore seruientes, multò aliter se gerunt quoad reuerentiæ manifestationem, quam postea, cum publicè eos in suæ maiestatis throno sedentes intuentur.

Ut ergo meam exponam sententiam, existimo Ioannem ideo ad pedes Angeli magnæ potestatis primò, deinde ad alterius Angeli ciuitatem sanctam sibi ostendentem, fuisse prouolutum; quod summo opere fuerit latatus expectatione omnino certâ illius prosperitatis, quæ Ecclesiam tam in terris, quam in cælo manebat. Plerumque enim videmus aliquos, cum sibi felicissimus aliquis nūcius de re votis omnibus expetitâ affectur, simili cordis affectu permotos ab eo, qui id sibi renunciauit, manus exosculandas (si tamen personæ illius dignitas patiatur) vehementer exposcere pro tanto illo beneficio, quo per nunciū eiusmodi cumulatū sunt. Et quanuis humilior sit ac demissior Ioannis significatio, dum ad vtriusque angeli pedes venerabundus accidit; verum tota hæc significatio in receptam Hebræorum consuetudinem rectè cadit, necnon in magnam Ioannis demissionem & incredibilem lætitiæ voluptatem. Et fortè verba illa, *Cecidi ante pedes eius*, perinde valent, ac si diceret, se ingenua prouolutum; simulque ab eis manus osculandas postulasse. Quod si humilior adhuc fuit reuerentiæ & venerationis demonstratio, ita ut Ioannes se prosterneret eorum osculaturus pedes; nemini id nimium videbitur, qui & Ioannis modestiam ac demissionem, & vehementem impetum lætitiæ exuberantis, & foras prodire gestientis considerabit. Et quidem in manifestis comitatis, honoris ac reuerentiæ signis, eò cumulatior defertur honor, quò demissius se quisque gerit.

Ambrosius c. 22. 8. ut obseruatione dignum expendit, cur Ioannes non Angelum adorauerit; cum ei ostendit thronum, viginti quatuor seniores, septem sigillorum designationem, septem tubas, ac totidem phialas; sed solum cum de futura Ecclesiæ felicitate factus est certior: & similiter postea sub finem visionis, cum ei ostensa est Ecclesia in summa patriæ cælestis beatitudine? Ad quæ respondet Ambrosius, duplicem esse Ecclesiæ cum Christo coniunctionem; alteram quotidie per fidem & opera; alteram post resurrectionem; quando in æternum illi tota simul associabitur. Hæc Ambrosii responsio, si eam paulò ampliùs explicemus, & ad præsens nostrum institutum accommodemus; in eo consistit, ut Ioannes tanquam Dei familiarissimus præ ceteris omnibus vehementer optarit summam Christi gloriam in Ecclesiæ felicitate fulgentem. Atque hæc gloria siue exaltatio bifariam accipipotest; alia enim temporalia est, alia æterna. Temporalia quidem in eo imprimis enituit, ut Roma ad Ecclesiæ pedes victa, supplexque procumberet: quo Christianæ Ecclesiæ felicitas verè admiranda in terris facta est. Æterna consistit in suprema illa & excellentissima æternæ felicitatis magnitudine, quam Christi sponsa in cælo possidebit innumerabili ciuium beatorum multitudine & singulorū felicitate inexplicabili constipata. Si ergo in his duabus rebus magna Christi gloriæ exaltatio sita est: nihil mirū, si duplici hoc nuncio præ reliquis omnibus rebus in Apocalypsi conspectis Ioannes vehementi lætitiæ volutate affectus ad vtriusque Angeli pronūciantis genua procuberet.

Verum quidem est, redemptionem humani generis & Christi auctoris nostri resurrectionem esse Ecclesiastici triumphus originem ac fontem, at humani quidem generis redemptio & sigillorum etiam mysterium, iam tunc re ipsa fuerant implera. Quare id vnum Ioannes in votis maximè habebat nimirum vberimos Christi redemptionis fructus & gloriosissimam ipsius Christi exaltationem in Ecclesiæ suæ magnitudine.

Oppones, si hæc ratio extitit, cur Ioannes ad pedes vtriusque Angeli se prouolueret, eadem urgebat etiam in diaboli alligatione per mille annos. Respondeo, hanc non fuisse nouam Christi gloriæ exaltationem, sed quasi eiusdem cōtinationem, & quid ad exaltationem temporalem consecutū. Quapropter mirum non est, nullam lætitiæ nouæ significationem à Ioanne tunc exhiberi, satis enim est, cū bis se prostrauit auctus Angelo gratias, vtramque vicem ad duplicem Christi gloriæ exaltationem admirabile pertinere. Et in qualibet sanè vice idē ipse affectus atque lætitia extenditur ad ea omnia, quæ causam illam consequuntur. Sic in temporali exaltatione lætitiæ significatio protenditur ad



A demonis alligationem: in æterna, ad eius initium, nempe ad generalem resurrectionem & ad extremi iudicii diem.

[VIDE, NE FECERIS.] Ad nostram expositionem non recte aptantur eæ rationes, quas & interpres communiter reddunt, & nos supra recensuimus: cur scilicet Angelus se à Ioanne adorari nō sit passus? Illud tamē mihi magis placet, quod & nostro instituto congruentius est. Nam inter aulicos viros atque magnates ita usus fert, ut cum eorum aliquis alterum suppliciter satis atq; demissē excipiat, alter minimē pariat; illum quē moneat, ut nimia illa humilitas & submissio documenta sanctissimæ referret Eucharistiæ. Quamobrem Angelus magnæ potestatis, & alter ille capitis 22. Ioannem hortatur, ne illos ad eō honorificē tractet tanquam superiores ac maiores, sed ut cum illis tanquam cum fratribus & conseruis agat, & vni Deo totam illam venerationem tribuat. Et quauis respectu Petri, quatenus erat Christi vicarius, non esset nimia illa adoratio, quam ei Ioannes exhibebat; primis tamen illis Christianæ Ecclesiæ sæculis, (ut supra expendimus) temporis ratio non ferebat, ut qui in abscondito erat Christi Vicarius, tantā (quoad exteriorem manifestationem) reuerentiā coleretur.

B Notandum est in super, cum Ioanni reuelata fuit Apocalypsis, Petrum iam & Paulum indigetes cælesti beatitudine perfrui, ac proinde quacumque reuerentiā sibi à Ioanne præstitā dignos; nihilominus tamen decorē ac modestē recusasse, ne se Ioannes Christo dilectus ad eorum pedes aduolueret. Præsertim cum ex contextu liqueat, ideo Ioannem tantā obseruantia & veneratione erga Petrum & Paulum vti, quia prophetiæ donum in ipsis effulgens suspiciebat. propterea enim ipsi reuelarunt Ioanni mysticam Babylonis ruinam & gloriosam exaltationem, quam Deus Romanæ Ecclesiæ reseruauit. Hoc in eo apparet, quod eam affert rationem Angelus magnæ potestatis, ne se Ioannes adoret; quia Ioannes etiam ipse, eiusque fratres & discipuli diuino erant prophetiæ spiritu afflati. *Testimonium enim Iesu est spiritus prophetiæ.* Et capit. 22. numero 10. addit Paulus (id est ille Angelus, qui ibi Ioannem alloquitur) *Conseruus tuus sum, & fratrum tuorum prophetarum, & eorum, qui seruant verba prophetiæ libri huius.* Petrus itaque non ait, se esse conseruum eorum, qui verba prophetici huius libri obseruant: sed eorum, qui fratres appellantur Ioannis, eo quod spiritum prophetiæ habent. Paulus verò addit, se esse conseruum fratrum Ioannis, id est prophetarum, siue eorum, qui habent spiritum prophetiæ, & eorum etiam, qui seruant verba prophetiæ libri huius.

C In hac distinctione, qui eundem esse putant Angelum utrobique cum Ioanne colloquentem; eumque cælestis esse Hierarchiæ: dicent etiam Angelum quidem initio contentum eo dicto fuisse, se nimirum conseruum esse eorum, qui prophetico spiritu sunt insigniti; postea tamen, cum Ioannes in sua illa submissione persisteret, addidisse eum Angelum, ne se Ioannes ad eius pedes abiceret; quod Angeli conserui sint, non Euangelii modò prædicatorum (qui sunt veluti ceterorum fidelium parentes) sed etiam Christianorum omnium; atque adeo licet Ioannes Propheta & Euangelicus concionator non foret, minimè se tamen permissurum illam Ioannis adorationem. In nostra tamē expositione, cum diuersus sit, qui capite 22. loquens inducitur ab eo, qui ca. 19. cum quæ alter Petrum, Paulum alter adumbret; ideo Paulus non nihil addit, quo se plus quàm Petrus demittere videtur. Quia inter eos, qui de se humiliter ac demissē verba faciunt, decorum & consentaneum est; ut qui postremò loquitur, subiungat aliquid, quo se ampliùs abicere videatur. Præsertim, quia cum Paulus sit dignitate inferior Petro; in eo etiam decorum seruatur, ut postquam Petrus se Euangelii prædicatorum conseruum professus est; subiiciat Paulus, se non prædicatorum modò, sed fidelium etiam omnium esse conseruum.

D Verum totam hanc subtilitatem contemnent aliqui, existimantes nomen fratrum Ioannis non Euangelicis solùm prædicatoribus in præsentī, sed omnibus etiam fidelibus attribui. Quia habere testimonium Iesu: non solùm prædicatoribus congruit, sed vniuersis pariter Christi fidelibus. Discutiamus ergo, quid sit in præsentī habere testimonium Iesu, & quis insuper sit sensus eorum verborum, *Testimonium Iesu est spiritus prophetiæ.* Aliquis testimonium Iesu de doctrina Euangelica explicabit; ac proinde asseret, Iesu testimonium cunctis inesse fidelibus. Nam in eo sensu dicitur c. 1. 2. *Qui testimonium perhibuit verbo Dei, & testimonium Iesu Christi quacumque vidit.* Longè aliter exponit Ribera c. 6. §. 36. vbi ait; habere testimonium esse eorum, de quibus alii bonum testimonium reddunt. In præsentī tamen asserit, testimonium Iesu esse signa, quibus testantur omnes se esse seruos Iesu Christi, & Iesum esse Filium Dei. Ita Ribera. Et quidem complexum illud, *Spiritus prophetiæ*, Ribera & Viegas interpretantur de proprio prophetiæ dono; & pro hac explicatione adducunt Ambrosium, Bedam, Rupertum, & de communem. Vnde inferunt, Angelum de illis agere Prophetis, qui peculiare donum propriæ prophetiæ in primitiua Ecclesia habebant, & simul etiam de antiquæ legis prophetis.

E Enim verò existimo, *Testimonium Iesu* in præsentī nihil esse aliud, quàm Euangelii prædicationem; in qua testimonium redditur de Christo: & Euangelii prædicatores phrasi illā designari, *Qui habent testimonium Iesu*: id est, quibus ex peculiari officio Euangelii prædicatio incumbit. Quod autem mox sequitur, *Testimonium enim Iesu est spiritus prophetiæ*; denotat, spiritum ac studium Euangelii prædicandi esse nobilissimum quendam prophetiæ spiritum. Nam doctrina Euangelica est magna illa prophetia, quæ hominibus arcana Dei consilia & bonorum ac malorum exitum detegit.

Ac primò nemo potest meritò in dubium reuocare, quin sit recepta in sacris Literis phrasis, quæ Euangelii prædicatores appellantur prophetæ. Secundò, non permittit hęc declarationem aliam contextus, cum dicitur; *Testimonium Iesu est spiritus prophetiæ.* Tertiò, quos hęc textus designat, dum ait, *Qui habent testimonium Iesu*, eisdem perspicue Prophetarum nomen attribuit capite 22. numero 9. Ad id enim, quod in hoc loco dicitur, *Conseruus tuus sum & fratrum tuorum habentium testimonium Iesu*, ibi respondet, *Conseruus tuus & fratrum tuorum prophetarum.* Quartò non est ad rem in præsentī sermo de peculiari prophetiæ dono. Contextus enim potius exigit, ut hi Angeli dicant Ioanni, ne existimet tantam esse peculiari prophetiæ doni excellentiam; quippe magnam & excellentem

*Quo sensu Angelus Ioannem à sui adoratione arceat.*

*Redditur alia ratio, cur Angelus se à Ioanne prohibeat adorari.*

*Quæ sit ratio diuersitatis in vtriusque angeli responsione ac prohibitione propriæ adorationis.*

*Quid sit in hoc loco, habere testimonium Iesu. Aliorum expositio.*

*Vera auctoris sententia de testimonio Iesu.*



prophetiam esse doctrinam Euangelicam, proinde qui prædicatoris Euangelici spiritu insignitus est, illi spiritum inesse prophetiæ. Quamobrem, licet Ioannes prophetiam de Ecclesiæ victoria ex Romano populo obtinenda, & gloriæ magnitudine in cælo eidem Ecclesiæ paratâ, videatur ab utroque Angelo, id est à Petro & Paulo didicisse; & propterea illis aliquo modo inferior esse: communis tamen doctrinæ Christianæ institutio ab Apostolis immediate accepta satis est, ut illi omnes & reliqui Euangelii concionatores pro fratribus & in magna illa prophetia condiscipulis reputandi sint.

Quosnam  
Angelus  
fratres Ioan-  
nis nunciu-  
pet?

Illud etiam hic obseruandum duco; quod c. 22. 9. non bonis omnibus Christianis eum defert Angelus honorem, ut eos Ioannis fratres nuncupet, sed solis Euangelii prædicatoribus: ait enim distincte, *Conseruus tuus, & fratrum tuorum Prophetarum, & eorum, qui seruant verba prophetia libri huius.* ubi planum fit eos omnes, qui Dei verba & auribus & corde accipiunt, atque seruant, ab Angelo designari; cum ait, *Et eorum, qui seruant verba prophetia libri huius.* Quos licet Angelus vocare item posset Ioannis fratres, utpote in eiusdem fidei communione & charitatis coniunctione versantes; Angelus tamen fratrum nomen hoc in loco ad concionatores Euangelicos restrinxit propter ipsius muneris societatem: in hoc enim magnoperè ceteris fidelibus antecellunt. Quapropter qui capite 19. 10. dicuntur Ioannis fratres, quod Prophetiæ spiritum habeant, iidem ipsi c. 22. 9. vocantur Prophetæ fratres Ioannis, atque ipsimet perspicue distinguuntur ab iis, qui Prophetæ non sunt, sed solum Dei verba excipiunt atque custodiunt.

Quo sensu  
angelus se  
appellavit  
conseruum  
eorum, qui  
seruant  
verba pro-  
phetiæ li-  
bri huius.

In Ioannis verò commendationem subdit Angelus ille capitis 22. 9. (qui iuxta nostram expositionem est Paulus) se non solum reputare se ipsum ipsius conseruum, eiusque fratrum Prophetarum; sed eorum etiam, *Qui seruant verba prophetia libri huius.* Quod perinde est, ac si diceret, Quinam tanto me honore digner, ab eo præsertim exhibito, qui librum hunc ad eum præstantem & excellentem cōscribet; cum me iure optimo eorum glorier esse conseruum, qui libri ipsius doctrinam obseruauerint? Expende obsecro, ut se Angelus hac in parte Ioanni quodam modo inferiorem recognoscat: quandoquidem asserit, sibi esse honorificam appellationem conserui eorum, qui librum à Ioanne scriptum obseruant. Qua verò ratione prædicentur beati, qui Prophetiam libri huius seruant, diximus cap. 1. num. 3.

Aliquis fortasse in eaphrasi, *Spiritus prophetiæ*; contemplabitur Christianam doctrinam esse spiritum, ac medullam eius prophetiæ, quæ in sacris quondam Vatribus enituit. Quod licet verum sit, in Scripturæ tamen locutione, *Spiritus prophetiæ*, siue spiritus Prophetarum est ille ipse spiritus, quem Deus suis Prophetis impertiuit. Et simplicius est hoc pacto accipi in præsentia; ita ut sensus sit, spiritum concionatoris (id est donum prædicandi) esse Prophetæ spiritum, atque ita in huius sententiæ repetitione, quæ habetur c. 22. 9. dicitur, *Conseruus fratrum tuorum Prophetarum.* Vnde elicitur, habere spiritum prophetiæ esse idem, quod illos esse prophetas.

## T E X T V S.

### *De duce, & exercitu in equis albis.*

- Vers. 11.* Et vidi cælum apertum; & ecce equus albus, & qui sedebat super eum vocabatur fidelis & verax, & cum iustitia iudicat, & pugnat.
12. Oculi autem eius sicut flamma ignis, & in capite eius diademata multa, habens nomen scriptum, quod nemo nouit nisi ipse.
13. Et vestitus erat veste aspersa sanguine, & vocatur nomen eius; Verbum Dei.
14. Et exercitus qui sunt in cælo sequebantur eum in equis albis vestiti byssino albo & mundo.
15. Et de ore eius procedit gladius ex vtraque parte acutus: ut in ipso percutiat Gentes: & ipse reget eas in virga ferrea: & ipse calcatur torcular vini furoris iræ Dei omnipotentis.
16. Et habet in vestimento, & in femore suo scriptum: Rex regum, & Dominus dominantium.

## C O M M E N T A R I V S I.

### *De sensu grammatico, & de huius visionis allusionibus.*

Huius exer-  
citus impe-  
ratoris at-  
tribui qua-  
tuor nomi-  
na: & que  
sint.

**H**VIUS equitatus duci videntur in textu attribui quatuor nomina. Primum, *Fidelis & verax*, num. 11. Secundum, *Nomen, quod nemo nouit, nisi ipse*, idque in diademate scriptum, numero 12. Tertium, *Verbum Dei*, numero 13. Quartum denique, *In vestimento, & in femore suo scriptum, Rex regum, & Dominus dominantium*, numero 16.



A Ribera & Viegas & communior opinio secundum nomen cum tertio confundunt; aiunt enim nomen scriptum in diademate esse, *Verbum Dei*. Atque hoc ipsum esse nomen, quod nouerit nemo, nisi ipse Christus; quia id nomen creaturæ est incomprehensibile. Mihi tamen textus non obscure distinguit nomen in diademate scriptum à nomine Verbi Dei. De illo enim ait, nemini esse notum nisi soli Christo (erat enim eiusmodi notis exaratum, ut à solo Christo legi posset), de altero verò dicit, *Vocatur nomen eius verbum Dei*. Cognoscere autem alicuius nomen, non est, ipsius mysteria comprehendere; sed solum nosse ipsius appellationem. Qui autem Christum appellant Verbum Dei, omnes hoc illius nomen rectè norunt. Ceterum præter hoc nomen, quod textus Christo attribuit, affirmat aliud præterea nomen eidem Christo inesse in ipsius capitis diademate inscriptum; quod tamè nomen solus Christus agnoscat. In hoc ergo nomine, quod diadema inscriptum tenet, alluditur ad nomen *Iehoua* inscriptum in Aaronis diademate, ut infra dicemus. Huiusmodi autem distinctio duorum nominum (ita ut Verbum Dei sit diuersum à nomine in diademate scripto) præterquam quòd facilius & congruentius est, sensui etiam ipsi magis quadrat. Interim ipsa rei nouitas & insolentia haud parum negotii faceffit. Nec verò putandum est vacare mysterio, quod textus ait, Christum scilicet nomen in diademate scriptum tenere, quod ipse solus nouit; ac proinde nomen illud, nec esse Verbum Dei, nec quoduis aliud ex iis, quæ nobis ipse enunciarit.

B ET VESTIUS ERAT VESTE ASPERSA SANGVINE. ] Hoc, ut apparet, mutuatum est ex Isaia c. 63. 3. *Aspersus est sanguis eorum super vestimenta mea*. Verum in Isaia mirum non est; agitur enim de Christo, postquam se de suis hostibus vltus est. Hic autem nouitatem & insolentiam præ se fert, ut cum in aciem procedat, ante ipsum prælii congressum appareat *vestitus veste aspersa sanguine*. Et quidem ex Isaia loco deducitur, in Apocalypsi etiam esse sermonem de Christi hostium cruore; & manifestè assignatur discrimen inter ducem & totius exercitus milites. Dux enim suorum hostium sanguine repperus erat; equites verò non item. Nam textus eos inducit bysso albâ & mundâ vestitos.

ET DE ORE EIUS PROCEDIT GLADIUS EX VTRAQUE PARTE ACVTVS; VT IN IPSO PERCVTIAT GENTES. ] His etiam ex verbis colligitur, equites Christum sequentes non in pugnam procedere pugnuros; sed comituros Christum, & sectaturos. Dux enim militibus præit; & ipse est, qui gladio ex ore prodeunte stragem edit. Vnde ad huius capitis calcem, nu. 21. dicitur de illis omnibus, qui in prælio occubuerunt, *Occisi sunt in gladio sedentis super equum, qui procedit de ore ipsius*.

C ET IPSE REGET EOS IN VIRGA FERREA. ] Desumpta hæc sunt ex Ps. 2. 9. Quòd si regere, hîc esset occidere; suspicari quis posset, gladio imponi nomen virgæ ferreæ. At vero regere nihil aliud hîc est, quàm gubernare. Et ipsa quidem metaphora à pastoris officio petita est; nam *ποιμαίνει*, idem est, ac pascet. Virga autem est baculus, id est sceptrum. Quare nouitatem præ se fert hæc loquendi ratio; quòd prius eos dicatur sui oris gladio occisurus, deinde ferreo scepro gubernaturus. Quasi prius illos interficiat, postea gubernet; hic enim est ipsius textus ordo. Et sane ad exercitus alicuius ducem nequaquam spectare videtur, suos hostes regere, ac pascere, donec eos debellârit. Si ergo in hoc loco vincere est, ipsos gladio trucidare, quoniam dicitur postea illos ferreo scepro recturus, quod perinde est, ac durissimo imperio? Respondeat quispiam, alios quidem ex hostibus adduci occidendos, aut capiendos; atque hos scepro ferreo fore gubernandos. Sed contrà, quia ex durissimo hoc prælio atque conflictu nullus omnino videtur incolumis aut superstes euasurus; nisi fortè Bestia, cuiusque Prophetæ, qui ad inferos viui detruduntur. Concludit enim textus, ex hostibus Bestiam & ipsius prophetam in infernum viuentes fuisse demersos, ceteros occubuisse gladio, quem ore habebat dux ille, qui equo albo vehebatur.

D ET IPSE CALCAT TORCVLAR VINI FVRORE IRÆ DEI. ] In Græco est *furoris & ira*. Atque hac locutione exponitur, quod dictum fuerat de duce, qui *vestitus erat veste aspersa sanguine*. Sumitur autem metaphora ab eo, qui vnam vini rubri in torculari calcit. Necesse enim est, eum infici rubro musto, quod Scriptura vuarum sanguinem appellat. At ergo textus, Ducem cælestem vestis maculas contraxisse, dum torcular iræ Dei calcit; id est, dum suos hostes conculcauit, & diuinæ iræ cumulatè fatiscit. Solus autem Christus infectus sanguine fuit; nam ut ipsemet per Isaia ait c. 63. 3. *Torcular calcavi solus, calcavi eos in furore meo, &c. & aspersus est sanguis eorum super vestimenta mea, & omnia indumenta mea inquinavi*.

E IN VESTIMENTO ET IN FEMORE. ] Hæc verba non denotant bis fuisse nomen inscriptum, semel in vestimento, deinde in femore. Sed cum dictum esset prius, nomen illud siue stemma in veste ipsa esse impressum, mox assignat in qua vestis parte affixum fuerit, nempe in femore. Porro in femore idè est ac, supra femur. Si vestis quidem esset ad earum normam, quibus homines hac tempestate utuntur, in femore idem esset, atque in femoralibus. Aliquis opinabitur, in vestimento, & in femore, perinde esse quasi in superioris vestis parte, atque etiam in inferiore; locutione sat commodâ equitis vestimento, ad eum ferè modum, quo nonnulli solent tam thoracem, quàm femoralia opere plumario pingere, ac distinguere.

REX REGVM ET DOMINVS DOMINANTIVM. ] Hoc erat propriū Persarum Regū cognomentū, pro quo vide Alexandrum ab Alexandro l. i. Genial. c. 28. & Pinedam nostrum Iob 1. vers. 1. nu. 17. ubi multa adducit. Huiusmodi ergo inscriptionem Persarum Regibus vsitatam, Christi Redemptoris nostri propriam esse Spiritus sanctus affirmat. Vnde etiam dicitur c. 17. 14. *Agnus, Dominus dominorum, & Rex regum*. Idemque titulus Aeterno Patri à B. Paulo assignatur, 1. Tim. 6. 15. *Beatus, & solus potens Rex regum, & Dominus dominantium*.

IN CAPITE EIUS DIADEMATA MVLTÀ. ] Considerandum est quasi Turcici capitis integumentum: sic enim linteum lineum multiplici gyro capiti obuoluitur, & quilibet eiusmodi gyrius siue ambitus est quasi diadema aut corona, iuxta antiquam consuetudinem.

Ducis nomē in diademate scriptum, diuersum esse à nomine Verbi Dei.

Vers. 13. In veste aspersa sanguine haberi respectū ad Isaia ca. 63.

Vers. 15. Mysticam hanc occisionem figurari vi à solo duce totius exercitus factā. Quid sit, regere in virga ferrea.

Vers. 16. Quid sit, nomen in vestimento ac femore esse scriptū.

Persarum Regū cognomentū quòd fuerit.



## COMMENTARIVS II.

## De prapipuo huius anigmatis sensu.

Exponitur  
visio atque  
series cale-  
stis huius  
exercitus,  
quem Ioan-  
nes vidit.  
Quid per  
equos albos,  
quibus cale-  
stes aduehū-  
tur milites,  
figuretur.

Totius exer-  
ci. us duci  
solum tribui  
cadem in  
h. sibus fa-  
ctam atque  
victoriam.

Plures alij  
Scripturæ  
loci appo-  
nuntur, in  
quibus vi-  
ctoria vni  
Deo adscri-  
bitur.

Quo sensu,  
totius exer-  
citus efficiē-  
tia vni at-  
tribuitur  
Imperatorii.

Quid hic  
cælum aper-  
tum signifi-  
cet.

Quis sit ca-  
lestis huius  
exercitus  
dux.

POST publicam Christianæ Religionis exercitationem, successit admirabilis diuini Verbi victoria in Gentium innumerabilium conuersione, quæ se Euangelii iugo subiecerunt per prædicationem ministrorum Christi; qui mox libere & expedite Euangelii veritatem absque vilo impedimento vbique Gentium disseminarunt. Huiusmodi expeditio gloriosissima ostensa est Ioanni sub specie copiosissimi exercitus celestis, qui plurimo constabat equitatu; & equites quidem bysso albâ ac mûdâ erant induti; equi verò nîueo colore distincti. Hac equitum multitudo non figurat (vt nonnulli volunt) celestes Angelos; sed Euangelii ministros, nimirum sacerdotes & Apostolicos concionatores. Inducuntur autem omnes equis, aduecti hoc est bellum infidelibus inferentes; quia *equus paratur ad diem belli*. Veruntamen quia in hoc bello plus iam inerat triumphi, quàm difficultatis aut periculi; idèò finguntur equi albi. Forte etiam propter rei ipsius celeritatem: si tamen verum est, quod Turnebus ait lib. 24. cap. 31. olim fuisse creditum, candidos equos celeriores esse; quod ex Plauto & Virgilio probare contendit. Quod si vt c. 6. diximus, equus albus imbecillitatis speciem præ se fert; dum Euangelii ministri equis albis inducuntur, perinde erit, quasi significetur, tantum hoc, tãq; ipsius opus per instrumenta primo aspectu debilia & imbecilla à Deo fuisse præstitum. Enim verò infinita Dei virtus in hac infirmitatis specie delitescens infidelitatem gloriosissimè triumphauit. Per commodè etiam accidit, equum album, cum debilitatis sit symbolum, triumpho pariter atque ipsius Iouis curru aptissimum fingi. Hic addo ex iis, quæ c. 2. notauimus, eos solere in equis apparere, qui ad saluandum veniunt; atque concionatores Euangelici apte appellantur Saluatores. Deinde vestis byssina est sacerdotalis muneris & sanctitatis eximie inigne; & propterea concinnè & eleganter finguntur celestes hi equites amicti bysso splendidâ & candidâ, peridoneo indumento ad fidelium conuersionem capeffendam.

Multò tamen elegantioris concinnitatis fuit, totum hoc facinus præclarissimum vni duci tribuere; ipsumque inducere præeuntem, & spiritalem illam stragem suo gladio prorsus edentem. Itaque ipsius comites & affectæ, si attentè inspiciamus, non tam ad difficilem prælii congressum, quàm ad victoriam ac triumphum pergunt; nec non ad prædæ & spoliolum diuisionem. Hoc indicatur in eo, quod textus asserit, nimirum totum illud opus, quantumcumque est, ab ipso duce suo oris gladio præstari; atque equitum turmam ipsum comitari pariter & affectari. Id non secus figuratur, atque strenuo alicui duci solet accidere; qui si filios habeat natu paruos, eos secum ad bellum velit deducere; illos tamen in tuto collocat, ac securos præstat: solumque vult, vt ipsi tanti prælii atque victorie testes ad sint; idque sit satis, vt ipsi tum spoliis optimis, tum victoria gloriâ potiantur.

Huiusmodi figura de Euangelii ministris suum ducem hostes omnes occidentem comitantibus respondet multis aliis, quæ sub eadem specie in pluribus Scripturæ locis describuntur: in quibus de propriis bellis sermo est. Deut. 1. 30. sub ipsum promissâ terræ ingressum sic dicitur, *Dominus Deus, qui ductor est vester, pro vobis ipse pugnauit; sicut fecit in Aegypto, & in solitudine*. Iosue 23. 3. *Cernitis omnia quæ fecerit Dominus Deus vester cunctis per circuitum nationibus, quo modo pro vobis ipse pugnauerit. Et n. 10. Vnus est vobis persequetur hostium mille viros, quia Dominus Deus vester pro vobis ipse pugnabit, sicut pollicitus est*. Achior etiam Iudith 5. 16. ait, *Ingressi sunt sine arcu & sagitta, & absque scuto & gladio; Deus eorum pugnauit pro eis, & vicit*. Vide rursus Iosue 10. 42. *Vniuersosque Reges, & regiones eorum vno impetu cepit atque vastauit; Dominus enim Deus Israel pugnauit pro eo*. Alii insuper extant Scripturæ loci, quibus hoc idem adstruitur. Verum in his, quos adduxi, obserua, non eum esse sensum, quasi nihil omnino filii Israel effecerint; nec enim dubium est, quin ipsi omnes neruos & robur ad prælium contenderint: sed illud innuitur, tantum tamque admirabilem effectum inde subsecutum, vt manifestò constaret de singulari Dei providentia & præstantissimo ipsius auxilio. Quamobrem merito Deus dicitur omnia efficere; cuiusque milites nihil aliud ferè agere, quàm militari specie tanto prælio interesse; & victoriæ atque spoliis non secus potiri, ac si illa proprio robore & fortitudine reportassent. Porro in Euangelii prædicatione, ( præsertim pacatis tranquillisque temporibus) magis adhuc propriè perhibetur animarum conuersione esse vnius Christi Domini effectio per sui verbi virtutem præstita; atque adeò concinator ipse paulò plus efficere, quàm si prælio & victoriæ adesset. Nâ Christus Dominus & ipsius virtutis efficacia admirabile hoc facinus inchoat, & perficit; eiusque ministri perinde videntur agere, quasi equis candidis triumphantium similes procedant, honore & ducis fauore fruantes, & quos neque guttulæ sanguinis asperferint.

Sed videamus oportet ipsius contextus ordinem, & quid in eo singillatim exprimitur de celestis huius equitatus duce. *Vidi cælum apertum*. Per cælum hic adumbratur Ecclesiâ; vt sæpè alibi in toto huius operis decursu. quod verò cælum patefcat, denotat, ante publicam Religionis Christianæ professionem cælum ipsum veluti occlusum videri: quippe Ecclesiâ doctrina vix mundo innotescerebat. Ceterum postquam reueratum fuit cælum, & per totius orbis compita ac plateas sese ingens prædicatorum numerus effudit, mirum in modum Euangelii prædicatio extare & eminere visa est.

ET ECCE EQVVS ALBVS, ET QVI SEDEBAT SVPER EVM, &c. ] In hac Ecclesiastica doctrinæ manifestatione primùm videt Ioannes magnum Euangelii prædicatorum ducem Christum Dominum. Ille enim est, qui præit, quæ ceteri sequuntur, cuius robore ac virtute illi omnes nituntur. Equus autem albus denotat gloriosam pugnandi rationem, & quàm sit de victoria certus, siquidem triumphali vectus equo prælium init. Qua verò parte equus albus debilitatis specimen præfert, indicatur pariter Christi virtus & efficacia: quandoquidem iis instrumentis, quæ primo aspectu infirmitatem ostendunt, victoriam sibi certam pollicetur: & in hac imbecillitatis specie obequitat summa virtus, cui resisti non potest.







Quis ap-  
pelletur hic  
furor ira  
Dei omni-  
potentis.

Vers. 16.

Quosum in  
femore ha-  
beat scriptū,  
Rex Regū,  
&c.

peccatum ed peruenit, vt Christus ipse proprio se sanguine tingeret; quod peccatum interiret, & hominibus peccato ipsi mortuis, satis diuinæ indignationi fieret: merito hic Dei furor aduersus peccatum conceptus vocatur furor Dei omnipotentis; quando ita gloriose hostem fregit, ac dissipauit; & tantam tanquē illustrem suæ omnipotentia significationem in hac victoria dedit. De torcularis metaphora, de quē allusione ad Isaia locum satis in superioribus dictum est.

ET HABET IN VESTIMENTO, ET IN FEMORE SVO SCRIPTVM REX REGVM, ET DOMINVS DOMINANTIVM. ] Per Femur, significatur filii & nepotes: iuxta illud Gen. 49. 10. *Dux de femore eius.* Vnde in femore suo scriptum Rex regum, &c. indicat ipsius filios verē esse Reges, ipsumque Regem illorum. In femore enim propagatio generis intelligitur ex Gregorio, Ansberto, & Beda apud Riberam num. 29. & ex sacra Scripturæ locis; quia Christus suos filios facturum est Reges, & ipsi etiam nationes iudicabunt. Adhæc; cum in hoc ænigmate de mundi conuersione agatur; præsentī instituto per opportunum fuit, significare nobilissimam dignitatem, quæ Christi fidem amplexantibus communicatur: necnon excellentem gloriam, quæ inde ad Christum ipsum redundat. Dignitas quidem, quæ fidei sectatoribus confertur, eiusmodi est; vt verē sint, ac dicantur filii Dei & Christi. Sic Ioannis 1. 12. *Dedit eis potestatem filios Dei fieri.* Si ergo per eiusmodi dignitatem Christi filii redduntur; quid aptius, quàm Christum appellari patrem filiorum Dei, hoc est patrem futuri sæculi; & eorum, qui vere Reges sunt? Atque id est gestare in femore scriptum; Rex regum, & Dominus dominantium. Quadra hic carmen iambicum Thomæ Mori. *Princeps pius nunquam carebit liberis, Totius est Regni pater Princeps; Abundat ergo felicissimus tot liberis, quot filijs.*

## NOTATIO VII.

*Vbi prædicta expositio de visione ducis & eius exercitus in equis albis confirmatur, & cum aliorum expositionibus confertur.*

Equos albos  
curru in  
triumpho  
quos olim  
adunauerit.

ECCĒ EQVVS ALBVS. ] Iouis curru Poëtæ fin-  
gebant equis niueis trahi; vt patet ex Suetonio in  
Augusto c. 94. vnde inuidiosus extitit Camillus, qui  
curru equis albis iuncto triumphans urbem inue-  
ctus est; quod ampliorem humano fastigio vindicare  
honorem, paremque supremo Ioui videretur. Tur-  
nus etiam apud Virgilium libr. 12. cum Ænea con-  
gressurus, sibi quē triumphum promittens,

*Poscit equos, gaudet quē tuens ante ora frementes,  
Qui candore niueis anteirent, cursibus auris.*

Hinc Turnebus l. 24. c. 31. colligit (vt supra iā atti-  
gi) candentes equos celeriores extitisse; & Plautus in  
Asinaria, quadrigas albas ad celeritatem refert.

Deinde equitare perinde est, atque ab humo sub-  
limem ferri in noua dignitate collocatum, siue aliis  
spectabilem proponi quasi propriis operibus excel-  
sum atque magnificum. Equus autem albus denotat  
latam ac festiuam exaltationem, victoriae spem  
non dubiam, & nescio quid diuinitatis præ se ferē-  
tem. Dux candido equo portatus, totusque ipsius exer-  
citus equis similiter albis adiecti innuunt, se in e-  
gregiis suæ virtutis operibus equitare. Et externa  
quidem facies debilitatem prædedit; hæc tamen im-  
becillitas de mundo, diabolo, & carne gloriose triū-  
phat. Vnde & albus equi color triūphum designat,  
vt supra vidimus.

VIDI CAELVM APERTVM. ] Non est sermo de  
Christi aduentu ad iudicium: sed de descensu inui-  
sibili Christi ad opem laborantibus ferendam. Ita  
Ribera ex Ambrosio; quod tamen ipse applicat ad  
auxilium præstandum aduersus Antichristum.

Aliquis in hac figura, seu visione contēplari posset  
speciem quandā Troiani, siue equestris ludī, qui ad  
celebrandas publicas Ecclesiæ nuptias peragatur. Et  
sponsa quidem considerari potest, quali ad contem-  
plationis fenestram posita. Tum diuinus sponsus ē  
cælo prodiens candenti equo insidens. Huiusmodi  
autem ludum siue prælii simulacrum in seria, atque  
in verum armorum congressum repente cōuertit; eo  
quod sponsus ad maiorem sponsæ honorem decre-  
uerit cum suis met hostibus congredi, & sub ludicri  
certaminis specie ipsos dissipare, atque conficere.  
Hinc ipsius oculus sui honoris zelo & indignatione  
succensus interminaretur quē veste sanguine infectā  
indutum prodire; quod huiusmodi colorem sponsæ  
gratiorem fore putaret. Præterea, ad egregium illud  
facinus, quod Christus statuerat patrādum, ore fert  
gladium, id est sui verbi virtutem & efficacitatem.  
Etenim idololatriæ Romæ euersā, totius mundi con-  
uersionem per hunc Euangelicæ prædicationis gladium  
felicissimē perfecta est, & hac ratione mundi gentes  
ac nationes Christi iugum & imperium ferreā vir-  
gā figuratum subierunt.

Iam verò, quod attinet ad aliorū auctorū expositio-

nes, Maldonatus Matth. 27. 11. vbi de Christi regno,  
explicat Christum quatenus Deus est suæ naturæ  
Regem esse; & propterea in femore gestare scriptū,  
Rex regum, quia natura per femur significatur. In fe-  
more ergo; quia non est Rex vi, non tyrannide, non  
electione, non adoptione; sed naturā. Hæc ille. Sed  
contra est; quia femur non naturam vtrumque, sed  
naturam generatricem designat.

VESTE ASPERSA SANGVINE. ] Ribera nu. 23.  
non vult sanguinem esse Christi, sed ipsius hostiū; &  
Isaia ait agere de supplicio cruento ex inimicis sum-  
pto; Ioannem verò de supplicio sumendo. Atque hoc  
ait esse, venire Christum ad vltionem sanguinis san-  
ctorum: vt si quis ad amici nefarie extincti vltionē  
procederet; & eius pallium sanguine tinctum ferret;  
vt impiæ cordis memoria acrius ac vehementius re-  
fricaretur. Viegas verò contra Riberā lect. 1. §. 2. ait,  
hanc vestem esse Christi humanitatem olim effuso  
sanguine cruentatam; nunc relictis cicatricibus dis-  
tinctam.

EXERCITVS QVI SVNT IN CAELO SEQUE-  
BANTVR EVM IN EQVIS ALBIS. ] Gregorius,  
Ansbertus, & Viegas equos albos Sanctorū corpora  
intelligunt. Secus Ribera; qui de Angelis verba fieri  
putat; atque ita ait equū albū esse bene paratū, & trium-  
phaturi symbolum; quia color est latus. Et affert ex  
Zacharia 1. Angelos hominum custodes in equis al-  
bis sedentes.

Per gladium acutum significari sententiā mortis,  
siue iustionem ore Christi proferendā, credit Ribe-  
ra, n. 26. Virgā ferreā Aretas non ad regendū trāsfert,  
sed ad cōfringendū. Ribera de durissimo explicat in-  
perio. Idem, torcularis furoris, exponit de supplicij gra-  
uissimis. In femore scriptū, interpretatur Gregorius, id  
est in humanitate; per quam eius maiestas innotuit.

EQVVS ALBVS. ] Viegas lect. 1. n. 2. ait; locus non  
patitur aliā explicationē, nisi communē, vt peregrinū  
humanitas Christi designetur; per equitē verò Ver-  
bum Dei. Et credit sermonē esse de aduentu ad iu-  
diciū. Idē, in veste, & in femore scriptū Rex regum, &c.  
sic exponit. In veste, id est in humanitate; Christi  
cruentatā. At in femore significari credit Christi in-  
carnationem, ex Gen. cap. 24. 2. & c. 49. 29. Et subdit.  
Literalis ergo expositio est, quod non solum ex humanitatis  
assumptione, sed etiam ex passione habet Christus, quod sit  
Rex regum; & quia Deus homo est, & quia passus est. Atque  
hanc ait esse maximē propriam expositionem; & à  
beato Gregorio tradi.

Secūda expositio est Ambrosii; qui per vestē, Sacerdos;  
per femur, humanitatem Christi intelligit; nā & in suis,  
& in seruorū suorū operibus ostēdit se esse Regē. Am-  
bros. ipse femur explicat de veteris testamētī Patri-  
bus; ex quibus Christus. Pannonius denique in femore  
diuinā naturā; in veste humanitatem designari putat.

A

B

Maldonati  
interpreta-  
tio de nomi-  
ne in femore  
scripto, Rex  
Regū, &c.

De veste  
sanguine  
conspersa,  
aliorum ex-  
positionum  
mens.

Qui sint  
caelestes  
exercitus  
ducem se-  
quentes, ex  
Gregorio &  
aliis.

Quid per  
gladium a-  
cutum alij  
intelligerint.

Equus albus  
quid significet  
Viegas.

Quid sit in  
veste & in fe-  
more scriptū  
esse regem  
Regū, &c.  
secundum  
alios.

Quid per  
equum albū  
fignetur.

Equitis in  
equo albo  
sedentis, ce-  
terorūque du-  
ctantis va-  
ri traduntur  
aliorum  
expositiones.



## T E X T V S.

*De Angelo in sole clamante.*

*Vers. 17.* Et vidi vnum Angelum stantem in sole; & clamauit voce magna dicens omnibus auibus, quæ volabant per medium cæli, Venite & congregamini ad cœnam magnam Dei.

*18.* Vt manducetis carnes Regum, & carnes tribunorum, & carnes fortium, & carnes equorum, & sedentium in ipsis, & carnes omnium liberorum, & seruorum, & pusillorum, & magnorum.

*De allusionibus, quæ in hoc loco continentur.*

**A**LLVDITVR hic ad ea Ieremiæ verba c. 7. 33. Erit morticinium populi huius in cibis volucris cæli, & bestiis terræ; & non erit, qui abigat. Qui locus videtur omnino accipiendus vt sonat. Deinde Ieremiæ 12. 9. dicitur, Venite congregamini omnes bestie terræ; properate ad deuorandum. Sed præcipua huius loci allusio est ad caput 39. Ezech. vbi Deus Gogo & Magogo edicit n. 4. Super montes Israel cades tu, & omnia agmina tua, & populi tui qui sunt tecum, feris, auibus, omniq; volatili, & bestiis terræ dedi te ad deuorandum. Et infra n. 17. dum de eadem victoria loquitur Deus, hæc ait Prophetæ, Dic omni volucris & vniuersis auibus, cunctisque bestiis agri; Conuenite, properate, concurrite vndique ad victimam meam, quam ego immolo vobis; victimam grandem super montes Israel; vt comedatis carnem, & bibatis sanguinem. 18. Carnes fortium comedetis, & sanguinem principum terræ bibetis; arietum, & agnorum, & hircorum, taurorumq; & altilium, & pinguium omnium. 19. Et comedetis adipem in saturitatem; & bibetis sanguinem in ebrietatem, de victima, quam ego immolabo vobis. 20. Et saturabimini super mensam meam de equo, & equite sorti, & de vniuersis viris bellatoribus, ait Dominus Deus. Si hunc Ezechielis locum cum Apocalypseos verbis conferamus; hæc discrimina reperiemus. Imprimis illa auis inuitatio apud Ezechielē fit in victoria, quam Dei populus de Gogo & Magogo reportat. At apud Ioannem est mille annis antea. accidit enim priusquam ligaretur dæmon. Secundò, apud Ezechielem inuitantur ad epulas tam cæliaues, quàm bestie terræ; in Apocalypsi fit mentio duntaxat auium cæli. Tertiò, Ezechielem iubet Deus ad conuiuium vocare aues & bestias terræ; in Apocalypsi Angelus in sole stans, eas inuitat. Quartò; in Ezechiele sacrificium vocatur magnum illa cædes; in Apocalypsi dicitur magna Dei cœna. Quintò; in eo Ezechielis conuiuium quæ eduntur carnes, sunt humana, equina, arietina, hircina, taurina, & c. in Apocalypsi humanæ solum & equinæ carnes manducantur.

## C O M M E N T A R I V S.

**S**ENSVS loci huius est, copiosam fore peccatorum conuersionem ad Christi fidem & gratiam; ac proinde splendidum Angelorum conuiuium, & gaudium futurum. Etenim si gaudium est in cælo super vno peccatore penitentiam agente; quid super totius mundi conuersione futurum putamus? Manifestum namque est, innumerabiles extitisse, qui abiurata idolorum superstitione ad Euangelium commigrarunt. Hæc explicatio fiet illustrior, reddendo rationem earum differentiarum, quæ suprâ inter Ezechielem & Apocalypsin deprehensæ sunt.

Ad primam ergo respondeo; Ezechielem in Gogo & Magogo adumbrare Ecclesiæ persecutiones; tam eas, quas passa est à Romanis, quàm eam, quam ab Antichristo patietur & ab eius affecis: atque victoriam de illis obtinendam significat victoria illa ac cædes, id est eorundem persecutorum conuersio. Huiusmodi autem conuersio & post Romani Imperii persecutionem successit, & succedet etiam post persecutionem Antichristi. Ioannes ergo in præsentem eam conuersionem depingit, quæ Romanorum Imperatorum persecutiones subsecuta est. Vt autem intelligatur, in ea comprobari Ezechielis vaticinium de Gogi & Magogi internecione; ideo assumitur hic figura conuiuii siue epuli, quod Deus cæli auibus apponit post magnam illam stragem, quæ in Gogi & Magogi exercitu fit. Deinde, vt percipiatur etiam Ezechielis prophetiam fore implendam in ea victoria, quam Ecclesia sub Antichristi tempora adipiscitur; idcirco post conuiuium à Deo apparatus cæli auibus, postquæ dæmonis alligationem per mille annos; inducitur Gogi & Magogi exercitus; quasi hac ratione nobis innuatur, eadem illam atque conuiuium non semel, sed sæpius euentura. Quamobrem ad significandam mundi conuersionem Constantini tempore futuram, accersit Apocalypsis picturam illam siue effigiem conuiuii auibus instructi; quod præstituit internecionem Magogi: postea verò ad Antichristi persecutionem vsurpat figuram belli à Gogo & Magogo suscitati. Quæ de re latè dicam ad caput 38. & 39. Ezechielis.

Ad secundam differentiam, tam iusti in terra, quàm Angeli in cælo collatantur, & exultant ob peccatorum conuersionem. Quod si Angeli in auibus figurantur; in terræ etiam animalibus iusti viri in mundo degentes figurentur necesse est, vt videbimus in capitis 36. Ezechielis expositione. Et omnes quidem Ezechiel inuitat: Ioannes verò inuitationem auium solum meminit per allusionem ad Christi verba, Gaudium erit in cælo super vno peccatore penitentiam agente, Lucæ 15. 7. Cum multò sit maior apud cæli Angelos iucunditas & lætitia, quàm apud iustos adhuc viuētes constaret. Vel potius, fuit, Angelorum fieri mentionem; vt idem etiam de iustis adhuc viuētib; constaret. Vel potius, Ioannes ideo Angelorum tantum meminit; vt innuat, qui iusti propter peccatorum conuersionem

*Quæ sint in duplici hoc versiculo ad alios Scriptura locos allusiones.*

*Quod sit cœna huius magnæ Dei mysterium.*

*Cur inuitatio ad magnam in cælo apud Ezech. c. 33. fit in victoria de Gogo & Magogo paratâ: hic verò mille annis antea.*

*Cur apud Ezechielem inuitentur ad cœnam, tam aues cæli, quàm bestie terræ: apud Ioannē verò solum aues?*



latitiæ voluptate gestiunt, eos Angelos posse meritò appellari; quando & eorum latitia propria Angelorum est, & conuersatio pariter illorum est in calis.

Cur apud  
Ezechielem  
Deus inbeat  
aues & be-  
stias inuita-  
ri: hic autē  
angelus in  
sole stans. a-  
ues inuitet:  
Angelus in  
sole stans  
quem figu-  
ret.

Cur in Eze-  
chiele voce-  
tur illa ca-  
des, sacrifi-  
cium ma-  
gnum: et in  
Apocalypsi,  
cena ma-  
gna?

Cur in  
Ezechielis  
conuiuio  
edatur car-  
nes huma-  
ne, equine,  
arietinae,  
hircinae, tau-  
rinae, &c.  
et in hoc  
Apocalyp-  
tico solum hu-  
mane &  
equinae?

Ad tertiam differentiam; sol, de quo in præsentī agitur, denotat Euangelii lucem, quæ toto terra-  
rum orbe longè lateque diffusa est, iuxta ea Isaia verba c. 9. 2. *Habitantibus in regione umbræ mortis lux orta  
est eis.* Est ergo sermo de fulgentissima doctrinæ Euangelicæ luce, quæ post Romanam potentiam de-  
uictam toti orbi illuxit. Vide Sapient. 5. 6. ubi impii in inferno aiunt: *Iustitiæ lumen non luxit nobis, & sol  
intelligentiæ non est ortus nobis.* In hac ergo ingenti Euangelii claritate, quæ mundo oborta est post Roma-  
ni Imperii persecutiones, minister Dei iue Angelus, qui aues ad lætissimum conuiuium inuitat, mi-  
nistère exprimit Ezechielis prophetiam. Itaque qui hic inducitur Angelus, meo iudicio, aut Prophe-  
tam Ezechielem, aut ipsius etiam prophetiam repræsentat.

Ad quartam differentiam; vtrumque nomen eidem finī & scopo egregiè deseruit. Etenim per-  
inde est magna Dei cœna, atque diuinum quoddam epulum & celestis celebritas. Atqui ingens po-  
test sacrificium appellari victoria illa, in qua Christiana Religio & diuinus cultus exultant atque  
triumphant, & vtrumque denotat mundi conuersionem calitibus ipsis festiuissimæ latitiæ fuisse, nec  
non illustri diuinæ gloriæ exaltationi, magno holocausto, atque oblationi; in qua omnes, qui se ad  
Christum, eiusque fidem transfulerunt, gratissimum ei obtulere sacrificium.

Ad quintam differentiam; in Apocalypsi quidem satis erat attingere, quàm Deo extiterit, quàm  
Angelis etiam gloriosum, vt non solum mundi sapientes ac literati Catholicam Religionem am-  
plecterentur; verum etiam rudes & imperiti, qui belluarum instar sunt. Sic Dauid Ps. 35. 7. *Homines &  
umenta saluabis Domine.* Id quod in Apocalypsi mox iis verbis exponitur, *Omnium liberorum & seruorum.*  
Apud Ezechielem verò (vt in eius capituli explicatione videbimus) peculiaris extitit ratio; cur arie-  
tum, hircorum, taurorum mentio fieret; vt denotaretur auarorum hominum, turpium & superbo-  
rum conuersio.

Non me latet, quàm sit Ribera & Viegæ expositio in hoc loco diuersa; qui arbitrantur hæc ver-  
ba, ita vt sonant, esse vsurpanda; & in illis sermonem haberi de ea victoria, quam Ecclesia de Anti-  
christo reportabit. Sæpè tamen huiusmodi controuersia discussa est; & sæpè admonui, totius Apo-  
calypseos acolithiam, rei certitudinem, & significationis elegantiam pro me stare.

## T E X T V S.

*Vers. 19.* Et vidi Bestiam, & Reges terræ, & exercitus eorum congregatos ad fa-  
ciendum prælium cum illo, qui sedebat in equo, & cum exercitu eius.

*20.* Et apprehensa est Bestia, & cum ea pseudopropheta: qui fecit signa coram  
ipso, quibus seduxit eos, qui acceperunt characterem Bestiæ, & qui adora-  
uerunt imaginem eius: viui missi sunt hi duo in stagnum ignis ardentis sul-  
phure.

*21* Et ceteri occisi sunt in gladio sedentis super equum, qui procedit de ore ip-  
sius, & omnes aues saturatæ sunt carnibus eorum.

## C O M M E N T A R I V S I.

### De sensu grammatico.

Tres hi ver-  
ficuli (quod  
ad literam  
attinet) ex-  
plicantur.

**E**T VIDI BESTIAM.] In Græco præfigitur articulus. Vnde elicitur maris Bestiam capitis 13. & Be-  
stiam coccineam c. 17. vnam eandemque esse, vt expendenti constabit. Si enim essent duæ, mi-  
nimè foret ad rem articulus, vt altera designaretur; nec verò percipi ac distinguì posset, de vtra illa-  
rum sermo fieret. Porro prælium hoc inter cælum & terram committitur; & equi albi fessor, eiusque  
exercitus de cælo descenderunt. Ex parte verò terræ Bestia maris exercitum ducit, & cum illa Reges  
terræ atque eorum exercitus sociantur. Hoc quidem verbis ipsis exprimitur, sed faciliè hinc colligi-  
tur, marinæ Bestiæ opem ac suppetias ferre ipsius fœderatos, nempe draconem & Bestiam terræ, quæ  
vocatur pseudopropheta. Ceterum Bestia terræ singulatim nominatur, quia illa plus ceteris bellum  
propalam vrgebat. Pro cælesti verò exercitu diuinam virtutem, eiusque opem præsentissimam sta-  
re, dubium non est.

Vbi ad primum ipsum congressum peruenitur; dehiscens tellus Bestiam maris ac Bestiam terræ  
viuentes & videntes absorbet, ipsasque in ignitum stagnum detrudit, ceterosque omnes, qui earum  
partes fouebant, occidit eques ille, qui equo albo vehitur, idque gladio ex ipsius ore procedenti. *Et  
omnes aues saturatæ sunt de carnibus eorum.* Itaque ex vniuerso exercitu, qui cum cælestibus phalangibus  
prælium commissurus aduenerat, nullus remansit omnino (vno dæmone excepto, de quo infra.)  
Nam duplicem Bestiam totius exercitus ductrices deuorauit terra, reliqui gladio interfecti occu-  
buerunt.

Illud hic obseruatione dignum, bellum aduersus maris & terræ Bestias gestum prius confici,  
quàm aduersus draconem. Etenim in hoc capite 19. tellus vtramque Bestiam deglutit, & earum mi-  
lites occisione delentur, & cæli auibis pro pastu obiciuntur. Postea verò c. 20. ligatur diabolus, qui

deinde



A deinde post mille annos bellum instaurat; & tandem numero 10. ipse etiam in stagnum ignis immittitur.

In his igitur tribus versibus innuitur, impletum fuisse, quod Angelus in sole stans portendebat. Tametsi enim phalanges terrestres numerosissimæ erant cum cælesti exercitu congressuræ; dissipatæ tamen sunt atque deletæ, qua ratione iam diximus. Vnde cælestes aues occisorum cadaueribus pastæ conuiuium duxere latissimum.

APPREHENSÆ EST BESTIA. J Ribera ait hanc esse metaphoram à præliis petitam; in quibus aliqui viui capiuntur. *In stagnum ignis ardentis fulgure.* Hæc est vera loci huius lectio; non ea, quam adducit Primasius. Consule Riberam numero 37. Porro stagnum ignis esse inferorum locum, & cur sic appelletur; tractat optimè ipse Ribera n. 32. Et verò ex Apocalypseos textu satis cōprobatur, c. 19. 20. & c. 20. 15. & c. 21. 8. Iam, quod supplicii locus appelletur stagnum ignis; continet non veritatem solū, sed egregiam etiam elegantiam propter rationes symbolicas. Stagnum verò est veluti mare quoddam, ubi ignis & cruciatus, tanquam in proprio loco, nunquam deficiunt.

B Dices; si stagnum significat inferorum regionem, cur dicitur cap. 20. 14. *Infernus & mors missi sunt in stagnum ignis?* Huic tamen dubio fiet satis cap. 20. oblerua tamen, Prosperum in codicem incidisse deprauatum, aut memoriā lapsū fuisse. Nam in dimidio temporis c. 5. & c. 12. legit, *Apprehendit draconem, & Bestiam, & pseudopphetas; isti viui missi sunt in stagnum.*

## COM M E N T A R I V S II.

### De sensu enigmatico.

C **E**X triplicis huius versus verbis deducunt nonnulli, fieri non posse, vt Bestia & Pseudoppheta Mundum & Carnem significant. Ait enim textus, *Viui missi sunt hi duo in stagnum ignis ardentis sulphure.* Iunc autem dæmon non in eundem detruditur lacum, sed in abyssum; ibique alligatur: post mille verò annos soluitur, & prodit inde; seducit Gogum & Magogum, eos in prælium cogit; ipsi Ierosolymam obsident; descenditq; ignis de celo, & c. Quid ergo sibi vult Ecclesiastica pacis tempore (hi enim sunt mille pacis anni) contringi dæmonem; & Mundum atque Carnem apud inferos comburi? Et enim hoc pacto sub idem pacis tempus, quando dæmon alligatus est, vere dicentur mundus atque caro liberi esse atque soluti, & virtutem infectari. Qui ergo verè dici potest, Ecclesiæ bellum aduersus mundum & carnem susceptum absolui prius, quàm aduersus dæmonem? Iam, quid significat, nunc mundum & carnem ante extremi iudicii diem viuos exardere apud inferos; nec detrimenti quidquam Ecclesiæ importare posse? Quis porro est huiusmodi ordo; mundum atque carnem prius viuos in inferorum ignem coniici; deinde dæmonem in abyssō, siue mari ligari: post mille verò annos, relictis adhuc apud inferos mundo & carne, solui dæmonem: postea mitti etiam in stagnū ignis; ac postremo in ipsum stagnum detrudi inferunt, mortem atque improbos? Denum, si dæmonis dissolutio sub Antichristi tempora est futura, cur non etiam tunc mundus & caro soluentur?

His nodis aliqui irretiti in eam fortasse opinionem deueniunt, vt nullo alio modo huiusmodi quæstiones expediri putent, quàm vt per Bestiam & Pseudopphetam Antichristus & eius præcursor, siue propheta figurentur; hac enim ratione rite intelligitur post duplicis Bestiæ deuorationem sequi magnam Ecclesiæ pacem, & vltimum postea Gogi & Magogi bellum.

D Verum enim verò, si res accuratè perpendatur, difficultas hac ratione minimè tollitur. Quippe Gogi & Magogi bellum non aliud est, quàm bellum Antichristi; secundum communem & certam opinionem. Quod cum ita sit, locus certò ipse multò adhuc difficilior & implicatior manebit. Dicendum namque esset, Antichristum & eius prophetam ad inferos prius demitti viuos, deinde mille pacis annos succedere, postea Antichristi bellum. Vt hanc implicationem Ribera atque alii deuenient, contextus ordinem omnino subterfugiant atque confundunt. Existimant enim diuersas esse visiones, nec aliquem consequentiæ, aut temporis ordinem seruare inter se. Verum hoc planè violentissimum est, nam textus (postquàm tres Christianæ Religionis hostes acerrimos, dæmonem, Bestiā maris & Bestiam terræ enumerat,) voluit manifestè ipsius belli exitum per ordinē recensere. Quare prius retulit Bestiam maris atque Bestiā terræ fuisse telluris hiatu absorptas, dein cōtrictum remansisse dæmonem, & mille annorum pacem subsecutam, postea solum dæmonem, & Gogi & Magogi bellum exarsisse. Hæc ergo ipsa rerum consecutio argumento est, planeque fortissimo, veram marinx Bestiæ explicationem, iuxta literalem sensum, de Antichristo esse non posse.

E Afferro igitur in Bestia & Pseudoppheta denotari mundū & carnem Christianæ Religionis infectos, & per Ecclesiæ victoriam, ac Romani mundi siue Imperii conuersionem ad Christum, dici merito mundum atque carnem Ecclesiæ persecutores in inferorum ignem viuos fuisse deturbatos. Hoc tamen intellige in concreto (vt aiunt) id est Gentiles fidem Christianorum oppugnantes viuos descendisse ad inferos, simul cum mundi potentia ac superbia Christi fidei contrariā, cumque carnis affectibus eidem fidei oppositis; viuos inquam descendisse, vt supplicii quo suorum scelerum pœnas luunt, in æternū persentiscant. Dicuntur autē viui tellure dehiscere fuisse deuorati; id est, ita vt in mūdo nulla aut facies aut figura aut ferè memoria illius persecutionis remaneret. Vel potius dici possunt illi ipsi, in quibus mundus & caro viui perstiterunt, hac ipsa vitā in inferos æternum fuisse demersi. Atque hoc est mundum & carnem in barathrum deiectos fuisse. Ceteros verò à mundo atque carne seiunctos (vel potius mundo atque carne ab iis separatā) Christi gladius vitā veteris hominis priuat; atque moriuntur quidem peccato, sed hac eadem morte cælitates mirum in modum latificant.

Præter hæc, mundus & caro bifariam considerari possunt; vno modo veluti contrarii atque infesti

Preponitur  
difficultas,  
qua in xpo  
n. stram ex  
p. sionem  
occurrit in  
rerum ac  
temporis or  
dine & con  
sequentiā.

Primus mo  
dus soluen  
di: præd. & d.  
difficultatē  
exponitur,  
nec probat  
tur.

Vera ad sio  
periorē  
difficultatē  
expediendam  
via statuitur  
ac declarat.



Mundum  
atque carnē  
dupliciter  
considerari  
posse.

Occurritur  
alteri diffi-  
cultati ex  
dictis subo-  
rnat.

Vers. 21.  
Qui dica-  
tur gladio  
ducti fuisse  
occisi.  
Vers. 20.

virtuti, modestiæ & honestati; & hac ratione semper manent in hac vita; altero, ut fidei & Christianæ Religioni oppositi; eam videlicet acriter oppugnantes, ac de medio tollere omnino cupientes. Et sane iuxta hanc secundam acceptionem, iam eos terra deglutivisse videtur; neque ex iis quidquam siue partis siue figuræ remansisse. Prius quidem tota mundi carnisque potentia omni virium contentione in bellum Christianæ Religioni inferendum incumberebat. Sed tota hæc belli machina Constantini tempore disiecta fuit. Quæ verò peculiare deinceps persecutiones acciderunt, minoris fuere momenti; nec in ipsis uniuersa mundi atque carnis potentia contra Christianam Religionem militavit; sed aliqua solum pars, & in nonnullis orbis regionibus; ut quondam Maurorum tempore Cordubæ, & nunc in Iaponiis insulis. Ceterum post Iuliani tempora nusquam hactenus Christianæ fidei se opposuit communis mundi atque carnis potentia; hanc enim iam tellus absorbit. Quare ex triplici hoste, unus solum reliquus est dæmon; isque ligatus, donec Antichristi tempore solvatur.

Sed dices: qua ratione dissolvendus est tunc dæmon, eadem solvendi sunt mundus & caro: non igitur apte finguntur hi duo iam apud inferos concremari; sed simul cum ipso dæmone ligari. Respondedo, per maris Bestiam, si formaliter loquamur, non figurari mundum generationis sumptum; sed in illa Romani Imperii Bestia, quatenus Christi fidem persequitur; atque adeo per Bestiam terræ, non carnem in comunem denotari; sed carnalem affectum, quatenus cum illa maris Bestia coniunctum; id est admirationem & exultationem maximam de antiquo illo Romano Imperio idolorum cultore & Christianæ Ecclesiæ hoste conceptam. Illi ergo antiqui Ecclesiæ aduersarii, nempe Romanorum Imperium ethnicum & caro ipsius concubina ita sunt absumpti, ut in Christi Ecclesiam rursus confluere nequeant: eorum tamen loco dæmon sub mundi finem Gogum & Magogum excitabit. Et vero Antichristus etiam, eiusque sectatores non inepte possent in maris & terræ Bestiis adumbrari. Sed cum alii sint futuri Ecclesiæ persecutores à primis illis longe diuersi; ideo congruenter in diuersa alia figura significantur: nulla autem aptior esse potuit, quam Gogi & Magogi, de quibus apud Ezechielem c. 38. & 39.

CETERI OCCISI SUNT IN GLADIO SEDENTIS SUPER EQVVM. ] Ceteri, id est ii, qui in antiquo errore non perstiterunt; sed manus Euangelio dederunt. Hoc enim fuit eos Christi gladio iugulari; ut late iam exposuimus: eorumque conuersio celestibus spiritibus latissimam celebritatem, & opiparum planè conuiuium instruxit.

IN STAGNUM IGNIS ARDENTIS SVLPHVRIS. ] Fortè peccata ipsa sunt quasi inferni ignis sulphur atque materia & fomes, quo flamma illa perpetuè alitur. Nam & Hieronymus ait, inferni sulphur metaphorice accipiendum esse. Id quod eo sensu velim dictum, qui ænigmatis proprius est, nempe allegoricus. An verò sit in super verum apud inferos sulphur; id scholasticis discutiendum relinquo, eisque me libenter subiicio. Vide Abulensem Matth. 25. quæst. 560. Serarium in Iudith cap. 16. quæst. 2. & Riberam hic.

## NOTATIO VIII.

De aliorum expositionibus circa illa verba, Viui missi sunt hi duo, &c.

Proponitur  
aliorum ex-  
positiones  
ad predicta  
verba, Viui  
missi sunt,  
&c.

ALIVIS opinabitur, viuos descendere ad inferos, perinde esse, quasi in hac vita de præteritis sceleribus penitentiam agere; & inferorum poenas ut suis flagitiis satis dignas considerare; iuxta illud Ps. 54. 16. *Descendant in infernum viuentes.* Vbi quidam sic philosophantur; *Descendant viuentes, ne descendant morientes.* Et quod attinet ad bellum cum duplici Bestia prius confectum, cum tamen bellum adhuc aduersus dæmonem extet; suspicabitur quispiam, id planè esse, quod prope mortem accidere solet agrotis: postquam enim nos mundus & caro derelinquunt, superest adhuc dæmon, qui nos acriter vel eo tempore oppugnat; quando nec carnis suggestiones, nec inanis mundi opinio nos vrgent. Hæc tamen abs re sunt ad contextus feriem.

Antichristum & eius præcursores viuos esse à terra absorbendos, exponunt hic Ribera, Viegas; & communis. Et Ribera quidem n. 31. ait, nullum esse dubitandi locum, quin sub Bestiæ nomine de Antichristo sit sermo. Porro Reges terræ affirmat esse septem illos Reges, qui Antichristi vexilla sequuntur. Quare, cum terra (ut ipse Ribera supponit) sit denotatura Antichristum & eius præcursores viuētes: eam mox quæstionem mouet, & in dubium reuocat, quo scilicet pacto hoc vaticinium consentiat cū Pauli dicto 2. ad Thess. 2. affirmantis, Antichristum à Christo fore occidendum. Ac primò affert Bedam, Anselmum, & Thomam; qui probabile putant, Antichristum & eius præcursores esse interficiendos; dici tamen, mittendos esse viuos, in stagnum ignis,

ut acerbiores cruciatus significentur. Sed ipse Ribera prius n. 24. sic explicat; Antichristum & eius præcursores viuos esse in inferorum barathrum detrudendos; affirmari tamen illos interfecit iri, quia subito Christo iubente à dæmonibus rapiuntur. Nā iussio Christi est spiritus oris eius, ex Chrysostomo & Theophylacto. Conatur autem Ribera hanc locutionem emollire, ut detrudere in infernum viuos, sit interficere, ex loco Numer. 16. 33. & Ps. 54. 16. Postea tamen Ribera ipse n. 36. decernit, Antichristo euenturum, quod Dathan & Abiron, qui à terra absorberi cœperunt; sed mortui sunt antequam ad infernum peruenirent: ut sentiant Abulensis, Lyranus, Hugo, & Dionysius Numer. 16. dicentur verò viui descendisse, quia apparebit eos descendisse viuos, ut Ps. 54. *Descendant in infernum viuentes.* Haymo asserit, Antichristum in monte Oliuæ in suo papilione moriturum; & refert eam esse Doctorum traditionem. Aretas dubitat, an Antichristus sit moriturus; & an superstes futurus sit aliquis post mortem Antichristi; Sibylla quædam significat, Antichristum cū suis subito flammâ rapiendum (vide Riberam §. 36.) & nota hoc Sibyllæ dictum videri coherere cum prophetia Apocalypseos de Gogo & Magog; nam per eos designari Antichristum & eius exercitum ex vero est, & in Apocalypsi legimus (c. 21. 9.) *Descendit ignis à Deo de celo, & deuorauit eos.* Sed id suo loco explicabimus. & prædicta ex aliorum expositionibus attigisse satis est; cum nostra expositio sit longè diuersa. Porro de loco illo Pauli, 2. Thess. 2. diximus ca. 14. not. 3.

Antichristi,  
cuiusq;  
præcursores  
viuos fore  
à terra ab-  
sorbendos  
multi pu-  
tanti



## LIBER QVINTVS.

*Tria postrema capita exponens, quibus sacræ actioni finis imponitur.*

## EXORDIVM.



VEMADMODVM liber huius operis tertius finem fecit infelici illo exitu Iudæorum ( de quibus Deus seuerissimam æquè ac meritissimam sumpsit vindictam, vt in capitis II. calce describitur : ) ita etiam libro quarto finem imposuit exitus felix vindictæ mysticæ, qua Deus in Gentilicum populum animaduertit, per conuersionem non totius modò Romæ, sed etiam Imperii, vt in superioris capitis fine videre est. Sicut autem liber tertius octo complexus fuit capita, à quarto scilicet vsque ad vndecimum: ita similiter quartus liber totidem capitibus cōsistit, nempe à duodecimo, vsque ad vndeuigesimum. Et quidem si per diuisionem capitum Apocalypseos iam receptam liceret, gauderem maximè, primos capitis vigesimi versus libro quarto pro colophone subnecti. Etenim tres hostes, qui peracri bello in Ecclesiam coniurarunt, ij fuerunt draco è cælo delapsus, Bestia maris & Bestia terræ. Cùm verò caput 19. desinat in eam vindictam, quæ de maris & terræ Bestiis sumpta est: integra huius discursus ratio poscebat, vt in eo tractaretur pariter de supplicio draconi inflicto, dum alligatus, & in abyssum detrusus est. Verùm in hac mei operis diuisione ego debui, eam ad communem capitum Apocalypseos partitionem conformare. Præsertim cùm illa dæmonis, seu draconis alligatio supponat Ecclesiæ victoriam atque triumphum de Gentilico populo reportatum, nec non idololatriæ ex toto Imperio expulsionem. Quare ligatio dæmonis non tam videtur ad belli finem & vindictam de inimicis sumptam reuocanda, quàm ad pacem ipsam in posterum stabiliendam post victoriam comparatam. Bene igitur habet, vt liber hic quintus à capitis vigesimi initio ducat exordium, & sacræ huius actionis epilogus tria omnino capita contineat, sicuti totidem prologus complexus est. Quorum expositioni dedimus secundi libri rationem, eo quòd primum occupauerant notationes proœmiales, & singulorum capitum paraphrasis. Hæc est igitur totius nostræ interpretationis diuiso.

Quòd si in quatuor superioribus libris nostra expositio, & ab aliorum interpretationibus longè diuersa, & Romanæ Ecclesiæ splendori & magnitudinì cū primis extitit honorifica: quæ sequitur in quinto hoc libro declaratio non erit, opinor, aut à vulgari sensu minùs remota, aut Romanæ Ecclesiæ minus gloriosa. Etenim hæcenus non ita erat communi consensione receptum, in tribus capitibus sequentibus de Romana Ecclesiâ singulatim institui sermonem, sed generatim de Ecclesiæ Christiā pace, de Antichristi persecutione aduersus illam concitanda, de quæ magnitudine, quæ post extremi iudicii diem, eandem manet Ecclesiā. Mihi verò omnino persuasum est, ( & spero me fore non obscure ostēdē ) tribus ijs rebus generatim sermo fiat, nec ad pati, vt per triplex hoc capitulum singulatim deueniatur: quinimo verum ac Romanæ Ecclesiæ gratiam.

*Ratio, scilicet, es, ordo & connexio quatuor superiorum librorum cum quinto hoc & postremo.*



germanum sequentium capitum argumentum agere de diuturna pace Romanæ Ecclesiæ ceterarum Ecclesiarum capite, de bello eidem Ecclesiæ Romanæ per Antichristum inferendo, & de victoria per ipsam de eodem Antichristo gloriosissimè comparanda, postremò de excellentissima gloria, quam in cælesti beatitudine Romana Ecclesia consequetur.

Totum hoc dependet ex capitis decimi noni intelligentia, ac præsertim ex illarum nuptiarum vera & solida explicatione, cum aliæ non sint, nisi nuptiæ Romanæ Ecclesiæ cum Christo initæ. Hoc enim si vt fundamentum statuamus, consecrarium est (vt videbimus) trium horum capitum scopum eum esse, vt in iis agatur de triplici felicitate maxima Romanæ Ecclesiæ post expulsam toto Romano orbe idololatriam. Prima felicitas est, pax per mille annos durans. Secunda, victoria de Antichristi persecutione ac bello reportanda. Tertia, eximia illa & admirabilis ciuitatis cælestis gloria eidem Romanæ Ecclesiæ conferenda: quo demum sacræ huic actioni finis imponitur.

Quid ergo vulgi opinioni magis aut nouum, aut inusitatum? Si enim compluribus reputandum est nouum & insolitum, quod à capite duodecimo ad finem vsque decimi octauum in Apocalypsi continuata serie disputatur de Romanæ Ecclesiæ institutione, de bello in illam suscitato, ac de victoria, quæ illi Deus de Roma ethnica, deque Romano Imperio contulit: quantò insolentius & inusitatius videatur, totum trium capitum sequentium argumentum agere singillatim de Romanæ Ecclesiæ felicitate? Nam si in libro quarto nouitatem præ se fert Apocalypseos series & consequutio: id saltem constat, auctores extitisse grauissimos, veteres pariter ac neotericos, qui nos admonent per Babylonem in Apocalypsi Romam ethnicam antiquam denotari: quæ Babylon tria sibi vendicat capita, quibuscum cetera connectenda erant. At verò in hoc quinto libro nullam aliam nouæ interpretationi lucem asferre possumus, præter continuatam totius contextus seriem & acoluthiam, quæ minùs hætenus obseruata fuerat. Et quamuis in eo ænigmate, quod omnes nondum enodatum fatebantur, ridiculum esset, nouam quamlibet expositionem ob vnā nouitatis notam damnare: hoc tamen non obstat, quin vulgo nouum & inusitatum appareat, quod nullus hætenus perstrinxerat. Quod si hæc nouitas aliquem retardauerit, ea de re me refero ad ea, quæ in notatione 19. præmiali disputati. Spectat autem omnis mea explicatio ad antiquissimam Romanæ Ecclesiæ auctoritatem illustrandam, & confirmandam. Cui Ecclesiæ quemadmodum summopere est honorificum, vt Apocalypseos scopus à capite duodecimo vsque ad decimum nonum eò solum tendat, vt ipsius Romanæ Ecclesiæ erectionem, progressum atq; victoriā depingat, & hanc eandem victoriam integro Canticorum libro, tot Davidis Psalmis, tot veterum Prophetarum integris capitibus concelebre: ita etiam manifestum est, splendorem hunc atque gloriam non parum excrecere, si tria vltima huius operis capita in Romanæ etiam Ecclesiæ laudationem impendantur: idque adeo singulæ tractatione, vt nec in mille annorum pace, nec in Antichristi bello, nec in cælestis patriæ triumpho (quorum tanta pars ad ceteras etiam Ecclesias redundabat), aut generatim argumentum tractetur, aut ad aliam descendatur Ecclesiam, cuius totius tractationis vis in vnā Romanam incumbat. Quo illud nobis innuit, hanc esse potissimum Ecclesiam, cuius (vt capitis ac reginæ) curam cælum suscipiebat, & pacem

Postrema  
huius Apo-  
calypseos  
partis expo-  
sitio quàm  
noua, quàm-  
que Rom.  
Ecclesia glo-  
riosa sit.



A illam per mille annos duraturam non ceteris Ecclesiis, sed vni Romanæ promitti: aduersus hanc potissimum bellum Antichristi & ipsius præcursorum exarsurum: hanc diuino auxilio fultam de illis triumphaturam: hanc denique cælo illaturam totum illum splendorem & amplitudinem, quæ describitur in extrema Apocalypseos parte, vbi cælestis Ierosolymæ maiestas depingitur.

B His animaduersis facile est intelligere, totam Apocalypsin ad Ierosolymæ comparisonem cum Roma, & vnius felicitatis cum infelicitate alterius collationem reuocari. Nam tria prima capita prologum agunt: deinde vsque ad vndecimum sermo instituitur de Ecclesia, quam Christus in Sione fundauit, ac de bello ab Ierosolyma rebeli eidem illato, nec non de belli huius exitu, qui non alius fuit, quam manifesta diuinæ seueritatis in Iudæos significatio. A capite verò 12. depingitur Romanæ Ecclesiæ fundatio, & Romæ ethnica bellum aduersus illam susceptum, eiusque belli successus, qui Romanorum & totius Imperii conuersione, & clarissimo pariter Dei in Romanam Ecclesiam argumento terminatus fuit.

Cum autem caput vndeagesimum desinat in vniuersi Imperii cōuersionem: (quæ non aliud fuit, quam vniuersas gentes Ecclesiæ Romanæ subiicere) appositè satis ad sacræ huius actionis coronidem seligitur, quod tribus postremis capitibus describitur de triplici Romanæ Ecclesiæ felicitate post victoriam de Gentibus partam. Atque hoc est libri huius quinti argumentum.

Totius  
Apocalypseos  
scopus  
quo potissimum  
sententia  
datur.



## NOTATIO I.

*Ad caput 20, in qua suus honor beati Augustini expositioni tribuitur,  
& summa huius capitis proponitur.*

Capitis huius vigesimi expositione à B. Augustino in libris de ciuitate tradi.

**H**ABEMVS super hoc capite expositionem B. Augustini lib. 20. de Ciuit. à capite 7. vsque ad 15. quæ tanti est à ceteris interpretibus habita, vt eam omnes aut in cunctis aut in plerisque; saltem sequerentur. Ita fatetur Ribera §. 1. Et hac de causa supersedet aliorum interpretum sententijs referendis, ac simul concedit, se in ijs, in quibus à beati Augustini sententia dissentit, ab omnium etiam interpretum consensu recedere. Ego verò etsi fateor, me non in omnibus ad sancti Augustini expositionem in huius capitis commentario adhærescere; cum tamen in præcipuis rebus sequor, in quarum plerisque ab eo discedunt alij. Quapropter in rebus maioris momenti locupletissimos habeo meæ sententiæ auctores Augustinum & omnes, qui eum sequuntur. Atque hoc est vnum ex præcipuis meæ expositionis fundamentis; quia in tota Apocalypsi id ego omni ratione contendo, quod alij fortasse neglexere; videlicet vt cetera omnia cohæreant cum ea præcipuorum huius capitis punctorum expositione, quam & docuit Augustinus, & ab eo reliqui interpretes communi consensione didicerunt.

Præcipua verò puncta huius capitis, in quibus mea expositio reueretur & sequitur Augustinum, hæc sunt. Primum, alligationem dæmonis non esse ipsius detractionem in inferos; sed potestatis illius cohibitionem.

Secundum, abyssum exponi debere metaphoricè, nec in præsentī significare infernum.

Tertium, Maris bestiam non esse Antichristum, sed mundum paganum.

Quartum, qui Angelus alligauit dæmonem, non esse alium, quam Christum Dominum.

Quintum, sedes, & qui sederunt super eam non hic referri ad vniuersalis Iudicii diem, sed ad Ecclesiæ gubernationem in hac vita.

**B** Sextum, solui diabolum, perinde esse ac ei permittere, vt Gentes seducat, easque ad bellum Ecclesiæ inferendum impellat.

Septimum, ciuitatem dilectam à Gogi & Magogi exercitu circumfessam, non esse terrenam Ierosolymam, sed Christi Ecclesiam.

Octauum, per Gogum & Magogum in Apocalypsi non peculiarem aliquam nationem aut singulares duces denotari; sed mundi nationes sub Antichristo futuras.

Nonum, ignem de celo descendere, in hoc capite esse mysticè accipiendum.

**B** In his omnibus punctis sanctissimi Doctoris declarationem veneror amplectorque. Verum enim verò illud insuper cernere aueo (quanuis pumilio humeris tamen gigantis sublatum:) nimirum quæ sit principij capitis huius connexio & consequentia cum antecedentis capitis fine: quod insuper sit verum mille annorum initium, quibus ligatus est draco? atque illud etiam, agi singulatim in hoc capite de Romana Ecclesia, & duplicem illius felicitatem prædici: ex sunt longa ac diuturna illius pax & nobilissima victoria, quam post huius pacis tempus consequutura est de Antichristo & de ipsius præcursoribus. Quod verò ad finem capitis additur de vniuersalis Iudicii die, id necessariò est interpositum ad sequentem tractatum de Romanæ Ecclesiæ triumpho in cælesti patria. Nam inter victoriam de Antichristo & Ecclesiæ Romanæ tertiam felicitatem, hoc est triumphum in patria cælesti; necessariò interponendus fuit vniuersalis iudicii dies. Itaque huius capitis vigesimi summa continet duplicem Romanæ Ecclesiæ felicitatem post idololatriæ expulsiōem, & diem Iudicii, qui postremam felicitatem antecedit.

Quæ sint præcipua puncta in quibus nostra huius capitis explanatio cū B. Augustini explanatione consentiat.

## CAPVT XX.

## TEXTVS.

*Verf. 2.* Et vidi Angelum descendentem de cælo habentem clauem abyssi, & catenam magnam in manu sua.

2. Et apprehendit draconem, serpentem antiquum, qui est diabolus & satanas, & ligauit eum per annos mille.

3. Et misit eum in abyssum, & clausit & signauit super illum, vt non seducat amplius gentes, donec consummentur mille anni. Et post hæc oportet illum solui modico tempore.

## COMMENTARIVS.

**V**ARIIS huius annorum millenarij interpretationibus ad notationes reiectis, eam hic duntaxat subiiciam, quam veram & germanam reputo, cui non parum lucis affert connexio huius c. cū præcedente. In hoc .n. incipitur à dæmonis ligatione: in superiore verò habitus fuit sermo de nuptijs Agni. Meminisse autè oportet ex Tob. 8. 3. vt Sara tranquille & pacatè suo frueretur matrimonio, necesse

Connexio vigesimi huius capitis cum præcedente.







Quid sit,  
clauem an-  
gelo dari ad  
claudendā  
abyssum.  
Quid per  
catenam  
magnam  
adhibetur.

Quid per  
sigillum.

In abyssi  
clausura  
sigillo quid  
imprimis  
insinuat.

Mille an-  
norum nu-  
merum non  
propriè &  
strictè, sed  
latè & me-  
taphoricè  
esse accipi-  
endum.

Annorum  
millenarius  
quo sensu  
in Apocal.  
usurpatur.

Questio,  
Vtrum ex li-  
gatione da-  
monis per  
mille annos  
facta, se-  
quatur pa-  
cem plus  
mille annis  
subsequen-  
tiam?

Iam ad singula descendamus. *Clauem*, textus ait ad obserandam custodiam fuisse adductam. *Misit eum in abyssum, & clausit super eum*, quasi dicat, Clausum insuper obserauit & inclusit: id est, *interdixit ei, ne possit exire*; vt optimè Augustinus lib. 20. de ciuitate cap. 7. Ita vt, donec permissionis à Deo statuta tempus, aduenerit, ostiumque Dæmoni referauerit, nequaquam prodire valeat ad publicam religionis exercitationem in Romana vrbe perturbandam. *Catena magna* idem est atque crassa & grauis. Quo innuitur, Dæmonem non solum exire non posse, sed etiam omnino præpeditum atque irretitum teneri: cuiusmodi esset vinctus aliquis ingenti religatus catenâ, quæ ipsū dimouere se, (ne dum prodire) minimè sinat. Andreas ait, catenam esse Dei operationem coërentis malitiam Dæmonis. Ribera catenam hanc refert, ad firmissimam Dei voluntatem: Viegas ad potestatem Christi. Ego verò ad impedimenta, quibus Dæmones veluti compedibus & catenis quibusdam vinciuntur: inter quæ impedimenta, videntur alia ex aliis necti, & euentus alij alijs attexi; ita vt dæmoni suum explere desiderium non liceat.

SIGILLVM.] Augustinus lib. 20. de ciuitat. cap. 7. ad eundem applicat effectum, qui in epistolis solet intendi, videlicet vt occultentur ea, quæ intus exarata sunt. *Significasse* (ait Augustinus) *mibi videtur, quod occultum esse voluit, qui pertineant ad partem diaboli, & qui non pertineant*. Verùm regium sigillū in ianuarum clausura non occultandi gratia imprimitur, sed vt regia interponatur auctoritas, & securus reddatur quisque, ausurum neminem obseratam ianuam referare. Lege Danielis 14. 13. *Signantes annulo regis*. Et num 16. *Saluane sunt signacula?* Ex quibus infero, per abyssi clausuræ sigillum denotari Dei auctoritatem, quæ nos securos reddat, nullius siue Angeli siue hominis potestate, quidpiam fore præstandum, quo dæmon ex eo carcere, & potestatis compressione possit euadere. Ad hæc; si Dei insignia sunt quoddam sigillum siue parma, vbi impressa sint quatuor animalia, Aquila, Bos, Leo, & Homo, (vt capite 4. diximus:) fortassis hoc sigillo denotatur Dei Virtute, Sapientia, Beneficentia, & Æquitate, præstari omnino securam Romanam Ecclesiam de promissa sibi publica Christianæ religionis professione vsque ad Antichristi persecutionem futurâ. Iam, si in sigillo crucem Christi contemplemur; concinnè etiam & eleganter in hac parte ratiocinari possumus.

5. Mille annorū numerus non est propriè & strictè, sed metaphoricè & latè, capiendus. Constat enim Ecclesiam hæcenus fuisse perfunctam plus mille ducentis publicæ religionis annis; & constat pariter alios præterea numeros figuratè itè in Apocal. usurpari; cuiusmodi sunt tres anni & dimidiatus, de quibus cap. 11. & 12. & 13. & numerus etiam duodecim millium, de quo diximus cap. 7. Superest tamen explicare, quæ sit figura vel phrasis, iuxta quam præsens mille annorum numerus accipiatur. Ribera §. 39. & 40. germanum esse sensum autumat, si numerus finitus pro infinito ponatur: quia eiusmodi locutione sæpè in sacris Literis dicuntur mille pro multis. Et sic etiam prophani plerumque scriptores loquuntur, vt Virgilius & Persius. quin imò Hispano etiam proverbio dicitur, *Al cabo de los años mil bueluen las aguas por do solian ir*. Vnde ænigma annorum mille, quibus dæmon erat in vinculis retinendus, ad similem posset reuocari sententiam: ita vt asseratur Roma publico christianæ fidei exercitio per longam annorum seriem fruitura, ac demum grauissima rursus persecutio suscitanda; atque adeò aquæ rursus solitum decursum atque alueum repetituræ: sed, *aquæ multa non poterunt extinguere charitatem*.

Existimo tamen, in Apocalypsi per millenarium numerum non designari solum multitudinem, sed etiam plenitudinem temporis. Sicuti obseruarunt Augustinus lib. 20. de ciuitate c. 7. Gregorius lib. 19. Moral. cap. 1. & lib. 37. cap. 20. Primasius & Beda hic & plerique. Hæc assertio in eo cumprimis nititur, quod millenarius numerus est denarii cubicus, in quo trina est dimensio. Nam si lineæ denarii quadretur; redditur quadrata superficies centenarii; & ex simili superficiei quadratura conficitur numerus solidus millenarius. Cum autem denarius sit multitudinis symbolum (vt diximus cap. 12. & 13. vbi de decem cornibus) ad plenissimæ annorum multitudinis significationem, nihil congruentius est, quàm numerus mille annorum. In hac autem plenitudine illud innuitur, dæmonis solutionem fore euenturam post exactum multorum annorum numerum plenissimum, quem sapiens diuinæ prouidentie dispositio destinabit. simile quippiam annotauimus cap. 7. in numero duodecim millium. Rectè verò usurpatur mille annorum phrasis ad denotandum multorum annorum numerum, quem diuina prouidentia sibi proposuit. In quo obiter fit allusio ad id Psal. 89. 4. *Mille anni ante oculos tuos, tanquam dies hesternæ, quæ præterit*, quod etiam locutione non ab simili respexit Petrus epist. 2. cap. 3. 8.

Rogabis tamen, vtrum ex vi huius locutionis, *ligauit eum per annos mille*, promissio fuerit Romæ facta, fore vt dæmon illi esset constringendus plus mille annis ante Gogi & Magogi bellum? Et prima quidem specie id non videtur asserendum, primò, quia sæpè vsu venit in his numeris (qui indefinite pro multis accipiuntur,) aliquam subesse hyperbolen; & multò esse minus, quod significatur, quàm quod verbis ipsis importatur: vt cum Latini dicunt; *sexcenta huiusmodi*. Secundò, quia minime videtur expedire, vt in Scriptura ratum fiat, mille omnino annos ante extremi iudicii diem imò etiam ante aduentum Antichristi superesse: cum potius appareat congruentius (vt multis alijs Scripturæ locis significatur) de mundi fine & extremi iudicii tempore nobis ignotum esse, an valde appropinquent, aut longissimè distent. Etenim quanuis oportuerit etiam, ne deciperentur fideles, existimantes paucis post annis diem iudicii aduenturum; idque in sacris Literis affirmari (propterea enim Christus Dominus, beatus Petrus & beatus Paulus nos admonent, hunc non esse sensum eorum Scripturæ verborum, quæ vltimi iudicii diem instare primo aspectu innuunt. Et eam ad rem similiter conducit huius capitis locutio de dracone per mille annos alligato;) nihilominus congruens etiam valde erat, vti fideles nescirent, tam longâ annorum serie & ordine sæculorū dæmonem constrictum iri. Ex huius enim rei ignorance possunt vtilitatem percipere non exiguam. Et quidem loquendi modus non certè probat, mundum per mille annos, imò nec per quingentos duraturum. Quamobrem Augustinus lib. 20. de ciuit. cap. 7. expresse ad-



A uertit ad horum mille annorum veritatem satis esse, ut pars pro toto sumeretur. Et infra, exponens verba illa, *Donec finiantur mille anni*, sic ait, *Mille, aut quod remanet de sexto die, qui constat ex mille annis*. Ac demum phrasim hanc indefinita est; quia finitus numerus pro indefinito ponitur. Atque ita ex hac loquendi ratione sicut minimè constat, dæmonem ligandum non fore plusquam bis mille, aut ter mille annos; sic etiam constare non poterat, plus quingentis annis eum ligandum esse.

Mille annorum veritatem quomodo intelligat B. Augustinus

B Verum noster Ribera §. 40. his non obstantibus, affirmat ex hoc capite haud absurdè colligi, multos adhuc annos ad diem usque iudicii restare: quia numerus millenarius indefinitè positus accipitur semper pro pluribus, quam mille. In quo Ribera pronuntiato, quanuis rationem non probem, opinionem tamen ipsam verisimilem reor. Nam de Romani Imperii persecutionibus loquitur Apocalypsis, tanquam de re citò finienda. Ait enim c. 22. 10. *Ne signaueris verba prophetiae libri huius; tempus enim propè est*. Quæ verba referri debent omnino ad tempus nuptiarum Agni cum Romana Ecclesia post victoriam de Roma ethnica partam, ut eo loci constabit. Si ergo quod post ducentos amplius annos explendum fuerat, ait Apocalypsis citò euenturum, & tempus iam propè esse: hinc sequitur, quos illa appellat mille annos, temporis fore spatium millenario ipso multò maius: quantumuis hoc ipsum multorum annorum intervallum respectu Dei sit nimis breue & contractum; ut ex loco Psalmi 89. 4. asserit Petrus epist. 2. capite 3. 8. ubi videtur habuisse respectum ad prophetiam, quæ illi prius, quam Ioanni fuerat reuelata de Romanæ Ecclesiæ felicitate illam annorum plenitudinem duratura, quæ per mille annorum phrasim denotatur. Atque ea reuelatione supposita, ait B. Petrus longum illud annorum spatium non obfatare, quo minùs Iudicii dies sit citò appropinquaturus, non quidem in eo sensu, quo dicitur in Apocalypsi Romana Ecclesia breui tempore perfectam de Roma ethnica victoriam adepturam (videlicet, quia considerata negotii magnitudine ducentorum annorum, aut etiam trecentorum spatium breue erat: ) sed quia licet diu multumque iudicii dies respectu totius mundi protrahatur; comparatione tamen cuiusque singularis verè & prudenter dicitur celeriter dies Iudicii adfuturus; ut expendimus cap. 1. num. 1. Atque hoc significatur in iis Scripturæ locis, quæ indicant imminere diem Iudicii. Id insuper nos præscire oportebat, ne existimaret quispiam sibi posse multum differri diem Iudicii. Quod verò extremus Iudicii dies sit re ipsa per longam sæculorum seriem differendus; id Ecclesiæ esse ignotum non decebat: quando voluit Deus in Apocalypsi prænunciari reliquam fore annorum plenitudinem Ecclesiæ per millenarium significatam; idque ante Gogi & Magogi bellum, hoc est, ante persecutionem ab Antichristo excitandam.

Responsio ad propositionem difficultatem.

Oportuisse, ut diem iudicii per multa fore sæcula differendum, Ecclesiæ non esse initio ignotum.

C Præterea in ea ipsa promissione, quæ Romæ fit de publico religionis Christianæ vsu ad Antichristi aduentum duraturo, inuoluitur etiam quidquid opus est, ut Romæ hic publicus vsus conseruetur. cuiusmodi est; ut bona Romani Imperii pars Catholicam retineat religionem. Nec enim Romæ diu posset publica fidei professio conseruari, si in ceteris omnibus prouinciis corruisset. Quapropter, quantumuis hæreses & infidelium bella pestem & exitium Christiano populo machinentur; pro certo tamen habendum est ad Antichristi vsque aduentum, manifestam religionis Christianæ exercitationem conseruatam iri; non Romæ solum, sed etiam in ea Romani Imperii parte, quæ opus fuerit, uti Roma fidei sibi diuinitus præstitæ complementum assequatur.

D UT NON SEDUCAT AMPLIUS GENTES. ] Euidens est dæmonem non compedibus irretiri, quinùs vllas gentes absolutè decipiat. Quare verba isthæc respectiue (quod aiunt) accipienda sunt; hoc est, ut non seducat amplius gentes, quantum opus est, ut vxor Agni felicitate sui matrimonii potiatur, cum publica Christianæ fidei professione, ut suprà explicatum est. Porro hisce ex verbis liquet: dæmonis ligationem, de qua in præfenti agitur, non eam esse, per quam oportuit prius ligari dæmonem, ut domus eius diriperetur (de qua alligatione sermo est Marci 3. 27.) sed eam esse, quæ consequuta est Ecclesiæ victoriam de Roma ethnica, deque Imperio comparatam. Et qua opus erat, ut Ecclesia Romana suarum nuptiarum felicitate pacificè frui posset per annos mille subsequentes, de hac verò duplici ligatione dicemus infra.

Verf. 3. Quo sensu dicatur illigatum dæmonem seducat amplius gentes.

E Augustinus in his verbis, ut non seducat amplius gentes; gentium nomine prædestinatos intelligit: quam etiam expositionem sequitur Ribera, sed in ea non acquiescit animus. Sic enim semper esset religatus dæmon. atqui supponendum est, antequàm ligaretur, ipsum gentibus fucum facere solitum, scilicet ad Romanam Ecclesiam persequendam, & ad Christianæ religionis usum impediendum. Constat etiam ex subsequenti contextu, post mille annos exactos soluendum esse Satanam, & seducendum gentes: ubi per gentes intelligi non possunt prædestinati.

Gentium nomine quinam his intelligantur.

ET POST HÆC OPORTET ILLVM SOLVI MODICO TEMPORE. ] Verbum illud oportet, non solum affirmat, ita fore; sed etiam id maximè expedire: & ideo permittendum esse à Deo, quia conueniens valde est ita ab eo permitti. Est ergo expendendum, in arcana diuinæ prouidentiae consilio grauiorem persecutionem ad extremum referuari. Nam ut inter Romanorum Imperatorum persecutiones vltima fuit maxima ceterarum: ita etiam inter omnes excitas hæcenus, & in posterum excitandas, Antichristi persecutio sæuissima & immaniissima existet; ut sapienter considerauit Augustinus lib. 20. de Ciuit. cap. 8. ex illo Matthæi num. 24. 22. *Nisi breuiati fuissent dies illi, non fieret salua omnis caro.*

Grauiissima omnium persecutionum consulto ad mundi finem à diuina prouidentia referuari.

Cum ergo diuina prouidentia hunc ordinem in persecutionum permissione & dispositione obseruet; haud dubiè congruentissimus est. Rationes quidem, quas Augustinus expendit, huiusmodi sunt: Si nunquam solueretur diabolus, minùs appareret eius maligna potentia, minùs sanctæ ciuitatis fidelissima patientia probaretur; minùs denique perspiceretur, quam magno eius malo tam bene fuerit vsus omnipotens Deus qui eum nec omnino abstulit à tentatione Sanctorum, ut eius oppugnatione proficerent, & ex parte alligauit, ne innumerabiles à fide deterreret. Soluetur autem in fine, ut quàm fortem aduersarium Dei ciuitas superauerit, cum ingenti gloria sui Redemptoris, adiutoris, liberatoris, aspiciat. His illud adiungo: sicut in exercitu tam prima, quam extrema acies fortissimos quosque milites fortitur; & in medio ipso exercitu minùs validi, minùsque strenui milites collocantur: ita similiter in primoribus Christianæ Ecclesiæ militibus (id est, primitiue Ec-



clesiæ tempore) & in ultimis, qui Antichristi tempestate erunt superstites, virtus atque animi robur diuino suffragante auxilio & enituit, & enitescit. Certe, si cetera sint paria, præstantior vis ac fortitudo in acriori conflictu & sauiore persecutione spectatur. Nihilominus tamen primi illi Ecclesiæ Christiani, utpote qui difficillimam totius mundi expeditionem & conuersionem, præsertim Romæ atque Imperii, sunt aggressi; validiores essent necesse fuit. Secundum illos tamen nulli alii poterunt virtute & constantia cum iis conferri, qui Antichristo sunt obstituri; ut ex grauissimæ tentationis magnitudine colligitur. Vnde optime subiungit Augustinus, *In eorum, qui tunc futuri sunt, Sanctorum atque fidelium comparatione, quid sumus? quandoquidem ad illos probandos soluetur inimicus, cum quo nos ligato tantis periculis dimicamus.*

Quid hic  
per modicum  
tempus in-  
nuatur.

MODICO TEMPORE.] Consentanea sunt hæc verba cum iis, quæ Christus ait Matthæi 24. n. 22. *Nisi breuiati fuissent dies illi, non fieret salua omnis caro.* Communis opinio est, Antichristi persecutionem tribus omnino annis & dimidio duraturam. De quo temporis spatio, de quæ eius mysterio diximus supra capite 11. verum quidem est, in quibus locis Apocalypsis agit de hoc trium annorum & dimidiati spatio, in iis non loqui directe saltem de Antichristo secundum eam expositionem, nec in capite 11. nec in 12. nec in 13. Ex eadem tamen Apocalypsi validissimum depromitur argumentum, ut modicum hoc tempus pro annis per paucis accipiamus. Cum enim mille annos appellarit tempus illud, quod à dæmonis religione vique ad eius dissolutionem interiaceret: tempus illius belli, & subsequentes dies ad vniuersalis vsque iudicii diem manifeste indicat pro nihilo posse reputari, siquidem generalem resurrectionem allignat in mille horum annorum exitu, ut videbimus versu quinto in iis verbis, *Ceteri mortuorum non vixerunt, donec consummentur mille anni.* Sed de hoc latius suo loco.

Quid sit,  
dæmonem  
solui modi-  
co tempore.

Hactenus meam proposui explicationem; in qua dæmonis colligatio nihil aliud est, quam dæmonis potentiam teneri constrictam ac præpeditam, ne possit Romæ obistere publico Christianæ religionis exercitio, nec propterea Christianos in eadem vrbe infectari. Atque adeo *draconem solui*, perinde erit, quasi Deus permittat, ut tunc præstare valeat, quod nunc minime potest: nimirum ut Romæ rursus Christiana religio grauissime oppugnetur. Iam verò, quod mea declaratio speciatim ad vnam Romanam Ecclesiam coarctetur; voluntarium non est, sed necessarium, tum ob nostram Apocalypseos acoluthiam, tum etiam ob allusionem ad Tobie locum. Oñsum namque hactenus est, vxorem illam Agni, cuius nuptiæ capite 19. celebrantur, esse Romanam Ecclesiam, ceterarum omnium caput ac Reginam. Constat autem ex Tobie libro, per dæmonis religionem in nuptiarum mentione, eam omnino significari securitatem, qua coniuges matrimonii felicitate tranquille & pacatè fruuntur.

Argumen-  
tum contra  
prædicta.

Solutur  
argumen-  
tum.

Sed obiicies, in Apocalypsi non immediate sequitur dæmonis ligatio nuptias Agni cum Ecclesia vxore. Nam post huiusmodi nuptias sequitur bellum illud, quod in posteriori parte capitis 19. memoratur. Vnde nulla ratio cogere videtur, ut dæmonis colligationem ad felicitatem nuptiarum Agni referamus. Respondeo tamen, hoc ipsum bellum manifeste pertinere ad ipsarum nuptiarum celebritatem. Etenim epulum illud, quod aibus apparatus, pertinet ad earundem nuptiarum celebrationem: & ipsamet nuptiarum allegoria complectitur prælium illud, tanquam ludicrum quoddam certamen militare, quod in ipso nuptiarum die peragitur. Quod verò ad significationem spectat; si in eo prælio adumbratur vniuersalis prædicatio, quæ Gentes Evangelio subegit post Ecclesiæ victoriam de Roma partam: manifestum est, hoc ipsum certamen esse efficacem Gentium vocationem, quæ ad Agni nuptias conuocata sunt. Quare in earum nuptiarum lætitia celebranda versabatur Apocalypsis in fine capitis 19. atque adeo dæmonis religio, quæ initio capitis vigesimi exprimitur, cum nuptiarum celebritate proximè coniungitur.

Ex nostra  
alligati dæ-  
monis in-  
terpretati-  
one validū  
desumi ar-  
gumentum  
& ad Ro-  
manæ Ec-  
clesiæ glo-  
riam, & ad  
hæresum  
falsitatem  
demonstrā-  
dam.

Iam, si nostra interpretatio de dæmonis alligatione adeo certa est, ut mihi videtur, quid, obscuro, Romanæ Ecclesiæ gloriosius potuit contingere, quam hanc colligationem dæmonis esse conscriptam ad pacem & securitatem indicandam, qua fruitura erat ipsa Ecclesia publico Christianæ religionis vsu à Romani Imperii conuersione ad Antichristi vsque tempora persistente? Quid in super literarum monumentis tradi potuit, quod magis hæresum monstris repugnaret? Nam si in Apocalypsi asseueratur & celebratur magnifice publica veræ religionis in vrbe Roma professio ab expulsa idololatria vsque ad Antichristi persecutionem (qui publicum Christianæ fidei vsum omnino prohibebit) duratura; quid notius aut manifestius, quam omnium hæresum repugnantia & contradictio publicæ religionis exercitationi, quam Roma proficitur? Nostra igitur Apocalypseos acoluthia bellum hæreticis omnibus indicit: & mea quidem sententia acrius illis bellum infert vna Apocalypsis secundum meam expositionem intellecta, quam singulares omnes tractationes, quæ hæreseon singulas refutat. Etenim peculiaribus argumentis, quæ aduersus hanc vel illam hæresim scribuntur, mirum non est euasione aliquam reperiri, aut etiam confingi. At verò illi argumento, quod vniuersas hæreses à Romana Ecclesia prorsus recedere, ac separari contendit, nulla alia adhiberi potest solutio, quam ut ipse negetur auctoritas. Quod si etiam inficiari, perinde est, atque directe opponi totius Apocalypseos scopo & acoluthiæ: quid potuit hæreticis acerbius ac molestius accidere, quam Apocalypseos filum & consequentem fuisse inuentam; idque tanta perspicuitate, ut nemo prudens negare possit, quin admirabile hoc ænigma mirifice congruat cum iis, quæ Catholici omnes de Romanæ Ecclesiæ auctoritate profiteantur? Cum autem hæc nostra Apocalypseos explicatio non vnum aut alterum ipsius operis symbolum, sed vniuersa simul quadret: quemadmodum euident est, librum integrum, planèque ænigmaticum duorum & viginti capitum (qui tanta est symbolorum multitudine & varietate refertus) aptissime applicari ad diuersum sensum ab eo, quem eius operis auctor intendit, ita etiam nihilo est incertius aut obscurius, toto cælo aberrare illos, qui à Romanæ Ecclesiæ sensu discedunt.



## N O T A T I O II.

*De pluribus aliis explicationibus per diuersos auctores  
excogitatis de ligatione dæmonis.*

**N**OSTRA interpretatio colligationem dæmonis eo ipso constituit tempore, quo Romana Ecclesia de Roma ethnica triumphauit, idololatria inde prorsus exterminata. Vt igitur diuersas aliorum expositiones recenseam, hunc ordinem seruabo; vt primò eas referam, quæ eidem tempori putabant dæmonis alligationem esse referendam, licet multò aliter applicauerint. Deinde eas, quæ dæmonis religionem ad anteriora tempora reuocant, id est, ad tempus Christi passionis. Ac deum eas subiiciam, quæ ad posteriora tempora respexerunt, opinantes, hanc dæmonis ligationem aut multis sæculis post idololatriam ex Imperio depulsam accidisse, aut nondum euenisse re ipsa, sed in posterum referuari.

Qui nobiscum consentiunt in tempore quo ligandus erat dæmon, ij verò duas in classes partiuntur. Alij enim sunt nimis antiqui, nempe Millenarii: alij valde neoterici, qui nomen etiam mille annorum accipiunt, vt sonat. Mirabitur fortasse aliquis, quòd Millenarios asseram de tempore alligati dæmonis mecum consentire, id est, eam applicare ad tēpus illud, quo Rom. Ecclesia de Roma ethnica triumphū erat actura. Ceterum, si ipsorū Millenariorū sensum solumter perscrutemur, nā ipsi ligationē dæmonis eodem ac nos tempore collocabunt. Etenim quamuis Millenariorum opinio fuerit, post Ecclesiæ triumphum de Antichristo reportatum, iustos mox reuicturos, & cum Christo in terris per mille omnino annos regnatos, & toto hoc tempore dæmonem fore ligandum: Antichristus tamen, de quo ipsi loquebantur, futurus erat (secundum ipsorum existimationem) Romanus Imperator & caput vltimum veteris illius Romani Imperij, quod Ecclesiam persequabatur. Quòd si eo superato, statim erat colligandus dæmon, tempus ergo colligationis à Millenariis assignatum illud propriè erat, quod mox sequeretur post Romanum Imperium Ecclesiæ subiectum. Atque hoc ipsum tempus à nobis alligato dæmoni designatur.

Hanc verò Millenariorum fabulam sequuti sunt Papias, Irenæus, Tertullianus, Lactantius Firmianus, Victorinus, Apollinaris, Seuerus, Iustinus, Nepos, vt ex Hieronymo de scriptoribus Ecclesiasticis verbo Papias referunt Ludouicus Viues libro vigesimo de Ciuit. capite septimo, & Ribera in huius capitis commentario §. 17. & infra. Hoc tamen commentum non omnes eodem modo, sed longe diuerso tradiderunt; & alij aduersus alios scripserunt, vt Irenæus contra Cerinthum. Cerinthus enim persuadere conabatur, Sanctorum regnū in eo annorum millenario cum Christo regnantū in eo futurum carnis & concupiscentiarum regnum. At Irenæus etsi corporeas nuptias cogitabat, ab illicitis tamen cupiditatibus abhorrebat. Alij deinceps successerunt, qui mille annorum fabulam amplectentes, non alias cogitabant delicias, præter spirituales. Atq. hac ratione aliquando placuit Augustino Millenariorum fragmentum, vt ipsemet fatetur libro vigesimo de Ciuit. capite septimo.

Hæc tamen fabula postea diuturnitate prorsus extabit, & manifestè patuit illusos fuisse eos, qui corporum resurrectionem in Sanctis ante diem iudicii futuram, statim post victoriam de Romano

Imperio partam sperabant. Non tamen defuere, qui nostra etiam ætate crediderint, mille annos alligati dæmonis præcisè & strictè pro iusto millenarij numero vsurpandos fore; & numerandos quidem ab eo tempore, quo Constantinus Ecclesiæ permisit publicum Christianæ religionis vsum. asseruntque ex eo tempore ad principium vsque maxime potentie, qua domus Otomana vixit, præterisse mille solum annos, nimirum ab anno 300. ad annum millesimū trecentessimum. Tunc verò aiunt solutum fuisse dæmonem propter ingentem potestatem, qua Deus Imperatorem Turcarum potentissimum Christianæ Ecclesiæ hostem pollere permisit. Sic frater Ferdinandus del Castillo in sua beati Dominici historia parte secunda, cap. 1. & nonnulli alij.

Deinde Vbertinus Casalis vehementer exhorrens Pontificem Ioannem 22. (qui obiit anno Christi 1334.) considerat dæmonis colligationem Constantini Magni tempore accidisse, solutionem verò post mille annos præcisè, quando in Petri sede fuit collocatus prædictus Ioannes vigesimus secundus. Ita Vbertinus tractatu de septem ætatibus Ecclesiæ capite octauo, §. vigesimo quarto, dicens, se aliorum referre sententiam sic opinantium. Sed satis suam in hac parte mentem declarat; siquidem Pontificem illum appellat malam Bestiam, & eundem ait esse abyssi angelum & exterminatorem, cuius meminit Apocalypsis capite nono. Ita tradit ipse Vbertinus in prædicto tractatu capite tertio, §. decimo & decimo sexto, & deinde cap. quarto ait eius Pontificis tempore videri interruptam mansionem, quoad regiminis Romanæ Ecclesiæ veritatem. Et iterum capite quarto, §. nono aduersus eundem Pontificem stomachatur. Et capite sexto, §. primo, eum appellat mysticum Antichristum.

Aliorum expositio est, ligationem dæmonis non esse speciatim referendam ad Romanæ vrbis felicitatem in publica Christianæ religionis professione; sed ad Catholicæ Ecclesiæ pacem, qua perfruitur postquam ab orbe Romano post Iuliani mortem expulsa est idololatria. Nam ab eo tempore Christiana religio nunquam generali persecutione fuit oppugnata, quemadmodum fuerat ethnicorum Imperatorum Ecclesiæ hostium tempestate. Quamuis enim variæ deinceps hæreses contra Ecclesiam sint exortæ, & multa infidelium bella aduersus eandem exarserint: si tamen communem Ecclesiæ statum attendamus, fideles generatim saltem loquendo, non propterea oppugnantur, quòd Catholicam fidem profiteantur: quando in tot prouinciis securè possunt & pacatè in Christi fide transigere, sine aliqua cuiusvis iniuria aut violentia. Atque hæc Ecclesiæ pax creditur ad Antichristi persecutionem duratura, ac proinde tota illa temporis plenitudine quæ mille annorum nomine importatur.

Hæc omnes expositiones eatenus cum nostra conueniunt, quatenus tempus ligati dæmonis illud assignant, quo expulsa est ab orbe Romano idololatria. Verum alijs placet, hanc dæmonis religionem ad dominicæ passionis tempus referendam esse. Nam Christi passionis virtute & efficacia factum est, vt dæmones omnes constricti remanerent, id est, ipsorum vis & potestas reprimeretur: non secus atque

2. Expositio.

3. Expositio.

4. Expositio.

5. Expositio.

1. Expositio.

Quinam  
Millenari-  
um fabu-  
lam ex ve-  
teribus se-  
cuti fue-  
runt.



canis alligati; qui damnum inferre nequit ei, qui ad eum appropinquare non vult. Atque hæc dæmonum colligatio præstituitur ante Gentilitatis conuersionem; quia ut habetur Marc. 3. 27. *Nemo potest uasa fortis ingressus in domum diripere; nisi prius fortem alliget, & tunc domum eius diripiat.* Hanc expositionem nonnulli adeo certam reputant, ut affirmant dubium non esse, quin de hac saltem alligatione loquatur Apocalypsis. Et eandem expositionem sequuntur Augustinus, Gregorius, Primasius, Beda, Andreas & plerique Apocalypseos interpretes, qui existimant, mille annos, quibus dicitur ligatus esse draco, denotare vniuersum tempus à Christi passionem usque ad Antichristi persecutionem. Sic statuunt ex nostris Pererius lib. 15. in Daniele, Ribera hic §. 4. & Viegas sectione prima, numero primo.

6. Expositio.

Ribera tamen & Viegas nonnihil à communi expositione recedunt. Tametsi enim in eo cum illa conueniunt, quod draconem asserunt fuisse illigatum Dominicæ passionis tempore; & mille annos complecti totum tempus, quod à Christi passionem ad Antichristi usque tempora interiacet: in eo tamen à communi interpretatione discrepant, quod dæmonis alligationem non accipiunt de omnium dæmonum potestate cohibitâ; sed singulatim de dæmoniorum principe, qui toto hoc tempore in inferorū carcere retentus sit, sitque in posterum retinendus; nullâ interim ei factâ prodeundi potestate, usque ad Antichristi tempora. Pro hac autem expositione Ribera & Viegas asserunt Laëtantium lib. 7. diuinarū institutionum cap. 24. & 26. Gregorium lib. 4. Moral. cap. 12. Et ex interpretibus Ambrosium & Andream. Adduntque in hoc loco arcanum quoddam Ecclesiæ prænunciari, nimirum post Christi passionem illico singularem quandam Angelum à cælo descendisse, qui Satanam alligaret, & in inferos detruderet; nec amplius inde euadere permetteret ad tempus usque persecutionis Antichristi.

7. Expositio.

Dux itaque expositiones fuere, quæ ligationem draconis ad Dominicæ passionis tempus referrent. Non tamen defuit, qui suspicaretur, dæmonis colligationem fortè multò antea fuisse. Nam Prosper in dimidio temporis cap. 4 ait fortasse mille annos numerari ab exitu sermonis à Daniele dicto, ut illi quadringenti nonaginta anni, & isti, qui excurrunt ab aduentu saluatoris usque in solutionem eiusdem diaboli, concludant mille annos. Sic Prosper.

8. Expositio.

Sed transseamus iam ad aliorum explanationes, qui religationem draconis ad posteriora tempora reducant. Prima ergo opinio est Aureoli & eius sectatorum; qui ligationem dæmonis explicant de egregio illo facinore, quod Calixtus summus Pontifex præstitit anno Domini 1122. quando peruersum morem abstulit, quo Imperatores Ecclesiasticam libertatem in electionibus impediabant. Quare hæc expositio affirmat, fuisse Calixtum, qui ligauit diabolum per mille annos, id est in sempiternum, quoad mundus durer.

9. Expositio.

Alij explicant de felicissimo tempore, quo fruitura est Ecclesia statim post Antichristi necem. Aiunt enim, magnificas pacis & abundantis spiritus promissiones, quas Prophetæ Christianæ Ecclesiæ pollicentur, nondum fuisse perfectè impletas, si communis Ecclesiæ status attendatur; atque adeo illo potissimum tempore (quod ipsi Spiritus sancti vocant) implendas fore; ita ut optari amplius non possit vlla morum correctio aut informatio; nec remaneat hæresis aliqua aut hostis, qui Ecclesiam perturbet, aut bello fideles affligat.

Hanc sententiam tenet Vbertinus de Casalis tractatu de septem statibus cap. 8. §. 21. & 23. Seraphinus de Fermo hic & Pannonius; qui etiam id fateatur in prologo. Item Bullengerus, qui id quoque in fine prolegomenon adnotarat. Huius expositionis auctorem esse suspicor Abbatem Ioachimum. Quauis enim initio dicat, mille annos per recapitulationem ad totum Ecclesiæ tempus referendos: postea tamen ait Millenariorum opinionem, quauis falsa sit, quoad mille annos præcisè sumptos; sed quod attinet ad Sabbathum, non tam opinionem

A esse, quam serenissimum intellectum. Sabbathum porro appellant Ioachimus & eius sectatores tempus illud, quo fruitura est Ecclesia post Antichristi mortem: in quo etiam expectant 12. alios Apostolos Sp. sancto plenos, & vberissimam eiusdē Spiritus copiam vniuersali Ecclesiæ generatim effusam, nec non maximam pacem ac requiem. Horum verò auctorum fundamentum, ut hunc sabbathismum ab Apocalypsi post Antichristi mortem collocari credant, illud est, quia sibi persuadent, cap. decimum non terminari Antichristi morte & victoria Ecclesiæ reportanda de omnibus illius sectatoribus. Deinde sequitur cap. vigesimum agens de dæmonis alligatione, deque mille pacis annis secundissimis. Quoniam verò communi consensione erat receptum, parum superesse temporis ab Antichristi morte ad diem usque Iudicii, ideo ne felicitatem illam ad tantas temporis angustias redigere cogantur, pro virili parte contendunt, protrahere annos illos siue tempora, quæ post Antichristi mortem successura sunt. Quin imò adducunt Iudæos & vnam ex Sibyllis, asserentes post Enoch & Helix necem restare alios trecentos quinquaginta annos ante extremi Iudicii diem, de quo vide Langium in Iustinum tomo secundo, folio 72. Vbertinus etiam in prædicto tractatu ad finem, trecentos illos quinquaginta annos duplicata summa ad septingentos extendit.

B Non tamen defunt alii, qui in animum sibi inducunt, necessarium esse, ut Ecclesia in hac vita fruatur felici illo sabbathismo. Sed ne arctissimo sabbathismi spatio coercentur, asserunt falsò credi, mille pacis annos ab Apocalypsi expressos, de longinqua Ecclesiæ pace post Antichristum fore intelligendos: adduntque mille hos annos non post, sed ante Antichristum futuros, nec tamen appropinquasse adhuc dæmonis alligandi tempus. Ita Hortulanus in Cantica folio 386. & infra, ubi ait, se in eam propendere sententiam, ut ab Antichristi morte ad diem usque extremi Iudicii quinque & quadraginta non amplius annos credat intercessuros. Et paulò post Ecclesiæ sabbathismi felicitatem depingit, qua ratione ipse sibi futurum persuadet. *Tunc enim, inquit, maxime deletur erit peccatum, inducitur per vniuersum orbem iustitia, & tunc implebitur illud Isaie, Populus tuus omnes iusti, & tunc sublati erit omnes bellorum & persecutionis metus, & pax erit altissima, & tunc sublatum erit omne impiorum regnum, omnis tyrannis atque omnis potestas, & solus Christus regnabit, & erit in terris specimen admirandum celestis Monarchie, quam habebit Christus in eternum: & nulli erunt heretici, neque hypocrite, neque opus erit renouatione Ecclesiæ.* Atque hunc etiam statum felicissimum ad mundi ipsius finem designat Hortulanus ipse. Ait enim folio 389. Sanctos qui in mundi fine degent, & magna illa fruuntur felicitate, obuiam Christo in aëra rapiendos, nec prius fore morituros. Ac demum quod Millenarij carnaliter sperabant, spiritualiter Hortulanus in septimo Ecclesiæ statu in vita hac mortali expectat, & pro se afferre conatur Hieronymum ac Bernardum.

C Tres expositiones postremæ ligationem dæmonis multò postea, quam nostra explicatio; assignant. Verum alix sunt explanationes, quæ dæmonis alligationem non ita accipiunt, quasi semel aut factam aut faciendam, sed veluti rem, quæ quotidie sit, & quæ comparatione aliorum, hodie fiat, aliorum comparatione, cras, aliorum verò, multis retro sæculis. Hoc autem bifariam potest intelligi: primò respectu conuersionis singulorum, & hæc videtur fuisse Augustini expositio libro vigesimo de Ciuitate, capite octauo, ubi ait, *Alligatio diaboli non solum facta est, ex quo cepit Ecclesia in nationes dilatari, sed etiam nunc fit, & fiet usque ad terminum sæculi: quia vniuique fidelium iste fortis tunc alligatur, quando ab illo tanquam vas eripitur.* Sic Augustinus, qui manifestè dæmonis religationem accipit, tanquam id, quod præcedit, vel comitatur vniuscuiusque conuersionem, iuxta id Marci capite tertio, numero vigesimo septimo, *Nemo potest uasa fortis diripere, nisi prius alliget fortem.*

Secundo considerari potest multiplex alligatio



respectu æternæ felicitatis singularum animarum, quæ ad Dei visionem perueniunt. Et hæc videtur esse explicatio Alfonsi de Castro lib. 3. contra hæreses verbo *Beatitudo* hæresi 2. ait, enim per mille annos designari æternitatem felicitatis celestis. Cui explicandi rationi illud accumulari potest, æternitatem nomine mille annorum compellari: quia qui æternam non viuit vitam, ante mille annos emoritur: nam nec Mathusala ad mille annos peruenit. Vnde qui millenarium attingit, securus de æternitate redditur. Hinc Iustinus libro de veritate religionis ait. *Ioannem in Apocalypsi agere de mille annis & lignum vitæ esse illosmet mille annos: quia, ut Ada dictum est, quo die de ligno vitæ edisset, esse moriturum; scimus illum mille annos non impluisse, nouimus etiam illud, Dies Domini ut mille anni: nam secundum dies ligni vitæ, dies populi mei erunt.*

Quod verò subiungitur, *Cum consummati fuerint mille anni, soluetur Satanæ;* declarari posse videtur eadem ratione, ac si diceretur dæmonis solutio ad terræ incolæ decipiendos respectu Beatorum perinde esse, quasi post æternitatem ipsam, qua fruuntur, accidat. Quod non ita est accipiendum vt sonat: æternitas enim sine omnino careret; atq. adeo ridiculum esset de ijs agere, quæ post æternitatem ipsam euen-

tura sint. Sensus ergo esset, vt primum anima gloriam possideat, certam iam illi esse & omnino securam æternitatem. Imò etiam cum æternitas sit tota simul & perfecta possessio; nulli eam euentus interturbare possunt. Nec enim quidquam angoris aut solitudinis potest accidere ijs, qui cum Deo prorsus coniuncti æterna perfruuntur beatitudine. Cum ergo Satanæ per mille annos constringi dicitur, deinde solui; significabitur hoc pacto, dæmonem respectu Beatorum in perpetuum esse alligatum, & tamen ijs, qui in mundo adhuc degunt, solutum manere. Quod idem erit, ac si dicatur, cum alij ad opatum beatitudinis finem peruenerunt, tunc aliorum bellum inchoari. Sic videtur intelligi vt cumque possententia Alfonsi de Castro: quauis Viegas sect. 2. §. 11. Castrum interpretetur non de mille annis, quibus dæmon in abyssu ligatus detineatur; sed de mille annis, quibus Sancti dicuntur regnare. Viegas enim opinatur Ioannem in phrasi illa mille annorum variare; & prius quidem per annos mille significari tempus à Christi passione vsque ad Antichristum; cum verò dicuntur Sancti regnare per mille annos, tunc sermonem esse de æternitate. Ita sentit Viegas. infra tamen constabit, Ioannem de eisdem mille annis loqui.

## NOTATIO III.

*Vbi singula prædictæ explicationes breuiter examinantur, & quid in singulis occurrat, indicatur.*

### SECTIO I. De mille annorum fabula.

MIRVM sanè est, tot tamque graues auctores hoc figmentum sibi pro vero persuasisse. Eorū tamen error (sicuti alijs etiam in rebus interdum accidit) inde effluxit, quod ænigmati siue allegoriæ verba, ita vt sonant, usurpanda esse censuerint. Cum autem Apocalypseos verba indicent ante generalem corporum resurrectionem animas Sanctorum reuicturas, & per mille illos annos, quibus dæmon constringetur, regnaturas: nonnulli graues auctores hæc, vt sonant, acceperunt; quos cum alij deinceps sectarentur, hinc tanta huic fabulæ accessit auctoritas, vt illi ipsi, qui eam omnino falsam reputabant, damnare omnino non auderent: donec crescente per temporis decursum & augefcente diuinæ lucis splendore Catholica Ecclesiæ elargito, luce meridianæ clariùs patuit, errorem prorsus fuisse, quod multi firmiter antea tenuerant. Et quidem præter alios Scripturæ locos, qui attentè expensī liquidò ostendunt Sanctorum resurrectionem non futuram, donec extremi iudicii dies adueniat, vt est illud Iobi 19. 25. *In nouissimo die de terra surrecturus sum: & illud 1. Thessal. 4. 15. Ipse Dominus in iussu & in voce Archangelī descendet de celo. vbi manifestè sermo est de die nouissimo: & tunc ait surrecturos iustos & in athera subleuandos; (quod etiam docetur expresse prima ad Corint. 15.) Præter hæc, inquam, Scripturæ testimonia; in hoc ipso Apocalypseos capite ad finē perspicue dicitur, pios & impios extremi iudicii die omnes surrecturos. Et sanè, vbi resurrectionis primæ fit mentio, si rem solerter inspicimus, textus ipse nos admonet, sermonem non esse de corporum resurrectione, sed de animarum, (vt optimè expendit Augustinus lib. 20 de Ciuitat. cap. 9.) textus enim verba hæc sunt; *Et vidi animas decollatorum propter testimonium Iesu, & eorum, qui non adorauerunt Bestiam; & vixerunt, & regnauerunt cum Christo mille annis.* Vbi planè constat in ijs verbis, *vixerunt & regnauerunt*, suppleri nominatiuum animæ, ex ijs, quæ paulò ante præcesserant, *Et vidi animas decollatorum.* Si ergo sermo est de animarum resurrectione, textu ipso edocemur, de corporum resurrectione non agi. Falsa ergo perstasio fuit, Apocalypsin, dum prioris resurrectionis meminit, de corporum resurrectione verba facere. Vbi autem statuamus, non*

haberi hic sermonem de resurrectione corporum, sed de animarum sanctarum: mox delucidè cernitur, resurrectionem eam non corpoream esse, sed spirituales & allegoricas; siue transitus viatorum & militantium in hac vita ad comprehensorum & Beatorum statum appelletur resurrectio prima: siue propter ingentem fructum & vtilitatem, quæ ex Martyrum sanguine in fide conuersorum ad Christum percipitur, Martyres ipsi dicantur resurgere; de quo infra.

Deinde, quamuis Millenarii in simplici hac allegoriæ acceptione, vt sonat, prorsus aberrauerint: quod verò ad Apocalypseos acoluthiam & consequentem attinet, decepti minimè sunt, quippe occisionem capitis 19. exponebant ipsi de cæde & strage in Antichristi exercitu per Christum ipsum edenda. Bestiam enim in stagnum ignis immisissam de Antichristo interpretabantur. Vnde draconis religationem & resurrectionem animarum sanctarum (quæ duo mox subsequuntur) accipienda esse quasi res post vindictam de Antichristo sumptam euenturas. Et certè, si Apocalypseos series & acoluthia obseruetur, non minùs ipse miror eos auctores, qui, in Bestia in ignis stagnum detrusa cum Antichristum intelligant, draconis tamen colligationem ante mille annos constituunt, quàm eos, qui Millenariorum vestigiis institerunt. Etenim mea sententia euident in ipso textu est, draconem & maris ac terræ Bestias (de quibus cap. 12. & 13.) aduersus Catholicam Ecclesiam coniurasse: huius autem belli exitum fuisse, vt maris Bestiam & Bestiam terræ dehiscens tellus deuoraret, easque in stagnum ignis deiiceret, draco verò in abyssu mille annorum spatium ligaretur. Quamobrem manifestè ipsi contentus ordini repugnant, qui draconem in abyssu religant ante coniurationem & bellum, quod simul cum maris & terræ Bestiis aduersus Ecclesiam suscepit.

Millenarii igitur (esto, in errorem sint prolapsi) consequenter fuere loquuti. Existimantes enim per maris Bestiam Antichristum illum celebrem figurari, consequentiæ tenuerunt ordinem, dum Gogi & Magogi bellum esse aliud ab Antichristi bello, & eo posterius asseuerarunt. Absonum namque omnino est, in maris Bestia significari Antichristum, & tamen per Gogi & Magogi bellum adumbrari ipsius Antichristi persecutionem.

Millenarios, alioqui deceptos, in Apocal. tamen serie & acoluthia rectè proposuisse.

In eos, qui rerum seriè & consecutionem in Apocal. expositione non obseruari.

Quis fuerit Millenariorum error.

Prædictum Millenariorum error impugnetur.

Millenarij vnde sui erroris ansam arripuerint.



Millenarij  
quot annos  
totius orbis  
durationi  
adscriberet.

Et quanuis nonnulli per occasionem fabulæ Millenariorum latè disputent; quo gradu sit habenda opinio illa, quæ mundi durationem sex mille annorum curriculo definit (de quo lege Maluendam libro 1. de Antichristo cap. 28. 29. 30.) Hac tamen quæstione consultò supersedeo. Nec enim arbitror ipsius enodationem ad Millenariorum fabulam discutiendam requiri: cum potius Millenarij ab ipso mundi nascentis exordio ad vniuersalis vsque Iudicij diem septem omnino annorum millia designent; nempe sex millia ad resurrectionem vsque Sanctorum, & mille deinceps ad generalem vsq; resurrectionem. Enim verò, quod ad Apocalypseos expositionem spectat, siue sex annorum millia effluxerint vsque ad victoriã de Antichristo reportandam, siue multò plura vel pauciora, id quidem interpretationem non variat de dracone, post maris Bestiam ignito stagno demersam, alligato per mille annos, & de spiritali Sanctorum resurrectione vltimum Iudicij diem per totidem annos præcedente. Iam, quod nonnulli autumant de proportionem & convenientia, quæ inter septem annorum millia & inter primam mundi hebdomadam reperitur (dum dies vnus mille responderet annis) hoc, inquam, nihil est. Quid enim facilius, quàm fabulas & mera figmenta excogitare, quæ proportionem aliquam cum veris rebus habeant?

## SECTIO II. De secunda expositione.

Iudicium  
de secunda  
expositione  
earum qua  
suprà sunt  
recensita.

IN secunda interpretatione, quam suprà ex Fratre Ferdinando del Castillo retulimus, illud imprimis reperio, eam non rectè contextui aptari. Exorditur enim ea computandi ratio à Constantino: deinde statuit, ab ea tempestate dæmonem colligatum fuisse ad Othomanæ vsque potentie primordia. Cum tamen constet post Constantinum, eiusque filios perturbatam fuisse Ecclesiæ pacem crudelissima Iuliani persecutione. Quis ergo non fateatur, verisimilius multò & probabilius argumentum inueniri, vt Iuliani tempore expeditus fuisse dæmonem ad Gentes contra Ecclesiam illiciendas asseratur, quàm Othomanæ domus atq; potentie initio? Deinde quanuis iusta videatur esse temporum series & annorum computatio à Constantini æuo ad Othomanæ vsque tyrannidis exordium: si tamen oculos conuertamus ad damnum & detrimentum Ecclesiæ illatum; multò aptius dicitur extricatus fuisse dæmon, quando Mahometicæ sectæ impietas in lucem prodijt. Cum enim Turcæ bello Christianos affligere ceperunt, iam tum multis incommodis & sanè grauioribus, Ecclesia fuerat per Mauros affecta, quod qui Africæ, Hispaniæ, Arabiæ, Syriæ & aliarum orbis partium historias peruoluit, dubitabit nemo.

Verùm tamen re diligentius animaduersa; cum Mauri atque Turcæ non generatim publico edicto prohibeant Christianos sibi subditos, quominus suam retineant religionem; huiusmodi bella aduersus Christianos suscepta non directè de Religione & Dei cultu; sed de Imperio & dominatu agitantur. Et quidem nimia exaggeratio foret, si hoc Mauros & Turcarum bellum Christianis illatum catholicam Ecclesiam eò angustiarum redigere diceretur, quò Diocletiani persecutiones redegerunt. Cum autem dicitur dæmon post mille annos soluendus; constat his verbis indicari, persecutionem tunc grauius & vehementius exarsuram, quàm veteres illius Romani Imperij Ethnicis in eandem Ecclesiam suscitatas: id quod & Augustinus, & optimi quique Apocalypseos interpretes ita sentiunt.

## SECTIO III. De tertia expositione.

NIMIA fuit Vbertini temeritas & impudentia figuram mystici Antichristi ad Pontificem Ioannem 22. velle applicare, atque asserere, ipsius Ioannis tempore vaticinium Apocalypseos de diaboli solutione post mille annos fuisse expletum. Neque enim licet tantoperè iracundiæ & furori indulgere, vt sacrarum Literarum vaticinia pro nostro libito siue indignatione potius ad ea detorquere velimus, quàm secundum spiritus Sancti mentem neutiquam fuisse constet. Hoc autem in hac explicatione ita esse facile apparet. Primò, quia nugatorium planè est mille annorum computationem à beati Syluestri Pontificis morte exordiri: Secundò, post demortuum Syluestrum accidit Iuliani persecutio. Et tamen ita excæcatur Vbertinus, vt Iuliani tempore solum esse dæmonem non putet; sed id impletum esse arbitretur tempore illius Pontificis, qui Religiosis mendicantibus contrarius fuit. Ego quidem non omnia illius Pontificis acta probo; nec eius, aut patronum, aut iudicem ago: verùm quæ temeritas aut dementia est, Ioannis vigesimi secundi tempestatem Ecclesiæ infalciorem & calamitosiorem, quàm Iuliani & Romani Imperij Ethnicis reputare? Tertiò, Vbertinus cæco furore abreptus in mille annorum computatione manifestè peccat. Nam hic annorum numerus à Syluestri Pontificis morte inchoatus, neutiquam fuit completus in Ioannis vigesimi secundi electione; sed in Benedicti ipsius successoris; qui tamen monachis mendicantibus infestus non fuit.

Iudicium  
ac censura  
de tertia  
explicatio-  
ne.

## SECTIO IV. De quarta expositione.

QUARTA interpretatio ligationem dæmonis referebat ad pacem & tranquillitatem, non vnus Romanæ Ecclesiæ & vrbis, sed Ecclesiæ vniuersalis. In hac explanandi ratione occurrit primò, quia cum dæmonis colligatio, vbi de nuptiis agitur, spectet omnino ad securitatem sponsæ significandam in eo, quod sui matrimonij felicitate poritur: si sponsa illa, siue vxor Agni, de qua agebatur (cuius etiam mentio fit capite decimo nono) non erat vniuersalis Ecclesia, sed ea, quæ est Ecclesiarum regina, vt suo loco expendimus, non quidem de vniuersalis Ecclesiæ felicitate agitur in dæmonis religatione, sed de prosperitate illius, cuius ibi potissimum nuptiæ celebrantur.

Deinde vniuersalis Ecclesia ex Ecclesiis peculiaribus, vt corpus ex suis partibus, coagmentatur. Quare non est omnino verum, Ecclesiam vniuersalem fruituram sui matrimonij pace & felicitate per mille annos, si tamen huius temporis spatio in multis Christiani populi prouinciis infidelitas, atque hæreses extulere caput, & sublatus omnino est publicus Christianæ religionis vsus; quin imò in nonnullis vix vlla Christianæ fidei scintilla remansit. Quod verò opponitur, per hos saltem mille annos Christianam religionem in mundo vniuersè non fuisse oppugnatam: id satis non est, vt verè affirmetur dæmon toti vniuersali Ecclesiæ fuisse alligatus: Etenim alligatio dæmonis maximam denotat felicitatem in eo, quod sponsa domo sponsi & mystica matrimonij coniunctione fruatur: atqui dum in tot Christianæ Ecclesiæ prouinciis adeò vehementer turbatur, qui verum perfectè esse potest, respectu totius Ecclesiæ vniuersalis dæmonem esse confictum?

Quid  
quarta  
explicatio  
sentiant  
sit.



## SECTIO V. De quinta expositione.

**H**Æc explicatio contendit Dæmonis colligationem de Christi passionis tempore intelligendam fore. Nititur autem illis verbis Marci 3. 27. *Nemo potest vas fortis ingressus in domum diripere, nisi prius fortem alliget.* Verum sicuti certum est, comparationem fortis alligati ab Spiritu sancto vsurpari ad efficacitatem Christi passionis denotandum; qui dæmonem contrinxit, vt vinctos ab eius potestate eriperet; ita etiam certum est, ipsummet diuinum Spiritum Tobia 8. 3. fuisse vsum dæmonis religati figura ad describendam Saræ & Tobia matrimonij securitatem. Ex his ergo duobus illius figuræ vñibus plerique putant in capite 20. Apocalypseos ad Marci locum alludi. Mihi verò pro comperto est, non eò, sed ad Tobia locum haberi respectum. Namque vt in Tobia libro alligationem dæmonis antecedit epulum & conuiuium, quod præcedenti capite, id est, septimo describitur; sic in Apocalypsi epularum celebritas capitis 19. antegreditur dæmonis alligationem: & hoc in loco nullo modo antecedit alligatio fortis viri ereptionem captiuorum ex dæmonis potestate: sed potius in ipso textu innuitur non obscure Gentiles iam antea fuisse conuersos; atque adeò domum Satanæ direptam. Nec in hac alligatione directè sermo est de Satanica domus direptione, sed de pace & securitate, qua sponsa Agni purissimis matrimonij fructibus per multa fruatur sacula. Duplex igitur est in sacris Literis dæmonis colligatio: altera, vt eius diriperetur domus: & hæc facta est passionis Christi tempore; altera, vt Agni vxor sui matrimonij felicitate pacificè diu perfrueretur. Hæc autem dæmonis religatio executioni non est mandata, quoad ab vrbe Roma cultus idolorum fuit expulsum; vt videre est ex ijs, quæ superius expendimus. Quamobrem asserendum est, quamuis Christus dæmonem contrinxerit, vt ei prædam auferret; postea tamen eum aliquo tempore liberum ac solutum reliquisse, vt Ecclesiam persequi posset. Quando verò eò peruentū est, vt diabolus non iam posset receptam publicè Christianæ religionis consuetudinem Romæ impedire; tunc elegantissimè dicitur ligatus fuisse dæmon; ad eum modum, quo ligatus est Tobia 8. vt scilicet deinceps Tobia sponsa matrimonij felicitate frueretur.

Hoc amplius reboratur ex totius libri acolutia. Nam si dæmonis colligatio, de qua Apocalypsis loquitur, fuisset passionis Christi tempore impleta; minime esset ad rem, vt in hoc capite 20. apponeretur: cum manifestè constet, ex Apocalypseos exordio recenferi Synagoge & Gentilitatis bella cum Ecclesia gesta: in quibus dæmon fuisse solutus figuratur; atque adeò exprimitur illius potentia aduersus fideles, quos reapse Iudæa expulit. Postea verò quam animaduertit, Ecclesiam sese per Gentilitatem inferre; cum maris & terræ bestiis fædus iniit, & ipse vt totius belli atque exercitus dux ad maris litus stetit. In his ergo liquidò apparet draconem, siue dæmonem nondum fuisse illigatum, ac proinde ipsius ligationem fuisse totius belli exitum.

## SECTIO VI. De sexta expositione.

**R**IBERA & Viegas, qui sextam interpretationem de Dæmonum principis alligatione & ad inferos detrusione vehementer propugnant; ad eam roborandam affirmant illa nomina, *Serpens antiquus, diabolus & Satanus*, minime conuenire, nisi dæmo-

niorum principi. Ad hæc, in Græco articulum dæmoni in hoc loco præponi beatum item Prosperum in dimidio temporis sic legere, *Draconem illum magnum, illum serpentem antiquum*; quibus verbis videtur græcos articulos exprimere. Ad hæc tamen respondeo; hoc etiam modo de aliquo exercitu sermonem institui solere: sic enim Hispanè & in singulari & cum articulo dicimus, *el Frances, el Turco*. Et quamuis loquutio ipsa supremum Turcarum Imperatorem designet, tamen quod de ipso dicitur, de ipsius etiam exercitu debet intelligi; vt si diceretur magnus ac supremus Turca fuisse deuictus. Quamobrem cum hic Apocalypseos liber sit planè anigmatiscus, non video, vnde inferant Ribera & Viegas de solo dæmoniorum principe sermonem haberi; ipsumque esse duntaxat, qui in barathrum fuit deuictus. Hoc namque arcanum, quod ipsi putant Ecclesiæ in hoc loco retegere, superuacaneum esset in Apocalypsi fuisse significatum; cum Ribera & Viegas expositionem sequatur nemo. Quare huius mysterii nihil denuò in hoc libro scitur, præter ea, quæ prius noscebantur. Omnes enim pari consensione hoc in loco in Augustini expositionem pedibus eunt, qui libro 20. de ciuit. cap. 7. quid sit dæmonis alligatio exponens, affirmat, nihil esse aliud, quam ipsius potestatem esse à seducendis hominibus coercitam atque framatam. Et cap. 8. ait, *Alligari est, non permittere exercere totam potestatem, quam habet ad cogendos homines in suam partem vi vel fraude.* Vt ergo ligari dæmonem, ænigmaticè exponitur: sic etiam explicandum est tanquam ænigma, quod dicitur esse dæmonem detrusum in abyssum ibique clausum.

Iam, si ad rem ipsam attendamus; non magni admodum Ecclesiæ intererat dæmoniorum omnium Principem apud inferos vinctum retineri. Nam ex eo loco, si sibi fieret potestas, quamplurimum posset posset inferre damni; bellum ipsum administrando, & militum acies actuendo. Nam dæmonibus quidem non procul inferorum locus distat; quominus pro libito ingredi, & egredi, ac ducem consulere possint. Atqui duces hoc pacto pugnare solent, procurando bellum, & instruendo, & vires animosq. suis militibus addendo. Si autem Satanæ milites & administrari sunt liberi & expediti, & ipse, quantum coniectus in vincula, eos flectit, moderatur, ac regit: parum Ecclesiæ refert, ipsummet dæmoniorum caput ac principem compedibus apud inferos irretiri. Lege historiam huic rei congruentem, quam Gregorius Magnus scribit libro tertio Dialogorum, capite septimo de dæmone, qui suos satellites visus est in Apollinis templo intruere, & rationem ab eis exposcere.

Quod si aliquis respondeat, eum esse ducem aliquem, non tamen imperatorem ipsum, saltem eo modo nocere potuisset dæmon in abyssu alligatus; sicut dux ille, si in eo Apollinis templo religatus esset. Præter hæc, beatus Athanasius in vita sancti Antonii narrat, dæmonem ipsum Antonio apparuisse enormi corpore, capite ad caelum vsque porrecto, ac dixisse, se suo imperio & armis fuisse spoliatum, postquam cunctas prouincias nomen Christi personabat. Vnde Antonius grates Deo agens, quod nos è variis Satanæ munierit incursum, ait, En ipse diabolus, qui huiusmodi cum suis satellitibus exercet astutias, nihil se posse contra Christianos fatetur. Curæ ergo Christianorum sit, ne per eorum inertiam vires dæmonibus præbeantur.

Ex hac historia licet conicere, Satanam non eo modo esse ligatum, quo putauit Ribera, cum constet, eum ipsum Antonio apparuisse: sed ea ratione, quam & explicat Augustinus, & diabolus ipse falsus est.

Nec solum dæmoniorum principes, sed totus etiam tartareæ regionis exercitus eo modo vinctus & illaqueatus est, vt nec princeps ipse, nec exitiosa ipsius phalanx possint contra Romanam Ecclesiam prauale, impediendo videlicet publicum Catholice religionis vsum. Quid enim hanc ad rem proficeret, eorum vnum in inferorum regione custodia inclusum detineri, si ex eo loco ceteros omnes administrat, regit, atque in prælium accendit.

Sexta interpretationis argumenta dissoluntur.

Prædicta explicatio sexta impugnat.

Responsio pro sexta expositione redarguitur.

Dæmonem suo Imperio & armis fuisse spoliatum, postquam cunctas prouincias nomen Christi personabat.

Refutatur adhuc prædicta explicatio 6.



nec non ipsi soluti remanent, vt damnum idem ac detrimentum, quod antea, inferant? Denique illud ad huiusmodi alligationem permagni refert, Christi virtute & Angelorum ministerio vim ac potestatem demonum frānatam esse atque compressam. Enimuerd demoniorum principem in peculiari aliquo loco à singulari Angelo teneri constrictum; id sanè ad Ecclesiā securitatem parui momenti erat. Ac proinde non est verisimile, eum esse huius ænigmatis sensum. Et quidē in bona phrasi non videtur aliquis Angelus posse detinere demonem alicui loco alligatum, quin ipse etiam Angelus ab eodem loco non recedat. Nimia autem simplicitatis esset, persuadere sibi Angelum, qui demonem alligauit, veluti alligatum in inferno per annos mille permanere; aut ænigma hoc accipere, vt sonat.

### SECTIO VII. De B. Prosperi suspitione.

DE hac suspitione satis est ostendere, eam solido fundamento non niti, quod sic facile monstratur. Nam coniuratio illa, quæ Apocalypsis capite duodecimo & decimo tertio inter draconem & vtranque maris ac terræ Bestiam facta describitur, nullo modo refertur (vt constat) ad illud tempus, quod Christi passionem antecedit; sed ad bellum post Christi mortem in Ecclesiam susceptum, cuius belli exitus eiusmodi est, vt duplex Bestia in stagnū ignis detrusa sit, & draco in abyssu religetur. Hæc ergo alligatio non potest intelligi facta, quo tempore Prosper suspicatur.

### SECTIO VIII. De Aureoli explicatione.

FIGVRARVM Apocalypseos accommodatio ad exigua atque minuta historiarum segmenta tolerari vtcunque potest; dummodo ne hæc fuisse præcipua Spiritus sancti mens asseratur. Hoc enim si crederetur; iniuria irrogaretur Ioanni, ne dicam ipsi Spiritui sancto. De hoc diximus in prolegomenis notatione II. Et in præsentī quidem quis non videat in simpulo excitare fluctus (quod aiunt) qui in Calixti decreto asserit demonis per mille annos alligati prophetiam fuisse impletam? Deinde si huiusmodi foret sensus, dicendum necessario esset, draconis & duarum Bestiarum conspirationem eò solum spectare, vt Principibus sæcularibus potestas in Ecclesiasticis electionibus fieret; quod nemo sanus probabit. Postremò Aureoli & eius sectatorum expositio, quæ mille annos accipit pro toto temporis decursu, quo mundus durabit, perspicue textui refragatur. In eo enim dicitur exactis mille annis soluendus demon, vt Ecclesiæ rursus bellum inferat.

### SECTIO IX. De Vbertini & aliorum spe.

PRIMò; esto, ad tempus post Antichristi mortem futurum referueretur maxima & præstantissima Ecclesiæ prosperitas spiritalis pariter ac temporalis. Contextus saltē Apocalypseos minime patitur, draconis alligationem ad id temporis reuocari. Et enim simul atque Ecclesia ad Gentilitatis desertum perrexit (vt cap. 12. describitur) illico bellum moueri incipit, quod in eam vtræque maris ac terræ Bestia cum dracone coniurata gesserunt. Hoc autem

A bellum (vt sæpius diximus) postremò terminatur duarum Bestiarum ad inferos præcipitio, & draconis alligatione. Illud igitur bellum, quod Ecclesiæ fuit illatum, vbi primum ipsa ad Gentilitatem migravit, omnino confectum fuit, quando idololatria ex toto Romano orbe expulsa est. Quare nulla ratione coheret eorum opinio, qui arbitrantur draconem hæcenus non fuisse ligatum.

B Secundo, Apocalypsis asseuerat, colligationem draconis per mille omnino annos futuram, quod in breui annorum spatio verum comprobari non potest. Credere autem, mundum post Antichristi cædem tot sæcula duraturum, vt in ipsis mille annorum loquutio impleri verè possit: id sanè non modò communi doctorum consensione reclamation; sed etiam ipsimet Apocalypsi: quippe in Apocalypsi ad eò exiguum reputatur tempus illud ab Antichristi morte sequuturum, vt quod attinet ad loquendi rationem, non plus spatii ad diem vsque extremi iudicii constituat, quàm quod ad Antichristi persecutionem præfinit. Quare, quod nonnulli excogitarunt de trecentis quinquaginta annis; & alii de septingentis: hoc totum vanum prorsus & sine fundamento est.

C Tertiò, quicumque alligationem demonis existimant non fore implendam vsque ad Antichristi mortem; consequenter debent asserere, bellum Gogi & Magogi esse persecutionem aliam, quam Ecclesia mille annis post Antichristi mortem sit passura; quæ etiam singularis est opinio, minimeq. probabilis. Quod enim Ecclesia pro certo habet, illud est; Antichristi persecutionem prope mundi finem exarsuram; ac proinde Gogi & Magogi bellum pro comperto esse debet, non aliud ab Antichristi persecutione esse. Quippe textus ipse mille annos terminat Gogi & Magogi bello. Porro mille item annos Antichristi persecutione terminari, asserunt Augustinus 20. de ciuit. cap. 7. Gregorius 9. Moral. cap. 1. & lib. 35. cap. 20. Primasius, Beda, & optimi quique Apocalypseos interpretes.

D Quartò, illi etiam auctores sibi persuadent, demonem nondum fuisse constrictum: quia Ecclesia nondum ea pace & prosperitate spiritali & temporalis potita est, quæ sibi in hac vita erat promissa. Quæ in re parum grauius & magnificè sentiunt de vera Ecclesiæ pace & felicitate, quam in meliori sui parte est assequuta. Etenim diuini Spiritus copia & affluentia, quæ primitiuæ Ecclesiæ quondam, & deinceps spiritalibus viris assatim elargita est, magna cum energia & proprietate appellatur pulchritudo pacis & salutis abundantia. Et sane inter sanctissimas persecutiones fruuntur homines verè spirituales vberiore pace & Euangelica felicitate. Atque in hac doctrina diu multumque versatis comperitum est, illustriorem multò & præstantiorem à Deo sanctitatem suis ferè impertiri in medio ipso persecutionum æstu ac puluere, quàm in temporalis pacis otio atque vmbra. Quamohrem hallucinabitur profectò, qui existimari, deficientibus Ecclesiæ hostibus & toto orbe Christi fidem amplexante, tunc sanctorum hominum & Dei familiarium sanctitatem fore clariorem. Non ita Augustinus existimauit, qui gigantum nomine dignos censebat eos, qui Antichristo essent obstituri. Simili etiam ratione assero, procerissimos fuisse gigantes, qui primitiuæ Ecclesiæ tempore sanctimonia & vitæ integritate floruerunt. Verum quidem est, Catholicam Ecclesiam iure optimo à summo ac præpotenti Deo pacem exposcere, vt quietam & tranquillam vitam agamus. Nam immanis persecutionis tempore multi solent à fide deficere. Qui verò tunc firmi stabilesq. persistunt; nā illi probata & spectata virtutis sunt. Et hanc ob rem Paulus dixit 1. ad Corinth. 11. 19. Oportet & hereses esse, vt & qui probati sunt, manifesti fiant: similiter oportet & persecutiones esse. E contrario autem pacatis & tranquillibus temporibus experimento compertum est, intra paucos annos sanctitatis vigorem in multis remitti, & paulatim vitiosos mores serpere. Quapropter diuina providentia variam hanc telam ac verficolem prosperitate & aduersitate sapientissimè atexit: vt nec durante diutius persecutionum æstu, electi despondeant

Secundum argumentū contra 9. expositionē.

Tertium argumentū contra eandem expositionem.

Quartum argumentū.

Persecutionum tempore præstantiorum sanctorum Deus impertiri.

Veram fidelium virtutem ac pietatem, persecutionum tempore probari & spectari solere.

De 7. explanatione iudicium.

Ostendit expositionis censuram.

Nona expositionis censura & impugnatio.



animos; nec pace & tranquillitate diu perseverante, excellens virtus & sanctitas squalore situque obfita exolefcit: Mille autem anni; quibus ligandus est demon, ne utiquam de tanta tamque tranquilla pace accipiuntur, vt hostes defint omnino & hæretici, qui bello interdum Ecclesiam infestent: sed totus hic pacati temporis decursus eò redigitur, vt in Romana Ecclesia, depulso idololatriæ cultu, publica religionis Catholice professio per multa sæcula perseveret: vt hoc pacto peculiare Ecclesiæ faciùs à suo capite institutionem, doctrinam ac lucem possint accipere, quam Deus voluit per Ecclesiam Rom. illis communicari.

Notandum insuper est, antequàm nuptiæ cum Romana Ecclesia per receptam publicè Christianæ fidei consuetudinem celebrarentur, cum in alijs Christianis Ecclesijs per ordinem dispersis fidelium numerus exiguus fuerit, & ferè omnes sanctitate insignes; idcirco non adeò fuisse necessarium, vt Romanæ Ecclesiæ communione facillè possent frui: rei namque difficultatem superabat egregia fidelium virtus & vitæ integritas, & paucioribus hominibus minùs frequens cum Roma communio satis erat. At verò, postquàm ad Christi fidem totius Rom. Imperij moles incubuit, cum fidelium numerus in singulis Ecclesijs magnopere excreuisset, cumque in ingenti numero insignis illa virtus, quæ in paucis prius elucebat, non ita facillè conseruetur; opus fuit Romanam Ecclesiam, vt ceterarum omnium caput, intètiores pro ipsis agere excubias, atque adeò ipsarum frequentiam & Romam recursum magis esse assiduum. Quàm ad rem summi momenti fuit, vt Romæ publicus religionis vsus vigens persisteret.

Præter hæc, quamvis persecutionis tempore sanctitas & constantia viriliter pugnantium magis magisque spectatur, in pace tamen & tranquillitate potest multò magis monachorum & clericorum numerus augescere; quorum ope & adminiculo Romana Ecclesia ceteris oportebat ire consultum. Hanc ob rem vniuerso Christiano populo valde expediebat, vt Rom. Ecclesia otio & tranquillitate frueretur: alioqui non posset copiosum religiosorum hominu & clericorum numeru in ceteras prouincias dimittere. Constat autem, tam eas Ecclesias, quæ pace & serenitate conualescunt, quàm quæ intellina hæreticæ pestis lue iactantur (vt nunc Ecclesia Anglicana) maximis fuisse beneficijs cumulas per eos ipsos monachos & clericos, qui ab Romana Ecclesia eò sunt destinati. Nam per religiones à summo Pontifice approbatas, plerumque sunt Ecclesiæ instauratæ, & ad pristinum sanctitatis florem reuocatæ. Idemque dixerim de nouis Ecclesijs, quæ diuino inspirante numine sunt denuo in ijs locis erectæ, vbi nusquam antea fuerant: sicuti apud Indos tam Orientales, quam Occidentales, apud Iapones, aliasque complures infidelium regiones.

Et quemadmodum initio plurimùm Romanæ Ecclesiæ interfuit, vti persecutionibus & aduersitatibus fundaretur & increbesceret, quòd magnus esset fidelium in verâ sanctimonia feruor: non aliter postquàm charitas in Christianorū vulgo refrigit, consentaneum maximè fuit, vt Romana Ecclesia ita pacata & tranquilla persisteret, vt semper in ea manifestus Christianæ religionis vsus vigeret. Nam hisce temporibus, quibus non ita charitatis æstus effluerescit, imminet periculum, ne vehemens persecutionis ventus Christianæ fidei lucernam ferè extingueret in ea prouincia, vbi grassatur. Licet autem Deus, vt index seuerissimus solet interdum in tem Deus, vt index seuerissimus solet interdum in aliquas animaduerrere Ecclesias, bellorum & persecutionum permixtu, quibus fidelium numerus in eis prorsus extinguatur, & Christianæ Ecclesiæ in iis destruantur prouincijs: verum cum ex Romanæ Ecclesiæ constantia & firmitudine totius Christiani populi salus & incolumitas penderet; ideo Ecclesiæ ipsi Romanæ promissum à Deo fuerat, eius fidem nunquam defecturam. Et propterea, postquàm pristinus sanctitatis ardor refrigeratus fuit, non adhuc permisit Deus, Romanam Ecclesiam eò miseriarum deuenire, vt in ea publicum Catholice religionis exercitium deesset, vique ad ipsa Antichristi tempora. Tunc enim vt Ecclesiæ extrema primis respon-

A deant, & strenui milites agmen claudant, decreuit Deus, vt grauissima & generali persecutione Ecclesiæ ipsius virtus summopere spectetur: ita tamen, vt ipsa prius firmissimo diuinæ gratiæ præsidio, & sanctissimorum religiosorum adminiculo fulta sit. Victoriæ verò de hac persecutione ab Ecclesia comparandam proximè sequetur extremi iudicii dies.

# SECTIO X. De opinione Hortulani.

B COSM I Hortulani opinio deuitat quidem nonnulla incommoda, in quæ Ioachimi, Vbertini, Seraphini, Pannonii, & Bulengeri opinio prolabitur. Nam draconis solutionem refert cum ceteris ad Antichristi persecutionis tempus: & de hac persecutione intelligit, quæ de Gogi & Magogi bello traduntur. Adhuc tamen valde aberrat Hortulanus, dum arbitratur, nondum aduenisse tempus, quo vaticinium de draconis alligatione & in abyssum inclusione compleatur. Constat enim ex continuata Apocalypseos serie ac filo, finem belli aduersus Ecclesiam gesti, postquàm ad Gentilitatis desertum migravit, non esse alium, quàm vt dux Bestiæ capitis 13. in ignitum stagnum; draco in vincula & in abyssi puteum coniciantur. atqui bellum illud negari non potest, quin multis abhinc sæculis sit prorsus confectum: certum igitur est ante annos quàm plurimos demonem fuisse ligatum.

C Deinde, quamvis verum sit, allegoriam de alligato dracone ad magnam aliquam Ecclesiæ renouationem & reformationem applicari posse, & singillatim ad sanctissimarum religionum institutionem, & ad vberimos fructus, qui ex illis percipiuntur: verum huiusmodi renouationum præterire complures. aliam autem multò maiorem & communiorē sibi polliceri ante Antichristi aduentum, quæ sit mille annos aut longinqua sæcula duratura: id sane nec in sacris Literis, nec in verisimilibus coniecturis solidatur. Imò verò coniunctio illa externæ pacis maximæ diuturno tempore permanens, & eiusmodi status Ecclesiastici, in quo nihil instaurandum aut perficiendum reperitur, illa, inquam, coniunctio conficta omnino est, & quæ prudentibus viris nequaquam probetur. Illud enim certò solet accidere, vt post diuturnam pacem plurima sequantur vitia: deinde multa sint necesse & denuo reformanda & perficienda. Tamen autem in otio ac pace sacræ religionis & diuini cultus florere solent: at nec fideles omnes Religiosorum instituta profitentur, nec diuinis commentationibus se totos dedunt: nec verò cum ipsis religionibus melius & perfectius agitur longissimæ pacis & prosperitatis tempore; sicuti experientia sæpius docuit. Etenim in religiosis familiis diutina pace & tranquillitate paulatim etiam se insinuat ignauia atque socordia; & naturæ nostræ infirmitas ac fragilitas ad deteriora semper vergit. Porro maiorem nobis felicitatem in futura sæcula polliceri, quàm quæ in primis Ecclesiæ temporibus pace & prosperitate viguit, hoc certè nec diuturno experimento, nec prudentiæ consonum; nam quid est, quod erit, nisi id quod fuit?

E Denique quidquid prudenter sperari potest de sacrarum religionum institutione, de sacrificiorum & sacramentorum frequentia, totum id iuxta nostram expositionem includitur in promissione Romanæ Ecclesiæ facta, videlicet draconem illi confictum & inclusum teneri, quoad Antichristus adueniat. Institutio enim religionum, Sacramentorum frequentia, & quæ inde subsequuntur, sunt quidam promissionis huius fructus & emolumenta. Dum enim communis Catholice fidei exercitatio Romæ vigeret, quæ Dei est clementia, instituendæ erant ab ipsa Romana Ecclesia Religiosorum familie, & Dei Spiritu confirmandæ, & alijs pristinum ardorem remittentibus alijs subinde denuo erigendæ, atque hic fructus per totum terrarum orbem disseminandus. Ille autem Sabbathismus, quem vniuersæ Ecclesiæ in hac vita Hortulanus per longa sæcula pollicetur (in quo nihil sit, quod reforma-

Iudicium de decima explicatione.

Improbatur prædicta explicatio.

Secunda impugnatio decimæ expositionis.

Tertia eiusdem interpretationis impugnatio.

Ecclesiastica pacis fructus & emolumenta.

Religiosa familie quantum obsequii præstiterint Ecclesiæ in fidei propagatione & conseruatione.

Cur Romana potissimè in Ecclesiæ fidem nunquam Deus permittit deficere.



tionem postulet) fictus omnino & commentitius est. Et fanè qui asserat ante aduentū Antichristi Deum generatim fidelibus sese communicaturum abundantiori diuini Spiritus gratia, quàm primitiua Ecclesiæ tempore sese impertiit, nã illum censoria virga dignum reputarem. Tandem opinari, nondum accessisse tempus alligandi dæmonis, & tamen ante Antichristi aduentum per mille annos ligatum iri, id non aliud est, quàm mundo plures adhuc vitæ annos adscribere, quàm quispiam ei promittere potest.

#### SECTIO XI. De multiplici alligatione, quam Augustinus locum ad draconis alligationem applicat.

De 11. interpretatione iudicium

**N**ON eo inficias, alligationis allegoriam sapienter posse accommodari ad id, quod Augustinus applicat. Ceterum non hic esse potest germanus Apocalypseos sensus: quæ enim describitur alligatio durat mille annos. Et quamuis verum sit tunc vnicuique fidelium fortem verè alligari, quando ab illo tanquam vas eripitur: in hoc tamen sensu non singulis per mille annos alligatur. Quippe nec singulis draco soluitur, hoc est, vt ipsos re ipsa in fraudem inducat; nec enim fideles omnes postea seducit: & respectu eorum, quos reapse decipit, non fuit per mille annos alligatus. Ex quo euident est ligationem hanc, de qua Apocalypsis loquitur, non esse respectu vniuscuiusque fidelium, sed totius Ecclesiæ generatim loquendo. Et Augustinus quidem nullo modo Apocalypseos locum aliter explicat. Nam aliud est doctrinam huius loci aliqua ratione ad singulos applicare, aliud verò genuinam & coherentem cum textu explicationem tradere.

#### SECTIO XII. De Alfonso Castrensis expositione.

Duodecima explicatio- nis censura, & refutatio.

**Q**UAE sit germana expositio eorum, quæ de animabus sanctis infra dicuntur, nempe, *vixerunt*

### NOTATIO IV.

#### De allusione ad Isaia locum in alligatione Dæmonis,

Explicatur Isaia locus cap. 24 n. 21. & 22.

**T**URRIANVS noster lib. de Eucharistia c. 31. contendit, in dæmone per mille annos religato alludi ad Isaia locum c. 24. n. 21. & 22. vbi sic habetur, *In die illa visitabit Dominus militiam celi in excelsis, & super reges terræ, qui sunt super terram: & congregabuntur in lacum, & claudentur ibi in carcere, & post multos dies visitabuntur.* vbi Septuaginta interpretes legunt, *per multas generationes visitatio eorum.* Quæ verba existimat Turrianus referri debere ad annos mille, quibus in Apocal. ligatus dicitur draco. Ea verò, *visitabit super militiam celi*, affirmat impleta fuisse in idolatriæ expulsiōe, cuius præcipua pars astris (quæ in sacris Literis vocantur militia celi) cultum & venerationem deferbat. Quos autem Isaia nuncupat *Reges terræ*, ait dæmones esse, qua ratione eos nominat Paulus *mundi rectores*. Ac demum asseuerat, congregari in lacum, & in eo tanquam in carcere claudi, idem esse, quod significauit Ioannes, cum dixit, draconem in abyssum mittendum, & ianuam claudendam, atque signandam. Hæc Turrianus.

Verum aduersus Turriani coniecturam primò obicit aliquis, non coherere, vt Ioannes in præfati ad eum respiciat locum. Nam illius cap. Isaia argumentum minimè patitur, quod necessarium ad eam allusionem videbatur omnino, nimirum vt conclusio illa militia celestis & regum terræ in carcere non sit æterna, sed post mille annos dissoluenda. Argumentum enim eius capit (vt videre est in

**A** & regnauerunt cum Christo mille annos, & de reliquis deinde, *Ceteri mortuorum non vixerunt, donec consummentur mille anni*, dicemus de hoc suo loco: vbi planum faciam, hos mille annos esse illos ipsos, quibus draco constrictus est. Nihilominus tamen ex contextu ipso manifestum est, draconis religationem non referri ad Beatorum securitatem, & felicitatem (vt Alfonso Castrensis opinatur) sed ad pacem ac tranquillitatem huius vitæ, & ad publicum Christianæ religionis vsum. Etenim si, vt toties à nobis inculcatum est, bellum Ecclesiæ illatum definit in duarum Bestiarum immisionem in stagnum ignis, & in dæmonis alligationem per mille annos, vltra quos soluitur, & Gogi ac Magogi bellum siue Antichristi persecutio sequitur: quis in hoc contextu non videat, ipsi ipsos, quibus antea alligatus erat dæmon, postea dissolui post mille annorum curriculum? Si autem fieri non potest, vt solvatur ad beatorum felicitatem perturbandam; non ergo respectu ipsorum Beatorum dicitur fuisse antea per mille annos ligatus, sed respectu militantis Ecclesiæ, aut alicuius partis ipsius. Violenta ergo est explicatio, & nulla ratione probabilis, quæ draconis alligationem ad Beatorum securitatem refert.

**B** Præterea hac ratione non describeret Apocalypsis finem illius belli à dracone & Bestiis contra Ecclesiam excitati. Nam si alligationis sensus foret bello militanti Ecclesiæ à dæmone inflicto non interpellari Beatorum tranquillitatem: hoc minimè esset promittere militanti Ecclesiæ in hac vita finem illius belli & pacem ac securitatem successuram. Quia licet persecutio nunquam habitura esset finem; adhuc verum erat, eo bello non interrumpi calidum quietem ac pacem. Demum illa interpretandi ratio, nimirum *post mille annos*, perinde esse, atque sine vilo Beatorum felicitatis impedimento, violentam prorsus subtilitatem præ se fert, & cui nulla ratione intellectus acquiescit.

**D** Cyrilli, Hieronymi, & Procopii expositione.) continet vindictam, quam Deus est de peccatoribus in extremo iudicio sumpturus, quæ vindicta nullo vnquam fine terminabitur. Hoc ex eo roboratur, quod Catholici doctores in eo loco errorem Origenis notant inde colligentis inferorum supplicium non esse æternum.

**E** Huic tamen obiectioni respondeo, verum ac solidum Isaia argumentum c. 24. esse illud, quod perspicuis verbis asserunt Eusebius, Theodoretus, Forerius, & Leo Castrensis de reprobatione Iudæorum post Christi resurrectionem, & de poenis ex eis repetendis. Nec contra hoc facit expositio Hieronymi, Cyrilli, & Procopii. Quia sæpe in sacris Literis in supplicio de aliqua gente sumendo, & præcipuè in Ierosolymæ & Iudææ euersione vsurpatur comparatio ab vniuersali Iudicii die: & propterea coniungi solet disputatio de Ierosolymæ vastitate cum extremi iudicii die. aut fortasse à priuato & peculiari iudicio transitio fit ad vniuersale: qua ratione Arias Montanus (qui sibi persuadet, in illo Isaia capite directè agi de clade per Nabuchodonosorem Gentibus afferenda) ab eo excidio transit ad vniuersalis iudicii diem, & de generali resurrectione exponit verba illa, *Visitabit Dominus super militiam celi in excelsis*. Ipse tamen veram reputo Eusebii, Theodreti, Forerii & Leonis Castrensis sententiam: qui pro illius capituli argumento designat Iudæi populi

Solutio obiectionis.

Turriani expositio vs vera & probatur.



reprobationem post resurrectionem Christi Domini. Quare quod versu quarto dicitur, *Relinquentur homines pauci*, & versu tertio, *quomodo si pauca olivæ, quæ remanserunt, excutiantur ex olea, et racemi*, cum fuerit finita vindemia, interpretantur hi auctores de paucis hominibus, quos Deus ex eo populo delegit, vt ipsi sui Evangelii diuitias impertirer, vtque illi eandem Gentilitati communicarent. Atque ita de illis dicitur versu decimo quarto *Hileuabunt vocem, atque laudabunt, cum glorificatus fuerit Dominus: hinniunt de mari*. quod ad gaudium & voluptatem de Gentium conuersione susceptam reuocandum est; quia *aque multe sunt populi multi*, & maris symbolo Gentilitas in sacris Literis designatur. Et confirmatur ex eo, quod versu decimo quinto sequitur, *Propter hoc in doctrinis glorificate Dominum, in insulis maris: vbi certum est*, remotas prouincias, vt Italiam, Hispaniam, Galliam, maris insulas appellari.

Confirmatur, quia præcedente capite, nempe vigesimo tertio, quamuis figura ipsa defumatur à Tyri euerfione per Nabuchodonosorem exequenda: præcipuus tamen fensus propheticus refpicit myfticam Romæ ethnica vafationem, cui Scriptura appellationem Tyri attribuit, ficut etiam Babylonis, vt notauimus capite decimo octauo. Nani enim, quibus Tyri euerfio prædicebatur effe lugenda, explicat Apocalypfis de lugubri lamento, quo profequuturi erant Gentiles Romæ conuerfionem. Atque hic ipfe ( vt inibi obferuauimus ) erat proprius & genuinus verborum Ezechielis fensus. Cum igitur in capite vigesimo tertio Ifaiæ præcipuus fcopus in Gentilitatis conuerfionem ( cuius caput erat Roma ethnica ) dirigatur, facilè cernitur, congruenter connecti tractatum de Iudæorum reprobatione & de Ierofolymæ rebellis fupplicio cum Gentilitatis conuerfione & cum myftica vindicta de Roma ethnica fumenda. Et ficuti alias à Iudaici populi reprobatione fit tranfitus ad electionem Gentilitatis; fic è contraria nonnunquam à Gentilitatis conuerfione aptiffimè ad reprobationem fynagogæ tranfitur. Nam vtraque ratione opportunè agitur, quàm fuerit diuerfa Iudæorum fors à forte Gentilium, quamque contraria. Quòd autem aliis terræ nomen, alijs nomen maris applicetur ( vt in contextu capitis vigefimi quarti Ifaiæ apparet ) miram continet energiam, atque elegantiam, vt fæpe in Apocalypfi vidimus; præfertim capite primo & decimo. Denum cum hoc ipfo argumento capitis vigefimi tertii & vigefimi quarti confonat optimè contextus capitis vigefimi quinti vt legenti planum fiet.

His præstitutis, expendendum est diligenter, quo pacto consentiat, vt in iis verbis, *Visitabit Dominus super militiam cali in excelsis, & super reges terræ; & congregabuntur in lacum, & claudentur in carcere, & post multos dies visitabuntur*, respexerit Propheta ad illud ipsum, quod Ioannes Apocalypsis capite vige- simo describit, vbi de diaboli alligacione per annos mille. Pro huius ergo sensus explicatione neces- sarium est (vt ex ipso contextu patet) suppositum eorum verborum, *Claudentur in carcere, & post multos dies visitabuntur*, esse cali militiam, & reges terræ. Ex quo infero, explicationes Ariæ Montani & Leo- nis Castrensis violentas esse. Arias enim cali militiam de astris; reges terræ, de regibus mor- talibus explicat: quod verò sequitur *claudentur in carcere*, non ad astra, sed ad omnes homines applicat, propter sepulcra ipsa, quibus post mor- tem, quasi vincti & inclusi retinentur: at *visi- tari post multos dies*, interpretatur de generali re- surrectione. Eo enim die mortui omnes de se- pulcris egredientur. Leo etiam, cum per cali militiam intellexisset dæmones, & de iisdem etiam Reges terræ explicasset: nihilominus quod dicitur, *Claudentur in carcere, & post dies multos visita- buntur*, ad Iudæos applicat; qui postquam mul- tis retro sæculis in infidelitatis carcere fuerint in- clusi, sub mundi finem in Ecclesiam introducendi sunt. Hæc illi. Verum vtramque expositionem coactam & violentam arbitror. Contextus enim exigit, vt de cali militia & regibus terræ sit sermo,

**A** cum dicitur, claudentur in carcere, & post multos dies  
visitabuntur.

Secundò, verisimile valde est, quamvis iidem ipsi sint visitati ( cùm dicitur, *visitabit Dominus super militiam celi, & super reges terre: & cùm deinde additur, & post multos dies visitabuntur* ) nihilominus diuersas longè esse visitationes. Nam visitatio prima est ad comprehendendum & includendum in carcere; secunda, ad soluendum & liberandum. Ac primò, ita sentiunt Forerius, Leo Castrensis & Arias Montanus. Nam, *clauduntur in carcere, explicant* ( vt

textus quidem ipse necessario exigit) de comprehensione; illud verò, *Post dies multos visitabuntur*, interpretantur de comprehensorum è carcere liberatione. Nec est cur id nouum cuiquam videatur. Constat enim, apud sacras Literas verbum *Visitatio* vtrique significationi deferuire; & modò ad pœnam & supplicium, modò ad libertatem & impunitatem transferri. Vtraque autem significatio in eiusdem verbi repetitione pereleganter coniungitur. Præsertim, quia cùm prius dicitur, *Visitabit super militiam celi*, manifestò mox exponitur visitationem eiusmodi perinde esse atque alligare & in carcerem trudere. Cùm verò subditur, *Et post multos dies visitabuntur*, congruentius est, vt *post dies multos* idem sit, atque *post dies multos* ab inclusione & in carcere retentione. Deinde vinctum siue in carcere detentum, inuisere, in recepta sacrarum Literarum loquutione, idem est, atque ipsum de carcere educere ac liberare: vt patet ex illo Ieremiæ capite vigesimo nono, numero decimo, *Cùm ceperint impleri septuaginta anni, visitabo vos*. Et quamuis Septuaginta non verterint, *post dies multos*, sed *per generationes multas*: dubitari tamen non potest, quin *Vulgatus* in hoc Hebraicam expresserit veritatem, vt ex Pagnini, Montani atque Forerii versione constat.

Tertio, cum in prima illa visitatione, vbi Propheta ait, *Visitabit Dominus super militiam celi*, &c. sermo sit de tempore, quo Deus Iudæos erat repul-  
surus, & vocaturus Gentes ( vt supra statuimus ex  
contextu ipso, nec non ex Eusebio, Theodoretō,  
Forerio atque Leone Castrensi: ) probabile valde  
est, in iis verbis, *Visitare militiam celi*, & *claudere eam  
in carcere*, contineri allegoriam, qua significetur De-  
um ex toto orbe depulsum idololatriam, nec pas-  
surum, vt rursus caput multa per sæcula attolleret.  
Iam, quod Turrianus ait, per celi militiam sæpe in  
sacris idololatriam & inanem idolorum impieta-  
tem denotari: id ex multis Scripturæ locis manife-  
stum est, in quibus militiam celi adorare, vel ei ser-  
uire, idem est, atq; idololatriæ operam dare. Quip-  
pe hæc est communior ac receptor idolorum col-  
endorum ratio. Lege Deuteron. cap. decimo septi-  
mo, & 4. Regum vigesimo primo, numero tertio  
& quinto, & capite vigesimo tertio, num. quarto  
& quinto, & 2. Paralipomenon capite 33. nume-  
ro tertio. Ieremiæ capite 19. numero 13. Sophoniæ  
capite primo, numero quinto. Actuum capite  
septimo, num. 42. Et quoad hanc partem manifestè  
Turriano fauet Cyrillus & alii.

Quartò, si de idololatriæ expulsiõe sermo est, ad eum ipsum sensum aptius fortasse dicitur Isaias militiæ cælestis nomine in præsentì dæmones designare. Etenim ad hanc ipsam significationem in Apocalypsi figuratur coniectus in vincula draco: quia ille in idolis adorabatur, & idolorum culturam omni ratione promouere studebat. Nec inusitatum est, dæmonibus nomen militiæ cælestis attribui. Sic enim in præsentì explicant cæli militiam Leo, Alvarez, & Thaddæus. Deinde quia Angelis nomen cæli militiæ adscribitur 3. Reg. cap. 22. num. 19. & 2. Paral. cap. 18. num. 18. quibus in locis ait Michæas, *Vidi Dominum sedentem in solio suo & omnem exercitum cæli assistentem à dextris & à sinistris.* Vbi videtur Prophetam à dextris bonos Angelos, malos à sinistris conspexisse. Nam eorum vnus procedens ait, *Ego ero spiritus mendax in ore omnium Prophetarum.* Similiter Iobi cap. 1. num. 6. & cap. 2. num. primo, *Cum venissent Filii Dei, & starent coram Domino, affuit inter eos Satan.* Non est autem necesse, cum dicitur, *Visitabit Dominus super militiam cæli in excelsis, cæli militiam distributivè ( quod aiunt ) pro omni*

Apud Isaia  
locum ad-  
ductum du-  
plicis visi-  
tationis esse  
mentionem.

Per tall  
militiam  
in Scriptu-  
ris idolola-  
triam sepe  
significari.

Militia ce-  
lestis nomi-  
ne foris ab  
Isaia da-  
mones de-  
notati.



militia cæli vsurpari. Agitur enim de visitatione, quæ eo finē sit, vt aliqui includantur in carcere: qui autem comprehendēdi erant, nā illi non amici Ecclesiæ erant, sed inimici. atque ita militiæ cæli nomen aptissimē pro sinistra militia, id est, pro dæmonibus accipitur. Præter hæc, Paulus ad Ephes. 6. 12. Dæmones vocat *Principes & potestates, & spiritualia nequitie in celestibus*: quibus in verbis perspicuè loquitur de bello, quod Ecclesiæ inferebant. Quare dum eos nominat *Principes & potestates, & spiritualia nequitia in celestibus*, perinde est, quasi eos compellaret spiritalem militiam cæli, Ecclesiæ Christianæ infestam. Simili etiam ratione Paulus ipse loquitur ad Coloss. 2. 15. Vt autem in Paulo non vt nouum atque insolitum miramur, nomen Principum & Potestatum cæli siue æris peculiariter ad dæmones referri: ita etiam mirandum minimē est, cælestis militiæ nomen pro dæmonibus vsurpari, vbi non obscurus est sermo de militia Christianæ Ecclesiæ aduersa. Sicuti nomen etiam regum terræ, non potest generatim accipi pro vniuersis terræ regibus, sed pro illis solum, qui & Ecclesiæ hostes, & idololatriæ fautores sunt.

Quinto necessarium non est, quos Isaías in hoc loco reges terræ nominat, diuersos ab iis esse, quos vocat cæli militiam. Dæmonibus enim aptē vtrique tribuitur appellatio; atque Leo Castrensis vtroque in nomine dæmones designari putat, qui in sacris Literis dicuntur principes & potestates in celestibus, & vocantur etiam mundi rectores ac principes. Quod si ita constituamus, facile mox apparet, dæmones in carcerem detrudi, simul ac idololatria ex toto orbe fuit pulsa, eosque vinctos in lacu siue in custodia detineri, & multis post annis fore soluendos, hoc, inquam, idem esse, quod Apocalypsi. capite vigesimo asseueratur de dracone apud abyssi custodiam alligato, ibique retinendo mille annorum spatio, & postea soluendo. Iam, quod mox addit Isaías, *Erubescet Luna & confundetur Sol, cum regnauerit Dominus exercituum in monte Sion & in Ierusalem & in conspectu senum suorum fuerit glorificatus*, appositè id explicatur de toto eo tempore, quo dæmon fuerat alligandus, & Deus erat in orbe terrarum ac præsertim in Romana Ecclesia seu noua Ierusalem regnaturus. Nec aliud est, quod Apocalypsis in verbis subsequentibus significat, *Et vidi sedes, & sederunt super eas*, vt infra constabit. Si autem apud Isaías militia cæli idololatriam denotat: quod ait, *Erubescet luna, & confundetur sol*, fortè indicat, quod ex tota idololatria illius & splendidius fuerit, id quidem viliissimum & abiectissimum fore, si cum Missæ confecturatur sacrificio, quo seniores, id est, presbyteri Deo laudem & gloriam deferunt.

Quod si contendat aliquis, nomen regum terræ aptius ad eos reges terræ transferri, qui pro idolorum cultu aduersus Romanam Ecclesiam dimicabant: illi etiam fortasse dici possunt cum dæmonibus aliqua ratione in abyssi colligati. Quamuis enim idē numero non sint, qui Ecclesiam olim exagitarunt, quinque eam Antichristi tempore post dæmonis solutionem affligent: rectè tamen potest hoc ita figurari, ac si iidem omnino essent: quia eadem prorsus priorum & posteriorum mens futura est; & hostilis illa potentia, quasi retenta & compedita erit, donec soluto demone soluantur pariter terreni reges, quos arcanum Dei consilium repressos & illaqueatos te-

nebat. Potest etiam dici, Turcas hodie, & ceteros Ecclesiæ hostes, qui Romam inuadere, & inde Christianam expellere religionem appetunt, à Deo reprimi & detineri.

Ad hæc, vt in Apocalypsi alligatio draconis singularim refertur ad Romanæ Ecclesiæ securitatem (vt in commentario vidimus:) ita similiter apud Isaías, dæmonum comprehensio & ligatio post Romæ conuersionem recensetur. Hæc enim Romæ conuersio innuitur apud eundem Isaías cap. 23. sub euerfionis Tyri allegoria, atque hæc eadem euerfæ Tyri allegoria suum etiam opportunum habet locum Apocal. 18. Pari etiam ratione, sicuti lugubres in mysticæ Tyri excidio planctus apud Apocalypsin subsequuntur nuptiæ Agni cum noua Roma: non aliter apud Isaías post prophetiam de Tyri mysticæ vastitate & post Ierosolymæ infortunium cum ipsa pariter coniunctum, sequitur mox gloria, quam Deo Gentilitas defert. *Hinnient de mari, propter hoc in doctrinis glorificate Dominum, in insulis maris nomen Dei Israel, à finibus terræ laudes audiuimus*; eas nempe Dei laudes, quas iterum illud quater *Alleluia* Apocal. capite decimo nono designat. Deinde Iudaici populi miseria cum Gentilici felicitate rursus comparatur: ad quam felicitatem pertinet dæmonum alligatio & gloria, quam Deo ipsius presbyteri decantant, quo caput 24. terminatur. Huius capitis cum antecedenti connexio indicat, fundamentum eorum omnium, quæ cap. 24. dicuntur, esse mysterium de mysticæ Tyri vastatione, quæ Romæ conuersionem adumbrat. Atque ita totum caput 24. respicit Agni nuptias cum sua sponsa: quæ nuptiæ, vt supra latè disputauimus, consistunt imprimis in publica Christianæ religionis Romæ professione.

Ex iis, quæ diximus, intelligitur series atque connexio capitum vigesimi tertii & vigesimi quarti Isaías cum tribus subsequentibus. Illa enim tria impenduntur in gratias Deo agendas ob præstantissimum illud facinus, quo Romam ethnicam deuastauit, & in nouam Sionem conuertit, eiusque obediētiæ Bestiam maris, id est, Romanum Imperium ethnicum subiecit. Vnde caput 25. Isaías exorditur, *Domine Deus meus exaltabo te, & confitebor nomini tuo, quoniam fecisti mirabilia: posuisti ciuitatem in tumulum, urbem fortem in ruinam, vt non sit ciuitas, & in sempiternum non edificetur, &c.* Deinde cap. 26. *In die illa cantabitur canticum istud in terra Iuda; Vrbs fortitudinis nostræ Sion: saluator ponetur in ea murus & antemurale. Aperite portas, & ingreditur gens iusta. Verus error abiit, quia incuruabit habitantes in excelso.* (vbi pro excelso ipsum Romæ nomen in Hebræo legitur) *ciuitatem sublimem humiliabit. Conculcabit eam pes, pedes pauperum, &c.* Postea caput 27. incipit, *In die illo visitabit Dominus in gladio suo duro & forti super Leuiathan, & occidet eum, qui in mari est.* Vbi Leuiathan eandem habet, opinor, significationem, quam Bestia maris apud Apocalypsin, nempe Rom. Imperii ethnici. Postremo mysterium in Apocalypsi tantoperè celebratum de Iudaici populi reprobatione, & electione Gentilici (aut quod idem est, de reprobatione Ierosolymæ, & Romæ electione) hoc est arcanum illud de quo Isaías c. 24. n. 16. mentionem facit hisce verbis, *Secretum meum mihi, Secretum meum mihi.*

Atque hæc in præsentī indicasse sufficiat, quibus videor mihi coniecturæ Turriani nostri nonnihil lucis attulisse.

Per reges  
terra quidā  
ab Isaia si-  
gnificatur.

Quid sit  
apud Isaia,  
erubescere  
lunam &  
confundi  
solem.

In terra re-  
gibus apud  
Isaiam si-  
gnificari  
etiam posse  
reges eos  
ethnicos,  
qui Chris-  
tianam  
oppugnavit  
Ecclesiam.

Dæmonum  
comprehensio  
& ligatio  
apud Isaia  
quoniam sit  
referenda.

Connexio  
capitis 23.  
& 24. Isaia  
cum tribus  
segg.







Quam sit  
prædicta ex-  
positio faci-  
lis, quam  
ipsum conte-  
ntus conse-  
cutionis con-  
gruens.

secutio manet aptissima; cum tamen in aliorum explicationibus valde sit locus obscurus & im-  
plicatus. difficultatem autem satis ponderat Ribera, quam verò expositionem ipse tradit nec Vie-  
gæ placet, nec ipsiusmet Viegæ explanatio faciliior est. Pro nostra autem explanatione non militat  
solum ipsius loci facilitas & coherentia; verum etiam illa imprimis ratio, nimirum Apocalypsin  
silentio prætermittere non debuisset rem adeò præstantem & insignem, qualis est sublimis illa ma-  
iestas, qua Pontifices in terraprius abiecti atque demissi, postmodum extollendi erant. Et eam  
fortassis ob causam contentus fuit Ioannes dicere, *Et vidi sedes & sederunt super eas*; nec ulterius expo-  
suit, quinam in iis sedibus confiderent? Ita enim innuit, eos ipsos, qui antea contempti atque de-  
specti erant, tantâ post auctoritate & amplitudine in regalibus thronis confidere. Ex præcedenti  
autem tractatu supplendum necessariò erat, sermonem hic esse de Ecclesiæ principibus ac præpo-  
sitis. Nam, cum de Ecclesiæ pace ageretur, necessarium erat, tam thronos, quam sessionem ad il-  
lud potissimum reuocari, quod in ea Ecclesiæ pace vel maximè elucere debebat; nimirum ad Pon-  
tificum auctoritatem, ad reuerentiam, ac venerationem, qua tanquam principes planè viri colen-  
di & obseruandi erant.

1. Obiectio  
in nostram  
explanatio-  
nem.

Duo tamè aduersus nostram expositionem opponi posse video. Primum, quia hic locus *Vidi sedes,  
& sederunt super eas, & iudicium datum est illis*, eundem habeat sensum necesse est, quem alij Scripturæ  
loci, quibuscum & similitudine & allusione communis est. Huiusmodi sunt; Sapientiæ 3. 8. vbi de  
iustis dicitur; *Iudicabunt nationes*. Matthæi 19. 28. *In regeneratione, cum sederit filius hominis in sede maiesta-  
tis suæ, sedebitis & vos super sedes duodecim, indicantes duodecim tribus Israel*. Lucæ 22. 30. *Ego dispono vobis, sicut  
disposuit mihi Pater regnum, ut edatis, & bibatis super mensam meam in regno meo; & sedeatis super thronos iudicantes  
duodecim tribus Israel*. Qui omnes loci communi fere consensu explicari solent de Sanctis in die Iu-  
dicii vel in cælesti patria confessoris. Alterum est; quia contextus subsequens vrgere videtur, ut de  
animabus beatis sermonem esse credamus. Sequitur enim, *Et animas decollatorum propter verbum Dei, &  
eorum, qui non adorauerunt Bestiam*. Si hæc igitur omnia cum verbo *vidi* componuntur, & pars altera de  
Beatorum animabus manifestè loquitur; prior igitur pars ad cælestem patriam est itidem referenda.

2. Obiectio

Diluitur  
prima ob-  
iectio.

Ad primam tamen difficultatem respondeo, si allusio adeò est certa, sicuti apparet: illud hinc  
elicio, quod mihi alioqui dubium non erat, & suprà me explicasse memini; videlicet eorum loco-  
rum legitimum sensum esse de ea auctoritate, quam Christus Dominus suis Apostolis in terra  
traditurus erat, dum eos Ecclesiæ suæ principes erat factururus, nec non illius imperii dominos, quo  
in terris populus sanctus erat fruiturus: iuxta illud Danielis 7. 27. *Regnum autem & potestas & magnitu-  
do regni, quæ est subter omne cælum, detur populo sanctorum Altissimi*. Sed Apostolis tamè, dum viuerent, cõces-  
sus fuit principatus; non verò externa & communis maiestas, quæ propter ipsorum merita filiis  
deinde succedentibus elargita fuit. Quod perinde fuit, ac si Apostolis ipsis ea dignitas ac potestas  
in suis hæredibus traderetur. Et quanuis aliis in locis dubitatio exoriri possit, vtrum sermo sit de  
imperio & gubernatione, quam suis Deus in orbe terrarum attribuit: in hoc saltem Apocalypseos  
loco diuersa alia expositio neutiquam cum ipso contextu congruebat, ut in superioribus adno-  
tatum est.

Diluitur  
2. obiectio.

Ad secundam difficultatem respondeo primò: quanuis pariter dicatur, *Vidi sedes, & sederunt super  
eas, & iudicium datum est illis*: & mox, *& animas decollatorum, &c.* In prima tamen parte, vbi non desi-  
gnatur, qui sint illi, qui sederint, omnino id ex superiore contextu colligendum est. Nam hoc ex  
subsequentibus coniectare, præter rationem est. Non est autem violentum, ut coniungat Ioan-  
nes Episcopos sibi visos in terra sedentes in thronis, & Martyrum animas cum Christo regnantes  
in cælis. Secundò respondeo: quod Ioannes addit, *Et animas decollatorum, & eorum, qui non adorauerunt  
Bestiam, & vixerunt & regnauerunt*; quanuis primo aspectu videatur non spectare ad pacem militan-  
tis Ecclesiæ: ceterum si id attentè consideretur, faciliè cernetur id quoque ad eiusdem Ecclesiæ  
militantis pacem conferre. Quod cum ita sit (ut sequenti commentario examinabimus) hoc ar-  
gumentum non modò contra nos non facit; sed ex consequenti etiam contextu confirmatur, ver-  
ba illa, *Et vidi sedes, & sederunt super eas, &c.* spectare debere ad felicitatem, qua in terris Romana Ec-  
clesia potitur.

## T E X T V S.

*Vers. 4. pars 2.* Et vidi animas decollatorum propter testimonium Iesu, &  
propter verbum Dei; & qui non adorauerunt Bestiam, neque imaginem  
eius, nec acceperunt characterem eius in frontibus aut in manibus suis; &  
vixerunt & regnauerunt cum Christo mille annis.

5. Ceteri mortuorum non vixerunt, donec consummentur mille anni.  
Hæc est resurrectio prima.

## C O M M E N T A R I V S.

Q V A N V I S Apocalypseos liber totius Scripturæ difficillimus semper fuerit reputatus: nullus ta-  
men in toto hoc libro locus est hoc difficilior, & qui plus negotij interpretibus facefferit. Hic

Obscuritas  
ac difficul-  
tas loci hu-  
ius quanta  
sit.

Mille-



**A** Millenarij miserè offendentes collapsi sunt. Quorum fabulam fugiens Augustinus resurrectionem primam explicuit de peccatorum remissione, per quam homines à suorum scelerum morte reuiuiscunt. Quæ tamen Augustini expositio tot difficultatibus referta interpretibus visa est, vt tanti Doctoris auctoritas & ingenium satis non fuerint, vt eam vero similem redderent. Quapropter Ribera § 49. & 50. Viegas sectione 2. §. 15. & Pererius in Daniel. lib. 8. fine, ab Augustino discedunt: atque affirmant primam hanc resurrectionem de eleuatione sanctarum animarum ad æternam Dei visionem, intelligendam. Tunc enim dici animas resurgere, cum ad beatam Dei visionem, atq; ad eam ad sempiternam felicitatem euehantur. Sed in hac etiam explicatione maximè occurrunt difficultates, vt infrà videbimus. Quas vt subterfugiant, Ribera aliam viam, aliam Viegas sectantur; & tamen locus adhuc intellectu remanet difficillimus. Cum autem facer hic liber sit prorsus ænigmaticus, dum non superatur difficultas, nec sensus perspicue cernitur, nec horum verborum cum antecedentibus consequutio monstratur; nondum videtur legitima loci huius expositio satis esse percepta. Etenim si ingeniosissimum aliquod ænigma optimè explicetur; nulla debet superesse difficultas, nec aliquid remanere, quod ad ipsius ænigmatis concinnitatem & elegantiam non spectare videatur. Hoc ipse præstare imprimis aueo: quod vt facilius possim efficere, nonnulla prius statuenda mihi sunt.

*Præmittenda ante expositionem resurrectionis primæ.*

**P** R I M O igitur est statuendum, quod à nobis disputatum iam est & stabilitum, draconem scilicet eo tempore fuisse illigatum, quo idolorum cultus fuit Romæ exterminatus, spatium autem mille annorum, quibus religatus est draco, esse plenitudinem temporis, quo Romana Ecclesia publico Christianæ religionis vsu ad Antichristi vsque tempora perfruitur.

**C** Secundo, in his duobus versibus 4. & 5. instituitur sermo de tempore illo, quo illigatus fuit draco: & asseritur simul mille annos, de quibus hic agitur, eosdem esse cum illis, quibus dæmon religatus tenetur. Non me latet difficultas, quam in hac re deprehendit Viegas. Si tamen apta inueniretur declaratio, quæ illi planè satisfaceret, dubitaret nemo, vtrumque millenarium esse omnino eundem. Nam vtroque in loco, vbi annorum mille fit mentio, illis præfigitur articulus. Ex quo nō obscurè conijcitur textū ipsum sese referre ad eosdem mille annos, de quibus facta fuerat in præcedentibus versiculis mentio. Nec aliquis ex hac dicendi ratione potest recedere; quin ipsi textui vim inferat.

**T**ertio; suppositum eorum verborum, *Vixerunt & regnauerunt cum Christo mille annis*, non solum est illud, *Anima decollatorum*, sed etiam, *Anima decollatorum, & qui non adorauerunt Bestiam, nec imaginem eius*. Difficile id valde Ribera apparet. Verum si hic etiam reperiretur explicatio aliqua, quæ difficultatem eiusmodi solueret; negari non posset, quin hæc omnes animæ tam decollatorum, quam qui non adorauerunt Bestiam, nec imaginem eius, dicantur viuere & regnare per mille annos.

**Q**uarto; quod attinet ad mille annorum numerum, quibus Martyrum animæ, & qui non adorauerunt Bestiam, viuere & regnare perhibentur; non eam mihi facio potestatem vt partem pro toto accipiam, nec mille ipsos annos ad longius producam tempus, quam quo dæmon illigatus est. Sed tam animabus Martyrum, quam eorum, qui Bestiam non adorauerunt, idem omnino regnandi tempus assigno, quo draco in vinculis retinetur. Noui quam sibi Beatus Augustinus sumat facultatem, l. 20. de ciuit. c. 13. qui animarum regnum ad illud etiam tempus protrahit, quo soluendus est draco: nec totum illud millenarii tempus concedit ijs, qui cum Christo regnare dicuntur per mille annos, ait enim totum in hoc loco accipi posse pro parte. Nihilominus multò plus ad strictissimam ænigmati rationem conformatur, qui nullo modo textus verba à propria acceptione ad illam detorquet. Quod si iuxta hunc explicandi modum congruens reperiatur interpretatio; id sanè optandum maximè est.

**Q**uinto: tam decollati, quam qui non adorauerunt Bestiam, in hoc loco significantur ij, qui pro Christi nomine fortiter subiere mortem, quo tempore fuit draco constrictus: nec non ij pariter, qui in prioribus persecutionibus fidem firmiter retinuerunt; nec blanditijs aut minis adduci potuerunt; vt Bestiam cultu & adoratione prosequerentur. Itaque non agitur hoc in loco de illis, qui post solutum draconem aut exagitandi sunt, aut etiam iugulandi. Sat scio, huic explicationi oppositam Ribera manifestam videri: existimat enim, Antichristum in Bestia figurari; textus vero loquitur de Bestiæ adorationem respuentibus. Ceterum non ita planum est, vt putat Ribera, famosum Antichristum, per maris Bestiam adumbrari: quinimò euident ex textu ipso est, Bestiam illam non esse Antichristum, qui post draconis solutionem persecuturus est Ecclesiam. Etenim si mille anni quibus & iugulati & Bestiam non adorantes regnant, sunt illi ipsi, quibus constrictus est draco: implicatio est manifesta asserere, regnum per mille annos futurum ante solutum draconem esse, & regnum hoc esse præmium eorum, qui post solutionem draconis aut oppugnati, aut capite multati sunt. Quamobrem Augustinus nunquam eam sibi mentem potuit inducere, vt in Bestia celebrem illum Antichristum crederet significari, qui post liberatū draconem oppugnaturus est Ecclesiam.

**A**t enim Augustini saltem opinio est ferè communis, dæmonis siue draconis religionem ad Christi passionis tempus esse referendam: cui opinioni ex directo opponitur id, quod in præsentem asserimus; nimirum pro Christo iugulatos, quorum hic mentio fit, esse illos, qui fortiter occubuerant, quo tempore draco in vincula coniectus est. Respondeo, illud mihi reputari certum, quod supra disputavi, & rationū momētis fulsi, videlicet illigati draconis tempus illud esse, quo Romæ fuit expulsa idololatria, & inde mille annorū spatiū enumerari. Quod non parū roboratur ijs, quæ hic textus affirmat, nempe animas decollatorum propter Christum, cum Christo ipso regnare eodem annorū millenario; qui à dæmonis ligatione ad ipsius vsq; solutionem interiacet: quod enim planè signifi-

Nonnulla ante obscurissimi huius loci interpretationem præmittenda.

Hoc mille annorum spatium idemmet esse atque illud, quo illigatus perstitit draco.

Quod sit suppositum eorum verborum, Vixerunt, & regnauerunt, &c.

Mille annorum tempus quomodo sit accipiendum.

Quinam sint denotati nomine decollatorū & eorum, qui non adorauerunt Bestiam?

Quid sensum tradidit de B. Augustini expositione referente dæmonis alligationem ad Christi passionis tempus.



cat textus est, illos per totum illud mille annorum tempus regnare. Non igitur draconis ligatio potest ad Christi passionis tempus referri: tunc enim plerique eorum non erant nati, nedum decollati. Et saltem si reperiatur explicatio apta, quæ non afferat vim textui, quis dubitet ipsam aliis præferri debere?

Sub nomine eorum qui non adorauerunt Bestiam, confessoribus Christi esse intelligendos.

Sexto; verba illa, *Et qui non adorauerunt Bestiam, nec imaginem eius*, de Christi confessoribus explicanda sunt; nec de illis solum, qui iam abierant, cum ligatus est draco, sed de ipsis etiam, qui in carne adhuc mortali degebant. Ad cuius explicationem aduerto, *adorare Bestiam & imaginem eius*, & accipere characterem eius in fronte vel in manu, nihil aliud esse, quam se ignominiose subijcere Romano Imperio ethnico, quando Christi nomen exagitabat; & aliquo modo persecutionem ipsam fouere, ut exposuimus cap. 13. Deinde aduerte, non hic vniuersæ affirmari, quotquot ethnicorum impietatem sectati non sunt, eos omnes cum Christo mille annis regnaturos. Credibile namque est fuisse tunc aliquos, qui nec Christiano nomini, nec ethnica superstitioni erant addicti, ac proinde in eadem persecutionum communione cum idololatriis versati non erant: siue quod eas ignorarent, siue quod parua ipsi etate essent, siue alias ob causas. Hi ergo nulla ratione censendi sunt mille illos annos regnum cum Christo tenere. Quapropter certum esse debet, non hic haberi sermonem, nisi de illis, qui pro Christi nomine vehementer oppugnati, adduci tamen non potuerunt, ut adorarent Bestiam & imaginem eius, & characterem eius acciperent.

Verum hic de ijs solum fit sermo, qui ante draconis, solutionem defuncti sunt?

Aliquis existimare posset, de ijs solum sermonem in hoc loco incidere, qui vitæ iam erant defuncti, quando solutus est draco. Nam ad resurrectionem prærequiritur antecedens mors; contextus autem eos affirmat resurrexisse. Deinde, cum dixisset Ioannes, *Vidi animas decollatorum, & qui non adorauerunt Bestiam, &c.* Protinus addit, *Ceteri mortuorum non vixerunt.* Ex quo deduci videtur, non eum in antecedentibus verbis de viuis ac superstitionibus fuisse loquutum: nec enim post viuorum mentionem aptè subiungitur, *Ceteri mortuorum.* Quin imò sibi persuadebit quispiam, in ipsa literæ ordinatione aliquid necessario supplendum: ita ut eiusmodi reddatur sensus; *Vidi animas decollatorum, & eorum, qui non adorauerunt Bestiam.* Nihilominus arbitror non hic subaudiendum esse eorum, sed, eos, illa enim locutio, *Qui non adorauerunt Bestiam*, æqualiter eos omnes attingit, qui persecutionis tempore firmiter in fide perstitierant: siue iam è viuis excessissent, siue adhuc viuerent. Quod autem textus generatim asserit, nihil est, cur ad mortuos singulatim coarctemus, præsertim cum graues auctores eandem loquutionem ad viuos etiam extendant: ut Augustinus 20. de ciuit. cap. 9. & Iulianus in progn. lib. 2. cap. 37.

Pars negans statuitur.

Et mihi quidem liceat saltem, obsecro, generatim accipere, quod textus generatim enunciat. In ænigmatis enim applicatione perspicitur, non casu ac temere sermonem de mortuis pariter & viuis incurrisse. Ad illa verò argumenta è contrario obiecta respondeo: ad primum quidem, ante resurrectionem supponi mortem: ad resurrectionem verò mysticam satis est, si in aliquo sensu dicatur verè, qui suam persecutionem tolerauerant, quanuis propriè loquendo superstitibus remanerent, nihilominus iuxta Scripturæ phrasim mortuos affirmari. Qui enim acriter impugnantur & affliguntur, ij inter mortuos quodammodo numerantur. Quare ex ea grauissima aduersitate & ærumna in prosperitatem & felicitatem emergere; id sanè perinde est, quasi è morte ad vitam euadere. Atque in hoc sensu pereleganter dicuntur, qui ex magna persecutione incolumes euaserunt, prodixisse tanquam ex mortuis viuentes. Constat autem huiusmodi locutionem in multis sacrarum Literarum locis reperiri. Ad secundum respondeo: locutionem illam, *Ceteri mortuorum*, exigere ut sermo de mortuis antecesserit. Quod autem nulla fuerit facta viuorum mentio, id minime requiritur. Potuit enim Ioannes, postquam de mortuis ac viuis egit, qui persecutionum tempore Deum sua confessione prædicauerant, mox aliquid de ceteris mortuis subiungere, non verò de ceteris viuis: quod tamen discrimen non absque mysterio erit.

Obiectio in contrarium adducta dissoluitur.

Porro, quanuis Christi Martyribus & Confessoribus commune fuerit, nec Bestiam, nec eius imaginem adorare: cum tamen decollatorum nomine Martyres comprehendantur, verba illa, quæ subiunguntur, *Et qui non adorauerunt Bestiam, nec imaginem eius*, de Confessoribus tam mortuis, quam viuis sunt vsurpanda, quasi diceret Ioannes, *Vidi animas decollatorum, & eos omnes, qui non adorauerunt Bestiam & imaginem eius.* Quod si (ut nuper dicebamus) non solum de vitæ iam functis, sed etiam de ijs, qui quando ligatus est draco vitam agebant, sermo in hoc loco instituitur; affirmaturque, qui Bestiam non adorauerunt, eos omnes reuixisse, & cum Christo mille annos regnasse: hinc liquet, textum ipsum Millenariorum commento aduersari, nec non opinioni Riberæ, Viegæ, atque Pererij. Etenim Millenarii interpretantur hunc locum de propria resurrectione; cum tamen hæc absque morte propria antecedente esse non possit. Ribera autem ac Viegas volunt resurrectionis huius veritatem comprobare in ascensu ad perfrendam Dei visionem, in qua beatitudo sita est. Atqui Dei visionem iusti in corpore corruptibili degentes assequi minime possunt. Quare horum auctorum explicatio ad rem esse non potest; si Ioannes asserit, qui Bestiam non adorauerant, nec eius imaginem, aut eius receperant characterem, eos omnes siue viuos, siue mortuos surrexisse, statim ac religatus est draco; & mille annis, quibus draco constrictus est, cum Christo regnauisse.

De confessoribus tam mortuis, quam viuis esse sermonem, cum dicitur, Et qui non adorauerunt Bestiam.

Septimo; quod textus assererat, *Vixerunt & regnauerunt cum Christo mille annis*; idem est, ac si diceret, *Resurrexerunt, & regnauerunt per mille annos predictos.* Postea enim subditur: *Ceteri mortuorum non vixerunt donec consummentur mille anni.* Vbi manifestum est, *viuere* idem esse ac *resurgere*. Vnde statim subiicitur *Hæc est resurrectio prima.* Quasi dicatur, dum alii resurrecturi dicuntur, ut mille illos annos cum Christo regnent, alii non item; non agitur de vltima resurrectione, sed de alia priore. Huc existimo verum huius loci cōtextū. Ex quo elicio, his in verbis resurrectionem non esse idē, quod ex peccatis emergere. Si enim Martyrū animæ & ii, qui Christū persecutionis tempore glorificarunt, dicuntur reuixisse, & regnum cum Christo per mille annos tenuisse: non igitur resurgere hic est, è peccatis liberari. Nec enim tunc remissa illis fuere peccata; nec scelerum remissio fuit fructus ex tormentis pro Christo toleratis decerptus. Quanuis enim in alijs Scripturæ locis nomen mortis tribuatur

Quid sit Vixerunt & regnauerunt cum Christo mille annis

Quenam hic appellatione resurrectio prima?



peccato; & peccatorum remissioni tribuatur resurrectionis nomen : in Apocalypsi tamen peccati eversio appellatur cades. Si autem peccato hic nomen mortis tribueretur : inferorum supplicia non secunda mors, sed tertia voceretur ; cum inter peccatum & mortem inferni aeternam corpora mors intercedat. In dubium autem vocari non potest, quin in Apocalypsi inferorum poenae nominentur mors secunda.

Octauo; ea verba, *Ceteri mortuorum non vixerunt, donec consummentur mille anni*; non solum ceteris mortuis abnegant resurrectionem primam, quæ Christi familiaribus conceditur : sed innuunt etiam ex Christi hostibus nonnullos fore ad vitam reuocandos, quando draco è vinculis exeat ; quod est ante generale resurrectionem. Hoc me ipsius textus verba docent. Nec vereatur lector, no- uam aliquam à me doctrinam à communi Ecclesiæ sensu alienam excogitari. Nec enim eam mea explicatio præfert, sed elegantissimam potius loquendi rationem & Apocalypsi dignissimam. Et quanuis fere dici soleat, ex Augustini doctrina, in ijs verbis, *Non viuent donec consummentur mille anni*; non denotari eos illico reuicturos, cum draco soluatur; sed hanc locutionem usurpari, quia genera- lis resurrectio paulò post futura est. quis tamen non videat, multò congruentius Apocalypseo- verbis esse, vt in verbis illis, *Donc cōsummentur mille anni*, significari credamus, qui Ecclesiam quon- dam oppugnarunt, millenario annorum expleto, protinus resurrecturos ? Iam si prima amicorū Christi resurrectio (de qua loquebatur textus) mysticè accipienda erat; negari non potest, quin aptius & elegantius sit, eidem familiarium Christi resurrectioni mysticæ, ex opposito respondere mysticam pariter persecutorum Christi resurrectionem, nec non aliam regnandi rationem oppo- sitam sanctorum regno mille annos permanenti. Hoc quidem modo, vt de Christi martyribus & amicis dictum est, *vixerunt, & regnauerunt mille annos*, eodem etiā sensu de Ecclesiæ persecutoribus dice- tur, *non vixerunt, donec consummentur mille anni*. Vt autē expositio sit plenior & elegantior; multò aptius est, vt in vtraq; propositione viuendi verbū pari ratione (id est de mystica resurrectione) accipiatur.

Dices, mysticus ille sensus, quem sceleratorum resurrectioni tribuimus, subsistere non potest, hinc enim sequeretur in Apocalypsi non sanctis solum, sed etiam peccatoribus primam concedi resurrectionem. Cui assertioni manifeste repugnare videtur, quod statim subiicitur versu 6. *Beatus & sanctus qui habet partem in resurrectione prima*. Respondeo, primæ resurrectionis nomen nõ idèd mylticè peccatorum resurrectioni negari, quòd nulli peccatorum mystica aliqua referreccio tribuatur: sed quia sanctorum resurrectio mystica, de qua loquitur Apocalypsis, accidit mille annis ante mysticā peccatorum resurrectionem, quam ipsa Apocalypsis innuit. Quare prima resurrectio sanctorum est. Præterquàm quòd, sicuti in resurrectione propria, quanvis iusti pariter ac peccatores sint ad vitam reuocandi, in aliquibus tamen scripturæ locis peccatorum resurrectio eleganter dicitur resurrectionis nomen non mereri; sic etiam in resurrectione mystica contingit. Licet enim nõ iusti solum resurgant, sed suo etiam modo peccatores (vt infra explicabimus) at resurrectioni iustorum iure optimo resurrectionis nomen singulariter applicatur. Atque in hoc sensu magna cum energia dicitur, *Beatus & sanctus, qui habet partem in resurrectione prima*.

Nondè, putabit aliquis in Apocalypsi non generatim asseri, sanctos omnes resurrecturos forè, vt cum Christo per nulle annos regnent; sed solum eos, qui pro Christo ceruices gladio subiecere, aut se constanter gessere in persecutionibus aduersus Christianum nomen exciratis. Ij enim significantur illa phrasi, *Animæ decollatorum, & qui non adorauerunt Bestiam*, vt in superioribus explicuimus. Negari autem non potest, quin quo tempore idolorum cultus fuit Romæ extinctus, in calō iam Beati permulti regnarent; qui nec pro Christo caput ferro obtulerant, nec pro Christiana religione persecutionem Romani Imperij perpefferant. Nihilominus tamen interpretes omnes generatim supponunt, neminem sanctorum ex prima hac resurrectione excipiendum. Quod si hoc accipiat de sanctis, qui in viuis degebant, aut iam obierant eo tempore, quo draco in vincula coniectus est; bene habet, vt ex omnibus illis vnum corpus efficiamus, & ijs omnibus in mystica resurrectione locus tribuatur. Quare in huiusmodi numerum non eos solum refero, qui pro religione persecutionem fortiter tolerarunt; sed eos etiam qui in viuā Catholicæ religionis fide perfluerant: eo quod illi omnes mysticum vnum corpus conficiant, & ad viuam Christi corpus mysticum pertineant.

Adhuc tamen mysterio non vacat, eos singillatim in Apocalypsi designari, qui pro Christiana religione subiere martyrium, aut persecutionum tolerantia illustres Christi Confessores extiterunt. Est enim peculiaris ratio (ut inferius ostendemus) quapropter illi dicantur peculiariter resurrexisse, quando ligatus est draco. Vnde in ijs etiam verbis, *Ceteri mortuorum non vixerunt, donec consummentur mille anni*; quibus tacite innuitur peccatores etiam resurrecturos esse suo modo, cum solutus fuerit draco; innuitur pariter, in misera illa & infelici improborum resurrectione insignes cunctus fuerit draco; innuitur pariter, in misera illa & infelici improborum resurrectione insignes cunctus primisfore, qui Christianam religionem infestant: quanvis aliqua etiam ratione (propter suam inter damnatos omnes coniunctionem ad Christi & servorum eius inimicitias atque odia) similiter dici debeat, non solum insignes Ecclesie persecutores, ut Neronem & Diocletianum, resurrecturos esse; sed totam etiam Christi inimicorum & in lethali crimine mortuorum factionem. De peccatoribus enim adhuc viventibus non agere in presenti Apocalypsin, & supra indicauimus, & clarius explicabimus infra.

*Expositio nostra de resurrectione.*

**H**is omnibus ad maiorem distinctionem præmissis, illud in primæ resurrectionis explicatione, nec non mille annorum, (quibus animæ Martyrum, & qui non adorauerunt Behtiam regnare dicuntur) optandum maxime est, vt sensus ipse congruat cum ligatione draconis, eiusque mysterio, nempe cum Romanæ Ecclesiæ pace & securitate post publicam Christianæ fidei

Quid  
innuatur  
ijs verbis,  
Ceteri  
mortuorū  
non vixe-  
rūt, donēc,  
&c.

Difficultati  
contra  
predictam  
expositionem  
occurrenti  
via preclu-  
ditur.

Utrum  
omnes gene-  
rationis sancti  
dicantur  
hic prima  
resurrectio-  
ne victuri,  
& cum  
Christo  
regnaturi.

Cur, cum  
omnes sancti  
sint prima  
hac resur-  
rectione &  
Christi  
regno frui-  
turi, Mar-  
tyrum spe-  
ctatim hic  
fit mentio,  
& eorum,  
qui in per-  
secutionum  
tolerantiis  
fortes  
fuerunt.



professionem eodem inuestam. Ad hanc igitur rem non video, quorsum attineat vel Augustini interpretatio de peccatorum remissione, vel recentiorum expositio de beata sanctorum animarum visione. Præsertim cum ostensum iam sit, nec Augustini explicationem, nec recentiorum, cum ipsius textus verbis concinere; sicut nec Millenariorum figmentum. Nostra verò explicatio, (nisi valde me fallit animus) & textui accedit aptissima; & rem continet, qua nulla alia optari posset suprædicto mysterio draconis per mille annos alligati congruentior; vel quæ Scripturæ phrasim præsertim Apocalypseos, magis redoleat; vel quæ sacri huius ænigmatis elegantiam clariùs ob oculos proponat.

Vt ergo meam tandem expositionem subiiciam; existimo in hoc loco sermonem esse de resurrectione, eodem omnino sensu, quo cap. 11. 11. de duobus Christi testibus dictum est, *Post tres dies & dimidium spiritus vite à Deo intravit in eos: & steterunt super pedes suos.* Et cap. 13. 3. ubi sermo est de Nerone, qui erat vnum (id est primum) de capitibus bestie, & Ioanni visum est occisum in mortem: & plaga mortis eius curata est. Legantur ea, quæ ad vtrumque locum adnotauimus. Sensus namque verobique est de resurrectione mystica; in primo scilicet de ea, per quam sanctitas & doctrina Evangelica reuiuere, quando prorsus consumptæ videbantur, tunc enim in religione ac feruore eorum, qui ad fidem conuersi sunt, resurrexit gloria & splendor illorum, qui pro Christo fortiter occubuerant. Et similiter in Domitiani persecut.ione reuixit Nero, eiusque odium intestinum, quo Christianam religionem fuerat prosequutus. Expendimus autem eo loco huius locutionis elegantiam Apocalypseos allegoriâ valde dignam, eamque ex alijs Scripturæ locis esse desumptam, nempe ex Ezechielis 34. fine, Danielis 12. 2. Malachiæ 4. fine. Lucæ 1. 17. indicauimus etiam similes locutiones Poetis & sapientibus viris vsitatas: infra verò subiicietur alius Isaïæ locus satis elegans, ad quem Ioannes in præsentis singillatim alludit.

Considerandum ergo est, quo tempore crudeles Romani imperij persecutiones, & præsertim Diocletiani, in Ecclesiam exarserunt; innumerabilem Christianorum numerum pro Christi fide occisos fuisse: qui verò in latebras abditi & huc illuc fugitantes viui tandem euaserunt, eos suarum saltem fortunarum iacturam fecisse, seque in subterraneis specubus ac sepulcris sepelisse. Quare Christiani tunc omnes possent quodammodo cum mortuis computari. Ceterum illis accidit, quod frumenti grano: cuius ea est mira vis ac facultas, vt cum mortuum sit & humatum; postea tamen gloriose resurgat, & pro grano vno demortuo centum oriantur: in quorum singulis eleganter dicitur reuiuiscere primum illud granum, quod priùs fuerat emortuum. Hanc comparationem nobis veritas ipsa proponit Ioan. 12. 24. *Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert.* Quibus in verbis licet non expresserit Christus, ortum illius grani quod seminatum est; esse resurrectionem: Paulus tamen id clare indicauit 1. ad Cor. 15. 36. & infra. Si ergo verissimum est, totius Romæ atque adeo Imperij conversionem ad Christi fidem & diuturnam pacem, qua fruitur Romana Ecclesia & huius pacis fructus: omnia hæc accepta referri debere secundum Deum, constantiæ ac fortitudinis Christianorum, qui in tyrannorum persecutionibus fuere pro Christo aut reuera occisi; aut ita mortificati, vt inter mortuos iure numerarentur: concinnè quidem & eleganter dici possunt, qui in prioribus persecut.ionibus sanguinem pro Christo fudere, in credentium postea multitudine reuiuissse: sicut demortuum granum in ceteris ex se subinde nascentibus reuiuiscit.

Et quanuis eodem ingruentis persecutionis tempore nonnulli Christi fidem amplecterentur maximâ cum Martyrum & Christianæ Religionis gloriâ: verum cum hi etiam illico ferè mortem subirent, & essent perpauca comparatione fructus vberissimi, quideinceps fuerat merendus: idcirco resurrectionis allegoria in Apocalypsi speciatim ad illud tempus refertur, quo idololatria ex Romanis finibus fuit eiecta, & mundi Imperium Romanæ Ecclesiæ traditum: sicut Daniel prædixerat cap. 7. 27. *Regnum autem & potestas & magnitudo regni, quæ est subter omne calum, detur populo sanctorum Altissimi.* Tunc autem fuit prorsus expletum, eos, qui reuixerunt, resurrexisse; vt regnarent cum Christo mille illos annos, quibus in vinculis retinendus est draco. Etenim si verum est, Petrum & Paulum, ceterosque Christi Martyres strenuos, & Confessores inelytos, qui aut mortui aut mortificati fuerant, reuiuissse in ea gloria & amplitudine, quam ipsorum meritis Christiana nunc obtinet Ecclesia, sicut verum est resurrexisse mortuos; ita etiam est verum, illos ad regnandum surrexisse. Nam si ipsi in suis hæredibus viuunt; illi profecto sunt, qui in Christianæ Ecclesiæ regno (quod ipsum est Christi Regnum) omnino imperant. Atque hac ratione redditur aliquo modo verum, quod Augustinus docet 20. de ciuitat. cap. 9. nempe *regnare mille annis cum Christo*, ab Apocalypsi attribui triumphanti Ecclesiæ ac militanti.

Porro resurrectionis allegoria ad grani frumenti similitudinem, exigit primò, vt quod mortuum videbatur, in sui simili resurgat: secundò, vt quod nascitur, oriatur tanquam verus illius fructus, quod sepultum & putrefactum est: tertio, vt cum gloria & vbertate nascatur. Quæ tres rationes cumulate complentur in mystica resurrectione eorum, qui pro Christo passi fuerant, quando vberimus ipsorum constantiæ fructus perspectus fuit in publico Christianæ religionis vsu & in mille annorum pace & securitate. In mystica autem antiquorum Ecclesiæ persecutorum resurrectione, quæ sub Antichristi tempus futura est, deerit saltem secunda illa resurgendi ratio. Quodd enim tunc alij Ecclesiæ persecutores Neroni similes, aut etiam deteriores sint exituri; id quidem neitiquam nasciturum est tanquam fructus ex Neronis morte. Deinde aliud etiam discrimen nec paruum deprehenditur: nam gloria ac regnum, quibus Romana Ecclesia potita est, sunt vera, solida atque germana, ac proinde in summum totius mundi beneficium redundant; at gloria Ecclesiæ persecutorum non vera est & sincera, sed maximum potius opprobrium, eiusque regnum tyrannidem manifestè præ se fert. Ex quo deducitur, meritò Ioannem resurrectionis nomen absolute ad probos, non ad improbos transulisse; quamtunuis innuat non obscure, improbos etiam suo modo resurrecturos; vt soluti Dæmonis tempore cum ipso regnent.

Quæ sit de-  
mum Au-  
gustini expo-  
sitiō de pri-  
ma resurre-  
ctione,  
deq; regno  
per mille  
annos cum  
Christo.

Explicatur  
amplius  
prædicta de  
mille annis  
& regno  
interpre-  
tatio.

Cur prima  
resurrectio-  
nis allegoria  
ad illud spe-  
ciatim tem-  
pus referat-  
ur, quo I-  
dololatria  
fuit ex orbe  
depulsa.

Exponun-  
tur ea, quæ  
ad primam  
huius res-  
urrectionis  
allegoriam  
conducunt.

Cur mystica  
antiquorum  
Ecclesiæ per-  
secutorum re-  
surrectioni  
non ita pro-  
prie allego-  
ria resurre-  
ctionis a-  
prietur.







Ad Sancto-  
rum etiam  
regnum spe-  
ctare vene-  
rationem &  
adorationē,  
quæ ipsis de-  
fertur in  
terris.

Illud demum adiungo : ad Sanctorum etiam regnum pertinere, vti colantur in terris ac iustor-  
antur eâ ipsâ publicâ religionis Christianæ professione. Et quidem eos veneratur Ecclesia (quid-  
quid obstrepat & obloquantur hæretici) delubris, votis, imaginibus, & honorificâ eorum tam in  
Missæ sacrificio, quàm in ceteris diuinis officiis commemoratione. Si autem desiderat quispiam,  
vt aliquis remissioni peccatorum locus in mea explicatione super sit, nec non sempiternæ gloriæ ac  
beatitudini, qua Sanctorum animæ fruuntur in cælo; hunc ipse locum, quem præbere possim, re-  
perio, nempe quodd Gentilitatis conuersio, in qua Martyrum animæ reuixerunt, in se includat se-  
lerum condonationem, quæ concessa est amplectentibus Christi fidem. Deinde, si Martyrum ani-  
mæ resurrectio complectitur eam notionem, quam de glorioso suæ constantiæ fructu sunt asse-  
quenti; hoc ipso præstituitur, eas iam Dei conspectu potiri. Nam Dei visio est clarissimum quod-  
dam speculum, in quo Sanctorum animæ perspicuè cernunt felicitatem, quæ Romænæ Ecclesiæ in  
terris degenti inest, tanquam potissimum ipsorum Martyrum constantiæ & Christi Confessorum  
fructum. Hinc tamen nequaquam inferitur, beatarum animarum gloriam esse finiendam, quan-  
do draco è vinculis ereptus fuerit, quod est, cum consummati fuerint mille anni : sed ipsæ in sua  
illa æterna felicitate aspiciunt, ipsarum regnum in terra interrumpi, quando soluatur draco, quem-  
admodum Dei etiam regnum in mundo tunc est intermittendum, in eo sensu, quo dicitur Deus  
ipse, licet rex sit æternus, in mundo tamen regnare cœpisse, quando Româ expulsus fuit idolorum  
cultus; siue quando Gentium multitudo Christianæ fidei radios excepit, Hoc enim est, *Para-  
ta sedes tua ex tunc, à seculo tu es*, quasi dicat, Quauis Deus sit æternus, ipsius tamen regnum tunc quo-  
dammodo incepisse.

## NOTATIO V.

### De allusione ad locum Isaie in prima Sanctorum resurrectione.

Allusio ad  
Isaia locum.

Explicatur  
Isaia locus  
cap. 26. v.  
14. & 15.

IN quarta notatione aduertimus, alludi in liga-  
tione draconis ad Isaia caput vigesimum quar-  
tum. Ostendimus etiam conuenientiam & concin-  
nitatem tam capitis vigesimi tertij præcedentis,  
quàm subsequenti, id est, 25. & 26. & 27. cum  
eo ipso argumento. Cōsentit ergo cum illa notatio-  
ne progressio eiusdem argumenti de Romæ conuer-  
sione, & expulsiōe idololatriæ; de quo agitur in  
illo capite vigesimo sexto, quo celebre Isaia canticum  
continetur. Vbi illustria quædam verba le-  
guntur; ad quæ Ioannes per allusionem respicit in  
eo, quod tradit de Martyrum animarum resurre-  
ctione, & regno per mille annos duraturo, & de re-  
surrectione etiam improborum post decursum il-  
lud mille annorum spatium. Isaia verba sunt capite  
vigesimo sexto numero decimo quarto, *Morientes  
non uiuant, gigantes non resurgent: propterea uisitasti,  
& contriuiisti eos, & perdidisti omnem memoriam eorum.*  
Et infra numero decimo nono, *Vident mortui tui: in-  
terfecti mei resurgent; expurgabis eum & laudate, qui habi-  
tatis in puluere; quia ros lucis ros tuus, & terram gigan-  
tum detrahes in ruinam.* In his verbis omnino existi-  
mo, Isaia sensum esse eundem, quem Apocalypseos  
verbis inesse diximus: nimirum Romanam Eccle-  
siam diurnam pacem fruituram, quam nullo modo  
possit dæmon, dum vinculis per mille annos con-  
stringitur, impedire: & longam hanc pacem esse fru-  
ctum ex Martyrum constantia ac fortitudine per-  
ceptum: quare ipsismet Martyribus non iniuria at-  
tribui Ecclesiæ regnum ac prosperitatem, ipsosque  
verè dici resurrecturos, quando idololatria ex Ro-  
mano, orbe expelleretur, & in terris longinqua sa-  
cula ad Antichristi vsque persecutionem regna-  
turos.

Primum ergo, quodd Isaia de eo loquatur tempo-  
re, quo idolorum cultus ab vrbe Roma fuit prorsus

C exactus; pater ex verbis in eodem cantico antec-  
dentibus *Vetus error abiit; quia incunabit Dominus ha-  
bitantes in excelso, ciuitatem sublimem humiliabit.* Quo  
de loco supra iam diximus. Deinde verba illa, *Gig-  
antes non resurgent, ad longam Ecclesiæ pacem trans-  
ferri debere; ex eo constat, quia præcedit numero  
tertio, Domine seruabis pacem, & rursus numero duo-  
decimo Domine dabis pacem nobis.* Et mox sequitur,  
*Morientes non uiuant, gigantes non resurgent.* Vbi gig-  
antes haud dubie compellat eos tyrannos, qui hor-  
ribili furore ac potentiâ fideles persequiebantur.  
Quod si Prophetæ mens solū esset asserere, vti in  
inferis æterno supplicio suam tyrannidem ac rabi-  
em aduersus Christi sectatores exercitam luerent;  
id quidem nequitiam consentaneum erit, aut ne-  
cessariū Ecclesiæ paci. Sermo igitur est, ne persequē-  
tium tyrannorum impietas ac violentia reuiuiscat.  
D Et quauis loquendi modus & ipsum prophetæ de-  
siderium postulare viderentur, ne gigantes mysticè  
ad vitam reuocarentur, ex ipso tamen contextu, e-  
uidens est, non id sibi prophetam polliceri. Nam  
paulò infra post longinquam Ecclesiæ pacem &  
mythicam iustorum resurrectionē mirificā elegatā  
celebratas, subiungit ipse Prophetæ, diurnæ paci  
horribilem persecutionem successuram, quæ ta-  
men modico temporis interuallo duret. ait enim  
numero vigesimo, *Vade populus meus intra cubicula  
tua, claudes ostia tua super te; abscondere modicum ad mo-  
mentum, donec pertransit indignatio.* Quod meo iu-  
dicio indicat Antichristi persecutionem: hanc e-  
nim ait etiā Ioannes modico tempore duraturam.  
Atque adeo hac ipsa expectatione de persecutione  
paululum duratura, deque supplicio in Antichri-  
stum immittendo, claudit Isaia canticum dicens,  
*Ecce enim Dominus egredietur de loco suo, vt uisitet ini-  
quitatem habitatoris terre contra eum, &c.*

Quosdam  
significet  
Isaia sub  
gigantium  
nomine.

Nomine in-  
dignationis  
apud Isaia  
denotari.  
Antichristi  
persecutio-  
nem.

Isaia de  
quo tempore  
in prædicto  
loco loqua-  
tur.



De qua re-  
surrectione  
hic verba  
faciat  
Isaías.

Quo sensu  
sit ab Isaia  
dictum,  
Ros lucis,  
ros tuus.

Lucis nomē  
tam He-  
braicā  
phrasē,  
quā La-  
tinā tribui  
aliquando  
vita.

Obiectio  
contra pra-  
dictam Isa-  
iae explica-  
tionem.

Responsio  
ad obiectio-  
nem.

Enim verò breuem hanc procellam longa sub-  
quitur tranquillitas, post mysticam gigantum terrę  
(id est Ecclesię persecutorum) euerſionem: & tunc  
facit vates decantat mysticam resurrectionem eo-  
rum, qui in Romani Imperij persecutionibus pro  
fidei confessione fortiter occubuerant: *Venerunt* (ait)  
*mortui tui, interfecti mei resurgent: expergiscimini & lau-*  
*date, qui habitatis in puluere; quia ros lucis ros tuus, &*  
*terram gigantum detrahes in ruinam.* Vbi Christiana  
Ecclesia videtur alloqui Christum, eidemque dice-  
re; Tui Martyres, Domine, qui sunt interfecti mei;  
*viuent, atque resurgent.* Mox sermonem ad eos con-  
uertit; *Expergiscimini & laudate qui habitatis in puluere.*  
Et rursus sermone ad Christum conuerso reddit  
sue fiducię rationem; *quia ros lucis ros tuus, & terrā*  
*gigantum detrahes in ruinam.* Id est, quia tibi virtus &  
potentia est, vt vitam Martyribus restituas, & tyran-  
nos eorum persecutores morti tradas. Porro verba  
illa, *Quia ros lucis ros tuus*, miram continent ele-  
gantiam: in eis enim innuitur, Martyribus euentu-  
rum, quod triticeo accidit grano: de quo Christus  
dixit, Ioannis 12. 24. *Si autem mortuum fuerit, multum*  
*fructum afferet.* Quasi diceret, vt magna cum gloria  
& multiplici incremento resurgat, prius moriatur  
oportet: resurrectio verò cælesti ope, virtute & irri-  
gatione fit. Ait ergo Ecclesia, semet non dubitare,  
quin Martyres, qui tanquam frumenti grana mor-  
tui erant, cum magna sint gloria & vberissimo fructu  
reuiuſuri. Nam ros opis & auxilij, quo Christus eos  
irrigat ac fecundat, est ros lucis, id est, summopere  
viuificans. Est enim Hebraica phrasim, vitę tribue-  
re lucis nomē quę etiam loquutio Latinis est fami-  
liaris: hinc illa sunt, *prodire in lucem, lucis vſura frui,*  
& alia id genus. Sensus ergo est, rorem ac pluuiam  
Diuini auxilij, quo Christus rigat ac fouet frumen-  
ti grana, quę in eius fide sunt terrę mandata, aded  
esse efficacem, vt illa in lucem edere possit, & glori-  
osā vitā ac fecunditate cumulare. Facit, quod non  
semel in sacris Litteris fons vitę cum luce vel lumi-  
ne coniungitur, vt Psal. 35. n. 10. *Apud te est fons vi-*  
*tę; & in lumine tuo videbimus lumen.*

Obiecter tamen aliquis legitimum Isaie verborum  
sensum immeritò ad mysticam Martyrum resurre-  
ctionem ante diem iudicij futuram detorqueri. Nec  
enim minoris momenti est proprię resurrectionis  
articulus, de quo communis interpretum consensus  
Isaie locum exponit. Et multò maioris ponderis est  
præcipua Christianę fidei dogmata locis Scripturę  
stabilire & roborare, quā mysticōs sensus conse-  
ctari, quibus enervari solent solida argumenta, quę  
sensu literalis innuntantur. Ad hoc tamen Respondeo,  
imprimis vnum eundemque Scripturę locum plu-  
res sensus posse admittere; atque aded, qui affirmat  
vnū, minimè negare alterū. Sed præter hæc, in eo ip-  
so sensu mystico, quem ipse Isaia verbis tribuo, sup-  
ponitur proprię resurrectionis veritas, quam Chri-  
stiana fides nos docet. Nam mysticę resurrectionis  
allegoria cōtinet comparationē à propriā resurrecti-  
one petitam: atqui comparatio vtrāque veritatē  
amplectitur, vt notationibus procemialibus explica-  
uimus. Dum ergo resurrectionis nomen imponi-  
tur fructui Ecclesiasticę pacis, quem Deus ex Mar-  
tyrum interitu legit; affirmatur, quod vniuersalis  
iudicij die in gloriosa Sanctorum resurrectione pro-  
prię complendum est, idem prius mysticē in resur-  
rectione mystica impleri. Quod si hic est eorum I-  
saie verborum sensus; in eo certè asseueratur pro-  
pria mortuorum resurrectio. Hoc in Apocalypsi  
manifestè constat in eo sensu, quem ipse primę re-  
surrectioni designo. Quis enim nesciat, in eo ipso  
primę resurrectionis nomine respectum includi  
ad resurrectionem secundam, ac proinde, dum di-  
cuntur reuixisse Martyres, quando idololatria Ro-  
mā fuit expulsa, eo ipso affirmari propriam Sancto-

A rum in extremo iudicio, resurrectionem? Nil ergo  
est, cur aliquis timeat, qui sensus huiusmodi mysti-  
cos sectatur, eum veritatibus fidei confirmandis so-  
lida auferre argumenta. Nam in hac mysticorum  
sensuum ratione includitur, quidquid desiderari  
potest ab ijs, qui se acerrimos literalium sensuum  
propugnatores profitentur; nimirum catholica ve-  
ritas, ad quam allusio siue comparatio fit: sed cum  
magno fenore, maximoque solatio, quod prophē-  
tię contextus, acolutia & fecunditas planè intel-  
ligantur.

B Ex hætenus dictis referri potest, non esse impru-  
dentię attribuendum (vt aliquis fortasse verebitur)  
si illum Danielis locum cap. 12. 2. *Et multi de iis, qui*  
*dormiunt in terrę puluere euigilabunt, alii in vitam æter-*  
*nam, & alii in opprobriū vt videant semper,* explicandū  
censeam de mystica resurrectione; & hunc esse ge-  
nuinum illius loci sensum. Si enim qui mysticam  
resurrectionem affirmat, propriam pariter extremi  
Iudicii resurrectionem asseuerat: mea ergo exposi-  
tio complectitur quidquid optabant iij, qui in Dani-  
elis verbis includi credebant illustrissimam genera-  
lis hominum resurrectionis confirmationem. Sed  
nonnulli minùs obseruantes, quid exigit ipse conte-  
xtus, vehementer & parum fructuose laborant, dum  
in ijs verbis, *Multi de his, qui dormiunt in terrę puluere*  
*euigilabunt*, contendunt vocem multi idem esse atque  
*omnes*: quod fortè violentum est. Quauis enim  
nouum non sit, multos in aliquo Scripturę loco pro  
*omnes* sumi; ceterum *multi de iis, qui dormiunt*, con-  
textus non patitur, idem esse atque *omnes* qui dormi-  
unt. Nec verò id opus erat, vt credatur Daniel eo  
loco generalem omnium resurrectionem asserere.  
C Nam si proprius & literalis sensus est affirmare sub  
Antiochi persecutione, & multò plenius sub ijs,  
quę aduersus Christianam Ecclesiam excitandę er-  
rant (& in Antiochi persecutione fuerunt figura-  
tę) multos fore mysticę resurrecturos per similitudi-  
nem quandam eorum, quę in generali mortuorum  
resurrectione euentura sunt: si hic, inquam, verus  
est sensus; nihil opus erat phrasim illam vi petra-  
here, vt *multi de dormientibus* perinde sit, atque *omnes*  
*dormientes*? Animaduersione autem dignum est dif-  
crimen, quod inter Danielis & Isaie loca versatur.

D Daniel enim in plurimorū resurrectione aliorū ad  
vitam, & aliorū ad opprobrium sempiternū, respexit  
summas Ecclesiasticę persecutionis angustias. Nam in  
Mathathie zelo, verbi gratiā, zelus Phinees  
instauratus fuit; & in Antiochi sauitia antiquus  
Pharaonis furor & impietas reuixit; & sic de alijs.  
Quippe verissimè dicitur in media ipsa persecu-  
tione resurgere virtus ac zelus antiquorum in ijs,  
qui strenuos diuinę glorię vindices & propugnato-  
res sese exhibent. Et tunc quidem satis superque  
dicitur, si asserantur multi resurgere. Quin imò  
nimium esset, si iusti omnes dicerentur resurgere.  
Isaia verò & similiter Apocalypsis resurrectionem  
bonorum in illud tempus cōiungunt, quo idolola-  
tria exterminata fuit: tunc autem maior apparet si-  
militudo gloriosę Sanctorum resurrectionis; iuxta  
ea, quę superius dicta sunt. Tunc verò non vnus  
aut alter resurgunt sed generatim loquendo anime  
decollatorum & qui non adorauerunt Bestiam. Atque ita  
etiam Isaia loquitur vniuersę, *interfecti mei resurgēt.*  
Non ergo videntur Isaia & Daniel ad idem omni-  
no tempus in prædictis locis aspexisse. Quauis for-  
tasse possit etiam explicari Daniel de vtroque tem-  
pore locutus & aduersitatis, & subsequētis prospe-  
ritatis, si consideretur in Mathathia reuixisse Phine-  
es: & in fortitudine Iudæ & ipsius fratrum reui-  
xisse fortitudinem Iosue, & insignium Iudicum  
atque ducum, qui olim in Dei populo viguerunt: &  
in nonnullis etiam Cain & Nembrot resurrexisse  
dicantur.

Danielis lo-  
cus ex c. 12.  
2. exponitur  
& expli-  
catur.

Discrimen  
inter Isaia  
& Danielis  
loca addu-  
ctā.



## T E X T V S.

*Vers. 6.* Beatus & sanctus qui habet partem in resurrectione prima: in his secunda mors non habet potestatem, sed erunt sacerdotes Dei & Christi, & regnabunt cum illo mille annis.

B

## C O M M E N T A R I V S.

*Quo sensu dicantur Beati & Sancti, qui habent partem in resurrectione prima.*

**V**ERBA isthæc videntur primo aspectu faciliorem præ se ferre explicationem, si prima resurrectio iuxta Augustini mentem de remissione peccatorum accipiatur; siue ut iuniores explicant, de visione Dei; quàm iuxta nostram explicationem. Etenim in Augustini sententia concinunt hæc verba cum illis Ioannis capite vndecimo numero vigesimo sexto, *Omnia qui credit in me non morietur in æternum.* In recentiorum verò explicatione nihil certius, quàm eos, qui Dei visione fruuntur, non iam amplius morituros. Sed utramque harum expositionem vel illud argumentum refutat; quia licet verum sit, quod in eis asseritur, non tamen est ad rem, de qua agitur. Sermo enim est de Ecclesiæ pace, deque eorum fructu, qui belli tempore strenui depugnarunt, vitamque suam pro Christi nomine profuderunt. Verus ergo sensus est huiusmodi, qui, quodd acerrimè pugnaverint, partem habent in prima resurrectione (iuxta sensum supra à nobis explicatum) ij sunt Beati & Sancti. Et quemadmodum in propria ad immortalem vitam resurrectione, qui à mortuis excitatur, non iam moritur, sed à secunda morte redditur omnino securus: ita resurrectionis mysticæ gloria & verum gaudium, quod inde ad Martyres Christi redundat, æterna sunt. Hanc autem gloriam ac lætitiæ voluptatem ex eo percipiunt quodd in suis successoribus sint Dei & Christi sacerdotes, & cum illo in terris mille annos supra dictos regnent.

*Difficultas in nostra expositione.*

Dices, duas sententiæ huius partes non aptè inter se consentire: nam si mystica resurrectio ad regnum mille annis possidendum sit, (in quibus quantumvis magnus annorum numerus, finitus tamen designatur, ac demùm finiendus) eidem ergo mysticæ resurrectioni aliquo modo secunda mors succedit. Si enim frumenti granum, quod mortuum fuit, in fructu à se prodeunte resurgit, ergo quando grana ipsa ex primo illo grano iam mortuo emoriantur, suo etiam modo primum granum morietur. Simili quoque ratione, si mystica resurrectio & regnum eorum, qui suam mortem copiosum hunc fructum procreant, consistit in publico Christianæ religionis usu, quo Roma secure fruitur: ergo illi ipsi, qui suam mortem hunc felicissimum produxere fructum, similiter morientur, quando publica ipsa Christianæ fidei professio intercidat.

*Diluitur proposita difficultas.*

Respondeo; gloriam, quæ triticeum granum manet, ex eo quodd mortuum reuixerit, nequaquam finire, quando seminatur iterum, ac moritur. Fructus enim mortis in primo grano est, per suummet interitum propriam conseruasse speciem, & auxisse. Quare primum in secundi morte non moritur: sed potius hæc secundi mors prouehit gloriam ex primi resurrectione prouenientem; & quodammodo eam æternat. Et saltem in mystici frumenti granis id certissimum est: nimirum interitum eorum, qui in Ecclesiæ persecutione sub liberato dracone excitandâ occidendi sunt, hanc minimè esse mortem priorum granorum, quæ resurrexerunt, quo tempore idololatria mundo deturbata est. Resurrectio enim non corporea, sed spiritalis extitit: reuixerunt enim decollatorum animæ, non corpora. Quamobrem, licet postea mors in corpora fidelium sauiat; spiritum tamen & gloriam non solum non ea ratione extinguet, sed etiam magis illustrabit. Si autem in mysticæ resurrectionis gloria comprehenditur etiam peculiare gaudium, quo Christi Martyrum animæ perfunduntur ex publico Christianæ religionis exercitio, tanquam ex proprio ipsorum martyrii fructu: hæc ipsa voluptas nullo modo finienda, aut minuenda est sub Antichristi persecutione. atque ita cohæret optime, ut vna ex parte mystica resurrectio fiat ad regnandum per mille annos: ex altera verò qui ita resurrexerit, exemptus omnino sit à quouis secundæ mortis genere.

D

Mirum præterea est, Ecclesiæ militantis felicitatem adeò pertinere ad Sanctorum animas in cælo existentes, ut quodd propriè militantem attingit Ecclesiam, quo tempore publica religionis Christianæ exercitatio viget, id ipsum Martyrum animabus in cælo degentibus tribuatur; in eodem sensu quo verè dicitur animas Martyrum tunc resurgere, cum erumpit fructus granorum, quæ fuerant terræ commissa.

E

Porro, *Esse sacerdotes & cum Christo mille annos regnare*, idem est, atque esse regnum sacerdotale. Quodd elogium quantumvis Ecclesiæ etiam tempore persecutionis conueniat: frequentia tamen & celebritas Missarum & diuinorum officiorum, auctoritas item Imperij, quæ in animarum salutem incumbitur; totum id illius est temporis proprium, quo & publica religionis exercitatio, & tranquillum Ecclesiæ Romanæ imperium vigent. Atque id innuitur verbis illis, *Erunt sacerdotes Dei & Christi, & regnabunt cum illo mille annis.* In quibus verbis, animabus Martyrum refertur accepta omnis

*Militantis Ecclesiæ felicitatem ad Sanctos etiam in cælo degentes pertinere. Quando potissimum Ecclesiæ sit proprium hoc elogium, quo iusti dicuntur sacerdotes & cum Christo mille annis regnaturi.*



A gloria & securitas Romanæ Ecclesiæ; sicuti mortuo frumenti grano eleganter tribuitur fructus ex eo oriens. Atque ita de singulis Martyrum animabus verè, sed mysticè dicitur, eos esse qui sacerdotale munus ac regale exercent, quo Romana Ecclesia à Deo imprimis condecoratur. Quod vt verum sit, non opus est fidelium singulos aut sacerdotes, aut Ecclesiæ principes esse.

Obseruanda insuper est proportio & conueniētia, quæ inter verba illa, *Beatus & sanctus*, atque illa, *sacerdotes & regnabunt*, reperitur. Nam vox *Sanctus* respondet voci *Sacerdotes*; & vox *Beatus*, respondet verbo *regnabunt*. Nam sanctitas proprium est sacerdotum ornamentum: beatitudo atque felicitas dignitatis principalis propria. Et quidē de sacerdotali regno latè diximus c. i. vbi vidimus quāuis alulio ad eos fiat, qui reges non erant, sed lectissima regni pars, nempe sacerdotes Ægyptij; ad eos tamen magna ex parte, tanquam ad regis familiares, regni ipsius administrationem pertinere. Demum sapienter adnotauit Augustinus, in his verbis, *Erunt sacerdotes Dei & Christi*, aperte denotari Christum quoque esse Deum: quando iidem ipsi, qui Dei Patris appellantur sacerdotes, Christi etiam sacerdotes nominantur.

Peculiaris  
hoc in loco  
elegantia  
obseruatur.

## T E X T V S.

C *Vers. 7.* Et cū consummati fuerint mille anni, soluetur satanas de carcere suo: & exhibit, & seducet Gentes, quæ sunt super quatuor angulos terræ Gog & Magog, & congregabit eos in prælium: quorum numerus est, sicut arena maris.

## C O M M E N T A R I V S.

D **H**Oc Gogi & Magogi bellum nonnulli ad Hæreticorum bellum applicant, quod ipsi Ecclesiæ inferunt; dum ab ea se remouent, & fideles in fraudem inducere contendunt. Cui expositioni valde fauet Hieronymus Ezechielis 38. vbi sic habet; *Gog interpretabimur Hæreticorum principes*; & *Magog, qui illorum suscepere doctrinam*. Eodem spectat quod ibi sanctus Doctor addit: nimirum Iudæizantes quidem aliter interpretari; sed ecclesiasticam explanationem esse, vt per Gog & Magog intelligatur omnis superbia & falsi nominis scientia, quæ contra veritatis notitiam sese extollit. Et ad finem eiusdem capituli subdit, illam esse viam regiam, à qua non sit declinandum ad dextram neque ad sinistram.

De Gogi & Magogi bello varia Auctorum interpretationes. i. Interpretatio de hæreticis.

Nihilominus tamen in Apocalypsi saltem non potest hic esse verus & germanus huius prophetiæ sensus. Nam draconis liberatio, & Gogi atque Magogi bellum subsequuntur mille pacis annos. Constat autem Ecclesiam non minùs fuisse hæresibus infestata tempore pacis, quàm in ipso bello & antiquis Romanorum persecutionibus. Quin imò antequàm pacis tempus ducentos omnino annos numeraret, hæreticorum perturbatio & tumultus fuit maximus, totque eorum fraudibus fuit appetita, vt verè dici potuerint Arriani fidelibus esse plures. Quod si oculos ad nostri temporis hæreticos conuertamus, quos aliqui tanquam Antichristi præcursores contemplantur; non video, cur suspicandum nobis sit in Apocalypsi horum potiùs, quàm Arianorum, Pelagianorum, Nouatianorum, & Donatistarum factam esse mentionem. Cur verò ad hæreses non descendat Apocalypsis; diximus notationibus præcedentibus.

Refutatur prædicta interpretatio.

E Aliorum opinio est Gogi & Magogi vaticinio prædicti Maurorum & Turcarum bellum aduersus Christianam Ecclesiam susceptum. Et quidem quod ad Turcas attinet, suprà notatione 2. diximus eam esse opinionem Fratræ Ferdinandi del Castillo, secunda parte historiæ sui Ordinis cap. 1. idemque ipsum antè cōiectauerant Ioannes Annius & Hentenius (quam explicationem tribuit Hebræis Genebrardus Psal. 52. versu 2.) quorum fundamentum præter mille annorum computationem, antiquit cap. 7. affirmat, qui in sacris Literis appellantur Gog & Magog, esse Scythas: quod etiam sequitur Theodoretus Ezechielis 38. nec non Ribera, Viegas, & alij in præfenti. Quod autem Turcæ sint ex Scythis oriundi, id in eorum historiis constat. Alij verò huiusmodi prophetiam non ad Turcas coarctant, sed generatim applicant ad bellum, quod Ecclesiæ inferunt Mahometi sectatores. Iam, si Mahometi ipsius atque Maurorum principium extitit in Arabia; fortassis huc spectat id, quod dicitur lib. 3. Sibyllinorum oraculorum; & affert Ribera §. 69. *Va tibi regio Gog & Magog, quæ medium es Aethiopum fluuiorum*. Vbi fortè maris brachia nomine fluuiorum appellantur. Arabia enim inter Persicum & Arabicum maris sinum sita est.

2 Interpretatio de Maurorum & Turcarum bello contra Christianam Ecclesiam.



Impugna-  
tur 2. ex-  
plicatio.

Alii obiter  
refruntur  
ac reici-  
untur ex-  
planatio-  
nes.

Vera Aucto-  
ris expositio  
de Gogi &  
Magogi  
bello ad  
Antichristi  
tempus  
relata.

Confirma-  
tur nostra  
interpreta-  
tio serie &  
cōsecutione  
ipsius con-  
textus.

Ex eodem  
connexionis  
& acolu-  
thia capite  
deducitur  
aliorum  
sententia  
refutatio.

Filum con-  
secutionis  
& contex-  
tus facile  
in nostra  
expositione  
ducitur.

Vitam An-  
tichristi  
in Roma  
publicam  
Christianam  
religionis  
professionē  
interdicen-  
tem.

Pars affir-  
mativa sta-  
uitur atq.  
probat.

Hæc tamen consideratio de Gogi & Magogi bello ad Mauros & Turcas applicato inanis est, vt expendimus notatione 3. Nec in ea verum comprobatur, hoc esse bellum breue post longam pacem. Nec verò propriè est bellum de religione generatim loquendo, sed de imperio. Quod verò semniarunt aliqui non alium peculiarem fore Antichristum, sed horribilem solum persequutionem in Christi Ecclesiam, eiusque filios à Mauris & Turcis sub mundi finem excitandam: id à doctis Theologis, & præcipuè à nostro Pererio validissimè impugnatur. Hic verò omitto (quia pudet iterum referre) fuisse qui opinati sint, tunc solum draconem, cum Ioannes vigesimus secundus in Cathedra Petri sedit. Neque verò crediderim, delirium illud eò peruenisse, vt sibi aliquis persuaderet tunc adimpletam fuisse hanc prophetiam de bello Gogi & Magogi. Quis enim hoc non rideat? Quare quod aliquis ausus est dicere, nempe eo tempore solum fuisse draconem, hyperbolicam offensi animi loquutionem redolet. Qua simili phrasi, faciliè iratae mulieres leuibus de causis dicere solent, euasisse diabolum ex abyssu.

Præterea notatione 2. & 3. in nona opinione (quam satis iam impugnauimus) ostendimus aliquos extitisse auctores, qui crediderint bellum hoc Gogi & Magogi non esse illud famosi Antichristi, qui Enochum & Eliam interfectorum est: sed post Antichristum sequi ligationem draconis: quo post mille annos soluto, bellum Gogi & Magogi exarsurum.

Ceterum his & alijs explicationibus reiectis, illa pro comperta habenda est, draconis solutionē & Gogi atque Magogi bellum ad Antichristi tempus esse referendum: tunc enim præsertim dici dæmonem Gentes seducturum. Quauis enim antea homines varijs modis seduxerit: non tamen illi permissa est potestas, vt post inclusionem in abyssi carcere posset tantopere in Ecclesiam Catholicam, ac præsertim in Romanam, sauire; vt publicum veræ religionis vsum de medio tollet, & Christianos ipsos per tyrannos & Christiani nominis hostes generatim propter Christi ipsius religionē insectaretur. At sub Antichristi tempus, nouissimo imminente iudicio, fidelium persequutio immanissima & generalis erit: atque vt omnium postrema, sic etiam grauissima omnium, quotquot Ecclesia vnquam perpeffa est. Ita Augustinus lib. 20. de ciuitate cap. 11. & communis Ecclesiæ consensus, ac ferè omnium libri huius interpretum. Et verò in nostra acoluthia hoc non solum ea caret difficultate, quæ occurrit in opinione eorum, qui maris Bestiam esse etiam Antichristum arbitrantur: sed perspicuum potius apparet, necessarium esse, vt per hoc Gogi & Magogi bellum Antichristi persequutio figuretur. Etenim post persecutiones à marina Bestia, id est, à Romano Imperio Ethnico in Christianam Ecclesiam suscitatas; post Ecclesiæ ipsius triumphum de ipsis persecutionibus actum; post idololatriam ex vrbe atque adeo ex toto Imperio deturbatam, mille anni religati dæmonis nihil aliud indicant, quàm securitatem, ocium ac tranquillitatem, quæ Romanam tenuit Ecclesiam in publica religionis Christianæ professione. Cum autem huiusmodi pacem consequutura sit Antichristi persequutio, cumque Apocalypsis inter pacem illam & vltimum generalis iudicii diem nullam aliam interponat Ecclesiæ persequutionem, nisi Gogi & Magogi bellum: euidenter inferitur, eam esse persequutionem Antichristi.

Quod non adeò certum atque euident est in beati Augustini & aliorum sententia, qui draconis religationem referunt ad Christi passionis tempus. Nam post ligationem eiusmodi acerrimè fuit Ecclesia exagitata & afflicta Ethnicorum Imperatorum Ecclesiam persequentium tempore. Quare cum draconis solutio de grauissima aliqua persequutione explicanda sit: videbatur omnino asserendum, draconem, postquam in abyssu fuit vinculis constrictus, non semel iam fuisse solum. Et quauis à Christi passione ad illas vsque persequutiones mille annorum tempus non intercesse-rit; adhuc tamen non parum obscuritatis habebat, cur solutio isthæc & Gogi atque Magogi bellum vnâ Antichristi persequutionem designent, si post alligationem futuræ erant multæ, eæque grauissimæ persequutiones. Res sanè in illa religationis expositione erat perobscura: nec alius apparere exitus videbatur, quàm vt diceretur, Antichristi persequutio tantò Diocletiani persequutione sauior & immanior futura; vt comparatione illius dæmon Diocletiani tempore constrictus fuisse dicatur. Quod tamen violentum est. Nam licet multò crudelior sit futura extrema illa persequutio: si tamen dæmonis alligatio indicat, illi nequaquam permitti, vt Ecclesiæ securitatem, & sui matrimonij felicitatem inturbet: non video, quo pacto tunc fuisse alligatus dicatur, quantunvis sub Antichristo maior illi potestas permittenda sit.

In nostra tamen explicationis serie res est plana & expedita: fatemur enim, dæmonem sub Romani Imperij ethnici persecutionibus solum extitisse: asserimus tamen, eius religationem accidisse, postquam idololatria ab vrbe, Imperioque Romano eiecta est: adhuc, per mille annos dæmonis illigati totum significari tempus, quo deinceps Ecclesia potita est, & potietur communi Christianæ religionis exercitio; quod ad Antichristi vsque persequutionem durabit. Tunc enim non dubito, quin in ipsa etiam vrbe Roma auferendum sit iuge sacrificium, & quidquid ad publicum Christianæ religionis vsum pertinet.

Scio extitisse nonneminem, qui existimarit, Antichristi etiam persecutionis tempore, licet bellum præsertim aduersus Romanum gerendum sit; non tamen eò perueniendum, vt re ipsâ Antichristus publicum religionis vsum ab ea auferat: id quod in aliqua prophetia esse Romæ promissum autumat. Sed hoc mihi nulla ratione probatur, quæ enim in Apocalypsi est propriè vxor Agni, & ceterarum Ecclesiarum regina, non est alia, quàm Romana Ecclesia. Draconis autem religatio speciatim refertur ad huius sponsæ felicitatem & securitatem, qua multis sæculis per publicam religionis professionem fruatur: hæc enim est felicitas ipsius nuptiarum cum Agno. Si autem satis esset impunitas draconi permissa, vt in reliquis Ecclesijs auferat receptam publicæ Christianæ fidei consuetudinē, & eas ferè solo adæquet: id quidem in Ecclesijs compluribus magno cum Christianorum luctu draco iam præstitit. Quare, cum alligatio nihilominus daret adhuc, sitque ad Antichristi tempus duratura, argumento est satis firmo, draconis solutionem eò potissimum referri, vt publicum religionis vsum non alijs solum Ecclesijs, sed Romanæ etiam re ipsâ interdicat.







Ex vario  
vtriusque  
belli exitu  
probatum  
diuersum  
esse bellum  
de quo Eze-  
chiel, ab eo,  
de quo Io-  
annes hic  
agit.

Quomodo  
cum exacta  
Apocal. in  
allusionib.  
consuetudine  
stare possit,  
ut hic &  
illud Eze-  
chielis bel-  
lum respici-  
atur, &  
tamen de  
alio diuerso  
sit sermo.

Gogi &  
Magogi no-  
men ab E-  
zechiele  
Romanis  
ethnicis, à  
Ioanne verò  
Antichristi  
militibus  
attribui.

apud Ezechielem, belli illius exitus is fuit, qui in eo capite 38. num. 22. exprimitur, *Iudicabo eum peste & sanguine & imbre vehementi & lapidibus immensis, ignem & sulphur pluam super eum, & super exercitum eius.* Ad hæc, ex hastis, arcubus, & sagittis congeritur lignorum strues ad septem annos: agitur etiam de mortuorum ossibus humandis, de quæ septimestri spatio, quod præterire debeat, antequam pollinctoribus sepeliendi potestas fiat. Atque hæc quidem omnia eleganter significant, quod in Gentilitatis conuersione accidit (ut suo loco disputabimus:) quæ tamen minimè sunt apta ad victoriæ significandam, quæ de Antichristo reportabitur: quam sic describit Apocalypsis capite 20. num. 9. *Et descendit ignis de celo, & deuorauit eos.* Quæ loca si inter se conferantur, manifestè constabit, in Apocalypsi consultò expressum fuisse discrimen inter belli finem Gogi & Magogi, quod ibi describitur, & inter finem illius, quod Ezechiel cap. 38. narrat. Præterquam quòd, si Apocalypsis exprefserat, illud ipsum bellum ab Ezechiele scriptum ante mille annos fuisse gestum, ut suprà vidimus; nequaquam sibi constaret, si ipsius belli euentum post mille annos accidisse diceret.

Videamus tamen, quoniam cum exacta Apocalypseos consuetudine & allusione stare possit, ut in hoc loco & ipsum bellum Ezechielis 38. scriptum respiciat; & tamen in eo velit nouum aliud bellum ab eo diuersum adumbrari. Verum enimuero, si contextus ipse seridè expendatur, non solum id ab Apocalypseos consuetudine & exacta alludendi ratione non desciscit, imò potius Apocalypseos elegantia atque exactio poscebat, uti belli huius diuersa significatio esset. Didum enim prius fuerat, transactis mille annis resurrecturos mysticè Ecclesiæ hostes: is enim est sensus eorū verborum, *Ceteri mortuorum non vixerunt, donec consummentur mille anni*, ut in eorum explicatione iam vidimus. Si ergo sensus est, post mille annos reuicturos mysticè antiquos Romanos idolorum cultores, qui exagitabant Ecclesiam: si describerat Ezechiel Romanorum ethnicorum persecutionem sub Gogi & Magogi figura: si ipsa Apocalypsis cap. 19. indicauerat, illud Ezechielis vaticinium in Romani Imperii bello contra Ecclesiam gesto complendum fore: ut ergo consequenter loqueretur, congruenter asseruit, ut primum solueretur draco, bellum Gogi & Magogi reuicturum. Euidens autem est, resurrectionem mysticam belli à Romanis ethnicis quondam illati, neutiquam esse veterem illam persecutionem, sed nouam aliam, in qua antiquum bellum mysticè renouetur. Vnde, si in hoc loco prædicit Apocalypsis mysticam belli Gogi & Magogi resurrectionem, eo ipso affirmat se non agere de Gogi & Magogi bello secundum eum sensum, quo illud describit Ezechiel, sed quatenus est quædam mystica pristini illius belli ab Ezechiele scripti resurrectio: id est, quatenus Antichristi persecutionem complectitur; in qua Diocletianus, Nero, aliiq̃ue Romani Imperatores Ecclesiam persequentes elegantissimè dicuntur reuiuiscere. Qui autem contendat, cum Ioannes ait antiquum Gogi & Magogi bellum suscitandum, directè eum agere de illo ipso bello, ac de eodem omnino sermonem in ipso contextu institui, nã ille haud aliud conabitur, quàm si vellet, cum dicitur, Antichristi tempore mysticè reuicturus Nero, non quidem tunc de nouo alio bello verba fieri; sed de eodem prorsus ipso, quod Nero commouit: atque adeò bellum hoc subsequi post mille annos ab alligato dæmone.

Constat igitur, si Ezechielis 38. & 39. Romanis ethnicis tribuitur Gogi & Magogi nomen; iure optimo militibus Antichristi hoc ipsum nomen ab Apocalypsi imponi. Quare quod aliàs diximus, cum Apocalypsis aliquem cuiusvis Prophetæ locum respicit, eandem Prophetæ illius mentem & significationem sibi adsciscere, hoc in loco patitur exceptionem: siquidem sub Gogi & Magogi nomine tractatur non de illo ipso bello, sed de mystica ipsius resurrectione.

## NOTATIO VI.

### In qua refutatur noua Gogi & Magogi explicatio à Calvinistis conficta.

IN variis belli huius interpretationibus, quas versu septimo proposui, nouam aliam à Calvinistis excogitatam de industria prætermisi: ut Catholicorum opinionem ab hæreticorum face & contagione secernerem. Nec tamen nouum hoc Calvinistarum figmentum integrè possum referre; non enim hæreticorum libri (& quidem satis meritò) in Hispaniam perferuntur. Quare id solum ex noua hac explicatione excepi, quod potui colligere ex commentario, siue commentatione cuiusdam Calvinistæ, quam in quodam alio libro citatam memini me videre super hoc ipso Apocalypseos loco, ubi de Gogo & Magogo sermo est. Et quamuis ab eo auctore, cui commentatio isthæc adscribitur, verè fuisse conscriptum minimè credam, sed ab alio, qui ei fortassis voluit palpm obtrudere: quicunque tamen eam sibi explicationem arroget, licet atque adeò incumbit Catholico scriptori, quidquid con-

tra Romanam Ecclesiam procacibus scriptis euomitur, omni virium contentione refutare. Quòd si impugnatio foret eiusmodi, ut de expositionis illius commentò & falsitate constaret; experimento iam deprehendimus, quo pacto se ipse purget, cui hoc tribuitur commentarium; & qua ratione satisfaciat ijs, quæ ex epistolis ipsius chirographo ac sigillo signatis ipsi obiiciebantur: suum enim à secretis ministrum ed adegit, ut fateretur, se absque illius iussu has epistolas conscripsisse, atque adeò subreptitias esse. Sed siue ipse, siue quouis alius scripserit, facile est diuinare, quid in Calvinistæ commentario ad hosce Apocalypseos versus contineatur: aliquid scilicet, quod contra Romanam Ecclesiam, summumque ipsius caput ac Pontificem planè militet. Huc omnia hæreticorum iacula diriguntur, atque hac ratione Principibus viris hæreseos labe infectis ipsorum ministri blandiuntur. Et quidem qua

impu-

Calvinista-  
rum insa-  
nia per oc-  
casione  
belli à Gogo  
& Magogo  
gesto consu-  
satur.



Caluinista-  
rum error  
in belli Go-  
gi & Mago-  
gi expositio-  
ne.

impudentia Romanis Pontificibus applicant hære-  
tici maris Bestiam capitis decimi terti, eadem et-  
iam bellum hoc Gogi & Magogi ad bellum Ecclesiæ  
Romanæ aduersus Caluinistas susceptum detor-  
quent. Nec Gogum & Magogum alios esse asserunt,  
quàm Papas & Papiſtas. Atque huc, fortassis ac-  
commodabunt, quod Eusebius libro nono demon-  
strationis Euangelicæ capite tertio ait, Gogos scilicet  
& Magogos esse Romanos. His addet, si Apocaly-  
psis indicat, Romanorum veterum ethnicorum per-  
sequutionem primitiuæ Ecclesiæ illatam mysticè  
fore instaurandam; hoc impleri iam in sacrarum  
imaginum adoratione, quam Romana Ecclesiæ cõ-  
plectitur: atque hanc esse idololatriæ veteris instau-  
rationem. Hoc ipse suspicor esse illius commentati-  
onis argumentum. Similia enim sæpe effutiunt  
Caluinistæ: & vndique arripiunt ansam Romanos  
Pontifices carpenti. Et præsertim visum est eis in  
obscuritate Apocalypſeos, ipsiusque figurarum va-  
rietate non esse difficile, abuti sacrorum verborum  
textu ad maledicendum, absque metu responsionis,  
quæ alium esse Apocalypſis sensum euidenter osten-  
dat.

Quod attinet ad Caluini dogmatum impugnati-  
onem, eam in hoc libro ex professo assumi non est  
neceſſe, nec Romana Ecclesiæ indiget meo hoc hæ-  
reticos refutandi labore. Alii ex nostra Societate  
sunt nec pauci, nec ignobiles: qui magnò cum hæ-  
reticorum furore pariter ac dolore hanc scribendi  
rationem adeo grauiter, copiosè & luculenter susce-  
perunt; vt omnibus euidenter probarint, Caluini  
sectam dæmonis ipsius instinctu fuisse confectam,  
vt miseri homines sese laxis habenis in effrenatas  
atque intemperantes voluprates darent. Atque hoc  
præterea à nostris satis probatum est, verissimam  
regulam obseruandam ab eo, qui errare nolit, esse,

NIHIL IN DOCTRINA FIDEI NOVARE:  
& luce meridiana clarius esse ab Ecclesiâ Romana  
nihil vnquam in doctrina fuisse nouatum; & ab ea  
licentiæ semper abstinuisse, qua quotidie vtuntur  
qui non tam accipiunt, quàm fingunt fidem & re-  
ligionem. Illud mei muneris est, qui Apocalypſeos  
interpretem ago, vt ostendam, hoc sacrum Apoca-  
lypſeos anigma ad Caluinistarum figmenta neuti-  
quam applicari posse. Licet autem auctor ille ina-  
niter gloriatur, in hisce anigmatis suorum dogma-  
tum confirmationem occultam delitescere: sed quia  
ex integrâ duorum & viginti capitum serie sex so-  
lùm versiculos sibi vendicat, quos inani suspitioni  
accommodet; facillè cernitur, an ipse ad suum in-  
stitutum totam Apocalypſeos continuationem ac  
filium aptè applicare potuerit. Iam si præter sex il-  
los versus, nihil aliud ad suam opinionem potuit  
detorquere: quid aliud magis ridiculum ac nuga-  
torium, quàm suæ insanix confirmationem reputa-  
re, quod sex Apocalypſeos versus ad eam vtrumq;  
accommodet? Etenim si illum cum risu explode-  
remus, qui in Quidij Metamorphoseon libris con-  
tenderet, Poëtam aut peculiarem aliquam histori-  
am, aut mendacium nunc de nouo confectum signi-  
ficare voluisse, quia sex aut septem Ouidij carmina  
ad illud possunt aptari, quantò irrisione dignius est,  
quod sibi aliquis videatur sex Apocalypſeos ver-  
siculos ad Caluini fomnia applicare; ideo aptam sibi  
materiam oblatam credi, vt librum aduersus Ro-  
manam Ecclesiâ conficiat, & versus illos in Pa-  
pam atque Papiſtas explicari posse gloriatur?

Si opinantur hæretici eum esse sincerum & ger-  
manum Apocalypſeos sensum: ostendant oportet,  
quo pacto cetera, quæ Ioannes refert, cum sua illa  
sex versusum applicatione consentiant. Etenim il-  
lud eis imprimis oppono, ad meam de sex hisce ver-  
sibus explicationem, & de ceteris omnibus, quæ ab  
Apocalypſeos exordio ad exitum vsque pro Roma-  
næ Ecclesiæ auctoritate interpreteror, me potissimum  
niti in apta totius libri applicatione & anigmatis  
acoluthia. Atque illud maximè velim aduertant,  
hæc omnia à me applicari ad eam doctrinam, quam  
nō ipse ex meo cerebro fingam; sed Romana Eccle-  
sia vt firmissimam ac solidissimam amplectatur. Si  
autem hæretici ipsi inficiari non possunt, quin mea

A applicatio totius libri contextui congruens sit; pro-  
fectò diuersum longè est argumentum, quod inte-  
gra totius anigmatis applicatione fulcitur, ab eo  
quod ex sex versusum applicatione desumitur.

Si verò respōdeant, Caluinistas etiam extitisse ali-  
quos, qui commentaria in totam Apocalypſin edi-  
derint: eorum quemlibet (modò mediocri saltem  
polleat ingenio) iudicem assumere auderem, quæ-  
nam sit ex suis ac meâ aptior & coherentior totius  
Apocalypſeos applicatio? Quapropter si iuxta meâ  
interpretationem nullus potuit literis mādari liber  
Romanæ Ecclesiæ gloriosior & honorificentior vnâ  
Apocalypſi; si hæc ipsa explicatio violentiæ aut ine-  
ptitudinis argui non potest: perbellè Caluinistis ac-  
cidisset, si Apocalypſin ad suorum dogmatum as-  
sertionem minimè reuocassent; & satius eis, multò  
foret, si sacrum hunc librum ad eam rem ne nomi-  
nassent quidem.

B Enimverò non satis mihi est, si eorum refutatio-  
nem ad aptam totius libri applicationem referam.  
Licet enim hæc sit vera ac solida ad anigmatis si-  
gnificationem probatio: faciliora tamen argumenta  
nobis suppetunt, quibus noua hæc de Gogi & Ma-  
gogi bello commentatio refellatur. Hoc autem con-  
stabit, si liquidò ostendamus, hos sex versus ab eis  
non solum non aptè applicari, verum etiam textum  
ipsum, verumque ipsius sensum nouo Caluinistarum  
glossmate prorsus euerri. Ad rem ergo ipsam aggre-  
diamur. Si verum esset, doctrinam à Romana Ec-  
clesiâ traditam Euangelio aduersari, ac Papas & Pa-  
piſtas Gogi & Magogi nomine in Apocalypſi com-  
pellari: neutiquam verè dici posset dæmon per mil-  
le annos fuisse alligatus, & postea per modicum  
tempus vinculis solutus; atque hoc ipso exiguo  
tempore bellum Gogi & Magogi durare; non igitur  
hicet verus Apocalypſeos sensus. Huius argumēti si  
concedatur assumptio, manifesta est consequutio;  
expresè enim in textu dicitur dæmon mille annos  
esse ligatus; quibus exactis illum modico tempore  
solui oportere, & totum Gogi ac Magogi bellum in-  
tra modicum illud spatium fore; cuius exitum cui-  
usmodi futurum, vt Deus igne cælitus demissò v-  
niuersum Gogi & Magogi exercitū sit absumpturus.

C Vbi ergo sunt mille pacis anni, antequàm Papi-  
starum religio Romanæ & Romanum Imperium oc-  
cuparet? Nam si mille annorum computatio fieri  
incipit, ex quo Constantinus Imperator Ecclesiæ  
pacem & tranquillitatem concessit: id quidem acci-  
dit Christi anno circiter 321. Nec enim sub Diocle-  
tiano pace fruebantur Christiani. Si autem ineatur  
annorum numerus ab Apostatæ Iuliani morte: ille  
periit anno Christi 367. Ab eo igitur tempore, (quā-  
tūvis Caluinistæ in ipsas velint tenebras impingere)  
vbinam extant mille anni, quibus ipsorum secta pa-  
ce potita est, antequàm Romana religio præualeret?  
Vbinam reperitur Bestiæ numerus 666. eo quod an-  
no illo inceperit Papistarum religio? Certè si ab hoc  
anno millenarii numerum exordiamur; mille anni  
nostri sunt, non ipsorum: & quacunque ratione e-  
numerari velint; nullo modo inuenient, suam ip-  
sorum hæresim mille annorum pace fuisse potitam;  
antequàm in orbe inchoaretur religio, quam Ro-  
mana proficetur Ecclesiâ. Iam, si mille annorum nu-  
merum velint contrahere, & ad multò breuius tem-  
poris spatium redigere: ritulò plus contrahant necesse  
est tēpus, quod modicū appellatur. Quī igitur mille  
anni tam citò ac velociter præterierē; & tot sæcula  
protenditur tempus illud modicum, quo soluendus  
erat dæmon? nec tamen interim ignis è cælo dela-  
bitur, qui Papiſtas prorsus exurat? Quæ tanta hæc  
amentia est, vt Caluinistæ velint mille pacis annos  
sibi arrogare, antequàm Romanæ Ecclesiæ religio in  
orbem fuisset inuecta: & simul pertinaciter defen-  
dant, quodeunque temporis Papiſtæ in mundo du-  
rant ac vigent, minus adhuc modico esse, compara-  
tione eius temporis, quo ipsorum Caluinistarum  
floruit hæresis, antequàm inciperent Papiſtæ? Quod  
cū perinde omnino sit, quasi quis sub meridiana  
luce meras esse tenebras peruicaciter contenderet;  
quonam pacto scribere audent Caluinistæ, in Apo-  
calypſi nomen Gogi & Magogi Papiſtis attribui?  
Vtinam ipsorum prouerbiæ medicinam adhibere

Caluinista-  
rum expositio  
ad ho-  
minē (quod  
aitur) fal-  
sitate re-  
uincitur.

Sæptarij hæ-  
retici sua-  
pse sponte  
ad nouandā  
religionem  
proclines.

Quam sit  
irritus &  
inanis Cal-  
uinistarum  
in hac ex-  
positione  
conatus,  
ostenditur.

Ex totius  
Apocalypſis  
ac filo, quod  
hæretici  
ducere ne-  
quaquam  
possunt,  
ipsorum fal-  
sitas & er-  
ror exploditur.



ita facile esset, vt eos erroris & stultitiæ manifestò conuincere in promptu est. Tunc enim nullo negotio eis euidenter demonstraretur, quæ Christi imagini deferretur adoratio, non eam diaboli adoratione esse, sed Christi: nec quæ Sanctorum imaginibus reuerentia exhibetur, non Veneri nefandæ, aut libidinoso Cupidini; sed Christi familiaribus pietate & sanctitate insignibus præstari: atque adeò noiam doctrinam eorum esse, quæ Sanctorum imagines de medio tollat. Quippe nec Romana vnquam Ecclesia aliquid in veteri ac solida doctrina innouauit, nec quidquam est Romanæ Ecclesiæ consuetudini magis aduersum, quàm quælibet doctrinæ, quam profiteretur, nouitas. Quæ verò fuerit Eusebii mens, cum ait, Romanos apud Ezechielem in Gogo & Magogo fuisse significatos, satis id suprà explicatum est.

Quæ diximus aduersus Calvinistas, adeò perspicua & manifesta sunt, vt omnino nesciam quam excusationis siue euasione potius ansam arripiant, ne de ipsorum computationis falsitate atque mendacio liquido constet. Sed forsitan eò confugient, vt mille pacis annos asserant à Christi passionis tempore numerandos: sicuti & Augustinus & Catholici alii multi fecerunt. Verùm esto, id ita esse; quam ratione Calvinistæ verisimile reddent, peractis mille annis post Christi passionem, incepisse eam doctrinam, quam hodie sequuntur Papistæ? Ipsi enim sectarii planè reuineuntur, vt hoc quod ipsi Gogi & Magogi bellum vocant, ante octingentos annos cœpisse, atque adeò se eius exordium nescire fateantur. Si ergo tantum temporis interuallum ab eius principio effluxit, quomodo illi potest congruere, quod textus ait, nempe *Modico tempore duraturum*, si cum pacis diuturnitate compareretur? Quis autem sibi audeat persuadere, nisi insana mente præditus, Diocletiani quidem tempore draconem fuisse illigatum, nunc verò esse solutum ratione belli, quod Romani Pontifices cum Calvinistis gerunt? Certè Augustinum, qui persecutionem Antichristi

A affirmabat ceteris omnibus antea actis multo horribiliorem fore, mirum non est existimasse, draconem sub Diocletiano religatum extitisse, respectu belli crudelissimi Christianis sub Antichristo inferendi. Verùm si Diocletiani bellum cum eo conferatur, quod nunc Papistæ in Calvinistas suscipiunt: nemo delirus est, qui proferre audeat, hoc ita esse sæuum & immane, vt si cum Diocletiani persecutione compareretur, draco tunc fuisse ligatus, nunc verò solutus dicatur. Quantò verisimilius & temporibus ipsis congruentius, quis posset asserere, post Romani Imperii persecutiones, & idololatriam ex Imperio ipso depulsam, pace & tranquillitate fuisse positam Ecclesiam, donec Lutherus, Calvinus, eorumque affectu à Catholica Ecclesia perfide defecerunt: ex ea autem tempestate rursus demonem fuisse vinculis expeditum? Tamen enim Antichristi tempus nondum accessit: hi tamen ipsius prodromi in Christianam Ecclesiam tam crudeli bello sunt debacchati, tot gentes ac nationes in fraudes miserè pellexerunt; vt ex prudentibus viris non defuerint, qui in his Antichristi præcursoribus ipsiusmet Antichristi persecutionem Ecclesiæ inferendam incepisse credant. Nec adeò facile est, hanc opinionem conuincere falsitatis. Nam mille annorum numerus, quibus illigandus est demon, saltem in hac opinione consentit: nec tot præterire anni ab huius Calvinistarum hæreseos impietate, vt euinci possit, plus præterisse temporis, quàm opus sit, ad asserendam eorum verborum veritatem, & post hac oportet illum solui modico tempore. Nec verò est, cur annuente Deo non pie credamus, huiusmodi sectam ante multos annos fore prorsus extinguendam; sicuti & Ariana hæresis abolita est, quando altiores egiisse radices videbatur. Et huic saltem opinioni non parum fauet Hieronymus Ezechielis cap. trigesimo octauo, vbi perspicue tradit, per Gogum & Magogum signitari hæresiarchas, eorumque sectatores. Atque hæc ad nouum Calvinistarum figmentum confutandum nunc dixisse sit satis.

## NOTATIO VII.

*Vbi suspicio quædam proponitur de eleganti nominis Gog fictione.*

De nomine  
Magog  
questio.

Scythas à  
Magogo  
Iaphethi  
filio genus  
ducere, se-  
cundum  
Iosephum.

Myfici Go-  
gi & Ma-  
gogi qui  
sint.

MAGOGI nomen liquido constat non esse fictum ad huius mysterij significationem. Paret enim secundum Iaphethi filium appellatum fuisse Magogum, suoque nomine regionem aliquam nominasse, Quia vocauerunt nomina sua in terris suis, Ps. 48. 12. Vide Genes. 10. 2. Filii Iapheth, Gomer, & Magog. Et quamuis Iosephus lib. 1. Antiq. c. 7. (quem Theodoretus sequitur) affirmet, Scythas à Magogo Iaphethi filio genus ducere, & nonnulli hac in re Iosephi vestigiis insisterint; B. tamen Hieron. eos irridet, qui Iosephum in hoc fuere sequuti; eamque appellat Iudæizantium opinionem. Et Augustinus perspicuè esse existimat, Magog in Apocal. non esse peculiarem nationem. Legimus enim, *Gentes quæ sunt super quatuor angulos terræ, Gog & Magog*. Fateor his Apocal. verbis nō probari Magogos non esse singularem aliquam nationem: nam de hoc non est dubitatio. Et Gogū quidem Ezechiel nominat terram Magog. cap. 38. 1. & mox num. 15. ad eum conuersus ait, *Venies de loco tuo à lateribus Aquilonis*. Nihilominus tamen elegantissimè loqui potest Apocalypsis de ijs Gogis & Magogis, qui super quatuor terræ angulos sunt. Nam myfici Gogi & Magogi nō vnica inuunt peculiarem gentem, sed nationes omnes sub Antichristi vexillis militantes. Quamobrem nihil erat, cur Ribera & Viégas affirmaret præcipuam Antichristi exercitus partem ex Scythis constare iri, & propterea totam illam persecutionem per Synecdochen Gogi & Magogi bellum appellari. Incertum hoc est, & à grauioribus auctoribus explosum.

Hoc tamen non impedit, quin regio illa à prædi-

D cto Iaphethi filio dicta Magog, Iudææ comparatione sit Aquilonaris siue Septentrionalis. Certum enim est, (vt in commentario capituli 38. Ezechielis constabit) vniuersas illas nationes, quæ in eo capite recensentur, vt partes illius exercitus inibi descripti, Antiochi imperio fuisse subiectas, & Israeliticæ terræ vicinas: nec minus certum est, Mosoch & Tubal (quæ cum terra Magog coniunguntur) esse etiam respectu Iudææ Septentrionales. Et ex Plinio ac Ptolomæo constat, vnam ex præcipuis Syriæ vrribus proprio nomine Magog Syriacè nominari. Quare urbem aliam Magog inuestigare velle (cū hæc & certa sit, & in eo situ constituta, vbi opus est) id meo iudicio vanum est. Præsertim, quia vt infra videbimus, congruentissimum erat de ciuitate illa esse sermonem, quæ Syriacè Magog, græcè Hierapolis, nec non Bambyce vocatur.

E De nomine autem Gog nulla alia nobis est cognitio, nisi quod reperiatur apud Ezech. c. 39. & 38. & Apocal. 20. Si verò aut regio aut natio foret aliqua huius nominis: id in aliis Scripturæ locis reperiretur, opinor, & aliquod extaret vestigiū apud insignes Geographos, vt Strabonem, Ptolomæum, Plinium: apud quos tamen nulla huius nominis mentio est. Nec satis est, nomen aliquod in aliqua inueniri prophetia, & genti alicui vel Principi applicari, vt inde colligamus id nomē fuisse illius gentis vel Principis proprium, cū pateat sæpe in prophetiis aliqua fingi elegantissima nomina: vt apud Isaiam, *Ariel*, & *Cymbalum alarum*.

Illā igitur mihi in mentem venit suspicio,

nomen

Vrbs Magog  
vbinam  
fuerit.

De nomine  
Gog qua-  
estio.



Videri pro-  
babile, no-  
men Gog  
ab Ezechie-  
le sapienter  
fuisse con-  
stitutum.

Obiectio  
proponitur  
ac soluitur.

Nomina  
Gogi &  
Magogi  
cum ab E-  
zechie-  
lem a lo-  
ne accipi-  
ne accipi-  
per analo-  
giam ad  
Antiochi  
bellum.

Nomē Gogi  
apud Eze-  
chielem  
Antiocho  
tribuitur.

Augustini  
episto de  
Gog &  
Magog.

Gog &  
Magog  
etymologia.

nomen Gog sapienter ab Ezechiele Propheta fictum; tanquam id, à quo nomen Magog sit deriuatum. Quamuis enim Magog fuerit proprium filii Iapheti nomen ( à quo videtur appellata Magog terra illa, vbi Magog ciuitas condita est ) verum qui Hebraicè literaturæ peritus sit, facile aduertet nomen Magog esse deflexum à nomine Gog addito Mem: quod sonat idem, quod apud Latinos à vel ab. Et sicut Græci à Constantino deriuant Constantinopolin, sic Hebrai vel Syri à nomine Gog deriuare possent nomen ciuitatis Magog. Itaque ex forma ipsa nominum aptè effingi potest, Gog esse quasi substantiuum, Magog verò adiectiuum. Quantum verò elegantia in hac visione lateat, dicemus infra.

Obijciat tamen quispiam, nomen Gog multò esse vicinius nomini Goth, quod proprium Gothorum est. Certè S. Ambrosius libro secundo de fide capite vltimo, hanc Ezechielis prophetiam de Gothis exponit, qui Imperium deuastarunt. cuius etiam explicationis meminit Hieronymus in quæstionibus Hebraicis in Genesin. Respondetur, licet ex soni affinitate, & ingenti strage, quam Gothi in Imperio ediderunt, hæc ad eos prophetia accommodetur; euidens tamen esse, de illis nec Ezechielem, nec Apocalypsin loqui. Etenim Christianæ religioni non adeò grauis Gothorum oppressio extitit, sicuti Diocletiani persecutio; nec potuit illa auferre ex vrbe Roma publicum Christianæ religionis vsum; nec mille pacis anni ante illam Gothorum inuasionem præterierant; nec ita brevis fuit, vt opus erat ad veritatem eorum Apocalypseos verborum. *Post hæc oportet illi modico tempore:* nec verò fuit postrema persecutio & grauissima omnium, quibus Christiana Ecclesia affligenda erat. Præter hæc, nulla ratione cum ea explicatione cohæret, quod ait Ezech. c. 38. i. vbi Gogum appellat terram Magogi. Constat enim Magogum ( cuius mentionem facit Propheta in sensu proximo ) esse regionem Iudææ finitimam: sicuti & in superioribus perstrinximus, & in eius capitis commentario latius explicabimus.

Pro nostra ergo suspicionis expositione primum noto ( id quod ex superiori commentario inferitur ) tam apud Ezechielem, quam apud Apocalypsin vsurpari nomina Gogi & Magogi per analogiam ad bellum illud, quo Antiochus oppressit Iudæam: quare tam in præcipuo Ezechielis, quam in Apocalypseos sensu respiciendum imprimis est, cumam in Antiochi bello nomen Gogi, & quam ob causam: cui verò nomen Magogi tribuatur.

Secundò aduerto, in proximo Ezechielis sensu nomen Gogi Antiocho haud dubiè tribui. Ad cuius explicationem in præsentia non disputo, sed suppono potius, proximum illius prophetiæ sensum esse de Antiochi persecutione in populum Israeliticum fauiente. Quo supposito, facile cernitur, in eo bello per Gogum significari principem. Primum enim textus ei non semel nomen principis dat. Deinde cuiusnam ea verba dici possunt, *Tu es multitudo tua*, nisi totius exercitus duci & imperatori? Præterea ex Hieronymi applicatione manifestum est, non dubitasse sanctum Doctorem, quin Gogi nomine princeps illius belli signaretur. Applicat enim Magogi nomen ad hæreticos; nomen verò Gogi ad hæreticarchas, aut hæreticorum principes. Scio diuersè id applicari à Ticonio & Augustino lib. 20. de Ciuitate c. 11. quem multi sequuntur ) vbi Magogi nomen tribuit daemoni, qui est improborum princeps; & nomē Gogi vniuerso Satanae exercitui. Sed in hac explicatione non nihil est, quod infra amplectemur: quod verò in ea Hieronymo contrarium est, nempe Magogum esse principem, id est, daemonem; id nulla ratione cum Apocalypsi potest consentire. Daemon enim Gogum & Magogum seducit. Vnde Magogus daemon esse potest. Quæ etiam ratio militat contra Prosperum, qui in dimidio temporis c. 4. quod dici solet, Gog esse *teſtum*, & Magog de *teſto*, ipse de daemone *teſto* atque *deſecto* exponit: obseruans prius fuisse Gog, id est, *teſtum*; cum erat ligatus, postea verò fore Magog, id est, *deſectum*; cum exibat & seduceret Gentes. Hæc tamē explicatio cum Apocalypseos filo stare non potest.

Tertiò, quamuis Gogi nomen Antiocho adscriba-

A tur: in hac tamen loquutione sermo non est de solo principe siue imperatore, sed de ipso cum vniuerso suo exercitu. Simili enim phraſi cum dicimus, Turcam in Rhodon insulam siue in Melitam irruere, nō de sola Turcarum Imperatoris persona, sed toto etiā ipsius exercitu loquimur. Et mihi quidem planum fit, Ezechielem hac ratione loqui; vt illius prophetiæ eontextum legenti constabit. Vnde Ioannes per allusionem ad Ezechielis vaticinium ait, daemonem, vbi solutus fuerit, seducturum gentes, quæ sunt super 4. angulos terræ, τὸν Γῶγ, & τὸν Μαγῶγ. Vbi obseruandum est, non nihil difficultatis in ipsa grammatica sese offerre. Græca enim vox, quæ respōdet Gentibus, neutra est: articuli tamen, quos Ioannes apponit Gogo & Magogo, masculini sunt. Sed facilis est responsio: quia in Apocal. nomen Gogi, quod principem ipsum significat, pro toto ipsius exercitu per Synecdochen ponitur: sic enim frequenter loqui solemus. Atque hac ratione idem est Gogus, atque numerosus Gogi exercitus. Quid verò sit Magog nondum explicauit.

B Quartò, apud Ezechielem non sumitur Magogi nomen pro vrbe, sed pro illius principe eiusq. exercitu, quemadmodum & nomen Gogi: quippe tam in Ezechiele, quam in Apocal. præponitur Magogo Græcè masculinus articulus; sicuti & Gogi nomini. Quapropter necesse est vtrumq. nomen eodem accipi modo. Hinc tamen non inferitur, quod aliquis voluit inferre: nimirum per duo isthæc nomina Gogū & Magogum designari duos reges diuersos, quos asserunt Antichristo præcipuam opem laturos. Nituntur huius opinionis auctores in eo, quod Apocalypsis hos duos reges perspicuè distinguere videatur: ait enim draconem, postquam solutus fuerit, seducturū τὸν Γῶγ & τὸν Μαγῶγ. Huic tamen argumento paulò inferius faciemus satis. Primum enim stabilendum est, hos non duos esse reges diuersos.

C Id autem imprimis probatur: quia si distincti essent, sequeretur inde Ezechielem non facere mentionem belli à Magogo aduersus Dei populum inferendi: solū enim nominat in obliquo Magogum, asserens Deum sibi dixisse, *Pone faciem tuā contra Gog, terram Magog*, & quamuis in nonnullis codicibus legatur, *contra Gog & terram Magog*, coniunctio tamen & nec in Vulgata correctæ, nec in Hebræa, nec in Chaldaea, nec in manuscriptis correctis reperitur; atque ex ipsa prophetia conicitur haud obscurè, vaticinium illud non contra duas gentes pronunciari, sed contra vnam; ita vt Gog dicatur esse terra Magog, id est, dominus terræ Magogorum. Tamen si autem grammatica constructio non adeò videatur iuxta Donati aut Prisciani regulas esse constata; is tamen est procul dubio sensus. Illud enim epitheton, quod sequitur, *Principem capitis Mosoch & Thubal*, non cōsentit cum accusatiuo terram, sed cum Gog, vt patet ex capite 39. i. vbi reperitur, *Vaticinare aduersum Gog, & dices, Ecce ego super te Gog; principem capitis Mosoch & Thubal*. Cumque in sequentibus capitibus nominentur gentes ac nationes, quas Gogus secum in bellum ducit, nulla sit inter eas Magogi mentio; nec enim diuersi sunt Gogus & Magogus, sed eadem omnino gens: & solū nominatur postea Magog semel, nempe cap. 39. numero 6. vbi legimus, *Immittam ignem in Magog*: ibi tamen 70. non leguntur Magog, sed Gog: quod argumento etiam est, vtrumque pro eodem sumi. Ac demum si prophetia aduersus duos reges diuersos enunciabatur, iniuria videbatur fieri Magogo, quod tam parui duceretur, altero eius socio toties repetito. Hoc fortassis fundamento innixi plures & graues auctores existimarunt, Gogū & Magogum non esse gentes distinctas, sed eandem omnino nationē. Id enim manifestè supponunt Ticonius, & ex illo August. l. 20. de Ciuit. c. 11. nec non Primasius, Ambrosius, Beda, Ansbertus, Haymo, Rupertus, & Galatinus l. 5. de arcanis c. 12. Hi omnes vna voce asseuerant, id ipsum, quod Augustinus, videlicet, Si vtrumque nomen referamus ad inimicas gentes, ipse sunt Gog, id est, *teſtum*, quia in eis nunc includitur daemon: & Magog ipse erunt, id est, de *teſto*, quando in apertum odium erumpent. Quibus ex verbis manifestò elicitur, complures esse atque graues auctores, qui Gogum & Magogum pro eadē gente accipiendos esse statuunt.

Sub nomine  
Gogi (sive  
principi  
exercitus  
imponatur)  
non de solo  
principi,  
sed de exer-  
citu etiam  
esse sermo-  
nem.

Magogi  
nomen quò  
modo apud  
Ezechielem  
sumatur.

Gogum &  
Magogum  
non duos  
esse reges  
diuersos.



*Fis satis obiectiōis superius facta cūtra doctrinam predictam.*

*Duplex proponitur difficultas.*

*Prima explicatur difficultas, cur scilicet Ezechiel de Antiocho verba faciens, eum appellat principem Magogi.*

*Magog vrbis idololatriæ metropolis.*

*Vrbis Magog cur fuerit appellata Hieropolis.*

*Idoli Derceti figura qualis fuerit.*

*Quid lateat mysteriū apud Ezechielē sub nomine Gogi & Magogi.*

*Quod sit discrimen inter nomē Gog, & Magog.*

*Quid mystice figuretur in nomine Gog.*

Nunc respondeamus oportet ad id, quod nobis opponitur, nempe eas in Apocal. distinguī, cum de dracone dicitur *seducet gētes, τὸν Γάγ & τὸν Μαγάγ*, si tamen supponamus Gogi nomen esse fictitium, apparet mox non esse necesse, ut particula & duas hic res diuersas coniungat: sc̃p̃e enim est hexegetica siue expositiua; idque in sacris Literis frequentissimū est. Atque sicuti Ezech. hexegeleos causa, cum dixisset, *contra Gog*, subdidit *terram Magog*, ut posset minū obsecrē intelligi, quem principem atq; nationē nouo Gogi nomine signaret. Sic Ioannes simili hexegefi nomini τὸν Γάγ, addidit *τὸν Μαγάγ*.

Superest tamen duo explicare. Primum est, quorsum Ezechiel volens de Antiocho verba facere, & de bello, quod ipse Dei populo erat illaturus, potissimum expresserit, illū esse principē siue dominū Magogi, quæ est ciuitas Græcis dicta Hieropolis, & Bamyce? Alterum, cur finxit nouum Gogi nomen, ut illo principem Magogi, eiusque exercitum designaret?

Ad primum ergo quamuis Antiochus alijs etiam vrbibus maioribus, aut saltem non minoribus, dominatus fuerit, & quamuis Hieropolis ipsius Imperij metropolis non fuerit, ut tamen de illo bello institueretur sermo, nihil potuit congruentius excogitari, quā ut princeps ille tanquam Magogi dux consideraretur. Etenim inter alia bella, quæ quondā aduersus Israeliticum populum excitata sunt, illud vnum eo fuit animo ac fine gestū, ut veri Dei cultus tolleretur, & Iudæi ad idololatriam compellerentur. Propterea igitur, & quia in eo ipso bello figurandæ erant persecutiones, quas passura erat Christi Ecclesia; Spiritus sanctus in suis Prophetis singillatim ad bellū illius prædictionem descendit, sicuti in aliquot Ezechielis & Danielis capitum commentarijs planum fiet. Concinnè ergo & eleganter fingitur Magogi princeps magnam illam persecutionem aduersus Israeliticum populum suscitaturus. Certum enim est, Magog fuisse idololatriæ metropolim in toto Antiochi Imperio. Patet hoc imprimis ex ipso Hieropoleos nomine: sic namque vocabatur à templorum multitudine, ut Ptolomæus in quarta Asiæ tabula adnotauit, vbi 7. solum expressit insignes Syriæ ciuitates, & secunda earum est *Hieropolis à multitudine templorum sic appellata à Græcis*, cum proprium ipsius nomen sit *Magog*. Et Plin. l. 5. c. 23. affirmat Magogi nomen esse proprium illius vrbis nomen Syrum. & subdit, *prodigijs ibi colitur Derceto*. Constat autem idolum Dercetū fuisse humana facie, cetera piscem. Et fortè idem erat, qui in S. Literis appellatur *Dagō*; dag enim significat piscē. Quare & idolū illud traditur infernæ piscis habere figurā. Quamobrē facile est videre, ad illius significationē belli, quod Antiochus nō solum vt tyrānus & hostis, sed etiā vt acerrimus idolorū cultor fuerat Iudæis illaturus, vt eos cōpelleret ad Magogi vrbis idololatriā sectandā; pereleganter agi in illius belli vaticinio de eodem Antiocho tanquam de vrbis Hieropoleos principe. Atque hoc ipsum repræsentari constat in eo, quod Magogi nomē masculino genere eidem Antiocho tribuatur: sicut Gallus Galliarū regem, Hispaniarum Hispanus significat.

Verū enim uerò nō hic prophetiæ elegantia subtitit: longius progressa est, dissimulans Magogi nomen, & Gogum & Magogum substituens. Quā in re primū dissimulatur aliquo modo, quis esset princeps persecutionem illam contra Israelitas excitaturus: sic enim Spiritus sanctus expediens esse iudicauit, sicuti in alijs id genus prophetiis. Etsi autem obscuritatem non nihil temperauit, addito verbo illo, *terram Magog*, adhuc tamē obscurus remansit de Antiocho sermo: siquidem ita pauci id obseruauit post tot sæcula, quæ ab illius prophetiæ completmēto præterierunt. 2. quod nomini *Magog* prima detraha-tur syllaba nempe *Mem* cum suo puncto; id quidē in Hebræo parū efficit discriminis. Nam significatio illius syllabæ *Mem* est eadē, quā latine habet præpositio à vel ab: atque idē est, *Ioannes Stunica*, quod *Ioannes à Stunica*. Verū hoc paruum discrimen peculiarem in se continet elegantiam: denotat enim, Gog esse quasi nominis fontem, & originem, & Magog esse deriuatum. In quo innuitur, originem idololatriæ

quam Magogi vrbis profitebatur, nec non belli à Magogi principe contra veram religionem suscepti nō esse aliam, quā quæ nomine Gog significatur, nempe esse testum, siue domicilium diaboli. Etenim ex eo, quod homines sese in diaboli ditionem & potestatem miserē dent, oritur, ut dæmon ipse illos ad nefandam sui adorationem, & ad eorum, qui idololatriam damnant, persecutionem alliciāt. Et quāuis nomen Gog expressē non totum hoc significet; (solum enim denotat testum siue domum: ) verū facile est animaduertere, Magogi principi non ob aliam causam nomen testi siue domicilij imponi, nisi ut dæmonis habitatio esse diceretur. Nec primus ipse nominis huius etymon obseruauit: hæc enim est antiquior ac receptior eiusdem nominis expositio; scilicet eos appellari Gog siue testum, in quibus tanquam propria in domo habitat dæmon. Sic docent Ticonius, Augustinus l. 20. de Ciuit. c. 11. Primasius, Ambrosius, Beda, Ansbertus, Haymo, Rupertus, Galatinus l. 5. de arcanis cap. 12. & alij multi.

Fateor, hos omnes auctores pariter asserere, Magogi significationem ad apertam persecutionem esse referendam: quia Magog sonat de testō; & tunc gentes de testō exeunt, quando in apertum odium erumpunt. Ceterū id, quod addunt, meo iudicio violentum est & minimè necessarium. vt enim Magogi nomen applicetur Antiocho, multò congruentius est, ipsum esse Magogi dominum, quæ ciuitas idololatriæ sit metropolis. Quare Magogi bellum erit illud, quod Antiochus tanquam Magogi dominus, atque adeo vt idololatriæ fautor gerebat: Quod si D. Augustino in mentem venisset, sensum proximum illius vaticinij spectare ad persecutionem, quam Antiochus aduersus Israelē excitauit, atque ciuitatē Magog fuisse vnam ex præcipuis Syriæ, cui ipse Antiochus dominabatur, eamq; vrbem in ea prouincia fuisse idololatriæ metropolim: si hæc, inquam, Augustino in mentem venissent; proculdubio nō quæreret mysterium nominis Magog in etymologia: nam in re ipsa multò aptius mysterium huiusmodi solidatur. At in ficto nomine, quod illi est inditum, Magogi nomine in Gogum commutato, qui videtur esse illius deriuationis fons; ibi quidem etymologiæ ratio eleganter habita est; sicut in omnibus nominibus, quæ mysterij causa finguntur.

Sunt, qui velint, ideo duo nomina Gogum & Magogum coniungi, vt duo belli genera Ecclesiæ inferenda innuantur; occultum alterum, alterum apertum. quia Gog significare potest testos hostes, Magog verò detectos. Sed licet multi fuerint, qui asseruerint, Magog significare persecutionem in apertum prodeuntem: adhuc tamen violenta est eiusmodi explicatio. Transgreditur enim ab hoc termino, de testō, qui est ablatiuus cum præpositione, ad participalem modum verbi *detegeo*. Et quāuis dici possit, qui de testō prodit, in apertum prodire: vox tamen *Magog* solum sonat de testō vel à testō. Et quidem discursus ille duplicis hostium generis, ex quibus alterum testum, alterum retestum fit; nec in Antiochi, aut etiam Antichristi tempora, nec in ipsius textus seriem & consequutionem quadrat: cum ibi Gogus à Magogo, vt diximus, nequaquam distinguatur.

Nonnemo etiam in horum nominum mysterio philosophatus fuit, in persecutionibus aduersus Ecclesiam excitatis singulorum fidelium inimicos esse domesticos eorum, iuxta illa Christi redemptoris nostri verba, *Inimici hominis domestici eius*. Sed quāuis violentum non sit, si vox illa de testō, ad domesticos referatur: hæc tamen Ezechielis mens esse non potest. Nam Antiochus, eiusque exercitus, de quibus Propheta in sensu proximo loquitur, non erant Israelitici populi domestici. Ad hæc, etsi præcipuus sensus belli Gogi & Magogi apud Ezechielē est de persecutione à Roma ethnica aduersus Ecclesiam excitanda; & in Apocalypsi de Antichristi bello: in his tamen sensibus attendenda est proximi sensus ab Ezechiele intenti analogia; nempe comparatio, qua vtitur Propheta, dum Iudaica tangens Christiana respicit.

Ex dictis potest facili negotio intelligi, in præcipuo Ezechielis sensu per Gogum denotari Romanos Imperatores ethnicos, & vniuersum idololatra-

*Quānam mystice vocentur Gog.*

*Verū Magogi significatio ad apertam persecutionem congruenter referatur.*

*Verū in duplici hoc Gogi & Magogi nomine duplex belli genus Ecclesiæ inferendum figuratur.*

*Alia mystice expositio circa nomē Gogi & Magogi nominis exponitur.*



rum imperium contra Christianam Ecclesiam belligerantium : in Apocalypsi verò significari eodem Gogi nomine totum Antichristi exercitum, & quicumque ab illo decipiendi sunt. Vtrobique autem per Magogi nomen non aliam assignari gentem ab

A ea, quæ per Gogum denotatur : sed in Gogi quidem nomine innui eam gentem esse, demonis domicilium; at in nomine Magogi illud peculiariter addi, eos propterea in Ecclesiam lauire, quia demonis habitatio sunt.

## T E X T V S.

*Vers. 8. Et ascenderunt super latitudinem terræ, & circuierunt castra Sanctorum & ciuitatem dilectam.*

## C O M M E N T A R I V S.

**V**ERBA illa, ASCENDERUNT SUPER LATITVDINEM TERRÆ, ] præcedentibus respondent, nimirum Gogi & Magogi exercitum ex innumerabilibus Gentibus esse conflatum. Nam numerosissimi exercitus proprium est, latissimum terræ spatium occupare.

CIRCVIERVNT CASTRA SANCTORVM ET CIVITATEM DILECTAM. ] Hæc verba multi indiscriminatim accipiunt, quasi idem omnino sint castra Sanctorum & ciuitas dilecta. Beatus certe Augustinus vtrumque exponit de Dei Ecclesia per totum orbem diffusâ. Facit, quod Catholica Ecclesia recte nominatur *Castra Dei*, quia est Ecclesia militans. recte etiam ciuitas dilecta dicitur, quia *Dilegit Dominus portas Sion*. Riberatamen §. 68. ait germaniorem sibi explicationem videri de locis Iudææ & ciuitatibus Ierusalem: quia certum existimat, Henochum & Eliam in Iudæa esse prædicaturos, & in ipsa Ierosolyma occidendos. Quare existimat præcipuum bellum Antichristi tempore gerendum in Iudæa fore aduersus Ecclesiam, & nationes hostiles de Scytharum regione esse venturas contra eos præsertim Christianos, qui in Iudææ locis, & in Solymorum vrbe degent. Atque hunc ait esse verum ac germanum Ezechielis sensum c. 38. & Ioannis Apocalypseo 20.

In hac ipse explicatione, vt verum fatear, minimè conquesco. Ezechiel enim non agit directè de Antichristi, sed de Romanorum Imperatorum ethnicorum persecutione. Deinde Antichristi persecutio, de qua Apocalypsis agit, vniuersalis futura est aduersus totum Ecclesiæ corpus: ac proinde crudeliori bello & immaniori caput Ecclesiæ Romam exagitabit. Et quidē cum Apocalypseo argumento valde cohæret, vt hoc in loco nomen ciuitatis dilectæ tribuatur Romæ. Nam terrena Ierosolyma suprà iam reprobata ac repulsa mansit ad finem capitis 9. & Ecclesia ad Gentilitatem commigravit. Non dubito Iudæos sub mundi finem fore ad Christum conuertendos post Antichristi persecutionem: semper tamen Roma Catholica Ecclesiæ caput extitura est. Quare semper illa ciuitas erit Deo dilecta. Quod autem de instauranda Ierosolyma, dequæ Iudæis ed conuenturis dicitur, nescio quàm certum sit. Esto tamen, id ita fore: magna quidem Iudæorum conuersio post Antichristi mortem futura videtur. Quapropter nulla ratione consentit, vt quod de Antichristi exercitu dicitur ciuitatem dilectam obselluro, ad Ierosolymam referatur. Porro qui eam sibi mentem semel induxerit, vt Agni nuptias capitis 19. celebratas, credat esse Christi nuptias cum Romana Ecclesia, ceterarum Ecclesiarum capite: nã ille haudquaquam dubitabit, hîc dilectam ciuitatem pro Romana Ecclesia accipi. Et consequenti etiam ratione castra Sanctorum dicentur reliquæ peculiares Ecclesiæ, quæ Romam vt caput venerantur. Nam loquendi ratio alludit ad veterem Ierosolymam, & ad reliqua Iudææ loca munitissima: sub ea enim similitudine de Roma, ceterisque Christianorum Ecclesijs agitur. Quare ca. 21. Roma, vt infrâ videbimus, Ierosolymæ nomine compellatur. Obsidio verò, de qua textus hîc loquitur, non est solum intelligenda de materiali Romæ, & reliquarum vrbiū obsidione: sed de præsentissimo discrimine, grauissimisque angustiis, in quas sunt Christiani redigendi, sublata de medio publicâ Christianæ religionis professione, quæ angustia tantæ erunt, vt in errorem inducantur, si fieri potest, etiam electi.

Cur dicatur Gogi & Magogi exercitus ascendere super latitudinem terræ?

Castra Sanctorum & ciuitas dilecta, num pro eodem usurpanda sint? Riberæ expostio.

Impugnatur superior expositio. Ciuitatis dilectæ nomine Romæ significari.

Quinam hic appellatur castra Sanctorum?



## T E X T V S.

*Verf. 9.* Et descendit ignis à cælo, & deuorauit eos: & diabolus, qui seducebat eos, missus est in stagnum ignis & sulphuris;

*10.* Vbi & Bestia & Pseudopropheta cruciabuntur die ac nocte in sæcula sæculorum.

## C O M M E N T A R I V S.

**R**IBERA NU. 69. & Viegas sessione 2. §. 16. contendunt, verba illa, *Descendit ignis de cælo*, accipienda esse vti sonant. Multo tamen aliter Augustinus l. 20. de ciu. c. 12. Bene intelligitur, (inquit) iste ignis de cælo de ipsa firmitate sanctorum. Firmamentum enim est cælum, cuius firmitate cruciabuntur peccatores a dentissimo cælo; quoniam non potuerunt attrahere sanctos Christi in partes Antichristi. Aut si appellauit ignem ipsam plagam, qua percussio di sunt Ecclesiæ persecutores, veniente iam Christo; ij nempe, quos viuentes inueniet super terram, quando interficiet Antichristum spiritu oris sui; non est hoc vltimum supplicium eorum. Haftenus Augustinus. Nec difficile est cernere, sanctissimi Doctoris mentem in primam expositionem, quæ allegorica est, propendere.

Ego igitur cum Augustino censeo, Apocalypsin in presenti de mystico agere igne. sed aptissima cælestis ignis allegoria est, quod significatum fuit in cælesti igne, qui super Apostolos die Pentecostes descendit. Etenim si proprius gratiæ legis spiritus ille est, vt proprii ignis in ignem diuini spiritus conuertatur, vtque eiusmodi igne Deus se à suis hostibus vlciscatur: ad diuini operis colophonem & ad vltimam Euangelicæ efficacitatis demonstrationem in illis viris sanctissimis exhibendâ, qui sunt Antichristo restituri, minime est ad rem materialis ignis, qui omnes Ecclesiæ hostes absumat: sed vt cælestem diuini spiritus ignem Deus è cælo in mundum depluat; quo suis seruis ac familiaribus vberissimam suorum donorum copiam elargiatur, vt Apostolorum instar terram igne mystico inflamment; & ad Christi ditionem redigant. Concordat hic sensus cum igne illo, quo Roma ethnica arsit; de quo c. 17. & 18. nec non cum illo, quem ore eieciabant duo relictos c. 11. Atque hic est Ecclesiæ persecutionum finis, & dignissima Apocalypsi prophetia. Et quauis nonnullis hic sensus nimium fortassis mysticus videatur; huiusmodi tamen obiectioni latè satisfeci notat. 23. pro cœmialium; & mihi quidem euident est, in Apocalypsi plagas nouissimas, & quæ horribilem primo aspectu vindictam sonant, de mystica vindicta esse accipienda, vt pluribus in locis ostensum iam est. Iuat ignis allegoria iuxta Origenis, Ambrosij, Augustini, & Gregorij explicationem, qui de charitate interpretantur; & de Spiritus sancti doctrina exponunt pariter idemet Origenes & Ambrosius, nec non Hilarius & Hieronymus. Nec defunt, qui ipsismet sanctis viris terram suo spiritu accendentibus, ignis appellationem tribuant; vt Arnobius atque Hieronymus. Denique quod alijs in locis est diuini verbi gladius, idem hic cælestis ignis.

His, quæ dixi, duo libet adnectere. primum est, si Antichristi bellum contra Ecclesiam præsertim Romanam est exarsuram; victoriam ac vindictam mysticam de Antichristi sectatoribus sumendam in Romanæ Ecclesiæ gloriam potissimum vergere. Nam si Roma est dilecta illa vrbs, quæ erat hostium inflammatrix euadit. Alterum, quod dictis adiungo, illud est; hoc igne mystico non Gentiles modò, sed Iudæos etiam & Hæreticos exustum iri. Omnes enim coniurabunt pariter Antichristi tempore aduersus Christianam Ecclesiam. Quare inter Gogi & Magogi milites, Iudæi etiam numerantur. Et tunc implenda illa B. Pauli prophetia ad Rom. 11. Totum scilicet Israël conuertendū & saluum fore. Cum autem certum sit, post Antichristi persecutionem, de suis hostibus Ecclesiam triumphaturam, & sub Euangelij vexilla gentes omnes cogendas; totum hoc breuiter & eleganter perstringitur in hac allegoria ignis è cælo descensuri & Gogi ac Magogi exercitum deuoraturi.

Hunc sensum allegoricū magnopere confirmant verba, quibus Ioannes de hoc loquitur igne; ait enim, *Ignis à Deo de cælo*: quod idem est, atque ignis cælestis ac diuinus. Verbum autem *deuorauit* vsurpat Apocalypsis c. 11. 5. agens de igne ex duorum testium ore prodeunte. Iam in eo, quod ignis de cælo descendat, allusio fit ad pristinum illud miraculum, quando ignis sæpè decidit è cælo, & deuorauit holocaustum: quod perinde erat, atque oblationem sanctificare. Compertum verò est, ignem altaris holocausti fuisse è cælo miraculose demissum: ad quem ignem in hoc loco alluditur; sicuti etiam in pedibus ex ære ignitis c. 1. & c. 10. sed præter hæc; in naturalibus ignis proprietatibus mirifice reperitur ad allegoricam hanc significationem proportio, quarum tamen applicatione, ne longior sim, supersedeo.

Dicet tamen quispiam, non coherere, vt cum agitur de supplicio cælitus Gogo & Magogo inferendo, ad mysticum sensum confugiamus. Nam si Gogus, vt suprà dicebamus, Antichristum & eius exercitum repræsentat: dubium non est, quin Antichristus sit in æternam damnationem ruiturus: qua de re nullus fidelium dubitauit. Cum ipso autem quis neget multos ex ipsius aliculis & ministris in sua obstinatione persistentes pariter fore damnandos? Respondetur mysticam hanc vindictam, de qua in Apocalypsi sermo est, haud

dubiè

Hic ignis è cælo descendens virum materialiter, vt sonat accipiendus sit.

Pars negatiua pro vera statuatur.

De quo igne sermo hic sit.

Victoria de Antichristo copiam ad am in Romana Ecclesiæ gloriam accipiendam.

Ignis hosti mystico & Gentiles, & Iudæos, & Hæreticos accensuri. Prædictus sensus mysticus de igne cælesti manet.

Efficit autem in eis c. 11. 5. in se am. x. p. in m. t. c. 10. 10. x. m.







tu sequitur sæculorum consummatio. Quippe dicitur draco in inferos deiiciendus; & cum hac dæmonis detrusione in infernum coniungitur vniuersalis iudicii dies.

Quanto verò temporis intervallo cælestis ignis perfectam vindictam sit sumpturus de illis, qui ab Antichristo seducti Christianam persequentur Ecclesiam; id quidem nō exprimit textus. Ribera §. 70. B. Hieronymum sequutus affirmat, & iudicii diem quinque & quadraginta post diebus futurū; iuxta id, quod ex quodā Danielis loco nonnulli referūt. Postea tamen id reuocat in dubium Ribera: ac demum n. 72. subiungit, valde esse probabile, post deictum Antichristi exercitum septem annos integros vsque ad extremum iudicii diem futuros. Id quod colligere vult Ribera ex Ezech. 39. 9. Ceterum legitimus horum locorum sensus, quibus huiusmodi computationes nituntur, longè est diuersus: vt de Danielis loco diximus c. 11. not. 3. & de loco Ezechielis dicemus in illius capitis cōmentario. Alij afferunt quoddam Sibyllinum oraculum, vt sibi persuadeant ab Antichristi morte ad diē iudicii annos trecenos quinquagenos interfuturos: quem numerum alij ad septingentesimum annum duplicata ratione extendunt. Verū ex his opinionibus nulla certo aliquo fundamento stabilitur: & ex hoc quidem loco illud solū colligimus, mundi finem futurum statim ac igne cælesti mystico Ecclesia de Antichristi persecutione perfecte triumphet. Sed hæc ignis allegoria non probat persequentorum repugnantiam annis aliquot non fore duraturam: quia igne etiam cælesti mundum Apostoli & eius sectatores inflammant: cum tamen mundi conuersio aliquot annorum centenarijs durauerit. Cur autem gehenna appelletur stagnum ignis & sulphuris? suprà iam diximus cap. 19. 20.

**VBI BESTIA ET PSEVDOPROPHETA CRUCIABVNTVR.** Hæc verba bifariam possunt accipi. Primò, vt ad mundi finem dæmon in eum detrudatur carcerem, in quem etiam duæ Bestiæ cum illo prius in Ecclesiæ perniciem conspirantes coniectæ sunt. Quia Bestiæ illæ, vt c. 13. vidimus, figurant superbiam Romani Imperij ethnici, nec non sapientiam carnis. Quando autem Catholica Ecclesia perfecte Romanorum superauit Imperium, ablegatâ prorsus ex ipsius finibus inanum Deorum superstitione; tunc duæ illæ Bestiæ dicuntur ad inferos deturbatæ; vt c. 19. 20. expendimus. Et tūc etiam draco (qui tertius erat ex cōiuratis) non simul cum illis fuit inclusus, sed seorsum in Abyssi puteum coniectus: vnde post mille annos exeundi sibi potestas permessa est. Quare nunc, quando post Antichristi persecutionem aut in consummatione sæculorum dæmon in stagnum ignis iniicitur; dicitur in illud ipsum stagnum fuisse immixtus, vbi Bestia maris ac Bestia terræ cruciabantur, & in sæcula sæculorum cruciabuntur. Qui sensus illud solū suprà dictis addit, vt singillatim exprimat, de quo stagno sit sermo; & aduertat pariter, diuinā tandem iustitiā ac virtute draconem cum duplici Bestia coniungi: vt plectantur simul, qui in Ecclesiæ persecutionem simul conspirarunt.

Huic tamen sensui alter potest adiungi; nimirum vt per Bestiam maris & Pseudoprophetā (quæ est terræ Bestia) in quibus c. 13. & 19. Romanum Imperium ethnicum & carnalis veterum ethnicorum sapientia figurabantur; designetur nunc imperium Antichristi & carnalis item postremorum persequentorum sapientia. In quo nonnihil videmur eorum opinioni concedere, qui in maris Bestia Antichristum adumbrari autumant. Fortè aliquis existimet, si isthæc explicandi ratio admittatur, plurimum inde perturbationis & confusionis in Apocalypseos intelligentiam deriuandum. Si tamē animum aduertat; facile intelliget, absque vlla recti ordinis permissione posse secundo huic sensui locum præberi. Voluit enim Apocalypsis indicare, Antichristi tempore antiquos Ecclesiæ hostes mystice reuixisse. Si hoc igitur fuerat in Apocalypsi significandum; quis non videat, in eiusmodi discursu rite comprehendi mysticam hanc marinæ Bestiæ & terrestres resurrectionem in extrema Antichristi persecutione? Cum hoc autem egregiè consentit, vt cum peruenitur ad gloriosum Ecclesiæ triumphum in vltima persecutione obtinendum; afferatur pariter, sicut persecutio prima desijt in vtriusque bestię proiectionem in stagnum ignis, & in draconis simul sub abyssi puteo inclusionem; nec non in reliquorum mysticam occisionem gladio Christi faciendam: ita etiam persecutionis Antichristi exitum fore, vt qui seducti sunt, cælesti illustrentur igne; & seductores ipsi (nempe nouæ maris & terræ Bestiæ & draco, qui ex abyssu prodierat) æternis inferorum ignibus discrucientur. Hunc sensum Apocalypsi dignissimum iudico; & pulchrè continuat, quod prius fuerat dictum de mystica bonorum & malorum resurrectione post mille annorum relaxationem. Quod autem Ribera & plures alij existimant, eandem scilicet numero Bestiam, cuius mentio c. 13. & c. 19. antecesserat, esse illam, quæ post mille annorum alligationem in stagnum ignis deturbatur: hoc quidem Apocalypseos ordinem perturbat, & totius libri seriem & quasi nervos violenter incidit.

**CRUCIABVNTVR DIE AC NOCTE IN SÆCVLA SÆCVLORVM.** Mirè ac nouè in inferorum pœnis videtur fieri diei ac noctis mentio. Et quamuis multi satis esse putent, si dicant die ac nocte esse loquutionem, quæ idem sonat ac, semper: iple tamen suspicor, diem esse referendum ad Beatorū claritatem, & noctem ad inferorum tenebras: significationem autem esse, vtrâque ex re æternum & grauissimum tormentum ad damnatos redundare. Neque enim solū eos torquet propriæ sortis misere & infelicitatis obscuritas; sed etiam rabies ac furor ex suorum aduersariorum claritate ac felicitate conceptus.

Verum post deictū Antichristum possit certū aliquot temporis intervallo designari quo finito extremum mox iudicium sit futurum.

Duplex horum verborum sensus proponitur. 1. sensus.

Alter eorūdem verborum sensus.

Verf. 10. Quo sensu dicantur Bestia & Pseudopropheta die ac nocte cruciandi.



## T E X T V S.

*Vers. 11.* Et vidi thronum magnum & candidum; & sedentem super eum; à cuius conspectu fugit terra & cælum, & locus non est inuentus eis.

## C O M M E N T A R I V S.

**E**X triumpho gloriosissimo, quem Catholica Ecclesia de Antichristi persecutione actura est, Egradum facit Ioannes ad vniuersalis iudicij figuram. Primum ergo describit Iudicis thronum; quem depingit tanquam amplissimum pariter atque latissimum; hoc enim est, *magnum & candidum*. vbi pro candido Græcè legitur λευκον, id est, *album*, per solennitatis & lætitiæ significationē: eiusmodi enim significatio in Christi resurrectione tribuitur Angelis in albis sedentibus. Deinde addit Ioannes ea verba; *A cuius conspectu* (nimirū sedentis super thronū) *fugit terra & cælum, & locus non est inuentus eis*. Quæ verba Augustinus l. 20. de ciu. c. 14. & cum eo Primasius, Beda, Aretas, & Ribera hic exillimāt, de vera cæli & terræ cōmutatione in meliorem statum esse accipienda. Atque ita notat Augustinus, hoc per præoccupationem dici: quia peractio iudicio, & nō ante, fiet supradicta mutatio; per quā verè dicentur cæli antiqui & antiqua terra disparuisse. Quāuis enim non sint verè interitura, sed in statum meliorem cōmutanda: hoc tamen satis est, vt antiqui cæli & terra antiqua figurentur, quasi nouis cælis & terræ nouæ cedentia. Sic Augustinus & qui eum sequuntur.

Et quidem quod attinet ad huius doctrinæ intelligentiam, quo scilicet sensu cæli ipsi ac terræ elementum sint in melius commutanda; sapienter id ab Scholasticis Theologis disputatur, & explicatur. Quod verò spectat ad ipsam doctrinam, nihil in ea innouare est animus. Sed agendo de Apocalypseos explicatione, nullā aliorum declaratione reiectā, licet nouo interpreti expendere, quam germanior explicatio videatur.

Mihi ergo imprimis durius apparet, vt vera cælorum ac terræ renouatio hic Apocalypseos verbis significetur. Nec video, quorsum hīc per anticipationem agatur de illa cælorum & elementorū institutione, quā docent Theologi. nec satis percipio, quorsum spectet renouatio illa ad id, quod manifeste in præsentī contextus significat. Etenim visio hæc siue figura eiusmodi fuit, vt cælum ac terrā prorsus ex oculis euanescerent. Non quod ita, vt sonat, id esset complendum; sed quia ita fieri opus erat ad mysterij ipsius significationē. Nā quod in aliquo enigmatē depingitur aut figuratur, nō est ita ad strictam veritatis libellam exigendum, vt omnino accipiat, ac sonat: sed ita vt eiusmodi visio seu pictura sit congruentissima ad eius mysterij, quod intenditur, significationem. Si ergo eiusmodi fuit repræsentatio, vt cælum ac terra omnino aufugerent; mysterium quidem in hoc significatum non videtur esse de cælorum atque elementorum renouatione: id quippe ad grauissimum illud iudicium non est ad rem; nec rectè actus ille figuratur cælorum ac terræ fugā.

His addo; non hīc solū, vbi nouorū cælorum ac terræ nouæ mentio non fit; sed nec c. 21. l. 1. vbi incidit noui cæli & terræ nouæ mentio, ænigmaticum esse sensum de cælorum & elementorum renouatione. Nec ad huiusmodi sensum facit, quod ibi adfugitur, *& mare iam non est*; vbi textus ipse dissonat inter terram ac mare assignat: ait enim terram fore nouam; sed mare nusquam fore, siue crimen seu vetus. Ex quo non obicure colligitur, eorum verborum significationem non esse eam, quam textus præferre videtur; sed aliud peculiare mysterium. Nam si directè de materiali elementorum renouatione sermo esset; neuiquam diceretur, mare iam non esse. Verū de eo loco constabit, cum ad eum perueniamus.

In præsentī autem non agit textus de ea renouatione, aut de nouis cælis aut terrā nouā: sed illud ait; à Iudicis in throno sedentis conspectu cælum ac terram funditus euanuisse. quod cum dicatur tanquam ad ipsam iudicij actionem consentaneum: proprium picturæ huius atque visionis sensum esse reor; vt tanta illius iudicis integritas, tanta iuris, & æquitatis ratio sit futura, vt nullus ibi sit mysticorum cælorum fauor aut auxilium, nulla terræ mysticæ commiseratio; sed solū ius atque æquitas, vt vnusquisque secundum propria ipsius opera iudicetur. Notandum ergo est, per cælos mysticos congruenter figurari celestem potestatem, quam Christus redemptor noster ministris Ecclesiæ ad dimittenda peccata concessit, & virtutem pariter Sacramentorum; necnon Sanctorum intercessionem; qui antè quàm ad ipsum iudicij actum perueniretur (loquor autem de vtroque iudicio tā vniuersali, quàm particulari) aduocatorum officio fungebantur; id quod cælorum influxu atque illapsu fit. Hæc tamen omnia in extremo iudicio disperebunt. Præterea si per terram mysticam significatur, quod sancti viri cū terrena Adami naturæ cōmune habent: sub huius terræ nomine denotari videtur misericordia, quæ secundum humanæ naturæ conditionem tāngi deberet pater in filij ærumna, vxor in viri, frater in fratris. Nec enim solū hæc naturæ iura ac vincula solent homines

Extremū iudicij deſcriptio exordiatur.

Quo ſenſu dicuntur cæli ac terra fugiſſe à cōſpectu ſedentis in throno. D. Auguſtini & aliorū expoſitio.

Expenditur & examinatur prædicta explicatio.

Anterioris expoſitio de cælorum ac terra fuga à iudicis ſedentis cōſpectu.

Quid hīc terra nōmine figuretur.



in suorum miserijs ad pietatem & ad clementiam commouere: verum etiā, si eiusdem aut patriæ aut regionis sint, hæc vna ratio homines ad pietatem propensos solet aliorum doloribus & calamitatibus percellere. Ceterum in extremo illo ac formidabili iudicio, hæc omnia, quæ cæli ac terræ nomine adumbrantur, ex oculis omnino auferentur: & nec cælum (quod vulgò peccatorum dici solet pallium & integumentum) vlla scelera cōteget; nec tellus miserum peccatorem alicubi poterit abscondere. Ad cuius mysterij significationem concinnè & eleganter finguntur cælum ac terra ex iudicis in throno sedentis conspectu fugisse: ita vt nihil aliud spectantium oculis obijceretur, quàm & iudicis thronus & personæ ab ipso iudicandæ & libri etiam, ex quibus iudicium ferendum est.

ET LOCVS NON EST INVENTVS EIS. J. Ribera §. 75. obseruat, in sacris Literis dici solere, locum nō inueniri ei rei, quæ suo in loco non inuenitur. Mihi tamē magis placet, si eiusmodi loquutione asseratur, ita eam disparuisse, vt frustra quærat, ubi sit: quia nullibi est.

## T E X T V S.

*Vers. 12.* Et vidi mortuos magnos & pusillos stantes in conspectu throni. & libri aperti sunt: & alius liber apertus est, qui est vitæ: & iudicati sunt mortui ex his, quæ scripta erant in libris secundum opera ipsorum.

## C O M M E N T A R I V S.

**D**ISP ARVIT cælum ac tellus (vt iam vidimus) vt qui iudicandi erant, nec cælum nec terram in itinera implorare possent auxilium. Ad hæc; mortui omnes parui atque magni abique vlla ætatis exceptione aut discrimine ad vitam reuocati sunt, & ante iudicis thronum expositi, vt propriam singulis sententiam audirent.

Porro de libris, qui aperti sunt, variè philosophantur Doctores. Augustinus 20. de ciuit. c. 14. ait, librum vitæ esse librum, qui cuiusque vitam & actiones contineat. futurum enim per diuinam potestatem, vt vniuscuiusque opera mirā celeritate cernantur. Quod autem textus ait in multitudinis numero, Libros fuisse apertos; hos libros asserit B. Augustinus esse Sanctos, quia in illis planū fiet, quæ præcepta Deus impleri iusserit. Hanc expositionem multis impugnat Ribera §. 76. & 77. & certè eam esse violentam constat. Pro Augustino tamen stat, ipsius textum fuisse mendosum, sicut & alios nonnullos; atque pro liber vitæ, habuisse, liber vitæ vniuscuiusque: vt faciliè cerni est ex ijs, quæ & ibi notat Viues, & Beda hic. Fuit insuper opus, vt liber hic à reliquis distingueretur. Cùm autem ad iudicium iuris & facti scientia necessaria sit; viuum ius Augustinus in ipsis Sanctis constituit. Si tamen sanctus Doctor non legeret, Liber vitæ vniuscuiusque, nulla ratione expositionem illam sequeretur. Nam statim nu. 15. quod additur, Quicumque non sunt scripti in libro vitæ, interpretatur de eorum prædestinatione, quibus æterna conferetur vita:

Hieronymus Danielis 7. significat duos in iudicio libros referandos: vnum bonorum operum, qui erit penes Deum; alterum malorum, qui penes dæmonem. Et librum bonorum operum appellare videtur librum vitæ. Vnde Pererius Danielis 7. infert librum malorum operum aptè vocari librum mortis. Quod autem Augustinus & D. Thomas aiunt non dari librum mortis; intelligendum esse ait de libro, qui apud Deum sit. non quòd in Deo non detur exactissima reproborum notitia: sed quia iustam ob causam ea notitia non dicitur liber mortis, vt docet S. Thomas 1. p. q. 24. a. 2. Verum hæc quoque Hieronymi expositio non satis facit, quia duos tantum libros considerat: cùm tamen textus libros in plurali exprimat, & deinde ab ijs diuersum vitæ librum designet. Constat autem ex alijs sacrarum Literarum locis, & ex hac ipsa Apocalypsi, librum vitæ aliter vsurpari, quàm pro bonorum libro.

Viegas sectione 2 §. 17. librum quidem vitæ exponit de libro prædestinatorum: sed libros qui in plurali numero dicuntur aperti, asserit esse libros reproborum: cùm autem qui saluatur, sint pauci, & qui damnantur multi; ideo prædestinatorum librum esse vnicum, reproborum verò libros multos: id quod sequenti etiam sectione confirmat. Sed meo quidem iudicio concionatur, non explicat. Nec enim verisimile est, reproborum libros ab Apocalypsi primo loco reponendos.

Alij plures illos libros interpretantur de factorū libris. Nec deest, qui existimet, singulos singulorum libros seorsum cōsiderari. Fauet huic explicationi Pererius Dan. 7. l. 8. notat enim in militia tres posse assignari librorum, seu codicum differentias: alium quidem eorum militum, qui suum militiæ nomen dant, cui respondet liber vitæ: alium in quo vniuscuiusque merita ac demerita exarentur, cui aperti libri respondent secundum communem expositionem: alium denique, in quo militiæ leges & instituta conscribuntur; & de his exponit Beda. Communi autem interpretationi de libris vniuscuiusque gestorum videtur fauere contextus: ait enim, *Iudicati sunt mortui ex ijs, quæ erant scripta in libris secundum opera ipsorum.* Et sic exponit Ribera §. 76. & 77.

*Quinā sint  
hi libri, qui  
aperti esse  
dicuntur?  
B. Augusti-  
ni expositio.*

*Expositio B.  
Hieronymi.*

*Tertia ex-  
positio de li-  
bris ante  
iudicem a-  
perts.*

*Quarta  
expositio.*

*Quinta  
expositio.*



*Auctoris  
mens in ho-  
rum librorū  
expositione.*

**A** Nihilominus si verba isthæc seriò expendantur, non cogunt, vt quæ in libris descripta erant, singulorum esse opera intelligamus. Aptissime enim dicitur rectus iudex ex ijs, quæ sunt in legibus scripta, iudicare vnumquemque secundum opera ipsorum. Notitia autem cuiusque operum, non opus est ad libros reuocetur, quando alioqui manifesta est. Atque multò congruentius est, si in vniuersali illo iudicio credamus, per diuinam virtutem omnium ac singulorum opera fore conspicua, & omnium oculis exposita; quàm si existimemus cuiusque operum notionem in libris ab Apocalypsi representari. Vbi enim eiusmodi operum cognitio (quod attinet ad representandi rationem) ad libros redigatur, consequitur mox consideratio, quasi omnium libri ab initio ad finem vsque perlegantur: quod longissimum nobis iudicium & infinito tempore duraturum proponit ob oculos. Hoc autem minimè consentaneum est ad figurandam supremi illius iudicii auctoritatem ac breuitatem.

*Beate inter-  
pretatio cer-  
teris præfer-  
tur.*

**B** Propter hæc mihi persuadeo, Bedam in horum librorum expositione collineasse; dū credit hos libros, quorum hic meminit Apocalypsis, esse eos, quibus leges continentur ac præcepta; ex quorū obseruatione homines iudicandi sunt: atque hos libros non esse alios, quàm sacram Scripturam. Et meâ quidem sententiâ plurimum in se habet decori, si rem ita mente & cogitatione comprehendamus; quasi opus non sit alijs libris aut scriptis vt vnusquisque suam ipsius causam ac litis decisionem euidenter agnoscat.

*Liber vitæ  
quis sit.*

**C** Liber autem vitæ haud dubiè est eorum catalogus, qui efficaciter vocantur ad gratiâ. Verùm illa hic protinus occurrit dubitatio, quorsum liber vitæ proferatur in iudicium? tametsi enim admirabilis est & inter se maximè concinens diuinæ gratiæ & liberi hominis arbitrij concordia: iudicium tamen circa singulorum opera diiudicanda potissimum versatur, vt ipso textu edocetur. Nihilominus sapienter satis in iudicium inducitur libri vitæ mentio. Primò, quia in magno illo die, mirandum in modum extabit, & eminebit diuinæ gratiæ atque electionis conuenientia cum libero hominis arbitrio: ac proinde liquidò constabit, hominum perniciem ac ruinam ex ipsismet hominibus; salutem & incolumitatem ex vno Deo proficisci. Secundò, quia hoc pacto melius & efficacius elucescet admirabilis ac planè diuina æternæ prouidentiae ratio & infinita virtus, quæ electos suos in gratia ac Dei familiaritate degentes de medio sustulit; ita vt nullius fieret omnino iactura, idq; iuxta integra & incorrupta diuinæ iustitiæ iura præstiterit. Tertiò, vt denotetur eodie nihil cuiquam profuturum, quòd aliquando in vitæ libro fuerit conscriptus per gratiæ & Dei amicitiae collationem; si tamen nō in ea permansit. In quo illud obiter assero; in librum vitæ (qua ratione in Apocalypsi accipitur) non referri solum, qui saluandi sunt; sed omnes etiam, qui ad Dei gratiam & familiaritatem aliquo tempore recipiuntur: ex eo autem deleri, qui propter sua flagitia per finalem impenitentiam excantur & obdurantur. de quo diximus c. 3. n. 5.

**SECUNDVM OPERA IPSORVM.** Cum ad vitam sint reuocandi non solum proueni ætate homines, sed paruuli etiam omnes; alicui fortè iniiciatur scrupulus, quinam omnes verè dici possint secundum sua ipsorum opera iudicari? Sed ex Theologiæ doctrina hic scrupulus euellitur: quippe Adami peccatum nobis etiam imputatur, quatenus in eo vt in capite continebamur virtute: & Christi etiam Redemptoris nostri merita nobis similiter applicantur, quando in Christi filios per iustificacionem regeneramur. atque ita paruuli etiam secundum ipsorum opera iudicantur.

*Quomodo  
omnes, etiam  
paruuli se-  
cundum ipso-  
rum opera  
iudicari di-  
cantur.*

## T E X T V S.

**Vers. 13.** Et dedit mare mortuos, qui in eo erant: & mors & infernus dederunt mortuos suos, qui in ipsis erant: & iudicatum est de singulis secundum opera ipsorum.

## C O M M E N T A R I V S.

**E** IN hoc versu Ioannes (sicuti interpretes omnes supponunt) non longius procedit, sed regreditur potius ad eorum, quæ dixerat, confirmationem de omnium tam puerorum, quàm adultorum re-  
surrectione ac iudicatione. Vt ergo intelligatur, nullū ab ea generali regula excipi; idcirco hic singulatim explicat, mortuos omnes à mari, morte, & inferno fuisse exhibitos; vt omnes iuxta propria opera iudicarentur. Ceterum hæc maris, mortis, & inferni coniunctio haud exiguum in se continet difficultatem. Quos enim absorbit mare, iidem etiam à morte & inferno possideri videbantur. Hęc igitur difficultas plures peperit, nimiumque subtiles, aut etiam violentas explicandi rationes. Augustinus l. 20. de ciuit. c. 15. affirmat, mare in præsentī pro hoc sæculo vsurpari; & mortuos maris dici illos, quos Christus in corpore adhuc degentes inueniet; & propterea asseri hic mare suos mortuos redditurum; quia illi cum mortuis pariter iudicabuntur. Hos ergo mortuos (inquit) exhibuit mare; id est, hoc sæculum exhibuit homines, qui nondum obierant; & sicut inuenti sunt, ita asserunt. Mors verò & infernus dederunt corpora, quoniam vita reuocauerunt. Et fortasse non satis fuit dicere, mors aut infernus; sed mors propter bonos, infernus propter malos. Hactenus Augustinus, & similiter Ticonius, Haymo, & Anselmus.

*Quo sensu  
sue distin-  
ctione de  
maris, mor-  
tis & infer-  
ni mortuis  
sermo sit.*

*1. explana-  
tio B. Augu-  
stini*



2. explana-  
tio Ambro-  
sij.

3. Aretas.

4. Thoma  
Anglici.

Reijciuntur  
prædictæ ex-  
positiones.  
5. explicatio  
Viegæ.

6. explicatio  
Riberæ.

Mortem &  
Infernum  
in eâdem hic  
accipi signi-  
ficatione,  
atque in cæ-  
lestis Apoca-  
lypsos locis,  
ubi coniun-  
ctim ponun-  
tur.

Lætoris sen-  
tentia de  
iusticiâ  
inter ma-  
ris &  
inferni  
mortuos.

Quid dif-  
ferant mor-  
tui maris à  
mortis &  
inferni  
mortuis.

Ecum hunc  
minimè co-  
rumpi fauere  
opinari, qui  
vivos omnes  
non necessa-  
rio ante ex-  
tremi iudi-  
cij diem mori-  
tuos opinari  
sunt.

Rapi obuiâ  
Christo in  
aëra, quo  
sensu dixit  
ap. Paulus.

Aliter Ambrosius, qui maris nomine Baptismum intelligit; & mortuos maris ait esse electos; mortem item reddituram impiorum corpora; infernum eorundem animas.

Aretas existimat quodlibet elementum, quod in se continebat, redditurum: ita ut mare (id est aqua) dent humorem, qui ad se peruenerat: mors (id est terra) puluerem: infernus (id est aër & ignis) quod ad illos peruenerat.

Thomas Anglicus ait, propterea de mari agi; quia quos mare demersit pisces deuorant: non vero de ceteris agi corporibus; quia si illa prima resurgent, quanto magis cetera? Quare quod sequitur, refert ille ad damnatorum animas. Sic enim explicat; mors, id est, diabolus; & infernus, id est, damnatorum locus, dabunt animas, quas detinebant.

Ex qua probabilitatis ratione, quæ in harum expositionum singulis apparet, excusor, quominus eas singillatim impugnem: & quidem illud imprimis maximè refert, ut expositionem aliquam, quæ huic difficultati satisfaciat, inuestigemus. Viegas postquam refutauit Riberam, in ea est sententia; ut mare dicatur corpora, quæ in se continebat, restituisse; & mors corpora in terris humata, infernus verò animas. Enimvero nemini dubium erit, quin consentaneum imprimis sit, ut mortuorum nomen eodem accipiat modo; siue de ijs, quos mare reddidit, siue quos Mors, siue quos Infernus, sermo sit. Ita usurpat Riberam hoc nomen eodem semper modo: ubi aduertit, Ioanni non animas hic mortuas, sed solum corpora vocitari: & mortuum quidem reddere, perinde esse, ac viuum restituere corpus illud, quod erat exanime. Existimat autem illos inferni mortuos nominari, quos tellus viuentes absorbit, ceu Dathan & Abiron: sicut etiam maris mortui appellantur ii, quos mare viuos demersit: ceteros autem, qui prius obierunt, vel occisi sunt, quam sepelirentur, meritò morti tribui. Sic Riberam. Vellem tamen, ut in eadem expositione persisteret. Sequenti enim versu videtur ab ea discedere: ubi nomine mortis & inferni, arbitratur significari dæmonem, qui ad temporariam mortem & eternam perducit homines, quos misera peccati seruituti subijcit. In quo verum quidem est, eam Riberam mentem esse, ut Mors & Infernus sequenti versu iuxta diuersum sensum accipiantur. Sed hæc ambiguitas, quam ille post alios auctores admittit, nulla ratione mihi sit verisimilis. Imò verò non in his solum versibus; sed in ceteris etiam Apocalypses locis, ubi mors & infernus copulantur (nempe c. 1. 18. & c. 6. 8.) duo hæc nomina in eadem semper significatione accipienda censeo. Significatio autem, (ut vidimus c. 1. & c. 6.) eiusmodi est, quasi duæ personæ tragicæ inducantur; quarum prima id est mors, consideretur corpus ab anima separare; secunda verò, nempe infernus, corpora pariter atque animas deglutire; nisi infinitâ præpotentis Dei virtute eripiantur. Quamobrem magna cum energia dicitur c. 6. infernus mortem pone sequi. unde colligitur, non solum ab inferno detineri viuos, quos terra viuentes deuorauit; sed etiam, qui primò mortui aut occisi fuerunt; deinde humati atque corrupti. Hæc enim est significatio illius phrasos, *infernus sequebatur mortem*; ut ibo loco expendimus. Quare nec Riberæ expositionem probo, quatenus Mortis & Inferni mortuos in eo distinguit, quòd mortui inferni sint ii solum, quos terra viuos absorpsit.

Deinde, quantis Apocalypsis distinguat mortuos maris ab illis, quos Mors & Infernus possidebant: quos tamen infernus habebat, ab ijs, qui in mortis erant potestate, non distingui. Sic enim legimus: *dedit mare mortuos, qui in eo erant: & mors & infernus dederunt mortuos suos*. Vbi sicut maris mortui distinguuntur ab illis, quos mors & infernus retinebant; ita hi ipsi à morte & inferno detenti inter sese coniunguntur. Et verò cum mors & infernus mente concipiantur quasi duæ immanes personæ semper associatæ; & quos occidit mors, eosdem infernus deuorare dicatur: nihil est, cur ii, quos trucidauit mors, ab inferni mortuis discriminentur. Iam, si sacrarum Literarum consuetudo attendatur; eadem ipsa sepulchra, quibus veluti in custodijs quibuldam infernus suos mortuos fingitur retinere, appellantur etiam mortis carceres atque custodie; & quæ inferni vocantur portæ (id est tumuli & ritus, quos infernus ad deuoranda cadauera reſerat) eadem in alijs sacrarum Literarum locis solent etiam portæ mortis appellari.

Superest solum explicare, quid differant mortui maris à Mortis & Inferni mortuis. Afferro igitur, ad illos ipsos, quos mare viuentes deuorat, non extendi considerationem illam duplicis personæ tragicæ, Mortis & Inferni, quæ homines occidere & glutire dicuntur. Quia mare ipsum immanis fati est fera, ut homines atque etiam solidas naues absorbeat. Et sic Poëtæ & sapientes de mari tanquàm de bellua immanissima loquuntur; quæ cum irascitur, non solum homines sed naues etiam deuorat. Sic memini me legisse in Plotino. Quamobrem cum vulgaris fectio Mortis & Inferni non ad eos extendatur, quos deuorat mare: cumque Ioannes significare voluerit, mortuorum neminem ab hoc iudicio excipiendum, sapienter addidit maris mortuos, non contentus Mortis & Inferni viuos recensere.

Atque ut illud etiam obiter attingam: locus hic, cum bona Augustini venia, non solum eorum opinioni non fauet, qui arbitrati sunt, non esse opus, ut viui omnes ante extremum iudicium obirent mortem: verum etiam deducitur ex hoc ipso loco satis verisimiliter, antequàm Christus iudicaturus descendat, mortales omnes morituros. Quippe de vniuersis, qui in iudicio sunt sistendi, loquitur textus tanquàm de ijs, qui iam è viuis excesserant. Et violentum valde est, illos appellari mortuos maris, qui superstites adhuc erant. Iam, quòd nonnulli in hanc sententiam allegant ex prima Thessal. 4. 16. *Mortui, qui in Christo sunt, resurgent primi: deinde nos qui viuimus, qui relinquimur, simul rapiemur cum illis in nubibus obuiam Christo in aëra*; nullo modo eam confirmare potest. Nouerat enim rectè Paulus, tam se, quam reliquos eo sæculo degentes, multò ante extremi iudicij diem morituros; sicuti clare innuit in 2. ad eoldem Thessalonicenses epistola cap. 2. num. 2. Quapropter quod ait, *Nos, qui viuimus, manifestè eos comprehendit, quos Apostolus multis ante iudicium sæculis sciebat morituros*.

In his ergo verbis Paulus quasi certum statuit, *rapi obuiam Christo in aëra*, euenturum, postquam mortui & ad vitam reuocati essent. Nam de se ipso & de pijs fidelibus tunc viuentibus sermonem instituit. Et quidem proprietas illa sese per aëra

attollendi



A

attollendi peculiaris est corporis gloriosi: atq; gloria huiusmodi est illa, quā acquirit corpus ipsum, postquam seminatum est; vt Paulus ipse docet 1. ad Cor. 15. 36. Quod verò difficultatis occurrit, dum Paulus videtur asserere, primò reuocandos esse ad vitam, qui antea obierant in Christo; facilis ad id responsio est. Quia apud Paulum nonnullis primus conceditur locus; non vt eos aut tempore, aut ordine priores esse affirmet: sed vt significet, eos nullo modo eximendos ex generali regula omnibus præscripta. Sic vulgari locutione, si quis rogaret, num equites etiam ac nobiles viri regi vestigal penderent? aptè responderetur, illos in vestigalis solutione esse primos, id est, nullo modo exceptos. Sic etiam edixit Paulus Euangelium ad salutem esse necessarium *Iudæo primum & Græco*, ad Rom. 1. 16. vt ostenderet, nec legem, nec philosophiam posse veram animæ salutem & incolumitatem hominibus asserere. Sēsus igitur est, neminem à generali illa resurrectione eximendum, quantunius multis retro sæculis obierit: antiquiorem enim fore primum, deinceps reliquos subsequuturos, id est omnes pariter ad vitam reuocandos.

*Quid sibi velit Paulus, cum ait, Mortui, qui in Christo sunt, resurgent primi.*

B

## T E X T V S.

*Vers. 14. Et Infernus & mors missi sunt in stagnum ignis. Hæc est mors secunda.*

C

## C O M M E N T A R I V S.

SANCTVS Augustinus existimat, in hoc versu idem omnino significari duplici illo Mortis & Inferni nomine; nempe dæmonem, quia mortis & pœnarum inferni auctor est. Similiter Ribera §. 79. & Vieg. §. 19. qui ait esse communem explicationem. Sed contrā est primo; quia si duplex esset eiusdem personæ nomen: neutiquam diceret textus, *Missi sunt*, sed *Missus est*. Præterquàm quòd non videtur satisfacere ea expositio, quæ duo isthæc nomina ad aliam significationem trahat ab ea, quam & præcedenti versu & alijs etiam Apocalypseos locis habet. Eandem ob rem minimè apta est interpretatio, quæ hîc per infernum, dæmones omnes; per mortem, vniuersas pœnas intelligit. Nihilo congruentior est illorum explanatio, qui per infernum illos ipsos significari credūt, qui prius apud inferos torquebantur; quasi sensus sit, qui antea in barathro erant, illuc redituros morte sociatos, quæ ipsos semper depascat.

*Virum per mortem & infernum idem omnino hic significetur?*

D

His igitur omisissis, accipienda sunt duo hæc Mortis & Inferni nomina iuxta eandem superioris versus & capitis primi ac sexti significationem; videlicet pro tragicis duabus personis; quarum munus est, vt altera vitam mortalibus auferat; altera deglutiat, & subterraneis specubus siue sepulchris vinctos detineat. His ita constitutis, per eleganter finguntur hæc duæ personæ horribiles, quæ exultabant in mundo ac seriò triumphabant post vniuersale iudicium simul cum damnatis ipsis ad ignitum inferorum stagnum descensuræ. Non autem fit mentio helluonis alterius, nempe maris; quia fingitur aptissimè post iudicium nusquam deinceps fore: id quod ita figurari opus erat ad appositam ipsius mysterij seriem, vt capite sequenti planum fiet. Duæ igitur personæ reliquæ, id est Mors & Infernus, congruenter eò mittuntur, vbi per omnem sæculorum æternitatem sese in ipsis damnatis pascant, ita vt non solū verè dici possit, *Mors depascet eos*; sed etiam, *Infernus depascet eos*. Nec verò contenti erunt Mors & Infernus miserorum cæde ac deuoratione, sicuti antea solebant: sed Mors semper eos occidet, Infernus semper abscondet ac deuorabit: nec Mors vnquam illos interficere desinet; quia Infernus eos semper viuos asseruabit, quò patiantur semper ac moriantur. atque hæc est mors secunda, quam damnatis Mors & Infernus pariter inferent. Itaque Infernus & Mors in ignitum mittuntur stagnum; non vt patiantur ab igne, sed vt in æternum Dei inimicos excrucient.

*Auctoris sententia de Mortis & Inferni significatione*

*Mors secunda qua dicitur*



## T E X T V S.

*Vers. 15.* Et qui non est inuentus in libro vitæ scriptus, missus est in stagnum ignis.

## C O M M E N T A R I V S.

**S**UPPONITVR hîc, eos qui extremi iudicij die in libro vitæ scripti inuenti sunt, cum Christo pater ascendisse Beatorum felicitate fruituros. Quanta autem eorum felicitas ac beatitudo sit, id sequenti capite elegantissimè figuratur. Nunc verò asseritur, qui in illud album relati non fuerant, eos in æternas inferorum pœnas fuisse deturbatos. Non defuit qui hoc vellent etiam ad innocētes pueros sine baptismo decedentes extendere. Cuius tamen assertionis contraria certa est. Atque illud meo iudicio voluit Ioannes his verbis exprimere; vt hominēs ex æternis inferorum supplicijs euaderent, non fuisse satis, aliquo illos tempore in vitæ libro fuisse conscriptos; si tamen sub mortem ex eodem libro fuerāt ipsorum nomina in commissorum scelerum suppliciū deleta. In Apocalypsi enim, vt expendimus c. 3. non appellatur vitæ liber, prædestinatorum solus catalogus, id est eorum, qui in Dei gratia moriuntur, quique in eodem vitæ libro semper conscripti sunt: verum etiā ij omnes, qui in Dei gratiam ac familiaritatem recipiuntur; quantunvis eam postea propter sua scelera sint amissuri. Quando autem dicantur de libro vitæ deleri, id c. 3. discussimus.

## C A P V T X X I.

## P R O L O G V S

SIVE

## D I S P V T A T I O

*De huius capituli atque sequentis argumento.*

De duorum  
capitulum se-  
quentium ar-  
gumēto va-  
ria senten-  
tia.

1. opinio ex-  
plicans pri-  
mum caput  
de Ecclesia  
militante,  
alterum de  
triumphante.  
2. opinio  
vtrūque de  
militante ex-  
ponens.

**T**RIVSQUE huius capituli vis o reuocatur ad admirandæ ciuitatis & ipsius fluminis picturam. Licet autem communis Doctorum sententia sit, in hac ciuitate & eius flumine Ecclesiam in cælesti patria triumphantem adumbrari: non defuere tamen aliqui auctores, qui existimarent hanc esse effigiem ingentis illius felicitatis, quod militans in terris Ecclesia euehenda est. Quod illi imprimis opinati sunt, qui Ecclesiam putabant nondū felicissimo illo sabathismo fuisse potitam, qui eidem in sacris Literis prædictus est; atque ad eam illam hac requie fruituram, aut post Antichristi aduentum, aut etiam antea; de qua nonnullorum persuasione diximus ca. 20. not. 2. in opinione nona & decima. Seraphinus igitur de Fermo sibi persuadet, saltem in c. 21. haberi sermonem de Ecclesia in terris instauratâ. In capite verò sequenti de patriæ cælestis gloria. Itaque ciuitatis picturam ad militantem refert Ecclesiam sub felicissimo illo statu, quo ipse Ecclesiam in terris fruiturâ diuinat: fluuium autem de triumphante Ecclesia interpretatur. Alij sine vllō discrimine vtrumque caput explicant de fortunatissimo illo, quem fore existimant, militantis Ecclesiæ statu. Qui tamen cū receptissimam expositorum sententiam refellere nō audeant de Ecclesiæ triumphantis gloria; vt vtramque explanationem concilient, affirmāt, in his duobus capitibus vtrumque à Ioanne describi, & magnam illam Ecclesiæ felicitatem in terra futuram, & æternam pariter patriæ cælestis beatitudinem. Ita Vbertinus de Cassalis, tractatu de septem statibus Ecclesiæ c. 8. §. 2. vbi de huius capituli agens visione, hæc habet; *Nec totaliter refertur ad Ecclesiam præsentis vitæ, nec ex toto ad statum vitæ: sed mixtim nunc ad vnum, nunc ad alium statum aptatur.* Et citat pro se Richardum. Assentitur Hortulanus in id Cant. 6. 3. *Pulchra es amica mea, suauis & decora sicut Ierusalem.* Vbi assert illud Pauli ad Hebræos 12. 21. *Asceſistis ad Sion montem & ciuitatem Dei viuentis, Ierusalem cælestem, & multo-*



**A** rum millium Angelorum frequentiam, & Ecclesiam primitiuorum, &c. & sub i. Hortulanus. His Pauli verbis persuasus inducor, vt illis accedam, qui putent, quia Ioannes in Apocalypsi sibi visa refert de Ierusalem ciuitate sancta & noua de celo descendente, non tantum ad triumphum pertinere; sed etiam magna ex parte ad illius temporis Ecclesiam; in qua maximè verorum frequentia illustrabitur: qui, quoniam non mortalium hominum, sed immortalium potius & diuinorum vitam ad viuum expriment; ciuitas Ierusalem celestis dici merebuntur.

Noster item Turrianus tractatu de Eucharistia aliquid dicit, in quo ostendit; horum doctorum opinionem sibi probari. Ait enim hanc Apocalypseos visionem esse exponendam de celesti Ecclesia cum militante copulata: atque hociis verbis significari, descendens de celo; quia celestis Ecclesia descendit ad eam, quæ in terris est. Hæc ille; vt verba illa, *Ecce tabernaculum Dei cum hominibus, & habitabit cum eis*, possint de Eucharistia mysterio exponi. His accedit Bulengerus: cenet enim de vtrâque Ecclesia militante & triumphante, sed præcipue de triumphante verba fieri.

**B** Ad hæc; Abbas Ioachimus huic vtriusque sensus coniunctioni non nihil fauet. Licet enim præcipuam huius capitis partem de Ecclesia triumphante declarer; priores tamè versus exponit de militante; vt illud *celum nouum, & terram nouam*. Et quod Ioannes ait versu 2. *Vidi ciuitatem sanctam Ierusalem nouam*, credit non esse referendum ad vltimam Ierosolymæ gloriam, sed ad ipsius natiuitatem. subditque, non eandem esse visionem, quam Ioannes versu 10. describit; vbi ait, *Ostendit mihi ciuitatem sanctam Ierusalem*: quod verba illa, *Vidi Ierusalem nouam*, ad peregrinantem pertineant; postea verò triumphans sit Ioanni monstrata. Sic Ioachimus, qui in ijs etiam, quæ de triumphante exponit, videtur magna ex parte respicere ad sabathismum illum, de quo supra. Nam duodecim portas ex margaritis applicat Ioachimus duodecim Spiritus sancti Apostolis, quos ait extremis illis temporibus futuros.

**C** Scio, non defuisse prætereà, qui sibi in mentem induxerint, Ioannem in hac capitis 21. & 22. visionem non directè voluisse depingere gloriam triumphantis Ecclesiæ; nec eam felicitatem, quam in terris Seraphinus, Vbertius & Hortulanus præstolantur: sed amplitudinem ac maiestatem, quod peruentura erat in terris Romana Ecclesia, & qua pluribus sæculis potita est, postquam idololatria ex Romano Imperio expulsa est, & mundi nationes ad Christi fidem conuersæ sunt.

Vt ergo suspicari possit aliquis, in hac vltima Apocalypseos visione depingi felicitatem, quam in terris adeptura erat Ecclesia; duo potissimum argumenta sunt. Primum est, quia in hac visione fit allusio ad multa Prophetarum loca, quorum literalis sensus respicit eam felicitatem, quæ Ecclesiæ in terris futura erat. Sic in nouis cælis & terra noua habetur respectus ad Isaia caput 65. 17. & caput 66. 21. *Et in tabernaculo Dei cum hominibus*, ad illud Ezechielis 37. 27. *Et erit tabernaculum meum cum eis; & ero eis Deus, & ipsi erunt mihi populus*. Item in verbis illis, *Absterget Deus omnem lacrymam ab oculis eorum*, collineatur similis Isaia locus capite vigesimo quinto, n. octauo, vbi de felicitate sanctorum in hac vita manifestus sermo est; sicuti ex Apocalypsi etiam constat capite septimo, num. decimo septimo. Iam, quod hic dicitur, *Ecce noua facio omnia*, desumptum est ex Isaia 43. 19. vbi agitur de nouitate vitæ, quæ sanctis viris in hac mortali vita conceditur; tunc de noua creatura, de qua Paulus 2. ad Corinthios 5. 17.

**D** Prætereà descriptio ciuitatis in quadrum & duodecim portarum eius petita est ex Ezechielis 48. vbi per allusionem ad veterem Ierosolymam, agitur de noua & mystica Ierosolyma, quam Deus erat in terris conditurus. Flumen porro & arbores ex vtrâque fluminis ripa plantatæ ex Ezechielis 47. 12. deprompta sunt. ibi enim dicitur; *Et super torrentem orietur in ripis eius ex vtrâque parte omne lignum pomiferum: non defluet folium ex eo, & non deficiet fructus eius; per singulos menses afferent primitiuæ, quæ aqua eius de sanctuario egredientur*. Constat autem, ab Ezechiele illic prædici felicitatem, qua fructura erat Ecclesia in hac vita. Nam torrens ille in mare mortuum influit, eiusque aquas sanat ac facundat, & in eis plurimam piscium multitudinem procreat; in ipsis etiam ingentes fiunt piscationes. Quod perspicue spectat ad ea Christi verba discipulis dicta, *Faciam vos fieri piscatores hominum*. Gemmæ insuper ac margaritæ Ioanni visæ non sunt ab ijs diuersæ, de quibus Tobia decimo tertio num. vigesimo primo; vbi per respectum ad nouam & mysticam Ierosolymam à Deo in terris instaurandam, ait Tobias ipse, *Porta Ierusalem ex Sapphiro & Smaragdo edificabuntur, & ex lapide pretioso omnis circuitus murorum eius*.

**E** Ad hæc, si Salomonis templum typicè Romanam figurauit Ecclesiam: quid mirum de illa mysticè dici, quod de templo illo proditur 3. Reg. 7. 10. *Fundamenta de lapidibus pretiosis*. Et Isaia 54. (vbi sermo instituitur de militante Ecclesia) nu. 11. dicitur, *Ecce ego sternam per ordinem lapides tuos, & fundabo te in Sapphiris; & ponam lapidem propugnacula tua, & omnes terminos tuos in lapides desiderabiles*. Verba insuper illa; *Ciuitas non eget sole, neque luna, & porta eius non claudetur per diem, & nox ultra non erit*, desumpta sunt omnia ex Isaia 60. qui de Ecclesia à Christo in terris erigenda loquitur. Denique vix est aliquid ex ijs, quæ Ioannes à se visare fert in hac vltima Apocalypseos visione, cui non inueniatur quid simile in illis, quæ de militante Ecclesia fuerant prædicta.

Alterum argumentum est, quia legitimus sensus rerum aliquot, quæ Ioannes à se conspectas in hac visione recenset, non aptum videtur locum in celesti patria habere. Huiusmodi est sensus in duodecim fundamentis intentus; nam in fundamentis illis capita fidei figurantur, vt in eorum explicatione planum fiet: atqui fides non manet in patria. Deinde, qui sensus solet tribui verbis illis, *Ambulant Gentes in lumine eius*, coheret optimè cum veritate omnino certa, nimirum Romanæ Ecclesiæ doctrinam esse accensam faciem, quam Deus vniuersis Gentibus in hac vita præluxit, vt æternæ beatitudinis diem possint tutè assequi. Eadem autem verba applicata ad lumen gloriæ, quod Ecclesia triumphans in patria fruitur, non parum difficultatis in sui explicatione habent. Duodecim etiam portæ celestis Ierosolymæ cum sint illi, qui portarum vice funguntur, & ad

aliorum

Abb. Ios. Ioachimus mēs.

3. expendi ratio.

Opinio explicans de militante Ecclesia, duplici argumento probatur. 1. argumētū ex allusione ad plurimam loca, quorum literalis sensus militanti Ecclesiam respicit.

2. argumētum ex illis, quod huius visionis partibus, quæ in triumphanti Ecclesia non in cadunt.



aliorum salutem incumbunt; hoc certe munus magis est eorum proprium, qui & E. clesie Sacramentis administrandis, & Euangelicæ prædicationi vacant, quam cælestium beatorum. Si autem fructus duodecim arborum ad fluminis ripam adstantium denotant totidem Spiritus sancti fructus: inter hos quidē annumerat patientiā Paulus; quæ videtur propriè ad huius vitæ labores tolerandos spectare. Deum si per arborum folia pij ac sancti sermones significantur, aut etiam Sacramentorū administratio: sancti viri hisce folijs cunctos hominum morbos in hac vita medicantur: non verò in cælesti patria, vbi nulla est mentis ægritudo, quæ curetur.

Ceterum his nihil obstantibus, asserendum est, non modò certum esse visionem hanc capituli 21. & 22. potissimum ad triumphantem Ecclesiam pertinere; sed etiam de illa omnino in hac visione agi; nec directè de militante esse sermonem, aut in tota hac figura, aut in aliqua eius parte. Hanc ipse asseritionem pro certa statuo. Primò, quia non solum hæc est communis grauium interpretum sententia; verum etiam ab illis tantopere stabilita, vt Augustinus libro vigesimo de ciuitate, capite vigesimo septimo exponens, quanam sit noua Ierosolyma Ioanni vita, cum ait numero secundo, *Vidi ciuitatem sanctam Ierusalem nouam*, hæc proferat verba; *nouam nempe, quia per iudicium nouissimum tanta eius & tam noua claritas apparebit, vt nulla remaneant vetustatis vestigia, corporibus ad incorruptionem & immortalitatem transeuntibus*. Et subdit; *Hæc de isto tempore accipere impudentia nimia est: quia illa, Absit get Deus omnem maculam, & c. tanta luce dicta sunt de seculo futuro & immortalitate, atque de æternitate Sanctorum; vt nulla debeamus in Literis sacris querere vel legere manifestum, si hæc putamus obscura*. Hactenus Augustinus: cuius sententiam hac in parte grauiore omnes ferè interpretes amplectuntur. Vt autem illam nimiam impudentiam notam euadamus; non satis est dicere cum Bulengero, verum quidem esse de triumphantem Ecclesiam præcipuè hic institui sermonem; sed agi etiam pariter de militante. Augustinus enim contendit, non posse ad militantem Ecclesiam applicari, quòd de noua hac ciuitate affirmatur. Quòd si consideraremus vnā eandemque Ecclesiam ex vtrâque coalitam in hac visione describi; satis esset, aliquem intra militantem Ecclesiam contineri, vt in vrbe etiam à Ioanne hic descripta vere includi diceretur; atque adeò fidelem esse nullum, qui peccata perpetret. Quippe Ioannes ait c. 22. 3. *Omne maledictum non erit amplius, & num. 15. Foris canes, & omnis, qui amat & facit mendacium*. Qui verò asserat, ex Ioannis verbis alia quidem ad triumphantem Ecclesiam, alia ad militantem spectare; nā ille rem omnino improbabilem, & nouum quendam contextum neutiquam sibi constantem comminiscatur. Nec sit satis, si magna isthæc elogia dicantur ad felicissimum quendam Ecclesie statum in hac vita futurum referenda; tuncque vera esse comprobada, quæ nunc nondum veritatis complementum assequuntur. Fingere enim quoddam tempus, in quo fidelium beatorum peccet omnino nullus; id quidem perinde est ac fingere, illos reipsa beatos esse, antequam sint.

Secundò Apocalypseos series ac filum euidenter probat, horum duorum capitulum visionem triumphantis Ecclesie propriam esse. Nam in fine capituli vigesimi, præcesserat extremi iudicii dies, & æterna damnatorum supplicia: sequitur ergo necessariò tractatio de sempiterna felicitate ac gloria, quam electi in cælo possidebunt. Quod verò sibi in mentem induxit Seraphinus (nempe caput vigesimū primū, agere de ea felicitate, quam in terra adeptura est militans Ecclesia; & caput vigesimum secundum, de triumphantis Ecclesie gloria) id quidem prorsus irrationabile est. Etenim capite vigesimo primo, depingitur beata ciuitas; & capite vigesimo secundo, fluuius atque arbores ciuitatis eiusdem. Quis ergo non videat, ciuitatem hanc, eiusque flumen ad diuersos status neutiquam pertinere? Præsertim cum fluuius ipse mediam ciuitatem interfluat.

Tertiò, quanuis Ioachimus voluerit ad Ecclesiam militantem applicare verba illa c. 21. *Cælum nouum, & terram nouam*; contextus tamen exigit, vt ad triumphantem solā, non verò ad militantem aptentur. Hæc namq; verba ex eo dependent, quod in vniuersalis iudicii descriptione fuerat dictū, scilicet cælum & terrā è iudicis in throno sedentis conspectu fugisse. Hoc enim præmissio, mox sequitur post peractum quidem iudicium, non remansisse mundū abiq; cælo ac terra; vetustis enim cælis ac terra ex oculorum obitu subtractis successisse nouos alios cælos & nouam pariter terram. Ex quo contextu planum fit, hosce nouos cælum ac terram ante vniuersale iudicium non extitisse.

Quartò, in ipsomet textu perspicue asseritur, felicitatem hanc, quæ in his capitulis depingitur esse eam, quæ promittitur victoribus, oppositam æternis cruciatibus, qui Dei hostes & aduersarios manent. Sic enim dicitur num. 7. & 8. *Qui vicerit, possidebit hæc. Timidis autem & incredulis & execratis & homicidis & fornicatoribus & veneficis & idololatriis & omnibus mendacibus pars illorum erit in stagno ardenti igne & sulphure, quod est mors secunda*. Quid ergo manifestius, quàm quæ hic victoribus promittuntur, esse beatitudinem illam cælestem, qua Sancti fruuntur in patria.

Quintò, magnitudo nouæ huius Ierosolymæ, si cum ciuitate ab Ezechiele c. 48. descripta comparetur, dilucide ostendit, si in Ezechielis descriptione militans figuratur Ecclesia; in Apocalypsi quidem triumphantem sine dubitatione adumbrari. Quippe Ezechielis ciuitas in quadrum patet calamis 4500. qui stadia conficiunt quinque & quadraginta. At hæc Apocalypseos Ierosolyma in quadrum protenditur stadia duodecies mille. Itaque muri longitudo, quam Apocalypseos ciuitas habet, eundem dicit respectum ad longitudinem muri ciuitatis ab Ezechiele c. 48. descriptæ, quem dicunt, 2663. ad vnum; & consequenter area ciuitatis Apocalypseos se habet ad Ezechielis ciuitatis aream, sicut 710113. ad 1. Ex hoc igitur tā immenso discrimine facile quius animaduertet, Ioannis ciuitatē in se cōplecti non vnius temporis electos, sed omnium pariter sæculorū; atq; adeo non esse militantem Ecclesiam, in qua multorum sæculorum electi nunquam copulantur: sed esse triumphantem, quæ sæculorum omnium electos complectatur.

Sextò, verba illa, *Templum non vidi in ea, non parum vrgent, vt hoc in loco non de militante Ecclesia, sed de triumphante sermonem esse credamus.*

Septimò, quanuis in aliquo sensu posset fortasse dici de militante Ecclesia, nocte in ea non esse: illud saltem, quod c. 21. 4. affirmatur, de illa verè cōprobari nō potest, *Mors vltra nō erit, neq; dolor: neq; illud cap. 22. 5. Et omne maledictum non erit amplius; nec quod additur num. 15. Foris canes, & omnis qui amat & facit*

mendacium.

Vera sententia & auctoris explicatio de æternæ patriæ felicitate viroque in capite descripta.

Superiores expositio nes obiter refutantur.

Nostra sententia ex præcedenti in Apocalypseos capitulum contextu prolatur.

Tertium argumentum pron. sententia.

Quartum argumentum.

Quintum argumentum.

Sextum argumentum.

Septimum argumentum.



A *mendacium.* Denique quod c. 22. 3. dicitur, scilicet huius ciuitatis incolas frui semper Dei & Agni conspectu, quis non videat esse triumphantis Ecclesiæ proprium?

Vt ergo duo illa argumenta pro opposita sententia initio adducta dissoluamus; primum quidem plures complectitur allusiones; quarum quælibet singillatim discutienda est, cum ad eam in singulorum verborum commentario peruentum erit. Ad id verò, quod generatim edicitur, nihil ferè de hac ciuitate à Ioanne pronuciari, cui non simile quid dictum de militante Ecclesiâ reperiatur; respondet, qua parte militans Ecclesiâ imitatur aliquo modo in perfectissimorum saltem virorum sanctimonia triumphantis perfectionem, inde posse aliqua elogia vtriusque Ecclesiæ esse communia. multa tamen sunt, vti iam vidimus, quæ Ioannes de cælesti hac vrbe testatur, nulla ratione militanti Ecclesiæ communia.

Ad secundum argumentum respondeo, in supernæ patriæ descriptione ac pictura congruentissimum habere locum militantis Ecclesiæ merita; & quidem quod in terra remansit, veniunt & elegantius in cælo depingitur. Sic Laurentium cum ferrea craticula in cælo solemus depingere, Cathaganter in cælo depingitur. Sic Laurentium cum clauibus; cum gladio Paulum: non solum ad singulorum distinctionem; sed etiam, vt significemus illis in cælo gloriæ ac felicitatis segetem inde prouenisse, vnde in terris labor ac dolor dimanauit. Simili etiam excogitatione nobiles ac primij viri in suis stemmatum parmis siue scutis solent appingere clarissima suorum maiorum insignia, quibus illi immortalem nominis gloriam sibi suisque posteris pepererunt. Hinc nobilissima Cordubarum familiaria lineas sanguine tinctas pro insignibus gestat: hinc Stunica catenas. Et generatim cernimus in scutis atque triumphis illud sublimius & excellentius eminere, quod non premij, sed antiqui promeriti & egregij facinoris symbolum extitit. Et quanuis actio ipsa, qua præmium egregius quisque vir in bello commeruit, iam præerit; dum tamen honor, dum præmium ipsum perseuerat; durat etiam gloriatio de insignium symbolo: quibus clarissimi facinoris antea lucidissima refricatur memoria.

Si ergo huiusmodi ratio exprimendi præteritorum laborum insignia ac de illis sub ipsa gloria atque triumpho gloriandi, nequaquam insolita nobis aut inusitata in aliarum rerum effigie atque figura apparet: multò minùs in Apocalypsi insolita futura est; cum liber hic symbolicus omnino sit, & allegorijs atque ænigmatibus plenissimus. Quin imò in cælestis patriæ pictura id duplici de causa decorum imprimis est. Primum, quia præmium in se ipso consideratum ob ingentem sui magnitudinem vix potest aliquibus symbolis indicari: quapropter opus est meritorum usurpare picturam, vt ipsius præmij effigies aliqua proponatur ob oculos, per modum saltem proportionis, suppositâ diuinæ potentie ac bonitatis infinitate. Secundò, vt denotetur, maxima Sanctorum promerita (qua non satis digne in hac mortali vita æstimata fuerunt; iuxta illud Pauli, *Vita vestra abscondita est cum Christo in Deo*), in cælo plurimi habita, & summis præmijs esse affecta: vtque ipsorum vestigijs insistentes discamus ea maximi facere, quæ mundus aspernatur. quandoquidem hoc ipsum nostris oculis obijcit Apocalypsis tanquam immensa illius gloriæ materiam, & meritum tanto præmio dignum.

Quamobrem, dum opponitur; multis, quæ Ioanni ostensa sunt, significari quod in cælesti beatitudine non reperitur: ad huiusmodi obiectionem respondetur, symbola earum rerum, quæ in cælo non sunt, congruentissimè adhuc in ipso cælo depingi; vt in sinuetur gloriæ magnitudo, quæ strenuis obsequijs per sanctos viros in terra præstitis respondet, vt iam satis explicatū est. Ex his verò meritorum symbolis, quæ in cælestis gloriæ descriptione recensentur, illud emolumenti maximè percipitur. nam gloriæ ipsius effigies atque pictura mirum in modum expendit nobis atque depingit ingentia gratiæ dona, quibus Ecclesiâ militans in vita hac mortali potitur. Huiusmodi est duodecim articulo- rum fides, diuini verbi & Sacramentorum administratio, iustorum vita, ipsorum operum fructus, ac mirus etiam verborum effectus. Et sanè præter generalem eam rationem, quam supra reddidimus in singulis etiam eorum, quæ afferuntur, peculiaris congruentia reperitur. Exempli gratiâ; in duodecim ciuitatis fundamentis, quibus totidem Apostolici symboli veritates adumbrantur, non solum nobis proponitur earum veritatum fides tanquam Ecclesiæ meritorum fundamentum; verum etiâ edocemur pariter, Ecclesiæ tam militantis, quam triumphantis fabricam & structuram supra illa ipsa fundamenta à Deo erigi ac promoueri. Quin etiam proportio & congruentia, quæ inter fundamentum atque ædificium detur necesse est, nos instruit, fundamento ex gemmis duodecim preciosissimis iacto ædificium tali fundamento dignum niti debere. quod perinde est ac si dicatur Beatorum gloria eiusmodi esse, quasi in diuini Verbi incarnatione, passione, resurrectione & Spiritus sancti missione solidata. Quamobrem mirum non est, ciuitatem in huiusmodi fundamentis innitentem ex auro perspicuo ac pellucens esse constructam, nec non ex pretiosissimis margaritis montes magnitudine adæquantibus.

Præterea fidei veritates, quæ in Apostolico symbolo continentur, verum quidem est non in cælo manere, quatenus fidei sunt obiecta (sub hac enim formali ratione, rectè rei ipsius euentiâ, teguntur) manet tamen, quatenus gloriola sunt nobilissimi huius ædificij fundamenta: ideoque cognitionis obscuritas in claritatem gemmarum, splendorem ac perspicuitatem commutatur. Atque satis hic fit non nihil de hoc symbolo perstrinxisse; vt ex singulari aliquo exemplo eliciamus, quam decorè & conuenienter in cælestis gloriæ visione siue pictura collocari potuerint symbola earum rerum, quæ ad militantis Ecclesiæ merita propriè spectant. Quod si id duntaxat significare velint ij auctores qui huius capituli cancellis non triumphantis modò Ecclesiæ gloriâ, sed militantis etiam magnitudinem meritorum circumscribunt: ipse illis libentissimè subscribam. Verum me illis opposui; quia illi potissimum contendunt, in hac visione directè sermonem institui de illius status magnitudine, quò Christiana Ecclesiâ in terris peruentura est.

Disputauimus hæcenus, vtrum quæ Ioannes hisce duobus capitibus tractat, sint prorsus ad cælestis patriæ beatitudinem reuocanda. Nonnihil tamen inexplicatū adhuc superest, quod ad visionis huius argumentum conducit, & Romanæ etiâ Ecclesiæ gloriosissimum est: illud autem est omnem cælestis

Dirigitur  
primum sen-  
tentia oppo-  
sita funda-  
mentum.

Dirigitur  
alterum.

Redditur  
cõgruens ra-  
tio, cur in  
hac cælestis  
patriæ pi-  
ctura appa-  
reant non-  
nulla, quæ  
ad militan-  
tem Ecclesiâ  
videantur  
spectare.

Quomodo  
fidei veri-  
tates in du-  
odecim ge-  
mis figura-  
ta sint cæle-  
stis ciuitatis  
fundamenta.

Totâ cælestis  
gloriæ am-  
plitudinem,  
de qua vtro-  
que hoc ca-



glorię magnitudinem, quę in vtroque horum capitum celebratur, singulariter reuocari ad eam gloriam, quę in cęlo Romanam Ecclesiam manet. Pro huius explicatione notandum est, gloriosam hanc ciuitatem Ioanni visam nuncupari sponsam vxorem Agni. ait enim; *Veni, ostendam tibi sponsam vxorem Agni*: vbi singula nomina singulos habent in Gręco articulos. Manifestum autem est ex ipso contextu, sponsam hanc vxorem Agni esse eandem, cuius nuptię c. 19. celebratę sunt. vbi probauimus, de Romana speciatim Ecclesia, Ecclesiarum omnium capite, verba fieri. Et c. 20. vidimus ligationem draconis pręcipuę referri ad illiusmet sponsę felicitatem. Draconis namque religatio eđ tendebat, vt sponsa ipsa purissimi matrimonij felicitate tranquille frueretur per longa illa sæcula & temporis plenitudinem, quę mille annorum phrasi denotatur. Deinde hęc eadem est dicta illa ciuitas, quam Gogi & Magogi exercitus singulariter oppugnauit, quęque de ipsis Gogo & Magogo triumphauit felicissime.

Quibus ita constitutis, quisque potest nullo negotio cernere, quām sit consentaneum, vt in hac duorū capitum extremorum pictura ac descriptione, vbi Agni sponsę gloria cęlestis adumbratur; nihil aliud significetur, quām glorię magnitudo, quam Romana illa Ecclesia in cęlesti beatitudine possidebit. His accedit, si hęc ita sese habeant, vt mea fert opinio, multo aptius & coherentius libri totius filum ac seriem inter se connecti; id quod optabile imprimiserat. Et sic tota demū rei summa atque caput deuoluitur ad Romę cōparationem Theologicam cum Ierosolyma: cum quo etiā stat, Ierosolymę nomen in hoc loco Romanę attribui Ecclesię: atque ita innuitur veterem Ierosolymā propter suam, duritiem & obstinationem, qua se opposuit Euangelio, pristinum amisisse nomen; illudque Romam nouam, id est, Romanam Ecclesiam comparasse; vt pote quę antiquę successit Ierosolymę in eo, quod fidelium omnium caput ac metropolis sit effecta.

Diceret aliquis; primò iniuriam ceteris fidelium Ecclesijs irrogari, quod gloriosę huius vrbis significationem ad vnā Romanam Ecclesiam coarctemus. Pręsertim cum textus ipse vniuersis viatoribus generatim promittat eternę beatitudinis possessionē, quam beatitudinem figurat ciuitas locis huius vrbis effigie coalescunt, seorsum inspicimus: ijs omnibus significantur res ceteris etiam Ecclesijs communes: cuiusmodi sunt duodecim fidei capita, mysticus fluuius, arborū in ripis adstantium fructus, & sic de ceteris. Secundò illa ipsa ciuitatis magnitudo demonstrat, in ea non comprehendendi solum Romanę Ecclesię electos, sed electos etiam ceterarum mundi Ecclesiarum. Alioquin nimia exaggeratio esset, si diceremus ex vna Roma Sanctorum numerum adeo magnum fore, quāto opus est ad eam incolendam, & occupandam urbem, cuius quadrum duodecim stadiorum millia contineat.

Ad hęc tamen assero, me nequaquam dubitare, quin omnes ex cunctis mundi Ecclesijs electi in hac vrbe comprehendantur. Quamuis enim Romana Ecclesia, quatenus aliarum caput distinguitur ab illis, vt caput à reliquo corpore: sed in ipsius etiam capitis decus & ornamentum cedit debita totius corporis proportio & magnitudo. Quare quādo de futura Romanę Ecclesię gloria sermo est, iure optimo figuratur quędam ciuitas ita ingens ac lata, vt omnes Ecclesiarū omniū electos capere possit; cum omnes sint Romanę Ecclesię filij. Si enim Iudęi quondam per totam Iudęā, imò etiā toto terrarum orbe dispersi, (si res familiaris suppetebat,) proprias Ierosolymę domos habere gloriabantur: quantò magis prędestinati omnes se Romanę Ecclesię filios esse iactabunt? Quod si omnes illius sunt filij, si ipsa vniuersorum parens; quid mirum, vbi de matris glorię magnitudine agitur, electos ē ceteris Ecclesijs representari tanquam huius filios, & ad eius glorię magnitudinē conducētes? Atque hęc de omnium Christi Ecclesiarum filijs. De earum verò patribus, cuiusmodi sunt Apostoli & Prophetę; cum Romana Ecclesia eos omnes, vt patres veneretur, eorum doctrinam excipiat, atque obseruet: meritò potest Romana Ecclesia gloriari, quod Apostoli & Prophetę in ipsa vrbe Roma, veluti ciues, domum ac focum possideant; & pariter honorem parentibus debitū inibi habeant. Hinc igitur infero, post antiquę Ierosolymę reprobationem, qui ex ea electi egressi sunt, nouam Ierosolymam condidisse, id est, Romanam Ecclesiā; vt ceterarū esset caput ac metropolis. Quare Romana Ecclesia cęlestis omnium Ecclesiarum electos in se complectitur.

Ad argumenta ergo superius obiecta respondeo, illis quidem recte probari, hanc glorię magnitudinem in hoc loco depictam prędestinatis omnibus esse communem: non tamen probari, ingentē electorum multitudinem ad Romanę Ecclesię gloriam & splendorem non pertinere. Quapropter si maximus electorum numerus in Romanę Ecclesię decus & ornamentum redundat (quia electi omnes aut ipsius sunt filij, aut patres) congruentissima fuit eiusmodi sacra fictio, quę cęlestem quandam Romam adeo laxam & capacem depingeret, vt omnes pariter electos posset capere.

Verum hinc nobis rursus opponet aliquis; si Romana Ecclesia accipiat, prout reliquas comprehendit Ecclesias, sic quidem earum non esse caput, sed omnium potius fidelium congregationē: atque adeo perinde esse in hoc sensu Romanam Ecclesiam, atque Catholicam siue vniuersalē. Vnde quęstio videtur esse de nomine, non de re; cum disputatur, vtrum ciuitas Ioanni visa sit Romana Ecclesia triumphans, an Ecclesia vniuersalis? Respondeo tamen, quęstionem non esse de nomine; sed de maximi momenti re. & ad Romanę Ecclesię ceterarum capitis gloriam plurimum conducēte. Etenim si visio hęc solum esset de gloria, quod electi omnes extollendi sunt, absque vlla ad Romanę Ecclesię gloriam attributione: illud solum in extrema hac Apocalypseo parte edoceremur, quām scilicet ingens atque excellens sit electorum omnium gloria, & quām sit numerosa eorum multitudo futura. Sed cum hęc omnis gloria & maximus cęlestium beatorum numerus nobis representetur, veluti Romanę Ecclesię gloria: hoc ipso instituimur, primò innumerabilis electorum multitudinis gloriam Romanę deberi Ecclesię, vt potē omnium Ecclesiarum parenti, quę suę doctrinę lacte fideles omnes enutriuit, & per totum terrarum orbem complures dimisit operarios, & magnum Ecclesiarum numerum vbique terrarum erexit, atque in reliquas veram religionem, ve-

rumque

Apocalyp.  
pseos finis  
seopus q  
potissimum  
sentat.

Difficultas  
contra no-  
stram inter-  
pretationem  
opponitur.

Proposita  
difficultati  
respondetur.

Alieri diffi-  
cultati ex  
dictis subs-  
cientis occur-  
ritur.







Quarta.

Quarta; muri fundamenta sunt ex gemmis pretiosissimis: duodecim verò sunt gemmæ eiusmodi ex ijs, quæ maximi apud homines æstimantur.

Quinta.

Quinta; ædificiorum proportio admiranda prorsus est. Ciuitas enim in quadrum est digesta: situs excelsus quidem, sed planus vndique: murus æqualiter vndique sublimis: turrets in altitudinem pariter æqualem prominent. In tota denique vrbe nihil est, quod ab exactissima & æquissima architectandi ratione minimum dissonet.

Sexta.

Sexta; ciuitatis magnitudo perquam ingens est. Nam quodlibet muri latus in longitudinem protenditur duodecim stadiorum millibus, id est, mille quingentis milliaribus, quæ ex nostris leucis quingentas efficiunt. Cum tamen ciuitas aliqua, cuius quadrum vnus esset leuca, inter maximas reputaretur. Nam, Hispalis, quæ in maximarum vrbium numerum refertur, vnus leuca quadrum nequaquam attingit. Et quanuis Hispalis quadrum vnica constaret leuca; cælestis adhuc Ierosolymæ magnitudo ad Hispalis magnitudinem se haberet sicut 2500. ad 1.

Septima.

Septima; ciuitatis platea & tota interior ipsius ciuitatis facies ex purissimo ac perspicuo auro constat.

Octava.

Octava; fluuius mediam urbem interfluens adeò est admirabilis, vt eius vnda vitalis sit.

Nona.

Nona; arbores in vtrâque fluminis ripâ satæ plurimum ad sanitatem conferunt; estque inibi lignum vitæ, sicut in Paradiso. Porro arboribus ipsis folia nunquam decidunt, nec desunt mensibus singulis noui fructus.

Decima.

Decima; huius vrbis ciues omnes Christi & æterni Patris familiares sunt; omnes quasi regis cubicularij, qui eius conspectu semper fruuntur, *seruiunt illi; videbunt faciem eius, & nomen eius in frontibus eorum*; nec aliud in ea ciuitate templum est, præter Deum ipsum & Christum: atque adeò in ipsum diuinitatis arcanum atque adytum omnes cum alloquuturi & perfruituri ingrediuntur. vide caput 21. 22. & caput 22. 3. 4.

Vndecima.

Vndecima; nulla culpa aut pœna in hac vrbe reperitur, *omne maledictum non erit amplius*, capite 22. 3.

Duodecima.

Duodecima; nihil pretiosum aut æstimatione dignum huic vrbi deficit, caput 21. 24. 26.

Decima tertia.

Ac demum ciues vrbis huius vniuersi gloriosissime viuunt ac regnant, c. 22. 5.

Quid significet ingens illa lux & claritas qua cælestis vrbs fruitur.

Hæc sunt excellentiarum capita. Quanuis autem in singulorum versuum commentario explicandum nobis sit ex professo, quidquid difficultatis occurret: visum tamen est, hîc obiter duodecim horum capitum expositionem percurrere. Primò ergo ingens illa lux symbolum est felicitatis summæ à diuina deriuatæ: nam hoc denotat phrasis illa, *Claritas Dei illuminauit eam*. Quòd autem cum Iaspide crystallo simili comparetur, significat reflexi visus varietatem; atque etiam innuit claritatem illam non futilem & in speciem solum splendentem; sed solidam stabilemque esse: nec tamen idcirco minus, sed potius magis clarescere. Quod subditur, *Nox non erit illi*; indicat felicitatis huius lucem nunquam nocte aliquâ, aut infortunij obscuritate inturbari. Nec enim terrenæ calamitates aut ærumnæ cælestem tangunt ciuitatem; nec ipsius lux ac felicitas ex varia temporum vicissitudine pendet, *Non eget sole neque lunâ*: quia ipsius felicitas ac lux à Christo & æterno ipsius parente proficiscitur; qui nunquam ex ciuium cælestium subtrahuntur aspectu. Illud hîc, quasi pertransennam aduertendum, in hac etiam mortali vita per aliquam cælestis felicitatis imitationem ad mysticam hæc claritatem aliquo modo peruenire illos, qui rerum euentis siue prosperis siue aduersis superiores effecti, animi tranquillitatem ac felicitatem à Christo & eius Patre illustrati non amittunt.

Murus altus & pretiosus quid figuret.

Secundò; altissimus & pretiosissimus murus denotat cælestis vrbis securitatem ab omni hostiù, id est, dæmonum impressione. Huc spectat, quòd murus ex Iaspide sit; quod securitatis est symbolum aduersus dæmones, vt suo loco videbimus. Quòd si murus referatur ad eam gloriam, qua in cælo sunt fruituri, qui in hac vita veluti Ecclesiæ murum egerunt: hoc munus Sacerdotibus in terris incubuit; qui excubias pro ceteris agentes, & Missæ sacrificium atque alias pias preces offerentes, Ecclesiam vndique tutati sunt. Et cum hac significatione mirifice concinit, quòd muri altitudo centum quadraginta quatuor cubitis constet, id est, quatuor & viginti humanis staturis (vt in tractatu de mensuris sacris dicetur) nam sacerdotalis status fuit in viginti quatuor senioribus siue presbyteris figuratus. Significatur verò huiusmodi symbolo, ex eorum omnium Missis atque orationibus constatum fuisse Ecclesiæ murum, qui eam à dæmonis incurfionibus defendit. Sic etiam Christo Domino, Isaia 26. 1. tribuitur muri nomen: & Ieremias vocatur murus, c. 1. 18. Prophetæ item muri sunt; vt patet Ezech. 1. 3. 5. lege etiam Canticor. 5. 7. & Isaia 24. fine, vbi Septuaginta legunt, *liquefiet later, & cadet murus*. Vulgatus verò legit, *Erubescet Sol & Luna*. Est autem de presbyteris, siue senioribus sermo; vt manifestè ostendunt verba sequentia; *Cum Dominus glorificatus fuerit in conspectu senum suorum*.

Quid per portas denotetur.

Tertio; portæ denotant, neminem eò ingredi potuisse, nisi per vitæ sanctorum ac puritatem, & per charitatem atque vnionem cum Romana Ecclesia. Totum hoc innuitur in margaritis; ex quarum singulis portæ singulæ fabricatæ sunt. Consonat illud Ps. 14. 2. *Ingressus sine macula*, & Ps. 23. 4. *Innocens manibus & mundo corde*. Sin verò per portas has adumbretur eorum gloria, qui in hac vita portarum Ecclesiæ officium præstiterunt, dum ipsorum interuentu homines ad Christum conuersi sunt; rectè cum hoc stat magnarum margaritarum symbolum ad eam insinuandam vnionem, quam inter sacræ cuiusq; familiæ Religiosos intercedere necesse fuit, nec non inter Euangelij ministros; qui omnes vitæ puritatem & integritatem in margarita adumbratas profitentur. Quòd nunquam ciuitatis huius claudantur portæ, denotat quocunque tempore siue horâ ad cælorum portas debere, vt par est, dispositus quis accesserit, eas patentes inuenturum. atque ideo dicitur, *Nox non erit illi*. Alluditur enim ad receptam consuetudinem, quâ vrbium portæ noctu obserari solent.

Quid sit, cælestis Ierosolymæ portas nunquam claudere.

Quarto; admirabilia fundamenta innuunt, totam cælestis huius ciuitatis fabricam & structuram in duodecim Apostolici Symboli articuloꝝ fide solidari: atque adeò in cælo visum iri, quàm sint pretio & æstimatione dignæ huius symboli veritates. Cum autem murus ac portæ fundamentis ni-

tantur;



A tantur, in hoc ipso docemur obiter, hanc in urbem aditum patere non posse, nisi illis, qui Christiana firmentur fide. atque ut nobilissimo hoc & solidissimo fundamento niteretur, opus fuit securus hic à dæmonis incurfione murus.

Quintò: omnium ædificij partium apta inter sese proportio & æqualitas pacem adumbrat, amicitiam atque concordiam electorum omnium; cum nihil in mystico illo ædificio sit, quod absq; proportionem extet aut promineat.

B Sextò: in capacissima huius urbis laxitate perstringitur ingens prædestinatorum numerus in æternam felicitatem cogendus. Constat autem ex supra dictis gloriosissimum Romæ fore, quod electorum numerus adeò sit copiosus futurus. Quod verò ciuitatis magnitudo in duodecim stadiorum millium in quadrum redigatur; hoc etiam duodecim Apostolorum gloriâ ac decus auget. Atqui tam Apostolorum, quàm Romanæ Ecclesiæ gloria in maximam Christi Domini laudem & commendationem cedit. Adhæc; quadrum duodecies mille stadiorum per allusionem respicit antiquæ Babylonis quadraturam, quæ ceterum viginti stadiorū erat, ut ex veteri ipsius descriptione compertum est. Cum verò Babylon Romam ethnicam figuraret: ut indicaretur, quantū pere Romæ magnitudo per Christianam fidem aucta & locupletata fuerit; eleganter fingitur, si vetus Babylon viginti stadia supra centum habuit in quadrum, cælestem quidem Romam Christianæ fidei fundamentis fultam duodecim stadiorum millia in quadrum patere: quod est singula ex quatuor cælestis urbis lateribus centuplo esse longiora, quàm Babylonici quadri latera. Quod si quadri latus centies longitudinem Babylonis superat; sequitur aream siue capacitatem decies millies esse maiorem. Si enim centenarius numerus centies replicetur; decem millia conficiet.

Septimò; aurum plateæ perspicuum & ædificiorum etiam urbis, perfectissimum patriæ cælestis triumphum repræsentat; ut in chrysoliti explicatione constabit. Denotat etiam Beatorum singulos ob mutuam inter sese charitatem perfrui ceterorum omnium gloriâ & felicitate: sicuti ædificiorū singula extrinsecus possent oculis auidè ac iucundè vsurpari, si omnia ex perspicuo & pellucenti auro constarent.

C Octauò; vitæ fluuius indicat verissimæ ac purissimæ voluptatis copiam & affluentiam in sapientia tamen fundatam, quæ flumine significari solet. Vide caput 22. 17. & pariter observa, has aquas gratis concedi; sicuti fluuiales vndæ solent.

Nondò; per superna illa arbuta, & singillatim per lignum vitæ; immortalitas & incorruptibilitas figuratur. Lege c. 2. n. 7. & c. 22. 14. vbi constat, per vitæ lignum in Apocalypsi non significari iustos ipsos. Quippe esus ipse fructuum harum arborum pro præmio tribuitur ijs, qui lauerunt stolae suas in sanguine Agni. Porro hæc duo fluuij & arbuti symbola respondent verbis illis, *Beati, qui esuriunt & sitiunt iustitiam*; nempe dicentes, *Vtinam saperent & intelligerent.*

D Decimò; fauor & gratia apud cælestem principem tribus præsertim in rebus figuratur. Primum (per allusionem ad regis Persidis cubicularios) quod Sancti Deo familiarissime seruiant, ad ipsius adyta admittuntur, cuiusque fruuntur conspectu. Quemadmodum Raphael Tobie dixit, *Ego sum vnus ex septem, qui adstamus ante Dominum*; quem locum supra accuratiùs expendimus. Simili phrasi dixit Christus, *Angeli eorum semper vident faciem Patris mei, qui in calis est.* Cum huiusmodi fauore rectè consentit, quod Dei nomen in frontibus habeant inscriptum: hoc autem perinde est, quasi semet omnes Dei ipsius seruos ac familiares iactare. Secundò, fortè ad eandem summæ gratiæ ac fauoris significationem conducit illud huius urbis cognomentum, nempe *tabernaculum Dei.* Forfan enim sensus est, Deum inibi cum suis Sanctis degere, quasi in tabernaculo quodam siue tentorio; vbi omnes sicut parens cum filiis intra vnus papilionis ambitum absque vilo alio discrimine aut diuisione continentur. Tertiò, huc etiam spectat, quod in ipso textu exprimitur, nullum scilicet in hac vrbe templum esse: Deus enim & Christus templi vices gerunt. Quod perinde est, ac si dicantur Beati in calo tantopere diligi à Deo & Christo, tamque familiariter tractari, ut Deum alloquuturi in ipsum met Deum sese insinuent. Quid, obsecro, congruentius ad summæ familiaritatis ac fauoris significationem?

Denique in duobus vltimis symbolis non opus est aliâ explicatione præter eam, quæ in ipsis apparet. Demū præter ea quæ hæcenus indicauimus, fortè facit etiam ad rem; si in muris, portis, ac fluuio contemplemur Martyrum gloriam, qui veluti Ecclesiæ muri fuerunt; Virginum etiam, quæ fuerunt quasi portæ; ac Doctorem, qui fluminis instar cælestis doctrinæ torrente spirituales plantationes irrigarunt. Atque hæc breuiter attigisse sit satis.

*Ædificij partium proportio & æqualitas quid innuat. Ing ns cælestis urbis magnitudo quid denotet.*

*Quid per aurum plateæ & ædificiorum designetur.*

*Quid vitæ fluuius indicet.*

*Quid adubrent arbuta, & singulorum lignum vitæ.*

*Cælestium ciuium apud suum regem fauor & gratia quibus rebus significetur.*

*Quid sit, cælestium ciuium fratribus Dei nomen esse scriptum.*



## T E X T V S.

*Vers. 1.* Et vidi cælum nouum & terram nouam: primum enim cælum & terra prima abiit, & mare iam non est.

## C O M M E N T A R I V S.

**I**OACHIMVS refert hæc verba ad illam sabbathismi felicitatem, qua existimat Ecclesiam in hac vita fruituram: atque adeo Ecclesiam eorum Sanctorum, quorum conuersatio in cælis erit, hoc in loco cælum nouum appellari: terram autem nouam ceteros dici fideles, qui per Dei clementiam saluantur. Hoc sibi Ioachimus persuadet; quia opinatur, sequentia verba, (id est, *vidi ciuitatem Ierusalem nouam descendentem de celo*) referenda esse non ad triumphantem, sed ad militantem Ecclesiam. Posset hanc suam Explicationem ex eo confirmare, quod antiqui cæli ac terra antiqua pro materialibus ipsis cælis ac terra sumuntur. quare noui cæli ac terra noua, pro mysticis capienda videntur. Verba autem illa, & mare iam non est, recte congruunt tempori illius quietis ac pacis, quam Ioachimus & eius sectatores Ecclesiæ in hac vita futuram autumant. Tunc enim prorsus aberit infidelium multitudo, quæ terrore suo turbabat Ecclesiam, & persecutionum fluctus excitabat. Adde, in Apocalypsi mare pro Gentilitate sumi. Vnde cum Gentiles omnes ad Christi fidem conuolarint, tunc verissimè dicetur, & mare iam non est. Quod verò hic versus ad triumphantis Ecclesiæ gloriâ reuocari non debeat, inde videtur efficaciter probari; quia cælum hoc nouum & noua terra mutuata sunt ex Isa. 65. 17. *Ecce ego creo calos novos & terram nouam, & c. 66. 22. Sicut cali noui & terra noua, qua ego facio stare coram me; sic stabit semen vestrum.* Quod si ad vtriusque loci contextum oculos reflectamus; certum videtur in illis de ea felicitate agi, quam in terris Ecclesia militans erat possessura.

Nihilominus tamen dubitari non debet, quin Ioannes in presenti de triumphantis Ecclesiæ, non de militantis felicitate sit loquutus. Primò propter ea, quæ superiore disputatione diximus: ac potissimum, quia nouum hoc cælum & terra noua, quæ Ioannes hic se vidisse testatur, connectenda sunt cum ijs, quæ cap. 20. 11. præcesserant; videlicet à conspectu iudicis sedentis super thronum fugit terra & cælum. Cum autem euident sit, illud ad extremi iudicii diem pertinere; nihilo obscurius debet esse, hoc cælum ac terram nouam explicanda esse de Ecclesiæ felicitate post vltimum iudicium futurâ. Quippe huius visionis cum superiori connexio in eo consistit, quod quauis cælum ac terra disparuerint, non tamen mundus absque cælo & terra remanserit. Nam effectus ex iudicio subsequutus is fuit, uti Deus cælum nouum, terramque nouam fabricaret. Huc accedit, quod beatus Petrus optimus Isaia: interpres, in sua secunda Epistola cap. 3. 12. de iudicii die verba faciens ait; *Cali ardentis soluentur; elementa verò ignis calore tabescent; nouos verò calos & nouam terram secundum promissa ipsius expectamus, in quibus iustitia habitat.* Et quauis Ioachimus & eius asseclæ sibi fortassis persuadeant, Petrum de illa agere spe, quæ Ecclesiæ sit iniecta, fore ut in hac vita sabbathismum illum, quem ipsi confingunt, potiatur; euident tamen ex ipso contextu est, Petrum de vltimo iudicio verba facere, nec non de terra ac cælis nouis postea subsequuturis. Etenim si Petrus ageret de cælo ac terra mysticis, quæ in hac vita esse possint; neutriquam diceret, *nouos calos & nouam terram secundum promissa ipsius expectamus.* his enim terrâ ac cælis mysticis primitiua iam Ecclesia perfectius tunc, quam Ecclesia deinceps posterior potiebatur. quapropter non diceret Petrus, *Expectamus, sed conspicimus, siue potimur.* Ad hæc; si Ioachimus in eo nititur, quod noua Ierosolyma mox subsequens non sit Ecclesia triumphans, sed militans; paulò post constabit de huius fundamenti falsitate, atque adeo contrarium esse certum, & consequenter tam calos novos, quam nouam terram de triumphantis Ecclesiæ felicitate accipi omnino debere.

Iam, ad id quod opponitur, antiquos scilicet calos esse visibiles hos & materiales; nouos verò esse mysticos; respondeo, nouos quoque calos materiales futuros secundum Theologorum doctrinam, qui Petri locum explicant de calorum materialium renouatione, deque elementorum, quæ post sæculorum consummationem futura sunt. Hactenus tamen nondum exposuimus, vtrum Apocalypsis de cælis materialibus, an mysticis instituat sermonem? Si verò hoc in loco de mysticis cælis agatur: contextus ipse virget, ne cali nomen hic accipiat, qua ratione in alijs accipitur locis, vbi hæc cali appellatio militanti Ecclesiæ propter cælestem conuersationem tribuitur. quin imò oportet cali nomen aliter vsurpari. Etenim in hoc loco sermo est de nouis cælis, quos Deus extremi iudicii die conditurus est; cælum autem conuersationis cælestis institutum fuit per cælestem illum spiritum, quem Deus in Christi Apostolos ac discipulos dimisit. Opus ergo est, ut cali, terræ, & maris nomina aliter hic accipiantur, quam in prior Apocalypseos parte: vbi cælum militantem Ecclesiam figurabat; terra Iudæos; mare Gentilitatem. Nec enim hic iam agitur de Ecclesiæ comparatione cum Iudæis ac Gentibus. Quare non iam est ad rem prior illa significatio. Illud ergo huic loco aptius & congruentius est, ut scilicet attentè expendatur, qui cali, quæ tellus in illo extremi iudicii die ex oculis euauerint: qui porro cali, quæ tellus sint illis, quæ tunc disparebunt, successura.

Ad obiectionem ex Isaia contextu respondetur, licet constaret prophetam ibi agere de militantis Ecclesiæ felicitate; non tamen minus esse certum, illum pariter de triumphante verba face-

Quinā expellitur hic cali noui? quæ etiam terra noua?

1. expositio Abbatis Ioachimi.

Vera Auctoris expositio.

Confirmatur nostra expositio de calis nouis ac terra noua ad triūphantem Ecclesiam referendis.

Soluntur contraria sententia argumenta superius adducta.



A re: quando Petrus Isaia locis innitens, ait; *Nouos celos, & nouam terram secundum promissa ipsius expectamus.* Atque vt hæc omnia conciliemus loca; fortè Isaia de militantis Ecclesiæ tranquillitate & pace loquitur per comparisonem à triumphantis felicitate petitam. Quare licet contextus ipse de cælesti conuersatione, de quæ orio ac tranquillitate militantis Ecclesiæ loquatur, idoneus tamen exitit locus, vt Petrus ad Isaia verba alludens assereret spem militanti Ecclesiæ reliquam, fore vt in cælesti patria nouis cælis & terrâ nouâ fruatur.

B Hucusque disputatum est aduersus Ioachimi & aliorum expositionem, qui in hoc versu opinantur sermonem esse de Ecclesiæ felicitate in hac vita futura. Videamus nunc oportet, quæ ratione sint accipiendi cæli noui & terra noua, quibus triumphans Ecclesia potitura est. Communis expositio est de accidentali materialium cælorum ac terræ renouatione per nouum quendam splendorem ac pulchritudinem sub mundi finem illis à Deo suffundendam. Cui explicationi fauet Augustinus 20. de Ci. c. 16. *Primum (inquit) calum & terra prima abiit; nempe mundanorum ignium conflagratione, elementorum corruptibilium qualitates ardendo penitus interibunt.* Circa illa autem verba, *Et mare iam non est,* hæc habet idem Augustinus: *Vtrum maximo illo ardore siccetur, an & ipsum vertatur in melius, non facile dixerim: fori asse tamen maris nomine intelligitur hoc seculum turbulentum, & procellosum.*

C Relinquo nunc doctoribus Scholasticis eam disputationem; quo scilicet modo materialis cælorum & elementorum renouatio à Deo præstanda sit: atque illud ab Augustino mutuor, sanctissimū haud dubie doctorem eam in partem magis propendisse, vt maris nomen allegoricè accipiendum putaret, cum dicitur, *Et mare iam non est.* Etenim verisimile non est, in Apocalypsi affirmari post extremum iudicium, materiale hoc mare prorsus absumptum iri. non solum propter eam, quæ re ipsa occurrit, difficultatem; verum etiam, quia Apocalypscos dignitas, & ænigmaticus ipsius stylus nos quodammodo impellunt, vt credamus, multò adhuc sublimius & abstrusius mysterium hisce verborum inuolucris delitescere. Quod si semel cum Augustino admittamus, maris nomen hic allegoricè usurpari, facile quisque cernet, quàm sit optabile, vt noui cæli & nouæ terræ nomina simili etiam allegoriâ intelligantur. Nec obstat, in Apocalypsi supponi quod B. Petrus de materiali cælorum ac terræ instauratione affirmat. Sed in hac ipsa assertionem subnixum erigitur ænigmatis mysterium. ad cuius explicationem magis statuendam Ioannes singillatim illud exprimit, quod Petrus non expressit; nimirum in hac cælorum ac terræ renouatione non solum non renouari etiam mare, sed nec omnino fore.

D Ego igitur mihi persuadeo, vniuersam hanc cælorum & terræ nouæ, atque maris nusquam apparentis, significationem esse prorsus mysticam. Huic sensui fauet non parū contextus. Quod enim cælum ac terra ex Iudicis in throno sedentis oculis euauerint, non significat, materiales cælōs ac terram ab eius conspectu abstrahenda; sed mysticos cælōs ac terram mysticam, vt eo loci ostensum est. Noui igitur cæli ac noua tellus, quæ prioribus illis à conspectu abstractis successerunt, mysticè similiter usurpanda sunt. Porro, cum dicimus nouos cælōs mysticos, & terram etiam mysticam nouā; non opus est, vt quoad substantiam noua sint; satis est, eorum accidentia siue qualitates adeo esse nouas, vt terra ipsa ac cæli absolute possint appellari noui. Id quod nemini nouum videri debet. Nam communis expositio, quæ hæc verba ad cælōs visibiles atque terram refert, non postulat, vt noua etiam quoad substantiam sint; sed nouitatem hanc in qualitatibus siue proprietatibus solum exigit. Simili ratione de cælis ac terra mysticis locum hunc arbitror accipiendum. Quapropter cum homo ex anima atque corpore constet; cumque corpus sit terrena inhabitatio, anima verò cælestis spiritus; ideo per cælum ac terram congruenter significantur hominis tum anima, tum corpus. Atque vt propius ad mysticum ipsum sensum accedamus; Sanctorum animabus ob cælestem conuersationem, cæli nomen inditum est: at corporibus terræ nomen fuit impositum propter terræ ipsius propinquitatem; & quia ex terrena hac mole visibili, atque aded ex eodem luto compacta, ex vno Adamo e terra condito suam propagant originem. Hæc igitur est (vt ita loquar) cæli mystici & mysticæ terræ substantia. Verum eorum proprietates ante vltimum iudicii diem aded sunt diuersæ ab ijs, quas Sanctorum animæ & corpora sunt habitura post æternæ beatitudinis adeptionem, vt iure optimo dicantur antiqui cæli & tellus antiqua à Iudicis conspectu disparuisse; atque terræ ipsi & cælis mysticis antiquis alios cælōs nouos, onuam aliam terram successisse. Nam priorum cælōrum qualitates erant eiusmodi; in salutem animarum incumbere, sacramenta fidelibus administrare, preces ad Deum pro peccatoribus effundere, cælestis doctrinæ pluuiam in mundum emittere, & legitimam absoluendi peccata potestatem exercere. Antiquæ verò terræ proprietates illæ erant; proximorum vicem dolere, & commiserari, molestias & angores pati, voluntariam macerationem & castigationem suscipere; quod perinde est atque exarari terram, & excolentium violentiæ & iniuriæ esse obnoxiam. Hic igitur cæli, hæc tellus, quæ prioribus illis proprietatibus, plurimum emolumenti peccatoribus afferebant, disparescent omnino ex Iudicis conspectu. Nam in tremendo illo iudicio nemini proderit aut potestas à Deo sacerdotibus facta dimittendi peccata, aut commiseratione tangetur; nec suos aut propinquos aut familiares ope aliqua, auxiliū fouebit; nec suo in sinu illos à Iudicis seueritate occultabit.

Non tamen propterea mundus cælo ac terrâ spoliatus manebit. Nam mysticis cælis ac terræ ex Iudicis aspectu substractis successerunt noui alij cæli & noua tellus: nimirum illi ipsi cæli atque terra, quoad substantiam; verum qualitatibus aded diuersis affecta, vt iure noua possint nominari. Hæc autem nouæ cælōrum qualitates eiusmodi erunt; vt pro cura, quam antea de animarum salute, & Dei gloria suscipiebant, subeat cumulatissimus ipsorum laboris fructus ac præmium; quod est diuino frui conspectu, & æterni luminis gloriâ perpetuò perfundi: & pro assiduo motu ac vicissitudine, qua mundum vniuersum ambiebant, vt eum illustrarent, subsequatur æterna quies & pax multò maioris lucis & claritatis capax. At verò nouæ telluris proprietates illæ erunt; vt passibilitatem subeat impassibilitas, immortalitas mortalitatem, quibus adde ceteras gloriæ dotes, de quibus latè disputant Theologi.

*Cæli noui ac terra noua qua ratione sint accipienda.*

*Communis expositio de accidentali cælōrum materialium ac terra renouatione. Mare hic etiam Augustinus mysticè esse capiendum.*

*Auctoris explanatio de cælis, terra ac mari mysticis.*

*Prima mysticorum cælōrum qualitates eiusmodi fuerunt. Prima etiam terra mysticæ proprietates.*

*Quomodo cæli mystici ac terra mystica priores qualitates immutauerint.*



*Quo sensu  
fit dictum,  
Mare iam  
non est.*

Cum hoc sensu mirificè sequentia verba consentiunt, & *mare iam non est*. Etenim damnatis in inferorum barathrum detrufis atque conclusis, in superiori viorum regione non iam ampliùs mare apparebit; hoc est, nusquam metus, nusquam formidines, nusquam pericula; quæ omnia per mare figurantur. Quia *qui nauigant mare, enarrant pericula eius*, Ecclesiastici 43. 26. Nec ià deinceps maris vnda terram verberabunt, aut quatient; non fluctus, non procellæ aut tempestates exurgent; non grandiores pisces exiguos pisciculos deuorabunt; non iam salsa & amara pelagi vnda longè lateque se extendent; non sterilis arena suberit; non denique naufragij periculum erit: sed quies, sed securitas, sed stabilitas, sed dulcedo. Quæ omnia eleganter coërcuit paucis Augustinus dum dixit, mare in hoc loco allegoricè debere accipi pro hoc seculo turbulento & procelloso.

Licet autem beatus Petrus loco superius allato videatur primo aspectu de materiali solùm terræ ac cælorum renouatione loqui: si tamen eius verba prudenter expendantur, non obscure innuit etiam suprâ dictum sensum allegoricum: ideò enim ait, se agere de cælis ac terra, *in quibus iustitia habitat*. Constat autem, nouam terram materialem non fore Beatorum habitationem.

## TEXTVS.

*Vers. 2. Et ego Ioannes vidi sanctam ciuitatem Ierusalem nouam descendentem de cælo à Deo paratam, sicut sponsam ornatam viro suo.*

## COMMENTARIVS.

**N**OVAM hanc Ierolimam, cuius meminit in hoc versu Ioannes, censet Ioachimus esse diuersam ab ea, quam Angelus eidem Ioanni monstrauit, numero decimo, (*& ostendit mihi ciuitatem sanctam Ierusalem descendentem de cælo à Deo*) atque adeò primam ex his esse militantem Ecclesiam, secundam triumphantem; ad eum ferè modum, quo Mezerus capite duodecimo, distinguit mulierem, quæ Ioanni in cælo ostensa est, ab ea quæ erat grauida atque parturiens. Suam verò opinionem conatur fulcire Ioachimus ea ratione; quia Ioannes versu 2. agit de noua Ierolimam, ac proinde de ipsius natiuitate. Cum autem Angelus numero vndecimo, Ioanni edixit; *Veni, ostendam tibi sponsam vxorem Agni*, iam aspexerat Ioannes nouam illam Ierolimam: numero enim secundo dixerat, *Ego Ioannes vidi sanctam ciuitatem Ierusalem nouam*. Ex quo videtur inferri, quam Angelus Ioanni ostendit ciuitatem, non esse prorsus eandem cum illa, quam Ioannes ipse prius aspexerat.

Verùm enim uero hæc Ioachimi expositio probari nullo modo potest. Nam post extremi iudicii visionem, omnino extrâ chorum est, demonstrari Ioanni statum militantis Ecclesiæ, vt latè in huius capitis prologo disputauimus. Et verba ipsa, quibus Ioannes tum in hoc versu, tum postea versu 9. & 10. vtitur, perspicuè indicant, se de vna eademque visione tractare. Quippe vtrobique appellat Ierolimam, *Ciuitatem sanctam descendentem de cælo à Deo*. Et quidem ex ijs argumentis, quibus in prologo probatum à nobis est, Ioannem non iam de militante Ecclesia agere, sed de triumphante, efficaciora atque potiora hanc capitis huius partem æqualiter respiciunt: sed potissimum verba illa, *Qui vicerit, possidebit hæc*, inferorum pœnis apposita. Ea enim verba leguntur, antequàm Angelus Ioanni enunciet; *Veni, ostendam tibi sponsam vxorem Agni*. Quòd si diuersæ forent visiones; cum prima coniungi prorsus deberent verba illa, *Qui vicerit possidebit eam*. Constat autem; illam esse æternæ beatitudinis promissionem. Falsò igitur ad militantem refertur Ecclesiam, quod Ioannes in hoc secundo versu recenset. Deinde suprâ iam vidimus, nouum cælum ac terram nouam, quorum versu primo fit mentio, necessariò ad triumphantem Ecclesiam reuocari: idem igitur de subsequenter dicendum est.

Ioachimi autem fundamentum facile euertitur. Nanque vt noui cæli ac nouæ terræ dicuntur ea, quæ triumphantis Ecclesiæ propria sunt; sic etiam ipsa ciuitas aptissimè noua Ierolimam compellatur. Ac licet epitheton *noua* nihil aliud designaret, quàm nouum gratiæ statum: exigit tamen ipse contextus, vt credamus; nouam hanc urbem Ioanni visam fuisse gloriosam, sicuti in cælesti regnò futura est: de quo tamen infrâ. Iam, quod Ioannes primò dicat, *Vidi ciuitatem sanctam Ierusalem descendentem de cælo*: deinde verò addat, sibi ab Angelo dictum; *Veni, ostendam tibi sponsam vxorem Agni*: id quidem minimè probat diuersas esse visiones; nec ciuitatem nouam fuisse antea Ioanni visam, quando ei Angelus edixit, *Veni, ostendam tibi*

*sponsam*

*Quid sit  
hac noua  
Ierolimam  
de cælo descē-  
dens.  
Ioachimi  
expositio.*

*Refellitur  
prædicta ex-  
ponendi ra-  
tio.  
Auctoris  
explicatio.*

*Prioris sen-  
tentia fun-  
damentum  
euertitur.*



A sponsam uxorem Agni. Sed hinc id solum elicitur, prius quidem visionis summam & scopum (scilicet æternam felicitatem, quæ Dei seruis ac familiaribus in cælo parata est) primò recenseri à Ioanne: deinde à principio visionem eandem ab ipso particulatim enumerari. Hoc verò in sacris Literis receptissimum est; & alijs etiam scriptoribus atque oratoribus familiare: qui primùm in ipsa propositione summam oculis rem totam subiiciunt; postea singulas partes ab initio seorsum describunt.

VIDI IERUSALEM NOVAM DESCENDENTEM DE CÆLO. ] Superius dixi, triumphantem Ecclesiam posse nouam ciuitatem nuncupari propter nouum gloriæ statum: sicuti cæli dicuntur noui, & noua tellus. Et sic accipit Augustinus epitheton *noua* lib. 20. de Ciuitate cap. 17. de noua claritate gloriæ, in qua nulla prioris vetustatis vestigia remanebunt. Ceterum, vt hæc visio directè beatitudinis æternæ statum aspiciat, quo fruitura est Ecclesia; non opus est, epitheton, *nouam*, in hac acceptione vsurpari. Nam licet vox *nouam* ad nouum gratiæ statum transferatur; perinde erit dicere nouam hanc urbem à Ioanne visam fuisse gloriosam, sicut sponsam ornatam viro suo; ac si dicatur Ioannes ciuitatem nouam à Christo in terris fundatam conspexisse fruentem iam æterna illâ gloriâ, quæ ipsam in cælis manet. Similiter verba illa, *descendentem de calo*, opus non est, ita accipi, quasi supponant illam prius in cælo degere visione beata fruentem; atque inde ad terras descendere, vt eam contempnat Ioannes. Hoc, inquam, minimè necessarium est; quia ob cælestis gratiæ statum, quem Ecclesia obtinet in hac vita, verè & eleganter dicitur ciuitas è cælo descendens. Et ipse nihilominus contextus postulat, vt nouam hanc urbem cælestem à Christo in terris erectam contemplatus sit Ioannes in hac extrema visione, eo gloriæ splendore conuētitam, quem in cælesti patria potitur.

B Et quantis huiusmodi constructio noua videatur alicui: si tamen rem diligenter obseruet, & consideret eandem Ecclesiam Deo in cælis fruentem esse, quæ prius militauit in terra; nihil difficultatis inueniet, si noua ciuitas cælestis à Christo in terris instituta dicatur eadem cum illa; quam Ioannes hic cælesti gloria amictam intuetur. Simili enim phrasi non ineptè dici posset Filius Virginis, qui Ierosolymæ fuit passus, ad Patris dexteram in excelsu gloriæ folio à Ioanne fuisse conspectus. Vbi stultum esset, requirere, numne fuisse natum de Virgine & Ierosolymæ passum, priora sint, quam ad dexteram Patris sedere? Illa ergo omnia, *Sanctam ciuitatem Ierusalem nouam descendentem de calo*, accipio de sanctitate, de nouitate, de cælesti spiritu, quæ Christianæ Ecclesiæ inerant, priusquam ad gloriosissimam cælestis patriæ triumphum conscenderet: qui triumphus innuitur verbis illis, *Paratam, sicut sponsam ornatam viro suo*: atque hunc ipsum triumphum duobus hisce capitibus Ioannes enarrare vult. Nec officit, quòd ad eam designandam gentem, quæ ad supremi huius triumphus gloriam ascendit, designat ciuitatem sanctam, *Ierusalem nouam, descendentem de calo*. Atque vt ciuitatem esse sanctam, Ecclesiæ etiamnum in hac vita congruebat; sic etiam esse nouam Ierosolymam, & de cælo descendisse.

C Quòd autem nouæ Ierosolymæ nomen aptissimè tribuatur Ecclesiæ, statim ac in terris fundata est; id ex Scripturæ phrasi perspicuum fit. Nam ad spiritualis hominis distinctionem à terreno & carnali, vtiur plerunque Paulus hac phrasi, vt illum appelle: nouum hominem: hunc, hominem veterem. Vide ad Romanos 6.6. ad Ephesios 2.15. & capite 4.22.24. & ad Coloss. 3.9. 10. Similiter ergo ad spiritalem Ierosolymam à terrena discernendam, eadem congruentissima phrasi vsurpatur. Iam, *Descendere de calo*, eandem habet energiam, atque *sursum esse*, siue *desursum*: quam loquutionem Christus Dominus vsurpauit aliquando: & Paulus etiam ad Galatas 4.26. eadem loquendi ratione nouam Ierosolymam à veteri, id est, Ecclesiam à Synagoga distinguit. Vbi ex contextu patere videtur, de militante Ecclesia esse sermonem. Et Apocalypsis 3.12. eadem phrasi nomen ciuitatis nouæ Ierusalem, quæ descendit de calo, ponitur in Ecclesiæ militantis laudem, vt inibi adnotauimus.

D Non mihi excidit, hanc Agni sponsam, cuius meminuit Ioannes, esse Romanam Ecclesiam, vt in prologo disputaui: & eandem ipsam hoc in loco nouam Ierosolymam nominari. Et quantis posset aliquis asserere, epitheton *nouam* hic peculiariter apponi, vt Romana Ecclesia, à matre Sion, quæ illam peperit, & ab alijs Ecclesijs ipsius sororibus distinguatur: hanc tamen distinguendi rationem non vsurpo; quia & matri Sioni inderet etiam Paulus nouæ Ierosolymæ nomen. Deinde quia licet mater Sion & Romana Ecclesia possint, tanquam mater & filia, inter se distingui; hæc tamen distinctio hic non est ad rē. Nam Romanæ Ecclesiæ gloria, prout hic consideratur, complectitur etiā matris Sionis & reliquarum Ecclesiarum gloriam. Et Romana Ecclesia matri Sioni successit, sicut primigenius filius hæreditario iure succedit patri. Quare nouæ Ierosolymæ titulum ab eâ etiā quasi hæres Roma accepit. Quòd autem de Romana singularitatem Ecclesia sermo sit; id quidem consentaneum valde extitit, vt supra expendimus. Non tamen propterea opus est ad ea hic recurrere, quæ matri Sioni cum Romana Ecclesia communia sunt.

E DESCENDENTEM DE CÆLO. ] Arbitrabitur aliquis, propriam huius loquutionis esse vim, quasi Ioannes viderit nouam Ierosolymam de calo descendere. Nam, *vidi illam descendentem de calo*, perinde videtur, quasi vidi illam descendere. Sicuti Ioannis 2. fine, *Videbitis Angelos ascendentes & descendentes*, idem est, ac si diceret, videbitis eos ascendere, & descendere. Maldonatus noster Matthæi 25. sic exponit, *Vidi Ecclesiam triumphantem ad Iudicium descendere cum Christo*. Aliam item Turriani explicationem supra vidimus. Nihilominus in vrbe supra montem visâ extra rem est eiusmodi consideratio, quasi Ioannes illam descendere aspexerit. Et sanè siue ita concipiatur, quasi deorsum versus conuersa descendat, siue mons pariter cum illa sibi imposita descendere consideretur: vtrumque violentum est, & huic loco minimè aptum. Vbi autem semel statuamus, sanctitatem ac nouitatem huius vrbs ante ipsam visionem supponi, nec non *desursum esse* (quod est, *de calo descendere*;) facile mox apparet, Ioanni non fuisse monstratum huius ciuitatis descendere; sed ciuitatem hanc nouam, quæ de calo descenderat, Ioanni fuisse visam in eo triumpho atque gloria, quibus postea fruitura est: atque id indicatur verbis illis, *Paratam, sicut sponsam*

Cur Ierusalem cælestis appellatur noua?

Quo sensu noua Ierusalem dicatur è calo descendere.

Noua Ierusalem nomen Ecclesiæ recem in terris fundata in dñi.

Vtrū Ioannes nouam Ierusalem de calo viderit descendere, idq. his vocis indicet? Pars negans statuitur vt vera, & probatur.



ornatam viro suo. Quod autem ex Euangelio adducitur, nempe, *videbitis Angelos ascendentes & descendentes*, aliud longe diuersum est. Licet enim in loquendi modo simile videatur: liquet tamen ex ipso contextu illud in eo Euangelij loco prædici, nimirum Angelos ascendere & descendere visum iri; vel saltem eos ascendisse & descendisse. Nec enim aliud additur, in quod vis illius verbi; *Videbitis*, definat. At verò in Apocalypsi Ioannis visio terminatur in eo, quod verba illa exprimunt, *Paratam, sicut sponsam ornatam viro suo*. Si quis enim diceret, concionatorem ex Regis curia venientem à se fuisse conspectum in suggestum ascendere; non opus est, ut propterea intelligamus, eodem die ab illo fuisse visum ex regia venire.

Dicit quispiam, *descendentem*, esse præsentis temporis participium etiam in Græco: quare si hæc verba referenda erant ad gratiæ excellentiam Ecclesiæ communicatam; dicendum non fore, *Descendentem*, in præsentis tempore, sed, *Quæ descenderat*, in præterito. Respondetur; sicut res aliqua excelsa valde ac sublimis eleganter dicitur è cælo delapsa; sic etiam dici potest è cælo delabi atque descendere. Et fortè elegantiz plenum est, quod dicitur in præsentis de cælo descendens: ut hac loquendi ratione denotetur, illam gratiæ dignitatem ac celsitatem semper è cælo descendere, semperque inde pendere.

A DEO. ] Hæc verba nonnulli componunt cum participio, *paratam*. Quæ tamen non est germana horum verborum constructio; sed illa, *Descendentem de cælo à Deo*. Sic enim Græca in præsentis legunt; & n. 10. in nostra etiam Vulgata habetur, *Descendentem de cælo à Deo*. Vbi manifestè patet, ablatiuum à Deo non coniungi cum alio participio. Porro, *Descendere de cælo à Deo*, perinde est, quasi rem esse cælestem atque diuinam. Atque ita Augustinus l. 20. de ciu. c. 17. *De cælo* (inquit) *dicitur descendere: quia cælestis gratia est, quæ Deus eam fecit; & de cælo quidem ab initio sui descendit, Spiritu sancto misso de cælo*.

PARATAM SICUT SPONSAM ORNATAM VIRO SVO. ] Hoc est, tantâ gloriâ ac maiestate conspicuâ, quanta decet Sponsam cælestis Agni. Qui loquendi modus similitudine manifestus fiet. Si enim quis Hispaniarum Principis sponsam conspiceret gemmis & margaritis aded pretiosis & colluculentibus, undique distinctam, ut plurimis aureorum millibus, atque aded millionibus eius ornatus æstimeretur: nã ille significanter diceret, se Principis sponsam vidisse eiusmodi gemmis ornatam, quæ Principis sponsâ digna sint. Itaque ille dandi casus *Viro suo*, idem est atque, *dignè viro suo*. Non tamen in eo sensu est accipiendum, quasi dicatur illa sic esse ornata, prout expedit sponsæ Principi nupturæ: iam enim præstituitur esse nupta. Sed intelligendum ita est, eam eiusmodi gloriâ & splendore fuisse à Ioanne visam, qualis decet eam faminam, quæ viri ita diuitis ac præpotentis vxor est. Eodem ferè recidet sensus, si sic construamus; *Sicut sponsam ornatam viro suo*, id est, tanquam eam sponsam, quam splendore & gloria Parens æternus exornauit ad Christi honorem ac decus. Quod enim aded sit ingens & excelsa ea gloria, quæ Ecclesiam manet in cælo; id quidem in Christi ipsius gloriâ redundat; atque eius meritis referri debet acceptum. Aut fortasse datiuus ille *viro suo* idem significat, quod à *viro suo*. Nam datiuus apud Græcos sæpè causam dicit agentem; ut apud Pindarum in lsth. Ode 5. Πόλις θεοθαθείσα νόταυς, idem est, quod, ciuitas erecta per nautas. Idem etiam Latinis familiare est; quidquid Grammaticus non nemo dicat. Sic enim Virgilius Æneidos 1. de suo Ænea in nubem abdito loquens;

*Infert se septus nebulâ (mirabile dictum!)*

*Per medios miscetque viros; neque cernitur ulli.*

Aut *ornatam viro*, id est, cuius ornamentum est ipse Christus, cui nupsit: quia claritas Dei illuminauit eam, & lucerna eius est Agnus.

Illud demum hic obseruandum, eleganter coniungi vtramque sponsæ & ciuitatis allegoriam. tum ut ipsamet repugnantia, quæ inter ipsas allegorias reperitur, si materialiter sumantur, nos ad spiritalem sensum extollat: tum etiam ut quod altera allegoria non satis significat, alterius subsidio suppleatur. Et vtramque ob causam Ecclesia duas has coniungit allegorias in hymnis, quos in Ecclesiæ dedicatione decantat.

## T E X T V S.

*Vers. 3. Et audiui vocem magnam de throno dicentem: Ecce tabernaculum Dei cum hominibus, & habitabit cum eis: & ipsi populus eius erunt, & ipse Deus cum eis erit eorum Deus.*

## C O M M E N T A R I V S.

A N T E Q U A M ad mysterij explicationem accedo, ea mihi dubitatio occurrit discutienda; videlicet quina sit thronus hic, ex quo vox illa processit? & quando eâ Ioannes audierit? Existimabit quispiâ thronum hunc esse eundem c. 4. in quo Deus sedes inter viginti quatuor seniores cõspectus fuit. Illius

enim

Difficultas  
occurrentis  
dissoluitur.

Vox à Deo,  
vtrum cum  
consequenti-  
bus, an cum  
antecedenti-  
bus copula-  
da sit?

Cur noua  
Ierolyma  
dicatur sic-  
ut sponsa  
ornata viro  
suo  
Plures tra-  
duntur ex-  
positiones  
istius datiu  
viro suo.

Cur hie vi-  
traque &  
ciuitatis  
& sponsæ  
allegoria co-  
pulentur.



**A** enim throni aliàs etiam facta est mentio. Dicit alius, thronum proximè præcedentem c. 20. 11. esse iudicis sententiam laturi sedem, *Et vidi thronum magnum candidum*: unde congruentius videri, ut vox hæc ex eo throno erupisse credatur. Tum quia thronus ille reliquis propior huic throno est: tū quia ad vnum spectat iudicem, & impios ad æternum damnare supplicium, & probos sempiternis beare præmijs. Quamobrem, cum caput 20. reproborum damnatione terminatum sit, (his nanque verbis desijt, *Et qui non est inuentus in libro vite, missus est in stagnum ignis*), mirifice consonat, ut ad electos, qui soli iam ante iudicis sedem remanebant, prodeat ab ipsius iudicis throno vox in hanc sententiam; *Ecce tabernaculum Dei cum hominibus, &c.*

**B** Alio etiam videtur dicendum. Nam verba isthæc, *Ecce tabernaculum Dei cum hominibus*, congruentius est, ut gloriosam ipsam denotent urbem, quam Ioannes in hoc capite describit; at de illa, sicuti de re præfenti, loquantur. Quod si ipsa ciuitas his verbis indicatur; probabilius est, vocem hanc ex illo ex eo throno, quem Ioannes in eadem vrbe conspexit, ait enim c. 22. 1. ciuitatis fluuium procedere à sede Dei & Agni. vbi pro sede Græcè legitur thronus. Similiter c. 22. 3. vbi legimus, *Sedes Dei & Agni in illa erunt*. Si ergo Dei thronus & Agni intra ciuitatem erat; si vox è throno prodiens loquitur de ciuitate ipsa, tanquam de re præfenti (ideo enim ait *Ecce*); perspicuum satis apparet, eam vocem ex illo ipso procedere throno, quem in vrbe Deus & Agnus habebant. Quapropter non videtur ad rē, ut hoc in loco de iudicis agatur throno. hic enim intra ciuitatem non erat. Nam ab illius throni visione transgressus est Ioannes ad visionē gloriosæ ciuitatis, deductus ab Angelo in magnum & excelsum montem. Non tamen displicet, ut hic ipse thronus à Ioanne conspectus in vrbe idē esse cum c. 4. throno credatur; atque adeo eūdem met thronum, quem Deus in militante habebat Ecclesia senioribus vndique constipatum, in triumphante postea Ecclesia Ioannes vidisse dicatur.

**C** Hoc autem si admittatur; dicendum etiam est, vocem hanc à Ioanne non fuisse exaudita, donec & urbem vidit, & ad eius medium ante Dei thronum accessit. Nec dissonum est, vocem hanc à Ioanne literis mandari, antequam ad distinctam ciuitatis visionem recēsendam perueniat. Satis enim est, in præcedenti versu se summam affirmasse, visam à se fuisse ciuitatem sanctam Ierusalem, puratam sicut sponsam ornata viro suo. Prius enim quam eam singillatim describat, potuit congruenter dicere, se de hac vrbe à se ipso describendā velle primò enunciare, quod ex magna voce de throno prodeunte audiuit. Quippe congruens erit prius animaduertere, quod vox illa protulit, ut fideles plenius possent percipere, quod de ciuitatis ipsius descriptione sequitur. Cælestis enim vox (quæ per quinque versus subsequentes continuatur) admonet, hanc esse urbem illam, quam Deus suis electis destinauit; sicuti æternum reprobis parauit supplicium: atque hunc esse diuini operis finem & coronidem: quare neminem de huius vrbis fruitione diffidere debere; cum tantum hoc præmium strenuis militibus conferatur.

**VOX MAGNA.** Vocis huius è throno prodeuntis contentio & magnitudo confert non parum, ut magnum huius visionis momentum expendatur. Quod si hæc vox ex eo procedit throno, vbi Deus inter seniores confidet: ita fieri opus erat, ut denotetur doctrinam hanc de cælestis felicitatis magnitudine tunc in mundo altius & contentius intonuisse, postquam Deus in Christianæ Ecclesiæ throno confedit.

**ECCE TABERNACULUM DEI CUM HOMINIBVS.** Hæc verba sunt ex Ezechiel. c. 37. 27. de præopta. vbi legimus, *Erit tabernaculum meum in eis; & ero eis Deus, & ipsi erunt mihi populus. Et scient Gentes, quia ego Dominus sanctificator Israel, cum fuerit sanctificatio mea in medio eorum in perpetuum.* Tametsi autē hæc verba apud Ezechielem pertinere etiam videatur ad Ecclesiæ sanctificationem per Spiritum sanctum effectam; perfectum tamen eorum complementum in patriæ beatitudine possidebitur; cuius æternitatem denotat vox in perpetuum. Noui Turrianum nostrum contendere, ut verba isthæc accipiantur de maximo beneficio, quo Deus suam cumulauit Ecclesiam, quando apud eam in sanctissima Eucharistia remansit. Sed supra iam vidimus, totam hanc visionem esse picturam illius felicitatis, quam Ecclesia in cælesti patria consequetur.

**D** Sed opponet nobis aliquis, verbo *Tabernaculum* respondere in Græco, σκηνή, quæ vox non domicilium quodlibet, sed tentorium significat. *Habitabit* verò est, σκηνώσθαι, quod est habitare in tabernaculo. Respondeo, ex ipso colligi contextu, hanc ipsam admirabilem prorsus urbem Ioanni ostensam diuinā voce appellari tabernaculum, quod fortassis innuit, tantam esse summi Dei maiestatem, ut tota illa supernæ ciuitatis magnitudo, comparatione infinitæ Dei celsitatis, perinde sit, quasi tentorium aliquod potentissimo monarchæ præparatum. Dignam enim sui habitationem Deus in se ipso habet. Et quanuis in Beatis etiam commoretur, & proprium possideat domicilium: hoc tamen non tam est iuxta infinitam ipsius magnitudinem, quam iuxta amorem & beneficentiam. Fortè etiam, (ut supra attigimus) tabernaculi siue tentorii nomen summam intus habitantium communionem denotat. Nam in vrbe aliqua, imò etiam in laxa & capaci domo possunt multi pariter incolæ seorsum degere. at in eodem tabernaculo commorantes in maxima vitæ communione sint necesse est. Nec enim vnus ab alio omnino abstrahi aut celari potest. Id ergo admirabile planè est in beatissima illa cælitū vrbe, perinde enim, quasi tentoriū quoddā aut tabernaculum foret, omnes sese mutuo peruidet & perfruantur, nec cælestem vnquam regem inter ipsos placidissime degentem ex oculorum conspectu amittunt. Atque hæc familiarissima Dei communio, qua Beati fruuntur in cælo, verbis etiam sequentibus indicatur, *Et ipse Deus cum eis erit eorum Deus.* Ostendit autem Deus se Deū esse ijs, quos beat, quorumque sinus siue animas potius, æternis donis & gloriā circumfluenti implet: vide infra numero 7.

Proposita  
questio  
de  
decisio, &  
Auctoris  
hac de re  
mens.

Quando  
fuerit ma-  
gna hac vox  
à Ioanne  
exaudita.

Vox hac  
magna quid  
innuat.

Ioannē hæc  
verba ab E-  
zechiele fu-  
isse mutua-  
tum.

Difficultati  
hic occurrē-  
ti satis fit.



## T E X T V S.

*Vers. 4.* Et absterget Deus omnem lacrymam ab oculis eorum: & mors vltra non erit: neque luctus, neque clamor, neque dolor erit vltra, quia prima abierunt.

## C O M M E N T A R I V S.

*Allusio ad  
Isai. 25. 8.*

**D**ESUMPTA sunt hæc ex Isaia c. 25. 8. vbi legimus; *Præcipitabit mortem in sempiternum: & auferet Dominus lacrymam ab omni facie.* Licet autem videatur agere Isaïas de Christianæ Ecclesiæ felicitate in hac vita: cum ij, qui vivâ fide in Christum credunt, & omnia pro illo aspernantur, verè dicantur non mori, quanvis moriantur re ipsa; & diuini spiritus subsidium mirè ab huius vitæ laboribus homines eripiat (vnde Apoc. 7. 17. eadem Isaïæ verba ad spiritalem hominum felicitatem exprimendam vsurpantur: ) nihilominus perfectum & cumulatam Isaïæ vaticinij complementum ad cælestem beatitudinem reservari perspicuum est. atque id in præsentī versu edocemur, *Quia prima abierunt.* quasi dicat, Non iam ampliùs ærumnarum aut miseriarum tempus erit. prima illa militiæ ac laboris tempestas abiit; nihil iam deinceps, nisi pacis, tranquillitatis atque triumphī tempus reliquum est.

## T E X T V S.

*Vers. 5.* Et dixit qui sedebat in throno, Ecce noua facio omnia. Et dixit mihi, Scribe, quia hæc verba fidelissima sunt & vera.

## C O M M E N T A R I V S.

*Allusio item  
ad ipsius I-  
(n. 6. 43. 19.)*

**C**ONSVLE Isaïæ 43. 19. *Ecce ego facio noua, & 2. Cor. 5. 17. Ecce facta sunt omnia noua.* Quibus ex locis infertur, in Christianæ etiam Ecclesiæ fundatione, & in cælesti spiritu per Christum assertorem nostrum Apostolis ac discipulis elargito, atque in Iudaici populi reprobatione, & electione Gentilici, posse similiter vere affirmari, omnia facta esse noua. Verum exacta atq; perfecta renouatio, in qua nulla antiquæ vetustatis vestigia supererunt, in æternum illum Beatorum felicitatis diem differtur. tunc enim Isaïæ vaticinium cumulatè implebitur: cum deinceps Sanctorum nouitas perfectissima & admirabilis planè felicitas subsequutura sit. Vt autem Deus suos seruos ac familiares certissimæ huius expectationis solatio recreet, ac reficiat; præcipit id literis mandari, ac rursus suâ auctoritate confirmat.

## T E X T V S.

*Vers. 6.* Et dixit mihi, Factum est. Ego sum  $\alpha$  &  $\omega$ . initium & finis. Ego sitienti dabo de fonte aquæ vitæ gratis.

## C O M M E N T A R I V S.

*Quid si-  
gnificet  
Factū est.*

**F**ACTVM EST. ] Id est, peruenimus iam ad vltimum operis à diuina prouidentia intenti finem & complementum: atque omnia sunt tandem præstita, sicuti Deus sapientissimè disposuerat. Vel; ex hoc tempore id iam factum reputa; quia iam expensæ factæ sunt; & hoc est firmissimum omnipotentis Dei decretum, vt Romana Ecclesia ad supremum hoc felicitatis & amplitudinis fastigium conscendat. Addit porro Deus: *Ego sum  $\alpha$  &  $\omega$ ,* id est, vt sequitur, *initium & finis* ( de qua phrasi diximus suprâ c. 1. n. 8. ) Ac si dicat; Ipse hoc fabricare cœpi ædificiū, & prima ipsius ieci fundamenta; ipse etiam perficiam, & ad vltimum perfectionis apicem perducam. Ipse sum sempiternæ beatitudinis fons, qui me hominibus effundere cupio: nec aliud pretij requiro, quàm tanti, tamque immensi doni præmium & æstimationem, ac verum illius potiundi desiderii. Hoc enim est, *Ego sitienti dabo de fonte aquæ vitæ gratis.* Atque vox *gratis* pariter denotat tantè excellens esse bonum Dei ipsius fruitionem; vt quantunvis plurimi hominibus stet, semper gratis esse dicatur. Etenim si cum immensis illis diuitijs conferatur; quidquid homo pro ipsis assequendis impendit, totum hoc quasi nihil reputabitur.



## T E X T V S.

*Vers. 4.* Qui vicerit, possidebit hæc : & ero illi Deus, & ille erit mihi filius.

## C O M M E N T A R I V S.

**D**ICTVM fuerat, æternam gloriam gratis concedi. Verùm nequis propterea curam abiiciat, & omnem prorsus sollicitudinem deponat, nunc additur, quamvis æterna felicitas gratis detur, opus adhuc esse robore ac virtute, ne nostra desidia ac socordia è manibus dilabi patiamur, quod Deus nobis sponte sua offert. Necesse igitur est, dæmonem, mundum atque carnem prostrernere : & victori ero illi Deus, & ille erit mihi filius. Scio alijs in locis victori præmium in hac vita promitti : hic tamen de æternæ vitæ præmio sermonem esse non dubito. Hoc namque præmium è regione mox opponitur inferorum suppliciis, quæ Dei hostibus destinata sunt. Quamobrem quod dicitur, *Ero illi Deus, & ille erit mihi filius*, nobis indicat, qua ratione se Deus cum Beatis omnibus gerat, ut scilicet eis tanquam filiis beatissimæ illius felicitatis hæreditatem tradat. Itaque Dei filii nomen non hic ad gratiæ adoptionem, sed ad celestis gloriæ possessionem referendum est : sicuti Lucæ c. 20. n. 36. *Sunt filii Dei, cum sint filii resurrectionis.*

*Quomodo cum fonte aque vitæ gratis dato coheret id, quod nunc dicitur, Qui vicerit De æterna vitæ præmio hic esse sermonem.*

## T E X T V S.

*Vers. 8.* Timidis autem & incredulis, & execratis, & homicidis, & fornicatoribus, & veneficis, & idololatriis, & omnibus mendacibus pars illorum erit in stagno ardenti igne & sulphure, quod est mors secunda.

## C O M M E N T A R I V S.

**V**Oci *Timidis* respondet in Græco δειλοί, id est, ignavis. Socordes enim & ignavi non solum ea præmia amittunt, quæ strenui ac fortes reportant ; sed etiam in inferorum pœnas incurrunt. Timidi ergo in præsentī dicuntur ii, qui labori ac difficultati, quam secum affert virtus, misere succumbunt ; & virtuti ipsi terga ignominiose vertunt. Cum his ignavis siue timidis textus coniungit *incredulos*, id est, infideles, & *execratos*, id est, execrabiles, & *homicidas*, & *fornicarios*, & *veneficos*, id est, veneficiis atque præstigiis addictos, & *idololatrias*, & *omnes mendaces*, id est, qui amant & faciunt mendacium, ut explicatur cap. 22. 15. Est autem Scripturæ phrasis, qua dicuntur mendacium facere illi omnes, qui Dei mandata violant ac frangunt. Nam pro vitæ optimæ atque laudabilis fructu, quem ferre deberent, pessimos peccati fructus ferunt. Sic etiam de arboribus dicitur, *mentietur opus oliuæ*. Habac. cap. 3. n. 17. Nisi fortè dicamus mentiri hic idem esse, atque iniuriam alteri irrogare quavis ratione.

*Quinam hic appellantur timidi.*

*Mendaces quinam hic dicantur.*

PARS ILLORVM ERIT IN STAGNO ARDENTI IGNE ET SVLPHVRE, QVOD EST MORS SECVNDA.] Liquidò ex his verbis constat inferorum pœnis nomen mortis secundæ tribui. Iam quod attinet ad stagnum igni & sulphure exardens, diximus supra.





Don Juan de la Cruz  
muerto.



## T E X T V S.

*Vers. 9.* Et venit vnus de septem Angelis habentibus phialas plenas septem plagis nouissimis, & loquutus est mecum dicens, Veni, ostendam tibi spon-  
sam vxorem Agni.

## C O M M E N T A R I V S.

**C**ERTVM mihi est, vnum de septem Angelis perinde esse atque primum; sicut vnum de qua-  
tuor animalibus est leo. Vidimus autem cap. 16. primum ex septem phialarum Angelis esse  
B. Paulum. Vbi rationem reddidimus, cur Paulus congruenter inducatur, tanquam Ioanni præ-  
dicens admirabilem Romanæ Ecclesiæ in cælo maiestati & amplitudinem, (quod postremæ huius  
Apocalypseos partis argumentum est) nimirum quia Paulo, vt ipsius Romanæ Ecclesiæ fundatori si-  
mul cum Petro, reuelauit Deus magnitudinis & diuinitatis fastigium, quod Ecclesia in terris & in  
cælis fuerat euehenda. Quare Paulus ac Petrus (vt vidimus) adumbrati fuere in illis duobus Ange-  
lis, qui Ioanni totius Romæ conuersionem renunciant. Nunc verò ad Paulum singillatim spe-  
ctat Ioanni præmonstrare amplissimam Romanæ Ecclesiæ dignitatem in cælo futuram: quia huius-  
modi magnitudo totius Gentilitatis conuersioni responsura est. atque de Gentium plenitudine in  
Ecclesiam ingressurâ scripsit disertè Paulus. Et quidem de gloriæ magnitudine, qua Sancti fruituri  
sunt post generalem resurrectionem, nulla erat fusior in sacris Literis tractatio neque expressior,  
quàm illa Pauli 1. Corinth. 15. & 2. Corinth. 5. Porro longiorem susciperem probationem, vt osten-  
derem huiusmodi Angelum, qui Ioanni sponfam Agni in sua gloria monstrauit, esse Paulum; nisi  
id latè disputassem cap. 16. & cap. 17 not. 3. Vbi etiam exposui, quàm fuerit consentaneum, præ-  
C. dicationis ad Gentes ducem atque signiferum esse illum, qui inducitur magnitudinem gloriæ re-  
uelans, quam Romana Ecclesia in terra atque in cælo possessura erat. diximus etiam ibi, gloriosum  
valde eidem Paulo esse, quod integra aliquot Apocalypseos capita occupet eius memoria. In huius  
autem capitis prologo explicuimus, quæ sit hæc sponsa vxor Agni, cuius gloriam Ioanni monstra-  
uit vnus ex septem phialarum Angelis.

Vnum de se-  
ptem ange-  
lis perinde  
esse, atque  
primum.  
Quis fue-  
rit hic An-  
gelus.

Cur hic præ-  
ceteris ange-  
lis Ioanni  
ostenderit  
Romanæ  
Ecclesiæ  
gloriam in  
cælo futu-  
ram?

## T E X T V S.

*Vers. 10.* Et sustulit me in spiritu in montem magnum & altum; & ostendit  
mihi ciuitatem sanctam Ierusalem descendentem de cælo à Deo,

*Pars 1. vers. 11.* Habentem claritatem Dei.

## C O M M E N T A R I V S.

**E**X dictis in versus secundi commentario elici potest (ne eadem repetamus) per verba illa,  
*Ostendit mihi ciuitatem descendentem*, non significari, ostensam Ioanni fuisse e cælo descendere, sed  
ciuitatem hanc sanctam (quæ dicitur e cælo descendens, ob egregiam ipsius sanctitatem & cælestem  
in terris conuersionem) Ioanni monstratam fuisse ab Angelo cum ea gloria & claritate, quam  
indicant verba illa, *Habentem claritatem Dei*. Vt autem sanctissimam hanc ciuitatem in eo gloriæ  
splendore, quem obtinebit in cælis, Angelus Ioanni ostenderet; illum in spiritu ad excelsi & ma-  
gni montis culmen euexit.

At enim quam ratione mons hic concipiendus est? numne intra urbem ipsam, vt inde tota  
ciuitas facile conspici possit? sicut vrbs aliqua ex sublimiturri in medio extructa solet vndique  
spectari. Si fortè huius montis situm excogitabit aliquis. Iuuat ciuitatis ipsius immensa laxitas, quæ  
suo ambitu ingentes montes ac plurimos facile posset coercere; Cum mille quingentis miliaribus  
eius magnitudo constaret. Dicit alius, congruentius videri, vt mons hic extra urbem positus, &  
ab ea aliquantulum seiunctus consideretur. ita tamen editus, vt tota vrbs inde possit facili nego-  
tio prospectari: sicut Moses olim in editissimum montem fuit euectus, quod promissam inde ter-  
ram contempleretur.

Nihilominus tamen existimò, Ioannem nec de eiusmodi monte agere, qui in media vrbe situs  
ceteris illius ædificijs dominetur: nec de monte aliquo ab ipsa ciuitate disiuncto. Sed Ioannis men-  
tem esse, huiusmodi urbem in magno & excelsa monte esse constructam; atque adè vt cerni possit,  
eò conscendere fuisse opus. non quidem vt ex superiori aliqua vrbs parte posset tota conspici,  
sed vt in eam, Ioannes ingrederetur; muros intueretur cominus; & portas, flumen, ceteraque omnia  
singulatim spectaret. Patet hoc ex ipso contextu. Angelus enim, qui Ioannem in montem sustu-

Mons, in  
quem Ioan-  
nes fuit eue-  
ctus, qua  
ratione sit  
consideran-  
dus.

Ex editis  
proposita  
difficultas.



lit, habebat mensuram arundineam auream, ut metiretur ciuitatem & portas eius & murum. Et mensus est ciuitatem per stadia duodecim millia; & mensus est murum eius. Si autem Ioannes cum Angelo pariter incedebat, & Angelus ipse ciuitatem ac murum dimensus est, ut Ioannes & muri altitudinem & longitudinem ciuitatis probè nosset: non ergo ciuitatem Ioannes ex superiore aliquo loco fuit contemplatus, sed totam eam lustrauit, ut eius dimensiones omnes perspiceret. Hoc inde roboratur; quia nec eximiam vr̄bis huius celsitatem decet, ut montem illa editiorem fingamus; nec ipsius vr̄bis pulchritudini consonum est, ut mons adeò sublimis in medio eius situ emineat, nec magnitudo mille quintingentorum miliarium patitur, ut tota ciuitas ex vnius montis fastigio conspici possit, nec ista contemplandi ratio distincta atque perspicua, sed obscura & confusa esset. Constat autem Ioannem distinctè admodum totam vr̄bem fuisse contemplatum, ac proinde vniuersam perambulasse. Nec tamen fessus aut defatigatus remansit; quia non eam corporeo gressu, sed spiritali peragravit. Et Ioannis quidem menti ac spiritui gratissima potius exitit & magni plena solatij hæc vr̄bis totius circuitio & contemplatio.

Præter hæc; vbi semel statuamus, sermonem esse de vno eodemque monte, in quo ea ciuitas extructa sit, facile mox apparet maximum hac in re discrimen inter cælestem hanc vr̄bem & alias in montibus ædificari solitas. Aliæ enim, licet pauca diametri miliaria contineant; suo tamen ambitu plures complectuntur montes: sicut terrena Ierosolyma, quæ Sionis montem coercerat, vbi Davidis arx erat constructa, & montem etiam cui nomen Moria; vbi ædificatum est Salomonis templum. Ita etiam Roma plures simul montes complectitur.

*Septemque vnâ sibi muro circumdedit arces.*

*Virg. Æneid. 6.*

Verum spiritalis hæc Ierosolyma pariter ac Roma, quanuis tanto sit maior & capacior; huiusmodi inæqualitates, cliuos & salebras non habet; quas habeat necesse est vr̄bs aliqua in plurium montium culminibus erecta: sed tota cælestis ciuitas fundata est in æquissima vnius editi montis planicie. vnde altissima pariter ac planissima est; sicut opus erat ad eximiam proportionem ac concordiam significandam. Huc spectat, quod infra legitur num. 16. *Longitudo & altitudo & latitudo eius aequalia sunt.* Vt inibi constabit.

Iam ciuitatis huius in excelso monte constitutæ significatio facilis intellectu est. Concinit Isaias cap. 2. 2. *Et erit in nouissimis diebus præparatus mons domus Domini in vertice montium.* Eteisdem penè verbis Michæas capite 4. numero 1. Illud porro in vtroque Propheta animaduersione dignum est: licet enim mons ipse sit sublimis, adhuc *fluent ad eum omnes gentes.* diuina enim gratia efficit, ut difficultas tantâ suauitate superetur; ut sursum conscendere, perinde sit, quasi ab ipso vndarum decurrentium fluxu sponte ferri.

Sed occurrit in hoc loco dubitatio; cur scilicet, cum Ioannes in cælum ascenderit capite 4. militantem Ecclesiam visurus, nunc triumphantem inspeclurus in montē, non in cælum tollitur? atque ipsa vicissim cælestis ciuitas in monte apparet? Si enim cælestis erat vr̄bs, multò facilius esset Ioannē in cælū iterū conscendere (si iam inde descenderat) quàm vr̄bē ipsam simul cum muris ac fundamentis de cælo in terram vel in montē detulisse. Posset aliquis respondere, Ioannē in terris nō cælestē ipsam vr̄bē, sed ipsius modulū & quasi typum aspexisse. Hoc tamen non facit difficultati satis, neq. enim Ioannes exiguam ciuitatis normam, sed immensam quandā vr̄bem iuuentus est: & muri ipsi dicuntur in altitudinem quatuor & quadraginta cubitis supra centum mensurā hominis patē. e. Si autem gens hæc ciuitas appellatur norma, eo quod sit figura: quidquid Ioannes vidit pro norma etiam atque typo reputandum erit. Et tamen perstat adhuc eadem difficultas; cur scilicet Ioannes in cælum conscendat militantem inspeclurus Ecclesiam: nunc verò, ut triumphantem contempleretur, immensum ei ædificium monstretur in terra? Videbatur enim vice versâ vitio illi fuisse ostendenda: militans enim Ecclesia in terris versatur; triumphans verò in cælis. Quare ergo ostenditur Ioanni in cælo ea, quæ in terris versatur: in terra autem ea quæ in cælis est?

Respondeo primò; symbolica & ænigmatica visio non opus est ut singula suis in locis repræsentet, sed in ea proportionē, quæ ad significationem potissimam confert. Secundò respondeo; plurimum elegantæ & concinnitudinis subest in mutua hac conuersi ordinis vicissitudine; ut ipsius mutationis nouitate & insolentiâ duo in primis aduertantur, quæ magni momenti sunt. Primum est, Christiani professionem, quæ primo aspectu facilis & abiecta res videbatur, altissimam esse ac planè cælestem. Alterum, homines cum Deo in cælesti regione regnare (quod antea impossibile apparebat) rem iam esse eiusmodi, quam homines ambire & assequi possint: atque adeò quàm plurimos esse, qui reapse hanc felicitatem sint adepturi. Primum ex his duobus perinde est, atque Christiano homini illud D. Leonis edicere, *Agnosce, ô Christiane, dignitatem tuam.* alterū est, illa Christi verba homini etiam pronunciare, *Regnum calorum iam vim patitur, & violenti rapiunt illud,* quod idem est, ac si dicatur eiusmodi expeditio hæc esse, quam strenui & fortes assequantur.

Ad horum igitur duorum primum, quid potest congruentius effingi, quàm militantem Ecclesiam in cælo figurari? Nam & eius conuersatio in cælis est, & ipsius potestas ac sacramenta cælestia planè sunt. Atque ad hunc ipsum scopū dirigitur figura atque vmbra præcipuarum rerum, quæ in Salomonico templo visebantur; in superiori tamen alio templo inter nubes apparuerant: ut hoc pacto edocui simus mentem extollere ad sublimē Christianæ Ecclesiæ & diuinæ providentiæ ipsam gubernantis considerationem; & ad ea, quæ in ipsis veteris instrumenti figuris reconduntur. Nam quod candelabrum illud & Christianæ Ecclesiæ sacerdotes tolluntur in cælum; id certè nos docet, inter Salomonis templum & templum Christianæ Ecclesiæ non minùs interessè discriminis, quàm inter cælum & terram, inter veritatem & eius figuram interiectum est.

Ad alterum verò, (id est, ut intelligamus hominibus iam per Dei gratiam in calorum regnum patere aditum) quid aptius, quàm ut cælestis ciuitas in terras descendat. Sic Deus inclinauit celos & descendit, Psal. 17. 10. Cum enim cælestis gloria adeò sit sublimis & excellens; ipsius celsitas videbatur aditum humanæ spei intercludere, & ab eius possessione homines prius arcere. Nostræ e-

nim

Discrimen  
inter cæle-  
stem hanc  
vr̄bem &  
alias in  
montibus  
sit.

Que sit  
hæc ciuitas  
in monte  
sublimi  
posita.

Cur Ioan-  
nē 4. mili-  
tantem in-  
speclurus  
Ecclesiam  
tollatur in  
cælum: nūc  
vero triun-  
phantem  
visurus in  
montem  
terre (subli-  
mem) eue-  
hat?

Proposita  
questionis  
enodatio.

Explicatur  
prima re-  
sponſionis  
pars.

Explicatur  
secunda.



**A** nim fragilitati & imbecillitati proponitur consensus in cæleste regnum multò adhuc difficilius, quàm aut per aëra volitare, aut penetrare cælos, atque supernum orbem vi capere. Vt ergo nemo deinceps diffidat, nemo succumbat, nemo animum despondeat; eleganter depingitur cælestis ciuitas ad nos appropinquans: vt ad eam accessus ne nimium nobis difficilis in posterum videatur.

**B** Addo insuper in hac vtriusque Ecclesiæ (triumphantis scilicet & militantis) vicissitudine aliud insuper latere mysterium; videlicet vt indicetur, in militantis Ecclesiæ consideratione posse nos aliquo modo ad ipsius celsitatem planè cælestem agnoscendam deuenire: at verò in Beatorum gloria consideranda, cum quidquid in hac vita mente assequimur ad eò sit exiguum & paruum; hinc fit nos in eius contemplatione non tam ad ipsius celsitudinis cognitionem pertingere, quàm ipsam atque eius magnitudinem ad nostræ tenuitatis modulum reducere & coarctare, nec non ad infimas visibilium rerum comparationes; cuiusmodi sunt aurum, gemmæ & margaritæ; quæ si cum cælestis gloriæ diuitijs comparentur, abiectionissima & contemptissima sunt. Itaque in ea cælestium rerum contemplatione, quam in hac vita assequi possumus, earum sublimitas & magnitudo plurimum de sua celsitate descendit, dum à nobis non iuxta ipsius magnitudinem, sed iuxta nostram paruitatem concipitur. Atque illud est, quod in ijs rebus vel maximè cognoscimus, eas videlicet dignè, vt par est, a nobis cognosci non posse: ac proinde dum eas rudibus & impolitis comparationibus explicamus, perinde esse, quasi descendere ad cælum in terris contemplandum; ac demum quod ob iui magnitudinem nostræ mentis aciem omnino prateruolat, vt id meditatione attingere possimus, in terrenis ipsis rebus delineari & adumbrari necesse esse, id quod in maiorum & excellentiorum rerum ipsarum cælestium, quas aliter concipere non valeamus æssimationem redundat. Constat enim cogitationem ac allegorias siue figuras ex rebus inferioribus desumptas descendere, propter earum rerum quas in eis describimus & veneramur celsitatem: & propterea etiam magis veneramur; quia ad altiores earum rerum cognitionem ascendere non valeamus.

**C** His ita præmissis; rogabit quispiam, quando cælestis ciuitas mortalibus oculis sese in terris obiecit, cur non in infima telluris planitie, sed in editissimo montis culmine visa est? Facilis tamen est huius difficultatis enodatio. Sicut enim cælestis Ierosolymæ descensus in terram significat, iam diuina gratiâ suffultos posse homines in cælestem gloriam intrare, nec sibi prorsus impossibile esse: ita etiam dum cælestis hac ciuitas in sublimi montis vertice collocatur, innuitur hominibus opus esse, vti sese excitent, & inflamment, atque omni virium contentione ad cliuosi tramitis difficultatem superandam adspirent. Quauis id etiam diuino fauente auxilio fieri maximâ suauitate valeat: iuxta illa Isaïæ & Michææ verba, *Fluent ad eam omnes Gentes*; quæ suprà iam expendimus. E-nim verò, quia oportet imprimis nostros animos ac desideria à terrenis rebus attollere atque abstrahere: idcirco decreuit Deus, vt Ierosolyma & Sionis arx in editis montibus locarentur. Expende illa verba Psal. 23. 3. *Quis ascendit in montem Domini, aut quis stabit in loco sancto eius?* Obseruandum est etiam, Ioannem hic dicere, *sustulit me in spiritu*. Spiritu enim & animi contentione eò ascenditur; nec tam corporis gressibus, quam spiritalibus nitendum nobis est; id est spiritali vita, qua homo ex communi mortalium vilitate tollitur, & ad gloriæ altitudinem tendit, gradiens de virtute in virtutem, donec videatur Deus Deorum in Sion.

**D** Præterea animaduersione etiam dignum est; angelum Ioanni prius dixisse, *Veni, ostendam tibi spon-sam vxorem Agni*: deinde gloriosissimam illi urbem demonstrasse. Quod similis est artificii cum eo, quod 5. vidimus. cum enim ibi Ioanni diceretur, *Ecce viciit Leo*, nihilominus illi ostenditur Agnus. Et generatim loquendo, quoties Ioanni aliud edicitur, aliud monstratur, perinde est, quasi admonetur, quod ei fuerat dictum spiritaliter esse intelligendum; neque vnâ esse satis comparationem. Ad hæc; in ipsa comparationum inter sese diuersitate, atque etiam interdum repugnantia (sicuti in Leonis & Agni oppositione) denotari, eximiam fortitudinem in eo potissimum viguisse, quòd se Christus veluti Agnus occidi sit passus. Similiter ergo in hoc loco, quòd Romana Ecclesia sit Agni cælestis sponsa (id est, Christo in crucem suffixo nubat, & Euangelicam amplectatur demissionem) propterea fuisse eò dignitatis euectam, vt ciuitas tam ingens, tamque splendida & gloriosa efficiatur.

**E** HABENTEM CLARITATEM DEI. J. Græcè habetur, τὴν δόξαν τοῦ Θεοῦ. Et quidem voci δόξα, Latine respondere solet gloria. Vnde opinabitur aliquis, claritatis nomen in hoc loco metaphoricè esse sumendum: atque sensum esse, perspicui & eminere in hac vrbe diuinæ prouidentie gloriam, quæ ciuitatem ad eò gloriosam extruxit. Noster tamen interpres prudenter satis claritatis nomen, non gloriam vsurpauit. Nam, quod attinet ad imaginariam visionem, sermo est de ipsa luce ac perspicuitate, quam Ioannes in ea ciuitate conspexit. Patet hoc infrà num. 23. vbi legimus, *Ciuitas non eget so-le, neque lunâ, vt luceant in ea. Nam claritas Dei (Græcè δόξα,) illuminauit eam: & lucerna eius est Agnus. Qui-* bus ex verbis constat, propterea lumine solis & lunæ non egere ciuitatem, quòd duo alia luminaria splendidiore & fulgentiora contineat: quorum maius diuinitatem; minus, Christi Domini huiusmodi repræsentat. Iam verò, qua ratione sint accipienda hæc ipsa duo luminaria, quod ad visionem siue figuram spectat, suo loco dicemus. Nunc id vnum affirmo, luminaris maximi (id est diuinæ claritatis) effectum ita esse concipiendum, quasi in tota vrbe non solum sit maxima claritas, sed prorsus etiam admirabilis. Itaque genitiuus ille *Dei*, cum dicitur *Claritatem Dei*, iuxta receptam Scripturæ loquutionem perinde est, quasi adiectiuum nomen denotans claritatem quandam omnino diuinam, hoc est clarissimam pariter & admiratione dignissimam. Sunt enim claritatis maximæ effectus plane mirandi, & pulcherrimæ colorum varietates; vt licet colligere ex admirabili illa claritate, qua Christus vndique circumfusus in transfiguratione apparet, nec non ex conspicua luce, quæ per crystallinum vitrum triangulare transmittitur. Concipienda igitur est cælestis ciuitas admirabili quodam lucis fulgore perfusa, qui incredibilem quandam pulchritudinem

*Altera ad propositam difficultatem respon-sio.*

*Cur cælestis ciuitas non in infima telluris planitie, sed in excelsio monte conspecta sit?*

*Cur dixeris Ioannes, se in montem fuisse sublatum in spiritu?*

*Quæ vocetur hic claritas Dei.*

*Luminaris maximi effectus quomodo sit concipiendus.*



& infatiabilem colorum varietatem spectantium oculis obijciat. Id enim significat claritas Dei, vt explicatur amplius verbis sequentibus: vbi de admirandæ huius claritatis mysterio.

## T E X T V S.

*Vers. II. pars 2.* Et lumen eius simile lapidi pretioso, tanquam lapidi Iaspidis, sicut crystallum.

## C O M M E N T A R I V S.

**P**ro lumine in Græco legitur φωστήρ, quod idem est ac luminare; vt patet Genesis primo 16. & ad Philip. 2. 15. Ex quo deducitur, per vocem *lumen* designari hic præcipuum luminare, quod totam urbem illustrabat. Cum autem textus duo ciuitati luminaria tribuat (quæ Soli & Lunæ respondent) & affirmet, duo hæc luminaria esse claritatem Dei & Agnum: dubium non est, quin in maiori luminari diuinitas figuretur. Verum oportet singulatim exponere, vbinam existimandum sit luminare hoc lapidi pretioso simile & diuinitatem significans existere? Ex quo facile dein constabit, vbi etiam secundum aliud luminare considerandum sit. Dicit ergo aliquis, præcipuum luminare non esse concipiendum quasi infra intra eandem urbem sit, sed supra ipsam in editissimo cæli loco: vt inde veluti sol terram, vniuersam illuminet urbem. Hanc nobis cogitandi rationem persuadet ciuitatis ipsius magnitudo, cuius quadrum mille quingentis miliaribus protenditur. Et enim vt lux aliqua conclaue quantunuis laxum illuminet, inconueniens non est, vt in ipso pavimento aut paulò altior sita sit. Vt autem regionem adeò magnam simul collustret, nullo alio in loco luminare congruentius apprehendi potest, quàm in cælo.

Arbitror tamen, in hac Ioannis visione vtrumque ciuitatis luminare non esse considerata quasi in cælum ipsum sublata; sed infra intra eandem urbem, in eminentiori ipsius mediæ loco. Hoc mihi vero similis sit; quia textus ipse ait cap. 22. 3. *Sedes Dei & Agni in illa erunt.* Et in figura quidem militantis Ecclesiæ, quæ cap. 4. in cælo visa est, thronus Dei in nubibus apparuit. Sed cum triumphantis Ecclesiæ imago quasi in terra Ioanni ostensa sit, huic visioni consentaneum fuit, vt thronus quem in ea habere visus est, in ipsa ciuitate figuretur, non verò supra ipsam in cælis. Id enim significat illa phrasis, *Sedes Dei & Agni in illa erunt.* Et confirmatur quia cap. 22. 1. dicitur Ioannes ciuitatis fluuium vidisse procedentem à sede Dei & Agni. Atqui violenta nimis consideratio esset fingere flumen ex cælo præcipitans; nec is fluuius esset, sed pluuia. Præterea admiranda hæc lux, quam Deus ciuitati cælesti in terra conspectæ impertitur, non ita considerata est, quasi foris percipi posset, sed solum intra ipsius urbis ambitum. Quòd si luminare in cælo constitutum; tam foris, quam intus eius radij excipientur. Ad hæc, si ciuitas in terra concipitur & Dei thronus in cælo: sequetur hinc, in Ecclesiæ militantis figura Deum propius ad fideles accessisse, quàm postea in Beatorum visione. Ibi enim suum thronum constituit Deus intra ipsorum seniorum sedes. Et verò, si seniores ad cæli culmen euehamus, gloriosam autem ciuitatem relinquamus in terris, id sanè cum beatæ ciuitatis vnitatem non cohæret.

Dicendum ergo est, illum ipsum thronum, quem capite 4. in militante Ecclesia Deum habere vidimus, à Ioanne nunc in Ecclesia triumphante in media cælesti ciuitate fuisse visum: ita tamen, vt hic Deus & Agnus suam integrè gloriam Beatis retegant & communicent. Quapropter Iaspis & Sardius, ex quibus sedentis in throno principis constabat figura (quæ Deum Patrem figurabat, vt vidimus capite 4.) tantum nunc lucis atque fulgoris admirandi ex sese emittunt, vt de luminari maximo affirmet textus, *Lumen eius simile lapidi pretioso, tanquam lapidi Iaspidis, sicut crystallum.* Quali dicat, illam Iaspidem, de qua cap. 4. dictum est (idemque est intelligendum de Sardio) in hac extrema visione adeò conspicuam & pelluentem apparuisse, vt tota supernæ ciuitatis imensa claritas inde refunderetur. Nam præterquàm quòd lux illa, quam ex se emittebat, erat maxima ac fulgentissima; referebat etiam lucem & splendorem Iaspidis crystallizantis (sic enim sonant Græca) id est, adeò perspicui, vt totam suorum colorum varietatem detegat; nec solum externam ostendat superficiem, sed omnem etiam intimam pulchritudinem: idque tantâ luce & claritate, quantâ opus est ad cælestem illam urbem adeò ingentem lumine & gloria perfundendam. Hic obiter animaduertendum est, in luminari huius comparisonem cum pretioso lapide, Græcè pro pretioso haberi, τιμωτάτω, id est pretiosissimo; cum tamen in subsequenti fundamentorum gemmis superlatiuum nomen non vsurpetur: quia hæc est, quæ plus ceteris emicat & splendet.

Sic congruenter intelligitur, quo pacto vtrumque ciuitatis huius luminare in eo ipso throno fuerint, de quo textus agit, scilicet qua ratione cap. 4. pictus fuit æternus Pater in throno sedens, & iuxta illum Agnus. Cum hoc tamen discrimine; quia in ea capitis 4. visione non suam diffundebant claritatem, secus verò in hoc loco: atque ideo luminarium nomen hic eis tribuitur. Et maiori quidem luminari Iaspidis color ac pulchritudo adscribitur (sicut etiam capite quarto,) minori verò nomen Agni atque lucernæ. Patris verò claritas Soli comparatur, & Christi humanitas, Lunæ: ideoque lucernæ nomine compellatur Agnus. Græcè pro lucerna est λύχνος, Species autem Carbunculi reperitur, qui vocatur Lychnites. Quamobrem, cum Agnus in hac visione splendidissimo fulgore collucens concipiatur, cumque Christus in assumpta carne

Luminare hoc maius diuinitatē significans quo loco ac situ esse considerandum sit.

Vtrumque ciuitatis luminare non esse considerata quasi in cælum eleuata, sed intra ipsam urbem posita.

Superioris difficultatis nodus extricatur.

Declaratur adhuc amplius predicta difficultatis responsio.



A Carbunculo comparetur (de quo infra numero decimo nono in tertio ciuitatis fundamento) rite consentit, vt admirabilis lychnites sit ciuitatis huius lucerna, quæ lunæ respondeat; sicuti soli diuina Iaspis longè ipso sole excellentior. Ceterum non ita debemus apprehendere vtramque hanc gemmam solis & lunæ vicem gerentes, quasi sphaerica figura sint, sicuti sol atque luna: sed easdem debemus figuras concipere, quæ cap. quarto sunt expressæ, nimirum speciem humanam, quæ diuinitatem repræsentet; Agni figuram, quæ humanitatem. Huiusmodi enim erant figura cap. quarto descriptæ: & de illis ipsis textus in præsentī loquitur.

Iam, ad id, quod supra adducebatur, ne duo hæc luminaria intra ipsam locarentur urbem, præfertim aded magnam: Respondetur, vt eam cominus illuminent, & sua præsentia beent, congruentissimè luminaria intra ipsius urbis ambitum considerari. Nec verò periculum imminet, ne lux per totam pariter urbem diffundatur: nam & infinita est lux ipsa, & tota ciuitas intus perspicua; vt constabit infra numero decimo octauo, vbi dicitur, *Ipsa verò ciuitas aurum mundum, simile vitro mundo.*

Respondetur argumēto supra pro opposita sent. adducto.

B Sed illud ad extremum subiiciamus oportet, cur maius ciuitatis huius luminare Iaspidi crystallizanti simile fingatur? Ad hæc assero primò, præcipuam huius urbis cælestis felicitatem esse illam, vt luminari maximo & intima ipsius claritate fruatur: & eapropter luminare hoc inter omnes ciuitatis excellentias Ioanni ostensas primo constituitur loco. Secundò Iaspidis similitudo diuinitatem innuit. Nam inter 12. fundamentorum gemmas (quæ totidem Apostolici Symboli articulos adumbrant) prima est Iaspis, denotans Deum esse mundi artificem & conditorem, vt eo loci planum faciam. Mundi autem opifex & architectus est rerum omnium fons atque origo: in quo omnia eminenter continentur. Si ergo Dei visio consistit in fruitione internæ illius gloriæ, quam mundi conditor in se habet; eleganter maius ciuitatis luminare fingitur Iaspidi pretiosissimo simile; cuius luce ipsius solis radii præstringantur: simulque obseruatur, esse crystallizantem Iaspidem, id est, in eo internam ipsius claritatem (quæ bonorum omnium fons est) perspicue cerni. Quid verò est esse pellucidum, nisi intimam ipsius conditoris essentiam penetrari, ac perui-  
deri?

Cur maius ciuitatis cælestis luminare simile Iaspidi perhibeatur.

## T E X T V S.

C *Vers. 12.* Et habebat murum magnum & altum, habentem portas duodecim: & in portis Angelos duodecim, & nomina inscripta, quæ sunt nomina duodecim tribuum filiorum Israel.

13. Ab Oriente portæ tres, & ab Aquilone portæ tres, & ab Austro portæ tres, & ab Occasu portæ tres.

## C O M M E N T A R I V S I.

### *De visione ipsa imaginaria.*

D E muro dicemus postea, cum ad eius dimensionem deueniamus num. 17. Nunc de portarum numero, inscriptionibus & custodibus. Numerum igitur duodecim portarum opinantur nonnulli respondere numero portarum, quas Ierosolyma terrestris habebat. Eas enim fuisse duodecim tradunt Adrichomius in Ierosolymæ descriptione, Salmeron in prolegomenis tract. 20. & latissimè Villalpandus tom. 3. in Ezechielem. Nec deest, qui vt portas duodecim terrenæ Ierosolymæ attribuat, asserat Augustinum in Plal. 86. qui tamen ibi manifestò agit de hac cælesti Ierosolyma, quam Apocalypsis describit: vel de ea quam depingit Ezechiel cap. 48. sine: quibus ex locis inferri non potest terrenæ Ierosolymæ duodecim fuisse portas. Si autem Scripturæ loci consulantur, qui de terrestris Ierosolymæ portis verba faciunt: non video, quinam ex iis possit hic duodecim portarum numerus colligi. Quæ enim 2. Esdræ 3. & 12. enumerantur, pauciores multò sunt. Tametsi verò Villalpandus ait, Nehemiam portarum omnium non meminisse; sed earum solum, quæ instauratæ ac renouatæ sunt (credit enim ceteras non fuisse dirutas, atque aded earum renouatione non opus fuisse) aliis tamen multò aliter visum est. Nec dubitari potest, quin eadem portæ diuersa habeant diuersis in locis nomina. Quapropter Salmeron, qui tractatu 20. portas duodecim expresserat, postea tractatu 42. eas ad nouem coarctat. Quorum locorum si alter cum altero conferatur; apparet clarè, propterea 12. prius constituisse, quia ex tribus senas confecerat. Duas enim portas constituerat: alteram diuinam portam veterem: alteram portam iudicii. Postea tamen aduertit, vtrumque nomen eiusdem esse portæ. Eadem ratione se gesserat in porta Ephraim. Nam portam equorum vt diuersam aliam assignauerat; cum tamen postea, eandem esse dicat cum Ephraim porta. Similiter prius portam Beniamin à porta anguli distinxerat, quam deinde eandem esse fatetur.

E Itaque Salmeron eodem demum vergit, vt Ierosolymæ portas designet nouem: atque idem sequitur Arias Montanus in sua descriptione. Inter eas verò portas, quas Adrichomius enumerat, constat nonnullas apponi ad duodenarium numerum explendum, quæ ciuitatis portæ non erant. In his sunt Porta horri Davidis, Porta horti Herodis, Porta palatii Pontificis. Sed Adrichomius confundit etiam portam vallis cum porta gregis, quæ tamen ab aliis meritò distinguuntur ex Nehemiæ 3. & 12.

Cælestis urbis portæ cur 12. numero sint. 1. ratio ab aliis Doctrinæ tradita.

Antiqua Ierosolyma quot portas habuerit.

Ierosolyma veteri portas ab aliis 12. ab aliis 9. designari.



Ierolyma  
porta ad  
quas mundi  
plagas spe-  
ctarent.

Et quidquid sit de numero portarum terrenæ Ierolymæ: constat saltem non illam habuisse tres portas ad Aquilonem; tres ad Meridiem; tres ad Ortum; tres ad Occasum. Quamvis enim Arias Montanus duas ad Austrum portas constituat, nempe portam gregis & portam vallis: vtraque tamen ab aliis ad Orientem ponitur. Et Villalpandus recte probat, nullam Ierolymæ portam ad Austrum spectare. Vnde ex portis duodecim, quas ipse designat, quatuor ad Aquilonem collocat; quatuor ad Ortum; quatuor ad Occasum. Si ergo certum est, terrenam Ierolymam non ternis ad latera singula portis constituisse: frustra laborat, qui Ierolymæ portarum numerum, quem Ezechiel cap. 48. & Ioannes in hoc capite 21. describunt, respondere contendit portarum numero, quibus terrena Ierolyma constituebatur. Liquet enim ab Ezechiele & à Ioanne eiusmodi ciuitates describi, quæ in quadrum perfectum sunt redactæ, & in laterum singulis ternas habent portas congruenti ordine inter se dispositas. Ex quo & ex multiplici præterea discrimine planum fit, non ab Ezechiele describi antiquam Ierolymam; sed mysticam; quam Deus in terris fuerat erecturus: in qua sapienter figurantur portæ duodecim, tres per singula quadri latera dispersæ: atque his militantis Ecclesiæ portis respondent duodecim triumphantis Ierolymæ quas describit Apocalypsis.

Difficultas  
in textu oc-  
currens sol-  
uitur.

Dicit quipiam portarum duodenarium non esse exiguum numerum in ea ciuitate, quam fingit Ezechiel. Nam muri laterum singula solum habent quater mille & quingentos calamos in longitudinem. Vnde non opus est, portas ipsas inter se distare calamis mille ducentis, qui duodecim itadia conficiunt iuxta meam rationem. at in ea ciuitate, quam hic Apocalypsis describit, mille portis singula latera consistere debent. Habet enim in longitudinem quodlibet latus duodecim itadiorum millia, id est, mille quingenta miliaria: & satis inter se distant portæ essent, si inter vnam & alteram dimidium leucæ interesset. Respondeo in Apocalypsi quidem immensam haud dubiè ciuitatem figurari, quæ pro sua magnitudine exiguum portarum numerum contineat. Non tamen vacabit mysterio, quod portæ duodecim non amplius sint, in cuius declaratione soluetur difficultas, quæ videtur menti obici, cur portæ adeo inter sese sint remotæ, vt vna ab altera plus centum viginti leucis distet.

Portarum  
12. inscri-  
ptiones cu-  
iusmodi  
fuerint.  
Discrimen  
inter porta-  
rum inscri-  
ptiones,  
quas assi-  
gnat Eze-  
chiel, &  
quas Apo-  
calypsis.

Portarum inscriptiones ait Ioannes esse nomina duodecim tribuum filiorum Israel. Id quod ex Ezechiele sumptum est: hic enim capite 48. numero 31. ait, *Porta ciuitatis ex nominibus tribuum Israel.* Verum non nihil adhuc discriminis interesse debet inter eas tribus, quas Ezechiel nominat, & quas Apocalypsis. quippe Ezechiel inter portarum nomina refert Dan. Sic enim habet, *A Septentrione porta tres, Ruben vna, Iuda vna, Leui vna; & ad plagam Orientalem porta tres, Ioseph vna, Benjamin vna, Dan vna; & ad plagam Meridianam, porta Simeonis vna, Isachar vna, Zabulon vna; & ad plagam Occidentalem, porta Gad vna, Affer vna, Neptali vna.* Hactenus Ezechiel. Enimvero nomina duodecim tribuum, quæ Apocalypsis inscribit, ea sunt proculdubio, quorum capite septimo facta est mentio. Quare inter portas vrbis Apocalypseos numerari non debet porta Dan, sed pro illa substituenda est porta Manasse. Nam Ezechiel, vt & Leui & Dan recenseret, necesse fuit ne in portarum nominibus distingueret Ephraim à Manasse: quantumuis eos in sortibus distinxerit. Hoc igitur excepto discrimine, portarum nomina videntur in Apocal. eodem ordine accipienda, quem in eorum enumeratione obseruat Ezechiel. Ex quo etià animaduertere potest lector, has portas portis terrenæ Ierolymæ nequaquam respondere. Ezechiel enim ad Orientem ponit portam Ioseph & portam Benjamin: cum tamen omnes Ierolymæ descriptiones portam Ephraim ad Septentrionalem plagam spectare prodant. Constat verò eandem esse debere portam, quæ appellatur Ioseph & Ephraim in terrena Ierolyma. Item portam Benjamin omnes ad illum reiciunt angulum, vbi Orientale latus cum Aquilonari compingitur: qui locus Orientalem plagam non respicit.

Nec illud absque mysterio esse reor, quod hæc duodecim tribuum partitio diuersa sit ab ea, quam Numerorum capite vndecimo legimus: quo in loco Oriens adscribitur Iudæ, Isachar & Zabulon; Meridies, Simeoni & Gad; Occidens Manasse, Ephraim & Benjamin; & Septentrio Dan, Affer atque Neptali.

Tribuum  
nomina qua  
ratione por-  
tis assignen-  
tur.

In tribuum insuper nominibus, quæ portis assignantur, non ea seruatur consuetudo, quæ apud nostrates viget; qui Carmonæ portam, aut portam Cordubæ eas appellant, quibus ad ea opida itur ac redditur. Verum secus apud Ezechielem esse, compertum est: nam in vrbe è regione Septentrionis octo collocat tribus, & è regione Austri quinque. Quod si recta attendatur via; tres portas Australes comprehendit tribus Benjamin, atque eadem tres directè respiciunt quatuor illas tribus, quæ in Ezechiele post Benjamin sequuntur, nimirum Simeon, Isachar, Zabulon, & Gad. Eodem modo tres Aquilonis portæ spectant ad Leui & Iuda, & ad sex alias tribus, quæ omnes ad Aquilonem sequuntur. Quæ verò portæ ad Orientem & ad Occidentem sitæ sunt, nullam adspiciunt tribum, iuxta Ezechielis descriptionem. Nomina ergo tribuum portis inscripta non denotant, illac ad eam tribum iter dirigi, sed ab illius tribus hominibus portam eam fuisse constructam: quasi in eius vrbis structura singulæ ex duodecim tribus portas singulas susceperint fabricandas. Atque ita Ezechielis capite 48. numero 19. cum dicitur eos, qui seruiunt ciuitati, & operantur, esse ex omnibus tribubus, Interlinealis explicat de iis, qui vrbis muros extruunt, & subdit, *Nullus se puet immunem ab operibus ciuitatis.* Huc spectat illud Psalmi 23. num. 7. *Attollite portas, principes, vestras.* Nec enim denotat, aperite seu reperate portas; sed portarum extruendam erigite, & ædificium ipsum exurgat: iuxta ea, quæ scribuntur Nehemiæ 3.



## COMMENTARIUS II.

## De significatione portarum.

**I**OACHIMVS contendit, has duodecim portas esse totidem Apostolos ab illis primis diuersos, quos ipse autumat à Deo in mundum mittendos, vt Hebræos ad Christianam religionem conuertant: *incertum* (ait) *an ex Gentibus, vel ex Hebræis ipsis*. Merum somnium. Nam, vt res certa esset, quis non videat triumphantis Ecclesiæ portas non Hebræis, sed omnibus etiam Gentibus esse apertas? Deinde Ioachimus ipse in sua præfatione cap. 20. conatur duodecim tribuum nomina totidem distinctis religionibus accommodare; ratus ad hunc religionum duodenarium reduci vniuersas Christianæ Ecclesiæ religiones: & singularem aliquam proportionem dari inter peculiare cuiusque religionis institutum, & eam Israelis tribum, quam respicit.

**B** Enimuero hæc portarum vrbs distributio, vt ad omnes quatuor mundi plagas versæ sint, significat hanc in urbem omnes mundi nationes confluxuras. Vix illud Psalmi 86. 4. *Memor ero Rahab & Babylonis scientium me*. Si ergo vel ipsis Ægyptiis ac Babylonis Dei populo infensis, vbi ad Dei peruenirent cognitionem, referantur portæ, & in cælum albo locus ipsorum nominibus superest: manifestum est nulli ex vniuersi mundi nationibus aditum intercludendum fore. Vnde & in eo Psalmi sequitur, *Ecce alienigenæ & Tyrus & populus Aethiopum, hisuerunt illic*. Nam opulenti pariter & egeni, potentibus & auro & purpura amictis, nec non nudis Aethiopibus portæ resecratae patefcunt. Quamobrem Christus Matthæi 8. 11. dixit, *Venient ab Oriente & Occidente*. qua phrasi nationes omnes eleganter significantur. Nam in Ezechielis visione omnes Israelitæ ad Aquilonem & Austrum obiacent; & nulla tribus ad Orientem vel Occidentem erat. Item Lucæ 13. 29. & Malachiæ cap. 1. n. 11. *Ab ortu solis vsque ad occasum magnum est nomen meum in Gentibus*.

**C** Vniuersis ergo nationibus portæ duodecim patefcunt. Atque hoc portarum symbolum illos nimirum attingit, qui auctores siue adiutores fuerunt ad Gentium ac nationum conuersionem. Licet autem Augustinus, Hieronymus & Rupertus hoc ad solos Apostolos contrahant; textus tamen & portarum inscriptiones hoc ipsum portarum symbolum applicant tribubus 12. Vidimus autem c. 7. mysticas Apocal. tribus 12. esse omnes illos, qui ex Israelitico populo Christi fidem amplexi sunt: ii enim partiuntur in tribus 12. quarum Patriarchæ sunt 12. Christi Apostoli: & illi omnes sunt electi, vt Gentium conuersioni strenuam nauarent operam. De quo supra cap. 14. Quapropter duodecim illa militum fortissimorum agmina propriè tangit duodecim portarum symbolum.

**D** Iam, quod in capacissima hac vrbe duodecim non amplius sunt portæ; id quidem honorificentissimum est paucis illis, quos ex Israelitico populo Deus totius mundi conuersionis minitros elegit. Etenim quamuis in Apocalypsi ad numerum centum quadraginta quatuor millium reuocetur: ad vniuersum tamen mundum Christianæ fidei præceptis imbuendum exiguus valde fuit hic numerus. Et sanè mirandum est, homines ita paucos ad egregium hoc & admirabile facinus fuisse aggressos. Et licet paruus hic duodecim portarum numerus denotet, nonnullis multo constaturum labore, multisque anfractibus & iterum sudoribus, celestis ciuitatis ingressum: huiusmodi tamen laborem ac pondus illi potissimum suscepere, qui mysticum portarum munus obierunt. Illi enim totum perlustrarunt orbem, & Euangelii lumen in remotissimas vique mundi regiones inuexerunt. Quapropter hæc duodecim strenuæ phalanges militum robustissimorum & diuino præsidio munitorum ad tantum hoc prodigium satis fuerunt: idcirco igitur in tanta tamque immensa vrbe duodecim non amplius portæ constituuntur.

Quod in Ezechielis vrbe porta Dan exprimitur, non verò in Apocalypseo ciuitate: denotat, perditis Ecclesiasticis ac reprobis hominibus (qui in tribu Dan figurantur) in militanti Ecclesia portarum quidem esse locum & honorem: at in Ecclesia triumphante non item. Recole dicta cap. 7. vbi notauimus, Dan significare condemnationem. Qui ergo suas miseras animas in æternam perniciem secum trahunt; quantumuis portarum munere in Ecclesia militante sint perfuncti, & in aliorum salutem incubuerint; nullam tamen sui laboris gloriam aut præmium in celesti ciuitate assequuntur; quia non coronabitur nisi qui & legitime certauerit, & qui perseuerauerit vsque in finem.

**E** Angeli pro ianitoribus assignati ad ciuitatis ipsius felicitatem referendi sunt. Nam in terrenis urbibus cum præpositi portarum custodes, homines tandem, ac proinde fragiles & imbecilli sunt, facile siue per fraudem, siue per auaritiam sese in urbem insinuat, quod ipsi pestem ac perniciem importat. at triumphantis Ecclesiæ portis custodes præficiuntur angeli, quos in fraudem inducere nemo posset. Lege illud 1. Reg. 14. 20. *Sicut habet sapientiam Angelus Dei*. Itaque tutissima est celestis illa ciuitas, ne eò penetret quidquam, quod ipsius gloriam, splendorem & securitatem minùs deceat.

Portarum  
12. signifi-  
catio qua sit

Responso  
ad 1. diffi-  
cultatis  
partem:  
cur scilicet  
ad omnes  
4. mundi  
plagas por-  
te obuersæ  
sint.

Responso  
ad 2. partem,  
quoniam in  
portis ad-  
umbrentur.

Cur in la-  
tissima hac  
vrbe 12.  
non am-  
plius sint  
portæ.

Cur apud  
Ezechielem  
sit porta  
Dan: apud  
Ioannem  
non item.

Cur angeli  
pro portarum  
ianitoribus  
assignati.



## N O T A T I O I.

*An præter Angelos, quos Ioannes in portis ciuitatis vidit, adspexerit etiam cives? an potius urbem ciuibus vacuam?*

**E**X ijs, quæ Ioannes se vidisse narrat, nempe custodes portis præpositos; volet fortassis elicere non nemo, illum etiam intuitum fuisse, homines eò succedentes & vrbis ipsius ciues. aliter enim custodibus non opus esse videbatur. Diffonum enim apparet urbem adeo ingentem Ioanni hominibus viduam ac prorsus desertam fuisse visam. præsertim cum non explicet Apostolus, illam sibi apparuisse hominibus vacuam; sed potius dicat, *Ecce tabernaculum Dei cum hominibus, & habitabit cum eis, & ipsi populus eius erunt, & absterget Deus omnem lacrymam ab oculis eorum.* Addit etiam portas semper patescere; quod eò videtur spectare, vt ingrediantur quicunque in ciuitatem perrexerint. alioqui quorsum portæ duodecim & omnes apertæ? Quin etiam dicitur, *Reges terræ afferent gloriam suam & honorem in illam.* Et infra: *Non intrabunt in eam, nisi qui scripti sunt in libro vitæ Agni.* illuc igitur ingreditur electi. Quibus enim aliis in grauidatis arboribus poma pendebant? Item capite 22. num. 3. habetur, *Sedes Dei & Agni in illa erunt, & serui eius seruiunt illi, & videbunt faciem eius, & nomen eius in frontibus eorum.* Si ergo Agnus intra urbem erat: vbi rex, ibi & curia: præsertim cum scriptum sit, quò Agnus tetenderit, eodem centum quadraginta quatuor millia eum comitaturos; de quibus capite septimo, num. 14. vt prætermittam quatuor animalia & seniores, qui circa Agni thronum confident.

Meo tamen iudicio certum est, Ioannem in hac extrema Apocalypseo parte vidisse quidem ciuitatem; non tamen ciues. Hos enim si cerneret, non id silentio inuolueret: sed obiter saltem aliquid recenseret de ipsorum cultu, ornatu ac gloriæ dotibus. Agit quidem de hominibus in ea vrbe habitaturis: non tamen quasi de re, quam ipse viderit, sed quam audierit. Quamobrem, quod ait, *Ecce tabernaculum Dei cum hominibus, id ab alio loquente accepit; & loquente quidem vt de re futura, Habitabit cum eis, & populus eius erunt, Absterget eis lacrymas.* Quod autem Ioannes infra subiicit de Gentibus in eam urbem ingressuris ac Deum visuris, id etiam totum futuri temporis est, *seruiunt, videbunt, &c.* Si verò Ioannes de re à se visa sermonem institueret, præsentis quidē temporis verbo vteretur, non futuri; aut saltē præteritū vsurparet dicēs, *seruebant ei, videbant faciem eius.*

Ad illud tamen quod opponitur, violentum nimirum & parum verisimile videri, quòd Ioannes urbem adeo magnam ciuibus spoliata cerneret: respondeo: sicuti in tabulæ alicuius pictura absonū non est, vrbis ædificium depingi, nec tamen aliquos inibi homines figurari: sic etiam in visione imaginaria atque symbolica id minime dissentaneum est. Nam in huiusmodi visionibus symbolicis non ita res depinguntur, sicuti in se ipsis sunt, sed vt ad propositam rei ipsius significationem magis conducunt. Constat autem in superna illa calitum vrbe, non alia esse ædificia, præter beatos ipsius ciues, eorumq; gloriam. Quare ædificium, quod Ioannes adspexit, est quidem ipsorum Beatorum, eorumq; gloriæ symbolum. Quòd si ædificium ac ciues Ioanni pariter monstrarentur, perinde esset, atque illi bis idem ipsum ostendi. Accedit, quòd ciues ipsos intueri, minime esset symbolum aliquod siue ænigma, ipso-

**A** rum gloriæ cernere, sed eosdē beatos in se ipsis videre: quæ reuelandi ratio non est Apocalypsi apta, vbi omnia sunt symbolica: & oportebat partem vltimam cum reliquis superioribus consentire.

Itaque in admirabili hac visione, tam portæ, quam muri & fundamenta ciuitatis, ipsos cælestis patriæ ciues, eorumq; felicitatem sub ænigmatum inuolucris adumbrant: atque ita opus non fuit, Ioanni ciuitatem ostendi ciuibus confertam. Sed contra obicit quispiam: si per huiusmodi ædificium ipsi figurantur ciues, non bene consentit, quod Ioannes supponit, nimirum Dei amicos ac familiares illam ingressuros urbem, in ea victuros, ac Deum inibi semper conspecturos. Si enim ciuitas ipsa ciues siue incolas representat, perinde erit in ciuitatem intrare, quasi semet in seipsos insinuare. Respondeo, in ædificio quidem denotari vniuersam Beatorum societatem, ac proinde non malè coherere, si singulares homines, siue ciues dicantur eò intraturi, vt ceterorum gloriam participant. Sic enim frequenter loqui solemus, cum dicimus in aliquem hominum cœtum siue sodalitatem ingredi & insinuari illum, qui in aliorum societatem coopatur. Per respectum ergo ad homines singulos dicitur, *Qui vicerit, possidebit hæc.* Cum autem agitur indefinitè de ipsis ciuibus, & dicuntur in eam urbem ingressuri, ibique Deo fruituri; in his omnibus loquutionibus agitur de singularibus hominibus. consideratur enim in illo ædificio cœtus ille ac societas Beatorum omnium: & in hominibus siue ciuibus, peculiare homines, qui eò sunt intraturi. Obseruandum porro est, peculiare ipsos siue singulares homines, non solum Dei conspectu, sed etiam Beatorum societate frui: quæ societas & aliorum communio mirificè ciuitatis figurā significatur. Præterea nihil impedit, quominus ipsa dissoluatur allegoria, & sub populi, gentis ac ciuium nominibus agatur de illis ipsis, quorum mentio sub allegoria ædificii facta fuerat. Hoc enim pacto loqui solemus de ijs, qui in sacram aliquam Religiosorum familiam recipiuntur, dum eam fingimus quasi amœnitissimum quēdam horum, siue viridarium, aut etiam vt magnificum regis palatium. Eodem recidet, si dicas eos ipsos, qui urbem ingressuri, æterna beatitudine fruituros. Et ciuitas quidem ipsa Ioanni ostensa representat eam felicitatem, qua Beati in æterna patria fruuntur. Verum quia Beatorum singuli omnium societate & communionē potentiuntur; idcirco hæc Beatorum sodalitas atque conuictus consideratur quasi res, qua omnes perfruuntur.

**B** **C** Ad ea verò, quæ sunt initio obiecta, facilis est solutio. Atque ad postremum illud de Agni societate responderetur, quamuis ipse sit semper suorum electorum comitatu septus; non tamen esse inconueniens, vt in eadem visione ipse Agnus appareat; nec tamen simul cum eo electorum appareat multitudo. Quamuis, vt verum fatear Dei thronus & Agni posset eodem concipi modo, atq; thronus capitis quarti, quod attinet ad animalia & seniores. Illa enim considendi ratio videtur appellari thronus. nec aliud erit discrimen, nisi quòd in hac visione thronus multò clariori & splendidiore gloria conspicuus Ioannis oculis fuerit vsurpatus.

**D** Postremum argumentū ex supra positis diluitur.

*Virum Ioannes in hac vrbe ciues adspexerit, præter angelos ianitores? Pars affirmatiua suadetur.*

*Nihilominus negans sententia præfertur & probatur.*

*Opposita opinionis fundamentis sit satis.*

*Tam in ciuitatis portis, quam in muris ac fundamentis ipsos cælestis patriæ ciues sub ænigmatibus inuolucris adumbrati.*

*Postremum argumentū ex supra positis diluitur.*



## T E X T V S.

*Verf. 14.* Et murus ciuitatis habens fundamenta duodecim, & in ipsis nomina duodecim Apostolorum Agni.

## C O M M E N T A R I V S I.

*De ipsa visione imaginaria.*

**P**RIMò subit animum difficultas, quàm Ioannes muri fundamenta & nomina in eis scripta aspicere potuerit? Hæc tamen facile dissoluitur, si vrbis ipsius pauimentum consideremus reliquo monte sublimius & excelsius, prout opus fuerit; vt duodecim lapidum discrimina, quibus murus iaspideus fulciebatur, foris prospici possint. Atque in ea vrbe, quæ super solidam petram sit extructa, nihil obstat, quin foris dispici queant natiua lineamenta ipsius lapidis, qui mœnibus pro fundamento subest, & ipsius ædificij quasi basis ac fundamentum est. Et recta architectandi ratio exigit, vt i fundamentum instar basis latius promineat. Quare in ipso loci interuallo, quod occupant portæ, considero ipse eisdem fundamenti lapides scalarum instar siue cliuosi tramitis, recto ordine dispositos esse; quâ facilis pateat consensus, donec ad præcipuum ciuitatis pauimentum perueniatur.

Secundò in dubium etiam reuocare aliquis possit, vtrum duodecim fundamenta, ita sint mente concipienda, quasi vnum alteri impositum sit: ita vt sub qualibet mundi parte decem omnes lapides alii aliis impositi visantur? vel potius murus ipse quasi in duodecim diuisas partes consideretur; ita vt alia muri ipsius pars iaspide innitatur, alia Sapphiro, & sic de ceteris, nec non omnia in eodem libramento? Ad hoc tamen videtur certò asserendum, ita esse fundamenta duodecim consideranda, vt vnum alteri sit impositum, & omnia eodem ordine prosequantur. Nam numero 19. fundamenta omnia per ordinem numerantur hunc in modum; *Fundamentum primum Iaspis; secundum Sapphirus, &c.* atque eiusmodi ordo primi, secundi ac tertii in ipsis fundamentis seruatus indicat nò obscurè ex ipsis vnum esse ordine primum, nempe ceterorum infimum: deinde aliud suprà impositum, quod sit secundum: aliud insuper, quod tertium; & sic de reliquis. Infrà autem videbimus ad mysterium ipsum dispositionem hanc fundamentorum maximè conducere.

Tertiò Apostolorum nomina concipienda sunt in ipsis fundamentis disparita; nimirum in primo fundamento, quod est infimum, nomen Petri; in vltimo, id est, sublimiori nomen Matthiæ. De ceterorum Apostolorum ordine dicemus inferiùs. Quòd verò Apostolorum omnium nomina nò sint pariter in fundamentorum singulis figuranda, sed quo diximus ordine distributa; inde probatur, quia eadem phrasi, qua priùs dicuntur nomina tribuum duodecim in portis scripta, dicuntur etiam nunc in duodecim fundamentis, impressa *nomina duodecim Apostolorum Agni.* Vt igitur duodecim tribuum nomina erant per totidem portas distributa, non verò omnia simul in singulis: sic etiam de Apostolorum nominibus per duodecim fundamenta dispersis asserendum est. Illud tamen hic mihi expendendum occurrit, cuiusque Apostoli nomen non semel in suo lapide esse exaratum sed sæpius eodem in lapide reperitum, id est duodecies, aut etiam quater & vices. Quippe aptior ad eiusmodi inscriptionem locus fuisse videtur is, qui est ad singularum portarum latus: ita vt quicumque ingrederentur urbem, quacunque aditum pararent, oculis in fundamentum relatis possent facile duodecim Apostolorum nomina contemplari, quasi in ipsis lapidibus impressa, siue aureis characteribus exarata. Atque etiam venustius apparet; vt Apostolorum nomina non in altero solum latere portæ, sed in vtroque pariter sint inscripta. Quare auguror ipse nominum singula bis duodecies conscripta in fundamentis fuisse.

Quartò, quanuis textus non exprimat, hisce fundamentis aliud præter murum ipsum sustineri existimo tamen totam ipsam ciuitatem in ipsis pariter nixam, hoc est, omnia ipsius vrbis interiora. Hæc namque fundamenta non ita debent considerari, quasi modici lapides sint; sed ex viuo lapide effecta, quem Latini crepidinem vocant, atque in ea vrbe, cuius mœnia viuo lapide innixa confurgunt, non ambigimus, eandem viui lapidis naturam in vrbis intima penetrare; ita vt vniuersa vrbi & cunctis eius ædificijs pro fundamento substat. Ioannes igitur scripsit, quod viderat, id est, omnem in circuitu murum duodecim illis lapidum pretiosissimorum fundamentis esse sultum: atque illud obiter intellectu facile sapienti reliquit, scilicet duodecim illas lapidum varietates, ad intima etiam montis pervadere: ita vt tota ciuitas lapidibus eisdem pretiosis niteretur.

Quintò, de ordine, quo Apostolorum nomina erant in duodecim fundamentis scripta, illud pro certo affirmari potest; Petro, vtpote in Apostolica ac pontificia dignitate præcipuo, primum adscribi fundamentum. Matthiæ (quippe qui post reliquos Apostolos fuit ad id muneris euocatus) vltimum. de ceterorum ordine vix aliquid certi constare potest. Nam quater proprijs nominibus Apostoli in nouo testamento nominantur; scilicet Matthæi 10. Marci 1. Lucæ 6. Actuum 1. Et quanuis semper primus tribuatur locus Petro, quintus Philippo, nonus Iacobo Alphæi, & duodecimus Iudæ (cuius in locum successus est Matthias:) in ceteris tamen magna est ordinis diuersitas. Quamobrem inior ab aliquibus interpretibus definitum aliquem Apostolorum omnium ordinem quasi certum ac legitimum designari. Qui tamen ferè diuersum expriment ordinem ab eo, quem in sacris Literis legimus; & hac in re vnusquisque suo sensu ducitur, & suum pro libito ordinem fingit.

Ribera ordinem à Marco Euangelista præscriptum retinet; vno tamen excepto Andream, quem

*Quinam  
Ioannes  
muri fun-  
damenta  
& nomina  
in eis scri-  
pta dispi-  
ce potuerit.*

*Duodecim  
hæc funda-  
menta quo-  
modo sint  
mente con-  
cipienda.*

*Apostolorum  
nomina qua-  
ratione in  
ipsis funda-  
mentis dis-  
posita &  
exarata  
Ioannes  
viderit.*

*Quomodo  
caelestis ci-  
uitas 12.  
fundamen-  
tis illis nixa  
consideran-  
da sit.*

*Quid di-  
cendum sit  
de ordine,  
quo Aposto-  
lorum no-  
mina fue-  
runt in fun-  
damentis  
scripta.*



cū Marcus quarto in loco constituat (sicut etiam Actuum 1. ponitur) Ribera in 2. conijcit locum, sicuti etiam ponitur Matthæi 10. & Lucæ 6. Et verò, quodd secundum Andreas locum obtineat in Apocalypseo gemmis, facile assentior Ribera. Vbi enim adeò clarè ac distinctè assignatur quod sit primum fundamentum, quod secundum, quod 3. vsq. ad duodecimum: & asseritur simul, duodecim Apostolorum nomina in ijs esse inscripta; verosimile mihi sit, post Petrum ceteros omnes, cuiusque vocationis ordine fuisse descriptos. Constat autem, si vocationis ordinem & antiquitatem attendas, Andream ceteris omnibus antecellere. Ceterum nec de omnium vocationis ordine quidquam tradi potest certum; nec pro comperto est, in his duodecim fundamentis Apostolorum nomina vocationis ordine fuisse conscripta. Nec enim ineptus ad hoc esset meritum ordo; aut fortè ille ordo ac dispositio, qua confidebant Apostoli, quando fidei Symbolum ordinarunt (de quo infra.) Denique licet liqueat, Ioanni per ordinem fuisse visa Apostolorum nomina inscripta: non tamen literarum monumentis ipse tradidit ordinem, què inter se nomina habent; nec ex S. literis legitimus eorum ordo certò colligitur. Quin imò diuini Spiritus instinctu factum esse arbitror, vt quoties Apostoli in Scriptura nominantur, complurium ex eis ordo commutetur: vt non plurimum in eo momenti poneremus, quod adeò parui refert; nimirum quis fuerit Apostolorum vocationis ordo, aut quo ipsi ordine numerandi sint. Ex quibus deducitur, à nobis certò designari non posse, quinam ex pretiosis fundamentorum lapidibus congruat Thomæ, qui Matthæo, qui Ioanni, aut Simoni. Sed permagni adhuc momenti debet procul dubio esse hic duodecim gemmarum ordo, quando tam accuratè gemmis singulis suis in Apocalypsi numerus ac locus assignatur.

## COMMENTARIVS II.

### De legitimo 12. fundamentorum sensu.

**C**OMMUNIS est Catholicorum interpretum expositio, in his duodecim fundamentis duodecim item Christi Apostolos symbolicè figurari. Nec solum inter expositores constat de huiusmodi interpretatione, sed de ipsius etiam euidencia. Vnde Maldonatus Matth. c. 16. 16. ait, *Disertis verbis & nullam hæreticorum interpretationem recipientibus explicauit Ioannes fundamenta Ecclesiæ esse Apostolos.*

Dices, Ex eo quodd Apostolorum nomina sint in fundamentis exarata; non sequitur significari hoc pacto eos esse Ecclesiæ fundamenta. Namque in ædificij cuiusque fundamentis illud solet inscribi, qui scilicet fuerint fundatores. Nec minus Apostolis honorificum est, eos Christianæ Ecclesiæ fundatores appellari, quàm fundamentorum nomine decorari. Respondeo tamen in symbolis & allegorijs plerumque abstracta à concretis non distingui. Leo enim fortitudinis pariter ac fortis symbolum est. Vnde in symbolica, siue ænigmatica significatione perinde est esse fundamenta, atque esse fundatores: nam fundamentorum symbolum & appellationem fundatoribus ipsis attribuiamus. Atque vt duodecim tribuum inscriptiones, quas Ioannes in portis aspexit, denotant portarum symbolum adscribi duodecim tribubus, de quibus Apocalypsis loquitur (quæ noui Israelis tribus sunt) quia per ipsos Gentes in Dei ciuitatem intrarunt: sic etiam Apostolorum nomina in fundamentis scripta indicant Apostolis fundamentorum symbolum tribui; quia ipsi ciuitatis Dei fundatores extiterunt. Iam, quodd à tribubus ad Apostolos gradus fiat; perinde est, quasi non satis sit portarum symbolum (nouis tribubus collatum) nouis patriarchis assignari, nisi etiam mysticorum fundamentorum symbolum, vtpote nobilius & gloriosius, illis tribuatur, cū tota ædificij machina videatur eorum humeris innixa recumbere.

Quodd si arbitretur aliquis cum ænigmatico stylo in Apocalypsi vtitato non rectè congruere, vt fundamentis ipsis inscriptio suæ significationis apponatur: Respondeo, eadem ratione titulum portis ac fundamentis inscribi. Et in sacra hac fictione operæ pretium fuit, nonnulla manifestè exprimi ac declarari, vt multis aliis rebus per obscuris lumen præferrent. Sed & hoc ipsum, quod explicari videtur, non exiguam difficultatem in se continet. Illud enim hic exprimitur, fundamentorum symbolum Apostolis applicari. Qua verò ratione id symbolum illis conueniat, hoc non admodum explicatu facile est; sed plurimum potius difficultatis habet. Etenim textus ipse fundamentorum ordinem disertè explicat. Cū autem ordo Apostolorum ignoretur; diuinare oportet, cui Apostolo locus septimus, cuius octauus assignetur? cur huic Beryllus, illi Smaragdus tribuatur? Qua in re si exactè ac prudenter sermo instituendus sit, ita vt hominum menti & cogitationi satisfiat, & appareat singulas suis in locis gemmas collocari, nec earum ordinem inuerti aut immutari potuisse; id verò spissum sanè opus ac laboriosum est.

Communis philosophandi ratio gemmas duodecim inter Apostolos distribuit proportionè aliquâ, quæ requiritur inter illius lapidis proprietates, & insigniores alicuius Apostoli virtutes. Ad stipulatur huic ratiocinationi beatus Hieronymus epistola 128. vbi ait, eosdem esse lapides, qui leguntur in diademate Principis Tyri & in Rationali Pontificis & in Apocalypsi: & sub horum nominibus ac specie indicari vel virtutum ordinem, vel diuersitatem. Sic Hieronymus. Enim verò postquam interpretum applicationes gemmarum singulis præscriptas perlegi; dum studiosè inquiri, qua ratione earum singulas singulis Apostolis accomodem, per singularem aliquam virtutem in eorum singulis maximè enitentem: fateor nil mihi occurrere, quod auidam mentis fitim expleat. Tum quia in omnibus ferè gemmis qua ratione peculiaris aliqua alicui applicatur Apostolo, posset etiam cuicunque alteri accommodari. Tum etiam, quia nihil solidum reperitur, vt credamus septimum fundamentum vni potius, quàm alij tribuendum fore. Quapropter quidquid hac de re excogitatur, aut falso nititur fundamento, aut certè parum firmo. Ad hæc; si applicatio harum gemmarum fieri debet secundum peculiare cuiusque Apostoli virtutes: assignentur opus est 12. virtutes distinctæ; quarum vna in vnoquoque Apostolo præ ceteris singillatim splendeat. Eiusmodi verò virtutum excellentium duodenarius, propter quas Apostolis fundamentorum dignitas aptè tribuatur, non video quàm solidus esse possit.

In duodecim fundamentis Apostolos duodecim pro certo figurari.

Obiectio contra dicta soluitur.

Quomodo cum ænigmatico stylo cohereat, vt fundamentis singulis suæ significationis inscriptiones apponantur.

Communis ac receptus modus explicandi duodecim fundamentorum gemmas quis sit.



A Omiffa igitur eiusmodi applicatione, certum omnino mihi est, duodecim Christi Apostolis tribui symbolum fundamentorum ac fundatorum Ecclesiæ; quia ipsi condiderunt, & mundo vniuerso proposuerunt Christianæ doctrinæ summam, quæ in Apostolorum Symbolo continetur; atque incipit, *Credo in Deum Patrem omnipotentem*. Hoc vt mihi persuadeā, nitor imprimis, quia nihil est in sacris Literis casu aut temerè scriptum: quod autem ita distinctè exprimatür ordo gemmarum duodecim, quæ sunt admirabilis huius ædificij fundamentum, argumento est, in hac duodecim lapidum dispositione habitum fuisse respectum ad certum aliquem ac notum duodenarium, de cuius ordine nulla superesse possit dubitatio. Quod si applicatio debet fieri ad Apostolos; nec scitur, quis debeat seruari ordo in eorum enumeratione: ex hoc indicio colligitur, nullam fuisse habitam rationem ordinis, quo ipsi nominari debeant; sed alterius ordinis, qui in re aliqua ad ipsos vt ad Ecclesiæ fundatores spectante reperiatur. Duodenarium verò scitum & firmi ac stabilis ordinis de re ad ipsos Apostolos pertinente nullum omnino reperio, nisi fidei Symbolum; quod & Apostolorum vocatur. Hoc nempe Symbolum semper est ab Ecclesia receptum, veluti quædam veritatum duodecim coniunctio, quod nostræ fidei summam reuocatur. Semper verò compellatum fuit Apostolorum Symbolum; quod ipsi composuerint, & in ordinem, numerumque digesserint. Quamobrem congruentissimè in duodecim ciuitatis huius fundamentis totidem figurantur Apostoli propter insignes illas duodecim veritates, quas veluti Christianæ fidei fundamentum toto terrarum orbi firmiter credendas proposuerunt. Ac statim facile cernitur, nullius esse momenti, vt quo ordine sint Apostoli numerandi, nouerimus. Nam vt hunc ordinem non magni referre aduerteremus, ideo Spiritus sanctus videtur quater eos in Sacris literis diuerso semper ordine recensuisse.

B  
C  
D Secundò, Apostolos esse Christianæ Ecclesiæ fundatores ac fundamenta, non in eo consistit, quod illorum singuli in peculiari aliqua virtute maximè effloruerint, atque in ea ceteris antecesserint. Id enim nec est certum, nec magni erat momenti, quantumvis ita foret. Etenim licet illi omnes in virtutum perfectione ac sanctimoniâ essent equales; non ideo minùs essent digni, qui Christianæ Ecclesiæ fundatores appellarentur; nec Ecclesia ipsa eo splendore atque gloria priuaretur, quod in duodecim gemmis fulta ac solidata sit. Quapropter asserendum cenſeo, Apostolos ideo Ecclesiæ fundatores dici, quia admirabilem illam Catholicæ fidei summam edidit, & effusi cruoris testimonio, nec non prædicatione atque miraculis in hominum animis infuserunt. atque idcirco tribuitur Apostolis duodecim gemmarum symbolum, quia gemma eiusmodi symbolicè figurant veritates duodecim Symboli ab ipsis compositi. Nec primus ipse Apostolici Symboli veritates pro Ecclesiæ fundamentis accipio. Sic enim loquitur Augustinus de symbolo ad Catechumenos lib. 3. initio tom. 9. *Noueritis (ait) Symbolum hoc esse fundamentum, super quod ædificium surrexit Ecclesia.* atque idem esset dicere, harum veritatum fidem esse fundamenta: qua ratione loquitur Clemens Romanus epistola 1. ad Iacobum fratrem Domini. Et fortasse huc spectat illud Cypriani, siue Ruffini de symbolo fidei; vbi ea, quæ continentur in Symbolo, dicuntur esse, Munimenta fidei ex lapidibus viuis & margaritis dominicis ab Apostolis ædificata. Deinde Tridentinum sessio 3. in decreto de Symbolo, Apostolicum Symbolum appellat firmum atque vnicum fundamentum, contra quod *porta inferi non præualebunt*. Et sic etiam loquuntur alia Concilia & Patres. Hieronymus in id Psalmi 86. *Fundamenta eius in montibus sanctis*, affirmat fundamenta esse sanctissimæ Trinitatis mysterium; atque huiusmodi fundamentum à Paulo fuisse iactum; de quo loquitur ipse 1. Corinth. 3. 10. *Vt sapiens architectus fundamentum posui*; Apostolos item vocari fundamenta, quia hanc ipsam fidem disseminarunt. Hæc Hieronymus. Manifestum autem est Apostolorum Symbolum esse admirabilem quandam sanctissimæ Trinitatis confessionem. Quare idem ait Hieronymus, quod Augustinus. Quin etiam inter antiquissimos libros, qui nuper in sacro Granatensi monte simul cum sanctorum Martyrum reliquijs inuenti sunt, vnus eorum pro titulo habet *fundamentum Ecclesiæ*. Quod vbi famâ & auditione primum accepi, priusquam librū videre contingeret: illico apud me statui in eo nostræ fidei summam contineri. Nec meus me animus fefellit: quippe vbi illius exemplar ad meas manus peruenit; manifestè comperi, breuem in eo Symboli Apostolici paraphrasim comprehendere. Hoc igitur ipsum Apostolorum Symbolum adumbratur in duodecim gemmis, quas describit Ioannes, & cælestis Ierosolymæ fundamenta vocat.

E Tertiò, ab ipsis nascentis Ecclesiæ incunabulis, id semper pro certo habitum fuit, Apostolorum mentem in Symbolo condendo fuisse, vt nostræ fidei capita ad duodecim veritates reuocarent, quas Apostolici Symboli articulos nominamus. Ita affirmat Clemens Romanus Epistola 1. ad Iacobum fratrem Domini, & Leo Pontifex Maximus epistola decretali 13. quæ habetur tomo 5. conciliorum. Atque id ipsum statuunt siue supponunt, qui Apostolorum Symbolum commentantur, dum illud ad propositiones duodecim reducunt. Habemus ergo articulos Ecclesiæ duodenarium notissimorum, de quibus dubitari non possit, quin aptissimè fundamenta Ecclesiæ nuncupentur. Nequidquam igitur queritur expositio in alio duodenario, in quo ratio fundamenti reperiri non possit. Quod si quis obijciat, statim ac supponatur duodecim Symboli veritates esse fundamenta cælestis Ierosolymæ, consecrarium esse, vt Apostoli non sint fundamenta, sed fundatores. ad hoc iam supra dictum est, fundatoribus aptissimè tribui fundamentorum symbolum ac nomen.

Quartò, duodecim pretiosi lapides, quos Ioannes recenset, eo ipso ordine conueniunt mirificè cum duodenario articulos. Quare si applicationem prudens lector ita ad amussim quadrare iudicet, vt mihi semper visa est; nullo alio opus erit argumento, vt hanc fuisse Spiritus sancti mentem in gemmarum dispositione credamus. Nam meo quidem iudicio ad eò exacte sua singulis articulis gemma congruit; vt nec gemmæ ipsi veritas alia posset ita rectè applicari, nec veritas cū alterius gemmæ symbolo cōponi. Sed de gemmarum symbolis suo loco dicemus.

*Apostolis cur Ecclesia fundamentorum symbolum tribuatur.*

*In quo consistat Apostolos esse Christianæ Ecclesiæ fundatores ac fundamenta.*

*Duodecim Apostolici Symboli veritates siue fidei capita esse Ecclesiæ fundamenta.*

*Liber inter alios plures in sacri montis Granatensis caueris inuentus, cuius titulus, Fundamentum Ecclesiæ.*

*Apostolorum mens in symbolo condendo qua fuerit.*

*Gemma, ex quibus cælestis vrbis fundamenta constabant, mirificè ad duodecim fidei articulos seu veritates congruere.*



Apſtolorū  
ſymbolum  
quo ordine  
ſuerit ab  
Apſtoliſ  
ipſis compo-  
ſitum.

Nunc explicare oportet, quàm certum ac firmum ſit fidei ſymbolum ab Apoſtoliſ fuiſſe compoſitum, ſinguliſ ſinguloſ articuloſ ex duodecim in ipſum ſymboli commune conferenti-  
bus. Ad hoc reſpondeo, ita expreſſè affirmari à Clemente Romano in epiſtola illa 1. ad Iaco-  
bum fratrem Domini: atque ita etiam legi in ſermone quodam ſiue concione, quæ inter Augu-  
ſtini opera habetur; vbi Apoſtolorum Symbolum exponitur (eſto, concionem illam à doctiori-  
bus non reputari pro Auguſtini germanâ, ſed adulterinâ) præterea huic opinioni non ſolum in-  
docti fauent, ſed etiam Leo Papa, & Cyprianus ſiue Ruſſinus. Nihilominus non adèd certum  
eſt, quin poſſit fortasſe negari probabiliter. Fortè enim Clemens & alij veteres verbis illiſ, *Sin-  
guli contulerunt*, ſignificare voluerunt inter Apoſtoloſ ipſoſ hac de re conueniſſe, atque ex huiuſ-  
modi Apoſtolorum conſulto ſymbolum fidei prodiiſſe compoſitum. Nam abſque alia conſul-  
tatione rem tanti momenti fuiſſe ab Apoſtoliſ compoſitam, ſinguliſ eorum articuloſ ſinguloſ  
conferentibuſ, difficultate non caret, aut etiam miraculi ſpecie.

Tametiſ autem poteſt affirmari, Spiritum ſanctum, qui ipſoſ gubernabat, facilè ſinguliſ inſpi-  
rare potuiſſe eam ſententiam, quam ad congruentem Symboli ordinem ab ipſo proferri opor-  
tebat: verùm abſque peculiari aliqua neceſſitate aut ratione congruentiſſimâ Deus miracula e-  
dere non ſolet in iſj, quæ citra miraculum præſtari poſſunt. Atque Apoſtoliſ ipſiſ difficile non  
eſſet, Symbolum ad duodecim fidei veritateſ redigere; in quarum numero conſecraretur ac po-  
ſteris traderetur recordatio vñionis & concordiaſ eorum, qui eiufmodi Symbolum condiderunt.  
Poſtea verò diſponere prudenter potuerunt, quàm primo loco ſententia, quæ ſecundo, quæ  
tertio traderetur.

Siue ſinguli  
Apoſtoliſ ſin-  
guloſ ſymbo-  
li veritateſ,  
ſiue cuncti  
cunctaſ con-  
diderint,  
perinde eſſe  
ad noſtra  
expoſitioniſ  
firmitatem.

Verùm enim verò vt cunque hoc ſit, non magni admodum momenti eſt, noſſe quenam ex iſj  
ſententijs ſinguloſ attingat Apoſtoloſ. Quauis enim omneſ pariter Apoſtoliſ ad cuiuſque ſen-  
tentiaſ ſeu veritateſ ordinationem confluiſſent; nihilominus, quia ipſi erant duodecim, toti-  
demque ſententiaſ, cōgruenter ſinguliſ ſingulaſ partiuntur. Eadē ferè ratione diſtribuire ſolemuſ  
paſſionis Chriſti Domini inſignia inter angeloſ totidē, qui ea ſuppliceſ ac venerabundi manibuſ  
geſtant. Nec laborandum nimis eſt, quiſ eorum crucem ferat, quiſ clauoſ, quiſ lanceâ aut co-  
ronam. Licet enim ipſa paſſionis inſignia, quod ad repræſentationem attinet, in plureſ diſpar-  
tiantur; eadem tamen eſt in omnibuſ ſignificatio: nempe ab omnibuſ Angelis illa ſummo ob-  
ſequio ac veneratione coli. Demum quacunque ratione duodecim articuliſ inter Apoſtoloſ diſ-  
tribuantur, cuiuſuiſ articuliſ auctoritateſ eadem eſt, quæ totiuſ collegij Apoſtoliſ. Quod autem  
duodecim fundatorum nomina inter gemmaſ fundamenti duodecim diſpertiantur; non ideo ſit,  
quia omneſ in gemmiſ ſinguliſ inſcribi non poſſent: ſed vt apta ſeruetur proportio, quæ exigit;  
vt duodecim fundatorum nomina inter gemmaſ duodecim diuidantur.

## T E X T V S

*Vers. 15.* Et quiloquebatur mecum, habebat mensuram arundineam, vt me-  
tiretur ciuitatem & portas eius & murum.

## C O M M E N T A R I V S.

Calamus  
menſuriuſ  
quâta fuerit  
magnitudi-  
niſ.

Cubituſ in  
ſacriſ cuiuſ  
ſit longitudi-  
niſ.

In hac An-  
geliſ menſura  
ad quos Seri-  
ptura locoſ  
ſiat alluſio.

**G**Ræca vox arundineaſ menſuraſ reſpondens eſt calamus; idem ſcilicet nomen, quod legimuſ  
capite 11. 1. vbi de eiſ menſura & diuiſione diximuſ; aſſeruimꝯque ab Ezechiele ſex cubi-  
toſ ex maioribuſ cubito & palmo conſtantibuſ illiſ aſſignari; quauis in ſpeciem ſex cubitoſ &  
palmum illiſ præſcribere videatur. Verùm cubituſ in ſacriſ Literiſ ſiue maior ſit, ſiue minor, non  
eſt quarta humanæ ſtaturaſ pars, vt plerique putant, ſed ſexta. Quarè calamus idem eſt atque hu-  
mana dimenſio: cum hoc tamen diſcrimine, quòd Ezechiel & Ioannes de eo calamo loquuntur,  
qui eſt antiquæ ſtaturaſ menſura; quæ ad poſtერიorem ſiue recentioriẽ menſuram ſe habet,  
ſicut 5. ad 4. differentia autem illiuſ calami capitiſ 11. ab hoc vno aureo calamo, cuiuſ mentio  
in hoc loco ſit, ea eſt; quòd calamus ille capitiſ 11. erat ſimiliſ virgẽ percufforiaſ, & laborum  
menſuram ſignificabat: hic verò calamus & aureuſ eſt, & gloriæ deſignat menſuram. Lege quẽ  
de hoc diſcrimine diximuſ capite 11. 1.

Deinde cum hic Angeluſ, qui Ioanni celeſtem Heruſolymam demonſtrauit, beatuſ Pau-  
luſ repræſentet (vt verſu 9. explicatuſ eſt) veriſimile valde ſit, in hac menſura, quam habebat  
Angeluſ, reſpici ad Pauli locum ad Ephēſ. 3. 8. & 18. vbi primũ ait, *Mihi omnium ſanctorum minimo  
data eſt gratia hac, euangelizare inueſtigabileſ diuitiaſ Chriſti in Gentibuſ*, id eſt, in Genteſ effundendaſ. Et pau-  
lo infra; *Flecto genua mea ad Patrem Domini noſtri Ieſu Chriſti, vt det vobiſ ſecundum diuitiaſ gloriæ ſuaſ corroborari  
per ſpiritum eiꝯ, vt poſſitiſ comprehendere cum omnibuſ Sanctiſ, quæ ſit latitudo & longitudo & ſublimitaſ & profundum.*  
In hiſ Pauli verbis illud obſeruandũ eſt, magnũ celeſtiſ Ieruſolymæ ædificiũ reſpondere Chriſti  
meritorũ diuitiſ. Quarè diuitiaſ Chriſti perinde ſunt, quaſi menſura, qua magnũ illud ædificiũ  
menſuratur. Et qui perſpicuam de illiſ habuerit cognitionem, qualis inerat Paulo, ille poterit rectè  
comprehendere celeſtiſ huiꝯ ciuitatiſ latitudinem, longitudinẽ, murorum ſublimitatem, pro-  
funditatem fundamentorũ, & æternæ gloriæ diuitiaſ. Cur verò huiꝯmodi menſura repræſente-  
tur in ſtaturaſ humanæ maioris calamo, dicemus infra num. 17. & non nihil etiã diximuſ cap. 11. 1.



A Ait in super textus, calami vltimum fuisse, vt metiretur ciuitatem & portas eius & murum. Et quidem ciuitatis ac muri dimensionem, quam Angelus calamo fecit, exprimit textus: de portarum verò mensura nihil agit. Vnde nouitatem præ se fert, quòd mensura ipsa sit ad portarum dimensionem captandam; & tamen quantitas portarum silentio prætermittatur: quod citra peculiare mysterium esse non arbitror. Nā aut Angelus dimensus est portas, aut non; si mensus est, cur non earum latitudinem explicat? Si mensus non fuit, cur ait Ioannes, calamum in Angeli manu esse, vt metiretur portas ciuitatis? Arbitror igitur Angelum haud dubiè portas fuisse dimensum: siquidem Ioannes exprimit, ideo illum habere in manu mensuram. Suspicio autem, propter eā non explicuisse portarum dimensionem, quia angustæ admodum erant. Sic enim legimus Matthæi 7. 13. *Intrate per angustam portam: & statim; Quam angusta porta & arcta via est, quæ ducit ad vitam.* Et Lucæ 13. 24. *Contendite intrare per angustam portam.* Hoc ergo ipsum in Apocalypsi significatur, sed consultiò suppressæ sunt portarum angustæ; quia eorum expressio non erat ad rem, de qua præsens instituitur sermo, scilicet de magnitudine ciuitatis. Sufficenter tamen illud innuitur, dum dicitur mensura afferri ad muri longitudinem, latitudinem, & altitudinem metiendam, nec non ad mensurandas etiam portas; & tamen portarum quantitas non exprimitur.

B Dicet aliquis: vt portæ adeò sint angustæ, sicut opus est, vt de eis Christi verba à Matthæo & Luca prolata verè afferantur; necesse erit, vt vnico tantum cubito earum latitudo constet, id est, sextâ humanæ staturæ parte, vt suprà dicebamus. Quod si adeò arctæ considerantur portæ; calamus ad portarum ipsarum latitudinem dimetiendam aptus non erit; cum sex minimum cubitis longitudo calami constet. Deinde tanta portarum angustia non videtur cohærere cum ijs, quæ textus ait versu 24. & 26. videlicet, *Reges terræ afferent gloriam suam & honorem in illam.* Ad primum respondeo; licet calami longitudo sex habeat cubitos: ideo tamen appellatur calamus, quia cubitos ipsos habet designatos; sicuti arundo internodiorum signis distincta est. Vnde calamo mensurari commodè potest, quod vnum siue duos cubitos latum est aut longum. Patet hoc Ezechielis 40. vbi totum illud ædificium dimensum fuit sex cubitorum calamo; cum tamen num. 9. legamus; *Mensus est frontem duobus cubitis, & num. 12. Cubitus vnus finis vtriusque.* Ad secundum: Regum gloria, honor & splendor non in ijs rebus consistit, quæ inuehi non possint, quæ homo possit intrare. Nec enim gloria ingens ac diuitiæ (quæ hanc in urbem inferendæ dicuntur) ad rudes & informes res; sed ad pretiosissimas gemmas, ad margaritas, atque alia eiusmodi rediguntur. hæc verò rectè & faciliè possunt per ianuam angustam inuehi; quæ tamen non adeò sit arcta, quin illa possit homo ingredi. Non tamen ipse portarum ingressum ad eiusmodi refero angustias, sed ita angustas effingo, vt artis exigit ratio, quòd arctæ sint portæ, per quas non ita facile quis ingrediatur: id quod Christi Domini verba indicant. Et quauis portæ ita fingantur angustæ; nihilominus postes ipsos, & quidquid ianuam vndique ornat ac decorat, eximij splendoris ac maiestatis considero; atque ex margarita conflatum, vt numero 21. constabit.

Utrum Angelus portas ciuitatis sit dimensus?

Proposita questionis dissolutio.

Duplex difficultas in nostra doctrina.

Soluitur prima.

Soluitur secunda.

## T E X T V S.

Vers. 16. Et ciuitas in quadro posita est; & longitudo eius tanta est, quanta & latitudo: & mensus est ciuitatem de arundine aurea per stadia duodecim millia: & longitudo & altitudo & latitudo eius æqualia sunt.

## C O M M E N T A R I V S I.

### De sensu grammatico.

Verba illa, LONGITUDO EIVS TANTA EST QUANTA ET LATITUDO ] videntur primo aspectu præcedentium verborum repetitionem agere. perinde namque est, ciuitatem aliquam in quadrum esse dispositam, atque longitudinem eius tantam esse, quanta est latitudo. Verum esto sit repetitio; illa tamen maioris declarationis ergo usurpabitur, vt sæpè aliàs. si tamen originalia verba attendantur; nulla hic videtur esse repetitio: vbi enim nos legimus in quadro, Græcè habetur, *tetragonos*, id est quadrangulus. potest autem congruere, vt quadrangulus rectangulus sit, nec tamen perfecti quadri figuram habeat. Ideoque addidit Ioannes non solum esse rectangulum, sed perfectum etiam quadrum.

Iam, quod attinet ad perfectum hoc ciuitatis quadrum. & ad quatuor muri latera, quatuor ite



Perfectum  
caelestis vr-  
bis quadrum  
& quatuor  
muri latera  
ex Ezechie-  
lis ciuitate  
desumi, cum  
duplici tamē  
discrimine.

Quid di-  
cendum sit  
de longitu-  
dine, quam  
Ioannes ce-  
lesti vrbi &  
singulis ipsi  
muri lateri-  
bus ascri-  
bit?

Caelestis ci-  
uitatis Ioan-  
ni visa qua-  
drum quam  
late pateat.

Quomodo  
hic intelli-  
gendū, quod  
de vr̄bis  
aqualitate  
in longitu-  
dine, altitu-  
dine & lati-  
tudine dici-  
tur.

Proposita  
questio elu-  
cidatur.

Aequalitas  
in vr̄bis mē-  
suris qualis  
fuerit.

mundi partes respicientia (scilicet Aquilonem, Meridiem, Ortum, & Occasum,) totum hoc ex-  
sumptum est ex ciuitate illa, quæ Ezechielis fuit ostensa cap. 46. 16. Ceterum inter illam Eze-  
chielis & hanc Apocalypseos vr̄bes duo inter sunt discrimina. Primum est, quia Apocalypseos  
ciuitas suburbia non habet: bene tamen ciuitas Ezechielis: suburbis enim est vndique cincta:  
quorum latitudo continet calamos ducentos quinquaginta, id est, (iuxta meam computatio-  
nem) stadia duo cum dimidio. Alterum discrimen est, quia longitudo siue latitudo (eadem enim  
mensura est) Ezechielis vr̄bis calamos continet quatuor millia & quingentos. Quod si subur-  
biorum mensuram adnectamus: sunt omnes calami quinquies mille, qui stadia quinquaginta  
exæquant. At Ioannis ciuitas patet in longitudinem stadia duodecim millia: qui numerus ad  
quinquaginta se habet, vt 240. ad 1. atque adeo quadrata Apocalypseos vr̄bis area se habet ad  
Ezechielis aream, sicut 57600. ad 1.

Dicet tamen aliquis, necessarium non esse, vt Ioannem singulis muri lateribus duodecim sta-  
diorum millia præscripsisse credamus. Satis nanque est, omnium pariter muri laterum calamos  
esse duodecim mille, ita vt lateribus singulis ter mille calami obtingant. Sic enim Ezechielis  
48. 35. dicitur, *Per circuitum octodecim millia*, prius autem fuerat dictum, singula muri latera calamis  
quatuor millibus & quingentis consistere. Respondeo, Ioannem cum duodecim stadiorum mil-  
lia vr̄bi attribuit, de muri ambitu non agere, sed de longitudine, siue latitudine vr̄bis. Nam ante-  
cedentia verba hæc sunt, *Longitudo eius tanta est, quanta latitudo*. mox adiungit, *& mensus est ciuitatem per  
stadia duodecim millia*: loquitur ergo de ciuitatis ipsius longitudine. Accedit, quod metiri ciuitatem,  
propriè est eius longitudinem ab vna vr̄bis porta ad alteram e regione oppositam dimetiri. at-  
qui in quadratâ omnino vr̄be idem prorsus est, si cuiusque lateris longitudinem metiaris. Præter-  
quàm quod vbi in memoriam reuocemus, Babylonis antiquæ (cuius nomen, Romæ ethnicæ an-  
tiquæ applicatum est,) quadrum stadijs mille ducentis consistere, vt veteres historiographi prodi-  
derunt; facile hinc cernitur, cum stadia duodecim millia caelesti tribuuntur ciuitati, perinde es-  
se atque caelestis Hierosolymæ murum centies longiorem muro Babylonis efficere; ac proinde  
singulis muri lateribus duodecim stadiorum millia designari; sicuti vnicuique lateri Babylonis  
stadia centum viginti ab historicis assignantur. Deinde, si murum centies grandiore affera-  
mus; consequenter areæ decies millies maior erit. Ex quo infertur, si Ioannis ciuitas compa-  
retur cum alia, cuius quadrum vno milliari siue stadijs octo constet (quam mensuram Hispalis  
nobilissima Hispaniæ vr̄bs non excedit) caelestem Ierosolymam, quam Ioannes describit, se  
habere ad eam vr̄bē, sicut 225000. ad 1. Etenim duodecim millia ad 8. se habent sicut 1500.  
ad 1. Quare si latus millies quingenties maius est; sequitur aream ipsam 225000. vicibus esse  
maiorē. Nec spatium duodecim milliū stadiorū minus est, quàm quod inter Hispalim & Nea-  
polim intercedit. Vnde ciuitas, quæ hic fingitur, est quadrum quoddam, cuius latus longitudi-  
ne adæquet intervallum illud, quo Hispalis à Neapoli distat. præter illud intervallum, quo Scri-  
pturæ calamus sex Romanos pedes excedit; de quodicemus in opusculo de mensuris sacris.

LONGITVDO ET ALTITVDO EIUS ET LATITVDO AEQUALIA SVNT.] Nonnulli existimant, ad  
horū verborū veritatem necesse esse, vt turrium altitudo concipiatur esse tanta, quanta ciuitatis  
longitudo. Sed quid magis absolum in vr̄be adeo capaci? Porro quanta crassitudo huiusmo-  
di turribus opus esset, vt altitudini duodecim millium stadiorum responderet? Ad huiusmodi  
quidem turres, quanuis mediocris ipsarum numerus esset, vix tota ciuitatis area satis erat. De-  
inde, si textum ipsum attentè inspiciamus; facili negotio constabit, grammaticum sensum lon-  
ge alium esse. Primò, quia ciuitatis altitudo non sonat id, quod turris aliqua extollitur. Secun-  
dò, quia iam dictum antea fuerat, *Longitudo ciuitatis tanta est, quanta & latitudo*; vbi nulla altitudinis  
mentio facta est. Cum igitur phrasis mutetur, quando de altitudine agitur; nec dicatur, *altitudo  
tanta est, quanta & longitudo & latitudo*: sequitur inde hunc sensum ab ipso textu non intendi.

Præterea non videtur hic esse sermo de altitudine montis, vbi ciuitas sita erat. Quamobrem  
existimo, hisce in verbis non adæquari altitudinem cum latitudine aut longitudine: sed illud  
dumtaxat asseri, altitudinē scilicet esse totam æquabilem, sicuti & longitudo & latitudo erat. Itaque  
vox illa *æqualia* (græcè ἴσα) idem est, atque *æqualia*: nec altitudo cū latitudine comparatur; sed  
qualibet ex his mensuris in se ipsa considerata affirmatur esse recta atque æqualis. Quod per-  
inde est ac si dicatur longitudo ciuitatis non esse maior vno ex latere, quàm ex alio, sed ex v-  
troque latere æqualis: idemque asseueratur de æquali vndique latitudine. Muros item indicatur  
non solum eiusdem esse in omnibus lateribus mensurā (id est centum quadraginta quatuor cu-  
bitorum) sed etiam in eodem met libramento. Longè aliter, quàm in omnibus ferè terrarum  
vr̄bibus; quibus quia pavementum æquabile vndique non est, magnam necesse est in muris ipsis  
inæqualitatem esse; & interdum mænia nimium sublimia exurgere, interdum ob inæqualis pa-  
uimenti rationem nimium demitti: quantumvis muri dimensio eadem sit. v.g. quinquaginta cu-  
bitorum.

At verò in vr̄be, quam Ioannes vidit, quantumvis immensæ magnitudinis fuerit, pavementum  
& murorum fundamenta æqualia prorsus erant, & ad libellam ac ad perpendicularum ita exacta;  
vt cum murus omni ex parte altitudinem centum quadraginta quatuor cubitorum habuerit, ip-  
sus murus corona æqualis vndique persisteret. Ceterum non id à nobis ita est accipiendum, quasi  
hæc tanta æqualitas turres suis intervallis dispositas detrahat: sine quibus longissimus murus  
pulchritudinem in se habere non potest: & Isaia 54. 12. de propugnaculis mentio fit. Sed æqua-  
litas hæc in eo consistit, quod eadem proportionis & perpendiculari ratio seruetur: ita vt & ipsa  
muri species sit vndique ad amissum æqualis; & in turrium etiā altitudine par semper proportio  
sit, quæ ad ædificij pulchritudinē apprimè decet. Dici etiam fortasse potest, licet in hoc versu alti-  
tudo cum longitudine & latitudine cōparetur, voce tamen illâ *æqualia*, non hic æqualitatem in ipsis  
mēsuris, sed æqualitatem & congruentem proportionem denotari: quod tamen in idem recidit.



## C O M M E N T A R I V S I I.

## De sensu mystico.

**Q**uamuis figura rotunda perfectior esse quadratâ dicatur, tamē quod ad ædificiū spectat, quadratam aream aptiorem esse constat : namq; & cōmodior, & fortior situs & pulchrior est : atq; hæc sunt tres optimi ædificij proprietates. Quare perfecta architectura, nisi in quadrato solo, nō est. Quæ obrem, cū Spiritus sanctus vellet in hoc ædificio perfectionē æternę sanctorū beatitudinis figurare, iure optimo quadratū elegit situm. Quin & hac ratione admirabilis proportio & partium conuenientia in mystico ædificio significatur . nam quadrata structura pluribus atque exactioribus proportionibus inter se apte respondentibus componitur absque eo quodd vlla pars situs amittenda sit.

Quadrata figura quā sit ad ædificij rationem perfecta.

**D**einde in quatuor quadrati ædificij lateribus congruenter adumbrantur principales quatuor diuinę prouidentię perfectiones; quæ in admirando Dei opere æqualiter extant atque eminent. Illæ autem sunt Virtus, Sapientia, Æquitas & Beneficentia. Adhæc; in quadrato ædificio ipsamet proportio & partium inter sese respectus habet nescio quid oppositionis; ob quam ædificiū ipsum & architectura plus eminet, & longē lateq; conspicitur. Dicam clariūs. paries vnus ē regione alterius omnino confurgit; & quatuor anguli sunt; vbi paries alter in alterum videtur impingere, eumq; perrumpere velle. atque hoc ipso pulchrius & solidius redditur ædificiū. Idem fere suo modo accidit in ea oppositione, quā inter se videntur habere summa virtus, & summa æquitas, necnon summa beneficentia & summa sapientia atque maiestas : de quarū admirabili inter sese concordia & societate diximus capite 1. notatione 5. vbi de septem spiritibus.

Quid per quatuor quadrati ædificij latera adumbratur.

Harū quatuor perfectionū æqualitas in maximo illo Dei opere figuratur per quadrū perfectū; cuius longitudo tanta est, quanta & latitudo. Quod verō ex quatuor lateribus vnū Orientē respiciat, Occidentem aliud, aliud Septentrionem, & aliud Meridiē; fortasse denotat. cælū non minūs Occidentalibus, quā Orientalibus patēre; nec plus Septentrionalibus, quā Meridionalibus.

Singula quadrata vrbis latera ad singulas mundi partes spectantia quid significant.

**I**am, quod in ciuitate suburbia nō sint, nos docet in æterna beatitudine non esse catechumenos, nec alios homines, qui defensione ac securitate per muros figuratā non fruuntur. Omnes enim perfecti sunt ciues, omnes cumulatā pace & immunitate potiuntur. Quin etiam suburbia impedimento pelrumque esse solent, ne planē atque integrē mineat murorum ac turrium pulchritudo & structura; id quod cælestem ciuitatem dedecebat.

Cur in cælesti hac vrbe suburbia non sint?

Immensa ciuitatis magnitudo nos reddit securos, fore vt nulli merenti desit in illa domiciliū: quia in domo Patris mei (ait Christus) mansiones multe sunt. significat in super gloriosissimam Christo Domino & Apostolis futuram ingētem illam ciuitatis magnitudinē: vbi cū innumerabilis sit ciuiū multitudo; cuncti tamē ditissimi, sapientissimi, ac felicissimi erunt. Certē in summa ciuitatis magnitudine potuit facillē Ioannes cognoscere, plurimā hominum multitudinem eō demum euehendā. Cū enim tantam, tamque immensam fabricet urbem, qui futurorum ciuium nomen probē nouit; id argumento est, maximam fore saluandorum hominum multitudinem.

Ingens ciuitatis magnitudo quid innuat.

**T**anta hæc vrbis magnitudo si attentē expendatur; duæ præciduntur suspiciones, quæ nonnullos sollicitarunt. Prima est, mundū paucos admodum annos duraturū. Altera, exigū valde saluandorū fore numerū. Ego quidem in neutra harū rerum nouam velim inducere doctrinam, sed meā interpretationē ad receptum sapientium ac prudentiū sensum conformare; atque id ex ipsius contextus coniecturis eruere. Si ad urbem tantæ magnitudinis incolendam opus esse videtur maior ciuium multitudo, quā quæ occupare possit vices centena millia vrbium Hispalim magnitudine adæquantium: quinam hoc stare potest eum perexiguo illo prædestinatorū numero; & cum mundi duratione adeō breui defecurā, vt nonnulli opinantur?

Ex prædicta tanta vrbis magnitudine quid inferatur.

**V**erū dicet aliquis, hac ratione plus æquo probari. licet enim quotannis plures saluarentur homines, quā qui opus essent ad viginti vrbes Hispalis instar incolendas: adhuc ad vices centena millia, opus esset annis centies mille. Respondetur puerorum, qui saluantur numerum esse pene innumerabilem etiam inter Hæreticos & Schismaticos. Quod verō attinet ad homines iam adultos, viri aliquot valde pij ac spirituales affirmant, multo esse plures, qui saluantur, quā aliqui existimant. Qui enim suum pro nobis sanguinem effudit, maximam adhibet diligentiam, ne animæ, quas ipse tanto redemit pretio, in æternam perniciem ruant. His accedit, quod maxima hæc ciuitas non consideratur solum, vt Sanctorum domicilium; sed etiam quasi ipsorum prædia, horti ac viridaria sint: quæ omnia ingenti illo murorum ambitu coercantur, vt ab hostium incurSIONIBUS securā & pacata sint. Et quamuis ignoremus omnino, quot sæcula sit mundus duraturus: nouimus tamen inanem fuisse eorum timorem, qui orbem citō interiturum metuebant. Aliquis etiam dictis posset adiungere, descriptam huius vrbis magnitudinem non accommodari solum prædestinatis hominibus, sed etiam Angelorum numero; qui comparatione hominum perinde sunt, quasi oues nonaginta nouem respectu illius, quæ aberrauerat. Hoc tamen meo iudicio non est ad rem. nam maximus Angelorū numerus non est pars magnitudinis Romanæ Ecclesiæ, de qua in hoc capite agitur, vt in eius prologo disputatum est.

Difficultati ex dictis proueniens occurratur.

**D**emum murorum & ædificiorum æqualitas Beatorum denotat concordiam & societatem: in ea autem, maxima familiaritas & admirabilis proportio designatur. vbi enim ædificij desideratur æqualitas, aut si vna ex parte laxius, quā ex alia sit: cū linæ ac superficies non sint parallelæ, videtur inter ipsas societas & familiaritas non esse: quandoquidem altera ab altera desciscit ac deuiat. Itaque vniuersalis conuenientia & concordia in ipsius ædificij æqualitate mirificē adumbratur.

Quid in murorum & ædificiorum æqualitate figuretur.



## T E X T V S.

*Vers. 17.* Et mensus est murum eius centum quadraginta quatuor; cubitorum mensurâ hominis, quæ est Angeli.

## C O M M E N T A R I V S.

**Q**uemadmodum portarum symbolum adumbrat eorum gloriam, qui veluti portæ fuerunt, quibus Gentiles in Ecclesiam reciperentur; & fundamentorum symbolum denotat gloriam illorum, qui Ecclesiæ fundatores siue fundamenta fuerunt: sic etiam muri symbolum referendum omnino est ad eorum gloriam & splendorem, qui se Ecclesiæ propugnationi veluti muros præstiterunt. Verum considerari oportet numerum centum quadraginta quatuor cubitorum; cui non qualibet fortassis explicatio bene aptatur. Alij muri significationem extendunt ad Prophetas omnes & concionatores. Alij ad eos, qui suis precibus pro muro Ecclesiæ fuerunt. Alij ad Martyres. Alij ad Doctores. Alij ad Ecclesiæ Prælatos & superiores. Alij ad Spiritus sancti dona, siue ad virtutes ac bona opera. Alij ad fidem. Alij ad Angelorum custodiam. Alij denique ad sacram Scripturam. Ego tamen mihi persuadeo, in hoc muri symbolo Christianos sacerdotes potissimum figurari; nam sacrificium Missæ offerentes, ipsius sacrificij virtutem & patrocinium impugnationi dæmonum opposuerunt. Quæ explicatio mirifice consentit cum beati Gregorij dictis; qui asserit, Christum esse verum murum: nec non cum Ruperti sententia asserentis Eucharistiam esse murum Ecclesiæ. Ipse igitur, ratione sacrificij Eucharistiæ, applico huiusmodi muri symbolum Sacerdotibus Christianis. atque hoc mihi persuadeo ex numero centum quadraginta quatuor cubitorum, ut statim explicabo.

Nonnulli contemplantur, numerum centesimum quadagesimum quartum esse illum, qui ex duodenario numero duodecies replicato confurgit; & huiusmodi numerum duodenarium in portis, in muro, in fundamentis, in ciuitatis longitudine (quæ duodecim stadiorum millibus constat) reperiri: atque hoc numero propterea diuinæ huius fabricæ architectum fuisse delectatum, ut Apostolos decoraret; qui post Christum Dominum sunt cælestis huius ciuitatis fundatores. Mihi tamen in centum quadraginta quatuor cubitorum numero congruentius videtur, ut considerentur quatuor & viginti calami; quorum singuli senos habent in longitudinem cubitos; ut in tractatu de mensuris lacris probabimus. Cum autem, quilibet calamus vnus humanæ staturæ longitudinem contineat, cuius sexta pars cubitus in sacris Literis vocatur: rectè consonat, uti Sacerdotibus muri symbolum tribuatur. Nam in Apocalypsi Christiani figurantur Sacerdotes sub quatuor & viginti seniorum specie per allusionem ad viginti quatuor principes familiarum ex Aaronigenis ducentium. Vtergo significaretur proprium Sacerdotum esse munus, uti se Ecclesiæ murum præstarent: ideo congruenter muro tribuuntur viginti quatuor humanæ staturæ dimensiones, quasi sacerdotes omnes coniuncti inter se sint ad offerendum Eucharistiæ sacrificium, & ad Ecclesiam ea ratione communiendam.

Existimabit aliquis, in hac muri altitudine (sicuti in ciuitatis etiam magnitudine) habitum fuisse respectum ad antiquæ Babylonis muros. Cæterum non rectè consentit cum hac allusione ipse cubitorum numerus. Nam antiqui scriptores (nisi fortè hyperbolicè loquantur) ducentos cubitos in altitudinem Babylonico muro adscribunt.

MENSURA HOMINIS, QUÆ EST ANGELI. Id est, hi centum quadraginta quatuor cubiti dimensiones sunt humanæ mensuræ, quam Angelus manu habebat. Ex quo elicitur primò, calamus illum, quo Angelus hoc ædificium metiebatur, fuisse iustam humanæ staturæ mensuram. Quin etiam manifesta allusio ad Ezechielis calamus cap. 40. 5. argumento est, hunc calamus in sex cubitos fuisse distinctum; atque ad eò cubitum in Scripturæ phrasi non ita accipiendum fore, sicuti plerique existimant pro quarta staturæ humanæ parte; sed pro sexta; ut latius in opusculo de sacris mensuris. Secundò ex allusione ad Ezechielis calamus deducitur, quæ in hoc loco humana mensura, esse mensuram antiquam: quæ fortassis est aut Adami aut Noëi, quæ dupla est in potentia solida ad vulgarem mensuram postea visitatam; ut in eo opusculo fusè disputabitur. Quòd verò in præsentī instituatur sermo de maxima humanæ staturæ mensura (ut sapienter notauit Genebrardus Psal. 77. 30.) ex eo constat, quòd Ezechiel cap. 40. 5. mensuram calami ait esse sex cubitorum & palmos; id est, sex palmi cubitorum, siue cubitorum sex maiorem ex iis, quorum singuli ad vulgares cubitos posteriores se habent, sicut 5. ad 4. quia cubitus verissimus habebat cubitum & palmum, ut docet idem Ezechiel capite 43. 13.

Tertiò, cum in sacris Literis appelletur mensura hominis, & mensura virilis, & mensura prima, vetus illa mensura, quæ secundum Adami aut Noëi staturam efficta erat: ideo sacrum hoc ædificium verissimam illam Adami siue Noëi mensuram dimetitur Angelus; ut significetur, Angelum ipsum huius ædificij mensorem (qui, ut vidimus, beatum Paulum figurat). Illud Christi mensura dimetiri: cuius mensuræ meminit ipse Paulus ad Ephesios 4. num. 7. & 13. quia Christus est mysticus Adamus atque Noëus. Iam, quòd Christi dimensione hoc ædificium mensuretur; denotat, ipsius fabricæ magnitudinem ex magnitudine meritorum Christi, & ex conuenientia & proportionem cum ipsius gloria fuisse perceptam.

Aliqui

Quinam in muris siue manibus ad umbrentur.

Varie aliorum expositiones.

Autoris expositio de sacerdotibus.

Numerus 144. cubitorum, quibus murorum altitudo constabat, quid mystice significet.

Quid significet, Mensura hominis, quæ est angeli.

Hanc mensuram arduam sex cubitis constare.

De maxima humana staturæ mensura hic esse sermonem.

Quod sit mysterium humana mensuræ, quæ Angelus ædificium dimetitur.



A Aliqui ex his verbis, *mensurâ hominis, quæ est Angeli*, colligere volunt, eadem in cælo dimensione homines & Angelos commensurari. Verùm si hic Angelus Paulum, vt iam dixi, representat; non bene infertur, hoc in loco sermonem haberi de ea mensura, qua cælestis Hierarchiæ Angeli mensurantur. Præsertim, quia nomen Angeli præfixum hîc habet articulum; vt certius sit non hic de alio Angelo esse sermonem quàm de illo, qui Ioanni cælestem Hierosolymam demonstrabat; qui, vt suo loco probatum est, refert B. Paulum.

## T E X T V S.

B *Vers. 18. pars 1. Et erat structura muri eius ex lapide iaspide.*

## C O M M E N T A R I V S.

C Desumptum est hoc ex Isaia cap. 54. 12. *Ponam Iaspidem propugnacula tua.* Quòd si Iaspis (vt in primo ciuitatis fundamento, quod iaspideum est, videbimus,) symbolicè Dei omnipotentiam adumbrat: hæc ipsa diuina omnipotentia cælestem urbem tutam ac securam reddit omnino. Neque obstat, quòd superius diximus, scilicet murum applicari sacerdotibus, qui suis sacrificijs quasi muris tutissimis Ecclesiam protegent ac tuentur. Hoc, inquam, non obstat; quia sacerdotibus tribuitur muri symbolum, vt pote quia Deo impetrarunt, vt catholicam Ecclesiam suâ omnipotentia ab hostili dæmonum incurfione defenderet. Deinde significationi omnipotentia illud accedit, quòd Iaspis verus ac germanus (qui est gemma) olim ab antiquis pro amuleto ac tutela aduersus dæmones habitus sit; de quo in primi fundamenti explicatione. Quapropter, vt significetur cælestis ciuitas à dæmonum oppugnationibus esse omnino secura; eleganter ipsius murus ex Iaspide gemma constructus fingitur: quæ gemma credita olim est eam peculiarem habere proprietatem, vt dæmones procul amandet. Atque idem ferè significatur illis Isaia verbis cap. 60. 18. *Occupabit salus muros tuos.*

*Allusio in muro iaspide, ad Isaie locum.*

*Qui d. muri Iaspis significes.*

## T E X T V S.

*Vers. 18. pars 2. Ipsa verò ciuitas aurum mundum, simile vitro mundo.*

## C O M M E N T A R I V S.

D Quidam existimabat in hac Apocalypseo descriptione, licet cælestis ciuitas murorum ambitum habeat, interiora tamen urbis nō ita esse concipienda, quasi aliqua inibi sint ædificia: sed veluti murus ipse solū esset constructus ad terrestrem paradisum ambiendum. Hanc opinionem primū fulciebat; quia textus ipse nihil de domibus aut ædificijs agit; sed solū de muro, de portis, de interiori arbuto. Deinde, quia domibus nihil opus est; nisi aut ad familiarum diuisionem, aut ad defensionem ab aëris intemperie, aut etiam vt cines sibi ab alijs caueant, & suas custodiant fortunas; aut demum vt minùs verecundas actiones obtegant: quorum nihil in superna ciuitate locum habet. Pro cuius sententiæ confirmatione afferri possent verba illa, *Ecce tabernaculum Dei cum hominibus*, quibus innuitur nullam esse distinctionem; sicut intra tentorium, siue tabernaculum non esse solet.

*Verum cælestis ciuitas, præter exteram murorum faciem, domibus etiam & ædificijs intus constaret. I. sententia negans.*

E Verū, meā sententiā, his verbis versus 18. validè hæc opinio refutatur. Nam verba illa, *ipsa verò ciuitas* (quæ agunt de interiori urbe, prout ab externa murorum facie distinguitur) procul dubio accipienda sunt de interioribus ipsius ciuitatis ædificijs. Etenim si fundus aliquis siue hortus muro vndique ambiretur: postquā de muro ipso actum esset, & ad interiora transgredere sermo; non rectè diceretur, *ipsa verò ciuitas*. Nec enim aut hortus, aut prædium, siue ager appellari possunt ciuitas. Quod si propterea de medio tolluntur ædificia, quia illis opus non est: tollantur etiam oportet muri, quorum nulla vrget necessitas. Si ergo muri propter significationem congruentissimè finguntur; eādem ratione domus etiam considerare debemus ad congruentem meritorum Christi distinctionem significandam: iuxta illud Christi dictum Ioannis 14. 2. *In domo Patris mei mansiones multe sunt.* Domorum item pulchritudo atque distinctio apprime conducit ad ipsius urbis decus & ornamentum. Ad hæc; ædes ipsæ symbolicæ æthereos ciues representant: hæc namque ciuitas ex viuis & electis lapidibus fabricatur. Ad id verò, quod e contrario adducebatur, videlicet opus ibi non esse, vt alij sibi ab aliorum iniuria cauere, nec inuerecundas celarent actiones: Respondetur, hunc non esse harum domorum scopum: siquidē ex perspicuo & pellucenti auro vitri instar clarissimi figurantur, nec conferunt ad ciuium de-

*Vera Auctoris sententia pro parte affirmatiua*

*Contraria sententia fundamenta evertuntur.*



fensionem, & à cæli inclementia cautionem; sed ad pulchritudinem, voluptatem, proportionem, & ad significandam etiam meritorum distinctionem.

*Quid significet aurum perspicuum, ex quo interna ciuitas est fabricata.*

Quamobrem, cum verba hæc, *Ipsa verò ciuitas*, de interioris ciuitatis ædificijs agant; illud insuper addendum est, sapientissimè ædificia isthæc ex auro perspicuo fingi. Certè, quemadmodum dici solet, nihil vitro ad summam perfectionem defore, si fragile non esset: ita etiam id vnum auro deesse videtur, vt scilicet perlucidum ac perspicuum sit. Quod si haberet aurum, proximè ad Chrysolithi perfectionem accederet. Chrysolithus autem (vt in septimo fundamento tractabitur) symbolum est mirificum perfectissimæ gloriæ, qua Christus redemptor noster perfruitur. Quapropter, vt sanctorum gloria figuretur tanquam perfectissima, & à Christi Domini gloria ducens originem, eique maximè similis: concinnè & eleganter finguntur ex auro perlucido & perspicuo omnia ciuitatis ædificia, quæ cælestem sanctorum gloriam significant. His accedit, quòd in domorum perspicuitate innuitur, supernorum ciuium singulos omnium pariter gloria potiri, ob mutua omnium inter sese vnionem & concordiam, qua alij de æternâ aliorum felicitate summopere lætantur.

## T E X T V S.

*Vers. 19.* Et fundamenta muri ciuitatis omni lapide pretioso ornata. Fundamentum primum, Iaspis: secundum, Sapphirus: tertium, Chalcidius: quartum, Smaragdus.

*20.* Quintum, Sardonyx: sextum, Sardius: septimum, Chrysolithus: octauum Beryllus: nonum, Topazius: decimum, Chrysoprasus: vndecimum, Hyacinthus: duodecimum, Amethystus.

## C O M M E N T A R I V S.

*Quo sensu dicantur muri fundamenta omni lapide pretioso ornata.*

*Aliorum expositio. Vera explanatio statim in eo probatur.*

**O**MNI LAPIDE PRETIOSO ORNATA.] Ribera sic exponit, quasi singula fundamēta sint gemmis duodecim ornata. quia in gemmis (ait) significantur virtutes & dona: & quauis gemmæ statim distribuuntur Apostolis singulæ singulis, vt ex singulis assignentur virtutes, quibus quisq; maximè floruit: nihilominus vnumquodque fundamentū dicitur ornatum omnibus gemmis, quia ita singuli suis virtutibus florere, vt reliquis non carerent. Sic Ribera, & similiter nonnulli philosophantur in ijs verbis numero 21. *Duodecim porta duodecim margarita sunt per singulas*: existimantes opus esse, vt in portis singulis duodecim inueniantur margaritæ. Hoc tamen contextui repugnare suo loco ostendemus. Nunc de fundamentorum gemmis. Et antequàm ad eorum mysterium accedamus; in ipsa visione imaginaria existimo non ita esse fundamenta considerata, quasi singula gemmis alijs superadditis insignita sint. Nam fundamentum primum est Iaspis, merus inquam Iaspis, absque vlla Sapphiri vel Smaragdi permistione: secundum, merus Sapphirus; & sic de reliquis. Nec quispiam id in dubium reuocaret, nisi nonnihil difficultatis afferrent verba illa, *Fundamenta muri ciuitatis omni lapide pretioso ornata*. quæ tamen nihil aliud significant, quàm ea esse pulchro ordine disposita. Verbum enim Græcum, κομῆται, non significat solum ornare; sed etiam ordinare, distribuere, atque componere. præsertim vbi ex ipsa dispositione decor & pulchritudo confurgit, vt in exercitu. Fundamenta ergo dicuntur omni lapide pretioso ornata; quia visa sunt Ioanni gemmarum sequenti ordine disposita admirabilem pulchritudinis speciem oculis obijcere. De qua construendi ratione, nemo videtur posse dubitare, qui grammaticum græci textus sensum attentè legerit, atque perceperit. Quinimò in latina versione id satis probatur ex sequentibus verbis, *Fundamentū primum, Iaspis; secundum, Sapphirus &c.* Cum enim fundamentorū singula ex singulis gemmis ingentibus consistunt: absolum est, alias insuper eigemmas inferere. Rudem quidem & impolitum murum pulcherrimi Iaspidis varietate exornare interdum decet; vt videre est Romæ in sacellis nonnullis, quæ in Apostolorum Principis templo visuntur: at verò si totus paries gemmis pretiosissimis ac variis esset conuestitus, ineptum esset gemmas ipsas alijs insuper minoribus lapidibus adornare.

*Mysterium gemmarum duodecim, qua muri pro fundamentis supponuntur.*

*Impugnatur i. explicatio*

Quod ad mysterium attinet; iuxta eum sensum, quem ipse sequor, & supra versu 14. exposui, non solum superuacaneum est, sed etiam prorsus dissentaneum, singulas cuiusque fundamenti gemmas reliquis alijs gemmis ornari ac distingui. mysteriū namq. duodecim Apostolici symboli veritatum (quæ in his significantur fundamentis) potissimum consistit in ipsarum veritatum duodecim distinctione. Arqui manifestum est, in quolibet ex fidei capitibus siue articulis reliquos omnes non comprehendere.

Porro, si fundamentum quodlibet pretiosorum lapidum multitudine exornatum foret; quod textus ait, *Omni lapide pretioso ornata*, absolutè posset de omnibus gemmis intelligi; & non solum de his duodecim, quæ statim enumerantur; quippe gemmarum species multo sunt plures; vt videre est apud Plinium lib. 37. & omnes ad peculiariū virtutum symbola possunt aptari. Sed cum in nostra expositione non alius sit ornatus, quàm apta & idonea duodecim fundamentorum dispositio: necesse est verba illa, *Omni lapide pretioso*, ad duodecim gemmas coarctari. Itaque



A grammaticus hic est sensus; *omni lapide pretioso ornata*, id est, ijs omnibus collucentia gemmis, quæ mox subiiciuntur; nempe Iaspide, Sapphiro, Chalcedonio & reliquis. Opinabitur fortasse aliquis, non sine peculiari mysterio in Scriptura significari hos duodecim pretiosos lapides esse vniuersas orbis gemmas, ceteris quodammodo gemmarum nomine denegato. Sicuti Apocalyp. 7. omnes numerantur tribus, vnâ tribu Dan exceptâ, ad mysterij alicuius significationem. Verum huiusmodi subtilitate opus non est: nam (vt interim de alijs taceam) Achatem Scriptura inter Rationalis gemmas annumerat: quæ tamen gemma inter has duodecim non reperitur. Quamobrem, licet ob peculiare mysterium hi lapides duodecim ad ciuitatis fundamenta, reliquis alijs, vsurpantur (quantunvis Opalus & Achatem inter gemmas pretiosissimas fuerint reputatæ): nihil tamen opus est fingere, reliquas ab Scriptura in gemmarum numero non reponi.

B Superest nunc attentè considerare admirabilè Spiritus sancti sapientiâ in duodecim horû lapidû electione ad totidè Apostolici Symboli veritates adumbrandas. Oportet ergo imprimis expendere, quæ sit perfectæ symboli huius Apostolici diuissio; deinde qui lapis in Scriptura vocetur Iaspis; qui Sapphirus; qui Chalcedonius; idemque de ceteris dictum esto: postea diligenter obseruare, quàm aptè atque concinnè singuli componantur lapides cum articulis singulis, ad quos per ordinem spectant; de quo in sequentibus notationibus, maioris distinctionis ergo, seorsum agemus. Sed ante eas notationes velim, vt lector consideret ea, quæ ad omnes communiter gemmas duodecim attinent. Atque in primis memoriam refricet oportet notationis 14. præmialis de summa libri huius perfectione symbolica. Vbi expendimus, iure optimo à sapientibus viris coli ac suspici debere mysterium pariter & concinnitatem, quæ Deus in rebus creatis sub oculorum aspectum cadentibus copulauit. Quis verò dubitet, multò maius ac sublimius inesse mysterium in rebus corporeis maiori perfectione constantibus? Atque ex naturali perfectione, quæ corporeis sensibus percipi possit, nemo nescit, gemmarum pretiosissimarum perfectionem ceteris longo intervallo antecire. In his enim gemmis cælum pariter ac terra suas opes ostentare videntur; suam vim, potentiam ac virtutem in rem ita exiguam congerere; vt vnita simul tot naturæ dotes, & in re ita parua conglobatæ suam perfectionem clariùs ostendant.

C His igitur inferioris mundi stellis (quæ cum cælestibus ipsis syderibus de perfectione certare videntur) voluit summus præpotensque Deus in medijs mortalis huius vitæ tenebris lucem nobis impertiri; vt animaduertemus, quantò excellentiùs ipsius eminet providentia in eo representando mysterio, quo animos immortales pascit, quàm in naturali vtilitate & emolumento, quo mortalia corpora fouet ac tuetur. Si enim curiosius perscrutari velimus, quanam commoda atque vtilitates hominum naturæ ac vitæ afferant gemmæ; vix, quod ad rerum ipsarum naturam spectat, insigne aliquod emolumentum comperiemus. Tantum indicium aliquod ac vestigium cælestis & æternæ sapientiæ deprehendimus, nec non certam quandam promissionum spem in earum rerum effectibus, qui tandem lubrici & incerti, aut saltem non omnino perfecti inveniuntur. Quinimò exiguum ipsum gemmarum corpusculum, & quantitatis paruitas nos quodammodo admonent, ad nullam ferè aliam rem illas à summo rerum opifice procreatas, quàm vt vestigia quadam ac symbola præstantiorum & excellentiorum rerum sint. Nam ad huiusmodi vsum & vtilitatem qualibet quantitas, licet exigua, satis est. Et quidem si huiusmodi gemmæ ideo potissimum fuissent à Deo conditæ, vt natiuis suis proprietatibus nobis inferuissent, & vsui atque vtilitati forent: ad id certè non videbantur nobis denegandæ prægrandes saxorum instar gemmæ, atque ad eò earum fodinæ, vnde ingentes lapides pretiosos ad integras erigendas columnas & ædificia fabricanda effoderemus. Cùm ergo nobis solùm exhibeatur quoddam veluti indicium, vel desiderium potius admirabilis cuiusdam perfectionis; argumento est, diuinæ providentiæ scopum non eum esse, vt in infimarum rerum naturis carissima pignora ac perfectissima haberemus; neque id nobis valde expediebat: ne terrenarum rerum lenocinio ac titillatione nimium illiceremur. Solùm igitur in gemmarum natura nobis videtur concedi, ac relinqui quoddam cælestium rerum ac diuinarum vestigium; vt nobis pro quibusdam characteribus ac lineamentis sit, quibus excitemur, & quodammodo trahamur ad ea in rebus æternis ac diuinis perquirenda, quæ figuræ ipsi ac symbolo defunt. Et sanè ex naturalibus dotibus ac proprietatibus non aliæ videntur in his gemmis duodecim reperiri, quàm quæ ad mysterium in ipsis figuratum possint conducere. Ideoque in harum gemmarum nonnullis parum satis naturæ virtutis inest hæc enim sufficiebat ad vulgaris opinionis fundamentum, in qua potest congruenter mysterij significatio niti. Nam in symbolis plerumque communis opinio nihilominus, quàm veritas ipsa deferuit.

E Deinde ante ipsam gemmarum applicationem, illud etiam consideremus oportet; quàm sit rationi consentaneum, vt symbolica gemmarum pretiosissimarum significatio veritates item ingentis pretij, splendoris ac firmitudinis respiceret. Namque vt nobiliores comparationes sunt, quæ ex rebus illustribus atque conspicuis sumuntur: ita etiam huiusmodi res sunt dignæ, quæ in nobilissimarum veritatum symbola impendantur. quod cùm ita sit, facilè cerni potest, ad perfectissimas Apostolici symboli veritates nulla alia aptiora quàm gemmarum collucentium symbola vsurpari valere. Quam enim aliam in rem præstantiorem aut excellentiorem potuit hæc gemmarum nobilitas conferri? aut quæ aliæ veritates maioris pretij ac splendoris possunt reperiri?

Illud nunc expediens est, atque ad eò necessarium, vt qualibet gemma cum suæ fidei articulo ad eò consonet, nulla vt alia ad eandem veritatem videatur ita rectè applicari potuisse. Qua in re ad sequentes notationes me refero. Id autem maximè mihi est in votis, vt ex his notationibus constet, nullius ingenij acumine potuisse tantam in harum gemmarum ordine ac dispositione proportionem reperiri, nisi Spiritus sancti mente collimatâ. quod si satis mihi esse putarem eiusmodi applicationem, quam assignant aliqui in Apostolorum virtutibus per has gem-

*Verum omnes sacrarum Literarum gemme ad has duodecim redigantur.*

*Quæ sint in harum gemmarum applicatione consideranda*

*Quanta sit huius gemmarum symboli concinnitas & elegantia.*

*Pretiosas gemmas ad symbolicam potius vtilitatem, quàm ad naturalem videri procreatas.*

*Quàm hic rationi consonum, vt rerum pretiosarum symbola rebus item pretiosis significandis aptentur.*



mas utcumque significandis (adeo parum de iusta proportionem solliciti; ut qua ratione hæc gemma huic Apostolo tribuitur, eadem facile posset cuius alii Apostolo accommodari) certè parum firmiter probasseim, proprium ac germanum lapidum duodecim sensum me attigisse. Sed magna satis probatio videtur deduci ex eo, quod (Apostolici symboli, nec nò gemmarum duodecim ordinem sectando) tanta inveniatur in articulorum singulis proportio; ut nec gemma alia illi articulo, nec alius illi gemmæ articulus ita congruenter aptari poterit.

Cur fidei  
veritates in  
vnum velu-  
ti corpus  
coactæ, sym-  
bolum ap-  
pellentur?

Annulos  
olim pro si-  
gillis fre-  
quentissimè  
vsurpari  
solitos fuisse

Præterea receptum apud omnes est, has fidei veritates in vnum coactas semper ab Ecclesia sym- bolum fuisse dictas. Atque inter alias huius nominis rationes, illa probabilior apparet; quod scilicet hoc sit veluti quoddam veræ fidei signum ac nota, qua Catholici ac fideles ab infidelibus & hæreticis discernantur. Quam enim Latini *notam* vocant, Græci *symbolum*, Hispani *señal* appellant. Huic igitur symbolo respondent duodecim Apocalypseos gemmæ; quæ symbola item nuncupantur, quia sunt hieroglyphica quædam mysterij plena. Ac de annulis tradit Plinius lib. 33. cap. 1. eos tunc symbola vocari solitos. Ratio verò est, quia antiqua ob signandi consuetudo fuit, ut in gemma annulo inserta aliquod eiusmodi symbolum siue hieroglyphicum imprimeretur; (annuli verò ipsi iuxta receptissimum priscorum morem sigillorum vicè gerebant. Jex quo etiam colligitur, symbolicam significationem gemmis veluti annexam semper fuisse. Nam & gemmarum nomen à Latinis vsitatum satis indicat, præcipuum ipsarum vsum in annulis fuisse; ut humaniorum literarum studiosi probè norunt.

Apparet ergo, nullum ferè alium reperiri quondam gemmarum vsum, quàm ut ad symbolorum consuetudinem vsurparentur: ac Spiritum sanctum nobis ostendere voluisse, gemmas ipsas absque vlla impressa figura pro symbolis aptissimè accipi posse. eo quod eo animo creatæ sint à Deo, ut fidei symbolo egregiè deferuissent. Quare neque potuerunt præstantiori vsui designari; neque aptior potuit desiderari proportio. Quadrat enim unicuique articulo sua gemma; sicut annulus digiti, cui inseritur, articulo. Ac denique symbolum Apostolorum est multis de causis omnium symbolorum præstantissimum. Gemmæ verò, quæ huic symbolo deferuissent, sunt è nobilissimis, quæ excogitari potuerunt, symbolis: cum inter sacra atque diuina symbola, veluti nobilissima connumerari possint, utpote elegantia atque sapientiæ splendore referta. Illud insuper obseruandum est, duodenarium gemmarum respondere totidem illis gemmis, quæ in Rationali erant insertæ. Cur verò ex illis non omnes hic assumantur, curve ordo varietur, inferius disputabitur.

Platonem  
huic gem-  
marum &  
mysteriorum  
duodenario  
nonnihil  
(præter suam  
tamen opi-  
nionem) ad-  
stipulari in  
Phædone.

Præter hæc, lectorem obsecro, uti legat Platonem in Phædone propè finem, in ea fabula, quæ refert Socrates: ubi aliud agens, obiter deseruij fabulosâ illâ narratione huic Apocalypsos tractationi. Agit enim ibi de duodecim pulcherrimis coloribus superioris terræ; & quod lapilli, qui apud nos in pretio sunt, ut Sardius, Iaspis, Smaragdus, sunt particula quædam montium ac lapidum terræ superioris. Hæc ille. & duodenarius ille gemmarum superioris terræ, de quo agit, videtur ex eo profectus, quod Plato nonnihil lectione aut auditione acceperit de duodecim Rationalis gemmis: nec non de communi Hebræorum assertionem, qui in Rationali cælos figurari putabant.

His addo dubitatiunculam quandam & eius solutionem. Difficultas igitur est in eo, quod Mattheus cap. 2. 11. scribit de Regum Magorū oblatione: ait enim, *Obtulerunt ei munera, aurum, thus & myrrham.* Hi, si Reges erant, & Christo recens nato afferre voluerunt ex ijs quæ in eorum regione erant pretiosissima; cur non etiam gemmas obtulere, quibus nihil pretiosius, neque portatu facilius afferre poterant? Adde, quod hic Gentilitatis aduentus ad Christum puerum adorandum videtur fuisse figuratus in aduentu Reginæ Saba ad Salomonem; de qua 3. Reg. 10. 2. *Ingressa est Ierusalem cum comitatu & diuinis & camelis portantibus aromata & aurum infinitum nimis & gemmas pretiosas.* Respondetur, in Regina Saba symbolicè adumbratum fuisse, quidquid Gentilitas Christo obtulit postquam instructa fuerat atque imbuta mysterijs fidei, & Christi ipsius gratiam receperat. At, Magi Reges suis muneribus præsignificauerunt, quod potuit offerre Gentilitas, antequam in rebus fidei probè esset instituta: quare & promptam voluntatem & pectoris deuotionem attulerunt. Verum nondum pretiosas doctrinæ Christianæ gemmas habebant; donec postea Christiana sacra edocti, & Dei gratiâ roborati mysticam etiam gemmarum oblationem fecerunt.

Cur Magi  
reges Christo  
recens nato  
non gemmas  
etiam inter  
alia munera  
obtulerunt. My-  
sticè.

## NOTATIO II.

### De perfecta Apostolici symboli diuisione.

EX Clemente Romano, Leone Magno, atque alijs multis constat, Apostolorum intentionem fuisse; ut in symbolo summâ fidei ad duodecim articulos redigerent. Et quidè, cum duodecim fuerint Apostoli, qui symbolum composuerunt: consentaneum fuit, uti ipsemet veritatum fidei numerus nos commonefaceret de Apostolorum duodecim auctoritate, deque ipsius doctrinæ concordia & vnitatè. Illa ergo ex antiquitate ad nos deriuata est notitia, Apostolorum videlicet symbolum, quo ordine à nobis recita-

tur, in duodecim capita parti. Nulla tamen grauis & antiqua auctoritas reliqua nobis est, quæ singulatim assignet, qui sit quintus ex his articulis, qui decimus. Vnde locus relictus est, ut duodenario numero in his articulis seruato, aliqui in duos diuiderent articulos, eos qui ab alijs in vnum coniunguntur; & in vnum postea conflarent, quos alij duos constituunt. Ipse quidem quatuor aut etiam plures diuersas possem indicare diuisiones: vnam inter Augustini opera in concione quadam, (quæ tamen inter

aliena

Fidei sym-  
bolum duo-  
decim veri-  
tatibus cer-  
tò constare:  
non tamen  
constare de  
ipsarum ve-  
ritatum in-  
ter se ordine  
ac diuisione.



aliena reputatur: alteram in Glossa incognita: tertiam in catechismo Romano; & alias apud alios.

Decernere, quam ex his sit potior ac prae- stabilius diuisio, parui illorum intererat, qui nihil curabant de fidei capituli applicatione ad duodecim Apocalypseos gemmas. Quare nulla in eos transferri debet culpa, quod parem huic numeri diligentiam non adhibuerint. Enim verò, si lapides cum fidei articulis coniectere libeat; aberraret prorsus necesse est, qui exactiorem ac perfectiorem diuisionem non seligat. Etenim si octauus, articulus ex septimo aut ex hono fit; diuersus alius lapis non ei quadrabit articulo, cui septimus aut nonus lapis egregie respondebat. Et diuinus quidem Spiritus haud dubie in hac Apostolici symboli significatione symbolica, ad rectiorem & perfectiorem ipsius symboli diuisionem respexit; quae procul dubio illa erit, qua Apostoli vti sunt, quaque sibi proposuere sectandam.

Ex dictis infertur in catechismis parum referre, utrum quam sequuntur diuisionem, ea sit optima omnium, quae excogitari potuerunt? Nam ad suum institutum (quod proprie est verba Apostolorum symboli exponere) tanti refert, hanc sectari diuisionem, quanti illam. In auctore Glossae incognitae aliquatò culpabilior est error: ille enim duodecim gemmas ad symboli articulos applicare conatur: atque adeò ubi recta non seruetur diuisio, obliqua sit applicatio necesse est.

Vt ergo in optimam symboli diuisionem collineemus; illa aptior & securior regula tradi posse videtur, ut scilicet diligenter attendatur, quae diuisio partes inter se magis diuersas partiatur, & quae magis inter se coniunctas vniat. Quamobrè Dei omnipotentia & creatio in duos diuidi articulos non debent (ut perperam nonnulli fecerunt) sed in vnum coalescere. Deinde in secundo articulo coniungenda sunt ea verba, quae magnam Christi dignitatem exprimunt. In tertio, quae Incarnationem ac natiuitatem. In quarto quae passionem. Hucusque recte se gerunt tum Glossa incognita, tum catechismi. Postea tamen vno eodemque articulo comprehendunt Christi descensum ad inferos & resurrectionem. Quare ad extremum ut duodenarium articulorum numerum conficiant, resurrectionem carnis & vitam aeternam in duo capita partiuntur. Sed congruentius multo est, si duo haec postrema in vnum coeant, & quantum in duo subdividatur. Etenim descendere ad Patrum limbum, ac tertià die resurgere, veritates sunt non adeò inter se coniunctae, sicuti extremi Iudicii die cum immortalitate resurgere. Quod dilucidè constat, quia immortalitas est quaedam quasi proprietas atque conditio postremae resurrectionis: nec aliud sunt. Resurrectio & vita aeterna, quam ad vitam eternam resurgere. Et Christus redemptor noster de iustis & electis verba faciens, verumque coniungit Ioannis 5. 29. ijs verbis, & procedent qui bona fecerunt in resurrectionem vitae. Quapropter manifestum apparet, à Ioanne in duos articulos non diuidendum, quod ipsemet refert à suo praeceptore Christo in eadem simplici propositione ac veritate fuisse coniunctum. Quod ex eo ampliùs confirmatur; quia omnes (nullo excepto) in vno eodemque articulo coniungunt Christi Domini in caelos ascensionem & ad dexteram Patris sessionem. Ratio verò est; nam ascensus ille ideo fuit, ut Christus ad Patris dexteram confideret. Vt igitur Redemptor noster in celum conscendat ad Patris dexteram aeternum confessus; pari etiam ratione iusti resurgent aeternam vitam victuri, & suo etiam modo damnati. Ex quo patet multo melius & congruentius esse, uti ex duobus postremis articulis, quos & Glossa incognita &

A vulgares catechismi tanquam res diuersas distinguunt, vnus coalescat. propterea enim videntur solù duos hos articulos seponere, ut duodenarium numerum expleant; cum antea vnum effecerint articulum, qui in duos potius foret diuidendus.

Nec deest, qui in vnum cogat articulum tum Spiritum sanctum, tum Ecclesiam Catholicam. Sed nemo non viderit, duas has distinctas esse prorsus veritates; & earum coniunctionem inde fuisse perfectam, quod auctores iidem primum symboli articulum in duos fuerint partiti.

Auctor item Glossae incognitae per non curantiam in duos diuisit articulos, Catholicam Ecclesiam, & Sanctorum communionem. Vtramque tamen inconsiderantiam corrigunt omnes, quos quidem ipse viderim, catechismi; qui etiam peccatorum remissionem ut peculiarem articulum, seorsum apponunt.

B Denique quam ipse diuisionem sequor, sapientibus hominibus, quos ipse hac de re consului, rector & congruentior visa est: qui, seposita gemmarum applicatione, asserunt ipsam per se diuisionem esse omnium potissimam, quae symbolo possint praescribi ad duodenarium ipsius veritatis numerum constituendum. Mirum verò est eam diuisionem (quae seorsum sumpta conuenientissima erat) eandem ipsam à gemmarum applicatione postulari. Hoc non ita facile potest cernere, qui qualibet applicatione se satisfacere suo muneri putat; quamuis ea non satisfaciatur intellectui, nec ostendat huic articulo non potuisse accommodari apte vllam gemmam aliam ab ea, quae ex ordine illi obtingit. si tamen ego, qualem opto, applicationem afferam; ex ipsamet planum fiet, meam hanc diuisionem esse reliquis omnibus congruentiorem. Qui enim fictos aliquos (quos *cisram* vocant) characteres rectè explicare ac perlegere scit; eo ipso euidenter ostendit, characteres illos eo modo atque ea partium diuisione, quae ipse excogitauit, legendos & explicandos fore; quantumuis ipse singularem aliquam notam correxerit. Euidens namque est, nisi scriptoris ipsius mens collineetur, notas illas siue characteres (alias incognitos) coniungi atque componi non ita posse, ut plenum atque integrum sensum reddant. Tunc autem elegantiae potius est, nonnihil in ipsis notis exiguum emendare. Quod verò ipse corrigo, nil aliud est, quàm leuis quaedam inconsiderantia; quae ex eo dimanauit, quod symbolum in catechismis non ita exactè, ut par erat, fuerit in duodecim illas partes siue sectiones diuisum. Nec tamen propterea eos culpa in simulo; quia ad eorum institutum id parui admodum momenti erat.

Nostra verò diuisio sic se habet.

1. **C**redo in Deum Patrem omnipotentem creatorem caeli & terrae.
2. Et in Iesum Christum filium eius unicum, Dominum nostrum.
3. Qui conceptus est de Spiritu sancto, natus ex Maria virgine.
4. Passus sub Pontio Pilato, crucifixus, mortuus, & sepultus.
5. Descendit ad inferos.
6. Tertia die resurrexit à mortuis.
7. Ascendit ad caelos; sedet ad dexteram Patris.
8. Inde venturus est iudicare viuos & mortuos.
9. Credo in Spiritum sanctum.
10. Sanctam Ecclesiam Catholicam, sanctorum communionem.
11. Remissionem peccatorum.
12. Carnis resurrectionem, vitam aeternam.

Quam sit congruens symboli diuisio, quam nos sectamur.

Nostra Apostolici symboli diuisio.



## NOTATIO III.

*An verba illa, descendit ad inferos, fuerint addita ab Ecclesia,  
aut ab Apostolis posita?*

Verba illa,  
descendit  
ad inferos,  
num ab A-  
postolis sint  
in Symbolo  
expressa, an  
ab Ecclesia  
deinceps ad-  
dita?

Fundamen-  
ta pro opini-  
one asseren-  
te, cum ar-  
ticulum non  
fuisse ab A-  
postolis posi-  
tum.

Auctoris  
mens, &  
questionis  
decisio.

Articulū de  
Christi de-  
scensione ad  
inferos fu-  
isse ab Apo-  
stolo Ioanne  
in symbolo  
expressum.

Illum arti-  
culū de Chri-  
sti ad inferos  
descensione  
ab aliquibus  
satis Apo-  
stolorum in  
symbolo fu-  
isse expres-  
sum.

**I**N superiore notatione, dum Symbolū in duo-  
decim articulos diuisimus, stabilitū est, quin-  
tum articulum contineri verbis illis, *descendit ad  
inferos*. Hinc tamen oriri potest dubitatio, vtrum  
diuisio illa à nobis assignata pro vera atque ger-  
mana reputanda sit, & ab Apostolis intenta? Ete-  
nim si verum esset, verba isthæc, *descendit ad inferos*,  
ab Apostolis non fuisse in Symbolum inserta, sed  
addita ab Ecclesia, ex cap. 4. 19. epistolæ Pauli ad  
Ephes. *Descendit ad inferiores partes terræ*; confecta-  
rium esset, verba illa *descendit ad inferos* à resurre-  
ctionis articulo non debere distingui, alioquin A-  
postolici Symboli capita, secundum Apostolorum  
intentionem & ordinem, vndecim non amplius  
forent. Quod verò ab Apostolis non sint ea verba  
in fidei Symbolo expressa, inde videtur probari;  
quia antiqui Patres, dum verba Symboli referunt  
& exponunt, non meminere descensus; vt constat  
ex Ireneo lib. 3. cap. 2. Origene lib. Periarchon, Ter-  
tulliano initio libri contra Praxeam, Augustino  
de fide & symbolo, & in quatuor lib. de symbolo  
ad catechumenos. Huc adde, Ruffinū, quamuis ea  
verba legat & exponat, monere tamen à Romanis  
& Orientalibus non legi. Et quod maius est, in  
Symbolo Nicæno nihil prorsus eis verbis respon-  
det. Ex quo videtur constare, verba illa pro ne-  
cessaria Symboli parte non duci; quando in Ni-  
cæno Symbolo præmittuntur.

Nihilominus ita censeo. Primò, nihil est, cur  
nobis opponatur Irenæus; quia multa etiam alia  
verba Symboli silentio ineluit; & ex contextu li-  
quet, ipsius non fuisse mentem, vt integrum ibi  
Symbolum recitaret, sed quædam ex eo præcipua.

Secundò rectè colligit Bellarminus, ea verba,  
etiā si non fuerint ab omnibus Apostolis vbique  
tradita, ab aliquibus saltem fuisse expressa; vt ex  
illa Ecclesiarum diuersitate ab ipso Ecclesiæ na-  
scentis exordio satis constat.

Tertio, verba illa ab Apostolo Ioanne fuerunt  
omnino tradita. Probat id primo, quia Græco-  
rum Ecclesiæ ea legebant in Symbolo; vt patet ex  
Cyrillo Ierosolymitano catechesi quarta, Chry-  
sostomo homilia secunda de symbolo, & Athana-  
sio. Qui omnes ea verba legunt & exponunt. Vnde  
quod de Orientalibus ait Ruffinus, euidenter con-  
stat, non esse de Græcis & Asianis accipiendum.  
Probat id secundò, quia constat ab aliquibus Apo-  
stolis ea verba fuisse expressa, vt optimè probat  
Cardinalis Bellarminus. Si ergo constat, aliquos  
saltem Apostolos hanc verba expressisse; & ea ad  
perfectam duodecim articulorum diuisionem esse  
valde consentanea; ad hæc, si verisimile valde  
est, Ioannem in duodecim gemmis ad harum duo-  
decim veritatum distinctionem respexisse, & ipsi-

**A**us Ecclesias, cæterasque Græcorum his verbis tan-  
quam genuinā Symboli parte fuisse vsas: non igitur  
dubitandum est, quin Ioannes in Symbolo,  
quod ipse docuit, ea verba non prætermiserit. Imò  
vero proportio & conuenientia gemmarum duo-  
decim cum totidem Symboli veritatibus, & po-  
tissimum quintæ gemmæ (quæ est Sardonyx) affi-  
nitas atque concentus cum hoc articulo quinto  
descensionis Christi ad inferos, pro valido argu-  
mento est ad horum verborum auctoritatem pa-  
riter ac vetustatem. Nam quod alioqui non erat  
adeò euident, sed solum probabile, clarum ac per-  
spicuum fit ænigmati ipsius declaratione; quan-  
do omnia hoc pacto mirifice consentiunt; sicuti  
probatum à nobis est notatione 10. præmialium.  
**B** Accedit quòd Ruffinus Aquileiensis Ecclesiæ præ-  
sbyter erat, in qua constat expressè legi in Symbo-  
lo Christi descensum ad inferos. Cum autem tunc  
in aliquot Italiæ Ecclesiis articulus hic non legè-  
retur, bene tamen Aquileiæ; argumento est Aqui-  
leiensis, cum Græcorum Ecclesiis (sicut etiam Ra-  
uennates) communicasse; ytraque enim ciuitas  
in Adriatico sinu maritimi portus erant. Quare  
frequens Græcorum concursus illuc fiebat, quod  
etiam facit ad id, quod nuper dicebamus, Græcos  
scilicet in Apostolico Symbolo non omittere so-  
litos Christi descensum ad inferos.

Quarto, vt Ruffinus ac Bellarminus tradunt,  
quæ Ecclesiæ hæc verba non legebant in Symbolo,  
implicitè contineri dicebant in articulo de Chri-  
sti sepultura. Negari autem non potest, quin se-  
pultura Christi magis sit cum eius descensu ad  
inferos coniuncta, quam hic descensus cum eius  
resurrectione. Quantumvis ergo non ita verisimi-  
le foret descensionem Christi ad inferos esse ex-  
pressa symboli à Ioanne considerati verba; nihilo-  
minus non deberent ea subintelligi in resurrectionis  
articulo, sed ad Christi sepulturam reuocari.  
**C** Tunc autè posset articulus quartus, qui de Christi  
agit passione, non nihil amplius coarctari; ita vt  
Christi solam mortem profiteretur. Deinde quin-  
tus esset articulus de sepultura; & sextus de re-  
surrectione. Atque hac pacto idem planè ordo ea-  
demque applicatio integrè constabat. Verum ni-  
hil est dubitandum de eorum verborum antiqui-  
tate in symbolo; atq; ita nō est, cur Christi sepul-  
turam ab eius morte separemus. Quantum verò de  
horum verborum auctoritate conitet; inde etiam  
confirmatur, quòd Lutherani etiam & Calvinistæ  
non ausi fuerint ea verba ex Symbolo auferre, vt  
notat Bellarminus. Vide de hac questione Valen-  
tiam tertiam parte, disputatione secunda, questione  
quarta, puncto secundo.

Articulū  
de Christi  
sepultura  
magis esse  
coniunctum  
cum ipsius  
descensu ad  
inferos, quā  
cum resur-  
rectione.

## NOTATIO IV.

*De cura ac diligentia adhibenda ad 12. gemmarum Apocalypseos cognitionem, vt ea-  
rum applicatio ad mysterium ab Spiritu sancto intentum rectè percipi possit.*

**V**idimus iam quas veritates gemmæ duodecim  
per ordinem respiciant. Ceterū vt congruen-  
ti applicatione quis iucundius perfruatur; non  
satis est distinguere, quæ sit veritas quinta, quæ  
sexta: nisi rite etiam cognoscatur, quæ gemma  
Sardonyx, quæ Sardius appelletur, & sic de ceteris.  
Nam vt ait Augustinus lib. 20. de doctrina Chri-

**E**stiana cap. 16. Carbunculi notitia illuminat obscura li-  
brorum, ubicunque ponitur: & ignorantia Berylli vel Ada-  
mantis claudis plerumque intelligentiæ fores, quasi dicat,  
qui Carbunculi proprietates probè norit, illi plu-  
rimum lucis futurum, vt ea Scripturæ loca intel-  
ligat, in quibus hæc gemma occurrit, quantumvis  
obscura sint: qui verò Adamantis naturā ac pro-

naturā ac  
proprietatū  
cognitio ad  
exactam ea-  
rum appli-  
cationem in  
singulis sym-  
boli myste-  
riis.

Quantope-  
re expediat  
gemmarum

prietates



prietates ignorauerit; eidem ad Scripturæ intelligentiam ostium quasi adamantinis ianuis præcludi. Sic Augustinus; dum nos hortatur, ut gemmarum, quæ in sacris numerantur Literis, cognitionem assequi curemus: si Spiritus sancti mentem in ijs locis inclusam percipere optamus. Idem nos docet Hieronymus duobus in locis, scilicet Isaia 54. & Ezechielis 28. & utroque affert Apocalypseos locum, ubi duodecim nominantur gemmæ, atque eius difficultatem expendit: hortatur item sacrarum Literarum studiosum, ut gemmularij instar, gemmæ cuiusque naturam cognoscere diligenter curet: ita ut huius lapidum notitiæ fundamento firmo atque solido securè exurgat mysterij inibi contenti explicatio & structura.

Quam sit hoc tempore difficultis cognitio harum gemmarum: & quæ sit huius difficultatis causa.

Hæc duodecim gemmarum cognitio difficilior nostra tempestate est, quam Hieronymi & Augustini tempore. Tunc enim hi omnes pretiosi lapides communi hominum usu recepti erant, & antiqua nomina retinebant; quin etiam eodem gemmarum species durabant, quæ Ioannis tempore fuerant vsitata. Nunc earum aliqua difficillimæ forent inuenturæ: atque in ijs, quæ facile reperiuntur, quamuis eas quispiam rectè nouerit, earumque nomina, quæ hoc tempore singulis sunt imposita; adhuc tamen plurimum erit negotij in veteribus cuiusque nominibus dignoscendis; ob difficultatem maximam, quæ in hac potissimum re præ ceteris inuenitur, & ob varias atque multiplices diffidentium auctorum opiniones, qui diuersa de lapidibus singulis signa tradunt. Ad hæc: nec signa ipsa aut indicia sunt valde perspicua; nec semper certū euadit experimentū earum proprietatū, quas apud veteres scriptores reperimus, ut in Adamantibus videre est. Siue quia vniuscuiusque gemmarum generis plures sunt species diuersis proprietatibus ac dotibus constantes: siue quia periculum in ijs facinus lapidibus, qui vetusti admodū & senio ac vetustate obsoleti sunt. Et forte verum illud est, quod tradit Magnus Albertus lib. 2. de mineralibus tractatu 1. sine, post multum scilicet annorum interuallum, gemmarum deperire virtutem; nec illis præter colorem & externam faciè quidquid aliud superesse: nisi dicere etiā velimus, antiquos scriptores longius, quā par esset, progressos fuisse in ijs de gemmarum natura scribendis, quæ ficta & cōmentitia ducere deberent.

Sub eodem gemma vniuersi nomine sæpe apud auctores proprietates valde inier se oppositas reperiri.

Verum utcumque hoc fit; illud est imprimis obseruandum, sub vno, eodemque gemmæ nomine (ut sub Hyacintho, Sapphiro aut Chrysolitho) signa ac proprietates adeo inter se oppositas apud auctores passim reperiri; ut planum inde fiat, hæc nomina aut vocabula gemmarum non in eodem sensu ab omnibus vsurpari. Et quidem generatim loquendo maior diuersitatis huius pars eo reuocatur, quod aliqui Plinij vsū & illius temporis scriptorum sequuntur: alij ad eos se conformant, qui multis postea sæculis scripserunt, ut Beda & Albertus. Hoc discrimen nonnulli non satis obseruant: atque ita videntur quasi certum præstare, gemmarum singulas latine eo nomine semper fuisse appellatas, quod illis neoterici attribunt. Nec deest, si Deo placet, qui si diuersa apud Pliniū alicuius gemmæ signa ac notas deprehendat, imperitiæ & inconsiderantiæ illum accuset. Hanc Plinio notam securè nimis Dalecampius inurit in Sapphiro: & nonnemo etiam Sardonychos descriptionem ab eodem Plinio traditam irridet. Nec deest fortasse, qui me etiam irrideat, quod Plinij verbis & auctoritate nitam ad vera comprobanda signa, quibus gemmæ singulæ constare debent. Sunt enim, qui dicant nullam de Plinio ducendam esse rationem; quippe ipsius historiæ mendacia cum veritatibus fere de multitudine & grauitate decertent: & clarè etiam constet, illum de multis gemmis verba facere, quas nunquam oculis vsurpauit, & sponte sua propendat ad prodigiorum inanum scriptionem, cuiusmodi sunt ea, quæ de vino tradit lib. 14. cap. 18.

Plinio fides ab aliquibus immerito detrahi.

Nihilominus si rem seriò & grauitè expendamus; quamuis Plinius pro oraculo nobis non sit, illi tamen fides neutiquam derogari debet in ijs,

Cur Plinio fides haberi debeat, in ijs

A qua de pretiosis scribit lapidibus ipsius tempore vulgò vsitatis. Etenim solertè atque industriū maximè hominem, ita potest, ita acri ingenio pollentem, qui præter singularem suæ historiæ diligentiam, peritissimum se ostendit gemmularium in accuratissima gemmarum singularum descriptione, credibile non est earum saltem gemmarum, quæ Romæ tum affatim erant, cognitionem non probè fuisse assequutum. De alijs quidè gemmis non ignoro ea referre Plinium, quæ apud alios auctores solim legerat: at de communibus ac notis non adeo mentis erat inops, ut nomina ac proprietates inuerteret ac perturbaret. Quod autem duodecim gemmæ, quarum Apocalypsis hic meminit, aut omnes, aut certè ex ijs plures, vulgò fuerint eo tempore cognitæ & vsitata, ex ipsis Plinij & veterū aliorū auctōrū verbis perspicuū est; ut in singulari postea tractatione planū fiet. Præterquàm quod Sp. sanctum earum omnium symbolo fuisse in Apocalypsi vsū, argumento est, eas omnes gemmas tunc familiari vsu cognitæ fuisse. semper enim in ijs comparisonibus, quas Diuinus Spiritus assumit, se ad eas res conformat, quarū eo tempore frequens erat notitia. Quod si in aliqua ex duodecim gemmis sufficiens reperiatur fundamentum, ut Scripturæ vsū à Pliniano nonnihil esse diuersum suspicemur: hoc non officit, ut Plinij auctoritatē hac in parte magnam esse inficiemur; atque eam plurimi esse habendam in gemmarum, quas Apocalypsis refert, cognitione. Et quidem ex ijs, quæ Plinius affirmat, comperiemus nunc etiam facile reperiri posse, quidquid satis est ad claram duodecim harum gemmarum cognitionem. Verum opus est, ne sola librorum lectioe aliquis contentus sit; oportet enim gemmarum, si fieri possit, omnium notitiam experimento ipso & oculis vsurpare; ut quæ traduntur in libris, planius percipi possint. id quod ipse demum aliquorum familiarium auxilio sum assequutus.

B

C

D

E

In occultis lapidum proprietatibus dicit fortasse aliquis, licet Plinius nō ita se credulum præbeat, ut Solinus atque alij; ipsum tamen omnium, quæ asserit, periculum non fecisse; atque adeo in lapillis aliquot ad opinionem potius, quā ad veritatem fortasse vergere. Ceterum nobis etiam valde expedit, cognitionem assequi opinionis, quæ eo tempore in vulgus passim dimanabat; imò etiā fabulas, quæ de gemmis singulis vulgabantur. Nam in ænigmatibus ac hieroglyphicis interdum solet adiumento esse non minus recepta ac vulgaris fabula, quā vera & germana proprietas. Vbi autem semel ea nouerimus, quæ tunc communi vulgi opinione iactabantur; facile mox est inquirere, utrū firmo fundamento eiusmodi opinio nitatur.

Denique Plinium beati Ioannis tempore scripsisse, magni momenti esse debet; necnō has duodecim gemmas, aut fere omnes ab eodem Plinio fuisse coniectas non in eum indicem siue catalogum, quem per alphabetum de gemmis vilioribus confecit; sed in præcipuas descriptiones, de quibus prius agit ex professo. Certè videtur naturali huic scriptori præcepisse Deus, ut librū 37. suæ historiæ conscriberet, & verba ipsa ita metiretur, sicuti ad Apocalypseos mysteria enodanda opus erat. Porro, quamuis Plinius latine, Ioannes græcè scripserint; horum tamen lapidum nomina eadem in utroque idiomate sunt: ubi autem peculiaris est difficultas, illius enodatio à nominis impositione minimè pendet.

Ad auctoritatem verò Plinij confirmandam pro nobis est beati Hieronymi auctoritas in duobus locis suprā dictis: ubi postquam Apocalypseos difficultatem, quod attinet ad duodecim fundamentorum gemmas, ponderauit; subiungit, de lapidū coloribus & qualitatibus quamuis plures alios scripsisse certò sciat, se tamen ad Plinium referre; Quin opere pulcherrimo naturalis historiæ trigessimū septimū librum gemmarum disputatione compleuit. sic Isaia 54. & similiter Ezechielis 28. ubi subdit, Ad cuius lectionem diligens à nobis mittendus est lector. Non

praefertim, quæ de hisce gemmis tractant.

Spiritus sanctus in ijs, quas vsurpat, comparationibus frequenter se ad res eo tempore notas conformat.

In harum gemmarum proprietatibus expedire non eorum solū cognitionem, quæ vera sunt: sed sæpe etiam eorum, quæ communi vulgi opinione iactantur.

Quantum fidei & auctoritatis beatus Hieronymus Plinio deferat.



inficior, à Hieronymo pariter commendari libellum beati Epiphani j de gemmis, vt hoc obiter decus & honorem suo familiari deferret, qui proprium volumen ipsi Hieronymo præsens tradidit. Hoc tamen non obstat, quominus Hieronymus Plinij descriptiones reputet certas: sed hinc potius elicitur, Hieronymum sibi persuasisse beati Epiphani j descriptiones à Plinianis non fore diuerfas.

Nihil roboratur minus Plinij auctoritas (quod ad gemmarum naturas attinet) aliquorum veterum auctorum, eorumque grauium testimonio: quos manifestè constat ex Plinio transcripsisse, quæ de lapidibus tradunt: ex quibus est Solinus, & nostræ Hispaniæ lumen beatus Isidorus, licet non eodem vterque modo; sed alter in verborum elegantia cum Plinio decertans; alter verò contentus in summa redigere, quæ fusiùs scripta legebat. Vterque tamen nonnullis Plinij locis lumen præfert; in quibus aut de vera Plinij lectione, aut de germano verborum sensu suboriri posset dubitatio: atque hanc ad rem in sequentibus notationibus eorū vtar testimonio. Illa enim hæc in notationibus mihi mens atque animus est, vt veros ac proprios duodecim gemmarum colores & proprietates seriò ac diligenter examinem: quod vt melius præstare possim, cum Plinij verbis ea coniungam, quæ grauioribus alijs auctoribus describunt. Vbi autem difficilis aliquis nodus incurrat, ab eorū sententiâ stare conabor, qui lapidum naturas & qualitates literarum monumentis prodiderunt; priusquam barbarorū incurfus & irruptiones pretiosissimas ipsas gemmas ex Romano Imperio diriperent, earumque nomina confusâ permissione turbarent.

Hanc ob rem in gemmarum singulis opus erit accuratè indagare & eruere propria gemmæ veteris indicia antiqua, & nomen illi à recentioribus inditum. Cum autem multa soleat esse in gemmis sub eadem specie varietas; & aliæ ex Oriente sint, aliæ ex Occidente; aliæ ex Scythia, aliæ ex Arabia, alijsque ex orbis prouincijs; aliæ insuper scemina, aliæ mares sint (vt Plinius tradit) id est, aliæ viuio magis colore atque acri, aliæ languenti ac remisso colluceant: in tanta, tamque multiplici variantium gemmarum differentia, illas Apocalypsis seligat oportet, quæ perfectiores ac pretiosiores in qualibet specie reputantur: in huiusmodi enim gemmas oculos potissimum debemus intendere. Si tamen fundamenta singula non ex vno singulari lapide, sed ex pluribus illius speciei compacta considerentur; tunc aptus inerit locus omnibus gemmarum differentijs, quæ sub eodem genere in pretio & æstimatione sint. Et eandem ob causam dici posset, licet quolibet fundamentum ex vno lapide solido constet (vt vero similis est) illum tamen ita esse cõcipiendum, quasi optimis quibusque proprietatibus abundet, quæ in omnibus illius generis gemmis dispersæ sunt; si tamen inter se pugnantes non sint.

Aliquis fortè diligentius perscrutari vellet, quamnam in singulis speciebus gemma communior ac receptior fuerit in ea prouincia, vbi tunc debebat Ioannes? quod tamen meo iudicio non admodum refert. Nam Ioanni gemmæ huiusmodi cælo fuerunt allatæ. Et quanti ex ipsis terrarum regionibus conquestæ fuissent; totum orbem (quod ad hanc rem attinet) perlustrauerat, qui Romæ, Ierosolymæ & Ephesi fuerat commoratus. Erat enim Romæ caput mundi, vt loquitur Plinius lib. 3. cap. 5. & Ierosolyma vrhium Orientis longè clarissima (idem lib. 5. c. 15.) & Ephesus alterum Asiæ lumen; eodem lib. 5. c. 29. Quod igitur gemmarum pretiosarum genus, siue differentiam ab his tribus ciuitatibus abfuisse putandum est? Præsertim cum eiusmodi merces sint, quæ facillimè

multa leucarum millia transcurrant; & eò demum inuehantur, vbi plus pretij & æstimationis reperitur. Nihilominus tamen Asiæ lapillos & Orientis potissimum attendere debemus. Nec enim verisimilitudine caret, inter laspidis species illam à Ioanne fuisse ad hoc symbolum delectam, quæ pretiosissima est; sed eius tamen coloris, qui tunc frequentior in ijs erat regionibus, quas Ioannes melius nouerat; & præcipuè Ierosolymæ propter eam, quæ sequitur, rationem.

In duodecim Apocalypseos gemmis peculiarem respectum fuisse habitum ad duodecim gemmas Rationalis, non minus est certum, quam in Apocalypseos plagis ad Ægyptiacas factam fuisse allusionem. Atque ita statuit Hieronymus Ezechielis 28. & multi alij auctores. Nam vtròbique duodecim exprimuntur gemmæ ex quibus octo idè omnino nomen vtròque in loco fortiuntur: Chalcodoniū constat inter omnes esse quandam speciem Carbunculi. Sardonyx verò Onychis species est. Liguriū autem Hieronymus epist. 129. suspicatur esse Hyacinthum. Vnde solum omnino inter se differre videntur Achates & Chrysoprasus. Hæc proportio & conuenientia vtrarumque gemmarum inter sese exigit, vt has duodecim Apocalypseos gemmas cum gemmis totidem Rationalis conferamus, Hieronymi consilio acquiescentes. Licet autem opinentur nonnulli (vt sequenti notatione dicemus) duodecim Rationalis lapidum notionem prorsus interiisse: qui tamen suam fatentur ignorationem, non propterea ignorantiam aliorum probant. Quod si Hebræorum nominum etymon idoneam satis lucem per se non afferat; afferent fortassis antiqui interpretes, quos saltem audire debemus & eorum auctoritatem examinare: atque in singulis lapidibus animaduertere, quo fundamento possint sub eadem specie comprehendere, quæ in Apocalypsi & in Rationali eodem nuncupantur nomine. id quod vtrarumque pariter gemmarum tractationem illustrabit.

Præterea mysterij ipsius cognitio potest interdum plurimum conducere (inter eas gemmas, de quibus dubitatio potest, ratione nominis, exoriri) vt certò doceamur de propria gemma, quæ in eò Scripturæ loco respicitur. Hoc ea ratione intelligendum est, si gemmæ omnes tanto ordine ac proportionem applicarentur; vt perspicuum fieret, mysterium ipsum fuisse cognitum, & scriptoris intentionem perspectam. Multum sanè interest inter hanc & illam applicationem. neque vt intellectui plenè satis fiat, satis est, vt aliquam veritatis speciem præ se ferat applicatio. Sed cum apparet, cuilibet mysterio nullam aliam gemmam aptiorem applicari potuisse, quam quæ illi obtingit; & ipsa sensus consequentia atque ordo postulare videntur, vt eadem disponantur serie: tunc sanè manifestum est, ex ipsa mysterij notatione lucem posse refundi ad dubitationes aliquot, quæ de ipsis gemmis possent occurrere. Qui enim cifram aliquam (sic vocant Hispani) integrè exponit, eo ipso demonstrat ea, de quibus alioqui aliqua poterat esse dubitatio circa aliquam ex ijs, quæ occurrerant literæ. Quandoquidem nisi mentem scriptoris cifræ assequutus sis, minimè poteris ad sensum aliquem connectere characteres. Ex dictis ergo deducitur, posse interdum contingere, vt ipsa mysterij cognitio lumen præferat alicuius gemmæ cognitioni, quæ alioquin in dubiū vocari possit. Ceterum, ne gemmæ ipsius examen & inquisitionem cum applicatione permisceam, hoc argumento solum vtar aliquando, dum me ad ipsam applicationem remiserò, & ex optima proportionem ac varijs Scripturæ locis fieri verissimilius dixerò, quod in ipsa gemmarum natura examinanda assertum erit.

In Apocalypseos gemmis peculiarem contineri allusionem ad duodecim Rationalis gemmas.

Interdum ex mysterij ipsius cognitione exoriri posse lucem ad propriam illius gemmæ designationem.

Plures veterum ex Plinio multa de gemmis transcripsisse.

Quid sit in gemmarum singulis indagandum, quid obseruandum.

Virum solide sit disquirenda, in harum gemmarum applicatione, ea cuius quo gemma species, qua inibi, vbi Ioannes tunc morabatur fuerit notior.



## NOTATIO V.

*An perierit notitia earum gemmarum, quæ in Rationali Pontificis singulis tribubus erant distributæ.*

Disputatio  
de gemmis  
Rationalis,  
deq. earum  
notione.

Gemma Ra-  
tionalis quo  
ordinem u-  
merentur in  
Exodo.

Virum cerid  
constet de  
prædictarum  
Rationalis  
gemmarum  
nomine ?  
1. Sententia  
negans &  
eius auctores

Fundamen-  
ta pro hac  
sententia  
negante.  
Primum.

Secundum.

Tertium.

Quartum.

Quintum.

Conuenientia, quæ inter Rationalis, & Apoc-  
lypticos gemmas reperitur, suo quasi iure de-  
poscit; vt singillatim disputemus, vtrum verum  
sit, quod aliqui opinati sunt; nimirum gemma-  
rum Rationalis cognitionem ac notitiam omni-  
no perijisse. Quamuis enim apud Vulgatam legam-  
us Exodi 28. nu. 17. 18. 19. & 20. Rationalis gem-  
mas hoc ordine fuisse dispositas, *In primo versu*  
*Sardium & Topazium, & Smaragdus in secundo Carbun-*  
*culus, Sapphirus, & Iaspis: in tertio Ligurius, Achates, &*  
*Amethystus: in quarto Chrysolitus, Onychinus, & Beryllus.*  
Nihilominus visum nonnullis fuit, minimè certò  
constare de horum nominum acceptione, iuxta  
eù sensum, què Græci veteres ac Latini vsurpant;  
nec aliam ad nos eius rei notitiam dimanasse, quã  
duodecim fuisse gemmas diuersas, abique peculi-  
ari aliqua primæ, secundæ, tertiæ & reliqui ordi-  
nis cognitione. Ita videtur sentire Caietanus Exo-  
di 28. cuius ea sunt verba; *De nominibus lapidum ne*  
*sis sollicitus; quia perijisse aiunt apud Hebræos notitiam no-*  
*minum propriorum lapidum.* Et Harmonia mundi  
fol. 61. *Interpretationes lapidum incertæ sunt.* Noster  
item Pererius tom. 1. in Genes. *Nomina lapidum He-*  
*bræa in obscuro & incerto est quid significent proprie; quo*  
*fit vt interpretes ea sæpè transulerint, non qualia sunt*  
*Hebræicæ.* Eidem opinioni docti aliqui viri subscri-  
bunt, vt Arias Montanus in Aaron: qui non dubi-  
tant suam suspitionem Vulgatæ anteferre; & asse-  
rere, quem Vulgatus in Exodo Iaspidem vocat, A-  
damantem esse; quem Beryllum, esse Iaspidem;  
quem Chrysolitum, aquam marinam; quem Car-  
bunculum, Smaragdum; & sic de alijs.

Quæ verò pro hac opinione adduci possunt ar-  
gumenta, sunt huiusmodi. Primum; quia Hebrai-  
corum nomen etymologia non consentit cum  
ijs nominibus, quæ gemmis singulis Vulgata tri-  
buit. Vnde Hebræicæ linguæ periti in diuersas ab-  
eunt sententias, Chaldaicam sequentes paraphra-  
sim, & Hebræicis radicibus innitentes.

Secundum; Hebræicæ linguæ doctores, nec neo-  
terici solum, sed antiquiores etiam, affirmant se  
nihil certum de huiusmodi gemmis tradere posse,  
vt refert Abulenſis Exodi 18. & citat Rabbi Salo-  
monem, & Rabbi Abraham Abenezra.

Tertium; ex gemmarum Rationalis antiquitate  
colligunt, eas non esse fortasse ex his gemmarum  
generibus, quæ hodie in vsu sunt. Constat enim,  
diuersis temporibus diuersas reperiri gemmas; &  
alias quidem omnino interciderè, alias denuo in  
lucem prodire.

Quartum; adduci potest pro hac sententia va-  
rietas antiquorum interpretum, & ipsius etiam  
Vulgatæ; quæ pro, *Onyx Sobam* legit interdum  
Onycha, interdum Sardonycha; & Lxx. alias eum  
vocant Smaragdum, vt in gemmis superhumera-  
lis Pontificis; Exodi 28. 9. & cap. 35. 15. & cap. 39. 5.  
alias Beryllum, vt in Rationali; Exodi 28. 20. alias  
Sardonycha; vel Onycha, vt apud Iobum 35. 8. &  
alias Sapphirum, alias Sardium. Item Vulgatus  
pro *Tharſis* in Canticorum libro reddit Hyacin-  
thum cum Aquila aut Symmacho; & Ezechielis  
1. significat esse coloris marini: in alijs verò locis  
transfert Chrysolitum. Septuaginta etiam aliquan-  
do illum vocant Carbunculum; vt Ezechielis 10.  
atque aliæ varietates non absimiles reperiuntur,  
quas in singularem gemmarum tractatione videre  
erit. Ex his ergo videtur colligi, Septuaginta vi-  
rorum tempore interiisse prorsus gemmarum Ra-  
tionalis notitiam; siquidem ipsi tam varij in earum  
versione feruntur. Quod si tunc nulla restabat  
eiusmodi certa memoria, quid de Hieronymi  
tempore dicendum erit?

His addent, ipsummet fateri Hieronymum se  
nescire, quæ gemma sit Ligurius; & suspicari eam

A esse fortassis, quam Latini Hyacinthum appellant.  
Ex quo perspicitur, sibi parui momenti fuisse vi-  
sum, si nomen aliquod à se non satis intellectum  
verteret cum Septuaginta; quantumuis nosset,  
aliqua duodecim gemmarum nomina ab eisdem  
fuisse mutata. Quod si in Ligurio, facile permit-  
tit Hieronymus, ne attendamus eam significatio-  
nem, in qua nomen hoc à Græcis & Latinis aucto-  
ribus vsurpatur, sed Hebræici nominis vim; idem  
videtur cõcessurus in Beryllo & reliquis gemmis.

B Iam, si illius opinionis auctoribus, qui gemma-  
rum Rationalis nomina incerta esse putant, au-  
ctoritatem Vulgatæ editionis opponas: responde-  
bunt in his minutijs, quæ ad fidem & bonos mo-  
res nihil conducunt, mirum non esse, siquid in Vul-  
gata correctione dignum occurrat; siue etiam Vul-  
gatum & Septuaginta potuisse prudenter gemma-  
rum nomina, quæ ipsis luberet, apponere: quod  
veterum gemmarum notio interierit, nec magni  
in eorum nominum mutatione interfit: quare id  
vnum significare voluisse, duodecim Rationalis  
gemmas fuisse diuersas. Ac ne quis nouum & in-  
solitum reputet, in huius generis rebus vnum pro  
alio nomen à Vulgato substitui; adducunt Tigri-  
dis nomen pro Leone positum, Iobi 4. 11. item vi-  
trum pro gemma; Iobi 28. 17. Similiter ergo po-  
tuisse Vulgatum Iaspidis nomen pro Adamante  
vsurpare. Cui licentiæ si semel pateat locus; ni-  
hilo certiores hac de re manebimus, quam si Vul-  
gatus & Septuaginta Hebræica gemmarum nomi-  
na in explicata reliquissent.

C Denique illud adiungunt; certum esse in vulga-  
ri vsu multarum gemmarum nomina hodie mu-  
tata esse; sicuti nomina Hyacinthi, Sapphiri,  
Chrysoliti, Chalcedonij, & Topazij. Atque vt in  
eadem regione seu provincia gemmarum nomina  
multiplici temporum decursu commutata sunt;  
sic etiam in diuersis regionibus eodem tempore  
contingere potuisse, vt eadem confusio atque per-  
mutatio in hisce nominibus extiterit; atque adeo  
alibi appellari, Chrysolitum, qui alibi vocatur  
Hyacinthus siue Topazius. Quam nominum vi-  
cissitudinem si consideremus, eadem omnino re-  
manet apud Vulgatæ vsum dubitatio: cum ne-  
sciamus, ad quem potissimum consuetudinem se  
conformet interpres: vel vtrum diuersas mutare  
vices voluerit, & modò hanc consuetudinè, mo-  
dò illam captare; sicuti apparet ex eo, quod non  
semper eadem ratione transferat.

D Ceterum has omnes sophismatum nebulas ir-  
radians veritatis lux dissipat ac dissipat. Sed vi-  
deamus imprimis, an in duodecim Rationalis  
gemmis nonnihil à Vulgata discrepent Septuaginta  
& Iosephus lib. 3. Antiquit. cap. 12. Perlectis igitur  
vtrorumque scriptis sicuti hac tempestate ex-  
tant, tres omnino reperio differentias. Prima est,  
quia Iosephus quintam & sextam gemmam hoc  
ordine recenset; *Iaspidem & Sapphirum*: quas tamen  
nos è contrario collocamus, atque eodem modo  
in octaua & nona gemma, vbi nos legimus *Acha-*  
*tem & Amethystum*, Iosephus ordinem inuertit. Se-  
cundum discrimen est, quia Septuaginta extremas  
duas gemmas contrario ordine ponunt, atque Vul-  
gatus: hic enim habet *Onychem & Beryllum*; illi ve-  
rò *Beryllum & Onychem*. Tertium discrimen est, quia  
pro Sardio apud Iosephum legitur Sardonyx.

E Existimo tamen has omnes differentias pro  
certo esse habendas vt errores apud Septuaginta &  
Iosephum, qui ex codice aliquo vel exemplari  
mendoso originem duxerint; ac proinde veram  
lectionem Septuaginta interpretum & Iosephi cum  
Vulgata Exodi lectione omnino consentire. Id qui-  
dem si ex meo ipse cerebro fingerè, nec solidis ni-  
xus coniecturis asseuerarem; ab alijs possem meritò

Sextum.

Septimum.

In quo dif-  
crepent Se-  
ptuaginta &  
Iosephus à  
Vulgata,  
quod atti-  
net ad gem-  
marum Ra-  
tionalis enu-  
merationem

Defenditur  
Vulgatus in  
Rationalis  
gemmis re-  
censendis.



Septuaginta  
et Iosephus  
cum Vulga-  
to concilian-  
tur in Ra-  
tionalis gē-  
mis.

Hieronymus  
frequenter  
notare solet,  
quibus in  
locis à Se-  
ptuaginta  
recedat.

Obiectio  
soluitur.

Alia via ad  
presentem  
difficultatē  
soluendam,  
aut saltem  
mollendam.

irrideri. Sed meas, obsecro, coniecturas lector ex-  
pendat. Primum, quis nō videat, quā firma nobis  
sint fundamenta, vt Vulgatæ lectionis textū fin-  
cerum & incorruptū esse fateamur? Et quantō ve-  
rissimilius sit Iosephi aut Septuaginta textum esse  
deprauatū quā nostrū? Secundō, quid magis o-  
ptabile, quā Vulgata, Septuaginta ac Iosephum  
posse inter sese conciliari. Tertio id, in duobus pri-  
mæ differentię locis etidens apparet, noluisse Iose-  
phum à Septuaginta recedere. Nam Sapphiri no-  
men est idem omnino, quod in Hebræo reperitur;  
atque eius color exprimit Scriptura Exodi 24. 10.  
quasi opus lapidis Sapphirini, & quasi celum, cum serenum  
est. Quod verò ahlama sit Amethystus, conuenit in-  
ter omnes tam veteres, quā recentiores: nec eo-  
rū quisquam id in disceptationem vocauit. Qua-  
propter duas hasce gemmas extra suum esse ordi-  
nem, manifeste est argumento, non id ex Iosephi  
mente, sed ex typographi incuria irrepsisse. Vbi  
ergo gemmę singulę ad suum referantur locum;  
necesse est omnes quatuor eodē ordine dispositas  
remanere, quo ipsas beatus Hieronymus enume-  
rat. Ex eo autē quod hisce in locis Iosephi lectio-  
nē ad Vulgatę ordinem cōfirmandā esse appareat;  
verissimile valde sit, similem errorem in Septua-  
ginta mutatione accidisse; atque adeo ab ijs extre-  
mo loco Beryllum fuisse positum. Hanc suspicio-  
nem seu coniecturam illud non parū iuuat, quod  
Hieronymus, qui adeo diligenter obseruare ac  
notare solet, quibus in locis à Septuaginta recedat;  
vbi de gemmis agit, & ait duas illas humerorū  
ab ipsis Septuaginta vocatas Smaragdōs, à se verò  
Onychinās; haud dubiē assereret etiam, Septuaginta  
ipso Beryllum cum Onyche commutasse. hoc  
autem à Hieronymo omnino subterfieri, indicat  
manifeste in ipso Septuaginta interpretum textu  
legisse tunc Hieronymum gemmas duodecim eodē  
dispositas ordine, quo ipse in Vulgata disposuit.

Poterit tamen aliquis afferre, vt probeat gemmā  
vndecimā à Septuaginta pro Beryllo fuisse repu-  
tatam; ideo ipsos humerorum gemmas vocasse  
Smaragdōs; nam, vt ait Plinius, eiusdē aut similis  
naturę videtur esse Beryllus. Verū si putarent  
ipsi **ספיר** *Soham* esse Beryllum; neūquā in eius  
locum substituerent Sardonycha, Iobi 28. 19. Nec  
enim verissimile est, Beryllum ac Sardonycha, (in-  
ter quos nulla est affinitas) à Septuaginta confun-  
dis; sed Onycha atque Sardonycha; quę gemmę af-  
similes inter se sunt, nec in sacrarum literarū vſu  
distinguntur. Quod autem Arias Montanus ait  
in suo Aaron, Beryllum esse vnam ex octodecim  
Onychum speciebus; id quicunque mediocrē no-  
minum habuerit cognitionem, paradoxum planē  
reputabit. Quod ergo gemmas in Pontificis hume-  
ris collocari solitas Septuaginta vocent Smarag-  
dōs; fortē id accidit, non coloris ipsius affinitate,  
sed vt eas gemmas valde esse conspicuas ac fulgē-  
tes significarent. Nam Smaragdus Græcē idē so-  
nat, quod fulgens siue splendidū, vt suo loco cō-  
stat. Siue ergo hanc ob causam, siue ob aliam id  
acciderit; certē ratio non fuit, quia colorem Sma-  
ragdi simile gemmę illā habebant. Constat enim  
oppositū ex ipsorum Septuaginta versione alio in  
loco, & ex versione etiam ceterorum interpretū  
in Exodo, & in Iobo.

Posset insuper aliquis in eā deuenire suspicio-  
nē, quāuis Septuaginta versio mendosa nō sit, in  
ea tamē id solū dici; In quarto: *Chrysolithus, Beryllus,*  
& *Onyx*; & eos quidē ita loqui rectē potuisse, licet  
postremus fuerit Beryllus; cum non intenderint  
exponere ordinē, quē inter sese tres istę gemmę  
seruabant; sed affirmare solū, has tres gemmas  
in quarto versu contineri. Nec mirum est, si prius  
duodecimū numerent, quā vndecimū: nō enim  
ita se ad ordinem & dispositionem vbiq; alligant.  
Et alibi quidem nempe Ezechielis 28. nouimus,  
vbi apud Hebræum & Vulgatam nouem nō am-  
plius gemmarum nomina referuntur, & diuerso  
etiā nomine: Septuaginta tamen duodecim omnes  
gemmas exprimere eodē ordine dispositas, quę in  
Exodo seruauerunt. Demū Hieronymus, vt per-  
spicue constat, textus Hebraici ordinem sequitur;

A neque existimauit in aliqua ex Rationalis gemmis  
versionem Septuaginta suę esse contrariam. Quare  
pro certo videtur habendū, in ijs omnibus gemis  
Hieronymum & Septuaginta concordare.

Sed age iam, quid de Iosepho dicemus? qui Sar-  
diū nomine Sardonychis compellat? Respondeo,  
Sardium à nonnullis appellari Sardinum, vt patet  
Apoc. 4. Vnde alicuius inconsiderantiā factū fuisse  
videtur, vt Sardonyx pro Sardino scriberetur. Nec  
enim simile vero est, Iosephum hac in re à Septua-  
ginta vestigiis voluisse discedere; præsertim cum  
vndecimam gemmam nuncupet Onychem; cum-  
que in sacris Literis Onyx & Sardonyx eadē gem-  
ma sit. Possumus ergo non iniuriā affirmare, in  
duodecim Rationalis gemmis Septuaginta & Io-  
sephum cum Vulgato consentire. Et certē mani-  
fistū apparet, Septuaginta & Iosephū à Hieronymo  
corrigi non potuisse; verissimile nanq; est, eos om-  
nes sæpius Rationale intuitos fuisse. Quod si  
ipsummet Aaronis Rationale non viderint (hoc e-  
nim ad ipsorum tempora non peruenisse planum  
sit) satis est, illud ab ipsis fuisse conspectum, quod  
eorū tempore in vſu erat. Quis enim dubitet, to-  
rum Pontificis maximi ornatum atque vestitum,  
quoties refarciendus & instaurandus esset, omni  
studio ac diligentia ad prioris imitationem fuisse  
semper effectum? Sic enim fieri expediebat, quod  
diuino consilio fuerit primus ille confectus.

Licet autē pro humerorū Sardonychis postea  
Smaragdi forsitan fuerint suppositi: at in duode-  
cim gemmis Rationalis verosimile non est aliquā  
interfuisse mutationem; cum ipsemet Deus singu-  
las partierit gemmas, & tribus singulis singula-  
rem vnam addiderit, vbi sui nominis notā & in-  
scriptionem imprimeret. Nec dubiū, quin Iudei  
tenacissimi suorum ritū obseruatores hanc cō-  
suetudinem accuratē retinuerint; in qua niteban-  
tur varij ipsorum insignium & stemmatum co-  
lores: quibus in rebus ipsamet emulatio instigat  
& cogit ad pristina illa antiqua consuetudinis  
primordia conseruanda. Cum igitur Septuaginta  
& Iosephus oculati fuerint testes (vt credibile satis  
est) non potuit nō Hieron. in re adeo notā ipsorū  
insistere vestigia: quinimō ipsos videtur in hoc  
duces habuisse; atque eorū auctoritate Liguriū  
septimo loco posuisse: quātūuis in epistola ad Fa-  
biolam se nescire fateatur, quānam gemma isthęc  
sit. Id verò propterea sanctus Doctor ait; quia Pli-  
nius non admittit, quod alij de Ligurio, siue Lin-  
curio tradunt. Et in gemmarum coloribus ac de-  
scriptionibus Hieronymus sese refert ad Plinium,  
vt videre est Isaie 54. & Ezechielis 28.

Colligitur ex dictis, quanta sit, quāque gra-  
uis in hac parte Septuaginta interpretum auctori-  
tas; quāque verissimile, ipsorū tempestate de sin-  
gulis Rationalis lapidibus certō constare. Quam-  
obrem nō solū, quia Hebraica lingua melius ipsi  
percallebant, quā dictionariorum Scriptores; ve-  
rū etiam quia de re sibi cognitā loquuntur, fir-  
ma eis fides habenda est. Adhęc, dubium non est,  
quin Ioannes omnes ferē duodecim Apocalypseos  
gemmas ex gemmis Rationalis desumpserit. In  
ijs verò, quas eisdem compellat nominibus, qui-  
bus Septuaginta vſi sunt, perspicuum est ipsorum  
versionem à Ioanne probari. Atque gemmę huius-  
modi, in quibus cū Septuaginta Ioannes consen-  
tit, sunt octo; nempe Iaspis, Sapphirus, Smaragdus,  
Sardius, Chrysolithus, Beryllus, Topazius, Ame-  
thystus. In reliquarum verò quatuor singulis cō-  
gruentissima reperitur ratio, quā obrem in Ra-  
tionali, atque in Apocalypsi diuersę sint. Itaque  
ipsius differentię ratio argumento est, nullum o-  
mnino dari discrimen, vbi eadē nomina vtrobique  
vsurpantur. Nam ex cohærente applicatione con-  
stat, fuisse opus, vt ceteri lapides prorsus ijdem  
forent.

Reliquum est, vt argumentis initio positis fa-  
ciamus satis. Ad Caietanum, Pererium, & Harmo-  
niam Mundi, qui illius incertitudinis auctores  
sunt, respondeo; mirum non esse, si quā exqui-  
runt lucem, in recentioribus lingua sanctę di-  
ctionarijs non inueniant. Verū si auctoritatem  
Septuaginta rite expendant; sibi in hac dubitatio-

Probabilis  
coniectura  
ad Iosephi  
discrepantiā  
à Vulgato  
corrigendā.

Septuaginta  
ac Iosephum  
à Hieronymo  
non fuisse cor-  
rectos in Ra-  
tionalis  
gemmis ente  
morandis.

Quā de-  
beat esse  
grauis Se-  
ptuaginta  
auctoritas  
in Rationali-  
bus præsertim  
gemmis af-  
signandis.

Argumentis  
pro contra-  
ria parte  
initio addu-  
ctis occurrir-  
tur. Responso  
ad 1.



ne, si sapiant, satisficient. *si* autem, quosuis antiquitatis perscrutatores, quantumvis diligentes rogo; vtrū pro certo sibi habeant aliquid antiquitatis redolens, quod in Septuaginta grauibz auctoribus inueniant; qui eo tempore scripserint, cū eius rei veritatē ignorare non potuerunt? præsertim si planū fiat, ipsos ea de re testes oculatos fuisse. Iam verò quis non videat, quantū inuariat ac roboretur Septuaginta interpretum auctoritas; tum Hieronymi, tum Iosephi approbatione atque consensu; necnon omnium antiquorum interpretū, videlicet Aquilæ, Symmachi, Theodotionis? &c. qui omnes in gemmarum Rationalis nominibus cū Septuaginta consentiunt; cū tamen nihil vilius momenti in contrariū reperiatur. Certē qui tot, tamque graua testimonia possideat, & suam præferat coniecturā; suam ipsius sententiam pluris æquo faciat necesse est. Iam, quod Hieronymus in Vulgata accipiat hæc nomina iuxta eundē Plinij sensum; ipsemet Hieronymus duobus in locis diserte testatur. Ridiculū ergo est, asserere in Vulgata non esse eō sensu accipiendā duodecim gemmarū nomina; cū ipsius Vulgatæ scriptor expresse asserat, illas à se secundum eum sensum vsurpari.

Ad secundū  
argumentū  
respondetur.

Argumentum ab etymologia ductum spero, vbi ad nominū singula deueniamus; congruenter fore soluendū. Est tamen, ipsius nominis etymon non reperiri: ecquis homo prudens in rerum antiquarū inuestigatione tanti faciat ipsius nominis sonum aut etymologiam, vt propterea à cōmuni sententia sibi discedendū putet? Quid magis frequens & quotidianum, quā, cū vox aliqua videatur hanc significationē habere, si ipsius sonus spectetur; certō tamen constare ipsius significationem multo esse diuersam? Nugatoriū planē esset, si quis probare vellet quod Hispani vocant *Azete*, Latine non oleum, sed acerum propter soni affinitatem esse vocandū; vt alia interim sexcenta huiusmodi prætermittam.

Septuaginta  
interpreti-  
bus plus fi-  
dei, quā  
Chaldaica  
paraphrasi  
esse habendū.

Iam, quæ prudentia est, pluris paraphrasim Chaldaicā, quā Septuaginta & Vulgatæ lectionē æstimare? præcipuē cū cōstet, Chaldaicā paraphrasim eo tempore conscriptam, quo Rationale non extabat: vnde paraphrasticus auctor non potuit testis gemmarum oculatus esse. Verū enim verò esto, gemmas ipsas viderit, & earū naturas cognouerit; nunquid de nominū Chaldaicorū, quā de Hebraicorū significatione clariū constat? Quæ ergo notitia aut cognitio remanere potest de eo lapide, qui Apantor siue Pantere vocatur? Et quamuis eiusmodi superesset cognitio; numne oraculi speciem præ se ferit ista paraphrasis? Profecto, vt eā in lapidum interpretatione exploderemus, vel illud satis esset, quod Onchelos & Ierosolymitanus sibi manifestē repugnant. Nam si Ariæ Montano habenda fides est; quem nos Amethystū vocamus, eorū alter oculum bouis, alter Smaragdū appellat. Ierosolymitani creditur esse Chaldaica paraphrasis, quam in Biblijs regijs super Canticorū cantico habemus; & Oncheli eā, quam super Exodo. Et Canticorū 5. 14. ponuntur duodecim gemmarū Rationalis nomina; simulque assignatur, quod cuiuslibet Iacobi filio obtingat. Et præterquā quod Isachar & Zabulon ante Dan constituit; duodecim gemmarum nomina hoc ordine recenset.

- |              |              |
|--------------|--------------|
| 1. Ahmar.    | 7. Bairla.   |
| 2. Ghagig.   | 8. Esfor.    |
| 3. Ghaperam. | 9. Toberg.   |
| 4. Cahali.   | 10. Perozag. |
| 5. Izmorad.  | 11. Mirbag.  |
| 6. Ghia.     | 12. Apantor. |

Nomina autem Chaldaica eorundem lapidum, quæ ponuntur Exodi 28. huiusmodi sunt.

- |                |                |
|----------------|----------------|
| 1. Samecan.    | 7. Cancrei.    |
| 2. Iarcan.     | 8. Tarcaia.    |
| 3. Barcan.     | 9. Ghinghenla. |
| 4. Izmeragdin. | 10. Iama.      |
| 5. Sabeziz.    | 11. Burla.     |
| 6. Sabhalon.   | 12. Panthere.  |

Conferat modò lector, si placeat, duas hæc paraphrases; & manifestē perspiciet eas inter se vix in vno nomine conuenire. Licet enim conce-

A deremus, eandem esse gemmam, quæ ab altero paraphrasæ *Bairla*, ab altero *Burla* appellatur; apud alterum tamen *Bairla* septimum habet locū, apud alterum *Burla* vndecimum.

Ex hac vtriusque consensione, vel dissensione potius, colligi potest, eos planē hallucinari, qui hæc paraphrasim omnino sequuntur: & Hebræorū doctissimos meritò asseruisse, suis in libris nullā reliquam fuisse noticiam de singulis horum lapidum nominibus. Hinc tamen minimē infertur, nullam apud Græcos & Latinos hac de re lucem remansisse. In vtraque enim lingua tam Græcorū, quā Latinorum exactæ reperiuntur & perantiquæ harum gemmarū descriptiones à viris apprime doctis confectæ. Et quidē translatio gemmarum Rationalis in græcum sermonem per eos scriptores fuit facta, qui hebraicam linguam optimē callebant; quique Rationalis gemmas viderant sapius & recte cognouerant. Hieronymi etiam tempore vigeat adhuc perspicua notitia propriæ significationis, quæ cuiuslibet harum gemmarum nomini inerat. Vnde apparet, nomina isthæc à Septuaginta & Iosepho fideliter fuisse translata; quando Hieronymus eos omnino sequitur, & in lapidū descriptione sese remittit ad Plinium. Et Augustinus etiam nos monet, vt Carbunculi proprietates diligenter obseruemus, cū in Scriptura Carbunculum legerimus; idemque docet de Beryllo & reliquis. Constat igitur Hieronymum ac veteres alios minimē dubitasse, quin in versione Septuaginta, nomina Rationalis lapidibus assignata prorsus respondeant Hebraico fonti.

Ad tertium argumentum respondeo, quamuis diuersis temporibus diuersæ vigeant & vsu terantur gemmæ, quæ aliā tempestate non ita aut æstimentur, aut reperiuntur; alias tamen semper in hominum vsu perstare, vt Smaragdos. Ex ijs ergo, quæ semper extant, aut earum saltem notitia per omnes retinetur ætates, existimanda sunt esse illæ, quas diuina condidit protidentia, vt eis & in Rationali, & in Apocalypsi vteretur. oportuit enim esse ferè easdem, vnā aut alterā exceptā; nec non eas vtriusque temporibus esse notas, ac temporum deinceps decursu earum notionem ad fideles dimanaturam.

Ad quartum; vt alijs in locis variatio subreperet, ob peculiarem aliam causam fieri potuit; siue quod vnum idemque nomen, diuersas respiceret significationes; siue quod vna gemma ibi non plus interesset, quā alia (sicuti apud Iobum cap. 4. tanti refert tigridem apponi, quanti leonem) siue propter peculiarem aliam rationem. at verò in lapidibus Rationalis manifesta cognitio, quæ Septuaginta virorum tempore de singulis earū gemmarum speciebus habebatur; concordia item veterum omnium interpretum in singulis earū nominibus, nos manifestē docent, propriā cuiusque Hebraicorū nominum significationem lapidibus assignatam Exodi 20. esse illam, quæ græcis erat nominibus hebraicorum loco positā. Quam verò tunc Græca nomina significationem habuerint in omnibus ferè lapidibus, euidenter constat ex Theophrasto qui Septuaginta viros paululū ætate præcessit, & Alexandro Magno penè fuit coæuus, ac Magni Aristotelis auditor. Vnde cū Plinius, vt liquet, Theophrastum sequatur; apparet ipsius Plinij tempore, singula gemmarum nomina adhuc perstare. Quod dum singillatim expendit, & Plinij acrimoniā ac venustatē in dicendo considerat Vulgatæ scriptor, nempe Hieronymus; nos monet, omnia Rationalis & Apocalypseos gemmarū nomina à se ipso accipi eodem sensu, quo Plinius accepit.

Tamet si autem id non omnino conuincit, ne in aliquo eorum nominum possit verisimile aliquod discrimē inueniri; in ijs præsertim gemmis, quas non admittit Plinius, vt in Chalcedonio ac Ligurio: conuincit saltem vt communiter loquendo, horum lapidum nomina in grammatico sensu iuxta eum modum ac rationem sumantur, iuxta quā Plinius & alij eius temporis scriptores vsurpant: cū constet in hoc eodem sensu accipi ea nomina à Vulgato, saltem in Aaronis Rationali

Chaldaicā  
paraphra-  
sim non sibi  
semper con-  
stare; ac  
proinde non  
magna ad-  
modum at-  
tentio  
semper esse.

Responsio ad  
3. argu-  
mentum.

Responsio  
ad 4.

Chaldaica  
paraphrasis  
auctor.



& in cælestis ciuitatis fundamentis. De ijs enim locis agit Hieronymus, quando se refert ad Plinium. Neque hoc ex eo infirmatur, quod Sardonyx in sacris Literis Onyx appelletur. Nā Sardonyx est quædam Onychis species: vnde generale nomē à peculiari restringitur & coarctatur. Porro, vt iam vidimus, hæc non est ea gemma, quam Septuaginta Beryllum vocant; nec eadem procedit ratio in humerorum gemmis. licet enim initio fuerint Sardonyches: postea fortasse immutatae sunt. Et certè id vnum corrigit Hieronymus; reliqua non item; exceptio autem, vt dicitur, *firmat regulam*.

De Tharsis suo loco dicemus, ac de Ligurio. Nunc illud adiungo, illam de Ligurij lapidis natura dubitationem sumpsisse Hieronymum ex Plinio; vt vel hinc constet Hieronymum in nominibus, quæ duodecim lapidibus præscribit, Septuaginta interpretum veltigijs insistere; atque eadem nomina, quo sensu Plinius accipit, vsurpare voluisse. Quamuis id, (vt supra adueriti) non cogat, ne in aliqua ex his gemmis possit discrimin aliquod in scriptura fundatū reperiri; modò solido nitatur fundamento.

Iam ad id, quod dicitur, non semper necessario Scripturæ verba in optima & elegantissima latinæ linguæ significatione vsurpari debere; respondeo, id quidem verum esse, vt constat in nomine *hederae* Ionæ 4. atque alijs. cum verò ipsemet Vulgata editionis interpres explicatè affereret, quo sensu vocem aliquam assumat; tunc quidem durum prorsus ac violentum esset, si in alium sensum detorquere velles. Ad id verò de Tigridis nomine pro Leonis voce supposito, iam diximus longè aliam esse rationem. Liqueat enim eo in loco illud animal, exempli causâ, adduci; nec plus referre Tigridē, quàm Leonem. & fortè in Hebraicæ linguæ proprietate vox eadem Tigridem ac Leonem significat.

De vitri nomine Iobi 28. 17. fateor ibi vitrum esse lapidem pretiosum; sed, ni meus me fallit sensus, gemmas generatim appellat ibi Scriptura vitrum, siue vitri fragmenta per irrationē corū, quæ homines tantopere suspiciunt & admirantur. Itaque ibi fideliter fuit transcriptū, opinor: sed loquutio illa emphaticè est accipienda. Scio etiam non deesse, qui putent Scripturæ hyssopum esse ro-

rem marinum: vellent tamen id ab eis probari. De Hedera nomine Ionæ 4. celebris est controuersia, eo quod Septuaginta reddiderint *Cucurbitam*. Sed hac in re illud certum esse reor, quod Hieronymus tradit, Hebraicam scilicet vocem *Cicaion* esse plantā ab hedera & cucurbita diuersam, & Græci aut Latini vocabuli defectu aliud fuisse vsurpatum vnius plantæ ex ijs, quæ faciliè ad cacumen serpere, & folijs opacantibus suppositos homines tegere solent.

Denique interpretationis fidem non eleuat, vbi propriæ desunt voces, aliarum vsus ob proportionem aliquam, siue analogiam; vt Hispanis identidem accidit, qui Indorum Occidentalium plantis nomina accommodant earum plantarū, quæ sibi notæ ac familiares sunt; sic platani, sic pinei fructus, sic aliarum arborum ac fruticum nomina vsurpant. Id quod per catachresin tropicè factum, ad elegantiam sermonis Rhetores interdum reducunt. Adhæc; quamvis propriarum vocum cōpia fiat, ob peculiarem aliquam rationem potest interdum alienum accerfiri nomen. Verū qui hæc euadere contendit, debet congruentem sibi reddere rationem: ne aliquin absconum quid & dissentaneum sectari videatur iter. Vt autem superius vidimus, nulla potest idonea afferri ratio, vt credamus Hieronymum & Septuaginta horum lapidum nomina accepisse in sensu adeò peregrino, vt nonnulli autumant.

Tolerabilius foret, quod alijs arrisit, nempe in singularum gemmarum descriptione Plinium, Solinum ac Theophrastum deserere; & sectari aliarum descriptionum vias, quæ in recentioribus auctoribus, & in alijs paulo antiquioribus inueniuntur: ex quibus sunt Nilus & Anastasius.

Verūmenimverò cum tempus hanc nominum varietatem in gemmarum prouinciam inuexerit; cum scriptores aliquot, ceteroqui grauissimi, exigua de gemmarū natura notitiā sint assequuti; cū Theophrastus paulò ante Septuaginta etatem floruerit; cū Plinius ac Solinus fuerint beati Ioannis coqui, & in gemmarum notitiā ac descriptione diligentissimi, postremò cum beatus Hieronymus se in gemmarum descriptione ad Plinium referat; facile quisque perspiciat, quanto planiori incedat viā, qui antiqua & certa amplectitur, quàm qui recentia ac lubrica sectatur.

Quid sit dicendum. de nomine Hedera, siue vt 70. vertunt, cucurbita, Ionæ 4.

Quando immutatio aliquam interpretationis fidem non eleuat.

Qua alia ratione huius argumento alij occurrant.

## NOTATIO VI.

### De gemma Iaspide.

Nonnullis visum est, quam gemmam Septuaginta & Vulgatus in Exodo & in Isaia Iaspide vocat, adamantē esse. Sic Munsterus, Fagius, & Coradus in suo corollario verbo Iaspis. Primò; quia Hebræa vox est *Iahalom*, à radice *haiam*; quod est ferire ac frangere. Secundò, quia duodecima Rationalis gemma Hebraicè vocatur Iaspis, & Chaldaicè Pantere, siue Apantor. Verū superiori notatione ostendimus, credibile minimè esse, Septuaginta, Vulgatum, Aquilam, Theodotionem & Iosephum fuisse deceptos; qui omnes pro *Iahalom* vertunt Iaspidem. solus Symmachus cōmutauit aliquando nomen Iaspidis in Chalcedoniū, vt Hieronymus testatur. Et Iaspidis viridis reperitur species, cui potest Chalcedoniū nomen applicari; vt Plinio colligitur. Dictis illud adiungo pro veterū interpretum translatione in nomine *Iahalom*; validū scilicet argumētū desumi ex Apocalypseos cōuenientia & respectu ad veteris instrumenti locos. Constat enim apud Isaiam mēia & turres esse ex *Iahalom*; & in Apocalypsi murum esse iaspideum. Atqui Ioannes Græcè scripsit; nec dicere quis poterit, ipsum pro Adamante Iaspidem expressisse.

Ad primū ergo ex oppositis argumentis respondeo, eiusdē verbi significationē esse percutere, flagellare & frangere, vt dictionaria ipsa testantur. Nec

difficile est aduertere, quanto verisimilius sit, Iaspide appellatum fuisse *Iahalom* propter eas maculas, quibus infectus, signatus & quasi dissectus est. Quod si ad maius ipsius pretiū & estimationē requireretur, vt sanguineis esset maculis distinctus (de quo infra) mirifice ei cōgruebat nomē flagellati, siue rimosi lapidis, ad modum odorati caryophylli. maculis ac notis varijs aspersi, quod Hispani appellant *clauellina disciplinada*.

Ad alterū respondeo, ex eo manifestè colligi, quæ gemma dicitur Hebraicè Iaspis, non esse eandem, quā Latine Iaspide dicimus. quandoquidē cū omnes in Hebræo Iaspide legerēt, inter sapientes tamē interpretes conuenit *Iahalom* esse, quem Latini ac Græci, nō quæ Hebræi Iaspide vocant. Nō ab similibus differentia reperitur in vulgari Topazio & Latino, in Hiacynthi ac Turdi nominibus & alijs cōpluribus; in quibus eum cū risu exploderemus, qui propter soni similitudinē optimos condēnaret interpretes. Nec vlla est Chaldaica paraphrasis habenda ratio, vt propterea eū tot grauibz interpretationibus opponamus: nec verò aliqua est certa ratio, vt Apantor siue Pantere Chaldaicè sit Iaspis; quod animal Græcè ac Latine Panthera nuncupatū maculosam habeat pellē. Friuolū est hoc & minimè certum. Quare nulla ratione dubitandum est, quin

Dissoluitur secundat.

Iaha-

Ad quintū.

Dubitationē de Ligurij lapilli natura vnde Hieronymus contraxerit.

Nam semper Scripturæ verba sint in elegantissima Latina linguæ significatione necessario vsurpanda?

Ad sextum responsio.

Cur Iobi 28 vitri nomen pro gemma vsurpatur?

Gemma, quæ in Exodo & Isaia vocatur Iaspis, adamantē esse, aliquorum placitum. Duplex pro hac opinione argumentum. Opposita tamen sententia vt vera statuitur. & probatur.

Primum argumentum opposita sententia dissoluitur.



*Iabalom* sit ea gemma, quam Græci & Latini Iaspidem nuncupant. in Apocalypsi autem qui Iaspidem diceret Adamantem esse, planè desiperet.

His ita positis examinare nunc oportet, quæ sit ea gemma à Græcis & Latinis Iaspis appellata. Nec enim Iaspis est quilibet lapis ex ijs, quos Hispani fermone vernaculo vocant *Iaspis*: nam quodcunque marmor colorū varietate sit distinctū, vulgari hoc nomine Hispani appellamus. At Græcè ac Latine Iaspidis nomen non tribuitur lapidi, qui gemma non sit. Quare & Plinius lib. 37. c. 9. ut rarū atque inusitatum refert, visum Iaspidem vncias vndeim appendentē. Et quamvis legatur etiam vnciarū quindecim (ut in aliquo libro habetur) maiores adhuc Smaragdi ac Topazij, alijsque pretiosi lapides visi sunt, ut Plinius ipse refert.

Itaque Iaspis non est, nisi gemma sit. Sed quænam gemma? Respondeo nomen Iaspidis generale esse, & plures sub se species complecti; ut videre est apud Plinium. ad quatuor tamen reducuntur: ex sunt virides, cæruleæ, rubræ & candidæ. Ex viridibus aliæ confusum magis colorem præ se ferunt; aliæ Smaragdi referunt. Ex his appellatur *grammatias* ille Iaspis, qui lineam albam habet; qui verò plures, polygrammos vocatur. Ex cæruleis Cyprius est glaucopingi similis, veluti Cæsius densus. Persicum dicunt ad clarum cæruleum accedere: Thermodoonteum planè cæruleum. Et rubris Plinius distinguit purpureum alium; alium violaceum; alium ex cæruleo ac rubro mistum; alium roseum; alium colore Sardij similem. Ex candidis alius dicitur esse Crystallinus; alius niueus; alius salis colorē imitans; alius nubeus; fumeus alius. Meminit etiam Plinius Iaspidū, in quibus stellulæ quædam siue puncta dispiciuntur, *stellate rutilis punctis*; alios refert habere vngues; alios nomen à Terebintho improprie mutuatos; atque significat videri eos ex varijs diuersorū Iaspidum frustulis cōpactos.

Inter tot, tamque varias Iaspidum species primo videtur aspectu perspicue colligi non posse, quænam ex ijs ad Apocalypsin fuerit à Ioanne selecta. Notamen idonea desunt pro viridi Iaspide argumenta. Primū sit, quia verba illa Plinij, *Viret Iaspis*, non significare videntur, esse peculiare aliquā viridis Iaspidis speciem: sed hunc esse proprium Iaspidem; ad ceteros nomen idē per huius imitationē fuisse propagatū. vnde Adrianus Iunius ait, *Iaspis Plinio viridi colore est*, idemque asserunt Calepinus & alia dictionaria. Similiter Epiphanius nomen Iaspidis ad viridē constrinxit; atque adeo beatus ipse Hieronymus: siquidē Plinij & Epiphanijs sententiæ subscribit, Isidorus adeo certum duxit, proprium Iaspidis colorem esse viridē, ut græcum ipse excogitauerit etymon, in quo idem sonaret Iaspis, atque viridis petra. Licet autem etymologia ipsa non ita videatur solida; sanctissimi tamen Doctoris hac de re mentem satis explicat. Deinde, qui de Iaspidum natura agunt, omnes à viridi suam ordiuntur narrationē: ita procedunt non solum Plinius, Epiphanius & Isidorus; sed Dioscorides etiā lib. 5. & Hieronymus Isaia 54. nec aliquis est interpres, qui ad gemmarū colores, de quibus Scriptura agit, singillatim descendat, quin hanc complectatur opinionem.

Præterea ad sacrarum Literarum usum est valde consentaneum, ut illū consideremus Iaspidem, qui & in Palestina & in toto Oriente frequentior erat. Cum autē dixisset Plinius, *Ierosolyma orbium Orientis longè clarissima*: postea lib. 37. cap. 9. de Iaspide verba faciens hæc habet; *Totus Oriens pro amuleti traditur gestare eam, quæ Smaragdo similis est, & per transversum lineā albā præcingitur*. Scio non deesse, qui dubitet, num germanior sit lectio, quam ad marginē Dalecampius reiecit, quæ eiusmodi est; *Oriens Iaspidum sexdecim species traditur gestare; quæ verò ex ijs Smaragdo similis est, & per transversum lineā albā præcingitur, grammatis vocatur*. Sic legisse videtur Vincentius in speculo naturali. Sed licet hanc admittamus lectionem; dum dicit Orientem sexdecim Iaspidum speciebus uti; dumque ex eis seligit vnam, quā propria descriptione & nomine distinguit; satis indicat, hanc Iaspidis speciem, esse inter ceteras

A insignem. Hoc amplius confirmat urex eo, quod de eadem specie tradit Hieronymus Isaia 54. *Smaragdi habens similitudinem, quo omnia phantasmata fugant autumant, vocatur grammatis*. Opinio hæc per uagata eo tempore de viridis Iaspidis vi & efficacia aduersus phantasmata eum fortè reddidit celeberrimum. Atque hac loquutione videtur Hieronymus complecti huius lapidis virtutē aduersus veneficia, quam ei Plinius iuxta communem lectionem attribuit. Amuletum namque Latini volunt esse aduersus mala medicamenta remedium; & præsertim contra veneficia validissimum putatur, ab amolendo dictum.

Non ignoro, Dioscoridē lib. 5. c. 160. sic habere: *omnes Iaspides amuleti esse traduntur*. Plinius tamen & Hieronymus virtutē hanc viridi Iaspidi lineā albā præcincto adscribunt. Vnde illi potissimum, præ reliquis Iaspidibus, singularis hæc proprietas videtur attribui. Atque eiusdem rei mentio est apud Dioscoridem. Licet enim ipse Assyriū siue Alitriū vocet, lineæ tamen albæ nota nos docet eum de viridi loqui.

Isidorus irridere videtur potestatem hanc, quæ Iaspidi tribuitur: sic enim ait, *superstitionis est credere hanc gemmam esse gratiæ & tutelæ gestantibus*. Verum multa huiusmodi reperiuntur figmenta, quæ ex vero aliquo principio traxerunt originem. Ego quidem sic existimo, huius opinionis fundamentum fuisse deriuatum ex vera virtute, quæ viridi inest Iaspidi ad stomachum confirmandum. Hanc ei efficacitatem disertis verbis adscribit Galenus lib. 9. de facultatibus simplicium, affirmatque se id experimento comperisse. quin etiam tradit rationem, quæ Iaspis stomacho adhibendus sit. Quod si efficiant ipsa insignis & perspicua est: verosimile sit, Iaspidis vi ad sanitatem restitutos nonnullos stomacho languentes ex ijs, qui philtis ac veneficijs affecti ac defecti tenebantur. Notum enim est, aliquos libidini & intemperantiæ deditos nimiam effrenatæ cupidinis luxuriā in huiusmodi morbum incidisse; qui ubi se fracto & debilitato stomacho cernunt, in veneficij fuspicionem deueniunt. Potuit ergo hac ratione Iaspis nominis famam sibi comparare aduersus Dæmonis vires inter homines nimium credulos: cuiusmodi Ethnici frequenter esse solebant. Hanc coniecturam probabiliorē reddit proportio ipsa & conuenientia: nam amuleti vis vni viridi Iaspidi, ut vidimus, tribuebatur; cui etiam inter ceteros virtutem recreandi stomachum Galenus abscribit.

Verisimile insuper apparet, Iaspidem Smaragdo similem adeo in Oriente visitatum, in minori etiā Asia vulgarem ac frequentem fuisse: præcipue cum in regionibus finitimis magna ipsius esset copia. Hoc elicitur ex Plinio: qui postquā ita asseruit; *Smaragdo similem Indi ferunt*; addit, *Amyfos India similem mitti*. Amyfos autem portus est in Galatia & maris illius sinus; ut videre est in eodem Plinio lib. 6. cap. 3. Alij pro Amyso Thraciam legunt: & quauis vtraque plaga ab Epheso & Asia non procul distent; ex verbis tamen Hieronymi prima stabilitur lectio. Et constat, loqui Plinium de eo Iaspide, qui lineā albā erat distinctus: ait enim, *Grammatias reperitur in fontibus Thermodoontis fluminis*, qui riuius est non procul inde erumpens, & per Amysi sinum in mare influit. Plinius itaque solum affirmat, ex Amyso magnam viridis Iaspidis copiam exportari. Hieronymus verò subiungit, Iaspidem illum esse lineæ candidæ, & in prædicti fluminis fontibus nasci. Prope eundem fluuiū ait Plinius cæruleum Iaspidem exoriri; ceterum vtrumque pariter stare potest. Nec mirum est, Hieronymum Plinij verbis non nihil addere. Vnde ad ea, quæ Plinius tradit, nempe apud Phrygiam purpureum Iaspidem procreari, adnectit ipse Hieronymus, *Alius viridior mari & tintus quasi floribus in Phrygie Ida monte nascitur*. Omnia hæc capit Iaspidū & gemmarū copia, quæ in regione reperitur: tanta namque extitisse dicitur, ut quas inde gemmarū opes asportauit Pompeius, Romanorum animos allexerint, atque pertraxerint ad rerum adeo pulchrarum desiderium. Plinius lib. 37. c. 1.

*Iaspide omnia olim phantasmata fugari putabatur.*

*Iaspide vim ad fuganda phantasmata à B. Isidoro pro cōmentitia reputari.*

*Quid hac in re possit probabiliter coniectari. Iaspide inesse vim ad stomachum confirmandum.*

*Iaspidem Smaragdi similem in minori Asia esse frequentem probabili coniectura asseri.*

*Hieronymus de Iaspide loquens, quid Plinij verbis addat.*

*Expenditur, quæ sit natura eius gemmæ, quæ appellatur Iaspis.*

*Nomen Iaspidis plures sub se species complecti.*

*Iaspidem viridē suæ pie naturæ esse latè probatur.*

*Ad Scripturæ usum esse consentaneum, uti Iaspis viridis natura consideretur. Iaspis olim pro amuleto gestari solitus.*



Quaerit Iaspidis species Apocalypses mysterio congruentior apparet.

Inter Iaspidis species viridis praestantior.

Quid sit a Plinio verba dicendum, qui secum opinari videtur.

Color Iaspidis natus nonnihil varius.

Probat per praedicta assertio de Iaspidis colore nonnihil naturam suam variare.

Cum ergo probabile admodum sit, Iaspidis nomen (vbi nihil aliud peculiarius explicatur) de viridi accipiendum esse; cumque inter virides praestantissimus ille sit, cui alba linea transuersa est; congruentem habet locum argumentum, quod ex apta applicatione sumi potest. Etenim si haec Iaspidis species ipsi mysterio magis quadrat, & idonea satis proportionem ostendit inter hunc Scripturae locum atque alios, vbi eadem Iaspis vox reperitur: haec ipsa congruentia atque proportio nos firmos stabilesque reddit in eo, quod ita ex sese erat verisimile; nimirum, sermonem hic esse de celeberrimo Orientis Iaspide, qui grammantias nuncupatur.

Nihilominus licet haec ita sint, subuereor tamen (vt Pliniani id ferant) viridem Iaspidem purpureo & roseo anteponi. Plinij namq. censura est; Optima, quae purpurea quidquam habet; secunda, quae rosea; tertia, quae Smaragdi. Ad haec tamen responderi potest primo, hac in re antequitatem ipsi excellentiae praestitisse; vt cum nominatur Iaspis, nec aliud peculiare exprimitur, de viridi sermonem fieri intelligamus: ita enim videtur ipsi Plinio magis consonum. Quod admodum inter purpuras, cum Tyria Amethystina antecelleret, frequentius tamen Plinio est, purpuram nomine Amethystinam denotari, vt pote in Romanorum vsu antiquiorem. Secundo, quauis Plinius & Romani purpureum Iaspidem pluris fecerint; ex eodem tamen Plinio colligitur, viridem cum alba linea Iaspidem Ierosolyma & toto Oriente praeter ceteris aestimari. atque Scriptura, vt perspicuum est, ad Orientis usum potius, quam ad Romanorum aestinationem sese accommodare debebat. Ita enim in sacris etiam Literis purpura nomen propter affinitatem pro Tyria videtur accipiendum; quauis apud Plinium frequentius violacea vsurpetur.

Tertio addi potest, si Plinio purpureus Iaspis magis arridet; alijs tamen viridem perplacere. Quin imo, qui hac tempestate se imprimis gemmularios iactant, affirmant inter Iaspidum species primum hodie locum viridi notulis sanguineis asperso concedi. Adde, quod non ait Plinius, optima purpurea; sed, optima, quae purpurea quidquam habet. Ad hoc vero satis est, sanguine esse aspersam leuiter. Nam Tyria purpura sanguinea est. Vnde fortassis vtraque posset conciliari sententia, si primas illi Iaspidi daremus; qui, cum viridis sit & candida linea insignitus, nonnullas tamen habeat sanguinis notas siue puncta. Cui opinioni videtur fauere Magnus Albertus; ait enim, decem esse Iaspidis species; & inter eas praestantissimam esse viridem rubeum aliquid habentem. Atque haec de Iaspidis colore.

Vt autem ad proprietates alias gradum faciamus: prima illa est, quod quilibet Iaspidis species natium colorem nonnihil varium habet: ita vt viridis Iaspis non aequaliter eundem habeat colorem, nec ceruleus equaliter ceruleum; idemque de reliquis dictum. Neque id solum dixerim ob diuersi coloris maculas, quibus nonnulli sunt distincti (nec enim me latet, id generale omnibus non esse) sed propter colorem praecipuum, qui ad Iaspidis naturam opus est, vt variatus in se sit, & quasi maculosus; ita vt maculatus, siue venulosus dici possit, vt eum Abulen sis vocat Exodi. 28. Proprietatem hanc non exprimit Plinius, nec eam concedent, qui Iaspides esse affirmant lapillos aliquos, quibus idem omnino inuariatus est color. Ipse tamen non dubito, quin vt verus sit Iaspis, necesse sit cum aliqua varietate aspergi. Primo, quia diuersae Iaspidis species in re aliqua conueniant oportet; siquidem omnes nomen Iaspidis comprehendit: atqui, si hanc coloris varietatem tollas, nulla inter eas abinitas reliqua sit. Secundo, Iaspides Smaragdo similes, ni varium praeseferrent colorem, Smaragdi prorsus naturam viderentur induere; siquidem & Plinio Iaspides perspicui & perlucidi sunt. Quare cum diuersae naturae sint, corum differentia ad maculosam illam coloris varietatem referenda videtur; atque adeo cum dicitur Iaspis Smaragdo similis; non ita esse accipiendus, quasi viridis color ei prorsus

A aequalis sit; sed vt Iaspidis varietas Smaragdi colore posset imitari. Porro huiusmodi Iaspidem Smaragdo affinem ait Theophrastus verum fore Smaragdum, si perfecte maturet. Quod probat ex ipsa Smaragdi matrice; in qua magna est viridis coloris diuersitas; atque ita ei nomen Iaspidis quadrat.

B His addo tertio, multis lapidibus, vt Iaspides sint, nihil aliud desiderari, quam vt variati sint sicuti Heliotropio accidit; cui licet sanguineae sint guttae, vt Plinius asserit, siue puniceae, vt Solinus: ab Iaspidis tamen natura desciunt, quia viriditatem vndique aequalem habet. Eademque ratio militat in gemmis Prasio, Melochite, alijsque compluribus. Vt ergo verus detur Iaspis, requiritur manifeste in ipso colore varietas. Quarto quam vim apud Hispanos obtinet haec vox Iaspeado, eandem apud Latinos habet Iaspidem; vt videre est apud Plinium lib. 37. cap. 10. cuius ea sunt verba; Cepionides, alias vitreae, alias Crystallinae, alias Iaspedae. Vbi Iaspedae significare non potest densas & opacas: cum Iaspides etiam translucidi sint, vt Plinius ipse fatetur. Quinto Iaspis nomen videtur esse contractum ex idio & opia; vt significetur ipsius maculas salutares esse ac medicas. nam idio, idem est, quod salus, & opia est macula. Facit, quod in vestibus spilomata vocantur discolores notae. Sexto denique Hieronymus manifestum videtur supponere Iaspidi plurimum varietatis esse. contemplantur enim in ipsius coloris varietate spiritualium gratiarum diuersitatem: vt uniuersas, inquit, gratias spirituales in Ecclesiae propugnaculis cognoscamus.

C Contra hanc tamen varietatem, quam in Iaspide requiro, opponet mihi aliquis, eam neque in Aerizula, neque in Cyano reperiri: quae tamen inter Iaspides connumerantur. Respondeo necessarium mihi videri, vt Aerizula varietatem etiam in se habeat. Nam Plinius eam inter Iaspides refert. Nec teneor ipse ad credendum, hoc significari nomine, quam vulgari idiomate Turquesam appellamus. Cyanum esse Iaspidis speciem non ita constat; quin imo ijs verbis reddetur & per se Cyanos, insinuat Plinius, se de Cyano seorsum agere velle; vt pote qui Iaspis non sit, licet a nonnullis Iaspis nuncupetur: in quo tamen variae reperiuntur lectiones.

D Obijciat aliquis secundo Georgij Agricolae opinionem, in eo scilicet omnes Iaspides consentire, quod coagulati lapides siue opaci sint. Quauis enim dixerit Plinius, saepe translucet: ait tamen Georgius, saepius non translucet: atque in hoc cum distinguit a gemmis perspicuis, quarum speciem gerit; vt Iaspidem viridem a Smaragdo, purpureum ab Amethysto, caruleum a Cyano, Sardem similem ab ipsa Sarda. Sic ille. Sed meo iudicio manifeste opponitur Plinio. Nam verba illa, saepe translucet, euidenter ostendunt, Iaspidis naturam non in eo consistere, quod translucida gemma non sit. Quid, quod alij etiam lapilli non perspicui reperiuntur?

E Alia Iaspidis qualitas est, eam gemmarum esse antiquissimam. Primo, de viridi Iaspide Plinius ait: etiam si videri a multis, antiquitatis tamen gloriam retinet. Quod si pro multis plusquam duas intelligamus, vt communi acceptione haec vox, vsurpari solet, non solum significabit, inter Iaspidum species; sed etiam inter alias generatim gemmas viridem Iaspidem antiquissimum esse. Et licet comparatio inter Iaspides solum accipi deberet: verisimile valde est, Iaspidum antiquissimo gloriam item antiquitatis inter ceteras gemmas deferri. Quippe fere omnes gemmas ita abstrusit & occultauit natura, vt ad eas indagandas & eruendas multo labore atque industria opus sit. At Iaspidem in ipsa terrae superficie iutuentur & agnoscunt, quicunque vel mediocriter ipsius cognitionem fuerunt assequuti. Et absque vlla terrae fossione in Hispania ad Escuriale delatum est, quidquid Iaspidis opus fuit ad insignis tabernaculi structuram. Quin imo in Mariano monte agnoscunt gemmularij multa pretiosi Iaspidis fragmenta.

1. Difficultas contra praedictam assertionem de vario Iaspidis viridis colore; & ipsius difficultatis enodatio.

2. Difficultas enodatur.

Iaspidis antiquitas maxima.

Iaspidis cognitio & inuentus facilis.



Vnde nulla ferè est in eo cognoscendo difficultas; sed in eo leuigando ac perpoliando, quem laborè vt subterfugiant, iidem ipsi, qui Iaspidem agnoscunt, intactū prætermittunt. Demum hac gemmā nos natura ipsa allicere & inuitare videtur; dū eam non in terræ viscera abdit, sed in summa tellure expositam omnibus offert. Quapropter generatim loquendo hæc fuisse videtur prima gemma, quā fortassis offenderunt primi illi, qui in gemmarū inquisitionem se impendere voluerunt, vt ex eis annulos conficerent. Nam Iaspidis antiquitas in eo videtur fundari, quod reliquis sit apertior & inuentu facior; non iam apud eos, qui eiusmodi gemmas diuendunt; sed in ipsa etiā terra pluribus in locis. Quare Magnus Albertus ait; in multis partibus inuenitur.

Sed vt de multiplici Iaspidis virtute natiua singillatim agamus; inter alias celeberrima est, quæ illi attribuitur ad veneficia & phantasmata abigenda: qua de re suprā iam dixi, quid graues Scriptores memoriæ prodant, & quo niti fundamento potuerint; & hæc esse peculiarem Iaspidis viridis virtutē, illius præsertim, qui grammatis appellatur: quamuis vniuersæ Iaspides omnes dicerentur amuleta. Pro hac Iaspidis vel virtute, vel de virtute saltem ipsius opinione facit, quod in ea niti videatur sacra fictio de celestis Ierosolymæ muris, qui ex Iaspide describuntur. Id quod Apocalypsis ex Isaia desumpsit, vt vidimus cap. 21. 18.

Altera est Iaspidis virtus, vt sanguineū fluxum sistat; & foeminarū præsertim menstrua cohibeat. Ita obseruauit Albertus Magnus, quæ hac in parte recentiores omnes sequuntur. affirmat autem, id pluribus experimentis fuisse compertū. Et quidē experientiam hac de re Cordubæ fuisse factā pro

A certo accepi per anulum quendam ex viridi Iaspide sanguineis notis disperso: nec valde videntur aberrare, qui suspicantur natiuas has sanguinum notas fortassis à Deo huic lapidi fuisse impressas, vt peculiarem sistendi sanguinem vim color ipse præ se ferret.

Huic secunde virtuti potest alia adiungi, quæ refert Albertus his verbis. *Aiunt, quod gestantem à luxuria prohibet.* Verisimile nanque est, qui lapis sanguineum reprimat fluxum, eundem etiam reprimere venerem.

Alias virtutes, quæ referuntur, consultò præmitto; quod illæ neque antiquitatis prærogatiuā, nec experientiā nitantur. Illud tamen ex Plinio omittendū non censui; nimirū Iaspides ad sigillorum vsum esse aptissimos; ait enim, *Nec diuersæ ab ijs Sphragide publico gemmarum dominio eis datæ: quoniam optime signent.* Idem etiam tradit, pretiosiores Iaspides non spargere extra se fulgorem, sed in se continere. Et quamuis afferat Albertus, propriū Iaspidis ornatū & quasi amictū fieri ex argento; Plinius tamen eis aureum tradit: ita tamen vt inclusus lapis vtroque ex latere discerni possit; *Præstantiores* (inquit) *fundā clauduntur patentes, nec præterquam margine auro amplectente.* Qua in re illud imprimis spectabatur, vt lapidis ipsius virtus immediato ipsius contactu percipi melius ac sentiri posset. Demum illud pro colophone addam; ad hanc scribendam notationem plures mihi Iaspides videre contigisse. Et singillatim sui nō parum oblectatus aspectu duplicis crucis Iaspidee, quas habet templum maximum Cordubense; alteram ex viride Iaspide albā lineā distincto, qui grammatis vocatur: alteram ex roseo Iaspide.

Iaspis contra luxuriam utilis.

Iaspis gemma ad sigillorum vsum peraptissima.

## NOTATIO VII.

*Vbi primus Apostolici symboli articulus cum prima gemma componitur.*

Primus articuli verba sunt; *Credo in Deum Patrem omnipotentem, creatorem celi & terræ.* Verba verò Apocalypseo hæc; *Fundamentū primum, Iaspis.* Veritas primi articuli perspicuè affirmat vnicum esse Deum; qui scilicet suā infinitā potentiā mundū vniuersum architectatus est. Et quamuis nomen Patris Sanctissimæ Triados personam indicet, cui Creationis opus per attributionem adscribitur: ceterum non hic videtur ad personarū distinctionis mysterium explicandum deueniri; donec postea dicitur æternus Pater Filiū sibi consubstantialē habere. Interim Patris nomen Deo deferri videtur ratione creationis; siue quod suā naturam & substantiā à nullo alio accipiat, quorum vtrumque satis percipitur prius quā ad Trinitatis mysterij explicationē perueniatur. Infideles enim, qui personarū denegant Trinitatem, non inficiantur Deum à nullo alio suum esse recipere; sed fontem potius esse, à quo res omnes creata, quod sint, quod vigeant accipiunt. In primo igitur articulo illud stabilire sit satis; nimirū illam fictorum Deorum turbam, quam Ethnicī fidei lumine aberrantes commenti sunt, neutiquā dari: sed vnum esse Deū omnipotentē, qui rerum omnium vniuersitatē condidit, & semper moderatur ac flectit. Hæc veritas iure optimo inter omnes Symboli prima est; quippe quæ ceteris articulis necessariò præstituenda. Atque hæc etiam veritas puros ac defecatos exigit mores, & ijs hominibus dignos, qui cultu ac veneratione prosequuntur, non impurā Venerem, lasciuum Cupidinem; sed totius mundi opificem & architectum; cuius leges & instituta pura & incorrupta sunt.

Pro huius veritatis symbolo nulla potuit alia inter gemmas vsurpari aptior, quā Iaspis. Verū memoriā hic oportet refricare earū rerū, quas in superiore notatione examinauimus: nimirū quā gemmam in presenti denotet Iaspidis nomē; quæ sint eius proprietates ac virtutes. Deinde tria sese offerunt in hoc primo articulo valde insignia, quæ

C in eius figura, siue symbolo adumbrari opus erat. Primum, quod primus inter ceteros articulos. Alterum, quod idololatrijs omnibus & fictis Deorum superstitionibus opponatur. Tertiū, quod puros & candidos mores exigit; quales decent eiusmodi gentem, quæ totius mundi conditorem adorat.

Quod ergo hic articulus inter ceteras Symboli veritates prima sit, vt suprā diximus, fuit maxime expediens. Quamuis enim aliæ sint veritates, quæ profundiorē præferant Theologiam; nulla tamē reperitur, quæ ita, necessariò, vt hæc, ceteris omnibus articulis & veritatibus debeat præmitti. Vnde & ceteris antiquior est, & ipsius cognitio tanti momenti semper extitit, vt minimè decuerit, eam abditā & occultam esse, ac propterea Deus illam antiquis Philosophis & ijs omnibus, qui in meridiana luce cecutire noluerunt, propalā ostendit. Satis namque est vel mediocri mentis facultate esse præditum ad perspicuā & manifestā huius Philosophiæ cognitionem. Quæ igitur gemma ad huius rei significationem posset elegantius vno Iaspide aptari? de quo, vt suprā vidimus, ita Plinius; *Etiā si vicius à multis; antiquitatis tamen gloria retinet.* Quasi dicat, alias quidem gemmas maioris æstimationis reperiri; antiquitate ceteris Iaspide antecedere. Ratio verò est; quia reliquas natura

E abdidit & occultauit; Iaspide in ipsa terræ superficie omnium ferè oculis obiecit. nec difficile est illū reperire; sed laue ac tersū reddere. quod laboris ne suscipiant, multi ex ijs ipsis, qui illū probè norūt, derelinquunt. Quid, quæso, aptius ad eā Pauli sententiam Rom. 1. 9. *Quod notū est Dei, manifestū est illis. Deus enim manifestauit; ita vt sint inexcusabiles; quia cum Deum cognouissent, non sicut Deum glorificauerunt.* Nonne Iaspide perpolire ac tergere quodāmodo ipsum glorificare est? Verū non ita se gesserunt Philosophi, de quibus loquitur Paulus. Tamen enim naturalis ipsa Philosophia hanc eis veritatem reddit conspicuam, & quasi in terræ superficie

Tria in primo articulo Symboli consideranda; quæ omnia in Iaspide per ordinē ostenduntur figurata.

Primum, quod ad antiquitatem attinet, in Iaspide figuratum.

Vim ad phantasmata abigenda illi Iaspidi esse imprimis propriam, qui grammatis dicitur.

Iaspidis virtus ad sanguinis fluxum sistendum.

Primus Symboli articulus eiusque ad Iaspidis symbolum applicatio.

Quam apte Iaspis ad primum fidei articulum applicatur.



perficie exposuit: ipsi tamen laborem & deprauatę voluntatis cohibitionem subterfugientes veritatem hanc derelictui habuerunt.

Deinde hæc eadem veritas continet Creatoris omnipotentiam; cuius opera sunt creaturę omnes varię atque multiplices, quę in tota rerum vniuersitate reperiuntur. Hoc autem egregie repręsentat mira ac iucunda iaspidei coloris varietas. Nāque vt optima colorū distributio in tabula apprimē depicta ostendit pictoris ipsius peritiam & artificium: ita colorum varietas, quos Deus huic lapillo asperfit, indicat non obscure naturę conditoris sapientiam ac potestatem.

Iam, ad eam significandam repugnantiam & oppositionem, quę huic articulo cum omni idololatria & impia superstitione inest; nullum potuit excogitari symbolū magis appositum, quā ea gemma, quę aduersus veneficia omnia atque phantasmata pro præsentissimo amuleto habebatur. Id quod ex Dioscoride, Plinio, atque Hieronymo retulimus. Quid ergo idola sunt, nisi quædam phantasmata & inania spectra? Quid vē falsis præstigijs ac veneficijs repugnantius, quā huius articuli veritas? Præsertim cū veneficiorum illud sit maximum & perniciosissimum, hominem scilicet idololatrię miserē subijci, & à Diabolo teneri captiuum ad ipsius voluntatem; vt loquitur Paulus 2. Timoth. 2. 26. Quapropter si primi articuli veritas nobis proponit defensionem ac patrociniū, quod in rerum omnium conditore habemus, qui creaturas suas tueri atque defendere potis est: sanē quā eleganter huic significationi deseruit vetus opinio, quod Iaspis sit mirifica tutela gestantibus. Quam ad rem non requiritur necessariō, vti verū sit Iaspidem esse tutelam: satis enim est, eiusmodi opinionem in vulgus olim dimanasse. Quod alludit Iſaias cap. 54. 12. *Ponam (inquit) Iaspidem propugnaculata.* Vnde & in Apocalypsi, muri structura ex Iaspide efficta est. Atqui manifestū est, muros & propugnacula esse vrbs ipsius defensionem; atque ad eod illa fingi Iaspidea, perinde esse, quasi ciuitas ab omni hostili incurſione sit tutissima, vtpotē quam ipsius Creatoris potentia munit & sepiat: ita vt nec Dæmon, nec mors, nec infernus, nec quilibet alius hostis eam capere, aut expugnare possit. Porro ad huiusmodi symbolorum rationem, dixisse me aliās memini, non esse opus, vt symbolica ipsa significatio in verā aliquanaturę proprietate falciatur: cū satis ad eam rem sit communis orbis o-

Alterum, de repugnantia cum idololatrijs, in Iaspide item adumbratū.

Iaspidem esse tutelam gestantibus quid mystice innuat.

Sapphirus quam gemma sit?

Quam gemmam Græci & Latini Sapphirum vocent.

Plinius in Sapphiri gē-

## NOTATIO VIII.

*Quę sit ea gemma, quam Scriptura appellat Sapphirum.*

**N**on nemo existimauit, Sapphiri nomen improprie in sacris Literis vsurpari, & eo nomine fortasse significari vel crystallū, vel Adamantem, vel purpuream gemmam. Verū ex ijs, quę notatione quartā & quintā diximus satis refellitur, quęcunque opinio pro Sapphiro in sacris Literis gemmā aliam accipiat ab ea, quam Græci & Latini veteres Sapphirum compellarunt. Et sanē præter illa, quę in duabus illis notationibus generatim disputauimus; pro Sapphiro peculiaris militat ratio, ne dubitemus Sapphirum Theophrasti ac Plinij esse eundem cum Scripturę Sapphiro. Nam idem est nomen Hebraicę, Gręcę & Latine; & (quod maius est) ipsius color est in sacris expressus, Exodi 24. 10. *Quasi opus lapidis Sapphirini, & quasi calum, cū serenu est.* Necesse est igitur, Sapphirum esse gemmam cęruleam, & sereni cęli colorem referre.

Altera est questio, cuiusmodi sit gemma, quam Græci & Latini Sapphirū vocabant. Quę enim Plinius de Sapphiro signa & indicia tradit, non videtur ijs cōgruere lapidibus, qui hodie Sapphiri vulgō dicuntur. Etenim appellationem hanc nunc tribuit vulgus gemmis cęruleis pellucidis: & nōnulli adeo certū esse reputant, nullā in Sapphiri nomē mutationem fuisse inuectam; vt temerē Plinium

**A** pinio. Et quidem allusio, ad eam opinionem quantumuis falsam plurimum in se continet elegantia. perinde nanque est, ac si dicatur ea virtus protegendī, & ab omni phantasmate ac demum machinatione tutandi in Iaspide mystico vera ac perfecta reperiri.

**B** Præterea vbi supremi Conditoris potentia cognoscatur, ipsius etiam innotescit prouidentia; & quia remunerator est, id est, iustis & iniustis, pro cuiusque operibus Deum præmia seu supplicia redditurum. Ad hoc autem fortasse conducit coniunctio viridis coloris cū sanguineis maculis, quę in pretiosissimis Iaspidibus esse solet. Nam viridis color spem innuit; sanguineus coniminationem.

Ac demum ad figurandam eam vim, quam prima hæc Symboli veritas obtinet (si digne vt par est, accipiatur) vt mores integros ac puros ingerat atque conseruet; apposita est virtus illa admirabilis Iaspidi inſita sistendi sanguinis fluxum: qui referri frequenter solet ad vitę impurę & inquinatę significationem; iuxta illud Iſaię 64. 6. *Facti sumus, vt immundus, omnes nos, & quasi pannus menstruat & omnes iniustitie nostrę.* Et Esther 14. 16. *Tu scis, quod detester illud, quasi pannum menstruat.* Cum hac proprietate possem alias cōiungere quas Iaspidi tribuunt Beda, Vincetius, Berchorius & Rucus; nepe venerorū petulantem appetentiam retundere, oculos purgare & illuminare, & illorum aciem reficere. Verū nō opus est, aut parum antiqua, aut minūs certa virtutibus prædictis adijcere.

**C** Linea alba Iaspidis apud Orientales insignis, qui vocatur grammatis, applicari congruenter potest ad eandem significationem purę & illasę vitę, quā postulat debita Creatori mundi adoratio: aut fortē aptē accommodabitur ad letitię atque triumphus significationem. Hęc enim veritas de omni idololatria triumphat. Quod si aliquis exoptet, vt in primi articuli Symbolo non nihil subſit, quod cōferat ad significationem dignitatis primę personę diuinę, quę est Pater: fortē hoc adumbratur in Iaspidis gemmarū primę antiquitate. Quauis enim æternus Pater non sit tempore prior, est tamen, origine, vt loquuntur Theologi, id quod nō aliter potuit vt cūque significari, quā gemmam aliquomodo primam huic veritati aptando. Existimo tamen magis esse consentaneum, ne in his primis Symboli Apostolici verbis applicationem nimis exiliter ad calculos reuocemus, vt initio huius notationis obseruauimus.

Coniunctio coloris viridis cum sanguineis notis in Iaspide quid innuat

Tertium de puris moribus in primo articulo requisiti quomodo in Iaspide figuratur.

Alie insuper virtutes ac facultates Iaspidi à multis assignate.

Dignitas primæ personæ diuinę, id est, Patris, quę primo articulo prædicatur, quomodo adumbratur in Iaspide.

**D** sugillant, quod signa ab eo assignata Sapphiro nō ijs quadrent, qui hac tempestate vulgō Sapphiri nomē fortiuntur. Certē Mathiolus in cōmentario Dioscoridis lib. 5. cap. 114. suspicatur errasse Plinium, quod lapidem Lazuli pro Sapphiro acceperit. Mathiolum refert, & sequitur Forerius, Iſaię 54. *Dalecampius verō lib. 37. c. 2. non suspicatur modō, sed etiam miratur: Satis (ait) mirari non possum, Plinij tam pueriliter errasse, cū de Sapphiris ea scribat, quę de Cyano audienda sunt: nimirum quod non pellucet, & aurei punctis conspergitur.*

**E** Ceterum, si re accuratē expendamus; imprudenter existimatur Plinius Sapphirū non agnouisse, quod diuerſa illi signa attribuat ab ijs, quę in nostro Sapphiro cōspicimus. Nā ad propriā & germanā Latine vocis siue Gręcę significationē refutandā, ridiculū est recentiorū vsū antiquis veterum scriptorū indicijs opponere. De Plinij auctoritate dixi iā notatione 4. Nūc illud addo, in huius gemmę signis præscribendis nullū ex illius temporis antiqui scriptoribus à Plinio dissentire; nec verō coniecturam esse aliquam, quę illi possit opponi. Quare ipsum sequamur necesse est; adhibito præsertim earum confirmationum momento, quas mox subiiciemus. Enim verō non

me natura designanda temerē à nonnullis sugillatus.

Plinius ab oburgantiū calumniā asseritur.



deest, qui ad hæc respondeat, Plinij auctoritate non reiecta, sed retenta; adhuc posse ipsius verba ita accipi & explicari, vt hæc ipsa species gemmarum, quas hodie Saphiros nominamus, eadem sit cum Pliniani Saphiri specie.

Qua de re vt certū fieri iudiciū possit, ad Plinij indicia atque vestigia de Saphiro prodita deueniamus. Primum est; *Saphirus aureus punctis collucet*. Hoc tamen eludere conantur nonnulli, asserentes non eam esse Plinij mentem, vt Saphiro aurea puncta semper esse infixā velit; sed ipsum aureis micare punctis: sicuti aliquando gemma Cyaneus aureo puluisculo internitet. adduntque vocē aliquando, quæ altero in loco exprimitur, in altero etiā prudenter nec valde violenter subaudiri posse. Aiunt ergo, non omnibus Saphiris aurea fuisse puncta, sed nonnullis: quemadmodum visus est aliquando Smaragdus auro leuiter adpersus.

Nihilominus, quāuis Plinij verba non cogant, nequando possit Saphirus absque aureis punctis reperiri; ex ipsis tamen colligitur præcipuos Saphiros & maiori in pretio habitos aureis fere punctis fuisse inscriptos. Non aliter, quā qui hac tempestate de lapide Lazulo agunt, inter ipsius signa aurum annumerant: absque illo enim vulgares valde & minoris pretij reputantur; vt tradit Mathiolus lib. 5. cap. 70. Atque vt egregios Saphiros auro constare debuissē planum fiat, sunt duo alij insuper Plinij loci satis perspicui: alter lib. 33. cap. 4. vbi de auro verba faciens, *Quod purius* (inquit) *ioditur, canalitium vocant, marmoris glareæ inherens; non illo modo, quo in Oriente Saphiro & lapide Thebaico, alijsq; gemmis scintillat, sed micæ amplexum marmoris.* De lapide autē Thebaico ait lib. 36. cap. 8. *esse interfectum aureis guttis.* Locus alter habetur libro 37. cap. 10. vbi loquitur de quadam Agathæ specie; quā vocat Coralloachatem additque; *gutis aureis Saphiri modo distinctis.* Ex his Plinij locis manifestum est, proprium ac celebre significatum antiquæ vocis Saphirus pro illo supponi, qui aureis punctis erat distinctus. atque vt superius dicebamus, absolute loquendo congruenter dici Iaspidem esse viridem; ita etiam ait Plinius proprium & germanum Saphirum aureis conitare punctis. Excellentia fortassis in Saphiro præstitit, quod antiquitas in Iaspidis nomine. Et saltem in Scripturæ Saphiro haberi debet respectus ad Saphirum Orientalem; cum Ierofolyma fuerit vrbium Orientis longè clarissima; cumque omnes ferè huiusmodi gemmæ duodecim ex Pontificis Rationali mutuatae sint, vt diximus notatione Quinta.

Quod de Saphiri auro tradidimus, confirmatur adhuc ex ijs, quæ Dalecampius ex Theophrasto refert; qui eum expressè nuncupat *χρυσόπρασος*, quod idem est, ac auro distinctus. Propterea Dionysius de situ orbis versu 1105. ait, *Aurea, ceruleæq; pulchrum lapidem Saphiri, vbi vides pulchritudinem in eo poni, quod simul aureus atque ceruleus.* Et Isidorus vniuersè affirmat; *Saphirus aureus punctis collucet.* De Hieronymo vidimus iam, se ad Plinium referre in harum gemmarum signis præscribendis. Deinde affirmat Saphirum cæli speciem præ se ferre; & in eo figurari hominem, qui eò conscendit, & cælo similis factus solem suis pedibus suppositum intuetur. Hoc asserit Hieronymus, quia sydera Sole altiora sunt. Idem sequitur Theodoretus Cant. 5. ex Psello in id; *Distinctum Saphiri. Solum hic lapsus* (ait Theodoretus) *cæli speciem & similitudinem obtinet.* Si autem ceruleum duntaxat colorem attenderet; neutiquam assereret solo Saphiro cæli imitationem inesse. Vnde cæli speciei nomine intelligit stellati Olympi pulchritudinē. His consonat Etymologia, quā Hieronymus tradit de nomine Saphir: Saphir (inquit) *Hebræo Syroq; sermone pulchra dicitur.* Et adiungit ad Samariæ pulchritudinem significandam, eam appellari solitam Saphir. In quo apparet per huiusmodi nomen a priscis illis intelligenti aureorum punctorum distinctionem, & ornatum ad cælestium stellarum similitudinē. In hac Hieronymi etymologia de nomine *ספיר* (Saphir)

A existimauit fortasse sanctus Doctor. *ס* (samed) poni pro *ש* (Sim), ita vt radix sit *שפ*, Saphar; quod est pulchrum esse: Sed non est inepta etymologia a *ספ*. cum *ס*, quod significat numerū aut rationem propter stellarum, quæ in eo visuntur, numerum.

B Præterea hæc stellati cæli imitatio illustratur eo discrimine quod Plinius assignat inter aurum, quod cernitur in gemma Cyano, & quod in Saphiro (quanuis ea sanctum Isidorum præterierit) Cyani aurum ait Plinius esse instar pulueris: aurum verò Saphiri esse puncta notabilia atque distincta. Et capite 10. ea appellat aureas guttas. & lib. 33. cap. 4. aduertit non esse venas, sed scintillas. Vnde Plinianæ phrasēs, dum de Saphiro incidit sermo, huiusmodi sunt: *Aureis punctis collucet: aureis punctis distinguitur: auro scintillar.* Aureus igitur Cyani puluis stellarum pulchritudinem & imitationem non attingit; illis enim cælum pulchra varietate distinguitur, & gratissimo splendore illustratur; venæ item aureæ diuersam figuram præ se ferunt. Quare vt Saphirus mirifica esset cæli effigies, opus fuit quidquid de illo Plinius affirmat; nimirum, vt ipsius aurum sit non puluis, aut venæ; sed scintillæ in cæruleo spatio intermicantes.

C Sed ad ipsum colorem iam perueniamus. *Cerulea Saphiri* (ait Plinius) *raroque cum purpura.* Et quidem de ipsius colore cæruleo conuenit inter omnes: Ita expressè docet Nyssenius oratione 14. in Cant. At circa verba illa, *raroque cum purpura*, aduertit Dalecampius ad Plinii marginem, in veteri manuscripto desiderari vocem *raro*; & legi, *Saphirorum, quæ cum purpura optime apud Medos.* Ceterum aut communis lectio certa est, aut Mediæ Saphiri ex præcipuis non erant. Nam mox Plinius addit; *quæ sunt cyanei coloris, mares existimantur.* Atqui Cyanum antea cæruleum effecerat absque villo vel leuissimo purpuræ vestigio. Videtur ergo iuxta Plinij mentem, non esse insignis qualitas Saphiri, sed defectus potius, quod in violaceum colorem vergat. Id quod roboratur ex eo, quod sacra Litera tradunt Exodi 24. 10. *Quasi opus lapidis Saphirini; & quasi calum, cum serenum est.* Quibus ex verbis fere colligunt interpretes, perfectum Saphiri colorem esse cæruleum ad fereni cæli similitudinem, quā cæruleus color perfectior patet, sicut aliquando inter diducta nubila ostendi solet. Perfectus verò cæli color cæruleus nullam offert purpurei similitudinem; sed exactissimam speciem cærulei purissimi vltra marini, cuiusmodi cōfici solet ex optimo lapide Lazulo; vt testantur Albertus Magnus de mineralibus cap. 19. Mathiolus lib. 5. cap. 66.

D Ex dictis elicitur, illum planè decipi, qui cum Isidoro diceret, *ceruleus est cum purpura*, vbi omnino desideratur aduerbium illud *raroque*. Constat enim Isidorum id ex Plinio transferre voluisse. Diuersa multò est Alberti Magni mens in suo Saphiro: non enim illi aurum tribuit; sed ait, *Optimus, qui nubes habet obscuras ad rubedinem declinantes.* Veruntamen vt Scripturæ Saphirum dignoscere possimus, cum bona recentiorum veniā, antiquos scriptores sequamur necesse est. Eandem ob rem nihil est, cur nos Abulensis opinio remoretur, nempe Saphirum esse gemmam cæruleam, & habere in medio stellam refulgentem. Sed hoc nullo antiquitatis momento fulcitur.

E Nunc illud discutiamus oportet; num Scripturæ Saphirus sit densus & opacus; an verò perspicuus & pellucidus? Communis Plinij lectio est, *Optime apud Medos, nusquam tamen pellucida.* Sed inter varias lectiones adscribit Dalecampius vnam cuiusdam manuscripti sic habentis; *Nusquam enim sic pellucida.* Nonnulli ergo satis esse putant hanc correctionem, vt hoc in questionem vocetur. Et iuxta illam asserunt, optimam esse Plinij rationem, vt Medorum Saphiros propterea ceterorum omnium asserat esse optimos; quod nullibi ita clari & perspicui reperiuntur. His addent ad pulchritudinē à Hieronymo in Saphiris commendatam requiri, ne sint opaci.

Qualis sit proprius Saphiri color.

Perfectus Saphiri color, cæruleus.

Isidori verba de Saphiro quomodo corrigenda.

Verum Scripturæ Saphirus densus sit & opacus; an perspicuus & pellucidus? Esse opacum cum Plinio asseueratur, & late probatur.

Verum

Saphiri signa atque indicia a Plinio tradita.

Nam Saphirus aureus punctis collucet.

Pars affirmans de aureis Saphiri punctis vt vera se legitur, & Plinij sententia probatur.

Roboratur superior assertio Theophrasti testimonio, & aliorum.

Hieronymi auctoritate idem comprobatur.



*Vetus Plinij  
lectio de Sap-  
phiro defen-  
ditur.*

Verum enim verò antiqua Plinij lectio pro certa & germana est habenda; idque multis de causis. Primo quia alterius lectionis nulla alia ad nos notitia dimanauit præter eam, quæ Dalecampius tradit: qui cum eam nihili faciat, quanuis ipsius faueat opinioni de antiquo Sapphiro, argumeto est, eam ex libro autentico non fuisse petitam: Si ipse existimaret illius lectionis rationem esse habendam; nequaquam diceret, mirari seignorantiam Plinij, qui densum putaret Sapphirum. Videtur ergo nomen, ut Plinij verba ad hodiernum Sapphirum vulgarem detorqueret, textum pro libito immutasse. Ceterum meliorum codicum consensione perspecta, coactus fuit Dalecampius suum deferere votum; & Plinium potius carpere, quam scriptores tot, tamque veterum originalium, quos præ oculis habebat.

Secundò, ad communem lectionem fulciendam magni momenti est auctoritas Isidori illam frequentis libro 10. cap. 9. Nec enim fidem solum facit, eum in Plinio ita legisse, ut nos legimus: verum etiam Sapphirum ipsius Isidori tempore pro densa & opaca gemma reputari. Tertiò, quicunque Plinij verba referunt, ad Isidori sententiam se conformant; ut Vincentius, Rueus, Mathiolus, & Forerius. Quartò, esto, Sapphirus gemma non esset opaca; saltem pro optimo habendus esset, cuius caruleus color perfectior foret. nam inter gemmas illæ vocantur mares, quarum colores magis acres ac virides sunt. aitque Plinius; *quæ sunt cyanei coloris mares existimantur*. Quod cum ita sit, quinam diceret Plinius, meliores esse, quæ magis perspicuæ sunt; cum inter Sapphirinas gemmas plus transluceant illæ, quibus carulei coloris minus est? Quintò, ubi ad Hyacinthum ventum erit, constabit; quicunque hodie vulgò Sapphiri vocantur, si antiquis scriptoribus standum sit, sub Hyacinthi nomine comprehendi. Frustra ergo defudat, qui recentes nostri temporis Sapphiros inter antiquos contendit numerari debere. Nec dignabuntur antiqui Hyacinthi, Sapphiri nomen sibi dari, cum nobilior sit Hyacinthi appellatio.

Sextò, si Sapphiri essent translucidi; & quò clariores, eò nobiliores: certè discrimè inter Hyacinthos atque Sapphiros valde esset exiguum; & quod percipi vix, ac ne vix quidem posset. Hoc ergo qua ratione consentire potest cum ijs, quæ Plinius & Hieronymus scribunt? Quis nesciat, Hyacinthum Amethysto, quam Sapphiro affiniorem à Plinio constitui. Cum nihilominus Plinius ipse asserat, *multum ab Amethysto distat Hyacinthus*. Quò etiam pacto miraretur iure Hieronymus, inter Rationalis gemmas nullum superesse Hyacintho locum; si adeò veterem referret Sapphirum, ut vix alia in re, quam in auri scintillis ab eo distingueretur? si fortè Smaragdus notis aureis distinctus inueniretur; quorsum alio vulgari opus esset? *Satis miror* (ait Hieronymus ipse in Epistola ad Fabiolam) *cur Hyacinthus lapis pretiosissimus horum in numero non ponatur*. Ex quo constat inter Hyacinthum & Sapphirum inigne reperiri discrimen.

Septimò, optimi Sapphiri recentiores (ij nempe, qui vulgariter Sapphiri appellantur,) ex duriorum gemmarum numero sunt. non tamen de illis dicere posset Plinius, quod de Sapphiris tradit; *inutiles sculpture interuenientibus crystallinis centrâ*. Nam durities nostrorum Sapphirorum vndique est equalis, & multò maior, quam crystallini centri durities, quod in aliis lapidibus offenditur; qui tamen ad sculpturam non inutiles, sed difficiles sunt. Nec difficultas in eo est, quòd centrum vocatur, sed in ipsamet duritie, quam aqualiter habent. Hæc ergo Plinij verba videntur requirere, ut de lapide aliquo intelligantur, denso quidè & nonnihil molli, inæquali tamen propter centra, quæ in eo innasci solent, ac proinde inutili, ut aliqua iniubi figura insculpi valeat. Nec tamen propter eà existimandum est, nihil in eo polituræ percipi posse. Aliud nanque est lapidem insculpere, aliud perpolire.

Ex dictis reliquum fieri videtur, Scripturæ & Plinij Sapphirum esse speciem quandam illius, qui

vulgò nunc appellatur lapis Lazuli, id est, qui nec venas nec aureum puluerem, sed scintillas seu guttas ex auro in carulea planicie habet: atque ad eò iuxta antiquorum usum, nobiliorem esse, qui cæli sereni colorem absque vlla violacei mistione magis refert. Galeni autem & Dioscoridis Sapphirum non est, cur à Plinij Sapphiro diuersum esse reputemus. illi enim hanc gemmam non describunt: nec alia ipsius signa & indicia habemus, præter ea, quæ tradit Plinius.

Sed dicet quispiã, quæ Sapphiro virtutes Galenus & Dioscorides attribuit, in nostro vulgari Sapphiro, non in lapide Lazuli reperiri. Verum utinã experientiæ ipsæ ita essent perspicuæ, ut firmum ex ipsis argumentum peti posset. Vereor tamen, hæc in rebus non tam experimento ipso, quam aliorum fide nos duci; & per paucos esse, qui nostrum Sapphirum in puluerem redactum potauerint. Quæ à Galeno & Dioscoride virtutes adscribuntur Sapphiro, huiusmodi sunt; *Percussus à scorpione haustum prodesse; & contra intestinas exulcerationes bibi; & ruptas membranas cogere; & excrecentia in oculis & pusulas inhibere*.

Vulgarem nostrum Sapphirum cordi mederi non dubito, ut in Hyacintho videbimus: sed similiter est lapis Lazuli. Et Albertus Magnus lib. 2. de mineralibus hæc de illo prodit; *certissime valet sumptus contra melancholiam & quartanam & humores melancholicos*. Non me latet, quod Mathiolus lib. 5. cap. 66. ex Auicenna refert, videlicet illū esse putrefacientis facultatis: sed refert pariter experimento constare, quòd si bene abluatur, parum ledit, & multum iuuat ad atram bilem deiciendam.

Postremò, ut credamus Dioscoridem & Galenum Sapphiri nomine eundè intelligere, quem Theophrastus & Plinius, ceterique antiqui scriptores accipiunt; non alio opus est argumento, quam oppositum non satis probari. Atque utinam horum effectuum probatio experientiã ipsa constaret: verum hætenus exploratè cognita non est. sed quamuis euident esset, vulgari Sapphiro eas congruere proprietates, quas Galenus & Dioscorides suo Sapphiro tribuunt: non adhuc indè aptè probaretur, eos de hac gemmæ specie loqui. Constat enim pariter veteri Hyacintho virtutes non abfimiles ab antiquis scriptoribus adscribi. Ut autem suo loco planum faciam; & vulgaris noster Sapphirus apud Plinium & antiquos scriptores Hyacinthus est.

Porro, quòd noui scriptores Sapphiri nomen adeò diuersè ab antiquis acceperint, confusionè fortasse pariet in ijs, quæ de ipsius natura traduntur; nisi aduerterimus, quæ Sapphiro proprietates veterum auctoritate tribuunt, ad antiquum Sapphirum spectare: quæ verò recentiores de nouo addunt, esse vulgaris Sapphiri peculiare; quæ, ut iam diximus, & inferius probabimus, est Plinio & priscis auctoribus Hyacinthus.

Hoc cum ita sit; de pristino Sapphiro debet accipi, quod Pierius tradit libro 41. *Sapphirus* (ait) *apud veteres magna semper in veneratione fuit: siquidem per eum imperium & summum sacerdotium significari manifestum est*. Quod idcirco forte Pierius autumat; quia Sapphirus eos felices reddit ac fortunatos, qui huiusmodi dignitates ambiunt. quod tamen non videtur verisimile. Cum Pierio consentit Rueus; qui asserit, *Supremum olim Sapphirum apud homines auctoritatem habuisse, & apud Dios gratiam, ipsa perhibet antiquitas*. Qui etiam subiicit, Sapphirum adeò Dijs gratum dici solum, ut tunc illis iucundum & acceptum esset sacrificium, quando offerebatur in Sapphiro; atque Philosophorum etiam fuisse mentem, hanc gemmam inter ceteras regibus ac pontificibus conuenire. Sic ille. Hinc tamen ipse infero, Sapphirum non eam esse gemmam, cui hoc nomen vulgò imponitur, sed speciem lapidis Lazuli: quandoquidem in ea sacrificium offerri poterat. Et lapidis quidem Lazuli patina insolita & inaudita non fuit, ut ex carulea gemma perspicua nullam veterum historijs accepimus ita magnam fuisse vi-

*Qui tandem  
sit Sapphirus  
ab Scriptura  
& Plinio  
usurpatus,  
ex dictis ha-  
bemus elici-  
tur.*

*Naturalis  
Sapphiri  
virtutes quæ  
sint.*

*Quæ sit ad-  
hibenda di-  
stinctio ad  
veterè Sap-  
phirum di-  
gnosendum  
ab eo, quem  
hodie vulgus  
Sapphirum  
vocat.*

*Sapphirus  
quanta fue-  
rit apud ve-  
teres vene-  
rationis.*

*Sapphirum  
Regibus ac  
principibus  
conuenire.*

*Sapphirus in  
utilis scal-  
ptura, ex  
Plinio.*







colorem. Sicut etiam, quando cælum noctu interdum non perfecte cæruleum, sed subobscurum cernitur, licet nubibus obductum non sit; id solet similiter prouenire ex obscuris vaporibus, qui purā ac defæctam cæli lucem nobis inturbant; nec tamen adeo sunt crassi, vt stellarum auferant conspectum.

Ex quibus infero, mutationem interiecti aeris per nebulas ac vapores tenues inductam efficere, vt aer ipse plus aut minus cæruleus nobis appareat; & interdum clarus, interdum etiam subobscurus. Verum tota hæc varietas & vicissitudo in aere residet, nec cælum attingit. Cælum enim ad ipsius Dei imitationem est pater luminis; apud quem non est transmutatio, neque vicissitudo obumbratio, Iac. 1. 17. Quapropter si cæli color cæruleus non est, sed quedam lucis profunditas, vbi oculorum acies finem omnino non inuenit: semper dies noctesque cælum ipsum altum ac sublime eiusdem in se est coloris; id est, quod ad ipsum spectat, semper idem in eo huius speciei fundamentum reperitur; ac semper præ se fert cæruleum cum stellis aureis spatium. Quod verò interdum non aspiciantur stellæ; non ideo fit, quia multa fit in ipso sublimi cælo lux; sed quia in interā hac aeris regione plurimum claritatis insit: cum meridiano etiam tempore, qui in profundo sit puteo demersus, sydera inde videat atque distinguat; vt & Plinius lib. 2. ca. 14. & experientia ipsa testantur. Vnde effigies cærulei cæli aureis stellis confectum symbolum est illius serenitatis, quam cælum ipsum semper in se habet, quod infimi aeris vicissitudines ne minimum quidem possunt pertingere: ac demum mirifica est pictura ipsius cæli vt in se est; atque adeo congruentissimum est symbolum ad diuinitatem figurandam. Et consequenter Sapphirus Christi diuinitatem apprime representat.

His præmissis, videamus oportet, an Sapphirus idoneum sit symbolum ad Filij Dei personam figurandam: nam secundus articulus non affirmat solum Christum esse Deum; sed etiam secundā esse Sanctissimæ Trinitatis personam. Ad huius rei declarationem, docet vera Theologia Filiū esse perfectam Patris imaginem. Quod si mysterium hoc in aliqua gemma adumbrari debebat; non in alia congruentius, quam in veteri Sapphiro. Etenim quicumque eiusmodi gemmam cæruleam, & stellulis distinctam in manus sumperit; si prudenter animaduertat, videbit se quandam cæli imaginē, & quasi ipsius substantiæ figuram manibus tenere; & primum Sapphirum quodammodo cælū ipsum esse, secundarium gemmā; nec non à primo illo hunc alterum esse genitum, & ipsius similitudinem accepisse: quæ & eodem conitat colore, vt Scriptura affirmat; & stellis etiā, vt Theophrastus & Plinius, alijque antiqui scriptores affirmant. Ac demum verus Sapphirus est vnica cælestis Sapphiri imago, qui primarius Sapphirus est.

Iam si, vt perfecte Sapphirus personam Filij figuraret, necesse erat, esse perfectam imaginem illius, à quo generatur: ad hoc congruens erat, vt in ipsa effigie simul reperiretur, quod in cælo etiam reperitur, videlicet eximius color cæruleus cum stellarum pulchritudine: vt expressa sit figura eorū omnium, quæ in patre generante, id est, in cælo ipso inueniuntur. Præter hæc, quod nuper dicebamus, cæli nimirum interem esse lucem maximam: cuius terminum oculi non attingant; mirifice concinit cum eo, quod recta nos docet Theologia; nil scilicet, esse, quod nobis Dei incomprehensibilitatē ita detegat, vt mysterium distinctionis in personis & vnitatis in essentia, quod hic nobis articulus proponit. Nā si cælo est flux absque termino: quod symbolum potuit seligi magis appositum ad Dei incomprehensibilitatem indicandam; in cuius luce tanquam in immenso pelago humanus omnino captus obruatur?

Vidimus, quā aptè Sapphirus adumbret, Christum Dominū esse verū Deum, & in tribus Diui-

nis personas secundā, id est, Filium. Reliqua, quæ in hoc continentur articulo, spectant ad summum Pontificis dignitatem; nec non supremi Imperatoris & omnium Domini. Pro huius rei symbolo recte fuit selecta ea gemma, quam semper antiquitas regni ac sacerdotij symbolum esse duxit. Vidimus enim in superiori notatione, id ex recentioribus affirmare Abulensem, Pierium, Rueum; & generatim loquendo, qui de gemmis scripsere, in eo (vt apparet) nitētes, quod ex Eliano retulimus. Et quidē, quod hi auctores affirmant, adeo est nostro instituto consentaneum, vt nihil possit aptius afferri. Etenim vbi in Sapphiro antiquo expressam illam, de qua supra dicebamus, cæli effigiem contemplerur; hæc ipsa imago nos instruit, cuiusmodi in principe debeat esse celsitas, perfectio, atque serenitas: ita vt Deum ipsum studeat imitari, & cum Diuinæ gloriæ zelo (cuius symbolum cæruleus color esse dicitur) maximarum virtutū splendorem coniungat; & omnibus fortunæ turbibus ac varietatibus sese superiore ducat: iuxta Serenissimi titulum, qui Principibus ac regibus tribuitur; & in eo figuratur, quod Scriptura de Sapphiro prodit, *Quasi cælum cum serenum est*. Atque suprema hæc maiestas & celsitas perfectissimè in Christo inuenta est. Vnde sicut Sapphirus videtur esse in terris quoddam cælum; ita Iesus Christus in carne visibili Deus est. Porro, si verum est, quod Nyssenus scribit de solatio & oblectatione, quam oculorum visus percipit ex Sapphiro: hæc etiā naturalis qualitas nobis in memoriam reuocat, cælestem illam voluptatem, quam fidelis anima in Christi Domini commentatione inuenit.

Denique ex magna æstimatione, quæ de veteri Sapphiro apud antiquos fuit; & ex Pōtificiæ dignitatis symbolo, quod in hac gemma veteres illi agnoscebant, originem videtur duxisse; vt quā gemmam recentiores pro veteri Hyacintho substituerunt, & eodem nomine compellarunt; eadem sit ferè habita, vt Pontificum & Cardinalium propria. Quare cuilibet, ex purpuratis Patribus in Cardinaliā dignitatem assumptis, summus Pontifex Sapphirum mittit: atque ex eo constat vstitutus ab Episcopis anulus. Iam si verum foret, quod vulgò huic gemmæ tribuitur, scilicet quod homines ad pietatem, constantiam ac pacem & effrenatarum appetitionum cohibitionem inclinet; hæc omnia essent satis ad rem, vt propria idcirco gemmæ Pontificum diceretur. Ceterum verosimilius est, huiusmodi significationem in cæruleo colore & in stellis fundari. Hæc enim imago congruenter figurat, quales & Principis animus & vita Pōtificis esse debeant. Nec absumilis erat coloris cærulei significatio in Hyacinthinā Aaronis tunicā.

Aliquis cōgruentius fore dicit, si Sapphirus pro secundi articuli symbolo electus, minimè densus esset & opacus, sed perspicuus & translucens vt cælum. Ad hoc respondeo primò, ad visibilem cæli similitudinem satis esse, ne visus eiusmodi discrimen discernat. Atque ex terrarum situ dignoscere non possumus aut dispicere, vtrum cæruleus color in cælo apparens sit pellucidus. Quod si rem summo & strictissimo iure velimus discutere: nec verus color cæruleus datur in ipso cælo. Secundò respondeo, ad Christum Dominum figurandum fortè congruentius fuisse vt gemma ipsa esset cærulea atque opaca, stellis aureis depicta: vt intelligamus, quidquid noster obtutus in Christi maiestate contemplanda assequi potest, esse valde exiguum, & quasi solam superficiem; nec totam ipsius celsitudinem posse penetrari. Quauis enim priusquam Deus humanam carnem sumeret, cæculum diaphanum congruenter significaret ipsius diuinitatis sublimitatem; at postquam humanitatis nostræ opacitatem induit: quantumuis multæ perfectionum stellæ in eo distinguantur; nihilominus, quasi densus apparet Sapphirus; sed non ideo minus aut in se perfectus, aut nostris oculis iucundus.

Christi summi omniū Pontificis dignitatem in Sapphiro figurari; nec non Reges Regum imperium.

Sapphirus quā Pontificis dignitatis proprius.

Cuilibet Cardinali recens creatio à Pontifice summo Sapphirum mitti.

Sapphiri opacitas suo densitas quid mystice adumbret.

Vnde aer aliquando minus cærulei coloris, aliquando plus habere videatur.

Sapphirus quomodo diuinam Christi personam symbolicè representet?

Filij similitudinem cum aeterno Patre quomodo Sapphirus adumbret.



## NOTATIO X.

*Quæ sit gemma, quam Apocalypsis appellat Chalcedonium.*

*Quæ sit Chalcedonij gemma nara.*

*Apocalypsin sub Chalcedonij nomine non agere de ea gemma, quæ hodie Chalcedonia vulgo vocatur.*

*Quæ ratio ne sit scribendum gemma huius nomen.*

*Chalcedonium iuxta graecum doctorem sensum, esse eundem, qui carbunculus.*

*Chalcedonium esse carbunculi speciem, iuxta aliquos.*

*Hæc gemma Chalcedonium ne, an Carchedonium vocanda sit.*

**P**rimò inter eas gemmas, quæ Achatis varietatem nonnihil imitantur, hodie Chalcedoniâ appellant vulgares gemmularij quandam gemmam, quæ in caruleum colorem vergit; & aliam, quæ in pallidum. Enimverò nullum apparet vestigium, unde coniciamus antiquos huiusmodi lapides hoc nomine compellasse. Nec inter veteres gemmarum scriptores aliqua inuenitur gemma, quam ipsi Chalcedoniam vocarent. Quamobrem nec Apocalypsis loquitur de ea gemma, quæ hodie vulgò Chalcedonia nuncupatur (vt conuenit inter doctos) nec facile est statuere, qui lapis sit in Apocalypsi Chalcedonius. Quinimò in ipsam etiâ scribendi rationem nonnihil etiam irrepleat varietatis. quippe in aliis libris inscribitur *Calcedon*, in aliis, *Chalcedon* in aliis e per *n*. graecum, in aliis per *iota* exaratur. Receptior tamen scribendi ratio est, *χαλκεδών*, quod est ipsummet nomen ciuitatis, vbi Chalcedonense conciliū fuit habitū: quæ Constantinopolin ex altera Euripi parte è regione respicit.

Secundò, multi sunt atque graues auctores, qui sibi persuadent eandem gemmā in Pontificis Rationali Carbunculi appellatam, in Apocalypsi vocari Chalcedoniam. Fundamentū eorum est; quia verisimile non videtur inter Apocalypseos gemmas non annumerari Carbunculum, qui inter Rationalis lapides (ad quos alluditur) adeò est insignis. Quod si in ijs reperitur Carbunculus, non alius esse potest, quam qui Chalcedonij nomine compellatur. Etenim cetera omnia nomina gemmas notas & Carbunculo diuersas designant. Vnde Isidorus & Beda pro certo statuunt, Chalcedoniū esse quandam Carbunculi speciem. Idem suspicatur Aretas: & aduertit prope Chalcedonis urbem in desertorum littorum faxis & scopulis cuiusdam gemmæ speciem innascei eiusdē coloris cum Carbunculo; vt tradunt ij, qui de rebus Bithynicis scripserunt. Vocatur autē ea prouincia Bithynia. Suspiciatur ergo Aretas, à Ioanne in Apocalypsi Chalcedonium vocari eam gemmæ speciem, cui idem color inest atque Carbunculo.

Tertiò, admittendum non est, quod Gesnerus cum aliis coniecit, nimirum pro Chalcedonio corrigendum ac substituendū esse Carchedoniū. Quod propterea sibi persuadet; quia si hæc tertia gemma debet esse Carbunculi species; nonnulli inter Carbunculos sunt, quos Plinius Carchedonios vocat: nec tamen aliquos Chalcedonij nomine vsurpat. Verū inanis est huiusmodi suspicio: nam Carchedonius idē est, quod Carthaginensis: & omnes Carthaginis gemmas eo nomine vocat Plinius. Vnde apud eundem reperimus Smaragdos Carchedonios; & expressè affirmat, esse Carbunculos & Smaragdos Carchedonios vilioris esse pretij. Vnde credibile non est, Carbunculum Carchedonium à Diuino spiritu pro huiusmodi symbolo fuisse assumptum. Presertim, quia in graeco maximum est in vtriusque scriptura discrimen, *χαλκεδών*, & *καρχεδών*. Et Carthago quidem longissimo inde intervallo distita: at Chalcedon prope sita. Ad hæc, iuuat Aretæ testimoniū affirmantis ad Chalcedonem enutrirī gemmas colore Carbunculum referentes, quas non est cur suspicemur Carthaginibus ignobiliores fuisse: cum Carthaginenses ipsæ sint, quas vulgari nomine vocant *granates*. His adnecti potest fortē Carbunculos eos Chalcedonios esse, quos Plinius Thraciæ Carbunculos nominat. Nam de Carbunculis agens ait, *Nascuntur et in Thracia coloris eiusdem ignem minime sentientes, quæ proprietates pretiosissimis Carbunculis peculiaris est.* Et quauis Thracia ex altera Bosphori parte sit, ex altera verò Bithynia: adhuc tamē conitat, Thraciæ nomen ad ipsam Bithyniæ prouinciam

**A** aliquando fuisse extensum. Et fortē illa gemmarum species in vtroq; Bosphori littore nascebatur.

Quartò, de Carbunculo gemma solent multa passim ficta & commentitia iactari. Existimatur enim esse lapillus quidam in cuiusdam animalis fronte innatus, qui ardentis instar facis ex se lumen emittat. Verū inter eos, qui doctē & eruditē de gemmis scribunt, constat Rubinos omnes carbunculi nomine nuncupari; nec non gemmas omnes, quæ ex Rubinorum genere sunt; vt eas, quas gemmularij appellant Spinelas, Balaxes, Granates, &c. Nec aliam Carbunculi speciem doctores agnoscunt; nec reperitur eiusmodi gemma, quæ propriē splendeat, & tenebras illustret. Licet verum sit nobiliores Rubinos, exigua quāuis sit lux, eam in se colligere, ac per reflexionem reddere. Et propterea dicuntur in tenebris lucere. Qua loquendi ratione non imperitū modò vulgus vitur, sed etiam sapientes; vt Augustinus libro 2. de doctrina Christiana cap. 18. & Isidorus lib. 16. Originum cap. 13. *Carbunculi fulgor nec nocte vincitur, colore ignis ut carbo lucet in tenebris.* Et Abulen. Exod. 28. *Tenebras noctis vincit.*

Quintò, Carbunculi nomen Latinū, & quod ei Græcē responder, scilicet *Ambrax*, idem ambo significant, atque *prunam ignitam*. Quare proprius harum gemmarum color est, ignitæ prunæ species. Et qui harum gemmarum vnam attentē perspexerit, si ex optimis sit, facile aduertet prunæ nomen illi mirifice aptari.

**C** Sextò, quauis Græci ac Latini Carbunculum non appellent gemmā, quæ rubra non sit: si tamen accentiæ prunæ comparatio diligenter attendatur; non minis conuenit Carbunculi nomen pretiosis Adamantibus, quā Rubinis. Constat enim carbones nimis ardentes nullā ratione rubere, sed omnino candere. atque ita in candenti ferro apparet; quod vbi maximē ignitum est, ferrarij fabri appellant argentum: quia perfectē candidum est. Vnde mihi verisimile valde est, Carbunculi nomine in sacris Literis adamantes comprehendit; atque hinc obiter ea soluitur quæstio, cur in Scriptura Adamantis nomen inter gemmas pretiosas non referatur: nimirum, quia Adamas in sacris vocatur Carbunculus. Id quod fusiū exposui atque probaui suprà cap. 2. notatione 4. & 5. vbi vidimus, quam gemmam Isaias calculū & carbunculū nominat, à Ioanne calculum candidum appellari; vt significaret prunæ valde ignitæ colorem. quem ad locum remitto lectorem; ne idem sapius repetam: ibi enim fortasse apparebit maximē verisimile, quod primo aspectu videtur paradoxum.

**D** Septimò, si semel concedatur, Adamantem esse pretiosissimum Scripturæ Carbunculum: inde fit maximē probabile, Chalcedonij nomen illi apprimē congruere. Primò, quia Adamantē Cyprium (cuius plenior ad Hebræos notitia potuit dimanare), ait Plinius in æreum colorem vergere. atq; hæc est propria vis nominis Chalcedon: & fortē non alia est gemma eiusdē omnino coloris. Quauis enim lapis quidam apud Plinium sit Chalcites vocatus (qui idem videtur cum Chalcedone) lib. 37. cap. 11. fortassis tamē Chalcites à Cyprio Adamante non differt. Secundò, sapē à Græcis nomen *χαλκος*, accipitur pro ferro & chalybe; quia plerunque id nomen ab Homero vsurpatur pro securi, pro gladio sine ense, & pro aliis armis. Constat autem nobiliores Adamantes esse, qui colore chalybea specula imitantur: hæc nāque est perfectissimorum Adamantium descriptio; vt videre est apud Arphem in libello de gemmis: atq; hos Plinius nominat Syderites & ferrei splendoris. Tertiò fortē nomen *Chalcedonius* denotat esse

*Quæ solent passim ficta de carbunculo iactari.*

*Quæ gemma sub carbunculi nomine comprehendatur.*

*Carbunculum in nobis tenebris lucere, vulgari opinio.*

*Carbunculum (quod ad nomen attinet) idē esse, atque prunam ignitam.*

*Carbunculi nomen ad quæ se extendat.*

*Carbunculi nomine in Scriptura adamantem etiam significari, videtur probabile.*

*Chalcedonij nomen posse ad Adamantē applicari.*



cum lapidem, qui facile quoduis metallū perfringit, nam ab arariis officinis deriuatū dicitur Chalcidos nomen. Quare si chalcos etiā comprehendit ferrū; Chalcedonij nomen rectē quadrabit in eam gemmam, quæ chalybem domat ac polit.

Ex dictis infero Chalcedonium in Apocalypsi esse idem, quem vulgò Adamantem vocant: verū in hac ipsa gemma esse etiā considerandas Carbunculi proprietates. Quam enim gemmam nos Adamantis nomine compellamus, Scriptura con-

siderat vt Carbunculorum pretiosissimum. Facit, has duas gemmas esse inter se adeo in natura similes, vt vtrique commune sit igne non calefieri, & in tenebris splendescere. Fortē etiā Spiritus sanctus in Chalcedonis nomine peculiari aliquo mysterio vr̄bem Chalcedonem respexit. Eodem namque nomine & Græci ciuitatem illam, & Ioannes hanc gemmā appellant. Quod qui mysterio nō vacare credat; nē ille valde consentanea abstrusis huius libri mysterijs affirmabit.

## NOTATIO XI.

*An propterea (vt aliqui putant) Scriptura Adamantis nec in Rationali nec in Apocalypsi, nec alibi, vbi de gemmis agitur, meminerit; vt denotetur, quod Adamas significat id à Deo reprobari?*

**S**i verum esset Adamantē idcirco inter Scripturæ gemmas non adscribi, quod symbolum sit eius rei, quā odio Deus prosequatur: nequidquā defudatum à nobis esset, vt suū etiā in Rationali & in Apocalypsi haberet locum; ibi sub Carbunculi, hīc sub Chalcedonij nomine. Quod ergo de industria sit Adamas inter Scripturæ gemmas prætermisus; id nonnullis videtur manifestum. Etenim si Scriptura illum vellet singillatim recensere; facile esset illum proprio nomine cōpellare. atqui Adamantis nomen nec in Rationalis gemmis, nec in celsis Ierosolymę fundamentis, nec in Regis Tyri corona Ezechielis 28. nec inter eas, quarū mentio est Iobi 28. & Isaia 54. nec alibi, vbi de gemmis agatur, inuenitur: & præsertim vbi gemmæ cum Dei sapientia, aut cum diuino timore comparantur: sed solum vsurpatur Adamas ad peccatoris duritiem significandam, Ieremiæ 17. 1. & Zacharię 7. 12. Cum verò semel Adamantem Scriptura vsurpārit, vt significaret Ezechielē fore inexpugnabilem (cap. 3. 9.) nequis putaret, Adamantem, vt gemmam pretiosissimā ibi à Scriptura assumi, sed solum ob ipsius duritiē; additur simul vt adamantem, & vt silicem, quasi dicat; non ideo Adamantis meminī, quod gemma sit in maximo pretio habitā; sed quia durissima, & quæ frangi aut domari non possit. Ita enim rigentem silicē possem accire.

Dicit ergo aliquis, quod attinet ad symbola in gemmis considerata, æquum esse, vt Scriptura non tam hominum pretium & æstimationem, quam bonam Philosophiam attendat; nec non fundamentum, quod reperitur, vt gemma aliqua alicui applicetur virtuti aut veritati. Vnde si diligenter rem examinemus; videtur Deus Adamantem cōdidisse, vt tyrannidis esset symbolum; & eam ad rem proprietates illi eiusmodi tribuisse, quæ eam significationem maxime adumbrent. Huc spectat, quod acuminatus nascatur Adamas: & eo modo, vt Hebræicè Adamanti atque tribulo, siue senti idem imponatur nomē Samir, à radice Samar, quod sibi cauere significat, quasi ipsius significationis vis ea sit, quæ Hispanè sic exprimitur Guarte, atque id ipsum sonat Hispana vox abrojo, abre elojo, y guarte.

Deinde singularis illa Adamantis proprietates, quod scilicet indomitus sit & inuictus (quod sibi tantopere arrogat tyranni) id etiā satis indicat. Certè Plinius eius virtutem describit, inuictam & contemptricem duarum violentissimæ naturæ rerum ferri, ignisquæ. Iam, quod à Magnete abstrahat ferrū (hoc enim Adamanti etiā Plinius attribuit) symbolū est insignis tyrannidis, quæ singulares omnes proprijs rebus per summam iniuriam spoliāt. Præterea, vt significetur, qui in hoc seculo maximi æstīmantur, cum inuili omnibus ac detestabiles esse debeant, eos fœdissimæ voluptati turpiter subijci; rectē etiā dicitur Adamas calido hirci sanguine vincti ac molliri. qua in re, vt Cyprianus ait, figuratur, sicut hircus olim pro peccato offerebatur; ita etiā Iesu Christi sanguine potentiā mundi atque tyrannidis infringendam & conuellendam fore. Neque obstat maxima Adamantis æstīmatio, quæ apud homines est. Nam quod hæc gemma quasi princeps, & velut primogenita habeatur; id etiā conducit, vt eam sacræ Literæ repellant & auer-

sentur: sicuti Deus Esau, aliosque primigenios reprobaui. Odit enim eorū arrogantia & contumacia, qui imperiū sibi & dominationem arrogant.

Dicit alius, Adamantem esse terrenæ sapientiæ symbolū, quæ sapientiæ celsi per alias gemmas significatæ opposita sit. Cui rei videtur imprimis Adamantis durities fauere: legi enim Dei non est subiectas nec enim potest, ad Roman. 8. 7. Sic Adamas nec igni cedit, nec ferro. Expende illud Ieremiæ 23. 29. Nonne verba mea quasi ignis, & quasi malleus conterens petras? Ab hoc ergo igne, ab hoc malleo inuictam se & indomitam terrenā sapientiā præstat. Secundò, cuspis, qua sese aduersus Euangelium armat, inimica est Deo; vt Paulus ibidem ait. Tertiò, obscuritas illa veluti terrea, quæ solet in Adamantibus aliqua ex parte notari (quamque Gemmularij appellant Terrazas, & in pretiosioribus Adamantibus & splendidioribus inesse solet) denotat, licet terrenā esse, & rebus terrestribus infimis & abiectissimis referatam.

Adde huc, quod nonnulli cōtemplantur, nimirū postquā Euangelium de terrenā sapientia, deque mundi tyrannide gloriosum egit triumphū, veteres illas Adamantis proprietates deperisse. Ita contemplatur antiquus auctor, cuius libri inter Origenis opera extant, l. 2. in Iobum. (is enim liber ex Erasmi, Sixti Senensis, & Genebrardi censurā nō Origenis, sed alterius antiqui scriptoris esse censetur) vbi ait: Si quis dixerit, vbi est modò, vel vbi conspiciatur lapis adamantinus; audi; hæc omnia typus fuerunt, & usque aduentum Domini erant, & visa sunt. Post aduentum verò Domini visa non sunt, vt pote figura: & ita abscondita sunt, Domino ipsas figuras adimplente. Hæc ille. Quod licet ad aliam significationem referat, si tamen Adamantis mysteriū sit aut tyrannus, aut terrenā sapientia; vt significetur, vtramque iam esse deuictam ac profligatam, cohæret optimè, ne iam in Adamante cernatur vetus illa proprietas, quæ & ferrum magneti detrahebat, & se exhibebat indomitam. Quod si verum esset, quod aliquis affirmat, ligno scilicet conteri Adamantem posse: id mirifice significaret admirandem ligni crucis virtutem, quæ Adamantis duritiem perdomuit. Item, quod protulit Christus, Omnia traham ad me ipsum, eo potest referri, vt nullus iā reperiatur Adamas, quantumvis indomitus, qui Diuinæ magnetis mysticę virtuti possit obistere, quominus ad sese homines trahat.

Ceterum, hæc omnia me non mouent; quin, cōsideratis ijs, quæ cap. 2. notatione. 4. dixi, pro certo habeam; quantumvis Adamas ad tyrannides aut carnalis sapientiæ comparationē accersiri possit, rectius tamen in eam impendi significationē, quā sequenti notatione subiiciemus. Quare ex Scripturæ gemmarū consortio non excluditur Adamas; sed inter eas potius nobilissimo loco numeratur. Quod autē dicitur, nisi reprobaretur ab Scriptura, proprio nomine congruenter vsurpatum iri ad hoc responderetur, Adamantis nomen non esse consentaneum ei significationi, quam illi tradit Scriptura in Rationali & Apocalypseos gemmis. Adde, quod si alia Scripturæ inspiciamus loca, in quibus Adamantis nomen exprimitur; non videtur esse nomen gem-

Item ad carnis sapientiam denotandam.

Adamantis, secundū aliquos nonnullas proprietates quibus olim constabat, iam amississe: & quod sit rei huius mysterium.

Nilominus sententia affirmata præfertur; & Adamantis, prout gemmæ, mentem in sacris esse statuitur.

Adamantis nomen, etiam in sacris vsurpatur.

Chalcedonium in Apocalypsi videri eundem cum Adamante.

Virum Adamam, quatenus pretiosa gemma est, aliquando in Scriptura vsurpatur. Aliquorum sententia negans proponitur.

Ratione fulcitur prædicta opinio.

Adamantis symbolum ad tyrannicæ potentie significationem eleganter applicatur.



ma, sed cuiusvis durissimi lapidis. Atque ita Ieremias. 7. n. 1. mentio est styli ferrei in vngue adamantino (id est in duriusculo alabaistro) scribetis. Amos item cap. 7. 7. vbi nos legimus, *Ecce Dominus stans super murum litum, & in manu eius trulla clementaria: secundum versionem Septuaginta (que sic legit, Ecce stabat super murum Adamantinum, & in manu eius Adamas: & dixit Dominus, Ecce ego pono Adamantem in medio populi mei Israel)* forsitan non opus est, Adamantem ibi de pretiosissima gemma, sed de lapide preduro accipi. Quod enim ait Vulgata, non esse opus, ut murus rursus dealbetur, id ipsum Septuaginta significant, dicentes, necessarium non esse ut reficiatur murus: quia semel

A factus remanebit finissimus.

Ad supradictas illa applicationes respondeo, quae Adamanti in bona parte attribuitur, esse exactiores, ut infra videbimus. Praeterquam quod inter Adamantem tyrannidem aut carnem sapientia applicanda nonnulla statuuntur incerta, cuiusmodi sunt, ipsum ligno moliri, & conminui posse, & veteres ipsius proprietates in diuersas alia abijisse. quorum primum commentitium est; alteri parum verisimile. Et credibilis apparet quod de Adamante prius tradebatur, per nimiam exaggerationem dictum & falso creditum fuisse, quam eadem gemma speciem prisca qualitatibus amissis notas alias induisse.

Nonnulla, qua de Adamante traduntur, aut falsa esse, aut parum certa.

## NOTATIO XII.

In qua tertia gemma, nempe Chalcedonius, ad tertium articulum aptatur.

Tertium Apostolici Symboli caput.

Tertius symboli articulus sic habet, *Qui conceptus est de Spiritu sancto; natus ex Maria Virgine.* Sic verò Apocalypsis, Tertium, Chalcedonius. Atque, ut in decima notatione disputauimus, Chalcedonij nomen Carbunculo Rationalis respondet: unde in hac gemma Carbunculi proprietates consideremus oportet. Sed Scriptura inter Carbunculos enumerat eum, quem Graeci ac Latini Adamantem vocant; qui est Plinio candidus carbunculus. Et singillatim habetur hic respectus ad Cyprium Adamantem, cui virtus magis salutaris ac medica indita est, & cui optimè conuenit Chalcedonis nomen: quod tamen nomen est alioquin proprium eius ciuitatis, in qua Chalcedonenſe Concilium fuit poſtea celebratum.

Quid in tertio hoc fidei articulo proficiamus

Tertius hic articulus de Iesu Christi Redemptoris nostri incarnatione & natiuitate agens, nos docet, Christum Dominum non solum verum esse Deum, sed etiam verum hominem; propter admirabile illam vnionem, cuius interuentu diuina Verbi persona sanctissima illam humanitatem assumpsit: atque adeo abſque alicuius viri commercio in illibata Virginis vtero diuini Spiritus virtute hominem fuisse factum; & eius matrem Virginem integerrimam perſiſtiſſe. Notum autem Theologis est, Deum ſeſe noſtra carne induiſſe (quod perinde fuit, quaſi noſtra infirmitate aſſumere) vt ſalutem humani generis daret, & infinite ſuae virtutis ac fortitudinis clariſſimum exhiberet documentum.

Applicatur per ordinem Chalcedonius ſeu Carbunculus ad tertium fidei articulum.

Ad hunc incarnationis articulum appoſitiſſimè accipitur ea gemma, cui Carbunculi nomen ab ardentis prunae ſpecie tribuitur. Etenim vt tradunt qui de gemmis diſputant; quicunq; Carbunculum attentè inſpexerit, exiſtimabit ignitum ſe lapidè inſtar prunae ardentis aut ferri ſuccenſi & flammanſis videre. Cum ergo, vt ſacrae teſtantur Literae, Deus ſit ignis; quid aliud erit; Chriſti humanitatis gemma ſecum inſinſeco vnionis hypotaſtica vniculo copulare, quam ipſam Chriſti carnem veluti deificare? Porro vt in ardentis fornace ferrum in ignem, ignis in ferrum quodammodo tranſire videtur ita in carbunculo, & gemma videtur eſſe ignis; & ignis, gemma. Quare in huiusmodi lapillo figuratur eleganter illa perſonalis vnio, in qua verè ac proprie dicimus, Deum iam hominem; hominem iam eſſe Deum. Ignita prunae cõparatione ad hoc ſignificandum myſterium vtuntur Iuſtinus queſtione 44. ad Orthodoxos, Cyrillus lib. de Incarnatione vnigeniti c. 8. Damascenus l. 4. de fide Orthodoxa cap. 14. ardentis verò ferri ſimilitudinè ad hoc ipſum myſterium vſurpant Origenes lib. 2. Periarthon c. 6. in illud, *Venit Princeps mundi huius, & in me non habet quidquam.* & Baſilius oratione de Natiuitate Chriſti, quæ eſt 25. ad populum, & Damascenus lib. 3. cap. 15. 17. & 26. Verum tamen elegantior adhuc eſt Carbunculi gemmae, quam prunae aut candentis ferri comparatio: idque ob admirabilem illa ſpeciem, qua exardere, nec conſumi videtur. Quod Moſis etiam rubum effecit Dominicae Incarnationis ſymbolum ac figuram; vt docet Nazianzenus in priore expoſitione ad Elidon. dialogo 1. & interpretes Exodi 3. 2.

Ignitæ carbunculi color quid innuat.

Secundo, ſi quod exiſtit fundamentum, vt verè dici poſſit, quod & Auguſtinus & Iſidorus de Carbunculo tradunt, eſſe ſcilicet in tenebris lucere: id

B etiã mirificè deſeruit ad incarnationis myſteriũ, de quo dñs Ioannes in ſuo Euangelio agit capite 1. ait de Chriſto, *Et lux in tenebris lucet.* quaſi dicat, Chriſtũ eſſe myſticum Carbunculum; in quo verè ac proprie reperiatur illa qualitas lucendi in tenebris, ita vt eum tenebrae non comprehenderent.

re, quid symbolicè denotet.

C Tertio, tunc lucem Carbunculus magis detegit, quando ſurſum attollitur, vt, tradit Plinius: id quod mirã continet applicationem. Nã Chriſto in crucem ſublato mundi totius illuſtratio, referri debet accepta. His accedit, quod ipſemet Plinius affirmat, ſi Carbunculus in acetum peracrem iniiciatur; id etiam conducere, vt poſtea magis ſplendeſcat: ita vt, quod Carbunculi lucem extinguere videbatur, hoc ipſum reddat illuſtiorẽ. Subiicit idẽ auctor de nonnullis carbunculis; *aque perſuſi exardescunt.* Quod in Chriſto Domino verũ tenet: ſic enim de ipſius charitate, Cant. 8. n. 6. ſcriptum eſt; *Lampades eius; lampades ignis atque flammarum.* (quod eſt dicere, carbunculum eſſe perfectiſſimum) mox adiungitur; *Aque mulier non poterunt extinguere charitatem, nec flumina obruent illam.*

Carbunculum, cum ſurſum attollitur, plus lucere quid innuat

D Quarto, cum in Carbunculo symbolicè figuretur æterni Verbi Incarnatio; aliquid huius gemmae in eſſe oportuit, quod re aliã adumbraret ſatis mirã, quã Deus cum præcipuo incarnationis myſterio coniunxit, & quã etiã cum eodẽ myſterio Apoſtorũ Symbolum copulauit; videlicet Diuinum hoc incarnationis opus alienum omnino fuiſſe atque immune ab eo, quod in aliorũ hominũ conceptione accidit: ſiquidem in Chriſti cõceptione nullus concupiſcentia extitit ardor, aut quidquã aliud, quod illibatũ matris pariter ac Virginis florẽ vel leuiter adſpergeret. Quid ergo huius myſterio cõgruentius, quã quod Ariſtoteles 4. Meteor. textu 48. & Plinius cap. 7. aſſuerant, Carbunculum ſcilicet ignibus non incaleſcere?

In carbunculo quomodo adumbratur Diuini Verbi incarnatio.

E Quinto, facit quod Plinius idẽ eodẽ capite 7. de Carbunculo ait, *Nascitur in montibus apud Naſamones, vt incolae putant, imbre diuino.*

Carbunculum, imbre diuino alicubi naſci, non nulli putarunt.

Sexto, ſi verum eſſet, quod alioquin de Carbunculo tradunt, nimirũ ſi cũ illo obſignetur, cerã ipſa liqueſcit; id quoque maxime cõferebat ad Dei incarnati efficacitatẽ in diſſiciendis ſuis hoſtibus exprimendã: iuxta illud Pſalmi 67. 3. *Sicut ſuit cera à facie ignis, ſic pereant peccatores à facie Dei.* De Lychnite (quæ ſpecies Carbunculi eſt) ſcribit Solinus c. 65. *dum ſigna exprimit, quaſi quodam morſu partem ceræ reterant.* Et Plinius cap. 7. *Partem ceræ in ſigno tenet.*

Dei incarnati efficacitas in carbunculo figurata.

Septimo, Plinius ait, Carbunculos aut Sole aut digitorum attritu excalefactos ad ſe trahere paleas & chartarũ filas; quod eſt ſymbolũ ad ſeſe per animi propenſionẽ alliciendi, vt Plutarchus exponit. Hoc autẽ, quod Plinius de aliqua carbunculorum ſpecie affirmat, aliqui ad eũ cõarctant, qui Chalcedonius appellatur. Sic ſanè Iſidorus, Albertus, Bartholomæus Anglicus & Pandectarius; atq; vt cerã liquefacere ſymbolum eſt potentie ad hoſtes diſſipandos; ita etiã palearũ & filorum attractio adumbrat efficiẽtiã, qua Chriſtus ad ſe prædeſtinatos, palearum ac filorum inſtar trahit.

Carbunculum excalefactum ad ſe trahere paleas, quid ſignificet.

Atque hæc de Carbunculi cõſideratione ſint dicta. Verũ, vt capite 2. notat. 3. probauimus, ſacrae Literæ tribuunt Carbunculi nomẽ illi gemmae, quã

Carbunculum in tenebris lucet.



Plinius Cyprium Adamantem appellat, inter ceteros Adamantes salutarem; ut Plinius ipse fateatur. Et quanvis idem auctor, teneat alios dari Adamantes maioris aestimationis atque duritiae: Scriptura tamen videtur habuisse respectum ad eum Adamantem, qui & Hebraeo populo notior, & hominum salutari erat utilior: facile vero est omnem in eo duritiem ac fortitudinem considerare, quae pretiosioribus Adamantibus tribuebatur. Cum ergo Scriptura inter Carbunculos numeret Adamantas, quia ignis prae coloris melius, quam Rubini imitantur; cumque in hoc Apocalypsicis loco de Carbunculo Chalcedoni singillatim agatur: valde verisimile est, qui in hac parte consideratur, Carbunculum esse candidum, siue calculum candidum & Chalcedonium nuncupari, siue quia in aere vergit coloris, ut de Adamante Cyprio tradit Plinius; siue ob illius fortitudinem ad infringenda metalla. Propter haec oportet, ut Adamantis etiam proprietates consideremus; & Deo incarnato applicemus.

Primum igitur, cum sanctissima Virgo celorum regina de Incarnationis ageret mysterio: mirè expedit, Deum humana carne fuisse vestitum (quod est indutum infirmitate) ut suam infinitam potentiam ostenderet: fecit potentiam in brachio suo, dispersit superbos mente cordis sui, Lucæ 1. 51. Si ergo Beatissima Virgo id protulit, quia per incarnationis mysterium Deus gloriosissime triumphavit de infestissimo bello, quod ei Demones, Iudaei, atque Gentiles intulerunt: ad hoc significandum perelegantur Verbum incarnatum in Adamantis symbolo exprimitur. Lege, quod de Adamantibus Plinius docet, Incubibus deprehenduntur ita respuentes ipsum, ut ferrum utrinque dissiliet, incubesque ipsae dissiliant: quippe duritia inenarrabilis est, simulque ignis vitrix natura, & nunquam incalescens. Iam, ad explicandam facilitatem, qua Dei Filii carne indutus corda hominum quantumvis durissima transfixurus erat; est maxime ad rem cuspis illa, qua Adamas innascitur: Laterum sexangulo laevore turbinatus in mucronem, quoniam nullam non duritiem facillime rumpit. Sic Plinius.

Mundi quidem flagitia atque scelera videbantur Christum infra turba ac domitura. Verum inde reliquum fuit, ut ipsius Christi potentia magis extaret, & emineret in ceteris peccatoribus, id est, ad veram contritionem evocandis, ac sibi perfecte subiiciendis. Atque hic locum habet illa antiquitatis credulitas, quam Plinius de Adamante refert: Hircino sanguine recenti calidoque rumpitur. Nemo enim nescit, hircum animalium foedissimum (sic eum Plinius vocat) esse peccati symbolum. Traxit tamen ipsemet, postquam confractus est Adamas, tunc maiora suae potentiae argumenta dare: quia cum feliciter rumpi cōtingat, in tantam parvas frangitur crustas, ut cerni vix possint, easque experiantur a sculptoribus, ferreque includuntur, nullam non duritiem ex facili canantes. Notum vero est Adamantino pulvere quemvis lapidem quantumvis durissimum facile prae-rumpi.

Quod autem olim iactabatur, & Plinius etiam refert, Adamantem in ferro trahendo esse magnete ipso potentior, & ipsius virtutem illi auferre; in mystico saltem Adamante, id est, in Christo Domino mirum in modum comprobatur: respectu cuius virtus naturalis magnetis debilis admodum & imbecilla est. Etenim admirabilis efficacia ad mysticum ferrum trahendum illa propria est, quam Christus habet; iuxta ipsius Redemptoris verba,

A Omnia traham ad me ipsum. Quare quod Plinius ait, Adamas magneti iuxta positus, aut admotus, applico ipse ad eam comparationem, quae inter mysticum Adamantem & magnetem fit.

Porro, quod Plinius affirmat de Adamante Cyprio in medicina efficacissimum esse, aptissime deseruit ad significandam veram animi salutem, quam in Verbo incarnato habemus. Virtutes autem eius quas ibidem Plinius memorat, huiusmodi sunt: Adamas & venena irrita facit, & lymphationes abigit, metusque vanos expellit à mente. quae verba mirifica sunt ad miras Christi Domini in hominum animis effectiones.

Ad haec, si Adamas, cuius mentio fit Amos 7. 7. iuxta lectionem Septuaginta, Christum Dominum repraesentat; optime habet, Christum vocari murum Adamantinum, eiusque robur ac fortitudinem esse tantam, ut murum ipsum instaurare aut reficere nequam opus sit.

B Illud modo explicemus, reliquum est; cur Spiritus sanctus huic gemmae indiderit Chalcedonij nomen? Graeca vox est Chalcedon; quae apud antiquos Scriptores, qui de gemmis agunt, minime reperitur. Potuit tamen huiusmodi nomen ei gemmae imponi propter eas, quas notat. 10. rationes tradidimus. Quod si non nihil adhuc novitatis & insolentiae in eo appareat, quod Carbunculus candidus siue Adamas Cyprius hoc nomine compellitur: idcirco fortassis hoc nomen inusitatum in hoc loco vsurpatum est; ut sic facilius deueniremus in eius rationis indagacionem, ob quam tertia haec gemma tertium item Symboli articulum adumbrans eodem verbo Chalcedonis nomine vocaretur: in qua urbe fuerat postea celebrandum Chalcedonen- se Concilium. Fortè, ut meditatur Aretas, habitus fuit respectus ad eum carbunculum, qui in ea regione nascitur. Quod siue pro certo statuamus, siue non; illud mihi saltè veri praefere similitudinem videtur, diuinum scilicet Spiritum voluisse in hoc nomine alludere ad Concilium in ea ciuitate postea peragendum pro hoc articulo de Christi Domini humanitate stabiliendo & confirmando.

C Qua in re obseruandum est, Chalcedonen- se Concilium esse ex generalibus unum, quod Graeci per excellentiam vocant magnam Synodum. Nec aliam ob rem fuit hoc Concilium coactum, quam ut firmè & stabiliter Catholica assereretur veritas de diuini Verbi Incarnatione aduersus Eutychem & Dioscorum illam impiè abnegantes. Si ergo ciuitas vocabatur Chalcedon, & tertiae gemmae potuit nomen Chalcedonis imponi: quid mirum, qui certò praefecerat eiusmodi articulum in ea urbe fore stabilendum, ipsummet Chalcedonis nomen ad tertiae gemmae assignandam vsurpare voluisse? ut hoc pacto denotaretur, urbem illam veluti gemmam fore pretiosissimam quae in medijs tenebris lumè veritatis praeferreret, ut de Carbunculo traditur. Haec consideratio alicui fortassis primo aspectu nimiam ingenij subtilitatem redolebit. Sed qui altissima Diuinæ providentiae consilia, & sacrarum Litterarum elegantiam accuratè perpendat; non dubito, quin hanc gemmae atque urbis in eodem nomine communionem non casu & temerè, sed summam ratione atque consilio factam esse fateatur: atque adeo diuinam providentiam idcirco suauiter disposuisse, ut in ea regione gemmae huiusmodi arden- tes innascerentur, quae ignis prae coloris re- ferrent, ut prodit Aretas.

D

## NOTATIO XIII.

### De gemma, quae Smaragdus vocatur.

De Smaragdo, quanta Apocalypsicis gemma. Et imprimis de Hebraeo ipsius nomine. H Ebraicum nomen, quod Smaragdo respondet Exodi 28. 17. (ubi haec est tertia gemma in primo Rationalis versu) est barequet, quod fulgurantè gemma sonat. Pagnino non placet versio Septuaginta & Hieronymi: quia non quadrat color. Unde existimat, non esse Smaragdum, sed Chrysolithum: quanvis ab alijs Hebraeis Carbunculus reputetur. Sed consulatur, quae diximus not. 5. nec dubitabitur, quin Barequet sit eadè gemma, quam Graeci & Latini Smaragdum nuncupant. Verum licet de tertia illa Rationalis

gemma non constaret, constaret tamè de hac Apocalypseos quarta: nam Ioannes graecè scribens, eam vocat Smaragdum. Sed nec de tertia Rationalis gemma superesse potest dubitatio, quin Smaragdus sit. Et Pagnini obiectio facile diluitur: nam pretiosi Smaragdi apud veteres magnopere fulgurabāt; ut constat ex ijs, quae antiqui tradunt auctores: nam Athenæus l. 3. c. 8. asserit Smaragdum melius dici posse maragdum: nam ex splendore nomen adipisci. Constat autem in nonnullis praecis nominibus additum fuisse in principio

figma,

Adamas in medicina salutaris quid denotet.

Adamantis virtutes.

Murus Adamantinus (de quo Amos 7. 7. iuxta Septuaginta) Christo applicatur.

Cur huic gemmae nomen Chalcedonij Apocalypsis tribuat?

Chalcedonen- se Concilium.

Concilium Chalcedonen- se quomodo praefertur ad finem fuerit celebratum.

Smaragdus quantum opere suum lucidus.

Diuina potentia quanto in incarnationis mysterio eminuerit.

Quarta sit, quam in domita Adamantis duritias.

Christi potentia ad peccatores conuersionem quanto per Adamantem figuretur.

Ad mantem olim magno ipso potentior in ferro trahendo fuisse habitus, & quid in hac Adamantem breui?

De Smaragdo, quanta Apocalypsicis gemma. Et imprimis de Hebraeo ipsius nomine.



figma. Quā ad rē et fatis videbatur esse, quod gēma sit pellucida : ceterū quod Græcē & Hebraicē splendens seu fulgurans nominetur, argumento est veteres Smaragdos multo fuisse splendidiore, quā nostros. Colligere etiam hoc licet ex ijs, quæ Plinius lib. 37. cap. 5. his verbis recenſet. *Ferunt in Cypro tumulo reguli Hermie iuxta Cetarias marmoreo leonifuisse indutos oculos ex Smaragdū ita radiantibus etiam in gurgitem, ut territi instrumenta refugerent thynnī, dum mirantibus nouitatem piscatoribus, donec mutauere oculi gemmas.* Accedit, quod Plinius ipse ibidē tradit, Smaragdos nimirum esse semper radiantes. Et de Scythicis singillatim hæc habet: *quantū Smaragdi ab alijs gemmis distant, tantū Scythici à ceteris Smaragdū.* De nobilium verò Smaragdorū duritate sic ait: *Scythicorū, Egyptiorūq; tanta duritia est, ut nequeant vulnerari.* Præterquāquod propter magnā de Smaragdis olim estimationē nullus ferē Smaragdus exalabatur, *Decreto hominum eis parciunt, scalpi vetitū.*

Deinde eleganter ponderat Plinius ingentem voluptatem atque solatium, quod humanus visus ex Smaragdi conspectu percipit. Nullius coloris aspectus iucundior est. Nam herbas quoque viuentes auidē spectamus: Smaragdos verò sunt o libentiū, quoniam nihil omnino viridiū comparatū illi vires. Soli gemmarū contuitu

Inter Smaragdos Scythici præstantiores.

Smaragdi color quantam humani obtinui voluptatem afferat.

Quartus fidei articulus quid in se contineat.

Quā apte Smaragdos cum prædicto articulo componatur.

Iris supra cap. 4. tota ex Smaragdo, Christi passionis symbolum.

A oculos implent, nec satiant; quin & ab intentione aliā obscurata aspectu Smaragdi recreatur acies; scalpentibusq; gemmas nulla alia grauior oculorum refectio est. Ita viridis lenitati lassitudinem mulcet. Similiter Solinus cap. 27. vbi adiungit fabulā de Gryphis Smaragdos cōtra Arimaspos tutantibus: de Cuius etiam meminit Plinius lib. 7. cap. 2. Dicit Plinius ipse addit, ad maiorem visus oblectationem, Smaragdos solitos elaborari concauos, ut visum colligant.

Idem tradit, mira ex Smaragdo fieri specula: quorū corpus extensum est, eadem qua specula, ratione superni imagines reddunt. Atque huiusmodi officiū Smaragdi tanto cum oculorū solatio præstat, ut Nero Princeps gladiatorum pugnas in Smaragdino speculo spectaret.

B Obseruatione etiam dignum est, Smaragdos æri quasi affines atq; cognatos esse, ait enim Plinius eos in æreis fodinis reperiri solere. & quod mirabilius est, in lydio lapide si lineam Smaragdo ducas, æreū colorem linea ipsa refert, ut experientia notū est.

Epiphanius aduertit, Smaragdi saporem esse acerbum & amarum. Plinius item considerat Smaragdos longinquo amplificari visu, inficiētes circa se repercussum aëra: & fatis sit hæc de Smaragdo adnotasse: eo quod sit gemmā omnibus notissima.

Ex Smaragdo mira fieri specula

Smaragdos in æreis fodinis reperiri solere.

## NOTATIO XIV.

### De Smaragdi proportionē & conuenientia cum quarto articulo.

Q Vartus Symboli articulus iuxta nostram diuisionem est eiusmodi; *Passus sub Pontio Pilato; crucifixus, mortuus, et sepultus.* Cui hæc Apocalypſeos verba respondent; *Quartum, Smaragdus.* De gemma non nihil iam superiori notatione diximus. Illud hic imprimis obseruo, Smaragdum Apocalypſeos esse concipiendū cum tota illa perfectione & splendore, quem antiqui Scriptores Scythico adscribunt Smaragdo. Cum hac gemma copulandus est, & componendus quartus symboli articulus, qui de Iesu Christi redemptoris nostri passione agit: quod fuit excellentissimū illud sacrificium pro mundi sceleribus ad æterni Patris iram placandā oblatū. Quare ut Christi redemptio, iuxta Regiū Pſaltem, copiosissima foret; congruentissimū fuit, ut ipsius assertoris passio summo opere acerba & ignominiosa esset, atque adeo patientia Christi fuisset admiranda. In hac Christi Domini morte vertebatur totius mundi salus, & in ipsa Christiani hominis spes ac fiducia nititur, hoc est, pretiosum quoddā virtutum omnium speculum. Vnde qui singulari Dei beneficio intentis animi obtutibus contēplatur atque cognoscit admiranda prorsus mysteria, quæ Diuina prouidentia in Christi Domini cruce occultauit; nulla alia in re ex ijs, quas præpotens Deus in vniuersa mūdi machina fabricauit, tantū Diuinæ virtutis, sapientiæ ac fortitudinis deprehendet, quantū in hac vna, quæ infidelium oculis est abscondita, ut sapienter expendit Paulus 1. ad Cor. 1.

Optaret aliquis, uti obscura aliqua aut sanguinea gemma ad huius articuli symbolū seligeretur. Ceterū habenda fuit ratio non solum de ipsa mortis figura; sed de alijs etiam rebus quāplurimis, quas nobis hic articulus proponit ob oculos. Ad quarū omnium significationē nulla potuit gemma Smaragdo aptior & congruentior assumi.

Hoc, ut ampliū declaratur, obseruo primò; iridem Ioanni visam cap. 4. 3. (cū ait; *Et iri erat in circuitu sedis*) esse totam Smaragdinam. atqui, ut eo loci expendimus, propria illius iridis significatio passionem Christi Domini representat, ex Isaia 54. 8. & 9. vbi sic habetur; *In momento indignationis abscondi faciem meam parumper à te; & in misericordia semper eterna miserum sum tuum, dixit redemptor tuus.* Sicut in diebus Noë istud mihi est; cui iuravi, ne in ducerem aquas Noë ultra super terram; sic iuravi, ut non irascar tibi. Montes commouebuntur, & colles contremiscent: misericordia autem mea non recedet à te, & factus pacis mea non mouebitur; dixit miserator tuus Dominus. Cū igitur cælestis arcus sit mirificum symbolū certissimæ spei, quæ nobis est iniecta, diuinā indignationem nūquā ita impundaturā, ut mundū prorsus exorbeat; respecturā enim pignus, quod nobis tradidit, atq; ita de-

C mū fore placandam: cū hoc, inquā, ita sit, quis non videat Christi Domini passionē verum esse pignus nobis datū, quo iussū Deus mitiget irā, nec in sceleratos homines excādescat? Christi ergo passio atq; mors est vera illa iris, siue cælestis arcus, qui Dei thronū ambit, ut ca. 4. vidimus. Quod autē illa iris thronū circundās tota ex Smaragdo fingatur, propterea factū est, quia Smaragdus est symbolū huiusce articuli, quo de Christi Saluatoris nostri passione, atq; adeo de firmissimo spei nostræ adminiculo agitur. Quin etiā arcus ille totus ex viridi Smaragdo erat, absque vlla sanguineæ vindictæ aut pallidi metus permissione; quibus coloribus iris hæc, quā oculis in cælo crebrò spectamus, constare solet.

D Secundò obseruo, cū Smaragdus sit eiusmodi gemma, quæ plus ceteris aspectū permulceat; esse pariter eius naturā, quæ præceteris remittit atque debilitat carnis sibi contigū colorem. Notum est, qui viridis cuiusvis lapidis splendore perstringatur, pallentis omnino coloris eū videri. Si ergo viridis color carneum infringit colorem; nulla res ita illū decolorabit, atq; Smaragdus, habitā quantitatis proportionē. Nā ut Plinius ait, nullus est lapis, qui ita inficiat circa se repercussum aëra; & ideo Smaragdi longinquo amplificatur visu. Hinc fit, quæ gemma plus spectantis oculorum reficit ac recreat, eadem decolorari ac pallidā reddi illius carnē, qui gemmā ipsam amplexus est. Quem etiam participabit effectū, qui Christū caput ac ducem imitatus, crucem ipsius amplectatur atque in humeros tollat. Huc spectat, quod Epiphanius de amaro Smaragdi sapore tradit: quo nobis innuitur, summo solatio nostrū visum atq; spem affici ex ipsius rei conspectu, quæ gustata Christo ipsi adeo amara fuit.

E Tertiò, facit etiā ad rem Scythicus Smaragdus ad summæ patientiæ & constantiæ significationē; quia *Scythicorum, Egyptiorumq; tanta durities est, ut nequeant vulnerari.* Vnde clauis ac verbera, quæ Christi carnē disciderunt, ipsius constantiam & patientiam neutiquā læsere. Atq; hæc magnadurities cū viridi Smaragdi colore perfecto sociata representat constantiam atque patientiam cum copiosissimi fructus expectatione, quem Christus Dominus præiudicet ex sua ipsius passione sanctissimā percipiendū.

Quartò, Smaragdus ab omnibus artis medicæ peritis pro mirifico contra venenū antidoto reputatur. Itaq; Smaragdi puluis admiscetur cōfecturæ ex Hyacinthis effectæ, alijsq; omnibus antidotis. Hoc ipsum in Christi Domini passione mysticè accidit: cuius egregia ac singularis virtus imbibitur atq; intenta est per remedia omnia, quæ nobis aduersus peccati venenum diuinitus referata sunt; ut in Sacramentis notum est.

Christi passionem esse nostræ spei firmissimū adminiculū

Smaragdi reflexione carnis sibi contigua colorem remitti atque frangi.

Christi passio ad carnis petulantiam coercendam efficax.

Christi patientia inter verbera & clauos per Smaragdi figurata.

Smaragdus præceteris venena antidotum. Christi passionis medicatio aduersus omnia vitia remedium.



*Smaragdi color oculos recreat, quid mystice significet.*

*Christi passio quam fit efficax ad malos et afflictos recreandos.*

*Contra inanem eorum spem, qui in Christi passione plus aquo fideles se laxos habentis voluntati propriam tradunt.*

*Christi passio, clarissimum ad nostra vitia dignoscenda speculum.*

*Onychem à Sardonyche in sacris Literis non distinguitur.*

*In Apocalypsis Sardonycha allusio ad undecimam Rationalis gemmam.*

Quid, quæ oculi oblectationem ex Smaragdo opposito percipiunt, ea est Ecclesiastici verbis contentanea cap. 40. 22. *Gratiam et specie desideravit oculus tuus; et super hoc virides sationes.* quasi dicat, ad oculorum solatium viridem prestare colorem, quam egregiam quamlibet pulchritudinē. Si ergo viridis color tantovisum oblectamento perfundit, nihil est Smaragdo viridius, ut optime notat Plinius. Atque, ut illud etiā obiter perstringam; hæc oculorum voluptas, dum in viridi pascitur colore, coniuncta semper esse solet cum illa etiā voluptate, quam venturi fructus spes in agrorum viriditate experitur. Itaque viridis color vna ex parte visum recreat ac reficit; ex altera certam spem symbolicè representat: quod utrumque in Smaragdo rerum omnium viridissimo egregiè figuratur. Namque, ut nihil est quod cum Smaragdo compositū videatur viroris nomen promereri: ita etiam nihil ferè aliud pro nostre spei adminiculo videtur estimandū, si cum erecta fiducia ex Christi passione in nos dimanante cōparetur. Et qui aliarum rerum consideratione, se mœstū, anxium, & in angustias redactū experitur; qui aut fulgentissimū virtutis splendorem, quo destituitur, assequi se posse desperat; aut ingruentes labores vel demonis suggestiones exhorrescit; aut rectissimū Dei iudicium reformidat; aut etiam inferiorum poenas suis flagitiis debitas extimescit; quicumque (inquam) alicuius ex hisce rebus aspectū & consideratione debiles ac defatigatos animi habet obtutus; protinus mentem recreat & relaxat, ubi ad passionis Christi Smaragdū viridissimū reflectit oculos. ab huiusmodi intentione fatigata aspectu Smaragdi recreatur acies, ut loquitur Plinius. Hinc Christus lassos omnes ac defatigatos ad sese vocans, Ego (inquit) reficiam vos. Ac si aperitiū diceret; quicumque aliarum rerum pondere pressus atque adeo oppressus fuerit; perfectum inueniet solatium, si ad verum crucis Smaragdum mentis aciem conuerterit.

Sed ait Christus, *Venite ad me:* quibus verbis nos per viam fidem, & peccatorum detestationē ad se propius iubet accedere; nisi falsā & fucatā rerum specie decipi velimus. Hoc propterea dixerim; quia procul Smaragdi prefert specie, quod re verā Smaragdus non est. quā vana securitatis ansam nonnulli stultè prensantes, dum in flagitiorum cœno sponte voluntantur, se ipsos solantur nequidquā diuinā misericordiā & Christi Domini passionē: ac proinde Smaragdum sibi pro libito constringunt ex eo, quod nihil in se præter inanē aëra & meras nugas habet. Verum enim verò inficiari nemo potest, quin hæc ipsa improborum hominum deceptio nobis retegat, quam ingens sit vera consolatio ex Christi cruce ad nos redundans: siquidē stulti atque insani falsam inde suæ securitatis occasionem captant. Id quod in ipsomet Smaragdo solet contingere; cuius color viridis adeo est intensus, ut aër etiam ambiens viridem quoque præ se ferat colorem, & procul spectantium lumina deludantur.

Sexto, cū optimū speculū (ut præcedenti notatione vidimus) ex Smaragdo cōficiatur; aptissimè cōcipitur Christi passio quasi speculū quoddā clarissimū ex Smaragdo cōstitutū; in quo mirū in modū

A figuratur ac refertur virtutis pulchritudo, peccati fœditas, charitas Dei; & defectus etiā acnari illius, qui per se spectatus innocens videbatur & sanctus.

Septimò, mirus Scythici Smaragdi splendor, quē supra expendimus, egregiè concinit cum insigni admirabilium virtutum perfectione, quæ in acerbissima Saluatoris nostri passione enitescunt; nec non cum septē lucis radiis, quos Ioannes Apoc. 5. in Agno mortuo fuit contemplatus: quibus denotantur septē maximi splendores, quos diuina providentia septemplex spiritu complectitur. Iam, quod admirabiles huiusmodi radii prorsus delitecant, & abscondantur ab eorum oculis, qui mysterium hoc non altè ac profundè meditantur; id etiam Smaragdus abumbrat: quem ut inueniant, atque eruant; altè terrā defodiunt oportet, qui in eius inquisitionē incumbunt. Reperiuntur enim valde absconditæ huiusmodi gemmæ, & quasi in secreto bursæ cuiusdam repositæ.

Verum est tamen, Plinium & Solinum asserere, Etesijs ventis Smaragdos reuolutā arenā detegi solere. Vocantur autē Etesiae, qui ab Oriente perflare solent certis ac statis anni temporibus; quos dicunt esse Solanos ventos, qui sub caniculæ exitum oriuntur. Hoc fortassis applicari posset ad labores, ærumnas & aduersæ fortunæ status, qui nobis cognitionem ingerunt felicitatis, quam in Christi Domini passione reperimus.

Octauò, Albertus Magnus, Abulenſis, Berchorius, Vincentius & alij, qui his subscribunt, miras de Smaragdo proprietates prædicant: aiunt enim Smaragdo reddi verba persuasoria. id quod in Christi crucis Smaragdo certum est: quippe illa Evangelicæ prædicationi vires atque animos addit. Tradunt etiam Smaragdi possessores valde locupletes fieri; turpiū ac fœdarū actionum conspectū prorsus auersari; demones item Smaragdo fugari; atque alia id genus, quæ per exaggerationē videntur dicta. Fortè tamen diuina providentia huiusmodi tractationes permittit, ut earum scriptores nec opinantes Christi crucem hisce præconiis extollerent.

Ex hæcenus dictis elicio, Smaragdos egregiè impendi in crucis figuram conficienda, quæ collo appensa gestetur. Cum verò æneus serpens, quem Moses Numer. cap. 21. 9. fabricauit, Christū in crucem suffixum typicè expresse, ut cōmunis fert Ecclesiæ atque doctorū consensus; mysterij expers non est, quod superius attigimus de Smaragdi affinitate cum aëre; ita ut in Lydio lapide linea aëreo instrumento ducta eundem prorsus referat colorem, ac si Smaragdo duceretur. Similiter enim, quod æneo figurabatur Serpente, idem etiam in Smaragdo figuratur.

Illud mihi exciderat, quod tamen hic præmitti non patiar; memini enim me apud Theophrastum legere, viridem laspidem esse Smaragdi matrem, quod vsui fortassis esse potest, ut significetur Christi passio inde suam duxisse originem, quod ipsos homines, quos postea per redemptionē reparauit, antea per creationem condidisset. Vnde primæ creationis opus fuit veluti primarium redemptionis fundamentum.

*Mirus Scythici Smaragdi splendor quid figures.*

*Etesijs ventis Smaragdos reuolutā arenā solere detegi, quid mystice innuat.*

*Alia Smaragdi proprietates: & mystica earum significatio.*

*Crucis figuram egregiè ex Smaragdo compingi.*

*Onychem posse bisariam usurpari.*

*Quæ fuerit vocatagemma Sardonyx in prima sui nominis impositione.*

## NOTATIO XV.

### De gemma Sardonyche.

Primū aduertendum est, in sacris Literis non distingui Onychem à Sardonyche. Nam in veteri testamento Sardonychem solū legimus apud Iobum cap. 28. 16. ubi Septuaginta posuerunt Onychem: Hebraice verò est idem nomen *Soham*; quod duabus tribuitur gemmis in utroque Pontificis Aaronis humero collocatis (quas Onyches appellamus) itemque undecimæ Rationalis gemmæ. Sed cū Apocalypsis eam appeller Sardonycha per allusionē ad undecimā gemmam Rationalis: cumque Vulgatus interpres Iob 28. 16. eodē illam nomine vsurpet; hinc satis probatur, sermonē esse de eo lapillo, quē Græci ac Latini Sardonycha nominant: qui multò pretiosior est, quā qui propriè & strictè nominatur onyx; ut cōstat tū ex annuli Polycratis historia (quā referunt Cicero lib. 5. de finibus, pro-

pe finē, Plinius lib. 37. cap. 1. & Solinus cap. 46.) tum etiā ex illo epitheto, quod ei in Scriptura tribuitur Iob 28. 16. cū dicitur *Sardonyche pretiosissimo*. Potuit autē Vulgatus, & potuere etiam Septuaginta lapidi Sardonychi nomē Onychis indere. Hoc enim nomen potest bisariam vsurpari: primò, pro specie illa, quā Plinius appellat Onychem, prout à Sardonyche distinguitur: secundò, prout commune est earū gemmarum nomen, in quibus lapis vnus super alium videtur impositus, ut vnguis est super carnem. atque hoc pacto Sardonyx inter Onychas præstantissima est.

In prima autem nominis impositione Sardonyx vocabatur gemma quædā, cuius substratū (sic Plinius vocat inferiorem lapidis partē, quæ nigri coloris est) simile erat Sardæ, quæ est veluti caro transluci-

das;



Descriptio  
gemmae Sar-  
donychis.

In gemma  
Sardonyche  
triplicem  
coniungi  
colorem.

das & superior pars vngue referebat, vt docet Plinius lib. 37. cap. 6. *velut carnis vngue hominis imposito & vitrog. translucido.* Postea tamē Sardonyches nuncupatae sunt gemmae illae, quibus praeter substrati nigrore nihil erat cum Sardis commune; & quibus superior vnguis ita rubeat, vt candor in minium transisse videretur. Vnde Plinius ait in Sardonychibus illud valde aestimari, quod superior facies esset locustarum maris crustis rubentior. Constat etiam inter substratum nigrum & rubentem superficiem optimas Sardonychas candenti lineam distinguuntque postquam laeuigata ac polita sunt in media extremae superficiei parte minium siue rubeus color (qui ex cerussa & minio quasi miscetur) eminebat. Mox in circuitu veluti zona quaedam candidissima ducebatur; infra verò substratum nigrum imò & nigerrimi coloris, vt Plinius tradit. Quamuis aliae huiusmodi gemmae pro substrato nigro habuerint ceruleum valde obscurum; cuiusmodi solet esse atramenti in ceruleum vergentis color.

Coniunctio haec triplicis coloris, nigri, albi, atque rubri clarius adhuc colligitur ex Plinio lib. 37. cap. 12. fine, vbi de gemmis factitiis ait enim, *Glutitur ex alijs gemmis, aliunde nigro, aliunde candido, aliunde minio sumptis, singulis in suo genere probatis sumis.* Eisdem ternos colores exprimit dilucide Solinus cap. 36. ait enim, *Superficies probatur si meracius rubeat; medietas circuitur limite candido: reliqua nigro sinuntur.* Et quauis gemmae huiusmodi hodie non magnopere expetantur, ideoque reperiantur paucae; cum tamē haec literis mando, in conspectu mihi est Sardonyx quaedam, in qua perspicue cernitur triplicis coloris distinctio, nepe in infima parte nigri, in media albi, & rubri in summa. Facile autē est videre, si in vmbonis figurā, vt docet Plinius, expoliatur, posse quidem limitem album remanere non in defectu gemmae, sed in ipso vmbone sita vt minium siue subrubrum vnguis colorem ambiat.

Ad haec in Sardonyche maxime probatur, vt nihil in sua se alieni interpellaretur; id est, vt & album nihil haberet alterius coloris admittum, idemque

A in reliquis coloribus accideret; atque adeo vt alba zona esset zona perfecta, & nulla ratione se funderet; sed ad minium ambitum in circuli figuram se colligeret. Color verò mediae superficiei, licet dicatur valde ruber futurus; accipiendum tamen est, qua ratione cerussa & minij permixtio pati potest. Sic Hispanum vulgus dicere solet, *Como el enues de la rosa*; candore in minium transeunte, vt Plinius ait.

B Triplicem ergo colorem in hac gemma habemus, inferiorem nigrum; medium candidum; supremum rubentem: vt expressè etiam distinguunt Isidorus, Marbodius & ceteri, qui de gemmis scripsere. Ita tamen scalpebatur, vt in ipso vmbone rubeus maneret color candida zonā coronatus: quod etiam ad vnguis humanae imitationem nonnihil refert. in vngue enim, aut in eius saltem extremitatibus aliquantulum extat candidi. At in hac gemma non solum candor hinc inde distinguebatur; sed continuus etiam limes per circuitum tanquam zona vel circulus albus mediam partem rubentem omni ex parte complectens.

C Porro in Sardonyche pretiosiore tradunt Plinius & Solinus nihil perspicui & pellucidi fore. Hinc Plinius ipse ait, cecae siue opacas Sardonychas abtulisse nomen; id est, nomen Sardonychi sibi per excellentiam vindicasse. Gemmae istae Romanis fuisse unprimis gratissimae ad anulorum, id est, sigillorum usum: quoniam sole prope gemmarum scalpae (ait Plinius) ceram non auferrent.

Rubentem ipsius superficiei contemplatur Plinius nonnihil in purpuram tendere; non sine quadā specie purpureae candore in minium transeunte. In circulo autem quantumvis candido considerat etiam inesse quandam arcus caelestis anhelationem.

D De alijs huius gemmae qualitatibus nihil graue & antiquitate fultū occurrit. Rues ait, ea reprimi animi fastium: alijs placet esse valde salutarem, & animo hilaritatem adducere. Abulensis verò Exodi 28. scribit multos esse Onychis effectus noxios ac perniciosos, vt tristitiae, formidinis, odij atque beliorum, alij volūt in Sardonyche figurari insana, tetra & horrenda visa, illā etiam rixas ac lites excitare.

Quo modo  
huc figurā  
Sardonyx  
olim scalp-  
etur.

Sardonycha  
lapillum esse  
opacum, nō  
perspicuum.

Sardony-  
chos proprie  
tates à non-  
nullis tra-  
dita.

## NOTATIO XVI.

Vbi gemma quinta ad quinti articuli mysterium accommodatur.

V Erba quinti articuli haec sunt pauca; descendit ad inferos: Apocalypsoes verò illas quantum, Sardonyx. Vidimus iam in superiori notatione Sardonychem esse gemmam opacam, cui tres sunt circuli siue lineae; infima nigra, media candida, summa rubens (quod idem est atque esse candidam & rubicundam.) porro in hoc lapide sculpto iam & percepto album remanere colorem, quali rubentis coronam; sicut zona alba medium vmbonem rubentem complectens.

Articulo autem quinto edocemur Christum redemptorem nostrum, simulac sanctissimum Patri spiritum tradidit, corpore in cruce relicto ad inferos descendisse, vt iustos omnes in Patrum sinu de- tentos ad veram libertatem & gloriam affereret ac reuocaret, tanquam copiosissimum suae passionis & mortis fructum. In hac symboli veritate considera-nda est maxime diuersa omnino fors ac differentia inter eos, qui apud inferos tenebantur. Nam iustis ac Dei familiaribus eam inferorum partem incolentibus, qui vocatur limbus, fuit luxilla omnium felicissima, quae expectari aut cogitari possent. Improbis verò in barathrum detrusis non longè loco dissitis tristissimus ac deploratissimus dies extitit, propter errorumque fortis ac status discrimen: cum ipsismet in summa miseria & infelicitate eternum remanentibus, ipsorum vicini ad gloriosissimam libertatem sunteducti. Iam, quod attinet ad doctrinam huius certam ac stabilem veritatem & ad ipsam impugnantium confutationem, consuli possunt Scholastici doctores, & praesertim Valentia 3. p. disput. 2. q. 4. puncto 2.

Pro huiusmodi articuli symbolo Sardonyx fuit inter gemmas delectus. In quo mihi persuadeo, superiorem eius partem (id est rubentem superficiem) esse

D symbolum Christi redemptoris nostri: limitem siue circulum candidum, qui vt zona extremae superficiei rubentem complectitur, iustorum in Patrum sinu siue limbo commorantium: substratum nigerrimum, damnatorum, qui in ima inferorum parte, id est, in barathro torquebantur.

E Primò ergo cum articulo rû ordo deponat, vt quarta gemma Christi passionem, sexta resurrectionem adumbrant: facili negotio quisque cernet, per quintam congruenti ordine significari Christi ad inferos descensionem. Deinde, cum inferni nomen eam denotet partem, quae infima est: si qua ratione id potuit in gemma aliqua figurari, in ea certè representandum erat, quae sub facie summa duas alias continet partes, quae quasi inferiora loca sunt. Tertiò, quae distinctio in inferis erat regionibus, (damnatorum quidem in inferiore parte, in superiore iustorum,) aptissime figuratur in eo, quod Sardonychis substratum sit nigerrimum, medius verò limes candidus. Quemadmodum enim summa infelicitas in atro atque obscuro colore innuitur: ita etiam vitae candor & innocentia in candido. Huc accedit, visitatum fuisse antiquorum morem; vt per nigrum lapillum, diem infelicem, felicem, per album significarent. Cuius consuetudinis plura passim testimonia apud antiquos Scriptores praesertim Poetas occurrunt. Quare copulatio albae lineae cum substrato nigerrimo mirifice confert in Sardonyche ad illud significandum, quod in Christi descensu ad inferos accidit. Iustis enim quasi candidus cum sorte felicissimam lapillus obligit: iniustis in infimo loco relictis ater ac tristis cum summa miseria.

Sed videamus, qua ratione superficies insigniter rubens representet Christum ipsum, qui ad inferos descendit. Atque imprimis vidimus iam in praeterita

Quid niger  
Sardonychis  
color, quid  
candidus  
adumbrant.

Christi ad  
inferos de-  
scensus qua

Quintus  
fuit articu-  
lus cum  
Sardonyche  
componitur.

Quid in se  
includat  
articulus  
Symboli  
quintus.

Sardonychis  
colores quo  
modo ad hoc  
mysterium  
applicentur



ratione in  
Sardonychia  
symbolo fi-  
guretur.

notatione, colorē extimæ superficiē in Sardony-  
che esse candoris ac minij permissionē, vt Plinius  
expressit. Quod perinde est, quasi superficies illa sit  
pariter candida & rubicunda: atqui de Christo Do-  
mino dicitur Cant. 5. 10. *Dilectus meus candidus & ru-  
bicundus*. Secundō, si per hæc ipsa Canticorū verba  
(vt eo loci disputabimus) significatur vna ex parte  
maxima vitæ puritas & sanctimonia (cū candor  
siue albor immaculatam vitæ sanctitatē denotet);  
ex altera verō ingens alacritas & vigor (nam ru-  
bicundus color sanguinem, in quo vita confiluit,  
representat.) si hoc, inquā, ita est vt significaretur,  
qui occisus fuerat prius, nō quidē sceleratū fuisse,  
aut à morte ipsa superatum, sed peccati ac mortis  
triumphatorē; quid cōuenientius, quā symbolū  
summæ sanctitatis, & vegetæ atque integræ vitæ  
proferri? Eā quippe ratione denotatur, Christum  
Dominū ita fuisse à peccato immunem, vt ipsam  
met præ se ferret sanctitatē; ita à mortis triumpho  
liberū, vt ipsam potiùs gloriosissimè triumpharet.  
Quod verō rubicunda superficies candidæ ac ni-  
græ sit imposita, ostendit Christi imperium ac do-  
minationem in ipsas inferorū regiones. Iā, si linea  
candida & substratum nigerrimū rectē inferorum  
locū adumbrant; vt figuretur, eō Christū descen-  
disse, quid congruentius, quā ipsius Christi sym-  
bolū, videlicet rubentem superficiem candido cir-  
culo ambi, qui substrato nigerrimo cōtiguus est?

Præter hæc nomen, quod iuxta cōmunem acce-  
ptionē tribuimus infero sanctorum Patrum loco,  
est *Limbus*: quo nomine catechismi omnes vtuntur.  
Quid igitur aliud limbus est, quā ora siue am-  
bitus? Ergo qui attentē Sardonychem inspexerit,  
planè aduertet, candidum illū circulum esse veluti  
limbū & quasi ambitū inter supremam superficiē  
rubentē & nigerrimum substratum. Atque illud  
etiam, quod præcedenti notatione diximus, cir-  
culum candidum esse rubentis superficiē coronā,  
hic pariter cohaeret aptissimè. Etenim si superficies  
illa Christū representat; Christus ipse inter iustos  
in Abraham sinu commorantes medijs apparuit; vt  
lætificaret omnes, & sumā felicitate bearet. Quin  
& sanctissimus ille Patrum cœtus Christū in lun-  
bo circumdans fuit quædam maximi triumphi ac  
celebritatis corona eundem triumphatorem redi-  
mens atque ornans.

Quod si aliquis dicat, hoc nomen *limbus*, quan-  
do ad sanctorum Patrum sinum aptatur, accipi nō  
in oræ siue ambitus significatione, sed pro *obscuro*;  
ita vt *limbus*, idē sit, atque *limbos*, quod idem est, ac  
tenebrosus & obscurus: tunc quæ inferorū pars  
ex obscura & caliginosa fuit præsentē Christo cla-  
rissima ac lucidissima reddita, hæc per circulū al-  
bū significabitur. Quæ vero in summā obscuritate  
permanet, & in extremā miserā atq; infelicitate;  
hæc per substratum nigerrimum indicabitur.

Obseruandū præterea est, quod supra diximus,  
Sardonychas maiori ex parte ad sigillorum vsum  
aptari. Nā peculiaris est illi proprietas, nihil vt ce-  
ræ ad sigillum ipsum adherescat. Si ergo iuxta hæc  
consuetudinem pretiosum consideremus Sardony-  
chē, in cuius rubentis superficie imago aliqua  
pulcherrima insculpta sit; elegantissimè concipi  
potest eiusmodi figura, quasi Christi victoriā refer-  
rat. Quando enim Christus sanctis Patribus pro-  
palam visus est, in ea dilucidè perspexerunt victo-  
riā, quā nuper de peccato, dæmone ac morte com-  
parauerat, nec non gloriæ magnitudinē, qua ipso-  
rum animos mentesque compleuit.

Quod autem nonnulli huic articulo opponunt,  
videri rem Christi animā indignā, vt post victoriā  
in cruce partā ad inferos per se ipsa descenderet,  
cū nullus dignaretur imperator ad obscuras & te-  
nebricosas teterrimi carceris subterranei scrobes  
descendere. Hoc, inquam, egregiè refutat ac depel-  
lit mira illa Sardonychis proprietas, cuius Plinius  
atque alij meminere; scilicet si pro sigillo vsurpe-  
tur, eā nihil aut ipsius ceræ aut vaporis aut macu-  
læ contrahere. Et propterea Plinius ipse ait, Sar-  
donychas apud Romanos in pretio haberi ceptas,  
qui illis pro sigillis vtebantur. In hac igitur Sar-  
donychis proprietate eleganter innuitur, quod ad

A prædictæ obiectionis solutionem opus erat. Nam  
gemma illa, quæ aliquid ex cera auferre solet; aut  
labe aliquā seu maculā infici, hæc à ceræ contactu  
& ab alia qualibet contagione seruetur necesse est.  
At verō, quæ ab huiusmodi periculo est immunis,  
non solum à ceræ impressione non est abstrahenda,  
verum etiam in id munus debet impendi ad suam  
ipsius munditiem, laudem atque decorē osten-  
tenda. Quid enim magis gloriosum aut honorifi-  
cū, quā suum conseruare splendorem ac venu-  
statem, vbi alijs deperit?

B Terreni igitur principes mirum nō est, si ad ob-  
scura, tetra atque immunda loca descendere refu-  
giant. Illis enim periculum imminet ex ea miseria  
atque pedore aliquid contrahendi. Veruntamen  
Christi animæ sanctissimæ nihil erat eiusmodi ex-  
timefcendū. Quod si ingens ipsius charitas eā in-  
uicabat, vt ad inferorum caliginosa loca descen-  
deret ad suos ex vinculis educendos: clarissima  
ipsius maiestas id non solum non impediuit, sed  
potius opportunam nata est occasionem, vt suæ  
gloriæ ac splendoris egregium præberet argumen-  
tum: quando ita libere ac securè poterat infimū il-  
lū locum miserū & infelicem penetrare. Ingressus  
igitur fuit Saluator noster inferorum regiones,  
& suæ omnipotentie sigillo effigiem atque insigne  
suorum gestorum ibidē reliquit impressum; & in  
tetro illo atque obscuro loco sese vniuersalem re-  
rū omnium dominum cognoscendum exhibuit.  
Quinimō ipsimet damnati, licet inuiti ac renuen-  
tes, ad sanctissimū ipsius Redemptoris nomen ge-  
nua flectunt. Nec solum ab omni fuit ceræ, id est,  
caliginis illius & immunditiæ cōtagione securus;  
sed potiùs maiori inde gloria suspicendus exiuit,  
quod vt triumphator gloriosissimus se in ijs in-  
ferorum ergastulis maiestate atque imperio præpo-  
tentem ostenderit.

C Non parū priscis Poëtis gloriæ ac dignitatis as-  
sequuti visi sunt duo illi aut tres egregij duces,  
quos illi ad inferorum loca descendisse, vt suos in-  
de amicos eriperent, confinxerunt. Hinc Latinus  
Poëta eleganter cecinit, sub Æneæ Troiani perso-  
na, Æneid. 6.

*Si potuit manes arcessere coniugū Orpheus  
Threiciū fretus citharā, scdibusq; canorū:  
Sis fratrem Pollux alternā morte redemit,  
Itaque, reditq; viam toties: quid Thesea, magnum  
Quid memorem Alciden?*

D Si ergo huiusmodi commenta fuere excogitata ad  
virtutis maximæ & auctoritatis picturam: quantò  
præstantior & excellentior erit vera gloria, quæ  
splendescit in ea certissimè historici veritate: qua  
docemur Christum assertorem nostrum ac vindi-  
cem, non iam per somnia & incantationes, sed re  
ipsa suo diuino robore ac fortitudine armatum ad  
ea loca terrerrima descendisse, suos familiarissimos  
ex indigno carcere educturum?

E Inter oppositas atque contrarias proprietates,  
quas Abulenſis & alij de Sardonyche siue Onyche  
scribunt: fortè dici posset, quod gemma hæc, si, qua  
parte substratū habet infernum, ad aliquem appli-  
cetur, moestitiam atque odium affert, & crixas con-  
tentionesque mouet: si verò penes superficiem &  
circulū candidū applicetur, firmā valetudinem &  
solatiū ac pacē lētitiāq; præstat. Quod si ita esset,  
facilis applicatio foret: nā ex vna parte denotabitur  
furor ac rabies, qua damnatos omnes per occasionē  
descensus Christi corripuit: ex altera verò innue-  
tur sanctorū Patrū lētitiā atque voluptas, quā ex-  
gloriosa hæc Christi descensio acciperunt, iam,  
quod à Ræo traditur Sardonyche saltū animi re-  
primi; non abs re est, vt significetur per huiusmodi  
descensionē Christi, iactantiam ac superbiam Demo-  
nis repressam, atque adeo contritam fuisse.

Denique species illa purpuræ, quam Plinius in  
Sardonyche contemplatur, appositā est ad eam fi-  
gnificationem; vt gloria illa, quam Beatorum ani-  
mæ in limbo repente acceperunt, sit etiam certissi-  
mum carnis resurrectionis pignus: quod myste-  
rium, vt in gemma duodecima probabitur, per  
Ameshyti purpuram significatur. Cælestis verò  
arcus anhelatio siue æmulatio (quam etiam Plinius

Christum  
ex descen-  
sione ad in-  
feros nihil la-  
bis ac sordis  
contraxisse:  
sed suam  
potius inibi  
potentiam  
ostendisse.

Quæ à nō  
nullis qua-  
litate Sar-  
donychi at-  
tribuitur,  
qua ratio-  
ne huic ipse  
mysteriorū de-  
seruire pos-  
sint.

Species pur-  
pura in Sar-  
donyche  
quid mysticè  
adambret.

Rubicunda  
Sardonychis  
superficies  
candidæ ac  
nigræ im-  
posita quid  
mysticè in-  
dices.

Limbus,  
nomen San-  
ctorum Pa-  
trum sinui  
inditū, quid  
significet.

Alteri no-  
minis Lim-  
bus acce-  
ptio.

Sardonycha  
ad sigillorū  
vsum essa  
aptam, quid  
innuat.

Christi ani-  
mā non  
fuisse indi-  
gnam ad  
Patrum  
limbum tri-  
umphatri-  
cem descen-  
dere.



nus in Sardonyche speculatur,) mirifica est huic instituto; namque vt celestis arcus post generale illud diluuium reliquum nobis est pignus, fore vt nunquam deinceps homines inundatione absor-

A beantur ita similiter Christi descensus ad inferos iustos illos reddidit securos, quod iam imbres tristitiæ & laborum abiissent, & nihil eiusmodi sibi in posterum esset extimescendum.

## NOTATIO XVII.

In qua disputatur, An Petrus in Epistola prima cap. 3. agat de descensu Christi ad inferos.

VERBA textus, quæ magis facessunt, sunt quæ sequuntur.

19. In quo & hi, qui in carcere erant, spiritibus veniens predicauit.

20. Qui increduli fuerant aliquando, cum fabricaretur arca.

Loci huius interpretes habemus Clementem Alexandrinum, Oecumenium, Bedam, Glossam, Albertum, Hugonem, Thomam, Dionysium, Caietanum, Titelmanum, Vatablum, Clarium, Gagneium, Zegerum, Ariam, Hesselium, Salmeronem, Sa, & Erasmi notas.

Explicant etiam ex professo Augustinus Epistola 99. Thomas 3. parte q. 52. art. 2. ad 3. Castro de Hæresibus, Mendoza in quodlibetis, Diegus de Pavia, Bellarminus tom. 1. lib. 4. c. 13. Turrianus lib. 4. pro epistola Pontifici, Suarez tom. 2. Valentia tom. 4. Pererius tom. 2. in Genes.

Præter hos obiter locum explanant Hieronymus Isaia 54. Clemens Alexandrinus lib. 6. Stromatum, Epiphanius, Athanasius, Cyrillus, Hilarius in Psal. 118. Ambrosius ad Roman. 10. Rufinus in Symbolo.

Et locus quidem ipse expresse affirmat, Christum spiritibus incredulis predicasse. Contextus verò difficultas occasionem præbuit, vt expositores in varias atque multiplices sententias abierint. Etenim primò explicatur hic locus de predicatione, quam Christus per se ipse effecerit ante suam incarnationem, nempe Noëi tempore. Secundò, de predicatione à Christo post incarnationem, sed ante passionem facta. Tertiò, de predicatione in limbo post ipsius mortem, cum ad inferos descendit. Quartò, de predicatione in Ecclesia facta à Christo postquam ascendit ad cælum. Ecce quatuor expositiones; in quarum ferè singulis plurimum etiam variatur.

Nonnulli existimantes, tertiam declarationem ceteris solidiorem esse (scilicet de Christi ad inferos descensu) hoc ex loco nituntur hæreticos reuincere, qui Christi descensionem ad inferos inficiantur. Nec tamen huiusmodi expositores grauissimam contextus difficultatem soluunt. Ego è contrariò sic statuo; primò rationi videri consentaneum, ne plurimum virum in hoc loco aduersus hæreticos adhibeatur. Secundò, quod ad Catholicos attinet, me contextus difficultati satis fortasse facturum, in tertia ipsa expositione de Christi descensione ad inferos.

Propterea autem existimo, hæreticos hoc loco validè reuinci non posse; quia duplici ratione possumus redargui. Primà, quia si interpreti auctoritatè æquà lance pensemus; non minùs ponderat eorum opinio ac censura, qui hoc in loco de Christi descensu ad inferos sermonem non esse contendunt. Alterà, quia ijs auctoribus, qui de descensione Christi ad inferos hunc locum explicant, nò omnibus securè niti possumus. Nonnulli enim hæc verba applicant ad concionem à Christo apud inferos factam, vt damnatos saluaret. De singulis ergo. expositionibus seorsum non nihil dicamus.

Prima expositio est, nò agi in hoc loco de Christi descensione ad inferos; sed de predicatione, quam Dei Sapientia ante Incarnationem præstitit temporibus Noëi. Hanc opinionem sectatur Clemens Alexandrinus in commentarijs, quæ habentur tom. 1. Bibliothecæ. Hieronymus expresse Isaia 54. Augustinus epist. 99. Beda, Albettus, Glossa ordinaria, & interlinealis, atque Lyranus; Diuus

B Thomas in commentarijs, & 3. p. q. 52. art. 2. ad 2. Hugo Cardinalis, Dionysius Carthusianus, Diegus de Pavia. Eandem fatetur Lyranus esse communè Doctorum opinionem, & laudat etiam Mendoza in quodlibetis.

Duo sunt opinionis huius argumenta. Primum si locus hic de Christi ad inferos descensione disputaret; nequaquam coarctaret predicationem ad incredulos sub Noëi tempora. Huic obiectioni nihil respondent tertiæ declarationis auctores, quod difficultati plenè satisfaciatur. Alterum, dum dicitur Christus Euangelium incredulis predicasse; si de predicatione apud inferos facta sermo est, perinde esse videtur, ac si dicatur ad se Christus conuertisse atque saluasse eos, qui in mortali peccato decesserant. Id quod videtur, opponere Euodius ad Augustinum epist. 98. & perspicue tenent Clemens Alexandrinus lib. 8. Stromatum, Nicetas Nazianzenus interpres, Caietanus hic & Isidorus Clarus, licet aliquantulum obscure. Confule Mendozam in quodlibeto, vbi etiam affert Hieronymi, Damasceni & aliorum loca, qui id sibi persuaferunt. Vide item, quid Augustinus dicat epistola 99. ad Euodiu.

Vidimus primæ expositionis contra tertiam argumenta. Contra primam quidem opponit Bellarminus, minimè esse ad rem in eo loco tractatione de predicatione sub Noëi temporibus facta. Responderi tamen potest, coherere potiùs optimè cum antecedentibus & subsequenibus, vt infra ostendam.

Secundò opponit verba ipsa textus, quæ primæ expositioni violenter applicantur: cuiusmodi est vox illa, Veniens; item, predicauit spiritibus, qui erant in carcere. Quauis enim Augustinus & eius sectatores spirituum in carcere detentorum nomen transferant ad animas peccatorum, quæ in carcere siue infidelitatis siue mortalis corporis erant detentæ; simulque asserant ipsosmet homines, sicut & animas, ita etiam vocari posse spiritus: durior adhuc remanet loquutio. Quamobrem non defuit, qui legere voluerit in carne pro in carcere, vt Beda. Alij carceris seu custodiae nomen ad Noëi arcam referunt, vt Arias Montanus. Qua in re illud præstitit, qui simul cū Noëo se in arcā receperunt, prius ipius Noëi predicationi se incredulos præstitisse: quod tamen merè gratis dicitur. Aliis placet, incredulos, quibus Noëus predicauit, spiritus in carcere appellari; quia quando B. Petrus epistolā conscripsit, eorum animæ iam apud inferos torquebantur. Ita Diegus de Pavia apud Mendozam, & Beza apud Bellarminum; qui hæreticus nostram expolit Vulgatam; asseritque non fore legendum, qui in carcere erant; sed, qui in carcere sunt.

Deinde, verba illa, Predicauit in spiritu, alijs exponunt de Christi Spiritu (qui est siue Spiritus sanctus, siue diuina sapientia) per Noëum loquente. Alij putant, tunc etiam Verbum æternum sub visibili specie apparuisse & predicasse, vt de antiquis alijs apparitionibus accepimus. Qua de legatur Mendoza quodlibetum. Quod autē Christi spiritus per Noëum predicasse feratur, asserent fortasse consentaneum esse loquutioni eiusdem Petri epist. 1. cap. 1. vbi ait, Christi spiritum per veteres Prophetas fuisse loquutum. Cum verò fuerit hæc Christi spiritus predicatione; aptè dici poterit ad hominum spiritus fuisse facta: sicuti Paulus loquitur de quodā cœtu non corporeo, sed spiritali; Congregati spiritu meo & vobis, 1. Cor. 5. 4. quod idem est, atque Spiritu meo, & spiritibus vestris.

Duplex interpretatio præ dicta fundamentum.

Argumenta contra superiorem expositionem.

Verba illa, predicauit in spiritu, quomodo ab alijs exponantur.



Prima expositio predicta non probatur.

2. Interpretatio de predicatione à Christo facta, dum in carne mortali degeret, examinatur. Reijcitur 2. explanandi via.

Tertia exponendi ratio de Christi ad inferos descensione.

3. Expositio predicta ab auctore probatur & explicatur.

Prædicare hic idem, quod notum facere.

Difficultas contradiçta soluitur.

Demum prima hæc expositio nihil in se facilitatis habet: & apparet quidem, eam idcirco fuisse excogitatam, ut tertiæ opinionis difficultatem auctores subterfugerent. Quapropter, ubi nodus ille apprimè solvatur, id ad primæ expositionis impugnationem satis erit. Licet Augustinus dicat, se earum difficultatum solutionem optare, ut ad tertiā declarationem adherescat. Non tamen propterea primam inficiabitur, cum & ex illa nihil dissoni aut dissentaneum subsequatur, & idem Scripturæ locus plures expositiones literales admittat.

Secunda explanatio est de prædicatione à Christo facta, dum in corpore mortali degebat. Hanc sequitur Zegerus, & eam Augustino tribuit. Constructio autem est huiusmodi. Christus adueniens prædicauit etiā spiritibus conclusis corporis (vel ignorantia) carcere, ijs, inquam, qui increduli erāt ad similitudinem eorum, qui sub Noëi tempore fuerunt, &c. Hæc expositio facilius explicat vocem *adueniens*: in ceteris est prorsus violenta. Cum enim dicat textus, Increduli erant, cum fabricaretur arca; exponit, eos fuisse incredulos ad eorum modum, qui sub Noëo quondam fuerunt.

Tertia expositio est de Christi descensu ad inferos. Huic ex antiquis subscribunt Clemens Alexandrinus, Epiphanius, Athanasius, Cyrillus, Hilarius, Ambrosius, Rufinus, Oecumenius. Ex iunioribus Lyranus, Caietanus, Castrius, Clarius, Zegerus. Ex nostris Salmeron, Turrianus, Bellarminus, Pererius, Suarez, Valentia, & Emanuel Sā. Ceterum non omnes eodem modo procedunt. Nonnulli enim volunt, hoc in loco sermonem institui de Euangelio ad damnatos prædicato, ut reapse relapsi essent & saluarentur. Alij de prædicatione ad eos habita, qui Noëi prædicationem increduli prius respuerant; postea verò ubi diluuium aspexerunt, se ad veram fidem conuerterunt, & in solida peccatorum detestatione morientes ad sanctorum Patrum sinum fuerunt delati. Alij, ut Turrianus, ex hoc colligunt loco Purgatorii veritatē: atque adeo asserunt in præsentī agi de prædicatione habita ad eos, qui in Purgatorio morabantur.

Verūmenimverò existimo imprimis nihil opus esse, ut in præsentī sit sermo de prædicatione, per quam salui sint facti; qui Noëi tempore, cum fabricaretur arca, duos se & obstinatos præbuerūt. Etenim verbum *prædicauit*, potest ritē vsurpari pronotum fecit: atque hoc pacto damnatis in ipsa adhuc miseria & infelicitate perpetuò manentibus, suam Christus prædicauit victoriam; quando ad inferorum ergastula descendens, sanctorum Patrum animas inde eruit. Similiter exponunt pro damnatorum redargutione sanctus Athanasius, S. Thomas & Dionysius Carthus. in 3. distinct. 22. q. 6. apud Mendozam; & eadem etiam ratione explicat Suarez. Ipse quidem nihil modò statuo, vtrum damnati fuerint omnes, qui Noëi tempore sub arcæ fabricationem se incredulos præbuerunt. Sed illud tamen improbabile reputo, asserere generatim loquedo, qui prius se incredulos præstiterant, à suis sceleribus relapsi, & poenitentia egisse. atque verba ipsa vniuersè procedunt de spiritibus, qui tenebantur in carcere, & duri atque increduli extiterant. Præsertim cum in Græco per articulum legamus τοῖς πνεύμασι. Quamobrem, cum asseuerandum nō sit, qui lethali scelere præpediti è viuīs excesserant, eos à Christo fuisse in æternam salutem assertos; nec etiam est affirmandum fuisse à Christo ex illo carcere eductos, qui fabricationis arcæ tempore fuerant obstinati. Ad quod tamen parum referret, eos in limbo siue in aliquo purgatorii recessu deponere; si esset probabile tam longū purgatorii tempus, quod à Noëi ætate ad Christi vsque Passionē duraret. Ceterum, ut ab hoc superfedeā, existimo Petri verba generatim agere de illis, qui Noëi tempore incredulitatem præstulerunt. Quare probabilius est, verbum *prædicauit*, nihil aliud esse, quam notum fecit.

Dicit aliquis, huic loco respondere verba capituli sequentis; videlicet 1. Petri 4. 6. *Et mortui euangelizati sunt.* Ex quo videtur inferri, prædicauit perinde hic esse quasi euangelizauit: atque euangelizare

A est bonum afferre nuncium; qui tamen neutiquam bonus ac lætus nunciatur ijs, qui in inferorum regione retinendi adhuc erant. Respondeo, verba illa, *et mortui euangelizati sunt*, hunc ad locū non spectare. Nam contextus ipse postulat, ut in sensum valde diuersum accipiantur, sicuti seorsum ostendam. Præterquàmquod, si sensus esset, bonum de Christi victoria nuncium ad sanctos Patres in Abraham sinu degentes fuisse delatum; in hoc quidem peculiaris erat proportio & congruentia cum priore loco, scilicet, *ueniens prædicauit his, qui in carcere erant, spiritibus.* non quod prædicauit sic idem, atque euangelizauit, sed quia damnatis ideo nuncius de Christi victoria fuit auditus, quia Christus ipse ad inferos descenderet nuncium felicissimū suis amicis perlaturus, eosque ex illis tenebris educturus.

B Superest nunc respondere præcipuè difficultati, quam tertiæ huius sententiæ oppugnatores aduersus eam obijciunt; nimirum, si Christus ad inferos descendens suæ victoriæ nunciū omnibus ibi commorantibus euulgauit; cur Petrus non alios designat, præter eos, qui increduli fuerant, cum arca Noëi fabricaretur? Ad hoc respondeo, primò huic loco plus energię & elegantię subesse, quam primo aspectu apparet. Nam vox illa *per aquam* denotat, ipsā diluuij aquā Deum fuisse vsum ad arcæ exaltationem & ad humani generis incolumitatem, quod in illis perpaucis hominibus in arca inclusis fuit asseruatum. Itaque aqua, quæ terrarū orbem inundauit, & arcam obruturā videbatur, ea ipsa fuit medium instrumentum, ut & arca valde extolleretur, & per arcam generi humano salus esset posset. Secundo, mens diui Petri ea est, ut asserat, Christum, cum ad inferos descendit, effecisse, ut veteres vmbre & figuræ in eo esse impletæ, & veritatem accepisse viderentur.

C Tertiò, hanc ad rem selegit Petrus pro exemplo, arcæ antiquæ figuram, quæ eadem diluuij vnda fuit euecta atque eleuata. Quæ figura & antiquissima est, & nobilissima, & Petri intentioni appositissima. Significat enim cuiusmodi extiterit orbis, & quomodo poenarum ac suppliciorum diluuij, quo mundus ob sua scelera demergitur, in Christum recidens ac depluens, contulerit maximè ad veram ipsius Christi exaltationem & humani generis salutem.

D Quartò, quanuis huius figuræ complementum euidenter fuerit ostensum omnibus, qui in inferorū cauernis erant, siue damnatis, siue indemnibus; siue antiquis, seu recentibus; nihilominus aptè & eleganter siletur de reliquis; & solum exprimuntur ij, qui fuerunt increduli, cum arca fuit extructa. Dum enim ita affirmatur, perinde est, ac si dicatur; licet omnibus id fuerit nunciatum, peculiariter tamen diuinæ providentiæ gloriā in eo splendescere, quod eos singillatim confusione ac pudore affecerit, qui minimè credebant, arcam illam humani generis salutis instrumentum fore; vthac ratione animaduertent (qui arcam olim irridebant) eam non solum fuisse instrumentum, ut homines ex illa eluione incolumes euaderent: verum etiam fuisse egregiam quandam picturam hominum redemptionis, quam Christus Dominus postea iuxta illius figuræ mysterium compleuerat. Forte etiam ea tempestate Noëus non modò prædicauit saluatū iri eos, qui ad arcam se recipere; sed etiam quod esset mysterium arcæ, & cuius rei esset figura.

E Et quidem modus hic vnum aliquem duntaxat exprimendi, cum tamen multis quidpiam enuncietur; plerunque solet eleganter vsurpari ob peculiarem aliquam considerationem. Exempli gratiā: regina filium parit, pulsantur concitato atque festiuo pulsu cymbala, ut illius nunciij lætitiæ que festiuo pulsu cymbala, peruat. Si quis fortè omnium aures animosque peruat. Si quis fortè Astrologus antea prædixisset, reginam non fore parituram; tunc significanter diceretur cymbalorū pulsus fuisse editus, ut reginæ partus ad falsi illius astrologi perueniret aures, & ut pudore atque rubore suffunderetur. Simili etiam ratione noui Pōtificis electi indistincto & promulgatio, quæ toti Ro-

Respondeatur ad objectionem supra oppositam contra tertiā expositionē.

Cur, cum Christus ad inferos descendens suā victoriā nuncium omnibus notum fecerit, Petrus eorum singillatim hic meminert, qui Noëi tempore reuixerunt.

Antiqua Noëi arca quid typicè figurauerit.

Cur hic solum fiat mentio incredulorum sub Noëi tempore.



ma, fit, dicetur eleganter esse nuncius ad peculiam aliquem delatus; qui aut de illius electione se incredulum ostenderat, aut illam utpote amicus ac familiaris ambierat. Itaque cum peculiaris exigit ratio, ut singularis aliquis exprimat, multo plus significatur cum dicitur ad eum singularitatem nuncius aliquis fuisse perlatus, quam si omnibus diuulgatus perhiberetur.

Ex dictis liquet, non solum tertiæ expositionis difficultates solui, sed etiam exponi pariter ipsius sententiæ elegantiam & concinnitatem: atque adeo explanationes ceteras ex eo fuisse ortas, quod non satis tum contextus ipse, tum tertiæ huius expositionis elegantia perciperentur. Nam ubi hæc expositio recte expendatur, facile apparet, eam esse propriam ac simplicem; atque in ea comprehendendi, quod prima asserit de Dei sapientia, quæ incredulis per Noëum prædicauerit: & addi insuper Christi descensum ad inferos & singularitatem ipsius gloriam in eorum confusione, qui priscis figuris fidem adhibere noluerunt. Singula item verba idonee ad hanc intelligentiam aptantur, ut mox singula percurrendo constabit.

Prius tamen faciam obiter mentionem quartæ expositionis, quæ de Gentium vocatione intelligit Petri verba. Huius explanationis auctor est Hesselius: & addit aliam de prædicatione, quæ fit ijs, qui in extremo mortis discrimine versantur. Vtraque tamen interpretatio meo iudicio est valde contracta: nec explicari possunt in aliqua ex ijs verba illa, cum fabricaretur arca, nisi forte per similitudinem exponantur, ut supra vidimus in secunda expositione, quod nihilo facilius est, quamvis figura incredulitatis eorum, qui arcam fabricam illudebant, sit satis venusta ad eorum obstinationem denotandam, qui in sua perseuerant incredulitate, dum fabricatur Ecclesia. Hoc tamen non video quam apte Hesselius applicet ad contextum. Ex ea tamen & ex ceteris colligi potest quanta esset tertiæ expositionis difficultas; quando ad eam vitandam viri docti in eos anfractus se conieciabant.

Redeamus tamen ad grammaticam constructionem; & à numero 18. principium repetamus. Textus igitur sic habet:

- 18 *Christus semel pro peccatis nostris mortuus est, iustus pro iniustis; ut nos offerret Deo, mortificatus quidem carne, uiuificatus autem spiritu.*  
 19 *In quo & hi, qui in carcere erant, spiritu ibus veniens prædicauit.*  
 20 *Qui increduli fuerant aliquando, quando expectabant Dei patientiam in diebus Noe, cum fabricaretur arca; in qua pauci, id est, octo animæ saluæ factæ sunt per aquam.*  
 21 *Quod & vos nunc similitudine formæ saluos facit baptisma: non carnis depositio sordium, sed conscientie bone interrogatio in Deum per resurrectionem Iesu Christi.*  
 22 *Qui est in dextera Dei, deglutiens mortem; ut vita æterna heredes efficeremur: profectus in celum subiectus sibi Angelis & potestatibus & virtutibus.*

## NOTÆ

Ad constructionem.

**V**T NOS OFFERRET DEO.] Græcè προσεργων id est, adduceret ad Deum, vel reconciliaret Deo, cui inensi & infesti eramus. Hæc est propria vis Græci verbi.

**MORTIFICATVS QVIDEM CARNE, VIVIFICATVS AVTEM SPIRITV.]** Hæc est vera lectio arque correctio ex Vaticana editione, ex Græco & ex Patribus. Quamvis Arias Montanus & alij voluerint eorum sustinere lapsum, qui per accusandi casum pluralem efferebant mortificatos & uiuificatos.

**A** **VIVIFICATVS SPIRITV.]** Nonnulli verba hæc referunt ad Christi resurrectionem. Alij, ut Hesselius & Bellarminus, opinantur, *uiuificatus spiritu*, nil aliud esse, quam Christi animam viuam permanisse. Et Scripturæ locos afferunt, ubi iuxta eam phrasim ponitur *uiuificare*. Ceterum manifestum est, non solum his verbis asseri, Christi animam viuam perstitisse (id enim de quolibet homine mortuo verum est); sed Christum victorem euasisse. Cum autem in ipsa morte Christus extiterit victor; ideo videndum est, num statim ac fuit mortuus, verè dicatur, *uiuificatus spiritu ante ipsam etiam resurrectionem*. Sequitur enim, eum ad inferos descendisse: atqui priusquam resurgeret, eò descendit.

**B** **NOMÈ SPIRITU** nonnulli de diuinitate explicant. Alij de Spiritu sancto (qui est Spiritus Christi.) Alij de Christi anima. Alij de ipsius efficacia. Ego de anima interpretor; sequitur enim *Spiritibus prædicauit*. ubi spiritus pro animabus sumuntur. At *spiritum uiuificari*, intelligo quoad efficientiam, & suorum spirituum manifestationem: spirituum, inquam, quia diuina prouidentia & Christi spiritus sunt septem, ut ex alibi non semel disputatis constat.

Porro nomen spiritus non ita pro anima accipio, ut naturalis philosophus acciperet; sed pro intima ipsius animi portione; iuxta eam distinctionem, quæ inter animam & spiritum fieri solet: in qua nomen spiritus animam denotat, non quatenus corpus informat, sed quatenus spiritalem virtutem apprehensiuam & affectiuam.

**C** **IN QVO.]** quidam sic explicant; *in quo*, id est, *Spiritu*. Quæ videtur esse communior expositio, licet non desit, qui aliter explicet, ut Isidorus Clarus & Zegerus. Mihi tamen magis arridet, ut illud *in quo* ponatur pro *quod*, ut sit ablatiuus cum præpositione loco accusatiui; ut constabit infra. Et conitat, eam phrasin sepe uti sacram Scripturam.

**PRÆDICAVIT.]** id est, notum fecit, ut supra vidimus.

**SPIRITIBVS.]** Ita legendum: non *Spiritu*: & de sensu supra iam satis diximus.

**QVI IN CARCERE ERANT.]** Incarne voluit legere Beda, ut ipsius expositio minus esset violenta. Sed in carcere esse legendum dubium non est. Græcè τοῖς ἐν φυλακῇ, id est, ijs, qui in custodia, quod Arias refert ad Noëi arcam; & quidam apud Bellarminum hereticus ad vigiliam & expectationem: alij ad sinum Abrahæ; & alij ad Purgatorium. Sensus tamen legitimus est de inferno.

**D** **QVI INCREDVLI FVERANT ALIQVANDO.]** Græcè ἀπιστοῦντες, qui est pluralis Aoristi primi datiuus, perspicuum autem est, casum hunc connecti cum *Spiritibus*.

**QVANDO EXPECTABANT DEI PATIENTIAM.]** Non placet hic Erasmi correctio, qui vult in Græcum inferere ἀπαύς, siue semel, quod tamen ad presens institutum arbitror non spectare. Augustinus & alij multi legunt, *quando expectabat Dei patientia*. Et lectio quidem Græca vtrique Latine aptari potest; est enim verbum commune, & sensus erat clarior. Vulgati tamen lectio videtur esse, *expectabant Dei patientiam*. Et sensus est, incredulos expectasse, id est confisos esse, Deum semper patienter toleraturum, & ipso modo peccata dissimilaturum: ideoque pro nihilo esse ducendam Noëi prædicationem.

**E** **PER AQUAM.]** Gagneius & alij exponunt, *per aquam*, id est ex aquis diluuij: quæ tamen phrasin violenta est. simplicius est, *per aquam*, id est per medias ipsas diluuij vndas. Et sensus quidè pulcherrimus est, ut supra vidimus.

**QVODET VOS NVNC SALVOS FACIT BAPTISMA.]** Grammatica constructio implicata est: facile tamen sensus intelligitur; qui perinde fit, quasi diceret, *Quod & nunc facit Baptisma, vos faciens saluos*. Vide quid simile ad Philippenfes 2. 18. *Id ipsum autem & vos gaudete*. id est, id ipsum facite gaudentes, &c. Græcè aliquantò clarior est nexus. Sonant enim; cuius antitypon, id est baptisma, vos facit saluos: ὁ ἀντίτυπος; id est cui, vel cuius antitypon.

De qua spiritus uiuificatione hæc sermo sit.

Nomen spiritus variè hic à Doctores usurpari.

Auctoris mens de acceptione spiritus.

Carcer hic pro infero-rum loco sumendus.

Quid hic sit, expectare Dei patientiam.

Elicitur ex dictis tertiæ explanationis facilitas pariter & elegantia.

Quarta superioris loci expositio de gentium vocatione.

Quid sit apud Petrum nos offerret Deo.



atqui voci antitypon respondet in nostra Vulgata  
*similis forma*, de quo infra.

Baptismi autem nomine communiter in præ-  
senti intelligitur baptismi Sacramentum. Ita Cy-  
prianus explicat tribus in locis. Obsecro tamen, ne  
mihi succenseat lector, quòd nomine baptismatis  
in hoc loco baptismum sanguinis intelligam, id est  
tribulationis, & martyrij: nam de huiusmodi bap-  
tismate in eo contextu agebatur, vt infrà videbi-  
mus. Nec repugnat baptismatis nomen, vt patet ex  
Christi verbis, *Baptismo habeo baptizari*, &c. Ad hæc;  
sequentia verba; scilicet *Conscientie bone interroga-  
tio in Deum*, non aque baptismò quadrant, sed san-  
guinis. In allusione item ad diluuij aquas, quibus  
diluuium passionis significatur, oporere habet, vt  
passio ipsa & tribulatio baptismatis nomine com-  
pelleretur. quippe baptismus est ablutio; & diluuiū  
quidem abluit mundum, atque tribulatio spiri-  
tum eluit ac purificat, vt inferius explicabitur.  
Et nequa de me sit iusta querimonia; patebit in  
mea expositione locus, vt afferamus etiā Petrum  
ad Sacramentum baptismatis respexisse.

Pro quo observandum est, quauis ipsius contextus filium de tribulatione & sanguinis baptismate agat; obiter tamen, dum Petrus tribulationem vocat baptismum, nobis in memoriam reducere; quod nobis obligationis pondus imposuimus, quando sacri baptismatis vndis tincti sumus. nam tunc nos sanguinis baptismati obtulimus atque addiximus. Baptismi item Sacramentum fuit adumbratum in arcæ exaltatione per aquas diluuij factâ. Baptismus igitur in voto continet, quod in martyrio accidit. Vnde ibi se offert Christianus simul cum Christo tribulationi ac dolorum eluuiioni; sperans se cum ipso pariter Christo reuicturum. Id quod figuratur in antiqua illa ac sancta cerimonia submersionis & emersionis in ipsa aqua factæ; quæ in sanctissima Trinitatis honorem & confessionem ter vt replicaretur, institutum fuit.

Denique, quoniam Petrus peculiariter agat de  
ijs, qui reapse pro Christo patiuntur: potest ni-  
hilominus eadem extendi doctrina aliquo modo  
ad iustos omnes fideles: qui omnes ad Christum,  
veram Noë arcam, adherescunt: & sue passionis  
diluvium siue calicem participant: atque hoc pa-  
cto Deo ipsi maximè probantur. Accedit, quòd  
*omnes qui pie volunt vivere in Christo, persecutiones pa-  
tiuntur.* Et Christiani omnes in baptismo sumit  
cum Christo tribulationibus & laboribus obla-  
verunt. Atque etiam propter appetitum & cu-  
piditatem compressionem pro Christo patiuntur  
atque moriuntur iuxta beati Petri loquutionem  
sequenti capite; & in eodem loco, *et mortui*  
*evangelizatum est.*

SIMILIS FORMÆ.] Græcè antitypon; quali  
dicat, baptisum, de quo agitur, esse formam ac  
veritatem, quæ respondet similitudini typi vel  
antiquæ figuræ; vt multi optimè explicant. adi  
Eralinum & Salmeronem.

CONSCIENTIA BONA INTERROGATIO. |  
Videovarias circumferri explicationes. Illam tamen  
reputo verā, vt interrogatio pro examine & proba-  
tione ponatur. Vide illud Psal. 138. 23. *Proba me Do-  
mine, & scito cor meum: interroga me, &c.* Vbi pro syno-  
nymis ponuntur interrogatio & probatio. Vera  
igitur probatio, qua integra & recta conscientia  
examinatur, quāā alia est, nisi tribulatio? Notum  
est illud, *Annum probationis, &c.* Item, *Tribulatio  
patientiam operatur; patientia autem probationem.*

IN DEVM. ] Nonnulli ita connectunt; *Interrogatio in Deum*, id est, quæ fit Deo. Legitima tamen constructio est, *Probatio siue interrogatio, in Deum*, id est coram Deo. Consule thesaurum Græcum in dictione, *ἐν*, vbi constabit, eam esse genuinam eius dictionis phrasim.

PER RESURRECTIONEM IESU CHRISTI.] Multi putant, his in verbis resurrectioni Iesu Christi attribui Baptismi effectum eluendi animas & abstergendi: ac Theologus remittit diffutationē, quo scilicet modo accipiendum sit, quod Scriptura docet, nempe Christi resurrectionem esse nostre

justificationis causam. Ego aliter in presenti explico; per resurrectionem Iesu Christi, id est, per fidem resurrectionis. quod perinde est, ac si dicatur bona conscientię laboribus & ærumnis probatę constantia ac firmitudo niti potissimum in fide resurrectionis Iesu Christi. Ideo enim fidelis Christi feruus labores & calamitates pro Christo tolerare non refugit; quia sperat se cum illo in vitam immortalē reuiceturum.

DEGLUTIENS MORTĒM, VT VITÆ ÆTER-  
NÆ REDES EFFICEREM VR.] Hęc verba in  
Græcis codicibus desiderantur; dubium tamen  
non est, in antiquioribus fuisse scripta; vt ex no-  
stri Vulgati, Augustini, & aliorum lectione faci-  
lè deducitur. Verbum autem *deglutians*, non est,  
opinor, in eam partem accipiendum, quasi nunc  
in cælo Christus mortem deglutiat; sed quasi eam  
in terris degens glutierit, vt nobis æternam mere-  
retur vitam. Quam ad rem obseruandum est, Græ-  
cum participium præteriti siue Aoristi transferri  
frequentè Latine in præsentis temporis partici-  
pium, penuriâ actiue vocis in participi præteriti:  
si. suprà num. 19. *Veniens prædicauit*; vbi *veniens*  
Græcè est, *προσέρχων*, id est cum venisset. Similiter  
ergo in præsentis *deglutians* ita potest accipi, quasi  
diceret, deuorata morte; id est postquàm acerbam  
mortis potionem hausit: atque ita accipi postulat  
ipse contextus. Demum *profectus in cælum*, est; quia  
hac viâ in cælum conscendit ad Patris dexteram  
consequens.

Porro huius loci acolithia atque nexus, iuxta  
meam expositionem, est eiusmodi.

Præcipuus beati Petri scopus in hoc loco est exponere felicitatem eorum, qui afflictiones & tormenta pro Christo tolerant. Nam de hoc in præcedentibus sermo erat: ad idemque fit regressio; tum in huius capituli fine, tum in subsequenti initio. Hanc ergo ad rem Petrus eiusmodi rationes affert.

Num. 18. Christus mortē pro nobis pertulit: ut nos Deo reconciliaret. Et quāvis corporis vitam amiserit: virtutem tamen & efficacitatem sapienter ac fortiter operandi, quā spiritus propria est, minime amisit. quinimo per Christi mortem, ipsius virtus mirum in modum excitata atque crecta est.

19. Quare simul ac sanctissimam efflauit animam, ut victor ac triumphator gloriosissimus ascendit protinus, ut suam victoriam in ipsis etiam inferorum regionibus promulicaret.

20. Sicq; effecit, ut qui tempore fabricationis arca se incredulos ad Noë prædicationē exhibuerunt, planè perspicere, ingens fuisse ac reconditum veteris illius arca mysterium; & adco recognoscerent in Christi passionē solidam illius figura veritatem fuisse completam. Quippe tumentes vnde diluvij passionis ac mortis, quod in Christum recidit, adiumento potiùs & instrumento fuerunt ad ipsius Christi exaltationem & ad humani generis incolumitatem. Qua in re fuit admirabiliter impletum quod in arca adumbratum fuerat: qua ex communi illa mundi elutione castrati incolumis, & ipsismet diluvij vndis fuit erecta & exaltata; & Noëus, eiusq; familia in ipsi aqua supervitantes remanserunt.

21. Quod ergo, fratres, infernus ipse locus in Christi passione completum adspexit & idipsum quoque impletur in eis, qui ad Christum firmiter adherentes pro illo labores constantior tolerant. Quemadmodum enim diluvij vnda arcam exulit, & praestitit incolumem : ita etiam illos afflictio pro Christo perpeffi extollit ; quae, inquam, afflictio ac tribulatio est admirabilis instar baptismi ; qui, quantum corpus non cluat, spiritum tamen ac mentem absterget ; & apud Deum eundem ostendit probatam & speculatam coram virtutem, qui in vincta resurrectionis lesu Christi fide nituntur.

22. Hi autē alacriter sese excitant ad acerbissimum  
passionis calicem pro Christo constanter exhausti-  
dum sedulò expendunt, Christum, qui ad dexteram

*Hæc mortem  
deglutiendi  
phrasis quid  
significet.*

Totus B. Pe-  
tri locus  
suprà posi-  
tus para-  
phrastice  
explicatur.

Baptismi  
nomen in  
qua sit hęc  
exceptio  
lumen.

Probat  
prædicta  
baptismi  
expositio in  
hoc loco, de  
baptismo  
scilicet san-  
guinis.

*Eandem doctrinam suo etiam modo posse ad fideles omnes in istos extendi.*

Quid sit  
hic, consci-  
entie bona  
interroga-  
tio.

Resurrectio:  
nem Iesu  
Christi hic  
pro fide re-  
surrectionis  
poni.



nunc Patris confidet, amarissimam prius mortis potionem pro nostra salute obbibisse; atque hac ipsa acclui & salebrosa via conscendisse ad suum regale solium, in quo nunc gloriosus sedet ab vniuersa calitum curia suspectus ac veneratus.

opponitur  
difficultas  
contra no-  
stram decla-  
rationem.

Difficultas  
in enoda-  
tio.

Verum contra hanc nostram declarationem, illud opponere quis poterit; verbum predicant, non recte hic vsurpari pro notum fecit, seu euulgauit. nec enim est ad rem dicere, Christus adueniens manifestauit; nisi quid notum fecerit explicetur: id quod textus nequaquam exprimit.

Pro huius solutione notandum est, predicandi verbu dupliciter in sacris Literis accipi. primo accusatiue (vt aiunt) & transitiuè, id est, adiciendo predicationis materia; vt predicare Dei potestatem; predicare quid factu sit, predicare & dicere bene omnia fecit, &c. Secundo absolute & intransitiue, nihil adiciendo, quo predicationis materia designetur; misit illos predicare. Sic enim ponitur. Matt. 11. 1. Marci 1. 38. 39. & cap. 3. 14. & cap. 7. 36. & cap. 16. 20. Item Luca 4. 44. Predicandi ergo verbum primo modo acceptum non semper refertur ad salutem eius, cui predicatur; vt patet Isaia 3. 9. Peccatum suum quasi Sodoma predicauerunt. Et similia sunt Iudicum 7. 3. & 2. Esdra 6. 7. & cap. 8. 15. Iudith 11. 16. Esther 14. 10. Danielis 3. 29. & cap. 5. 29. & 1. Machab. 5. 49. & cap. 10. 63. & 64. & 2. Machab. 8. 36. & Apoc. 5. 2.

Occurritur  
secunda dif-  
ficultati ex  
prime solu-  
tione subor-  
ta.

Dices; saltem cum predicandi verbum absolute ponitur, semper ad salutem ponitur illius, cui predicatur; vt patet ex locis supra allatis. Cum ergo Petrus absolute dicat, Christum predicasse spiritibus, qui erant in carcere; omnino debet exponi de predicatione ad eorum salutem ordinata.

Pro responsione primo assero, nos non ita stricte ad phrasim aliquam coarctandos fore, vt inde prauam doctrinam eliciamus: cuiusmodi esset, Christum ad inferos descendisse, predicaturum & conuersurum illos, qui in peccato mortali decesserant. Quod si receptum vsu verbi predicare absolute positi attendamus; non aptum habet locum in ea notione, quam de se Christus communicauit ijs, qui erant in limbo. Etenim non proprie est predicare, gloriosum in limbum ingredi, Patribus humani generis redemptionem nunciare, & suam ipsius gloriam impertiri: nisi pariter asseratur Christus aliquam habuisse ad eos concionem; vt eos ad fidem, siue ad poenitentiam, vel ad aliam bonam mentis affectionem hortaretur. Ad idem sicuti necessarium non est, vt à Christo habitam fuisse credamus concionem ad Patres in sinu Abraham commorantes: multo minus credendum est, illum fuisse concionatum ad eos, qui sibi erant omnino infensi & inimici. Siquidem dicendum non est, eos à Christo tunc conuersos, & ex infelici illa miserationum voragine extractos.

Secundo assero, verbum predicare (vt patet ex dictis) non esse hic accipiendum iuxta eam propriam phrasim, in qua sumitur, cum absolute po-

Verbum  
predicare,  
quomodo  
hic sumen-  
dum.

nitur; atque adeo necessariò vsurpandum pro eo quod est euulgauit, seu notum fecit. Quod verò opponitur, nullum scilicet hic esse accusatiuum; aut quidquam aliud æquiualens, quo predicationis materia designetur. Respondeo ex contextu ipso suppleri debere, quid predicauerit Christus, siue enunciauerit. Ac meo quidem iudicio, idem hic debet subaudiri tanquam à Christo enunciatum, quod præcesserat; nimirum ipsum secundum carnem fuisse mortuum, viuificatum verò spiritu. Id enim est, quod Christus ipse apud interos manifestum reddidit. Nam, cum eum omnes gloriosum in tenebrosa illa loca atque triumphantem succedere viderunt; manifestè agnouerunt, licet in carne fuisset mortuus, ipsius tamen spiritum victorem ac triumphatorem esse.

Tertiò, huiusmodi intelligentiam amplectenti verisimile mihi fit, vocem illam in quo, non ita esse ordinandam, vt frequenter accipi solet, in quo scilicet spiritu: sed hoc pacto, in quo & predicauit, id est, quod & predicauit, seu manifestauit spiritibus, qui erant in carcere. Ac nequishanc constructionem mouitatis arguat; notum est in hebraica phrasi, ablatiuum cum præpositione in pro accusatiuo non raro collocari; vt aspicere in gentibus, pro aspicite gentes. De qua loquutione vide Ian senium in concordia cap. 85. & Gueuaram in Habacuc cap. 1. vers. 5. §. 63.

Quartò, qui nihilominus verbum predicant absolute vsurpare voluerit; hunc in modum potest accipere: Christus apud inferos suo ingressu quoddam edidit præconium, nimirum ostendendo & euulgando antiquas in eo figuras fuisse impletas. Vbi illud obiter obserua, Græcum verbum propriè significare præconium edere. atque idcirco predicatorum siue concionatores appellantur, qui Christum predicant, quia ipsius sunt præcones. huic ergo phrasi simile est, si dicatur Christus in infernum ingressus predicasse, id est, manifestasse suam gloriam & vaticiniorum complementum. Quam ad rem opus non est, vt Christus intelligatur concionem habuisse: quia predicare non semper est concionari; sed publicum facere, quoquo modo id fiat.

Vt meam ergo loci huius explanationem concludam, obsecro à Lectore, vt expendat in ea nullam fidei veritatè excludi à sua possessione. Comprehendit enim mea expositio Christi descensum ad inferos, & Sacramenti baptismi virtutem: cumque nihil violenter exponat, aut parum aptè ad Græcum contextum, vel ad Scripturæ phrasim applicet; nihilominus argumentis, quæ contra eam opponuntur, videtur facere omnino satis, & ipsius contextus filum ad eundem scopum feliciter ducere. Item, in hac expositione nullus lectionis error admittitur; & nihil incerti admiscetur. quam enim in ea lectione præstitimus, ea est, correctæ Vaticana: nec præterea affirmamus, qui cum Noë sunt in arcam ingressi, ad ipsius predicationem incredulos extitisse, nec Christum eduxisse ab inferis eos, qui in mortali abierant.

Iuxta aliā  
verbi præ-  
dicare ac-  
ceptionem,  
alia item  
exponendi  
ratio subij-  
citur.

In nostra  
Petri expla-  
natione &  
absentis om-  
nibus præ-  
cluditur via,  
& faciliorem  
literæ de-  
cursum com-  
prehendi.

## NOTATIO XVIII.

De altero beati Petri loco epist. 1. cap. 4. n. 6. & 7. vbi nonnullis videtur agere de descensu Christi ad inferos.

Num. 6.

Verba Petri sunt, Propter hoc enim mortuus euangelizatum est, vt iudicentur quidem. Secundum homines in carne, viuunt autem secundum Deum in spiritu.

7.

Omnium autem finis appropinquauit. Et stote itaque prouidentes & vigilate, &c.

Aliorum  
expositiones  
de hoc B.  
Petri loco.

Hunc locum Oecumenius ita exponit, mortuis scilicet euangelizatum fuisse per Christi descensum ad inferos. Sed contra est, quod textus ait,

vt iudicentur quidem secundum homines in carne, viuunt autem secundum Deum in spiritu. Quæ verba nec ad sanctos Patres, nec ad damnatos aptari possunt. Vide hac de re Hesielium.

1. expositio  
Oecumenij.

Bellarminus & alij intelligunt de iis esse sermonem, qui sub antiquo diluuiio cum peccatorum contritione mortui sunt: quippe & corporali morte suorum flagitiorum penam luerunt, &

2. expositio  
Bellarmini.



veram in suis animis vitam letissimo Christi conspectu apud limbum adepti sunt. Sed contra hoc est primò, quia huiusmodi historia ita incerta non bene probatur, quod in se multò certius est, videlicet Christum esse viuorum atque mortuorum iudicem. Secundò contextus ipse postulat, Euangelij esse effectum, ut iudicentur secundum homines in carne; atqui quam illi mortem subierunt, non illa fuit effectus boni nuncij, quem Christus eis in limbo vulgauit. nec diceret contextus, ut iudicentur; sed, ut iudicati sint. Tertiò suprà iam impugnata est illa alterius loci explicatio, in quo nituntur; nimirum, Spiritibus veniens predicauit, qui fuerunt increduli, &c.

Augustinus per mortuos intelligit infideles. quod & plerique sequuntur. Verum non concinit contextui: paulò enim prius mortuos Petrus appellabat eos, qui mundo & proprio amori moriuntur. Hanc eandem Augustini explicationem prius amplexus fuerat Clemens Alexandrinus.

Hesselius ait, probari Christum esse iudicem viuorum ac mortuorum; quia Euangelium predicatur iis, qui ante Christi iudicium moriuntur: ut licet moriantur more humano, antequam Christus in iudicium adueniat; virtute tamen Euangelij viuant spiritu apud Deum. Idem Hesselius per mortuos intelligi vult eos, qui iam iam morituri in extremo versantur discrimine.

Haecenus aliorum explicationes obiter attigi. Sed quia in eis non conquiescit animus; proponam eam, quæ mihi occurrit, ut de illa iudicent doctiores.

Primò ergo existimo, mortuorum nomine Petrum intelligere eos, qui & mundo & amori proprio mortui sunt. Colligitur ex eiusdem capitis initio, quod sic orditur; Christo igitur passo in carne, & vos eadem cogitatione armamini: quia qui passus est in carne, desijt à peccatis; ut iam non desiderjs hominum, sed voluntati Dei viuati. Sufficit enim præteritum tempus ad voluntatem gentium consummandam in luxurijs, desiderijs, &c.

Quibus verbis Petrus (ut faciliè expendenti contabit) hortatur Christianos, ut moriantur cum Christo, nec iam amplius mundo & proprio amori viuant. Mox ait, Christianos ab Ethnicis irrideri; quia non sicut & ipsi, mundo & inordinato sui amori militabant. Et subdit, Ethnicos ipsos de huiusmodi irrisione rationem reddituros viuorum ac mortuorum iudici. Vbi aduerte, licet alià in significatione dici soleat Christus esse viuorum ac mortuorum iudex; in alio tamen sensu verum quoque id esse, nempe Christum esse iudicem, tam eorum, qui mundo ac proprio amori viuunt, quam qui eisdem moriuntur; atque in hoc sensu, ni me fallit animus, Petrus fuit in his verbis loquutus. hoc enim erat ad rem.

Sequitur deinde; PROPTER HOC ENIM ET MORTUIS EVANGELIZATVM EST. ] &c. ubi, quod ad constructionem attinet, propter hoc, non cum antecedentibus; sed cum subsequen- tibus connectendum est, hunc in modum; Propter hoc ut iudicentur in carne, viuant autem in spiritu, id est, adhuc ut iudicentur, &c. At suppositum illius verbi, euangelizatum est non est aliud, quàm id, quod præcedit, scilicet Christum esse viuorum ac mortuorum iudicem. Itaque constructio est eadè, ac si Petrus diceret, Christus iudicaturus est viuos ac mortuos: sic enim Euangelizatum est mortuis (id est, pios fideles euangelium felici hoc atque hilari nuncio solatur) ad hoc ut patienter ferant, se cruciari & occidi propter Christum. Dum enim pro ipso secundum carnem condemnantur, & occiduntur; spiritu viuificantur. Vnde ut alacriter ac fortiter mortem pro Christo oppetant, & in ipsa occasione ipsorum spiritus excitetur, & hilarescat; idcirco bonus eis nuncius diuulgatus est, quod Christus sit iudex eorum, qui mundo & inordinato amori succumbunt; & eorum etiam, qui fortiter ob- stant: quodque propè sit tempus, cum singulis secundum cuiusque meritum præmia distribuuntur. Hunc esse reor verum ac germanum sensum:

A atque hoc pacto mirè connectitur, quod sequitur; Omnium autem finis appropinquauit. In hac verò ratiocinatione regreditur Petrus ad illud, quod superiori capite tractauerat de felicitate eorum, qui pro Christo labores ac tormenta tolerant. Ut autem ait; Christum secundum carnem quidem in sua passione fuisse mortificatum, viuificatum vero spiritu: ita etiam asserit, eos, qui pro Christo patiuntur, damnari secundum carnem, & secundum spiritum viuificari. Atque ex ea latitia, quæ se in tormentis sponte dedunt, colligit Petrus, Euangelium ipsum illis solatium asserere: & huius Euangelij veritate probat Christum esse viuorum & mortuorum iudicem.

Iam, quod mortui in hoc loco dicantur, qui mundo & amori proprio vale dixerunt; non id sacris Literis nouum, aut inusitatum est. Notum est illud Pauli ad Colos. 3. 3. Mortui enim estis. Item illud Isaia 26. 19. Pueri mortui tui, interfecti mei resurgent: exsurgite mihi, & laudate; qui habitati in puluere, &c. Quæ omnia eandem ad rem spectant. Denique postea eosdem ipsos alloquens Petrus, qui mundo morientes nouam spiritus vitam adepti sunt; eos admonet, teneri ipsos, utpote spirituales vitam agentes, ad prudentiam in omnibus seruandam & ad vigilantiam: quæ duo sunt proprii spiritualis vigoris ac vitæ effectus.

Nihilominus in hac expositione duo possunt scrupuli alicui iniici: primus est, sententia illa (videlicet Christum esse iudicem viuorum & mortuorum) optabile esse, ut iuxta communem ac receptum sensum vsurpetur: cum tamen viuorum ac mortuorum nomen in alia ipse acceptione sumam. Alter est eiusmodi; verba illa, Mortuis euangelizatum est, simplicius ita accipi videntur, ut mortui iam fuerint, quando Euangelium illis promulgatum est: quod tamen in mea explicatione secus accidit; nam Euangelij predicatio non supponit, ipsos homines spirituales iam esse, & frænatas animi appetitiones habere: quinimò vt eò perfectionis perueniant, ideo illis Euangelium promulgatur.

Ad haram difficultatum priorem respondeo, nequaquam mutari sensum illius sententiæ (quod scilicet Christus sit viuorum ac mortuorum iudex) ita ut diuersa veritas, quod ad substantiam attinet, reddatur. Non enim alia est diuersa veritas, sed eadem. Nam siue nomen viuorum ac mortuorum sumatur, ut frequentius sumi solet; siue accipiat pro illis, qui mundo & amori proprio viuunt, & pro illis, qui eisdem mortui sunt: utrovis modo semper eadem veritas quoad substantiam permanet; nimirum totius humani generis iudicem esse Christum. Cum ergo præcipua ipsa veritas hic illela maneat; aptius multò atque adeò optabilius est, nec non Apostolicâ sapientiâ dignius, ut verba ipsa iuxta eum accipiantur modum, qui magis quadret cum præcipuo illius tractationis scopo. Quamobrem, cum in superiori contextu præcesserit sermo de illis, qui spiritualiter mortui sunt; & de illis, qui carnaliter viuunt; omnino videtur congruentius, ut eodem vsurpetur modo distinctio viuorum ac mortuorum, cum subditur Christum esse paratum iudicare viuos & mortuos. Præsertim cum ea ratione melius cohereat, quod sequitur; id scilicet mortuis euangelizatum fuisse.

Aduertendum insuper est, in ijs, quæ ad rem aliquam afferuntur, non sapientiores esse continud ac prudentiores loquendi rationem; quæ & simplicior ex se est, & in allata sententia nihil prorsus immutat: imò potius maiorem asserere voluptatem & oblectamentum, & maioris etiam prudentiæ videri, qui absque vlla præcipuæ rei varietate ad suum institutum accommodat, tantillâ mutatione adhibita, quod pro sua assert expostione.

Ad secundam difficultatem. Quanuis ideo prædicetur Euangelium, ut auditores in spirituales viros & carnis macerationi deditos euadant: verum formaliter loquendo ad Euangelij rationem: cumulatè non peruenit eiusmodi prædicatio, nisi re-

3. expositio B. Augustini.

4. expositio Hesselij.

Auctoris mens, & prædicti loci explicatio. Mortui hic in quo sensu sumantur.

Quod sit hic suppositum verbi illius, Euangelizatum est?

Mortuos hic pro illis sumi, qui a mortui proprio & inordinatis appetitionibus mortui sunt.

Duplex proponitur obiectio contra superiorem interpretationem.

Soluitur 1. obiectio.

Non semper probatorem esse expositionem, quæ & simplicior sit, & nihil prorsus immutet.

Soluitur 2. expositio.



pectu ad illos, qui iam spiritalem vitam & rebus celestibus deditam agunt. His enim propriè iucundus est nuncius & gaudium cumulatū. Quapropter, licet antiqua sit prophetia, (vt verbi gratiā Isaiā, quæ ad spirituales viros dirigitur) iure optimo eiusmodi prophetia dicitur quasi præstare, illos iam esse homines rebus spiritualibus addictos. Non, quod iam ad eum perfectionis gradum conscenderint, quando eiusmodi doctrina aut conscripta, aut promulgata sit; sed quia ad eos sermo habetur, qui postea eam sanctimoniam assequuntur. Quare formalissimè loquitur Petrus, cum ait, mortuis euangelizatum esse. Nam hic nuncius felicissimus non prorsus cumulatè fuit

A euulgatus, nisi pro eo tempore, quo homines acris ac vehementius in res spirituales se impenderint. Ad eos verò, qui iam ad illud sanctitatis fastigium euecti sunt, Euangelium propriè est Christiana fides, hoc est, prædicatio perfectum afferens solatium. Atque adeo sapientissimè ait Petrus, qui mundo & proprio amor mortui sunt, iis propriè tanquam felicissimum nuncium, qui eos maxime consolat, prædicatum esse Euangelium illud, nempe Christum esse iudicem viuorum & mortuorum. Atque hac cogitatione & consolatione armati minimè illi refugiunt; imò ardentè exoptant, pro Christo in hac vita ærumnas & persecutiones tolerare.

## NOTATIO XIX.

## De gemma sexta, quæ est Sardius.

Q Vam aliqui differentiam præscribunt inter Plinij Sardam & Sardinum Scripturæ, ea mihi nullam videtur habere similitudinem. Quare pro certo statuo, Sardium siue Sardinum Scripturæ (vtrouque enim modo inflectitur) esse concipiendum eiusdem omnino speciei cum Sarda, quam Plinius, Solinus, & alij veteres scriptores describunt. Quod verò ad pretium & æstimationem attinet, licebit quidem multò eam gemmam pretiosiorè considerari. Hoc propterea dixerim, quia Plinius cap. 7. & Solinus cap. 17. vltimum ferè locum inter gemmas Sardæ attribuant. Verumtamen in singulorum gemmarum æstimatione, non inter diuersas modò nationes, sed apud eandem etiam gentem solet vario temporis decursu varium item ac multiplex discrimen obrepere. Quæ enim aliquo tempore plurimi fiebant, postea vilipenduntur, & è contrario. Quin etiam in eisdem regionibus, eodemque tempore, quæ gemmæ eiusdem speciei reperiuntur, solent non magnæ admodum æstimationis esse; cū in alijs prouincijs, alijsque temporibus preciosissimæ eiusdem speciei gemmæ inueniantur. Id quod videre est in Smaragdis: ex quibus antiqui æstimabantur quadraginta nummis aureis in singula minuta pondera, quæ vulgò vocantur Quilates; at noui æstimantur dimidio vilius. Brasilienses verò Smaragdivix viginti argenteis in singulos Quilates æstimantur: antiquissimi verò nempe Scythici, Rubinis essent hodie pretiosiores. Nihil igitur prohibet, Scripturæ Sardā adeo reputari pretiosam, vt optimus quisque Carbunculus siue Smaragdus habetur. Hinc spectat, inter Rationalis gemmas primum Sardio locum concedi, atque Ruben primogenito obtingere. Ex quo verosimile fit, huiusmodi gemmam nō vulgarem, sed ex nobilioribus fuisse. His consonat, quod Plinius de eodem lapillo tradit; *Hac gemma superbiunt fabule apud Menandrum & Philemonem.* Quod argumento est olim magno in pretio fuisse habitam.

Quoad gemmæ huius speciem, constat Sarcam esse quæ vulgari nomine dicitur *Cornerina*: hanc namque appellationem illi hodie gemmularij tribuunt. Verum illud mihi non obscurā coniecturā

B fit certum, hoc nomen *cornerina* esse corruptum, & pro *carnerina* irrepisse. Etenim constat, proprium ipsius colorē esse ad translucidē carnis similitudinem. atque hanc definitionē pariter & similitudinem ei gemmæ præscribit Plinius lib. 37. cap. 6. Et quicumque consideratus homo cornerinā aliquam siue Sardā ex pretiosioribus in manus sumpserit; facile aduertet natiuum ipsius colorem ac similitudinem esse instar carnis perspicuæ ac pellucidæ: non aliter, quàm si humana caro, natiuo manente colore, in gemmam translucidā abiisset. Vnde Plinius de gemma Sardonycha agens ait; *Olim intelligebatur candore in Sarda, hoc est, velut carnis vngue hominis imposito, & vtrouque translucido.* Ex quo planè colligitur, propriā Sardæ definitionē esse carnē translucidam. Quid, quod in Hebræo appellatur **דָּרָא** Adam; vt significetur, eiusmodi gemmam esse rubram, & huiusmodi carnis referre colorem?

C Preter hæc, Sardis nobilioribus mirus inest splendor: Plinius nanque ait; *Indice perlucet.* & infra; *Mares excitati fulgent.* Et Abulenſis Exod. 28. ait esse lapidem nimium fulgentem.

Plinius idem sic habet; *Laudatissima Sarda inuenta est, cum lapidina aperirentur, hærens in saxi corde.* Ex quibus intelligitur hanc esse generationis rationē in pretiosis Sardis, quod nimirū in saxi corde procreantur. Iam, de ipsius proprietatibus sic Plinius. *Nulle gemmæ tardius suffuso humore hebetantur; quasi dicat, gemmam hanc procul esse ab omni macula siue vapore, quæ ipsius splendorem hebetet & imminuat.*

D Epiphanius addit; *Sarda vulneribus ferro infectis & tumoribus medetur.* Vincentius, item Abulenſis & alij tradunt, *Sardā gaudium accendi.* Aretas Apocal. 4. de eadem gemma hoc asserit; *Ferā terrorem incutit.* Hæc sunt quæ apud probatos auctores de Sarda reperio, sed illud postremo animaduerto, Sardam haud dubiè esse quasi matrem & originem Amethysti: vt manifestò apparet in nonnullis gemmis, quæ inueniuntur in quarum altera parte Sarda, in altera Amethystus cernitur. Atque ex his vnam (vt supra attigi) primarius vir ac nobilissimus mihi dono dedit.

Quo vulgè nomine appellatur.

Sardæ color translucidæ carnis persimilis.

Pretiosioribus Sardis mirum inesse splendorem.

Quantum Sarda sint virtutes ac proprietates

## NOTATIO XX.

## De sextæ gemmæ proportionē &amp; conuenientia cum sexto Symboli articulo.

V T præmittamus de more tam Symboli, quam Apocalypſeos verba sibi mutuò respondentia; sexti articuli ea sunt; *Tertia die resurrexit à mortuis:* Apocalypſeos verba illa; *sextum Sardius.* Illud nobis in hoc articulo proponitur. Transactò iam eo tempore, quod opus erat, nequis existimare posset, Christi mortem veram ac propriam non fuisse, ipsius anima sanctissima splendore & gloriā circumfluens ad sepulchrū venit, & rursus se cum sacro corpore per vnionis vinculū colligauit: nec

E solum ei vitam impertit; sed etiam totam eam pulchritudinem & gloriæ dotes, quas habere oportebat primigenium, inter omnes, qui ad immortalē vitam sunt excitandi. Cum hoc gloriæ & splendoris ornatu Christus è sepulchro fuit egressus demonibus horribilis ac formidabilis: & eos benignissimè inuisens, qui ipsius resurrectionis testes erant ab æterno Patre destinati, tantā eos lætitiæ voluptate suo aspectu perfudit, quantā prius mœstitiā ipsius mors affecerat. Cum hoc articulo

Virum Sardam Plinij gemma, & Sardius Scripturæ sint eiusdem, an diuersæ speciei.

De Sardii gemma valore & æstimatione quid dicendum.

Quæ sit Sardæ gemmæ species & natura.

Sextum Symboli caput quid nobis credendum proponat.



quàm eleganter componatur Sarda, facillè quisque potest deprehendere. Sed quanvis applicationem utpote valde facillè prudenti lectori possem omittere: nihilominus operæ pretium duxi, hæc pauois adnotare.

Primò lectorem obsecro, uti perlegat, quæ dixi ad versum tertium cap. 4. ubi vidimus, æterni Patris imaginem Ioanni in throno sedere visam, magna cū energia confingi ex Iaspide & Sardio compositam; nempe à lumbis & deorsum ex Iaspide; & à lumbis & sursum ex Sardio. Cuius symboli mysterium ed spectat, ut inter admirabilia opera, quæ summo Parenti sacrae Litere attribuant, illustrissimè emineant duo, videlicet rerum omnium creatio & Christi Domini ab inferis excitatio. Et quidem tantam adhibet curam ac diligentia Scriptura, ut secundum hoc opus tribuat æterno Patri; ut vicies & quater id repetat; quod res sit Patri imprimis gloriosa. Cum ergo hæc duo opera Patris æterni omnipotentiam mirum in modum prædicent; cumque alterius symbolum sit Iaspis, alterius Sardius: quid congruentius, quàm eam Patris imaginem Ioanni ostensam ex duplici gemma compactam Iaspide & Sardio effulgere? Enim verò capite 4. Lectorem reieciimus, ad ea, quæ de illarum gemmarum utraque in his notationibus disputanda nobis erant. Et quidem de Iaspide supra iam suo loco vidimus. Nunc superest de Sardio dicamus, & eum obiter ad Christi resurrectionem applicemus.

Secundò; si verum est, quod diximus de Sardio humanam carnem translucidam ita propriè referente; ut si Sardius attentè inspicitur, videatur humana caro pretiosi lapidis naturam cum luce, incorruptibilitate & gloriâ induta: quid obsecro magis aptum atque elegans potuit ad Christi resurrectionem figurandam excogitari? Nōne Christi resurrectio est iustorū resurrectionis exemplar? Nōne clamat Paulus 1. Corint. 15. 42. *Seminatur in corruptione, surget in incorruptione: seminatur in ignobilitate, surget in gloria: seminatur in infirmitate, surget in virtute.* Hæc igitur omnia apprimè exprimit Sarda, cum propria ipsius definitio sit, ut quasi caro appareat in gemmam splendens ac pellucidam conuersa. Et verò illud obseruatione dignum est, inter Carbunculū & pretiosum Sardium (quorum cordes inter se sunt affines) eiusmodi discrimen à Deo fuisse inditū: ut cum Plinius & alij velint Carbunculi colorem exprimere, ignitam esse prunam dicant: cum Sardij, carnem translucidam. Ita ut attenta utriusque gemmæ consideratio scriptores ipsos adegerit ad ea verba efferenda, cuiusmodi nobis opus erant; ut altera Deum carne indutum, altera eundem ab inferis excitatum figuraret.

Tertiò; Christi resurrectionem Ethnicis vero fidei lumine priuati irrident, & commentitiâ reputant. Verum id ipsum, quod ab eis diluditur, Christianæ fidei fundamentum est. Huc aptatur, quod ex Plinio de Sarda retulimus, eâ scilicet fa-

bulas superbire. Sed quod Ethnicis obsecatis fabulosum apparet, id nobis fidei lumine præditis verissima gloria est. Nec frustra hæc gemma inter duodecim Rationalis primum obtinet locum, & primogenito tribuitur. Nam & Christi resurrectionis symbolum est, & Christus prodiit ex mortuis primogenitus omnis creature.

Quartò; si verum est, quod Epiphanius Sardæ adscribit, nempe *vulneribus ferro insitū & tumoribus medetur*; quid aptius ad Christi resurrectionem, per quam gloriosè admodum & miraculosè sanctissimi corporis Christi vulnera ac tumores sanati repente & in admirandam pulchritudinem conuersi sunt?

Quintò; ut significetur, postquam Christus ad immortalē vitam reuixit, nihil iam esse, quod ipsius infuscare gloriam aut inturbare possit; mirificè quadrat Plinianum illud, *Nulle gemmae tardius suffuso humore hebetantur*, quam proprietatem duabus gemmis Plinius idem adscribit, Sardonychi & Sardæ: quarū altera Christi animæ gloriam, altera corporis adumbravit.

Sextò; si inter Sardas nobilissima intra saxum generatur, ut Plinius ait: appositum id satis est symbolum ad miram Christi Domini in lapideo sepulchro regenerationem. Sic Paulus de Christi resurrectione explicat illud Psal. 2. *Ego hodie genui te.*

Septimò; quod Sarda, in xta Vincentium & alios, gaudiū accendat; maximè facit ad eum explicandum effectum, quem Christi resurrectio in discipulorum animis præstitit: in quibus gaudium ac lætitia Christi morte erant extincta; sed eiusdem iam suscitati gloriosus conspectus ea accendit. Hinc Ecclesia eo tempore illud sapienter iterat ex loannis Euangelio petiit; *Gausti sunt discipuli viso Domino.*

Octauò; ad significandum terrorem atque formidinem, quibus Dæmones ipsos Christi resurrectione percussit; mira est illa Sardæ proprietates, quæ supra ex Areta retulimus, nimirum *ferri terrorem incutit.*

Denique agilitatis ac subtilitatis dotes planum fit lapidi non oportuisse indi. At cetera omnia, quæ ad Christi resurrectionis symbolum possent optari, sapientissimè diuina providentia in vno Sardio cōiunxit & ad gloriæ dotes significandas satis videtur esse, quod in hac gemma conspiciamus.

Illud pro colophone desiderari videbatur, ut Sarda Christi resurrectionem à resurrectione iustorum distingueret. Licet enim iusti per Christi gloriæ imitationē sint ad beatam vitam excitati; in hoc tamen articulo non de iustorum resurrectione, sed de Christi Domini agitur: & iustorū resurrectio ad duodecimum Symboli articulū referuatur. Ad hoc igitur, quid aut elegantius aut congruentius, quàm pro Dominicæ resurrectionis symbolo eam gemmam fuisse selectam, quæ mater & origo sit illius gemmæ (nempe Amethysti) quæ duodecimū articulum figurat? Sardam igitur esse Amethysti matrem in superioribus vidimus.

Applicatio  
Sardij ad  
textum fidei  
articulum.

Æternus  
Pater cur  
supra ca. 4.  
ex Iaspide  
compositus  
& Sardio  
fuerit Ioan-  
ni visus?

Color Sar-  
dij carni  
translucida  
similis quid  
mysticè si-  
gnat.

Quod Plinius ait,  
Sarda fa-  
bulas vete-  
res superbi-  
re, quod sit  
symbolicè  
referendum

In Sarda  
vulneribus  
medente  
quomodo  
Christi re-  
surrectio  
figurata.

Sardas suf-  
fuso humore  
non hebetari,  
quid mysticè.

Sardas intra  
saxum ge-  
nerata Christi  
regenerationem in  
sepulchro  
adumbrat.  
Sardas gaudiū  
accendit, quid mysticè.

Terrorem  
demonibus  
in Christi  
resurrectione  
ne incussum  
per Sardam  
figurati.

Christi re-  
surrectionem  
esse primam  
& causam  
resurrectionis  
iustorum,  
in Sardio  
etiā in-  
nui.

Chrysolithi  
gemma natura  
& color.

Sub Chry-  
solithi no-  
mine duo  
gemmarum  
genera com-  
prehendi.

## NOTATIO XXI.

### De gemma Chrysolitho.

Chrysolithum  
gemmam à  
Chrysolica  
distingui.

**A**liquis nominum affinitate deceptus existimabit fortasse Chrysolithum gemmam, de qua nūc loquimur, esse eandem cum vulgari gemmulariorum Chrysolica; cuius color est viridis dilutus; & multis angulis laeuigari ac poliri solet, ut excitatiùs fulgeat. Vnde in eam quispiam forte cogitationem deueniat, ut opinetur in hac gemma esse aliquam viridis coloris, & auri permixtionē; atque adeo, quā aurum refert, Chrysolithi nomen fortiri. Verum, qui attentè Plinium, veteresq; alios auctores peruoluit, ignorantē obtendere non poterit; quin gemma, quā ipsi appellant Chrysolithū

**E**nihil aut viriditatis aut coloris alterius præter aurum habeat: quemadmodum & ipsius etiam nomen præ se fert. Nam Chrysolithus idem est, atq; gemma aurei coloris: vnde & Propertius eum appellat flauum. Plinij verba sunt; *aureo colore translucet.* Addit insuper, nobilioribus Chrysolithis auri colorem adeo esse accensum, ut in eorum conspectu ipsummet aurum à proprio colore desciscere, & in argenteum degenerare videatur. Aurum in colatione albicare cogit quadam argenti facie. Ex quo intelligitur, Latino Chrysolithi nomine duo gemmarum comprehendendi genera, quæ vulgò & Topa-

zij & prehendi.



zij & Hyacinthi nuncupantur, atque hæc posteriores accensum nimis auri colorem referunt; ex ipsaque reperiuntur Orientales aliquæ adeo pretiosæ, vt in ipsis verum planè comprobetur, quod Plinius ait; vt oculis ipse sæpè sum contemplatus, dum aliquam ex his gemmis cum auro contuli.

Dices; quanuis hic sit Plinianus vsus, vt Chrysolithum appellet gemmam illam, cui nullus alius inest color, præter auri translucidi; nihilominus in sacrarum Literarum vsu, videtur necessarium, vt Chrysolithus diuersum alium habeat colorem. Nam inter Rationalis gemmas nomini Chrysolithi respondet Hebraicæ Tharsis. Et quanuis pro Tharsis Exodi 28. Septuaginta & Vulgata transferunt Chrysolithum; & sic etiam nominat Iosephus: ipsum tamen nomen Tharsis reddit Vulgata Hyacinthum, Cantic. 5. 14. vbi legimus, *Manus illius tornantes, aureæ, plenæ Hyacinthus*. Et Ezechielis 1. 16. eidem gemmæ respondet nomen maris. Sic enim legimus, *Quasi visio maris*. Et ipsi maris nomini respondet Hebraicæ Tharsis. Idem etiam nomen reperitur Ezechielis 10. 10. vbi habetur, *Quasi visio lapidum Chrysolithi*. Ex quo manifestum est, idem esse debere, quasi visio maris, & quasi visio lapidum Chrysolithi. atque adeo necessario videtur dicendum, Scripturæ Chrysolithum marini esse coloris. Id quod ita arbitrat B. Porus: ait enim, Chrysolithum gemmam esse marini coloris similitudine, *Auro similis est* (inquit) *cum marini coloris similitudine*, qua in re videtur sanctus doctor habuisse respectum ad illa Virgati verba, *quasi visio maris*.

Septuaginta viri Ezechielis primo nomē Tharsis retinuerunt: at capite 10. 10. illud Carbunculi nomine reddiderunt. Hieronymus tamen & Theodoretus Ezechielis 10. 10. vbi legimus Chrysolithum, obseruauerunt, pro Chrysolitho aliquos ex antiquis interpretibus vertere Hyacinthum: quod Hieronymus Aquile, Theodoretus Symmachus attribuant. Præterea Arias Montanus cōtendit, quæ gemma hebraicè vocatur Tharsis, eam esse, quam gemmularij dicunt aquam marinam, hancq; nonnulli existimant esse, quam Plinius & antiqui Beryllum nuncuparūt: probatissimos enim Beryllos (ait Plinius) esse eos, qui viriditatem puri maris imitantur. Neque valde diuersi coloris sunt Beryllus & Hyacinthus. Nam de nonnullis Beryllis ait Plinius eos esse Hyacinthizantes: quod est ad Hyacinthi colorem vergere. His illud etiam adiungi potest, quod ex Hebraicæ vocis Tharsis nomenclatura difficultatem affert. Hieronymus enim notat, nomen Tharsis significare propriè mare. Nec verò color aureus quidquam habet cum marino commune; cum tamen magnam habeat conuenientiā maris color cum colore illius gemmæ, quæ marina aqua vocatur; itemque cum eo, quod Plinius de Beryllo tradit.

Ex hac ipsa difficultate, quæ in colore gemmæ Tharsis occurrit, anسانی quis arripit, vt asserat, eandem ipsam nostris interpretis & Septuaginta varietatem argumento esse, propriam significationem eorum nominum Hebraicorum, quæ gemmis Rationalis erat indita, ex hominum iam memoria fuisse deleta; atque adeo quando Vulgatus aut Septuaginta transferunt Chrysolithum vel Hyacinthum, non esse eorum mentem, vt hæc nomina strictim vsurpentur; sed per quam gemmæ specie confusæ sumptæ, quasi Chrysolithi, siue Hyacinthi nomen solum exempli gratiā ponatur. Ceterum hanc opinionem supra notatione quintā valde impugnamus: vbi ostendimus auctoritatem Septuaginta virorum & antiquorum interpretum, Hieronymi, & Augustini vrgeri, ne dubitemus, quin in Rationali gemmarum nomina vsurpentur iuxta eum sensum: quo & Græci & Plinius, ceteriq; antiqui scriptores accipiunt. id quod ita affirmo de Rationalis gemmis, vbi necessarium erat, ne nomina immutarentur. Quod verò commutentur alibi nomina gemmarum quarundam, id ad studiosorum virorum exercitationem Deo sic disponente, videtur factum. Atq; interpretes ea purgat ratio, quod vbi gemmarum

A Rationalis distributio & earundem euidens cognitio non cogebar ad eas proprijs nominibus distinguendas, potuit aliqua irrepere varietas: siue quia in Græcorum vocabulorum vsu erat inuicta; siue in aliquot locis parui erat momenti, vtrum hæc potius gemma, quam illa exprimeretur; siue etiam quia interdum aliena vox & translatitia significantius, quam propria, substituitur. Vt si in Ezechielis rotis, aliquando fortasse appositum Carbunculi nomen eandem haberet vim, ac si dicerentur rotæ ipsæ aurum referre adeo fulgens atque conspicuum, vt currus ipse auream quandam prunam imitaretur. Sic enim Hispani aliquando loqui solemus, *Hecho un ascua de oro*.

B Iam, quod nomen Tharsis in Rationali expressum non possit de Hyacintho explicari, sed de gemma, quæ aureo colore translucet: id ex Hieronymi admiratione planum fit. Sic enim ait, *Satis miror, cur Hyacinthus pretiosissimus lapis in horum numero non ponatur*. Certum igitur Hieronymo erat, Chrysolithum non esse posse Hyacinthum. Deinde, si euidens est duodecim Apocalypseos gemmas gemmis totidē Rationalis respondere: nihilo ineuentius; Rationalis Chrysolithum non fuisse Hyacinthum; cum in Apocalypsi duo sint omnino diuersi lapides Chrysolithus & Hyacinthus. His ipsis argumentis probatur, vocem Tharsis in Rationali positam, cui respondet Chrysolithus, aliam à Beryllo, à Carbunculo & à reliquis esse debere.

C Quod autē adducitur ex Vulgato, qui Canticorum 5. Hyacinthos pro Chrysolithis posuit; respondeo Hyacinthi nomini duplicem fortè significationem etiam olim fuisse: alteram iuxta vulgarem vsu hac tempestate receptum, in quo Hyacinthus nihil est aliud quam pretiosus Chrysolithus; ea scilicet gemma, quæ aureo colore translucet: alteram prout Hyacinthus Chrysolitho opponitur. Et in Exodo quidem, atque in Apocalypsi nomen Hyacinthi pro Chrysolitho vsurpari non poterat: quia tunc alia erat gemma Chrysolithus appellata. At in Canticorum loco non hæc militabat ratio. quare potuit ibi nomen Hyacinthi pro Chrysolitho vsurpari. Illud autem Hieronymus miratur inter Rationalis gemmas non esse proprium Hyacinthum, qui Chrysolitho opponitur, nam in altera significatione, qua Hieronymus ipse vtitur Canticorum 5. satis nouerat vbi erat Chrysolithus, & Hyacinthum esse: siquidem in ea significatione idem sunt. Quod si obijcias, hunc vsu esse recentem: respondeo, nouum item videri vsu, quo Topazius vocatur quædam Chrysolithi species: cum tamen huiusmodi vsu, qui nouitatem videtur præ se ferre, nonnulli Strabonis esse credant, 1. 16. Geographiæ, vbi sic habet; *Topazium est lapis pellucidus colore aureo resurgens*. quibus verbis non de nitore, sed de proprio ipsius colore videtur agere: de quo tamen latius infra in Topazio. Porro si idem esset vsus Psalmi 118. versu 127: *ideo dilexi mandata tua super aurum & Topazium*: optima erat coniunctio. Nam in ea gradatione ab auro opaco ad aurum translucidum ascenditur; & vtrique Dei mandata præferuntur. In Hebræo tamen non est ibi Tharsis, sed *mapaz*.

D Ad illud Ezechielis 1. 16. *Quasi visio maris*, Respondeo nomen maris Hebraicæ phrasi tribui auro & Chrysolitho; non quidem propter colorem, sed quia ex transmarinis locis asportabantur (nam & Plinius tradit pretiosiores Chrysolithos esse eos, qui ex India assebantur.) Vnde quasi visio maris non ibi significat maris colorem illius gemmæ, cui Hebraicè nomen Tharsis (quod sonat mare) attribuitur. Constat enim Ezechielis 10. 10. de gemma Chrysolitho sermonem institui: nec verisimile est, gemmā coloris marini nomine Chrysolithum appellari. Si autem nomen maris apud Ezechielem cap. 1. propterea solum ponitur, vt Hebraici nominis etymologia indicetur: nouum non est, nomen aliquod ratione etymologi imponi illi rei, cui nihil est commune cum eo, quod nomen ipsum sonat, sic hispanicè albi lateres atqui lutei vocantur, Azulejos.

Nomen Tharsis in Rationali pro Hyacintho accipi non posse.

Difficultas supra posita sit satis.

Responsio ad id, quod ex Vulgato Can. adducebatur supra.

Responsio ad difficultatē supra ex Ezechiele petitam.

Difficultas contra prædictam Chrysolithi naturam, colore ex Hebraico nomine Tharsis.

Virum Septuaginta Chrysolithum ab Hyacintho expresse distinxerunt.

Cur aliquot gemmarum nomina in sacris immutata inter se commutentur.



Si vero adhuc vrgeret aliquis, apud Ezechielem marino colore esse debere gemmam, quæ Chrysolithus nominatur: in gemmis salte Apocalypseo (& consequenter in Rationalis) perperam Chrysolithi nomen in alio accipitur sensu ab eo, quæ Plinius & alij auctores antiqui Græci atque Latini vsurpant, quemq; Græca ipsa vox sonat. Presertim si attendatur allusio bis in hoc capite à Ioanne facta ad Chrysolithi gemmam: scilicet n. 18. ijs verbis: *Ipsa verò civitas aurum mundum, simile vitro.* Quæ est veluti descriptio præferens id quod Chrysolithi nomine importatur. Et similiter n. 21. *Platea civitatis aurum mundum tanquam vitrum pellucidum.* Et fortè in hoc distinguuntur Chrysolithus & Chrysolampis (cuius meminit Plinius, & de eo asserit, *Aurum videtur esse*) quia Chrysolampis pellucidus non est.

Chrysolithi proprietates, quas Ræus, Berchorius

A & alij plures tradunt, sunt huiusmodi: *Valde confert aduersus pusillanimitatem, & contra motus melancholicos.* Addit Ræus, se frequenter expertum, valde etiam contra nocturnos timores atque molestias prodesse. Abulensis Exodi 28. adiungit (pro quo etiam veterem citat auctorem) valere item aduersus Demones.

Isidorus de Chrysolitho sic scribit: *de die videtur aureus, de nocte igneus.* Id quod etiam refert Abulensis Exodi 28. Quo quidem videtur asseri, Chrysolithi in nocte plus, quam in die suum splendorem detegere. Quod etiam Topazio lapidi tribuunt alij. Nam Eustachius in commentario Dionysij Africani cap. 141. agens de Topazio affirmat, eum noctis tempore egeri solere, quo lucefcit clarius; de die enim à sole extingui solere. Idè Plinius attribuit Chrysolampi cap. 10. ait enim, *Chrysolampi in Æthiopia nascitur pallidi coloris die, noctu ignei.*

Chrysolithi vis aduersus pusillanimitatem & timores nocturnos.

Chrysolithum de die aureum, de nocte igneum videtur.

## NOTATIO XXII.

### De gemmæ septimæ ad septimum articulum applicatione.

Septimi Symboli articuli declaratio, & Chrysolithi ad eum applicatio.

A Articulus Symboli septimus sic habet: *Ascendit ad celos, sedet ad dexteram Patris.* Apocalypsis verò sic: *Septimum, Chrysolithus.* Docet nos articulus, Christi ascensionis diem, ipsius etiam coronationis diem fuisse. Et quanuis à mortuis excitatus è sepulchro prodierit rerum omnium Monarcha declaratus (ad Roman. 1. 4.) nihilominus quemadmodum postquam summus Pontifex est electus aliqui transiguntur dies, priusquam coronetur: ita etiam Christi Domini coronationem per dies quadraginta fuisse protractam: quoniam ita fieri oportebat ad firmandam & roborandam Apostolorum, discipulorumque fidem, & ad multa Catholicæ Ecclesiæ instituta itabilienda. Hisce autem diebus, licet externa Christi Domini facies conspicua & admirabilis fuerit: vt tamen ad agendum cum discipulis apta foret: dubium non est, quin minorem præ se tulerit splendore ac maiestate, quam postea retecturus erat. Verum vbi tempus atque hora peruenit, quæ ad gloriosum ipsius triumphum, & ad regni coronam ac possessionem capeffendam ab æterno Patre erat destinata: tunc quanta fuerit, quamque excellens gloriæ & amplitudinis demonstratio, nullis verbis exprimi potest. Propter hunc ipsum maiestatis & gloriæ diem, dixit Ioannes in primo sui Euangelij capite: *Vidimus gloriam eius, gloriam quasi unigeniti à Patre.* Nam nullo alio die fuit tanta tamque perfecta & integra Christi gloriæ ostentatio, nec adeo ipsius personæ auctoritati consentanea. Quam omnem gloriæ & amplitudinis excellentiam non solum in ipsa Ascensione Christus accepit: sed etiam in omnem sæculorū æternitatem possidet. Quin etiam dum hæc rerum creaturarum vniuersitas integra & erecta consistet, in Christo ad Patris dexteram sedente habemus Christiani omnes clementissimum pariter ac potentissimum aduocatum, qui semper pro nobis diuini Parentis misericordiam sollicitet. Atque huiusmodi fauore, & patrocinio excitati omnes formidinem, debemus expellere, quam ex propriorum scelerum conscientia, possemus contrahere.

Aureus Chrysolithi color quam sit appositus ad Christi in celos ascendentis gloriam & maiestatem figurandam.

Ad huiusmodi articulum figurandum proponitur nobis Chrysolithus; qui (vt præcedenti notatione vidimus) gemma est aureo colore translucens. Inter colorum autem varietatem, licet alij alijs maxime aptentur rebus ac symbolis (vt viridis spei; cæruleus cælesti significationi; albus sanctitati) ad gloriam tamen, maiestatem, & splendorem indicanda nullus alius color reperiri potest aptior, quam auricius proprium est epitheton, quod micans sit. Ad huius igitur rei symbolum tantum color aureus ceteris præstat coloribus, quantum vestes ex auro elaboratæ sericis omnibus præstant. Atqui vestis aurea apposita valde est,

B vt gloriosissimum sit principis indumentum. Vnde vt Reginam quandam debita sibi maiestate visenda David depingeret, sic ait Psal. 44. *Aspexit Regina à dextris tuis in vestitu deaurato.* quasi diceret vulgari Hispanorum idiomate, *vestida de brocado de tres altos.* Quod etià Latinus fortasse Poëta respexit Æneid. 1.

*Cum venit, auleu iam se Regina superbi,  
Aurea composuit sponda, mediamque locauit.*

Et eam ob rem myltici Salomonis reclinatorium est aureum Cant. 3. 10. quod haud dubie indicatur in perantiquis picturis etiamnum Romæ extantibus, vbi Christus Dominus in sella ac throno sedens, & lutea indutus veste conspicitur per coloris aurei imitationem; sicuti à pictoribus aureus color referri potest, nam & is color luteus à pictoribus vocatur auripigmentum.

C Non ignoro, Plinium lib. 33. cap. 3. ne nimis auricupidus videatur, propensiores se ad argenteum colorem ostendere; quod argentum ipsum & clarius esse dicat, & dici similis, & longius ipsius splendore enitescere. Verum enim verò quidquid hac de re Plinius dicat, Sol reliquorum luminum princeps nobis auratis radijs euidenter ostendit, nullam perspicuitatem auro clariorem reperiri, neque aptiorem ad gloriæ, maiestatis & splendoris symbolum; vtque quicumque aurato est indutus amictu, videatur amictus lumine sicut vestimento. Atque hæc saltem est communis, & ab omnibus recepta consensio, aurum videlicet ceteris siue coloribus, siue metallis esse gloriosius. Quapropter Plinius ipse lib. 9. cap. 36. Aurum appellat triumphale; innuens, opinor triumphatores olim auro amicti solitos. Ex quo intelligitur ad Christi triumphum & gloriam figurandam appositissime colorem aureum desumi.

D Ad hæc; quemadmodum Chrysolithus aureus nobis colore obijcit ob oculos; ita etià eo ipso representat quæcunque in auri proprietatibus adumbrantur; nempe æternitatem, summam perfectionem, munditiem maximam, aliaque complura à nobis expressa capite 1. notat. 12. Quapropter dū spiritus sanctus Chrysolithum (quæ aurea est gemma) ad septimi articuli significationem vsurpat, nobis indicat Christi solū esse æternū regnū & summè perfectū & ab omni defectu prorsus alienū: aureus ite illius color symbolum est perfectæ felicitatis & abundantie.

E Præterea Chrysolithus auro addit perspicuitatem, atque vt ita dicā, diaphaneitatem. quod discrimen Ioannes obseruasse videtur; quando adeo accuratè seanel atque iterum dixit; *Ipsa civitas aurum mandum simile vitro.* Et infra; *Platea civitatis aurum mandum tanquam vitrum pellucidum, siue, diaphanum.* (vt est in Græco.) Quibus verbis Ioannes innuit, ciuitatis ac plateæ aurum ad Chrysolithi imi-

Plinio colorem aureum (immerito tamen) argenteo postposit.

Aurum triumphale à Plinio vocari.

Aureus Chrysolithi color quid mystice nobis innuat.

Mystica consideratio discriminis inter aureum Chrysolithi colorem & colorem ipsum auri.



rationem esse translucidum. Cuius rei mysterium illud esse suspicor: cum auri color & splendor congruenter gloriam atque triumphum designet; ut perfecta omnino gloria & omnibus absoluta numeris denotaretur, perspicuitatis, siue diaphaneitatis ratio addita fuit. Quemadmodum enim id vnum in vitro optari posse videbatur, ne fragile foret: ita etiam illud in auro optandum maxime erat, ut perspicuum esset. Ut igitur significetur Beatorum gloriam (quā ipsi ex Christi gloria participarunt) perfectam esse & cumulatam, atque omnia animi vota explentem: idcirco Ioanni ciuitas tota ex auro pellucida fuit ostensa. Quod autem Christi gloria nō in auro translucida, sed in Chrysolitho sit figurata; id denotat Christi gloriae excellentiam, prae qua suū splendore ac pretium gloria Sanctorū videtur amittere: sicut aurum cum nobilissimo Chrysolitho comparatum, quasi degenerat; ut supra ex Plinio retulimus.

Iam, quos animos ac vires Christiano homini suggerat Christus ad Patris dexteram aduocatus sedens, aduersus timorem ac trepidationē ex peccatorum conscientia conceptam; id apertius explicuit Ioannes epistola 1. cap. 2. n. 1. *Sed et si qui peccauerit; aduocatum habemus apud Patrem Iesum Christum iustum.* Ad huius rei significationem optime conducit illa Chrysolithi proprietas; qui (ut supra meminimus) aduersus pusillanimitatem & melancholicos motus imprimis valet. Nec abs re est, quod ex Ruei experimento tradidimus de ipsius gemmæ vi contra noctis timores ac molestias. Nā conscientiae scrupuli ac morsus eō deducunt; quod Iobus significat cap. 7. 14. *Terrebus me per somnia,* quas tamen formidines ac terrores mysticus expellit.

A Chrysolithus. Quod si quispiam tantopere animi scrupulis & anxietatibus premitur, ut vixdū respirandi locus sibi superesse videatur (ut Gregorius Magnus de quodam Monacho prodit) confert etiam quod gemmularij de Chrysolitho tradunt; eum respirationi imprimi prodesse, atque ipsius ope maxime recreari, quod pectoris premuntur angustijs.

B Denique Diuina prouidentia in vno coniunxit Chrysolitho, quidquid ad Christi gloriae triumphum, ad perfectam beatitudinem, ad nostrae deiectionis solatium poterat symbolicè figurari. Dicit tamen aliquis ad clarissimam hanc significationem non parum conducere videri, vti Chrysolithus maioris esset æstimationis gemma. Respondeo, ad huiusmodi symbola eleganter exprimenda nō tam vulgare pretium attendi debere, quam fundamentum in optima proportionē ac philosophia firmatum, ut huiusmodi Hieroglyphica congruenter diuidantur. Præterquam quod Orientalis Chrysolithus pretiosissimus iure optimo inter nobiliores gemmas computatur. Et quidem, quod ad pretij diuersitatem attinet, pro temporum varietate & Principum libitō solet multa induci vicissitudo. Ceterum esto, Chalcedonius (siue Carbunculus sit, siue Adamas) & Smaragdus etiam sint gemmæ multo ex se pretiosiores: certe gloriae & maiestatis species ac figura in Chrysolitho magis enitescit. Quod & harum gemmarum mysterio consentaneum est; cum Christi Domini incarnatio, atque passio sint ex semet præstantissima Dei opera: quemadmodum nobilius est facinus victoria, quā triumphus; quantumuis triumphus ipse maiorem præ se ferat amplitudinem & gloriam.

Difficultas diluitur.

## NOTATIO XXIII.

### De Beryllo octaua gemma.

Sunt, qui putent Beryllum & Smaragdum eiusdem esse coloris: cum eo dumtaxat discrimine, ut Smaragdinus color sit lucidior; at color Berylli sit ex se furdus, ut Latini loquuntur; & propterea fuisse opus olim, ut multis angulis poliretur ad ipsius colorem magis excitandum. Fulcitur hæc opinio Plinij verbis, qui lib. 37. c. 5. postquam de Smaragdis verba fecit, mox subdit, eandem multā naturam aut certe similem habere Berylli videntur. Et paulo infra, Poliuntur omnes sexangulæ figuræ artificum ingerys; quoniam hebescent, nisi color furdus repercussu angulorum excitetur. Ad hæc; quemadmodum Smaragdus & Beryllus eo solum inter se distinguuntur; ut alteri color excitior, alteri languidior sit: sic etiam cap. 8. Plinius prius recenset Topazios porraceos, magni tamē splendoris: deinde Prasios enumerat, qui eundem habent colorem; viliores tamen sunt. Atque in Topazijs sunt & Prasioides & Chrysoprasij: ita etiam inter Prasios & merè Prasij reperiuntur & etiam Chrysoprasij.

Ceterum existimo, inter Smaragdum atque Beryllum manifestam reperiri differentiam, non in splendore solum atque fulgore, sed in ipso etiam colore: Etenim Smaragdum nemo vocabit, opinor glaucum: at Beryllum appellat glaucū Tryphiodorus in poematio de Troiano excidio: ut referunt Scapula, & Adrianus Iunius in suo Nomenclatore. Solinus item cap. 65. de Beryllis agens sic ait: *Eximij interuentē glauci & cerulei temperamento, quandam præ se ferunt puri maris gratiam.*

Hoc tamen ut amplius intelligatur, discutiamus oportet, qui color propriè glaucus nominetur. Multi enim glaucum colorem cum ceruleo & cyaneo confundunt: nec eo inficias, solere aliquando confundi. Verum exactius est, discriminē inter glaucū & ceruleū assignari. Constat hoc primò ex Ari-

D stotele lib. 5. de Generatione animalium initio: vbi explicat, qui oculi vocentur glauci, qui cerulei. Et quidem pro glaucis interpretes cæcios transtulit; & sic habet; *Cæsy, qui parum habent humoris; ut in mari etiam cernitur.* Etenim quantum eius satū transpiciatur, cæsum apparet (græcè glaucum) quantum minus, aquinum (græcè Hydratodes); quantum præ gurgite alto non præfinitur; id opacat, et nigrum aut ceruleum (græcè Cyanoides) sentiunt. Vides manifestum discrimen inter glaucum & ceruleum colores.

Deinde, ex Solini verbis liquet, duos hosce colores esse inter se diuersos: ait enim, perfectissimū esse, ut Beryllus sit temperatus ex glauco & ceruleo. Tertiò, Dictionaria omnia supponunt glaucum colorem esse viridem: sic nanque definiunt; *Glaucum quod admistum habet quandam viridi colori altorem.*

Quarto Robertus Constantinus in suo græco latino lexico, verbo *γλαυκός*, ait; *Glaucus color non nihil à ceruleo diuersus est. vterque ad viridē tendit; dilutior est glaucus ad album vergens; saturior, intensiorque cæsus & lucidior in confinio fului positus. Itaque sit, ut propter affinitatem aliquando sumatur glaucus pro cæso.*

Aduerte insuper, apud Latinos nomen viridis ad ceruleum etiam, ut videtur extendi: Gellius enim lib. 2. c. 26. refert de Virgilio; *Colorem equi significare viridem volens, potuit ceruleum dicere magis, quā glaucum: maluit tamen glaucum dicere.* Hæc ille; cuius loci gratiā non deest, qui viridē maris colorem cum ceruleo velit permiscere; asserens nimirū magnam esse vtriusque inter se cognationē. Et manifestum est, sub glaucorū oculorum nomine comprehenditū virides, tū quos Hispani appellamus *Zarcos*, qui sunt cerulei. Nam Plinius inter colorum discrimina, quæ in hominum oculis obseruat, neutiquā distinguit virides ab ijs, quos ceruleos, siue *Zarcos*, dicunt: atqui constat virides oculos reperi.

Discrimen inter glaucum & ceruleum colores.

Nomen viridis, apud Latinos ad ceruleum aliquando extendi.

Enim

Chrysolithi vis ad depellendum timorem quid symbolice præsentet.

Num Beryllus & Smaragdus sint eiusdem coloris? Pars affirmans proponitur.

Pars tamen negans ab Auctore statuitur.

Explicatur amplius assertio prædicta.



Berylli color  
quomodo à  
Plinio &  
Solinio  
exprimatur

De quo puri  
maris colore  
Plinius &  
Solinio  
qui videan-  
tar, cum ei  
colorem Be-  
rylli compa-  
rant.

Quae sint  
gemmae, quae  
dicuntur a  
qua marina

Chrysolica  
gemma quae  
sint.

Chrysolicas  
videri spe-  
ciem esse  
Berylli.

Glaucum  
colorem esse  
viridem  
clarum.

Quam in  
figuram Be-  
rylli olim  
calari sole-  
rent.

Enim verò ut res se habeat, qua Plinius & Solinus utuntur comparatione ad Berylli exprimendū colorem, ea est à puri maris viriditate petita. Plinius cap. 5. *Probatissimi sunt, qui viriditatem puri maris imitantur.* & Solinus ca. 65. *Eximij quandam praeferunt puri maris gratiam.* Certè ad Smaragdi colorem, significandum hac illi comparatione nequaquam vterentur. Tamen enim mare viriditatem saepe ostendit; ille tamen color viridi claro componitur in cæreum nonnihil vergente, ut fatentur, qui id attentè considerant. id quod Solinus in praedictis verbis indicat. Si verò diligenter expendatur Plinij & Solini phrasis, dum de Beryllo loquentes eum puri maris viriditati comparant; illa puri maris loquutio ad illud referri tempus videtur, cum caeli color in ipso mari non imprimitur: tunc enim, cum mare caelo speculi instaret, cæreum prae se fert colorem, qui caesius propriè est: quippe etsi aliqui contendunt, caelum etiam nonnunquam viride apparere: id tamen rarissimū est. At in mari pacato atque tranquillo sub solis occasum frequenter viridis cernitur color, ut experti testantur. Tunc autem locum habet illa puri maris loquutio, quasi alieno colore minimè infecti. Porro illud viride, quod tunc in mari dispicitur (praesertim ubi non est magna aquarū profunditas) perspicuitatem habet vergentē in cæreum: atque hic est proculdubio legitimus eximij Berylli color, ut ex supra allatis constat.

Inter eas verò gemmas, quarum hodie nobis fit copia; quaedam reperiuntur, quas vulgari appellatione aquas marinas dicunt; easque gemmularij volunt, veros esse Beryllos. Ego tamen doctis expendendum relinquo, an ijs gemmis conveniat, quod Plinius & Solinus de Beryllis memoriè prodiderunt. Aliæ sunt gemmae, quas vulgò dicunt Chrysolicas; hæc autem sunt viridi colore perspicuo, diuerso prorsus ab Smaragdino. Huiusmodi Chrysolicas ipse autumo esse speciem Berylli; quia ipsarum color est viridisclearus, nec absimilis oculorum viriditati; qui color propriè est glaucus, ut in superioribus ostendimus. Et quāvis in ijs Chrysolicas, quas ipse viderim, nondiscernam illam cæreulei misturam, quam requirit Solinus: illud tamen Beryllis commune est, ut glaucus eorum sit color, qui viridis est clarus, admissumque habet virori quendam alborē: atque hoc ipsum in Chrysolicas reperimus cum similitudine viriditatis, quam in mari puro intueri licet: esto, in hodiernis Chrysolicas (quas quidem mihi videre contigit) non inueniatur eximia illa glauci & cæreulei permixtio.

Quod autem Chrysolicae sint Berylli species; inde videtur conijci, quod huiusmodi gemmas omnes compluribus angulis politas in superiori gemmae parte siue umbone cernimus. Vnde colligitur ipsius colorem esse surdum, ut Plinius ait; atque ad eum amplius excitandum totā illā angulorum multitudinem, opus esse, iuxta Plinij & Solini de Beryllis præceptiones. Nam Solinus similiter ait; *Beryllas in sexangulas formas atterunt; ut hebetem coloris leuitatem angulorum percussu excitent ad vigorem.*

Præter hæc, ut glaucum esse viride clarum confirmetur, obseruandum est, quas Latini res glaucas appellarint, nimirum oliuas, salices & alia huiusmodi. quorum viriditas claritate diluitur, & nonnihil in cæreum tendit. Atque hæc de Beryllorum colore; eorum praesertim, qui probatissimi censebantur. Alias enim species ignobiliores omittō: de quibus consulat, qui volet, Plinium & Solinum.

Nunc ad figuram, qua poliebantur Berylli, pergamus. Receptior, aut saltem pluris habita erat in

A speciem columellæ sexangulæ & oblongæ; quoniam summa commendatio in longitudine, ut Plinius ait. Cui etiam concinit Solinus; cuius ea sunt; *Indici reges hoc genus gemmarum in longissimos Cylindros amant fingere.* Et quāvis Cylindri nomen non præferat angulos; eos tamen manifestè præscribit Solinus.

Ex hisce Solini verbis elicitur, eximios Beryllos estimari quondam solitos pro gemmis Regum proprijs: & speciatim nouimus illis Regum scepra exornari solere. Quintus enim Curtius lib. 9. affirmat sceprum aureum, quod Alexandro Sophites dono dedit, Beryllis fuisse distinctum; *Baculum aureum, ait, Berylli distinguebant.* Et Regis Porcenæ Berylli meminit Augustus in Epistolis ad Mæcenatem.

B In vsu insuper erat, ne Berylli auro siue argento induerentur; sed nudi insererentur: quod inter gemmas omnes Beryllus crederetur melius & venustius apparere nudus. Vnde Plinius; *Solos gemmarum esse prædicant, qui carere auro malunt.* quali diceret proprium ipsorum vsum, & eorumdem naturæ magis consentaneum esse, ne aliquo siue auri siue argenti indumento exornentur.

Duas alias proprietates multi de Beryllo tradunt. Prima est, *prodesse eum pugnantibus, & contra segetem pollere.* Altera, perutilem esse aduersus nimium humorem, qui ad oculos & guttur solet effluere.

Adrianus Iunius in suo Nomenclatore affert Marbodij versum, in quo de Beryllis agit. Et quāvis communis eius lectio sit,

*Eximios oleo similes, lymphæ marine.*

C Ipse tamen quendam manuscriptum sectatus, contendit legendum fore; *Eximios violæ similes.* Ceterum expensis ijs, quæ Plinius & Solinus de Berylli colore attestantur; ipse legerem; *Eximios oleæ similes.* Licet enim Beryllum tradant oleacei coloris reperiri: hic tamen non est probatior, nec qui in violaceum colorem declinat. Quod si aliquis datur huic colori affinis: violæ tamen esse similem Amethysti proprium est. Oleæ verò tribui solere, sicut & Beryllo, glauci epithetoniam supra notauimus.

Ut autem certò statui posset, quisit propriè glaucus color, magni interesset noctuarum oculos attentè inspicere. Noctuarum enim vocantur glaucae, & ex colore, qui ipsarum inest oculis, nomen ad alia transfertur. Verum quis nouit, nū omnes noctuarum eundem oculis habeant colorem? & utrū noctuarum regionis huius Athenientium oculos eodem colore imitentur?

Palladi priscæ fabulæ glaucos oculos tribuerunt, ut sæpe apud Homerum & Hesiodum. Huius figmenti ratio illa occurrit. Quia glauci oculi terrorem incutere dicuntur: atque ita Deam armipotentem decebat. Dracones itē glaucis oculis sunt. Et Cornelius Tacitus scribit Germanis oculos esse truces; & huiusmodi etiā oculos Neroni fuisse tradunt. Licet autem affirmet etiā Aristoteles esse cæreuleum oculorū colorem, qui timiditatis indicium sit: sed proprius Berylli color fortasse refert leoninos oculos, aquilinos & Palladios, qui terrorem incutiunt.

E Aduersus id, quod supra dicebamus, proprium maris colorem viridem esse, cum alieno colore non inficitur; obijciat aliquis semper mare esse veluti speculum: atque adeo semper alienum colorem referre. Huic obiectioni respondeo, saltē illam videri communem vel opinionem, vel loquendi consuetudinem; ut constat phrasi Plinij atque Solini, de viriditate puri maris.

Georgius Agricola. 6. fossilium fol. 285. agens de Beryllis, Color (ait) est illis viridis; sed multum dilutus.

Eximios  
quendam  
Beryllus pro  
gemmis re-  
gum proprijs  
fuisse habi-  
tos.

Beryllum  
olim non a-  
uro indui so-  
litarum: &  
quam ob  
causam.

Beryllum  
contra se-  
getem vale-  
re, & pro-  
desse pugnan-  
tibus.

Color glau-  
cus oculorū  
noctuarum pro-  
prius.

Palladi cur  
glauci oculi  
à Poëtis o-  
lim tributi.

Glaucos o-  
culos ad  
terrorem in-  
cutiendum  
valere.



## N O T A T I O XXIV.

## De octaua gemma cum articulo octauo comparatione.

Octauus  
Symboli  
articulus  
quid nobis  
credendum  
proponat.

**O**ctauus articulus sic habet; *Inde venturus est iudicare viuos & mortuos. Apocalypsis; Octauum, Beryllus.* Quod ad articulum spectat, in eo nobis proponitur, Christum assertorem nostrum ac vindicē tandem venturum, vt vniuersos homines (tam eos qui viuunt tēpore legis gratiæ, quā eos, qui prius ē viuis exceſſerāt) de propriis factis siue bonis siue malis iudicet. Vbi non de singulari cuiusque iudicio, quo sub ipsum animę egressum ē corpore iudicatur; sed de vniuersali sub mundi finē futuro agitur. Quauis enim vniuscuiusque causa ante extremum illum diem iam fuerit decisa, & sententia lata, atque exequutioni mandata: verū vt de singulorum causis atque sententijs apud vniuersos constet; vtque euidenter appareat in ijs omnibus, quantopere Dei gloria, æquitas & integritas effulſerint; idcirco diuina prouidentia statuit, ac præſignit certum quandam iudicij vniuersalis diem: in quo omnium ac singulorum causis inter sese collatis, diuinæ iustitiæ perfectio & arcāni ipsius consilij celsitudo emineant. Hic est diuinæ prouidentię scopus: in cuius operis consideratione protinus mentem subit illius extremi iudicij cum æquitas, cum horribilitas. Neminem enim tunc alicuius aut fauor aut gratia aut præsidium tuebitur: sed omnes pro suæ causæ meritis integrè & incorruptè iudicabuntur.

Vidimus pro huius articuli symbolo Beryllum accersiri: cuius color viridis est, quem maris puri vocant, vt Plinius & Solinus loquuntur. Atque hanc gemmam antiqui glaucam nuncuparunt; sicuti præcedenti notatione disputatum est.

Imprimis ergo ad eius dici horribilitatem inuendam congruentissimè assumitur inter gemmas illa, quæ glauca est. Communi enim consensione receptum erat, glaucos oculos, quauis alioqui pulchros, terribiles tamen esse, id est, terrorem atque horrorem inferentes. nam eiusmodi sunt draconum oculi, leonum & aquilarum; & iidem etiam notati sunt in Nerone. Quin & Palladem bellorum præsidem antiquitas glaucis oculis (vt diximus) effinxit, vt eius seueritatem innueret. Vnde & verbum græcum γλαυκός idem est, atque terribilibus oculis intueri; quod Homerus & Hæſiodus leoni adscribunt. Si ergo glauci oculi pro terrificis ac formidandis sunt habiti; quis color esse potuit aptior ad eius proprietatem gemmæ, quæ extremi iudicij diem representat; de quo iohannis 2. num. 11. dicitur; *Dies Domini terribilis valde.* Lege item Iobi cap. 16. 20. *Collegit furorem suum in me, terribilibus oculis in me intuitus est.*

Secundò, ad vniuersalis iudicij seueritatem significandam, cum omnes iuxta sua tantum merita absque alicuius fauore iudicandi sunt; mirificum est illud, quod de Beryllo tradit Plinius; *Solos gemmarum esse prædicant, qui carere auro malint.* Si ergo Beryllus non admittit aut aureum indumentum, aut argenteum; elegantissimè ad extremi iudicij symbolum vsurpatur: in quo singuli secundum propria merita sunt iudicandi, nec alicui gratia seu fauor cuiusquam adiumento erit. Pretiosus quidem lapillis, ex auri societate non nihil solet splendoris & claritatis refundi: at extremo illo vniuersalis iudicij die totus orbis Berylli instar erit omni prorsus alieni splendoris fuco spo-

**A** liatus. Omnes enim ante supremum illud tribunal sumus sistendi aliorum ope & auxilio destituti.

Ad hanc ipsam significationem conducit communis antiquorum consensio, qui vt proprium Berylli colorem rectius exprimerent, similem esse dixerunt viridi puri maris colori. Et verò animaduersione dignum est, mare purum à priscis non appellari, cum cæruleum refert colorem; sed quando Beryllum imitatur. Quo si illud innuere veteres voluerunt, tunc scilicet mare non alieno colore, sed propria amictum conspici: quid aptius, vt figuretur humanum genus postremo illo die puro ac proprio suorum siue meritorum siue demeritorum colore visum iri; non verò alienæ gratiæ aut fauoris colore infectum? Ad vniuersum illud nationum omnium cœtum indicandum apposita est maris figura. Deinde vt significantur omnes puro ac nativo meritorum colore, non alienis pigmentis eò producendi, mirificus est Beryllus; quæ gemma est nullum alterius metalli indumentum admittens, & puri maris referens colorem.

Præterea, quod Berylli pluribus angulis soleant calari, vt lucis repercussus omni ex parte retegat splendore, qui antea non ita percipi poterat; idinquam maximè facit ad rem, vt adumbretur diuinæ prouidentię consilium, quæ homines vniuersos in iudicium coget; vt omnium ac singulorum causis inter sese collatis, diuinæ iustitiæ præstantia, & ipsius consiliorum celsitas innotescant. tunc spectat, quod gemmularij splendorem, quem gemma angulorum repercussu excitata recipit, vocare solent, *Brillar*; quod deriuari videtur à *Beryllare*; quod est imitari Beryllum, dum lucis radiorum pariter consuetum reflexu, lucidus ac splendidus apparet. Quanta autem diuini iudicij gloria & splendor sint eo die futura ex causarum omnium concursu & inter se comparatione; id Theologi rectè expendunt, pro quo lege Iosephum Acoſtam de nouissimis temporibus lib. c. 8.

**D** Ex ipsa viridis coloris in Beryllo apparētis perspicuitate prouenit, vt sit maximè translucidus, & oculorum obtutibus faciliè peruius. quod congruit cum maxima illius dici euidentia de singulorum conscientijs.

Iam, quod de Beryllo traditur, eum scilicet & prodesse pugnantibus, & contra segnitie valere; ad illud potest aptari emolumentū, quod ex attenta vniuersalis iudicij commentatione percipitur. Ea enim cōsideratio efficax imprimis est ad inertiam atq; segnitie depellendā, & ad viriliter pugnandū aduersus infeltoſ animi hostes. Sic sibi ipsi prodit Hieronymus meditationem huiusmodi maximè vtilitati fuisse; quippe qui semper sibi auribus videretur excipere horrifonum illius tubæ clangorem, quo mortui omnes sunt excitandi, & ad iudicium euocandi. His etiā concinit, quod ex Rueo, Berchorio & alijs docuimus, Beryllum scilicet esse perutilem aduersus eos morbos, qui ex nimio humore in oculos atque guttur defluente contrahuntur. Ecquis enim est noxius humor, nisi effrenatę cupiditates ac vitia, quæ nobis mentis aciem obducunt, & strangulationem, atque adeo spiritalis vitæ iacturam minitantur? Quibus ex hostibus nos faciliè eripit seria & intentia horribilis illius dici recordatio.

Maris puri  
color Berylli  
attribuitur  
quid adum-  
bret.

Beryllus  
pluribus an-  
gulis calari  
solitus quid  
myſticè in-  
dicet.

Hispanum  
verbum  
brillar unde  
deriuatur.

Beryllum  
prodesse  
pugnantibus,  
& contra  
segnitiē  
valere, quid  
adumbrat.

Extremi iu-  
dicij medita-  
tio quā sit  
efficax.

Octauo fe-  
der articulo  
Beryllus ap-  
plicatur.

Glaucus  
Berylli color  
ad extremi  
iudicij seue-  
ritatem &  
horribilita-  
tem inuenden-  
dam aptus.

Quod Be-  
rylli non au-  
ro indui so-  
lerent, quid  
symbolicè  
in hoc arti-  
culo denotet.



## NOTATIO XXV.

## De gemma Topazio.

Topazium  
viridis  
coloris  
sit.

Vulgarem  
hodie Topa-  
zion ab eo  
esse diuer-  
sum, cui vo-  
ceres hoc  
nomen in-  
diderunt.

Quodnam  
viridis co-  
loris genus  
sit propriū  
Topazij.  
Topazij co-  
lorem esse  
porraceum.

Topazij co-  
lor num  
porri folia,  
an succum  
imitatur?

Quid sit  
apud Pliniū  
porri succus  
dum de To-  
pazij colore  
agit.

**P**rima de Topazio gemmā dubitatio est, vtrum  
necesse sit viridem illi esse colorem. Quos enim  
hodie Topazios vocant, & dācia Topazios esse di-  
cunt (sic enim tradit Georgius Agricola lib. 6. fos-  
silium) nihil habent viriditatis. Et quod amplius  
est, Strabo lib. 16. de eisdem Plinij Topazij agens  
(vt ex ipso patet contextu) non eis viridem colo-  
rem, sed aureum potius tribuere videtur: ait  
enim Topazion esse Chrysoidem. Nihilominus  
tamen ex Dionysio Afro, ex Orpheo, ex Theopha-  
sto, ex Plinio, & ex ceteris, qui ex eorū scriptis de-  
cerperunt, certum est, Topazion, de quo veteres  
loquuntur, viridem esse gemmam, vt ex infrā di-  
cendis planum fiet.

Ex quo duo eliciuntur: primum est, vulgarem  
Topazium non habere locum inter eas gemmas,  
quibus veteres nomen Topazij indiderunt. Alterū,  
quanuis Strabo viridem Topazij colorem non ex-  
primat, eum tamen haud dubie supponere. Quini-  
mō quantunvis Topazius sit viridis; cum hoc itat,  
eximium Topazium esse pariter Chrysoidem, id  
est auri fulgorem ex se emittere, de quo infrā. Plin-  
ius enim, qui viridi Topazios colorem esse tradit,  
aliquem eis simul splendorem aureum attribuit,  
nec solum alteri Topazij speciei, cui nomen Chry-  
sopasios; sed etiam alteri, cui Prasoides. Nam ex-  
presse ait, Chrysopasium esse magis aureum, quā  
alteram Topazij speciem, quā Prasoides nuncu-  
patur. Ex quo intelligitur, vtramque gemmā huius  
speciem nonnihil aurei coloris habere: alioqui cō-  
paratio esset inepta. Fortē etiam Strabo de secun-  
da Topaziorum specie sermonem instituit, quam  
Plinius Chrysopasio similem esse tradit.

Altera de hac gemmā dubitatio esse potest, quod  
genus viridis coloris illud sit Topazio a veteribus  
tributum? Omnes ad eius colorem explicandum,  
porri comparatione vtuntur. Vnde cum duplicem  
tantum Topaziorum speciem Plinius tradit; in v-  
triusque nomine exprimit, ipsius colorem esse por-  
raceum. Nam græcum porrorum nomen est prasos;  
& ex Topazij altera species Prasoides, altera Chryso-  
pasios vocatur. Ex quo liquet, in vtrāque specie co-  
lorem porri distingui.

Verū suboritur hinc questio; vtrumne Topa-  
ziorum color, folia porri, an ipsius succum imite-  
tur? Plinius certē sic habet; *Eius similitudo ad porri  
succum dirigitur.* Tametsi autem hac verba non re-  
ferat aliquis ad vtramque Topazij speciem, sed  
tantum ad secundam: ceterum de vtrāque specie  
sunt citra dubitationem intelligenda. Et sic Plin-  
ium intellexit Georgius Agricola lib. 6. de fos-  
silibus. Sed quid est apud Plinium porri succus?  
Existimabit aliquis comparationem sumi ex co-  
lore eiusdem succi, qui ex porris ipsis exprimitur:  
nā eiusmodi color notus videtur antiquis fuisse.  
quippe porrorū succus medicas habere vires cre-  
debatur, vt ex eodem Plinio conijcitur lib. 19. cap.  
6. vbi de porris & de eorum succo disputatur.

Mihi tamen multo fit verisimilius, in ea Plinia-  
norum verborum cōparatione non esse sermonem  
de succo, qui ex porro elicitur; sed de liquore ali-  
quo, cui idē inesset color, quo porri folia constant.  
Quod idem est, ac si diceretur Topazius suo colore  
referre siue repræsentare aspectui liquorem eodē-  
met tinctum virore, qui in folijs porrorum cerni-  
tur. Sensus hic genuinus est visus nonnullis viris  
doctis, quos super hac re consului. Etenim si eius-  
modi similitudo siue cōparatio de ipsomet porri  
succo intelligenda foret: hic certē succus, aut viri-  
ditatis nihil, aut saltem minimum retineret. Qua-  
rē nec Topazij vocarentur Prasoides, nec Chryso-  
pasij; cum tantillum porracei coloris in succo ex  
ipsis porris expresso remaneat.

**A** Accedit, quod quando de ipsorum porrorum  
colore habetur sermo, plana intelligentia est de  
foliorum colore tunc agi. Quanuis enim porri ca-  
put sit album; in plantis tamen receptum est, vt  
cum de singularum agitur colore, de colore folio-  
rū accipiatur sermo: hic enim est color, qui primō  
se in plantarum conspectu oculis offert. Verū, si  
de succo ex porris elicitō ageretur; tunc verisimi-  
lius esset, id accipi de eo succo, qui ex porris ad me-  
dicinam conficiendam exprimi solebat. nec elicie-  
batur, opinor, succus eam ad rem ex folijs solum;  
sed aut ex solo capite (quod est album) aut ex capi-  
te simul ac folijs. Atque experientia ipsa docet, aut  
nihil esse peculiare viriditatis in hac succi ratio-  
ne, aut certē adeo parum, vt inde comparatio mi-  
nimē peteretur. Nisi fortē coniectaret aliquis hu-  
iusmodi comparisonem vsurpari, vt denotetur  
eam viriditatis rationem ita esse tenuem & quasi  
spiralem, vt vixdum sensibus percipiatur. Enim-  
verō si Topaziorum viror adeo exiguus esset, non  
eos antiquitas aut Prasoides aut Chrysopasios  
compellaret. Nam Prasoides nihil aliud sonat, nisi  
quod speciem porri oculis offert; & Chrysopasius,  
quod auri fulgorem vnā cum porri specie repræ-  
senter. Manet ergo id statutum, in vtrāque Topa-  
ziorum specie veram esse similitudinem atque re-  
spectum ad foliorum porri colorem, non ad succi  
ex porris expressi: quantunvis Plinius dixerit ele-  
ganter, Topazij similitudo ad porri succum diri-  
gitur.

**C** His ita pręstitutis; vt optimē Topazij color viri-  
dis agnoscat, oportet probē cognoscere porri fo-  
liorū colorem: est enim peculiare quoddā viriditatis  
genus; nec nisi oculis ipsis cernatur, rectē ipsius pec-  
uliaris ratio concipitur. Nonnullis ea explanandi  
via satis esse videtur; si dicant viride illud valde  
clarum. Sed lactuca viriditas clarior multo solet  
esse; & tamen est valde diuersa. Georgius Agricola,  
postquā de Beryllis dixerat, *Color eius est viridis  
quidem sed multum dilutus*; mox de Prasio ait, *Viridis  
color est magis dilutus, quā Beryllus*. Nec minus debet  
esse dilutus Topazij color, quā Prasij. Aliis pla-  
cēt, porrorum colorem nonnihil ad luteum ver-  
gere: alij malunt in ceruleum inclinare. Mihi nul-  
la alia potior videtur declaratio, quā ipsamet  
porra oculis vsurpare. Dionysius Afēr versū 1121.  
ait, *γλαυκίσαντα λίθον καθαρὸν τοπάζιον*, quę verba in  
antiquiore versione sunt deprauata. Robertus Ste-  
phanus sic vertit; *Glaucosplendentem colore lapidem ni-  
tidi Topazij*. Suspicio tamen Dionysium non glaucū  
omnino colorem Topazio tribuere; nam distinctione  
vsus Beryllo quidem epitheton glauci apponit:  
at Topazium vocat *γλαυκίσαντα*; id est vergentem  
in glaucum colorem.

**D** Illud etiam de hoc lapillo constat, eum esse dia-  
phanum siue translucentum. Quāquam enim Plin-  
ius id non explicat; bene tamen Strabo, & Eusta-  
chius in Dionysij Afri commentario, qui auctores  
nisi id asseuerarent, parum auctoritate Georgij A-  
gricola moueretur: quia hic auctor Prasium etiam &  
Callaidem facit translucentes: in quo meā senten-  
tiā a Plinio discedit. Hic enī in capiti octauo eum  
pręfigit titulum; *De Topazio & Callaide & gemmā non  
translucentibus*.

**E** Quod auri Topazius habet, non id ex ipsius au-  
ri colore, sed ex fulgore accersitur; quia non trans-  
lucet modo, sed mirificē etiā fulget, exitque eius fulgor  
in colorem auro similem; vt loquitur Georgius  
Agricola: quem auri splendorem siue fulgorem  
(quantunvis color sit viridis) in quibusdam exi-  
guis animalculis aurum viride referentibus quo-  
tidie spectamus: & in aurum aliquot pennis nescio  
quā auri viridis species discernitur: vbi non tan-

Cum de  
porrorū colo-  
re est sermo  
intelligen-  
dum esse de  
colore fo-  
liorum.

Topaziorū  
colorem por-  
ris similem;  
de folijs por-  
rorū esse in-  
telligendū.

Topazij vi-  
riditas quo  
modo do-  
beas expli-  
cari.

Topazium  
esse diapha-  
num siue  
transluci-  
dum.

Topazius  
quid ex au-  
ri colore si-  
ue fulgore  
habeat.



tum nihil est coloris veri aurēi, sed nec propriē viridis; nisi externā quadam facie per certi cuiusdā visus reflexum. Id quod fortasse Plinius asserit; nempe Chrysoprasium esse, *χρυσόπρασον*, vel vt alij legunt, *χρυσόπρασον* ex quibus alterum est magis deauratum; alterum cum pennis aureis. Vtunque hoc sit ex duabus Topazij speciebus, quas Plinius recenset, altera minus habet auris, quā vocatur Prasoides, id est, porri speciem prae se ferens. Altera plus habet auris, quā est Chrysoprasio similis, quam videtur describere Ambrosius Psalm. 118. ad illa verba super aurum & Topazion. serm. 16.

De Topazij splendore illud singulare affirmat Strabo lib. 16. Splendore (ait) tanto refulget, vt interdum videri non possit; vsque adeo circumfusus eo, noctu verò videtur ab ijs, qui eum colligunt, ij notā causā signo aliquo apposito, de die effodiunt. quā verba transcripsit Eustachius in Dionysij Afri commentario. Georgius Agricola id interpretatur, dum de Topazium quærentibus ait: non ita facile eum de die agnoscunt, eo quod radij solis ei similes circumquaque resplendeant, at noctu cōspicitur ab ijs, qui illum colligunt; suspicatur item Georgius, eandem esse gemmam Plinio dictam Chrysolampidem pallidi coloris de die, & de nocte ignei.

Si ad Topazij etymon respiciamus; Plinius ait, hoc nomē significare quæsitam, siue optatam, pro quo affert Inbam; asseritque appellari quondam Topazion insulā, vbi huiusmodi gemmæ inueniebantur: quia tenebris abscondi & occultari solebat. Et quidem Trogloditarum linguā Topazium idē est, quod quærere. In Græcō *τοπάζιον* est collocare, aut cōijcere & suspicari.

Duo sunt in hoc lapillo cū primis insignia. Primum est, hanc esse gemmarum amplissimam; atque adeo quatuor cubitis (quæ humanæ staturæ dimensio est) fuisse inuentam, vt Plinius testatur. Alterum, eam esse delicatissimam: quia sola prope nobilium gemmarum limam sentit, & vsu atteritur. Sic Plinius.

Addit Strabo, Egyptios reges maximam hominum multitudinem mercede conductam ad horū lapidum collectionem, custodiamque collocasse.

Hæc sunt, quæ ex antiquis auctoribus memoriæ

prodita accepi de Topazio. Recentiores (vt Vincentius & Berchorius) addunt: Omnium gemmarum superat claritatem, maximè lucens cum Soli splendore tangitur. Et Abulensis Exodi 28. Topazius (inquit) ante Solem positus supra ceteras omnes gemmas lucet. Id quod videtur ex Ambrosio desumptum in Psalm. 118. ad illa verba, super aurum & Topazion: vbi sic ait; Splendens similis est, maximè cum Soli splendore percussitur. Lege etiā ibidē Hilarium. His adnectunt Vincentius, Berchorius, Abulensis, & Arnoldus, Topazium valere contra passionē lumaticā & contra phrenesim. Quidā insuper asserit; Valere contra irā sedando illā. Alter; irā restringit, & cohibet iracundiam. Alius; Luxuriam reprimit & venter ea cohibet. Alius; valet contra tristitiam. Ac demum Vincentius & Arnoldus generatim loquentes aiunt; Valet contra noxios motus, id est, contra prauarum appetitionum perturbationes.

His adiungunt Vincentius, Arnoldus, Berchorius, & Rueus Topazio magnopere attemperari feruentis aquæ ebullitiones; nec eam effervescente pati, quantumvis plurimum admoueat ignis. Quibus adiecit Vincentius; si supra rem bullientem suspenditur, cessant ampullæ. Quin & Rueus tradit; si anulum ex Topazio effictum quispiam in manu teneat, posse eum intraferuentis aquæ lebetem manum secure inire.

Berchorius itē ait; est pulcherrima gemmarum. Vincentius, Quo rarior, eo pretiosior, & vterque his adnectunt; In thesauris regum nihil pretiosius inuenitur, & nihil est charius regibus in diuitijs. Hoc autem videtur dictū propter antiquā de Topazio æstimationem. Nam vt de illo Plinius memorat; Cum repertus est, omnibus gemmis prælatū fuit. Et de suæ etiam tempestatis pretio subiicit; Egregia etiamnum Topazio gloria est.

Postremo Vincentius & Berchorius sic habent, Si politur, obscuratur; si naturæ suæ relinquatur, clarior est. Quod videtur petiitum ex Ambrosij loco superius citato; vbi sanctus doctor ait: Natura Topazij huiusmodi est, vt si polire & lenigare eum velis, asperetur magis, cum ipse sit suapte natura euglyphus, id est, optimæ formæ; ac si esset bene sculptus. Ibi etiam affirmat Ambrosius, quidquid Plinius de Topazio scribit, se apud Xenocratem in libro de gemmis legisse.

Naturales  
Topazij quæ  
lucet.

Topazium  
contra quos  
corporis &  
animi mor-  
bos valere  
dicatur.

Topazio ser-  
uentis ac  
bullientis  
aqua am-  
pullas seda-  
ri.  
Topazij pul-  
chritudo ac  
pretium.

Topazium si  
politur ob-  
scuretur.

## NOTATIO XXVI.

Vbi gemma nona cum nono articulo comparatur.

Symboli articulus nonus eiusmodi est: Credo in Spiritum sanctum. Apocalypseos verba illis respondentia; Nonum, Topazium. In articulo quidem profiteamur omnes, tertiam Sanctissimæ Trinitatis personam ex Patre ac Filio procedere, quam proprio nomine appellamus Spiritum sanctum. Huic diuinæ personæ attribuitur animarum sanctificatio, vberissima spiritalis lucis affluentia, veritatum supernaturalium penetratio, rerum æternarū æstimatione, temporalium contemptio, alacris & erecta voluntas ad euangelicæ vitæ perfectionem amplectendam, & magna Spiritus vis atque efficacitas ad hominum mentes in diuinū obsequiū illicendas.

Ad hunc articulum Topazium gemma accitur, idque satis congruenter. Nā imprimis triū diuinarum distinctionem explicant sancti Patres per cōparationem ex sole, & eius radio ac lucis a radio dimanantis petita. Sic exponit Tertullianus aduersus Praxeam, Lactant. lib. 4. diuinarum institutionum, cap. 29. Athan. de decretis Synodi Nicenæ, Nazianzenus orat. 5. de Theologia ad finē, & in epistola ad Euagriū, Nyssen de differentia essentiarum, & hypostasis, & ad Simplicium, Eusebius Emisenus hom. 1. de Symbolo, Augustinus tractatu 20. in Ioannē, Cyprianus in Symbolo, & Antonius Constantiensis epistola ad Arcadiū. Quæ cum ita sint, si Spiritū sanctū respicit cōparatio lucis, quæ ex sole ac radio procedit; mirificè electa est ad Spiritus

sancti symbolū ea gemma, in qua adeo est insignis & mirabilis lux à solis radio in eam deriuata. Hoc autem superiore notatione adnotauimus ex Abulensi & alijs, quorū ibi verba reulimus. Id ipsum voluit significare Strabo; dum Topazium radio solis tantopere esse similem dixit, vt nullum ferè diu vtriusque discrimen appareat. Secundò, mysterio non vacat, gemmæ huius colorem ita porraceo asimulari; vt ad eam describendā antiqui scriptores porri cōparationē vsurpent; & quæ nomina speciebus Topazij attribuunt, in ipsi eadē imbibatur cōparatio. Nam Topazij species sunt, vt vidimus, Prasoides & Chrysoprasios; atqui in vtrāque præsuis reperitur color, id est, porraceus. Quod argumento est, non aliam reperiri vocem proprio Topazij colori designando aptiorē. Qua in re nos diuinaprovidentia docuisse videtur, in Topazio porri succum in gemmā commutatam inueniri; atque adeo Topazij significationem fore in porri qualitatibus inuestigandā; quemadmodum Chrysoliti mysterium in auri proprietatibus; Carbunculi, in prunæ; Hyacinthi, in Plantæ; Amethysti, in purpuræ; Berylli, in maris puri naturā & qualitibus indagatur. Quippe huiusmodi res sunt, quas gemmæ istæ nobis ob oculos ponunt. Quibus positissimum est obseruandū, antiquitati porrum maximè fuisse salutare, & inter res medicinæ vsibus accommodas plurimi habitum,

Topazij ful-  
gor à Solis  
radio deri-  
uatus quid  
mysteriū fi-  
guret.

Porraceus  
Topazij co-  
lor cuius  
rei sit sym-  
bolū.

Quantitas  
si Topazij  
splendor.

Topazij etymon.

Topazium  
quatuor cu-  
bitis longum  
aliquando  
fuisse in-  
uentum.

Nonnumquid  
caput quid  
nobis propo-  
nat.

Topazij ap-  
plicatio ad  
nonum ar-  
ticulum.  
Sanctissima  
Trinitatis  
mysterium  
comparatio  
ne solis, ra-  
dijs ac lucis  
Patribus  
explicari.



vt elici potest ex ijs, quæ Plinius tradit lib. 19. cap. 6. & lib. 26. cap. 6. Et quidem videntur singulari Dei prouidentia illi indita virtutes, quæ imprimis erant appositæ ad eos significandos effectus, quos diuinus Spiritus his animabus præstat, quibus se liberaliter impertit.

Primo enim magnopere celebratur porri virtus ad pectus & pulmones sananda; Tussi etiam veteri, ac pectoris & pulmonis vitia, medetur, etiam phthisicis & sanguinem excreantibus & distillationibus longis, ait Plinius. Et infra: Pulmonis & arterie vitia sanat. Quæ omnia sunt maxime congruentia diuini Spiritus efficientiæ in intimis animi præcordijs sanandis, & vetustis ab ea morbis prorsus depellendis. Quid enim aliud pectoris interiora designant, quam animam? Deinde porri succus fuit permagni habitus tanquam efficacissimus in serpentum scorpionumque ictus & bestiarum morsus, nec non in aquam intercutē siue hydropisim, in icteron & renum dolores.

Serpentum ergo virus symbolum est, vt omnibus constat, veneni in flagitio atque scelere delitescens: hydrops auaritiæ, icteros pessimum exemplum, renum morbus turpes ac fædas cupiditates significant. Hæc verò omnia mirandum in modum sanat sancti Spiritus communio. Tribus item verbis Plinius totidem eximias porri virtutes perstringit: Vocis (inquit) fecunditati, somnoque multum confert. Et quidem quod ad vocis emolumentum attinet, valde est ab antiquis celebratum: eo quod Nero dederit porro auctoritatem vocis gratiā, statim mensium omnium diebus nihil aliud ac ne pane quidem vescendo. Extitit Nero suavis & canora vocis studiosissimus: constat autem porrum addere splendorem voci, ea tenus, vt Aristoteles asserat, ideo perdes adeo esse argutas & canoras, quod porri edacissime sint. De fecunditate verò inigne est Plinianum illud ex Hippocratis auctoritate petiit, Vuluus contrahas aperire, & fecunditatem mulierum augere.

Horum omnium facilis est applicatio. Quis enim nesciat diuinum Spiritum, quibus se communicat, miram etiam verborum suauitatem conferre; vt mysticæ vocis dulcedine homines ad sese trahant: sicuti de Orphei & Amphionis concentu Poëtarum fabulæ prodiderunt. Et propterea Spiritus sanctus in linguis igneis fuit visus, vt euangelicæ prædicationi diuinam efficacitatem suggereret.

Deinde, quis nesciat, Diuinum etiam Spiritum Christianæ Ecclesiæ fecunditatem tribuisse, vt spiritales filios innumerabiles Deo procrearet? Quid insuper aliud est somnus mysticus, nisi contemplationis quies: de qua Ieremias 31. n. 26. Somnus meus dulcis mihi. Quis autem est ad huiusmodi somnum conciliandum potens, nisi diuini Spiritus virtus, quæ homines diuinarum rerum meditationi & contemplationi addictos efficit?

Omitto, ne longior sim, aliarum virtutum in porro elucentium applicationem: cuiusmodi sunt aurium sanare vitia, & sitim sedare. Illud tamen præterire non possum, quod de porro Plinius asseruerat lib. 19. ca. 6. nimirum eo hausto mortem, sine ulla cruciatus perferri. Quam ad rem illud aliorum famâ vulgatum refert de quodam equite Romano, cui nomen Melas qui cum esset reus ex procuratore, Tibero principe, sacco porri ad trium denariorum pondus hausto, sine ulla cruciatus expirauit. Et quauis fama iactauerit, illum porro enecat: hoc tamen verisimile non apparet, cum porrum sit valde salutare. Quare illud à porro videtur præstitum, ne mortem perferret. Quis ergo effecit Christi Martyres in medijs ipsis cruciatibus atque tormentis, non solum sine cruciatus, sed maxima etiā cū voluptate mortē subire, nisi vna sanctissimi Spiritus virtus? Quidve admirabilius & magnificentius orbis cōspexit, quam tantam Christi Martyrum frequentiam ita alacriter ac penē sine sensu ad mortem non tam per carnes ipsos trahi, quam diuini Spiritus virtute duci.

Animaduersione insuper dignum est, eximiam & excellentem horum omnium effectuum manifestationem ex eo tempore palam fuisse factam, quo

A Christus suum Spiritum in Ecclesiam misit. prius enim Nondum erat Spiritus datus, quia Iesus nondum fuerat glorificatus. Antea enim nec adeo miræ cernebatur conuersiones, quibus egrotantia hominum pectora atque animi curabantur: nec voces ita suaves & efficaces exaudiebantur: nec tanta in cōcinatoribus aspiciebatur spiritalis fecunditas; nec homines adeo se contemplationis somno tradebant; nec demum ita facile vita & sanguis pro Christi fide prodigebatur.

B Forte etiam aureus splendor cum colore prasio in eximjis Topazijs coniunctus, conducit, vt hac ratione significetur, per diuini Spiritus communionem in hac gemma adumbratam nonnihil nobis retegere ex clarissima Christi gloria, & ex nobilissimo ipsius ad Patris dexteram sedentis triumpho, inde enim sanctum emisit Spiritum: & quia ipse Christus in cælum conscenderat, ideo Spiritus sanctus, in terram descendit. Quod si Christi Ascensionem & ipsius throni gloriam Chrysolitus aureo colore perspicuus representat: dum in Topazio, communionis Spiritus sancti symbolo, pellicudi auri splendor effulgebat, id nobis videtur innui, in diuini Spiritus largitione regnum atque gloriam Christi Iesu reddi manifestam. Nam & ipsamet sacri Spiritus communicatio in sacris Literis vocatur regnum Dei: & eo spectant illa orationis Dominicæ verba, Adueniat regnum tuum. vt explicauit Nyssen. imò vero vt videtur legisse, ipsa Dominicæ orationis verba sic enim legit, Adueniat spiritus tuus.

C Iam, si lux illa admirabilis, quæ Diuinus Spiritus spiritalibus viris affatim impertitur, est principium beneficiorum omnium, quibus eos ipsemet Spiritus cumulat: ad lucis huius significationem quid congruentius, quam excellentia lucis eius, quæ in Topazio dispicitur? Hoc enim est cæleste quoddam miraculum, quo Dei filij ab Aegyptiis distinguuntur: nimirum copiosa lux spiritalis, qua iusti viri potiuntur, mundanis ac libidinosis hominibus in obscura caligine delitescuntibus. Exodi 10. 22. & Sap. 17. 2. & c. 18. i. Quod vero addit Strabo Topazios de nocte facilius reperi, quam de die: conducit etiam ad id designandū, quod spiritalibus est valde manifestū, hanc scilicet mysticā gemmam promptius in aduersitatis nocte, quā in prosperitatis die inueniri.

D Præter hæc, ubi plurimum est spiritalis lucis, ibi etiā vera est sapientia atque prudentia ab omni mundanæ vicissitudinis imprebatione immunis, quā lunæ varietas in phreneticos & inanibus mundi curis immissos immittit. Ad virorum ergo spiritaliū celestem innuendam prudentiā, mirifica est ea Topazij proprietates, quam ex Abulenfi & alijs adduximus in præcedenti notatione: nimirum contra passionem lunaticam & phrenesim valere. Quanto autē imperio spiritales homines suis animi appetitionibus dominantur, ritē adūbrant alię Topazii proprietates, quarū ibidē meminimus, videlicet eum prodesse aduersus iram, cohibere iracundiam, & c.

E Pax etiam atque tranquillitas iustorum ac piorum hominum in grauissima quauis rerū aduersarum procella, eleganter indicatur in eo, quod Vincētius & alij tradūt de nimio aque feruore per anulum, cui Topazius sit insertus, temperando: cuius rei mentionem fecimus superiore notatione. Quod licet per exaggerationē videatur dictum: nihilominus quod tot asserunt auctores, in aliquo fortassis experimento stabilitur. Et quæuis admiranda huius virtutis inchoatio satis est, vt per eā ascendamus ad virtutē multo mirabiliorē cūtemplandā, quā Diuinus Spiritus præstat in pace & securitate, quæ spiritales viri inter sæuientes contrariarum rerū turbines tranquilli & pacati existunt.

Ex hætenus dictis facile cerni potest, quam sit diues & opulentus hominis animus, qui mysticū diuini Spiritus Topazium possideat: & quam sit exiguū quicquid in diuinā huius gemmæ pretiū impenditur. Pro cuius significatione facit, quod multos ex prædictis auctoribus tradidisse vidimus, hanc scilicet esse gemmarū pulcherrimam; & quorariorem, eo pretiosiorē: nec in regum thesauris

Aureus splendor cū prasio colore in Topazio quid innuat.

Excellentia lucis, quæ in Topazio cernitur, cuius rei sit Symbolum.

Topazium lunaticis & phreneticis prodesse quid adūbrat.

Iustorum pax in rebus aduersis quomodo per Topazium denotetur.

Topazij pulchritudo & pretium quid mysticè.

Porri virtutes ac proprietates. & symbolica earū consideratio.

Porrum vocis fecunditati & somno utile esse.

Mystica prædictarum qualitatum consideratio.

Porro hausto mortem facilius perferri, & quid mysticæ significationis habeat.

Martyrum robur ac fortitudinē ab Spiritu sancto dimanasse.



quidquam inueniri pretiosius, aut ipsi regibus in diuitijs charius. quæ de re vide plura in superiore notatione. Et verò eiusdem etiam gemmæ splendor ac fulgor causa fortassis extitit, quod tanti fuerit ab antiquis habita, ut ex Plinio docuimus. Quæ omnia possunt conducere, ut intelligamus, quantunus mundus ipse non agnoscat ingentem thesaurum, qui in Topazio mystico (hoc est in Spiritu sancti communicatione) occultatur; ipsum tamen colere & obseruare. Nam ut ait Plinius, *Egregia etiamnum Topazio gloria est.*

Ad ea Pauli verba 1. Thessal. 5. 19. *Spiritum nolite extinguere, facit fortassis illud Berchorij & Vincentij, quod à nobis est notatione antecedente allatum de Topazio, qui si politur, obscuratur; si nature sue relinquitur, clarior est.* Nam & spirituales magistri docent, reperiri interdum viam aliquam, qua piorum spiritus opprimatur, si nimis aut regulis aut præceptis violenter coarctetur.

Quam verò sit Spiritus delicatus, & quantopere oporteat summam de illo curam haberi, indicatur in eo quod ex Plinio supra docuimus de hac gemma, quæ nobilium sola & limam sentiat & visu atteratur.

Significatio verbi *Topazius* (id est quærere & inuestigare) nos instituit, quam accuratè petere & indagare debeamus, ut tandem inuenire & consequi possimus: iuxta illa Christi verba, Lucæ 11. 9. *Quærite & inuenietis.* Et infra; *Dabit spiritum bonum perentibus se.* Hæc autem inquisitio atque petitio debet orationibus fieri; per quas pulsamus, ut ex-

Gemmarum solum Topazium sentiat limam, quid significet. Topazium, Græcum verbum quid significet, & quid etiam mystice habeat.

A audiamur tandem ac nobis aperiatur. Facit etiam quod hæc gemma Simeoni obtigit; cuius nomen sonat exauditionem.

Illud postremo mysterium querendum est: cur Topazij color nonnihil in glaucum declinet; iuxta Dionysij Afri versum in notatione antecedenti relatum? Quod si ita est, huius coloris significatio peti debet ab ea, quam in glauco Berylli colore expressimus esse seueritatem & horribilitatem; ut vidimus notatione 23. & 24. Propterea enim Beryllus glaucus fuit destinatus ad supremi iudicii significationem. Glauco igitur coloris imitatio, quam Dionysius in Topazio fuit cōtemplatus, aptissima est, ad innuendam maximam seueritatem ac rigorem, quem Spiritus sanctus spiritalibus viris ingenerat; ut semetipsos seuerè & asperè tractantes, opes, delicias, vitamque ipsam contemnant. Quæ enim actiori seueritate possit tyrannus quispian vti aduersus eos, quos misera seruitute opprimeret, quam quæ ab Spiritu sancto diuinitus in eorum animis imprimitur, quas ad sese allicit ac trahit? Huc spectat illud Canticorum 8. 6. *Fortis est, ut mors dilectio, dura sicut infernus, emulatio.* Et infra; *Si dederit homo omnem substantiam suam pro dilectione, quasi nihil despiciet eam.* Quod si glaucus Berylli color cōgruenter deferuit ad vniuersalis iudicii significationem: in Spiritu diuini aduentu fuit mystice impletum, quod postea in extremo iudicio reapse completum est. Vnde Ioëlis 2. coniunguntur extremi iudicii signa cum Spiritu sancti aduentu, explicante Petro Actor. 2. 17.

Topazij color nonnihil in glaucum vergens quid significet.

## NOTATIO XXVII.

### De gemma decima Chrysopraso.

PRIMò hæc decima Apocalypcos gemma non vocatur *Chrysopasos*, id est, aurum fulgens; ut aliquis falso existimauit: sed *Chrysoprasos*, ut legunt omnes correcti codices simul cum Vaticano.

Secundò, tres aut quatuor apud Plinium gemmæ reperiuntur (quæ diuersæ videtur esse) quibus hoc inditur nomen. licet autem nonnulli, ut eas discriminent, terminationem variant; & vnâ quidē appellent *Chrysoprasum*, aliam *Chrysoprasium*, & aliam in neutro genere *Chrysoprasion*: sed manuscripti codices Plinij, non eam obseruant distinctionem; nec in hoc earum discrimen consistit. Quæcumque enim gemma nominatur *Chrysoprasos*, vocari etiam potest *Chrysoprasios*, siue *Chrysoprasion*.

Plinius igitur libro 37. cap. 5. hoc tribuit nomē cuidam Beryllorum generi pallidiori; quod etiam facit Solinus. Et Plinius ipse postea capite 8. dum verba facit de Topazio, asserit duo esse Topaziorum genera: alterum, cui nomen *Prasoides*; alterū, cui *Chrysoprasos*; moxque subdit: *Eius enim tota similitudo ad succum porri dirigitur.* quæ verba ad secundum Topazij genus à nonnullis referuntur; melius tamen intelliguntur de Topazio generatim sumpto prout speciem vtramque complectitur; ita ut Plinius in illis verbis rationē non reddat de vtrâque illius nominis parte, id est, *Chryso* & *Prasio*; sed secunde tantum partis, quæ vtrique Topaziorum generi communis est. Nam auri quidem reddi non potest apta ratio per similitudinē siue cōparationem ad succum porri. Vnde Georgius Agricola vtrique Topaziorum generi ait esse cōmune, quod eius similitudo ad succum porri dirigitur.

Ad hæc; præter Berylli & Topazij species, quibus ob similitudinem nomen *Chrysoprasij* communicatur, alia etiam apud Plinium inuenitur gemma, cui magis propriè videtur nomen *Chrysoprasij* attribui. Nam in eodem illo capite 8. postquam de Callaide, & tribus *Prasij* speciebus Plinius egit, subdit: *Præfertur hiis Chrysoprasium porri succum et ipsa referens; sed paulò declinans à Topazio in aurum.* Et meo

Chrysoprasus, decima Apocalypcos gemma, quod habeat propriè nomen. Gemmarum diuersitas quibus apud Plinium hoc nomen tribuitur.

Expenditur singularim quæ gemma sit Chrysoprasus.

C quidem iudicio tam hic *Chrysoprasus*, quam tres *Prasij* species, quas cum illo Plinius coniungit, gemmæ sunt omnes opacæ, & minimè translucens (quidquid Georgius Agricola dixerit) nam ille capituli Pliniani titulus est, *De generibus Topazij & Callaide, et de gemmis viridibus non translucens.* Sub hac autem vltima tituli parte necesse est, comprehendere tria genera *Prasij* & *Chrysoprasium*, qui illis subiicitur. In quo differt hoc *Chrysoprasij* genus à duobus antecedentibus. Nam duo illa sunt perspicua, utpotè ex Beryllorum & Topaziorum genere: tertium verò est opacum. Ait autem Plinius, hanc esse Indicam gemmam, & ex ea tum cymbia, tum longiusculos cylindros fieri solitos.

Idem etiam Plinius cap. 13. ait, *Chrysolampus in Æthiopia nascitur pallidi coloris die, nocte igneus.* Similiter Solinus cap. 37. de Æthiopia agens; *Vbi Hyacinthus, ibi & Chrysolampus apparet; quem lapidem lux ce at, producit tenebræ.* Hæc enim in eo diuersitas, ut nocte igneus sit, die pallidus. Sed tam in Plinio, quam in Solino pro *Chrysolampi* legunt aliqui *Chrysoprasos*; ut notat Ioannes Grial in notis ab beato Isidoro lib. 5. cap. 14. & Dalecampius in notis ad locum Plinij: vbi ait; *Chrysoprasum vocat Isidorus & Marbodæus, Chrysoprasion Albertus, Chrysopras alij.*

Receptior tamen Plinij & Solini lectio in hisce locis est *Chrysolampus*, quamuis apud Isidorum legatur *Chrysoprasus*. vbi constat, voluisse sanctum Doctorem Solini locum transferre: nam totidem penè verbis ait, *Chrysoprasus Æthiopicus est, quem lapidem lux celat, producit obscuritas: nocte enim igneus est, die aureus.* Sic Isidor. l. 5. c. 14. vbi de gemmis ignitis. Et cap. 7. vbi de viridibus gemmis, in earū numerum adscribit *Chrysoprasum* tertium Plinij, qui est Indicus, sed confusè loquitur: eum enim confundit cū illo, qui Berylli species est: & aureū quidem splendorem non ei æquabiliter attribuit; sed penes aureas tantum guttas, quas interuenientes appellat. Verum cū hac in parte Isidorus è Plinio excerpere voluerit; securius est, quod ipsamet Plinij verba præ se ferunt.

D

E



De quogem-  
ma sint A-  
pocalypseos  
verba in de-  
cimo funda-  
mento ex-  
plicanda.

Quæ cum ita se se habeant; videtur primo as-  
pectu non posse constare, de qua gemma sit explican-  
da Apocalypsis, dum ait; *Decimum, Chrysoprasus*; cum  
quatuor sint diuersarum gemmarum genera Chry-  
soprasij nomine vsurpata. Verius tamen existimo,  
decimam Apocalypseos gemmam esse intelligen-  
dam de Chrysopraso Indico, quem Plinius tribus  
Prasij speciebus præponit, quia ex duobus primis  
Chrysoprasij alter est Berylli species; alter Topazij.  
Quare cum in Apocalypsi vtriusque gemmæ, nem-  
pe Berylli & Topazij, mentio præcesserit: vero si-  
mile non est alicuius ex his speciebus iterari men-  
tionem. Præsertim, quia secundam Topazij spe-  
ciem Plinius non absolutè vocat Chrysoprasum;  
sed ait esse Chrysoprasio similem. Vt verò duode-  
cim Apocalypseos gemmæ plus inter se habeant  
discriminis: optimè habet, ut hæc decima sit Chry-  
soprasus opacus. Eiusmodi enim est illa, de qua  
Plinius cap. 8. post Prasios lapides meminit.

Æthiopicæ verò Chrysolampim existimo nul-  
la ratione esse ad rem: nec enim certum est, fuisse  
appellatam Chrysoprasum, quo tempore Ioannes  
& Plinius scripserunt: nec est, unde colligamus,  
tunc ei Prasij fuisse colorē. Quod enim Plinius &  
Solinus tradunt, id vñ est; nocte eū videri igneū,  
die pallidum. Textus autem Apocalypseos requirit  
in gemma decima colorem prasium siue porraceū:  
alioqui non eam appellaret Chrysoprasum.

Huius igitur gemmæ decimæ color debet idem  
esse, qui porri; cum auri tamen splendore. Quem-  
admodum exigua quædam animalcula cernimus  
viridis coloris, sed tali addito splendore, ut pro-  
prium ipsius coloris nomen sit viridis auri. Quam  
ad rem nihil opus est, colorem ipsum ex viridi  
& pallido siue luteo esse permixtum: namque pura ip-  
sa viriditas potest splendorem in se aureum habe-  
re: & in gemma opaca (cuiusmodi est Chrysopra-  
sus) id nullius difficultatis est. Si quis autem con-  
tenderit, Topazium & Chrysoprasum, quos simul  
Apocalypsis coniungit, esse duas Topazij species ap-  
ud Plinium expressas, nempe Prasoidem & Chry-  
soprasum; non admodum tergiuerfarer. Tunc ta-  
men iuxta Theophrasti, & Plinij consuetudinem  
(qui mares vocant gemmas acrioris & excitatio-  
ris coloris; fœminas verò, quæ hebeti & minis a-  
cri sunt) dicerem, ex duabus speciebus Pra-  
soidem, cui magis viridus inest porri color, esse  
marem; at Chrysoprasum esse fœminā, quia pau-  
lulum à porraceo colore in aureum declinat.

Præterea in hac gemma decima illud est obser-  
uandum, Chrysolithum & Topazium in ea quo-  
dammodo copulari. Si enim Chrysolithi color est  
prorsus aureus: si Topazij, prasinus seu porraceus:

A vtroque colore coalito Chrysoprasus inde con-  
furgit. Quod si gemma foret translucens, in ea vi-  
detur simul penetrari Topazius & Chrysolithus.  
Sin autem, ut ipse opinor, densa est & opacata ea  
saltem iunguntur aureus Chrysolithi splendor &  
porraceus Topazij color.

Illæ Chrysoprasij proprietates imprimis ab aucto-  
ribus celebratur, quam illi Arnoldus, Berchorius,  
Rueus, alijque complures adscribunt, nimirum  
oculorum imbecillitatem finire; quod est mederi debi-  
licati oculorum; quæ aliqui impediuntur, quominus  
figere possint attentos in re aliqua obtutus.

Auctores iidem tradunt, Chrysoprasum genui-  
num colorem per solas tenebras ostentare. quod tamen  
videtur desumptum ex eo, quod Plinius & Solinus  
de Chrysolampi memorant, ut supra vidimus.  
Aiunt insuper, Chrysoprasio esse familiare, ut ni-  
miam diuitiarum cupiditatem & auaritiam re-  
primat, & liberalitatem ijs ingeneret, qui huius-  
modi gemmam gestant.

B Est etiam obseruandum, huic lapillo in Pontifi-  
cis Rationali respondere Achatem. Octo enim gē-  
mæ ex duodecim eadem sunt in Rationali & in  
Apocalypsi, ut videre est Exodi 28. Apocalypseos  
verò Chalcedonius respondet Rationalis Car-  
bunculo; Sardonyx Onychi; ut suis locis adnota-  
uimus: Hyacinthus Ligurio, ut Epiphanius & Hie-  
ronymus obseruarunt, & nos infra expendemus.  
C Vnde à sufficienti partium enumeratione reliquū  
fit, ut Apocalypseos Chrysoprasus Achatem Ratio-  
nalis respondeat.

D Sunt autem duæ istæ gemmæ inter se valde di-  
uersæ. Nam Chrysoprasus porraceum præfert cū  
aureo splendore colorem absque alia varietate: at  
Achatem est diuersicolor, & multā colorum ac fi-  
gurarum diuersitatem habet: ac tota ipsius pulchri-  
tudo & pretiū in eo consistit, ut venulæ natiuo du-  
ctu ita in hac gemma sint dispositæ, ut quidpiam  
aliud representet; atque hac ratione reddit species  
fluminum, nemorum, iumentorum, & effeda seu  
vehicula & equorum ornamenta. Quin & aliqua  
huius speciei gemma fuit quondam percelebris,  
in qua suapte naturā cernebantur nouem Musæ  
& Apollo, sua omnes musica instrumenta manibus  
tenentes. fides sit penes Plinium l. 37. c. 1. & 10. qui  
etiam asseuerat, miram esse lapidis huius virtutem  
aduersus araneorum & scorpionum ictus. & sub-  
dit medicos coticulas inde facere: & spectasse A-  
chatem prodesse oculis, & Achatibus in os additis  
fitim fedari. Omitto alia valde fabulosa, quæ re-  
fert. Illud tamen postremò notandum, quod c. 10.  
tradit, *Achates in magna fuit auctoritate: nunc in nulla  
est.*

Natura Chry-  
soprasij pro-  
prietates ab  
auctoribus  
tradite.

Apocalypseos  
Chrysopraso  
respondere  
Achatem  
Rationalis.

Diuersitas  
inter Chry-  
soprasum &  
achatem.

Achatis gē-  
ma natura.

## N O T A T I O XXVIII.

*Vbi gemmæ decimæ respectus ad decimum articulum ostenditur.*

Decimus  
Apostolici  
Symboli ar-  
ticulus pro-  
ponitur &  
explicatur.

A Articulus his verbis præfinitur; *Sanctam Eccle-  
siam Catholicam, Sanctorum communionem.* Apoca-  
lypsis hic; *Decimum Chrysoprasus.* In decimo igitur  
articulo Catholicæ Ecclesiæ nomen denotat vni-  
uersalem Ecclesiam, quæ omnes in se nationes cō-  
plectitur, & toto terrarum orbe sese extendit. No-  
men verò *communio* (ut clarius in Græco conspici-  
tur) designat idem, quod societas, siue sodalitas.  
Quapropter continet hic articulus, Catholicam  
Ecclesiam esse quandā rempublicam, & fidelium  
omnium toto orbe dispersorū societatem. Quam-  
uis enim valde sint inter se distiti atque remoti;  
eadem fides, eademque Sacramenta illos omnes v-  
num in corpus atque rempublicam congregant: &  
summus Ecclesiæ Pontifex fidelium omnium est  
pater & caput.

Cetera, quæ Theologi latè disputant; qua scili-  
cet ratione Christiani homines inter sese alij alio-

E rum opera ac merita participant; quo modo  
etiam locupletissimus Ecclesiæ thesaurus per  
Indulgentias fidelibus distribuatur; licet hæc  
omnia certissimam in se contineant doctrinam,  
& in ipsa fidelium communione ac societate  
solidatam: nihilominus expressa huius arti-  
culi verba non videntur exigere, ut omnes  
ad exactam tot rerum singularium notionem te-  
neantur.

Illud nobis perspicue in hoc fidei capite propo-  
nitur, Catholicam Ecclesiam esse sanctam; hoc est,  
ipsum leges ac ceremonias & doctrinam sancta esse;  
nec posse quenquam veram sanctimoniam ac Dei  
gratiam adipisci, quin Ecclesiæ sit filius. Ideo enim  
Ecclesia ipsa Spiritus sancti sponsa vocatur; qui  
in ipsa commoratur, & ipsius decreta ac statu-  
ta suo singulari influxu stabilit ac firmat. Ac de-  
mum populi sancti nomen denotat hanc esse verā



Dei plebem: qua etiam in re innuitur, ipsius spes esse ingentes ac certas; quas tamen non sint assequuturi, nisi qui se in Christi obsequio, & Catholice fidei professione probos & integros præstiterint. Nam licet fideles generatim appellentur Sancti, quia in sacro baptismo gratiam & sanctitatem acceperint; eadem tamen Ecclesie sanctimonia requirit, ut qui Christi fidei, quam profitetur, consentaneam non agit vitam, Sanctorum gloriam non consequatur.

Pro articuli huius symbolo inter gemmas reliquas usurpatus fuit Chrysoprasus; & quidem satis merito. Etenim, si certum foret, Apocalypseos Topazium esse Prasoidem, Chrysoprasum verò altera Plinij speciem: tunc iuxta illius temporis phrasim mare ager Topazius, Chrysoprasus feminam, ut supra dicebamus. Cum ergo Topazius sanctum Spiritum adumbrat; eleganter Ecclesie accommodatur Chrysoprasus: ut significetur, eam esse Spiritus sancti sponfam. Cum enim inter gemmas ille sint mares, quibus magis viridus & excitatus est color: illæ verò feminae, quæ non nihil ab eo colore deficiunt: de Chrysopraso quidem Plinius ait; *Paulum declinat à Topazio in aurum*: unde hæc reputatur femina comparatione Topazij. Et certè ad symbolum Ecclesie, quæ & Spiritus sancti est sponsa, & in sacris Literis regina nuncupatur, mirifice conducit splendor auri additus: iuxta illud Psalmi 44. n. 10. *Astuit regina à dextris tuis in vestitu aurato*.

Color autem prasius (qui, ut in præcedenti articulo vidimus refert Spiritum sanctum) in Chrysopraso denotat, ipsummet esse sanctum Christianæ Ecclesie Spiritum; in ea degere; & quidquid illa statuit ac decernit, esse Spiritus sancti decretum. sicuti significatur Apolloli Actuum 15. 28. dicentes, *Visum est Spiritui sancto & nobis*. Quod si concedatur, Chrysoprasum esse gemmam opacā; id etiam optimè deferuit ad Christianæ Ecclesie significationem: nam opacum est ex se aptum ad naturæ humanæ symbolum. Qua enim parte corpus habet, opaca est. Et quemadmodum in densa gemma externæ superficiei species cernitur; cum tamē corporei oculi intimas ipsius partes non possint peruadere: ita etiam corporis luminibus cernuntur ea signa, quibus apparet diuinum Spiritum in Ecclesia fixisse domicilium. & ex sanctissimis ipsius Ecclesie caerimonijs atque decretis sit internæ pulchritudinis ac felicitatis, quam cum Spiritu sancto possidet, coniectura.

Fortè etiam huius lapidis opacitas non perperam denotare potest, Christianam Ecclesiam in terris militantem ex mortalibus hominibus conflari, qui ignorantijs ac defectibus sunt obnoxij. Ut autem indicetur humanam conditionem culpis & ignorantijs expositā, nihil obstat, quominus Ecclesie statuta sint ipsius diuini Spiritus decreta: idcirco inter opacas gemmas ea fuit delecta, cuius color prasius esset aureus: quo significatur, sanctissimum Spiritum in Ecclesia degere, illi dominari & supremam facere potestatem.

Iam, illa veluti penetratio, quæ ex Chrysolithi auro & Topazij viriditate in Chrysopraso cernitur, optimā insuper habet congruentiam ad significandā Christi gloriæ, & sancti Spiritus fauoris coniunctionem, quæ Christianā Ecclesiam maximā gloriā & amplitudine cumulat. Etenim si Chrysolithus Christi gloriam adumbrat; si Topazius, diuini Spiritus personam: quid aliud erit duplicis huius gemmæ in vno Chrysopraso connexio, quam nobis ostendi, qui eam gemmā (id est Ecclesiam in ea figuratā) contemnit, Christum etiam & Spiritum sanctum inibi habitantes contemnere: qui verò è contrario ipsam audit, Christo etiam & Spiritui sancto audientem esse?

Dices; si auri color siue splendor Christum Dominum; si prasius color Spiritum sanctum figurat, nihil aliud in Chrysopraso sit reliquum, quod Ecclesiam representet. Respondeo: in generali concilio, & in summo Ecclesie Pontifice non est respiciendum, qua parte mortales homines sunt; sed qua diuini Spiritus assistentiam & Christi virtutē ha-

bent: unde concinnè & eleganter ad Ecclesie symbolum ea usurpatur gemma, cui nullus alius sit inditus color præter duplicis illius gemmæ colores; ex quibus altera Christi gloriam, altera diuinum Spiritum adumbrat.

Præter hæc; sicut in Ecclesie auctoritate non humanam potentiam aut sapientiam; sed Christi & ipsius Spiritus sapientiam & omnipotentiam recognoscimus: non aliter in Christianæ Ecclesie Sacramentis, caerimonijs, legibus atque doctrina, & in vera etiam sanctitate, quæ in multis fidelibus enitescit, agnoscimus planè non humanam aut sapientiam aut virtutē, sed Dei Spiritum & potentiam ac virtutem Christi suam Ecclesiam gubernantis.

Hæc cum ita sint; facile inde percipitur cōcinnitas & artificium, quo Achates Rationalis gemma in Chrysoprasum fuit cōmutata. Quamvis enim Achates fuerit congruens ad Synagogā, id est, Ecclesiam antiquæ significatione: ad Christianā tamē Ecclesiam hic lapis non erat idoneus. Nā tota Achatis gloria & splendor sita sunt in representatione earum rerum; quæ in ipso met figurantur, ut supra diximus: unde gemma isthac ad Synagogā significandā erat appositā; quia omnia in figura contingebant illi, cumq; nondum Christum haberet Synagoga, nec sibi diuini Spiritus effusio communicata foret, non erat ad rem Chrysoprasij symbolum; in quo & Christi gloria, & diuini Spiritus communicatio figuratur. Ante ipsarum quidem figurarum complementum, Achates in magna fuit auctoritate (ut Plinius inquit) *sed iam in nulla est*: quia figuræ in veritatem ipsam abierunt. Quapropter antiquas modò caerimonias accersere, perinde esset, atque mysticū Achate Chrysopraso mystico anteferre; & inanes iā ac futiles veterum caeremoniarum umbras captare, Christi redemptoris nostri gloriā & Spiritus sancti plenitudine polihabitis.

Eadem itē consociatio Chrysolithi atque Topazij in Chrysopraso poterit fortasse conferre ad inuendas Christiani populi spes ingentes. Nam si Chrysolithus consummate gloriæ est symbolum, & viriditas spe hieroglyphicè adumbrat aurum in viridi quid aliud, quam maximā in spe gloriam indicabit? Hic ergo est Ecclesie militantis status: quia ut Paulus ad Rom. 8. 24. *Spe salui facti sumus*: atque adeo Christiani populi maiestas, cum sit amplissima, nondum tamen apparet, quia occulta adhuc & in expectatione est. *Nunc filij Dei sumus; & nondum apparuit, quid erimus*, 1. Ioan. 3. 2. quid vnquam commune aut simile habuit, quod tanti apud homines quondam fiebat, ut quispiam ciuitate Romanā, aut senatu, vel etiam consulatu donaretur: quanto gloriosius & excellentius est, Dei esse filium & hæreditario iure Christi gloriā expectare? Adde huc; aurum, charitatis; viriditatem, spei esse symbolum. Charitas ergo Dei erga populum Christianum; & maxima certissima expectationis pignora eidē collata aptissime indicantur in coniunctione auri & coloris viridis in gemma Chrysopraso. Et quidem in Eucharistia Sacramento, quo nunc Christiana fruitur Ecclesia, vtrumque mirum in modum elucet.

Quod oculorum imbecillitatem Chrysoprasus finiat, appositum est, ut significetur varietas & inconstantia fallarum opinionum, quibus nos Ecclesie auctoritas eximit; nec non remediū efficacissimū, quod nobis in ipsa Ecclesia præsto est ad mentis aciem in nostræ fidei scopo figendā atque firmandā.

Ad hæc; si Chrysoprasus (ut vidimus) genuinum splendorem per tenebras magis ostentat; id etiam mirum in modum Christianæ vsu venit Ecclesie; quæ in persecutionum & aduersarum rerum densissima caligine suā magis magisque gloriā & splendorem retexit: nā per afflictiones & oppugnationes veri ipsius filij integerrimam animi virtutem & Christiani nominis gloriam ostentantur.

Denique, quod ad cohibendam diuitiarum cupiditatem spectat; id quoque ad Christianæ Ecclesie spiritum ac virtutem plurimū facit; nec minis ad significandam repugnantiam, & oppositionem, quæ inter rerum temporalium æstimationem & Christianæ Ecclesie professionem reperitur.

Chrysoprasus ad decimum articulum aptatur.

Ecclesiam esse Spiritus sancti sponfam, quomodo per Chrysoprasum adumbratur.

Chrysoprasus color prasius quid mysticè significet.

Chrysoprasus opacitas quid symbolicè inuiceat.

Chrysolithi & Topazij veluti coniunctio in vno Chrysopraso, cuius rei sit symbolum.

Quod sit mysterium in eo, quod Achates Rationalis gemma in calceis ciuitatis fundamentis sit in Chrysoprasum mutata.

Chrysolithi & Topazij consociatio in Chrysopraso quid mysticè.

Mystica Chrysoprasus proprietatū consideratio



## NOTATIO XXIX.

De varijs coloris purpurei differentijs ex Plinio lib. 9. cap. 36.

Quæ reliquæ sunt gemmæ, Hyacinthus & Amethystus, eas Plinius purpureas appellat. Ait enim lib. 37. cap. 9. *Alius ex hoc ordo purpureus dabitur.* & mox Amethystos & Hyacinthos describit: atq; in utriusque lapidis descriptione purpureus ponitur color. Quod ne cuiuspiam negotium faceretur: ideo operæ mihi pretium visum est, ante peculiare Hyacinthi examen, peculiare purpurei coloris differentias præmittere.

Varia purpurei coloris differentia traduntur ex Plinio.

In primis ergo, quicumque pisces suam secum domum portant (cuiusmodi sunt, quos Hispanum vulgus appellat, *Caracoles del mar*, erizos, ostias, ostiones, almejas, appellari posse videntur Latine *Conchæ*, *chonchylia*, vel *murices*). In his duo sunt cochlearum genera, quæ olim à piscatoribus diligentissime conquirebatur ob liquoris valde pretiosi guttulâ, quæ in candida quadam venula medijs in faucibus habent: quo succo inficiebatur olim lana ad Regum, Senatorum Romanorum, & aliorum hominum potentissimorum vestes aptanda. Alterum ex his generibus dicebatur propriè *purpura*, siue *pelagia*; illud scilicet, cui quasi prominentes aculei sunt. Alterum dicebatur *buccinum* ab antiquæ buccinæ similitudine. quanvis purpure etiam nomen ad utramque speciem se extendat, & Plinius de utraq; verba faciat l. 9. Vbi docet, tã purpuræ, quã buccino tot esse orbes, quot habent annos: & pelagiam quidem septem esse clauatâ aculeis, qui non sunt buccino. Addit etiã hisce pisciculis linguas esse veluti subulas, tanta duritiâ aculeo est, ut pascatur perforando reliqua conchylia. Docet insuper eos dulci aquâ protinus emori, & extra mare propriâ salinâ per dies quinquaginta vitam extrahere. Hæc omnia tradit Plinius cap. 36.

Lana olim purpura quomodo tingebatur

Flos ille, siue pretiosus liquor coagulabatur; indeque massa quædam conflagatur, quam Plinius medicamentum vocat; cui nonnihil salis aspergebatur. Huius autem pelagiæ massæ pondo denarios non amplius sexaginta; buccini verò centum valebat. Nihilominus lanea vestis ingenti pretio constabat ob magnas impensas in eius tincturam infumptas. Vnde Plinius. 35. fine, *Luxuria* (inquit) *purpura parua penè margaritis pretia fecit.* in centum quasque huiusmodi floris libras sextarius immittebatur salis, & per triduum aquâ madefiebat. Et singulis iuris amphoris centum quinquaginta librarum ex eo flore admiscebantur: totum id in plumbeo vase efferebatur, ut despumarentur carnes: ac decimo tandem die infundebatur lane; bibebaturq; lana saniam quinque horis rursusq; mergebatur carminata, donec omnem ebiberet sanguinem.

Purpureo-mem cui possimum colorum tinctura datur.

Sed ut ad ipsius panni colorem deueniamus; quanvis purpuræ nomentribuendum videretur ei, qui solo pelagio flore siue massâ erat infectus; certum tamen ex Plinio est, purpuræ nomen sibi arrogasse eam lanâ, quæ tingebatur flore siue massâ ex utriusque muricum speciei permissione infusâ: per imitationem pretiosi cuiusdam Amethystis cuius color est violaceus perfectissimus. Ad eum verò colorem probè imitandum asserit Plinius, experimento compertum fuisse, bene succedere si ducentæ floris buccini vnciæ cum centum & vndecim pelagiæ miscerentur. Buccini flos per se solus valde erat puniceus: non tamen eo solo fieri solebat tinctura, quippe qui facile descisceret; *Buccinum per se damnatur, quoniam fucum remittit.* Flos autem pelagiæ, licet eo estimaretur pluris, quo obscurior erat (quia rubeus in illa color nigrante deterior) opus tamen erat floris ipsius colorem excitare: quâ ad rem tanta buccini infundebatur copia, ut eius nimis nigritie daret austeritatem illam, nitoremq; qui querebatur cocci; id est, ut nonnihil ex ea cocci acrimonia & splendore acquireret, quale reperitur in pretioso violaceo: ita permixtis viribus alterum altero excitatur, & alterum restringitur.

Quam puram Tyriam vocant, diuersa est. conficiebatur enim lanâ prius solius pelagiæ tinctâ, deinde solius buccini infectâ. Laus ei summa color sanguinis concreti, nigricans aspectu, idemq; suspectu resurgens. Atque hæc videtur esse Scripturæ purpura ob Tyri, (vnde nomen Tyria purpura traxit) affinitatem; Et in hanc respicit Homerus, cum sanguinem purpureum appellat.

Purpura Tyria qua diceretur.

Dibapha est bis tincta; siue violacea sit, siue Tyria: vestes namque in summo pretio habite Plinianis temporibus bis inficiebantur, nonnullæ etiam primò ad Amethysti imitationem, deinde ad Tyriam nominam tingebantur; qui color dicebatur Tyrioamethystus.

Quæ fuerit dibapha.

Hisginum est Tyria infectio supra coccineam cadens; ita ut pretiosus terre color pretioso item muricum marinarum colore operiatur. Et cocci defectu flos Hyacinthinus siue rubig adhibebatur; ex Plinio lib. 35. cap. 6. & lib. 21. cap. 26.

Hisginum quanam purpura infectio diceretur?

Violacea purpura Romæ antiquitate præstabat; & purpurea quidem lana centum denarijs in libras singulas pendebatur. Huic purpuræ rubra Tarentina successe: postea Tyria dibapha, cuius usus sub Marci Tullij tempus vigere cœpit; & libræ singulæ millenis denarijs & eo amplius constabant.

Omnes huiusmodi purpuræ infectiones, (nempe violacea, Tyria, & Hisginum) cum plus adhuc artificij in se habuerint, videntur proculdubio minus antiquæ esse, quã quæ solo pelagiæ flore fiebat; cui vni potissimum purpuræ nomen deberi videbatur. Verum contenta fuit communi conchylij siue conchyliati nomine (à communi conchæ nomine deriuato illudque retinuit. Infectionem hæc scribit Plinius cap. 39. fieri solitam eodem purpuræ flore, (siue buccino tamen & vrinâ) singulis aquæ amphoris dimidio minus admixto, quàm ad violaceam tincturam miscebatur. Atque hoc pacto imbibebat lana certâ quamdã cærulei coloris speciem, quàm Plinius cap. 36. his verbis exponit; *Virus graue in fucis, color austerus in glauco, & irascenti simili in mari.* Additque, supra huiusmodi colorem ab aliquibus Tyrium iniici, cum confecere conchylia, transire melius in Tyrium putant. Et cap. 39. conchyliatum colorem vocat pallidum; *Siegignitur*, (inquit) *laudatus ille pallor, saturitate fraudata.* Idem lib. 21. cap. 8. tria conchyliati huius coloris discrimina assignat: primum flori Heliotropij simile, quod est ceteris obscurius: aliud Maluæ florem referens, quod nonnihil ad purpuram vergit; Tertium ad similitudinem Violarum, quas ferotinas vocant.

Quanam ex prædictis antiquior purpura infectio videretur fuisse.

Pelagia siue conchylium infectio cuiusmodi fuerit.

Ex hætenus dictis elicio, pelagiæ florem eo constare colore, qui quasi ex violaceo & cæruleo sit mixtus, satis tamen obscurus, quare ut plus ruboris acquireret, opus erat in tucum vrinam infundere. quæ tamē si non iniiciebatur, sed sola miscebatur aqua & minor floris siue massæ mensura; tunc lana ex tinctura prodibat colore inter cæruleum & violaceum medio, siue cæruleo nonnihil in violaceum desinente. Et quidē quando perfectius purpuræ violacæ color, conficiebatur per admixtionem floris pelagiæ cū buccini flore puniceo: cæruleus color cū nimio coniunctus violaceum cōstabat. Vnde pictoribus nullus alius violacei coloris modus innotescit, nisi ex cærulei atque punicei mixture: atque adeo cæruleus color vocari potest purpura dilutior; præsertim si aliquantulū in violaceum tendat. De hac cærulei ratione loquitur Plinius c. 39. cū ait; *Siegignitur laudatus ille pallor saturitate fraudata.* Vbi aduertē, cæruleum colorem comparatione violacei, nescio quid pallidi ac decoloris habere; quia illi deficit punicei coloris vigor & acrimonia.

Pelagia floris color qualis fuerit.

Deinde, quanvis asserit Plinius pelagiæ colorem esse nimis nigriti; non est tamen intelligendus de colore absolute nigro, sed de cæruleo valde obscuro. Patet hoc manifestè ex supra adductis;

& præ-



& præfertim, quia ad Tyriæ purpuræ infectionem color buccini supra pelagiæ colorem immittebatur: atqui in nigro colore nullus alius rectè insidet.

Porro, cum Plinius lib. 21. cap. 28. ait cocci colorem & Tyriæ etiam purpuræ diuersos rosarū colores imitari; asserit pariter, propriæ colorem purpuræ (id est amethystinæ) habere in se violæ imitationem. Vnde violaceus color latine, & ianthinus græcè est idem atque purpureus.

Violaceus color Latine & ianthinus Græcè idem atque purpureus.

Hodie vocant Hyacinthos, qui olim Plinio & alijs eximierant Chrysolithi.

Hyacinthos verè esse eos, qui nunc vulgò Sapphiri vocantur.

Hyacinthi colorem què Plinius describat.

De Hyacinthi colore questio agitur.

Hyacinthi colorem ab antiquis auctoribus vocari caruleum.

A Purpuræ laudes apud Plinium cap. 36. huiusmodi sunt; Huic fasces, securæque Romanæ viam faciunt eademque promaiestate pueritiæ est; distinguit ab equite etiam; dñs aduocatur placandis, omnemque vestem illuminat; atque etiam in triumphali miscetur auro. Quæ tamen Plinius haud dubiè asserit tam de Tyria purpura, quàm de Amethystina; cum eam conchyliato colori solum opponat, asserens nescire se, cur ita caro vaneat; quandoquidem nulla in eo ex prædictis rationibus reperitur.

Purpure laus ex Plinio.

## NOTATIO XXX.

## De Hyacintho gemma undecima.

E Ximios Plinij Chrysolithos hodie gemmularij vocant Hyacinthos. Vt autem credamus, eos etiam hoc ipso nomine fuisse quondam appellatos; non leui argumento est; Hyacinthi nomen pro Chrysolitho aliquando fuisse positum à Vulgata; vt vidimus supra notatione 21. Et fortè aliquis pro huius rei confirmatione asseret Dionysij Afri verba; *acrubeo crines similes Hyacintho*. qui color crinium videtur esse rufus Chrysolithi colorem referens. Verum non est, cur huius hemistichij habeatur ratio: appositum enim è suo interpretis crines; & Dionysius ipse de crinium colore non agit. quippe ipsius verba sunt, *indopisius d'vaxidra*. quod est, *similes Hyacintho*. vbi Dionysius loquitur de Indorum cute, vt bene aduertit Eustathius. In coloris autem humani comparatione solet per exaggerationem sermo institui; vt cum hominem aliquem dicimus esse ceruleum, Hispanè, *Verde negro*. Sic ergo videtur Dionysius Indos describere, quasi eo infectos colore, qui in ceruleum & violaceum vergat. Ceterum, quidquid hac de re sit, certum est in his Apocalypicos gemmis Hyacinthum pro Chrysolitho non vsurpari: siquidem datur præterea Chrysolithus. Quare Apocalypsos Hyacinthus eisdem proprietatibus considerandus est; quibus à Plinio, Solino, Isidoro, & alijs describitur.

Existimo ergo, quæ gemma vulgari nomine Sapphiri hodie vocantur, eas esse Plinio & Solino Hyacinthos. Sic sentiunt doctiores, qui de gemmis nostra tempestate scripserunt; vt Rucus & Georgius Agricola; qui ait Solinum confundere Cyanum cum Hyacintho: & Cyanum Germanicè appellari Sapphir.

Enim verò, vt id clarius pateat, examinemus oportet, quæ apud Plinium & Solinum hac de re legimus. Plinius quidem de colore sic; *Ille emicans in Amethysto fulgor violaceum dilutus est in Hyacintho*. Ex quibus posset aliquis elicere, proprium veteris Hyacinthi colorem non esse ceruleum, sed violaceum dilutiorem; ita vt Amethystus sit coloris perfectè violacei minimè diluti: & Hyacintho solum sit exigua aliqua eiusdem coloris pars.

Hæc tamen opinio reuinci potest falsitatis, primò ex ipsomet Plinio; qui dilutiorem Amethystum inter species amethysti enumerat; quantum (ait) *genus ad viciniam crystalli descendit, albicante purpurea deorsu, vel desectu*. Ipse insuper expresse obseruat, inter Hyacinthi & Amethysti colores, quantum vicinos, multum esse discriminis: sic enim ait; *Multum ab ea distat Hyacinthus è vicino descendens*. Si autem Hyacinthus coloris violacei diluti foret; non vtique Plinius diceret multum eum ab Amethysto distare; præfertim cum proximè antea dixisset, dari Amethystos adeò dilutos, vt crystallini ferè coloris sint.

Deinde ex alijs auctoribus id etiam fit planum, qui Hyacinthum appellant caruleum. Solini descriptio est; *Hyacinthus niture caruleo lapsu pretiosus, si quidem inculpabilis inueniatur*. Beato etiam Hieronymo dubium non est, quin Hyacinthus innotuerit: quando admiratur epist. 128. hanc gemmam in Rationali non inueniri: *Satis miror* (ait) *cur Hyacinthus pretiosissimus lapis horum numero non ponatur*. Atque Hieronymus ipse Ezechielis 1. huius lapidis

B colorem ait esse cælesti similem: alibi aërio comparat colori. quod etiam Gregorius Nyssenus, Gregorius Magnus & Eucherius affirmant.

Præterea, quis neget, gemmæ huius colorem Hyacinthinæ vestis colori similem esse? Constat autè Hyacinthinam Aaronis tunicam fuisse ceruleam. Itaque Iosephus, Philo, & Gregorius Nyssenus asseruerant, per illam Aaronis tunicam suè cælum, siue aëra ob ceruleum colorem figurari.

Sed colorem hunc ceruleum, quem nos Hyacintho tribuimus, ita oppugnabit aliquis; primò quia Plinius non solum non eum ceruleum vocat, sed etiam, postquam de ceruleis gemmis disputaui (nempe de Cyano & Sapphiro) ait; *alius ex hoc ordo purpureus dabitur*. quem in ordinem solum adscribit Amethystum & Hyacinthum. Hyacinthinus ergo color violaceus esse debet, non ceruleus. Secundò negabit nemo, colorem gemmæ esse Hyacintho flori persimilem, qui flos est vnus ex tribus, quos Homerus commendat, vt notauit Plinius lib. 21. cap. 7. atqui flos hic videtur aut violacei, aut punice coloris esse. Nam Dioscorides eum appellat purpureum. Et Virgilius Eglogâ tertiâ, *Suaue rubens Hyacinthus*; idemque alibi eum appellat ferrugineum. Imò verò certum apparet, huic flori sanguineum fuisse colorem: nam alioqui quomodo aptè fingeretur, eum ex Aiæis cruore fuisse ortum? Quam fabulam receptam fuisse, tradit etiam Plinius lib. 21. cap. 11. Ad hæc, quis non asserat, florem quondam in fuco pro cocco vsurpatum, fuisse manifestè rubeum? legantur, quæ Plinius tradit lib. 21. cap. 26. *Hyacinthus in Gallia eximie prouenit; hoc ibi pro cocco hisginum tingitur*. His accedit Pausanias; qui scribit Salaminiorum Hyacinthum esse candidum & modicè rubentem, & duplici constare litera, A. I. quæ sunt Hyacinthi floris notæ.

Tertiò; iidem ipsi, qui Hyacinthinæ Aaronis tunice significationem aëris attribuunt, præstitue-re videntur eam non fuisse ceruleam. Alij enim exponunt Hyacinthinam, id est, violaceam; sic Ribera. Alije eam aëris instar fuisse nigram tradunt; sic Philo. At Gregorius Nyssenus sese ex hac questione subducit; *Ego autè (inquirit) utrum habeat ad aëreum colorem flos Hyacinthus affinitatem, an non; nolo contendere*. Net desideratur, qui hunc aëreum colorem, si quis fortè ei inesset, contempleretur fuisse rubeum; quod aëri ex humoribus sanguineus respondeat.

E Quartò; Solinus, qui Hyacinthum clariis ceruleum esse dixerat; deinde parum sibi videtur constare: subdit enim; *Optimus in illo tenor; si ex utroque temperamento luctu & purpure moderatum suauiter suorem trahat*. Quæ verba Isidorum videntur coëgisse, vt in Hyacinthi definitionem infereret cerulei & violacei mixturam: ait enim; *ceruleus est, purpureusque fulgens*.

Hæc tamen omnia non vrgent, quominus pro certo habeam, gemmas vulgò nunc Sapphiros appellatas, quondà à Plinio & Solino vocatas fuisse Hyacinthos. Etenim differentia omnium gemmarum, quas vulgò Sapphiros vocant, distinctè numerantur à Solino inter Hyacinthos. Nam cum generatim dixisset, earum colorem esse ceruleum; aduertit nonnullas prorsus in violaceum vergere;

Proponitur obiectio contra prædicta de Hyacinthi colore.

Nihilominus asseritur, qui nunc Sapphiri vocantur, esse veros Plinij & Solini Hyacinthos.



alias ita dilutas reperiri, vt ad colorem aqueum penè deflectant; alias ad nubeum; ac denique alias, valde accenfi coloris, & parū translucidas; & alias, in quibus perspicuitas atque color ad iucundam mediocritatem reducuntur. Solini verba sunt; *Vitis est non parè obnoxius: nam plerumque aut violaceo diluitur, aut nullo obducitur, aut albicantiū in aquaticum eliquescit. Optimus in illo tenor, si nec densiori fūco sit obtusior, nec propensa perspicuitate detestior.*

Deinde, quauis Solinus in Hyacintho vitio verat, quod valde in violaceum tendat (id vocat ipse, *violaceo dilui*) nihilominus, quando violaceus color exiguus est, & qui solūm caruleo temperando admisceatur; ita vt maneant adhuc propriè ceruleus, blandus tamen ac suauis, nonnihil minij permisso; tunc quidem non solūm id vitio non est dandum, sed etiam proprius est tenor in perfectō Hyacintho obseruandus, vt infra constabit.

Illud interim asseuero, singulis in sua arte fidem esse habendam: & in colorum temperamento nullius sententia potior est, quā egregij alicuius pictoris. Talis est, qui me certum reddidit, generatim loquendo, quæ gemmæ vulgò Sapphiri nominantur; nonnihil in violaceū tendere colorē; ita vt ad propriū ipsarum colorē imitandū, necesse sit caruleum vltamarinū cum exigua minij portione miscere. Verūm dicet aliquis, hanc minij permissionem, quam Apelles aliquis in hisce gemmis deprehenderet, esse adeo subtile picturæ artificij, vt illud pingendi artis ignari non assequantur; atque adeo adiumento esse non posse ad Hyacinthi veteris cognitionem. Nec enim credibile est, Plinium aut Solinū de hisce coloribus scripsisse, ceu in pingendi arte peritissimos; sed vt prudentes atque industrij homines, quantūvis picturæ missionis ignari, scribere debuissent. Præsertim, cum eiusmodi signa atque indicia de Hyacintho non solis tradant pictoribus; sed omnibus, qui ipsorum scripta perlegerent; & generatim loquendo, quauis ex his gemmis nobis apparet cerulea, nec quippiam admitti minij in ea distinguimus.

Respondeo, non quidem omnes planè nosse ad subtilis picturæ amūm redigere discrimen, quod inter colorem purè caruleum & aliquam ex itis gemmis reperitur; ad differentiam tamen inter vtrumque notandam nec plurimo artificij, nec peracri ingenio, sed attentā solūm consideratione opus esse. Præcipuè, quia si vterque color simul oculis expositi conferantur; facile cernitur in ceruleo puro siue cyaneo perfectè colorem caelestem, quā purior est, representari: harum verò gemmarum colorem molliorem esse & nonnihil temperatum, atque à ceruleo aliquantulum desciscere: non solūm, quia non adeo ceruleus est harum gemmarum color; sed etiam quia nonnihil diuersius. Quod si vterque iuxta violaceum ponatur; mox discernetur, gemmā ab eo non adeo distare, sicut ab eo distat caruleus color, quem vltamarinum appellant.

Præter hæc; quauis harum gemmarum color esset omnino ceruleus, adhuc verè affirmaretur esse violaceo finitimus, & cum eo habere cognationem. Etenim nisi hi duo colores essent affines; non ita facile foret, violaceum ex ceruleo conficere. Cum tamen compertum sit pictoribus, nulum aliū violaceum vsurpari colorem, nisi qui ex ceruleo & miniato admixtis constatur: cuius aut intensior vis, aut remissior ex maiori, vel minori minij copiā admixtā redundat. Ceruleus igitur color est veluti fundamentum violacei.

Vt autem constet, quantopere hæc veritas antiquis generatim innotuerit, sicuti nunc nostris pictoribus est manifesta; statuendum est sanè illā, siue flore purpuræ aut pelagiæ, (quæ in toto orbe tunc erat percelebris) si solus adhiberetur, aquam siue lanam ceruleo tingi colore; qui propriè tunc conchyliatus vocabatur, quasi diceretur ex cochlea siue ex conchula fieri. Atq; vt fucus siue infectio violaceum illū redderet, qui purpurei nomen sibi assumpsit; opus erat cum pelagiæ flore bonam floris buccini partem permiscere; qui buccini flos ex semet rubeus erat. Cum ergo Plinia-

nis temporibus vterque color ita esset in pretio ac deliciis habitus (vt Plinius ipse libro 9. testatur) quis tunc ignoraret vtriusque inter sese coloris affinitatem?

Intelligitur ex dictis, duplicis huius coloris discrimen rectè explicari per duorum hominū comparisonem; quorum alter valde sit rufus, siue rubeus, alter decolor ac pallidus. Rubeus enim non est planè puniceus, licet ipsius coloris habeat plurimum, quo albus excitetur color; & rubei illius coloris defectu, qui eo caret, pallidus ac decolor appellatur. Quamobrem Plinius de conchyliato colore loquens lib. 9. cap. 39. Sic gignitur (inquit) laudatus ille pallor saturitate fraudatā. Perspicuum verò est, Plinij mentem non esse, vt colorem illum propriè pallidum affirmet. Nam eam coloris ipsius definitionem tradit, *color austerus in glauco*: vbi apparet glaucum colorem à Plinio pro ceruleo poni. Verum quidem est, sicut Hyacinthū dicimus ita esse caruleum, vt habeat aliquid minij admixtum; ita etiam conchyliatum tunc nonnihil à puro ceruleo diuersū existimari, plus minus, iuxta vtriusque coloris mixturam: vt videre est in diuersis ipsius generibus, quæ Plinius exprimit libro 21. cap. 8. Sed cum nullum ex ijs generibus ad purè violaceum accederet; omnia pro decoloribus siue pallidis reputabantur: eademque ratione color hyacinthinus significanter satis dilutior purpura nuncupabitur. quippe eum habet coloris tenorē, qui in cerulei & miniati permissione consistit. Aliā tamen ratione Hyacinthus, qui plurimū vergit in violaceum, dicitur viuidum cerulei vigorem non habere, sed cum violaceo temperatum. sic enim Solinus ait; defectum esse, si violaceo diluatur. Quia licet mixtio illa plus habeat excitati coloris; in ea tamen ceruleus color, quā ceruleus est, plurimum de suo vigore deperdit.

Verūmage iam, argumentis supra oppositis occurramus. Ad primum respondeo: rectè probat, ceruleum Hyacinthi colorem non ita purum esse debere, vt vltamarinum. Quod cum ita sit; ex dictis perspicua manet ratio, quare inter purpureas gemmas numeretur, & cum Amethysto componatur. Ceterum animaduerti pariter oportet, eos esse colores inter se diuersos: quauis enim interdum antiquus Sapphirus aliquid purpuræ admixtum habeat: nihil tamen habere purpuræ, sed esse purè caruleum, magis in eo placebat. Hanc ob rem prius agit Plinius seorsum de gemmis purè caruleis: deinde de violaceis, aut in violaceum colorem desinentibus: easque omnes vocat purpureas: cum idonea fuerit ratio, vt nomen ad omnes extenderet, quod tamen mox strictè loquens ad Amethystum contrahit. Restat insuper explicata illa Plinij de Hyacintho definitio; *Fulgor ille violaceus, qui emicat in Amethysto, in Hyacintho dilutior est*; quibus significat, intentum Amethysti colorem in Hyacintho remitti: non secus ac si violaceo adimeretur ferè quidquid minij habet admixtum, quo suum magis excitabat colorem. Tunc enim necesse est, eum languentem ac decolorem remanere, quauis ceruleus adhuc maneat.

Ad secundum argumentum respondeo primò; sub nomine floris Hyacinthini (cuius color inter caruleum & violaceum medius est) plurimū laxitatis includitur, ex eo quod magis aut minus excitatum habeat colorem. quare hoc ex flore non potest certò elici, qui sit magis proprius Hyacinthi tenor ac modus. Præsertim, cum non sit vna species, sed multiplex eorum florum, qui hoc solent nomine nuncupari: vt videre est apud Matthiolum: in quibus floribus nec duæ apparent litteræ A. I. quibus constare debent; nec etiam si hæ litteræ in ipsis cernantur, certos nos de colore legitimo reddent; propterea quod vtriusque characteris nota in diuersis reperiatur floribus, sicuti de puniceo quodam testatur lib. 1. Pausanias, quem refert Dalecampius in Plinium lib. 21. cap. 1. littera F. Et sanè verisimile est, vt florea Caryophylla, atque alij flosculi intra eandem speciem reperiuntur diuersorum inter se colorum; ita etiam eandem in Hyacinthis varietatem fuisse. Secundo ad

Carulei & violacei coloris discrimine comparatione explicatur.

Ad primum ex argumentis contra nostram sententiam supra adductis, respondetur.

Respondeo ad 2. argumentum.

Qualis sit coloris tenor in Hyacintho perfectō obseruamus.

Obiectio contra superiorē doctrinam.

Occurritur proposito obiectiōni.

Caruleum colorem esse violaceo affinem.

Ex purpura siue pelagiæ tinturā, quem lana colorem imbibet.



eandem difficultatem respondeo ; nomina interdū ex vna specie in vniuersum deriuantur genus. quod si hoc satis est ; haud dubiè inueniri poterūt Hyacinthi tam gemma, quàm flos colore perfimiles. Plinius tamen colorem lapidis ex floris colore non elicit : fortè quod non certa deducatur norma ex frequenti floris colore ad colorem lapidis probationem. Quamobrem nihil obstat, floribus generatim plus inesse rubei, quàm gemmis. Et tamen suspicor, quem Plinius Hyacinthorū fucum nominat, plus ad cæruleum, quàm ad violaceum propendisse : nec oppositum probatur, quod is pro cocco ad hirsutum vsurparetur. Constat enim ex Plinio in hirsuto prius colorem coccineum siue Hyacinthinum separatim induci ; deinde Tyrium subire, qui obscurum sanguinem refert : qui etiam color supra cæruleū solet induci, vt ipsemet perspicuè testatur : *Quidam, cum confecere conchyliis, transire melius in Tyrium putant.*

Ad tertium argumentum : verosimile apparet, Hyacinthinam olim tunicam ( quam cæruleam fuisse constat ) solo pelagiæ flore fuisse tinctam : qui color est eximius ille cæruleus, quo veteres utebantur. Si verò ad eorum expositionem velimus accedere, qui hyacinthinam ac violaceam eandem esse putant : accipiendum id erit de colore violarum, quas Plinius ferotinas vocat ; quas cæruleas esse, verosimile mihi est. Sunt namque eius coloris, qui sub conchyliati generibus comprehenditur. Nec mirum est violas dari cæruleas : Plinius enim candidarum etiam violarum meminit. Præter hæc ; diximus iam cæruleum Hyacinthi colorem nonnihil ad violaceum inclinare. ac propterea dubitat non immerito Gregorius Nyssenus, vtrum puro cæli color cæruleus, aut aëreo sit similis : vterque enim color apud veterum scriptorū vsui pro eodem vsurpatur ; vt euidentis est in Plinio, Philone, ac Iosepho. quia de eo loquuntur colore, quem nobis superus repræsentat aër, quā prius ac senior cernitur. Quod autem Philo asserit, nempe ad nigrum vergere, sicuti superiorem aërem : id per exaggerationem dixisse videtur, vt significet, non adeo perspicuum remanere, atque in se ipse est ; sed potius subobscurum inducere colorem, quem crystallini comparatione nigrum appellat. Sicuti candidi hominis respectu, nigrum vocamus alium, cui minus candoris insit.

Ad quartum argumentum respondeo : non ita explicandus est Solinus, vt fibræ ipse repugnet. Quare aut purpuram accipit pro cæruleo colore, cuius antea fecerat mentionem ( hic enim, vt iam vidimus, potest vocari purpureus ; siquidē erat proprius ex floris purpuræ infectione elicitus absq; alterius coloris consortio ) aut fortè purpuræ nomē significat, quod superius adnotauimus ; scilicet cæruleum Hyacinthi colorem non ita esse purum, quin habeat aliquantulum minij permixtum. Dixi aliquantulū ; nam vt ex Solino aduertimus, vitium est in Hyacintho, si violaceo diluatur, quando magna illi pars admiscetur.

Verum ad huius iam gemmæ qualitates gradū faciamus oportet. Ac prima illa sit, pluris eam fuisse habitam, si color nec adeo esset tenuis ac subtilis, vt non planè perciperetur ; nec adeo pinguis, vt oculos omnino impleret ; nec densiore fuso ( ait Solinus ) sit obscurior, nec propensā perspicuitate detestior. Et Plinius ; primo aspectu sit gratus & euanescent, antequam satiet ; adeoq; non impleat oculos, vt penè non attingat. Id quod potest hoc exemplo explicari. Accidit interdum, vt Petrus, verbi gratiā, nonnihil alium vultu ipso referat ; ita vt primo aspectu ipsum exprimat ad vultum : vbi tamen attentius eum aspexeris, nihil in eo inuenies intigne, quod ad eam similitudinem assumas. Sic igitur asserit Plinius, pretiosum Hyacinthum ita esse debere, vt primo aspectu cæruleum præ se ferat & satis mollem colorem : at verò si accuratius inspexeris, non tantum in eo cærulei repetas colores, quantum initio apparebat ; & quodammodo oculorum aciem eludat, & quasi ex ipsorum conspectu euanescat. Aut fortè Plinius loquitur de exigua illa violacei coloris specie, quæ in omnibus ferè eiusmodi gemmis cernitur ; quam tamen, si se-

riò ac diligenter indagare velimus, videtur quodammodo effugere, & sese ex oculorum obtutu subtrahere. Itaque siue alterutrā de causa, siue vtrāque, addit Plinius ; *celerius nominis sui flore marcescens*, alludit nimirū ad id, quod dixerat lib. 21. c. 11. dum de ipso met Hyacinthi flore verba faceret ; *Hyacinthus maxime daras*, & *viola alba*, quasi diceret, florem Hyacinthum gemmā ipsā videri stabiliorem in eo colore retinendo, quem primo offert aspectui.

Hæc eadem floris comparatio potest conducere ad aliam proprietatem, quam Solinus huic gemmæ adscribit hisce verbis ; *Hic est, qui sentit aurum ; & cum celo facit mutationem ; nec equaliter rutilat, cum aut nubilosus est aut serenus dies*. Idem confirmat Isidorus, alijque permulti. Hæc igitur gemma tristi & nebulofo celo tristitiam pariter ac mœrorem inducit, & quodammodo extinguitur. Cuius mutati nis ratio deduci videtur ex ipsius coloris tenuitate. Nec enim mirum est, temporis vicissitudine mutari, qui nimis ex se tener ac delicatus est.

Verum enim verò, quauis hanc colore ipso teneritudinem præ se ferat ; longè aliter se habet ipsius gemmæ natura atque substantia : est enim summæ duritiæ ac penè adamantinæ : *Scalptur* ( verba sunt Solini ) *minimè accommodatus ; vt qui attritum respuat ; nec tamen penitus inuictus est, nam Adamante scribitur & notatur*. Item beatus Isidorus ; *scalptur durissimus nec tamen inuictus*. Solū adamantem scalpi posse Hyacinthum affirmant : atque hac ratione ipsemet etiam Adamas alio sui generis lapidē atteri ac poliri valet. Cum hac duritie illud coniungitur ; inuentam fuisse rationem, vt cæruleus color illi prorsus ignis efficaciam auferatur. Vnde si ad Adamantis consuetudinem scalpatur, adeo difficile ab Adamante distinguitur, vt ipsemet lapidaræ artis periti in eo decipiantur. Hinc fortè ortum habuit fabula, quā quidā recenset auctor, nimirum ex hisce gemmis vnam incudi impositā ingentis mallei ictus respuisse.

Hyacinthus insuper difficile incalefcit : quini-mò Solinus & Isidorus de eo sic habent ; *in os missus magis friget* : itaque oris calore videtur amplius refrigerescere. id quod ed mirabilis est, quod hæc gemma, vt à Plinio, Solino & aliis obseruatur, nati-catur in Æthiopia.

Illud etiam peculiare medici de Hyacintho prædicant ; illum cordi maximè mederi. Vnde in venenatis morbis vsitatum satis est à medicis, vt ex Hyacinthis potionem, ( quam confectionem Hyacinthorum vocant, ) agrotis præscribant. Non inficior, quæ nunc gemma vulgari nomine Hyacinthus nuncupatur, esse quandam Chrysoliti speciem aurei coloris valde accensi, quæ diuersa prorsus est à veteri Hyacintho. Propterea tamen conueritur Mathiolus lib. 5. Dioscorides cap. 14. vbi asserit ; ideo huius potionis effectus non esse mirabiles, quia pharmacopolæ pro antiquo Hyacintho ( qui Amethystum colore ipso deberet quadam ex parte referre ) vulgare substituant Hyacinthum, qui aureo colore est.

Liquet igitur priscum Hyacinthum, qui est cæruleus, verum esse ac celebre illud antidotum ; eiusque desiderio à pharmacopolis aliam accersiri gemmam, quā eiusdem virtutis partem aliquā arbitrantur habere ; illique vt hoc pacto deferant nouo inuento auctoritate, indidisse nomen Hyacinthi. Ex quo manifestè cernitur huius commutationis auctoribus satis innotuisse, verum Hyacinthum esse eum, cui fama presentissimi contra venenum antidoti adtipulatur ; quandoquidē, vt aliam nobilitarent gemmam, Hyacinthi nomine nuncuparunt. Hinc Rueus affirmat, Hyacinthi veteris esse proprium, *virtutes* ( cordis præsertim ) *tueri à populatim sentiente peste ; ideoq; suspendi collo è regione cordis*.

Pro virtutis huius confirmatione aduerte, recens esse inuentum, gemmam coloris aurei nuncupari Hyacinthum. Nam Magnus Albertus, & post eum nonnulli alij sub eodem Hyacinthi nomine perspicuè de cæruleo loquuntur. Et quauis Albertus eum dicat flauum ; iuxta ipsius tamen loquutionem, flauus idem est ac cæruleus ; vt colligitur ex iis, quæ disputat de lapide Lazuli & de Saphir.

Hyacinthi  
gemma colo-  
rem facile  
marcescere.

Hyacinthi  
gemma colo-  
rem cum ca-  
li colore mu-  
tari.

Hyacinthi  
durities.

Hyacinthi  
difficile in-  
calefcere.

Hyacinthi  
cordi mede-  
ri.

Recens esse  
inuentum,  
gemmam  
coloris au-  
rei appella-  
ri Hyacin-  
thum.

Responsio ad  
3. argumen-  
tum.

Responsio  
ad 4.

Cuiusmodi  
color fuerit  
probatur a-  
pud veteres  
in Hyacin-  
tho.



phiro, quinemet ipse satis explicat in Hyacintho: ait enim alios esse aqueos, alios sapphirinos. Et subdit; Sapphiri virtus est contra toxicum, & contra pestiferas regiones.

Hinc videtur duxisse principium ea nominum corruptio, qua Hyacinthus fuit vulgò appellatus Sapphirus: quippe cum auctores eum vocent Hyacinthum sapphirinum; vulgus inde paulatim substantiuum nomen suppressit, & solum adiectiuum vsurpauit; (sicuti in multiplicitate nominum structura consuevit) hincque Sapphiri appellatio in vulgarem hominum usum dimanauit. Fortè etiam, cum Plinius dicat, Hyacinthos Æthiopia mitti & Chrysolithos aureo colore translucens; suspicatus est aliquis, aureum illum colorem ad vtramque gemmam eo loci referri, atque ab hoc errore dimanare potuit vulgaris Hyacinthi appellatio pro gemma, cui color aureus inest, aut melleus: fauete præsertim flauì nomine, quod Hyacintho tribuit Albertus. quamuis flauì nomè aliter ille vsurpet:

A nec solum ille, sed fortasse etiam alicubi Virgilius. Rueus tradit, à nonnullis eam Hyacintho virtutem attribui, vt gestantem præstet à fulminibus securum. Albertus addit, quà frigidus valde est lapis, inditam illi esse vim gestantis corpus roborandi; itemque experientiâ constare, illo conciliari somnum. Idem adiungit, Tutum reddit peregrinum & gratum hospitibus. Item; aiunt etiam, conferre ad diuitias & ingenium & lætitiâ.

Quæ recentiores Sapphiro attribuunt virtutis indicia, videntur esse Hyacinthi propria: cum verum ipsi Hyacinthum, nomine Sapphiri compellent. Huiusmodi sunt; roborare cor & visum; contra timorem & venenum valere; vinctos à carcere soluere; tollere inuidiam; facere victorem; amorem casum diligere; fluxum sanguinis sistere. Ex Abulenfi Exodi 28. illa etiam ad Hyacinthum spectant, quæ Rueus Sapphiro attribuit; inclinare ad deuotionem, pietatem, pacem & constantiam; & inordinatas animi affectiones frangere.

Hyacinthi  
proprietates

Sapphiri  
recentioris  
(qui & ve-  
rus hyacin-  
thus) pro-  
prietates.

## NOTATIO XXXI.

### De Ligurio, quæ septima est inter Rationalis gemmas.

Verum Apocalypseos  
Hyacinthi  
Ligurio Ra-  
tionis re-  
spondeat?  
1. sententia  
affirmans.

2. sententia  
negans quæ  
& Auctori  
probat.

C Vm duodecim Apocalypseos gemma gemmis totidem Rationalis respondeant; cumque ex his octo eadem vtrouque fortiantur nomina; ex reliquis vero Onyx cum Sardonyche, Chalcedonius cum Carbunculo, Chrysoprasus cum Achate componantur, vt suis locis aduertimus: valde verisimile est Hyacinthum Apocalypseos Ligurio Rationalis respondere. Ita opinatur Hieronymus Epist. 128. ad Fabiolam, & Epiphanius in libello de Gemmis. Enim vero, cum bona Doctorum ita grauium venia, nequaquam credibile est, Ligurium Rationalis esse gemmam illam, quam Græci ac Latini Scriptores Hyacinthum nuncuparunt. Nam si illa esset Hyacinthus; supina satis incuria & officiantia foret tam Septuaginta interpretum, quam ceterorum Græcorum, atque etiam Vulgati, qui eum appellarent Ligurium. Primum, quia nullus auctor tradidit Hyacinthum in Liguria nasci. Deinde, quia alia est gemma valde diuersa, cui conuenit Ligurij nomen; quod Theophrasti sit opinio & aliorum, eam apud Liguriam exoriri. Quinimo Strabo ait, Ligures abundare Lyncurio, quod quidem electrum vocant.

Notandum ergo est, inter gemmas recenseri à Plinio Succinum libro 37. cap. 2. cui etiam electri nomen est inditum. refertque figmenta, quæ de ipsius origine vulgari solebant; nimirum eas esse lachrymas Phaëtonis sororum, quas in populos fuisse conuersas, poëta fabulantur. Aliam item adducit fabellam, electrum scilicet ex vrina lyncurij gigni, & propterea à Demostrato vocari Lyncurium. His alium subiungit apologum; quo iactabatur eum esse fructum quarundam Liguriæ arborum: sic enim Sudines & Metrodorus credere. Inter eos autem, qui succinum esse fossile putarunt, Theophrastus affirmat, id in Liguria effodi solitum fuisse. Quapropter mirum non est, succino à veteribus nomen Ligurij fuisse impositum; prius quam constaret illud esse bitumen, quod aliquibus in locis mare ad littus eiecit.

Porro inter succina quoddam reperitur coloris valde ignei, & adeo durum, vt posset scalpi. Hoc prisci scriptores Lyncurij nomine dixerunt, affirmantes ex lyncis vrina gigni, & veram esse gemmam. Alij illud appellarunt langurium, fingentes in Italia ex bestiarum quarundam languriarum nomine vrinam eam gemmam coalescere.

B Licet autem Plinius hæc omnia commentitia esse ducat; asseratque suâ ætate gemmam huiusmodi non fuisse inuentam; ait tamen cap. 3. veterum de hac gemma scribentium pertinaciâ coactum se in illius mentionem incidere.

C Mihi ex eis, quæ Plinius refert, videtur certum, gemmam hanc ita à veteribus reputatâ, genus esse aliquod succini: Nam ipsius colorem Plinius, iuxta antiquiores auctores, affirmat esse, qualis in igneis succinis cernitur. Et Lyncurio tribuebatur etiam ea vis trahendi ad sese fila, folia & stramenta. Quin etiam per exaggerationem dicebant, illud etiam trahere tenuem ferri siue æris laminam. Ex quo simile vero mihi fit, hoc Lyncurium ab antiquis auctoribus inter gemmas relatum, quandâ esse succini speciem. Ad hæc; constat à nonnullis nomen Lyncurij illi fuisse inditum, quod ex lyncis vrina concrescere existimarent. Hac ergo fabulâ reiectâ, & Theophrasti atque Strabonis assertionem admissâ, qui Ligures succino abundasse affirmarunt (siue mare ibi ad littora illud eiecerit; siue Liguria: fœminæ fuerint succini studiosissimæ, quæ monilium vice gestarent, vt tradit Plinius); prudentissime Septuaginta interpretes eam gemmam vocarunt Ligurion; quia Lyncurij nomen imbibitam in sese fabellam præferbat; at in nomine Ligurij nihil erat huiusmodi. Nobis ergo Ligurius est genus electri, nam ex antiquis Plinius, & ex neotericis Georgius Agricola, & Conradus gemmam aliâ Lyncurium non agnoscunt. Quod si hac tempestate succinum ob ipsius copiam inter gemmas non reputatur; constat antiquitatem in earum numerum fuisse adscriptum Lyncurium, quod est succini species. Vnde probabile fit, hoc fuisse aliquod succini genus ceteris durius ac pretiosius & rarius. Ipsi color magis videtur fuisse accensus, quam qui in nostro succino conspicitur. Quippe Plinius lib. 8. cap. 38. ex aliorum sententia loquens refert Lyncurium ex lyncis vrina generatum, esse gemmam Carbunculo similem, & igneo colore fulgentem. Vbi tamen Plinius ipse indicat, quod de Lyncurio vulgabatur, ad omnia succini genera ab aliis extendi.

E Existimo ergo, Rationalis Ligurium non esse eam gemmam, quam auctores antiqui Hyacinthum indigarunt; sed quam ipsi Lyncurium vocabant. Ea enim prudenter potuit appellari Ligurius; & nulla ratione debuit à Scripturæ interpretibus Lyncurium vocari. Nec temere & casu,

Lyncurium  
siue Ligu-  
rium esse  
genus quod-  
dam succini

Lyncurij  
gemma ety-  
mologia.

Cur septuaginta  
nt a septi-  
man Ratio-  
nalis gem-  
mam Ligu-  
rium, non  
Lyncurium  
vocarint?

Rationalis  
Ligurius  
non esse  
Hyacin-  
thum.



sed summâ ratione atque consilio existimandū est, in Apocalypsi pro Ligurio Hyacinthum multo nobiliorem gemmam substitui: cuius mysterij explicatio ad sequentem notationem pertinet.

Illud hic notandum est, quanuis Plinio fabulosum sit, quidquid de Lyncurio, siue Ligurio iacta-

**A** batur; fateri tamen ab antiquis auctoribus prodii huius gemmæ virtutes eiusmodi; *Calculos vesica eo poto elidi; & morbo regia occurri si ex vino bibatur, aut si portetur etiam;* idem tradit Solinus cap. 8. Constat autem regium morbum esse eum, quæ Græci icteron appellant, Hispani Tericia.

*Lyncurij siue Ligurij proprietates*

## NOTATIO XXXII.

### De conuenientia gemmæ vndecimæ cum vndecimo articulo.

**S**ymboli articulus his duobus continetur verbis, *Remissionē peccatorū;* quibus toridē in Apocalypsi respondent; *Vndecimum, Hyacinthum.* Quā gemmā constat ex precedentibus notationibus Plinio & Solino, ac reliquis Scriptoribus antiquis eandē fuisse, quam hodie vocant Sapphirū. Quod attinet ad mysterij explicationem; considerandum est, in hoc articulo inter alia contineri maximā Christiani populi felicitatem ac ius ad æternam beatitudinem, quod fideles Christi Ecclesiæ filij euocantur. Ceterum cum in hac misera & calamitosa vitâ difficile admodum sit, hominum aliquem longo annorum tractu in Dei gratia persistere ob plurima pericula, & peccandi occasiones, quibus vndique est circumseptus; pauci ex ipsismet iustificationis celestem consequerentur beatitudinem, si post primam iustificationem Deus veniæ & indulgentiæ ianuam lapsis obferaret. Immensa tamen Dei pietas & clementia non solum hunc miseris peccatoribus aditum non precluit; verum etiā, nequis animam despondeat, vult ac præcipit, peccatorum remissionem esse vnum ex fidei capitibus, quæ Christiani vniuersi debeant nosse & profiteri: quo articulo instruiuntur & edocemur, quantum plurima & grauissima sint hominis cuiusque flagitia; Dei tamen pietatem & commiserationem esse multo maiorem; qui verā animæ medicinā atque remedio peccatorem pestiferā lue infectum semper inuitat: eā tamen lege; vt per veram ac legitimā penitentiam de antea actis sceleribus resipiscat. Hic est vndecimus articulus: atque eundem Apostolici Symboli ordinem (quo peccatorum remissio post Ecclesiā Catholicam proximè ponitur) obseruauit Paulus ad Coloss. 1. n. 13. & 14. *Transulit nos in regnum Filij dilectionis sue; in quo habemus redemptionem per sanguinem crucis eius, remissionem peccatorum.*

Videamus nunc, oportet, quā appositè Hyacinthus præ ceteris gemmis indulgentiam peccatorū symbolicè repræsentet. Vt ergo in Topazio colorē porri, in Chrysolitho auri, in Carbunculo prunæ cōsiderauimus; sic etiā in Hyacintho gemmā florē Hyacinthū spectare debemus. Nā gemma hæc flori ipsi concolor est: atque adeo videtur flos ipse in gemmam conuersus nostris oculis obijci.

Cum igitur peccatorum remissio nobis imprimis proponat immensam Dei clementiam & de hominum peccatis commiserationem: clementiæ quidem & misericordiæ congruentissimè color Hyacinthinus tribuitur. Primò, quia Hyacinthus flos naturā ipsā habet duas illas literas inscriptas, *A. I.* Ita discurrentibus venis; vt gratiarum literarum figura *A. I.* legatur inscripta; vti Plinius obseruauit lib. 21. cap. 11. & quanquam verum extet, quod ibi Dalecampius aduertit, non eas esse venas, sed quasi maculosas notas; ad præfens tamen institutum perinde est. Nec solum hæc est Plinij obseruatio; sed etiam Pausaniæ libro 1. & aliorum auctorum tum veterum, tum recentiorum. Illæ autem duæ literæ *A. I.* eandem græcè vim habent atque Hispanicè, nimirum vicem habent interiectionis in dolente aut commiserante. Illa item interiectio Græcè non solum est dolentis & miserentis propria, sed etiam optantis; quemadmodum apud Latinos hæc dictio *Vinam.* Ex quo apparet, in hoc flore quodammodo figurari cælū

**B** ipsum nostris dolere miseris, & illis remedium optare. Et sanè videtur diuino consilio fuisse factum, vt flori Hyacinthino interiectio illa Græcè foret impressa; quod facilius mysterium ipsum possent collineare Græci, quibus cælum ipsum peracrem ingenij aciem impertiuit; iuxta Horatianum illud in Arte; *Græcis ingenium,* &c.

Huc accedit, ipsum Hyacinthi colorem mollissimum esse: vnde Virgilius Hyacinthos *Languentes & molles* vocat Ecloga 6. & Æneidos 11. quasi ipsos diceret teneros & commiserantes. Idem Ecloga 3. *Et suauē rubens Hyacinthus.* Fortè per allusionem ad huiusmodi significationis mysterium, Deus in veteri præcepit lege, vt Pontificis summi tunica foret Hyacinthina ad Christi Domini clementiam figurandam. Et Christus ipse à nostris pictoribus tunicā eiusdem coloris indutus effingitur, ad significandā ingentem illam misericordiam, qua humani generis defectus prosequeretur eatenus, vt sæpe in lachrymas erumperet.

Deinde in duplici illa Hyacinthi floris litera & coloris suauitate ac mollitudine fortè innixæ sunt duæ illæ fabule, quas commentum sunt Poætæ, dum finxerunt Deos commiseratione fuisse tactos ob interitum infalicem pueri, quem tenerè diligebat Apollo; nec non Aiæ Telamonii: quorū vtrumque propterea in flores Hyacinthos à Diis ipsis fuisse conuersos. Meminit vtriusque fabulæ Plinius lib. 21. c. 11. & Ouidius Hyacinthi pueri apologum describit. 10. Metamorph. & Aiæ Telamonii lib. 13. Quod si eiusmodi signimenta (vt credibile est) ingeniosè excogitata fuere: respexerunt procul dubio veteres cæli pietatem & clementiam, quæ in Hyacinthi flore figuratur. Quam ad rem cōgruens valde est, si attentè inspiciamus, quomodo in huius floris colore, caruleus, id est, caelestis color, leuiter miniato sit aspersus (quo minij colore sanguis innuitur) quod nobis representat cælum ipsum nostris miseris condolere, molliri, & quodammodo affici. Hoc autem quā sit ad peccatorum remissionem appositum, nemo non viderit.

**C** Cum Hyacinthi literis & ipsius coloris suauitate coniungitur etiam virtus ad medicinam efficacax, qua flos ipse pollere dicitur. Plinium adi lib. 21. cap. 26. vbi sic ait; *Torminibus & araneorum moribus resistit, & contra serpentes & scorpiones, morbumque regium semen eius datur.* In quo facile cernitur cæli clementiam esse nostris miseris medicandis efficacem. Et grauiore quidem nostri animi morbi, id est, peccata aptè figurantur in serpentū & scorpionum veneno ad intimos cordis recessus peruadente; nec non in regio morbo, siue ictero, qui ad externam membrorum speciem prodit: horum autem vtrumque mirificè à Deo per peccatorum remissionem curatur.

**D** Sed transeamus ad ipsam Hyacinthi gemmam. Ac primò suauitatem illam & commiserationem in floris literis atque colore adumbratam indicat etiam gemma tum eodem ipso floris colore, tum etiam mirā illā proprietate, quam ex Solino & aliis recensuimus, quod scilicet nebuloso & caliginoso cælō turbetur ipsa, & quasi moereat; hilarescat verò, & oblectetur fudo atque sereno. quo quid mollius, & ad misericordiam significandam opportunius?

*Mollis ac tener Hyacinthi color quid symbolicè denotet:*

*Fabulas Hyacinthi pueri & Aiæ, qui in flore Hyacinthū finxerunt conuersos, fortè in floris huius natura fundari.*

*Hyacinthi floris virtus ad medicinā efficacax quid mysticè denotat.*

*In Hyacintho gemma commiserationem & suauitatem figurati.*

*Vndecimus Symboli articulus explicatur.*

*Vndecimi articuli doctrina in Hyacintho figurata monstratur.*

*Remissio peccatorum quomodo per Hyacinthum adumbrata. Litera, A, I, in Hyacintho à natura inscripta quid innuant.*



Potionem à  
Hyacintho  
gemma tor-  
di prodesse  
quid innumus

Iam, si flos est ad cordis medicinam perutilis, & præstantissimū affert aduersus cordis venena remedium, id sanè multò magis in gemma reperitur. pro quo vide superius dicta in alia notatione de Hyacinthina potione à medicis præscribi solita. Huc spectat, quod Rubeus scribit, nimirum Hyacinthi proprium esse, *Virtutes* (cordis præsertim) *tuere à populatim sauiente peste*. &c. Item quod ex eodem retulimus de Hyacinthi efficacia ad celi fulmina præcauenda. Nam in celi fulminibus Dei ira atque indignatio nobis significatur: atqui peccatorum remissio homines ab horū fulminum ictu præmunit ac liberat.

Si autem verum foret, quod opinantur nonnulli, scilicet gemmam Plinio & Solino dictā Hyacinthum esse eandem, quam Dioscorides & Galenus Sapphirum appellant: huc etiam spectabūt, quæ Dioscorides lib. 5. cap. 157. & Galenus de Simplicium facultatibus lib. 9. memoriæ prodiderunt, dum Sapphiri virtutem aduersus scorpionū vulnera & omnem veneni malitiam celebrant.

Reliquum est, ut reddamus rationem, cur cum Apocalypseos Hyacinthus Ligurio Rationalis respondeat non tamen eadem gemma, sed diuersæ sint, & Apocalypseos quidem gemma pretiosior? Pro huius discriminis ratione assero, utramque gemmam aptè satis ad remissionem peccatorum significandam vsurpari: sed, ut significetur maius diuinæ clementiæ argumentum legis gratiæ tempore, quàm legis scriptæ; propterea in Rationali

A Ligurium eleganter fuisse appositum, qui Apocalypseos Hyacinthum è regione respiceret. Precipua quidem virtus ex ijs, quæ Ligurio tribuuntur, traditur esse aduersus icteron siue regiū morbum, ut supra vidimus: & potissima Hyacinthi vis cernitur in cordis medicina aduersus venenum. Quid ergo congruentius ad innuendū discrimen inter nostra & legis veteris Sacramenta? In illis enim vix aliud videbatur agi: quàm externa, sanctificatio atque munditia; quod est quasi regium morbum in vultum prodeuntem curare: in nostris autem Sacramentis præcipue agitur de animæ remedio & curatione, deque totius veneni ex imis præcordiis expulsionem. Licet enim pessimi exempli lues in externam aspectantium faciem erumpens expelli curetur (pro huius enim rei significatione virtus inest Hyacintho ad regium morbum sanandū; præcipue tamen cordis ipsius sanitas procuratur: id quod celebris Hyacinthi virtus denotat. Non tamen ideo inficiamur, in veteri etiam lege (licet non adeò perfectè) de grauium animæ peccatorum remedijs agi. Nam etsi omnia in figura contingebant illis; nihilominus Dei amici & familiares tunc admisso rum scelerum scrupulis vexabantur; & pro eorum curatione Diuinam clementiam ac pietatem implorabant. Ut autem hoc etiam in Ligurio adumbraretur, vidimus iam supra, ipso non solum regium curari morbum, sed etiam calculos vesicæ eo pote elidi.

Cur Apoca-  
lypsis pro  
Rationalis  
Ligurio Hy-  
acinthum  
substituerit  
Mysticè.

## NOTATIO XXXIII.

### De Amethysto gemma duodecima.

Amethysti  
gemma na-  
tura exami-  
natur.  
Qualis sit  
eius color.

Conuenit inter omnes, Amethystum gemmam esse diaphanam, siue perspicuam & colore violaceo. Quamobrem licet Plinius quinque Amethystorum species describat; de omnibus tamen generatim tradit, *Perlucent omnes violaceo colore*. Hunc ipsum Amethysti colorē alij exponunt vini comparatione. Theophrastus enim ait, hunc lapidem esse, *ὡς οὖν τοῦ κρατοῦ*, id est, *vini colore*. Et ex Theophrasto videtur id mutuatus esse Epiphanius in suo de gemmis libello, dum ait; *Amethystum vini similitudinem vibrare*. Fortè comparatio ista hæc defumitur ex rubro vino, quod Hispani vocant *haloque*; siue ex alio vino purpureo, quod etiam in vsu est. Album enim vinum constat non esse ad rem. Nihilominus tamen ipse etiam Plinius in Amethysto vini æmulationem considerat: nec solum in quarto genere, de quo absolute dicit, *Vini colorem habet*; sed etiam in vniuersum loquens, ait namque; *Amethystum usque ad vini colorem accedere; sed in violam desinere, & fulgorem quandam purpureæ in illa cerni, non ex toto igneum, sed in vini colorem deficientem*.

Quod si in Amethystorum optimum oculos conicere velimus; nobilissimum ait Plinius esse Indicū: *Indicæ absolutum felici purpuræ colorem habent; ad hancq; tingentium officinā dirigunt vota*. Hæc est vulgaris Plinij lectio: quanvis Dalecampius referat in antiquis manuscriptis pro illa dictione *felici*, legi, *Phœnicis*: quod est Tyriam purpuram indicare. Tyrus enim est veluti Phœniciæ metropolis. Atque hæc manuscriptorum veterum lectio satis mihi fit verisimilis: nam Tryphiodorus, ut refert Hadrianus Iunius in suo Nomenclatore, exponens Amethysti colorem eum vocat *ἀσπασθῆν*, id est, sanguineum atque cruentum. Vidimus autem in superioribus, Tyriæ purpuræ colorem esse concreti sanguinis & splendentis proprium. Verum sanguineus hic color, qui Tyriæ purpuræ & pretioso Amethysto conceditur, debet intra vio-

C lacei coloris limites contineri; quippe de omnibus Amethystis generatim Plinius loquens; *Violaceo* (inquit) *colore perlucent*. Et infra; *Præcellens debet esse in suspensū velut ex Carbunculo resurgens quidē in purpura leuiter roseus nitor*. Hac ratione conciliatur sanguineus color, quem Tryphiodorus Amethysto attribuit, cum colore vinaceo, quem eidem adscribit Theophrastus & Epiphanius; & cum purpureo, quem eidem Dionysius Afer concedit, agens de Indico Amethysto, *καὶ γὰρ καὶ τοῦ ἀσπασθῆν ὑπάρχει πορφυρεῖον, atque dulce Amethystū leuiter purpurascens*.

D Ex dictis colligitur in pretioso Amethysto vinarj coloris imitationem cum purpura copulari. Si verò speciatim Tyriam attendamus purpurā; id ad sacrarum Literarū consuetudinem est aptissimum, quia ob Phœnicis viciniam videtur Scripturæ purpura explicanda esse de Tyrio. Præsertim si aduertamus, antiquam Tyri nobilitatem eò fuisse deuolutam, ut communem purpuræ officinam ageret. Lege Plinium lib. 5. cap. 19. ubi de Tyro loquitur; *Nunc omnī eius nobilitas conchylio atque purpurā constat*.

E Porro, quā sit Amethystus aspectu gratus ac iucundus, facile deducitur ex nobilibus cognomentis, quibus eum antiqui scriptores insigniūt. Dionysius Afer eum vocat *dulcem*: Plinius ex multorum consensu gemmam Veneris; subditque nomen hoc maxime decere & specie & colore extremo gemmæ.

Iam, si ad Amethysti etymologiam oculos reflectamus: huic nomini duplex est significatio: altera, *non ebrius*; altera *ebrietatem prohibens*. Ex hisce significationibus primā gemmæ attribuunt Plutarchus & Plinius; existimantes hallucinari eos, qui gemmæ nomen datum putant à præsidio profigandæ temulentiae; & credentes dictam esse Amethystum, quasi non ebriam; quod ipsius color non valde accensus sit, sed temperatus: nam à vini colore priusquā eum degullet, in violam de-

Pretiosi de-  
mum Ame-  
thysti color  
cuius modi  
sit.

Amethystus  
quā sit  
grata ac iu-  
cunda gem-  
ma.

Amethysti  
gemma ety-  
mologia.

Indicū A-  
methyllum  
(qui & ce-  
teris precio-  
sior) purpu-  
ræ colore  
constare.



finis. Notum tamen est, omnia aduersus ebrietatem remedia Græcè appellari Amethysta: atque hac ratione Dioscorides & alij loquuntur. Eandem virtutē multi huic gemmæ inesse dicunt. Quin & Rueus hanc opinionem Aristoteli attribui censet; licet ipsius locum non citet. Plinius tamen hanc deridet virtutem; asseritque id esse Magorum figmentū. Verum siue ratione nominis, siue coloris, siue virtutis; id iam est vulgari consensu receptū, vt hæc gemma & eius color designent sobrietatem, vt affirmat Plinius lib. 41.

Plutarchus libello de audienda poetica, initio, eam Amethysto virtutem tribuit, vt ad se trahat, quod in eius conspectu est, *Ij lapilli* (ait) *qui vocantur Amethysti, vim quandam attrahendi, dum labore fatigati accenduntur, nati sunt.* Et addit, se optare hanc suo libro virtutē imprimere, vt lectus atque in manibus gestatus animos ad se alliciat. Alcianus Emblemate quodam asserit colorē ianthinū (qui est Ame-

Amethystū  
ad se quo-  
dam modo  
trahere  
quod in eius  
conspectu est

A thystinus) esse propriū eius, qui reru suarū statu contentus est; *Quisquis forte sua contentus, Ianthina gesser.*

Præter hæc; de Sarda agentes diximus, eam esse, quasi Amethysti matrem; atque ita nonnullas inueniri gemmas, vna ex parte Sardas, ex altera Amethyitos. Atque vt Sarda aduertimus in saxi alicuius corde reperiri solere: ita etiam Theophrastus tradit, Amethystum etiā, sicut Sardium, quibusdam petris confractis inueniri.

Huic itidem gemmæ Rueus adscribit, quod vigilantes eos reddat, qui eam gestant. Hæc opinio fortassis traxit originem ex Hebræico Amethysti nomine *abalmach*, quod Grammatici deriuant à *Chalom*, quod somnium significet. Licet enim suspicentur Hebræi, huius nominis rationem esse, quod qui hunc lapidem gestat, semper somnia videat: hoc tamen aut vanum est, aut somnium est inchoatio vigiliæ. Idem etiā Rueus in hac gemmā significationē totius prosperitatis contemplatur.

Sardam  
gemmam  
esse veluti  
Amethysti  
matrem.

Alia pro-  
prietates  
Amethysto  
attributa.

## NOTATIO XXXIV.

De respectu & conuenientia gemmæ duodecimæ cum duodecimo articulo.

Extremi articuli mysterium his verbis continetur: *Carnu resurrectionem, Vitam eternam.* His in Apocalypsi respondent, *Duodecimum, Amethystus.* In articuli verbis duo includuntur sensus; alter bonorum & improborum communis; alter iustorum proprius. Primus est, omnes animas cum suis rursus corporibus vniendas fore, nunquam deinceps separandas. Secundus sensus est, de discrimine in generali resurrectione inter iustos & iniustos futuro. Etenim in Scripturæ loquutione, recte dicuntur iusti solum reuicturi, & æternā beatitudine fruituri: quia damnatæ animæ cum suo corpore copulatio non quidem vitæ, sed nouæ mortis initium erit: atque adeo resurrectionis nomen non meretur; cum id potius sit denuo corrumpere, quam surgere; nec tunc vitæ sint initium auspiciaturæ, sed æternam incepturæ mortem.

Fateor ergo, in duodecimo articulo vtrumque coerceri sensum: nihilominus cōgruens esse reor, vt huius articuli symbolum directè ad secundum duntaxat respiceret: vt hæc duodecim gemmarum corona pro coronide atque exitu haberet triumphum atque gloriam Beatorum: vnde indirectè etiam indicatur æterna damnatorum miseria. Cum enim vtrique sint in vniuersali illo iudicio sistendi; cumque iustorum triumphus ac regnum æterna sint futura: ex hoc ipso intelligitur, impiorum etiam damnationem & cruciatus sempiternam fore: atque vt iusti corpore pariter & animo perpetuam beatitudinem possessori sunt, sic etiam ipsorum aduersarios animā & corpore æterna supplicia luituros. Directè tamen gemma duodecima ad sempiternam Sanctorum felicitatem applicanda est.

In Amethysto ergo considerabant antiqui conuersionem coloris vinarij cum purpura ac viola, vt iam vidimus. Quapropter vt in Hyacintho philosophati sumus ex flore vnde nomen traxit, sic in Amethysto, quæ ad duodecimi articuli significationem diuina prouidentia voluit vsurpari, ex vino, purpura & viola philosophandum est. Quod cum ita sit; quis nesciat, in vino cordis latitiam & malorum omnium obliuionem denotari? Vide 3. Esdræ 3. 20. *Omniem mentem conuertit in securitatem & iucunditatem; & non meminit omnem tristitiam.* Porro in Euangelio nemo nescit torrentem illum voluptatis, quo sunt iusti in æterna beatitudine inebriandi, per vini allegoriam explicari; Matthæi 26. 29. *Non bibam amodo de hoc genimine vitis usque in diem illum, cum illud bibam vobiscum nouum in regno Patris mei.*

Vini etiam translatione significari solet, fluxorum & caducorum bonorum vanitate homines inebriari. Hinc Ioannes (vt suprà suo loco vidimus) depingit Babylonem, id est, veterem Romanam

B ethnicam, tenentem manu calicem, quo gentes inebriare volebat. Præcipit autem Salomon, vt ab eo præcaueamus vino, quia euertit animam, Proverbiorum 23. 31. *Ne intuearis vinum quando flauescit.* Si ergo bonorum mundanorum species oculis obiecta inebriandi vim habet: efficacissimum aduersum eam ebrietatem remedium est, oculos in spiritale celestis beatitudinis vinum iniungere: vt hoc pacto fluxa ac peritura contemnentes ad æterna ac solida aspiremus.

Ad huius rei mysteriū iure optimo nobis oculos ponitur Amethystus vini colorem præferens; sed eiusmodi vini, quod non modò nō mentē deiciat, sed etiam ab omni ebrietate liberet: quod Græcum ipsum Amethysti nomen spectat, vt superiori notatione expendimus. Hoc autem nihil aliud est, nisi nobis indicare, vt mentis oculos à vino illo flauesciente atque illiciente auertamus, & in illud æternæ felicitatis vinū conuertamus, si sobrii esse velimus. Simili fere ratione dixit Hieronymus: *Quotiescunque sæculi te vana delectabit ambitio; quotiescunque aliquid videris gloriosum; ad paradysum mentem transgredere.* Atque hoc pacto future vitæ meditatio est veluti verus Amethystus, siue ebrietatem prohibens. Quid, quod Amethystus violam etiam repræsentat? & de violis quidem Plinius scribit lib. 21. cap. 19. *Erapulam & grauedines capitis impositū coronæ olfactus discutiunt.* Quod autem erapulam arcet, ardorem etiam à vino inductum refrigerare potest. Vnde æternæ vitæ commentatio extinguit incendium, quod in nostris animis fluxorum bonorum excitat appetentiam. ad quod etiam conducunt ipsius Plinii in eodem capite verba; *Purpureæ violæ refrigerant, & contra inflammationes illinuntur stomacho ardenti; imponuntur & capiti in fronte.*

Ad magni solatij significationem, quod iusti ex speratæ beatitudinis consideratione percipiunt, cōfert illa Amethysti appellatio; qua dicebatur dulcis, & Veneris gemma. Ad hæc; vt Amethystus digitorum attritu calefactus habet vim attrahendi: non aliter carnis resurrectionis meditatio, & sempiternæ etiam vitæ, quam in cælo speramus, animos illicet, & mirum in modū afficit. In huius etiā vitæ laboribus & anxietatibus, ne earum fluctibus obruamur, sed doloris abstergeamus lacrymas; suauis pariter atque efficax est commentatio sempiternæ felicitatis, quam nobis Deus in celesti regione praparauit. Hanc in rem Plinius eodem illo capite affirmat, purpureas violas esse salutarem medicinam contra anginas, & oculorum priuatum epiphoras & suppurationes. Atqui angina gutturis præclusionem & suffocationem minuitur: Epiphoræ autem sunt oculorum delacrymationes, cum affluidi humoris illapsus oculos angit: suppurationes

Celestis  
beatitudinis  
consideratio  
quanta sit  
utilitatis.

Amethystus  
à veteribus  
dictus dul-  
cis, & Vene-  
ris gemma  
quid symbo-  
licè signifi-  
cet.

Duodecimū  
Symboli ca-  
put exponi-  
tur.

Mythica A-  
methysti  
consideratio  
ad 12. arti-  
culum.



*Amethystinus purpureus*  
perfecta color cuius  
rei sit symbolum.

Beatorum  
felicitas  
quomodo in  
Amethysti  
colore ad-  
umbretur.

— *Vt nemo, quam sibi sortem  
Seu ratio dederit, seu fors obiecerit, illa  
Contentus quuat, laudet diuersa sequentes.*

N O T A T I O. XXXV.

*Disputatio de partitione duodecim Rationalis gemmarum  
inter duodecim tribus Israelis.*

Quæstio de  
partitione  
duodecim  
gemmarum  
Rationalis.  
Vbi earum  
series & or-  
do expendi-  
tur.

Item de Amethyſtino  
purpure co-  
lore. ſymboli-  
cè.

*Quod Ame  
sbytus sui  
gestatorem  
reddat vi-  
gilantem,  
quid signifi-  
cet mysticè.*

Filiorum  
Iacobi ordo,  
secundum  
cuiusq; na-  
tinitatem.  
Genes. 29.  
Genes. 30.  
Genes. 35.

Præter



Præter hæc in Mosis benedictione Deut. 33. longè alia series exponitur, hoc pacto: 1. Ruben, 2. Iuda, 3. Leui, 4. Benjamin, 5. Ioseph, 6. Zabulon, 7. Isachar, 8. Gad, 9. Dan, 10. Nephtali, 11. Aser. In qua benedictione omittitur Simeon. Porro Num. 1. bis enumerantur Israëlitis tribus, & singulis vicibus ordo variatur. Primò sic, 1. Ruben, 2. Simeon, 3. Iuda, 4. Isachar, 5. Zabulon, 6. Ephraim, 7. Manasse, 8. Benjamin, 9. Dan, 10. Aser, 11. Gad, 12. Nephtali. Secundò verò sic: 1. Ruben, 2. Simeon, 3. Gad, 4. Iuda, 5. Isachar, 6. Zabulon, 7. Ephraim, 8. Manasse, 9. Benjamin, 10. Dan, 11. Aser, 12. Nephtali. Sed alia insuper enumerandi duodecim tribus ratio recensetur Num. 2. vbi exprimuntur, quæ tribus ad Orientem fuerint, quæ ad Occidentem, &c. Alia enumerationis series traditur Ezechielis 48. vbi in portas duodecim totidem tribus dispartuntur. Alius etiam ordo numeratur Apocalypsis 7. quo in locò Dan prætermittitur, & in ceteris immutatur ordo. Ad hæc; Chaldaica Paraphrasis, vt duodecim tribus gemmas Rationalis accomodat, eas Canticorum 5. 14. hoc ordine recenset 1. Ruben, 2. Simeon, 3. Leui, 4. Iuda, 5. Isachar, 6. Zabulon, 7. Dan, 8. Nephtali, 9. Gad, 10. Aser, 11. Ioseph, 12. Benjamin. In hoc ordine prius sex filij Liæ per ordinem numerantur. Deinde ancillarum filij suo etiam ordine: postea duo Rachelis. Hæc enumerandi diuersitas & opinionum multiplicitas in significatione Hebraicorum nominum, quæ Scriptura Rationalis gemmis imponit Exodi 28. videntur primò aspectu tollere omnem firmitatem, ex qua possit constare de nomine singulis gemmis insculpto. Accedit, quòd non deest, qui opinetur nomen Leui inibi in aliqua gemmarum non esse inscriptum; sed Ephraim & Manasse in duabus distinctis gemmis. Sic fanè Ribera lib. 3. de Templo cap. 11. contra communem opinionem, quam exposuit Abulensis Exodi. 28. Et contra Chaldaicam paraphrasim Cant. 5. quæ nomen Leui in vna gemma apponit.

Nihilominus certò existimo, constare de nomine cuius lapidi inscripto: atque adeo tam nominum, quam gemmarum distributionem esse eam, quæ sequitur, 1. Ruben in Sardio, siue Cornerina, 2. Simeon, in Topazio, 3. Leui, in Smaragdo, 4. Iuda in Carbunculo, 5. Dan in Saphiro, 6. Nephtali in Iaspide, 7. Gad in Ligurio, 8. Aser in Achate, 9. Isachar in Amethysto, 10. Zabulon in Chrysolitho, 11. Ioseph in Onyche, id est, Sardonyche (quæ est Scripturæ Onyx.) 12. Benjamin in Beryllo.

Quam pro hac distributione rationem afferam, in duas diuiditur partes. Prima; gemmarum nomina sunt rectè per vulgarem interpretem translata: id quod satis à nobis probatum est. Altera meæ rationis pars est eiusmodi: quia in duodecim Rationalis gemmis insculpta sunt tribuum nomina per proprium cuiusque natiuitatis ordinem; id est in prima, qui primò fuit natus; in secunda, qui secundò; in tertia, qui tertio, & sic de reliquis. Eadem ratione, qua in conuiuio vndecim fratribus per Iosephum apparato, Sederunt (illi) coram eo, primogenitus iuxta primogenita sua, & minimus iuxta ætatem suam, Genes. 43. 33. quod vbi certum esse statuamus, multò adhuc certior est natiuitatis ordo, vt iam expendimus. Quòd verò natalitiorum ordine fuerint eorum nomina in Rationali exscripta, docent Iosephus lib. 3. Antiquit. cap. 11. Epiphanius in suo libello de gemmis prope finem, Hieronymus Epist. 128. & Abulensis

A Exodi. 28. Verum est tamen, ab Epiphanio Berylum attribui Iosepho, & Onycha Beniamino; quia hoc ordine gemmas ipse perlegit in Septuaginta editione.

Dicet aliquis; quemadmodum natiuitatis ordo non obstitit, quominus Iacobus suis filiis diuerso ordine benedixerit, vt habetur Genes. 49. quemadmodum etiam Moses Deuter. 33. eandem natiuitatis seriem inuertit. Sic etiam fieri potuit ob rationem aliquam nobis ignotam (vel fortè, vt nomen in gemmis impressus ordo ad Iacobi benedictionis ordinem aptaretur) aliam enumerandi rationem à natiuitatis serie diuersam seligi potuisse. Præterea verisimile non est, antiquis Hebræis fuisse ignotum ordinem, quo Rationalis nomina erant inscripta: qua de re expressam Chaldaicæ paraphraseos auctoritatem habemus, quæ diuerso ordine nomina inter gemmas partitur. Nam vt sex Liæ filios simul coniungat, Isachari & Zabuloni quintum & sextum locum præfinit, quantumuis iuxta natalitiorum rationem nonus & decimus eis obtingerent; deinde Dan, Nephtali, Gad, & Aser, qui locum quintum, sextum, septimum, & octauum iuxta natalis ordinem occupare debebant; occupant tamen septimum, octauum, nonum, & decimum; atque adeò sex tribus è suis natiuitatis locis atque ordine excluduntur.

Respondeo tamen, Chaldaicam Canticorum paraphrasim non esse tanti, vt eam nimium niti possimus; cum multa habeat falsa & commentitia, & in eodem gemmarum ordine Chaldaicæ Exodi paraphrasi repugnet; vt liquidò constat ex eo, quòd in Exodo quarta gemma est Smaragdus, cum tamen in Cantico Canticorum, sit quinta. Ordo item, quo in Canticorum paraphrasi numerantur tribus, irrationalis est. Nec enim aliqua vrget ratio, cur Liæ filij debeant simul numerari. Nam si in hoc dignitas attendatur; cur in extrema loca Rachelis filij reijciuntur? Sin autem dignitatis ratio non habeatur, cur Liæ filij apponuntur: cum certum sit, inter primos quatuor & duos postremos fuisse natos quatuor ancillarum filios? Ad id verò, quod opponitur, alijs in locis enumerari tribus nullo antiquitatis ordine seruato; respondeo, mirum non esse, si ad sermonem de illis instituentum non semper ætatis ordo retineatur: præsertim si qua peculiaris ingruat ratio; qualem credibile est extitisse, vbi diuerso numerantur ordine. At vt nomina duodecim in gemmis insculpantur (cum Deus solùm præceperit ea in duodecim gemmis inscribi; & gemmarum ordinem expresserit) ille tantum ordo germanus ac legitimus videtur, qui ipsos Israëlitis filios in natalitiorum vicissitudine discriminauit. Nam vt alio ponerentur ordine, opus esset, id ita fuisse à Deo præceptum, si præcepisset, explicasset vtique Scriptura: quòd cum non exprimat, haud obscuro est argumento, eundem nouitatis ordinem in nominum inscriptione fuisse seruatum.

Hoc ipsum validè confirmatur ex sequenti notatione; in qua constabit, idoneam reperiri congruentiam & proportionem ad gemmarum nominum partitionem à nobis suprâ positam: alioqui non apta assignaretur ratio, cur (verbi gratia) Nephtali octaua Rationalis gemma, nempe Achates obtigerit; Zabuloni sexta, id est, Iaspis; idemque de ceteris dictum esto.

Obiectio  
contra præ-  
dictam asser-  
tionem.

Diluitur  
proposita  
obsectio.

Constare de  
nomine sin-  
gulis Ratio-  
nalis gem-  
mis inscri-  
ptis.

Stabilitur  
& probatur  
superior as-  
sertio.



## NOTATIO XXXVI.

In qua explicatur, quàm congruenter duodecim gemmæ sint  
tribubus duodecim distributæ.

**P**remitto 1. ex præcedenti notatione, veram ac legitimam gemmarum distributionem inter duodecim tribus Israelis esse eam, quam ibidem expressimus.

Secundò etiam aduerto, congruentissimam rationem & sacris Literis dignissimam, quæ ad hanc gemmarum partitionem reperiri potuit, desumendam esse ex ea significatione, quam Apocalypsis in cælestis ciuitatis fundamentis vnique harum gemmarum attribuit. Si enim significatio gemmarum duodecim, quam hætenus in Apocalypsi vidimus, deprompta erit ex gemmarum Rationalis significatione; id quàm maximè erat optandum. Neque id impedimèto est, quominus in vna aut altera gemmarum Rationalis congruentia fortassis alia subesse potuerit, vt illi tribui fuerit eiusmodi gemma applicata. Sed huiusmodi rationes aliunde petitas, quàm à significatione in Apocalypsi tradita, frustra in vniuersis gemmis inquiremus: si verò Apocalypseos significationem attentè perscrutari velimus, in gemmarum singulis congruentissimam reperiemus rationem, vt ex infra dicendis constabit.

Tertiò aduerto, vbi in Rationalis gemmis eum respectum ad Apocalypseos gemmarum significationem admittamus, eam protinus difficultatem occurrere; nimirum cur non fuerint huiusmodi gemmæ conscriptæ, eodem ordine, qui in Apocalypsi Symboli articulis fuit ab Apocalypsi seruatus? Respondeo tamen; in Rationalis gemmarum distributione ille potissimum scopus fuit propositus, vt in duodecim Israëlitis tribus gemmæ congruenti ordine partirentur. Cum hoc autè stare non poterat, vt tribus ipsæ ordine antiquitatis conscriberentur; & tamen singulis ea gemma obtingeret, quæ illis maximè quadrabat. Deinde in veteris instrumenti figuris necesse non erat, eundem seruare ordinem, què testamenti noui veritates per easdè figuras adumbratæ inter se seruant. Nam legitima rerum series ac dispositio ad veritates ipsas refertabatur, & in ipsis figuris congruentius erat, illum enumerationis ordinem retinere, quem historia ipsa requirebat. Atque ita permutato postea ordine, vt testamenti noui veritates postulabant, deprehenduntur antiquæ figuræ congruere significationi in eis contentæ. Patet hoc in Habacuc cantico; vbi verè ac propriè prænuntiatur instauratio veterum operum admirabilem, quæ Deus in suo populo patrauerat; & tamen, quo predicuntur ordine non idem omnino est, qui in antiquorum prodigiorum efficietia fuerat seruatus, sed secundum eam rerum seriem figurantur, qua postea legis gratiæ tempore fuerant illa prodigia renouanda, quæ series erat longè alia ab ea, qua antiquæ figuræ contingerent vt, in eius cantici commentario planè fiet. Notandum item est, Spiritui sancto conuenientissimum fuisse visum, vt postea immutaretur ordo, vt ipsamet noua enumerandi ratio atq; ordo nos in ipsius significationis deduceret cognitionem, & ad eam facilius assequendam illustraret; iuxta ea, quæ in Habacuci cantico disputabimus.

His ita constitutis; per singulos Patriarchas breuiter discurremus oportet. Primò Sardius congruenter adscribitur Ruben. Nā hæc gemma Christi resurrectione representat. Et Ruben fuit Iacobi primogenitus. Ipsius pater Gen. 49. 3. Ruben (inquit) primogenitus meus; prior in domo, maior in imperio. Constat in Scripturæ loquutione nomen primogeniti Christo tribui ob gloriam ac maiestatem, qua ex mortuis

**A** victor resurrexit; nec non ob imperiū ac dominationē in res omnes creatas. Lege ad Ro. 8. 29. *Vt sit ipse primogenitus in multis fratribus.* & ad Col. 1. 15. *Primogenitus omnium creaturæ.* Et num. 18. *Primogenitus ex mortuis.* Ad Hebr. 1. 6. *Cum iterum introducit primogenitum in orbem terrarum.* Apoc. 1. 5. *Primogenitus mortuorum.*

Secundò Simeoni adscribitur Topazius, qui Symboli articulum de Spiritu sancto adumbrat. quippe diuini Spiritus communicatio erat reseruatā ad illud tempus, cum Christus resurrexisset. Iuxta illud Ioannis, *Nondum erat Iesus glorificatus.* Vbi autem resurrexit, mox ad discipulos fuit loquutus; *Accipite Spiritum sanctum.* Cum ergo Simeon fuerit natus secundus à Ruben, atque ipsum Ruben primogenitum mox consequutus; aptè cohæret vt fortiretur Topazium, quod est symbolū diuini Spiritus in filios Ecclesiæ fideles post Christi resurrectionem effundendi. Facit quod Simeon sonat exauditionem. Cum autem Deus suū fidelibus spiritū impertiuit, vtique exaudiit eam sanctorū Patrum orationem; *Emitte spiritum tuum, & renouabis faciem terræ.* Atque hanc eandem orationē ille Ecclesiæ hymnus continet, *Veni creator Spiritus, &c.*

Tertiò, Smaragdus, passionis Christi symbolum, ad Leui aptatur satis meritò: quia ad tribum Leui spectabat offerre legis sacrificia, quibus veluti lineamentis quibusdam & vmbis figurabatur purissimum illud noui testamenti sacrificium, quod in Christi passione fuit æterno Patri oblatum.

Quartò Iudam respicit Carbunculus, id est, gemma incarnationis articulum significans; vt innuat, Christum ex Iudæ tribu humanam carnem assumpturum; atque adeo Verbum incarnatum fore illum catulum Leonis Iudæ, de quo Gen. 49. 9.

Quintò, Sapphirus representat secundum Symboli articulum, qui Iesum Christum esse verum Dei filium, verumque Messiam profitetur. Hæc gemma quadrat in Dan; vt ea tribus hoc afficeretur honore per allusionem ad ea Iacobi verba, quæ in filij Dan benedictione continentur; *salutare tuū expectabo Domine.* Quibus in verbis, quauis ipse pater Iacobus loquens inducatur; peculiaris tamen aliqua extitisse videtur ratio, cur ea in Dan benedictione, (quæ septima est) potius quàm in ceteras infererentur. Sed vt cumque se res habeat, fuit saltem honorificum Dan, vt verba illa ipsius benedictioni propria forent. Fortè hac in re diuinus Spiritus attendit Samsonem ex tribu Dan oriturum; qui suum liberaret populum, & incolumen præstaret admirandis prodigijs; in quo Christi Domini figuram adumbravit.

Sextò, Iaspis quadrat Nephtali. Ea gemma primum creationis articulum indicat. Et fortè habitus fuit respectus ad nomen Nephtali, quod sonat æquiparationem. Atqui creatio omnes ex nihilo productos reddit equales; ita vt de nulla alia nobiliiori origine, aut atauorum gloriā quàm de ipso nihilo gloriari possimus.

Septimò, Gad conuenit Ligurius, qui est Lynceus Plinio, vt vidimus in Hyacintho, vndecimā Apocalypseos gemmā. Etenim Hyacinthus in Apocalypsi fuit congruentissimè pro Rationalis Ligurio suffectus. Vtraque autem gemma appositā est ad peccatorum veniam ac remissionē indicandā; atque ideo Gad attribuitur gemma huius articuli & mysterij symbolū. Quia Gad significat fælicis siue beatus; & scriptum est, *Beati, quorum remissa sunt iniquitates, & quorum testis sunt peccata; Beatus, cui non imputant Dominus peccata.* Psal. 31. 1. Fortè huc spectat illud, *Benedictus in latitudine Gad,* Deut. 33. 20.

Gemmarum Rationalis rationem & partitionem ex Apocalypseos gemmarum significatione esse petendam.

Cur in Rationali gemma non fuerint eodem ordine scriptæ, atque in Apocalypsi?

Singulis tribubus singula aptantur gemmæ, & cuiusque ratio redditur. Sardius aptatur Ruben.

Topazius Simeoni.

Smaragdus Leui.

Carbunculus Iudæ.

Sapphirus Dan.

Iaspis Nephtali.

Ligurius Gad.



Achates,  
Affer.

Octauo, Affer in octaua Rationalis gemma erat inscriptus, nempe in Achate: quam non sine peculiari mysterio Apocalypsis in Chrysoprasum commutauit. Etenim veteris testamenti figuris successit Christianæ Ecclesiæ Spiritus, & Christi Domini regnum in ea stabilitum. Videtur ergo Achates ad tribum Affer fuisse aptata: quia Affer felicitatem sonat. Et magna Hebraici populi felicitas sita erat in mysteriorum legis gratiæ representatione. Eo fere modo, quo gemmæ Achatis felicitas in eo consistit, ut rerum verarum imagines ac similitudines sint in ipsa gemma expressæ; ut arborum, animalium, &c. Vnde celebris est gemma illa Achates Pyrrhi Epirotarum regis, in qua nouem Musæ & Apollo citharam tenens spectabatur; non arte, sed sponte nature, de quo Plinius lib. 37. cap. 1.

Amethystus  
Isachar.

Nono Isachar Amethystus applicatur; quæ gemma postremam Apostolici Symboli veritatem, id est, premium æternæ felicitatis, iustis in cælo conferendum proponit. In quo videtur haberi respectus ad Isachar nominis etymon; quod perinde est ac premium seu merces.

Chrysolithus, Zabulon.

Decimo Zabuloni obtingit Chrysolithus, qui Christi ascensionem figurat, quod nobis innuit prophetiam illam de Zabulon tribu: quæ licet primis temporibus non magni fuerit habitas postea tamē ad sublimem fuerat dignitatem euehenda; iuxta Isaïæ vaticinium. cap. 9. 1. *Primo tempore alleuiata est terra Zabulon, & nouissimo aggravata est via maris trans Iordanem Galilee gentium: populus, qui ambulabat in tenebris, vidit lucem magnam; habitantibus in regione umbrae mortis lux orta est eis*, &c. Et quantum fiat ibi pariter mentio Zabulon & Neptali; Zabulon tamē priori loco memoratur. Sensus autem loci huius spectat haud dubiè felicissimam sortem, quæ Galilæos manebat; quod ex ea regione homines essent ad Apostolicum culmen extollendi: in qua dignitate & ascensione, quodammodo Christi ascensio adumbrabatur. Idemque mysterium in Mosis benedictionibus continetur Deuter. 33. 18. *Lietare Zabulon & Isachar, populus vocabunt ad montem; ibi immolabunt victimas iustitiæ. Inundationem maris quasi lac surgent, & thesauros absconditos arenarum.* Quod ad Gentium conuersionem per Christi discipulos factam referendum est.

Sardonyx,  
Iosepho.

Vndecimo, Iosepho respondet Sardonyx: ea est, quæ inter Rationalis gemmas appellatur Onyx. Cum autem Christi descensum ad inferos representet, meritò ad Iosephum transfertur; qui descensionem Christi ad limbum figurauit, quando missus est in cisternam veterem. Genes. 37. 24. Siue etiā quando suis fratribus se obtulit cognoscendum, ac dixit: *Ego sum Ioseph frater vester.* Genes. 45. 4.

Beryllus,  
Beniamino.

Duodecimo Beryllus (symbolum Christi ad Patris dexteram sedentis, & inde tandem ad extremum iudicium venturi) in Beniaminum quadrat mirifice; nam Beniamin sonat idem quod *filius dextere*. Vnde quia Christus est Filius Dei, qui ad Patris dexteram sedet, propterea inde venturus est iudicare vivos & mortuos. Fortè cū hoc eodem mysterio concinunt verba illa, quæ de Beniamino dicuntur, Genes. 49. 27. *Vespere diuides spolia.* Nam ad iudicem supremum diuisio spoliū spectat. Non me latet, commutato tam gemmarum, quam tribuum ordine, Chaldaicam paraphrasim assignare Beryllum tribui Dan, cuius nomen sonat iudiciū, quod valde conuenire videbatur cū gemmarum Apocalypseos mysterio, ut gemma supremum iudicium representans aptaretur Dan, cuius nominis significatio ipsū importat iudiciū. Verū minimè licet aut gemmarum seriē, aut Patriarcharum natales inuertere. Nec satis est, congruentiam aliquam in

A vno, aut altero ex duodecim nominibus reperiri, ubi cetera omnia applicari non possunt.

Diximus hactenus de conuenientia distributionis gemmarum in rationali. Consideratis tamen quatuor ipsius versibus, elucet etiā aliquid consideratione dignum. Obseruandum ergo est, gemmas duodecim in quatuor Rationalis versibus hoc ordine fuisse dispositas incipiendo à dextra ad sinistram, ut mos erat Hebræis.

Smaragdus	Topazus	Sardius
Iaspis	Sapphirus	Carbunculus
Amethystus,	Achates	Ligurius
Beryllus	Sardonyx	Chrysolithus.

Consideratā verò significatione in quadruplici Rationalis angulo, continentur quatuor illustrissima nostræ fidei capita; nempe Christi Assertoris nostri *Passio, Resurrectio, Ascensio*, & ad extremum iudiciū *Aduentus*. In centro autem (ubi Sapphirus & Achates sedem habent) includuntur Christus per Sapphirum, Ecclesia per Achatem figurati: supra Christum Spiritus sanctus in Topazio; sub Ecclesia limbus Sanctorum Patrum in Sardonyche expressi sunt. Porro Christus: ad vtrumque latus habet creationem & incarnationem; quia omnia per ipsum facta sunt, & *Verbum caro factum est*. Ecclesiæ vero vtrumque consistant latum hinc remissio peccatorum ad hanc vitam, inde æterna gloria ad cælestem beatitudinem. Nā Ligurius ad remissionem peccatorum refertur, quod est gratia; & Amethystus ad vitam æternam, quod est gloriæ.

C Multo tamen exactior est gemmarum ordo in Apocalypsi seruatus, ut doctrinæ Euangelicæ perfectione decebat. Quod si alicui placeret ex gemmis hinc duodecim totidē emblemata effingere, quibus duodecim Apostolici symboli figurarentur articuli (sicuti ad pilei seu galeri ornamentum solent hodie pretiosa ex auro atque gemmis cingula elaborari) concinnum satis atque elegans esset inuentum cinguli huiusmodi coagmentati ex gemmis duodecim, Iaspide, Sapphiro, Smaragdo, & reliquis per Apocalypseos ordinem numeratis. At, si cui magis arriderent Christi & Ecclesiæ imagines: ille primos octo Symboli articulos posset rectè figurare in duplici Christi Domini effigie; alterā iacente, & Iaspideam globosi mundi imaginē læuā tenente, ac dexterā smaragdinam crucē: huic intima esset vestis Sapphirina, extrema ex Carbunculis & Adamantibus constans (nam Adamantes etiā in Scriptura inter Carbunculos numerantur.) Atque in hac imagine quatuor primi fidei articuli posset non ineptè effigiari. Quatuor autē sequentes articuli poterūt figurari in alia Christi effigie: cui hypopodium sit ex Sardonyche; & imago ipsa interioris indusium ex Sarda; exterius ex Chrysolitho habeat, & in manu Beryllum gesserit.

De ordine  
gemmarum  
Apocalypseos.

D Ad tria Symboli capita sequentia, effingi potest Ecclesiæ simulacrum stantis Topazio coronatæ & intrinsecus Chrysoprasijs, extrinsecus Hyacinthis amictæ.

E Denique extremus articulus congruenter significabitur per alteram ipsius Ecclesiæ imaginem sedentis, quæ Amethystitis induta ac redimita sit. Omnes autem hæ quatuor effigies in eadē tabula possunt hoc ordine depingi.

4 Imago sedentis Ecclesiæ	2 Imago Christi sedentis.
3 Imago Ecclesiæ stantis	1 Imago stantis Christi



## T E X T V S.

*Verf. 21. pars. 1.* Et duodecim portæ, duodecim margaritæ sunt per singulas:  
& singulæ portæ erant ex singulis margaritis.

## C O M M E N T A R I V S.

*Quomodo  
intelligi de-  
beat, duo-  
decimmar-  
garitæ per  
singulas.*

**D**UODECIM MARGARITÆ PER SINGVLAS] Multi sic videntur intelligere, vt portæ singulæ ex duodenis margaritis sint compactæ (& similiter etiam autumant fundamenta fuisse gemmis duodecim ornata, quod suprà refutatum est). Sed huic expositioni manifestè repugnat: quod statim sequitur; videlicet *singula portæ erant ex singulis margaritis*. atqui prophetica visio membra inter se pugnancia complecti non potest. Adde, duas illas voces *per singulas* in latino textu fuisse appositas; & nihil eis in Græco respondere. Quamobrem, ne loci huius explicatio Græcum textum & Latinum conuellant; oportet cum dicitur, *duodecim portæ, duodecim margaritæ sunt per singulas*, sic explicare; per singulas, id est, *singula ex singulis*, vt mox disertissimis verbis ipse contextus exponit.

*Singula por-  
tæ quinam  
sint conside-  
randa ex  
singulis  
margaritis  
facta.*

At enim, quinam qualibet porta consideranda est ex vnica margarita constans? Hac in re duæ esse possunt explicandi viæ extremè oppositæ. Prima est, vt ipse ianux aditus consideretur perinde atque exiguum foramen, quod in aliqua margarita, vt cum aliis inseratur, fieri solet. Huc spectare videntur Christi verba Matthæi 19. 24. *Facilius est camelum per foramen acus transire, quàm diuitem intrare in regnum calorum*. Nam margaritæ foramen arctius adhuc & strictius esse solet, quàm foramen acus. Quarè vt Christi comparatio fuit aptissima, ita etiam non ineptè fingi potuisse videntur cælestis ciuitatis portæ ad margaritæ foraminis similitudinem.

*Duplex ex-  
plicandi  
ratio.*

Alteræ extrema via est, si has portas ita laxas ac patentes concipiamus, vt singulis bini aut terni calami minimùm pro latitudinis dimensione sint. Pro cuius cõfirmatione illud potest adduci, portarum cum longitudinem, tum altitudinem & ædificij magnitudini & altitudini muri respondere debere: & in textu quidem ipso exprimi, quem calamus manu tenebat Angelus, esse dimensionem ad portas mensurandas.

*Auctoris  
mens &  
expositio.*

Inter duo hæc extrema illud mihi videatur asserendum, postes ipsos præaltos atque sublimes esse considerandos, cuiusmodi præcipuæ insignium ciuitatum portæ esse solent: nihilominus tamen portarum ingressum siue aditum ad eò esse contractum, vt difficilè possit quispiam per aliquam ex ijs portis ingredi, vt si mente concipiamus portas singulas pede vno aut sesquipede in latitudinem patere. Nec contra hoc est, quod in textu asseritur, Angelum scilicet portas calamo fuisse dimensum, tum quia postes erant amplissimi; tum etiam, quia calamo, cuius meminit Ezechiel, Angelus in ea visione spacia vnus tantum cubiti dimensus est. Qua autem ratione adducar, vt portas has Ioanni visas (id est, ipsarum aditus) arctas valde esse existimem, explicui supra, num. 15. Ceterum conceptio mentis non ad eò debet esse violenta; vt propterea considerentur ostia tanquam acuum foramina: id enim nec portarum ratio admittit, nec ipse permittit textus, qui & ipsas appellat portas, & calamo mensuratas esse indicat, & per eas ingredi ait eos, qui saluatur, nec non diuitias omnes atque opes regum, &c. Hæc omnia exigunt, vt quauis arctæ & angustæ, portæ tamen sint. Christi autem comparatio, cum ait, *Facilius est camelum per foramen acus transire*, non agit de portis, sed de re, quæ omnino nisi per Dei miraculum fieri nequeat. Quapropter paulò post Christus ait, *Apud homines hoc impossibile est: apud Deum autem omnia possibilia sunt*.

Veruntamen si duodecim portæ (esto, arctæ & strictæ) verè portæ erant; si ipsarum postes amplissimi & magnificentissimi: quod dicitur singulas portas singulis constare margaritis, postulat, vt margaritæ ipsæ ad eò ingentes considerentur, vt opus esset si ex vnica margarita foret fabricanda porta ingens cum suis postibus ac liminibus, cumque debita amplitudine & maiestate (qualis videtur esse ianua templi Pantheonis Romani). id quod considerationi facile erit repræsentare, nec eiusmodi fictio abs re erit.

Aduertendum in super est, nullo hominum inuento aut artificio fieri potuisse, vt margarita aliqua in duas aut plures partes dissecta, eum tamen, qui expetitur, splendorem retineret. Enim vero cum gloriosæ huius vrbis portæ ex margaritis fingantur, considerandæ pariter sunt post sectionem & calaturam miro splendore remanisse, quemadmodum gemmæ sectæ atque politæ pristinum tamen retinent splendorem, atque ad eò maiorem accipiunt.

*Portarum  
ex marga-  
ritis facta-  
rum myste-  
rium.*

Sed vt ad mysterium deueniamus; vidimus iam in superioribus duodecim illas mystici Israëlitis tribus, hoc est delectos ex Hebraico populo viros, qui Christi Euangelium acceperunt, & se Apostolorum adiutores in Gentilitatis conuersione præstiterunt; hos inquam, significari conuenienter in duodecim portarum symbolo. Quòd autem portæ sint ex margaritis effictæ, nobis innuit eorum gloriam in margaritæ proprietatibus mirum in modum figurari. Etenim gloria ipsa respicit gratiæ & meritorum proportionem: & Apostolicorum virorum vitam, vt infra explicabimus, mirè repræsentat margarita. Ex quo deducitur, qui primitiuos illos Christianos imitantur, se ipsos diuinæ gloriæ & proximorum saluti consecrando; in eos etiam idem symbolum portæ ex margarita factæ quadrare; idque propter similitudinem; vt, verbi gratiâ, in sacras Religiosorum hominû familias, quæ se in aliorum salutem impendunt: idemque dixerim de probis clericis, deque Euan-



A

gelij concionatoribus, quantunvis regulares non sint. Ceterum pro huius doctrinæ claritate in sequenti notatione applicabimus margaritæ symbolum ad Religiosos homines: vnde simili ratione de mysticis alijs portis philosophari licebit.

Vt autem margaritam ita grandem Deus conflet, vt opus est ad ingentem portam tanti edificij fabricandam: Ecclesiasticos viros suæ vineæ cultores Deus ipse arctissimo charitatis vinculo inter se colligat. Nam media hac vnione ingens coalescit margarita, quæ propriè appellatur Vnio. Vbi autem ipsi sint effecti *cor vnum & anima vna*: tunc eum poterunt hominum animis fructum & vtilitatem afferre, quæ per cælestis portæ symbolum adumbrantur. Hoc perspicuè cernitur in vberissima animorum messe, quam in Domini horrea demetit sacra aliqua Religio, quando ipsius Religiosi inter se, & cum capite sunt vnionis nexu copulati. Verum admirabilis hæc vnio est præstantissimus quidam effectus ex Christi omnipotentia dimanans: sicuti in tanta margaritarum magnitudine repræsentatur.

B

Iam, quod ingens margarita in portæ similitudinem poliatur ac cæletur, nec tamen splendore amittat, sed admittat potius & augeat; id sanè perinde videtur esse, atque in Ecclesiastico dicitur Hymno; *Tumisonibus, pressuris expoliti lapides*: scilicet corporis maceratione, cupiditatum compressione & optimis institutis: atque aded vitâ ipsâ (si opus fuerit) pro Dei honore profusâ: huiusmodi enim cælaturâ leuigantur ac perpoliuntur gloriosæ istæ margaritæ, ita vt multis sint ad Ecclesiæ & cæli ingressum portæ.

Tobias 13. 21. finguntur Ierosolymæ portæ ex Sapphiro & Smaragdo: sed elegantius ac significantius conspiciuntur ex singulis margaritis fabricatæ. Ac de eisdem portis hac ratione formati forsan potest intelligi illud Isai. 54. 12. *Ponam portas tuas in lapides cultos*. Nam & margaritæ vocantur etiam lapides ac gemmæ. Certè Martialis vocat eas *Erythræos lapillos, & gemmas Erythraeis erutas vndis*.

Mysterium  
in margaritarum  
magnitudine  
de-  
litescens.

## NOTATIO XXXVII.

## De margaritæ comparatione cum religioforum hominum vita.

Margarita  
symbolū ad  
religiosorum  
vitam.

Margaritæ  
ex cæli rore  
constari,  
quid innuat

Margaritæ  
multiplici  
cute constare,  
cuius rei  
sit symbolū.

Margaritarum  
pretiū & æstima-  
tio, quid  
mysticè de-  
signet.

**E**X cæli rore conflare margaritas tradunt; cæli-  
que eis maiorem societatem esse, quam mar-  
ris. Ita Plinius lib. 9. cap. 33. quin & in margaritis  
ipsis videre est quandam cælorum in multiplici  
cute imitationē. hoc nobis innuit religiosæ & Ec-  
clesiasticæ vitæ originem fuisse cælestem; & tan-  
quam rem è cælo dilapsam, ipsius esse imaginem,  
& cum ipso cognationem habere. Est enim cælestis  
quidam ros, qui in mundi huius mare illapsus, in  
eo coagulatur atque constringitur. Sed vt cælestis  
res in hoc inferiori orbe quandam ipsius cæli effi-  
giem præ se fert. Et cum Christus varijs in locis  
rori comparatur; forsan ad vnionis generationem  
alluditur. Deinde, margaritam multiplici cute  
constare: potest id multum extendi. Etenim sicut  
cælum super hos quatuor elementorum globos  
septem prius Planetarum orbiū veluti pallia ex-  
tendit, mox firmamentum, primum mobile, ac cælum  
ipsum empyreum: ita etiam religiosa vita  
supra inferiora isthæc, quibus humana corpora  
procreantur & aluntur, multiplici virtutum qua-  
si chlamyde & indumento ornatur. Atque in ipsa  
allusione & proportionē virtutum septem ad toti-  
dem planetas; & in alijs id genus permultis mul-  
tus se se aperit; ingenio campus. Adde hic; Origenem,  
Clementem Alexandrinum, Hilarium, Augustinum,  
Chrysostomum & Basilium margaritæ symbolum de Christo,  
Apostolis & Prophetis explicare; eo nepe sensu (vt mea fert opinio) quod  
in Christo & Apostolis religiosæ atque cælestis vitæ  
exemplar mirificè respiciat.

*Principium & culmen omnium rerum pretij margaritæ tenet.* Sic Plinius, vbi supra. Obserua ergo optime  
expendenti, & cognoscenti nihil in hac vita  
esse pretiosius & excellentius religiosæ & Ecclesiasticæ  
vitæ, per illam quippe cælum, spiritualibus di-  
uitijs ac diuinis opibus terram locupletat. Quam-  
obrem sapiens ac prudens negotiator, qui hanc  
inuenit margaritam, *vendit omnia que habet & emit eam*,  
Matthæi 13. 45. Vile satis pretium est, licet  
omnia quis, & se ipsum insuper diuendat, quo pre-

**C**tiouissimam hanc margaritam assequatur. Pro re  
magni pretij & æstimationis dixit Sapiens, Pro-  
uer. 25. 12. *Margaritum fulgens, qui arguit sapientem &  
aurem obedientem*. Horatius meminit cuiusdam vnionis,  
cuius indicatio plus viginti scutorum  
millibus fuit. Et Plinius muliebrem Lollie Pauline  
mundum margaritis constantem plus octingentis  
millibus æstimat. Et duas illas Cleopatrate margaritas  
tantopere ab antiquis & iure optimo celebratas  
Plinius ipse pluris duodecies centenis millibus facit.  
Quis ergo non videat, hæc omnia esse veluti obscura quedam delineamenta & meras  
vmbas, si cum spiritali hac margarita conferantur?  
de materiali ipsa margarita dixit Plinius; *æterna prope  
possessionis est*: at de spiritali verissime ac meritis-  
sime dicitur, *æterna omnino possessionis est*. Si igitur  
hic vnio ex cælesti rore cõflatus tanti est, & cælum  
ipsum nobis impertiat, oportet; rectè huc illa Isaiæ  
verba aptari possunt, *Rorate cæli de super*.

D

**E**Omnia dos in candore, magnitudine, orbe, leuore, pondere:  
non promptis rebus Plinius ibi. candor hic est candidus  
ille splendor planè mirabilis. Summa laus coloris est (ait  
Plinius ipse) *exaluminatos vocari*. Ecquod aptius assumi  
potest symbolum ad angelicam castitatem ac vitam culpæ  
& sceleris prorsus expertem? Margaritæ candor nullam  
patitur labem, nullam item labem Religiosa vita & Ecclesiastica  
patitur. *Exaluminatus candor* est absque vlla obscuritatis  
nubecula, sed summa puritas & splendor. Magnitudo est à  
Plinio expressa, vt ostendat margaritam non debere esse  
exiguam ac minutam; si summum assequi pretium velit.  
Quid hoc nobis, quid aliud, quàm animi magnitudinem  
denotat? Vt religiosus vir magno & excelso animo sit, & res  
ludicras ac parui momenti tanquam puerorū crepundia  
despiciat. *Princeps que sunt digna principis cogitabit;*  
& Religiosus magnas res ac sua professione dignas.

E

Addit Plinius in superioribus verbis orbis, id est, orbiculata, siue rotunda figura. Satis apta, vt

Margaritæ  
candor,  
eiusque  
symbolum.

facili



Rotunda  
margarita  
figura quid  
denotet.

Margarita-  
rum nudis-  
tas quid ad-  
umbret.

Quid La-  
mor.

Quid pon-  
dus.

Alia mar-  
garitarum  
proprietas  
ac virtutes  
ad religio-  
sos, religio-  
samq; vi-  
tam appli-  
cata.

Prima reli-  
giosus vocatio  
qualis esse  
debeat.

facili negotio moueri ac circumduci, quoquo ver-  
sus possit. Obedientiæ sanè imaginem ad viuum  
expressit. Quid enim religioſe vitæ magis propriū,  
quàm inferioris submissio atque subiectio suo su-  
periori; per quam sit promptus & expeditus, vt si  
opus sit, quamuis in partem tendere ac ferri facile  
possit? Cum orbe iungitur nuditas nam vt perfecta  
margaritæ rotunditas vsui esse possit, oportet eam  
esse nudam. vnde pretiosos vniones filo serico aut  
aureo insertos nouimus: id quod peridoneū est ad  
voluntariam religiosorum hominum paupertatem.

Lænor est terſa quædam politura absque villo tu-  
more aut scabritie. Spectat id ad quietam atque  
pacificam Ecclesiasticæ & religiosi viri vitam; ita vt  
absque alterius cuiusvis querimonia transigatur.  
Hæc autem est peculiaris quædam dos & ornamen-  
tum religiosorum hominum, qui se ad sui institu-  
ti rationem totos conantur effingere.

His adiungit Plinius ipse pondus. Nam inter mar-  
garitas maior illis æstimatio est, quibus pondus  
grauius; & propterea pluris fieri solent Occidentales  
margaritæ (quas nostri expiscantur in eo pro-  
montorio, cui nomen est *El cabo dela vela*. ) quàm  
Orientales. In hoc igitur vnionum pondere eleganter  
exprimitur religioſe vitæ pōdus, grauitas, mo-  
destia atque prudentia: sine quibus illa derisui ac  
ludibrio sæcularibus foret. Ex hac ipsa allegoria  
factum est, vt grauis res illa appelletur, cui aucto-  
ritas inest: leuis, cui parum momenti est. lege il-  
lud Isaïæ cap. 9. 1. *Primo tempore alleuiata est terra Zabulon*.  
quasi dicat, parui habebatur: & nouissimo aggra-  
uata est via maris; id est magnum illi dignitatis &  
auctoritatis pondus calitūs accreuit.

Concludit Plinius, *Non promptū rebus*, quasi dice-  
ret, raro has omnes margaritæ dotes in perfectione  
dibitā simul reperiri. vnde vnionis nomen. Ma-  
gnum itaque, excellens ac rarum est, religiosus  
vir, & omnibus (quod aiunt) numeris absolutus;  
atque adeo vt res raro inueniri solita, plurimi de-  
bet fieri.

Pergit in eodem capite Plinius, *Partus concharum*  
margarita est pro qualitate roris accepti. Si purus influxerit,  
candor conspicitur: si turbidus, sordescit & fætus: atque  
idem pallet, celo minante conceptus: inde nubilus trahitur  
color, aut pro qualitate matutina serenus. Si tempeſtine  
ſatientur conchæ, grandescunt & fætus: si fulguret, comprimi-  
untur; ac pro qualitate ieiunij minuuntur. Si tonuerit, abor-  
tuntur conchæ speciem inflatam sine corpore, quæ vocat  
phyſemmata. In huiusmodi Philosophiæ ratione nobis  
diuina prouidentia ad viuum exprimit, quan-  
to perè Dei auxilio & vocatione indigemus ad reli-  
gioſæ & Ecclesiasticæ vitæ institutum capeſſen-  
dum: si quidem ex cælestis roris qualitate & copia  
reapse dependet tota margaritæ natura. Si purus  
influxerit, candor conspicitur: si in prima vocatione ad  
religiosam vitam sereni cæli ros non affluit: quid  
mirum vitam deinceps puram ac religiosos mo-  
res non esse? Si turbidus, sordescit & fætus. Si ali-  
quā animi turbatione & iracundiā delatus in  
religionem sit: quid mirum margaritam non puram  
& candidam postea reperiri? atque idem pallet  
celo minante conceptus: qui metu ac formidine im-  
pulsus religionem iniit: mirum non est, ipsum vitæ  
colore palleſcere. Nec magis mirandum, eos in  
religione non crescere, qui ad copiosa cæli auxilia  
non confugiunt: si enim tempeſtine non ſatien-  
tur conchæ, quomodo grandescunt fætus? Et qui  
per orationem & rerum diuinarum commetatio-  
nem, diuinam gratiam assidue non ſolicitat; nā il-  
le exiguos, vel nullos potius faciet in religione  
progressus. Id enim esse videtur, pro qualitate ieiunij  
minui. Ad hæc; si nullus est vere religionis spiri-  
tus, sed futilis tantum & inanis externi conuiſtus  
species; perspicuum est, tunc non solidam fore  
margaritam; sed ex ijs, quæ phyſemmata vocan-  
tur: qui sunt inanes quidam vniones absque fru-  
ge, ob meram vanitatem & hypocrisim: iuxta il-  
lud Iacobi 1. 26. *Huius vana est religio*. Nam id sonant  
ea Plinij verba: Si tonuerit, abortiuntur conchæ speciem  
inflatam sine corpore.

Addit idem auctor; *In aqua mollis vnio, exemptus*

A protinus dureſcit: qua in re edocemur admirabilem  
vicissitudinem & cōuersionem, quam diuina gra-  
tia in eo efficit, quem re ipsa ex mundo euulsum  
in religionem transfert. Quauis enim antea cē-  
lestem rorem exceperit concha, & homo sancta à  
Deo desideria admiserit, & per Ecclesiasticam vi-  
tam iam in margaritam exierit: ceterum cum ad-  
huc in mundo fuerit, nondum erat omnino con-  
cretus atque coactus; sed tener ac debilis. At vbi  
diuino aspirate numine ex mundi mari fuit egres-  
sus; celestis eum fortitudo tenuit, & robur quodam  
plane admirabile, vt qui prius facile deficere  
ac deficere solebat; postea vegetus ac robustus  
eam præ se ferat firmitudinem, vt in difficillimo  
quouis cōſictu, Marpeſe instar cautis, infractus &  
integer extet. Aptè satis hanc ad rem Plinius de ip-  
sis vnionibus: *eorū corpus solidum esse manifestū est*, quod  
nullo lapsu franguntur. Fortè id symbolice præ se tulit  
Moſes; qui ex maris vndis eductus ad magnam  
postea & sublimem fortunam peruenit. Et Apo-  
calyp. 15. depingitur myſtici Israël libertas atq;  
felicitas post maris rubri traiectum.

His subiungit ipsemet Plinius; *vsu atteri non du-  
bium est; colorēque indolentia mutari*. Et infra Sole  
rubeſcunt, candorēque perdunt. Ecce curam ac ſolici-  
tudinē, quam de propriæ conscientiæ integritate  
gerant necesse est Ecclesiastici ac Religiosi: nec nō  
de suis subditis superiores. ne nimium fidant,  
quod margaritæ sint; nam & has custodiri & asser-  
uari oportet, ne solis æstibus expositæ pristini va-  
loris ac splendoris iacturam faciant. Nec quisquā  
fibi securitūs indulgeat, quod in religione proue-  
ctus iam ætate sit senex: nam & de vnionibus sub-  
iicit Plinius, *ſaneſcunt in ſenectā, rugisq; torpeſcunt*.

Prosequitur; *aceti asperitas vsu margaritas in  
ſabem reſoluit*: id est, atterit atq; consumit. Id quod  
Horatius affirmat, nempe margaritas dilui aceto,  
& liqueſeri, ac bibi poſſe. Idem docet Macrobius,  
Valerius, Suetonius, & Briffonius. Sic Cleopatra  
alteram ex duabus illis margaritis pretioſiſſimis  
in acre acetum iniectam & reſolutam potauit: Et  
Clodius Aſopis filius, vt experiretur, quid ſaperent mar-  
garitæ, ſimile quid Romæ fecit: atque vt mirè placere,  
ne ſolus hoc ſciret, ſingulos vniones conuiuij abſorben-  
dos dedit.

Hoc poteſt non perperam applicari ad hæreſim,  
quæ Ecclesiasticam prorsus vitam ac religioſam  
labefactat, demolitur, atque euertit. Nam per acetum  
Origenes, Auguſtinus & Beda apud Lauretū  
intelligunt hæreticorum doctrinam. Atque iſta  
margaritæ dilutio per heresim poteſt bifariam in-  
telligi. primò quia heretici omnem religioſæ vi-  
tæ formam, vt inſeſtiſſimi ipſius hoſtes, è medio  
tollunt. Secundò, quia Schismatici & Hæretici,  
quauis monasticam & Ecclesiasticam profitean-  
tur vitam, tota adhuc ipſorū religio corrupta est  
& inquinata, vbi nulla est fidei ſinceritas. Nam  
hereseos vis & acrimonia margaritam diluit at-  
que consumit. Quod autem de heresi aſſeritur, ſuo  
etiam modo poteſt ad lethalis flagitij corruptionem  
& acerbiteriam extendi, & præſertim ad odij  
& iræ acerbiteriam.

Si quis autem optet bonam in partem accipere  
mirum hoc naturæ experimentum, vt res adeo  
pretioſa ac dura, ſicuti vnio, poſſit reſoluta ebibi;  
hic ita poteſt accipere, vt margaritæ potio aut con-  
ſideretur reſpectu ad hereticos ac dæmōnes, atque  
id erit maximum vnionis infortuniū: aut reſpectu  
ad Chriſtū & ipſius familiares: id quod in maximā  
margaritæ felicitatem redundabit. Et quidem per-  
acri ſuæ paſſionis aceto illud Chriſtus admirabi-  
le facinus præſtitit, vt religioſam vitam, quæ mul-  
tis antea duriffima videbatur, plures iam Chriſti  
Domini exemplo alleſti facilem, ſuauem & cæle-  
ſtibus diuitijs plenam iudicent. Ipsemet aſſertor  
noſter religioſam prius vitam fuit expertus, atq;  
vt mirè ei placuit, ſingulis conuiuij vniones po-  
tandos dedit.

Flaeſcunt in ſenectā margaritæ, rugisq; torpeſcunt.  
nec niſi iuuentū conſtat ille, qui queritur, vigor: ſic Plinius.  
Videtur hoc commodè aptari, vt animadu-  
uertamus decipi poſſe eas vel Religioſorum fa-

Miræ eorū  
mutatio.  
quos diuina  
gratia ad  
portum re-  
ligionis ap-  
pellit.

Margarita-  
rum ſolidi-  
tas quid  
myſtice  
figuret.

Religioſi  
quàm debe-  
ant à rerū  
ſecularium  
vſu & com-  
muniōne  
eſſe abſtra-  
cti.

Margaritas  
aceto reſol-  
uit, quid ſym-  
bolice in-  
nuat.

Hæreſeos  
lues ac pe-  
ſtis.

Margaritæ  
in ſenectā  
rugiſq; tor-  
peſcere, quid  
ſignificet.



miliis vel Ecclesiis, quæ nimium de sua antiquitate gloriantur. Etenim decursu temporis (quæ est hominum fragilitas) primus ille vigor infirmatur. Et experienciâ compertum est vigorem illum non tam florere in senectâ, quàm in iuuentute vel religionum, vel Ecclesiarum. Imò verò in ipsa etiam catholica Ecclesia constat, robustiorem fuisse virtutem primitiui cleri. ad hanc ferè ratione conducit Orientales margaritas olim summo in pretio habitas: nunc citra controuersiam pluris Occidentales duci. Sic etiam Orientales Ecclesiæ, quæ quondam florere, & plurimi æstimatæ sunt, nunc defloruere iam, & pristinū amittere splendorem: & tota æstimatio atque pretiū ad Occidentales transijt Ecclesias; inter quas Romana verū semper dignitatis & auctoritatis pondus retinet. Præter hæc; si ita se res haberet, vt Plinius, Suetonius & alij tradunt, Orientales vniones aceto liquefieri, Occidentales non item ob suam firmitatem; id nobis posset symbolicè representare, Orientales Ecclesias hereseon aceto diluendas, & absumendas fore: Occidentales, & Romanam præsertim nequaquam, sed semper heresi restituras.

*Singulari gratia est margaritam clarâ luce illustratam intus rubescere ac veluti animam habere sanguineam. Id non obseruauit Plinius; fortè quia in antiquis vnionibus non hæc qualitas deprehendebatur.*

A Sed in huius temporis margaritis, præsertim Occidentalibus, res est manifesta. Licet enim valde sint candidæ; si tamen attentè inspiciantur (præsertim radijs solaribus illustratæ) videntur nescio quid coloris puniceo intus habere. Si ergo margarita nobilissima est perfecta vita Religiosa; quis non aspiat intimam vitæ huius partem Christi cruore notatam? Id quod Ambrosius de Ecclesia animaduertit. Ad hanc igitur significationem nihil potius aut aptius, quàm sanguinea anima, quàm margaritæ habere videtur. Nam sanguineus Christi color, est quasi religiosa vitæ anima; atq; adeò in admirabili Religiosorū professione Christi sanguis splendet. Aliquis existimabit fortasse, id à Plinio significatum verbis illis; *Ad solem rubescunt*. Verum id Plinius vitio vertit margaritis, quæ diu ad Solis radios expositæ, natium deperdunt candorem, sicuti humanum corpus. At animam esse Christi sanguine rubeam, id singularis gratiæ est.

Margaritæ poliri possunt & detergi, at verò si scindantur, pristinum candorem & puritatē amittunt. Hoc potest admonitioni esse; ne religiosi asperè & acerbè nimis tractentur. Vniones vt vsui esse possint, prius transfodi ac perforari solent. Nam religiosi viri & Ecclesiastici, vt & proximis & Ecclesiæ adiumento esse possint, opus est, vt sint probatæ & spectatæ virtutis.

re: id est, cuius rei sit symbolum.

Margaritæ clarâ luce illustratam intus non nihil rubescit.

## T E X T V S.

*Verf. 21. pars. 2. Et platea ciuitatis aurum mundum, tanquam vitrum pellucidum.*

## C O M M E N T A R I V S.

S Vprà versu 16. dictum fuit de ædificijs; Ipsa verò ciuitas aurum mundum, simile vitro mundo. Porro præsentia verba non continent illiusmet sententiæ repetitionem. Nec enim erat peculiaris ratio, cur illa præ ceteris sententiæ geminaretur. Nec platea in hoc loco est idem atque ciuitas. Quippe nomen ciuitatis (vt ibi vidimus) ad ædificia transfertur, id est, ad domos ipsas: at plateæ nomine designatur hæc lata ciuitatis via, ipsum nempe viarum pavementum. Hispanè quidem nomen, *Plaza* non sumitur pro via, quæ urbem totam discriminat, quamuis lata & spatiosa sit. Sed græcis & latinis auribus (vt notat Hadrianus Iunius in suo Nomenclatore) platea est idem, quod via lata: vnde pro consulari via ponitur. Ratio est, quia *πλατεια* propriè loquendo fœminea terminatio est adiectiui nominis *πλατος*, α, ov, quod est latus, lata, latum; & cum absolute ponitur, subauditur *δωρον*, quod est similiter nomen fœmineum, & viam significat.

Confirmatur ex cap. 22. 1. vbi ponitur fluuius in media ciuitatis platea, & ex vtrâque parte lignū vitæ. Nec verisimile est, fluuium & arbores in aliquo ciuitatis foro solum constitui, sed in omnibus ciuitatis viis: sicut Venetiis mare vias omnes præterfluit. Si enim ciuitas duodecim stadiorum millibus in quadrum patet: parca nimis consideratio esset, in aliquo ciuitatis foro siue angulo dumtaxat fluuium transeuntem considerari. Quapropter certum existimo, plateæ nomine significari omnes ciuitatis vias: cum nulli in iis angiportus, sed viæ omnes laxæ & capaces sint: id quod plateæ nomine indicatur. Et sanè ita opus erat, vt melius textus verba percipiantur, nimirū mediam viam præterfluere flumen, & vtrîque arbuta esse plantata; & tamen vtrâque ex parte solidum superesse pavementū minimè arcum. Cum ergo versu 18. dictæ fuerint huius urbis domus omnes ex auro perspicuo constructæ: nunc additur, non domus solum, sed spatiosam viam, id est, vias ciuitatis omnes, quæ latæ sunt, ex auro esse pellucido.

De auri perspicui mysterio diximus in eo versu 18. vbi ostendimus in eo adumbrari consummatam fælicitatem & Christi gloriæ participationem. Distinctio autem inter domos & vias ita videtur accipienda, vt domus designent fælicitatem eorum, qui in illa eminent ciuitate; sicuti ædificia supra pavementum ipsum extant atque eminent: at viæ significant id, quod est in ciuitate humillimum, quodque nemini denegatur. Sensus ergo redditur eiusmodi; tanta est cælestis Ierosolymæ gloriæ, vt ad Christi (qui Chrysolithus est) gloriæ proportionem non effingantur modò, qui insignes & erectas ciuitatis illius partes agunt; sed etiam minores, quibus nihil peculiare est præter id, quod est omnibus commune. Cuiusmodi sunt ij, qui solâ sacri baptismatis gratiâ ornat, ante vllam proprii meriti accessionem, in cælestem euolant regionem: nam & hi tantâ fruuntur fælicitate, vt ipsorum etiam gloriæ meritò per aurum dilucidum figuretur. Fortasse etiam coniugatorum gloriæ in ciuitatis platea denotatur: quod eorum status non ita sit sublimis & excellens.

Platea ciuitatis quid hic significet.

Aurum perspicuum quid significet. Distinctio in symbolica viarum & domorum cælestis Ierosolymæ significatione.



Auri diaphani siue  
perspicui  
symbolum.

Hæc expositio præstituit, quod superius probauimus, videlicet per urbem, eiusque ædificia ipsosmet Beatos denotari. Vidimus autem suo loco, per aurum diaphanum siue translucidum eleganter innui, quanta sit cuiusque beatorum gloria. Nam perspicuum aurum magnopere imitatur Chrysolithi perfectionem, quod est perfectissimæ Christi gloriæ symbolum. Quare, dum tota ciuitas ex auro diaphano fingitur; pariter denotatur omnes gloriosissimæ illius urbis ciues perfectæ & absolutæ beatitudine & admirabili Christi Domini participatione potiri; ad quam Beati omnes extolluntur. Nam licet in hac vita iusti viri laboribus & ærumnis excrucientur, prædictum tamen est à Paulo ad Philip. 3. 21. dum de Christo agit, *Reformabit corpus humilitatis nostræ configuratum corpori claritatis sue*. Hoc autem significat eam similitudinem ac proportionem, quæ auro translucido cum Chrysolitho est.

His addi potest, si supponatur aurum esse symbolum charitatis (de quo diximus cap. 1.) confectarium esse, ut dicamus, aurum diaphanum esse aptum symbolum eius felicitatis, quæ in Dei amore & visione sita est. Si enim aurum est charitas; diaphanum esse, non erit aliud, quam intra se lucem recipere; nihilque in eo esse, quod visum arceat: atque adeo non solum amore erga Deum, sed etiam eius luce & claritate frui per visionem. atque hoc est commune omnibus beatis, ijs etiam qui in plateæ symbolo designantur. Porro vias esse valde latas; designare videtur magnum eorum numerum, qui per baptismalem solum gratiam ad æternam illam felicitatem perueniunt; aut eorum, qui ex numero coniugatorum vitam æternam consequuntur. nam ij etiam fortasse per plateæ symbolum designantur.

## TEXTVS.

*Vers. 22. Et templum non vidi in ea: Dominus enim Deus omnipotens templum illius est, & Agnus.*

## COMMENTARIVS.

**I**N cælesti cā ciuitate ita sanctā, ita ingenti ac penè immensā, primo videtur aspectu plurima templorum multitudo futura. Textus tamen nullum esse asserit: Dei enim claritas & Agni vniuersis ciuibus vice templi erat. Et quanuis ciuitas ipsa fuerit latissima; ipse tamen Dei & Agni splendor totam prorsus & omnes ipsius ciues perlustrabat. Vbi autem Dei præsentia perspicue & euidenter cernitur; nullo alio templo est opus. Templum enim est separatus locus, quod se quis ad orandum & cum Deo se vniendum recipiat: at, si Dei & Christi claritate manifeste frui conceditur; claritas ipsa cor ad sese trahit ac rapit, & cum Deo perfecte vnit. Quare, vbi nihil potest mentem ab ea perfectavisione & contemplatione distrahere, superuacaneus est quiuis alius locus, ad quem se quisque recipiat.

Notanda verò est emphasis illius adiectiui *Omnipotens*. Nam in Beatis ipsis gloriā atque æternā felicitate cumulandis suam Deus omnipotentiam ostendat. Iam, dum non solum Deus omnipotens dicitur illius ciuitatis esse templum, sed etiam pariter Christus: innuitur Christum ipsum esse similiter Deum, atque ipsius Patrem. Quanuis fortè non desit, qui existimet, de Christo quatenus homine hic esse sermonem, & Dei claritatem concipi, quasi respondeat templi loco appellato *Sancta Sanctorum*; & Christi claritas ei parti, quæ dicitur *Sancta*.

Cur hoc potissimum loco Deus appellatur Omnipotens.

## NOTATIO XXXVIII.

*Cur in visione Ezechielis templum fuerit à ciuitate seiunctum?*

**Q**UOD dicitur in superiori versu Apocalypseos, in ciuitate Ierosolyma non esse templum, videtur per allusionem respicere ad Ezechielis visionem; in qua templum extra ciuitatem est, & ab ea separatum calamis quindecim millibus; qui quasi vnius diei iter conficiunt, ut in tractatu de mensuris sacris dicemus. Nam quadrum primitiarum, Ezechielis 48. habet in latitudinem ac longitudinem quinque & viginti calamorum millia. Et à Septentrione ad Meridiem tribuuntur Leuitis decies mille calami: totidem, sacerdotibus; & reliqua quinque millia ciuitati: eiusque suburbij destinantur. Templum autem siue sanctuarium in media ea parte constituitur, quæ sacerdotibus adscribitur. Itaque templum à ciuitate recedit per calamos quindecies mille.

In Ezechielis visione templum extra ciuitatem esse.

**E** Consideratione ergo dignum censeo, in terrestri Ierosolyma templum intra ipsa urbis mœnia fuisse fabricatum: in Ezechielis autem visione à ciuitate remoueri per vnius diei iter (eādem fere distantia, qua celeberrimum sancti Laurentij templum à Matrino separatur): at in cælesti Apocalypseos Ierosolyma nullum omnino esse templum. Et quamquam supra iam est à nobis expositum, quod ad cælestem Ierosolymam spectat, cur in ea templum non sit: restat tamen adhuc explicare, vtrum in hoc fiat allusio ad eam ciuitatem Ezechieli sine templo visam. Quod ex illa etiam questione dependet; cur scilicet, cum Salomonis templum intra urbis Ierosolymæ muros fuerit constructum, Ezechieli tamen templum ab vrbe remotum apparuerit.

Cur templum Ezechieli fuerit extra ciuitatem visum?



Proposita  
quæstio eno-  
datur.

Pro huius rei enodatione sic respondendū existi-  
mo : vt significaretur perfectissimus religionis  
cultus, quo Deū Christiana prosequitur Ecclesia,  
(Romana præsertim, quam illa Ezechielis ciuitas  
adumbrat) idcirco Prophetæ fuit ostensum tem-  
plum à ciuitate remotum. Quo indicatur, quam  
Dei venerationem Christiana proficitur Ecclesia,  
multo esse nobiliorem ac perfectiorem, quam illā  
veteris Synagoge ante Christi aduentum. Etenim  
ad offerenda veteris legis sacrificia, & ad ceteras  
antiquas cæremōnias, non opus erat, vt à se quis-  
quam longius recederet, aut exiret. at vt Deo spi-  
ritale euangelicæ legis sacrificium offeratur; opus  
est Christianum hominem se ipsum abnegare, à se  
egredi, se relinquere, & ad Deum querendū pro-  
dire. Atque hæc exacta propriarum appetitionum  
& cupiditatum mortificatio eleganter figuratur  
in ea visione templi procul à ciuitate distiti. Quo  
non innuitur, urbem Ezechielis visam non esse  
sanctam : oppositū enim constat ex ipso contextu  
& ex nomine, quod illi fore imponendum Pro-  
pheta prædicit, nimirum *Dominus ibidem*. Quinimo,  
quia Deus in ea habitat, ideo ciues ipsos permo-  
uet, vt à semetipsis egressi spiritale Deo sacrificiū  
oblaturi adeant. Et verò hæc à se ipsis egrediendi  
ratio non est ab Ecclesia recedere; sed potius verū  
ac fidelem Ecclesiæ filium agere. Sicuti qui mentis  
deuotione compulsi peregrinantur, & p̄u aliquod  
cuiuspiam Sancti templū aut sacellū inuisunt ab  
vrbe remotū; non ideo semet ab eorū obedientia

A eximunt, qui eos ad peregrinandum dimittunt.

Hoc ergo mysterium esse existimo Ezechielis  
templi procul ab ipsa ciuitate visi. Porro illud  
vnius diei iter indicat, opus esse, viam ipsam ma-  
tutino tempore atque opportuno capeffere, vt an-  
te Solis occasum possimus accedere ad spiritale  
sacrificium Deo offerendum. Nec opus est (vt ex  
se liquet) huiusmodi iter corporeis gressibus me-  
tiri : quia venit hora & nunc est (ait Christus Ioan. 4  
23.) quando veri adoratores adorabunt Patrem in spiritu  
& veritate : idque vbicunque locorum. Ceterū  
solet etiam non parum adiumenti esse ad Deo ac-  
curatiū vacandū, si quis suā domo atque ex suo-  
rum commercio digressus sese in Religionis asy-  
lum recipiat, quod etiam Ezechielis visionis my-  
sterium protenditur. At in cælesti patria, cum ni-  
hil possit Beatos à Dei vnione & visione dimoue-  
re; ideo nec intra mœnia, nec extra habeat tem-  
plum, necesse est.

B

Quam ob rem si in Apocalypsi continetur allu-  
sio atque respectus ad illam Ezechielis visionem;  
non ideo fit, vt significetur eadem de causa vtro-  
bique templum ab vrbe abesse: sed potius vt vtri-  
usque vrbis discrimen in hac parte indicetur. Nā  
in Ezechielis quidē vrbe templum erat, licet ab ea  
segregatū: at in cælesti Ierosolyma Ioanni visā nec  
intus, nec extra cernitur templū; quod vbi Dei &  
Christi claritas immensa Beatos tenet in sui con-  
templatione defixos, superuacaneum omnino sit  
templum.

Quod sit  
mysteriū in  
vnius diei  
itinere, quo  
Ezechielis  
templum ab  
vrbe distat.

C

## T E X T V S.

*Vers. 23.* Et ciuitas non eget Sole neque Lunā, vt luceant in ea. nam cla-  
ritas Dei illuminauit eam, & lucerna eius est Agnus.

**V**erba hæc explanata iam à nobis sunt & expensa suprā cap. 12. versu 1. vbi obseruauimus  
pariter allusionem ad Isaia locum cap. 60.

## T E X T V S.

*Vers. 24. pars 1.* Et ambulabunt gentes in lumine eius.

D

## C O M M E N T A R I V S.

**I**saïas ad Christianam Ecclesiam verba faciens cap. 60. 3. ei prædicit; *Ambulabunt gentes in lumine tuo,*  
& *reges in splendore ortus tui.* Vbi Forerius affirmat, loci huius sensum esse, ingentem lucem prius  
Iudaici populi electis exortam, per eos ipsos ad omnes mundi nationes inuēctum iri.

Nil tamen prohibet, quominus Isaia verba primogenitæ Ecclesiæ, id est, Ierosolymitanæ mili-  
tanti præfata, Ioannes nunc ad triumphantem Ecclesiam significanter applicet; atque adeo as-  
seueret, eā luce, quæ ex triumphante Ecclesiā in hac mortali vita ad gentes refunditur, gentes  
ipsas ac nationes ad cælestem illam patriam properare. In plerisque codicibus Græcis, vbi nos  
legimus *Gentes*, habetur, τὰ ἔθνη τῶν σοφόνων, id est, *Gentes, quæ saluatae sunt.* Non tamen agitur de illis,  
qui iam ad felicem patriæ terminum peruenierunt. Nam *ambulare* proprium viatorum est. Præ-  
terquàm quòd in ipso contextu manifestè agitur de illis, qui ad gloriosam pergunt ciuitatem: se-  
quitur enim mox; & *reges terra afferent gloriam suam & honorem in illam;* atque adeo portæ ipsæ dicuntur  
nunquam obserari, sed semper patefcere.

E

Hæc propter arbitror, in his verbis, *ambulabunt gentes in lumine eius*, sermonem haberi de iis, qui ad-  
huc in hac vita degentes ad cælestem iter faciunt Ierosolymam. Animaduertendum tamen est,  
ciuitatem illam, de qua Ioannes loquebatur, visam fuisse supra montem: luminaria verò ipsius  
intra ciuitatem, siue in medio ciuitatis erant. Significatur ergo, licet qui ad eam urbem tendunt,  
non possint vtrumque cernere luminare, donec eò ingrediantur; eximium tamen fulgorem ac  
splendorem, qui supra muros ipsos extat atque eminet, ita esse ingentem, vt longè lateque pro-  
spiciatur, & illuc gradientes ducere possit. Ad eum ferè modum, quo in atrio, aliquo vndique  
clauso maxima accenderetur fax siue pyra: tunc enim quantunvis ob murorum aut a edificij vn-  
dique cingentis altitudinem flamma ipsa cerni ab aliis extrā positis non posset; lucis tamen ful-  
gentissimæ splendor supera ad conuexa delatus satis esset, vt prode ac lumine illi foret, qui  
eam in domum pergeret. Similiter ergo duo magna cælestis vrbis luminaria ab hominibus ex-  
tra urbem gradientibus ob murorum sublimitatem cerni non possunt (alioqui viatores essent  
beati, si Dei claritate in se ipsa frui possent:) fulgor tamē mania ipsa superans adeo est splendidus,  
vt possit in eam ciuitatem ducere illos, qui eò suū iter dirigunt. atque hoc de sensu grammatico.

Allusio ad  
Isaia locum  
cap. 60.

De quibus  
sit sermo,  
dū dicitur,  
Ambula-  
bunt gen-  
tes in lu-  
mine eius.



De quo lu-  
mine hūc  
sermo ha-  
beat.

Isaia locus  
huic ipsi A-  
pocalypses  
respondens  
explicatur.

Fortē scholastici hanc visionem ita interpretabuntur, vt fidei ac Theologiae doctrina sit in hac vita quēdam cognitio cognitioni Beatorum euidenti subalternata. Verū eā explicatione (vt potē subtiliori) relicta; aliter ipse rudi Mineruā allegoriam explicabo. Quare sic censeo, quod Euangelica prędicat doctrina de admirabili felicitàte, quam Deus suis electis preparauit, esse veluti fulgur & splendorem ab ipsamet Beatorum luce deriuatum. Nam prędicatio veritate ipsa innititur; ac proinde est veluti fulgor egrediens ex clarissimis illis luminaribus, quę in se ipsis cerni a mortalibus non possunt. Quam autem nobis cognitionem doctrina euangelica impertitur de cęlesti felicitàte, quam Beati potiuntur in patria; hæc ipsa tot gentes ac nationes allicit, inuitat, ac trahit, vt Christiana vitę gressibus rectā illuc tendant.

Quod autem Isaia primogenitę prędicat Ecclesię, & *ambulabunt Gentes in lumine tuo*; eadem ferē ratione aut eadem analogia debet intelligi; scilicet quod infidelibus prędicatur de spiritali fidelium felicitàte in hac vita, de quę christianę fidei celsitate; id totum esse veluti splendorem, qui in eos refunditur ex fidei luce, antequam fidem ipsam complectantur. Et hæc ipsa prędicatio eos illuminat ac dirigit, vt ad Ecclesię montem conscendant. Quando enim infideles proferunt illa Isaia verba cap. 2. 3. *Venite, ascendamus ad montem Domini & ad domum Dei Iacob*; non nihil iam lucis ac splendoris prospexisse videntur; siquidem ad iter in Dei montem ac domum capeffendum sese excitant: cum tamen nondum eō peruenerint, vt eā tunc fidei potiantur luce, qua fideles illustrantur. Quippe si eā fruerentur, iam intra Iacobi domum essent; nec de ea petenda, sed de retinenda deliberarent.

Illa igitur verba; *Ambulabunt gentes*, tam in Isaia, quā in Apocalypsi, sunt intelligenda de professione ad ciuitatem Ierosolymam abiis factā, qui lucis splendore foris inspecto ducuntur. Sed Isaia sub Ierosolymę nomine de militante Ecclesia (id est de primogenita;) Apocalypsis de triumphante loquitur.

Si quis autem optauerit, fulgorem extrā apparentem non solum inniti in ea luce, qua intus Beati perfunduntur (qua ratione doctrina in ipsa rei veritate solidatur) sed etiam ab ipsa luce efficienter produci: dici potest lux ipsa, quam Beati in cęlo possident, efficere vt Beati ipsi obnixę Deum exorent pro Gentium carcutientium illustratione: quod ipsa etiam illa eadē gaudia tandem potiuntur. Necnon possumus similiter asserere, quam Deus ingentem lucem sanctis viris in hac vita impertitur, huius instinctu illos assiduas & efficaces ad Deum preces effundere pro fidelium conuersione: atque ita ex luce illa, qua directē fruuntur qui intra Ierosolymā (siue triumphantis siue militantis) mœnia degunt, oritur lux illis communicata gentibus, quę ambulant, id est, iter ad ipsam Ierosolymam faciunt.

Aliquis fortasse verba hæc, *Ambulabunt gentes in lumine eius*, de mortuis explicari posse putabit: atque adeo hoc pacto cuidam fieri satis quæstioni, quānam mortui ad gloriosā illam urbem Iohanni descriptam possint contendere? Nam, vbi ē viuus excefferunt, mox in mortis tenebras & caliginem videntur sese abdere: cum tamen lucis ductu sit opus ad viam ex terris in cęlum peragrandam. Ad hoc autem respondebunt hisce Apocalypses verbis, afferentes eadem cęlestis patrię luce iustos ad felicitàtem illum terminum deduci. Hęc tamen expositio minimē arridet: nam postquā iusti viri anima ex hac vita (aut etiam ex Purgatorio, si quid fortē leuis culpę inheferat) migravit: vt ad cęli perueniat beatitudinem, non opus est, eam aut iter suscipere, aut aliquam ex semet actionem prestare: sed statim ab Angelis deducitur, & ad Dei omnipotentiam in cęlestem transfertur paradysum. Quare non rectē consideratur animam ē corpore eductam foris cernere supernę patrię lumen, & illuc ab eo deduci.

Verū hæc  
verba de  
mortuis  
possint con-  
gruentior ex-  
plicari.

## T E X T V S.

Vers. 24. pars 2. Et reges terrę afferent gloriam suam, & honorem in illam.

## C O M M E N T A R I V S.

Quānam  
hęc sint Re-  
ges terrę.  
quę ipsorum  
gloria &  
splendor?

**H**Oc verba allegorię huius sonant: reges terrę quidquid gloriosi, pretiosi, & honorifici possident, in urbem hanc nobilissimam conuectabunt. Quod tamen ad præcipuum attinet sensum, non est necesse regum terrę nomine singillatim designari eos, qui nūc ab hominibus reges vocantur. Nam regum huiusmodi gloria, diuitiæ, & thesauri vili prorsus, & nullius æstimationis sunt ad cęlestem illam Ierosolymam. Quam obrem consonum rationi est, vt reges in hoc loco appellentur ijs, de quibus scriptum est Psal. 44. 18. *Constitues eos principes super omnem terram*. Imò verò non Apostoli solum atque Pontifices, sed omnes etiam iusti reges meritō in sacre Scripturę loquutione nuncupantur: qui reges (vt constat) in cęlestem illam Ierosolymam secum deferunt suam omnem gloriam & honorem, id est, suorum meritōrum thesaurum, qui ipsis gloriosissimus & honorificentissimus est. Huc suas virtutes omnes, huc sapientiam, huc ingenium, huc denique sua omnia vera bona congerent.

Huic sensui addi fortasse posset, multos etiam ex ijs, quos mundus reges appellat, in cęlum aduecturos vniuersas suas opes atque thesauros; dum eas pro Christo despiciunt, & in pauperes ac indigentes erogant, aut etiam in diuini cultus obsequium impendunt: eā enim ratione omnes mundi opes ac facultates in cęlum transferri, atque adeo æternitate donari possunt.



A

## T E X T V S.

*Vers. 25.* Et portæ eius non claudentur per diem : nox enim non erit illic.

## C O M M E N T A R I V S.

B

**I**saïas, qui (vt vidimus) de militante Ecclesia directè agit cap. 60. 11. de ipsius portis ait; *Die ac nocte non claudentur*. Fortè vt significet, non solum in prosperitatis die, sed etiam in persecutionum & aduersitatum nocte multos fore ad Christi fidem conuertendos; quod est spiritalem ingredi Ierosolymam. Ioannes autem, qui in præsentī sermonem de cælesti patria instituit, respiciendo ad Isaïæ locum, & inde quod sibi vsui erat, decerpendo; significanter satis dixit, *Non claudentur per diem*. Quasi diceret; Isaïas prædixit, portas die ac nocte non claudendas: mihi tamen nihil est, cur de nocte agam: nam in cælesti illa Ierosolyma nulla vnquam erit nox: & propterea solum expressi, *Non claudentur per diem: nox enim non erit illic*.

Ex his soluitur quædam obiectio, quæ hisce verbis opponi videbatur posse: quippe noctem nusquam fore, non est apta satis ratio, vt ideo probetur portas diu non claudi. Constat, inquam, facilis ex dictis responso: quia Ioannes probare non contendit, idcirco portas diu non obserari, ex eo quod ibi non sit nox; sed verbis illis, *nox enim non erit illic*, reddit rationē: cur non, sicuti Isaïas, dicat, *Die ac nocte non claudentur*: sed solum, *non claudentur per diem*. Et eam huiusce loquutionis ac differentię rationem adducit, quod scilicet in cælesti eā Ierosolyma sibi ostensā nulla sit nox.

C

Præter hæc: ex huius versiculi contextu facile intelligitur, tam in antecedenti versu, quàm in subsequenti disputari, non de illis, qui iam intra cælestem Ierosolymam positi, ipsius gloriā & fælicitate beantur: sed de illis, qui eò suum iter dirigunt, & secum omni terræ gloriōsa & honorifica asportant. Horum enim comparatione dicuntur cælestis Ierosolymæ portæ nunquam esse claudendæ illis, qui meritis eam ad rem requisitis ornati eò accedunt; postquàm debita omnia, si qua contraxerant, soluerunt. neque hoc ampliùs explicare opus est.

*Cur Isaïas militantis Ecclesiæ portas prædixerit die ac nocte non claudendas: Ioannes vero in triumphantis solum dies meminert? Dubitatio nulla soluitur.*

## T E X T V S.

*Vers. 26.* Et afferent gloriam & honorem gentium in illam.

## C O M M E N T A R I V S.

D

**S**uprà versu 24. prædictum fuerat; *Rēges terræ afferent gloriam suam & honorem in illam*. Hic verò agitur de gentium gloria atque honore. Sæpè enim nonnulla extant, quę decora sunt & honorifica ipsius prouincijs, nec tamen peculiarem regibus honorem aut splendorem afferunt: cuiusmodi sunt recta membrorum proportio in ipsis ciuib; ac venusta partium omnium lineamenta, egregiæ indoles, peracuta ingenia, artes, scientiæ, aliæque id genus sexcenta. Vt ergo significetur, nihil in toto terrarum orbe aut locuples aut opulentum aut etiam æstimatione dignam reperiri, quod (si defectus & imperfectiones detrahas) in ea cælesti Ierosolyma non cumulatè reperiatur: idcirco qui in cælestem hanc urbem adueniunt, dicuntur omnes in eam conferre quodcunque optimi, gloriosi & honorifici in tota rerum vniuersitate reperitur.

Posset hoc primùm eò referri, vt omnibus mundinationibus ad veram Christi religionem traductis, Christiana Ecclesia sit pro suis rebus habitura, quæ in vniuerso mundo bona florebant, nec non ipsam Græcorum eruditionem atque sapientiā, ingenia, artes, studia, disciplinas. Quod autem Ecclesiæ subijcitur, consecrarium est, vt ad cælestem ipsam patriam referatur: atque ad eò in cælesti Ierosolyma, detractis imperfectionis næuis, nihil eorum desiderabitur, quæ apud clarissimam quamque ciuitatem in pretio & æstimatione sunt.

E

Magis tamen probo, vt regum atque gentium distinctionem referamus ad Ecclesiæ principes, & ad eos qui ipsorum curæ sunt crediti: itaque gloria ac decus regum potentissimorum referatur ad copiosissimos thesauros meritorum, quibus ipsi Ecclesiæ principes circumsuunt: gentium autem honorem & gloriam de subditorum meritis ac virtute explicemus. Nec parum hanc distinctionem fulcit, quod eam Isaïas significet cap. 60. 11. (quod hic respicitur) *Afferetur ad te fortitudo gentium; & reges earum adducentur tibi*. Sed primum etiam sensum adiuuat Isaïas ibidem. Subdit enim; *Gloria Libani ad te veniet, abies, & buxus, & pinus simul.* & infra; *Suges lac gentium, & mamillæ regum lactaberris.* *Fortitudo gentium veniet tibi; aurum & thus de Saba.* & infra, *Argentum eorum, & aurum eorum cum eis, &c.*

*Quenam gloria & honor gentium dicantur hic ad cælestem Ierosolymam afferenda.*



## T E X T V S.

*Vers. 27.* Non intrabit in eam aliquod coinquinatum, aut abominationem faciens & mendacium, nisi qui scripti sunt in libro vitæ Agni.

## C O M M E N T A R I V S.

*Summa  
cuius vr-  
bis felicitas  
in quo sita  
sit.*

*Aliquod  
coinquina-  
tum, quid  
significet: &  
cur in neu-  
tro genere  
dicitur.*

*Allusio ad  
aliquot l-  
fara loca.*

*Quo sensu  
sit Isaias  
explicandus  
cum omnes  
Christiani  
populi iustos  
dixit.*

*Aliena co-  
rundem l-  
fara locorū  
explicatio.*

**S**umma alicuius vrbis felicitas in eo est imprimis sita, nequid in ea ex rebus bonis aut pretiosis desit; nequid ex prauis & infestis adsit. Quapropter ijs omnibus, quæ de ciuitatis huius felicitate & copiâ sunt hætenus prænuntiata, modò adiungitur hic versus; in quo innuitur nihil in ea vnquam fore, quod ab eximia eius perfectione degeneret. Porro quanuis neutro genere hæc assertio efferatur; de rationalibus tamen creaturis dumtaxat est sermo. Nam *abominationem facere & mendacium*, vtique in creaturam à rationali distinctam non cadit.

Non deerit forsan, qui neutrum genus hoc in loco in eam partem accipiat, vt generatim aut distributiuè (quod aiunt) propositio enunciatur, iuxta alias Scripturæ loquutiones. Mihi tamen neutrius generis ratio illa esse videtur, quod *id gentem* (id gentem significat) Græcè neutrius generis est. Quapropter, cum superiori versu dictum fuerit; *Afferent gloriam & honorem gentium in illam*; quod subditur neutro genere, *Non intrabit in eam aliquod coinquinatum*, referendum videtur ad nomen *id gentem* subauditum. Sic sæpè in libro Sapientiæ & Ecclesiastico inducitur sermo de natione nequam & de natione Sanctorum. Sic etiam plerunque Christus Dominus Iudæos alloquens, *Progeniem viperarum* eos compellat. Simili ergo phrasi hîc dicitur, in cælestem illam coloniam nihil improbum, nulla iniqua progenies, nullum animal noxium & immundum ingressurum, explicationis autem gratiâ subiungitur, *Abominationem faciens aut mendacium*. Et quidem nemini ignotum est, iuxta sacrarū Literarum phrasim peccatores ipsos interdum abominationes & mendacia nominari. Demum subiicitur; hanc in urbem nullos recipi alios, nisi qui in librum vitæ sint relati; qui appellatur etiam liber Agni, quia ab ipso electi sunt. De libro autem vitæ diximus suprà cap. 3. & cap. 13. 8. & cap. 20. 15.

Notandum insuper est, in hoc versu allusionem contineri ad illud Isaiæ 60. 18. *Non audietur vltima iniquitas in terra tua; vastitas & contritio in terminis tuis.* & num. 21. *Populus tuus omnes iusti.* & cap. 52. 1. *Non adijcet, vt pertranseat per te incircuncisus.* Quibus in locis stultum esset intelligere, Christianos omnes catholicam fidem retinentes esse iustos ac sanctos. Hunc vt sensum subterfugerent, eò nonnulli interpretes sunt appulsi; vt crederent Isaiam in ijs verbis respicere ad felicissimum quoddam tempus, quo Ecclesia post deuictum Antichristum sit fruitura: tuncque autumant fore vaticinium illud implendum. De qua opinione diximus cap. 20. notat. 2. & 3. Mihi illud verissimile fit: quanuis Isaias primò de Ecclesia militante loquatur; cum tamen quæ in hac vita militat, in cælesti sit triumphatura; idcirco prospiciens Isaias supremæ felicitatis statum, quo Ecclesia fruitura est in patria, ei prædicit; tandem aliquando affore tempus, cum in Ecclesia reperiatur omnino nullus, qui iustus non sit; nec illa ab vilo prophano conculcetur, aut aliquod à Deo supplicium extimescat. Qua ratione nulla remanet in locis prædictis difficultas.

Sitamen adhuc aliquis expetat, vt Isaias loquatur etiam de primigeniæ Ecclesiæ felicitate in hac vita; illum ipse reiicio ad Forerij in his locis declarationem: vbi ait, *Omnes idem esse sole- re, quod Plurimi*; atque id significari *omnes iustos*. Quemadmodum de religiosa aliqua familia, quæ in primitiâ sui instituti vigore perstat, dicere solemus, *Omnes ipsius religiosos esse sanctos* (id est ferè omnes; nec enim aliquis vnquam desit Iudas). Sic videtur explicare Forerius, & aliorum locorum difficultatem similiter mollire. Qui tamen apud se statueret, Isaiam in ijs locis de primitiæ Ecclesiæ tēpore loqui, vel etiâ de vniuersis Ecclesiæ militanti tēporibus; hic etiâ posset aliter explicare. Nā verba illa, *Populus tuus omnes iusti*, possunt significare quotquot iusti sunt, eos omnes esse Ecclesiæ populum: id est, nullum dari iustum, quin Ecclesiæ Christianæ sit filius. Præterea verba illa capitis 52. 1. *Non adijcet, vt pertranseat per te incircuncisus, & immundus*, possunt explanari, sicut illa Pauli ad Rom. 8. 1. *Nihil damnationis est ijs, qui sunt in Christo Iesu.* Dum autem dicitur Ierosolyma non esse ab improbis conculcanda; perinde erit, ac si illis inferior non esse dicatur: *Calcari enim non potest* (ait Augustinus) *nisi inferior: sed inferior non est, qui quanuis corpore multa in terra sustineat, corde tamen fixus in calo est.* Ad hæc; verba illa, *non erit vastitas & contritio in terminis tuis*, de Romana Ecclesia sunt explicanda: cui promissum à Christo est, eam nunquam fore deuastandam. Iniquitatis item nomen pro vastitate & supplicio nonnunquam accipitur. Atque hæc de Isaiæ verbis indicasse sit satis. Nam Ioannis verba (quæ de triumphanti Ecclesia constat explicari debere) nullam in se continent diffi-



## CAPVT XXII.

## TEXTVS.

*Vers. 1.* Et ostendit mihi fluuium aquæ vitæ, splendidum tanquam crystum procedentem de sede Dei & Agni.

## COMMENTARIVS.

**S**uperiori capite exposui, quemadmodum concipi debeat thronus Dei Patris, & Christi Domini in hac ciuitate, quæ Ioanni est per visum ostensa: nimirum in medio ciuitatis situ, & in eminentiori loco, vt fluuius ex throno procedens per omnes posset ciuitatis vias fluere. In hac enim quasi pictura indicatur, opes nobilissimæ huius vrbs ciues fluuij ipsius vndas potare, & arborum ad fluuij ripas consitarum poma edere. Quapropter vt omnibus ad manum sit & aqua ad potum, & ad esum fructus; atque tota ciuitas amœnissimi paradisi speciem præ se ferat: concipiendæ sint viæ omnes latæ & satis & spatiosæ (idenim, vt vidimus, denotat tam græcè, quàm latine plateæ nomen); & per omnes copiosus valde aqueductus deduci ex ipsis fluuij fluentis: atque ad vtramque fluminis ripam per omnes ciuitatis vias arbusta viridissima: deinde capax satis, ad deambulandum, inter arbores & ædificia spatium sit reliquum.

*Fluuius de sede Dei & Agni procedens quæ ratione sit concipiendus.*

Aquæ perspicuitas comparatione cryalli maximè declaratur. Ipse autem excellentiam significat imprimis genitiuus ille *vita*, id est vitalis. Deinde quod mox adiungitur, hoc scilicet flumen à Dei & Agni sede procedere. Vt enim mirifica denotaretur esse vnda, & præclarum in modum vitalis; nihil aliud potuit fingi, quod aptius repræsentaretur, quàm asserendo, hunc fluuium ex diuino illo fonte dimanare. Nam si ea est illius origo atque fons: aquam ipsam qualem fore putandum est?

Huius fluuij significatio denotare debet aliquid, quod electis omnibus in præmium promittatur. Dicitur enim infra, num. 17. *Qui sitit, veniat; & qui vult, accipiat aquam vitæ gratis.* Quibus ex verbis elicio, non esse ad rem in hoc loco eam fluuij significationem, quæ Doctorum ac Magistrorum gloriam peculiarem adumbrat. Quamobrem censeo, in hoc fluuij symbolicè indicari celestis voluptatis copiam, qua Sanctos omnes visio beatifica perfundit: iuxta illud Psalm. 35. 9. *Torrente voluptatis tuæ potabis eos.* Cui explicationi haud obscure adspulatur Hieronymus Ezechielis 47. qui fluuium illum, cuius ibi Ezechiel meminit, & ad quem in hoc loco alluditur, de aquis doctrinæ interpretatur. Atqui certum est, Ezechielem de militante Ecclesia, Ioannem de triumphanti agere; & fluuij doctrinæ militantis Ecclesiæ respondere fluuium beatæ sapientiæ, qua Sancti omnes in celesti patria fruuntur. Quod vero Sapientia per fluuium figuretur; id in sacris Literis nouum non est. lege Ecclesiastici 24. 40. *Ego sapientia effudi flumina; ego quasi fluuij dioryx, & sicut aqueductus exiui de paradiso: dixi, Rigabo hortum meum plantationum, & inebriabo prati mei fructum.*

*Quid in hoc fluuij figuretur.*

Obijciat tamen aliquis hunc in modum: Visio beata, in qua essentialis Sanctorum beatitudo consistit, suprâ iam per Dei claritatem erat figurata: atque adeo non videtur congruens, vt quod antea in Dei claritate, tanquam in superæ illius vrbs sole, fuerat indicatum, id ipsum nunc per fluuij symbolum designetur. Respondeo: nouum non est, multiplicari symbola ad vnius eiusdemque rei significationem: præcipue quando nullum satis est aptum ad eam rem satis explicandam; & tamen expedit altero symbolo suppleri, quod energiam deerat in primo.

*Fluuium esse sapientiæ Symbolum.*

Ad hæc: licet claritatis symbolum sit ad eximie gloriæ significationem mirificum; non tamen explicabat, quod in nouo hoc fluuij vitæ symbolo explicatur, nimirum Beatorum sitim expleri, & animos summâ perfundi voluptate. Præterea, si in mystico illo Mardochai somnio potuit magna cum energia fons & fluuius in lucem ac solem conuerui (dicitur enim Esther 10. 6. *Paruus fons creuit in fluuium, & in lucem solemq; conuersus est, & in aquas plurimas redundauit*): nihil ergo absoni, sed plurimum potius concinnitatis habebit, vt ad eiusdem rei significationem diuinus Spiritus prius hinc summæ claritatis symbolum, deinde fluuij vitalis vsurpet. Quod si per fluuium illum in solem conuersum significata fuit Esther, quam sibi Assuerus Rex duxit vxorem: quid mirum, celestem sapientiam, quam spiritali connubio Beati omnes ducunt, similiter per solem atque per fluuium adumbrari?

*Celestem beatorum sapientiam duplici claritatis & fluuij symbolo non ineptè significari.*



Cur vnda  
huius fluij  
appellatur  
aqua vitæ?

Cur flumi-  
nis huius  
vnda, cry-  
stalli instar  
esse perhi-  
beat.

Vitam ac  
lucem sapē  
in sacris,  
nec sine my-  
sterio, copu-  
lari.  
Ecclesiastici  
locus obiter  
elucidatur.

Huius fluminis vnda appellatur aqua vitæ: ad eum fere modum, quo Itali vini distillationē vocant aquam vitæ, quod est veluti spiritus vitalis. Aut fortasse vita in hac phrasi summam felicitàtem significat, quia vita in sacris Literis sæpe idem est quod beatitudo. Quare fluius aqua vitæ perinde erit, atque beatus fluuius, seu potius beatificans. Arbor item vitæ seu lignum vitæ similiter sunt accipienda. Expende etiam, hunc fluuium esse aquæ vitæ: quia sapientia est vitæ ac felicitatis initium; iuxta illud Ioannis 1.4. *In ipso vita erat, & vita erat lux hominum.* Adde, quod ex huius fluminis aqua proueniebat, arbores duodecim ex se fructus producere, nec folijs vnquam spoliari.

Hæc insuper fluuij vnda est crystalli instar perspicua: ingens enim claritas est sapientiæ propria. Nam propterea huic fluuiio apponuntur aquæ turbidæ, de quibus Ieremias 2. 18. *Quid tibi vis in via Egypti, vt bibas aquam turbidam?* Iam si turpis ac fæda voluptas recte aquæ turbidæ & immundæ comparatur: iure optimo voluptas illa purissima atque sanctissima, cuius torrente Deus Beatos potat, conuenientissime denotabitur per aquam illam splendidam tanquam crystallum. Verum non solum in beatæ visionis sapientia; sed etiam in ea sapientia, cuius Deus vsuram suis familiaribus in hac vita impertitur, obseruatione dignum est, quanta sit claritas ac perspicuitas, qua ipsius sapientiæ interuentu veritatem ipsam excipiunt. Aliud nanque est multa vera cognoscere, quod spectat ad ingenium; aliud ea penetrare per lucem illam quam Deus suis amicis largitur: id quod ad Sanctorum pertinet prudentiam.

His addo, optimè coherere, vt quæ vitalis sit aqua, eadem & clarissima sit. Quippe cum ingenti luce sociatur recte spiritalis vita & vberimè pariter virtutum illustrissimarum fructus. Quare sæpè in sacris Literis copulatur vita ac lux: vt in Psalmo illo 35. 10. *Apud te est fons vitæ, & in lumine tuo videbimus lumen,* & Ioannes 1.4. *In ipso vita erat, & vita erat lux hominum.*

Circa verba illa, *Procedentem à sede Dei & Agni,* aduerte Ecclesiastici locum cap. 1. num. 6.8. *Radix sapientiæ cui reuelata est? vnus est altissimus creator omnipotens, & rex potens sedens super thronum.* Cuius constructio meo iudicio eiusmodi est; quasi dicat, sapientiæ radicem esse Deum in suo throno magnificentissimo sedentem. Et verò generatim loquendo quis nesciat Deum esse totius sapientiæ fontem? Quis, veram sapientiam in Dei & ipsius Filij Iesu Christi cognitione consistere? Sicut ergo in hac vita, sapientia viatorum perfecta in eo sita est: sic etiam in celesti patria perfecta Beatorum sapientia.

Nota præterea fluuium, de quo hic est sermo, non esse concipiendum quasi ex ciuitate egredientem. In ciuitate enim adeo magna, quæ mille & quingenta milliaria habet in quadro, non est coactum vt fluuius, qui è medio vrbs oritur; & in tot brachia, quot sunt viarum strata, diuiditur; in quandam veluti paludem desinat, quæ ipsam vrbs intra mœnia ambiat.

## NOTATIO I.

### De allusione ad fluuium Ezechieli ostensum capite 47.

Allusio &  
comparatio  
inter Ioan-  
nis fluuium  
& fluuium  
Ezechielis.

**I**mprimis allusio ipsa euident est: primò quia quemadmodum fluuius Ioanni visus à sede Dei & Agni prodibat; ita etiam Ezechielis flumen ex interiori templi parte erumpebat; nempe ex oraculo, quod sancta Sanctorum vocatur; vbi Deus suum habebat thronum. ait enim Propheta num. 1. *Ecce aquæ egrediebantur subter limen domus ad orientem, & descendebant in latus templi dextrum ad meridiem altaris.* Secundò quæ Ioannes arbuta ad vtramque fluuij ripam conspexit, ab Ezechiele sunt citra dubitationem mutuata; qui num. 12 sic habet; *Super torrentem in riuus eius ex vtraque parte omne lignum pomiferum. non defluet folium ex eo, & non deficiet fructus eius. per singulos menses afferet primitias; quia aquæ eius de sanctuario egredientur; & erunt fructus eius in cibum, & folia eius ad medicinam.*

Ceterum, quanuis de allusione ipsa dubitari non possit: aliquot tamen inter vtramque prophetiam differentia satis apertè reperiuntur; de quibus rationem reddamus oportet. Prima ergo differentia est. apud Ezechiele torrentis; apud Ioannē fluuius nūcupatur. Secūda; Apocalypseos fluuius ciuitatem ipsam lætificat, & medias vias omnes præterfluit: at fluuius Ezechielis nec intra vrbs

**E** habet originem, nec ipsam interfuit. Nam sanctuarium conspexit Ezechiel à ciuitate per calamos quindecies mille seiunctum, vt supra iam expendimus; & torrens ex ipso egrediens sanctuario in mare mortuum influit. Tertia: Ezechielis torrens primò exiguus est; sed ita paulatim excreuit, vt ad mille cubitorum spatium aquæ ad talos vsque prophetam attingerent: post mille alios cubitos vsque ad genia; post alios mille vsque ad renes ac postea intumuerant aquæ, ita vt transuadari non possent. in Apocalypsi verò fluuius nullâ ratione dicitur excrecere. Quarta: Ezechielis fluuius vbi ad mare mortuum fuit delatus, ipsius sanauit aquas, piscesque quàm plurimos procreauit; & maris mortui littora nonnullasque paludes in sua amaritudine reliquit; vt ex amara aqua conficeretur sal. fluuius autem, quem Ioannes aspexit, nihil huiusmodi effecisse dicitur.

Vt harum differentiarum rationem reddam; illud breuiter præmitto, quod supra iam ostendi; Ioannem nimirum agere de flumine sapientiæ, quæ Beatis inest; at Ezechielem de sapientia, quam Deus in hac vita fuerat Ecclesiæ suæ largiturus.

Quæ repe-  
riantur dif-  
ferentia in-  
ter vtrumque  
Ioannē &  
Ezechielis  
fluuium.  
Prima dif-  
ferentia.  
Secunda.

Tertia.

Quarta.

Redditur  
prædicta-  
rum diffe-  
rentiarum  
ratio.



Ad primam  
differen-  
tiam.

Ad primum ergo discrimen sic statuo : quanuis non magni admodum momenti videatur esse , vt apud Ioannem fluuius , apud Ezechielem torrens appellatur ( hæc nanque diuersitas iuxta lectio- nem Septuaginta non reperitur , qui in Ezechie- le nomen fluminis vsurparunt ) nihilominus ap- positè Vulgatus interpres torrentis nomine fuit vsus. Nam ex ipso liquet contextu , riuum ex sanctuario prodire primò mediocrem : siquidem , postquàm augeri cœpit , adhuc post mille cubitos propheta talos non superabat. Sic ergo reapse ac- cidit ; nam sapientiæ euangelicæ flumen , quod Deus in militantem Ecclesiam effudit , paruum initio cœpit , sed velociter excreuit . quare iure optimo vocatur initio torrens , deinde fluuius ingens. At in cælesti beatitudine Sancti tempore ipso non accipiunt incrementa ; sed ab ipsomet suæ beatitudinis exordio fruuntur totâ sapien- tiæ affluentia & copia , quam fluminis magni no- men requirit.

Difficultas  
in prædicta  
doctrina  
expediuntur.

Quod si opponas , sapientiam in hac vita euan- gelicam ab Apostolis , virisque Apostolicis duxisse exordium , & inde ad ceteros deriuatam : & in ipsis quidem Apostolis maiorem fuisse hanc sapi- entia profunditatem , quàm in ceteris aliis , qui ipsos postea subsequuti sunt. Ad hoc respondeo : in ipsismet Apostolis fluuius sapientiæ fuit mul- tiplici accessione paulatim auctus per nouas reue- lationes , quas quotidie à Deo accipiebant : vt in Apostolorum Actibus videre est. Et quanuis Apo- stoli atque discipuli Christi fuerint maximo sapi- entia incremento à Deo locupletati : nihilomi- nus suus adhuc superest fluuij nomini locus ; quod initio magistri & concionatores perpauca extite- rint : item , quod aliud sit agere de sapientiæ com- municatione Apostolis ipsis factâ : aliud , agere de communicatione per eosdem Apostolos effectâ vniuerso Ecclesiæ corpori . Et verò dubium non est , Ecclesiam ipsam temporis decursu hac in re auctam & locupletatam fuisse : sicuti lux diei ab aurora ad meridiem vsque excreuit ; vt habetur Proverb. 4. 18. Quod verò Salomon ibi sub lucis allegoria affirmat ; id etiam docet Ecclesiasticus sub allegoria fluminis ; id quod ab Ezechiele mu- tuatus videtur. Cum enim cap. 24. 40. Ecclesiasti- cus ipse dixisset ; *Ego quasi trames aquæ immensæ de fluuiio* : subdit ; *dixi , Rigabo hortum meum plantationum ; & inebriabo pratimæ fructum. Et ecce factus est mihi trames abundans ; & fluuius meus appropinquauit ad mare*. Itaque sapientia , quæ prius erat *dioryx & aqueductus* , hortum plantationum rigans ; quando aqua ipsa hortorum tellure videbatur penitus imbibenda , tunc magis excreuit : erat enim *trames aquæ immensæ* , id est , torrens inexhaustus ; qui ipsa- met horti irrigatione tantum accipit incrementi , vt ex paruo riuo siue aqueductu concresecat in flu- men adeò ingens , vt mari æquiparetur . Nam eò spectant verba illa , & *fluuius meus appropinquauit ad mare* . Crescit ergo sapientiæ flumen sui ipsius communicatione , ad eum ferè modum , quo Ci- cero Offic. dixit ex Ennio de lumine.

*Qui alteri accendit lumen de suo lumine,  
Facit , ut nihilominus ipsi luceat.*

A

Ad secundum discrimen : quanuis Ezechiel san- ctuarium viderit à ciuitate distractum ( vt intelli- geret Christianæ Ecclesiæ in Deum religionem & cultum ita fore excellentem & admirabilem , vt homines ipsos extra se poneret , & longè à se ipsis abstraheret ) hoc tamen ipsum sanctuarium citra dubitationem spectat ad urbem ipsam Ezechieli ostensam. Vnde sapientiæ fluuius ab Ezechiele cō- spectus ad sanctam etiam pertinet ciuitatem. Ve- rum qua ratione sanctuariū fingitur ab vrbe pro- cul positum ; eadem etiam inducitur fluuius vnà cum sanctuario ab vrbe diffusus. Vt innuatur , flu- men illud sapientiæ speciatim communicari illis , qui sua omnia ac semetipsos pro Christo conte- mnunt ; ac se diuino cultui totos dicant , & conse- crant. Atque hoc est , se diuino obsequio & religio- ni separare ; qua ratione in Nazaræorum separa- tione figuratum erat. Qui verò eâ ratione se domi- no seuocant & addicunt ; hi singulariter fruuntur cælestis Sapientiæ flumine & mysteriorum Chri- stianæ fidei intelligentia ac suauitate.

Ad 2. diffe-  
rentiam.

B

Ad hæc ; in Ecclesia Christiana nouimus gratissi- mam Deo esse huiusmodi separationem : nimirū qui Deo magnopere placere studet , ne sibi satis esse putet , si Christianus sit ; si sanctæ huius vrbis ciuis : sed se insuper Deo consecret , ac separet per suam ipsius abnegationē . Nam qui hac ratione à semet- ipsis recedunt , illi profectò de Gentilium con- uersione diligenter agunt : atque ideo fluuius è tē- plo exorietis , inde rectâ properat ad mortui maris aquas sanandas . At verò in cælesti Beatorum pa- tria omnes Deo perfectè dicati & consecrati sunt : nec opus illis est sui ipsorum abnegatione , nec ad eorum munus incumbit Gentilium prædicationem suscipere . Quare fluuius Ioanni visus oportuit , ne à ciuitate gloriosa procū esset positus ; sed vt intra ipsius mania oriretur , atque inibi rema- neret.

Quam sit  
in Christia-  
na Ecclesia  
laudabile,  
homines à  
mundicom-  
mercio sepa-  
rari et se  
Deo totos  
consecrari.

C

Ad tertium discrimen patet ex ijs , quæ de primo diximus ; nec ampliùs est quidquā addendum.

D

Ad quartum constat etiam ex dictis ad secun- dum. Id vnum adiungo , in cælesti beatitudine opus non esse , vt aliqua sit amaritudo : in hac tamen vi- ta summopere iustis expedire vt contrariarum re- rum acerbitate & amaritudine exerceantur : nam ex huiusmodi amaritie mysticum generatur sal , quo Deus ipsos ab omni corruptione intactos as- seruat. Quamobrem , licet in intimo maris mortui spatio sit potens fluuius ex sanctuario nascens a- maras medicare aquas , & acerbitate absumptâ fecundas ac piscibus quàm plurimis abundantes reddere : ceterum quia magni refert , ne deficiat af- flictionis & persecutionis sal , quo iusti aduersus vitiorum corruptionem condiantur : idcirco sapi- entissimè fingitur , in maris mortui littoribus , & in aliquot lacunis , quæ ex maris ipsius vndis ad ter- ram conficiuntur , amaras aquas remanere ; vt salis copia & affluentia in ipsis littoribus esset : quem- admodum pisciū etiā abundantia , & dulcis aquæ copia in medio ipso mari superabat. Atque hæc in- dicasse sit satis : obtundetur enim fortasse prophe- tici eloquij sapor , si ampliùs rem exprimere & ex- plicare velimus.

Ad tertiam  
differen-  
tiam.  
Ad quar-  
tam.

E



## T E X T V S.

*Vers.2.* In medio plateæ eius & ex vtrâque parte fluminis, lignum vitæ afferens fructus duodecim, per menses singulos reddens fructum suum, & folia ligni ad sanitatem gentium.

## C O M M E N T A R I V S.

**V**idimus iam in superioribus plateæ nomine non forum aliquod designari: sed vniuersas gloriosæ ciuitatis vias: easque omnes esse latissimas: vt ipso plateæ nomine tam græco, quam latino importatur. Licet autem textus in hoc versu directe de solis arboribus loqui videatur: si tamen per quamlibet ciuitatis viâ duplex arborum series per ordinem erat disposita ad vtramque fluminis ripam; fluuius ipse per medium vtrarumque arborum callem, siue aquæductum pariter influxisse putandus est per omnes vrbs vias.

*Lignum vitæ hic per Synecdochen pro pluribus vsurpari.*

Deinde satis constat, nomen *lignum* hic apponi collectiue pro maxima arborum multitudine. Familiare enim est tum sacris Literis, tum humanioribus, singularem numerum pro plurali per Synecdochen vsurpari. In eo Ezechielis loco, ad quem hic allusio fit, nempe cap. 47. num. 7. expressè dicitur, *Ecce in ripa torrentis ligna multa nimis.* Et num. 12. *In ripis eius ex vtrâque parte omne lignum pomiferum: non defluet folium ex eo, & non deficiet fructus eius: per singulos menses afferent primitiua.* Ex horum autem locorum collatione planum fit, non esse sermonem de vna arborum specie, sed de multiplici arborum pomiferarum naturâ: quibus omnibus hoc in loco nomen arboris vitæ tribuitur. In hoc verò magnopere paradysus hic cælestis primo illi terreno antecellit: illic enim non omnes arbores nomine ligni vitæ insigniuntur, sed vnica solum arborum species. Sic etenim legimus Genes. 2. 8. & 9. *Plantauerat autem Dominus paradysum voluptatis, in quo posuit hominem, quem formauerat: produxitque Deus de humo omne lignum pulchrum visu, & ad vescendum suaue: lignum etiam vitæ in medio paradysi: lignumque scientia boni & mali.* Vbi ex contextu liquet, quod lignum vitæ appellatur, vt peculiarem speciem, distinguere ab aliis arboribus pomiferis, quæ in paradiso erant. At in Apocalypsi cum de vniuersis arboribus ad vtramque fluminis ripam confitis, specie etiam diuersis, sermo sit; omnibus tamen ligni vitæ nomen imponitur, quod perinde est, ac si dicatur singularis illa virtus hominû vitam producendi, siue immortalitate donandi, quæ vni siue arbori siue speciei in terrestri paradiso indita erat; hæc eadem fuisse erga omnes gentes vniuersis arboribus, quas Ioannes, in cælesti illa ciuitate ad fluminis ripas conspexit. Et sic sanè oportebat in vrbe ad eam ingenti ac penè immensa; vt hoc pacto significaretur, immortalitatis possessionem (qui vitalis arboris effectus est) ciuibus ipsis nullo labore constare: cum per vias omnes, vitales huiusmodi arbores fuerint duplici ordine dispositæ.

*Regionum aliquot fortissimas.*

*Quod Poëta de Alcinoi hortis finxerunt, fuisse eos mutatos ex ijs, quas Moses de terrestri prodidit paradiso.*

Quod arborum folia nunquam decidant, & bis per annum proferant fructus; id quidem de regionum aliquot arboribus traditur. Consule Plinium lib. 16. cap. 21. fine; vbi sic habet: *Locorum tanta vis est, vt circa Memphim Egypti & in Elephantine Thebaidis, nulli arborum decidant folia, nec vitibus quidem.* Et memini me Genuâ transeuntē sub brumam vidisse arbores pomis ac fructibus onustas: vt prunis, alijs quidem maturis atque decoctis, alijs viridibus & acerbis. Porro à poëtis, & Homero præsertim, celebrantur biferi Alcinoi horti; quibus nunquam folia, nunquam poma, decedebant. Et quanuis quod Homerus de Alcinoi hortis asserit, videatur (vt Iustinus Martyr in admonitorio ad gentes censet) dictum per imitationem eorû, quæ Moses de terrestri paradiso prodidit: cuius notionem Homerum ab Ægyptijs hausisse sentit idem Iustinus; cæterum ex ijs, quæ in aliquot orbis partibus cernuntur, potuerunt ansam arripere poëtæ ad illos Alcinoi hortos eâ ratione confingendos.

*Homerus Ezechiele antiquior.*

Nihilominus nec Alcinoi horti, nec quæcunque alia fictio fuit à poëtis excogitata, exæquant hanc sacram de vitalibus arboribus fictionem: quæ & duodecim quotannis fructus per singulos menses proferant; & folia ad Gentium sanitatē perutilia habeant. Hoc quidem Apocalypsis ab Ezechiele desumpsit: nec ipsius Ezechielis notitiam assequi potuit Homerus. Licet enim de tempore, quo Homerus vixit, multiplex sit scriptorû dissensio, vt in Eusebij Chronico videre est: inter omnes tamen conuenit Homerum Ezechiele fuisse antiquiorem. Nonnulli Homerum Sauli primo Israëlitarum regi coeuum efficiunt: alij ipsius ætatem multis postea sæculis assignant. Omnes tamen multò ante Babylonis captiuitatem, atqui Ezechiel propheta eodem captiuitatis tempore floruit: & capitis 47. visionem textus exprimit accidisse anno vigesimo quinto à transmigratione Ioachim.

*Cur lignum hoc vitæ dicatur?*

Sed vt ad rem regrediamur; cum *lignum vitæ* dicitur, genitiuus ille *vita* perinde est, atque adiectiuum *vitale*, vt suprâ dicebamus. Quod nomen ligno vel arbori adiunctum denotat immortales eos fieri, qui ipsius fructum edunt. Id quod compertū est ex allusione ad vitæ lignum Paradysi, de quo Genes. 2. 9. & cap. 3. 22. vbi Dominus ait: *Ecce Adam quasi vnus ex nobis factus est, sciens bonum & malū. Nunc ergo, ne forte mittat manum suam, & sumat etiam de ligno vitæ & comedat, & viuat in æternum.* Et emisit eum Dominus de paradiso.

*Vtrum per cælestes has arbores pomiferas insinuat figurentur.*

Aliquis forsan opinabitur, hanc pomiferarum arborum multitudinē Ioanni ostensam symbolum esse iustorum; qui in alijs Scripturæ locis arboribus huiusmodi cōparantur. vt Psalm. 1. 3. *Et erit tanquam lignum, quod plantatum est secus decursus aquarum, quod fructum suum dabit in tempore suo: & folium eius non defluet: & omnia, quæcunque faciet, prosperabuntur.* Verum tamen textus ipse non patitur, lignum vitæ in hoc loco iuxta eam accipi significationem: dicitur enim num. 14. *Beati, qui lauant stolas suas in sanguine Agni: vt sit potestas eorum in ligno vitæ.* Ex quibus verbis manifestum est, eam ex arboris vitæ

fructu.



**A** fructu pertinere ad iustorum beatitudinem. Vnde, cum lignum vitæ in aliis Scripturæ locis immortalitatem adumbret (vt Genes. 2. & 3. & Prouerb. 3. 18. & cap. 13. 12. & cap. 15. 4.) germana significatio est, vt in eodem sensu præsens hic locus accipiatur. Præsertim, quia in eadem Apocalypsi vsurpatur lignum vitæ secundum hanc acceptionem: nimirum capite 2. 7. *Vincenti dabo edere de ligno vitæ, quod est in paradiso Dei mei.* Vbi ad postremam hanc libri visionem respicitur.

In præsentī ergo fluius aquæ vitæ, & lignum vitæ, non duo sunt symbola omnino diuersa. Quemadmodum enim, (quod ad visionem attinet) aquæ ipsius fælicitas perspicitur in arboribus vtrinque consitis, nec non in copia & bonitate fructuum ac virtute foliorum, quibus ornantur pariter & onerantur: sic etiam (quod ad mysterium spectat) sapientiæ à Deo suis familiaribus impertitæ tribuitur effectus ipsos beandi, & omnia cordis vota implendi, ac summâ voluptate inebriandi; quod symbolicè denotat fluius aquæ vitæ. Eidem etiam sapientiæ adscribitur immortalitas ipsismet collata, quæ per ligni vitæ symbolum importatur. Quippe visionem beatificam (qui perfectissimus est sapientiæ actus) necessariò consequitur summa voluptas, nec non immortalitas. Atque hæc duo aptissime per potum vitæ ac cibum vitæ figurantur. Quia ex potu & cibo, potus quidem aptior videtur ad voluptatem indicandam; cibus autem ad vitæ sustentationem, nam in potione maior voluptas; in victu robustior alimonia reperitur.

**B** Præter hæc; quanuis Apocalypseos arbutum arboribus Ezechielis respondeat; nihilominus Ezechielis visio (vt superiore versu vidimus) directè ad militantem Ecclesiam; at visio Ioannis ad triumphantem refertur. Quamobrem, quæ immortalitas per Ezechielis arbores adumbratur, tribuitur in hac vita per gratiam; quæ immortalitas est, (vt ita dicam) in semine & in virtute. Immortalitas autem, quam vitæ lignum in Apocalypsi significat, est propria immortalitas, qua Beati fruuntur: quod tamen non obstat, quominus vocetur etiam immortalitas suo modo, quæ per gratiam confertur: & sic sæpe Christus in Euangelio loquitur.

**C** Duodecim fructus applicari frequenter solent ad eos, quos Paulus ad Galatas 5. 22. appellat Spiritus sancti fructus: vbi duodecim enumerat per allusionem, vt videtur, ad Ezechielis locum. Huic tamen explicationi obstat, quod Spiritus sanctus simul duodecim illos fructus communicat: atqui fructus duodecim Ezechielis & Apocalypseos per singulorum mensium successionem apponuntur. Quapropter aptior videtur fructuum duodecim significatio; vt per ipsos denotetur, arbores semper nouis fructibus oneratas; huiusmodi enim solent gustui iucundiores esse. Mysterium autem inibi indicatum eiusmodi erit; in militanti Ecclesia (de qua Ezechiel loquitur) esse remedia, quibus semper perfecta ac noua renouatio mystica fiat; ita vt nihil pristina vetustatis omnino remaneat: item, in cælestis patriæ beatitudine (de qua Apocalypsis verba facit) immortalitatis renouationem esse semper ita perfectam, ac primo die; absque vllō vetustatis vestigio.

**E** **ET FOLIA EIVS AD SANITATEM GENTIVM.]** Hoc etiā ab Ezechiele petitū est; qui ait, & folia eius ad medicinam. At enim in cælo, inquit, nulli morbi, nullæ ægrotudines sunt: Vnde licet hæc foliorū virtus in Ezechielis visionem (quæ militantem adumbrat Ecclesiam) recte quadret; in hac tamē extrema Apocalypseos visione, vt in Ecclesiæ triumphantis symbolo, non ita videtur ad rem.

**D** Ad hanc difficultatem respondeo primò: meliora ac nobiliora medicamenta sunt, quæ ab omni morbo corpora animosque præmuniunt. Et ad perfectam immortalitatem, quam lignum vitæ repræsentat, conducit pariter sanitatem conseruare: id ergo indicari potest per foliorum virtutem ad sanitatem gentium. Præterquàm quod beatitudinis cælestis immortalitas Sanctorum corpora sanat à quolibet morbo aut cicatrice, quæ ipsis in hac mortali vita inerat; sicut etiam ab omni spiritali imbecillitate: ad quam virtutem significandam deseruit aptissime mira foliorum medicinalium virtus.

Secundò respondeo; apud Ezechielem videntur folia referenda ad pia & efficacia verba, atque etiam ad Sacramenta. Quippe & in Sacramentis ac sacris cærimonijs & in verborum sanctorum efficacia locum habet aptissimum foliorum sacrorum virtus ad Gentium sanitatem. Quamuis autem in cælo nec cærimoniæ nec Sacramenta nec hominum ægrotudinum curatio per sancta & efficacia verba reperiantur: reperitur tamen gloria ijs omnibus respondens. Cumque vterque effectus ex admirabili sapientiæ euangelicæ virtute dimanarit; congruenter fingitur beata sapientiæ fluius in suarum riparum arboribus eximia illa folia producere, quæ symbolicè representent gloriam pijs huius vitæ cærimonijs, sanctisque verbis respondentem.

**E** His adiungo, fortè in medicis istis folijs, quæ paradisi cælestis arboribus adscribuntur, illud significari; sanctas nimirum cærimonias ac pia verba, quibus Catholica Ecclesia in hac vita decoratur, esse quodammodo folia vitalis arboris, qua perfruuntur Beati. Sic enim dixit Petrus, verba Christi esse vitæ æternæ verba; id est, quasi folia ligni vitæ, quod æternæ & immortalis vitæ gerit symbolum. Similiter etiam sancta Ecclesiæ Sacramenta ac cærimoniæ sunt quodammodo vitæ æternæ cærimoniæ & Sacramenta. Certè nemo prudens negabit huiusmodi loquutionem elegantia & energia esse plenam. Atque id ipsum, quod per hanc loquutionem significamus, potuit non ineptè figurari ex eo, quod arbori vitæ in cælesti patriâ consistit folia tribuantur salutaria, quibus Ecclesia militans fruitur; quasi inde ad nos cælestia hæc folia mittantur. Mirificè autem congruit, quod sacris cærimonijs pijsque verbis symbolum foliorum tribuantur: folia enim & fructus conseruant, & arbori pulchritudinem addunt. ita etiam gratia immortalitas sanctis cærimonijs, externo cultu & sanctis etiam verbis conseruatur: quæ omnia in mirum Ecclesiasticæ sapientiæ & sanctitatis ornatum redundant.

*Allusio in hoc Apocalypseos arbutum ad Ezechielis arbores. & quod sit vtrorumque discrimin. Duodecim fructus, quos lignū vitæ producit, quid significant.*

*Cur in cælo, ubi nulla infirmitas, folia arborum dicantur ad sanitatem gentium? Primadifficultatis proposita solutio.*

*2. solutio.*

*In folijs ligni vitæ sacras etiam cærimonias ac pia verba denotari.*



## T E X T V S.

*Vers. 3.* Et omne maledictum non erit amplius : sedes Dei & Agni in illa erunt, & serui eius seruiant ei.

## C O M M E N T A R I V S.

*Verum verba ista à Ioanne in propria persona an ab Angelo ipsum alloquente proferantur*

**D**ubitari posset, utrum in hoc versu & in duobus sequentibus loquatur Angelus, qui hæc Ioanni ostendebat; an verò Ioannes ipse ex ijs, quæ viderat, has sententias elicuerit atque expenderit. Verum textus ipse omnem dubitationem tollit: ait enim versu 6. *Et dixit mihi: Hæc verba fidelissima sunt.* Vnde constat, cum Ioanne sermonem conferere Angelum illum, qui extremam hanc visionem illi indicabat. Illa ergo verba priora; *omne maledictum non erit amplius*, aptissime connectuntur cum ijs, quæ de medicinali foliorum virtute prædicta erant. Si enim tanta est, tamque salutaris foliorum efficientia (cuius significationem in priori explicatione expressimus): in cælo ergo nullus membris aut oculis captus, nullus morbus aut ægrotudo, non fæditas, non peccatum, non mors, non debilitas reperientur; non denique aliquid ex illis, quæ sub maledicti nomine comprehendiqueunt: id est, quæ diras alicui deuotendo homines imprecari aut solent, aut possunt. Sicut enim, qui alteri benedicit, omnia ei bona potest precari; ita etiam qui maledicit, potest quoduis imprecari malum.

Deinde maledicto opponitur perfecta benedictio; id est bona omnia, quæ ad vera gratiæ & gloriæ bona rediguntur. Magna autem gratia ea est, Christum & æternum eius Patrem in Beatis suis habere thronum; & ab ipsis perfecte & cumulatè suspici atque coli. Atque id explicatur in reliquis huius versiculi verbis; scilicet *sedes Dei & Agni in illa erunt, & serui eius seruiant ei.* Sequenti verò versu in summam reducitur ingens iustorum gloria, id est gloriæ bona.

B

## T E X T V S.

*Vers. 4.* Et videbunt faciem eius & nomen eius in frontibus eorum.

## C O M M E N T A R I V S.

*Dei nomen in Beatorum frontibus impressum quid significet.*

**H**uius versiculi cum præcedenti nexum iam supra explicuimus. Et quidem cum Beatorum gloria in Dei visione consistat; qui ipsum in cælesti patria vident, illi eum perfecte glorificent, & se ipsius seruos imprimis profitentur. Id quod significatur Dei nomine in eorum frontibus inscripto, ut sæpius dictum est. Videntur tamen (ut id obiter attingam) hæc verba alludere ad summi Sacerdotis antiquæ legis laminam, quam fronte gestabat: de qua Exodi 28. 36. *Facies & laminam de auro purissimo; in qua sculpes opere calatoris, sanctum Domino.* Erit autem laminæ semper in fronte eius; ut placatus sit ei Dominus. Qua ratione fortè denotatur, Sanctos in cælesti patria degentes patronos esse & aduocatos eorum, qui in hac mortali vita morantur; & hanc ad rem ipso Aarone potentiores esse. Hanc autem Sacerdotalem dignitatem mox regia consequitur.

D

## T E X T V S.

*Vers. 5.* Et nox ultra non erit: & non egebunt lumine lucernæ, neque lumine solis: quoniam Dominus Deus illuminabit illos, & regnabunt in sæcula sæculorum.

## C O M M E N T A R I V S.

**H**æc sententia superius est explicata. Solum hinc obseruanda ipsius cum præcedenti connectio: nam in gratiæ atque gloriæ bonis perfruendis nulla est in cælesti patria intermissio aut abruptio: illa enim gloriosissima fælicitas nunquam aut finienda est, aut intermittenda.

E

## T E X T V S.

*Vers. 6.* Et dixit mihi: Hæc verba fidelissima sunt & vera. Et Dominus Deus spirituum prophetarum misit Angelum suum, ostendens seruis, quæ oportet fieri citò.

## C O M M E N T A R I V S.

**Q**uamquam vniuersa Apocalypsis concipienda est veluti spectaculum quoddam siue actio, cuius fuit vnus editor, nempe Angelus ille, de quo sermo est capite 1. 1. huius tamen spectacu-



**A** li variæ sunt partes & veluti scenæ; atque adeo varij sunt Angeli, qui in admirabilem hanc actionem inducuntur: vt liquidò cernitur in tubarum Angelis, & in Angelis phialarum. Porro vidimus iam in superioribus, duos fuisse Angelos diuerfos, qui Ioanni Babylonis ruinam prædixerunt; videlicet Paulum & Petrum: & horum primum fuisse, qui Ioanni caelestem ostendit Ierosolymam. Paulus ergo est, qui in præsentem cum Ioanne loquens inducitur. Quod autem ait, *Hæc verba fidelissima sunt & vera*; videtur peculiariter spectare ad superiorem de celestis patriæ felicitate sermonem: & de huiusmodi prophetiâ loqui existimandus est, cum ait, eam citò fore implendam. Quauis enim verè etiam dici potuerit totius Romani imperij conuersio citò esse præstanda, considerata rei ipsius & expeditionis magnitudine: hîc tamen Ioannem alloquitur, qui supernæ ciuitatis gloriam ei ostendebat; tanquam vaticinium de eâ gloria, quæ in cælo Romanam manebat Ecclesiam: qui gloriæ triumphus erat proximus ijs ipsis, qui tunc in hac vita degentes, mox caelesti beatitudine erant in cælo fruituri. Dum ergo ad hunc Apocalypseo scopum spectabatur, perinde erat quasi spiritum ac medullam complurium veterum prophetiarum intendere. Ideò enim Angelus eâ vitur phrasi; *Dominus Deus spirituum prophetarum, &c.*

*Horum verborum fidelitas ab angelo asserta quorsum spectet?*

## T E X T V S.

**B** *Vers. 7.* Ecce venio velociter. Beatus, qui custodit verba prophetiæ huius libri.

## C O M M E N T A R I V S.

**C** **V**erba sunt Domini Dei spirituum prophetarum, de quo Angelus in versu antecedente loquebatur. Sensus autem est, immensam ipsius maiestatem citò ac properè venturam, vt iustorum singulos ipsius causâ ærumnose & ignominiose ab inimicis acceptos, debitis præmijs remuneret, & secum ad æternam illam felicitatem deferat, quæ in extrema libri huius visione continetur. Hunc esse loci huius sensum liquet ex verbis infra positum. 12. *Ecce venio citò, & merces mea mecum est.* Iam quod subiicitur, *Beatus qui custodit verba prophetiæ libri huius*, explanatum à nobis est cap. 1. vers. 3.

*Quem ad finem dicat Deus se venire velociter.*

## T E X T V S.

**D** *Vers. 8.* Et ego Ioannes, qui audiui & vidi hæc. Et postquam audiissem & vidissem, cecidi vt adorarem ante pedes Angeli, qui mihi hæc ostendebat.

9. Et dixit mihi, Vide ne feceris: conseruus enim tuus sum, & fratrum tuorum prophetarum; & eorum, qui seruant verba prophetiæ libri huius. Deum adora.

## C O M M E N T A R I V S.

**E** **P**riora illa verba; *ET EGO IOANNES; QUI AUDIUI ET VIDI HÆC,* sunt veluti proprii nominis subscriptio; quâ ad tabulæ calcem suppositâ confirmat scriba atque testatur, quidquid in toto codice aut tabella scriptum continetur. Quod autem sequitur, Ioannem venerandum ad Angeli pedes procidisse, & ab eodem fuisse prohibitum; id iam expositum supra est capite 19. 10. vbi aduertimus, quod ibi cum Petro accidit Ioanni, idem hic cum Paulo accidisse.

*Verba illa, Et ego Ioannes, qui audiui, &c. esse quasi proprii nominis subscriptionem.*

## T E X T V S.

*Vers. 10.* Et dicit mihi; Ne signaueris verba prophetiæ libri huius: tempus enim propè est.

## C O M M E N T A R I V S.

**D**anielis 8. 26. legimus: *Tu ergo visionem signa; quia post multos dies eris.* Quam autem visionem Daniel præcipit Angelus vt signet, est vaticinium de victoria Alexandri ex Antiocho comparanda, nec non de persecutione contra Israeliticum populum excitandâ per vnum ex Alexandri successoribus, nempe Antiochum Epiphanem: de qua persecutione Daniel in sensu proximo loquitur cap. 12, atque illi edicitur num. 4. *Claude sermonem & signa librum.* Et subditur num. 9. *Clausum signatiq; sermones vsque ad præfinitum tempus.*

*Allusio ad Danielis locum per oppositum sensum facta.*



Difficultas  
in vtriusq;  
loci tam io-  
annis, quã  
Danielis,  
intelligi-  
gentia.

Nonnulla  
ante pro-  
posita difficul-  
tatis enoda-  
tionem præ-  
mittenda.

Obiectioni  
suprà posita  
fit satis.

Cui Danieli  
edicatur,  
ut librum  
obsignet: io-  
annis verò,  
ne obsignet  
prophetiam?

Quid in  
hoc libro  
obsignatum  
permanse-  
rit.

Ex his ergo locis confurgit in præfenti difficultas. Etenim si signari iubetur vaticinium de rebus post annos circiter trecentos explendis: multa continet Apocalypsis, quæ nec trecentis annis, nec etiam quadringentis erant implenda. Adde, quod Ieremiæ 32. 10. & 11. signatur scriptura possessionis agri, quem emit Ieremias: quia scriptura illa non erat vsui futura, donec populus Israëliticus ex Babylonis captiuitate rediret: id quod post vnum, & septuaginta annos accidit, Tabulæ enim confectæ sunt anno decimo regis Sedeciæ, vt ex ipso contextu deducitur. Patet ergo ex illo Ieremiæ loco, ad codices signandos satis esse annorum octoginta dilationem. Cur ergo iubetur Ioannes, ne Apocalypsin obsignet; cum constet multa inibi contineri; quæ plus ducentis annis non erant implenda? Præterea Apocalyp. 10. 3. edicitur Ioanni, *Signa quæ locuta sunt septem tonitrua*. Qui ergo nunc ei præcipitur, *Ne signaueris verba prophetiæ libri huius*; tempus enim propè est? nam hæc temporis appropinquantis ratio videbatur etiam vrgere in septem tonitruorum prophetia; quæ inter Apocalypseos prophetias est vna, atque adeo ex ijs, quæ citius erant implendæ.

Vt de horum argumentorum enodatione clariùs constet, & Ioannis verba plenius intelligantur; aduerto primò, ex Ieremiæ & Danielis locis constare, scripturas earum rerum quæ citò erant opere præstandæ, non obsignari solitas: quæ verò in longinquum protraherantur tempus, eas vtique signari consueuisse. Secundò aduerto, quanuis in Daniele & in Apocalypsi ad veterem alludatur morem: non tamen de proprio sigillo in eis fieri mentionem. Nec enim iubetur Daniel suam prophetiam ita obsignare, ne legi ab alijs possit. Sed sub hac allegoria docetur Propheta, fidelem populum ex ea reuelatione nihil sibi emolumentum percepturum, nec eam intellectu; quoad multi prætereant anni: nimirum quando aut ipsum compleatur vaticinium, aut postea fortassis. Ex quo reijcitur Arctæ & aliorum expositio; qui putant, cum Ioanni imperatur, ne hanc signet prophetiam, perinde fuisse, ac si iuberetur Apocalypsin propalam omnibus legendam proponere: quasi verò non etiam Daniel suum vaticinium ab alijs legendum conscripserit. Tertiò aduerto, si forte expediret, scripturam aliquam quotidie legi, & mox ex ea fructum percipi; congruens tunc maximè esse, ne signaretur; quantunvis post annos plurimos foret ipsius prophetia exequutioni mandanda. Quarto denique, quod Scripturæ alicuius lectio magni interfit, in eocōstitit, vt ex eo ipso tempore possit emolumentum ex ipsa lectione percipi.

His ergo præmissis ad obiecta respondeo: illa Danielis prophetia erat quidem liber Israëlítico populo obsignatus; quoad ipsius veritas in Alexandri victoria atque triumpho, nec non in Antiochi persecutione fuit reapse comprobata. At Apocalypsis licet clausa & obferata sit; ipsius tamen lectio erat ab eo ipso tempore Christianæ Ecclesiæ vtilissima. Quamuis enim non satis perciperetur ipsius series ac filum, nec legitimus sensus multarum ex ijs prophetijs, quæ inibi cōtinentur: semper tamen fidelibus compertū fuit, in hoc libro contineri multa, ex quibus singulares homines possunt vtilitatem capere: quippe quas in se prophetias complectitur, licet ex ijs aliqua respectu totius Ecclesiæ essent intellectu difficiles, & in longinquum tempus differrentur; singulorum tamen hominum comparatione terminus ipse breuissimus est: nec minùs est euidens fælicitas, quæ in hoc libro promittitur Christi seruis, nec non supplicium grauissimum, quod ipsius hostes manet. Huius autem doctrinæ solatium atque vtilitas generalia sunt. Quapropter vt constaret, quantunvis obscurus videretur liber, plurimū tamen fidelibus consolationis & emolumentum habere; ideo Ioanni indicitur, ne librum obsignet.

Iam, quod dictum Danieli sit, vt librum obsignet; Ioanni verò, ne obsignet prophetiam; ratio discriminis est: quia licet Daniel non adeò sit obscurus, vt Ioannes; eo tamen tempore conscripserit, quo pro obscuris habebantur vel ipsa, quæ ex se perspicua erant: & ex ea prophetiæ parte, quam signare iubebatur, non tunc erat fructus decerpendus, sed futuris postea temporibus, Ioannes autem quanuis obscurius suam prophetiam literis mandauerit; eo tamen scripsit tempore, quo Deus suæ sapientiæ lucem Ecclesiæ communicarat; & quando obscuriora etiam ex hac Dei luce splendorem accipiebant, & vtilitatem pariter atque solatium afferebant Ecclesiæ. Quamobrem dum Danieli præcipitur, vt suam obsignet prophetiam; perinde est ac si iubeatur patienter ferre, donec tandem decursu temporum fideles ex ipsius vaticinio emolumentum percipiant. Dum autem prohibetur Ioannes signare prophetiam hanc; admonetur pariter, ne existimet ipsius librum, quantunvis ænigmaticum & intellectu difficilem, non ideo perutilem fidelibus fore. Quare à Daniele patientia exigitur: Ioanni verò ingentis latitiæ materia præbatur. Atque vt hypothesein ad thesin reuocemus, Scriptura Sacra & cælestis sapientia erat magna ex parte clausus liber, atque signatus ad Christi vsque aduentum: at postquam Christus suæ Ecclesiæ cælestem impertinuit Spiritum; obscurior Scripturæ & diuinæ sapientiæ pars pro libro iam aperto ob rationes prædictas reputatur. Ad hæc; in Apocalypseos filodeducendo, & verà totius libri intelligentiā, percipienda, nō dubito, quin Ioannis discipulis & illius temporis Doctoribus fuerit à Deo lux oborta. Itaque liber non omnino restitit clausus: quanuis verū sit, qua ratione oportuit Apocalypsin fuisse vulgò obscurissimam, eādem etiam oportuisse, ne Ioannis discipuli de huius libri ænigmatum expositione multa conscriberent.

Denique illud in hoc libro resignatum permanfit, ipsius scilicet doctrinæ substantia ac veluti summa, id est, singularis Dei providentia de Christianæ Ecclesiæ successibus, nec non ipsius Ecclesiæ victoria de suis hostibus comparanda, & iustorum premium à Christo Iesu conferendum. Propterea igitur Ioanni dicitur, *Ne signaueris verba prophetiæ libri huius*: quia licet obscurissima libri huius ænigmata permanserint, ipsius tamen doctrina non remanebat signata: quando illam Deus suæ Ecclesiæ ita plenè & cumulatè tum in hoc libro, tum in alijs impertierat. Eandē etiam ob causam dicitur in ipso Apocalypseos limine atque vestibulo, Deum Christo Domino Apocalypsin reuelasse, *vt palam faceret seruis suis, quæ oportet fieri citò*.

Ad illud quod ex cap. 10. 3. suprà obiectum est, *Signa quæ loquuta sunt septem tonitrua*; Respondeo, signandi verbum ibi æquiuocè poni. agitur enim de silentij sigillo, vt patet ex contextu: namque



statim additur, *Et noli ea scribere*. Et fieri quidem potuit, ut peculiaris virgeret ratio, cur aliquid inuolueretur silentio, quanvis citò foret implendum. Præterquàm quod per septem illa tonitrua figurabatur oppugnatio, qua Deus Gentibus & ipsarum capiti Romæ Ethnicę illaturus erat bellum, quoad ipsam Ecclesię subijceret. Quod quanvis pro expeditionis ipsius magnitudine citò fuerit implendum; multò tamen citiùs erat euenturum, quod ad singulos spectabat. Atque id indicat illa Apocalypseos vox *propè*, ut ab ipso Christo explicatur n. 12. dum ait, *Ecce venio citò, & merces mea mecum est, reddere vnicuique secundum opera sua*. Certè illud vnicuique ad singulos homines habet respectum.

## T E X T V S.

*Vers. 11.* Qui nocet, noceat adhuc: & qui in sordibus est, sordescat adhuc: & qui iustus est, iustificetur adhuc: & sanctus, sanctificetur adhuc.  
*12.* Ecce venio citò, & merces mea mecum est, reddere vnicuique secundum opera sua.

## C O M M E N T A R I V S.

**Q**UI NOCET, NOCEAT ADHUC, &c. J Ribera & Viegas ita explicant, ut dum mortalis hæc vita durat, vnicuique facultas sit agendi quidquid lubeat; hoc est, aut magnos in virtute progressus faciendi, aut vitij se ac sceleribus laxis habenis tradendi. Addit Ribera, sub ijs verbis, *qui nocet, noceat adhuc* &c. latere ironiam; sicuti Ecclesiastes 11. 9, *Latere ergo iuuenis in adolescentia tua, & ambulare in vijs cordis tui*, &c. In hac tamen explicatione non conquiesco. Si enim agitur de libera potestate cuique permittâ; cur potiùs de libertate ad perseverantiam in bono siue in malo, quàm ut ex bono in malum aut ex malo in bonum transeat?

Quapropter ita existimo, Christum hoc in loco verba facere ad suos fideles (qui tunc ab Ethnicis oppugnabantur) eosque ad perseverantiam accendere certissimâ ingentis præmij citò conferendi expectatione. Ait ergo Christus, quemadmodum persecutores in sua obstinatione pertinaces iram sibi in dies thesaurizabant; ita etiam iustos ipsos ad perseverantiam excitari atque incendi debere, ut plurimum sibi meriti atque præmij in dies singulos thesaurizent. Itaque phrasis illa, *qui nocet, noceat adhuc*, comparatiua est; & sensum reddit huiusmodi: sicut ille, qui nocet, nocere pergit; sic qui sanctus est, sanctificari pergat. Aliquando enim imperatiuus non præcipientis est, sed comparantis, aut id quod fieri solet, indicantis. Sic Hispano proverbio dicitur, *Haz mal, y quarte*. perinde ergo est, ac si dicatur quando aduersarius & persecutor deterius se & immaniùs gerit, tunc iustus vir in sanctitate magis magisque crescere & eminere studeat. hoc enim pacto tum persecutorum supplicium, tum præmium iustorum ad suum tandem cumulum perueniet.

Præter hæc; in hac comparatione duo peccatorum hominũ genera, & totidẽ iustorũ attinguntur. Ex peccatoribus quidem alij non sibi solum sunt improbi in peccatorum sordibus se voluntando; sed etiam in alios iniusti atque tyranni, damnum ac perniciem Reipublicæ inferentes: alij verò licet alteri non noceant, vitia tamen ac libidines ita amplectuntur, ut in ipsis turpiter inhefescant. atque de his dicitur, *Qui in sordibus est, sordescat adhuc*. His autem duobus prauorum hominum generibus opponuntur duo alia genera iustorum: quorum alij Iusti vocantur, alij Sancti. Hi autem postremi sunt, qui minimè contenti iniuriam nemini irrogare, aut nullum diuinæ legis violare præceptum, rebus in omnibus ad maiore perfectionem & sublimiorem Dei gloriam adspirant. Vtramque igitur iustorum sortem Apocalypsis hortatur, ut quilibet pro suæ vocationis ratione diuinæ gratiæ respondeat, & merita diligenter accumulet; quemadmodum improbi in sua nequitia persistentes demerita atque flagitia quotidie congerunt.

**ECCE VENIO CITÒ, &c.** J Verba hæc suprâ iam explanauimus. Porro contextus ipse, ut patet, aptissimus est. Nam ad iustorum exhortationem, ut in sua iustitia perseverent; nihil aptius, quàm Christum citò esse venturum, ut singulis secundum cuiusque opera reddat. Particulam autem *citò* ad particulare iudiciũ constat referendam.

## T E X T V S.

*Vers. 13.* Ego sum A. & Ω. primus & nouissimus, principium & finis.

## C O M M E N T A R I V S.

**D**E his verbis vide suprâ dicta cap. 1. versu. 8. vbi diximus horum verborum sensum hunc esse, scilicet Christum esse, qui suæ Ecclesiæ fundamenta iecit; ipsumque suum opus pro-

*Quo sensu dicatur. Qui nocet, noceat adhuc &c. Prima aliorum explanatio.*

*2. Interpretatio, quæ & Auctori probatur.*

*Duplex sceleratorum, & duplex etiam iustorum genus hisce in verbis assignari.*

*Vers. 12.*



uecturum: nam qui cœpit, ipse perficiet. Quo quid aptius ad fidelium solatium in medijs persecutionibus?

## TEXTVS.

*Vers. 14.* Beati qui lauant stolas suas in sanguine Agni, vt sit potestas eorum in ligno vitæ, & per portas intrent in ciuitatem.

## COMMENTARIVS.

Verba illa  
in sangui-  
ne Agni,  
exprimi in  
textu debe-  
re.

**V**erba illa, *IN SANGVINE AGNI*, deerant in plerisque codicibus: ea quæ non esse huius contextus propria, senserunt Louanienfes: existimantes illa ex cap. 7. huc fuisse translata. Pluris tamen facienda est Vaticana correctio, quæ verba hæc textui restituit. Et quidem cum vera lectio sit, *Qui lauant stolas suas*, Agni sanguis est, quasi sinegma siue sapo, quo abluuntur ac detergentur: & quanuis expressum id in textu non foret, subaudiri saltem deberet. Vnde melius habet, si ita expresse legatur, sicuti cap. 7. 14. Quod autem verba illa, *in sanguine Agni*, fuerint ab hoc textu detracta, inde videtur exortum; quod nonnulli suspicati fuerint, veram Græci textus lectionem hîc non esse *πύοντες τὰς σόλας αὐτοῦ*, vt legit Vulgatus; sed *ποιοῦντες τὰς ἐντολάς αὐτοῦ*, id est *qui faciunt præcepta eius*; quæ frequentior est apud Græcos codices lectio, quam Cyprianus & Aretas sequuti sunt. Verum Latinorum omnium codicum in hac re consensio manifestè indicat veram legitimamque Græcorum lectionem fuisse *πύοντες τὰς σόλας* id est, *qui lauant stolas*. Tametsi autem utriusque lectioni suus sit sensus non ineptus; Latina tamen editio sensum Christo Domino gloriosorem continet. Cum autem nemo sit, qui non ob naturæ fragilitatem delinquat, inde est nobis omnibus opus esse, quò in calum ingredi possimus, vt nostrorum peccatorum maculas sanguine Agni eluamus: alioquin nemini in calum patebit aditus.

**VT SIT POTESTAS EORVM IN LIGNO VITÆ.** Cum his verbis cohærent, quæ diximus supra versu 2. Potestas verò in præsentem est ius fruendi ligno vitæ, quia Græcè est, *ἔκουσία*.

**ET PER PORTAS INTRENT IN CIVITATEM.** His indicatur, ab Angelis ad vrbis portas adstantibus aditu fore interdicendum ijs, qui stolam in sanguine Agni ablutam non attulerint. Memini autem me supra dixisse, quanuis frequentior Latinorum vsus stolam non vocet, nisi vestem muliebrem, in sacris tamen Literis sæpe pro virili veste vsurpari: præsertim cum de honorata & gloriosa veste sermo est. Præterea suspicabitur aliquis, in hoc versu contineri histeron proteron, siue præposterum ordinem; quia prius est in ciuitatem ingredi, posterius frui ligno vitæ. Respondeo tamen prius esse ius fruendi ligno vitæ, quàm ipsum in ciuitatem ingressum.

## TEXTVS.

*Vers. 15.* Foris canes & venefici & impudici & homicide & idolis seruientes, & omnis qui amat & facit mendacium.

## COMMENTARIVS.

Quinā hic  
canum no-  
mine signi-  
ficentur.

**I**n terrenis vrbibus patere solet aditus, vt eò ingrediantur canes, in celesti & gloriosa ciuitate nō item. Notandum tamen est in hoc versu, nomen canis metaphoricè; cetera propriè vsurpari. Vnde aliquis fortasse coniectabit, canis metaphoram per nomina sequentia explicari. Magis tamē placet, vt canes appellentur ij, qui Christianæ religioni oblatrabant, id est, persecutores omnes, qui rabie efferati in Catholicam Ecclesiam acerrimè inuehebantur, & sacri baptismatis aquā oderant. Rabies enim in eo aquæ odio ac detestatione consistit. Sensus ergo est, *foris canes*, id est, persecutores Ecclesiæ; & foris etiam omnes *Venefici & impudici & homicidæ*, &c. Licet Ecclesiam non persequantur. Quòd verò per canes appositè designentur ij, qui in Christum & eius Ecclesiam tenacissimè latrant, adnotatū est ab Hieronymo, Ambrosio, Augustino, Hilario, & Encherio, apud Lauretum in Sylua verbo, *Canis*.

Ribera existimat eorum vitiorum maximè meminisse Ioannem in præsentem; quæ Antichristi tempore magis vigeant. Hoc tamen perinde est, atque statuere præcipuum Apocalypseos argumentum de Antichristi temporibus esse; à quo sensu nostra acolithia valde abhorret. generatim ergo loquitur Ioannes.



## T E X T V S.

*Vers. 16.* Ego Iesus misi Angelum meum testificari vobis hæc in Ecclesijs.  
Ego sum radix & genus David; stella splendida & matutina.

## C O M M E N T A R I V S.

**V**T Christus confirmet, quæ antecesserant de incredibili iustorū felicitate in cælesti patria & impiorū exclusionē; ait nunc, misisse se suum Angelum, id est eum, qui Ioanni cælestē Ierolymam ostendit: quem fuisse B. Paulum aliàs diximus. Et tam in hac reuelatione, quàm in suis epistolis & concionibus, satis confirmat Paulus gloriæ magnitudinem, quæ iustos omnes in cælesti regione manet.

EGOSVMRADIXET GENVS DAVID. J. Ambrosius, Rupertus, & alij complures interpretantur, Christo, quæ Deus est, congruere esse Davidis radicem, quod Dauidem creauerit: esse verò ex Davidis genere, illi quadrare, quia homo est; quia Davidis extitit filius. Hanc tamen distinctionem Aretas & Ribera non probant. Nam si genus esse Davidis, idem est, atque ex Davidis esse genere; esse radicē Davidis idem similiter erit, quod esse ramum ex Davidis radice. Christum autem appellari Davidis genus, quod prout homo à Dauide ducat originem; fatentur etiam Ambrosius & Rupertus; & constat loquendi modum esse in sacris Literis receptum. Quæ ratione Virgilius suum Æneam Deorum genus plerumque vocat. Adhuc tamen difficultate non caret phrasis illa *radix David*; vt significetur Christus ex Dauide genus ducere. Nam imprimis videtur loquutio non ita in sacris vsitata. Deinde quorsum hic cum stellæ matutinæ metaphora coniungitur Christum esse radicem & genus Davidis? Nec enim satis est, vt doceat explicatio, Christum esse verè radicem atque genus Davidis; verè etiam stellam matutinam nominari: nisi ostendat quoque duo hæc appositè copulari, & huiusmodi coniunctionem esse ad præsens institutum aptissimam.

Consultat lector, quæ diximus capite 5. num. 5. vbi Christus similiter nuncupatur *radix David*: & inibi etiam diximus, Christum in hac loquutione comparari generosæ radici sub terram abdita & suo tempore eximium producenti fructum. significari autem hoc pacto; cum Davidis regnū videbatur extinctum, tunc reconditam superesse radicem, vbi minùs suspicabantur homines: & contemptam licet ab ipsis atque protritā, fructum tamen deinceps procreasse, ipsius virtute & diuino vigore satis dignum: atque ab ipsa felicitatis arborem exortam fuisse. Hunc sensum roborat duplex Græcus articulus duplici radicis & generis nomini affixus. Quibus articulis denotatur Christus esse ille Davidis filius promissus; cui Davidis ipsius solium erat destinatum; & ad quæ etiā spectabat eorum omnium complementum, quæ in Davidis regno & in eius filio Salomone figurabantur. Videat etiā lector, quæ de stella matutina scripsimus, c. 2. n. 28. vbi statuimus Christum propterea nuncupari stellam matutinam; quia in medijs ipsis laboribus & persecutionibus suos reficit & consolatur firmissimā Solis quàm mox orituri expectatione, id est, maximæ prosperitatis spe citò subsequutura.

His ita præstitutis; duo illa Christiologia (nempe & esse radicem ac genus Davidis, & stellam esse matutinam) miram inter se congruentiam, & proportionem cum toto Apocalypscos scopo seruant; & præsertim cum horum duorum capitum visione. Vt enim corroboretur spes iniecta de futura Christianæ Ecclesiæ magnitudine: asseritur imprimis Christum esse verum Messiam, cui promissum erat mysticæ Ierolymæ regnum in Davidis imperio figuratum: ac proinde nihil dubitationis superesse; quin mysticæ Ierolymæ amplitudo prophetiæ huius libri sit responsura. Etenim, si omnia in figuris contingebant illis; si Ierolymæ item maiestas & rerum affluentia fuit ad eò ingens, vt Christianam adumbraret Ecclesiam: ad Dei fidelitatem pertinet, vt Christi Ecclesia ad totam illam perueniat amplitudinem, quæ in huius libri vaticinio fuit hætenus significata. Pro huius ergo rei significatione mirificè Christus Dominus hanc claudit visionē; asserens se esse illā Davidis radicem atque genus; in quo & antiquæ figuræ, & Dei pollicitationes sint reipsā cumulatissimè implendæ. Et iuxta hunc sensum potest etiam explicari, quod Christus sit filius Dei; vt exponunt Ambrosius, Rupertus, & alij. quippe Messias non ex qualibet oriturus erat radice; sed de illa, ex qua dimanauit tota illa virtus ac vigor, quem præ se tulit Davidis regnum sub ipsius Davidis ac Salomonis tempore: vt hac veluti vmbra figuraretur facunda mox proles inde nascitura.

Ceterum transeamus oportet ad stellam matutinam; & videamus quæ ratione hæc metaphora priori subiungatur? Si ergo, vt diximus, stella matutina innuit solis claritatē propè esse, ac proinde Ecclesiam quantunvis oppugnatam, Christi tamen doctrinā ac promissione securam reddi de suæ gloriæ magnitudine quàm mox futurā; nihil potuit ad eam rem significantius adduci, quàm stellæ matutinæ symbolum. Et quanuis hæc metaphora præcipuè referatur ad magnæ claritatis atque gloriæ promissionem, quæ Ecclesiæ in cælesti regno perfruetur; extenditur etiam significatio ad promissionem ingentis gloriæ, quæ Christi Ecclesiæ futura erat in terris post deuictam Romam Ethnicam & Romanum Imperium subiugatum. Si enim stella matutina promittit claritatem solis; hæc eadem solis claritas vtramque ad rem protenditur, vt vidimus cap. 1. 16. in ijs verbis: & facies eius sicut sol lucet in virtute sua.

Quo sensu  
se Christus  
appelles ra-  
dicem & ge-  
nus David.

Quam in-  
ter se habe-  
ant propor-  
tionem du-  
plex hoc  
Christiolo-  
giū radicis  
& generis  
David.

Quid figu-  
ret hic stella  
matutina;  
& quæ ra-  
tione radicis  
translationi  
subiunga-  
tur.



## T E X T V S.

*Vers. 17.* Et Spiritus & Sponsa dicunt; Veni. & qui audit, dicat; Veni. & qui sitit, veniat. & qui vult accipiat aquam vitæ gratis.

## C O M M E N T A R I V S.

*Spiritus hic  
& sponsa  
quæ dēno-  
cent.*

**S**tellæ matutinæ nomen, quod superiore versu fuit inditum Christo, ostendit maximam Ecclesiæ felicitatem, tum in hac vita, tum in cælesti futuram. Vtræque autem felicitas congruenter per Christi aduentum indicatur. Nam in Romæ & Romani Imperij conversione significanter dicitur Christus ad suam Ecclesiam illustrandam aduenisse; & in Sanctorum etiam obitu aptè dicitur aduenisse Christus, ad eos in cælum perducendos. Optare ergo atque precari, vt Christus adueniat, ad vtrumque debet aduentum referri. Christus igitur in hoc loco ait, ab Spiritui sancto è cælo in Ecclesiam misso, & ab spiritu etiam huius libri atque Ecclesiæ doctrinâ nos edoceri, vt duplicem illum Christi ipsius aduentum vehementer exoptemus: qua doctrina auditorem excitari, vt totius Ecclesiæ clamorem suis votis ac precibus comitetur; atque in eodem Christi sensu dicat, *Veni Domine Iesu.*

**ET QUI SITIT, VENIAT.]** Quasi dicat, dū Christū deprecamur, vt ad nos appropinquet, nos pariter ipsos debemus per ipsius gratiâ & erigere & excitare, vt spiritualibus gressibus illi procedamus obuiam, accensi & inflammati ipsius gloriæ desiderio, nec non aviditate aquam vitæ potandi, de qua suprâ n. 1. & Isaïæ 55. 1. Qui autem huiusmodi siti ac vehementi desiderio estuauerit, ei promittitur aquæ vitæ potus. Atque obiter perstringitur, illius aquæ potum tantæ felicitatis, esse, & nobis tam vili consistere, vt iure optimo dicatur nil aliud laboris ac difficultatis in ea aqua acquirenda nobis superesse, quàm vt sitientes ad eius potum properemus.

## T E X T V S.

*Vers. 18.* Contestor enim omni audienti verba prophetiæ libri huius: Si quis apposuerit ad hæc, apponet Deus super illum plagas scriptas in libro isto.

**19.** Et si quis diminuerit de verbis libri prophetiæ huius; auferet Deus partem eius de libro vitæ, & de ciuitate sancta, & de his, quæ scripta sunt in libro isto.

## C O M M E N T A R I V S.

*Horum ver-  
borum cum  
præceden-  
tibus con-  
nexio quæ sit.*

**N**on nihil difficultatis habet horum verborum consequentia cum antecedentibus. Vt autem difficultatem subterfugiat, non deerit, qui particulam *enim* asserat non hîc causalem esse, sed affirmatiuam. Enimuerò si causalis vim illi demas, nulla videtur superesse connexio inter horum verborum sententiam & superiorum; vt animaduertet, qui textum sine illa particula legerit, & consuluerit interius aurium iudicium. Videtur autem opus esse, vt hæc sententia cum præcedentibus aliqua ratione connectatur.

Censeo igitur, particulam *enim* causalem hîc esse, iuxta frequentiore ipsius vsum; ac proinde referri ad id, quod proximè antecessit de aqua vitæ gratis volenti & poscenti elargitâ. Potest enim huiusmodi esse contextus; Qui voluerit, accipiet aquam vitæ gratis: accipiet, inquam, gratis; quia in hoc libro asseueratur, ciuitatem cælestem vitalis aquæ flumine frui, eamque felicitatem volenti & optanti gratis offerri: & quidquid hoc in libro continetur, aded certum est, vt verissimè pronuncietur, Væ, aduersus eum, qui eius verbis aliquid aut addere, aut minuere ausit. Prudentissimè verò cum affirmatione illius sententiæ de aqua vitæ volenti gratis oblata coniungitur eorum omnium affirmatio, quæ liber iste complectitur. quippe ad libri huius calcem congruenter apponitur magna hæc & generalis omnium in eo scriptorum affirmatio.

Sed dicet aliquis, valde esse rigidam hanc comminationem, quam subiicit textus. Respondeo; non esse intelligenda de quolibet additamento seu detractione, quæ absque vlla pertinacia in vno aut altero verbo fiat: sed de additione seu diminutione, quæ huius libri doctrinæ opponatur, adiungendo, aut subtrahendo verba aliqua siue doctrinam, quæ doctrinæ euangelicæ, quam Catholica profitetur Ecclesia, aduersetur. Et quanuis alia possent exempla proponi, nullum tamen est magis idoneum, quàm quod spectat ad præcipuum libri huius scopum de suprema Romanæ Ecclesiæ magnitudine & auctoritate, quæ ce teris orbis totius Ecclesijs dominatur. Hæc enim est libri huius doctrina. Vnde qui Romanæ Ecclesiæ auctoritatem abnegant aut derogant, illi adimunt de libri huius verbis; qui verò alijs peculiaribus Ecclesijs eam volunt auctoritatem deferre, quam liber hic attribuit Romanæ; illi ad verba libri huius apponunt. Similiter dico de ijs, qui libri huius auctoritatem inficiantur (vt Lutherani) nec non de illis, qui ad sedem Apostolicam detorquent ea, quæ in eodem libro de maris Bestia dicuntur. Omnes denique Hæretici, siue addendo, siue detrahendo, huius libri doctrinæ repugnant. Quare grauissimæ comminationes hoc in loco aduersus addentes vel diminuentes pronunciatæ, cōtra hæreticos omnes iactan-

*Commina-  
tiones hic  
scriptæ con-  
tra addentes  
aliquid vel  
detrahentes  
quo sensu  
sint accipi-  
enda.*



**A** tur. Comminatio autem est, Deum illis bellum illaturum ijs plagis, quę sunt in hoc libro descriptę, nimirum plagis tubarum. Licet enim directę fuerint immisę in rebelles ac perfidos Iudeos (qui primi fuerunt heretici): huius tamen libri doctrina nos docet, Deum non secus acturum aduersus eos, qui eorum apostasiam & pertinaciam imitantur. Demum, quod additur, *Auferet Deus partem eorum de libro vitę*, denotat; si fortę antea fuerant in vitę librum relati; ex eo fore delendos (iuxta ea quę diximus cap. 3. 5.) videlicet quia per finalem impęnitentiam repellentur, & a cęlestis ciuitatis felicitate in hoc libro descripta excludentur, nisi mature resipuerint.

## T E X T V S.

*Vers 20.* Dicit, qui testimoniũ perhibet istorum, Etiam venio citò, Amen. Veni, Domine Iesu.

## C O M M E N T A R I V S.

**A** Retas suspicatur in ijs verbis, Dicit, *qui testimoniũ perhibet istorum*: Etiam venio citò, Ioannem fortasse loqui de se ipso. Ceterum nouum non est asserere, à Christo veritatem confirmari. Et quidem cum ijs, quę paulò antè præcesserant de Christo mittente Angelum suum testificari hæc in Ecclesijs, optimè consentit, vt Christus etiã testificari dicatur, quod Angelus ab eo missus ipsius iussu testatur. Porro vt grauissima addatur auctoritas comminationi superius factę, appositè additur, Ioannem non illam ex suo capite fingere; sed ipsummet Christum Dominum ita affirmare, qui suum Angelum misit, vt hanc eandem doctrinam Ecclesijs testificaretur. Huic explicationi suffragatur non solum communis expositorum consensus, sed ipse etiã contextus. Nam verba illa, *Amen. Veni, Domine Iesu*, omnino indicant præcedere Christi affirmationem de suo aduentu quàm mox futuro. Etenim cum dicitur, *Amen. Veni, Domine Iesu*; ostenditur magnum solatium ex eo maxime proueniens, quod paulò antè fuerat affirmatum, & Christi affirmationi Ioannem suum votum adiungere. De quo autem Christi aduentu sit sermo, iam suprà explicatum est.

**C** Nihilominus in ipsa adhuc constructione non nihil desiderari videtur: quia si verba illa, *Dicit qui testimoniũ perhibet istorum*; ad superiorem sententiam referantur; ad subsequentiũ quidem nexũ, verbum aliquod videbatur addendum; cuiusmodi esset: *Et ait, Etiam venio citò*. Quare si quis malit verba illa, *Dicit qui testimoniũ*, &c. referri ad ea, quę sequuntur, nempe, *Etiam venio citò*, non admodum repugno; ne video cur non possint ad vtrumq. referri. Quod autem repetatur *Venio citò*, emphaticum est, vt plus solatij ac voluptatis iustidulcissimã hac promissione percipiant. Illud verò, quod Ioannes adiungit, *Etiam veni Domine Iesu*, perinde est, quasi nos Ioannes suo exemplo instituat de eo, quod superius manifestè expresserat, dum ait; *Qui audit, dicat, Veni*.

*Vtrum qui hic dicitur istorum perhibere testimoniũ, sit Ioannes, an Christus.*

## T E X T V S.

**D** *Vers 21.* Gratia Domini nostri Iesu Christi cum omnibus vobis. Amen.

## C O M M E N T A R I V S.

**C** Vm Apocalypsis quandam epistolę normam contineat; congruentissimè terminatur eo fine, qui solet Apostolicis literis imponi; quę hinc incipiunt, & hic terminantur. Atque ipse tandem hic finem imponam, immortales Deo gratias agens, quodd suam mihi opem auxiliumque præstiterit, vt hisce commentarijs & primam manum & vltimam ad mouere potuerim. In quo labore valde optau germanam & coherentem totius Apocalypseos interpretationem collineare: & maximã sum voluptate perfrui, quodd Deo fauente perspexerim, quàm sit hic Apocalypseos liber Romanę Ecclesię gloriosus, cuius censura me meaque omniã subijcio.

*Toti Apocalypsis in epistole normam, conscripta, more Apostolico, Dei gratia & in initio fuit præposita, & modo postponitur.*

*Finis cap. XXII. atque adeo totius Apocalypseos.*









# VESTIGATIO VERITATIS IN SACRIS PONDERIBVS AC MENSVRIS.

*Naubat studiosis LVISIVS AB ALCASAR  
Hispalensis, è Societate IESV.*

EXORDIVM.



*Quæ sit in sacris Literis cubiti mensura, quæ calami, examinare magnoperè expedit: non ad exactam solum intelligentiam harum vocum, quæ sparsim in Apocalypsi vsurpantur; (ubi non semel fit mentio cubiti & calami) sed ad agnitionem etiam mysterij quod diuinus Spiritus per cubiti & calami symbolum voluit indicare. Etenim si nititur significatio in eo quod cubitus sextam humanæ staturæ partem, calamus æqualem toti staturæ antiquæ mensuram designet; nec non in proportionem & congruentiam quæ inter antiquam illam staturam & inter mensuram postea vsurpatam reperitur: qui poterit mysterium penitus intelligere, qui ignoret, de quonam cubito aut calamo loquatur in Apocalypsi Ioannes, cum ait (verbi gratiâ) <sup>a</sup> mensura hominis*

*quæ est angeli? Deinde si mysterium quod latet in <sup>a</sup> centum quadraginta quatuor cubitis, pendet ex eo quod ille cubitorum numerus, omnino contineat quatuor & viginti humanæ staturæ antiquæ dimensiones; quomodo id percipiet, qui sacre Scripturæ cubitum sextam esse humanæ staturæ partem (quantumvis hoc primâ specie paradoxum videatur) ignoret? Præterea in <sup>b</sup> mille sexcentis stadiis, ac in <sup>c</sup> duodecim stadiorum millibus fortassis ad mysterium præcipuum iciunus ac planè hospes accedet, qui nesciat proportionem humanæ staturæ cum Hebraico cubito & cum calamo.*

*B. Atque in iis saltem rebus quas sacra Scriptura seriò expedit, non parui refert, mentis conceptionem in eis non admodum ab scopo aberrare. Sanè si discrimen in cubiti sacri mensurâ foret exiguum, parui quoque momenti esset nostra inuestigatio. Ceterùm tanta est tamque ingens opinionum diuersitas, ut grandia volumina sint conscripta, quibus Salomonici templi magnitudo expenditur, eâ cubiti mensurâ, veluti fundamento præcipuo præstitutâ, quæ illum æqualem ferè facit Romanis palmis decem ac semissi. Si tamen cubitus sacer nihilo est maior quàm mihi persuasum est; maiori sacre Scripturæ cubito digitus ac tertia pars digiti desunt ad quinque palmorum mensuram: minor autem eiusdem Scripturæ cubitus eadem est omnino mensura cum tertiâ Hispanæ vlnæ seu virgæ parte. Ex quo fit ut Mare æneum quod aliorum opinione Romanas amphoras capiebat 40500. (quibus etiam ex supino calculo, alias 214. amphoras & non nihil amplius adiecisse conuincuntur) iuxta meam rationem 209. amphoras integras non capiat, sed præcisè 208½. Hinc etiam oritur, arcam templi (tam eius quod est à Salomone edificatâ, quàm illius quod Ezechieli ostensum est) concipi à quibusdam triplo maiorem, ab aliis etiam quincuplo quàm ipse putem. Et quidem in ipsa materia vi & copia ex qua construuntur parietes, ac in operarum mercede, multo adhuc maius discrimen reperitur. Etenim vnius parietis soliditas, iuxta mensuram Hebraico cubito à nostro Marianâ designatam, est plusquam quincuplo maior eâ quàm ipse veram existimo. & iuxta opinionem nostri Villalpandi est undecies maior, quàm ego reputo. Ac calamus ipse non parum præterea protenditur ab eodem Villalpando, dum sex cubitorum mensuræ addit quartam vnius cubiti partem. Iam in eo quod templi adificationem ad summam tollit altitudinem, mirum est quantoperè augeantur expensæ. Æqualem enim parietis mensuram in editissimâ*

*Mensurarum notitia, mysteriorum intelligentia conducit.*

*<sup>a</sup> Apoc. 21. 17.*

*<sup>b</sup> Apoc. 14. 20.*

*<sup>c</sup> Apoc. 21. 16.*

*Immane opinionum discrimen in mensuris.*



extruere turri, id verò multo maiori precio stat, quàm si supra pavementum, aut mediocri altitudine edificetur. Quare si opera pretium visum est, volumina adeo ingentia conscribi ad Salomonici templi magnificentiam explicandam; non debet videri exigui momenti disputatio, quæ ostendere conatur, tum illius templi, tum aliarum sacræ Scripturæ descriptionum magnitudinem, mensuræ immanitate supra verum fuisse amplificatam. Nec verò nostra vestigatio nimis excrescet: nec in mea sententia siue Salomonis siue Ezech. templum minori amplitudine ac magnificentia constabit quàm sacræ Literæ significant.

Aliquetalē-  
torum sum-  
ma multo  
minoris esti-  
māda quàm  
sonant.

Paradoxa  
non omnia  
contēnenda.

Apocalypsis  
mensuris lu-  
men attulit.  
Auctores a-  
liquos repu-  
gnādo nobis  
profuisse.

a Tom. 3.  
fol. 354.  
Confidentia  
cuiusdam de  
suarum rati-  
onum pon-  
dere.

1. Paral.  
23.29.

C. Porro in quibusdam etiam auri & argenti summis contendo, valdè hallucinatos esse aliquos in earum estimatione. Quia quamvis talenti Hebraici pondus contineat uncias mille quingentas; aliquando talenti nomen ad valorem talenti referendum est: qua ratione 124. auri uncia, appellantur auri talentum, eo quòd æquent valorem argentei talenti: & valor etiam talenti ærei 60. argenti siclis communicavit talenti nomen. Præterquam quòd in ipsa unciarum tum auri tum argenti estimatione adeò exceßerunt nonnulli, ut cuidam talentorum summa plusquam ducentos & octoginta nostrorum ducatorum miliones merè gratis addiderint.

D. Scio in huius opusculi lectione multis visū iri, omnes ferè propositiones quæ post 8. probandæ proponuntur, novas esse ac mera paradoxa. Verūtamen eā lege in huiusmodi rebus scribitur, ut si quid minus probatum fuerit, id ut inane explodatur. Sin autem idonea afferatur ratio, rei ipsius novitas ad probationem eiusmodi examinandam inuitat. Iam si paradoxum ipsum & certum esse, & magni etiam momenti reputetur; eo ipso pluris faciendum erit, quo magis incredibile apparebat. Adhuc si fortè ipse noua huius lucis splendorem excepi, id ex eo mihi fateor accidisse, quòd animaduertierim, Ezech. calamum esse iustam humanæ staturæ mensuram: id quod Apoc. intelligentiæ acceptum refero. Fateor etiam me plurimum in hac parte debere iis à quorum sententiā discedere cogor. Multa enim ex iis quæ notant ipsi & rationum momentis fulcire conantur, maximo mihi fuere ad indagandam veritatem adiumento. Ita solet contingere ut temporis ipsius decursu complura extrahantur ad lucem quæ in obliuionis tenebris obruta prius iacebāt. Facit enim solers & accurata disputatio, ut ex contrariorum repugnantia scintille veritatis exilient, sicut ex duorum lapidum conflictu atque tritu ignis elicitur. & sanè vehemens aliquorum contentio, quæ sacri cubiti moderationi acriter obstiterunt, non parum conduxit, ut veritas ipsa pateat, si modò eam ipse attingi.

E. Non afferam ad aliquem auctorem oppugnandum quod ipse de se fatetur ingenuè, a se nimirum apud alios ut nimum Hebraicarum dimensionum exaggeratorem atque amplificatorem traduci. quam ut à se expellat suspicionem, dat libenter ut debilia atque infirma argumenta, quæ mensuras Hebraicas contrahere & extenuare contendunt, potiora sint ac superiora iis validioribus quibus ipsæ augendas fore probatur. Ego huiusmodi pactione atque adeò gratiā facile supersedeo, ac me rationum æquitati subiicio. Atque in argumentorum & rationum examine non dubitarem eiusdem auctoris censuræ me submittere.

F. Initio huius disputationis certas aliquas ponam propositiones circa pondera ac mensuras Romanas, tum de amphora capacitate, tum etiam de ipsius aliarumque proportionem cum mensuris Hispanis; quo facilius de Hebraicis loqui deinde possimus per comparisonem ad mensuras nobis notas, & quia tractatus hic magnā ex parte est Mathematicus, Mathematicorum more in ipso me geram, ad quarundam propositionum probationem vniuersum opus reducens. Placuitque illas esse 24. iuxta numerum seniorum quos vidit Ioan. Apoc. 4. Per illos enim designantur sacerdotes quos sacræ Literæ constituunt super omne pondus atque mensuram. Atque ut totius opusculi seriem & summam facile complectatur lector, subiiciam primum indicem propositionum quæ mihi sunt explicandæ atque probandæ.



## Index propositionum huius opusculi.

- 1.** **P**ondus vnius vnciae ex iis quae Romae & in Hispania hodie sunt in vsu, idem omnino est cum antiqua Romanorum vncia, & idem cum octo drachmis Atticis.

**COROLLARIUM.** In antiquis aridorum & liquidorum mensuris capacitas quam eis tribuit Capellus, multo minor est quam prima fronte apparet. Reducit enim eas ad Romanas vncias, quas ipse minores fuisse putat iis quae hodie sunt in vsu.

- 2.** Romani pedis antiqui longitudo perspecta atque cognita est: ac Hispani pedis ad ipsum proportio est fere sicut 12. ad 13.

**COROLLARIUM.** Iacobus Capellus tota errat via in mensura quam Hispano tribuit pedi.

- 3.** Cubus Romani pedis capit 960. aquae vncias, quae est amphora Romana.

- 4.** Ex proportionione Romanae amphorae, cognito latere cuiusvis cubi, cognosci potest quantum aquae capiat ille cubus. & è conuerso ex quantitate aquae quam capit cubus, cognosci potest illius lateris longitudo.

- 5.** Quemadmodum Romanus pes est cubicum amphorae Romanae latus, ita etiam communis pes Graecus erat cubicum latus metretae communis Graecae, quae vncias capiebat aquae 1080.

- 6.** Ex proportionione Romanae amphorae, cognita cuiusvis sphaerae diametro, cognosci potest quantum aquae capiat sphaera illa. & è contra, ex quantitate aquae quam capit sphaera, cognosci potest diametri longitudo.

- 7.** Ex proportionione Hispani pedis cum aliis vel pedibus vel cubitis vel calamis, cognosci potest proportio quam habent quadratae areae nec non cubi vel sphaerae, quae ex Hispano pede fiunt, cum iis quae ex aliis vel cubitis vel pedibus vel calamis conficiuntur.

- 8.** Nomina quae architecti tribuunt iis mensuris quas interualli siue linearum appellant, sumpta sunt ex proportionione quam inter se habent humani corporis mensurae. Id tamen non est vsquequaque exactum. Naturali enim proportioni congruentius foret nomen cubiti tribuere sextae humanae staturae parti, iuxta vsum Hippocratis, Aristotelis, Galeni, Medicorum & Anatomistarum, & fortasse etiam Homeris.

- 9.** Mensura cubiti in sacra Scriptura & in Iosepho pro sexta humanae staturae parte ponitur, non pro quarta.

**COROLLARIUM 1.** Ezechielis calamus non continet sex cubitos & palmum; sed solum sex cubitos ex maioribus.

**COROLLARIUM 2.** Hebraici cubiti quos ponit Capellus, non rectè consentiunt cum eo quod cubitus sit Hebraici calami (siue staturae) pars sexta.

- 10.** Duo Hebraici cubiti, maior & minor, hanc inter se habent proportionem, ut maior cum minori comparatus sit duplus in potentiâ solidâ.

- 11.** Mensuras & pondera sacra apud Hebraeos fuisse dupla respectu vulgarium, non est verosimile.

- 12.** Sicut constat Mare aeneum fuisse perfectum hemisphaerium, sic etiam certum est Luteres fuisse cylindros, quorum altitudo & crassitudo erat quatuor cubitorum. Ex quo verisimile valde fit, tam Mare aeneum quam Luteres fuisse primarias Israelitici populi mensurarum formas.

**COROLLARIUM.** Valde aberrat Capellus in dimensione Maris aenei ac Lutèrum.

- 13.** Sicut 500. ad 56 sic capacitas Maris aenei ad singulos Luteres: & sicut 48. ad 5, sic singuli Lutèrum bati ad eos batos, ex quibus Mare aeneum duo millia capiebat.

- 14.** Pro certo habendum est maiorem batum & ephi in sacra Scriptura esse inter se aequa-



- les, & eiusdē capacitatis cum Romano quadrantali, quod vncias aquę capiebat 960.  
 15. Duo millia batorum Maris aenei, continent singuli centum aquę vncias, non amplius;  
 & tria millia batorum seu metretarum Maris aenei capiunt singuli vncias 66.  
 16. Cubitus quo sacra Scriptura metitur Mare aeneum ac Luteres, est diameter sphaerę  
 vnciarum aquę 400. Ex quo efficitur Mare aeneum & Luteres non mensurari in sa-  
 crę Scripturę, maiori cubito sed minori.

COROLLARIUM 1. Hebraicus cubitus minor erat eadem mensura cum tertia Hispa-  
 nica vlnę seu virgę parte, quę continet Romanos digitos 14 $\frac{2}{3}$ . Maior verò cubitus  
 Hebraicus patebat in longitudinem Romanos digitos 18 $\frac{1}{2}$ . & inter duo hac extrema  
 medii interiacent tum Romanus pes constans digitis Romanis 16, tum pes Gręcus  
 continens digitos Romanos 16 $\frac{3}{4}$ .

COROLLARIUM 2. Mensura quam Villalpandus tribuit cubito sacro, est multo maior  
 iusto. & mensura etiam Mariana excedit iustam.

COROLLARIUM 3. Mensura Villalpandi potest aliter validè confutari: & ostendi  
 etiam potest, illum nonnihil excedere supra id quod intendebat.

COROLLARIUM 4. Mensura quam Mariana tribuit cubito sacro, alia ratione seor-  
 sum confutatur.

COROLLARIUM 5. Ad argumenta quę obiici posse videntur contra eam mensuram  
 quam nos Hebraico cubito maiori tribuimus, non est difficile respondere.

17. Ex mensurę quam nos Hebraico cubito maiori tribuimus, sequitur ingens discrimen  
 in Salomonis templi magnitudine. Ea tamen illi remanet quam sacra Scriptura si-  
 gnificat.

De areis & solidis.

De Mari aeneo.

18. Antiquę Gręcorum, Romanorum atque Hispanorum mensurę videntur ex mensu-  
 ris Hebraicis deriuatę.

19. Sicli Hebraici pondus fuisse quatuor drachmas Atticas, non solum asseritur à Iose-  
 pho & Philone, sed ab omnibus etiam Gręcis sacre Scripturę editionibus. Siclus ta-  
 men aureus aliquando ponitur pro Atticę drachmę pondere.

20. Mina Hebraica maior pendeat triginta vncias: sed & eius partes, quas designat E-  
 zechiel<sup>a</sup> dicebantur etiam mina; & præsertim in pecuniâ, mina erat 25. siclorum siue  
 drachmarum Atticarum 100.

21. Antiquum sacre Scripturę talentum, ter mille siclorum fuit; non maius.

22. Aliquando siclus auri ponitur pro eo auri pondere quod valet argenti siclum. Atque  
 hæc phrasis ad talenta, etiam quandoque extenditur. qua ratione valde minuuntur  
 quedam talentorum summe.

23. In designando valore integri talenti argentei nonnihil exceditur à quibusdam.

24. In designando valore integri talenti aurei non parum exceditur ab eisdem.

Synopsis ponderum Hebraicorum.

Synopsis mensurarum Hebraicarum.



## PROPOSITIO I.

*Pondus vnius vnciæ ex iis quæ Romæ & in Hispania hodie  
sunt in vsu, est idem omnino cum veteri vnciâ  
Romanâ, & idem cum octo drach-  
mis Atticis.*

## EXPLICATIO.

**N**OMEN vnciæ in ponderibus commune est in Europâ, quamuis omnium  
prouinciarum vnciæ æquales inter se non sint. Etenim, si verum est quod  
Capellus scribit, vnciæ Lugdunenses aded sunt Neapolitanis minores, vt  
quinque Neapolitanæ tantum pendeant, quantum sex Lugdunenses. Et alia  
minora discrimina ab eodẽ plurima commemorantur. Verũ vnciæ  
quæ hodie Romæ vsurpatur pondus videtur esse in Europa communius at-  
que receptius. Est enim idem quo tota Hispania vtitur (vt infrâ vide-  
bimus, ) quodquẽ Parisiis & per omnem ferẽ Galliam in vsu est, vt as-  
ferit Capellus: a atque eadem est vncia Venetâ, vt idem Capellus affirmat. b

B. Cũ ergo loquendum sit de antiqua vnciâ per comparisonem cum vnciâ nobis nunc  
cognitâ pondere; assumo veluti fundamentum vnciam illam quæ nunc Romæ in vsu est. Qui  
verò diuersam pondere vnciam habuerint, vt nostræ vestigationis sensu fruantur, nouerint  
imprimis oportet suæ vnciæ proportionem cum ea quæ Romano, Parisiensi ac Veneto vsu recepta  
est. Exempli gratiâ; vncia Neapolitana, (si Capellus vera tradit) habet se ad Romanam hodiernâ sicut  
600. ad 576. aut (quod idem est) sicut 25. ad 24. Quare viginti quatuor vnciæ Neapolitanæ faciunt ho-  
diernas Romanas 25.

C. Vnciam Hispanam putauit Laguna esse Romanæ recentis inæqualem: & nouissimẽ Ca-  
pellus d statuit sexdecim vncias Toletanas eiusdem esse ponderis cum Romanis antiquis septem-  
decim. Cũ autem idem Capellus opinetur antiquam vnciam Romanam cum hodierna Romana  
se habere sicut 504. cum 576. c (quod est sicut 7. cum 8.) hinc sequebatur Hispanam vnciam cum eâ  
quæ nunc Romæ est in vsu habere se sicut 119. cum 128. atque aded Hispanas vncias 128. non plus  
efficere quàm recentiores Romanas 119. quæ tantum pendent in eiusdem Capelli sententiâ quan-  
tum 136. ex antiquis. Hoc tamen quod Capellus affirmat, falsum planè est. Constat enim vnciam  
hodie in Hispania atque Romæ esse eiusdem omnino ponderis: vt manifestum est omni-  
bus qui Hispaniensem bestem (siue octo vnciarum marcum) cum Romano compararunt. Cu-  
ius rei clariorem probationem petere licet ex Villalpando, qui id accuratè examina-  
uit.

D. Capellus præterea refert, f Budæum, Agricolam, Stanislaum & alios credidisse, Parisiensem  
vnciam eiusdem esse ponderis cum veteri Romana. Ex quo eliceretur, adhuc vigere in communi  
vsu Romæ, Parisiis, Venetiæ, & in Hispania, veteris vnciæ Romanæ pondus. Hoc autem Capellus  
ipse falsum esse contendit: Romanamquẽ vnciam veterem credit cum hodierna Parisiensi ean-  
dem habere proportionem quam 7. cum 8. atque ita 7. vncias Romanas ex recentioribus  
idem pendere quod 8. antiquas. Sic ille. Alii (vt Lucas Pœtus & Tonarius) illud sibi saltem  
persuaserunt, exiguum aliquod interesse discrimen inter veterem ac recentem vncias Roma-  
nas. Verũ Budæi, Agricolæ, Stanislaui & nostri Marianæ sententia vera est: & quidem cer-  
tior quàm ipsi putarunt: videlicet Romæ adhuc durare veteris vnciæ Romanæ pondus,  
nec minimam accepisse varietatem. Huius rei certitudo & examinatio debetur nostro Villal-  
pando; nec non congiis veteribus Romanis qui ad nostrum vsque tempus asseruantur, ha-  
bentquẽ inscriptum, *Mensura exacta in Capitolio pondo decem*, (quæ sunt decem libræ quarum  
singulæ 12. constant vnciis) fidelissimâque trutina examinata res est coram ipso Luca Pœ-  
to, multisquẽ grauissimis testibus ad eundem Pœtum reuincendum congregatis: deprehen-

*Vncia hodie  
non eadem  
vbique: sed  
Romana,  
Hispana,  
Parisiensis  
& Veneta  
eadem.  
a l. 2. §. 9.  
b l. 1. §. 89.*

*Sicut 24.  
ad 25. sic  
vncia Nea-  
politana ad  
Romanam.*

*d fol. 190.*

*e ff. §. 86.  
& 89.  
Hispana  
vncia eadẽ  
cum Roma-  
na.*

*f lib. 1. de  
põderibus  
§. 89.*

*Vncia Ro-  
mana anti-  
qua eadem  
cum ho-  
diernâ.*



sumque est, vnum ex iis congiis omnino capere aquæ pluuiæ vncias 120. ex eis vnciis quæ Romæ atque in Hispania nunc in vsu sunt. Ex quo euidens fit deceptum fuisse Capellum. Nam si ipsius opinio esset vera, congius ille antiquus non plures quàm 105. vncias ex Romanis recentibus capere posset. Si enim octo vnciæ ex antiquis non plures quàm septem ex nouis conficiunt, necessè est vt ex antiquis 120. solum fiant 105. nouæ: atque aded vt Romana amphora antiqua, 840. recentibus vnciis tantum constet, cum ex antiquis capiat 960. Deinde huius rei examinatio fuit aded exactè facta, vt euidens appareat, nullum omnino discrimen inter Romanam vnciam veterem ac nouam reliquum esse. De quo videri potest Villalpandus noster tom. 3. folio 351. & 397. & ante diligentissimam ipsius inquisitionem, Marianæ quoque nostri coniecturæ magni roboris atque momenti erant.

Vncia anti-  
quæ examē  
res erat non  
parui mo-  
menti.

E. Porro huius rei accurata inuestigatio non leuis erat momenti. nam in veteribus mensuris, tum in maximis rebus quæ ad historiam pertinent; tum etiam in paruis quæ ad Medicinæ disciplinam, non parui refert sed magni, ne illis octaua ponderis pars subtrahatur. Quamobrem iure quidem optimo, considerato Dosis momento in iis quæ ad artem medicam spectant, prudentissimâ Philippi secundi pragmatica sanctione decretum est, ne pharmacopœa Hispani minoribus aliis vnciis vtantur (quibus vti quondam solebant) ied communibus tantum, quæ æquè respondent priscis vnciis, siue octonis drachmis Atticis.

Vncia Ro-  
mana pon-  
nus erat idē  
quod octo  
drachmarū  
Atticarum.

F. Certum namque est priscam vnciam Romanam eodem prorsus pondere constare, quo drachmæ Atticæ octo. Etenim quamuis drachmæ nomen fuerit aliquando vsurpatum pro denarii consularis pondere, quod erat septima vnciæ pars: veruntamen in communi acceptione, drachmæ Atticæ nomine non significatur consularis denarii pondus, sed centesima minæ Atticæ pars: minæ verò Attica duodecim vncias cum dimidiâ iuste pendebat: vt constat ex Fannio, & ex multis quæ afferunt Villalpandus, Mariana, Poetus, Capellus & alii. vnde planum fit, octo drachmas Atticas conficere iustum vnciæ Romanæ pondus. Quare drachma Attica est id pondus quod Hispani octauam appellamus.

Siliqua na-  
turalis octo-  
decim grana  
pendere  
drachmam  
Atticam,  
siue octauā  
vnciæ partē.

In confirmationem prædictæ æqualitatis inter nostram vnciam & Romanam antiquam, sæpius animaduerti, filiquarum (quas *GAYRONAS* appellamus) grana esse pondere æqualia, ita vt vix discrimen dignosci valeat. Veteres autem scriptores decimam octauam drachmæ partem appellant filiquam siue ceratium (quæ sunt vocabula feminis filiquarum.) Memini verò me sæpiissimè vnius vnciæ pondus filiquis ponderasse, & imperceptibili ferè discrimine semper inuenisse, vnciam integram pendere filiquas 144. ac semissem vnciæ filiquas 72. drachmam verò 18. Quapropter miror sanè quod Hispanensis noster Benedictus Arias Montanus scribit in suo Tubalcain, in volumine Ephron siue de siclo, nempe se periculo facto deprehendisse, granis filiquæ viginti in altera statera lance, & siclo suo in altera appensis, pondus vtrinque ferè conuenisse. Suum autem siclum pendere ait quatuor regales argenteos, id est ferè dimidiam vnciam. Sed in pondere granorum filiquæ valde admodum errat. Sicut etiam ex opposito Vualerus libro secundo, de nummis capit. 3. vbi asserit vnius filiquæ pondus idem esse quod grani hordeacei.

Postquam ergo lector sibi persuaferit Hispanam vnciam, Parisiensem, Venetam, & Romanam eodem esse pondere cum Romanâ antiquâ; vt speculationem ipsam recta apprehensio practica comitetur; velim bessem seu marcum octo vnciarum exquirat, animaduertatque quodnani pondus appelletur vncia; & quod octauam vnciæ partem conficiat; hoc est drachmam; quod etiam pondus sit dimidium drachmæ, ab Hispanis *Adarme* appellatum: præterea quod sit duodecim vnciarum pondus, id est, Romana libra: quod vnciarum sexdecim (quæ est communis libra Castellæ) quod vnciarum 32. (quam carnariam libram Bæticæ vocamus:) quibus etiam libris constet Hispanum talentum, siue *Arroba*: quibus denique Hispanum centum pondium siue *Quintale*. Iis verò quibus alia pondera præ manibus non sunt, argentei nummi Hispani poterunt vice ponderum deferuire; si aduertant octo argenteos paulo minus quàm vnciam vnam pendere. Etenim ex octo argenti vnciis, constantur argentei numi 67. atque ita vncia iusta continet pondus argenteorum 84.



## COROLLARIUM PROPOSIT. I.

*In antiquis aridorum & liquidorum mensuris capacitas quam eis tribuit  
Capellus, minor est quam prima specie sonat. Eas enim reducit  
ad Romanas vncias quas ipse putat fuisse recen-  
tibus minores.*

## EXPLICATIO.

**H**EBRAICO bato dat Capellus aquæ vncias 1440. quæ non sunt plures 1260. ex iis quæ hodie Romæ sunt in vsu: nam sicut 8. ad 7. sic 1440. ad 1260.

Simili ratione quamuis Romanæ amphoræ tribuat vncias Romanas 960. hæ tamen vnciæ Capelli non plures conficiunt quàm 840. ex recentioribus Romanis. Quare Romanum pedem & Græcum consequenter minuit, vt quadrantal non plus aquæ capiat quàm vncias 840. ex iis quæ Romæ & Parisiis hodie sunt in vsu.



DVÆ MENSVRÆ PRO  
SECVNDÆ PROPOSITIONE.

**Q**Varum longitudinem iustissimam describi, diligenter curatū est in prototypo. Sed quia varijs ex causis accidere potuit ut in libris impressis aliquantulum longiores aut breviores prodirent quàm rei veritas postulabat; ideo non promittimus quod præstari fortasse non potuit, nempe adeo exactas prodire has mensuras, ut neq; latus pilus additus sit in eis aut detractus de iustissima longitudine. Satis fuerit si non adeo sit erratum, ut sensus errorem percipere valeat. Subtilissima enim discrimina ratio mensurat, non sensus. Atque de hac re oportuit lectorem semel fuisse admonitum, ad eas subtilitates qua non semel occurrent in hac nostra vestigatione.

Menfura pedis Hispani, siue tertia pars virgæ Castellanzæ menforiæ in quatuor palmos diuisa.

Palms in quatuor digitos diuisa.

Palms in tres partes diuisa.

Palms in tres partes diuisa.

Menfura pedis Romani antiqui in quatuor palmos diuisa, ex Villalpando como 3. folio 901.

Palms in quatuor digitos diuisa.



## PROPOSITIO II.

*Romani pedis antiqui longitudo perspecta atque cognita est: & Hispani pedis proportio ad ipsum est fere sicut 12. ad 13.*

## EXPLICATIO.

A. **D**E Romani pedis antiqui longitudine nō satis inter peritiores constabat. ideoq; certō cōgnoscere optabant iustum antiquæ vnciæ Romanæ pondus, vt inde ad veram Romani pedis mēsuræ cognitionem deuenirent. Sic sanè Mariana. Atq; ita cūm constet iam antiquæ vnciæ pondus idem cum hodiernæ Romanæ pondere esse, mirum nō est, perfectum cubum fuisse formatum qui iustas 120. vncias capiat; ex eoq; semissis pedis Romani dimensio cognita sit, quæ est ipsius cubi latitudo, vt statim explicabimus. Verū enim vero Villalpandus nobis confirmat, dimidium pedem quē ipse edidit (& nos suprà apposuimus) in Farnesiano congio esse signatum. estq; ille tantillo maior quā dimidium pedis Colariani & eius quem assignat Pætus: aliquantulum verò minor quā dimidiū Porphyreticus; qui omnes apud Marianam & alios reperiuntur. Proportio autem & conformatio dimidiati illius pedis cum 120. vnciis in cubo, omnino confirmat hodiernam vnciam esse eandem cum priscā, illūq; esse dimidiatum pedem antiquum. Vtrumque autem seorsum, absque alterius ex altero consequentiā, nobis constat ex antiquo illo congio: & vtrumvis ex iis satis erat, vt de vtroque constaret.

Romani pedis antiqui longitudo quomodo innotuerit & proportio illius ad Hispanum & Græcum.

B. Experimentum quod fecit Mariana factū cubo ex pede Porphyretico; propius ad veritatem accessit. Ceterū si dimidiū ille pes quem Villalpandus profert, est in eodem congio impressus, ille proculdubio est antiqua mensura; & in Mariana inuestigatione error quispiā exiguus subrepsit; quod minimè est mirandum, cūm difficillimum sit perfectum cubum efficere. Sed vtrumque hoc sit, parua satis est differentia: siquidem Villalpandus & Mariana in eo vterque conueniunt, quod Hispanus pes (hoc est, tertia pars vlnæ seu virgæ mensuriæ Castellana) se habet cum Romano pede antiquo, sicut 12. cum 13. Et verò iis qui mensuram Castellana virgam habemus, hæc satis debet esse proportio, vt nosse possimus quam longitudinem Romano pedi antiquo præscripturi simus. eam nimirum quæ conficitur ex Hispano pede ac duodecima eius parte. Vbi autem Romani pedis longitudo agnoscatur, facile est Græcum inde pedem dimetiri, qui se habet cum Romano comparatus sicut 25. cum 24. quod idem est atque Romano pedi vigesimam quartam illius partem adiungere. vnde sicut pes Hispanus ad Græcum, sic 12. ad 13 $\frac{1}{4}$ .

C. Atque hoc est quod visu percipi potest. Verū cūm huiusce rei perscrutatio atque dimensio humanis sensibus fuerit effecta; mirum non est, non nihil adhuc esse discrepantiæ; adeo tamen exiguum vt humanis oculis deprehendi non valeat. Quamobrem adhuc relinquitur locus, vt si qua efficaci ratione probetur ad prædictam proportionem inter 12. & 13. & ad aliam inter 24. & 25. addendum esse aut subtrahendum aliquid pene indiuisibile (verbi gratiā, vna ex mille quingentis vnius lati digiti partibus) ea subtilitas respuenda non sit: quia subtilissima mensurat ratio non sensus. de quo latius infra.

D. In huiusmodi pedum differentiis (nempe Græci, Hispani ac Romani) obseruandum est, pedē in eis omnibus esse sextam humanæ staturæ partem: atque adeo staturam humanam ab aliis maiorem, ab aliis minorem considerari. Sexta autem parti fuit nomen pedis datum, opinor, per approximationem, siue propinquitatem; ac fortasse calceamenti etiam ratione habita, ne architecti nudis pedibus ædificiorum spatia metiantur. neque enim naturalis pes iuxta rectam proportionem, sextam staturæ partem adæquat. Cūm quilibet homo reperiatur habere in longitudinem ex suis pedibus fere sex atque dimidium.

Pes naturalis est minor quam sexta statua pars.

## COROLLARIUM PROPOSIT. II.

*Iacobus Capellus Valde aberravit in mensura quam tribuit Hispano pedi.*

A. **Q**UAM assignat Capellus pedis Hispani proportionem ad Romanum, ea est, sicut 120. ad 144. quæ perinde est atque inter 5. & 6. Hæc verò fuit ingens oscitantia. nec dubium quin ei nunquam fuerit pedis Hispani mensura ostensa. Commensurato enim Hispano pede (id est tertiā Castellana virgæ mensuriæ parte) cum illa pedis Hispani mensura quam impressit in suo libro Capellus, inuenitur verus pes Hispanus fere se habere ad illā sicut 140. ad 120. siue vt 7. ad 6. Quare septimam partem detraxit Capellus veræ Hispani pedis mensuræ.

Capelli error in mensura pedis Romani & Hispani.

B. Ex quo primum infero, si veræ sunt Hildebergici pedis, Hetrusci & Sedanensis mensuræ (quas idem ponit) Hispanum pedem quolibet eorum esse maiorem. Nam Toletanus pes pro 120. habet 140. Hildebergius 137. Hetruscus 138. Sedanensis 139. Secundò infero Romanum pedem antiquum quem assignat Capellus non esse verum pedem Romanum. Nam Hispani pedis proportio ad Romanum antiquum est pæne sicut 12. ad 13. vt constat ex diligenti Villalpandi collatione. Quod si 12. pariunt 13. sequitur 140. paritura esse 151 $\frac{1}{2}$ . Cūm tamen Romano pedi tribuat Capellus 144. Si verò cum eā mensurā Hispanus pes conferatur, certum est iustam mensuram Hispani pedis esse fere 140. Iam cum tam magna sit Capelli siue inconsiderantia siue ignoratio, nihilominus in prologo de mensuris interuallorum carpit ipse alios, vt Georgium Agricolam, & multo



magis Marianam nostrum de incuriâ & negligentia in bene examinandâ ac depingendâ Parisien-  
sis pedis, atque Romani mensurâ, ac tandem affeuerat pedem Romanum omnino esse eundem cum  
Colatiano. Constat autem ex iis quæ Villalpandus scripsit, verum pedem Romanum esse Colatiano  
maiores. Vbi aduertendum est quod Capellus ait, nempe pedem Colatianum esse aliquanto maio-  
rem illo quem Mariana proponit. Ex quo inferitur quàm sit mendosus Capelli typus. pes enim Ro-  
manus quem ipse constituit, est multo maior pede Colatiano Marianæ. Nam ex 144. minutis quæ  
Romanus Capelli pes sortitur, dimidio Colatiano Marianæ pedi obtingunt 75. & cōsequenter inte-  
gro pedi 150. Si tamen verus pes Colatianus est longior quàm à Mariana designatur, ac Romanus  
pes est Colatiano maior, non mirum est verum pedem Romanum habere 151½. vt suprâ diceba-  
mus, aut certè paulò minus.

### PROPOSITIO III.

*Cubus Romani pedis capit aquæ vncias 960. quæ est amphora Romana.*

### EXPLICATIO.

SVPPONO lectori planè innotescere, quæ sit figura cubi siue quadrantalis. Fuit autem politicæ  
sprudentiæ consentaneum, conuenientiam ac proportionem inueniri inter mensuras interualli  
siue longitudinis, & inter capacitatis. Quare verisimile est, vnde Romani mensuram amphoræ ac-  
ceperunt, inde etiam pedis mensuram accepisse. Constat autem eos sumpsisse amphoram ex talent-  
to Ægyptio quod pendeat vncias 960. (vt ex Varrone affirmat Plinius lib. 33. c. 3.) & constat etiam  
olim in Ægypto capacitatis mensuras fuisse conformatas cū mensuris longitudinis. Serapidis enim  
capiti impositus erat modius & cubitus. Scio Ruffinum l. 2. hist. c. 23. & Iulium Firmicum Maternum  
libro de erroribus prophanarum religionum c. 14. non facere mentionem cubiti supra verticē Se-  
rapidis, sed solum modii. Verum Suidas (verbo Serapis) expresse ait, idolum illud habuisse modium in  
capite & cubitum, videlicet aqua mensuram. Sic ille. vbi verba illa, videlicet aqua mensuram manifestè referun-  
tur ad cubitum: quia modius ad frumentum spectat. Atque ita non solum tribuebantur Serapidi &  
capacitatis & longitudinis mensuræ; sed etiam dum notatur cubitus esse aquæ mensura, significatur,  
modum & copiam frumenti in Ægypto (ac proinde anni vbertatem) Nili incremento respondere,  
quod incrementum cubitorum notis per puteos obseruari solitum erat, re ad numeros redacta. Ob-  
seruatum enim fuerat, sexdecim cubitorum incremento respondere summam anni vbertatem; ac  
incremento minori quàm cubitorum quatuordecim respondere annonæ caritatem & famem, vt  
tradunt Plinius l. 5. c. 9. & l. 18. c. 18. Solinus c. 35. & Mela lib. 1. c. 9. Licet ab eorum traditione non nihil  
discrepet Strabo l. 17. Nihil ergo aptius quàm vt modius ad frumentum spectet; cubitus verò ad mē-  
suram incrementi fluminis. Vt verò denotaretur obseruationem illam tot cubitorum incrementi  
fluminis, ad futuram vbertatem vel inopiam prænoscentiam, sapientiæ Serapidis fuisse gloriosam  
(aut quia ipse primus docuerit eam, aut quia in ea correspondentia elucere crederetur ipsius Serapi-  
dis prouidentia & sapientia) eapropter Serapidis vertex ornatus fuit modio & cubito. Sapientiam  
enim capite denotari quis nesciat? An verò Ægyptii in Serapide colerēt Iouem, aut Iosephum, aut  
quemuis alium, non decerno. Legat qui volet ea de re Suidam, Maternum atque Ruffinum, à quibus  
desumpserunt iuniores; videlicet Goropius l. 1. Hieroglyph. & Giraldus syntagmate 6. Historiæ deo-  
rum. Iterum tamen moneo, vnde Romani quadrantale acceperunt, inde etiam pedem accepisse; &  
vnde quadrantale, inde etiam modium, (qui tertia quadrantalis est pars:) ac vnde pedem, inde etiam  
cubitum. Quod si modius ille ac cubitus, qui erant in vertice Serapidis; mensurarum Ægyptiarum  
erant primariæ formæ (vt coniectare licet ex aliis infrâ notandis) verisimile est cubitum illum fuisse  
diuisionum signis distinctum, id est, palmorum ac digitorum, & quantitatem etiam seu longitudinē  
lateris cubici, tum talenti Alexandrini, tum etiam modii fuisse ibidem signatam, & alia eiusmodi.  
Sed progrediamur vltcrius.

Scripserat Oribasius, decem aquæ vncias ponderales in duodecim mensurales diuidi. Id ergo ar-  
ripiens Georgius Agricola existimauit 960. vncias quas antiqui tribuerunt amphoræ Romanæ, for-  
sitam fuisse mensurabiles, non ponderabiles. Ceterum ex scriptoribus antiquis & ex Farnesii congio  
euentissimè liquet eas ponderabiles fuisse. Manifestum verò est sermonem esse de aquæ aut vini  
albi vncii, quæ æqualis ponderis sunt, & nominatim loquuntur Scriptores de aquæ pluuiæ ponde-  
re. aquas enim aliquo momento ponderis inter se distare communis opinio est, & licet Plinius lib.  
31. c. 3. & Villalpandus noster to. 3. pag. 350. B. afferant, post exactam obseruationem inueniri discrimen  
aquarum in pondere, ab stomacho solum discerni non à trutina; pro communi tamen opinio-  
nē citatur Fannius, & Seneca l. 3. c. 2. & Athenæus l. 2. vt obseruat Dalecāpius in notis ad Plinium, &  
posset addere Fannium, cuius sunt versus subsequentes.

*Namque nec errantes vndis labentibus amnes,*

*Nec mersi puteis latices, aut fonte perenni*

*Manantes par pondus habent, non denique vina.*

Deinde notum est, vas quod capiat decem aquæ vncias, non plus capere olei quàm nouem. De  
proportionem autem ponderis in melle, metallis atque frumentis refero lectorem ad ea quæ post ma-  
gnam & exquisitam diligentiam copiose tradit noster Villalpandus tom. 3. p. 2. l. 1. c. 5. propositione  
16. Si verò eorum summā sit contentus lector, ea est huiusmodi.

Confor-  
matio mensu-  
rarum in-  
terualli cum  
mensuris ca-  
pacitatis.

Vncias aquæ  
ponderales  
non debere  
distingui à  
mensurali-  
bus præfer-  
tim in aqua  
pluuia.



A

In æquali quantitate si oleum pendeat nouem vncias,

aqua pendet	10.
mel	15.
stannum	75.
ferrum	80 $\frac{2}{3}$ .
æ cupreum	91.
argentum	104.
plumbum	116 $\frac{1}{2}$ .
argentum viuum	150.
aurum	187 $\frac{1}{2}$ .

Proportio pō-  
deris aque  
cū oleo, mel-  
le & singulis  
metallis.

B

Sic ille. Mihi tamen non satis constat, sub eadem vnus metalli specie non reperiri vnum grauius alio. Sanè si ita est, miror Plinium lib. 33. c. 3. scripsisse, *aurum non præferri ceteris metallis pondere aut facilitate materia, cum cedat per vtrumque plumbo*. Nec video cur non possit in auro vel in argento contingere, quod in margaritis notissimum est; nempe alias nasci valde grauiore alii in eadem magnitudine. Equidem eam ob rem vniones Americæ valde anteponuntur iis quos mittit Orientalis India. & vtcunque sentiendum sit de æqualitate vel inæqualitate ponderis in singulis metallis; saltem humanę diligentia in faciendo periculo & conferendo metallorum pondere non est quod adeo fidamus, vt minutiis etiam superius assignatis quasi oraculis adhibenda sit fides, & sine dubio credatur, naturalem v.g. plumbi ad ferrum porportionem non esse sicut 116. ad 80. vel ad 81. sed sicut 116 $\frac{1}{2}$ . ad 80 $\frac{2}{3}$ . itaque hæc non aded certa saltem in fractis atque minutiis.

D. In materia verò quæ sit omnino eiusdē pōderis, demonstratio mathematica est, si vnus pedis cubus cōtinet 960. vncias; in semipedis cubo octauā partem (nempe 120.) contineri, qui est Romanus cōgius: ac in vnus palmi cubo, ex quatuor digitis constantis, (quæ est quarta pars pedis) octauam congii partē comprehendere, videlicet vncias quindecim. In cubo autem duorū digitorū, drachmas quindecim, (quod Plinius acetabulum appellat lib. 21. fine.) in cubo denique vnus digiti Romani drachmam vnā &  $\frac{1}{2}$ . alterius. Porro congius Romanus diuiditur in sextarios sex, quorum singulis iuste obueniunt 20. vnciarū ponderabiles. Semisextarius autem nuncupari solet cotyla vel hemina.

Amphora  
Romana di-  
uisio.

C

E. Amphora Hispana aquæ aut vini (quæ cantara siue arroba mensurabilis nuncupatur) capit vncias 512. partiturque in agumbres octo, quorum singuli continent vncias 64. eorumque quartarii habent singuli vncias 16. hoc est nostra consuetudinis libram vnā. Vnde Romana amphora antiqua continet iustos quindecim agumbres ex nostris. congius verò Romanus quartarios nostros 7 $\frac{1}{2}$ .

Diuisio am-  
phoræ Hi-  
spanicæ.

F. Medimnus Romanus capacitatem habet duplam respectu Romanæ amphoræ: diuiditurque in sex modios: quorum quilibet capit ex aqua tertiam amphoræ partem: nempe vncias 320. eandemque quantitatem capiunt duo Hispani modii siue celemines, quæ est communis Hispaniæ mensura, nā vnus celemin capit aquæ vncias 160. & saltem non dubiū quin ea fuerit nostrorum in ea mensura intentio. Neque enim tantum est discrimen quantum putauit Villalpandus qui celemino vni tribuit capacitatem 168. aquæ vnciarū. Ego sane accurata obseruatione & experiētia vix reperi 163. & Mariana 160. tantum se deprehendisse testatur. Itaque nostra faneca est medimnus Romanus; ac semifaneca eadem mensura cum amphoreo, qui est eiusdem capacitatis cum Romano quadrantalī. celeminique mensura est eadem cum hemipetro, (qui est duodecima medimni pars,) vocarique potest semodius Romanus, vel Hispanus modiolus. Quatuor item celemines capiunt aquæ vncias 640. siue duos Romanos modios: quæ est earum lagenarum mensura quas Hispani nauiculatores appellant *botijas peruleras*: continentque singulæ mensurabilem arrobam & quartam in super alterius partem.

Medimni  
Romani ca-  
pacitas &  
diuisio.

D

G. Communior olei mensura Hispana ad ponderabilem arrobam reducit. Nam mensurabilis arroba olei pendet iustam ponderalem arrobam, hoc est vncias 400. quæ libras nostras 25. conficiunt.

Olei arroba  
eadem pon-  
deralis ac  
mensuralis.

## P R O P O S I T I O IV.

Ex proportionē Romanæ amphoræ, cognito latere cuiusuis cubi, cognosci potest, quantum aque capiat ille cubus: & è conuerso, ex quantitate aque quam capit cubus, cognosci potest lateris illius longitudo.

## E X P L I C A T I O.

E

A. MATHEMATICÆ facultatis perito facilis est huiusmodi computatio suppositis iis quæ stabilita sunt propositione tertia, littera D. qui verò Mathematicas disciplinas ignoret, is eam hic legendo defatigabitur. ideoque prætermitto, contentus aliquot exempla subiicere quibus deinceps opus erit. Eorum verò probationem qui nosse velit, si Arithmeticæ peritiā non habuerit; huiusce facultatis gnarum consulat.

B. Si latus cubi duos habeat pedes Romanos, cubus ipse octo amphoras Romanas capit. Si tres habeat pedes latus, capit cubus amphoras 27. Si quatuor pedes habeat, amphoras capit 64. Si sit quinque pedum, amphoras 125. capiet: si sex pedum, capit 216. Si decem pedum, capit mille amphoras.

Ex latere cu-  
bi cognosci  
capacitatem  
eius.

Si verò latus semipedem habeat in longitudinem, cubus continebit congium. Si pedem cum semisse, congios 27. Si duos pedes cum dimidio, congios 125. si tres pedes cum dimidio, congios 343. Si pedes 4 $\frac{1}{2}$ . congios capiet 726.

Sin autem latus sit longum quatuor digitos Romanos (qui est palmus) capit vncias 15. si tribus sit palmis, capit vncias 405. si quinque palmis, vncias capit 1875.

Præterea



Præterea si latus duos continet digitos Romanos, continebit cubus drachmas 15. si sex digitos, continebit drachmas 405. hoc est vncias quinquaginta & quinque drachmas.

Adhæc si lateris longitudo sit vnus digiti Romani latitudo, cubus ipse capit aquæ pondus in grana 90. (pendet autem drachma grana 48.) Si trium sit digitorum, capit pondus granorum 21430. hoc est 50. drachmas & grana triginta: seu (quod idem est) sex vncias & grana 126.

Et quidem Arithmetices periti non solum in perfectis siue integris numeris computabunt, sed etiam in fractis atque minutiis. Verbi gratia, si cubi latus habeat Romanos digitos  $3\frac{1}{2}$ , capiet cubus drachmas aquæ ferè 98 $\frac{1}{2}$ .

C. Econtrariò etiam ex aqua quam capit cubus, elici potest quot pedes Romanos siue digitos habeat cubi latus. Ceterum cum ad numeros qui vocantur surdi acceditur; quamuis per approximationem in infinitum possit magis ac magis ad verum punctum accedi; sæpè tamè magnæ numerorū minutiæ ad praxim inutiles sunt. Et tunc prudentiæ est rem non nimis exiliter ad calculos reuocare. Exempli gratia, Ad cubum qui capiat 18. amphoras Romanas, satis est si dicatur ipsius latus habere digitos Romanos ferè 41 $\frac{1}{4}$ . Etenim quauis noster Villalpandus vt aliquanto propius accedat, asserat cubi latus fore Romanorū digitorū 41 $\frac{3}{4}$ . (quod est paulo plus quam 41 $\frac{1}{4}$ . veruntamen huic etiam Villalpandi lateri, sicut & nostro, non nihil deest: & in tam paruis minutiis nihil refert maiorem fieri approximationem. quandoquidem nullius acies quantūvis perspicacissima potest id discriminis deprehendere. Si enim latus est lōgum digitos 41 $\frac{1}{4}$ . defunt illi ad 18. amphoras ferè  $\frac{1}{2}$ . vnus drachmæ.

D. Similiter ad cubum capientem aquæ vncias 1080. satis mihi erit, si dicam, cubicum eius latus habere ex Romanis digitis pæne 16 $\frac{2}{3}$ . Licet enim videam cubum, cuius latus habuerit digitos Romanos 16 $\frac{2}{3}$ . capere aquæ vncias 1085. & insuper vnus drachmæ  $\frac{1}{2}$ . adeo tamen est exiguum quod lateri detrahendum est, vt non capiat plus quam 1080. vncias, vt clarior ac rectior exponendi ratio sit, dicere, ferè 16 $\frac{2}{3}$ . Nec visus erit cuiuspiam adeò acutus, qui differentiam discernat inter 16 $\frac{2}{3}$ . & inter latus cubicum vnciarum aquæ 1080.

E. Eadem ratione vt cubus duas aquæ amphoras Romanas (id est, mensuram medimni Romani, quæ eadem est cum Hispana faneca) contineat, dicere mihi satis sit, cubicum latus habiturum Romanos palmos prope 5 $\frac{1}{2}$ . Quod latus cum Romano pede eandem habet proportionem quam habent 5 $\frac{1}{2}$ . cum 4. seu (quod idem est) quæ reperitur in 126. cum 100. quandoquidem cubus palmorum Romanorum 5 $\frac{1}{2}$ . vix capit drachmas tres supra duas amphoras, quarum cubum quærebamur.

F. Cubus cuius latus sit Romanorū pedum  $3\frac{1}{2}$ . continet Romanas amphoras 30. &  $\frac{3}{4}$ . huiusmodi autem est cubitus primarius Hebraicus quem ponit Capellus. Cubus autè, cuius latus sit Romanorū pedū 2 $\frac{1}{2}$ . capit Romanas amphoras 9 $\frac{1}{2}$ . Atque hic est primarius pes Hebraicus à Capello designatus. Cubus denique cuius latus habet vnum pedem Romanum & insuper quartam pedis partem (qui est iuxta Capellum ciuilis pes Hebraicus) capit duas Romanas amphoras, subtraçtis vncijs 45.

G. Præterea latus cubicum vnus modii Romani, aut (quod idem est) Alexandrini, continet digitos Romanos ferè 11 $\frac{1}{2}$ . quæ mensura (vt infra constabit) est ferè eadem cum quarta Hispanæ virgæ mensoriæ parte, antiquissima quoque mensura.

## PROPOSITIO V.

*Quemadmodum Romanus pes est cubicum amphoræ Romanæ latus, ita etiam communis pes Græcus erat cubicum latus metretæ communis Græcæ, quæ vncias capiebat aquæ 1080.*

## EXPLICATIO.

A. **Q**UANTVAM Gellius initio sui libri notat, diuersas Græci pedis mensuras quōdam fuisse (pro quo refert Pythagorā & Plutarchū) liquet tamè ex Plinio l. 2. c. 23. cōmunē Græciæ pedē se habuisse cū Romano, sicut 25. cū 24. Eapropter Romani stadio assignabant pedes Romanos 625. vt sexcentos pedes Græcos æquarent, quos Græci stadio præscribebant, vt tradit Herodotus l. 2. Iuxta hanc computationem habet Græcus pes digitos Romanos 16 $\frac{2}{3}$ . Nam sicut 24. ad 25. ita 16. ad 16 $\frac{2}{3}$ .

B. Si tamen politica Romanorū industria eò peruenit, vt sui pedis ad suam amphorā cōgruentia seruaretur: quis non videat verisimile non esse, quin similis congruentia inter pedē Græcū & metretam Græcam non defuerit? Existimo igitur pedē Græcū fuisse cubicum latus communis metretæ Græcæ. Verum huic opinioni duo videntur ob stare. Alterum est quòd minimè probetur, communem Græciæ metretam fuisse vnciarum aquæ 1080. Alterum quòd si latus cubicum habet Romanos digitos 16 $\frac{2}{3}$ . cubus ipse non solū capit aquæ vncias 1080. sed 1085. & vnus insuper drachmæ  $\frac{1}{2}$ .

C. Circa primum aduerto Fannium quidem Atticæ amphoræ tribuere sesquiamphoram Romanam. Quod quamuis Lucas Patus aliter interpretetur; ipse tamen non inficior fuisse Athenis aliquam mensuram sesquiamphoræ Romanæ æqualem; eamque appellatam fuisse amphoram Atticā capacem sextarii 72. eorum scilicet qui Italicis sextariis erant æquales, & singuli capiebant vncias viginti. Nihilominus assero, huiusmodi Atticam amphoram, de qua Fannius agit, fuisse nouam amphoram, quæ post Athenas Romanorum imperio subactas inuenta atque effecta fuit, vt se Attici ad Romanorum vsum effingerent in sextarii mensura. Etenim licet admiserint sextarium viginti vnciarum; in amphorā tamen siue metretā nomine generalem Græciæ consuetudinem retinuerunt: vt scilicet sextarius esset septuagesima secūda metretæ pars. Quare laxato sextario, laxata quoque amphora est. Veruntamen id non obfuit quin antiqua mensura suum quoque retineret nomen,

Cubus capiens amphoras Romanas 18.

Cubus capiens aquæ vncias 1080.

Cubus capiens duas aquæ amphoras Romanas.

Cubus capiens modium Romanum.

Pes Græciæ communior.

Capacitas metretæ & eius partes.



A & Atticus sextarius appellaretur quindecim aquæ vncias capiens. Constat hoc ex libello de ponderibus & mensuris qui Galeno tribuitur, & ex libello etiam Cleopatæ. Ambo enim Græcis metretis sextarios 72. præscribunt; id est duodecim  $\chi\acute{o}\alpha$ , siue congios Græcos: asseruntque sextarium Atticum esse quindecim vnciarum: atque adeo chus siue congium Græcum vnciarum 90. Idem autem est, vncia 1080. atque quindecies 72. Quamobrem nulla potest superesse dubitatio, quin communis Græciæ metreta fuerit vnciarum 1080. & confirmatur, quia in prædicto Galeni libello, postquam fuerat dictum, *Sextarius pendere debet drachmas aquæ pluuiæ 120.* (id est, quindecim vncias) subditur infra, *Atque his mensuris maior pars Græciæ vititur.* Eandemque mensuram Cleopatra tribuit sextario. Plinius item libr. 21. si. exprimit iuxta communem Græcorum vsum & Atticorum consuetudinem heminam (id est semifextarium) continere drachmas 60. & Mariana noster certum esse fatetur ex Fannio & Cleopatra fuisse apud Atticos sextarium quindecim aquæ vnciarum. His accedit quod Galenus in libro quem nemo suum esse inficiatur, confirmat appendisse se diligenter vnius cotylæ siue heminæ olei, inuenisseque illud pendere præcisè vncias septem atque dimidiam, id est, drachmas sexaginta. Itaque dubium non est communem sextarium Græcum capere quindecim vncias ponderabiles. Tamen si autem verum est, ubi quindecim olei vncia capiuntur, capi ex aqua 16 $\frac{2}{3}$ . attamen ex libellis iis qui Cleopatæ & Galeno tribuuntur, & ex Plinii l. 21. si. liquet heminam etiam aquæ pendere drachmas 120. Vnde infero communem sextarii mensuram, siue aquæ, siue vini, fuisse proculdubio in Græcia minorem quàm olei sextarium; idque quatenus opus erat, ut pondere essent æquales; quemadmodum hodie tum Romæ, tum alibi in vtu est. Et quamuis in libello illo qui Galeno adscribitur, explicetur quantum olei capiat sextarius aquæ; hinc tamen minimè infertur, diuersam olei mensuram non fuisse. Nam & in mensuris, quæ tum hodie Romæ sunt, tum etiam apud antiquos fuere Romanos, affirmare similiter licet, vini sextarium viginti vncias capientem, capere ex oleo 18. & sic de aliis. Atque ita verum est, metretam 1080. vnciarum olei capacem, continere 1200. ex aqua aut vino. Enim verò si absolute sit loquendum, communis aquæ seu vini metreta non plures quàm 1080. ponderales continebat. Et verò illud saltem negari non potest, communi quondam Græciæ consuetudine, sextarium vini, quindecim vnciarum fuisse, ac proinde vini metretam vnciarum 1080. Quamobrem tamen si certum sit magnam in mensurarum nominibus ambiguitatem & confusionem inesse; aliasque etiam metretarum & sextariorum mensuras fuisse: ceterum metreta ex 1080. vnciis non potest recusari. Atque hanc mensuram contendo ipse fuisse quondam in Græcia communem: quia cum Græco pede congruit, ut & Romana amphora cum pede itidem Romano.

C. Ad alterum argumentum ex supra positis, respondeo; Quamuis communiter olim tribuebantur Græco pedi Romani digiti 16 $\frac{2}{3}$ ; hoc tamen non obest, quin latus pilus ab ea longitudine auferri possit. Est autem ita exiguum quod illi est detrahendum, ut cubus non plus capiat quàm vncias aquæ 1080. ut nulla oculorum acies id possit discriminare, quemadmodum in quarta propositione dictum est, littera D. Quapropter ipsius nomen est ferè 16 $\frac{2}{3}$ . Et nota valde fuisse operæ pretium ut pedis mensura responderet aquæ mensuræ. Aqua enim est prior & communior inter omnes liquores. Ad hæc si communis metreta contineret aquæ vncias 1200. communis pes Græcus esset habiturus in longitudinem aliquanto plus quàm digitos 17. Romanos: quod est multo plus quàm id quod Plinius affirmat.

## PROPOSITIO VI.

D *Ex proportionem Romanæ amphoræ, cognita cuiusvis spheræ diametro, cognosci potest quantum aquæ capiat ea sphaera: & e contra ex quantitate aquæ quam capit sphaera, cognosci potest diametri longitudo.*

## EXPLICATIO.

E **P**ROPOSITIO hæc supponit, si spheræ diameter sit æqualis lateri cubico, demonstratum esse ab Archimede cubo capiente viginti vnum, spheram capere ferè 11. & quamuis per numeros ad exactissimam proportionis designationem non possit perueniri; sufficit tamen, illud per demonstrationem constare, nimirum si cubus vncias capiat 5964. absque integrâ discriminis vncia affirmari verè, spheram tunc capere vncias 3123. Est enim euidenti demonstratione probatum, capere plusquam 3122. & minus quàm 3124. Id quod ad praxim satis superque est. Deinde demonstratum etiam est cylindrum cuius altitudo & latitudo æquales sint inter se, tantum capere quantum spheram & dimidiam eiusdem altitudinis.

B. Iuxta hæc ergo quæ diximus, qui rationes supputandi fuerit peritus, non dubitabit cum Romani pedis cubus contineat aquæ vncias 960. spheram Romani pedis continere plusquam 502 $\frac{1}{2}$  & minus quàm 502 $\frac{2}{3}$ . Inter quæ extrema medium penè locum tenebit qui ponat spheram capere 502 $\frac{1}{2}$ . vel 502 $\frac{2}{3}$ . vnde deducitur diametrum spheræ quæ contineat aquæ vncias 500. esse Romano pedi propæ æqualem. Ecquis enim valeat visus perspicacitate discernere diametrum spheræ capientis vncias aquæ 502 $\frac{1}{2}$ . à diametro spheræ quæ 500. præcisè contineat? Quod si sphaera capiat 500. cylindrus capiet 750. quod est pondus Attici talenti. Spheræ autem diameter quæ capiat vncias aquæ 62 $\frac{1}{2}$ . est propemodum æqualis diuidio pedi Romano.

C. Item diameter spheræ capientis cantaram vini seu mensurabilem arrobam Hispaniensem, (id est vncias ponderales 512.) est paululum maior Romano pede. Atque adeo diameter spheræ quæ

Sphaera ad cubum proportionis.

Sphaera capiens aquæ vncias 500. & cylindrus capiens 750.

Sphaera capiens unam cantarum m. & eius divisiones.



capiat Hispanum congiolum (qui dicitur açumbre) est etiam tantillo maior quam dimidius pes Romanus. Nam Romani semipedis sphaera penè capit vncias aquæ 62½. Diameter item sphaeræ semiquartarii (qui octo continet vncias aquæ seu vini) satis parum excedit Romanum palmum; palmi enim sphaera capit ferè 7½. Si autè sphaera capit octo; cylindrus capiet 12. quæ est Romana libra. Præterea sphaera vnus vnciæ ex aqua satis parum superat duorum digitorum Romanorum sphaeram. Etenim sphaera duorum digitorum Romanorum drachmas ferè continet 7½. Postremò vnus digiti Romani sphaera capit ferè ½. vnus drachmæ. Et sphaera duorum digitorum, ferè ½. vnus vnciæ. Sphaera etiam quatuor digitorum Romanorum propè continet ½. vnus beslis, siue marci vnciarum octo, & sphaera semipedis, penè ½. vnus açumbre. Sphaera denique vnus pedis continet ferè ½. vnus cantara seu arroba mensurabilis.

Sphaera capiens nouem amphoras Romanas.

D. Ex dictis infertur, ad sphaeram nouem amphorarum Romanarum satis esse si diameter contineat digitos 41½. Si autem pro vnus sphaeræ diametro sumatur cubi latus qui 18. Romanas amphoras capiat; euident est sphaeram ipsam præter nouem illas amphoras Romanas capere plusquam 405. vncias, ex Archimedis demonstratione. Quamobrem licet in Hebraici cubiti sphaera constaret contineri nouem amphoras Romanas; non minùs etiam constaret supra has nouem amphoras, addidisse nostrum Villalpandum plusquam 405. vncias: eo quòd ad Hebraici cubiti mensuram elegerit latus cubi capientis 18. amphoras Romanas. Vnde fit Mare æneum iuxta Villalpandi mensuram capere plusquam 202½. vncias aquæ supra id quod caperet, si vnus cubiti sphaera non caperet plusquam nouem amphoras Romanas.

Maris ænei capacitatem fuisse autè, maiorem in modum.

E. Iuxta illà Archimedis regulam (nempe si cubus capit 21. sphaeram capere ferè 11.) si cubus continet 18000. amphoras Romanas, sphaera continebit amphoras pene 9042½. atque adeo hemisphaerium capiet ferè 40714½. Ex quæ efficitur Villalpandum dum asserit se velle facere hæmisphaerium quod præcisè capiat Romanas amphoras 40500. illud tanto maius effinxisse, vt supra amphoras illas 40500. capiat etiam ferè 214½. & meà quidem sententià totum Mare æneum non amplius capiebat quam Romanas amphoras 208½. (hoc est, vncias 200000.) vt infra ostendam.

Sphaera capiens amphoras quatuor.

F. Ad sphaeram verò quæ quatuor Romanas amphoras capiat non debet pro diametro sumi latus cubi capientis amphoras octo, sed aliquanto minus. Etenim octo amphoræ Romanæ efficiunt aquæ vncias 70680. Si autem cubo capienti 20. respondent in sphaera prope 11. cubo qui capiat 70680. respondebunt similiter in sphaera pene 4022½. Quatuor verò amphoræ tantum continet vncias 3840. Quapropter ex eo quòd Mariana cubito sacro binos in longitudinem Romanos pedes tribuerit; sequitur in vnus cubiti sphaera, vltra quatuor illas amphoras, quas sphaera vnus cubiti tribuere volebat (vt sphaeræ quingentæ quas continet Mare æneum, faciant amphoras Romanas 20000.) superesse vncias pene 182½. Quare in Mariæneo (præter illas bis mille amphoras,) continebuntur ferè vnciæ 91042½ quæ faciunt plusquam 95. amphoras Romanas. Afferro igitur, si sphaera quatuor amphoras capiens conficienda sit, auferendum esse de duobus Romanis pedibus ferè semidigitum Romanum: ita vt super sit paulo plusquam Romani digiti 31½.

Sphaera capiens mille vncias aquæ, & eius paries.

G. Deinde ad faciendam sphaeram quæ mille aquæ vncias capiat, proximum est vt diameter contineat digitos Romanos 20½. Si enim hic numerus cubicetur; & ex eo numero cubico ad alium retrocedatur, vt à numero 56. ad 55. peruenitur ad numerum drachmarum 80000. (qui quæritur;) & super sunt paulo plusquam quinque drachmæ. Si autem hic diameter continens digitos Romanos 20½. in decem æquales partes diuidatur; sphaera vnus decimæ, vnicam capit vnciam: sphaera duarum decimarum capiet vncias octo: sphaera trium, capiet 27. sphaera quatuor decimarum capiet vncias 64. & sphaera quinque decimarum capiet vncias 125.

Sphaera capiens vncias aquæ 400. habet pro diametro pedem Hispanum.

H. Vt fiat sphaera vnciarum aquæ 400. diameter habere debet Romanos digitos penè 14½. quam mensuram ego existimo esse tertiam partem Hispanicæ vlnæ seu virgæ menioræ. Nam iuxta eam proportionem quam Villalpādus inter Hispanicæ vlnæ tertiam, & Romanum pedem assignat (quæ est vt inter 12. & 13.) tertia nostræ menioræ virgæ pars sortitur Romanos digitos 14½. Si autem, vltra id, addatur decima octaua pars vnus digiti Romani (quod est satis exiguum) capiet vncias 400. Sphaera autem cui pro diametro essent Romani digiti 14½. continet vncias ferè 395½. cumque adeo sit exiguum quod deest; ego mihi persuadeo, eum fuisse huius mensuræ scopum vt vncias 400. contineret, quæ ponderabilem arroba efficiunt. Atque hac ratione congruet omnino pes Hispanus cum sphaera vnus arroba ponderabilis ex primo liquore, hoc est, ex aqua. Quòd si planum fecero, diametrum sphaeræ vnciarum aquæ 400. esse minorem cubitum Hebraicum; hoc validè confirmabit, eandem esse nostri pedis mensuram. Constat enim nostrum pedem non fuisse à Gothis in Hispaniam inuectum (cū sit antiquior); nec à Romanis, siquidem ab ipsorum pedis lōgitudine differt. Quare si nostri pedis mensura sub Romani Imperii tempus iam erat inducta (vt curiosi architecti ex antiquis ædificiis obseruarunt) nec ipsi Romani eam primū induxerunt; argumento est, illam esse antiquiorem. Vnde si illi mensuræ responderet qua Hebræi quondam utebantur; verisimile est, quemadmodum etiam nunc retinent Hispani antiquissima pondera, ita similiter mensuram cubiti ab eis retineri quam in Hispaniam intulerunt primi post diluuium conditores: atque adeo eandem ponderibus & mensuris Hispanicis esse originem quam Hebræis.

Pedis Hispani antiquioris.

I. Nec verò primus ipse sum qui putem tredecim nostræ vlnæ tertias continere paulo plusquam duodecim pedes Romanos. Etenim Mariana, quamuis ad eam inclinet sententiam, vt Romanū pedem eundem esse putet cum Porphyretico (qui est nonnihil maior vero pede Romano Farnesiani congii) nihilominus deprehendit tredecim tertias Hispanicas cum duodecim pedibus Porphyreticis adæquari.

Cubus Hispani pedis quantum capiat.

L. Quòd si nostri pedis sphaera capit aquæ vncias 400. cylindrus eiusdem, capiet omnino sexcentas: quæ sunt quinque octauæ partes Romanæ amphoræ, hoc est quinque congii Romani.

M. Ex dictis sequitur, nostri pedis cubum continere aquæ vncias ferè 764. quæ si essent 768. expleant duodecim açumbres. Si tamen aliquis efficiens cubum ex Hispano pede, reperit non tantum

capere:



A capere; suo illum experimento oportet non nimis confidere. In his enim rebus, ut experientia fideri liceat, opus est valde accurate fieri periculum. Nam quantumvis sit minuta contractio, multum de capacitate detrahitur. Et quidem si noster pes eam omnino haberet proportionem ad Romanum, quam ei tribuit Villalpandus, nempe ut 12. ad 13. (quod est habere digitos Romanos  $14\frac{1}{13}$ . cubus ex illo caperet 755. aqua vncias, cui mensura vix ego addo vncias nouem. Itaque cubo nostri pedis ex aqua, ad 12. aumbres defunt iuxta Villalpandum vnciae fere 13. iuxta meam vero mensuram non defunt ei quinque integrae vnciae, sed quatuor & nonnihil amplius.

N. Iam ut sphaera 800. aqua vncias contineat, diameter habere debet ex Hispana tertia (seu pede) palmos fere  $5\frac{1}{2}$ . (illum appello palmum qui quatuor digitis constat, siue quartam pedis partem.) Si autem sphaera quatuor palmorum capit vncias 400. (ut explicatum est supra) euident est in sphaera palmorum  $5\frac{1}{2}$ . contineri duplum & paulo plus, ut vidimus propositione 4. littera E. Porro ad sphaeram vnciarum 800. opus est diametrum non nihilo maiorem esse Romanis digitis  $18\frac{2}{3}$ . Nam sphaera digitorum  $18\frac{2}{3}$  continet drachmas aquae  $6388\frac{2}{3}$ . vnciae vero 800. continent drachmas 6400. Quare assignatae sphaerae deerat fere sesquivncia. Ac 800. vnciae petunt pro diametro sphaerae, radicem cubicam numeri  $6516\frac{1}{4}$ . Numerus autem  $18\frac{2}{3}$ . est radix cubica numeri  $6504\frac{2}{3}$ . Si autem sphaera capiat vncias 800 cylindrus capiet 1200. si vero quarta pars illi in altitudinem addatur, capiet aqua vncias 1500. quod est Hebraici talenti pondus.

O. Sphaera cuius diameter sit pes Graecus, vncias continet fere  $565\frac{1}{2}$ . quia cubus capit 1080. vncias, (ut supra explicatum est propositione 4. & 5.) & sicut 21. ad 11. sic 1080. ad  $565\frac{1}{2}$ . unde sequitur cylindro Graeci pedis contineri vncias fere 850.

P. Sphaera cuius diameter sit digitorum Romanorum  $17\frac{1}{2}$ . capit aqua vncias penes 640. Atque adeo cylindrus eiusdem altitudinis & latitudinis capiet aqua vncias fere 960. quae est Romana amphora. Sunt autem penes idem Romani digiti  $17\frac{1}{2}$ . & Hispani  $18\frac{1}{2}$ . sed praecisus numerus est Hispaniensium digitorum  $18\frac{1}{4}$ .

Q. Sphaerae capacis vnciarum aquae 900. diameter debet esse paulo minor quam digiti Romani  $19\frac{2}{3}$ . Nam si diameter sit  $19\frac{2}{3}$ . sphaera continebit vncias aquae  $905\frac{101}{11200}$ .

R. Sphaera cui pro diametro sint Romani pedes  $3\frac{1}{2}$ . (qui est iuxta Capellum, primarius cubitus Hebraicus) continet Romanas amphoras aquae fere 16. & cylindrus fere 24.

S. Sphaera cui pro diametro sint pedes Romani  $2\frac{1}{2}$ . (qui est pes primarius Hebraicus, iuxta Capellum) continet fere Romanas aquae amphoras  $4\frac{1}{2}$ . cylindrus autem fere  $7\frac{1}{2}$ .

T. Sphaera quae diametrum habet longum pedes Romanos  $1\frac{1}{2}$  (qui est Capello civilis pes Hebraicus) continet aqua vncias 982. Caperet autem mille, si exiguum quid diametro adderetur; nempe si longitudo diametri esset digitorum Romanorum fere  $20\frac{1}{2}$ .

Sphaera capiens aqua vncias 800.

Sphaera pedis Graeci.

Cylindrus capiens amphoram Romanam.

Sphaera vnciarum 900.

Sphaera quaedam maiores.

### Scholion ad sextam propositionem pro Iosepho Scaligero.

D O M N I A quae in hac sexta propositione à nobis dicta sunt, supponunt tres illas Archimedis demonstrationes in libello de dimensione circuli, esse veras & solidas. Alioquin enim ruunt ea quae super eo fundamento aedificantur. Nec me laet Iosephum Scaligerum ausum esse contra eas Archimedis demonstrationes scribere tantam confidentiam, ut appendici ad cyclometrica sua hos in fine addiderit versus,

Fama beatus qui supervixit sua,  
Illisque meruit interesse laudibus,  
Quas vita non dat, funus ac cinis darent.  
Bonis liceret, si liceret per malos,  
Vivis negata gloria, vivis frui.  
Sed si bonorum iudicia de me, mei  
Tardavit aui linor ac malignitas;  
Meam loquentes gloriam nepotibus,  
Iniuriam horum non tacebunt posteris.

Iosephi Scaligeri gloria de Archimede à se impugnatò ridicula est.

E Sed ride, aut potius miserare, lector, haeretici hominis inanem iactantiam; cuius libellus tot scater hallucinationibus & paralogismis, ut vel leuiter mathematicam disciplinam tinctus facile eius ignorantiam animaduertat. Demonstrationes vero Archimedis, quas nos supponimus, nihil opus est ab hoc glorioso milite defendere; cum eas solidissimas esse, euidentissime ostenderit noster Clavius, maximus nostri saeculi Geometra, in sua Geometria practica l. 4. c. 6. ubi eas explicat & illustrat. Quam vero tum in praedictis propositionibus reiiciendis, tum in insectando Archimede, iniquissimus fuerit Scaliger, satis superque constat ex refutatione Cyclometriae, quae ab eodem Clauio edita est Moguntiae anno 1609. quae adiuncta est responsioni ad conuitia & calumnias Iosephi Scaligeri in Kalendarium Gregorianum, ubi in praefatione etiam citat Franciscum Vietam Gallum, & Adrianum Romanum Belgam. Prioris libri titulus est, *Munimen aduersus noua Cyclometrica ex Geometricis Schediasmatibus Francisci Vietae, Parisiis apud Iamettium Mettayer Typographum regium. 1594.* Posterioris autem titulus est huiusmodi, *In Archimedis circuli dimensionem expositio & analysis: apologia pro Archimede ad Iosephum Scaligerum, auctore Adriano Romano, Vuceburgi anno 1597.*



## PROPOSITIO VII.

*Ex proportione Hispani pedis cum aliis vel pedibus vel cubitis vel calamis, cognosci potest proportio quam habent quadrata areae, nec non cubi vel sphaerae quae fiunt ex pede Hispano cum iis quae ex aliis vel pedibus vel cubitis vel calamis conficiuntur.*

B

## EXPLICATIO.

Cubiti Villalpandae ad pedem Hispanum proportio.

Cubiti Mariana ad pedem Hispanum proportio.

Vnde sumptis Mariana mensura cubiti, & vnde Arias Montanus.

Proportio cubiti Villalpandae ad mensuram cubiti maioris à nobis assignatam.

Calami mensura, & proportio.

**A** HEBRAICVS cubitus quē nobis Villalpandus describit, ferè continet Romanos digitos 42. qui ex Hispanicis faciunt 45 $\frac{1}{2}$ . Itaq; nostri pedis proportio cum Hebraico illo cubito est sicut 16. cum plusquam 45. Quadrata autem illius cubiti area est plusquam decupla respectu areae pedis Hispanienlis; & cubiti illius solidum ad solidum ex nostro pede ferè se habet sicut 23. ad 1.

**B.** Quem verò Hebraicum cubitum Mariana designat, is est duorum pedum Romanorum: qui cubitus ad Hispanum pedem eam habet proportionem quam 26. ad 12. Quadrum autem numeri 12. est 144. ac numerus 26. habet quadrum 676. & sicut 144. ad 676. ita 36. ad 169. atque ita etiam 1. ad 4 $\frac{1}{4}$ . & nonnihil amplius. Atque hæc est arearum proportio. Deinde cubus numeri 26. est 17576. quod est plusquam decuplum respectu eius cubi quod fit ex radice cubica numeri 12. Eaquē est solidorum proportio.

**C.** Notandum verò est mensuram hanc quam Hebraico cubito præfinit Mariana, desumptam fuisse ex Glossa ordinaria, aliisque antiquis scriptoribus qui affirmant tres Hebraicos cubitos esse iustam humanæ staturæ mensuram. Cōstat autem sex Romanos pedes esse mensuram staturæ humanæ. Similiter Hebraicus cubitus quem affert Arias Montanus ex Misnaioth, videtur esse tertia pars humanæ staturæ, vel paululum maior. Arias enim singulis cubitis palmos sex; singulis palmis quatuor digitos; singulis digitis, sex hordei grana præscribit, quo videtur Hebraico digito sesquidigitum Romanum tribuere. Quare Hebraico Montani cubito obtingunt Romani digiti 36. hoc est, duo Romani pedes & palmus. Verum non sibi constat Arias (nisi præli mendum esse velimus.) nam vulgari vnus pedis mensuræ duos tantum Hebraicos palmos attribuit (cū ipsi cubito sex palmos deferat.) ex quo deducitur, singulis cubitis tres ab illo pedes assignari. quod perinde erit, ac Hebraico cubito dimidium vulgaris staturæ humanæ tribuere: cui paulo minus adscribit Villalpandus.

**D.** Hebraicus cubitus maior in meâ sententiâ continet Romanos digitos 18 $\frac{1}{2}$ . Dixi Hebraicum cubitum maiorem, ad distinctionem alterius minoris, qui est eadem mensura cum pede Hispano, id est cum tertia nostræ virgæ mensuræ. Hebraicus ergo cubitus maior quem ipse assigno, cum illo quem Villalpandus designat (42. Romanis digitis constantem) eam habet proportionem quam 4. cum 9. Verum est suo cubito non præscribere Villalpandum Romanos digitos 42. integros; sed tantillum minus, eius tamen subtilis minutia nullam in præsentī rationem duco, quia exigua valde est. Si autem meus cubitus cum Villalpandi cubito se habet vt 4. cum 9. quadrum quidem numeri 4. est 16. & quadrum numeri 9. est 81. Quare cubiti Villalpandæ area continet quinque areas eius cubiti quem ipse designo: solida verò se habent sicut 1. cum 11 $\frac{1}{4}$ .

**E.** Præterea, calamus cubitorum sex Hebraicorum ex iis qui à me assignantur, si comparatur cum Villalpandi calamo continente ex illius cubitos 6 $\frac{1}{2}$  habet se ad illum sicut 24. ad 56 $\frac{1}{2}$ . quod est maius discrimen quàm inter 3. & 7. reperitur. At in areis discrimen est, veluti inter 9. & 49 $\frac{1}{2}$ . In solidis autem proportio est qualis datur in 27. ad 343. & nonnihil amplius, quæ est veluti 1. ad 12 $\frac{1}{2}$ . & eo plus.

**F.** Denique calamus Hebraicorum sex cubitorum iuxta meam de cubito sententiam; staturam sex pedum Romanorum superat vno pede: staturam verò sex pedum Hispaniensium plusquam sesquipedem excedit.

E



## P R O P O S I T I O V I I I .

*Nomina quæ Architecti tribuunt illis mensuris quas interualli seu linearum appellant, sumpta sunt ex proportionione quam inter se habent humani corporis mensuræ. Id tamen parum exactè. Naturali enim proportioni congruentius foret, nomen cubiti tribuere sextæ humani corporis parti, iuxta vsum Hippocratis, Aristotelis, Galeni, Medicorum & Anatomistarum, atque ipsius forsan Homeri.*

## E X P L I C A T I O .

**A.** **M**ENSURAS quas interualli appellant, nationes omnes effingunt ac redigunt ad eam quam pro humanæ staturæ mensurâ sèligunt; nec non ad proportionales ipsius partes. Quapropter mirum non est inter pedem (verbigratiâ) Romanum, Græcum & Hispanicum inæqualitatem reperiri. Ex eo enim quod pro staturâ humanæ mensurâ alii hanc, alii illam assument; inde necessariò sequitur, acceptâ pedis mensurâ pro sextâ staturæ parte, Græcum, Romanum atque Hispanicum pedes inter se inæquales esse. Architecti igitur nomen pedis tribuunt sextæ humanæ staturæ parti: nomen verò palmi, quartæ pedis parti: & palmi quartæ nomen digiti: cubitum autem appellant quartam staturæ partem: quod est sèquipedem cubito tribuere. Ita Vitruuius, Hesy chius, Soidas, Pollux, aliique permulti: atque is vsus communiter receptus est. Norunt tamen eruditi isthæc nomina naturali humani corporis proportioni non respondere exactè. Primiò, nam quilibet homò, si debitam habeat altitudinis proportionem, ferè sex pedes & dimidium ex suis altus est: cum tamen nihilominus nomen pedis pro sextâ staturæ parte ponatur. Secundo, quia grandis valdè debet esse pes & angusta satis manus eius, cuius pes quatuor palmos ex suis adæquet: imò nec tres & dimidium & fortasse propius ad iustam proportionem naturalem (in hominibus saltè robusto corpore præditis) pedis longitudo in tres palmos diuideretur. Etenim vt pes possit quatuor palmos complecti, oportet digitorum latitudinem penes extremam sui ipsorum partem qua operiuntur vnguibus, desumi. Quod autem Herodotus scribit l. i. n. 32. vulgarem nempe cubitum à regio tribus digitis superari, fortasse significat excessum esse vnus palmi, quem nos in quatuor digitos diuidimus. Neque enim tenebatur Herodotus ad agendum de digitis ita exilibus cuiusmodi sunt isti qui ab Architectis considerantur. Et facit quod vbi Herodotus agit de corpore Orestis inuèto, videtur cubitum pro mensura septem palmorum accipere l. i. Ergo apud eum tres digiti (crassiores scilicet) æquant vnus palmi mensuram. Tertiò, vt cubito quarta humanæ staturæ pars assignetur, haud dubiè cubiti nomine comprehenditur manus extensa, in qua significatione, si congruens corpori proportio naturalis attentè inspiciatur; apparebit, quatuor cubitos ex iis in quolibet homine bona corporis proportionem prædito, efficere septem eiusdem hominis pedes; vt constabit ei qui aptam corporis proportionem in hominum multis dimetiri volet. Vnde non admodum exactè iuxta naturalem humani corporis proportionem sèquipedi nomen cubiti assignatur. Nec verò prima nominis cubiti significatio fuit ea quæ manum etiam extensam sub cubiti nomine comprehendit. Etenim cubito respondet Græcè πῦχος, cuius nominis primariam significationem Græca dictionaria ponunt eam quam Hippocrates, Galenus & communis medicorum & anatomistarum consuetudo sequuntur; qui omnes cubitum appellant præcipuum brachii os, quod ab ima manu vsque ad brachii curuaturam protenditur. (atque huic ossi adiungitur tanquam comes aliud, quod radiolum appellant,) illud autem animaduertit Galenus in commentariis ad Hippocratis libellum de articulis: & ex illo notauit etiam Gorraeus in definitionibus medicis, & Henricus Stephanus in suo Thesaurò. & addere possent auctoritatem Aristotelis l. i. de historia animalium c. 15. vbi brachium diuidit in lacertum, cubitum & manum: ex quo intelligitur manum non comprehendi ab illo in cubiti appellatione. Præterea hanc eandem cubiti acceptionem dictionaria tribuunt Homero.

*Communi  
uior brachii  
acceptio non  
satis exactè  
resp. ndet  
proportioni  
naturali.*

*Aliter acci-  
piunt cubiti  
nomen H p-  
pocrates,  
Galenus, A-  
ristoteles,  
&c.*

**B.** Quod si proportionem naturalem humano corpori idoneam considerare velimus, certum est, præcipuum illud brachii os quod cubitum antiqui auctores appellant, valde admodum sextæ humanæ staturæ parti exæquari; vt faciliè animaduertere poterit, cui humanam optimæ proportionis staturam plurimorum hominum metiri libeat. Atq; hoc insuper præstat illud os pedi aut manui, quod veluti os insigne & vndique solidum, proportionem magis æqualem in hominum corporibus, quàm aut pes aut manus habeat. Etenim in digitis vtpote in extremis partibus, multo maior longitudinis discrepantia in diuersis hominibus reperitur: quorum aliis breuiiores digiti, aliis productiores sunt, ceteris paribus. At in eo quod os illud sit sextâ staturæ pars, multo maior constantia ac similitudo à naturâ ipsa in corporibus hominum cernitur, si in quolibet eorum comparetur illius ossis longitudo cum totius corporis longitudine.

*Cubitus pro  
osse ab ima  
manu vsq;  
ad curuatur-  
am brachii,  
est sexta  
pars huma-  
næ staturæ.*

**C.** Ex dictis infero, si comprobaretur Hebræos (atque adeo sacram Scripturam & Iosephum) cubitum vocasse sextam staturæ humanæ partem; tunc quidem vsus huiusmodi minime nouum & insolitum fore reputandum; cum constet ab auctoribus grauissimis pariter & antiquissimis manum in nomine cubiti non includi; & eâ exclusâ, congruentius bonæ corporis proportioni naturali esse, si sextæ parti staturæ tribuatur cubiti nomen, quàm si pedis. Iam verò si vsitatis mensuris nomina per analogiam ad humani corporis proportionem attribui res est quæ ab ipso Adamo traxit originem: næ verisimilius est, Adamum (quippe qui sapientissimus erat) sextæ humani corporis parti nomen illius ossis potius quàm pedis accommodasse: siquidem hoc est rectæ proportioni naturali aptius & conuenientius.



## P R O P O S I T I O IX.

*Mensura cubiti in sacra Scriptura & in Iosepho pro sexta parte humane staturæ ponitur, non pro quarta.*

## P R O B A T I O.

**A** **N**ON me latet propositionem hanc multis paradoxâ visum iri: non solum quia Græcorum & Latinorum usus fert, ut sesquipedis mensura nuncupetur cubitus (quam mensuram expressè tribuit cubito Herodotus in Euterpe §. 65. & post eum Vitruvius atque alii multi) sed etiam quia qui de sacra Scripturæ cubito agunt, omnes definiunt, eum esse quartam humanæ staturæ partem. Quare beatus Hieronymus Ezechielis 40. perspicuè tribuit cubito sex palmos, dum de cubito & palmo agit, quorum ibi propheta meminit versu 5. Idemque refert Arias Montanus ex Misnaioth: idemque sequuntur Glossa ordinaria & alii interpretes antiqui & vno ore recentiores omnes.

**B.** Accedit quoddam Villalpandi nostri rationem sacer cubitus necessario videtur esse diameter sphaeræ quatuor batorum ex illis bis mille quos Mare æneum capiebat. Quauis autem batus non esset Romana amphora capaxior, necesse est diametrum sphaeræ amphorarum quatuor Romanarum esse fere æqualem duobus Romanis pedibus, ut vidimus propositione sexta, litera F. Quare si Scripturæ cubitus longior non fuisset quam sexta staturæ pars, sequeretur inde Hebraicam staturam esse fere duodecim pedum Romanorum, quod nimium satis atque adeo incredibile est. Præterquam quod ex verbis tum Cleopatæ, tum etiam interpretis Nicandri liquet, Syram metretam (quæ probato Hebraico solet capi) fuisse æqualem Romanis amphoris 2½. & quamvis Cleopatæ locum emendare velimus cum Villalpando, ac Stanislai opinionem sequi (quæ in Scriptura sacra & in Fannio videtur niti, videlicet, batum capere Romanas amphoras 2½.) ad diametrum tamen sphaeræ quæ quatuor eiusmodi batos contineat, necessarii sunt Romani palmi fere 10½. ut posuimus propositione sexta, litera D. Si autem hæc esset cubiti sacri mensura, & cubitus ipse esset sexta pars staturæ antiquæ; hinc sequeretur, antiquam staturam habuisse penè 63. palmos Romanos, qui conficiunt pedes Romanos 15½. & eo amplius, quod incredibile omnino est.

**C.** Nihilominus censeo cubiti nomen tam apud Scripturam quam apud Iosephum non pro quarta staturæ parte, sed pro sexta accipi: ac proinde Scripturæ cubitum non in sex palmos sed in quatuor parti: eundemque esse sacra Scripturæ & Iosephi usum, quem Hippocratis, Aristotelis & Galeni, quem Homero tribui, quemque à medicis & Anatomistis usurpari vidimus (propositione 8. litera A.) qui omnes cubiti nomine non comprehendunt manum, sed solum os illud præcipuum ab ima manu ad brachii usque curuaturam extensum. In primis igitur aduerte, Latinorum Architectorum atque Græcorum usum minimè conuincere aut persuadere, eundem fuisse usum Hebræorum ac sacra Scripturæ. Quemadmodum ex Latinorum consuetudine, qui passum vnum pro quinque pedibus accipiunt, non rectè probatur Græcos etiam de passu iuxta eandem proportionem agere. Deinde, vidimus iam primariam ac præcipuam Græci nominis πῦξ significationem eam esse quæ designat os illud sextâ humanæ staturæ parte in longitudinem constans. Quamobrem non est cur arbitremur, Septuaginta interpretes in ea acceptione usurpare hoc nomen non potuisse, ipsorumque vestigiis nostrum instituisse Vulgatum. Adhæc Lucas Pœtus in tractatu de mensuris alias cubiti significationes affert, aliam scilicet pro mensura 18. digitorum, aliam pro 20. digitorum mensura: & diuersa alia significata in vno cubiti nomine apud Origenem & Augustinum reperiuntur. Nihil igitur est cur tanquam certum statuatur, cubitum in sacra Scripturâ sex palmis constare; si alioqui rationes & argumenta sint quæ quatuor solum palmis illum comprehendi persuadeant.

**C.** Primò igitur quauis beati Hieronymi auctoritas in suis commentariis magna sit, maior tamè est & firmior eiusdè Hieronymi in Vulgatæ textu auctoritas, ubi certiore diuini spiritus habuit instinctu ne aberraret, & ubi ad certam adhæsit sententiam quâ antiqui interpretes fuerant sequuti. Cernimus autem in Vulgata 3. Reg. 7. 26. pro *topah* (quod est Hebraicum vocabulum significans palmum quatuor digitorum) legi *tres vncias*. Sic enim habet textus, *Grositudo Luteris trium vnciarum erat*. Atqui compertum est tres vncias idem esse quod tres duodecimas (scilicet vnius cubiti) & has idem esse cum quarta parte huius numeri 12. ergo *topah* est quarta pars cubiti, ut scripsit Conradus Kircherus in Græcis concordantiis, verbo *topah*. Quod si respondeat aliquis, tres vncias siue tres duodecimas appellari non respectu cubiti sed respectu pedis: contra hoc est quod contextus agit de Maris ænei mensura quod Scriptura per cubitos metitur: & neque ibi mensuræ alterius est mentio, neque alibi vnquâ Scriptura pedibus sed cubitis mensurat. Quare necesse est, tres vncias siue tres duodecimas de cubiti duodecimis intelligi debere. Si verò alius secundo opponat, licet Hebræorum nomen *topah* frequenter ponatur pro quatuor digitorum palmo; benè tamen posse accipi aliquando pro sesquipalmo, hoc est, pro sex digitis (sic enim intelligit ille palmi nomē Ezech. 40. 5. cum dicitur, calamus esse sex cubitorum & palmo) hæc quoque responsio nequitiam facit satis, tum quia valdè coactum est, nomen *topah* alicubi pro sesquipalmo usurpare: tum etiam quia in Maris saltem ænei dimensione, nec Villalpandus, nec alius quispiam eam sibi mentem induxit. Si autem Villalpandus Ezechielis 40. 5. eò fuit deductus ut non dubitaret palmi nomen pro quarta cubiti parte inibi sumi; illud hinc fuerat illaturus, semper scilicet in sacris Literis palmum *topah* pro quarta parte cubiti desumi. Atque adeo cubitum in Scriptura quatuor in palmos diuidi. Fingere enim Hebraicum nomen *topah* alibi pro

Cubitus  
poni pro  
quarta hu-  
mane statu-  
ra parte est  
valdè rece-  
ptum.

Cubitus in  
sacra Scri-  
ptura poni  
pro quarta  
humane  
staturæ par-  
te non debet  
supponi.

Cubitus esse  
sextam hu-  
mane statu-  
ræ partem,  
multis pro-  
batur argu-  
mentis.

Topah quæ  
mensurat



A

quarta parte, alibi pro sexta capi; id verò quo probabili fundamento affirmari possit, omnino non video.

D. Secundò, Ezechielis calamus erat staturæ humanæ mensura, & in sex cubitos diuidebatur: ergo cubitus non quarta staturæ pars est, sed sexta. Maior propositio comprobatur ex Apocalypsi c. 21. 17. vbi Ioannes per allusionem ad Ezechielis calamum, ait illum fuisse *mensurâ hominis*, id est, staturæ humanæ mensura, vt eo loci vidimus. Minor autem ex Ezechielis verbis patet cap. 41. 8. *ad mensuram calami sex cubitorum spacio*. Sed de hoc plenius infra in huius propositionis corollario primo.

E. Tertio, Ezechielis 41. 6. legimus, *latera autem, latus ad latus bis triginta tria*: vbi Hebræa sonant, *triginta tria Pegamim*. Tamen si vox *Pegamim* poterat significare vices (vt explicat Rabbi Ionathan, triginta tria per vices, hoc est vndecim cubacula in quolibet pavimento; quæ in tribus pavementis conficiunt 33.) Vulgatus tamen de mensurâ pedum intellexit. Et quia in duali legit *Pegamim*, ideo dixit, *bis*. Atque ita accipit noster Villalpandus. Quia ergo Vulgatus Hebraicam vocem in eo sensu accepit; inde infero ipse mensuram cubiti in sacra scriptura non esse aliam à mensurâ pedis. Textus enim tantum dicit, *bis triginta tria*: quæ autem mensuræ præcedunt & quæ subsequuntur, omnes cubitorum sunt. Quamobrem cum nullum aliud substantiuum nomen annexatur verbis illis *triginta tria*, ipsemet textus nos veluti manuducit, vt de 33. cubitis sermonem esse intelligamus. Adde huc, latine dici cubitum in neutro genere. Sin verò de alia mensurâ intelligendum foret, teneri videbatur Vulgatus ad peculiarem illius explicationem, vt lectores de cubitis non acciperent. Præter hæc non ex Vulgatâ modo, sed ex contextu etiam colligitur fieri non posse vt in Scriptura duo cubiti ex tribus pedibus fiant. Cum enim semper sacer scriptor, cubitorum vtatur dimensione, tam in iis quæ antecedunt quàm in his quæ subsequuntur, cumque posset dicere 22. cubitos: quorsum phrasi aliâ diuersâ fuerat vsurus, vt 22. cubitorum dimensionem significaret? Certè cubiti synonymum vsurpare minimè dissimilaneum est. At diuersam accipere mensuram, nulla ratione, fundamento, aut necessitate suadente; id sanè perinde esset, quasi vnâ mensurâ primò dimetiretur quispiam; moxq; illâ temerè ac repentinè abiecta aliam minorem sumeret. quod nulla ratione verisimile est.

B

F. Quarto, vt credamus cubitum in sacra Scripturâ esse sextam humanæ staturæ partem facit quòd Hebraica vox est *amah*, quæ ex alio deriuatur nomine quod significat caput. Constat autem proportionem capitis ad totam hominis staturam esse vnus sextæ partis. Et confirmatur, quia pro voce *amah* Vulgatus substituit pedalis nomen Ieremiæ 51. 13. Ergo in Scriptura non est diuersa mensura cubiti à mensura pedis; sed vtraque est sexta humanæ staturæ pars.

C

G. Quintò, si ex Iosepho constaret, illum nomine cubiti pro sexta staturæ parte vtiziam quæ posset residere dubitatio, quin hæc fuisset Hebraica phrasis & consuetudo, ac proinde à sacris Scripturibus recepta? Apud Iosephum ergo cubitum pro sexta humanæ staturæ parte accipi, meo iudicio euidentius est. Ille enim Græcè scripsit. Atqui dubium non est apud Græcos passum senis pedibus constare, & stadium idem esse quod centum passus, siue centum staturæ humanæ mēsuras, aut (quod idem est) sexcentos pedes. & tamen Iosephus non tribuit stadio 400. cubitos, vt putauit Villalpandus, sed sexcentos. Patet hoc l. 6. de bello c. 6. vbi tres Ierosolymæ muros describit: alle-ritque turres cubitis viginti in latitudinem singulas protendi, & subdit; *Eiusmodi turres nonaginta tertius murus habebat: earum autem interualla cubitos ducentos: medius autem murus in quatuordecim turres, & antiquus in sexaginta diuisi erant. Omne autem ciuitatis in gyro spatium triginta tribus stadiis finiebatur*, hæc ille. Dubitari autem non potest quin murus totam urbem cingens fuerit ille nonaginta turrium; vt constat ex ipsiusmet Villalpandi descriptione. Quapropter necessarium est, verba illa Iosephi, *Omne autem ciuitatis in gyro spatium triginta tribus stadiis finiebatur*, intelligi de muro qui ciuitatem circundabat, vt verba ipsa sonant. Atque hic est murus qui 90. turribus constabat. Hoc ita constituto, ratio ipsa & computatio perspicue ostendit, singulis stadiis sexcentos cubitos obtingere. Nā quælibet turris lata erat 20. cubitos: quodlibet interuallum ducentos: ita vt vnaquæque turris cum suo interuallo 220. cubitos contineret, qui nonagies multiplicati conficiunt 19800. cubitos.

220.

90.

19800.

Hic autem numerus in tria & triginta stadia partitus stadiis singulis sexcentos omnino cubitos distribuit.

0.

010.

19800.

600.

33.

E

Si verò consideretur murus ille nonaginta turrium non totam in gyro ciuitatem complecti, sequeretur murum illum qui vniuersam circuit urbem, esse adhuc longiorem altero, cui nonaginta turres inerant, & qui tribus & triginta stadiis sexcentorum cubitorum constabat; & nihilominus omne ciuitatis in gyro spatium triginta tribus stadiis quadringentorum cubitorum finiri: si vnicuique stadio quadringenti solum cubiti tribuendi sunt, hæc verò manifestam inuoluunt repugnantiam. Porro iste Iosephi locus (quo adeo accuratè metitur Ierosolymæ sibi notissimæ circuitum, & in summâ colligit triginta tria stadia, quod silentio inuoluendum non erat) conuincit, meo iudicio, exaggerata esse ea quæ ab aliis à longè referuntur, videlicet quinquaginta stadia Hecatai Abderita; quadraginta Aristæ; & octoginta aliorum, qui etiam nonaginta muri turribus alias decem addunt, vt murum faciant longiorem. De quibus videre poterit lector Villalpandum l. 2. de vrbe Ierosolymæ c. 21.

H. Sextò, idem Iosephus agens de Gentilium atrio quo templum omni ex parte erat circumdatum, ait quoque libro sexto de bello capite 6. *Omnis gyrus earum porticum sex mensurâ stadiorum cum Antonia concludebatur*. Constat autem turrim Antoniam fuisse ad porticus angulum, gyrumque illâ non parum excrefcere. Sin autem quodlibet stadium quadringētos tantū cubitos haberet; sola porticus

Locus Eze-  
chielis 41.  
6. explica-  
tus.

Locus Iere-  
miæ 51. 13.  
expensus.

Totius Iero-  
solymæ gy-  
rus quatuor-  
decim stadia.



absque Antonia plus sex stadiis constarent. Nam quodlibet porticum latus, (vt videre est apud Villalpandum) patet in longitudinem calamos 110. qui per totum gyrum conficiunt calamos 440. & quamuis vnique calamo sex tantum cubitos tribuamus, summa cubitorum erit 2640. in qua computatione, si stadiis singulis 400. cubiti dentur, habemus stadia 63. Moxque Antonia turris addat necesse est in gyro plusquam stadium. Etenim quanquam turris siue Castellum nominatur; non tamen simplex erat turris, sed arx potius amplissima, cui quatuor erant insignes in angulis turres, ingentia praterea atria atque conclauia, & (prater pontificis palatium) aptum prebebat domicilium quingentis militibus qui ad arcis praesidium inibi perpetuo debebant. De quo vide Villalpandum to. 3. f. 95. & 96. ex Iosepho, Egesippo, & Aristæa. Ex his ergo manifeste constat, cubitum apud Iosephum non quartam staturæ partem esse, sed sextam.

I. Septimo, quâ ratione probatur luteri illos quibus abluebantur carnes, fuisse cylindros, quatuor cubitis latos & totidem altos (de quo infra propositione 12.) eadem probatur validissime, cubitum in sacris Literis sextam esse staturæ partem, non quartam. Nam (vt infra constabit) ex eo principio inferitur, cylindrum vnus cubiti non plus capere quam quinque vnus bati octauas partes: atque adeo Hebraicum cubitem non posse esse ita magnum, vt ad quartam humanæ staturæ partem sufficiat. Alioqui Hebraica statura pumilionum potius erit, & Hispaniensi multo minor. Tamen si vero hic non satis perspicui possit, quanta sit huius argumenti vis, constabit tamen postea eam esse fortissimam. Etenim si batus est Romanæ amphoræ æqualis, Hebraicus cubitus minor non potest longior esse pede Hispanico. & quamuis batus duabus amphoris & semis æqualem fuisse fingamus, cubitus tamen maior Hebraicus longior esse non potest Romanis digitis 20.

L. Reliquum est vt respondeamus iis quæ initio obiecta sunt nobis. Ad primum, respondeo, mihi quidem constare illius opinionis esse sanctum Hieronymum in suis commentariis. Sed quid mirum, si sanctissimus doctor hanc quæstionem non nimis ad libellam expenderit, & communi Latinorum consuetudine se ferri sit passus? Aliorum, qui adduntur doctores, non eam habeo rationem quam Hieronymi: illius enim vestigia absque peculiari alia obseruatione sectati sunt. Iam verò quod Arias Montanus affert ex Misnaioth, ad hoc respondeo, librum illum, vnde transcripsit Arias, in hac re nullius esse auctoritatis. Quippe si batus manifeste repugnat, dum cubito sex palmos, pedi duos tantum assignat, quod est cubitis singulis ternos pedes adscribere. Si ergo Hebraicam traditionem indagare velimus, locupletior sanè auctor est Iosephus: nam Misnaioth ab insciis & ignaris Hebraeis ac minus antiquis conscriptus fuit. Quid autem mirum, illos prateruolasse, Hebraicum cubitum esse sextam humanæ staturæ partem; (eorumque vestigiis Latinos ferè instituisse) illudque insuper nugatorium planè addidisse, nimirum vnus pedis mensuram duobus constare palmis? His accedit quod iis quæ & Hieronymus docet, & Hebraica traditio ex Misnaioth (nempe batus fuisse Romanæ amphoræ æqualem) euertitur Hebraici cubiti magnitudo, vt inferius constabit.

M. Ad secundum argumentum initio positum, ita statuo; si certum esset Hebraici cubiti sphaerâ quatuor batos ex maioribus contineri, ipse planè manus darem. Ceterum quàm illud sit incertum, infra fiet manifestum.

## COROLLARIUM I. PROPOSIT. IX.

*Ezechielis calamus non continet sex cubitos & palmum, sed tantum sex cubitos ex maioribus.*

A. VNVM ex iis quibus nitimur fundamentis, vt pro certo habeamus, cubitum in Scriptura poni pro sexta humanæ staturæ parte, illud est, Ezechielis calamus in sex præcisè cubitos diuidi, Ioannemque vsurpato Ezechielis calamo affirmare, (Apoc. 21. 17.) illum esse mensuram hominis, id est, staturæ humanæ antiquam mensuram. His opponet quispiam, non videri Ioannem de calamo Ezechielis loqui: quod enim ei nomen tribuit non est nisi mensura arundinea, vt patet c. 21. 15. Nihilominus dubium non est, quin ad Ezechielis calamus Ioannes respectum habuerit; cum alius non sit in sacris Literis ad quem alludere potuerit. Ad hæc, vbi nos legimus mensuram arundineâ, græcè est eadem vox *calamus* quæ apud Ezechielem legitur. eademque vtitur Apocalypsis c. 11. Atque ad mysterii significationem cui calamus in Apocalypsi deseruit, nihil congruentius quàm vt sit iusta antiquæ staturæ mensura, vt suo loco expendimus.

B. Praterea, valde est rationi consona & veluti naturalis consuetudo, vt mensuræ integræ quibus pleræque vtuntur nationes, ex staturæ humanæ magnitudine in sex partes diuisa petantur, quæ sint veluti sex calamorum internodia. Cui consuetudini peculiaris etiam Hispaniæ vsus consentit, vbi, ad intervalla mensuranda, dimidiâ staturæ humanæ mensurâ vtuntur, quam mensuram virgam nuncupamus. Qua in re simul præstituitur, integram staturam duplici virgâ eiusmodi mensurâ constare. Atque vt ad minores res dimetiendas idoneum est dimidium staturæ; ita ad grandiorum rerum dimensiones, vt ædificiorum, nihil commodius quàm calamus integer & metientis staturam adæquas. Nam si mensura esset multo longior, nequiquam esset ad mensurandum apta. Ex quo etiam confirmatur, Ezechielis ac Ioannis calamus esse iustam humanæ staturæ mensuram, & cubitos esse sextas illius partes. Nam calamus nouem pedes longus nequaquam idoneus est vt aliquis possit eo ædificiū commodè dimetiri. Cur verò qui Ezechielis metitur ædificium, & angelus Ioanni visus, staturæ esse antiquæ (id est maioris) sacræ visione effectum sit, id in Apocalypseos cōmentario explicatū manet.

Ioannem  
Apoc. 21.  
17. ad cala-  
mum Eze-  
chielis re-  
spectasse, ac  
declarasse  
illum esse  
mensuram  
staturæ hu-  
manæ.  
Calamus  
sacer in sex  
partes a-  
quales diui-  
ditur.  
Mensura  
intervallorū  
desumuntur  
ex humana  
staturæ me-  
surâ.



A C. Iam si Ezechielis calamus iustam esse antiquæ staturæ mensuram statuamus; apparet illico quàm congruenter diuisio in sex æquales partes fiat. Id quod tam Græci quàm Romani ut aptum atque conueniens imitati fuere: tum propter senarii perfectionem, (qui suis omnibus partibus aliquotis simul sumptis componitur) tum etiam quia cum sit humanæ staturæ diuisio; oportuit caput, præcipuam corporis partem attendi. Capitis autem dimensio, si congruenti proportionem, magnitudini totius corporis respondeat, sextam continet totius staturæ partem. Si respiciatur insuper Hebraici nominis etymon, quod cubitum significat, verisimile satis fit, pro eo quod nunc sex cubitos sonat, voluisse antiquos sex capita significare. Postea tamen illud ipsum nomen ei ossi fuit inditum quod Hippocrates etiam, Aristoteles & Galenus cubitum vocant. Cui idcirco nomen capitis fuit impositum in Hebraico idiomate, quia eiusdem est cum capite longitudinis. Quia verò cum calamus mensurarius non est ad manum, nihil promptius quàm pedibus intervalla metiri; & pedis quoque calceati eadem ferè est longitudo quæ capiti & quæ ossi præcipuo brachii, ideo obtinuit etiam ut sex-ta humanæ staturæ pars pedis haberet nomen.

Amah nomen quod analogia significet caput & cubitum.

B D. Ut autem credamus humani corporis staturam ab Hebræis in sex diuisam fuisse partes, præter ea quæ hæcenus diximus, illud etiam non parum iuuat, nimirum diuisionem in sex partes valde esse in Hebraicis mensuris frequenti vsu receptam. Sic batus in sex hines partitur; satum in sex cabines; cylindrus vnus cubiti in sex batos minores, & multa eiusmodi. Quam etiam diuisionis rationem Græci atque Romani complexi sunt; qui congium & chus in sextarios diuiserunt: & Græci cotylam in sex cyathos, drachmam in sex obolos sunt partiti, ut de aliis interim taceam. His accedit quod calamo responderi in Hebræo *cana*, ex qua voce deriuatum videtur, ut apud aliquas gentes staturæ humanæ mensura vocetur *cana*, ut in Aragonia & aliis prouinciis.

Mensuræ diuisiones in sex partes, ex Hebræis consuetudine derivata.

E. Quod si opponat nobis aliquis, diuisiones supradictas mensuræ maioris in sex minores inde ad Græcos & Latinos deriuari potuisse, quod Hebræi in sex pedes humanam staturam partirent: ad hoc respondeo, si pes & cubitus pro eadem accipiantur mensuræ; id sane, nec aliud à me contendere. Sin dicatur in lingua sancta nomen significans pedem pro duabus tertiis partibus accipi illius mensuræ quæ vocatur Hebræice *amah*, id est, cubitus; ad hoc aio, mensuram pedis quæ duas cubiti sacri tertias contineat, nusquam in totâ Scripturâ reperiri.

C F. Restat duabus satisfacere obiectionibus quæ aduersus hoc corollarium possunt opponi. Prima est huiusmodi: Ezechiel cum suum calamus primò describit c. 40. §. ait, *In manu viri calamus mensura sex cubitorum & palmo*. Contendit autem Villalpandus palmum illum sex cubitis adiungendum fore, ita ut calamus contineat cubitos 6½. Respondeo tamen, ex eadem phrasi quam vsurpat Vulgatus (*sex cubitorum & palmo*) aperte colligi, palmum non esse quid diuersum sex cubitis additum. Ad hæc enim significationem dixisse oportebat, *sex cubitorum & palmi*. Quare cum hic non possit esse verus sensus; nihil congruentius quàm ut sic interpretemur, *sex cubitorum & palmo*, id est, sex cubitorum non quorumcunque sed eorum qui vulgarem cubitum superant vno palmo. Notum enim est maiores cubitos sacre Scripturæ, vulgaribus esse vno palmo maiores, ut perspicue testatur Ezechiel propheta cap. 43. 13. & quamuis phrasis illa, *sex cubitorum & palmo*, sit aliquanto obscurior & restrictior; ceterum Hebræa ad verbum sonant, *sex cubitorum in cubito & palmo*, phrasi valde diuersa ab ea qua Goliath Gethi statura dicitur fuisse, *sex cubitorum & palmi*, 1. Reg. 17. 4. Diuiditur ergo calamus in sex palmi cubitos. Nec parum nostram hanc explicationem confirmat quod alibi absolute sex tantum cubiti calamo tribuatur. Lege Ezechielis 41. 8. *Ad mensuram calami sex cubitorum spatio*. Etenim cum capite 43. esset explicaturus Ezechiel se agere de cubitis maioribus, non opus fuit in capite 41. nomen palmi adiungere. Imo verò conueniens fuit ut utramque loquutionem assumeret, alteram in vno loco & alteram in alio; ut inde non obscure eliceretur, palmum quem c. 43. addidit, non esse additum sex cubitorum longitudini, sed in ipsis cubitis utpote maioribus inclusum. His adde ad Villalpandi declarationem fulciendam necesse esse ut palmi nomen æquiuoce pro lesquipalmi mensurâ sumatur: quod, ut supra expendimus, violentum est.

Locus Ezechielis cap. 40. §. sex cubitorum & palmo, innotat.

D G. Secunda obiectio est, quia calamus ille cum sit inductus ad dimetiendum ædificium illud Ezechielis monstratum, oportet ut sit veluti totius ædificii modulus, hoc est, ut ex eius multiplicatione confurgat totius ædificii mensura. Si autem calamus sex cubitorum & quadrantis esse dicamus, mirifice huic numero congruet ædificium. Nam si duplicetur calamus efficit 12½. si quadruplicetur 25. quæ est quarta pars numeri centesimi. hæc verò est atriorum mensura, & quinta pars quingentorum cubitorum, quæ est longitudo & latitudo totius ædificii. Respondeo, quamuis modulus sex cubitorum & quadrantis esset aptus ad partem aliquotam centum cubitorum; ad alias tamen mensuras non recte aptatur; cuiusmodi est templi longitudo sexaginta cubitorum; cui tamen recte conuenit calamus sex cubitorum. Cum autem calamus suas diuisiones & veluti internodia peculiaribus notis discriminet, nihil interest totius calami multiplicationem ad vniuersum ædificium non accommodari perfecte. Quemadmodum in Hispaniâ & virgâ trium pedum, & calamo sex pedum solemus uti ad metienda ædificia, & quamuis ædificium centum pedibus sit latum aut altum, nemini venit in mentem diuersæ alterius mensuræ, quæ aliquota sit totius ædificii pars. Satis enim est pedem esse partem aliquotam, eumque in virgâ seu calamo peculiari esse notâ distinctum.

Nihil opus est, calami esse totius ædificii modulum.

E Præter hæc Ezechielis calamus non ad fabricam construendam, sed ad dimetiendam eam quæ iâ constructa videbatur, fuit propheta ostensus. Et quamuis architecti interdum ad ædificandū, suos peculiare modulos structuræ ipsi congruentes efficiant; at verò ad constructum iam ædificiū mensurandum nemo vnquam vsus fuit alia mensura ab iis quæ in suâ republicâ receptæ sunt. omnesque receptæ mensuræ in vniuersum reducuntur ad humanæ staturæ mensuram. Atq; illa quidem humani corporis mensura, quæ staturam quodammodo gigantæam referat ad præcipuam Spiritus sancti mentem in visione illa, satis est plena mysterii, ut vidimus Apocalypscos c. 11. 1. Verum mensura sex cubitorum & quartæ alterius cubiti partis, esto ad architecturam commoda, ad mysterium certe inutilis erat, atque adeo indigna sacre Scripturæ grauitate.



Vigintiquin-  
que millia  
calamorum  
quot millia-  
ria faciant.

Denique ex dictis in hoc corollario colliges valde distare à vero mensuram eam quam calamo tribuit Strabus Ezechielis 48. vbi viginti quinque millia calamorum ait esse milliaria 61. & passus insuper 667. ac proinde calamum æquat passibus  $2\frac{1}{2}$ . Verius diceret viginti quinque millia calamorum esse milliaria  $31\frac{1}{2}$ . quia calamus est humanæ staturæ mensura: centumque calami stadium complent: ac proinde cum milliare vnum constet octo stadiis; vigintiquinque millia calamorum stadia sunt 250. siue milliaria  $31\frac{1}{2}$ .

## COROLLARIUM II. PROPOSIT. IX.

*Hebraici cubiti quos ponit Capellus, non rectè consentiunt cum eo quòd cubitus sit Hebraici calami siue staturæ pars sexta.*

### EXPLICATIO.

**P**ERSVADET sibi Capellus, Israelitico populo duas fuisse mensuras; alterā staturæ antiquæ, qui est primarius pes; cuius proportionē cum pede Romano illam esse ait, quam habent 25. cum 12. Alteram fuisse dicit pedem vulgarem, eiusque proportionem cum Romano pede esse veluti 15. cū 12. Deinde Hebraicum cubitum, siue primarium siue secundarium bifariam accipi tradit: primò pro sesquipede, atque id esse πηχυς: & iuxta hanc acceptionem habere se primarium cubitum ad pedem Romanum sicut  $37\frac{1}{2}$ . cum 12. quod est patere in longitudinem tres Romanos pedes & duos insuper digitos: qui omnes complent 50. digitos Romanos. Cubitus autem civilis Hebraicus ad pedem Romanum erit sicut  $22\frac{1}{2}$ . ad 12. Altero modo vsurpari dicit Hebraicum cubicum non pro sesquipede, sed pro pede & quartā alterius parte (quæ mensura à Græcis appellatur *pigon*) & viginti digitis nō amplius constare: atque hac ratione Hebraicum cubitum primarium se habere cum Romano pede sicut  $31\frac{1}{2}$ . cum 12. Civilem autem cubitum Hebraicum eius esse proportionis cum pede Romano quæ inter  $18\frac{1}{2}$ . reperitur cum 12. Sic Capellus.

Ceterum omnia isthæc falsitatis manifestæ redarguuntur, si certum sit, cubitum Hebraicā phrasi, pro sextā humanæ staturæ parte sumi, vt propositione nonā probatum est. Capellus enim supponit Hebraicum cubitum dupliciter vsurpari: primò pro pede & semis; deinde pro pede & quarta alterius parte. Si verò Hebraica phrasis non patitur cubitum in alia acceptione desumi, nisi pro eā mensurā quam alii pedem appellant (id est, pro sextā staturæ parte) tunc sanè tota Capelli structura penitus corrui.

B. Præterea in prologo de mensuris interuallorum num. 9. affirmat Capellus, humanam staturam, Adami & Noei temporibus fuisse duplo maiorem eā quæ sub Moyse tempus hominibus erat. hoc autem minimè cohæret cum eo quod civilis pedi Hebraico tribuat  $\frac{1}{12}$ . Romani pedis; & primario pedi  $\frac{2}{3}$ . Nam 25. non est duplum respectu 15.

C. Salomonici templi cubiti iuxta Capellum alii sunt primarii, alii civiles. Primarii vt viginti illi quos habet sancti sanctorum quadrum. Si autem primarii sunt, singulorum mensura est sesquipedis, & primarius quidem pes Hebraicus se habet ad Romanum pedem, vt  $37\frac{1}{2}$ . ad 12. vnde sancti sanctorum longitudo & latitudo habebit Romanos pedes  $62\frac{1}{2}$ . qui ex Hispanicis efficiunt 67. Altare item holocausti viginti etiam cubitis patet in quadrum; quamvis Ariel (quæ est superior altaris pars) duodecim tantum habeat apud Ezechielem; qui iuxta Capellum, Romanos continent pedes  $37\frac{1}{2}$ . & totidem habebit etiam Ariel in altitudinem.

## PROPOSITIO X.

*Duo Hebraici cubiti maior & minor hanc inter se habent proportionem, vt maior cum minori comparatus sit duplus in potentiâ solidâ.*

### EXPLICATIO ATQVE PROBATIO.

**V**OLO dicere, eum cubum qui habeat pro latere cubitum Hebraicum maiorem, esse duplū eo cuius latus sit cubitus Hebraicus minor. eademq; ratione quæ sphaera maiorem cubitum pro diametro habet, est dupla respectu illius sphaeræ cui minor cubitus pro diametro est.

B. Notandum verò est, Ezechielis 43. 13. disertè explicari vulgarem cubitū vno palmo superari à cubito magno, qui appellatur cubitus primæ mensuræ 2. Paralip. 3. 3. Verum cum cubitum alii pro quartā humanæ staturæ parte, alii pro sextā accipiant; suspicabitur forsā aliquis, ex duobus illis cubitis, quorum meminit Ezechiel, maximum esse quartam staturæ partem, minimum verò sextam. Sed non ita se res habet. Primò, quia maioris excessus est vnius palmi, qui quatuor digitis constat, vt patet ex Hebraica voce *etpah*; at excessus quo pars staturæ quarta sextam superat, est duorum palmorum. Deinde, quia maiorem cubitum probauimus fuisse sextam staturæ maximæ partem in Hebræorum consideratione. Quare certum est, vt duplex erat apud illos cubitorum mensura, minoris alia, alia maioris; ita etiam duplicem fuisse staturæ humanæ mensuram: maiorem scilicet atque minorem. vnde quæadmodum cubitus maior, maioris calami sexta pars erat; ita similiter minor cubitus sexta itidem erat minoris calami.

C. Excessum maioris cubiti respectu minoris explicat Ezechiel fuisse palmum vnum. Aliqui autem intelligunt hoc de cubiti maioris palmo. Cum verò ipsi vt certū statuunt cubitū sex in palmos

secari:

Aberat Capellus in mensuris cubitorum Hebraicorum.



A fecari: consequenter affirmant minorem cubitum quinque palmorum fuisse. At ego in primis assero, cum vterque cubitus tam maior quam minor, sint sexta humanæ staturæ pars, cubitum vtrumque in quatuor diuidi palmos: ceterum palmos cubiti maioris aliquanto esse palmis minoris cubiti longiores: sicuti Græci pedis palmi nonnihil sunt longiores palmis Romani pedis; atque ii pedis Hispanici palmis maiores. Etenim in communi tam Græcorum quam Latinorum acceptione, palmus est quarta pedis pars: eodemque modo in Hebraicâ phrasi *topah* quartam cubiti partem designat.

D. Secundo assero, excessum maioris cubiti ad minorem esse minoris cubiti palmum. Etenim si palmus idem est quod quarta pars: minorem cubitum vno palmo superari à maiori, perinde est ac in quarta parte ab ipso superari: cuiusmodi loquutio de quarta minoris parte ferè solet intelligi ita ut duo Hebraici cubiti habeant inter se eandem proportionem quam habent 5. & 4.

B E. Pro cuius rei cōfirmatione vide 3. Regum 7. 10. vbi textus agens de marmoribus pretiosis quæ collocata fuerant in fundamentis illius domus quam filia Pharaonis extruxit Salomon, sic ait; *Fundamenta de lapidibus magnis decem siue octo cubitorum.* Non est autem verosimile scriptorem sacrum quasi dubium & incertum dixisse, *decem siue octo cubitorum*; sed cum præcitione posuisse hæc verba, quasi diceret, *decem cubitorum ex communibus, aut* (quod idem est) *cubitorum octo ex antiquis.* Ex quo inferitur palmum illum quo cubitus minor à maiori exceditur, esse quartam minoris cubiti partem. Atque adeo minorem cubitum partem esse sextam vulgaris staturæ: siquidem singulis cubitis, quatuor sunt palmi tantum.

F. His ita constitutis, obseruandum est, cum duorum cubitorum Hebraicorum proportio sit, sicut 5. ad 4. maiori deesse tantillum, ut eorum solida se habeant sicut duplum & subduplum. Nam solidorum proportio eadem est quam habent inter se numeri cubici. Atqui cubus quaternarius est numerus 64. quaternarius verò 125. Duplum autem numeri 64. erat 128. Quare cum adeo paruum discrimen sit, si tantillum maiori cubito addatur, erit in potentia solidâ duplus. Nam cubus numeri  $5\frac{1}{4}$  est tantillo maior quam 128. Proximū ergo est ut maiori cubito tribuamus minoris palmos ferè  $5\frac{1}{4}$  ut sit in potentia solidâ duplus. Nam radix cubica numeri 128. est numerus (ut appellant) surdus, qui excedit numerum  $5\frac{1}{4}$ . nec accedit ad  $5\frac{1}{4}$ . Quamobrem cum ita sit minutum quod additur palmo, adhuc manet illi palui nomen, tum in Scripturæ phrasi, tum etiam in communi loquendi ratione. Etenim exigua illam particulam singulatim velle exprimere, id verò ad solos Mathematicos spectat.

C G. Cum igitur differentia inter 5. ac minus quam  $5\frac{1}{4}$ . sit ita exigua: cumque ex Scripturâ constet, minorem cubitum vno palmo superari à maiori: cum etiam tantilla additio à palmi nomine non respiciatur; mihi pro comperto est eandem proportionem esse inter maiorem cubitum & minorem, quæ inter radices cubicas dupli & subdupli reperitur: quæ eadem ferè est quam habet  $5\frac{1}{4}$ . ad 4. Fundamentum autem quo innitor illud est: quia vterque cubitus erat Reipublicæ illius sane quam politica proprius: & nationes quidem ita politica & urbana magnoperè contendunt congruentiam sui pedis aut cubiti & eius partium, cum liquidorum & aridorum mensuris (ut supra vidimus in pede Romano & in Græco: inter Hebræos autè certū est mensuras fuisse duplas & subduplas, ut fatetur Epiphanius, in nomine hin (fuisse scilicet hin nouem sextariorum, & alterū duplo maiore) & apud Romanos amphora capiebat duplū vnæ & medimnus duplū amphorei. Quapropter cū apud Hebræos duplex esset cubitorum mensura, & maior minorem quartā minoris parte excederet; ratio ipsa erat valde esse rationi consonū, ut quā habebat congruentia minor cubitus cū subduplis mensuris, eandē cum duplis maiorem cubitum habuisse credamus. Atque ut appareat quā sit huius sententiæ probabilitas, fingamus, sicut Romani habuerunt pedem qui erat cubicum latus quadrantalis, ita & pedem alterum habuisse, de quo nihil aliud nobis innotesceret, quam quod communem pedem Romanum vno excedebat palmo: ac de ea quidem re nobis constare ex grauissimi cuiusdam scriptoris auctoritate, quem sciremus non agere Mathematicum, sed ad communem loquendi rationem se accommodare. Tunc (inquam) si aduerteretur minorem pedem Romanum esse latus cubicum quadrantalis; & Romanum medimnum esse duplum respectu quadrantalis siue amphore; quisnam prudens & cordatus homo dubitaret maiorem pedem Romanum esse duplum latus medimni? Ad hoc enim nihil aliud opus erat, nisi ut cum Romano pede eam haberet proportionem, quam habet  $5\frac{1}{4}$ . (& aliquanto etiam minus) cum 4. Quare si constaret fuisse apud illos pedem, qui vno palmo minorem pedem superabat; in dubium vocari non poterat, quin non solum palmo excederet, sed ferè palmo vno &  $\frac{1}{4}$  hoc enim palmi nomine comprehendi potest. Deinde ex eo quod medimnus esset quadrantalis duplū, & quod capacitatis mensuræ cū mensuris longitudinis congruentē & omnino exactā haberent correspondentiā; planū fiebat, quæadmodum Romanus pes communis erat cubicum latus quadrantalis, ita etiam maiorem pedē esse cubicū latus medimni. quæ est nostra faneca. est enim hæc mensura à Romanis accepta; & hodie etiam eandē ferè figuram cubicam adhuc retinet.

E H. Quam verò exiguum sit id quo numerus iste  $5\frac{1}{4}$ . est maior quam opus erat, ut sit duplus in potentia solidâ respectu quaternarii; id hac ratione expendi potest. Sicut 4. ad  $5\frac{1}{4}$ . sic 50. ad 63. cubus autem numeri 50. est 124000. & cubus numeri 63. est 250047. vbi solum abundat 47. ad rationem dupli. Numerus autem 47. minor est quam vna ex 50320. partibus numeri 250047. & per consequens si fiant duo cubi, vnus palmorum quatuor, & alter palmorum  $5\frac{1}{4}$ . & maior pendeat vncias 50320. non erit vnâ integrâ vnciâ maior quam opus erat ut esset duplus respectu minoris. Quod si discrimen in cubo est aded exiguum; quanto erit in radicibus minor differentia?

I. Existimabit forsitan aliquis propositionem hanc decimam, à nobis eo modo explicatam fauere aliquorum opinioni, qui putant pondera & mensuras sacras fuisse duplo maiora iis mensuris ac ponderibus quibus Hebræi vulgò utebantur. Hæc tamen opinio mihi non incerta solum est, sed etiam planè falsa, ut infra explicabo. Ad decimæ autem propositionis veritatem non opus est considerare, mensuras sacras respectu vulgarium fuisse duplas. Nam etsi Romanis alia esset maioris pedis mensura, quæ foret cubicum latus medimni; non inde inferretur, medimnum esse sacram

Locus 2.  
Reg. 7. 10.  
decem siue  
octo cubito-  
rum aut  
cubito-  
rum octo ex  
antiquis.



mensuram, quadrantal verò prophanam; nec erat necesse mensuras duplas & subduplas eiusdem esse nominis. Quantumvis enim diuersa fortiantur nomina (vt sunt amphoræ & medimni) adhuc tamen cubicum latus medimni considerari potuit vt duplum in potentiâ solidâ lateri quadrantal. Quapropter vterque ille cubitus permagno erant Reipublicæ Hebræorum emolumento, quamuis duplæ mensuræ diuersum à subduplis nomen haberent. Nec inficior in aliquot mensuris reperiri nomen idè attributum duplæ & subduplæ: sed non ideo dupla erat sacra, & subdupla vulgaris. certius enim est mensuram subduplam reputatam fuisse vt sacram, quam e contrario, vt infra videbimus.

L. Porro ex duobus cubitis Hebraicis certum est, maiorem fuisse magis antiquum. Appellatur enim mensura prima 2. Paral. 3. 3. vnde fit verisimile maiorem cubitum habuisse congruentiam seu proportionem cum bato & Ephî, quæ sunt veluti metreta Hebraica & medimnus Hebraicus. Nō tamen opus est eam congruentiam reperiri in figurâ cubicâ. Nam Hebraicæ mensuræ non erant cubicæ. Atque ita satis erit proportionem in aliquo regulari cylindro reperiri, vt dicetur inferius. Præcipuæ enim capacitatis mensuræ erant lebetes siue cylindri.

## PROPOSITIO XI.

*Mensuras & pondera sacra apud Hebræos fuisse dupla, respectu  
vulgarium, non est verisimile.*

## EXPLICATIO ET PROBATIO.

A. **R**ABBI Salomon sibi persuasit pondera & mensuras tam sacras quàm prophanas eadem Hebraicè nomina habere (vt siclum, talentum, batum, hin, &c.) in sacris tamen ponderibus & mensuris reperiri duplam proportionem respectu vulgarium. Salomonem sequuntur Georgius Agricola, Couarruias, Carolus Molinaus, Lipomanus in Exodum, Marianus Victorius, Abulensis, Stanislaus, Pagninus in suo thesauro, verbo Mina, Mercerus verbo Siclus & verbo Talentum, citatq; Rabinum Kimhi: idem sequuntur noster Delrius Genes. 23. 14. Capellus de ponderibus & mensuris §. 67. & 68. Vuaferus de nummis, & alii. Eandemq; opinionem refert Mariana non semel in suo libro de ponderibus & mensuris; neque ei valde videtur displicere, vt in talento, mina, & siclo.

B. Huius opinionis fundamenta sunt; in primis, quia hac ratione conciliantur varii sacre Scripturæ loci ac diuersæ translationes, necnon multa ex Iosepho testimonia. Ex his est illud 2. Reg. 14. 26. vbi de cæsarie Absalomi quam Vulgatus ait appendisse 200. siclos pondere regio seu publico, Septuaginta autem interpretes ponunt siclos centum. Sic ait Mariana, verum correctâ 70. interpretû editio ducetos siclos habet, quemadmodum & Vulgata, nec in notationibus fit alterius lectionis mentio. *Secundò*, 1. 1. Mach. c. 10. 42. Demetrius ait se remittere Iudæis quinque siclorum millia. Iosephus autem 1. 13. c. 5. pro quinque millibus scribit decem millia. *Tertiò*, Septuaginta siclum nominant didrachmum, & cum eis Epiphanius & Theodoretus. Constat autem ex Philone & Iosepho sanctuarii siclum quatuor fuisse drachmarum. Atque ita fateatur Epiphanius necesse est. Ait enim Hebraicum talentum esse librarum 125. & ex sacris Literis perspicue elicitur talentum continere tria siclorum millia. *Quartò*, liquet etiam fuisse quondam siclos drachmarum quatuor: nec credibile videtur de siclis eiusmodi esse sermonem 1. Reg. 17. 6. cum dicitur thorax gigantis Goliath appendisse quinquies mille siclos. Si enim penderet bis mille & quingentas vncias (quæ plusquam sex arrobas ponderabiles efficiunt) impossibile esset hominem aliquem quantumvis robustum tanto pondere grauatum in prælium procedere. *Quintò*, communem batum affirmat Iosephus habuisse 72. sextarios: quod si sextariis singulis tribuamus cum Galeno vncias 163. habebit communis batus vncias aquæ 1200. Manifestum est autem fuisse olim batum capacem vnciarum 2400. Nam & Cleopatra & Nicandri interpretes asseuerant metretam Syram capere Italicos sextarios 120. qui sunt 2400. vnciæ aquæ vel vini. *Sextò*, Ezechiel tribuit minæ siclos 60. qui conficiunt vncias 30. vt bene ibi Hieronymus; & Iosephus 1. 4. c. 13. expresse idem ei pondus vnciarum 30. assignat. *Mina* (ait) apud nos duæ & semis libræ æstimauntur. Quodd verò etiam minæ nomen significet 15. vnciarum pondus, patet ex eodem Iosepho lib. 3. cap. 3. vbi affirmat candelabrum pendere talentum vnum, quod centum minis constat. Si autem 1500. vnciæ in 100. minas distribuuntur, singulis minis obtingent vnciæ quindecim. *Septimò*, talento sacro constat à sacra Scriptura tribui siclos 3000. qui complent vncias 1500. Nec minus constat talentum Atticum fuisse vnciarum 750. quæ talenti ratio si in aliquot sacre Scripturæ locis admittatur, subductæ summx credibiliores fient. *Octauò*, Cleopatra & Nicandri interpretes sextarium Syrum appellant illum qui continet viginti sextarios Italicos, id est vncias aquæ 400. Constat verò commune hin vocari etiam sextarium, eo quodd sit sexta bati pars; nec capit plusquam 200. vncias, si batus habet 1200. *Nonò*, si datur batus duplo maior bato communi, consequenter dari debet duplus corus. Corus enim decem continet batos: quod idem de reliquis mensuris dicendum esset. *Decimò*, Lethec (vt affirmat Epiphanius, & Arias etiam Montanus ex Misnaioth) erat iustum vnius asini onus seu sarcina. Id verò non potest esse verum de Lethec magno, quod dimidium cori continet: hoc enim esset graue nimis pondus. *Vndecimò*, confirmatur eadem opinio ex eo quod suprâ à nobis assertum est, nimirum cubitum Hebraicum maiorem, si cum minori comparetur, esse duplum in potentiâ solidâ. Cum ergo videatur constare, cubitum sacrum esse maiorem, consequenter dicendum erit mensuras sacras esse eas quæ cubito sacro respondent; vulgares verò quæ respondent vulgari cubito. Etenim linearum mensuræ habent cum mensuris capacitatis conuenientiam seu congruentiam. Quare cum sacer cubitus sit respectu vulgaris duplus in potentiâ solidâ; sacre etiam mensuræ tam liquidorum quàm aridorum videntur esse duplæ cum mensuris vulgaribus comparatæ. *Duodecimò*, hæc eadem opinio inde etiam probatur, quod

Auctores duplicantes sacra pondera atque mensuras.

Argumenta quibus videtur probari pondera sacra esse duplicia, & sin. aliter mensuras sacras.



A Scriptura interdum de pondere sanctuarij interdum de pondere publico loquatur. Ex quo inferri videtur ea esse diuersa. Decimo tertio, Vulgatus aliquando explicat eorum esse 30. modios. Apud Ioseph. verò legimus eorum sexaginta modijs constantem. Ait enim 15. Antiquit. cap. 11. Corus habet medimnos Atticos decem. Liquet autem sexaginta modios esse idem quod decem medimnos Atticos : quamuis aliter loquatur de corò idem Iosephus lib. 3. fi.

B C. Nihilominus opinio hæc Rabbi Salomonis, qua mensuras sacras cum vulgaribus comparatas facit duplas, (& similiter pondera sacra) ; falsa mihi prorsus est, neque aliquà ratione verisimilis, vt ante me multi viri docti censuerunt. Hoc mihi vt pro comperto sit, illud in primis persuadet, quia hæc opinio auctorem Rabbi Salomone, aut Rabbino Kimhi antiquiorem habet neminem. Quin imo prisci auctores non modò eam non significant, sed perspicue affirmant nonnulla quæ cum eiusmodi opinione manifestè pugnant. Etenim Epiphanius expresse ait, Hin maiore continere 18. sextarios, hin autem sacrum non ampliùs nouem. Ad hæc communem congium esse sextariorum octo ; at congium sanctum (quæ est duodecima pars metretæ,) sextariorum sex. Deinde Hieronymus & in Vulgata & in commentariis huic opinioni manifestè reclamation. Nam Ephraïm commune, quod est bato æquale, exponit esse idem quod tres modios. agit autem proculdubio de modijs Romanis, quippe is est planus illorum verborum sensus, Ruth 2. 17. *inueni hordei, quasi ephi mensuram, id est, tres modios.* Vbi, vt explicaret, quænam esset mensura ephi, ea verba subiunxit, *id est, tres modios.* Quod si modij nomen in communi ac peruagata Romanorum acceptione non vsurparet, nihil explicabat Vulgatus. Hoc ergo ita constituto, non minus est certum ephi sacrum ac batum item sacrum, eodem modo, per trium modiorum nomen ab Hieronymo declarari, Ezechielis 45. 11. Si autem mensuræ illæ Ezechielis 45. non sunt ex sacris, idem posset de ceteris omnibus dici.

D. Eadem similiter ratione explicatur in Vulgata mensura ephi & bati Isaia 7. 5. Nam pro coro qui continet decem batos, siue decem ephi (vt patet Ezechielis 45.) transfert Vulgatus 30. modios. Nec diuersum habet sensum lectio 70. interpretum, qui sex artabas posuere. Nam Ægyptiæ artabæ capiunt singulæ modios quinq. Romanos, vt expresse habetur in eo libello qui Galeno adscribitur. Et quamuis aliæ sint maiores artabæ ; illa tamen quinque modiorum, est aridorum mensura. Et fortasse aliæ artabæ maiores erant mensuræ liquidorum. Vt in mensuris Hispanis contingit, in quibus nomen *arroba* est ambiguae significationis. Arroba enim ponderis vt frumenti siue farinæ, minor est quàm aquæ seu vini arroba, quæ alio nomine cantara appellatur. Accedit Epiphanius obseruatio in suo libello, vbi dum coro triginta modios præscribit, animaduertit Romanum modium eundem omnino cum modio Hebræorum esse : & moditam nomen quàm mensuram Romanos ab Hebræis mutuatos fuisse. Cum autem Epiphanius perspicuam faciat mensurarum sacrarum mentionem, nunquam tamen eas facit duplas ; sed potius earum aliquas non semel prophanis esse minores tradit.

C E. Præterea ex ijs quæ Arias Montanus affert, constat in Misnaïoth distinctionem illam inter sacras & prophanas mensuras nusquam reperiri. Neque enim ibi est Ephi aut Batus maior quàm 432. ouorum, quæ est mensura bati communis, vt suo loco videbimus. Quare manifestè conuincitur hanc mensurarum sacrarum duplicitem respectu vulgarium, fuisse recentiori inuentione excogitatam : siquidem nulli illius mentio neque vestigium apud 70. apud Vulgatum, apud Misnaïoth, apud Hieronymum, apud Epiphanium, apud Iosephum aut Philonem reperitur.

D F. Præterea eiusmodi inuentum aperte constat nulla antiquorum traditione niti ; sed in eo solum fundari quòd existimarint aliqui, varias Scripturæ, Septuaginta interpretum, & Iosephi summas quæ viderentur contrariæ, hoc pacto conciliari. Quæ inuenti ratio si liceat, quis non videat, ad eundem modum varia annorum genera posse confingi, vt 70. interpretes cum Vulgato conciliantur. Si ergo huiusmodi inuentio doctis hominibus ridicula iure videretur ; & congruentius ducitur, si asseramus varias annorum summas apud Septuaginta esse mendosas : cur nõ similiter iudicabimus, quando summa aliqua apud Iosephum reperitur verbis Scripturæ repugnans, tunc Iosephi summam esse sub mendo ? Adde quòd qui existimant summas ea ratione conciliari, perspicue in præcipuis earum decepti sunt ; cuiusmodi est, Septuaginta interpretes duas drachmas siclo tribuisse. Asserere enim didrachmum esse siclum prophanum, non verò sacrum, hoc (inquam) nullum habet locum. Nam ipsi Septuaginta agentes interdum de siclo sacro, appellant illum didrachmum, vt Exodi 30. & Leuitici vlt. Quare non ea potest assignari concordia quòd de prophano seu vulgari siclo loquantur cum eum didrachmum nuncupant. Denique optima prædictæ opinionis impugnatio est, apta argumentorum eius solutio : cum constet opinionem hanc nulla solida auctoritate niti ; sed recentiorum tantum inuento ad eas res conciliandas quæ inter se videntur opponi.

G. Ad primum ergo argumentum respondeo ; editio correctæ Septuaginta interpretum non ibi legit centum siclos, sed 200. sicut & Vulgata. At de cæsarie Absalom dicemus iterum infra.

E H. Ad secundum : verisimile non est Demetrium de siclis sanctis agere, & Iosephum de prophanis. Cur enim Demetrius de siclis sanctis ? Fortasse enim apud Iosephum mendosa est summa. Ipse enim non semel exponit siclum quatuor drachmis constare. Si autem fuit etiam siclus subduplus ; id sanè perinde esset, vt apud nos sunt semisses argenteorum, & argentei simplices, duplices, quadruplices & octuplices, quod in numis nullam efficit distinctionem sacrarum à prophanis, sed solum probat diuersam pondere capi, vt Epiphanius aduertit, dum meminit quoq. sicli vnus drachmæ, atque 2. drachmarum. Verum id nequaquam probat, vulgaris sicli a sancto distinctionem, sed aut temporum aut saltem ponderum discrimen.

I. Ad tertium : compertum est siclum sanctum à Septuaginta interpretibus nominari didrachmum. Nam tamen pendebat quatuor Atticas drachmas, hæc tamen quatuor adæquant duas Alexandrinæ, vt perspicue ostendimus propositione 19. vbi etiam palam fiet, eos sic debuisse loqui.

L. Ad quartum, fortasse fuerunt sicli vnus drachmæ aut duarum vt supra dicebamus, & propositi-



tionem etiam 19. de ea re iterum videbimus, vbi de siclo ferri, & præsertim de thorace Goliathi, sed utcumque id sit, ex eo non probatur distinctio sicli sancti à prophano in pondere.

M. Ad quintum; incertum est, metretam eam quam Cleopatra Syram vocat, esse Hebraicam. Nam *caput Syria Damascus*. Et quemadmodum in ijs libris talentum Syrum reperitur quod valde est ab Hebraico diuersum (vt conuenit inter doctos) ita etiam pro certo haberi debet, Syram illam metretam non esse batum Hebraicum. Sin autem esset; perperam asseritur Ezechielem c. 45. agere de bato prophano, & Cleopatram de sacro; sed potius è contrario. Quamobrem licet daremus, metretam Syram fuisse duplo maiorem bato Ezech. (quem exponit Hieron. esse tribus modijs æqualem) hinc tamen illud inferebatur potius, metretas sacras fuisse minores, vt de quibusdam alijs mensuris tradit Epiphanius suprà laudatus.

N. Ad sextum; ex illo Iosephi loco l. 3. c. 3. alij volunt deducere, talentum Exodi habuisse sex millia siclorum, quæ sunt tria vnciarum millia, siue drachmarum Atticarum 240000. Ceterum hoc ex S. Scriptura valide refutatur, vt videbimus proposit. 21. Quare verius ac facilius est si dicamus apud Ioseph. eo loco minarum summam esse vitiatam, & ibi eum non loqui de minis maioribus sed de minoribus. non tamen inde elicitur minores fuisse vulgares, maiores verò sanctas. Vide infra propositione 20. vbi de mina; & proposit. 21. vbi iterum de prædicto Iosephi loco.

O. Ad septimum; quanuis constaret, viguisse etiam inter Hebræos vsum talenti Attici; non inde fieret, Atticum fuisse vulgare, & sacrum fuisse duplo maius. Præterquam quod minimè est certum Israelis populum talento Attico nisi pro dimidiato talento vsum fuisse.

P. Ad octauum; sextarii nomen nihil probat: quidquid enim sex in partes distribuitur, sex habet sextarios. Atqui (vt iam vidimus) nullo fundamento asseritur, Cleopatram de sextario sancto agere. Quod vero attinet ad mensuram *hin*, Epiphanius dilucidè affirmat *hin* sanctum fuisse subduplum respectu prophani siue vulgaris. Et quanuis Epiphanius ipse *hin* sancto nouem sextarios tribuat, verum aut vitiosus est locus, aut Epiphanius de alijs mensuris loquitur, quæ apud Samaritanos suos ciues fortasse erant in vfu. Quippe certum est *hin* sancto sextarios sex, non amplius fuisse. Atque (vt suo loco dicemus) *hin* capiebat aquæ aut vini vncias 160. Neque obstat quod Hieron. ac Ioseph. tribuant mensuræ *hin* duas atticas choas (quæ capiunt aquæ vncias 180.) In huiusmodi enim attributione propinquitatem potius, siue (vt ita dicam) approximationem quam exactam veritatem sequuntur.

Q. Ad nonum; si fuit batus duplus in comparatione ad batum communem, ille duplus non erat sanctus, vel sancti ambo, vel forsitan solum minor.

R. Ad decimum; non nimium est validi iumentionis corus dimidius: neque enim plus conficit quam medimnos seu fanecas duas & semis, qui sunt Romani modij quindecim. Atque hoc est Gomor magnum siue Lethec, vt docet Epiphanius. Nec fuit aliud Lethec maius.

S. Ad vndecimum; minimè probatur inter mensuras minorem cubitum reputatum fuisse vulgarem siue prophanum, maiorem verò sanctum: sed vterque sacri erant, & vterq. prophani & in ædificijs maior cubitus vsurpabatur, in alijs rebus minor. Quod inde colligo, quia tam mare æneum quam Luteræ minori cubito Scriptura metitur, vt suo loco probabitur. Quare distinctio inter vtrumque cubitum non ea est, vt sanctus sit alter, alter prophanus, sed vt alter sit antiquus (qui ideo dicitur mensura prima) alter verò recentior siue posterior. Quanuis autem non negem, posteriorem cubitum inuentum fuisse vt esset latus mensurarum subduplarum; hoc tamen in sacris etiam mensuris habet locum. Neque ostenditur vllum fuisse discrimen inter mensuras sacras & prophanas. Sin aliquod fuit; non ideo infertur sacras mensuras fuisse duplas, cum saltem cubitum sacrum nemo dixerit ex duplici prophano coalescere.

T. Ad duodecimum; quod sæpe Scriptura dicat, *pondere Sanctuarij*, non probat diuersum esse communem siclum, vt suprà ostendimus: sed vt pondus omnino æquum & iustum significet, dicit esse pondus sanctuarij. Nam pondera & mensuræ in templo asseruabantur, vt patet 1. Paralip. 23. 29. Itaq. phrasis illa, *pondere sanctuarij* perinde se habet, atque dictio illa in Hispania vsurpata, cum dicimus, *Ex Abulenli mensurâ*: quod idem est atque ex mensura iusta. Vnde ex eo quod certum sit primarias mensurarum omnium formas in templo seruari solitas, plane intelligitur, fabulosam esse & commentitiâ sacrarum mensurarum à vulgaribus distinctionem.

V. Ad tertium decimum; aut summa apud Ioseph. mendosa est, aut si fortè fuit corus alter duplus respectu communis cori, sanctuarij quidem corus erat subduplus, vt patet ex dictis. Etenim nec est quidquam cur intelligamus Ioseph. eo loci ad sacras mensuras sese accommodasse, nec inauditum mensuras sacras fuisse minores, vt ex Epiphanio in nonnullis indicauimus. Quapropter cum liqueat Scripturæ eorum triginta modiis constare, si forte fuit alter sexaginta modiorum, nã ille Scripturæ corus non erat. Adhæc alter Iosephi locus non obscure ostendit, aut Iosepho subesse mendum in iis locis in quibus de cori mensurâ loquitur, aut Iosephi tempore aliam cori rationem vsitatam fuisse ab Scripturæ cori diuersam.

## P R O P O S I T I O XII.

*Sicut constat Mare æneum fuisse perfectum hemisphærium: sic etiam certum est Luteræ fuisse cylindros, quorum latitudo & altitudo erat 4. cubitorum, ex quo valde verisimile est, Mare æneum & Luteræ fuisse primarias Israelitici populi mensurarum formas.*

## P R O B A T I O.

**P**ERERIVS lib. 10. in Genesim disputatione quarta contendit Mare æneum fuisse capacioris figuræ quam est figura perfecti hemisphærii: tantum ne concedat diametrum decem cubitorum esse



Mare æ-  
neum fu-  
isse hemi-  
sphæri-  
um.

A esse adeo magnum vt Villalpandus opinatur. Ceterum quanuis Mariæneo figura perfecti hemisphærii permaneat, diameter ipse contractior etiam remanebit quàm Pererius optabat, vt infra planum fiet. Perfecti autem hemisphærii figura mariæneo denegari nequaquam potest, quippe quàm ei attribuit Iosephus lib. 8. Antiquitatum cap. 2. vbi in Græco bis vitur hemisphærii nomine. Quod verò Scriptura ait 3. Reg. 7. 23. *rotundum in circuitu*, de perfecti hemisphærii figura intelligunt Rabbi Salomon, Theodoretus, Hugo, Abulensis & Dionysius quos affert Villalpandus tom. 3. fol. 474.

B Neque obstat labium lilii repandi. Nam curuatio illa lilii effingi potuit in externa facie, manente integra & illa perfecti hemisphærii figura intrinsecus. Vel si curuatura ab interna facie incipiebat, ita molliter ac suauiter erat, aded insensibili figuræ hemisphærii perturbatione, vt alteratio illa contēni merito debeat, eo quodd parum pro nihilo reputetur. Deinde impedimento non est resticula triginta cubitorum quæ cingebat Mare. Quamuis enim si diametro cubitorum decem (quæ est diameter Maris ænei ex parte concava) addatur hinc & inde palmus (quæ est crassitudo Maris ænei) necessarid futura sit diameter à parte conuexa cubitorum decem & semis: & deinde diametro cubitorum decem & semis respondeat circumferentia triginta trium cubitorum ex regula Archimedis: hoc (inquam) non obstat. Nam resticula quæ Mare cingebat, non ita intelligenda, quasi labium ipsum cingerent: sed paulo inferius, vt vas ipsum concinnius & elegantius quasi limbo vndique obeunte redderet. Atque ita, resticulam ipsam non amplius triginta cubitis constare, id argumento sane est Mare æneum non fuisse cylindrum. cylindri enim latitudo non minuitur paulatim deorsum, sicut latitudo hemisphærii. Scio aliter responderi à nostro Villalpando; videlicet, expressum ab Scriptura fuisse maiorem numerum (qui est 30.) & minorem numerum esse suppressum. Sic enim solet aliquando loqui. Verum si hæc phrasis in Maris ænei dimensione admittatur, non constabit interiorem diametrum esse decem præcisè cubitorum. Deinde in numero 33. minimè decebat prætermitti tria. Ac in alijs quidem rebus licebit interdum minus exactè & minus præcisè loqui. At in Mariæneo, quod (vt mox dicemus) erat primaria mensurarum ratio seu forma; nequaquam oportebat de ipsius circuitu adeo confusè & negligenter loqui. Verisimilius ergo est, resticulam triginta cubitorum non esse in superiori ambitu seu circumferentiâ. Nec me later, Theodoretum legere, *resticula triginta trium cubitorum erat*. In quo Græcos aliquot codices sequitur & de superiori circumferentia interpretatur. Verumtamen germana lectio non habet nisi triginta cubitos. Quare aptius & facilius est, resticulam aliquantulum demittere.

C Præterea perfectæ hemisphærii figuræ non officit, quod Septuaginta scribant de Mariæneo, *στρογγύλον κύκλον τὸ αὐτὸ*. Nam quamuis dictio *στρογγύλον*, significat aliàs figuram cylindri; extendi etiam solet ad quamlibet figuram rotundam. Et vox illa *κύκλον*, (id est in circuitu) efficit vt vox *στρογγύλον*, siue rotundum ad hemisphærii figuram applicetur. Atque hæc de Maris ænei figura.

D Transeamus iam ad Luteris. In eorum enim figuræ consideratione (ex qua multum lucis poterat mensuris Hebraicis exoriri) video multos dormitasse. Persuadent namque sibi, siquidem Luteris singuli quadraginta solum batos capiebant, eorum figuram fuisse parum profundam. Quinimò Stanislaus contendit, illos quadraginta batos non esse plures quàm quatuor ex magnis batis, quanuis appellentur quadraginta bati, nomine decimæ ipsius bati parti applicato. Sed quàm sit hoc falsum infra conitabit. Mihi certum est, Luteris fuisse perfectos cylindros; eosque, quatuor cubitos in altitudinem, in latitudinem totidem habuisse. Hoc verò ita dilucidè affirmat Iosephus 8. Antiquit. cap. 2. vt qui in diuersa adhuc sententia hæreat, debeat plane ostendere, quo nixus fundamento Iosephum in Luterum figura mentitum credat. Etenim nulla potest subesse dubitatio quin Iosephus eos perfectos faciat cylindros. Nam illos vocat *στρογγύλους κυδρωγαύλους*, & verbum *στρογγύλον*, quauis non semper significet idè quod teres instar cylindri; in hoc salte loco aliam admittere significationem non potest. nam vox *κυδρωγαύλον*, (qua etiâ vtuntur in Luteribus Septuaginta interpretes 3. Reg. 7.) componitur à *κύβητος*, quod est lebes, & *ἀπό τοῦ γαύλου*, quod significat vas siue cymbium in quo mulgetur lac: quare *κυδρωγαύλον* non est aliud quàm lebes mulgendo lacti idoneus; cuiusmodi lebetes, ne lac facile effundatur, solum habent omnino planum, quale requirit cylindri figura: itaque Luteris describuntur à Iosepho lebetes teretes ac rotundi cum solo siue pavimento plano. Atque hæc est communior figura mulcralium in quibus lac mulgetur. Licet enim in aliqua regione (vt in Bætica) versus inferiorem partem mulcralia dilatentur, is tamen vsus peculiaris est; nec conuenit ea figura cum ijs quæ Iosephus tradit de Luteribus, nec cum apta pulchritudine & proportionem, & in alijs prouincijs (certo scio) vasa illa siue cymbia in quæ multum lac infunditur, cylindri sunt perfecti. Deinde quam affert Iosephus rationem capacitatis Luteri siue cylindrorum, petitur ab eorum tum latitudine tum profunditate. Capiebant (ait) singuli 40. batos: *altitudo enim erat 4. cubitorum & tantundè spatij patebat inter margines*. Quæ ratio quasi certū statuit siue supponit, in cylindro 4. cubitis lato & totidem alto, 40. batos, nihilo plus aut minus contineri. Sed de hoc infra.

E Descriptio Iosephi confirmatur ex ijs quæ de Luteribus Scriptura prodit. Nam in primis huiusmodi lebetum vsus erat ad lauandas carnes quæ in sacrificiis offerebantur. Nec verisimile est eos quos fabricauit Salomon fuisse diuersæ figuræ ab illis qui antea eidem ministerio erant deputati. Atqui Scriptura eos qui antea fuerant effecti, lebetes appellat. vide 1. Reg. 24. *habebat fusciculam iridentem in manu & mittebat in lebetem*, hoc est in luterem, vt ipse etiam Villalpandus exponit. Certum autem est non dici lebetes nisi eos qui habent cylindri figuram. Hebræa etiam vox quæ respondet voci illi *lebetem* est *chior*. Atque hoc ipsum est nomen quo sacra Scriptura luteris compellat 3. Reg. 7. 38. adde quodd numero 40. pro eadem voce Vulgatus ipse transtulit lebetes.

F Secundò, quod textus ait, 3. Reg. 7. 38. *erantque quatuor cubitorum*, congruentissimè ita ponitur, vt scilicet quatuor haberent cubitos in latitudinem & totidem in altitudinem, (vt Iosephus expressit.) Neque enim est cur verba illa ad latitudinem potius quàm ad profunditatem referenda sint. Et verò cum altitudo & latitudo æqualia sunt, distinctione opus non est, vt in cubis contingit, cum dicimus cubum aliquem esse quatuor digitorum aut sex, absque vlla præterea distinctione. Alioqui diminutè fuisset loquutus sacer Scriptor, cum dixit eos esse quatuor cubitorum, nulla facta profunditatis mentione quam de Mariæneo loquens distinctè exprefferat. Quodd verò luteris essent teretes, id etiam manifestè

Luteris  
fuisse cy-  
lindros.



A

ex Scriptura ipsa colligitur. lege 3. Reg. 7. 35. In summitate autem vasis erat quadam rotunditas ita fabrefacta vt Luter desuper imponi posset. Atque sedis huius rotundæ (in qua erat Luter impositus) altitudo exprimitur fuisse dimidium cubiti. Sic. n. legit Vulgata correctæ ex Hebræo. Quæ altitudo ad duas res vel maximè necessaria erat, nèpe vt & ipsa sedes firma esset; atq. vt eadē Luteri pro basi aptè & cōcinnè supponeretur.

G. Præterea, si quilibet Luterum capiebat Romanas amphoras 90. (vt opinatur Villaalpandus) aut quadraginta amphoras præcisè, (vt nos infra probabimus;) ad vasa adeò ingentia atque capacia (cuiusmodi ab Scriptura fuisse asseruntur) & quæ basibus illis veluti plaustris aut pēgmatis erant imposita, minimè est ad rem vt Luteri ipsi existimentur fuisse vasa parum profunda. Nonaginta enim amphora Romanæ (quæ est mensura Villaalpandi) faciunt Hispanienses cantaras 168½. & quadraginta Romanæ amphoræ (quæ est nostra mensura) complent omnino Hispaniensis mensuræ cantaras 75. vim certè & quantitatem satis magnam ad dolium aliquod non exiguum.

H. Nihilominus aduersus cylindrorum figuram qui quatuor cubitos in altitudinem & totidem in latitudinem pateant, duæ obiectiones occurrunt. Prima est quòd huiusmodi figura non rectè consonet cum nomine concharum quod eis Scriptura tribuit 2. Paralip 4. Secunda quòd cum illa profunditate non cohæreat vt quilibet Luterum 40. solum batos capiat, cum Mare æneum caperet duo millia.

I. Ad 1. difficultatem respondeo, Hebræam vocem quæ respondet conchæ esse *Chior*; quod nomen dubitari nō potest quin in profunda cōcauitate locū habet; nam suggesto quod sibi extruxit Salomō quod dicitur fabricatū fuisse in pulpiti rotūdi figurā (vt hac tempestate pro cōcionatoribus fieri solent) illi (inquā) suggesto tribuitur nomē *Chior*, 2. Paral. 6. 13. Quod si Vulgatus Luteribus dat concharū nomen, eodē etiā appellat lebetes, vt suprà vidimus. Lebetis autē nomē postulat vt intelligamus non defuisse illis cōmunē lebetū profunditatē. Nec dissentit à cōchæ nomine lebetis profunditas, vt patet ex verbis Plin. l. 9. c. 33. vbi ait, *Magna est ludensis naturæ varietas in concharū figuris, planis, concauis, longis, lunatis, in orbem circumactis, &c.* Atque ego quoque confirmare possum visas à me fuisse conchas longiusculi cylindri figuram habentes.

L. Ad secundam difficultatem respondeo, certum non esse, vnā eademque mensurā duo batorum millia Mariæneo, & quadraginta singulis Luteribus tribui. Si autem batorum æqualitas non bene cum cylindrorum figura consentit; illud hinc debet inferri, batorum æqualitatem non esse certam. Nam figura cylindrorum quæ habeat quatuor cubitos in latitudinem & totidem in altitudinem, certissima est. Quinimo tantum abest vt cum huiusmodi figura cylindri, quatuor cubitos alti & totidem lati non cohæreat quadraginta batorum mensurā; vt potius eius capacitatis rationem reddat Iosephus ex ipsa Luterum figura & profunditate, quemadmodum suprà notauimus.

M. Verūm adhuc opinabitur aliquis fortassis, vt credatur textus agere de eadem batorum mensurā tam in Mariæneo quàm in Luteribus, illud non parum vrgere, quod scilicet, in eodem capite, & sub eodem loquutionis tenore dicat Scriptura de Mariæneo 3. Reg. 7. 26. *Duo millia batos capiebat*: & in luteribus versu 38. *Quadraginta batos capiebat Luter vnus*. Ad hanc obiectionem respondeo; Vanum quidem esse amphibologiam siue æquiocationem sine necessitate fingere. Sin ratio aliud persuadeat, & nos cogat diuersa ratione accipere ea quæ in vno eodemque capite videntur eodem modo referri; tunc nullus momenti est ad similem intelligentiam persuadendam, quòd simul & similiter vtrumque dicatur. Scimus enim fieri posse vt communis alicuius linguæ aut regionis consuetudo ferat, simul & sub eodem loquutionis decursu de inæqualibus ponderibus vel mensuris esse sermonem in eiūdem dictionis repetitione dum diuersis rebus applicatur. Exempli gratiā: in Bætica, qui suo dispensatori siue obsonatori præcipit vt quatuor bubulæ carnis libras & quatuor etiam vuarum libras emat: hic sanè de libris æqualibus nequaquam loquitur. vsus enim fert, vt in carnibus maior libra, in fructibus minor vsurpetur. Simili ergo ratione in Hebræo sermone, quando sermo est de mensuris in hemisphærii figuram effictis, batus vnus, mediocris mensuræ capacitatem denotat: cum autem de mensuris in cylindri figurā agitur, batus vnus idem est, quod metreta siue amphora Hebraica; quæ (vt postea videbimus) Romanæ amphoræ erat æqualis. Neque hoc apud Hebræos in nomine bati (quod idem sonat ac mensura) plus habet difficultatis, quàm apud Hispanos in nomine ponderis, cuius vsus multifariam accipitur. Nam si quis diceret, se vnicum argenti pondus, (*vn peso de plata*) pro vnico piscium pondere impendisse; non opus est eum de æqualibus agere ponderibus, sed in argento de eo quod vocari solet *vn peso de plata*, id est, de octo numis regalibus: in piscibus autem de eo pondere quod in piscium venditione solet vnicum pondus appellari; hoc est de duabus aut quatuor libris. hoc autem ex vsu & consuetudine omnino pendet. Ad rem ergo vt veniamus, quando agitur de batis quos Mare æneum capiebat; eo ipso quod de Mariæneo in hemisphærii figuram conflato fit sermo, accipiendum est batorum nomen pro ijs qui mensurā hemisphærica mensurabantur: at in Luteribus quibus cylindri figura erat, batorum nomen ad eos batos est referendum qui cylindricis mensurabantur mensuris. Quòd vero huiusmodi mensuræ à nobis inæquales asserantur, id neutiquam est absque ratione confictum, sed potius per Mathematicam demonstrationem illatum ex ijs quæ Scriptura sacra & Iosephus tradunt de Mariæneo & Luteribus: ac de numero batorum quos Mare æneum & quos Luteri capiebant. Nec verò est cur hoc alicui aut nouum aut insolitum videatur, vno eodemque vocabulo repetito diuersas res posse simul denotari. Hoc enim qui negat, non satis considerauit multa esse id generis in variis linguarum idiomatis. In Castellana quidē Hispanorum linguā cum vir aliquis nobilis dicitur annuos octingentos habere, de nummis aureis sermo est. Sin autem dicatur octies centies millia, de totidem maravedinis accipitur. Nam centenarius milliū nisi aliud exprimatur, solet de maravedinis capi. Similiter vnica tritici faneca duodecim continet Hispanos modiolos siue celemines; ex alijs verò seminibus faneca vna celemines 18. Quare qui asserit se quatuor frumenti fanecas emisse & totidem fanecas ciceris siue fabarum; de æquali mensura non loquitur. Item duodenarius tabularum in magna summa (Hispana phrasi) tabulas comprehendit centum viginti. Et qui tabularum duodenarium emit viginti nummis aureis, verè dicere potest, se deinde duodenarium earundem tabularum tribus aureis nūmis vendidisse, & nihil dispendii aut iacturæ in ea fecisse emptione & venditione. Denique multa eiusmodi in vulgaribus linguis exempla suppetunt, quæ æquiocationis difficultatem auferunt nomini bati. Statuere autem nullam huiusmodi ambiguitatem sub-

esse.

Concha  
nomen  
non repu-  
gnare fi-  
gura cy-  
lindri.

Capacitas  
40. Lute-  
rum non  
pugnat  
cum figu-  
ra cylin-  
dri.

Batus nō  
opus est vt  
sit eiusdem  
mensura  
in Mari-  
æneo & in  
Luteribus.

B

C

D

E



A esse, id plane erit cylindri figuram Luteribus denegare ac quatuor batorum profunditatem: quod perinde est atque ob inanis metus vmbram, oculos claudere veritati.

N. Porro vt perspiciatur nullum esse inconueniens in bati nomine ambiguitatem admittere, aduertendum est, Stanislauum & alios, cum Luterum figuram non obseruassent, in nomine bati amphibologiam concessisse. In eo tamen hallucinati sunt, quod Maris ænei batos maioris esse mensuram, ac Luterum batos minoris esse crediderunt: cum constet Mathematica demonstratione batorum mensuram in Luteribus esse fere decuplā respectu batorū Maris ænei, vt seq. proposit. demonstrabitur. Ex quo inferitur, falso niti fundamento eos qui ad designandā sacri cubiti magnitudinē, præstituunt quasi omnino certum, illos bis mille batos Maris ænei quos Scriptura cōmemorat esse ex Hebraicis batis maiorib. Sed de hoc infra.

B O. Nunc adnotasse satis sit, si admittamus Luterum figuram fuisse cylindri quatuor cubitorum in altitudinem & totidem in latitudinem, euidentem esse mensuram vnius bati ex 40. quos capiunt Luteri singuli, esse multo maiorem, quā mensura vnius bati ex 2000. quos Mare æneum capiebat. Atque adeo iuxta Hebraicā linguæ loquutionē, duo illa batorum millia intelligenda esse de mensurā alia multo minori: siue quia mensuræ hemisphæricæ batis minoribus deferuebant, siue ob aliam rationē. Obseruandum verò est Scriptorem sacrum minimè obscuritatem affectasse, dum in bati nomine ambiguitate vsus fuit. Illis enim qui Luterum magnitudinem & cylindrorum figuram cernebant, euidentem erat 40. batos qui singulis Luteribus tribuebantur fuisse ex maioribus; ac duo millia Maris ænei ex minoribus. Manifestum etiā erat alios extitisse præterea adhuc minores, ita vt ex duorum batorum millibus Maris ænei fierent tria millia illius mensuræ quæ postea fuit vsu inuenta, vt videbimus infra ex 2. Paralip. 4.5. & ex Iosepho. Itaque sacer scriptor in huiusmodi æquiuocatione noluit obscuritatis tenebras effundere, sed lucem potius afferre eius proportionis, quæ inter maiores batos atque minores intererat. De qua neutiquam nobis constaret, si de eadem ipse batorum mensurā semper loqueretur.

C P. Quod autem hanc inter vtrosque batos proportionem nobis sacer historicus indicare voluerit, congruentissimum esse constabit, si quiddam peculiare aduertatur quod mihi valde verisimile sit: nimirum Salomonis regis mentem eam fuisse, vt Mare æneum ac Luteri, præter communē vsū cui erant addicta, tum vt se eluerent sacerdotes in Mari æneo, tum etiā vt in Luteribus carnes in sacris offerendæ abluerentur; præter hunc (inquam) vsū, essent publicæ ac primariæ normæ illius præfixæ quantitatē ac proportionis quibus mensuræ populi Israelitici fieri & constare deberent. Hoc vt mihi persuadeam adducor ea ratione: quia Romani, Græcorum imitatores (Græci autem ab Aegyptiis atque Hebræis hausere quā plurima) in Capitolio primariam sui quadrantalē normam atque mensuram (patron y marco vt Hispani loquimur) collocarunt. Ita affirmat Fannius in suis versibus.

*Amphora sit cubus: quam ne violare liceret*

*Sacra uere Ioui, Târpeio in monte Quirites.*

Et Farnesij congius (quem Villalpandus noster describit tom 3. f. 501.) hos habet inscriptos characteres;

*Imp. Casare Vespasiano VI.*

*Tito Casaris Augusti filio IIII. conj.*

*mensura exacta in Capitolio pondo decem.*

Iustinianus item Imperator mensuras & pondera in sacratissimā cuiusq; ciuitatis Ecclesiā afferuari mandauit. Qua de re legendus est Lucas Pætus f. 14. (vbi alia affert huc spectantia; & Mariana de ponder. c. 24.

D Q. Censeo igitur huiusmodi consuetudinem mensuras ac pondera in templo collocandi, ab Israelitico populo effluxisse. Nec dubito quin Salomon ea in suo templo constituerit. Iam enim ipsius parens David templi sacerdotes ponderibus ac mensuris præfecerat: vide 1. Paralip. 23. 29. *Sacerdotes autem super omne pondus atque mensuram.* Quæ verba non solum agunt de iusto pondere ac mensura rerum illarū quæ fuerunt Deo offerendæ (vt nonnulli explicare videntur) sed generatim de reipublicæ ponderū ac mensurarū custodia loquuntur. Si ergo norma ipsa & quasi prototypus mensurarum erat in templo collocanda, vt esset præscripta regula exactæ magnitudinis ac proportionis quæ illis inesse debebant; deinde si sacerdotes futuri erant iustis mensuris præfecti; quid quæso potuit congruentius effici, quā vt ipsummet Mare æneum atque ipsi Luteri, essent pariter integræ & incorruptæ mensurarū normæ? Iam quod vasa hæc in propatulo essent; ac ob suam magnitudinem, materiam & formam, nec non ob loci religionē adeo tuta forent ab omni hominum iniuria & violatione: hæc omnia conuenientissima erant tum ad ipsorum vasorum conseruationem, tum etiā ad cōmunem ac publicam omnium notionē. Atq. etiā vt sacerdotes ipsi qui mensuris erant præpositi, primariā ipsam formā sanctā haberent ob oculos; simulq. iustitiæ & æquitatis symbolum, & eam retinēdi obligationē. Id quod tum potissimū memoriæ refricaret, quādo & se ipsos & sacrificia abluerēt: quo innuebatur, ad culpā eluendā, & ad sacrificia pura & immaculata Deo offerēda, esse cum primis necessariū, rationē & æquitatē amplecti, iniquitatēq. ac proximī iniuriā detestari.

E R. Pro horū omnium cōfirmatione animaduerte, ex eo quod Mare æneū ac Luteri erāt primariæ formæ mēsurarū populi Israelitici, rationē reddi cōgruētē 2. rerū quæ alicui forsā scrupulū possēt iniicere. Altera est cur Mare æneū in hemisphærii perfecti figurā, & Luteri ad normā perfecti cylindri fabricata sint. Vtrūq. n. videtur primo aspectu affectatū planē & parui momēti. Ceterū, si aduertamus, eas fuisse primariās illius populi mēsuras, & hemisphæria atq. cylindros figuras esse mēsuris aptissimas; his animaduertis, facile redditur cōgruēs vtriusq. figuræ ratio, & planē cernitur nullā aliā figurā adeo fuisse illis vasis aptā.

S. Secundò, hinc etiā agnoscitur causa, cur Scriptura adeo accuratē & singillatim Maris ænei ac Luterū altitudinē, longitudinē, capacitatē & figurā descripserit, nec non batorū maiorū atq. minorū distinctionē. Etenim dū nobis dicitur Mare æneū esse hemisphæriū 10. diametri cubitis constans & 2. batorū millia capiens; perinde est ac si doceamur, sphæram vnius cubiti Hebraici capere 4. batos ex minoribus, & hemisphæriū vnius cubiti, batos capere 2. Præterea dū explicatur Luteri in cylindri figuram fabrefactos; 4. esse cubitis latos & totidē altos, singulisq. 40. batos contineri, id etiā nobis generalē præscribit regulam, quod scilicet, cylindrus vnius cubiti capiat quinque octauas partes vnius ex maioribus batis. Ex quo insuper apparet iustam aliquam fuisse mēsurā cylindri 1. cubito constantis, & similiter etiam sphære vnum itidem cubitum habentis pro diametro. Et nunc quidem sufficiat obiter attigisse harum mensurarum proportionem, prætermittā nunc maiori expositione, & in opportuniorem locum reiecta.

Mare æneum & Luteri fuisse primarias normas mensurarum Hebraicarum.

Mensuras & pondera consueuisse seruari in templo.

Cur Mare æneum fuit factum in perfecti hemisphærii figuram, & Luteri in cylindri figuram.



Nulla me-  
lior men-  
surarū fi-  
gura quā  
sphaera &  
cylindrus.

T. Cum ergo animaduertimus præcipuam mensurarum Romanarum normam fuisse cubum; Hebraicarum autem fuisse hemisphaerium ac cylindros: obseruandum est, licet Romanis non defuerit ratio aliqua ad cubum eligendum, sapientia tamē Salomonis fuisse seligere ad primarias suarū mensurarum normas, ex diuersis figuris eas quæ ad duo potissimum valde cōducere. Alterū vt mensuræ ipsæ facili negotio possent perfectæ & integræ effingi. Alterū, vt maiorū mensurarū ad minores proportio esset exacta, & tā factu quā intellectu facilis. Circa primum satis constat quanta sit difficultas in cubica aliqua mensura perfecte efficienda. Et noster Villalpandus id optimè expendit, dū refert quanto studio & diligentia sibi steterit edere Romæ perfectū Romani semipedis cubum; vt periculum faceret, contineretne aquæ vncias 120. eius ponderis quod hodie Romæ & in Hispania vñtatum est. At verò ad perfectum cylindrum aut hemisphaerium effingendum facilis est ac certa per circinationem ratio.

V. Quod autem ad 2. attinet; sphaerarū ac cylindrorū mensuræ id habet peculiare, multū conducens ad proportionis facilitatē inter minores, & maiores mēsuras. Etenim, demonstratōne cōstat, cylindrū eiusdē latitudinis ac profunditatis quā habeat sphaera, sesquialterum esse ad sphaerā; nec nō triplū respectu coni qui habeat eādē basim & altitudinē, cylindrus itē eiusdē altitudinis cū hemisphaerio capit sesquialterum ipsius hemisphaerij, & triplum quā conus. Atque hac ratione, & effectu ipso qui ex duplicatis diametris sequitur, dum solida octuplicata fiunt, magna hinc prouenit facilitas in mensurarum diuisione.

X. Quod si Romani in suo congio designabant sui pedis magnitudinem & præcipuas ipsius diuisiones, nec non ea magnitudinis interualla quibus suæ tā liquidorū quā aridorū mēsuræ cōstare deberent (vt noster Villalpandus in Farnesiano notauit cōgio) verisimile est in Luteribus fuisse etiā Hebraicas omnes mensuras præcisē & exactē notatas.

#### COROLLARIUM PROPOSIT. XII.

*Valde aberrat Capellus in dimensione Maris ænei ac Luterum.*

#### EXPLICATIO.

A. **Æ**NEO quidē Mari nō tribuit Capellus 10. diametri cubitos in concauitatē, sed palmū ex quolibet latere detrahit, hoc est ipsā Maris ænei crassitudinē. Ipsos autē 10. cubitos existimat singulos esse vnus pedis & quartæ alterius partis, qui sunt 5. palmi: nec verò ex maioris pedis Hebraici palmis, sed ex minoris, qui iuxta Capelli ipsius opinionem se habet ad Rom. pedem sicut 15. ad 12. Itaq. concauitatis diameter continet ciuiles pedes Hebraicos 12. qui Romanos pedes 15. exæquant. Hæc ille. Ego verò sic argumentor; Cubus Romanus pedum quindecim capit Romanas amphoras 375. Ergo sphaera capiet 10767½. & hemisphaerium nō amplius capiet quā 889. Valde igitur aberrat Capellus dum ait Mare æneum (quod erat hemisphaerium) capere circiter batos 20300. & singulis batis inesse aquæ vncias 10440.

B. Deinde Luteris quemadmodū & Mare æneū, facit Capellus hemisphaeria: 4. autē cubitos quos eis Scriptura præscribit, affirmat intelligendos fore de dimidiato circuitu seu circūferentia, quæ ipsius Capelli cōputatione, ex Hebraicis cubitis 5. palmorū cōtinet 41½. sed fractum numerū ait ille ab Scriptura contemni. Tribuit verò singulis Luteribus batos 45½. ac diametro dat Hebraicos pedes 3½. Sic ille. Verū hæc descriptio tum Scripturæ, tum Iosepho repugnat, estq. ad libitū & sine fūdamēto cōficta. Quod si Capellus aduerteret Mare æneum & Luteris fuisse præcipuas & primarias Hebraici populi mensurarum normas, non vtique Mari æneo quidquam de decem cubitorum concauitate detraheret: nec in singulis Luteribus adderet aliquid supra cubitos quatuor & batos 40.

C. Accedit quòd Capellus tribuit diametro singulorū Luterū pedes 3½ qui complēt omnino 4. pedes Rom. Cubus autē 4. Rom. pedū capit omnino amphoras 64. Atq. adeo sphaera cuius diameter 4. Rom. pedibus cōstet, capiet Rom. āphoras 33½. & nō nihil amplius: hemisphaerium verò minus quā 17. amphoras Rom. quorū omniū demōstratio est. Asserit autem Scriptura singulos Luterū capere 40. batos: & Capellus vnicuiq. bato sesquiāphorā tribuit: & 40. batis addit alios ferme 4. Quare in Capelli opinione quilibet Luter capit amphoras Romanas 66. Capacitas tamen quam eis ipse designat 17. amphoras non capit.

#### PROPOSITIO XIII.

*Sicut 500. ad 96. ita capacitas Maris ænei ad singulos Luteris: & sicut 48. ad 5. ita singuli Luterum bati ad batos eos, ex quibus Mare æneum duo millia capiebat.*

#### PROBATIO.

A. **C**VM Mare æneū sit hemisphaerium perfectū, eiusq. diameter 10. cubitorū; euident est ipsū esse capax 500. sphaerarū vnus cubiti. Nam sphaera 10. cubitorū omnino capit quantum capiunt mille sphaeræ cubiti vnus, vt norunt Mathematici: vnde comperitū est hemisphaerium capere 500. Eademq. ratione perspicuū est, si Luter sit cylindrus cubitorū 4. in altitudinē & totidē in latitudinē, ipsum iustas capere 96. sphaeras, cubus enim quaternarij est 64. Quare cylindrus prædictus continet eandē aquæ mensurā quam caperent 64. cylindri vnus cubiti. Deinde demonstratōne etiā Archimedis cōstat, cylindrū esse sesquialterū ad sphaerā sibi inscriptam: atq. adeo 64. cylindros idem omnino capere quod sphaera 96. Cum igitur cōstet Mare æneū cōtinere 500. sphaeras vnus cubiti, & quēlibet Luterē sphaeras 96. sequitur inde sicut 500. ad 96. ita Maris ænei capacitatem se habere ad singulos Luteris: quod erat probandum.

B. Adhæc si sphaera Maris efficiunt bis mille batos: sphaera etiam 96. cuiuscunq. Luteris complebunt 384. batos eiusdem mensuræ. Si autem hi bati 384. ad numerū 40. maioris mensuræ reducuntur (qui sunt bati in singulis luteribus cōtēti) quilibet ex batis maioribus capiet 9½. ex minoribus, vt constat per partitionis regulam. & sicut 9½. ad 1. ita 48. ad 5. Atque adeo euident est singulos Luterum batos habere se ad eos batos ex quibus Mare æneum duo millia capiebat sicut 48. ad 5. quod secundò probandū fuerat. Singuli autē bati ex 40. quos quilibet luter capiebat, se habent ad batos illos, quorū 3. millia capiebat Mare æneum, sicut 48. ad 3½. Nam 5. ad 3½. perinde sunt vt 3. ad 2. & sicut 48. ad 3½. ita 72. ad 5.

C. Ex dictis patet quā aberrat ab scopo, qui totam Salomonici templi, nec nō cubiti sacri magnitudinem in eo stabilire contendit, quòd 2. millia batorum Maris ænei sint ex batis maioribus, cū demōstratur illam batorū mensuram quæ 40. batos singulis Luteribus dat, nō fecus ad illam aliam mensurā se habere quā se habent 48. ad 5. Veruntamen multò adhuc oscitanrius hallucinatur Stanislaus, qui 40. batos singulorum Luterum efficit decimas batorum Maris ænei partes, quod perinde est ac dicere, Mare æneum se habere cum quolibet Lutere sicut 2000. cum 4. Cū tamen certò constet Mare æneū paulò plus capere quā 5. Luteris. Quippe Mare æneū capit tantum 500. sphaeras vnus cubiti: & quilibet Luter capit sphaeras 96. ac proinde quinq. Luteris continent sphaeras vnus cubiti 480. Quare excessus Maris ænei ad quinque Luteris solum est viginis sphaerarum vnus cubiti.

D. Hu-



A

D. Huiusmodi computatio adeo certa est, ut illam confirmare velle superuacaneum sit. Enimvero aut adhuc animus quendam diuellere scrupulum qui videtur residere. Hac namque; ratiocinatio & numerorum supputatio multo rectius & congruentius se haberet, si unusquisque batorum maiorum esset exacte seu perfecte decuplus respectu minorum, ita ut unus ex maioribus 10. minores omnino adaequaret. At continere tantum  $9\frac{2}{3}$  id vero insolentia & nouitate prae se fert. Praesertim quia decimam bati partem appellari batur, id iam affirmarat Stanislaus f. 185. & ex Iosepho atque Eupolemo comprobat. Verum appellari ab Scriptura batos mensuras alias quae decimae illorum partes exacte non sunt, sed aliquanto maiores, ita ut maior batus in nouem minores partiatur, & tres quintae alterius partes supersint; hoc sane cum nemo alius in mentem sibi induxerat, tum nouum & insolitum est.

B

E. Respondeo in proportionem aliarum mensurarum cum aliis (ut & numismatum cum aliis ite numismatis) minime esse inconueniens, ut supputatio eiusmodi, numeros fractos & amputatos contineat, quando praecisa computationis ratio hoc persuadet. v.g. dimidiatus argenteus regalis Hispanicus, in 4. quadrantes (Hispanice *quartos*) diuiditur, & unus superest marauedinus. Integer etiam argenteus in 8. quadrantes diuiditur, & duplex marauedinus superest. Item ducatus Hispanicus argenteos valet 11. & restat marauedinus 1. Similiter aureus Hispanus quem *Scutum* appellant, haecenus 11. valebat argenteos & marauedinos 26. iam 13. argenteis estimatur, sed deest illi duorum marauedinatorum valor. Huiusmodi amputationes & minutula additamenta inde videntur exordium duxisse, quod in primariorum numerorum institutione non fuit interdum principum mensuram ipsam siue maiorem mensuram in tot minores, nec amplius parti: sed cuilibet numero vel mensurae maiori, certam quandam marauedinatorum siue vnciarum aut alterius cuiuscunque rei summam vel quantitatem tribuere. Exin vero necessarium fuit in aliorum numismatum cum aliis comparatione minutias has atque segmenta reperiri, si id supputationis ratio postulet. In batorum ergo institutione (ut ad rem redeam) qui hemisphaerio mensurabantur, existimo cylindrum unius cubiti ex minoribus in sex aequales partes fuisse primitus diuisum, quibus batorum nomen est datum: atque ita factum est ut hemisphaerium unius cubiti duos caperet batos. Maioris autem bati institutio eo tendit, ut maioris cubiti cylindro detraheretur quinta altitudinis pars, ut commodior lebetis forma fieret; eique mensura datum est bati nomen. Perinde vero est quod attinet ad capacitatem ut cylindro minoris cubitis tres insuper quintae altitudinis addantur. Sic enim 64. cylindri quos capit Luter unus, explent omnino 40. batos: atque ita quilibet batus sortitur cylindrum unius cubiti minoris & tres praeterea quintas alterius partes. His igitur suppositis, ut necessario supponenda sunt, necesse fuit in maioris bati ad minorem proportionem non ita se habere illos inter se sicut 10. ad unum, sed sicut  $9\frac{2}{3}$  ad unum.

C

F. His adiungo, ut batorum maiorum summa cum minoribus apte componatur, ad 24. ex magnis si unus insuper addatur, hac ratione magnorum batorum ratio siue summa, apposito deinde zero, nos ad summam minorum deducet. Quod forsitan apud Hebraeos fuit in usu, sicut in lanceo vel lineo panno apud Hispanos singulis virgis mensuriis solet addi pollex. Quod si verum esset Iosephum & Eupolemum singulis maiorum batis denos ex minoribus tribuere, hoc pacto posset ratio ipsa recte constare, vel potius ut inter argenteos nummos & scudos aureos inter Hispanos solet accidere, qui singulos scudos nunc ad 13. argenteos redigunt, quantumuis ratiocinatio non admodum exacta sit, parua scilicet differentia contempta.

D

G. Fundamentum quo Stanislaus nititur ut affirmet fuisse quondam batos decima tantum parte maiorum batorum constantes, illud est, quia Iosephus 8. Antiqu. c. 2. agens de iis rebus quas Salomō quotannis ad regem Tyri mittebat, in versione Gelenii ex Graeco (nam Ruffini lectio eo loci corrupta est) affirmat misisse Salomonem annis singulis bis mille batos olei & totidem vini. At 2. Paral. 2. 10. dicitur misisse Salomonem olei fata 200. & totidem vini metretas. Constat autem ex Hebraicis codicibus fatū ibi & metretā accipiendam esse de batis. nam utrobique in Hebraeo legitur ibi nomen *bath*. Ut ergo Iosephus cum Scripturae narratione conueniat, oportet in Scriptura bati nomen pro decima maioris bati usurpari. Verum tamen harum opinionum, quae in eo nituntur, ut Iosephum cum Scriptura concilient, non admodum habenda ratio est. Liqueat enim quam facile scribentium incuria (sic volo dicere) summam apud Iosephum vitiatam sint. Ad cuius rei probationem non opus est alia longe iniquo argumenta accersere. Nam in hac ipsa historia habemus ex Scriptura Salomonem misisse regi Tyrio coros tritici 200. eaque de re duae extant Iosephi lectiones, Ruffini altera quae habet 30. millia coros tritici, altera Gelenii quae habet coros tritici duo millia. Ad horum autem locorum concordiam velle comminisci coros etiam Iosephi esse decuplos respectu illorum quos Scriptura refert, nae id nimis fictionis opus est. Praesertim quia Eusebius de praeparat. Euangelica 1. 9. c. 4. in Graecis codicibus refert ex Eupolemo, tam tritici coros quam vini fuisse quotannis decies mille. nisi fortasse velit singulis mensibus 10. millia coros fuisse asportatos, ac proinde singulis annis 120000 quarum tamen summarum neutra cum verbis Scripturae consonat. Quamobrem non est nobis valde elaborandum, aut de Iosephi summa, aut de illa quam Eupolemus & Eusebius referunt.

Summas aliquas in Iosepho esse deprauatas.

E

H. In eo tamen fides Iosepho derogari non posse videtur, quod ait mensuram batorum vini atque olei quos Salomon ad Hiram mittebat, 2. & 70. sextariorum fuisse. Atque ita bati de quibus mentio fit 2. Paral. 2. 10. non possunt esse decimae partes eius mensurae batorum ex quibus Mare aeneum 2. millia capiebat. Ac quamuis Iosephus in aliis summis seu computationibus nimis excedat, in aliis aliquid detrahat (siue id describentium ob negligentiam acciderit, siue ob aliam rationem) atque adeo ipsius libri hac in re non magna admodum auctoritate polleant, quod Scripturae interdum aduersentur: ceterum in bati mensura magnam habet Iosephus auctoritatem, quemadmodum & in Maris aenei atque Luterum figura. In his enim rebus nullus est alius scriptor qui tantam nobis lucem afferre possit ad S. Literarum intelligentiam: praesertim cum eiusmodi sint res in quibus per errorem aut imprudentiam lapsus fuisse Iosephum, verisimile non sit, neque mendacia texere voluisse, & contraria illis scribere quae & Israelitici populi sacerdotibus erant manifesta, & ferè omnes vrbis Ierosolymae incolas oculos habebant testes.

Auctoritas Iosephi in bati mensura est magna.

Cogit nomen dupliciter accipi, et aliquando magna capacitati apparere.

I. Alio argumento utitur Stanislaus ut probet 40. batos Luterum esse multo minores batis Maris aenei. Illud autem est huiusmodi, 70. interpretes pro 40. batis transferunt 40. congios. & similiter Iosephus exponit 1. 8. Antiquit. c. 2. (quamuis in Ruffini lectione corrupte legantur 40. cori.) Argumentum hoc videtur primo aspectu validissimum: eius tamen enodatio est, tam 70. quam Iosephum, potuisse recte nomen cogii bato magno tribuere. Imò verò hoc ipsum cogii nomen fuisse aptum ut edoceremur batos luterum multo



esse maiores quā Maris ænei batos: ideoq; appellatos fuisse cōgios ad batorū aliorū distinctionē. Etenim nomen  $\chi\epsilon\delta\varsigma$  bifariam accipitur, 1. strictē pro 12. Græcæ amphoræ parte, vel pro 8. parte amphoræ Rom. quæ congius vocatur. 2. latius pro vase valde capaci. Deriuatur. n. à verbo  $\chi\epsilon\omega$  vel  $\chi\epsilon\iota\omega$ , id est, capax sum, vt notant Græca dictionaria. Et eapropter hoc nomē fuit applicatū ad eam mensurā quæ senos sextarios, aut duodenas cotylas capit. Si ergo de luteribus loquamur, examinata seriō ingenti ipsoꝝ capacitāte (cum 4. cubitis in latitudinē, totidēq; in profunditatē consent) fieri non potest vt nomē  $\chi\epsilon\delta\varsigma$  ponatur in his batis pro congio qui sex Atticos sextarios capit. Vnde manifestò apparet per respectū ad etymologią nominis  $\chi\epsilon\delta\varsigma$ , tam 70. quā Iosephum propriē eo nomine fuisse vsos, agentes de batis luterum, vt significarent discrimen inter eos batos, & batos Maris ænei. Idē enim illos appellarunt  $\chi\epsilon\alpha\varsigma$ , id est, capaces. Confirmatur id, quia hodie in Italia ea vini mensura quæ capit vncias 512. Hispanicę cantaræ æqualis, appellatur *congio*, vt notant Petrus & Villalpandus. Quod autem appelletur congius perinde est, quasi vocetur mensura capaxior & maior. Similis ambiguitas accidit in nomine sextarii, quod ferē sumitur pro sexta congii minoris parte. Cū verò Cleopatra & Nicandri interpretes de metreta Syra agunt, asserunt in ea sex Syros sextarios comprehendere, id est, Italicos 120. Si ergo sexta pars metretæ Syræ sextarius dicitur, quantumvis capiat 20. sextarios Rom. quid mirum maiori bato dari nomen congii, licet 8. congios Rom. contineat? Præsertim cū constet vim Græcæ vocis  $\chi\epsilon\delta\varsigma$ , idem sonare quod capax. Atq. ideo forsā ad maiorem batum à minori distinguendum hebraicē nuncupabatur Rahabath, id est batus capax, quod idem est ac batus maior. Inde enim videntur deriuata nomina hæc Artaba, & Arroba, quæ sunt magnarum mensurarum appellationes.

## PROPOSITIO XIV.

Pro certo reputandum est, maiorem batum & ephi, æquales esse mensuras, ac eiusdem capacitatis cum Romana amphora quæ capiebat aquæ vncias 960.

## PROBATIO.

A. **M**ANIFESTUM est batī nomen ab Scriptura diuersis mensuris dari. Primò, quia Mari æneo alibi duo millia batorum, alibi tria millia metretarum dantur. eaq; metretæ in Hebræo nominantur bati. 2. quia vt probatum est proposit. 13. quadraginta bati Luterum, mēsuræ sunt multò maioris quā bis mille bati Maris ænei. Sed in præsentī proposit. omisso Maris ænei bato, de maiori solo instituius sermonem, de quo Ezechielem loqui constat cap. 45. 11. cū ait, *Ephi & batus æqualia & vnius mensuræ sunt, vt capiat decimam partem cori batus, & 10. ephi.* Quare in traditionibus Misnaioth quas refert Arias Montanus non fit mentio alicuius bati maioris, quā qui decimam partē cori contineat. & hic est batus qui in 6. hines diuiditur. Atq; ita post mentionē bati meminit etiam Ezech. sextæ illius partis, prædicto loco.

B. De hoc igitur bato (qui est maior batus Hebraicus,) in præsentī disputatur, cuiusnam fuerit capacitatis. Qua in re variae sunt auctorum sententiæ. Primò enim nonnulli sibi persuaserunt Hebraicum batū esse metretam illam Syram, cuius meminit Cleopatra in suo libello, aiuntq; similiter loqui Nicandri interpretem. Communis autem lectio illius libelli Cleopatraz concedit metretæ Syræ sextarios Italicos 120 id est aquæ vncias 2400. Villalpandus tamen noster, Stanislai opinionem sequutus contendit non esse legendum in illo Cleopatraz loco 120. sed 108. sextarios Italicos, qui continent vncias 2160. vt hac ratione proportio bati ad metretam Græcam sit veluti ternarii ad binarium. Hoc autem sibi persuadent ex eo quod Mari æneo in quodam Scripturæ loco tribuuntur duo millia batorum, in alio tria millia metretarum. Deinde quia Fannius metretæ Græcæ dat sextarios Italicos 72. hoc est vncias 1440. & sicut 3. ad 2. ita 2160. ad 1440. Pro huiusmodi autem correctione astruenda, notant, Græcæ facilem esse commutationem inter 20. & 8. quia characteribus non admodum dissimilibus notantur, nempe  $\kappa$ . &  $\eta$ .

C. Hæc duæ opiniones (quarum prima tribuit bato vncias 2400. & secunda vncias 2160.) si eo nituntur fundamento quod pro certo habeant, metretam Syram (de qua agunt Cleopatra & interpretes Nicandri) esse maiorem Scripturæ batum; leuissima ducuntur coniecturæ. Neque enim solidius est fundamentū vt metretam Syram credamus esse batum Hebraicum, quā vt credamus, Syrum talentū (cuius meminit Pollux) esse magnum Scripturæ talentum. Quare cū hoc sit perspicue falsum, illud item pro vero reputandum non erat. & falsum quidem esse quod ad talentum spectat, inde fit planum, quia talentum maius Scripturæ certum est pendere vncias 1500. Syrum verò talentum octauā tantūmodo partem, nempe drachmas 1500. quæ faciunt vncias 187½. Adhæc nō idem sunt Syria & Iudæa: quia caput Syria Damascus. Quapropter quod Cleopatra de Syra metreta confirmat, minimè fidem adstruit, vt illa credatur esse Hebraici bati mēsurā: nisi probetur mensuram illam conuenire cum ijs quæ de Hebraico bato tradunt grauiores auctores, qui batum ipsum proprio nomine compellant, deq; eius capacitāte agunt.

D. Si autem Stanislai & Villalpandus respondeant, ipsoꝝ fundamentū esse quod ex Scriptura constet duo millia batos idem esse quod 3. millia metretas Græcas; & quod ex Fannio liqueat metretā græcā continere vncias 1440. Ad hæc dico, euidentius esse (vt probaui proposit. 13.) illos bis mille batos non esse ex maioribus, sed decimas maiorum batorum partes, aut paulò plus quā decimas. Ex quo infertur metretæ nomen non posse pro Græca amphora vsu parī cū Mari æneo tribuuntur tria millia metretarū. Nec est cur hoc nouum aut insolitum appareat. Constat enim metretæ nomen dupliciter accipi solere: 1. pro Græca amphora (quæ fuit varia, vt suprà notauimus); 2. quatenus significat idem quod hoc nomen mensura, & sic mensuræ cui libet accommodatur. Quamobrem eo solum niti, quod quidā bis mille bati cōueniant cum 3. amphorarum millibus, quæ sint ex Atticis Fannii amphoris, & huiusmodi persuasione ductos, velle Cleopatraz locū corrigere; & in huiusmodi Maris ænei mensurā, magnitudinē Hebraici cubiti fundare, hæc (inquā) omnia ex fallaci persuasione sunt orta. Euidens namq. est, ter mille Maris ænei metretas non esse Græcas amphoras, sed paruas mensuras, quæ se habent cum maioris bati mensurā, sicut 5. cum 72. vt probatum est propositione 13.

E. Ex dictis deducitur, vt maiori bato vncias 2160. concedantur, non esse ad rem quod Stanislai & Villalpandus asserunt, nimirum batum maiorem se habere cum minori, sicut 3. cum 2. & Iosephum 1.8. Antiquit. c. 2. dum agit de rebus à Salomone ad regem Tyri missis, dicere in singulis batis contineri sextarios 72. quod ipsi putant intelligi debere de 2. bato (qui habeat se cum primo vt 3. cum 3.) Iosephumq. agere de Rom. sextariis, ex quibus 72. capiūt vncias 1440. ac proinde sicut 2. ad 3. ita 1440. ad 2160. hæc ille. Quæ tamen omnia falso nituntur fundamento. Existimant enim duo millia batorum Maris ænei esse ex maioribus, & metretarum tria millia esse ex batis secundis. Vtrunque tamen falsò, vt suprà ostendimus.



A Quamobrem minimè probabile est, Ioseph. de batis secundis agere, sed de primis. Neq. est aliquod fundamētum vt credamus, Iosephum loqui de Rom. sextariis, sed de Hebraicis. Siquidem cōper-  
tum est, sextarii nomen cunctis ferè nationibus fuisse commune, non tamen mensura erat Romanę  
æqualis ( vt docet Galenus lib. de Simplicibus ) sed in aliis prouinciis siue regionibus continebat 15.  
vncias, in aliis plures, & in aliis pauciores. Iam verò quot vncias Romanas capiat Hebraicus sexta-  
rius, quamuis ibi Iosephus non exprimat, alii tamen auctores non minùs graues disertè exponunt,  
& Iosephus etiam ipse alibi lucem nobis præferet, vt infra constabit.

B F. Sed faciamus gradum ad aliam sententiam quæ videtur esse Iosephi lib. 15. Antiquit. c. 12. Licet  
enim ibi non loquatur explicatè de bato, agit tamen de coro, & constat batum esse decimam cori  
partem. Ait ergo inibi Iosephus vnum corum ex 10. medimnis Atticis componi, ex quo videtur  
colligi Hebraicum batum Attico medimno esse æqualem. Certum est autem medimnum Atticum  
duplicis amphoræ Romanæ esse capacem. Vnde iuxta hanc Iosephi mentem, batus capiet aquæ vn-  
cias 120. Suprà tamen vidimus, aut hunc Iosephi locum esse corruptum, aut ipsius Iosephi tem-  
pestate receptum fuisse vt cori nomen duobus coris antiquis tribueretur. Nam vt postea planum  
fiet, indubitatum est, Scripturæ corum quinque tantum medimnos Atticos continere. Quam ad  
rem præsto etiam nobis erit ipsius Iosephi testimonium.

G. Denique vt meam sententiam exponam, Batus & Ephi inter se sunt omnino æquales, & v-  
triuvis eorum eiusdem capacitatis cum amphora Romana, quæ præcisè capiebat aquæ vncias 960.  
Hanc sententiam tenet noster Mariana lib. de ponderibus & mensuris c. 16. Atq. eadem est expressa  
Epiphani & Hieron. mens. Epiphanius enim affirmat eorum esse idem quod triginta modii Rom.  
& tam nomen quàm mensurâ modii Romanos fuisse ab Hebræis mutuatos. Quare exactè capit ephi  
( & similiter batus ) tres modios Romanos. Constat autem modium capere aquæ vncias 320. atq. adeo  
tres modii capiunt vncias 960. quæ est capacitas amphoræ Romanæ. Idem expressè docet Hieron.  
Ezechielis 45. in commentario. Porro nec Hieronymus, nec Epiphanius maioris alterius bati vn-  
quam meminere. Nec verisimile est, ipsorum tempore, capacitatem bati fuisse obliuione obrutam.

H. Secundo, cum hac Epiphani & Hieronymi sententia cōcordat traditio Misnaïoth ( quam refert  
Arias Montanus (tribuit enim bato capacitatem ouorum 432. ouorum (inquam) ex gallina. Et Ma-  
riana quidem refert, se periculum fecisse ouis gallinaceis, deprehendisse quæ nouem ouis conti-  
neri aquæ vncias iustas 20. Ac per regulam trium, si nouem oua capiunt 20. oua 432. capient vncias  
aquæ 960. Aduerto tamè ad eiusmodi experimentū debere eligi oua ex grandiorib. quæ gallinæ pā-  
riūt. & fortasse vulgaria Palæstinæ oua erant æqualis magnitudinis cum maiusculis nostræ regionis.

C I. Tertiò huic nostræ sententiæ adstipulatur quoque Iosephus 8. Antiquit. c. 2. Ait enim batum  
capere sextarios 72. neque dubium quin de Hebraicis loquatur sextariis, ( vt suprà dicebamus ) qui  
Hebraicè appellantur *logines*: & Misnaïoth ( vt refert Arias ) expressè etiam bato tribuit *logines* 72.  
& eorum singulis capacitatem sex ouorum. Si autem oua nouem ad summum continent aquæ vn-  
cias 20. sex oua præcisè capient vncias 120. vt rectè colligit Mariana. Atqui numerus 120. bis & se-  
ptuagies repetitus complet vncias 960. Certè huiusmodi log mensura non est valde diuersa à com-  
muni Græciæ sextario, qui erat vnciarum quindecim, vt suprà ostensum est.

L. Quartò hæc eadem sententia expressa est in Vulgata bibliorum versione. Nam Ezechielis  
45. 11. legimus ephi & batum esse æqualia; Vulgatus autem Ruth 2. 17. dilucidè affirmat, quæ men-  
sura sit ephi: sic enim ait, *ephi mensuram, id est tres modios*. vbi nomen modii necesse est accipi, vt Latini  
accipiunt pro sexta medimni parte. siquidem vt declaretur quænam sit ephi mensura, adduntur il-  
la verba, *id est tres modios*. Iam autem vidimus tres modios vni amphoræ Rom. esse æquales. Præterea  
Isaia 5. 10. legimus in Vulgata, *triginta modios*, vbi Hebraicè legitur *hhomer*, quod idem est atque corus.  
Et secundum hanc rationem tam ephi quàm bato tres obtingunt modii. Atque ibidem etiam posuit  
Vulgatus tres modios pro Hebræo nomine epha.

D M. Quintò, ad hanc eandem sent. se conformant 70. interpretes Isaia 5. 10. Nam pro *hhomer*  
( id est, pro coro ) vertunt illi *artabas sex*. Atqui vidimus suprà ex libello Cleopatæ, & ex Galeno, ar-  
tabā Ægyptiæ modius 5. Rom. fuisse æqualem. Ibidem etiam pro epha 70. interpretes legunt men-  
suras 6. id est, 6. hines. Nam batus in sex hines diuiditur, & quamuis hin sit mensura liquidorum, alia  
tamen erat mensura aridorum eiusdem capacitatis. Atque ea mensura scelerminio Hispano est æqua-  
lis, quæ sexta est semifanecæ pars.

N. Sextò ab hac sententia non discrepat ea mensura quam Iosephus lib. 3. cap. 12. & Hieron.  
Ezech. 4. præscribunt Hebraico Hin. Afferunt quippe ei respondere duos *χόας* Atticos. Chus verò  
Atticus capit 90. aquæ vncias, vt suprà vidimus. Tamet si autem hin, quæ est sexta bati pars, tantum  
capiat aquæ vncias 160. ( quæ sexta pars est vnciarū 960. ) differētia tamen inter 160. & 180. non est ad-  
modum magna: & propter vicinitatem accommodarunt se veteres ad nomen duplicis chus: quia  
chus Atticus est duodecima Græcæ amphoræ pars, hin verò est Hebraicæ amphoræ ( id est, bati ) nō  
duodecima sed sexta. Discrimen autem inter Græcam amphoram communem & inter Hebraicam  
est satis paruum. Atque ita hin ferè duobus chois respondet.

E O. Nec verò officit huic sententiæ quodd 70. interpretes hin appellant chus. Nam nomen chus  
ad capaciores mensuras applicatur, vt maiori bato, quemadmodum diximus proposit. 13. litera I.  
& similiter applicatur sextario magno quod est proprium Hebraici hin nomen, quia est sexta bati  
pars. Quare interdum pro hin vertit Hieronymus sextarium. Hin verò maius Epiphani, fortasse est  
sux patriæ, id est, Samariæ mensura. Cum autem hin sancto nouem tribuit sextarios, fortassis agit de  
sextariis 18. ferè vnciarum, de quibus & agitur in libello qui Galeno adscribitur.

P. Tandem optima huius sententiæ confirmatio est, quodd per eam conciliantur 70. interpretes,  
Vulgatus, Epiphanius, Hieronymus, Iosephus & Misnaïoth. Nec enim credibile erat eos omnes  
inter se esse contrarios: quemadmodum & in sicli pondere infra constabit, Septuaginta, Iosephum,  
Philonem, & sanctum Hieronymum inter se consentire.

Batum esse  
æqualem  
amphoræ  
Romanæ.



## PROPOSITIO XV.

Bis mille bati Maris ænei continent singuli centum aquæ vncias : ter mille bati (sive metreta) Maris ænei, capiunt etiam singuli vncias 66 $\frac{2}{3}$ .

## PROBATIO.

A. CVM hætenus fuerit grauissimorum auctorum testimonio stabilitum, maiorem batū fuisse æqualē Rom. amphoræ, capientia aquæ vncias 960. nec non maiorem batum se habere cum ea mensura quæ Mariæneo duo batorum millia tribuit veluti 48. cum 5. ex his euidenter sequitur singulos ex duobus batorum millibus Maris ænei capere centum vncias. Nam sicut 48. ad 5. ita 960. ad 100. Pari etiam ratione, cum statuerimus ter mille batos (quos noster interpres metretas nuncupauit) se habere cum batis maioribus sicut 5. cum 72. inde deducitur eorum singulis inesse aquæ vncias 66 $\frac{2}{3}$ . Nam sicut 72. ad 5. ita 960. ad 66 $\frac{2}{3}$ .

Metreta &  
batus variè  
accipiuntur.

B. Nec verò est cur aliquis tanquam nouum & peregrinum reiiciat, quòd nomen bati mensuris ad eò paruis tribuatur. Siquidem constat, aliquando 70. pro bato substituisse chœnicem, & aliquando cotylam. (Vide Apocal. c. 6. notat. 7. de verâ mensurâ chœnicis) quod argumento est, Hebraicè in bati nomine contingere quod Græcè in nomine metretæ, quod interdum accipitur pro amphora græca, & interdum in generali mensuræ significatione, qua ratione accommodatur cui libet peculiari mensuræ. Cuius ratio est quòd nomen *bath* in Hebræo eandē habet fortasse vim, quā Græcè metreta & Latinè mensura. Ex dictis autem constat nihil esse quod Mariana aut Villalpandus irrideant quòd nomen bati communicetur decimæ parti maioris bati. Certe bis mille bati Maris ænei paululum maiores erant quàm decimæ maiorum batorum : & ter mille bati paulò maiores quàm quinta decima bati maioris pars.

Maris ænei  
capacitas nō  
est tanta ac  
nōnulli  
putant.

C. Porro infra videbimus duo batorū millia Maris ænei fuisse sextarios eius cylindri, cuius altitudo & latitudo esset vnus cubiti maioris Hebraici: aut duodecimas partes eius cylindri qui ad eandē firmam ex cubito maiori fieret. Tria autem millia batorum Maris ænei, erant veluti sextarij sphaeræ cubiti minoris. Quod verò sacer scriptor libri Paralipomenon mensuram vsurpauerit diuersam ab ea quæ posita fuit, atque ad eò vsitata in batis hemisphaerij, quando liber tertius Reg. fuit scriptus; forsan id accidit, quia illa alia mensura, communior iam erat seu magis vsitata quando liber ille Paralipomenon scriptus fuit.

D. Ex his quæ diximus inferitur, Mare æneum iuxta nostram computandi rationem tantum capere vncias aquæ 2000. quæ complent Romanas amphoras 208 $\frac{1}{2}$ . ex nostris verò cantaris plusquam 390. Quòd si quispiam dicat sibi eiusmodi quantitatem ad Maris nomen exiguam valde videri: Respondeo, hebraicum Maris nomen sese extendere ad quālibet plurimæ aquæ congeriem: veluti ad ingentem paludem: deinde per analogiam facile cernitur, ad vnicum vas magnam satis aquarum capedinem esse, quæ cantaras 390. cōtineat. Præsertim quia hemisphaerii forma illud aspectui grandius & capacius reddebat, eo quod valde patulum esset. Pro cuius confirmatione adducito, hoc vas duodecim bobus æneis fulciri, qui licet ærei essent, nihilominus non ad eò dissentanea debebat esse proportio, vt singulis bobus mille aquæ cantaræ responderent. Et in mea quidem computatione cui libet boui respondet plusquam 32. cantaræ, præter ipsius vasis ænei pondus quod grauissimum erat. Notum verò est architectis, optimā symmetriam & proportionem exigere, vt in vasis & ædificij non solum firmitas insit, verum etiam vt aspectui appareat, fundamentum quo tanta moles solidatur, minimè esse debile & infirmum.

E. Villalpandus noster (vt supra notauimus) voluit in Mariæneo contineri Romanas amphoras 4000. quibus per additamentum vncias aquæ adiecit plures quàm 205000. qua ratione singulis bobus obtingunt amphoræ Rom. 392. & eò ampliùs, & sola adiectio quam ille per incuriam addidit capacitati quam proposuerat sibi, maior est capacitate illâ quam ipse toti Mariæneo tribuo.

## PROPOSITIO XVI.

Cubitus quo sacra Scriptura metitur Mare æneum & luterus, est diameter sphaeræ vnciarum aquæ 400. ex quo inferitur ea vasa in Scriptura non mensurari maiori cubito Hebraico, sed minori.

## EXPLICATIO ATQUE PROBATIO.

PROPOSITIONE 13. demonstratum est, 64. cylindros vnus cubiti, esse capaces 40. batorum ex maioribus. Hoc supposito necessarium est, cylindrum vnus cubiti capere omnino 2. vnus bati. Nam 40. sunt 2. respectu numeri 64. Quare cum propositione 14. probatum sit in maiori bato contineri aquæ vncias 960. hinc sequitur euidenter, cylindrum vnus cubiti capacem esse vnciarum aquæ 600. quia sicut 5. ad 8. ita 600. ad 960. Quinta ergo pars numeri 600. (quod idem est atque quinta pars cylindri vnus cubiti.) est octaua pars bati: ac proinde Romanæ amphoræ, cuius octaua pars est congius, capiens aquæ vncias 120. & hæc est pars quinta numeri 600.

B. Vbi autem statuamus, cylindrum vnus cubiti capere aquæ vncias 600. hinc per Archimedis demonstrationem patet, sphaeram vnus cubiti capere iuste vncias 400. atque ad eò Hebraicum cubitum, (quo Mare æneum & luterus mensurantur,) esse diametrum sphaeræ capientis vncias aquæ 400. Porro eadem mensura est tertia pars Hispanicæ vlnæ seu virgæ mensoriæ, vt vidimus proposit. 6. Nec mirum est eam mensuram quam Architecti pedē appellant, vocari in S. Scriptura cubitū. Nam (vt probatum est proposit. 9. cubitus in Scriptura nō capitur pro 4. staturæ parte, sed pro sexta.

Dua cubiti  
mensura in  
populo Is-  
rael.

C. Ceterum aduertendum est, duas fuisse in Israelitico populo cubiti mensuras; minoris aliā, aliam maioris. Et quamuis templi ædificium dimetiatur Scriptura maiori cubito (vt constat Ezechielis 48. 13. & 2. Paralipom. 3. 3.) veruntamen Mare æneum & luterus, certum, meo iudicio, est, ab Scriptura per minorem cubitum mensurari. Nam cubitus quo mensurantur Mare æneum & luterus, est diameter sphaeræ vnciarum aquæ 400. quod idem est atque Hispanicæ virgæ mensoriæ pars tertia: quam constat esse partem sextam staturæ Hispanicæ, eius videlicet staturæ quæ planè mediocris est. Quapropter cum maior cubitus excedat cōmunē cubiti mensuram nō nihil ampliùs 4. parte; necesse est, maiore Staturæ cubitum (qui est 6. pars staturæ antiquæ) esse multo maiore Hispanici pedis magnitudine. Vnde inferitur tam luterus quàm Mare æneum non mensurari in Scriptura



A per maiorem cubitum, sed per minorem. Atque adeo falso Villalpandum existimasse, Maris ænei cubitos esse eiusdem mensuræ cum iis quibus ædificium templi mensuratur.

D. Obiiciat tamen aliquis, nouitatem & insolentiam maximè redolere quod dicimus: Mare (scilicet) æneum & Luteris non mensurari eadem cubitorum mensura, qua templi ædificium Scriptura dimetitur, sed alio minori cubito. Respondeo id nouum & peregrinum videri illis qui Mathematica disciplina imbuti non sint, nec computationis rationem inierint. Verùm si euident est ratio ac computatio quam suprà exposui, nihil est cur paradoxum mihi esse obiiciatur. Si autem in eo solùm hæreat aliquis, quòd durum videatur, nomen cubiti ambigüe in Scriptura accipi, dum tam ædificium quàm Mare æneum & Luteris cubitus metitur: Respondeo, similem amphibologiam maiori adhuc inæqualitate necessariò in bati nomine esse admittendam. Nam (vt suprà ostendimus) cerium est batos Maris ænei esse paulò plus quàm decimas eorum batorum quibus constant Luteris. Atqui sacer scriptor (vt ibi notauimus) dictionem obscurare minimè voluit, sed nobis proponere batorum discrimen, & ijs loqui verbis, quibus in vulgari illius discriminis loquutione homines frequenter utebantur. Dico igitur similiter sacrum scriptorem in cubito minimè voluisse obscure loqui, sed ea phrasi fuisse vsum quæ vulgò in cubitorum ratione vsurpabatur. Etenim in ædificiis nomen cubiti sumebatur pro cubito antiquo: in alijs verò rebus, vt in liquidorum mensuris, cubiti nomen ad minoris significationem restringebatur. Id quod ipse non ex meo cerebro fingit; sed elicio ex illa ipsa capacitate quam S. Scriptura tribuit Luteribus & Mari æneo.

B E. Præter hæc, meo quidem iudicio, sacer scriptor satis innuit hanc vtriusque cubiti differentiam. Nam in Mari æneo & in Luteribus expressit numerum cubitorum quibus ipsorum Luterum & Maris tum altitudo, tum latitudo constabat: nec verò dixit se de maioribus cubitis loqui. In ædificio autem neutiquam contentus nomen cubitorum apposuisse, addidit se de primæ mensuræ cubitis agere, atque adeo dimetiri calamo sex cubitorum maiorum, quorum singuli minoribus sunt vno palmo longiores. Hoc igitur quod textus in ædificio exprimit, absque fundamento extenditur ad Maris ænei & Luterum mensuram. Etenim ideo in ædificio explicatè apponitur, quia inibi diuersa erat cubiti mensura. Legantur (obsecro) quæ diximus propositione 12. circa diuersam batorum mensuram Maris ænei atque Luterum. Omnia enim illa exempla hic possunt vsui esse. Atque in mensurarum loquutione possunt alia sexcenta exempla à communi consuetudine petita adduci, quæ omnem prorsus difficultatem expediant.

C F. Ceterum satis erat certa ratio qua constat cylindros sexaginta quatuor vnius cubiti, capere præcisè 40. batos ex maioribus, vt inde inferamus, cubitos illos ex maioribus esse non posse. Quilibet enim cylindro obtingunt quinque octauæ partes vnius bati. Cum autem batus sit amphora Hebraica, poscebat apta ratio, vt quemadmodum Romanus pes aptam habet cum Rom. amphora convenientiam, ita similiter Hebraicæ amphoræ cubitus responderet antiquus in communi lebetis figura quæ vsui est accommodata ad liquidorum mensuras, & inter Hebræos vsitata erat. Nec verisimile est, secundum primam institutionem decretum fuisse vt cubitus primæ mensuræ non responderet integro bato, sed quinque octauis illius.

G. Notandum ergo est, maiorem cubitum (vt vidimus proposit. 10.) fuisse antiquum. Porro minoris cubiti mensuram fuisse inuentam, vt solida ex ipso essent subdupla respectu solidorum cubiti maioris. Quamobrem cum cylindrus (cuius altitudo & latitudo sint vnius cubiti ex minoribus) contineat aquæ vncias sexcentas, cylindrus vnius cubiti maioris continebit vncias 1200. Si autem huiusmodi cylindro quinta altitudinis pars detrahatur, remanet congrua lebetis figura: nam lebetes commodiores sunt, qui paulò minus sunt profundi quàm lati. Hæc igitur videtur fuisse institutio: videlicet vt bati Hebraici mensura esset cylindrus, cuius latitudo constaret integro cubito Hebraico antiquo, altitudo verò cubito non integro, sed dempta quinta illius parte. Sic enim capit omnino vncias aquæ 960. Nam si ex 1200. subtrahimus quintam partem, remanent 960.

D Veruntamen quamuis prima bati institutio ad cubiti antiqui normam facta fuerit, nihilominus cum ad communem mensurarum vsum in liquidis, & ad plures alias res, minor postea cubitus in vulgarem consuetudinem paulatim irreperit; hinc fuit cubiti nomen in liquidorum mensuris pro minori cubito vsurpari, quamuis in ædificiis, maioris cubiti vsus persisterit, & fortasse mansit etiam in stadiis, miliaribus ac leucis. Sed de hoc aliàs.

## COROLLARIUM I. PROPOSIT. XVI.

E *Hebraicus cubitus minor erat eadem mensura cum parte tertia Hispanæ vlnæ seu virgæ mensuriæ, quæ longa est digitos Romanos 14.  $\frac{2}{3}$ . & maior cubitus Hebraicus patebat in longitudinem Romanis digitis 18.  $\frac{2}{3}$ . & inter hæc duo extrema medii interiacent tum Romanus pes constans digitis Romanis 16. tum pes Græcus continens digitos Romanos 16.  $\frac{2}{3}$ .*

## EXPLICATIO.

CVM probatum sit hætenus, Hebraicum cubitum minorem esse diametrum spheræ vncias 400. capientis, & maiorem cubitum esse diametrum spheræ habentis vncias 800. eo ipso probatum remanet, minorem cubitum eiusdem esse magnitudinis cum nostratertia Hispanæ virgæ parte: & cubitum maiorem constare digitis Romanis 18.  $\frac{2}{3}$ . Ita enim opus est vt minor cubitus sit spheræ capientis aquæ vncias quadringentas, & maior itè spheræ capientis octingentas, vt ostensum est prop. 6. Cum autem Hebraica vox *amah* quæ respondet cubito, non significet 4. staturæ partem, sed sextam, (vt stabilitum est proposit. 9.) minime cohæret, minorem cubitum esse 6. Hispanicæ staturæ partem, & à cubito maiori Hebraico non superari Græcum pedem, nisi duobus tantum digitis Romanis.

*Hebraicus cubitus minor est ead. mensura cum pede Hispano.*



Namque si certum est, Hebraeis duplicem in mensurarum usu fuisse staturam, vtramque inter se adeo diuersam, vt maior quarta parte minorem excederet: facile hinc apparet, vt nec maior cubitus, nec minor (sumpti vterque pro sextis staturarum partibus) valde discrepent à mensura quæ reperitur in hominibus in illo brachii esse quod cubitus appellatur, ad hoc (inquā) congruens esse, vt intelligamus inter hosce duos cubitos Hebraicos, interiectos esse Romanum pedem & Græcum: ita vt maior cubitus Hebraicus fuerit Græco pede longior, ac minor cubitus Hebraicus fuerit Romano pede breuior. Nam Romanus pes & Græcus respectu frequentioris staturæ humanæ, nec curti sunt, nec admodum longi. Atque ita verisimile est, eos esse interiectos inter cubitum maiorem & minorem Hebraicos. Cùm verò pes Græcus sit maior Romano, & Hebraicus cubitus maior verisimiliter existimetur fuisse sexta pars staturæ Adami aut Noei & primorum illorum hominum (qui grandiores nobis fuerunt) quid verisimilius, quàm id quod nobis prædicta computatio & ratiocinatio persuadet? iuxta quam Hebraicus cubitus maior Græcum pedem excedit eadem fere quantitate, quā pes Græcus superat Hispanum; qui Hebraico cubito minori æqualis est. Etenim cubitus maior Hebraicus superat Græcum pedem digitis duobus Romanis: Et tantundem ferme Græcus pes Hispanum excedit.

B. Deinde Hebraicus cubitus minor (quod verisimile valde esse, quisq. per se facile cernet) erat sexta pars communis Israelitarum mensuræ. Ex Scriptura autem liquet Israelitas procera corporis statura non fuisse: siquidem cum Philistæis comparati se ipsi locustas compellarunt, Numerorum 13.34. Quid ergo congruentius quàm paruo cubito Hebraico (id est, sextæ vulgaris Israelitarum staturæ parti) eandem tribuere mensuram quam habet pes Hispanus? sextam videlicet Hispanicæ staturæ communis partem, quæ nec breuior est, nec longior.

C. Præterea, Hispani pedis mensuram constat esse mensuram antiquissimam qua utebantur Hispani. Etenim antiquorum Romanorum tempore eadem erat Hispanis in usu mensura quæ nunc est, vt eruditi obseruauerunt, atque probauerunt auctores ex Romanorum ædificiorum reliquiis, quæ etiam nunc in Hispania visuntur. Vnde constat Hispanicæ pedis mensuram esse in Hispania antiquiorem quàm Romanorum in eadem imperium. Siquidem ista ipsa mensura erat ea quæ tunc Hispani utebantur, nec à Romanis huc allata, cùm ab eorum mensura diuersa sit. Magna igitur est proculdubio Hispanicæ pedis antiquitas. & verò siue eius mensura sit in Hispaniam à Cartaginensibus induta, siue ab Hebraeis, qui apud Hispanos mercaturam exercuerunt, siue ab aliquo ex Noei nepotibus; huius certè pedis vetustas & constans usus qui ipsum in Hispania semper retinuit (vt & antiquam vnciam) argumento est, ipsius originem à vetere cubito Hebraico duci, & nihil conuenientius quàm vt sit subduplus ad illum in potentia solida. Id quod ita esse oportebat (iuxta ea quæ superius probata sunt) vt Hebraicus cubitus minor & pes Hispanicus sint eiusdem omnino mensuræ.

D. Adhæc si Hebraico cubito maiori Romanos digitos 18. tribuamus (vt reapse tribuimus) constabit antiqua statura Romanis pedibus septem: quæ procera iatis corporis magnitudo est, ac fere gigantæa: & Hispanos pedes habebit in longitudinem septem & semis, ac proinde Hispanam staturam semiulna Hispanicæ superabit. Et mihi quidem credibile satis sit, sex cubitos maiores Hebraicos fuisse Adami vel Noei staturam. Nam 2. Paralip. 3.3. cubitus maior vocatur primæ mensuræ cubitus; & calamus cubitorum sex maiorum nominatur in Apocalypsi mensura hominis, quod idem esse potest ac mensura Adami. & primos illos homines certum est magnæ corporis proceritate fuisse, quandoquidem statura primæ mensuræ excedit staturam posteriorem sesquicubito.

E. At enim (dicit quispiam) non rectè consideratur primorum hominum statura communis fuisse tanto maior illa qua hodie homines constant: hinc enim sequeretur humanam staturam perpetua diminutione ac detrimento assiduo ad minorem & minorem quantitatem semper tendere: ex quo illud confectarium; nimirum si mundus per alia quatuor aut quinque annorum millia duraret, hominum tandem staturam pumilionum fore, quod nequiquam dicendum est. Maior ergo cubitus Hebraicus non erat ea quam diximus mensura, aut saltem non erat sexta pars staturæ Adami aut priorum hominum. Respondetur, Eandem auctoritatem qua per moti credimus, ante diluuium homines tot sæcula vixisse, eandem nobis nunc adesse, vt pro certo habeamus antiquæ staturæ mensuram fuisse in quarta parte superiorem posteriori mensuræ, vt supra expendimus. Quod verò opponitur, quod scilicet, si mundus multa alia duraret sæcula, homines per exigui forent, ad hoc (inquam) præter aliorum solutiones, notum est Mathematicis, si diminutio ac decrementum per partes (quod aiunt) proportionales fiat, esse quidem diminutionem initio notabilem valde, postea tamen per particulas adeo exiguas fieri, vt vix aut ne vix quidem percipi sensu possit, quantumvis aliquot annorum millia deinceps decurrantur. Quod si ex peculiari aliquo tempore faciendus erat descensus siue imminutio per partes proportionales ab statura summa ad infimam, infimaque contineret (v.g.) Hispanicæ aut Gallicæ staturæ mensuram, summa autem magnitudo constitisset quondam octo pedibus Romanis: tunc sanè per proportionales partes posset ex pedibus sex Romanis ad sex pedes Hispanos ita paulatim fieri contractio ac decrementum, vt nunquā talis diminutio prædictos sex pedes posset versus minimam quantitatem transilire. Quod Mathematicæ disciplinæ vel mediocriter erudito euidentis est. Si verò non probatur, vt re vera minimè probatur, eiusmodi diminutionem in proportionalibus partibus fieri non posse, argumentum hoc nullius roboris aut momenti est.

## COROLLARIUM 2. PROPOSITIONIS 16.

*Confutatio nimie longitudinis quam aliqui tribuunt cubito maiori Hebraico.*

PRÆCIPVA impugnatio mensuræ quam Villalpandus cubito sacro præscribit, petenda est ex certitudine earum propositionum quas hactenus probauimus. Villalpandus enim dat cubito

sacro

Hebraicus  
cubitus ma-  
ior est satis  
magnus.

Ex cubiti  
diminutione  
non sequi  
futuros ali-  
quando ho-  
mines pu-  
miliones.



A. sacro Romanos palmos fere 10  $\frac{1}{2}$ . Si autem certum est cubitum Hebraicum non esse quartam antiquæ staturæ partem, sed sextam; sex cubiti in Villalpandi mensura efficiunt ferme Romanos palmos 63. id est pedes Rom. fere 16. quæ est humanæ staturæ magnitudo longè superans omnem credibilitatem. Præterea si Luteri erant cylindri quatuor cubitos lati & totidem alti, & cubitus unusquisque constaret Romanis digitis pænè 42. singuli Luteri caperent fere mille amphoras Romanas, quod esset singulis batis tribuere Romanas amphoras 25. id quod maius multo est quam credi possit. Si autem Luteri minori cubito mensurentur, adhuc batus vnus capacitatem duodecim amphorarum Romanarum superaret.

B. Enim verò ad maiorem nostræ mensuræ confirmationem libuit nonnulla alia argumenta hic subiicere, ex quibus conuincatur, cubiti Hebraici mensuram à nostro Villalpando assignatam longiorem esse quam ratio permittit. Et in primis lectus ferreus Og regis Basan secundum Villalpandi dimensionem haberet Romanos pedes 32. habebat enim in longitudinem nouem cubitos (Deuter. 3. 11.) In nostra verò sententia ii sunt pedes Romani 10  $\frac{1}{2}$ . ex Hispanica autem mensurâ fere 11  $\frac{1}{2}$ .

C. Secundo, si templi Salomonici contignatio crassitudinis erat decem cubitorum, vt Villalpandus describit, hi decem cubiti in ipsius dimensione continent pedes Hispanicos 28. Atque hanc totam crassitudinem considerat Villalpandus ex solida materia, absque vilo interiecto vacuo, quod magnam dispendii partem atque ponderis eleuaret, & multis aliis rebus vsui esse posset.

D. Tertiò, si Hebraici cubiti adeo ingentes considerantur, summæ aliquot præ sua magnitudine incredibiles omnino euadent. huiusmodi sunt templi Hebraici fores 55. cubitos altæ, ex Iosepho 6. de bello cap. 6. Quæ iuxta Villalpandi mensuram continerent Hispanicos pedes plus 150. cum tamen totæ essent ex auro. forent etiam fide & opinione omnino maiores portæ illæ quas paulo inferius describit Iosephus 40. cubitorum in altitudinem, quæ ex Hispanicis pedibus plusquam centum explerent. Iam lapides fundamentorum ait Iosephus eodem capite habuisse in longitudinem 40. cubitos vel etiam 45. qui ex nostris pedibus essent plusquam 120. Item exedarum columnas affirmat ibidem Iosephus fuisse crassitudine 12. cubitorum, qui pedes Hispanos adæquarent tres & triginta.

E. Quarto, contendit Villalpandus 400. cubitos maiores Hebraicos vocari à Iosepho stadium, quia Græci stadium vocant Græcos cubitos quadringentos. Aduerte igitur ex 400. cubitis maioribus Hebraicis in sua opinione confici plus mille pedes Græcos. Si ergo ita res habet, quinam credibile est à Iosepho Græcè scribente appellari stadium interuallum quod plus mille pedibus Græcis constabat? Si Romani vt cum Græcis consentirent, stadium nuncupabant pedes Romanos 625. (vt Plinius confirmat) quia scilicet hi pedes Romani eandem reddunt longitudinem quam pedes Græci sexcenti: quis eam sibi possit mentem inducere; vt cum Iosephus græcè conscribat historiam, cumque ipse cupiat (vt in prologo testatur) à Græcis intelligi, stadium nihilominus appellet id interuallum quod amplius mille pedibus Græcis constat? An verò intendebat ipse sui templi atque vrbs amplitudinem celare Græcos, & non potius amplificare, & miris præconiis extollere?

F. Deinde si (vt propositione nona probatum est) Iosephus stadio tribuit 600. Hebraicos cubitos, ac cubitus maior Hebraicus continet fere 42. Romanos (vt contendit Villalpandus) illud certè Iosephi stadium tria ferme Græcorum stadia exæquaret. Et quantunvis asseramus sexcentos illos cubitos Iosephi, esse ex minoribus, si Villalpando habenda est fides, idem spatium complent quod 500. ex maioribus, qui in ipsius opinione æquales sunt Græcis pedibus 1258. atque adeo plusquam duo Græcorum stadia. Singula enim cum Græcè scribat, stadiis nomen ei tribuere interuallo quod à Græcis duo stadia appellaretur? Quasi verò Iosephi mens foret, Ieròsolymæ ac templi Hebraici magnitudinem, & existimationem de ipsis conceptam imminuere. Dubium profecto non est, quin si quod fuit Iosepho peculiare studium ac propensio, eo potius incubuit vt res patrias exaggeraret. Lege prologum ipsius in libros de bello Iudaico. Vbi manifestè prodit hanc amplificandi voluntatem: & ibi etiam ait, se illam historiam literarum monumentis mandare quod Græci ac Romani veritatem assequi possent. Ad hoc ergo perspicuum est non fuisse appellandum ab ipso vnicum stadium quod à Græcis ac Romanis duo stadia & eo amplius appellaretur. Quanuis enim in antiquo vsu stadium esset mille pedum, vt notat Villalpandus. constat tamen Iosephum de his antiquorum stadiis non loqui, vt fatetur etiam Villalpandus ipse.

G. Quintò, quindecim altitudinis cubitos partitur Iosephus in gradus scalarum vnde viginti, 6. de bello cap. 6. Ex quibus si vera est Villalpandi mensura, singulis gradibus bini pedes Romani & eo amplius obtingunt in altitudinem. Quod quàm sit dissonum & ab omni scalarum proportionem abhorrens, nemo non viderit. Et quidem gradus ipsi non sunt plures quàm 19. Nec altitudo minor est quindecim cubitis Hebraicis. Nam (vt ait Iosephus) *Licet parietis templi altitudo fuerit 40. cubitorum, tamen gradibus celsitudo tegebatur, atque ita interior celsitudo 25. cubitorum erat. quoniam in altiori loco per gradus edificata, non tota pars interior cernebatur.* Itaque gradus ipsi quindecim cubitos altitudinis occupabant. Gradus autem plures non sunt quàm 19. Ex quibus alibi erant quatuordecim, & alibi quinque, vt videre est in Iosepho, eodem capite.

H. Sextò, si præstituamus quod inficiari non potest Villalpandus, Ezechielem in descriptione terræ quam diuidit tribubus duodecim, sese accommodare ad longitudinem & latitudinem terræ illius quam filii Israel quondam incolere: si hoc (inquam) supponamus, validissimè inde impugnatur mēsurā illa quam Villalpandus calamo Ezechielis adscribit. Etenim Israelis tellus ac regio quam Ezechiel considerat, tota inter Iordanem fluium & mare Mediterraneum interiacet. Li-quet hoc ex ipso textu cap. 47. 18. *Plaga orientalis Iordanis determinans. Hebraicè, Inter Galaad & inter*



terram Israel Iordanis à termino super mare Orientale, id est, super mare mortuum. Hoc igitur supposito aduerte, in terræ illius latitudine, (nempe à Iordane fluuio vsque ad mare mediterraneum) contineri calamos 250. in latitudinem, & multum adhuc terræ superaturum. Vide cap. 48. 8. *Aploga orientali vsque ad plagam maris, viginti quinque millia latitudinis sicut singule partes à plaga orientali vsque ad plagam maris,* & præter hos 250. calamos, superest adhuc multum terræ ab Oriente & Occidente. Nam 250. calamorum in latitudinem consignantur primitiis (hoc est sacerdotibus, Leuitis & ciuitati sanctæ) quod autem reliquum est ex 250. calamorum in principis possessionem & hereditatem adscribitur. Atqui soli calami 250. (secundum Villalpandum in vltimâ tabulâ tom. 3. s. complēt Romana milliaria fere 82. Nam calami quinquagies mille sunt (in illâ tabulâ) Romani pedes 8180980. cuius numeri dimidiata pars est 4090490. qui faciunt Romana milliaria fere 82. & quauis ad principis possessionem residua sint non amplius quam milliaria 18. constabit latitudo terræ promissionis à Iordane vsque ad mare Mediterraneum centum miliaribus Romanis. Id autem est manifestè falsum, vt planum fit ex ijs quæ scribit Hieronymus epistola 129. *Pudet dicere* (ait) à Ioppe vsque ad Bethleem quadraginta sex milliaria sunt. Et notat Arias Montanus longitudinem terræ Israeliticæ fuisse triplo maiorem latitudine, longitudo autem erat miliarium 160. Vt Hieronymus & Arias obseruant. Et quidem licet longitudini demus 200. milliaria, nihilominus latitudini non remanebunt septuaginta.

I. Longitudo insuper quam Ezechiel vniversæ illi regioni à Meridie vsque ad Septentrionem tribuere videtur, continet calamos 1450. Primitiis enim dat calamos 250. ac singulis deinde tribus calamos 100. omnesque duodecim tribus successiuo ordine disponit. Quare longitudo quam considerat Ezechiel, est calamorum 1540. qui, si computatio Villalpandi vera esset, efficerent plusquam 464. milliaria. Hæc autem longitudo minime congruit cum ijs quæ sanctus Hieronymus, Plinius & alii (quid illius regionis longitudine agunt) literis prodidere. Nullus enim plusquam 200. milliaria longitudini terræ illius præscribit. Ex quo euident est, longitudinem cubiti vnus assignari à Villalpando duplo maiorem quam fuerat assignanda, & eo amplius.

L. Sed dicat aliquis, in nostra etiam mensurandi ratione calamos 1450. maiorem esse longitudinem quam par erat. hienim reddunt milliaria Romana 217. Terra autem illa non erat adeo longa. Respondeo; quauis si considerentur terræ Israeliticæ termini à Dan vsque ad Bersabec, non adeo longa esse atque extenta videatur; Ezechiel tamen iure potuit terminos vtriusque protendere. Suo autem loco videbimus rationem & computationem rectè congruere, & parum esse discriminis inter Ezechielis mensuram, & eam quam tradunt qui de illius terræ longitudine scripsere. Atque ea de re non nihil diximus ad caput 14. Apocalypseos, in fine.

M. Præterea, altare holocausti quod erat in templo, 20. cubitis Hebraicis in longitudinem patebat: hæc autem mensura in Villalpandi computatione maior multo est quam altaris proportio & conuenientia patiuntur. Nam vt illa computatio fert, viginti cubiti sacri faciunt Hispanos pedes 56. & eo amplius, cubiti autem duodecim quibus altaris altitudo cōstabat, complent Hispanos pedes 34. quæ sane altaris moles & machina omnem superant iusti altaris proportionem.

N. Altare item holocausti quod fecit Moyses, Exodi 27. i. continet quinque cubitos in quadrum, & in altitudinem tres: cubiti autem quinque iuxta eam mensuram respondent Hispanicis pedibus 14. ac tres cubiti pedibus amplius octo. Quis igitur non videat hanc altaris magnitudinem esse nimium grandem, si animaduertat illud fuisse altare portatile quod humeris hominum asportabatur.

O. Præterea ex nimia cubiti sacri longitudine redundat, ephi etiam mensuram esse omni proportionem maiorem. Et quauis Villalpandus tertiam ei detraxerit partem ex quantitate & mensura quam illi tribuere optabat; nihilominus cum singuli panes propositionis facti fuerint ex duobus decimis ephi; 12. panes continent integram frumenti fanecam & semis secundum Villalpandum l. 3. de mensuris c. 12. Atque adeo singuli panes ex nostris mensuris continebant sesquiceleminem. Quæ magnitudo in pane nimia est, nec patietur tanta moles panem bene decoqui. Nam ex frumenti sesquicelemine fieri possunt viginti panes singuli vnciarum sexdecim. Adde quod Dauidi (qui absque vilo comite accessit ad Achimelech sacerdotem 1. Reg. 21. i.) dati fuere panes propositionis. quod si omnes duodecim, non minus sesquifaneca oneratus est iuxta Villalpandum. sed de panibus propositionis vide Scholion in fine huius corollarii.

P. Præterea Esther 5. 14. & cap. 7. 9. fit mentio patibuli nonaginta cubitos alti, qui ex Villalpandi mensura sunt plures quam 250. pedes Hispanici. Vnde ergo adeo longæ trabes aduehi potuerunt ad tantam patibuli altitudinem?

Q. Adhæc tabulæ tabernaculi (de quibus Exodi 26. & cap. 36. 21.) fuerunt singulæ decem cubitos longæ, latæ verò cubium vnum & semis. Atque adeo secundum Villalpandi mensuram, latitudo vnus tabulæ æquabat Hispanicos pedes 4. cuiusmodi latitudo agræ admodum reperitur ad mensam aliquam. in tot verò tabulis, itaque adeo longis nulla ratione verisimilis est.

R. Denique latitudo murorum Ecbatanis erat cubitorum 70. quæ mensura in opinione Villalpandi æquat Romanos pedes 180. Hispanos verò 195. Quis credat?

### Scholion de panibus propositionis.

Ex Leuitici 24. 5. constat singulos panes ex duobus assarionibus fieri solitos, hæc enim est Hebraica vox, cui respondet in Vulgata nomen decimæ. Et Villalpandus quidem eo loco designat partem Ephi (quæ Ghomor peculiari nomine appellatur) esse mensuram quam eo loco designat assarionis nomen, & duplicem Ghomorem æquat sesquimodio nostro, quod supra est impugnatum. Sed fortasse decimæ nomen (idenim sonat Hebræa vox assarion) ad decimam Ghomoris contrahi potest: & cum Ghomor in nostra opinione capiat vncias aquæ 96. duæ eius decimæ capient vncias 19. Ex tritico autem Palæstino (quod Villalpandus tradit esse aquæ in pondere æquale)

Panes propositionis singulos non pependisse plusquam 24. vncias.



A ex ea mensura fieri potest panis qui 24. vncias pendeat, quoniam ut auctor est Plinius lib. 18. cap. 7. *lex certa natura ut cuiusque panis militari tertia portio ad grani pondus accedat.* Sed obiicies Iosephum 3. Antiquit. cap. 9. singulis assarionibus aut saltem binis septem cotylas Atticas tribuere, quæ capiunt vncias saltem 52. Respondeo vitiatum esse locum. Nec enim cum vlla computatione consonat: & multo minus cum Villalpandi mensura. Præterquam quod panis non mensuratur cotylis.

## COROLLARIUM 3. PROPOSITIONIS XVI.

*Villalpandus non parum excedit supra id quod intendebat in cubiti sacri mensura.*

B IN cubiti sacri mensura necesse est magnum esse discrimen inter Villalpandi sententiam atque meam. ipse enim eo nititur fundamento quod cubitus maior Hebraicus sit diameter spheræ capientis aquæ vncias 800. Villalpandus autem contendit cubitum maiorem Hebraicum esse diametrum spheræ quæ capiat Romanas amphoras nouem, id est aquæ vncias 8640. Ceterum ad hoc ipsum quod volebat consequendum, non nihil excedit, in eo quod cubito sacro tribuit Romanos digitos fere 41.  $\frac{1}{4}$ . Evidenti enim demonstratione probatur, spheram quæ eum habeat diametrum non solum capere illas 9. amphoras Romanas quibus capiendis effingebatur, sed insuper etiam vncias 405.  $\frac{1}{2}$ . hoc est sextarios Romanos plusquam 20. Computatio autem huiusmodi est. Cubus cuius latus habeat Romanos digitos 41.  $\frac{1}{4}$ . capit Romanas amphoras 18. ut à Villalpando demonstratur. Deinde ex Archimedis demonstratione, (quam Villalpandus ipse adducit) si cubus capit 21. spheræ capit plusquam 10.  $\frac{1}{4}$ . minus autem quam 11. Ex quo euidenter inferitur spheram cuius diameter sit æqualis lateri supradicto, capere plusquam nouem amphoras Romanas & vncias 405.  $\frac{1}{2}$  minus autem quam amphoras nouem & vncias 411.  $\frac{2}{3}$ . Euidencia huius computationis non potest à Villalpando negari. quare manifestum est illum amplificandi libentia minimè contentum fuisse diametro spheræ capientis nouem amphoras Romanas, & ut aliquantulo longiorem cubitum faceret, quæsisse latus cubi octodecim amphorarum: & eius latitudinem Hebraico cubito tribuisse.

Proportio  
spheræ ad  
cubum quæ  
sit.

C B. At dicat aliquis, valde exiguum esse id quo latus cubi amphorarum 18. excedit diametrum amphorarum 9. atq. adeo nullius fere momenti esse incrementum quod ea ratione accepit cubitus à Villalpando assignatus. Huic obiectioni dico 1. prædictum discriminè non esse admodum exiguum. Nam ex Archimedis demonstratione, ut spheræ capiat 9. amphoras Romanas, satis est quod diameter sit longus Romanos digitos 41.  $\frac{3}{4}$ . cui magnitudini Villalpandus superaddidit duas tertias vnius digiti Romani. Maior sic probatur, spheræ capiens vndecim amphoras Romanas habet diametrum æqualem lateri cubi capientis amphoras 21. (reiecta interim per exigua minutia:) & ut 11. ad 21. ita 9. ad 17.  $\frac{3}{4}$ . Ac proinde diameter spheræ quæ nouem contineat amphoras, erit latus cubi capientis amphoras 17.  $\frac{3}{4}$ . est autem computatio certissima quod latus cubi capientis amphoras 17.  $\frac{3}{4}$ . contineat Romanos digitos 41.  $\frac{3}{4}$ .

C. Secundò dico, quamuis exiguum sit quod additur diametro, spheræ incrementum non esse exiguum. Quare cautior & strictior debuit esse Villalpandus, ne Hebraico cubito illud adderet quod satis fuit ut spheræ vnius cubiti supra id quod quærebatur caperet vncias 405. & eo amplius, & consequenter in vno & viginti millionibus in fabricam impensis, integrum millionem adiiciet Villalpandus. Cum enim Archimedis demonstratio sit, spheræ vndecim vnciarum respondere in cubo vncias 21. Villalpandus computationem ad viginti duas extendit. quare in illa millionum summa quam dixi, vnum proculdubio addit millionem.

D. Tertio dico me ab ipso Villalpando edoceri, ne parui momenti esse ducam, si cubito sacro duæ tertie vnius digiti Romani addantur supra debitam longitudinem. Video enim quam religiose se gerat ipse in designandis minutiis. Decernit enim sacrum cubitum esse radicem cubicam numeri 730728. Quam ad rem ego fortassis satis mihi esse existimarem, si dicerem, radicem eam esse 41.  $\frac{1}{4}$ . Nam numerus cubicus qui ex hac radice procedit est 730735.  $\frac{3}{4}$ . Quem numerum non nego fere in 8. excedere respectu numeri 730728. Sed in summa adeo magna, nihili ego ducerem adeo exiguum differentiam: quæ in ipsa radice nulla ratione percipi valeat. Villalpandus tamen rem adeo exiliter ad calculos reuocare conatur, ut studio propius accedendi, designet pro radice 41.  $\frac{1}{4}$ . Etenim cubicus numerus ex hac radice proveniens est 730727.  $\frac{2}{3}$ . cui numero fere nihil deest ad 730728. Si hoc igitur tantoperè attenuatur & in minutissima momenta redigitur: quo pacto ferendum nobis erit, quod exiliter nimis & strictissime procedatur in eo quod non sint omnino digiti Romani 41.  $\frac{1}{4}$ . sed tantillo minus, ad idque tot fractorum numerorum & amputatorum calculationes adhibeantur: nec tamen vlla habeatur ratio manifestæ euidentiæ quæ postulabat ut pro diametro spheræ nouem amphorarum designaretur numerus alius, duabus ferè tertiis Romani digiti minor quam radix cubica numeri 730728.

E. Quartò, verum est in vulgaribus ratiocinationibus, quo facilius computationis ratio constet, contemni solere valde exigua momenta. Verum non est valde exiguum in vnius cubiti spheræ adiacere vncias 405. & aliquid amplius. Neque agebatur de maiori computationis facilitate, sed de assignanda præcisa cubiti sacri mensura.

F. Quintò, ut Villalpandus eam à se depelleret suspicionem, qua creditur plus æquo mensuris Hebraicis tribuere, consultius foret minutias negligere subtrahendo quam addendo. Si verò, quemadmodum Hebraico cubito manifestè addit duas ferè tertias vnius digiti Romani supra id quod opus erat ad capacitatem spheræ quam cogitabat, ita contrà, duas potius septimas (quæ minus sunt quam vna tertia pars) demeret, remaneret mensura digitorum Romanorum 41. quæ multò propius accederet ad ipsius Villalpandi cogitationem & opinionem; scilicet ut spheræ vnius cubiti caperet nouem amphoras Romanas.



## COROLLARIUM 4. PROPOSIT. XVI.

*Mariana etiam non parum excedit supra id quod cogitabat, in cubiti sacri mensura.*

Cubitus Hebraicus maior non aequabat 2. Romanos pedes.

**M**ULTA ex iis argumentis quæ Villalpando supra obieciimus, militant etiam contra mensuram eam quam cubito sacro tribuit Mariana. Etenim licet ille cubitum sacrum duobus Romanis pedibus longum esse velit, id est digitis Romanis 32. (cui mensuræ Villalpandus decem fere digitos adiungit) ea etiam mensura multas ex prædictis summis videtur reddere incredibiles. Atque si semel statuamus, cubitum in Scriptura sextam esse humani corporis partem, non quartam (ut supra ostensum est) certè si cubitus duobus Romanis pedibus æqualis esset, antiqua statura 12. pedes Rom. fuisset alta. quod credi non potest. Et (quod caput est) vera Hebraici cubiti longitudo non debet esse diameter sphaeræ capientis Rom. amphoras quatuor (ut forsan opinabatur Mariana) sed diameter sphaeræ quæ 800. vncias aquæ solum capiat. Quare Mariana etiam deceptus fuit, dum credidit bis mille batos Maris ænei ex maioribus fuisse, cum ex collatione luterum cum Mari æneo manifestè constet illos 20. Maris ænei batos paulo esse maiores quàm decimas Hebraicæ amphoræ seu bati maioris.

**B.** Præter hæc, quemadmodum Villalpandus pro diametro sphaeræ amphorarum novem, accepit cubicum latus amphorarum. 18. sic Mariana ad sphaeram Romanas amphoras capientem sumpsit pro diametro latus cubicum amphorarum octo Romanarum: qua in re aliquid etiam adiecit supra id quod sibi fuerat in votis. Evidens quippe est, in cubo cui duplex sit pro latere pes Romanus, contineri Romanas amphoras octo, id est vncias aquæ 7680. Et demonstratione pariter constat sphaeram duorum pedum Romanorum capere aquæ vncias 4022½. hoc est non solum quatuor Romanas amphoras, sed vncias insuper 182½. & nonnihil amplius.

**C.** Lectus etiam regis Og, iuxta Marianam longus est Romanos pedes 18. siue Hispanos 19½. Fores etiam 55. cubitorum constarent Romanis pedibus 110. Columnæ duodecim cubitos crassæ haberent pro diametro crassitudinis 24. pedes Romanos. Stadia 600. cubitorum paterent in longitudinem Romanos pedes 1200. cum tamen in Romanorum computatione stadium constet pedibus 625. Præterea vnde viginti graduum altitudo esset triginta pedum, & gradus singuli fuissent alti plusquam sesquipede Romano.

**D.** Denique cum planum sit luterum singulorum latitudinem pariter & altitudinem fuisse quatuor cubitorum Hebraicorum in cylindri speciem: nec luteribus singulis plures quàm batos quadraginta contineri; si quilibet cubitos duos haberet pedes Romanos, profectò unusquisque batus capacitate decem Romanas amphoras superaret. Nam cylindrus duorum pedum Romanorum capit amplius sex millia vnciarum aquæ; & cylindrus octo pedum capit vncias 3840. & eo amplius, quæ si inter 40. diuidantur, obtingent singulis 9600. vnciæ, hoc est amphoræ Rom. decem.

## COROLLARIUM 5. PROPOSIT. XVI.

*Ad argumenta quæ obiici posse videntur contra eam mensuram quam nos Hebraico cubito tribuimus, non est difficile respondere,*

Argumenta quæ obiici posse videntur contra veram cubiti mensuram.

**P**RIIMUM nobis opponi potest traditio Misnaïoth (quam refert Arias Montanus, de mensuris sacris, verbo Kumah) humanam scilicet staturam tribus tantummodo cubitis constare: cui tamen nos sex tribuimus. Hanc autem Hebræorum traditionem sequuntur Glossæ ordinaria & Beda Exodi 27. 1. ad ea verba, *tres cubitos in altitudine*. Imo Hieronymus etiam Ezechielis 40. Hebraico cubito tribuit sex palmos, quod est illi tribuere sesquipedem, & staturæ humanæ quatuor tantum cubitos. Si ergo in maioris bati mensura propter sancti Hieronymi & Hebraicæ traditionis auctoritatem, affirmamus eam esse Romanæ amphoræ æqualem; quid est cur Hebraica ipsa traditio & sancti Hieronymi auctoritas in Hebraici cubiti dimensione sint apud nos minus ponderis habitura?

**B.** Secundo, si admittamus Hebraicum cubitum esse sextam staturæ humanæ partem; necesse est in cubiti mensura non includi manum. Atqui hoc videtur Scripturæ repugnare. Legimus enim Deuteron. 3. 11. *Ad mensuram virilis manus*.

**C.** Tertiò, fenestræ Salomonici templi spaciū non relinquunt, ut tres cellarum ordines templo contigui, plus in altitudinem pateant singuli quàm quinque cubitis. Quare si cubiti eius mensuræ essent quàm nos existimamus, cellæ illæ in auium potius & brutorum animantium viuaria, quàm in hominum domicilia, extructæ videbuntur. Et quidem ordines singuli, plus quinque cubitis altiusse non possunt. hanc enim eis mensuram Scriptura præfinit 3. Reg. 6. 10. *Aedificauit tabernaculum super omnem domum quinque cubitis altitudinis*.

**D.** Quartò, Iosephus 6. de bello cap. 6. agens de turri Hippicos, ait, *desuper eam minæ quidem binis, propugnacula vero ternis cubitis ambiebant*. Si duo igitur Hebraici cubiti non excedunt Romanos digitos 37½. minæ forent adeo humiles, ut hominem tegere non possent. Si quæ tres Hebraici cubiti paululum excedunt Romanos pedes tres & semis, ridicula planè erunt propugnacula trium cubitorum.

**E.** Quintò, eodem capite Iosephus meminit cuiusdam lorice in templo, quæ vnicum tantum cubitum habebat altitudinis. *Templum* (ait) *arameque cingebat gravissima lorica usque ad cubitum surgens*. Non ergo cubitus mensuræ adeo exiguæ ac nos statuimus. Adde quòd Ezechielis etiam 42. 4. mentio est cuiusdam viæ vnius cubiti: quæ, si cubitus non est maior pede, adeo erit angusta, ut nemo per eam ingredi possit.

**F.** Sextò, turris ea quæ Antonia appellabatur, ante se murum prætentum habebat trium cubitorum, ut prædicto capite refert Iosephus. hi ergo tres cubiti æquabant staturam humanam: aliter enim natus ille esset valde humilis; nec posset homines tegere.



- A G. Septimò lapidei cancelli quos Iosephus ibidem describit fuisse in transitu, à porticu ad templum, tribus duntaxat cubitis alti erant. & similiter lib. 8. Antiquitatum c. 3. *Cancellus* (inquit) *altus tres cubitos, ab ingressu templi ceteros prohibebat, & solis sacerdotibus hoc licere significabat.*
- H. Octauò, si sexcenti cubiti quos Iosephus singulis tribuit stadiis, ex minoribus sunt; & Hebraicus cubitus minor est æqualis Hispanico pedi: Iosephi quidē stadio multum deerit vt stadii Græci mensuram adæquet. Nam Græcorum stadium constat Græcis pedibus 600. qui ex Romanis faciant 625. iisque ex Hispanica mensura respondent 677. Si autem dicamus, Iosephum loqui de maioribus cubitis Hebraicis, nimium certè spatium stadio designabitur, si 600. maiores cubiti tribuantur ei. Æquant enim Græcos pedes 672. Ergo ea mensura quam nòs cubitis Hebraicis assignamus non bene conuenit cum Iosepho, vbi stadio sexcentos tribuit cubitos. Nam si de minoribus cubitis agere dicatur, singulis stadiis daturus erat cubitos 677. Sin autem de maioribus agebat, vix poterat stadiis singulis cubitos 536. assignare.
- I. Nondò, si tantopere cubiti sacri mensuram contrahamus, contrahetur etiam plus æquo capacitas arcæ Noei; nec debita ei remanebit proportio vt tantam animantium multitudinem & idoneum illis omnibus victum capiat.
- B L. Decimo, Cyrus 3. Esdræ 6. 25. fertur iussisse vt Ierosolymæ templum ædificaretur, & decem cubitos haberet in altitudine. Ergo cubitus Hebraicus maior erat quàm à nobis designatur. Ea enim ratione decem cubiti non æquant Romanos pedes 13.
- M. Vndecimò, mensis quibusdam ad holocaustum paratis tribuit Ezechiel (cap. 40. 42.) altitudinem cubiti vnus; longitudinem autem & latitudinem sesquicubiti. ergo necesse est vt cubiti mensura sit maior multo quàm à nobis descripta est.
- N. Duodecimò, nostra opinio non videtur cohærere posse cum expressis sacre Scripturæ verbis, in quibus agitur de Goliath Gethæo quem occidit Dauid, & de Ægyptio quem occidit Banaïas. Vtrumque enim supponit Scriptura fuisse valde procerum, & vtriusque hastas asserit fuisse sicut liciatoria textentium (quod de nullo alio dicitur, nisi de his duobus ac de quodam Gethæi fratre.) Altitudo autem Goliath apud Septuaginta in editione Complutensi & Vaticana, est *cubitorum quatuor & palmi*, & in Vulgata, *sex cubitorum & palmi* (1. Reg. 17. 14.) Ægyptij verò à Banaïa occisi non maior quàm cubitorum quinque (1. Paralip. 11. 23.) Si igitur hæ sunt valde proceræ staturæ, necesse est vt cubitus in Scriptura pro quarta humanæ staturæ parte accipiat, non pro sexta: secus enim & Ægyptio illi ad iustam staturam deerit integer cubitus, & Gethæus quatuor solum digitis iustam staturam superabit.
- C

## §. 2. Responsio.

- A D primum; vt credamus, maiorem batum Hebraicum esse æqualem amphoræ Romanæ, non solum pro nobis est auctoritas Hieronymi & Misnaïoth; sed etiam concordia Epiphaniij, Hieronymi, Iosephi, Vulgatæ editionis, & Septuaginta interpretum, vt suprà vidimus. Atque ita nemini dubium esse potest, quin nostra sententia sit eruditorum persuasio, testata totius superioris memoriæ testimonio. At verò vt Hebraico cubito sex palmi siue *topabines* attribuantur, solum habemus ex antiquitate auctoritatem Hieronymi & traditionem Misnaïoth. Et contra eam sententiam fati vrgent, primum ipsius sacre Scripturæ textus, deinde ipsius Hieronymi auctoritas ac Iosephi testimonium; nec non magna verisimilitudo quòd illa non sit antiqui Misnaïoth traditio, sed alicuius compilatoris deceptio. Etenim vidimus iam propositione 9. quantum vrgeant Scripturæ verba, & Iosephi, vt Hebraicus cubitus credatur non esse quarta pars staturæ, sed sexta. Deinde eo ipso quòd Hieronymus asserat, Hebraicum cubitum maiorem esse Romanæ amphoræ æqualem, (suppositis iis quæ Iosephus de Luterum figura tradit) per ipsum nobis Hieronymum licet ab ipsius opinione discedere in eo quod de Hebraici cubiti mensura affirmat, quia illa duo pugnant inter se: & quam tradit Hebraici bati mensuram, ea est communi antiquitatis consensione recepta, & in ipsa vulgata sacre Scripturæ lectione testata. Quamobrem, si ad batum attendamus; certum est Hieronymum cum traditione Hebraica consentire. In cubiti autem mensurâ non mirum est deceptum fuisse Hieronymum, dum putauit nomen cubiti in Scriptura vsurpari iuxta eam acceptationem in qua à Græcis & Latinis frequenter sumitur. Quam opinionem absque dubio Hieronymus deponeret, si per demonstrationem mathematicam iniret rationes summasque subduceret. Nec mirandum est si sanctus Doctor altioribus intentus, minora hæc non ita diligenter attenderit. Quod verò attinet ad Misnaïoth, si mihi persuasum esset in antiquo Misnaïoth expressè contineri sacre Scripturæ cubitum constare sex palmis seu *topabinis*, tunc sanè non inficiarer me illius libri auctoritate non parum vrgeri. Quauis enim nouerim librum Misnaïoth à multis summis Pontificibus esse prohibitum (nempe à Gregorio nono, Innocentio quarto, Benedicto 13. & Paulo quarto) nihilominus in hoc traditionum Hebraicarum genere, non nihil ei fidei habendum erat. Ceterum antiquum Misnaïoth nescio an aliquis hac tempestate viderit: & quem Arias Montanus assequi potuit, illum esse suspicor quem perhibent ex antiquo Misnaïoth ante annos 400. per Rabbi Moysen Beniamin fuisse collectum. Atque ex iis ipsis quæ recenset Arias, videor mihi manifestè colligere, mensuram illam cubiti non esse ex antiquo Misnaïoth, sed ex iis quæ confuse coaceruauit qui Hebraicam traditionem cum frequenti Architectorum vsu conciliare volebat. Vnde ortum est, vt secum pugnantia diceret. Nam vna ex parte sex palmos dedit cubito, ex alia verò pedi duos solum palmos tribuit, quod fuit cubito tres assignasse pedes. Alia præterea deprehendo in iis quæ Arias Montanus in eo libro refert, quæ (meo iudicio) nugatoria sunt. Huiusmodi est, Ezechielis calamū
- D
- E

Responsio  
ad argumē-  
ta obiecta  
aduersus  
veram cu-  
biti men-  
suram.

De Misnaï-  
oth iudi-  
cium.



constare sex cubitis & semisse, item 20. filiquarum grana pendere semunciam, (cùm tamen octo-decimi filiquæ grana non plus pendeant quàm drachmam, de qua re diximus suprà propositione prima. Quas ergo traditiones ex libro Misnaïoth refert Benedictus Arias, bonæ sunt ex quidem si cum grauium auctorum societate copulentur; si tamen solæ per se sumantur, fidem non admodum firmam merentur, & multo minus, si grauibz auctoribus contrariæ sint, in quibus meritò numeratur Iosephus, apud quem cubiti nomen pro sexta staturæ parte poni euidenter esse reor. Qui verò auctores in ea sunt sententiâ quæ humanæ staturæ tres Hebraicos cubitos præscribit, illi hac videntur coniectura niti; Quatuor vulgares cubiti vsitatam staturam adæquant; cubitus autem maior Hebraicus vulgarem superat vno palmo: si ergo tribus cubitis vulgaribus totidem palmi virilis manus adiiciantur, efficiunt fere quatuor cubitos vulgares, quæ est communis staturæ dimensio. Et quidem si Hebraicus cubitus foret quarta staturæ pars, non valde aberrabant: sed eum esse sextam & non quartam, satis suprà probatum est.

B. Ad secundum; textus ille non probat in cubiti mensura manum etiam includi: sed cubitum diuidi in palmos, & antiquum cubitum in eos palmos qui sint ex hominis robusti manu, ad minoris cubiti discrimen, cuius palmi valde sunt angusti.

C. Ad tertium, si contextus seriò inspiciatur, constabit liquidò non esse ibi sermonem de cellis quæ erant orationi dicatæ, (de his enim actum erat versu quinto, vbi dicuntur fuisse *tabulatæ per gyrum super parietem templi*) aliud ergo est *tabulatum super omnem domum*. Ipse intelligo de interiecto aliquo pavimento ex iis quæ fieri solent non quidem ad habitandum, sed ad maiorem inter superiora & inferiora diuisionem. Sic enim in religiosis aliquot domiciliis fit aliquando, vt inter peculiaria religiosorum cubacula tum inferiora tum superiora, relinquatur humile aliquod spatium interiectum, vt superioris cubiculi strepitus & murmur in inferiori non exaudiatur. Quam ad rem satis est si spatia eiusmodi interposita, duos aut tres pedes concauitatis habeant. Ad templi ergo religionem ac reuerentiam (quia in superiori ipsius templi parte conclauia aliquot, sacerdotum domiciliis deputata erant) inter superiora illa conclauia & templi ipsius tectum, fuit interiectum pavementum aliud, quod nullius esset habitationi aptum, sic enim expediebat. Fortasse autem quinque cubiti in altitudinem ideo dati sunt interiecto illi spacio, vt exiguis aliquot foribus aut fenestellis inibi apertis, quasi thecæ quædam essent superiorum conclauium, quibus multa vasorum pretiosorum gaza asseruaretur. Ad id verò quod opinatur Villalpandus, nempe ipsius templi fenestras fuisse apertas in pariete templi adeò excelsas, vt tres ipsi cellarum ordines quæ ad templum erant applicitæ, manerent inferiores fenestris, responderetur; quâ Villalpandus putat fenestras fuisse fabricatas, parum lucis templo communicari potuisse. Nam vt ille existimat, porticus non erat valde angusta, & fenestræ in superiore porticus parte erant valde vicinæ tecto. Si autem cellæ considerentur angustæ, multo aptius est vt non sint valde humiles, sed potius editæ & altæ: atque vt fenestris ingentibus ipsæ ad atrium prospectent, & in aliquot ex ipsis cellis aliæ sint fenestræ quâ parte templum aspiciunt, (quarum vtræque sint clathris munitæ.) Sic enim lux per vnâ fenestram irradians in aliam sese diffundet congruenter satis, & iuxta eam lucis mensuram quæ reuerentiæ & venerationi congruat. Et, nisi fallor, Iosephus huic meæ coniecturæ ad stipulatur libro sexto de bello capite sexto, vbi enim de orationis loco agit, perspicue affirmat totam templi parietum altitudinem in tres cubiculorum ordines fuisse diuisam: atque editioris ordinis extremos parietes ad tectum vsque ascendisse, medios verò non item: sicque orationis locum in supremo ordine fuisse satis laxum. Huc adde, id ipsum egregie congruere mysterio quod in eo ædificio figurabatur. Qui enim ad excelsum contemplationis verticem conscendunt, nâ illi latitudinis atque solatij affatim inueniunt.

D. Ad quartum, pinna siue minæ non opus erat vt militem à pedibus vsque ad pectus congerent. Nam interior muri pars, vnde milites ipsi pugnant, solet esse demissior. Quod verò confurgit ab illa interiori parte muri, quæ demissior est, vsque ad minas, id videtur Iosephus appellare propugnaculum: nempe muri partem qua protegentur milites pugnantes suprà murum. Hoc verò propugnaculum satis est fuisse tres cubitos altum; sic enim ex summis minis vsque ad pavementum cui milites insistebant, distantia erit quinque cubitorum ex maioribus, qui sunt paulo plus sex cubitis vulgaribus. Hoc verò interuallum satis erat, vt miles, præsertim in excelsa positus loco, se posset obtegere.

E. Ad quintum; si lorica illa fuisset murus ad propugnantium defensionem; quanuis cubitus foret eius magnitudinis quam ei tribuit Villalpandus, ridicula adhuc esset. Si autem est aliquod diuisionis signum, aut aliquid ad ornamentum spectans, non potest inde colligi, altitudinem eius fuisse maiorem vno cubito ex ijs quos ipse statuo. De viâ autem illâ arctissima (id est cubiti vnus) quæ Ezechieli ostensa est, dico primò, fortasse mysterij causa adeò arctam fuisse prophetæ menti obiectam per quam vix posset vnus homo penetrare. Ad hoc enim satis fuisset latitudo cubiti vnus ex Hebraicis qui continet plusquam viginti Hispanos digitos. Alioqui verò vnus cubiti mensura, etiam si cubitus effingatur quantus à Villalpando ponitur, non satis esset ad iustam viâ latitudinem. Secundò dico fortasse nomine viâ vnus cubiti, designari eo loco podiolum aliquod, in quod desinebat paries quæ ostia gazophylaciorum spectabant. Simile certè podiolum ego è regione meæ cellulæ cerno, quod angustius est potius quàm latius viâ illa cubiti vnus cuius meminit Ezech. Propheta.

F. Ad sextum, non ibi est sermo de muro ponere quem sese abderent homines, sed de hypopodio seu basi totius ædificij. Ad hoc autem bene apta est dimidiæ staturæ antiquæ altitudo.

G. Ad septimum: Iosephus ipse libro octauo Antiquit. capite tertio explicat, diuisionem illam idcirco fuisse interpositam, vt signum esset, quod significaret solis sacerdotibus licere cancellos illos prætergredi. huic ergo vsui non opus erat altiori quàm trium Hebraicorum cubitorum diuisione ex ijs quos ego assigno. Et sic etiam cancelli siue clathri pectore tenus alti deferuire quoque poterant, vt ad eos homines adhererent siue incumberent.



A

H. Ad octauum: cum Iosephus singulis stadiis sexcentos cubitos tribuat: si cubitus esset eius magnitudinis quam Villalpandus, aut etiam eius quam Mariana ponit; discrimen à legitima Græci stadii mensura esset multo maius quam in nostra mensura. Iuxta quam si Iosephus de minoribus cubitis censeatur agere, mirum non est, quemadmodum Græci stadium vocant, centum staturæ Græcæ calamos, ita Iosephum nomen idem tribuere totidem calamis vulgaris Hebraicæ staturæ. Præsertim cum constet, Iosephum ad Hierosolymæ ac templi amplificationem nonnihil propendere. Sin autem Iosephus de maioribus cubitis agat; tunc etiam non magnum admodum esset discrimen. Ego tamen priorem explicationem magis probo.

B

I. Ad nonum, in mensura arcæ Noëi quauis cubitis singulis ea detur longitudo quam Villalpandus designat; adhuc tamen difficile satis apparet, quo pacto illa arcæ capacitas, tam varias ac multiplices animalium species potuerit capere; & quidem de singulis generibus quatuor indiuidua, duos scilicet mares & totidem fæminas; atque ex iis quæ ab Scriptura animalia munda appellantur quatuordecim indiuidua vniuscuiusque generis; hoc est septem tauros & totidem vaccas, arietes septem & septem oues; leones quatuor, totidem elephantes, nec pauciores rhinocerotes, & sic de ceteris. Præsertim cum tot sint animalium species, vt ceruorum octo genera aut decem numerari valeant, & cantum fortasse quinquaginta. Et quidem antequam animalium plurima genera nobis antea ignota, denuo in nouo orbe reperta nostris hominibus innotescerent; hoc argumentum beato Augustino tantum facessit negotii; vt sibi persuaserit, nomen cubiti in arcæ Noëi dimensionibus non esse capiendum eodem modo quo in ceteris Scripturæ locis vsurpatur, sed pro sex cubitorum longitudine. pro qua sententia sanctus doctor affert Origenem. Et vterque affirmant, apud Aegyptios sex cubitorum mensuram appellari solitam cubitum Geometricum. Hæc igitur Augustini & Origenis sententia est quæ difficultatem omnē euacuat. Et in nostra quidē opinione (quæ nomine cubiti sextam staturæ partem in ceteris Scripturæ locis intelligit) Augustini sententia multo adhuc verisimilior est. Sic enim quilibet cubitus in Noëi arcæ, longitudinem vnius staturæ humanæ continet, quæ mensura nomen calami obtinet in Scriptura. Et facit quod Ezechielis 42. 20. bis cubitorum nomen ponitur; vbi Hieronymus notat, non esse sermonem de proprijs cubitis sed de calamis. Et certè (præterquam quod mensura hæc & magnitudo quam Scripturæ calamo tribuimus, non est adeo ingens, vt in alijs foret opinionibus) id etiam congruentiæ pro se habet quod idonea sic ratio ac via aperitur, ne valde violentum sit vt sex cubitorum mensuræ tribuatur aliquando cubiti nomen. Nam extentis tam brachijs quam cubitis efficiunt cubiti eandem mensuram, quæ reperitur in staturâ humanâ. Quare Vitruuius vlnam appellat senorum pedum mensuram, id est integræ staturæ humanæ longitudinem, cum alioqui Suetonius nomen vlnæ pro ea mensura accipiat quæ solet cubiti nomine intelligi. Ecce ergo in vlnæ nomine eadem pene reperitur ambiguitas & æquiuocatio quæ in nomine cubiti; cum interdum pro quarta vel sexta staturæ humanæ parte, interdum pro totius staturæ mensura ponatur, quæ in sacra Scriptura phrasi sex continet cubitos. Nota ergo Hebraicum calami in mea sententia se habere cum Hebraico Villalpandi cubito, sicut 8. cum 3. Etenim quilibet Hebraicus cubitus (vt ipse reor) habet digitos Romanos 18½. Atque adeo calamus sex cubitis constans, æqualis est digitis Romanis 112. Et Villalpandus Hebraico cubito præscribit fere digitos Romanos 42. sicut autem 8. ad 3. sic 112. ad 42. Vnde rursus elicitur Noëi arcæ capacitatem esse multo maiorem in nostra quam in Villalpandi explicatione. Excessus autem est sicut 512. ad 27. nam solidum respectu octonarii est 512. solidum autem ternarii 27. Et quia sicut 19. ad 1. ita 512. ad 27. Noëi arcæ quam ego considero se habet ad capacitatem arcæ quæ à Villalpando concipitur sicut 19. ad vnum. Vt verò audeam singulis arcæ cubitis tribuere calamum sex cubitorum, auctores habeo Augustinum & Origenem; & vsum Scripturæ in loco Ezechielis suprâ norato, sic exponente Hieronymo; & similem amphibologiam in nomine vlnæ ex Vitruuio & Suetonio; & maiorem vim rationis post repertam innumerabilem diuersorum generum varietatem, quam nouus orbis & remotissimæ insulæ hoc æuo nobis perfecerunt.

D

L. Ad decimum; respondeo tertium illum Efdæ librum apocryphum esse. Nec bene conuenire latitudinem sexaginta cubitorum cum altitudine decem. Ex illa tamen latitudine sexaginta cubitorum (si vera est historia) satis colligitur cubitum non esse eius mensuræ quam illi assignat Villalpandus. Quod si verum esset, tunc temporis non fuisse permissum à Cyro vt templum magnificè admodum ædificaretur, sed humile & cuius contignatio à decimo muri cubito consurgere inciperet; si hoc (inquam) recipiatur; quid contra meam cubiti mensuram, quæ decem cubitos Hebraicos æquat tredecim Hispanicæ mensuræ pedibus?

E

M. Ad vndecimum dico, mensas illas non aliud esse quam lapides quadratos marmoreos, quibus imponendæ essent carnes per holocaustum offerendæ. Cui vsui satis videtur esse, vt lapidis area quadrata esset sesquicubitalis, hoc est duorum fere nostrorum pedum.

N. Ad duodecimum dico primò, in editione Vaticana Septuaginta interpretum notari, alios codices legere *sex cubitorum & palmi*: quemadmodum legit Vulgatus, & illa est proculdubio vera lectio. Deinde dico sex illos cubitos ac palmum, quos sacra Scriptura tribuit Goliath Gethæi altitudini, iuxta nostram computationem esse Romanos digitos 126. quia pro palmo in Hebræo hic non est topah, sed zareth, & in Græco spithame, quæ est mensura palmi extensi (nempe duodecim digitorum.) atque ita statura Goliath Gethæi erat Romanorum pedum 7½. ex Hispanica verò mensura plusquam 136. digitorum, atque adeo pedum octo cum semisse. Quis ergo non videat, hanc esse adeo mirandam proceritatem, vt possit meritò pro gigantea reputari, si tamen valde procera statura concipienda sit, non tamen fabulosa? Imò verò ex mensura ipsa sex cubitorum & palmi quam Scriptura tribuit Goliath Gethæo, videor mihi colligere validum argumentum aduersus nostri Villalpandi opinionem de cubiti sacri mensura. Ille enim tribuit cubito sacro digitos Romanos fere 42. Ex quo infertur Goliathi staturam fuisse digitorum Romanorum 271. qui staturæ Hispanicæ tres integros calamos non solum æquant, sed etiam exce-

De mensura cubiti in ar. a Noë.

De statura Goliath Gethæi, & Aegyptii quem interfecit Benaias.



dunt. Id verò nulla ratione asserendum videtur. Quia in hominum statura vnus pedis excessus res est proculdubio prodigiosa. Quare sufficit Goliathi staturam concipi adeo grandem, vt duos integros pedes cum semisse sit staturâ Hispanicâ maior. Excessus enim duodecim pedum non iam erit gigantis sed turris excessus.

O. Atque vt Philistæus ille non adeo procerus esse credatur, vt à nonnullis effingitur, non leui argumento est, Dauidem ipsius ense non solum fuisse vsu, sed etiam dixisse, *Non est huic alter similis*, (id est, adeo mihi aptus) *da mihi eum.* 1. Regum 21. 9.

P. Transeamus ad Ægyptium quem occidit Banaias. Cubiti quinque qui ei dantur ab Scriptura, in nostra mensura æquant digitos Romanos 93½. Hæc verò statura non est quidem procera, sed nec exigua: excedit enim staturâ Hispanam plusquam digitis quatuor. Et Hispanus qui plusquam digitis quatuor superet duas virgas mensores, à nemine reputabitur exigua staturæ. Non tamen eo inficias quin eiusmodi statura digitorum Romanorum 93½. non sit digna vt ab Scriptura pro gigante aut insigniter procera designetur. Quare difficultas eò videtur reuocari, vt expendatur, an certum sit, in sacra Scriptura significari vel supponi Ægyptium illum quem occidit Banaias fuisse insigniter procerum. Quamuis enim id tanquam certum videantur nonnulli supponere, eo quòd cubitum sacrum sibi persuaferint esse antiquæ staturæ partem quartam, ac tribus cubicis sacris communem staturam adæquari: nihilominus hoc quod supponitur non probatur, sed eius oppositum videmur nobis validis argumentis confirmasse. Superest tamen huic obiectioni de quinque cubitorum mensurâ in staturâ prædicti Ægyptii, respondere.

Q. Primum ergo noto, ex illa Scripturæ comparatione, *hastâ eius sicut liciatorium textentium*, minimè colligi staturæ proceritatem eximiam. quia comparatio illa non refertur ad hominis proceritatem aut hastæ longitudinem; sed ad hominis vires ex hasta crassissima colligendas. Constat enim liciatorium non esse lignum valde longum; sed ea duntaxat longitudine quæ telæ latitudini respondeat. oportet tamen id esse satis crassum, vt tela quæ textitur, ad illud facile colligatur.

R. Secundò aduerto, ex valde crassâ hastæ vsu, insignes militis vires intelligi. Ad eam tamen fortitudinem virium robustarum non est necessaria gigante corporis proceritas. Sæpè enim videmus homines robustissimos, nec tamen insigniter proceros. Atque id est, (meo iudicio) quod sacra Scriptura de Ægyptio illo (quem occidit Banaias) significare vult, nempe illum quamuis non esset valde procerus, sed mediocris staturæ, nihilominus fuisse robustissimum. Cum enim non esset altus plusquam quinque cubitos sacros (quæ statura neque exigua est neque valde procera) erat tamen adeo fortis viribus, vt facile gereret crassam adeo lanceam, vt liciatorio textentium meritò comparari posset. Facit pro hac explicatione quod Goliath Gethæ tribuit sacra Scriptura cubitum & palmum supra huius Ægyptii staturam; nec tamen crassiorem tribuit hastam Philistæo quam Ægyptio. Ergo non id reddebat insignem & gloriosum Ægyptium, quòd esset valde admodum procerus; sed potius æqualitas virium robustissimarum cum Philistæo, quantumuis proceritate corporis longè esset inferior. His accedit quòd nullum aliud verbum sit in sacro textu ex quo possit colligi, magnam Ægyptii illius fuisse proceritatem. quia sacer textus solum ait, eum fuisse quinque cubitos altum, hastam autem eius sicut liciatorium textentium. Et quamuis in lectione Septuaginta interpretū legamus, *hominem conspicuum quinque cubitorum, in cuius manu erat lancea tanquam liciatorium*: nihil tamen cogit, vt conspicui appellatio ad corporis proceritatem referatur: conspicuus enim is dicitur qui insignis est: & insignis homo verissimè dicitur is qui cum statura sit alioqui non admodum procera, viribus tamen adeo præstat, vt mira lanceæ crassitie non minus facile vtatur quam alii arundine leuissima. Non me latet, pro conspicuo in Complutensi editione legi *εὐμήκη*, hoc est, grandem: vera tamen & genuina Septuaginta interpretum lectio nō est illa, sed *conspicuū*, vt patet ex editione Vaticana. Præterquâ quòd, is verè dicitur 5. cubitos grandis, qui sit altitudinis 5. cubitorū, licet minimè procerus sit. Eadē enim phrasi diceretur 3. solum cubitos grandis qui eiusmodi esset statura. Re igitur attentè inspecta nulla ratione colligitur ex allato Scripturæ loco Ægyptius à Banaia occisus fuisse valde procerus. Potius enim significatur, eum cum 5. solum cubitos haberet altitudinis, viribus tamen adeo præstasse, vt comparari posset Goliath Gethæ, cuius statura erat sex cubitorum & palmi. Cum ergo constet ex Sacro textu, Ægyptium fuisse æqualibus cum Gethæ viribus, statura autem longè inferiorē: non videtur res satis expendi ab eo qui ex comparatione à liciatorio textentium desumpta inferre vult, Ægyptium quoque fuisse valde procerum. Præsertim cum constet vires admirandas & peregrinas non rarè elucere in corporibus non admodum proceris. Quod & ad mysterii significationem aptissimum mihi videtur. Sed nunc simplici staturæ Ægyptii consideratione contentus, non aliud adiicio; quam ad eam minimè proceram staturam cogi me ab iis omnibus, quæ suprâ adduxi, vt ostenderem cubitum sacrum esse sextam staturæ antiquæ partem, non quartam: antiquumque cubitum non fuisse longiorem digitis Romanis 18½.

## P R O P O S I T I O XVII.

*Ex mensura quam ipse tribuo Hebraicis cubitis, sequitur ingens discrimen in Salomonici templi magnitudine. Ea tamen illi remanet quam sacra Scriptura significat.*

### E X P L I C A T I O.

*Et primum de linearum mensura.*

A. **H**EBRAICO cubito maiori ipse tribuo Romanos digitos 18½. Vnde in mea computatione sex cubiti Hebraici exæquant septem pedes Romanos: & ex Hispanicis laxè 7½. In mea enim



**A** sententia Hebraici cubiti maiores reducuntur ad pedes Hispanicos, addita quarta numeri parte, & insuper addita vnitatem singulis centenarijs. Ad pedes autem Romanos fit reductio, si singulis 25. cubitis adiciantur quatuor. verbi gratia. legis 200. cubitos maiores Hebraicos. additis 50. fiunt 250. & additis duobus & semis fiunt 252½. ducēti igitur cubiti Hebraici maiores sunt pedes Hispanici 252½. si verò eosdem ducentos cubitos velis ad pedes Romanos reducere, diuide 200. per 25. & inuenies 8. sume hunc numerum quater, & erunt 32. hoc ergo numero addito ducentis fiunt 232. Romani pedes.

*Magnum  
discrimen  
in templi  
Salomonis  
mag. itudi-  
ne ex varia  
cubiti men-  
sura.*

**B.** Villalpandus singulis cubitis assignat fere 42. digitos Romanos. ex quo infertur octo Hebraicos cubitos maiores idem fere esse quod pedes Romanos 21. vel Hispanos 22½. Mariana autem singulos cubitos sacros facit æquales duobus Romanis pedibus.

**C.** Hinc fit, Villalpandum porticibus quinquaginta cubitos latitudinis habentibus tribuere Romanos pedes 130. Marianam 100. me autem 58½. qui faciunt pedes Hispanos 63. Hoc verò spatium satis superque esse ad amplissimarum porticum latitudinem quis non videat?

**D.** Atriorum impluuijs quadratis cubitorum centum, tribuit Villalpandus Romanos pedes fere 260. Mariana 200. ego 117. qui ex Hispanicis faciunt 126. Erant autem Israelitici atrii impluuija septem. & eiusdem atrii porticus non minus occupabant, quàm impluuija sexdecim.

**E.** Quadro sancti Sanctorum tribuit Scriptura 20. cubitos. Hòs facit Villalpandus pedes Romanos 52. Mariana 40. ego 23½. qui ex nostris pedibus sunt plus quàm 25. sed eò solus summus sacerdos, idque semel in anno ingrediebatur.

**F.** Cubiti 120. quos turris templi habebat altitudinis, mihi reddunt Romanos pedes 140. Hispanos 150. & eo amplius. idque altitudinis supra montem erigebatur. Villalpando tamen 120. cubiti dant pedes Hispanos plusquàm 336.

**G.** 300. cubiti profunditatis quos admiranda illa substructio habebat, mihi faciunt pedes Hispanos 375. quæ profunditas, meo iudicio, satis est, vt admirationi spectantibus sit; Villalpandus tamen eam extendit ad pedes Romanos 780. qui faciunt Hispanicos 850.

**H.** Cubiti 500. quos atrii murus habebat in quadrum, Villalpando sunt pedes Hispanici 10420. mihi 625.

**I.** Longitudinem muri ambientis atrium gentium, quæ calamorum 110. definitur, ipse arbitror fuisse Hebraicorum cubitorum 660. qui faciunt pedes Romanos 770. ex Hispanicis verò 800. Villalpandus tamen numerat Hebraicos cubitos 687½. Hispanos verò pedes supra 1800.

**L.** Singula periboli latera cubitis constant 781. quæ nobis vix mille pedes Hispanicos reddunt; Villalpandus tamen extendit summam ad 2225.

**M.** Decem cubitos Maris ænei de maioribus cubitis accipiunt plerique: eosque facit Villalpandus Romanos pedes 26. & eo amplius: Hispanicos verò 28. Mihi decem illi cubiti ex minoribus sunt & Hispanicis pedibus æquales, vt latè supra probatum est.

### *Pars secunda, de areis & solidis.*

**M** V L T O adhuc maior est in areis & solidis differentia. Cubiti enim mensura quam assignat Villalpandus, habet se fere ad eam quam ego assigno sicut 9. ad 4. In areis verò discrimen est veluti 5. ad 1. ac in solidis veluti 11½. ad 1. vt propositione septimâ explicatum est. Quare ex lignis, lapidibus, ceteraque materia, vbi vnus mihi millio satis est ad impensas, Villalpandus amplius vndecim millionibus opus habet. In iis verò quæ per calamos mensurantur, area à Villalpando cogitata ad arcem quam ipse cogito se habet vt 49. ad 9. Et solidum à Villalpando cogitatum ad solidum quod ego concipio, se habet vt 12½. ad vnum, vt explicatum est propositione 7.

**D.** Aliquanto minus est nobis cum Mariana discrimen: adhuc tamen illius area ad meam se habet sicut 4½. ad 1. Et solida sicut 10. ad vnum, vt in eadem propositione septima probatum est.

### *De Mari æneo.*

**I** V X T A meam mensuram capit Mare æneum aquæ vncias non ampliùs 2000. hoc est Romanas amphoras 208½. At secundum Villalpandi opinionem debebat capere Romanas amphoras 40500. quibus per incuriam adiecit aquæ vncias 2050000. quod additamentum omnino superat totam eam capacitatem quam ipse Mari æneo tribuo. Oritur discrimen hoc ex eo quòd decem cubiti Maris ænei, vt ipse opinor, ex minoribus sint; & sphaera vnus cubiti minoris iuste capiat 400. aquæ vncias. Sphaera autem vnus cubiti ex Villalpandæis, capit aquæ vncias 9050. & sicut 1. ad 22½. ita 400. ad 9050.

*Magnum  
discrimen  
in mensu-  
ra maris  
ænei &  
eius capa-  
citate.*

**E**

## PROPOSITIO XVIII.

*Antiquæ Græcorum, Romanorum & Hispanorum mensuræ videntur ex Hebraicis deriuatæ.*

### EXPLICATIO.

**A** D propositionis huius veritatem minimè necessarium est, Hebræos ceteris orbis nationibus suas præscripsisse mensuras. Fortassis enim illæ antiquiorem habent originem; & ad communis vsque terrarum eluuiionis tempora seruata sunt in orbe mensuræ ab Adamo traditæ filiis suis ac nepotibus; post diluuium verò forte Noe filii voluerunt eadem pondera atque mensuras ab Adamo receptas conseruare: & ex illis deriuatæ sunt quæ quondam Græcis ac Romanis in vsu fuerunt, & quæ hæcenus à nostris Hispanis retentæ sunt. Hoc vt mihi tanquàm probabile persuadeam, adducor imprimis, quia cubitum maiorem Hebraicum Scriptura vocat mensuram primam, 2. Paral. 3. 3. Et Noe arcæ

cubitis



cubitis demetitur. Vnde apparet illam cubiti mensuram qua mensuratur arca, aut esse veterem cubitum Hebraicum, aut calanum sex constantem cubitis (de quo supra): siquidem mensuræ primæ nomen cubito maiori Hebraico tribuitur. Confirmatur hoc, quia antiquus cubitus recentiorē siue minorem excedit vno palmo (id est quarta parte) & nonnihil amplius, vt supra notauimus. Quapropter cum mensura cubiti fuerit ex cubito humano desumpta, verosimile est, cubitum illū à quo vulgaris cubitus vno palmo superatur, ex mensurā cubiti priscorum illorum hominum desumptum fuisse. Credibile namque est illorum staturam & corporis molem vastiorem fuisse multo & grandiore, nostrorum hominum magnitudine.

Origo prioris cubiti.

B. Iam cum maior cubitus Hebraicus (esto ab ingenti & robusta hominum statura sit deriuatus) ex gigantum mole & ingenti magnitudine vsurpatus non fuerit, probabile mihi sit illum iuxta Adami mensuram fuisse assignatum. Nec enim credibile est Adamum (qui primus fuit mundi rex, isque sapientissimus) suis posteris mensuras ac pondera non tradidisse. Ad hæc cum mensuræ ad humanæ staturæ proportionem conformandæ essent; æquum satis est & rationi consonum, mensuræ antiquæ calanum ad Adami ipsius staturam fuisse conformatum, nec non cubiti mensuram ad eiusdem cubitum mensuratum fuisse. Et facit quod illa ipsa quæ prima appellatur mensura, vocatur etiam mensura hominis Apocalypseos 21. 17.

C. Porro si Adamus mensuræ ac pondera præfinit; verosimile est, eos ex posteris suis qui veram religionem ac iustitiam retinuerunt, pondera etiam & mensuras ab Adamo acceptas retinuisse; & ab illis ad Hebraicum populum peruenisse: quin imò ex his ipsis ponderibus ac mensuris antiquis, Græcorum, Romanorum atque Hispanorum pondera fuisse orta. Coniectura hæc inde fulcitur, quod ad nostra vsque tempora in Romana vncia & Hispaniensi antiquum Romanæ vnciæ pondus, item drachmarum Atticarum, & duorum Israelis siclorum conseruetur. quod est veluti vestigium communis omnium ab vno homine propagationis, ac ponderum, mensurarumque deriuationis à parentibus ad filios.

Origo posterioris cubiti.

D. Secundi cubiti siue posterioris inuentio tunc orta fuisse videtur, quando homines multo iam erant prioribus illis minores. Tunc enim cum viderent cubiti nomen non quadrare iam cum ea statura qua homines præditi erant; ac simul viderent ad hominū communionē atque cōmerciū congruens esse vt cubitus alter statueretur qui mensurā subduplā ex solidis esset diameter, tunc (inquam) primò, videtur inductus posterior cubitus Hebraicus, cum eiusmodi ad priorem proportionē, vt esset duplus in potentia solida, & sextam partem mediocris staturæ (cuiusmodi est Hispana) exæquaret.

E. Præterea congruentia & correspondentia quæ reperitur apud nationes politicas (vt apud Græcos, Romanos & Hebræos antiquos) inter sextam staturæ partem & inter liquidorum & aridorum mensuras; argumento est, hoc etiam à communi aliquo & generali principio, vt ab Adamo siue Noe deriuari. Iam vbi admittenda erat congruentia atque proportio inter pedes seu cubiti mensuram & inter mensuras liquidorum; cum aqua sit primus liquor & ceteris communior, & magnæ in super æqualitatis in pondere (vt supra notauimus) consentaneū valde fuit attendi potissimum ad mensurā aquæ quam capiebat vas quod ex cubiti vel pedis mensura fieret. Quod verò attinet ad vasis figuram quæ pro mensura eligenda erat; credibile est, antiquiores sapientes selegisse sphaeras ac cylindros ob eas rationes quas propositione 12. considerauimus. Quod si verum est hanc fuisse apud Hebræos antiquā mensurarum normā ac figuram; hoc ipsum est indicium quod antiquissimæ mensuræ eiusdem figuræ fuerint. Nam si apud gentem aliquam seruata sunt atque retenta priscæ mensuræ; quis dubitet, apud eos præsertim seruatas ex posteris Noe qui veram religionem & iustitiam retinuerunt?

F. Sphæra primi cubiti, hoc est maioris, capit aquæ seu vini vncias. 800 vt propositione 16. ostensum est. Deinde sphæra semicubiti capit omnino vncias 100. Atque hæc est mensura illius bati qui Mariæneo duo millia batorum tribuit. cuius sextarii singuli capiunt vncias 16  $\frac{2}{3}$ . hæc autem est Græci sextarii antiqua mensura, vt nonnulli probant ex Galeno.

G. Chœnix vnciarum 25. est quarta pars bati capientis vncias centum. Atque hæc chœnix appellata fuit etiam mina. Et huiusmodi minas sexaginta continet talentum Hebraicum.

H. Sphæra cubiti vnus maioris respondet cylindrus vno cubito altus ac latus circumscribens sphæram (vt loquuntur Mathematici) qui capit iustas aquæ vncias 10200. Ea verò est antiquissima metreta. & respondet sextario vnciarum 16  $\frac{2}{3}$ . Nam si vncia 1200. inter 72. mensuras diuidantur (quæ est antiquissima partitio, & apud Hebræos & Græcos vsitata) singulis obueniunt 16  $\frac{2}{3}$ .

I. Grigo amphoræ 960. vnciarum (quæ est Hebraicus batus, & quadrantal Romanū ex talento Ægyptio, vt ex Varrone tradit Plinius lib. 33. c. 3.) videtur fuisse eiusmodi, vt antiquo vnus cubiti cylindro, detraheretur pars quinta altitudinis, vt conformaretur ad commodioris lebetis figuram, vt explicatum est supra.

L. Si verò fiat cylindrus semicubito latus atque altus, continebit omnino aquæ vncias 150. quæ decies replicatæ reddunt 1500. & fortasse hæc est origo antiqui talenti, quod 1500. vnciis constat. Pondus enim mensurarum aquæ fuit prima ponderum norma. Nouimus autem iuxta antiquissimū vsum decem coniungi mensuras, atque illis nomen cuncta comprehendens imponi, vt nomen cori decem batis.

M. Et fortasse (quemadmodum cylindro vnus cubiti dempta fuit quinta altitudinis pars, vt ad commodiorem lebetis figuram reduceretur) sic cylindro dimidiati cubi fuit etiam dempta pars altitudinis quinta: & ex 150. vnciis remanserunt 120. qui est Rom. congius. Et fuit etiam Ægypti mensura, vt colligitur ex Plinio. Et probabile est mensuram etiam Hebraicam fuisse, siquidem octaua est Hebraici bati pars. Cum autem hæc mensura 120. vnciarum fuisset quatuor in partes diuisa, vnicuique parti impositum fuit nomen minæ Hebraicæ, nempe singulis vnciarum tricenariis quæ est  $\frac{1}{3}$  vnus bati.



**A** **N.** Præter hæc, cum Ægyptii recepissent mensuram amphoræ 960. vnciarum, voluerunt eam ad cubicam figuram reducere. Et ab eis Romani & amphoram & cubicam illius figuram desumpserunt: nomenque Romani pedis cubico amphoræ lateri dedere. Atque hæc videtur fuisse Romani pedis origo. Cum enim compertum sit Romanos ab Ægyptijs amphoram fuisse mutuatos, verisimile valde est quadrantalē etiam figuram ab eisdem accepisse. Vide quæ supra diximus propositione 3. de modio (scilicet in figura cubica) Serapidis vertici imposito ab Ægyptijs.

**O.** Ex quadrantali verò (id est amphora cubica) ortus fuit congius cubicus, octaua scilicet amphoræ pars; assumpto pro latere cubico, dimidio pede Romano. Et hinc etiam orta est 15. vnciarum mensura, quæ Rom. palmi cubus est. Atq. hæc 15. vnciarum mensura fuit à Græcis pro sextario usurpata, vt Galenus & Plin. tradunt. Suam tamen ipsi metretam non constituerunt ex 48. sextariis (quemadmodum Romani) sed ex 72. vt & Hebræi. Atq. ita communis Græciæ metreta fuit vnciarum 1080. Ac lateri cubico huius metretæ indiderunt Græci pedis nomen, vt explicatum est supra.

**P.** Sphæra minoris cubiti Hebraici capit omnino aquæ vncias 400. hoc verò videtur fuisse Hispani pedis initium siue origo, & Hispaniensis arroba ponderabilis quæ vncijs 400. constat.

**Q.** Iam, si forte Syra vnquam metreta extitit vnciarum 2400. eius sextarius erat nostra arroba ponderabilis. Sphæra autem alia, (cui ad sphæram 800. vnciarum sit eadem proportio, quam habet maioris cubiti Hebræi sphæra ad sphæram cubiti minoris) eiusmodi (inquam) sphæra capiet iustas 1600. vncias. eiusque cylindrus 2400. Atque hæc potuit esse Syræ metretæ origo.

**R.** Libra Romana fortassis orta fuit ex diuisione congi in decem partes quæ sunt appellatæ libræ, & deinde libra distributa est in partes duodecim, eæque sunt appellatæ vncia.

**S.** Mina Attica centum drachmarum, orta videtur ex diuisione bati (eius qui pendet 100. vncias) in octo partes: eiusmodique minæ quadrat pondus aquæ quam capit sphæra vnus palmi ex maiori cubito Hebraico. Atticum autē talentum factum fuit diuiso in duas partes antiquo talento. Atq. vt talentum antiquum ad maiorem cubitum Hebraicum, sic talentum Atticum ad minorem cubitum.

**T.** Hebræorum Hin est sexta bati maioris pars continens aquæ vncias 160. Eademque est nostri celemini mensura. Romanus verò modius duos habet hines siue celemines, atque adeo capit aquæ vncias 320. Huiusmodique modios sex continet medimnus Atticus, qui & Romanus. Cui si detur figura cubica, eiusmodi cubus erit duplus respectu quadrantalē ex Romano pede. atq. ad eod cubicum eius latus habebit eandem proportionem cum pede Romano, quam Hebraicus cubitus antiquus cum pede Hispano. Porro hæc ipsa medimni mensura hodie etiam in Hispania in vsu est, appellaturque fanega.

**V.** Sanctus Epiphanius affirmat Romanos ab Hebræis desumpsisse nomen atque mensuram modij. Quod si, vt ipse Epiphanius vult, vulgaris Hin aliquando extitit qui duos sacre mensuræ hines exæquaret, eadem mensura debet esse modij & vulgaris illius Hin. Nam sacer hin capit aquæ vncias 160. modius verò 320.

**X.** Vncia duos omnino siclos appendit (vt infra videbimus) vnde verisimile est pondus vnciæ esse antiquissimum. Præsertim cum constet Abrahami tempore pondus sicli & dimidij etiam sicli fuisse in vsu (vt videbimus propositione sequenti.) Fortasse ergo vnciæ prima origo fuit, quod batus sphæra semicubiti Hebraici antiqui in decem partes sit diuisus primum, & deinde quilibet decima in alias decimas. Atque ita pro pondere usurpata est centesima prædicti bati pars, cui vnciæ datum est nomen à Romanis, eo quod sit duodecima suæ libræ pars. Eadem ratione Attici minam, (id est octauam illius bati partem) in drachmas centum distribuerunt. & similiter ceteri omnes Græci, suas quinque minas sequeverunt in drachmas item centum. Drachma enim est centesima minæ pars. Et ex minarum inæqualitate orta est drachmarum inæqualitas.

**Y.** Arroba mensurabilis (quæ *cantara* etiā appellatur in Hispania, Romæ autē hodie *congio* & capit aquæ seu vini vncias 512.) principium videtur fuisse iustum vnus vnciæ pondus. facta enim vnus vnciæ mensura ex aqua, faciliè mox fuit mensurā octo vnciarum facere (vt norunt Mathematici) atq. huius octo vnciarum pondus Latinis appellatur bes, nostris vulgo *Marco*. Duplicatisque lineis eadem facilitate facta est mensura vnciarum 64. quæ nobis dicitur *Azumbre*. Et iterum duplicatis facta est mensura vnciarum 512.

**Z.** Libra Hispaniæ vnciarum 16. sub nomine minæ refertur à Cleopatra. Vnde patet eam quoque esse antiquam mensuram.

Origo vnciæ & aliorum ponderum.

## PROPOSITIO XIX.

*Sicli Hebraici pondus fuisse quatuor drachmas Atticas, non solum asseritur à Iosepho & Philone: sed ab omnibus etiam Græcis sacre Scripturæ interpretibus. Sed fuit quoque vnus drachma siclus.*

## PROBATIO.

**S**UPPONENDÆ hic sunt I. & XI. propositio, quibus statutum est, pondus vnus vnciæ ex iis quæ hodie Romæ & in Hispania sunt in vsu, esse idē prorsus cum antiqua Romanorum vncia, quæ 8. drachmas Atticas pendebat: ac pondera sacra non fuisse dupla respectu vulgarium, quemadmodum à nonnullis receptum erat. Ac deinde notandum, Hebraica pondera fuisse hæc quatuor, Obolū, Siclum, Minam, Talentum: de quibus nonnihil per ordinem dicemus. Sed de obolo satis sit annotasse, drachmæ pondus ab Atticis solitum fuisse diuidi in sex obolos: ab Hebræis autem idem omnino pondus in quinque tantum obolos fuisse diuisum. Ex quo efficitur obolos Hebraicos esse tantillo maiores Atticis; quamuis eis obolorum nomen ex vicino accommodatum sit ab interpretibus. Constat enim in S. Scriptura siclum viginti obolis æstimari. Quare obolum sacrum esse quintam drachmæ Atticæ partem, eandem habebit certitudinem, quam siclum esse iustum semuncie pondus.



Septuaginta  
interpretes  
non bene ab  
aliquibus  
ostensi in di-  
drachmi  
vsn.

B. In eo tamen magna occurrit difficultas in conciliandis 70. Interpretibus cum Iosepho & Philone. Iosephus enim & Philo quatuor illi drachmas apertè tribuunt: at Septuaginta sæpe eum didrachmum vocant: & eodem modo loquuntur Aquila, Symmachus, Theodotio & ceteræ omnes Græcæ editiones, & cum eis antiqui Patres, & præsertim Epiphanius ac Theodoretus. Quamuis Procopius Genes. 32. 14. siclo quatuor apertè tribuit drachmos. Huic difficultati vt satisficiant nonnulli, respondent vulgarem siclum fuisse didrachmum, tetradrachmum autem siclum sanctum. Enimuero perspicuum est siclum sanctum à Septuaginta didrachmum appellari, vt patet Exodi 30. 13. & Leuit. 27. 25. & apud Ezechielem cap. 45. 12. eum vocant *σαδμιν*, siue staterem. Sicli autem vocem retinent Numer. 3. 43. & cap. 18. 16. Alii volunt hoc apud Septuaginta per incuriam & negligentiam irrepisse: & pro tetradrachmo fuisse negligenter suppositum didrachmum. ita Georgius Agricola & Couarruias. Villalpandus autem quamuis Septuaginta interpretes negligentia insimulare non audeat, saltem ait eos de iusti ponderis declaratione minimè curasse, contentosq. fuisse apponere nomē alicuius monetæ vulgaris pro sicli nomine: eo quod rem parui momenti esse duxerint, iustum sicli pondus explicare. Additque eiusmodi consuetudinem, pondera alia pro aliis & mensuras pro mensuris aliis substituere, Septuaginta interpretibus indubitato fuisse. Mariana capite sexto affirmat, fuisse olim siclos duarum drachmarum, & siclos etiam tetradrachmos: frequentiores tamen fuisse didrachmos, atque inde prouenisse, vt promiscuè vterque siclus à Septuaginta didrachmi nomine compelleretur: quemadmodum apud Hispanos familiare est, quoddam genus politorum laterum, vocare *azulejos*, quod cæruleolos sonat, non solum eos qui cærulei reuera sunt, sed etiam ceteros omnes, licet albi sint aut virides, quia frequentiores solebant esse cærulei.

C. Veruntamen quamuis magna sit B. Hieronymi, Philonis atque Iosephi auctoritas; si tamen Septuaginta in sicli pondere diuersam haberent sententiam, sola Septuaginta interpretum auctoritas maioris foret in hac re momenti, quàm auctoritas sancti Hieronymi, Philonis, Iosephi, & aliorum multorum, & quàm rationes illæ quæ ad probandum siclum sanctum tetradrachmum fuisse adduci possent. Tum quia multum interest quod attinet ad numerum testium inter Septuaginta, & inter tres siue etiam triginta: tum etiam quia Septuaginta fuere multò antiquiores: nec dubium quin rerum antiquarum maiorem adepti fuerint cognitionem. Deinde Septuaginta interpretes incuriæ aut ignorantia arguere, id verò perperam omnino fit. Ac nihilo plus satisfaciunt Villalpandiac Mariana responsiones. Cum enim non minùs facile sit, dicere tetradrachmum quàm didrachmum, cumque in promptu esset nomen quod sicli ponderi exactè responderet, magnæ certè oscitantia foret, illud vsurpare nomen quod ponderis ipsius dimidium significaret, si didrachmus singularim denotabat duarum Atticarum drachmarum pondus, quod est dimidium ponderis sicli sancti. Non inficior in rebus aliquot parui referre, vtrum vnum pondus pro alio ponatur, necne: si eiusmodi pondus aut mensura exempli gratia ponatur, vt, si prohibeatur, ne quis falsum batum, aut falsum choenicem apud se habeat. At verò cum dicitur vnusquisque semissem sicli soluisse, tunc semissi dimidium pondus auferre, dato illi drachmæ nomine, id certè contra historiae veritatem esse videretur. Dum autem fingitur nomen drachmi promiscuè & confusè tam ad duarum drachmarum quàm ad quatuor pondus accommodari (quod frequentius communi consuetudine, sicli duarum drachmarum vsurparentur) id profecto non aliud est quàm duo supponere quorum neutrum subsistit. Alterum, siclos duarum drachmarum fuisse vsitatios: alterum in communi vsu viguisse vt siclorum minorum nomen ad maiores extenderetur.

Drachmam  
Alexandri-  
nam fuisse  
duplam re-  
spectu Atti-  
cæ.

D. Relictis ergo prædictis solutionibus, si deprehendatur nomē drachmi siue duarum drachmarum absolutè positum, omnino congruere ad semuncia (quæ quatuor drachmas Atticas continet) significationem; constabit etiam Septuaginta debuisse didrachmi nomine vt ad quatuor drachmarum Atticarum pondus significandum, & tunc Philonis, Iosephi atque Hieronymi sententia, Septuaginta interpretum auctoritate validè confirmabitur. Noto ergo ipse, falli eos qui putant Septuaginta interpretes (qui Alexandriae scripserunt) teneri ad hoc, vt drachmæ nomine de drachmæ Atticæ pondere loquerentur. Hoc enim perinde esset, quasi exigeretur ab eo qui Hispali scribit & cum Hispalensibus sua phrasi loquitur, ne carnum libram appellet eam quæ 32. vncijs constat (cuiusmodi libra apud Baticos in vsu est:) propterea quod Madriti & Salmantica triginta duabus vncijs non datur nomen vnus libræ sed duarum. Quare vt propius ad rem ipsam accedamus, si constaret, Septuaginta interpretum tempore, Alexandriae appellari solitam drachmam vnā, id pondus quod Attici duas drachmas appellabant, non alia certè responsio posset aptior optari ad vtramque sententiam conciliandam. Obseruandum est ergo Africanum & Iulium Pollucem (quorum verba referuntur in dictionariis, verbo Talentum) tradere, quamuis respectu drachmarum Atticarum huic talento tribuantur sexies mille drachmæ, illi plures, alii pauciores: omnia tamen talenta in hoc conuenire quod vnum quodq. habeat sex millia drachmarum sui generis: hoc est, vt talentum Æginæum sex mille drachmas Æginæas contineat, Babylonium totidem Babylonias, idemque de ceteris. Quam autem proportionem inter se habeant diuersa talenta, eadem etiam erat inter diuersas drachmas, verbi gratia, drachma Æginæa se habebat ad drachmam Atticam sicut 10. ad 6. pendebat enim decem obolos Atticos. Id quod communi eruditorum consensu receptum est, vt videre licet apud Marianam capite septimo. Et quidem varia esse drachmarum pondera notat expressè Plinius libro vigesimo primo, capite 34. notumque est drachmas à Dione accipi pro assibus. Nec minùs certum est drachmas ab aliquibus poni pro septimis vnciæ partibus. Quæ cum ita se habeant, certum mihi est Septuaginta interpretes omnino debuisse drachmæ nomen pro duarum Atticarum drachmarum pondere vsurpare: ac proinde nummum eum qui quatuor drachmas Atticas pendebat, appellare didrachmum. Hoc (meo iudicio) validè probatur: quia Scripturæ talentum (de quo Septuaginta loquuntur) duodecim millia drachmarum Atticarum pendebat: ergo Scripturæ drachma duas Atticas drachmas continet. Huius argumenti con-



A

sequitio ex auctoritate Africani, Pollucis, atque omnium qui de drachmis scripsere, legitima est. Quamobrem id vnum superest probandum, talentum scilicet Scripturæ esse duplum respectu Attici talenti; atque adeo pendere drachmas Atticas 120. Id verò auctoribus probatur locupletissimis, non Epiphanio solum & doctoribus Ecclesiasticis, sed iis etiam omnibus qui asserunt talentum magnum respectu talenti Attici esse duplum. Sic autem tradunt Vitruuius, Halicarnassæus, Suidas, Hesychius apud Marianam ca. 7. Deinde Scripturæ talento minus ponderis attribui non potest, si admittamus, quod Iosephus affirmat, talentum scilicet Scripturæ constare centum minis, (de quo infra) & quod ait Epiphanius, nempe pendere libras 125. libras scilicet Romanas; & quod alii aiunt, nempe talentum Scripturæ esse 120. pondo, accepto pondo nomine pro centum drachmis Atticis.

B

E. Superest examinare vtrum hæc magni talenti consuetudo, atque adeo magnæ drachmæ (quæ respectu Atticæ sit dupla) vigerit apud Alexandriam, vbi Septuaginta suam scripserunt editionem? Ego verò ex ipsomet didrachmi nomine (quod Septuaginta interpretes tribuerunt ponderi quatuor drachmarum Atticarum) videor mihi certò colligere, talentum magnum (cuius meminerunt Vitruuius, Halicarnassæus, Suidas & Hesychius) fuisse talentum apud Alexandrinos vsurpatum. Constat enim ex Scriptura ter mille siclos efficere vnum talentum, (vt docti conuincunt efficaciter ex capite Exodi 38.) quapropter ea auctoritas, quæ probat Israelis siclum fuisse pendere quatuor drachmarum Atticarum, ea ferè omnis persuadet hoc fuisse Alexandrinum talentum. Quandoquidem Septuaginta interpretes in ea vrbe scribentes siclo nomen didrachmi tribuunt. Etenim cum constet, extitisse olim drachmas respectu Atticarum duplas, & Septuaginta de duplis drachmis loqui, sicut & de talento duplo, nihil poterat esse verisimilius, quàm eos, dum ponderi quatuor drachmarum Atticarum nomen didrachmi tribuunt, accommodasse sermonem ad eius provinciam, in qua scribebant, consuetudinem. Sed habemus præterea expressam Festi auctoritatem perspicue asserentis Alexandrinum talentum pendere 120. drachmas Atticas. Quare rectè ait Capellus libro de numis §. 67. drachmam Iudaicam esse pondus duarum Atticarum. Idem affirmat Ribera noster Amos 8. 15. & Pererius Gen. 23. 14. Facit quòd Epiphanius obseruat, sextarium Alexandrinum duas ex oleo libras capere. Probabile enim est, vbi sextariorum mensuræ erant magnæ, magna etiam fuisse talenta, & consequenter magnas drachmas.

C

F. Decipiuntur ergo planè qui putant drachmæ nomen apud Septuaginta de Atticæ pondere esse accipiendum, ignorantes in hoc drachmæ nomine non minorem græcæ amphibologiam latere, quàm in nomine libræ apud Hispanos. Imo verò tanta fuit drachmarum diuersitas, vt oboli vnus Attici pondus (id est sexta Atticæ drachmæ pars) Ægyptiæ nomine drachmæ fuerit aliquando appellatum. Constat hoc ex libello illo Cleopatrz; consonatque cum talento illo quod extitit olim mille drachmarum Atticarum, quod numismaticum fuit appellatum. de quo videri potest Stanislaus fo. 63. Huc præterea spectat Hispanorum consuetudo qui nomen *adarme*, quod idem est cum drachmæ nomine nonnihil corrupto, vsurpant pro semisse drachmæ Atticæ. Cur ergo similiter non credamus Atticos drachmæ nomine appellasse Alexandrinæ drachmæ semissem? Porro quòd Hispani drachmæ nomen semidrachmæ Atticæ tribuamus, inde fortassis ortum est, quòd pondus vnciarum 375. consideretur vt paruum talentum. & facit quòd olim Marauedini dicuntur fuisse vnciales; & quòd summam Marauedinorum 375. nuncupamus ducatum: huiusque valoris aurea superioribus annis fuere numismata, Adde quod Syracusanum talentum constat appendisse Romanas vncias 375.

D

G. Quæ verò fuit olim in nomine drachmæ & talenti significationis varietas, eadem cum debita proportionem extitit in nomine stateris & siclici. Nam quamuis iuxta pondus Attici talenti, duarum drachmarum Atticarum pondus appelletur siclicus, nomen tamen siclici deriuatum videtur ab Hebraico nomine *sekel* quod est nomen sicli. & siclicum appendentem semunciam, qui omnino respondet hebraico siclo, ponit Dioscorides agens de Veterinariorum ponderibus. Ac licet *stater* sit frequenter pondus drachmarum quatuor Atticarum; reperitur tamen stater duarum drachmarum, vt probat Stanislaus ex Polluce fol. 58. si. Denique sicut in drachmæ pondere varietas extitit, ita etiam in pondere siclici. Atque ita Xenophon l. 1. de Cyro meminit sicli pendens Atticos obolos 7½. & Epiphanius meminit etiam sicli pendens holcem, hoc est drachmam Atticam, (cum quo siclo consonat nostrum *adarme* nomen, siquidem siclicus duplicis drachmæ nomen est.) Hesychius item Persicum siclum refert pendente Atticos obolos octo, id est, drachmam vnā & tertiam alterius partem.

E

H. Drachma igitur generatim loquendo est talenti  $\frac{1}{120}$  pars: & didrachmus siue siclicus, quod est Hebraicum nomen ex *sekel*, iuxta morem Græcorum aut Latinorum inflexum, est vnus talenti  $\frac{1}{60}$ . Quamobrem cum talentum tam Alexandrinum quàm sacra Scripturæ contineat vncias mille quingentas, necessarium erat didrachmi nomine, apud Septuaginta, semunciarum pondus denotari. Idem est enim didrachmus quod siclicus. nempe vna ex tribus millibus vnus talenti partibus. Quod autem Iosephus & Philo magna tum distinctione, tum etiam inter se consensione variis in locis nobis edisserunt, illud est, drachmas duas sicli Israelitici idem pèdere quod drachmas Atticas quatuor. Philoni verò non fuit satis id semel dixisse, nisi etiam ad peculiare summas descenderet ac diceret, 30. Israelis siclos esse 120. drachmas Atticas. Hoc tamen nequaquam Septuaginta interpretibus repugnat, sed potius exponit æqualitatem ponderis de quo ipsi agebāt. Iam quòd drachma talenti sacri fuerit  $\frac{1}{120}$  pars (id est vna ex partibus sex mille) eiusdem talenti, & quòd illa fuerit anti. qua drachma, inde valide confirmatur quòd Hieronymus in readeo insigni nusquam Septuaginta interpretes obiurgat, quamuis expresse affirmet, Israelis siclum pèdere Atticas drachmas quatuor. Sic enim ille docet Ezechielis 45. & Matth. 17. Septuaginta quoque interpretes rectè fuisse de sicli pondere loquutos ex eo etiam confirmatur, quòd ceteræ etiam Græcæ editiones omnes cum illis mirificè consentiant.



I. Præterea, quamuis Epiphanius confusè & promiscuè videatur fuisse loquutus (ait enim siclum fuisse didrachmum, & quartam vnciæ partem pendere: nec non fuisse olim siclum qui holcem siue drachmam vnam Atticam appendebat: ) nihilominus disertis atque perspicuis verbis testatur, *talentum sacrum esse libras 125. hoc est vncias 1500.* Atque ita non potuit sanctus Doctor ignorare, Israelis siclum esse semunciam. Certissimum enim est ex sacrâ Scripturâ, talentum esse idem quod ter mille siclos: neque id ignotum esse potuit Epiphanio. Quamobrem quod asserit de siclo duarum drachmarum Atticarum, & de siclo etiam vnius drachmæ, intelligendum est omnino non de siclo integro argenteo, sed de nummis qui semisiclum argenteum, vel quartam eius partem pendebant. Huiusmodi enim nummi non probant integrum Israelis siclum argenteum (loquor de antiquo) fuisse duarum drachmarum Atticarum, vel vnius drachmæ. Quemadmodum semiargentei quos videmus signatos, non indicant eos esse integros regales. At fortasse etiam loquitur Epiphanius de siclis auri ac ferri, de quo infra.

L. Simili ratione explicari posse suspicor Theodoretum. Expende, quaeso, verba eius in Leuiticum in fine, *didrachmum* (ait) *valet obolos viginti, tametsi nonnulli didrachmum staterem vocarunt.* quod est dicere, siclus quem 70. vocauere didrachmum, non est duodecim obolorum, quemadmodum didrachmus Atticus, sed viginti obolorum. Atque ita quamuis stater (pondus nempe quatuor drachmarum Atticarum) appelletur didrachmus, in ea tamen appellatione non est sermo de drachmis Atticis, sed de alijs maioribus, cuiusmodi erant Alexandrina.

M. Nullus igitur superesse videtur grauis auctor qui probetur existimasse Israelis siclum duas Atticas appendisse drachmas. & conciliatio atque concordia Iosephi, Philonis, Procopij, Hieronymi & Septuaginta interpretum, euidenter ostendit verum sicli pondus fuisse quatuor drachmarum Atticarum. Iosephi loci sunt libro 3. Antiquitatum cap. 12. (alias 10.) & 7. de bello cap. 26. si. Et quamuis prior locus addito mox libræ nomine videatur obicuri: Græcè tamen & in Gelenij versione non est libræ nomen. Philonis locus insignis est tomo 2. lib. de decalogo, vbi de specialibus legibus. ibi verò pro 50. siclis ponit 200. drachmas: pro 30. siclis drachmas 120. & similiter in alijs summis. licet autem in Latina versione non sit nomen drachmarum, sed argenteorum solidorum: Græcè tamen nomine drachmarum vtitur Philo. Locus Procopij est Genes. 23. 14. Beatus autem Hieronymus (Ezechielis 45. & Matth. 17.) disertè ait, siclum esse idem cum statere, quatuorque illum pendere drachmas: octo verò drachmis Romanam vnciam componi. Similiter exponunt Hesychius, & Cleopatra: nec non antiqui Rabbinj, vt Rabbi Iechaias in tractatu de monetis, vbi ait, *Cognouimus ex Kubala siclum sanctum pendere trecenta & viginti grana hordei.* hæc ille, quem refert Gaspar Vuaferus. & verò certum est hordei grana 320. explere Atticarum quatuor drachmarum pondus. Præterea in hoc eodem sicli pondere conueniunt Antonius Augustinus, Masius, Arias Montanus, Marianus Victorius in indice Hieronymi Romanæ editionis verbo Siclus, & noster Villalpandus.

N. Præterea, hi postremi auctores quinque, eo in primis argumento nituntur, quòd antiquos siclos apud se habuerint atque appenderint. Certè Villalpandus confirmat septem siclos antiquos se habuisse, quorum nulli quidquam deerat ad iustum semunciam pondus. Verumenimverò hæc omnia numismata arbitror non tanti esse, quanti auctoritatem & consensum Iosephi, Philonis, Hieronymi & 70. interpretum. Nec enim illi aut veritatem ignorare potuere, aut si diuersi inter se forent, adeo facile à nobis conciliari potuissent. Numismata autem illa posset suspicari quicquam, vel omnia vel pleraque illorum esse noua & pro antiquis supposita. Atque id ipsum quod tanti Villalpandus facit, (scilicet nullum eorum septem numismatum quæ ipse habebat, aliquam vel minimam semunciam ponderis parte destitui) nonnullis suspicionem facit, non solum illa antiqua non esse, verum neque satis callide fuisse pro antiquis conficta, ab eo qui illa Villalpando aut suis amicis obtrusit. Etenim ad testam fraudem congruentius foret, si eorum pondus non nihil esset imminutum, vt post bis mille annorum decursum, futurum fuisse videbatur. Quamobrem Arias Montani & Mariani Victorij numismata verisimiliora fortasse sunt, vtpote quæ non nihil erant attenuata & exesa. adeo vt ipsi persuaferint sibi, iustum antiqui sicli pondus non fuisse integræ semunciam, sed aliquantillo minus. Ita sane Arias: qui id ponderis reducit ad pondus 4. drachmarum ex ijs quibus superiori æuo pharmacopola utebantur. hæc enim aliquanto erant minores octauis vnciæ Romanæ partibus. & Marianus Victorius ea quatuor Iulij Romanis comparat, qui sunt etiam octauis vnciæ minores.

O. Atenim quamuis pro certo constaret, illa numismata vera esse & antiqua; ex illis tamen non video qui posset probari ea fuisse simplices siclos. vt enim nunc argentei simplices regales cudentur, nec non duplices, quadruplices & octuplices, ita credi fortasse posset siclos quondam & simplices & duplices fuisse cufos. & facit quòd Arias Montanus ex Rabbi Moyse Gerundensi adducit, nempe illum apud se duos Hebraica antiqua numismata habuisse, quorum alterum drachmas duas, alterum quatuor pendebat. Tametsi autem Moyses iste Rabbinum Salomonem sequutus sibi persuaferit siclum quadruplicis drachmæ fuisse integrum & simplicem: alterum verò sicli semissem: verum qui opinaretur Septuaginta interpretes integro siclo duas non amplius drachmas Atticas tribuisse, posset respondere, nummum illum qui duas pendebat drachmas Atticas fuisse siclum integrum ac simplicem: qui verò quatuor pendebat, fuisse duplicem. Idemque posset opponi numismatis Villalpandi, nisi forte in eis ipsis explicetur simpla illa esse & non dupla. Sed quis hoc ex characteribus poterit euidenter colligere? Multo ergo solidior est comprobatio quæ ex tot tamque grauibz auctoribus vnà conspirantibus desumitur. Sed *virumque simul melius.*



*Additio de distinctione fclorum, siue de maioribus & minoribus fclis.*

**A.** **S**UPEREST expendere an vncia quoque integra appellata sit fclus, & an quarta eius pars, & octaua quoque (id est drachmæ Atticæ pondus) fclii nomen obtinuerint. & primum non videtur inconueniens, vt sicut mina diuersimode accipitur, nimirum pro quindecim fclis, pro viginti, & pro 25. atque etiam pro sexaginta, vt sequenti propositione constabit; sic etiam fclus variè usurpatus sit. Deinde vnciam integram fclii nomen obtinuisse auctor est Hieronymus in quæstionibus Hebraicis in Gen. c. 24. Ab Hieronymo autè acceperit Isidorus & Beda qui fclum vncialem faciunt. Ea verò opinio videtur confirmari posse ex ipso textu Gen. 24. 22. vbi legimus *maures aureas appendentes fclios duos*. Na pro duobus fclis Hebraicè est nomen *bace* quod dimidiū fclii sonat. Est enim eadē vox Exo. 38. 25. vbi agitur de dimidio fclio quē singuli milites obtulerūt. Ac vt Vulgata lectio non discordet à sensu Hebraicæ lectionis, dici solet duos fclios quos legimus in Vulgata, esse pondus ambarum inaurium, accepto fclii nomine pro pondere quatuor drachmarum Atticarum; vt sensus sit ambas in aures pependisse integram vnciam. dimidium autem fclium lectionis Hebraicæ esse dimidium fclii vncialis, atque id fuisse pondus singularum inaurium. & saltem in ære & ferro fclii pondus fuisse vnciale & interdum maius, opinio est Stanislai ex Rabbi Kimhi. quibus fauere videtur ferrum hastæ Isbibenob 2. Regum 21. 16. quod pendebat 300. vncias. ibi enim 70. interpretes posuere fclios 300. verum hæc ponderis concordia non admodum probat: quia Hebraica neque sonant vncias neque fclios: & sæpe aliàs in numeris non parum differt Vulgatus à 70. interpretibus.

**B.** Vt cunque id sit, vnciali fclio proxima est Ioannis Theutonici sententia, qui fclio tribuit pondus septem drachmarum Atticarum, vno obolo excepto. nititurque in eo quod iuxta suam computationem vna drachma pendet tres obolos ex illis viginti quos pendet fclus.

**C.** Nihilominus istæ opiniones quæ fclio tribuunt vel octo drachmas integras, vel septem ferme; non videntur recipiendæ. Quia manifestè aduersantur Iosepho, Philoni, Septuaginta interpretibus, & Hieronymo ipsi duobus in locis suprà indicatis, & vno verbo vniuersæ ferè antiquitati. Quare Hieronymi locus qui pro vnciæ pondere citatur, omnino videtur vitiatu librario- rum errore: nisi fortasse fuit ipsius Hieronymi incogitantia, aut memoriæ lapsus. Isidorus autem & Beda decepti sunt putantes eam fuisse Hieronymi sententiam: cum tamen ipse semel & iterum fclium definierit esse quatuor drachmarum Atticarum pondus. & nec probari alicunde possit ex sacra Scriptura fclius maior tetradrachmo; neque locus ille Genes. 24. 22. ei sententiæ fauet, vt constabit infrà. Nihil verò minus verisimile quàm fclios æris ac ferri fuisse vnciales. sequeretur enim lorica illam Philistæi (cuius meminit Scriptura 1. Regum 17. 5.) pependisse vncias 50. hoc est arrobas ponderabiles 12½ (quas vix validus mulus portare posset,) idque onus vix fuisset dimidia pars ponderis armaturæ vniuersæ quàm gerebat Philistæus ille. Simul enim gerebat callidem æream super caput, ocreas æreas in cruribus, clypeum æreum, & hastam cuius ferrum pendebat fclios sexcentos.

**D.** Sanè ex hac ergo armatura potius colligerem fortasse fclium æris & similiter ferri fclium, duas solùm pependisse drachmas Atticas. Nam ei quoque pondere fclii nomen fuisse communicatum auctor est Epiphanius & alij non pauci. & si quis etiam optet inuenire rationem qua lorica prædicta non plus pendeat quàm arrobas tres octaua & alterius partem; non erit admodum difficile ei voto satisfacere. quia licet argenteus fclus in sacra Scriptura frequentissimè ponatur pro dimidiæ vnciæ pondere; in alijs tamen metallis verisimile est non semel poni pro octaua vnciæ parte quam drachmam Atticam appellamus. Certè in auro id mihi non solùm verisimile apparet sed etiam ferè certum. Primò quia cum Epiphanius asserat fuisse apud Hebræos fclium qui nō plus pendebat quàm holcen siue drachman, ratio postulat vt ad maximè pretiosum metallum & cuius minor est copia, eiusmodi vsum præcipuè referamus. non quod nunquā fclius auri quatuor drachmarum fuerit, sed quod non semel aureus nummus, octauam vnciæ pendens, fclius auri appelletur. Secundò quia prædicta concordia vulgatæ lectionis cum *bace* Hebraico (Genes. 24. 22.) coacta est; tum quod supponat rem minimè probabilem (nimirum fclium vncialem) tum quod velit interpretem loqui de ambabus inauribus simul sumptis, Hebraicum verò textum de singularum pondere. Adde quod supponit etiam *bace* eo loci poni pro semuncia; Exodi verò 38. 25. pro quarta vnciæ parte. Sanè optabile est inuenire rationem quæ aptè conciliet vulgatam lectionem cum Hebraica, & vtramque exponat de pondere singularum inaurium, ac nomen *bace* accipiat pro eodem Genes. 24. 22. & Exodi 38. 25. Hæc autem omnia mirificè cohærent, si dicamus vtrobique *bace* esse quartam vnciæ partem, siue dimidiū communioris fclii: & hoc ipsum pondus significatum fuisse à Vulgato, cum dixit *appendentes duos fclios*: quia nouerat fclii nomē in auro accipi solere pro holce siue drachma. qua ratione duo aurei fclii tantundem omnino pendent ac *bace*, siue dimidiū argenti fclius. In hac autem phrasi videtur Vulgatus imitari voluisse eam Septuaginta interpretum versionem, quam Hieronymus refert in quæstionibus Hebraicis in Genes. ca. 24. nempe *tulit vir inaurum auream, didrachmum pondus eius*. Vbi manifestum est vnicuique in auri tribui duas drachmas. Non me latet Sixtinam Septuaginta interpretum lectionem in textu ponere, *sumpsit homo in aures aureas singulas drachmarum ponderis*; & sic quoque legisse S. Ambrosium. Sed ista lectio non continet diuersum sensum. quia vt suprà vidimus, Septuag. duabus drachmis Atticis solèt quoque vnius drachmæ nomē dare ea phrasi

*De lorica  
Philistæi  
1. Reg. 17.  
5.*

*Fclius in  
auro ali-  
quando est  
idem quod  
drachma  
Attica.*

*Bace in He-  
braeo quid sit  
Gen. 24. 22.*



qua siclum argenteum, quatuor drachmas Atticas pendente[m] solent appellare didrachmum, eo quod drachma Alexandrina duas Atticas penderet. Atque ita explicationis gratia substituit aliquis eam lectionem quam Hieronymus vidit ac refert.

E. Suspicio desiderari adhuc à lectore locum alium qui clarius demonstrat octauam vnciae partem appellari aliquando siclum. Exspectet (quæso) tantisper. commodius enim à me id explicabitur in fine propositionis vigesimæ. Interim dico, non videri dubitandum quin sicut hodie cudentur in Hispania aurei simplices, & duplices quoque, sic etiam apud Hebræos cuderentur olim. Nec desunt qui putent eiusmodi aureos nummos (quorum singuli duas Atticas drachmas pendebant) esse illos qui frequenter appellabantur aurei sicli: atque adeo, ubi occurrat aureorum siclorum numerus, ad eiusmodi aureos plerumque referendum esse. Sanè apud Romanos constat aureorum nomen non aliter accipi solere quàm de didrachmis: atque adeo vnum aureum Romanum vigintiquinque denariis æstimatum testatur Dio l. 48. Vnde decies sestertium, idem est quod decem aureorum millia, siue denariorum 2500. vtrumvis enim idem valet quod decies centena millia sestertiorum, quod propriè significat phrasis illa præcisa. Sed redeo ad aureos didrachmos. Græpius opinatur idem fuisse pondus siclorum aureorum apud Hebræos quod apud Romanos in nummis aureis. Sed non video quàm solidè id ab eo probetur. Mihi enim constat siclorum auri numero aliquando denotari drachmas Atticas. Nec verò dubito quin frequentior usus fuerit ut sicli aurei nomine intelligeretur pondus drachmarum quatuor, quemadmodum & in argento. Nec satis esset ad confirmandam Græpij opinionem quod reperirentur aliqui aurei Hebræorum nummi didrachmi. cudentur enim nummi didrachmi & semisses & duplices, & nihilominus in communi usu numerus non sumitur ex semilibus, neque ex duplicibus sed ex simplicibus integris.

Aureus Romanus antiquus duas pendebat drachmas.

## P R O P O S I T I O XX.

*Mina Hebraica maior pendebat triginta vncias, sed eius partes quas designat Ezechiel c. 45. 12. dicebantur etiam mina.*

A. **L**ocus Ezechielis sic habet, viginti sicli, & viginti quinque sicli & quindecim sicli minam faciunt. Ex quo loco perspicuum esse videtur, libram seu minam Hebraicam (quæ appendebat sexaginta siclos, ut expresse docet Hieronymus ibi & Iosephus l. 14. c. 13.) tribus distinctis constare ponderibus, quorum vnum pendebat 15. siclos (id est vncias 7½) aliud 20. siclos, & aliud 25. ut bene Pagninus, verbo מנה. Appositè autem diuidebatur in illa tria pondera, ut illis pòderari commode posset duodecima pars minæ, nec non sexta, tertia, quarta & ceteræ vsque ad 15. & addito pondusculo quinque siclorum ponderantur partes omnes singulatim ab vna vsque ad duodecim.

Minarum diuersitas & origo.

B. Deinde ex tribus illis ponderibus originem duxisse videntur celebres Græcorum, Romanorum, & Alexandrinorum mensuræ. Nam in primis mina Attica pendet 25. siclos Hebræicos, hoc est centum drachmas Atticas. Secundò hemina siue cotyla Alexandrina in aquæ aut vini mensura adæquat omnino pondus 20. siclorum qui reddunt vncias decem. Eademque est mensura Romana semisextarij. Tertio cotyla Attica illius libelli de ponderibus & mensuris qui Galeno & Dioscoridi solet adscribi, in mensura aquæ seu vini prorsus æquiparat pondus siclorum 15. nempe vncias 7½. Quarto cotyla siue hemina Attica, (cuius fit mentio in veris Galeni libris) in oleo idem pondus vnciarum continet, septem & semis.

C. Quemadmodum insuper apud Hispanos nunc & in alijs prouincijs mensuræ liquidorum cum ponderibus confirmantur (nam & vini quartarius, & olei mina Hispana, vulgo panilla, pondus æquant vnciarum 16. quæ est Hispana libra: ita etiam antiquæ Hebræorum, Græcorum & Romanorum mensuræ similiter conformantur cum aliquo ex tribus illis Hebræicæ minæ ponderibus, vel cum illius partitione aut multiplicatione. & in nomine quidem minæ à Græcis & à Romanis recepto; atque etiam in nomine heminæ, seu dimidiæ minæ, aliquod restitit vestigium ex quo apparet pondera & mensuræ Græcorum ac Romanorum ab Hebræicis ponderibus dimanasse. Nam minæ nomen Hebræicum est, & pondus siue numerus significat, ac in numeri significatione habitus fuit respectus ad numerum siclorum quos mina pendere debet.

D. Pagninus verbo מנה affirmat laicam minam fuisse siclorum sexaginta: minam verò sanctuarij fuisse duplam, hoc est siclorum 120. hæc tamen distinctio inter pondera sacra & prophana, iam supra int pugnat a propositione vndecima. Præterquàm quod vanum est omnino existimare, Ezechielem de mina prophana & de siclis agere sanctis, cum statuit minam pendere sexaginta siclos.

E. Adhæc non solum Græci ac Romani suis ponderibus & mensuris nomen minæ indiderunt; sed Hebræi etiam videntur non solum minam nuncupasse pondus 60. siclorum (quæ sunt vnciæ triginta) sed etiam pondus siclorum quindecim; ac pondus 20. & pondus 25. siclorum, vnumquodque seorsum acceptum. Sic videmus in Hispaniâ vocari libram quæ vncijs constat sexdecim, & apud Gallæciam eodem nomine nuncupari eam quæ 20. pendet vncias: & apud Baticos eam quæ est vnciarum 32. ac demum in regno Nauarræ libra est vnciarum 36. Apud Hebræos autem peculiaris extitit ratio in nomine minæ. quia mina etiam illis idem significat quod

Latinis



**A** Latinis pars (qua de re multa in thesauris Hebraicis exempla.) Quare non fuit coactum quod partes minæ eodem minæ nomine ab illis appellarentur. vsus verò illorum ex Iosepho constat. Ille ergo l. 14. c. 13. *Mina* (inquit) *apud nos duæ & semis libra existimantur*, hoc est vncijs 30. & l. 7. c. 8. agēs de Absalonis cæsarie quæ ducentos siclos appendebat, (vt habetur 2. Reg. 14. 26.) ait, pondus siclorum 200. faciendum 5. minas: vbi liquet singulis minis Iosephum eo loci siclos 40. tribuere. Idem l. 3. c. 10. loquens de candelabro à Mose facto quod vncias 1500. siue ter mille siclos pendebat, ait pondus illud vocari talentum. pendere autem 100. minas. vbi singulis minis obueniunt quindecim vnciae. nisi fortasse in hanc summam mendum obrepserit (de quo infra.)

**B** F. Postremò aduerte, prædicta illa tria pondera ab Ezechiele distincta eam inter se proportionem seruare quam habent hi tres numeri 3. 4. 5. His verò Hebraica mina in duodecim partes æquales (singulas siclorum quinque) partitur. vnde duxit fortassis originem diuisio libræ apud Romanos in partes duodecim quas vncias appellarunt. Sic enim quinque sicli (quibus redimebantur primo geniti) pars erant minæ duodecima. & forsan Hebræi in ea diuisione ad tribus duodecim habuere respectum.

### De mina argenti & auri.

**C** **G.** **Q**UAMVIS verum sit minæ nomen quadrupliciter accipi posse, nempe pro pondere 15. siclorum, pro 20. pro 25. & pro 60. siclis; vbi tamē sermo est de mina pecuniæ; omnino videtur receptum fuisse apud Hebræos vt mina frequenter acciperetur pro mina 25. siclorum. Sic expressè docet paraphrasis Chaldaica Ezechiel. 45. 12. ait enim; *Tertia pars mina 20. siclos habet; mina argentea 25. siclos; quarta pars mina 15. siclos habet; omnes sexaginta sunt mina magna.* In argento ergo (id est, in pecunia; nam argenti nomen etiam aureæ pecuniæ tribuitur) eadem erat apud Hebræos mina quæ apud Atticos, quibus mina fuit drachmarum centum pondus, idem nempe quod siclorum 25.

**D** **H.** Confirmatur hic vsus ex pondere auri quo erant testæ peltæ illæ de quibus 3. Regum 10. 17. vbi quamuis in plerisque Vulgatæ editionis libris legamus, *trecenta mina auri vnā peltā vestiebant*, eum tamen locum librorum incuria esse vitiatum, iam alij \* ante me obseruantes non dubitantes quin Vulgatus interpres *tres minas* posuerit; non trecentas. Idque non solum ex eo probant, quod tres tantum minas legamus in Hebraicis, Græcis & Chaldaicis codicibus; sed etiam ex ipsa Vulgata 2. Paralipom. 9. 16. vni manifeste de eisdem clypeis siue peltis est sermo, & sic legimus, *Trecentis aureis tegebantur singula scuta.* Quo loco si trecenti aurei accipiantur de totidem drachmis, optimè conuenit aureorum numerus cum tribus minis quæ eorum loco ponuntur 3. Regum 10. 17. accepto minæ nomine, quemadmodum in argento & auro plerumque accipiebant Hebræi. Nihil autem vsitatus quam aureorum nomen absolute positum ad nummos siue drachmas aureas referri. Adde quod cōtextus cogit vt 300. aurei sint trecenti nummi, non solum quia violentum est & nullibi vsitatum, vt *aureus* minam denotet, sed etiam quia irrationabile est, vt aureorum nomen aliter accipiat in clypeis & aliter in hastis, de quibus ibidem agitur hoc verborum tenore, *Fecit Rex Salomon ducentas hastas de summa sexcentorum aureorum qui in singulis hastis expendebantur*, vbi in confesso est non tribui singulis hastis sexcentas auri minas, sed sexcentorum nummorum pondus. ergo eodem modo accipiendum est aureorum nomen, cum iubditur, *trecentis aureis tegebantur singula scuta.* Adde, quod ratio ipsa palam ostendit prorsus esse incredibile trecentarum minarum pondus in singulis clypeis. Hæc enim summa, vt minimum, pendet duo talenta Hebraica, vt fatetur Villalpandus tomo 2. folio 526. & alibi obseruat ipse, eiusmodi pondus ab vno homine portari non posse. Neque satisfacit dū ait, eos homines qui adeo graues clypeos portabant, fuisse valde robustos iuuenes equis insidentes. Primum enim, ex 2. Paralipom. 12. 10. constat, hæc scuta data fuisse principibus scutatorum qui custodiebant vestibulum palatii; illōsque eis scutis insignitos solitos fuisse comitari regem cum introibat in domum Domini: Ergo pedites, non equites. Deinde, siue peditibus siue equitibus intolerabile scutum esset quod duo penderet talenta, hoc est arrobas nostræ consuetudinis septem & semis. Adde quod si aurum singulorum clypeorum duo penderet talenta, necesse esset vt clypei singuli plus penderent quam talenta quatuor, ( hoc est arrobas quindecim. ) constat enim ea scuta non appellari aurea quod nullam aliam haberent materiam, sed ideo solum quod testæ essent aureis laminis. Patet hoc primò ex ipsa Vulgata 2. Paralipom. 9. 16. vbi legimus *Singula scuta trecentis aureis fuisse testæ.* ac de laminis quibus categebantur expressa est mentio 3. Regum. 10. 16. Deinde ex Hebræo id etiam manifeste constat, ex quo si verbum verbo, legimus, *ascendebant super vnum clypeum 300. aurei* & similiter transfulerunt Septuaginta interpretes 2. Paral. 9. Ergo scutum ipsum ex alia erat materia, quamuis aureis laminis testum esset: atque adeo, vt minimum penderet quatuor talenta, si aureæ laminæ quibus tegebatur duo talenta pendebant. Atqui neque robustus mulus tantum oneris portare potuisset. Ergo vera lectio Vulgati interpretis 3. Regum 10. 17. non est, *trecentæ minæ*, sed, *tres minæ auri vnā peltā vestiebant.* Nullæ autem aliæ fingi possunt, quæ faciant trecentos aureos, nisi minæ 25. siclorum: ( ex quibus tres minæ sunt eadem summa quæ drachmarum auri trecentarum, ) ergo de huiusmodi tribus minis, ac de eiusmodi trecentis aureis loquitur Vulgatus.

*Mina pecuniæ eadem apud Hebræos quæ apud Atticos.*

3. Reg. 10. 17. non esse legendum, trecentæ minæ, sed tres minæ, \* Mariana de ponderibus fol. 43.



2. Paral. 9.  
versu 15.  
& 16.

I. Habet iam lector (nisi fallor) quod in precedentis propositionis sine promissimus, nempe locū aliquem quo efficaciter probetur siclum auri aliquando poni pro nummo aureo pendente drachmam Atticam, quales ferme cuduntur hodie. Animaduertat ergo sic legi in Vulgata, *Fecit rex Salomon ducentas hastas de summa sexcentorum aureorum quae in singulis hastis expendebantur. trecenta quoque scuta aurea trecentorum aureorum, quibus tegebantur singula scuta.* In hoc contextu quis non videat idem genus nummorum aureorum designari in summa sexcentorum aureorum, & in trecentis aureis quibus tegebantur singula scuta? Ergo cum efficaciter probatum sit, trecentos aureos esse drachmas aureas; negari non potest, quin sexcenti quoque aurei sint totidem drachmae. Atqui iidem sexcenti aurei appellantur à Vulgato *aurei sicli* 3. Reg. 10. 16. ergo aliquando *aureus siclus* ponitur pro nummo aureo drachmam pendente, quod nos probatuos receperamus. Si quis verò obijciat, praedicto loco non esse in Hebraeo nomen sicli, sed solum aurei nomen; satis mihi est inde colligere, nummos aureos Hebraeorum fuisse eiusdem fere ponderis cum nostris, & eos à vulgato interprete appellatos fuisse siclos 3. Reg. 10. 16.

L. Sed morabitur fortasse aliquem discrimen aliud quod non spectat ad minarū vel aureorum summam: sed ad hastarum figuram. nam quae appellantur hastae ducentae 2. Paral. 9. 15. eadem appellantur ducenta scuta 3. Reg. 10. 16. & quidem vtrunque in ipsa Vulgata. Villalpandus noster, ut hos conciliet locos, tomo 2. fol. 526. suspicatur hastas (de quibus 2. Paral. 9. 15.) non esse aliud quam scuta quae in umbonibus ipsis singulas habeant cuspides, cuiusmodi hodie etiam saepe visuntur. Verum coactum valde est ipsa scuta appellari hastas propter umbonum cuspides. Quare ego potius dixerim, sub altero nomine comprehendi alterum, phrasi apud nos usitata, & vtrumvis dicas, vtrumque intelligi. Qui enim audit in fronte alicuius exercitus positas fuisse ducentas longiores hastas, (*ducentas picas*) non aliud concipit quam si audiret, ducentos ferreos thoraces, (*ducentos coseletes*) iidem sunt, qui gerunt thoraces ferreos & hastas longiores. Similiter ergo hasta & scutum, erat integra vnius hominis armatura. Atque ut intelligeretur & hastas & scuta illorum ducentorum fuisse auro tecta, cum bis eadem historia narranda foret, alibi expressae sunt hastae, & alibi scuta: vtrumque enim voce Hebraica comprehendebatur. Et similiter cum trecentis peltis, (hoc est minoribus scutis & lunatis fortasse) aliud quoque armorum genus intelligendum est, quod hastis vel gladiis respondet. Suetonius in Nerone c. 44. coniungit peltas & secures.

M. Verum maius est mihi cum amico discrimen in auri pondere. Ille enim conatur persuadere, sexcenta sexaginta sex talenta insumpta fuisse in ducentas hastas ac trecentos clypeos. Et quoniam non inuenit qua ratione pendere possent plusquam 640. auri talenta; existimauit reliqua 26. talenta fuisse mercedem laboris aurificibus datam. Pondus autem talentorum auri 26. est idem quod nostrorum aureorum 331 1/2 500. Excedit hoc (fateor) meam fidem. & totum aurum quo ducentae hastae ac trecentae peltae sunt vestitae, non plus pender quam auri drachmas 210 1/2. siue talenta Hebraica 17 1/2. Neque ad hastam & scutum eius auro tegenda parum mihi videntur drachmae sexcentae, quia auri laminas non oportebat esse crassiores, sed potius admodum subtiles, ac operis & artificij admirandi. Quoniam verò peltae sunt multo minora scuta, ideo illarum singulis auro tegendis satis fuit dimidium auri pondus respectu scutorum atque hastarum.

## P R O P O S I T I O XXI.

*Antiquum sacra Scriptura talentum, ter mille siclorum fuit, non maius:*

### E X P L I C A T I O A T Q V E P R O B A T I O.

A. SI vera esset eorum opinio, qui siclos vnciales fuisse putant; talentum quoque pari ratione a Spud Hebraeos fuisset trium vnciarum milliū: hoc est arrobarum 7 1/2. Sed ex libro Exodi in quo prima est talenti mentio, satis probatum est siclos semuncias esse, ac vnicuique talento obtingere tria siclorum millia ex eo probatur efficaciter, quod trecenta siclorum millia faciunt talenta centum, (ut docti censent expressum esse Exodi 38. versu 26. 27. & 28.) Etenim 603 1/2 500. milites semisiclum singuli obtulere, ac summa oblationis fuit talentorum centum, & insuper siclorum 1 1/2 775. Atque ita necesse est ut 600 1/2 semisicli (id est 300 1/2 sicli) faciant talenta centum: atque adeo ut singulis talentis obueniant 3 1/2 sicli. Neque contendere potest ab aliquo reperiri in sacra Scriptura talentum aliquod maius quam illa Exodi talēta: de quibus videri possunt eo loci interpretes; nec non Stanilaus opusculo de siclo, & Villalpandus noster Ezechielis tomo 3.

B. Coharet cum hac computatione quod siclici nomen omnino videatur deriuatum à nomine Hebraeo Sekel. Ac quamuis Attici siclici pondus sit subduplum respectu Hebraici Sekel (quemadmodum etiam drachma Hebraica, sicut & Alexandrina, pendet duas Atticas drachmas) semper tamen seruatur eadem proportio, nimirum ut tria millia siclicorum, talenti appellationem habeant: videlicet ut talentum Atticum constet 3 1/2 siclicis Atticis, Hebraicum Hebraicis, & sic de ceteris. Accedit quod 4. Reg. 5. 23. singulis pueris imposita sunt talenta singula, praeter vestis pretiosae donum. Si verò talenta singula penderent vncias 3 1/2. (hoc est arrobas Hispanicas) septem & semis, onus foret intolerabile.



A C. Manet ergo sacrum talentum pendere vncias mille quingentas : atque adeo deceptos proculdubio fuisse quicumque ei dedere tria vnciarum millia. Oportet tamen vt ab eorum argumentis nos expediamus. Primum argumentum desumitur ab auctoritate Iosephi qui cum tertio Antiq. c. 10. dixisset candelabrum aureum quod fecit Moyses, centum minas ponderis habuisse; atque hoc centum minarum pondus appellari Hebraicè Cicar, Græcè talentum: postea 14. Antiq. cap. 12. (aliàs 13.) ait Hebraicam minam duas & semis pendere libras, atque adeo 30. vncias, siue siclos sexaginta, vt habetur Ezechielis 45. 12. Si ergo singulæ minæ continent vncias triginta, plane centum minæ (quæ faciunt iustum talenti pondus) continebunt tria vnciarum millia, siue drachmas Atticas 240. Ad hoc argumentum respondetur, non potuisse ignorari à Iosepho; Exodi talentum esse idem quod tria siclorum millia. Quare quod ait, talentum pendere 100. minas, ita exponi aut corrigi debet, vt sacra Scripturæ non aduersetur. Primum ergo probabile est, Iosephum ibi de minis quindecim vnciarum loqui, vt explicat Villalpandus noster. Et harum etiam minarum disertè meminit Dioscorides, vbi de ponderibus Veterinariorū. Atq; ab antiquis temporibus conseruabatur apud phar-macopolas in Hispania eiusmodi mina vsq; ad Philippi 2. tēpus, ipsorum enim libra quindecim pē-debat ex communibus vncijs, quamuis eam ipsi in sexdecim suas vncias diuiderent, quarum singulas deinde in nouem partiebantur drachmas. Vidimus autem propositione 20. quàm sit verisimile, ab Hebræis olim minæ appellationem non solum fuisse tributam ponderi sexcentotum siclorum, sed etiam singulis illis tribus partibus quas assignat Ezechiel, hoc est, quindecim siclis, viginti siclis, ac viginti quinque. Forsan ergo similiter appellabant minam pondus 30. siclorum, siue vnciarum quindecim.

B D. Secundo respondeo, proximius verò mihi videri Iosephi textum eo loci, impressorū incuriā vitiatum esse; & vbi legimus *centum minas*, legitimam lectionem esse 120. *minas*. Ac primum nemo mirari debet, Iosephi textum non paucis scaterere mendis in summis quas refert, libro enim 3. c. 12. (vbi siclo tribuit quatuor drachmas Atticas) dum refert numerum eorum qui dimidium obtulere siclum, eos ait fuisse 6050. vbi certo certius est debere legi non 50. sed 30. Præterea 8. Antiq. c. 6. dum refert auri talenta Salomoni donata à Regina Saba, ait, ea fuisse *viginti*, vbi manifestū est debere legi centum viginti; & plerisque alijs mendis scaterere Iosephi codices, præsertim in summis numerorū, notarat Villalpandus to. 3. fol. 411. fi. Deinde quindecim vnciarum mina neque videtur vsu rectorū, notarat Villalpandus to. 3. fol. 411. fi. Deinde quindecim vnciarum mina neque videtur vsu recepta fuisse ab Hebræis, neque à communi Græcorum consuetudine. Quia neque Ezechiel meminit minæ triginta siclorum; neque ex Græcis videtur fuisse ab alijs vsurpata quàm à Veterinarijs. Postremò constat Iosephum sic voluisse iustum Hebraici talenti pondus exponere, vt à Græcis intelligeretur. Quare necesse est, vt cum ad eam expositionē vtatur minarum nomine, omnino credendus sit non aliter accepisse nomen minæ quàm communiter ab Atticis accipiebatur, quorum lingua & loqui & intelligi volebat. Alioqui enim Iosephus non exponebat rem. Neque satis est quod alibi doceat Hebraicam minam pendere duas libras & semis. Quemadmodum enim oportuit vt eo loci nomine libræ vteretur ea ratione qua à Græcis & Romanis accipi consueuerat, nimirum pro 12. vnciarum pondere (quandoquidem per numerum librarum declarare volebat Hebraicæ minæ pondus) sic etiam cum Hebraici talenti pondus exponere voluit, atque ad eam rem vsurpauit minarum summam, neque aliud expressit; debuit proculdubio nomen minæ eo loci non aliter accipere quàm communiter ab Atticis accipiebatur.

C E. His ita constitutis si in prædicto Iosephi loco legamus, talentum Hebraicum pendere centum minas, hæc lectio non solum non tribuet Hebraico talento tria vnciarum millia, sed neque mille quingentas. Constat enim Atticæ minæ iustum pondus esse vncias Romanas duodecim & semis; atque adeo centum minas Atticas non esse plusquam Romanas vncias 1250. Quare vehementer suspicor, Iosephi textum, in quo legimus talentum Hebraicum pendere minas centum, non esse per subtractionem corrigendum, sed potius per additionem: ac pro 100. minis ponendas esse cētum viginti. Quia is Atticus minarum numerus est qui æquat pondus 30. siclorum, quem omnino exponere volebat Iosephus, vt Exodi textui se conformaret.

D F. Superest aliud argumentum quod nobis obijciunt ij qui talenti sacri pondus contendunt fuisse maius quàm 30. siclorum nimirum quòd alioqui vnum talentum esset minus quàm solidi 100. Solet enim solidi nomen accipi (vt norunt docti) pro sexta vnciæ parte. Quare decem solidorū millia sunt plusquam 1666. vnciæ. Constat autem ex 1. Paral. 29. 7. decies mille solidos nō æquare vnius talenti pondus. ergo certum est talentum Hebraicum esse maius pondus quàm vncias 1500. imò verò maius quàm vncias 1666. Huic argumento respondetur primò forsan in eo loco decem millia solidorum, non esse decem millia aureorum solidorum, sed eam auri quantitatem quæ valorem contineat decem millium argenti solidorum, vel æris. Hanc enim phrasim non esse à sacra Scriptura alienam, videbimus proposit. 22. Sed ne ad eas nunc angustias redigamur, respondetur secundò, etiam si constaret, non agi ibi de valore solidorum argenti vel æris, sed de pondere solidorum aureorum; non opus esse vt solidus accipiatur pro sexta vnciæ parte. Aliquando enim ponitur pro octauo, hoc est pro drachmæ Atticæ pondere; vt vidimus propositione prima. Et facit quod pro solidis Hebraicè ibi legamus *adarconim*, quod aliqui suspicantur esse nomen drachmæ. Quod si quis rursus obijciat, drachmam Hebraicam pendere duas drachmas Atticas, (vt supra stabilitum est) ad hoc dico, fortasse *adarcon* idem significare quod drachmæ dimidium, quemadmodum apud Hispanos, hoc nomen *adarme*, quod ab illo Hebraico deriuatum videtur, non aliud significat quàm drachmæ dimidium.

Quot minas tribuat Iosephus talento.

Quid sint decem millia solidorum 1. Paral. 29. 7



## P R O P O S I T I O XXII.

*Aliquando siclus auri ponitur pro eo auri pondere quod valet argenti siclum.  
Hac autem phrasis latius patet quàm nonnulli putarunt, & valde  
minuit aliquas summas.*

## P R O B A T I O.

**A.** **M**ILLE milliatalentorum argenti quæ templo ædificando præparauit David (1. Paral. 22. 14.) æstimantur à nostro Villalpando, nostrorum ducatorum millionibus 10188. & centum millia talentorum auri, millionibus 1485. Atque adeo vtriusque metalli pondus millionibus 20673. Cū hoc autem auri & argenti pondere coniungit amicus quidam gemas pretiosas quæ in corona Melchom effulgebant (1. Paral. 20. 2.) existimans eas quoque cum prædicta auri & argenti summâ fuisse consecratas templo quod erat ædificandum. Eas verò tanti æstimat, vt oblationem illâ auri, argenti, atque gemmarum dicat prope accedere ad tria millionum millia ex Hispanicis ducatis: qua ratione prædictis gemmis videtur tribuere valorem millionum nostrorum ducatorum fere 327. quæ in Villalpandi computatione desiderabantur ad trium millium millionum summam. Inuehitur autem adeo acriter prædictus amicus in eos qui de computationibus Villalpandi, & antiquarum diuitiarum æstimationibus aliquid demere præsumunt, illarum magnitudinem incredibilem iudicantes, vt verear ne magnæ audaciæ notam subeam, si tria prædicta millionum millia coner probare non fuisse centum quinquaginta. Excusabit tamen me desiderium discendi ab illo & à quouis alio: atque eo animo proferam dubitandi rationes quæ mihi occurrunt, non parui momenti; nisi me valde fallo.

**B.** Primum ergo doceri vellem, quamobrem cum illis centum auri talentorum millibus, ac mille millibus argenti, coniungantur gemmæ coronæ Melchom, atque ex dicatur fuisse omnis generis lapilli pretiosissimi. Sacra enim Scriptura non ait coronam illam fuisse consecratam Deo; sed potius Dauidem inde sibi fecisse diadema. 1. Paral. 20. 2. Neque vllibi ait eius coronæ gemmas diuersorum generum fuisse. Deinde quamuis constaret gemmas illas fuisse à Dauidе futuri templi thesauris dicatas, non video vnde colligi possit eas fuisse tam immensi valoris, vt coniunctæ cum auri & argenti millionibus 20673. constituant fere tria millionum millia. Et cū constaret non paucos neque parum graues esse scriptores qui nulla ratione admittant singula illius oblationis talenta, quæ commemorantur 1. Paral. 22. 14. pendisse vncias mille quingentas: & cū animaduerti potuisset eorum aliquos post Villalpandi editionem scripsisse; aut nouæ erant afferendæ rationes, aut mitius cum amicis agendum.

**C.** Præterea, etiam si dubitari non posset quin singula aurea illius oblationis talenta fuerint vncias auri mille quingentæ (& similiter de argenteis,) adhuc fortasse poterant plusquam 280. milliones de valore à Villalpando assignato demi absque vlla audaciæ nota, vt conabimur ostendere propositione 23. & 24. Quare non erat stultitiæ condemnanda quævis demptio ex computationibus Villalpandi, aut ex tribus millionum millibus.

**D.** Tertiò, quamuis verum sit Villalpandi labores esse maximi faciendos, meminisse tamen oportebat, non esse prudentis consilij, computationibus illius adeo confidere vt propter ipsius auctoritatem, condemnentur qui in prædicta summa longè ab illo abeunt. Contingit enim virum alioqui doctum aliquando allucinari: nec peruidere quàm magna & prorsus incredibilis sit ea quam affirmat summa; quamque immensum eius pondus, aut quantum loci occupatura esset.

**E.** Si verò prædictus amicus dicat, se non sola Villalpandi nostri auctoritate niti; sed etiam computationibus siue demonstrationibus ab ipso allatis ad æstimandas diuitias à Dauidе relictas; vereor an de eiusmodi computationibus rectè is iudicare possit qui non sit in arte Arithmetica versatus. Et quamuis ipse doctissimus Theologus iure optimo reputetur; nihilominus reipsa constat, illum (quæ admodum & multos alios grauissimos Theologos) non admodum curasse de arte numerandi, neque in illa se vnquam exercuisse. Licet hoc cernere in vno ipsius folio; vbi tria coniungit manifeste inter se pugnantia: ait enim primò, tria millia talentorum auri ex Davidis peculio (quæ commemoratur 1. Paral. 29. 4.) facere milliones 108. Ac deinde, totidem talenta, quæ protulit Hyrcanus ex Davidis sepulcro, esse aureorum scutorum milliones 44. & insuper scutos 5500. & statim subdit, tantundem ab Herode ex eodem sepulcro fuisse prolatum; id est, alia tria talentorum millia: ex eo verò inferri, summam scutorum ab Hyrcano & ab Herode prolatam fere accedere ad mille milliones. Persuadet autem sibi, ex thesauro ibi à Salomone recondito, vix quartam fuisse partem quam Hyrcanus & Herodes inuenere, hoc est, singuli octauam. & concludit adeo immensum fuisse sepulchri illius thesaurum, vt pene fidem & cogitationem superare videatur. Rectè sanè, si thesaurus vt computare videtur, non erat minor quàm millionum quatuor millia. Minorem enim diuitiarum summam non adeò miraretur, qui paulo antea primam Davidis oblationem tribus millionum millibus æstimauerat. Porro similem varietatem reperio dum agit de prædâ quam reportauit Alexander superato Dario. Primum enim ait, eam fuisse talenta 15700. atque hanc summam efficere ex nostrâ monetâ milliones 89. & insuper 6500. ducatorum. & post pauca, oblitus prioris summæ, ait, prædam illam fuisse talenta 18000. atque ex ijs fieri milliones 213. & insuper 4000. Hispanorum ducatorum.

Quot millionibus æstimetur ab aliquibus prior Davidis oblatio.

fol. 164. r. D.

fol. 153. 2. & 231. r.

Gemma coronæ Melchom non sunt oblata templo ad ædificandum.

Maluenda de paradiso. Signè fol. 10. 3. & alij.

Sæpe cōtingere vt gressus Theologus sit expertus Arithmetica.

f. 233. 253.



A Sanè adeo magnarum varietatum admiratio suspicari facit, fortasse eas esse typographorum errata, quamuis non sint scriptæ numerorum notis, sed distinctis singularū literarum characteribus. Et ut-  
cunque hoc sit, si in valore trium millium talentorum auri à Dauide ex proprio peculio oblato-  
rum, animus erat Villalpandum sequi, æstimatio Villalpandi non est, valere illa milliones 108. sed  
ducatorum 44.550 U. & quamuis cum hac summa coniungantur septem millia argenti talenta simul  
oblata à Dauide, vtriusque metalli summa in Villalpandi computatione minor est quàm 53. ducato-  
rum milliones. Illa verò tria talentorum millia quæ refert Iosephus fuisse ab Hyrcano in Davidis  
sepulcro reperta, non video vnde colligantur fuisse aurea; cum neque id Iosephus scripserit, neque  
Petrus Comestor. Quare satis superque erat cogitare valorem trium millium argenti talentorum,  
partim in pecuniâ & partim in gemmis & aurea supellectile. cui cogitationi apertè fauet Iosephus 16.  
Antiquit. cap. 11. Quod si omnino constaret Hyrcanum inuenisse tria millia auri talenta, atque ea ad  
scudorum aureorum numerum reuocanda essent; singula talenta non plus pendent quàm aurei  
scudi Hispanici 12 U 750. Atque adeo tria talentorum millia non plus pendent quàm scudorū mil-  
liones 38½. Quare octo illi fabulosi, in sepulcro Davidis, loculi pecuniâ repleti, non continebunt  
plusquàm 306. scudorum milliones, qui pendent arrobarum 90 U. Atque istam etiam summam siue  
pondus aureæ pecuniæ (meo iudicio) nemo prudēs qui satis animaduertat, putabit recondi potuisse,  
quemadmodū dicitur, in Davidis sepulcro. Quāuis enim aurea sphaera solida nō minus pendeat quā  
octodecim aquæ aut vini sphaeræ eiusdem magnitudinis (ex periculo à Villalpando factō) aureæ ta-  
men pecuniæ summa quam capit dolium aliquod, vix pendet duodecies quàm vinum quo idem im-  
pleatur dolium. Pondus autem arrobarum ponderalium 90 U. omnino est idem quod vini cantara-  
rum siue arrobarum mensuralium 70 U 3 12½. quibus capiendis opus est tribus ac septingentis dolijs  
magnis, ex ijs quorum singula capiunt centum cantaras. Porro duodecima pars numeri 703. maior  
est quàm 58. Atque adeo nonaginta millia arrobarum aureæ pecuniæ prorsus implebunt dolia ma-  
xima 58. ex superius scriptis: ex quibus singulis loculis (si illi erant octo) obtingent plusquam  
septem maxima doli capientia cantaras vini septingentas. Quis ergo iam non videat fieri non po-  
tuisse ut in vnius sepulchri latebris 58. tāta magnitudinis doli pecuniâ repletā absconderetur, adeo  
secretū, ut nulla vis ab auri siti excitata difficultatem inueniendi superare potis fuerit? Quod si hoc  
est incredibile; quantū magis in eodem sepulcro abscondita fuisse quatuor millia millionū, quibus  
capiendis non sufficient quingenta prædictæ capacitatis doli? Omitto stultitiam eximiam quæ tri-  
buitur regi sapientissimo, si dicatur tot millionum millia adeo abscondita reliquisse, nulli alij vsui,  
nisi ut Antichristo seruarentur (sic enim tradit Petrus Comestor 3. Reg. 3.) & saltem absque vilo a-  
nimæ Davidis bono: subditorum autem tam ingenti malo, ut illius absconditi thesauri inutilitate  
coactus fuerit Salomon grauissimum postea vniuerso Israeli iugum imponere: ex quo deinceps de-  
cem tribus à Roboamo desciuerunt, ut habetur 3. Regum 12. His verò malis quàm facile occurrere-  
tur, si quatuor illa millionum millia depromi possent, regi atque regno beandis? Certè nemo pru-  
dens hodie regi alicui consuleret quod in Salomone adeo magnificatur. Adde quod quingenta ma-  
xima doli auro repleta, non poterant adeo secretū abscondi, ut res non innotesceret. Neque fingi  
potest, si vera est historia, rem nulli innotuisse. Etenim ad aures Petri Comestoris peruenisse asseri-  
tur. Quis ergo credat potuisse sibi homines tot sæculis temperare, ut scientes latere in visceribus  
montis Sion tot millionum millia, in aureâ pecuniâ cribratâ & in octo loculos digestâ, totum mon-  
tem non millies tenebrarent, donec reaseratis dolijs suam explerent sitim? Nec enim quingenta  
maxima doli res erat quæ inter digitos præterire posset & fallere fodientes.

D F. Quod si octo illorum loculorum pecuniâ repletorum nullus est alius auctor nisi Comestor;  
(3. Regum 3.) miror nostrum amicum, cui Comestor est bene notus, & à quo is merito aliquando  
reijcitur eo quod Rabinorum sectetur fabulas; nihilominus adeo illi credere in thesauro sepulcri  
Davidis, & in octo loculis beatis, ut non vereatur eam narrationem suo testimonio confirmare, &  
asserere ex illis octo loculis vnicum tantū fuisse ab Hyrcano apertum, & tantundem ab Hero-  
de in altero repertum. Quid quod Petrus ipse Comestor & Iosepho (quem solum potuit  
eius historiæ habere auctorem) & sibi quoque ipsi aduersatur? Iosephus enim libro decimo  
sexto, capite vndecimo, ait, *depositas in eo sepulcro pecunias non fuisse* ab Herode inuentas, sed magnam  
ornamentorum vim. Neque vnquam meminit octo illius sepulchri loculorum quos inuenit Com-  
estor. Sed & in re somniatā non fuit constantis memoriæ. Cum enim 3. Regum 3. asseruisset vni-  
cum solummodo ex octo loculis sepulchri fuisse ab Hyrcano reaseratum; postea 2. Mach. 3. ait duos  
fuisse loculos quos spoliavit Hyrcanus. Quod si Herodes, ut dicitur, tantundem inuenit ac Hyrcanus,  
dicendus erit ipse quoque duos alios aperuisse loculos. Atque adeo solum supererunt Antichri-  
sto quatuor reliqui. Cumque summa pecuniæ ab Hyrcano & ab Herode inuenta non excedat sex  
talentorum millia; non erit cur credamus, plusquam 12 U. talentorum à Salomone in parentis se-  
pulchro fuisse reposita. Neque fuit vllus auctor ante hos 20. annos, qui tria millia talentorum  
quæ dicitur Hyrcanus reperisse, putauerit fuisse talenta auri. Quare satis superque erat, si concede-  
rem, summam illam fuisse talentorum argenti. Neque erit cur integer ille sepulchri Davidi thesau-  
rus pluris æstimetur quàm 12 U. argenti talentis, quæ Villalpando quoque teste non plus valent  
quàm milliones septem ac 128. ducatorum millibus. Ac de hac etiam summâ fas esset auferre dimi-  
diam partem, quia non est cur Iosephus ibi credatur agere de talentis Hebraicis, & non potius ad  
summum de Atticis: cum eadem omnino phrasi libro 12. cap. 4. dicat, Iosephum quendam ciuem  
Ierosolymæ, habuisse Alexandriæ apud procuratorem suum 3 U. fere talenta: & ab eius filio emptos  
fuisse centum puerostalento singulos, & totidem puellas pari precio: vbi non esse sermonem de  
Hebraico talentorum pondere quis non videat? ergo neque in tribus talentorum millibus quæ Hyrcanus  
protulit ex Davidis sepulcro. Cum verò thesauri absconditi in sepulcro nulla sit utilitas (Ecclesiastici  
20. 32.) neq; vllus possit proferri auctor qui de illo magnificentius aliquid scripserit; dabit mihi hanc



veniam amicus, vt neque ego plus mihi persuadeam, interim saltem, dum eius rei aliquis antiquus & bonus auctor non profertur.

De diuitijs à  
Dauid re-  
liktis.

G. Diximus satis de Dauidis sepulcro, ex quo nisi fallor manifestè constat plus æquo auctas fuisse à nostro amico diuitias à Dauid relictas. Verùm ille non solum contendit, Dauidem templo ædificando reliquisset tria millionum millia, & quatuor alia millia millionum quæ in suo sepulchro conderentur, sed multò plura in sui hæredis vsum. Ad hoc verò persuadendum huiusmodi est ipsius argumentatio, Dauid asserendus est suo hæredi maiores diuitias reliquisse quàm ab vllò vnquam rege relictæ sunt: constat autem ab alijs regibus plus quam duodecim millionum millia fuisse collectas: ergo thesaurus Salomoni à Dauid relictus non est credendus fuisse minor. Ratiocinatio legitima est: & maior propositio disertè asseritur à Iosepho libro septimo Antiquitat. cap. 12. sub his verbis, *Tantas Dauid hæredi reliquit diuitias, quantas nullus alius rex vel Hebraorum vel aliarum gentium.* Minor verò constat ex antiquis historijs fide dignissimis multa eiusmodi continentibus: ex quibus est, Sardanapalum in suam pyram coniecisse plusquam sedecim millia millionum. Sic ille. Mihi autem, vt hoc primum dicam, non satis est auctoritas Iosephi, vt neque illud hyperbolicè ab eo dictum credam, neque suspicer ignoratas fortasse fuisse ab illo immensas illas Sardanapali & aliorum diuitias: neque vt mihi persuadeam, si planè & apertè Iosephus diceret, maiores diuitias relictas fuisse à Dauid Salomoni quàm Sardanapalo in rogum coniectas; id tanquam oraculum fuisse recipiendum, neque suspicandum potuisse Iosephum excedere. Imò verò compertum mihi est, sæpe Iosephum à vero abire, dum res Hebraicas suprà modum amplificat. ( nisi fortasse sint Typographorum errata. ) Patet hoc libro octauo Antiquitat. cap. 2. vel 3. vbi de aureâ & argenteâ supellectili quam Salomon templo à se ædificato consecrauit. Enumeratenim, *aurearum candelabrorum Mosaiico similium 100. phialas & pateras aureas 200. ( quibus postea addit alia 100. ) lancium aurearum 800. craterarum quoque aurearum ad offerendam similitam oleo subactam 600. mensurarum aurearum vnius hin 200. & multa huiusmodi, præter tubas 200. & instrumenta musica ex electro 400. Qui videri vult quantum hæc à Iosepho fuerint aucta, legat libri tertij Regum caput septimum, & libri secundi Paralipom. cap. 4. & inueniet aurea candelabra à Salomone facta non plura fuisse quàm decem, & totidem mensas: phialas verò aureas non plures quàm centum; & paucis alijs commemoratis adijci verba hæc; *Sicque completum est omne opus quod fecit Salomon in domo Domini, 2. Paralip. 4. fi.* Quærat alius concordiam inter sacræ Scripturæ atque Iosephi narrationem; non ego, qui satis animaduertim Iosephum, aliqui grauem historiographum, valde sibi indulgere in rebus Hebraicis amplificandis, præferim antiquis.*

Sûmas apud  
Ioseph. sæpe  
esse menda-  
sas.

Locus 1. p. s.  
ral. 29. 22.  
exp. nditur.

H. Deinde conatus ille ad eò extollendi diuitias à Dauid relictas, vt multo plus ille reliquerit sepulchro suo, & hæredis sui vsibus, quàm templo ædificando; omnino mihi aduersari videtur ipsius Dauidis verbis. Ait enim 1. Paralipom. 29. 22. *Ego totis viribus meis præparavi impensas domus Dei mei.* Quomodo enim vere dicetur suas omnes vires impendisse in illius templi impensas, si multo maiorem diuitiarum sularum partem in alios vsus deriuauit? Accedit quòd amplificatio illa diuitiarum à Dauid relictarum pugnare videtur, ( vt infra expendemus ) cum ijs quæ de Salomonis diuitijs in sacrâ Scripturâ legimus, & vt cumque id sit, si ad eò certum est, totum fere aurum & argentum quod à Dauid fuerat congregatum, fuisse ab illo destinatum atque legatum templo ædificando: aut diuitiæ Sardanapali & aliæ similes censendæ sunt fabulosæ; aut inanis eorum conatus qui persuadere volunt, thesauros à Dauid relictos fuisse multo maiores ijs quæ ab vllò vnquam rege ad hæredem peruenerunt.

Sicli auri  
in sacra  
Scriptura  
aliquando  
esse, id quod  
penius auri  
quod talis  
argenti si-  
clum.

I. Verùm multo inanior erit iste conatus, si ratio euicerit, ea ipsa talenta auri & argenti, quæ ( 1. Paralipom. 22. 14. ) à Dauid sunt oblata templo ædificando, non debere æstimari centum quinquaginta nostrorum ducatorum millionibus. Sic ego planè sentio: & quamuis scio meam sententiam ab aliquo irritum iri; libentissimè rem eidem deferam iudicandam, si rationes velit attentè perpendere, nec se in computationibus ab aliquo in fraudem induci patiatur. Primum ergo, quoniam auctoritas Villalpandi apud eum ipsum maxima est, velim vt animaduertat, non posse ire inficias Villalpandum, quin phrasis sacræ Scripturæ ferat, vt aliquando duodecima pars talenti aurei ( hoc est, vnciæ auri 125. ) appellentur auri talentum, eo quòd æstimabantur argenti talento. Si roges cur hoc non possit à Villalpando negari; respondebo; quia tomo 3. folio 414. constrictus necessitate conciliandi duos locos sacræ Scripturæ in speciem pugnautes, fateatur, 1. Paralipom. 21. 25. vbi legimus, *siclos auri iussissimi ponderis sexcentos*, illos sexcentos siclos non esse plures quàm integros 50. auri siclos, qui valent siclos argenti sexcentos: quia 2. Regum 24. 24. eidem summæ ( quoniam eadem est historia ) tribuitur quinquaginta siclorum nomen: & quamuis Villalpandus prius referat varias aliorum concordias, eas tamen ipse impugnat, atque decernit, phrasim esse procul dubio Scripturæ, quòd valori sexcentorum argenti siclorum in auro, tribuatur appellatio sexcentorum auri siclorum. Hac ergo phrasi semel in siclis admissa, quis non videat eam similiter in talentis habere locum? Atque ad eò fieri posse vt integra auri talenta 8033½. appellentur centum milliata talentorum auri. Accedit quòd negare non possumus, similem phrasim esse familiarem atq; frequentem in linguis vulgaribus. Certè in Hispana, *el iusto peso de vn real de vuas*, idem prorsus est quod, *el valor de vn real en vuas*. Vulgari enim loquutione sæpè ponitur genitiuus pro ablatiuo cum præpositione in. Atque ita non mirum est poni siclos auri sexcentos, pro sexcentis in auro siclis argenteis, hoc est pro horum valore. Facit quòd in provincia Perùana ponderi duarum argenti drachmarum tribuitur tomini nomen: inde fortasse quod tominus auri, id est, quadringentesima besis, seu marci octo vnciarum pars, duobus argenteis regalibus æstimabatur, qui duas ferè drachmas pendent, scilicet cum bes auri octingentos regales valebat. & in Mexicana prouincia ( vt

audio)



A audio) singuli argentei regales appellantur tomini, quod aliam similem originem habere suspicor.

L. Iuxta hæc cum auri talenta centum millia æstimentur à Villalpando, ducatorum millionibus 10485. ad duodecimam nunc ponderis partem reuocata, non æstimabuntur ab eodem pluris quam millionibus 1234. à qua etiam æstimatione nonnihil nos amplius auferemus, propositione 24.

B M. Est autem valdè notandum, sapientissimè Spiritum sanctum fuisse vsu vtroque dicendi modo, nempe sexcentorum auri siclorum, & quinquaginta siclorum in eadem historia, vt necessitas conciliandi locos in speciem pugnantes, de sacræ Scripturæ phrasi nos redderet certiores, & per eam possemus ab errore liberari in aliquarum summarum intelligentia. Certe si primo Paralipomenon 21.25. legeremus siclos argenti sexcentos; & 2. Regum 24.24. auri siclos quinquaginta; sensus erat idem, reliquæ planissima. Verùm ea lectio non deseruiret aliorum locorum intelligentiæ. Cum verò commutata phrasi, post Vaticanam etiam correctionem, alibi legamus, *siclos auri sexcentos*, alibi, *siclos argenti quinquaginta*, vexatio dedit intellectum, & coegit argenti nomen accipere pro pecunia, etiã aurea, id quod vel ex ipso contextu constabat 1. Paralip. 21.25. ac deinde genitium illud, *auri*, accipere pro ablatiuo, sic enim sexcenti in auro sicli non est aliud quam quinquaginta sicli aurei.

N. Ea verò phrasi semel admissa, non video cur non liceat eam ad nonnullas alias extendere summas, quas ratio persuaferit non debere accipi, vt sonant. Ex his fortasse est quòd legimus secundo Regum 14.26 nempe, Abfalomi capillos quos semel in anno tondebat, pependisse ducentos siclos. Si enim licet siclum auri accipere pro auri pondere, quod siclum argenti valeat: ergo licebit ducentorum siclorum nomine intelligere siclos auri 163. hoc est vncias 8½. Ac nisi fallor, non parum vno anno crescet cæsaries ei, cuius capilli detonsi pendeant plusquam 8. vncias. Optimè verò conuenit auri pondus ad sacram oblationem. Eo enim sine Abfalomi capilli appensi fuisse videntur, vt pondus eorum offerretur Deo pro ipsius salute.

*Abfalomi capilli quantum pependant.*

C O. Præterea, si phrasis Hebraica fert vt siclus auri aliquando accipiat pro duodecima aurei sicli parte propter valorem integri sicli argentei: cur non liceat similiter suspicari, talentum argenti alicubi poni pro quinquagesima, verbi gratia talenti argentei parte, hoc est, pro triginta vnciis, siue siclis sexaginta, propter valorem integri talenti ærei? Certè rationis paritatem inficiari iure nemo poterit. Quod verò in Pælstina solitum fuerit quondam æris pondus æstimari quinquagesima argentei ponderis parte, colligebat nonnemo ex parabola decem talentorum Matth. 25.10. Hieronymus enim & Ambrosius, ac doctissimi recentiorum censent eandem omnino esse parabola decem minarum Lucæ 19.12. Maiores autem minas Hebraicas constat pendere siclos 60: qui sunt quinquagesima integri talenti pars. Atque hoc pacto conciliatio decem talentorum cum decem minis, confirmare videtur quòd talenti nomine aliquando significatur ea ponderis argentei pars quæ æreum talentum valore adæquet. Hac igitur ratione accipiuntur mihi illa mille millia talentorum argenti quæ legimus 1. Paralip. 22.14. pro totidem argenti minis Hebraicis. & si de maioribus minis accipiantur, erunt integra argenti talenta 200. cui argenti ponderi tribuit Villalpandus nominis valorem millionum 23. ac 7600. ducatorum. Si verò hæc summa coniungatur cum millionibus 1234. quos fecimus ex centum talentorum auri millibus quæ eodem loco legimus, conficiemus ex vtraque summa milliones 147½. ac decem ducatorum millia. Ex qua etiam æstimatione aliquot à nobis milliones auferendi sunt, vt constabit propositione 23. ac 24. Optimè verò coheret, vt sicut 1. Paralipomenon 22. talenta auri reuocantur ad valorem argenteorum, sic quoque talenta argenti quæ ibi memorantur, ad valorem æreorum reuocentur. Ex his enim tribus metallis fit pecunia: & sicut argentum proximè sequitur post aurum, sic etiam æs succedit argento.

*Talentum argenti quæ ratione promina aliquando ponatur.*

D P. Diximus de oblatione illa auri & argenti, quæ habetur 1. Paralip. 22.14. sed quid de illa quam adiecit Dauid ex suo peculio cap. 29.4. *Tria millia*, ait, *talenta auri de auro Ophir: & septem millia talentorum argenti probatisimi*. Si in hac oblatione, vt in priori, auri pondus reuocetur ad partem duodecimam; argenti autem ad quinquagesimam; erit vtriusque metalli valor iuxta Villalpandi tabulas, quatuor ferè millionum. & dicat fortasse aliquis, verba illa, *ad deaurandos parietes templi*, prohibere vt textus accipiat de integro talentorum pondere. Alioqui enim opus erit crustam auri & argenti adeò crassam concipere, vt crassitudinem palmi quatuor digitorum excedat, quod ipsis etiam Hebraicarum rerum amplificatoribus vix probari poterit. Verùm fortasse hæc ratio parum probat: quia illa verba, *ad deaurandos parietes templi*, videtur extenuandæ suæ oblationis gratia, à Davide dicta, ea phrasi quæ de aliquot aureorum millibus heroinæ alicui donatis dicere solet donator liberalis, ad emendas aciculas, siue soleas se offerre paruulum illud munusculum. Fortasse ergo non est cur hanc secundam oblationem aliter accipiamus ac sonat, præsertim cum valor eius iuxta Villalpandi tabulas sit aliquanto minor quam milliones 53. ex quo etiam valore aliquid nos auferemus propositione vigesima tertia & vicesima quarta. Sed interim vtraque Davidis oblatio 200. milliones non æquat. & ex priore quam noster amicus æstimat tribus ferè millionum millionibus, constat qua ratione dempti sint à nobis plusquam 20852. milliones, cum eam æstimeimus minoris quam millionibus 148.

*De oblatione secundæ ex peculio Davidis.*

E Q. Suspicio tamen non defuturos qui optent adhuc inuenire rationem aliquam, per quam conseruata distinctione talenti à siclo, & tribus siclorum millibus vnicuique talento assignatis, summa illa 300. millionum ad centesimam illius partem redigatur, vel etiam ad minorem. Eiusmodi ego votum neque satis probò, neque si probem dicere ausim, ne quis mihi succenseat.

*Quæ ratio ne quidam magis adhuc minus ret oblationis Davidis.*

Referam

*ea summam*



Referam tamen qua ratione quidam ei voto putabat posse satisfieri, vt de hac quoque computatione lector iudicium ferat. Dicebat ergo, phrasim illam quæ duodecimæ auri talenti parti communicat aliquando auri talenti nomen propter valorem talenti argentei, aperuisse viam vt sexcentisimæ quoque aurei talenti parti (hoc est quinque siclis aureis, siue drachmis 20.) detur aliquando talenti nomen propter valorem talenti ærei. Si enim quinque aurei sicli æstimabantur 60. siclis argenti, & singuli argentei æreis quinquaginta; plane quinque aurei sicli æstimabantur tribus æreorum siclorum millibus, hoc est, integro æris talento. Nec est cur valor talenti ærei non possit communicare auro talenti nomen, si valor argentei id præstare potuit. Aiebat ergo non debere à sacra Scripturæ phrasi alienum reputari, vt in maximis præsertim summis, æris valor non solum argento, sed similiter auro nomen talenti tribuat. Qua ratione talentum auri, ac talentum argenti & æris quoque talentum eiusdem prorsus valoris erunt (cum eâ phrasi efferuntur,) ponderis autem valde diuersi. Facit quod aliquando vsurpatur talenti nomen absque vilo genitiuo materiam indicante. Ex quo verisimile apparet idem fortasse contingere Hebraica phrasi in nomine talenti, quod in Hispanâ, cum dicimus, *vn millon, dos millones, vn quento, dos quentos, &c.* hac enim phrasi nemo dubitat ad summæ valorem respici; ac eundem esse valorem millionis siue argento, siue auro siue ære numeretur, quanuis pondera sint inæqualia. Cur ergo (aiebat) in hac peruulgatâ vulgarium linguarum phrasi nostræ peregrinentur aures? & alienum à sacra Scriptura reputemus sic quandoque loqui, sicut omnes nationes loquuntur; & sicut ipsam Scripturam alicubi loqui non solum est verosimile, sed ab ipso etiam summo rerum Hebraicarum amplificatore receptum? Hac verò ratione *centum millia auri talenta*, quæ legimus 1. Paralipom. vigesimo secundo, numero decimo quarto, vix æstimabuntur millionibus duobus cum semisse: argenti autem talenta quæ ibidem commemorantur millionibus 23½. (vt suprâ notabamus) atque adeo tota illa auri & argenti oblatio paulo pluris quàm millionibus 26. Cui adiuncta est postea secunda Dauidis oblatio, quam de suo quoque principes auxere primo Paralipom. vigesimo nono. Sed considerata priori oblatione absque vilo incremento, non desunt prudentes rerum æstimatores, quibus nulla ratione ea videatur parua: præsertim cum expendunt quàm sit hodie difficile, etiam maximis reipublicæ Christianæ monarchis, (quibus nouus orbis subest) tantum auri & argenti ad vnicam oblationem coacervare.

R. Aiebat enim, non esse difficile inuenire rationem, per quam eadem summa multo adhuc magis minuatur, & vix ad duodecim millionum valorem pertingat. Quia si licet talentum argenti pro mina argenti accipere supra dictâ phrasi; nulla verisimilior argenti minæ acceptio quàm pro 25. siclis, vt vidimus propositione 20. qua ratione mille millia talentorum argenti non sunt plura quàm integra argenti talenta 8033½. & quia duodecima pars siclorum argenti viginti quinque, sunt drachmæ 8½; si auri talentum ponatur pro valore ærei talenti in auro, centum millia talentorum auri, eadem phrasi, non erunt plura quàm auri talenta integra 69½. Quod si eodem modo accipiantur talenta illa auri & argenti quæ oblata sunt à Dauide de suo peculio & à principibus (1. Paralipom. 29.) summa eorum esset minor quàm ducenta drachmarum aurearum millia.

S. Si tamen harum computationum summa sapientibus videatur angustior quàm par est, consideratis ijs quæ in sacra Scriptura narrantur de diuitijs à Dauide congestis ac de magnitudine admirandi illius templi cui ille præparauit impensas: saltem computatio prior non debet prudentibus propter summæ paruitatem displicere: quia quamuis in prima Dauidis oblatione, auri talenta reuocentur ad duodecimam ponderis partem, argenti autem talenta ad quinquagesimam; nihilominus manent iuxta Villalpandi tabulas milliones fere 148. Quibus ex secundâ oblatione accedunt milliones fere 53. Atque adeo vtriusque oblationis talenta conficiunt plus quàm ducentos milliones. Quid autem nos cogat vt priorem saltem oblationem ad prædictum valorem restringamus iuxta sacra Scripturæ phrasim; id in responsione ad argumenta quæ nostræ computationi obijci posse videntur, commodius explicabimus.

T. Interim nota in prædictâ phrasi (quæ in maximis summis valori vnus talenti tribuit talenti nomen, licet pondus sit inæquale) in hac inquam phrasi elucere singularem sacra Scripturæ prudentiam. Quia cum fortasse talenti nomen variè vsurpari potuisset, prudentis consilij fuit, in magnarum summarum significatione, talenti nomine vt non in amplissimo significato, sed in angusto & exiguo; ne periculum esset minuendæ summæ, si talentum in angustiore significatione acciperetur. Sic phrasi Hispanica, octingenta millia reddituum de marauedinis intelligi solent, non de aureis: annui autem octingenti, de aureis non de marauedinis. & sic etiam in sacra Scripturâ quadraginta bati de maioribus, duo autem millia batorum de minoribus intelligenda fuere, vt vidimus suprâ in collatione capacitatis luterum cum Mari æneo, propositione decimâ tertîâ.



*§. 2. Argumenta quæ obijci posse videntur contra nostram computationem in priori Davidis oblatione.*

**A.** PRIMVM sit, quòd velle antiquas diuitias imminuere ex eo oritur quòd alioqui reputetur incredibile, si collatæ cum huius tēporis diuitijs valde maiores fuisse inueniatur. Hoc autē non potest apparere nouum atque difficile nisi ijs qui nunquam legerint ea quæ à grauissimis auctoribus scripta sunt de immensis antiquorum thesauris atque diuitijs, Persicis, Medis, Assyrijs, Chaldaicis, nec non Græcis atque Romanis. Adde quod in statu Nabuchodonosoro ostensâ (Danielis 2. 32. 33.) manifestè significatur, quemadmodum valde præstat aurum argento, argentum æri, & hoc ferro; sic diuitias antiquas Chaldaicas, Persicis & Medis excellere, Persicas Græcis, & Romanis Græcas. Si verò antiqua Romanarum opum admiranda magnitudo, aurique & argenti copia cum omnibus millionibus Perſianis & Mexicanis in Hispaniam hoc quo aduectis conferantur, constabit planè ad fideles pedes statux deuentum esse; & hanc quæ nunc videtur esse copia, magnam esse inopiam antiquis diuitijs comparatam. Cum ergo ipsa Romæ olim triumphantis opulentia, si cum Assyriorum ac Chaldæorum thesauris conferatur, non minus superetur ab eis quàm ab auro ferrum, stultum videtur esse ex hodiernis diuitijs velle de Davidicis iudicare, & id censere incredibile de antiquis quod in Mexicanis & Perſianis esset impossibile.

*Argumenta quibus probatur, tale lauri & argenti in Davidis oblatione accipiendum esse ut sonant.*

*Secundum argumentum.*

**B.** ALTERVM argumentum est, quòd diminutio talentorum quæ David scribitur templo ædificando reliquisse, viam sternit vt similiter diuitiæ Salomonis minuantur: quas tamen absque dubio afferendum est fuisse immensas & supra modum admirandas, vt inestimabiles Christi diuitias adumbrarent. Atque ita de Salomone scribitur Eccles. 47. 20. *Collegisti quasi auricham cum aurum, & ut plumbum complesti argenti, & 3. Reg. 10. 21. Argenti nullius precij aestimabatur in diebus Salomonis.* In quibus verbis agnoscit conciuſ noster hyperbolem: sed ait eam esse moderatam & temperatam: sicut etiam in verbis subsequentibus eodem capite numero 27. *Fecit vt tanta esset abundantia argenti in Ierusalem quanta & lapidum.* Id quod repetitur 2. Paralip. 9. 27. *Præbuit rex tantam argenti copiam quasi lapidum.* & hoc etiam non parum augetur cap. 1. n. 15. vbi dicitur, *Præbuit argentum & aurum in Ierusalem quasi lapides.* Iosephus etiam 8. Antiquitat. cap. 2. ait, *Fortunas regis ac gentis adeo fuisse amplas vt in commercijs nullum fuerit argenti precium, & Petrus Comestor 3. Reg. 25. Sedilia (inquit) pro foribus domorum plurima in Ierusalem fuisse argentea.* His adde illam Dei promissionem 3. Reg. 3. 13. & 2. Paralip. 1. 12. vbi de diuitijs Deus loquitur & ait, *Faci, qm vt nullus in regibus nec ante te nec post te fuerit similis tui.* Atque ita magnificatus est Rex Salomon super omnes reges terræ, vt habetur 3. Reg. 10. 23. & quamuis Abulensis atque Carhusianus comparationem eam non adeo ample exponant, amicus tamen noster contendit eam esse generalissimam: & per eam præponi Salomonis diuitias, cuiuscunque alterius regis aut monarchæ opibus ac thesauris, siue ex præteritis siue ex futuris. Atque vt ea ratione comparatio sit vera ac solida, persuadet sibi Salomonis classes ex sinu Arabico soluentes, & promontoriū Bonæ Spei præteruectas, totius Africæ ambitu peractio frequenter in Baticam peruenisse, & inde per fretū Magellanicum in prouinciam Perſianā & in Taprobanam insulam: ac demum vniuerso orbe in orbem (aliquot annorum millibus ante nauem Victoriæ) nauigato; auriq; copiā vnde quaq; collectā, redire solitas fuisse in portum vnde primum soluerant, auro, argento, margaritis ac gemmis oneratās. Ac ne hoc incredibile reputetur, conatur ostendere, vſitatissimam ac frequentissimam fuisse olim nauigationem ab Hispania ad sinum Arabicum, & è conuerso per promontorium Bonæ Spei, commercij gratiā.

*Tertium argumentum*

**C.** TERTIVM argumentum contra nostram talenti acceptionem in prima Davidis oblatione, desumitur ex ijs quæ congerit Villalpandus, vt probet, talenti multiplicis acceptionem esse signum Græpſij: neque vnquam in sacris Literis talenti nomen aliter accipi quàm pro vnciarū 1500. pondere. Alioqui enim prorsus ignoraremus quæ sit ea summa quam sacer textus certo talentorum numero expresso, significare volebat.



*Quartum argumentum.*tom. 3. f.  
411.

**D.** **Q**UARTVM denique argumentum est quod valde vrget Villalpandus, eos, scilicet, qui minue-  
re velint pondus centum millium auri talentorum ac mille millium argenti quæ Dauid ob-  
tulit tēplo ædificando, non satis expēdisse immensam illius fabricæ & ornamentorum eius magni-  
tudinē, ac incredibiles expensas quibus ad rē consummandam opus erat. Censet autē Villalpandus  
facile quemuis deinceps à minuendo illorum talentorum pondere deterrendum, si animaduertat,  
quot hominū millia in illo opere per septem annos assiduo labore versata sint, & quid eis repende-  
rit Salomon. Primum enim 3. Reg. 5. fit mentio 300. operariorum ex omni Israel, ac 700. profely-  
torum portantium onera, & 800. latomorum in monte, ac 3000. propositorum, quibus alij trecēti  
adduntur 2. Paral. 2. 18. His verò omnibus adiungendi sunt camentarij Salomonis, & camentarij Hi-  
ran, & Giblij præparantes ligna & lapides (de quibus 3. Reg. 5. 18.) Ac præter omnes eos quos sacra  
Scriptura commemorat, Eupolemus (apud Eusebiū de præparatione euangelicâ l. 9. c. 4.) addit 800.  
Ægyptiorum quos misit Pharaon Salomoni ad eandem tēpli fabricam; & totidem Phœnicum quos  
eidem Salomoni misit Rex Tyri. Ex quo intelligitur eos qui in eo versabantur opere, fuisse vt mini-  
mum 343000.

nimirum operarij ex omni Israel 300.  
portantes onera 700.  
latomi in monte 800.  
præpositi 3000.  
Ægyptij atque Phœnices 1600.  
343000.

Additque Eupolemus singulos Ægyptios atque Phœnices, cum in suas domos remissi sunt, accepis-  
se à Salomone denos auri siclos. vnde facile colligitur ceteros similiter non abiisse indonatos, cum  
absoluta est templi fabrica.

*§. 3. Responsio ad primum argumentum.*Diuitias v-  
nius sæculi  
non esse ex  
alio sæculo  
copiandas.

**F**ATEOR primum non esse rectam iudicii regulam, id indicare incredibile de antiquo aliquo sæ-  
culo, quod de alio posteriori fidem omnino excederet. Quia ante cētum annos multo difficilius  
procudubio erat, mercatorem Hispanum possidere in numerata pecuniâ duo aureorum millia, aut  
200. argenteorum regalium, quàm hodie centies tantum. Constatque Romanos plusquam quingē-  
tos annos ab Vrbe condita, auro & argento signatis omnino caruisse; eosdemq; posterioribus sæcu-  
lis valde admodum vtraque abundasse pecunia; vt facile quiuisset animaduertat ex ijs quæ scribit Plinius  
l. 33. c. 3. & 4. vbi sigillatim Asturiæ nostræ meminit; eius (inquā) prouinciæ, cui nunc etiam post Pe-  
rūanas diuitias in Hispaniā translatis, tanta est auri & argenti penuria, vt non cuius Asturi eam vi-  
dere contingat: Plinij autem æuo aded eadem abundabat auro, vt nulla esset in orbe prouincia quæ  
Asturiæ fertilitati in auro gignendo non deferret primas: Hispanæque auri fodinæ eo tēpore tantū  
auri Romanis præbebant per singulos annos, quantum duo scudorum aureorum milliones hodie  
pendent. Dico igitur, non propterea reputari à me incredibile, tria millionum millia relicta fuisse à  
Dauid templo ædificando, quod hodie à nullo Europæ rege decima earum diuitiarum pars cōacer-  
uari posset. Non ea potissimum nitor ratione, sed alijs multo vrgentioribus, vt infrā constabit.

Quosdam  
esse propen-  
sos ad am-  
plificanda  
ea quæ scri-  
bunt.De historia  
Sardanapa-  
li & eius  
immensis  
diuitijs.

**B.** Secundo dico, quemadmodum reperiuntur aliqui valde admodum in rebus magnis & admi-  
randis increduli; sic etiā alios esse adeo propensos ad ea quæ scribant amplificanda & exaggerāda,  
vt facile se ab hoc affectu duci patientes, ea pro certis & indubitatis vendant, quæ nec vera sunt, nec  
vlla ratione verisimilia. Huiusmodi esse reor, Sardanapalum in suum rogi coniecisse sexdecim  
millionum millia; & Basilium Imperatorem Constantinopoli habuisse in thesauris millionum tria  
millia atque sexcenta. Optarim sanè, vt qui hæc nostris temporibus scribunt, animaduertent, non  
satis esse, aliquid ab eis fuisse lectum quod eiusmodi summas ipsis continere videatur. Neque enim  
cuius auctori, neque cuius computationi fidendum erat. & quidem quod ad Sardanapalum attinet,  
etiam si disertis atq; perspicuis verbis immensæ illius diuitiæ scriptæ essent à Iustino, Herodoto, aut  
Diodoro (in quibus nihil eiusmodi inuenio) nihilominus ab eruditissimis fabulosæ reputari deberent. Cō-  
munienim doctorum suffragio receptum est, Græcas historias, ante Olympiadas fabulosas esse: vt  
auctor est Varro. (quem refert Censorinus libro de natali die Romanorum) & Iulius Africanus (quē  
citatur Eusebius de præparatione Euangelica capite vltimo) & idem asserit Eusebius ipse in chronico  
in prima olympiade, & Iustinus Martyr in Parænetico. Basilij verò infinitum thesaurum à Zonara  
accepit Iustus Lipsius; & acceptum ab auctore Græco, non admodum ab amplificatione abhorren-  
te, auxit etiam ipse plusquam debuit, vt admiranda scriberet. Optarim autem ab illo doceri, vnde si-  
bi persuaferit, ea omnia testimonia quibus probari poterat antiquas diuitias non fuisse: adeo immen-  
sas sicut à nonnullis prædicantur, esse deprauata: nullum autē errorem irrepsisse in locos qui easdē  
diuitias supra nubes euehant. Vellem præterea vt hi admirandorum scriptores in Arithmetica se  
aliquantulum magis exercuissent, ne cum ex talentorum numero milliones computant, labi eos  
contingat. & lapsus etiam est (fortasse calam) velle videri computatores in ijs quæ computari non  
possunt. verbi gratia, legunt in Plinio, Iulium Cæsarem produxisse ex ærario, aureorum laterum vi-



A ginti sex millia: & statim, quasi cerò constaret, quot libras penderent singuli lateres, adijciunt, *facili negotio eam auri summam ad miliones reuocari: quia idem est pondo quod libra.* Denique animaduertere debuissent, in diuitiarum mentione, multa per hyperbolen solere enunciari; & quædam etiam per metonymiam, quæ, cum de vniuersâ aliquâ prouincia affirmari videantur, ad nobiliores quasdam domos tolùm spectant. Quâ ratione non erat opus multis millionibus ad eas diuitias quæ montes aureos requirerent, si de vniuersis omnino eius prouinciæ domibus intelligendæ forent. Huiusmodi sunt dolia & præsepia argentea antiquæ Baticæ, & tanta prisca Hispaniæ argenti copia, vt faburra etiam nauium esset argentea, & anchoræ ipsæ. Certè hodie, non absimili ratione verè de Hispali affirmari posset, adeò illam abundare argento, vt mensæ, lebetes, prunaria ingentia & huiusmodi alia vasa argentea sint. Cum tamen omnia hæc maxima ex argento vasa, vix, aut ne vix quidem duobus aureorum millionibus æstimari possint. Quare ex pulice facit elephantem qui ex huiusmodi loquutionibus colligit, non esse magis incredibilia multa millionum millia in antiquis diuitijs, quàm in hodiernis, senos aut plures miliones ex nouo orbe singulis annis inuehi in Hispaniam. Colligo igitur non esse æstimandas antiquas diuitias ex vno aut altero loco seorsum acceptis; sed attentè inspiciendum an ex summâ quæ ex illis locis colligi posse videbantur, cohæreant cum eiusdem temporis historijs. Alioqui enim non facile à prudentibus recipiuntur. vt illud Lipsij, Asiam prouinciam Antonio triumuiro in vno anno 120. miliones in vsum militum tribuisse: eumque illam summam imperantem dixisse, se non maximam pecuniam postulare, sed eam quâ auditâ libenter acquiescerent.

f. 235. 2. A.

l. 2. de Admirandis c. 2.

C. Dico tertio, ad impugnandam opinionem eorum qui sibi persuadent, antiquas diuitias fuisse supra modum maiores quàm hodiernas, non leue argumentum desumi ex auro ipso quod hodie in Romano orbe reperitur. Quò enim antiqua auri opulentia abierit, dici non potest: cum plane videatur certum, multo maius esse auri pondus quod vel denuo in ipso orbe Romano semper eruitur, vel aliunde importatur, quàm quod vel omnino perit, vel in deaurando consumitur. Quare cum non euehatur in Indiam aut Americam; & ipsa auri natura sit adeo pertinax, ac tutò etiam in incendijs ac rogis duret; nulla ratione verisimile apparet, multo plus auri in orbe Romano antiquis temporibus fuisse quàm hodie est: nec valde a vero aut saltem à verisimili aberrant qui post Pertianæ diuitias in Hispaniam adductas, existimant, magis hodie abundare auro Romanum orbem quàm olim Romam triumphantem. Huic argumento daret manus, ni fallor, Lipsius. Nec enim contendit, plus auri quondam fuisse, neque minus hodie à subditis conferri; sed propterea minores esse principum opes; quia quamuis magna contribuantur, magna summa ad vnuni non redit, sed in multas diuiditur partes quæ non coniunguntur. Sic ille libro 2. capite 7. Nostri tamen amici non credent, etiam si in vnum acervum iungatur omne aurum quod hodie vniuersi vrbs Romani incolæ possident, pertingere posse ad semissem vnus ex summis antiquarum opum quas ipsi verissimas reputant. Si enim totius Hispaniæ aurum hodie minus est quàm pondus 30. aureorum millionum: quis credat in orbe Romano esse hodie aureorum miliones sexcentos? Vellem igitur doceri, quò abierint illa antiqua tot millionum millia. præsertim cum inopinabile sit, plus auri in vno Romani Imperatoris thesauro aliquando fuisse quàm in toto orbe Romano, eo ipso tempore dispersum. Si quis fortasse roget, cur in hac consideratione non fecerim argenti mentionem, sed auri tantum: respondeo, satis mihi fuisse aurum ad rationis pondus: ac de auro non posse dici quod de argento nonnulli iactant, maximam nempe eius partem, ex orbe Romano euehi vt ad Sinas commercij gratiâ deuehatur.

D. Dico quarto, in distinctione illa metallorum in statua Nabuchodonosoro ostensâ (Danielis 2.) multo aliam fuisse Spiritus sancti mentem, quàm designare discrimen quatuor Monarchiarum in diuitijs. Nam neque huius discriminis prophetia tanti erat momenti, etiam si verum esset ac solidum) neque Daniel cui reuelata est significatio, eo modo exposuit: sed potius de discrimine potentia ac de imperandi diuersitate. Ait enim, *Post te confurgit aliud regnum minus te, & infra. Regnum quartum erit veluti ferreum. Quomodo ferrum comminuit & domat omnia, sic comminuet & conteret omnia hæc.* Per illam ergo metallorum distinctionem voluit Spiritus sanctus significare, semper subsequenti monarchiæ violentiam futuram maiorem: & quoniam res humanæ plerunque in peius ruunt; primam monarchiam si cum secundâ compareretur, auream posse appellari; & blandiorem ac suauioreni visum iri; secundam autem respectu tertiæ argenteam; tertiam æream & magis humano generi aduersam; quartam porro minus sibi cohærentem (quemadmodum ferrum & lutum agrè admodum miscentur) sed validiorem ceteris omnibus, & omnia regna violentè admodum contrituram. Hic est proculdubio legitimus sensus distinctionis metallorum statua. Nec scio an amicus noster sibi etiam persuaserit quod videtur dicere, nempe tantum præstasse diuitias prioris monarchiæ Romanis opibus, quantum aurum præstat ferro & luto. credat qui volet, non ego. Nam cum Salomon (vt ille vult) multo fuerit ditior quàm quiuus Assyriorum aut Chaldæorum monarcha, nihilominus maxima pars diuitiarum quas ille comparauit fuisse annua 666. talenta (vt infra expendemus:) quæ non æquant pondus octo atque semissis millionum ex nostris aureis scudis. Atqui vna sola Dalmatiæ fodina Neronis tempore, singulis diebus præbebat, quingenas libras, hoc est auri vncias 6000. quæ integro anno euolutio faciunt plusquam 18. miliones aureorum. vide Plinium libro 33. capit. 4. vbi multa alia congerit quæ digerit & expendit Lipsius in suis Admirandis. Sanè quantunvis extenuare conemur

De vero sensu quem designabat distinctio metallorum in statua Nabuchodonosor.



Romanas opes, ac Salomonis diuitias in cælum extollamus; adhuc multo maius erit discrimen auri à ferro & luto. Sexdecim enim vnciæ ferri, absq; vlla luti mixtura æstimantur ferè argentei nummi semisse: sedecim verò auri vnciæ conficiunt aureos nostros 136. hoc est plusquam 30500. semisses argentei nummi. Quare vt excessus diuitiarum monarchiæ Babylonicæ ad Romanam comparatæ esset idem qui auri respectu ferri, opus erat vt singulis Romanorum millionibus responderent in Chaldæorum monarchiâ plusquam 30500. milliones.

E. Dico quintò, in ipsa sacra Scriptura multa reperiri, quæ cogant, illa centum millia auri talenta, & mille millia argenti ( quorum fit mentio 1. Paralipom. 22. 14. ) aliter accipere ac voluit Villalpandus. (præsertim postquam satis ostensum est, negari non posse, quin sacra Scripturæ phrasis ferat vt aliter accipiantur.) Ex multis autem quæ adduci possent, ponam exempli gratiâ, nonnulla. Primò, in confesso est, vt latè probat Pineda noster, Salomonem multo maiores diuitias cumulasse quàm Dauidem. Atqui si respiciamus ea quæ sacra Scriptura de Salomonis diuitijs distinctè narrat, non posset ille totis centum annis coacervare centum auri integrorum talentorum millia: ergo non sunt integra auri talenta illa 1000. quæ Dauid reliquit templo ædificando. Argumentatio legitima est, si minor propositio bene probetur: eam autem ego sic ostendo; summum quod de aureis Salomonis diuitijs sacra Scriptura distinctè narrat, est illi afferri solita singulis annis talenta 666. vide 3. Regum 10. 14. & Pineda libro 4 capite 24. notat navigationem in Ophir esse potissimam causam diuitiarum Salomonis à sacra Scriptura indicatam, & illa 666. talenta auri esse summam quæ ex Ophir simul & ex Tharsis afferebatur. & fol. 250. 1. E. refert ex Abulensi, tum Israelitarum, tum aliarum gentium tributa sub illa 666. talentorum auri summa fuisse comprehensa. & quamuis ipse aliter sentiat, fatetur tamen tantam esse illius summa opulentiam, vt non mirum sit, minores alias summas fuisse prætermittas. Ergo vix credibile erit Salomonis annuas auri opes ad mille talentorum maiorem summam accessisse, & per consequens ad coacervanda centum millia talentorum auri, opus illi vt minimum fuisset centum annorum spatio.

F. Deinde aurum quod Regina Saba attulit Ierosolymam ait sacra Scriptura fuisse infinitum nimis, 3. Regum 10. 2. Ex quo nemo ambiget, plusquam dimidiam ponderis partem Salomonem ab ipsa fuisse donatam. Atqui non dedit Salomoni plus auri quàm 120. talenta (3. Regum 10. 10.) ergo non a tulerat plusquam 240. talenta: nimirum quantum pendent tres nostrorum aureorum milliones, & insuper aurei 360. Si ergo hæc auri summa, Salomonis tempore existimabatur esse aurum infinitum nimis, ergo non erant eiusdem ponderis illa 1000. talentorum auri, quæ Dauid templo ædificando reliquerat. Non enim cohæret, si vtræque erant eiusdem rationis talenta, vt 240. reputentur aurum infinitum nimis, vbi (præter 666. talenta, singulis annis Salomoni allata) centum millia fuerant ei à patre relicta pro templo ædificando: præter alia tria millia secundæ oblationis, & præter alia 500. à principibus oblata. Vide 1. Paralipom. 29. numero 4. & 7.

G. Præterea non videtur rationi consonum, vt talentum auri sit maius auri pondus in 1000. talentis oblationis Dauidicæ, quàm in corona regis Ammonitarum, quæ auri talentum pendebat, vt habetur 2. Regum 12. 30. & 1. Paralipom. 20. 2. vbi etiam subditur, Dauidem sibi eam assumpsisse, & imposuisse capiti suo. Quis verò non videat, non esse suspicabile Dauidis caput fuisse oneratum 1500. auri vncijs, hoc est arrobris nostris tribus & 4. Huic argumento respondet quidam, coronam illam fuisse non hominis mortalis, sed idoli Ammonitarum, cui nomen regis eorum tribuitur: ea enim est etymologia nominis Melchom, & constat sic fuisse appellatū idolum quod Ammonitæ colebant, vide 4. Regum 23. 13. Id ergo idolum ait Villalpandus fuisse colossum ingentem, ac propterea dici Dauid eius idoli coronam suo capiti imposuisse; quia ex aliqua illius aureæ coronæ parte fecit sibi diadema. Hæc ille. Verùm hanc expositionem nulla ratione admittit textus. Si enim ex diademate quod pendebat vncias mille quingentas, non sunt acceptæ ad Dauidis diadema plusquam vnciæ 20. aut 30. quomodo verum erit, eam coronam quæ pendebat 1500. vncias impositam fuisse super caput Dauidis? Sic autem legimus 2. Regum 12. 30. *Diadema regis eorum pondo auri talenti impositum est super caput Dauid.* Constat ergo talentum auri eo loco ad summum esse duodecimam integri talenti partem, hoc est libras Romanas decem & vncias quinque. & sic etiam diadema est satis graue, sed tolerabile homini robusto. Coronam enim nouem librarum auri legimus in Plinio libro 33. capite 3. quæ proportionem ad Claudij Imperatoris triumphaturi caput effecta est. Alioqui enim non ausa fuisset Gallia tam paruum ei munus offerre: nempe tantum auri quantum pendent aurei nostri 868. Corona ergo talentæ, cuius meminit sacra Scriptura, hominis erat mortalis, non colossæ: erat enim corona regis Ammonitarum. Neque obstat, quod in Vulgatâ appelletur ille Melchom (1. Para. 20. 2.) Id enim factum est per elegantissimam irrisionem Dei Ammonitarum: quoniâ enim deuictio rege eorum, ea victoria cedebat in dedecus & ignominiam Dei quæ colebāt, scitissimè vsus est sacer scriptor ipsius idoli nomine (quod sonabat *regem eorum*) in regis mentione; vt ea ratione, & regi eorum & idolo quem ille colebat, insultaret. Melchom igitur eo loco regem Ammonitarum denotat; qui cum robustis polleret viribus, coronam fecit suo capiti minimè leuem, ( vtpote quæ valorem argentei talenti haberet in auro, ) illo autem deuicto, cum Dauid quoque robustus esset, eandem sibi coronam assumpsit victoriæ iure, delectatus fortasse talenti supra caput regis impositi mysterio. Quid autem per talentum symbolicè designetur, memini me in Apocalypseos commentario tetigisse.

H. Vidimus tres insignes sacra Scripturæ locos, ex quibus constat non semper accipi talentum auri pro integro talenti pondere. His addo contextum ipsum ( 1. Paralipom. 22. 14. vbi agitur de illa priori Dauidis oblatione ) si attentè inspiciatur, nobis apertè fauere. Ibi enim post expressum talentorum auri & argenti numerum, subditur; *AEris verò & ferri non est pondus. vincitur*

Salomonem  
totis centum  
annis non  
potuisse co-  
acervare  
integra  
1000.  
auri talenta.

Expenditur  
locus 3. Reg.  
10. 2.

De corona  
Regis Am-  
monitarum  
talentum  
pendente.

De auri pon-  
dere à Da-  
uide relicto.



**A** enim numerus magnitudine. In quibus verbis quis non videat, manifestè significari, pondus æris (de quo ibi est sermo) fuisse plusquam decuplum respectu argenti? Quoniam ergo argenti talenta erant decies centena millia, expendamus quanta sit moles æris quæ contineat centies centena millia talentorum (ex ijs quæ pendent 1500. vncias.) Si enim probetur hanc molem esse supra omnem fidem, consequens erit, non esse eo loco sermonem de eiusmodi talentis. Quis ergo credat, Davidè tantum æris reliquisse templo ædificando, quantum penderent quatuor æris sphaera solida adeo magna, vt singulariū diameter longior esset Hispanis pedibus 101. At enim si tantillo minores sint, non penderunt centies centena millia talentorum ex magnis; vt facile comperiet Mathematicus qui nouerit a quam esse nouies ære leuiorem, ac sphaera aqua cuius diameter sit pes Hispanus iustas pendere vncias 400. Quorsum autem tam stupenda æris moles, cum euidentissimum sit, ad ea omnia quæ facta sunt ex ære (hoc est, ad mare, æneum, ad columnas, altare holocausti, lebetes, phialas & cetera æream supellectilem) satis superq; æris esse in vnica sphaera, cuius diameter esset quinquaginta pedum. quæ est octaua pars vnus ex quatuor sphaeris supradictis? Contextus ergo ipse exigit vt illa centū millia talenta auri, ac mille millia argenti non existimentur esse ex talētis integris. Alioqui oportebit, æris quoq; pondus respectu ponderis argenti infinitum crescere, & quatuor prædictas sphaeras siue montes æreos, fingere: ac nescimus quid fieri potuerit de adeo stupenda mole.

**B** I. Superest ferri consideratio, quod similiter requirit contextus vt sit decuplum saltem ad argenti pondus. Ac ferri molē oportet esse æris mole maiorem: quia ferrum octies est grauius aqua, non nouies sicut æs. Atq; centies centena millia talentorum ferri ex magnis plus penderent quam sphaera quatuor solida ferrea, quarum diametri sint longæ pedes 105.

L. Iam si æs & ferrum non concipiantur in illis maximis sphaeris solidis, sed æs in caminis & ferrum in vestibis & perticis eā formā quā vendi solet rude & infectum; vniuersa templi Salomonici magnitudo vix capere posset tam ingentem molem, præsertim cum templi area fuerit multo minor quam putauit noīter Villalpandus, vt explicatum est supra, propos. 17.

De æris pō-  
dere à Da-  
uide relicto.

#### §. 4. Responsio ad argumentum secundum.

**A** PRIMVM dico, nulla ratione à me diminui pondus talentorum auri quæ sacra Scriptura enume-  
**D** rat, vbi de Salomone sermo est: quia nullibi sunt plura quam 666. omnino cōprehensibilis summa, & quam oportet de integris auri talentis accipere, consideratis ijs quæ de mirandis Salomonis diuitijs saepe in eadem Scriptura repetuntur. Nec enim integra auri talenta 666. plus pendent quam nostrorum scudorum miliones octo cum semisse, sed tantillo minus. Atq; eadem ratione 120. auri talenta Salomoni donata à Regina Saba pendent paulo plus quam eorundem scudorum millionem cum semisse. Paremq; tumīam Tyrius Rex ad eundem misit Salomonem. His ita constitutis, per reductionem talentorum auri ad valorem argenti in prima Davidis oblatione, & similiter per reductionem argenti ad æris valorem, non solum non aperitur via ad extenuandas Salomonis diuitias: sed potius ex eo quod necesse est, Salomonis diuitias fuisse valde admodum maiores Davidicis, fuit etiam necessarium, Davidis oblationem non accipere de integro talentorum auri & argenti pondere, sed de supradicto valore.

De S. lomo-  
nis diuitijs  
& earum  
astimatione.

**E** B. Secundo dico, ea quæ de admirandis Salomonis diuitijs nullo talentorum numero designato scripta sunt; accipienda esse tanquam hyperbolicè dicta. Constat enim Salomonis tempore, aliquo in pretio fuisse argentum, nec illo exiguo; cum pretium equi optimi (ait enim Iosephus 8. Antiq. c. 2. Salomonis equos fuisse omnium pulcherrimos ac velocissimos) non fuerit eo tempore maius quam siclorum argenti 150. hoc est drachmarum 600. quæ non plus pendent quam Hispani regales 628½. Comparationes autem cum regibus terræ aut non comprehendunt magnos orbis monarchas; aut forsan etiam sunt hyperbolicæ, phrasi in encomijs assidua: alioqui enim non caneret Ecclesia in singulis sanctorum Confessorum festis, Non est inueniendus similis illi qui conseruaret legem excelsi. Hyperbolem verò, aiebat Sapiens quidam, quo maior est, eo esse securiorem: sic enim se ipsa prodit, & hyperbolem esse manifestat. Quare non rectè sentit qui in hyperbole modum & temperantiam requirit: nec is est sacra Scriptura stilus; vt patet Ioan. 21. 25. His addo maiorem esse hyperbolem, aurum infinitum nimis, quam, aurum & argentum quasi lapides: & priorem legimus 3. Reg. 10. 2. in auro à Regina Saba allato, quod paulo plus quam tres nostrorum scudorum miliones pependisse non negabit ipse Villalpandus. Parcat autem nobis Comestor, si illa argentea sedilia pro foribus domorum Ierosolymæ somniata nobis videantur: cum supradictum equorum regionum pretium eis palam aduersetur.



C. Tertio dico, hyperboles sacrae Scripturae non requirere ut tantam auri molem, quantam aliqui cogitant, coaceruauerit Salomon. Vera enim regula ad quantitatem auri in thesauris Salomonis designandam non desumitur ex hyperbolica loquutionis tenore (cum tam magna hyperbole locum habeat in auro à Regina Saba Ierosolyma allato) sed ex numero talentorum auri quae sacra Scriptura expresse afferit singulis annis afferri solita Salomoni. Nullibi autem sunt plura quam sexcenta sexaginta sex. & hanc oportet fuisse maximam diuitiarum Salomonis regis partem, ut supra expensum est. & ut concedamus aurum ad mille talenta annua pertigisse; haec auri summa non pendet plus quam nostrorum aureorum milliones 12½. Satisque fuerit, si argenti annui pondus accessisse dicamus ad 120. talentorum: atque ita vnam auri vnciam duodecim argenteis aestimantes ex vtraque summa faciamus plusquam viginti quinque annuos aureorum milliones. Si quis autem huic computationi obijciat, Romanae monarchiae & ceterarum imperatores multo locupletiores fuisse: inde ego, si res sit certa, potius colligam, ea verba quae Salomonis diuitias ceteris regibus praefereunt, non esse accipienda adeo rigide ac nonnulli volunt.

D. Dico quartò; eam auri & argenti summam ad quam ego Salomonis opes videor reuocasse, satis esse, ut illae fuerint aptissima in aestimabilium Christi diuitiarum figura. praesertim cum praeter auri & argenti copiam, gloriae Salomonis cumulo multa alia accesserint non minus admiranda. videlicet, incomparabilis sapientia, aedificiorum maiestas, curruum & equorum innumerabilitas, ministrorum & omnis apparatus copia & pulchritudo, regum & reginarum amicitia & admiratio, ac denique quae ipse Salomon describit Eccles. c. 2.

E. Dico quintò, de navigationibus classium Salomonis per interpretationis speciem addi multa, quae, meo iudicio, non solum solida non sunt, sed neque vlla ratione verisimilia. Nimirum eas, e sinu Arabico soluentes, ac Bonae spei promontorio flexo & superato in Baticam peruenire solitas, & orbis vniuersi ambitu consummato in eundem Arabicum sinum redire. Certè sacra Scriptura duos tantum designat locos, vnde classes Salomonis aurum ei attulerint, nepe Ophir & Tharsis. Quare frustra fingitur, illis classibus vniuersi orbis ambitus nauigatus, ut ex alijs quoque locis aurum deferret. Neque pondus auri quod expresse narrat sacra Scriptura à classibus allatum, maius est quam ut ex sola Ophir adduci potuerit. Non enim excedit pondus talentorum 450. (ut constat 2. Paral. 8. fi.) Tantundem verò pendet nostrorum scudorum milliones 5. & insuper 727 ½ 500. scudi aurei. Ac Dalmatiâ multo plus auri vno anno praebuisse Neronis tempore, auctor est Plinius l. 33. c. 4.

F. Deinde non est inuidenda Lusitanis gloria illis debita, ex eo quod primi imperij amplificandi gratia, atque commercij, Bonae spei promontorium suis classibus superarint, ac frequenti navigatione vniuersae Africae ambitum seridè patefecerint. Sic plane sentio. Atque ut hoc ego mihi persuadeam, sufficiunt mihi ea ipsa Plinij & Strabonis testimonia, quibus oppositam opinionem adstruere nititur amicus noster. Primo enim loco non aliud aiunt, quam Tyrios atque Phoenices (ut fama de eis ferebat) esse colonias eorum qui Erythraei suae Rubri maris littora incolebant. Hinc verò (ô bone Deus) vnde colligitur, vniuersae Africae Australis ambitum nauigari solitum? aut Tyrios per promontorium Bonae spei in Hispaniam itasse atque in sinum Arabicum rediisse? Nunquid à litore sinus Arabici ad litus Mediterranei maris aliter colonia duci non potuit, nisi supradictâ navigatione frequentatâ? Sane si hoc tempore postquam ea navigatio singulis annis peragitur, colonia aliqua deducenda esset ab Asion Gaber (quod fertur esse in sinu Arabico) ad litus proximū maris Mediterranei (verbi gratia Damiatam vel Ioppen) nemini in mentem veniret longissimae illius navigationis, cui vix sufficiat annus integer; cum terrestri itinere triduo possint pueri etiam & faminae à litore sinus Arabici ad litus maris Mediterranei peruenire. Quare fateor me esse ex eo cæcorum numero qui non videam quâ ratione aperte Plinius faueat praedictae navigationis frequentiae, cum ait, Tyrios esse oriundos ab ijs qui maris Rubri littora incolebant.

G. Secundò autem loco, quamuis cursiva (quod aiunt) litera, hoc est alio characterum genere, tanquam Plinij verba scripta sint à Gadibus ambitu Mauritania nauigari vsque ad Arabicum sinum, & quauis in loci Pliniani indicatione erratum sit; mihi tamen, cui Plinius saepe in manibus, notus est verus locus, & vera Plinij verba, nempe l. 4. c. 27. vbi ait, *A latere Gadum ab eodem Occidente magna pars Meridiani sinus, ambitu Mauritania nauigatur hodie.* vbi omnino desunt illa verba quae illi à nostro amico affinguntur, *vsque ad Arabicum sinum.* Neque proferri poterit codex Plinianus, vbi ea superioribus copulenter. quomodo enim non totum Africae meridionale latus, sed solum magna pars meridiani sinus, si vsque ad Arabicum sinum? & qui tanquam rem scitu dignam scribit, magnam partem meridiani sinus, ambitu Mauritaniae à Gadibus iam nauigari, non testatur aperte se prorsus nescisse quod illi adscribitur? nempe, totius Africae ambitum frequentissimè tunc nauigari solitum?

H. Sed expendamus cetera omnia quae ex Plinio adducuntur. l. 5. c. 1. refert Plinius commentarios Hannonis Carthaginensis, in quibus scribit, florere Carthagine sibi imperatum, ut totius Africae exploraret ambitum: eamque navigationem à se in commentarios esse relatum. Hannonisque auctoritatem scriptores aliquos sequutos *quadam fabulosa, & vrbes multas ab eo conditas prodidisse, quarum nec memoria vlla, nec vestigium extat.* Haec Plinius. Eritne qui ex hoc loco suspicari possit Plinij aëno eam navigationem frequentissimam & vnitatissimam fuisse? & non potius Plinium suspicari fabulosum esse quod ab Hannone scriptum est? Sed videamus cetera. l. 2. c. 67. ait Plinius, haec quattuor, Primò, *In Arabico sinu Augusti tempore signa nauium ex Hispaniensibus naufragijs feruntur agnita.* Secundò, *Hanno, Carthaginis potentia flore à Gadibus ad finem Arabiae navigationem eam prodidit scripto.* Tertiò, *Nepos Cornelius auctor est, Eudoxum quendam sua aetate, cum Lathyrum regem fugeret, Arabico sinu egressum, Gades vsque peruectum.* Quartò, *Calis Antipater auctor est, vidisse se qui nauigasset ex Hispania in Aethiopiam commercij gratia.* Haec Plinius. Atque his maxime nititur amicus noster. verum ego ex ijs ipsis censeo manifestè constare, prorsus fuisse ignoratum à Plinio, quod ea navigatio vel antiquis temporibus vel suo frequentata fuerit; aut commercij gratia vnitata. Nam, ut narrationes illae omnes (quas non affirmat, sed refert Plinius) verissimae sint, & à Plinio creditae; nihil minus continent quam frequentatam totius Africae ambitus navigationem. Pri-

De nauigationibus classium Salomonis.

Africae non fuisse frequentati vsu circumnavigata antiquis temporibus. fol. 147.

fol. 193.



A mùm enim, Hispanicum aliquod nauigium tempestate abreptum per varia discrimina ad sinu Arabicum appulisse, probabit mari Oceano ambiri vniuersam Africam: non tamen probabit ambitum illum solitum fuisse nauigari. Eodem enim capite refert Plinius, Indos ex India commercij gratia nauigantes, tempestatibus abreptos Septentrionali circuitu in Germaniam peruenisse. Vnde nemo sanus colliget, eam maris Septentrionalis nauigationem fuisse vnquam vſitatam & frequentatam. Quare cum Plinius non aliter loquatur de nauigatione Oceani ambientis Africam; non est quod aliter explicetur. Deinde, vt vera fuerit Hannonis nauigatio, multo aliud est, mare illud explorandi gratia aliquando fuisse nauigatum litoribus legendis, quam eam nauigationem vſitatissimam fuisse. Si enim frequentari solita esset, non erat cur tanquam res admiranda ac propemodum fide maior Hannonis audacia scriberetur. Præterea, etiam si Cornelius non fuerit fortasse deceptus ab eis qui Eudoxi fugam ipsi narrarunt; ex eâ nihil aliud colligitur, quam Eudoxum vel tentasse id quod nemo alius tentauerat; vel fugientem tempestate abreptum, per varios casus Gades vsque fuisse delatum, ex qua narratione potius constat eo sæculo nondum fuisse prædictam nauigationem vſitatam.

B Alioqui enim non referret Plinius tanquam rem nouam & peregrinam, quam Cornelius scriptam reliquerat. Denique quod Cælius assererat, visum à se qui nauigasset ex Hispania in Æthiopiam commercij gratia; tantum abest vt amici nostri opinionem confirmet, vt vix aliquid adduci posset quod magis ei aduersetur. quia Æthiopia illa, in quam ex Hispania nauigabant pauci aliqui commercij gratia, non est Orientalis Æthiopia sed Occidentalis: vt constat ex Strabone libro primo, vbi pro se adducit Homerum; ac disertè notat, eam Æthiopiam quam adibant ij qui Gadibus egressi occiduum Africæ latus lustrabant, esse eam quæ est in ipso occiduo Africæ latere. nempe vbi est promontorium illud quod hodie Viride appellant. Equidem miror, amicum nostrum, qui hunc Strabonis locum viderat, & locum etiam Plinij libr. 2. c. 8. nihilominus existimasse, Cælij narrationem sibi fauere. Cum potius ex eâ ipsâ constet, adeo sæculis illis fuisse ignotam totius Africæ Australis circuitum per Bonæ spei promontorium, vt tanquam res admiranda narretur quod aliquis Gadibus soluens commercij gratia perueniret in Æthiopiam occiduam, hoc est in promontorium Viride quod hodie sanè pro nihilo ducitur. Concludo igitur ex illo Plinij capite sexagesimo septimo libri secundi, & ex quatuor subsequenteribus aperte constare, Plinianò æuò nondum commercij gratia ab Europæis vel Asianis vel ab ipsis Africæ incolis, fuisse Bonæ spei promontorium flexum, nedum eam nauigationem frequentissimè vſurpatam.

C I. His addo, si tunc frequenter Australis Africæ latus circumnauigaretur (sicut hodie) non futuram fuisse tunc adeo ignotam totius Africæ ad Europam proportionem: neque diceret Plinius quod ait l. 6. c. 33. si. nempe ex tribus terræ partibus quæ tunc agnoscebantur (Europâ, Asiâ, Africâ) maximam earum esse Europam, vt pote que respectu totius terræ contineat partem tertiam & insuper octauam; cum tamen Africa non sit maior quam quinta & sexagesima. Sic ille. Si autem vere, vt putabat; Europa esset duplo maior quâ Africa. Partem enim vniuersæ terræ superficie in partes 60720. obtingerent Europæ 3080: Africa autem non amplius quam 10456. hoc est minus quam semissis Europæ: cum tamen cõstet Africam reuera esse multo maiorem Europâ. Liqueat ergo prorsus ignorasse Plinium id quod asseritur aperte docere. Quem verò adeo fefellit spes quam in Plinio collocarat, non est quod metumamus securius in Herodoti patrocinio confidere. præsertim cum testimonia eius quæ profert, ipsi etiam proferenti infirmiora videantur, & propterea eis refellendis superſedeo: nec aliud dico, quam ex eis ipsis nostram sententiam egregie confirmari. & omitto probationes alias, ex quibus idem euidenter constabat, vt ex tabulis Ptolomæi, qui fuit posterior Herodoto, Strabone & Plinio.

D L. Dico sexto, meâ nunc non admodum referre vbi gentium fuerint Ophir & Tharsis; vnde aurum & argentum allatum est Salomoni: vellem tamen vt qui id examinandum suscepere, animaduertenterent, ab ipsa Tyro quæ est in mari Mediterraneo potuisse naues mitti ad sinum vique Arabicum absque vllò totius Africæ circuitu. Quamuis enim sinus Arabicus, 62. milliariis intervallo distet à Nilo, (vt auctor est Plinius l. 6. c. 29.) & paulo amplius à mari Mediterraneo: scimus tamen aliquando, triremium multarum materiam omnem, atque (vt ita dicam) membra omnia postea compingenda (nèpe tabulas, transtra, remos, mala, charchesia, antennas, vela, gubernacula, puppes etiam & proras) in aliarum nauium ventre delata fuisse in aliquem portum, vt inde terrestri itinere ad alium vbi eis opus erat deferrentur. & cum neque Salomonis atque Hiram ministris deesset industria, neque infinitus numerus portantium onera, non est cur reputetur impossibile, classes magnas à Tyro fuisse delatas, in alijs nauibus Damiatam vsque vel Ioppen; & inde terrestri itinere vsq; ad Asion Gaber. Hac ergo ratione nulla erat difficultas in eo quod legimus 2. Paral. 8. sine, nempe Salomonem abisse ad Asion Gaber ad oram maris Rubri: & illuc missas ei fuisse naues à rege Tyrio, & nautas gnaros maris, vt cum seruis Salomonis abirent in Ophir, quæ est in India Orientali, vt auctor est Iosephus l. 8. Antiq. c. 6.

E M. Deinde noto, non coherere cum sacræ Scripturæ narratione quod excogitatum est ab amico nostro; nempe classem Salomonis eadem nauigatione ad Ophir & inde ad Tharsis nauigasse, aut e conuersò. Non coheret (inquam;) quia sacra Scriptura tãquam de diuersis nauigationibus loquitur. & in Ophir quidem non videtur nauigatum à Salomonis classe, nisi semel aut bis: in Tharsis verò sæpius; quia quarto quoq; anno. & quod nõ frequentius, ego non lóginquitati itineris, sed prudentiæ tribuo, ne merces importatæ vileſceret, siue vt auri & argenti bonacopia iam esset coaceruata cum clauis appelleret. Nam quod Tharsis ad quam ibatur ex Asion Gaber, (sic enim constat ex 2. Paral. 20. 36.) non multorum dierum nauigationem à sinu Arabico distaret, ex eo colligo quod Tyrus illius Tharsis colonia fuerit. quia Isaia 23. 10. vbi legimus filia maris, pro mari Hebraicè legitur Tharsis, & omnino videtur opus esse vt magna illa pars Oceani quæ appellationem maris Erythræi producit extra sinum Arabicum, sit eadem quæ à Iosepho & ab alijs appellatur mare Tharsicum. Atq; ita idem erit Tyrum esse filiam siue coloniam Tharsis, quod esse coloniam eorum qui litora Erythræi maris incolebant: quod traditur à Plinio l. 4. c. 22. Strabone l. 1. & à Dionysio Afro versu 906. & co-

Quaratio-  
ne potuerit  
rex Tyri  
mittere  
classem in  
sinum Ara-  
bicum, vt  
habetur 2.  
Paral. 8. f.

Non erat  
eadem na-  
uigatio in  
Tharsis &  
in Ophir.

Quid sit,  
filia maris.  
Isa. 23. 10.



hæret etiam eorum loquutio cum trāſlatione interpretis, Vulgatiffimæ 23. 10. vbi Tyrum appellat filiam maris. Similiter enim loquitur Plinius: *Tyrj ab Erythraeo mari orti feruntur.* & Strabo, *Ex Oceano in coloniam ducti sunt Tyrj: & quia à mari Erythraeo sunt, Erythrai etiam ipsi vocantur.* Dionysius quoque ait, *Tyrios esse eorum hominum ex genere, qui maris Erythrai accola fuerunt.* Quod verò proprie fuerint colonia vrbis Tharsis Erythrae, ex eo confirmatur, quod suas ipsi colonias, Tharsis nomine indigitauerint, & Erythraes etiam appellari voluerint. Eo (scilicet) affectu, quo sæpe patres filijs auorū nomina imponunt. Cōstat autem Carthaginem Africæ, Tyriorum fuisse coloniam: & quod Tharsis etiā sit appellata, auctores sunt Septuaginta interpretes atq; Vulgatus, qui Tharsis nomē de Carthagine interpretantur: illi sapius, Vulgatus autem Ezech. 27. 12. quod & aliorum testimonijs cōfirmare possemus, & antiquis etiam numismatibus. In confesso est etiam, in Bæticā Tartesium siue Gadirem, (coloniam Tyriorum,) dictam quoq; fuisse Erythiam, eo quod Tyrij eorum aborigines ab Erythraeo mari orti ferantur. vide Pliniū l. 4. c. 22. Deniq; optima nostræ sententiæ confirmatio est, quod à sinu Arabico (vnde soluebat classis Salomonis quæ ad Tharsis nauigabat) verisimile non sit ad aliam Tharsis occidentalem nauigatum esse: cum promontorium Bonæ spei adhuc non esset flexum ac superatū; vt suprà ostendimus. Noua autem quorundā opinio qui Afion Gaber ad mare Mediterraneū transferūt, & ab alijs est valide impugnata, & ex dictis etiā (nisi fallor) satis refellitur. vide etiam Ioseph. l. 8. Antiq. ca. 3. (alias 2) vbi Afion Gaber (ex qua soluebat classis Salomonis) ait esse in sinu Arabico, & vocatam fuisse postea Berenicem. de qua etiā Berenice Plinius l. 6. c. 29. vbi eam etiam ponit in sinu Arabico. vide etiam Numer. 33. 35. & Deuter. 2. 8.

N. Dico septimò, confutata eorum opinione, qui totius Africæ ambitu australi censent olim frequentissimè nauigatum fuisse à sinu Arabico in Hispaniam, facile etiā euanesceat prodigiosa illa Ionæ in ventre ceti nauigationem à Ioppe vsq; in Arabicum sinū totius Africæ circuitu triduo peractā. Nam hæc opinio in eum videtur præcipue finem excogitata, vt minus miraremur, naues olim eum cursum integro anno conficere solitas, quæ triduo cetus consummasset, non à Gadibus solum, sed à Ioppe profectus. Eius verò rei Ionas ipse producit testis, qui c. 2. 6. ait, *pelagus operuit caput meum:* vbi pelago respondet in originali *suph*, quod solet esse maris Rubri, siue sinus Arabici epitheton. Additurq; id fuisse expediens, vt postea Ionas in sinus Arabici litus eiectus, vicinior esset Niniue, quam si ad litus Mediterranei prodijisset. Citantur etiā pro hac opinione nescio qui Rabbini, quos, meo iudicio, debuisset noster amicus omittere: tum quia ipse agnoscit & fatetur eos quos profert esse nugiuendulos: tum quia eorum verba quæ adducit, aliud omnino significant; nimirum, Mediterraneum quoq; mare appellari mare *suph* siue caricosum (quod nihil fauebat amico nostro): aut trāſiri posse per Nilum à Mediterraneo ad sinum Arabicum: Est enim quoddā genus hominū qui nunquā animo informarunt dispositionem orbis terrarum quā mundi mappa ponit ob oculos: neq; vbi sit Arabicus sinus: neq; an misceatur mari Ægyptio, vel ab eo diuidatur. Omissis ergo illis, nō satis videtur rei difficultatem perpendisse qui deuorat rem aded mirandā; nepe quod triduo cetus plusquam decem aut fortasse duodecim milliariū millia confecerit: ex quibus, quamuis tres dies naturales, viginti quatuor horarum singuli, computentur; vnicuiq; horæ obtingent plura quā 138. milliaria, aut etiam plura quā 166. Si hæc adeo incredibilis celeritas miraculo tribuitur per Dei omnipotentiam; non erat opus tam longo circuitu; cum à Deo posset cetus transferri ab vno mari in aliud sine vlla mora aut ambage. quæ admodum translatus est Habacuc à Iudra in Babylonem, non per eam viam qua iter illud ab ipso propheta diebus aliquot confici posset, sed in impetu spiritus. (Can. 14. 15.) Si verò asseritur cetus ipse qui à sinu Arabico adductus fuerat, naturæ instinctu, statim ac ei permissum est, quanta potuit velocitate eodē redijſſe; atq; ita potuisse post triduum Ionam euomere ad litus maris Rubri prope Afion Gaber: vellē vt qui hoc asserit cogitaret, maiore à se velocitatem tribui cetō, quā pilæ ferreæ à bōbarda eiacularæ: & eo mirabiliorem quod non aëre libero, sed pelago multis insulis breuib; scopulis ac locis vadosis eundum erat, cum manifesto impactionis & illius, in minori etiam celeritate, discrimine. Sed Deus (inquit) providebat ne piscis in medio itinere alicubi impingeret. Bene; sed quo (quæſo) sine tam prodigioso circuitu in sinum Arabicum defereretur Ionas? Sane non alio, nisi vt in litus eiectus, propius abesset ab vrbe Niniue, quā si in litus Mediterranei. Quid ita? Nunquid vt breuius postea posset in eam urbem peruenire? ad hoc igitur, quanto minus violentum erat, eiectum Ionam ab angelo capillo capitis sui portari & poni ad Niniue vrbis portam? (vt contigit Habacuco Daniel. 14.) vel rapi ab spiritu, vt contigit Philippo qui inuentus est in Azoto? (Actuum 8. 40.) Deinde doceri etiam vellem quot milliaria sit propior Assyria Niniue (cui Ionas erat prædicaturus) respectu maris Rubri, quā respectu Mediterranei. Nam à litore Tyri non video multo maiore distātiā ad eam urbem quā ab Afion Gaber. Si autē tota difficultas ad illa verba longē reuocatur, *Pelagus* (heb. *suph*) *super caput meum*; facile erat ab ea se difficultate expedire. Primum enim eo loco verbum *suph* non est adiectiuum siue epitheton maris: neq; aliter vnquam designat mare Erythraeum nisi vbi est maris adiectiuum. Cum verò substantiue ponitur, sinē aut perditionē significat, vt ex ipsa Vulgata notum est eruditīs. In ea ergo significatione credi potest acceptum fuisse à Vulgato Ionæ 2. 6. quasi dixerit Ionas, se mortem iam deuorasse quam suo capiti insidentem sentiebat: eo quod nimis profundo pelago esset obrutus, & in ceti ventre inclusus. Certē ad hunc sensum exprimendum perinde erat dicere, *pelagus super caput meum*, ac *perditio super caput meum*. Quare ex Vulgata neque pilus pro totius Africæ circuitu. Sed ex abundanti, demus prophetam disertis atque perspicuis verbis dixisse, *Mare rubrum super caput meum*: & expendamus, quanto minus violentum sit, maris Rubri appellationem, Phœnicum mari accomodare, quam cogere cetum ad prædictum totius Africæ circuitum triduo peragendum. Equidem negari nō potest, quin maria à terris quas alluunt, distinctionem & appellationem accipiant. Sic enim dicimus, mare Tyrrhenum, Ionium, Hispanum. Quid ergo mirum, aut nouum, Phœnicum mare Erythraeum siue Rubrum appellari, si Phœnices ipsi Erythraei dicebantur. Imò verò si Phœnices, non est aliud quā rubri, vt auctor est Strabo. Sic enim necesse erit vt mare quod vocatur Phœnicum, eo ipso, valeat appellari rubrū à litoris appellatione.

An Ionas  
in ventre  
ceti vniuer-  
sam Africā  
circumieris.



A Sed perinde est appellari Erythreum; Tyrios autem Erythraeos esse dictos, suprà confirmauimus ex Plinio, Strabone atque Dionysio. Ascendente autem pisce à Ioppe versus Phoeniciam, deferuebat Dei voluntati, vt qua parte Mediterraneum mare minus ab Assyria distabat, Prophetam in litus euomeret, sine alio nouo miraculo minime necessario.

### §. 5. Responso ad argumentum tertium.

A. **D**ico primò, si argumentum supponit, nullum esse in sacrâ Sripturâ verbum quod varijs in locis variè accipitur, reclamabunt vno ore vniuersi sacrarû Literarum interpretes. Si verò eiusmodi significationis varietas in alijs vocibus admittitur: quo privilegio contenditur nò debere recipi in talenti nomine? Si verò cōcedatur nobis æquiocatio in quibusuis alijs, exceptis omnibus ponderû & mensurarum nominibus: quis nesciat id quoq; explodî, non ab interpretibus modò, sed ab ipso etiâ sacræ Scripturæ textu, in quo manifesta diuersa batorû mensura, cubitus maior & minor, mina siclorum sexaginta & altera siclorum viginti quinq;? Sin autè Villalpandus non amplius velit, quâ vt sine vrgente ratione, talentorum diuersitas non admittatur in sacris Literis: huic ego voluntati non resistam. Sed quèadmodum ea mensura quam sacra Scriptura tribuit Mari æneo atque Luteribus, coëgit nos vt non dubitaremus mēsurâ illorum quadraginta batorû quos singuli capiunt Luteri, esse multo maiorem eâ mēsurâ quæ Mari æneo, dat duo batorum millia: sic cōparatio diuitiarum Salomonis cum Dauidis opibus cogit talenti nomē in eis diuersimodè accipere. Neq; est cur hoc alienum à sacræ Scripturæ consuetudine reputetur. Quis enim nesciat in vulgaribus quoq; linguis multa reperiri similia? verbi gratiâ, in libræ nomine, quæ in Hispaniâ, & in Batica præsertim nunc pro sexdecim vnciarum pondere capitur, nunc pro vncijs triginta duabus, nunc pro certa pecuniæ summa quæ argenteos regales quatuor non excedit. Quid ergo mirum similem æquiocationē in sacris Literis reperiri in talenti nomine? præsertim cū scriptores ceteros variare & expresse distinguere talentum maius à minori, negari non possit; nec dubitari quod Suidas ex Homero cōfirmat, videlicet aliquando talentum accipi pro paruula quadam drachmarum summa.

B. Dico secundò, diuersitatem talenti aurei quæ à me asseritur, (videlicet vt aliquando sit pondus vnciarum auri 1500. aliquando verò id auri pondus quod totidē argenti vncias valeat) non tam esse æquiocationē quàm analogiam (vt loquuntur Dialectici) & sacræ Scripturæ phrasim quam inficiari nequit Villalpandus, cū eam in sicli nomine recipiat atq; confirmet. Evidentiissimum quippe est ipsius argumenta, si aliquid probant, non minus esse efficacia in siclo quàm in talento.

C. Dico tertio, reuocato auri talento ad valorem talenti ponderis alterius metalli, quemadmodum à nobis reuocatur, in eo ipso apparere & elucere rationem & conuenientiam eius diuersitatis quæ esset alioqui irrationalis. Neq; enim ego pono, vt ponit Græpseus (foris absq; solido fundamento) talentum auri in sacris Literis non pendere vncias 1500. sed 750. iuxta Atticorum consuetudinem. Neq; assero (quod alius fortasse non sine aliqua verisimilitudine asserere posset) satis esse vt talentum auri in sacra Scriptura pendeat vncias 960. eiusmodi enim fuisse talentū Ægyptiacū (vt ex Varrone refert Plinius) & verisimile videri Israelitas ab Ægypto exeuntes, Ægyptijs ponderibus atq; mensuris fuisse vsos. Neq; contendo veram esse Marianæ nostri & aliorum opinionē, qui talentum aunt aliquando confundi cum siclo. Nullam ergo istarum opinionum defendo: argumentis enim Villalpandi me constrictum video, vt minime credā eiusmodi talenta in sacris Literis vsurpari. Quare solum aio, aliquando minori nobilioris talenti ponderi nomen talenti cōmunicari propter valorem integri ex altero metallo: neq; posse ire inficias Villalpandū, quin ea sit sacræ Scripturæ phrasi ab ipso recepta atq; confessa: & in eaphrasi elucere (aio) rationem & cōuenientiā eius quod alioqui irrationabile videbatur. Sed explicemus hoc postremum exemplis. A Iulio Polluce l. 9. octaua pars talenti Hebraici appellatur talētum Syrum. Videbitur id alicui merè voluntarium fuisse. Si tamen in ea loquutione sermo esset de auro cui bona pars alterius metalli esset admixta, (verbi gratiâ pars tertia,) rationale erat vt singulæ vnciæ illius auri æstimarentur octo argenti vncijs, atq; adeo 1500. drachmæ, integro talento; & per consequens vt donarentur talenti nomine, & fortasse eiusmodi erat aurum pecuniæ Syrorum. Deinde quod Suidas ait, apertè in Homero talenti nomen poni pro paucarum drachmarum numero; id, auro ad valorem æris reuocato coheret optimè, vt notabamus suprà §. 1. litera R. & S. Postremò, quod in aliquo sacræ Scripturæ loco reperimus, quinquaginta auri siclos, appellari sexcentos; constat esse rationale, si de valore sexcentorum argenti siclorum interpretemur. Hac ergo admissâ phrasi, in ea videtur acquiescere intellectus. Nec mirum, si in aliquo loco non satis constet quomodo ibi accipi debeat talenti pomen, similis enim difficultas sæpe in alijs vocibus occurrit: neque id Spiritui sancto visum est inconueniens.

*Talentum  
variè acci-  
pi non est in  
conueniens.*

### §. 6. Responso ad quartum argumentum.

A. **P**rimū, suspicari licet, ex infinitâ illâ hominum multitudine quæ refertur, assidue fuisse in opere versata, auferri posse centum sexaginta millia (hoc est dimidiam ferè partem) quia quæ sacra Scriptura profelytos appellat, eos putauit Eupolemus missos fuisse à regibus Tyrio & Ægyptio



Quot mil-  
lia hominū  
versata fue-  
runt assidue  
labore in tē-  
pli Salomo-  
nis adifica-  
tione. & qui  
sumptus fa-  
cti in eorum  
mercede.

ptio. Sanè mihi verisimile est, Ægyptios & Tyrios qui à suis regibus ad Salomonem missi dicuntur, non admissos fuisse in operarios aut latomos sacri ædificii, vel in quoduis illius sacri operis ministrium, priusquam veri Dei religione imbuerentur, & profelyti fierent. Atque ita iidem mihi sunt quos Eupolemus commemorat, & quos sacra Scriptura numerat latomos & portantes onera: & numerus coheret optimè, vt patet ex ipsa obiectione. fuere enim latomi 800. & portantes 700. & alioqui non fuissent in sacris Literis præteriti quos Eupolemus adicere dicitur.

B. Deinde valdè verisimile est, quemadmodum ex triginta illis operariorum millibus ex omni Israël, non omnes toto anno in opere versabantur, sed tantum decem millia singulis mensibus, (vt habetur 3. Reg. 5.) sic de reliquis intelligendum esse. Hac verò ratione, quamuis omnes operarii fuissent 343000. nunquam operarum simul in opere versantium numerus accessisset ad 1200. neque ad octoginta millia, si auferamus illos 1600. quos proximè dicebamus bis numeratos videri. Sic verò valde admodum minuetur impensa & admiratio. Quia quadraginta hominum millia in vnicâ solum Hispanæ Carthaginis fodinâ assidue in opere versabantur: vt scribit Polybius. Neque erat opus aureorum millione ad mercedem iis soluendam.

C. His adde prædicta operariorum millia assidue in opere versantium, (siue fuerint 1200. siue 800. tantum) non fuisse necessaria toto ædificationis tempore: sed vno solum aut altero anno: videlicet ad montem Moriam complanandum, excidendum & æquandum, ad substructiones ingentes, ad ligna cædenda & conuehenda, & alia huiusmodi; quæ oportuit primo aut secundo anno esse facta, ne minus commodè postea fierent. His verò consideratis operarum impensa fortasse non remanebunt maiores, quàm si toto septennio 40. hominum millia assidue in opere versarentur.

D. Quid quòd merces operariis non ex auro vel argento à Dauide relicto, sed aliunde soluenda erat? Sanè sic censet noster Pineda f. 165. 2. C. D. Opinatur enim Dauidem non alias impensas præparasse, quàm totius ædificii & ornamentorum eius materiam. Operariorum verò mercedem à Salomone fuisse vel de suo solutâ, vel indicto veditigali prouisam. Huic equidem opinioni manifestè fauet Eupolemus ipse apud Eusebium: neque enim aliis quotidianæ operariorum mercedis meminit, quàm panis, vini & olei ad victum: & hæc, ait, ab vniuersis vrbibus Salomoni subiectis fuisse cōtributa, vt templum Domini commodissimè ædificaretur. Facit quod regi Tyrio, cuius serui ligna cædebant in Libano, nulla est à Salomone missa pecunia (imò verò ille ad Salomonem misit auri talenta centum viginti) sed vinum, frumentum & oleum. Quod si operariis addebatur etiam obsoniū aliquod, non minus id erat à Salomonis subditis contribuendum, quàm frumenti, vini & olei copia.

E. Sed demus, præter victum, quotidianam aliquam mercedem pecuniariam singulis operariis solutam esse: ex alijs sacre Scripturæ locis constat, ad eiusmodi sumptum non fuisse opus tam immensis thesauris quàm sunt ij quos aliqui suspicantur. Sanè centum argenti talentis conduxit Amasias centum millia robustorum ex Israël (2. Paral. 25. 6.) atq; vt illa solum fuerit vnius mensis merces; ad mercedem integri anni satis superque fuissent argenti talenta 1200. quæ non pluris æstiman- tur quàm centum auri talenta. Male igitur computat Salomonis templi sumptus, qui ad eos opus fuisse putat centum millibus integris auri talentis, ac mille millibus argenti. Præter hæc obsecro à lectore, vt expendat verba illa quæ legimus 3. Reg. 9. 15. *Misit quoque Hiram ad Regem Salomonem 120. talenta auri. Hac est summa expensarum quam obtulit Rex Salomon ad ædificandam domum Domini, & ad domum suam. & Mello, & murum Ierusalem, & Hefer, & Mageddo & Gazer.* Ex quibus verbis ego colligo, ad eorum omnium ædificiorum impensas, nihil aliud de suo contulisse Salomonem, nisi illa 120. talenta auri: cetera aliunde suppeditata fuisse, nempe ex subditorum contributione. Non me latet Hebraicum textum aliter transferri à Pagnino, Aria & alijs: nempe de veditigali annuo à rege imposito ad illorum ædificiorum sumptus & expensas. Sed Vulgata expositio & meliorem habet auctore & multo melius cohæret cum contextu præcedenti. & hætenus de mercede operariis debita.

F. Sequitur vt dicamus de donatiuo illorum decem siclorum, quos Ægyptijs atq; Phœnicibus in domos suas reuertentibus datos esse commemorat Eupolemus. & primum ex abundanti do, eam historiam esse certissimam; & largitatem donatiui extendo etiam ad Israelitas operarios, nec nō ad ceteros profelytos, nec aufero nunc ex illorum numero illa 160. millia quæ auferre poterâ, hoc est dimidiâ ferè multitudinis partē. (de qua supra litera A.) sed sint omnes eo beneficio affecti 343000. vt contendebat argumentum. Certè ea ratione non pertinet summa ad siclorum miliones tres cum semisse. & quoniâ certū est, aureas drachmas appellatos fuisse siclos auri (vt ostendimus prop. 19. & 20.) non plus efficit argumentū quàm Salomonem in illo donatiuo largitum esse tantum auri quantum pendent nostrorum scudorum miliones tres, & insuper 6500750. scudi aurei. hæc enim summa scudorum pendet idem omnino quod decies 343000. drachmar. & dato quòd Eupolemus omnino esset intelligendus de quatuor drachmarum siclis; adhuc plus pendent ex nostris scudis aureis miliones quatuordecim cum semisse, quàm vniuersum illius donatiui aurum. Suprà autē concessum est à nobis, maiores fuisse annuos Salomonis redditus. Nec est cur contendere possit aliquis Salomonem non fuisse largitum de suo donatiuum illud; quia donatiua saltem non sunt impensa quæ præparata fuisse dicuntur à Dauide.

G. Vtq; hoc sit, si illa centum talentorum auri millia, ac mille millia argenti (de quibus 1. Paral. 22. 14. non sunt relicta soluendæ operarum mercedi; (vt ex prædictis colligitur) neq; deaurandis parietibus (quia huic ornamēto seorsum relicto est aliud sufficientissimum auri & argenti. pēdus 1. Paralip. 29. 4.) neq; emendis lapidibus & reliquæ materiæ, (quia vnâ cum auro & argento reliquit Dauid pro templi ædificio, immensum æris ac ferri pondus, ligna & lapides:) oportebit vt vniuersum illud auri pondus & argenti fiat templi supellex; hoc est vt supellex aurea & argentea non minus pendeat, quàm illa summa auri & argenti quæ refertur 1. Paralipomen. 22. 14. Velle autem, vt aurea supellex pendeat arrobarum ponderalium 375. millia; & supellex argentea decies tantum (quod est pondus illorum talentorum, qualia cogitantur à Villalpando,) hoc meo iudicio omnem excedit fidem, præsertim cum supellex à Iosepho relata fabulosa sit, & sacra



A narrationi aduersa vt supra expendimus. Satis ergo superque videri debet rem prudenter æstimanti, & ad sacra Scripturæ narrationem attendenti; quodd supellestilis aurea pondus sint arroba ponderales 31250. argentea verò supellex viginti arrobarum millia pendeat. hæc verò est prædictorum talentorum summa in nostra computatione. Iuxta quã si vniuersa illa aurea & argentea supellex in alium locum esset mulis imposita deferenda, opus esset 4270. mulis, iusto singulis onere distributo, nimirum arrobus duodecim.

H. Si quis verò contendat, prædictam auri & argenti talentorum summam non solum fuisse relictam, vt ex ea fieret templi supellex; (hoc est vasa aurea & argentea & cetera huiusmodi) sed etiam ad vniuersos ædificij sumptus, hoc etiam dato, respondeo, non mirum esse quod mihi satis sit multo minus auri & argenti pondus quàm Villalpando: quia mensura cubiti sacri quã ipse assignat est plusquam dupla respectu meæ, ex quo infertur impensas totius ædificij in mea computatione esse duodecimam ferè partem impensarum Villalpandi, (vt supra expendimus propos. 17. §. de areis & solidis.) Bene ergo habet vt duodecimam ego auri parte contentus sum, si Villalpandæ ædificij expensa sunt ferè duodecies maiores.

## PROPOSITIO XXIII.

*In designando valore integri talenti argentei nonnihil exceditur à quibusdam.*

### EXPLICATIO.

A. A dexplicationem proposit, huius, operæ pretium erit, qualitatem legalem, pondus atque valorem argenteorum Hispaniæ explicare prius, vt reductio talenti ad nostros argenteos regales plenius intelligatur. Legalis ergo qualitas argenti quod in Hispaniã cuditur huiusmodi est. Sexaginta septem purissimi argenti vncijs miscentur quinque æris vnciæ: atque ea ratione fiunt legalis argenti vnciæ septuaginta duæ, vocaturq; id argentum dinerorũ vndecim & granorum quatuor: dato dineri nomine, duodecimæ ponderis parti, ac singulis duodecimis in viginti quatuor grana partitis. Atq; ita argenti legalis bes (tunc marcus vnciarũ octo) habet argenti puri grana 268. ærisque 20. Notandumq; est idem esse grana 268. ac quater 67. sicut viginti sunt idem quod quater quinq;. Porro ex singulis besibus cuduntur argentei regales 67. diuiditurq; singulorũ valor in partes triginta quatuor quæ appellantur marauedini. ac proinde bes argenti signati valet marauedinos 2278.

B. Idem pondus argenti legalis non facti æstimabatur antiquis legibus argenteis regalibus 65. hoc est, marauedinis 2210. Verum ab anno 1566. ex singulis argenti besibus qui cuduntur, soluuntur regi marauedini 50. appellatur id vestigal Dominatus (Señoraje.) Atq; ita quauis argenti non facti bes, nomine tenus idem valor maneat, sed reapse non valet iã argenteos 65. sed minoris quinquaginta marauedinos. hoc est, non iam marauedinos 2210. sed duntaxat 2160. Quia non plus recipit qui bessem argenti legalis vendit: manent enim in emptoris potestate ceteri 50. Sicque fieri necesse est post impositũ dominatus vestigal. Alioqui enim mercatores argenti qui emunt illud non factum ac deinde cudi procurant, non solum nihil haberent lucri ex eo negotio; sed etiam in singulis besibus integrum ferè argentũ de suo amitterent. Ex argenti enim besse non cuduntur plures argentei quàm 67. atque hinc soluendus est regi dominatus, & soluenda opera monetarijs, & facienda fundendi metalli expensa. In his verò tres ferè argenteos regales insumi necesse est: nimirũ in vestigali dominatus, 50. marauedinos; & in operã monetariã à lege taxatã marauedinos 40. & in fundendi expensis, vt minimum, octo. suntque omnes 98. qui à tribus argenteis regalibus parum distant. Atq; adeo ex 67. argenteis, mercatori ferè non manent nisi 64. Quare in singulis besibus singulos pene amitteret argenteos, si pro besse argenti legalis daret ipse 65. Manifestum ergo est, ab anno 1566. argenti legalis non facti bessem non valere iam argenteos 65. sed marauedinos 2160. hoc est, argenteos 63. ac præterea marauedinos 18.

C. Atque hoc ferè pretio argentum legale emunt fabri argentarij. Verum illi ab emptore argenti facti & laborati, præter sui laboris mercedem, pro singulis argenti besibus computant deberi sibi argenteos 65. cum vt ea ratione recuperent quod ex argenti pondere, fundendo aut limando cõsumi solent; tũ vt laboris merces minus cara emptori videatur: ac demum vt ex pecunia locanda in emendo argento aliquid lucelli proueniat fabro præter facturæ mercedem. Ex hac tamen argentificum astutiã (cui prædictum dominatus vestigal occasione dedit) non infertur, argenti legalis bessem plus reuerã valere quàm quod ipsi pro eo soluunt: sed solum villos callidè inuenisse viam, perquã in ipso argenti pondere in centũ argenteis lucrentur ferè 2. Emunt enim bessem marauedinis 2160. & hac impensã lucrantur 50. At sicut 100. ad 2. ita 2160. ad 50.

D. Sed dicat aliquis nũmos argenteos qui ex argenti legalis besse cuduntur, esse integros 67. qui valent marauedinos 2278. nec aliud reperiri discrimen inter argentũ non factũ, & argentũ signatũ, nisi impensã dominatus, funditionis & operæ monetariæ: quibus omnibus soluẽdis satis superq; sunt tres argentei regales. Ergo pretiũ besis argenti non facti, vt minimum sunt reliqui 64. Respondeo, per legem quæ taxauit argenti non facti pretium, prouisum fuisse, vt lucellum aliquid superesset ei qui suum argentum cudi & signari procurat: nempe centesima ferè ipsius argenti pars. Lex enim quæ argento non facto certum constituit pretium, est multo antiquior vestigali dominatus: pretium autem ab ea decretum, erant 65. regales pro singulis besibus, hoc est marauedini 2210. facta autem atq; signata pecuniã ex vno besse, accedit valor summæ ad marauedinos 2278.

Legalis argenti quod in Hispaniã cuditur quatuor grana & 20 æris.

67  
34  
268  
201  
2278



Ex quibus eo tempore tantum soluenda erat impensa funditionis & operæ monetariæ. Atqui impensa operæ à lege definita sunt marauedini 40 $\frac{1}{2}$ . & funditioni tunc satis esse videbantur marauedini 5 $\frac{1}{2}$ . Atque ita præter argenti precium (quod erat 2010.) centesimam lucrabantur qui illud cudifaciebant, nempe marauedinos 22 $\frac{1}{10}$ . & quidem post latam etiam vectigalis dominatus legem, adhuc centesimam fere lucrantur qui suum argentum cudendum curant. Nā 50. illi marauedini qui nunc solvantur regi, ex argenti pretio minuuntur: & funditionis impensa si nunc pro tempore est aliquantò maior, pecunia etiam quæ nunc in argenti bessem impenditur est minor, nempe non iam 2210. sed 2160. huius autem numeri pars centesima fuit 21 $\frac{1}{2}$ . itaque legalis auri bes post indictum dominatus vectigal non plus valet quàm marauedinos 20160.

E. Et ne parum alicui videatur; notandum est, rationi consentaneum esse ut hic quoque valor non à lege minuat, eo fine ut mercatores argenti, eo signando non nihil amplius lucrentur. Iam enim post pragmaticam sanctionem quæ prodijt Decembri 1612. bes auri non plus valet quàm marauedinos 28000. lucranturque mercatores in besse auri signando, marauedinos 523. (ut proposuit. 24. palam fiet.) hoc est non solum centesimam, sed in singulis centenis plusquam 1 $\frac{1}{2}$ . Postulat ergo rationis paritas, ut argentum legale non plus valeat quàm marauedinos 2142. (hoc est regales argenteos 63.) sic enim lucrum quod mercatori argenti supererit, erunt marauedini 37 $\frac{1}{2}$  qua ratione proxime accedetur ad proportionem lucri in auri besse cõcessi. quia per regulam trium si 28000. lucrantur mihi 523. æquum erit ut 2142. lucrentur mihi fere 39. id est plusculum etiam quàm ego petebam.

### §. 2. Quantum valeat bes purissimi argenti.

A. I quibus ex officio incumbit, auri & argenti probatio (*ensayadores*) in designando argenti probati pretio, nihil omnino auferunt ratione dominatus prædicti qui soluitur regi: satis esse putantes, si id in venditione detrahatur: Atque ita legali argento imprimunt huiusmodi notam 2210. Purissimum verò argentum (dinerorum ut vocant duodecim) cuiusmodi fere est quod ex Melsicana & Perùana regione in Hispaniam nauigat, hanc solet afferre impressam notam 2380. quod est accipere singulos eius argenti beses septuaginta regalibus æstimari.

B. Et sit sane nomine tenus is argenti valor. Si tamen subtilius examinare velimus, quantum re ipsa valeat purissimi argenti bes, consideratis hodiernis Hispaniæ legibus & sumptibus, ex prædicto marauedinarum numero ego omnino aufero plusquam 60. marauedinos; atque adeo contendo verum valorem non accedere ad marauedinos 20320. Tres enim summa ex prædictis 20380. necessario auferenda sunt, quæ faciunt marauedinos 60. & eo amplius.

C. Primum enim deducendus est valor æris quod miscendum est argento puro ut fiat argentum legale. Cum enim legalis argenti bes assignatus est valor marauedinarum 2010. non solum habita est ratio granorum 268. argenti quæ in eo insunt, sed etiam 20. granorum æris. utrumque enim metallum pecunia emittitur, & qui in domum monetalem adducat 67. argenti purissimi beses, opus habet simul quoque adducere beses æris quinq; qui non minoris emi solent in Hispania quam marauedinis 160. (singuli nempe beses marauedinis 32.) Si verò prædictos 160. marauedinos partiantur ex æquo socij 67. (tot enim erant puri argenti beses) obtingent singulis marauedini 2 $\frac{1}{2}$ . Ergo hæc summa auferenda erat ex prædictis 20380. qui dati sunt argenti purissimi beses ex proportionem ad valorem argenti legalis.

D. Secundo, ex valore prædicto singulorum besium deducendi etiam sunt marauedini 57. quos negligentior computatio per errorem aut contemptum adiecerat argento puro. Constat enim sic se habere argentum purissimum ad argentum legale, sicut 72. ad 67. & per regulam trium, si 67. non plus valent quàm 2010. necessario efficiuntur, ut 72. non plus valeant quàm 2037 $\frac{1}{2}$ . Ergo per errorem adiecti sunt in computatione, marauedini 57. seu potius ex opulentiâ provinciarum Peruanæ & Mexicanæ, quæ eiusmodi est, ut nihil in computatione addidisse videatur qui paucos illos addit marauedinos, eo fine ut summa redigatur ad integros 70. regales. nec enim minutior moneta quàm regalis argenteus in illis provinciis cuditur: & 70. regales efficiunt marauedinos 20380.

E. Tertiò, ex eodem valore auferendi sunt etiam, ratione dominatus qui soluitur regi, marauedini 5 $\frac{1}{2}$  bes enim argenti purissimi se habet ad bessem argenti legalis, sicut 72. ad 67. Ac per regulam trium, si de 67. regalibus solvantur regi marauedini 50. de 72. oportebit soluere 53 $\frac{1}{2}$ . Quod verò hæc summam probatores argenti non deducant ex pretio quod assignant argento, in causa est quòd ante legem quæ præscribit vectigal dominatus, nihil eiusmodi deducebatur ex precio: postea verò licet nomine tenus maneat argento antiquum precium; in venditione tamen re ipsa minuitur: quia manet in potestate emptoris id quod regi soluendum est, quandocumque ex argento illo argentei nummi signentur.

F. Conficiunt tres prædictæ summae auferendæ ex precio besis argenti purissimi, marauedinos 61 $\frac{1}{2}$ . Atque adeo reapse iuxta hodiernas leges pretium besis argenti puri non sunt marauedini 20380. (neque 20376. ut computat Villalpandus) sed 20318 $\frac{1}{2}$ . Quamuis verum sit huic precio posse aliquid addi ab emptore, si minori lucro sit contentus, quàm quod illi à lege cõceditur: vel si speret se reperiturum aliquam auri partem in ipsis argenti lateribus, ut sæpe contingit in ijs qui ex fodinis Mexicanis aduehuntur. Sitamen de legali puri argenti valore agendum est (videlicet ex proportionem valoris quem leges præscribunt argento legali) diligenti computatione euidenter probatur bessem argenti purissimi non valere hodie marauedinos 20320. neque valiturum plusquam 20300. marauedinos, si bes argenti legalis non plus valeat quàm marauedinos 20142. ut hodie par esse diximus supra in hac eadem propositione §. 1. littera F.



*§. 3. Quanti aestimari debeant singula argenti talenta Hebraica ex ijs quæ habent uncias argenti 1500.*

**A.** PROPOSITIONE vigesimâ secundâ conati sumus ostendere, in aliquibus argenti talentorum summis, pondus argenti non esse maius, quâ totidem minarum pondus, hoc est quinquagesimâ ad summum partem eius ponderis quod alij cogitant. Atq; adeo integra argenti talenta, quæ verbi gratiâ videbantur esse millies mille, non esse plura quàm 200. Nunc addo, aliquid etiâ esse demendum de valore qui vni integro argenti talento assignari solet: tum quia non constat sacrâ Scripturâ in quavis talentorum argenti summâ agere de argento purissimo; tum quia non parum exceditur in argenti purissimi valore. Nota ergo à nonnullis supponi, omnia talenta argenti quæ in sacrâ Scripturâ legimus, cogitanda esse purissima absq; vlla alterius metalli mixtura: & quia talentum integrum continet beses 187½. & argenti puri bessem aestimari credunt 200. maravedinis; non dubitant integrum argenti talentum aestimandum esse nostris regalibus 1300. Ab hac summa aufert Villalpandus noſter regales 22. ac duos insuper maravedinos: quia ex valore singulorum besiiû demit maravedinos quatuor. sed maiusculam nos demptionem meditamur.

**B.** Dico ergo primò, merè gratis supponi argenti talenta quæ in sacra Scriptura reperiuntur, omnia esse purissima, (cuiusmodi est argentum quod 12. dinerorum dicitur:) quia vix vnquâ argentum adeo purum à natura gignitur; sed vel plumbo, vel stanno, vel ære mixtum. neq; argenti appellatiōnē ab eo tollet quæuis alterius metalli particula quæ adhuc in illo remaneat, antequâ omnino excoquatur. Adde quòd parua aliqua æris mixtura congruit firmitati ipsius argenti: & propterea etiam in magna argenti opulentiâ non solet cudi purum, vt patet ex legibus Hispanis. Si ergo gentes omnes vix aliter vtuntur argēto, nisi admixtâ aliquâ æris particulâ, & illud omnes absolute argētum appellant: cur ab ea loquutione sacrâ Scripturam abhorreere putabimus? Dices fortasse, aliquando in sacra Scriptura expresse agi de talentis argenti probatissimi, vt 1. Paral. 29. 4. atq; id satis esse vt de simili argento ceteros intelligamus locos: quia par est ratio. Imò verò, ex eo ipso colligitur mille millia argenti talentorum non esse accipienda de argento probatissimo; quia hoc epithetum non est adiectum illis, vt patet 1. Paral. 22. 14. sed millibus septem c. 29. 4. Si enim vtraq; probatissima fuissent, par erat vt potius id exprimeretur in mille millibus quàm in millibus septem. Adde quòd fortasse probatissimum non est idem quod purissimum. Quia argentum legale in Hispaniâ iterum atq; iterum probatur & examinatur, ne plus æris admixtum habeat quàm à lege præcipitur; & tamen non id agitur per examen & probationem, vt purissimum sit, siue dinerorum 12. sed vt dinerorum sit vndecim & granorum quatuor.

**C.** Atque vt demus, argentum probatissimum in sacris Literis esse idem quod purissimum, sanè illa mille millia talentorum non appellantur pura neq; probata, atque ita non est cur credantur fuisse puriora quàm nostrum argentum legale. Qua ratione, si illa fuissent millies mille talenta integra argenti, nihilominus de valore quem eis assignat Villalpandus, demi poterant plusquam centum milliones nostrorum ducatorum. Quia duo maravedini deducti de valore vnus bellis, auferunt de integro talento ducatum integrum: beses enim vnus talēti sunt 187½. & totidem binarios maravedinorum habet vnus ducatus Hispanus. Quare si valor vnus besis minuitur plusquâ 200. maravedinis; talenti quoq; valor minuitur plusquâ censum ducatis: & mille talenta plusquam ducatis centum millibus: & millies mille talenta, plusquam centum ducatorum millionibus. Constat autē Villalpandum (to. 3. f. 418.) besii argenti puri tribuere valorē maravedinorum 20376: ac bessem argenti legalis in nostrâ cōputatione non plus valere quàm 20160. inter quas summas reperitur discriminē maravedinorum 214. ergo discriminē valoris in maxima illa talentorum summa non esset minus quàm Hispanorum ducatorū milliones 107. Eterit adhuc maius discriminē, si bes argenti legalis non plus valeat quàm maravedinos 20142. (iuxta ea quæ suprâ diximus) nam ea ratione auferrentur de eadem summâ nouem alij milliones.

**D.** Quoniam verò prædicta mille millia talentorum nos non putamus fuisse integrata talēta: & conati sumus ostendere, illius summæ pondus non fuisse maius quâ talentorum 200; adiciamus etiâ in viginti talentorum millibus, quid intersit inter valorē quem eis assignat Villalpandus, & inter eū quem tribuit illis nostra computatio. Viginti igitur argenti talentorum millia in Villalpandi tabula faciunt milliones 23. ac præterea 760. ducatorum. ex qua summâ, nostra cōputatio prorsus aufert milliones duos & ducatorum 140. nimirum quia satis esse putamus, cogitare argentum illud fuisse eiusdē qualitatis cum nostro legali, cuius bes non plus valet re ipsa quâ maravedinos 20160.

**E.** Si verò cōgamur de eadem talentorum summâ loqui, tanquâ de argento purissimo, tunc in viginti talentorum millibus, de Villalpandi valore demuntur à me in singulis talētis aurei ducati 27. & in totâ summâ 540. In summâ verò mille millium talentorum integrorum, de valore quem assignat Villalpandus, aufero ego milliones 27. Hæc autem discrimina intelligo, si cogitemus sermonē esse de pondere argenti non facti neque signati. Nam si sermo esset de pecunia ex argēto purissimo signatâ absque vllâ æris mixtura; tunc parum admodum demi posset de valore quem in suis tabulis ponit Villalpandus.

**F.** Quoniâ verò neq; constat sermonē esse de argento purissimo, neq; de pecuniâ signatâ; prudentiâ esset, (meo iudicio) nihil de valore decernere absolute loquendo: ac satis putare si argenti pōdus agnoscat ac numerus drachmarum designetur. Definito autem integrorum talentorum numero, nihil facilius quàm inde drachmarum numerum colligere. Constat enim singula talēta Hebraica pendere drachmas Atticas 120. siue mille duodenas drachmarum. Atq; hæc duodenarum phrasi libenter ego vterer: quia agnito talentorum numero, facillimè agnoscitur quot sint duodenæ drachmarum: & singulis duodenis respondet valor vnus drachmæ aureæ. Verbi gratiâ, vnicum talentū

*Talentū argenti quāti st. mari de-beat.*



habet in ille duodenas drachmarum argenti; atque adeo meritò æstimatur mille aureis drachmis. viginti ergo talentorum millia, viginti millionibus aurearum drachmarum æstimabuntur: quia totidem duodenas drachmarum argenti pendent.

G. Et quidem de numero drachmarum argenti res est liquida. & si quis malit idem pondus explicare per nostrorum regalium numerum, constat talentum integrum (siue 12. drachmarum millia) idẽ pendere quod pendent regales nostri 12062½. Ad valorem autem argenteorum siue ad qualitatem argenti non descendo: quia non satis constat in qualibet talentorum summa, quale esset argentum de quo sacra Scriptura loquitur. & nihilominus duodecim drachmis argenti respondet in mea computatione vnica auri drachma: tum quia ea erat antiqua æstimatio; tum quia ab ea æstimatio non longè abeunt nostri auri variæ æstimatioes. Neque obstat, quod diuersæ argenti qualitati respondet diuersum auri pondus; quia prædicta reuocatio duodecim drachmarum argenti ad vnicam auri drachmam, ea ratione intelligenda est, vt puro argento respondeat purum aurum: & minus puro minus purum eadem proportionem. & in his quæ non possunt, aurificis, vt aiunt, statera ponderari, satis est si trutina vtamur populari.

## P R O P O S I T I O XXIV.

*In designando valore integri talenti aurei, non parum à nonnullis exceditur.*

### E X P L I C A T I O.

**I**N huius propositionis explicatione eundem ordinem quem in præcedenti seruabo, ijs suppositis, quæ ibi iam explicata manent:

#### §. 1. De qualitate auri legalis, ac de pondere & pretio scudorum Hispaniæ.

**A.** **C**ONSTAT, in Hispaniâ, antequam regnaret Carolus V. Romanorum Imperator, in quibusdã nummis aurum purum aut fermè purum solitum fuisse signari. Sed post Caroli leges, legalis auri qualitas requirit vt duabus ac viginti puri auri vncijs, duæ æris vnciæ misceantur: qua ratione fiunt tres besse auri legalis quod 22. quilatum appellatur, dato quilatis nomine vigesimæ quartæ pòderis parti. Cuduntur autem ex vno besse aurei 68. quos scudos appellamus: quorum singuli regnante Carolo V. æstimabantur marauedinis 350. hoc est argenteis regalibus decem ac totidem marauedinis. Eisdem tamen per sanctionem Philippi II. (latã anno 1566.) datus est valor marauedinorũ 400. Ac demum anno 1610. à Philippo 3. auctus est eorum valor marauedinis 40. atque ita æstimantur hodie marauedinis 440. Hinc est vt bes scudorum aureorum (nempe scudi 68.) æstimatus sit, sub Carolo, marauedinis 230800. (siue regalibus argenteis 700. & sub Philippo 2. marauedinis 270200.) siue regalibus 800. nunc verò marauedinis 290920. siue regalibus 880. Deceptus est ergo proculdubio Villalpandus qui tempore Philippi 2. bessẽ auri legalis (quod 22. quilatum appellant) putauit æstimari marauedinis 270225. computatio enim manifestè ostendit, scudos 68. (quorum singuli nõ plus valebant quàm marauedinos 400.) non plus efficere quàm marauedinos 270200. Itaq; de suo addidit ille marauedinos 25. in besse: & in castellano semissem marauedini. Est autem castellanus quinquagesima pars bessis, quæ sub Carolo æstimabatur in auro signato, regalibus quatuordecim; sub Philippo 2. regalibus 16. nunc autem marauedinis 598. qui faciunt regales 17. & præterea marauedinos 20½. Atq; hæcenus de valore auri signati.

#### §. 2. De valore auri legalis non facti neque signati, sed in massa auri

**A.** **A**RGENTO legali in massa, (hoc est rudi, & neque facto neque signato,) definitus est valor per leges Hispaniæ (vt præcedenti propof. explicatum est.) Aurum verò rudi non erat designatus valor vsq; ad decimam quartam diem Decembris anni 1612. Quamuis enim Philippus 2. (l. 6. tit. 12. lege decima tertia declarationum) præceperit vt castellanus (quilatum 22.) sexdecim argenteis regalibus æstimaretur: constat tamen eam legem loqui de castellano auri signati. Neque ad hoc necessè erat, nummum aliquem esse qui omnino penderet iustum castellani pondus (cũ posset fermo esse de vero valore quem habet quinquagesima pars bessis signati; quemadmodum de valore tertiz aut quartæ partis vnius scudi aurei: (sed compertum etiam est à Ferdinando rege fuisse cufos eius ponderis & qualitatis nummos aureos: atque de eis nummis manifestè agitur in Hispanis legibus sub Castellano nomine; vt videre est l. 3. tit. 21. lege 13. & tit. 22. lege 2. & 9. & 15. Ex computatione autem manifestè patet in prædicta Philippi 2. lege non considerari castellanum in massa auri antequam signetur. quia in eadem lege constituitur quadringentorum marauedinorum pretium singulis scudis; quod fuit signati auri bessis dare octingentorum regalium valorem: ex hoc autem precio, castellano signato obtingunt regales 16. Si verò de castellano in massa auri sermo esset, necessariò fuerat ei minus pretium assignandum; quemadmodum argento rudi præscribitur à lege minor valor quàm argento signato.

Qualitas  
pondus &  
pretiũ scu-  
dorum au-  
reorũ His-  
paniæ.

tom. 3. f.  
417.  
400  
68  
3200  
2400  
27200.

De valore  
auri legalis  
non facti.



B. Non videntur ad hanc rationem animaduertisse qui animū regis in ea lege fuisse credunt, id præcipere, quod deinceps ab auri mercatoribus inuentū est & vsu receptum: nimirum vt legalis auri non signati bessii, nomine tenus idē tribuatur valor qui auro signato; hoc subintelleto arcano, vt 22. quilates auri non signati reuocentur ad 22½. addito nimirū eo auri pondere quod ad eius rationis æqualitatem satis sit. Verū nulla ratione verisimile est, à rege seu lege illā arcanam reductionem quilatum 22. ad 22½. (de qua non meminerit) fuisse præceptā. Verba enim legis non sunt alia, quàm, *estimetur deinceps regalibus sexdecim castellanis quilatum 22.* Atqui si pro 22. quilatibus cōputentur 22½. is castellanus prorsus erit quilatum 22½. nec de eo loquetur lex. Præterquā quidd nihil præstaret præcipere vt signati & non signati idē sit pretiū nomine tenus; re ipsa tamen hoc minoris vaneat; ac discrimen in arcano aliquo consistat. Lege enim non definiente (vt verè nō definit) quota pars auri addenda sit in auri rudis emptione; mercatorū arbitrio relinquebatur an 22. quilatibus addendus esset dimidijs vel tertiā vel quarta pars vel duæ tertiæ: neq; lex illa foret aliud quàm palliū quod auri mercatorum astutia tegetetur, vt illi valeant quo voluerint pretio aurum emere, neq; eorum arcana, ipsorum facultatis ignaris reuelentur; eo quod eorum lucris interfuit ea semper esse velata.

B. C. Cum igitur certum sit, vsq; ad finē anni 1612. nullam fuisse legem quæ massæ auri legalis pretium definierit; operæpretium erit distinctè explicare, quo pretio hætenus soleret emi bes auri legalis in massa. Consideratā igitur praxi illā reuocandi 22. quilates ad 22½. & reserato mercatorū auri arcano, cōstat illos solitos fuisse emere 45. auri legalis bessies in auri massa, eo pretio quod erat per legē tributū 44. bessibus auri signati. Quare pretiū auri legalis in massa auri habebat se ad valorē auri signati sicut 44. ad 45. Ex quo, si ea praxis fuisset similiter vsu recepta tēpore Caroli, Philippi 2. & Philippi 3. cōsequēs erat, vt pretiū vnus bessis auri legalis in massa auri, Caroli tēpore essent marauedini 23½. & sub Philippo 2. 26½. Nunc verò 29½. Verū ego persuasum habeo, prædictā praxim (reuocandi scilicet viginti duos quilates ad 22½.) non fuisse receptā neq; inuentam, nisi ab eo tempore quo aurei scudi ascenderunt ad 400. marauedinos. Nā eo ipso anno impositum est dominatus vectigal. Inuentum autē illud reuocandi 22. auri quilates ad 22½. proculdubio fuit eo fine introductum, vt ex illa vnus quilatis semisse solui posset nouum vectigal, & præter impensas funditionis & operæ monetariæ, aliquid lucri superesset mercatori. Vectigal enim dominatus solui ex eo ipso quod prius erat solidum lucrum mercatorum auri, incredibile est. Atq; adeo non dubitandum, quin praxis illa reuocandi 22. quilates ad 22½. hosque emendi pretio eodem quod per legem præscribitur auro legali, Caroli tempore vsitata non fuerit. Hoc verò ipsum duplici argumento confirmo. Primū quod Hispali post ascensum aurei scudi ad marauedinos 440. quidam censuerint, bessiem auri legalis in massa in pristino valore remansisse, absq; vllō incrementō: alij verò nouum pretium inuexerint; nimirum vt castellanus in massā auri valeret argenteos regales 17½. Qua ratione pretium bessis auri in massa, quinq; regalibus erat minus quàm valor auri signati. Alterum argumentum est, quod praxis illa reuocandi 22. quilates ad 22½. vsurpari solebat ab ijs quorum arte aurum asperum lenitur vt oportet ad quæuis opera ex illo elaboranda: deinde verò aurum lenitum lenitores ipsi eodem ferè pretio quo emerant (reductum ad quilates 22½.) legali postea qualitate, (hoc est quilatum 22.) ceteris aurificibus vendebant. Quare aurificibus ementibus aurum iam linitum vt ex eo facerēt torques, annulos, inares & quæuis monilia, nullum remanebat lucrum ex ipsius auri emptione & venditione, sed solum facturæ merces. Toto autem prædicti semiquilatis auri valore fruebatur linitores auri, tum pro linitionis labore & impensis, tum pro fructu pecuniæ in auro locatæ. Valor verò semiquilatis in auro signato est quadagesima quarta portio valoris totius: atq; adeo in centum aureis plusquam 2½. quod est æquale ferè lucrum ei quod (præter mercedem facturæ) habent fabri argentarij, dum ementes argentum in massa deducunt ex pretio singulorum bessium 50. illos prædictos marauedinos; vendentes autem argentum factum, pro singulorum bessium pondere faciunt sibi solui regales 65. Sed excessum istum lucri quo fabri argentarij ac linitores auri, videntur feliciores aurificibus ceteris, verisimile est sufficienter compensari eo facturæ pretio quod exigunt aurifices ex operibus aureis quæ vendunt.

D. Vt cūq; hoc sit, regula veri valoris in argento & auro non facto, non est pretium quo illud emunt ac vendunt aurifices & fabri argentarij. Illorum enim parum interest aliquantulo carius emere, ac tanti vendere quanti emerant; præsertim cū possint augendo facturæ pretio paria facere, omnibus pensatis. Quare quamuis aurifices soliti fuerint pro auri legalis atq; liniti castellano solvere regales 17½. inde non probatur, illud esse pretiū legitimum: quia illa aurificum consuetudo non poterat contra rationis euidentiā præualere. Ac plane manifestum est (quemadmodū iustum atq; legitimum argenti non facti pretium eiusmodi debet esse, vt argenti emptio ad cudendum siue signandum lucro sit, non iacturæ) sic legitimum auri pretium non esse quod ementibus ad scudos aureos ex eo signandos nullum relinquat emolumentum. Si verò hodie bes auri legalis constaret 875. regalibus (quemadmodum aurifices ipsi solent à linitoribus comparare) emptio auri ad cudendum illud fieri non posset sine damno. quia ex besse non plures fiunt scudi aurei quàm 68. neque hi plus valent quàm regales 880. Impensæ autem necessariæ faciendæ in 68. scudis sunt ferè regales 20. Atque adeo de suo amitterent mercatores in eo negotio quindecim ferè regales in singulis bessibus.

E. Vt verò hoc clarius innotescat, iuuabit cōputare distinctè sumptus qui sub Carolo & qui sub Philippo 2. fiebant, & qui nunc fiunt, vt ex vno besse auri prodeant scudi 68. Caroli ergo tēpore impensa non erat maior quā marauedinosaurum 127. Auro enim fundendo satis sunt 8. marauedini, & opera monetaria à lege taxatur duobus tominis, qui tunc valebant marauedinos 119. (diuiditur enim bes auri in tominos 400.) Nec erant vlli præterea sumptus. Ab anno autē 1566. sub Philippo 2. impensa erat maior, videlicet marauedini 544. Aucto enim scudorū pretio, valebant duo tomini, debitoperæ monetariæ, marauedinos 136. & additū est vectigal dominatus, integer nēpe scudus, id est marauedini 400. quibus si addas funditionis impensam, summa erit 544. Ac tandē sub Philippo 3. ab an-



no 1610. impenduntur in scudis 68. marauedini 597 $\frac{3}{4}$ . nepe 8. in funditione: 440. in soluendo vectigali dominatus: ac 149 $\frac{3}{4}$ . in soluendis duobus tominis pro operâ monetariâ.

F. Iuxta hæc, si in tribus prædictis temporibus pari ratione fuisset vsu receptum vt pretium auri legalis in massa auri, esset idem qui auri signati, viginti duabus quilatibus ad 22.  $\frac{2}{3}$ . redactis: Caroli tempore quo bes quilatum 22. emeretur, vt supra computauimus, marauedinis 230271.  $\frac{1}{2}$ . addita 127. marauedinorum expensâ; ex valore scudorum 68. (qui tunc erat 23800) remanerent mercatori marauedini 401 $\frac{1}{2}$ . hoc est in singulis centenis in auri emptione locatis ferè 1 $\frac{1}{2}$ .

G. Sub Philippo autè 2. post annum 1566. bes quilatum 22. emebatur (vt supra vidimus) in massa, marauedinis 26059 $\frac{3}{4}$ . additisque expensis 544. non plus remanebat lucri quàm marauedini 60 $\frac{3}{4}$ . (ex valore scudorum 68. qui tunc erat 270200.) nempe minis quàm 2 $\frac{1}{2}$ . in singulis millenis.

H. Deniq; sub Philippo 3. ab anno 1610. bes quilatum 22. emebatur (vt computatum est supra) marauedinis 29025 $\frac{1}{2}$ . adiectisq; 597 $\frac{3}{4}$ . (qui in auro signando nunc infumuntur) nõ lucraretur mercator duos integros argenteos regales: hoc est paulo plusquam 2 $\frac{1}{2}$ . in singulis millenis.

I. Porro si ratio poscit (vt expendimus in argento propos. 23.) vt pretium bessis auri non facti eiusmodi sit, vt factâ ex eo pecuniâ non solum paria fiant, sed maneat etiam mercatori centesima supra pecuniam in auri massa locatam: ergo sub Carolo 5. (quando valor bessis auri signati erant marauedini 230800. & expensa marauedini 127.) bes auri legalis non facti non pluris æstimari debebat quàm 230440. vt lucrum mercatoris essent 233. qui sunt centesima pecuniæ pro auro datæ. Qua ratione valor bessis non facti 22. quilatû, quinq; ferè regalibus excederet pretium quo re ipsa emere- tur, si 22. quilates reuocarentur ad 22 $\frac{1}{2}$ . & sic pro eo daretur integer bes auri signati. Lucrum verò eo esset minus quo auri pretium foret maius.

L. Eadem ratione sub Philippo 2. quando bes auri signati æstimabatur marauedinis 270200. & in eo cudendo expendebantur 544. bes auri legalis non facti deberet emi 260393. marauedinis, vt mercator lucraretur 263. atq; adeo sex argenteos regales amplius quàm per dictam reductionem.

M. Pari ratione sub Philippo 3. post annum 1610. (quando bes auri signati valet marauedinos 290920. & expensæ sunt 597. æstimari deberet bes auri legalis non facti 290033. vt mercatori super- essent 290. atque adeo marauedini 222. supra reductionis prædictæ lucrum.

N. Re verò maturius expensâ visum est tandem supremo senatui, non satis esse vt mercatores auri centesimam lucrentur respectu pecuniæ in auro locatæ: atq; ita 14. die Decembris 1612. noua lex prodijt, quæ auri legalis non facti bessim præcipit non pluris vendi quàm marauedinis 280800. (& consequenter castellanum non pluris quàm 576.) & cum expensæ quæ in besse cudendo fiunt, hodie sint 597. lucrum quod manet mercatori sunt 523. hoc est plusquam 1 $\frac{1}{2}$ . in singulis centenis. Atq; hætenus de valore auri legalis.

### S. 3. Quantum valeat bes auri purissimi siue 24. quilatum in auri massa.

De valore  
auri purissi-  
mi.

A. QUIDAM non aliud cogitant quàm aurum 22. quilatû habere se ad aurum purissimum, sicut 11. ad 12. aurum autem quilatum 22. non minus valere quàm aureos scudos 68. atq; adeo auri puri bessim valere idem quod scudos aureos 74 $\frac{2}{3}$ . Ex quo inferunt, sub Carolo debuisse auri puri bessim æstimari marauedinis 250963 $\frac{1}{3}$ . & sub Philippo 2. marauedinis 290672 $\frac{2}{3}$ . & in hodierno scudo- rum valore, marauedinis 320640. & consequenter castellanum auri puri sub Carolo valuisse 519 $\frac{1}{3}$ . sub Philippo 2. 593 $\frac{1}{3}$ . nunc verò 652. marauedinos.

B. Sed in hac computatione duplex est error. Primus quod auri purissimi massam non cõparat cum massa auri legalis, sed cum besse auri signati: cum tamen manifestum sit, bessim auri signati plus valere quàm eiusdem auri massam; & inter vtriusq; auri massas reperiri proportionem quæ est 11. ad 12. Quantum autè valeat bes auri legalis in massa, satis supra explicatû est. Quare iuxta phrasim illâ reuocandi quilates 22. ad 22 $\frac{1}{2}$ . de prædictis quoq; pretijs auri purissimi demenda erat quadrage- sima quinta pars. Si verò id pretiû reputandum esset legitimum quod mercatori relinquit centesi- mam lucris; & deinde ab auro legali ascendamus ad aurum purum, sicut à numero vndecimo ad du- odecimum; consequens erit, bessim auri puri sub Carolo 5. æstimari debuisse 250570 $\frac{1}{3}$ . & sub Phi- lippo 2. 280792 $\frac{2}{3}$ . & in hodierno scudorum valore, 310662 $\frac{2}{3}$ .

C. Alter prioris computationis error est, quod nullam habeat rationem æris quod in auro legali est admixtum. Constat autem vndecim puri auri bessibus misceri integrum æris bessim, qui 32. ma- rauedinis æstimatur. Si verò 32. marauedini soluendi sint ab vndecim locijs, tres ferè à singulis sol- uendi erunt: ergo ij quoq; demendi erant de valore qui singulis auri puri bessibus assignatur. Quare tẽpore Philippi 2. (cum valor vnus scudi erant marauedini 400.) etiâsi massa auri legalis eodem fo- ret æstimanda pretio, quo par auri signati pondus, nihilominus verum erat, singulis auri puri bessi- bus tribuisse Villalpådum vt minimum 30. marauedinos supra verum valorẽ: quia bessi auri legalis adiecit 25. marauedinos supra 68. scudorum valorem. & quia per regulam trium sicut 11. ad 12. ita 25. ad 27 $\frac{1}{3}$ . consequenter bessi auri puri adiecit marauedinos 27 $\frac{1}{3}$ . præter alios tres quos de pretio debu- issent demere propter valorẽ æris qui auro legali miscetur. Sed multo maior computationis error fuit in principio cui innititur; dum bessim auri legalis in massa tanti æstimat quanti 68. scudos aureos; nulla habita ratione reductionis ad 22 $\frac{1}{2}$ . neq; centesimæ lucris quæ mercatori relinquenda erat.

D. Ac deniq; cum ex sanctione pragmatica quæ prodijt Decembri 1612. constet, hoc tẽpore (quo singuli aurei scudi æstimantur marauedinis 440.) bessim auri legalis in massa non pluris debere æsti- mari quàm marauedinis 280800. seruata eadẽ proportionem, legitima cõputatio est, vt eo tẽpore quo aurei scudi valor erāt marauedini 400. bes auri legalis in massa æstimaretur marauedinis 260181 $\frac{1}{3}$ .

Qua



**A** Quâ ratione, tribuisse illi 270225. non fuit aliud quàm supra verum valorem adijcere marauedinos 10437. Quod si hodie verus valor vnius besis auri legalis in massa sunt 280800. vix valebit bes auri puri marauedinos 310416. quia sicut 11. ad 12. sic 280800. ad 310418. & hinc demendi sunt ferè tres marauedini pro valore æris. Atq; eâdem proportionem sub Philippo 2. post annum 10566. bes auri legalis in massa non pluris æstimari debuisset quàm marauedinis 260181. neque auri purissimi bes pluris quàm 280560. cui valori addit Villalpandus marauedinos 1140. Illo enim tempore scripsit, auri puri bessem valere 260700.

**B** E. Si cui in nostra computatione non aliud displiceat, nisi quòd ea demat aliquid de auri puri valore, propter valorem æris quod inerat auro legali; is animaduertat (quæso) in metallorum permixtione, necessariò habendam esse vtriusq; metalli rationem ad vitandas fraudes. vt euidentissimè patet in auro, cui argentum insit. Si enim (verbi gratiâ) quis vendat bessem auri quindecim quilatum; neq; habeatur ratio argenti admixti, sed tantummodo quilatû auri; fiet proculdubio vt venditor defraudetur trium argenti purissimi vnciarum pretio. Neq; erit huius damni sufficiens compensatio quòd mercator respectu quilatum auri, videatur carius emisit: quia cum recesserit gloriabitur. Miror autè hoc non fuisse animaduersum à nostro Villalpando in tabula illa quam ponit to. 3. fol. 417. vbi valorem besis auri quilatum 15. (verbi gratiâ) ad valorem besis auri quilatum 14. ponit sic se habere, sicut 15. ad 24. quasi tres vnciæ argenti quæ insunt in besse auri quilatum 15. nihil omnino valeant. Neq; admodum mirarer, si tres vnciæ alterius metalli quæ insunt besii auri 15. quilatum, semper essent æreæ. Sed constat eas ferè semper esse argenteas; atq; adeo non debuit contemni earum pretiû. Multo autem erit exactior computatio, si metalli admixti semper habeatur ratio, siue sit argentum, siue æs.

Provi. 20.  
14.

*§. 4. Quanti æstimari debeant singula auri talenta Hebraica ex ijs:  
quæ habent auri vncias 1500.*

**A.** **N**ON disputamus nunc an semper in sacre Scripturæ summis talentû auri ponatur pro 1500. auri vncijs. Iam satis de ea re, propos. 22. Nunc verò de integri ponderis valore agendum. Qua in re primum noto, persuasum habere aliquos, omnes sacre Scripturæ summas in quibus talenta auri numerantur, accipiendas esse de auro purissimo. Hoc autem merè gratis supponitur (sicut in argèto dicebamus propos. 23.) quia licet aurifices & probatores auri nouerint quâ ratione valeat illud omnino excoqui ac depurari, quousq; purum putum euadat; vix tamen aurum purum à naturâ gignitur: quoniam vt ait Plinius l. 33. c. 4. *Omni auro inest argentum vario pondere; alibi denâ, alibi nonâ, alibi octaua parte: & vbi trigesima sexta portio inuenitur, id omnibus anteponitur.* Cum ergo aurum rarè aut nunquam nascatur purum, sed plerunq; aut semper argento mixtum; non erit cur de purissimo auro agi suspicemur, vbi sacre Literæ nihil eiusmodi significant. (verbi gratiâ 1. Paral. 22. 14. vbi de centum millibus auri talentis.) & confirmatur quoniam vbi auri excellentiam designare vult sacra Scriptura, addit notam, vt 1. Paral. 29. 4. Meminit enim trium talentorum auri millium, & addit notam, *de auro Ophir.* Ergo quando nullam puritatis notam apponit, merè gratis supponitur, sermonem esse de auro purissimo. Adde quòd ars separandi argentû ab auro, abiq; argenti iacturâ, est valde nouitia: & ante eam artem non erat prudentis consilij centum millia auri talenta (quæ cum bona argenti portione nata fuerant) maximo sumptu, & parua vtilitate, amisso totius argenti pretio, omnino excoquere. Præsertim cum postea oporteret ipsi auro, iterum miscere argenti aut æris portionem aliquam. Facienda enim erant ex illo auro vala plurima in templi ministerium; in quorum plerisq; ad firmitatem opus fuisse aliquâ argenti aut æris misturâ, testabuntur aurifices industrii atq; periti. Facit fortasse, quod 1. Paral. 29. 4. additur, nempe pondus illud auri & argenti quod de suo peculio Dauid obtulisse asseritur, deaurandis parietibus fuisse consecratum. ergo natiua vtriusque metalli commixtio compendifaceret miscendi laborem, & nomen auri non amitteret. Nam deaurare non est aliud quàm auro tegere. quare si auro & argento erant deaurandi parietes, aurum & argentum mixta appellantur aurum.

**B.** Iuxta hæc, de illis centum talentorum auri millibus (1. Paral. 22. 14.) quamuis fas non esset minuire pondus, de quo supra, fas erat aliquam valoris partem demere. Non enim constat illud aurû fuisse purius atque perfectius auro Hispaniæ legali. Valde autem distat valor quem nobilis scriptor tempore Philippi 2. tribuebat auro purissimo, à valore quem (nostrâ sententiâ) habebat aurum legale eodem tempore. Nam, ille tribuebat auri puri besii valorem 290700. marauedinarum: ego autem auro legali tunc vix marauedinos 260181. Nec discrimen est minus quàm marauedinarum 30518. in singulis besibus, & per consequens ducatorum 10759. in vno talento; millionum autem 175. & insuper ducatorum 9000. in summa centum millium talentorum auri, si talenta integra cogitentur. Nunc verò postquam auro adiecta est decima pristini valoris portio, prædictus scriptor fesset inter nos in singulis besibus, fesset hodie marauedini 320670. ego autem legalis auri bessem non pluris quàm 280800. essetque inter nos discrimen in vno besse, marauedini 3870. atque adeo in talento, ducati 1935. & in centum talentorum millibus, milliones 193. & insuper ducatorum Hispaniæ 3000.

**C.** Præterea, dato & non concesso quòd omnia illa talenta essent auri purissimi, adhuc discrimen inter nos in singulis auri besibus, fesset hodie marauedini 10254. in talento ducati 627. & in magnâ illâ summâ milliones 62. ac ducatorum 7000. Quia ille adiectâ pristini valoris

*Quanti æstimari debeant talenta auri.*



decimam æstimaret hodie puri auri bessem marauedinis 320670. ego verò nō pluris quàm 310416. Philippi autē 2. tempore, ego de valore besis auri puri, quem prædictus amicus assignat, non plus auferre quàm marauedinos 10140. Quia ille dicebat 290700. ego 28560. (vt suprà explicauī) quare in singulis talentis demerem ego ducatos aureos 570. & in summa illa magna miliones 57.

D. Deniq; & in auri puri valore non parū differimus, & multo magis in qualitate auri illorū centum talentorum millium. Quāuis enim certum non habeā, illa fuisse eius qualitatis quam habet aurum legale Hispaniæ; ac multo verisimilius putē, argento quàm ære illa fuisse mista: diuinare tamē non possum, an portio argenti fuerit octaua vel dena: & ex sacrâ Scripturâ non videtur colligi posse, aurum illud fuisse pretiosius legali nostro. Addo etiam ipsum aurum de Ophir in sacris Literis celebratum, fortasse non fuisse purius Albicrarensi quod ceteris omnibus antepositū fuisse asserit Plinius, eo quod trigesima sexta solum argenti portio ei inesset. Si enim omni auro inest argentū à naturâ; vix credam, ante nouitiam artem separandi argentum ab auro absq; illius iactura, consueuisse homines maxima auri pōdera ad purum excoquere, & ab illa nativâ nobilis metalli i misturâ fecerere. Alioqui non erat cur commendationis gratiâ appellaretur Ophirinum vel Albicrarense, cum quoduis aurum excoquendo fieri possit Albicrarensi pretiosius. Neg; obstat auri purissimi frequens mentio. Meritò enim Albicrarense diceretur purissimum respectu eius metalli cui octaua vel dena inerat argenti portio; & ab omni vel plumbo vel stanno vel etiam ære excoctum erat.

E. Vt cumq; hoc sit, cum in plerisq; talentorū auri summis quas legimus, non satis constet de auri qualitate; & cum in auri, etiā puri valore pro temporū ratione & principum decretis adeo varietur; prudentis consilij est sobriè sapere, & drachmarum auri numero constituto, vltiùs non procedere. Definito autem integro talentorum numero, facile computabimus drachmas, cum cōstet singula talenta Hebraica, pendere 120. drachmarum Atticarum, quæ sunt nostrarum vnciarum octaua. Quare idem est omnino pondus scudorum nostrorum aureorum 120750. An verò valor sit æqualis, maior vel minor, ex incerto pendet, cum qualitas auri de quo agitur, comperta non sit. & quāuis comperta esset qualitas, adhuc variari satis poterat in valoris incremento quo auri massa superatur ab auro signato. Nam in signaturâ pretio pro temporum varietate non parum variant leges. Valeant ergo subtiliora valoris examina, quia valet hīc illa sapientissima Pauli paronomasia, *μὴ δὲ πρὸς πρὸς* *παρὰ δὲ αὐτῶν, ἀλλὰ πρὸς αὐτῶν, εἰς τὸ σέβειν αὐτῶν.*

## SYNOPSIS HEBRAICORVM ponderum.

A. **N**ON est verosimile pondera sacra fuisse maiora vulgaribus, nec ab eis diuersa. & idem dico de mensuristam aridorum quàm liquidorum.

B. Siclus argentei eiusdem erat omnino ponderis cum semuncia Romanâ: atque adeo cum quatuor drachmis Atticis, siue quod idem est cum duabus Alexadrinis. Vncia verò quæ hodie in vsu est Romæ, Parisiis, Venetiis, & in vniuersa Hispania, est omnino eiusdem ponderis cum antiqua Romanâ vnciâ. Quare pondus sicli argentei erat tantillo maius quadruplici regali argenteo ex iis qui cuduntur in Hispania. Quia ex vno argentei besse, (hoc est, ex octo vnciarum marco) cuduntur regales 67. videlicet, quadruplices sexdecim, & præterea tres regales simplices: Hebraicis autem siclis sexdecim nihil deerat ad iustum besis pondus.

C. Obolus Hebraicus erat vigesima argentei sicli pars, atque adeo quadragesima respectu integre vnciæ. Quare obolus Hebraicus erat tantillo maior obolo Attico, qui erat sexta pars drachmæ Atticæ, ac proinde vigesima quarta semunciæ.

D. Siclus auri aliquando est eiusdem ponderis cum siclo argenteo prædicto, aliquando verò est quarta eiusdem ponderis pars; nempe drachmæ Atticæ pondus; cui ferè æquatur scudus aureus Hispanus: quia ex vno besse auri qui vncias octo pendet, (siue drachmas Atticas 64.) cuduntur scudi Hispanici 68.

E. Verisimile quoque est in aliis metallis (vt in ære & ferro) aliquando drachmæ Atticæ pondus appellari siclum, sicut & in auro.

F. Mina Hebraica maior pendebat vncias 30. sed quarta quoque illius pars, & similiter tertia fruebatur minæ nomine: & multò magis (præsertim in pecunia) pondus vnciarum 12. siue drachmarum Atticarum centum: quæ est mina Attica, ab Hebræis (vt videtur) accepta.

G. Talentum Hebraicum erat pondus vnciarum 1500. hoc est pecuniarium minarum 120. Hebraicarum verò maiorum quinquaginta. Quare talentum Hebraicum pendebat duo Attica talenta. Phrasis tamen sacræ Scripturæ fert, vt in talentis (quemadmodum & in siclis) ea pars auri appellatur aliquando, auri talentum, quæ valet talentū argenti: & similiter ea pars argenti aliquando argenti talentum appelletur quæ æris talentum valet. qua ratione valde misuuntur nonnullæ summæ. Ac de valore etiam quem integro talento assignant aliqui, (cum nostris scudis vel regalibus eum comparantes,) fas est non parum demere.

## Synopsis mensurarum Hebraicarum ac primò, de calamo & cubito.

A. **C**ALAMVS sex præcisè cubitos est longus: estq; iusta humanæ stature mensura. Atq; adeo cubitus non est quarta staturæ pars, sed sexta: ac proinde in quatuor tantum palmos diuiditur.

B. Hebrai-



A. B. Hebraicus cubitus antiquus pedem Romanum superat sexta parte, ita ut sex cubiti ex antiquis Hebraicis, pedes Romanos septem æquiparent. Hebraicus enim cubitus longus est digitos Romanos 18½. Quare sex cubiti Hebraici antiqui continent Romanos digitos 112. qui sunt septem Romanorum pedes. Pes autem Græcus continet Romanos digitos 16½. cum pes Romanus in sexdecim digitos præcisè diuidatur.

C. Posterior cubitus Hebraicus est Hispanica tertia seu pedi æqualis. Constatque Romanis digitis 14½. Atque hoc cubito minori mensurat Scriptura & Luteri & Mare æneum.

D. Antiquus cubitus Hebraicus cum posteriori comparatus, est duplus in potentia solida. Antiqui enim sphaera capit uncias aquæ 800: sphaera autem posterioris capit 400. Antiquo autem cubito metitur sacra Scriptura, templi Salomonis ædificium.

E. Singuli horum cubitorum in suos quatuor palmos diuiduntur, ac cubitus maior verè dicitur excedere minorem uno palmo: quamuis subtiliori scrutatione reperiatur proportio minoris ad maiorem ea esse quam habent quatuor palmi ad fere 5½.

B. F. Tres palmi ex ijs qui quatuor continent digitos, complent unicam palmam, siue unicum palmum extensum, qui alio nomine vocatur spithama, Hebraicè *zereth*. Nam palmus quatuor digitorum appellatur *sopah*.

### §. 2. De Mensuris liquidorum.

A. LIQVIDORVM mensuræ sunt log, hin, batus maior & corus. Ex his corus continet batos decem. Lex maioribus: batus sex hines; hin duodecim logines. Corus autem appellatur Hebraicè *Cor* siue *Homer*, & ab aliquibus corruptè vocatur *Ghomor*.

B. Batus maior est amphora Hebraica, Romanæ amphoræ æqualis, quæ uncias aquæ capit 960. Corus capit 9600. Hin, uncias 160. Log, uncias 13½.

C. Mensura maioris bati est cylindrus qui in latitudinem habeat cubitum unum mensuræ antiquæ; & in altitudinem ¾. unius cubiti partes: quæ est idonea satis lebetis figura. Pro bato autè aliquando in Vulgatâ legimus *lagunculam*; & aliquando etiam *satum*.

D. Hin est æqualis capacitatis cum hemiecto siue semodio Romano. Atque eandem capacitatem Hispani suo *selemino* tribuere voluerunt. Porro hin duabus chois Atticis est fere æquale. Nam duæ choe Atticæ capiunt uncias aquæ seu vini 180. Hin verò capit 160. Atque ista est hin sancti mensura: quamvis Epiphanius asserat fuisse etiam aliud vulgare *hin* duplo maius. Sed prius Hin est quod appellatur sextarius à Vulgato Levitici 19. 36. eo quod respectu bati maioris sit verè sextarius.

E. Log est paulò minor sextario Attico unciarum quindecim: quippe aquæ seu vini capit uncias 13½. appellaturque sextarius Levitici 14. 15. Licet enim sextarius Romanus contineat uncias viginti: aliarum tamen regionum sextarii diuersæ erant mensuræ, & Atticus uncias tantum capiebat 15. ut obseruauit Galenus. & ab hoc sextario Attico valde parum distabat Hebraicus: vocaturque sextarius respectu dimidiati Hin. Nam cum integro Hin comparatus non est sextarius, sed duodenarius. Ac batus maior capit 72. logines.

F. Præter supra dictas mensuras aliæ etiam extitere, quæ vocabantur bati. Contingit enim in bati nomine, quod in nomine Græco *metreta*, quod aliquando ponitur pro amphora Græca, & aliquando pro quauis mensura, ut auctor est Aristoteles. Batus ergo maior (id est Hebraica amphora) illa est mensura quam Ezechiel ait esse æqualem cum Ephraim. Atque ex his batis sunt quadraginta illi quos singuli Luteri capiebant. Erant tamen diuersi alij bati, quos distinctionis gratiâ nomine secundi, tertij & quarti discernemus.

D. G. Secundus igitur batus centum aquæ uncias capiebat. ex quibus batis duo millia capiebat Mare æneum. ipsiusque mensura est sphaera semicubiti ex antiquis. Nam si unius antiqui cubiti sphaera uncias capiebat 800; sphaera semicubiti capiebat octauam partem. Minoris autè cubiti sphaera quatuor capiebat eiusmodi batos: cylindrus autem sex.

H. Tertius batus capax erat unciarum 66½. ex his autem tria millia capiebat Mare æneum. horumque huiusmodi bati sextarii respectu sphaeræ cubiti minoris.

I. Quartus batus erat pars quarta bati secundi, atque adeo 25. capiebat uncias. Respondetque huic bato in capacitate communis Græcorum choenix. Quare Septuaginta pro bato interdum chœnicem posuere.

E. L. Quintus batus fuit dimidium mensuræ Log, nempe uncias 6½. Aliquando enim pro bato Septuaginta substituunt cotylam, quæ non est aliud quam communis sextarii dimidium. & hætenus de batis: ut omittam amphoræ nomen aliquando accipi videri à Iosepho pro tertia amphoræ parte. In historia enim cuiusdam Ioannis mercatoris olei (quam bis repetit) amphoræ tribuit non amplius 20. sextarios. cui proximum est quod tradit Epiphanius, videlicet modium ab Hebræis diuidi solitum in sextarios viginti duos.

### §. 3. De mensuris aridorum.

A. ARIDORVM mensuræ Hebraicæ erant Kabus, satum, ephi, corus, lethec & gomor. ex quibus Ephraim est eiusdem capacitatis cum bato maiori, capitque idè quod amphoreus, id est semimedius Romanus, siue Atticus. Atque eadè est nostræ semifaneæ mensura. Si tamen verum est quod aliqui aiunt, has scilicet omnes aridorum mensuras solitas esse cum suo cumulo mensurari; eo cumulo, dicendum esset, batum superatum fuisse ab ephi. Ceterum quia cumulus ille aut non ita certus est, aut saltem quantus fuerit ignoratur; ideo de hisce omnibus mensuris perinde loquar ac si rasæ mensurari consueuissent; ut cum liquidorum mensuris sic eas facilius comparemus.



B. Corus vnus continet decem ephi, hoc est quinque medimnos *Amicos*, aut (quod idem est) 30. Romanos modios, qui fanecas quinque nostrates faciunt.

C. Vnum ephi tres capit modios, sicut amphoreus Romanus. Atque eadem est mensura bati maioris; nec non semifaneca Hispanicæ. Vtrum verò ephi appelletur aliquando modius, videri potest apud Franciscum Lucam I. Reg. i.

D. Satum vnum capit tertiam partem vnus ephi: atq; adeo Romano modio æquale est; ac merito à nostro Vulgato appellatur modius. Qui autem asserunt, satum esse idem quod sesquimodium aut modium cum quadrante; ij accipere videntur modium rasum, satum verò cum suo cumulo, vt ex Epiphanio colligitur. Nisi forte aliud præterea extitit satum capiens sesquimodium, hoc est dimidiatum ephi.

E. Kabus est decima octaua pars ephi, atque adeo sati sexta: eiusdemque capacitatis est cuius logines 4. qui capiunt vncias aquæ 53½.

F. Gomor (גומר) est vnus ephi pars decima: atque adeo cori centesima. vide Exod. 36. 16. vbi dicitur Gomor esse decima pars ephi. & propterea appellari solet absolute *assarion*, id est, decima. Capitque tantum quantum tresquintæ partes vnus hin, hoc est aquæ vncias 96. Sed assarionis nomen Gomoris quoque decimæ fortasse tribui diximus in scholio corollarij secundi ad propositionem decimam sextam.

G. Lethec capit semicorum, hoc est duas fere fanecas & semis. Sonatque Lethec eleuationem. eratque onus quod iumento in Palæstina imponebatur. Estque eiusmodi sarcina quam vegetus adolescens asino potest imponere.

E I N I S.






# INDEX

Plusquam ducentarum Notationum, quæ commentario  
Apocalypseos adiunctæ sunt.

*Primum locum occupant præmiales.*

- I. I.  *N* quæ expenditur quanti momenti sint notationes istæ quæ ante Commen-  
tarium præmittuntur; atque earum scopus & series ob oculos ponitur.
2. II. *De auctoritate & auctore Apocalypseos; & cur Calvinistæ eam recipiant.*
3. III. *De tempore quo scripta fuit Apocalypsis: & qua ratione potuerit Ioannes  
per futurum enunciare ea quæ iam præterierant.*
4. IV. *De titulo quem Ecclesia huic libro apposuit.*
5. V. *De obscuritate Apocalypseos.*
6. VI. *De varijs opinionibus circa argumentum Apocalypseos.*
7. VII. *Argumenti nostri & acoluthiæ indicatio.*
8. VIII. *Eiusdem argumenti confirmatio à dignitate.*
9. IX. *Secunda confirmatio à coherentia & continuata totius libri serie.*
10. X. *De egregio fructu ex filo aptè deducto à principio libri usque ad finem: ubi per occasionem,  
de anigmatis explicandi ratione.*
11. XI. *De hæreticorum confutatione ex eodem filo aptè deducto.*
12. XII. *Confirmatio tertia ab observatis tum indicijs à Ioanne datis, tum etiam antiquorum Patrum  
vestigijs.*
13. XIII. *Supradicta indicia atque vestigia non videri observata ab ijs qui diuersa Apocalypseos argu-  
menta excogitarunt.*
14. XIV. *De præcipuo scopo huius sacri libri, & cur obscurissimè fuerit scriptus.*
15. XV. *De summa perfectione symbolica huius sacri libri.*
16. XVI. *De energia perfecti symboli, & an claritati deseruiat.*
17. XVII. *Ex clariori antiquæ doctrinæ perceptione colligi interdum multa quæ prima specie videan-  
tur noua.*
18. XVIII. *Apocalypsim veteris Scriptura locis ac libris facem præferre.*
19. XIX. *Responsio ad ea quæ nostro argumento obijci possunt; & primò ad nouitatem expositionis.*
20. XX. *Responsio ad secundam obiectionem de grauissimarum expositionum iniuriâ, & per occa-  
sionem, de multiplici sensu literali eiusdem loci.*
21. XXI. *Responsio altera ad eandem obiectionem, & nostri argumenti cum receptis explicationibus  
conciliatio.*
22. XXII. *In qua respondetur peculiari cuidam obiectioni, eorum nempe qui suspicari possent, nostrâ  
interpretatione iniuriam fieri ijs expositionibus quæ quibusdam Dei amicis reuelatæ fuis-  
se produntur.*
23. XXIII. *Responsio ad aliam obiectionem, scilicet, de rerum magnarum omissione.*
24. XXIV. *Responsio ad obiectionem aliam de nimia mystici sensus consecratione.*
25. XXV. *De nonnullis sacre Scriptura locis, ex quibus constat phrasim esse Spiritus sancti, per verba  
sonantia vindictam agere de peccati destructione in conuersione peccatorum.*
26. XXVI. *De interpretibus sacre Apocalypseos.*

*Sequuntur Notationes ad Caput I.*

27. I. *D* E titulo quem Ioannes huic libro præposuit.
28. II. *Ad illa verba, Palàm facere seruis suis quæ oportet fieri citò.*
29. III. *Ad illa verba, Qui est, & qui erat & qui venturus est, ubi de nomine Iehouah.*
30. IV. *An Tobia 12. n. 15. Sermo sit de proprio septenario quorundam Angelorum, per quos Deus  
mundum gubernat.*
31. V. *De septem Virtutibus siue Attributis in quibus consistit integra Prouidentie perfectio.*
32. VI. *Ad illa verba, Ecce venit cum nubibus, & plangent se super eum; ubi de loco Zacha-  
ria 12. à num. 16. usque ad finem eiusdem capitis.*
33. VII. *De symbolo nubium.*
34. VIII. *Ad illa verba, Principium & finis, ubi de titulo Psalmorum, in finem.*



# INDEX NOTATIONVM.

- 35. IX. De tubæ symbolo.
- 36. X. Consideratio candelabri aurei quod olim Deus fieri iussit.
- 37. XI. De symbolo lini, ac de tunica byssina sacerdotali.
- 38. XII. De symbolo auri ad charitatis significationem.
- 39. XIII. Ad illa verba, Pedes eius similes aurichalco, ubi examinatur quid sit aurichalco in hoc sacra Scriptura loco & in alijs.
- 40. XIV. Ad illa verba, Sicut in camino ardenti, ubi de significatione symbolica ignis, ac de allusione ad ignem altaris.
- 41. XV. De loco Matthæi 16. 18. Portæ inferi non præualebunt aduersus eam.
- 42. XVI. De clauibus mortis & inferni: ac de clauē Davidis (de qua capite 3.) & de clauē domus David, de qua Isaia 22. num. 22.
- 43. XVII. Comparatio eius figuræ quæ ostensa est Ioanni cum ea quam describit Daniel cap. 10.
- 44. XVIII. De loco Eccles. 12. 13. Hoc est enim omnis homo.

## Ad Caput II. & III. procœmiales.

- 45. I. **Q**ui sint Angeli ad quos Ioannes scribere iubetur.
- 46. II. Quorsum in Apocalypsi inserantur epistola ad septem illos Asia Episcopos.
- 47. III. De septem Conscientiarum generibus, quæ in Christianis hominibus reperiuntur: & quam aptè consentiat hæc diuisio cum ijs quæ de septem Asia Episcopis asseruntur in Apocalypsi.

## Ad Caput II. figillatim.

- 48. I. **D**e mysterio manducationis de idolothytis.
- 49. II. De calculo Isaia 6. 6. ad quem Ioannes in presenti alludit.
- 50. III. An calculi cādidi, siue carbunculi candidi appellatio conueniat Adamanti in sacra Scriptura.
- 51. IV. De virga ferrea quæ ter in Apocalypsi geminatur ex Psalm. 2.
- 52. V. Iterum de virga Christi ferrea, consideratis ijs quæ ferro à magnete communicantur.

## Ad Caput III.

- 53. I. **D**e allusione ad columnas Booz & Iachim.
- 54. II. Cur Ezechiel viderit templum à ciuitate separatum. vide infra cap. 21. notat. postremâ.

## Ad Caput IV.

- 55. I. **D**e scala Iacob, de qua Genes. 28.
- 56. II. De throno quem describit Isaia cap. 6.
- 57. III. De sedente in throno, ac de Seraphinorum Trisagio, Isaia 6.
- 58. IV. De electro & igne sedentis super thronum, Ezechielis 1. 27.
- 59. V. De iride quam vidit Ezechiel.
- 60. VI. De allusione ad supremam Angelorum hierarchiam celestem.
- 61. VII. De etymologia & significatione nominis Cherub.
- 62. VIII. De figura Cherubimorum templi.
- 63. IX. De eorundem templi Cherubimorum significatione.
- 64. X. De figura Seraphinorum Isaia.
- 65. XI. De eorundem Isaia Seraphinorum significatione.
- 66. XII. De figurâ siue specie animalium Ezechielis.
- 67. XIII. De significatione animalium Ezechielis.
- 68. XIV. De allusione Capitis quarti Apocalypseos ad Salomonis templum.

## Ad Caput V.

- 69. I. **D**e allusione ad librum Ezechielis scriptum intus & foris, & ad librum Isaia signatum.
- 70. II. De magnis abscondita Prouidentia conuenientijs.
- 71. III. De sacro thymiamate.



Ad Caput V I.

72. I. **D**E necessitate nouæ expositionis in septem sigillorum distinctione.  
 73. II. **M**ysterium quatuor equorum capitis sexti non esse aliud quàm venisse Deum ad saluandum populum suum, & perfectam ei salutem attulisse.  
 74. III. De necessitate quatuor equorum ad distinctam perfectæ saluationis significationem.  
 75. IV. De quatuor personis sedentibus super equos.  
 76. V. De non querenda alterius instrumenti significatione in quatuor equis; ac de illorum coloribus.  
 77. VI. De ratione cur in representatione primi & terij sigilli magis appareant Fortitudo & Æquitas, quàm in secundo Beneficentia, ac in quarto Sapientia.  
 78. VII. De vera mensura Chænicis cuius Ioannes in hoc capite meminit.  
 79. VIII. De locis in quibus de pingi videntur prodigia diem iudicij præcessura, ad quos alluditur in sexti sigilli apertione.

Ad Caput V I I.

80. I. **D**E scopo visionis capitis septimi.  
 81. II. De renouato miraculo quo Deus diuisit Israelitas ab Ægyptijs.  
 82. III. De crucis figura in signo illo cuius meminit Ezechiel cap. 9. & Moyses Exodi 12.  
 83. IV. An sacra Scriptura significet Antichristum futurum ex tribu Dan.  
 84. V. Iudicium de quadam nouâ expositione numeri, centum quadraginta quatuor millia.

Ad Caput V I I I.

85. I. **D**E connexione silentij cum septem tubis.  
 86. II. De pisce Tobia & eius iecore ac felle, & de dimidia hora ad quam alluditur Apoc. 8.  
 87. III. De septem plagarum mysterio.  
 88. IV. De personis septem Angelorum quibus data sunt tubæ.  
 89. V. De allusione ad plagas Ægypti.  
 90. VI. De allusione ad locum Ezechielis 10.

Ad Caput I X.

91. I. **D**E argumento huius capitis.  
 92. II. An abyssus in sacra Scriptura ponatur aliquando pro inferno.  
 93. III. Cur aquæ obtinnerint terram 150. diebus, (vt habetur Genes. 7. 24.) & quid mysterij lateat in eo quòd Christus dixit Samaritana, quinque viros habuisti, &c. Ioan. 4. 18.  
 94. IV. De mysterio eius quod scriptum est, Lucæ 1. 24. Concepit Elisabeth, & occultabat se mensibus quinque.

Ad Caput X.

95. I. **D**E argumento Capitis decimi & undecimi.  
 96. II. De allusione Angeli habentis pedem dextrum super mare ad illum Angelum de quo Danielis capite decimo; ac de triplici discrimine obseruando.

Ad Caput X I.

97. I. **D**E luctu Iacobi cum Angelo, quæ refertur Genes. 32. 14. Sapientia 10. 12. & Osee 12. 8.  
 98. II. An grauissima illa religionis prohibitio, quæ facta est Ierosolymis ab Antiocho, durauerit sex annos & tres menses.  
 99. III. Variæ expositiones illorum Danielis verborum, Tempus & tempora & dimidium temporis.  
 100. IV. De mysterio quadraginta duorum mensium, vel trium annorum & sex mensium.  
 101. V. Explicatio loci difficilis, 1. Corinth. 3. vers. 12. 13. 14. & 15.  
 102. VI. De solido fundamento eius traditionis quæ docet Eliam & Enochum predicaturos esse tempore Antichristi.  
 103. VII. Collectio multorum symbolorum, quibus significatur coniunctio sapientia & sanctitatis.



# INDEX NOTATIONVM.

- |      |       |   |
|------|-------|---|
| 104. | VIII. | De mystica significatione decem plagarum quibus Deus percussit Aegyptum.                                |
| 105. | IX.   | De ratione propter quam Ierosolyma tributa est Sodoma appellatio.                                       |
| 106. | X.    | De mysterio trium dierum atque dimidij, quibus duo corpora testium Christi dicuntur iacuisse insepulta. |
| 107. | XI.   | De genuino sensu eius decimationis quam refert Isaias cap. 6. 13.                                       |
| 108. | XII.  | De loco Zachariae 12. 2. Ecce ego ponam in Ierusalem, &c.   |
| 109. | XIII. | De summa & scopo eorum quae ad septimam tubam spectant.   |
| 110. | XIV.  | De genuina significatione arcae testamenti, & eorum quae ad illam pertinebant.                          |
| 111. | XV.   | In qua ponuntur exempla grandinis magnae.   |
| 112. | XVI.  | De mystica grandinis magnae significatione.   |

## Ad Caput XII.

- |      |       |  |
|------|-------|--|
| 113. | I.    | <b>D</b> E praestantia symbolorum Solis, Lunae & stellarum ad significationem Diuinitatis, humanitatis, & Apostolorum Christi.   |
| 114. | II.   | De secundaria significatione Lunae quae mulierem sustentabat; hoc est, de eodem symbolo respectu beatae Virginis.  |
| 115. | III.  | De significatione symbolica Eclipsium siue defectuum Solis & Lunae.  |
| 116. | IV.   | De mirabili efficacia Lunae in aestuum maris accessu atque recessu.  |
| 117. | V.    | In qua explicatur ex quibus Scripturae locis desumptum sit hoc Lunae symbolum, quod Christo tribuitur.   |
| 118. | VI.   | Ad quem Scripturae locum alludatur in pugna Michaelis cum dracone.   |
| 119. | VII.  | De sensu illius Prophetiae Danielis 12. 1. In tempore illo confurget Michael, &c.  |
| 120. | VIII. | De qua pugna loquatur Apocalypsis.   |
| 121. | IX.   | Quae personae designentur per nomina Michaelis & Angelorum ipsius.   |
| 122. | X.    | De secundaria significatione Michaelis & Angelorum eius per allusionem ad Mathathiam & ipsius liberos & exercitum.   |
| 123. | XI.   | An mentio praely Michaelis & Angelorum eius faueat eorum sententiae qui existimant propterea demones à calo ruisse quia Christum tanquam caput recognoscere detrectarunt, eiusque diuinitatem ambierunt. |
| 124. | XII.  | De illis Christi verbis (Ioannis 12. 31.) Nunc princeps huius mundi eiicietur foras.   |
| 125. | XIII. | De secundaria significatione duarum alarum quae datae sunt mulieri ut in desertum volaret.   |

## Ad Caput XIII.

- |      |      |   |
|------|------|---|
| 126. | I.   | <b>D</b> isputatio de huius capitis argumento.  |
| 127. | II.  | An in septem bestiae marinae capitibus alludatur ad bestias quatuor, de quibus agitur Danielis 7.       |
| 128. | III. | In qua nonnullae expositiones duorum Bestiae terrestres cornuum expenduntur.                            |
| 129. | IV.  | De quibusdam locis in quibus Apostoli loquuntur de sapientia carnis.                                    |
| 130. | V.   | In qua explicatur quenam inter aliorum opiniones de nomine bestiae & de nominis numero aptior videatur. |

## Ad Caput XIV.

- |      |       |  |
|------|-------|--|
| 131. | I.    | <b>D</b> E allusione ad id Isaiae 16. 1. Emitte Agnum Domine dominatorem terrae de petra deserti ad montem filiae Sion.  |
| 132. | II.   | De loco Pauli 2. Thessal. 2. vers. 3. 4. 5. 6. & 7. Nisi venerit discessio primum, &c.   |
| 133. | III.  | De verbis quae superioribus adnectit Paulus, vers. 8. Quem Dominus Iesus interficiet spiritu oris suo, & destruet illustratione aduentus sui.  |
| 134. | IV.   | In qua conferuntur epist. 2. Petri & epistola Iudae Apostoli, ut manifestè cernatur Iudam quam plurima ex epistola Petri desumpsisse, & alterius epistolam per alteram explicari.  |
| 135. | V.    | De duplici sensu fumi ascendentis in saecula, & de Isaiae loco (cap. 34. 10.) cum locis Apocalypseo conferendo.  |
| 136. | VI.   | Cur in Isaia & in alijs Scripturae locis Idumaea designet Romanum Imperium ethnicum, quod Christiana Ecclesia se opposuit: & cur etiam mysticae Aegypti nomen tribuatur Iudeis rebellibus qui Ecclesiam sunt persequuti. |
| 137. | VII.  | De vera Moabitarum & Ammonitarum significatione mystica.   |
| 138. | VIII. | De comparatione vindemiae huius capitis cum ijs quae de eadem vindemia habentur Ioelis 3. 13.  |
| 139. | IX.   | De longitudine Palaestinae, hoc est illius terrae quam filij Israel possederunt.   |



Ad Caput X V.

140. I. **D**E serie & ordine plagarum septem qua in totidem phialis significantur.  
 141. II. De ratione septenarij in phialarum plagis.  
 142. III. De ipsis Angelis effundentibus phialas.  
 143. IV. De sensu mystico cantici Moysi, quod habetur Exodi 15. Cantemus Domino, gloriôsè enim, &c.  
 144. V. De legitimo sensu illorum Ieremie verborum cap. 50. 25. Aperuit Dominus thesaurum suum & protulit vasa iræ.  
 145. VI. De secundaria phialarum expositione ad Christi Domini sacrificium spectante.  
 146. VII. De discrimine claritatis magna à nebula & fumo.

Ad Caput X V I.

147. I. **D**E alia expositione duorum Angelorum de quibus in tertia plaga fit mentio.  
 148. II. De historia siccati olim Euphratis, ut per eius alueum Cyro & Dario pateret aditus ad occupandam Babylonem.  
 149. III. De alijs explicationibus trium ranarum præter eam quam ponit Commentarius.  
 150. IV. De etymo vocis Armagedon.  
 151. V. De maxima gloria & splendoris luce qua Roma ex Apocalypseo interpretatiõe oboriatur.

Notationes prolegomenæ ad Caput X V I I. & X V I I I.

152. I. **D**E significatione Babylonis in his capitibus memorata.  
 153. II. De quo supplicij genere sit accipienda Babylonis euersio quam proponit Apocalypsis.  
 154. III. Qui sint illi duo Angeli qui Ioanni annunciant vindictam de Babylone sumendam.  
 155. IV. De allusione in duobus Angelis qui Ioanni ruinam Babylonis annunciant, ad duos illos quorum meminit Isaias cap. 21. 7.

Notatio peculiaris ad Caput X V I I.

156. I. **V**aria aliorum expositiones de decem cornibus.

Ad Caput X V I I I.

157. I. **D**E huius capitis partitione & coherentia.

Ad Caput X I X.

158. I. **D**E huius capitis argumento.  
 159. II. De legitima lectione in quibusdam huius capituli locis.  
 160. III. De allusione quadruplicis Alleluia ad viginti Psalmos.  
 161. IV. In qua respondetur cuidam obiectioni aduersus ea quæ præcedenti notatione sunt stabilita.  
 162. V. De alio sensu qui fumo ascendenti in sacula posset assignari.  
 163. VI. De duplici alia allusione inclusa in voce de throno exeunte, & in voce quartum Alleluia personante.  
 164. VII. De allusione ad septem Psal. in illis verbis, Quoniam regnavit Dominus Deus noster.  
 165. VIII. In qua nostra expositio ducis & exercitus in equis albis sedentium confirmatur, & cum aliorum expositionibus confertur.  
 166. IX. De locis ad quos alluditur in auium inuitatione.  
 167. X. De aliorum expositionibus circa illa verba, Vini missi sunt hi duo, &c.

Ad Caput X X.

168. I. **I**N qua suus honor tribuitur beati Augustini expositioni, & summa huius capituli proponitur.  
 169. II. De duodecim interpretationibus à diuersis auctoribus excogitatis circa ligationem demonis.  
 170. III. Vbi singula prædictæ explicationes breuiter examinantur, & quid in singulis occurrat indicatur.



# INDEX NOTATIONVM.

171. IV. De allusione ad Isaia locum in alligatione Demonis.  
 172. V. De allusione ad locum Isaia in prima Sanctorum resurrectione.  
 173. VI. In qua refutatur nona Gogi & Magogi explicatio à Calvinistis conficta.  
 174. VII. Vbi suspicio quadam proponitur de eleganti nominis Gog fictione.

## Ad Caput X X I.

175. I. **S**eu prologus in quo disputatur de huius capitis atque sequentis argumento.  
 176. II. Brevis enumeratio excellentiarum ciuitatis celestis quas proponit Apocalypsis cap. 21. & 22.  
 177. III. An prater Angelos quos Ioannes in portis ciuitatis vidit, aspexerit etiam ciues, an potius urbem ciuibus vacuam.  
 178. IV. De perfecta Apostolici Symboli diuisione.  
 179. V. An verba illa descendit ad inferos fuerint addita ab Ecclesia, aut ab Apostolis posita.  
 180. VI. De cura ac diligentia adhibenda ad 12. gemmarum Apocalypseos cognitionem.  
 181. VII. An perierit notitia earum gemmarum quae in Rationali singulis tribus erant distributa.  
 182. VIII. De Gemma Iaspide.  
 183. IX. Vbi primus Apostolici Symboli articulus cum prima gemma componitur.  
 184. X. Quae sit ea gemma quam Scriptura appellat Sapphirum.  
 185. XI. De secunda gemma applicatione ad secundum Symboli articulum.  
 186. XII. Quae sit gemma quam Apocalypsis vocat Chalcedonium.  
 187. XIII. An propterea (ut aliqui putant) scriptura Adamantis, nec in Rationali, nec in Apocalypsi, neque alibi, vbi de gemmis agitur, meminerit, ut denotetur reprobari à Deo id quod Adamas significat.  
 188. XIV. In qua tertia gemma, nempe Chalcedonius, ad tertium articulum aptatur.  
 189. XV. De Smaragdo.  
 190. XVI. De Smaragdi conuenientia cum quarto articulo.  
 191. XVII. De gemma Sardonyche.  
 192. XVIII. Vbi gemma quinta ad quinti articuli mysterium accommodatur.  
 193. XIX. In qua disputatur, an Petrus in epist. 1. cap. 3. agat de descensu Christi ad inferos.  
 194. XX. De altero loco Petri epistola 1. cap. 4. numero 6. & 7.  
 195. XXI. De gemma sexta quae est Sardius lapis.  
 196. XXII. De sexta gemma proportionem cum sexto Symboli articulo.  
 197. XXIII. De Chrysolitho.  
 198. XXIV. De Chrysolithi ad septimum articulum applicationem.  
 199. XXV. De Beryllo, octaua gemma.  
 200. XXVI. De octaua gemma cum articulo octauo comparationem.  
 201. XXVII. De gemma Topazio.  
 202. XXVIII. Vbi nona gemma cum nono articulo comparatur.  
 203. XXIX. De Chrysopraso, gemma decima.  
 204. XXX. Vbi gemma decima respectus ad decimum articulum ostenditur.  
 205. XXXI. De varijs coloris purpura differentijs.  
 206. XXXII. De Hyacintho gemma undecima.  
 207. XXXIII. De Ligurio, quae septima est inter Rationalis gemmas.  
 208. XXXIV. De conuenientia gemmae undecimae cum undecimo articulo.  
 209. XXXV. De Amethysto gemma duodecima.  
 210. XXXVI. De conuenientia gemmae duodecimae cum duodecimo articulo.  
 211. XXXVII. De partitione duodecim Rationalis gemmarum inter duodecim tribus Israelis.  
 212. XXXVIII. In qua explicatur quam congruenter duodecim gemmae sint tribus duodecim distributa.  
 213. XXXIX. De Margaritarum comparatione cum religiosa vita statu.  
 214. XL. Cur in visione Ezechielis templum fuerit à ciuitate seinctum, vbi alia redditur ratio prater eam quae reddita est cap. 2. notatione 2.

## Ad Caput X X I I.

215. I. **D**E allusione ad fluuium Ezechielis ostensum.



# I N D E X

## C O P I O S I S S I M V S

### R E R V M A C V E R B O R V M

#### Q V Æ I N H O C V O L V M I N E

#### C O N T I N E N T V R.

*Vbi duplex numerus apparet, primus paginam declarat, &  
secundus columnam.*

**A.**  
**A** I T E R Æ A. I. in Hyacinthi flore  
à natura inscripta, quid innuant.  
993.2.b  
varia Doctorum expositiones de A.  
& Ω. 203.b  
Patris ne, an Filij sint verba, *Ego sum*  
A. & Ω. 202.c  
in Christi persona dicitur Apoc. 1.8. *Ego sum* A. & Ω.  
ibid.d.  
quomodo se vocet Christus A. & Ω. ibid.e.  
primum & nouissimum idem esse quod A. & Ω.  
principium & finem. 240.b  
in Catholicorum sepulchris, dum vigeat Arriana  
hæresis, incisæ solita, A. & Ω. & cur? 202.d

**Aaron.**  
Aaronis corona gemmis fulgens. 621.2.b  
quid significetur per Aaronis virgam. 608.2.b

**Abdicatio.**  
perfectam de diuitiarum cupiditate victoriam in  
rerum omnium Abdicatione sitam esse. 440.1.c

**Abominatio.**  
quæ sit Abominatio & immunditia, quibus plenus  
erat Calix meretricis magnæ. 810.c  
cur Roma ethnica vocetur mater Abominationum  
terra. 811.b

**Abrahamus.**  
Abrahamo duplicem à Deo promissionem de poste-  
ritate esse factam. 237.a  
Abrahamus quo tempore natus. 528.2.a

**Abstractum.**  
in sacris sæpè Abstracta pro concretis ponuntur.  
203.2

**Abyssus.**  
quid per Abyssii nomen figuretur. 871.d  
Abyssii nomen pro alto puteo sumi Apocal. cap. 11.  
num. 7. 593.b  
vtrum Abyssus in nouo Testamento sumatur in  
sensu proprio pro inferno. 522.1.a. & seq.  
vocem Abyssii Hebraicam semper accipi pro aqua-  
rum multitudine. ibid.1.d.  
reducere de Abyssis terræ, quid sit. ibid.2.d.  
puteus Abyssii, quid adumbret. 521.c.d  
in Abyssii clausuræ sigillo, quid imprimis innua-  
tur. 872.b  
quid sit clauem Angelo dari ad claudendam Abyf-  
sum. ibid.a  
bestia quæ cap. 11. 7. dicitur de Abyssso ascendere,  
quænam sit. 593.a. & seq.  
quo in sensu fumus ex Abyssso prodire dicatur.  
520.b

quomodo Sol & aër fumo Abyssii obscurati dican-  
tur. ibid.c.  
quo sensu Dæmones Christum rogarint, ne in A-  
byssum mitterentur. 523.1.a

**Accentus.**  
apud Græcos quando penultima acuto notatur Ac-  
centu, vltima est longa. 706.c

**Achates.**  
Achatis gemmæ natura. 990.2.c  
Achates aptatur Affer. 1003.1.a  
diuersitas inter Achatem & Chrysoprasum. 990.  
2.c  
Achatem Rationalis respondere Chrysopraso Apo-  
calypseos. ibid.b.  
quod sit mysterium in eo quodd Achates Rationalis  
gemma in cælestis ciuitatis fundamentis sit in  
Chrysoprasum mutata. 991.2.a

**Actio.**  
in Actionis prologo auditores de fructu ex ipsa a-  
ctione percipiendo admoneri. 214.c

**Acus.**  
Acui nauticæ quando Magnes imprimat qualita-  
tem suam. 283.2.c  
Acum nauticam esse sapientiæ symbolum. ibid.  
1.c

**Adamas.**  
Adamantum figura cuiusmodi apud Plinium. 272.  
2.d  
Adamantis figuram tribuli esse, cui & Hebraicum  
quadrat nomen. 273.2.c  
Adamantem ferri ictibus in aliud ferrum impacti  
solum cedere, & quid per hoc figuretur. ibi-  
dem d.  
ferrum Adamante tactum volui ad Septentrionem.  
ibid.c.  
Adamantis inuisa vis. 271.1.a  
Adamantis durities. 272.1.c. 968.1.b  
Adamas olim per paucis cognitus. 271.1.c  
Adamas igne non incalescens, quid significet. 273  
2.b

de Adamantium qualitatibus coniecturæ. 272.2.a  
Adamantem, aliqui volunt esse gemmam, quæ in  
Exodo, & Isaia vocatur Iaspis. 956.1.d. Opposi-  
tum verò statuitur, & roboratur. ibid.  
Adamantis mentio aliqua vtrum sit in sacra Scri-  
ptura. 271.2.a  
Adamantem in sacra Scriptura nunquam inter  
gemmas numerari. ibid.1.b  
vtrum Adamas quatenus pretiosa gemma est, ali-  
quando in sacra Scriptura vsurpetur. 966.1.b  
Adamantis mentionem prout gemmæ in sacris ef-  
fe. ibid.2.c.  
Adamantem etiam nomine Carbunculi in sacra  
Scriptura comprehendi probabile est. 271.2.c  
Adamantis nomen cum in sacris vsurpatur, ad du-



ritiem potius quam ad gemmæ æstimationem referri. 966.2.e  
 Aliqua quæ de Adamante traduntur aut falsa esse aut parum certa. 967.2.a  
 Adamantem nonnullas proprietates, quibus olim constabat, secundum aliquos, iam amisisse, & quod sit rei huius mysterium. 966.2.c  
 Adamantem olim magnete ipso potentior in ferro trahendo fuisse habitum, & quid in hac vi adumbretur. 968.1.d  
 Adamantis symbolum ad tyrannicæ potentie significationem eleganter applicatur. 966.1.d  
 Adamas etiam ad carnis sapientiam denotandam est symbolum. ibid.2.b  
 quomodo per Adamantem figuretur Christi potentia ad peccatores conterendos, & conuertendos. 968.1.c  
 Adamas in medicinis salutaris quid denotet. ibid.2.a  
 ad Adamantem applicari non posse Chalcedoni nomen. 965.2.d  

*Adonai.*

 Adonai pro Iehoua substituitur. 181.2.d  
 Adonai substitui pro Iehoua non superstitiosè factum. ibid.e  

*Adoratio.*

 Adoratio seniorum & animalium quid innuat. 424.1.e  
 per Adorationem seniorum, de qua cap.11. nu.16. quid significetur. 606.a  

*Adsto.*

 quinam in sacra Scriptura dicantur Adstare coram Domino. 759.e  

*Aduersitas.*

 Aduersitatibus homines à Deo molliri & mansue fieri. 496.2.b  
 Aduersitatibus maioribus à Deo probari, qui in diuino obsequio prouectiores sunt. 575.1.c  

*Ædificium.*

 Ædificia Ezechielis & Salomonis non omnino inter se congruere, idque mysterij causa. 307.2.d  
 Ædificium Ezechielis num cum antiquo illo Salomonis omnino conformetur? ibid.c  
 Ædificij ad rationem, quadrata figura quam sit perfecta. 943.a  
 Ædificij partium proportio in cælesti Ierusalem quid innuat. 912.a  
 quid per quatuor quadrati vrbs cælestis Ædificij latera adumbretur. 943.b  
 de quo spiritali Ædificio Paulus loquatur 1. Corinth.3.12. 576.1.c  
 expenditur locus, 1. Cor. 3. 12. de spiritalis Ædificij extruendi ratione. ibid.  

*Ædifico.*

 Ædificare qui dicantur iuxta Pauli mentem. ibidem d.  

*Ær.*

 Ær unde aliquando minus cærulei coloris, aliquando plus habere videatur. 964.a  
 Ær quomodo abyssi fumo obscuratus dicatur. 520.d  

*Ægyptius.*

 Ægyptij quomodo Iudæos adumbrarint. 734.1.d  
 Ægyptios fuisse in mari demersos, quid mysticè significet. ibid.2.b  
 quid Deus significare voluerit tanta plagarum multitudinem in Ægyptios effusa. 592.2.b  

*Ægyptus.*

 Ægypti nomen cur imponatur Iudaico populo. 734.1.b  
 in Ægypto apud Ioelem Iudæos adumbrari. ibidem a.  
 in Ægypto sacerdotes fuisse iudices. 194.d

in Ægypto terra sacerdotalis libera olim & immunitis. ibid.b  
 num Ægypti nomine significetur Ierosolyma. 596.a  
*Vide Plaga.*  

*Æmulor.*

 Æmulari quid sit. 318.1.c  

*Ænigma.*

 cum de Ænigmatis est sermo ipsorum significationem per verbum substantiuum denotari. 249.1.b  
 Ænigmatis inscribendi duplex ratio. 172.1.c  
 Ænigmatum peculiare artificium ostenditur. 73.2.a  
 in Ænigmate longo non obfata quo minus sensus alicubi nimis ænigmaticus, alicubi nimis grammaticus sit. 513.a  
 Ænigmatum prophetiarum quæ sit ratio. 45.2.c  
 Ænigmata ad res alioqui notas non ad ignotas significandas componi. 705.e  
 Res inanimatas per prosopopoeiam quasi animatas in Ænigmatis induci minimè nouum videri debere. 87.1.b  
 in Ænigmatis humanis duplex sensus vitiosus, in Diuinis non item. 71.1.c  
 in Ænigmatis aliud verbis perstringi, aliud sensu innui. 195.a  
 inter Ænigmatis & parabolæ interpretationem quid intersit. 59.2.b  
 in Ænigmatis sacri explicatione satius esse nostram ignorantiam, quam aliquam eius partem minus aptam fateri. ibid.c  
 Ænigmatis sensum illum esse propriè, quicumque ei optimè quadret. 70.2.c  
 Ænigmatis solutio ex apta omnium partium applicatione euidenter constat. 44.2.b  
 Ænigmatum exponendi ratio. 57.1.a  
 sensus totius Ænigmatis libri Apoc. à Ioanne fuit perceptus. 170.b  
 Ænigmatum solutio ad opinionum probationem non aptè usurpata. 63.1.d  
 ingens ex diuini Ænigmatis solutione solatium. 44.1.c  

*Æqualitas.*

 Æqualitatem interdum importat in sacris vox *Quasi.* 383.2.b  

*Æquitas.*

 Æquitatem sub specie iniquitatis plurimum enitescere. 413.2.d  
 Æquitatem Christi in primis Christianis facile omnibus fuisse conspicuam. 446.2.c  
 cur inferiores moderatores expediat suæ gubernationis Æquitatem patefacere: Deo verò id non sit necesse. 414.2.b  

*Ær.*

 chalcobalanum pro Æris specie accipiendum. 231.1.d  
 cur pedes primæ figuræ Apocal. ex Ære sint effecti. 230.a  
 cur pedes iidem fuerint ex Ære montis Libani. ibidem.  
 num Angelus Danielis pedes etiam ex Ære candenti habuerit. 246.2.b  
 cur qui templum apud Ezechielem metitur habeat speciem quasi speciem Æris. 752.b  
 cur Daniel in sua visione viderit brachia vsque ad pedes quasi speciem Æris candentis. 246.2.a  
 quid per brachia ex Ære adumbretur. ibid.c  

*Æstus.*

 discrimen inter furiosos irarum Æstus, & blandas cupiditates. 540.d  
 quid sit Æstu affligere homines. 779.e  
 de maris Æstuum accessu & recessu mystica consideratio. 627.1.d  

*Æthiops.*

 Æthiops crucem pro Tau scribere. 475.1.a  

*Æthiops.*



*Agnus.*

in Agno tanquam occiso allusionem fieri ad anti-  
qua legis sacrificia. 422.a  
in Agno occiso adumbrari Missæ sacrificium. *ibid.* b.  
Agnum etiam occisi speciem præ se ferebat, librum.  
ramen accipere, & aperire voluisse quid denotet.  
423.a  
Agnus quomodo in medio throni, seniorum & ani-  
malium steterit. 421.a  
Agnus quo sensu dicatur stare. *ibid.*  
Agni septem cornua qua ratione sint consideranda.  
*ibid.* c.  
quorum nomina dicantur non esse scripta in libro  
vitæ Agni. 690.d  
quod subit mysterium in eo quod Agnus librum  
aperuerit, & rursus liber clausus apparuerit.  
424. b  
Agnus cur animalia & seniores gloriam & honorem  
tribuant. *ibid.* d.  
Agni sponsam statuitur esse Romanam Ecclesiam.  
849.d  
Agni sponsa quamnam per anton omasiam in hac vi-  
ta appelletur. 851.a  
quam sibi Agnus per nuptias ducit sponsam, quæ  
sit. 849.b  
de quibus Agni nuptiis instituat sermo Apoca-  
lyp. 19.7. 848.d  
Agnus cur in medio throni & seniorum constitua-  
tur. 421.c  
Agni cornua septem totidemque oculi quid figu-  
rent. 421.c  
Agni septem oculi qua ratione sint constituendi.  
*ibid.* b.  
quid sit cornua siue senatores cum Agno pugna-  
re. 815.c  
sub Agni specie cur Christus apparuerit in Sionis  
monte. 710.e  
Agni cenam non sumi pro cælestis patriæ felicitate.  
853.d  
Agni cena de qua Apoc. 19. quæ sit. 853.e  
Vulgatæ lectio Isa. 16. 1. *Emitte Agnum* defenditur.  
712.1.c  
Agnus & 144. millia vtrum in Sione monte pedi-  
bus niterentur, an non? 714.e  
cur illa 144. millia dicantur primitiæ Deo, & Agno.  
717.d

*Ala.*

Alas binas tantum fuisse singulis Cherubimorum  
templi. 384.2.d  
Alarum stridor quid adumbret. 380.b  
Alarum duarum mulieris mysterium quod sit.  
658.c  
Alarum duarum fœminæ secundaria significatio.  
659.1.b  
Alarum duarum mentionem non absque mysterio  
fieri. 658.b  
Alæ duæ quibus volant Seraphini Isaia, & Ioannis  
animalia quid significant. 379.e  
quot Alis constarent Ioannis animalia, de quæ earum  
significatione. 378.c. & seqq.  
Alæ ingentes duarum aquilarum Ezechielis, de  
quibus cap. 17. agit, quid significant. *ibid.* e.  
Alarum vera interpretatio ex Dionysio Areopagita  
desumpta. 379.b  
Alæ aquilæ, non columbæ cur mulieri assignantur.  
659.2.e  
Alæ numquid data sint mulieri antequam se fugæ  
mandare cœpisset, an post fugæ initium. 657.e  
cur Apoc. 12. dum de Alis mulieris agitur, Pauli &  
Barnabæ mentio fiat. 659.2.b  
cur Ezechielis animalia Alis quatuor, Ioannis verò  
animalia senis constarent. 377.c  
Alæ quem ad finem animalibus Ezechielis additæ.  
397.c.d  
cur Isaia Seraphini præter brachia sex haberent  
alas. 389.b  
*Vide Animal*

*Album.*

vtrum Album pro splendenti purpureo, an pro can-  
dido sumatur, cum dicitur *Amicti stolis albæ.*  
485.c

*Alfonfus.*

Alfonfus Hispaniæ Rex septem Partitas ex totidem  
sui nominis literis inchoavit. 56.2.c

*Allegoria.*

in Allegorijs qua ratione soleat designatus aliquis  
numerus accipi. 572.1.d  
Allegoria Tobia connubij, ac dotis. 496.2.d  
Allegorias interdum appellari applicationes etiam,  
& accommodationes. 481.2.c  
Allegoria mysticæ resurrectionis quam sit elegans  
891.d  
Allegoria eadem tempestatis, quomodo conuersio-  
nem aliorum, aliorum obstinationem pariter  
complecti possit. 797.c

*Alleluia.*

Alleluia quadruplex quorsum apponatur in cap.  
19. Apoc. 837.b  
in quadruplicis Alleluia distinctione quid sit obler-  
uandum. *ibid.* c.  
vera sententia de quadruplicis Alleluia explicatio-  
ne relata ad quadruplicem laudem Deo ab Eccle-  
sia tributam. 838.a  
in quatuor hisce Alleluia respectum haberi ad eos  
Psalmos, quibus pro titulo est Alleluia. 841.  
1. a  
syllabus eorum Psalmorum qui pro titulo habent  
Alleluia. *ibid.* b.  
Psalmos 20. quibus inscriptio est Alleluia, in qua-  
tuor series partiri, & quæ sint. *ibid.* 2.a  
Alleluia prædicta quomodo his Psalmis 20. per or-  
dinem respondeant. *ibid.* b.  
Alleluia primum quid in se includat, & quomodo  
ad textum ipsum aptetur. 838.d  
Alleluia primum quomodo lineæ primæ, siue ordi-  
ni Psalmorum respondeat. 841.2.d  
Alleluia primum quosnam prædictorum Psalmo-  
rum respiciat, quos item secundum, & sic de ce-  
teris. *ibid.* c.  
Alleluia secundum & laus quam in se continet ex-  
plicatur. 839.c  
Alleluia tertij, & laudis quam in se includit expli-  
catio. *ibid.* d.  
Alleluia tertium quot & quos Psalmos respiciat.  
843.1.a  
Alleluia quartum, & quarta pariter laus Deo inde  
redundans exponuntur. 839.e  
Alleluia quarti finis & scopus. 844.2.a  
Alleluia quartum ad quos Psalmos alludat 843.  
2. c  
Psalmos qui ab hoc quarto Alleluia respiciuntur,  
peridoneos esse ad Ecclesiæ victoriam de Roma  
celebrandam, & ad laudes propterea Deo concin-  
endas. *ibid.* d.  
in sex Psalmis quos quartum Alleluia respicit, ele-  
ganter describi primitiuorum Christianorum  
spiritum. *ibid.* e  
quem in finem spectent nouem Psalmi inter ter-  
tium & quartum Alleluia inserti. 844.2.a  
quod habeat mysterium nouenarius Psalmorum  
qui inter tertium & quartum Alleluia sunt in-  
terpositi. 844.1.c  
secundus Psalmorum ordo, quibus inscriptio est  
Alleluia, & quomodo secundo Alleluia respon-  
deat. 842.2.b  
Alleluia quæ in aliquot Psalmorum titulis appo-  
nuntur in Hebræo varia & diuersa dispositione  
inscribi. 845.1.b  
*Vide Psalmus.*

*Altare.*

Altare thymiamatis cur desideretur in visione  
cap. 4. 404.2.b  
Altare thymiamatis cap. 8. quid figuret. 508.c  
Altare de quo cap. 8. n. 3. cuiusmodi sit consideran-  
dum. 507.b  
Altare holocausti quod Ezechiel vidit, quid signifi-  
cet? 562.a  
Altare Ezechielis qua ratione possit de Eucharistia  
explicari. *ibid.* b.  
Altare metiri cur iubeatur Ioannes. *ibid.* a.  
Altare holocausti cur in visione cap. 4. desit. 404.  
1. d



sub Altari cur animæ dicantur clamare. 459. a  
 qualis sit sub Altari martyrum clamor. ibid. b  
 Altare vnde vox prodijt, de altari thymiamatis esse  
 intelligendum. 537. a  
 ab Altari cur proficiscatur querimonia, siue vltio  
 de Iudaico populo sumenda? ibid. b  
 Altare Isaia visum figurare Christum. 269. 2. d  
 Altare qua ratione sit considerandum in cap. 11.  
 Apocal. 561. c  
 Altare cur primò non Angelus, sed Ioannes dime-  
 riatur, at postea cap. 21. Angelus meriatur. ibi-  
 dem a.  
 Altaris per circuitum animalium immolatorum  
 sanguinem effundi ex Dei præcepto solere. 77. 2. e  
 Altaris vox quid propriè postulet. 538. c  

*Altitudo.*

 Altitudines Satanæ quæ dicantur. 275. e  
 Altitudines Satanæ pro profunditate & calliditate.  
 258. c  

*Ambulo.*

 Ambulare in albis quid sit. 294. d  

*Amen.*

 Amen quid significet. 310. b. & 433. c  

*Amethystus.*

 Amethysti gemmæ natura examinatur: & qualis  
 sit eius color. 998. 1. c  
 Amethystum Indicum (qui & ceteris pretiosior)  
 purpuræ colore constare. ibid. d  
 Amethysti pretiosi color cuiusmodi sit. ibid. 2. d  
 Amethystus quàm sit grata, ac iucunda gemma.  
 ibid.  
 Amethysti gemmæ etymologia. ibid. e  
 Amethystum ad se quodammodo trahere quod in  
 eius est conspectu. 999. 1. a  
 veluti Amethysti matrem esse gemmam Sardam.  
 ibid. 2. a  
 Amethysti proprietates alia. ibid.  
 Amethysti mystica consideratio ad duodecimum  
 articulum Symboli Apostolorum. ibid. 1. d  
 Amethystus à veteribus dictus dulcis, & Veneris  
 gemma, quid symbolice significet? ibid. 2. d  
 Amethysti purpure perfectæ color cuius rei sit sym-  
 bolum? 1000. 1. a. & 2. a  
 Amethysti colore quomodo adumbretur Beatorum  
 felicitas. ibid. 1. c  
 Amethystum sui gestatorem reddere vigilantem  
 quid significet? ibid. 2. d  
 Amethystus aptatur Issachar. 1003. 1. b  

*Ammonita.*

 quonam respiciant Prophetæ, quando de victoria  
 ex Ammonitis reportanda agunt. 735. 2. d  
 per Ammonitas quinam mysticè figurentur. ibid.  
 1. c  
 cur Deus suo populo præceperit vt Ammonitis in-  
 gressu Ecclesiæ interdicere? 738. 2. a  

*Amor inordinatus.*

 de Amore proprio inordinato posse etiam con-  
 gruerter locustarum regem explicari. 536. a  
 Amores quatuor inordinatos esse mundi homi-  
 numque tyrannos: & quinam ij sint? 439. 1. c  
 Amoribus his quatuor inordinatis primas quatuor  
 diuinæ prouidentia virtutes directè opponi. ibi-  
 dem 2. a  
 Amor proprius inordinatus quam nos assidue op-  
 pugnet. 539. c  

*Angelus.*

 Angeli nominis etymologia. 250. 2. d  
 Angeli septem ad quos Ioannes scribere iubetur, qui  
 fuerint. ibid. 1. a  
 Angeli septem quibus Ioannes iubetur scribere,  
 num sint 7. Ecclesiæ. 251. 1. a  
 Angelorum septem mentio in sacris quid significet.  
 183. a  
 Angelorum numerus septenarius in sacra Scriptu-  
 ra quò respiciat. ibid. b  
 Angelorum peculiarem septenarium qui neget.  
 186. 1. c  
 Angelorum septenarium qui astruant. 187. 1. a

Angelorum septem locus Tobia expenditur. ibi-  
 dem e.  
 Angelorum septenarius cur toties in Scriptura v-  
 surpatur. ibid. 2. b  
 Angelorum septenarij altera expositio. 188. 1. b  
 Angelos in Scriptura saepe ex persona Dei loqui.  
 ibidem.  
 Angeli nomini quæ voces in Hebræo respondeant.  
 ibid. c  
 Angelorum septenarius quo ex tempore in Scri-  
 ptura usurpetur. 187. 2. c  
 inter Angelorum nouem choros distinctio cur in  
 Scriptura minus sit perspicua 390. 2. d  
 Angeli cur in Apocal. septem Deo laudes tribuant.  
 191. 2. c  
 Angelo clauem dari ad claudendum puteum abyf-  
 si, quid sit? 872. 1. a  
 Angelis tribus de quibus Apoc. 14. fit mentio, qui-  
 nam figurentur? 718. c  
 A tribus Angelis vocum prolatarum mysterium  
 quodnam sit? ibid. d  
 Vidi alterum Angelum, quo sensu sit accipiendum.  
 719. a  
 in Angelo per medium cali volante Ioannem  
 Euangelistam figurari. ibid. b  
 Angelus primus cap. 14. cur non ad primæuos Chri-  
 stianos, sed ad Gentes ipsas verba faciat. 720. e  
 Angelos licet Scriptura spiritus appelleret, non tamen  
 solet appellare spiritus Dei. 183. c  
 Angelorum symbolum, nubes. 201. 1. e  
 Angelos pro plagarum numero congruenter fuisse  
 septem. 753. a  
 Angelum secundum cap. 14. esse Pauli figuram.  
 722. e  
 in Angelo tertio qui ad vindemiatores clamauit  
 figurari Eliam. 742. c  
 Angeli tertij vox de qua cap. 14. 9. quomodo contra  
 Bestiam terræ iactetur. 727. d  
 Angelus qui exiuit de altari, quisnam sit.  
 744. a  
 Angelus qui apparuit Danieli quis fuerit? 247.  
 2. e  
 Angelus Danieli visus cur mirabili adeo figura ap-  
 paruerit? 244. & seqq.  
 Angelum illum Danielis 12. esse eundem quem cap.  
 10. sub Dei persona viderat. 549. 1. d  
 Angelus Danielis 12. cur super aquas pedibus nita-  
 tur? ibid. e  
 Angelus Danielis num pedes ex ære candenti ha-  
 buerit. 246. 2. a  
 Angelus qui apparuit Danieli, cur neque canos ha-  
 buerit in capite, neque stellas in manu, neq; gla-  
 dium in ore. 247. 1. e  
 in Angeli facie cur Daniel viderit fulguris speciem.  
 246. 1. c  
 Angeli corpus cur Daniel viderit quasi chrysolit-  
 hum. 245. 2. c  
 Angelum egredi de templo, cap. 14. quid innuat?  
 739. c  
 Angelus qui cap. 14. è templo exisse dicitur, quem  
 figuret? ibid. e  
 Angeli primi cap. 14. vox vnde sit deprompta.  
 721. b  
 ab Angelo primo cap. 14. quorsum dicatur, *Hora in-  
 dicij?* 720. e  
 Angelus qui Ioelem figurat cur dicatur tantum ex-  
 isse de templo? 743. d  
 ab Angelo nuncius allatus cap. 14. 4. cuiusmodi  
 sit? 719. d  
 ad Angelorum & Dæmoniorum antiquum illud  
 prælium respici per allusionem in Apocalypseos,  
 & Danielis pr. 10. 885. b  
 per Angelum aquarum figurari Mosem: qui vinde-  
 miatoris figuram agit. 742. c  
 per Angelos aquarum & altaris quinam adumbren-  
 tur? 775. c  
 Angelum aquarum, & Angelum altaris Deo laudem  
 tribuisse, quid sit? ibid.  
 in Angelis duobus Apoc. 17. & 18. & Isaia 21. asseri-  
 tur Petrum & Paulum figurari. 803. 1. c  
 Angeli duo qui Ioanni annunciant vindictam de  
 Babylone sumendam, qui sint? ibid. 1. a



in hoc Angelorum pari fieri allusionem ad Isaia caput 21. *ibid. b*  
 Angelus Ioannis cur non brachia ærea habuerit. 246.2.d  
 Angelos Iacobo visos per scalam ascendere sine alis fore considerandos. 325.2.a  
 Angelos non summitatem scalæ solum conscendere, sed calum etiam ingredi. *ibid.*  
 Angeli Iacobo visi per scalam ascendere, qui sint? 326.1. b  
 Angelus quid intenderit, dum cum Iacobo fuit luctatus? 563.a  
 Angelus cur Iacobi femur tetigerit. *ibid. b*  
 Angelus quo sensu dicatur Iacobum superare non posse? *ibid. a. 2*  
 Angelus à Iacobo de proprio nomine rogatus, dum per interrogationem responderet, quid innuat. 565.2.a  
 de Angelis septem vnus de quo Apoc. 17.1. quis sit? 807.c  
 in Angelo, de quo Apoc. 17. num. 7. figurari Paulum. 812.a  
 Angelus quo sensu Ioannem à sui adoratione arceat? 857.a  
 cur Angelus se à Ioanne prohibeat adorari? *ibid.*  
 de adoratione qua Angelum Ioannes adorare voluit, variae opiniones referuntur: & reijciuntur. 855. d. Et vera auctoris sententia statuitur. 856. c  
 in Angeli cognitione ad cuius pedes procidit Ioannes, eundem minimè fuisse deceptum. *ibid. a*  
 Angelus in Sole stans quem figurer? 864.a  
 Angelus in sole stans cur aues solum inuitet; apud Ezechielem autem Deus iubeat aues & bestias inuitari. *ibid. b*  
 Angelus capitis 19. quosnam Fratres Ioannis nuncupet. 838.a  
 Angelus quo sensu se appellauerit conseruum eorum, qui seruant verba prophetæ libri huius. *ibid. b*  
 in Angeli vtriusque cap. 19. & 22. responsione ac prohibitione propriæ adorationis, quæ sit diuersitatis ratio. 857.b  
 Angelos ascendere & descendere super filium hominis, quid sit? 326.2.e  
 Angelis an actiue vel passiue tribuatur nomen Thronus. 342.2.d  
 Angelorum quaternarius cur inducatur Apocal. 7. 471. a  
 Angelos figurari in Ezechielis animalibus. 865. c  
 Angelorum nomina quæ Hebræorum fabulis nuntur respuenda. 189.2.c  
 Angelum ignem mittere in terram, quid sit? 508.d  
 Angelus habens thuribulum quid significet? *ibid. b*  
 Angelus offerens thymiama capite 8. an Christum repræsentet? *ibid. c*  
 Angelorum vniuersam militiam per Moysi Cherubinos figurari, verius tenendum est. 386.2.c  
 Angelorum vniuersa militia quomodo in Cherubimorum binario possit figurari? 387.1.a  
 de Angelis septem vnum, perinde esse atque primum. 929.a  
 Angelus vnus quis fuerit, qui Ioanni ostendit vxorem Agni? *ibid. b*  
 cur Angelus hic præ ceteris ostenderit Ioanni Ecclesiæ Romanæ gloriam in cælo futuram. *ibid. dem.*  
 Angelum vindemiatores symbolum esse Moysi. 745. c  
 Angeli duo vindemiæ, quinam fuerint? 742. b  
 Angelus vtrum portas ciuitatis sit dimensus. 941.a  
 Angeli cur pro portarum ianitoribus sint assignati. 935. d  
 Angelus qui dæmonem constrinxit, quid significet. 871.b  
 Angeli dæmonem vincientis figuram ex Tobia libro fuisse petitam. *ibid. c*  
 Angeli quatuor tenentes ventos quomodo nocere terræ dicantur? 469.c

Angelos quatuor veluti ventorum Æolos esse concipiendos. *ibid. e*  
 Angeli quatuor cur ad nocendum hominibus designentur. 470.a  
 per Angelos quatuor de quibus Apoc. 7. quid figuratur. *ibid. b*  
 Angeli magna clamantis vox quid significet. 473.d  
 Angeli quatuor quo sensu expectare, & à ventorum ac terræ nocumento parumper abstinere iubeantur? *ibid. e*  
 Angelus ascendenis ab ortu solis quo sensu dixerit, signemus. *ibid.*  
 de Angelo ab ortu solis ascendente variae opiniones. 472.a  
 Angelum ab ortu solis ascendentem nec de Elia, nec de Constantino commodè posse exponi. *ibid. dem. e.*  
 in Angelo ascendente ab ortu solis quis demum figuratur? *ibid.*  
 in Angelo ascendente ab ortu solis posse præterea Spiritum sanctum figurari, quin imo Spiritus sancti gratiam. 473.a  
 Angelum ascendere ab ortu solis, quid sit? *ibid. dem.*  
 Angelorum multitudo capit. 5. num. 11. visa quæ sit? 429.d  
 Angelos in circuitu throni, & seniorum dupliciter posse considerari. 430.a  
 Angelorum vox ingens, de qua cap. 5. 12. quid innuat. *ibid. b*  
 Angeli quatuor in Euphrate illigati, quinam sint? 538.a  
 Angelos quatuor alligatos in Euphrate non posse inter bonos numerari. *ibid. b*  
 Angeli quatuor in Euphrate alligati cur singantur ante plagam sextam tubarum solui? *ibid. dem.*  
 Angeli quatuor cur in Euphrate sint alligati. *ibid. dem. c.*  
 Angeli quatuor alligati an congruenter possint de quatuor ventis exponi? *ibid. d*  
 Angeli quatuor ligati cur dicantur fuisse parati in horam, diem, mensem, & annum? 539.b  
 Angelis quatuor alligatis commissa facultas cuiusmodi sit. *ibid. e*  
 quæ Angelorum nouem Choris nomina assignantur, non eadem distinctione & ordine in Scriptura usurpari. 342.1.b  
 Angelorum nouem Choros non eadem distinctione Patres designare. *ibid. d*  
 distinctionem inter Angelorum & Hierarchias, & Choros non adeò clare in Scriptura contineri. 343.1.c  
 in Angelorum tribus Hierarchijs ordo distinctionis. *ibid. e*  
 inter Angelos excellentia inferioris Chori in superioris excellentia includitur. *ibid. 2. d*  
 cum Angelo Danielis comparatio figuræ Ioanni visæ Apoc. 1. 244.1.c. & seq.  
 præter Angelorum tria nomina in Concilio Romano cetera excluduntur. 189.1. c. Et Concilij Romani verba quo sensu accipienda. *ibid. dem. 2. a*  
 per Angelos septem tubarum quinam figurentur? 500.1.d  
 inter Angelos & tubas distinctio apponenda. 501. 2. a  
 per Angelos tubarum qui denotentur? *ibid. b*  
 cur Angeli siue Prophetæ per eos figurati ad septennarium reuocentur? *ibid. d*  
 differentia inter Angelos tubarum, & phialarum. *ibid. e*  
 de Angelis septem Apoc. 8.2. cur dicatur, *Qui in conspectu Dei sunt.* 504.a.b  
 Angelis septem quando sint tubæ datæ. *ibid. b*  
 Angeli septem phialarum quare ex sancto Sanctorum prodire dicantur. 759.d  
 Angeli phialarum cur non ex templi Salomonici, sed ex Moisaici tabernaculi oraculo prodire dicantur. 760.a  
 Angelis fuisse datas phialas antequam ex tabernaculo exirent. *ibid. b*



in Angelorum phialarum cultu & vestitu quid in-  
nuatur? ibid. c  
 Angelis phialas dedisse cur leo dicatur? ibid. e  
 Angelos phialas in manibus tenere quid sit? 761. d  
 Angeli phialarum, quinam sint? 752. c  
 Angelum ad cuius pedes Ioannes se cap. 19. prouol-  
uit, diuersum esse ab eo, ad cuius pedes item pro-  
cidit cap. 22. 853. c. 855. c. d  
 Angelum magnæ potestatis esse qui Ioanni dicit  
cap. 19. *Scribe.* 853. a  
 in Angelo magnæ potestatis c. 18. figurari S. Petrum.  
820. a. & qua ratione. ibid. e  
 in Angelo tertio de quo Apoc. 14. 9. figurari etiam  
B. Petrum. 792. a  
 in Angeli fortis clamore ad quem Scripturæ locum  
allusio fiat? 415. b  
 in Angelo forti Oseam signari videtur probabile.  
*ibid.*  
 Angelus fortis de cælo descendens quis sit? 546. a.  
 & seq.  
 Angelus fortis cur Christum adumbret? ibid. c  
 Angelus prædictus cur vocetur fortis? ibid.  
 Angelus fortis quo sensu dicatur de cælo descende-  
re? ibid. d  
 Angelum fortem nube amictum descendere, quid  
sit? ibid. E  
 iris in Angeli fortis capite cuius fuerit figuræ, & cu-  
ius significationis? ibid.  
 per Angeli fortis faciem solis instar fulgentem quid  
figuretur? 547. a  
 per Angeli fortis pedes ignearum instar columna-  
rum, quid figuretur? ibid.  
 Angeli fortis pedes quomodo sint considerandi? *ibi-*  
*dem b*  
 Angeli fortis figura qua ratione concipienda? *ibi-*  
*dem c*  
 Angelus dum dextrum pedem in mari ponit, quid  
insinuet? 548. e  
 Angeli pedem in mari positum non mergi, quid in-  
dicet? 549. c  
 Angeli fortis allusio ad Angelum Daniel. 12. expen-  
ditur. ibid. 1. d  
 Angelus Ioannis cur super mare, at Danielis Ange-  
lus super flumen stetit? ibid. 2. e  
 Angelus Ioannis cur alterum pedem super aquas,  
alterum super terram, Angelus verò Danielis  
vtrumque super aquas habeat? 550. 1. b  
 Angelus Danielis cur vtramq; manum iuraturus,  
Angelus verò Ioannis alteram tantum attollat.  
*ibid. 2. b*  
 in Angeli fortis pedum igne allusio ad ignē sacrifi-  
cij Eliæ, *ibid. 1. c.* & ignem Nehemiæ 2. Machab. 1.  
*ibid. 1. d*  
 Angeli fortis magno clamore septem tonitrua echo  
instar respondere. 552. b  
 Angeli fortis iuramenti periphrasim esse subiectæ  
materiæ congruentem, & quid per talem peri-  
phrasim significetur? 553. d  
 Angelus cur addat sapius, *Et ea que in eo sunt?* *ibid.*  
 in Angeli fortis iuramento quorsum sæculi secu-  
lorum mentio? 554. a  
 Angeli fortis iuramenti perpetuitati non obstare  
Iudæorum conuersionem sub mundi finem fu-  
turam. ibid. D  
 Angeli fortis iuramentum respondere iuramento  
Angeli Danielis. ibid. e  
 Angelus fortis cur in manu libellum apertum ha-  
buerit? 556. D  
 cur in libri mentione quem Angelus fortis habe-  
bat, diminutiuo vtatur Ioannes? ibid. b  
 in Angeli fortis libello sit allusio ad librum Eze-  
chielis traditum, vt eum deuoraret. ibid. d  
 in Angelo forti Ieremiam figurari. 833. d  

*Angulus.*

 Anguli quatuor terræ num de vniuersa terra, an de  
sola Iudæa sint intelligendi? 469. b  
 Anguli quomodo considerandi sint. ibid.  

*Animal.*

 cur Apoc. 20. 4. non dicantur resurrexisse Martyres  
Christi, sed ipsorum Animæ. 891. b  
 de Animalium cōuersione esse explicandum ignem

Apoc. 20. de cælo descendentem. 905. b  
 Animam hominis nuncupari halitum siue spira-  
culum Dei. 786. b  
 omnis Anima viuens quo sensu dicatur fuisse mor-  
tua in mari. 773. d  
 Animæ hostium pugna in quo consistat? 675. e  
 ad Animarum veram salutem ordinari Iero soly-  
mæ excidium in Ezechielis curru adumbratum.  
367. b  
 Animæ cur dicantur sub altari clamare? 459. a. b  
 Anima Christi nō fuisse indignum ad Patrum lim-  
bum triu mphatricem descendere. 972. 1. e  
 Animam suam non diligere vsq; ad mortem, quid  
sit? 655. d  
 Animalium saluti qui incumbunt, qua contentione  
& studio se debeant gerere? 629. e

*Animal.*

Animalium significationem non rectè ad quatuor  
personas coarctari. 365. e  
 Animalia cur in Ioannis visione in medio throni,  
& in circuitu throni sint? 366. b  
 Animalibus fuisse suppositas Ezechielis roras. *ibid. c*  
 Animalia sua Ioannes vtrum inter se omnino simi-  
lia effingat? 361. e  
 de Animalium faciebus Ezechiel loquens quo pacto  
sit intelligendus? 362. b  
 de Animalibus num Ezechiel & Ioannes eodem  
modo loquantur? ibid. e  
 Animalium nomen non cogere, vt ea veluti anima-  
lia irrationalia consideremus. 358. b  
 Animalia, cur Ezechiel suos Cherubinos vocet?  
*ibid. c*  
 Animalia Ezechielis & Ioannis, Cherubinis templi  
similia esse debere, exceptis ijs quæ ipsi aliter ex-  
primunt. ibid. c. d  
 Animalia Ezechielis & Ioannis constare humanā  
figura. ibid. d. & seq.  
 Animalium Ioannis num alæ sint sex absque bra-  
chijs numerandæ. 363. b  
 de Animalium senis alis Ezechielem & Ioannem in  
sensu proprio esse intelligendos. ibid. c  
 Animalium alæ quibus corporis partibus affictæ  
considerandæ sunt? ibid. d  
 Animalium Ezechielis pedes fuisse pennatos, quo  
sensu accipiendum sit? ibid. e  
 Animalia Ioannis vtrum pedes vitulinos habue-  
rint? 364. b  
 de Animalium interpretatione sententiæ. ibid. d. e  
 Animalia Ioannis Apostolos, eorumque successores  
Episcopos adumbrare. 365. a  
 Animalium symbolum non esse ad quatuor Euan-  
gelistas restringendum. ibid. b  
 Animalia Ioanni nuda fuisse visa. 360. b. c  
 inter Animalia Ioannis & Ezechielis discrimen.  
365. b  
 in Animalibus Ezechielis Angelos, in Ioannis, san-  
ctissimos homines figurari. ibid. c  
 per Animalia Ioannis viros maioris perfectionis ac  
dignitatis, quam per seniores, designari. ibid. d  
 Animalia Ioannis quomodo potuerint plena esse o-  
culis in circuitu, & intus? 471. b. 356. b. 360. c  
 Animalia Ioannis vtrū quatuor facies strictè sum-  
ptas habuerint? 360. d  
 de facie strictè sumpta loqui Ioannem agentem de  
Animalibus, verior est sententia. ibid. e  
 in Animalibus quarto cur Ioannes addat, *Volantis.* 361. b  
 Animalium facies dupliciter accipi posse. ibid. a  
 Animalium expositio de quatuor præcipuis curiæ  
cælestis principibus refellitur. 376. c  
 Animalium Ezechielis significatio. ibid.  
 Animalia Ioannis cur quatuor fuerint, non tamen  
singula quaternis faciebus prædita. 377. a  
 Animalium quaternarium sapius in Ioannis visio-  
ne repetitum apparuisse verius videtur. 355. e  
 per Animalia quatuor Apoc. 4. quid designetur?  
344. a  
 de Animalium Ezechielis pedibus quo sensu di-  
ctum, *Et pedes eorum pedes vestii.* 397. 2. e  
 Animalium Ezechielis mylterium. 345. 2. a  
 Animalium quatuor symbolum quid figuret? 345. 1. e



Animalium Ioannis continuatio in trisagio repetendo, quomodo intelligenda? 398.b  
 Animalia enumerandi ordo cur in Ioanne & Ezechiele diuersus sit? 377.d  
 Animalium ordo quem Ioannes obseruat, expenditur. ibid.  
 Animalium Ezechielis ordo, eiusque ratio traditur. ibid.  
 Animalibus solum Ezechielis vitulinas platas fuisse proprias, non cum templi Cherubinis communes. 385.2.d  
 Animalium oculos fuisse veros, non pictos probatur. 360.b  
 Animalia Ioannis quot alis constarent, deq; earum significatione. 378.c  
 Animalia Apoc. an respondeant duplici Cherubino- rum pari qui in templo erant? 344.2.a  
 Animalia cur coram Dei throno non sedent, sed stent? 345.d  
 Animalia Apoc. sunt symbola Fortitudinis, Beneficentia, Aequitatis & Sapientia. 190.2.e  
 inter Animalia Ioannis & Ezechielis discrimina. 375.a.b. conuenientia item. b  
 Animalia Ezechielis quo sensu dicantur non reuer- ti cum ambularent? 393.c  
 Animalia Ezechielis quomodo in quatuor partes gradi dicantur? ibid.2.b  
 Animalia Ezechielis cur alis quatuor, Ioannis vero, senis constarent? 329.c  
 Animalia Ioannis cur singulatim ad singula quatuor prima sigilla conspicienda eundem accersant, non vero ad reliqua? 438.b  
 Animalia quatuor cadere, quid sit? 847.2.b  
 in Animalibus singulis Ioannis cur vnica facies fue- rit, peculiaris ratio redditur. 377.a  
 Animalibus singulis Ezechielis cur quatuor manus afficta? 380.c  
 Animalium Ioannis symbola singulis Apostolis aptari. 369.b  
 de Animalium symbolis Dionysii & aliorum Pa- trum mens. ibid.d  
 Animalia Ioannis cur alis vultum contegant, Eze- chielis vero animalia non item? 379.d  
 de Animalium significatione Auctoris sententia co- firmatur. 373.a  
 Animalia Ezechielis in speciem militum armato- rum fuisse visa. 395.d  
 Animalis primi solius vox cur dicatur tonitruum si- milis? 441.1.c  
 ab Animalibus cur Ioannes vocetur ad quatuor si- gillorum contemplationem? ibid.2.a  
 Animal non vnum duntaxat Ezechieli quadriforme, sed quatuor fuisse visa. 392.1.d  
 Animalibus Ezechielis cur vitulinae plantae afficta? 397.c  
 de Animalibus Ezechielis veterum Graecorum in- terpretatio. 395.1.b  
 Animalium clamor cur praecedat Seniorum adora- tionem? 401.b  
 in Animalibus Ioannis gubernationis optima vir- tutes praecipuas figurari. 367.1.c  
 Animalia Ioannis qua forma soleant vulgo depin- gi? 356.d  
 Animalia Ezechielis & Ioannis esse eadem multorum opinionem videri. ibid.e  
 Animalia Ioanni visa in conspectu sedis cur fuerint quatuor? 345.1.d  
 Animalia Ioannis die ac nocte clamasse quo sensu accipiendum? 398.c  
 in Animalium Ioannis trisagio mysterium Trinita- tis adumbrari. ibid.d  
 Animalibus quatuor, praecipuas diuiniae prouidentiae partes symbolicè figurari. 370.c  
 Animalia Ezechielis, & Cherubinos templi non fuisse omnino similia. 384.1.c  
*Vide Ala, Cherubim, Facies, Pes.*

*Annus.*

Annos tres & dimidium cur Daniel ad mille du- centos nonaginta dies reducat. 569.1.c  
 Anni tres & dimidiati Danielis vtrum sint intelli- gendi de duratione persecutionis Antiochi? ibid.

ad Annorum trium & dimidiati spatium cur Da- niel dies mille ducentos nonaginta, Ioannes mil- le ducentos sexaginta designent. 571.2.b.c  
 oportere concordiam querere in multis Scripturae locis, qui in Annorum computatione variare vi- dentur. 570.1.b  
 Annorum mille numerum non propriè & stricte, sed late & metaphoricè esse accipiendum. 872.c  
 Annorum mille tempus quomodo sit accipien- dum? 887.c  
 Annorum mille veritatem quomodo intelligat B. Augustinus. 873.a  
 Annorum millenarius quo sensu in Apoc. vsurpe- tur? 872.c.d  
 Annos mille pacis Antichristi bello debere praede- re. 667.e  
 Annorum mille spatium de quo Apoc. 20. idem esse atque illud quo alligatus perstitit daem. 887.b  
 Annorum mille interpretatio de quibus Apoc. 20. quam sit difficilis. 886.e  
 quam congruenter diuina prouidentia persecutio- nem Antiochi, & nonnullas alias in Ecclesiam concitatas ad Annorum trium & semis spatium contraxerit. 573.2.d  
 in Annorum trium & dimidio spatio, quo res ad- uersae saepe durauerint, quid lateat mysterij? ibid.1.d  
 siue Annis tribus & semis, siue tribus diebus & se- mis persecutio durare dicatur perinde esse quoad sensum mysticum. 597.1.b  
 Annorum trium & semis spatium quam aptum sit ad Ecclesiae persecutionum breuitatem denotan- dam? 573.2.b  
 ad Annos tres & dimidiatum spatium adueritatis à Deo non sine mysterio coarctari. ibid.1.a  
 quid sit, *vixerunt, & regnauerunt cum Christo mille annis.* 888.e  
 vtrum ex ligatione daem. per mille Annos facta, sequatur, pacem illis mille Annis subsecuturam. 872.d  
 Anni Iubilei mystica consideratio. 575.2.b.c  
*Vide Iubileum, Antichristus.*

*Antichristus.*

Antichristus num sit ex tribu Dan oriturus? 481.1.a  
 Antichristus num sit ex tribu Dan, aliquos in du- bium vertere. ibid.d  
 Antichristum futurum ex tribu Dan non constare ex Ecclesiae traditione. ibid.b.c  
 Antichristum futurum ex tribu Dan minimè fun- dari in Apocalypsi. ibid.d  
 Antichristum ex tribu Dan futurum fortè in anti- qua aliqua allegoria fundari. ibid.2.b  
 Antichristus num sit Babylone nasciturus? ibid.d  
 Antichristus vtrum sit maris bestia? 666.e  
 de Antichristo marinam bestiam exponentibus Pa- tribus quid respondendum. 668.b  
 quod Antichristi aduentum remoretur, quid ef- fet? 723.2.e  
 Antichristi aduentum retardari quomodo cohaeret ex eo quod mysterium iam operetur iniquitatis. 724.1.b  
 ad Antichristum posse extendi daem. nomen. 905.a.b.d  
 Antichristi persecutionem iuxta aliquos tres annos cum dimidio duraturam. 555.a  
 ad Antichristi tempus per comparisonem respice- re familiare esse Ioanni, in aliqua Ecclesiae per- secutione. 581.b  
 de Antichristi ministris num sermo sit in commen- titijs signis de quibus Apoc. 13. sermo est. 699.b  
 de Antichristo vltio sumenda quibus in verbis in- cludatur? 905.a.b  
 Antichristi bellum non esse praecipuam huius libri partem. 54.1.c  
 Antichristi persecutionem denotari apud Istaam indignationis nomine. 892.2.d  
 de Antichristo sermonem esse non posse in sexto fi- gillo. 460.d  
 ad Antichristi tempora an referantur draconis ca- pita 7. & cornua decem. 633.d



de Antichristo victoriam comparandam in Romanæ Ecclesiæ gloriam redundaturam. 904.d  
 de Antichristo victoria vbi comparetur finem mundi fore. 905.e  
 Antichristus non potest intelligi, cum dicitur Apo. 13. *Numerus nominis.* 705.c  
 Antichristus vtrum sit Romæ publicam Christianæ Religionis professionem interdicturus. 896.d  
 de qua Antichristi nece loquatur Paulus ad Thessalonic. 725.2.c  
 de Antichristo quo sensu dixerit Paulus, *Quia Dominus Iesus interficiet, &c.* ibid. 1.e  
 auctoritatem Millenariorum de Antichristo explicantium maris Bestiam, hac in parte fidem non facere. 668.a  
 opinionem de toto orbe in decem Reges sub Antichristo diuidendo, non adeo esse certam vt aliqui opinantur, & Augustini mens. 634.a  
 an sit Ecclesiæ traditio Henochum & Eliam esse sub Antichristi tempus venturos ad prædicandum. 583.2.e  
 quod sit in Scriptura fundamentum ad Eliæ & Enochii aduentum sub Antichristo affirmandum. 582.1.c  
 Antichristum eiusque præcursores viuos fore à terra absorbendos multi putant. 866.1.e  
 post Antichristum deuidum vtrum possit certum aliquod temporis interuallum designari, quo finito extremum mox iudicium sit futurum? 906.a  
*Vide Bestia, Antiochus.*

*Antiochus.*

Danielis prophetia de Religionis vsu Ierosolymis post Antiochi persecutionem instaurando. 569.a  
 quæ sit inter Danielelem & librum primum Machabæorum conciliatio de persecutionis duratione sub Antiocho. 570.1.b.c  
 sub figura persecutionum Antiochi Danielelem agere capite 12. de Ecclesiæ persecutionibus. ibid. 2.d  
 in Antiochi Epiphaniis persecutione. adumbrari persecutiones in Christi Ecclesiam excitatas. 645.e  
 quo argumento conuicti afferant multi Danielelem à persecutione Antiochi ad Antichristi persecutionem subito transgredi. 569.1.d  
 secundum Iosephi sententiam idololatria sub Antiocho tres annos cum dimidio Ierosolymis durauit. ibid. 2.d  
 circa Antiochi persecutionis durationem, sacræ Scripturæ & Iosephi conciliatio. 570.1.a  
 bis mille ter centum dies à Daniele assignatos Antiochi bello rectè cum trium annorum ac dimidij spatio consentire. 571.2.b  
 Antiocho tribui apud Ezechielem nomen Gogi. 901.1.d  
 per analogiam ad Antiochi bellum accipi tum ab Ezechiele tum à Ioanne, nomina Gogi, & Magogi. ibid. c  
 de Antiocho Ezechiel verba faciens cur eum appelleret principem Magogi? 902.1.b  
*Vide Annus.*

*Antipa.*

Antipæ martyrium quod fuerit. 264.a

*Antiphona.*

Antiphonæ illius sensus ab Ecclesia assumptæ in sancti Michaelis officio, *Factum est silentium in celo, Michael, &c.* 494.d. 501.2.d

*Antiquitas.*

Antiquitatem ab omnibus maximè suspici. 529.1.b

*Anulus.*

vt Anulorum gemmas septem stellas rectè considerare. 235.c  
 Anuli septem mirè ab Hiarcha Principe compacti. ibid. d  
 Anulorum gemmis veteres pro figillis fuisse vsos. ibid. e  
 in Anuli gemma insignia calari solita. 267.e

Annulos olim pro figillis frequentissimè vsurpari solitos fuisse. 948.a

*Apocalypsis.*

Catholici qui olim non recipiebant Apocalypsin. 26.1.a  
 de Apocalypseos auctore quosdam dubitasse. ibid. 2.b  
 de Apocalypseos auctore non licere dubitare. ibid. c  
 Apocalypseos libri excellentia inter sacros. 27.1.a  
 circa Apocalypseos auctoritatem sententia Patrum Græcorum. ibid. c  
 Apocalypsim cur Calvinistæ recipiant. ibid. 2.b  
 Apocalypsis quo tempore fuerit conscripta. 28.1.c  
 Apocalypsi non futura solum, sed præterita contineri. ibid. d  
 in Apocalypsi quomodo conueniat prophetiæ nomen cum præteritorum narratione? ibid. d.e  
 Apocalypsis prius Christo quam Ioanni ostenfa. ibid. 2.e  
 Apocalypsim non scriptam à Ioanne ante Ierosolymæ excidium. 29.2.a  
 Apocalypsis anno 14. Domitiani scripta. 30.1.b  
 Apocalypsis scripta quinque & viginti annis post euerfam Ierosolymam. ibid.  
 de tempore quo Apocalypsis fuit scripta Hieronymi mens. ibid. d  
 Apocalypsis secundum Hieronymum est vox sacris Literis peculiaris. ibid. 2.e  
 Græca vox Apocalypsis cur sit ab interprete relicta? 31.1.e  
 in voce Apocalypsis singulare quid delitescit. ibid. 2.c  
 Apocalypseos obscuritas ex interpretum consensu. 32.1.a  
 Apocalypsim à Ioannis discipulis intellectam credere par est. 33.1.a  
 de Apocalypsi vniuersa Ticonij expositio. 33.2.d  
 de Apocalypsi vniuersa Montani expositio. 34.1.a  
 de Apocalypseos totius intelligentia Salmeronis, & Pererij sententia. ibid. b  
 de Apocalypseos vniuersæ expositione Lirani & aliorum opinio. ibid. d  
 de Apocalypseos vniuersæ expositione Ioachimi & aliorum opinio. ibid. 2.a  
 de Apocalypsi Millenariorum opinio omnino fabulosa. 35.1.b  
 Apocalypseos argumenti præstantia. 38.1.b  
 Apocalypseos argumenti excellentia Patrum testimonio comprobatur. ibid. d  
 Apocalypseos argumenti excellentiam in hoc commentario non desiderari. ibid. 2.e  
 Apocalypsim aliqui plures in visiones partiuntur. 41.1.a  
 in Apocalypsi vnicam visionem fuisse probatur. ibid. c  
 in tota Apocalypsi vnicum expositionis filum attexere, quàm sit optabile. ibid. 2.b  
 qui in Apocalypseos interpretatione ordinem perturbant, quas deuorent difficultates. ibid. d  
 de tempore quo Apocalypsis fuit scripta, quid senserit Epiphanius? 30.2.b  
 Apocalypseos nostrum argumentum quantum ab ordinis perturbatione abhorreat. 42.1.a  
 in Apocalypsi nec rerum nec temporum ordinem seruari, nonnullis placuit. ibid. 2.b  
 in Apocalypsi ordinem seruari constat. 43.2.b  
 ex Apocalypseos totius cõtinuata serie fructus perceptus. 44.1.b  
 ex Apocalypseos ordinata & consequenti interpretatione validum ad confutandos Hæreticos argumentum sumitur. 46.1.d  
 in Apocalypsim arrogantes Hæreticorum inscriptiones. ibid. 2.e  
 in Apocalypseos interpretatione discrimen inter Catholicos, & Hæreticos. 47.1.d  
 Apocalypsi auctoritatem Lutherani derogant. ibid. e  
 argumenti nostri Apocalypseos confirmatio ex indicij à Ioanne Apostolo obseruatis. 48.1.c  
 ad Apocalypseos interpretationem quæ Ioannes indicia conducentia reliquerit? ibid. 2.d  
 ad Apocalypseos expositionem duo indicia à Ioanne



Ioanne data. 49.2.d.  
ad Apocalypsim intelligendam indicia etiam à Patri- 50.1.a  
tribus obseruata.  
de Apocalypseos interpretatione quid Hieronymus 50.1.a  
senferit. ibid.2.a  
de Apocalypseos interpretatione quid Irenæus sen- 50.1.b  
ferit. ibid.b  
aliorum de Apocalypsi interpretationes impugnantur. 53.1.d  
scopus Ioannis dum Apocalypsim scripsit. 53.1.d  
Apocalypsis quatuor in partes diuiditur. 54.1.b  
Apocalypsis quàm ornate describat finem belli à Roma ethnica in Ecclesiam suscepti.  
Apocalypseos præcipuus scopus est Romæ ad Christi fidem conuersio. ibid.d  
Apocalypseos liber Romanæ vrbi gloriosissimus. 55.1.a  
Apocalypseos liber cur adeo obscure conscriptus? ibid.  
Apocalypseos obscuritas nihil vtilitatis Christiano populo detraxit. ibid.d  
Apocalypseos libri cur tanta obscuritas. ibid.2.b  
Apocalypseos obscuritas in Romanæ Ecclesiæ vtilitatem maximè redundat. ibid.d  
tempus quo Apocalypsim Deus suæ Ecclesiæ referet appropinquare pie credere par est. ibid.e  
in Apocalypseos symbolis quid requiratur. 57.1.d  
Apocalypseos varia symbola proponuntur. 57.1.a  
in Apocalypseos figuris nihil est quod non ad ænigmatici sensus normam redigatur. ibid.d  
exempla de eleganti symbolorum Apocalypseos significatione. 60.2.e  
ex Apocalypseos explicatione magnam accipit lucē spiritualis doctrina. 61.2.b  
ex Apocalypsi ad moralem doctrinam magna lux refunditur. ibid.d  
in Apocalypseos symbolis obscuris magnam lucem delitescere. ibid.e  
Apocalypseos reuelationibus an Ioannes fuerit nouas reuelationes edoctus. 62.1.a  
ex Apocalypseos nostra interpretatione multa non noua sed nouè colligi. ibid.d  
in Apocalypseos tota hac interpretatione nihil in doctrina aut nouum aut minus certum statuitur. 63.1.c  
ex obscurissimæ Apocalypseos interpretatione multa in difficillimos veteris testamenti locos refunditur lux. 64.1.b  
ex Apocalypseos intelligentia quæ aliorum Scripturæ locorum explicatio colligatur. ibid.d  
ex Apocalypsi qui Scripturæ loci lucem accipiant. 65.1.a  
qui nouam expositionem Apocalypsi quadrare, & tamen ex Ioannis mente non esse dicat, is sanè Spiritui sancto derogat. 71.1.b  
in Apocalypsi quot verba tot sacramenta. ibid.2.e  
Apocalypseos nostra explicatio nouitatem cum antiquitate coniungit. 73.1.e  
Apocalypseos doctrina generalis est. 73.2.e  
Apocalypseos receptam intelligentiam in aliquibus locis in nostra explicatione minimè rejici. 74.2.a  
Apocalypseos artificium quo pacto in rebus futuris sæpè fundetur. ibid.b.c  
Apocalypsim explicandi ratio, quænam censetur optima. 75.1.b.c  
Apocalypseos partium singularum recepta doctrina qua ratione in nostra expositione locum habeat. ibid.c  
de B. Brigittæ reuelationibus circa Apocalypsim quid dicendum. ibid.d  
Apocalypseos doctrina de tribus Ecclesiæ bellis ad alia extendi potest. 80.1.a & quo pacto. ibid.2.a  
in Apocalypsi cur prætermittatur Religiosorum ordinum pulchritudo. ibid.e  
Apocalypsis cur meminerit Nicolaitarum Hæreseos, non verò aliarum. 81.2.a  
in Apocalypsi interpretationem nimium literalem Hieronymus reprehendit. 82.1.d  
Apocalypsim iuxta veterum Patrum mentem spiritualiter explicatum iri. ibid.e  
Apocalypseos bella mysticè esse intelligenda &

contextus & euentus cogunt. 86.1.d  
Apocalypseos mirum artificium apparet ex mystica bellorum interpretatione. ibid.2.c  
Apocalypsis Iesu Christi cur appelletur hæc prophetia. 169.a  
Apocalypsis latine Reuelatio. 171.1.d  
Apocalypseos seu reuelationis nomen quid innuat. 172.1.b  
Apocalypsis Iesu Christi, duplicem sensum habere potest. ibid.d  
Apocalypseos argumenti præcipuam partem esse peccatorum conuersionem. 195.e  
Apocalypseos argumentum duo bella complecti. 209.1.c  
Apocalypseos prima figura quo pacto totius argumenti summam complectatur. 214.c  
Apocalypseos primæ figuræ & eius partium collatio cum præcipuis totius Apoc. partibus. ibid.d  
Apocalypsi lux ex Isaia data. 240.a  
Apocalypsi esse indignum vt singularis fœminæ mentio adeo peculiaris fiat. 275.b  
ex Apocalypseos doctrina non parum lucis in tractationem de Angelis deriuari. 345.2.b  
Apocalypsim de ingenti annonæ caritate agere. 455.2.a  
quod sit 8. capitum Apocalypseos argumentum. 61.1.d  
in Apocalypseos capite 12.18. an legendum sit. *Stein* 662.e  
in Apocalypseos explicatione rerum transgressionē, & ordinis permutationem minimè rectè admitti. 667.c  
Apocalypseos capitis 14. series qua ratione cū præcedentibus connectatur. 709.c  
Apocalypsim quanti debeat Roma facere. 800.2.b  
quæ ex Apocalypsi lux in Scripturæ cognitionem & intelligentiam refunditur quanti sit æstimanda? 844.2.c  
Apocalypsis quo sensu asserat, Dominum Deum regnasse. 848.1.a  
Apocalypseos partis postremæ expositio quàm noua, quàmque Romanæ Ecclesiæ gloriosa sit. 868.b  
Apocalypseos capit. 20. expositionem à B. Augustino in lib. de ciuitate tradi. 870.1.a  
quæ sint præcipua in quibus nostra capitis 20. Apocalypseos explicatio cum B. Augustini explicatione consentiat. ibid.b  
ex Apocalypseos totius serie & filo, quod Hæretici ducere nequaquam possunt, ipsorum falsitas & error expenditur. 899.1.e  
Apocalypseos scopus quo potissimum tendat. 916.b  
toti Apocalypsi in Epistolæ normā conscriptæ more Apostolico Dei gratia & initio fuit proposita, & tandem in fine postponitur. 1025.d

## Apostolus.

Apostolis quomodo tribuat Apoc. stellarum symbolum. 236.c  
Apostolis promissio à Christo facta de concessione & iudicandi potestate quo sensu intelligenda. 282.1.d  
Apostolis singulis aptari quatuor Ioannis animalium symbola. 369.b  
Apostolorum interrogatio ad Christum, *quod signum aduentus tui*, quorsum facta. 466.1.c  
Apostolos esse intelligendos sub duodecim tribuum nominibus. 477.c  
Apostolorum symbolum stellæ duodecim. 621.1.b  
Apostoli bases terræ dicuntur. 624.1.d  
non Apostolos, ac discipulos, sed eorum tantum filios includi in numero 1440. 715.e  
Apostolorum nomina qua ratione in ipsis fundamentis ciuitatis disposita & exarata Ioannes viderit. 937.1.e  
Apostolorum prædicationem vbique gentium antè Romæ conuersionem fuisse quasi dispositionem præuiam ad generalem conuersionem Roma cōuersa futuram. 798.2.a  
de ordine quo Apostolorum nomina fuerint in fundamentis scripta, quid dicendum. 937.1.e  
Apostolos duodecim in fundamentis 12. pro certo figurari. 938.b  
Apostolis cur Ecclesiæ fundamentorum symbolum tribuatur. 939.a



Apostolos esse Christianæ Ecclesiæ fundatores ac fundamenta in quo consistat. ibid. b  
 Apostolorum symbolum quo ordine fuerit ab ipsis Apostolis compositum. 940. a  
 Apostolorum mens in Symbolo condendo quæ fuerit. 939. d  
 siue Apostoli singuli singulas Symboli veritates, siue cuncti cunctas condiderint, perinde esse ad nostræ expositionis firmitatem. 940. b  
 num ab Apostolis sint in symbolo expressa verba illa descendit ad inferos; an ab Ecclesia addita. 950. a

*Aqua.*

quis sonitus Ioanni auditus similis Aquarum multarum. 208. e  
 Aquarum multarum sonitus multipliciter accipi posse. 209. a  
 hæc verba, *Aquarum multarum*, quomodo accipienda sint. ibid.  
 Aquas multas & mare sæpè in sacris synonyma. ibid. b  
 inter Aquarum multarum & tubæ sonitus ad belli significationem, quid interfit. ibid. d  
 Aquarum multarum sonum ad multarum nationum bellum referri. ibid.  
 Aquarum multarum voce bellum Gentilitatis exprimitur. ibid. e  
 sono Aquarum multarum cur Christi vox similis figuretur. 210. a  
 Aquarum multarum sonum in Scriptura interdum in flumine, interdum in mari significari. ibid. c  
 Aquarum multarum voce confusionem designari. 213. 2. b  
 Aquarum multarum vocem cur Ioannes à fronte audierit. 216. a  
 de Aquarum multarum voce variæ expositiones. 234. a  
 Aquarum multarum sonus quid sit apud Ezechiel. ibid. d

cur Ioannes prius audierit vocem tubæ, deinde Aquarum multarum. 249. 1. a  
 Aqua tepida cur stomacho non retineatur. 316. a  
 Aquæ in absinthium versæ quomodo intelligantur. 515. c

Aquæ factæ fuisse amaræ quo sensu dicantur. 516. a  
 Aquarum multarum congregatione denotari generationum multarum multitudinem. 548. d  
 quando Aquæ igne arserunt in Eliæ & Nehemiæ sacrificiis, quem sensum mysticum Spiritus sanctus intendisse videatur. 551. 1. a

quid per Aquam sancto igni contrariam figuretur. ibid. b

Aquarum multarum vox cur Ioanni sit à cælo exaudita. 517. b

Aquarum multarum vox cur cum voce tonitruum coniungatur. ibid.

Aquarum fontes, & mare Deus fecisse cur dicatur. 721. c

Aqua maris quomodo confideretur in sanguinem conuersa. 773. b

Aquæ & sanguinis ex Christi latere fluentium mysterium. ibid. e

per Aquarum multarum vocem quid Apocal. 19. figuretur. 840. b

super Aquas multas sedere, quid sit. 807. d

in Aquis multis, super quas mulier sedet, vtrum sit sermo de aquis fluminis, an de aquis maris. 816. e

cum Aquæ vitæ fonte gratis dato quomodo cohereat id quod dicitur, *Qui vicerit, &c.* 927. a

Aqua vitæ cur appelletur vnda fluminis capitis 22. Apoc. 1014. a

Aquarum Angelus. *Vide Angelus.*

*Aquila.*

Aquilæ similitudinem ad alas solum referre quàm sit violentum. 361. c

Aquila sapientiæ ac prudentiæ symbolum. 368. d

Aquilæ perspicax visus. ibid. e

pro sapientia in Aquila figuranda duplex aliud veterum insigne. 373. c

Aquilæ & draconis pugna. 374. a

Aquilarum alæ ingentes de quibus cap. 17. agit Ezechiel, quid significant. 378. e

Aquilæ facies cur fuerit supra ceteras posita in Ezechielis animalibus. 397. 1. d

Aquilæ facies cur nusquam in templo fuerit calata. ibid. 2. b

Aquilæ vox ter repetentis *V.* quid sibi velit. 517. e

Aquila c. 8. Apoc. cur per medium cæli volare dicatur. 518. a

*Arbor, Arbustum.*

per Arbores cælestes de quibus Apo. 22. an Iusti figurentur, necne. 1016. e

in Arbusto Apoc. 22. allusio ad Ezechielis Arbores, & quod sit vtrarumque discrimen. 1017. b

Arborum folia cur in cælo dicantur ad sanitatem Gentium vtilia, cum inibi nulla sit infirmitas. ibid. c

Arbusta cælestis Ierusalem quid adumbrent. 919. c

*Arca.*

Arcam testamēti nec ab Ezechiele nec à Ioanne sub Dei throno fuisse visam, & quare. 333. e

Arcam num Ioānes viderit in visione c. 4. vel quidquam aliud ei respondens. 402. 1. e

Arcam fœderis nomine gloriæ Dei aliquando in sacra Scriptura significari. ibid. 2. a

Arcæ loco iridem Ioanni fuisse visam. ibid. d

Arcæ fœderis cur in visione c. 4. sit in arcum cælestē conuersa. ibid. e. 403. 2. d

Arcæ testamenti in cælo visa quid significet. 607. d

intra Arcam testamenti quid fuerit, quid iuxta. 608. a

Arcæ testamenti quomodo in cælo fuerit Ioanni visa. ibid. 1. c

Arcæ testamenti quid significet. ibid.

per Arcæ propitiatorium quid figuretur. ibid. 2. b

per Arcæ testamenti Cherubinos quid significetur. ibid.

Arcæ Noë antiqua quid figurauerit. 974. 2. c

*Arcus.*

Arcus cælestis noui & æterni fœderis symbolum. 333. e

Arcum aptiorem fuisse visioni cap. 4. quàm arcem. 403. 1. a

Arcus potentia symbolum. 439. 2. d

*Arena.*

per Arenam in qua draco constitit, quid denotetur. 663. e

*Arius.*

Arii Lacedæmoniorum regis insigne, eiusq; ad Domini Nostri Pauli V. stemmata accommodatio. 373. d

*Armagedon.*

in Armagedon campum congregari quid sit. 790. e

Armagedon nominis etymologia multiplex apud Hieronymum & alios. 790. 1. e. & seq.

*Articulus.*

quodd Articulus habeant in Græco triticum & hordeum, vinum verò & oleum non habeant, quid innuat. 453. e

Articulus Græco nomini præpositum non semper peculiare habere mysterium, nec è contrario semper abesse mysterium, cum ille abest. 695. d

Articulus de Christi sepultura magis esse coniunctum cum ipsius descensu ad inferos, quàm cum resurrectione. 950. 2. c

*Vide, Fides, Symbolum.*

*Arx.*

in Arcis Sionæ instaurationem fuisse impensum selquimensem à Daniele additum. 571. 2. a

in Arcem Romanam quomodo se insinuauerit Religio Christiana. 785. a

*Afinus.*

per Afini & cameli ascensores in Isaia figurari Petrum & Paulum Apostolos. 804. 1. a. & 2. b. c

Afinus & camelus cur currum illum trahere fingantur de quo Isa. 21. 7. ibid. 1. b

Afinum cur Christus detulerit in Ierosolymæ ingressu. ibid. c

Afino & camelo vecti cur fingantur Petrus & Paulus. ibid. d. e

Afini natura, & consideratio ex Plinio. ibid. 2. b



inter Asinum & Camelum, & eorum sessores quoad  
symbolicam significationem, nullum esse discrimen. 805.1.a

*Aspicio.*

verbum Aspiciere, apud Zachariam quid significet? 198.1.a

*Affer.*

tribui Affer aptatur Achatas gemma. 1003.1.a

*Assyrius.*

Assyriorum monarchia quo tempore initium duxerit? 528.2.a

Assyriorum imperium quomodo in Danielis statua figuratum? ibid.b

Assyriorum Monarchia electrum applicatur. ibid.d  
in Assyriorum imperio iustitiam & aequitatem viguisse, coniecturis elicitur. ibid.

Assyriorum Monarchia studium aequitatis ac iustitiae cum primis proprium fuisse. 529.2.b

*Atrium.*

de quo Atrio Ioannes loquatur Apoc. 11. 565.d

Atrium gentium cuiusmodi fuerit. ibid.

Atrium gentium quodnam fuerit, & cur ita dictum? ibid.e

Atrij gentium Ezechielem minimè meminisse in sua templi descriptione. 566.a

Atrium eue foras, quid sibi velit iuxta sensum grammaticum? ibid. Et quid sit mysticè. 567.b

ab Atrij gentium dimensione cur Ioannes prohibeatur. 566.b

per Atrium quid significetur c. 11. Apoc. ibid. d

quod Atrij gentium dimensio Ioanni interdicator, dimensio verò templi imperetur, quid habeat mysterii. 567.a

Atrium sacerdotum, & Atrium Israelis complecti nomine templi apud Ioannem. 565.c

*Auaritia.*

Auaritia quomodo mercatoribus applicetur. 830.a

*Audacia.*

Audaciam esse sessorem equi secundi de quo Apoc. 6. 451.a

*Aues.*

Aues cur solùm inuitet Angelus in sole stans, apud Ezech. autem iubeat Deus aues & bestias inuitari? 864.a

*Aurichalcus.*

de Aurichalco variae opinioniones. 228.c

Aurichalco cur similes pedes primae figurae Apocal. 229.a

Aurichalci nomine quid intelligendum sit. 231.1.a

de Aurichalco opinio Antonii Nebrissenfis. ibid.

de Aurichalci nomine quid dicendum. 232.2.c

*Aurum.*

in Auri symbolo nouem considerationes. 225.1.b

Aurum charitatis symbolum. ibid.

Aurum argento mistum inueniri. ibid.c

in Auri generatione quid mysticè figuretur. ibid.

Auri per splendorem quid significetur. ibid.2.b

Auri proportio in pondere ad cetera metalla. ibid.

Aurum ceteris metallis ponderosius. ibid.

per Auri pondus quid significetur. ibid.d

Auri facilitas quanta sit praë plumbo & ceteris metallis. ibid.e

per Auri facilitatem quid figuretur. 226.1.b.c

Auri quàm minimum vsu deterii. ibid.d

per Auri constantiam quid significetur. ibid.

per Auri munditiam quid significetur. ibid.e

per Auri remedia & medicinas quid significetur. ibid.2.a

Aurum liquefcens iniectis gallinae membris confumitur. ibid.b

Auri, & gallinae antipathia. ibid.c

per Auri miracula quid figuretur. ibid.

per Auri aestimationem quid figuretur. ibid.e

per Aurum ignitum quid denotetur. 317.c

Aurum obryzum quod sit ex Plinio. ibid.d

per Aurum ignitum doctrinam Euangelicam figurari. ibid.

quinam Aurum & argentum aedificare dicantur.

576.1.e

per Aurum, argentum & gemmas quid intelligat Paulus 1. Cor. 3. 12. ibid.2.b.c

per Aurum platea & aedificiorum caelestis Ierusalè quid significetur. 919.b

Aurum perspicuum ex quo interna ciuitas est fabricata quid significet. 946.a. 1007.e. 1008.a

Aurum vocari à Plinio triumphale. 982.2.d

B.

*Babylon.*

quænam sit Babylon ex qua numerosissimus exercitus contra Ierolimam erumpere fingatur? 537.d

Babylonis conuersio licet in antiquis Prophetis propria vindictæ speciem præferat, eam tamen de mystica vindicta esse intelligendam. 799.2.e

Babylonem in Apocalypsi pro Roma ethnica sumi. 612.a

in Babylonis ruina allusio ad Isaia & Ieremiae loca. 721.d

vino iræ Babylonis opponi vinum iræ Dei. 728.a

Babylonem mysticam esse Romam. 784.a

utrum Babylon nomine ciuitatis magnæ indicetur. 793.c

Babylonem in memoriam ante Deum venisse, quid denotet. 795.a

sub nomine filia Babylonis Romam intelligi. 799.1.e

de Babylonis vastitate à Prophetis prædicta grauis difficultas, quomodo scilicet sit accipiendæ? 800.1.a

Babylonis nomine quid significetur in Apocalypsi. 801.1.a

Babylonis nomine Romam denotari. ibid.c. & seq. sub nomine Babylonis num intelligatur Constantinopolis. ibid.2.a

Babyloni supplicium inflatum quo sensu accipiendum sit. 802.1.c

Babylonis antiquæ infamis consuetudo de virginibus ante matrimonium prostituendis. 811.a

Babylonis nomen quæ ratione Romæ conueniat. 814.e

Babylonis antiquæ vastitas de qua Propheta fuisse locuti, quo pacto sit accipienda. 816.c

Babylon cecidit, quid sit. 820.e

de Babylonis euerfione, & demoniorum inibi habitatione prolata ab Angelo verba Apoc. 18. in mystico sensu esse accipienda. 821.a.b

de Babylonis excidio triplex ratio. 822.a. 835.a

ut ex mystica Babylone egrediantur fideles quo sensu admoneantur. 824.c

Babylonis peccata ad cælum peruenisse quo sensu dicantur. 825.c

Babylonis fumus ascendens in sæcula sæculorum quid mysticè adumbret. 839.d

*Vide Roma.*

*Balaam, Balac.*

Balac & Balaam historia mysticè explicatur. 735.2.b

Balac Moabitum & Ammonitarum Rex. ibid.1.c

*Baltem.*

quid per Baltei & podèris coniunctionem denotetur? 245.2.c

*Baruchus.*

Baruchi nominis etymon. 190.2.d

*Beatitudo, Beatus.*

Beatitudinis caelestis consideratio quantæ sit utilitatis? 999.2.c

Beati quinam prædicentur Apoc. 19. 854.a



Beatorum felicitas quomodo in Amethyſti colore adumbretur? 1000.1.c  
 Beatorum caeleſtem ſapientiam duplici claritatis & ſuuij ſymbolo non ineptè ſignificari. 1013.e  
 in Beatorum frontibus nomen Dei inſcriptū quid ſignificet. 1018.c  
 Bellum ſeptem tubarum vnicum eſſe, non plura. 49.1.b.  
 Bellum duplex in Apoc. alterum cum Synagoga, alterum cum Gentilitate. ibid. 1.e  
 Bellum Antichriſti non eſt præcipua huius libri pars. 54.c.1.  
 Bella Iudæorum, Gentilium, & Antichriſti cur Eccleſiæ reuelari oportuerit, alia Hæreticorum & Maurorum non item. 79.1.c.  
 de tribus Eccleſiæ Bellis doctrina ad alia etiam extendi poteſt. 80.1.a.  
 Bella Apocalypſeos myſticè eſſe intelligenda, & contextus & euentus cogunt. 86.1.d.  
 ex Bellorum myſtica interpretatione mirum Apocalypſeos artiſtium apparet. ibid. 2.c.  
 Bellum Synagoga ſono tubæ, bellum Gentilitatis voce aquarum multarum exprimitur. 209.e  
 Bella duo complecti Apocalypſeos argumentum, ibid.  
 in Bellis litui, tubæ, & cornua vſitata. 213.2.d.  
 Bella Machabæorum præ ceteris veteris teſtamenti fuiſſe Chriſtianæ Eccleſiæ perſecutionum figuram. 244.2.d.  
 Bellum à Romanis in Iudæam geſtum in ſecunda tubarum plaga indicari. 514.b  
 in Belli ſimilitudinem proponi ſextam tubarum plagam. 537.c  
 cuius Belli ſit ſymbolum maris tempeſtas. 548.e  
 Bellum facere contra duos teſtes quàm rectè dicantur locuſtæ. 593.d  
 Belli ratio potiſſima ab Euangelii concionatoribus tacti contra idololatriam, item Mathathia aduerſus Antiochum. 651.1.d.  
 Bellum à tribus hoſtibus dracone, Beſtia terreſtri, & marina in Eccleſiam geſtum quomodo aptè ad bellum trium animæ hoſtium applicetur. 673.d  
 diſcrimen inter Bellum Gogi & Magogi de quo Ezech. & inter hoc de quo Ioannes loquitur, c. 20. oſtenditur. 1158.d  
 ex Belli. vtriuſque vario exitu probatur diuerſum eſſe bellum de quo Ezechiel ab eo de quo Ioannes Apoc. 20. loquitur. 897.c  
 quomodo cum exacta Apocalypſeos in alluſionibus conſuetudine poſſit ſtare, vt c. 20. Bellum Ezech. reſpiciatur, & tamen de alio diuerſo ſit ſermo. 898.b  
*Vide Aqua, Gog, Magog.*  
*Beneficentia, Beneficium.*  
 Beneficentiæ obiectum quod ſit. 413.1.e.  
 Beneficentiam ſub maleſcentiæ ſimulatione maxime eminere. 413.2.a  
 Beneficentia Chriſti quomodo carnis oculis eſſet abſculta. 446.2.d  
 Beneficium per vindemiæ allegoriam figuratum quodnam fuerit. 741.b.  
*Vide Bos.*  
*Beniaminus.*  
 Beniamini fors quare commutetur in Ezechielis deſcriptione? 309.2.a  
 Beniamino aptatur Beryllus. 1003.d  
*Berillar.*  
 Berillar Hiſpanum verbum vnde deriuetur. 905.2.b  
*Beryllus.*  
 Beryllus & Smaragdus num ſint eiufdem coloris. 983.1.a  
 Berylli color quomodo à Plinio & Solino exprimitur. 984.1.a  
 Berylli ſpecies videntur eſſe Chryſolicæ. ibid. 1.d  
 cum Berylli color comparatur colori maris puri à Plinio & Solino, de quo puri maris colore loquatur. 984.2.b  
 Berylli quam in figuram olim cæſari ſolerent. ibid. 1.e  
 Beryllos eximios quondam pro gemmis Regū propius fuiſſe habitos. ibid. 2.a

Beryllum olim non auro indui ſolitum, & qua de cauſa. ibid. 2.b  
 Beryllum contra ſegnitiem valere, & prodeſſe pugnantibus. ibid.  
 Berylli glaucus color ad extremi iudicii ſeueritatē, & horribilitatem innuendam aptus. 985.1.c  
 Beryllus octauo fidei articulo applicatur. ibid.  
 quod Berylli non auro indui ſolerent, quid ſymbolicè denotet. ibid. 1.e  
 Beryllo maris puri color attributus quid adumbret. ibid. 2.a  
 Beryllus pluribus angulis cæſari ſolitus, quid myſticè indicet. ibid. 2.b  
 Beryllum & prodeſſe pugnantibus, & contra ſegnitiem valere quid denotet. ibid. 2.d

*Beſtia.*

in Beſtia Danielis quarta, quid ſignificet tria capitis cornua ab alio eminentiore deiici. 682.e  
 Beſtia quæ Apocal. 11. dicitur de abyſſo aſcendiſſe, quænam ſit. 593.a  
 Beſtiæ characteris cur nulla mentio fiat Apoc. 15. 2. 755.d  
 Beſtiam, deſolutura & ſpoliatura decē cornua quomodo dicantur. 815.d  
 Beſtia quo ſenſu dicatur die ac nocte crucianda. 906.c  
 ex Beſtiæ Danielis comparatione cum marina beſtia reuincitur Hæreticorum infania. 669.e  
 Beſtiæ caput vnum quaſi occiſum quid ſignificet. 686.d  
 de Beſtia quo ſenſu dicatur & octauam eſſe, & eſſe de ſeptem. 813.d  
 qui Beſtiæ characterē ſignati non erant, quid ſit prohiberi ab emptione, & venditione. 702.e  
 de Beſtiæ decem cornibus variæ opiniones. 817.1.b  
 per decem Beſtiæ cornua qui figurentur. 814.c  
 Beſtiæ decem cornua quid ſignificent. 682.a  
 in Beſtiæ ſeptem capitibus cur non fiat mentio perſecutionis Iuliani? 678.a.b  
 in Beſtiæ capitū ſeptenario indefinitè ſumpto quid innuatur. 679.d  
 Beſtiæ nomen quodnam ſit vel expreſſum literis, vel numeris impreſſum. 703.b  
 in Beſtiæ capitibus, decem cornua quomodo conſideranda. 681.e  
 per Beſtiam de qua capit. 17. 8. quid adumbretur. 812.c  
 Beſtiam vincere quid ſit, & imaginem & numerum eius. 755.d  
 Beſtiæ ſedes quænam appelletur. 780.a  
 Beſtiæ victores qui ſint, & imaginis eius, de quibus Apoc. 15. 2. 755.c  
 Beſtia coccinea vtrum ſit eadem cum Beſtia maris. 807.a  
 Beſtiæ maris à dracone data poteſtas vtrum referri poſſit ad facultatem falſa patrandi miracula. 686.b  
 Beſtiæ marinæ cornua cur coronentur. 636.a  
 Beſtiæ maris ſignificatio. 664.b  
 Beſtiam marinam de damone rectè explicari non poſſe. 666.b  
 Beſtia maris an ſit Antichriſtus. ibid. d  
 de Beſtia maris Millenariorum mentem ( ſi rectè inſpiciatur ) ad interpretationem de Romano Imperio ſatis inclinare. 668.a  
 exponentibus Beſtiam marinā de Antichriſto, quid reſpondendum, & quid de explicationibus idem dicentibus ſentiendum. ibid. b  
 Beſtiam marinam opiniones exponentes de peculiari aliqua perſona impugnantur. ibid. d  
 de Beſtiæ marinæ expoſitione Hæreticorum deliramentum. 669.a  
 opinio Beſtiam maris exponens de Turcarum imperio exploditur. 670.a  
 Beſtiæ marinæ vera interpretatio de Romano Imperio idololatra ſtatuitur. ibid. b. & ſeq.  
 Beſtias maris & terræ cum dracone aduerſus Eccleſiam fuiſſe ſœderatas. 674.e  
 Beſtiæ marinæ aſcenſum è mari perinde conſiderari quaſi draconis effectum, idemque de terræ Beſtia



dicendum. 975.a  
 Bestiam è mari ascendere quid sit. ibid.  
 Bestiam alteram è mari, alteram è terra confurgere quid sit. ibid.c  
 per Bestiæ capita septem quid figuretur. 676.b  
 Bestiæ marinæ 7. capita qua rerum vicissitudine intelligenda sint sibi succedere. 677.a  
 inter Bestiæ capita distinctionem non inferri ex personali Imperatorum inter se distinctione. ibid.b.  
 in Bestiæ marinæ capitum septenario numero difficultas non exigua. ibid.c.  
 in Bestiæ marinæ capitum septenario haberi respectum ad exactum Ecclesiæ persecutionum numerum, exceptis tamen Neronis & Iuliani persecutionibus. 678.a  
 in Bestiæ marinæ capitum septenario cur Neronis persecutionis mentio nulla sit. ibid.b  
 de Bestiæ marinæ septem capitibus secunda expositio. 679.b  
 in Bestia marina non posse significari quatuor mundi Monarchias. 681.b  
 Bestiæ marinæ collatio cum quarta Danielis Bestia, quam respicit. ibid.a  
 Bestiæ capitibus impressa blasphemiarum nomina quæ sint. 683.a  
 Bestiæ maris cur figura noua & insolita appareat, nec veri alicuius animantis similitudinem præferat. ibid.d  
 Bestiam marinam ex quatuor Danielis bestiis quodammodo constari. 681.c  
 significatio partium ex quibus Bestia marina compingitur. 684.e  
 in Bestiæ marinæ pedibus cur luxuriæ, in corpore auaritiæ, in ore superbiæ symbolum collocetur. 685.b  
 in Bestia marina vrsi, pardi, & leonis symbola esse petenda ex trium primarum Danielis Bestiarum significatione. ibid.c  
 in Bestia marina ex pardo, vrsio, & leone compacta cur Romanum adumbretur Imperium. ibid.e  
 potestatis Bestiæ maris à dracone concessæ alia traditur expositio. 686.c  
 Bestiæ maris caput occisum qua ratione dicatur reuixisse. 687.b  
 Bestiæ marinæ primi capitis reuiuiscencia, vtrum tamquam ipsius bestiæ miraculum referatur. 688.a  
 post Bestiam maris admirata quomodo vniuersa terra dicatur. ibid.b  
 de qua Bestiæ maris adoratione sit sermo, cum dicitur, *Adorauerunt Bestiam.* ibid.c  
 Bestia maris qua ratione dicatur in Dei tabernaculum maledicta congestisse. 689.d  
 de quo Bestiæ maris bello atque victoria sermo sit Apoc. 13.7. 690.b  
 de qua Bestiæ marinæ imagine sermo sit Apocal. 13.14.15. 700.d  
 Bestiæ marinæ imagini quo sensu anima indita esse dicatur. ibid.e  
 partes ex quibus Bestia marina compingitur ad superbiam omnes reuocari. 703.d  
 Bestiæ marinæ rectè superbiam attribui. ibid.e  
 Bestiæ marinæ nomen literis vel numeris notatum quod sit. ibid.f.  
 Bestiæ nomen quo sensu alii accipiant; alij nominis numerum. 704.a  
 Bestiam qui adorare nolunt, quo sensu dicatur humano interdici commercio. ibid.c  
 de Bestiæ maris nominis numero referuntur aliquorum expositiones. 708.1.a. b & seq.  
 Bestiæ terræ significatio. 664.b. 693.c  
 Bestiæ è terra ascendentis interpretatio quæ sit. 671.c  
 de Bestia terræ quid singillatim textus exprimat. 692.c  
 Bestia terrestris vtrum sit humana specie cõcipienda. ibid.  
 Bestia terræ num præter ea quæ textus exponit, fuerit in ceteris marinæ Bestiæ persimilis? ibid.e  
 Bestiæ terrestris duo cornua familia Agni quid

significent? 693.c  
 in Bestiæ terræ sermone alludi ad astutiam serpentis Etiam decipientis. 695.c  
 Bestiam terræ loqui vt draconem quid sit? ibid.b  
 Bestiæ terræ cornuum tertia expositio applicatur ad Simonem Magum & Apollonium. 694.2.c  
 duo Bestiæ terrenæ cornua esse Agni familia, quid innuat? 693.e  
 Bestiæ terrestri cur duo Agni cornua potius quam marinæ apponantur? 694.a  
 Bestia terræ qua ratione effecerit vt terra primam Bestiam adoraret? 696.c  
 à Bestia terræ signa patrata quænam sint? 699.c  
 à Bestia terræ signum de celo per speciem demissum posse etiam de falso religionis cultu suo modo explicari. ibid.d.e  
 Bestiæ terrestris secundum miraculum explicatur. 700.b  
 à Bestia terræ signa fieri in marinæ conspectu quid sit? 701.a  
 Bestia terræ quomodo faciat omnes habere characterem in fronte? 702.b. Et quo sensu? 703.a  
 contra Bestiam terræ quomodo tertii angeli vox de qua Apoc. 14.9. iactetur? 727.b  
 Bestiam terræ quoad mysterium attinet, bifariam considerari posse. ibid.d

## Bilibris.

Bilibris tritici denario quid sit. 453.d  
 Bilibres tres hordei denario, quid sit. ibid.

## Booz columna.

nominis Booz & Iachin columnarum etymon. 306.2.d.c  
 Vide Columna.

## Bos.

in Bobus duodecim mare æneum sustentibus qui figurentur? 352.b  
 Bos seu vitulus beneficentia symbolum. 367.c  
 Bos non viuus modò, sed & occisus & corruptus humano generi vtilissimus. ibid.  
 ex Bobus putrefactis apes & bombyces procreari. 368.a  
 de Boue philosophiæ dictæ ad beneficentiam applicatio. ibid.c

## Brachium.

Brachia vsque ad pedes quasi speciem æris candentis, cur Daniel viderit in sua visione. 246.2.a  
 per brachia ex ære in Danielis figura quid adumbretur? ibid.c  
 Brachia ærea cur non habuerit Ioannis Angelus? ibid.d

## Byssus.

Byssus quid propriè sit? 222.1.a  
 Byssi Iudaicæ pretium ac valor. 223.1.d

## C.

## Cado.

**C**ADERE pro subiici Christo, sæpè in sacris. 599.c

## Cades.

cur in Ezechiele vocatur Cades sacrificium magnum, & in Apocalypsi cœna magna? 863.e

## Cælum.

Cælum quo sensu sumatur initio capitis 4. 322.c  
 in Cælum cur euocetur Ioannes. ibid.d  
 in Cælo cur appareat militans Ecclesia. ibid.e  
 Cælum Ioanni patefcere quid denotet. 323.a  
 in Cælum quomodo Ioannes euocetur & ascendat. ibid.c  
 in Cælum ascendere, atque descendere quid sit. 325.2.a



Calum ascendisse Ioannem & Paulum absque scala  
quid sit? 327.2.c  
Cælum in templo figuratum apud Isaïam. 330.2.e  
Calum Apocal. 4. respondere Salomonis templo.  
402.1.b  
Calum quo sensu Apocal. 5. numer. 3. accipiendum.  
416.e  
in Cælo libri instar conuoluto allusionem ad Isaïæ  
locum contineri. 463.b  
Cali conuoluti significatio ænigmatica quæ sit.  
ibid.c  
Cali virtutes idem quod exercitus cæli. ibid.e  
Cali nomine quid intelligatur, cum Apoc. 14. dicitur,  
*Audui vocem de cælo.* 715.b  
ex Cali noxio influxu sæpè contagionem pestiferâ  
trahi. 315.d  
distinctione Cali, & eorum qui in eo sunt, quid in-  
nuatur. 655.e  
per Cali medium volare quid sit. 719.e  
Cælum apertum Apoc. 19. quid significet. 860.e  
Cælum quo sensu dicatur à conspectu sedentis in  
throno fugisse. 907.b  
Cali noui quanam appellentur. 920.b  
Cali noui qua ratione accipiendi sunt. 921.a  
Calorum mysticorum primæ qualitates cuiusmodi  
fuerint? ibid.c  
Cali mystici quomodo priores qualitates immuta-  
uerint. ibid.e  
Calum vtrûm minùs cæruleum appareat ob ni-  
miam solis lucem. 963.2.d  
Cali partes soli viciniore cur appareant minus cæ-  
ruleæ, quàm remotiores. ibid.2.e

*Calamitas.*

Calamitates Deum in suos immittere vt eos probet.  
496.1.c  
Calamitates patienter sustineri debere. ibid.1.d

*Calamus.*

Calamus cur vocetur mensura Ioanni tradita Apo.  
11. initio. 559.1.b  
in Calamo Ioanni dato allusionem ad Ezechielis ca-  
lamum contineri. ibid.  
Calami mensuræ duplex acceptio in sacris. ibid.  
Calamus Ioanni datus cur dicatur similis virgæ?  
ibid.d  
Calamum mensuræ Ioanni ab Angelo forti fuisse  
datum. ibid.e  
per calamum mensuræ Ioanni traditum, quid fi-  
guretur. 560.b  
Calami dati Ioanni mensura cur magnæ staturæ  
æqualis concipiatur. ibid.c  
Calamus Ioannis cur non sit aureus, sed virgæ simi-  
lis. 561.b  
Calamus maior & calamus minor quod ad men-  
suram attinet, quorū essent longitudinis. 748.1.b  
Calamus mensuræ de quo Apo. 21. 15. quanta fue-  
rit magnitudinis. 940.d

*Calculus.*

Calculus candidus vincenti promissus quid sit.  
266.c  
Calculos interdum in Scriptura appellari pretiosos  
lapillos. ibid.  
de Calculi significatione. ibid.b  
in Calculi symbolo quanta sit elegantia. 267.b  
in Calculo Apoc. fieri allusionem ad calculum Isaïæ.  
ibid.  
promissionis de Calculo candido quis sit sensus?  
ibid. & seq.  
Calculus candidum siue pretiosam gemmam in  
manus alicui tradere, quid sit. ibid.d  
Calculo insculptum nomen nouum quod sit?  
ibid.e  
nomen quod in Calculo Pergameno promisso in-  
scribitur Iesus est. ibid.  
in Calculo inscriptum nomen quomodo nemo

nouit, nisi qui accipit. 268.a  
Calculus candidus ad sacram Eucharistiam accom-  
modatur. ibid.b  
Calculus Isaïæ 6.6. cuiusmodi fuerit. ibid.1.d  
de Calculo Isaïæ Hieronymi sensus. ibid.2.d  
Calculi nominis tam Græci quàm Hebraici etymo-  
logia. ibid.2.e  
Calculo ignito Deum mundasse labia Isaïæ quo  
sensu dicat Ecclesia. 269.1.e  
Calculus Isaïæ num fuerit ignis cauterium?  
270.1.a  
Calculi nomine cur Isaïas vtatur, non carbunculi?  
ibid.2.d  
Calculi nomine cur Ioannes sit vsus. ibid.2.d

*Caligo.*

differentia inter Caliginem Ægyptiorum, & Iudæ-  
orum, & discriminis ratio. 516.e

*Calix.*

Calicem veneni appellari poenam siue supplicium.  
795.b  
Calicis inaurati color quid adumbret? 810.c  
Calix meretricis qua abominatione & immunditia  
plenus erat. ibid.c. & seq.

*Caluinista.*

Caluinistarum insania per occasionem belli à Gogo  
& Magogo gesti confutatur. 898.1.d  
Caluinistarum error in Gogi & Magogi expositione.  
899.1.a  
Caluinistarum conatus in Gogi & Magogi expositi-  
one quàm sit irritus. ibid.1.d

*Camelus.*

Cameli natura & consideratio ex Plinio. 804.2.a  
in Cameli fessore figurari B. Paulum. ibid.2.e  
*Vide Alinus.*

*Caminus.*

Caminus ignis quid per allusionem respiciat. 230.d

*Candelabrum.*

Candelabrum templi respiciebat propositionis mē-  
sam & cur. 218.2.a  
Candelabri lucernarum significatio mystica. ibid.2.c  
Candelabri malogranatorum significatio mystica.  
219.1.e  
Candelabri liliorum significatio mystica. ibid.  
Candelabri scyphorum significatio mystica.  
ibid.2.b  
Candelabri infusoriorum significatio mystica.  
ibid.d  
quid per iustum talenti pondus, quo Candelabrum  
constabat, figuretur. ibid.e  
in medio Candelabrorum cur dicatur Christus am-  
bulare. 257.b  
Candelabrum mouere de loco suo, quid sit. 258.c  
Candelabri commotionis doctrina ad singularem  
cuiusque vtilitatem applicatur. ibid.e  
in Candelabro duplici Apoc. 11.4. sit allusio ad Za-  
chariæ locum. 585.d  
in Candelabro & mensa templi adumbrari distin-  
ctionem inter doctrinam & sanctitatem. 588.a  
Candelabra septem Ioanni visa cuiusmodi formæ  
sint excogitanda. 216.c  
cum Candelabra decem fuerint in Salomonis tem-  
plo, cur tamen Zachariæ vnum, & Ioanni septem  
sint visa. ibid.e  
Candelabri aurei, quod in templo erat, consideratio.  
217.1.a  
in Candelabro templi quæ fuerint spherule. ibid.1.d  
in Candelabro templi, quæ fuerint liliorum, formæ?  
ibid.e  
in Candelabro templi, quæ fuerint scyphorum for-  
mæ. ibid.2.c  
Candelabrum templi an ductile, vel tornatile fue-  
rit. 218.1.a



cum Candelabro emunctoria etiam coniungenda.  
ibid.

Candelabrum templi quot auri pondo habuerit.  
ibid. i. b

Candelabrum templi cauum fuisse, non solidum Iosephus tradit. ibid.

Candelabri templi significatio mystica. ibid. i. c  
per Candelabrum templi quid figuretur. 404. i. c

#### Canices.

Canices quid significet in Apocalypsi. 227. b

#### Canis.

Canum nomine Apoc. 22. 15. qui figurentur? 1022. d

#### Canticum.

Canticum quod Agno decantatur Apoc. 5. 9. cur dicatur nouum. 428. b

Canticum nouum à 1440. vsurpatum, quod sit.

716. a

ad quod Canticum Moysi fiat allusio, cum Apoc. 15. 3. dicitur, *Cantantes canticum Moysi*. 756. c

Canticum Moysi, & Canticum Agni, quid sibi velit. ibid.

Cantici Moisaici summam complecti debere mystico sensu verba quæ victores Apocal. 15. 3. canunt. ibid. e

Cantici Moisaici mystica interpretatio vtrum pro literali debeat recipi. 757. 2. c

Cantici Moysi contextum non vrgere, vt mysticus ipsius sensus pro literali habeatur. 758. i. b

sub pluribus Cantici Canticorum comparationibus, quid mysterii delitescat. 852. b

#### Capillus.

Capillorum nomen Apoc. 1. quò se extendat. 227. a

#### Caput.

Capite obrecto adorandi veterum consuetudo. 390. 2. b

Caput quasi mortuum, de quo Apo. 13. 3. vtrum pro verè occiso sumatur. 686. e

Vide Bestia.

#### Carbunculus.

Carbunculus incarnationis symbolum. 267. c

Carbunculi pretium. 269. 2. e

Carbunculo admoto labia Isaia mundare, quid sit? 270. i. a

Carbunculi ad ignitam prunam similitudo. ibid. c

Carbunculum igne non incallescere. ibid. d

Carbunculus cur Isaia & Ioanni sit visus, Ezechieli verò ignita pruna. ibid. b

num sit Carbunculus gemma de qua Apoc. 2. 17. Ioannes loquitur. ibid. e

Carbunculi nomine adamantem in Scriptura comprehendere probabile est. 271. i. c. 965. 2. c

Carbunculum in animalis fronte nasci & facis instar effulgere vulgi errore ita crebuit. 271. 2. d

Carbuncolorum variae species. ibid. e

Carbunculi cãdidi speciem ab aliquibus tradi. 271. i. a

Carbunculi optimi analogia. ibid. c

Carbuncolorum varia nomina vulgaria. ibid. 2. c

Carbunculus igne non incallescens quid symbolicè significet. 273. 2. b

de Carbunculo quæ soleant passim ficta iactari. 965. 2. a

sub Carbunculi nomine quæ gemmæ comprehendantur? ibid.

Carbunculum in noctis tenebris lucere vulgaris est opinio. ibid. b

Carbunculum quidd ad nomen attinet, idem esse atque prunam ignitam. ibid.

Carbunculi nomen ad quæ se extendat. ibid. c

Carbunculi ignitus color quid innuat. 967. i. d

Carbunculum in tenebris lucere quid denotet. ibid. e

Carbunculum cum sursum attollitur plus lucere quid innuat. ibid. 2. b

in Carbunculo quomodo adumbretur diuini Verbi incarnatio. ibid. c

Carbunculum diuino imbre alicubi nasci nonnulli putarunt. ibid. d

in Carbunculo figuratur Dei incarnati efficacia. ibid.

Carbunculum excalefactum ad se trahere paleas, quid significet. ibid. e

Carbunculo cur nomen Chalcedoni Apocalypsis tribuat. 968. 2. b

Carbunculus aptatur Iudæ. 1002. 2. c

#### Cardinalis.

Cardinali cui libet recens creato à Pontifice summo Sapphirum mitti. 964. 2. c

#### Caro.

Carnes in Elia sacrificio oblatae quid adumbrent? 551. i. e

Carnes fornicariae manducare, quid sit. 815. c

Carnem dupliciter considerari posse. 866. a

ad Carnis etiam sapientiam denotandam symbolū est Adamas. 966. 2. b

#### Carpus.

Carpum fuisse Thyatiræ Episcopum quò tempore Ioannes scripsit Apocalypsim, non satis constare. 252. 2. a

#### Castra.

Castra sanctorum, & ciuitas dilecta num pro eodem vsurpanda. 903. b. c

Castra Sanctorum quæ nam appellantur. ibid. d

#### Catena.

Catena magna quid adumbret. 872. a

#### Chænix.

Chænix quid sit. 453. d. 454. i. d. & seq.

#### Chalcedonius.

Chalcedonii gemmæ nomen cum aspiratione scribendum. 273. i. c

Chalcedonii gemmæ etymon. ibid.

Chalcedonii natura quæ sit. 695. i. a

sub Chalcedonii nomine non agere Apocalypsin de ea gemma quæ hodie Chalcedonia vulgò vocatur. ibid.

Chalcedonium iuxta grauium doctorum sensum esse eundem qui carbunculus. ibid. b

Chalcedonium esse carbunculi speciem, secundum aliquos. ibid. c

an sit nominanda hæc gemma Chalcedonius, an Chalcedonius. ibid.

Chalcedonii nomen posse ad adamantem applicari. ibid. 2. d

Chalcedonium in Apocal. videri eundem cum adamante. 966. i. a

Chalcedonius applicatur per ordinem ad tertium Symboli articulum. 967. i. b

#### Chalcolibanum.

Chalcolibanum in Apocalypsi non pro specie thuris, sed pro æris specie accipiendum. 231. i. e

per Chalcolibanum quæ æris species denotetur. ibid. 2. c

ex Chalcolibano cur Ioannes viderit pedes figuræ. 246. i. a

#### Chaldaus.

Chaldaeorum Monarchia quo tempore cœperit. 528. 2. c

Chaldaeorum Monarchiam sapientia ac literarum æstimatione eminuisse. 529. 2. a

Chaldaei cur leænæ symbolum attribuantur. 685. c

#### Character.

vt Characterem marinæ bestiae omnes habeant quo sensu faciat bestia terræ. 703. a

Characterem omnes habere in fronte quomodo faciat bestia terræ. 702. c

Character, nomen, & numerus bestiae vtrum tria sint inter se diuersa. 701. c. d

Characterem ali, ali nomen cur accipiant. 703. b

quibus Characteribus apud Græcos numeri designentur. 702. c. d

#### Charitas.

Charitate construitur, quid sit. 269. i. b



*Cherub.*

in Cherub etymo sapientiae plenitudinem includi communis Patrum sententia est. 382.1.c  
 Cherub(id est quasi Puer) quomodo etymologia deducatur. ibid.2.e  
 in nomine Cherub potentiam etiam includi. 383.2.a  
 duplex nominis Cherub etymon iuxta Hebraeos. 382.2.e  
 Cherub quasi magister, & quasi puer. ibid.  
 Cherub nominis etymon iuxta Mercerum. 381.1.e  
 Cherub idem sonare quod animal curule ex Prado. ibid.2.a  
 Cherub nomen esse genericum ex Rabbi Abenezra. ibid.1.c

*Cherubin.*

super Cherubin Deum sedere est locutio Scripturae familiaris. 343.1.b  
 Cherubin quomodo potuerint iure appellari picturae templi artificio plena. 382.2.a

*Cherubinus.*

Cherubini Moſis an propitiatorium manibus teneant, vel eo potius pedibus niterentur. 385.2.d  
 Cherubinos ſe mutuo reſpicere verſis vultibus in propitiatorium quo pacto conciliandum ſit. 386.1.a  
 Cherubini paruuli quomodo propitiatorium tegere poterint. ibid.  
 Cherubini magni Salomonis qua poſitione in templo fuerint. ibid.b  
 de quibus Cherubinis ſit mentio, cum dicitur Deus ſedere ſuper Cherubin. ibid.2.a  
 in Cherubinatorum ſignificatione aſſignanda vtrum binarii, & quaternarii ratio habenda ſit. ibid.1.c  
 Cherubinatorum Moſis ſignificatio qua ſit. ibid.2.c  
 per Cherubinos Moſis vniuerſalem angelorum militiam figurari verius tenendum. ibid.  
 Cherubinatorum, & throni figura quorſum ſpectaret. 386.2.d  
 in Cherubinatorum binario quomodo tota angelorum militia poſſit figurari. 387.1.a  
 in Cherubinatorum binario binarium denotari perfectionum qua angelis ſunt communes. ibid.a.b  
 Cherubinatorum ſingulis templi binas tantum fuiſſe alas. 384.2.d  
 Cherubini templi vtrum fuerint nudi. ibid.e  
 Cherubini cur depingantur ſere nudi. 385.1.a  
 Cherubinos templi qua aetate fuiſſe effectos credibile ſit. ibid.b  
 Cherubinos in ſancto ſaltem ſanctorum nudos poſuiſſe exprimi. ibid.c  
 Cherubini templi vt credantur nudi fuiſſe nil cogere. ibid.2.a  
 Cherubinos Moſis & Salomonis eiſdem eſſe figuram. 384.1.a  
 Cherubinos Moſis & Salomonis figura humana fuiſſe praeditos. ibid.b  
 Cherubinos Moſis brachia habuiſſe. ibid.  
 Cherubinos templi, & Ezechielis animalia non fuiſſe omnino ſimilia. ibid.c  
 Cherubinis ſingulis templi non quaternas, ſed ſingulas tantum fuiſſe facies. ibid.2.a  
 Cherubinis templi quomodo poſſit congruenter aptari vtraque pueri & magiſtri etymologia. 383.2.d  
 de Cherubini etymologia Pagnini opinio. ibid.1.b  
 Cherubini nomen in Scriptura non ita ſtrictè ſumi pro vno ex primae Hierarchiae choro. ibid.c  
 in Cherubini etymologia pueri ſeu magiſtri nomen quo ſenſu ſumendum. ibid.d  
 inter Cherubinos Moſis & Salomonis magnitudinis diſcrimen non arguit ſanctitatis differentiam

in rebus ipſis ſignificatis. 387.2.b  
 Cherubini magni Salomonis quo ſenſu Deum preſedere exiſtimentur. ibid.d  
 ex Cherubinis paruus alterum e regione alterius eſſe quid ſit. ibid.  
 in Cherubinatorum alijs nuditas, alijs veſtitus quid innuat. ibid.e  
 in Cherubinis templi vitulina facies quid ſignificet. 388.1.a  
 Cherubini paru quorſum ſupra propitiatorium collocati. ibid.b  
 per Cherubinos paruos Moſis quid denotetur. 344.2.b  
 Cherubinatorum ſymbolum quibus tribuatur in Eccleſiaſtica Hierarchia. ibid.c  
 in Cherubinis duobus ſapientiam & ſanctitatem adumbrari. 387.1.b  
 in Cherubinis duobus templi duas rationales naturas Angelicam & humanam denotari. ibid.c  
 de Cherubinatorum nomine & etymologia. 380.d & ſeq.  
 Cherubinos acu pictos fuiſſe in tabernaculi cortinis, & in templi velo. ibid.1.e  
 de Cherubinis cortinarum & veli Hieronymi opinio. 381.1.a  
 Cherubini qui in velo & cortinis erant expreſſi, eiſdem fuiſſe figura cum arcae Cherubinis. ibid.b  
 opinio de duplici ſexu in templi Cherubinis reſellitur. 385.2.b  
 Cherubini magni cur viſcera oleagina haberent. 345.1.  
 Cherubinis thronos eſſe ſuperiores in Eccleſiaſtica Hierarchia. 343.1.c  
 per Cherubinos arcae teſtamenti impoſitos quid ſignificetur. 608.2.b  
 Cherubinos ſuos Ezechiel cur animalia vocet. 358.c  
 duplici Cherubinatorum pari qui in templo erant, an quatuor Apoc. animalia reſpondeant. 344.2.a  
 praeter Cherubinos duos paruos in templo Salomonis, cur alij fuerint ingentes. 345.1.a  
 Cherubinus Ezech. cur prunam manu apprehenderit. 390.2.c  
 Cherubini Moſaici & Salomonici cur in Salomonis templo viſantur pariter. 387.2.a  
 Cherubini Ezechielis cur reſectas habuerint facies. 397.2.e  
 ex Cherubinis Dei ſella quomodo concipiatur. 344.1.a  
 ex Cherubinatorum duplici pari, Moſis ſcilicet & Salomonis, quadrigam non poſſe componi. 359.2.b  
 Cherubinatorum templi forma qualis fuerit ſecundum Iosephum, omnino ignorari. ibid.d  
 in Cherubinis templi cur Ezechiel hominis & leonis facies viderit, vitulae & aquilae non item. 397.2.a  
 Cherubinis Ezechielis cur facies fuerint humanae, templi vero Cherubinis vitulinae. 396.1.c  
 ex Cherubinatorum quatuor faciebſ cur facies aquilae nuſquam in templo fuerit calata. 397.2.b  
 per Cherubinos ingentes Salomonis qui figurantur. 387.1.e  
 peculiaris difficultas in ſculptura Cherubinatorum templi, quorum meminit Ezechiel. 394.2.b  
 Cherubinatorum baſim fuiſſe propitiatorium, nec aliud ab arca diſtinctum. 403.1.c  
 per Cherubinos propitiatorii quid figuretur. 329.e  
 Cherubinis templi facies fuiſſe vitulinas. 381.2.d  
 Cherubini templi vtrum mas & foemina fuerint. 306.1.d  
 Seraphinos Cherubinis, hos Thronis dignitate antecellere ex Dionyſii Arcop. doctrina non conſtare. 342.2.b  
 Cherubinatorum Ezech. praecipuas ac proprias facies fuiſſe humanas. 395.1.c.d  
 Cherubini Salomonis cur ad Moſaicorum ſimilitudinem facti. 378.b  
 Cherubinatorum magnorum quos fecit Salomon ſignificatio. ibid.a



ad Cherubinos magnos templi haberi respectum in  
Isaia Seraphinis. 345.1.c  
ex Cherubinis tēpli Salomonis ethnicos fuisse mu-  
tuatos victoriæ simulacrum ac figuram. 305.1.c  
*Vide Animal.*

*Christianus.*

quatuor mortis modi quibus olim Christiani pri-  
mitiui moriebantur. 457.e  
Christianorum persecutio licet plures annos dura-  
uerit, posse adhuc aptè silentio dimidiæ horæ de-  
notari. 494.c  
Christianorum primitiuorum feruor, & ardens ad  
perfectionem contentio. 838.c  
in Christianis primitiuis mortificationis studium.  
440.2.b  
Christiani omnes primitiui cur Israelitarum nomi-  
ne notati? 478.e  
Christianos fuisse signatos ne illos plagæ continge-  
rent, quomodo sit verum? 468.a  
à Christianis primitiuis tria edita sanctitatis docu-  
menta ante Iudæorum supplicium. 508.b  
Christianos primitiuos ante Ierosolymæ obsidio-  
nem, vrbe egressos in oppidum Pellam concessisse.  
468.1.d  
Christiani primitiui ex septem tubarū plagis quo-  
modo euaserint incolumes. *ibid.*  
Christiani omnes primitiui vtrum fuerint illa Dei  
viui nota inusti. 473.b  
Christianos primitiuos fuisse signatos quo sensu di-  
ci potest? *ibid.*  
Christianorum triplex gradus. 480.d

*Christus.*

Christi aduentus de quo Paulus cūm dicit, *Illustra-  
tione aduentus sui*, possit ad vltimum iudicii diem  
referri? 726.2.a  
Christus in mystica messe, cur sit qui falcem mit-  
tit, & in vindemia non Christus sed mysticus  
Moses? 743.b  
Christum in Euangelio agere de minis Iudaico po-  
pulo intentis per comparisonem ad extremi iu-  
dicii signa. 461.b  
Christi aduentus quænam illustratio dicatur apud  
Paulum. 726.1.c  
Christi diuinitas luminare maius, humanitas verò  
luminare minus. 619.2.b  
Christi consilium suos hostes latuisse. 447.1.a  
Christo cur Apoc. 5. gratiæ agantur ob peccatorum  
conuersionem? 428.b  
Christi virtus præsertim veteres fideles per iudicij  
proprij abnegationem decreuit conuertere.  
439.2.d  
Christus cuiusmodi salutem & saluandi rationem  
nobis attulerit? *ibid.* 1.e  
Christi fortitudinem ac iustitiam plus apparuisse  
hominum oculis in perfecta eorum salute, quam  
beneficentiam ac sapientiam. 446.1.d  
Christi diuinitas colligitur ex his verbis, *Ego sum  
primus & nouissimus.* 240.b  
Christi exemplū ad pellendam ex animo formidi-  
nem efficacissimum. 261.d  
Christus quorsum dicatur Apoc. 2. 18. filius Dei, ha-  
bere oculos flammeos, & pedes ex chalcobano?  
276.c  
Christi animæ superior portio in ipsa passione im-  
mensa Dei gloria fruebatur. 625.1.c  
vt Christus imo in loco quasi sustinens ac fulciens  
Ecclesiam effingatur, minimè indecorum esse.  
618.c  
qui pro Christo cūm opus fuerit succumbere firmi-  
ter apud se statuerunt, quanta perfruantur pace.  
737.d  
Christi virtus ac fortitudo quomodo faciliè vel ipsis  
hostibus innotuerit? 446.2.c  
à Christo euomi quando aliquis dicatur? 316.b  
Christo Apocalypsis prius quàm Ioanni ostensa.  
28.2.e

Christum esse verum Israelē qui Deo præualuit.  
477.c  
Christum cœnare cum aliquo quid sit? 318.d  
in Christi miraculis mysteriā inclusa contineri.  
531.1.d  
Christus cur suos agere & castigare dicatur?  
318.b  
Christus cur dicatur in medio candelabrorum au-  
reorum ambulare? 257.b  
Christo cur Apocal. 5. 12. septem laudes tribuan-  
tur? 191.2.e  
Christum septem stellas in manu gestare, quid sit?  
257.c  
Christus cur se Laodicensi potissimum testem fide-  
lem asseueret? 310.c  
Christus cur ad Philadelphium scribens, se sanctū  
& verum vocet? 205.a  
Christum sui oris gladio pugnare quid sibi velit?  
263.b  
Christus quo sensu dicatur pugnare cūm sui pu-  
gnant? *ibid.* c  
Christus cur se principium creaturæ Dei vocet?  
310.d  
cūm Christo sedere in eius throno quid sit?  
319.b  
Christus cur Sardenis improbitatem permiserit?  
289.a  
Christi dextera vis ac potentia. 239.e  
Christus ad Laodicenum cur se solū nominet  
principiū? 310.e  
Christi omnium pontificis dignitatem in Sapphiro  
figurari. 964.2.a  
Christi num totum corpus, an sola facies effulserit  
in transfiguratione. 238.d  
Christi ira cur in ipsius oculis exprimatur. 228.c  
Christus cur à Ioanne testis fidelis vocetur?  
193.d  
Christi vox primò voce tubæ, deinde sono aquarum  
multarum cur figuretur? 210.a  
Christi vox licet similis tubæ, & aquarum multarū  
voci, cur articulata tamen sit? *ibid.* b  
de Christo & Ecclesia aliquando Scripturam loqui  
vt de vna persona. 215. b. Et quā aptè.  
*ibid.* c  
Christi beneficentia quomodo carnis oculis esset  
abditā? 446.2.d  
ad Christi varia mysteria posse extendi septem spi-  
rituum doctrinam. 193.1.c  
Christo recens nato cur Reges non gemmas inter al-  
ia munera obtulere. 948.d  
Christus in epistola ad Philadelphium quater vocat  
Deum, Deum suum, & quod sit repetitionis huius  
mysterium. 303.b  
Christus cūm se principium & finem appellat, quid  
sibi velit. 203.b  
Christus cur in figura humana apparuerit. 220.c  
Christus cur in Ierosolymæ ingressu asinum &  
pullum detulerit. 804.1.d  
Christi miracula recondita mysteriorum significa-  
tione plena fuere. 58.2.e  
Christus ad Sardensem quorsum vtatur hac phrasi,  
*qui habet 7. spiritus Dei, &c.* 288.e  
in Christi terreo imperio duo consideranda. 283.1.b  
Christi symbola perfectissima esse debere. 57.1.e  
Christus quo sensu se appellet radicem & genus  
Dauid. 419.b. 1023.b  
Christo tubam tribuere non ita decorum, secus ip-  
sius concionatoribus. 213.1.a  
Christus in terram descendit, vt homines ascendāt  
in cælum. 323.a  
Christus per altare Isaie visum figuratus. 269.2.d  
Christi potentia ad peccatores conuertendos, quo-  
modo per Adamantem figuretur. 968.1.c  
Christi patientia inter verbera per Smaragdum fi-  
gurata. 969.2.e  
Christus quo sensu dicatur Philadelphium ab  
hora tentationis liberaturus. 299.d.e  
Christus cur in Sionis monte sub specie agni appa-  
ruerit. 710.c  
Christi vultus cur fulgere dicatur. 238.c  
Christo applicatur murus adamantinus de quo A-  
mos 7. 7. iuxta Septuaginta. 968.2.a



Christi figuram esse Eliacinum. 243.1.c  
 Christi vultus splendor qua ratione consideran-  
 dus? 238.c  
 Christo quàm aptè conueniat Propitiatorij symbo-  
 lum. 403.2.c  
 Christo obuiam rapi in aëra quid sit? 910.e  
 Christi duplex elogium radices & generis David  
 quam inter se habeant proportionem? 1023.d  
 in Christi persona dicitur Apocal. 1. *Ego sum A. &*  
*Ω.* 202.c  
 Christus quomodo se vocet A. & Ω. ibid.e  
 Christum aperuisse primum sigillum quid sit? 449.c  
 Christum aperuisse secundum sigillum in quo con-  
 sistat? 451.b  
 Christus quid doceat suos in tertii sigilli resignatio-  
 ne? 454.a  
 Christus quid suos doceat in 4. sigilli apertione? 458.c  
 Christus quid nos doceat in 5. sigilli apertione? 459.e  
 Christi passio clarissimum ad nostra vitia dignoscen-  
 da speculum. 970.1.d  
 Christi passio ad carnis petulantiam coercendam  
 efficax. 969.2.d  
 Christus in sua passione cur tantam voluerit infir-  
 mitatem præ se ferre? 413.1.d  
 Christus cum extra portam passus sit, quomodo di-  
 catur vere? *In qua Dominus crucifixus est.* 594.c.d  
 Christi passio figuratur per iridem à Ioanne visam  
 Apoc. 4.3. 333.c  
 Christi passionem primam laborum mensuram ef-  
 fe. 560.c  
 Christi passionis symbolum iris ex Smaragdo.  
 969.1.e  
 Christi passionem esse nostræ fidei firmissimum ad-  
 miniculum. ibid.2.  
 reprehenditur eorum inanis spes qui in Christi  
 passione plus æquo confidentes se laxi habentis  
 voluptati propterea tradunt. 970.1.c  
 Christi passio quàm sit efficax ad mœstos & afflictos  
 recreandos. ibid.b  
 Christi passionis meditatio aduersus omnia vitia  
 remedium. 969.2.e  
 Christi mystica transfiguratio. 580.d  
 Christus in sua transfiguratione cur inter Moysen &  
 Eliam medius apparuerit? 581.a  
 in Christi transfiguratione vtrum Moyses in proprio  
 corpore apparuerit? ibid.  
 Christi ad inferos descensus qua ratione in Sardo-  
 nyche figuretur? 971.2.e  
 Christum ex descensione ad inferos nihil labis ac for-  
 dis contraxisse, sed suam inibi potius potentiam  
 ostendisse. 972.2.a  
 de Christi descensione ad inferos articulum fuisse à  
 Ioanne in symbolo expressum. 950.1.d  
 Christi resurrectionem apud Petrum sumi pro fide  
 resurrectionis. 976.1.e  
 Christi resurrectionem in sepulcro adumbrari Sar-  
 dâ intra saxum generata. 980.2.b  
 Christi resurrectio quomodo figuretur in Sarda  
 vulneribus medente. ibid.a  
 Christi resurrectionem spiritualis Ecclesiæ resurre-  
 ctionis esse exemplar. 193.d  
 Christi resurrectionem esse primam, & causam re-  
 surrectionis iultorum in Sardio item innui.  
 980.2.d  
 Christi resurrectionem eminere inter opera Deo  
 Patri attributa. 332.e

*Chrysolithus, Chrysolica.*

Chrysolithus aptatur Zabuloni 1007.1.b  
 Chrysolithum à Chrysolica distingui. 980.1.e  
 Chrysolithi natura & color. ibid.2.e  
 Chrysolithi nomine duo gemmarum genera com-  
 prehendi. ibid.  
 Chrysolithum ab Hyacintho vtrum Septuaginta  
 expresse distinxerint? 981.1.d  
 Chrysolitho cur non similis apparuerit prima figu-  
 ra Ioanni visa? 246.1.a  
 Chrysolithus quid symbolicè significet? ibid.  
 Chrysolithi aureus color quid mysticè innuat? 982.2.d

inter Chrysolithi aureum colorem, & colorem ipsū  
 auri mystica discriminis consideratio. ibid.e  
 Chrysolithi vis aduersus pusillanimitatē, & contra  
 melancholicos. ibid.2.a  
 Chrysolithi vis ad depellendum timorem quid in-  
 nuat? 983.1.b  
 Chrysolithum de die aureum, de nocte igneum vi-  
 deri. 982.2.a  
 Chrysolithi aureus color quā sit appositus ad Chri-  
 sti ad cælos ascendentis gloriam, & maiestatem fi-  
 gurandam. ibid.1.e  
 qui Chrysolithi erant olim Plinio & alijs, hodie vo-  
 cari Hyacinthos. 993.1.b  
 Chrysolithi applicatio ad septimi Symboli articuli  
 declarationem. 982.1.b  
 quasi Chrysolithum cur Daniel viderit angeli cor-  
 pus? 245.2.e  
 Chrysolica videntur esse species Berylli. 984.1.c

*Chrysoprasus.*

Chrysoprasus decima Apoc. gemma quod habeat  
 propriè nomen? 989.1.c  
 Chrysoprasus tribuitur apud Plinium gemmis di-  
 uersis. ibid.  
 Chrysoprasus quæ sit gemma expenditur. ibid.  
 Chrysoprafi color qualis sit? 990.1.a  
 Chrysoprafi color pratinus quid mysticè signet? 991.1.b  
 in Chrysopraso Chrysolithum & Topazium quo-  
 dammodo copulari. 990.1.d  
 in vno Chrysopraso Chrysolithi & Topazij veluti  
 coniunctio cuius rei sit symbolum? 991.1.d.2.c  
 Chrysoprafi natiuæ proprietates ab auctoribus tra-  
 ditæ. 990.2.a  
 Chrysoprafi opacitas quid significet? 991.1.c  
 Chrysoprasus ad decimum articulum aptatur.  
 990.1.e  
 diuersitas inter Chrysoprasum & Achatem. ibid.2.c  
 Chrysopraso Apoc. respondere Achatem Rationalis.  
 ibid.b  
 quod in Chrysoprasum sit mutatus Achates, Ratio-  
 nalis gemma, quid contineat mysterij. 991.2.a  
 per Chrysoprasum quomodo sit adumbratum Ec-  
 clesiam esse Spiritus sancti sponfam. ibid.1.a.b  
 Chrysoprafi proprietatum mystica consideratio.  
 ibid.2.d

*Cithara.*

Citharæ quem ad vsum animalibus & senioribus  
 attributa. 425.b  
 per Citharas & voces quid denotetur. ibid.  
 per Citharas & laudes sacrificium Missæ adumbra-  
 ri. ibid.e  
 cum Cithararum concentu cur humanæ voces cō-  
 focientur. 715.d  
 Citharæ Dei cur appellantur? 756.a  
 in Citharis c. 15. fit allusio ad Exodi c. 15. vbi de Ma-  
 ria Moysi sorore. ibid.c  
 Citharas habuisse tam animalia quàm seniores.  
 424.c

*Citharædus.*

Citharædi pulsantes, de quibus Apoc. 14. qui sint.  
 714.c  
 Citharædorum vox an à Ioanne sit è cælo audita.  
 ibid.  
 per Citharædorum & vocum concentus quid si-  
 gnificetur. 715.c  
 Citharædi cur dicantur cantare ante thronum Dei.  
 ibid.

*Ciuis.*

de Ciuibus recensendis Atheniensium consuetudo.  
 293.e  
 Ciues an aspexerit Ioannes in vrbe de qua Apocal.  
 21. præter angelos ianitores. 936.1.a  
 Ciues patriæ cælestis sub inuolucris ænigmati figu-  
 rari tam in ciuitatis portis (de qua Apo. 21.) quàm  
 in muris, ac fundamentis. ibid.2.a  
 Ciuium cælestium apud suum regem fauor & gra-  
 tia quibus rebus figuretur. 919.c  
 Ciuium frontibus Dei nomen esse inscriptum, quid  
 sit. ibid.d

*Ciuitas.*

Ciuitas Ezechielis quæ sit. 308.2.b



Ciuitas celestis quomodo duodecim illis fundamentis nixa consideranda sit? 937.e  
 Ciuitatis celestis longitudo, quid innuat? 943. c  
 Ciuitas duplex in Apoc. Ecclesiæ bellum indicens sunt Ierosolyma & Roma antiqua. 49.1.e  
 Ciuitas celestis cur non in infima telluris planitie, sed in excelso monte conspecta sit? 931. b  
 Ciuitates Gentium ceciderunt. quo sensu accipiendum sit? 794.d  
 Ciuitatis celestis Ioanni visæ quadrum quam latè pateat. 942.c  
 Ciuitatis magnæ nomine vtrum Babylon, an Ierosolyma indicetur? 793.c  
 Ciuitatis dilectæ nomine Romam figurari. 903. c  
 Ciuitas celestis vtrum præter externam murorū faciem domibus atque ædificiis intus constaret? 945.d  
 Ciuitatis plateæ Apo. 11.8. quo sensu accipiendæ? 594.d  
 de Ciuitatum mystica ruina non de propria sermonem esse cum dicitur Ciuitates Gentium ceciderunt. 794.e  
 in Ciuitatis celestis muris qui adumbrentur? 944.a  
 Ciuitatis cuiusque felicitas summa in quo consistat? 1012.a  
 ex Ciuitatis celestis magnitudine quid inferatur? 943.d  
 in Ciuitatis celestis murorum & ædificiorum æqualitate quid figuretur? ibid.e  
*Vide, Vrbs.*

*Claritas.*

Claritas Dei (de qua Apo. 21. 11.) quæ vocetur? 931.d  
 Claritatis magnæ discrimen à nebula & fumo. 799. integra notatione.

*Claudo.*

Claudit & nemo aperit, quid sibi velit? 296.d

*Clauis.*

Claues regni cælorum Petro traditæ quæ fuerint? 243.2.d  
 de Clauē templi aurea à Pontifice gestari solita Iudæorum fabella. 295. e  
 Clauē mortis & inferni habere quid sit? 242.1.e  
 Clauis domus David quæ dicatur apud Isaiam? 243.1.a  
 Clauē mortis & inferni quæ dicantur? 240.e  
 Clauis qua Dæmon obsignatus est, quid signet? 871.e  
 Clauē mortis & inferni easdem esse cum clauē celestis Davidis. 243.2.b  
 Clauē putei abyssi stellæ dari quid sit? 521.b  
 Clauis domus David cur dicatur apud Isaiam, in Apoca. vero Clauis David? 243.2.a  
 Cur dicitur Deus dare Eliacimo clauē domus David super humerum eius? ibid.1.c  
 Clauis David quid sit? 295.c  
 Clauis David cur mentio fiat ad Philadelphium? 296.b  
 Clauis potius David cur ad Philadelphium Christus meminerit, quam clauium mortis & inferni? ibid.e

*Cena.*

Cena in epistola ad Laodicenum de Eucharistiæ epulo explicatur. 318. d  
 Cena duplex an promittatur Laodiceno, vel vna? ibid.e  
 Cena secunda ad quam Christus animā inuitat, quæ sit? ibid.  
 Cenam agni non sumi cap. 19. pro celestis patriæ felicitate. 853.d  
 Cena Agni de qua Apo. 19. quæ sit? ibid.e  
 Cenæ magnæ Dei de qua Apo. 19. quod sit mysterium? 863.c  
 ad magnā Cenam inuitatio cur apud Ezech. sit in Victoria de Gogo & Magogo parata, apud Iōannem vero mille annis antea? ibid.d  
 ad Cenam cur in Ezech. inuitetur tam aues cæli, quam bestia terre, apud Ioannem verò solum aues? ibid.e  
*Vide Agnus.*

*Coinquinatum.*

aliquod Coinquinatum quid significet? & cur in genere neutro dictum? 1012.b

*Collyrium.*

Collyrium spirituale oculorum quod sit? 318.a

*Colonia.*

Coloniarum Romanarum olim insigne. 373.b

*Color.*

Colorem glaucum esse viridem clarum. 984.1.e  
 Coloris purpurei differentia variæ ex Plinio. 992.1. a.b  
 Colorem cæruleum esse violaceo affinem. 994.1. d. &c.  
 Color violaceus latine & græce Ianthinus idem atque purpureus. 993.1.a  
 inter Colores glaucum & cæruleum distinctio. 983.2.d  
 Colores duo sedentis in throno Apo. 4.3. non promiscuos sed distinctos esse secundum diuersas partes. 332.b  
 Color niger cur aliis addatur Zach. 6. 444.2. c  
 Coloris albi vtramque significationem & apud Zach. & apud Ioann. recte inter se copulari. 445.1.e  
 Colores qui soleant in Iride apparere? & quo ordine. 333.b  
 per varios Colores in tentoriis subinde mutatos, quid Tamorlanus inuenit? 446.2.b  
 Colores lapidis & Sardinis ad sedentem in throno, colorem Smaragdi ad Iridem spectare. 332.b  
 Color oculorum glaucus noctuæ proprius. 984.2.d  
*Vide Equus.*

*Columna.*

ad quas Columnas templi Salomonis fiat allusio cum ad Philadelphium dicit Christus, *faciam eum columnam, &c.* 304.1.b  
 Columnæ duæ, cur ad templi valuas positæ. 306.2. c  
 Columnarum quarum templi firmitas ac robur. ibid.b  
 Columnam esse in templo Dei, quid sit? 301.a  
 Columnæ officium num Deus Philadelphio promittat in militanti Ecclesia, vel in triumphanti. 301.b  
 in Columnis templi cur lilia cum malogranatis coniuncta fuerint. 305.2.d  
 in Columnis Booz, & Iachin inscriptiones, quæ probabili coniectura videntur positæ. 304.1. d. &c.  
 Columnarum duarum templi quæ fuerit figura. ibid.e  
 Columnæ Booz, & Iachin num aliquam templi partem sustinuerint. ibid.2. c  
 Columnarum duarum templi longitudo & crassitudo. ibid.d  
 Columnas Booz & Iachin ad trophæa erigenda structas videri. ibid. e  
 in Columnis templi quomodo trophæa fuerint expressa? 305.1.e  
 in Columnarum capitellis cur malogranata efficta. ibid. b  
 per duas Columnas templi quid figuretur, 306.1.c  
 Columnas Herculis multo ante Salomonis ætatē fuisse erectas. 306.1.a  
 Columnas in Machabæorum sepulchro erectas, trophæa fuisse. 305.2.e  
 columnam onere ipso quo premitur firmam reddi. 302.d  
 in columnarum capitellis quomodo lilia figurata. 305.2.c  
 columnæ promissionis applicatio ad Sacram Eucharistiam. 301.d. & e  
 ad columnam vtramque Booz & Iachin sit potissimum allusio cum Christus dicit, *Faciam illum columnam.* 306.2.e  
 columnæ Booz & Iachin in porticu templi an fuerint. 309.1.a  
 columnæ mysticæ quis sit titulus à Christo inscribendus. 303.a



*Comedia.*

in Comœdiis qui prologum agit, totius argumenti summam paucis debere complecti præcipit Aristoteles. 214.c

*Comminatio.*

Comminationis diuinæ symbolum. 191.b  
Comminationes Scripturæ in fine Apoc. contra ad-  
dentes aliquid & detrahentes quo sensu sint  
accipiendæ? 102.4.e

*Comparatio.*

in Comparationibus iis quas Spiritus sanctus v-  
surpat frequenter se accommodat ad res eo  
tempore notas. 951.2.b  
per Comparationem explicandi ratio nihil gram-  
matico sensui adimit. 73.1.b  
Scriptura pluribus in locis duo asserit, alterum per  
modum Comparationis, alterum ut præcipue  
intentum. 722.c. & d  
per Comparationem explicandi modus non est  
pro allegorico sed pro literali habendus. 73.1.a  
in Comparatione libri inuoluti quid denotetur?  
463.e  
Comparationes lanæ & lini quorsum coniunctæ?  
227.c  
Comparationem tacitam contineri in Dei throno  
de quo Apo. 4. cum eo quem Deus in templo  
Salomonis habuit. 346.e

*Concilium.*

Concilium Chalcedonense quem præsertim ad  
finem fuerit celebratum? 968.2.c  
in Concilio Romano præter tria angelorū nomi-  
na cetera excluduntur. 109.1.c  
Concilij Romani verba quo sensu accipiendæ?  
ibid.2.a

*Concionator.*

ad Concionatores euangelicos stellarum symbolū  
posse accommodari. 236.d  
Concionatoris euangelici symbolū nubes. 201.2.a  
Concionator euangelicus quomodo dicatur pec-  
catores diuerberare? 590.1.c  
Concionatorum meritis non semper fructum re-  
spondere. 299.a  
ad Concionatoris efficaciam exprimendam signi-  
ficantur dici eum ex ore ignem euomere. 588.d  
Concionator optimus cuiusmodi esse debeat. 326.  
1.c

*Concupiscentia.*

ex Concupiscentiæ fomite quot mala dimanent.  
533.b  
Concupiscentiæ quam crudeles sint hostes expē-  
ditur. 319.1.a  
Concupiscentiarum plaga cur præcedat subtra-  
ctionem tertiæ partis lucis? 591.2.a  
Concupiscentiæ cur antecedant iras in Iudæorum  
plagis. ibid.2.b

*Confessor.*

de Confessoribus tam mortuis quam viuis esse  
sermonem cum dicitur, *et qui non adorauerunt*  
*bestiam.* 888.d  
cur non solum Martyres Christi, sed etiā Confes-  
sores resurrexisse dicantur? 891.b  
Confessores Christi esse intelligendos sub nomine  
eorum qui non adorauerunt bestiam. 888.a

*Conscientia.*

Conscientiæ bonæ interrogatio quid sit? 976.1.d  
Conscientiarum septem genera quæ inter fideles  
reperiuntur. 253.1.b. & seq.  
Conscientiarum generum applicatio ad septē Afie  
Episcopos. 254.1.a  
Conscientiarum diuisio tradita in septem genera  
num sit adæquata? 289.d  
vestimentum mysticè pro Conscientia accipi.  
292.b  
quod Conscientiæ genus Philadelphio fuerit.  
294.d  
Conscientiarum omnibus generibus salutarē do-  
ctrinam contineri in septem Epistolis. 255.1.b

*Contero.*

Conterere in Psal. 2. quo sensu accipiendum.  
282.2.c

*Conuiuium.*

in Conuiuiis olim frigidam & calidam poni soli-  
tam. 311.c  
in Conuiuij allegoria de qua Apo. 19. tria potissi-  
mum obseruanda. 854.b  
in Conuiuij dicta allegoria forte haberi respectum  
ad Missarum sacrificia. ibid.c  
Conuiuium de quo Apo. 19. cur vocetur cœna?  
ibid.d  
cum in Conuiuiu apud Ezech. edantur carnes hu-  
manæ, equinæ, arietinæ, hircinæ, taurinæ, cur  
in Apocalypsi solum humanæ & equinæ?  
864.b

*Cor.*

Cor & iecur apud Tobiam indistinctè accipi.  
496.2.e  
Cordis desideria designari per locustas. 524.d  
Cordis desideriorum bellum quàm sit acerbum.  
525.e  
vt Cordis desideriorum plagæ grauitas pōderetur,  
rectè cum cōmuni orbis eluione comparatur.  
527.c

*Corona.*

Corona vitæ promissa Smyrnenfi quid sit? 262.d  
in Coronæ nomine plus energiæ quàm in præmij  
contineri. ibid.  
per coronas aureas seniorum quid figuretur?  
341.c  
in Coronis aureis seniorum sit allusio ad auream  
summi sacerdotis laminam. ibid.d

*Cornu.*

Cornua in bellis vtitata. 213.2.d  
cornua septem agni qua ratione sint constituen-  
da? 421.c  
per Cornua agni cur septem diuinæ prouidentia  
virtutes figurentur? ibid.d  
Cornua cum agno pugnare quid sit? 815.c  
cornua decem quo sensu dicantur odio habitura  
fornicariam. ibid.

Vide Agnus, Bestia.

*Cortina.*

in Cortinis tabernaculi fuisse cherubinos acu pi-  
ctos. 380.1.e  
Vide cherubinus.

*Creatio.*

de Creatione & iustificatione mentionem cōtineri  
cum Apo. 4. dicitur, *Quia tu creasti omnia.* 401.e  
Creationem inter opera Deo Patri attributa emi-  
nere. 332.e

*Creatura.*

Creaturæ Dei principium cur se vocet Christus?  
310.d  
Creaturæ nomen sæpe in sacris pro spiritali san-  
ctitatis opere in hominum animis per Deum  
effecto sumi. ibid.  
vt de Creaturarum vitæ fonte Scripturam de Dei  
vita loqui solere. 400.d  
post creaturas quæ in mari esse dicuntur cur ad-  
datur, *et quæ in eo?* 433.b  
creaturæ omnis nomine quas alij auctores intel-  
ligant? 432.b  
creaturæ omnis nomine rationales intelligi crea-  
turas vt verius assertur. ibid.  
quæ Creaturæ dicantur esse in cœlo? quæ super ter-  
ram? quæ in mari? quæ sub terra? ibid.  
Creaturæ habentes animas in mari, quænam sint?  
514.d

*Crudelitas.*

Crudelitas tyrannorum quàm sit Martyribus vti-  
lis. 321.e

*Crux.*

Crux veluti Christi clauis. 294.d  
de Crucis signo intelligendum Ezech. Thau. 474.  
1.e  
Crucis formam habuisse Thau. probatur. ibid.2.e  
Crucis signum in Thau iridentium Hæretico-  
rum proteruia. ibid.1.e  
Crucem pro Thau Aethiopas scribere. 475.1.a  
Crucis figura apud Aegyptios vitam venturam  
figurari. ibid.



Crucis Christi potestas in Gentium conuersione. 627.b  
 Crucis figuram egregiè ex Smaragdo compingi. 970.2.c  
     *Cubitus.*  
 Cubitus in sacris cuius sit longitudinis? 490.d  
     *Cupiditas.*  
 discrimen inter blandas Cupiditates, & furiosos irarum astus. 540.e  
*Vide Dæmon.*  
     *Currus.*  
 Currus Ezechielis significatio. 234.d  
 Currum Ezechielis fuisse bellicum. 366.d  
 à Curribus Reges dimicare solitos. ibid.  
 in Curru Ezechielis adumbratum Ierosolymę excidium ad animarum salutem ordinari. 367.b  
 currus falcati quid Zach. 6. significent. 444.1.a  
 Currus ille bijugus Isaia visus cap. 21. quomodo sit concipiendus? 804.1.b  

D.

*Dæmon.*

**D**æmonem iis dominari qui suas cupiditates non frenant. 497.1.e  
 Dæmonem fugari fumo iecoris quid denotet? ibid.c  
 per Dæmonis alligationē in Aegypti deserto quid innuat? 498.1.a  
 Dæmones quo sensu Christum rogarunt, ne in abyssum mitterentur? 523.1.b  
 Dæmonis cauda trahi tertiam stellarum partem, quid sit? 636.c  
 Dæmon quo sensu dicatur sciens quia modicum tempus habet. 647.b  
 Dæmon vnde coniectare potuerit parum sibi superesse temporis? 657.a  
 Dæmon quo sensu dicatur fratrum accusator? 654.d  
 Dæmon quo sensu homines die ac nocte accusare dicatur? ibid.e  
 Dæmon cur non dicatur accusator noster, sed fratrum nostrorum? 655.b  
 Dæmonis per mille annos illigati mysteriū, quod sit? 871.a  
 Dæmonis alligationem per mille annos non ad vniuersas orbis Ecclesias, sed ad vnam Romanam spectare. ibid.b  
 qui Dæmonem constrinxit Angelus quid significet? ibid.c  
 Dæmonem vincientis Angeli figuram ex Tobia libro fuisse petitam. ibid.  
 clauis catena & sigillum quibus Dæmon illigatus est, quid significent? ibid.e  
 Dæmon quo sensu dicatur illigatus ne seducat amplius Gentes? 873.c  
 Dæmonem solui modico tempore, quid sit? 874.b  
 ex nostra Dæmonis illigati interpretatione validū desumi argumentū & ad Romanę Ecclesię gloriam, & ad Hæreticorum falsitatem demonstrandam. ibid.d. & seq.  
 de Dæmonis alligatione plures explicationes. 875.a & seq. Quę examinantur & impugnantur. 877.1.c. & seq.  
 Dæmonis duplex alligatio in sacris indicata. 879.1.c.  
 Dæmonem suo imperio & armis fuisse spoliatum postquam Euangelij prædicatio toto orbe perfonuit. ibid.2.d  
 Dæmones forte ab Isaia denotari militiæ caelestis nomine. 883.2.d  
 Dæmonum comprehensio & ligatio apud Isaia, quonam sit referenda? 884.2.a  
 quid sentiendum sit de Augustini expositione referentis Dæmonis alligationem ad Christi passionis tempus? 887.e  
 Dæmonis deturbationem ad inferos ad consumptionem sæculi esse referendam. 905.d  
 Dæmonis nomen ad Antichristum posse extendi. ibid.e  
 Dæmonibus incussum timorem in Christi resurrectione per Sardam figurari. 980.2.c

*Dæmonium.*

quę sint Dæmonia, & simulacra aurea in sexta tubarum plaga? 543.a  
 Dæmoniorum nomine qui Apo. 16. significantur? 787.a  

*Damnatus.*

Damnatorum pœnas ex Dei & Angelorum conspectu magis augeri. 728.d  
 Damnatorum apud inferos pœnæ obiter ponderantur. ibid.e  

Dan.

Dan nominis etymon, & cur inter ceteras Israelis tribus non numeretur? 477.e  
 Dan quare ex filiorum Israel albo desideretur? 480.b  
 tribum Dan plus ceteris vergere ad aquilonem, & longius à Ierosolyma & templo distare, id quæ non sine mysterio. ibid.c  
 an verum sit nullum ex tribu Dan sub mundi finem ad Christum conuersum iri? 481.d  
 porta Dan cur sit in ciuitate apud Ezech. apud Ioānem verò non item? 935.c  
 Dan aptatur Sapphirus. 1002.2.c  
*Vide Antichristus.*  

Daniel.

Danielis nominis etymon. 190.2.e  
 comparatio figuræ Apo. 1. cum Danielis Angelo. 244.1.c  
 Danielis capitulum 10. 11. & 12. contextus, series, & explicatio. ibid.2.b  
 Daniel cur steterit super genua & super articulos manuum? 247.2.d  
 quis fuerit scopus figuræ quæ apparuit Danieli? 245.1.d  
 Daniel cur dicatur in visione cap. 10. oculos leuare? ibid.1.e  
 Daniel cur viderit viri qui ei apparuit renes accinctos auro? ibid.2.b  
 Daniel cur viderit corpus Angeli quasi chrysolithum. 246.1.b  
 Daniel cur audierit vocem multitudinis? 247.1.a  
 à Daniele quo sensu dicantur multi de iis qui dormiebant euigilaturi? 571.1.d  

David.

David nominis etymologia. 199.2.c  
 Davidi quas Semei diras deuouerit? 178.1.c  
 David domus quænam appelletur in sacris? 243.1.b  
 Davidis victoriam fuisse figuram victoriarum Christi, & Ecclesię. 306.1.b  
*Vide Clauis.*  

Decimatio.

Decimatio ab Isaia prædicta quo in sensu accipienda sit? 601.1.a  

Decollatus.

Decollatorum nomine qui sint denotati, & eorum qui non adorauerunt bestiam? 887.d  

Delitia.

Delitias fuisse dominatas in Medorum & Persarum imperio. 529.1.e  
 virtus Delitiarum Babylonis, quæ appelletur? 822.c  

Denarius.

Denarius multiplicationis numerus. 478.c. 682.b. 635.d  
 Denarius pro multitudine in sacris sumitur. 362.b  

Desertum.

in Desertum volatus mulieris quid significet. 49.1.c  
 Desertum esse symbolum Gentilitatis. 642.e  
 in Desertum fugere mulierem quid sit? 643.a  
 in Desertum Ioannem deferri quid sit? 808.e  

Desiderium.

Desiderium rerum quantopere mētem excruciet? 530.1.b  
*Vide Cor.*  

Deuoro.

verbum *Deuorabit eos* cap. 20. 9. ad quos sit referendum? 905.a



# INDEX RERVM.

*Deus.*

Dei gratia & initio & in fine Apoc. ponitur. 102. d  
 Deus ex infinitis rerum naturalium speciebus  
 quas cōdere potuisset, cur has potius, quā illas  
 elegerit creandas. 58. i. c  
 Deo quorsum Apo. 4. detur gloria &c. ab animalibus.  
 400. c  
 Deum quater vocat Christus Deum suū ad Philadel-  
 phium, & quod sit repetitionis huius mysterium.  
 303. b  
 Deus quo sensu dicatur apud Ieremiam aperuisse  
 suum thesaurum, & vasa iræ protulisse. 763.  
 i. a  
 Deus suos vt probet in eos calamitates immittit.  
 498. i. c  
 Deus in supplicio parcus, in misericordia liberalis.  
 762. c  
 Deo dedisse gloriam & in timorem versi, qui dicantur.  
 600. d  
 Deus quomodo in excidio Ierosolymæ clementiā  
 cum indignatione coniunxit. 337. 2. b  
 Deus cur dicatur fecisse mare & fontes aquarum.  
 721. c  
 Dei currus nubes. 260. i. c  
 Deus quem ad finem dicat se venire velociter.  
 1019. b  
 Deus quo sensu dicatur labia Isaie mundasse cal-  
 culo ignito. 269. i. c  
 Deus quid laboribus in nos immisis intendat.  
 498. i. d  
 nos offerret. Deo, quid sit apud Petrum. 975.  
 i. c  
 Dei nominis explicatio cur & qua ratione Apo. 16.  
 plage phialarum tertiæ adiungatur. 775. c  
 Deus cuiusmodi thronum in Ecclesia habeat.  
 330. 2. b  
 Deus quo sensu dicatur habitare super suos.  
 488. b  
 Deus nō permittit vt iustus aliquis cadat, & dam-  
 netur, quin alium eius loco substituāt. 300. d  
 quæ gratiarum actio sit? *Salus Deo nostro.* 486. b  
 Deus cur dicitur Eliacimo dare clauēs domus Da-  
 uid. 243. i. c  
 Deus quid significare voluerit in tanta plagarum  
 multitudine in Aegyptios effusa. 592. 2. b  
 Deus cur plerumque improborum supplicium dif-  
 ferat. 459. d  
 Deus cur Apo. 15. 4. dicatur pius. 757. b  
 Deum significandi, & iurandi ratio. 553. c  
 Deus cur Apo. 21. 22. vocetur omnipotens.  
 1008. d  
 Deus suorum pericula celestis suauitatis copia  
 eleuat. 266. a  
 Deus cur decreuerit visibilem illam Hebræorum  
 fidelium ab infidelibus separationem ante Iero-  
 solymæ obsidionem. 408. 2. d  
 Dei quanta virtute fuerit opus ad homines primi-  
 tiuæ Ecclesiæ tempore ad Christi fidem tradu-  
 cendos. 459. 2. c  
 Deum num Iacobus in superiori scalæ parte an in  
 inferiori viderit. 325. i. c  
 Deus cum loquens inducit in Prophetis, fami-  
 liare est tribui locutionem Patri. 198. 2. c  
 Deum accipere virtutem quid sit. 401. d  
 verbum Dei quo sensu accipiendum Apoc. 1.  
 170. b  
 Dei nomen Hebræicè quid sonet. 190. 2. b.  
 Deus cur appelletur principium & finis. 204.  
 2. b  
 Deus quo sensu venire dicatur. 258. b  
 de Dei vita Scripturam loqui solere vt de creatu-  
 rarum vitæ fonte. 400. d  
 Deus cur Rex sæculorum appelletur. 757. a  
 Deus quomodo renum & cordium scrutator dica-  
 tur. 277. c  
 Deum quo nomine Plato appellauerit. 176.  
 2. c  
 Deum sui vultus claritatem ostendere quid sit.  
 239. a  
 Deus quem in finem creaturas produxerit. 57.  
 i. a

Deus cur ad imam scalæ partem sit in visione Iaco-  
 bi. 326. 2. b  
 Deus Pater. *Vide Pater.*  
 Deus Filius. *Vide Christus.*  
 Deus Spiritus Sanctus. *Vide Spiritus.*  
 Deus Trinus. *Vide Trinitas.*  
*Vide etiam,* Ira, Misericordia, Patientia, Potentia,  
 Seruus, Signum, Spiritus, Thronus.  
*Diabolus.*  
 Diaboli nomen quid sonet. 652. d  
 Diaboli detrusio in stagnum ignis vtrum per an-  
 ticipationem Apo. 20. posita sit. 905. c  
 Diaboli angeli quo sensu cum illo dicantur in terrā  
 missi. 653. a  
*Diadema.*  
 per Diademata capitis de quibus Apo. 19. quid in-  
 dicetur. 861. b  
 in nomine Scripto in Diademate alludi ad nomen  
 Iehoua. ibid. c  
*Dies.*  
 Dies 45. à Daniele additi quem ad sensum sint re-  
 ferendi. 571. i. c  
 Dies Domini 1. Corinth. 3. 13. quid significet.  
 576. 2. d  
 Dies Domini quo sensu dicatur declaraturus v-  
 nius cuiusque opus. 577. i. b  
 per Dies 1260. quibus mulier in deserto erat pa-  
 scenda quid figuretur. 643. c  
 Dei nomine aliquando in sacris diem tribulatio-  
 nis & aduersitatis indicari. 577. i. c  
 per Diem ac noctem quid figuretur in 4. tubarum  
 plaga. 517. b  
 Dierum 1260. numerus quomodo accipiendus.  
 581. c  
 vnus Dies apud Deum sicut mille anni, quid sit.  
 171. b  
 Diem magnum de quo Apo. 16. non pro vno solū  
 die esse sumendum. 787. c  
 Ne pluat diebus prophetiæ ipsorum, quo pacto sit in-  
 telligendum. 589. d  
 Dies magnus omnipotentis Dei, quinam dicatur.  
 787. c  
 Dierum trium & dimidiati mysterium in duorū  
 testium resurrectione. 596. i. d  
 Dierum trium & dimidijs spatium congruentius  
 quā trium annorum vsurpari ad duorum te-  
 stium resurrectionem. 597. i. c  
 in Dierum trium cum dimidio numero de quo  
 Apo. 11. 9. ad quem Scripturæ locum alludatur.  
 596. 2. d  
 Dies decem pro exiguo temporis spatio sumi.  
 262. b  
 in Diei vnus itinere quo Ezech. templum ab vrbe  
 distat, quod sit mysterium. 1009. 2. a  
 Dies 1260. num tres annos cum dimidio conficiāt.  
 568. c  
 Dies 2300. à Daniele assignatos bello Antiochi re-  
 cte cum trium annorum ac dimidii spatio con-  
 sentire. 571. 2. b  
*Vide Annus.*  
*Discessio.*  
 Discessionis nomine quid Paulus significet. 723.  
 i. c  
*Discipulus.*  
 Discipuli vtrum toto terrarum orbe, an solū  
 per Iudæam & Samariam sint dispersi post Ste-  
 phani martyrium. 643. a. b  
*Discordia.*  
 Discordiis atque odiis quātus hominum numerus  
 intreat. 539. c  
*Diuinitas.*  
 Diuinitatis symbolum est Sol. 779. c  
*Diuisio.*  
 Diuisio totius operis. 156. c  
 Diuisionis superioris ratio. ibid. c  
 Diuisionis in tres partes figura, de qua Apo. 16. 19.  
 quomodo concipienda. 793. c  
*Diues.*



*Diues.*

Diuitem se esse quomodo Laodiceus iactaret?  
316.c

*Diuitia.*

Diuitia quo sensu dicantur destitutæ? 332.c  
Diuitias in Epistola ad Smyrnensem pro spiritua-  
libus diuitiis accipiendas esse. 261.c  
de Diuitiarum cupiditate perfectam victoriam in  
rerum omnium abdicatione sitam esse. 440.  
1.c

*Dominator.*

Dominatori vniuersæ terræ assistere quid fit?  
587.d

*Domitianus.*

in Domitiani persecutione cur dicatur Neronis  
persecutio reuixisse? 687.d

*Domus.*

distinctio in mystica viarum & Domorum celestis  
Ierosolymæ significatione. 1007.c  
Domum repleri fumo quid sit apud Isaiam? 765.d  
*Vide* David.

*Donum.*

Donorum Spiritus sancti ratio congruens vnde  
sumi possit. 191.1.b

*Draco.*

Draco quo sensu dicatur suam virtutem & pote-  
statem dedisse marinæ bestię. 686.a  
de signi magni appellatione auctoris explicatio ad  
Draconem describendum. 630.d  
Draco cur in cælo apparere dicatur? ibid.c  
Draconis symbolum an solum denotet Dæmo-  
niorum principem, an vniuersum Dæmonum  
agmen? 633.b  
Draco cur alios dentibus discerpere, alios percute-  
re, & opprimere dicatur, & quæ sit huius discrimi-  
nis ratio? 637.c  
per Draconis caudam quid significetur? ibid.e  
Draco quem in sensum dicatur spectare vt nasci-  
turum filium mulieris deuoraret? 638.a  
Draconis Apo. 12. figura cuiusmodi fuisse fingatur.  
630.c  
Draco cur inter maris & terræ bestias interiectus  
fingatur? 664.b  
Draconis persecutio vtrum fugam mulieris ante-  
uerit? 657.c  
Draco dum dicitur persecutus mulierem, quæ pe-  
perit masculum, quid innuatur? ibid.d  
quorsum Draconis & duplicis bestię bellum spe-  
ctet. 674.c  
à Dracone potestatis concessæ bestię maris exposi-  
tio alia traditur. 686.c  
Draconis & aquilæ pugna. 374.a  
Draco cur in maris littore stetit dicatur? 663.c  
Draco quo sensu dicitur Apo. 12. in terram proie-  
ctus. 652.a  
Draconis magni appellatione quid innuatur?  
ibid.d  
Draconis & ipsius angelorum locus non amplius  
in cælo fuisse inuentus, quo sensu dicatur. 649.b  
Draco & angeli eius qua ratione in cælo fuisse di-  
cantur. ibid.c  
de Draconis expulsiōe prophetia quomodo confi-  
deranda sit fuisse impleta? ibid.e  
Draconis visum cur vocetur à Ioanne signū ma-  
gnū? 632.d  
qui sint reliqui de mulieris semine quibus Draco  
bellum intulit. 662.b  
an Draconis capita septem & cornua decem ad  
Antichristi tempora referantur. 633.d  
Draco quo sensu dicatur è cælo delicti? 632.c  
Draco cur appelletur rufus? ibid.  
an Apo. 20. 4. sermo sit de iis qui ante Draconis  
solutionem defuncti sunt? 888.b  
Draconis capita cur fuerint coronis redimita, &  
Bestię marinæ non capita, sed cornua coronen-  
tur? 636.a  
per Draconis capita septem septem capitalia vitia  
figurari. 635.a  
per Draconis cornua decem quid figuretur?  
ibid.c

*Duplum.*

Duplum miscere quid fit? 826.d

*Dux.*

Ducem vestitum esse veste aspersa sanguine quid  
fit? 861.c  
Dux cur apud Zach. equo rufo, apud Ioannē albo  
vehatur? 445.2.b  
Dux celestis exercitus de quo Apo. 19. quis fit?  
860.c  
Dux in qua parte nomen haberet scriptum quod  
nemo nouit? 861.b  
occisionem mysticam (de qua Apo. 19.) figurari vt  
à solo Duce totius exercitus factam. 859.b  
Ducem celestis exercitus sequentes Apoc. 19. qui  
sint? 862.2.d  
Duci totius exercitus solum tribui eadem in ho-  
stibus factam, atque victoriam. 860.b.c  
Duci vni quo sensu tribuatur totius exercitus ef-  
ficientia? ibid.d  
Dux quorsum in femore habebat scriptum Rex  
regum. 862.a  
Ducis gladio fuisse interfecti qui dicantur? 866.  
b.c  
Ducis nomen (de quo Apo. 19.) in diademate scri-  
ptum esse diuersum à nomine verbi Dei.  
859.a

*E.**Ecclesia.*

**E**cclēsiā primitiuā appellari cælum. 548.b  
Ecclesiam parturientem Christo subnixā per-  
inde esse quasi veræ Lucinæ ope & auxilio adiu-  
tam. 628. b  
Ecclesia militans in cælo cur appareat? 322.d  
Ecclesiam militantem esse terrenum Dei paradisi-  
sum. 260.e  
symbola quæ triumphantis Ecclesiæ præmia figu-  
rant, suo etiam modo præmiis militantis appli-  
cari. 261. a  
Ecclesiæ totius cursum ex prosperis pariter & ad-  
uersis contexi. 573.1.d.e  
Ecclesiæ persecutiones quot & quæ fuerint ex Au-  
gustino? 677.c  
Ecclesiam per labores & persecutiones de Syna-  
goga reportasse victoriam. 564.1.b  
Ecclesia in cælo cur apparuisse dicatur. 615.c  
Ecclesiam figurari in muliere Apo. 12. ibid.d  
Ecclesia quare radiis solis amicta, stellis corona-  
ta, & lunam pedibus premens apparuerit?  
616.a  
Ecclesiæ cur Deus voluerit prænunciari, persecu-  
tiones fore amplius septem, non tamen præfini-  
tum omnium numerum reſerauerit? 680.b  
in Ecclesiæ splendorem Romæ veteris magnificen-  
tia celsit. 54.2.b  
oportuisse diem iudicii per multa sæcula differen-  
dum Ecclesiæ non esse initio ignoratum. 873.b  
Ecclesiæ ministrorum dignitas. 193.e  
de Ecclesiæ tribus bellis Apo. doctrina ad alia etiā  
extendi potest. 80.1.a  
Ecclesiæ grauiores euentus oportuisse ipsi reuelari.  
79.1.a  
Ecclesiæ cur reuelari oportuerit Iudæorum, Genti-  
lium, & Antichristi bella, Hæreticorū & Mau-  
rorum non item? ibid.c  
de victoria per Ecclesiam reportanda ex Romano  
Imperio cur Paulus obscure fuit locutus. 725.c  
ad Ecclesiæ persecutionem à Romano Imperio  
ethnico olim excitatam sextam Phialarum pla-  
gam esse referendam. 783.e  
Ecclesiæ historias respicere sub Iudaicarum hi-  
storiarum cortice Prophetis fuisse familiare.  
758.a  
Ecclesias particulares, & præsertim Religiones  
per loca malogranatis confita figurari. 199.2.b  
Ecclesiæ recens in terris fundatæ indi nomē nouæ  
Ierosolymæ. 923.c  
Ecclesiæ bellum indicens duplex ciuitas sunt Ie-  
rosolyma, & Roma antiqua. 49.1.a  
in Ecclesiæ aliqua persecutione familiare esse Ioāni  
per comparationem respicere ad Antichristi  
tempus. 581.b



Ecclesiæ persecutionum tempus recte indicari potuisse per trium annorum & dimidij tempus, quo Antiochi persecutio durauit. 572.2.d

Ecclesiæ militantis portas cur Isaias dixerit die ac nocte non claudendas, Ioannes verò in triuphantis portis solum diei meminerit? 1011.a

ad Ecclesiæ persecutionum breuitatem denotandam quàm aptum sit triennij & semianni spatium. 573.2.b

ad Ecclesiæ propagationem quanti interfit B. Virginis auxilium. 624.2.d

in Ecclesia quàm sit laudabile homines à mundi commercio separari, vt se Deo totos consecrent. 1015.2.b

Ecclesiam militantem dici è cælo descendere, & cur. 302.a

in Ecclesiæ persecutionum numero referendo sententiarum varietas. 677.d

Ecclesia Tyarirësis num potuerit esse fundata post scriptam Apocalypsin? 276.d

Ecclesiæ fundameta esse duodecim Apostolici Symboli veritates. 939.c

in Ecclesia cuiusmodi thronum Deus habeat. 330.2.b

Ecclesiæ basis B. Virgo. 624.2.a

Ecclesiæ militantis felicitatem ad Sanctos etiam in cælo degentes pertinere. 894.e

in Ecclesiæ primitiuarum fidelibus quantus feruor pietatis, & aliorum salutis procurandæ. 347.a

Ecclesiam primogenitam figurari Sionis nomine. 710.e

Ecclesiæ figuram fuisse Salomonis templum. 387.1

Ecclesiæ quantum præstiterint obsequij religiosæ familiæ. 881.1.d

de quo Ecclesiæ statu sit sermo sub scemina pariturius allegoria. 629.b

nonnulla quæ ad militantem Ecclesiam videntur spectare, cur in cælestis patriæ pictura appareat. 915.b

ab Ecclesia additæ inscriptiones multorum ex libris canonicis. 30.1.e

de Ecclesiæ persecutionibus agere Daniele cap. 12. sub figura persecutionum Antiochi. 570.2.d

in Ecclesiam excitatas persecutiones in Antiochi Epiphaniis persecutione adumbratas. 645.e

Ecclesia Thyatirensis vtrum Ioannis tempore erecta fuerit? 251.2.e

Ecclesiæ mediis persecutionibus ad maiore gloriam euehi. 241.d

Ecclesiæ gloriam in persecutionibus & martyrum tormentis delitescentem vel Dæmones ipsos latuisse. 416.c

Ecclesiam dici regnum sacerdotale. 340.b

in Ecclesiæ Romanæ gloriam ac triumphum redundaturam victoriam de Antichristo comparandam. 904.d

Ecclesiam Romanam esse sponfam agni statuitur. 849.d

quàm Ecclesiæ Romanæ gloriosa sit postremæ Apocalypseos partis expositio. 868.b

ad Ecclesiæ Romanæ gloriam validum desumi argumentum ex nostra alligati dæmonis interpretatione. 874.d

Ecclesiæ Romanæ excellentia & primatus inter Ecclesias ceteras. 640.c

in Ecclesiæ Romanæ vtilitatem obscuritas Apocalypseos maxime redundat. 55.2.d

præ Ecclesiæ Romanæ victoria ab Imperio Romano parta ceteræ omnes minoris momenti. 80.2.c

de Ecclesiæ imprimis Romanæ gloria esse sermonem in cap. 21. & 22. Apo. quibus adducti rationibus credamus. 915.c

ad Ecclesiam potissimum Romanam spectare totâ cælestis gloriæ amplitudinem de qua Apo. 21. & 22. agitur. 917.b

sub Ecclesiæ Romanæ nomine quâ ratione ceteræ Ecclesiæ contineantur. 917.b

de Ecclesiæ Romanæ gloria nostram cap. 21. & 22. explanationem Hæreticis molestam visum iri. ibid.c

cur Ecclesiæ potissimum Romanæ fidem numquâ Deus permiserit deficere. 881.1.e

Vide Apocalypsin, Apostolus, Bestia.

*Ecclesiastes.*

totius libri Ecclesiastis epilogus. 249.2.c

*Egredior.*

non amplius Egredi foras quid sit. 302.b

quid promittatur eis verbis, *foras non egredietur amplius.* ibid.d

*Electrum.*

per Electrum quid figuretur in figura Ezech. 33.6. 1.b

per lucem in Electro clausam quid significetur in Ezech. figura. ibid.c

an ex Electro fuerit Ezechielis figura. 334.1.d

Electro lucidior prouerbiū est. 335.1.a

Electri significatio pro metallo quàm sit antiqua. ibid.c

Electri metalli natura quæ sit. ibid.2.a

cur ex Electro potius quàm ex mero auro & alio metallo Ezechielis figura visa sit. ibid.

Electrum ad lucernarum lumina clarius argento splendere. ibid.b

Electri vis ad deprehendenda venena. ibid.c

Electrum natiuum quanti pretij fuerit. ibid.

Electri natiui mira proprietas. 226.2.b

Electri proprietatum mystica significatio. 336.2.a

Electrum cur in Ezech. figura supra appareat. ibid.b

Electrum an Ezech. 1.27. pro metallo sumatur, an verò pro succino. 334.2.a. & fuisse metallum probatur. 335.1.b

*Eleemosyna.*

Eleemosynæ symbolum galbanus. 427.2.b

Eleemosyna quomodo commendetur in primo miraculo Tobia. 497.2.d

*Eliacimus.*

Eliacimus Christi figuram fuisse. 243.c

Eliacimus qua ratione Christi fuerit typus. 295.e

*Elias.*

in Elia figurari sanctitatem. 580.e

Elias num fuerit in cælum æthereum sublatus. 327.1.d

de Eliæ aduentu spiritali quomodo possit intelligi locus Ecclesiastici 48.11. 582.2.b

de Elia quò pacto sit intelligendus Malachiæ locus. 583.1.b

de Eliæ spiritali aduentu explicatur idem Malachiæ locus in B. Ioanne Baptista. ibid.c

Eliam figurari in tertio angelo qui ad vindemiatorem clamauit. 742.c

cur Elias videatur prius designatus Apo. 1.6. deinde Moses. 589.b

Elias & Moyses cur non suas proprias personas, sed fictas agant in visione cap. 14. 17. 18. Iosel verò suammet ipsius personam agat. 743.b.c

Eliæ & Mosi cur quadret nomen duorum testium. 580.c

Elias & Moyses quomodo in hoc sacro ænigmate inducantur. ibid.d

Eliam & Mosem in duobus angelis vindemiæ figuratos, esse sapientiæ & sanctitatis symbola. 742.d

ad Eliæ & Enoch aduentum sub Antichristo asfirmandum quod sit in Scriptura fundamētum. 582.1.c

Eliam & Enochum esse sub Antichristi tempus venturos ad prædicandum, an sit Ecclesiæ traditio. 583.2.c

Eliæ & Enoch aduentum futurum non ab omnibus æquè certum reputari. ibid.e

de Eliæ & Enoch futuro aduentu quo fundamētum nitatur Ecclesiæ traditio. 584.1.d

de Enoch aduentu non minus constare quàm de Eliæ. ibid.2.a

Eliæ & Enoch aduentum non certò probari ex Apocalypseos loco præcisè sumpto. ibid.b.c



*Elizabetha.*  
Elizabethæ etymologia. 531.1.e  
Elizabetha cur Ioannis filij conceptum mensibus  
quinque occultauerit. ibid.2.e  
quinque menses quibus suam Elizabetha grauidi-  
tatem occultauit quid mystice fignent. 532.  
1.e  
Elizabethæ grauiditatem ante quinti mensis finem  
fuisse cognitam in ipso textu innui. ibid.d  
Elizabethæ grauiditas sub quinti mensis finē ma-  
nifestata quid typicè adumbret. ibid.  
*Elohim.*  
Elohim quid propriè Hebræis sonet. 188.1.e  
*Endymion.*  
Endymionis tum historia, tum fabula. 619.7.a  
*Episcopus.*  
discrimen inter Smyrnæum & Philadelphiu Epi-  
scopum. 299.a  
ad Asiæ septem Episcopos quorsum in Apocalypsi  
inferantur Epistolæ. 252.1.2  
Episcopi propria munera vigilare & confirmare.  
291.a  
Episcopos adumbrari per quatuor Ioannis anima-  
lia. 365.a  
ad Episcopos Asiæ septem conscientiarum genera  
applicatio. 254.1.a  
Episcopi Asiæ de quibus arguuntur ipsorum esse  
propria. 251.1.a  
Episcopi quanta cura debeant suum munus præ-  
stare. 344.1.d  
Episcopo Philadelphix quod conscientix genus  
fuerit. 294.d  
Episcopo Ephesino quæ sit cohortatio adiecta, &  
quorsum. 260.a  
Episcopo Thyatirensi cur non intendantur minge,  
si secus faxit. 276.e  
Episcoporum munus quo plus habet dignitatis, eo  
plus laboris ac sollicitudinis habere. 345.d  
Episcoporum nomina cur in epistolis subicean-  
tur. 256.e  
remissio de qua Episcopus Ephesinus obiurgatur  
cuiusmodi sit intelligenda. 258.b  
Episcopus Thyatiræ cur imprudentiæ arguatur?  
275.a  
Episcoporum Asiæ ad septem planetas applicatio.  
255.1.a  
de Episcopo Sardenfi quis scilicet Ioannis tempore  
fuerit non constat. 252.2.a  
in Episcopo Ephesino quid notetur. 254.1.a. Quid  
in Smyrnensi. ibid. Quid in Pergameno. ibid.  
b. Quid in Thyatirensi. ibid.2.a. Quid in Sar-  
denfi. ibid. Quid in Philadelphio. ibid.b. Quid  
in Laodiceno. ibid.  
in Episcopo Ephesino quid commendetur. 257.d  
Ephesini Episcopi prudentia commendatur. ibid.e  
Ephesinus Episcopus vtrum de charitate amissa  
obiurgetur. 258.a  
Episcoporum dignitas, sacerdotum maior. 340.e  
Episcopus Pergamenus quis fuerit Ioannis tem-  
pore. 252.2.a  
ad Episcopi etymologiam respici quodammodo in  
nomine viuientis. 290.b  
quis fuerit Episcopus Laodicenus sub Ioane num  
conueniat. 252.2.a  
Episcopus Sardenfis vtrum aliquo occulto pecca-  
to fuerit infectus. 290.b  
Episcopos septem per stellas totidē figurari. 235.b  
peccata Episcopi Sardenfis quæ fuerunt nū conijci  
possit. 290.c  
Episcopi Sardenfis cur Christus improbitatem per-  
miserit. 289.a  
diuinæ prouidentix ratio in septem Episcopis, de  
quibus Apocalypsis agit, seligendis. 255.2.e  
*Epistola.*  
Epistolas septem Ioanni dictari ab eodem qui Apo-  
calypsis prologum agit. 252.1.c  
Epistolarum connexio cum cetera Apocalypsi quæ  
sit. ibid.d  
Epistolæ ad septem illos Angelos quorsum in Apo-  
calypsi inferantur. ibid. tota notat.  
in Epistolis septem ad quemlibet fidelium peculiare

epistolam contineri. ibid.2.d  
in Epistolis septem septem hominum classes con-  
siderari. ibid.e  
in Epistolis quæ Ioannes ordinem seruauerit. 253.2.e  
in Epistolis salutarem omnibus conscientiarū ge-  
neribus doctrinam contineri. 255.1.b  
in Epistolarum aliis cur sola laus, aliis sola repre-  
hensio, aliis obiurgatio laudi admista contineat-  
ur. ibid.d.e  
Epistolarum harum doctrina quàm sit viris spiri-  
tualibus utilis. ibid.b  
Epistolæ cuiusque initium vnde & cur sumatur.  
256.e  
Epistolæ primæ titulus cur ei affigatur. 257.a  
num in premiis & admonitionibus ad Epistolarū  
calcem additis sermo sit cum singulis Episcopis.  
259.b  
Epistolæ ad Smyrnensem præmium quā aptè cum  
ipsius doctrina consentiat. 263.b  
in Epistolis Petri Apostoli doctrinam contentā suo  
etiam modo ad omnes Christianos deprauatæ  
vitæ posse applicari. 729.b  
collatio inter Epistolam Petri secundam, & Episto-  
lam Iudæ Thadæi. ibid.  
in Epistolis B. Petri nonnulla difficilia loca ex B.  
Iudæ epistola eiusque contextu explicantur, ibi.  
d.e. & seq.  
*Eques*  
Equitem equo vectum esse salutis symbolum hi-  
storiis tam veris quàm fictis probatur. 436.2.b  
Equitum sextæ plagæ tubarum loricæ quomodo  
dicantur esse igneæ, hyacinthinæ, & sulphureæ.  
541.e  
Equitum dictorum loricarum ignis, hyacinthus, &  
sulphur quid significant. ibid.  
in Equitibus dictis cur Loricæ igneæ & hyacin-  
thinæ. 542.a  
Equitis in equo albo sedentis, ceterosque ducentis  
variè traduntur expositiones. 862.1.c  
*Equus.*  
Equi quatuor primorū sigillorum vtrum eandem  
ad rem vel ad contrarias spectent. 435.1.e  
Equum esse symbolum salutis siue saluationis.  
436.2.a  
Equi descriptio perelegans ex Iobo. ibid.e  
Equorum varium colorem non ob stare quominus  
ad eandem significationem pertineant. 437.1.b  
Equos quatuor sigillorum eundem ad finem refe-  
rendos probatur. ibid.d  
Equi cur apparuerint in primis quatuor sigillis, in  
reliquis non item, congruentem in nostra expo-  
sitione reddi rationem, non verò in aliis. 438.1.a  
cur Equi in quatuor primis sigillis conspiciantur,  
non verò in reliquis reddatur ratio. ibid.b  
Equi quatuor in septem sigillis nō plures nec pau-  
ciōres cur appareant. ibid.d  
in Equorum quatuor figura causam saluationis  
adumbrari. ibid.2.e  
in Equorum quaternario effectum etiam saluatio-  
nis innui. 439.1.b  
de Equorum quatuor sessoribus variæ opiniones.  
441.1.d  
Equorum omnium sessor an sit Christus. ibid.  
in Equis omniibus an possit idem sessor aptè con-  
cipi. ibid.e  
Equorum omnium sessorum Christū quodammo-  
do dici posse. 442.1.d  
Equum & equitem in singulis sigillis eiusdem esse  
significationis. ibid.  
Equorum sessorum qui sint. ibid.e & seq.  
Equorum omnium sessorum coniunctim enume-  
rantur. ibid.2.d  
quod attinet ad trium posteriorum Equorū sesso-  
res plures auctores nobiscum esse. 443.1.a  
Equis vectæ cur singantur quatuor personæ fictæ.  
ibid.  
in Equis quatuor vehi cur non singantur virtutes  
prout tales sunt. ibid.b  
in Equo albo veritas equitare num possit aptè dici.  
ibid.2.a  
an quilibet ex his qui in Equis sedent Saluator dici  
queat. ibid.1.a



Equo & fessori vtrum diuersa significatio debeat assignari? ibid. d  
 Equus num possit esse eorum symbolū, qui à Christo saluantur? ibid. 2. c  
 Equorum quatuor colores cuiusmodi sint? ibid. d  
 inter Equorum Ioannis & Zachariæ colores discriminem, & discriminis ratio. ibid. e  
 inter Equorum fessores quos vidit Ioannes, & quos Zacharias, quæ sit differentia. ibid.  
 Equi occulti inter myrteta quid significet apud Zachariam. 444. 1. a  
 inter Equos Ioannis & Zachariæ, colorum differentia traditur. ibid. c  
 in Equis Zachariæ colorum apparentium quæ sit significatio? ibi d. e  
 per Equi album colorē quid apud Zach. significetur? ibid. 2. a  
 Quid per rufum equi colorē? ibid.  
 Quid per varium colorem? ibid. b  
 Quid per nigrum colorem? ibid. c  
 in Equis zach. inter myrteta abditis cur colores tantum rufi, varij, & albi sint? ibid. e  
 Equorum Zach. visio quod potissimum spectet? 445. 1. a  
 per Equorum Apoc. colores quid figuretur? ibid. b  
 Equos albos mitiores & mansuetiores esse. ibid. d  
 Equis albis lenem, & mollem esse pilum. ibid.  
 Equorum Ioannis colores eorumque significationes paucis coercentur. ibid. e  
 in Equis Zachariæ cur varius color apparuerit, in Ioannis non item? ibid. 2. a  
 in Equis Zachariæ cur pallidus color defuerit? ibid.  
 dux Equo rufo apud Zach. apud Ioannem albo cur vehatur? ibid. b  
 Equorum colores in Apo. quod potissimum spectent. ibid. d  
 Equi secundi fessorem esse audaciam. 451. a  
 Equi tertij fessorem esse paupertatem. 453. b  
 Equi albi fessorem esse fidem. 449. a  
 Equi albi fessor quo sensu dicatur arcum habere? ibid. b  
 Equi quarti fessor quis sit? 457. a  
 Equum in prælium paratum perinde videri, atque cataphractum equitem. 533. c  
 Equorum in prælium paratorum sub figura quid adumbretur? ibid.  
 per Equos & equites in sexta plaga tubarum quid figuretur. 541. a  
 in Equis sextæ plagæ tubarum leonina capita quid denotent? ibid.  
 quis furiosus sextæ plagæ tubarum cur serpentes pro feris dat? ibid. b  
 vsque ad Equorum frenos sanguis exisse quod sensu dicatur. 746. a  
 Equi diuinæ prouidentia qui sint. ibid. b  
 de quibus Equis sit sermo cum Apoc. 14. dicitur, *Sanguis exiit vsque ad frenos equorum*? ibid. a  
 per Equos albos quibus celestes aduehantur milites, quid figuretur. 860. a  
 Equos albos in triumpho quis olim currui adiunxerit. 862. 1. c  
 per Equum album quid figuretur. ibid.  
*Vide Quadriga.*  

*Esau.*

*Vide Iacob.*

*Euangelista.*

 ad quatuor Euangelistas non esse restringendum quatuor animalium Apoc. symbolum. 367. b  

*Euangelium.*

 Euangelij prædicatio in toto orbe & mox futura consummatio à Christo prædicta quo sensu accipienda. 466. 1. d  
 Euangelium æternum quid sit. 719. c  
 cur Euangelium æternum appelletur nuncius de idololatriæ expulsiōe. 720. b  

*Eucharistia.*

 ad sacram Eucharistiam accommodatur calculus candidus. 268. b

ad Eucharistiam aptè referri id Apo. 7. 15. *qui sedet in throno habitabit super illos.* 488. b  
 ad Eucharistiam applicatur manna absconditum. 266. a  
 ad Eucharistiam applicatur stella matutina. 287. d  
 de Eucharistia explicatur coena de qua ad Laodicenum. 318. d  
 de Eucharistia exponitur lignum vitæ. 260. c  
 Eucharistiæ effectum esse liberationem à morte secunda. 263. b  
 pro Eucharistiæ sacramento vestimenta alba vsurpari. 292. c  
 de Eucharistia qua ratione possit explicari altare Ezechielis. 562. b  
 ex Eucharistia fructus percipiendus cur Ephesino promittatur. 260. c  
 de Eucharistia sermo quàm sit opportunus in præmio promisso Ephesino Episcopo. ibid. d  
 Eucharistiæ veritas aduersus hæreticos asseritur. 250. 1. a  
 ad Eucharistiam columnæ promissio applicatur. 301. d  

*Euomo.*

 Euomere ex ore, quo sensu sumatur? 315. e  
 Euomere te incipiam quid sit? 316. c  

*Euphrates.*

 quid per Euphratem figuretur? 538. b. 784. a  
 Euphratis exsiccati per cyrum & Darium historia. 782. 1. c  
 Euphratis exsiccati mysticam renouationē in sexta phalarum plaga affirmari. 783. c  
 de qua Euphratis exsiccati renouatione Apoc. 16. 12. sit sermo. ibid.  
 Euphratis ab orientis regibus exsiccati, quænam sit spiritualis renouatio? 784. c  
*Vide Angelus.*  

*Exercitus.*

 Exercitus equestris numerus in sexta tubarum plaga ceteris numeris in tota Scriptura positus maior. 540. c. & quorsum. ibid.  
 Exercitus dictus quorsum fingatur equestris. ibid. d  
 Exercitus mystici Pharaonis in mari demersus quis sit? 758. 1. d  
*Vide Dux.*  

*Expositio.*

 Expositionis noua ratio exemplo comprobatur. 67. 2. a  
 Expositio nostra qua ratione receptas complectatur. 74. 1. c  
 Expositionis nouæ duplex genus. 68. 2. d  
 ad Expositiones nouas indagandas nos Christus hortatur. 67. 2. a  
 Expositiones aliquot quæ mysticæ vocantur esse literales. 71. 2. c  
 in Expositione nostra minime reiici receptam in aliquibus Apoc. locis intelligentiam 74. 2. a  
 pro Expositione sacrarum literarum noua astruenda insignis locus Gregorii Magni. 67. 1. a  
 Expositiones multas à Patribus inuentas. 662. e  
 de Expositionis nouitate obiectioni satisfat. ibid. b  
 Expositio nostra etsi aliqua non omni ex parte noua. 69. 1. b  
 Expositio nostra nouitatem cum antiquitate coniungit. 73. 1. e  
 Expositionis nouæ congruentiam nouus interpres debet ostendere. 67. 2. e  
 reuelationes quæ nostræ Expositioni oppositæ circumferuntur. 75. 1. d  
 Expositionem nouam qui & Apocalypsi quadrare & tamen ex Ioannis mente non esse, dicat, is sane Spiritui sancto derogat. 71. 1. b  
 Expositio noua deseruit interdum ad fidei confirmationem. 68. 1. b  
 Expositionum nouarum licentia coercenda. 66. 1. c  
 Expositionis nostræ fundamēta per antiqua sunt. 69. 2. b  
 contra Expositionem nostram obiectiones. 66. 1. c



ad Expositiones nouas indagandas nos Patres hortantur. 67.1.c  
 Expositionem non semper probatiorem, quæ & simplicior sit, & nihil prorsus immutet. 978.2.e  
*Ezechiel.*  
 Ezechiele Homerus antiquior. 1016.d  
 Ezechielis nominis etymon. 190.2.d  
 Ezechielis loci duplicis in speciem pugnantis conciliatio. 393.1.a. & seq.  
*F.*  
*Facies.*  
**F**acies non semper sumitur pro vultu. 394.1.a  
 Facies rotarum Ezech. qua ratione sint considerandæ. 362.e  
 de Faciebus quatuor animalium, Vatabli & Hebræorum opinio. 393.2.c  
 Faciem Seraphinorum Isaia non totam omnino rectam esse debere. 389.2.d  
 Facies quatuor & quatuor pennas & vituli plantam vt res diuersas ab Ezechiele enumerari. 394.1.d  
 Faciei humanæ in vituli corpore antiquum insigniæ, & eius significatio. 373.b  
 in Facie aquilina Ezechielis, nū vox *desuper* abolenda in textu, an retinenda sit. 392.2.a  
 an suas ipsorum Facies, an Dei vultum alis obtexerint Seraphini Isaia. 389.1.e  
 de Faciebus animalium veterum Græcorum interpretatio. 395.1.b  
 Facies num tant. in vna singulis Isaia Seraphinis sit assignanda. 389.1.c  
 per Faciem Angeli fortis solis instar fulgentē quid figuretur. 547.a  
 in Facie quadruplici cur Ioannis, & Ezechielis animalia conueniant. 378.e  
 in Faciebus animalium cur prouidentia partes figurentur. ibid.c  
 Facies animalium Ezechielis qua ratione sint considerandæ. 392.1.b. & qua forma & dispositione. 395.1.d  
 Facies cur fuerint vitulinæ in Cherubinīs templi. 396.1.c  
 Facies quadruplex Ezechielis animalibus cur fuerit, Ioannis verò simplex. ibid.2.a  
 Facies quatuor animalium quod ad significationē attinet, primis quatuor Apo. sigillis respondere. 397.1.e  
*Vide Animal, Aquila, Cherubinus.*  
*Factum.*  
 quid significet phrasis illa, *Factum est.* 792.c  
*Fames.*  
 de qua Fame sit sermo Apo. 7.16. 488.c  
*Familia.*  
 quamnam Familia Nathan, Leui, & Semei apud Zachariam. 197.1.a  
*Falx.*  
 Falcem mittere quid sit apud Ezechielem. 738.d  
 Falci cur in vindemia quater addatur epitheton acutæ, semel verò in messe. 741.d  
 Falx quid significet, quam manu portat angelus egrediens de templo quod est in cælo. 743.c  
*Fel.*  
 Fells mystica significatio. 497.1.a  
 mystica significatio secundi Tobia miraculi de Fells virtute. 498.1.b  
*Vide Piscis.*  
*Felicitas.*  
 Felicitas mystica Israelis id est Christiani populi in quo sita sit. 485.a  
 Felicitatis æternæ symbolum numerus octonarius. 707.d  
*Vide Beatus.*  
*Ferrum.*  
 Ferrum quo magis accensum, eo minus rubescit. 272.1.a  
 Ferrum adam ante tactum volui ad Septentrionē. 273.2.c  
 in Ferri proprietatibus figurari diuinæ prouidentia Spiritus. 281.2.e

in ferro fortitudo seu potentia figuratur. ibid.  
 Item beneficentia. 282.1.a. Item æquitas. ibid.b.  
 Item sapientia. ibid. Item patientia. ibid. Item comminatio. ibid.c. Item punitio. ibid.  
 Ferrum quo lauius, eo magis aptum vt à magnete trahatur. 284.a  
 Ferrum quanto maius pondus magnete cōtactum quàm magnes ipse attollat. ibid.2.c  
 Ferrum magneti adiunctum, si aliud ei ferrum admoveatur magnetem deserit, ac ferro applicato adhærescit. 285.1.a  
*Fidelis.*  
 Fideles primitiuos Ecclesiæ denotari per illa. 144. millia capitis 14. Apo. 710. a. 716.c  
 Fideles in rerum supernaturalium cognitione per meliorem veritatis creditæ perceptionem illustrantur. 61.1.e  
 Fidelis & veracis appellatio quid denotet. 861.a  
 Fideles quo sensu dicantur empti de terra. 716.c  
 Fidelibus primitiua Ecclesiæ quantum feruor pietatis, & aliorum salutis procurandæ. 347. a. b  
 Fidelium veterum constantia in Christi fide suscipienda, & profitenda. 439.2.e  
 Fidelium primitiuorum voluntaria paupertas & rerum abdicatio. 440.1.c.d  
*Fides.*  
 Fidem esse equi albi sessorē. 449.a  
 Fidei christianæ procurandæ studium virorum Apostolicorum. 398.c  
 Fidei symbolum duodecim veritatibus certo constare, non tamen certo constare de ipsarum veritatum inter se ordine, ac diuisione. 948.1.e  
 ad Fidei confirmationem noua interpretatio interdum deseruit. 68.1.c  
 Fidei veritates in gemmis figuratæ quomodo sint cælestis ciuitatis fundamenta. 915.e  
 Fidei veritates in vnum veluti corpus coactæ cur Symboli appellentur. 948.a  
 Fidei cur corona detur. 249.c  
 Fidei symbolum Onyx. 427.2.a  
*Filius.*  
 Filius masculus quo sensu dicatur omnes gentes in virga ferrea regere. 641. a  
 Filius masculus qua ratione dicatur ad Deū, eiusque thronum raptus. ibid.b  
 per Filium masculum quid figuratur. 638.e  
 in Filio masculo qui populus seu gens adumbratur. 639.b  
 Filium masculum esse peculiarem aliquam Ecclesiam, non vniuersalem fidelium cœtum. ibid.c. Eamque esse Romanam. 640.b  
 Filius masculus cur ad Dei thronum assumptus, mater verò in solitudine fuisse dicatur? 642.c  
 super Filium hominis angelos descendere & ascendere quid sit. 326.2.d  
 Filio hominis similem, quid sit. 220.a  
 in Filio hominis simili quisnam figuretur. ibid.b  
 Filio hominis similis num immotus, an deambulās Ioanni apparuerit. ibid.a  
 Filij verba sint an Patris æterni, *Ego sum A. & Ω.* 202. c  
 Filij Israel quinam vocentur Apo. 7.4. 477.a  
 Filij Israelis cur neruum in animalibus non ederint. 564.2.a.b  
*Finis.*  
 nomen, Finis, Hebraica phrasi & Victoriæ, & Vincenti tribuitur. 204.1.e  
 inscriptio In Finem cur pluribus Psalmis desit. 205.1.b  
 In Finem initio Ps. positum quid significet. 203.1.d  
 huius vocis In Finem quadruplex explicatio. ibid.  
 Psalmus quicumque titulum habet In Finem, aptè supremo Victori Christo tribuitur. 205.1.b  
*Flumen.*



*Flumen.*

per Fluminis fluxum & cursum quid adumbretur? 538.c  
Fluminis Apoc. 22. v. 1. vnda cur crystalli instar esse perhibeatur? 1014.a

*Fluuus.*

Fluuus esse sapientia symbolum. 1013.d  
Fluuus à sede Dei & Agni procedens qua ratione fit concipiendus? ibid.c  
in Fluuio hoc quid figuretur? ibid.d  
inter Fluuium Ioannis & Ezechielis quæ reperiuntur differentia? 1014.1.e  
Fluuus ex ore draconis procedens vtrum humanam significet eloquentiam? 660.d  
Fluuus vitæ ciuitatis Ierusalem quid indicet? 919.c  
Fluuus ex ore draconis prodians vtrum persecutionem Neronis designet? 661.d

*Fœdus.*

Fœderis noui & æterni symbolum arcus cælestis. 333.c

*Fœmina.*

vt Fœminæ singularis mentio adeo peculiaris fiat Apocalypsi esse indignum. 275. b  
in Fœmina parturiente allusio ad Isaia locum. 628.c  
Fœminam mysticam Apo. 12. parturit, quid sit? 629.c.d  
Fœminæ parturientis clamores quid significant? ibid.d

*Fœmur.*

in Fœmore esse scriptum nomen, & in vestimento quid sit? 859.d

*Fœnum.*

Fœni nomine omnia sata esse intelligenda, quæ viridia adhuc sunt. 513.c  
Fœnum, omne exuri quid sit? ibid.d  
per Fœnum quid intelligat Paulus. 576.2.c

*Fons.*

Fontes ac flumina cur sanguine perhibeantur tincta? 775.b  
Fontis salientis in vitam æternam sensus tum literalis, tum mysticus. 530.2.c

*Formicaria.*

Fornicariam quo sensu dicantur decem cornua odio habitura? 815.c

*Fornicatio.*

Fornicationum mater cur Roma ethnica vocetur? 811.b  
Fornicatio in sexta plaga tubarum pro mystica & spiritali vsurpatur. 543.a  
Fornicationis ira quænam denotetur Apo. 14. 722.d

*Fortitudo.*

Fortitudinis obiectum quod sit. 413.b  
Fortitudo sub imbecillitatis specie quantopere e-luceat. ibid.c

*Frater.*

Fratres Ioannis quosnam Angelus nuncupet? 858.a

*Frigidus.*

inter Frigidum & tepidum discrimen. 313.d  
Frigidum esse aut calidum Laodicenum cur malit Christus, quàm tepidum? 314.c  
explicatur cur Frigidum aut calidum esse præferat, quàm esse tepidum. 315.c

*Frons.*

in Frontibus quomodo dicatur signari serui Dei? 474. a  
Frontis potissimū signandæ cur mentio fiat? ibid.b  
Ioannē non vidisse corporeis oculis signum illud in Frontibus signatorū impressum, idque cuius mysterij gratia? 483.e  
in Fronte meretricis nomen scriptum quid sit? 810.c  
in Fronte scriptum nomen quid denotet. 811.a

*Fructus.*

duodecim Fructus quos lignum vitæ producit, quid significant. 1017.b

*Fulgur.*

Fulgurum ac tonitruorum philosophia myste-rium. 348.a  
per Fulgura, voces, & tonitrua Apo. 16. 18. quid figuretur. 346.e. 792.e  
cum Fulguribus cur voces humanæ sociatæ fin-gantur. 347.c  
Fulgura & tonitrua de Dei solum throno non de seniorum processisse. 346.a  
Fulgura, tonitrua & terremotus post ignem in ter-ram missam, quid significant. 508.e  
Fulgura & voces Apo. 11. 19. quid sibi velint. 607.e  
Fulgura, voces, & tonitrua cur alibi, Apoc. verò 11. 19. solum fulgura & voces coniungantur. 608.a  
de Fulgurum ac tonitruorum mysterio aliorum opinio. 246.b  
Fulguris tonitruique coniunctio quid denoret? 347.c

*Fumus.*

Fumus quo sensu ex abyssu prodire dicatur. 524.b  
Fumo abyssi quomodo Sol & aer obscurati dicantur? ibid.c  
Fumus Babylonis ascendens in sæcula sæculorum quid mysticè adumbret. 839.c  
in Fumo sape Dei iram figurari. 764.e  
Fumus cuius rei sit symbolum. 767.2.a  
Fumum in Scriptura à nebula seu nube distingui. 766.2.c  
Fumi in sæculi ascendentis proponitur alia expo-sitio. 846.1.c  
Fumi symbolū ad diuinam indignationem posse aptari. 847.1.b  
Fumus in sæcula duraturus quomodo vere dica-tur. 847.2.a  
distinctionis inter Fumum & nubem redditur ra-tio. 767.1.c  
Fumi & nubis coniunctio in monte Sina quid adū-bret. ibid.2.b  
Fumus cur dicatur prodire à maiestate Dei, & de virtute eius. 764.c  
Fumus à maiestate Dei & virtute eius quo sensu dicatur prodire. 765.c  
Fumus quid significet ex auctoris placito. ibid.a  
de Fumo ascendente in sæcula, disputatio. 731.d  
Fumus sempiternus Apo. 14. & 19. quo sensu su-matur. 732.2.b  
per Fumi allegoriam quid adumbretur? ibid.d  
Fumi ascendentis in sæcula sensus duo, quomodo in vnum coalescere possint. ibid.e  
Fumi symbolū quomodo possit apte de Dei gloria exponi. 733.1.a.b  
*Vide Abyssus.*

*Fundamentum.*

Fundamenta duodecim vrbis quomodo sint meri-te concipienda. 937.b  
Fundamenta muri, & nomina in eis inscripta qui-nam Ioannes dispicere potuerit. ibid.  
quomodo cum ænigmatico stilo cohareat vt Fun-damentis singulis suæ significationis inscriptio-nes apponantur. 938.d  
Fundamenta muri quo sensu dicantur ornata omni lapide pretioso. 946.c  
in Fundamentis 12. Apostolos pro certo figurari. 938.b  
in quo consistat Apostolos esse Ecclesiæ Fundamen-ta. 939.c  
Fundamentorum Ecclesiæ symbolum cur Apo-stolis tribuatur. ibid.a  
in Fundamentis cælestis Ierusalem quid adum-bretur. 918.e  
Fundamentis illis nixa quomodo consideranda sit ciuitas. 937.d  
Fundamentum Ecclesiæ est titulus libri inter alios inuenti in sacri montis Granatensis cauernis. 939.d

*Fur.*

cum Apo. 16. 15. dicitur, Ecce venio sicut Fur, de quo Dei aduentu sit sermo. 789.a



Furis aduenientis comparatio in Scriptura frequens ubi de Domini aduentu ad Iudicium. 788.e  
 Ad quod tempus sint referenda verba illa, *Ecce venio sicut fur.* 789.e  
*Furia.*  
 per Furias quid figurari existimet Cicero? 519.1.a  
*Furor.*  
 Furorum & irarum fons & origo. 538.c  
 Furor & ira correptos sibi potius quam aliis nocere. 539.c  
 Furor iræ Dei omnipotentis quis appelletur? 862.a  
*G.*  
*Gabriel.*  
**G**abrielis etymon. 188.1.e  
*Gad.*  
 Gad tribui Ligurius aptatur. 1002.2.e  
*Galbanus.*  
 Galbanus quid sit? 426.2.c  
 Galbanus misericordiæ symbolum, & eleemosynæ. 427  
*Gemma.*  
 Gemmæ cur non fuerint eodem ordine in Rationali scriptæ, atque in Apocalypsi? 1002.1.b  
 Gemmas duodecim fundamentorum explicandi modus communis ac receptus quis sit? 938.e  
 Gemmarum & mysteriorum duodenario Platonē præter suam intentionem nonnihil adstipulari in Phædone. 948.c  
 in Gemmarum singulis quid sit indagandū, quid obseruandum? 952.1.c  
 in Gemmarum applicatione num solum sit disquirenda ea vniuscuiusque gemmæ species, quæ inibi ubi Ioannes tunc morabatur, fuerit notior? ibid.d.e  
 de ordine Gemmarum Apocalypseos. 1003.2.c  
 pro Gemma cur lobi 28. vitri nomen vsurpetur? 956.1.c  
 Gemma de qua Apo.2.17.num sit Carbunculus vel Adamas? 270.1.c  
 de ordine quo Gemmæ Rationalis in quatuor versus sunt distributæ. 1003.2.a  
 Gemmarum natura ac proprietatum cognitio quantopere expediat ad exactam earum applicationem in singulis Symboli mysteriis. 950.1.e  
 Gemmas ex quibus cælestis vrbis fundamenta constabant mirificè duodecim fidei articulis congruere. 939.e  
 in Gemmis Rationalis enumerandis Septuaginta & Iosephum ab Hieronymo nō fuisse correctos. 942.b  
 in Gemmis præsertim Rationalis assignandis quàm debeat esse grauis Septuaginta auctoritas. ibid.d  
 de Gemmarum Rationalis partitione quæstio, ubi earum series & ordo expenditur. 1000.1.e  
 Gemmæ singulæ Rationalis singulis tribubus aptatur, & cuiusque ratio redditur. 1002.1.e  
 Gemmarum rationalis Rationem & partitionem ex Apoc. gemmarum significatione esse petendam. ibid.a  
 de nomine Gemmis singulis Rationalis inscripto constare. 1001.1.c  
 in Gemmis Apoc. peculiarem contineri allusionē ad Rationalis gemmas. 952.2.a  
 ex mysterii ipsius cognitione exoriri posse lucē ad propriam illius Gemmam dignoscendam. ibid.c  
 Gemmæ Rationalis quo ordine numerentur in Exodo? 953.1.a  
 de Gemmis Rationalis disputatio deque earum notione. ibid.  
 de Gemmarum Rationalis nomine vtrum certò constet? ibid.b  
 quod attinet ad Gemmarum Rationalis enumerationem in quo discrepent Septuaginta & Iosephus. ibid.2.d  
 in Gemmis Rationalis recensendis defenditur Vulgatus. ibid.e

in Gemmis Rationalis Septuaginta & Iosephus conciliantur cum Vulgato. 954.1.a  
 Gemmæ omnes Scripturæ vtrum ad duodecim redigantur de quibus Apo.21.19.20. 947.a  
 in Gemmarum applicatione quæ sint consideranda? ibid.  
 Gemmarum huius symboli quanta sit concinnitas & elegantia? ibid.b  
 Gemmas pretiosas ad symbolicam potius vtilitatem, quàm ad naturalem videri procreatas. ibid.e  
 Gemmarum aliquot nomina cur in sacris immutata interdum reperiantur? 981.1.e  
 Gemmarum duodecim mysterium, quæ muris pro fundamentis supponuntur. 948.e  
 sub Gemmæ eodem nomine sæpe apud auctores proprietates valde inter se oppositas reperiri. 951.1.c.d  
 quinam Gemmas ædificare dicantur? 576.1.e  
 per Gemmas, aurum, &c. quid intelligat Paulus 1. Cor.3.12 ibid.2.b  
 in Gemmarum proprietatibus expedire non eorum solum cognitionem quæ vera sunt, sed sæpe etiam eorum, quæ communi vulgi opinione iactantur. 951.2.c  
 Gemmæ quæ dicuntur aquæ marinæ quæ sint? 984.1.b  
 Gemmæ chrysolice quæ sint? ibid.c  
 Gemmarum Apo. quàm sit hoc tempore difficilis cognitio, & quæ sit huius difficultatis ratio? 951.1.a  
 de Gemmis plures veterum ex Plinio multa transcripisse. 952.1.a  
 de qua Gemma sint Apoc. verba explicanda in vndecimo fundamento? 990.1.a  
*Vide Anulus.*  
*Gens.*  
 de Gente signatorum ac numero variæ opiniones. 476.c  
 quid iis verbis innuatur? *Quoniam datum est gentibus.* 566.c  
 Gentium nomine Iudæos esse intelligendos Apo. 11.2 567.b  
 Gentium electio & Iudæorum obstinatio diuinæ prouidentie consilio fuit coniuncta. 605.c  
 ad Gentium conuersionem referri sæpe in Scriptura, regnare Deum & Christum eius in mundo. ibid.c  
 Gentium Apostoli Paulus & Barnabas ab Spiritu sancto destinati. 659.1.c  
 à Gentibus olim Romæ diuini honores tributi. 686.b  
 Gentes omnes bibisse de vino iræ fornicationis Babylonicæ quid significet? 822.c  
 Gentium nomine quinam Apo.20.3.intelligantur? 873.d  
 Gentium quænam gloria & honor denotentur Apo.21.26. ad cælestem Ierosolymam afferenda? 1011.c  
 cum dicitur, *Gentes ambulabunt in lumine eius*, de quibus sit sermo? 1009.e  
*Vide Atrium.*  
*Gentilis.*  
 quorsum Apo.5.13.fiat mentio Iudæorum, Gentilium, Dæmoniorum, sub nomine terræ & maris? 432.c  
 Gentiles, Iudæos, & Hæreticos igne cæli mystico de quo Apo.20. accensum iri. 904.d  
 Gentilium rebellium obduratio quomodo in phialarum plagis diuinæ prouidentie consilio deseruiert? 797.d  
 Num de Gentilibus an de Iudæis Apo.11.9. sit sermo? 596.a  
 Gentiles quo sensu dicantur præ dolore linguas suas commanducare. 780.c  
*Gentilitas.*  
 Gentilitatis plagis phialas aptè respondere. 210.d  
 Gentilitatem semper in deterius ruisse. 529.2.c  
 Gentilitatis symbolum esse desertum. 462.e  
 Gentilitatis typum fuisse Samaritanam. 530.1.c  
 Gentili-



Gentilitatis vocationem in Dei decreto ex Iudeo-  
rum reprobatione pendisse. 556.b.c  
duplex in Apo. bellum, alterum cum Gentilitate.  
49. i.e  
Gentilitatis cōuersio quantoperè ex Romæ vnus  
conuerfione penderet. 798. i.e  
Gentilitatem nomine maris appellari solitam.  
548.d

*Gigas.*

sub Gigantum nomine quosnam significet Ifaias?  
892.2.c

*Gladus.*

de Gladio ex ore Christi procedente aliorum pla-  
\*cita. 237.b  
Gladij ex ore Christi procedentis pictura qualis  
debeat esse? 238.a  
Gladus cur anceps esse fingatur? 237.e  
Gladium esse gladium Spiritus, quod est verbum  
Dei. ibid.d  
per Gladium acutum de quo Apoc. 19. quid alij  
intellegerunt? 362.2.d  
Gladus magnus figilli secundi quid significet?  
451.b

*Gloria.*

Gloriæ Dei discessum in montē apud Ezech. non  
esse de Ierosolymæ derelictione explicandum.  
511.1.b  
Gloriæ Dei egressus ex sancto Sanctorum ad linē  
domus apud Ezech. quid significet? ibid.c  
Gloriæ Dei secessio in oliuarum montem quid si-  
gnificet? ibid.  
Gloriæ inanis duplex genus. 314.e

*Gog, Gogum.*

de nomine Gog, quæstio. 900.2.e  
nomen Gog ab Ezechiele sapienter fuisse confectū  
videtur probabile. 901.1.a  
Gog & Magog etymon. ibid.e  
in nomine Gog quid mysticè figuretur? 902.1.e  
Quinam mysticè vocentur Gog. ibid.2.a  
de Gogi & Magogi bello variæ interpretationes.  
895. c. Et vera auctoris expositio proponitur.  
896.b  
in Gogi & Magogi bellis allusio fit ad cap. 38. & 39.  
Ezech. 897.a  
Gogi & Magogi bellum in Apoc. esse diuersum ab  
eo cuius meminit Ezechiel. ibid.b.c  
de quo Gogi & Magogi bello loquatur Ezechiel?  
ibid.c  
Gogi & Magogi nomen ab Ezechiele Romanis  
ethnicis, à Ioanne verò Antichristi militibus at-  
tribui. 898.c  
Gogi & Magogi mystici qui sint? 900.1.e  
de Gogo & Magogo Augustini opinio. 901.1.d  
sub Gogi nomine non de solo principe, sed de ex-  
ercitu etiam esse sermonem. ibid.2.a  
Gogum & Magogum non duos esse reges diuersos.  
ibid.c  
sub nomine Gogi & Magogi quid lateat mysterij  
apud Ezech. 902.1.d  
vtrum in duplici Gogi & Magogi nomine duplex  
belli genus Ecclesiæ inferendum figuretur?  
ibid.2.c  
Gogi & Magogi exercitus cur dicatur ascendere  
super latitudinem terræ? 903.b  
inter nomen Gog & Magog, quod sit discrimen.  
902.1.e  
*Vide, Antiochus, Caluinistæ.*

*Gomorra.*

Gomorrhā post cælestem ignem in mare mor-  
tuum euasisse. 595.1.a

*Graci.*

Græcorum imperium floruisse opibus ac diuitiis.  
529.1.d  
apud Græcos quæ sit numeros & assignandi & cō-  
putandi ratio? 705.a  
apud Græcos quando penultima acuto notatur ac-  
centu, vltimam esse longam. 706.c  
Græcorum computandi ratio in milliariibus, sta-  
diis, & passibus. 747.2.b

Græcis cur Pardi seu Pantheræ symbolum appli-  
cetur? 685.d

*Grando.*

in Grandine & igne allusio fit ad 7. Aegypti pla-  
gam. 512.b  
inter Grandinem primæ plagæ tubarum, & gran-  
dinem septimæ, diuersitatem in textu ipso in-  
nui. 513.b  
Grando in Aegyptios cælo demissa qualis fuerit?  
609.a  
Grandinis magnæ varia exempla. ibid.c  
Grando nucis instar cum ea inscriptione Iesus  
Nazarenus. ibid.  
per Grandinem in sacris quid denotetur? ibid.  
1. d  
Grandinis symbolum ad seuerissimum obdura-  
tionis supplicium applicatur. ibid.2.d  
Grando magna quænam in Apo. verè nuncupe-  
tur? 610.1.b  
Grando magna sicut talentum quid innuat? ibid.d  
Grandinem horribilem qua Deus percutit, con-  
iungi aliquando cum magna Dei ipsius in alios  
beneficiæ, & huius discriminis mysterium.  
ibid.2.a  
Grando magna sicut talentum quid sit? 796.c  
Grandinis magnæ instar talenti quod sit mysteriū?  
ibid.e  
Grandine magna instar talenti quid figuretur.  
797.d

*Gratia.*

Gratia & pax apostolica est salutatio. 174.c  
Gratia & pax apostolica salutatione quid significetur?  
175.b  
Gratiæ diuinæ vis ad apostolicos viros in Euange-  
lij prædicatione roborandos. 269.2.c  
Gratiæ cur ab animalibus & senilibus actæ  
prius referantur quàm quæ ab Angelis?  
425.a

*Gryphus.*

Gryphi antiquum insigne & eius significatio.  
373.a

*Gubernatio.*

quatuor Gubernationis optimæ virtutes præci-  
puas in quatuor Ioannis animalibus figurari.  
367.c  
suz Gubernationis equitatem patefacere cur in-  
feriores moderatores expediat, Deo vero id non  
sit necesse? 414.2.a

*Gubernator.*

Gubernatoris virtutes quæ appellantur? 189.1.e  
Gubernatores optimi virtutes quæ & quot sint?  
ibid.2.d  
Gubernatoris virtutes primariæ ab Isaia expressæ.  
190.1.e  
Gubernatoris quatuor primæ virtutes in quatuor  
maiorum Prophetarum nominibus adumbrari.  
ibid.2.d.e  
Gubernatoris primarias virtutes quatuor non  
amplius esse. 191.1.b.c

*H.*

*Hæresis.*

**H**æreseos lues & pestis. 1006.1.d.  
aduersus Hæreses aptari posse quod contra  
Iezabelem dicitur. 276.b  
Hæresis Nicolaitarum quæ fuerit? 259.a  
Hæresis Nicolaitarum num Nicolaus auctor ex-  
titerit. ibid.

*Hæreticus.*

Hæreticorum deliramentum de marinæ bestiæ  
expositione 669.a. Quod refutatur ex ipsa cō-  
textus serie & consequentia. ibid.b  
Discrimen inter Catholicos & Hæreticos in Apo-  
calypseos interpretatione. 47.1.d  
Hæreticorum arrogantes inscriptiones in Apoca-  
lypsin. 46.2.e  
Hæreticorum superbi tituli ipsorum inscitiam  
retegunt. 47.1.b  
Hæretici vtrum reuinci efficaciter possint negantes  
descensum christi ad inferos ex verbis primæ  
Petri 3.19. 973.1.d



Hæretici sectarij sua sponte ad nouandam religionem procliuēs. 899.1.b.  
ad Hæreticos confutandos validum argumentum sumi ex ordinata & consequenti Apoc. interpretatione. 46.1.d  
Hæreticorum amentia figuris Apocal. abutentium. 374.b  
Hæreticorum in suo errore confusio, inconsequentia, & ordinis perturbatio. 669.c  
Hæreticorum reuincitur infania ex collatione Danielis bestia cum marina Apoc. bestia. ibid.d

*Hebdomada*

Hebdomadam siue dierum siue annorum esse vniuersi temporis symbolum, & quæ sit ratio. 573.2.a  
Hebdomades Danielis qua ratione sint explicandæ? 574.1.c

*Hebraus.*

Hebræorum reprobationis figura fuit Ierosolymæ excidium. 597.1.c

*Hedera.*

de nomine Hederæ quid sit dicendum, siue de nomine cucurbitæ, vt Septuaginta vertunt Ionæ 4.6 956.2.a

*Henochus.*

Henochum non fuisse mortuum de fide constare. 584.1.b  
de Henochi morte quid senserit Chrysostomus. ibid.c  
Vide Elias.

*Hercules.*

ab Herculis columnis vsurpari solitum *Plus ultra* in Hispanorum Regum stemmatis. 306.1.a  
Herculis columnas multo ante Salomonis ætatem fuisse erectas. ibid.

*Herodes.*

Herodis nomen quid sonet? 638.b

*Hierarchia.*

in Hierarchia Ecclesiastica quibus conueniat Seraphinorum symbolum. 344.2.d  
in Hierarchia Ecclesiastica quibus conueniat Cherubinatorum symbolum. ibid.c  
in Hierarchia Ecclesiastica quibus conueniat Throni symbolum. ibid.d  
in Hierarchia Ecclesiastica esse philosophandum eo modo quo de Sanctis in caelesti. 343.2.d  
Hierarchiæ primæ tres choros non eodem semper ordine à Dionysio numerari. 342.2.c  
Quid de chororum distinctione in singulis Hierarchijs dicendum? 343.1.c  
ex Hierarchiæ Ecclesiasticæ choris nõ posse suo modo in choris cælestis philosophari. ibid.2.b.d.e

*Hieronymus.*

Hieronymi mens de tempore quo Apocalypsis fuit conscripta. 30.1.d  
Hieronymus notare solet quibus in locis à Septuaginta recedat. 954.1.c  
secundum Hieronymum vox Apocalypsis sacris Literis peculiaris. 30.2.e  
Hieronymus interpretationem nimium literalem in Apocalypsi reprehendit. 83.1.d  
Hieronymus quid senserit de Apocalypseos interpretatione? 50.2.a

*Historia.*

Historiæ Tobia mysterium. 495.1.a & seqq.  
Historias aliquot sacras ænigmatum instar reconditum in se mysterium habere. 495.1.c  
Historiæ Tobia arcanum mysterium conici ex verbis Angeli ad eundem Tobiam. 496.1.c

*Homo.*

Homines à Deo molliri & mansuescieri aduersitatibus. 498.2.b  
Hominum quantus numerus discordijs intreat. 539.e  
Homines vt ascendant in calum Christus in terram descendit. 323.a

per Hominum casum eorundem conuersionem in Scriptura mysticè figurari. 599.b  
cur dicat Ioannes Apoca. 11. 13. *Occisa sunt nomina hominum*, non vero Homines. 600.c  
Hominum 7000. occisionem de eorum conuersione explicatum iri. 600.a  
in Hominum 7000. occisione alludi ad locum 3. Regum 19.18. ibid.  
Homines in quos phiala sexta fuit effusa qui sint. 771.c  
per Hominum partem tertiam occisam quid doceamur. 539.e  
Homo peccati, quid sit apud Paulum. 723.2.b  
Homo rationis & æquitatis symbolum. 368.c  
Homines actu affligere quid sit. 779.e  
Homines à Deo in cordis desideria tradi quam graue sit supplicium. 518.2.c  
Homines sanctissimos figurari in Ioannis animalibus. 365.d  
*hoc est omnis Homo* quid sit. 249.1.d  
Hominis mensura, quæ est Angeli, quid significet. 944.d  
Hominem nullum (licet sibi alias videatur) securum ac negligentem fieri debere. 480.c  
Hominum Christianorum conscientias ad septem discrimina reuocari. 64.1.a  
Vide Filius

*Hora.*

vna Hora potestatem accipere, quid sit. 814.d  
*Hora Iudici*, quorsum ab Angelo primo cap. 14. dicatur. 720.e  
per Horam integram, & per dimidiam quid figuretur. 494.c  
Hora tentationis quæ appelletur. 300.b  
nomen Hora apud Græcos latius patet quam apud Latinos. ibid.  
per Horam dimidiam quid figuretur. 498.c.2  
Vide Silentium.

*Hostis.*

Hostes populi Dei designari sæpe in Scriptura superborum nomine. 703.c  
in Hoste triplici Apoc. allusio ad Satanam, Leuiathan & Behemoth de quibus Iob. 673.e  
Hostes præcipui euangelii Simon magus, & Apollonius Thyanaeus. 694.1.d  
Hostium trium animæ pugna in quo consistat. 675.e  
ad Hostes animæ quomodo rang possint accommodari. 786.d

*Hyacinthus.*

pro Hyacintho accipi non posse nomen Tharsis in Rationali. 981.2.b  
Hyacinthos verè esse qui nunc vulgò Sapphiri vocantur. 993.1.c.2.e  
Hyacinthi colorem quomodo Plinius describat. 993.1.d  
Hyacinthi colorem ab antiquis auctoribus vocari caruleum. ibid.e  
in Hyacintho perfecto qualis sit coloris tenor obseruandus. 994.1.a  
in Hyacintho cuiusmodi color fuerit probatur apud veteres. 995.1.d  
Hyacinthi gemmæ colorem faciliè marcescere, & cum celi colore mutari. ibid.2.a  
Hyacinthi durities. ibid.b  
Hyacinthum difficile calefieri; & corde mederi. ibid.c  
gemmam coloris aurei vocare Hyacinthum recens est inuentum. ibid.e  
Hyacinthi proprietates. 996.2.a  
vtrum Hyacinthus Apocal. Ligurio Rationalis respondeat. ibid.1.b  
Hyacinthum non esse Rationalis Ligurium. ibidem 2.e  
in Hyacintho figurata monstratur vndecimi articuli fidei doctrina. 997.1.d  
per Hyacinthum quomodo remissio peccatorum adumbretur. ibid.  
Hyacinthi color mollis ac tener quid denotet. ibidem 2.b.



Hyacinthi pueri fabula & Aiakis qui in florem Hyacinthi finguntur conuerſi, fortè in floris huius natura fundatur. *ibid.* 2. c.  
 Hyacinthi floris virtus ad medicinam efficax quid mysticè denotet. *ibid.* 2. d.  
 in Hyacintho gemma commiserationem & suauitatem figurari. *ibid.* e.  
 potionem ex Hyacintho gemma cordi prodesse quid innuat. 998. 1. a.  
 in Hyacintho flore literæ A I. à naturæ inscriptæ, quid innuant. 997. 1. c.  
 Hyacinthum cur Apocalypſis ſubſtituerit pro Rationalis Ligurio. 998. 1. b.

*Hydra.*

Hydra ſerpens inuidiæ ſymbolum. 638. c.

*Hypocriſis.*

quæ Hypocriſis ſit periculioſior. 314. 1. c.  
 Hypocriſeos duplex genus. *ibid.*

*I.*

**I**acob num Deum viderit in ſuperiori ſcalæ parte, an in inferiori. 315. 1. c.  
 Iacobo Regnum Dei oſtenſum quod ſit. 326. 1. b.  
 Iacobi filiorum nomina eorumque etymologia 477. d.  
 per Iacobi ſcalam quid figuretur. 326. 2. a.  
 viſionis Iacobo per ſcalam oſtenſæ finis & ſignificatio. 325. 2. c.  
 Iacobi filiorum ordo ſecundum cuiuſq. natiuitatem. 1002. 2. c.  
 Iacobi luſta noctu cœpta & ſub auroræ lucem conſecta quid myſticè. 564. 2. c.  
 qui cum Iacobo luſtatus fuit, quis fuerit. 562. e.  
 Iſraelis nomen Iacobo inditum quid ſignificet. & quid eo nomine illi Deus præſignificauerit. *ibid.* 2. d.  
 Iacobus quid ab Angelo fuerit precatus. *ibid.* e.  
 quod de Iacobi luſta dicitur, *Videns quod cum ſuperare non poſſet*, quomodo ſit intelligendum. 563. 1. a.  
 dum cum Iacobo fuit Angelus luſtatus, quid intenderit. *ibid.*  
 Iacobi femur cur Angelus tetigerit. *ibid.* b.  
 Iacobum ſuperare non poſſe quo ſenſu Angelus dicitur. *ibid.* c.  
 Iacobi luſtæ cum Angelo quod ſit myſterium. *ibid.* d.  
 Iacobum, dum fratrem fugit, cum Deo luſtari quid myſticè adumbret. *ibid.* 2. a.  
 per Iacobum & Eſau figurari Chriſtianum & Iudaicum populum. *ibid.* 2. b.  
 vt Iacobus & Eſau eſſent gemelli quàm rectè acciderit ad myſterij ſignificationem. *ibid.* 2. c.  
 cur Iacob Chriſtianum populum, Eſau Iudaicum figuret. *ibid.* 2. d.  
 per Iacobi luſtam quid figuretur. 564. 2. d.  
 Iſraelis nomen Iacobo impoſitum quid myſticè indicet. 565. 1. a.  
 Iacob quorſum ab Angelo ipſius nomen requiſierit. *ibid.* 1. b.  
 quos Iacob vidit angelos per ſcalam aſcendere & deſcendere, ſine aliſ cōſiderandos. 325. 2. a. Et cur. *ibid.*  
 in viſione Iacobi cur Deus ad imam ſcalæ partem ſit. 326. 2. b.

*Iaſpis.*

per Iaſpidem quid figuretur. 332. c.  
 cur ex Iaſpide ſit pars inferior ſedentis in throno. 333. a.  
 Iaſpidi ſimile cur perhibeatur luminare maius ciuitatis cæleſtis. 933. b.  
 Iaſpis muri ciuitatis quid ſignificet. 945. b.  
 Iaſpis ad figillorum vſum perapta. 959. 2. a.

ad Iaſpidis ſymbolum applicatio primi fidei articuli *ibid.* 1. c.  
 Iaſpis quàm aptè ad primum fidei articulum applicetur. *ibid.* 1. e.  
 coniunctio in Iaſpide coloris viridis cum ſanguinis notis quid ſignificet. 960. 2. a.  
 Iaſpidem eſſe tutelam geſtantibus quid ſignificet. *ibid.* 1. c.  
 Iaſpidis aliæ virtutes & facultates. *ibid.* 2. b.  
 Iaſpidis quæ ſit natura. 957. 1. a.  
 Iaſpis nomen plures ſub ſe ſpecies complecti. *ibid.* 1. b.  
 Iaſpidem eſſe viridem ſuapte natura latè probatur. *ibid.* 1. c.  
 vt Iaſpidis viridis natura conſideretur ad Scripturæ vſum. *ibid.* 1. e.  
 Iaſpis olim pro amuleto geſtari ſolitus. *ibid.*  
 Iaſpide omnia olim phantaſmata fugari putabatur. *ibid.* 2. a.  
 Iaſpidis vim ad fuganda phantaſmata à B. Ifidoro pro commentitio reputari. *ibid.* 2. b.  
 Iaſpidi eſſe vim ad ſtomachum confortandum. *ibid.*  
 Iaſpidem Smaragdi ſimilem in minori Aſia eſſe frequentem probabili coniectura aſſeri. *ibid.* 2. d.  
 Iaſpidis qualis ſpecies Apo. myſterio congruentior appareat. 958. 1. a.  
 inter Iaſpidis ſpecies, viridis eſt præſtantior. *ibid.* 2. b.  
 color Iaſpis natiuus nonnihil varius. *ibid.* 1. d.  
 Iaſpidis antiquitas maxima. *ibid.* 2. d.  
 Iaſpis cognitu & inuentu facilis. *ibid.* 2. e.  
 Iaſpidi illi eſſe imprimis proprium habere vim ad phantaſmata abigenda, qui grammatias dicitur. 959. 1. b.  
 Iaſpidis virtus ad ſanguinis fluxum ſiſtendum. *ibid.*  
 Iaſpis contra luxuriam vtilis. *ibid.* 2. a.  
 Iaſpis aptatur Nephtali. 1002. 2. d.

*Idololatria.*

Idololatriam ſæpe in Scriptura ſignificari per calimilitiam. 883. 2. c.  
 Idololatriam nunquam poſthæc in mundum deinceps inuehendam, necdum ipſo Antichriſti tempore. 720. c.  
 vtrum de propria Idololatria, an de myſtica ſit ſermo in ſexta tubarum plaga. 542. d.  
 opinio de Roma ad Idololatriam reditura ſub mundi finem probabilitate caret. 52. 2. d.  
 Idololatriæ myſtica acceptio Paulo etiam vſitata. 87. 1. a.  
 Idololatria in Scriptura ſpiritualis fornicatio appellata. 807. c.

*Idolothytum.*

Idolothytorum eſus & fornicatio quomodo accipiendæ. 277. b.

*Idolum.*

Idolorum inanium cultus quando in orbem inuectus. 526. 2. b.

*Idumæa.*

in Idumæa Romanum Imperium ethnicum figurari. 733. 1. c.

*Idumæus.*

Idumæos Dauidi fuiſſe ſubiectos quid myſticè ſignificet. 734. 2. c.  
 quomodo Idumæi Romanos adumbrarint. *ibid.* 1. e.  
 in Idumæis quomodo figuretur Imperii Romani potentia. 735. 2. a.

*Iecur.*

de Iecoris fumo myſtica ſignificatio. 495. 2. a.  
 ex Iecoris fumo aſſato dæmonem fugari quid denotet. *ibid.* 2. c.  
 Iecur concupiſcentiæ ſedes. *ibid.* 1. b.  
 per Iecur occulta deſideria adumbrantur. *ibid.* 1. c.  
 ſi Iecur deeſſet in Ethnicorum auguriis, pro infelici augurio haberi. *ibid.* 1. d.  
 Iecoris myſtica ſignificatio. *ibid.* 1. a.



*Iehoua.*

Iehoua nomen innuitur illis verbis, *qui est, & qui erat, &c.* 176.2.e  
 Iehoua nominis etymon defumi à verbo substantiuo. ibid.d  
 Iehoua nomen tria tempora complectitur. 176.2.e  
 nomine Iehoua omnes temporis differentias comprehendit. 177.1.c  
 Iehoua nulla simplici voce Græca vel Latina exprimi posse. ibid.1.d  
 Iehoua nomen ænigmaticum & symbolicum. ibidem 1.e  
 Iehoua nomen quatuor literas continet. ibidem 2.a  
 Iehoua nomen in aurea Pontificis lamina impressum. ibid.2.b  
 quatuor Iehoua literis aliud præterea scribi apud Hebræos nefas. ibid.2.c  
 cur nominis Iehoua literis nulla propria puncta subscribi possint. ibid.2.e  
 Iehoua nomen cur dicatur ineffabile. ibidem, & 182.1.a  
 Iehoua nomen quomodo explicet Galarinus. 178.2.a  
 Iehoua nomine comprehendit verbum substantiuum. ibid.2.b  
 In nomine Iehoua Trinitatis mysterium indicatur. ibid.2.d. & quomodo. ibid.  
 Iehoua cur personas diuinas in tertia persona explicet. 179.1.e  
 nomen Iehoua vt plures dictiones, & vt vna legi possit inuariata essentiali significatione. ibidem  
 nominis Iehoua duplex etymon. ibidem a & b  
 nomen Iehoua quo pacto ad diuinæ providentiæ opera referatur. ibid.2.d  
 in nomine Iehoua cur Ioannes temporum ordinem inuerterit. 180.1.a  
 nominis Iehoua cur Ioannes meminerit in dedicatione epistola. ibid.1.d  
 in nomine Iehoua cur futurum tempus per periphrasim Ioannes enunciauerit. ibid.2.a  
 num in eo ordine à Ioanne seruato in nomine Iehoua locum habeat mysterij Trinitatis significatione. ibid.2.b  
 nominis Iehoua significatio quæ fit iuxta Masium. 181.1.c  
 de nominis Iehoua significatione aliorum placita. ibid.  
 Iehoua à nullo alio deriuari, sed esse ipsum verbum substantiuum. ibid.1.d  
 de punctis nomini Iehoua subscribendis quid sentiendum. ibid.1.e  
 nominis Iehoua Græca scribendi ratio. ibidem 2.b.  
 nominis Iehoua varia apud Græcos scribendi ratio. ibidem  
 nomen Iehoua proferri solitum primis sæculis ad Eisdæ tempora. ibid.2.c  
 nominis Iehoua proferendi religio quo ex tempore increbuerit. ibid.2.d  
 pro Iehoua nomen Adonai substituitur. ibid.  
 pro Iehoua substitui Adonai non superstitiosè factum, vt putauit Forerius. ibid.2.e  
 de nominis Iehoua prolatione probabilis coniectura. 182.1.a

*Ieremias.*

Ieremiæ nominis etymon. 190.2.e  
 Ieremiam figurari in angelo forti Apocalypseos 18.20. 833.d

*Ierosolyma.*

Ierosolyma euerfa est anno Christi 72. 30.2.c

an de Ierosolyma agat Ezechiel in ea vrbs descriptione quam tradit. 367.1.d  
 ad Ierosolymam ac templum respexisse Ezechielem in suæ vrbs ac templi descriptione. ibidem 2.b  
 in Ierosolymæ excidio quomodo clementiam Deus cum indignatione coniunxit. 337.2.b.  
 Ierosolymæ excidium in Ezechielis curru adumbratum ad veram animarum salutem ordinari. 367.b  
 Ierosolymæ excidium figura fuit Hebræorum reprobationis. 397.1.b  
 num Ierosolyma figuretur Aegypti & Sodomæ nomine. 594.a  
 Ierosolymæ quadrare nomen ciuitatis magnæ, & nomen etiam Sodomæ. ibid.b.  
 Ierosolymam cur Ioannes non proprio nomine compellarit. ibid.c  
 Ierosolymæ decimæ partis ruina quo sensu accipienda. 599.a  
 Ierosolymæ conuersionem sub supplicij & vindictæ specie figurari. ibid.e  
 Ierosolymæ celestis excellentiæ quas Ioannes recenset. 917.e  
 Ierosolymæ celestis magna illa lux quid innuat. 918.c  
 Ierosolymæ celestis murus altus & pretiosus quid significet. ibid.d  
 Ierosolymæ per portas quid denotetur. ibidem e  
 Ierosolymæ celestis portas non claudi quid sit? ibid.  
 Ierosolymæ celestis fundamentis quid adumbretur. ibid.  
 Ierosolymæ celestis ædificij proportio & æqualitas quid innuat. 919.a  
 Ierosolymæ celestis magnitudo ingens quid innuat. ibid.  
 per Ierosolymæ celestis aurum plateæ & ædificiorum quid figuretur. ibid.b  
 Ierosolymæ vitæ fluminis quid indicet. ibid.  
 Ierosolymæ celestis arbuta, & vitæ lignum quid adumbrent. ibid.c  
 Ierosolyma noua de celo descendens quæ fit. 922.c.  
 Ierosolyma celestis cur appelletur noua. 923.a  
 Ierosolyma noua quo sensu dicatur de celo descendere. ibid.b  
 Ierosolymam nouam vtrum Ioannes è celo descendere viderit. ibid.e  
 Ierosolyma antiqua quot portas haberet. 933.d  
 discrimen inter Ierosolymam celestem & alias ciuitates in montibus fitas. 930.b  
 Ierosolymæ veteris portas ab aliis duodecim, ab alijs nouem assignari. 933.e  
 Ierosolymæ portæ ad quas mundi plagas spectarent. 934.a  
 Ierosolyma noua de celo descendens quæ fit. 303.d

*Iesus.*

Iesus est nomen quod in calculo Pergameno promisso inscribitur. 267.e  
 Iesu Christi testimonium habere quid sit. 662.c  
 857.d  
 Iesus nomen græcè quem numerum conficiat. 707.c

*Iezabel.*

quænam sit quæ Iezabel à Christo vocatur. 274.d  
 Iezabelis nomine Synagoga Iudæorum indicatur. 275.c  
 quod contra Iezabelem dicitur posse etiam aduersus Hæreses aptari. 276.b  
 Iezabel mystica quo sensu Dei seruos seducere dicatur. 277.a  
 Iezabel qua ratione in lectum dicatur mittenda. ibid.c  
 Iezabelis filiis comminatio intenta quæ fit. ibidem e



*Ignis.*

quo sensu iuxta Paulum ille cuius opus arserit, saluus dicatur futurus sic tamen quasi per ignem.

577.1.e

quasi per ignem, num de igne purgatorij sit explicandum.

ibid.

Ignis purgatorij quomodo possit etiam locum habere in verbis Pauli. sic quasi per ignem.

ibidem 2.d

Ignis de celo descensus Apo. 20. vtrum materialiter sit accipiendus.

904.b

Dum dicitur ignis exire de ore eorum, allusio fit ad ignem quem ter Elias de celo descendere fecit.

588.c

Ignis e duorum testium ore prodiens de quo igne explicandus.

ibid.

in Igne pedum angeli fortis alludi ad ignem sacrificij Eliæ & ad ignem Nehemiæ.

ibidem 1.d

ab Igne miraculoso in Mosaici tabernaculi dedicatione vsque ad ignem item miraculosum in Salomonici templi dedicatione primaria, quot anni sint intercepti.

574.2.a

Ignem de celo descendentem Apocal. 20. de animarum conuersione esse explicandum ex ipso contextu probatur.

905.b

per Ignem tum in Mosaico tabernaculo, tum in templo sub Salomone & sub Nehemia miraculose accensum quid figuratum sit.

574.2.c

per ignem & sulphur quid in Apocalypsi signetur.

728.b

Ignem Domini siue sanctum aquis extinguere non potuisse.

550.1.c

Ignem altaris Domini fuisse miraculosum.

ibidem 2.c

Ignis cur infra appareat in Ezechielis figura.

336.2.c

per ignem inferiori parti figura Ezechielis subiectum quid.

ibid. 1.c

Ignis proprietates & symbolica significatio.

233.1.a

Ignis fulminis ad interiora penetrans.

202.1.a

Ignis metaphoram pro tribulatione in Scriptura esse frequentem.

577.1.a

Ignis probatio apud Paulum 1. Cor. 3. 17. quid significet.

576.2.d

de quo igne sit sermo Apocalypseos cap. 20. num. 8.

904.b

Ignis altaris holocausti significatio mystica.

233.2.d

quid per sanctum Dei ignem figuretur.

551.1.b

Ignem Domini esse in Sion, & caminum in Ierusalem quid sit.

574.2.e

per ignem caelestem quid figuretur tum in Mosis tabernaculo tum in Salomonis templo accensum.

575.1.a

*Ignorantia.*

Ignorantiam appellari in sacris Spiritum soporis, & spiritum mendacii.

471.b

Ignorantia figuratur in quarta plaga tubarum.

516.c

Iudæorum ignorantia cuiusmodi fuerit.

517.a

Ignorantiam Iudæorum illis à Mose fuisse multo antè prædictam.

ibid.

Ignorantiæ Iudæorum symbolum.

ibid. b

in Ignorantia Iudæorum quomodo aptè considerari possunt tres claritatis & cognitionis partes.

ibid.

Ignorantiæ plagam ad rebelles omnes Iudæos sese extendere.

ibid.

Ignorantiæ plaga vtrum sit grauior subsequente necne.

ibid.

Ignorantia quæ inter Iudæorum plagas quartam habet locum qualis sit.

591.1.c

*Imperium.*

ad Imperij vnus durationem vnus lunæ tempus symbolicè referri.

528.1.b

in Imperio Christi ferreo duo consideranda.

283.1.b

sub Imperii durissimi speciem adumbrari Euangelicam perfectionem.

281.1.c

Imperii Romani potentia quomodo in Idumæis figuretur.

735.2.a

Imperium Romanum in Idumæa figurari.

733.1.e

Imperio Romano ethnico Ecclesiam persequenti quo sensu congruat victoris nomen.

708.2.d

Imperio Romano cur Idumææ nomen imponatur.

774.1.b

Vide Belsia.

*Improbus*

Improborum supplicium cur Deus plerumq. deferat.

459.d

*Incarnatio.*

Incarnationis symbolum Carbunculus.

267.c

Incarnatio diuini Verbi quomodo adumbretur in Carbunculo.

967.2.c

in Incarnationis mysterio diuina potentia quantoperè enituerit.

968.1.b

*Incensum.*

Incensum de quo Apoc. 8. esse thymiamata.

507.d

Incensi oblatio & proiectio prunarum in terram quid significant.

508.a

*Indignatio.*

Indignationis nomine apud Isaiam denotari Antichristi persecutionem.

892.2.d

*Infernus.*

Infernus quo sensu sumatur in quarto sigillo, & quomodo in primos Christianos seuisse dicatur.

457.c

per infernum & mortem vtrum idem omnino significetur Apo. 20. 14.

911.c

Infernum & mortem in quarto sigillo vt personas tragicas induci.

457.a

Infernus & mors in sacris aliquando vt diuersæ personæ, aliquando vt eadem inducuntur.

242.2.d

Inferni & mortis clauis esse easdem cum clauis caelestis David.

243.2.b

Infernum & mortem esse instrumenta Christi ad veram suorum viam.

457.d

Infernum & mortem in eadem accipi significatione quoties in Apocalypsi coniunctim ponuntur.

910.b

Infernus in Scriptura quo pacto accipi solet.

242.1.a

*Inimicus.*

Inimicorum conciliatio quo pacto accipiat in Apocal.

230.c

*Inscriptio.*

Inscriptiones portarum duodecim de quibus Apo. 21. cuiusmodi fuerint.

934.c

discrimen inter Inscriptiones portarum quas assignat Ezechiel, & quas Apoc.

ibid.

*Insula.*

per insulas & montes quid denotetur.

464.a

in Insularum & montium fuga quid denotetur.

795.c

in Insularum & montium motione alludi ad extremi iudicii signa.

494.a

*Interficio.*

vt se inuicem interficerent, quo sensu dicatur.

451.b

*Interpres.*

Interpretibus Septuaginta plus fidei quam Chaldaica paraphrasi esse habendum.

955.1.c

*Ioachim Abbas.*

Ioachimi liber vaticinium de summis Pontificibus continens iure à sapientibus exploditur.

46.1.c



de Ioachimi reuelationum veritate non constare.

76.2.b  
Ioachimuni in Trinitatis mysterio errasse. ibi-  
dem.2.c

*Ioannes.*

Ioannes cur fleuerit neminem fuisse inuentum qui  
librum referaret. 416.a  
Ioannes an sit, vel Christus qui dicitur omniū quæ  
dicta sunt perhibere testimonium. 1025.b  
Ioannem plorantem cur vnius de senioribus conso-  
letur. 418.b  
Ioannem quo sensu Angelus à sui adoratione arce-  
at. 857.a  
Ioannes quænam scribere iubeatur. 248.b  
Ioannes cur in cælum euocetur, ac tollatur. 322.d  
Ioannem Apocal. 17. in desertum deferri quid sit.  
808.e  
Ioannes quem ordinem seruauerit in septem Epi-  
stolis. 253.2.e  
Ioannis dignitas ex Angelo qui ad eum mittitur.  
170.a  
Ioannes quid scribere voluerit Apocalypseos 10. 4.  
552.c  
Ioannes quomodo in cælum euocetur, & ascendat.  
323.c  
visionis Ioannes narrationem de qua Apocalypseos  
cap. 15. cur à postrema ordiatur parte. 748.d.  
Ioannes quem ordinem seruaret in septem vrbium  
enumeratione. 216.b  
Ioannem oportere iterum prophetare quomodo  
accipiendum. 558.a  
Ioannem absque scala ad cælum ascendisse quid sit.  
327.2  
Ioannem Euangelistam figurari in angelo per me-  
dium cali volantem. 719.b  
Ioannes cur in sua visione conuertat oculos. 245.  
1.e  
Ioannes cur ad vnam de Ecclesie futura felicitate e-  
nunciationem, non verò ad aliarum rerum præ-  
dictarum nuncium venerabundus prociderit.  
856.c  
Ioannem ad Christi pedes procidere quid significet.  
239.c.  
Ioanni quænam promittantur initio cap. 4. osten-  
denda. 323.c  
Ioannes cur dixerit, *fecit nos regnum, & non, fecit nos  
reges.* 194.b  
à Ioanne duo indicia data ad Apoc. expositionem.  
49.2.d  
Ioannes cur dixerit, se in spiritu fuisse in montem  
sublatum. 931.c  
Ioannes cur visiones in cælo habuerit, veteres verò  
prophetæ in terra. 327.1.b  
quæ Ioanni apparuit figuræ, quis fuerit scopus. 245.  
1.d  
Ioannes quæ indicia ad Apo. expositionem condu-  
centia reliquerit. 48.2.d  
de Ioannis adoratione qua angelum adorare volue-  
rit, opiniones variæ referuntur & reſciuntur. 855.d  
& vera auctoris sententia statuitur. 856.c  
à Ioanne fuit perceptus sensus totius ænigmatis  
Apoc. 170.c  
Ioannem ad Christi pedes prosterni non tam ad re-  
uerentiam quàm ad trepidationem referen-  
dum. 239.b  
Ioannem non scripsisse Apocalypsin ante Ierosoly-  
mæ excidium. 29.1.a  
Ioannes cur toties iteret *duodecim millia signati.*  
428.d  
Ioannes cur Apo. 4. militantem inspiciens Ecclesi-  
am tollatur in cælum, & triumphantem visurus  
in montem euehatur. 930.c  
Ioannes cur in nomine Iehoua temporum ordinem  
inuerterit. 180.1.b  
Ioannem minimè fuisse deceptum in Angeli cog-  
nitione ad cuius pedes procidit. 856.a  
verba illa Apo. 22.8. *Et ego Ioannes qui audiui, & vidi  
hec, esse quasi proprii nominis subscriptionem.*  
1019.d

Ioannes ex huius Apoc. libri symbolis magis illu-  
stratus euasit. 62.1.a  
Ioannes cur prius audierit vocem tubæ, deinde vo-  
cem aquarum. 247.1.a  
Ioannes vtrum Apo. reuelationibus fuerit nouas  
veritates edoctus. 62.1.a  
Ioannis nominis etymologia. 531.1.e  
Ioannes cur viderit in facie primæ figuræ lucem  
solis. 246.1.c  
à Ioanne se adorari cur Angelus prohibeat redditur  
alia ratio. 857.b

*Ioas.*

Ioas quid significet. 641.c

*Iobel.*

Iobel quid in sacris significet. 211.2.e  
Iobel id est buccinæ etymon ex Masio. ibid.

*Ioel.*

Ioel cur non dixerit, *mitrite falces & vindemiate*, sicut  
Ioannes in Apo. 745.1.a  
Ioel ad quos sermonem conuertat in sua cap. 3. vin-  
demia. 744.1.e  
Ioel in sua vindemiæ allegoria qua de re sermo-  
nem instituat. ibid. 2.e

*Iosephus.*

Iosepho Sardonyx aptatur. 1003.1.d

*Iofias.*

Iofias rex vbi fuerit occisus. 197.1.a

*Ira.*

Ira mystica cur dicatur iracundia Dei viuientis in  
sæcula. 762.d  
Ira Dei lacus magnus quid sit. 745.c  
quæ Dei Ira præstantur? 84.1.a  
liquor qui vocatur Ira Dei quisnam sit. 761.d  
Ira Dei duplex in Apocalypsi. 228.1.a  
quænam Ira fornicationis denotetur Apocal. 14.8.  
722.d  
Ira Dei quoties in Apoc. mentio fiat, & qua distin-  
ctione ac mysterio. 754.a  
Ira nouissimæ ratio in omnibus phialarum plagis  
quomodo eluceat. 779.d  
*Vide Furor, Deus, Christus.*

*Irenæus.*

Irenæus quid de Apocalypseos interpretatione sen-  
serit. 50.2.b  
Irenæus num fuerit Thyatiræ Episcopus ad quem  
Ioannes scripsit. 251.2.d

*Iris.*

Iris & tempestatis & tranquillitatis prænuncia.  
334.a  
per Iridem Ioanni visam Apo. 4. passio Domini fi-  
guratur. 333.c  
Iridem loco arcæ Ioanni fuisse visam. 402.2.d  
Iris à Ioanne visa ex solo viridi colore cur consta-  
ret. 333.c  
in Iride qui soleant colores, & quo ordine appare-  
re. ibid.b  
Iris in capite Angeli fortis cuius fuerit figuræ, &  
cuius significationis. 546.e  
per Iridem quid figuretur. 333.c  
Iris Apocal. 4. tota ex Smaragdo Christi passionis  
symbolum. 969.1.e



Iris Ezechieli visa quo pacto fit concipienda. 337.

1.a

Iris Ezechielis num ex igne prodierit, ab ipso Propheta non explicatur. ibid.b

Irim ex ignis splendore oriri non solere. ibid.d

Iris, & pacis, & indignationis symbolum. ibidem 2.a

*Ifachar.*

Ifachar aptatur Amethystus. 1903.1.b

*Isaias.*

Isaia nominis etymon. 190.2.d

Isaia Trisagion quid significet. 330.1.d

Isaia locus cap. 16.1. explicatur. 711.1.e

Isaia cap. 21 argumentum proponitur. 411.1.b

quem Isaia in throno sedentem vidit quis sit. 331.1.a

*Isis.*

Isidis nomen, quid etymo, quid significatione importet. 177.1.a

*Israel.*

Israelis nomine cur Christianus populus denotetur. 477.c

Israelis & singularum tribuum nomina mystice item sumi debere. ibid.b

inter Israelis tribus cur Dan non numeretur. ibidem d

*Israelita.*

Israelita spirituales cur vndis non submergantur. 755.c

*Iubileum.*

Iubilei annus vnde dictus. 211.2.d

Iubilei annum olim bellicis rubis promulgari solitum apud Hebraeos, & huius rei mysterium. 210.d

*Iuda, Iudas.*

Iude nomine quid innuatur Zacha. 12.2. 603.1.a

Iuda & Israel pro eodem sumi solere post Babylo- nicam captiuitatem. ibid.d

in nomine Iuda apud Zacha. 12.4. non comprehendi Iudaeos qui obstinati perstiterunt. ibid.2.b

Iudas quo sensu dicatur pugnaturus aduersus Ierusalem. 602.2.e

*Iudaea.*

terram pro Iudaea accipi Apo. 8.7. 512.c

Iudaeam palmis abundasse praeter ceteris regionibus. 305.1.d

*Iudaei.*

Iudeorum populo cur nomen Aegypti imponatur. 734.1.b

Iudeorum conuersionem sub mundi finem futuram non ob stare iuramenti Angeli fortis perpetuitati. 554.c

in Iudeorum lamentis viri seorsum mulieres seorsum plangere consueuerunt. 199.2.b

Iudeorum derelictio & ad Gentes commigratio ubi, & quomodo acciderint. 605.c

Iudeorum animos quantus timor occuparit in Romanorum aduentu. 454.c

Iudaeos dicturos montibus, Cadite super nos, quo sensu prae nunciauerit Christus. ibid.d

Iudeorum desiderium mortis non ex praesentis mali tristitia, sed ex impendentis formidine proficisci. ibid.

Iudaei quales quondam fuerint, quales modo postquam diuinitus supplicio affecti sunt. 595.1.c

cum Iudeorum obduratione quorsum Apocalypseos 11.15. subiectio regni mundi Christo, & regnum ipsius Christi perpetuum componatur. 605.b

de Iudeorum rebellium morte non agi in quarto sigillo, sed de morte eorum qui Christum sunt secuti. 442.2.b

Iudaeos intelligi per nauigantes. 514.c

Iudaei increduli quo sensu Deo gloriam dedisse perhibentur. 600.d

Iudeorum plagis tubas apte respondere. 210.d

falsus rationis praetextus quem Iudaei suo in Christianos furori praetendebant. 540.d

Iudaeos apud Ioelem in Aegypto adumbrari. 734.1.a

Iudaeos sub Idumaeorum nomine ab Isaia intelligi & quare. 463.c

quomodo Iudaeos adumbrarent Aegyptii. 734.1.c

in Iudeorum supplicio ostendisse Deum qua fit ratione in Haereticos animaduersurus. 519.2.b

traditur vera septimae plagae interpretatio de Iudeorum obduratione. 604.2.c

ingens fructus in Iudeorum conuersione ex Iacobi minoris praedicatione perceptus. 598.b

Iudeorum obstinatio & gentium electio diuinae prouidentiae consilio fuisse coniuncta. 605.c

Iudeorum caecitas & amentia. 595.e

*Vide, Gentilis, Ignorantia, Plaga.*

*Iudicium.*

Scripturae loci in quibus videtur esse sermo de extremi Iudicii diei signis. 465.1.b

Iudicij extremi meditatio quam sit efficax. 985.2.c

non ita apte diei Iudicii quadrare Mysterij nomen. 555.c

Iudicia Dei quo sensu dicantur iusta & vera. 839.b

Iudicii diem praecessura signa qua ratione sint reapse complenda. 461.c

de B. Vincentij persuasione circa Iudicii extremi diem quid dicendum. 76.2.e

Ioele loci qui diem Iudicii sonant, quomodo intelligendi. 466.1.b

ad extremi Iudicii diem vtrum referatur laus quae Apoc. 5.13. Deo deferatur. 432.d

ad Iudicii extremi signa alludi, in montium & insularum motione. 464.a

Iudicium execrabile portare quid sit. 730.b

ad vltimum Iudicii diem vtrum possit referri Christi aduentus de quo Paulus cum dicit, *Illustratione aduentus sui.* 726.2.a

Iudicii extremi descriptio exorditur a versu 11. cap. 20. Apoc. 907.b

ad Iudicii extremi diem an sint referenda haec verba *In diebus vocis sept mi angeli.* 555.b

vbi de Domini aduentu ad Iudicium frequens est in Scriptura comparatio furis aduenientis. 788.d

Iudicii dies quo sensu verè dicatur propè esse. 169.d

vtrum post deuictum Antichristum, certum aliquod temporis interuallum possit designari, quo finito extremum mox Iudicium sit futurum. 906.a

*Iudico.*

verbum Iudicari Apocal. 11.18. ad quid referatur. 607.a

*Iulianus.*

cur Iuliani persecutionis mentio in septem bestiarum capitibus non fiat. 678.b

*Iuramentum.*

Iuramenti Angeli fortis periphrasim esse subiectae materiae congruentem; & quid per talem periphrasim significetur. 553.d

in Iuramento Angeli fortis quorsum saeculi saeculorum siue aeternitatis mentio. 554.a

Iuramentum angeli fortis respondere iuramento angeli Danielis. ibid.e

*Iustificatio.*

de iustificatione mentionem contineri, cum Apoc. 4. dicitur, *Quia tu creasti omnia, &c.* 401.e

*Iustus.*



*Iustus.*

Deus non permittit vt Iustus aliquis cadat, & damnetur, quin alium eius loco substituat.

300.d  
Iusti veri reges dicti. 319.b  
Iustos quomodo nulla ex septem plagis contingat. 472.d  
quo sensu fit Isaia explicandus cum omnes Christiani populi Iustos dixit. 1012.c  
Iustorum duplex genus assignari. 1021.d

*L.**Labium.*

**L**abia Isaia carbunculo mundari quid sit. 270.  
1. a

*Labor.*

Laborum & calamitatum ingens solatium. 241.b  
Labores per noctem denotari. 564.2.c  
Laboribus in nos immissis quid Deus intendat. 498.1.d

*Lacryma.*

Lacrymas à suorum oculis abstergere quo sensu dicatur Deus. 488.e

*Lacus.*

Lacus iræ Dei magnus quis sit. 745.c  
Lacum extra ciuitatem calcari quid sit. ibid.d

*Lamentatio.*

quo pacto Ezechielis locus de Lamentationibus & V2, sit intelligendus. 410.1.d

*Lampas.*

Lampades septem à Ioanne visæ quomodo sint concipiendæ. 348.d  
Lampadum earundem significatio. ibid.e

*Laus.*

Laudis septemplex Apocalypseos capite quinto, collatio cum laude item septemplex capitis septimi. 430.d  
in Laudum septenario cap. 5. & 7. cur ordo immutetur. 431.a  
Laus omnium creaturarum quæ Deo deferatur Apocal. 15. 13. vtrum ad extremi iudicii diem deferatur. 432.c. & d  
Laudes quatuor quas Agnò vniuersæ tribuunt creaturæ Apocalypseos capite quinto, ad primorum quatuor sigillorum mysterium referri. ibid.e  
Laudum quatuor quæ Deo & Agno deferuntur Apocalypseos capite 5. num. 13. quæ sit interpretatio. 433.a  
Laudes decantatæ Deo ab angelis, Apocalypseos capite septimo, numero 12. vtrum sint septem, an octo. 486.c  
in Laudibus Apoc. 7. 12. cur addatur in principio, & sine Amen. 487.a

*Leana.*

Leana symbolum cur Chaldaeis attribuitur. 685.c

*Leo.*

Leo magnanimitatis symbolum. 367.d  
Leonem vincere & aperire librum quid sit. 418.e  
in eo quod Leo vocetur qui mox agnus appareat elegans antithesis. 419.a  
Leonem & tigridem eadem voce originali vsurpari interdum in Vulgata. 684.b  
Leonis os Apocal. cap. 13. num. 2. quomodo accipiendum. ibid.c

Leonis os ad eius rugitum esse referendum. ibidem d

Leo superbia symbolum. 685.a  
Leo cur dicatur phialas angelis dedisse. 760.e

*Leui.*

Leui aptatur Smaragdus. 1002.2.b  
Leui nominis etymologia. 199.2.c

*Libellus.*

Libellum in manu apertum cur Angelus fortis habuerit. 556.d  
in Libello Angeli fortis fit allusio ad librum Ezechielis traditum vt eum deuoraret. ibid.  
Libellus Ezechielis & Ioanni ad deuorandum traditus, cur in ore fuerit dulcis. 557.a  
Libellus prædictus vterque cur insuper in ventre redditus fuerit amarus. ibid.b  
Libellus cap. 10. cur cum virga cap. 11. coniungatur. 559.d

*Liber.*

Liber à Ioanne visus Apocal. 5. cuiusmodi fuerit? 405.b  
Librum fuisse intus & foris scriptum quando potuerit Ioannes aduertere. ibid.c  
Libri sigilla quomodo sint consideranda. ibidem  
Liber prædictus quid significet. ibid.d  
Libri dicti, expositio de sacra Scriptura vtrum sit literalis. ibid.e  
in Libri ostensi Ioanni symbolo quæ Scripturæ pars figuretur. 406.a  
ad Libri signati plenam intelligentiam quorum mysteriorum cognitione opus sit. ibid.b  
Liber signatus Ioanni visus quid sit. ibid.c  
Librum signatum in dextera Deum habere quid sit. ibid.d  
Liber cur signatus fuerit, donec ab agno reueratus fuit. ibid.  
Libri visi à Ioanne significationem non ad vetus modò Testamentum, sed ad nouum se extendere. ibid.e  
Liber signatus vtrum omnes totius Scripturæ partes complectatur. ibid.  
in Libro signato mysteria clausa quæ sint præcipue. 407.b  
Librum esse Scriptum intus & foris quid sit. ibidem c.  
in Libro signato quorsum paginæ exterioris & interioris mentio. ibid.e  
in Libri externæ & internæ paginæ distinctione aliquid mysterij latere coniecturis probatur. 408.b  
Liber signatus Apoc. respicit ad locum Ezech. 2. 9. & Isaia 29. 11. 410.1.a & seq.  
Libri Ezechielis mysterium vtrum idem sit cum mysterio libri signati Apoc. ibid.1.b  
in Libri Ezechielis ostenso non solum supplicia sed beneficia etiam contineri. ibid.  
in Libro Ezechielis viso sufficiens esse fundamentum ad suppliciorum & beneficiorum distinctionem. 1.d  
inter Libros Ezechielis & Ioanni visos discrimen. ibid.2.a. & b  
Liber Ezechielis ostensus cur non sit signatus. ibidem 2.c.  
Libros Ezech. & Ioannis esse distinctos peculiari discrimine quam sit congruent. ibidem 2.c.  
Libro Isaia signato qua ratione Ioannis liber per allusionem respondeat. 411.1.a  
Librum aperire quid sit; dissentiant auctores. 413.c  
Librum aperiendi vera ratio & explicatio. ibidem d.  
Liber cur Ioanni clausus adhuc & obsignatus representaretur. ibid.e.  
Librum aperire quo sensu grammatico accipiendum. 416.a  
neminem fuisse inuentum qui Librum referret



cur Ioannes fleuerit. *ibid.*  
 qui à signato hoc Libro veteris Testamenti prophetas excluduat, minimè scopum attingere. *ibidem c*  
 Librum aperire nemo poterat quid sit. *ibid.e*  
 Librum aspicere quo sensu dicatur. *417.b*  
 Librum videre bifariam accipi posse. *ibid.*  
 Agnum quasi occisum Librum accipere & aperire voluisse, quid denotet. *423.a*  
 in eo quod agnus Librum aperuerit, & rursus liber clausus apparuerit, quod subfit mysterium. *424.b*  
 in libri inuoluti comparatione quid denotetur. *463.e*  
 Libri Tobia præcipuam intelligentiam ad illius historię mysterium esse referendam. *495.1.a*  
 in Libri mentione quem Angelus fortis habebat, cur diminutiuo vtatur Ioannes. *550.c*  
 Liber cur perhibetur apertus antequam sigilla dicantur resignata. *423.c*  
 de Libro vitæ deleri quid sit. *293.a*  
 ex Libris canonicis multorum inscriptiones non ab ipsis sacris scriptoribus, sed ab Ecclesia additæ. *30.1.c*  
 ex Librorum sacrorum obscuritate vtilitas. *55.1.c*  
 in libro vitæ agni quorumnam nomina dicantur non esse scripta. *690.d*  
 Libri qui Apoc. 20. num. 12. dicuntur aperti, qui sint. *908.c*  
 Liber vitæ de quo Apocal. cap. 20. num. 12. quis sit. *ibid.*  
 Liber inter alios in sacris montis Granatensis cauernis inuentus, cui titulus Fundamentum Ecclesiæ. *939.d*  
 cur Danieli dicatur vt Librum obfignet, Ioanni verò ne obfignet prophetiam. *1020.d*  
 in hoc Libro Apocal. quid obfignatum permanferit. *ibid.e*

*Libido.*

Libidinem ferè comitantur crapula & ebrietas. *264.2.d*  
 Libido ac luxuria Nicolaitarum. *ibid.e*

*Lignum.*

Lignum vitæ quo pacto sumatur Apocalypseo capite 2. *260.b*  
 Lignum vitæ de sacra Eucharistia exponitur. *ibidem c*  
 Lignum vitæ in cælesti Ierusalem quid adumbret. *919.c*  
 Lignum vitæ Apoc. 22. pro pluribus vsurpatur. *1016.b*  
 Lignum Apoc. cur dicatur vitæ. *ibid.e*  
 in Ligno vitæ Apoc. 22. quid adumbretur. *ibid.*  
 in Ligni vitæ foliis sacras cæremonias ac pia verba denotari. *1017.d*

*Ligurius, Lyncurius.*

pro Ligurio Rationalis cur Apocal. Hyacinthum substituerit. *998.1.b*  
 Ligurio Rationalis vtrum Hyacinthus respondeat. *996.1.b*  
 Ligurium cur Septuaginta Rationalis gemmam vocarint, non Lyncurium. *ibid.2.c*  
 Ligurium Rationalis non esse Hyacinthum. *ibidem e*  
 Ligurii siue Lyncurii proprietates. *997.2.a*  
 Ligurium siue Lyncurium esse genus quoddam succini. *996.2.b*  
 Lyncurii gemmæ etymologia. *ibid.c*

*Lilium.*

Lilium exaltationis symbolum. *305.2.d*  
 Lilia cur cum malogranatis in templi columnis fuerint coniuncta. *ibidem.*

*Limbus.*

Limbus nomen sanctorum Patrum sibi inditum quid significet. *972.1.b*

alia nominis Limbus acceptio. *ibid.1.c*  
 ad Limbum Patrum triumphatricem descendere non fuisse Christi animâ indignum. *ibid.1.c*

*Livum.*

Lini proprietates, & mystica earum significatio. *222.2.c*

Linum albi coloris nimium tenax. *ibid.2.d*  
 Lini robur ac fortitudo. *ibid.2.e* eiusdem tolerantia. *ibid.* eiusdem mira tenuitas. *223.1.b*  
 eiusdem vtilitas in nauigatione. *ibid.*  
 Lini Achaici ingens æstimatio. *ibid.1.d*

*Litera.*

primas tantum Literas nominis compendiosè scribi solitas in publicis inscriptionibus. *178.1.b*

*Locusta.*

per Locustas designari cordis desideria. *524.d*  
 Locustæ ex fumo putei quo sensu prodire dicantur. *ibid.*  
 Locustæ natura & consideratio. *525.a*  
 Locustam impinguari quid sit apud Ecclesiastem. *ibid.b*  
 Locustas esse cæcas ex Plinio. *ibid.c*  
 Locustis potestatem dari, sicut habent scorpiones terræ quid sit. *ibid.*  
 inter locustas Apocalypseo, & Ægypti discrimen. *526.b*  
 Locustæ Ægyptiacæ vtrum Ægyptios ipsos, an ipsorum tantum sata & arbores inuaserint. *ibidem c*  
 Locustarum plagam quomodo effugiant Dei stigmatem iniusti. *ibid c.d*  
 Locustarum plagas suo etiam modo posse ad Christianos suis concupiscentiis deditos, atque adeo ad imperfectos Religiosos applicari. *527.e*  
 Locustarum Apocal. per quinque mensium durantium allusio ad communis diluuii tempus, illustratur amplius. *530.1.a*  
 Locustæ quo sensu similes equis ad bellum paratis dicantur. *533.d*  
 Locustis quorsum coronæ super capita affingantur. *ibid.e*  
 Locustis quorsum datæ facies hominum. *534.a*  
 Locustis cur dentes leonum afficti. *ibid.*  
 Locustæ quomodo stridorem edant. *ibid.c*  
 per Locustarum vocem alis editam quid adumbretur. *ibid.d*  
 Locustarum rex quisnam. *935.b*  
 Locustæ & ipsarum rex cur ex abyssu prodire dicantur. *ibid.c*  
 Locustarum regem de inordinato amore proprio posse etiam congruenter explicari. *536.a*  
 Locustis nomen bestię in Scriptura familiare. *593.b*  
 Locustæ quàm rectè dicantur facere bellum contra duos testes. *ibid.d*

*Longinus.*

Longinum qui Christi latus perfodit, visum sanguine & aquâ Christi lateris recepisse ait Nazianzenus. *198.2.c*  
 Longinus Martyr fuit. *199.1.a*

*Loquela.*

Loquelam dæmonis, mundi & carnis in tribus raris adumbrari. *786.c*

*Loquor.*

Loqui palam, & ænigmatice sunt inter se opposita. *173.1.a*  
 Loqui magna, quid sit. *689.b*

*Loth.*

Loth filii Moab, & Ammon. *735.1.c*



*Lucas.*

Lucam Euangelistam in vno è senioribus Ioannem  
solante fortè adumbrari. 418.c.d

*Lumen.*

de quo Lumine sermo fit, cum dicitur, *ambulabunt  
gentes in lumine eius.* 1010.a

*Luminare.*

Luminare maius cælestis ciuitatis cur simile iaspi-  
di perhibeatur. 933.b  
Luminaris maximi effectus quomodo fit concipi-  
endus. 931.e  
Luminare maius diuinitatem significans quo loco  
ac situ esse considerandum fit. 932.b

*Luna.*

Lunam pro Christi humanitate accipi. 462.c  
Lunæ pars tertia quo sensu dicatur percussa. 516.d  
Luna pedibus mulieris supposita qua ratione pingi  
debeat. 616.b  
Luna pedibus mulieris supposita, num pro re vili  
fit sumenda. ibid.c  
Luna in Apocal. symbolum humanitatis Christi.  
617.a  
Luna Christi humanitatem significans cur sub mu-  
lieris pedibus supponatur. ibid.e  
Luna quo sensu dicatur facta vt sanguis. 462.d  
Lunæ symbolum quam aptè congruat ad Christi  
humanitatem significandam, expenditur. 619.  
1.d  
Lunæ symbolum ad Christi humanitatem ex qui-  
bus locis Scripturæ desumatur. 628.1.a  
Lunam minui in consummatione quid fit. 620.  
1.c  
Lunæ influxus in inferiora corpora. ibid.2.a  
Lunæ spiritalis, id est Christi influxus in suos fide-  
les. ibid.2.c  
in Luna summam Christi humilitatem & exalta-  
tionem figurari. ibid. c.d  
Lunæ symbolum quoniam ex Patribus ad Christi  
humanitatem applicent. ibid.2.e  
Luna sub pedibus mulieris vtrum consideranda sit  
accrescens, vel decrescens. 621.2.c  
Lunæ symbolum ad B. Virginem secundariò appli-  
catur. 622.1.b  
Lunæ symbolum ad Virginem à Patribus appli-  
cari. 623.1.c  
in Lunæ simbolo denotatur admirabilis in B. Vir-  
gine virginitatis & fecunditatis coniunctio.  
624.1.b  
Lunam ab Ethnicis castam vocari. ibid.1.c  
Lunam simul cum sole fecunditatis esse originem.  
ibid.  
per Lunam indicari B. Virginis excellentiam inter  
omnes Sanctos. ibid.2.a  
in Lunæ simbolo figurari præcipuam Virginis ex-  
cellentiam, quod sit mater Dei. ibid.1.d  
Lunæ eclipsis vnde proveniat. 625.1.a  
Lunæ & solis eclipsis symbolum Christi passionis,  
& Iudæorum excæcationis. ibid.& b  
Lunæ efficientia expenditur in maris fluxu & re-  
fluxu, & symbolica illius representatio. 626.1.a  
in Lunæ etiam defectu circa Christi passionem phi-  
losophari pariter posse. 625.1.d  
à Lunæ efficientia duas veluti cruces in Oceani a-  
quis imprimi sub singulis polis singulas. 627.  
1.b  
Lunam erubescere quid sit apud Isaiam. 884.1.d

*Lunaticus.*

de Lunaticis, deque mystico eorum symbolo con-  
siderando. 627.2.c  
Lunaticis Topazium prodesse quid adumbret.  
988.2.c

*Lutherani.*

Lutherani Apocalypsi auctoritatem derogant. 47.  
1.c

*Lux.*

Lux quam initio creauit Deus quid mysticè. 471.  
2.c  
Lucem ac vitam sæpe in Sacris nec sine mysterio  
copulari. 1014.b  
per Lucem in electro clausam in figura Ezechielis  
quid significetur. 336.1.c  
Lux illa ingens qua cælestis Ierusalem fruitur, quid  
significet. 918.c  
Lucis nomen tam Hebraica phrasi quàm Latina  
tribui aliquando vitæ. 893.1.c

*Luxuria.*

Luxuria quomodo nautis applicetur. 820.b

*M.**Machabei.*

**M**achabæorum nominis origo. 178.1.b  
Machabæorum bella fuisse Ecclesiæ persecuti-  
onum figuram, & cur. 244.d.2.  
in Machabæorum sepulchro erectas columnas, tro-  
phæa fuisse. 305.2.e

*Madian.*

vox Madian quid sonet. 735.2.d

*Madianita.*

per Madianitas quid significetur. ibid.

*Magister.*

Magistri etymologia quomodo templi Cherubinis  
possit aptari. 385.2.d

*Magnes.*

Magnetis duplex facultas. 283.1.e  
Magnes quomodo nauticæ acui imprimat quali-  
tatem. ibid.2.d  
Magnes natura sua cali polos & ventorum plagas  
designat, quæ proprietas priscis hominibus fuit  
ignota. ibid.a  
Magnetis hæc natura, quando in ipso deprehendi  
soleat. ibid.b  
Magnetis partem alteram directè ad Septentrionem,  
alteram ad Meridiem respicere. ibid.c  
Magnes quando nauticæ acui imprimat qualitatem  
quam habet respiciendi polos. ibid.d  
Magnetem præsentem adamante ferrum dimittere,  
nec ad se trahere putarunt veteres, alijs item vi-  
sum est, vim suam amittere, vtrumque verò  
falsò. 284.1.b  
Magnetem hac virtute priuare posse ignem, & quo-  
modo? & symbolica prædictorum significatio.  
ibid.b.c  
de Magnete locus insignis Platonis. ibid.d  
Magnetis vtramque virtutem in ferro illi adiun-  
cto multò maiorem inesse. ibid.2.a  
Magnetis, eiusque proprietatem mystica signifi-  
catio. 285.1.a  
ferrum Magnete contactum quanto maius pondus,  
quàm Magnes ipse attollat. 284.2.c  
Magnetem vitro conficiendo admistum, eiusque  
rei symbolum. 352.e  
*Vide Ferrum.*

*Magog, Magogus.*

de nomine Magog quæstio. 900.1.d  
vrbs Magog vbi fuerit sita. ibid.2.d  
vrbs Magog cur fuerit appellata Hieropolis. 902.  
1.c  
vrbs Magog idolatriæ metropolis. ibid.  
nomen Magog quomodo apud Ezechielem summa-  
tur. 901.2.a  
Magogi significatio vtrum ad apertam persecutio-  
nem congruenter referatur. 902.2.b  
Scythas à Magogo filio Iaphethi genus ducere se-  
cundum Iosephum. 900.1.d  
*Vide Antiochus, Gog.*



*Malogranata.*

Malogranata cur in columnarum capitellis efficta. 305.2.a  
Malogranata in qua capitelli parte fuerint expressa. ibid.b  
cum Malogranatis cur lilia in columnarum capitellis fuerint coniuncta. ibid.d

*Malum.*

de Malis benefacere melius Deo visum, quam nulla mala esse permittere. 413.2.a

*Mamilla.*

ad Mamillas præinctum quid propriè sit. 224. a.b

*Manna.*

Manna absconditum quid sit. 265.d  
Manna absconditum ad Eucharistiam applicatur. 266.a  
Manna absconditi nomine utrùm de cælesti beatitudine agatur. ibid.b

*Mare.*

Mare dupliciter in Scriptura accipitur. 350.a  
Mare ante Dei sedem visum veri maris referre similitudinem multis placet. ibid.  
Mare visum à Ioanne fuisse maris ænei simile ut verius affirmatur. ibid.b  
quod Mare in eodem libro ænigmaticè accipiat nihil obitare. ibid.c  
Mare visum à Ioanne ob veri vitri similitudinem dici vitreum. ibid.d  
Mare vitreum qua ratione considerandum sit. ibidem.  
Mare æneum utrùm sit perfectè hemisphæricum. ibid.e  
de Maris vitrei mysterio variaz auctorum sententia. 351.a  
Mare vitreum sumi pro pœnitentiæ Sacramento. ibid.c.d  
in Mari æneo non bene omnia Sacramenta figurari. ibid.e  
Mare æneum quem ad finem fuerit institutum. 352.a  
in bobus Mare æneum sustinentibus quid figuretur. ibid.b  
pœnitentia per Mare vitreum figurata non ad sacramentalem tantum, sed ad pœnitentiam etiam in voto extendenda est. ibid.c  
Mare visum à Ioanne; cur non absolute crystallinum, sed vitreum crystallo simile fuerit. ibidem d  
per Maris vitrei capacitatem quid adumbretur. 353.b  
per labium Maris vitrei ad modum lilij repandi quid significetur. ibid.  
Mare æneum ex mulierum speculis factum, quid figuret. ibid.c  
Salomonis templi Mare æneum cur Ioanni visum fuerit vitreum. 352.b  
cur Apocal. 15. vbi Maris vitrei sit mentio non addatur, simile crystallo. ibid.d  
Maris mirabiles elationes quæ sint. 210.d  
per Mare Gentilismum denotari in Apocalypsi. 548.a  
Maris tempestas cuius belli sit symbolum. ibidem e  
Maris mortui bitumen eiusque natura. 595.2.b  
Maris fluxus & refluxus vnde proueniat, & quo tempore ac modo contingat. 626.1.a  
in Maris fluxu & refluxu peculiaris consideratio. ibid.c. & seq.  
qui Maris recessum & accessum referunt in humiditatem quæ à Luna in partem aeris & aquæ

ipsi lunæ subiacentem deriuetur, improbantur. ibidem 2.c.d  
de Maris æstuum accessu & recessu mystica consideratio. 627.1.d  
Maris nomine quid significetur. 656.b  
per Mare significari mundum. 675.c  
Mare vitreum prius Ioanni visum, postea septem Angelos phialarum. 748.d  
Maris vitrei cum septem tubarum plagis quæ sit connexio. ibid.e  
sub Maris vitrei nomine Apocal. 15. quid mysterii delitecat. 755.a  
Mare cur ad prisci Israelis transitum suas vndas diffiderit, nouus verò Israel mysticus super vndas gradiatur. ibid.b  
super Mare stantes Apocal. 15.2. quo sensu dicatur. ibid.e  
Maris vitrei nomen Apocal. 15. pro veri maris similitudine, ac Apocal. 4. pro vase æneo vsurpari, & quæ sit huius discriminis ratio. 754.d  
Mare Apo. 21. cum Augustino mysticè esse accipiendum. 921.b  
Mare iam non est, quo sensu dictum. 922.a  
quasi Maris ipsius plagam sanguinis colorem, & piscium interitum concipiendum esse. 774.b  
quo sensu dicatur omnis anima viuens fuisse mortua in mari. 773.d. 774.b

*Margarita.*

Margaritæ pretiosæ vnde æstimentur. 227.2.c  
Margaritæ duodecim per singulas, quomodo intelligendum. 1004.b  
singulæ portæ ciuitatis Apocal. 21.21. quinam sint considerandæ ex singulis Margaritis factæ. ibidem.  
in Margaritarum magnitudine mysterium delitescens. 1005.a  
Margaritæ symbolum ad Religiosorum vitam. ibidem 1.c  
Margaritas ex cæli rore confici quid innuat. ibidem.  
Margaritam multiplici cute constare cuius rei sit symbolum. ibid.1.d  
Margaritarum pretium & æstimatio quid mysticè designet. ibid.1.e  
Margaritæ candor eiusque symbolum. ibid.2.d  
Margaritæ rotunda forma, quid significet. 1006.1.a  
Margaritarum nuditas quid significet. ibidem.  
Margaritarum laeuer quid significet. ibid.1.b  
Margaritarum pondus quid significet. ibid.  
Margaritarum aliaz proprietates ad Religiosos applicatæ. ibid.c  
Margaritarum soliditas quid significet. ibid.2.b  
Margaritas aceto dissolui quid innuat. ibid.2.c  
Margaritam in senecta rugis torpescere quid signet. ibidem e  
Margaritam clara luce illustratam intus nonnihil rubescere, idque cuius rei sit symbolum. ibidem.1.b

*Maria Virgo.*

in Mariæ duplici etymo, virginis tum humilitatem tum exaltationem indicari. 623.2.c  
Maria sonat stilla, siue gutta maris. ibid.  
Maria idem quod excelsa. ibid.e  
Mariæ nominis etymon quatenus guttam sonat, ad Margaritarum procreationem posse aptè applicari. 624.1.a  
Maria Virgo Ecclesiæ basis. ibid.2.a  
de Maria Virgine ut de hominum mediatrice aptè enunciari quæ de Christo ut de præcipua bonorum nostrorum causa dicuntur. 622.2.a  
Multa ex his quæ Ecclesiæ de Maria Virgine cantat, ad Christum primariò, secundariò ad Virginem referri. ibid.b  
Dissentaneum non esse, sed valdè consentaneum, ut de Christo, & eius matre Maria in eodem loco agatur. ibid.1.c

Mari-



Mariam sanctissimam in suo cantico ad Ioannis,  
Zachariæ & Elizabethæ nomina, eorumque ety-  
mologiam alluisse. 531.2.d  
Mariam virginem cur Christus post suam ascen-  
sionem tamdiu in terris reliquerit. 624.2.b  
Mariæ virgini applicatur Ecclesiastici locus, *Minui-  
tur in consummatione.* 623.2.a  
Mariæ virginis auxilium quanti ad Ecclesiæ pro-  
pagationem interfit. 624.2.d  
*Vide Luna.*

*Martyr.*

Martyribus quam sit utilis tyrannorum crudeli-  
tas. 321.e  
ad Martyres aptè referri coccineum colorem.  
809.e  
Martyres esse gloriosos Christi athletas. 262.e  
Martyrum mors quasi sacrificium pro peccatori-  
bus oblatum. 595.e  
Martyrum eadem significari per vindemiam.  
741.c  
Martyrum sub altari clamor qualis sit. 459.b  
in Martyrum occisione dissimulata quomodo fue-  
rint diuinæ prouidentia quatuor partes. 746.b  
Martyrum sanguine ebria cur dicatur meretrix.  
811.d  
de quibus Martyribus sermo fit in sigillo quin-  
to. 459.a  
Martyrum cur speciatim fiat mentio, cum omnes  
Sancti sint prima resurrectione, & cælesti regno  
fructuri. 889.d  
Martyrum robur ac fortitudinem ab Spiritu san-  
cto dimanasse. 988.1.e  
Martyres Christi cur non dicantur resurrexisse, sed  
ipforum animæ. 891.c  
Martyrum omnium in terra occisorum sanguis  
cur vni Romæ ethnicæ adscribatur. 835.d  
in Martyrum cæde quomodo suam Deus iram of-  
tendat. 742.a  
ad Martyrum sanguinem figurandum expressio-  
nem musti in vindemia esse appositam. 741.e

*Medi.*

in Medorum ac Persarum Imperio delicias ac blan-  
dimenta corporis fuisse dominata. 529.1.e  
Medis ac Persis cur vtri symbolum accommode-  
tur. 685.e

*Mendacium.*

Mendacium non esse inuentum in ore eorum quo  
sensu dicatur. 717.e

*Mendax.*

Meridaces quinam dicantur. 927.d

*Mensa.*

Mensa templi quid significet. 218.1.d  
Mensam propositionis respiciebat candelabrum  
templi, & cur. ibid.2.a  
Mensæ propositionis cur nulla mentio in visione  
Apo.4.fiat. 404.1.a  
Mensa propositionis quid significaret iuxta Philo-  
nem. ibid.1.b  
per Mensam propositionis quid mysticè signifi-  
cetur. 404.1.d  
Mensa propositionis cur fuerit omissa. ibid.

*Mensis.*

de Mensium quinque spatio, eorumque mysterio.  
526.e  
in Mensium quinque spatio quo locustarum plaga  
durasse dicitur, quid innuatur. 527.c  
allusionis ad Noëi diluuium in quinque mensibus  
factæ quis sit sensus. ibid.d  
Mensium quinque spatii allusio vnde constet. 528.  
1.a  
Menses quinque quibus communis terræ durauit  
eluuio, quid significant. ibid.c  
Menses quadraginta duo quomodo sint accipiendi.  
567.d  
Menses quadraginta duos Apocal.11. in sensu my-  
stico esse accipiendos. 568.a  
Mensibus singulis in Apoc. non dari amplius tri-  
ginta dies. 569.1.b

*Mensura.*

Mensuras singulares sacre Scripturæ quando spe-  
ciatim examinare oporteat. 454.1.c  
Mensuram humanæ staturæ ab aliis maiorem con-  
siderari. 559.c  
Mensuram arundineam cap. 20. Apoc. sex cubitis  
constare. 944.d  
de mensura humanæ staturæ maxima esse sermo-  
nem. Apoc.21. ibid.e  
Mensuræ humanæ qua angelus ædificium dimeti-  
tur, quod sit mysterium. ibid.

*Mercator.*

Mercatores quinam nuncupentur Apoc.18. 823.b  
Mercatorum lamentationes Apocal.18. quo pacto  
sunt accipiendæ. 829.c  
in Mercatoribus Romam lamentantibus quinam  
figurentur. ibid.d  
in Mercatoribus plorantibus Babylonem quomo-  
do denotetur auaritia. 830.a  
Mercatores quo sensu dicantur longè à Româ in-  
cendio stare. ibid.b  
in Mercatorum fletu congruenter inferi nimium  
delictiarum & sumptuum excessum. ibi-  
dem c  
Mercatores cur Apocalypseo 18. flere dicantur.  
ibidem d  
quasi ad Mercatorum singulos dicta sunt confide-  
randa illa verba, *Poma desiderii*, de quibus Apo-  
cal. 18. 831.d  
de quibus Mercatoribus fit sermo Apocal.18. dum  
dicitur *Mercatores horum, &c.* 832.b  
Mercatoribus quidnam cælestis vox edicat, quod  
ad mysterium attinet. ibid.a

*Meretrix.*

poculum in Meretricis manu positum quid fignet.  
810.b  
Meretricis magnæ nomen Romæ imponi. 807.c

*Messias.*

ad Messia aduentum probandum esse congruen-  
tem quatuor sigillorum representationem.  
400.2.e

*Messis.*

in Messis mystica cur Christus sit qui falcem mittit,  
& in vindemia non Christus sed Moses mysti-  
cus. 743.b

*Michael.*

sub Michaelis & angelorum eius nomine qui figu-  
rentur. 647.d  
Michaelis tum figura, tum nomen Christo symbo-  
licè quadrare. 648.b  
Michaelis nomen olim apud Iudæos visitatum, eoq.  
multos ex ipsis fuisse vocatos. ibidem c  
quorsum dicatur, *Michael & angeli eius præliabantur,*  
& non, *draco pugnabat, & angeli eius.* 649.b  
Michaelis & eius angelorum secunda significatio.  
650.1.c  
cum Daniel ait, *In tempore illo consurget Michael, de*  
*quo tempore agat.* 645.a & seq.  
Michaelem esse Mathathia figuram apud Danie-  
lem. ibidem d.

*Miles.*

antiqua consuetudo Milites in cute scribendi pun-  
cturis. 702.c

*Millenarii.*

Millenariorum opinio de Apoc. omnino fabulosa.  
35.1.c  
Millenariorum explicantium maris Bestiam de



Antichristo, auctoritatem in hac parte fidem non facere. 667.b

Millenariorum de Bestia maris mentem, si recte inspiciatur, ad interpretationem de Romano Imperio satis inclinare. 668.a

Millenariorum error quis fuerit. 877.1.c

Millenarii unde sui erroris causam arripuerint. ibidem 1.e

Millenariorum fabulam quinam ex veteribus fuerint secuti. 875.1.c

Millenarios alioqui deceptos, in Apoc. tamen serie, & acolithia recte processisse. 877.2.c

Millenarii quot annos totius orbis durationi tribuerint. 878.1.a

*Milliare.*

Milliare vnum quot stadiis constet iuxta Romanorum numerandi rationem. 747.1.d

Milliaria quibus Palæstina protenditur ad Græcorum computationem, non ad Romanorum esse reuocanda. ibidem 2.b

*Mina.*

Minæ quas tertius angelus Apoc. 14. 9. intendit, contra quos potissimum iacentur. 727.c

*Miscere.*

Miscere in Scriptura interdum sumi pro infundere. 728.a.b

*Misericordia.*

Misericordiæ symbolum est oleum. 587.c

Misericordiam per oleam significari. 345.1.b

Misericordiæ symbolum galbanus. 427.2.b

Misericordiam in baculo figurari. ibidem.

Misericordia Dei in supplicio inferendo. 509.c

Misericordia Dei in Ecclesiam quanta fuerit. 838.e

Misericordia Dei magna, cuius & sanctissima Virgo, & Zacharias in suis canticis meminere, in quo confisteret. 532.1.a

Misericordiam magnam delitescere sub mysticæ vindictæ nomine. 281.1.b

*Missæ.*

Missæ sacrificium adumbrari in agno occiso. 422.b

Missæ sacrificium adumbrari in seniorum adoratione Apoc. 4. 400.c. & seq.

Missæ sacrificium adumbrari per citharas & laudes. 425.c

de Missæ sacrificio secundaria phialarum expositio. 763.2.b

ad Missarum sacrificia fortè haberi respectum in allegoria conuiuii. 854.b

*Moabita.*

cum de vindicta de Moabitibus sumenda Prophetæ sermonem instituunt, quoniam potissimum finè dirigant. 735.2.d

cur Deus præciperet vt Moabitibus ingressu Ecclesiæ interdicent. 736.2.a

per Moabitas quinam mysticè figurentur. 735.1.d

*Monarchia.*

in quinque diluuii mensibus figurari mundi miseriam sub quinque Monarchiis. 529.2.e

Monarchiæ præcipua orbis quæ fuerint. 528.1.c

inter Monarchias illas veteres gradatio, & quid imprimis in earum singulis floruisse videatur. 529.1.c

Monarchias quatuor mundi non posse in marina Bestia significari. 681.b

Vide Assyrius, Chaldaei.

*Mons.*

Mons Libanus unde dictus. 232.1.a

Mons Oliuarum ad Orientem versus quid significet. 511.1.d

Mons magnus in mare missus quid denotet. 514.b

Mons cur singatur in mare deiectus. ibid.

Mons in quem Ioannes fuit euocatus qua ratione sit considerandus. 929.c

Vide Insula.

*Morior.*

Mori in Domino quid sit. 737.d

*Mors.*

Mors & infernus in sacris aliquando vt diuersæ personæ, aliquando vt eadem inducuntur. 243.2.d

Mors secunda quæ sit. 262.e. 911.d

A morte secunda liberationem esse effectum Eucharistiæ. 263.b

Mors quo sensu ante pedes ire Dei dicatur. 437.1.c

de Morte eorum qui Christum sunt secuti agi in quarto sigillo. 442.2.b

Mortem seruis Christi esse viam ad veram vitam. 457.b

Morti potestatem dari super quatuor partes terræ, quid sit. ibid.d

explicandi Mortium quatuor genera simplicior modus, quas primi Christiani patiebantur. 458.a

Mors cur equo vehatur, cur infernus subsequens pedester. ibid.b

Mors pro vera sui mortificatione interdum in Scriptura sumitur. 737.a

Vide Clavis, Infernus.

*Mortificatio.*

cum Mortificatione orationem coniungi debere. 497.2.c

Mortificationis studium in primitiæ Ecclesiæ Christianis. 440.2.a

doctrina de vera requie quam iusti per sui Mortificationem assequuntur spiritualium virorum propria. 738.a

*Mortuus.*

Mortui maris quid differant à mortis & inferni mortuis. 910.d

Mortuos appellari eos qui amoris proprio, & inordinatis appetitionibus mortui sunt. 978.2.a

de Mortuis maris, mortis, & inferni quo sensu, siue distinctione sermo sit. 909.e

quid inuaturus sit verbis, Ceteri mortuorum non uiuent. 889.a

Mortui qui in Christo sunt resurgent primi, quid sit. 911.a

cum dicitur, Beati mortui, quinam dicantur mori. 736.d

quod appelletur tempus Mortuorum iudicari. 606.d

*Moyse.*

in Moyse figurari legem. 580.e

Moyse vtrum in proprio corpore apparuerit in Christi transfiguratione. 581.a

Moysem figurari per angelum aquarum. 742.c

Vide Elias.

*Mulier.*

Mulieris volatus in desertum quid significet. 49.1.c

Mulieres duæ amphoram portantes apud Zachariam, quid significant. 306.1.e

super Mulieris caput cur ponantur stellæ quæ Apostolorum sunt symbolum. 621.1.d

in Ioannis de Muliere amicta sole visione, aliquam esse solis eclipsis speciem, & quæ sit eius significatio. 625.2.b

Mulierem mysticam Apoc. 12. esse eandem, quæ in sacra Scriptura vocatur Sion. 629.a

Mulier mystica Apo. 12. appellatur Ierusalem celestis. ibid.

Mulieris Apocal. 12. futuram non de vno solum filio, sed de pluribus esse accipiendam. ibid.b

Mulierem in desertum fugere, quid sit. 643.a

Mulieris in desertum fuga quando acciderit. ibidem c.

Mulier vtram cum Luna pedibus supposita fugisse censenda est. ibid.

Mulier quandiu in deserto degisse dicatur. ibid.d

Mulieri num alæ sint datæ antequam se fugæ mandare ccepisset, an post fugæ initium. 657.e

Mulieris alarum duarum quod sit mysterium. 658.c



dum de Mulieris alis agitur Apoc. 12. cur Pauli & Barnabæ mentio fiat? 659.2.b  
 Mulierem ali à facie serpentis quid sit? 658.e  
 Mulieri cur alæ aquilæ, non columbæ affingantur? 659.2.c  
 Mulierem quomodo terra adiuerit? 662.a  
 de mulieris semine qui sint reliqui, quibus Draco bellum intulit? ibid.b.  
 utrùm in aquis multis super quas Mulier sedet, sermo sit de aquis fluminis, an de aquis maris? 816.a  
*Vide, Ecclesia, Fœmina.*  
*Mundus.*  
 ab origine Mundi Apoc. 13. 8. quo sensu intelligatur? 691.a  
 Mundus per Tobia piscem figuratus, quomodo superandus? 496.2.d  
 Mundum dupliciter considerari posse. 866.a  
 Mundi princeps eijcetur foras, dupliciter explicatur. 653.1.b  
 Mundi finem fore, vbi perfecta de Antichristo victoria comparetur. 905.e  
*Murus.*  
 Murus altus & pretiosus cælestis Ierusalem, quid significet? 918.d  
 numerus cubitorum 144. quibus ciuitatis Muro- rum altitudo constabat, quid mysticè significet? 944.c  
*Myrrha.*  
 Myrrha symbolum pœnitentiæ. 427.1.c  
*Mysterium.*  
 ex Mysteriorum sacrorum noua comparatione, noua ipsorum cognitioni lux oboritur. 62.2.d  
 Mysterij Dei nomen quadrare in sacris Iudæorum reprobationi, & electioni Gentium. 555.c  
 Mysterium iniquitatis, quid sit apud Paulum? 724.1.a  
 Mysterij quid lateat in quater iterata negatione, Non audietur in te. 835.e  
 quæ Mytheria in Trisagio includantur? 331.2.d  
 Mysterium numeri 490. 575.1.e  

N.

*Nabuchodonosor.*  
 Nabuchodonosoris superbia auream statuam fabricare præcipientis vnde occasionem sum- pserit? 528.1.b  
*Nares.*  
 in Naribus indignationis & iræ indicium. 427.1.a  
*Nathan.*  
 nominis Nathan etymologia. 199.2.c  
*Nauigans.*  
 per Nauigantes intelligi Iudæos. 514.c  
*Nauis.*  
 per Naues quid figuretur in secunda tubarum pla- ga? ibid.  
*Nauta.*  
 in Nautis Romam lamentantibus quinam figuren- tur? 829.d  
 Nautæ quo sensu dicantur longè à Romæ incendio stare? 830.b  
 Nautarum lamentationes Apoc. 18. quo pacto sint accipiendæ? 829.c  
*Nehemias.*  
 ab illo Nehemiæ sacrificio & templi dedicatione ad diem Pentecostes Hebdomadam Danielis spa- tium iuste fluxisse. 574.1.e  
 à Nehemia reedificatio templi facta, & celebri sacri- ficio consecrata, quo anno ac mense fuerit? ibi- dem d.  
*Nephthali.*  
 Nephthali aptatur Iaspis. 1002.2.d  
*Nero.*  
 Neronis persecutio quo prætextu inceperit 661.e  
 Neronis persecutionis initium non toto Imperio commune, sed Romæ peculiare. 622.d  
 Neronis persecutio quandiu durauit? 573.1.b  
 Nero beneficijs addictissimus. 661.c

Neronis persecutio cur specialiter per flumen Dra- conis figuratur? ibid.d.  
 Neronis persecutionis mentio cur in bestia marina caput septenario nulla sit? 678.a  
 inter Neronis persecutiones, & reliquas subsecutas distinctio. 663.d  
 Neronis persecutionem designat fluuius ex ore Draconis prodiens. 661.c  
*Nicolaita.*  
 Nicolaitarum hæreseos cur Apocalypsis memine- rit, non verò aliarum? 81.2.a  
 Nicolaitæ in quo doctrinam Baalami sint secuti? 264.b  
 de Nicolaitarum erroribus quaestio. ibid.1.d  
 Num sint accipienda spiritualiter quæ de fornica- tione, & idolothytorum esu Nicolaitis tribuun- tur? ibid.d.e  
 Nicolaitarum libido atque luxuria. ibid.2.e  
 de Nicolaitis cur simpliciter fiat sermo, de Synago- ga verò symbolicè? 275.b  
*Vide, Hæresis.*  
*Nigror.*  
 Nigror cuius rei sit symbolum? 444.2.d  
*Noceo.*  
 qui nocet, noceat adhuc, quo sensu dicatur? 1021.b  
*Noëus.*  
 incredulorum sub Noëi tempore cur solùm fiat mentio, 1. Petri 3.20. 974.2.d  
*Nomen.*  
 Nominum Hebraicorum alia complexa, incomple- xa alia. 177.1.b  
 Nomen in anuli gemma cæleri solitum. 267.e  
 Nomen nouum in calculo inscriptum quod sit? ibid.e.  
 Nomen in calculo inscriptum quomodo nemo no- uit, nisi qui accipit? 268.a  
 Nomen viuents habere quid sit? 290.a  
 in Nomine viuents quodammodo respici ad Epi- scopi etymologiam. ibid.b.  
 sed habes pauca Nomina quo sensu dicatur? 291.d  
 Nomen quando possit eleganter poni pro re cuius est nomen? ibid.  
 Nominis Christi virtus non in characteribus ipsis, sed in rei veritate consistit. 303.e  
 in Nominis Iesu characteribus variatio. ibid.  
 Nominis numerus quid sit? 702.c  
 cum dicitur Apoc. 13. Nominis numerus, non po- test intelligi Antichristus. 705.c  
 numerus Nominis quid dicatur? ibid.a  
 de Nominis numero referuntur aliorum expositio- nes. 708.1.a  
 quod Nomen eo numero 666. adumbretur? 706.a  
 Nomen Dei in Beatorum frontibus inscriptum quid significet? 1018.c  
*Vide Character.*  
*Nouitas.*  
 quæ Nouitas explicandi Scripturam sit laudabi- lis? 66.2.d  
 de Nouitate expositionis admittenda vel reiicien- da, controuersia magni momenti est. 68.1.d  
 in Nouitatis censura requiritur prudentia. ibid.e  
 quæ exponendi Nouitas damnanda? ibid.2.b  
 Nouitatem cum antiquitate coniungit nostra Apoc. explicatio. 73.1.e  
*Notum.*  
 Noua cur aliqua plerisque videantur, alioqui anti- qua iam & recepta? 63.e  
*Nubes.*  
 antithesis inter Nubes, & verbum Videndi. 196.a  
 Nubis mystica significatio. 199.1.d  
 Nubium natura ac proprietates. ibid.  
 Nubes Dei currus. 200.1.b  
 Nubis multiplex vsurpatio in Scriptura. 199.2.d  
 præcipuæ Scripturæ historiarum in quibus Nubium sit mentio. 200.1.c  
 de Nubis columna quæ populum præcedebat. ibi- dem d.  
 Nubes in monte Sina ad legis promulgationem vi- sa. ibid.e  
 Nubes in Mosis tabernaculo & Salomonis templo apparens. ibid.



# INDEX RERVM.

Nubes in Christi transfiguratione. *ibid.* 2. a  
 Nubes præcipuum Diuinæ prouidentię instrumentum. *ibid.* c  
 in Nubibus mirè effulgent septem Diuinæ prouidentię spiritus. *ibid.*  
 Nubium duplex consideratio. *ibid.* e  
 Nubes partim tegendo, partim detegendo Diuinam designant prouidentiam. *ibid.*  
 Nubes in Christi transfiguratione, ascensione, & Iudicio quomodo accipiendæ? 201. i. a  
 Nubes prouidentię præsertim supernaturalis symbolum. *ibid.* d.  
 Nubes Angelorum symbolum. *ibid.* e.  
 Nubes Euangelici concionatoris symbolum. *ibid.* 2. a  
 Nubes Euangelicæ prædicationis symbolum. 598. c  
 Nube Deum circumuestiri quid significet? 767. i. c  
 in Nube lucida quid figuretur? quid in obscura? *ibidem.*  
 quomodo per Nubem lucidam Diuinæ prouidentię opera denotentur? *ibid.* d.  
*Vide, Fumus.*

*Numerus.*

Numerus septenarius an vniuersalitatem significet, & quomodo? 174. d  
 Numerus septenarius Angelorum in Scriptura quò respiciat? 183. b  
 Numerus denarius pro multitudine in Scriptura sumitur. 262. b  
 Numerum in symbolis non semper veritati significatæ respondere. 388. 2. d  
 Numerum 144. U. pro vniuersitate sumi. 478. a  
 in Numero 144. U. strictè loquendo non Religiosos solùm, sed omnes Christianos intelligi debere. 479. c  
 Numerum 144. U. mysticè esse accipiendum. 477. a  
 de Numero præfinito 144. U. quid dicendum? 711. a  
 de Numero 144. U. singularis expositio. 489. i. c  
 Numeri 490. m. ysterium. 774. 2. b  
 Numeri denarij consideratio & mysterium. 478. b  
 Numerus quadratus quid significet? *ibid.*  
 Numerus octonarius æternæ felicitatis symbolum. 707. d  
 Numeri in sacris mysterijs pleni. 774. 2. b  
 Numerus 144. cubitorum quibus murorum ciuitatis altitudo constabat, quid signet? 944. c  
 Numerus aliquis designatus qua ratione accipi solet in allegorijs siue ænigmatibus? 572. i. d  
 Numerus singularis pro plurali frequens in Scriptura. 593. b  
 Numeri apud Græcos quibus designentur characteribus? 702. c  
 in aliquot Numeris certum aliquando pro incerto poni. 679. b

*Nuncius.*

Nuncius ab Angelo allatus Apoc. 14. 4. cuiusmodi sit? 719. d

*Nuptia.*

de quibus Nuptijs instituitur sermo Apocal. 19. 7. 848. d

*O.*

*Oculus.*

**O**culos glaucos ad terrorem incutiendum valere. 984. 2. d  
 Oculi glauci cur Palladi olim à poetis tribut. *ibid.*  
 Oculi septem Domini apud Zachariam quid significent. 218. 2. e  
 Oculi vt flamma ignis, quid innuant? 227. e  
 Oculorum spirituale collyrium quod sit. 318. a  
 Oculi cur in Ezechiele rotis non animalibus assignantur. 367. a  
 Oculi septè agni qua ratione sint cõstituendi. 421. b  
 Oculis plena in circuitu & intus quomodo potuerint esse animalia Ioanni visa. 360. c  
 per Oculos flammarum instar ignitos quid indicetur. 861. a  
 Oculos animalium non fuisse pictos, sed veros probatur. 360. b  
 de Oculorum flammis à Daniele & Ioanne in figuris visis. 246. i. c. & seq.  
 Oculi rotarum Ezech. qua ratione possint concipi

ita vt terram non contingent. 360. b  
 per Agni oculos & cornua cur septem Diuinæ prouidentię virtutes figurentur. 421. c  
 Oculos cur Ioannes in prima sua visione conuertat. 245. i. e  
 Oculos cur Daniel dicatur eleuare in visione ca. 10. *ibid.*

## Odor.

per Odores Deo accensos, & se in sublime efferentes quid figuretur. 427. i. b  
 cuiusmodi sint Odores de quibus Apoc. 5. 8. 424. d

## Olea, Oleum, Oliua.

per Oleam significari misericordiam. 345. i. b. c  
 Oleum misericordiæ symbolum. 587. c  
 Oleum & vinum in quo sensu accipienda sint. 454. a  
 Oliuæ dux à Zacharia visæ quid significant. 586. d  
 Oliuas duas Zach. in sensu proximo ad Zorobabelem ducem, & ad Iesum sacerdotem esse referendas. *ibid.* e.  
 in Oliuis Zach. ad duos magnos Cherubinos haberi respectum. 587. b

## Onesimus.

Onesimus successit Timotheo in Episcopatu. 251. 2. c

## Onyx.

Onyx fidei symbolum. 427. 2. a  
 Onyx vnde sibi odorem acquirat. *ibid.* 2. b  
 Onyx quid sit. 426. 2. c  
 Onychem posse bifariam vsurpari. 270. 2. c  
 Onychem à Sardonyche in Scriptura non distingui. *ibid.* i. e.

## Opus.

Opera prima fac, quid sit. 258. e  
 Opera quæ dicantur plena coram Deo. 291. b  
 secundum Opera sua quomodo omnes etiam paruuli iudicari dicantur. 909. c  
 quænam Opera Sardensis Christus se scire dicat. 289. d  
 duplicare duplicia secundum Opera eius, quid sit. 826. c  
 Opera illorum sequuntur illos quo sensu dicatur. 738. a

## Operor.

verbum Operatur apud Paulum, & actiue & passiue posse sumi. 724. i. c

## Oratio.

Orationis symbolum thus. 427. i. c  
 de Orationibus Sanctorum dare, quid sit. 507. d  
 Orationes primorum Christianorum quorsum spectent ante plagarum immisiones. 509. c

## Ordo.

Ordo in Prophetarum vaticinijs non Diuinæ Sapientiæ contrarius, sed illi potius consentaneus valde est. 43. i. a. b  
 Ordo ac prioritas in Diuinis actibus. 300. c  
 Ordinis perturbatio in Prophetis ad solatium ignorantia explanationis inuenta. 44. i. a  
 Ordo cur immutetur in cap. i. positus in ijs verbis, Qui erat, &c. 400. a

## Orichalcum.

Orichalcum quid sit? & eius pretium. 232. i. d. c

## Origenes.

Origenis mens de symbolica rerum significatione. 57. 2. d  
 Origenes de allegorica nimium interpretatione non bene apud Hieronymum audit. 81. 2. b

## Oseas.

Oseam in forti Angelo Apoc. 5. signari videtur probabile. 415. b

## Ostium.

Ostium apertum in celo quid sit. 327. i. a  
 Ostium apertum in epistola ad Philadelphium quid sit. 296. c

## Ozias.

Ozias quid sonet. 330. i. c

## P.

## Palaestina.

**P**alaestina quota sit longitudo. 747. i. b

## Palma.

Palma in manibus positæ quid figurent. 484. b  
 in Palmis allusio ad Hieronicas veterum certaminum. *ibid.*

Palma



Palma victoriæ symbolum. 305.1.d  
quænam sit victoria per Palmas in Apoc. figurata. 486. a  
Palmis Iudzam abundasse præ ceteris regionibus. 305.1.d

*Panthera.*

Pantheræ nominis etymon. 684.b  
*Vide, Pardus.*

*Parabola.*

de Parabolarum veritate Damasceni mens. 60.1.d  
quæ Parabolæ in sacris appellantur, omnes esse fictas non necesse est. ibid.1.b

*Paraphrasis.*

Paraphrasis Chaldaicæ auctoritas. 955.1.d  
Paraphrasim Chaldaicam non sibi semper constare, ac proinde non magnâ admodum auctoritatis semper esse. ibid.1.a

*Pardus.*

Pardi animantis natura & eius consideratio. 683.e  
Pardus vtrum sit specie diuersus à panthera. ibid.  
Pardi nomine in Scriptura tigrim & pantheras comprehendi. 684.a  
Pardus cupiditatis & auaritiæ symbolum. 685.a

*Pars.*

Partium inter se proportio pulchra. 42.1.d

*Passus.*

Passus Romanus quot pedibus constet. 747.1.d

*Pater æternus.*

Patrem æternum esse qui Ioanni fuit in throno visus. 329.a. & seq.  
inter Deo Patri opera attributa creationem, & Christi resurrectionem continere. 332.e  
Filij similitudinē cum Patre æterno quomodo Sapphirus adumbret. 964.1.d.e  
Deum Patrem esse qui ab Isaia fuit visus in throno. 331.2.c  
an Patris æterni verba sint, *Ego sum* A. & Ω. 202.c  
Patris æterni dignitas quæ in primo articulo fidei prædicatur quomodo adumbretur in Iaspide. 960.2.c  
ad Patrem æternum referenda verba illa, *qui est, & qui erat.* 176.c  
Pater æternus cur Apoc. 4. ex Iaspide compositus & Sardio Ioanni fuerit visus. 980.1.a

*Patientia.*

Patientiâ Dei in perfidos esse quinti figilli scopum. 459. a  
Patientiæ Dei symbolum. 191.2.b  
Patientiam Dei spectare, quid sit. 975.2.d  
Patientiam indicari in Scriptura silentij nomine. 493.d  
de cæli silentio ad Patientiam relato vera explicatio. ibid.b  
de qua Patientia primorum Christianorum sit explicandum mediæ horæ silentium. ibid.c  
per Patientiam ad præmium perueniri. 540.c  
Patientiæ Christi quod sit consilium siue præceptum. 299.d  
Patientiam obliuionis, aut conniuentiæ specie sapienter obtegi. 414.1.c

*Paulus Apostolus.*

Paulum figurari in cameli scissore. 804.2.d  
Paulum figurari in Angelo de quo Apoc. 17.1.812.a  
Pauli esse figuram secundum Angelum Apocal. 14.722.e  
Paulus quid innuat, Thessalonicensibus se dixisse. 723.2.c  
Paulus de quo spiritali ædificio loquatur 1. Cor. 3.12. 576.1.d  
Paulus quid intelligat, 1. Cor. 3.12. per ligna, fœnum, & stipulam. ibid.2.c  
iuxta Pauli mentem qui ædificare dicantur. ibi.1.e  
Pauli locus expeditur de spiritalis ædificij extruendi ratione. ibid.c  
apud Paulum quid sit? *tantum ut qui tenet nunc teneat.* 724.1.d  
Paulum & Petrum figurari in Isaia per ascensores afini & cameli. 804.1.a  
cur Petrus & Paulus afino & camelo vecti fingantur. ibid.e

Petrum & Paulum asseritur figurari tam in Isaia cap. 21. quàm in duobus Angelis Apoc. 17. & 18. 803.1.c

*Paulus V. Pont. Max.*

Arrij Lacedæmoniorum regis insigne, eiusque ad D. Nostri Pauli V. stemmata accommodatio. 373.d

*Paupertas.*

Paupertatem esse sessorem tertij equi. 453.b  
Paupertas voluntaria fidelium primitiuorū. 440.1.d  
Paupertati cur statim in manus detur. 453.b

*Pax.*

Pacis nomine in Scriptura prosperitatem denotari. 190.2.c

Pace quanta perfruantur qui pro Christo cū opus fuerit succubere firmiter apud se statuerūt. 737.d

Pacis Ecclesiæ fructus & emolumentum. 881.1.c

Gratia & Pax Apostolica est salutatio. 174.c

Pax Iustorum in rebus aduersis quomodo per Topazium denotetur. 988.2.d

Pacis nomen in Scriptura pro abundantia sumitur. 175.c

Gratia & Pax Apostolica salutatio quid significet. ibid.

*Peccator.*

quod Peccatorum supplicium propriè ad prædicationem Euangelicam spectet. 590.1.a.b

Peccatorum conuersionem esse præcipuam Apocal. partem. 195.e

Peccatoribus lucem intellectus inditam interdum per occasionem in grauiorem ipsorum damnationem conueriti. 779.a

Peccatorum conuersionem in antiquis summæ fœueritatis exemplis sæpè significari. 83.1.a

idem Patrum auctoritate roboratur. ibid.

Peccatorū conuersionem per militiæ ac bellici congressus comparisonem denotari, communis & quotidiana est locutio. ibid.c. metaphoræ huius ratio & congruentia. ibid.2.a. eadem locutio humaniorum literarum studiosis visitata. ibid.b. nec sacris Literis insolens. ibid.d

*Peccatum.*

Peccata Sardenfis quæ fuerint. 280.a

Peccati lethalis status intelligitur pro tempore de quo infimulatur Laodiceus. 311.d.e

Peccata venialia parui ducere quanti sit periculi. 316.c

Peccata Sardenfis quæ fuerint, vtrum coniici possit. 290.d

Peccato aliquo occulto vtrum Sardenfis fuerit infectus. ibid.c

Peccata nostra in profundum maris à Deo proijci eleganter dici iuxta Scripturæ phrasim. 833.d

*Pelagia.*

Pelagiæ siue conchilij infectio cuiusmodi fuerit. 992.2.c

Pelagiæ floris color qualis fuerit. ibid.2.d

*Pella.*

Pellæ vrbis etymon & mysterium. 468.1.e

Pella quid Lusitana linguâ, quid Castellana sonet. ibid.2.c

*Persecutio.*

Persecutionem ingentem in Scriptura per fluium inundantem designari. 660.c

Persecutiones inter Neronem & Iulianum interiectæ, quomodo ad septem reuocentur. 678.c

Persecutionem omnium grauissimam consulto ad mundi finē à Diuina prouidentia reseruari. 873.d

Persecutionum tempore præstantiorem sanctitatem suis seruis Deum impertiri. 880.2.d

Persecutionum tempore veram fidelium virtutem ac pietatem probari & spectari solere. ibid.2.e

Persecutionum numerum certum cur Angelus Ioanni non declarauerit. 679.c

*Vide, Antiochus, Antichristus, Ecclesia, Nero, Draco.*

*Persona.*

cū de Personis generatim agitur, neutrum pro masculino poni visitata Scripturæ phrasi. 290.2

*Pes.*

Pedes figuræ cur Ioannes viderit ex Chalcolibano. 246.2.2. & seq.



Pedum discriminē in Ioan. & Ezech. animalibus. 378.a  
 Pedum nomen in Scriptura ad tibias & femora extendi. 363.e  
 ad Pedes Christi Ioan. procidere, quid significet. 239.c  
 per Pedes Angeli fortis ignearum instar columnarum, quid figuretur. 547.a  
 Pedes Angeli fortis quomodo sint cōsiderandi. ibi.b  
 Pedum in camino ardenti significatio. 229.c  
 Pedes primę figurę Apoc. cur ex ære sint effecti. 230.a  
 per Pedes ex ære in Danielis figura quid adumbretur. 246.2.c  
 ad Pedes Christi Ioannem prosterni ad trepidationem referendum. 239.b  
 an Pedes bini sint assignandi singulis Isaia Seraphinis. 389.1.c  
 quo sensu dictum de animalibus Ezech. *Pedes eorum pedes recti.* 396.2.b. 397.2.e  
 Pedes in 1. Apoc. figura cur similes aurichalco. 229.a  
 Pedes nū ex ære liquefacto, an solido apparuerint. 229.b  

*Pestis.*

 Pestem indicari in tertia tubarum plaga. 515.b  
 ad Pestis significationem stellę influxus quorsum apponatur. ibid.d  

*Petrus Apostolus.*

 Petrum figurari in Angelo potestatis magnę. 820.b  
 Petro qua ratione conueniat Angeli magnę potestatis symbolum. ibid.e  
 ad Petrū secūda Michaelis significatio relata. 650.1.c  
 Petrus directē circūcisionis siue Iudæorum Apostolus. 804.2.d  
 Petro quā sit gloriosum c. 18. Apo. argumentū. 818.e  
 Petrum in aīni sessore adumbrari. 804.2.c  
 Petrum tertio Angelo Apoc. 14. 9. figurari. 793.a  
 Petro quā apte conueniat quod Apoc. 18. 1. dicitur, *Terra illuminata est a gloria eius.* 820.c  
 Petro clauēs traditę quę fuerint. 243.2.d  
 Petrus cur eorum singulatim meminerit qui Noēi tempore vixerunt, cū Christus ad inferos descendens sue victorię nūcium omnibus notum fecerit. 974.2.b  
 Petrus cur inducatur Ioannem hortans, vt conscribat hęc verba? *Beati qui ad cenam nuptiarum agni vocati sunt.* 854.e  
 Petrus quo sensu explicandus asserens, Christum spiritibus, qui erant in carcere prædicasse. 973.1.c  

*Pharao.*

 Pharao ab Scriptura appellatus Draco. 638.b  
 per Pharaonem quid mysticę figuretur. 758.2.d  

*Phiala.*

 Phiala quid propriē sit. 424.d  
 in Phialarum sexta plaga affirmari mysticam efficti Euphratis renouationem. 783.c  
 Phialarū plagę tertię scopus atq; significatio. 774.e  
 Phialarum sextam plagā ad Ecclesię persecutionem à Rom. Imperio excitatam esse referendam. 783.e  
 Phialarum plagę qua proportionē respondeant tubarum plagis. 750.a  
 Phialas apte respondere plagis Gentilitatis. 210.d  
 Phialam in sedem bestię effundere quid sit. 780.a  
 per Phialas aureas quid adumbretur. 426.a  
 Phialę primę significatio, quę sit. 770.e  
 Phialarum plagę 2. mysterium, & significatio. 773.b  
 Phialarū quarta plaga quō potissimum spectet. 778.e  
 in Phialarum 4. & 5. plagis virorum Apostolicorum scopus quis fuerit: quis finis subsecutus. ibid.d  
 per Phialarū plagam sextam quid significetur. 782.a  
 Phialarum plagę septimę significatio. 792.b  
 in Phialarum plagis ratio septenarij. 751.d  
 in Phialarum effusione quomodo cōcipiatur veluti quoddam Christi sanguinis sacrificium, explicatur. 761.e  
 Phialarum effusionem quasi quoddam sacrificium considerari. ibid.c  
 Phialas effundere, quid sit. 770.c  
 Phialarum plagas de quibus Apoc. 15. & 16. mysticę esse accipiendas. 749.c  
 in Phialarum 4. & 5. plagis quid contineatur. 778.e  
 Phialarum plagę 7. connexio cum præcedenti. 793.  
 Phialarū plagę quā fuerint Romę gloriosę. 798.1.c  
 in Phialarum plaga 6. non esse sermonem de supplicio aliquo propriē sumpto. 789.c

Phialas Angelos in manibus tenere quid sit. 761.d  
 in Phialarum plagis primis duabus cur non dicantur Deo laudes attributę, secus in tertia. 775.d  
 Phialarum plagę cur dicantur nouissimę? & illis ira Dei consummata. 753.b  
 Phialam primam quis effuderit. 771.a  
 Phialas fuisse Altaris vasa, & earum vsus in sacrificijs. 761.a  
 Phialę quę sint, & vnde dictę. 760.e  
*Vide, Angelus, Plaga.*

*Pictura.*

ob Picturę venustatem non esse à veritate recedendum. 395.1.a

*Piscis.*

Piscis Tobię quid significet. 496.2.b  
 Piscis vranoscopi nomen non esse abs re ad Tobię piscis significationem. ibid.2.c  
 Piscis inmanis carnibus Tobiam iuniorem fuisse alitum quid significet. 498.2.e  
 Piscis qui Tobiam deuoraturus prodijt cuiusmodi fuerit. 495.2.c  
 Piscis vranoscopi fel ad quid vtile. ibid.  
 Piscis vranoscopus pedalis est. ibid.d  
 Piscem Tobię fuisse prægrandem ex ipso textu planum sit. ibid.  
 Piscium plurium fel medicandis oculis vtile. ibi.2.e  
 Piscis feli effectus? attributus fuit miraculosus. 496.1.a  
 Piscis Tobię interiores partes ad duas reduci ab Scriptura. ibid.2.d.e  
 Pisces ingentes aquę copiam efflantes. 660.b

*Plaga.*

Plagę septē quibus Deus obstinatos percutit. 64.2.a  
 ex Plagarum ipso ordine colligi eas esse mysticę accipiendas. 827.c  
 in aliqua ex septem Plagis exprimi, quod in ceteris sit subaudiendum. 467.2.b  
 Plaga & clangor idem quod attinet ad significationem. 512.b  
 in Plagarum serie non temporis, sed prioritatis ordinem seruari. 540.a  
 Plagarum nouissimarum series & ordo, & ordinis ratio. 750.b  
 de Plagis nouissimis aliorum expositiones, & auctoris placitum. 949.d  
 in Plagis nouissimis consummationis nomen posse etiam ad perfectionem referri. 754.a  
 in tribus postremis Plagis Iudæorum, septem Ægypti includi. 591.1.e  
 Plagis Iudæorum tubas apte respondere. 210.d  
 Plaga ignorantia an sit grauior subsequente. 518.a  
 inter Plagas tubarum & Phialarum quid intersit? quod ad effectum attinet. 797.a  
 quem exitum Plagę phialarum & tubarum habuerint, declaratur. 798.1.b  
 inter Plagas tubarum & phialarum distinctio maxime obseruanda. 762.e  
 de Plagis eius non accipere, quid sit. 824.c  
 Plagas tubarum quando existimandus est Ioannes vidisse. 507.e  
 Plagę tubarum qua ratione plagis Ægypti respondeant. 505.1.a  
 Plagę septem tubarum num ad septimum sigillum pertineant. 467.1.a  
 Plagę septem tubarum quę sint. 499.1.b  
 Plagę 7. in Iudęos rebelles immisę quę sint. ibi.2.b  
 de Plagis tribus, fame, bello, & peste in Scriptura & apud Iosephum constare. ibid. & 2.c  
 de Plagis tribus postremis, concupiscentia, ira, & obduratione vnde constet. ibid.  
 Plagę tres postremę ceteris grauiores sunt. ibid.2.d  
 discriminē inter Plagas tubarū & phialarum. 500.2.c  
 Plaga prima tubarum quid significet. 512.c  
 in Plaga prima tubarum quorsum sanguis in descriptione famis. ibid.d  
 in Plaga prima tubarum cur non omnes, sed tertia pars fame interierit. 513.d.c  
 in Plaga prima tubarum cur sanguis, grando, & ignis coniungantur. 512.e  
 in Plaga 2. tubarū quid significetur per naues. 514.e  
 in Plaga secunda tubarum bellum à Romanis in Iudęam gestum indicari. ibid.b  
 in Plaga 2. tubarū sanguis ad quos sit referendus. ibi.c

in Plaga



in Plaga tertia tubarum pestem indicari. 515.b  
 in Plaga quarta tubarum ignoratia figuratur. 516.c  
 in Plaga quarta tubarum ad nonam plagam Ægypti alludi. ibid.c.d  
 de Plaga quarta, id est; ignorantia agitur Deut. 28. 28. 499.2.c  
 in Plaga quarta tubarum quid per diem ac noctem figuretur. 517.b  
 de Plaga quinta tubarum doctrinam posse etiam suo modo ad alios extendi. 539.e  
 Plagæ sextæ tubarum interpretatio quæ sit. 536.e  
 Plagam sextam tubarum in belli similitudinem proponi. 537.c  
 cur Plagæ sextæ tubarum tractatio sit ad cap. 10. & 11. extensa. 543.2.d  
 Plaga sexta tubarum cur præ ceteris à Iudaicæ vindictæ postulatione exordietur. 537.a  
 Plagæ nouissimæ nomē non singulis seorsum phylarum plagis, sed omnibus coniunctum sumptis conuenire. 753.e  
 in Plagis Ægypti delineasse Spiritum sanctum, quod postea per plagas Apoc. fuerat effecturus. 505.1.b.c  
 Plagarum vitrarumque Apoc. effectus. ibid.1.d  
 differentię inter Plagas tubarum, & Ægypti. ibi.2.d  
 Plagæ Ægypti cur fuerint decem. 506.1.b  
 in Plagis Apocalypseos, & Ægypti cur varietur numerus. ibid  
 in Plagis Apocalypseos cur aliquæ varientur ex Ægyptiacis. ibid.2.a  
 Plagæ Ægypti & Apocalypseos quem ad finem sint referendæ. ibid.2.c.d  
 de Plagis omnibus Ægypti sermonem esse cū Apoc. 11.6. dicitur, *percutere terram omni plaga.* 589.d  
 Plagæ de quibus Apoc. 11.6. quo sensu sint accipiendæ. ibid.e  
 ad Plagas Ægypti allusionē cur Apoc. vsurpet. 590.1.a  
 Plagæ decē Ægypti per ordinē enumeratæ. ibi.1.c.d  
 Plagarum Ægypti mystica significatio quæ debeat indagari. ibid.2.b  
 Plagarum numerus denarius appositus ad plagarum in peccatores immisissarum multipliciter. ibi.2.c  
 de Plagarum Ægypti mystica significatione auctoris sententia. ibid.2.d  
 Plagarum singularum mysticarum redditur apta ratio, & cum proprijs Ægypti plagis per ordinem conferuntur. 591.2.c.d  
 cur cū Plagas primam, & secundam malefici Ægypti fuerint imitati, reliquis imitari non potuerint. 592.1.b. *Vide, Phiala.*  
*Planctus.*  
 de quo Planctu agat Zacharias cap. 12. 197.1.b  
*Planeta.*  
 Planetarum septem applicatio ad septem Diuinæ providentiæ spiritus. 192.1.d.e  
 ad Planetas septem, septem Asiæ Episcoporum accommodatio. 255.1.a  
 ad Planetas septē, septem Rellarum applicatio. 192.1.d  
*Planta.*  
 Plantæ vitulorum cur animalibus Ezech. affictæ. 397.2.c  
 Plantas vitulinas animalibus Ezech. solū fuisse proprias, non cū templi Cherubinis cōmunes. 385.2.d  
*Platea.*  
 Platea ciuitatis Apoc. 21.21. quid significet. 1007.d  
*Plenilunium.*  
 Plenilunij accessus, & recessus interlunij quid significant. 627.2.b  
*Plinius.*  
 Plinio colorem aureum (immerito tamen) argenteo postponi. 982.2.c  
 Plinio quantum fidei & auctoritatis S. Hieronymus deferat. 951.2.c  
 Plinio fidem ab aliquibus immerito detrahi. ibi.1.e  
 Plinio cur fides adhiberi debeat in ijs præsertim quæ de gemmis tradit. ibid.  
*Poculum.*  
 Poculum in meretricis magnæ manu positum, quid signet. 810.b  
*Podēris.*  
 per Podēris & baltei coniunctionem quid notetur. 245.2.c  
 de Podēre seu byssina vtriusque visionis à Ioanne,

& Daniele visa. ibid.2.a. & seq.  
 Podēris vestis quæ fuerit. 220.e  
 per Podērem quid figuretur. 221.1.e  
 Podērem byssinā esse sanctitatis symbolum. ibid.2.e  
*Pœnitentia.*  
 Pœnitentia per mare vitreum figurata non ad sacramentalem solum, sed ad pœnitentiam in voto extendenda. 352.d  
 pro Pœnitentiæ sacramento sumi mare vitreum. ibi.  
 Pœnitentiæ symbolum myrrha. 427.1.c  
*Pœta.*  
 quod Pœtæ de Alcinoi hortis scripserunt, fuisse eos mutuatos ex ijs quæ Moses de terrestri prodidit paradiso. 1016.d  
*Polycarpus.*  
 Polycarpum fuisse Smyrnæ Episcopum cui Ioannes scripsit probabile est. 252.1.a  
*Pomum.*  
 verba illa, *Poma desiderij*, Apoc. 18. esse consideranda quasi è cælo ad mercatorum singulos dicta. 831.d  
 vtrum Poma desiderij possint commodè explicari de fructibus quos mercatores Babylonis Babylone extrahebant. ibid. e. quæ appellantur Poma desiderij. ibid.b  
 Poma Sodomæ post inflatum supplicium cuiusmodi sint. 595.1.c  
*Pondus.*  
 quo sensu Christus dicat, *se aliud Pondus non missurum.* 275.d  
 non mittere aliud Pondus, quid sit. 278.d  
*Pontifex.*  
 Pontifex summus legis veteris qua ratione Deum consuleret. 586.1.a.b  
 Pontificis dignitatis quæ sit Sapphir. proprius. 964.2.c  
 Pontifici se Summo speciali voto attingunt Professi Societatis Iesu. 56.1.c  
 in Pontificis Rationali quod erat præcipuum illius insigne, cur voluerit Deus inscribi illa duo verba *Vrim, & Thumim.* 586.1.b  
 Pontificem supremum veteris legis fuisse veluti vmbra Summi Pontificis, qui Christi Vicarius, ac Romanæ Ecclesiæ caput est. 586.2.a  
*Populus.*  
 quis sit sensus eorum verborum Apoc. 18. *Exite de illa populus meus.* 824.b  
*Porrum.*  
 Porrum voci, fecunditati, & somno vtile esse. 988.1.b  
 Porri virtus & proprietates, & symbolica earum significatio. ibid.a  
 Porro hausto mortem facilius perferri. ibid.d  
 cum de Porrorum colore est mentio, intelligendum est de foliorum. 986.2.b. *Vide, Topazius.*  
*Porta.*  
 Portæ cælestis vrbs cur 12. numero sint. 933.d  
 Portarum duodecim significatio quæ sit. 935.a  
 Portæ in latissima vrbe de qua Apocal. 21. cur duodecim non amplius sint. ibid.c  
 Portæ singulæ dictæ ciuitatis quinam sint considerandæ ex singulis margaritis factæ. 1004.b  
 per Portas cælestis Ierusalem quid denotetur. 918.e  
 Portas cælestis Ierusalem nunquā claudi, quid sit. ibid.  
 Portis qua ratione tribuum nomina assignentur. 934.d  
 Portarum ex margaritis factarum mysterium. 1004.e  
 pro Portarum ianitoribus cur Angeli designati. 935.d  
 Portas ciuitatis vtrum Angelus sit dimensus. 941.a  
 Portæ inferi quæ dicantur. 242.1.a  
*Potentia.*  
 Potentia Dei in hominibus à periculis eruendis. 838.e  
*Potestas.*  
 cū dicitur Apoc. 13.4. *Potestas facere*, quid sit. 689.b  
 Potestas super gentes à Deo promissa Apocal. 2. 27. quæ sit. 279.d  
 Potestatis summæ symbolum effectus accessus & recessus maris. 627.1.d  
*Prædestinatus.*  
 signatorum nomen vtrum sit pro Prædestinatis sumendum. 479.d  
*Predicatio.*  
 Prædicationis Evangelicæ lux in primo etiam suo exortu quanta fuerit. 650.a  
 Præcingo.



*Præcingo.*  
altè se Præcingere, quid mysticè significet. 224.d

*Pralium.*  
in Danielis & Apocalypseos Prælio per allusionem  
respici ad antiquum illud Angelorum & Dæmo-  
num prælum. 651.1.c  
ad quem Scripturæ locum alludatur cùm Apoc. 12.  
7. dicitur factum est prælum magnum in celo. 644.d  
de qua pugna sermo fit cùm Apoc. 12.7. dicitur, Fa-  
ctum est prælum magnum in celo. 646.b

*Premium.*  
num Premium epistolæ quartæ sit de præsentis vi-  
tæ præmio an de futuræ intelligendum. 279.a

*Preces.*  
Precum à Christianis effusarum effectus. 509.c.d

*Primitia.*  
cur dicantur 144 U. Primitiæ Deo & Agno. 717.d

*Princeps.*  
virtutes in Principe necessariae indicantur. 190.1.b  
in Principe quæ primariæ gubernandi partes, quæ  
secundariæ. 189.2.c  
Principis optimi insigne siue stemma. 190.1.e  
in Principe secundariæ virtutes quot & quæ sint.  
191.2.a  
ad Principes totidem Sanctuarij alludi in seniori-  
bus viginti quatuor. 339.a  
Princeps huius mundi eicietur foras dupliciter explica-  
tur. 653.1.b

*Propheta.*  
Prophetis familiare Iudaica tangere, Christiana re-  
spicere. 74.2.d.244.2.b 758.1.c  
quæ conuenientia, quæ discrimina in Prophetarum  
visionibus soleant reperiri. 270.2.b  
quinam Prophetarum nomine Apocal. 16. compen-  
sentur. 777.a  
Transitiones quæ apud Prophetas reperiuntur or-  
dinatè fiunt. 43.1.c  
Prophetis familiarem esse locutionem de supplicio  
Iudaïs intento per comparisonem ad extremi  
iudicij diem. 461.c  
Prophetis familiare præteritum pro futuro. 796.b  
*Vide, Ordo.*

*Prophetia.*  
in Prophetis rerum ac temporum ordinem nullum  
seruari nonnullis placuit. 42.2.b  
cur Danieli edicatur vt librum obfignet, Ioanni ve-  
rò ne obfignet Prophetiam. 1020.c  
*P oph. tæ huius verba seruari, bifariam accipi posse.*  
170.d  
qui Prophetias veteres excludunt à libro signato,  
minimè scopum attingere. 416.c

*Propitiatorium.*  
Propitiatorium quid significet. 329.d.403.2.a  
per Propitiatorium arcæ quid figuretur. 608.2.b  
Propitiatorium fuisse Cherubinorū basim. 403.1.c  
Propitiatoriū veluti effigiem fuisse thronum. 329.b  
Propitiatorium fuisse conspectum à Ioanne Apoc. 4.  
vnde colligatur. 403.1.d  
Propitiatorium cur fuerit Ioanni ostensum. ibi.2.e  
Propitiatorium ( licet non arcam ) fuisse visum  
à Ioanne Apoc. 4. 403.1.b  
Propitiatoriū symbolum quàm aptè Christo conue-  
niat. 403.2.c  
Propitiatorium fuisse à Septuaginta pariter appel-  
latum propitiatorium & operculum. ibid.b  
*Vide Cherubinus.*

*Propositio.*  
eadem Hebræa Propositio cur in eodem titulo var-  
riè sumatur. 205.2.d

*Providentia.*  
Diuinæ Providentiæ septem perfectiones in septem  
primi cap. Apoc. spiritibus adumbratæ. 63.1.2  
doctrina de diuinæ Providentiæ spiritibus viris spi-  
ritualibus valde utilis. ibid.2.c  
ad diuinæ Providentiæ opera quo pacto nomen Ie-  
houa referatur. 179.2.d  
diuinæ Providentiæ virtutes quatuor enumerandi  
ordo alius apud Isaiam, atque apud Ioannem, &  
cur. 192.1.d

diuinæ Providentiæ posteriorum trium spirituum  
consideratio. 192.1.d  
ad septem diuinæ Providentiæ spiritus septem pla-  
netarum applicatio. ibid.2.e  
diuinæ Providentiæ spiritibus opponuntur septem  
capitalia vitia. ibid.2.b  
diuinæ Providentiæ perfectio in quo consistat. ibi.2.d  
diuinæ Providentiæ præcipuum instrumentum  
nubes. 200.2.c  
diuinæ Providentiæ spiritus in nubibus mirè efful-  
gent. ibid.2.d  
diuinam Providentiam designant nubes. ibid.2.e  
Providentiæ supernaturalis præsertim symbolum  
nubes. 201.1.c.d  
diuinæ Providentiæ spiritus in ferri proprietatibus  
figurati. 281.2.e  
Providentiæ præcipuas quatuor partes in animali-  
bus figurari. 370.c.d  
Providentiæ quatuor partes cur præcipue in ani-  
malium faciebus, non item in toto corpore figu-  
rentur. 375.d  
diuinæ Providentiæ duplex ratio, eiusque disci-  
men. 411.1.c  
Providentia Dei, vt est auctor naturæ quàm sit om-  
nibus perspicua ac manifesta. ibid.1.d  
Dei Providentia expenditur quàm sit recondita in  
rerum humanarum administratione. 412.1.b  
diuinæ Providentiæ in mundi gubernatione quan-  
ti Christianorum interfit. 412.2.c  
ad Providentiæ perfectionem requiri vti abscondi-  
ta sit. ibid.2.d  
summas Providentiæ virtutes sub contrariorum  
vitiarum specie dissimulare quàm sit gloriosum.  
413.1.a  
Dei Providentia quanuis in mundi administratio-  
ne sit sæpè occulta, semper tamen sui vestigia ho-  
minibus in rebus ipsis relinquit. 414.2.c  
Dei Providentiæ supernaturalis æquitatem consta-  
re euidencia credibilitatis ex multis argumentis  
petita. ibid.2.e  
rationem qua se diuina Providentia cùm improbis  
gerit, in Apo. ad Iudeos speciatim coarctari. 437.2.c  
primas quatuor diuinæ Providentiæ virtutes directe  
opponi quatuor inordinatis amoribus. 439.2.a.b  
diuina Providentia quàm congruenter persecutio-  
nem Antiochi, & nonnullas alias in Ecclesiam  
concitatas ad trium annorum & semis spatium  
contraxerit. 573.2.d  
diuinæ Providentiæ singulos spiritus in singulis  
plagis phialarum enitescere. 751.e  
diuinæ Providentiæ ratio in mysticæ Romæ ethnica  
supplicio, siue conuersione. 816.b

*Pruna.*

Prunæ ignitæ apud Ezech. ab Angelo in civitatem  
effusa quid significant. 510.1.b  
Prunas apud Ezechiel. in urbem, apud Ioannem in  
terram immittas eiusdem esse significationis. ibi-  
dem 1. c.  
ratio discriminis inter Ioannis & Ezechielis locos  
de Prunis in terram & in urbem missis. 511.2.c  
Ioannis & Ezechielis loci vbi de Prunis agitur, in-  
ter se conferuntur. 510.1.a

*Psalmus.*

Psalmi 67. argumentum cum argumento Apocal.  
idem. 215.2  
Psalmi 28. argumentum quod sit. 552.c  
Psalmorum 134. & 135. argumentum. 843.1.c  
Psalmorum senarij mysterium. 844.1.b  
Psalmorum exordium Dominus regnavit, &c. quid  
significet. 739.c  
Psalmi nouem cur ad secundam Dei laudem defu-  
mantur. 843.1.a  
Psalmorum nouem prædictorum quis sit scopus.  
842.2.e  
Psalmi cur tres intercedant inter primam & secun-  
dam Psalmorum laudem. 843.1.d.e  
Psalmorum 107. 108. 109. quis sit sensus. ibid.2.c  
Psalmi omnino quindecim cur interijciantur inter  
secundam & tertiam Psalmorum classem. ibi-  
dem 1. e



de Psalmorum varia dispositione, quæ in nostra  
Vulgata lectione, atque Hebraica originali repe-  
ritur, quid sentiendum. 845.2.a  
in Psalmis Hebræorum dispositio impugnatur, qua-  
tenus nostræ Vulgatæ refragatur. ibid.  
*Vide, Alleluia, Finis.*

*Pseudopropheta.*

Pseudopropheta quo sensu dicatur die ac nocte cru-  
ciandus. 906.e

*Puer.*

Pueri etymologia quomodo templi Cherubinis pos-  
sit aptari. 383.2.d  
Pueri seu ministri nomen in Cherubini etymologia  
quo sensu sumendum. ibid.1.d  
Puer in sacris pro valido iuvene & pro seruo sumi.  
ibid.1.a

Puer pro filio interdum in sacris. ibid.2.c

*Pulus.*

quo sensu à Daniele dicantur euigilaturi multi ex  
iis, qui in terræ puluere dormierant. 645.d.e

*Punitio.*

Punitiōnis seueræ symbolum. 191.2.c

*Purpura.*

Purpuræ Hebraicum nomen quid sonet Valuerdio.  
178.1.e

Purpura lana olim quomodo tingebantur. 992.1.c

Purpuræ nomen cui potissimum colorum tincturæ  
datum. ibid.d

Purpura Tyria quæ diceretur. ibid.2.a

Purpura dibapha quæ fuerit. ibid.

Hilginum quanam Purpuræ infectio diceretur. ibid.

Purpuræ infectio quanam ex prædictis antiquior  
fuisse videatur. ibid.b

Purpuræ laus ex Plinio. 993.2.a

ex Purpure, siue pelagiæ tincturâ quem lana colo-  
rem imbiberet. 994.1.e

*Puteus.*

Puteus abyssi quid adumbret. 531.d

pro alto Puteo sumi Apoc. 11.7. Abyssi nomen. 593.b

Putei nomine quid intelligatur. 531.c

## Q.

*Quadratus.*

Quadratus num Ioannis tempore fuerit Phila-  
delphiæ Episcopus. 252.2.a

*Quadriga.*

Quadrigam esse triumphii symbolum. 436.1.e

Quadrigam aut equum perinde esse ad saluationis  
symbolum exprimendum. ibid.2.c

Quadrigas Zachariæ c. 6. & equos capitis primi esse  
eiusdem significationis. ibid.2.d

*Quatuor.*

quatuor in sacra Scriptura interdum esse idem  
quod quaterna. 356.b

*Querimonia.*

Querimonia seu vltio de Iudaico populo sumen-  
do ab altari cur proficiscatur. 537.b

## R.

*Rana.*

Ranæ tres quo sensu dicantur procedere ad re-  
ges totius terræ. 785.e

per tres Ranas quid figuretur. 786.a

Ranæ græca vox vnde dicta. ibid.

Ranæ cur appellentur Spiritus immundi. ibid.b  
in Ranis tribus adumbrari loquelam trium animæ  
hostium. ibid.c

Ranæ tres quomodo ad tres animæ hostes possint  
accommodari. ibid.d

Ranæ cur dicantur spiritus dæmoniorum. ibid.e

de quibus Ranarum signis Apoc. 16. fit sermo. 787.a

Ranæ quorsum ad reges totius terræ dicantur pro-  
cedere. ibid.b

de Ranis aliæ expositiones. 788.1.e

*Raphael.*

Raphaelis etymon. 188.1.e

*Rationale.*

*Vide Gemma, Pontifex.*

*Redimo.*

Redimere quid propriè significet? 428.c

*Regeneratio.*

Regenerationem pro spirituali hominum renoua-  
tione in sacris vsurpari. 282.1.e

*Regio.*

Regio Sodomitica qualis olim fuerit. 595.1.c

Regionis Sodomitica, ac telluris color qualis. ibid.  
2.c

Regionum aliquot feracitas. 1016.c

*Regnum.*

Regnum Dei Iacobo ostensum quod sit, quæ Sancto-  
rum scientia illi data. 326.1.b

*Relatiuum.*

Relatiuum reciprocum à non reciproco in Hebræo,  
& in Græco non distingui. 389.2.a

*Religio.*

Religio Christiana quomodo se in Romanam arcem  
insinuauerit. 785.a

Religionis Christianæ antiquitas. 227.c

mira eorum mutatio quos diuina gratia ad Religio-  
nis portum appellit. 1006.2.a

Danselis prophetia de Religionis vsu Ierosolymis  
post Antiochi persecutionem instaurando. 569.  
1.a

*Religiosus.*

Religiosorum ordinum pulchritudo cur in Apoca-  
lypsi prætermittatur. 8c.2.e

Religiosorum periculum qui ad perfectionem niti  
non student. 315.e

Religiosi prima vocatio qualis esse debeat. 1006.1.d

ad Religiosos applicatur signatorum doctrina. 488.e

Religiosorum vitæ encomium. ibid.

Religiosos die ac nocte diuino cultui esse deditos.  
489.a

Religiosorum vitâ quàm longè à cupiditatum firi  
esse debeat. ibid.b

Religiosi quàm debeant à rerum secularium vsu, &  
communione esse abstracti. 1006.2.b

Religiosorum familiæ quantum obsequii præstite-  
rint Ecclesiæ in fidei propagatione & conseruati-  
one. 881.1.d

ad Religiosorum vitam Margaritæ symbolum.  
1005.1.c

ad Religiosos aliæ margaritarum virtutes applicatæ.  
1006.2.c

*Requies.*

Requiem non habere die ac nocte, quid sit. 731.b

Requiem per lucem denotari. 564.2.e

*Res.*

Res eadem ad varia rerum symbola solet vsurpari.  
271.1.d

Rei cuius defectus in Philadelphio notetur. 297.c

vt Rebus pretiosis significandis symbola pretiosarum  
rerum aptentur, quàm sit rationi consonum.  
947.e

*Respondeo.*

Respondere quid sit in Hebræorum phrasi. 487.c

*Resurrectio.*

Resurrectio prima quanam appelletur. 888.e

de Resurrectione prima quæ sit auctoris expositio?  
889.e. & seq.

Resurrectionis primæ allegoria cur ad illud specia-  
rim tempus referatur, quo idololatria fuit ex or-  
be depulsa. 890.d

quo sensu dicantur beati, qui habent partem in Re-  
surrectione prima. 894.b

de sanctorum Resurrectione mystica cur Ioannes  
diuerso loquatur modo, & de Ecclesiæ persecuto-  
rum resurrectione, & quæ sit diuersitatis ratio.  
891.c

Resurrectionis mystica allegoria quàm sit elegans.  
ibid.d

primæ resurrectionis interpretatio de qua cap. 20.4.  
quàm sit difficilis. 886.e



# INDEX RERVM.

Resurrectionē Iesu Christi apud Petrum sumi pro  
fide resurrectionis. 976.1.c  
*Vide, Christus.*

## Reuelatio.

de Reuelationibus B. Brigittæ circa Apo. quid dicen-  
dum. 76.2.d  
de Reuelationibus S. Hildegardis, quæ à Taulero re-  
feruntur, quid dicendum. 77.2.a  
de Reuelationibus S. Michaelis quid dicendum.  
ibid. 1.d  
Reuelationem singularium euentuum futurorum  
non expedire Ecclesiæ. 78.2.d

## Roma.

Romæ miranda gloria & splendor quo olim frue-  
batur depingitur. 810.a  
Romæ veteris quanta fuerit amplitudo. 54.2.a  
Romæ veteris magnificētia in Ecclesiæ splendorem  
cessit. ibid. b  
Romæ ad fidem conuersio vnde potissimum pen-  
deret. 815.a  
Romæ imponi nomen meretricis magnæ. 807.c  
Romam figurari ciuitatis dilectæ nomine. 903.c  
Romæ gloriosissimus liber Apocalypseos. 55.1.a  
Romam intelligi Ps. 136. sub nomine filiæ Babylo-  
nis. 799.1.e  
Romæ quàm fuerint gloriosæ Phialarum plagæ.  
798.1.c  
Romæ quanta lux & splendor redundet ex Apocal.  
expeditur. ibid. 2.c  
Romæ ad Christi fidem conuersio est scopus præci-  
pius Apocalypseos. 54.1.d  
belli finem à Roma ethnica in Ecclesiam suscepti  
quàm accuratè describat Apoc. ibid. b  
Romæ nullam laudem gloriosiore posse accidere,  
quàm quæ ei ex Apoc. prouenit. 799.1.a  
opinio de Roma sub mundi finem ad idololatriam  
reditura probabilitate caret. 52.2.d  
de Roma ethnica interpretatur diuisio ciuitatis in  
tres partes de qua Apoc. 16. 794.c  
Romam ethnicam figurari per septem bestiarum capita  
Apoc. 13. & per fœminam bestiarum infidentem Apo-  
cal. 17. 722.c  
de Romæ mystica ruina intelligenda, quæ de Tyri  
excidio à Prophetis enumerantur. 828.d  
ad Romæ inuasionem mysticam quod Deus instru-  
mentum vsurparit. 784.e  
Roma prout in Apoc. per Babylonem figuratur sub  
quo statu sit consideranda. 801.2.d  
vtrum Antichristus sit Romæ publicam Christianæ  
Religionis professionem interdicturus. 896.e  
Romæ mentio sub nomine Babylonis quàm fre-  
quens fuerit apud Prophetas. 798.2.d  
*Vide Babylon.*

## Romanus.

Romanos in Idumæis adumbrari apud Ioelem. 734.  
1.a  
Romanos quomodo Idumæi adumbrauerint. ibid. d  
Romani cur ad vnius stadij dimensionem pedes 25.  
adijant. 747.1.d  
in Romanorum imperio honorem & ambitionem  
maximè viguisse. 529.1.d  
Romanos Augusto Cæsari solem, lunam vxori ip-  
sius per adulationem attribuisse. 616.b  
apud Romanos litera T. signum erat vitæ. 475.1.b  
*Vide Bellum.*

## Rhomphaa.

de qua Rhomphaea Apoc. 2. 12. agatur. 263.c  
Rhomphæe bis acutæ quorsum mentio. ibid.  
*Ros.*  
quasi celestis Ros Euangelica doctrina. 589.d

## Rotæ.

Rotas Ezechielis animalibus fuisse suppositas. 366.c  
Rotarum Ezech. facies qua ratione sint consideran-  
dæ. 362.e  
Rotæ figura exprimi eleganter inferiorum ad supe-  
riores subiectionem. 366.d  
Rotarum Ezech. oculi qua ratione possint concipi,

ita vt. terram non attingant. 360.c  
Rotis in Ezech. cur oculi, non animalibus affingan-  
tur. 367.a

## Ruben.

Ruben aptatur Sardius. 1002.1.e

## Rusticitas.

Rusticitas sancta sibi solum prodest ex Hieronymo.  
297.d

## Rex.

Regum lamentationes Apoc. 18. quo pacto accipien-  
dæ. 829.c  
Reges olim è curribus dimicare solitos. 366.d  
in Regum Hispaniarum stemmatis *Plus vltra* ab  
Herculis columnis vsurpari. 306.1.a  
Reges Magi cur Christo gemmas non obtulere. 948.c  
Reges terræ de quibus Apo. 22. quinam sint. 1010.d  
Regum Persarum cognomentum quod fuerit. 859.e  
Regum Orientalium symbolū quibus aptetur. 784.b  
per Reges terræ quinam ab Isaia signentur. 884.1.b  
in Regibus plorantibus Babylonem quomodo su-  
perbia denotetur. 830.a  
opinionem de toto orbe in Reges decem sub Anti-  
christo diuidendo non adeo esse certam. 634.a  
in Regibus Romam lamentantibus quinam figu-  
rentur. 809.d  
Reges quo sensu dicantur longè à Romæ incendio  
itare. 830.b  
Regi nullo alio tantam auctoritatem comparari,  
quàm optima sapientiæ existimatione. 190.2.b  
*Rex seculorum* num sit legendum, an Rex gentium.  
756.e  
Regibus superbia quomodo applicetur. 829.c  
in Regibus terræ apud Isaia significari etiam pos-  
se reges eos ethnicos, qui oppugnarunt Ecclesiam.  
884.1.d

## S.

## Sacerdos.

**S**acerdotum vestes olim ex lino. 222.1.d  
Sacerdotes in Aegypto fuisse iudices. 194.d  
Sacerdotes Ecclesiæ in 24. senioribus figurari. 340.b  
Sacerdotum vestis linea cur vocaretur stricta. 223.  
2.b  
Sacerdotum cur fuerit propria vestis byssina. 222.  
2.b  
Sacerdotes per tibicines figurantur. 212.2.b  
Sacerdotum principes in veteri lege fortè coronam  
gestare solitos coniectura elicitur. 339.d  
Sacerdotum dignitas. 340.d  
Sacerdotes quanta cura suum munus debeant præ-  
stare. 344.1.d  
Sacerdotes in Scriptura Angelos vocari. 250.2.d.  
326.1.d

## Sacramentum.

Sacramenta omnia non rectè in mari æneo figura-  
ri. 351.e

## Sacrificium.

Sacrificium mysticum esse prædicationis Euangeli-  
cæ officium. 551.1.b  
Sacrificium nouendiale apud ethnicos quod dice-  
retur. 609.1.a  
*Vide Missa.*

## Salomon.

Salomonis multo ante ætatem columnas Herculis  
fuisse erectas. 306.1.a  
ex Salomonis templi Cherubinis ethnicos victoriæ  
simulachrum ac figuram fuisse mutatos. 305.1.c  
Salomonis templi parietes quorsum palmis & Che-  
rubinis fuerint ornati. ibid. b  
collatio singulorum visionis Apoc. 4. cum præcipuis  
Salomonis templi partibus. 404.2.c  
in Salomonis templo quare trophæa fuerint erecta.  
305.1.a  
in Salomonis templo cur & Mosaici Cherubini &  
Salomonici pariter visantur. 387.2.a  
ad Salomonis templum quibus in rebus Apoc. 4. al-  
ludatur. 402.1.b



Salomonis templum fuisse Ecclesie figuram. 387. i. e  
Salomonis templo respondere celum Apoc. 4. 402. i. b  
*Vide Templum, Cherubinus.*

*Salus.*

Salutis nomine Apoc. 12. 10. quid significetur. 654. b  
cuiusmodi Salutem & saluandi rationem nobis  
Christus attulerit. 439. i. e

*Samaritana.*

Samaritanam fuisse gentilitatis typum. 530. i. c  
de Samaritanæ quinque viris verba Christi Domini  
quomodo accipienda. ibid. d  
Samaritanæ quinq; viros non illi legitimo matri-  
monio, sed illicito pellicatu copulatos fuisse. ib. e  
per Samaritanæ quinque viros typicè quinque Im-  
peria orbis indicari. ibid. 2. a  
per Samaritanæ quatuor præcedentes viros quid  
mysticè figuretur. ibid. b  
quod Samaritanæ Christus dixit, suum vt virum  
vocaret, quid mysticè sit. ibid. c  
in Samaritanæ infami concubitu quid adumbre-  
tur. 531. i. c

*Sanguis.*

Sanguinem animalium Deo immolatorum per al-  
taris circuitum effundi ex Dei precepto solere. 772. e  
Sanguinis & aquæ mysterium ex Christi latere fluen-  
tis. 573. e  
Sanguis ad quos sit referendus in secunda tubarum  
plaga. 514. c  
Sanguine cur perhibeantur tincta flumina ac fon-  
tes. 775. b  
Sanguine hostiæ in lebetem infusum cum aqua misceri  
solere verisimili coniectura deducitur. 773. a  
*Sanguis tanquam mortui*, quid significet. 772. c  
Sanguis illitus in Hebræorum poltibus, & superli-  
minari quam in formam fuerit factus. 475. 2. b  
in Sanguinem aqua maris conuersa Apoc. 16. quo-  
modo consideretur. 773. b  
Sanguis quorum in prima plaga tubarum. 512. d  
Sanguis, grando, & ignis cur in prima tubarum pla-  
ga coniungantur. ibid. e

*Sanctitas.*

Sanctitas ac perfectio Christianæ vitæ primis præ-  
sertim temporibus. 830. e  
*Vide Symbolum.*

*Sanctus.*

Sanctorum nomine quinam Apo. 16. compellentur.  
777. a  
ad Sanctorum etiam regnum spectare venerationem,  
& adorationem, quæ ipsis deferretur in terris. 892. a  
Sanctorum vitæ decursus ex prosperis pariter &  
aduersis contexti. 573. i. d. e  
vtrum Sancti omnes generatim dicantur prima re-  
surrectione victuri, & cum Christo regnaturi. 889. c

*Sapientia.*

Sapientia argento significatur. 225. i. d  
pro Sapientia in aquila figuranda duplex veterum  
insigne. 373. c  
Sapientiæ ac prudentiæ symbolum aquila. 368. d  
Sapientia etiam significatur græca coloris varij vo-  
ce. 444. 2. b  
Sapientiæ symbolum & fluuius. 1013. d  
Sapientiam sub stultitiæ simulatione magnoperè  
perfici. 414. i. b  
Sapientia in paruis Cherubinis figurata, vtrum sit  
eadem quæ per aquilam adumbratur. 371. c  
Sapientiam caelestem beatorum duplici claritatis &  
fluuij simbolo non ineptè significari. 1013. e  
Sapientiæ symbolum esse nauticam acum. 283. i. e  
Sapientiam Christianam in rerum æternarum æsti-  
matione imprimis elucere. 440. 2. c  
*Hic sapientia est*, quid innuat. 704. e

*Sapphirus.*

Sapphirus quanam gemma sit. 960. i. d  
Sapphirum quæ gemmâ Græci & Latini vocent. ib. e  
in Sapphiri gemmæ natura assignanda Plinio à  
nonnullis temerè fugillatur. ibid.  
Sapphiri signa atq; indicia à Plinio tradita. 961. i. a  
Sapphirus num aureis punctis colluceat. ibid. b  
Sapphiri qualis sit proprius color. ibid. 2. b  
Sapphirus Scripturæ vtrum sit densus & opacus, an  
perspicuus & pellucidus. ibid. e

Sapphirus inutilis sculpturæ ex Plinio. 962. i. d  
Sapphirus ab Scriptura, & Plinio vsurpatus qui sit.  
ibid. 2. a  
Sapphiri naturales virtutes quæ sint. ibid. b  
ad Sapphirum veterem dignoscendum ab eo quem  
hodie vulgus Sapphirum vocat, quæ sit adhiben-  
da distinctio. ibid. d

Sapphirus quantæ fuerit apud veteres venerationis.  
ibid.

Sapphirum Regibus & principibus conuenire. ib. e  
abique Sapphiro ethnicis olim responsa non reddi  
solita. 963. i. a

Sapphirum collo appensum gestare soliti Aegyptij  
sacerdotes. ibid. b

Sapphiro proprietatè attribui visum reficiendi. ib. 2. a

Sapphirum Carbunculo mistum interdum reperiri.  
ibid.

in Sapphiro figuratur secundus Apost. symboli arti-  
culus. ibid. i. c

Sapphirus applicatur per ordinem ad secundum  
Symboli Apost. articulum. ibid. e

per Sapphiri colorem caruleum quid denotetur. ib.  
in Sapphiro cur Deus olim fuerit conspectus. ib. 2. d

Sapphirus quomodo diuinam Christi personam  
symbolicè representet. 964. i. c

Sapphirus quomodo adumbret filij similitudinem  
cum Patre æterno. ibid. d

in Sapphiro figurari Christi omnium Pontificis di-  
gnitatem necnon regis regum imperium. ib. 2. a

Sapphirus quam Pontificiæ dignitatis proprius. ib. c  
Sapphirum cuilibet Cardinali recens creato à Pon-  
tifici summo mitti. ibid.

Sapphiri opacitas siue densitas quid adumbret. ib. d  
qui nunc Sapphiri vocantur, verè esse Hyacinthos.  
993. i. c

Sapphiri recentioris proprietates. 996. 2. a

*Sarda.*

Sardam gemmam esse veluti Amerhytti matrè. 999. 2. a  
Sardam suffuso humore non hebetari, quid signet.  
980. 2. a

in Sarda vulneribus medente quomodo Christi re-  
surrectio figuretur. ibid.

quod ait Plinius, Sarda fabulas veterum superbire,  
quo sit symbolicè referendum. ibid. i. d

Sarda gaudium accendi, quid mysticè. ibid. 2. b  
Sardâ intra saxum generata Christi resurrectionem  
in sepulchro adumbrari. ibid.

*Sardius.*

Sardius Scripturæ, & Sarda Plinii vtrum sint eius-  
dem speciei. 479. i. b

per Sardium figurari terrorem demonibus in re-  
surrectione Christi incussum. 980. 2. c

de Sardij valore, & æstimatione quid dicendum sit.  
979. i. b

Sardii species & natura quæ sit. ibid. d  
Sardius, vel Sarda quo nomine vulgò appelletur.  
ibid.

Sardij color translucidæ carni perfimilis. ibid. 2. b  
Sardis pretiosioribus mirum splendorem esse. ibid. c

Sardæ virtutes quæ sint. ibid. c  
Sardii color carni translucidæ similis quid mysticè  
adumbret. 50. i. b

per Sardium quid figuretur. 332. e  
Sardij applicatio ad sextum symboli articulum.  
979. d. e

ex Sardio cur sit pars superior sedentis in throno  
Apo. 333. a

*Sardonyx.*

à Sardonyche in Scriptura non distingui Onychem.  
970. i. e

in Sardonyche Apoc. allusio ad vndecimam Ratio-  
nalis gemmam. ibid.

Sardonyx quæ fuerit gemma vocata in prima sui  
nominis impositione. ibid. 2. e

in Sardonyche triplicem coniungi colorem. 971. i. b  
Sardonyches gemmæ descriptio. ibid. a

Sardonyx quo modo siue figura olim scalperetur.  
ibid. 2. a

Sardonyx lapillus est opacus non perspicuus. ib. b  
Sardonychis proprietates à nonnullis traditæ. ibi c

Sardonychis colores quomodo ad quintum arti-  
culum Symboli applicentur. ibid. i. e



Sardonychis niger color, quid candidus adumbret. ibid. 2. d  
cum Sardonyche componitur quintus articulus fidei. ibid. 1. d  
Sardonychem ad figillorum vsum esse aptum, quid innuat. 972. 1. d  
in Sardonyche species purpure quid mysticè adumbret. ibid. 2. e  
Sardonyx aptatur Iosepho. 1003. 1. d

*Satanas.*

Satanæ etymon. 652. e  
*Vide* Altitudo.

*Scala.*

Deus cur in ima Scalæ parte fit in visione Iacobi. 326. 2. b  
per Scalam Iacobi quid figuretur. ibid. 2. a  
*Vide* Iacob.

*Scientia.*

Scientia de rebus naturalibus vera quæ sit iuxta Scripturæ phrasim. 57. 2. e

*Scorpio.*

Scorpionum natura & consideratio. 525. c  
Scorpionum veneni vis in quos potissimum fit acrior. ibid.  
Scorpionibus in cauda dentes esse ex Plinio. ibid. d  
Scorpionum blandum vultum & quasi virgineum inesse ex Gesnero. ibid.

*Scriptura.*

Scripturam aliquando de Christo & Ecclesia vt de vna persona loqui. 215. b  
sacra Scripturæ quanta sit reuerentia deferenda. 269. 2. a  
Scripturæ aliorum locorum explicatio quæ ex Apo. intelligentia colligatur. 64. 1. d  
Scripturæ verba num semper sint in elegantissima Latinæ linguæ significatione necessariò vsurpanda. 956. 1. b  
Scripturæ qui loci ex Apo. lucem accipiant. 65. 1. a  
in Scriptura præterito pro futuris vti est familiare. 606. c  
*Vide* Liber, Sensus.

*Scrupulus.*

Scrupos ad animorum medicinam à Deo sapè immitti. 592. 2. b

*Sedes.*

in Sede Dei Apoc. 4. perfectam cognitionem, & sanctitatem figurari probatur. 344. 1. b  
per Sedem Dei, quid Apoc. 4. significetur. 343. 2. e  
in Sedibus siue thronis sedere quinam Apoc. 20. 4. dicantur. 885. b  
in medio Sedis, & in circuitu Sedis, quo pacto concilianda. 355. a

*Sedile.*

Sedilia viginti quatuor qua ratione consideranda? 339. b

*Sella.*

Sella Dei ex Cherubinis quomodo concipiatur? 344. 1. e

*Semei.*

Semei nominis etymologia. 199. 2. c

*Senator.*

Senatores Romanos reges vocari, & cur. 814. d  
Senatores abortiui qui dicerentur. 477. d  
in Senatorum veterum animis & ad Christiana sacra traducendis, & in pietate roborandis diuinæ virtutis efficientia. 815. b  
Senatorum honorificam mentionem qui ad Christi olim fidem fuerunt conuersi in Apoc. fieri. 816. b

*Senior.*

in Senioribus 24. sacerdotes figurari. 340. b  
per Seniorum coronas aureas quid figuretur. 341. d  
è Senioribus vnus qui Apoc. 7. loquitur cum Ioanne est idem qui Apoc. 5. 487. c  
per Seniores Apoc. 4. qui dignificetur. 344. 1. a. 339. e  
Seniorum coram Deo sedentium dignitas. 344. 2. d  
Seniorum adorationem cur præcedat quatuor animalium clamor. 401. b  
Seniores cur 24. esse dicantur. 189. 2. e  
Seniores cur tantum 24. sint. 340. d  
Seniores 24. cur sedentes appareant. 341. b

per Seniorum albas vestes quid figuretur. ibid. c

Seniorum confessus num sit in circuli figuram necessariò concipiendus. 339. c

in Senioribus 24. alludi ad totidem principes sanctuarij. ibid. a

Seniores, nomen est in Apoc. dignitatis, non ætatis. ibid. b

in Seniorum adoratione Apoc. 4. sacrificium Missæ adumbrari. 400. e

è Senioribus vnus cur plorantem Ioannem confortetur. 418. a

ex Seniorum adoratione Apo. 4. quid ad sacrificium Missæ spectans colligatur. 401. b

in Seniorum aureis coronis fit allusio ad auream summi sacerdotis laminam. 341. d

*Señor.*

Hispanum nomen Señor, vnde deducatur. 339. b

*Sensus.*

Sensum duplicem literalem eidem Scripturæ loco inesse posse. 70. 2. a

Sensus literalis multiplex num in vno non solum Scripturæ loco, sed in libro integro esse possit. 71. 1. e

de Sensu duplici literali discrimen inter Doctores Scholasticos & Scripturæ interpretes. ibid. 2. d

Sensus duplex in humanis ænigmatibus vitiosus, in diuinis non item. ibid. 1. c

de Sensu duplici literali admittendo sententia restringitur. 72. 1. d

de Sensus mystici consecratione quid dicendum? 81. 1. c

Sensus mysticus tripliciter accipi potest. 82. 1. a  
inter Sensus mystici triplicem acceptionem quid intersit. ibid. c

*Separatio.*

Separationis nomen interdum in Scriptura pro deuotione & consecratione diuino cultui accipi. 308. 2. d

*Septenarius.*

Septenarii multi Apoc. vniuersitatem significant. 174. e

per Septenarium quando & quomodo vniuersitas significetur. 187. 2. a

Septenarium Apoc. 17. indefinitè esse sumendum ex Angeli verbis colligi. 679. d

Septenarium ad indefinitum rerum sibi succedentium numerum denotandum congruenter vsurpari. ibid. c

per Septenarios spirituum, lampadum, cornuum, oculorum & sigillorum idem omnino significari. 421. e

*Septies.*

septuagies Septies quid sit in sacris. 575. 2. d

*Sepulcrum.*

in Sepulcris Catholicorum dum vigeat Arriana hæresis, incidi solita, A. & Ω. & cur. 202. d

*Seraphinus.*

Seraphini Isaia quid innuant in Trisagio. 331. 2. d

in Seraphinis Isaia haberi respectum ad magnos templi Cherubinos. 345. 1. c

Seraphini Isaia cur alis vultum contegant, animalia verò Ezech. non item. 379. d. 390. 2. b

Seraphinos plures quam duos, num Isaia conspexerit. 388. 1. c

Seraphinos si fortè plures duobus vidit Isaia, eos saltem vidisse binos. ibid. d

Seraphini Isaia quomodo supra solium steterint. ib. e

Seraphini num sint ab Isaia visi intra templum, vel supra. ibid. 2. e

Seraphini Isaia quo sensu dicendi sunt steterisse supra templum. 389. 1. a

Seraphini Isaia vtrum præter brachia sex haberent alas. ibid. b

Seraphinis singulis Isaia num facies tantum vna, binique pedes sint assignandi. ibid. c

Seraphini Isaia suas ipsorum facies, an Dei vultum alis obtexerint. ibid. e

Seraphinorum Isaia non totam faciem omnino tectam esse debere. ibid. 2. d

de Seraphinorum Isaia significatione variæ opinionis. 390. 1. a  
per Seraphinos Isaia viros Apostolicos figurari. ib. b



Seraphinus Isaia cur prunam forcipe apprehenderit. 390.2.c  
 de Seraphinis Isaia auctoris expositione minimè Theologorum fundamentum labefactari. ibid.d  
 per duas alas quibus Isaia Seraphini volant, quid significetur. 379.e  
 Seraphinorū Isaia Trifagion quid significet. 390.1.e  
 Seraphinorum Isaia cellitas quid innuat. ibid.2.c  
*Series.*  
 ex Serie continuata fructus perceptus. 44.1.b  
*Sermo.*  
 in Sermone terrenæ Bestiæ alludi ad astutiam serpentis Euam decipientis. 697.d  
 in Sermone & mystico, & historico locutionem eadem esse, significationis verò modum diuersum. 82.2.c  
*Serpens.*  
 Serpentes quædam dictæ Boæ. 638.b  
 Serpentes aliquot magnitudinis prægrandis. 630.c  
 Serpentis Hebraicum nomen quid propriè significet. 652.c  
*Seruo.*  
 verbi Seruare vsus duplex apud Ioannem. 300.a  
*Seruus.*  
 Seruorum Christi nomine quinam comprehendantur? 173.2.a  
 Serui Dei quomodo in frōtibus signaridicatur. 474.a  
 Seruis suis palam facere, quid sit. 169.b  
*Sessor.*  
 Vide equus.  
*Sexus.*  
 opinio de duplici Sexu in templi Cherubinis refellitur. 385.2.b  
*Sigillum.*  
 Sigillorum septem resignatio quā sit difficilis. 326.e  
 Sigillis primis quatuor Apoc. respondere (quod ad significationem attinet) quatuor animalium facies. 397.1.e  
 Sigilla septem Apoc. quid significant. 408.c  
 in Sigillorum apertione signa ostensa quid significant. ibid.e  
 Sigillorum mysteria quā fuerint recondita & abstrusa. 409.a  
 ex mysteriorū in 7. Sigillis delitescentiū consideratione quot & quæ possint utilitates percipi. ibid.  
 inter Sigillorum referatorum numerum, & septem laudum nomina, quanta sit proportio. 430.c  
 ad primorum quatuor Sigillorum mysterium referri quatuor laudes, quæ Apoc. 5. Agno tribuuntur. 432.e  
 Sigillorum idonea explicatio quā sit optabilis. 434.1.a  
 Sigillorum septem quanta sit difficultas. ibid.  
 ad Sigillorum explicationem cuiusmodi sit eligenda materia. ibid.  
 Sigillorum septem apta explicatio quas debeat habere conditiones. ibid.c  
 in Sigillis interpretandis quanta sit doctorum & exppositorum varietas. ibid.2.a  
 nouæ Sigillorum expositionis via necessariò inuestiganda. 435.1.d  
 summam auctoris de Sigillis explicationis grauissimorum doctorum auctoritate fulciri. ibid.2.a  
 Sigillorum septem partitio, eorumque argumenti de prouidentia tam erga fideles Iudæos quā erga rebelles. 437.2.b  
 nostra de Sigillis expositio ex argumenti totius cōsecutione confirmatur. ibid.  
 quatuor Sigillorū representationem esse congruentem ad probandum Messia aduentum. 440.2.c  
 eadem Sigillorum doctrina ad quatuor virorum Apostolicorum virtutes applicatur. 441.1.a  
 cur ad quatuor Sigillorum contemplationem Ioannes ab animalibus euocetur. ibid.2.a  
 in singulis Sigillis tam equum quā equitem eiusdem esse significationis. 442.1.d  
 in Sigillo quarto non agi de morte rebellium Iudæorum, sed de morte eorum qui Christum sunt secuti. ibid.2.b  
 inter Sigilla primum & tertium, quid sit discrimi-

nis; & inter secundum & quartum. 446.1.c  
 Sigillum primum Christum aperuisse quid sit. 449.c  
 Sigilli secundi gladius magnus quid significet. 451.b  
 Sigillum secundum Christum aperuisse in quo consistat. ibid.  
 in Sigilli tertij resignatione, quid Christus suos doceat? 454.a  
 in Sigilli quarti apertione quid suos doceat Christus. 458.c  
 in Sigillis tribus vltimis quid argumenti contineatur. ibid.e  
 Sigilli quinti scopum esse Dei patientiam in perfidos. 459.a  
 in Sigillo quinto de quibus Martyribus sermo fit? ibid.  
 quinti Sigilli dilatio de supplicio quousque sit intelligenda. ibid.d  
 in Sigillo quinto de quorum vindicta procrastinatione sermo fit. ibid.  
 in Sigilli quinti resignatione quid nos doceat Christus. ibid.e  
 Sigilli sexti explicationes quatuor, & quid de eis sentiendum. 460.c  
 in Sigillo sexto sermonem de Antichristo esse non posse. ibid.d  
 de Sigillo sexto Ambrosii interpretatio aliqua ex parte probatur. ibid.e  
 Sexti sigilli vera explicatio. 461.a.e  
 ad sextum Sigillum an capitis septimi visio pertineat, vel ad septimum. 467.a  
 ad Sigillum septimum num pertineant septem plagæ tubarum, necne. ibid.  
 in Sigillo septimo quid propriè cōtineatur. ibid.2.a  
 an Sigilli septimi figura in cæli silentio terminetur. 491.1.a  
 quid per Sigillum adumbretur. 872.b  
 in abyssi clausuræ Sigillo quid imprimis innuatur. ibid.  
 ad Sigillorum vsum Iaspis peraptus. 959.2.a  
 Vide Equus.  
*Signaculum.*  
 Signacula soluere & aperire pro eodem sumi. 415.c  
*Signatus.*  
 Signatorum nomine quinam propriè & strictè intelligendi sint. 480.d  
 Signatorum nomen verum sit pro prædestinatis sumendum. 479.e  
 Signati 144 U.c. 7. esse eosdem 144 U. de quibus cap. 14. 477.a  
 de Signatorum numero aliorum opinio. 479.e  
 Signatorum doctrina ad Religiosos applicatur. 488.e  
*Signum.*  
 Signum Dei viui quo serui Dei signantur, quodnam sit. 472.b  
 Signo Dei quinam signentur. ibid.c  
 Signum Dei viui cur dicatur. 473.d  
 Signum Dei qua ratione (frontibus imprimendum) sit accipiendum. 474.c  
 Signi magni nomine quid denotetur. 615.a  
 Signum magnū cur vocetur draconis visum. 632.d  
 in Signis commentitiis de quibus Apoc. 13. verum sermo sit de Antichristi ministris. 699.a  
 Signa à bestia terræ patrata quænam sint. ibid.c  
 Signum à bestia terræ de calo per speciem demissū posse etiam de falso religionis cultu suo modo explicari. ibid.d  
 Signa fieri à terræ bestia in marinæ bestie conspectu quid sit. 701.a  
 Signum magnum & admirabile cur Apocal. 15. dicatur. 752.e  
*Silentium.*  
 Silentium Apoc. 8. cum sequentibus tubis earumq; mysterio copulari. 492.e  
 Silentium quomodo cum tubarum mysterio cohaereat. ibid.  
 de silentio cæli vera expositio ad patientiam relato. 493.b  
 Silentium mediæ horæ de qua Christianorum patientia sit interpretandum. ibid.e  
 in Silentii dimidia hora alludi ad dimidiam horam Tobia. ibid.



Silentij nomine sæpè in sacris patientiam indicari.  
ibid.d.  
Silentio dimidiæ horæ posset adhuc denotari persecutio primitiuorum Christianorum, licet plures annos durauerit. 494.b

*Simeon.*  
Simeoni aptatur Topazius. 1002.2.a

*Simon.*  
ad Simonem Magum applicatur tertia cornuum explicatio. 694.2.c

*Simulacrum.*  
Simulacri ab Ezech. visi inferior pars cuiusmodi fuerit? 335.2.d

*Sion.*  
in Sione monte vtrum pedibus niterentur Agnus, & 144.0. an non? 714.e  
Sionis nomine primogenitam figurari Ecclesiam. 710.e

*Sitis.*  
de qua Siti fit sermo Apoc. 7. 16. 488.c

*Smaragdus.*  
de Smaragdi Hebraico nomine. 968.1.e  
inter Smaragdos Scythici præstantiores. 969.1.a  
Smaragdi color quantam humano obtutui voluptatem afferat. ibid.b.  
Smaragdus quantopere sit lucidus. 968.2.a  
Smaragdos in aris fodinis reperiri solere. ibid.b.  
Smaragdi reflexione carnis sibi contiguae colorem remitti atque frangi. ibid.c.  
Smaragdus quam aptè cum quarto Symboli articulo comparetur. ibid.1.d.  
per Smaragdum Christi patientia inter verbera & clauos figurata. ibid.2.d.  
Smaragdi color oculos recreas quid mysticè? 970.1.a  
Smaragdus presens contra venena antidotum. 969.2.e  
Smaragdi Scythici mirus splendor quid figuret? 970.2.2  
Smaragdos arena et effis ventis reuoluta solere detegi quid mysticè innuat? ibid.b.  
Smaragdi alie proprietates, & mystica earum significatio. ibid.  
ex Smaragdo crucis figurâ egregiè compingi. ibid.c.  
Smaragdus aptatur Leui. 1002.2.b

*Societas Iesu.*  
in Societate votorum renouatio bis quorannis instituta. 258.a  
Societatis Iesv professi speciali se voto summo Pontifici adstringunt. 56.1.c

*Sodoma.*  
Sodomam post caelestem ignem in mare mortuum euasisse. 595.1.b

*Sol.*  
Solis lucem cur Ioannes in primæ figuræ facie viderit? 246.1.c  
Solem fieri nigrum tanquam saccum cilicium, quid sit. 462.2.b  
Solem pro Dei fauore & gratia accipi. ibid.c.  
Solis pars tertia quo sensu dicatur percussa. 516.d  
per Solem, Lunam, ac siderum coniunctionem quid in Apocal. figuretur? ibid.  
Sol quomodo fumo abyssi obscuratus dicatur. 524.c  
Solis defectus in Christi passione, & symbolica ipsius significatio. 625.2.a  
ob Solis nimiam lucem vtrum minus cæruleum appareat calum. 963.2.d  
Solem confundi, quid sit apud Isaïam. 884.1.c  
Solis eclipsis aliquam esse speciem in Ioannis de muliere amicta Sole visione, & quæ sit eius significatio. 625.2.b  
Solem in Apoc. esse symbolum diuinitatis. 617.a  
Soli viciniore cali partes cur minus appareant cæruleæ quam remotiores. 963.2.e  
per Solis symbolum significari, quod superior Christi animæ portio in ipsa pathone immensa Dei gloria fruebatur. 625.1.c  
Solis symbolum Monarchas & Imperatores sibi arrogasse. 528.1.b  
Solis eclipsis vnde proueniat. 625.1.a

*Spatium.*  
Spatium illud in quo Ioannes thronum & in eo se-

dentem conspexit, qua ratione sit considerandum. 356.b

*Spiritus.*  
de Spiritibus 7. Apoc. 1. variaz opiniones. 182.b.  
Spirituum 7. expositio de Spiritus sancti donis reijcitur. ibid.  
Spiritus Dei 7. quinam sint. 183.c.  
Spiritus ab Angelis Ioan. in Apoc. distinguit. ibid.d.  
in Spirituum 7. mentione Ioannes Apocalypicos argumentum respexit. 184.a  
Spirituum 7. expositio de peculiari aliquo Angelorum septenario nequaquam solida. ibid.b.  
opinio exponentium Spiritus 7. de Spiritus sancti persona valide refutatur. ibid.c.  
de Spiritibus 7. longam in Apoc. institui tractationem. ibid.e.  
Spiritu sumi interdum pro ea virtute quæ in aliquis gubernatione emineat. 185.a  
ad Spirituum 7. doctrinam intelligendam illustris Pauli locus. ibid.  
Spiritus septem Dei qui sint demum. ibid.e.  
Spirituum trium posteriorum Diuine prouidentiaz consideratio. 192.1.d  
Spirituum 7. doctrina ad varia Christi mysteria posse extendi. 193.1.c  
quorsum vtatur Christus ad Sardensem hac phrasi, Qui habet septem Spiritus Dei, & 7. stellæ. 288.c  
Spiritus oris Christi quis dicatur apud Paulum. 726.1.b  
de qua Spiritus viuificatione agat Petrus prima canonica c. 3. Vers. 18. 975.2.a  
Spiritus & sponsa Apoc. 22. 17. quid denotent. 1024.a  
*Vide Prouidentia.*

*Spiritus sanctus.*  
Spiritu sancto derogat, qui nouam expositionem & Apocalypsi quadrare, & tamen ex Ioannis mente non esse dicat. 71.1.b  
ab Spiritu sancto dimanasse Martyrum robur ac fortitudinem. 988.1.e  
Spiritu sanctum posse figurari in Angelo ascendente ab ortu solis, quinimo Spiritus S. gratiam. 473.a  
Spiritus sancti efficacia in Roma ad fidem traducenda. 839.a

*Sponsa.*  
quæ sit Sponsa quam sibi Agnus per has nuptias ducat. 849.b

*Spurius.*  
Spurij vnde dicti. 178.1.c

*Stæte.*  
Stæte quid sit? & de eius natura. 426.1.d

*Stadium.*  
de Stadijs mille sexcentis quibus sanguis è lacu inundauit variaz auctorum expositiones. 746.c  
per stadia 1600, quid mysticè designetur. ibid.d.e.  
Stadia & milliaria quibus Palæstina protenditur, ad Græcorum computationem non ad Romanorum esse reuocanda. 747.2.b

*Statera.*  
Statera cur paupertati in manus detur. 453.b  
Statera quid denotet, & quem ad finem tertij equi fessori data. ibid.c.

*Statua.*  
in Statua Danielis quomodo Assyriorum imperium figuretur. 528.2.b

*Stella.*  
de Stellis 7. variaz sententiaz. 234.e  
per Stellas 7. eoridem Aliz Episcopos figurari. 235.b  
Stellas 7. rectius vt annulorum gemas considerari. ibid.c  
Stellas 7. in manu Christi esse positas quid sit. 236.a  
Stellæ 7. cur in Christi dextera collocentur. ibid.c.  
Stellarum symbolum ad quos item possit extendi. ibid.b.  
Stellarum 7. applicatio ad septem Planetas. ibid.c.  
Stellarum symbolum ad omnes etiam concionatores posse accommodari. ibid.d.  
Stellarum symbolum quando Apostolis tribuat Apocalypsis. ibid.e.  
Stellas 7. Christum in manu gestare quid sit. 257.b  
Stella matorina quæ sit. 286. d. & ad quem locum sacra Scripturæ alludat Ioannes. ibid.  
Stellæ matutinae nomine de quo fit sermo apud Ecclesiasticum. ibid.



in Stellæ matutinæ præmio quid Christus promittat. 278.b.

Stellæ matutina ad Eucharistiam applicatur. ibid.d  
Stellæ e cælo cadere super terram quid sit. 462.e  
Sub stellarum nomine de discipulis fit sermo. 463.a  
Stellæ magnæ casus quid innuat. 515.c  
Stellæ influxus quorū apponatur ad pestis significationem. ibid.d.

Stellarū tertia pars quo sensu dicatur percussa. 516.d  
per Stellam absinthium quid figuretur. ibid.a  
per stellam Apoc. 9. e cælo cadentem quid significetur. 520.b.

Stellæ dari clauem putei abyssi quid sit. 521.b  
Stellæ 12. Apostolorum symbolum. 621.1.b  
Stellæ quæ Apostolorum sunt symbolum cur super caput mulieris ponantur. ibid.1.d.  
Stella matutina de qua Apo. 22. quid figuret, & quæ ratione radices translationi subiungatur. 1023.e

*Stola.*

Stola quid sit, & in qua acceptione in sacris vsurpetur. 485.a

Stola cuius rei sit symbolum. ibid.b.  
Stolam pro Sacerdotali veste sumi. ibid.  
Stolæ albæ quid in beatis, quid porro in spiritualibus viris significant. 484.a  
cū dicitur *amicti Stolis albis*, vtrum album pro splendēti purpureo, an pro cādido sumatur. 485.c

*Sub.*

præpositio, Sub, quid propriè significet. 617.c

*Substantiuum.*

Substantiuo cuiusque generis adiectiuum interdum neutrum reddi apud Græcos. 362.d

*Succinum.*

Succinum quod nobilius ex Plinio. 334.2.e  
Succinum à Plinio inter gemmas recenseri. 996.1.d.  
de Succino fabulosa quædam iactata. ibid.  
Succini species colore ignei, & valde duri. ibid.e

*Sulphur.*

Sulphuris quorū mentio Apoc. 14. 10. fiat. 728.e  
Sulphuris natura ex Plinio. ibid.  
Sulphur apud ethnicos in sacris adhibitum, & ad expiandas fustitu domos. ibid.

*Superbia.*

in nomine *Superbia vitæ* quid mysterij lateat, per numerum 666. figurato. 707.b  
Superbiæ præsertim occultæ periculum. 315.c

*Superbus.*

Superborum nomine in Scriptura hostes populi Dei, ac veræ religionis designari. 703.b

*Superliminare.*

Superliminare crapulæ quid significet apud Zachariam. 601.1.d. & quomodo sit accipiendum. 602.1.a

*Supplicium.*

Supplicia ac minas sapienter sæpe occultari. 414.1.d  
Supplicium quàm graue sit homines in cordis desideria tradi. 518.2.c  
Supplicium Babyloni inflictum de quo Apo 17. quo sensu sit accipiendum. 802.1.c

*Suppositum.*

quod sit Suppositum eorum verborum *Vixerunt, & regnauerunt, &c.* 887.c

*Sustineo.*

Verbum Sustinere quid significet in Tobia. 498.2.a

*Symbolum.*

Symbolorum perfectio in quo consistat. 56.1.d.  
qui hæc Symbola Apoc. non summè perfecta esse arbitrat, iniuriam non Ioanni modò, sed & Christo, & Spiritui sancto irrogat. ibid.2.e  
in Symbolorum explicatione quid præstare debeat interpres. 57.1.a

Symbola Christi perfecta esse debere. ibid.c  
in Symbolis Apoc. quid requiratur. ibid.d  
Symboli explicandi optima ratio quid exigit. ibid.  
Symbola cuiusque rei quænam propria. 58.2.d  
Symbola varia Apocalypseos proponuntur. 59.1.a  
Symbola quàm aptè debeant quadrare rebus, quibus deferuntur. ibid.c  
de Symbolorum Apoc. eleganti significatione exempla. 602.e

in sacris Symbolis quantus campus ingenij pateat. 61.1.1.

Symbolorum fecunditatem & breuitas & perspicuitas comitantur. ibid.c

in Symbolis obscuris Apocalypseos magnam lucem delitescere. ibid.2.e

ex Symbolis huius libri Ioannes multo magis euasit illustratus. 62.1.a

Symbolorum sacrorum duplex modus. 250.1.c  
ad varia rerum Symbola res eadem solet vsurpari. 271.1.c

Symbola varia sanctitatis & sapientiæ. 306.1.c

Symbola tot cur fuerint sanctitatis & sapientiæ in templo Salomonis. ibid.2.b

in Symbolis concreta ab abstractis ferè non distinguuntur. 346.d.

in symbolis inferior locus plerumq; magnæ dignitatis. 618.b

*Symbolum Apostolorum.*

in Symbolo condendo Apost. mens, quæ fuerit. 939.d  
Symbolum quo ordine fuerit ab Apostolis compositum. 940.a

in Symbolo num sint ab Apostolis expressa, an ab Ecclesia deinceps addita verba illa, *Descendat ad inferos.* 950.1.a

sive singulas Symboli veritates singuli Apostoli, siue cuncti cunctas condiderint, perinde esse ad nostræ expositionis firmitatem. 940.b

ad potiorem Symboli Apost. diuisionem eligendam, quæ regula interdum nobis sit. 949.c

Symboli Apost. potissimam diuisionem indagare quorū sit. ibid.a

Symboli Apost. diuisio quam nos sectamur quæ congruens sit. ibid.2.b

in primo Symboli articulo tria considerata. 959.2.c

in secundo Symboli Apost. articulo quid contineatur. 963.1.c

in 3. Symboli Apo. articulo quid profiteamur. 967.1.c  
quartus Symboli Apost. articulus quid in se contineat. 969.1.c

articulus Symboli 5. quid in se includat. 971.1.d.  
sextus Symboli Apost. caput quid nobis credendum proponat. 979.1.c

octauus Symboli Apost. articulus quid nobis credendum proponat. 985.1.a

9. Symboli articulus quid nobis proponat. 987.1.d.  
decimus Symboli Apost. articulus proponitur & explicatur. 990.1.e.

undecimus Symboli Apost. articulus explicatur. 997.1.b.

duodecimus Symboli Apost. articulus explicatur. 999.1.b

primus Symboli Apost. articulus eiusque ad Iaspidis symbolum applicatio. 959.1.c

secundus Symboli Apost. articulus in Sapphiro figuratur. 963.1.c

ad tertium Symboli articulum applicatur per ordinem Chalcedonius. 967.1.c

cū quarto Symboli articulo quàm aptè Smaragdus componatur. 969.1.d

ad sextum Symboli articulum Sardij applicatio. 980.1.a

septimi Symboli Apost. articuli declaratio, & Chrysolithi ad eum applicatio. 982.1.b

ad nonum Symboli Apost. articulum Topazij applicatio. 987.1.d. & seq.

ad duodecimum Symboli Apost. articulum mystica consideratio Amethysti. 999.1.d

vide, Apocalypsis, Apostolus, Aurum, Fides.

*Synagoga.*

de Synagoga cur fiat mentio symbolicè. 275.b

Synagoga indicatur Iezabelis nomine. ibid.c

*T.*

*Tabernaculum.*

**T**abernaculum testimonij quid sit. 759.c

Tabernaculum cur sit in cælo cōspectum. 760.b

*Talentum.*

Talenti Græca vox quid propriè sonet. 796.e  
per Talenti iustum pondus quo candelabrum constabat, quid significetur. 219.2.e

*Templum.*

quid hac locutione, *de Templo cæli*, denotetur. 792.c



Templi nomē Apo. 15. 8. & ad sancta, & ad atrium extendi. 764.b.

Templi separatio à ciuitate apud Ezech. quid significet. 308.2.c

per Templum interdum in Scriptura oraculum siue sanctum Sanctorum aut tabernaculi aut templi significari. 759.b

Templum tabernaculi quodnam appelletur. ibid.

Templum Isa. 6. 1. quid proprie in Hebræo. 330.2.d

qui Templum Ezech. cum Salomonis tēplo æquiparare prorsus contendunt, impugnantur. 308.1.b

Templum & altare qua ratione sint consideranda in c. 11. Apoc. 561.d

Templum & altare cur primò non Angelus, sed Ioannes dimetiatur, ac postea Apoc. 21. Angelus metiatur. ibid.a

Templum extra ciuitatē esse in prima Ezechielis visione. 1008.1.e

Templi reedificatio à Nehemia facta & celebri sacrificio consecrata quo anno ac mense fuerit. 574.1.d

Templum cur in Ezech. fuerit extra ciuitatem visum. 1008.2.e

Templum Ezechielis visum quid significet. 308.2.c

Templum Apo. 14. 17. 18. quid significet. 743.e

Templi dimensio tam apud Ezech. quàm apud Ioannem quò spectet. 566.b

Templum apud Ezech. quàm longè à ciuitate distet. 307.1.b

qui Templum apud Ezechielem metitur cur habeat speciem quasi æris. 560.d

Templi picturæ quomodo potuerint Cherubim appellari. 382.2.a

in Tēplū nemo posse introire quo sēsu dicatur. 765.e

Templum Ezechielis visum multo magnificentius esse Salomonico templo. 561.d

Templum quod Ioannes mēsurare iubetur, quid significet. ibid.e

*Vide*, Candelabrum, Columna, Salomon.

**Tempus.**

Tempus non amplius erit quid sit. 554.a

Tempus & tempora quid significet apud Daniel. 572.1.a

569.1.a

de quo Tempore agat Daniel c. 12. cum ait, in illo tempore consurget Michael, &c. 645.a

Tempus qua ratione propè esse dicatur. 171.a

Tempus mortuorum indicari, quod Apo. 11. 18. appelletur. 606.d

per modicū Tempus Apo. 20. quid innuat. 874.1.a

**Tenebra.**

Tenebræ exteriores quarum sepe in Euangelio fit mentio, quid sint. 524.2.a

Tenebræ ex quintæ Phialæ effusione proueniunt quid significant. 780.b

**Tentatio.**

Tentationis hora quæ appelletur. 306.b

Tentationis duplex genus per aduersitates & prosperitates. 655.a

Tentatio quando sit maximū à Deo beneficiū. 299.e

à Tentationis hora liberare Philadelphium quo sensu dicatur Christus. ibid.

**Tepor, Tepidus.**

Tepidorum status qualis sit, quāq; periculosus. 313.a

Tepidum sui teporis non ignarum esse. ibid.d

inter Tepidum & frigidum discrimen. ibid.

Tepidi maximum periculum. ibid.e

Tepidi quid sit proprium prout ab improbo distinguitur. 314.c

Tepidi qua ratione se ipsi decipiant, & obcæcēt. 317.a

frigidum aut calidum cur Christus maluerit Laodiceum quàm Tepidum. 314.e

explicatur cur frigidum aut calidum esse præter, quam esse Tepidum. 315.c

pro Tepore de quo insinuat Laodiceus, status peccati lethalis intelligitur. 311.d

Teporis ratio in quo consistat. ibid.e

quæ Teporis metaphora vltimæ epistolæ conueniat. 312.b

Teporis nomine quid proprie intelligendum. 313.a

**Terra.**

Terra noua quæ appelletur. 920.b

Terræ mysticæ qualitates primæ. 921.d

Terræ nomine quid significetur. 656.b

per Terram adumbrari terrenos affectus. 675.d

Terra demessa est, quo sensu dicatur. 740.a

Terra & subter terram quo sensu accipiēda, Apo. 5. 3. 416.e

Terra sacerdotalis in Ægypto libera olim & immunis. 194.b

Terra mystica quomodo priores qualitates immutauerit. 921.e

Terra vniuersa quomodo dicatur post bestiam admirata. 688.b

Terra quo sensu dicatur à conspectu sedētis in throno fugisse. 907.b

Terræ nomen Apo. 16. 1. quid significet. 770.c

Terra noua qua ratione accipiēda sit. 921.a

in Terra quinam dicantur habitare. 459.e

Terræ nomine quid innuat cum Apo. 12. dicitur terra adiunxit mulierem. 661.e

Terra sancta in tribus diuisa apud Ezechielem quid abumbret. 308.2.b

Terræ nomine quid figuretur Apo. 20. 11. 907.e

Terram Gessen vbi filij Israel habitabant ab Ægypti plagis fuisse immunem. 468.1.b

quomodo miraculum illud in Terra Gessen pro filiorum Israelis incolumitate patratum sit in primitiuorum Christianorum liberatione instauratum. ibid.c

Terræ tertiam partem fuisse combustam quomodo accipiendum. 513.c

Terram pro Iudæa accipi Apo. 8. 7. 512.c

**Terramotus.**

Terramotus sexti Sigilli resignationem subsecutus, cuiusmodi sit. 462.a

per Terramotum quid figuretur, Apo. 11. 13. 598.e

discrimen inter terramotum tubæ septimæ, & terramotum septimæ phialæ. 797.b

per Terramotum maximum quid signetur. 793.a

**Tertullianus.**

Tertulliani mens de rerum creaturarum fine. 58.1.c

**Testamentum.**

ad vtrūq; Testamentum se extendere libri signati visi à Ioanne significationem. 406.d

discrimen inter Testamenti veteris Patres, nouique Sanctos. 327.1.b

*Vide* Arca:

**Testes.**

Testem fidelem cur se Christus vocet. 310.b

de duorum Testium interpretatione quatuor auctorum sententia. 578.b

in explicatione quam auctor tenet circa duos Testes Apo. 11. non infirmari traditionem communē de Henoch, & Elia, sed confirmari potius. 579.c

581.d:

duorum Testium nomen quàm aptè conueniat Sapientia & Sanctitati. 580.b

in hoc Testium nomine alludi ad duos templi Cherubinos ingentes. ibid.

in Testibus duobus allusionem etiam contineri ad Moysen & Eliam. ibid.c

duorum Testium nomen cur Moysi & Elia quadret. ibid.

de duobus Testibus quid senserit Hieronymus. 579.a & 581.c.

*dabo Testibus meis & prophetabunt*, quid sit. 581.e

in duobus Testibus alludi ad Henochum & Eliam sub Antichristo venturos. ibid.b

Testes duo cur facis amici dicantur. 582.a

Testes duo qua ratione cælū dicantur claudere. 589.c

duo Testes quo sensu dicantur terram omni plaga percutere. 590.1.b

quàm rectè dicantur locustæ facere bellum contra duos Testes. 593.d

in duorum Testium miraculis Apo. 11. 6. manifestè ad Moysen & Eliæ miracula respici. 589.a

potestas duobus Testibus data claudēdi cælum quomodo sit explicanda. ibid.b

duo Testes quo sensu dicantur cruciari eos qui habitant super terram. 596.b

in duorum Testium prædicatione & occisione ad Christi prædicationem & passionem alludi. 597.2.a



quomodo intelligendum quod dicitur de duorum  
Testium occisorum cadaueribus inhumatis.  
ibid. c.

duo Testes quando existimandi sunt in Ierosolyma  
plateis occisi iacuisse? 598. a

duo Testes quando surrexissent dicantur. ibid.

duo Testes quomodo rediit ad caelum conscende-  
re dicantur? ibid. c

quo sensu dicantur Iudei aspexisse Testes in caelum  
abeuntes? ibid.

*Testimonium.*

*Testimonium Iesu Christi quaecumque vidit*, quid sit?  
170. c.

iis verbis, *Cum finierint testimonium*, quid innuatur?  
592. d.

Testimonium ponitur pro doctrina. 459. c.

*Tetragrammaton.*

Nomen Tetragrammaton qua ratione scriberetur?  
181. i. a.

nominis Tetragrammati originem Hebraei se nescire  
fatentur. ibid. b

de nominis Tetragrammati etymo Oleastri opinio.  
ibid. c.

*Textus.*

Textus Graecus qua ratione intelligatur in versu 4.  
capitis primi Apo. 175. e

*Tharsis.*

nomen Tharsis in Rationali pro Hyacintho accipi  
non posse. 981. 2. a

*Theologia.*

Theologiam symbolicam non esse argumentatiuam  
quo pacto intelligendum 45. i. c

*Thronus.*

cuiusmodi sit forma sedentis supra Thronum? 330. a

Thronus quem in templo habet Deus qua ratione  
sit considerandus? 403. i. d

Ioannem Apo. 4. 3. ad Ezech. Thronum allusisse. 332. c

animalia cur in medio, & in circuitu Throni sint?  
366. b.

que Isaia in Throno sedentem vidit quis sit? 331. i. a

qui in Isaia Throno sedebat non esse Christum. ib. d

Thronum fuisse veluti effigiem propitiatorii. 329. b

per Thronum Isaia ostensum quid denotetur? 390. i. c

Throni forma in qua Ioannes Deum vidit cuius-  
modi fuerit. 329. a

Thronum Dei Isaia visum esse cum quem Deus in  
Ecclesia Christiana habet. 269. 2. b

Thronus Dei a Prophetis visus qua forma fuerit.  
329. b. c.

Thronum Deus cuiusmodi in Ecclesia habeat. 330. 2. b

Thronus Dei ab Isaia visus quisnam sit. ibid. i. b

Throni Dei ab Isaia visi dignitas. ibid. 2. c

Throni Dei amplitudo, quid significat. ibid. d

de Throno Dei cur voces humanae procedant. 348. b

de quo Dei Throno sit sermo Apo. 4. 329. e

in Throno Dei Apo. 4. contineri comparationem ta-  
citam cum eo quem Deus in templo Salomonis  
habuit. 346. e

quibus Throni Dei symbolum quadret in Ecclesi-  
astica Hierarchia. 344. 2. c

nomen Thronus actiue an passiue Angelis tribuatur.  
342. 2. d

Thronos Cherubinim esse superiores in Ecclesiastica  
Hierarchia. 343. i. d. e

*Vide Deus.*

*Thuribulum.*

Thuribuli nomine quid Apo. 8. intelligatur. 507. c

per Thuribulum aureum quid denotetur. 508. d

Thuribulum esse sacerdotalis dignitatis insigne. 509. a.

*Thus.*

Thus quid sit & eius natura. 426. 2. c

Thus ubi nascatur. 232. i. a

Thus masculinum quid proprie vocetur. 231. i. c

Thus orationis symbolum. 427. i. c

Thure nationes omnes diis suis supplicasse. 426. 2. d

*Thyatira.*

Thyatira quid sonet. 278. b

*Thymiam.*

Thymiamatis eiusque partium singularium signi-  
ficatio. 427. i. a

Thymiamatis quatuor partes quo ordine numeren-

tur? & eius ordinis mysterium. 427. 2. c

Thymiamata ex quibus aromatibus constaret. 426. i. c

Thymiamata cuius rei sit symbolum. ibidem.

*Vide Altare.*

*Timidus.*

quinam appellantur Timidi. 927. c

*Timotheus.*

Timotheus utrum fuerit Ephesi Episcopus ad quem  
Ioannes scripsit. 251. 2. b. e

Timotheum Onesimo in Episcopatu successisse. ib. c

*Tobias.*

ad Tobias miracula cur Deus eas usurpauerit res,  
quibus aliquid naturalis virtutis inerat. 496. i. d

Tobias aduersitas cur in cecitatis curatione per se-  
mihorae spatium durasse dicatur. 573. i. e

Tobias connubij ac dotis allegoria. 498. 2. d

Tobias locus expenditur de septem angelis. 187. i. e

*Vide Historia, Piscis.*

*Tonitruum.*

per Tonitruum vocem quid figuretur. 715. c

Tonitrua cap. 10. 4. quid denotent. 552. b

in Tonitruis septem cap. 20. allusionem includi ad  
Ps. 28. ibid. d

Tonitruum sonitus ac fulgetri lux vnde incrementa  
accipiant. 348. a

verba illa Apoc. 10. 4. *Signa quae locuta sum tonitruum*,  
quid innuant. 552. e

Tonitrua simul cum vocibus humanis fuisse audi-  
ta. 346. b

Tonitrua ac voces cur ex solo Dei throno procedere  
dicantur. 347. c

Tonitrua septem echo instar respondere magno An-  
geli fortis clamori. 552. b

*Vide Aqua, Fulgur.*

*Topazius.*

Topazius utrum sit coloris viridis. 986. i. a

Topazium hodie vulgarem ab eo esse diuersum, cui  
veteres hoc nomen indiderunt. ibid.

quodnam viridis coloris genus sit proprium Topa-  
zii. ibid. c

Topazii colorem esse porraceum. ibid.

Topazii color num porri folia, an succum imiteretur?  
ibid.

quid sit apud Plinium, dum de Topazii colore agit,  
porri succus. ibid. d

Topaziorum colorem porris similem de foliis esse  
intelligendum. ibid. 2. a

Topazii viriditas quomodo debeat explicari. ibid. b

Topazium esse diaphanum, siue translucentum. ib. d

Topazius quid ex auri colore & fulgore habeat. ib. e

Topazii etymon. 987. i. b

Topazii quantus sit splendor. ibid. a

Topazium quatuor cubitis longum aliquando fuisse  
inuentum. ibid. c

Topazii naturales qualitates quae. ibid. 2. a

Topazius contra quos corporis & animi morbos va-  
lere dicatur. ibid.

Topazio feruentis ac bullientis aquae ampullas fe-  
dari. ibid. b

Topazii pulchritudo ac pretium. ibid.

Topazius si politur, obscuratur. ibid. c

Topazii fulgor a solis radio deriuatus quid signet. ib. d

Topazii color porraceus cuius rei sit symbolum. ib.

excellencia lucis quae in Topazio cernitur: cuius rei  
sit symbolum. 988. 2. b

in Topazio aureus splendor cum praefato colore quid  
innuat. ibid. a

Topazium lunaticis & phreneticis prodesse quid ad-  
umbret. ibid. c

per Topazium denotatur Iustorum pax in rebus ad-  
uersis, & quomodo. ibid. d

Topazii pulchritudo & pretium quid significet. ib. e

Topazium solum gemmarum sentire humanam quid  
significet. 989. i. b

Topazii color nonnihil in glaucum vergens quid  
signet. ibid. 2. a

Topazius aptatur Simeoni. 1002. 2. a

*Topazin.*

Topazin verbum Graecum quid significet, & quid  
etiam mysterii habeat. 989. i. b.



*Transitio.*

Transitio in familiari sermone quæ probanda, quæ  
verò non. 197.2.b

*Tribulatio.*

ex Tribulatione magna venisse qui dicantur. 487.d  
*Tribulationem habere diebus decem*, quid sit. 262.a

*Tribus.*

Tribuum duodecim nominibus Apostolos esse in-  
telligendos. 477.c  
Tribubus singulis singule aptantur gemme Rationa-  
lis, & cuiusque ratio redditur. 1002.1.e  
Tribus terræ qua ratione dicantur planturæ. 466.  
2.b  
Tribuum nomina qua ratione portis assignentur.  
934.d  
cur cuilibet Tribui siue Apostolo duodenarius mil-  
lium assignetur. 478.e

*Trinitas.*

Trinitatis mysterium in nomine Iehoua indicatur.  
178.2.d. quomodo? 179.1.a  
Trinitatis mysterium in Trisagio animalium Ioan-  
nis adumbrari. 399.d  
in Trinitatis mysterio Ioachim errasse. 76.2.b  
Tribus diuinis personis quomodo verba illa, *Salus*  
*& gloria & virtus*, per attributionem accommo-  
dentur. 839.a  
Trinitatis mysterium comparatione solis, radij, ac  
lucis à Patribus explicatur. 987.1.e  
in Trinitatis mysterij prædicatione assiduitas. 399.  
a.b  
Trinitatis mysterij prædicatione quanti sit momenti.  
ibid.b  
Trinitatis mysterij prædicatione, & Dei maiestatem,  
& in nos charitatem explicari. ibid.c

*Trisagion.*

in Trisagio repetendo continuatio animalium Ioan-  
nis quomodo intelligenda. 398.b  
Trisagion apud Isaïam cur præcedat commotio-  
nem superliminariam. 390.2.a  
Trisagion quid significet. 330.1.d  
Trisagion Seraphinorū Isaïæ quid significet. 390.1.e  
in Trisagio animalium Ioannis mysterium Trini-  
tatis adumbrari. 398.d  
in Trisagio quæ mysteria includantur. 331.2.d  
in Trisagio animalium Ioannis non mysterium mo-  
do Trinitatis, sed totum etiam Apostolorum Sym-  
bolum includi. 399.d  
Trisagio cur addatur, *Dominus Deus omnipotens*. ibid.e

*Trophæum.*

Trophæa fuisse columnas in Machabæorum sepul-  
chro erectas. 305.2.e  
quomodo Trophæa in templi columnis fuerint ex-  
pressa. ibid.1.e  
Trophæa olim in loco etiam à pugna disuncto erigi  
solere. ibid.a  
Trophæa quare in Salomonis templo fuerint erecta. ib.

*Tuba.*

Tubæ clangorem ad vnius populi bellum aptè re-  
ferri. 209.d  
Tubæ duplex genus in Scriptura vsitatum. 208.d  
Tubæ in bellis vsitata. 213.2.c.d  
Tubarum symboli difficultas in quo sita sit. 501.1.d  
per Tubas quid figuretur. ibid.2.a  
per tubarum clangorem quid figuretur. ibid.1.e.2.a  
Tubas 7. cap. 8. respondere tubæ cap. 1. 504.b.c  
in Tubarum septenario alludi. ad septem Iosue buc-  
cinas. ibid.c  
Tubæ vox Ioanni audita initio c. 4. quæ sit. 323.b  
Tubis bellicis olim annum iubilei promulgari soli-  
tum apud Hebræos, & huius rei mysterium. 210.e  
Tuba quibus nominibus in Scriptura vocetur, &  
quibus in locis. 211.1.a  
Tubæ Hafofera descriptio ex Iosepho. ibid.d  
Tuba Sophar olim cuiusmodi fuerit. ibid.2.b  
Tubam Christo tribuere non ita decorum, secus ta-  
men ipsius concionatoribus. 213.1.a  
Tubas eiusdem olim fuisse vsus, atque hodie tym-  
pana. 209.c  
Tubæ vocem cur Ioannes à tergo audierit. 215.d  
inter Tubæ, & aquarum multarum sonitum ad  
belli significationem quid interfit. 209.d

Tubæ voci cur Christi vox primò similis figuretur.

210.a

inter Tubas & Angelos distinctio apponenda. 501.2.a  
Tubæ Sophar vsus in bellis frequens. 212.1.b  
Tubæ Sophar sonum fuisse terrificum. ibid.c  
Tubæ Ioanni auditæ symbolica significatio. ibid.d  
*Vide*, Angelus, Silentium, Vox, Plaga.

*Turba.*

quo sensu dictum, *Post hæc vidi turbam magnam*. 483.d  
Turba magna quam vidit Ioannes vtrum sit eadem  
cum illis 144U. 482.c  
quæ Turba innumerabilis dicitur, esse eos omnes  
qui dicuntur 144U. signati. 477.a

*Tyrannus.*

Tyrannos hominum esse quatuor inordinatos amo-  
res. 439.1.c  
Tyrannis his quatuor quomodo Christus fideles  
primarios eripuerit. ibid.2.a

V

*Va.*

**V**æ cur non de Ecclesia afflicta, sed de ipsis affli-  
gentibus prædicetur? 656.c  
Væ vtrum extendatur etiam ad Christianos debiles  
& infirmæ virtutis. ibid.d

*Vas.*

Vasis nomen in Scriptura aliquando ad altare eius-  
que vasa extenditur. 232.1.c

*Velum.*

in Velo templi fuisse Cherubinos acti pictos. 380.  
1.e.  
de Veli Cherubinis Hieronymi opinio. 381.1.a  
*Vide*, Cherub.

*Veneficium.*

Veneficium in sexta plaga tubarum in quo sensu  
sumatur. 543.a

*Venter.*

Venter appetentiæ symbolum. 525.a

*Ventus.*

Ventos tantum quatuor veteribus fuisse notos.  
469.c  
Ventorum non retentione sed immisione damnum  
fore inferendum, confirmatur. 471.b.c  
tempestas per quatuor Ventos in Iudæos excitanda  
cuiusmodi fuerit. 470.c  
*Vide*, Angelus.

*Verbum.*

Verba pro rebus accipi Apo. 1.3. 170.d  
in Verbis Christi ad Laodicenum antitheta elegan-  
tia. 317.b  
*Verbum seruare*, quid sit apud Ioannem. 299.c  
quomodo dicatur beatus qui audit & seruat Verba  
prophetiæ Apocalypseos. 170.e. 172.2.c

*Verum.*

Verum sæpe in sacris non tam opponi falso, sed im-  
perfecto. 295.b

*Veritas.*

Veritates nouas an Ioannes fuerit edoctus Apoc. re-  
uelationibus. 62.1.a  
per Veritatis creditæ meliorem perceptionem il-  
lustrantur fideles in rerum supernaturalium cog-  
nitione. 61.1.e

*Vestimentum.*

Vestimentum mysticè pro conscientia accipi.  
294.b  
Vestimenta inquinare quid sit. ibid.c  
quorsum mentio fiat Sardensium non inquinan-  
tium Vestimenta sua. ibid.c  
quo sensu sit accipiendum quod Apoc. 16. 15. dicitur  
de suorum Vestimentorum custodia. 789.c  
Vestimenta alba pro Eucharistiæ Sacramento vsur-  
pari. 294.e  
Vestimenta alba quæ dicantur ad Laodicenum.  
317.e



*Vestis.*

Vestis talaris perseuerantiæ symbolum. 223.2.e  
 Vestis linea stricta quæ fuerit. ibid.1.e  
 de Veste sanguinea confersa aliorum opinionones. 862.2.e  
 Vestis poderis quæ fuerit. 220.e  
 Vestis hyacinthina quæ fuerit. 221.b  
 per Vestes albas seniorum 24. quid figuretur. 341.c  
 Vestes hyacinthinæ nobilium olim propriæ. 542.a  
 Veste omnino aurea Tarquinius & Agrippa vti. 226.  
 1.b.  
 in Veste aspersa sanguine haberi respectum ad ea. 63.  
 Isaie. 859.b  
*Vide* Sacerdos, Senior.

*Vigilans.*

Vigilantē esse quid sit in epistola ad Sardensē. 290.d.

*Vincens.*

Vincentis nomine quis intelligatur. 265.d.292.e  
 Vincentis nomine quem Rupertus, & alij intelligant. 259.c.d  
 Vincenti calculus candidus promissus quid sit. 266.c  
*Vincens ut vinceret*, quid sit. 449.c

*Vindemia.*

beneficium per Vindemiæ allegoriam figuratum quod fuerit. 741.a  
 Vindemia mystica cur attribatur cælesti sapientiæ seruorum Christi. 742.e  
 in Vindemia c. 14. vtrum sit sensus de propria vindicta an de mytica. 740.c

*Vindicta.*

Vindictam ad obstinatos non extendi. 281.1.b  
 sub Vindictæ mysticæ nomine maximam misericordiam delitescere. ibid.

*Vinum.*

Vinum iræ Dei opponi vino Babylonis. 728.a  
 num idem sit poculum siue Vinum, quod vinum prostitutionis, & vinum iræ fornicationis vocatur. 808.a

*Vir.*

duo viri apud Daniele ad vtramque ripam fluminis stantes quid significant. 549.2.d  
 Viros Apostoli figurari per Seraphinos Isaia. 390.1.b  
 Virorum Apostolicorum studium infatigabile Christianæ fidei prædicandæ. 398.c  
 Viri spirituales quo sensu dicantur cum Christo in cælum ascendisse. 319.c  
 Virorum spiritualium status tranquillus cælesti beatitudinis quodammodo similis. 484.a  
 Viros maioris perfectionis ac dignitatis per Ioannis animalia designari, quàm per seniores. 365.d  
 ad Viros insignes sanctitate per analogiam debere extendi quod de euangelica perfectione in Scriptura dicitur. 387.1.b  
 mysticus sensus eorum Christi verborum ad Samaritanam, quinque viros habuisti. 530.1.c  
 Viris spiritualibus valde vtilis doctrina de septem diuinæ providentiæ spiritibus. 632.e  
*Vide* Samaritana.

*Virga.*

Virgæ ferreæ symbolum & eius significatio. 280.1.a  
 Virgæ ferreæ significatio quo sensu sit accipiendæ variant doctores. ibid.b  
 Virgæ ferreæ locutione summam seueritatem importari. ibid.2.b  
 sub Virgæ ferreæ allegoria quis lateat sensus. ibid.e  
 in Virgæ ferrea imperij durissimi speciem denotari. 281.1.a  
 Virgæ ferreæ imperiū viris Apostolicis cur concedatur super Gentes, at verò Romanæ Ecclesiæ, super omnes Gentes. ibid.2.a  
 Virgam ferream in Christiana obedientia & subiectione habere locum. ibid.b  
 Virgæ Christi cur fingatur esse ferrea. ibid.d  
 in Virgæ ferrea regere quid sit. 859.c

*Virgo.*

Virginum nomen vtrum in sensu proprio, vel allegorico sit usurpandum. 716.e  
 qui appellantur Virgines Apo. 14. quinam sint. 479.b  
 717.c  
 Virgines sequi agnum quocūq; ierit, quid sit. 479.c  
 infamis consuetudo Babylonis antiquæ de Virgini-

bus ante matrimonium prostituendis. 811.a

*Viridis.*

nomen Viridis apud Latinos ad cæruleum aliquando extendi. 983.2.e

*Virtus.*

Virtutis modicæ sed à Deo protectæ descriptio. 294.e  
 nomine Virtutis quid significetur Apo. 12.10. 645.b  
 Virtutes præcipuas gubernationis in quatuor Ioannis animalibus figurari. 367.c  
 Virtutes in principe necessariæ ratiocinatione indicantur. 190.1.b  
 Virtutem nominis Christi non in characteribus ipsis, sed in rei veritate consistere. 303.e  
 Virtutem modicā habere quo sensu Philadelphius dicatur. 297.a  
 Virtutem Deum accipere, quid sit. 401.d  
*Vide* Gubernator, Providentia.

*Viscera.*

per viscera affectionem commiserationis in Scriptura significari. 557.b

*Visio.*

num in Danielis c. 10 & 11. & initio 12. eadem continetur Visio. 244.1.e  
 Visio Ezechielis de templo & ciuitate cum Apocalypses loco conciliatur. 309.2.b  
 Visiones duas sacræ Scripturæ in nonnullis similes, & in alijs diuersas esse sepe contingit. 358.a

*Vita.*

Vitæ aliquando tribui lucis nomen tam Hebraica phrasi quàm Latina. 893.1.c  
 Vitam sepe cum luce in sacris nec sine mysterio copulari. 1014.b  
 per Vitam quid figuretur. 497.1.b  
*Vide* Liber, Lignum.

*Vitium.*

Vitia septem capitalia totidem diuinæ providentiæ spiritibus è regione opponuntur. 192.2.a

*Vitrum.*

Vitro conficiendo magnetem admistam, eiusque rei symbolum. 352.e  
 Vitri materia, ac proprietates, earumq; mystica explicatio. ibid.d  
 per Vitrum ex quo mare visum à Ioanne constabat, quid. ibid.c

*Vitulus.*

Vitulos Ieroboami aureos nonnihil fuisse similes Cherubinis probabile est. 384.2.c

*Vlcus.*

Vlcera vesicarum exorta fuisse ex cinere de camino in cælum asperso (de quibus in sexta Aegypti plaga) quid mysticè significet. 771.d

*Vnum.*

Vnum esse idem quod primum. 449.a

*Vocalis.*

Vocales natura longas olim apud veteres duplicari consueuisse. 706.c

*Vox.*

Voces humanæ cur de Dei throno procedant. 348.b  
 Vocem inter animalia auditam in tertij sigilli refiguratione quis emisit. 453.c  
 Vox illa de qua Apo. 21.3. ex quo throno prodierit. 924.e  
 Vox dicta quando fuerit à Ioanne exaudita. 925.b  
 Vox hæc magna quid innuat. ibid.c  
 Vocē quomodo Ioan. Apo. 12. è cælo exaudierit. 714.b  
 Vocem tubæ cur Ioannes prius audierit, deinde vocem aquarum multarum. 247.1.a  
 per Vocē multitud. quid apud Dan. significetur. ib.b  
 Vocem gaudij, & Vocem sponsi cur Ieremias c. 25. 10. coniunxit. 834.c  
 Vox Ioanni audita, num voci tubæ fuerit per similes & quo modo. 208.a  
 Vox audita Ioanni, quæ dixit Beati mortui, &c. cur dicatur esse de cælo. 737.e  
 Vox magna Ioanni audita de templo, de qua Apoc. 16.1. quid denotet. 770.b  
 cur dicatur in diebus Vocis septimi angeli. 555.d  
 Vox altaris quid proprie postulet. 538.c  
 Vox magna quam Ioannes exaudiuit Apoc. 12. 10. à quo fuerit prolata. 654



Vocem multitudinis cur Daniel audierit. 247.1.a  
 Voces humanæ cur cum fulguribus sociatæ fingantur. 347.c  
*Vocem videre* quid sit Apo. 1. 12. 216.c  
 per Vocem turbæ magnæ, aquarum multarum, tonitruorum magnorum quid Apoc. 19. figuretur. 840.b  
 Vox ingēs angelorum de qua Apo. 5. 12. quid innuat. 429.d.  
 Voces humanæ cum cithararum concentu cur conficiuntur. 715.d  
 Vox Ioanni audita cur tubæ fuerit similis. 208.d  
 Voces magnæ e cælo exaudiat Apo. 1. 15. quid significent. 605.d  
 Vocis magnæ audiat à Ioanne Apo. 5. 2. mysterium quod sit. 415.a  
*Vide*, Aqua, Aquila, Christus, Tuba.  
*Vrbs.*  
 in Vrbe caelesti cur suburbia non sint. 943.c  
 in Urbium 7. enumeratione quem ordinem seruauit Ioannes. 216.b  
 Urbis symbolum Malogranatum. 305.2.c.  
 in Urbis mensuris equalitas qualis fuerit. 942.e  
 Urbis Ezechieli visæ sanctitas maior quam Ierosolymæ. 301.1.e  
 Urbis caelestis singula latera ad singulas mundi partes spectantia quid significant. 943.b  
 Urbis cælestis perfectum quadrum, & quatuor muri latera ex Ezech. ciuitate defumi cum duplici tamen discrimine. 942.a  
 quod de Urbis æqualitate in longitudine, altitudine & latitudine dicitur, quomodo sit intelligendū. ib.c  
 de longitudine quam Vrbi caelesti, & singulis eius muri lateribus adscribit, quid dicendum. ibid.a  
*Vriel.*  
 Vriel Angeli nomen recipitur ab Ambrosio & alijs. 189.2.a  
*Vina.*  
 per Vnam Manna quid innuat. 608.2.b

*Vrsus.*  
 Vrsorum naturæ consideratio. 84.b  
 Vrsus animal valde libidinosum. ibid.  
 Vrsus luxuriæ symbolum. 685.a  
*Vnum.*  
 Vnum esse idē cum alio multifariā dici posse. 357.b  
*Vua.*  
 Vuæ vineæ terræ quō sensu dicantur esse maturæ. 744.b.  
*Vulgata.*  
 Vulgata probatur & defenditur in Apo. c. 5. 13. 432.a  
*Vultus.*  
 de Vultus claritate quid alij sentiant. 238.b  
 vera Vultus claritatis significatio ex ipso contextu probatur. ibid.c  
 Vultus Christi fulgere cur dicatur. ibid.  
 sui Vultus claritatem Deum ostendere, quid sit in sacre Scripturæ phrasi. 239.a  
 splendor Vultus Christi qua ratione sit considerandus. 238.e  
*Vxor.*  
 Vxoris nomine non conuinci de consummata in cælo gloria esse sermonem. 851.e  
*Z.*  
*Zabulon.*  
 Zabulon aptatur Chrysolithus. 1003.1.b  
*Zacharias.*  
 Zachariæ etymologia. 351.1.e  
 Zachariam in suo cantico alluisse ad etymologiam nominis sui, vxoris, & filij. ibid.b  
*Zona.*  
 Zona aurea quid significet. 224.d  
 Zone mystica significatio. ibid.b  
 Zonam auream cur Ioannes in sua prima visione viderit ad mamillas viri. 245.2.b

*Finis indicis rerum & verborum.*

## I N D E X

P E C V L I A R I V M S A C R Æ S C R I P T V R Æ  
 locorum, qui in hoc opere sparsim explicantur & illustantur, præter alios plures, quos passim offendet Lector vel indicatos, vel exempli gratia cateruatim occurrentes.

### G E N E S I S.

**C**ap. 1. Vers. 1. In principio creauit Deus calum & terram. 179.2.e.  
 4.24. De Lamech verò septuagies septies. 575.2.d  
 13.16. Faciam semen tuum sicut puluerem terræ. 237.a  
 15.5. Suffice calum & numera stellas, si potes, sic erit semen tuum. ibid.  
 28.12. Vidit in somnis scalam stantem super terram, & cacumen illius tangens calum, angelos quoque Dei ascendentes, & descendentes. 325.1.a  
 49.9. Catulus leonis Iuda, ad prædā fili mi ascendisti. 419.a  
 17. Fiat Dan coluber in via, cerasus in semita. 431.2.c

### E X O D V S.

Cap. 3. 14. Ego sum qui sum. 180.1.e  
 6.3. Nomen meum Aïdonai non indicaui eis. ibid.d.  
 8.22. Faciam mirabilem terram Gessen. 468.2.b  
 9.4. Faciet Dominus mirabile. ibid.  
 10. Facta que sunt ulcera vesicarum turgentium. 771.c  
 12.7. Sumēt de sanguine eius ac ponēt super vitrumque postē, & in superliminariibus domorum. 475.2.a  
 13. Erant autem vobis sanguis in signū in aditu in quibus eritis, & videbo sanguinem, & transibo vōs, nec erit in vobis plaga, &c. 467.1.d  
 23. Transibit enim Dominus percutiens Aegyptios, cumq; viderit sanguinem in superliminari, & in vitroq; postē, transiet ostium domus, & non finiet percussorem ingredi domos vestras. 475.2.a

25.22. Loquar ad te supra propitiatorium, ac de medio duorum Cherubim. 403.1.c  
 38.8. Fecit & labrum aeneum cum basi sua de speculis mulierum, quæ excubabant in ostio tabernaculi. 353.b

### N V M E R I.

Cap. 7.89. Moyses audiebat vocem loquentis ad se de propitiatorio quod erat super arcam inter duos Cherubim. 403.1.b  
 11.34. Vocatusq; est ille locus sepulchra concupiscentiæ. 535.d  
 14.17. Magnificetur ergo fortitudo Domini sicut in iurasti. 413.1.b

### D E V T E R O N O M I V M.

Cap. 28.28. Percutiat te Dominus amertū & cecitate, ac furore mentis, & palpes in meridie sicut palpare solet cæcis in tenebris. 517.a  
 30.11. Mandatum hoc, &c. acn supra te est, &c. nec in calo situm, ut possis dicere, quis nostrum valeat ad calum ascendere. 325.2.b  
 33.18. Latere Zabulon in exitu tuo, & Issachar in tabernaculis tuis. 1003.1.c  
 19. Populos vocabunt ad mensē, ibi immolabunt victimas iustitia, qui inundationem maris quasi lac sugent, & thesauros absconditos arenarum.

### I. R E G V M.

Cap. 5.6. Aggravata est manus Domini super Azotios, & demoliuit eos, &c. 771.d

### 3. R E G V M.

Cap. 2.8. Qui maledixit mihi maledictione pessima. 178.1.c  
 7.20.



7. 20. Malorum granatorum ducenti ordines erant in circuitu capiti secandi. 305.2.b  
 36. quasi in similitudinem hominis stans. 382.2.e & 385.2.b  
 I. PARALIPOMENON.  
 Cap. 15. 21. Pro octava caneabant Epmicion. 204.1.e  
 18. 8. De quo fecit Salomon mare aneum, & columnas & vasa anea. 232.1.c  
 26. 27. De bellis & manubiis praliorum qua consecrauerant ad instauracionem, & supellestilem templi Domini. 305.1.b  
 II. PARALIPOMENON.  
 Cap. 18. 18. Viri Dominum sedentem in solio suo, & omnem exercitum celi assistentem ei a dextris, & a sinistris. 881.2.e  
 TOBIAS.  
 Cap. 6. 4. Apprehende brachiam eius, & trahere eum ad te. 496.2.d  
 5. Exentera hunc piscem, & cor eius & fel, & iecur repone tibi, sunt enim hac necessaria ad medicamenta utiliter. ibidem e.  
 8. Cordis eius particulam si super carbones ponas, fumus eius extrahat omne genus Damoniorum, siue a viro, &c. ibidem.  
 9. 2. Recordatus Tobias sermonum Angeli protulit de cassidili suo partem iecoris, posuitq. eam super carbones viuos. ibid.  
 3. Tunc Raphael Angelus apprehendit Damoniu, & religauit illud in deserto superioris Aegypti. 498.1.a  
 12. 7. Sacramentum regis abscondere bonum est, opera autem Dei reuelare & confiteri honorificum est. 496.2.a  
 8. Bona est oratio cum ieiunio, & elemosyna magis quam thesauros auri recondere. ibidem.  
 9. Quonia elemosyna a morte liberat, & ipsa est qua purgat pec catas, & facit inuenire misericordiam. ibidem.  
 11. Manifesto ergo vobis veritatem, & non abscondam a vobis occultum sermonem. ibid.  
 12. Ego obuli orationem tuam Domino. 498.1.a  
 15. Ego sum Raphael angelus, vnus ex 7. qui astamus ante Dominum. 186.1.c  
 IOB.  
 Cap. 7. 1. Militia est vita hominis super terram. 300.c  
 26. 3. Prudentiam tuam ostendisti plurimam. 367.b  
 28. 17. Non adequabitur ei aurum, vel vitrum. 956.1.c  
 36. 32. In manibus abscondit lucem. 412.2.a  
 33. & annunciat de ea amico suo. 412.2.a  
 38. 32. Nunquid producis Luciferum in tempore suo. 286.d  
 42. 5. Auditu auris audiui te, nunc autem oculus meus videt te. 498.1.e  
 PSALMI.  
 Pf. 2. 9. Reges eos in virga ferrea, & tanquam vas figuli confringes eos. 280.1.a. 282.2.b  
 8. 6. Gloria & honore coronasti eum, & constituisti eum super opera manuum tuarum, omnia subiecisti sub pedibus eius. 341.c.  
 14. 2. Qui ingreditur sine macula. 918.e  
 17. 9. Ascendit fumus in ira eius, & ignis a facie eius exarsit, carbones succensi sunt ab eo. 84.1.d  
 10. Et caligo sub pedibus eius. 767.1.d  
 12. Posuit tenebras latibulum suum. 411.1.d  
 21. 4. Nam etsi ambulauero in medio umbrae mortis, non timebo mala. 488.c  
 23. 4. Innocens manibus & mundo corde. 918.e  
 7. Attollite portas principes vestras. 934.e  
 44. 6. Sagitta tua acuta, populi sub te cadent in corda inimicorum regis. 439.2.e. 442.2.c  
 47. 8. In spiritu vehementi conteres naues Tharsis. 84.2.c  
 67. 11. Animalia tua habitabunt in ea, parasti in dulcedine tua pauperi Deus. 358.c  
 18. Currus Dei decem millibus multiplex, millia latantiu, Dominus in eis in Sina in sancto. 429.e  
 22. Deus confringet capita inimicorum suorum. 84.2.d  
 24. Ut iningatur pes tuus in sanguine. ibid.  
 71. 3. Suscipiant montes pacem populo, & colles iustitiam. 454.b  
 72. 16. Estimabaris ut cognoscerem hoc, labor est ante me, &c. 766.b  
 73. 1. Iratus est furor tuus super quiescencia tua. 764.e  
 14. Tu confregisti capita draconis. 630.d  
 74. 4. Ego confirmaui columnas eius. 306.2.d  
 77. 56. Percussit inimicos suos in posteriora, opprobriu sempiternum dedit illis. 771.d  
 79. 5. Quousq. irascetur super orationem serui tui. 764.e  
 80. 13. Dimisi eos secundum desideria cordis eorum. 518.2.d  
 92. 2. Parata sedes tua ex tunc, a saculo tu es Deus. 329.e  
 4. Mirabiles elationes maris, mirabilis in altis Dominus. 210.c  
 96. 2. Nubes & caligo in circuitu eius. 411.1.d. 767.1.d  
 3. Ignis ante ipsum praecedet, & inflammabit in circuitu inimicos eius. 84.2.d  
 4. Illuxerunt fulgura eius orbi terrae, vidit & commota est terra. 347.c  
 98. 5. Adorate scabellum pedum eius quoniam sanctum est. 329.d

193. 2. Amicus lumine sicut vestimento. 411.1.d & 767.1.d  
 35. Deficiat peccatores a terra, & iniqui ita ut non sint. 84.2.e  
 104. 1. Confrimini Domino & innocate nomen eius, &c. vsque in finem Psalmi. 842.1.a  
 105. 1. Confrimini Domino quoniam bonus, &c. vsque in finem Psalmi. ibid.  
 106. 1. Confrimini Domino quoniam bonus, &c. vsque in finem Psalmi. ibid.  
 106. 32. Et in cathedra seniorum laudent eum. 339.c  
 107. 10. In Idumaam extendam calceamentum meum. 734.2.c.  
 109. 1. Sede a dexteis meis, donec ponam inimicos tuos scabellum pedum tuorum. 319.c. 329.d  
 117. 20. Hec porta Domini, ingressi intrabunt in eam. 475.c  
 138. 23. Proba me Domine & scito cor meum, interroga me, &c. 976.1.d.  
 149. 6. Gladij ancipites in manibus eorum.  
 7. Ad faciendam vindictam in nationibus increpationes in populis.  
 8. Ad alligandos reges eorum in compedibus, & nobiles eorum in manus ferreis.  
 9. Ut faciant in eis iudiciu conscriptum: gloria hac est omnibus Sanctis eius. 85.1.a. 237.c  
 PROVERBIA.  
 Cap. 1. 12. Deglutiamus eum sicut infernus. 242.1.b  
 9. 2. Immolauit victimas suas. 457.c  
 5. Comedite panem meum & bibite vinum, quod misui vobis. 218.1.e  
 11. 1. Statera dolosa abominatio est apud Dominum. 72.2.d  
 20. 29. Dignitas senum canities. 227.b  
 21. 31. Equus paratur ad diem belli, Dominus autem salutem tribuit. 430.2.a  
 23. 31. Ne intuearis vinum quando flauescit, cum splenduerit in vitro color eius, ingreditur blande, sed in nouissimo mordebit ut coluber, &c. 525.d  
 25. 22. Prunas congregabis super caput eius, siue ut Paulus Roma. 12. 10. vertit, carbones ignis congeres super caput eius. 83.2.d  
 30. 4. Non nouiscentiam Sanctorum, quis enim ascendit in celum atque descendit? 325.2.b. 327.2.c  
 16. Infernus & os vuluae. 242.1.b.  
 ECCLESIASTES.  
 Cap. 1. 18. Qui addit scientiam addit & laborem. 530.1.b  
 7. 11. Ne dicas, Quid putas causa est, quod priora meliora fuere quam nunc sunt. Stulta enim est huiusmodi interrogatio. 529.1.b  
 12. 5. Florebit Amygdalus, impingnabitur locusta, & dissipabitur capparitis. 525.b  
 13. Deum time & mandata eius obserua, hoc est enim omnis homo. 249.1.d  
 CANTICA.  
 Cap. 1. 3. Adolescentula dilexerunt te, curremus in odorem unguentorum tuorum. 717.b  
 2. 4. Introduxit me rex in cellam vinariam. 318.e  
 5. 1. Veniat dilectus meus in hortum suum, & comedat fructus pomorum suorum. ibid.d  
 2. Vox dilecti mei pulsantis, aperi mihi soror mea, amica mea, quia caput meum plenum est rore, & cincinni mei gustis noctiu. ib.c  
 8. 2. Dabo tibi poculum ex vino condito, & mustum malorum granatorum. ibid.d  
 SAPIENTIA.  
 Cap. 5. 21. Acuet duram iram in lanceam, & pugnabit cum illo orbis terrarum contra insensatos. 441.2.d  
 10. 10. Hac profugum ira fratris deduxit per vias rectas, & ostendit illi regnum Dei, & dedit illi scientia Sanctorum. 325.1.a  
 16. 9. Illos locustarum, & muscarum occiderunt morsus. 526.b  
 18. 14. Cum quietum silentium contineret omnia, & nox in suo cursu medium iter haberet, omnipotens sermoneus, &c. 412.2.a  
 ECCLESIASTICVS.  
 Cap. 1. 6. Radix sapientiae cui reuelata est? 1014.b  
 8. Vnus est altissimus creator omnipotens, & rex potens sedens super thronum. ibid.  
 6. 22. Quam aspera est nimium sapientia indoctis hominibus, & non permanebit in ea excors, quasi lapidea virtus probatio erit in illis, &c. 300.d  
 9. 1. Ne ostendas super te malitiam doctrinae nequam. 367.b  
 25. 8. Corona senum multa peritia. 227.b  
 12. Beatus qui inuenit amicum verum. 205.b  
 36. 7. Innoua signa & immuta mirabilia, glorifica manum & brachium dextrum. 85.2.d  
 26. Mulier bona columna ut requies. 306.2.d  
 39. 17. Obaudite me diuini fructus, date odorem, & frondete in gratiam, date nomini Dei magnificentiam in canticis labioru & citharis. 525.c  
 40. 22. Gratiam & speciem desiderabit oculus tuus, & super hoc virides sationes. 970.1.a



43.7. Minuatur in consummatione, & crescit mirabiliter in consummatione. 620.1.c.623.2.a  
 13. Gyrauit calum in circuitu gloriae suae 403.1.a  
 44.15. Henoch placuit Deo, & translatus est in paradysum, ut det gentibus penitentiam. 583.2.b  
 45.14. Corona aurea super mitram eius expressa signo sanctitatis, & gloria honoris, & opus fortitudinis. 341.c  
 48.11. Beati sunt qui te viderunt, & in amicitia tua decorati sunt, nam nos vita viuemus tantum, post mortem autem non erit tale nomen nostrum. 582.2.c  
 49.10. Exchiel vidit conspectum gloriae, quam ostendit illi Deus in curru Cherubim, nam commemoratus est inimicorum in imbre benefacere illis qui ostendunt rectam viam. 367.a.  
 410.c.1.  
 50.6. Quasi stella matutina in medio nebula. 286.d.287.d  
 ISAIAS.  
 Cap.1.18. Si fuerint peccata vestra ut coccinum quasi nix dealbabitur. 813.e  
 24. Heu solabor super hostibus meis, & vindicabor de inimicis meis, &c. usque ad versum 30. 85.1.d  
 2.2. Et erit in novissimis diebus preparatus mons domus Domini in vertice montium. 930.c  
 3.3. De Sion exiit lex, & verbum Domini de Ierusalē. 629.a  
 4.5. Creabit Dominus super omnem locum montis Sion nubem per diem, & fumum, & splendorem ignis per noctem. 768.1.a  
 6.1. In anno quo mortuus est Rex Ozias, vidi Dominum sedentem super solum excelsum, & eleuatum. 329.e.330.1.e  
 4. Comota sunt superliminaria cardinum a voce clamantis, & domus repleta est fumo. 765.d  
 6. Volauit ad me unus de Seraphim, & in manu eius calculus quem forcipe tulerat de altari. 268.c  
 13. Et adhuc in ea decimatio, & conuertetur 601. Not. integra.  
 8.18. Ecce ego & pueri mei, quos dedit mihi Dominus. 383.2.c  
 9.1. Primo tempore alleuiata est terra Zabulen, & terra Nephthali, & nouissimo aggrauata est via maris trans Iordanem Galilee gentium.  
 2. Populus qui ambulabat in tenebris vidit lucem magnam, habitantibus in regione umbrae mortis lux orta est eis. 1003.1.b  
 1006.1.c  
 6. Parvulus natus est nobis, & filius datus est nobis, & factus est princeps super humerum eius, & vocabitur nomen eius admirabilis, confiliarius, Deus, fortis, &c. usque ad versum 8. 190.1.e  
 10.22. Consummatio abbreviata inundabit iniustitiam, consummat erit in eis, & abbreviationem faciet Dominus in medio terra. 556.c  
 11.4. Spiritus ululorum suorum interficiet impium. 726.2.b  
 13.20. Non fundabitur usque ad generationem, & generationem, nec ponet ibi tentoria Arabs, nec pastores requiescent ibi, sed requiescent ibi bestiae, &c. usque ad finem capitis. 821.d  
 14.7. Conquieuit & siluit omnis terra, gaudia est & exultauit. 493.d  
 16.1. Emitte agnum dominatorem terra de petra deserti ad montem filia Sion, &c. usque ad finem capitis. 711. tota Notat.  
 19.1. Ecce Dominus ascendet super nubem leuem, & ingreditur in Aegyptum. 201.1.e  
 21.7. Vidit curru duorum equitum, ascensorem asini, & ascensorem cameli, &c. 804.1.a  
 22.22. Dabo clauem domus David super humerum eius, & aperiet, & non erit qui claudat, &c. 242.2.e  
 24.21. & 22. In die illa visitabit Dominus super militiam cali in excelsis, & super reges terra, qui sunt super terram, & congregabuntur in locum, & claudentur ibi in carcere, & post multos dies visitabuntur. 882.2.a  
 23. Erubescet luna, & confundetur sol cum regnauerit Dominus exercituum in monte Sion, & in Ierusalem, & in conspectu fontium suorum fuerit glorificatus. 431.e.884.1.c.918.d  
 25.8. Auferet Deus lacrymam ab omni facie. 484.b  
 Praecipitabit mortem in sempiternum. 926.b  
 26.5. Incuruabit habitantes in excelsis. 799.2.c  
 14. Morientes non viuunt, gigantes non resurgant, propterea visitasti, & contriisti eos, & perdidisti omnem memoriam, &c. 892.1.e  
 19. Viuent mortui tui, interfecti mei resurgent, expergiscimini & laudate qui habitatis in puluere, quia rex lucis rex tuus, & terram gigantum detrahet in ruinam. ibid.1.d  
 29.11. Erit vox visio sicut vox libri signati. 411.1.a  
 31.9. Dominus cuius ignis est in Sion, & caminus eius in Ierusalem. 574.2.c  
 34.2. Indignatio Domini super omnes gentes, &c. usque ad versum 11. 85.1.e  
 6. Complicabuntur sicut liber cali. 463.c  
 6. Victimam Domini in Bosra, & interfectio magna in terra Edom. 762.b  
 10. Die & nocte non extinguetur, in sempiternum ascendet

fumus eius. 731.1.e  
 11. Possidebunt illam onocrotalus, & ericetus, ibi, & cornus habitabunt in ea, &c. 821.d  
 13. Et erit cubile draconum, & pascua struthionum. ibid.  
 38.10. Vadam ad portas inferi. 242.1.a  
 40.6. Omnis caro scenum, & omnis gloria eius quasi flos agri. 513.d  
 41.4. Ego primus, & ego nouissimus, viderunt insula, & timentur, & unusquisque dicit fratri suo, Confortare. 240.a  
 43.19. Ecce ego facio noua. 926.d  
 44.3. Effundam benedictionem meam super stirpem tuam. 479.a  
 6. Ego primus, & ego nouissimus, & absque me non est Deus. 240.a  
 45.8. Rorate cali de super, & nubes pluant in silum. 201.2.d  
 15. Vere tu es Deus absconditus. 412.1.d  
 23. Mihi curuabitur omne genu, & iurabit omnis lingua. 432.e  
 47.8. Quae dixi in corde tuo, Ego sum, &c. non sedeo vidua, & igneabo sterilitatem, venient tibi duo haec, sterilitas, & viduitas. 827.b  
 15. Ab adolescentia tua negotiatores tui, unusquisque in viam suam errauerunt. 823.b  
 48.12. Ecce ego excoxi te, sed non quasi argentum, &c. Ego ipse primus, & ego nouissimus, manus quoque mea fundauit terram, &c. Ego vocabo eos, & habunt simul. 240.b  
 49.10. Non esurient neque sitient, & non percutiet eos aestus, &c. 488.c  
 Quia miserator eorum regit eos, & ad fontes aquarum potabit eos. ibid.  
 51.9. Vita mea appropinquans erat in inferno deorsum. 242.2.a  
 52.1. Non adiciet ut pertransit per te incircuncisus. 1012.d  
 54.8. In momento indignationis abscondi faciem meam pariter a te, & in misericordia sempiterna misertus sum tui, &c. 333.d  
 10. Sicut in diebus Noe stud mihi est, montes commouebuntur, & colles contremiscent, misericordia autem mea non recedet a te, & fides pacis meae non mouebitur. 402.2.e  
 12. Ponam in spidem propugnacula tua. 960.a.c  
 60.3. Ambulabunt gentes in lumine tuo. 1009.d. & e  
 18. Non audietur ultra iniquitas in terra tua, vanitas & contritio in terminis tuis. 1012.e  
 21. Populus tuus omnes iusti. ibid.d  
 63.3. Torcular calcatus solus. 740.e  
 64.4. Oculus non vidit Deus absque te quae preparasti expressantibus tui. 185.c  
 65.16. In quo qui benedictus est benedicetur in Deo Amē. 310.b  
 66.7. Antequam parturiret peperit, antequam veniret partus eius, peperit filium masculum. 628.c  
 8. Quis audiuit unquam tale, & quis vidit huius simile, nunquid parturiet terra in die una, aut parietur gens simul, quia parturivit & peperit Sion filios suos, &c. ibid.  
 IEREMIAS.  
 Cap.1.11. Virgam vigilantem ego video. 421.d  
 2.21. Omne semem verum. 295.b  
 34. In alis tuis inuentus est sanguis animarum pauperum, & innocentium. 835.c  
 8.16. A Dan auditus est fremitus. 481.2.c  
 23.29. Nonne verba mea quasi ignis, & quasi malleus conterens petras. 966.2.b  
 31.22. Femina circumdabit virum. 67.2.b  
 50.25. Aperuit Dominus thesaurum suum, & protulit vasa irae. 763.1.a  
 51.7. Calix aureus Babylon in manu Dei inebrians omnem terram, de vino eius biberunt omnes gentes, & commota sunt. 810.b  
 63. Cumque compleueris legere librum istum, ligabis ad eum lapidem, & proicies illum in medium Euphratem, & dices, Sic submergetur Babylon, & non consurget a facie afflictionis quae ego adduco super eam, & dissoluetur. 833.d  
 THRENI.  
 Cap.3.18. Perijt finis meus. 203.2.e  
 BARUCH.  
 Cap.4.36. Circumspice Ierusalem ad Orientem, & vide incurritatem a Deo tibi venientem. 511.1.d  
 5.5. Exurge Ierusalem, & sta in excelsis, & vide collectos filios tuos ab oriente sole. ibid.2.a  
 EZECHIEL.  
 Cap.1.1. Aperti sunt cali, & vidi visiones Dei. 327.1.a  
 8. Manus hominis sub pennis eorum. 393.1.a  
 12. Nec reuertebantur cum ambularent. ibid.a  
 14. Animalia ibant & reuertebantur. ibid.b  
 24. Audiebam sonum alarum quasi sonum aquarum multarum. 243.d  
 27. A luteis eius de super, & a luteis eius usque deorsum vidi quasi speciem ignis splendentis in circuitu. 332.c.334. notat. integra.  
 28. Velut aspectus arcus cui fuerit in nube in die pluuie, hic erat aspectus splendoris per gyrum. 333.d.336. notat. integra.



# INDEX LOCORVM S. SCRIPT.

1. 9. Scripta erant in eo lamentationes, carmen, & va.	407.2.410. notat integra.
10. Ecce manus in qua erat scriptus liber inuolutus, & expandit illum coram me qui erat scriptus intus & foris.	405.6.410.1.2 (557. a)
3. 3. Comedi illud, & factum est in ore meo sicut mel dulce.	ibid.
1. 4. Et abiit amarus in indignatione spiritus mei.	ibid.
8. 2. Ab aspectu lumborum eius, & deorsum ignis, & à lumbis eius & sursum quasi aspectus splendoris, ut visio electi. 332. c	
9. 4. Signa Thau super frontes vinorum gementium abominationes terræ.	474.1. e
5. Transite per ciuitatem, & interficite usque ad interfectionem, omne autem super quem videritis Thau, ne occidatis. 467.2. a	
10. 2. Imple manum tuam de prunis ignis, quæ sunt inter Cherubim, & effunde super ciuitatem.	510.1. a
7. Et extendit Cherub manum ad ignem, qui erat inter Cherubim, & sumpsit & dedit in manus eius qui indutus erat lineis.	268.1. d. 269.2. a
3. Nubes impleuit atrium, & repleta est domus nube. 201.1. d	
23. 31. Dabo calicem eius in manu tua.	810. b
36. 25. Effundam super vos aquam mundam, & mundabimini ab omnibus inquinamentis vestris.	352. b
39. 17. Concurrite ad victimam meam, quam ego immolo vobis. 761. c	
43. 2. Vox erat ei quasi vox aquarum multarum.	243. d
DANIEL.	
Cap. 3. 65. Benedicite omnes spiritus Dei Domino.	183. e
7. 9. 3. 22. Antiquus dierum sedet.	227. b
10. 5. Leuauit oculos meos & vidi, & ecce vir vnus vestitus lineis, & renes eius accincti auro obryzo, &c. usque ad pedes inclusiue.	244.1. a
12. 1. In tempore illo consurget Michael princeps magnus, &c.	644. e
2. Multi de his qui dormiunt in terra puluere euigilabunt, alii in vitam eternam, & alii in opprobrium, ut videant semper.	839.2. a
7. Per viuentem in eternum, quia in tempus, & tempora, & dimidium temporis complebitur dispersio manus populi sancti.	554. e
IOEL.	
Cap. 3. 13. Mittite falces quoniam maturauit messis, venite & descendite quia plenum est torcular, &c. 744. integra notat.	
AMOS.	
Cap. 7. 7. Ecce Dominus stans super murum litum, & in manu eius trulla cementaria, &c.	967.1. a
IONAS.	
Cap. 4. 6. Preparauit Dominus Deus hederam.	956.2. a
MICHAEL.	
Cap. 7. 19. Proiciet in profundum maris omnia peccata vestra.	833. d
NAHV. M.	
Cap. 1. 9. Non consurget duplex tribulatio.	852. c
HABACVC.	
Cap. 2. 4. Iustus ex fide viuet.	171. a
3. 1. Domine audiui auditionem tuam & timui, Domine opus tuum in medio annorum viuifica illud, in medio annorum notum facies, cum iratus fueris, misericordia recordaberis.	573.2. c
5. Ante faciem eius ibit mors.	437.1. d
8. Ascendes super equos tuos, & quadriga tua saluatio.	321. b
436.2. c 437.2. d	
9. Suscitans suscitabis arcum tuum, iuramenta tribubus quæ locutus es.	437.2. d
ZACHARIAS.	
Cap. 4. 3. Et dua olivæ super illud.	586. d
14. Isti sunt duo filii olei.	345.1. b
6. 5. Isti sunt quatuor venti cali, &c.	436.1. d
10. 3. Visitabit Dominus exercituum gregem suum, & posuit domum Iuda quasi equum gloria sua in bello.	435.2. d
12. 1. Dicit Dominus extendens calos, & fundans terram, & fingens spiritum hominis in eis.	176. a
2. Ponam ierusalem super lininare crapula omnibus populis in circuitu, sed & Iuda erit in occasione contra ierusalem.	
60.1. notat. integra.	
6. Ponam duces Iuda sicut caminum ignis in lignis, & sicut faciem ignis in pæno, &c.	85.2. d
10. Effundam super domum David, & super habitatores ierusalem spiritum gratia & precum, &c. usque ad v. 15. 196.1. d	
13. 1. Erit fons patens domui David in ablutionem peccatoris & menstruatæ.	352. c
MALACHIAS.	
Cap. 4. 5. Antequam veniat dies domini magnus & horribilis.	583.1. e
6. Conuertet cor patrum ad filios, & cor filiorum ad patres eorum.	ibid.2. a

I. MACHABAEORVM.	
Cap. 1. 3. Siluit terra in conspectu eius.	493. d
3. 48. Expanderunt libros legis, de quibus scrutabantur Genes similitudinem simulachrorum suorum.	305.7. c
13. 29. His circumposuit columnas magnas, & super columnas arma ad memoriam eternam, & iuxta arma naues sculptas, quæ viderentur ab omnibus nauigantibus mare.	305.2. e
II. MACHABAEORVM.	
Cap. 2. 8. Apparebit maiestas Domini, & nubes erit sicut & Moysi manifestabatur.	201.1. e
MATTHAEVS.	
Cap. 5. 6. Beati qui esuriunt & sitiunt iustitiam.	457. e
7. Beati misericordes, &c.	345.1. b
6. 9. Sanctificetur nomen tuum.	427.1. b
7. 5. Hypocrita eice primum trabem de oculo tuo, & tunc videbis eicere festucam de oculo fratris tui.	314. d
11. 28. Venite ad me omnes qui laboratis & onerati estis & ego reficiam vos.	970.1. c
12. 28. Peruenit in vos regnum Dei.	326.1. c
13. 26. Cum autem creuisset herba, & fructum fecisset.	513. c
45. Simile est regnum calorum homini negotiatori querenti bonas margaritas, &c.	440.2. d
52. Omnis scriba doctus in regno calorum similis est patrifamilias qui profert de thesauro suo noua & vetera.	67.2. a
16. 18. Porta inferi non preualebunt aduersus eam.	242.1. a
19. Tibi dabo clauis regni calorum	243.2. d
17. 10. Quid ergo scriba dicunt, quod Eliam oportet primum venire, at ille respondens ait, Elias quidem venturus est, & restituet omnia, Dico autem vobis, quod Elias iam venit, & non cognouerunt eum.	583.1. c
18. 22. Sed septuagies septies.	575.2. d
19. 24. Facilius est camelum per foramen acus transire, quam diuitem intrare in regnum calorum	1004. d
28. In regeneratione cum sederit filius hominis in sede maiestatis suæ, sedebitis & vos super sedes duodecim iudicantes duodecim tribus Israel.	282.1. d
25. 30. Inutile seruum eicite in tenebras exteriores.	524.2. a
26. 28. Qui pro vobis effunderetur.	422. d
MARCVS.	
Cap. 4. 11. Vobis datum est nosse mysterium regni Dei.	326.1. b
28. Terra fructificat primum herbam, deinde spicam, deinde plenum frumentum in spica.	513. c
16. 15. Predicate Euangelium omni creatura.	401. e
LVCAS.	
Cap. 1. 54. Recordatus est misericordia suæ, sicut locutus est ad patres nostros.	531.1. e
24. Concepit Elizabeth & occultabat se mensibus 5. ibid. 1. d	
8. 10. Vobis datum est nosse mysterium regni Dei.	326.1. b
31. Rogabant illum ne imperaret illis ut in abyssu irent.	523.1. b
10. 18. Videbat Satanam tanquam fulgur de calo cadentem.	520. b
11. 20. Peruenit in vos regnum Dei.	326.1. c
28. Beati qui audiunt verbum Dei, & custodiunt illud.	170. e
17. 21. Regnum Dei intra vos est.	326.1. c
IOANNES.	
Cap. 1. 9. Erat lux vera.	295. b
51. Amen dico vobis, videbitis calum apertum, & angelos Dei ascendentes & descendentes super filium hominis.	326.2. c 327.1. c
3. 13. Nemo ascendit in calum, nisi qui descendit de calo, &c.	325.2. b. 327.2. c 436. a. 2.
4. 14. Fiet in eo fons aque salientis in vitam eternam.	530.2. e
18. Quinque viros habuisti, & hunc quem habes non est tuus vir.	530.1. c
23. Veri adoratores.	295. b
47. Incipiebant enim mori.	316. c
5. 27. Potestatem dedit ei iudicium facere, quia a filio hominis est.	243.2. b
6. 32. Panem de calo verum.	295. b
48. Ego sum panis vita, patres vestri manducauerunt manna & mortui sunt, &c.	260. c. d
12. 31. Nunc princeps huius mundi eicitur fora.	648. c. 653. (285.2. a)
32. Ego si exaltatus fuero à terra omnia traham ad me ipsum.	
41. Hec dixit Iſaias quando vidit gloriam eius, & locutus est de eo.	330.1. b
14. 23. Paracletus autem Spiritus sanctus ille, vos docebit omnia.	574.2. e
15. 1. Ego sum vitis vera.	295. b
15. Iam non dicam vos seruos, quia seruus nescit quid faciat dominus eius, vos autem dixi amicos, quia omnia quaecumque audiuisti à Patre meo, nota feci vobis.	399. c
21. 1. Mane cum adhuc tenebre essent.	287. a
ACTA.	
Cap. 1. 15. Erat autem turba hominum fere 120.	291. e
2. 5. Erant autem in ierusalem habitantes Iudæi viri religiosi ex omni natione quæ sub calo est.	482. d. 484. d



# INDEX LOCORVM S. SCRIPT.

13. 46. Vobis oportebat primum loqui verbum Dei, sed quoniam  
repellitis illud, & indignos vos iudicatis aeterna vita, ecce cō-  
uertimur ad gentes. 547. d

25. 28. Visum est Spiritui sancto & nobis, nihil vltimponere  
vobis oneris. 275 d

AD ROMANOS.

Cap. 1. 16. Virtus enim Dei est in salutem omni credenti, Iudeo  
primum & Graeco. 911. a

24. Tradidit eos Deus in desideria cordis eorum. 518. 2. d

3. 25. Quem proposuit Deus propitiationem. 403. 2. a

8. 1. Nihil damnationis est eis qui sunt in Christo Iesu qui non  
secundum carnem ambulant. 468. 1. a. & 472. c

7. Legi enim Dei non est subiecta, nec enim potest. 966. 2. b

9. 6. Non quod exiderit verbum Dei, non enim omnes qui ex  
Israel sunt Israelitae. 477. c

22. Sustinuit in multa patientia vasa ira apta in interitum,  
& c. 186. a

27. Isaias clamat, si fuerit numerus filiorum Israel tanquam  
arena maris, reliquiae saluae fient, verbum enim consummans  
& abbrevians in equitate. 556. c

28. Quia verbum breuiatum faciet Dominus super terris ib.

30. Gentes quae non sectabantur iustitiam apprehenderunt ius-  
titiam ex fide. Israel vero sectando legem iustitiam in legem  
iustitiae non peruenit. ibid

10. 6. Ne dixeris in corde tuo, Quis ascendet in calum, id est Chri-  
stum deducere. 325. 2. b

7. Quis descendit in Abyssum. 523. 2. d

18. In omnē terrā exiit sonus eorum, & in fines, & c. 484. d

11. 25. Nolite vos ignorare mysterium hoc, ut non sitis vobis ipsis  
sapientes, quia cecitas ex parte contigit in Israel donec pleni-  
tudo gentium intraret. 555. c

26. Et sic omnis Israel saluus fiet. 481. 2. e

33. O altitudo diuitiarum sapientiae & scientiae Dei, & c. 320. c

12. 21. Nolite vinci a malo, sed vince in bono malum. 771. a

15. 15. Data est mihi gratia, ut sim minister Christi Iesu in Gen-  
tibus sanctificans Euangelium Dei. 761. e

16. Propter gratiam quae data est mihi ut sim minister Chri-  
sti Iesu in gentibus sanctificans Euangelium Dei, ut fiat obla-  
tio gentium accepta & sanctificata in Spiritu sancto. 551. 1. c

I. AD CORINTHIOS.

Cap. 2. 6. Sapientiam loquimur inter perfectos, & c. vsque ad  
vers. 15. 185. a

3. 12. Si quis autem superedificat super fundamentum hoc, & c.  
vsque ad finem vers. 15. 576. Notat. integra.

2. AD CORINTHIOS.

Cap. 1. 20. Quotquot enim promissiones Dei sunt in illo est, &  
per ipsum, Amen Deo. 403. 2. d

22. Qui confirmant nos vobiscum in Christo, & qui unxit  
nos Deus, qui & signauit nos, & dea: pignus spiritus in cor-  
dibus nostris. 472. b

3. 6. Litera enim occidit, spiritus autem viuificat. 86. 1. c

4. 7. Ut subimitas sit virtus dei, & non ex nobis. 298. e

5. 17. Si qua e go in Christo noua creatura. 310. d

11. 2. Respondi enim vos uni viro, virginem castam exhibere  
Christo. 717. b

13. Eiusmodi Pseudo apostoli sunt operarii subdoli, transfigu-  
rante s. in Apostolos Christi, & c. 278. d

12. 4. Audiu arcana verba quae non licet homini loqui 803. 2. b

9. Virtus in infirmitate perficitur. 412. 2. d

AD GALATAS.

Cap. 4. 26. Illa autem quae sursum est Ierusalem libera est mater  
nostra. 629. b

5. 13. Vos enim in libertatem vocati estis fratres, tantum ne li-  
bertatem in occasionem detis carnis. 278. d

AD EPHESIOS.

Cap. 1. 13. Signati estis spiritu promissionis sancto. 472. c

2. 6. Conuincit nos cum Christo & conuersificauit, & con-  
dere fecit in caelestibus. 319. b

14. Iste est pax nostra qui fecit utraque vnum, medum pa-  
rietem soluens, ut duos conderet in semetipso, & c. 546. e

19. Eius ciues sanctorum & domestici Dei. 293. e

3. 4. In mysterio Christi, quod nunc reuelatum est, gentes esse co-  
haereditas, & concorporales, & comparticipes promissionis eius  
in Christo. 555. c

8. Mihi omnium Sanctorum minimo data est gratia hac eu-  
angelizare inuestigabiles diuitias Christi in gentibus. 940. e

10. Ut innotescat principatibus & potestatibus in caelestibus

per Ecclesiam multiformis sapientia Dei. 487. a

14. Electio genua mea ad Patrem Domini mei Iesu Christi,  
ex quo omnis paternitas in caelis, & in terra nominatur, ut  
dei vobis secundum diuitias gloriæ suae, & c. vsque ad vers.  
18. includit. 940. c

4. 30. In spiritu sancto Dei signati estis. 472. c

6. 12. Aduersus spiritus actualia nequis in caelestibus. 631. b

6. 19. Ut detur mihi sermo in apertione oris mei cum fiducia  
notū facere mysterium Euangelii, ut in ipso audeam prout  
oportet me loqui. 264. a

## AD PHILIPPENSES.

Cap. 2. 1. Signa viscera miserationis. 345. 1. b

15. In medio nationis prauae & peruersae lucetis sicut lumi-  
naria in mundo. 236. b

18. Idipsum autem & vos gaudete. 975. 2. e

## AD COLOSSENSES.

Cap. 1. 25. Mysterium quod absconditum fuit a saeculis, nunc  
autem manifestatum est sanctis, quibus voluit Deus notas  
facere diuitias sacramenti huius in gentibus. 555. e

3. 4. Mortui enim estis, & vita vestra abscondita est cum  
Christo in Deo. 774. b

12. Induite vos sicut electi Dei viscera misericordiae. 345. 1. b

14. Quot est vinculum perfectionis. 224. e

4. 3. Ut Deus aperiat nobis os suum sermoni: ad loquendū my-  
sterium Christi, ut manifestem illum, ita ut oportet me lo-  
qui. 264. a

## I. AD THESSALONICENSES.

Cap. 4. 16. Mortui qui in Christo sunt resurgent primi, dein-  
de nos qui viuimus, qui relinquimur, simul rapiemur cum  
illis in nubibus obuiam Christo in aera. 910. e

## 2. AD THESSALONICENSES.

Cap. 2. 3. Ne quis vos seducat ullo modo, quoniam nisi venerit  
discessio primum, & reuelatus fuerit homo peccati, & c. vsque  
ad finem vers. 7. 723. tota Notat.

8. Quem Dominus Iesus interficiet spiritu oris sui. 725. tota  
Notatione.

## I. AD TIMOTHEVM.

Cap. 1. 9. Lex iusto non est posita, sed iniustus, & non subditis  
impis & peccatoribus, & c. & si quid aliud sane doctrina  
aduersatur. 521. a

3. 15. Quae est Ecclesia Dei vini, columna & firmamentum  
uersitatis. 306. 2. a

6. 9. Desideria mergunt homines in interitū & perditionē. 535. d

19. Ut apprehendant veram vitam. 295. b

## AD HEBRAEOS.

Cap. 11. 34. Conualuerunt de infirmitate, fortes facti sunt in  
bello. 564. 1. d

12. 1. Ideo nostra terra habentes impositā nubē testis, & c. 201. 2. d

12. 2. Aspi. sentes in auctorem fidei, & consummatorem Iesum,  
qui proposito sibi gaudio, & c. 203. b

22. Accessistis ad Sion montem, & ciuitatem Dei viuentis,  
Ierusalem caelestem, & multorum millium Angelorum fre-  
quentiam. 429. d. 629. a

## IUDAS.

Cap. 1. 2. Misericordia vobis & pax, & c. vsque ad finem ca-  
pituli, & totius epistolae. 729. 2. d

## I. PETRI.

Cap. 3. 1. Si qui non credunt verbo per mulierum conuersatio-  
nem sine verbo lucrifant. 347. b

18. 19. 20. 21. 22. In quo & his qui in carcere erant spiri-  
tus ventis praedicauit, qui increduli fuerant aliquando,  
cum fabricaretur arca, & c. 973. 1. b. Notat. integra.

4. 1. Christo igitur passo in carne & vos eadem cogitatione  
armamini, & c. vsque ad finem vers. 3. 978. 1. c

6. Propter hoc enim & mortuis euangelizatum, ut iudicentur  
quidem secundum homines, & c. vsque ad finem vers. 7.  
977. Notat. integra.

5. 12. Hanc esse veram gratiam Dei. 295. b

## II. PETRI.

Cap. 3. 8. Vnus dies apud Dominum sicut mille anni, & mille  
anni sicut dies unus. 171. b

## IACOBVS.

Cap. 1. 26. Huius vana est religio. 1006. 1. e

## I. IOANNIS.

Cap. 2. 8. Verum lumen iam lucet. 295. b

## II. IOANNIS.

Cap. 6. 27. Quem Pater signauit Deus. 472. c

## A N T V E R P I A E

Typis GERARDI WOLSCHATI, & HENRICI AERTSI.

M. DC. XIV.























fol. 3. xxiij. q. ij. e. p. m. a.  
na. cur mot. in ordi

11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846.



A 103/172



UNIVERSIDAD DE SEVILLA



600706767

126809424







105

ALCASAR  
IN  
APOCALYP



105